





JACOBI
CUJACII

IQ. TOLOSATIS

OPERA

AD PARISIENSEM FABROTIANAM EDITIONEM

DILIGENTISSIME EXACTA

IN TOMOS XIII. DISTRIBUTA

AUCTIORA ATQUE EMENDATIORA

Pars Quarta

TOMUS NONUS



PRATI

EX OFFICINA FRATR. GIACHETTI

M. DCCC. XXXIX.

JACOBI CUJACII

OPERA



PARS QUARTA





JACOBI CUJACII J. C.

IN LIBRUM II. CODICIS

RECITATIONES SOLEMNES

AD TIT. I. DE EDENDO.

Secundus liber Cod. incipit a tit. de edendo, in quo duo edicta proposuit Prætor: uno jubet ei, qui acturus est, actionem edere, et instrumenta litis, priusquam ad judicem eatur: secundo jubet argentarios rationes suas cuique edere. Primi edicti ea ratio est, ut veniat instructus reus ad agendum, *l. 1. D. eod. posterioris*, ut exhibitis rationibus causam suam instruat is, ad quem ratio pertinet, *l. argentarius D. eod.* et fit editio in utroque edicto copia describendi facta, vel inspiciendi, vel dato descripto, quod descriptum exemplum nostri DD. vocant, *l. Prætor, §. ult. D. eod.* ut Græce ἀντίγραφοι, Demosth. in orat. contra Timoth. tractans de editione rationum: τὰ γράμματα, ἀπὸ τοῦ γραμματέως, τὰ ἀντίγραφα, et id sive exemplum, sive descriptum dicatur, fit sine subscriptione, *l. exempla, D. eod.* licet interpretes id sumere velint pro instrumentis litis: sed ex antecedentibus et consequentibus liquet pertinere quoque ad rationes: argentariasque rationes, instrumenta dici apparet ex *d. l. argentarius, §. 1.* eo quod instruant, unde etiam dicuntur instrumenta, quas rationes, et instrumenta edi sine subscriptione receptum esse Modestinus ait *l. exempla, eod.* ratio illa est, quia exemplum sufficit ad instruendum: et ex primo edicto instruere tantum, oportet *l. si quis ex argentariis, §. edi.* et vero editionem sermone

nudo fieri posse constat: veluti potest adversarius ad album Prætoris deducere, et ostendere ex quo edicto agere velit adversus eum, *d. l. 1. §. eum quoque*, ex Labeonis sententia, ubi pro eo, quod legitur edicturus sit, lego, quid dictaturus sit. Nam sæpe J. C. dicunt dictare iudicium, *l. 1. §. quia autem legata, l. non distinguemus, §. item de recep. arb. l. ult. de separat.* et adversarii nomen licet commune sit actoris et rei, tamen magis proprie refertur ad eum unde petitur, quod et pars adversa seu diversa dicitur, et Græce τὸ ἐναντίας μέρος, uti constat ex Tito Livio libro 23. et Fabio in Declam. 330. Totum, inquit, onus probationis redundat in partem adversam. Album autem *d. l. 1. d. §. eum quoque*, dicitur in quo Prætor proposita sua edicta habet, non ut vulgo putant, proponi edicta illa in gypsato pariete, sed proponebatur in mundo, id est propalam, in pleno lumine, et hoc est quod ait Theophilus album esse edictum Prætoris propositum, λευκοῖς γράμμασι, quod claris literis interpretor, ut in *l. sed si pupillus, §. proscribere, de instit. act.* et ita Græci λευκὴν φωνήν, vocem facilem et apertam. Aristoteles in Topicis, λευκὸν ἐστὶ φωνή, τὸ εὐνυχον, vox alba est, quæ facile excipitur. Sic igitur deducebatur adversarius ad album, et demonstrabatur iis verbis: volo tecum agere ex eo edicto, quod est de dolo malo, differentiam horum edictorum videam.

trus. Dixi namque, quod esset inter ea commune, scilicet ratio, ut instruaturs adversarius, ut in *l. 1. eod.* Ex primo igitur edicto jubet Prætor instrumenta litis non authentica, sed exempla edi sine die et Consule, unde ea editio fieri dicitur reo, non autem judici: tunc enim ipsa authentica ei sunt edenda, *l. 2. de fide instr. l. 3. C. de diver. rescr.* editur judici ad probationem, adversario autem ad instructionem: exemplo enim nulla est fides, authentico idonea instructio. Posteriore autem edicto eduntur rationes cum die et Consule Rationem adfert. J. C. in *l. 1. §. editiones, eod.* Rationes autem constare dicuntur duabus paginis, una accepti; altera expensi, neque sola acceptio, aut sola expansio rationem facit, *l. si quis ex argentariis, §. rationem, eod.* non potest autem de accepto et expenso constare si diem et Consulem exemeris, nec sine iis ullum usum rationum habere possumus. Instrumenta autem satis usui reo esse possunt, et eum instruere, etiamsi in exemplo dies et Consul appositus non fuerit: præterea verendum est, ne quid falsi fabricetur ut ait Ulp. *d. l. 1. §. editiones, eod.* prælato die et Consule, quod falsi genus Græci *προχρησµοῦ* vocant, Gallice *antidate* vocare solemus, ut in specie *l. si creditor. C. ad leg. Cor. de fal. l. 3. de f. instr.* ut igitur falsum non fabricetur, melius est diem et Consulem non addere: qua ratione existimant Græci interpretes non edenda esse nomina signatorum, seu testimonia eorum, qui instrumentis litis se subsignarunt, ne interim eos reos corrumperet, apud Harmenop. *libro 1. epit. tit. iv. Accur. in d. §. editiones*, est in deteriorem sententiam pronior: verum Græcis stat ratio, quia editio solum ad instructionem desideratur: pro hac sententia facit *l. non ex omnibus, de recep. arb.* ubi si unus ex litigatoribus ex sententia arbitri non edat nomina testium non ideo poena compromissi tenebitur, cum ea editio nominis ad solutionem pecunie nihil pertineat, nec ad operam præbendam. Igitur cum nomina signatorum nihil pertineant ad instructionem, frustra a reo desideratur: nam periculum est a corruptela testium si reus nomina cognoverit. At inter prius et posterius edictum differentia est, quia ex secundo oritur actio in factum adversus argentarium, qui Prætori decernenti, ut edat, non parat: et quidem ad id quod interest. Ex primo edicto actio non datur, sed ipso jure res ita procedit ut nisi actor prius edat reo instrumentum et actionem, agere nequeat, ideoque editio actionis exigitur a reo, ut deliberet reus an agere, an cedere debeat, et veniat instructus, *d. l. 1. eod.* nam ratio non permittit, ut plus actor petat debito, *l. 2. C. Gregor. de calumn. et plus petit.* Accedit ad hæc *l. 1. de in'errog. act.* Fit itaque, ut is, qui

non edit in periculum plus petitionis incidat, et litem amittat: ideo Prætor iis subveniendum censet, qui ob rusticitatem, vel ob ætatem, vel sexum lapsi non ediderunt, *l. 4. §. ult. eod.* ubi ait, iis subveniri, id est, rem illis conservari beneficio Prætoris, et similiter ex quacumque causa lapsi non ediderunt, ob justum scilicet errorem, *§. si quis agens. Inst. de action.* Est item differentia inter prius et posterius edictum, ut ex secundo edicto desideretur ab argentario, vel alio editio rationum etiam post litem contestatam *l. argentarius, §. ult. eod.* ex priore autem edicto editur actio, aut instrumentum ante litem contestatam sed dubitatur de instrumentis litis: nam existimant interpretes, litis instrumentum non edi ante litem contestatam; verum aberrant, eadem requiritatis ratione, qua et edi actio postulatur, ut scilicet veniat reus instructor. Quod si hisce temporibus fieri contingeret, utilissimum sane diceretur, multique a litibus deterrentur: et vero hæc falsa recepta opinio arguitur ex *d. l. 1. §. edenda, et l. 3. eod.* is namque *§.* pertinet ad litis instrumenta, quæ quidem edi simul cum actione voluit Prætor, cum ait *edenda sunt omnia, quæ quis apud judicem etc.* Igitur debet edere ante litem contestatam instrumenta, quibus usus est apud judicem, et quidem sunt edenda antequam adeatur iudex, hic enim per verba futuri temporis loquitur J. C. *d. l. 1.* id quod paulo post ait, ut ostendat adversario id quo uti velit, et sic debet ostendere instrumenta quibus uti velit: nam verbum illud *futuri temporis*, denotat ante litem contestatam instrumentorum editionem fieri debere: ex priore edicto, qui acturus est ex stipulatione, non tantum debet edere actionis formulam, sed stipulationis instrumentum, et quidem totum: alioquin non videtur edere ex *l. 1.* aut dolo malo videtur edere, *l. ubi, §. 1. eod.* partes igitur instrumenti stipulationis esse sunt, quantitas promissa dies solutionis, non autem instrumenti, ut sup. dictum est, conditio, locus. *l. 1. §. editiones, eod.* quatuor sic videntur esse partes stipulationis, tempus, causa, locus, quantitas seu summa. Nunc videamus an editio in jus vocationem præcedat ut litem contestatam præcedit: hoc ordo Codicis videtur suadere: nam *tit. de eden.* præcedit, et sequitur de in jus vocando, quem ordinem Paulus et Ulp. in libris ad edictum sequuti sunt: quare constat hunc ordinem fuisse edicti perpetui: fori igitur, et iudiciorum morem talem fuisse, ut prius actio ederetur, post in jus vocaretur: alius tamen ordo in Pandectis reperitur: igitur uterque ordo stare posse videtur: verum puto illico et eodem tempore actionis fieri editionem, et in jus vocari, unde dici solet in jus vocationem esse initium omnium actionum instituendarum, *§. ult. de pæ. tem. litig. Instit.* Idem si statuas de

editione actionum, verum erit: non tamen ibat reus confestim in jus: nam deliberandi tempus datur, *l. 1. de eden. 10.* dierum scilicet, hodie vero 20. Nov. 36. 32. 33. neque in usu erat antiqua lex 12. tab. *si in jus vocat, atque eat: atque id est, simul eat statim.* Edita igitur actione in continenti in jus vocabatur reus, non tamen statim ibat: et vero cum, ut dixi, in jus vocationi editio conjuncta fuerit, ultra utri præferatur, in serie titulorum facile constitui non potest: sed dicemus ex auctororum nostrorum mente, non constitui discrimen temporis in iis, quæ uno die fiunt, *l. si fundus, §. pen. de pignor. accedit l. 6. de excusat. tut.* Ex secundo igitur edicto argentarium suas edere rationes cogi posse ait J. C. in *l. Prætor, eod.* et vero æquissima ratione constitutum esse ait Ulp. quod mei causæ factum est meum quodammodo instrumentum mihi edi. Argentarius autem dicebatur qui nummulos vendebat, qui pro auro nummulos argenteos acceptos collybo dabat, quod mirum est, argentarios dici, qui nummulos vendunt, cum absurdum sit argentum vendi, maxime quia constat pecunia nos aliquid comparare, et non pecuniam emere. Itaque vitæ receptus est usufructus pecuniæ, nec Senatus efficere potuit, ut proprie usufructus pecuniæ constitueretur, *Inst. de usufr.* nec utique apparet in jure nostro usquam facilitatum ut pecunia venderetur, licet numismatum usufructum constitui posse scribat Pomponius, *l. numismatum, de usufr.* verum ideo argentarii nummos vendere dicebantur, quia pro mutatione denarii *κόλλυβον* Græce dictum accipiebant, sic est interpretandum quod est in *l. 1. C. Th. si quis pecunia confl.* eratque eorum officium publicum uti constat ex *l. argentarius, §. 1. eod.* recte itaque cognoscere nummos solebant, et inquirere curiose vultum, ætatem, colorem, nobilitatem, literaturam, pondus: unde eveniebat, ut qui vendebat, aut qui mutuo accipiebant, aut fœnori dabant, ne deciperentur, per argentarium eas pecunias, aut darent, aut acciperent, et sic nix fides firmissima habebatur. Patet itaque duobus modis accipi pecuniam solitam fuisse, per argentarium scilicet; et ex mensa argentarii: mensularii dicti sunt etiam collybiæ a collybo, sicut supra dixi. Aut inquam ex domo sua accipiebatur pecunia, ut liquido apparet ex *l. lecta, de reb. cred.* in illis verbis, *Lucius Titius scripsi me accepisse quindecim mutua numerata mihi de domo sua, l. quidam, de const. pec.* in illis verbis *ex arca tua.* Alii dabant pecunias argentario fœnori locandas, quas argentarii se soluturos constituabant, atque in rationum libros id referebant, *Nov. cxxvi. l. si quis ex argentariis, §. rationum, eod.* hinc est quod mulieres argentarii officio, qui scilicet constituere, id

est intervenire non possunt, fungi nequeunt, *l. pen. eod.* item hæres, qui hæreditatem erat venditurus, per argentarium eam venditionem utique faciebat, ut apparet in *l. item vendendum, de pet. hæred.* quæ quidem rationes argentarii diligenter conficiendæ erant, *l. Prætor, §. 1. l. argentarius, §. 1. eod.* nam is describebat, quo die, at a quo datum, aut acceptum erat, quæ quidem rationes negotium mensæ dicebantur, quod quidem hæredibus relinquebatur, aut etiam per fideicommissum, *l. cum pater, §. mensæ, de leg. 2.* Constant igitur eum in omnibus fere contractibus intervenire solere, atque de iis rationes conficere, quas etiam faciebat si secum contractum fuisset, *d. §. 1. l. Prætor, l. argentarius, l. boves, de verb. sig.* conficit item rationes servus pupilli, *l. 1, §. de servis, de tut. et rat. dist.* item tutores, curatores socii, procurator et ii non actione in factum ex secundo edicto cogebantur edere rationes, sed propriis actionibus, *l. 9. eod.* quibus non poterat argentarius conveniri, quia neque tutor, neque procurator erat, sed actione supra dicta in factum. Nec obstat *§. pertinere d. l. si quis ex argentariis,* ex quo argui potest argentarium omnino teneri debere mandati, cum rationes sine mandato conficere non debeat: verum non perpetuo sequitur mandatum est, ergo actio mandati compellit: nam et si cum servo mandante domino contractum sit, non tamen mandat tenebitur actione contraria dominus, sed quod jussu, *l. 1. 2. 3. quod jussu,* tenebantur igitur ad id quod interest actione in factum argentarii, *l. ult. eod.* idem de nummulariis dicendum est *l. quædam, §. nummularios, eod.* qui quidem nummularii sunt argentariorum opulentorum ministri, tum in cogendis et locandis pecuniis, unde coactores dicti, *l. Stichus, §. ult. de statuliber et collectarii in l. quisquis, C. si cert. pet.* Et quod ait J. C. *d. §. nummulariis et erogant per partes* Græci vertunt *ἀππαρο*, id est, minutiores irris partes, a *χαίρα*, quod est in minutiora frustra scindere quales solent plebei exposcere pro ære gravi id est, per minutas pecunias et minutiores nummos plebi magis commodiores: quæ igitur est ratio edî ab argentario rationes deberi, eadem est et de nummulario seu collectario, seu coactore. Constat igitur ex his, rationes quas quis nostra causa confecit, sive argentarios, sive tutor, sive socius, eas edere debere, quod non est idem dicendum de eo reo, qui sibi proprias et peculiâres conferit rationes, ut latius infra: atque ita est accipienda regula juris, quam initio dixeram videri pugnare cum edicto posteriori de edendo, quæ regula tamen interitum vitatur, ubi judicem justa aliqua causa impedit, et movet quæ est definitio propria *l. 1.*

Ad L. I.

Imp. Antoninus Pius Aug. Anilio. Ipse dispice, quemadmodum pecuniam, quam deposuisse te dicis, deberi tibi probas: nam quod desideras, ut rationes suas adversaria tua exhibeat, id ex causa ad iudicis officium pertinere solet PP. IV. Kal. Octob. Sabino II. et Severo Cons.

Loquitur huc l. non de rationibus argentarium, sed de privatis et domesticis, quas sibi quisque conficit: nam in ejus specie a scemina actor desiderat sibi rationes exhiberi, quæ officio argentarii non fungitur, l. pen. eod. at enim: nam quod desideras, etc. desiderat ergo rationes a muliere privatas, igitur non argentarias, quæ quodammodo publicæ, sunt, cum publica fide subnixæ dicantur, l. si ventii, §. in bonis, de reb. auct. jud. poss. Et quod tentat Accur. hoc loco eam mul. erem successisse argentario, et ita ab illa rationes argentarii exhiberi recte desiderari, commentitium est, ut et Doctores advertunt: præterea apud eam se pecuniam deposuisse actor dicit, non apud alium, cui successerit principaliter: igitur cum ea agit non alieno nomine, et id etiam puerile, et insolens est quod tentarunt quidam ea verba, adversaria tua plurativi esse numeri, et accipi pro tumultuarius, ut Ausonius loquitur, et rationibus extraordinariis: ac si diceret rationes tuas et adversaria tua id est literas, et rationes nondum in ordinem conjectas. Et simili errore Alciatus in l. 1. §. eum quoque, eod. eum, qui producit adversarium suum, sic interpretatur, proferit scripturam servorum, et literarum adversaria, quem derident multi eo nomine: non ita auctores Basilicon, qui eodem utroque loco adversarium, et adversaria accipiunt pro eo cave unde petitur, et hoc loco adversaria tua sic interpretantur, ea cum qua controversas, et ita speciem ponunt recte: egit Æmilius, vel ut alii codices Anilius, adversus mulierem quandam actione depositi, quod diceret se apud eam deposuisse certam pecuniam: id vero cum non posset iudici aliunde probare, desiderabat, ut mulier sua brevina proferret, et rationes privatas: vocant brevina, rationes breviaras, l. ult. de præleg. ex quibus dicebat Anilius fore, ut liqueret de deposita pecunia: moris enim fuit veteribus Romanis patribus, et matribusfam. totam vitæ rationem per singulos dies conscribere: et negligens habebatur, qui non conscriberet: nam ut est in ea l. qui in potestate patris sunt, tabulas nullas conficiunt, et quidem filiisfam. totius vitæ suæ tabulas non conficiunt, sed actus, ut tutelæ, necesse est ut rationes conficiant, l. prætor, §. 1. de eden. l. filius, de tut. et rat. dist. sed aliud est totius vitæ rationem conficere, aliud unus

actus, verum cum ea species, quam proposuit, perlata fuisset ad Imp. Imperator Anilio rescripsit, qui desiderabat fidem haberi deposito ex rationibus privatis adversariæ, cum aliunde probationes sibi parare debere, non petere ex domo adversariæ, quod ait: nam quod desideras, ut rationes suas adversaria tua, etc. id ex causa ad officium iudicis pertinet, id est, id jure non desideras, sed iudicem cogniturum, et si iusta videatur desiderii causa rationes edi jussurum: ex causa igitur hoc loco, id est, causa cognita, et utitur exhibendi verbo, sicut in l. ult. hoc tit. et l. ubi. eod. D. sic loquitur de rationibus: actionem enim exhibere nunquam dicimus pro edere: latius patet edendi, quam exhibendi verbum, eduntur rationes et actiones, exhibentur rationes, non etiam actiones: item edit rationes, qui exhibet codicem ipsum rationum, edit rationes, qui porrigit exemplum rationum, nec tamen exhibet rationes ipsas, vel instrumenta, quandoquidem ea habet in secreto, et exemplum tantum proferit. Item edit rationes, qui dictat quod rationibus continetur, nec tamen exhibet, edit actionem, qui producit adversarium ad album, et demonstrat quæ actione usus sit, non tamen is exhibere dicitur: at qui cedit actionem, is dicitur exhibere, §. cum autem, in l. de empt. et vend. l. quod sæpe, §. si res vendita, de cont. empt. actionem igitur exhibere, cedere est, non edere; et ratio discriminis est, quod qui exhibet, quodammodo habere desinit, cum scilicet quem in medium proferit et educit foras, et quasi ponit extra se, l. 1. de lib. hom. exh. edit etiam qui nullo modo habere desinit: exhibeo igitur actionem, quam quodammodo habere desino, dum eam transfero in alium cessione facta, ut is ea experietur, vel directo meo nomine, vel utiliter suo nomine, l. emptor, C. de act. empt. et vend. non tamen eam actionem omnino habere desino: nam possum ea experiri, si morlo is, cui cessa est ea, nondum expertus sit. l. 3. C. de novat. et ob id dixi, quodammodo. At si actionem non transferam in alium, sed dicam tantum, quæ actione uti velim, quod est edere, eam actionem habere nullo modo desino: edo igitur eam, non exhibeo, cum autem exhibeo, et edo, non contra: nam exhibitionem editio non comprehendit. Definitio ejus l. hæc est: reum officio iudicis ex iusta causa compelli actori edere privatas et domesticas rationes, hoc inquit, ex causa ad officium iudicis pertinere solet: quod ausim affirmare sumptum esse ex l. pen. §. ult. ad leg. Falcid. quam et hic adduxit Accur. in qua l. interrogatus Scævola, an heres cum quo agunt legatarii ex testamento, si legatariis opponat Falcidiam, dicens plures tutelæ administratas a defuncto, nondum rationem redditam, et neget tantum posse redigi ex

nominihus debitorum, quantum in cautione hereditaria deductum est, an ut fides veri constet, cogatur hæres legatariis agentibus ex testamento edere rationes pupillares, ne scilicet sit in potestate hæredis proferre quod velit, et legatarios in fraudem inducere suppressa quantitate bonorum: et respondet Scævola, *ad officium iudicis pertinere explorare ea, per quæ probetur quanti sit in bonis, etc.* officio igitur hoc sit, non iure actionis: nam neque utilis, neque directa illo nomine actio competit, non edictis de edendo, quorum uno reo editur, non autem reus est: alterum est de rationibus argentariorum, non de privatis, non item ex edicto ad exhibendum, quo vindicatoris, vel quasi datur actio ad exhibendum. Non ergo iis qui rationes adversarii sibi edi desiderant, quarum vindicationem non habent, *l. pen. ad exhiben. l. nimis grave, C. de test. b.* quæ proprie pertinet ad tit. ad exhiben. cum sit in *C. Greg. sub tit. ad exhiben.* Non recte etiam a reo desideratur privatarum rationum exhibitio ex interdicto de tab. exhiben. quoniam est tantum de tabulis ad causam testamenti pertinentibus, hæ tabulæ sunt communes inter hæredem et legatarios, et ceteros, quibus aliquid testamento relictum est, *l. 2. in prin. quem test. ap.* Igitur recte desiderat legatarius, qui agit ex testamento ab hærede sibi edi ex herive tabulas testamenti, licet contra agente legatario non recte ab eo desideret hæres ut proferat tabulas testamenti, ex quibus agit, *l. 2. de eden.* quia edicto primo actorem reo Pretor jubet ea tantum instrumenta litis ederet, quæ reus non habet: porro hæres habet, aut habere solet testamentum, et absurdum est cum ipse in ea causa sit, ut edere cogatur, petere ut exhibeatur ei, *l. si quis ex argentariis, §. prætor, eod.* ergo legatarius hæredi non edet testamentum, nisi causa cognita ut in *d. §. Prætor ait*, quia hæres debet habere, vel exemplum testamenti: compellitur tamen hæres cum quo agitur, legatario edere tabulas testamenti, et non tantum interdicto de tab. exhib. sed etiam extra ordinem per Pretorem, *ex lit. quem test. aper.* et ex interdicto si neget hæres se tabulas habere extra ordinem si non neget, *l. 2. §. pen. quem test. ap.* et fit condemnatio ex causa interdicti in id quod interest: extra ordinem omnino cogitur edere, *d. l. 2. §. ult.* et ita est hæc differentia inter hos titulos *de tab. exhib.* et *quem test. aper.* Communia igitur instrumenta, veluti tabulas testamenti reo cogitur edere actor actionis, vel interdicti iure, vel remedio extraordinario: instrumenta sua propria reus nulla actione cogitur edere: nam originem petitionis oportet fundari aliunde, quam ex instrumentis ejus unde petitur propriis, *l. ult. hoc tit.* ergo instrumenta sua pro-

Tom. IX.

pria reus non cogitur edere actione, vel interdicto alio. Item instrumenta actoris propria reus actori, si ea habeat, omnimodo edere compellitur actione ad exhib. quia et earum vindicationem actor habet, *l. 3. quem test. aper. l. 3. §. interdum, ad exhib.* Item eorum instrumentorum, quæ quodammodo propria actoris sunt, vel communia, puta quæ alius ejus nomine confecit, recta editio per actionem postulatur, ut quæ argentarius confecit per actionem in factum, quæ tutor per actionem tutelæ, quæ socius per actionem pro socio, quæ procurator per actionem mandati, *l. quedam, de eden.* at instrumenta sua propria reus nulla actione edere cogitur, officio iudicis cogitur ex justa causa, si qua iudicem moverit, ut puta; nam in exemplorum appositione laborant interpretes, si reus ea datur subtraxisse, et malitiose suppressisse, ut verum aliter inveniri non possit, et iudici tandem videatur omnino earum rationum editio extorquenda a reo, *l. 2. §. 1. de jur. fisci*, sicut ubique iudicem æquitas moverit, *l. ubique, de inter. act.* adversarium interrogari posse, et ad id quod interrogatus fuerit respondere compelli, et ex illa quaque causa fisco agente, ut opinor, ex illa justa causa, non iure singulari reum compelli edere rationes suas privatas et domesticas, *l. 3. D. de eden. l. 2. §. Divus, et §. item divi, de jure fisci*, videlicet si causa sit civilis, non si capitalis: ac similiter omnino aliis agentibus ea causa, per officium iudicis reus non cogitur actori edere rationes suas, nisi in causis civilibus: nam et si in causis criminalibus reum cogas edere rationes, hoc perinde est ac si eum cogas sibi manus inferre. Igitur ex officio iudicis nulla ex causa in causis criminalibus editio rationum privatarum a reo exigitur, si tamen cum esset causa capitalis, forte accusator, vel iudex inciderit in rationes ejus privatas, qui criminis reus postulat a est: non dubium est quin ex eis probationem iudex sumpturus sit, et condemnationem ex fide earum facturum, et ita olim, ut Asconius scribit in Prætor. urb. moris fuit, ut iudex aut accusator obsignaret domum ejus quem accusaturus erat ne quæ indicia criminis ab eo removerentur, unde apparebat, ut damnaretur plerumque ex suis tabulis, quæ de causa coeperunt Romani, vel non conficere omnino sibi rationes, vel obscurius conficere, ut notis: et hæc quidem scriptura, sive rationes adversus patremfam. et matremfam. fidem faciunt, sicut in *l. de cotate, §. 1. de interr.* In iudicio si quis respondeat se hæredem esse, cum non sit hæres, tenebitur perinde ac si hæres, esset, et ei contra se fides habebitur: idemque demonstratur in *l. Publia, §. ult. depos.* Quidam ita scripsit epistolam Semprouius, habere se decem ab eis pondus, et duos discus, et sacculum

signatum, et subiecit ex quibus mihi debentur decem: queritur, an ex ea scriptura nascatur obligatio? respondet non nasci: nam et nulla ratio debitorum non facit, et privatae formae agrorum non obligant, ut Scelus ait *de limitibus agrorum*. Igitur neque, qui scripsit obligatur neque ad quem scriptum est: sed rerum, quas se debere dicit probationes complectitur, quod si velit proinde sibi deberi probare, hoc iudex aestimabit. Conclusio in *d. l. Publica Mavia*. §. ult. haec est, privatis rationibus fidem haberi adversus eum qui eas scripsit, sed eas non facere fidem pro eo qui scripsit, *l. exemplo, C. de probat. l. ult. C. de conv. fisc. debet*. M. Tullius pro Roscio Comædo: *suum codicem testis loco recitare arrogantius est*. Sed hoc ita procedit, pro scriptore non facere rationes domesticas nisi aliis adminiculis adjuventur, *l. instrumenta, C. de probat. et l. 3. de fide instr.* ad hoc probatio non sufficit nisi addatur iurandum, ut liquet ex edicto Justiniani septimo de argentariis, quo declaratur, non haberi fidem diarum, et eorum rationibus, nisi eas proferant iurati: denique pagina expensi sine aliis adminiculis, puta sine iurejurando, fidem non facit pagina accepti per se sola fidem facit.

Ad L. II.

Ita, apud quem res agitur, acta publica tam civilia, quam criminalia exhiberi inspicienda ad investigandam veritatis fidem jubebit. PP. Non Jul. S. vero A. et Abino Cons.

Hujus tit. l. 1. est de rationibus privatis, hæc secunda est de actis publicis. Quid vocat acta publica? an gesta judiciorum sive commentaria, quæ officiales faciunt in causis civilibus et criminalibus, et ab ea re officiales dicuntur, modo actuarii modo commentarienses, modo commentatores. Denique an acta publica vocat, quæ alibi dicuntur acta forensia, *l. comparationes, C. de fid. instr.* Putem plus significare aliquando actorum publicorum appellationem, ut sunt acta publica, quæ translata sunt in publica monumenta, id est in Archiva, et tabularia publica, quæ de causa et in *d. l. comparationes* separantur forensia a publicis: forensia sunt quodammodo publica, sed propria publica dicimus, quæ sunt in archiis publicis memorie perpetue causa, et ita D. Augustinus *epist. 162. non chartis, non archiis publicis, non forensibus causis, etc.* Sed tamen quod pertinet ad decisionem hujus Constit. idem juris statuimus in actis forensibus, quod publicis in actis. Igitur forensibus sive translata sint in publica monumenta, sive non. Quod vero *l. 1.* ait de privatis rationibus rerum eas edi actori ex causa officio judicis, idem de

actis publicis h. c. l. demonstrat ea postulantibus edi arbitrio judicis, sive sint civilia, sive criminalia, ut constet fides veri, et futurorum memoria, sed exigit commentariensis adnotationem, sive subscriptionem, *l. in fraudem, §. quoties de jure fisc.* Ita enim vult edi acta, ut tamen non habeatur rata editio, nisi eam commentariensis sua manu adfirmaverit, et corroboraverit: quæ in re hæc species distat ab illis causis, quæ proponuntur in edictis de edendo; ex quibus constat recte edi instrumenta litis sine subscriptione edentis, *l. antep. 11. de eden.* et ratio differentie non obscura: nam ex illis elictis instrumenta eduntur tantum instruendi rei causa, et subscriptæ instructioni nihil adjicit actorum editio postulat fidei faciendæ causa, quæ notat si deest subscriptio commentariensis. Igitur non eduntur instrumenta publica ad faciendam fidem sine adnotatione commentariensis eduntur instrumenta litis etiam sine subscriptione edentium: separanda est etiam hæc species ab ea, quæ proponitur in *l. 1. sup. eod.* quod actorum publicorum editio postulat recte, sive sint civilia, sive criminalia, reus autem ex *l. 1. inf.* per officium judicis justa ex causa non cogitur edere privatas et domesticas rationes nisi in causis civilibus non capitalibus, et huic *l. 2.* congruit, et nonnihil facit ad rem omnem explicandam *l. 6. C. Th. de accus.* quæ vult acta criminalia ut civilia edi his, quorum salus in discrimen venit, ut constet de innocentia, et æquitate judicantis, et cum is judicat ne quid lateat eum, vel occupet improvidum et incautum, et adjicit, *non debere expectari deprecationem actorum*: sed quid illud est non debere expectari deprecationem? hoc nempe, non esse necesse ob eam rem supplicare principi *l. 2. ut lite pend. C.* quæ *l.* vetat supplicare principi lite pendente, quod servatur hodie, nisi actorum, vel pronuntiationis editio denegetur, nam tunc licet ea de re principi supplicare etiam pendente lite principali, ut actorum potestas fiat; sed dum ait *l.* quod et ista adsignificat, *non expectari deprecationem actorum*, demonstrat, impetrari editionem actorum posse officio judicis citra supplicationem, quæ est sententia *d. l. 6.* et inde liquet actorum editionem postulari pendente etiam lite, et adjicitur in *l. in fraudem, §. quotiens de jur. fisc.* actorum quoque editionem postulari iterum tractata lite, sicut in ea *l. d. §. quoties*, ponit agi apud fiscum, quo tempore ait, actorum potestatem esse faciendam, ut merito his uti liceat, sed acta adnotanda esse manu commentariensis, et eum qui aliter ea acta proferat sine adnotatione commentariensis nihil agere, et rem amittere. Sic illo *§. quoties* docet pendente lite actorum editionem postulari. Sequitur alter *§. quoties*, in quo ait, si

eodem lis tractetur apud fiscum, priorum actorum recitatorem fieri debere, *ex officio, recitare*, edere est, et dicere nullo sermone: *ex officio* non est *ex officio* iudicis, sed per officialem, ut Basilica Denique actorum editio postulatur vel pendente lite, vel iterum retractata lite: potest etenim actorum editio postulari in aliam litem et inter alias personas, quod tamen interpretes non admittunt, et moventur hac regula juris, *res inter alios acta aliis non præjudicat*, male: nam hæc regula negat, inter alios acta aliis jus facere, non tamen negat inter alios acta fidem præstare apud omnes: recte etiam mortuo eo, apud quem acta habita sunt eorum actorum editio postulatur apud alium iudicem: nam morte cognitoris non perit fides actorum fori fidei publicæ, *l. ult. C. de re jud. gesta*, inquit, *quæ translata sunt in publica monumenta etc.* ad quam *l. propria species promenda est ex l. 53. C. Th. de hered.* pertinet ex *l. ad Donatistas*, et ideo in eo Cod. ita incipit: *notione et sollicitudine Marcellini spectabilis viri: Marcellinus fuit tribunus et notarius, qui quædam acta criminalia confecti adversus Donatistas, quorum etiam sit mentio a D. Augustino Epistola 138. 139. 160. et ea, ut dixi, fecerat vir spectabilis Marcellinus: quæ tunc ea nullius momenti essent, cum tamen ea etiam Marcellinus retulisset in publica monumenta, et respondet, ea perpetuam habere firmitatem, nec morte cognitoris mortuam publicam fidem. Igitur quæ apud unum iudicem acta sunt, eo defuncto, valebunt etiam apud alium fide, et auctoritate licet non pondere juris: et inde etiam si quæras, an testimonia probata in uno iudicio, in alio fidem fiant, dicam facere, quis hoc constituit generaliter de actis: testimonia autem sunt pars actorum tit. *de probat. infra, l. ult.* ubi enumerantur omnia testimoniorum genera, et præterea ex *l. jubemus, infra, de lib. cau.* quod quis proprio voce confessus fuerit apud alium iudicem, ejus fides stat in iudicio alio, et ex *l. ult. infra, de testib. l. pen. in fin. infra, de recept. arb.* quæ testimonia producta sunt apud arbitrum, eorum etiam fides constat apud iudicem, cum ab arbitro itur ad iudicem. Qui etiam existimo eum, qui fuit arbiter in eadem causa, iudicem postea fieri posse, eum, inquam, qui fuit arbiter nec rem peregit: ut in causa Roscii Comælii, qui fuerat arbiter, postea fuit iudex. Neque movet *l. 9. §. pen. de rec. arb.* quæ non hunc, sed contrarium ponit casum, nec enim hoc retrahi volo ut etiam is, qui est iudex, possit ejus rei cuius iudex est, ex compromisso arbitrium recipere, hoc enim non admitto, ut possit deponere partes iudicis, et suscipere partes arbitri compromissarii: nam arbitri honorarii operam iudex interponere non potest, verum quo cepit or-*

dine, eodem debet rem peragere, ut definit ea *l.* quod et plerisque locis ita observatur. Hodie tamen vulgo id non observatur: ut quæ in re quis consultus fuerit, in eam iudex detur, quod tamen non fuisse prohibitum demonstrat Nov. 138. posse quem, cuius rei fuerit consultor, in eadem esse iudicem, et vero vir probus, qui semper est sui similis, tam erit severus in consultando, quam in iudicando, et quod consuluerit idem iudicabit, nisi aliqua circumstantia eum a priori sententia dimoveat. At quia diximus acta civilia vel criminalia officiales conficere, eo forsitan existimaverit quis in libris nostris idem esse apud acta, sed aliud auget *l. cum pro quo, de in jus voc.* aliud esse apud acta, aliud apud officium, id est, apud officialem: loquitur de cautione iudicio sibi, quæ cavetur apud acta vel apud officium, et apud officium cavet, qui officio stipulanti promittit, apud acta autem, qui præseente officio non stipulante, absente autem iudice promittit iudicio sibi, qui tamen et ipse perinde tenetur ac si officio promississet, sed tamen non idem est apud acta promittere, et apud officium, quamvis sit effectus idem: unde in *l. ult. de ed. f. priv. C.* quæ est Constitutio Græca Leonis, est potius apud officium, quam apud acta.

Ad L. III.

Edita actio speciem futuræ litis demonstrat: quam emendari vel mutari licet, prout e liciti perpetui monet auctoritas, vel jus reddentis decernit requitas. Dat. II. Kal. Sept. S. vero III. et Antonino AA. Cons.

Lex 3. pertinet ad primum edictum de edendo (et quidem sola hujus tit.) quod est de editione actionum, et instrumentorum litis: nulla vero lex in hoc tit. pertinet ad secundum edictum de ratione argentariorum: quorum ergo pertinent aliæ II. hujus tituli? ad adlines quæ illis edictis sunt quæstiones, veluti an reus cogatur edere actori actiones domesticas, an acta publica edantur quolibet postulante, an reo post litem contestatam cogatur actor edere rationes, et instrumenta, quibus reus possit probare intentionem, defensionem, exceptionem: in tit. de edendo, longe aliter. Illa tantum duo edicta explicantur, nullæ adlines quæstiones, ut plane hoc tit. videatur Justin. explevisse quod deerat titulo Digestorum de edendo. Quantum vero ad hanc *l.* pertinet, ut perspicue intelligatur, coaptanda est cum *l. 1. infra, de lit. contest.* utriusque *l.* eadem est inscriptio, et subscriptio, una fuit Constitutio quam Justinian. divisit in duo membra, et partem posuit sub hoc tit. partem posuit sub illo tit. *de lit. contest.* quæ si modo conluerit, res erit dilucidior:

namque ex utraque ita conjuncta elicietur veradiffinitio inter editi omni actionis, et litem contestationem, et omnino fini *l. 1. de lit. contest.* oportet complere initium hujus *l. 3.* Edita actione nondum res in iudicium deducitur, ergo nondum lis est, nam quid est lis? est res in iudicium deducta, et ut ait *d. l. 1.* res non videtur in iudicium deducta, si postulatio tantum simplex celebrata sit, hoc est, si petita et impetrata actio sit, nondum res est in iudicium deducta, quæ tamen impetrationes actionum sunt sublatae, *l. 2. C. de form. et impet. ubi a Constantino*, sed non a Theodosio et Valentiniano auctoribus hujus *l.* Sed et non videtur res in iudicium deducta si actionis species ante iudicium recognita sit, id est, si edita sit res actioni: edita enim debet ante iudicium, aut litem contestationem, ut proinde sciat reus cedere, an contendere debeat, et ait, *edita actio*, quoniam specialiter erat edendum nomen actionis, *l. 2. C. Greg. de calum.* ut, inquit, specialiter petitor cogatur edere genus litis, idemque est iisdem prope verbis in Nov. Valentini, *de Episcop. julic. si*, inquit, *edito genere actionis, adversarius ad respondendum cogatur.* Et si igitur eo modo specialiter nomen actionis edideris reo, tamen non ideo rem in iudicium deduxeris: at litem contestatione proculdubio res in iudicium deducitur, et litem nomen accipit, nec enim ante litem contestationem est lis, sed controversia potius, *l. 3. et l. 25 §. si ante, de pet. hered.* licet fatear nonnunquam nos abusi litem vocabulo, ut cum litem accipimus pro actione: aliud tamen est actio, aliud lis. Actio est ius persequendi, lis est res in iudicium deducta, sed tamen accipitur pro actione, *l. litem, de verb. sig. et l. lis, de judic.* quod ait nullam litem esse cum filiosam. in *l. cum servis, de reg. jur.* quæ est ex eodem libro, nulla, inquit, *actio est cum servo*, et in edicto etiam de litigiosis, res cujus alienatio interdicitur, litigiosa esse existimatur, non tantum si lis sit contestata, sed etiam si mota sit controversia, Nov. de litigio 5. et licet *l. 1. de litigio 5.* dicat, denuntiationem factam venditionis impediende causa solam rem litigiosam non facere, si ei dixeris diem iudicii, sicut in *S. C. de pet. hered.* constat petitam videri hereditatem non tantum si lis contestata sit, sed si denuntiatio facta sit, atque ita litem nomen pinguius accipitur in *tit. de litigio 5.* At proprie lis non est, nisi quæ contestata est: ad summam, litem contestationem præcedunt impetratio actionis, editio actionis, in ius vocatio, et recte dixeris in ius vocationem esse initium actionis, *§. ult. de pæn. tem. litig.* quod dixeris similiter de editione actionis, sed non recte dixeris esse initium litem: præcedit etiam conventio, et admonitio extrajudicialis, quæ separatur a litem contestatione, *l. si homo, de rei*

vind. præcedit et inscriptio in causis criminalibus: nam et litem dicimus de causis criminalibus. Quintil. in *Declamat.* dicitur lis in *l. ex iudiciorum de caus. l. 3. C. qui accus. non poss.* eam igitur litem criminalem etiam præcedit inscriptio, *l. in S. C. §. ult. ad Turpill.* inde hæc differentia juris antiqui et novi: novo jure lis est peragenda in biennium a die litem contestationis, *l. ult. infra, ut intra certum temp.* antiquo jure causa criminalis peragenda est intra annum a die inscriptionis, *l. 2. C. Theod. ut int. an. crim. quæ term.* Proprie igitur lis non est antequam contestetur, et hoc est, quod subjicit in *d. l. 1. de lit. contest.* inter litem contestatam, et editam actionem multum interesse, quod congruit cum *l. rem, §. patroni, inf. de judic. et l. 2. inf. de jurejur. prop. cal.* ex quibus intelligimus, ad definitionem litem contestationis addenda esse hæc verba ut narratur negotium ex utraque parte, ut si narraverit negotium actor, et taceat reus, vel non responderit ad actionem, sed opposuerit prescriptionem furi, non videtur lis contestata quod etiam significabant XII. tab. his verbis, *cum perorant ambo præsentē*, et Cincius apud Macrobiū: *j bet dicere quorum negotium est, narrant*, et gloss. veterum, litem contestatur sunt, quæ in iudicio acceperunt causam ex conflictatione, et congressione utriusque partis, et actor dicitur litem contestari cum reo non reus cum actore, *l. si a me fuerit, de jud.* si arrogatus fuerit a me is, qui litem contestatus mecum fuerat, vel cum quo ego, non contra: cur ita? veteres hoc docent, quia actor litem facit, et appellatio litem contestationis ex eo ducta est, quod feret olim testibus præsentibus, et ob id Cincius jubet dicere, quorum negotium, et addit, *judez poscit testes*, et sit contestatio litem. Festus: contestari dicitur cum utraque pars dicit testes estote, litem facit contestatio sola: et hoc distat contestatio litem ab editione actionis, quæ speciem futuræ litem demonstrat, quinimo potest fieri etiam, ut si edita sit actio, non sequatur lis, putante reo cognita actione, cognito instrumento litem. Igitur edita actio litem non facit, sed speciem futuræ litem demonstrat, et quod ait, speciem, id dicit propterea, quod esset edendum nomen actionis, et quod ait actio, non omisere Jurisconsulti in eo edicto *lit. de edendo*: actionis verbum accipiendum esse latissime, *l. actionis, de oblig. et act.* quæ *l. sumpta* est ex eodem libro, ex quo sumpta est *l. 1. de eden.* et conjungenda etiam illis *l. 1. de except.* hoc modo: prætor edicit, ut reo edat actor, antequam ad iudicem eatur actionem suam: quid continetur actionis verbo? actio in rem, actio directa, etc. sed potuisset quæri an contineretur exceptio: nam ut ait *l. 1. de excep.* agere videtur, qui recipit, sed non ideo cogitur edere exceptionem

suam reus ante litem contestationem, sed post: denique edit actionem suam actor ante litem contestationem, sed reus exceptionem suam non edit ante litem contestationem. Ostendi quid interesset inter litem contestationem, et editionem actionis: editionem actionis rem in iudicium non deducere, litem contestationem rem in iudicium deducere, et ab ea quidem contestatam rem sive controversiam, litem nomen accipere, contestationem esse litem initium, editionem esse futuræ litem iudicium, et litem contestationem fieri narrato negotio ex utraque parte, editionem fieri si vel libello aliquo complectatur actor actionem vel copiam ejus describere faciat, vel etiam sine scripto, si eum cum quo acturus est producat ad album Prætoris: et abstinere veteres in litibus scripto quantum fieri potuit, vel ubi opus fuit, scripto usi sunt brevi, non tantum in litibus, sed etiam in negotiis, et contractibus omnibus, ut de donationibus est proditum in *l. si aliquid. C. de donat.* brevis chartulæ donationi nihil derogat, et testamentum constare verbis tribus proditum est in *l. l. de hæc. institut.* vel duobus, *Lucius hæres*: denique de sententiis dicitur in *l. pen. et ult. infra de sent. quæ sine certa quan. l. in sententiis, de re judic. solve quod petendum est.* his verbis solis constat valere sententiam, modo cum summam expresserit actor, si certa sit petitio, et ipsa sententia certa est, si ita dixerit, *solve quantum petendum sit*, vel etiam his verbis, *de em quæ bona fide accepisti solve*, et similibus verbis, dummodo recte componantur: nam ut ait *l. ult. infra communat. epistol.* quod magno conflictu decerni solet, id paucis verbis temere descriptis definiri sententia fas non est. Igitur ut ad rem redram, poterat editio actionis fieri etiam sine scripto, sermone nudo aut scripto brevi, sed hodie certum ex Nov. Justiniani de exhib. reis, editionem fieri libello dato: ergo ex scripto dato, ut quidam dicunt, ἀντιβιβλίον, id est, ut interpretantur ex Haloandro, exemplo libelli, quæ in re falluntur: nam ex Novella differentiam facit inter βιβλίον et ἀντιβιβλίον, βιβλίον est libellus conventionis, quo editur reo actio, ἀντιβιβλίον est libellus responsionis, qui quidem scribitur adversa parte libelli conventionis: nam in ea Nov. Justinianus vult, ἀντιβιβλίον reum apponere subscriptionem, qua declarat, quo die ab actore conventus fuisset, et in quem diem sistere oporteret se operam præbiturum, se daturum operam, ne quid quod e re sua non esset fieret, et quidem vult Justinianus, ut exposui, edi actionem ex scripto dato libello, cui statim ex adverso reus suam responsionem applicet, et dicitur ἀντιβιβλίον. Et in hoc quidem edicto Prætoris de edenda actione reo ante litem contestatam jam hæc ostendi satis, actionis verbum accipiendum esse latissime, ut

edi debeat reo ab actore omnis actio, sive acturus sit in rem, sive in personam, sive mixto jure, ut familiaris ercis. communi divid. finium regund. petitione hæred. sive acturus sit præjudicio, de statu scilicet, sive directa actione, sive utili, sive interdicto: nam et interdicta edenda sunt iis cum quibus acturi sumus. Sed nolumus, idque conjunctis capitibus Ulp. sumptis ex eodem libro, verbo actionis complecti exceptionem: quoniam non est quod festinet reus edere exceptionem ante litem contestatam, instrui non oportet actorem, sed eum unde petitur, instrui æquum est reum ante litem contestationem ne opprimatur improvise, quam etiam rationem reddit Ulp. *l. l. de eden.* Et adjecimus etiam specialiter esse edendum nomen actionis jure civili: nam scio Pontificio hæc improbari: nec mirum, cum eo jure omnes actiones vacent nomine, sed jure civile tractamus, hoc jure specialiter comprobatur, edendas esse actiones vel nomen edicti, ex quo competit actio: nihil enim interest nomen edictum, an actionem, *l. 1. §. cum quoque, eod.* et specialiter edendum esse nomen actionis significat etiam *l. ult. C. de interd.* dum ait actionem exprimere debet, non exprimitur, si nomen retinetur, licet in *C. Th. legatur rationem l. 6. de denunciat. vel edit. rescr.* quæ non inspecta vis etiam clare intelligitur *d. l. ult. de interd.* sed ita explicanda est: quidam lites olim instituebantur ex rescripto principis extra ordinem, et hæc quidem lites peragebantur solemniter, et quodammodo scrupulosius diligentiusque: primum dabantur certa tempora ad edendum rescriptum, et hæc editio fiebat ex rescripto, quandoquidem agebatur ex rescripto: dandum igitur erat exemplum rescripti, et denuntiatio erat valde sollemnis, dabantur certa tempora ad denunciandum, et finitis temporibus legitimis, etiam ex causis dabatur reparatio denuntiationis, de qua in *tit. de temporib. et reparat. appellat.* sed hæc sollemnitas non observabatur in his causis, quæ celeritatem desiderant, cujusmodi est possessionum causa, quæ ob eam rem dicitur momentanea causa, et momenti causa semper in libris nostris est lis de possessione, et ob id dicitur in *d. l. ult. de interd. si de possessione agatur, ruptis ambagibus*, id est, illis actionum circumstantiis ambagibusque, quas adhiberi non oportet in possessionum causis, ut statim actor exprimat actionem, non exprimit actionem si surprimat nomen, ergo nomen actionis edi specialiter necesse est: cum autem nomen actionis dico, et causam actionis dico, inest enim nomini causa, *l. 3. de pet. hæc. inf.* ex quo etiam probari potest esse edendum actionis nomen, nam ait, *si titulus questionis, id est actionis nomen*, si, inquit, actionis titulus habuisset causam sufficiens ei testamenti: titulus ergo actionis habet



causam, et loquitur de petit. hered. quæ est multiplex: nam est alia petitio hereditatis de inoff. testam. alia de rupto testamento, alia de irrito, alia ab intestato, sed nomen ipsum, titulusque questionis edendus est, titulus, id est, nomen, ut *l. 3. inf. ad Marc. l. tutor. 69. de fidejuss.* titulus ergo, id est, nomen petitio heredit. causam habet in se aliquam, vel falsi testam. vel inofficiosi, vel legitimæ successionis: unde eos valde miror, qui causam actionis edi volunt omnimodo, nomen non edi volunt, vix enim est, ut causam edas actionis, quin et nomen edas, si non vocabulo uno, saltem circumscriptione et ambitu verborum, qui vice nominis fungitur: nihil interest dicas te acturum ex stipulatu simpliciter, an te petiturum decem, quæ tibi stipulanti promissa sunt et in actionibus in rem nihil interest dicas te eam rem vindicaturum, an te ejus rei dominum esse, et idcirco te eam rem petiturum: utroque genere editur et nomen, et causa actionis cum dicis te esse dominum, et dicis te agere in rem actionis: et contra causa actionis in rem, est dominium solum: nec verum est, quod dicunt possessionem esse causam actionis in rem, quoniam non datur, nisi adversus possidentem, et non potest esse actio in rem sine possessione adversarii, sed est falsa collectio: in rem actio non est sine possessione adversarii, ergo possessio est causa actionis in rem: sicuti et vitinse ita colligas, non potest esse filius sine patre, ergo filius est causa patris, sed tamen et possessionem causam esse actionis in rem, comprobari potest ex *l. non alias, §. ult. de judic.* in qua dicitur, in rem actionem nasci ex presenti possessione, sed hoc omne ita breviter expedit, si rem diligentius spectes: dominium esse vindicationis causam *κατὰ πρὸς πρῶτον*, possessionem esse causam actionis in rem *κατὰ πλῆτος*, id est, dominium cum possessione, ut Philosophi dicunt, virtutem solum beatum facere *κατὰ πρὸς πρῶτον*, virtutem cum divitiis *κατὰ πλῆτος*, et ita non nisi *κατὰ πλῆτος*, dixeris, possessionem causam esse vindicationis: nam rem circumscribere si magis libuerit, certe dominium est sola vindicationis causa: quapropter plerisque nitidior videtur scriptura ea, quæ notatur ab Accur. *ad l. 1. de alien. jud. mut. cau. fa. infra*, in qua sunt hæc verba: cum in rem actionem possessio pariat adversario, et inde etiam statuitur hoc modo, in rem actionem possessio parit, quod est falsum; possessio non parit actionem in rem nisi *κατὰ πλῆτος*, sed dominium, ideoque rectior est alia lectio, quæ adducitur ab Accur. cum in rem actori possessio pariat adversarium: nam et adversarius proprie cum quo agitur: quoniam in rem actori possessio parit adversarium: quoniam si non possideat, aut ubi eo inutiliter res vindicabitur, aut statim absol-

vetur, *l. ult. de rei vindic.* Sed persequamur cetera. *Edita*, inquit, *actio speciem futuræ litis demonstrat*: hoc jam dixi statim esse aptandum ad finem *l. 1. inf. de lit. contest.* quæ proponit multum interesse inter litis contestationem, et editionem actionis: et partem tamen expedit unam de litis contestatione, litis contestationem scilicet constituere tum primum litem, et facere, quæ non fuerat ante. Sed pars altera restat, editionem actionis demonstrare speciem futuræ litis: non igitur esse litem adjicit hanc actionem, postquam edita est, emendari et mutari posse: mutatur actio, cum nomen mutatur, ut cum pro actione ex stipulatu reponitur actio ex testamento, emendatur actio, cum retento eodem nomine, pars aliqua corrigitur, ut cum pro Stichos, qui petitus est actione ex stipulatu, petitur Pamphilus, non enim mutatur actio, sed emendatur, quæ de casu cum actio edita emendatur, vel mutatur, opus est editione nova, id est, emendationem novam insinuari adversario oportet: exemplo igitur prioris editionis cum et hæc priori substituitur. Sicut igitur prior editio litis contestationem præcedit; ita et hæc posterior. Igitur non debet mutari, aut emendari actio, nisi ante litis contestationem, non post, et hoc etiam conjuncta *l. 1. de lit. contest.* significare videtur, quæ ideo ponit differentiam inter litis contestationem et editionem: litis contestationem rem in judicium deducere non editionem, ut intelligatur actionem emendari, vel mutari posse ante judicium acceptum, non post judicium, id est, post litem contestatam, sed tunc est sera mutatio: et sane eodem edicto, id est, edicto de edendo, quo Pretor jussit actorem rem edere actionem, videtur ei permisisse editæ actionis mutationem, vel emendationem usque ad litem contestatam, ac si omne tempus Liberoni esset actori ad mutandam, vel emendandam actionem suam, sicut est liberum reo ad deliberandum, cedere, an contendere debeat, usque ad litem contestatam, idque puto significari his verbis, prout edicti perpetui etc. edicti scilicet ejus quod interpretor, id est quod postulat edi actionem rem ante litem contestatam, et quod adjecti, licere actori mutare, vel emendare actionem interim ante litis contestationem, et similiter in causis criminalibus constat in inscriptionem recte mutari et emendari ante litis contestationem *l. accusaturus, ad leg. Jul. de adult.* qui accusaturus est adulterii, si circa inscriptionem erraverit, et tempora largiantur, licebit ei emendare, ne causa criminis aboleatur. Loquitur ergo de accusaturo, non de eo, qui accusavit, atque ita emendationem subscriptionis permittit, ante litis contestationem, non post. In summa, vult accusaturum, qui subscripsit in crimen, et nondum litem contestatus

est, posse subscriptionem emendare intra tempora legitima, id est, intra 60. dies vel quatuor menses, ut auctores βραδύων scribebant: quoniam hæc sunt legitima tempora instituendæ accusationis adversus adulterum: dantur prius dies 60. vel potius reservantur patri, vel marito: quoniam intra dies 60. ii præferuntur omnibus extraneis, si velint accusare sine metu calumnie ex suspitione sola post 60. dies: intra quatuor menses admittitur quilibet extraneus, et aliquando præfertur marito, aut patri, sed non sine subscriptione. Igitur adulterii crimen accusari debet intra 60. dies, vel menses quatuor, et ad summam intra sex menses, et intra ea tempora licet accusatum inscriptionem emendare: ergo ante litem contestationem, non post, sed tamen affirmamus nonnunquam Prætores ex causa permittere emendationem, aut mutationem actionis post litem contestatam: et hoc puto in hac eadem l. significari his verbis, *vel jus reddentis decernit æquitas*: nam omnino est legendum decernit, non decernit, ex auctoritate edicti mutari, et emendari potest actio ante litem contestatam: ex æquitate autem jus dicentis emendabitur, et mutabitur, etiam post litem contestatam: et ita proditum est in §. *si quis aliud*, *Inst. de action.* quidam intendit aliud pro alio, veluti ex stipulatu agit pro actione ex testamento, vel petit Stichum cum debuisset petere Pamphilum: ait cum non periclitari si errans hoc fecerit, et jus hoc ponitur in cognitione judicantis, ut si justo errore ductus sit, ei opituletur etiam post litem contestatam permittatque actionem mutare, vel emendare: ut inquam permittat corrigere cognita veritate in eodem judicio; ergo post litem contestatam: nam judicium non est ante litem contestatam, et Joannis interpretatio ad illa verba *in eodem judicio* dissentanea est valde, quoniam interpretatur in eodem judicio, id est, apud eundem judicem. Sed nova instantia, id est, retractis omnibus judicii solemnibus, quinimo in eodem judicio, quid ait declarat l. 4. §. ult. *de nox. act.* quæ est de emendatione et mutatione actionis in alio loco aut in eodem judicio, in alio, dum prius judicium agitur; ergo in eodem judicio non desideramus, ut omnia retrogantur: sed ut peragant, quæ coeperunt suo Marte et interim licet actori erranti emendare actionem: quæ tamen Joannis opinio recepta est a Canonistis in *cap. examinata, de judic.* et non moveor *Nov. de exhib. reis*, quæ dicit eum, qui actionem inchoavit, ad finem exequi debere: sic sane, si modo errore deceptus non fuerit: nec enim, quia in proponenda erravit, in ea perseverare cogitur, sed ei opem feret Prætor. Minus moveor, l. *de qua re*, ff. *de judic. de qua re cognoverit judex, de eadem pronunciare debere*: ceterum non est alia res, etiam

si mutetur actio, l. 6. *de exc. rei jud.* quæ definit liquido agi de eadem re, si ejusdem rei nomine agatur, licet mutetur actio: ut si egero actione mandati, deinde mutata actione egero negotiorum gest., ejusdem rei nomine de eadem re agere videor, et ideo post sententiam obstat exceptio rei judicate, non ante, nec ideo datur Judex de alia cognovisse, de alia pronunciare: non hil etiam moveor l. *non potest, de judic.* quæ dicit non posse videri deductum in judicium, quod accidit post judicium acceptum; et ideo nova instantia opus esse: hoc fateor, quia alia est res, quæ accidit post litem contestatam, et sumendum est exemplum ad d. l. *non potest ex l. Antæus, in ff. de aq. et. aq. pl. ar.* si egero aquæ pluvie arcende de opere præterito, et post litem contestatam aliud opus fiat, de hoc opere novo necesse erit aliam actionem institui, quoniam alia res est separata ab hoc judicio: sed quoniam non est alia res, sed perseverat in eadem re petenda, non est mutatio rei, etiamsi mutetur actio, et idem significat d. l. 4. *de nox. act.* certum est si servus noxam nocuerit, in scientem dominum, nec prohibentem, competere actionem in solidum, in ignorantem dari noxalem: quia non condemnatur in solidum, si velit servum noxæ dedere. At finge: quidam egit in dominum, quasi in scientem in solidum, an ei licebit pendente judicio pœnitere, quod arguerit scientiam domini, et transire ad noxalem actionem? sic sane: et e contrario, si egerit noxali, licebit ei pendente judicio arguere scientiam domini et agere in solidum, et hoc omne fiet arbitrio judicis; quinimo etiam post sententiam nonnunquam succurritur errantibus actionem quodammodo mutantibus: nam proprie post sententiam, non mutatur actio, sed tamen qui erravit in instituenda actione, atque adeo victus est sententia judicis, interdum post sententiam admittitur, ut pro ore actionem mutet, quam errore ductus instituerat, l. 3. §. ult. *quod cum eo*: egit quidam in dominum de peculio, cum posset agere quod jussu, erravit hic vehementer, lapsus est, cum posset agere in solidum quod jussu, et ideo de peculio condemnavit tantam: sane post sententiam in ea est causæ, ut non possit agere quod jussu, verum quia deceptus erravit in eligenda actione, ideo ei succurritur, et ita in l. *habebat, de instit. act.* erat quidam servus institor mercis olearum, et præterea erat præpositus pecuniis mutuo dandis et vicissim accipiendis: quidam huic servo pecuniam credidit putans servum accipere ad merces olearias: ceterum servus non accipiebat ad merces: egit adversus dominum actione institoria, quod pecuniam servo credidisset ad merces, sed non potuit probare servum accepisse ad merces, et ideo superatus est, et consumpsit actio-

nem creditur pecunie, nam non erit ei integrum agere post sententiam actione si certum petatur, quia et si mutetur actio, de eadem re agit: et ideo obstat exceptio rei judicatae: verum Julianus existimabat, ei qui ita lapsus esset succurrendum esse: ergo quod ait hoc loco, vel jus dicentis decrevit æquitas, id est, ut ubicumque jus dicentem moverit æquitas, liceat ei permittere, vel emendationem, vel mutationem actionis non tantum ante sententiam, sed etiam post sententiam, et multo magis post litem contestatam.

Ad L. IV. et seqq.

Qui accusare vo'lunt, probationes habere debent, cum neque juris, neque æquitatis ratio permittat, ut alienorum instrumentorum inspicendorum potestas fieri debeat: actore enim non probante, qui convenitur, etsi nihil ipse præstiterit, obtinebit, PP. V. Id. Mart. duobus A pris Conv.

In hac l. 4. idem proponitur quod in l. 1. ut reus non cogatur actori edere rationes suas, quibus scilicet actor probet et instruat intentionem suam, hoc neque jura, neque æquitatis rationem permittere: quapropter nulla eo nomine competit actio: nonnunquam tamen officio judicis ex justa causa compellitur reus actori edere rationes suas domesticas et privatas, d. l. 1. et adjicitur hoc loco: *Actore enim non probante, etc. etiam si nihil præstiterit*, inquit, id est, etiamsi nihil probaverit, quæ generalis sententia locum habet non tantum in causis civilibus, sed etiam in criminalibus: et non tantum in actionibus in personam, sed etiam in rem; quanquam olim fuerit Constit. quædam, quæ non probante actore exigebat a reo unde possideret, quod hodie sublatum est, actore enim non probante absolvitur possessor, etiamsi non edat instrumentum auctoritatis, id est, titulum, l. cogi, C. de pet. her. Igitur hæc sententia pertinet ad omnes actiones et lites, tam criminales, quam civiles, cum et initio l. loquatur de accusatore: sed tamen Accurs. excipit casum l. ubi, infra, ad leg. Corn. de fals. in qua existimat deficiente actore probationibus, vel etiam simul ab actore et reo probationes exigi, quod tamen non est proditum in ea l. sed ejus l. hæc est sententia: in questione falsi, accusatori, probandi necessitatem totam non imponi: an ex eo recte colligitur, etiam imponi reo? minime: sed hoc significatur, non totum onus probandi incumbere accusatori, sed etiam ipsum judicem indagare veritatem argumentis, conjecturis, et aliis vestigiis veritatis: ergo hoc significat, partes non tantum accusatoris esse, ut eruat verum, ut falsum esse instrumentum edoceat, sed etiam judicis: ceterum reo nullum injungitur onus probandi. Igitur

et in questione falsi reus absolvetur actore non probante, etiamsi reus innocentiam suam iudici non approbaverit: at forsitan videtur ab eodem Accurs. recte excipi casus l. fallaciter, in fi. de abolit. inf. quæ l. docet aperte, in gravioribus criminibus, puta majestatis, desertæ militiæ, peculatus, non tantum accusatorem ex quo detulit probare debere, sed etiam reum ea, quæ negat debere purgare: ergo præstat, facit reus ut absolvatur, alioquin non absolvetur, etiamsi reus deficiatur probationibus: ex parte enim accusatoris exigitur probatio, ex parte rei purgatio; sed purgationis verbum eo in loco satis demonstrat, id ita admittendum esse in dubiis tantum quasi onibus: cum reus suspicionibus perstringitur, has suspensiones debet purgare, et removere a se, non secus quam in causis civilibus si sint dubiæ, si quæ judicem moveant conjecturæ actore non probante, non continuo absolvet reum, sed deferet iurandum reo, vel actori, l. 3. C. de reb. cred. l. admonendi, de iur. jur. et Nov. 121. Igitur in causis tam civilibus, quam criminalibus si dubiæ sint, ut omnem iudex animi sui eximat scrupulum actore non probante, non continuo absolvet reum, sed desiderabit, ut reus expuret se iurando: hoc quia dubiæ sunt causæ, et ut satisfiat animo judicis non properantis ad absolutionem. Definitioni autem hujus l. 4. statim opponitur l. 3. Et opposuisse quoddam significat l. ult. quæ cum 4. non pugnare docet, sed qui opponunt hanc illi sic argumentantur: jus debet esse æquabile inter actorem et reum: non est æquabile si quemadmodum actor cogitur edere rationes suas, non cogatur etiam reus actori suas exhibere, l. 3. mand. inquam est, inquit non esse mihi cum illo actionem si nolit, illi vero si velit mecum esse: et l. si vina, de per. et com. rei vend. inquam est, non cogi emptorem rem venditam accipere, et non licere venditori alii eam vendere: inde enim nascitur inæqualitas, quæ plerumque est juri et æquitati contraria: proinde hæc ratio æquitatis exigere videtur, ut sicut actor edat rationes suas reo, sic etiam actori reus edat, et est species l. 6. hujusmodi: Quidam creditor privatus petit pecuniam ex chirographo actione si certum petatur de chirographis: reus, qui convenitur ex chirographo dicit, se eam pecuniam solvisse, sed non accepisse apocham, vel etiam se acceptam apocham casu majore amisisse, et postulat ed. sibi rationes actoris, quibus d. ei eam pecuniam acceptolatum: actor non vult proferre rationes suas fretus l. 4. quæ non vult ex instrumentis adversarii certamen iniri. Veruntamen Imp. rescribit, non est novum, id est, ordinarium est, cum, a quo petitur pecunia, etc. ut fides, etc. id est, ut probet ex rationibus actoris se solvisse, vel exceptionem doli mali, l. ult. hoc tit. vulgo legitur,

ut *fides veri constare possit* : sed recte omisit Halsander, omiserunt et Basilica dictionem *veri*, fides inquam, solutionis, vel exceptionis, atque ita recte desiderat reus sibi exhiberi rationes actoris, quibus probet exceptionem suam, quoniam apocham amisit, et quia h. c. l. 5. loquitur tantum de privatis creditoribus, de rationibus privatorum, addubitari poterat, an idem obtineret in rationibus publicis, quod est in l. 6. et oportet explicare rationes publicas, rationes fiscales, vel Reipubl. Igitur si agat fiscus adversus aliquem, quasi debitorem suum, vel etiam agat Resp. et is, cum quo agitur dicat se solvisse, solutionis probande causa desiderabit recte edi sibi rationes publicas, quibus dicit pecuniam sibi accepto latam, atque ita definitur l. 4. *inf. de fi. inst. l. 2. de discus. lib. 10. et eo lib. de conv. fis. deb. l. 2.* quibus locis ostenditur, cum, qui intulit annonas, vel tributa fisco debita, et accepit apocham, illa amissa, posse fidem delationis comprobare ex archiis publicis, atque ideo posse fiscum compellere, ut eas rationes exhibeat. Sic igitur actor, sive sit privatus, sive fiscus, sive actor civitatis desideranti reo rationes suas privatas, vel publicas exhiberi, edere compellatur, et animadvertendum est edi rationes istas reo post litem contestatam : cum tamen nos saepe dixerimus, edi ab actore reo ex edicto primo, ante litem contestatam, sed facili distinctione hoc omne explicabitur : ante litem contestationem ex edicto primo, actor edit reo instrumenta litis, quibus scilicet fundatur et constituitur intentio actoris. Post litem autem contestatam edit reo actor rationes, vel instrumenta, quibus possit probare defensionem suam : sed unde haec inaequalitas, diversitas et differentia, ut cogatur actor edere reo actiones, non contra ? hoc explicat l. ult. quae dicit tam ea, quae continentur in l. 4. quae ea, quae proponuntur in l. 5. et 6. rationibus juris congruere, et quae a Divo Antonino patre meo, l. 4. et quae a me rescripta sunt l. 5. et 6. et sententia l. ult. haec est, non posse constitui hac in re aequalitatem inter reum et actorem, quanquam constitui debeat, quantum fieri potest saepius, l. ult. *de fruct. et lit. exp. infra* : sed hic id ratio non patitur : aequum enim non est, ut edat reus actori instrumenta, quibus fundet intentionem suam quod debeat intentionis origo proficisci ab ipso actore, qui sine jure aliquo, nunquam accedere debet ad judicem, cum in ejus sit potestate quando suo jure utatur, l. pure, §. ult. *de doli exc.* et contra subveniendum est reo, qui saepe improviso opprimitur, ut liceat etiam reo desiderare editionem rationum actoris, ut ex eis liquet fides petitionis, vel exceptionis oppositae a reo. Denique hac in causa aequitas postulat, ut sit favorabilior reus, quam actor, et

Tom. IX.

ad hanc rem non potest adferri exemplum communius : posset et id aliis exemplis demonstrari, ut ecce : actor non utitur pluribus actionibus, reus utitur pluribus defensionibus, etiam diversis, l. 45. *de reg. jur.* et accusator absens damnatur, reus absens non damnatur, l. *absentem, de pen.* et olim duae dabantur accusatori horae, reo tres, ut Dio scribit 59. et ex. l. ult. *de feriis*, accusatori dantur duae dilationes, reo tres, sic natura quodammodo exigit, ut propensiores simus in reos, quam in actores, et ob id non esse ab uno ad alterum argumentandum, praesertim in editionibus, l. ult. atque ita sicut actor cogitur edere domesticas rationes, non cogitur etiam reus. Et non cogitur etiam eas edere quibus actor fundet suam replicationem : nec enim probem interpretum sententiam, qui volunt quidem, ne reus edat actori id, quo actor fundet intentionem suam, sed replicationem, quod est dissentanentum : nam si illud non cogitur, nec hoc cogi debet, nam replicatio ad invicem actionis, nec vero id ulla l. probari potest quinimo generaliter statuendum est nihil compelli reum edere, quo juvetur actor, contra tamen compelli actorem edere id omne, quo juvetur reus, in quem sumus propensiori animo. Inde vero existit questio, an sicut reus non cogitur edere rationes adversus seipsum, an saltem cogatur aliquis instrumenta, easve rationes, quas ipse confecit edere adversus alium : ut sime : lis est inter Titium et Gajum, an desideranti Titio coget edere instrumenta, quae habet adversus Gajum ? Justiniani Constit. deest, quae hoc definiebat, quae desideratur in tit. *de fil. instrum.* Desideratur in eo tit. duae Constit. Graeca una est de his qui chirographi subscriptionem, aut cujusvis instrumenti falso suam non esse mentionem : de ea nihil dicam, quoniam non est hujus loci. Altera Constit. est de edendis rationibus adversus alium, et sit etiam mentio ejus Constit. Justinian. ab eodem Justinian. in edicto nono. Constituitur autem a Justinian. primum ut cogatur quisque edere instrumenta, quae habet adversus alium, si modo ipse non laedatur si ea editio nihil detrimenti allatura sit : nam si juraverit, se non posse edere instrumenta, quae habet adversus tertium sine damno rei suae, excusabitur si et hic quoque juraverit, se neque metu, neque gratia, neque sordibus inhiberi, quo minus ea instrumenta edat, hoc omne si juraverit et ad rem suam maxime pertinere, ne quis ea inspiciat excusabitur. Ceteroquin compelletur ea omnimodo edere adversus tertium, et si non ediderit, nec juraverit, dabitur actio in factum in id quod interest, exemplo argentarii, qui dolo malo non edit : nam valde iniquum est, ut non edat, quod alii est utile sibi nociturum non est, l. 2. §. *item Varus, de aq. et. aq. pl. arc.*

3

quo loco datur mihi utilis actio, vel interdictum adversus vicinum, si velim aggerem restituere in agro ejus, quia, inquit, qui factus mihi potest produsse, et illi non est nociturus, hoc æquitas suggerit. Recte igitur desiderabo, ut edas instrumenta tua, quæ tibi nihil nocitura sunt, mihi profutura, et si non edas, nec jures, erit in te actio in factum in id quod interest, quia si quilibet invitus cogitur adversus alium testimonium dicere, quæ etiam rationes utitur Justinian. cur etiam inviti instrumenta sua adversus alios non proferant? Sed merito etiam excipit eos, contra quos inviti testimonium non dicimus, ut cognatos et affines ex lege Julia, l. 4. de testib. sic etiam adversus eos inviti non proferemus instrumenta nostra, sed neque etiam adversus fiscum: nam hoc fisco datur, ut nemo proferat instrumenta, quæ habet adversus fiscum, l. in fraudem, §. neque, de ju. fisc. at adversus alios quilibet cogitur instrumenta, quæ habeat, edere, sed fiet ea productio instrumentorum sumptibus petentis, ut eadem Constitut. Justinian. declarat, quod etiam introduxit ad exemplum testium: nam producentur testes sumptibus ejus qui producit, l. 3. §. Gabinio, de testib. l. 11. inf. eo tit. et fiet, ut etiam adjiciatur in ea Constitut. editio semel tantum, id est, quæ instrumenta habeo cogar semel tantum edere adversus alium jure ipso, sed causa cognita, et Prætoris decrepente etiam sæpius cogor edere, ut si quod primum edidi peregre habeat is, cui edidi, vel minus plene edidi, vel si is, cui edidi ea exempla, quæ emisi casu majore amiserit: ex causa igitur a me semel atque iterum editio postulabitur, exemplo argentarii, a quo jure semel tantum ratio editur ex edicto secundo, sed causa cognita, exigitur etiam sæpius editio, l. si quis ex argentariis, §. pen. et l. seq. de eden. ita ergo instrumenta mea propria, quæ non cogor edere adversus me ipsum, cogor edere adversus alium: excipitur fiscus, excipiuntur hæc personæ, in quas invitus testimonium dicere non cogor, et inde liquet si propria mea instrumenta cogor edere adversus tertium, cogor etiam edere ea, quæ mihi sunt cum tertio communia, ut si sit commune instrumentum inter me et Titium, et Titio sit lis cum Cajo, postulanti Titio cogor edere instrumentum commune adversus Cajum, quandoquidem proprium cogor edere, et de comuni instrumento loquitur l. pen. hujus tit. et de comuni adjicitur in l. 6. ut etiam nonnunquam ad fidem faciendam judici compellatur quis authenticum mihi exhibere, et ponit speciem in fisco: erat mihi cum fisco commune instrumentum ex causa negotiationis, sive communionis cujusdam: recte desidero a procuratore private rationis, id est,

Cæsaris, qui est judex rerum fiscalium, quod mihi commune est cum fisco instrumentum edi mihi adversus alium, quinimo ad fidem faciendam judici, apud quem litigo cum alio, desiderabo a procuratore fisci mihi exhiberi authenticum, quoniam judici edenda authentica, l. 2. ff. de fide instr. adversario edimus instrumenta, sed judici authentica, ἰδιόγραφῃ; nam exempla fidem non faciunt: quæ de causa si mihi sit lis cum alio, non tecum, a te tamen recte desiderabo mihi edi non tantum instrumenta, quæ mihi sunt tecum communia, sed etiam propria, et non tantum exempla, sed etiam si res exigit, ipsa authentica, et ad hæc confestim adjicitur, ex Nov. 119. ut sponsal. largit. §. 1. de edit. instrument. aliud quiddam, ut scilicet si in instrumento aliquo fiat commemoratio alterius chirographi ut ea commemoratio nec vim obligationis, neque petitionis habeat. Id accidit sæpe, ut fiat commemoratio in uno chirographo alterius chirographi, hæc commemoratio nullam vim habet, nam ex ea non fundabit reus exceptionem soam, nec fidem judici faciet, nisi edatur ipsum chirographum, cujus commemoratio sit. Igitur visum est Irnerio, qui dicitur ex Novellis portiones aliquas aspersisse Codici Justiniano, ex dicta Nov. 119. huic legi penult. hoc esse appingendam, editionem etiam ejus instrumenti necessariam esse cujus sit mentio in alio instrumento, quod est etiam proditum l. ult. de probat. et nihil ei Constitut. obstat quod objicit Accurs. ex Novel. 127. ut fratrum filii, §. 1. qua tamen plerisque videtur convelli ista Constitut. ut commemoratio illa nullum habeat effectum: agitur enim in Novel. 127. de instrumento donationis propter nuptias, quod mulier insinuat apud acta; finge illud periisse casu majore, an ex commemoratione ejus instrumenti facti apud acta publica sumatur fides? ita videtur: videtur ergo commemorationi fides haberi: quin in eo vitiosa est collectio, nec enim inde recte colligitur fidem haberi commemorationi, sed actis publicis: ea vero sunt acta publica, quæ sunt insinuata in urbe apud magistrum census, et in provinciis apud magistratus municipales, vel defensores plebis, l. in hac sacratissima, inf. de donat. nec idem sunt acta forensia, quæ non sunt publica, nisi insinuaveris apud Duumviros: nunc cum mulier instrumentum donationis insinuat, transfert instrumentum illud in acta publica, et ea acta fidem præstant, si perierit instrumentum donationis, sicut testamentum, si perierit, fides testamenti manet. si modo sit insinuatum apud acta publica, l. 2. Cod. de testam. Inde igitur colligamus, actis publicis fidem haberi, non commemorationibus actis publicis relatis;

JACOBI CUJACII J. C.

IN LIBRUM II. CODICIS

RECITATIONES SOLEMNES.

Ad Tit. II. De in jus vocando.

Post tit. de edendo, datur tit. *de in jus vocan.* nam et hodie editioni conjuncta, contingenteque est in jus vocatio, et editionem actionis non multo post sequebatur in jus vocatio: qua de causa, ut hoc libro primum de editione agitur, quam de in jus vocatione; ita etiam libris ad edictum Ulpian. et Paulus de editione tractarunt, priusquam de in jus vocando: edebatur enim prius actio adversario, quæ perpensa et cognita, tum vocabatur in jus, id est, ire jubebatur, sive ambulare in jus. Est autem proprie in jus vocare, ad Præto-rem vocare, vel ad eum, qui jurisdictioni præsit, l. 2. *si quis in jus vocan. non ier.* eodem sensu dicimus in judicium vocare, l. 1. §. ult. l. tutor pro pupillo, de admin. tut. l. 3. de eo, per quem fact. er. l. 2. §. Prætor, qui satisd. cog. et cautio judicio sisti nihil aliud est, quam cautio ad Prætoris sellam sisti, l. 1. *si quis in jus vocan.* nam et Prætor ipse judex est. Livius libro 3. Præto-rem judicem appellare moris fuisse: porro qui vocabatur in jus sequebatur vocantem, et quidem statim ex duodecim tabulis *si in jus vocat, atque eat*, id est, statim: hodie datur deliberandi tempus, quoniam vocationi in jus committitur editio actionis: sed prius olim edebatur actio, dabaturque deliberandi tempus, deinde vocabatur in jus, ac confestim sequi compellebatur; cognoverat enim actionem, quæ jam prius edita fuerat, et si forte nolebat sequi vocantem, manu injecta duci, trahi, rapi in jus potuit: inde illa in duodecim tabul. *manus injectio esto, in jus ducito*; et alio loco: *si calvitur, pedemve struit*, id est, *si qui vocatus est frustretur, pedemve struit*, id est, si fugiat, *manum endo jacito*, id est, manum injecto: id vero ita procedit, ut qui in jus vocatus non sequitur, invitatus ducatur et rapiatur, nisi vadimonium promittat, id est, nisi satisfaciat judicio sisti, quod demonstrat tit. *D. in jus vocat. ut eant, vel satisd.* id est, in jus vocati, ut eant mox, et si frustrentur, ut ducantur invitati, vel satisfaciunt: nam qui satisfacit, non sequitur, nec ducitur invitatus, l. 5. §. ult. *qui satisfacit. cog.* promittit autem sisti in diem, locumque certum: sed et si dies non sit adjecta, valet stipulatio, et videtur nihilominus concepta in diem, quoniam id agitur, ut sistat se certo die, et cum dies non est adjectus, et in eum

diem stipulari intelligitur, quo stipulator agere voluerit, l. *de die, qui satisfacit. cog.* cum tamen si alio loco, quam in jure sisti stipuletur quis die non adjecta, imperfecta sit stipulatio, l. *ita stipulatus, de verb. obligat.* ut si non ex litis causa, sed ex negotii alienius causa stipuletur a te Romæ sisti, nulla est stipulatio, quod diem non habeat, nec scilicet possit liquere, de quo die sensum sit: quod tamen liquet in stipulatione judicio sisti: nam sic accipitur *judicio sisti*, quo die primum egerit stipulator: solet etiam hinc cautioni judicio sisti adijci pœna, ni status sit, sed hæc pœnæ omîssio non vitiat stipulationem, et videtur pœna non adjecta, nihilominus stipulatio esse pœnalis, l. ult. *si quis in jus voc. l. pen. si quis caution.* et hoc quidem casu stipulationi non est pœna adjecta: si certe quantitatis actio fuerit, certi conditione fidejussor tenetur in eam quantitatem, puta centum, si actio fuerit in centum, l. 2. §. ult. et l. 3. *qui satisfacit. cog.* Si autem fuerit actio incerti, tenetur fidejussor incerti ex stipulatu in id quod interest, l. ult. *si quis in jus voc. l. 4. de custo. reo.* quod si stipulationi judicio sisti adjecta sit certa pœna, nec sistat se judicio promissor, in eam pœnam modus statutus est, ut si actio fuerit in centum, deserti vadimonium pœna non excedat ducenta, si actio fuerit incerti, puta de possessione, vel de crimine aliquo, ut modus pœnæ statuatur arbitrio judicis, l. 1. C. de sent. quæ pro eo, quod inter. d. l. 4. de custod. reor. Ex quibus intelligitur stipulationem judicio sisti, vi ipsa pœnalem esse semper, licet verbis id comprehensum non sit, sed cum verbis comprehensum est, id quemadmodum sit interpretandum ex his, quæ dixi liquet, et vero dicitur pœna desertionis, l. 3. §. ult. *si quis cautio.* pœna scilicet contemptæ et desertæ promissionis judicio sistendi causa facta, l. 4. §. ult. *qui satisfacit. cog.* utroque loco utitur verbo deserendi, ut et in l. ult. *qui satisfacit. cog.* hoc est, ut veteres loquebantur, si vadimonium deseruerit; si ex concessa causa hoc deseruerit: porro, ut dixi, in jus vocatus, nisi ita caveat judicio sisti, et se subjecerit pœnæ desertionis, vel sequitur invitatus, vel ducitur in jus: denique aut vocatus confestim ducitur in jus, aut in diem certum promittit judicio sisti: quæ ex re nos intelligemus facile quid distet tit. *ne quis eum, qui in jus voc. a titulo de eo, per quem fact. er. tit. ne quis eum,* coercetur is, qui facit quo minus, qui vocatus sequebatur, vel ducebatur, in jus produceretur: hoc autem tit. *de eo, per quem fact.* coercetur, is, qui facit quo minus quæ caveat judicio sisti, ad diem promissum veniret ultro et sponte: hæc est principalis differentia inter hunc et illum tit. quam interpretes ignoraverunt, et quæ descendunt aliæ multæ. Illo tit. *ne quis eum,*

coercetur vis, cum quis eum, qui in jus ducebatur ab actore, vi eripit facta, et eximit: hoc coercetur dolus, cum quis eundem ultro in jus secundum fidem datam iudicio sisti moratur, delinet arte quadam, et machinatione: illo agit is, qui vocaverat in jus; quod fuerit ei abreptus homo, quem ducebat in jus: is, qui vocabatur non agit illo tit. quoniam ejus nihil interest, quod fuerit abreptus, quia nullam poenam promiserat nisi sisteret se: denique illo edicto agit tantum is, qui vocaverit in jus, quoniam illius solius interest non fuisse exemptum reum: hoc autem edicto agit et reus cujus interest poenam non esse commissam ex stipulatu iudicio sisti, et actor si eo facto actionem amiserit si tempore perierit actio, l. 1. §. si reus, l. 3. de eo, per quem fact. er. illo item actor persequitur meram poenam, quod explicatur l. pen. §. 1. ne quis eum. Hoc autem persequitur quod interest: quæ satis constant ex tit. de eo, per quem fact. etc. Item illo tit. sive edicto si plures deliquerint, si plures vocatum vi exemerint, singuli tenentur in solidum, nec unius solutio liberat alium, quia pæne persecutionem edictum illud tantum continet, et æquum est unumquemque eam poenam sufferre, l. penult. §. ult. ne quis eum: hoc autem edicto de eo, per quem, si plures deliquerint, unius solutio liberat alios, quia hæc actio est in id quod interest, et satis est si reus, vel actor ferat id quod dicit sua interesse, l. 1. §. si plures de eo, per quem fact. et postremo priori edicto de eo per quem, locus est non tantum reo impedito sisti, sed etiam ipso actore impedito sisti, l. 3. §. si et stipulator, et seq. de eo, per quem fact. er. sed hæc omnes d. reverentiæ pendent ex illa, quæ caput est, quod edicto ne quis, coercetur is, qui facit quo minus qui vocatus sequeretur, vel ducebatur, in jus produceretur, edicto autem posteriore, is, qui facit quo minus qui caverat iudicio sisti, ad diem promissum venire ultro et sua sponte. Neutro autem edicto coercetur is, qui vocatum ad iudicem pedaneum, sive ad iudicem datum; nihil enim interest, vel exemit, vel impedit: neutrum edictum vim habet si quis vocatum ad iudicem pedaneum vi exemerit: is neque illo edicto plectitur, non certe illo, ut aperte proditum est in l. 3. §. 1. ne quis eum, qui in jus, non etiam hoc de eo, per quem fact. er. nam et is tit. est de his, qui vocati sunt ad magistratum, et generaliter omnes tit. de in jus vocando pertinent ad eos, qui vocantur ad magistratum, id est, eum, qui jurisdictionem habet, nihil ad eos, qui vocantur ad iudicem pedaneum, quia cognitionem tantum habent, non tribunal. Ergo in jus vocare est ad tribunal vocare, ad magistratum vocare, sed addatur, juris scilicet experientis causa, l. 1. de in jus voc., id est, ad decertandum de jure

suo, et quasi provocat in jure manu consertum, ut scilicet res disceptetur cominus, et utraque parte præsentem; nec enim de jure meo experior solus, quapropter qui libellum forte dat magistratui adversus aliquem, nondum vocat eum in jus, l. 15. de jus voc. quia non provocat libello dato magistratui adversarium suum ad certamen, ut cum eo consistat, quasi pede collato, et ut pes pede prematur: ergo qui libellum tantum magistratui dedit, nondum vocat in jus, et consequenter qui sæpe interpellat magistratum juris sui defendendi causa, non vocat adversarium in jus: qui ut se defendat vocatus semel interpellat iudicem, non vocat in jus, l. 14. de in jus voc. Edicto autem eo, quod proponitur, sub tit. de in jus voc. patronis, et parentibus utriusque sexus, item patronorum parentibus Prætor duo beneficia concedit: unum est, ut non vocentur illæ personæ in jus, ac proinde ut non ducantur in jus, non trahantur sine permissu Prætoris, sine causæ cognitione, l. 4. de in jus voc. Alterum est beneficium, ut si vocatæ hæc personæ permissu Prætoris non ducantur, si paratæ sint cavere iudicio sisti scilicet ab eis qualiscunque fidejussor accipiat, id est, etiam non locuples, alias qui non dat locupletem fidejussorem, non cavet iudicio sisti, et potest trahi in jus: at qualemcunque dederit parens patronusve filio, vel liberti, in jus vocati non trahuntur: videtur enim ab his personis cautum qualicunque fidejussore dato l. 1. et 2. in jus voc. ut ea. l. 2. §. prætor, qui satisd. cog. Et hoc posterius beneficium datur etiam liberis nostris, et uxori et nurui, ut ab eis accipiamus qualemcunque fidejussorem iudicio sisti; prius tamen beneficium non datur his personis: nam liberos nostros, uxorem, et nurum in jus vocamus sine venia Prætoris: liberi autem nostri nos vocare in jus non possunt sine venia Prætoris, id est, nisi gratiam edicti fecerit Prætor: gratiam autem edicti facit, quo vetat vocari, dum perimit vocari. Liberi, inquam, nostri, qui sunt in nostra potestate, quibus scilicet casibus his esse potest, veluti ex causa castrensi: sed et hi, qui non sunt in potestate nostra, veluti emancipati non possunt me vocare sine venia edicti: ergo nec matrem, l. 3. hoc tit. nam hoc jus, ut non possint vocari parentes sine Prætoris venia, non descendit ex jure patriæ potestatis, sed ex jure naturali, et ex ea reverentia, quæ parentibus debetur, vel patronis, qui genuerunt, qui libertatem dederunt: quæ de causa etiam in hac re rusticitati non parcitur, hæc allegatio inutilis est, si quis alleget se rusticitate patronum, aut parentem in jus sine venia vocasse: nam juris naturalis ignorantia omninem excusat, quia jus naturale hausimus nobiscum et arripimus quod est proditum in l. 2. hujus tit. et en-

dem ratione liberi mei emancipati, licet sint in adoptiva familia, id est, licet dederint se adrogandos exteris, me non possunt vocare in jus sine venia: quod tamen mirum est: nam in aliis partibus juris liberi mei, qui exierint a familia per adoptionem, liberorum loco non sunt, l. 1. §. in eo, ad Syllan. l. 2. §. sed si quis decessisset, ad Tertull. l. non putavit, §. si quis emancipatum, de bonorum possess. cont. tab. quibus locis ostenditur in SC. Tertull. et SC. Syllan. et in edicto Prætoris de bonorum possess. contra tabul. eos non esse liberorum numero, id est, in jure civili. Ceterum cum disputatur de jure naturali, id est, de reverentia, sunt hi liberorum numero: nam e contrario liberi mei debent mihi reverentiam hanc, ne me in jus vocent, etsi per adrogationem transeant in alienam familiam, l. 8. §. 1. de in jus voc. l. 2. §. prætor, qui satisd. eng. et liberti quoque liberis patroni debent eandem reverentiam, licet liberi patroni migraverint in alienam familiam per adoptionem, l. 10. §. si filius, de in jus voc. utroque autem edicto, id est, tam eo, quo conceditur illud beneficium ne parentes a liberis vocentur sine venia, quam eo, quo hoc beneficium his personis datur, ut ab iis accipiat qualiscunque fidejussor: utroque, inquam, edicto, si quis contra edictum fecerit, in eum proponitur pœnalis actio quinquaginta aureorum, l. si libertus, l. penul. et ult. de in jus voc. l. 2. in jus voc. ut eat. quæ pœna inferitur parenti, vel patrono: idcirco, ut ait l. 2. hujus tit. non potest remitti rescripto principis, quia non inferitur principi: non valent autem emissa rescripta in injuriam alterius, l. nec avus, C. de emanc. lib. sicut nec pœna albi corrupti, quæ est 500. aureorum, non 50. ut etiam in quibusdam libris, l. si quis id quod, de jurisd. omn. jud. pœnam albi corrupti esse quinquaginta aureorum, male: nam rectius Florentiæ legitur, quingentorum aureorum, quæ pœna inferitur in publicum est, enim popularis, et in ea rusticitati parcitur, d. l. si quis id quod. Igitur actiones pœnales aliæ dantur in quingentos aureos, ut actio de ejectis et effusis aliæ in quinquagenos: et ita etiam auctore Festo in aliis rebus sacramentum, id est, depositio pecuniæ, erat quinquaginta aureorum: in aliis quingentorum inter eos, qui in judicio contendunt. Extremum est, quod proponitur in l. generaliter, ff. de in jus voc. generaliter eas personas, quibus reverentia præstanda est, non civili jure, sed naturali, vi ipsa impellente natura in jus non vocari sine venia, ad quam l. male apponit exempla Accur. apponuntur ex l. 1. et 2. hujus tit. hæres patroni etiam extraneus non potest a liberto vocari in jus sine venia, quoniam licet sit extraneus, accedit tamen propius ad vicem personæ de-

functi qua de causa ei datur actio ingrati, l. 3. inf. de libert. et cor. lib. quod tamen Novellæ Justiniani est sublatum: sed non est sublatum, ut hæres patroni non possit vocari sine venia: similiter uxor patroni non potest vocari sine venia: quam reverentiam debemus marito, eandem debemus uxori: ergo maritam patronæ dico non posse vocari in jus sine venia, ut quem colit patrona, colat et libertus. Accur. tamen opinio diversa est propter l. liberti, inf. de oper. liber. in qua dicit libertum non debere operas marito patronæ, non etiam hæredi extraneo patronæ: sed loquitur tantum de operis, non de reverentia et obsequio: et si illa l. porrigitur ad honorem, eodem via hæredi extraneo patroni nulla erit habenda reverentia, quod tamen est falsum: sed non licet argumentari ab operis ad obsequium: atque ita hæc in re intervenit differentia inter hæredem liberti et patroni: nam hæredi patroni etiam extraneo debetur reverentia, hæres liberti extraneus non debet reverentiam, l. hæres, de ob. lib. præst. inter patronum et am et libertum est differentia: nam patrono interveniente alieno nomine debetur reverentia, ut si patronus meus sit procurator, l. 10. §. ult. de in jus voc. libertus agens alieno nomine non debet reverentiam, puta tutoris nomine, l. quasitum, de in jus voc. Quibus puto me comprehendisse omnia ea, quæ pertinebant ad has ll. 4. huj. tit. Sed adnotandum est in libris editis ad calcem hujus tit. deesse Constit. Græcorum, quam Basilica patet faciant: cujus sententia hæc est: ut causa cadat qui aliquem vocavit in jus, etiam si justam habuerit causam, si posteaquam vocavit in jus, et dedit libellum conventionis, eundem eodem nomine in aliud judicium vocet, et præterea ut damnetur reo in id quod interest non delusum fuisse. Et hæc est sententia hujus. Constit. quæ non debet videri dura, cum actor, qui vocavit in jus, si non occurrat ad condictum diem, causa cadat, non tamen bonis, ut docet Nov. 112. sed cadit instantia et observatione illius judicii.

JACOBI CUJACII J. C.

Ad Lib. II. Codicis,

RECITATIONES SOLEMNES.

Ad Tit. III. De Pactis.

Hic queri solet, quid hic tit. affine et propinquum habeat cum superioribus tit. de edendo, et in jus vocando, vel cum posterioribus de postulando; et respondendum, in ipsis plerumque initiis actionum institucendarum (e quibus sunt editio

actionis, et instrumenti, litis, in jus vocatio, cautio judicio sisti) eos, qui inter se controversantur, de re, de qua agitur, interdum pacisci et transigere. Itaque de pactis et transactionibus inter ipsa judiciorum initio convenienter tractatur: quod si latius explicabo, forsitan effecero, ut verum videatur. De transactionibus certe tractatur aptissime post tit. de in jus vocando: ea nimirum ratione, qua et de cautionibus judicio sisti in Digestis, quia scilicet in jus vocati non dimittuntur, nisi vel caverint judicio sisti, vel de re transegerint, *l. neque, ff. de in jus voc. l. 7. §. ult. ff. qui satisd. cog. qui ad judicium vocatus est, non est dimittendus, nisi quis etiam ejus personam defendat, id est, caveat judicio sisti, d. l. 8. §. ult. quæ cautio est personalis sive de persona, Nov. 33. et §. sed hodie, Instit. de satisfact. Nam et sistere significat presentiam personæ, l. 2. si quis municipalis, ff. si quis cautio. Ergo qui in jus vocatus est, non aliter dimittitur: quinimo rapitur, ducitur, trahitur invitus, nisi vel caverit judicio sisti, vel de re transegerit; et ob id post tit. de in jus voc. tractatur recte de cautionibus judicio sisti, atque etiam de transactionibus, quæ duo remedia efficiunt, ne quis ducatur in jus, et ideo, qui caverunt judicio sisti, non aliter ea obligatione liberantur, quam si vel ad diem condictum venerint, vel ante eum diem de re transegerint, l. 2. si quis cautio. ad quam compleri debere l. 2. de transact. inscriptionis similitudo argumentum præbet. Et præterea non alia ratione post editionem actionis, vel hodie post vocationem in jus, petitur, daturque tempus deliberandi, olim 10. dierum, hodie 20. Nov. 33. quam ut deliberet utrum contendere, et congrèdi debeat, vel de re transigere, Nov. 33. cap. 1. et ob id in l. 1. ff. de eden. Græci non male accipiunt cedere pro transigere, cum cedere vertant διατάσσειν: nam qui transigit de jure suo, cedit partem, vel totum, et ob id de edendo, et de in jus vocando tractatui, recte adjungitur is, qui est de cautionibus judicio sisti, et de transactionibus, cujus rei rationem constare arbitror apud omnes. Porro transactioni inest pactio, quasi genus ut genus dicimus inesse formæ; dat enim pactio transactioni nomen et definitionem: ergo genus est transactionis: quid enim est transactio? Pactum, quod sit inter duos pluresve, negotii vel litis, decidende causa, l. 1. et 2. ff. de transact. et ita in oratione pro Roscio Comælo cum Favius significaret, se pendente lite transigisse, cum Roscio ne condemnaretur: Pactum, inquit *mecum fecerat ne condemnaretur*, id est, transactionem. Ille autem pactionum species, quæ transactiones dicuntur, quemadmodum dixi, judiciorum primordiis incidunt sæpe, quæ quasi sementem litis fieri prohi-*

beant. Itaque de judiciorum primordiis disputationi inseruntur recte, sed sunt aliæ pactiones, quæ judiciorum primordiis incidunt nonnunquam, etiam si fiat, sicut transactiones remittendi animo, modo non fiat transigendi animo; nec enim omnis remissio est transactio, nec omnis pactio remissionis est transactio: ut si quid pactione remittant donandi animo, donatio est, non transactio: cujus inspectio nihil pertinet ad judicia instituenda, informanda, vel inchoanda: proinde duo sunt remissionis genera: unum donationem dicimus, alterum transactionem, l. cum donationis, tit. seq. Si remisero scientem actionem tutelæ, frustra inquit, queror de dolo, cum scienti non inferatur dolus, sive remisero donationis, sive transactionis causa, quo dicto docentur duo remissionum genera, et ita l. ex conducto, §. Papinianus, ff. loc. Si dominus colonum remisit pensionem omnis anni, ob sterilitatem illius anni, et sequentibus annis contigerit ubertas, Papinianus ait, domino remissionem nihil obesse, et eum integram pensionem petere posse ejus anni quo remisit, etiam si in ea remissione usus fuerit donationis verbo: quia non quibus verbis usus sit, sed quid egerit spectandum est, id est, ejus anni pensionem intermissam propter sterilitatem non donavit, etsi eo verbo usus sit; transactio est hæc potius remissio, quam donatio. Ita in l. quidam, ff. de donation. quæ ratio est satis difficilis, sed pendet ex eo quod, quod eo jure donatio non perficiatur nudo consensu nisi inter parentes, et liberos ex constitutione Divi Pii: sed necessaria erat traditio rerum corporalium, incorporalium mancipatio, vel cessio in jure sollemnis, alias non habebatur perfecta donatio. Quæ de causa si cum donare volo, in rationes meas retulero, me tibi debere centum, quæ tibi donare volebam, nulla est donatio, l. nuda, eod. tit. quia neque traditio, neque mancipatio, neque cessio intercessit, sed nuda voluntas: et existit inde questio in d. l. quidam, si quis in jure interrogatus, dixerit sibi nihil debere, et hoc dixerit non transigendi causa, sed donandi animo, an donatio valeat: remisit obligationem cum dixit nihil sibi debere, amisit actionem si transigit omnino, si donare voluerit non utique: quia non perficitur donatio solo verbo, sola confessione, sed tamen quia hoc fessus est in jure, id est ad Prætoris tribunal, non poterit infirmare suam confessionem, quæ est sententia l. quidam. In qua possunt notari duo remissionum genera, donatio et transactio, et hæc est ratio hujus l. Eadem est l. tutores, qui post, §. ab eo, ff. de a lmin. tutor. in qua notantur duo illi remissionum modi. Si is, cujus tutela gesta est, sit major 25. annis, et ideo non possit restitui in integrum: lex ait, ab eo conventionem remitti posse questionem

culpe tutorum, quia transactio videtur, non donatio. Nam si fuerit donandi mens, nulla est donatio, quia nuda voluntate donatio non perficitur. Transactio tamen nuda voluntate perficitur; duo igitur sunt remissionum genera, donatio, et transactio. Transactio est remissio litis presentis, vel impendentis, id est ejus, quæ coepit jam per contestationem, vel ejus, quam veremur propter controversiam, quæ nobis fieri coepit, vel editione actionis, vel vocatione in jus, vel quo alio modo, *l. 1. ff. de transact. l. 2. infr. tit. seq.* Donatio autem vel pactio, quæ fit donandi animo hoc sit. est remissio rei certæ, non litigiosæ, non controversiæ: ut si cum debitore meo, quem certum est mihi debere centum, paciscar de non petenda pecunia, cujusmodi pactum a Græcis dicitur *συμβασις*, quod congruit cum verbo, remittit, quod est in *l. 1. ff. de transact.* et verbo, *permittere*, *l. Imperatores. ff. de pact.* Ergo ut hæc quæ dixi colligam, ad judicia quidem instituenda, inchoanda, informanda pertinent, pactiones, quæ sunt transigendi animo; et pactiones, quæ sunt donandi causa, nihil ad judicia instituenda formanda, et inchoanda pertinent. Item pactiones aliæ, quæ non sunt donandi causa, aut transigendi, sed vel retinendi, vel adipiscendi causa, eas, inquam, nihil attinet admiscere his quæ ad judicia constituenda, et inchoanda pertinent: denique hæ pactiones huic tantum ordini conveniunt, quæ transactionum speciale nomen habent: sed non ideo tamen incongruum est et de genere ipso tractare prius, id est, de pactis priusquam de transactionibus, vel uno titulo conjunctim, ut in Codice Theodosii, ut in Gregoriano, et Hermogeniano, vel duobus separatim, nihil enim refert. Pactio genus est, transactio species: a genere facilius pervenitur ad speciem. Et hoc cognito, quo ad titulorum inter se commissuram videtur satis, inde tractemus de definitione pacti. Auctores nostri dicunt promiscue pactum et pactionem, sicut et donum et donationem, et quemadmodum donationem deducunt a dono, *l. Senatus §. 1. ff. de mor. caus. donat.* possis similiter et pactionem a pacto, et contra, sicut in *l. 1. ff. de pact.* pactum deducunt a pactione, possis et donum a donatione. Sunt Jurisconsulti, et simus nos, qui eos sequimur, in originibus verborum licentiores, et quodammodo *στοιχείωτες*, id est, licentiam Stoicorum imitantes: et M. Tullius lib. 1. de gloria apud Festum cum scriberet, *oppidum dici, quod opem præstet.* subjicit ut *imiter ineptias Stoicorum*. Adjicitur etiam in *d. l. 1. D. de pact.* inde quoque pacis nomen venire, id est, pacem a pactione venire, a conditionum scilicet pactione, quæ inter populos observantur. Capito apud Festum, pactionem a pa-

cto. Et nostri auctores utuntur promiscue his verbis pacti, pactionis, pacis pro publica conventionne. *Lex in bello, D. de capt. et postlimin. rever.* ait: in bello esse postliminium, in pace autem his, qui bello capti sunt, id belli tempore, si nihil de his in pactis comprehensum sit, in qua ratione defectus est supplenda interpretatione: in pace non est postliminium, quia spem revertendi civibus in virtute bellica magis, quam in pace Romani esse voluerunt: igitur qui pacis redit tempore, postliminio non redit, si nihil in pactis comprehensum est; id est, nisi conventum ut captivi restituerentur: hi enim captivi, de quibus in pactis convenit, rediunt postliminio pacis tempore: ita promiscue utitur pacti et pacis verbo. Sed verum est pactum vel pactionem esse genus, pacem speciem: nec enim omne pactum pacem vocamus, sicut nec omnem pactionem legem dicimus: et similitur non omnem pactionem transactionem appellamus; species hæ sunt pactionis. Transactio est species pacti quæ inter duos pluresve de re dubia, et lite incerta, neque finita componitur. Lex est species pacti, quod ex continenti adjicitur contractibus, ut lex commissoria. Pax est species pacti, quam inter seduces paciscuntur finiendi belli causa, *l. 5. ff. de pact.* non omnis pactio est pax, lex transactio. Est igitur pactum genus, sed ita tamen pactum, vel pactio est, ut et occupare possint speciei locum, non respectu ejusdem, sed alterius quæ genera Philosophi dicunt *διεσπασμένα*. Est etiam species pactum, est enim conventionis species. Nam ex conventionibus aliæ sunt contractus, aliæ pactiones, *l. 1. conventionis, ff. de pact.* quæ vocabula non sunt confundenda: nec enim contractus usquam appellantur pactiones, nec pactiones contractus: licet possint coalescere in unam conventionem: ut cum contractibus additur pactum, id enim est frequentissimum, quæ pacta, si continenti adjiciantur, proprie leges appellantur: sic constituimus pactum sive pactionem esse genus, et esse speciem: genus transactionis, pacis, legis: speciem etiam conventionis, quia conventionum duo sunt genera, contractus, et pactiones, et contractus sunt conventiones, quæ prope modum nomen vel causam habent, et causam dicimus, cum intercessit datio vel factum. Pactiones autem, sunt conventiones, quæ nomine proprio, et causa vacant; causa, id est, quibus non intercessit neque datio, neque factum; sed consensus, et conventio sola ut daretur aliquid, vel fieret: et certa hæc definitio contractus, conventio quæ nomen proprium vel causam habet. Potest et variis pactum definiri, potest aliter, eodem tamen sensu. Pactum est conventio, quæ placiti sine stetit; id est, quæ neque stipulatione, neque traditione

sumpsit effectum, neque aliud quam placiti vel pacti nomen habet, quæ usque ad pactum stetit, *l. si divisionem, famul. ercisc. l. si tibi, inf. loc.* Vel pactum, est conventio, quæ nudo pacti nomine stetit, nec assumpsit aliud proprium: vel padio, est duorum consensus atque conventio, *l. pactum, ff. de poll.* et Tullius: pactum est quod inter aliquos convenit, et Ulpianus *l. 1. ff. de pact.* Pactum est duorum pluriumve idem placitum, et consensus, sic Flor. id est, nihil nisi consensus ut legatum donatio testamento relicta dicitur, id est, non nisi testamento. Consensus ergo nudus sine nomine proprio, sine causa: et idem placitum quum obstringitur fides utriusque paciscentium; alioquin si me docente, verbi gratia, ex pacto non nasci actionem, assentiimini omnes, erit unus vel plurium in idem placitum et consensus, sed quod verigabitur in veritate ipsa, non in fide aliqua, quam demus invicem: ergo non erit pactum. Pactum ergo duorum est, vel Plurium in idem placitum, quod fidem etiam obstringat, consensus: nam si nomen vel aliquam causam attuleris, contractum effeceris. Hæc ergo distat conventio a pactione, quod conventio est genus, pactum species. Pactum igitur conventum, sive pactum nudum dixeris, an simpliciter pactum, nihil refert. Omne pactum est nudum, et definitio pacti, definitio nudi: nudum est pacti accedens inseparabile, nec dicitur pactum nudum, ut dolus malus, quod sit quidam bonus per *διαστολήν*: sed dicis qualitatem, quæ perpetuo inhaeret pacto: nam pactum, quod lege confirmatur, ex quo nascitur actio, vel tollitur, dicitur nudum, *l. legitima, ff. de pact.* Et ita nuda pollicitatio dotis, ex qua lex vult dari actionem, *tit. de dot. promiss.* et nuda pollicitatione, et pactum quod coheret contractui, nudum dicitur, *l. juris gentium, §. quinimo, ff. de pact.* nam cum dixisset ex pacto nudo actionem non nasci, subjicit, quinimo interdum format ipsam actionem, si adjiciatur pactum nudum ex continenti, ergo si adjiciatur pactum ex continenti, nudum pactum dices. Nec ab ea sententia distat *l. legem, infra hic*, nec *l. ult. infra, de rerum permut.* quæ quidem significare videntur, non omne pactum esse nudum: hæc est species: quidam dedit dotem, et adjecit legem aliquam dationi dotis, ex ea pactione dabitur actio. Idem erit si permutationi rerum, quæ traditione sumat effectum, adjecerit pactionem aliquam. Atqui, inquires, ex pacto non datur actio, hoc ita procedit si sit pactum nudum, alioquin si causa intercederet, dabitur actio, specie prima, nudis verbis si proponantur illæ leges, videtur inde colligi recte, non omne pactum esse nudum, sed retractemus speciem. Dedi dotem, et legem aliquam inieci, seu pactum aliquod, an ex ea conventionem dabitur actio? certe: at

ex pacto non datur actio, sed illud ita obtinet, si fuerit tantum nudum, hoc est, si tantummodo pactum nudum intervenerit, sed si intervenerit contractus et pactum, ex eo dabitur actio, non quia pactum nudum est, sed quia contractus est, *l. divisionis, ff. de pact.* divisionis placitum enim sit pactum nudum non parit actionem, nisi applicitum contractui fuerit, nec ex stipulatione, vel traditione sumpserit effectum, *l. 3. infra, de rer. permut.* Ergo res ita est distinguenda: aut est pactum tantummodo, et ex eo non datur actio: aut est pactum ex continenti contractui appositum, et ex eo datur actio, quia non pactum est. tantum, sed et contractus, nec ideo minus est pactum nudum: nam et ea pacta, quæ ex continenti adjiciuntur appellantur nuda, *d. §. quinimo.* Igitur pactum nudum est: eodemque modo arrarum datio, quod omiseram, contractus dicitur uno in loco, *l. contractus, inf. de fid. instrum. et pactum arrale, l. 3. de action. empt.* et ex eo pacto datur actio cum datur arræ, et convenit ut illis, vel illis conditionibus reddantur. Est igitur pactum contractui appositum, et pactum nudum semper: nec enim coherencia illa mutat qualitatem pacti, et ideo quod generaliter definiunt interpretes pactum vestiri his modis, verbis, re, literis, consensu, coherencia contractus, re interveniente, falsum est: primum non vestitur re, verbis, consensu: nam quæ ita geruntur sunt contractus, non pacta, non vestitur etiam pactum coherencia contractus: nam retinet appellationem pacti nudi: non etiam rei intervenitu, ut cum res datur certa lege: nam et retinet nomen pacti nudi. Conclusio igitur hæc sit, omne pactum esse nudum.

Ad L. 1.

Conditionis incertum inter fra'tres non iniquis rationibus conventionem finitum est. Cum igitur verbis fideicommissi petitum a patre tuo profitearis, ut si vita sine liberis decederet, hereditatem Licinio Frontoni restituerit: pactum eo tempore de sextante Licinio Frontoni dando cum liberos Philinus non sustulerat, interpositum, non idcirco potest iniquum videri, quod facta (sicut placuit) divisione diem suum, te filio ejus superstite functus est. PP. VII. Kal. Dec. Severo A. et Victorin Coss.

Qui habebat duos filios Philinum et Licinium, ambos heredes scripsit ex æquis partibus: Licinio erant liberi, Philino non erant, et ideo soli Philino substituit verbis precariis, hoc modo, ut si sine liberis vita decederet, hereditatem, et partem suam superstiti fratri Licinio restitueret: pendebat fideicommissum ex conditione, cujus erat incertissimum

eventus Philino vivo adhuc, et orbo: quapropter ne duo incerti penderent Licinius, et Philinus fratres, Philinus ne mors sua expectaretur, aut captaretur, neve spe fratris quotidie moreretur, Licinius etiam ne diutius expectaret eventum conditionis, maluit Licinius ex fideicommissio presentem portionem accipere, sextantem videlicet, et reliquum trientem Philino remittere, quam diutius expectata conditione fideicommissi, aut nihil, aut totum auferre. Itaque convenit, ut spes omnis fideicommissi infringere, ut incertum conditionis adscriptæ fideicommissio finiretur, et excluderetur hac pactione, ut presentem sextantem acciperet Licinius, et reliquum trientem remitteret Philino, nec sine placiti pactio stetit, sed divisione etiam sumpsit effectum. Licinius sextantem accepit, Philinus trientem retinuit sine onere fideicommissi. Post divisionem, Philino natus est filius Philinus, ac deinde mortuus est Philinus pater superstite filio Philino. mortuo patre filius consulit Imp. an ea conventio, quæ intercessit inter patrem suum, et patruum valeat, sibi videri iniquam esse conventionem, quod fuerit premature facta, et contra voluntatem testatoris, et ideo cum defecerit conditio fideicommissi se nato perinde, ac si ea conventio non intercessisset sextantem, quem non jure abtulit patruus, sibi reddi oportere. Atque ita sentit Paulus lib. 4. sentent. tit. 1. loquens de mutuo fideicommissio, *rogati, inquit, invicem sibi, si sine liberis decesserint, hereditatem restituere, altero decedente sine liberis, hereditas ad eum pervenit, qui supervixit, nec ex eo pacisci contra voluntatem testatoris possunt.* At Imp. rescribunt, nec iniquam conventionem illam, nec a filio postea edito convelli posse, justam conventionem esse; idemque cavetur in l. 16. inf. hic et l. 11. inf. de transact. de mutuo fideicommissio scilicet si sit invicem substitutus frater fratri verbis fideicommissi si sine liberis decesserint, ut remittant invicem recte alter alteri fideicommissi peractionem, nec nisi quid aliud sit, etiam si sint minores 25. annis cum scientes quid ageretur fideicommissum remiserunt, et ob id solum, quod inter se fideicommissum remiserunt, circumscriptos videri, nec auxilium restitutionis implorare posse, d. l. 11. nulla est enim hic injuria: ergo nec circumscriptio: ea est enim circumscriptio vis, quæ definitur a Seneca, *circumscriptio semper crimen sub specie legis involvit, semper circumscriptio per jus ad injuriam venit.* In hac igitur mutui fideicommissi remissione mutui inter fratres nulla est circumscriptio, quia nec injuria nec fraus ulla igitur, et cessat, licet sint minores annis 25. restitutio in integrum, lex 16. loquitur de pacto, lex 11. de transactione. lex 10. docet mutuum fideicommissum inter fratres posse remitti

Tom. IX.

pactione, l. 11. transactione, nec omnino satis erit demonstrasse: nam quæ de re licet pacisci, non continuo licet etiam transigere, ut de re judicata licet pacisci, non etiam transigere, sed vice versa quæ de re licet transigere, et pacisci, et quæ de re non licet pacisci, nec transigere. At de mutuo fideicommissio fratres inter se antequam existat conditio fideicommissi et pacisci, et transigere possunt. Cum ergo liceat pacisci de simplici fideicommissio, puta si unus tantum ex fratribus rogatus sit restituere hereditatem, si sine liberis decesserit altero superstite, ut scilicet is, cui relicta est hereditas fideicommissaria, vel in totum remittat, vel pro parte: cur remissio etiam hæc non valebit? si mutuum fideicommissum remittunt fratres, et unus remittet alteri, quod sibi relictum est fideicommissum recte: conventio enim est honesta et justa, quæ conservat gratiam inter fratres remoto captanda mortis alterius voto improbabili, d. l. 11. et quia conditionis incertum, sub quo pendebat uterque frater, paciscendi causa justa est; et hoc est, quod ait initio hujus legis, *conditionis incertum inter fratres, etc.* id est, suspensa et incerta conditionis fideicommissio adscriptæ causa, et quasi aliena: conflatur incertum ex spe unius, et metu alterius, quæ duo sunt inter se contraria, spes expectatio boni, metus expectatio mali: ex contrariis autem conflatur incertum, ne diu sub hoc incerto penderent fratres, ideo ait recte eos dirimere inter se incertum illud, et ambiguum conditionis. Et sequitur in hac lege, *cum igitur verba fideicommissi petita a patre tuo, Philino scilicet profectaria, ut si vita sine liberis decederet, Licinio Patruo tuo cum liberis non haberet, id est, quo tempore liberis non sustulerat Philinus (sic leg. non sustulerit) facta divisione sextantis scilicet, et trientis.* Sed oppugnat hæc constitutio multifariam multisque modis: primum enim dicitur, premature esse hanc remissionem fideicommissariæ hereditatis: premature conventiones insimulantur festinationis nimis, quæ festinationis ratio facit, ut plerisque in locis caveatur non licere pacisci de aliena successione; cujus forte spem quis animo suo concipiat. Hac in re primum sic statuo, spem fideicommissariæ hereditatis pacto, vel transactione remitti posse, et generaliter spem quamlibet futuræ perceptionis deteriore fieri, l. pactum, D. de pact. an igitur spes successionis pacto remitti potest? sic spes hereditatis, l. ultim. inf. sic spes successionis appellatur, l. nec ei 17. § ultim. ff. de adopt. l. 2. inf. ubi pupill. educ. deb. non quidem eo vivo, de cujus bonis agitur, hoc est certum l. ult. inf. l. 1. §. si impubere, D. de colla. bono. l. 2. §. interdum, D. de vulg. substit. l. quidam, §. ultim. D. de donat. est enim hoc pactum nefas-

vix spei, et eleganter ait Seneca 6. *declamat.* cum fratri exheredato, vivo patre, frater promisisset chirographo suo dimidium hereditatis daturum: *Chirographum*, inquit, *est parricidarum fœdus, nefaria spei pactum.* Igitur spes successionis pacto non potest remitti vivo eo, de cujus bonis agitur: mortuo vero eo, spes successionis pacto remitti potest, vel transactione: nec enim proprie spes est ante mortem ejus, de cujus bonis agitur: nam spes est, quæ jam propinqua est, et ita propinqua, ut pendeat, et paulo post eventurum sit, quod expectatur: sic metus est enim tantum, quæ imminet, impendunt. τὼν ἐγγὺς ὄντων ὥστε μέλλειν. Aristotel. in Rhetoricis, qui et ea ratione ait cum esse fortem virum, quem non deterrent ea, quæ mortem afferunt ὄντων ὥστε, quæ imminet, in Ethicis. Igitur non est spes, nisi quæ propinqua est: porro non est propinqua spes successionis vivo eo, de cujus bonis agitur: nam si filius sum, possum exheredari, si extraneus sum, potest testamentum infringi: et propinqua est spes successionis, nempe eo, de cujus bonis agitur, mortuo: si ea in hi successio sub conditione per fideicommissum relicta sit, ut in specie proposita, quia amplius testamentum illud mutari non potest. Igitur præmatura est spes et remissio ante mortem ejus, de cujus bonis agitur: post mortem ejus nec spes, nec remissio præmatura est, etiam si non post aditam hereditatem: nec enim ut exigo mortem ejus, de cujus bonis agitur, ita exigo aditionem hereditatis: nam *l. in quantitatem, D. ad leg. Falc.* aperte demonstrat ante aditam hereditatem post mortem testatoris pacisci licere, de legato legatarios pacisci in portionem legatorum posse, et hoc sæpe cogi facere, ne destituto testamento, id est, non adita hereditate, nihil consequantur, legata et libertates intercidant. Sed pugnat *l. 1. §. quod ait Prætor, D. quod legator.* quæ lex ait, nihil nocere voluntatem heredi, quo minus habeat interdictum quod legatorum, eam scilicet voluntatem, quam accommodavit legatario ante aditam hereditatem, ut rem legatam possideret: ergo ante aditam hereditatem videtur voluntas, et quasi remissio heredis, qui facile passus est legatarium ingredi possessionem rei legatæ, nihil egisse. Sed separanda est voluntas a pactione. Pactio obstringit fidem in perpetuum, voluntas, quam accommodavit hæres legatario, in præsens, cum nondum adisset hereditatem, non obstringit heredem in perpetuum: postquam adierit mutare poterit voluntatem, et si non recesserit legatarius a possessione rei legatæ, agat ex causa interdicti quod legatorum, sicut si precario utare te mea voluntate mea, hæc voluntas mea, quam tibi in præsens accommodo, non me obstringit in perpetuum: nam licebit mihi voluntatem mutare,

et rem repetere, si tantisper dum deliberat hæres de adeunda hereditate, permiserit legatario ingredi possessionem rei legatæ, non ideo sicut pacto fidem suam obstrinxisse intelligitur in perpetuum: et ita separanda est pactio a voluntate: nec dicendum est ad eam legem cum Bartolo, heredem, qui hereditatem non adisset, rem non habuisse, nec spem: rem non habuisse fateor, spem non habuisse nego: spes enim matura adeundæ hereditatis post mortem testatoris: spes etiam capiendi ex testamento satis matura est heredi, et legatario, et omnibus statim a morte testatoris. Nec cum Accursio dicendum est, in ea specie invitari legatarium ad delinquendum, cui datur facultas adipiscendæ rei legatæ: nec enim adipisci possessionem rei legatæ delictum est, et multo minus si eam adipiscamur heredis voluntate. Non est etiam probandum, quod ait Accursius in eo *§. quod ait Prætor*, heredis voluntatem repudiationi accedere, nec hoc quisquam dixerit, cum heredis non sit repudiare legatum, sed legatarii: repudiationi igitur juris, quod habuit in retinenda re legata, sed hoc jus nunquam seorsum repudiatur, universa hereditate repudiata omnia jura repudiantur, nec possunt jura hereditaria scindi, id est, non potest hæres partim amplecti, partim repudiare: sed vel universum amplecti, vel universum repudiare debet. Igitur non potest eo loco accommodari, quod de repudiatione verecunde comminiscitur Accursius, sed ut dixi, distinguenda est pactio a voluntate: pactione si me obstrinxero ante aditam hereditatem, velle me si dixerò ut ingrediatur legatarius possessionem rei legatæ, non ideo videor fidem meam obstrinxisse in perpetuum. Et adversus decisionem hujus legis id etiam opponitur, conventionem, de qua tractatur in hac lege, esse contra voluntatem testatoris, qui voluit ut Licinio non aliter restitueret hereditatem Philinus, quam si deorderet sine liberis, quod cum non contigerit, videntur fratres fecisse contra voluntatem testatoris. Respondendum, nihil factum videri contra voluntatem testatoris patris: nam etiam si pater id cavet, non tamen interdixit remissione fideicommissi. Qua de causa licet testator velit fundum alienari extra familiam, ex qua scriptura agnatis, qui sunt ejusdem familie comparatur fideicommissi persecutio, tamen non videtur agnatis interdixisse fideicommissi remissionem, *Nov. 169. l. quoties. C. de fideicom. l. cum pater. §. libertis, de leg. 2.* ergo non facit contra voluntatem testatoris, qui non expectat conditione fideicommissi, remittit fratri fideicommissum modico presenti accepto gratie conciliandæ inter fratres, et renovandæ amplioris causa. Et opponitur etiam adversus constitutionem hanc, quod dicitur, conditionale fideicommissum non posse repudiari, hoc fidei-

commisum erat conditionale, ergo non poterat repudiari. Retentis iisdem terminis verissima erit conclusio: sed de repudiatione hic nihil agitur, et de remissione tantum agitur, et aliud est repudiatio, aliud longe remissio, quam etiam differentiam agnovit Accursius noster: aliud inquam remissio, aliud repudiatio: remittere possum spem, repudiare non possum: repudio ea, quæ sunt delata: remitto etiam ea, quæ nondum sunt delata, *l. partem, l. hæredi, §. filiusfamilias, D. de pact.* repudiatio est juris, remissio facti, id est, qui repudiat aspernatur, et repellit a se jus quod offertur; nihil igitur agit nullo jure oblato: porro nullum jus deferitur ante conditionem: at qui paciscitur, jus a se non repellit, et ideo in pactis nihil attinet spectare jus delatum fuerit nec ne, denique repudiatio juris est remissio facti, et versatur et consistit pactio omnis in facto, *l. pen. id est, qui verbi gratia jus suum remittit pacto, id juris a se non repellit, et est ei integrum de eodem jure experiri, sed si experistur, exceptione doli mali aut pacti summoverti poterit, quæ est vis pacti, non ut jus repellat, sed ut ex eo jure agentem postea exceptione submovent.* Et postremo opponitur adversus definitionem hujus legis *l. si unquam, ff. de revoc. donat.* quæ dicit, donationem liberis postea editis revocari: donavit Philinus in hac specie, cum non haberet liberos, fratri Læinio sextantem hereditatis fideicommissariæ, cujus conditio defecit postea sublato filio: ergo filius eum sextantem revocare potest: fallacia est in propositione: nec enim est absolute hoc verum, donationem filium postea susceptum revocare: sed ita distinguendum est, aut immensa est donatio, aut non, et aut mera est donatio, aut non: immensam donationem liberi postea suscepti revocant, hic non fuit immensa, sed sextantem tantum donavit, id est, duas uncias, et retinuit quatuor. Præterea ea tantum donatio revocatur a liberis postea susceptis, quæ mera est donatio: hic non fuit mera sed mixtum fuit negotium cum id est actum, ut acciperet frater sextantem, et remitteret trientem. Non est transactio, qua de re dubitarunt interpretes: est transactio in *l. 11. De transact.* sed hic non est transactio, quia neque de fideicommissio erat lis, neque controversia, et licet esset incerta fideicommissi conditio, tamen fuit certa causa fideicommissi. Igitur hic transactio non fuit. Et quod attinet ad *l. si unquam*, quæcumque ad eam pertinent, his paucis absolventur. Aut donationis tempore superstitibus sunt liberi, aut non: si donationis tempore superstitibus sunt liberi donatori, donationem immensam non revocant nisi pro ratione Falcidiæ, id est, pro modo portionis legitimæ, *l. si mater, inf. de inoffic. donat. Nov. 92. l. Titia 3, §.*

Imperator, D. de legat. 2. aut post donationem immensam augetur natis liberis donator, et hoc casu videndum est, utrum immense donaverit extraneo, an aliis suis liberis: nam si quis immensam donationem contulerit in extraneum, ut in *l. si unquam* proponitur patronum dedisse omnia sua bona liberto, vel libertum patrono; nam hoc erat frequens ut libertus, et patronus se mutuis donis afcerent *l. si vero non remunerandi §. inde Papin anus, D. mand.* eam donationem collatam in extraneum et immensam, liberi revocabunt in totum, non pro ratione Falcidiæ, quia verisimile est donatorem patrem non fuisse, si sciret se habiturum liberos. Sed et ipse donator donationem revocat in solidum, quod jus probant etiam leges Longobardorum. *l. 4. de success. l. 1. de eo quod pat. test. nec hab. fil. relinq.* sed tamen non videtur obtinuisse hoc jus ante eam constitutionem, quam D. Augustinus inseruit in libro *de vita et mor. cler.* Qui tam, inquit, cum filios non haberet, res omnes suas Ecclesiæ donavit: nati sunt ei filii: reddidit Episcopus: fuit in ejus potestate non reddere jura fori, non jura Ecclesiæ. Ergo jure civili potuit is cui donaverit omnia bona sua, ea retinere etiam editis postea liberis. Sed si forte donatio immensa sit collata in liberos a patre, et post eam donationem edantur alii, hi posteriores liberi non possunt donationem collatam in priores revocare in totum, sed pro ratione Falcidiæ, *l. 5. C. de inoff. donat. et ita l. si unquam* nihil pertinet ad donationem modicam, de qua hic tractatur: nihil ad eam quæ permixta est negotio: nihil etiam pertinet ea constitutio ad liberos qui superstitibus erant donationis tempore: nam hi non revocant donationem in solidum, sed pro ratione Falcidiæ tantum. Non pertinent etiam ad donationem collatam in liberos: nam liberi postea suscepti non revocant donationem in solidum, sed pro ratione portionis legitimæ: sed pertinet ad donationem collatam in extraneum, quam et donator et liberi postea editi revocare in solidum possunt. Ex his quæ hactenus diximus ad *l. 1. vel animo vel scriptione* comprehendisse vos satis arbilror, de fideicommissariæ hereditatis spe, dum pendet conditio suscipiendorum liberorum sub qua fideicommissum relictum est, in portionem aliquam fideicommissario cum hærede pacisci licere: nec convelli pactionem illam susceptis postea liberis posse, nec tantum pacisci de fideicommissio, sed et transigere licere. Idque esse si inter fratres vice mutua facta fuerit mutua substitutio, posse inter fratres pactione aut transactione remitti eam substitutionem, antequam existat delictive conditio: harum conventionum causam justam et honestam esse, discuti conventionibus istis omne conditionis incertum, id

quod scilicet constet partim spes ejus cui relictum est, partim metus ejus a quo relictum est fideicommissum. Denique spem fideicommissariæ hereditatis, et generaliter spem quamlibet futuræ perceptionis pactione, vel transactione remitti posse, et eam vere ac demum spem esse, quæ sit in propinquo, non quæ sit in longinquo, ac proinde spem successionis directæ vel fideicommissariæ vivo eo, de cujus bonis agitur, nullam, aut præmaturam esse, mortuo eo maturam, atque ideo quod opponitur adversus hanc *l. præmaturam* spem esse falsum videri: cum mortuus sit is cujus de bonis agitur. Frustra etiam opponi, remissionem hoc loco propositam contra voluntatem testatoris esse, frustra adversus eam duci argumentum a repudiatione: aliud enim repudiatio, aliud remissio: ac similiter aliud est pactio remittendi animo facta, aliud voluntas hæredis volentis legatariam rem legatam possidere: et ex ea voluntate interpretes male argumentari ad pactionem, permixtis confusisque his tribus, repudiatione, remissione, et voluntate; quæ nos separari, et accurate distinguere volumus. Et postremo huic constitutioni opponere eos male eam constitutionem, quæ revocandæ donationis jus præbet liberis postea susceptis, et donatori. Modo ea tractabo, quæ superioribus non contenti interpretes adversus hanc leg. objiciunt. Non potuit, inquit, Philinus rogatus Licinio hereditatem restituere si sine liberis decederet, de ea hereditate pascisci, atque ita pendente conditione non potuisse eum Licinio sextantem dare in fraudem filii postea suscepti, quod testator non minus videatur ei fideicommissum hereditatis reliquisse, quam Licinio: hoc enim dixisse videtur, si sine liberis decesserit. Denique liberos positos esse in conditione, et dispositione: et ideo non posse Philinum de fideicommissio pascisci, antequam extiterit conditio in fraudem liberorum, qui sunt positi in conditione, et dispositione. Sed pernegandum est, liberos positos in conditione, esse in dispositione. Nam his verbis, si sine liberis decesserit, Licinio restituito, quod apparet, est fideicommissum relictum Licinio: quod latet: non est fideicommissum, sed spes tantum, et votum testatoris adversus liberos hæredis: ex spe, aut voto solo, fideicommissi persecutio non est: id est testator scribit, si sine liberis decesserit, Licinio restituat, quia est ea spe, ut putet ventura bona ad filios, nec tamen ideo adimit hæred. jus eorum bonorum alienandorum, et liberis non conservandorum, quia quod latet in his verbis, fideicommissi vim non habet, *l. Gallus, §. idem credendum, et §. in omnibus, D. de liber. et posthum.* in hac specie. Institui filium, omisi nepotem, substitui pronepotem posthumum his verbis, *si filius et nepos me vivo moriantur, tunc quæ mihi ex nepote meo post*

mortem meam nascetur pronepos hæres esto. Finge præmori filium vivo patre, lex ait testamentum rumpi successio ne nepotis *ex 2. cap. l. Vellejam*: quod nepos inveniat præteritus in eo testamento: nam commemoratio nepotis facta in conditione non habet vim institutionis: ergo præteritus est nepos, cum ejus successione rumpatur testamentum, quod utique non rumparet, si haberetur nepos pro instituto: sed certe præteritus est; et ideo cum ex formula Galli instituitur nepos posthumus hoc modo, *si filius me vivo moriantur, tunc quæ mihi ex eo nascetur nepos hæres esto.* Ut rata sit scriptura, necesse est filium institui ex parte aliqua, alioquin præteritio filii vitiat testamentum, quia commemoratio filii sic facta nullius momenti est, nec vim institutionis habet: quapropter ut ait *§. in omnibus d. l. Gallus*, necesse est illum institui ex parte aliqua, deinde posthumum nepotem institui: et eodem modo in *l. si quis cum §. ult. D. de vulg. et pupill. substit.* si quis extraneum heredem instituit hoc modo: si filius me vivo moriantur, Lucius Titius hæres esto, nec filium instituat aliter, aut exheredet, ipso jure nullum est testamentum: commemoratio igitur filii facta in eo testamento, vim institutionis non habet: et idem in *l. ex facto, §. ex facto D. ad Trebell.* sed in recte ponenda ejus specie laborant interpretes. Species hæc est. Mater unum ex filiis heredem instituit, et rogavit restituere hereditatem fratri suo, si sine liberis decesserit: hic filius hæres matris fideicommissio oneratus in eam conditionem si excedat e vivis sine liberis, in insulam deportatus est: quia deportatione amisit civitatem, et ad peregrinitatem reductus est pro mortuo habetur, vel alius homo videtur esse, quam qui fuit fideicommissio gravatus; ideoque fideicommissio locus est, ac si naturaliter obiisset sine liberis, cum scilicet nullis sublati liberis in insulam deportatus est. Sed bona omnia occupabit fiscus: nam deportationem semper sequitur tacite publicatio: bonorum vero detracta quarta, reliquum restituet fratri fideicommissario, quia videtur ille decessisse sine liberis, qui excepit deportationis poenam nulla sublati liberis, et si forte post deportationem concepti et editi ei sint liberi, nihil officiant fideicommissario, in quem jam cecidit fideicommissum optimo jure: sed si liberi sint concepti ante deportationem editi post deportationem, hi repellent fideicommissarium: quia non videtur sine liberis civitatem amisisse, poenam deportationis excepisse, atque ita quodammodo vita decessisse civili: cum tempore deportationis fuerint liberi in utero uxoris. Ergo liberi concepti ante deportationem, et postea editi repellent fideicommissarium, neque tamen ipsi bona vindicabunt sed fiscus sine ullo onere fideicommissi. Igitur positi

liberi in conditione non sunt in dispositione: nam si essent in dispositione, excluderent fiscum. Quibus aliud iudicium est, hi suae opinionis arcem positam habent in *l. Lucius 2. D. de hered. instit.* quod ea lex eum, qui substituit heredi, his verbis, *si moriatur antequam adierit, aut liberos sustulerit*, dicat liberos praetulisse substituto vulgari: ex eo enim male colligunt, liberis sublati, eos exclusuros substitutum, et venturos ex testamento; veniunt enim non ex testamento sed ab intestato, et videtur legitimos praetulisse testamentariis heredibus, *l. si quis ita haeres instituitur, eo tit.* et eo modo potior est intestati, quam testati causa, quod et ipse Accursius sensit recte in *d. l. Lucius*, videtur, inquit, praetulisse liberos tacite ab intestato cum sint ei proximiores. Igitur lex non dicit propalam eos liberos ita praetatos, ut possint venire ex testamento, quasi commemoratio facta in conditione faciat institutionem: sed votum tantum commune parentum explicat, non institutionem facit. Ad hoc tentant etiam interpretes in specie hic proposita filio suscepto post divisionem hereditatis, competere conditionem causa data, causa non secuta, cujus potestate possit revocare a Licinio sextantem, quem illi prorogavit Philinus: nam, inquirunt, dedit, Philinus Licinio sextantem, quod filius non haberet: habet jam filios, ergo dati conditio est causa non secuta: capio est in verbo causa: causa aut ratio est, aut huius: ratio est *ὁ ἐν ἔξει*, ut Philosophi dicunt: finis est *ἡ ἀντιλογία*. Ratio est, ut si dedi tibi, quia negotium meum curasti, et haec causa sive ratio si falsa sit, non parit conditionem, *l. in summa, §. id quoque, D. de condict. indeb.* quoniam causa donandi non cohaeret donationi. Igitur pro non scripta habetur, et sive vera sit, sive falsa, donatio valet: finis autem est, si donavi tibi ut negotium meum curares; et haec causa si non sequatur, locus est conditioni ob causam dari non secuta: quia si hoc optato non potior ego qui dedi, quia frustor sine, propter quem dedi. In proposita autem specie, utique ratio neque finis dandi sextantis alia est, quam ut Licinius remitteret fideicommissum, et absolveret fratrem eo incerto et ambiguo conditionis. Non est igitur in hac specie ea causa, quod filium non haberet: et in illo tit. *de condict. cau. da. cau. non seq.* ex qua volunt Philino in hac specie actionem dari, causa pro line accipitur, et appellatur proprie res in *l. damus, D. de condict. indeb. l. 1. D. de condict. ob. tur. cau.* et dicitur conditio ob causam dati, vel conditio causa data, causa non secuta, sub causa, et est sub causa cum datur aliquid sub ea causa, ut faciat vicissim, aut detur aliquid, in *l. pen. de cond. causa da. exi. vss. ov. d. xnc.* Igitur in eo titulo, in eae actione, causa

suam significat: finis hic non fuit, quod non haberet liberos, sed finis, fuit, ut absolverentur fideicommissum: modicum praesens dedit, id est, sextantem, hic finis consecutus est: nam divisionem fecerunt, et finierunt omne incertum conditionis: igitur non est locus conditioni causa data, causa non secuta. Satis jam nequicquam oppugnata hac constitutione, interpretes praeterea quaerunt, an si conventio, de qua hic agitur, divisione non sumpsisset effectum, si sextantem Licinius non accepisset sextantis nomine ulla obligatio competere. Iterum dicam, si conventionem non sequatur divisio sextantis et trientis, an licebit Licinio petere sextantem ex conventionem? dicere statim et verissime, pactum fuisse divisionis, et ex pacto divisionis nullo non dari actionem, *l. divisionis, D. de pact.* Licinio ergo non dari actionem sextantis nomine, cum pactum divisione non sumpsit effectum, cum pactio pacti fine stetit, neque ulterius progressa est. At illi dicunt, Licinio esse actionem, quia fuit, ut inquirunt, do ut facias, vel do ut des, id est, do sextantem, ut remittas fideicommissum, et Licinius remisit fideicommissum per acceptilationem. Licinio igitur est actio sextantis. Primum non potest poni fuisse do ut facias, vel do ut des, alioquin esset contractus, non pactum, et in questione ponitur initio solum intervenisse pactum, ergo rem ita gestam, dabo sextantem, et trientem remittas: ita concipitur pactum nudum: quod si dixerim do sextantem, ut remittas trientem, jam res pacti fine non stat, sed transit in genus contractus: ergo proponitur questio male: deinde respondetur, fuisse do ut facias, aut do ut des: non consentit responsio cum questione: deinde Licinium remisisse fideicommissum per acceptilationem, poni non potest, quia nulla fuit obligatio, ergo nec acceptilatio intervenire potest: nam creditor conditionalis in legatis et fideicommissis ante conditionem, non est creditor: quia in re distat a stipulatore conditionalis, quia stipulator conditionalis est creditor, *l. ususfruct. D. de stipul. serv. legatum*, aut fideicommissum conditionale vires statim non accipit, sed postquam extitit conditio: qua de causa legatarius legatum vel fideicommissum ante conditionem decedens non transmittit ad heredem, stipulator conditionalis transmittit: et eodem modo quod debetur sub conditione ex stipulato, acceptilatio tolli potest, sed non habet effectum acceptilatio, nisi extiterit conditio: interim tamen stipulationis conditionalis acceptilatio valet, sed fideicommissi conditionalis acceptilatio nulla est, nec effectum habet, nisi post existentem conditionem, *l. et per iurandum, §. si legatorum, D. de accept.* Male ergo ponitur, Licinium remisisse fideicommissum conditionale per acceptilationem, quia hoc modo ni-

h' remissam intelligitur, nihil actum. Ergo in hac specie nulla suberat causa, ex qua possis dicere pactum sumpsisse effectum: nam questio est, an si convenerit tantum, ut Licinius acciperet sextantem, et remitteret trientem, nec pactio divisione sumpserit effectum, sextantem petere possit: et secundum ea, quæ docuit, respondendum est non posse, cum fuerit pactum divisionis, et ex pacto divisionis non detur actio, nisi vel stipulatione, vel divisione sumpserit effectum. Ad hæc querunt, an Licinius remittere possit fideicommissum, aut remisisse videatur, data cautione Mutiana? Inepta est questio: nam cautio Mutiana habet tantum locum in conditionibus, quæ concipiuntur in non faciendo, quod hic non est. Cautio Mutiana locum habet, cum ita legatur: lego Titio centum si non ierit Romam: Titius capiet centum si modo caverit se non iturum Romam: et locum habet in legatis, hereditatibus, et fideicommissis, *l. is cui sub conditione 18. l. Mutiane, ff. de cond. et demonstr.* et hæc cautio in omnibus negotiis tam vivorum, quam mortuorum locum habet. Si igitur dedi aliquid sub conditione si non ieris Romam, capies quod donatum est, si cavens te nunquam Romam iturum. Sed speciei propositæ aptari non potest, cum nulla fuerit conditio in non faciendo: debuissent querere, an Licinius videatur remisisse fideicommissum, si dato fidejussore caverit, se nunquam petiturum fideicommissum, etiamsi existat conditio fideicommissi, id est, si Philinus mortuus sit sine liberis: hoc casu dicendum est, eum videri remisisse fideicommissum, et implevisse conventionem pro sua parte: nam fidejussor rei futuræ datur recte, *l. 4. et 7. ff. de fidejuss.* Itaque ex fidejussione rata esse videtur, cum sit rata fidejussio. Licinius implevisse conventionem pro sua parte: ergo eo casu non erit dubium, quin possit Licinius petere sextantem, cum dato fidejussore pactio sumpserit effectum, nec jam sit pactio nuda, *l. cum mora inf. de transact.* Postremum hoc est, ut ex legibus, quas ultimo loco annotavit Accursius, facere ad hanc l. annotemus, nullas proprie facere præter *l. ult. in fin. i. ff. de temp. app. et l. A. §. ult. D. a quib. app. non lic.* quibus locis ostenditur, inter litigatores ante sententiam convenire posse, ne possint appellare, et rata est conventio, quamquam id videatur esse contra jus publicum. Igitur si sic est mens Accursii, ut sicut hæc l. demonstrat, ante conditionem fideicommissi si recte remitti fideicommissum, sic etiam ostendat, ante sententiam recte remitti provocationis jus, *d. l. ult.* Igitur ante sententiam pacisci licet ne provocetur: quinimo, ut ait *l. 1. D. a quib. appell. non lic.* si quis, vel solus ante sententiam in iure profiteatur, se non appellaturum, indubi-

tate provocandi auxilium perdidit, id est, non poterit appellare: ut pactio illum obliget, sic etiam professio illa facta in iure. Atque dum opponit *l. 1. §. quod ait, D. quod legat. nescit*, uti inde se expedire debeat, quæ loquitur non de professione facta in iure, non de pactione, sed de voluntate heredis, quam ante aditam hereditatem accommodavit legatario, ut rem legatam possideret: sed hæc voluntas non obstringit fidem heredis in perpetuum, sed in tempus, quo nondum adit hereditatem: ceterum postquam adierit, recte quæreretur de legatario, et si nolit recedere a possessione, recte ager interdicto quod legatorum: at pactione fides heredis obstringitur in perpetuum: professione etiam facta in iure fides obstringitur in perpetuum, *l. quidam, D. de donat.* repudiatio etiam astringit in perpetuum. Itaque ut concludam quantum est errorum in ea questione, nascuntur omnes ex eo, quod confuderunt hæc quatuor, repudiationem, remissionem, quæ pactione fit, voluntatem, professionem factam in iure. Puto me omnia explicasse, quæ ad hanc *l. 1.* pertinerent; die proxima accedemus ad *l. 2.*

Ad L. II.

Post venditionem hereditatis a te factam, si creditores contra emptores actiones suas movisse probare poteris, eosque eas spontanea voluntate suscepisse, exceptione taciti pacti non inutiliter defenderis. PP. Prid. id. Feb. Severo 3. et Antonino AA. Coss. 203.

Proponitur in hac l. exemplum taciti pacti: sunt etiam pactiones tacito consensu: hujus rei exempla sunt varia in *l. 2. et 4. D. de pact. l. Proculo, D. de probat. C. qui remissos, de usur.* et aliis plerisque locis, et frustra ambigunt interpretes, an etiam pactiones fiant tacito consensu inter absentes, cum fiant expresso consensu, veluti per nuntium, aut per epistolam, *d. l. 2.* ergo non est in eo herendum diutius: sunt pactiones vel expressæ, vel tacite, tam inter presentes, quam absentes: fiunt enim nudo consensu, quæ nihil aliud sunt, quam nudi consensus, et quæ nullo consensu peraguntur, inter absentes peraguntur recte. Quod autem hoc loco proponitur exemplum tacite pactionis est huiusmodi. Heres sibi delatam hereditatem adit primum, deinde vendidit extero: post venditionem hereditatis creditores hereditarii egerunt cum emptore hereditatis dimisso venditore: emptor hereditatis excepit libenter eas actiones, et ita cum emptore volente creditores hereditarii litem contestati sunt: definiunt interpretes, electo emptore, id est, lite cum emptore contestata, creditores hereditarios videri ta-

cite actiones suas remisisse heredi, eidemque vero debitori, id est, creditores hereditario pacto egisse tacito cum venditore, ne ab eo pecuniam peterent: denique electio emptoris est tacita liberatio venditoris. Si quis velit hanc legem comprehendere in pauca, sic dicat: electio emptoris hereditatis, tacita liberatio est venditoris, et electio, quæ fiat contestatione litis: nam si in jus vocaverit creditor hereditarius emptorem hereditatis, si ediderit ei actionem, si denuntiaverit ei, ut solveret quod deberetur, non ideo tacite videtur liberatus venditor statim: itaque restat litem contestari: ubi creditor emptorem elegerit, quod fit contestatione litis, tunc demum videtur liberatus venditor. Electio igitur ea emptoris, quæ fit contestatione litis, id est iudicio accepto, tacita liberatio est venditoris hereditatis: liberatio, inquam, per exceptionem pacti, ut ait, vel per exceptionem doli mali, vel per exceptionem in factum: nam semper hæc tres exceptiones concurrunt: nam ubi est exceptio pacti, est exceptio in factum, vel doli: liberatio ergo contingit venditori per exceptionem, non ipso jure: nam pactum nudum ipso jure sicut non parit, ita nec tollit actionem; atque ita prout est in l. 3. venditorem hereditarium liberari tacite per exceptionem taciti pacti, non ipso jure: et opponit Accursius, ut doceat venditorem liberari ipso jure, l. solutione, ff. de solutione. lex dicit solutione ab alio facta pro nobis ipsis nos liberari posse: adjicit, iudicium pro nobis accipiendo nos liberari posse, id est, si quis alius pro nobis accipiat nos liberari posse: in hac specie emptor accepit pro venditore: ergo liberatus est venditor: admitto argumentationem, et dico, liberatum esse venditorem, sed per exceptionem, non ipso jure: itaque inanis est argumentatio: lex enim non dicit nos liberari ipso jure. Sed ut explicem apertius id ante omnia necesse est primum demonstrari; vulgo ad d. l. solutione, quasi omnimodo congruentem conjungi male l. delegare, ff. de novatione. ac si in una comprehendatur quod in altera. Lex solutione, ait iudicium pro nobis accipiendo liberari nos. Lex delegare, ait delegationem fieri, vel per stipulationem, vel per litis, contestationem, id est, iudicium accipiendo, quod non accipitur nisi contestatione litis: delegationem fieri litis contestatione, et nos liberari iudicium pro nobis accipiendo: hæc non sunt eadem, et in eo videndum est ne fallamur, quod sic demonstro. Delegare est alium vice sua, alium reum sive debitorem creditori dare: hæc delegatio fit dupliciter, per stipulationem ut ait lex delegare, et per litis contestationem: per stipulationem, ut si creditor meus a debitore meo, quem ei delegavi, stipuletur sibi

dari, et delegatus promittat: qua delegatione ego ipso jure liberor, si creditor meus a meo debitore, quem delegavi, stipuletur sibi pecuniam deberi dari, et debitor repromittat. Per litis contestationem fit, si ego concedam creditori meo actionem in debitorem meum, et vi cessionis meus creditor cum eo agat, et litem contestetur: potest enim vi cessionis, sive mandati, quod idem est, cum eo experiri, et quidem directa actione: nam cessio dat directas actiones: eadem actione utitur is, cui cessa est actio, qua is, qui cedit, l. 5. infra, de hered. vend. et ita hoc genere invitus debitor delegatur: priori genere delegationis, quæ fit per stipulationem, volens debitor delegatur, cum scilicet creditor de eo stipulatur sibi dari, sed posteriori genere invitus delegatur: nam ego cedo actionem meo creditori, ut experiat cum meo debitore invito: ego vero liberabor ipso jure, id est, post litem cum eo contestatam, quia delegatio illa pro solutione est, et nihil interest delegem invitum aut volentem; et hoc est, quod ait, delegationem fieri per litis contestationem, quod non ita proponitur in l. solutione, dum ait, solutione, vel iudicium pro nobis accipiendo, et invito, et ignorantes liberari possumus. Fingenda est species, ut ego non mandaverim, vel cesserim creditori meo actionem in meum debitorem; sed ultro meus creditor agat in debitorem meum, vel in alium quendam quasi debitorem, qui etiam quasi debitor se liti offerat, et patietur actionem, cum tamen nulla sit actio: nam actori huic nullum jus erat agendi, sed tamen agere possumus cum volente, etiam si nobis jure nulla suppetat actio, ut ex pacto nudo, si quis velit pati actionem, l. 5. infra, de cont. empt. igitur cum ita creditori meo non cessi actionem, sed is tantum agit cum alio quodam, qui actionem patitur, ego liberor, quæ sententia est l. solutione, sed an ipso jure? ut cum delegatio fit per stipulationem, vel litis contestationem? minime: ego liberor per exceptionem in factum, vel pacti, vel doli mali, non ipso jure, l. qui servum, ff. de interrogat. in ju. fac. si aliquis pro debitore quasi defensor litem subierit, et causam pertulerit totam: atque ita condemnationem exceperit, et velit actor eadem actione rursus experiri cum vero debitore, repellatur exceptione in factum, quia defensor negotiorum gestorum, vel mandati actione recepturus est quod prestatit: ergo ille alter verum debitorem iudicium pro eo accipiendo, non liberavit ipso jure, quia necessaria est exceptio vero debitori; et non est novum, ut loquuntur interpretes, cum liberari per exceptionem, non ipso jure, l. qui hominem, §. stipulatus sum, et l. qui res, §. mihi Romæ, ff. de solutione. Ego sic stipulatus sum

mibi dari x. aut hominem Titio, qua in stipulatione videtur vitium subesse omnino aliquod, quia aliud stipulor mibi dari, aliud Titio, qui adjicitur solutionis causa, non obligationis, alteri enim non stipulor recte, sed possum alterum addere, cui solvatur id quod mibi promissum est, sed non ut aliud solvatur, sed tamen hic agitur ut mibi promittantur x. et Titio homo quo fit ut stipulatio vitiosa videatur: unde quaeritur, an si secundum stipulationis fidem promissor solverit hominem Titio liberetur, ait *d. l. qui hominem, et l. qui res*, liberari promissorem, non ipso jure, quia vix admissa est ipsa stipulatio, in qua cavetur aliud dari adjecto, aliud stipulatori, sed per exceptionem liberari. *l. ultim. §. cum mihi, ff. de verb. oblig.* sic etiam eodem sensu dicitur verbum illud liberari in *l. si quis servo, de solut.* Idque liquet ex *l. cum quis, §. 1. ff. eod. tit.* Mandavi debitori meo ut solveret Titio: deinde re integra cum nondum debitor meus solvisset Titio, Titium vetui accipere: debitor tamen ignorans revocatum esse mandatum, Titio simulanti se procuratorem esse, solvit, an liberatus est debitor? ait lex, debitorem non esse liberatum, et Titium furti teneri: debitor non est liberatus ipso jure, quia erat revocatum mandatum, sed per exceptionem: ergo etiam lex solutione, quam opponit Accursius, dicat iudicium pro nobis accipiendo liberari nos, non sequitur, ipso jure liberari, sed per exceptionem, ut si constitueris pacto nudo liberationem non contingere, et pacto nudo liberationem contingere, utrumque verum esse licet comprobare adhibita ista distinctione, ut ex pacto nudo non contingat liberatio ipso jure, sed per exceptionem: quum liberationis verbum utramque interpretationem admittat, et ita cum aliquis pro nobis iudicium accepit, liberamus, non ipso jure; nam hic modus tollende obligationis non est legitimus: sic etiam de cimus tollende obligationis certi modi sunt constituti, hic non ponitur inter modos tollende obligationis, ergo non tollit obligationem ipso jure. Imitatur lex naturam, ut quot modis quidque fit, id vicissim ut intereat, *§. item, Institut. quib. mod. toll. obligat.* et ita responsum arbitror ad *d. l. solutione*. Nunc videamus, ut respondeant interpretes, Accursius, et ceteri. Ita respondent in *l. 2. hujus tit.* emptor hereditatis, quasi procurator iudicium accipit pro venditore, et ideo venditor non liberatur ipso jure, sed per exceptionem: in *l. solutione* is, qui iudicium accepit pro alio, novandi animo accepit, et ideo is pro quo accepit, liberatur ipso jure: hoc primum est commentitium, quia *l. solutione* ait pro nobis: ergo quasi defensor: deinde poni non potest novationem fieri, si quis liti se offerat quasi debitor, ut accipiat iudicium; ut debitor, cum non

est verus debitor, nam novatio fit tantum per stipulationem: quod dicitur novationem fieri per litis contestationem est falsum prior quidem actio novatur per actionem judicati facta condemnatione: nam re judicata rursus non agis priori actione, ne lis eadem hinc inde renascatur, sed agis actione judicati cujus executio est summaria: atque ita per actionem judicati novatur actio prior, sed novatio non fit per litis contestationem delegatio fit per litis contestationem: sed aliud est delegatio, aliud novatio. Soleo explicare novationem ex mutatione debitoris, vel causae debendi: delegationem ex mutatione creditoris, non debitoris: delegatione non novatur debitor, sed manet idem qui fuit: novatur creditor delegatione, qui erat creditor liberatur et debitor, qui delegatur, obligatur alteri, atque ita delegans, qui etiam creditor, desinit esse creditor, et substituitur in locum ejus alius creditor sed idem manet debitor. Igitur delegatio est novi creditoris novatio: novatio debitoris: nihil egemus isto refugio, quoniam interpretes, cum liquet ex *l. si quis, et l. qui servum, ff. de interrog. in ju. faciend.* iudicium pro nobis accipiendo nos liberari per exceptionem, non ipso jure: quod congruit cum hac lege. Regulariter tamen, nisi ita venditor hereditatis sit liberatus, cogitur prorsus respondere creditoribus hereditariis: qui vendidit hereditatem, nisi liberatus sit lite cum emptore contestata, sponte emptoris, cogitur respondere creditoribus hereditariis quia etsi, vendidit hereditatem, hæres tamen est, *l. 2. inf. de l. cred. vend.* emptor hereditatis tamen invitatus non cogitur respondere creditoribus hereditariis, neque directa, neque utili actione: est igitur similis Pogasiano fideicommissario, in quem non transeunt actiones: nec enim emptor hereditatis ullam invitatus excipit actionem sed si venditor creditoribus hereditariis aliquid solverit, aut præstiterit, id repetet ab emptore hereditatis actione ex empto, quia venditione hereditatis id agitur, ut emolumenta omnia et incommoda transeant in emptorem: itaque creditores hereditarii veniunt ad venditorem: sed si venditor solverit, mox recipiet ab emptore actione ex vendito, *l. 2. inf. de leg.* quæ loquitur de legatariis, qui sunt creditorum hereditarium loco, *l. hereditarium, ff. de obligat. et action.* vel etiam venditor hereditatis, qui satisfecit creditoribus hereditariis, quod solvit, recipiet ab emptore non tantum actione ex vendito, sed ex stipulatu, quia inter emptorem et venditorem solent interponi stipulationes mutue; emptor stipulatur quanta pecunia ad venditorem hereditatis pervenerit, tantam redditum iri: venditor restipulatur, quantam pecuniam hereditario nomine præstiterit, ab emptore tantum redditum iri: ut *l. 2. §. sicut, et l. si ex pluribus, ff. de hæred. vend.*

Si igitur interposita fuerit mutua stipulatio inter emptorem et venditorem hereditarium, non tantum erit venditori, qui solvit creditoribus hereditariis actio ex vendito, sed ex stipulatu: quoniam id actum est, ut onera hereditaria subiret emptor, non minus quam emolumenta: et si venditor nondum solverit creditoribus hereditariis, sed conventus fuerit, recte agit hac vel illa actione cum emptore, ut emptor venditorem defendat, ut litem pro eo subeat, *l. hereditatem, ff. de donat.* quæ loquitur de donatione hereditatis, non de venditione tantum, sed idem in utraque juris est: ut cum dono hereditatem, quæ donatio non est mera donatio, quia id ago vel tacito intellectu, ut donatarius subeat onera hereditaria, ut subeat legata, fideicommissa, res alienum dissolvat: ergo huic donationi inest negotium: si inest negotium, et contractus igitur: nam contractus nihil aliud est, quam negotium; dicimus contractum, et contrahere per defectionem: nam plena sententia est contrahere negotium. Igitur datio mera non est contractus, id est doni donatio, non enim loquor de donatione, quæ sit pacto ex constitutione Justiniani, sed de donatione, quæ sit re ipsa; donatio non est contractus, nec pactum, quia non est conventio ulla. Conventio omnis aut est contractus, aut pactum, qualis mera donatio non est, sed donatio, cui inest negotium, est contractus, qui nomine vacat: ut cum dono tibi hereditatem ex lege, ut creditoribus hereditariis satisfacias, ut rem meam impleas; hoc casu donatio est contractus, et vacat nomine, et nascitur actio præscriptis verbis, quæ vacat nomine: ideo si donavero tibi hereditatem ex lege, ut subeas onera, et solvas creditoribus hereditariis, et creditores hereditarii ad me veniant, agam tecum actione præscriptis verbis, ut me defendas adversus creditores hereditarios: et similiter, si vendidero hereditatem, et veniant ad me, agam, quod nondum divi, actione ex vendito, vel ex stipulatu, si stipulatio intervenierit, ut me defendas adversus eos, vel ut eis satisfacias: quia id egisse intelligimur, vel ut caveas te eis satisfacturum; nam in omnibus judiciis ex omnibus contractibus recte agetur ad persequendam cautionem, ergo actio erit, ut caveat se satisfacturum, non ut satisfaciat, *l. 2. inf. de hered. vend.* nisi ita convenerit, ut satisfaciat, quia hæc est natura emptionis et venditionis, ut vicissim satisfactiones nullæ interpenantur, *l. pacta, ff. de contr. empt.* et ita emptor egit ex empto, ut caveatur de evictione, non ut satisfaciat, nisi ita convenerit. Ergo ut concludam, emptor hereditatis similis est Pegasiano fideicommissario, quia non patitur invitus actiones creditorum hereditariorum, ne utiles quidem: at contra em-

Tom. IX.

ptor hereditatis habet in debitores hereditarios actiones utiles: in eum emptorem hereditarium non sunt actiones, ne utiles quidem, et tamen sunt ei utiles actiones in debitores hereditarios ex constitutione Divi Pii suo nomine, etiam sine cessione, *l. si cum emptore, ff. de pact. l. 5. inf. de hered. vel act. vend.* ex cessione emptoribus hereditariis competent directæ, quæ et hæres idemque venditor cogitur cedere, sine cessione, competunt utiles, nam cum in ea causa sit venditor, ut eas debeat cedere ex constitutione Divi Pii, et ultro dantur utiles, non expectata cessione: et fere ubi est directæ actio ex cessione, sine cessione est utilis in his speciebus, si nomen emptum sit legatum, in solutionem datum, vel si absentis nomine credita sit pecunia, *l. 1. §. nunc tractemus, ff. de tut. et ration. distrab. l. ex legato, inf. de leg. l. 4. inf. si cert. pet.* denique in emptorem hereditatis non sunt actiones invitus, ne utiles quidem, emptori tamen hereditatis sunt utiles sine cessione, vel directæ ex cessione: cur tam varia ratio? Dixit Accursius in *l. 2. C. de her. ven.* quia nemo potest seipsum obligatione liberare sine consensu creditoris: hæres idemque venditor hereditatis obligavit se creditoribus hereditariis adeundo hereditatem: ergo solus non potest se liberare. At obligationem, quam habet, potest in alium transferre, cedere alteri; et licet nondum transtulerit, tamen quia cogi potest, ut transferat, et cedat, non absurde dantur utiles, non expectata cessione: ab hoc excipitur fisco: nam si fiscus hereditatem sibi delatam alteri vendiderit, non agitur cum fisco, sed cum emptore hereditatis creditores exierunt utili actione *l. 2. inf. de hered. vend. l. cum qui, ff. de jur. fisc.* Id prima specie pugnat cum *l. 2. et 3. inf. de quad. præst.* quæ vult, ut ne interpellentur ullo modo qui quid emerunt a fisco: dat passim securitatem his, qui emerunt a fisco, ut non possint conveniri ulla alia actione: ergo is, qui emit hominem a fisco, non potest ulla alia actione interpellari; et hoc est quod ait *dict. l. 3.* cesset omnis actio: non potest ergo, qui emit a fisco, conveniri a creditoribus hereditariis: quo modo etiam adversus dictas leges de quad. præst. opponunt *l. 5. inf. de l. ber. cau.* quæ vult, ut ancilla, quam quis emit a fisco, adversus emptorem agat de statu; ergo is, qui emit a fisco, non est omnino et plene securus: opponitur *l. nec ullam, §. item si quis a fisco, ff. de petit. hered.* quæ vult, ut is, qui emit hereditatem a fisco, teneatur petitione hereditatis: sed ad *l. nec ullam, §. item si quis*, recte Accursius, atque etiam Fulgosius in *l. 1. de her. vend.* affirmant correctum esse *§. item si quis a dict. l. 2.* quæ est Zenonis, idque constare ex *§. ult. Instit. de usu-*

5

sup. quo demonstratur, ante Zenonem, eum, qui quid emisset a fisco, potuisse interpellari intra quinquennium, post quinquennium non item; erat illi præscriptio quinquennium, non item actio post quinquennium, de qua in l. nec ullam, et l. ult. inf. si adulter. f. c. etiam ante Zenonem potuit conveniri, sed intra quinquennium; qui emerat hereditatem a fisco, post quinquennium non item, sed non ita dicitur de l. 5. inf. de liber. cau. uti Thalelaeus notat βασιλικῶν 48. Zeno vult neminem posse conveniri actione in rem de dominio, vel hypotheca si emerit a fisco; cognitio de statu est in rem §. prejudicialis, de action. sed neque de dominio, neque de hypotheca: ergo potest interpellari is, qui emit a fisco actione in rem, non de dominio, vel hypotheca, sed de statu, ut ancilla quam emit potest proclamare ad libertatem: sic etiam constitutione Zenonis non continetur questio de emptore hereditatis: nam si quis emerit a fisco hereditatem, poterit etiam conveniri a creditoribus hereditariis ex d. l. 1. quia id actum intelligitur inter emptorem hereditatis et fiscum: hinc excipimus casum a constitutione Zenonis cum ita conventum sit, ut emptor onera subiret, qui jubetur invitus ex constitutione l. 1. inf. de hered. vend. ac proinde venditor quasi fideicommissarius Trebellianus, in emptorem omnes actiones transferet.

Ad L. III.

Servus creditoris meliorem causam domini facere potest: in deterius autem reformare novo pacto non potest obligationem recte constitutam, P. P. VIII. Kalend. April. Severo 3. et Antonino AA. Cass.

Quod proponitur in hac l. non est inutile: nam hoc etsi scriptum sit de servo, tamen locum habet et in filiisfamilias, ut patris creditoris meliorem conditionem facere filiisfamilias possit, in deterius autem mutare recte constitutam obligationem non possit, l. 7. D. de pact. dot. et l. filius, inf. hoc tit. Idem obtinet in procuratore, l. ignorantis domini, D. de procurat. et in beneficiario, sive vassallo, ut meliorem conditionem domini facere possit, non deterius, lib. 2. feudor. tit. 2. Ergo quæ dicuntur de servis, eadem dicta putamus et de filiisfamilias, et de procuratoribus, aut beneficiariis, nisi secus admonuerimus. Servus obligationem recte constitutam novo pacto in deterius reformare non potest, in meliorem potest: nec interest ipse servus eam obligationem contraxerit, an dominus: nam neque a se, neque a domino constitutam recte obligationem servus in deterius mutare potest. Ergo si paciscatur servus a. lvi minores usuras, cum initio essent promissæ

maiores, inutilis est pactio, quia contractus in deterius reformatur: reformare contractum est partem aliquam contractus emendare, repetere, retractare, l. jurisgentium, §. adeo, D. de pact. quo loco utitur utroque verbo, et repetendi, et reformandi, et repetere est, quasi repetere tabulas emptivis, quod Græcis ἀνακαταστήν, quod est cessim redire nam tunc cessim itur, cum pars aliquam contractus emendatur, et renittitur, reformare μετασκευάζειν, quo verbo usus est Harmenopolus lib. 7. Epit. et alio loco, sed corrupte, nam pro μετασκευάζειν scriptum est, μεταποιεῖν: ἀμύβειν τὴν φύσιν καὶ μεταποιεῖν; corrupte μεταποιεῖν pro μετασκευάζειν; μετασκευάζειν non est transformare, quo verbo usquam usi sunt nostri Jurisconsulti, sed interpretes sine auctore, sed est reformare, quod est partem aliquam contractus emendare, et omnino cum de pactis agitur, utuntur formandi et reformandi verbis: pactio format contractum, cum dat ei legem, modum, formam aliquam: ut cum vendo ea lego ut in satisdes evictionis nomine, non repromittas tantum, pactiones efficiunt, ut qui idem nomen habet contractus, videatur nonnunquam esse dissimilis a ceteris contractibus idem nomen habentibus, quia pactiones variant contractus. Sed non tantum formant contractum pactiones, quæ fiunt ex continentia, sed etiam ex intervallo recte habitum contractum reformat; ut si post perfectam venditionem paciscamur, ut pars tantum rei venierit, pars altera inempta sit: hæc pactio, quæ fit ex intervallo reformat contractum, cum quasi cessim, et retro agit contractum, ut partis tantum fiat venditio, non totius rei totum mutare contractum: hoc certe est tollere non reformare: et hoc tamen modo etiam non potest servus tollere contractum, si ex eo fiat domini conditio deterius: ergo neque reformare in deterius contractum, neque totum immutare contractum servus potest in fraudem domini: recte autem dixi, post obligationem constitutam, pactum a servo interpositum, si jus domini inutile et deterius faciat, non servari, et ut dicam iterum, post obligationem constitutam non recte servus paciscitur pactione nova, quæ rem domini priorem faciat: nam si per servum ipsum dominus contraxerit obligationem, contrahendi tempore in ipso negotio servus recte paciscitur, etiam de levissimis usuris si velit; ut si per servum suum creditor pecuniam crediderit, servus ipso credendi tempore paciscetur levissimas usuras tantum stipulatione adhibita, cum in credita pecunia usurae non debeantur, nisi adhibita stipulatione; ergo poterit convenire in ipso contractu de levissimis usuris, aut pacisci etiam poterit in ipso credendi tempore ne pecunia petatur intra certum tempus, l. sin autem, D. de pact. l. apud, §. in hac exceptione, D. de dot. ex-

cept. ergo servus, per quem contrahit dominus, potest in ipso contractu leges dicere peiores, id est, quibus fiat conditio domini pejor: quia de se queri debet dominus, qui in eo voluit uti opera servi: aliqui si servus sponte contrahat, neque ex continenti, vel intervallo paciscendo, neque iurejurando, conditio domini deterior fieri potest: sed fiet deterior, ut dixi, si contrahat jussu et voluntate domini, et in eo ipso contractu legem aliquam dicat deteriorem: hæc lex nocebit domino, qui eum contractus sui administratorem esse voluit: facit etiam servus conditionem domini deteriorem non acquirendo, *l. ult. inf. de acquir. possess.* cujus questio non explicatur dilucide: agitur de possessione, quam possideamus per servum nostrum, per procuratorem, colonum, aut inquilinum. Finge: possideo rem alienam animo meo, et corpore servi, aut procuratoris, coloni, aut inquilini: si servus vel procurator deculat de possessione, an amitto possessionem? distinguendum est: aut discedit non deserenda possessionis animo, et hoc casu possessionem non amitto: possessio non acquiritur nisi corpore et animo, non amitto nisi corpore et animo. Sed si servus per se possessionem animo deserenda possessionis, et aperienda alteri discesserit, queritur an possessionem amittam? et Sabiniani existimabant me possessionem amittere, quasi servus possessionem meam interverterit, et idem in *l. si colonus, D. de acquir. possess.* si colonus non animo deserenda possessionis discesserit: ex quibus verbis licet ex *ὁ γὰρ ἀποστρέφει*, id est, a contrario sensu colligere, quod si discesserit deserenda possessionis animo, damnum infligit possessionis domino suo, *l. si de eo, §. 1. eod. tit.* Sed Proculjanis aliud erat iudicium, quorum sententiam probat Justinianus *l. ult.* ut si servus discesserit animo proleunda possessionis alteri, tamen non amittam possessionem, et congruit eum *l. cum quis, D. de dol.* ne malignitas servi damnum possessionis domino afferat, ne domini conditio fiat deterior. Sed quid fiet si misero servum meum, ut possessionem adipisceretur, et is dolo malo noluit adipisci, et in eo, quod jusseram perfide et negligenter se gessit, an nocet mihi malitia et negligentia servi, quem miseram possessionis apprehendenda causa? mihi nocebit negligentia, cum videar adeptus possessionem mihi per servum, quem miseram, qui apprehenderet, quandoquidem acquirendi animo destitute miserum. Ita quo videor possessionem adeptus cum miserum hominem, sed hoc casu definitur in *ex l. ult.* me non videri adeptum possessionem, et negligentiam servi mihi nocere: tunc obstat regulam illam, quæ dicit, servum meliorem conditionem facere posse, deteriorem non posse: nam ea regula in acquirendis locum non habet, sed cum damno rei suæ do-

minus periclitatur, non cum luctum acquirit per servum. Ad summum eo res abiit, ut facto servi mei possessionem, quam per eum possidebam, non amittam, facto tamen servi mei, ut possessionem, quam per eum acquirere parabam, non acquiram illo possessionem non apprehendente. Ergo potest conditio domini deterior fieri in non acquirendo, non in amittendo eo quod acquisitum sit semel; sive dominium sit, sive possessio, sive obligatio. Facit etiam servus domini conditionem deteriorem delinquendo: quia dominus ex maleficii causa compellitur servum noxæ dolere, id est servo carere, si velit sufferre satisfactionem litis, *l. 1. §. quod igitur, D. de vi, et vi arm.* Cum, inquit, dominus maleficii causa servum noxæ dederit, id in damnum debet reputare, cum servus hoc possit domini deteriorem conditionem facere, cum servus hoc, id est, in hoc, ut *παράδωκεν τὸν τῶνδε*, vertunt, id est, delinquendo fieri potest, ut subeat iudicium noxæ, atque compellatur vel damnum prestare, id est unctam sartinem, vel servo carere. Sed idem dici non potest in filiofamil. qui delinquendo deteriorem conditionem patris non facit, nec procurator, colonus, aut inquilinus: quia filiofamil. nomine non est actio noxalis. *§. ult. Inst. de action.* noxæ olim fuit et filiofamil. ut liberi hominis nomine, ex *12. tab.* cum liber homo, qui furtum fecerat, deditur ei, cui furtum fecerat: hodie nulla sit deditio, nullus nexs liberi hominis: et videtur *l. 3. §. proinde, D. de lib. hom. exhib.* significari etiam liberum hominem noxæ dedit: nam dicit interdicto de lib. hom. exhib. eum tantum teneri, qui dolo malo retinet hominem liberum: porro cum non retinere dolo malo liberum hominem, qui retinet suum libertum, in quem est patronis propria quedam affectio, vel qui retinet suum alumnus, quem educatores unice diligunt ac si filium: ergo qui retinet libertum, vel alumnus suum, quamvis hominem liberum retineat, tamen non tenetur interdicto de lib. hom. exhib. quid caret dolo malo qui justam causam habet retinendi hominem liberum: denique si quis noxæ deditur impuberem adhuc retinet: nam in hunc non est interdictum de lib. hom. exhib. quod tamen non accipiendum est, ac si liber homo posset noxæ dediti, puta filiofamil. ex noxæ causa, sed ita est ponenda species, ut fuerit statuliber noxæ deditus: statuliber servus est, qui sperat libertatem: si statuliber noxæ deditus sit, et conditio libertatis existat, tunc incipit liber homo esse apud eum, cui deditus fuit initio quasi servus: ergo retinendi ejus justam causam non habet, qui pervenit ad libertatem: vim inferre libertati, ad quam pertinet statuliber, non potest is cui deditus est: ergo tenetur interdicto de lib. hom. exhib. nisi impuberem

non exhibeat, et dimittat, nisi adhuc sit impubes: nam retinendi hominis liberi impuberis est justa ratio, quia hęc ætas, quę est infirmissima, et ut Aristoteles, ait, *δυσανδρικός*, si cui facile imponi potest, maxime indiget custodia: ergo si statuliber, qui est noxę deditus, existente conditione pervenerit ad libertatem, et sit impubes, non continuo debeo dimittere; quinimo si pietate moveor, si ætatis rationem habeo, debeo illum adhuc retinere, quod existat aliquis, cui possim tuto dimittere: et impuberem noxę dedi non est novum, si sit doli capax, et proximus pubertati, §. *penult. instit. de obligat. quę ex del. nasc.* ergo impubes statuliber, qui doli capax erat, et furtum fecerat, fuit noxę deditus, et cum esset apud eum, cui noxam fecerat, pervenit ad libertatem: itaque si eum non dimittat, non tenebitur interdicto de lib. hom. exhib. cum sit justa retinendi ratio, et ita explicanda est hęc l. 3. Ego ostendi in eo differre servum a filiofamilias, quod servus facit deteriorem conditionem domini delinquendo filiofamilias non facit, d. l. 3. ejusdem rationis est filiusfam. in l. 23. hic, cujus interpretationem sic nos adgrediemur. Queritur, an filius paciscendo, aut debitum accipiendo, nihil detrahat patris obligationi? filius paciscendo non potest renovare obligationem recte constitutam, non potest in deterius reformare paciscendo, nec debitum accipiendo: quid dicemus? eum, qui solvit filiofamil. invito patri non liberari, ut de servis proditum est in l. si servus legatus, §. 1. D. de leg. 1. servo meo me invito non solvitur recte. Item filio meo me invito non solvitur recte, et qui solvit nihil detrahit mę obligationi: sed potest ita res explicari. Acceptatio debiti, puta pecunie, vel usurarum, non nunquam vim habet taciti pacti. Finge: filiofamil. diu accepit minores usuras, per multa tempora, puta per annos 10. cum tamen initio essent promissę graviores usurę: alias hęc acceptatio, quo verbo significamus accipionem, habet vim taciti pacti, ut non petantur graviores, sed leviores, quę diu exactę sunt, l. qui semisses, D. de usur. sed ita debitum accipiendo filius non reformabit recte institutam obligationem: ergo si filius meus leviores diu accepit usuras, vel ex suo, vel ex meo contractu, cum essent initio promissę mihi graviores: semper erit graviorum exactio, quia non potuit filius usuras accipiendo leviores, deterioremeam conditionem facere. Rursus hęc regula, ut servus conditionem domini meliorem facere possit, deterioremeam non item, locum habet in rebus dominicis: videamus an locum habeat, et quatenus in rebus peculiaribus. Servi nihil proprium habent, sic jactatur vulgo: imo vero aliquid habent proprium conniventibus dominis: nam et dominus plerumque sol-

vunt pro capite pretium, feriunt muneribus dominos: conqueritur servus ille, quod semper de demenso suo defraudetur, quod semper sit afficiendus dominus muneribus: et dato etiam peculio separantur bona domini a bonis servi, l. 4. D. de pecul. et l. per servum, §. 1. D. de acq. rer. dom. separatur substantia domini a ratione servi, et peculium est quasi patrimonium servi, l. 40. D. de pecul. et servus vicarius, qui est peculiaris servus, est quasi servus ordinarii servi: ergo in rebus peculiaribus videntur servi omnia posse, quia vice dominorum funguntur, et in rebus peculiaribus omnia possunt servi, et filiofamil. maxime si liberam habeant peculii administrationem, dum ne quid agant donandi causa, et ita scriptum est in l. contra, §. ult. D. de pact. l. 1. §. 1. D. quę res pig. oblig. poss. possunt res peculiares vendere, permutare, novare, exigere, transigere, solvere, suo arbitratu: sed donare et perdere res peculiares non possunt: ergo si paciscantur donandi animo, de non petenda pecunia, quę debetur ex causa peculiari, inutilis est pactio, etsi habeant liberam peculii administrationem: et idem in procuratore, qui habet liberam omnium bonorum administrationem: nam huic omnia libera, præter donationem, l. mandato, D. de procurat. ubi pro decidendi, est legendum diminuendi, ut quodam loco probavi multis, dum dicit procuratores, qui habent generale mandatum, non posse transigere decidendi causa, quod est iniquum et falsum, quia procurator decidere de lite potest, transigere decidende litis causa, dirimendi ambigui causa, ut de tutore proditum est iisdem verbis in l. Lucius, §. ult. D. de admin. tutor. qui etiam habent omnium bonorum liberam administrationem: nam quod dicunt interesse inter procuratorem, qui habet generale mandatum, ab eo, qui habet liberam administrationem, nugatorium est, quia prorsus idem est. Ergo h's omnibus procuratoribus, puta qui habent liberam administrationem omnium bonorum, et filiis, et servis, qui habent peculii administrationem, omnia licet præter donationem rerum peculiarium: et eadem ratione etiam adjiciemus, præter votum: nam et votum species quędam donationis est: nam servus aut filiofamil. nihil possunt vovere sine auctoritate patris, aut domini, et si quid voveant, voti nuncupatio, sponsio illos non obligat, cum alias ex voto sit obligatio: si quid paterfamil. voveat pubes, sui juris, obligatus est is, qui vovit, et lites ejus, ut rem, quam vovit solvat. Ceterum filiofamil. aut servi, qui per patrem, aut dominos ex voto, quem servi, vel filiofamil. ipsi fecerunt, non obligantur, l. 2. D. de pollicit. et hos duos casus voti, et donationis, etiam Accura-

notavit hoc loco : sed præter hos duos casus annotat Accurs. alios, qui tantum ad servum pertinent : si servus se emi mandaverit, quem casum male sciendit in duos, puta et si se vendiderit : nam hic secundus poni nullo modo potest : nam servus se ipsum vendere non potest. Igitur si servus se emi mandaverit, nullum est mandatum, *l. servus*, et *l. cum servus*, *D. mand.* servus mandavit extero, ut se emeret a domino, nullum est mandatum, *d. l. cum servus*, et ideo extraneus, qui mandatum suscepit, quique fidem dedit servo se empturum, contractio mandato non poterit cum domino agere act. mand. de peculio, ut scilicet eum servum vendat : tenetur quidem de peculio ex contractu servi : servus contraxit mandatum de seipso vendendo : videtur ergo posse dominus conveniri ex eo mandato, ut non servum vendat : sed quia nullum est mandatum, non convenietur : et ita hic est unus casus, quo dominus non tenetur de peculio, et sequentes casus, quos notat Accurs. eo spectant, ut non tenentur dominus de peculio ex contractu servi. At finge : servus se emendum curavit, ut manumitteretur, et ita quidam, cui hoc mandavit servus, promisit se empturum, et emptum manumissurum, eumque extraneus suis nummis emit : alioquin non liberaretur iudicio venditi, nisi suis nummis emisset, quoniam cogitur emptor facere nummos accipientis, licet non teneatur venditor facere rem accipientis. Igitur si emerit servum suis nummis, prout non poterit agere cum domino actione mand. de peculio, ut repetat pretium, quod numeravit de suo : alioqui si verum esset mandatum, dominus confestim cogeretur reddere pecuniam actione mand. de peculio : et Prætor, qui dedit actionem de peculio ex negotio gesto cum servo, non videtur cogitasse de his contractibus, quibus servi se dominis mala ratione auferunt. Igitur non dat mandati de peculio actionem, quia nullum est mandatum. Et e contrario, etiam non agat dominus servi adversus emptorem contraria actione mandati, ut servus manumittatur, nisi ex casu ; hoc est, affectionis ratione : affectio pro necessitudine hic accipitur : quæ ratio facit, ut agam ultro necessarium personæ nomine, *l. sed et hæ personæ*, *D. de procur.* quæ mihi actio non competit, ex agat is, qui mihi necessitudine conjunctus est, etiam me invito et ignorante, ut puta liberi licet sint in potestate, item parentes, et fratres, et affines, et liberti : affectionis ratio facit, ut agat hic venditor actione mand. non ut dominus, sed ut propinquus, atque ita affectio ponitur pro necessitudine. Finge aliter contractum mandatum inter servum et extraneum, puta mandasse servum extraneo, ut se emeret ex lege, ut redimeretur, sit quotidie in emptione pactio de revendendo, sed est quedam pactio de

redimendo, de qua *l. servus mand.* alia, de qua agitur in *l. cum servus*, *D. mand.* quæ est quotiæ de redimendo servo, nec utriusque pactionis eadem ratio, distinguere unum ab altero oportet. Finge ergo : mandavit servus extraneo, ut se emeret, ex lege, ut redimeretur : mandati actio ultro citroque est, et is, qui emit, promisit se revenditurum intra annum unum, aut alterum : an ergo ex mandato potest compelli venditor act. mand. ut eum servum redimat ? minime : ut redimat compelli non potest : ita venditor redimere compelli non potest, quia nullum est mandatum, quia titulus de peculio nihil pertinet ad eos contractus, quibus servi se dominis auferunt malo more. Ergo, ut sit *l. servus*, non erit ei actio ulla mandati in dominum de peculio : ubi ultro, est actio contraria, quæ datur ex adverso, sive ex contrario, *l. 2. et ult.*, *D. de neg. gest.* huic autem articulo contra, videtur esse contrarius articulus *ultro*, sed tamen contra actio ei datur, nonnunquam ultro, id est, etiam si non agatur directa actione, *l. in commodato* §. 1. *D. commod.* cum ergo agitur directa, contraria datur : contra, cum non agitur directa, contraria datur ultro, *l. sed ex ultro*, *D. de neg. gest.* et *l. 29. in fin. D. famil. ercisc.* idem est contra, et ultro : sed illo casu non habebunt actionem mandati, quæ compellantur redimere eundem servum, si se mandaverit emendum, ut redimeretur : non habebit venditor actionem mandati, quæ compellat extraneum ut revendat, nisi affectus rationis, cum is, qui vendidit est pater, vel filius, quæ omnes species erant explicandæ, ut intelligerentur ea, quæ ponuntur in *l. cum servus*, *D. mand.* alios casus Accursius refert, quos nos explicabimus die crastina.

Hæc diximus ex *l. 3. servum creditoris*, obligationem recte constitutam nova pactione in melius, non in pejus reformare posse, et quid esset reformare, pacta formare et reformare contractum, formare initio, reformare ex intervallo pactione nova : sic loquitur *l. 3.* et quodammodo novum contractum fieri, et pertinere eam regulam etiam ad filiosfam. et procuratores, et omnino ad alios quoscunque vicarios, et perdere suum officium domino contrahente per servum : nam in eo contractu servo licere pacisci, etiam id, quo domini conditio deterior fiat, vitari servo non acquirente, ubi exposui sententiam legisult. inf. de acq. poss. vitari servo delinquentem, propter noxalem actionem, quam patitur dominus ex maleficio servi : sed id constituit non posse in liberis hominibus quibus nulla competit actio noxalis, ubi satis difficilem enodavi locum *l. 3. §. proinde*, *D. de hom. lib. exhib.* et adduxi interpretationem *l. 23. hujus tit.* quæ idem in filiosfam. constituit, quod *l. 3. in servo*, et ne quid eorum, quæ Accurs. tractavit prætermitterem, separavi rem dominicam a

re peculiari: in re dominica nihil servum posse in fraudem domini, in re vero peculiari omnia posse, quasi dominum, dum ne quid agat donandi causa. Idem in filiofam. et procuratore, donando nihil agere, etiam si habeant liberam honorum administrationem: idem in votis observari: deinde alios casus explicavimus, quos tradit hic Accurs. servis propriis non communes cum filiofam. Primus hic fuit, si servus se emi extero mandaverit vel simpliciter, vel addita lego ut manumitteretur, vel ut revenderetur: ubi satis hori disserui, quæ esset sententia *l. servus meus*, et *l. cum servus*, *D. mand.*

Nunc tractabo reliquos casus, et breviter, quia hujus loci non erant, traditos ab Accurs. quibus domini non tenebatur de peculio: hi tres sunt casus servis proprii: nam etiam his casibus pater tenebatur de peculio, sed non dominus. Si servus fidejusserit pro alio extra rem dominicam, vel peculiarem: debuit plenius dicere Accurs. si intercesserit pro alio, *l. in persona*, §. 1. *D. de part. l. 3.* §. *si filiofam.* *D. de pecul.* si servus compromiserit in arbitrum: hic est 2. casus, et 3. si iudicium suscepit et condemnatus fuerit, et iusjurandum detulerit: his casibus ex sententia Sabinii, quæ obtinuit, quia servus neque est intercessor, nec litigator idoneus, dominus de peculio jure prætorio non tenebatur: et quemadmodum ex his casibus servus ipse, nec naturali quidem jure teneri videtur, qui alias ex contractu, vel quasi contractu naturaliter obligatur, idque ex Sabinianorum disciplina ut dicitur in *l. 3.* §. *si filiofam.* ex Sabinii et Cassii sententia, et duab. seqq. *D. de pecul. l. depositi*, §. 1. *l. quoties*, §. 1. eod. tit. *l. 10.* et 20. *D. de fidejuss.* contra tamen eam definitionem adducitur *l. quidam*, *D. de iurjur.* quæ dicit dominum teneri de peculio quosdam putare, si servus auctori detulerit iusjurandum in iudicio, et ut eam *l.* adducant in concordiam, frustra laborant, quandoquidem in *l. quidam* refertur sententia Proculianorum quidam putant, nempe Proculiani: sed dicendum est, obtinuisse sententiam Sabinianorum, et supradictis casibus cum intercessit servus pro alio, quia non idoneus est intercessor, nullus est intercessor: vel cum compromisit in arbitrum: vel cum iudicio sistit et accepit, subitque condemnationem: vel cum in iudicio auctori iusjurandum detulit, quia servus non est litigator idoneus, non est idonea persona, quæ possit stare in iudicio. Ideo ex his casibus non obligat dominum de peculio, perinde ac si ipse nec censeatur naturaliter obligatus. His casibus exceptis, servus obligatur iis, cum quibus contrahit, sed præterea ad causam peculiarem obligatur naturaliter, et consequenter dominus de peculio: et hæc sufficient ad *l. 3.*

Ad L. IV.

Postquam liti de prædio motæ renunciasti, causam finitam instaurari posse nulla ratio juris permittit. PP. IV. id. Feb. Albino et Emiliano Coss.

Ait *l. 3.* postquam liti de prædio motæ renunciasti, etc. Fuit igitur lis de prædio rei vindicatio, puta: qui vindicabat prædium, renunciavit liti, renunciare liti videtur actor, qui postquam litem contestatus est, deserit eum in totum quam contestatus est eum alio, eum agendi deponit animum. *l. Papinianus*, §. ult. et *l. seq. D. de minor. l. destitisse*, *D. de judic.* quibus locis J. C. utitur verbo renunciandi: sed exemplum esse necesse est, ut res sit dilucidior: finge: impugnat aliquis testam. per querelam, vel ex causa exheredationis, vel ex causa præteritionis, quasi inofficium, vel quasi injustum testam. deinde mittit istam questionem omnino, et legatum ex testam. petit: videtur renunciasse priori questioni, priori liti, quia, quod ante impugnabat testamentum, id amplectitur modo, et ex eo legatum sibi deberi intendit: et aperte dicitur hunc videri renunciasse liti *l. si filius*, *D. de minor.* Et hoc quidem modo, qui renunciat liti, tacite pactus videtur, ne amplius eo genere actionis experiat: deseritur lis, id est, si quis a lite desistat in universum: actionis tacita remissio est, sive tacita pactio, ne amplius agatur: transactio non est, quia nihil datur, retinetur, promittitur, *l. transactio*, tit. seq. et ob id recte hæc lex posita est sub tit. de pact. quia renunciatio liti tacita pactio est, ne eadem lis redintegretur omnino, *l. qui destitit*, *D. ad SC. Turp.* qui destitit, agere amplius et accusare prohibetur: qui destitit, id est, qui abstinuit lite in universum, quæ pertinet ad SC. Turpilianum, sub quo est posita, quia qui destitit ab accusatione non tantum eam accusationem non potest repetere ex integro, sed plectitur quasi calumniator, et tergiversator ex SC. Turp. nam nobis est tergiversator, qui in universum destitit a lite, et qui tergum vertit, qui omnino destitit a lite sed alias tergiversari dicimus eum, qui in universum a lite non desistit, sed in ea conelatur, moratur, frustratur, moras necit, trahitque, unde veteribus glossis tergiversatio est φιλοδίκη, et περιεργαφία, μάλισμός, et conelatio hæc non coercetur, qui etiam desistit in universum ab actione civili, non coercetur, sed qui ab accusatione in totum desistit, coercetur: quia habetur pro calumniatore, id est, calumniatus ab initio improbe videtur: ergo ut proprius ea, quæ pertinent ad legem explicemus, si is, qui destitit a lite civili, denovo eadem actione experiat, repellatur exceptione pacti, quia tacite pactus videtur, ut

amplius agat, vel exceptione doli, vel in factum. Ergo renuntiatione ipso jure non finitur, sed per exceptionem: et ita sunt accipienda verba *causam finitam instaurari non posse*. Causa vel lis finitur transactione, pactione, iudicio, longo silentio, nec quæ ex his aliquo modo finita est, ejus litis instaurandæ jura est: utuntur sæpe auctores nimirum his verbis, *instauranda litis*, maxime in *lit. seq.* quæ et veteres glossæ his verbis interpretantur *παλινδixας*, quæ post rem iudicatam instituitur uno verbo reparatio appellatur. Nicetas in Alexio, ἀπὸ τοῦ παλινδixας, et Hesychius, παλινδixia ἡ ἐξ ἀπ' ἧς δixη: sed et quælibet litis quoquomodo finitæ retractatio *παλινδixia* est. Ergo hæc lex 1. quæ vetat postquam liti de prædio motæ renuntiatum est, causam finitam instaurari posse, vetat *παλινδixας*. Porro hoc loco Bartolus instantiam confundit cum lite, ineptissime: differre ex eo liquet, quod litis bonæ malæ esse instantia potest, *l. et post edictum, D. de judic.* Tertullianus libro de patientia: *quoties instantia*, inquit, *ejus deterior inventa est causis suis: instantia*, inquit, *deterior fuit lite*, id est, sæpe qui bonam causam habent, id est, justam litem, hi eam exequantur male, id est, instant male, urgent male: id etiam ex eo liquet, quod etiam si is, qui renunciavit liti, videatur renuntiare instantiæ, non continuo renuntiat liti: cui perit instantia, non continuo perit lis, *d. l. et post edictum*: si actor, qui impetravit tria edicta et postremo peremptorium edictum, si die cognitionis non adit, circumscribitur edictum, id est reo, qui venit eo die, quo jus datur, paruitque edicto peremptorio, ahendendi jus datur: quia ex circumductione edicti sequitur peremptio instantiæ. Lis salva manet, quia licet ex integro litigare, cui perit instantia, non perit etiam lis: et ita etiam ex *l. proponebatur, D. de judic. et l. ult. ut inter. tem. crimin. quæst. tem.* si non peragatur causa civilis intra biennium, causa criminalis intra triennium, lapsu biennii, aut triennii perimetur instantia, id est, relaxabitur reus observatione iudicii, non perimitur actio, lis: nam contestatione lis perpetuatur, tantum abest, ut a contestatione intra biennium duntaxat perduret, *l. aliam, D. de novat.* id est, si sit actio temporaria, contestatione fit perpetua, et si sit perpetua, per contestationem prorogatur in annos 40. cum tamen non solet perpetua actio durare ultra annos 30. *l. ult. inf. de præsc. 30. anno.* et ita Accurs. hic annotat recte, cujus omnia quæ in hac lege annotavit, mihi magnopere probantur, non minori studio, quam quæcumque post Accurs. aut contra Accurs. dicta sunt a me improbantur. Instantia ergo quid sit, liquet ex his, quæ supra dixi: quid est instantia? est observatio ejusdem iudicis

iudicii, est in eodem iudicio constans permutatio, et perseveratio, lis plus quiddam est, lis complectitur actionem: sed, ut dixi, Bartol. male confundit litem et instantiam, docet ita agi: conventio facta in una re, non nocet in alia re, propositio est vera, falsa assumptio hæc: conventio, de qua agitur in hac l. est de instantia, quia est de lite, et lis nihil aliud est, quam instantia, ergo hæc conventio, de qua agitur in hac l. non debet nocere in actione, id est, is, qui renunciavit liti, non videtur renuntiare actioni. Resp: falsam esse assumptionem, litem nomine significari non tantum instantiam, sed et actionem, *l. litis, D. de verb. signif.* quam interpretatur *l. lis nulla, D. de judic.* conjuncta cum *l. cum servo, D. de reg. jur.* conjungenda esse alia alii, nam et utraque est ex eodem libro Cui primo ad edictum provinciale: unus ait, litem nullam esse cum filiofam. alia ait, nullam actionem esse cum servo. Ergo litem nomen complectitur non instantiam tantum sed et actionem, et cum liti renuntiamus, actioni renuntiamus: liti ergo renuntiatio actionis remissio est, si non ipso jure, saltem per exceptionem. Nam quod ait Bartol. respondens eum, qui renuntiat instantiæ, videri renuntiare, falsum esse docuimus supra: nam cum perit instantia actionis, non perit actio, non est ergo verum eum, qui renuntiat instantiæ, renuntiare actioni, probat male arg. *l. illud, D. de acq. hæred.* ubi ponitur testamento hæres scriptus is, qui etiam poterat testatori ab intestato succedere, et eum repudiare hereditatem legitimam: per hereditatem legitimam, quam repudiat, inquit lex, videtur etiam repudiare testamentariam, quia necesse est repudiari prius hereditatem ex testamento, quam deferri ab intestato: unde eodem modo, quo repudiat hereditatem legitimam ab intestato, quæ posterior est, videtur ex testamento repudiare: unde ita colligit: prior est actio instantia, hoc est certum: ergo, qui repudiat instantiam, statim repudiat actionem, quæ instantia prior est: atque ita a descriptione *d. l. illud* vel sibi, vel nobis imponit: sed considerandum est in *l. illud* duas esse jure repudiandas hereditatis modos: unum ex testamento, alterum ab intestato: posteriori jure repudiato, consequenter repudiari prius: sed in specie, quam tractamus unum est jus, una actio, quæ certe non remittitur, licet persequendi instantia remittatur: posterioris juris remissio est et remissio prioris, quoties consequitur aliud ex alio, quæ consequutio non est cum unum jus tantum est: id ergo manet semper, nisi remissum est nominatim, id est, actio salva est, etiam si ea agere non pergam, aut si ea exequenda non instem: male et idem auctor ait, post litem contestatam non posse remitti instantiam, nisi primum remittatur actio, quod etiam falsum esse h-

quet ex superioribus, ex *d. l. et post edict. et l. properandum*, quibus locis ostenditur perire instantiam, etiamsi prius non perierit actio, nec post peremptionem instantie perire etiam litem: ergo qui renuntiat instantie, ut sit utilis renuntiatio, non necesse est, ut prius renuntiet actioni; sed accuratius separanda est lis et instantia, nec admittenda est differentia utriusque vocabuli illa, quam introducit Bartol. qui etiam ut probet non posse renuntiare instantie, nisi renuntietur actioni, male adducit *l. edita 3. de eden.* quæ dicit actionem editam mutari posse, vel emendari: mutatur actio, cujus nomen mutatur: emendatur actio, cujus nomine intentio, quædam alie partes mutantur: ex eo male colligas, te non posse instantiam remittere, nisi prius remiseris actionem. Idem male probat, ante litem contestatam renuntiare posse instantie, futuræ, scilicet, licet non renuntietur actioni: id probat ex *l. et post edictum D. de judic.* ante litem contestatam renuntiare posse instantie futuræ, licet non renuntietur actioni, ac si ea, quæ dicuntur in *l. et post edictum* referantur ad tempus, quo lis contestata non est, cum longe aliter se res habeat: nam quæcumque habentur illo titulo de tribus edictis et peremptorio, post litem contestatam locum habent, cum actor, aut reus deserit litem contestatam, quod significat *l. et tertium, eod. tit.* cum utitur verbo tergiversari: nam numquam dicitur tergiversari, nisi post litem, *l. 1. ad Turpil.* quæ loquitur de eadem re, dum ait, si litem inchoatam deserit, et Harmenopolus *lib. 1. epit. tit. 4.* qui addit post litis contestationem, *πρὸς ἀποκρίτην*, atque etiam Eustathius *lib. πρὸς χρονον, πρὸς δὲ ἀποκρίτην*. Ergo ex *l. et post edictum* id potius colligam, eum, qui post litem contestatam renuntiat instantie, non videri renuntiasse actioni, et cui post litem contestatam perit instantia, non perire etiam actionem: eum, qui post litem contestatam renuntiat instantie, non videri renuntiare actioni: idem ait male, hodie etiam post actionem dictatam, editam et adversarium vocatum in jus, non posse actorem discedere a lite, ex *Nov. de litigio. 112.* Bartol. ex ea Nov. definit eum, qui vocavit adversarium in jus non posse pœnitere et abstinere improba lite, sed in ea perseverare debere usque ad finem, cum hæc Nov. vetet tantum differri litem: non desistit a lite, qui differt, *l. destitisse, ff. de judic.* eum, qui semel egerit, actionem dictaverit, debere litem exequi usque ad finem, non inde vero affirmo eum non posse in universum desistere: illa Nov. vetat tantum differre litem: ergo dum vult, ut agere perseveret, hoc vult, ut ne cuuctetur, moretur, frustretur, differat negotium, ut uno tenore rem peragat, non etiam, ut si hoc satius esse adverterit, lite abstineat in universum, et bonam fidem agnoscat:

ea verba hujus Nov. effecerunt, ut plerique putarint hodie actionem semel editam non posse mutari, vel emendari, cum dicat Nov. esse perseverandum usque ad finem: sed nihil eis verbis permoveri debemus: nam facile admittetur, ut debeat quis perseveranter exequi eandem litem sine interruptione, aut mora ulla, qui dictavit actionem aptam negotio proposito: ergo si ea actio, quam elegi fuerit congrua, debeo eam constanter exequi: sed si non fuerit congrua, integrum mihi erit mutare, vel emendare ex *l. edita*. Sed sunt in eo auctore permulta, quæ quia sunt facilia, vobis legenda relinquemus die crastina veniemus ad *l. 5.*

Ad L. V.

Creditori tuo si partem pecunie exolvisti, de parte vero non petenda inter te et eum cum convenit ob causas negotiaque ejus tuo patrocinio, fideque defensas, ea obligatione partim civili jure, partim honorario liberatus es. Nam exceptio perpetua pacti conventi, vel doli, residui petitionem repellit: cum et solutum per ignorantiam repeti potuisset: PP. VIII. Kalend. Aug. Romæ Ant. A. 4. et Bulbino Coss.

Lex 5. scripta est ad Demagoram, qui ut nomine, ita re erat Demagoras, id est, patronus causarum, ut verba hujus rescripti demonstrant *ob causas tuo patrocinio defensas*, et species hæc est. Advocatus quidam debuit Titio centum: solvit ei 50. et de reliquis 50. cum Titio pepigit ne peteretur. ut scilicet, ut lex ait, hanc sui patrocinii, quo Titii causas defendendas susceperat, veluti mercedem retineret: queritur, an advocatus omnino liberatus sit? et ajunt Impp. eum esse liberatum partim jure civili, partim prætorio: liberatus est jure civili pro parte, quam solvit, jure prætorio pro parte, de qua non petenda pepigit. Solutione jure civili liberamur, ergo ipso jure: pacto jure civili non liberamur, §. præterea, *Instit. de except.* nam integra est creditori actio, etiam si cum eo pepigerim ne peteretur: jure tamen prætorio per pactum liberamur, id est, per exceptionem pacti conventi, vel doli, vel in factum; nam hæc tres exceptiones concurrunt semper: et ita in hac *l.* verbum *liberatus* b. fariam accipitur, ut solutione liberatus sit ipso jure: pacto per exceptionem: cur non etiam pacto liberatur ipso jure? quia ut certi sunt modi constituendæ, ita et tollendæ obligationis, et vero certos etiam modos esse tam constituendæ, quam tollendæ obligationis necesse fuit: quæ de causa, quod alicui deberi cœpit, certis modis desinit deberi, *l. obligationum, §. placet, ff. de oblig. et act.* Et hi modi sunt solutio, delegatio, novatio, acceptilatio, contrarius actus: unde ita colligamus ut M. Tullius in orat.

pro Cæcinnæ, si per has rationes liberari majores voluerunt, intelligamus alio modo noluisse nos liberari pacto, ipso jure scilicet, sed Prætor liberationem introduxit per modum viamque exceptionis: et hoc est quod dicitur, pacta jure non contineri, sed facta: in pacto jus non contineri, sed factum: pacta facti esse, non juris, *l. si unus, §. pactus, ff. de pact.* eadem ratione, qua dicitur in *l. inter. ff. de adm. tut.* divisionem tutelæ non esse juris, sed jurisdictionis: divisio nominum est juris, quia fit inter heredes ex 12. tab. pro portionibus hereditariis, divisio tutelæ non est juris, sed per Prætorum fit: et ita pacta non sunt juris, id est, vim suam non exercent ipso jure, sive *αὐτομάτως* id est, sua sponte, sua vi, nullo intrinsecus adhibito adiniculo: denique pacta vim suam non exercent sponte sua per se, vel ipso jure, sed Prætoris auxilio, id est, facta, nimirum exceptione opposita et allegata postquam postulata fuerit: nam si mihi debeantur C. et pepigerim de non petenda pecunia; erit efficax actio in C. si debitor non petierit exceptionem pacti. vel si non opposuerit: omnino enim exceptiones factum exigunt, *l. Papinianus, ff. de Publ. in rem act.* cum non opponitur exceptio, qua tutus est reus, redditur actio efficax: ergo facta opus est, ut vis pacto supersit aliqua: nam ipso jure pacta vim suam neque exerunt, neque exercent: qua de causa necesse erit petita actione, vel data creditori in jure, debitorem postulare exceptionem adjungi actioni: nam is erat mos, ut actioni statim adjungeretur exceptio in jure, id est, apud Prætores, non in judicio, *l. 7. de cond. instit. in ipsa actione*, inquit, *exceptione tuendus esset promissor*: quæ verba sunt notanda, quia actioni mox additur exceptio, quæ postulata est: et ut ait Cornificius 1. ad Herenn. in privata actione prætorie exceptiones sunt: et ita accipitur *l. ex. contractu, ff. de re jud.* dum dicit, ita dari actionem judicati, nisi culpa tutorum pupilla condemnata est, id est, dari actionem judicati addita illa exceptione, quæ addebatur in jure, ut dixi, quia in jure dabatur actio, non in judicio: nam in judicio raro queritur an sit actio, vel exceptio, cujusmodi quæstiones Rhetores vocant translationes, et docent recte hujusmodi quæstiones incidere plerumque in jure, ut idem Cornificius eodem loco, et M. Tullius 2. *de invent.* cum queritur an sit actio, an is agat, quem oportet agere, an agat cum quo oportet, an quo tempore, quo loco, hæc omnia disceptantur in jure, id est, apud Prætores: nam et ibi, inquit Tullius, postulatur exceptio, et agendi potestas datur, et conceptio privatorum judiciorum constituitur. Itaque est quodammodo duplex actio: nam apud Prætores cui, quo, quando, et de loco omni disputatur,

Tom. IX.

postulatur actio et exceptio: deinde coram judice dato eadem de re queritur diligentius, de qua tamen quæsitum apud Prætores fuerat: in jure, inquit, postulatur actio, et quodammodo agendi potestas datur. Ergo actio vim suam exercent, creditum pecuniæ scilicet, etsi cum debitore pactum esset de non petenda pecunia, nisi postulaverit in jure debitam exceptionem pacti conventi, quia pactum vim suam non exercent ipso jure, sed per Prætoris interventum, et dare Prætor pollicetur exceptionem: et ideo ait, in edicto se pacta jura servaturum, quæ contra leges, constitutiones, bonos mores non fiant, et alias exceptiones se servaturum, et *lex 3. ff. commun. divid. pacta*, quæ inter se pepigerant coheredes sine dolo malo iudicem servare debere: ergo pacta valent, quæ servantur per Prætores, vel per judicem, non per se, ipso jure: ex eo liquet, in pactis jus non contineri, sed factum, id est, facta indigere Prætoris auxilio: est ergo hæc vis pacti, ut pariat exceptionem. Est alia vis pacti in hac *l.* ut pariat conditionem indebiti, quæ hic notatur his verbis, *cum et solutum per ignorantiam repeti potuisset*, si is, qui tutus est exceptione pacti conventi per errorem facti solverit (nam error juris non dat conditionem indebiti, sed tantum facti) ergo si is, qui tutus est exceptione pacti conventi solverit, per errorem scilicet facti, habet conditionem indebiti, *l. qui exceptionem, §. ult. ff. ult. ff. de cond. indebiti*. Si libertus, qui debet operas officiales patrono, pactus sit ne peteret operas patronus quicquid ab eo liberti solutum postea erit, condici poterit, *d. §. ult. et hæc conditio indebiti argumento ex sublata naturalis obligationis*: nam si maneret naturalis obligatio, sicut civilis, non daretur conditio indebiti, *l. si non sortem, §. libertus, l. Julianus, et l. si quis jurasset, ff. de cond. indebiti, l. ult. ff. de prejur.* Quod ergo dicimus dari conditionem indebiti ei, qui solvit pecuniam debitam per errorem facti, cum posset se defendere exceptionem pacti, hoc præstat argumentum sublata naturalis obligationis per pactum; ex quo liquet, etiam quanta sit vis pacti: nec enim parit tantum exceptionem debitori, sed et si ignorans solverit, non opposita exceptione pacti, parit conditionem indebiti: ut inde ita concludamus, pacto civilem obligationem ipso jure non tolli, per exceptionem tolli, naturalem obligationem ipso jure tolli, nec mirum cum et ex pacto naturalis obligatio nascatur, cum et pariat naturalem obligationem, *l. in his §. Imperator, ff. de solut. et liber.* quæ dicit usuras debitas ex stipulatione deberi civiliter, ex pacto deberi naturaliter: ut si pignus pactus sum de non petenda pecunia, deinde paciscor de petenda eadem pecunia, hoc pactum posterius restituit naturalem obligatio-

6

nam, quam sustulerat prius: ejusdem est tollere et parere obligationem: si ergo parit naturalem obligationem, et tollit, necessaria consequentia. Porro duplex est naturalis obligatio, una est nuda et sola sine auxilio juris civilis, quæ sola æquitate utitur naturali, non civilis juris præsidio: ut ecce si pupillus mutuam pecuniam acceperit, ex qua sit factus locupletior, non obligatur jure civili, solum naturali jure obligatur, cui obligationi accedere potest fidejussor, qui tamen obligabitur etiam civiliter per stipulationem: hæc ergo obligatio pupilli est naturalis nuda, et hanc nemo ambigit tolli pacto, *l. Stichum, §. naturalis, ff. de solut.* quæ loquitur de obligatione hac naturali, quæ tenetur pupillus, et ait lex obligationem hanc tolli numeratione pecuniæ, hoc est certum, tolli jurejurando, ut si juraverit pupillus dari non oportere: nam et jurejurandum expungit naturalem obligationem. Igitur naturalis obligatio tollitur non tantum solutione, sed et jurejurando, et justa pactione: pactione, quæ non sit contra bonos mores, contra leges, consuetudines, ex qua sit justa exceptio, ut nostri auctores loquuntur: si pactio est justa, erit et exceptio justa, *l. non videtur, de reg. jur. l. 1. ff. quod vi aut clam*: justa exceptio est, quæ nititur æquitate defensionis, justum pactum est, quod nititur æquitate conventionis probæ et legitimæ. Ergo naturalis obligatio pacto justo tollitur: nam, inquit, vinculum æquitatis, quo solo sustinebatur naturalis obligatio (ut inde definire quis possit naturalem obligationem vinculum æquitatis) sublatum est æquitate conventionis et vinculo æquitatis: æquitas æquitatem tollit et elidit, quod æquitate naturali continetur, æquitate naturali eliditur. Ideoque si pupillus fuerit liberatus his modis numeratione pecuniæ, pacto, vel jurejurando, liberabitur fidejussor et his casibus ipso jure: sed fidejussor ipse pupilli per has rationes non liberatur omnimodo, quia fidejussor pupilli obligatur civiliter: civilis autem obligatio non tollitur pacto, nec jurejurando. Igitur sic liberato pupillo liberabitur fidejussor, sed si fidejussor aget, non liberabitur: loquitur etiam ille *§. naturalis* de mera naturali obligatione, et palam docet, eam tolli pacto ipso jure, id est, *αὐτοπαράτος*. Est alia quædam naturalis obligatio, quæ mixta est et implicita civili obligationi: ut ecce obligatio ex empto est civilis, quod mihi concedent omnes: nam emptio est civile negotium: sic erit et civilis obligatio, et naturalis, quia dicitur esse juris gentium, *l. juris gentium, ff. de pact. §. jus autem gentium, Instit. de jur. natur.* jus autem gentium et naturale idem est, et naturalis æquitas et naturalis ratio. Est ergo obligatio ex empto tam civilis, quam naturalis, et hanc etiam tolli pactione, na-

turalem scilicet, quæ mixta est civili, arg. hoc probant: condictio indebiti, quæ datur ei, qui cum tutus esset exceptione solvit ignorans, non datur, nisi cum quis jure naturali liberatus est, et cum nactus est exceptionem congruentem cum jure naturali, cujusmodi sunt hæc exceptiones, pacti exceptio, jurisjurandi exceptio ex SC. Vallejano, exceptio non numeratæ pecuniæ: his exceptionibus, qui munitus est, liberatus est exceptione naturali, et si solverit per ignorantiam, condicet quod solverit, hoc est certum. Sed quædam sunt aliæ exceptiones, quæ non consentiunt cum jure naturali, imo abhorrent a jure naturali, ut exceptio SC. Macedoniani, veluti si filiofamil. mutuam pecuniam acceperit, tam filio, quam patri ejus datur exceptio ex SC. adversus creditorem, non tam ipsa naturali æquitate, quod sit æquum non teneri filiofamil. qui mutuam pecuniam acceperit, nec enim hoc æquum, sed odio creditoris et pænæ causa, quia, ut sæpe fit, filiofamil. creditur incertis nominibus, id est, ita ut solvat morte patris, quod est ominosum, quæ spes dicitur incerta Livio 40. et ita qui credit pecuniam, incerta spe, incerto nomine credit, et ideo is, qui nactus est exceptionem SC. Macedoniani, non liberatus est obligatione naturali, et si solverit etiam per errorem, non repetit quod solvit, *l. qui exceptionem in pr. l. si pænæ, ff. de cond. ind. l. quia naturalis, ff. ad Maced.* Eadem est ratio exceptionis rei judicatæ: nam judicato non expungitur naturalis obligatio, *l. Julianus, l. judex, ff. de cond. indeb.* et ideo si qui erat absolutus sententia judicis solverit, non condicet quod solverit, quia erat obligatus naturaliter: nec enim sententia judicis avocat naturalem obligationem: eadem est ratio exceptionis ejus, quæ datur marito, socio, parenti, patrono, patruo, aliisque personis, ne supra quam facere possint conveniantur, in hæc verba: *si non in solidum facere possum*: hæc exceptio non parit condictionem indebiti, quia et qui eam habet, non liberatus censetur naturali obligatione, *l. nam et maritus, ff. de cond. indeb.* eadem ratio est exceptionis, quæ datur ex edicto, quod quisque juris in alium statuerit, adversus eum, qui iniquum jus impetravit, id est, non datur hæc exceptio, quod sit æquum liberari debitorem, sed quod sit æquum plecti creditorem, *l. 3. in fin. quod quis. ju.* Et hæc exceptiones, quæ ita dantur, quod sit æquum ulcisci creditorem, non expungunt naturalem obligationem; verum pacti exceptio hanc tollit, quia æquum est liberari eum, qui pepigit ne ea teneretur cum voluerit creditor eum liberari: unde concludendum est, pacto tolli naturalem obligationem, sed qui secus arbitrantur argumentantur male ex *l. si unus, §. pactus, D. de pact.* satis inconsulte

colligunt, pacto non tolli naturalem obligationem. Quidam pactus erat non petere, deinde pactus est, ut peteret: lex ait, prius pactum per posterius ipso jure non tolli: exinde colligunt, pacto naturalem obligationem ipso jure non tolli: ratio constituenda est hoc modo: prius pactum per posterius non tollitur ipso jure, prius pactum peperit obligationem naturalem, ergo hanc naturalis obligatio per pactum non tollitur ipso jure: probanda assumptio: prius pactum per posterius non tollitur, quale fuit pactum de non petenda pecunia, de liberando ergo debitore quid? an potuit liberare debitorem et parere obligationem naturalem? sic sene: qui liberat novum, alterum obligat ad liberandum: potest idem liberare unum, et obligare alium, non aliud, sed ad id, quod pepigit: ergo qui pepigit ne petat, naturaliter obligatus est ne petat, ergo pactum de non petenda pecunia peperit naturalem obligationem. Igitur, quia prius pactum per posterius non tollitur ipso jure, naturalis obligatio, quam prius pactum peperit, pacto non tollitur ipso jure: sed circumscribitur, nisi subvenimus: nam respondendum est, in eo §. pactus, non esse referenda ejus verba ad jus naturale, sed ad jus prætorium: nam in hoc tractatu inspicienda sunt tria jura, jus naturale, jus prætorium, jus civile: pacto non tollitur civilis obligatio ipso jure, pacto tollitur per exceptionem jure prætorio: jure naturali tollitur obligatio naturalis ipso jure, et in eo §. pactus, tractatur de jure prætorio, non de jure naturali: et hic est sensus. Prius pactum non tolli per posterius ipso jure, sed replicatione, facto opus esse: ne confundamus jus naturale cum jure prætorio, et ne accipiamus unquam promiscue: in eo §. JC. utitur verbis tollendi, elidendi, et exceptiones, seu replicationes dicuntur non tantum elidere, sed et perimere, excludere, infirmare, tollere: et sene elidere nihil aliud est, quam consumere, ut cum deis populum pro populo, elidis et consumis literam: et sic cum pacto pactum elidi dicis, pacto pactum absumi dicis, sed hoc lit facto, id est, adhibita replicatione, non ipso jure: ergo habemus ex l. 5. obligationem pacto tolli non ipso jure, sed per exceptionem: et ideo Demagoram pro ea parte pecunie, de qua non petenda pepigit, non esse liberatum jure civili, sed prætorio, id est, prius pactum per posterius elidi non jure ipso, sed facto. Sed hic tamen advertendum est huic definitioni opponi posse, liberationem ipso jure fieri per compensationem, l. posteaquam, D. de compens. olim erat controversum, sed hodie est certum, compensationem fieri in omnibus judiciis ipso jure. Demagoras debebat pecuniam Titio, sed illi debebatur merces obdefensu Titi negotii: erat com-

pensationi locus, quæ cum procedat ipso jure, videtur Demagoras liberatus ipso jure: possumus respondere, eaque ratio cuilibet occurrit, compensationem non fieri, nisi debitum sit liquidum, quod est certum et confessum, l. si debens, D. de compens. l. ult. inf. de compens. merces, quæ debebatur patrono, non adeo erat liquida, aut confessæ, sed nolo, quamquam possum sane hac ratione uti, sed ntar ista, quia cum pepigit Demagoras de non petenda pecunia, et adjicit rationem ob negotia, quæ men patrocinio defendi, hæc ratio demonstrat Demagoram omisisse jus compensationis, et elegisse conventionis: die crastina explicabimus l. 6. et 7.

Ad. l. VI.

Pacta, quæ contra leges Constitutionesque sunt nullam vim habere in lubitu juris est. PP. Kal. Aug. iisdem Cons.

Explicaturus sum l. 6. in qua ita scriptum est, *Pacta, quæ, etc.* hæc dicitur velus regula juris, l. ult. infra hic, et sumitur ex edicto Prætoris. l. juris gentium. §. ait Prætor, D. de pact. l. pen. infr. hic. pacto ergo, quæ contra leges, consuetudines, vel bonos mores sunt, nullam vim habent, id est, neque jure civili, neque prætorio, neque naturali jure: ergo nec actionem, vel obligationem ullam pariunt, nec exceptionem. nullam vim habent, quam sumunt vel ex naturali, vel civili, vel Prætorio: ex civili actiones, jure prætorio exceptiones, sed nihil ex his suppeditatur his, qui contra leges, vel bonos mores pacti sunt: de jure civili est certum, cum nec stipulatio contra leges, aut bonos mores interposita ullam vim habeat, l. juris gentium: §. paciscar, D. de pact. et pacta etiam justa actionem jure civili non pariunt, obligationem jure naturali pariunt, et prætorio exceptionem. Justa pacta dicimus, quæ non abhorrent a jure naturali, l. Stichum, §. naturalis, D. de solut. l. epistola, §. 1. l. tale, §. 1. D. de pact. Quidam justa pacta adversa faciunt nullis, ac si quæ justa sint nuda, quod falsum est: omnia cum pacta, tam justa, quam injusta, nuda sunt; et pactis nudis opposuimus contractus, quasi contrarios: utrumque enim est conventio, hæc obligatoria, illa non obligatoria: at cum nuditate pacti simul esse justum potest: denique pacta alia sunt justa, alia injusta. Justa lex non tuetur, Prætor tuetur, et natura probat: injusta pacta nec lex, nec natura, nec Prætor, nec iudex tuetur: et quod dicitur sæpe, Prætorum pacta servare, custodire, sequi, id de justis tantum dicitur, d. l. juris gentium, §. Prætor ait, l. epistola, §. pen. et l. tale §. 1. D. de pact. l. 3. D. comm. divid. injusta, aut turpia, ne apud Præto-

rem quidem, vel judicem ullam vim habent: rursus alia sunt pacta legitima alia non legitima, et omnia nuda: quia nullum esse potest pactum, quod non sit nudum, qualitatem vudi a pacto separari non posse, aut nunquam separari: unde pacta nuda alia facimus justa, alia non justa: illa non tueri Prætores, hæc tueri: rursus facimus alia legitima, alia non legitima, nec idem est justum et legitimum: justum pactum est, quod congruit cum æquitate naturali, ut si accepto pignore creditor paciscatur cum debitore, ut quæ tributa solverit prædii pignoratit nomine, ea a debitore repetat, justum est pactum, quia congruit æquitati, *d. l. epist. §. pen.* justum ergo est, quod æquitati conveniens est et accommodatum: legitimum est de quo lex scripsit, aut lex scripta nominationi confirmat, ut pactum de injuriis, quod confirmatur *lege 12. tab.* et ideo perimit actionem ipso jure, *l. si tibi, §. 1. D. de pact. l. legitima, D. de pact.* Legitimi pacti hæc est vis, ut vel pariat ipso jure vel perimat actionem, cum tamen justii pacti hæc non sit vis. Si quis ergo paciscatur de injuriis, id est, si condonet injurias, pactum hoc legitimum est: et ideo actionem injuriarum ipso jure perimit sine auxilio exceptionis, sine tuitione Prætoris: nam ita erat scriptum in veteri jure: *si membrum rupit, ni cum eo pacit, talio esto: si membrum ruperit, actio injuriarum esto, ni cum eo pepigerit: quibus verbis significat lex, nolle agi injuriarum, si pacto perdona, ut ait Quintil. fuisse injuria: nam si donare est rectum, cur non et perdonare, et condonare? Quintilianus avus non nepos: et sic etiam pactum de furto legitimum est; nimirum ex eadem *lege 12. tab. l. juris gentium, §. si paciscar, D. de pact. de furtis* paciscit: lex non vetat, id est, *lex 12. tab.* nam cum legem dicimus, legem 12. tab. intelligimus: et sic existimo hæc verba, quæ occurrunt, *pro fure damnum decidere*, quæ significant pacisci de furto, et redolent antiquam dicendi rationem: ea, inquam, verba existimo esse ex *lege 12. tab.* quæ de furto pacisci permittit: et uti liberi homines manifesto furto prehensi addicantur his, quibus furtum factum esset, et videtur fuisse adjecta exceptio, nisi quis pro fure damnum decidisset: nam pactione volebat *lex 12. tab.* perimi furti actionem: et ita *l. si ea causa, §. sed si cum, D. de minor. l. inter omnes, §. hæc actio, D. de furt. et l. si pro fure, D. de cond. furt.* quæ est ex libris Ulpiani ad Sabinum: et quod proponitur initio est ex Sabino, *si pro fure damnum deductum sit condictionem non impediri, verissimum est, ea verba sunt Sabini: sequuntur verba Ulpiani: decisione enim furti quidem actio, non autem conditio tollitur, id est, pacto tollitur furti actio ipso jure, non conditio furtiva: quod sequi-**

tur, furti actio pænam petit legitimam, conditio rem ipsam, est ex Sabino, ad quod subjicit Ulpianus: ea res efficit, ut neque furti actio per condictionem, neque conditio per furti actionem consumatur. Ergo quod scriptum est in libris nostris, *pro fure decidere*, est ex 12. tab. quæ de furto pacisci permittebant, et palam perimi actionem furti volebant decisione damni pro fure, id est, ipso jure tolli actionem furti, integra manente condictione furti. Intelligimus quid sit justum pactum, quid legitimum pactum: quodcumque pactum, etiam si non sit legitimum, modo cum æquitate naturali congruat, justum esse. Legitimum dico quod lex scripta nominationi confirmat, et ita Hermogenes, Aptonius, et ceteri rhetores differentiam faciunt inter justum et legitimum esse dicunt, ut liberatores patriæ premio afficiantur, et proditores pæna: quia lex ita scripta est, justum esse dicunt, ut quæ parasset proditor adversus patriam, ea patiatur ipse: et ita Græci differentiam faciunt inter νόμιμον seu νόμον et δίκαιον, νόμιμον est legitimum, δίκαιον æquum: et ita oportet interpretari δίκαιον: nunquam dicitur de lege scripta, sed de æquitate: et sic etiam Apulejus 2. Apolog. differentiam facit intra legitimum et justum hæredem: nam lege sit ut ab intestato nobis legitimus hæres sit is, quem forte propter ingratitudinem justum erat non esse: sciebat, inquit, *intestati pueri legitimum magis, quam justum heredem se futurum.* Prætor tuetur pacta tam legitima, quam non legitima, si modo justa sunt; injus'a Prætor non tuetur, id est, quæ abhorrent a jure et æquitate, ut scilicet quæ pacta sunt, inquit hic, contra leges, consuetudines, vel contra bonos mores. Boni mores alii sunt naturales, alii civiles, id est, civitatis unius, populi unius, *l. item apud, §. idem ait, D. de injur. natura-* les omnium gentium, et propriæ mores cum dicimus, jus gentium, jus naturale pudorem honestatem intelligimus, *l. libertinus, et l. sororis D. de rit. nupt.* dum ait, libertinum libertinam matrem aut sororem ducere uxorem non posse, quia hoc jus moribus, non legibus introductum sit: et *l. sororis*, dum ait, incestum committi si quis uxorem ducat ex his, quas moribus prohibemur uxores ducere: incestum dicitur committere, et jure gentium, quod et jus naturale dicitur, *l. adoptivus, §. 1. D. de rit. nupt.* jure gentium est cognatio inter servos et libertinos, licet jure civili non sit. Ergo libertinam matrem prohibemur jure gentium ducere, quo jure reguntur nuptiæ: hoc jus quod est de nuptiis moribus introductum est, non legibus moribus scilicet omnium gentium: et specialiter pacta, quæ sunt contra leges, constitutiones, aut bonos mores, fiunt tribus aut quatuor modis. Uno si turpem aut injustam causam continent, ut si quis paciscatur

ne furti secum agatur : si furtum fecerit , hoc est , ut impune sibi furari liceat , quod est contra bonos mores naturales , si quis paciscatur cum Titio , ne agatur cum eo de furto , quod est contra bonos mores naturales , *l. si unus, §. pacta, D. de pact.* nam furtum probum est , quia jure naturali delicta sunt dominia rerum : quam distinctionem evertit qui furtum facit. Item si maritus paciscatur accipiendo dotem , ut non in id quod facere potest , condemnatur , sed in solidum (credo vos scire hoc datum esse beneficium marito ne conveniatur ultra quam facere potest dotis nomine) an , inquam , ratum erit pactum si contra paciscatur maritus ut condemnatur in solidum , non pro viribus patrimonii ? et est proditum in *l. alia, §. eleganter, D. sol. matrim.* pactum non esse servandum : quia est contra bonos mores civiles , id est contra receptam reverentiam , quæ maritis exhibenda est , quod est notandum : nam ex eo loco vere probare quis potest , maritum non posse in jus vocari sine venia Prætoris : quia generaliter statuendum est , eas personas , quibus reverentia debetur , non posse in jus vocari sine venia Prætoris , *l. generaliter, D. de in jus voc.* Et quis qui vocabatur , aut sequebatur , aut trahabatur invitus , satis erat incivile : maritum invitum duci a muliere , in jus trahi , rapi : nam qui vocabatur in jus , vel reipsa vocantem sequebatur , aut trahabatur in jus , si copiam sui faciebat in publico , vel si latitabat , mittebatur adversarius in ejus bona , *l. satisque D. de in jus voc.* nec enim erat locus tribus edictis ante litem contestatam eo latitante , quem vocaverat in jus , sed erant ea edicta proposita post litem contestatam . Sicut *d. l. alia, §. eleganter* , ait , nullum esse pactum si paciscatur maritus ne in id quod facere possit condemnatur sed in solidum , quod pactum sit contra bonos mores civiles : ita pactum nullum est si inter se cohæredes paciscantur ne teneantur pro hæreditariis portionibus , quod est contra leges 12. tab. quibus inter hæredes dividuntur bona pro hæreditariis portionibus . Igitur nulla est vis pacti , quia singuli tenentur creditoribus hæreditariis , *l. licet, inf. famul. erisc.* Item si paciscatur , ut vicino liceat per fundum liliifam , castrensem ire agere , quod est contra constitutiones , quæ in rebus castrensibus patriam potestatem observari noluerunt , *l. ex castrensi §. 1. D. de cast. pre.* Ergo hoc pactum servandum non est. Reddidi singulis , quæ ponuntur in hac *l.* exempla ejus pacti , quod est contra leges , veluti si paciscantur hæredes , ut unus subeat onera hæreditaria : posui exemplum contra constitutiones de castrensi peculio , et contra bonos mores tam civiles , quam naturales . Sed alio modo pacta dicuntur esse contra leges , vel consti-

tutiones , vel bonos mores quia etsi justam causam contineant , tamen non fiunt civili more , et legitimo modo : contra leges dicuntur fieri pacta non tantum ea , quæ continent injustam causam , aut turpem , aut superiora , sed etiam ea , quæ continent justam causam et injustam , si non fiant more civili et legitimo : ut si pupillus paciscatur de non petenda pecunia sine tutoris auctoritate : causa pacti justa est , si justa causa fuerit remittendi debiti : sed mos paciscendi est contra leges , quia leges nolunt impuherem pacisci sine tutoris auctoritate , *l. contra, D. de pact.* Item si pacta facta sunt vi aut metu , etsi causam justam contineant , tamen , quia mos est hic incivilis , ideo pacta hæc observanda non sunt : et hoc , vel illo sensu potes dicere nullam vim habere pacta , quæ fiunt contra leges , consuetudines , et bonos mores , ut quæ fiunt vi adhibita , aut dolo , quod edicto erat expressum , pacta conventa , quæ neque dolo malo , neque adversus leges , plebiscita , S. C. etc. quæ neque dolo malo , et adhibita vi , ut M. Tullius testatur , et in *C. Gregor.* id habetur : *Pacta , quæ non ob vim contra leges constitutionesque sunt* , vi nempe adhibita : hæc nullius sunt momenti , etiam si justam causam contineant : et ob id tam in edicto Prætoris , quam in hac *l.* non male supplet Accurs. nulla esse pacta , quæ fiant contra partes juris , vel contra plebiscita , S. C. ut puta si hæres paciscatur cum aliis , quam cum legatariis ne Falcidia utatur vivo volenteque testatore , *l. quod de bonis, §. 1. D. ad leg. Fal.* pactus est hæres vivo et volente testatore cum alio , qui non erat legatarius ne Falcidia uteretur : prima ratione hoc pactum est nullius momenti : is enim , qui non est legatarius paciscitur cum hærede , ne legatarius detrahat Falcidiam : sed tamen , quia subjicitur poenam , stipulatio videtur valere : quia stipulamur recte alteri sub poena ; quoniam exitus stipulationis ad nos spectat : et ita etiam in hac specie , qui non erat legatarius stipulabatur ab hærede ne Falcidia uteretur , et si uteretur , poenæ nomine tot daret : et respondetur in ea *l. inutilem* esse stipulationem poenæ : alteri igitur non stipulamur recte sub poena , quod est contra communem definitionem juris : verum id omne ita explicandum est : quoties alteri stipulamur contra jus publicum , vel quoties stipulatio , quæ fit alteri , est contraria juri publico , ut hæc , quæ est contra legem Falcidiam , nec poenalis stipulatio valet : sed quoties stipulamur alteri , quod non sit contra jus publicum , cui et subjicitur stipulatio poenalis , valet : at ille , qui stipulatur ne Falcidia uteretur , oppugnat plebiscita , et id agebat premature nimis , vivente testatore : vitium est in prima stipulatione , ergo id permanere debet ad eam stipulationem , quæ sequitur : denique si sit

vitium in stipulatione quæ fit alteri, et vitium erit in stipulatione pœnali, et contra. Contra etiam SC. et edicta non servantur pacta a Prætoribus, *l. 1. §. si inter, ff. de mng. conven.* Magistratus municipales, qui dederunt tutores, vel qui cavere pupillo non curaverunt, singuli tenentur in solidum actione in factum si tutores non sint solvendo, quæ actio est introducta SC. facto temporibus Trajani: nunc finge Magistratus, a quibus sunt tutores dati, pacti sunt inter se ut unius periculo tutores darentur, id est, ut unus teneretur tantum actione illa subsidiaria: hinc pactio est contra SC. ideo vim nullam habet. In Pand. Flor. *d. l. juris gentium, §. Prætor*, non enumerantur omnes partes juris, omittuntur edicta Prætorum, et forsitan rectius legitur in aliis libris, *edicta et sequitur, decreta principum*, et ita numerantur omnes partes juris in specie *l. Neratius, ff. de religio.* Actio funeraria est ex edicto Prætoris, quæ est privilegia, et ex eodem edicto maritus, qui ex dote aliquid lucratur, debet suis sumptibus funerare uxorem. Nunc finge: quidam dedit dotem marito ex lege ut maritus post mortem uxoris lucraretur tertiam partem dotis, duas redderet, et ita aliquid retineret; et adjecit pactum, ne maritus uxorem funeraret suis sumptibus, id est, ne ageretur funeraria adversus maritum, deinde mortua uxore, alius funeravit: an contra maritum agere possit funeraria actione? sic sane, nam ea pactio non est servanda, cum sit contra edictum Prætoris, *l. Neratius, ff. de religio.* pactio inter duos facta leges in universum abolere non potest, privatorum pactiones legum auctoritate non censentur, *l. ult. ff. de su. et legit. hæc.* ergo leges abolere non possunt, leges legibus publicis abolerentur, non privatis tolluntur: tollitur eodem edicto Prætoris fraus: nam ait, *neque quo fraus cui eorum fiat, facta erunt, servabo*: quo genere videtur obligationem fieri contra legem, ut hic sit quodammodo tertius modus paciscendi contra legem: in fraudem is facit, qui facit quod lex non prohibuit palam, sed quod fieri intellexit etiam si non dixerit: palam contra legem facit, qui offendit scriptum legis: in fraudem, qui offendit sententiam legis: ergo qui in fraudem facit, contra legem facit. Ergo et hic est tertius modus paciscendi contra leges: sumatur exemplum ex lege Cincia, ad quam scripta est *l. contra, ff. de legib.* lex Cincia erat de donationibus, et ideo dicta est lex innumeralis, id est, modum imponebat donationibus: dicit lex Cincia, ne liceat donare ultra certum modum: qui donat ultra 500. aur. facit contra scriptum legis: et qui non donat, sed vendit contra eum modum titulo donationis suppresso, ut si vendat supra eum modum num-

mo uno, hic non facit contra scriptum, quia non donat, sed contra sententiam legis Cinciae: quia lex Cincia id fieri vetuit. Ergo etiam hic erit tertius modus paciscendi contra leges, si id fiat oblique, non palam, contra legis verba: et est hic ultimus modus paciscendi contra leges, videlicet, si quis paciscatur contra beneficium sibi lege concessum: et hujus generis pacta observantur, cetera non observantur, quæ retuli: sed si quis beneficium sibi lege datum pactione omittat, rata est pactio, quanquam et is dicatur facere contra legem, *l. pacisci, ff. de pact.* paciscitur contra edictum ædilium, qui beneficium edicto concessum remittit, id est, qui paciscitur ne redhibitoria agat: ut si in emendo mancipio paciscatur ut si sit morbosum ne redhibeat, rata est pactio, quia quid aliud hic agit, quam quod remittit beneficium sibi edicto concessum? nec exceptio hinc tantum pertinet ad edictum ædilium cum idem dici possit de edicto Prætoris, vel legis: ut si paciscatur quis ne depositi vel judicati agat, *l. juris gentium, §. si paciscar, et l. ult. inf. ad leg. Falc. l. ult. §. ult. inf. de temp. app.* et ita generaliter, licet pacta in universum non possunt tollere jus publicum, tamen inter paciscentes rata, ut si cohæredes inter se paciscantur ut non pro hæreditariis portionibus singuli teneantur, sed ut unus subeat in solidum omnia onera hæreditaria: hinc pactio rata est inter contrahentes, licet non observanda sit a ceteris, qui idem pacti non sunt: et ita in specie *l. Neratius*, licet pactum, ne maritus funeraria teneatur in universum non valent, inter paciscentes tamen valet: atque ita sunt distinguendæ hæc tres regulæ, quæ videntur inter se conflictari. Pacta contra leges, et constitutiones non valent: jus publicum pactis privatorum non potest mutari: unicuique licet repugnare juri suo.

RECITATIO ALTERA.

Ad L. VI.

Hæc docui, pacta justa ab injustis differre: justa pacta propter naturalem æquitatem Prætorum tueri injustorum nullam esse vim, et rursus quomodo etiam essent pacta justa a legitimis separanda exposui, et quomodo varie pacta dicantur esse contra leges, constitutiones, edicta, SC. plebiscita, honores, mores, qui sunt alii naturales, alii civiles: deinde contra leges nullam vim habere pacta, nisi quæ justam et honestam causam contineant, vel quæ civili more fiant, ut puta si cum pupillo sine tutoris auctoritate fiant: et hæc omnia nullius esse momenti: sed alio modo contra leges, et edicta es-

se videri etiam ea pacta quibus paciscimur contra beneficium nobis lege, aut edicto concessum, hæc vero pacta utilia esse et iudicem observare: proinde ab regula, pacta contra leges non valere, qui congruit illa, jus publicum privatorum pactationibus non immutari, excipiendam esse hanc regulam, unumquemque juri suo renunciare posse. Nam etsi contra leges dicitur facere qui contra leges paciscitur, ut qui paciscitur ne depositi agat, tamen hunc non contineri priori regula, quæ pacta contra leges fieri vetat, eos tantum contineri qui rem injustam vel inhonestam in pactum deducunt vel qui incivili more paciscuntur: et ita male opponitur *l. pacisci, ff. de pact.* nam hæc *l. 6.* loquitur de his, quæ sunt contra leges, id est, quæ non sunt civili receptoque more, vel continent injustam aut inhonestam causam, *l. pacisci* loquitur de his quibus remittimus actiones nostras, vel beneficiis concessis lege, aut edicto renunciamus: pacisci licet contra edictum curulium, id est, contra beneficium, quod nobis largitur edictum curulium, hæc multis exemplis illustrata sunt, sed non tam multis quin supersint plura, quæ nos remittimus ad *l. pen. et ult. hujus tit.*

Nunc videamus quædam, quæ ad hæc annotavit Accurs. de vi pacti: nam quia lex ait, pacta injusta vel turpia nullam vim habere, ut intelligeretur, his verbis quibus viribus pacta injusta destituerentur, ideo existimavit Accurs. explicandas esse vires pacti, quas complectitur verbis quatuor, parere, perimere, informare, et elidere: nec tot verbis opus fuit: nam elidere abundat, cum ut dixi superioribus lectionibus idem sit elidere, perimere, et nostri auctores promiscue his verbis utantur, perimere exceptionem, elidere actionem, et perimere actionem, elidere exceptionem, *leg. quæcunque, ff. de compens.* nec tamen etiam tot sunt verba quot desiderarem, unde alia mox supplebimus. At quid est parere? Parere est parere exceptionem et obligationem naturalem: hæc sunt vires pacti justii, itemque nunquam parere obligationem, et actionem civilem, si pactum sit legitimum: et hodie ex pacto donationis est actio ex constitutione Justiniani: perimere autem dicitur dupliciter, per exceptionem, vel ipso jure: vulgo pacta justa actionem perimunt per exceptionem: sed et quædam actionem perimunt ipso jure videlicet si et justa fuerint, et legitima, ut si quis paciscatur de injuria, vel furto, quæ pacta ipso jure lege 12. tab. perimunt actionem injuriarum, et furti, et hæc verba, *pro fure damnum decidere*, sunt verba 12. tab. Id quanto magis magisque cogito, verissimum esse animadverto, et maxime notandum censeo: nam ut in eo capite legis 12. tab. quod est de iudicatis addicendis, id est, de condemnatis addicendis eis,

quibus qui condemnati sunt, nisi iudicatum faciant, additur exceptio: *nisi quis endo eo in iure vindex sit*, id est, nisi quis existant condemnati vindex, defensor, fidejussor. Ita in eo capite de furibus addicendis ei, cui furtum factum, esset, ut est apud Gellium lib. 20. verum esse videtur, *ni quis pro fure damnum deciderit*, præter quam ea verba reolent antiquum sermonem; ut probat illud caput 19. tab. *duplione damnum decido* et pro fure damnum decidere, cum posset dici apertius de furto pacisci, et non alio loco usurpatur, quam in titulo de furtis: quod satis idem argumentum præbet esse verum, ea verba esse ex lege ea, quæ introduxit actionem furti, eaque est lex 12. tab. proinde hæc est sententia legis 12. tab. ut liber homo, qui furtum fecisset, et manifesto prehensus fuisset: nam nec manifesti poena in duplum erat introducta, ei addiceretur, cui furtum fecisset: nisi quis pro fure damnum decidisset: quibus verbis significatur, decisione, pactione, perimi actionem furti ipso jure. Ergo inter vires pactorum hæc etiam est vis, et necessitas pacti una, ut perimat actionem modo per exceptionem, modo ipso jure. Male Accurs. ad verbum *parere*, notat pacta vestita actionem parere: nullum enim est pactum vestitum, omnia sunt nuda: nudum est inseparabilis qualitas pacti: et vestitum appellat ex *l. legem, inf. hic*, quod additur contractui: ut cum dono tibi hæc lege, ut mihi insulam ædifices: hæc lex, hoc pactum vestitum est Accursio, et coperitur contractu ipso scilicet, aut velamento contractus: denique vestitum pactum Accurs. est, quod coheret contractui: hoc vero pactum non parit actionem: ergo falsum est pactum vestitum parere actionem: non parit actionem, sed format ipsam actionem, ut non abs re ait *l. juris gentium, §. quinimo, ff. de pact.* significat enim aperte actionem, quæ nascitur ex eo contractu: cui pactum adjicitur, pacta ergo actionem non pariunt, sed formant ipsam actionem: male etiam Accurs. hic, pacta parere actionem demonstrat adductis in exemplum acceptilationibus factis novandi causa. Quis non videt statim hoc falsissimum esse: nam contractus sunt non pactiones, et separantur stipulationes, quæ sunt novandi causa a pactis, quod in his factum, in illis jus continentur, *l. si unus, §. pactus, ff. de pact.* Male utitur Accurs. tertio verbo *informare*: nam pactum, quod coheret contractui nusquam dicitur informare: quæ esset ratio hujus vocabuli: sed dicitur formare tam actionem ex contractu cui adjicitur, quam contractum ipsum: formare ergo actionem ex contractu, est formare, et legem ei dare, et quodammodo iudicii, ejus, quod est ex eo contractu conceptionem conficere, et præparare: modo dicitur pactum, quod incontinenti adjicitur actionem præparare,

modo formare, *l. 3. inf. de action. emp. et d. §. quinimo*, et *l. cum dotem, inf. de jur. dot.* Et quod plus est, pactum mutat etiam et reformat, sive renovat contractum in *§. adeo, l. juris gentium*, novum pactum novum quodammodo contractum efficit, *l. pacta. ff. de cont. empt. l. si tibi decem, §. quedam actiones, §. de pact. et l. 3. sup. hic.* illo loco, *novo pacto*: ut si convenerit ut salisdet venditor evictionis nomine, vel ne teneatur duplæ nomine, vel ut pro parte discedat ab emptione. Igitur cum dixisset Accurs. parere, perimere, et formare, nos possumus adlere quartum, reformare, et quasi renovare. Male etiam Accurs. pactum ex continenti factum, et contractui additum scribit, ita formare actionem ex contractu ipso, quod potius est transformare ut Accurs. explicat, ut scilicet, quæ fuerit actio bonæ fidei, puta ex vendito, fiat stricta propter pactum: ut puta vendidi rem aliquam tibi, emisti tu eo pacto ut tibi satisfacere de evictione, et cum ages ex empto, non ages ex fide bona, inquit Accurs. sed stricto jure: denique vult Acc. pactum ita formare actionem, ut actio, quæ fuit natura bonæ fidei, fiat stricta propter pactum qua in re merito reprehenditur a Bartolo, argumento ducto a fructibus, qui non veniunt in actionem strictam, *l. videamus, §. si actionem, ff. de usur.* veniunt tamen in actionem empti venditi, etiam si agatur ex lege venditionis, id est, ex pacto in continenti facto, *l. 2. inf. de pact. in temp. emp. et vend.* pactum ergo non reddidit actionem empti venditi strictam, nec in eo persequendo quod pacto continetur ages stricto jure. Denique probari potest hoc argumento, pactum partem esse contractus, absurdumque esse, ut pars quæ potius totum sequi debeat, totum ad se trahat, imbuatque jure suo totum, non totius jure ipsa imbuatur, proinde merito æquius, est, ut si agas ex vendito ejus rei nomine, quæ pacto continetur, perinde agas ex fide bona, ac si principaliter in id ageres, quod in contractum venit. Igitur merito Accurs. reprehensus est a Bartolo.

Ad L. VII.

Debitori tuo si hæres extitisti, actio, quam contra eum habuisti, adita hæreditate confusa est. Sed si eam hæreditatem, postquam in judicio obtinuisti, ei tradidisti, quem sententia superaveras, ea conditione pactoque, ut tam ceteris creditoribus, quam tibi in eo, quod tibi deberetur, si eam hæreditatem non adires, satisfaceret: pacti conventionisque fides servanda est: quæ si non servatur, ex stipulatu, si modo pacto subjecta est, dabitur actio, vel præscriptis verbis, si stipula-

tio non intervenit. PP. III. Kalend. Aug. Antonino A. 4. et Balbino Coss.

Legis 7. explicatio perfacilis est. Species est de confusione obligationis seu actionis. Id primum neminem ignorare arbitror, confundi actionem additione hereditatis, videlicet si creditor debitori succedat, sicut confunditur usufructus si ad proprietatem revertatur, si proprietati accedat: confunditur ita usufructus: quia nemini res sua servire potest, confunditur et ita actio: quia nemo sibi ipsi obligatus esse potest: confusione sese perimunt debitor creditorque, sed et præter confusionem personarum, et jurium, subest etiam solutionis vis, et potestas quædam, quia is, qui successit debitori, videtur sibi ipsi solvere, quod debuit defunctus, et ita dicitur solutione perimi obligatio, quæ dicitur perimi confusione: ergo non tam videtur sublata obligatio confusione personarum debitoris, et creditoris, quam quod videtur creditor adeundo hereditatem sibi solvere, quod debuit: quæ de causa etiam si non sit, quod confundas, ut si nulla sit actio, quod accidit cum inanis obligatio est: tamen adeundo hereditatem pro solutione cedit: *l. Stichum, §. aditio, D. de solut.* Igitur, vel ratione confusionis personarum, vel solutionis effectum, et potestate extinguitur actio, si creditor debitoris hereditatem adeat, extinguitur, inquam, obligatio, et actio, non cetera, quæ habet creditor jure suo: nam in ponenda ratione legis Falcidie hæres idemque creditor, qui debitoris adiit hereditatem, prius deducit, quod sibi defunctus debuit, et ex reliquis bonis deducit Falcidiam: sicut e contrario si debitor adierit hereditatem creditoris, contribuet, quod debuit defuncto, et detrahet Falcidiam, *l. 1. §. si debitor, D. ad leg. Falc.* In ponenda ratione legis Falcidie alia deducuntur bonis, alia contribuntur priusquam deducatur Falcidia: et sunt omnes hæ deductiones ex lege Falcidia: nam neque erat unum tantum caput legis Falcidie, ut detraheret hæres quadrantem, sed erat permissum ut ante omnia deduceret res eas, quas defunctus debuisset hæredi: ut quis possit affirmare, in testamentis militum locum habere legem Falcidiam, quod est ἀδόξον, cum in testamentis militum non habeat locum deductio quartæ: sed quia habet locum deductio æris alieni, quæ introducta est lege Falcidia, ideo vere posses dicere in testamentis militum locum habere Falcidiam. Ergo, sicut disserui, quamquam additione hereditatis sublata sit actio, et obligatio, tamen non est sublata deductio, quia in ponenda ratione legis Falcidie hæres deducit quod sibi defunctus debuit: ergo si non tollitur deductio, non etiam contributio debiti: quin etiam obligatio naturalis omnino non tollitur: nam pignus manet, quod non fieret si tolleretur naturalis obli-

galio, *l. debitor, D. ad Trebell.* cuius rei differentia, aut differentie ratio satis in obscuro est. Igitur hoc argumento dico, obligationem naturalem manere quod pignus maneat: nam ita est proditum aperte in *l. debitor, D. ad Trebell.* quo argumento vere defendi potest, additionem hæreditatis, sive confusionem non per omnia haberi pro solutione: solutione enim tollitur naturalis obligatio, *l. Stichum, §. naturalis, D. de solut.* item quia si fidejussor stipulatori hæres extiterit, reus non liberatur, fidejussor liberatur, *l. hæres, §. ult. D. de fidejussor.* qui tamen liberaretur, si videretur fidejussor solvisse. Ergo ea confusio, quæ sit in personam, non omnino pro solutione cedit, dict. *l. hæres, §. ult. D. de fidejussor.* Item ex constitutione Justiniani hodie si creditor debitori hæres extiterit, facto inventario bonorum omnium, hoc solo quod fecit repertorium omnium bonorum hæres non tenetur creditoribus hæreditariis supra vires hæreditarias, et in ponenda ratione legis Falcidie legatariis imponit res alienum, etiam id, quod sibi defunctus debuit et non interveniente lege Falcidia creditoribus hæreditariis in venditione bonorum reputatum debitum, vel ante, vel post additionem hæreditatis, *l. ult. §. in computatione, inf. de ur. del. b.* quo jure omnino utimur: si hæres idemque creditor non fecerit inventarium in venditione bonorum, non reputatum debitum ceteris creditoribus, si fecit inventarium, reputatum debitum, et deductum ex bonis: quod præstat beneficium separationis, ut separamus quod servo defunctus debuit, *l. 1. §. ult. D. de separ.* et ita aperte scribitur in hac *l. 7.* Species hæc est. Creditor adivit hæreditatem debitoris sui: eam hæreditatem possidebat pro hærede, ea bona possidebat pro hærede: qua de causa quidam adversus eum egit petitione hæreditatis: lis data est secundum possessorem, vicit creditor, idemque hæres: deinde victo eam hæreditatem tradidit: non dicit quæ ex causa tradiderit: finge ex causa donationis, permutationis, ut sit creditor, idemque hæres post aditam hæreditatem conventus petitione hæreditatis, vicit actorem, deinde vendidit, forte et tradidit hoc pacto, ut satisfaceret creditoribus hæreditariis, et sibi quod defunctus debebat, quod pactum est vulgare: nam si non fuisset appositum ita res se haberet, quis qui vendidit hæreditatem, etsi non paciscar, tamen hoc videtur intelligi, ut omnia onera subeat emptor hæreditatis, etiam quod venditori defunctus debuit, *l. 2. §. penult. D. de hæred. vend. l. hæreditatem, De de donat.* erat ergo pactum vulgare, quia si fuisset commissum, ipso jure res ita processisset: pacto huic subjecta est stipulatio, ager ex stipulatu, ut emptor hæreditatis satisfaciatur, ut solvat et sibi, et

Tom. IX.

ceteris creditoribus, quod defunctus debuit omnia stipulatione, qua actione ager? hoc non explicatur in ea lege: nam in aliis libris hæc omnia verba desunt: *ex stipulatu, si modo pacto subjecta est, dabitur actio, vel præscriptis verbis, si stipulatio non intervenit:* et supplata videntur fuisse ab Azone, vel irrepsisse in contextum. Ergo similiter competit actio ex vendito, ut pacto stetur si vendiderit hæreditatem eo pacto, ut emptor hæreditatis satisfaceret sibi, et ceteris creditoribus hæreditariis: sed si non vendiderit, sed dederit, aut permutaverit, ex eo pacto dabitur actio præscriptis verbis, *l. rebus, C. de rer. perm. l. hæreditatem, D. de donat. l. ult. inf. de rer. perm. et pr. act.* pactum ergo justum est: nam est vulgare, et tacite pactus videtur quicumque tradit hæreditatem venditori, ut fides impleatur, ut agat ex stipulatu, vel ex vendito, cum venditor adiit, vel præscriptis verbis: nec dicendum est hanc pactionem improbandam esse, quod is, qui tradidit hæreditatem, pactus sit alteri, puta creditoribus hæreditariis. Sed hæc pactio etiam si fiat alteri, non ideo est improbanda: paciscor alteri inutiliter, cum nihil mea interest dari alteri: sed hic mea interest, ut satisfiat creditoribus hæreditariis, quia hæres sum, et maneo post venditionem hæreditatis, et me convenient creditores hæreditatis, non emptorem: ergo mea interest liberari me a solutione. Et ita recte paciscor, et consulo non mihi tantum, sed et ceteris creditoribus hæreditariis, quibus invitatus respondere cogor: non est dicendum, esse actionem judicati, ut impleatur pactum: nam quæ post judicatum in pactum venerunt quid ad judicatum spectant? qui adierat hæreditatem vicit cum conveniretur petitione hæreditatis, id est, pronuntiatum est, eam hæredem esse: judicato satisfactum est, satisfactione extinguatur actio judicati: ergo amplius esse illo nomine non potest, et superesse judicati actio. Et postremo non est actio ex pristino contractu, puta creditæ pecuniæ, cum in hac specie creditor successit debitori. Cui competebat actio creditæ pecuniæ, vendidit hæreditatem, et tradidit ea lege, ut credita pecunia sibi redderetur: non redditur, an agi possit actione creditæ pecuniæ? minime: nam hæc sublata est confusio, et semel sublata actiones spontanea additione creditoris non restituuntur: hæc sponte adiit, et sponte tradidit alteri, ergo non potest agere pristina actione, quæ consumpta est semel: ergo ager actione ex stipulatu, vel ex vendito, vel præscriptis verbis; verba legis hæc sunt: *Si eam hæreditatem posteaquam in judicio obtinuisti, ei tradidisti in judicio,* petitione hæreditatis intellige, *ei tradidisti,* puta ex causa venditi: nam ita ver-

7

hæ traditionis accipiuntur in libris nostris. Die crastina explicabimus l. 8.

Ad l. VIII.

Si pascenda pecora partiaria, id est, ut fœtus eorum portionibus, quibus placuit, inter domum et pastorem dividantur, Apollinarem suscepisse probabitur, fidem pacta præstare per judicem compelletur. PP. 4. Kal. Octob. Alexandro A. 2. et Marcello Coss.

Hodie explicabimus l. 8. ait: *Si pascenda pecora partiaria, etc. per judicem* sic interpretor, per judicium pro socio, vel actionem pro socio: nam ita speciem et rem omnem explicandam censeo. Dedit quidam pastori pecora sua pascenda, eo pacto, ut fœtus pecorum essent communes inter dominum et pastorem certis portionibus, puta ut fœtum partem nonam, vel decimam dominus ferret, reliquum pastor: justa conventio est, nec pactum hoc nudum est, sed contractus, quia subest causa, intervenit res: data enim sunt pecora pastori ea lege, ut fœtus, qui nascerentur essent communes: igitur conventio sine placito non stetit, sed datione pecorum sumpsit effectum: contractus est: ergo negotium, sed quale? societas nempe: pastor enim confert operam suam, dominus pecora, et id agitur, ut communes sint fœtus pecorum: hæc ergo genere societas contrahitur: quid est societas? communio pro indiviso certarum rerum contracta, aut verbis, aut consensu nudo; aut brevius: est conventio pro indiviso, quæ contrahitur tractatu habito: nam est quedam, quæ contrahitur sine tractatu, ut cum duobus legatur res eadem conjunctim: hæc societas non est contractus. Est vero hujus conventionis justa causa: nam constat ita coiri posse societatem, ut unus pecuniam conferat, alter non conferat, et lucrum communicetur, quia sæpe opera et industria alterius pro pecunia valet, §. *nam et ita*, *Instit. de societ. et l. 1. inf. pro soc.* opera supplet quod deest, ut qui pro sua parte pecuniæ nihil confert, opera supplet; *lex 6. D. pro soc.* ait, posse coiri societatem inter duos, etsi non sint æquis facultatibus: nam sane pauperior opera supplet quantum ei per comparisonem patrimonii deest: opera est supplementum: quæ de causa opera dicitur esse velamentum ita contractæ societatis, supplet opera inæqualitatem, quæ subesse videtur inter socios, cum unus pecuniam confert, alter non confert; et hoc est quod dicitur, *pretium operæ artis esse velamentum*, *l. cum duobus*, §. *in coeunda*, *D. pro soc.* operam, vel artem ejus, qui nihil confert explere lacunam, id est, id quod deest. Ita M. Tullius pro Roscio Comælo, non esse captiosam, aut inquam societatem, ubi alter copias, alter discipli-

nam in societatem affert: et huic similis est ea societas, quæ contrahitur cum politore agrorum, qui scilicet agrum domini poliendum, colendum, arandum suscepit, ea lege eoque pacto, ut fructus sint communes, *d. §. in coeunda*. Ergo si dederis pecora pascenda, ut fœtus sint communes, sive politori, ut fructus sint communes, societas contrahitur: quo genere, ut Cato scribit libris de re rustica, dominus et politor paciscuntur inter se, ut politor ferat tritici partem, modo 9. modo 6. aut 7. et modo, ut tritum, quod mundum, tritum non sit, dividatur inter dominum et politorum corbe messoria: modo si tritum sit, vel pistum, ut dividatur modio: denique leges addunt huic societati et pactiones quas volunt. Est polire agros, polire segetes, nihil aliud quam purgare rastris, quod locis quampluribus probari potest, et maxime ex Festo: *Polimenta*, inquit, *dicebant testiculos porcorum cum eos castrabant a politione segetum ac vestimentorum, quod ita expurgarentur*. Et ita Rhenius in 9. annal.: *rastris dente fabres capsit, causa poliendi agri*: ita recte ait §. *si in coeunda*, et cum pastore, cui datur pecus pascendum in commune querendis fœtibus, et cum politore, cui datur ager poliendus in commune querendis fructibus contrahi societatem. Fuit et in specie hujus legis ita contracta societas: et ideo divisionem fœtum, de qua conventum est, observandam esse per judicem pro socio, et hoc ait l. 8. Dixerit aliquis non esse societatem si quis dederit pastori pascenda pecora ea lege, ut fœtus eorum inter se dividantur, esse potius locationem et conductionem, quasi videatur pars statim pro mercede pastori cedere: et ita etiam hic pastor, aut politor, qui suscepit agrum poliendum in commune querendis fructibus dicitur a Catone redemptor partarius, id est, conductor: nam redemptor et conductor in libris nostris ferre idem est, ut et emptor et conductor, *l. veteres*, *D. de action. emp.* nam nostri auctores verbis emptionis et venditionis promiscue utuntur etiam in locatione et conductione: conductione dicitur, venditio, locatio, emptio. Festus in verbo *venditionis*: venditionem ait fieri a Censoribus cum locantur vectigalia: et ita promiscue dicimus pretium tam in emptione, quam in conductione: et sic merces pretium appellatur in *tit. locat.* et in summa locatio et conductione affinis est emptioni et venditioni, et iisdem regulis juris consistit, *l. 2. D. loc.* quare non male conductor dicitur redemptor: videtur ergo cum politore, vel pastore contrahi locatio, cum dicatur redemptor partarius. Et ita etiam Plinius loquitur 9. *Epist. medendi una ratio est, ut non nummo, sed partibus locent*: utitur locandi verbo: partibus locare, est cum colono ita pacisci ut agrum colat, et in commune fructus di-

vidat cum domino agri: sed ne abutatur his vocabulis: nam potest esse locatio cum dantur pecora pastori ea lege, ut foetus sint communes, vel cum datur ager colendus colono ea lege, ut fructus sint communes: quia locatio non consistit sine pretio, exemplo venditionis et emptionis: pretium autem non est nisi confestim sit pecunia numerata, §. *item pretium*, *Instit. de emp. et vend.* quid ergo est? certe societas, et ita definitur in *l. si merces*, §. *vis major*, in *fi. D. loc. Colonus*, inquit, *partiarium cum domino suo quasi jure societatis damnum et lucrum partitur* ubi, quasi, veritatem exprimit: nam revera inter dominum fundi et colonum partiarium societas contrahitur: et id plerumque, ut Cato scribit, in ea societate agitur, ut omnino sint communia pro indiviso, quæ percipiuntur ex agro inter colonum partiarium et dominum, præter foenum et pabulum, quod satis bonus sit, quod dominus semper colono exhibet, et dat de suo: cetera sunt communia pro indiviso, quod nihil est aliud, quam societas. Male existimaverunt quidam hunc colonum partiarium, quem similem facimus pastori partiaro, appellari a Justiniano (non eo, qui hos composuit libros quibus utimur, sed Justiniano juniori) in legibus rusticis, quæ extant apud Harnienopolim *μωπέτραι*. Et sane sit in legibus rusticis mentio *μωπέτρου*, et est titulus *περὶ μωπέτρων*, et interpretantur omnes partiarium colonum, quæ in re errant: nam etsi dicatur a parte, ἀπό τοῦ μέρους ut Hæsychnus scribit tamen genus est clientis, si-ve censarii ut nunc loquimur, non coloni: genus inquam clientis, qui accipit fundum forte a domino sterilem, aut desertum, aut squallidum, quem Justinianus eleganter appellat *χωροδόστου* id est, qui dat prædium, Galli vocant, fundarium. Excidit initium receptæ orationis, non tamen sententia. Hic ergo, qui accipit ita fundum a domino, quique appellatur *μωπέτρε*, domino tenetur inferre dimidium fructuum tantum: sunt hujusmodi negotia multa hodie, ut quod dicitur feudum, quod libellaria, quod precaria, quod emphyteusis, quod census censuariorum contractus, cum possessio aliqua a domino datur colenda alteri, perpetuo fruenda, ita ut modicam partem inferat perceptorum, non quasi socius, aut conductor, sed quasi beneficiarius, aut clientis, qui ita prædium accepit, ut inferret quotannis decimam, is dicebatur *μωπέτρε*, et ita est accipiendus locus Justiniani, ut ex lectione colligi facile poterit, sicut Athenis olim erant clientes, qui prædia accipiebant ea conditione, ut si ἐκ τῶ μέρους τῶ γῆς γωμυοῦντες, Hæsychno, qui inferbant sextam partem, et dicuntur ἐκτεμνοῖς in Solone Plutarchi. Sed de his hominibus non agitur, qui pendunt vectigal dominis, agitur tantum de sociis, puta de his, quibus ad tempus agros colendos damus, in

commune percipiendis fructibus, quibus comparamus pastores quibus ad tempus pecora pascenda damus in commune querendis foetibus: dicimus cum his contrahi societatem, non locationem, conductionem, non censuarium contractum, aut huic similem alium: et ideo sane in hac *l.* constat, contractam esse societatem, quia dominium pecorum, quæ dominus dedit pastori, non transtulit in pastorem: ergo pecora, quæ pascenda dedit, in solidum ejus manent: idem esset si pro parte ejus manerent, id est, si communicaret pecora, si dominium pro parte transferret in pastorem, et pro parte retineret: sed hic dominium pecorum in solidum retinuit: nihil refert utrum rerum dominium totum transtulit, an pro parte, adjiciendo ut foetus pecorum sint communes: cum dominium habet in totum, vel pro parte, societatem contrahit, quæ non contraheretur si dominium pecorum transferret in pastorem, ea lege ut foetus essent communes: hoc casu non esset societas, quia contrahendo societatem nemo amittit dominium rei suæ in totum, sed pro parte retinet: hic cum amittat dominium pecorum in totum, id est, pecora in totum transferat in pastorem jure domini, non erit societas, sed erit contractus do ut facias, do tibi pecora ea lege, ut tu mihi communices foetus, ut tu me foetuum participem facias, quo casu datur actio præscriptis verbis, *l. si tibi rem*, §. *Julianus. D. de præscript. verb.* sed in hac specie dominus non transtulit dominium pecorum in pastorem, sed retinuit dominium in totum, ergo non amittit dominium rei suæ ita contrahendo: qua de causa cum conveniat inter dominum et pastorem, ut pastor pascat pecora, et foetus sint communes, statimur contractam videri societatem, et id quod pacto comprehenditur, impleri interveni judicis, id est curante et salagente iudice pro socio: et ita est distinguendum quod ait Accur. hic, aliud esse societatem, aliud do ut facias, hic est societas, quia dominus dominium retinuit paciscendo, non esse societatem si dominium transtulit in totum, si transtulisset pro parte, esse societatem.

Ad L. IX.

Cum posteaquam adversarius matris tuæ victus esset, matrem tuam circumvenerit, ut ei caveret nullam se controversiam de servis motorum: id pactum mala fide factum, irritum est: et cum ex ea conventionem cum matre tua agi cæperit, iudex eam liberabit. PP. prid. id Spt. Alexandro 2. et Marcello Coss.

Cum posteaquam adversarius matris tuæ victus esset, etc. hæc sententia videtur obscura et dubia, explicabitur autem facile si ponatur ita species. Erat

inter matrem et Titium lis de servis quibusdam. Titius possidebat eos servos, et mater vindicabat, et vicit: sed cum nesciret se vicisse, quia forte judex statuerat quidem de re tota, sed nondum pronuntiaverat, et sciret tamen Titius quid de ea re statuisset judex, id est, decrevisse judicem pronuntiare secundum matrem meam in sciam, matrem meam dolo malo, quæ fraus est frequentissima, circumvenit ut pacisceretur, et caveret nullam se controversiam amplius de servis moturam: hanc ab ea conventionem extorsit, quæ conventio injusta existit, quia fraus est manifesta, cui occurrit hæc lex, et hoc nescitur vulgo huic frequenti fraudi occurrere hanc constitutionem: nam si forte adversarius nesciverit quid statuerit judex adoriretur forte et quodammodo transigeret cum illo. Sed si intelligat aliquid cum statuisset, huic conventioni nullo modo standum esse hæc constitutio ait: ut puta: cum decrevisset judex pronuntiare pro matre mea, et hæc nesciret, sciret adversarius, adversarius eam circumvenit, ut pacisceretur mater, nullam se de servis controversiam moturam: pacto subjecta fuit stipulatio: nam hoc necessario ponendum est, cum dicat, ex hac conventionem actionem esse, ex pacto nudo actio non est, nisi subjecta sit stipulatio, *l. 3. inf. de rer. permut. l. divisionis, D. de pact. et ob id hoc loco et in Cod. Gregoriano cum scriptum esset, ut pacisceretur, Tribonianus maluit scribere, ut ei caveret, pro illis verbis, ut pacisceretur, reposuit, ut ei caveret, ut pacto subjectam fuisse stipulationem intelligeremus: cautionis enim verbum stipulationem significat non pactionem. Pacto ergo superiori subjecta stipulatio pœnalis, si non ut convenisset omni controversia abstinere mater: at cognita fraude Titii, et sententia dicta secundum matrem, mox mater egit actione judicati adversus Titium, cum quo convenisse videbatur stipulatione pœnali, et de stipulatione cum matre agebat Titius: consulit filius Imperatorem, an utilis sit actio ex stipulatione pœnali: rescribit Imperator, esse quidem actionem ex stipulatione pœnali, sed tamen judicem matrem liberaturum, id est, matrem absoluturum, si opposuerit eam exceptionem doli, id est, si allegaverit in judicio mater rationem eam, quam principi allegavit filius: nam pactum hujusmodi dolo malo factum servandum non esse, cum edicto ita scriptum sit, se pacta servaturum si dolo careant. Pactum igitur dolo factum irritum est: ergo et irrita subjecta stipulatio, nam non valente pacto, non valet stipulatio pœnalis, quæ pacto servando subjicitur, *l. 69. D. de verb. oblig. l. quod de bonis, §. 1. D. ad leg. Falc.* Nec obstat quod dicitur, stipulationem factam alteri valere si contractui subjecta sit stipulatio pœnalis: nam hoc verum est si stipulatio,*

quæ facta sit alteri, vitio omni careat, si nullum ei præterea vitium insit, quam quod facta sit alteri: hæc confirmabitur; addito pœnæ vinculo: sed si stipulationi, vel pactioni principali vitium aliquod insit, puta vis, metus, dolus, inerit et subsequenti stipulationi pœnali: qua de causa pactio si ratione doli irrita sit, irrita erit stipulatio pacto subjecta: dolus vero intervenit in pactione, quia Titius sciebat decrevisse judicem pronuntiare secundum matrem, et cum hoc sciret, extorsit hanc a matre conventionem, quæ hujus rei erat ignara, manifesta est fraus Titii, qui cum sciverit decrevisse judicem pronuntiare secundum matrem, hac circumventionem usus sit, quippe cum pactus est, quasi de re dubia cum matre, quæ jam erat statuta, de re autem judicata pacisci nemo potest, quæ ratio subjicitur in Cod. Gregoriano: de re enim judicata nemo potest pacisci. Est regula, de re judicata nos transigere inutiliter, *l. et post rem, D. de transact. et ideo de re judicata, quasi de re dubia paciscimur inutiliter: et licet res judicata dicatur proprie, quæ pronuntiatione judicis finem accepit, l. ult. D. de re judic. et quamvis Prætores, Jurisconsulti, promiscue utantur his vocabulis, pronuntiare et statuere, l. pronuntiatum, D. de verb. signif. tamen si quis subtilius animadvertat, aliud est statuere, aliud pronuntiare. Nam statuit judex de re judicata, quam pronuntiat statim, statuit primum, deinde pronuntiat, et in eo jure, quo cavetur de re judicata pacisci neminem aut transigere, rem judicatum accipere oportet de re, de qua statuit, nondum pronuntiavit: unde si velis eruere ex hac lege, quod in ea definitur, ilque stringere summum, ita possis commodissime: de re ea, de qua judex pronuntiavit, vel de qua statuit, nondum pronuntiavit, pacisci et transigere inutiliter: qui aliter hanc *l.* explicant, ponunt rursus matrem agere in hac specie rei vindicatione, rursus servos vindicare, et opponi exceptionem pacti. Contra replari de dolo: hi errant: primum quia singulis controversiis singulæ actiones uniusque judicati finis sufficiunt, *l. 6. D. de excep. rei judic.* quoniam expunguntur ipso jure, etiam non opposita exceptione rei judicæ, cum scilicet non ambigitur, quin ita judicatum sit, sicut cum constat juratum esse, non est necessaria exceptio jurisjurandi, sed ipso jure tollitur actio, *l. nam posteaquam, de jurejur.* hic cum constat judicatum esse, non indigeret exceptione rei judicæ, nam ipso jure non competit actio cum judicatum sit: non potest ergo hic mater rursus agere rei vindicatione, quia sufficit unus judicati finis: deinde recedunt illi a verbis, qui ita rem explicant: nam agere in hac *l.* accipiunt pro excipere, et cavere pro pacisci: quidam alii ponunt matrem hic*

agere actione de dolo malo: et hi etiam recedunt a verbis legis, cum in hac l. non dicatur matrem agere, sed cum matre agi ex conventione, et iudicem eam liberaturum; liberaturum igitur eo ipso iudicio, quo cum matre agitur, admissa exceptione doli, non ut ponant data actione de dolo: nam qui tutus est exceptione, ei non datur actio de dolo, l. 1. §. ait Praetor, D. de dol. mater, quae poenam promissit si de servis controversiam faceret, tuta est exceptio de dolo: ergo non potest ei dari actio.

Ad. L. X.

Legem, quam dixisti cum dotem pro alumna dares, servari oportet: nec obesse tibi poterit, quod dici solet, ex pacto actionem non nasci: tunc enim hoc iura utimur, cum pactum nudum est: alioquin cum pecunia datur, et aliquid de reddenda ea convent, utilis est conditio. PP. III. Kal. Mar. Albino et Maximo Coss.

Legem 10. explicant male, aut certe non explicant, nam quod in ea praeceptum est, omittunt: verba sunt, *legem, quam dixisti cum dotem pro alumna dares, etc.* Pacta, quae contractibus adiciuntur proprie appellantur leges, quia legem contractui dant, l. contractus, D. de reg. jur. et inde legis commissoriae mentio, quae est non lex quaedam P. R. stulte qui scripsit librum de legibus P. R. inter eas posuit legem commissoriam, sed est pactum adjectum venditioni et emptioni, ut scilicet si ad diem certum non solveretur, res sit inempta: et ita in l. quo tutela, §. ult. D. de reg. jur. neque paciscendo, neque legem dicendo, neque stipulando alteri quis cavere potest: ergo aliud est pacisci, aliud legem dicere, sed pacisci patet latius, quam legem dicere: legem dicere, est pacisci in ipso negotio, pacisci est etiam pacisci intra contractum, vel extra contractum: et ita hic legem accipe pro pacto adjecto in conventionem dotis: et hae lex ponitur sub tit. de pact. conv. sup. do. et ait servari: servare, est tueri: id fit duobus modis, data actione, vel data exceptione l. 1. §. 1. fam. erisc. In edicto de pactis Praetor pollicetur se pacta servaturum, scilicet per exceptionem: sed hic servari interpretabimur actione data: nam pactio haec fuit, ut pecunia, quam dabas pro alumna dotis nomine, soluto matrimonio tibi redderetur, hoc vero non potes interpretari, ut tibi reddatur nisi per actionem: dum ergo ait, haec legem servari oportere, ex lege dandam esse dotis repetitionem, atque adeo actionem significat: quod etiam in extremo legis ait, utilem esse conditionem (male scribunt quidam conditio) cum et in l. 1. inf. de pact. conv. super dote; sit, conditio, ut in Basilicis,

quae ita vertunt, *χρήσιμος ἔστιν ὁ τῆς πατρὸς λόγος.* Conditio videtur nihil aliud esse quam repetitio dotis: pactus est educator, ut sibi dos redderetur soluto matrimonio: pactum iustum est: ex hac conventionem danda est repetitio dotis: dotem repetit, qui eam sibi ex conventionem dari postulat: dirempto matrimonio igitur utilis est repetitio: nam condicere est repetere, et ei est utilis repetitio, etiam si pacto non sit subiecta stipulatio: nam haec differentia est inter patrem et extraneum dotem dantem, quia extraneus dotem, quam dat, potest sibi recipere pacto solo, non addita stipulatione in casum soluti matrimonii, et is, qui dotem dedit in hac specie erat extraneus, nam erat educator: utiliter paciscitur dotem item sibi reddi soluto matrimonio: utilis est conditio matri, quae extranea est, cum potestatem nullam habeat, et ita potest dotem sibi retinere soluto matrimonio, etiam si non adjecta sit stipulatio, sed pater non potest, ne initio quidem dotis, eam sibi recipere pacto: si recipiat pacto solo, nulla est conventio, et ita pater non potest inter dandum cavere eam sibi reddi soluto matrimonio, nisi per stipulationem, l. avia, inf. de jur. dot. et id non sine ratione magna: nam patris officium est dotem filiae dare, et conservare constitutam aeniel, patri incumbit onus dotis constituendae filiae, et conservandae, et ideo non potest eam in se transferre temere, eamque sibi retinere, sed necessaria est sollemnis stipulatio. Ergo quam dat dotem, si eam vult sibi reddi, is debet de eo sollemniter stipulari, nec enim temere id effici debet, d. l. avia, sed hic fuit extraneus, qui dotem dabat, hic rei suae legem dedit quam voluit, l. ob res, §. 1. D. de pact. dot. etiam si pactus sit, non stipulatus; et quis non est stipulatus, certe non habebit actionem ex stipulatu dotis repetendae causa: qua igitur actione repetet? an est actio dotis, quae solet dos repeti soluto matrimonio? minime: nam haec actio datur uxori tantum soluto matrimonio, quae et sola videtur dotem contraxisse: posset dici dandam esse illi, qui pro alumna dotem dedit soluto matrimonio ex conventionem actionem dotis: quia dotis datio est contractus uxoris, l. contractus, D. de reg. jur. l. exigere, D. de judic. huic contractui adiecit etiam legem de dote reddenda soluto matrimonio: lex format contractum dotis, l. cum dotem, inf. de jur. dot. format ergo actionem de dote legem dicenti: hic ergo soluto matrimonio dotem repetet actione de dote, sed denegatur repetitio: quia actio de dote datur tantum uxori: nam et ipsa sola videtur dotem contraxisse, cum et ejus solius nomine data sit: ei ergo soli restat actio de dote, id est, rei uxoriae: ea parte autem ejus, qui dotem dedit, non videtur contractum negotium dotis, sed aliud, ut dote reddas, quod negotium nomine vacat, et id eo

pro parte ejus, qui dotem dedit, dabitur dotis repetende causa actio præscriptis verbis, et ita in *l. 4. §. accedit, inf. de rei ux. act. d. l. avia*: hoc ergo loco conditio, est repetitio dotis per actionem præscriptis verbis: et ita Thalelaus recte ad *l. 1. inf. de pact. conv.* et ex Latinis interpretibus multi ajunt, repeti dotem ex hac conventionem per actionem præscriptis verbis: male quidam utilem actionem interpretantur efficacem, et utilem non accipiunt quasi adversam directæ: est enim hæc conditio non directa, sed utilis, quam efficacem vocant, quod vim et momentum afferat, et ita videntur Greci accepisse, qui pro utili reponunt *χρήσιμον*, et ita sane hic affirmo, utilem esse sic accipiendam, quasi deficiat directa: utilem non dicit pro efficaci, sed ex adverso directæ actionis, quia hæc conditio dotis intenditur per actionem præscriptis verbis, quæ utilis est, non directa, *l. quoties, D. de præscriptis verb. l. 3. ff. de donat.* Eustathius et Dynus accipiunt pro actione præscriptis verbis, nec obs re: nam omnis præscriptis verbis datur exemplo civilis et directæ actionis, quæ datur ad exemplum alterius, utilis est: ut actio præscriptis verbis ex articulo do ut des, ad exemplum actionis empti et venditi: actio præscriptis verbis ex articulo do ut facias, ad exemplum actionis locati: actio præscriptis verbis quæ datur ex precario, datur ad exemplum commodati, quia precarium simile est commodato: et ita hic actio præscriptis verbis quæ datur educatori, est exemplo actionis rei uxoriæ: ergo utilis: directa actio soli uxori competit, soli mulieri consequendæ aut dotis causa, utilis educatori, qui eam sibi reddi postulat: ergo verum est hoc casu ex conventionem, quæ coheret dationi dotis ei dari conditionem dotis per actionem præscriptis verbis ergo utilem, non directam: nimirum ad instar uxoriæ actionis: et hoc si explicassent, in *l. quod erat præcipuum* explicassent: sed trahuntur in alia omnia, quæ nihil ad rem pertinent: ut quum hic tractant qua ratione vestiuntur pacta: nam quæ dixi, recto ingenio satisficient satis, aut nescio quid sit satis, cum mihi est, quod possit desiderari. Extremum hoc est ut respondeam ad *l. si tibi, inf. loc.* quæ huic opponitur: ex hac *l. is*, qui dotem pro alumna dedit, et dando pactus est eam sibi reddi soluto matrimonio, agit ex conventionem legis: secus est in specie *l. si tibi*: nam ibi conductor prædii dat agricolis pecuniam aliquam, et prorogat, id est, dat aliquid pro mutuo colonis. Deinde, non addita stipulatione paciscitur cum domino prædii eam pecuniam sibi reddi: lex ait, ex ea conventionem, quod sit nuda, non dari actionem: cohereret tamen pactioni datio: respondetur, quod non subiecerit stipulationem de ea reddenda, agere non posse: cur tamen hic agit educator de reddenda

da dote? res difficilis non est: nam in hac *l. 10.* qui dedit dotem, cum eo pactus est in danda dote eam sibi reddi soluto matrimonio: et in specie *l. si tibi*, qui dedit pecuniam, cum eo non est pactus sibi reddi, sed cum alio: dedit pecuniam in antecessum, vel dedit promutuo. Galli dicunt *avancer*, Grecis est, *πρόχρηται*. Ergo hic conductor prædii agricolis prorogavit summam aliquam in antecessum, et huic dationi nullam adjecit legem. Igitur non dedit illis pecuniam adlita certa lege: sed deinde cum domino prædii pactus est eam pecuniam sibi reddi, eoquo modo est pactus tantum: nam qui dedit cum eo non est pactus cui dedit, cum alio est pactus: restat ergo pactum eise nudum: non potest ergo ex eo actio dari: sed hic qui dedit pactus est cum eo cui dedit: et non obstat regula, quæ ait, ex pacto actionem non dari: nam inquit, hoc jure utimur cum pactum nudum est, unde stulto abrepta occasione contendunt quidam: non igitur omne pactum est nudum, quoddam est non nudum, seu vestitum: non ita oportet interpretari verba *l. nam his verbis, tunc enim hoc jure utimur cum pactum nudum est*, aliquid aliud significatur, id est, cum conventio pacti nudi nomine censetur, *l. ult. inf. de rer. permut.* et hæc conventio contractus potius quam pactum censetur, hic de qua agitur contractus est, non pactum: et ideo non mirum si ex ea conventionem nascatur actio: et eodem sensu explicant *l. si dominus, D. de præscriptis verb.* pactum nudum non intervenisse, cum certa lege datur aliquid: imo vero, quia lex illa certa est pactum nudum: omnis lex pactum nudum est: sed quia non lex tantum dicitur sola, sed datio intervenit, ex datione illa resumit nomen: et ideo misso nomine principalis negotii, non recte appellaveris pactum nudum, quod est contractus. Unus est doctrinæ, et præcipuus modus vera invenire, et inventa docere: secundus falsa convincere: hic certe illo facilius est. Utinam, inquit quidam ex veteribus: *tam facile vera invenire possem, quam falsa convincere*, quare quod erat difficile in explicatione ejus *l. ult.* omiserunt. Jam nos dissolvamus in eo quot et quanta peccaverit Bartolus, vel potius Accurs. illius enim fere sunt, quæ dicuntur a Barto. sumpta ex his, quæ notat ex *l. juris gentium, §. quinimo, D. de pact.* Primum in eo peccat, quod utilem conditionem, quæ hac *l.* datur, scribit, non esse adversam directæ, sed directam efficacem conditionem, quod satis perspicuum reddidi nudius tertius: et quia hæc conditio intenditur per actionem præscriptis verbis, omnis autem actio præscriptis verbis est utilis, quia datur exemplo cujusdam civilis, et directæ, ergo conditio hæc, quæ datur per actionem præscriptis verbis, est utilis non directa: deinde error in eo est, quod

ut conciliet *l. si tibi, inf. loc.* cum ista *l.* sit, in hac *l.* pactum, quod dationi dotis coheret vestiri favore dantis dotem: in *l. si tibi*, non vestiri odio prorogantis pecuniam pro colonis conducti prælii: nam in *l. si tibi*, conductor, qui prorogat pecuniam colonis conducti prælii cum domino paciscitur sibi hanc pecuniam reddi, sed accipiente alio quidam veluti conductore, vel accipientibus colonis pecuniam: nam quæro quo odio dignus est qui prorogat pecuniam alii? an pro beneficio promeretur odium? prorogatio est beneficii species: quare Barto. sibi hac in re non constat, et aliter has *ll.* inter se conciliat in *d. l. si tibi*, et rectius meo quidem iudicio in *l. si tibi*, quam hic hoc modo. Pactum nudum non vestiri inter alias personas, inter easdem personas vestiri: recte si modo abstinuisset vestiendi verbo, et si pactum nudum, pacto vestito vestiri, aut non vestiri non dixisset: nam vel in illa *l.* duo non sunt pacta unum nudum, alterum vestitum, quod operimentum insternat alteri, sed unum est tantum pactum de reddenda pecunia prorogata pro colonis in *l. si tibi*, et in hac *l.* de reddenda pecunia pro alumna data dotis nomine, ex quo pacto an sit actio quaeritur: debuit dicere Barto. in hunc modum: ex pacto nudo, quod rei, vel pecuniæ traditioni coheret, esse actionem adversus eum, qui rem pecuniæ accepit, et cum quo pactum factum est, ut in hac *l.* ex pacto autem nudo non esse actionem, quod quis fecit, non cum eo, qui rem vel pecuniam accepit, sed cum alio: nec enim hoc pactum rei coheret: semper eodem errore is interpretes fallitur: nam cum tractasset de concilianda *l. si tibi* cum ista *l.* deinde instituit tractare plene de pactis vestitis, et proponit initio hoc discrimen: pactorum alia esse nuda, alia vestita: perperam: quia omne pactum nudum est, nudum, inquam, a causa et nomine proprio: hæc est pacti qualitas inseparabilis: non possis mihi dare pactum vestitum quod non doceam nudum esse, vel contractum: nullum est ergo pactum vestitum: nam in primis si dixeris, cum inter duos convenit de re vendenda certo pretio nudo consensu, pactum esse vestitum, hoc pernegabo, et contendam esse contractum emptionis et venditionis: cum ergo nudo consensu agitur inter duos, ut res vendatur certo pretio, est contractus, id est, emptio et venditio: non est etiam vestitum, quod lex adjuvat, id est, ex quo lex vult actionem dari, vel tolli: nam id dicitur nudum, *l. legitima. D. de pact.* quæ lex ostendit in eo pacto legitimo vitari regulam, quæ dicit ex pacto actionem non nasci, quæ est de pacto nudo: ab ea dum excipit pactum legitimum, innuit pactum legitimum esse nudum; sed parit actionem, quia lex pactum nudum confirmat, id est, voluit ut ex

eo nasceretur actio: atque ita pactum nudum nonnunquam parit actionem, *l. nuda, C. de contr. stipul.* ex pacto nudo non semper denegari actionem: nam interdum etiam ex pacto nudo datur actio, ut si lege adjuvetur, *d. l. legitima*: vestitum etiam non est pactum, quod fit in ingressu contractus, ut in traditione rei, *l. juris gentium, §. quinimo, D. de pact.* nam cum ante dixisset JG. pactum nudum parere exceptionem, adjicit statim, quinimo format ipsam actionem: pactio ergo nuda, ut si fiat in ingressu contractus, et ex contingenti: pactionem ergo quæ fiat in ingressu contractus, vel in medio contractus, ut in mutuo composito, deposito, vocat nudam; et tantum abest, ut traditione rei vestiatur pactum, vel vestitum censeatur, quod fit in traditione rei, ut etiam si concurrat traditio rei, et auxilium legis tamen dicatur nudum, id est, si in danda pecunia mutua fiat pactum de usuris: ut si pecuniam det civitas quidam, aut Respublica, et in ea danda paciscatur de usuris, ex eo pacto nascitur actio, quod ut lex aliqua efficeret necesse est, cum non solet ex pacto nasci actio: ergo in ea specie pactum dationi pecuniæ coheret, et præterea lege adjuvatur, quia parit actionem, et petitionem usurarum, de quibus convenit, et tamen pactum nudum dicitur in *l. etiam, D. de usur.* etiam ex pacto nudo creditæ pecuniæ civitatis debentur usuræ: et eodem modo si in dando frumento mutuo, id est, tempore dationis conveniat de usuris, pactum est nudum, et coheret tamen dationi rei, vel frumenti, et legitimum est: nam placuit actionem nasci, et petitionem usurarum ex pacto incontinenti apposito credito frumenti, vel hordei, *l. 12. inf. de usur.* ubi pactum dicitur nudum. Ergo quod vocant vestitum, puta quod fit traditione rei, vel in ingressu contractus, hoc nudum videtur etsi lege adjuvetur, id est, etsi pariat actionem, *l. etiam, D. de usur. l. 12. inf. eod. tit.* item pactum, cui additur stipulatio, etiam nudum est: illi vestitum vocant, et nudum dicitur in *l. nuda, inf. de contr. stipul.* quod ex eo probari potest, quia etsi pacto sit adjecta stipulatio, ex eo non nascitur actio, sed ex stipulatione. Paulus lib. 2. *Sentent. omnibus pactis stipulatio subjici debet, ut ex stipulatu actio nasci possit*, quia ex pacto nudo non est actio, subjici stipulationem, ut quæ non potest esse ex pacto, sit ex stipulatu: item pactum, quod stipulationi adjicitur, etiam nudum est, sicut quod adjicitur ceteris contractibus: et hoc potissimum, quod adjicitur stipulationi, nec ipsam actionem ex stipulatu format: nam hoc tantum receptum est in contractibus bonæ fidei, *l. in bonæ fidei, inf.* et consequenter non est etiam dicendum literis vestiri pactum nudum, sive literarum obligatione: nam

literarum obligatio procedit ex alia obligatione: quum transfertur, aut deducitur in literarum obligationem, id est, transfertur ex alio debito, puta ex mutuo, vel fœnore, vel alio titulo, ut recte Theoph. in tit. de liter. obligat. quod non ante mihi potui persuadere verum esse, quam omnino id explicatum legi l. 6. Theod. de denunt. rescript. quæ valde confirmat, quod Theoph. tradit: igitur ex alia causa debet transferri obligatio in literarum obligationem. In alio titulo pactum fuit nudum, ergo et in literis erit nudum, nec ex his operimentum accipiet: denique nullum pactum vestitum ponunt, quod non possis probare esse nudum, vel contractum potius esse. Idem Bartol. male scribit, aliud esse vestire contractum re, aliud rei inventu: et vult esse separanda, vestiri, vestiri re mutuum, commodatum, depositum: vestiri rei interventu contractum do uti des, do uti facias. Transit perperam a pactis ad contractus: tractabat enim ante de pactis vestitis, modo tractat de contractibus vestitis, et contractus ait vestiri re, aut rei interventu: nude is cum legisset in libris nostris pacta nuda, commentus est statim pacta vestita, sicut inter medicos quidam cum legisset morbos acutos, statim commentus est morbos obtusos: sic cur mihi, cum legam apud Bartol. contractus vestitos, non liceat ex adverso facere contractus nudos? sed hoc ut faciam ne ipse quidem Bartol. feret, nec feram ipse pari jure, ut et appellatione nudi conficiat is nobis statim pacta vestita: et multo minus, ut confundat pacta, et contractus, quæ accurate semper auctores nostri separant, ut nusquam pactum contractum, vel contractum pactum appellaverint idemque Græcis accidisse puto, qui nusquam σύμφωνον, συνάλλαγμα, vel contra appellant, pacti et contractus vis non est una: pactum vacat nomine et causa, contractus habet nomen, et causam: pactum obligationem non parit, contractus obligationem parit: non feram pari jure separari rem a rei interventu: mutuum re contrahitur: nam quid est aliud re contrahi, quam rei interventu contrahi? nihil ergo interest re dicas, an rei interventu, sicut nihil interest, sive pretio contrahi emptionem dicas, sive pretii interventu: ex quo efficitur, etiam falsum esse, quod idem interpretes tradit ex Jacobo quodam, rei interventu vestiuram fieri, quæ fit tantum in contractibus innominatis: nam mutuum, depositum, commodatum pignus, nominati sunt contractus, et tamen rei interventu, id est, datione, aut traditione rei, aut pecunia contrahuntur: ergo, ut ita loquar, rei interventu vestitura fit in contractibus nominatis, ut in mutuo: at male dicam mutuum rei interventu vestiri, et male dicam, in contractibus nominatis, qui re contrahuntur,

velut in mutuo, vel commodato, vel pignore, tacitam inesse conventionem de reddenda re, vel pecunia, in contractibus innominatis exprimendam esse eam conventionem puta do ut des, do ut reddas, hoc est falsum: nam etiam in contractibus innominatis tacita inest conventio, licet non exprimat, ut in donatione hereditatis, l. hereditatem, D. de donat. cui inest tacita conventio, ut qui accipit hereditatem, satisfaciat creditoribus hereditariis, et etiam donanti, si quid ei defunctus debuerit: et ideo ex ea donatione nascitur actio præscriptis verbis, et est contractus innominatus, cui tamen tacita inest conventio, ut solvat creditoribus: ergo falsum est conventionem de reddendo, de vicissim dando exprimendam esse in contractibus innominatis: nam id pro certo habetur. Idem auctor acute pacta, sive contractus dicit: non enim inter se confundit: ait, contractus vestitos recte dici, non vestiri: vestitos contractus nasci, non fieri, vestiri nudos: nullos esse nudos contractus: ergo nullos vestiri: nasci contractus vestitos re, aut verbis, aut literis, aut consensu, sicut homo, utitur enim hoc exemplo, nascitur veste carnis indutus, ita contractus nascuntur vestiti, nec vestimenta accipiunt: quid igitur si contractus ab initio vestitus sit, puta credita pecunia, si vestitus re, quale est mutuum, et ex intervallo, non novandi animo interponatur stipulatio creditæ pecuniæ, an non recte dicam, ut minui stipulatione, contractum stipulatione vestiri? corroboratur enim addita stipulatione, et vestiri corroborari est, et vestitum vestire uon est absurdum? exemplum sit homo quo utitur, veste carnis indutus, vestimentum est primum, deinde vestitur togis: sic igitur et mutuum, quod ortu suo est re vestitum, vestitur poste recte stipulatione adhibita: et licet si stipulatio addatur mutuo ex continenti unus sit contractus, id est, stipulatio, si sit utilis, et mutuum si stipulatio sit inutilis, l. 6. §. ult. et l. seq. D. de novat. etsi, inquam, si mutuo ex continenti addatur stipulatio unus sit contractus, id est, stipulatio, vel mutuum, tamen si ex intervallo non novandi causa addatur stipulatio, vel duo sunt contractus, et prior corroboratur posteriore, quanquam stipulatio vacet. M. Tullius in fine orationis pro Roscio Comædo: cum, inquit, sine cautione, et repromissione illi debeatur, qui nullo diligentia fuit, ut diligenter stipularetur. Idem hic tentat, ex contractibus, qui consensu contrahuntur, non nasci civilem obligationem, nasci naturalem tantum, veluti emptione, mandato, locatione: sed si ex his contractibus nascatur tantum obligatio naturalis, ideo consequens est non nasci actionem obligatoriam, falsum est ex his contractibus non nasci actionem, ergo falsum est naturalem nasci, non civilem, et id tantum tentat Bartol.

non probat, et nititur hac ratione forti, pactum nudum non tollit obligationem civilem: pactum nudum tollit obligationem consensu contractam: ergo obligatio consensu contracta non est civilis, non est necessario collectio: est propositio vera: assumptio probatur *l. juris gentium, §. adeo, ff. de pact.* quæ dicit pacto resolvi jure emptionem, cum placet inter contrahentes, ut recedatur ab emptione, vel in totum, vel pro parte: pactum ergo tollit obligationem consensu contractam: et ut respondeamus huic questioni, nascit plane respondere: debuit hoc modo: emptionem pacto resolvi ipso jure, atque ita obligationem consensu contractam non tam potestate pacti, quam judicii bonæ fidei, cui tacita inest exceptio pacti. *l. 3. ff. de rescind. vend.* tollitur obligatio empti venditi, quæ fuerat consensu contracta per exceptionem, si pactum per se solum spectes: tollitur ipso jure, æquitate arbitrii bonæ fidei, cui inest exceptio pacti, vel doli etiam si non opponatur, et ita ait *l. ab emptione, D. de pact.* hanc pactionem, ut recedatur ab emptione bonæ fidei interpretationem admittere: quia, inquit, bonæ fidei interpretatio, ad quam omnia hæc rediguntur, hanc quoque conventionem admittit: ex quo intelligimus, non lege ipsam pacto tolli obligationem consensu contractam, sed interpretatione bonæ fidei: tollitur ergo non ipso jure plane. At cur tollitur pacto? quia exceptio pacti inest arbitrio bonæ fidei, etiamsi non opponatur: tollitur ergo non tam pacto, quam per exceptionem, quæ inest judiciis bonæ fidei, etiamsi non opponatur, alioqui si esset strictum iudicium, non tolleretur actio ipso jure, nisi opposita exceptione, *l. 3. inf. de rescind. vend.* et ita etiam hypotheca, quæ pacto constituitur, si convenerit de non petendo, non tollitur, nisi opposita exceptione, *l. si tibi, §. de pignore, ff. de pact.* non quasi hæc sit potestas pacti, ut consumat obligationem civilem sine exceptione. Sed non opponitur exceptio: quia bonæ fidei arbitrium non exigit, ut omnes exceptiones opponantur: et ita debuit respondere: reliqua quæ supersunt cras explicabo.

Dixi nudius tertius, ex contractibus, qui consensu contrahuntur, nasci obligationem naturalem tantum, non civilem, tentari hoc arg. posse: pactum ipso jure non tollit civilem obligationem: pactum ipso jure tollit obligationem consensu contractam: ergo obligatio consensu contracta non est civilis: hoc arg. tentare quis potest obligationem eam, quæ consensu contrahitur esse naturalem tantum, non etiam civilem: cui ita respondi: pactum obligationem consensu contractam veluti empti venditi tollit, non plane ipso jure, sed per exceptionem pacti, quod tamen necesse non est opponi, propter æquitatem judicii bonæ fidei, quæ tacite complectitur

Tom IX.

exceptionem pacti etiam non oppositam: bonæ fidei ergo interpretatio facit, ut exceptio, quæ opposita non est, opposita videatur: eo pacto resolvitur emptio non quidem ipso jure, sed per exceptionem tacitam, et interpretationem bonæ fidei: ut ait *l. ab emptione, ff. de pact.* quod bonæ fidei nomen manat latissime, et ambitu suo complectitur exceptionem pacti, et doli, *l. sed et si ideo, ff. solut. matr. l. 3. ff. de rescind. vend.*

Aliter tamen Bartol. respondet, cui modo damus operam: quæ enim veriora esse existimamus, et proprie pertinere ad l. 10. ea discutienda suscipimus: capio ex Bartol. quæ probabiliora videntur, et rejicio quæ probabilitatem nullam habent. Is ergo respondet in hunc modum. Pacto nudo ipso jure tolli obligationem consensu contractam etiam civilem, quia etiam pacto nudo fuerat constituta et perfecta: pacto, inquam, nudo ipso jure tolli obligationem empti venditi etiam civilem, quia pacto nudo fuerat constituta civilis obligatio: et hoc est naturale, ut prout quidque contractum est ita solvatur, *l. prout, ff. de solut. nego.* pacto nudo perfici emptionem: passim legitur, nudo consensu perfici emptionem, nusquam autem pacto nudo legitur perfici emptionem, non idem est pactum nudum, et nudus consensus, quo emptio perficitur, et nascitur obligatio: et capio est ex accidenti, si quis ita argumentetur: nudum pactum est nudus consensus, nudo consensu perficitur emptio et venditio, ergo pacto perficitur emptio et venditio. Nam propositio non erit absolute vera, sed consensus nudus, qui non transit in proprium nomen contractus, is scilicet est pactio: consensus autem ille proprium nomen habet, ut, verbi gratia, si duo consenserunt invicem de re tradenda, et de pretio, hæc conventio statim transit in proprium nomen contractus, *l. juris gentium, ff. de pact.* consensus autem nihil aliud est, quam conventio, *l. 1. §. adeo, ff. de pact.* Lex ait nullam esse obligationem, quæ in se non habeat conventionem: et mox subjicit: nam etsi stipulatio non habeat consensum, nulla est: idem ergo conventio et consensus. Conventio est genus, ergo consensus etiam est genus: nam et species hæc sunt pactum, et contractus, pactum omne est conventio nuda, at contractus, aut est conventio nuda, ut ecce venditio: quid est venditio emptio? est conventio nuda rei tradendæ certo pretio, est perfecta definitio: quid est conductio locatio? est conventio nuda fruendi, vel faciendi certo pretio: aut contractus est conventio, quæ ex re, vel verbis initium obligationi præbet non ex conventionem sola: ut ecce depositum, quid est depositum? est conventio custodiendæ ejus rei, quæ traditur sine mercede, interposita reddendi fide: est perfecta definitio: mutuum quid est?

est conventio pecuniae creditae et datae ex lege, ut tantumdem reddatur: quid est stipulatio? est conventio solemnibus verbis ex interrogatione et responsione confecta: hae igitur conventiones non sunt conventiones nuda: denique contractus, aut est conventio nuda, aut conventio; quae exigit, ut perficiatur, res aut verba. Male etiam idem Bartol. scribit, consensum esse vestem emptionis similiumque contractuum. Dico, consensus perficit emptionem, vestis non est perfectio rei: ergo consensus non est vestis emptionis: vestem dixerit Accurs. et Bartol. cum hoc loco, tum etiam in *l. juris gentium*, §. *quinimo*, consensum esse vestem, quam exiguum et levem, ut loquuntur, quod etiam si concessero, non tamen haec vestis fecerit, ut dixerim emptionem esse contractum vestitum: nam ut ait Aristot. paria sunt vestem habere exiguum, et nullam vestem habere: ὁμοίως ὅλοι μὴ χεῖρ τοπρίον καὶ τὸ μίχρον χεῖρ, et nostri auctores admittunt ex *l. quoties*, ff. *qui satisd. cog.* Rursus si consensus est vestis emptionis similiumque contractuum, cur non et pactorum? contractus solo consensu perfecti, vestiti sunt: denus hoc, sed sunt etiam pacta vestita, quae solo consensu perficiuntur, hoc tamen nolunt, ut consensus vestiat pactum: merito ergo nolim, ut consensus vestiat contractum: sed ut differentiae rationem afferant pacta sunt frigidiora: ita scripsit Accurs. in §. *quinimo*: non indigent veste consensus, contractus sunt calidiores: haec sufficient ex mutationibus, quas hic afferunt interpretes, in reliquis graviores forsitan offensuri. Bartol. adjicit, donatione perfecta pacto, non nasci actionem ex pacto, sed conductionem nasci ex *l. si quis argentum*, inf. *de donat.* fatetur pacto hodie perfici donationem, sed actionem non dari ex eo pacto, dari tamen conductionem ex lege Justiniani: fateor dari conductionem ex lege adversus donatorem, ut impleat donationem et perficiat, ut rem donatam tradat, et ita ait Novel. 62. esse conductionem ex lege, sed quod dicatur esse conditio ex lege, non ideo minus est ex pacto actio, ut actio hypothecaria dicitur esse ex edicto Praetoris, et tamen est ex pacto, *l. si tibi*, §. *de pignore*, ff. *de pact.* et ita de donatione lege Justiniani datur conditio ex pacto: utrumque est pactum hypotheca et donatio, non contractus: nam ut hypotheca duorum consensu perficitur, ita et donatio: nec enim est donatio nisi is, cui donatur, consenserit: donatio quae sit ποροψις, id est, non accipiente donatario, non valet, pollicitatio est, non pactio: ex pacto donationis est actio ex pollicitatione donationis non est actio, quod demonstrat constitutio Graeca, quae desideratur in *tit. de sacros. eccl. sup.* qua cavetur, ut valeat donatio si quis locum pietati dedicaverit, etsi nemo fuerit, qui dedicationi interfuerit: hanc do-

nationem non viliari propter ποροψις, aliqui demonstrat, non valere factam ex una tantum parte: ut ergo, quae edicto Praetoris datur actio de hypotheca, est ex pacto, ita quae lege Justiniani datur actio de donatione, est ex pacto: et quamvis dicatur esse conditio ex lege, non ideo minus est ex pacto, sed conditio dicitur ex lege, quod eam lex Justiniani dederit ex pacto. Praeterea adjicit Bartol. pactum vestiri opere coepto, id est, si quis coeperit dare aut facere quod promiserat. Namque quod coeperit dare aut facere quod promiserat, obligari eum in hoc ut coeptum peragat, atque ita opere coepto pactum vestiri, et parere obligationem: sed tamen hoc Bartol. videtur improbare, et recte, sed liquido non demonstrat, qua ratione improbet. Id demonstramus: quod dicitur eum, qui coepit opus facere obligari in hoc ut perficiat opus, vel eum qui coepit pecuniam solvere, obligari in hoc ut persolvat, id habet tantum locum in pollicitatione facta Reip. non in pacto. Sed dicet aliquis: si hoc habet locum in pollicitatione, et in pacto nullo magis. Nam plus est pactum, quam pollicitatio: pactum duorum consensu efficitur, pollicitatio solius offerentis promissione: pollicitatio est animi unius hominis, pactum duorum, aut plurium: plus est pactum quam pollicitatio: unde si qui ex pollicitatione coepit dare, aut facere, obligatur ut rem peragat, cur quis ex pacto non obligatur, ut fidem persolvat? ut intelligatur ratio differentiae, sciendum est, ex pollicitatione actionem dari duobus aut tribus casibus: primum datur actio ex pollicitatione dotis, *l. ad exactionem*, inf. *de dot. prom.* ergo dabitur etiam ex pacto dotis: non dabatur olim actio de dotenisi ex stipulatione, vel dictione dotis, quae fiebat solemnibus verbis citra stipulationem a certis personis, ut ab avo, patre, non extraneis, ut ait Ulpian. in fragm. hodie citra stipulationem dos constituitur pollicitatione sola, et ex ea actio competit, *d. l. g. ad exactionem*: denique ex pacto dotis est actio. Item ex pollicitatione operis, vel pecuniae facta Reip. non privato homini est actio, ut si quis ob honorem decretum, vel decernendum, vel ob aliam justam causam veluti ob incendium, vel terrae motum, vel aliquam ruinam, quae civitati contigit, si quis, inquam, ob justam causam polliceatur civitati, se quid facturum, vel pecuniam daturum, hic obligatur ex pollicitatione, in *l. 1. et 3. ff. de pollicit.* obligatur hic etiam ex pacto si paciscatur ob justam causam cum auctore civitatis se pecuniam daturum, vel aliquid facturum, et ita erit ex pacto actio: at si quis sine causa promiserit ultro Reip. se aliquid facturum, non obligatur, nisi coeperit opus facere, vel pecuniam solvere: cum enim coepit, obligatur ex constitutionibus et reliquum praestare, *d. l. 1. et 3.*

de pollicit. idem admitteremus in pacto, si quis paciscatur cum actore Reip. sine causa se aliquid facturum: nam æquum est, ut hic, si cepit dare, aut facere, reliquum persolvat exemplo pollicitationis. Sed non idem erit si pactum, vel pollicitatio fiat privato: in multis quidem civitates privatis comparantur, *l. inter, de verb. signific.* sed in hac causa separabimus civitates a privatis: nam hoc est e re civitatis, ut temere ne polliceantur. Quare qui pollicitus est Reipub. cum causa, statim obligatur, et qui sine causa cepit facere, obligatur in residuum et continuum, sed qui pollicitus est quid privato, is etiam si cepit ex pollicitatione agere, vel facere, non obligatur, *l. 7. inf. de usur. l. si certis annis, inf. hic.* Ex pacto debebat centum annua, eum solvit pecuniam certis annis: an cogetur reliquis annis solvere? minime: item ex pollicitatione solutione facta per annum, non est in residuum actio: est et plerisque aliis causis ex pacto actio, licet non sit ex pollicitatione, ut ex pacto donationis, hodie est actio ex constitutione Justiniani, ex pollicitatione donationis hodie non est actio nisi fiat Reip. aut Ecclesie, aut pietatis nomine, et intuitu: donatio quæ sit pollicitatione ea est, quæ non accipitur a donatario, ex pollicitatione donationis non est actio, ex pactione tamen dicimus generaliter esse actionem. Et est tertius casus, nempe ex voto, *l. 2. inf. de pollicit.* et non male sub tit. de pollicitationibus tractatur de voto: votum est species pollicitationis, et sunt affinia vocabula, polliceri et pollicere: nam pollicere est vovere diis: ex his liquet, quid distet hac in re pactum a pollicitatione, et verum non esse pactum vestiri opere coepto, ut ait *lex si certis annis, inf. hic*, nisi factum sit Reip. quia voluntas collata in Reip. pœnitentia non revocatur, ut collata in privatum voluntas: cum jure non sit obligatus, qui nudo pacto privato promittit, nec si volui hodie, et nolui cras, jure obligatus sum. Præterea docet Bartol. pactum vestiri jurejurando; hoc est omnino verum: nam quæ forma dicit Bartol. pactum vestiri stipulatione subjecta, cur non et ipse dicam, pactum vestiri jurejurando subjecto? verum est efficacissimum esse pactum, cui subditum est jusjurandum, *l. si quis major, inf. de transact.* Sed hoc modo quicquid fuit pactum ita explicandum est: aut jurat quis se daturum, aut facturum: hoc nihil pertinet ad pactiones, quia non paciscitur, sed jurat: an est ideo actio? minime: ut ex pacto et pollicitatione non est actio, ita ex jurejurando non est actio; excipitur unus casus, qui introductus est lege Julia et Papia, si libertus post manumissionem receptam statim juret se præstaturum patrono pecuniam, vel operas: hoc solo casu obligatur quis in operis, vel pecunia, *l. 7. inf. de oper.*

lib. r. Dices, in *l. si quis pro eo, ff. de fidejussor.* quidam quasi libertus juravit se operas daturum cum non esset libertus, et fidejussorem dedit: queritur, an obligetur fidejussor? lex ait non obligari. Imo vero, quia fidejussor accedere potest naturali obligationi, et adjungitur ei recte, satis est, ut fidejussio valeat, si præcedat debitum, et ex jurejurando est obligatio, sicut ex pacto: conjungitur pactum et jusjurandum, *l. Stichum, § naturalis, ff. solut.* Ut jurejurando, ita pacto tollitur naturalis obligatio, et ut ex pacto, et ex jurejurando nascitur naturalis obligatio, sic etiam tollitur: qui ergo jurat se operas daturum, etsi non sit libertus, obligatur naturaliter: ergo et fidejussor. Sed respondendum est, in hac specie, eum qui jurat se operas daturum, jurasse quasi libertum, etsi servus esset. Sed si patronus in favorem libertatis exigit jusjurandum a servo, quo juret se post libertatem operas daturum, hic juravit cum servus adhuc esset, vel juravit statim post manumissionem ut in *l. ult. ff. de liber. cau.* ut libertus, in *d. l. si quis juravit quasi libertus*, cum libertus non esset. Igitur videndum est: nam si appareat nullam fuisse manumissionem, consequens erit ex eo jurejurando nullam natam obligationem, nec naturalem qui levi, et inde fidejussorem non teneri, alioqui si ponas naturalem obligationem, necesse est ut fidejussor obligetur civiliter, *l. et per jusjurandum, ff. de accept.* quæ docet obligationem cum promisit libertus operas tolli acceptilatione, tamen si vulgo dicatur, acceptilatione tantum tolli verborum obligationem: sed verborum obligatio non contrahitur per unum modum tantum, id est per interrogationem et responsionem, contrahitur tribus modis, per stipulationem, per jusjurandum liberti, et per dictionem dotis, his tribus modis contrahitur obligatio verborum, et eadem tollitur acceptilatione, nam quodcumque verbis quoquo modo contractum est, verbis tollitur per acceptilationem. Sed obligatio, quæ contrahitur per pollicitationem, vel pactionem, an tollitur, et perimitur acceptilatione? minime: quia pollicitatio, et pactio non sunt solemnibus verbis: pactione, actio, et obligatio, quæ sit, consensu contrahitur, aut tollitur: nam actio, quæ tollitur pacto, non sit solemnibus verbis: solemnia sunt acceptilationis verba: dictio etiam dotis solemnibus verbis sit: et ne dixeris arg. *l. et per jusjurandum*, obligationem constitutam per pactionem vel pollicitationem acceptilatione tolli: tractatur de eo genere obligationis in *l. 7. ff. de oper. liber. et l. 6. §. si quis absente, ff. de confess.* In quo §. conferuntur hæc tria, res iudicata, jusjurandum liberti, et confessio: iudicatum me absente adversus me non valet, confessio non valet, jusjurandum a servo absente patrono non valet, ut dixi supra: donatio facta

μὴ νομίζω non valet: idem est statuendum de confessione facta μὴ νομίζω: ea nullius est momenti absente adversario: idem de jurejurando liberti, quod quidem solum parit obligationem: nam et hoc jusjurandum nullius est momenti nisi fiat accipiente patrono: aut ergo jurat se facturum, aut pacto adjicit jusjurandum: hoc casu, si servandum est pactum, et jusjurandum igitur; si servandum non est pactum, nec jusjurandum, *l. juris gentium, §. generaliter, ff. de pact. l. non dubium, sup. de legib.* licet aliud sit jure pontificio, nam etiam servandum est jusjurandum, licet sit contra bonos mores civiles, ut si contenta sit filia dote, et paciscatur, ne quid amplius petat in bonis paternis, quæ pactio licet sit persola, ut Plautus ait, qui persolum oculum in lusco esse ait, servabitur tamen jusjurandum quod pactioni subjicitur, at jure civili ubi non est servandum pactum, nec etiam jusjurandum: nec facit adjectio jurisjurandi ut detur actio, nec ex jurejurando, ergo nec ex utroque: nam ex pacto iterato sæpius non datur actio: iteratio enim nihil adjicit: nec his adversatur quod olim ex constituto si pacto adjiciatur, constituta est actio ex edicto Prætoris: nam constitutum non est pactum, plus est quam pactum, quod et verbum satis significat: hoc enim verbum *constituendi* significat consensum, quod etiam adjectio diei demonstrat: nam constitutio omnis est in diem, constituit quis, et recipit se daturum quod pepigit illo die, vel in decimum constituuisse intelligitur, ut *l. promissor, de constit. pecun.* ergo plus est constitutum quam pactum iteratum. Igitur ex constituto actio nascitur. Diximus etiam ex *l. si quis major*, pactum vestiri jurejurando, id est, dari actionem ex pacto, cui subiectum est jusjurandum. Postremo aut jurat quis sibi deberi aliquid, et hoc nihil ad pactiones, an ex hoc jurejurando est actio? minime: non est actio propria, sed est actio judicati utilis: nam postquam juratum est, judex dat litem secundum eum, qui jurat sibi deberi, et dicitur competere utilis actio judicati. et ita appellatur sæpe *tit. de jurejur.* non datur actio ex prior causa debiti, ex quo jurat sibi deberi, quia novatur judicatio. Igitur cum secundum jusjurandum sequitur pronuntiatio judicis, novatur prior actio, et est actio judicati quæ dicitur utilis: actio judicati directa actio est si judicium exerceatur inter invitos actio judicati utilis est, si judicium exerceatur inter volentes, si pronuntietur inter volentes, ut hoc casu, ex quo datur utilis actio judicati, vel si non sequatur sententia, de jurejurando dabitur actio ex pristina causa, ut ex causa empti venditi, dabitur actio ex empto vendito, *l. si duo, §. Marcellus, ff. de jurejur.* Quædam restant alia ex Bartolo, quæ cras explicabo.

Expositis vestimentis pacti, Bartolus pacti nudi definitionem ponit hujusmodi. Pactum nudum est id quod vestitum non est; definitio est ex contrario vitiosa, quia ponitur ex contrario pacti, quod contrarium non est, quod ita probo. Contrarii sensus non est sine contrario altero: pacti nudi sensus est sine vestito: ergo pactum nudum vestito contrarium non est. Rursus quod nusquam est, contrarium alteri esse non potest: pactum vestitum nusquam est: ergo pactum vestitum nudo non erit contrarium, nec privatio vestis erit definitio pacti nudi: nuditas in pacto non est privatio vestis, sed simplicitas, enim placitum scilicet pacti sine stetit, nec processit ulterius: pacta et contractus sunt contraria, eorum enim vis et ratio est diversa: pactum est conventio, quæ vacat nomine, et causa: contractus est conventio prædita nomine, et causa: contractus civilem obligationem parit, pactum non parit: ergo ex contrario, si vis definire pactum, sic debes: Pactum est quod non transit in nomen vel causam contractus: vel pactum est quod non est contractus: protulit tamen et aliam definitionem ex *l. 1. D. de pact.* quæ verissima est: pactum nudum est duorum vel plurium in idem placitum consensus quæ est definitio pacti nudi: pactum ergo nudum est duorum vel plurium in idem placitum consensus, ut scriptum est in Pandect. Flor. sed ita construere debemus, pactum est consensus duorum aut plurium in idem placitum, in idem ἀπὸ τοῦ, et consensus quidem persolus ac simplex, id est, nihil nisi consensus. Ergo pactum nudum consensus persolus ac simplex, nihilque prætera: duorum vel plurium in idem placitum, perfecta est definitio. Multas alias definitiones pacti nos tradidimus in præfatione hujus tituli, et omnes sunt bonæ: nam nihil vetat quin possit res una multifariam definiri: dum servetur eadem notio semper: possunt mutari vocabula, non tamen notiones, ut medicus scribit in methodo: *καμπόλλους ὀρίσµους ἔνισται ποιεῖν ἐνὸς πράγματος ἐν ταῖς φωναῖς µόνον, οὐκ ἐν ταῖς νοήμασι διαφέροντες*, etc. Post definitionem pacti Bartolus ponit duo exempla pacti, quæ sunt ex Accursio *l. juris gentium, §. sed cum nulla, de pact.* unum, si pactum sit inter convenientes, ut ea conventio esset pactum, erit pactum, *l. juris gentium, §. quod fere, de pact.* alterum si stipulatio fiat inter absentes, quæ stipulatio est inutilis: enim conventionem non possumus tueri jure stipulationis, sed jure pacti argumento *leg. si unus, §. pen. D. de pact.* hoc igitur ponit pro exemplo pacti nudi, ego vero non accipio pro exemplo: nam dum hoc mihi proponitur omne pactum esse nudum, audio stipulationem inutilem habere vim pacti, sed exemplum pacti non video, quod mihi representet formam pacti:

quæro quæ forma sit pactum nudum, quæ est conceptio pacti nudi, quod non dicit, qui mihi objicit mentem tantum convenientium: exemplum mihi non exhibet pacti, qui dicit stipulationem inutilem factam inter absentes habere vim pacti: hoc itaque sit exemplum: do ut des est contractus, quia subest causa, id est, datio; nomen non subest, quia conventio caret nomine: sed quia causa subest, est contractus: dabo ut des est pactum nudum, quia hæc conventio neque datione, neque stipulatione sumpsit effectum, nec transit in ullum proprium nomen contractus: verbi gratia, dabis mihi togam ego pallium, consensus est nudus; simplex, sine nomine, in diem placitam consensus sine causa factus, sine stipulatione: ergo nudum est pactum: dabo equum, tu mihi dabis vestem: et ita etiam si conveniat inter creditorem et debitorem, ut creditor non petat pecuniam a debitore, vel contra, pactum est nudum, si non subjiciatur stipulatio solemnitas, *l. litigatores, §. interdum, D. de recept. arbit.* et similiter si inter me et te conveniat, ut tu mihi reddas pecuniam, quam ego Titio numeravi, uti reddas pactio est nuda, *l. si tibi, inf. de loc. et cond.* Et ita inter cohæredes si conveniat de partibus hereditariis faciendis ex portione, sed nondum sint factæ, et permutatæ invicem, pactum est nudum divisionis, *l. si divisionem, inf. famil. ercisc.* Nam res non excescit fines placiti, res stetit finibus placiti, nec est progressa ulterius: ergo conventio est simplex cum divisione nondum sumpsit effectum, nec stipulatione ulla: et ob id Græci recte definiunt ita, *φίλον σύμφωνον ἴστω ἡλικίᾳ καὶ προσηύχοντα ὁδοῖς ἢ τοταῖς, ἀλλὰ λόγον συστάῃ ἐπὶ ὁδοῦ ἢ ποιήσῃ*, id est, nudum pactum est, cum non intervenit datio, aut factum, sed constitit conventio in eo, ut daretur, vel fieret aliquid. Sed pleniorē definitionem fecerimus, si adjecerimus etiam nomen non intervenire ullum, aut non subesse: nam emptio venditio nullam habet causam. Perficitur enim solo consensus sine, traditione rei, aut datione pecuniæ, et hæc priusquam acta sint, perfecte est emptio et venditio solo consensu: nec tamen est pactum nudum, quia hæc conventio proprium nomen habet: videtur ergo secundum ea, quæ dixi, omne pactum fieri eadem forma, qua fit stipulatio: nam ut stipulatio ita fit recte, dabis dabo, ita pactum nudum ita fit recte, pecuniam illam non petes, non petam, dabis pecuniam, dabo, et retro, tu vero vicissim dabis pecuniam, dabo, proponi videtur eadem forma pactum, qua stipulatio: unde in *l. juris gentium, §. quod fer. D. de pact.* quæritur hæc verba: rogavit Titius, spondit Mævius, quæ solent fere inseri in novissima parte pactorum, an habeantur stipulationis loco, an pactionis, deinde subji-

cit: hæc verba non tantum pactionis loco accipiuntur, sed etiam stipulationis: inanis est questio, nisi convenient verba tam pactioni, quam stipulationi: videtur ergo eadem stipulationis et pactionis formula: promittendi verbum est commune innumeris locis: complectitur enim tria: sponcionem factam stipulatori, et pollicitationem, et pactionem nudam: quæ pollicitatio est, solius promissio dicitur: qui pollicetur promittere dicitur, et qui spondet stipulanti promittere dicitur, et inde ratio nominis, quod omnes hi profiteantur se daturum aliquid, vel facturos: qui paciscitur, spondet, pollicetur, promittit se aliquid facturum: promittere nihil est, quam profiteri, ut apud Petronium Arbitrium, *testibus tuis, inquit, obstem, aliquid aliud promittam*, id est, aliquid aliquid profitebor: quæ ergo nota discernemus stipulationem a pacto? nudo animo scilicet convenientium, et sine atque conclusionē tractatus: pacto subjici solet stipulatio: si ergo id, quod pactus fuero tecum rogavi, deinde tu spondisti, et forte ita instrumento scriptum est, me rogasse, te spondidisse quod pepigeram ante, proculdubio stipulatio est, nisi specialiter contrarium probetur, quod non animo stipulentium hoc factum est, sed paciscentium: nam si discedimus ut pacti, pactum est, si vero discedimus ut stipulati, stipulatio est: et ideo inspicienda est conclusio tractatus habita inter duos pluresve: ex eo intelligemus sit pactum an stipulatio. Si ergo scriptum pactum sit nudum, vel stipulatio, tractatus habetur pro stipulatione, et in instrumentis etiam si non fiat mentio interrogationis, vel responsionis, accipiemus pro stipulatione, modo sit stipulatio confecta inter præsentēs: nam hoc exigitur *l. 1. inf. de contr. stip. l. ea quæ, ff. de donat. int. vir. et uxor. l. Titia, §. 1. ff. de verb. oblig. et l. 50. cod. tit. et §. si forte, Instit. de verb. oblig.* exigitur ut res sit gesta inter præsentēs, alias, si gesta sit inter absentes, si quis alteri miserit cautionem, in qua scripserit se promittere, hanc scripturam non possumus accipere pro stipulatione, quia stipulatio fit inter præsentēs: accipimus tamen eam pro pactione: ergo si inter præsentēs res gesta est, stipulatio est, si inter absentes, pactum est, non stipulatio, quia stipulatio non fit, nisi inter præsentēs, *l. 1. ff. de verb. oblig.* quia fit solemniter, coram fit, præsentibus his, quorum res agitur, et exigit stipulatio verba solemnia: solemnia verba non sunt, quæ scribantur, sed quæ pronunciantur coram, aut nuncupantur: et non est stipulatio, nisi fiat coram, non scriptis, sed verbis palam nuncupatis, datis, redditisque vicissim: sed pactio, quæ fit quocunque modo, recte fit inter absentes, *l. 2. ff. de pact.* verum finge: inter absentes animus fuit contrahenda stipulationis, et

scripsit unus alteri se promittere centum, vel quid aliud stipulationis jure, et ita contraxerunt stipulationem: stipulatio est inutilis: sed queritur, an habeat vim pacti, quod nusquam concedendum est, et Bartolus hoc loco non concedit, qui utitur argum. *l. non codicillum, inf. de testam.* qui voluit testamentum facere, et fecit inutiliter, ejus voluntatem jure codicillorum non tuebimur, quia non voluit facere codicillos, sed testamentum: ita si animus fuerit stipulationis contrahendae, eam stipulationem non tuebimur pacti jure, quia noluerit pacisci, sed contrahere, *l. 1. §. si quis, D. de verb. oblig.* Si quis ita interrogatus dabis, non respondeat, dabo, sed ita quidni? valet stipulatio: sed si interrogatus, dabis, nihil respondeat, sed annuat, an est perfecta stipulatio? minime: est imperfecta stipulatio, cum sine verbis is, qui interrogatur, annuit: nam non contrahitur: et ideo non obligatus est qui annuit, ne naturaliter quidem. Haec ergo stipulatio est inutilis, nec huic inest pactum, quia obligaretur naturaliter: et ideo dicitur eum, qui annuit, nec naturaliter, nec civiliter obligari, et fidejussorem non teneri: ac eodem modo constat inutilem stipulationem non habere vim constitutae pecuniae, *l. 1. §. cum qui, D. de constit. pec.* et eadem ratione in *l. si quis pro eo, in prin. D. de fidejuss.* si is, qui non erat libertus promissit se operas praestaturum, et dederit fidejussorem, fidejussor non tenetur: ergo non valet etiam prior obligatio, *l. 6. D. de oper. liber.* ergo si is, qui non erat libertus, sed servus, quasi libertus juraverit, inutile est jusjurandum: et ideo quia juravit nec naturaliter quidem obligatur: jurijurando inutili non inest consensus, sicut stipulationi inutili non inest consensus, sive pactio: quia jurare voluit non pacisci, aut polliceri: ex jurejurando obligari voluit, non ex pollicitatione vel pactione: si non valeat jusjurandum, nec constituitur ex eo obligatio ulla, nec civilis, nec naturalis: ergo ut non inest stipulationi pactio, ita jurijurando inutili non inest consensus, non pactio, non pollicitatio, et fidejussor non tenetur. Nec moveri debemus *l. si unus, §. pen. D. de pact.* cui congruit *l. an inutilis, et l. si acceptilatum, D. de accept.* et *l. cum emptor, D. de resc. vend.* consentiunt in hoc ea. II. ut acceptilatio inutilis habeat vim pacti: id quod contractum est re, non potest tolli acceptilatione, quia verborum tantum obligatio acceptilatione tollitur; sit enim verbis; et quod sit verbis, verbis tollitur: quod re contractum est, inutiliter tollitur per acceptilationem: ergo etiam si acceptum feram id, cui dando adversarius obligatus est re, acceptilatio est inutilis. Sed an videtur tacite id actum ut non petam? sic certe: si acceptilatio est inutilis, tacita pactione id actum videtur ne petatur: sed

argumentamur male ab acceptilatione ad stipulationem: procliviores sumus ad liberandum, quam ad obligandum: *l. Arianus, D. de oblig. et action.* non temere constituimus obligationem, facile liberamus: nec licet nobis a liberatione ad obligationem argumentari: ergo nihil moveri eo debemus. Post haec Bartol. tradit, duas esse virtutes pacti, sic eas appellat: unam pariendo actionem si sit vestitum, ubi dicendum, si sit legitimum: nullam enim est vestitum: alteram formandi actionem ipso jure, sic legendum, si fiat in ipso contractu ex continente, et formandi ipsam actionem contractus, si fiat ex continente, et quid sit ex continente, interpretatur recte, si fiat nulla intermixta aliena actione, nisi casus aliquis naturalis incidit, qui coegerit unum ex contraheutibus paulum secedere, *l. cum antiquitas, inf. de testam. l. duos, §. ultim. D. de duob. rei stip.* denique ait, incontinenti fieri quod sit in ipso contractu, nondum absoluto contractu. Graeci id explicant de verbo ad verbum, ut proprie dicant pactum, incontinenti, quod sit *συγχρότως*, id est, in ipso tempore contractus: nam quod sit peracto contractu absoluteque, sit ex intervallo, et ita si pactum fuerit ex continente, format, inquit, ipsam actionem, format contractum: sed adjicit praeterea, et novam parere actionem praesc. verbis: duo ergo ex sententia Bartoli, pactum quod incontinenti apponitur, praestat: format primum actionem, quae nascitur ex contractu, et quodammodo dat formam certam, deinde facit novam actionem praesc. verb. hoc non admitto, id male colligit ex *l. 2. inf. de pact. int. emp. et vend.* pactus est emptor cum venditore rem sibi reddi oblato pretio quancumque. Id vero coherebat contractui: ut impleatur fides pacti hujus, lex ait agendum esse praesc. verb. vel ex vendito: ergo ex lege adjecta contractui incontinenti nascitur actio praesc. verb. Sed nihil eo moveri debemus, quia subjicit, statim dari ex vendito, supervacua igitur actio praesc. verb. quia non datur nisi deficientibus his, quae nomen habent, ut *l. Lubro, D. de contr. empt.* impugnat denique eam sententiam; quod suppetat actio ex vendito, sed ideo, ait Imperator in *l. 2. D. de pact.* agi praescriptis verbis, vel ex vendito, quia dubitabatur an posset agi ex vendito ad rescindendam venditionem; videbatur enim absurdum. Sed cum admiserit, ut agatur ex vendito ad rescindendam venditionem, cessat actio praesc. verb. quod merito fuit admissum in lege commissoria, *l. si fundus, D. de leg. commiss.* vendidi tibi fundum lege commissoria, id est, ut si ad diem non solveres pretium, res mihi restitueretur: non solvisti pretium, agam igitur ex vendito ad rescindendam venditionem: significat lex de hoc fuisse dubitatum, et opus fuisse rescripto principis: sed postquam hoc delimi-

tum est rescripto principis, concludamus, supervacuum esse actionem præscr. verb. imo nec competere: et adijcit recte Bartol. pactum formare actionem ipsam ex contractu, vim ejus hanc esse, ut mutet naturam contractus, *l. Lucius, D. depos. l. cum dotem, inf. de jur. dot.*

Quæ supersunt ex Barto. non adeo longa sunt quin paucis absolvamus et expediamus, priusquam veniamus ad *l. 11.* pactum incontinenti factum formare ipsam actionem, et formandi hanc esse vim ait Barto. ut naturam contractus immutet: hoc est verum, ut hæri docui; item ut actionem quæ erat bonæ fidei, faciat strictam in eo persequendo quod pacto continetur: hoc est falsum, ut docui in *l. 6. hic*, et ipse Barto. hoc falsum esse sentit in *d. l. 6.* Si igitur ipso contraria dicit, et pacto dat hoc loco quod ademit illo, an constans erit Bart. et similes juris interpretes? et certe constantes nulli sunt: quamobrem de his posset dici quod Cato de Græcis, bonum esse eorum vitas inspicere, non perdiscere: certe nec inspicere bonum est, antequam pura juris disciplina institutus fueris. Sed pergamus: addit Barto. hanc formandi vim locum habere non tantum in judiciis bonæ fidei, sed et in judiciis strictis, et ita pactum incontinenti factum etiam stipulationi inesse ex parte actoris, id est, ex eo pacto agi posse ex stipulatu, quod etiam est falsum: id enim tantum est receptum in judiciis bonæ fidei, *l. juris gentium, §. quinimo, ff. de pact. et leg. in bonæ fidei, inf. hic*: et nihil obstat *l. lecta, ff. de reb. cred.* cum dicit, pactum in continenti appositum inesse stipulationi: respondendum enim est, pactum inesse ex parte rei, non ex parte actoris. Item nihil obstat, quod si negotia ita contrahantur, ædifico tibi domum, ut tu eas pro me Romam, vel trade tibi domum, ut tu mihi relicias illam ex *l. 6. ff. de præc. verb.* (quæ explicanda est ex *l. tenetur, §. 1. ff. de actio. emp.*) hæc negotia nomine vacant, et pariunt actionem præscr. verb. in hoc ut eas Romam, vel domum relicias: nam hæc lex eundi vel reliciendi, contractum efficit: ædificatio enim, vel traditio sola, contractus non est: stipulatio per se sola contractus est: pactio si qua additur stipulationi, perfectioni stipulationis nihil addit. Bart. si contractus innominatus gestus sit hoc modo, ædifico tibi domum, ut eas pro me Romam, scribit esse actionem præscr. verb. non ex contractu innominato, sed ex pacto illo ut eas pro me Romam, male; nam omnis actio præscr. verb. ex contractu, *d. l. juris gentium* esse contractum inquit, unde nascitur actio præscr. verb. Sed hæc pactio contractum efficit; ædifico tibi domum: nondum est contractus, ædifico tibi domum ut eas pro me Romam, est contractus: hæc pactio

si abest, et contractus abest: quin et perfecto contractui si ex continenti addatur pactum, licet ex eo pacto dicatur nasci actio, *l. in bonæ fidei, inf. hic*: tamen est ex contractu: cum et appellationem sumat ex contractu, puta ex vendito actio: nam his actionibus agitur, ut fiat quod actum est pacto incontinenti facto, in ipso negotio emptionis et venditionis: pactum enim contractui inest, quasi forma: et ideo qui agit ex pacto, ex contractu, agit ex forma: ne ergo dicas actionem præscr. verb. esse ex pacto: nam ex pacto non est actio, etiamsi fiat ex continenti, sed ex contractu, ut fiat, quod ex continenti adjectum est pacto. At finge, ego stipulanti tibi promitto me ædificaturum domum ea lege, ut mihi des centum. Bartol. scribit esse contractum innominatum facio ut des, quod est falsum: promitto me facturum, non facio: non est ergo facio ut des, et stipulationem esse quis non videt? Stipulatio autem est contractus, *l. 1. §. ff. de pact.* Ergo cum stipulanti promitto me facturum ea lege, ut mihi des centum, non est contractus innominatus, quia stipulatio est. Postremo querit Bartol. si in contractu venditionis addantur complura pacta, veluti ut meo nomine exigas pecuniam a meo debitore, ut tibi describam librum, ut mihi rationes tuas exhibeas, ut pro te eam Romam: si in contractu venditionis hujusmodi pactiones continenter adnectantur, querit Bartol. an omnes dicantur coherere contractui: respondet, coherere emptioni et venditioni, male: nam et hæ pactiones nihil pertinent ad contractum emptionis et venditionis, alienæ sunt a contractu: ergo male coherere dicuntur, et ita in *l. fundi, ff. de cont. empl.* cum ego tibi vendo fundi partem, et statim legem addo, ut tu aliam partem conductam habeas certo pretio, queritur, an ut impleatur pactio agi possit ex vendito, quasi pactum illud servandum sit, et responderetur, non posse agi ex vendito, quia pactum hoc nihil pertinet ad venditionem, nisi probetur vilioris vendidisse, ut hæc conductio præstaretur: si nihilominus vendiderit justo pretio, et pactum hoc adjectum erit, ut impleatur ea pactio, non agetur ex vendito, quia aliud est pactio a negotio emptionis et venditionis. Sed Bart. ita posuit speciem: in contractu emptionis et venditionis addita sunt complura pacta, hæc nempe, ut venditor det fidejussorem evictionis nomine, ut si emptor non solvat pretium intra Cal. proximas, res sit inempta: ita in hujusmodi contractu emptionis et venditionis adduntur complures pactiones: sic posita specie recte respondet Bart. omnes coherere contractui emptionis et venditionis: omnes enim coherentes esse contractui idem vesti contubernium.

Ad L. XI.

Ex conventionem quidem, qua pactum novercam tuam cum patre tuo dicis cum fundum in dotem daret, ut creditoribus, quibus fuerant prædia obligata, usuras solveret: actio tibi adversus eam competere non potest, etsi pactum in stipulationem deductum probetur. Sed si fundus æstimatus (ita ut pars instrumenti significat) in dotem datus est: ex vendito actio, ut placitis stetur, competit PP. Non. Decembr. ipso A. III. et Dione 2. Coss.

Species hæc est: noverca meo patri meo dedit in dotem fundum eo pacto, ut ipsa creditoribus suis, quibus fundus ille simul et omnia prædia pignori obligata erant, solveret usuras, ne scilicet possessio fundi avocaretur patri meo per actionem Servianam, per actionem hypothecariam ab ipsis creditoribus, quibus promisit se soluturam usuras: quædum enim solvantur usuræ neque personali, neque hypothecaria agere creditores solent: morte patris solutum est matrimonium: queritur an mihi competat actio vel ex contractu dotis, vel ex stipulatu, ut scilicet ea, quæ fuit mea noverca, creditoribus solvat usuras: videtur mihi competere actio: patri enim meo competebat: ergo mihi qui hæres sum patris mei: rescribunt Impp. mihi actionem non competere: cur ita? quia intererat patris mei manente matrimonio solvi usuras creditoribus hypothecariis, ne fundus evinceretur sibi actione hypothecaria: mea vero nihil interest soluto matrimonio, quia fundus in ea causa est, ut restituere me illum oporteat; et ita res in eam causam deducta est, a qua incipere non poterat, quia alteri facta stipulatio est inutilis: ergo cum desiit mea interesse, non recte agam ex conventionem illa, ut mulier solvat creditoribus usuras actiones inventæ sunt utilitatis causa, id est ejus, quod interest, agentis ratione, mea nihil interest, ut mulier solvat usuras creditoribus suis, ergo non agam, ut solvat usuras creditoribus suis, erit mihi actio si pater meus manente matrimonio usuras solverit creditoribus uxoris, ne sibi fundus evinceretur actione hypothecaria, erit actio pro tempore præterito, ut ait Accurs. sed non pro tempore futuro; quia cum fundus dotalis mihi non remaneat, mea nihil interest eam pactionem in posterum observari, ergo non agam in hoc ut pactioni pareatur, et ita hoc procedit si fundus inæstimatus in dotem datus sit, quæ est prima pars hujus l. Secunda est de fundo æstimato in dotem dato: quid ergo si fundus æstimatus datus sit in dotem, jam non est contractus dotis æstimatio aliam dat formam contractui, sive rei, quæ geritur inter novercam et patrem meum, nam æstimatio vendi-

tio est, l. plerumque dotem, de jure dot. et l. cum dotem, inf. de jur. dot. ergo cum uxor dat fundum æstimatum, contrahitur emptio venditio, quia vix tantum videtur fundum emere, quin tanti æstimatur, et ideo soluto matrimonio cum fundum retinebo si viro successerim, et malim solvere æstimationem mulieri; quare, ut mulier cum fundum liberet pignore, et ut præstet, ut mihi habere liceat, recte agam ex empto, quod pacto ex continenti facto conventum est, in ipsam contractus actionem venit, hic contracta est emptio venditio, æstimatio rei dotalis est emptio venditio, ergo ex empto agam, ut fides pacti impleatur, ut fundus dotalis mihi restituatur, et me liberet hypothecaria, ne mihi evincatur fundus a creditoribus, actio ex empto; quia ego emptor sum, successi enim patri meo, qui videtur emisse eum fundum æstimatum accipiendo. Emptori autem datur actio ex empto, venditori actio ex vendito, at contra lex ait mihi dari actionem ex vendito, cum venditor non sim, sed emptor, sed actio ex empto sæpe etiam dicitur actio ex empto vendito, ut in l. etsi uno, de actionib. emp. l. multum, de hæc. vend. Varro 2. de re rust. emptor poterit ex vendito illum damnare si non tradat: et ideo dum ait, ex vendito, imperfecta est oratio, intelligendum enim est ex empto vendito, l. sed hoc nomine, l. si cum venditor, §. si secundus, ff. de evict. erit ergo mihi, qui hæres sum emptoris actio ex empto in hoc, quia fundum retinere malo, ut illa mulier illum liberet pignore, vel ut solvendo usuras efficiat, ne creditores illum avocent. Sed huic parti obstat l. 1. inf. sine censu, vel reliquis fun. comp. non posse, eadem est inscriptio legis utriusque, eadem substantia, eadem oratio: in hoc tantum est discrimen, quod hic proponit in danda dote convenisse, ut mulier creditoribus suis solveret usuras, in illa proponitur convenisse in danda dote marito, ut ipsa mulier tributa fiscalia agnosceret. Rursus hic in secunda parte ita scriptum est: Sed si fundus æstimatus. In d. l. §. 1. sed et si fundus æstimatus, et ad hæc in extremo legis scriptum est affirmative, actio ut placitis stetur competit, in l. 1. scriptum est negate. Ergo pugnant invicem: hæc enim non sunt magis pugnantia, quam agentia, et negantia. Sed respondet Acc. in d. l. 1. agi de tributis, hic agi de usuris, ceterum, quod ad vim differentie attinet, neque explicat, neque assequitur Accurs. ergo in hoc responso, quod est potissimum non præstat. Ponenda est species in d. l. 1. de tributis, noverca dedit patri meo fundum ea lege, ut ipsa fundi tributa inferret fisco, constante matrimonio, forte fidem pacti non implevit ipsa, nec tributa intulit fisco, et ea tributa fisco pertulit

pater, ut debuit, nam tributa sunt onera prædiorum, non personarum, *l. Imperatores, ff. de Publ. neque, ff. de imp. in res dot. fact.* et jus fiscale non potuit lædi privatorum pactis, *l. inter, ff. de pact.* Mortuo patre meo diremptum est matrimonium, agam quidem pro præterito tempore si manente matrimonio pater tributum forte intulerit fisco, quod debebat uxor: sed non agam pro futuro tempore, ut solvat fisco in posterum, quia mea nihil interest cum fundum me restituere oporteat mulieri soluto matrimonio, et hoc si fundus inæstimatus in dotem datus sit, sed si fundus æstimatus, videtur meo interesse, ut fundus ille liberetur tributis, ut eum immunem et solutum optimo jure possideam, quia fundus ille apud me remanet, sed hoc casu *d. l. 1.* sit actionem mihi non competere, quia huic pactioni leges publicæ repugnant, quæ tributorem onus volunt dominum, possessoremque subire, hæc enim est pactio, ut dominus tributa non agnoscat, venditor, qui desit esse dominus agnoscat, huic pactioni leges publicæ repugnant, quæ volunt dominum, possessoremque tributorum onus subire, quod et æquitas vult, ut superiori pactioni leges publicæ consentiant: ut debitor solvat usuras creditoribus suis, quid enim justius? non dominus prædii pignoralis, ut venditor liberet fundum pignore, quod est etiam secundum jus commune, *l. evictus, ff. de evict.* et ideo recte defendit Accurs. aliud esse in tributis, aliud in usuris. Sed in eo, ut non perstet movetur hac ratione, quia pactio illa de tributis solvendis a muliere, quæ dedit fundum æstimatum in dotem, fisco non præjudicat, nam exigit tributum a possessore, inter ipsos contrahentes tamen rata est ex *l. inter, et l. epistola, §. pactum, ff. de pact.* unde ita mavult respondere ad dict. *l. 1.* pactionem illam, quæ est de æstimatione fundi dati in dotem, et opponitur, ut mulier tributa semper agnoscat, non valere in præjudicium fisci, quia poterit fiscus tributum exigere etiam a marito; vel hærede mariti, valere tamen in præjudicium contrahentium: assentitur Bartol. huic superiori responsu: errant, nam in *d. l. inter, et l. epistola, §. pactum, ff. de pact.* inter debitorem et creditorem hoc conventum, ut debitor solveret tributa fundi pignoralis, justa est pactio, quia debitor est rei pignoralis dominus, æquum est, ut dominus rei suæ tributa agnoscat. In *d. l. 1.* irregulariter conventum est inter virum et uxorem dantem fundum æstimatum, ut dominus non agnoscat tributa fiscalia, ut emptorem non sequatur onus tributorum, hæc conventio est injusta, ideo nec inter ipsos contrahentes observanda est, et hoc ita *lex 1.* hæredam actionem non habere, et hoc quid aliud est, quam eam pactionem non esse observandam? et

Tom. IX.

vero inter ipsos contrahentes servanda non est, quia legibus contraria est, et longe alia est ratio ejus pactionis, quæ proponitur in *l. inter, et l. epistola, ff. de pact.* quia in pactionibus: quæ ponuntur in eis legibus, id agitur, ut debitor tributa solvat, quod justum est. In summa dato in dotem fundo æstimato contrahi emptionem, maritum, hæredemve ejus pro emptore haberi, et ita ex empto agi, ut pareatur pactis justis, quæ ex continenti facta sunt, justum esse pactum si convenit, ut ipsa mulier creditoribus suis solveret usuras, justam esse conventionem. Sed si convenit, ut ipsa tributa agnoscat fundi venditi, injusta est conventio: hæc est æquitas, ut ipsa onera tributorum semper sequantur dominum, id est, eum, in quem transfertur dominium rei, quia sunt onera realia non personalia, et ita est ratio usurarum, alia tributorum, et permanendum est in prioris sententia Accurs.

Ad L. XII.

Pacta novissima servari oportere, tam juri, quam ipsius rei æquitas postulat. Quapropter si conventiones, quæ præcessit, diversa pars usuram se non esse consensit, et maxime si (ut proponis) id etiam apud acta prævidis adserverat, actionem, quæ super prima conventiones fuerat, exercere non prohiberis. PP. III. Calend. Martii, Agricola et Clemente Coss.

Hujus constitutionis hæc sunt verba: *pacta novissima servari oportere, etc.* proponit Imper. prius regulam juris, quam speciem ipsam, quæ ex ea regula definitionem sumit, principium prius est quam id, quod sit ex principio, et principium est notius quam ut explicatione egeat: principium tale est. Pacta novissima esse servanda, utilior verbis iisdem, quibus Prætor in edicto de pactis. Justa scilicet et pacta novissima, pactum enim prius posteriore tollitur, *l. si unus, §. pactus, ff. de pact.* et Paulus initio sentent. omne pactum posteriore dissolvi ait, nec aliud est elidere, aliud dissolvere; quia etiam pacto præcedentis obligationis causa mutatur, vel ipso jure, vel per exceptionem, *l. nec ex Prætorio, ff. de reg. jur.* ipso jure si pactum fiat in continenti, per exceptionem si fiat ex intervallo, et similiter pactum pacto tollitur per exceptionem, id est, prioris pacti exceptio tollitur replicatione posterioris, et ita in specie hic proposita ait Accursius contra exceptionem prioris pacti opponi replicationem posterioris pacti, et hanc replicationem prævalere, nec obstat *l. Stichum, §. naturalis, ff. de solut.* quandoquidem ille §. loquitur de jure naturali, et diligenter separare debemus hæc tria jura, naturale, civile, et præ-

rium, fateri juris naturalis obligationem pacto constitui, vel constitutam pacto ipso jure tolli, *dict. §. naturalis*, at juris civilis obligatio ipso jure tollitur, sed prætorio repelli potest per exceptionem, vel fulciri posita replicatione posterioris pacti, naturalis autem obligatio, quæ priori pacto perempta est ipso jure, posteriori renascitur ipso jure, et retro, quæ priori constituta est, posteriori tollitur, sed secundum jus naturale tantum: non secundum jus civile. Ergo quod ait hic, actionem exercere non prohiberis, sic debemus exaudire, ut si forte opponatur exceptio prioris pacti adversus actionem, defendat actor intentionem suam, posita replicatione posterioris pacti. Species talis est. Creditor stipulatus est pecuniam sibi reddi, quam mihi credebat appositis semissibus usuris si tardius eam pecuniam solverem, et promisi ei sortem quoque redditurum, vel si tardius redderem, usuras semisses, deinde convenit, ut peteret usuras, et ita reddidit mihi in instrumentum stipulationis usurarum, cautionem usurarum, quæ redditio cautionis sola erat argumentum taciti pacti de non petendis usuris, *l. 2. ff. de pact.* postea pactum factum est de usuris petendis, et promisi me conventionem, quæ præcessit, non usurum, idque etiam apud acta præsidis adseveravi, valet posterior pactio, non prior, atque ita creditori erit utilis actio ex stipulatu usurarum nomine, et eo maxime, quod præter pactionem apud acta, professus sum me priori pacto non usurum, ita prius pactum, non tantum postremo pacto, sed etiam professione dissolvitur, posterius professione ea corroboratur, sufficiebat sola pactio, et articulus (*maxime*) non est *ἐντεταχὲς*, quia tantum valet professio, quæ fit apud acta, quantum pactum, sive remissio, quæ fit inter duos quod demonstro. Si quis pepigerit cum suo adversario ne possit appellare a sententia judicis non licebit appellare, *l. ult. C. de temp. appell.* Ita qui professus est apud acta se non appellaturum, non potest appellare, *l. 1. §. si quis ante, ff. de quib. app. non lic.* tantum ergo valet professio facta apud acta quantum pactio, nec adjicit huc alteri quicquam, cum par sit utriusque potestas, et retro quod pactione non potest fieri, non potest professione facta in jure, sive apud acta, ut pactione servus quis non potest fieri, ita liber homo non fit servus professione nuda, *l. liberos, inf. de liber. caus.* Certis modis fiunt homines servi, aut nascuntur, non pactionibus professionibus, et confessionibus nudis, *l. parentes, eod. tit.* Omne quod acquiritur vel dominium est, vel possessio, vel obligatio, dominium acquiritur certis modis, non pactionibus nudis, id est, inter modos legitimos acquirendi domini non est pactio, sive conventio nuda, traditione jure gentium acqui-

rimus usucapione jure civili, et traditione facta domino ex justa causa, usucapione com facta est traditio a non domino, ut in *l. traditionibus*. Sicut ergo dominium acquiritur traditionibus, et usucapionibus et aliis legitimis modis, non nudis pactionibus: ita obligatio acquiritur certis modis, et tollitur, *l. obligationum fere, §. 1. D. de obl. g. et actio.* non nudis pactis: possessio quoque non acquiritur nuda conventionem: nec enim acquire possessionem nisi adprehendero: solo animo, vel conventionem sola non acquire possessionem, nec per possessionem dominium: nam per possessionem solet acquiri dominium, *l. 1. inf. de acq. poss.* dominium ex naturali possessione nascitur, *l. 1. inf. de acq. poss.* ergo hæc tria sunt paria hac in re: nam nec dominium, nec possessio, nec obligatio acquiritur conventionem nuda: et ita liberi hominis dominium non acquire nuda professione. Quod si non pactione, nec professione facta in jure, vel apud acta: ergo in hac specie si ego pepigero cum creditore meo ne is peteret usuras, et postea pepigero ut peteret, et apud acta professus fuero, me non usurum exceptione prioris pacti: hæc pactio posterior servanda est, non quod pactioni professionem adiecerim: abundans enim fuit professio illa, quam feci apud acta: et sufficiebat sola pactio: constat enim prius pactum posteriori dissolvi, pactione scilicet, vel professione posteriori facta apud acta: itemque in hac eadem specie licebit creditori meo adversus me agere ad exhibendum, *l. 4. inf. ad exh. b.* quæ huic complenda est: utriusque enim eadem est inscriptio: priori pacto egeram cum meo creditore ne peteret usuras, ex extorseram instrumentum, usurarum deinde subjeceram pactum ut peteret, consequens est ut me ei oporteat restituere cautionem usurarum, eo quo nomine adjicitur ad hanc legem creditorem adversus me acturum ad exhibendum, ut cautionem exhibeam, vel si nolim exhibere creditorem posse in litem jurare quanti sua intersit eam proferri, ut in *l. instrumentis, D. de in lit. jur.* Adnotant interpretes comparari hac in re conventiones supremis judiciis: actiones aliæ sunt viventium, aliæ morentium, *l. ult. in fin. D. comm. prædior.* quemadmodum in his novissime voluntates valent, *l. si mihi, §. ult. D. de leg. 1.* ut recte illo poetæ comici loco, *ille moriens nos tibi commendavit senex*, antiquus Scholiastes, in jure ait, *morientium ultima judicia certiora sunt*: ita in contractibus novissime voluntates valent quasi *ὁρτάριον ἀπὸ τῶν νεώτερον*, quasi posteriora quæque meliora sint. Ergo utuntur comparatione pactionum, et supremorum judiciorum: nam ut in supremis judiciis inquirunt, ita in conventionibus novissime voluntates spectantur, et ita ad definitionem

huius constitutionis addit exceptionem Accur. ut non valeant posteriora pacta, si priori pacto convenit ne si quid in contrarium postea convenisset hoc valeret: cuius rei argumentum sumit ex *l. si mihi, §. ult. et l. si ita sit adscriptum ff. de lega.*

1. Quidam scripsit testamentum tale: quod Lucio Titio legavero, id neque do neque lego: deinde legavit Lucio Titio: queritur an posterior scriptura valeat? Resp. legatum non valere remissa et adempta datione: nam et si fuerit ademptio prior scriptura, est posterior intellectus: est aliud prius intellectu aliud prius scriptura: legatio etiam si sit posterior scriptura, prior est intellectus: et ideo si quis sic scripserit, si quid h's legavero, hoc tantum semel dari volo: nam etiam si in posteriore parte testamenti h's legaverit, semel tantum debetur, et quidem exigimus, *d. l. si ita*: quia ex duobus unum videtur ademisse priori scriptura; et ita si priori pacto convenit ne si quid in contrarium convenisset, id observetur, sequemur non posteriorem, sed priorem conventionem: verum hoc non est usquequaque verum: nec quod in supremis, idem est in conventionibus: nam si appareat eos recessisse a priori voluntate, posterior valet, non prior: quia contrahentes non possunt sibi legem dicere, a qua non possint contrario actu recedere, et si forte legem sibi indixerint, licet ab ea recedere, et rata erit posterior voluntas, non prior, *l. si quis in prin. de leg. 3. et l. Divi, §. licet, ff. de ju. codic.* Quidam scripsit in testamento ut non alii codicilli valeant, si quos forte faceret, nisi qui sua manu signati essent: fecit alios, quos non subscripsit, sed demonstravit se velle et his obtemperare hæredes: lex ait, posteriorem voluntatem valere, et prioribus derogare, et eum qui sibi legem dixit in codicillis posse eam solvere, et sufficere posteriorem voluntatem: quod me nini me respondisse in donationibus causa mortis, cum quidam donasset alii rem certam mortis causa, et legem dixisset, ut non liceret revocare, nisi nominatione mentione habita donatarii, et donationis: quia tamen postea facto testamento donationem, quam fecisset extero revocavit, dixitque se eam rem ipsam, quam donaverat alteri, egenis relinquere, et auferre priori donatario, non adscripto nomine prioris donatarii, nec facta distinctione donationis, quod frustra exigi putabam ex *l. is cui*, cum non fuerit obscura voluntas ejus, qui scripisset, se non perstare in pactis dotalibus, et qui contulisset in egenos: et eadem ratio est *l. ult. in prin. ff. de leg. 3.* Pater scripsit hæredem filium et uxorem, et adjecit, ut si quid filius a se obsignatum accepisset, id vice codicillorum valeret: deinde epistolam scripsit ad filium non obsignatam, qua demonstravit deditque filio peculium

præcipui titulo. Queritur an ea epistola vice codicillorum valeat, cum non fuerit obsignata. Resp. epistolam valere pro codicillis, quia manifesta erat voluntas patris recedentis a priore iudicio, quia scribebat, ut peculium haberet, et præcipuum et sui juris, et post mortem suam, quod præbet argumentum mutatae voluntatis, et quoad fieri potest, in eo laboramus semper ut liberum sit cuique se solvere lege, quam sibi quisque dixit in testamento, et ut etiam sit liberum in conventionibus se solvere lege, quam initio contractus sibi dixerunt contraheutes. Ergo ex exceptio Accur. non usquequaque est vera: comparatio supremorum iudiciorum cum conventionibus vera est: dum etiam aliae exceptiones, quas proponit Accur. sunt verissimae, priora pacta non tolli posterioribus, si priora pacta ipso iure actionem sustulerint, si prius pactum perimit actionem ipso iure, ut pactum de injuria, vel de furto ex lege 12. tab. de injuria ex illa lege 12. tab. *si membrum, etc.* actio etiam furti tollitur ipso iure ex illa lege 12. tab. *ni pro fure damnum deciderit, etc.* et hoc genere si actio injuriarum fuerit sublata ipso iure priori pacto, non potest actio ipso iure perempta posteriori pacto restitui. Tertia exceptio est, posteriorem conventionem non valere, si prior conventio traditione sumpserit effectum ex *l. ab emptione, in fi. D. de part. emptio et venditio* contrahitur nuda conventionem. Finge: post peractam emptionem et venditionem venditor rem tradidit emptori pretio accepto, vel non accepto: postea convenit inter emptorem et venditorem ut emptor rem restitueret venditori: non id est actum, ut discederetur ab emptione et venditione in integrum restitatis omnibus, sed ut cogeretur emptor rem restituere venditori: constat hoc casu quoniam non agitur, ut resolvatur venditio, sed constituitur nova obligatio, inutilis fore pactionem. Igitur ex hac pactione, non poterit cogi emptor ut rem restituat, et quod dicitur contrario consensu venditionem resolveri posse; hoc primum ita procedit, si res sit integra, id est, si neque res sit tradita, neque pretium numeratum: deinde si res sit tradita, hoc ita procedit, ut eandem rem restituendo in integrum restituantur omnia: sed in integrum non restitatis omnibus si quis paciscatur eam rem restituere, inanis erit pactio. Igitur cum prior conventio traditione sumpsit effectum, posterior pactio non est spectanda, nec vim habere potest, nisi re demum in integrum restituta, licet pacisci de solvenda emptione et venditione; nam bonae fidei interpretatio hoc admittit, *l. ab emptione, ff. de pact.* et ita sunt explicandae hae tres exceptiones Accur. ceterum stat regula, prævalere pacta novissima.

Ad L. XIII.

In bonæ fidei contractibus ita demum ex pacto actio competit, si incontinenti fiat. Nam quod postea placuit, id non petitionem, sed exceptionem parit. PP. V. id. Jan. Maximiano 4. et Africano Cons.

Imperator ait in bonæ fidei contractibus actionem ex pacto competere si incontinenti fiat: ex pacto facto postea, id est, ex intervallo non competere actionem sed per exceptionem dari: nam quod sit postea, id ex intervallo fit, ut *l. pacta, de contr. empt.* est enim tota de pactis, quæ subsequuntur ex intervallo. Est vero certa hujus *l.* definitio: in judiciis bonæ fidei ex eo pacto, quod subsequuntur est ex continenti, competere actionem, ex intervallo exceptionem: sed existit questio, an idem sit dicendum de judiciis strictis: et multi putant idem esse dicendum de judiciis strictis, quorum opinio mihi non placet: nam in his verbis in bonæ fidei judiciis, quæ leguntur in *l. jurisgentium, §. quinimo, D. de pact.* est manifesta ἀντιδιζωτολή, id est, adjici bonæ fidei ad differentiam strictorum: non est ergo idem statuendum de judiciis strictis, cum duobus locis hoc sit proditum de judiciis bonæ fidei. Et verum existimo, in mutuo, quod negotium est stricti juris, ex pacto incontinenti facto non esse petitionem usurarum, *l. Titius, D. de præs. verb. l. 3. infr. de usur.* in contractu tamen bonæ fidei, ut in mandato ex pacto facto ex continenti est petitio usurarum, *l. qui negotia, D. de mand.* Non idem statuimus in judiciis strictis, quod in bonæ fidei: nam in bonæ fidei dicimus pactum factum ex continenti inesse, id est, prodesse ad actionem: in contractu autem stricti juris incontinenti factum non prodesse ad actionem: et qui aliter sentiunt utuntur his legibus, *l. 4. §. ult. D. de pact.* et *l. petens, inf. hic, et l. lecta, D. de reb. cred.* quibus respondeamus: primum in *l. 4. §. ult. D. de pact.* poni stipulationem, quam constat esse stricti juris, parò conceptam de reddenda pecunia credita, deinde pacto facto ex continenti convenisse, ut donec usuræ solverentur sors non peteretur: fuit hæc pactio appposita stipulationi ex continenti: lex tamen ait, hæc conventionem pacti inesse stipulationi, quod verbum *inesse* est ambiguum: nam pactum inest, sive continetur contractui, vel ex parte actoris, vel rei. Et faciunt male qui statuunt, pacta inesse pro parte actoris, et ii, qui ajunt ex parte rei, juris everterunt ordinem, cum *l. jurisgentium, §. quinimo*, dicat pacta facta ex continenti in judiciis bonæ fidei, etiam ex parte actoris inesse: quod articulus demonstrat ea pacta bonæ fidei judiciis, seu contractibus inesse, non tantum ex parte rei, sed et actoris. Pactum ergo factum in

continenti inest in contractu bonæ fidei, non solum ex parte rei, sed et actoris, quod ita potest demonstrari. Contractus est commodatum: huic si adjiciatur pactum ex continenti, pactum illud præparabit actionem, et ita inerit ex parte actoris, sed et ex parte commodatarii, id est, rei: nam si conveniat ex continenti, ut non præstet dolum et culpam, culpa nomine ipso jure non poterit agere cum commodatario, id est, erit tutus commodatarius, etiamsi non opposuerit exceptionem pacti: quia inest ex parte rei: denique pactum, quod adjicitur ex continenti contractui bonæ fidei, id verissime dicam inesse et ex parte actoris et rei: et ut hoc definiam: ex parte actoris inest pactum, ex quo competit actio: ex parte rei inest pactum, ex quo competit exceptio, quam tamen non sit necesse opponi et allegari, sed inest tacite et ipso jure, *l. 3. D. de rescinden. vendit.* Ex parte actoris non inest pactum factum ex continenti, nisi in judiciis bonæ fidei: ex parte autem rei inest pactum factum ex continenti non tantum in judiciis bonæ fidei, sed etiam strictis: et hoc etiam demonstrat *dict. leg. 4. §. ult. D. de pact.* Sed non dicit ex eo pacto inhiberi actionem creditoris, sed ex eo pacto inhiberi actionem petitoris, id est, tutum esse eo pacto reum, seu promissorem, ut non possit jure agi cum reo, quandiu solvit usuras, quia convenit, ut quandiu solveret usuras sors non peteretur: quis scilicet dicam, ipso jure non esse intendendam actionem, quandiu est reus paratos solvere usuras, nec necesse esse opponi exceptionem pacti: denique *l. 4. §. ult.* tantum probat inesse stipulationi pactum ex parte rei, non actoris, et eodem modo dicendum est de *l. lecta*: nam *l. lecta*, cujus speciem totam detexui quodam loco de verb. oblig. et hæc iterum dico, non dicit, pactum stipulationi adjectum ex continenti inesse ex parte actoris, sed ex parte rei: in hac specie creditor est stipulatus pecuniam sibi reddi Cal. proximis: si non reddatur, usuras ex mora; deinde huic stipulationi ex continenti adjecit pactum, ut solveretur pecunia mense centesimo: et ita mox post stipulationem nullo interjecto intervallo prorogatus est dies solutionis in Cal. centesimas: ante Cal. obstabat exceptio pacti, quæ inest tacite stipulationi, etsi nec allegetur, nec opponatur; ergo propter pactum incontinenti appositum stipulationi jure ante Cal. centesimas non est actio ex stipulatu: et hoc voluit *l. lecta*, pactum illud inesse ex parte rei, id est, a reo non posse peti ante Cal. centesimas ipso jure, et inesse exceptionem pacti: ceterum non dicit pactum factum incontinenti inesse ex parte actoris, nec potest pactum factum incontinenti stipulationi inesse ex parte actoris: ut finge: stipulatus est creditor, pecuniam sibi reddi Cal. pro-

ximis: mox subjecto pacto convenit, ut pecunia redderetur iotra biduum: quaeritur an potest post biduum petere petitor? minime, quia haec pactio non inest ex parte actoris, id est, haec pactio non potest parere actionem, parere defensionem promissori potest, eaque contineri ipso iure intelligitur stipulatione: ergo, qui stipulatus est sibi reddi Cal. proximis, si paciscatur sibi reddi citius, pactio non proderit ad agendum: sed si paciscatur debitori ne reddat ante Cal. tertias, pactio proderit debitori ad defensionem, etsi eam non allegaverit: ad summam hanc tantum dicit *l. lecta*, stipulationi inesse pactum in continenti factum ex parte rei: ex parte actoris inesse, ut proxit ad actionem nullo signo demonstrat. Postremo moventur *l. petens*, *infra hic*, cui erit facile respondere: petens, inquit, ex stipulatione, quae placiti servandi causa sequuta est, seu antecessit pactum, seu post statim interpositum sit: recte secundum se ferri sententiam postulat, nihil ad rem pertinet haec *l. petens*: nam nos loquimur de pacto, quod accedit stipulationi, et quaerimus an sit ex parte actoris: negamus, illi affirmant, *l. autem petens* loquitur de stipulatione, quae accedit pacto: haec sunt valde diversa: ergo *l. petens* loquitur de pacto confirmato stipulatione: inventa est stipulatio obligationum firmandarum causa: nam ut dictum est in Instit. veteres stipulum firmum dixerunt, ut in amphoris auctore Festo stipa est ea, qua fortiter amphorae sustinentur, ita stipulatio firmare et corroborare dicitur obligationem. Et ad rem nihil pertinet, an precedat ipsa stipulatio, an sequatur, sicut nihil interest codicilli testamento confirmantur antequam fiant, an postquam facti sunt, *l. ante*, *D. de jur. codic.* ita nihil interest pactio confirmata fuerit, antequam fiat, aut post, sicut nihil interest mutuum precedat stipulatio, an sequatur: unus est contractus stipulatio, non mutuum, *l. 6. §. ult.* et *l. 7. D. de novat.* et *l. 4. §. ult.* et *l. 7. D. ad Macedon.* Ergo summa definitio *l. petens* haec est: si pactio confirmata fuerit stipulatione, procul dubio ex stipulatione est actio, et nihil interest precedat stipulatio, an sequatur: nam quae praecessit, sequi videtur natura sua et intellectu, licet non scriptura: et hoc est quod ait, *l. petens*, et sequuta est etiam, quae praecessit intellectu, et natura sequitur, seu praecessit pactio, seu praeposita sit stipulatio: sed cur ait statim, id est ex continenti? Ideo scilicet desiderat statim interponi, ut videatur esse conventio, non dux, quid si fiat pactio ex intervallo et stipulatio? dux erunt conventiones, pactio et stipulatio, sed si pacto apponatur statim stipulatio, una erit tantum stipulatio, quia id agitur, ut sit tantum stipulatio, *l. 6. §. ult. D. de novat.* Ex his liquet legem *petens* loqui de sti-

pulatione adjecta pacto: hae stipulatio obligat: nos loquimur de pacto adjecto stipulationi: hoc pactum non obligat: pactum emptioni adjectum ex continenti obligat, et ita est differentia inter contractum strictum et bonae fidei: pactum, inquam, adjectum stipulationi incontinenti non obligat: pactum adjectum emptioni obligat, *l. venditor*, *D. comm. praed.* lex venditionis obligat: lex quid est? est pactio adjecta ex continenti: si obligat, et parit igitur actionem: et ita in hac *l. 12.* ait, ex eo pacto, quod adjicitur contractui bonae fidei, ex continenti competere actionem, sed ita ut competat actio non propria, sed actio ipsa contractus, ut exposui *l. 10.* formatur potius actio ipsa contractus, quam producit nova: pactio obligat, et ex ea compellit actio ipsa contractus, quae producit eo usque quo vis pacti postulat: satis demonstravi, non esse admittendam sententiam eorum, qui ut in judiciis bonae fidei scriptum est duobus locis, non absque ratione differentiae aperta, inesse ex parte actoris pacta facta ex continenti, ita inesse censent judiciis strictis: quinimo differentia statuenda est inter judicia stricta et bonae fidei, nec hoc novum: nam idem est statuendum cum pacta fiunt ex intervallo inter judicia stricta et bonae fidei: hoc vero dicimus, quod sicut est differentia inter judicia stricta et bonae fidei, cum pacta sunt ex continenti: ita est differentia cum pacta fiunt ex intervallo: nam aliquando pacta, quae fiunt ex intervallo, insunt judiciis bonae fidei ex parte utraque, ex neutra insunt judiciis strictis, *l. 3. D. de rescind. vendit. l. pacta conventa*, *D. de contr. empt.* quae quidem mirum in modum confirmatur superior differentia: id ita est ex *d. l. pacta conventa*, pacta, quae fiunt ex intervallo, aut sunt ex adminiculis contractus, aut de natura contractus: adminicula sunt, sine quibus consistit contractus, adminicula sunt fulturae contractus, sine quibus contractus consistere possunt, quae a Grecis Rhetoribus dicuntur ἀπορρῆσι cum ponunt inter partes circumstantiarum adminicula, quae vocante ἀπορρῆσι. Circumstantiae adminicula sunt, facta puta, caedes, homicidium, tempus, ut interdiu, an noctu, dum quaeritur facta sit caedes, locus, ut loco sacro, an profano, et causa faciendi, vindicandi, se, an occidendi alterum, an alia ratione: et modus, ut occiderit ne clam, an palam, vel an dolo: haec sunt postrema adminicula, ut cum quaeritur, an per interpositas personas occiderit, ut adhibitis servis, an gladio, an veneno: haec sunt actionis adminicula, sine quibus caedes potuit patrari, potuit sine gladio patrari caedes. Similiter adminicula emptionis sunt subsidia, ut armæ, sine quibus consistit emptio, ut fidejussor evictionis nomine, sive auctor secundus, sine quo consistit emptio, sufficit enim primus et

stipulatio: nam quandoque admittitur stipulatio: et sine his consistit emptio. Finge: ex intervallo convenit, ne venditor teneretur de evictione: hæc pactio non inest contractui bonæ fidei; ideoque non prodest venditori, nisi opposita exceptione: necessaria est oppositio pacti, et e converso, si convenit ex intervallo, ut venditor satisdet de evictione, ut non petat pretium, nisi det fidejussorem, hæc pactio non inest contractui: nam non poterit emptor ex hoc pacto agere, et cogere ut det fidejussorem: hæc pacta sunt de adminiculis, de cautione evictionis, sine qua consistit emptio per se, et ut ostendi, neque ex parte actoris insunt, neque ex parte rei: ex parte actoris, quia ex eo non est actio: ex parte rei, quia reo non prosunt, nisi opposita exceptione; et dicuntur esse extra naturam et substantiam contractus, quia sine his consistit substantia contractus, et abhorrent a natura emptionis; nam hoc est alienum a natura emptionis, ut venditor non teneatur evictionis nomine, ut venditor satisdet: nam cum quis est venditor petit pretium, nec satisdat, *l. si dictum, D. de evict.* Ergo hæc pacta, quæ sunt de adminiculis, sunt extra naturam contractus, sunt extraneæ pactiones quædam, nisi sint de substantia vel natura contractus; nec enim differentia inter substantiam et naturam videtur esse, *l. jurisgentium, §. idem resp.* pacta ergo sunt de natura seu substantia contractus, cum fiunt de re vel pretio, vel cum agitur, ut abeantur ab emptione: itaque si ex intervallo conveniat de minuendo pretio ipso jure tutus est emptor, etiam non opposita exceptione pacti, et ita inest hoc pactum ex parte rei: finge: venit res centum, et ex intervallo convenit, ut esset empta quinquaginta: ipso jure non potest petere venditor, nisi quinquaginta: et ita si convenit ex intervallo de augendo pretio, puta ut res, quæ venit quinquaginta, veniret centum, venditor ipso jure habet actionem ex hoc pacto, quia intercessit novum pactum, *l. jurisgentium, §. adeo. et l. si unus, §. pactus, D. de pact. et l. 2. D. de rescind. vendit, d. l. pacta conventa, et l. 3. hic.* Et ita cum ex intervallo paciscor de augendo pretio, hoc pactum inest ex parte actoris: nam præparat venditori actionem ad id, quod pacto continetur. Et si conveniat, ut discedatur ab emptione omnimodo, ipso jure non potest agi ex empto et vendito: ergo inest pactum, etiamsi sit factum ex intervallo, nec necesse est opponi exceptionem pacti, quia insit judiciis bonæ fidei. Igitur ipso jure non erit actio ex empto vendito, sed ex stipulatu, ut si venditor pretium deduxerit in stipulationem, et emptor rem deduxerit, licet convenit ut abiretur ab emptione, tamen erit actio ipso jure ex stipulatu, et necessarium erit opponi exceptionem poste-

rioris pacti. *d. l. 3. de rescind. vend. et l. ab emptione, D. de pact.* Et ea pacta, quæ sunt de natura contractus, dicuntur detrahære emptioni: nam detrahunt ea, quæ sunt de substantia, ut pactum de minuendo pretio, detrahunt emptioni priori, et ad agendum valent: pactum detrahit emptioni priori, quia efficit novam emptionem: sed pacta, quæ sunt de adminiculis, puta de evictione, dicuntur adjicere extraneæ quædam: salva substantia contractus.

Ad L. XIV.

Si pacto, quo pœnam adversarium tuum promississe proponis, si placito non stetisset, stipulatio subjecta est: ex stipulatu agens, vel id, quod in conventionem devenerat, ut fiat, consequeris: vel pœnam stipulatione comprehensam more judiciorum exiges. Nam bona adversarii tui in te transferri citra solemnem ordinem frustra deprecaris. PP. Kal. Apr. Gordiano A. 2. et Pompejano Coss.

Explicabo hodie *l. 14.* cujus verba hæc sunt: *Si pacto, quo pœnam adversarium tuum promississe proponis, si placito non stetisset, etc.* Lex est plena eruditionis, cujus species est hujusmodi. Pacto nudo promisit mihi quidam se daturum vel facturum aliquid, et si non daret vel faceret, pœnam eodem pacto promisit promittendi verbum, quo hic utitur Imperator, est commune stipulationum, pollicitationum, et pactionum: de stipulatione non ambigitur, non etiam de pollicitatione: nam pollicitatio est solius offerentis promissio, est certum de stipulatione, est in promptu definitio de pollicitatione, de pactione, *l. sciendum, §. dictum, D. de cedil. ed.* et ita qui pactus est, promississe dicitur. Promisit quis aliquid se daturum vel facturum et eodem pacto pœnam promisit: porro huic pactioni statim subjecta fuit stipulatio formandæ obligationis causa, his verbis: *dari, fieri, pœnæ nomine præstari rogavit Titius, spondit Mævius.* Ne dixeris ex pactione, quæ præcessit naturalem obligationem, eandem novari per stipulationem, quia confestim subjecta stipulatione hoc agitur, uti sola stipulatio teneat, *l. 5. et 6. D. de novat. l. petens, inf. hic.* Ex pactione illa nulla est obligatio: ex stipulatione est obligatio et actio: et hujus stipulationis duæ sunt partes, vel duæ stipulationes, quia vulgo dicitur, tot esse stipulationes quot res: una est ut detur vel fiat quod convenit: altera: ut pœna præstetur, si id vel non fiat vel detur quod convenit: et liberum est stipulatori vel hac vel illa agere: posterior enim stipulatio, licet sit pœnalis, non novat priorem, *l. prædia, D. de action. empt. l. duo, l. si quis a socio, D. pro soc.* Cur non novat? quia id non agitur inter contra-

bentes, et novatio non fit, nisi id agatur: agi cum dicimus, tacitam non expressam voluntatem intelligimus, *l. cum quid, D. de reb. cred.* nisi adjicias actum nominativum, *l. Sabinus, D. de in diem addict.* jure veteri non fit novatio nisi id agatur: constitutione Justiniani non fit novatio nisi id agatur nominativum, *l. ult. inf. de novat.* alioqui res procedit *ἀποστέλλω*; non ut vulgo *ἀντιπράττω*, olim sufficiebat tacita voluntas: hodie expressa ex constitutione Justiniani. Certum est ergo posteriore stipulatione pœnali non novari priorem: et ideo creditor agat quæ ex parte, et quæ ex stipulatione voluerit, priori vel posteriori: et agat, ut hic, ex stipulatu: ubi perterriti non debemus eo, quo movetur Accurs. quod dicat Imp. agi ex stipulatu de pœna certa, cum sit proditum, non esse actionem ex stipulatu de re certa, sed conductionem certi, si quis certum stipulatus sit: nam si in libris nostris versati sumus, intelligimus etiam actionem ex stipulatu significare actionem certi, et quodammodo actionem ex stipulatu esse genus, et aliam esse actionem certi, quæ dicitur certi condictio, aliam incerti: ergo agat in specie proposita stipulator, quæ ex stipulatione voluerit, quia alia aliam non novat, et agat ex stipulatione: ex utroque non agat: quia iniquum est ut rem ferat et pœnam *l. 4. §. Labeo, D. de dol. except.* post moram tamen prioris, quam fieri notandum est, si cessaverit promissor in implenda priori stipulatione, in dando vel faciendo eo quod convenit: tum fit prioris stipulationis quasi novatio et translatio in posteriorem, quæ est pœnalis, *l. obligationum ferre, §. ult. D. de oblig. et act. l. ita stipulatus, D. de verb. oblig.* quia solius pœnæ exactio superest: cur non novatio proprie? quia non idem venit in utranque stipulationem: prior enim est de re, ut detur vel res fiat, posterior de pœna: ergo non de eodem utraque: novatio est si mutetur debitor ut si alius pro alio quasi reus principalis expromittat: novatio est si mutetur causa debendi, ut si obligatio ex testamento transferatur in verborum obligationem: novatio non est si res debita non petatur: ut si aliud veniat in priorem, aliud in posteriorem: et ad summam, si cupis definire brevius quam Ulpian. in *l. 1. de novat.* Novatio est mutatio debitoris vel causæ debendi: mutatio rei non facit novationem: delegatio est rei seu debitoris mutatio: at, sicut dixi: licet non fiat novatio, proprie tamen post moram prioris stipulationis, fit quasi novatio: quia solius pœnæ exactio est, et ob id recte addit Accurs. Imperatorem, dum loquitur de eo, quod in priorem stipulationem venit, uti verbo *consequeris ut fiat id, quod in conventionem devenerat*: sed cum de pœna, id est de poste-

riori stipulatione, utitur verbo *exiges*: exigere est exprimere, extorquere pœnam, sed non posses ex priori extorquere id, quod posteriori continetur, et ita fit quasi novatio. Et hæc quidem de stipulatione duplici, id est, cum intercessit duplex stipulatio, una de re danda aut facienda, et altera de pœna, si non detur vel fiat quod convenit. Quid si stipulatio simplex, et de pœna tantum sit? et si præcesserit conventio: id est, pactio vel alius contractus ut detur vel fiat aliquid, et subsequente fuerit stipulatio pœnalis, ut in *l. nuda, inf. de cont. stipul. et l. qui Romæ, §. Flavius, D. de verb. oblig.* hic una est stipulatio pœnalis: quæ præcessit conventio. est pactio vel alius contractus, non stipulatio: et constat novationem nullam fieri quia non idem venit in stipulationem quod in conventionem priorem. Conventio est dare, stipulatio de pœna tantum: ergo non de eodem utraque, quia et hoc casu dicam conventionem priorem stipulationem pœnali neque novari, neque quasi novari, quia non tantum pœnæ petitio est, sed quod priori conventionem continetur, id etiam post novationem petitur: manet integra actio ex conventionem, si quis ea experiri malit, *d. l. nuda*: sed actor alterutra contentus esse debet, ut et superiore casu; sed utriusque integra est actio, non petitio tamen, nisi stipulationi pœnali sit addita hæc clausula, rato manente pacto: nam tunc et ex pacto actio est, et ex stipulatione, *l. pen. D. de transact. l. rescriptum, §. si pacto, D. de pact. l. si pater, §. si mulier, D. de pact. dot.* Et hæc ratio est differentię inter stipulationem duplicem et simplicem: nam duplex hic in se ipsam revolvitur, et se ipsam quasi resolvit et novat: si prior de re sit, et posterior de pœna, et cessetur in priore, stipulatio autem simplex sit, id est, de pœna tantum, sive *πορομένη*, aliam conventionem, quæ præcessit neque novat, neque quasi novat, *d. l. qui Romæ, §. Flavius*. Porro in hac specie, quam exposui, ait Imper. in hac specie agendum esse ex stipulatu more judiciorum: quis hic mos est judiciorum? occurrit sæpe hæc locutio in libris nostris, *l. 3. inf. si quis alteri vel sibi emer. l. 4. inf. de accus. l. 2. inf. de probat.* ubi mos judiciorum hic est, qui et stylus dicitur, ut actor probet, non reus, *l. 2. inf. de probat.* ut lis contestetur, ut iudex detur, ut absente adversario jus non dicatur, *d. l. 4. inf. de accus.* nisi absit ex contumacia, quo casu hic mos est ut successor præter tria det unum edictum, qui mos significatur verbo solet, in *l. edictum, D. de judic.* solet, id est, mos judiciorum est, ut etiamsi antecessor, id est, prior iudex ediderit tria edicta, possit successor dare unum, et hoc absenti indulgere adversario sive contumaci: hoc igitur more ait

Imper. in hac l. judiciorum observato, agendum esse ex stipulatu, et ut subjeit, non esse mittendum stipulatorem, in possessionem, non posse juste desiderare ut in se transferantur bona debitoris, ager ex stipulato more judiciorum secundum rationem juris, sed non jure desiderabit promissionis bona in se transferri statim quia hoc non fit temere, sed solemnij ordine adhibito, veluti, si latitet reus fraudationis causa, nec defendatur: nam mitteretur creditor in possessionem bonorum crediti sui servandi causa, quo genere pignus prætoriam contrahitur: deinde transacto certo tempore, bona debitoris venduntur voce præconis, et addicuntur ei, qui pluriis emerit: hoc fit ex ordine et edicto Prætoris, l. cum unus, D. de reb. auct. jud. possid. fit, inquam, hoc ita ex ordine prætoris, ut primum mittatur creditor in possessionem bonorum rei servandæ causa, deinde venditionem bonorum faciat, licet hoc non permittatur creditori, l. Fulcinius, §. adeo, D. quib. ex cau. in poss. eat, quæ loquitur de furioso, qui non defenditur, quia curatorem non invenit, in quo est hoc singulare, ut ejus bona non vendantur, nisi id permiserit Prætor, alias non est necesse permitti venditionem bonorum: res enim fit ipso jure et ordine: et hunc ordinem significat Imperator hic: nunc unam tantum desideratur, ut in l. pro debito, inf. de bonis auct. jud. possid. non loquitur de pignoris capione, quæ fit extra ordinem, l. si pignora, D. de evict. sed de venditione, quæ fit ex edicto Prætoris: et ad eum ordinem pertinet, quod interim ante venditionem bonorum constituitur curator bonis, postulantis creditoribus, qui vendant aut locet fructus ex prædiis debitoris, et distrahat res tempore perituras, et constituatur magister interdum vel curator bonis desertis, l. ult. D. de curat. bon. des. si debitor, inquam, foro cesserit, id est, si decoxerit, ut jam non amplius ventilet in forum, et adeo si latitet, et creditores coierint privato consilio, et elegerint unum, is dicebatur magister olim, hodie curator bonis desertis per quem bona venduntur, ut portio ipsis, quæ ex reducto prætio fiet, solvantur ex quo loco explicandum illud Senecæ: debitorem meum ad diem appellare possum et si foro cesserit, portionem feram, ex prætio reducto scilicet a magistro bonis distrahendis dato, quem locum quidam male intellexerunt, et male interpretes Seneca in illo loco, nec pacta conventa, quæ signis impressis custodiebantur, pacta accipiunt ex parte stipulatoris, conventa ex parte promissoris, ut pactum præcedit, id est, interrogatio conventio sequitur, id est, responsio, sive promissio: ad eundem ordinem pertinet, quod bona debitoris præscribuntur libellis emissis celeberrimis locis, venalia esse, et fore ut vendantur hac vel illa lege:

nam solebat addi le x in hujusmodi proscriptione, ut Quintil. demonstrat, et tandem peragebatur venditio bonorum: qui universa emebat conveniebatur a creditoribus, et portionem quæ dicta fuerat, persolvebat, ut ait Theoph. Instit. de SC. Claudiano. Quantum tempus inter missionem, et possessionem bonorum interponatur nondum satis liquet, et sane non constat, neque ex edicto Prætoris, nec constitutione ulla Justiniani, vel alterius definitum fuisse tempus, quod interponitur inter possessionem bonorum et missionem: et in l. ult. §. sin autem, inf. de bon. auct. jud. possid. cum loquitur de hoc tempore, corrupte scriptum est, definitum a nobis tempus: nullum tempus definit Justinianus: et ideo recte ab aliis libris absunt hæc verba, a nobis. Est quidem quoddam definitum tempus, sed non lege, aut constitutione, definitur arbitrio Prætoris, vel creditorum: nam cum non sit lege, vel constitutione definitum, datum intelligitur liberum arbitrium quanto tempore voluit definire venditionem bonorum, l. in vendit. §. de temp. D. de reb. auct. jud. poss. nam cum ex causa damni infecti post missionem in possessionem, ex primo decreto longo tempore non cavetur damni infecti, secundum decretum interponitur, quique missus fuerat in possessionem tantum, possidere jubetur: ejus vero temporis nulla alia est definitio, quam cum Prætori justa causa esse videbitur, l. Prætor, §. l. si finita, §. non autem, D. de dam. inf. sic etiam post missionem in possessionem rei servandæ causa, si queratur, quo tempore distrahenda sint bona: Resp. est, quo videbitur Prætori. Posui autem exemplum in debitore latitante debiti servandi causa, cum tamen ex multis aliis causis creditor mitti possit in possessionem crediti servandi causa ut Symmachus loquitur et Justinianus in Nov. *χρεὺς πύλα πτόν ἐνικα, crediti servandi causa*: nam primum mittitur debitor in possessionem rei servandæ causa, si debitor solum verterit, l. ad cognitionem, D. quib. ex cau. in poss. eat. et si absens judicio non defendatur: ergo non tantum si latitet, sed si solum verterit, vel si ei hæres non extitit, l. si diu 8. cum seq. l. D. quib. ex caus. in poss. vel si hæres suspensus non satisdedit creditoribus, l. 16. D. de reb. auct. jud. poss. et postremo si judicii sistendi causa debitor fidejussorem dederit, et vadiimonium deseruerit, l. 9. D. quib. ex cau. in poss. eat. sed ideo ponere malui exemplum, quamvis creditor mitti possit in possessionem bonorum ex aliis causis, in eo qui latitat fraudationis causa, cujus bona possidentur: et imitatus sum Jurisconsultos, qui plerunque non nisi de latitante exemplo ponunt, et ratio redditur in l. Fulcinius, §. cum hoc edictum, ff. quib. ex cau. in poss. eat. quia in usu, inquit, latitantium

bona possidentur, id est, usitatus est bona possideri: sed idem est si alia ex causa creditor mittatur in possessionem, ut debeat hic ordo diligenter custodiri: et ita intelligimus, quod ait Imperator hic, creditorem debere agere ex stipulatu, non statim petere mitti in bonorum possessionem debitoris etiam latitantis: hoc exigi non potest citra solemnem ordinem: et hæc erant, quæ pertinebant ad hunc *l. si pacto.*

Ad L. XV.

Pactum quod dotali instrumento comprehensum est, ut si pater vita fungeretur, ex æqua portione ea, quæ nūcebat cum fratre hæres patris sui esset, neque ullam obligationem contrahere, neque libertatem testamenti faciendi mulieris patri potuit auferre. PP. X. Kalend. Martii, Æmyliano et Basso Cons.

Ergo in instrumento dotali, quo pater filię dotem constituat præterea adjecit, ut ea filia ex æquo post mortem sibi hæres esset cum fratre. Queritur an tali pacto obligetur pater: dotis datio, et instrumenti dotalis conscriptio est contractus, *l. contractus, ff. de reg. jur. l. exigere, ff. de judic.* et contractus bonæ fidei, §. fuerat, *Instit. de action.* huic contractui est addita pactio ex continenti: ergo obligat patrem, nec licebit plus filio, quam filie e bonis largiri: at contra Iuupp. ajunt ex eo pacto nullam obligationem nasci, et non posse patrem quodammodo seipsum capite minuere: libertatem testandi cuilibet civi Romano concessam amitti capitis diminutione, non pactione nuda: ut nemini libertatem naturalem, id est, potestatem faciendi quodlibet, vel ut Stoici dicunt *ἐξουσίαν ἀνεμπόδην*, pactionibus amittit, cum Jurisconsultus neget eam libertatem posse deperdere pacto nudo, *l. liberis, ff. de lib. cau.* Ita nec patris ejus libertatis, pars ejus est libertas testandi: nemo ea libertate, pactione nuda se abdicare potest. Est indignum pactionibus non officiis alienam hereditatem promereri, indignum hereditatem obstringi vinculo obligationis, quam conveniebat ex mero dantis arbitrio proficisci: ergo ut ait Imp. ea pactio inutilis est, et quamvis sit adjecta ex continenti, non obligat patrem, ut non liceat plus filio, quam filię relinquere testamento: et eadem ratione non valet pactio, vel stipulatio, si stipuler me heredem scribi, vel si extraneus stipuletur se heredem scribi, et si hæres non scriberetur, pœnam: hæc stipulatio est inutilis, quia constringit libertatem testandi, et quia officiis non pactionibus sunt promerendæ hereditates, *l. stipulatio hoc modo, ff. de verb. oblig. l. cum proponas, inf. tit. seq.* et similiter non

Tom. IX.

valet pactio si in instrumento dotali inter virum et uxorem convenit, ut præter dotem vir succederet in aliis bonis uxoris. Hereditas aut datur extraneo, aut suo: lege aut testamento: extraneo testamento tantum, codicillis non datur: et multo minus pactionibus, *l. hereditas, inf. de pact. conv.* quia etiam hereditas ita datur testamentis, ut tamen sit ambulatoria voluntas dantis usque ad supremum vitæ exitum, *l. 4. ff. de adim. leg.* ceterum cum pactionibus datur hereditas hoc agitur, ut non sit integrum danti mutare voluntatem: denique constringitur ultima voluntas. Ergo dantur hereditates testamento, codicillis non dantur: et vero quæ testamento dantur, nullo vinculo constringuntur: nam testatori liberum est mutare voluntatem testamento, nec sibi legem dicere potest ne mutet testamentum, *l. si quis in pr. ff. de leg. 3.* movetur simili ratione *l. cum duobus, §. id in respon. lit. ff. pro soc.* quam hic adducit Accurs. quæ est satis difficilis: duo ponit Jurisconsultus in §. *idem respondit*, ponit primum quod erat probabile magis, denique quod minus: nam hoc initio statuit, societatem non posse porrigi ultra mortem, id est, fieri non posse ut societas non finiatur morte alterius socii, vel unius, si sint plures, nam unius mors solvit societatem plurium, neque fieri potest, ut non fiat pactione, vel conventionis ulla: deinde adjecit, inita tecum societate bonorum omnium si convenerit, ut me mortuo ea societas continuaretur cum patruo meo, eam multo minus valere: nam adstringo me necessitate relinquendi bona mea patruo, et præferendi fratri, qui mihi est proximior patruo. Ergo si habeo fratrem et patruum, vel, si habeo tantum patruum, et post societatem habuero fratrem, et convenerit, ut hæc societas continuaretur cum patruo meo, non valebit, et liberum erit relinquere bona fratri, vel extraneo, non patruo: nam pactione non potest quis se abdicare ea libertate testandi: unde dubitari potest, quid sit dicendum si convenerit inter socios initio contrahendæ societatis, ut ea societas continuaretur cum filio, qui est proximior. Finge: intercessit inter me et te societas bonorum omnium, et convenit, ut ea continuaretur cum filio meo: an valet conventio? minime: quia exiit me libertate testandi, dum obstringit me relinquere mea bona filio, non meo arbitrio extraneo aliquid erogare: ergo rata non est pactio: nam et hæc constringit suprema judicia: verum quid fiet si ita ut posui contracta societate convenerit, ut continuaretur cum herede meo, nullo certo herede demonstrato? et videtur prima species hæc conventio valere: nam non constringit libertatem testandi, cum dixerimus infinite non designato herede certo. Itaque libertas erit mihi eligendi heredem, sed hoc etiam si initio con-

venerit, placet pactum non valere, *l. adeo, ff. pro s. c.* non superiori ratione, sed ista, quia heres est incertus, cum quo agitur, ut continetur societas, *l. sciendum, ff. de verb. signif.* id est, nescitur quis sit futurus meus heres: nam nec ego scio quis sit meus futurus heres: ergo heres incertus est: incerte personae electio non valet, et in societate multo minus, quia est electio certae personae, *S. solvitur, Instit. de societ.* Qui societatem contrahit, certam personam sibi eligit, quia in persona certa est, quod non est in omnibus. Itaque societas, quae confertur in incertam personam nulla est: eorum ut redeamus ad eam pactionem, quae improbat, hic admonendi estis eam probari maxime *Novell. Leonis Philosoph. 19.* abrogata nominatione ista constitutione, quam praeterea scribit nusquam fuisse usu receptam, et non dubito quin sint multae constitutiones in Cod. quae nunquam usu obtinere: haec nunquam usu obtinuit, ut ait Leo, confirmatur usus, et abrogatur haec constitutio a Leone, et hac etiam ratione, quia haec pactio, ut haec filia mea cum filio succedat aequaliter, non est iniqua: certe non est iniqua, quae exaequat filium in successione patris, quos natura exaequabat; et contra iniquum est licere patri contemnere aequalitatem, cui se obligaverit, iniquum est filium fraudare portione legitima, quod haec constitutio permittit, et ut ait Leo ex hac constitutione pater *τίς ποτ' ἔστι τὸ τοιοῦτο σύμφωνον ἀσφαλέως*, id est, *in potestate patris est huiusmodi conventiones aspernare*, et minus filiae, plus filio relinquere: ergo rectius dicit Leo huiusmodi pactum justum esse, quod aequalitatem constituit inter filios, quod naturalis ratio constituit: at constringit libertatem testandi: fateor, sed tamen hoc tolerari requiritur, quam inaequale jus dici filiis, maxime cum quis vivus dixit semel jus aequale filiis. Sed in hac tantum specie hoc permittimus, ut possit quilibet sibi constringere testandi libertatem, non in omnibus, cum scilicet dotali instrumento placuit patri, ut aequaliter succederet patri cum filio nam superiora pacta, quae permisimus, non admittemus, nec admittit. Leo, quia injusta sunt: iniqua est stipulatio, ut vir cum uxore paciscatur ut succedat uxori in instrumento dotali: injusta dicitur, si inter socios convenerit, ut societas continuaretur cum filio, vel cum fratre, vel patruo, ita ut necesse sit eis relinquere bona, non de his disponere, ut voluerit, quia constringit haec omnis conventio libertatem testandi, quam constringi non est aequum, nisi cum major ratio suadet: est plerumque rationum conflictus, et elidit ratio rationem, ut in hac specie *l. pactum*, haec est superior ratio, quae vincit inferiorem: sed in stipulationibus nulla est talis collisio rationum: et eodem modo si convenerit inter duos de mutua

successione, puta ut qui supervixerit alteri, alterius sit heres: ea voluntas mutua est inutilis, inutilis est conventio, quia constringit utriusque libertatem testandi: valet quidem mutua donatio causa mortis omnium bonorum: quin etiam si duo se mutuo heredes scribant, valet testamentum, etiamsi in eadem charta scriptum sit, quod est ex *Novell. Valentini de testam.* quae permittit, ut vir et uxor se mutuo heredes scribant in eadem charta, et hanc scripturam non esse captatoriam, cum sunt similes affectus, et obtinuit initio, ut tu et ego mutuo, ex eadem causa scilicet, nos heredes instituamus, *l. captatorias, D. de hered. instit.* ergo mutuos affectus potest efficere, ut veluti reciproca heredis institutio utriusque fiat, vel etiam donatio causa mortis: sed liberum est poenitere, et revocare donationem mutua causa mortis: et ut hereditates revocari possunt testamento, ita donationes causa mortis: at cum agitur, ut qui supervixerit succedat alteri, nihil agitur: mutua donatio fieri potest inter duos: sed mutuum testamentum, seu mutua obligatio, quae constringat libertatem testandi, non potest fieri inter duos, et haec est sententia *l. 4. infr. de inutil. stipul.* ita omnino est explicanda ea lex, quae loquitur de mutua successione: nam etiam ponitur a Graecis in tit. de mutua successione: mutua addita stipulatione ait, ex ea nullam obligationem nasci, et licere poenitere: idem in *l. 19. in princip. hic*, et praeterea declarat ea lex hoc tantum obtinere inter paganos, ut non possint se ad mutua successionem conventionem ulla obligare: idem non obtinere inter commilitones: nam eos posse inter se pacisci de mutua successione, nec tamen temere, ne quis circumscribatur hac in parte; hoc non oportet simpliciter accipere, ut possint inter se pacisci de successione non possunt temere, sed unus est tantum casus, qui explicatur in *dict. l. 19.* quo conventio habita inter commilitones de mutua successione rata est, si inter ipsos in ipso procipectu mutuo convenerit, ut qui superasset, heres alteri esset: hoc exigimus, ut in ipsa pugna, aut mortis periculo paciscantur data fide, ut qui superfuerit alteri succedat, et hoc est quod ait *l. 19.* ad discrimen praelii pergentes, id est, euntes in aciem; nam praeterquam quod Fronto et Servius docent, praelium esse conflictum signorum, manumque collationem et pugnam, bellum autem esse etiam sine praelio, ut cum id iudicatur, patratum, est bellum, nec praelium, nisi pes pedi conseratur, ita Graeci *ἐν παρατάξει ἐξέδυσσε*, id est, ad pugnam procedentes. Ergo si in ipso mortis periculo inter se paciscantur, ut qui superfuerit heres sit, rata est pactio, non quasi pactio, sed quasi ultima voluntas, quod consentit cum constitutionibus Imperatorum, quae jura singularia in testamentis mili-

tum constituerunt, et statuerunt, ut quilibet voluntas militis esset pro testamento: nam eodem modo *l. milites, inf. de test. milit.* in ipso praelio si vel in vagina scripserit voluntatem, vel in pulvere gladio, valet testamentum, et rata est voluntas. Ergo ne dicas in *l. 19.* inter se convenientes posse consentire, et valere testamentum, sed in articulo mortis miles potest pacisci de mutua successione, et eam voluntatem legis vim habere; ejus verba haec sunt: *Licet inter privatos, id est, paganos, hujusmodi scriptum, quo comprehenditur, ut qui supervixerit, alterius rebus potiat, etc.* sequitur, *quæ super ultimo vitæ spiritu, id est, quasi in ipso articulo reddendi ultimi spiritus, ad discrimen praelii pergentes, id est, in ipso pro-cinctu, existente conditione, id est, uno mortuo, et altero superstiti, ad te delatum esse, delatum vero fuit a moriente, non fuit ergo constricta ulla libertas testandi, quia fuit hæc ultima voluntas, nec ulla potuit amplius esse, valet pactio: at quilibet voluntas pagani testamentum non est: et si duo pagani ita convenerint, non erit rata pactio, quia non est testamentum, est collicillus, sed eis non datur hereditas: ergo non erit rata ex pactio inter paganos: hæc omnia, quæ dixi, sunt de pacto de succedendo. Hæc est affinis questio de non succedendo an valeat, aut non valeat pactum de non succedendo: et hujus questionis definitio hæc est, pactum de non succedendo improbari jure civili, ut in eadem specie, si cum pater filiam nuptum collocaret, in instrumento dotis pepigerit, ut pater decem illi daret, nec speraret aliud ex hereditate paterna: hæc pactio reprobat, quasi injusta, quæ excludit filiam jure filii. *Lex. 3. D. de collat.* ait, eam improbari juris auctoritate, id est, esse contra jus publicum, ut ait *Lex ult. D. de su. et legit. hered.* ubi Papiniano proponitur eadem conventio, et concludit privatorum pactiones legum auctoritate non censi, id est, privatorum conventiones has, maxime quæ videntur ab officio pietatis recedere, ut filia non succedat patri ab intestato, non posse legum auctoritati officere: et similiter cum metus est, ne filius agat querela inofficiosi testamenti si exheredetur, iuge in animo esse patri exheredare filium, si pater cum eo pactus sit, ne agat querela inoffic. testam. ut quiescat secundum patrem, nec appellet, ea conventio rata non est, quia ut ait *l. si quando, §. illud, C. de inoffic. testam.* et Paulus 4. Sentent. tit. 6. meritis filii sunt obstringendi ad obsequia paterna, non pactionibus, sicut meritis non pactionibus sunt promerenda hereditates, id est, si pater, qui minus relinquit filio, vel nihil, velit sibi morem geri a filio, in hoc eum adigere debet beneficiis, non pactionibus. Obsequium est, si exheredatus filius*

non agat, sed quiescat secundum patrem, sicut obsequium est, si is, qui jussus est restituere hereditatem, non deducat Falcidianam et is dicitur plenum prestare obsequium, *l. qui totam, D. ad Trebell.* Plinius 4. *epistol. illius est liberalitatis, ut obsequium v. cetur:* est, ut dixi, obsequium, si filium non agat, sed ad ejusmodi obsequium filius debet provocare meritis: et non valet pactio de non succedendo, sed tamen idem accidit huic generi pactionis, quod superiori: nam ut superior approbata est a Leone, ita et posterior a Pontifice in hoc cum filia profitetur se fore contentam, ut nec amplius desideret quidquam, si hoc confirmaverit iurejurando: id enim Pontifex statuit in *cap. quamvis, de pact. in 6.* et in Feudis constat admitti pactiones de succedendo, et non succedendo.

Leg. XVI. explicavimus in *l. 1.*

Ad. L. XVII.

Pactum, quod bona fide interpositum docebitur, etsi scriptura non existente, tamen, si aliis probationibus rei gestæ veritas comprobari potest, Praeses provinciae secundum jus custodiri efficiet. PP. IX. Kal. Jul. hincdem Coss.

Pactum, inquit, quod bona fide, etc. ait pacta juxta observanda esse, quæ non continentur scriptura, quia scriptura est adminiculum: ex scriptura pacti substantiam non consistere: fidei faciendæ non unum esse genus: scripturam ad fidem tantum rei gestæ faciendam pertinere, *l. 4. et l. cum res, inf. de prob.* quo nihil apertius: at Accursius ad hæc notat varios casus, quibus necessaria est scriptura, sed nullus eorum pertinet ad pacta, ut ait ad extremum: nec verum est omnibus eis casibus necessariam esse scripturam: non est necessaria in specie *l. generaliter, inf. de non num. pecun.* quæ loquitur de chirographo; et ait, frustra opponi exceptionem non numeratæ pecuniæ, si adscripta sit causa debiti: ergo frustra opponitur exceptio non numeratæ pecuniæ: ad hoc tantum in chirographo locum habet, videamus: est enim hoc magni momenti: quia si frustra opponatur exceptio non numeratæ pecuniæ, debitori incumbit onus probandi in alium quendam modum, et non in eum, quem perhibet cautio, negotium sequatum fuisse, cum tamen alias recte opposita exceptione non numeratæ pecuniæ, onus probandi conferatur in creditorem, ut probet sibi debere: unde dubitabatur nunquid idem quod in chirographo obtineat in qualibet promissione: sed vera est sententia Joannis existimantis idem valere in qualibet promissione, etiamsi promissor eam adduxerit palam coram testibus sine scripto: nam et hoc casu agenti ex promissione, inutiliter opponitur exceptio

non numerata pecunie: non est necessaria scriptura in specie *l. 1. inf. de jur. emphyt.* nam etsi dicat contractam emphyteusim ex scripto: non ideo prohibet contrahi emphyteusim sine scripto, et verum est sine scripto contractam emphyteusim non minus valere, quam eam, quæ literis mandata sit: accessio instrumenti emphyteutici nihil mutat, *l. ultim. inf. de jur. emphyt.* et si ejus, quæ accessit amissio nihil nocet, nec omnis igitur: in *l. census, D. de probat.* quam hic affert Accursius, quæ dicitur census, et monumenta publica esse potiora testibus, nihil, inquam necesse, ut exprimantur casus, quibus sit necessaria scriptura, ergo non debuit hoc casus asserere: sed Accursius admittit cetera: primum ut non valeat alienatio, vel emphyteusis rerum ecclesiasticarum, nisi fiat ex scripto, *Novell. 7. §. nos.* Item nec emptio et venditio, quæ nondum scripta est, si initio convenerit ut scriberetur, *l. contractus inf. de fid. instru.* nam hoc casu scriptura est de substantia emptionis et venditionis: quæ de causa etiam postea convenerit, ne fieret scriptura, inest hæc pactio et ex parte actoris et rei, et nova videtur quodammodo emptio: novam efficit emptionem et venditionem, et eo casu vitatur: quod dicitur emptionem et venditionem nudo consensu perfici: nam hoc verum non est si convenerit ut scriptis conficeretur, et ideo recte Tribonianus, sine scriptura emptionem huiusmodi perfici nudo consensu, *l. 2. §. 1. D. de contrah. empt.* nam quæ perficiuntur nudo consensu, ea non perficiuntur scriptura. Est et alius casus, quo scriptura desideratur in *l. 3. C. si min. se. major. dixer.* ubi quis minor se majorem dixit, et probavit iudici, cum tamen non esset major vigintiquinque annis: quæritur, an in his, quæ postea gesserit, possit quasi minor restitui in integrum: quæ in re adhibenda est distinctio: nam primo, si major vigintiquinque annis errore lapsus, vel dolo adversarii circumscriptus dixerit se majorem, proculdubio ei subvenietur in omnibus causis et negotiis, quæ gesserit postea. Sed non idem dicemus omnino si minor vigintiquinque annis de ætate sua mentitus sit, et se iudici ex facie approbaverit esse majorem: quod videtur eo modo etiam iudici plane imponere: nam si dolo malo de ætate sua mentitus, ex aspectu corporis iudici se majorem probaverit, cum non esset, eo casu non dabitur ei restitutio in integrum: malitia ejus supplet ætatem, erat facilis probatio ætatis ex aspectu, *l. minor vigintiquinque, D. de minor. et l. 1. C. Gregor. si major probatus fuerit*, et ex aspectu necessarii partis, qui mos fuit etiam Athenienium. Plato in *II. de legib.* et Aristophanes in *Vespis* eo loco παῖδων δεκαεξαχρόντων, etc. ubi Aristophanes Grammaticus inquit, τῶν παῖδων τὴν ἡλικίαν δεκαεξαχρόντων, etc. Et

ita si probaverit se majorem, ei si quæ postea gesserit, non subvenietur. Quod si alio modo probavit, pone jurasse se esse majorem, adhuc distinguendum est: aut enim corporaliter juravit, aut in instrumento, duo jurisjurandi genera proponuntur, corporale, aut ex scripto: et dicitur corporale, cum quis sublata manu, vel tactis sacrosanctis Evangelii juravit se majorem. Balsamo vocat σωματικὸν ὄρκον, sic et *l. 1. inf. si adver. vend.* et qui ita juravit, non potest restitui in integrum: at qui in instrumento, id est, si comprehensum est instrumento cum jurasse se majorem: hoc casu non dabitur ei in integrum restitutio, nisi contrario instrumento probaverit se minorem: necessaria est hoc casu scriptura, ut *l. testium, inf. de testib.* Ergo qui instrumento dejeravit se majorem, non potest restitui in integrum, nisi contrario instrumento se esse minorem docuerit, *l. 3. inf. si min. se esse mayo. dixer.* et quod posuit est notissimum ex *l. 1. sup. de mand. prin.* in qua cavetur si tribuni notarii, sic illo loco est legendum, id est, a secretis, aut comites consistoriani, vel qui extra ordinem in provincias mittuntur, perferant iussiones principum ad præsides provinciarum sine literis, ne fides eis habeatur.

Ad L. XVIII.

Si creditores vestros ex parte debiti admisi se quemquam vestrum pro sua persona solventem probaveritis: aditus re tot provincie sua gravitate, ne alter pro altero exigatur, providebit. PP. VII. Id. Jan. Diocletiano 3. et Maximiano AA. Cass.

Lex 18. scripta est ad Julium et Æmilianum, quod ad rem nonnihil facit, quia fuerunt duo rei debendi: duorum reorum debendi hæc est conditio, ut in singulis sit par obligatio, ut singuli teneantur ipso jure in solidum, et unius petitione, et solutione tota solvatur obligatio: denique ut alius pro alio videatur fidejussor: quæ de causa, si Titius et mulier accepti sunt rei, mulieri succurritur Senatusconsulto Vellejano, quia videtur intercessisse pro correo, *l. vir uxori, in fin. ff. ad Senatusconsult. Vellej.* et ita patet acceptis duobus reis vice mutua fidejussisse eos videri, et ideo appellatur ἀλληγγύων in Nov. περὶ ἀλληγγύων, nam cum alius pro alio convenitur est ἀλληγγύια, sive, ut est apud Zonaram in Basilio Porphyrogenneta cum edixit, ut locupletiores tenerentur pro pauperibus tributorum nomine, id appellatur, ἀλληγγύων, hic sunt duo rei debendi ἀλληγγύοι, quia alius pro alio tenetur, quod tamen omne immutavit Justinianus in Nov. 89. nam hodie ex hac constitutione si sunt duo rei accepti ab initio, singuli

non tenentur in solidum, nisi dictum sit nominatim id agi: et sicut olim cum esset novatio si id ageretur, vel tacito intellectu, voluit non esse novationem Justinianus, nisi id scribatur nominatim, *l. ult. C. de novat.* ita cum duobus reis acceptis ab initio, singuli tenentur in solidum, idque agi tacito intellectu videretur, voluit Justinianus ut quasi ex mutua fidejussione non tenentur, nisi id dictum sit nominatim, quin etiamsi specialiter caverint, ut singuli tenentur in solidum, et omnes sint solvendo et presentes, ut habeant beneficium divisionis: hoc etiam est novum: nam olim Hadrianus id dederat fidejussoribus tantum: deinde idem beneficium dedit Just. reis constitutæ pecuniæ, *l. ult. inf. de const. pecun. ad extremum* dedit omnibus reis debendi hoc beneficium, Nov. 99. Ponamus igitur sic speciem de duobus reis secundum jus vetus. Duo sunt rei debendi in 20. creditor ab uno accepit 10. ex lege, ex pactione ne quid amplius ab eo peteret: queritur an ab eodem possit reliqua 10. petere quasi in solidum obligato: et certissimum est, eum posse ipso jure ab eodem reliqua 10. petere, quia posterior conventio, quæ in ejus persona intercessit, statum et naturam obligationis mutare non potest: obligationis natura id non patitur, *l. eandem, §. sed si quis, D. de duob. reis*: ergo qui accepit ab uno ex reis debendi 10. et pactus est ne quid ab eo amplius peteret, nihilominus poterit ipso jure ab eodem reliqua 10. petere: sed repellitur exceptione pacti, et ita secundum fidem pacti præsens: inquit, non exigetur alter pro altero: posuit in hac specie convenisse inter creditorem et unum ex reis debendi, in quo accipiebat partem, ne quid amplius ab eo peteretur. Nunc exponamus verba: *Si creditores vestros ex parte debiti admisisse quenquam vestrum*, id est, alterutrum ex vobis, idemque pactus sit ne quid amplius ab eo peteretur, et hoc addimus, quia exigit titulus et quia idem eademque species proponitur in *l. si stipulatus esses, §. ult. D. de fidejuss.* Conclusio igitur hæc sit, tutum esse exceptione pacti unum ex reis debendi, a quo partem creditor accepit ex pactione aut lege ne quid amplius ab eo peteretur. Huic definitioni opponitur *lex si ex toto, §. 1. D. de leg. 1.* Quidam ita test. legavit: Titius hæres meus, aut Cajus hæres meus illi 10. dato, duo sunt rei debendi: nam duo rei debendi constituuntur etiam in testamento, et constituuntur his verbis: Lucius, aut Titius hæredes mei, non etiam his, Lucius, et Titius hæredes mei: nam hoc casu singuli debent partes, sed cum dixit Lucius, aut Titius, singuli tenentur in solidum. Ergo sunt duo rei debendi, *l. 16. de leg. 2.* et ideo male in *l. eandem* legitur, *Titius et Mævius*, legendum *Titius,*

aut Mævius. Constat duos esse reos debendi cum ita legatur, ille, aut ille dato: igitur, ut ait *lex 25. de leg. 3.* ab utro volet legatarius, legatum petet, et si unus dederit, alter liberabitur: quod si legatarius partem ab uno acceperit, respondetur, liberum esse ab alterutro reliquum petere: ergo a quo partem acceperit, liberum erit legatario ab eodem reliquam partem exigere, quod tamen hic negatur: utroque loco sunt rei debendi, in *d. l. si ex toto, §. 1.* manifestum est fuisse duos debendi: hæc etiam fuisse inscriptio docet: et quod ait Accurs. in *l. si ex toto, §. 1.* legendum esse non alterutro, sed altero rejicendum est: nam utriusque eadem ratio est, et ideo non est mutanda scriptura, quæ rationem habet: nec enim unquam alterutrum dicimus pro altero: fateor alterutrum dici pro utroque in *l. ventre, de acqu. hæred.* et dicitur utrumque pro alterutro, ut Græcis *ἑκάτερος* significat utrumque, et alterutrum. Itaque utroque vocabulo alterutro, et utroque utuntur Latini: et ita in *l. ult. §. ipsum, inf. de bon. quæ lib. ex utraque parte*, id est, ex alterutra. Nunquam tamen alteruter pro altero usurpatur. Sed et illud Accurs. non est admittendum, nec *lex si ex toto* hoc suadet, ut a quo partem legatarius accepit, ab eodem possit reliquam partem petere: sed de legatis idem statuitur quod de ceteris debitis. Sed verissimum est quod ait *lex si ex toto*, eum qui partem accepit ab uno ex reis debendi, reliquam ab eo petere posse, quia non totum solvit, quod debebat: solidum autem debebat, et potuit creditor ab eo accipere partem non ea mente, ne ab eo reliquum peteret, sed cum fuit mens, vel cum fuit pactum nominatim, sive tacite, ut ne quicquam amplius ab eo peteretur, qui solvebat partem, defendet se exceptione pacti, qui solvit partem: sed incumbet ei probatio pacti: et ideo ait hoc loco, *si probaveritis*, si alteruter vestrum probaverit ita convenisse. Summa igitur hæc sit: eum, qui partem accepit a reo debendi, posse ab eodem reliqua exigere, quia potuit accepisse non animo remittendæ reliquæ partis: sed si fuit animus remittendæ reliquæ partis, cujus probatio a debitore exigitur, et pergat nihilominus petere reliquam partem repellitur exceptione pacti, vel doli, et ita proponitur in *l. si stipulatus esses: in fin. D. de fidejuss.* Duo fidejusserunt in 20. singuli tenentur in 20. sed creditor ab uno accepit 5. eo pacto ne quid amplius ab eo peteret: queritur an reliqua 15. ab eo peti possint. Minime, quia obstat exceptio doli, sed poterit reliqua 15. ab alio fidejussore petere: et nulla, inquit, repellitur exceptio: quod postremum non carebat dubitatione, ut exegerit ab uno 5. et alia 15. exigeret ab alio, nec repellatur ulla exceptione: videbatur enim repel-

lendus, quia non potest alteri cedere actionem adversus confidejussores utilem scilicet et efficacem quæ perempta est exceptione pacti. Itaque qui accipit §. ab uno. et reliquum remisit, non potest petere ab altero 15. Opponitur *lex Stichum §. si creditor, D. de solut.* Duos habeo reos: unus est reus principalis, alter accessorius, id est, mandator, et uterque tenetur in solidum, cum sint duo rei debendi: unus tamen tenetur mihi ex mandato, qui mandavit, ut crederem Titio: alter tenetur mihi principaliter; ego cum Titio, et culpa mea actionem amisi, non observatis propositis formulis, ut olim moris erat: deinde ago adversus mandatorem actione mandati: queritur an recte agam. Minime: quia non possum ei cedere actionem, quam amisi adversus principalem debitorem, unde eadem ratione tentatur in *l. si stipulatus esses*, non posse agere adversus alterum fidejussorem: verum ratio discriminis est aperta, loquitur *l. si stipulatus esses* in duobus fidejussoribus: idem ponatur in duobus mandatoribus, si ab uno partem exegi, puta §. ab altero recte petam partem reliquam, id est, 15. quia etsi non possim ei cedere actionem adversus fidejussorem possum tamen ei cedere actionem adversus debitorem principalem: sed aliud est in specie *l. Stichum §. si creditor*, quæ est de reo, de debitore principali, et mandatore: nam si non possim mandatori cedere actionem adversus debitorem, adversus quem cedam? itaque jure repellor ab actione mandati. Postremum erat, ad hanc *l. Accurs.* male adducere *legem liberum*, et *l. reos*, et *l. pen. inf. de fidejuss.* quasi pertineant ad istam questionem, cum nullo modo pertineant, et committitur non male *l. liberum*: nam ait enim, qui habet plures fidejussores, si unum ex omnibus elegerit, non posse dimisso judicio ab alio reliquum petere. quod videtur pugnare cum *l. reos*, et *l. ult.* qua dicitur eo non satisfaciente, licere transire ad alterum, et cum eo experiri in solidum, et hæc est sententia *l. reos*, et *l. ult.* at omnibus conventis fidejussoribus, vel reis, vel simul divisis actionibus, et partibus, ne lis deferatur, non licet illo judicio unum ex illis eligere et convenire in solidum, et hæc est sententia *l. liberum*. sed ea questio nihil commune habet cum ista questione, nam questio principalis est de duobus reis debendi, quorum uni creditor remisit debitum contentus parte soluta, quæ res facit totam dubitationem, et ideo ait præsidem provincie providere.

Legem XIX. exposui nudius tertius.

Ad L. XX.

Traditionibus, et usucapionibus dominia re-

rum, non nudis pactis transferuntur. PP. Kal. Jan. ipsis 5. et 4. AA. CC. Coss.

Ex hoc versu constat, qui complectitur multa, parvo pondere multa veli: *Traditionibus*, inquit, et *usucapionibus dominia rerum, non nudis pactis transferuntur*: traditionibus scilicet jure naturali, usucapionibus jure civili, traditionibus si res tradita sit a domino ex justa causa acquirendi domini, nam si qui tradit non est dominus, non potest dominium, quod non habet, transferre, et nulla traditio, cui non adest justa causa, dominium transferre potest. Ita traditionibus dominia transferuntur, si tradat dominus ex justa causa acquirendi domini, usucapionibus, si tradat non dominus ex justa etiam causa acquirendi domini, nam si non dominus tradat ex non justa causa, usucapio non procedet præterea traditionis auctoritas est voluntas ejus, qui possessionem in alium transfert, usucapionis auctoritas est tempus legitimum, traditio manat ab eo, qui rem suam tradit alteri, usucapio est a lege, ut ait Marcus Tull. *usucapio*, inquit, *non a privato relinquitur, sed a legibus*, et ideo falsum est, quod vulgo dicitur, non dominum tradentem transferre usucapiendi conditionem, quia usucapio a lege proficiscitur, non ab homine, id male colligitur ex *l. 1. inf. de acq. poss.* quod dicat, per liberam personam possessionem acquiri, et deinde usucapionem inchoari; nec enim ait per liberam personam transferri dominium, sed possessionem, tum usucapionem rei inchoari deinde inchoatur ipso jure, non per liberam personam, apud quam inchoatur, itaque dicendum non esse tradentem, qui præbet causam usucapionis, sed occasionem, *l. qui alienam, ff. de donat. cau. mor.* occasio non est causa, sed circumstat causam, et quod Græcis *ὀπportὴ*: ergo qui tradit rem alienam, occasio est, non causa usucapionis: nec dixeris venditorem transferre causam usucapionis in emptorem, ex his intelligemus, quid distet usucapio a traditione, quod magis apparebit ex definitionibus, quid est usucapio? aut quæris definitionem juris, veteris aut novi: juris veteris hæc est usucapio est ademptio domini per continuationem possessionis anni, vel biennii, hoc est clarum, per continuationem possessionis, hæc est effectus, ut adipiscamur dominium per continuam possessionem, hoc est, necessarium in usucapione, ne interrumpatur. Itaque his verbis excluditur usurpatio, quæ interrumpit possessionem anni, vel biennii, anni rerum mobilium, biennii rerum immobilium. Juris novi hæc est definitio, usucapio est ademptio domini rerum mobilium et rerum immobilium, rerum mobilium triennii, rerum immobilium decennii inter præsentem vicennii inter absentes, quod est expressum Theophilo §. *per traditionem*, in tit.

de rer. divis. Traditio autem est, quæ fit de manu in manum. Illa verba de manu in manum sunt ambigua, his enim verbis significatur, ἐκ χειρὸς εἰς χεῖρα παράδοσις, cum una manu do et accipio altera, ut in emptione et venditione, hoc fit de manu in manum, ut in 8. Eth. ἀγορὰ ἐκ χειρὸς εἰς χεῖρα, quibus verbis significatur negotium, ut vicissim detur et accipatur, et ut ait Aristotelis discipulus, ἐκ χειρὸς εἰς χεῖρα παραλλάξας: sed in ea definitione traditionis de manu in manum traditionem significari, quæ fit ex parte una tantum, cum ego de manu mea rem in tuam transfero, vel cum tu pretium in me transfers. Equidem hæc definitio non bene explicat vim traditionis; nam fieri potest, ut ego rem meam, vel aliam de manu mea in tuam transferam, et mox eandem retineam: quod certe non erit traditio, etiam si verum sit me de manu mea in tuam transtulisse rem, quam mox eandem retraxi, vel eam accepit aliquis: ut finge: rem meam possidet Titius, vendidi eam tibi, vis eam tibi tradi, non est in potestate mea ut tradam, quia eam possidet Titius, qui eam mihi non vult reddere, et contendit eam mihi non reddi debere, ut controversiam dominii faciat: quid fiet? consilium dat Odofredus, ut tu et ego observemus tempus, quo egreditur ad aquandum equum, et ego apprehensis habenis eum tradam in manum tuam, et tunc statim sic fieri, ut videar equum tibi tradidisse, quod est ineptum: quia traditio est possessionis translatio, et ita nihil traditum est: non est translata possessio, quia penes alium manet possessio, ita nec dominium: itaque nihil traditum ergo fieri potest, ut tibi tradam rem de manu in manum, nec tamen fiet statim traditio vera et legitima. Traditio ergo est datio possessionis, ut in ea specie, si vendidi tibi equum, quem possidet Titius, curare debeo mihi reddi equum, ut impleam fidem conventionis, et te equi dominum faciam: traditio est datio possessionis, l. 3. §. 1. ff. de act. emp. non est datio proprietatis, l. si rem tradi, ff. de verb. oblig. quia rem tradi stipulor, non stipulor proprietatem dari, sed tradi, ubi est elegans. ἀλοχὴ, si rem tradi stipulor, stipulor tantum tradi, non meum fieri, quo significatur id agi, ut detur tantum possessio, non proprietas: adilectum ad hæc est species l. si fundum, ff. de fund. dot. quæ hic afferri solet, maritum, cui non est data possessio fundi ab uxore, sed instrumento dotali conscriptum est fundum dotalem fieri, quem non possidebat uxor, sed Titius, non esse possessorem fundi: species hæc est: fundum possidebat Titius, uxor instrumento dotali cavit eum fundum mihi reddi, non dedit possessionem ejus fundi, quia erat penes Titium: ergo me possessorem non lecit, quia non tradidit fundum:

conscripsit tamen instrumento dotali: ergo ego non sum possessor nec dominus adhuc ejus fundi: atqui eum possum vindicare a Titio, et si non vindicem, tunc mihi res peribit, non uxori. Ergo sum dominus si vindicare possum: vitiosa est collectio: vindicat emphyteuticarius, superficiarius, feudatarius, nec sunt domini, vindicat bonæ fidei possessor Publiciana actione, nec est dominus: sic fundum, quem doti destinavit uxor mihi, si possideatur ab extraneo, vindicare possum, jussu, mandato, voluntate uxoris, licet nondum sim dominus, nam cujuslibet rem licet mihi vindicare domino ferente, volente, mandante, et ita statuendum est, maritum, licet habeat vindicationem, nec dominum, nec possessorem fuisse, nam non fuit data possessio, et consequenter possessor non fuit, nec dominus, nam dominium acquiritur per traditionem possessionis, non ipso jure. Ad summam si quis querat, quid sit traditio, ne dixeris, esse dationem de manu in manum. Nam ita periculosam definitionem feceris, et rectius feceris, si ita dixeris, traditio est datio possessionis. Jam intelligimus quid sit, quod hic traditur, traditionibus dominia rerum acquiri, adjicit, non transferri nudis pactis, ut liber homo non sit servus, ita dominium non transferatur in alium pacto nudo, l. liberis, ff. de lib. cau. et quod placuit dari pro suffragio, l. 1. infra de suff. non temere ad novum dominium transire nudis pactis: ergo nudam conventionem rem non transferre. Certi modi sunt acquirendi dominii, in quibus non est pactio nuda, ergo non sufficit pactio nuda, et hæc l. est conjungenda cum l. 5. sup. de jur. et fact. ignor. utriusque eadem inscriptio, et ibi tradit speciem, quæ est similis nostræ. Ego hæres sum patris mei, et possideo in hereditate paterna fundum: hunc fundum interrogatus in jure fateor esse maternum errans, cum putem esse maternum, ait hunc errorem mihi non nocere, quod est certum, nec est separandus error juris ab errore facti, quia in damnis amittendæ rei suæ non est differentia inter errorem facti et juris, quia ubi error juris non nocet, nec facti. Sed in lucris est differentia, quia error juris non prodest, itaque si per errorem confitearis fundum maternum esse, hic error nihil nocet, nec mirum si tibi non noceat, cum (et hoc adjiciendum ex hac l.) si filius sciens prudensque fateatur fundum maternum, non ideo transferetur dominium in matrem, quia transferatur traditionibus, et usucapionibus non confessionibus, et filius si velit fundi matrem dominam facere, debet fundum tradere, sola confessio dominam matrem non facit. Ergo traditionibus, et usucapionibus non nudis pactis dominia transferuntur: ait traditionibus, et usucapionibus, queritur an non aliis modis? sane multis aliis, sed ut in edicto de Publiciana

actione Prætor fecit mentionem tantum usucapionis, et traditionis, licet multe sint species in jure, quibus dominia transferuntur, *l. 1. §. ult. de Pub. in rem act.* ita hic fecit mentionem traditionis, et usucapionis, quibus dominia transferuntur, quia sunt usitatiores forme, at non ideo existimandum est, nullas alias restare species, quibus dominia transferantur. Primum enim præter traditionem jure naturali dominium acquiritur alluvione, venatione, piscatione, et aliis modis apprehendendo possessionis, de quibus agitur in *tit. de rer. divis. Instit.* et jure civili legato, ipso jure, hæreditate, sive additione hæreditatis, ipso jure, *l. si ager, ff. de rei vind.* donatione causa mortis, exemplo legatorum *l. 2. D. de Pub. in rem act.* ergo, quod est notandum, statim ipso jure etiam sine traditione acquiritur. Itemque arrogatione dominium acquiritur bonorum arrogati: nam arrogatorem sequuntur bona arrogati, et adjudicatione in judicis duplicibus tantum, in aliis iudex dominium non facit, nam nec prætor, item cessione in jure, ac mancipatione, quæ dicitur nexus, et datio nexi, et traditio nexi: nexus tamen latius patet; nam complectitur obligationem nexi, et liberationem nexi, quod est ex jure veteri. Caduca acquiruntur fisco sine possessione, et ereptitia, id est, quæ indignis eripiuntur, ut Ulpian. docet in *Fragm. tit. 19.* ergo falsum est, quod dicitur, dominium non acquiri sine possessione, nam rerum earum, quas exposui, dominium acquiritur sine possessione ipso jure, sed in legato, hæreditate, donatione causa mortis, caduco, cessione in jure, et mancipatione, factum aliquod intervenit, et traditio quæ lam civilis, veram traditionem jus naturale induxit, nexum et cessionem in jure jus civile, præscriptione dominium non acquiritur, sed exceptio tantum, nec etiam dominium ipso jure acquiritur in specie *l. 24. C. de Sacros. Eccl.* ut ait Accurs. male: nem Ecclesiis et ceteris locis sacris dat Imp. hoc privilegium, ut rem, quam emerint, nec acceperint, possint vindicare, ac sunt quedam vindicationes fictitiæ, quibus finguntur esse domini, nec sunt tamen. Male etiam ex *l. 1. inf. de donat. quæ sub modo, male ex l. d. in diem add. et de lege commissoria*, colligitur, pactis dominium acquiri: nam illis locis dominium non dicitur acquiri, sed nunquam recessisse a priori domino: ut cum vendidi tibi rem, et tradidi ea lege, ut si mihi liberi sint, res esset inempta, non acquiritur dominium vi pactionis, sed dominium a me nunquam recessit: quia traditio fuit conditionalis. Itaque semper verum est, nuda voluntate, et pactione dominium non transferri, imo nec possessio, nec obligatio: omne quod acquiritur, vel est dominium,

vel possessio, vel obligatio: dominium est rei proprietas possessio est usus rei; nec dominium acquiritur pacto nudo, aut voluntate, quia corporali apprehensione opus est, nec etiam potest possessio acquiri, sine usu rei, et apprehensione rei corporali, neque id colligitur ex *l. si quis rem, de acq. possess.* nam loquitur de amittendo, est differentia, quod non amittam animo solo dominium, animo amitto possessionem, sed in acquirendo non est differentia inter dominium, et possessionem, ut dominium non acquiritur sine possessione, ita possessio sine prehensione non acquiritur, et hæc tria non acquiruntur nudo pacto. At ambigitur tantum de dote, quia ex causa traditionis fit dominus is, cui res sit tradita, dominium enim non transfertur sine traditione possessionis, *l. dotale, §. dotale, de fun. dot. l. de divisione, solut. matr.* Sed quæritur an solus sit maritus dominus, qui dotem accipit, an et domina mulier, quæ in re pugnat *§. per traditionem, Instit. de rer. divis. cum l. quamvis, ff. de jur. dot. et l. in rebus, C. eod. §. per traditionem* ait, dominum acquiri jure naturali. Lex ait, maritum jure civili esse dominum, uxorem jure naturali. Breviter dicendum, in *§. per traditionem* inspicitur initium dotis constituendæ: quo inspecto maritus est dominus jure naturali, inspecto exitu rei, quia interim omne emolumentum reddit ad uxorem, pro qua onera matrimonii sustinet maritus, et quodammodo in dominio uxoris esse videtur, maxime cum soluto matrimonio dos omnis recurrat ad uxorem jure naturali quæ est domina dotis, et ita transiscitur dominium jure civili, uxor jure naturali. Ex eodem *§. per traditionem* oritur alia dubitatio de donatione nam dicit eum, cui res tradita est ex causa donationis, esse dominum jure naturali, at mox Justinianus ponit donationem inter civiles acquirendi modos: nam in *tit. de rer. divis.* tractat de naturalibus modis acquirendi dominii, in *tit. de usucap.* de civilibus, res est expendenda ex jure antiquo, nam hodie donatio comparatur venditioni: acquiritur dominium ex causa donationis jure naturali tantum, ut venditione at veteri jure longe aliud erat, nam non erat idem donatio, et venditio. Venditio perficiebatur solo consensu, donatio non perficiebatur solo consensu, sed datione ipsa, donatio est rei datio, venditio non est rei datio, sed consensus nudus, præterea donatio aliter fiebat in Italia, aliter in provinciis, in Italia per mancipationem, in provinciis per traditionem, donatio, quæ fit per mancipationem est civilis acquisitio, donatio per traditionem est naturalis modus, et ita igitur si quæras de donatione secundum jus vetus, an ea dominium acquiratur jure civili, an naturali, dicendum est, aut donationem fieri per traditionem nexu, et hæc erat ci-

vilis acquisitio, aut fiebat per traditionem naturalem, et erat naturalis acquisitio.

Ad L. XXI.

Cum proponas, inter vos sine scriptura placuisse fratrum tuorum successiones equis ex partibus dividi, et transactionis causa probari possit hanc intercessisse conventionem: exceptione te lueri potes, si possides. Quod si adversarius tuus teneat: ex hoc placito nullam actionem natam esse, si tibi stipulatione non prospexisti, debes intelligere: nec adversario tuo transactione uti concedendum est, nisi ea quae placita sunt, adimplere paratus sit. PP. Kal. Maji, Fausto 2. et Gallo Coss.

Species hæc est; cum lis esset inter te et Titium de bonis fratris tui, Titio hærede scripto, te agente querela falsi testamenti, convenit inter vos transactionis causa, ut bona inter vos ex æquo dividerentur, et ita a lite discederetur, et convenit sine scriptura, ut recte proponitur; nam ex scriptura pacti substantia non consistit, l. 17. hic, l. 5. tit. seq. Et satis est, si alia ratione eam, qua nititur, pactionem iudici approbare possit, non est una ratio probandi scriptura, sed sunt alie, ut testes et confessiones, quarum unam si elegerit, eamque in iudicio iudici probaverit, rata est pactio etiam sine scriptura; supervacanea est scriptura; nam et acta sunt supervacanea, l. sive apud acta, tit. sequent. nam quæ et acta succedunt pacto, sunt supervacanea, et sine actis et instrumentis rata est pactio. Ergo ut hic proponitur, cum inter te et Titium esset lis de bonis fraternis, et Titius diceret se esse heredem ex testamento, tu diceres falsum esse testamentum, ita de lite decidistis inter vos sine scriptura, ut ex æquo dividerentur inter vos bona fraterna, de quibus agebatur: ex ea conventionem tu si possides bona fratris, vel partem bonorum, de qua convenit inter te et Titium, potes te defendere exceptione pacti conventi adversus Titium, si forte Titius vindicet ea bona: at si tu nihil possides, Titius totum possidet, agere ex ea conventionem non potes. Ex pacto ergo facto transactionis causa, datur exceptio, non actio: et hæc est sententia huius l. ergo, ut videtur, rectius fuisset posita sub tit. de transact. sed excusari potest hac ratione: quod per totum hunc titulum vulgata sit illa regula, ex pacto actionem non nasci: nihil refert qua ex causa pactum intervenerit: nam et si transactionis causa intervenerit, ex eo dabitur tantum exceptio, non actio. Ergo in hac specie, si tu non possides bona fratris, ex ea pactione nulla tibi superest actio. Si, inquit, tibi stipulatione non prospexisti: nam si pacto

Tom. IX.

subjecisset stipulationem, ex stipulatu esset actio: ex pacto, licet interpositum sit transactionis causa, non est actio: non est credendum Accurs. qui annotavit stipulatione Aquiliana: quod est stultum: Aquiliana stipulatio novat priorem obligationem: stipulatio quæ subicitur pacto non novat, l. 7. de obligat. stipulatio confirmat obligationem pacti, non novat, novare infirmare est, non confirmare. Igitur si pacto addita sit stipulatio confirmandi pacti causa, erit ex stipulatu actio, ex pacto non erit: nam eo casu id tantum agitur, ut stipulatio tantum valeat, quæ subjecta est pacto, et magis pacto impletur substantia stipulationis: subicit in extremo legis, etiamsi non possideas bona fraterna, et non habeas actionem ex pacto adversus Titium possidentem bona fraterna: si tamen Titius transactione uti velit, id est, si tibi instituenti querelam injusti testamenti opponat transactionis exceptionem, repellatur replicatione doli, quod non sit æquum eum excipere, qui pro sua parte fidem transactionis non implevit. Ergo sicut in l. nuda, inf. de contr. stipul. qui pepigit, et ni pacto staret, stipulanti promissit poenam, aut pati debet ex pacto actionem, licet iure non sit ex pacto actio: aut, inquam, pati debet male agentem, ac si bene ageret, aut inferre poenam. Ita etiam Titius pati debet te agentem, et rursus instituentem querelam testamenti falsi, nec poterit se defendere utiliter transactione: nam qui transactioni non paret, ut ea non potest: qui fidem non præstat, eum exigere non potest: l. sive apud acta, tit. seq. ergo non satisfaciens Titio transactioni, qua convenerat inter vos, ut discedatur a querela falsi testamenti, iure instaurebis adversus Titium querelam falsi testamenti: et hæc est integra sententia legis. Nec obstat huic posteriori parti l. cum mota, et l. si pro fundo, tit. seq. quibus definitur, lite transactionem finitam instaurari non posse: dicendum est litem hic non fuisse finitam, sed pendere, ut ibi nominatim scriptum est: in l. sive apud acta convenit inter te et Titium, ut bona fraterna inter vos dividerentur ex æquo, de quibus erat inter vos lis, sed lis propterea nondum finita est, superest adhuc, et pendet transactionis fides: quid enim si utrique, vel alterutri displiceat? non dicetur finire lis transactione: lis transactione finita intelligitur si est impleta fides transactionis ex utraque parte: ut ita loquitur l. si pro fundo, tit. seq. Quæ ita est finita, non potest instaurari, impleta ex una parte tantum nondum est finita: ideo si tu renuntiaveris liti, si litem dereliqueris, non ideo finita est lis: omittere litem non est finire litem. Et certe tantum abest ut in hac specie, et in specie l. sive apud acta ex utraque parte impleta sit fides transactionis, ut non sit verum pacto renunciari liti: nam

11

etsi tu pepigeris cum Titio, ut accepta bonorum parte, fratris a lite discederes, liti non renuntiasti: alioqui si liti renuntiasses, jam non esset pactio nulla re interveniente: si res est, pactio non est nulla, sed negotium et contractus: et esset eo casu actio petitioque partis bonorum: sed quia liti non renunciasti, ideo Titius in suis finibus placitatus: et ideo ex ea conventionione non est tibi actio: et ita in altera *l. cum mora* dicitur, litem esse finitam, et instaurari non posse, etiamsi fides transactionis non sit impleta ex utraque parte: hoc enim ita colligitur ex ea *l. id vero* procedit tantum in querela inofficiosi testamenti, de qua ibi agitur. Species hęc est: adversus te heredem institutum egi querela inofficiosi testamenti, et convenit inter nos, ut tu mihi dares centum, et discederem a lite: et desinere agere de inofficioso testamento: tuum primum implevi fidem transactionis, et discessi a lite: ex eo negotio, inquit, est actio præscrip. verb., quia res ita gesta fuit ab initio, dabo ut facias, et licet ego prior coeperim a lite discedere, tamen non vitatur forma contractus, quæ fuit dabo ut facias: alioqui non esset actio præscrip. verb., si res ita gesta facio ut des: nam daretur actio de dolo, non præscr. verb., quia ergo initio ita res gesta fuit, ut dares centum, et ego a lite discederem, pactum est dabo ut facias: sed tamen cum postea ego implevi fidem, id est, cum discedo a lite, negotium est, ex quo est actio præscr. verb. Si postquam discessi, nolis mihi dare centum, agere præscr. verb. possum. Convenit in jud. inoff. testamenti inter litigatores, ut darentur actori centum, et discederet a lite, ac mox decessit: ex hoc quasi negotio et contractu dabitur actio præscr. verb., quia qui discessit compellet adversarium præstare centum: ceterum, ut ait *lex cum mora*, non poterit litem semel omissam instaurare ob perfidiam vel contumaciam adversarii, qui non præstat centum quod promisit. Finitur ergo lis cum vel unus pro sua parte implevit transactionem morante altero: hoc est spectandum in querela inoff. testam. quia hęc querela imitatur actionem injuriarum: neciscitur enim injuriarum per notam exheredationis illatam exheredatis. Unde Jurisconsultus in *l. Papinianus*, in princ. de inoff. testam. ait, patrem filio exheredato non posse filii nomine agere querela inoff. testam. invito filio: quia filii injuria est, non patris, ut in *l. filius*, eod. tit. quia filii indignatio est: in utroque est indignatio: in eo, qui exhereditat, et in eo, qui est exheredatus, et testatoris indignatio extor sit exheredationem: indignatio exheredati extorsit querelam inoff. testam. quia demeritis arguitur testator: quia de causa cum judicabant olim pro exheredato, ita pronuntiabant, *videri patrem non habuisse justas causas irascen-*

di filio. Plinius 4. epist. vel contra exheredatum ita pronuntiabant, *videri patrem justam habuisse causam irascendi filio, justam in indignationem patris esse*: ergo querela inoff. testam. quodammodo injuriæ persecutio est, famosa exheredationis persecutio et ultio: denique imitatur actionem injuriarum: actio autem injuriarum tollitur renunciatione qualibet, et pactione, et dissimulatione: nulla est actio in jure, quæ facilius tollatur, quam actio injuriarum, §. ult. *Instit. de in jur.* id est, si quis injuriam ad animum non revocavit. Sic et qualibet renunciatione et pactione querela inoff. testam. aboletur, *l. nam etsi*, *l. Papinianus*, §. *si quis post rem*, *D. de inoff. testam.* et abolita semel non potest instaurari: aliæ actiones pactionibus non abolentur, ut pactum non parit, ita non abolet actionem, nisi injuriarum ex 12. tab. quæ voluerunt uti hæc actio perimeretur pactione: ergo aliæ actiones non perimuntur pactione. Non perimitur pactione si fuerit renunciatum falso testamento, sive non perimitur querela falsi testamenti, etiamsi eam omiseris transactioni non satisfaciente adversario. Nam et contra si adversarius, puta Titius, tibi dedit partem bonorum fratris, ut lis omittatur, Titio dabitur condictio indebiti, vel condictio ob rem datam, *l. 1. D. de conl. cau. dat. l. eleganter*, §. 1. et pen. de condict. indeb. ut res sit æquabilis vicissim te litem omittente, si nolit Titius dare quod promisit, integrum erit tibi litem instaurare, quæ non fuit pacto perempta. Licebit etiam tibi agere actione præscrip. verb., si coeperis a lite discedere, nec adversarius impleat transactionem, quia negotium hoc est, non pactio, *d. l. cum mora*: sed cum neque omnimodo a lite discessisti, nec adversarius dedit partem bonorum, id est, cum neutra ex parte impletur fides conventionis, neutra ex parte est actio ex transactione.

Ad L. XXII.

Pactum curatoris recipere minorem quantitatem paciscentis, adultæ ætatis suffragium ne noceat, efficit: tutores enim et curatores exigentes pupillis et adultis debitum, non etiam remittentes præstant obligationis liberationem. PP. XVIII. Kal. Decemb. Sirmii, ipsis 7. et 8. AA. Cons.

Lex 22. loquitur de pacto tutoris et curatoris, an noceat pupillo vel adulto: ponitur pactum tutoris et curatoris remittentis partem pecunie debitam pupillo vel adolescentis pactione habita cum tutore pupilli vel adulte centis. Lex a t. pactum tutoris non nocere pupillo, id est, non parere exceptionem: tu-

tores et curatores exigere possunt pecuniam a debitoribus, ut ipso jure liberentur; pacisci non possunt cum debitoribus, ut per exceptionem liberentur. Nam hęc pactio donatio est, et tutores donare et perdere rem pupillorum non possunt: licet habeant liberam omnium bonorum administrationem: et ut vulgo dicitur, tutor vicem domini obtinet cum rem administrat, non cum pupillum spoliat, id est, cum dimittit bona pupilli, tunc non est vice domini; cum rem bene gerit, tunc est vice domini, quia habet plenissimam et amplissimam administrationem rerum pupillarum, habet vim et potestatem in caput liberum. Itaque pupillo quasi loco domini est: nam quid est tutela? Est vis et potestas in caput liberum. Itaque tutor quasi dominus est, sed non cum spoliat: itaque potest tutor exigere debitum pupillo, potest solvere quod debet pupillus, potest novare, iusjurandum deferre omnibus probationibus aliis deficientibus, *l. tutor, D. de iurejur.* potest rem pupilli obligare, potest pignori dare, et alienare si exigant bona pupilli, potest etiam pacisci, et transigere decidendi causa, *leg. pupilli 95. §. ult. D. de solut. et liber. l. interdum, §. qui tutelam, D. de furt.* rata est pactio si tutor transigat cum fure, qui subripuit rem pupilli, si ita transigat ut fur reddat rem pupilli subreptam, non duplum, rata est transactio. Sed ita si transigat ut remittat illi actionem furti, et rem furto ablatam, inanis est transactio, quia jura pupilli dimittit: posset forte tutor efficere, ut non acquirat pupillus actionem, sed non ut acquisitam amittat, *l. sed si unus, §. 1. D. de injur.* est actio injuriarum, si quis de servo alieno questionem habeat: injuriam mihi facis, si servum meum torques: ille est mihi actio injuriarum: si servum pupilli fustibus ferias, est pupillo actio injuriarum, nisi fecisti voluntate tutoris. Itaque efficiet voluntas tutoris ne pupillus habeat actionem, sed quam nactus est pupillus, non efficit ut eam amittat. Sed si remisit, non nocet pupillo, et licet possit transigere decidendi, non tamen diminuendi causa, *l. Lucius, §. ult. D. de admn. tutor.* eadem ratio est servi et filiofamilias. Nam ii, licet habeant liberam administrationem peculii, non tamen possunt rem perdere et diminuere, *l. filius, hic*, hoc obtinet et in filiofam. ut fuit expositum in *l. 3. sup.* Ubi docuit, pactum tutoris non nocere pupillo, subiecit pactum filiofamilias factum diminuendi animo non nocere patri. Idem obtinet in servo, in filiofamilias, licet habeant administrationem bonorum, et in procuratore omnium bonorum procedit. Nam is, cui est mandata actio vel defensio, nec potest transigere, nec iusjurandum deferre, nec pacisci, *l. 17. 18 et 19. D. de iurejur.* sed procurator, qui habet generale mandatum, transigere quidem po-

test decidendi causa, et solvere, et alienare, et pignorare, et aliud pro alio petere, sed non donare, transigere diminuendi causa: nam et administrator rerum civitatis non potest pacisci, diminuendi causa: unde arguitur subesse mendum in *l. mandato, D. de procur.* dum ait procuratorem, qui habet generale mandatum, non posse transigere decidendi causa: hoc est falsum: potest ut hic exposui. Itaque legendum, *d. min. e. id. causa*, ut *l. Lucius, §. ult. D. de admn. tutor.* ita est scriptum in tutore, cui similis est procurator, non posse decidere diminuendi causa.

Ad L. XXIV.

Si actionem legati, vel fideicommissi, quam adversus heredem mariti quondam tui habuisti, te adfectione heredum aliis remisisse probetur, exceptionem pacti contra debitores, instituti actiones nocere tibi minime posse intelligis. PP. XVII. Kal. Januar. Sirmii CC. 3. Conss.

Finge: legavit maritus uxori aliquid ab heredibus suis Primo et Secundo: heredes mariti Primus et Secundus illa putabat esse Cajo et Titium: actionem igitur legati uxor, quam habebat, remisit Cajo et Sejo, et ita eis, quos putabat esse heredes remisit non veris heredibus. Queritur an ea remissio prosit veris heredibus: quod videtur prima specie dicendum: nam eam actionem remisit adfectione heredum, quia putabat eos heredes, neque videtur ea affectio perneganda. In veris heredibus aliud dicendum est: quia pactum cum alio factum, aliis non prodest, *l. si tibi, §. cum possessor, D. de pact. l. Imperatores, §. ult. de transact.* Qui erat in possessione alienae hereditatis pactus est forte cum creditoribus vel debitoribus hereditariis: hoc pactum lex ait non prodesse legitimo heredi, vero heredi: non nocere etiam si postea discesserit a possessione hereditatis: et ita *l. 24. hujus tit.* Sed obstat *l. si post, D. de constit. pecun.* pactum factum cum falso herede, vel putativo, ut ait Accurs. de non petendo legato, non prodest vero heredi: ita pactio cum possessore alienae hereditatis non prodest ei, qui postea eam evicerit. At *l. si post* ait, si possessori alienae hereditatis constituerit debitor se soluturum prodesse, constitutum vero heredi, qui postea hereditatem evicit: cur ita? Constitutum est accessio, non novatio, nec significat sortis obligationem: hoc est certum. Est enim constitutum seu ἀντίθεσις accessio, non novatio, prioris obligationis. Nunc finge: debitor hereditarius possessori hereditatis, quem putabat verum heredem esse, constituit se soluturum ad diem certum: evicta est possessori hereditas a vero herede, queritur an vero heredi com-

petat actio constitutæ pecuniæ: et competere respondetur: differentia inter pactum et constitutum hæc est: pactum fit per se, ita pactum factum cum falso heredem vero non prodest: sed constitutum, quia est accessio, factum in personam falsi heredis prodest vero heredi, quia cum verus heres evicit hereditatem: in eam transferuntur omnes obligationes, nec dubitatur competere ipso jure: ergo si principalis obligatio transit in personam veri heredis, et consequenter obligatio constitutæ pecuniæ, quæ est accessoria, transit, et fidejussoria obligatio, *l. læres, D. de fidejuss.* ergo non mirum si constitutum sequatur verum heredem, cui competit principalis actio, sed idem non potest constitui in pacto.

Explicavimus in *l. 3. l. XXIII.* cras pervenimus ad *l. 25. et 26.*

Ad l. XXV. et l. XXVI.

L. XXV. *Debitorum pactionibus, creditorum petitio nec tolli nec mutari potest. S. 4. Kal. Maii, Sirmii, CC. 3. Cons.*

L. XXVI. *Pacto successorum debitoris ex lege duodecim tabularum res alienum hereditarium pro portionibus quæsitis singulis ipso jure divisum, in solidum unum obligare creditori non potest, quod et in honorario succedentibus jure, locum habet. De chirographis itaque communibus exhibendis, cohæredem vel non perfectis in divisione placitis, convenire, quanti tua interest potes. PP. 3. id. Octob. Varianti. CC. Coss.*

Debitorum pactionibus, etc. Ponitur species duobus reis. Acceptis duobus reis promittendi id egit creditor, ut singuli tenerentur in solidum: rata est conventio, et ex ea singuli tenentur in solidum: quid si forte postea rei inter se paciscantur non adhibito creditore, ut suam quisque partem exsolvat? hæc pactio, quæ prius facta est cum creditore, non potest dissolvi: pacto debitorum creditori prejudicari non potest: et hoc est quod ait, debitorum pactionibus creditoris petitionem nec tolli, nec minui posse: tollitur, cujus substantia perimitur, mutatur, cujus qualitas minuitur vel augetur: sed mittamus speciem Nov. nec longius abeamus, et contenti simus ea specie, quæ proponitur in *l. seq.* nam et ideo subiecta est statim ut superiori regulæ propositæ in *l. 25.* suppeditaret exemplum: et ita in *l. 25.* proponitur thesis: in *l. 26.* hypothesis, et eodem modo, quo in *l. 2. inf. de luit. pign.* generaliter proponitur, vinculum pignoris durare submotâ obligatione personali, quod omnibus prima specie videtur esse mirum et incredibile, ut maneat pignus et accessoria obligatio sublata principali, et diu

querunt exemplum, sed longius abire solent, cum tamen in *l. proxima* ejusdem tit. scriptum sit exemplum valde perpicuum: puta si sint duo heredes debitoris, et creditor sit hypothecarius, qui habeat et personalem actionem et hypothecariam: heres tenetur utraque actione, sed diverso modo: nam actione personali tenetur pro portione hereditaria, non in solidum ex *l. 12. tab. quæ res alienum divisit inter cohæredes*, id est, noluit esse commune pro indiviso inter cohæredes, sed obstringit tantum eos pro portionibus hereditariis: actione hypothecaria singuli tenentur in solidum, quia *lex 12. tab. eam non divisit, l. rem, D. de evict.* quare ut dixi, si duo sint heredes debitoris, singuli tenentur actione personali pro portione hereditaria, vel hypothecaria, singuli tenentur in solidum. Nunc finge: unus solvit partem crediti, liberatur tantum actione personali pro parte quam solvit: ergo sublata est actio personalis in ejus persona, sed conveniri adhuc potest actione hypothecaria in solidum, quia individua est hypothecæ causa: Si sit ut qui liberatus est actione principali, non sit liberatus actione hypothecaria: et ita etiam ad *l. 25. hujus tit. ex proxima l. 26.* est ponendum exemplum de duobus heredibus debitoris, aut pluribus: illud certum est, quod jam attigi ante, duos aut plures heredes debitoris teneri creditoribus hereditariis non in solidum, sed pro portionibus hereditariis: et hoc esse quod dicitur, nomina ipso jure esse divisa, et non venire in judicium familiæ ereiscundæ, *l. 2. §. ult. D. famil. ereisc. l. 1. inf. si cert. pet. l. 1. inf. de except. l. 1. inf. si unus ex plur. hæred. l. 1. inf. de hæred. action.* cujus ita debet species poni. Defunctus debet Titio C. ego et tu defuncto debitori heredes fuimus, tu pro quadrante, ego pro dodrante: queritur an Titius creditor a te possit petere integra C. ? Minime, sed quadrantem tantum a te petet, id est, 25. a me dodrantem, id est, 75. quia ipso jure inter nos divisum est res alienum: nunc si conveniat inter me et te, qui defuncti hereditatem adiimus, ut tu solidum exsolvas creditoribus hereditariis, et sic hoc pacto divisionis hereditatis conveniat, ut omne res alienum suscipias, et ne sit commune, non ideo magis parabitur creditori adversus te actio in solidum: et hoc est quod ait in *l. 26. pacto successorum, etc.* male legit Haloander, *pactum successorium*, cum sic legatur in omnibus libris: *pacto ergo successorum*, id est, ex pacto successorum debitoris ex *l. 12. tab. res alienum hereditarium pro portionibus quæsitis singulis ipso jure divisum in solidum unum obligare creditori non potest.* Denique ex pacto obligationem hereditariam unum solidum obligare non posse: et eadem forma in *l. creditor, ff. de pignor. pignoris obligatio etiam*

inter absentes recte ex contractu obligatur: est Atticianus: et recte loquitur de ære; nam lex 12. tab. habet tantum locum in æt. in personam, si cert. pet. l. 1. *D. de interrog. in ju. faciend.* id est, lex 12. tab. inter hæredes dividit æs alienum tantum, et actionem si certum petatur: nam si sit actio incerti, individua est, et singuli tenentur in solidum, etsi sit actio in rem, non in personam si certum petetur, et ea actione hæres tenetur in solidum, qui rem possidet, vel si pro parte possident, tantum pro qua parte possidet, non pro hæreditaria, l. si possessor. *D. de rei vindic.* Ergo lex 12. tab. habet tantum locum in ære alieno, et in ære suo, ut mox dicitur: denique in ære quod dividitur inter cohæredes pro hæreditariis portionibus. Male Accurs. hic, æs alienum dicit quod defunctus debuit, recte, et quod defuncto debetur, male: nam quod defuncto debetur, æs suum est, non alienum, vel ut C. cero loquitur, nummi sui non alieni: nam nummi, ut æs etiam dicuntur de nominibus, nedum de pecunia: sed fateor legem 12. tab. habere locum in utroque ære, utrumque æs suum et alienum dividitur æquis portionibus inter cohæredes, id est, agunt hæredes cum debitoribus hæreditariis, et conveniuntur non in solidum, quod iudex mutare non potest, nec voluntas testatoris, nec pactio. Quintil. in declamatione 336. pactus erat frater minor cum fratre maiore, ut communem agrum susciperet, et æs alienum patris solveret. *Finge*, inquit, esse aliquem ex creditoribus, qui partem crediti sui a me petat, quid respondere possum? agrum fratri dedi; cum fratre meo convenit mihi, ut ille solveret. Num dubium est, quin dicturus fuit creditor: partem tu debes mihi: ergo etiam, inquit, si conventiones æs alienum transferebatur a te, jure tamen, et veritate erat et meum. At pactum factum non immutare actionem creditoris, id est, etiamsi conventiones æs alienum patris transferatur in unum ex fratribus, jure est commune, et agat creditor cum utroque pro hæreditariis portionibus: lex 12. tab. quæ hoc statuit scripta est de hæredibus, sed interpretatio porrigitur ad honorum possessores, ut ait l. 26. quod et in honorario succedentibus jure locum habet, id est, in honorum possessoribus, ut sæpe in aliis legibus hereditatis appellatio ne continetur honorum possessio, l. hæreditatis, *D. de verb. signif.* At *finge*: ego et tu hæredes sumus debitoris: in divisione hereditatis convenit inter nos, ut tu solidum solves creditoribus hæreditariis: quæ de causa cessi chirographis cessi actionibus, quæ pro mea parte mihi competeant; verum est creditores hæreditarios compelli non posse te convenire in solidum, quia pactio creditoris actionem minuire non potest: sed tamen inter nos fides pacti obser-

vari debet, ut solidum solves: si tu eis non solveris solidum secundum conventionem, ego repetam abs te chirographa, quæ cessi, vel agam tecum actione præscrip. verb. id est, quanti interest solidum solvi: ergo etiamsi in divisione conveniat inter hæredes, ut unus solvat solidum, non mutatur actio creditoris: nam potest creditor cum utroque agere pro hæreditaria parte. Sed tamen si fides pacto non præstetur, licebit cohæredi adversus cohæredem agere, qui non implet fidem pacti. Ideo si cessi chirographis, ut tu susciperes omne æs alienum, et non velis suscipere, repetam chirographa, vel agam præscrip. verb. nam in hac specie non est pactum nudum tantum, sed est contractus, id est, permutatio. Nam hoc ut tu susciperes omne æs alienum, in divisione hæreditatis est permutatio: hoc est certum, quia fit permutatis utro utroque partibus, l. cum pater, §. hæreditatem, *D. de lega. 2.* divisioni et permutationi bonorum adjecta est pactio de ære omni alieno dissolvendo a te: ex hac pactione, licet non mutetur jus creditoris, æquum est te agere posse, l. licet, inf. fam. ere. vel conditione ob rem dati causa non sequuta: quæ repetam chirographa, quæ cessi tibi ex lege, ut omne æs alienum solves: concurren conditione ob rem datam cum actio. præscrip. verb. ergo poterit te compellere actio. præscrip. verb. vel condicet chirographa, vel actiones, quas tibi cessi: et in eadem declam. Quintil. cum frater minor pactus esset cum fratre maiore, ut omne æs alienum solveret: fingimus, inquit, æs alienum te noluisse solve, et egisse pacti hujus prænitentiam. Num dubium est quin ego venturus optimo jure in hac fuerim possessionem? et in specie proposita, non dubium est, quin repetam chirographa, quæ tibi cessi si nolis solve: et hoc significat his verbis, de chirographis itaque communibus exhibendis: id est, de reddendis conditione ob rem datam causa non secuta, de chirographis restituendis convenire, quanti tua interest potes, id est, actione præscrip. verb. et ita certum est his verbis dari conditionem ob rem datam, id est, ut solvatur æs alienum. Ad hæc quæ sufficere videbantur, quærit Acc. licet pacto hujusmodi cohæredum, quod inter eos ratum est, non præjudicetur creditori, et ita non mutetur actio creditoris: an compellatur creditor prius experiri cum eo cohærede, qui conventionem habita omne æs alienum suscepit, quam aggrediatur alterum. Fateor eam conventionem non præjudicare creditori: sed an cogatur prius experiri cum eo, qui in pacto divisionis suscepit omne æs alienum solvendum? respondet hoc non competere debitori: nam aggreditur primum, quem voluerit, vel alterum, l. 1. §. si inter, *C. de mag. con.* Loquitur de dumviris, sive magistratibus municipalibus,

qui si pupillo tutores non dederint, vel quos dederunt non sint solvendo, tenentur; quæ actio est ex Senatusconsulto facto auctore Trajano, *l. pen. inf. de magist. conv.* hac actione singuli magistratus tenentur in solidum et si forte in dandis tutoribus conveniat, ut unus det tantum tutores pupillo unius periculo, et ut actione subsidiaria teneatur unus: hæc, conventio nihil præjudicat pupillo: verumtamen ait, prius esse conveniendum eum, cujus periculo dati sunt tutores, et excussis ejus facultatibus veniendum ad collegam: quia si unus dedisset tutorem, non ideo alter non teneretur: sed primum veniendum ad eum, qui dedisset, tum ad collegam: et ita cum ex duoviris unus solus dederat tutores, saltem prior conveniebatur actione subsidiaria, et si non existeret solvendo, tum perveniebatur ad collegam. Eadem equitas est cum convenit ut huius periculo daretur tutor, hic solus dedit tutorem: ergo prius ad eum venietur, quam ad collegam: at non eadem ratio est in hæredibus, qui adierunt hereditatem. Nam in adiendo unusquisque se obligavit creditoribus tantum quasi ex contractu, non se obligavit unus magis quam alter. Ergo cum quo voluerit prius agat creditor, quia par est utriusque causa et conditio, at in magistratibus non est per conditio. Itaque nihil eo moveri debemus. An si in pacto divisionis convenerit inter cohæredes ut unus acciperet fundum hunc, et sibi haberet ex asse ea conditio, ut ipse solveret omne res alienam, et postea perferantur novæ tabulæ, quæ liberent debitores omnes, quæ est species proposita in illa Quintil. Declam. an competet conductio fundi cohæredibus; conductio ob rem datam re non secuta? et verum est non competere conditionem, quia non fiat per cohæredem quin solvat creditoribus hereditariis, liberatur uterque cohæres, etsi aliis rationibus, necessario remedio, publica necessitate, id est, novis tabulis: nam in summa penuria nova lege lata liberabantur debitores omnes, aut in solidum, aut pro parte, quæ dicebantur *χρεὴν ἀπὸ πτωχῶν*: ergo non stat per cohæredem quin solvat. Conductio autem ob rem datam competit nisi ex præsentia, vel ex cessatione, vel ex mora: non ex penitentia, quia non licet penitere ubi res non est integra, hic non est integra, ergo et penitere non potest: et conductio non est ex cessatione, quia per eum non stat, sed per tabulas, quas ille non impetravit ergo cessat conditio ob rem datam, *l. pen. et ult. infr. de cond. ob caus. dat. l. 1. §. Divus, D. de var. et ext. cognit. et l. qui operas, D. loc.* Legem petens, quæ sequitur, duobus locis jam explicavimus. Itaque eras venimus ad *l. xxviii. si certis*. Explicat o *legis pen. et ult.* deest sed peti potest ex Comment. Raguellii, qui Cujacium ubique fere ἀνταρῆσι sequitur.

JACOBI CUJACII J. C.

AD LIB. III. CODICIS

D. JUSTINIANI COMMEN.

DE JUDICIIS Titul. 1.

Judicium pluribus modis dicitur, uno actio, altero locus, in quo lites exercentur: alia significatione judicium est civile, vel criminale, de quo disceptatur apud eum, cujus sententia rei finem imponat: et hæc est significatio hujus tit. ut cum dicitur, judicium esse de præterito, non de futuro, *l. non quemadmodum D. de judic.* et hæc differentia inter judicium et legem. Cic. in Partit. *Judes statuit de præteritis: Lex de futuris:* quod plerumque ita se habet. Nonnunquam enim de futuro etiam judicium constituitur, *l. Anteus, §. ult. de aq. et aq. pl. arc.* ut actio damni infecti, actio aquæ pluvie arcendæ, in quibus dominum futurum, quod veremur, venit. Falluntur qui etiam judicium accipi putant pro sententia sive pronuntiatione ejus, quod in disceptationem venit: nusquam ita judicium accipitur, sic tamen judicium accipit Accurs. in *l. 3. §. idem scribit. de pecul.* quæ tamen inferius aliter explicabitur. Idem sic judicium accipit in *l. qui concubinam, §. si hæres, de leg. 3.* Ejus sententia ut intelligatur sciendum est eum, qui tenetur de evictione, non teneri utiliter, nisi ei fuerit denunciatum ut rei agendæ interesset: ut sit actio de evictione laudandus est auctor: quam in rem erant solemnia hæc verba: *Quando te in jure conspicio, postulo an auctor sis.* Quæ dicitur actio in auctorem præsentem a Tullio pro Cicerina: illaudatus actor non tenetur de evictione: et constat auctorem posse laudari quocumque tempore ante condemnationem: ergo et post litem contestatam, *l. si rem quam, §. ult. de evict.* sequitur species *§. si hæres.* Ab hærede legatus est homo generaliter: si legatus esset homo certus, puta Stichus, hæres non teneretur de evictione, sed quia legatus est generaliter, si hæres Stichum tradiderit, et a legatario evictus sit, hæres tenetur de evictione. Sed ut utiliter teneatur, debet ei denunciari ante acceptum judicium, ut rem defendendam accipiat: quæ verba si ita accipias, ante litem contestationem, pugnabit ille locus cum eo, de quo constare diximus denunciari posse quocumque tempore: ideoque Accurs. interpretatur ante sententiam, ante condemnationem, ut quoque modo consentiat ille *§.* cum certissima definitione juris, sed errore labitur: nam illo loco, priusquam judicium accipiat, est ante litem contestatam:

denunciari igitur debet auctori ut iudicio subsistat ante litem contestatam : quæ denunciatio eo tempore fiet valide opportune ; sed non ideo fiet importune, quod fiat post litem contestatam , et collectio est vitiosa , denunciari debet auctori ante litem contestatam : ergo non debet denunciari post litem contestatam : nam istud non est importunum , modo res prope condemnationem non sit : tum enim sera est denuntiatio. Quin etiam post condemnationem , quandoque denuntiatio pro tempestiva habebitur , si omnia sint in integro , ut si interposita fuerit appellatio. Igitur illo loco , *antequam iudicium accipiat* , id est ante litem contestatam : et hoc est initium iudicii , non in ius vocatio , *l. amplius , rem rat. hab.* ubi dicitur iudicium non esse acceptum , etiamsi reus vocatus sit. In ius ergo vocatio non dat iudicio initium , quam tamen non inficior esse actionis instituendæ initium. Sed hæc differunt , et tantum abest ut vocatio in ius sit initium iudicii , ut nec sit editio actionis , *l. 1. inf. de lit. contest.* sola litis contestatio initium iudicii est , et ob id a Græcis appellatur *πρωτάρσις* , a veteribus Gallis , *entamement de plaid*. veteres glossæ eleganter , *lites contestatæ* , *αὶ αὐτῆς λαβοῦται ἐν δικάσει* ; id est , quæ initium in iudicio sumpserunt ex mutua reorum conflictatione , quod in *12. tab.* significant illa verba : *cum perorant ambo præsentēs* , et recte in *d. l. 1. de lit. contest.* *lis tunc contestata videtur* , inquit , *cum iudex per narrationem negotii causam audire cæperit* : per narrationem negotii : et ita Cincius apud Macrobi. significavit *litis contestationem* , jubent dicere , quorum negotium est , *narrant*. Est igitur principium iudicii litis contestatio , non in ius vocatio , non editio actionis , non unius partis postulatio simplex , nec ex eis colligitur argumentum consensionis in iudicem. Non qui edit actionis genus ; non qui de jure suo experitur *πρωτοψῆς* , sed qui litem contestatur , si plane consentiunt in iudicem , iudicium constituunt : finis autem iudicii est res iudicata *l. in bonæ fidei, inf. de usur.* *M. Tullius in Topic.* iudicii finis est ius , unde etiam nomen : ius autem est res iudicata : neque vero idem est iudicium accipere , et iudicem accipere : iudicem accepit actor adversus reum , *l. 2. hoc tit. l. 1. inf. de in lit. jur. l. 9. §. quem igitur ; de tut. et rat. dist.* iudicium accipit reus , lite contestata apud iudicem , dictat actor : accipit reus , vel ut rhetores loquuntur , actor litem facit , anscepit et patitur reus ; proinde in iudicio hæc personæ requiruntur , actor , reus , vel procuratores eorum , et iudex , cui etiam *Hæmonop.* adjungit consiliarios et adsores , dum ait iudicium constare , *ἐκ τῶν πρωταρχοῦντων καὶ συγγαδιζομένων καὶ διαζομένων* : unde etiam in *l. 1. hujus tit. iudicio recepta* , id est ; lite contestata.

Ad L. I.

Judicio cæpto , usurarum stipulatio non est perempta , superest igitur ut debitorem ejus temporis , quod non est in iudicium deductum , convenire possis. PP. Kal. April. Antonino II. et Geta 2. Cons.

Questio est elegans : ponit litem contestatam de sorte tantum , et eam contestationem de sorte non perimere stipulationem usurarum , quia alia est stipulatio sortis , certi , alia usurarum , incerti : quia nescimus metam usurarum , id est , quatenus sint cursus usuræ , *l. ubi autem , §. pen. de verb. oblig. l. centum , de eo quod cer. loc.* ergo litis contestatio de sorte non perimit , non consumit litem de usuris. Ratio dubitandi ex eo nascitur , quod litis contestatione res novari videtur : novatione autem facta usuræ non currunt , *l. novatione de novat.* Sed hoc tantum dicitur illo loco de novatione legitime facta , id est , per solemnem stipulationem : hæc liberat hypothecas et pignora , et accessiones omnes extinguit , stipulationem usurarum , stipulationem pœnariam , privilegium prioris actionis : et si erit actio de dote , quæ est privilegiaria et transfundatur in stipulationem perimitur privilegium , quia actio perimitur , cui soli adhærebat privilegium , *l. si creditor , l. aliam , de novat. l. 4. inf. de fidejuss.* et hoc ideo sicut adsignificavi , quia principalis obligatio omnimodo tollitur. Cur extinguitur hypotheca , etc. quia principalis obligatio omnimodo tollitur , id est , tam civili , quam naturali jure tollitur ergo civilis et naturalis stipulatio novandi animo interposita tollit civilem , tollit etiam naturalem , cum et pactio tollat naturalem : sic pactio et contractus tollunt naturalem et civilem. Et hæc de novatione facta legitime : idem non admittimus in litis contestatione , quæ vulgo dicitur novatio necessaria : illa est voluntaria : lite contestata usuræ non desinunt , currere , *l. cum stipulati , de verb. oblig. l. lite , de usur.* lite contestata usuræ currunt , et explicatur vulgo male : explicanda est conjuncta *d. l. novatione* , quæ est ex eodem auctore , et libro 57. ad edictum : conjunctio illa demonstrabit constitui a Paulo differentiam inter novationem , et litis contestationem : novatione legitime facta usuræ non currunt : lite contestata currunt et hæc conjunctio indicat male eam *l. accipi de usuris* , quæ veniunt officio iudicis ; nam hæc in iudiciis strictis non veniunt ullo officio iudicis , et in iudiciis bonæ fidei veniunt ceteriori tempore , puta ex mora , et consequenter ex lite contestata : sed loquitur ea *l. de usuris* , quæ ex stipulatu debentur , ex lite contestata non inhibentur. Videamus etiam an currant re iudicata Stipulatus sum sortem et usuras : dux sunt stipu-

lationes, ut dixi sup. egi de sorte tantum, non de usuris, et condemnatus es in sortem, de qua tantum egeram, an usurae currunt? sic videtur: post condemnationem sortis, usurae, de quibus non egi, currunt: et superest stipulatio in usuras praesentis temporis non tantum post litis contestationem de sorte, sed etiam post rem judicatam: quia judicatum novatur tantum sortis obligatio, non usurarum, quae non fuerant in iudicium deductae: quo casu rei judicatae nullae erunt usurae, quia ejusdem pecuniae non possunt simul currere et legitimae et conventionales: usurae currunt conventionales: ergo non est locus legitimis. Videndum est si egerim de sorte, et de quorundam annorum usuris, non de omnibus, quae mihi debebantur: illae non desinunt currere: superest petitio earum usurarum, quae in iudicium deductae non sunt: sed si egissem de utroque, puta de sorte et de usuris, et tam in sortem quam in usuras secuta esset condemnatio, tamen utraque obligatio novaretur, videlicet transfusa obligatione ex stipulatu in actionem judicati, et intra tempora judicati non currerent usurae, quoniam hoc tempus datur humanitatis causa, *l. 3. C. de usur. rei jud.* post tempora judicati non currerent usurae conventionales, sed graviores usurae legitimae, puta, centesimae usurae, non quidem usurarum et sortis, quorum utrumque deductum est in condemnationem, non ut ait *l. 3.* totius consummatae quantitatis, et usurpat verba illa, ut nos vulgo, consummata quantitas, quae in unam redacta est. Igitur si sententia iudicis et sors et usura sit redacta in unam summam, tamen totius ejus quantitatis non current usurae centesimae post tempora judicati, sed separabitur sors et sortis tantum usurae centesimae current. Similiter, re judicata non perimitur hypotheca, sicut re judicata de sorte tantum non perimitur stipulatio usurarum, in *l. grege*, §. *etiam de pignor. l. 8. inf. eod. tit.* eodem modo re judicata adversus reum principalem, fidejussor non liberatur, quia videlicet pignoris vel fidejussoris causa non est in iudicium deducta. Conclusio haec sit. Novata priori obligatione per rem judicatam non novari hypothecariam, non fidejussoriam, non usurarum, quae in iudicium non venerunt, quia scilicet haec novatio est necessaria, non voluntaria: novatio principalis obligationis novat accessiones omnes, novatio necessaria non novat: quia novatio voluntaria perimit tam civilem, quam naturalem obligationem principalem, necessaria non item: iudicatum obligationem naturalem non novat, *l. iudex*, et *l. Julianus, de cond. indeb.* alioqui litis contestatio faceret actoris conditionem deteriore, si ei reo condemnato perirent usurae, pignora, etc. cum potius debeat litis contestatio actoris meliorem

facere conditionem, ut semper facit. Nam litis contestatione actio temporaria perpetuatur, id est, producitur, ita ut neo interitu rei debitor liberetur, qui moram traxit: litis contestatione interruptetur praescriptio et usucapio Justinianea, non usucapio vetus ex *12. tab. l. 17. §. ult. cum seq. et l. 20. de rei vind. l. Julianus*, §. *quantum*, *ad exhib. l. 2. pro don. l. 2. §. ult. pro empt.* item litis contestatione actiones, quae nec heredi nec in heredem competebant, dantur, imo et in patrem, si lis contestata fuerit cum filiofamil. *l. omnes, de reg. jur. l. et si condemnatus, de noxal. action.* Igitur ne fiat deterior conditio actoris, statuimus lite contestata, et secuta, condemnatione sortis tantum nomine, non perire obligationem naturalem: ubi autem manet naturalis obligatio, fidejussor non liberatur, non pignus, *l. ubicunque, de fidejuss. l. debitor*, *ad Trebell.* dixi iudicatum fieri novationem, hoc est quod dicitur in *l. si fundus*, §. *si pluri*, *de pignor.* rem transire ad condemnationem, et inde pecuniam deberi: vulgo dicunt, rem transire in rem judicatam, quo modo nostri auctores nunquam loquuntur, nec illo loco eodem sensu dicitur causam transire ad condemnationem: sed illis verbis significatur fieri novationem per condemnationem. Et est elegans species: debitor, qui possidebat hypothecam, cum quo egerat creditor Serviana, cum restituere jussus a iudice non restitueret, lis aestimata est jurejurando in litem, et debitor condemnatus est ob suam contumaciam pluri quam caset sortis et usurarum quantitas: post condemnationem offert sortem tantum, an exoneratur hypotheca, an iudicatum, an obligatione? Lex ait juris subtilitatem hoc non admittere: et praeterea auctoritatem judicati non admittere: tanti damnatus est quanti in litem juratum erat: ergo tantumdem offerre debet. Humanus tamen esse ait, ut si sortem offerat exolvat iudicatum, modo fidem agnoscat, cujus non agnitae hanc poenam tulerat, quod pluri damnatus fuerat. Sed hoc ex humanitate: nam civili jure aliud est, quia res transit ad condemnationem: et ideo verum est novationem fieri iudicatum, ut et nova obligatio actionis causa intercedat: quod inde potissimum elucet: quod si quis egerit cum duobus tutoribus, vel cum correis promittendi, quorum singuli tenentur in solidum, et re judicata nominatim non sunt condemnati in solidum, actione judicati tenebuntur tantum pro virilibus portionibus, *l. si mandato Titii*, §. *Paulus respondit, mand. l. 1. et 2. inf. si plur. un. sent. cond. sunt*: et hoc ideo quia actor egit cum duobus, cum potuisset cum uno in solidum experiri, quo modo si egisset habuisset condemnationem in solidum. Iudicatum ergo fit novatio, iudicio non fit novatio: fateor ju-

dicio quidem contrahi, l. 8. §. idem scribit, de pecul. cum scilicet perorant ambo presentes, et ordinant judicium superstitibus presentibus, utraque parte dicente, testes estote, ut Festus scribit, unde litis contestationis nomen: hac ratione quodammodo contrahitur, et videntur consentire in judicem, l. non videtur, de judic. non si quid soli postulent sine adversario. Sed ex hoc contractu antequam res judicetur, non nascitur obligatio: pendente igitur judicio non fit novatio finitio fit novatio: ergo judicato, non judicio: quod usque adeo verum est, ut falsum sit, post rem judicatum pristinam actionem remanere: singulis controversiis singule sunt actiones, l. 6. de excep. rei jud. si lite finitio eandem litem movere mox liceret, esset infinitus litium numerus. Igitur judicato pristina actio finitur, et existit nova actio judicati, quam iudex mox exequitur: ut autem secus sentiret Accurs. facit l. 9. §. si quis fundum, de exc. rei jud. et l. si fundus, §. si creditor, de pignor. Creditor egit hypothecaria, et hypotheca ei adjudicata fuit. Queritur, qua ratione eam sit habiturus? debet, inquit, agere hypothecaria, et si opponatur exceptio rei judicate debet replicare hoc modo: si non secundum me judicatum est. Et similiter in alia specie: si quis egerit rei vindicatione adversus te, et tu rem defendens, et putans te rem possidere, cum non possideres, bona fide te liti obtulisti: sed mox fide eam emisti, et liti data est secundum petitorum. Queritur an restituere eam debeas: qua ratione? hac nempe, ut ipse iterum rem petat; et si tu ponas exceptionem rei judicate, replicet, si non secundum me judicatum est. Ex quibus locis colligitur, manere pristinam obligationem: scilicet si fit judicato novatio, est actio judicati: actio judicati est ad verum condemnatum, si nullus condemnatur, non erit actio judicati, ergo novatio nulla: si nulla novatio, ergo pristina actio est: at fit nonnunquam ut reus non condemnatur, ut in specie, quam supra indicavimus, si reus accepit judicium vindicationis, reus cognita non condemnabitur, sed pronuntiabitur tantum de jure actoris, rem actoris esse videri: in hypotheca potius actorem videri, id est, res ei adjudicabitur, hypotheca ei adjudicabitur: aliud est rem adjudicari, aliud reum condemnari. Igitur cum his casibus non possit damnari reus, etiam si mox emerit eam rem, sed res ea adjudicatur actori, cum non sit nova actio, non aliter ad rem poterit pervenire actor, quam si eandem re post acquisita eandem rursus actionem moverit: cui si objiciat exceptionem rei judicate, ille replicabit, si non secundum me judicatum sit: denique is, secundum quem judicatum est, vel cui hypotheca adjudicata est, adversus eundem potest eandem rem persequi qua-

Tum. IX.

si suam, si pronuntiatum est suam esse, quia nulla superest actio. Igitur ubi ex judicato actio, novatio fit judicato, non aliter.

Ad L. II.

Licet iudice accepto cum tutore tuo egi ti: ipso tamen jure actio tutelae sublata non est: et ideo si rursus eundem iudicem petieris: contra utilem exceptionem rei judicate, si de specie, de qua agis, in judicio priore tractatum non esse allegas, non inutiliter replicatione doli mali uteris. PP. VI. Kal. Jan. Faustino et Rufiniano Cons.

Actione judicati, ut hæri diximus, novatur prior contractus. prior obligatio, l. 5. inf. de usur. rei jud. et ideo priori judicio rursus utiliter agi non potest, potest quidem ipso jure: nam res judicata civilem actionem non tollit nisi remedium exceptionis, naturalem nullo modo tollit: atque ita si rursus quis agat priori actione post rem judicatum, perimetur ea actio per exceptionem rei judicate, quæ vulgaris est exceptio, l. 3. de pop. act. cujus rationem adfert l. 6. de excep. rei jud. singulis causis singulas actiones sufficere, et unum judicati finem, alioquin nullus erit judiciorum exitus, et litium modus multiplicatus summam faciet difficultatem, et ob id parere exceptionem rei judicate frequens est, id est, solemne, et M. Tullius lib. 3. de finib. ut in actionibus præscribi solet, de eadem re fecit alio modo, ubi est legendum, de eadem re egi: hæc est præscriptio rei judicate: de eadem re egi alio modo. Nam hæc exceptio competit adversus eum: qui iterum agit eadem de re, licet agat alio modo, l. 3. l. 7. §. pen. et ult. de exc. rei jud. vulgare est igitur sic actionibus præscribere: de eadem re agis, aliis est modus, quem modo instituis, sed ea res tantum, de qua jam pronuntiatum est. Ex Rhetoribus Suidas cum defuit quid sit *παράκλησις*, duo exempla ponit; unum est, præscriptio vis maleficii inscripti, id est, lege non comprehendit, *καὶ οὐ δοῦναι ὑπὸ τῆς νόμου*: nam si me eo accusaris crimine, præscribam inscripti maleficii, licet etiam sit interdum inscripti maleficii actio, quæ dicitur stellionatus: omne enim crimen inscriptum dicitur stellionatus. Aliud genus exceptionis est exceptio rei judicate, quæ litem perimit omnino, et congruit cum legibus, quæ velant si *νόμος παρακλῆσις δεικνύται καὶ τῶν πραγμάτων οὐ συγχωρεῖται*, sempius agi, aut pronuntiari eadem de re. Ergo re judicata semel prior obligatio perimitur jure exceptionis, et fit novatio, id est, prior actio transfunditur in actionem judicati: unum tamen casum exposuimus, quo priori actione agitur utiliter sine metu exceptionis rei judicate, si rem meam esse petiero, vel si jus hypothecæ meum esse pe-

12

tiro et iudex pronuntiavit rem meam esse, vel hypothecae jus meum esse, quod est judicare rem, *l. si fundus. §. creditor, de pignor. et l. creditor, qui prior 12. qui pot. in pig.* his actionibus varie pronuntiatur: modo rem actoris esse, quo genere pronuntiatur etiam de jure rei: videlicet ejus eam rem esse modo pronuntiatur: rem actoris non esse: quo genere non ideo pronuntiatur, rem esse adversarii, cum nec actoris esse possit, nec rei: Itaque est diversum genus pronuntiationis: multum interest pronuntiari rem meam esse, vel rem actoris non esse, *l. si inter me et te, de exc. rei jud. l. sed et si possessori, de jurejur.* modo absolvitur reus simpliciter quod non possideat, in *l. 9. in princ. de exc. rei jud. vel, inquit, adjudicatur res, vel absolvitur reus*: notat duo genera pronuntiationis: modo reus condemnatur in restitutionem litis, quod non restituerit arbitrato judicis: sed cum reus nec absolvitur, nec condemnatur, sed simpliciter adjudicatur res actori, non est actio judicati ex judicato ipso: sed si reus possessionem ejus rei nactus sit, rursus eam rem ab eo persequar quasi meam: quia pronuntiatum est meam esse, nec aliter ex judicato possum agere: persequar igitur meam esse, et si excipiat possessor de re judicata, replicabo de re secundum me judicatu: atque ita utiliter priorem actionem iterabo, *d. l. 9. §. 1.* Alter casus, quo priori actione agitur utiliter, proponitur in hac *l. 2.* si eadem actione agatur rursus, sed alia de re, de qua priori judicio tractatum non sit, nam et hoc casu obijciatur quidem exceptio rei judicate, quia eadem actio reiteratur: sed quia alia de re, quae omissa est priori judicio intentionem actoris adjuvabit replicatio doli mali. Sed aut actio est generalis, aut specialis: haec est divisio, quae proponitur in *l. pro socio 38. D. pro soc. Judicia.* inquit, aut sunt specialia, id est, de specie una, veluti mandati, commodati depositi: aut sunt generalia, veluti pro socio, quod est de communione universa, atque adeo de rebus variis, *actio negot. gestor. et actio tutelae*, quae adducit multas species, *l. si quis separatim, §. 1. de appell. l. etiam, §. 1. de minor.* et ita in hac *l. species*, id est, caput litis unum. Dubium autem non est speciali actione saepius agi posse ex variis causis non obstante prescriptione rei judicate: ut puta, agam adversus te si certum petatur saepissime ex variis causis: nec obstat praescriptio rei judicate, id est, non competet: quae non competit, nec opposita nocet, *l. si in judicio, de excep. rei jud.* at generali actione saepius agi potest. Haec lex est de generali actione, id est, tutelae actione, quam generalem esse ait lex 38. cum et conspiciatur multas species administrationis. Finge igitur: pupillus egit cum tutore

tutelae actione, qua haec intenditur, ut tutor tutelae rationes reddat: tutor igitur condemnatus solvit quod erat in condemnationem deductum, puta subduxit iudex rationes, et subductis rationibus damnavit tutorem, ut cetera tutelae restitueret pupillo. Queritur an haec actio tutelae possit repeti ob certam speciem, quae priori judicio omissa est: et videtur posse agi: sed obstat exceptio rei judicate, quae generaliter actio tutelae in judicium deducta est, et generaliter de restitutione tutelae pronuntiatum est semel. Actio tutelae generale judicium est: quid igitur? agit nunc pupillus eadem actione: aequum est ex ea specie, quae priore judicio est omissa, pupillo actionem non auferri: et ideo adversus exceptionem rei jud. poterit opponere pupillus replicationem doli mali: idemque censendum de qualibet actione generali, ut possit repeti: nam et actio fam. erisc. potest repeti ex magna causa, non utique temere, non quod una forte res manserit indivisa, cum sufficiat judicium com. divid. *l. si filia, §. familiae, fam. erisc. l. 8. de collat.* Apponenda est omnino species, ad hanc legem ex *l. Lucius 2. §. tutelae, de adm. tut.* cum tutore egit pupillus tutelae: finita tutela tutor edidit librum rationum, et secundum librum rationum condemnatus solvit pupillo: postea pupillus egit cum debitoribus paternis, quorum nomina continebantur libro rationum tutoris: debitores protulerunt apochas tutoris, quibus probaverunt se solvisse tutori, quod tamen libro rationum non comprehendebatur: queritur utrum pupillus habeat actionem eo nomine adversus tutorem, an adversus debitores? Paulus respondit, si debitores paterni solverunt pecuniam tempore administrationis, ipso jure esse liberatos, et ideo superesse tantum actionem adversus tutorem, nec quicquam obesse, quod semel actum sit generali judicio tutelae: poterit enim pupillus propter eam causam, quae non est deducta in judicium, idem judicium repetere, et adversus exceptionem rei judicate poterit se tueri replicatione doli mali. Ergo ex his colligitur, actionem tutelae repeti propter aliam causam, quae priori judicio omissa est, sed non repetetur apud eundem judicem: in *l. de rebus, de rec. qui arb. rec.* si compromissum fuerit generale et plenum, et forte quaedam species in petitionem deductae non sint, et nihil etiam de his arbiter promissum fuerit, earum specierum, quae omissae sunt, petitio superest, apud judicem scilicet ordinarium, non apud arbitrum, nisi de his speciebus rursus in eum compromittatur: ita etiam in hac specie repetitur actio tutelae non apud eundem judicem, sed dandus erit alius, vel idem ipse: non igitur apud eundem judicem necessario: et ideo: quod ait lex si rursus

eundem judicem petieris, id est, si tutelæ addici judicem petieris, non eandem personam: nam non est necesse iterata eadem actione eandem personam judicem accipi: potest quidem accipi idem, sed et alius: non ergo necessario is, quoniam desiit esse judex, qui semel functus est suo officio, nec potest de hac specie: quæ omissa fuerat, nisi rursus detur, cognoscere, *l. judex, D. de re judic.* et hæc *l. 2.* est de judicio dato: in ordinario nullus est labor: ad ordinariam eundem semper itur: male igitur Accurs. notat ad hanc *l.* apud eundem judicem, non apud alium. Movetur legibus, quæ non sunt de judicio finito, quales fuit in hac *l.* sed de judicio incepto, ut omnes species ejus litis, omnia capita ad eundem judicem mittantur, non uni unus, alteri alter judex addatur, ne continentia causæ dividatur, ut si plures sint tutores, et sumptus sit judex adversus unum, priusquam judicium illud peragatur, ceteri tutores, quibuscum vult etiam experiri pupillus, ad eundem judicem mittendi sunt, *l. 5. inf. arb. tut. l. 2. D. de quib. reb. ad eund. jud. sat.* Quintilianus 3. cap. 19. *privata*, inquit, *judicia unum plerumque habent judicem multis, et adversus formulis: nec aliæ species erunt, etiamsi unus a duobus petat, quia quævis in multis personis, questio tamen una est, et ita etiamsi sint plures correi ejusdem pecuniæ, omnes sunt mittendi ad eundem judicem datum, Nov. 99. et potest judex datus eos cogere, ut omnes ad se veniant, non quidem sua apparitione, sed apparitione magistratus, qui dederit eum judicem. Et similiter si inter plures sit actio fam. erisc. comm. divid. fin. regund. omnes priusquam experiantur ad eundem judicem mittendi sunt, *l. 1. de quib. reb. ad eund. jud. sat.* quia facilius corunt in eundem judicem, et facilius res dividitur. Et similiter si duo sint, qui vindicent dominium servi, vel si unus vindicet dominium, alter usufructum, coram eodem iudice res aglanda est, *l. si pariter, et l. cognitio, de lib. cau.* et in specie *l. 22 de judic.* qui non est hujus fori, si agat ultro adversus adversarium suum, et reconvenitur mutua petitione, cogitur ibidem recipere reconventionem, et ad eundem judicem debet ire, quod confirmatur *Novell. 66.* et postremo in specie *l. nulli, inf. hoc tit.* si lis sit de proprietate et possessione, una est lis, una causa, quæ habet duo capita, unum caput est de possessione, alterum est de proprietate, sed una causa: an potest quis impetrare a magistratu, ut unus iudicet de proprietate, alter de possessione, minime: non est scienda causa, nec etiam si beneficium prioris impetraverit, dividetur causæ continentia, id est, *συνοχή* *ἡ* *ἀποχῆ*, id est, non dividetur tenor causæ, qui est unus, et ita in *l. juxta, inf. de lib. cau.* *justa edicti nostri continentiam*, id est, tenorem. Græci illo*

loco ἀποχῆς, et *l. 8. C. The. de testam.* si scripturæ continentia inchoata sit, quod male Alciatus explicavit, sed palam est, quid hoc sit, ne causæ continentia dividatur, id est ne unius causæ tenor distrahatur, idem judex debet de proprietate et de possessione cognoscere, primum de possessione, deinde de proprietate, vel simul, si res ferat, scilicet ut enumeret utrumque caput, quod permissum Constitutionibus Symmachus scribit 1. *Epist.* sed omnino opus est, ut apud eundem judicem de possessione et proprietate agatur. D. Gregorius 7. *Epist.* cap. 10. *Legati provisione decretum est, ut momenti et proprietatis causa in uno eodemque iudicio ventilaretur.* Sed cum iudicium finitum est, ut cum finitum est iudicium tutelæ, si deinde repetatur ab causam priori iudicio omissam, tunc non est eundem ad eundem judicem: desiit enim esse judex re iudicata, nisi rursus detur. Sed dari etiam potest alius, cum scilicet actio tutelæ repetitur, de aliis speciebus nullo modo potest repeti, *l. 1. sup. si adv. rem jud.* Et eadem est ratio cautionis generalis, puta apochæ generalis: exempli gratia, si apud futuræ solutionis cum mihi deberentur decem, ego scripsi me accepisse totum, et nihil amplius petiturum: et ita scripsi spe futuræ solutionis, non animo donandi, nec transigendi, nec liberandi debitorem per acceptilationem: si postea solvantur mihi tantum quinque, ego petam reliquum priori actione, quam acceptilatio non sustulit, quævis apocha sit generalis, et si obijciatur exceptio pacti, quod inducit apocha, replicabo de dolo malo: atque ita ad reliquum perveniam, *l. 7. inf. de except. et l. si inter, inf. de solut.* quod si non fuerit apocha generalis facta spe solutionis, non donandi causa, non transigendi causa, sed si fuerit transactio generalis de omnibus speciebus, id est, rebus, corporibus, et quot sunt res in una causa, tot sunt etiam capita: de re omissa amplius agi non potest: quod videtur pugnare cum his, quæ diximus, et tamen ita definitur in *l. sub pretexto 2. de transact.* et præcipuum hoc habet transactio, quoniam in transactionibus res non solet ad vivum rescari, ut in iudiciis, quibus subtilius et præsius de nostro jure experimur: sed in transactionibus hanc veluti aliam sub incerto adimus, transigentes hoc animo, ut neque nihil, neque tantum, quantum competit prestemus. Itaque si generales fuerint ob rem, de qua non est tractatum, non rescinduntur, id est, de ea re contra transactionem agi non poterit: repeti tamen poterit generale iudicium, si quid in eo oblivione omissum est: cui tamen sententiæ opponitur *l. 4. hujus tit.* onus hæc est species. Adolescens agit cum curatore negotiorum gestorum, quæ actio est generalis in *d. l. pro socio*: in eo iudicio inter cetera curator adollescenti reputavit pretium, quo

adulescenti emerat prædia quædam, et ei tradidit instrumenta emptionis, *les tiltres*. Sed cum in emptione eorum prædiorum curator omisisset stipulationem evictionis imprudenter, hujus culpæ habitatio non est in actione negot. gestor. atque ita res judicata est, finitumque judicium illud generale ergo. gestor. Queritur, an propter eam culpam possit adolescens repetere judicium nego. gestor. et rescriptum est, non posse, quod finitam litem restaurari non oportet: cur non potest ob eam repetere judicium nego. gestor. ? quia ea species prædiorum emptorum jam deducta est in judicium nego. gesto. et licet non sit plene tractata propter omissionem evictionis rationem: tamen verum est, caput illud in judicium fuisse deductum: nec quod plene non fuerit deductum, lis restaurabitur, lis enim una est, sed habet varia capita: quilibet species rursus dividitur in ea capita. Igitur satis est caput unum in judicium fuisse deductum, ut non audiat qui idem judicium volet repetere ob caput non plene tractatum, quæ non est species l. 2. nam in ea integrum unum caput omisum fuerat, in specie l. 4. nullum caput omisum fuerat.

Ad L. III.

Quoties questio status bonorum disceptationi concurrat: nihil prohibet, quo magis apud eum quoque, qui alioquin super causa status cognoscere non possit, disceptatio terminetur. PP. Ibid. Febr. Juliano 11. et Crispino Cons.

In l. 3. ait *Imp. Quoties questio est, etc.* Ponit bonorum disceptationem esse principalem causam, et in eam sit incidere questionem status, et ait, *nihil prohibet, quo magis, etc.* quibus verbis affirmat et status controversiam ab eo definiri posse et disceptari, non aliter quam si dixisset, nihilominus, sicut idem est sensus sive dixeris, nihil prohibet eum judicare: uterque sermo affirmat, et ita in l. 1. *inf. qui dare tut.* idem Alexander, *nihil oportuit impediri, quo magis tutor curator daretur*, id est, dandum utique fuisse curatorem: et contra, *nihilominus non adfirmat, et significat, nihil oportet in l. properandum, §. ult. l. Alexandrinis, C. de decurio. lib. 10. l. qui fundum, §. servus, pro emp.* Igitur hæc est sententia: principalis causa est de bonis, sive de hereditate: incidit in eam in modum exceptionis questio status: iudex de hereditate judicare potest, de statu judicare non potest: sed cum in questionem hereditatis incidit questio status, nihil prohibet, quo minus cognoscat de statu: et vulgo non male ponunt exemplum in iudice dato, id est ad dicto petitioni hereditatis, qui tamen de status causa non potest cognoscere, aut status causæ adici non potest. Potest etiam poni exemplum in præside pro-

vinciæ ex l. 1. *inf. de ord. judic.* si sit questio libertatis et servitutis inter fiscum et privatos, cujus rei cognitio pertinet ad procuratorem Cæsaris, non ad præsidem rationalem, vel magistrum rei private, l. pen. *inf. ubi causam stat. agi deb.* Sed si sit aditus præses de hereditate principaliter, poterit etiam de causa status cognoscere. Potest etiam poni exemplum in procuratore Cæsaris, qui regulariter de causa status cognoscere non potest, l. 2. *inf. ubi cau. sta. agi deb.* Sed si in causa bonorum, vel hereditatis mota apud procuratorem Cæsaris incidat questio status, de ea cognoscere potest, sicut latrunculator, qui de re pecuniaria principaliter cognoscere non potest, l. *solemus, de judic.* si in causa criminali apud eum mota incidat questio pecuniaria, de ea agere poterit: sed in specie hic posita cum concurrat causa hereditatis principalis, et status incidens, priore quidem loco est ordinanda causa status et disceptanda, l. 8. *inf. de pet. hæc. l. 2. de ord. judic.* sed de ea non est pronunciandum, nisi cum definitione causæ principalis, id est, si pronuncietur de re principali, et illa controversia iudicio terminabitur. Ceterum non est de ea quicquam dierte pronunciandum: ut si fiscus possident hereditatem quasi caducam, et quidam eam suam esse petat, quasi filius defuncti, contra fiscus inducat questionem libertatis in modum exceptionis, dicens servum eum esse, non filium defuncti: hoc casu questio libertatis est priori loco ordinanda, sed de hereditate tantum est pronunciandum, non de libertate, l. 1. *de ord. judic.* in principali questione, qui est actor: in incidenti questione erit reus, id est, qui petit hereditatem, et libertate utitur, id est qui est in possessione libertatis in qua sit incidenti pro reo habebitur: qua questione discussa pronuntiabit procurator Cæsaris de hereditate tantum. Ceterum si pronuntiavit hereditatem esse actoris, tacite videtur pro actore pronuntiasse. Itaque extrema principalis illius rei definitio tacite et incidenter determinat: igitur de principali pronuntiatur, non de incidenti: et hac ratione is, qui principaliter non potest cognoscere de liberali causa, si aditus sit de hereditate, potest cognoscere etiam de liberali causa, quæ inducitur per modum exceptionis, quia de ea non pronuntiat, sed tacite tantum eam discutit. Itaque facile patimur, ut in omnibus causis similibus in incidente questione cognoscat, etiamsi de ea non possit cognoscere principaliter. Illi autem tituli *de ord. judic. et de ord. cogn.* Quid d' stant inter se? titulus *de ord. cogn.* est tantum de liberalibus causis ordinandis: nam proprie cognitio est de liberali causa, et cognitor, ut *Ascon. ait 3. in Verr.* cum de alicujus statu queritur. Titulus *de ord. judic.* est de omnibus causis, ut si concurrat criminalis

causa in civili, si questio generis, familie ereisc. si questio status et hereditatis, si questio possess. et proprietatis: ordine certo, quæ concurrunt lites sunt discernendæ: si concurrat civilis cum criminali: prius est, ut finiatur criminalis, etiamsi incidat, non principaliter moveatur: quumquam possit iudex utramque definire, *l. 3. cod. tit. Ad summam*, quoties civilem incurrit criminalis, vel contra criminalem civilis, prior est criminali juris ordinis: sed potest tamen iudex negligere hunc ordinem, et de utraque simul pronuntiare, sicut dicebam ex Symmacho, priorem esse causam possessionis, quam proprietatis: iudicem tamen posse utramque simul definire: nam in causis prophanis utramque litem simul disceptat, non etiam in Ecclesiasticis beneficiis: nam de possessione tantum primum disceptant, questionem de proprietate transmittunt ad Ecclesiasticos: si possent iudices seculares de utraque cognoscere, simul de utraque judicarent.

Ad L. V.

A iudice iudex delegatus, iudicis dandi potestatem non habet, cum ipse iudiciario munere fungatur, nisi a principe datus fuerit. PP. IV. Non Septemb. Ulpio, et Pontiano Cons.

Hæc est definitio: iudex delegatus, sive datus nihil interest, alium iudicem dare non potest, et subijcit rationem, cum ipse iudiciario munere fungatur: hæc ratio videtur petere principium, nisi ita accipitur: iudici dato inungitur munus publicum, munus personale: munerum publicorum hæc est conditio, ut quibus inunguntur, ea necessario obire cogantur, *l. munus, de verb. sign.* Ergo iudex datus necessario delegati munere defungi debet: nam si iudicandi munus, munus est, non potest delegari alteri, *l. ultim. §. iudicandi, de mun. et honor.* potest et alia ratio adferri: quia iudicis dandi facultas aut lege datur, aut propter vim imperii competit: lege non datur iudici dato, non potest etiam ei competere vi imperii, quoniam iudicis dati nullum est imperium: ergo iudici dato non est jus dandi iudicis. Et similiter is, cui est mandata jurisdictio, eam non potest alteri mandare, *l. ult. de offic. ejus, cui mand.* quod non eadem ratione observatur in contractu mandati: nam procurator, aut est procurator ad negotia, vel ad litem: procurator ad negotia potest alium procuratorem facere post litem contestatam, potest procurator ad litem procuratorem facere; quia litis contestatione quodammodo dominus constituitur, ante contestationem non potest alium dare, *l. si procuratorem, §. 1. mand. l. nulla, C. de procurat.*

at cui mandata est jurisdictio non potest mandare alteri: alioquin res exiret in infinitum: potest tamen iudicem dare: iudex datus habet tantum cognitionem, non exequitur sententiam, sed qui dedit, *l. a Divo Pio, de re judic. l. cum Prætor, de judic.* nam et mixtum imperium in eum, cui mandatur jurisdictio, transit, *l. 1. §. ult. de off. ejus, cui man. est jurisd.* pars mixti imperii est iudicis dandi facultas, *l. imperium, de jurisd.* quæ lex definit tantum imperium merum, et mixtum: quid est merum imperium? est gladii potestas: definit merum imperium a majori parte, sed merum imperium est jus gladii, vel cujusvis alterius animadversionis gravioris, lege nominatim concessum: lege, quia non competit iure magistratus: potest jus gladii competere privato si lex dederit. Mixtum imperium est, quod jurisditioni coheret, quod iure magistratus competit. Mixti imperii duo ponit exempla: unum est honorum possessionem dare: nam hoc habet magistratus, etiamsi non detur lege: alterum est iudicem dare. Et notandum est quod ait dict. *l. etiam*, qui articulus hunc sensum facit, mixtum imperium jurisditioni, vel jurisditionem mixtam imperio non tantum consistere in danda honorum possessione, sed etiam in iudicum datione: et pertinet ea lex ad magistratus urbanos. Magistratus urbani iudicem dant propter vim imperii, *l. cum Prætor, de judic.* magistratus provincie lex dant legis auctoritate, ut dict. *l. cum Prætor.* Finge igitur a Prætoris jurisditionem mandari alteri, hunc sequitur et mixtum imperium, ergo iudicis dandi facultas: ergo non definitur in ea lege jurisdictio simplex, cuius definitio hæc est. Jurisdictio est notio, quæ iure magistratus competit: uno casu etiam iudex datus alium iudicem potest dare in eandem speciem, videlicet si a principe iudex datus sit, *l. 1. infr. qui pro sua jurisd. jud. da. poss.* quia scilicet huic videtur princeps dare jurisditionem, licet faciat tantum specialem iudicem, id est, in lite certa: et ob id etiam datus a principe sibi adsumit comites, et adessores, Nov. 63. soli magistratus adsumunt adessores. Est autem magistratus, qui jurisditionem habent: iudex itaque datus a principe, cum videatur jurisditionem habere ad eam litem, ad quam datus est, recte eam causam alii delegabit: sed hic, qui ab eo delegatus fuerit, alium rursus non delegabit, quia hic tantum cognitionem habet: et in illa Nov. 60. quoniam ejus sententiam Irnerius adjunxit huic *l. 3.* breviter hæc definitio est, ut adessores soli non præbeant audientiam litigatoribus sine magistratibus: verum distinguitur inter magistratum urbanum, et provinciale, et iudicem datum a principe: nam coram urbano magistratu non est lis agenda in integrum,

satis est, si lis coram eo contestetur, si ultima cognitio coram eo peragatur: et ultimam cognitionem ibi Julianus vocat ex *l. ultim. C. præs. 30. annor.* novissimam cognitionem, cum litigatores finem controversiis imponunt, *appointe ment en droiet*, satis est, si magistratus interceperit appellationem, cetera posse peragi apud adsessores ejus. Sed si sit magistratus provincialis, vel iudex a principe datus, omnia quæ sunt ejus iudicii coram eo agitata, nihil coram adsestribus inconsulto principe, *l. 2. C. de adsess.* cavetur autem *l. 1. infr. qui pro sua jurisd.* ut qui jurisdictionem habet, possit iudicem dare, qui jurisdictionem non habet, sed cognitionem habet tanquam iudex datus, ut non possit iudicem dare, et multo minus is, qui nec jurisdictionem, nec cognitionem habet: et si forte quis temere dederit iudicem, cum cognitionem tantum haberet, ait lex, ejus præcepto parientiam non esse accommodandam, sic jampridem emendavi, Cassiodoro usitatum vocabulum, vel si obtemperaverit, et sententiam dixerit, sententia nullius est momenti, nec appellare necesse est. Ceterum a iudice, quem dedit princeps, potest alius iudex dari, et ab isto appellabitur ad iudicem datum a principe: si princeps dederit iudicem Titium, et Titius Cajum, a Cajo appellabitur Titius secundum regulam juris, qua dicitur eum appellari, qui iudicem dedit, *l. 1. et 3. quis et a quo app.* unde recte Moschopolus appellationem ita definit: appellatio est transitus a iudicibus datis ad iudices ordinarios, qui dederunt scilicet: unde etiam magnam intelligitur esse differentiam inter iudicem datum, et delegatum, et eum, cui mandata est jurisdictio: nam ab eo, cui mandata est jurisdictio, non appellatur is, qui mandavit, *dict. l. 1. ne videatur a se ipso appellari*, quia jus dicit vice mandantis, non sue, *l. 5. et 16. de jurisd. l. 3. de offic. ejus, cui man. est jur.* et ob id ab eo, cui mandata est jurisdictio, provocatur is, qui provocaretur ab eo, qui mandavit, licet secus sit in legato Proconsulis, cui Proconsul solet mandare jurisdictionem, quoniam ab eo appellatur Proconsul, quia legatus Proconsulis videtur habere propriam jurisdictionem, quamvis eam jurisdictionem non habeat, nisi eam delegaverit Proconsul, *l. 2. quis et a quo appellatur, l. legati, de offic. Procons.* Interpretes hoc loco nullam faciunt differentiam inter iudicem delegatum, et eum, cui mand. est jurisdictio: jurisdictio quidem mandata potest dici delegata, sicut jurisdictio, aut cognitio criminum, quæ lege datur, non etiam competit jure magistratus, dicitur delegata, *l. 1. de offic. ejus*, et jurisdictio de fideicommissis dicitur delegata a Svetonio in Claudio: iudicis tamen datio jurisdictio dici non potest, quia

cognitionem tantum habet: potest delegari universæ jurisdictio, vel species tantum.

Ad L. VI. et VII.

L. VI. Servus in iudicio interesse non potest, nec si condemnatio aliqua in personam ejus facta sit, quod statutum est, subsistit. Dat. 15. Kal. Sept. Gordiano, et Aviola Coss.

L. VII. Cum debitoris tui servum tibi pignoris jure obligatum, bona domini sui quondam rebus humanis exempti tenere profitearis, adversus eum dari tibi actiones contra jus postulas: siquidem inter servum et liberum consistere nullum possit iudicium. Ad possessionem itaque pignorum magis officio iudicis venire te convenit, quam illicita postulare. §. 14. Cal. Mali, Sirmii CC. Coss.

Cum servo iudicium non est: iudicium non est sine iudice, actore, reo, et testibus, quibus presentibus lis ordinetur, unde litis contestationis nomen, vel testibus productis rei probandæ causa: et hos omnes liberos esse oportet: servi neque iudices, neque actores, aut rei, neque testes esse possunt: inter servos et liberos civile iudicium non est, nec ex contractu, nec ex maleficio, sed servi nomine dominus agit, vel cum domino agitur de peculio, vel noxali iudicio: ipse servus neque dicat, neque suscipit actiones: causam perorare servum hominem leges non sinunt, *l. 1. inf. si per vim, aut alio modo*, et consequentercepto iudicio inter servos et cum servis, et secuta sententia, ea sententia nulla est ipso jure, nec appellare necesse, nec iudicati actio in dominum competit de peculio, *l. 3. §. si servus, de pecul.* quoniam et ex ea causa non obligatur naturaliter: ubi servus non obligatur jure naturali, nec jure prætorio, dominus obligatur de peculio. Idem etiamsi cum quidam litem exerceret cum domino, servus ei, cum quo res erat, domino detulerit iurjurandum: nam ex ea etiam causa nulla est obligatio naturalis, nulla in dominum actio de peculio, quoniam per omnia eorum, quæ sunt iudicii, expertus est servus, *l. deposui, §. 2. de pecul.* licet Proculejani dissenserint, quos intelligit *l. quidam, de jurejur.* illa autem *l. 3. §. si servus, de pecul.* a iudicio argumentatur recte ad compromissum, Species hæc est: Servus cum se gereret pro libero, inter liberos compromisit de re aliqua libero homini constituta poena ni parerent arbitrio. Queritur, an si sententiam dixerit arbiter, nec paruerit servus, qui compromiserat, possit peti poena a domino servi ex compromisso actione de peculio, quasi negotio gesto, quæ verba sunt notanda: nam respiciunt ad edictum de peculio, quo Prætor sic pollicetur actionem de peculio,

de eo, quod cum eo, qui in aliena potestate est negotium gestum esse dicatur. Quærit igitur merito, an quasi ex negotio gesto scilicet, pœnam compromissæ adversus dominum actio sit, ut ex causa trajectilæ pecuniæ, qua ex causa solebant stipulari contrahentes si sua die pecunia redderetur, si eam pœnam commiserit servus, tenebitur dominus eo nomine de peculio, an igitur etiam si commiserit pœnam ex causa compromissi teneatur dominus de peculio eo nomine? minime: quia etiam si judicio condemnatur servus, non est contra dominum actio iudicati de peculio: irritum est iudicium, irritum et iudicatum, irritum et compromissum et arbitrium: et ita in *l. non distinguemus*, §. *si servus*, de *recep. arb.* Si servus compromiserit non cum servo, ut ibi supplet Accurs. sed cum libero de controversia aliqua, arbiter non cogitur sententiam dicere: vel si dixerit sententiam, nec ei obtemperaverit servus, non erit etiam pœnæ compromissæ executio adversus dominum de peculio: et e contrario si liber homo cum quo compromisit servus non obtemperaverit arbitrio, non erit executio pœnæ compromissæ adversus liberum hominem, ut jus sit æquabile: nam si non tenetur servus ex compromisso, nec teneri debet liber homo, cum quo compromisit. Recte autem diximus superius inter servum et liberum hominem non esse iudicium civile, quod diximus ex *l. ult. inf. de nox. act.* non est, inquam, civile iudicium, sive id sit ex contractu, sive ex delicto: est tamen criminale iudicium, id est, accusatio, *l. 5. de accus.* hæc igitur *l. 6.* est accipienda de civili iudicio, et nominatim *lex 7.* ponit exemplum in actione hypothecaria, quam ait non dari in servum pignori obligatum, etiam si tenet alia bona debitoris defuncti pignori obligata, quia cum servo nullum est iudicium. Sic non potest creditor cum eo experiri. Quid igitur fiet? Finge nondum aditam hæreditatem defuncti, servum hæreditatem jacentem tenere pro domino, cum quo experietur creditor? extra ordinem venietur ad possessionem pignoris officio iudicis ordinarii, puta prætoris, vel præsidis, id est, apprehændet pignora nulla dictata actione, et idem erit effectus: nam et actio hypothecaria nullam possessionem advocat, *l. si cum venditor*, de *evict.* dominium non vindicat, *l. si fundus*, §. *creditor*, de *pignor.* ait *d. l. 7.* Quam illicita postulare, id est, iudicium, quo non licet experiri cum servo, iudicium Servianum puta: et ita etiam officio iudicis extraordinario si absens possident rem suam per servum suum, perturbata possessione servi, puta dejecto de possessione servo absentis, dabitur servo momentum, id est, interdictum restituendæ possessionis. Est enim momentaneum interdictum, et appellatur celeris reformatio, atque ita cum his dividitur in

duo capita de possessione, et de proprietate, est primum celeriter expediendum re non exquisita diligentius, sed possessione apud eum locata, cui magis competere videbitur, et diligentiori disquisitione reservata in secundum caput: vel si diligentiores adhibeas, stat in æquum est expedire utrumque caput: primum debet esse momentarium: sed hic servus restitueretur in possessionem extra ordinem, *l. 1. inf. si per vim, aut al. mo.* Et similiter officio iudicis servo præstantur legata, servo suo nemo legal jure, et servo non potest esse actio ex empto. Sed finge: quidam reliquit servos ad custodiam templi, quales olim erant servi publici, ut Tullius indicat in Verrinis, templi, inquam, quod nondum extruxerat, sed extruere paraverat: et iis servis reliquit annua vestiaria certa, et menstrua cibaria certa. Quæritur cum nondum templum constructum sit, an eis debeantur vestiaria et cibaria ex die mortis, an ex eo tempore, quo explicitum et consummatum fuerit templum? et ait, heredem esse compellendum officio iudicis, extraordinario scilicet, ad præstanda alimenta servis ex die mortis. Et similiter a domino servi petent libertates, quæ ei debebantur, extra ordinem, *l. vix certis*, de *judic.* Additur hic vulgo ab interpretibus unus casus, quo censent jure servum convenire, aut conveniri iudicio civili ex *l. ult. inf. ubi cau. fisc.* Lex ait, colonum, vel inquilinum domorum sacrarum, et servum earundem domorum, debere convenire, aut conveniri apud præpositum sacri cub. nec posse rursus declinare iurisdictionem, sive sit criminale iudicium, sive civile. Ergo servus domorum sacrarum potest criminali et civili iudicio convenire et conveniri: est passima collectio: nam quod ait de civili iudicio, hoc tantum convenit colonis et inquilinis non servis cum quibus non est civile iudicium. Sed quod ait de criminali iudicio, hoc convenit omnibus.

Ad L. VIII.

Placuit in omnibus rebus præcipuam esse justitiæ æquitatisque, quam stricti juris rationem. Datum Idibus Maii, Volusiano et Anniano Cons.

Additur vulgo male, scriptæ: ait, in omnibus rebus, quæ in iudicium veniunt scilicet: et ita etiam Greci vertunt ἐν παντὶ πρὸς πρῶτον καὶ πρὸς δεύτερον τῆς ἀρετῆς τὸ δίκαιον. Jus strictum est scriptum, æquitas non est scripta: et observandum est Grecis semper scriptum jus vocari νόμος, æquitatem νόμιμον δίκαιον. Et ut æquitas dicitur ab æqualitate, quod jus faciat æquabile: ita etiam δίκαιον, quasi δίκαιον, quod inter duos æqualitatem faciat bipartitam: æquitatem cum dicimus, naturalem dicimus: hæc non est scripta, sed nata

nobiscum. Et ita definitur, æquitas est jus, quod lex scripta prætermisit. Arist. 1. Rhetor. ἔτι δὲ ἐκείναις πρὸς τὸν γρυππαύτην νόμον δίκαιον, est æquitas, quod lege scripta non est comprehensum: non possunt omnia comprehendi scripto, *l. non possunt, de legib.* quam æquitatem judicem spectare oportet potius semper, quam jus strictum, quod etiam scriptum dicitur, *l. in his, de cond. et demon.* et debet inspicere non verba et literas, sed vim ac potestatem, non factum, sed facientis voluntatem, non partem, sed totum: non quod nunc fuerit, sed quod fuerit sere semper. Recte autem conjungit hoc loco justitiam cum æquitate, et ita Tryphonius in *l. bona fides, depos.* loquens de æquitate, et hanc probo esse justitiam, quæ suum cuique ita tribuat, ut non distrahatur, etc. Arist. 6. Eth. ἐκείναις δίκαιοις οὐκ ἔστι οὐδὲν, etc. et M. Tullius, difficile est, inquit, cum pluribus prestare concupieris æquitatem, quæ justitiæ proxima est. Accurs. definit æquitatem, rerum convenientiam, quæ in paribus causis paria jura desiderat, quam conflavit ex verbis Ciceronis in *Topic.* Illa etiam verba rerum convenientiam depulo Ciceroni, propterea quod æquitatem vocat convenientiam, quod proprio exprimit verbum ἐκείναις: nam facit tres partes juris, legitimum, conveniens, moris vetustate comprobatum. Legitimum est jus scriptum, mos est jus non scriptum, conveniens est etiam jus non scriptum, sed commune omnium gentium, non quod faciunt pacta conventa, sed æquitas naturalis. Non desunt exempla, quibus possit comprobari definitio hujus legis: prætermittam quæ ponit Accurs. Græci unum ponunt ex *l. quidam, de reb. cred.* Creditor petiit a debitore 10. debitor offert 5. queritur, an creditor cogatur ea quinque accipere, et reliqua persequi? minime: jus hoc non patitur, cum sit ei actio in 10. verum æquius erit si Prætor compulerit eum ad accipiendam partem, quæ offertur, cum ad officium Prætoris pertineat lites diminueret: sic recte Flor. non, *diminueret*: minuitur lis, cum quæ erat in 10. redigitur ad 5. Et ita Seneca *Contr.* 25, declamatorem tanquam prætores quendam facere debere lites minuende causa. Ponunt et aliud ex *l. 8. de nov. act.* Servus plurimum noxam nocuit; is, cui injuria facta est, damnumve datum, agit cum uno ex dominis noxali actione in solidum, tenentur enim in solidum, ut scilicet vel solvant restitutionem litis solidam, vel servum dedant noxæ in solidum: hic igitur, cum quo solo actum est noxali judicio, non evitabit litis restitutionem, nisi servum dederit noxæ in solidum: nec ferendus erit, si velit partem suam reddere, id est, pro parte sua noxæ dedere. Quod ut quæ ita procedit post litem contestatam: nam ante litem contesta-

tam partem suam reddendo potest consequi securitatem, sed quid inde accidet videamus. Ponendum est cessisse partem suam ante litem contestatam actori. Est igitur factus dominus servi actor pro ea parte, quæ de causa amisit actionem noxalem: quia dominus servi nomine non habet actionem noxalem: quæ ratione igitur suam consequetur? an dabitur ei actio commu. divid. adversus alios? minime: nam in actionem communi dividundo non venit quod ante communionem admissum est, antequam acquisierit partem ejus servi, qui noxam nocuerat. Igitur evidenti injuria afficitur dominus, quin non erit vis, quæ suam possit sibi servare: et ubi est evidens injuria, evidens æquitas est, quæ poscit ut subveniatur *l. 1. de restit. in integ.* quapropter melius erit Prætorum ei accommodare adversus socios utilem actionem commu. divid. ne ei partis acquisitio fraudi sit, ne evidenti injuria afficiatur propter rigorem juris scripti. Et aliud ponunt exemplum ex *l. si ex duobus, de pecul.* Sed his quæ sunt certissima duo obstant valde: unum est *l. 1. sup. de legib.* ubi Imp. ait *inter jus et æquitatem interpositam interpretationem nobis solis oportet et licet inspicere.* Ergo Imp. ait, se solum esse æquitatis interpretem, et sequestrum inter jus scriptum et æquitatem, quod tamen hæc *l.* tribuit judici, et vindicat sibi quisque jurisperitus. Alterum ex *l. prospexit, qui et a quib. ma. lib.* si sit questio de adulterio mulieris, lege Julia cavetur, ut servi ejus familie intra 60. dies non manumittantur, ne scilicet questioni subducantur, quoniam liberi non torquentur, soli servi torquentur. Sed finge: eo tempore, quo admissum dicitur adulterium, quidam servi erant extra ministerium, an hi etiam non possunt manumitti, a quibus fides rei gestæ elici non potest? Lex ait, eos etiam non esse manumittendos, quia lex Julia omnes omnino vetat manumitti, et alienari intra 60. dies: quod quidem, inquit Ulp. est perquam durum, sed lex ita scripta est. Ergo censet duro scripto hærendum potius, quam justitiæ, et æquitati. His duobus argumentis eodem modo est respondendum: æquitas prævalet scripto, et sequenda est a judice potius, quam jus scriptum, quoniam vis scripti est in æquitate, non in verbis: vis scripti est in mente scriptoris, non in literis: alioquin admitterentur calumniæ sæpe: sed ubi non est metus calumniæ ullus, id est, ubi evidens est scriptum, sicut in ea lege Julia, quæ vetat omnes omnino ubicunque fuerint manumitti, id sequi oportet, quamvis sit prædorum: et ita etiam scripturam testamenti, cum est obscurissima, sequi oportet potius, quam conjecturas voluntatis, *l. in his, de condit. et demon. t.* In his, quæ sunt extra testamentum, id est, ut Rhetores loquuntur

ἐν τοῖς ἔξω, quæ extrinsecus adveniunt, esse faciendam interpretationem ex bono et æquo: in his quæ ex testamento oriuntur ἐν τοῖς ἐντὸς, omnino esse sequendum jus scriptum: nam si verba testatoria sunt clara, quid argumentamur? sequendum est jus scriptum omnino: et ita in legibus quoties est scriptum evidens, id omnino sequimur, quamvis sit prædurum: et solus princeps potest moderari interpretationem: hæc est sententia l. 1. ut cum scripto repugnat æquitas, interpretationem non apponat judex, sed princeps: atque ita duritiem legis Julæ, de qua in d. leg. prospexit, Imperator est moderatus postea l. adulterii, C. ad l. Jul. de adulter. opus fuit Constit. Imp. et ita plerunque Jurisconsulti non audent adhibere interpretationem æquitalis aversus evidens scriptum, sed dicunt opus esse rescripto, et super his constituendum esse, l. 2. de reb. cor. qui sub tut. l. pen. §. pen. C. ad Trebell.

Ad L. IX.

Judices oportet in primis rei qualitatem plena disquisitione discutere, et tunc utramque partem sæpius interrogare, num quid novi addere desideret: cum hoc ipsum ad alterutram partem proficiat, sive defendenda causa per judicem, sive ad majorem potestatem referenda sit. Datum 2. Id. Janua. Sirmii, Licinio V. et Crispo Cons.

Vult ut plena sit inquisitio ejus rei, quæ in judicium venit: et similiter plenam esse sententiam oportet, vel plenam relationem: aut enim judex post inquisitionem sententiam fert, aut rem omnino ad principem refert, si in ea re forte judex pendet animi: inquisitio utrique rei sufficit, sententiæ, vel relationi: nam si plena inquisitio fuerit, erit et plena sententia vel relatio, quod nominatim etiam Constitutiones exigunt, l. 2. et 3. C. Th. de sentent. ex pet. rec. ubi, ex periculo, id est, ex libello, ex scripto: nam hoc periculum significat. M. Tull. sententia promatur plena, ut non dicatur memoriter, sed ex scripto: quæ, ut ait alia Constit. ad plenum possit recensere quidquid negotii fuerit. Præcedit sententiam, vel relationem inquisitio plena: nam debet judex perfecte inquirere rei qualitatem et ordinem, et omni ex parte percontari ac inquirere, et facere potestatem litigatoribus adjungere quicquid ut voluerint, ita finem controversiæ afferat potius litigatorum satietas, quam voluntas judicis, ac tum deinde debet promovere ad plenum, aut referre, nihil non instructum aut indefinitum reliquens. Ultimam cognitionem sequitur sententia, vel relatio: ultima cognitio Juliano Nov. 60. et 115. et Impe. in l. ult. inf. de Tom. IX.

præs. 30. annor. est cum litigatores finem allegationibus suis imposuerunt, cum ita pronunciat judex se iterum in consilium ea de re, *appointement en droit*: nec post eam audiendus est litigator, qui quid vult proferre novi, sed mox eam ultimam cognitionem sequitur sententia, vel relatio ad principem in re perplexa.

L. X. Exposui in l. 2. sup.

Ad L. XI. et L. XII.

L. XI. Subtilitatem legum judex curæ habeat: non autem his, quæ præter jus dicta, vel prolata sunt ab Imperatore attendens.

L. XII. Omnes magistratus, et divini judices compendiose lites decidant, etc.

Desiderantur Constitutiones 11. et 12. quæ fuerunt Græcæ, Zenonis quantum suspicor, ductæ ex ampliore Constitutione de iudiciis, cujus meminit Justinianus sæpe in Novellis, et quæ his duabus Constitutionibus hactenus cœruerunt damni parvum fecerunt: sunt enim parvi momenti. Constit. 11. jubet judicare secundum leges, non ex præcepto, aut voluntate principis, non ex ambitiolis scriptis cum sis lite pendente, quæ plerunque extorquet alicorum gratia bono et facili principis: in lite non sunt spectanda ambitiola rescripta, spectandæ leges, spectandi mores: non invidet ea verba Constitutionis: τῆς ἀκριβοῦς τῶν νόμων ὁ δικάστης προτιζέται, μηδὲ τοῖς παρανόμοις πρᾶξιαι παρὰ βασιλέως προτιζών, id est, Judici sint curæ leges scriptæ non animo advertat ad ea, quæ contra leges princeps interloquitur: habeat curam τῆς ἀκριβοῦς τῶν νόμων, id est, juris: quod videtur pugnare cum l. placuit. sup. sed id jam eo loci expeditum est, nec dignum repetitu. Idem statuendum est æquitate, quod de consuetudine. Est frequens questio, utrum sit potior consuetudo legibus: in his, quæ lege nominatim comprehensa sunt, plus valet lex, quam consuetudo: in his, quæ nominatim comprehensa non sunt, plus valet consuetudo, quam lex. Idem statuendum de æquitate: in his, quæ nominatim lege scripta sunt, non spectamus æquitatem, solius principis est eam interpretari, non iudicis, l. 1. sup. de legib. et in his, quæ nominatim lege comprehensa non sunt, non tam spectamus legem obscurius scriptam, aut argumentum, quod ex lege duci potest, quam æquitatem: ad hanc l. Theodorus Hermopolites hanc interposuit interpretationem: ἡ παρῶσα διάταξις κελεύει μηδὲ ποτε τὸν δικάστην παρὰ τὸ δίκαιον καὶ τὸ νόμιμον κρίνειν; καὶν πρότιζεν, δέχεται βασιλικὰ διοριζομένην αὐτῷ δικάσαι παρὰ τὸ δίκαιον, ἀλλὰ τὴν μὲν πρόσταξιν παραβλέψασθαι, τὴν δὲ ἀπόφασιν

ἀποδὲ δίκαια πρῆναι καὶ νόμιμα: hæc Constit. inquit, jubet ut nullatenus iudex contra leges iudicet: et si forte acceperit præceptum illud insuperhabrat. (hoc est enim παραβλάσσειν) et sententiam proferat legibus congruam. Constit. autem 12. vult, ut magistratus, et majores iudices breviter causas terminent. Et ut si quis eorum forte interpellatus a litigatoribus rem protulerit, liceat litigatori adire principem, et de recrastinata cognitione conqueri. A majori iudice dicta sententia appellabatur ad principem, et semel tantum licebat appellare, quod hodie audio renovari, ut semel appelletur. Et inde in l. 1. D. a quib. app. non lic. stultum est admonere principem non posse appellari. Deinde constitutum fuit, ut liceret iterum appellare a minore ad majorem, deinde ad principem, et ne liceret tertium appellare, l. 1. infr. ne lic. in una cau. ter. app. ante sententiam quamvis non possit appellari princeps, tamen potest apud eum institui querela recrastinate cognitionis, si rem proferat iudex nulla necessitate coactus: additur in const. 12. ne recusatio iudicum fiat post litem contestatam. Verba earum constitutionum protuli observatione 11. cap. 22.

Ad L. XIII.

Properandum nobis visum est, ne lites frant po-
ge immortales, et vitæ hominum modum excedant (cum criminales quidem causas jam nostra lex biennio concluderet, et pecuniarie causæ frequentiores sunt, et sæpe ipse materiam criminibus e eare nascuntur) præsentem legem super his per orbem terrarum, nullis locorum, vel temporum angustiis coarctandam ponere, etc.

Constit. 1. indefinite statuit, ut magistratus, et majores iudices lites terminent celerrime: non definit certum tempus: ob id subnectitur a Justiniano Constit. 13. quæ certo tempore circumscribit actiones civiles, nempe triennium: vult ut a lite contestata lis civilis omnino finiatur intra triennium, quod sit esse in potestate potissimum Iudicis: ideoque potestatem dat iudicibus, ut intra triennium lites dirimant, ne eis liceat protrahere ultra triennium, id est, protrahere et proferre: qua significatione dicitur Plinius et Lucilius *pratela boum* iuga boum, quæ quid protrahunt. Justinianus ante hanc Constit. circumscripserat certo tempore lites criminales, l. ult. inf. ut in cer. tem. crim. quæ term. quæ statuit, ut causa criminalis a litis contestatione finiatur intra biennium, biennio terminari criminalem instantiam, et reum absolvi observatione iudicii, non utique semper crimine: nam criminos durant annis 20., id est, criminum persecutio: sed ipsa criminis instantia perimitur biennio: et si

iudex forte, aut officium ejus moram iudicio attulerit, mulctatur ea constitutione. Dixi biennio non semper finiri criminale iudicium, sed observationem tantum iudicii. Idemque statuendum de civili iudicio: triennio non finiri civile iudicium, sed observationem tantum iudicii: si diceres triennio a lite contestata finiri actionem civilem, obstaret quod dicitur, litis contestatione perpetuari actionem, id est, prorogari usque ad annos 30. si fuerit temporaria, puta annalis, aut quinquennalis, qualis, est actio inofficiosi testamenti, l. al. an. de novat. l. ult. de fidejussoribus tutor. pugnaret etiam id cum eo, quod constitutum est, actionem omnem finiri annis triginta, nisi si qua breviori tempore coercentur: hæc igitur res utique distinguenda est hoc modo: aut per iudicem, aut per advocatos stat quominus causa expediat intra triennium: et finito triennio reus absolvetur observatione: nam licebit ex integro agere apud alium iudicem: iudex et advocati mutabuntur. Si per actorem stat, quominus causa finiatur intra triennium, plerumque reus absolvetur observatione iudicii. Galli congè. Interdum tamen, si omnia sint in præsentia, debet iudex sententiam definitivam proferre absente actore, et trahente moram: si sententiam dicat de re omni, perimitur actio: nam iudicato perimitur actio, sit enim novatio, l. 3. C. de usur. rei jud. Sin autem per reum mora fiat, etiam plerumque iudex reo absente discutit qualitatem, et ordinem rei, et sententiam fert, quo genere extinguetur etiam actio principalis, quæ in iudicium deducta est. Quæsieris forsitan actionibus civilibus, vel criminalibus quæ olim fuerint præstituta tempora? Olim et civilibus et criminalibus videtur fuisse præstitutus annus, et hic esse annus litium Juvenali et Servio in 2. Æneid. de causis criminalibus constat esse præscriptum fuisse annum, tit. ut int. ann. quest. crim. term. C. Th. et l. 2. C. Th. ad leg. Cor. de fal. et l. reus, de mun. et honor. proponitur initio ejus l. ut reus delatus ante sententiam non possit honores petere, sed subjicit, cum non prohiberi post annum honores petere, nisi per eum atulerit, quominus intra annum terminaretur causa: cur non prohibetur honores petere? quia finitus est reatus, hodie non poterit petere honores, nisi post biennium, quandiu durat reatus, non licet cuiquam reo esse candidatum: ut Catilina repetundarum reus prohibitus est consulatum petere: et hoc nomine culpatur Tullius 2. contra Rullum legem agrariam, quod non excipiat reum, quominus fiat decemvir agris dividendis Est etiam alius locus in l. in SC. §. pen. ad Turpill. incidit in Senatusconsult. Turpill. qui desistit ab accusatione, et hoc est certum si desistat ab accusatione cum fuerit in potestate peragere, id est, si reum non peragat

intra annum, vel hodie intra biennium: quid si desistat post inscriptionem ante litem contestatam? de his loquitur d. §. et ait, *hi, qui post inscriptionem ante litem contestatam anno, vel biennio agere non potuerint, variis præsidum occupationibus, et civilium officiorum necessitatibus distracti non incurrunt in Senatusconsult. Turpillianum*: cur ait, *anno*? quia hic erat finis iudicii criminalis: cur adjicit *biennio*? hoc adjicit Tribonianus ex Constitutione Justiniani. Sed idem §. probat etiam eum incidere in Turpillianum, qui non peragit litem intra præstituta tempora non contestata lite, si modo inscripserit se. Ergo etiam qui desistit post inscriptionem tenetur Senatusconsult. Turp. id est, nisi litem peragat intra annum hodie intra biennium. In civilibus autem hac Constit. definitur generaliter triennium: ait civiles actiones, vel in rem, vel in personam, vel præjudiciales dirimendas esse intra triennium, et non tantum eas, quæ inter privatos, sed etiam quæ inter civitates, vel cum civitatibus agitantur, quarum omnium idem est terminus: et actiones præjudiciales significat, cum ait, *super conditionibus*, id est, *super statu personarum*, quæ dicuntur esse judicia præjudicialia: ut cum illum dico esse meum filium, vel libertum, vel colonum, vel adscriptitium; quæ actiones videntur esse in rem, §. *præjudiciales*, *Instit. de actio. videntur*, inquit, nam est verbum *πλάττω*: præjudicia proprie non sunt actiones, non sunt in personam: nec enim in his intenditur dari fieri oportere: nec vero sunt in rem, quia liber homo non vindicatur, quem assero esse filium meum, vel libertum, vel colonum, hi sunt liberi homines: non ergo proprie vindicantur: actionum autem in rem voluntur varia genera hac l. *his verbis, super possessione*, quod præcedit, sive, est delendum. Sunt quatuor genera vindicationum, nec plura, vindicatio domini, id est, proprietatis, est vindicatio hypothecæ per actionem Servianam, est vindicatio servitutis per confessoriam, *Ajo jus mihi esse utendi fruendi*: his verbis vindicatur servitus. Et est quarta vindicatio possessionis in l. 3. §. *Pomponius, ad exhib.* Sed proprietas, hypotheca, et servitus vindicantur per actionem, possessio non vindicatur per actionem, sed per interdictum uti possid. si sit res immobilis. Igitur vindicatur alia formula: nam inter interdictum et actionem in formula tantum agendi discrimen est: et ita evicta emptori sola possessio rei vendita est adversus venditorem actio de evictione, quod tamen in aliis non est, nisi quod evictum est, evictum sit vindicationis genere l. 38. §. *si quis forte, de verb. obl.* denique non est actio de evictione, nisi evicta proprietate, vel possessione per interdictum, vel Servianam: nam Serviana avocatur possessionem

solum, vel evicta servitute. Et in summa hæc omnia genera vindicationum, et generaliter omnes actiones vult intra triennium definiri. Sunt tamen quedam causæ, quæ celeritatem desiderant, quæ quales sint, et quatenus huic constitutioni novellis constitutionibus derogatum sit, die crastina explicabitur. Causæ criminales intra biennium, causæ civiles intra triennium ex constitutione Justiniani finiendæ sunt. Numeratur autem triennium vel biennium a litis contestatione, imo ab inscriptione etiam incipit annus in causis criminalibus, l. 1. *infra, ut intra cert. temp. l. in SC. §. penult. D. ad Turpil.* nam et accusator, qui subscribit in crimine, proficitur se perseveraturum in crimine usque ad sententiam, et satisfacit eo nomine, l. *si cui crimen, de accusa. l. 1. et 2. ad Turpill. l. 3. §. sunt qui putant, de his, qu. ut ind. quf.* et numerari tempora perorandæ causæ criminalis ab inscriptione palam delinitur, l. 2. *C. Th. ut int. an. crim. quæ. ter. a die*, inquit, *inscriptionis intra anni curricula, etc.* Sed postea magis plenius se videtur Justinus no. ut biennium tantum numeraretur a die litis contestatæ, l. *ult. inf. ut int. cert. temp.* et ob id in l. 2. *ejusdem tit.* Tribon. mutavit verba C. Th. nec enim scripsit, ut tempus numeraretur a die inscriptionis, sed ut numerarentur tempora legitima præcedentibus inscriptionibus et l. 1. *ejusdem tit.* etiam potest accommodari ad mentem Justiniani, ita ut interpretemur, non satis esse, si quis hominem detulerit inscriptione, nisi et litem cum eo contestatus fuerit: a litis contestatione demum numerari biennium: præcedit inscriptio in crimen, sequitur litis contestatio: quis proprio reus fieri dicitur, cum scilicet legibus interrogatur, ut *Ascon. Ped. ait*, in litis contestatione sunt tantum interrogationes et responsiones, et ut accusator inscribit, ita actor in civili dicitur proprie contestari litem cum reo: nec enim recte dixeris reum contestari litem cum actore, nisi sit petitio mutua: et ita in l. *si a me, de judic. si a me*, inquit, *fuerit adrogatus, qui mecum litem contestatus est, vel cum quo ago, solvi judicium Marcellus scribit*: quia inter patrem et filium non potest esse lis ulla: si reus fiat mihi filius, vel actor, necesse est judicium periri: quia res recidit in eam causam, a qua incipere non potest. Sed ait, *si mecum litem contestatus est, vel cum quo ago*. Quibus verbis significat litem contestari actorem solum, litem accipere reum, litem facere actorem. Ergo ut ad me redeam, secundum mentem Justin. et in causis criminalibus biennium, et in causis civilibus triennium numerari jubet a litis contestatione, non a ceteriori tempore, puta ab inscriptione, vel libelli datione, vel admonitione executoris, vel editione

actionis: quæ omnia præcedunt litis contestationem. Hæc ita positis cetera videamus. Justin. hæc Const. excipienda sunt tantum esse causas fiscales, et eas quæ sunt de muneribus publicis, vel honoribus: excipit primum causas fiscales; nec tamen declarat intra quæ tempora peragendæ sint, et nescierunt interpretes, quoad prodit Constit. Græca, id est, *l. ult. inf. de jure fisc.* quæ constituit, ut causa fiscalis peragatur intra menses sex, nisi instrumentorum, vel personarum causa litem pro luci necesse sit: quid enim si instrumenta longius petenda sint? quid si testes longius evocandi? necessitatis ratio excipienda est semper in omni re, necessitati jus succumbit, *l. ult. de excus.* vel etiam nisi ipse Reus, id est, cum quo fisco res est, quasi imparatus moram judicio attulerit: tunc enim licet procuratori Cæsaris rem proferre ultra menses sex. Est igitur hæc in re melior conditio fisci, quam Reip. quia non tantum privatorum, sed etiam rerum publ. lites civiles terminandæ sunt intra triennium, fiscales intra menses sex: neque novum est, ut melior sit causa fisci, quam Reip. ut non debeat confundi Resp. cum fisco: nam primum post additionem, quæ fit auctione publica, cum scilicet ei, qui pluris licitatus est res addicitur, post eam additionem, Galli (*estrousse*) factam a Rep. amplius liceri non licet, *l. Lucius, §. ult. ad municip.* post additionem tamen factam a fisco intra certa tempora admittitur adjectio, propter utilitatem fisci, *l. si tempora, inf. de fide et jure hæc fiscalis, lib. 10.* et pariter in eadem venditionum, sive auctionum causa fiscus, qui quid vendidit, non tenetur ædilitis actionibus. Respublica, quæ vendidit, tenetur ædilitaria, et estimatoria, *l. 1. §. illud, de ædil. ed.* ac postremo fiscus habet semper tacitam hypothecam in bonis debitoris, habet privilegium, quo anteponitur creditoribus, chirographariis, etiam antiquioribus, et hypothecariis posterioribus, ut *tit. de privileg. fisc. l. aufertur, §. fiscus, de jur. fisc.* Respublica non habet tacitam hypothecam, non habet privilegium, nisi commune tempus sit, nisi scilicet ex beneficio principis, vel nisi lege propria hoc sibi vindicet, id est, lege municipali et inveterata consuetudine: sicut etiam dicitur de adjectione non admittenda post additionem factam a Rep. nisi ea in re propria lege semper usa sit, *d. l. Lucius, §. ult. ad municip. l. 2. de ju. reipub. lib. 11.* unde elicienda est interpretatio *l. Antiochensium, de reb. auct. jud. post. alias de privileg. cred.* verba hæc sunt: *Antiochensium Cæsaræ ymæ, etc.* videtur res repetenda ex historia. Fuit Antiochia celeberrima civitas, quæ multa habuit privilegia a principibus. Legitur primum Severum Antiochensibus ademisse multa, quod se administrante in Oriente derisissent,

ut scribit Spartianus: idem scribit Vulpianus de Antonino, cum Antiochensibus, quod Avidio Cassio tyranno consensissent, sustulisse spectacula, et multa alia civitatis ornamenta. Pone igitur: Severus vel Antoninus ademit beneficia quæcumque concessa erant Antiochensibus: quæcumque modo Antiochenes, an etiam si sint adempta beneficia principum, possint uti adversus debitores suos jure tacite hypothecæ, an etiam privilegio adversus creditores priores hypothecarios, et contendunt hoc non esse ademptum, quia habent hoc non beneficio principum, sed sua lege, more ducto a majoribus suis, semper jure tacite hypothecæ usam Rempub. Antiochensium: et Papin. respondet ei civitati jus pignoris durare, id est non videri ademptum a Severo: qui ademit beneficia omnia, quia scilicet sua lege, id est lege propria, vel more inveterato hoc privilegium in bonis defuncti habuit et exercuit Resp. Ceterum Resp. privilegium illud non habet, quod fiscus habet semper: proinde hæc Constit. Justin. excipit causas, quibus agitur de muneribus et honoribus publicis: est quædam propria et specialis lis de muneribus et honoribus. In *l. pen. de var. et ext. cog.* proponuntur quatuor summa genera cognitionum: primum hoc est, cum agitur de muneribus et honoribus: secundum cum de re pecuniaria: tertium cum de existimatione alicujus, quod potest esse criminale vel civile judicium, ut actio tutelæ, vel cum agitur de capitali crimine. Est igitur proprium litis genus de muneribus et honoribus, cum consideratur persona ejus, cui honor deferatur, an sit idonea, cum spectatur origo natalium, cum executionuntur facultates, an sint muneri solvendo pares; consideratur etiam lex municipalis, secundum quam honoribus fungi oportet, *l. honor, §. de honorib. de mun. et hon.* Sed intra quæ tempora peragendæ hæc cause sunt? intra tres menses, *l. generali, de decurion. lib. 10.* si queratur, an quis sit decurialis, ac proinde non possit invitus vocari ad munera civilia, et contendat quis forte non esse curialem: hujus rei disceptatio finienda est intra tres menses: nonnunquam intra quatuor: ut si quis vocetur ad munus tutelæ, quod est publicum, et excuset se: nam causa excusationis est peragenda intra menses quatuor, *l. quinquaginta, de excusa.* Excipiamus igitur ab hac Constit. causas fiscales, et causas quibus agitur de muneribus et honoribus, sed has tantummodo excipiemus: Justinianus ait, *tantummodo.* Sed in Novellis adiecit alias: primum actionem ex testamento, quam vult omnino intra annum terminari, si petatur legatum, si fideicommissum, si libertus ex assignatione, si libertas, ut hæc res voluntatem defuncti exequatur intra annum, vel si velit litigare, ut lis ea finiatur intra

annum, ne mora fiat voluntati testatoris, Novel. 1. de Ecclesiarum favore, aut ministrorum, qui Ecclesiis deserviunt, vel præsuerint etiam: ut si quis forte electus Episcopus criminis insimuletur, ut accusator, qui statim ab electione prodit consecrationis impediendæ causa, eam accusationem intra menses tres peragat, Nov. 123. §. ceterum. si quis: et ut si clericus, qui serviat cultui divino reus deferatur ad præsidem provincie, terminetur hæc causa intra duos menses, Nov. 83. sed licebit etiam hoc amplius excipere generaliter eas quæ celeritatem desiderant, quæ summam expediantur, et de plano: hæc enim noluit in hæc questionem includere: ut si sit questio de naufragio, de rebus, quæ ex naufragio perierunt recognoscendis: hæc causa meretur celeritatem aliquam, et tamen annus præstitutus est, vel biennium pro locorum intervallo, l. 2. et pen. inf. de naufrag. lib. 11. et nuntiationi novi operis tres menses: hoc etiam meretur celeritatem, ne inchoatum opus imperfectum maneat, ut cito definiat iudex, abstinere debeat edificio, an exequi, l. ult. de æd. f. privat. Et similiter si magistratus deposite administratione misso successore conveniatur civiliter vel criminaliter eorum nomine, quæ gesserit in magistratu, non ante potest excedere provinciam, quam se purgaverit: sed tamen ne diutius morari cogatur, curare debet iudex hujus rei, ut rem finiat intra 20. dies, ex l. 1. §. ult. sup. ut om. jud. tam civ. quam crim. Sed generaliter potest tentari, posse adjici omnes causas, quæ celeritatem desiderant, ne scilicet licet eas prorogare in triennium hoc argumento: Olim cum hæc instituebatur ex rescripto aliquo principis, quod extraordinarium iudicium dicitur in tit. de dilation. l. 2. inf. debebat intervenire sollemnis denuntiatio, et editio rescripti, dabanturque certa tempora ad denuntiandum, ex quo quis faciebat litem: et illis temporibus finitis ex causa dabatur reparatio denuntiationis, de qua in tit. de temp. cur. et repa. denunt. C. Th. quæ omnia sunt abolita. Sed tamen cum obtinerent, excipiebantur causæ quædam, quæ celeritatem desiderant, ut momenti causa, quæ vocatur celeris reformatio, l. momentaria, inf. unde vi: et in ea non observabantur ea tempora: pari ratione videntur non esse observanda tempore biennii vel triennii. Sic et l. 6. et 7. C. Th. de denun. et edit. res. causa Ecclesiastica, et actio si certum petatur, cum quis repetit quod mutuum dedit, et actio ex testamento, et actio tutelæ vel curationis propter utilitatem pupillorum. Ad hæc interpretes quærunt, an aliquid huic Constit. Justiniani, quia præscribitur triennium, derogaverint Novellæ: molisunt Nov. de litigiosis, quæ videtur aliqua ex parte huic Constit. derogare. Et verior est Placentini sententia,

per Nov. 112. de litigiosis, huic Constit. derogari. Nam si post contumaciam vel actor vel reus vocandus sit edictis tribus, intermisso apatin singulis edictis dierum 30. ex ea Nov. unde sunt menses tres, et post tria edicta expectandus sit annus tantum, ad finem anni ferenda extrema sententia, cum tamen ex hac l. post tria edicta sit expectandus vel reus vel contumax usque ad finem triennii, ut hic definitur aperte: consequens est huic constitutioni derogari. Novella non dicit usque ad finem triennii, sed ad annum, quæ derogatio est apertissima: nulla tamen in re alia huic Constit. aperte derogatur. Deinde quærunt an triennii præscriptio valeat in causis appellationum: dic non valere: nam causis appellationum alia tempora præstituta sunt, ut peragantur intra annum, vel si qua iusta causa exigat tempora proferri intra biennium, l. ult. §. illud, de tem. et repar. appell. Novel. 49. et 50. et 126. Tertia questio est an triennium possit prorogari consensu partium, an consensus partium possit efficere, ut licet iudici rem proferre ultra triennium: respondetur non licere, non plus valere pactionem privatorum, quam jus publicum, constitutionem hanc legem dixisse iudici non litigatores, et hoc ut verissimum existimem, facit l. 2. C. Th. ut int. an. qu. crim. term. Est jus antiquum sed ubique manet, suntque ex eo ducenda argumenta, nisi cum palam huic derogatum est: præscribitur hac Constit. annus: sed si non sit causa proferendæ causæ criminalis in annum, si possit iudex eam dirimere citius, et nulla sit causa dandæ dilationis, debet eam mox finire non expectatis anni moris, nisi actor et reus voluerint communi consensu annum a iudice observari, dum sperant interim se habituros complura documenta litis suæ: nam volentibus litigatoribus assentiri debet iudex. Voluntas itaque litigatorum aliquid potest, sed intra legitima tempora: nihil potest ultra legitima tempora. Itaque si voluerint rem proferri, id possunt tamen usque ad legitima tempora. Ultima questio est hæc, an si forte Iudex sententiam dixerit post triennium, valeat sent. non potest valere sent. dicta post triennium, quia precepta est l. a, contingit mora litis: ubi lis mortua est, nulla res est, l. 2. judic. sol. Plauto dicitur res mortua, occisa, animam efflasse: lis mortua est, cuius institutio amissa est, non etiam actio: et ita l. 3. quæ in fr. cred. lite mortua nulla res, ac proinde fidejussores iudicatum solvi liberantur: si lis mortua est, nulla potest consequi sententia: nam sententia est litis definitio, et post triennium finita sententia desit iudex esse: quid igitur? reintegranda est actio refutis sumptibus litis ab eo, qui produxit litem ultra triennium: vel si iudex moram fuerit, iudice mulcato et mutato: lis igitur ex integro

movenda apud alium judicem. Nec putem huic definitioni triennii jure pontificio derogari, *ca. pen. de judic.* ex quo vulgo definiunt triennio non terminari instantiam: perperam: nam hæc est species. Archiepiscopus Ravennas dicebat se jurisdictionem habere in civitatem Serviam: negabant cives civitatis ejus, et lite mota apud judicem delegatum cives, quod causæ suæ disiderent rem protraxerunt moris et cavillationibus ultra triennium: post triennium tracta, dicunt peremptam esse instantiam, et nolunt respondere coram judice delegato, quia perempta instantia litigatores obtemperare non coguntur judici: constituitur, ut judici delegato liceat rem finire ultra triennium, et cogere cives illos, ut litem exequantur, quia per eos stetit quominus causa intra triennium expediretur: illi moram attulerunt judicio, et volunt moram sibi opitulari: non æquum est, non patitur, *l. reus, de muner. et honor.* Reus post annum potest honores petere, quo anno finitur reatus, nisi per eum steterit, quo minus causa intra annum finiretur, quia tunc anno non finitur reatus. Cum Justinianus causis civilibus finiendis earumve instantia perimenda præscripsisset triennium: si tamen ultra triennium res proferatur, aut ita adducatur, ut sit ultra triennium producenda, judex prospiciet. Et ita distinguit, aut moram judicio adfert actor, aut reus, aut judex, aut advocati.

Ad §. 1. Et si quidem.

§. 1. Et si quidem pars actoris cessaverit, quatenus multiplici dilatione reus fatigetur, et triennii meta post litem contestatam jam prope finem veniant, ut semestre tempus tantum ei supersit, licentia erit judici per executores negotii actorem requirere parte fugiente ex una parte actoris absentiam incusante, et judicibus omnimodo suas aures hujusmodi questionibus reserantibus, et si per tres vices hoc fuerit subsecutum, decem dierum spatium per unumquemque introitum destinato, et nec ita pars actoris fuerit inventa, et neque per se, neque per procuratorem instructum pervenerit, tunc judicem negotii acta apud se confecta conspiciere censemus.

De actore agitur in §. *et si quidem*: si post litem contestatam actor absit, nec completam litem exequatur, constituit Justinia. ut reus ex una parte, id est, etiam absente adversario possit queri de absentia actoris, et ut audito reo judex evocet actorem per apparitorem, vel tribus edictis, vel tribus literis, ut Paulus ait §. *Sent. tit. 5. et l. absentem §. adversus, de pæn.* Videtur hic Justinia. loqui de tribus denunciationibus tantum. Sed nihil refert tres fuerint denunciationes, vel tria edicta, vel tres

literæ. Edicta publico loco adfiguntur, literæ mittuntur a judice: denunciationes fiunt per officium, sive executorem litis, et ideo male in *l. contumacia, de re jud.* Contumax, inquit, est qui tribus edictis evocatus, vel uno pro tribus literis evocatus, legendum, vel literis evocatus, presentiam sui facere contemnit, ut in *Senten. Pauli.* Additur et post tria edicta quartum, quod peremptorium dicitur, ut *l. et tertium, de judic.* et hæc omnes dicuntur legitimæ induciæ, quæ dantur absentibus ut veniant et liti subsistant. Rodericus 3. de gestis Frederici, cap. 17. *legitimas inducias jurisperiti vocant judicis edictum unum, mox alterum, et tertium.* Quarto edicto judex comminatur, se absente adversario cogniturum et pronuntiaturum: sed non necessario datur etiam quartum edictum: sufficient enim tria edicta si ita judici videatur, *l. 2. et l. tres, C. quomodo et quan. jud.* non dantur etiam necessario tria edicta: nonnunquam enim datur statim unum pro tribus, quod dicitur peremptorium, *d. l. contumacia, l. nonnunquam, de judic.* hoc totum positum est in arbitrio judicantis, ut pro conditione causæ, vel personæ, vel temporis edictorum ordinem moderetur, modo utetur uno pro omnibus, modo tribus, modo quatuor. Cum autem dantur edicta tria, necesse est intermitteri aliquod intervallum: ex hac *l. spatium 10. dierum*, quod congruit cum jure veteri, *l. ad. peremptorium, de judic. l. ult. inf. de delatoribus lib. 10.* et interponuntur hæc edicta, ut hæc Constit. declarat prope finem triennii, et finem trienni ita definit Justinia. si semestre tantum tempus supersit ad explendum triennium: quæ in re imitatus videtur esse quod est in *l. non tantum, in princ. de excus. tut.* proximum pubertati eum videri, cui reliqui sex menses sunt ad compleendam pubertatem, et utitur isdem verbis, quibus hic Justinianus, quod potest plerisque rebus usui esse, cum queritur, quid sit prope finem certi temporis rem pervenisse, quid sit proximum esse pubertati adolescenti æve, si videlicet sex menses modo supersint: nam et hujus articuli temporis aliquam definitionem tradi par erat: ex Nov. de litigiosis 113. in §. *si vero causam* intermittuntur dies 30. et adversarius quocunque tempore citari potest statim atque abesse ceperit, citari potest edictis tribus, et post tres citationes expectatur annus: igitur ex ea Novell. 113. ea edicta non interponuntur prope finem triennii, sed cum primum abesse ceperit adversarius, et præsens adversarius hoc desideraverit. Et ita si maturius data sint tria edicta, absens expectabitur, et deinde sive venerit, sive non, res definietur a judice: hic est igitur ordo edictorum. Modo videamus quid fiat si absens edictis non paruerit, si non obtemperavit: incidit in contumaciam, et contrahitur ere-

eremodiciū, ut ait in hac Constit. Est constit. hæc tota tracta ex sermone Græco, tota Græca phrasi conscripta: nam et reos hæc Const. vocat fugientes, sicut Græcis *φύγοντες*, et *δυναμῶντες* actores. Græcis dicitur actor *δυναμῶν*, quod est fugare, reus *φύγων*, id est, fugere. Et in hac constit. quod dicit ex una parte Græcis est *ἐκ τοῦ ἑνὸς μέρους*, et *μὴ παρόντος*. Ac proinde ait post tria edicta si illis non obtemperaverit absens, actor contrahit eremodiciū. Ererodicii pœnæ hæc sunt, primum ut possit iudex disceptare *μὴ παρόντος*, id est, non præsente altera parte: lis contestatur utraque parte præsente, cum perorant ambo præsentes, ut est in 12. tab. nec potest esse contestatio litis, quin utraque pars præsens suæ causæ merita enarraverit coram iudice, testibus præsentibus: sed lis, quæ semel contestata est, etiam agenda est utraque parte præsente: regulariter nullum est iudicium, si causa agatur absente parte altera, si absens condemnatur non contumax, non denunciatus solemnī edictorum ordine, etiam si præsens absenti condemnatur, nulla est sententia *l. ea quæ inf. quom. et quan. jud. l. certum, §. si quis, de confess. sed adversus contumaces pronuntiari potest, vel etiam pro eis, ut inferius dicitur, et causa agi potest illis absentibus, etiam si fuerit criminalis: modo tamen non damnetur absens capitali crimine: nam etiamsi absit per contumaciam, non potest damnari capitali crimine, damari tamen potest crimine non capitali, quæ est distinctio legis absentem, de pœn. hæc est igitur pœna contumacis, ut posteaquam incidit in contumaciam, quod fit si tribus edictis non paruerit, si tria edicta contempserit, causa agi, et definiri possit *μὴ παρόντος*, contra regulam juris ex una parte, quod etiam singulariter receptum est in causa appellationis, *l. ult. ad Trebell. l. ult. §. illud, de temp. appellat.* et ut in causa appellationis potest etiam pro absente pronuntiari, si ab eo magis stare videatur æquitas, Nov. 49. ita etiam si quis absit per contumaciam, nonnunquam potest pro eo pronuntiari, *l. et post edictum, de judic.* et hac Constit. iudex enim cum absens incidit in contumaciam, primum rem disceptat, quasi utraque pars præsens esset. Itaque si æquitas ab absente stare videatur, pronuntiabitur etiam pro contumace: sed sicut in causa appellationis si vicerit forte absens, reddit sumptus totius litis ei, qui victus est, Nov. 49. ita priori iudicio si vicerit absens et contumax, reddit omnes sumptus litis victo, ut hac constit. aperte definitur, quæ est altera pœna contumaciæ: prima hæc fuit ut causa agatur et definatur *μὴ παρόντος*. Secunda hæc est, ut etiamsi vicerit contumax, non observetur regula juris, quæ vult victum victori condemnari impensarum nomine. Nam ex diverso victor condemnabitur expensarum nomine: atque ita*

victoria pervicacia plectetur. Hæ igitur sunt duæ pœnæ ejus, qui absens est per contumaciam: quid est eremodiciū? est *ἐρημὸν δίκην*, cum abest adversarius, id est, lis deserta; et si quæris definitionem: Ererodiciū est desertio litis contestatæ, sive causæ dictio ex una parte tantum: male vulgo innuumeri confundunt vadiimonium, et eremodiciū, et litem contestatam: dicunt enim eremodiciū esse desertionem vadiimonii: nos; esse desertionem litis contestatæ, et aliud esse vadiimonium, aliud litem contestatam: desertio vadiimonii est desertio promissionis iudicio sistendi causa factæ ante litem contestatam, *l. 4. §. quesitum, et l. 5. §. 1. si quis caus.* longe aliud est desertio litis contestatæ, quæ desertio magis punitur: nam desertio vadiimonii si is, cui dies datus est, non venerit, non coercetur damno litis, desertio litis contestatæ coercetur damno litis: et hæc est tertia pœna contumaciæ: nam si absens per contumaciam damnatus fuerit, et postea supervenerit, non poterit ex integro causam agere, vel etiam si absens per contumaciam vicerit quod aliquando accidit, et reversus dicat nondum plene sibi satisfactum esse: non poterit ex integro litem inchoare: quod hac constitut. est expressum. Igitur sive condemnatus fuerit, sive vicerit, non potest ex integro causam agere, quam dicit non plene discussam: quin etiam non poterit appellare, *l. ex consensu, §. ult. de ap. l. et post. edictum, §. ult. de judic. l. 1. inf. qu. app. non recip.* et hoc est quod dicitur in *l. contumacia, de re jud. c.* contumaciam coerceri damno litis, quia scilicet lis non potest ex integro agi, nec appellare licet a sententia. Perit igitur lis, moritur lis, moritur et actio, nec infirmari provocatione iudicatum potest: quod non ita evenit in desertione vadiimonii: nam et cum quis deseruit litem contestatam, iudex ad finem triennii fert sententiam definitivam: cum vero quis ad diem dictum liti contestandæ non adest, iudex non fert sententiam definitivam: sed si abesse perseveret adversarius, cum quo res est alteri, iudex de re cognoscit animatim, et actorem præsentem mittit in possessionem ejus rei, de qua agitur, non ei rem addicit, quia non fert definitivam sententiam, vel rem præsentem relinquit observatione iudicii. Igitur non fert sententiam definitivam, Novell. 53. et *l. 9. inf. ubi in rem act. ex. deb.* sed tamen non inficior Nov. de litigiosis, hæc esse commutata: nam ex ea etiam ante litis contestationem contrahitur contumacia, non eremodiciū, quia nondum fuit lis, nondum *δίκη*, lis non dicitur, nisi sit contestata. Sed dixerit aliquis non male ex ea Novel. aut litem contestatam contrahi contumaciam, cujus plectendæ ratione possit iudex una tantum parte præsente litem disceptare, peragere, definire: atque ita si quis contumax fuerit ante litis conte-

stationem, si denuntiationibus non paruerit, sive post litem contestatam, lis extinguetur postrema sententia iudicia, nec licebit eam restaurare absentem, nec appellare. Potest et alia differentia tradi inter desertionem vadinonii, et desertionem litis contestate, quod deserat vadinonium reus, contrahat eremodicium et actor et reus, id est, quilibet adversarius absens, *l. cum quærebatur, jud. sol.* Attulimus aliam in *l. ait prætor, §. ult. de minor. 25. an.* Sed ad rem. Liqueat ex his, quæ diximus, contumaciam plecti damno litis: litem ergo extingui, et actionem interire, non tantum instantiam interire, sed etiam actionem: quod tamen non est perpetuo verum: nam accurate Justinian. distinguit hac Constitut. nam cum actor abest post litem contestatam, evocandus est prope finem triennii, si non paruerit edictis, atque ita inciderit res in eremodicium, ita distinguendum est: aut non liquet iudici de re tota, aut liquet: si non liquet iudici ex actis, ita ut non possit liquido pronuntiare de re, quæ in iudicium venit, absolvet tantum reum ab observatione iudicii, quo genere perimitur instantia tantum, non lis, ne cogatur amplius eo iudicio interesse: lis manebit, poteritque reintegrari: actio manebit, eaque licebit rursus agere vel apud eundem, vel apud alium iudicem: et præterea absens damnatur expensarum nomine, quæ æstimantur iurejurando rei: fidejussores etiam dati a reo iudicio sistendi causa, vel iudicatum solvi liberantur ipso iure, quia instantia perimitur. Cum autem iudici liquet, tum debet etiam in absentem, vel etiam in præsentem sententiam definitivam pronuntiare, quæ non tantum instantiam perimit, sed etiam litem translatam principali actione in actionem iudicati: nam remedio appellationis eadem lis rursus introduci non poterit: et similiter cum adversarius evocatus est edictis tribus, quibus singulis dicitur dies illi, ut adsit decimo die, hodie tricesimo postremo die, quo adesse iussus est, edicto postremo: solet etiam absens adversarius in foro voce præconis citari, *l. et post edictum, de judic.* ex qua sumptum est, quod hodie videmus fieri, in foro citari absentem ad ostium tribunalis. Igitur non satis est proponi tria edicta: sed adhibenda est etiam vox præconis, quæ die cognitionis evocabit absentem, et si non comparuerit, res peragetur. Sed si venerit, si præconi responderit, vis edictorum circumducatur, quia non faciet iudex quod se factorum est: nam etsi forte adsuerit is, qui edictis evocatus est, absuerit autem qui edicta illa impetraverit, adversus absentem lis non definitur, non pronuntiabitur secundum absentem: sed instantia perimitur, id est is, qui venit, et vocationi paruit, absolvetur observatione iudicii circumscriptis edictis, quod Græcis est *ἰπὸν λύειν*, *casser le défaut, donner*

congé. Lis tamen non perimitur: nam licebit ex integro causam agere cum alter relierit, qui cepit abesse adversario veniente: et hæc est sententia *l. et post edict. de judic.*

Ad §. 2. Sin autem.

§. 2. Sin autem reus abfuerit, et similiter ejus processerit requisitio, quemadmodum pro persona actoris diximus, etiam absente eo eremodicium contrahatur, et iudex, secundum quod veteribus legibus cautum est, ex una parte cum omni subtilitate causam requirat, etc.

Diximus de actore, qui per contumaciam abest: hodie dicemus de reo ad *§. sin autem reus.* Reus incidit in contumaciam si tribus edictis vel denuntiationibus evocatus sui præsentiam facere contempserit: post tria edicta habetur pro contumace, non ante: et sicut dictum est de actore, per singula edicta, quæ publice proponuntur, vel per singulas denuntiationes, quæ fiunt per apparitorem, intermittere etiam debet spatium decem dierum: supra dixit per unumquemque introitum, introitum ad iudicem scilicet: nam absenti evocato edicto, sive denuntiatione prima dicitur dies decimus, ut eo adsit in iudicio: quo sive venerit, sive non venerit altera pars, quæ præsens fuit iudicium ingreditur, rursus inculcat absentiam adversarii, *il demande défaut, ou congé* edicto si non paruerit adversarius ingreditur iudicium, et postulat alterum, et tertium postea, cujus tertii edicti die rursus iudicium ingreditur, et postulat ut habeatur pro contumace, habita pro unoquoque introitu semper expensarum ratione. Contumaciæ autem rei eadem est poena, quæ actoris, ut absente reo per contumaciam eremodicium contrahatur. Et ait Justinianus in hoc *§. etiam absente eo*, id est, reo, *eremodicium contrahatur*: quo articulo, *etiam*, hoc significatur: non tantum absente actore, sed etiam absente reo per contumaciam eremodicium contrahi, id est, litem haberi pro deserto, et agi, discrepturi, definiri *μὲν οὐκ ἔστιν*, non conflictu partium mutuo. Igitur in eremodicium incidunt non tantum rei, sed etiam actores: alii solos actores, alii solos reos: utrique decipiuntur et actores et rei, si absint per contumaciam, contrahunt eremodicium, quod apertius significatur in *§. cum autem*, quod in Codice Gallico est his verbis expressum: *quand la cause est ainsi menée, qu'il n'y a qu'une des parties, et celle du demandeur, ou celle du défendeur*, uterque contrahit eremodicium, et omnino *ἑπὶ τῇ δίκῃ*, et *μὲν οὐκ ἔστιν* idem est, cum scilicet causa agitur una tantum parte præsentem, et sit condemnatio vel absolutio sententia definitiva contra regulam juris, quæ vult causam contestari, agi, definiri utraque parte præ-

sentie, et ita in Nov. 69. καταδικάζειν καὶ ἀπὸν κατὰ τὸ καλούμενον τῶν ἀντιδικίων σχῆμα, id est, *condemnetur etiam absens secundum formam eremodicii*: quasi licet causa redierit ad eremodici-um, ut jam iudex cogatur eam expedire *μὲν* *πρὸς*: et ita Hesychius recte εἰρήνη μὲν *ἐξ* *αὐτῆς*. Idem est cum scilicet causa agitur una parte tantum presente, et sit condemnatio, vel absolutio sententia definitiva, contra regulam juris, quæ vult, causas contestari, agi, peragi, definiri utraque parte presente: sed quid ageres adversus contumaces, nisi liceret *μὲν* *πρὸς* causam expedire: et ita in Novel. 69. *condemnetur etiam absens secundum formam eremodicii*, scilicet si causa re-iderit ad eremodici-um: ut jam cogatur iudex eam expedire *μὲν* *πρὸς*. Et ita Hesychius rectis-sime, εἰρήνη μὲν *ἐξ* *αὐτῆς* *ὅτι* *ἐστὶν* *μὴ* *ἀντιδικία*, lis quæ agitur una tantum parte presente, cum scilicet reus, quod non concurrat ad iudici-um, con-demnatur: sed restringit: Hesychius, εἰρήνη *ἐξ* *αὐτῆς*, ad reum non occurrentem ad iudici-um, cum tamen nos extendamus etiam ad acto-rem litem inchoatam deserentem: absens reus, de quo hic agitur, ex contumacia condemnatur si ob-noxius reperitur, et quod ait *obnoxius*, est ex Græco, ὀνόμας, videtur tota hæc lege Justinia-nus Græce loqui. Igitur condemnabitur, vel etiam absolvetur: nam et pro contumace dicenda est sententia, si id bonitas causæ illius exigit: con-demnatus autem si fuerit reus absens, sententia erit perducenda ad effectum auctoritate iudicis, qui condemnavit, si jurisdictionem habuerit, vel si jurisdictionem non habuerit: veluti iudex datus auctoritate ejus, qui cum iudice dedit: nam qui iudicem dedit, exequitur iudicis datæ sententiam, non ipse iudex datus: dicta enim sententia desinit esse iudex, et iudex datus cognitionem tantum ha-bet, ac perinde sententiæ executionem non habet, sed quod pronunciavit, exequitur idem, qui dedit capitis pignoribus, l. a Divo Pio, de re jud. Et hoc est, quod ait hoc loco, *per res et facultates fugientes victori satisfiat*: et præterea reo con-demnato ac post condemnationem reverso non li-cebit litem redintegrare, non licebit datis fidejus-soribus possessionem captorum pignorum recipere: hæc poena contumacis, ut plectatur damno litis: nam nunquam potest litem restaurare, nec si of-ferat fidejussores, nec si appellet: nam damnato etiam ex contumacia non licet appellare, l. ex con-sensu, §. ult. de appel. et l. et post edictum, §. ult. de judic. l. 1. inf. quo. app. et Nov. 82. et ex eo petendo est ratio, quam vulgo ignorant, l. liberto, §. litem, de neg. gest. species hæc est: reus litem contestatam deseruit et evocatus edictis iudicis non rediit, frustrator est, qui litem, et ju-

dicem, et adversarium frustratur, et moratur: cum ita reus abesset ex contumacia, quidam ultro ex-ans amicis obtulit se non defensionem litis, igitur non suscepit defensionem litis, hoc enim si fecisset purgasset frustrationem rei, sed allegavit tantum causas absentiae: quod etiam in criminali-bus est permissum. Nam licet reus criminis accusa-tus non possit per procuratorem, vel gestorem de-fendi, l. pen. de pub. jud. potest tamen causas absentiae allegare per procuratorem, vel per gesto-rem: et ubicumque absens potest damnari, ibi qui-libet pro eo verba faciens, et absentiam ejus excu-sans, ut audiat *æquum est, et ordinarium*, ait, l. servum, §. publice, de procur. *æquum et ordinarium est*, pro nsitatum et rectum, male illud, *ordine et recte factum*, et citat rescriptum Imp. quod est in l. 3. inf. de accus. Igitur in specie §. litem cum reus litem deseruisset, amicus ejus ultro egit excu-sans absentiam rei, defensionem rei non suscepit sed tantum absentiam excusavit ne damnaretur eremodicio. Queritur an edicta sententia contra absentem, videatur negotiorum gestor ille contraxisse culpam, quod a sententia dicta contra absentem non appellaverit, et an eo nomine teneatur actio-ne negotiorum gestorum? minime, quia inquit, *frustrator condemnatus est*: quod sic explicant: quia amicus non est condemnatus: sed ratio hæc est, quia ex contumacia condemnatus est, et ejus nomine appellare non licet, et ob id culpam non con-traxit si non appellavit, cum nec possit appellare: alioqui sententia dicta in absentem pro presente, vel in presentem pro absente, nullius momenti est, si non abfuorit per contumaciam, id est, si non fuerit edictis solemnibus citatus prius in l. ea quæ, inf. quom. et qua. jud. Et male distinguit inter acto-rem et reum Accurs. quem hic reprehendit Bartolu-s; nam sive absit actor, sive reus, modo non absit per contumaciam, sententia in eum dicta nulla est, l. 1. §. item cum ex edicto, quæ sent. sin. app. res. l. certum, §. si quis, de confessis. His ex-plicatis repetitur in hac Constit. illud, quod jam attigerat supra, nihil obstat quo minus causa agatur *μὲν* *πρὸς*, sive absit reus, sive actor per con-tumaciam: quia, inquit, *absentia unius litigatoris Dei presentia suppletur*: propterea quod tum ju-dicabant iudices sacrosanctis propositis Evangelis, quæ Dei presentis simulacrum erant iudicibus, aut esse debebant: et ideo nihil est damni, nihil periculi, et si absit pars alterutra, cum ejus absen-tia Dei presentia suppletur, nihil obstat debet metus appellationis: quia non licet appellare a sen-tentia dicta in contumacem. Et adjicitur præterea, ut sententia non dicatur in absentem ex eremodicio, nisi prope finem tricennii, cui tamen rei derogavit Nov. de litigios. §. sin autem. Ergo ante hujus

triennii finem non contrahitur eremodiciū, non potest lis deliniri, non potest periri aut mori: moritur lis: an dicta sententia? minime, nisi dicta sit ab eo, a quo appellare non licet. Sed si appellationis remedium supersit, quo extinguatur iudicium, iudicatio non moritur lis, nec sententia definitiva perimit litem. Sed cum dicitur sententia in contumacem, place lis moritur, quia non licet appellare: non potest igitur interimiri lis, nisi prope finem triennii: ante interimiri lis non potest, sed potest tantum condemnatio fieri expensarum nomine, primo vel secundo, vel tertio introitu, vel absolutio: nam hoc loco, §. *hujusmodi autem*, hęc verba, *in sola expensarum datione vel absolute*, illud *absolute*, vulgo male interpretantur⁶ ab observatione iudicii: falsa est interpretatio: nam sicut in absentem sententia definitiva non potest fieri nisi prope finem triennii, ita nec dari relaxatio ab observatione iudicii. Non ergo loquitur de interitu instantiæ, sed de absolute tantum expensarum: nam plerumque iudex absenti qui primo edicto non paruit, si forte amicus ejus causam absentis justam allegaverit, remittit ei sumptus litis, in quos tamen condemnandus videbatur unoquoque introitu: nam primum præsens adversarius postulat edictum primum in absentem, quo impetrato, evocat absentem die dicta decima: ea die si non venerit, queritur rursus de absentia, et postulat eum condemnari in expensas. Dat et alterum edictum: sed iudex non semper absentem in expensas condemnat: dat alterum edictum, hoc addito, ut quod primo edicto non paruerit, nulle ei restituantur impensæ. Igitur ante proximum finem triennii tantum potest fieri condemnatio expensarum, vel etiam absolutio expensarum, si ita iudex videatur, ut in Nov. 82. At prope finem triennii post illa tria edicta totius rei condemnationem faciet iudex extremam, vel etiam absolute, atque ita perimet et instantiam et litem.

Ad §. 3. Sive autem.

§. 3. *Sive autem alterutra parte absente, sive utraque præsente lis fuerit decisa, omnes iudices, qui sub imperio nostro constituti sunt, sciant victum in expensarum causa victori esse condemnandum: quantum pro solitis expensis litium juraverit: non ignorantes quod si hoc prætermiserint, ipsi de proprio hujusmodi pœnæ subiacebunt, et redire eam parti læsæ coartabuntur.*

Ad extremum hac parte Justinianus constituit, ut sive causa agatur cognitionaliter, et αὐξάνων, id est, utraque parte præsente, sive μὴ αὐξάνων, et secuta sit sententia definitiva secundum ordinem hæc Constitut. præscriptum, semper victus victori

condemnetur expensarum nomine; alioqui ut iudex, vel officium ejus ex sua substantia hujusmodi detrimentum læsis resarcire compelleretur, ut in *l. sancimus*, *inf.* id est, ut ipse iudex victori reddat expensas omnes, in quas non condemnavit victum, vel officium ejus, qui non exegit eos sumptus ex sententia iudicis. Igitur victor recipiet sumptus litium vel a victo, vel a iudice, vel ab officio iudicis: a iudice, cum iudex non habuit justam causam remittendorum sumptuum: nam excipitur hic casus, si uterque habuit justam causam litigandi: sed necesse est id adjiciat nominatim in sententia iudex, ut Novell. 82. et excipitur etiam alius casus ex §. *sive autem ex gestis*, *sup.* si pronuntiatur pro contumace, et condemnatur præsens: nam hoc casu non victus victori condemnatur in expensas, sed victor victo, si est contumax victor: quia non potuit ei jus suum auferri: non auferetur ergo suum jus, sed auferetur expensarum lucrum, quæ est sententia ejus §. *sive autem ex gestis*, male explicata ab Accursio, explicata ita recte ex Novell. 49. et declaratur hic etiam, expensas litis esse æstimandas jurejurando victoris, qui jurare potest in infinitum, *l. videamus*, §. *jurare, de in litem jur.* Itaque huic jurejurando adjicit iudex iusjurandum moderaturum, si in immensum juraverit, *l. sancimus, hoc tit.* et sumptus litis sumpto prius jurejurando iudicem æstimaturum, ac taxaturum prius: quod tamen pagnare videtur cum Nov. 82. quæ vult, ut iudex omnino sequatur iusjurandum victoris non habenda ratione impensarum: sed ita id intelligi debet, si prius iudex jussit jurari ad certum modum, tunc idem debet sequi iusjurandum, *l. si quando, inf. unde vi.* Sed si victor suo arbitrato modum expensarum edixerit, sine ulla prescriptione iudicis, iudex licet hoc iusjurandum moderari, *l. videamus, et seq. de in litem jur.* hæc condemnatio expensarum non infligitur tantum victori, sed etiam ei, qui nondum vicit, quique victurus forsitan non est, puta præsenti adversus absentem etiam ante litem contestatam, ut si reus vocatus non venerit ante litem contestatam, vel etiamsi post litem contestatam non venerit actor, vel reus, ac postea venerit nondum lite finita, non prius recipiuntur, quam refunderint impensas, *dict. l. sancimus.* Et adjicit ea *l.* hoc esse observandum sive citati litigatores, sive requisiti mala conscientia absuerint, quod vulgo explicat male. Citantur solemnia tribus edictis, et eo genere constituuntur contumaces, requiruntur sine literis, sive denunciationibus, ut Nov. 55. cap. 3. si reus in iudicium vocatus juraverit iudicio sisti, non satisfecerit, nec tamen venerit in iudicium litem contestande causa, sed latitaverit contra fidem, quam fecit, requiri debet ab apparitoribus,

et duci manu injecta, etiam in causa civili jussu in heis, et jura jurisdictio est; et si forte non invenitur a iudice ei debet praestitui dies certus, intra quem veniat, et si intra illum diem non venerit actor, nisi sit ejus evidens calumpnia, mittitur in possessionem honoris rei debiti servandi causa, *l. pen. inf. de dignit. lib. 12.* quo genere constituitur pignus praetorium, *l. misso, pro empt.* et ita captis pignoribus constituto pignore praetorio, non dum tamen vendito, si venerit reus in iudicium, non ante admittendus est ex ea *Novell. cap. 3. et ex dict. l. sancimus* quam refuderit impensas litis, quas interim fecit actor, dum eum expectat: et nisi satisfecerit iudicio sibi, pro iurejurando, nunc ab eo exigetur satisfactio: et hoc pignorum captio sit causa cognita summam, non plene. Igitur res non potest definiri ultima sententia: sed cum venerit, et restituerit impensas, ac satisfecerit iudicio sibi, tum iudex sententiam plenam pronuntiabit: summaria cognitio litem non definit: est autem hoc casus poena perjurii, ut abiens non citeatur edictis solemnibus, sed ut requiratur, et doceatur, et hoc est, quod ait *l. sancimus*, non tantum citatos, sed etiam repositos, si venerint in iudicium, cum ante abfuerint mala conscientia, non esse prius audiendos, quam ante adversario refuderint sumptus litis, et viatica, id est, itineris sumptus.

Ad §. 4. Sin autem.

§. 4. Sin autem utraque parte imminente, et litem peragere cupiente, iudex eam accipere non maluerit, vel propter amicitias, vel inimicitias, vel turpissimi lucri gratia, vel propter aliud quodpiam vitium, quod miserrimis animis huiusmodi iudicium innasci potest, litem ipse ausus fuerit protulere, et propter hoc triennium fuerit transactum: iudex si quidem in magistratu positus est, vel in maiore dignitate usque ad illustratus gradum, decem libras auri privatis nostris largitionibus inferre per scholam Palatinam compelleretur, etc.

Diximus hactenus de actore et de reo, qui moram iudicio adfert: deinceps dicetur de iudice et advocatis, qui moram iudicis adferunt, per quos fit, ut causa civiliter intra triennium non expediat, ac primum, ut proponit in §. sin autem utraque parte, si iudex rem civilem protulerit ultra triennium, minor multatur tribus libris auri, major decem inferendis in aerario privato privatis largitionibus, et quod idem est, publicis rationibus: exigitur ea multa per scholam palatinorum. Palatini sunt apparitores Comitum sacrarum, vel privatarum largitionum, sacri, vel privati aerarii, qui et dicuntur privatiani, et largitionales, qui multas inferendas

aerario privato exigunt, ut in *Nov. 117.* Multatur ergo ita iudex sive major, sive minor, qui rem protulit ultra triennium, res et lis salva manet, sed alius iudex sumendus est, non frustrator ille temporis legitimi: quid tum fiet, si forte intra triennium mutetur iudex? puta morte, vel qua alia ratione, incidente infirmitate, vel necessaria profectione, veluti rei suae familiaris periculo: his omnibus casibus necesse est alium anni iudicem, *l. Julianus, et seq. de iudic.* Queritur vero quantum temporis dederis novo iudici ad litem definiendam? quod dederit triennio, si non minus annus sit vel si minus sit annus, annus replebitur subdito iudici. Nec quicquam refragatur *leg. si Iudex, D. de Iudic.* primam enim haec Constitutio loquitur de omnibus iudicibus delegatis: ergo etiam de iudicibus datis, de quibus est *l. si iudex*, et ita loquitur de iudicibus datis, quibus is, qui dedit, nullum certum tempus praescripsit ad iudicandum: illa *l. si iudex* loquitur de iudice dato, cui magistratus praescripsit certum tempus ad iudicandum: sed et omnino congruit ea *l. si iudex* cum definitione Justiniani: vult enim, ut si iudex iudicare jussus intra certum tempus non iudicaverit, ut alius iudex detur: et si subdito iudici non sit praescriptum certum tempus ad iudicandum, ut fuerit priori, intelligantur ei tanta tempora praestituta, quanta priori: proinde si, verbi gratia, primus iudex jussus sit iudicare intra sex menses, nec iudicaverit, subditus in ejus locum iudex simpliciter iudicare jussus intelligitur iudicare jussus intra sex menses: reintegrantur ergo tempora quot fuerant priori praestituta. Sed adjicit, *l. hunc modum, ita tamen ut legitimum tempus non excedat*: quem modum Accursius ibi recte conjicit esse triennium ex hac Constitutio, nam verbi gratia, si prior sit iudicare jussus intra biennium, nec iudicaverit, an sequenti iudici dabitur biennium? minime: dabitur tantum annus, ne qualis excedat triennium: haec est sententia *d. l. si iudex*. Cum igitur moras liti attulit iudex, ita ut jam triennium sit elapsum, alius iudex assumitur, qui iudicet intra annum: ex quo apparet litem salvam manere, nec extinguere triennio: maxime quia non per litigatorem, sed iudicem causa labitur, ut in *Nov. 119. et 23.* triennio ergo actio non perimitur cum alius iudex accipitur, et male Accursius in hanc rem adfert *l. sed et si, §. ait Praetor, ex quib. cau. major.* quae ait: dandum esse restitutionem in integrum, si per iudicem, aut dilationem iudicis effectum sit ne res iudicaretur: dilatio ergo iudicii extinguit actionem, cum sit necessaria distinctio: non loquitur hic J.C. de tempore finiendae litis, sed de tempore finiendae actionis. Sunt quaedam actionibus praestituta tempora: si magistratus, dum moratur actionem dare, ita tempus actionis frustratus sit, ut exciderit actio

actori, actio perempta est suo tempore mora, aut d latine magistratus, quia distulit actionem dare. Sed requiritur est restitutionem ex ea causa fieri: perimitur sane actio suo tempore. Aliud est lis, aliud actio: lis non tantum actionem significat, sed institutum coeptumque judicium, Novella 10. Mora igitur, sive conclusio judicis, apud quem lis contestata est, non perimit actionem: longe aliter fit: si reus vel actor post litem contestatam frustrentur, et qualibet tergiversatione efficiant ne lis peragatur, hoc enim casu l cet solo triennii lapsu lis non perimitur, tamen perimitur sententia judicis, qui ex hac Constit. prope finem triennii, id est, jam imminente triennii fine debet sententiam definitivam ferre. Atque ita non triennii lapsus necem liti adfert, sed sententia judicis, quæ est hujusmodi, ut neque ex artale, neque restitutionis beneficio, neque appellationis lis possit reintegrari: itaque plane lis moritur, quia resuscitari non potest ulla ratione. Iterum dico, non perimi litem solo triennii lapsu, sed pronuntiatione judicis, si liqueat: si non liqueat, perimitur tantum instantia. Idemque sequemur omnino secundum Novellas: nam hæc Constit. loquitur tantum de his, qui frustrentur post litem contestatam, sed ex Novellis si ante litem contestatam litigatores frustrentur, si citationi judicis non obtemperaverint, idem dicendum est Nov. 112. et Leonis 108. atque ita in eum, qui ad vadimonium non occurrit, veluti ex eremodicio condemnatio fieri potest, quanquam non proprie contrahatur eremodiciu, nisi post litem contestatam: sed ex his Novellis quodammodo contrahitur eremodiciu etiam ante litem contestatam: cum abiens possit condemnari, hoc tamen exigitur, ut qui evocatus non venit ad litem contestandam post tria edicta, expectet annum, deinde in eum promatur sententia definitiva, si liqueat. Nihil huc constitut. dicit de officiis, sive apparitoribus judicium, qui tamen litis moras adferre possunt, dum nolunt eas introducere in judicium. Sed de his idem statuit Justinianus in l. ult. ut. int. centem. crim. qu. ter. ut eadem poena adficiantur, quæ judices.

Ad §. 3. Illo proculdubio.

§. 3. Illo proculdubio observando, ut si neque per alterutram litigantium partem, nec per Judicem steterit, quo minus lis suo marte decurrat, sed per patronos causarum licentia detur Judici, et eos duarum librarum auri poena afficere per scholam Palatinam exigenda, et similiter publicis rationibus aggreganda, etc.

Nunc de advocatis videamus. Mulentur etiam hæc Constit. advocati, qui moram judicio attulerunt adjecta causa in sententia, quod advocati rem

protulerint: non enim tantum fuit unus advocatus in una causa, sed plures: ut Cornicus docet: unus causam oral, ceteri dicenda suggerunt: atque inde in l. providendum, sup. de postul. de eo, qui plures et nobiliores rogavit advocatos dolo malo, sibi et suæ defensionis adesse, ut adversario subtraheret (quod fit etiam hodie fraudulenter) *paris defensionis copiam*: et adjicit de advocatis, ut coeptam causam peragere cogantur, ut non possint prius susceptum clientem deferere, nisi, inquit lex, *vel justa causa impediatur*, ut in l. rem non novam, §. patroni autem, inf. forte pendente lite advocatus, qui rem omnem non intellexerat initio, intellexit litem esse improbam, vel penitus desperatam, et ex mendacibus allegationibus compositam: tunc advocatus rectius fecerit si clientem deseruerit, quam si in ea lite perseveraverit agenda: sicut e contrario non licet clienti mutare advocatum: et eadem est ratio advocati et procuratoris, ut non possint mutari re non integra. Sciendum est advocatis honoraria prorogari, l. 1. §. D. vus, de extraord. cogn. atque etiam ut possent exigi per executores litium instantibus advocatis, qui suam operam clientibus contulerant: cogitur ergo, qui elegit operam advocati, ei honorarium prorogare: sed non si velit mutare advocatum: potest enim re integra, id est, lite nondum contestata: quod primum est munus advocati. Sic procurator ante litem contestatam mutari potest: potest ita advocatus, post litem contestatam tamen non potest advocatus mutari, nisi causa cognita, l. post litem, de procur. et l. seq. §. patroni. Illud non est omittendum, quod ait, honoraria esse prestanda a clientibus, qui dare possunt: alioqui notum est advocatos interventu Judicis debere gratuitam operam accomodare his, qui honoraria prorogare non possunt, l. nec quicquam, §. advocatos, de offic. Procons. l. 1. §. ait Prætor, de postul.

Ad §. ult. Sin vero.

§. ult. Sin vero causæ vel pupillorum, vel adultorum sint, vel aliorum sub cura agentium masculorum, vel fœminarum: ut per tutores, vel curatores, vel actores, vel eorum procuratores agantur, et eorum desidia triennium fuerit elapsu, et causa ceciderint, litem quidem nihilominus suum habere vigorem: omnem autem jacturam, quæ ex hac causa oritur, ad tutores, et curatores, aut eorum filiosque, hæredesque, et res eorum, et ad omnes, quorum in hac causa legitime interest, redundare, etc.

Postremum est de his, qui alieno nomine experiantur, puta de tutoribus, actoribus, curatoribus, procuratoribus majorum. Primum videamus de

procuratoribus majorum. Si quis litem egerit per procuratorem, et procuratoris contumacia evenierit, ut diceretur sententia ex eremodicio, quæ rescindi nulla ratione potest, nec per appellationem: an poterit restitui lis beneficio restitutionis in integrum ex clausula generali: *si qua justa causa. etc.* Si lis sit mortua contumacia procuratoris, non si lis omissa sit culpa procuratoris, non est jus petendi restitutionem in integrum, sed ei, qui causam amisit, est in procuratorem regressus per actionem mandati, vel negot. gestor. ut litem amissæ periculum præstet: pinguius succurritur pupillis, et ceteris, qui consilio, tutorum, vel curatorum reguntur, vel qui litigant per procuratores et actores Tractans hic Justinianus ultima parte de minoribus, numerat actores, tutores, curatores, procuratores: nam hi omnes possunt de jure minorum experiri. Sed quando etiam, et quomodo etiam utuntur minores opera actorum et procuratorum? cum scilicet absfuturus tutor vel curator necessarie rei causa potest actorem constituere, qui agat pupilli nomine, qui utique cavere debet de rato cum non datus sit a domino, *l. actor, rem rat. hab. l. nū. inf. de act. a tut. dan.* procurator constituitur non a tutore, quia non est dominus, soli domini procuratores dant, id est, ante litem contestat. sed post litem contestat. tutor potest, quia contestat. fit litem dominus: quia quilibet procurator post litem contestat. potest procurat. dare, poterit tamen ea causa ante litem contestat. procuratorem constituere pupillus si præsens sit, et si dari possit tutore auctore, *l. neque, de procur. l. cum et minores, inf. si adv. rem jud.* Nunc finge: tutores vel curatores vel procuratores, vel actores, qui litem minorum agitant, litem amissæ, et triennium lapsum fuisse, et causa cecidisse, quid fiet? duplici via succurreretur minoribus, restitutione in integrum ætatis beneficio; item succurritur eis actione data tutelæ, vel negot. gestor. vel ex stipulatu, vel in factum adversus tutores, curatores, procuratores, hæredes eorum, fidejussores eorum, magistratus municipales, qui eos dederunt: ut ea via minor ad jus suum perveniat. Sed videtur Justinianus significare hac ult. parte Constit. litem perimi solo triennii lapsu: nam ait, *et triennium fuerit elapsum, etc.* subjicit litem nihilominus suam habere vigorem, id est, nullum habere vigorem, ut in *l. qui fundum, §. servus, pro empt. l. Alexandrinus, inf. de Decurion.* litem ergo perire: sed damnum præstari a tutoribus, curatoribus, et ceteris, vel beneficium restitutionis in integrum dari. Sed quod dicit triennium elapsum, adsignificare videtur trienni lapsu solo litem interire: triennii lapsu solo perit instantia, *l. ult. infra, ut in cer. tem. criminal. qu. term.* id est, reus relaxabitur

observatione judicis et judicii, id est, jam non cogitur respondere amplius coram judice, et præsens esse in judicio: sed tantum abest, ut actio perimatur, ut litem contestatione perpetuetur actio, quæ est temporaria, litem contestatione perpetuatur, id est, prorogatur in annos 30. *l. aliam, de no. et deleg.* et actio, quæ erat perpetua litem contestatione prorogatur in annos 40. *l. ult. inf. de præs. 50. ann.* Quid igitur dicemus si ex contumacia sententia dicatur? lis omnino consumitur, quia redintegrari nulla ratione potest, nec jus est appellandi: excipitur beneficium ætatis, cum minores egerunt causas suas per alios, et hi per eorum contumaciam sunt condemnati: lis moritur cum nec est spes restitutionis, nec appellationis, *l. 2. judicat. solvi*: quæ scilicet deperdita est, sicut res dicitur mortua Plauto, quæ deperdita est: at cum dicta est sententia non ex edicto peremptorio, sed utraque parte præsente, tunc tentari potest etiam sententia defunctiva actionem extinguere: quia novatur actio, *l. 3. inf. de execut. rei jud.* Sed quomodo hoc datur enim pro actione pristina, actio judicati. Sed an actio ex actione, an lis ex lite nascitur? sed hæc actio judicati expedita est et facillima, quoniam habet summariam cognitionem, sicut actio jurisjurandi habet summariam cognitionem: et hac de re est singularis locus in *l. minor auctis 40. de minorib.* Judex pronuntiavit, ut minori solveretur pecuniarium fideicommissum: minor scripsit se accepisse, et debitor judicatus tantæ pecuniæ, quasi creditæ ei cautionem fecit, et hac ratione cepit deberi pecunia quasi ex causa crediti, an eo nomine potest minori competere restitutio in integrum? sic sane, quia actionem paratam ex causa judicati novo contractu redegit ad initium novæ petitionis, quod est incommodum. Sic igitur tene, quod finitur actio in judicium deducta sententia judicis, et datur actio judicati: qua ratione dicas, actionem perimi, sed non omnino recte dicas actionem perimi, quia superest restitutio in integrum: tunc igitur proprie moritur lis, cum sententia lata est ex eremodicio. Hæc erit finis, si modo adjecero quod prætermisi hodie, si ante litem contestatam moretur adversarius, cum posse damnari sententia definitiva, si de re possit liquere, hac ratione restitutum fuisse jus antiquissimum: nam et jure antiquissimo litem amittebat, qui vadimonium deserebat, non quidem statim, sed causa cognita, et expectato aliquantum temporis absente: quæ tamen causa, si videbitur stare ab absente, utique semper pro illo judex est judicatorus: sic restitutum est jus antiquissimum: nam si spectamus jus, quod est proditum Digestis et Codice, qui deserebat vadimonium, qui non veniebat ad litem contestandam, is tantum committebat penalem stipulationem judicio sisti, quæ semper

interponebatur ante litem contestatam, vel etiam iudex summam cognoscebat de re: et si non erat evidens calumnia actoris actorem mittebat in possessionem rei servandæ causa. *l. 2. inf. ubi in rem actio*. Sed hæc summaria cognitio litem non consumebat: licebat enim adversario reverso possessionem recuperare datis fidejussoribus, et litem peragere, et ita Novellæ restituerunt jus antiquissimum, Nov. de litigiosis, et Leonis 108.

Ad L. XIV.

Rem non novam neque insolitam aggredimur, sed antiquis quidem legislatoribus placitam: cum vero contempta sit, non leve detrimentum causis inferentem: cui enim non est cognitum, antiquos iudices non aliter judicialem calculum accepisse, nisi prius sacramentum præstitissent, omnimodo sese cum veritate et legum observatione iudicium esse disposituros, etc.

Lex 14. est de iurejurando iudicis et advocatorum. Postquam edidit Constit. Justinia. de iurejurando litigatorum, quæ est *l. 2. supra de iurejur. prop. cal. dan.* revocat primum antiquum morem, qui absolverat, ut iudices priusquam iudicent se obstringant religioni, et jurent in leges. Ascon. Ped. 2. in Verrem ait, solitos iudices jurare in leges priusquam iudicarent, et ob id in Pandectis sæpe religio iudicantis adducitur: *ad religionem*, inquit, *iudicis pertinet*, etc. iudex sententiam proferre debet pro ut religio suggererit, quia jurabant in leges, *l. eum quem. §. 1. de iudic. l. 2. si ususf. pet.* priusquam acciperent judicialem calculum, id est, prius quam sorte delatam provinciam iudicandi susciperent: sortito enim eligebantur iudices: et inde alii Iudices *κληρωτοί*, id est, sorte electi, alii *αἰρετοί*, id est, arbitri compromissarii, alii *κατὰ κλήρον*, alii *κατὰ αἶψαν*, καὶ κριτοὶ τῆς αἰτίας: nam id declaratur his verbis postea, *antequam primordium litis acciperent*: quod eo dicimus, quia in Constit. Justinia. calculus sicut Græcis *ψῆφος* significat postremam sententiam iudicis: utitur Græco loquendi modo, vocat etiam eadem ratione formam, ut Græci *τῶρον* vocant, id est, sententiam, *l. 1. de recep. arb. inf.* Sed hic calculus, non postremam sententiam, sed litis initium significat, et sortitionem iudicis, et hoc reducit hodie Justinia. ut similiter iudices omnes jurent in leges: iudices omnes Romani juris disceptatores vocat: quid est iudex? juris disceptator: quid est iudicium? juris disceptatio, ut Tull. ait in *Top. iudicii finis est jus*, ex quo etiam nomen: monet igitur, ut iudices jurent in leges, id est, ut iudicent semper propositis sacrosanctis scripturis, et quasi Deo teste, idque a contestatione usque ad extreme sen-

tentiæ ex periculo recitationum, *l. 2. in princ. de iurejur. prop. cal.* cum ita rem excutiunt, disceptant, definiunt, definitam recitant ex periculo, litigatoribus propositis sacrosanctis scripturis: ita omnia, quæ litis sunt videntur iurati peragere, quasi presenti divino numine. Et hæc cum ita definit illo loco, *cum etiam ipsis magis, etc. Si quidem, sic legendum, litigatores causas proferunt*, legendum, *perferunt*: perferre dicitur causam iudex, qui examinat, atque etiam advocatus, qui agit, *d. l. 2. et litigator*, qui actionem movet, vel etiam, qui vincit, pertulisse dicitur: sicut legem pertulisse, cui adscriptum est, uti rogas, *l. cum filius. in princ. de leg. 2.* at ut intelligatur hac Constit. astringi omnes iudices, libet Justinia. enumerare omnia iudicium genera: etiam eos enumerat, qui speciem tantum iudicium obtinent: nec sunt vere iudices, primum hanc Constit. vult observari ab omnibus magistratibus, et maioribus et minoribus, qui imperium et potestatem habent, deinde a iudicibus, qui a principe dantur, de quibus dictum est *l. 5. hoc tit.* qui dicuntur iudices extraordinarii, *l. 2. inf. de d. lat.* et a Paulo 8. *Sent. tit. 5.* qui a principe extra ordinem petuntur, tum ii, qui a magistratibus dantur, iudices pedanei, iudices delegati. Item ii, qui jurisdictionem aliquam habent sine Imperio, ut Duumviri, sive magistratus municipales, qui jurisdictionem habent usque ad certam summam: Imperium non habent, ut ait Paulus eodem loco, ea, quæ sunt Imperii magis quam jurisdictionis, exequi non possunt, *l. ea quæ, ad municip.* hi etiam non debent injurati ad iudicandum accedere. Item ii qui aliqua lege confirmantur, *l. pen. de iudic.* vulgo exemplum non adferunt, sed petendum ex *l. et quia, de iurisd. omnium iud.* Hi sunt quibus magistratus mandat jurisdictionem: his enim lex jurisdictionem non detulit, sed confirmavit mandatam, et quibus lex Julia videlicet iudiciorum privatorum. His etiam adiunguntur qui ex recepto, id est, compromisso adeuntur, quod iudicium imitatur: recipere est promittere: et ideo in Digestis tit. de receptis, id est compromissariis. Qui enim adeunt arbitrum, invicem promittunt poenam ni arbitrio, id est, sententiæ arbitri paruerint, atque ita vinculo pœnæ ei obtemperare coguntur qui alias non obstringerentur, et quod ait, compromissum iudicium imitari, id est interpretandum ex *l. 1. de recep. arb.* quæ ait compromissum redigi ad similitudinem iudiciorum, sed non utque semper compromissum comparatur iudicio, *l. quid ergo. §. ex compromisso, de his qui not. inf.* dicte ex iudicio infamia notari condemnatum, ut si damnetur furti, aut depositi, aut tutelæ, vel generaliter de dolo malo: sed ex compromisso arbiter infamiam non facit, etiamsi damnetur quis depositi, vel tutelæ quia, in-

quit, non per omnia sententia est: et ob id etiam ex sententia arbitri non est actio iudicati, non est exceptio iudicati, l. 2. de recep. qui arb. l. 1. sup. de re. arb. sed est actio ex stipulatu pœnæ nomine in stipulationem deductæ adversus eum, qui non obtemperat arbitrio, vel est actio ex clausula doli mali, quæ etiam compromissis adjicitur: *dolum malum abesse abfuturumque*: et si est actio ex illa clausula: est etiam exceptio doli mali: nam si sordes, aut evidens gratia ejus, qui arbitratus est, intervenerit, et ob id condemnatus nolit parere arbitrio, si conveniatur ex stipulatione pœnæ nomine, se tuebitur exceptione doli mali, l. 3. inf. de recep. arb. l. non distinguemus, §. cum quidam, eo l. tit. est igitur tantum actio ex stipulatu, vel exceptio doli mali, non iudicati actio, vel exceptio: non licet etiam ab arbitrio appellare, quem elegisti, cum tamen licet a iudice quem invitatus suscepisti: æquo animo ferre debes ejus sententiam, quem ipse elegisti, hoc jure non licet ab arbitro appellare, l. 1. et l. non distinguendum, §. et idem de recep. quod tamen in Gallia non observatur: nam ab arbitro appellare licet: non igitur per omnia arbitri perinde habetur: sed quod attinet ad iurjurandum, arbitri hac Constitutione iudicibus comparantur: idemque omnino statuendum est de arbitris, qui adveniunt sine compromisso ex Carthag. synodo can. 89. et 123. Quidam sunt arbitri compromissarii, quidam sunt arbitri, qui adveniunt sine compromisso, iurejurando interposito, nec enim pœnam interponunt litigatores, l. 3. inf. de rec. arb. quod tamen sustulit Justinian. Nov. de iudicibus nec voluit iurejurando interposito adiri arbitros, et ante eam non erant arbitri sine compromisso. Quidam etiam erant arbitri, qui dabantur a iudicibus, veluti arbitri fidei-jussoribus probandis, cum non potest iudex huic rei operam dare, l. arbitro, qui satisd. cog. vel arbitri rationibus excutiendis, quibus excussis res redibat ad iudicem, l. si cui, de cond. et demon. et l. si pater §. si Stichus, de fideicommiss. liber. l. si quis dicat, de manum. Et arbitri ad restituenda bona ex causa fideicommissi, cum est difficilis æstimatio bonorum, l. cum fideicommissum, de confess. et arbitri ad distrahenda bona, missis creditoribus in possess. ad perquirenda ea bona, quæ deteriora futura sunt mora, l. si magistratus, de reb. auct. jud. poss. et hi arbitri possunt etiam dari a iudicibus delegatis: non potest quidem iudex datus alium iudicem dare, veluti rationibus excutiendis, fideicommissis probandis: quod probat l. ult. sup. ubi et ap. quem cog. rest. in int. quidam alii sunt arbitri, qui eliguntur consensu communi partium, sive compromisso, sive iurejurando, sive auctoritate iudicis, sive vinculo ullo, cui impune non parent

nisi sit forte iudex incompetens, quem tamen faciunt competentem communi consensu: nam ei quem habuerunt pro competente iudice, cum esset incompetens, quem adierunt communi consensu non quasi arbitrum, huic parere coguntur, l. 1. de iudic. sed si is quem adierunt communi consensu quasi arbitrum, si privatus sit, sane impune non parebunt, nisi sententiam ejus sua subscriptione: confirmaverint: tunc enim obtemperare sententiæ compelluntur, l. pen. sup. de recep. arb. et ita tota sunt arbitrorum genera, qui iudices imitantur, quot iudicum: posuimus quatuor arbitrorum genera, totidem sunt iudicum: et quod diximus de arbitris, explicatur his verbis in hac l. cum ait, *vel qui ex recepto*, id est, ex compromisso, *causas dirimendas suscipiunt*: hoc est primum genus arbitrorum, vel qui arbitrium peragunt ex auctoritate sententiarum, vel partium consensu electi sunt: delendum, *sunt*; quibus verbis comprehenduntur alia duo genera arbitrorum, qui prætermissio compromisso dantur a iudice, vel qui eliguntur communi consensu: confirmat §. patroni in illo loco, *vel apud arbitros, sive ex compromisso, vel aliter datos*, id est, sine compromisso, idem etiam indicat l. ult. sup. ubi, *et apud qu. cog. rest.* hos omnes iudices vult iurare in leges, et iudicare rem totam ab initio usque ad extremum terminum, propositis Sacrosanctis Scripturis. Adjicit de iurejurando advocatorum, ut hi post litem contestatam jurent: et litem contestatam eleganter ita definit, *post narrationem propositam, et contradictionem objectam*: litis contestatio conficitur ex narratione actoris, et responsione rei: post litem ita contestatam advocati jurant se nihil præterminissuros, quod ad rem clientis pertineat, se liti injustæ, ac improbe operam non duros: et si forte susceptam postea cognoverint talem esse, ex animi sui sententia deserturos, qua sola ex causa advocatus susceptum semel clientem deserere potest, sicut etiam ex contrario non potest cliens mutare advocatum. Sed hoc debet intelligi secundum initium §. quo proponitur litem contestatam esse: nam hoc ordine procedit res, ut post litem contestatam advocati jurent et post iurjurandum non potest ipse deserere clientem nec deseritur ab illo: et quo loco hoc proponit Justinian. utitur his verbis *spreto*, verbum illud cruciat Accurs., sed omnes libri scripti auctores sunt esse delendum, et Græci vocem illam prætermittunt: *μη ἵχοντες ἀδύνα τοῦ διαζεύξασθαι ἵτερον δικαστὸν προτρέψασθαι*. Itaque comparatur hodie advocatus procuratori: nam etiam procurator post litem contestatam non potest mutari, et tamen ut secus statueretur in avvocato, quam in procuratore erat ratio: non enim mutatur nisi ex rectis causis procurator: quia liti contestatione dominus litis effici-

tur, et exequitur suo nomine, ut ait *lex 11. procurator, §. 1. de dol. mal. excep. l. ab executore, §. ult. de appell. l. nulla sup. de procurat.* advocatus non constituitur dominus litis, quia non experitur suo nomine ullo modo, sed recitat tantum jus alienum. Itaque erat quidem ratio non mutandi procuratoris, non vero advocati. Verum hæc Constit. jubet etiam non mutari advocatum post litem contestatam, quinimo si uni litigatori plures fuerint advocati, et quidam clientem deseruerint, moti forte iniquitate causæ, non potest cliens in locum illius advocati, qui rejecit clientem, alium substituere, sed cogitur esse contentus ceteris, qui secus sentiant. Verum ante litem contestatam in ipso articulo inchoandæ litis non est dubium quin mutari possit procurator, et ita est accipienda *l. præcedens, §. pen. l. ante litem de procur.* sicut constat procuratorem posse mutari ante litem contestatam qualibet ex causa.

Legem XV. exposuimus in *l. properandum.*

Ad L. XVI.

Apertissimi juris est, licere litigatoribus judices delegatos, antequam lis inchoetur, recusare, cum etiam ex generalibus formis sublim. tuæ sedis statutum sit, necessitatem imponi, judice recusato, partibus ad eligendos arbitros venire, et sub audientia eorum sua jura interponere. Licet enim ex Imperiali numine judex delegatus est: tamen quia sine suspitione omnes lites procedere nobis cordi est: licet ei, qui suspectum judicem putat ante, quam lis inchoetur, cum recusare, ut ad alium curratur, libello recusationis ei porrecto: cum post litem contestatam, neque appellari posse ante definitivam sententiam jam statuerimus, neque recusari posse, ne lites in infinitum extendantur: eodem scilicet executore necessitatem partibus per ordinarium judicem, et omne civile auxilium imponente, et arbitros eligere, et ad eos venire, et sic litem appetere, quasi arbitri fuerint ab Imperiali culmine delegati. Quod etsi ab Imperiali Majestate judex delegatus non sit, sed ab alio culmine, obtinere censemur. Dat. V. Kal. Maii Constantin. Lampadio, et Oreste VV. CC. Cons.

Lex 16. est de recusationibus judicum: judex datus recusari potest ante litem contestatam, etiamsi extra ordinem datus sit a principe, princeps ipso recusari non potest: post litem contestatam non admittitur recusatio judicis hoc jure, quia litem contestatione approbatur videtur judex, et omnino in eum consentire videntur litigatores, et recusationibus renunciare, quas forte habuerint ante litem contestationem, *l. ult. inf. de sent. et interl. om.*

*jud. non licet etiam, ut d. l. ult. et lex ista ostendit, appellare post litem contestatam ante d. definitivam sententiam: et hac in re comparatur recusatio appellationi: nam recusatio etiam non fit post litem contestatam: sed quia nec ante litem contestatam appellare licet, vel a libelli citatione, vel edicto peremptorio, vel qua alia jussione judicis emissa, ante contestationem litis: ideo distat recusatio ab appellatione: nam ante litem contestatam licet judicem recusare, cum tamen ab eo non liceat appellare: sed jure canonico nihil interest: nam appellari potest a judice, et ante litem contestatam, et post, si quis se a judice gravari existimet, *cap. super eo 2. de appell. et recusari judex potest post litem contestatam ex nova causa, ut hodie fit, cap. insinuante, de offic. deleg. et qua in causa non admittitur appellatio, nec admittitur recusatio judicis, d. cap. sup. eod.* hoc jure recusatio fit, id est, removetur judex, quasi suspectus ante litem contestatam tantum, recusatio igitur non fit nisi ante litem contestatam, ut palam desinitur hac constitutione: quod etiam potest confirmari ex jure canonico ex *cap. inter monasterium, de sentent. et re jud.* quo Pontifex causas removendi judicis, quasi suspecti censet jure dilatoriarum exceptionum: constat autem dilatorias exceptiones esse opponendas ante litem contestatam: ergo et causas remotionum, sive recusationum, quæ comparantur dilatoriis exceptionibus. Exceptiones dilatorias esse opponendas ante litem contestatam indicat *l. 19. infra de probat. l. pen. et ult. inf. de except. l. nemo, de jurisd. om. jud. l. sed etsi suscepit, in princ. de judic.* cujus generis est præscriptio fori: hæc obijcienda est in ipso limine questionis, ut ait Symmachus in Epistola ad Theodosium, loquens de procuratoria exceptione, cum dicitur procurator non jure datus, aut dicitur falsus esse, quæ etiam est dilatoria exceptio, et opponenda ante litem contestatam, *l. ita demum, et l. licet, sup. de procurat. l. filiusfam. §. veterani, et Pomponius, eod. tit. l. et ideo, de nov. op. nunc. peremptorie exceptiones, veluti rei judicata, aut jurisjurandi, aut Macedoniani, aut Vellejani opponi possunt post litem contestatam, quia dilatorie exceptiones, veluti præscriptio fori ex personis descendunt: peremptorie ex causis et rebus: illæ quia descendunt ex personis, initio judicii opponende sunt. Judicium constat ex personis his, nempe judice, actore, reo, vel procuratoribus eorum: cum igitur judicium non possit esse sine his personis, de personis prius constituendum est, quam judicium inchoetur, id est, lis contestetur, an judex sit competens, quæ est præscriptio, seu exceptio fori, an procurator vere sit procurator: sed cum dilatorie exceptiones descendat ex causis, qualis est exce-**

ptio pacti temporarii, puta si pacti sunt ne intra triennium petatur, hæc posset opponi post litem contestatam, ut quidam interpretes adnotarunt *ad l. 19. de probat.* Igitur dilatorie exceptiones, quæ ex persona descendunt, opponende sunt ante litem contestatam: his comparantur cause recusationum, cum iudex dicitur esse suspectus: nam et hic de persona iudicis agitur, iudicii principe. Igitur par est ante litem contestatam expediri, suspectus sit nec ne iudex. Et quod dicitur *in capit. insinuante*, quodque probat etiam post litem contestatam iudicem recusari, id ita accipitur, si nova quædam causa suspicionis supervenerit, quæ nulla fuerit initio litis, vel quæ non fuerit litigatori explorata initio litis, tunc licet etiam iudicem datum post litem contestatam recusare, quod a jure civili non abhorret: nam etiam si omnibus locis jure civili proditum sit, iudicem recusari debere ante litem contestatam, tamen facile hanc exceptionem admittunt, nisi quæ nova suspicionis causa intervenit, ut si contraxerit adfinitatem cum altero ex litigatoribus, vel si alteri ex litigatoribus inimicus esse coeperit, et cum alio in iudicio criminali eum postulaverit: sed ex causa, quæ nota fuit litigatori ante litem contestatam, postea non potest iudex recusari, quoniam litem contestando videtur e renuntiassse, non potest litigator de persona iudicis queri. Olim etiam auctore Asconio II. in Verr. rejectio, id est, recusatio, et ut est in veterum glossis, ὑποβολὴ καὶ ἀπολόγησις κριτῶν, fiebat statim post sortitionem ante litem contestatam, his fere verbis, quasi solemnibus, *Ejero illum iudicem, quia iniquus est*, 2. de Oratore: cur ejero? quia fiebat rejectio interposito iurejurando, sufficiebat iurejurandi religio, nec erant probandæ, vel adferendæ causæ suspicionum, Cic. de petit. consultus: *vocem adijcimus jurantes se Romæ cum Græco homine certare non posse*: sed hodie non interponitur iurejurandum: fit enim recusatio libello porrecto iudici, et adlita causa, cujus nonnumquam etiam probatio a litigatore exigitur, *l. si pariter, de lib. cau.* cujus sententia hæc est: ubi sunt mutue petitiones, conventiones, et reconventiones, mittendos esse litigatores ad eundem iudicem, nisi, inquit, *justam causam adferat quare ad eum mitti non debeat, forte si eum iudicem sibi inimicum esse affirmet*: et porrigitur libellus ei iudici, qui recusatur, vel ut declarat lex ult. hujus tit. si iudex datus, quem recusat litigator, longius forte absit, non est libello conveniendus, potest enim tunc absentem iudicem recusare apud acta præsidis provincie, si præsto sit, vel si is absit apud acta defensoris locorum, vel apud acta Magistratus municipalis: hodie etiam hæc omnia Novellis Justiniani comprobantur, et hoc tamen adjectum Novellis

Tom. IX.

53. et 82. dari a Justiniano litigatori cui bet post oblationem libelli, ante litem contestatam dies 20. ut proinde deliberet velintne iudicem datum recusare, an approbare: nec potest lis contestari antequam dies illi 20. præterierint, si nolit eum iudicem unus ex litigatoribus sequi: si quæ causa suspicionis moveat, vel dinoveat eum ab eo iudice: recusato autem iudice, hæc Constit. et ult. declaratur, aliud dandum esse iudicem vel arbitrum: esset enim absurdum si in locum dicti iudicis non daretur alius, quæ de causa is, qui recusat iudicem datum, cogitur eligere arbitros et apud eos litigare: eligi debet hic arbiter, qui subditur in locum recusati iudicis communi consensu partium, vel si non possunt consentire in novum iudicem, eligi debet nuntius præside Provincie, et eos cogente, ut consentiant in unum, vel defensorem locorum, ut Magistratu municipali, *l. ult. hoc tit.* et cogitur primus, qui recusavit aliud arbitrum optare, non invito adversario per executorem intra triduum post recusationem prioris iudicis, per executorem ejus litis scilicet, qui initio litis datus est, id est, per apparitorem, non ut Acc. male ait, per iudicem delegatum, cui mandata est hujusmodi causæ exactio, vulgo male, examinatio, quod imposuit Accurs. sed causam exigit apparitor, et cui mandata est causæ exactio, id est ἐκβιβασμός: nam et executor dicitur ἐκβιβαστής. Igitur eam exigit et exequitur apparitor, et sic recte Haloander legit *exactio*: sic apparitor dicitur executor: et in hac *l. 10. eodem*, inquit, *executore*: perperam Haloander, *in eo*, cum tamen nihil dixisset supra de exectore, sed ita est interpretandum, *eodem exectore*, qui initio ei controversiæ datus est, non alior: mutatur quidem iudex et recusatur, sed *executor* numquam mutatur, et ea ætate, qui iudicem dabat, et executorem dabat: nec enim iudex datus habebat propriam apparitionem, sed accipiebat a magistratu, et quoties res majorem apparitionem exigebat, utebatur apparitione magistratus, *Novell. de testibus*, et *Novell. de duobus reis*, quinimo intra triduum post recusationem cogit litigatorem, qui rejecit iudicem, executor arbitrum, vel arbitros eligere, consentiente adversario. Jure canonico facta recusatione, et rejectione, cognoscitur litigatores eligere arbitros, apud quos causæ suspicionum examinentur, a quibus expleatur recusatio: requiris *et cap. cum speciale, de appell. et cap. licet, de foro compet.* sed hoc non ita est jure civili nam non ita dicitur ex hac *l. et l. ult.* eligi arbitros exentiendis recusationum causis, quæ in re falsitatem abusi sunt auctores canonici, qui existimant eligi hos arbitros hac constitutione recusationum definiendarum causa, cum palam dicatur, eligi litis finienda causa. Ad summam, illo jure recusatione

13

perfecta eliguntur arbitri, apud quos executiatur recusationis causa: hoc jure eliguntur arbitri recusatione peracta agente exculore litis, apud quos his disceptatur, a quibus etiam potest appellari, ut ait *l. ult.* Ad quos vero? ad eum scilicet, qui recusatum judicem dedit, quia scilicet hi arbitri videntur subditi in locum recusati judicis, ac pro eo habentur ac si essent dati ab eo, qui judicem recusatum dederat, ut declarat hæc lex 16. in fi. proinde si dederat recusatum judicem princeps et postea si arbiter electus videbitur datus a principe, vel etiam si prætor judicem dederit, hic arbiter videbitur addictus a prætore: certum est autem a judice dato appellari eum, qui dedit, *l. 1. quis et a quo app.* proinde ab hoc etiam arbitro, qui videbitur subditus ab eodem illo magistratu, debet appellari is, qui judicem recusatum dederat. Dices: sic igitur appellatur ab arbitro, quod est contra *l. 1. de recep. arb.* Hic arbiter addictus est citra compromissum, et est judex vere, non imaginem habet judicis, ut arbiter compromissarius: sed vere judex est, vereque dicitur subditus ab eo, qui recusatum judicem dederat. Cur igitur appellatur arbiter, non judex? quia scilicet communi consensu partium eligitur, ideo arbitri nomen datur, qui tamen judex est, ut arbiter pro socio, tutela, et inde in *l. ex consensu, in prin. de appell.* arbitrum datum a Præside ex communi consensu litigatorum, si sententiam dixerit, non posse impedire, quin ab eo appelletur: unde res ita distingui debet: ab arbitro compromissario non posse appellari, ab arbitro dato a magistratu, vel ab eo, qui datus esse censetur, licere appellare, licet sumptus sit communi consensu partium citra compromissum. Postremum hoc erit, quod de hac re adnotari velim, recusari tantum, ut videtur, judices datos, judices speciales, ut ait *l. ult.* sunt enim speciales judices quando singulis litibus singuli judices addicuntur, secundum morem antiquum, et sic in *l. ult. de off. prætor. et l. 1. et l. 5. de off. prætor.* Præses vel Prætor scriptum judicem specialem dare non potest: omnes loci, qui sunt de recusationibus judicum, loquuntur de judicibus datis, non de magistratibus, quæ res fecit ut Bulgarus existimaret, Magistratus non posse recusari: et frustra in contrarium tentant ex *l. si pariter, de lib. cau.* etiam magistratum posse recusari: hæc scilicet specie, quod ibi agatur de liberali causa, de qua cognoscat solus Magistratus, quem tamen cognitorem palam posse recusari lex definit. Sed hoc etiam est falsum: nam etiam judex specialis poterat dari in liberali causa, *l. 6. de reb. cred. et l. Pomponius, et l. inter pares, de re judic.* frustra etiam auferunt *l. nemo, inf. de jurisd.* quæ non est de remotione suspecti judicis, sed de præscriptione fori, id est,

eum judex dicitur esse incompetens, non suspectus, quæ præscriptio etiam Magistratui potest opponi, et hæc exceptiones omnes, quas tentavit ad hanc *l.* adferre Bulgarus, sunt de illa præscriptione fori, non de recusatione suspecti judicis: quæ duo non debemus confundere: an igitur dicemus solos judices datos recusari jure posse? dicemus solos Judices datos tantum recusari, quia scilicet Magistratus non judicant jure ordinario, sed tantum judicem dant: non est causa ejus recusandi, qui judicem dat: Magistratus non judicabant, nisi extra ordinem, et ubi judicabant extra ordinem, affirmamus eos potuisse recusari ante litem contestatam, idque refert Nov. 98. vel etiam litigator, si nolit recusare, desiderare potest ut ei adjungatur collega, vel Episcopus *ἐκδιδάσκει*, in Nov. 13. et 68.

Ad *l. pen.*

*Certi juris est, quod concessa etiam militari-
bus hominibus judicandi facultas. Quid enim ob-
staculi est, homines, qui alicujus rei peritiam
habent de ea re judicare? cum sciamus et milita-
res Magistratus, et omnes tales homines per
usum quotidianum jam esse approbatos, ut et au-
diunt lites, easque dirimant, et pro sui et legis
scientia hujusmodi altercationibus finem impo-
nant. Dat. Kal. Novemb. Lampadio, et Oresta
VV. CC. Cons.*

Lex *pen.* est aperta, scilicet, militares homines posse judicandi officio fungi, puta Magistros militum, vel tribunos, inter militares viros scilicet; vel etiam inter privatum actorem et reum militarem: quoniam actor sequitur forum rei. Idem proditum in *l. pen. inf. de jur. omn. jud.* in qua Imper. ait, se Magistris militum concedere facultatem non tantum causarum militarium, sed etiam causarum civilium audientiarum. Simili loquendi forma usus est Cicero in Vatinius, *Eripueras senatui provincias decernendi facultatem*: et B. Philip. *agrorum suis tribunibus condonandi*, et Comicus in Capt. *nominandi istorum tibi erit magis, quam edundi copia*: sed inter privatos nullam habent jurisdictionem, nec inter militem actorem et privatum reum, *l. ii, inf. si a non comp. jud.*

JACOBI CUJACII J. C.

IN LIBRUM III. CODICIS

RECITATIONES SOLEMNES

Ad Tit. XXXI. De Petitione hæreditatis.

Primum notandum est, petitionem nihil aliud significare, quam vindicationem, *l. 28. activ in*

personam, *D. de obligat. et acti.* Sed aliam esse vindicationem specialem, id est, rerum singularum, aliam rerum universalium, *l. 1. in princ. D. de rei vind.* hæc vindicatio est rerum universalium, est enim hereditas universitas, sive universum jus quoddam successionis: est, inquam, hæc vindicatio de universitate, veluti de hereditate, quæ est petitio hereditatis civilis, vel etiam de bonorum possessione, quæ est et dicitur possessoria, sive Pretoria hereditatis petitio, vel de fideicommisso hereditatis universalis, quæ dicitur fideicommissaria hereditatis petitio, vel etiam de castrensi peculio. *l. item veniunt, §. non solum, D. de petit. hered.* quæ est petitio hereditatis ex Constitutionibus: Nam testamento filiusfamilias militis scriptum patrem, vel extraneum in peculio castrensi Constitutiones Imperatorum heredem faciunt, *l. 2. §. item si filiusfam. D. famil. erisc.* et scripto in castrensi peculio datur petitio hereditatis adversus possessorem ejus hereditatis, *l. filiusfamilias, D. de petit. hered.* Quod si filiusfamilias niles testamentum non fecerit de castrensi peculio, sed intestatus obierit, peculium castrense remanet apud patrem superstitem jure patrio, ac si esset peculium paganum, et tunc bona castrensis, quæ pertinent ad patrem, filio intestato defuncto, si quis possideat, non potest ea vindicare pater hoc judicio petitione hereditatis, sed necesse est ut experietur speciali vindicatione, ut vindicet singulas res peculiares speciali in rem actione. Denique patri est vindicatio in rem, vindicatio rerum peculiarium specialis, non universalis: non ergo petitio hereditatis, non etiam vindicatio peculii. Generalis est quidem vindicatio gregis et armenti, et equitum, nec necesse est singula capita vindicari, sed in universum vindicatur grex, sed non vindicatur sic in universum peculium, sed singulas res peculiares vindicari a possessore necesse est, nec ulla de peculio universalis vindicatio est, quamquam sit universalis conditio, *l. vindicatio 56. D. de rei vindic.* Cur non est de peculio castrensi, quasi de hereditate petitio hereditatis, patri? quia pater ea bona occupat jure suo, jure peculii, non jure hereditario, cum filius decessit intestatus, *l. filiusfamilias 18. D. ad legem Falcidiam, l. 2. D. de castr. pecul.* Ex his apparet quibus casibus locus sit petitioni hereditatis.

Ad L. l.

Senatusconsultum auctore Divo Hadriano auctore meo factum, quo cautum est, quid et ex quo tempore evicta hereditate restitui debeat: non solum ad fisci causas, sed etiam ad privatos hereditatis petitores pertinet.

§. 1. Usuras vero pecuniarum ante litem conte-

stationem ex die venditionis hereditarium rerum eo factis, qui ante possidebat, collectas, nec non etiam fructus bonæ fidei possessores reddere cogendi non sunt, nisi ex his locupletiores extiterint. Post litem autem contestatam tam fructus non venditarum rerum, non solum quos perciperunt, sed etiam quos percipere poterant, quam usuras pretii rerum ante litem contestatam venditarum, ex die contestationis computandas omnimodo reddere compellantur. PP. VI. Kal. Febr. Claro, et Cethego Cons.

Fuit de petitione hereditatis factum Senatusconsultum, quo exprimitur quid evicta hereditate per petitionem hereditatis restitui debeat, et ex quo tempore. Quæ inspectio prima occurrit in hoc tractatu: nam ubi intellexeris, quibus casibus locus sit petitioni hereditatis, mox quesieris quid in eam petitionem præter universitatem veniat, et huic rei forma datur Senatusconsulto, quo declaratur quid evicta hereditate per petitionem hereditatis restitui debeat, et ex quo tempore. Id Senatusconsultum lex prima hujus tituli ait, factum fuisse auctore Divo Hadriano, id est, ex oratione Hadriani habita in Senatu, *l. si et rem 22. l. illud 40. D. de petit. hered.* Habuit Hadrianus eam Orationem per Quæstorem, quoniam *l. item veniunt 20. §. præter hæc, D. de petit. hered.* ait Hadrianum quid de ea re fieri placeret libello complexum. Ergo per Quæstorem (qui dicebatur Candidatus Principis) ut moris erat, *l. 1. D. de offic. Quæstor.* non per se, sed per libellum recitatum a Quæstore, sive candidato; et ita Suetonius in Augusto cap. 65: *Augustus libello per Quæstorem recitato notum Senatui fecit*: libellus igitur est oratio principis recitata in Senatu per Quæstorem, quam solebat sequi Senatusconsultum congruens Orationi, et consentiens. Hadrianum auctor hujus Constitutionis vocat avum suum. Est igitur hæc Constitutio Marci Philosophi, non Titi, id est, Divi Pii, ut plerique codices male. Tito Hadrianus fuit pater non avus; cujus tamen Titi eadem hac de re Constitutio similis refertur in *l. si ipsa D. quod met. cans.* Sed qua oris sit hæc Constitutio Marci Philosophi, cum Hadrianum vocat avum suum, non ideo tamen ut quidam fecit, inscriptio legis ita est emendanda, *Imperator Marcus Aurelius Antoninus*, vulgo M. Ælius Antoninus, recte: nam et in nummis, et in lapidibus antiquis vocatur M. Ælius Adrianus.

Dux autem sunt partes hujus Constitutionis dignissime exacta interpretatione. Prima parte Marcus docet, Senatusconsultum illud, cujus fuit auctor Hadrianus, factum quidem fuisse in causa fiscali, fisco scilicet petente hereditatem, sed pertinere etiam hoc Senatusconsultum ad privatorum causas, id est, quæ fisco petente hereditatem in judicium

veniant, eadem etiam veniant privato petente hereditatem, *l. item veniunt, §. in privatorum, D. de pet. l. hered.* Ita exonerat ut fisci peteret hereditatem, quæ res ausam præbuit Principi recitandæ Orationis, quæ forma præscriberetur certa his judiciis centumviralibus. Igitur pertinet Sæduloconsultum ad omnes petitiones hereditatis: inducitur porro eo SC. differentia inter bonæ fidei possessorem, et malæ fidei possessorem. Bonæ fidei possessor est, qui se existimat heredem esse, qui justam causam habet quare bona ad se pertinere putet. Malæ fidei possessor est, qui prædonis mente res hereditarias apprehendit, qui invasit bona cum sciret ea ad se non pertinere. Secunda pars hujus Constitutionis est de bonæ fidei possessore, id est, de hīs, quæ præstare, et restituere debet bonæ fidei possessor, a quo petitur hereditas. Bonæ fidei possessor, si adversus eum judicetur, usque eo duntaxat condemnatur, quo ex ea hereditate locupletior factus est ante litem contestatam: ergo damnatur restituere fructus extantes, non bona fide consumptos ante litem contestatam: damnatur restituere pretia rerum venditarum ante litem contestatam, et pretia fructuum venditorum, quæ scilicet habet, quæve in rem suam vertit, non etiam quæ male consumpsit et dilapidavit, deperdidit, donavit, dum res sua se abuti putat, quo genere non fit locupletior. Idem erit si contemplatione hereditatis, quam putat sibi delatam, lautius impenderit, et vixerit, *l. sed et si lege, §. si quis re sua, et §. quod ait, D. de petit. hered. l. ideo*, inquit, non est factus locupletior, quo l. lautius contemplatione hereditatis impendit, id est, ut Basilica vertunt *δαφνίζου*, splendidius et lautius vixerit. Itaque non est mutandum in *latus*: et simili ratione, bonæ fidei possessor tenetur restituere pœnam pretii tardius soluti, quam stipulatus erat: nam quandoque venditor ab emptore stipulatur pœnam si tardius pretium solverit: quam pœnam bonæ fidei possessor, si consequutus sit, restituere damnatur, quoniam lucrum ex hereditate fecit, et sic damnabitur restituere arras, *l. utrum, l. sed et si lege, in princ. D. de petit. hered.* Usuras autem pretii, sive pecuniæ redactæ ex venditione rerum hereditariarum bonæ fidei possessor restituere non damnatur, quæ scilicet non accepit, vel quibus acceptis non est locupletior factus, et hæc quidem ante litem contestatam: post litem contestationem longe aliter restitutio fit, quia incipit esse malæ fidei possessor: exiguntur ab eo fructus rerum non venditarum interim ex tempore litis contestatæ percepti, atque etiam percipiendi. Itaque damnatur restituere non tantum fructus, quos percepit post litem contestatam, sed et quos percipere potuit, et percipere neglexit, quæ pro malæ fidei possessore habetur post litem conte-

statam: exiguntur ab eo etiam pretia rerum venditarum ante litem contestatam, vel pretia fructuum venditorum ante litem contestatam, quod est certum sed exiguntur etiam usuræ pretiorum ex tempore litis contestatæ. Et in summa, pecuniæ redactæ ex venditione rerum hereditariarum facta ante litem contestatam, usuræ non currunt ante litem contestatam, sed post litem contestationem ejus pecuniæ usuræ procurrunt, usuræ inquam semissæ, *l. 1. inf. de his quibus ut indig.* quæ sunt modicæ, et moderate usuræ, et comprobantur a Justiniano tam in fisci, quam in privatorum causis. Et hæc omnia, id est fructus et usuras post litem contestatam præstat possessor hereditatis omnimodo, id est, sive locupletior sit factus, sive non: ante litem contestatam ita demum si factus sit locupletior. Et hæc est sententia secundæ partis: verba hæc sunt, *usuras vero etc. qui antea possidebat*, id est: ante petitionem, et ita Tablelaus rectissime hic. Sed si hic bonæ fidei possessor, id est, qui ab initio fuit bonæ fidei possessor tempore apprehensæ possessionis, post litem contestatam res hereditarias vendiderit, quid statuendum de pretiis? nam hæc Constitutio loquitur tantum de eo qui vendidit ante litem contestatam: et hunc ait debere usuras pretiorum, computandas non ante litem contestatam, sed a die contestationis tantum, et debere etiam pretia restituere, atque etiam fructus omnes perceptos, aut percipiendos post litem contestatam. Sed quid fiet si post litem contestatam, id est, pendente lite, vendiderit res hereditarias, et pretium ex his receperit, an nihil interest vendiderit ante, vel post litem contestatam? imo multum interest: quia si vendiderit ante litem contestatam, pretii tantum, et usurarum nomine tenetur a tempore contestationis, sed si vendiderit post litem contestatam, non pretia, sed ipse res venditæ, et fructus earum in petitionem hereditatis veniant, exemplo malæ fidei possessoris, quia habetur pro prædone. Itaque curare debet, ut eas res, et earum fructus recipiat ab emptore, si extent apud emptorem, si deperditæ non sint: vel si non possit recipere ab emptore tantum præstari, quantum in litem petitor hereditatis juraverit, vel si res sint deperditæ vel usurpatæ, debet restituere non pretium quod accepit; quid enim si minoris vendiderit justo pretio? sed debet restituere justum pretium rerum distractarum *l. item veniunt, §. simili modo, et §. ceterum, et §. quid si post, et §. ult. ff. eod.* Igitur malæ fidei possessor, vel bonæ fidei possessor, post litem contestatam, si vendiderit res hereditarias, tenetur in ipsas res et fructus earum, nec potest defungi præstatione pretii et usurarum. Verum huic sententiæ in dicto *§. ceterum* Ulpianus opponit Rescriptum Severi, id est, opponit *l.*

1. *de his quib. ut indig. inf.* Ea lex est de malæ fidei possessore: nam loquitur de hærede scripto, vel legitimo, qui reliquit inultam necem defuncti, cui fiscus eripuit hæreditatem quasi indigno, et est plano hic malæ fidei possessor, quia scit hæreditatem eam pertinere ad fiscum, non ad se, cum non ultus fuerit necem defuncti. Fiscus igitur petet ab eo hæreditatem quasi a malæ fidei possessore: recipiet ergo fructus integros etiam perceptos, et qui percipi debuerunt, recipiet etiam pretium rerum distractarum ex hæreditate post litem contestatam, et usuras et pecuniam exactam a debitoribus, et præterea recipiet etiam pretium fructuum venditorum, qui sunt percepti ex ea hæreditate, vel qui in ea sunt inventi. Igitur Constitutio declarat malæ fidei possessorem, vel etiam eum, qui post litem contestatam vendidit res hereditarias, qui est similis malæ fidei possessori, etiamsi initio bonæ fidei possessor fuerit, eum, inquam, non teneri in res ipsas, et fructus earum, sed in pretium et usuras. Et ita adversatur ea Constitutio Senatusconsulto Adriani, quo bonæ fidei possessori hoc tantum conceditur, ut pretium præstet et usuras a tempore contestationis, et non amplius: idem tamen dat Constitutio illa *l. primæ*, malæ fidei possessori, ut pretium præstet et usuras, nec adstringitur rebus præstandis, et fructibus earum restituendis. Rem ita dissolvit Ulpianus *d. §. ceterum*, quæ dissolutio est summe notanda, ut eo exemplo intelligatur, nobis licere quoties urget juris ratio, Leges et Constitutiones, etiamsi quid in eis sit prætermisum, suis coaptare et coercere casibus: nam rem ita censeet solvendam Ulpianus, ut dicat eam *l.* esse intelligendam de rebus post litem contestatam venditis, quæ erant steriles, vel quæ erant tempore periturae, quæ magis erant oneri hæreditati, quam fructui: has si quis vendiderit post litem contestatam, quia ea venditione causam hæreditatis meliorem fecerit, quandoquidem hæc res onerabant hæreditatem, ideo non astringitur res ipsas præstare, aut fructus earum, aut quanti in litem juratum erit, sed licet actori eligere pretia et usuras. Ulpianus sic evitat eam *l. 1.* quæ valde obstabat. Et tamen posset quis dicere, Ulpianum divinare: nam quis illi dixit eam Constitutionem Severi esse accipiendam de rebus sterilibus: nam de iis nullum verbum est in hac Constitutione. Quæ etiam potestate Ulpianus eam Constitutionem ita interpretatur, ut tamen servetur electio actori, sive velit computationem facere rei et fructuum, sive pretii et usurarum? Videtur hac in re multum sibi tribuisse Ulpianus. Sed ideo notare hoc exemplum oportet, quo intelligamus, urgentibus juris rationibus, posse nos ita Constitutiones interpretari, et si nihil tale in legibus dicatur, ut videatur scriptum rationi servare, non ratio scri-

pto. Ex his quæ diximus restat hæc differentia inter bonæ fidei et malæ fidei possessorem. Bonæ fidei possessor non tenetur fructuum ante litem contestatam percipiendorum nomine, id est, fructuum nomine, quos non percepit, sed percipere debuit quasi diligens paterfamilias: horum nomine non tenetur, quia quasi rem suam se negligere putavit: nescivit enim hæreditatem esse alienam: non tenetur etiam nomine fructuum perceptorum ante litem contestatam, nisi quatenus ex iis locupletior factus est: non pecuniæ reductæ ex venditione rerum hereditariorum, vel fructuum hereditariorum facta ante litem contestatam, nisi etiam usque eo dumtaxat, quo locupletior factus est: et multo minus ejus pecuniæ usuras debet, ejus scilicet temporis ratione, quod fuit ante litem contestatam. Hæc de bonæ fidei possessore, et de tempore ante litem contestatam. Malæ fidei possessor, etiamsi locupletior factus non sit, tenetur nomine fructuum ante litem contestatam perceptorum vel percipiendorum, et rebus hereditariis distractis ante litem contestatam, tenetur in res ipsas, et fructus earum, nisi si quas distrahi expediat, veluti tempore perituras, aut steriles et inutiles, ad quem casum Ulpianus adstringit *l. 1. inf. de his quib. ut indig.* et eo casu diximus electionem dari petitori hæreditatis, ut vel restitui sibi desideret res illas et fructus, vel pretia et usuras: quod ita si simpliciter accipiat, videtur eo casu durior fieri conditio possessoris electione ita ipsi petitori data. Sed dicendum est, distractis his rebus a malæ fidei possessore, quas distrahi expediebat, quod essent res parvi fructus et momenti, vel brevi omnino perituræ possessorem malæ fidei tantum teneri in pretium et in usuras, quia justam causam habuit distrahendi. Non ergo adigitur præstare res ipsas et fructus, etiamsi eligat petitor, sed satis erit si paratus sit restituere pretia et usuras, et id post motam litem, ut ait edicta *l. 1. de his quibus ut indig.* In qua uno tenore legendum, *post motam litem bonorum usuras inferat*, et virgula apponenda post hæc verba, ut in *l. item veniunt, §. ceterum, D. eod.* Quid est igitur quod dicitur, electionem illam dari petitori in *d. §. ceterum*? non omnino ait, electionem dari petitori, illis rebus distractis, ut res petat et fructus, vel pretium et usuras: sed in illius arbitrio esse, ut computationem faciat, ut *διὰ ψαλγῶν* vel rei et fructuum, id est, et veri pretii fructuum, et rerum distractarum, ut Græci recte: et ex Latinis quidam interpretati sunt, ut refert Accursius: vel computationem faciat ejus pretii, quod exigit venditor, et usurarum pro modo sortis. Non potest igitur ab eo, qui iusta ex causa distraxit, etiamsi sit malæ fidei possessor, petere nisi pretium et usuras, sed eligere quale velit sibi pretium

præstari, verum an conventum, et computationem faciet, aut veri pretii, aut conventi et accepti a possessore pretii, cujus loci ratio erat valde obscura. Nunc de tempore post litem contestatam. Post litem contestatam idem fere jus est bonæ fidei possessoris, id est, qui ab initio habuit justam causam adipiscendæ possessionis, et prædonis, sive malæ fidei possessoris: nam etiamsi possessor hæreditatis ab initio justus possessor fuerit, id est habuerit bonam fidem, ex tempore litis contestatæ tenetur in fructus, quos percepit post litem contestatam, vel percipere debuit, exemplo malæ fidei possessoris, et rebus ab eo distractis post litem contestatam, tenetur in ipsas res, et fructus earum, excepto superiore casu, de quo etiam intelligit Ulpianus *d. l. 1.* Hæc tamen est in hoc tempore differentia inter bonæ fidei possessorem, et malæ fidei possessorem, quod rebus distractis ante litem contestatam a malæ fidei possessore, possessor omnimodo tenetur quocunque tempore in ipsas res, et fructus earum, et rebus distractis ante litem contestatam a bonæ fidei possessore, possessor tenetur tantum in pretia, et in usuras pretiorum, a tempore litis contestatæ computandas, ut hic dicitur. Subjicietur infra etiam alia differentia, in eo tempore post litem contestatam inter bonæ fidei possessorem, et malæ fidei possessorem. Illud prius repetendum est, quod divi, possessorem teneri in ipsas res, quas distraxit, et fructus earum; possessorem malæ fidei omnimodo, bonæ fidei si eas distraxerit post litem contestatam. Id ita est accipiendum, ut possessor cogatur eas res, si extent, redimere ab emptore, et præstare petitori, vel quanti in litem juratum fuerit, vel si res non extent, ut præstet earum verum pretium, *l. item veniunt, §. ult. eod. tit.* ut, inquam, verum pretium præstet, non quod accepit venditor, si forte minoris pretio vero distraxerit: sed si pluri distraxit, cogetur restituere pretium conventum, quod accepit atque ita est electio petitoris, ut vel sibi petat restitui verum pretium: si minoris vendiderit, vel pretium conventum, si pluri æquo vendiderit, quod et confirmat *l. si a patre, §. si præd. D. eod.* adfertur etiam in eam rem *lex post Senatusconsultum, eod.* Advertendum est nunc circa verba Constitutionis *l. 1.* hæc legem loqui de pecunia redacta ex venditione rerum hæreditariarum. Sed an idem est statuendum in pecunia exacta a debitoribus hæreditariis, et in pecunia inventa in hæreditate: quod ait de pecunia redacta ex venditione rerum, id omnino est trahendum ad pecuniam acceptam a debitoribus hæreditariis, ut ejus exigantur, vel non exigantur usuræ, *l. 1. de his quibus ut indign. inf. l. sed et si lege, §. petitorio, D. eod.* Idem in pecunia inventa in hæredita-

te, si eam attingat possessor, *l. item veniunt, §. Papinianus, l. 62. si navis, D. de rei vindicant.* Malæ fidei possessor usuras debet omnimodo pecuniæ inventæ in hæreditate, si eam attigerit, id est, collocaverit, vel si ea usus ipse fuerit, non si eam non attigerit: et similiter ejus pecuniæ bonæ fidei possessor usuras debet post litem contestatam tantum, si eam attigerit, non etiam si eam non attigerit, ut ex Papiniano refertur in *§. Papinianus lib. 3. quæstionum*, forsitan legendum, *sexto*, qualis est inscriptio *l. si navis 62.* in qua proponitur ea sententia Papiniani, et est satis difficilis species *d. l. si navis*, et loquitur de malæ fidei possessore. Nam certum est malæ fidei possessorem teneri non tantum perceptorum, sed etiam percipiendorum fructuum nomine, sive ex his locupletior factus fuerit sive non, *l. sed et si lege, §. sed et fructus, D. eod. tit.* Nunc siuge: aliquis mala fide possidet navem alienam: eam non locavit, ut ferret vecturas et nauta, quæ sunt fructus locationis: potuit percipere vecturas et nauta, sed noluit: possidet navem otiosam: lex ait a malæ fidei possessore posse desinerari vecturas et nauta, etiam si navem non locaverit. Contra opponit Papinianus de usuris pecuniæ depositæ, ubi pecuniam depositam non oportet accipere, ut sit ea, quæ alicui e custodienda datur, et in depositum data est, sed depositam vocat pecuniam inventam in hæreditate, quam paterfamilias deposuit præsidii causa, *l. 76. si chorus, §. 1. de legat. 3.* Malæ fidei possessor hujus pecuniæ inventæ in hæreditate, quam non attigit, usuras non debet: navis tamen, quam possedit malæ fidei possessor, vel inventæ in hæreditate fructus debet, id est vecturas: et si eam non locaverit, nec attigerit, hæc sunt contraria. Nam inquit, et usuræ: et vecturæ eadem est conditio, neutrum provenit natura, id est, neutrum percipitur ex ipso corpore naturaliter, sed jure percipitur, id est, usuræ non percipiuntur ex ipso corpore, sed jure percipiuntur ex obligatione locati conducti: Utrumque igitur percipitur ex obligatione, juris non nature beneficio, id est, non ex ipso corpore, vel navis, vel pecuniæ. Cur tamen navis, quam non attigit malæ fidei possessor debet vecturas, pecuniæ, quam non attigit, usuras non debet? Ratio differentiarum hæc est: quia pecunia collocatur periculo dantis, periculum nominum debet agnoscere qui collocavit: nam si forte debitor, qui pecuniam accepit, non sit solvendo, possessor cogetur eam pecuniam domino restituere, sive vero hæredi. Cur enim bonum nomen non fecit? At navis locatur periculo domini, si nulla culpa subsit: ut si tempore non opportuno navigationi eam locaverit, in culpa est: sed si opportuno tempore locaverit, est extra culpam. Et si navis naufragio

perierit, an periculum navis pertinet ad possessorem? Non: sed perit domino, non possessori. Denique possessor pecuniam collocat suo periculo, navem locat periculo domini. Igitur non est possessori imputandum, si pecuniam non collocaverit, quia id facere non poterat sine suo periculo: id facere non poterat, quin agnosceret periculum nominum, nec est culpandus, qui noluit se in periculum injicere, et ideo pecuniæ otiosæ usuræ ab eo non exiguntur. Nam fuit causa relinquendæ pecuniæ otiosæ, ne incideret in periculum nominum. Aliud est in nave, quam non locavit. Non est reprehendus maxime possessor, qui non fecit quod potuit facere sine suo periculo, quia domino, non sibi possidet, et si periisset navis, domino, non sibi periisset. Igitur navis otiosæ vecturæ, quas percipere potuit, ab eo exiguntur, licet eas non attigerit, non perceperit. Præterea loquitur hæc Constitutio de lite contestata, ut etiam Senatusconsultum Hadriani, quia tunc incipiunt scire possessores omnes hæreditatem ad se non pertinere, et ut ait lex *si quid possessor*, §. *pen. D. eod. tit.* loquens de bonæ fidei possessore, post litem contestatam et ipse prædo est. Idem juris erit, si possessor scriperit a se hæreditatem peti, vel petillum iri ante litem contestatam; puta admonitus denunciationibus, vel literis, vel edictis, ut est scriptum in Senatusconsulto, in quo illa fit differentia inter denunciationem, Edicta, et Literas, ut fit a Paulo lib. 5. tit. 5. et l. cum vero 26. §. *evocari*, D. de fideicommiss. libertat. Igitur etiamsi nondum sit lis contestata cum bonæ fidei possessore, sed denunciatum id sit, a tempore denunciationis computantur usuræ pretii reducti ex venditione facta ante denunciationem: ab eodem etiam tempore denunciationis computantur fructus percepti et percipiendi, et sic non tantum post litem contestatam, sed et post controversiam motam omnes possessores pares sunt, et pari modo tenentur, id est, omnes incipiunt esse malæ fidei possessores, l. *sed et si lege*, §. *si ante*, D. eod. tit. Lis non est antequam contestetur, sed est controversia, ut in l. 4. et 5. D. eod. Dicimus omnes fieri malæ fidei possessores non tantum post litem, sed et post controversiam motam ante litem et rem in judicium deductam. Atque ita quod hac constitutione et Senatusconsulto dicitur de lite contestata, interpretatione producit ad motam controversiam, quod plerisque locis Juris nostri usui esse potest, ut in tit. de usur. et fruct. legat. dicitur toto titulo, usuras et fructus legatorum, aut fideicommi. deberi ex tempore litis contestatæ: quia scilicet ex eo tempore mora certo contrahitur. An ergo dicemus ex eo tantum tempore semper deberi usuras et fructus legatorum? Minime. Nam et citius potest

contrahi mora ante litem contestatam. Ergo quod dicitur in illo titulo de lite contestata, producemus etiam ad controversiam motam: ita ut dicamus, usuras legatorum deberi ex die interpellationis, et denunciationis ante litem contestatam, quia ex eo tempore mora contrahitur. Hoc ita possumus audacter interpretari, cum videmus Jurisconsultos et hanc Constitutionem, et Senatusconsultum producere ad controversiam motam. Plus dico, id etiam esse producendum ad eum, qui non admonitus, non denunciatus, aliqua ratione rescivit se hæreditatem alienam possidere, et eam et bona ad se non pertinere: nam hoc etiam casu ex eo tempore easdem computantur, quæ hæc Constitutio dicit esse computanda ex tempore litis contestatæ, quia cœpit esse malæ fidei possessor, l. *item veniunt*, §. *quid ergo si scit*, et l. *sed et si lege*, §. *de eo*, D. eod. Ob id non est probanda sententia Accursii hinc: qui putat differentiam esse inter petitionem hæreditatis, et rei vindicationem specialem, quia, inquit, in petitione hæreditatis veniunt fructus ex die denunciationis et controversiæ motæ, et si lis non sit contestata in rei vindicatione, veniunt fructus tantum ex lite contestata: falsa est differentia: comprobatur tamen eam l. *certainum* 22. de rei vindic. Ea lex loquitur de vindicatione speciali, et dicit fructus universos venire, id est tam extantes, quam consumptos post litem contestatam, Ideo ita concludit, ergo in rei vindicatione fructus tantum veniunt ex lite contestata, non ex denunciatione! falsam esse collectionem apparet ex interpretatione Senatusconsulti. Nam Senatusconsultum ita loquitur, ut veniant lucra omnia, et ea, quæ percipi debuerunt a lite contestata. Sed sicut Senatusconsultum porrigitur ad denunciationem et controversiam motam, cur non porrigitur dicta lex *certainum* ad controversiam motam, nulla est ratio.

Conclusio igitur hæc sit, et post litem contestatam, et post controversiam motam omnes possessores pares fieri: sed hoc ita restringendum est, ut pares fiant in his, quæ dolo vel culpa accidunt, ut si quid negligentia sua prætermiserint, non tamen sunt pares in his, quæ fato accidunt: nam bonæ fidei possessor, id est, qui ab initio habet bonam fidem, si jumenta, vel pecora hæreditaria, vel si æquillæ, aut servi moriantur post litem contestatam, casum hunc et mortalitatem non præstat: malæ fidei possessor, qui fuit initio, mortalitatem præstat, quæ contigit post litem contestatam, cum scilicet si mature restituisset hæreditatem, ea mancipia verus hæres esset distracturus: et objiciet verus hæres, si mox restituisses, mox ipse distraxissem; quæ est altera differentia inter bonæ fidei possessorem et malæ fidei, quæ proponitur in l. *illud*, D. eod.

A. L. II.

Si post motum controversiam Menecratis bonorum partem dimidiam Muscus ab hærede scripto questionis illatæ non ignarus comparavit: tam ipse quasi male fidei possessor, quam hæredes ejus fructus rest tuere coguntur. Si vero venditionem lite antiquiorem esse liquido probatur: ex eo die fructus restituantur, ex quo lis in judicium deducta est. Fructibus enim augetur hæreditas, cum ab eo possidetur, a quo peti potest. Emptor autem, qui proprio titulo possessionis munitus est: etiam singularum rerum jure convenitur. Daum Kalend. Jul. Severo A. 11. et Hilarino Cons.

Sciendum est, cum tantum teneri petitione hæreditatis, qui pro hærede, vel pro possessore possidet, hæc est certa regula juris. Pro hærede possidet qui putat se heredem esse; ut scriptus testamento, quod ruptum nescit: pro hærede etiam possidet qui sciens falso profitetur se heredem esse: atque ita de hæreditate contendit cum actore. Actor intendit se heredem esse, idem possessor intendit per mendacium, habetur pro hærede. Pro possessore autem simpliciter possidet fur et prædo, qui nullam potest dicere causam possessionis, qui interrogatus cur possideat, non habet quod respondeat, nisi, quia possideo, vel per mendacium contendit se heredem esse, sed nulla causa allata: ideo tantum se dicit possidere quod possideat, quasi petito principio, isque tenetur petitione hæreditatis, l. 7. hic, l. pen. infr. in quibus causis cessat longi temporis præscriptio. Is qui possidet pro emptore, vel pro donato, vel pro legato, vel pro dote, non tenetur petitione hæreditatis, quia scilicet non controversatur de hæreditate, et non potest recte consistere hoc judicium de hæreditate, nisi cum eo, qui de hæreditate controversatur. Ideo necesse est ut is, cum quo agitur de hæreditate, possideat ut heres, non ut emptor, vel ut donatarius: nam si possideat ut emptor, et actor adversus eum intendant se heredem esse, nulla inde potest existere lis: nam emptor fatebitur etiam illum heredem esse, et se emptorem. Qui rem deducit in judicium, ait se heredem esse: hoc non inficiatur is unde petitur, nulla existit igitur lis. Non potest itaque inter eum, qui petit hæreditatem et eum, qui possidet pro emptore consistere petitio hæreditatis, sed agendum est in illum speciali in rem actione, quæ est de dominio, Nov. capi de ostensio: nam verus heres actione in rem speciali dicet se dominum esse rei ab alio emptæ. Idem contendet aliter, qui possidet pro emptore: erit controversia de dominio: nam et actor et reus vindicabit dominum, quo genere lis constituitur, quæ

tamen ita non potest constitui, cum is, qui litem movet, dicit se heredem, possessor emptorem. Denique non potest esse petitio hæreditatis, nisi inter eos, qui de hæreditate invicem controversantur. Is autem, qui possidet pro possessore, cum nullam adferat causam possessionis, et velit tamen litigare, id est, nolit restituere actori hæreditatem, facere videtur controversiam hæreditatis; nullam causam adfers possessionis, et tamen litigas, videris ergo mihi oblatre sine causa. Et ideo hic etiam tenetur petitione hæreditatis: quasi faciat controversiam hæreditatis sine causa. Nunc videamus quid sit dicendum, si quis emerit alienam hæreditatem. Qui emit ex hæreditate res certas, quas pro emptore possidet, non tenetur petitione hæreditatis, ut dixi: sed si emerit hæreditatem alienam, et si sciens emerit, an possumus dicere hunc teneri petitione hæreditatis: quasi possideat pro possessore, quasi sit prædo? Non: quia emptio hæreditatis alienæ valet. Igitur vere pro emptore possidet, licet sciens rem alienam emerit, et ideo non tenetur petitione hæreditatis, nec habetur pro prædone. Non enim est prædo, qui pretium numeravit, si modo et venditio valet, l. nec ullam l. 3. §. si quis sciens, D. de petit. hæredit. Diversum erit si quis sciens emerit alienam hæreditatem, de qua erat lis inter duos: nam hæc emptio ipso jure nulla est, tit. de litigiosis. Rei litigiosæ emptio nulla est, et ideo non potest possidere pro emptore, cum nulla sit emptio, et licet pretium numeraverit, videbitur possidere pro possessore, atque ideo tenebitur petitione hæreditatis: nam prædo intelligitur esse, qui contra leges mercatur, l. 7. de agricolis, et censi. lib. 11. Et ita qui sciens emit a furioso, quia ipso jure nulla est emptio cum sit facta contra leges, videtur possidere pro possessore, et tenetur petitione hæreditatis. Pro possessore licet omnibus titulis, ut ait l. 13. nec ullam §. 1. D. eod. Nam omnis titulus potest recipere possessionem pro possessore: ut in superioribus exemplis titulus pro emptore contra leges accersitus, et quæsitus recepit possessionem pro possessore. Et sic titulus pro donato, ut si quæ a marito donatum acceperit, quæ donatio est contra leges, id videtur pro possessore possidere, non pro donato: item titulus pro dote, ut si quis ab impubere acceperit, sciens esse impuberem, quæ nondum potest esse justa uxor, nec ideo est dos ante legitimam ætatem, id igitur, quod datum est, quasi dotem possidebit maritus: et cum dos non sit, homo possidebit non pro dote, sed pro possessore. Sic igitur omnes tituli possunt recipere possessionem pro possessore, et hi, qui ita possident pro possessore, tenentur petitione hæreditatis. Pingas igitur speciem legis 2. Titius possidebat hæreditatem defuncti ex

testamento : petebat eam hereditatem Cajus ab intestato quasi rupto , vel irritato facto testamento : nondum finita lite , sive controversia inter Titium et Cajum , igitur post motam controversiam . Titius possessor hereditatis Philippo vendidit partem bonorum ejus hereditatis : post motam controversiam , ut dixi , de hereditate , vel post motam litem , nihil enim refert , quia scilicet hereditatem , sive rem litigiosam facit , non litem metus , non comminatio litem , l. 8. §. 1. de alienat. judic. mutan. caus. fac. non controversia de hypotheca , l. 1. de litigiosis , inf. et l. 2. distract. pignori. inf. non denuntiatio venditionis impediendæ causa , l. 1. de litigiosis. inf. et l. 1. in pr. D. litigiosis. l. 1. de pignori. inf. Sed lis contestata rem litigiosam facit. Is , qui contestatur , rem litigiosam facit , immo et controversia mota , l. ult. D. de litigiosis. ut si denunciata sit lis , si dies iudicio conditus sit , si Literis , aut Edictis evocatus sit adversarius : hæc denunciatio , sive evocatio , rem litigiosam facit quia initium est actionis , et ita in Senatusconsulto de petitione hereditatis , petita hereditas intelligitur non tantum si lis sit contestata , sed etiam si denunciatus sit , et in iudicium vocatus adversarius . Titius ergo partem bonorum , de quibus erat lis , sive controversia vendidit Philippo , ergo nulla est venditio , cum sit facta contra leges , quæ vetant rem litigiosam vendi et alienari : ex quo consequitur , Philippum haberi pro prædone , atque ad eum teneri petitione hereditatis ; quod initio hujus legis proponitur . Possidet enim pro possessore , qui emit partem bonorum , de quibus erat lis , emptio enim nulla est : nec vero potest niti titulo pro emptore , ut ait lex : tenetur non tantum ipse , qui sciens emit bona litigiosa , sed et heredes ejus : d. l. nec ullam , §. Neratius . Quia vitium defuncti transit in heredem , vitium possessionis , successorem culpa sui auctoris comitatur , ut et virtus , sive fides auctoris , aut defuncti comitatur successorem , l. 11. vitia , inf. de acquir. et retin. possess. l. cum heredes 11. D. de divers. et temporal. præscript. Summa hæc sit : Philippum heredibus teneri petitione hereditatis , quod videtur , qui emit post motam litem cum alio , de hereditate , bona , quæ comparavit , possidere pro possessore , ex quo etiam efficitur eum teneri omnium fructuum nomine : nam in petitione hereditatis veniunt fructus omnes , quocumque tempore percepti , sive ante aditam hereditatem sive post accesserint , l. 20. item conveniunt , §. fructus , D. eod. et sive ante litem contestatam , sive post accesserint , maxime in prædone : sed et in bonæ fidei possessore , cum ex perceptis ante litem contestatam locupletior factus est . In prædone autem , sive locupletior factus fuerit , sive non . Item restituendi sunt a prædone cujuscumque tem-

Tom IX.

poris fructus , non tantum percepti , sed et qui percipi debuerunt . At quid si Philippus partem eam bonorum emerit priusquam Titio fieret controversia hereditatis , quæ emptio valet , quia res non erat litigiosa , quid de fructibus fiet ? An hic etiam Philippus fructus omnes restituere debet ? Et ait Constitutio cum tantum teneri nomine fructuum percipientium , vel percipiendorum post litem contestatam . Fructuum ante percipientium , vel percipiendorum nomine non teneri : hoc proponit prima pars hujus legis .

Secunda parte hujus constitutionis adfert rationem differentie illo loco , *fructibus enim augetur hereditas* , etc. Ratio differentie hæc est , quia priore casu , cum Philippus emit bona litigiosa , Philippus tenetur petitione hereditatis : Petitio autem hereditatis est bonæ fidei , et actionibus bonæ fidei ipso jure accedunt augmenta rei , de qua agitur l. non est , inf. famit. erisc. Ideo in actionem familie eriscundæ veniunt augmenta hereditatis , quod sit bonæ fidei , l. item veniunt , §. item non solum , D. eod. In petitione hereditatis non tantum veniunt ea , quæ mortis tempore habuit defunctus , sed etiam quæ post accreverunt hereditati , quia hereditas augmentum et diminutionem recipit : et qui dicit , si paret hereditatem Lucii Titii meam esse , vindicat etiam fructus , quia fructibus augetur hereditas . Sequitur , *cum ab eo possidetur , a quo peti potest* , puta ab eo qui possidet pro herede , vel pro possessore . Denique in petitione hereditatis veniunt augmenta , quia hereditas petitur , quod nomen augmentum recipit : veniunt itaque fructus , quia peti videntur fructus quocumque tempore percepti , aut percipiendi , cum in prædone agitur . Sed cum quis vere emit , ut cum emit bona non litigiosa , cum partem bonorum emit antequam moveretur venditori controversia hereditatis , hic emptor non tenetur petitione hereditatis , sed tantum tenetur in rem actione speciali , quæ est stricta , in eam augmenta non veniunt , sed corpora tantum singula . Veniunt quidem augmenta post litem contestatam officio Judicis : nam officio Judicis addicti iudicio stricto congruit ut deducat in condemnationem , quæ reus post litem contestatam percepit , l. Ediles 25. §. item sciendum , de audit. edict. l. si reus 73. D. de procurat. In iudicis strictis officium Judicis nihil pertinet ad augmenta , quæ accesserunt ante litem contestatam . Igitur in actione in rem speciali , quæ est stricta , non veniunt fructus , nisi post litem contestatam , et percepti ante litem vindicantur separatim speciali actione , si extent , vel si consumpti sint , sunt condicendi a malæ fidei possessore , a bonæ fidei possessore consumpti non condicuntur , l. malæ fidei , inf. de conduct. ex leg. 1. certam 22. inf. de rei vindic.

Igitur ante litem contestatam speciali in rem actione fructus, qui percepti sunt, vindicari quidem separationem, aut cond. ei possunt, sed si non vindicentur, nec cond. cantur, in rei vindicatione officio Judicis non veniunt, quod stricta formula coerceatur: et hi tantum veniunt, qui post litem contestatam percepti sunt, aut percipi debuerunt. Is igitur Philippus, qui emit ante litem, non tenetur petitione hæreditatis, cum possideat pro emptore, sed tenetur singularum rerum nomine speciali in rem actione: ideo in judicio non veniunt, nisi fructus percepti post litem contestatam: et hoc est quod sequitur: *emptor autem, qui proprio titulo*, id est, speciali titulo pro emptore munitus est: titulus est causa possessionis, ut recte definivit Theophilus, sicut in *l. seq. hoc tit.* titulus actionis est causa actionis, et proprium titulum possessionis sequitur propria actio, id est, qui speciali titulo possidet, speciali actione tenetur, non universali. Igitur rei vindicatione, non petitione hæreditatis. *Emptor*, inquit, *aut qui proprio titulo munitus est*, qualis est titulus ejus, qui emit ante litem motam de hæreditate: *etiam singularum*, illud (*etiam*) male vexavit interpretes, sed non includit, sed excludit petitionem hæreditatis, ac si diceret, emptor hic, qui vere possidet pro emptore, non convenitur petitione hæreditatis, ut is, qui possidet pro possessore, sed singularum quarumcunque rerum jure convenitur. Convenitur ergo non petitione hæreditatis, sed speciali in rem actione. Et ob id in hoc judicio veniunt tantum fructus ex tempore litis contestatæ. In superiori judicio, quod est bonæ fidei judicium, id est, petitione hæreditatis, qua tenetur qui emit post litem, veniunt, fructus ante litem percepti, aut percipiendi. Et hæc differentia inter judicia stricta et bonæ fidei apparet etiam alia in re, et in eadem questione fructuum. Si agatur petitione hæreditatis, fructuum venditorum ante petitam hæreditatem, pretia cum usuris præstanda sunt, quia scilicet petita videntur ea pretia: petita hæreditate petiti videntur item fructus, proinde sequentur usuræ officio Judicis, *l. hæres*, §. ult. *D. eod. l. cum qui 18. D. de his qu. ut indig.* et hoc, ut dixi, cum agitur judicio bonæ fidei, id est, petitione hæreditatis: nam si agatur stricto, nec debentur usuræ pretii fructuum venditorum post litem contestatam, quia fructus illi, sive pretium eorum veniunt officio Judicis, accedunt officio Judicis, et obvenienti ita accessionis non potest esse alia accessio. Igitur fructuum obvenientium officio Judicis usuræ non præstantur, ne sit accessionis accessio, et ne officio judicis succedat mox aliud officium: non debentur etiam pretii fructuum venditorum ante litem contestatam usuræ, si condicantur a malæ fidei possessore. Ita loquitur *l. neque 18. de usur.*

quæ alioqui videbatur pignare cum *l. hæres*: sed una est de actione bonæ fidei, id est, petitione hæreditatis, altera de stricti juris actione, id est, de condictione. et in hanc non veniunt fructus præteriti: ergo nec usuræ. At in actionem bonæ fidei veniunt etiam fructus præteriti natura actionis: ergo et usuræ fructuum, sive pretii fructuum venditorum ante litem contestatam veniunt officio judicis: fructus veniunt jure et natura actionis, usuræ veniunt officio Judicis ex mora. Sic igitur ex postrema parte hujus legis concludam: cum, qui possidet pro emptore hæredemve ejus, sive sciens, sive ignorans rem alienam, non teneri petitione hæreditatis: sed teneri in rem actione speciali, id est, singularum rerum nomine, quas emit. Tentari potest cum teneri in hac specie petitione hæreditatis, non quidem directa, sed utili saltem, quia scilicet emit partem dimidiam hæreditatis, et qui emit hæreditatem, licet pro emptore possideat, tenetur utili petitione hæreditatis, *l. nec ullam*, §. *quid si quis*, et §. *si quis sciens alienam*. Primum ut respondeamus, dicta *l. nec ullam* loquitur de eo, qui emit totam hæreditatem: hæc *l. de eo*, qui emit partem, et non partem dimidiam hæreditatis, sed bonorum, inter quæ duo vocabula multum interest, sicut multum interest utrum legatur pars bonorum, an hæreditatis. Hæreditatis nomine significatur jus: bonorum non item, *l. 8. in fine*, et *l. 9. D. de legat. 2.* Quare ponendum est, quamvis dicat, eum emisse partem dimidiam bonorum, eum non emisse partem hæreditatis, sed res plurimas, quæ conficiebant partem dimidiam bonorum, et præterea emptor etiam hæreditatis, id est, assis, non tenetur utili petitione hæreditatis, tenetur non semper, sed in subsidium tantum, *d. §. quid si quis*, ne singulis judiciis vexetur petitor, ut recte Glossa docet ad dictum §. *quid si quis*, cum venditor non extat, vel cum parvo vendidit, et fuit bonæ fidei Possessor, qui ad id tantum tenetur, quo factus sit locupletior: ne omnis res vero hæredi pereat æquum est, ut manum possit porrigere adversus emptorem assis, sed nos de hoc emptore hic non tractamus, sed de emptore partis rerum, sive bonorum, qui etsi emptor hæreditatis eset, non teneretur, ne utili quidem petitione hæreditatis, nisi in subsidium, id est, cum non posset res servari a venditore. Itaque lex omnino vult etiam hunc emptorem teneri speciali in rem actione, emptorem scilicet rerum singularum hæredemve ejus, non petitione hæreditatis. Sed huic definitioni obstat *l. nec ullam*, §. *hæredem D. eod.* Nos dicimus eum, qui possidet vere pro emptore valente emptione non teneri petitione hæreditatis, nec hæredem ejus. Hæredis enim eadem solet esse conditio, quæ defuncti, §. *hæredem ait*, hæredem teneri petitione hæredi-

tatis earum rerum nomine, quas defunctus pro emptore possidebat, et addidit rationem, quasi scilicet pro hærede ille hæres possidet: et utique pro hærede possidet omnem, quæ defuncti morte obveniant, sed non possidet quasi hæres venditoris, quod erat spectandum, sed quasi hæres emptoris: et subiicit, quamvis etiam hic hæres utique teneatur earum rerum nomine, quas defunctus pro hærede vel pro possessore possedit. Ut breve faciam, species est: Cuius defunctus ex hereditate Titii possidebat res quasdam pro hærede, vel possessore, et alias quasdam pro emptore: hæres ejus certe teneatur petitione hereditatis earum rerum nomine, quas defunctus possidebat pro hærede, vel pro possessore, sed adjicit, constare inter omnes Jurisconsultos eum etiam teneri earum rerum nomine, quas defunctus pro emptore possidebat: et ita hæres defuncti non tantum teneatur earum rerum nomine quas defunctus possidebat pro hærede, vel pro possessore, sed etiam earum nomine, quas defunctus pro emptore possidebat, quia et has, quas pro emptore defunctus possidebat, ipse videtur pro hærede possidere, quasi scilicet hæres Titii, non quasi hæres emptoris, ex regula illa: Hæres heredis est hæres testatoris, ut puta existimans et has res, quas possedit defunctus pro hærede, vel pro possessore, et illas, quas pro emptore, defunctum possedissee eodem jure, quasi ex hereditate Titii. Igitur quasi eas possideat pro hærede, id est, ut hæres Titii, non ut hæres emptoris. Igitur secundum opinionem ejus, constat earum rerum nomine etiam teneri petitione hereditatis: sed ex eo male colligitur enim, qui possidet pro emptore, teneri petitione hereditatis: nam ea non possidet pro emptore, sed pro hærede, putans esse ex hereditate Titii hæres testatoris: hæres heredis hæres est testatoris. Dilucidius explicabo §. *hæredem legis nec ullam*, D. de *petit. hæred.* quem merito habent omnes pro difficillimo. Certissimi juris est, eum, qui res quasdam ex hereditate aliena emit et possedit pro emptore, vel hæredem ejus, non teneri petitione hereditatis. Sed huic sententiæ obstat valde ille §. *hæredem*. Ait enim, hæredem etiam earum rerum nomine, quas defunctus pro emptore possedit, teneri petitione hereditatis, quasi possideat pro hærede, et id constare inquit: id tradit ille §. pro certo et explorato, quod nobis videtur incertum, et adversus certissimam juris regulam: *Constat*, inquit, quod Græci *ἀνεμλόγηται*, quod est verbum proprium Jurisconsultorum, quo significatur rem non esse controversam, quod Cicero pro Flacco respiciens ad Jurisconsultos: *Constabat inter omnes*, inquit, et hoc etiam frequenter usurpant alii, *Colum. lib. 1. cap. 1.* Hoc vero magis dubitationem movet quod dicat, constare hæredem teneri petitione hereditatis

ejus rei nomine, quam defunctus possedit pro emptore, et subiicit rationem, quasi pro hærede possideat, id est, quia videtur eam rem possidere ipse hæres pro hærede. Tentabam autem responderi hoc modo posse, ut si quod defunctus Titius possedit pro emptore, id hæres ejus existimaverit possedissee Titium pro hærede, atque ita ipsum id possidere quasi hæres ejus, cui Titius hæres extiterat, cujusque hereditas modo tenebatur secundum istam regulam juris, *Hæres mei hæres est meus hæres*, l. 6. et l. ult. de *hæredib. instituend. inf.* et l. *hæredis* 65. D. de *verb. signific.* Tum vero propter eam opinionem, quam animo concipit hæres, ut teneatur petitione hereditatis earum rerum nomine, quas defunctus possedit pro emptore, neminem earum, quas possedit pro hærede, et pro possessore, et ita Hugolinus sensisse videtur. Sed hæc interpretatio non est recipienda. Nam sicut opinio heredis non facit quo minus teneatur petitione hereditatis, si quid possederit defunctus ex aliena hereditate pro hærede, vel pro possessore, et id nescierit hæres ejus et alia opinione id possederit: sicut, inquam, opinio heredis non facit quo minus teneatur petitione hereditatis, l. *nec ullam*, §. *Narratius*: ita opinio heredis non debet facere quo magis teneatur petitione hereditatis, si quid defunctus possedit pro hærede. Spectanda enim est potius opinio defuncti, quam opinio heredis opinio heredis opinionem defuncti non excludit, hæres succedit in opinionem, in fidem, in vitia defuncti, l. *cum hæres*, D. de *divers. temporal. præscript.* Non est igitur spectandum quid senserit hæres, sed quid defunctus senserit, et uti possederit. Porro possedit pro emptore, ergo nec ipse tenetur petitione hereditatis, nec hæres ejus, cujus persona videtur eadem. Alii dicunt, quorum opinionem retulit Accursius, ut ejus rei nomine, quam Titius pro emptore possedit, hæres Titii teneatur petitione hereditatis quia eam possidet pro hærede, id est, quasi hæres Titii, quasi obvenit hereditate Titii. Sed quis non videt ineptam esse hanc rationem? necesse enim est ut jure conveniatur petitione hereditatis, ut possederit quasi hæres ejus, cujus de hereditate agitur, sed non ita possidet quasi hæres ejus cujus hereditas petitur, sed quasi hæres Titii. Hic ergo titulus pro hærede non subiicit illum petitioni hereditatis, quia est pro hærede Titii, non pro hærede ejus, cujus de hereditate agitur: et præterea licet quod possedit defunctus Titius pro emptore, hæres ejus possideat pro hærede, id est, quasi hæres Titii, tamen et id possidet etiam pro emptore ut defunctus, et pro hærede, quia est hæres defuncti, l. 3. ex *pluribus*, D. de *acquir. possess.* Unde colligitur in eo §. differentia inter dominium, et possessionem; nam domini unus

tantum potest esse titulus: possessionis plures possunt esse; id est dominium ex una tantum causa contingit, et qui jam factus est dominus, non amplius dominus fieri potest: possessionis plures sunt causæ, ut rem alienam, quam emptor usucepit, idem emptor post usucapionem possideat pro emptore, qui emit, et pro suo, quia usucepit. Possessionem habet ex duabus causis, dominium ex una tantum, id est, ex usucapione. Et similiter hæres ejus, qui rem possidebat pro emptore, etiam eam possidebit pro emptore quia auctor ejus defunctus emit, et pro hærede, quia hæres est emptoris. Sic igitur possidet etiam eam rem hæres Titii pro emptore et hæc causa possessionis est potius spectanda, cum congruat opinioni defuncti, quæ in his causis semper prævalet. Ea igitur interpretatio etiam explodenda est. Alii, ut Bartolus, existimant in specie ejus §. *hæredem*, hæredem emptoris teneri petitione hereditatis utili, de qua tractatur in præcedentibus §§. ejus *l. nec ullam*: non directa, sicut defunctus. Ita cum ante dixit, eum, qui possidet pro emptore, teneri utili petitione hereditatis, subjicit in §. *hæredem*, hæredem ejus teneri utili petitione hereditatis: sed circumscribimur, nisi animum advertamus: nam ut qui possidet pro emptore teneatur utili petitione hereditatis, id tantum acceptum est in emptore universitatis, dicta *l. nec ullam*, §. *quid si quis*, et §. *si quis sciens alienum*. Paragraphus *hæredem*, non loquitur de emptore universitatis, sed certarum rerum emptore. Is nec directa nec utili petitione hereditatis tenetur, ergo nec hæres ejus: emptor is solus tenetur qui emit assem. *l. 2. §. pen. D. hæredit. vel act. vend.* Verior interpretatio, quam et Græci secuti sunt, hæc est, ut hoc voluerit Jurisconsultus, et constiterit inter omnes Jurisconsultos, ut si sit controversia de hereditate defuncti inter hæredem testamentarium et legitimum, legitimo potente hereditatem ab hærede scripto quasi testamento rupto vel irritato facto, hæres scriptus teneatur petitione hereditatis, non tantum omnium rerum nomine, quas possedit defunctus, sive possedit eas pro hærede, sive pro emptore, et alio titulo, id est, ut in eam hereditatis petitionem veniant, non tantum res propriæ defuncti: sed etiam res alienæ, quas defunctus pro hærede vel pro possessore possedit: et non hæc tantum res alienæ, quas possedit pro hærede, sed etiam ceteræ res alienæ quas defunctus possedit pro emptore, vel alio titulo. Ponendum est igitur hæredem legitimum petere hereditatem a scripto, et constare hoc casu inter omnes, in petitione hereditatis venire non tantum res testatoris proprias, sed etiam alienas, quas quocumque titulo testator possidebat: et id dicitur in *l. non tantum 19. D.*

cod. tit. in petitione hereditatis venire etiam eas res quarum nomine Publiciana competit, puta res alienas, quas defunctus possidens pro emptore nondum usucepit. Unde hæc positiones duæ constituentur: Hæres Titii ejus rei nomine, quam Titius possedit pro emptore, non tenetur petitione hereditatis. Constituantur et altera illi contraria: Hæres Titii ejus rei nomine, quam Titius possedit pro emptore, tenetur petitione hereditatis. Utraque positio est vera: prior est vera, cum est controversia de hereditate aliena, ex qua res quasdam Titius pro emptore possedit: earum enim nomine nec Titius, nec hæres Titii tenetur petitione hereditatis. Posterior positio est vera, cum est controversia de hereditate Titii, in qua sunt res quedam alienæ, quas Titius pro emptore possedit. Nam earum, nomine hæres a Titio scriptus tenebitur petitione hereditatis legitimo hæredi, qui contendit aut nullum, aut ruptum esse testamentum, et ita ab intestato ab hærede scripto vindicet hereditatem.

Ad L. III.

Hereditas matertera petita non infringit alterius hereditatis petitionem, quæ venit ex alia successione. Sed et si quæstionis titulus prior inofficiosi testamenti causam habuisset: iudicatur rei præscriptio non obstat eadem hereditatem ex alia causa vindicanti. PP. V. Id. Aug. Geta et Plautiano Coss.

Species est. Mortua matre, Titia ei hæres extitit ex Senatusconsulto Orphitiano ab intestato, sed matertera Titie, id est soror defunctæ matris, omnem hereditatem omniaque bona sororis possedit: matri hæres extiterat filia, sed filiæ matertera possidebat omnia bona pro hærede, vel pro possessore: matertera defuncta est relicto extraneo hærede: Titia adversus hæredem scriptum testamento materteræ egit querela inofficiosi testamenti, quod in testamento materteræ prætermittenda esset: egit ergo petitione hereditatis de inofficioso. Nam certum est querelam inofficiosi testamenti esse petitionem hereditatis de inofficioso testamento, id est, petitionem hereditatis, cui adjuncta est hæc causa inofficiosi testamenti, *l. si quis filium, de inoffic. testam. sup. l. 20. D. de inoffic. testam. l. pen. §. sed quemadmodum, D. de bonor. possess. cont. tab.* Et hoc aperte comprobatur hæc *l. 3.* eum, qui agit querela inofficiosi testamenti vindicare, et petere hereditatem ab intestato. Cum autem egisset Titia adversus hæredem materteræ petitione hereditatis de inofficioso, victa est: et merito, quia querela inofficiosi testamenti datur tantum liberis et parentibus, non cognatis ex late-

re ultra fratrem, l. 1. *D. de inoffic. test.* Nunc eadem Titia, quæ priori iudicio petitionis hereditatis victa est, vult rursus agere petitione hereditatis maternæ de bonis maternis, quæ possedit, matertera, et hæres materteræ possidet. An quod eadem actione rursus agat, repelli possit exceptione rei iudicatæ? Non: quia scilicet licet eadem sit actio: est tamen de bonis aliis, et ex causa alia: prior petitio hereditatis fuit de bonis materteræ: posterior est de bonis maternis: nihil commune habent materteræ bona cum bonis matris; prioris petitionis hereditatis causa fuit inofficiosi testamenti: posterioris causa est Senatusconsultum Orphitianum, quo filius succedit matri ab intestato. Nemo prohibetur petere hereditatem ex diversis causis, vel ut hic dicitur, titulis. Non idem est titulus harum actionum, ergo non consumit alia aliam, causa actionis ut titulus possessionis est, et causa possessionis, l. 4. *de contrah. empt. et vendit. inf.* non posse duplicari titulum, id est, causam possessionis, non accipio possessionis pro dominio, ut hic accipitur, sed proprie. Et si id accipio proprie, ita id videtur falsum; quia mox dicebamus possessionis plures titulos esse posse, domini unum tantum ex l. 3. §. *ex pluribus, D. de acquirend. posses.* Sed in ea specie legis 4. potest duplicari titulus possessionis, cum quis rem suam mihi donavit, et hæc jam mea est effecta. Si et eandem emi ab hærede donatoris non duplicatur titulus possessionis, quia emptio rei suæ nulla est: hic igitur nec dominium duplicatur, quod regulare est: nec possessionis causa, ut in l. 7. *infra eod. tit. de contrah. emp.* Potest quidem multiplicari possessionis titulus, sed hæc species hoc non patitur. Et ita quod Divus Joannes vocat Titulum τίτλον, qui fuit cruci Domini superpositus, Divus Lucas ἐπιγραφήν, Divus Mattheus vocat ἀτίτλον, id est, causam supplicii, et Divus Marcus ἐπιγραφήν τῆς αἰτίας, id est, Titulum causæ illatæ poenæ. Hic igitur titulus nihil aliud est, quam causa actionis, quæ si sit diversus, eadem actio iteratur recte: nec obstat exceptio rei iudicatæ, quia scilicet non est eadem res, cum causa actionis sit eadem, et quidem causa proxima, ut ait lex 27. *cum d. hoc, ff. de excep. rei judic.* Quid vero vocat causam proximam actionis? Causa proxima actionis est, quæ est peculiaris, et propria actionis, Aristoteles lib. 8. *Metaphysicorum cap. 4.* tractans de prima causa: οὗ δὲ καὶ τὰ ὑψίστα αἰτίαν λέγουσιν, τίς ἡ ὕλη, μὴ πῦρ, ἢ ἀέρα, ἀλλὰ τὴν ἰδίαν, id est: Si quis quæsierit quæ sit materia hominis, debet adferre proximam causam, non dicere materiam esse ignem, materiam esse terram: nam quæ est propria, ea est proxima. Propria autem materia hominis sunt menstrua, sanguis menstruus.

Sic etiam si rem vindicem quasi mihi legatam ex testamento, vindicationis hujus causa quidem propria est legatum. Ergo proxima causa communis est dominium: ergo hæc est remota causa: non igitur causa remota eadem eandem actionem facit, sed causa proxima si sit eadem, eadem actio est; si sit diversa, diversa est actio, licet nomen sit idem actionis. At cum quis egit petitione hereditatis, de inofficioso, postea non prohibetur agere petitione hereditatis ab intestato, ex Senatusconsulto Orphitiano, quia non est eadem actio, cum causa proxima sit diversa, et similiter qui egit petitione hereditatis de inofficioso, etsi non obtinuerit, non prohibetur postea agere petitione hereditatis de injusto testamento, vel etiam utramque petitionem simul proponere potest, non utramque tamen exequi, ne secum ipse pugnet. Nam qui inofficiosum dicit, valere dicit, sed rescindi postulat: qui injustum dicit, non valere dicit. Verum debet eligere utra prius experiri velit, et non si ceciderit, reverti ad alteram, l. *contra, de inoffic. testam. sup. l. Papinianus, §. si quis et irritum, ff. eod. tit.* Et similiter, si egerit petitione hereditatis de falso, si de crimine falsi testamenti egerit nec obtinuerit, non prohibetur agere postea petitione hereditatis de inofficioso, vel petitione hereditatis de injusto testamento, l. 47. *Lucius, ff. de petit. hered. l. cum qui, C. de inoffic. testamen. l. si ita quis promiserit, §. ult. ff. de verbor. obligat.* et similiter si quis cum hæres non esset, petierit hereditatem, atque ita non obtinuerit, postea hæres factus si petat hereditatem, non repellitur etiam exceptione rei iudicatæ, quia est petitionis nova causa: primæ petitioni nulla erat causa, quia hæres non erat, secundæ est causa nova: igitur recte iteratur, l. *si is qui hæres 25. ff. de except. rei judic.* et eadem omnia obtinent in rei vindicatione, in speciali in rem actione: nam si quis vindicaverit hominem ex causa emptionis, adjecta causa quod sit traditus, et venditus, et non obtinuerit, postea non prohibetur vindicare alia adjecta causa, puta, quod mihi sit donatus: non mutatur quidem actio, sed mutatur causa proxima actionis, quod sufficit ut actor summoveatur exceptione rei iudicatæ: et similiter si cum non esset dominus vindicaverit, et repulsus fuerit, postea nactus dominium ex nova causa eandem rem rursus rectissime vindicabit, l. *si mater §. denique, et §. seq. et §. eandem, ff. de except. rei judic.* nec tamen idem erit si rem vindicet simpliciter: nam hoc casu nullo modo ex præterita causa eandem rem vindicare poterit: poterit quidem ex nova, sed non ex alia præterita causa, quia prima vindicatione, quam instituit simpliciter non adjecta causa, deduxit omne dominium in iudicium quodcumque, et undecumque

acquisitum : aut igitur vindicari non adjecta causa : aut adjecta causa : priore casu non potest ex alia causa (nisi novissime accesserit) iterum eandem rem vindicare : posteriore casu potest ex alia causa etiam antiquiore , eandem rem vindicare. Sed his tamen obstat *l. si patronus ex minore*, ff. de bon. libert. quam objicit Accursius in *d. l. Lucius*, et *d. l. eum qui*, is, qui egit de falso testamento, postea non prohibetur agere de injusto testamento, quia mutatur causa questionis, titulus controversiæ. Secus est in specie istius *l. si patronus*. Nam si patronus, qui erat scriptus ex minori parte, quam legitima, egerit de falso testamento, nec obtinuerit, postea non potest agere, ut suppleatur legitima, petita scilicet bonorum possessione contra tabulas, sive petitione hereditatis possessoria, ex causa bonorum possessionis contra tabulas, per quam patrono expletur legitima portio. Cur ita non licet patrono transire ad aliud? ratio est, quia illi, de quibus egimus superius, nihil ex testamento captant, id omnino cupiunt evertere, modo ex causa falsi, modo ex causa inofficiosi: sed hic patronus captat lucrum ex testamento, quod oppugnavit accusans falsi, nec expugnavit: captat lucrum, quia captat portionem sibi relictam testamento, et præterea sibi eam suppleri desiderat, cujus desiderii indignus est ut potiatur, quia testamentum nixus est evertere, et ideo *l. si patronus* ait, eum repelli ut indignum a bonorum possessione contra tabulas.

Ad L. IV.

In restituenda hereditate compensatio ejus habebitur, quod te in mortui infirmitatem, inque sumptum funeris bona fide ex proprio tuo patrimonio erogasse probaveris.

Lex 4. ait, eum unde petitur hereditas, posse in compensationem deducere id, quod de suo bona fide impendit in defuncti infirmitatem, vel in sumptum funeris, et recte de suo propter verbum compensationis: compensat enim proprie possessor hereditatis quod de suo impendit, imputat quod de hereditate impendit; et ita in questione legis Falcidiae differentia est inter imputare, et compensare, *l. filium*, famul. ercis. inf. imputo in Falcidiam quod de hereditate jure hereditario sumo, compenso in Falcidiam quod jure legati a cohæredo sumo, cui vicissim rogatus sum portionem meam restituere: nec imputo, nec compenso in Falcidiam, sed id habeo supra Falcidiam, quod jure legati a cohærede accipio, cui vicissim nihil restituere debui, et ita in *d. l. filium*, subtiliter separatur

retentio, et ibi, *retenta*, id est imputata, a compensatione, *compensato*, proprie, non ut quidam pro imputato. Nam etsi quod compensatur imputari dicatur generali vocabulo, *l. si quid possessor* 31. ff. hoc t. Tamen quod imputatur numquam dicitur compensari: nec enim hoc fert vocabuli significatio. Compensatio enim non est, nisi sit ultro citroque contributio sui et alieni. Imputatio sit etiam sine contributione sui et alieni, ut cum quid ex hereditate sumpsi, et hereditati reputo sive imputo. Compensat enim possessor hereditatis quoscunque justos sumptus, quos fecit de suo propter onera hereditaria, ut in *l. sorori* 6. §. ult. ff. si pars heredit. petat. *l. heres* 31. et *l. si quid possessor*, §. sicut, ff. de petit. heredit. et sit omnium harum impensarum compensatio ipso jure, sine officio judicis, quia petitio hereditatis est bonæ fidei, *l. ult. in fin. hoc tit.* Quin et hoc e in omnibus actionibus sive bonæ fidei, sive strictis, receptum est compensationem fieri ipso jure sine officio judicis: non desideratur ergo exceptio doli mali, *l. p'ane* 38. ff. hoc t. Attamen videtur desiderari in *l. utiles* 19. et *l. hereditas*, §. 1. eo t. Quibustamen respondendum est ex *l. ult. eod. tit.* etiam si non proponatur exceptio doli mali, compensationis jure, satis per officium judicis consuli, *l. ult. ff. de petit. hereditat.* Loquitur hæc lex 4. de bonæ fidei possessore, quia de suo sumptum fecit bona fide in funus defuncti, vel in curationem defuncti cum egrotaret. Sed idem videtur admittendum etiam in malæ fidei possessore; ut quod pietatis ratione impendit circa personam defuncti, et infirmitatem, aut funus, id compenset petitori hereditatis, et eo nomine habeat actionem negotiorum gestorum, vel funerariam, que imitatur actionem negotiorum, *l. et si quis*, §. idem Labeo, versic. et quid si testator, ff. de religio. et sumpt. funer. quasi videatur qui propter funus sumptum facit cum defuncto contraxisse, *l. 1. de religio. et sumpt. fun.* Præter hos sumptus, etiam compensat malæ fidei possessor sumptus necessarios et utiles factos in res hereditarias, si modo eis locupletior facta sit hereditas, ne ex jactura malæ fidei possessoris verus hæres lucrum sentiat, sed non compensat sumptus necessarios et utiles factos in res hereditarias, quibus hereditas melior facta non est, *l. plane* 38. ff. de petit. heredit. non compensat etiam, vel imputat voluptuarios, *l. utiles* 39. §. ult. ff. eod. bonæ fidei possessor imputat voluptuarios, sive compensat, et bonæ fidei possessor compensat etiam ceteros sumptus, licet res non exstet, in quam facti sunt et consumpti, id est, quamvis inde non restituatur locupletior hereditas, *d. l. plane*, et *l. utiles*, et hæc tantum in hac ratione compensationis est differentia inter bonæ fidei et malæ fidei possessorem.

Ad L. V.

De hereditate, quam bona fide possidebas, si contra te pronuntiatum est, in restitutione ejus detrahetur quod creditoribus ejusdem hereditatis exolvisses te bona fide probaveris. Nam repeti a creditoribus: qui suum receperunt, non potest.

Lex quinta docet, compensari etiam id quod possessor hereditatis de suo creditoribus hereditariis solvit: loquitur de vero debito, id est de eo quod vere hereditas debebat creditoribus: ind. b. tum enim si possessor hereditatis solverit, id non imputat, non deducit, non compensat; sicut si indebitum exegerit, non restituit, non imputat, *l. item veniunt, §. sed et si Senatus, ff. de petit. hered.* cui tamen obstat *l. quod si possessor 17. cod. tit.* Scies est: possessor hereditatis ex testamento heres scriptus, legata testamento relicta aut fideicommissa solvit: post evicta ei est hereditas ab intestato, ab herede legitimo quasi testamento imperfecto, aut rupto, ex quo apparuit indebita fuisse legata quæ solvit: plane igitur in hac specie possessor hereditatis indebitum solvit, cum postea apparuerit intestatum fuisse defunctum. Ait lex *quod si possessor*, possessorem hereditatis id, quod solvit reputaturum petitori hereditatis, et ex retentione rerum hereditariarum sibi satisfactorum. Igitur possessor quod indebitum solvit, reputat petitori. Ab Accursio quatuor adferuntur solutiones: hæc est perspicua, ut dicamus in ea specie possessori id indulgeri, ut reputet quod solvit indebitum legatum: propterea quod quantum in se fuit, parvit voluntati testatoris, et quia pietatis officio functus est, æquum est ut id reputet petitori. Itaque *§. sed et si Senatus*, intelligi debet de eo, qui ex alia causa indebitum solvit, ut hic non reputet, non si indebitum solvat ex testamento, et ex præcepto defuncti, puta legatum, aut fideicommissum: sed et hoc casu, cum solvit indebitum legatum, aut fideicommissum ex testamento, quod putabat valere, ita demum imputat et compensat indebitum, quod solvit, si cedat, vel si paratus sit petitori cedere conditionem indebiti, quam habet adversus legatarios, aut fideicommissarios: nam sane conditionem indebiti habet, cum indebitum errans solverit, id est. existimans valere testamentum; hanc si cedat petitori hereditatis, solum petitori hereditatis, reputabit, *d. l. quod si possessor, et l. quod si in diem, §. pen. et ult.* et procedit hoc indistincte, sive de suo solverit indebita legata, sive de hereditate, ut apparet ex *dict. l. quod si in diem, §. penult. et ult.* Semper enim quod solvit petitori, sive vero heredi imputat, modo cedat conditionem indebiti. Superiore etiam casu, qui est casus hujus *leg. 3.* cum possessor hereditatis

verum debitum solvit creditoribus hereditariis non distinguitur, utrum solverit de suo, an de hereditate: semper enim id, quod solvit creditoribus hereditariis vel imputat, vel compensat. Multum tamen interest, utrum verum debitum solverit possessor hereditatis suo nomine, an hereditario nomine, puta defuncti nomine, aut, veri heredis nomine quod attinet scilicet ad conditionem indebiti: quod solvit, ut dixi, imputat semper petitori, sed non condicit semper ei, cui solvit. Nam distinguendum est, utrum solverit creditori hereditario, suo an hereditario nomine, si enim hereditario nomine, non habet conditionem indebiti, quia creditores suum receperunt nomine debito, id est, hereditario. Condicio indebiti non est adversus eum, qui suum recepit, licet is, qui solvit id non debuerit, sed alius, modo solverit, qui non debebat nomine veri debitoris, ut hoc casu, nomine hereditario, *l. repetitio 44. l. quod nomine 8. l. servus cujusdam 36. in fin. ff. de condict. indeb.* et in hac *l.* Ait enim, *de hereditate, quam bona fide, etc.* Ponendum est ex supradictis legibus eum solvisse hereditario nomine, et ideo non habere conditionem indebiti, quia vero nomine solvit, et veris creditoribus, etiam si ipse non debuerit. Inde fit, ut vere heres, qui est verus debitor liberetur, quia ejus nomine solum est, sive hereditario: et ut etiam verus heres possessori hereditatis teneatur actione negotiorum gestorum cum de suo solvit, si non utatur reputatione: vel igitur quod solvit hereditario nomine possessor, reputabit aut compensabit, vel id repetet actione negotiorum gestorum, quia verum heredem liberavit, *l. ult. ff. de negot. gest. et l. ult. h. l.*

In his speciebus, fere ubi est reputatio, est et actio negotiorum gestorum cum quis de suo solvit: nam et cum prædo sumptus fecit, quibus aucta est hereditas, non tantum eos potest reputare, sed etiam repetere negotiorum gestorum actione, *l. 6. si pupilli, §. sed et si quis negat, ff. de negot. gest.* Quid tamen dicemus, si possessor hereditatis creditoribus hereditariis solverit suo nomine, non hereditario, suo nomine, inquam, quasi ipse debeat? et constat eum habere conditionem indebiti, quia suo nomine solvit, et ipse non debuit, et est sic accipienda *l. in summa 65. §. ult. l. si pæna 19. §. 1. ff. de condict. indeb. l. 6. inf. de condict. indeb.* In qua etiam ponendum est, eum, cui datur conditio indebiti, solvisse suo nomine: licet lex dicat eum solvisse ut successorem patris: nam fieri potest, ut qui omnino putat se heredem esse, solvat suo nomine, ut ait *l. si quid possessor 31. ff. de petit. hered.* quæ hoc declarat expressim ut solverit suo nomine, atque etiam *l. cum quis 38. §. de peculio, ff. de solut. et l. 2. inf. de his qui in prior. credi-*

tor, loc. suc. Et consequenter hoc casu, cum possessor hereditatis solvit suo nomine, verus hæres idemque debitor non liberatur, quia nomine ejus solum non est: non liberatur ipso jure, sed liberatur per exceptionem doli mali, cum creditores suum receperint, *l. si quid possessor*. Qua etiam ratione dicemus petitorum hereditatis possessori teneri actione negotiorum gestorum, cum vel per exceptionem liberatus sit. Itaque possessor hereditatis, vel quod de suo solvit repetet actione negotiorum gestorum, quia verum debitorem liberavit, vel per exceptionem, cum suo nomine solvit, vel sive de suo, sive de hereditate solvit, id petitori reputabit: nam utroque casu, id est, sive solverit hæreditario nomine, sive suo, quod solvit imputat petitori, sed posteriore casu, id est, cum solvit suo nomine tantum, ita demum id quod solvit imputat petitori, si modo caverit defensum iri petitorum, ut explicat *d. l. si quid possessor, ff. de petit. hæred.* Hoc merito exigit cautionem alia in re. Sed ita demum imputat si cedat conditionem indebiti, quam habet dicta *l. si quid possessor*. Et hæc est vetus distinctio Accursii verissima, quam qui neglexerunt Stella, Zazius, et alii complures, dici non potest quam sint ridiculi: sed quæ leges dant conditionem indebiti, sunt accipiende de possessore hereditatis, qui solvit suo nomine: quæ denegant, sunt accipiende de possessore hereditatis, qui solvit alieno nomine, id est, hæreditario nomine, nec hac in re ullus est labor. Distinctio confirmatur superioribus legibus, et ea utimur in plerisque aliis questionibus, etiamsi non adscribatur legibus. Græci etiam non animadvertentes ad hanc distinctionem, vaticinantur, intelligentes hanc *l. §* quæ denegat conditionem indebiti possessori hereditatis, in heredescripto, cui est evicta hæreditas per querelam inofficiosi testamenti, quæ est petitio hereditatis, ut scilicet hic hæres scriptus, quod solverit creditoribus hereditariis, non condicat, quia vere debuit. Justum enim fuit testamentum licet id postea resciderit querela. Itaque interim vere debuit hæres, vero fuit hæres obligatus creditoribus hereditariis, et solvit denique vere quod debuit. Et sane liquido constat in hac specie, denegandam esse conditionem indebiti possessori hereditatis: sed nihil est necesse ad hanc speciem hanc legem *§* adstringere, in qua nihil est, quod nos cogat ad hanc speciem, sed tantum supplendum est ex aliis legibus. Generaliter eum, qui solvit hæreditario nomine, non habere conditionem indebiti, quia solvit non suo nomine, sed vero nomine, quia creditores suum receperunt, hoc non est satis: necesse est enim vero nomine recipiant, ut recipiant hereditario nomine: nam secus tenentur conditione indebiti. Loquitur autem etiam hæc lex de bonæ fi-

dei possessore: rectissime: nam quod attinet ad conditionem indebiti, aliud statuendum est in male fidei possessore, quia ille nullo casu habet conditionem indebiti: sciens enim solvit se non debere se alienam hereditatem possidere. Igitur superior distinctio non est admittenda in male fidei possessore, reputatione tamen utetur: reputabit quod solverit male fidei possessor, etiam quocumque nomine solverit, et sive de suo, sive de hereditate solverit. Hac tamen lege et conditione, si modo caveat a se petitorum hereditatis defensum iri adversus creditores hereditarios, cum suo nomine solvit: nam suo nomine solvendo non liberabit verum heredem, verum debitorem. Igitur est integra actio creditoribus hereditariis adversus verum heredem, licet suum receperint, quia non a vero debitore receperunt: qua de causa? ne verus hæres cogatur et pati reputationem a possessore, et pati actionem creditæ pecuniæ a creditoribus hereditariis. Equum est, ut malæ fidei possessori, qui suo nomine solvit, non aliter permittatur, quod solvit imputare creditoribus, quam si caverit petitori vero hæredi adversus creditores hereditarios se defensurum verum heredem, *d. l. si quid possessor*. Sed bonæ fidei possessor non oneratur hac cautione: satis est si velit reputare quod solvit etiam suo nomine, si cedat conditionem indebiti, quam habet, petitori hereditatis, *d. l. si quid possessor*.

Ad L. VI.

Si putas non jure tutores datos nepotibus tuis, quod ros dicas in tua esse potestate, petere ab eis hereditatem filii tui emancipati non moreris, cujus commodum ad te pertinere dicis: judice statuturo, an a præsidialibus actis discedendum sit, qui eis tutores dedit, cum in tua potestate negaretur esse.

Facile licebit hodie pervenire usque ad leg. penult. Ac primum quidem legis *6.* species est. Quidam filium emancipavit, et nepotes ex eo retinuit in potestate, quod jure potuit facere, *l. liberum 28. D. de adoptionib.* Nepotes vero perinde ac si essent sui juris, a Præsidente Provinciæ, cum essent impuberes, tutores sibi dari petierunt, et acceperunt mortuo patre, superatite avo, ut scilicet per eos tutores administrarentur bona paternæ: his, qui sunt in potestate, jure non dantur tutores, ut tutelæ definitio indicat. tutela est potestas in caput liberum, id est, in hominem sui juris: excipitur tantum unus casus in *l. ult. de sentent. passis, inf.* valde elegans et notandus, quo filiusfamilias habet tutorem: sed filiusfamilias regulariter non indiget tutore, vel qui est in potestate parentis: hi tamen nepotes, ac si essent sui juris tutores acceperunt,

atque ita se gesserunt pro liberis, et hereditatem paternam pro herede possederunt. Contra avus, qui contendit eos in sua potestate esse, et ideo eis tutores inutiliter datos, et sibi acquisitum commodum hereditatis filii sui patris eorum per nepotes, petit eam hereditatem a nepotibus, quasi sibi acquisitam per nepotes, qui manserunt in ejus potestate. At dicas: quomodo per nepotes potuit avo acquiri, cum non adierint jussu ejus? Imo potuit acquiri avo hereditas per nepotes citra jussum jure prætorio, ratihabitione scilicet, si avus ratam habent eam hereditatem, quam nepotes citra jussum ejus agnoverunt. Jure enim prætorio jussus parentis non requiritur, et sufficit ratihabitione. *l. 6. D. de acquir. hered.* Quin etiam ex Constitutionibus, si nepotes eam hereditatem diu possederint scientes et non repugnante avo, videntur eam agnovisse et acquisisse avo, *l. si filiusfamilias, inf. hoc tit.* quæ est de filiofamilias, et ait filiumfamilias qui diu possedit hereditatem sibi delatam, tacente scilicet et non contradicente patre, eam agnovisse videri: et ideo ejus commodum patri acquisivisse, et patri competere petitionem hereditatis: sicut ex diverso si hereditatem delatam filiofamilias pater ipse diu possederit non repugnante filio, etiamsi filius non adierit eam hereditatem, videtur eam pater admisisse et acquisisse ex Constitutionibus, *d. l. 6. §. 1. de acquir. hered.* Et ita avus in hac specie, licet non jusserit nepotes adire hereditatem paternam, tamen vel quia ratam habet agnitionem hereditatis factam a nepotibus, vel quia diu passus est nepotes esse in possessione hereditatis, ideo jure contendit ejus hereditatis emolumentum sibi esse acquisitum, ac proinde jure ab eis petit hereditatem. Dices; imo non jure, quia eos ponit esse in sua potestate: lis autem nulla est cum eo, qui est in nostra potestate, *l. 4. D. de judic.* Imo si qua lis a me fuerit contestata cum eo, qui erat sui juris, et pendente lite fiat mei juris, puta adrogatione, moritur lis, solvitur judicium *l. 11. si a me, D. de judic.* Quomodo igitur potest avus petitione hereditatis consistere adversus nepotes, quos ait esse in sua potestate? hoc necessario admittitur, cum liberi, qui sunt revera in potestate, sunt in possessione sui juris. Cum ita filius est in possessione sui juris, cum eo pater, vel avus jure litigat, sicut licet cum servo nulla sit actio, tamen si servus sit in possessione libertatis, cum eo est actio: et ideo avus recte in hac specie a nepotibus hereditatem petit. Ait autem lex, eum, qui de hereditate cognoscit inter avum et nepotes, cogniturum etiam de statu, id est, an nepotes sint in potestate necne: nam ex hujus questionis definitione pendet finitio questionis hereditariæ, et plerumque jure tenetur dationem tuto-

Tom. IX.

rum, et habebit nepotes pro liberis, id est, sui juris, maxime si avus eos sit passus diu, ut patrefamilias bona paterna administrarent per tutores: videtur enim eos tacite emancipasse. Tacita emancipatio recepta est constitutione bas, *l. 1. inf. de patr. potest. l. post mortem 25. ff. de adopt.* Igitur judex hereditatis prius de eo cognoscet sint nepotes in potestate petitoris necne, ac deinde de hereditate pronuntiabit, quæ petitur. Itaque qui cognoscet de hereditate, et de statu, cujus quæstio incidit, cognoscere potest, ut in *l. 3. sup. de jud. et l. 1. sup. de ordine judicior.* Et huc pertinet lex 8. hujus tit. ubi ait, *liber necne fuerit, etc.* disquiri debere a iudice hereditatis. Ergo iudex hereditatis cognoscit de incidente questione status, et quidem de hac quæstione status, quasi præjudiciali, cognoscit, ut ait priori loco, non etiam pronuntiat, sed hac quæstione discussa, pronuntiat de principali, id est, de hereditate, *l. 2. inf. de ordine cognition.* Et necesse quidem est, hoc prius a iudice disquiri, sit adversarius sui juris, an alieni, id est, sit reus in potestate petitoris an non, vel etiam fuerit testator, ex cujus testamento petitur hereditas liber, an servus: nam si servus fuit, non potuit heredem habere, *l. servus, inf. comm. de success.* quæ est conjungenda huic legi 8. simul et legi Arrianus, *inf. de liber. caus.* In his tribus legibus, quæ ex una constitutione manant, eandem, est inscriptio: debet etiam in omnibus ita subscriptio restitui, *Data Nonis Aprilis S. mil, Cesaribus Consulibus,* et ut optissime conjungantur, ita ponenda est species. Arriano quidam fecit controversiam status eum vindicans in servitutem, et non obtinuit: et ita Arrianus liber est pronuntiat. Deinde Arrianus mortuus est relictis duobus heredibus. Asterio et Philippo: is, qui Arriano fecerat controversiam status, erat Leonides quidam. Idem Leonides de statu defuncti rursus egit adversus Philippum unum ex heredibus non recte egit, quia jam ante egerat cum Arriano et succubuerat. Non opposuit tamen Philippus exceptionem rei judicatæ, sed collusorie causam egit Philippus, et in fraudem Asterii cohæredis sui passus est se vinci. Queritur an hæc res officiat Asterio? minime. Res acta inter Leonidem et Philippum, et quæ inter eos in confessionem venerunt, Asterio non officiant, non si Philippus confessus sit testatorem servum fuisse, non possum mutare statum libertatis, nec nomen substantivæ defuncti, id est, non possunt mutare nomen hereditatis Arriani in nomen peculii. Et idem erit integrum Asterio agere petitione hereditatis, in quo iudicio tamen prior loco disceptabitur, an Arrianus liber fuit necne: an lusorie egerit causam Philippus, an Leonides idem de statu iudicium iteraverit, et quidem prio-

re loci, quia si servus fuit, successores habere non potest, l. 3. D. de verbor. obligat.

Ad L. VII.

Hæreditatis petitione, quæ adversus pro hærede, vel pro possessore possidentes exerceri potest, præscriptione longi temporis non summovetur, nemini incognitum est: cum mixtæ personalis actionis ratio hoc respondere compellat. A ceteris autem tantum specialibus in rem actionibus vindicari posse, manifestum est, si non agentis intentio per usucapionem, vel longum tempus explosa sit.

Ponit duas differentias inter petitionem hæreditatis, et actionem in rem specialem. Petitione hæreditatis is tantum tenetur, qui pro hærede, aut pro possessore possidet, ut dictum est l. 2. supra. Hic delevenda est ratio, quam retulit Accursius, quam probant interpretes, et improbant veriorum, quam idem attulit in l. pen. inf. in quibus caus. cessat longi temp. præscript. Cur petitio hæreditatis datur tantum adversus eos, qui pro hærede, vel pro possessore possident? ratio ea est, quia si quis possideat alio titulo rem hæreditariam, inter eum, qui petit hæreditatem, et eum, qui possidet pro emptore, nulla potest esse lis. Nam qui potest esse hæres, et qui possidet esse emptor: unus dicit se heredem, alter se esse emptorem: hæc non sunt adversa, ut lis sit, necesse est, ut quod sibi vindicat unus, eodem jure alter possideat. Imo qui possidet pro emptore, fatebitur adversarium esse heredem, idem est si alio titulo possideat. Sed quid fecit ut interpretes discederent ab hac ratione, et idem non dicatur et de eo, qui possidet pro possessore, qui tamen tenetur petitione hæreditatis? imo vero idem prorsus dicetur. Nam hic etiam controversatur de hæreditate, sicut qui possidet pro hærede plane controversatur de hæreditate adversus eum, qui hæreditatem petit quasi hæres et existit vere lis de hæreditate. Ita etiam cum unus petit hæreditatem, alter pro possessore possidet, id est, nullo adjecto titulo possessionis, et tamen litigat, nec vult concedere petitori titulum proferenti. Controversatur de hæreditate, et perinde est atque si contra diceret se heredem esse: quoniam non dicit, cur possident: et tamen vult litigare contra eum, qui dicit se esse heredem vel ex testamento, vel ab intestato. Igitur est manifesta controversia de hæreditate. Alii, qui aliis titulis possident, non controversantur de hæreditate, nec quod asserunt adversatur intentioni petitoris hæreditatis. Igitur inter petitem hæreditatis, et eos nulla lis existere potest: ob id petitio hæreditatis non est nisi adversus eam, qui controversatur de hæreditate,

is autem est tantum, qui pro possessore, vel pro hærede possidet. Ceteri, qui aliis titulis possident, tenentur specialibus in rem actionibus: nam contendunt se esse dominos, quasi legatarios, quasi donatarios, quasi conjuges. Idem contendit, qui vindicat. Est igitur vere lis inter eos de dominio: hæc est prima differentia. Secunda differentia est, quia præscriptio longi temporis non obstat petitioni hæreditatis: vel ita, petitio hæreditatis non tollitur præscriptione longi temporis, id est si possessor possederit longo tempore hæreditatem, non ideo repellit petitem hæreditatis. Cur ita? Imperator hanc rationem adfert, quia petitio hæreditatis est actio mixta, id est, tam in rem, quam in personam, l. sed etsi lege, §. petitio, D. hoc tit. quomodo? quia scilicet qui petit hæreditatem non tantum vindicat hæreditatem, et suam esse dicit, sed etiam intendit sibi dari oportere, quod possessor exegit a debitorib. hæreditariis, vel quod redegit ex venditione rerum hæreditariarum, licet hæc nunquam fuerint in hæreditate, sive in bonis defuncti, vel etiam sibi dari oportere quod ipse possessor debuit defuncto, ut l. 13. §. ult. et l. 14. 15. et 16. in princip. et §. 1. D. de petit. hered. Sic igitur qui petit hæreditatem, agit et in rem et in personam. Igitur petitio hæreditatis mixta est actio, et ratione personalis actionis, quæ ei juncta est, non tollitur præscriptione longi temporis. Personalis enim actio non tollitur longi temporis præscriptione, l. 5. inf. quib. non objic. longi temp. præsc. l. pen. inf. in quib. causis cessat longi temp. præsc. id est non tollitur præscriptione decem aut viginti annorum: hodie tamen tollitur actio personalis præscriptione tricennii ex Constitutione Theodosii. Olim actio personalis erat perpetua in provinciis, et hæc lex pertinet ad provincias. Petitio igitur hæreditatis non tollitur præscriptione longi temporis, quam solum noverant antiqui ante Theodosium: neque enim noverant præscriptionem tricennii: et ideo nusquam ejus habetur mentio nisi post Theodosium. Ratio est, quia hæc personalis actio est, et personalis actio illa præscriptione non tollitur. Accursius et alii interpretes ridicule hanc rationem Imperatorum putant indigere adminiculo, et tacito reprehendunt quasi minus idoneam: et ideo addunt aliam rationem, quia, inquit, petitio hæreditatis datur adversus eum, qui nullo titulo possidet, ut adversus eum, qui pro possessore possidet, hic sane nullo titulo possidet, et adversus eum, qui pro hærede possidet, hunc etiam ajunt titulum non habere, et ideo non posse uti præscriptione longi temporis, l. 4. inf. de præscript. longi temp. quia præscriptio sine titulo non currit: verum tantum aliest ut ratio Imperatorum egat isto adminiculo, ut omnino rejici debeat hoc

admiriculum . qui falsum est quod statuunt : petitionem hereditatis dari adversus eum , qui nullo titulo possidet : hoc quidem verum est , si agatur adversus eum , qui pro possessore possidet : falsum est , si adversus eum , qui pro hærede possidet , ut si sit hæres scriptus testamento , hic possidet justo titulo , et bona fide , quod forte nescit ruptum , vel quod putat utile , cum sit inutile : nam et is justum titulum habet , et bonam fidem , quia dolo caret , et putat se revera esse hæredem , nec est prædo , *l. sed et si lege , §. scire , D. cod.* Qui possidet ex testamento , justo titulo possidet , et tamen tenetur petitione hereditatis . Et quod ait *d. l. 4. de præscript. long. temp.* male explicatur : ait , *diutina possessio* , id est possessio longi temporis , *tantum jure successionis sine justo titulo obtenta prodesse ad præscriptionem hac sola ratione non potest.* Jure successionis , id est , si is qui possidet , dicat tantum se esse hæredem , ei possessio longi temporis nihil prodest ad exceptionem , ad præscriptionem si possideat sine justo titulo , id est , neque sit cognatus nec scriptus , nec conjux . Igitur si possidet *jure successionis* , hoc est prætextu successionis , obtenta successionis sine justo titulo , qui neque est cognatus , neque scriptus nec conjux ei . Is , qui ita possidet , non acquirit sibi possessionem , et præscriptionem longi temporis . At qui est scriptus , possidet ex justo titulo , et hic acquirit præscriptionem longi temporis sed hæc præscriptio non tollet petitionem hereditatis competentem legitimo hæreedi ab intestato , quasi testamento nullo , aut rupto , quia petitio hereditatis non tantum est realis , sed personalis etiam , et personæ immistio eam perpetuam facit . Specialis autem in rem actio tollitur præscriptione longi temporis , vel usucapione , ut ait hæc lex 7. ubi est usucapio frustra pervenitur ad præscriptionem longi temporis , *l. 2. infra in quibus caus. ces. long. tempor. præscript.* Et ex eo constat , hanc legem pertinere ad provincias , quia differentiam facit inter usucapionem , et præscriptionem : illa pertinet ad res Mancipi , hæc ad res nec Mancipi . Igitur vindictio specialis si res sit Mancipi , tollitur per usucapionem , et si res sit nec Mancipi , per præscriptionem longi temporis . Actiones vel in rem sunt , vel in personam : in rem tolluntur præscriptione longi temporis , in personam non tolluntur nisi post tricennium ex Constitutione Theodosii . Ejusdem generis sunt actiones mixtæ , quia ea pars accipitur , quæ æternam actionem facit : quia igitur mixta est , id est , tam in rem quam in personam , ideo et perpetua est , sicut actio in personam . Nobis enim debet hoc esse curæ , ne temere intereant actiones , et producantur quanto longius fieri poterit . Atque ita mixtæ actiones obteptu personalis actionis producantur ultra longum

tempus , sive sunt perpetuæ , et hodie tricennales . Sed quod ait hæc constitutio petitionem hereditatis non tolli præscriptione longi temporis , ei obstat quod dicitur de querela inofficiosi testamenti , eam tolli quinquennio , *l. si quis filium , sup. de inoffic. testam.* Est autem querela inofficiosi testamenti petitio hereditatis ergo , petitio hereditatis tollitur præscriptione quinquennii . Respondendum , hic non agi de illa petitione hereditatis , quæ datur ex causa inofficiosi testamenti : hæc enim propriam naturam habet , et ideo datur ei proprius titulus in his libris . Deinde petitio hereditatis de inofficioso est rescissoria , quia rescindit testamentum justum ut inofficiosum , hoc colore , quasi testator non fuerit sanæ mentis , et ita patremfamilias intestatum facit , quia est rescissoria , ideo coarctatur breviori tempore : sed petitio hereditatis , de qua hic agitur non est rescissoria , et est perpetua . Obstat etiam huic sententiæ *l. 1. §. 1. D. ad Senatuse Tertyllian.* ex Senatusconsulto Tertylliano filius succedit matri ab intestato , licet matri non sit agnatus , sed cognatus , et præfertur agnatæ matri : in hoc S. C. hæc adlitur clausula , *ut transacta , finita , judicata , rata maneant :* et finita Jurisconsultus interpretatur longo silentio sopita , id est , longo tempore : unde consequenter dicemus filio petenti hereditatem maternam obstare longum tempus : neque oportet interpretari , ut Accursius , longum id est , longissimum . Nam præterquam quod longissimi temporis præscriptionem non noverant Jurisconsulti , quia eam introduxit Theodosius , etiam verbum eam expositionem non admittit : neque tamen aliter se expedit ex illo loco , quem opponit *l. licet , inf. de jure delib.* quæ ostendit petitionem hereditatis non extinguí longo tempore . Sed breviter respondendum , eam clausulam S. C. Tertylliani referri ad præteritum tempus , ad jus præteritum , quod obtinuit ante S. C. Tertullianum : quo jure filius non præferrebat agnatæ matri , et significatur ea clausula , ut si eam hereditatem agnati ante S. C. possederint longo tempore , non possit etiam filius nunc ex S. C. hereditatem ab eis petere : sed non pertinet ea clausula ad futurum tempus . Nam post Senatusconsultum poterat ab agnatæ filius hereditatem petere , quam post S. C. possederant longo tempore . Obstat et *l. ult. in fin. inf. de edict. div. Adriani toll.* Cum de hereditate agitur , dum sunt lites , una de possessione , altera de proprietate , id est , jure hereditario , et ideo dum contenditur de hereditate , dilata questione hereditatis de proprietate , primum ponitur si quis ex iis , qui disceptant de hereditate , in possessione , sive mittitur in possessionem : prima enim disceptatio est de possessione : et ob id ex edicto divi Adriani , si quis sit scriptus hæres is mittitur in possessionem ; si

nudo proferat testamentum legitime formatum, id est non cancellatum, etiamsi datur testamentum falsum ab adversario, salva tamen eorum deceptione, id est salva petitione hereditatis, quæ est principalis, et secundaria tamen. Mittebatur autem ex edicto Adriani heres scriptus in possessionem, si intra annum id postulabat, post annum id non poterat postulare, d. l. leg. ult. Paulus 3. Sentent. tit. 3. Hodie ex Constitutione Justiniani mittitur heres scriptus in possessionem, non ex edicto Adriani, et ea missio est perpetua. Primum ait Justinianus, mitti scriptum in possessionem etiam post annum, etiam si dū siluerit. Et si quis forte existat, qui dicat potiora jura se habere possessionis, summum esse cognoscendum de jure illius, et collocandam apud eum possessionem hereditatis litiginæ: sed peti potest hæc missio perpetuo ab hærede scripto: verum addi hanc exceptionem, nisi tantum temporis effluxerit, quod rerum quarundam possessori pareat dominium, vel ejus, qui mittitur omnem intentionem excludat, id est, nisi tantum temporis effluxerit: quod pariat usucapionem, vel præscriptionem: tunc enim sero postulatur missio in possessionem. Nam si vel ex una parte, id est, ex parte possessoris, vel ex parte hæredis scripti, qui postulat se mitti in possessionem rerum hereditariarum, vel ex utraque parte occurrat temporis prolixitas, scripta est non tantum missio in possessionem, sed etiam principalis questio; id est, petitio hereditatis. Denique temporis prolixitate finitur petitio hereditatis, id est principalis questio: ergo petitio hereditatis tollitur præscriptione longi temporis: collectio pessima est, quia lex hoc non dicit, loquitur de temporis competentis prolixitate, puta 30. annorum, quæ si occurrat, dicam missionem in possessionem, et petitionem hereditatis extinguere. Non loquitur ergo lex de longi temporis prolixitate.

De lege octava dictum est supra ad legem sextam.

Ad L. IX.

Si scripti hæredes delatam sibi successionem cognati sui repudiaverunt, et hanc honoratio, vel civili jure quaesiti: res hereditarias, quæ in eadem causa durant, hereditatis petitione vindicare potes.

Si scriptus repudiaverit hereditatem, vocatur legitimus, l. quandiu, D. de acquir. hæred. et petit hereditatem. In eam petitionem hereditatis veniunt res hereditariæ, quæ in eadem causa durant, id est, quæ non desierunt esse hereditariæ. Quid enim si sint amissæ sine culpa possessoris? Earum ratio non habebitur in petitione hereditatis, maxi-

me si bonæ fidei possessor fuerit, etiam si perierint post litem contestatam, l. illud, D. cod. tit. Quid si quæ iam res sint venditæ a bonæ fidei possessore, qui non sit factus locupletior ex pretio; et postea sint usucaptæ ab emptore? hæc desierunt esse hereditariæ: ideo non veniunt in petitionem hereditatis. Hereditas non tantum diminutionem, sed et augmentum recipit, l. item veniunt, §. item non solum, D. cod.

In lege sexta exposita est lex decima supra.

Ad L. XI.

Cogi possessores ab eo, qui expetit, titulum suæ possessionis dicere, incivile est: præter eum scilicet, qui dicere cogitur, utrum pro possessore, an pro hærede possideat.

Positur et in hac lege differentia inter petitionem hereditatis, et specialem in rem actionem. Prior ejus pars est speciali in rem actione: posterior de petitione hereditatis. Cum agitur speciali in rem actione, possessor non cogitur dicere vel docere titulum suæ possessionis, id est, interrogatus car possideat, non cogitur respondere, nec ostendere instrumentum auctoritatis, sed probatio domini ab eo exigitur, qui rem vindicat: hic debet edicere et docere titulum sui juris et domini, quod vindicat, et hoc non probante possessor absolvitur. Est hæc eadem lex in Coll. Theod. posita sub titulo de fide test. et instrumentor. l. penult. et additur illa ratio, quod intentanti vindicationis judicium, non suscipiendi, imposita sit probationis necessitas. Atque ita in tit. de probationibus, eadem sententia extat l. 2. inf. ut possessori, a quo vindicatur res, non incumbat necessitas probandi rem ad se pertinere, sed actore deficiente in probatione, ut res apud eum remaneat, d. l. 2. et videtur potissimum hæc lex data ad antiquandam legem l. Cod. Theod. de fid. testium et instrumentorum: ubi proponitur hanc esse regulam juris antiqui, ut probet qui rem vindicat, non is unde petitur, l. 2. inf. de probat. hunc esse morem judiciorum, Gallice le stile. Sed discedit ea lex 1. nonnihil ab antiquo juris regula. Nam initio quidem vult secundum regulam juris, ut probet actor unde res ad ipsum pertineat, sed eo acore deficiente probationibus, vult contra jus vetus, ut tunc imponatur possessori necessitas probandi unde possideat, et quo jure teneat rem, quod modo aboletur hac constitutione quasi injustum et præposterum: nam unusquisque de suo jure agere debet, non de alieno, l. uti frui, D. si usufruct. petat. Nam si is, qui agit nullum jus citatur, et is, cum quo agitur nullum jus habent, non ideo tamen debet vincere qui agit, sed potius debet vincere reus eo jure, quod in pari causa po-

tior est possessor. Proinde sic dicet reus: res hæc tua non est, concedo etiam meam non esse, quia tamen eam possideo, potior in hac lite esse debeo. Unusquisque enim, qui agit, debet sibi parare victoriam ex suo jure *ἐκ τῶν κρημάτων αὐτοῦ* *Throphil.* in §. *neque*, *Instit. de actionib.* si non paraveris tibi victoriam ex tuo jure, cedere eam necesse est possessori, etiamsi nullum jus habeat possessor, nec ullam causam possessionis suæ adferat, quam et adferre non cogitur, sed tu, qui agis, quo jure nitaris allegare debes, et probare: et hæc cum agitur speciali in rem actione: cum autem agitur petitione hæreditatis, cogitur possessor dicere, utrum pro hærede, an pro possessore possideat. Cur ita? ut proinde sciatur an adversus eum agi possit petitione hæreditatis, an velit litigare de hæreditate: nam si forte nolit litigare de hæreditate, actor mutabit actionem, etaget speciali in rem actione. Mutari potest actio semel edita, ante litem tamen contestatam secundum sententiam *leg. edita*, *supra*, *de edendo*: quæ differentiam facit inter editionem et contestationem, adhibita *l. 1. sup. de litis contest.* Editur enim prius actio: quæ quidem editio declarat speciem, genus, nomen actionis, idquo exigitur omnino, ut sciatur an jure, an plus petat, aut alio jure quam debeat: quam edendarum actionum rationem attulerunt Imperatores Diocletianus et Maximinus in *Cod. Gregoriano tit. de calumniatorib.* Post eam editionem actionis, tibi licet eam emendare et permutare alia actione electa, puta omissa petitionis actione, et edita denovo speciali in rem actione. Editionem sequitur contestatio: editio declarat tantum speciem litis future, *d. l. edita*. Contestatio litem judiciumque constituit: ante contestationem est controversia, non lis; sed et post litis contestationem ex causa admittitur mutatio actionis, *l. 4. §. ult. D. de noval. actionib.* et plerisque interpretibus, ut Placentino videtur, generaliter hodie etiam licere mutare actionem post litis contestationem: et probari videtur jure canonico *cap. examinata. de judic.* sed *dicta l.* non admittit mutationem actionis nisi ante litis contestationem. Igitur qui putat adversarium possidere pro hærede, aut pro possessore, si velit mutare actionem recte eum interrogabit, utrum pro hærede, vel pro possessore possideat ut si negaverit, id est, si dixerit se alio titulo possidere, non expresso titulo vel si dixerit se nolle litigare de hæreditate, mutet petitor petitionem hæreditatis in vindicationem rerum singularium, et ait hæc lex: *dicere cogitur utrum pro possessore, an pro hærede possideat*, illud an peperit multas contentiones inter Bulgarum, Placentinum, et alios quosdam: quæ Azoni et omnibus interpretibus rursus commoverunt, pro quibus hoc reponendum censco. Significat duas quest. proponi adversario

hoc modo, an possides pro hærede, an possides pro possessore? Nam hæc tantum duæ positiones petitori hæreditatis pariant adversarium, speciali in rem actioni quælibet possessio. Igitur ut sciam qua actione experiri debeam, debes mihi explicare, veliane litigare de hæreditate, vel non. De hæreditate litigat qui pro hærede, vel pro possessore possidet, id est, sine titulo: nam litigata de eo, quod intendit, actor, cum nullum alium titulum adferat: intendit actor de hæreditate: ergo de hæreditate litigat possessor: hæc est ratio differentie. Sed quod diximus cum agitur speciali in rem actione possessorem non cogi dicere vel docere titulum suæ possessionis, ei vulgo opponitur *lex civile, inf. de furt. et serv. corrupt.* quæ ait, civile esse ut quis dicat, ut reus dicat a quo rem emerit, quam habet, unde rem habeat: videtur hoc pugnare valde cum hæc *l.* et maxime cum illa dicat esse civile, hæc incivile. Species *legis civile* hæc est. Res quædam mihi furto subrepta est, tu eam possides, et fateris te possidere, ego te mihi eam furto abstulisse contendo, tu dicis te emisse, et jure eam acquisisse: ego desidero ut mihi exhibeas venditorem, tu dicis te non posse exhibere quod emeris a transeunte quodam et ignoto, hæc exceptio sive causatio non est idonea. Non convenit, inquit, dicere te emisse a transeunte vel ignoto si velis evitare alienam bono viro suspicionem. Quid igitur? Debes exhibere venditorem et dicere a quo habueris, aut incidere in suspicionem furti quasi concepti et inventi apud te. Cogitur ergo reus titulum possessionis suæ dicere, unde eam rem habeat. Et idem omnino legitur in *Consuetudinibus Neapolitanis*, *lib. 3. tit. 31.* Sed rem totam rectius explicant Græci, quam Latini ad eam *l. civile*, *lib. 60. Basil. tit. 6.* Ita explicat Thaleus: Si, inquit, sit quest. de dominio nudo, non cogitur possessor dicere unde possideat: si sit quest. de furto, conventus actione furti cogitur dicere unde possideat, quo nihil dici elegantius potest. Nam in vindicationibus hoc tantum dicemus neminem cogi dicere titulum possessionis suæ: in actionibus autem in personam ejusmodi interrogationes admittuntur sæpe, ut rogante adversario, vel rogante iudice, ne scilicet actor incidat in periculum plus petitionis, ut si quis velit agere in personam in unum ex hæredibus, quia ex duodecim tabulis hæredes actione in personam non tenentur in solidum singuli, sed pro portionibus hæreditariis tantum. Ideo ne plus petat actor, potest interrogare in iudicio, non ante iudicium: nam sublatae sunt interrogatorie actiones, quæ præcedebant iudicium: potest, inquam, is qui acturus, est in personam interrogare, an sit hæres, et quota ex parte sit hæres, ut pro ea parte eum conveniat in personam, et plenius nunquam potest interrogare permit-

tente iudice, an ex testamento sit heres, ergo de titulo: *l. 2. et l. 5. et l. 9. §. pen. de interrog. in jur. fac. et interrog. action.* Sed in vindicationibus non ita. In rei vindicatione qui possidet, non cogitur dicere pro qua parte ejus res sit, et multo minus titulum. Nam hoc est munus petitoris, non possessoris, *l. in speciali 73. D. de rei vindic.* ut petitor doceat quem titulum ipse habeat, et pro qua parte contendat se esse dominum. Nihil tale exigitur a possessore. Quin etiam non cogitur adversario respondere an possideat: nam quod ait *l. qui petitorio 36. D. de rei vindic.* actorem debere requirere, utrum reus possideat, an dolo desiderit possidere, ne frustra experiatur; hoc non est eum debere interrogare reum, sed debere prius indagare et inquirere an reus possideat rem, quoniam si rem dicat se non possidere, non cogitur pati rei vindicationem, *l. ult. ff. de rei vindic.* Igitur actor id debet apud se explorare, non ab adversario requirere, sed sateor officio iudicis incumbere ut eum interroget, an possideat rem, de qua agitur, non qua ex causa possident: nam neque iudici ipsi cogitur dicere titulum suæ possessionis, *l. officium 9. D. de rei vindic.* sed interrogari potest officio iudicis an possideat, ne sit inane iudicium, et etiam pro qua parte possideat: utrum rem totam, an pro parte: idquo hac ratione ut sciatur in quam partem sit actor mittendus in possessionem: nam si dicat se rem non possidere, in eam continuo, aut in possessionem ejus mittitur actor, licet eam suam esse non probaverit: quia res non defenditur. Ergo licet revera eam reus possideat, qui dicit eam se non possidere, etiamsi eam non probaverit, mittitur in possessionem, *d. l. ult. ff. de rei vindic.* non etiam dicat se tantum partem tertiam possidere, in reliquam partem, quæ non defenditur, mittitur actor in possessionem, *l. qui servum 20. §. ult. ff. de interrog. in jur. fac.* Idque procedit ut ibi demonstratur in cautione damni infecti. Quoties desidero a vicio cautionem damni infecti, potest interrogare eum iudex pro qua parte prædium vicinum possideat, quoniam ad eam partem, quam possidet, stipulatio damni infecti accomodatur, et si id pro ea parte non cavet damni infecti, actor mittitur in possessionem ejus partis, ideo propter in missionem in possessionem officio iudicis convenit rogare possessorem, pro qua parte possideat. Præterea ei, quod divisimus in actione speciali, in rem possessorem non cogi dicere titulum suæ possessionis, opponitur lex *sive possidetis, inf. de probat.* Hæc sunt partes hujus legis: prior congruit superiori, posterior quodammodo repugnat. In priori parte ponitur, filios emancipatos possidere pro donato res donatas a patre: eas res heredes patris

exteris vindicare: lex ait, actoribus facti probationem incumbere, non possessoribus, quod etiam nos statuimus, sed in posteriori parte ponitur exteris possidere res donatas a defuncto pro donato, heredes eas potere, speciali ergo vindicatione, non petitione hereditatis: possessores, inquit, ut intentionem actoris non constituisse demonstrent: unde possideant docere compelluntur: ergo is, cum quo agitur vindicatione, cogitur dicere unde possident, id est, titulum suæ possessionis. Vulgo interpretes dicunt, ideo possessorem cogi dicere titulum suæ possessionis, quod præsumptio faciat pro actore, et ideo in ea *l.* tractant de præsumptionibus: inepte, cum tamen nihil sit in ea, quod præsumptionem faciat pro actore: nam etsi sint filii defuncti, qui agant, hoc solum non potest inducere præsumptionem idoneam, sed est aliud quiddam, quod magis urget. Fateor equidem si sit evidens ratio pro actore possessorem cogi dicere quo titulo possideat, *l. Quintus 51. ff. de donat. int. v. r. et uxor. l. etiam 6. inf. eod. tit. de donat.* Si quid uxor possident quod non habuerit ante contractum matrimonium, id præsumitur esse ex bonis mariti, et mortuo marito ab heredibus mariti vindicari potest quasi donatum uxori, si mutaverit voluntatem si morte non fuerit confirmata donatio, quia quicquid habet uxor id præsumitur esse mariti, nisi probet utile habere: quæ est definitio vetus Quinti Mutii: et ita Plautus in *Cassina*: *nam peculi probam a hil habere adderet clam viro.* Qua de causa etiam *l. Quintus* ait, ita præsumendum esse evitandæ suspicionis turpis gratia. Igitur vindicatur recte quod habet uxor nisi probet unde habeat, quia præsumptio legitima facit pro actore: verum nihil est tale in *l. sive possidetis, inf. de probat.* in qua heres, qui agit vindicatione, probavit rem fuisse defuncti, et se heredem esse: quid restat nisi ut vindicet, si non contra possessor probaverit rem sibi a defuncto fuisse donatam, vel alio titulo acquisitam? Idem erit si quis rem emerit et acceperit ex causa venditionis, et ammissa possessione eam vindicet probato dominio et instrumento auctoritatis prolato sive emptionis: nam hic etiam vincet, nisi adversarius probet se usucepi-se, vel nisi opponat præscriptionem longi temporis, et eam probet. Tunc necessario debet proferre titulum suæ possessionis. Igitur possessor non cogitur ab adversario dicere statim unde possideat, sed post impletam probationem ab auctore rei, necessitas cogit eum probare causam suæ possessionis, nisi velit rem amittere, *l. si quidem, inf. de exception.* Atque ita ad *l. sive possidetis 16. de probat.* Græci adjiciunt *μετὰ τὴν τοῦ ἐνέχοντος ἀπόδειξιν.* Possessorem probare titulum suum post probationem actoris.

Ita in *l. emptor de præscript. long. temp. inf.* Postquam impleverit actor probationem suæ intentionis, tunc debet reus adhibere probationem justæ possessionis, et omnino legem sive possidetis Græci explicant in hac sententiam. Ei, qui agit vindicationis incumbit onus probandi; is autem, cum quo agitur, post impletam probationem actoris, si ex alia causa se esse dominum dicat, cogitur docere quæ ex causa sit dominus: rectissime: sed non cogitur hoc dicere, nihil pro se probante actore: et hoc est quod Bartolus ad illam leg. ait, possessorem non compelli ad utilitatem actoris ducere suum titulum, cum scilicet actor pro se nihil profert, sed ad utilitatem suam, et ad excludendum actorem. Et sic etiam in vindicationibus servitutum observatur. Est duplex vindicatio, confessoria et negatoria. Qui agit confessoria, utique docere debet de suo jure, veluti de legato, aut donatione, *l. 10. si quis diut. ff. si serv. vind.* Is etiam, qui agit negatoria, de quo dubitari poterat, cogitur docere de suo jure. Pinge eum sic agere: jus tibi non est eundi agendi: hoc debet probare; nam hæc negatio pro affirmatione est. Nam qui hoc dicit, jus mihi est prohibendi, ne eas agas invito me: vel hoc dicit, prædium meum liberum est: et hoc jus, quod intendit debet probare, et eo impleto, tum necessitas rei compellit eum probare servitutem, id est, iter sive actum: alioqui causa cadet: sed non ante cogitur reus probare de jure suo, quam actor suam intentionem impleverit, nisi in casu *l. si priusquam 13. ff. de novi operis nuntiatio*. Cum reus initio rem non defendit, cum latitavit. Finge: Egi adversus te, jus tibi non esse eundi agendi, et tu rem non defendisti, latitasti: ob rem non defensam hæc tibi infligitur poena, ut cogat iudex te cavere non iturum, vel scelerum te, priusquam probaveris jus tibi esse eundi agendi, id est, antequam suscipias partes petitoris, et egeris confessorie commutabitur persona rei in personam actoris; et tu, qui modo eras reus, quia rem non defendisti, suscipies personam actoris, et vindicabis, si velis eo uti, et si adversarius tuus pro sua parte nullam probationem fecerit, hæc est poena latitantis: alioqui ordo legitimus hic est. ut probet prius actor, qui vindicat, deinde reus ut contra probet se potiorum titulum habere, aut cedat actori: et eadem ratio est in *leg. ult. inf. de censibus, et censitor.* quam tamen Græci adferunt pro exceptione ad hanc legem contra meum iudicium; non est enim exceptio: colligunt ex eo *l. cum, qui prædium accipit a persequatore* (persequator est, qui prædia deserta aliis adjudicat ne census fisco deciperent, cum nullus est, qui possident, et qui etiam inspicit, an pro possessionum modo et ratione sint prædiis et posses-

sionibus impositi census, ideo dicitur inspector) Igitur apud eum: qui prædium a persequatore accipit: quod erat desertum, manet firma possessio si constiterit, id est, probaverit se a persequatore accepisse. Ergo, inquit, qui accipit a persequatore, debet probare unde possident: male colligunt. Nam fingendum est, dominum prius agere, qui deseruerat prædium, et id vindicare adversus eum, qui accepit prædium a persequatore, quod non deseruerat (quod derelinquitur amittitur, non quod deseritur) et exigimus a domino probationem dominii, et completa probatione dominii, cum possessor intellexerit eum habere causam agendi, tum ipse possessor contra probabit se a persequatore accepisse, et potiorum esse causam possessoris, *d. l. ult.*

Ad. L. Ult.

Cum hereditatis petitioni locus fuerat, exceptio assumebatur, quæ tuebatur hereditatis petitionem, ne fieret ei præjudicium. Magnitudo etiam, et auctoritas centumviralis iudicii non patiebatur per alios tramites viam hereditatis petitionis infringi. Cumque multæ varietates et controversiæ veterum exortæ sunt, eas certo sine concludentes, sancimus si quis hereditatis petitionem: vel susceperit, vel suscipere sperat: vel movere: alius autem superveniens vel ex deposito, vel commodato, vel legato, fideicommisso, vel ex aliis causis inquietare, vel eum, vel agentem ex persona defuncti crediderit sibi esse necessarium: si quidem pro legato, vel fideicommisso hoc faciat, rem expeditæ questionis esse: cum possit scriptus hæres cautione interposita non differre hanc petitionem, sed recte et exigi vel legatum, vel fideicommissum sub ea cautela, vel satisfactione pro qualitate personarum. Quod si non obtinuerit ejus jura, restituet legatarius, vel fideicommissarius ei datam pecuniam cum usuris ex quarta centesima parte concurrentibus, vel agrum cum fructibus, quos percepit, vel domum cum pensionibus, scilicet in utroque eorum expensis antea necessariis et utilibus deductis: vel si ipse maluerit litem quidem contestari, expectare autem hereditatis petitionis eventum: hoc ei liceat facere, ut restitutio, si competet, cum legitimis augmentis legatario, vel fideicommissario accedat.

Sin autem ex contractibus defuncti agatur contra possessorem hereditatis, vel ejus rei, de qua agitur: si quidem res sint vel depositæ, vel commodatæ, vel pignori datæ, vel aliæ quæ extant: non differri sub prætextu hereditatis petitionis memoratum iudicium: quemadmodum si pro scelerata

pecunia, vel alia personali actione agatur contra possessorem, vel petitorum, non debet iudicium differri, sed exitum accipere. Postquam enim hereditatis petitionis iudicium finem accipiat: tunc inter petitorum hereditatis, et possessorem rationibus contractis, non aliter possessor, si victus fuerit, hereditatem restituere compellitur, nisi pro omnibus, quae rite ab eo gesta sunt, petitor ei satisfacit. Quod si petitor victus fuerit: simili modo a possessore iudicis officio ei satisfiat vel (si hoc fuerit praetermissum) negotiorum gestorum, vel ex legis conditione. Sin autem libertates vel a possessore, vel a petitore fideicommissariis petantur, vel directae ipso iure dicantur competere: annale tantummodo spatium expectetur a morte testatoris numerandum. Et si quidem hereditatis petitionis iudicium intra id spatium terminum accipiat, secundum eventum iudicii, et libertates vel effectum habeant, vel evanescant. Sin autem tempus annale emanaverit: tunc libertatis favore, et humanitatis intuitu competant quidem directae libertates: ex fideicommissariis autem in libertatem servi eripiantur: illa tamen, si non falsum testamentum approbetur: sub ea scilicet conditione, ut si actores sint, vel aliis ratiociniis suppositi, etiam postquam perveniant in libertatem necessitas eis imponatur res hereditarias, et rationes reddere iure patronatus videlicet competente ei, qui ex legibus ad id possit vocari: illo (ne in posterum dubitetur) observando, ut et ipsa hereditatis petitio omnimodo bonae fidei iudiciis connumeretur.

Centumviri iudicabant de hereditatum petitionibus quaecunque ex causa intenderentur, sive ex causa inofficiosi testamenti, sive ex causa testamenti veri et iusti, sive falsi aut iniusti, l. Titia 13. l. qui repudiantis 17. ff. de inoffic. testam. Paulus lib. 3. sententiar. t. 16. et ita centumvitalia iudicia sunt iudicia de petitione hereditatis: quae quidem tanti sunt momenti, et auctoritatis, ut nullum eis praerudicium fieri possit quodam alio praemature iudicio, l. 3. in fin. ff. de petit. hered. id est, ut huic iudicio centumvirali non possit alio iudicio inferiori injici praesumptio ulla, sive praerudicatio, quod moveat deinde cognitores centumviro de hereditate. Et ideo si quis post motam controversiam de hereditate ante litem contestatam properet agere minoribus iudiciis, quae tamen pendeant ex causa hereditatis, repellitur hac exceptione, quod praerudicium hereditati non fiat, si modo, ut hic significat, questio minoris iudicii venire videatur in petitionem hereditatis, l. sed et si lege 25. §. item si rem distraxit bonae fidei, ff. de petit. hered. et ita mota controversia de

hereditate inter me et filium, si velim agere cum coh. redibus meis familiae erciscundae, repello exceptione praerudicali, ne fiat praerudicium futuro iudicio de hereditate, l. 1. ff. famil. ercisc. eadem ratione summovebor si agam interdicto de tabulis profutendis, l. ult. ff. de tabul. exhibend. vel etiam si agam liberali iudicio, cum forte testamento sum liber et heres scriptus, l. 7. ff. de petit. heredit. Et eadem ratione si is, qui compromisit cum defuncto de re aliqua electo arbitro faciat controversiam hereditatis, ne praerudicium fiat hereditati, arbiter inhibetur sententiam dicere, l. non distinguemus 33. §. si is faciat, de recept. arbit. qui arbit. recep. Et similiter si quis in heredem agat in personam, et roget heredem an sit heres, vel quota ex parte sit heres, ac patitur heres ab alio controversiam hereditatis, heres non cogitur ei respondere: cogitur forte pari actionem in personam, etiamsi ei fiat controversia hereditatis ab alio quodam, sed non cogitur respondere, an sit heres, vel negando praerudicet sibi in futuro iudicio centumvirali, vel dicendo se esse heredem obligetur ex sua confessione, etiam ablata sibi hereditate centumvirali iudicio, l. 6. §. ult. ff. de interrogat. in jur. faciend. Eadem lex 7. ff. de petit. heredit. docet differri et, sustineri cetera iudicia, etiam quae moventur post litem de hereditate contestatam: ergo auctoritas centumvitalis iudicii haec est, ut sive ex eo sit lis contestata, sive mota controversia, ceteras actiones, ceteraque iudicia inhibeat, et sustineat quoad de hereditate pronuntiatum sit, ut maior quatio trahat minorem, non contra minor maiorem. Atque ita ut propter centumvirale iudicium, sustineantur alia iudicia non tantum si dicuntur, sive moveantur ante litem de hereditate contestatam, post controversiam tamen motam; sed etsi dicuntur post litem de hereditate contestatam, l. 7. ff. de petit. heredit. Et ideo recte ante Holoandrum in omnibus codicibus ita legebatur, in hac l. ult. in princ. versic. cumque multa, si quis hereditatis petitionem vel suscepit, vel suscipere sperat, id est, sive sit lis contestata, sive controversia tantum mota: nam utroque casu videbatur differenda esse alia iudicia propter centumvirale iudicium: et omnino ita habetur in Basilicis, et in Theodoro interprete Basilicon. *ἐάν τις κληρονομίαν ἴσχυρος ᾖ, καὶ ἄλλοις ἐνέχουσιν ἀντὶ τῆς κληρονομίας, καὶ ἄλλοις ἐνέχουσιν ἀντὶ τῆς κληρονομίας, καὶ ἄλλοις ἐνέχουσιν ἀντὶ τῆς κληρονομίας*, id est, si quis suscepit iam, vel speret suscepturum; et iisdem verbis fere in l. 3. §. si legatarius, ff. si cui plus quam per leg. Falcid. licuerit legat. esse dic. Si legatarius, inquit, petat legatum ab herede, quae species hic tractatur, ab herede, inquam, qui controversiam hereditatis, id est, litem, patitur iam, vel sperat, et hoc loco, si suscepit,

vel suscepturum se sperat. Nec obstat, *l. si post litem 13. ff. de except.* quam hic adfert Accursius, quæ ait post contestatam litem de hereditate, verbi gratia, cum Titio, posse agi cum aliis speciali in rem actione, et non obstat exceptionem præjudicialem, quod præjudicium hereditati non fiat: quia, inquit, hæc exceptio comparata est futuri iudicii causæ, id est, nondum contestati, non causæ iudicii jam facti, id est, jam contestati. Sic enim iudicium jam factum pro contestato accipitur in *l. a quo 5. ff. de rei vindic.* Videtur ergo post litem contestatam cessare exceptio præjudicialis, et non differri alias actiones propter hereditatis petitionem contestatam. Ita res explicanda est: ante litem contestatam agi non potest aliis minoribus actionibus, ne scilicet minor quæstio præponatur majori, contra *l. per minorem 54. ff. judic.* Ante litem contestatam de hereditate si agas speciali in rem quasi hæres, obstat exceptio, quod præjudicium future liti de hereditate non fiat, ne minor quæstio trahere majorem, cum potius trahi debeat a majore. Quare præcedente majori quæstione recte sequitur minor, ita tamen ut ea agatur citra modum exceptionis præjudicialis, ut in *l. si bona fidei possessor 40. ff. de petit. hered.* Non etiam ut de ea pronuntietur: nam in ea pronuntiarî non potest, antequam pronuntiatum sit de hereditate, ut explicat *l. 7. ff. eod. tit.* Intentari quidem post majorem potest, sed non finire quoad finis sit major quæstio, *d. l. 17.* et hac ratione etiam post litem de hereditate contestatam differtur ceterarum litium definitio, quæ pendeat ex causa hereditatis, etiamsi earum exercitio non differatur. At hæc dicuntur de actionibus minoribus, quibus experiri volunt qui contendunt de hereditate, puta possessor hereditatis, vel petitor hereditatis. Dubitatum autem fuit olim, an idem esset existimandum de actionibus, quæ competunt aliis adversus eos, qui se hæredes esse dicunt, veluti quæ competunt legatariis, aut fideicommissariis, vel servis, quibus relicte sunt libertates. An lis de hereditate, quæ est inter duos, his suum persequentibus moram adferre possit? ipsi quidem ex causa hereditatis pendentes actiones, qui scilicet de hereditate certant, non debent ante exequi aut peragere, quam decisa fuerit quæstio hereditatis; sed qui adversus hereditatem actiones habent, et adversus hæredes, an etiam debent expectare finem petitionis hereditatis, ut sciatur quis sit verus hæres? non: nam hoc esset fraudi plerumque. Quapropter creditoribus primum hereditariis permittitur hac constitutione, quæ clarius rem controversam inter veteres definivit, ut suum persequantur vel a possessore, vel a petitore hereditatis: eligant quem volent: merque, enim dicit se hæredem esse: suum itaque petent vel ab

Tom. IX.

hoc, vel ab illo, sed quod possessor præstiterit et solverit creditoribus hereditariis, id victus petitori imputabit aut compensabit, sicut diximus *l. 4. supra.* et contra petitor, qui conventus est a creditoribus hereditariis, quod solverit, ut victus consequetur officio iudicis: vel si iudex admonitus hoc prætermiserit in sententia definitiva, id est hujus rei rationem non habuerit in condemnatione, id consequetur actione negotiorum gestorum, videlicet si hereditario nomine solvit; quoniam etiam si sibi negotium se gerere existimavit, tamen re ipsa id gessit possessori, qui pronuntiatus est verus hæres, et revera eum liberavit: nam solvit hereditario nomine: igitur re ipsa ejus negotium gessit eumque liberavit: et ob id, quod solvit consequetur negotiorum gestorum actione, vel condictione ex lege, puta si suo nomine solvit: quo casu verum hæredem non liberavit ipso iure, atque ita ejus negotia re ipsa non gessit, unde dicitur non posse dari negotiorum gestorum actionem eo casu; quæ fuit sententia Azonis, ut refert Accursius in *l. 5. ff. de negot. gest. in gloss.* Et ideo cum suo nomine solvit, licet tentari possit esse utilem negotiorum gestorum, quia verum hæredem, etsi non ipso iure, per exceptionem tamen liberavit, *l. si quid possessor, ff. de petit. hered.* tutius est tamen dubitationis tollende causa experiri condictione ex hac lege, et ea actione, quod solutum est repetere. Igitur satis consulitur ei, qui solverit creditori hereditario pendente lite aut controversia, etiam si vineatur, sed creditor hereditarius eligit quem volet, *l. hæc autem, §. 1. ff. si cui plus i. n. per leg. Falcid. lic. leg. esse dicit.* Testamento Titius est hæres scriptus: duo sunt Titii ejusdem nominis amici testatoris: singuli dicunt se esse hæredes ex testamento, certant de hereditate apud centumviros: interim quid facient creditores? creditoribus hereditariis vel legatariis competit actio, vel in petitionem, vel in possessorem, quod tamen non ita admittitur in causa fisci: nam si duo sunt privati homines, qui vindicent hereditatem, creditor hereditarius eligit ex his quem volet. Sed si privatus vindicet hereditatem, et fiscus, interim inhibendæ sunt actiones creditorum, ne publicæ causæ id est, fiscali causæ præjudicetur: hoc est privilegium fisci concessum ex Senatusconsulto, *l. apud, D. de jur. fisc.* et recte Accursius hic speciale esse in fisco, scilicet ex Senatusconsulto, non ne præjudicetur hereditati, sed ne præjudicetur causæ publicæ. Hæc de actionibus, quæ competunt creditoribus hereditariis. Item omnino statuendum est de actionibus, quæ competunt legatariis, et fideicommissariis. Hæc etiam pendente controversia aut lite hereditatis non inhibentur: nam legata, et fideicommissa peti possunt ab hærede scripto, vel etiam

18

a legitimo, si etiam ab intestato relicta fuerint, ut si testamento fuerit appositae clausula codicillaris, quæ est hujusmodi: *Quod jure testamenti non valet, jure codicillorum valeat*, per quam legata deferuntur etiam ab intestato: igitur petet legata aut fideicommissa a scripto aut legitimo, sed necesse erit eos præstare cautionem, evicta hereditate legata aut fideicommissa reddi, *l. quod si possessor, D. de pet. t. hæred. l. 6. eod. tit. l. 9. de legat. inf.* At hæc cautio plenius explicatur his verbis (quæ male sunt divulsa a superiori clausula) *sub ea cautela vel satisfactione pro qualitate personarum, quod si non obtinuerit ejus jura, etc.* Quod si non obtinuerit; hæc est cautela. Ergo qui pendente lite aut controversia hereditatis petit legata aut fideicommissa, debet præstare cautelam aut satisfactionem, cautionem, id est, recommissionem, nudam scilicet, si sit locuples; satisfactionem dato fidejussore, si non sit locuples: ergo aut debet cavere, aut satisfacere pro qualitate personæ. Locupletes non satisfaciunt, id est, qui possident immobilia, *l. sciendum ff. qui satisf. cogant.* Cavere igitur debent evicta hereditate se pecuniam legatam reddituros cum usuris quadrautibus, vel se reddituros agrum legatum cum fructibus, vel domum legatam cum pensionibus, quæ sunt vice fructuum, deductis tamen expensis necessariis et utilibus, si quas interim fecerit circa prædium, quod putabat ex legati causa ad se pertinere. Cavet, inquam, se restitutum agrum cum fructibus, quos percepit, non etiam quos percipere potuit et debuit, cum in ea re bona fide sit versatus. Igitur ita plenissime cavet, se evicta hereditate ab hærede scripto, atque ita legato pronuntiato nulli per consequentiam, redditurum rem legatam cum omni sua causa. Interim ergo legatarius exigit legatum ab hærede oblata illa cautione, vel etiam si hoc velit non exigit legata, id est, non extorquet, sed contestatur tantum litem, legati nomine, ne scilicet oneretur munere cautionis, nec cogatur cavere. Igitur qui non vult accipere legatum ne cogatur quærere fidejussorem, sed contentus est contestatione litis ex causa legati, eo si contentus sit, onerabitur onere satisfactionis. Et præterea si forte pronuntietur pro testamento, ex tempore litis contestationis debebuntur usuræ, et fructus, et accessiones ceteræ legatorum, et fideicommissorum, ut constat ex *tit. de usur. et fruct. legat.* et ita in legatarii arbitrio est, ut vel exeat legatum oblata satisfactione vel cautione, vel ut litem tantum contestetur, et expectet finem judicii centumvialis. Quid fiet in libertatibus servorum, si libertates sint testamento relicte servis, vel directo, vel per fideicommissum, an pendente lite præstandæ sunt? an competant? Competunt directæ libertates ipso jure, præstantur, et deberi dicuntur fideicom-

missariæ, *l. 36. §. ult. ff. ad leg. Falc.* Competunt, inquam, libertates directæ: cum tamen legata, licet sint directa, non dicantur competere, sed præstari *l. qui fundum 87. §. si tu ex parte, ff. ad leg. Falcid.* An igitur cum est controversia de hereditate, et unus se dicit hæredem ex testamento, in quo relicte sunt libertates, alter se hæredem ab intestato dicit, et testamentum esse ruptum, vel injustum, vel irritum, an possunt ex testamento interim servis competere libertates? vel an persequi eas possunt ex causa fideicommissi? Respondeo, non idem esse statuendum in libertatibus: creditores quidem statim suum repetunt, etiam pendente lite hereditatis: legatarii et fideicommissarii itidem etiam pendente lite statim petunt legata et fideicommissa: sed libertates statim non competunt, nec statim præstantur, verum inhibende sunt ad annum, et si intra annum finitur centumvirale judicium, satis apparebit non competant libertates ex eventu judicii, sed si forte intra annum non finitur lis hereditatis, definit ut post annum competant libertates. Primum videamus rationem differentie, cur legata præstantur statim, non autem libertates? quia legatorum repetitio est, facilis, si postea appareat exitu judicii centumvialis fuisse indebita, et eo nomine interponitur cautio legata reddi. Sed libertatem, quæ servis competierunt, repetitio est in difficili, imo nulla est repetitio, etiamsi appareat datas esse indebite, et *tarde concedendum est, quod datum non adimeretur, Tacit. lib. 13.* Igitur melius est, ut libertates sustineantur ad annum, sed post annum vult Justinianus hac Constitutione, ut libertates directæ competant, ut etiam fideicommissariis ipso jure competant: nec enim possunt eas præstare qui litigant de hereditate: rogatus quidem est hæres præstare: sed nondum constat, quis sit hæres: igitur neuter præstabit. Lex tamen hæc representat libertates ipso jure his quibus relicte sunt per fideicommissum, post annum scilicet. Græci exponunt eos liberos fieri *αὐτομάτως*, etiam eos, quibus fideicommissaria, non directa libertas relicta est, et fiunt liberi, salvo jure patronatus ei, cui competere debuisset: directo manumissus patronum non habet, quia est libertus Orcinus et Charonius, ut Theophilus ait; sed cui fideicommissaria libertas relicta est, patronum habet hæredem scriptum, a quo est relicta libertas, etiamsi eam ipse non præstiterit, si lex eam representaverit; vel patronum habet legitimum hæredem, si ab intestato relicta sit fideicommissaria libertas, et is vicerit iudicio centumvirali. Igitur representatur etiam fideicommissaria libertas, sed conservatur jus patronatus ei, qui eam libertatem non representatam præstare debuisset ex voluntate defuncti. Adjicit

tamen, eos liberos ita demum fieri post annum, si modo post libertatem rationes reddant, cum scilicet fuerint servi dispensatores, actores, calendario prappositi, et alii similes, qui sunt obnoxii reddendis rationibus. Regulariter quidem servus post libertatem non tenetur ex ante gesto, ut heic ait Accursius, ne rationum quidem nomine sed secus erit si libertati dandæ adjiciatur hic modus, ut rationes reddat post libertatem: hæc const. hanc legem injicit, aicut libertati. Et ad hæc declarat Justinianus, etiam ita demum velle se, ut libertas competat post annum, si modo testamentum falsum non probetur: nihil refert probetur ruptum an injustum, aut imperfectum, an irritum: testamentum enim ruptum vel irritum, testamentum est. Sed si probetur falsum, non videntur facti liberi ex testamento, quod non est testamentum. Igitur ex eo testamento, quod falsum appareat, non defendunt ipsi libertatem. Puto etiam hac constitutione non contineri causam testamenti inofficiosi, quia hoc t. non comprehenditur illa petitio hæreditatis de inofficioso, quæ est rescissoria testamenti. Hic tit. est de petitione hæreditatis, quæ non est rescissoria. Igitur in causa inofficiosi testamenti dicimus pendente lite libertates non competere, nec esse præstandas, nisi post quinquennium, *l. Papinianus, §. ult. et seq. ff. de inoffic. testam.* Sed in aliis causis hæreditatis dicimus post annum libertates competere excepta causa falsi: nec enim ipso jure videntur facti liberi: et longo alia est ratio ut huic objectioni respondeam *l. cum ex falsis, ff. de manumis. testam. et l. pen. ff. de jur. patron. et l. 2. de fideicom. libert. inf.* cum hæres præstitit libertates ex falso testamento non revocatur libertas, etsi falsum testamentum postea dicatur quia præstita est, sed præstatum pretium libertatis et capitis. Sic non censetur esse præstita a lege libertas: nam lex declarat ita demum se representare libertatem, si modo non probetur falsum testamentum. Postrema dubitatio de petitione hæreditatis erat, utrum petitio hæreditatis esset stricti juris, an bonæ fidei? Ne amplius dubitetur, definit Justinianus esse bonæ fidei. Sed cum quaeritur, cur actio hæc sit bonæ fidei (quod idem quaeri potest de omnibus bonæ fidei actionibus) respondendum est, quia lex eam bonæ fidei effecit, et hoc totam legem, vel morem efficere: ut hæc lex petitionem hæreditatis bonæ fidei effecit, quæ tamen antea non erat bonæ fidei, quia nulla lex aut mos eam bonæ fidei effecerat ante Justinianum, aut de eo dubitabatur maxime: qua de causa in *l. utiles, et l. ult. ff. de petit. hæred.* exigitur ut petitioni hæreditatis opponatur exceptio doli, quæ tamen si certo esset, bonæ fidei non opponeretur, quoniam exceptio doli inest actioni bonæ fidei: at

in aliis locis, ut in *l. plane, eod. tit.* dicitur, non desiderari exceptionem doli mali in petitione hæreditatis, quod scilicet habenda sit pro bonæ fidei actione: et ita actio ex stipulatu pro dote olim erat stricti juris. Cur hodie est bonæ fidei? quia hoc effectum est Justin. constitutione, *§. fuerat, Inst. de act.* quod ergo actio sit bonæ fidei, aut stricta pendet ex dispositione legis.

JACOBI CUJACII J. C.

Ad Librum IV. Codicis.

TIT. I. DE REB. CRED. ET JUREJUR.

RECITATIONES SOLEMNES

Seu Commentarii. Anno 1561.

Ad L. I. et L. II.

L. I. *Causa jurejurando ex consensu utriusque partis, vel adversario inferente, delato et præstito, vel remisso decisa, nec perjurii prætextu retractari potest, nisi specialiter hoc lege excipiat. PP. 15. Kalend. Jul. Antonino A. IV. et Balbino Cons. 223.*

L. II. *Jurisjurandi contemptu religio satis Deum ultorem habet. Periculum autem corporis, vel majestatis crimen secundum constituta divorum patentum, morum et si per principis venerationem, quodam calore fuerit pejeratum, inferri non placet. PP. 6. Kal. Aprilis, Maximo II. et Eliano Cons.*

Titulus est de rebus creditis, et de jurejurando: at omnes hujus tituli leges pertinent ad jurejurandum, nullæ ad res creditas. Quæres quis hic sit error, aut quæ erroris causa, vel excusatio, quod expediam facile. In edicto perpetuo unus fuit titulus de rebus creditis et jurejurando, sub quo specialiter prætor edixit de actione si certum petatur, quæ datur ex variis contractibus: ac de commodato etiam et de pignore nonnihil, *l. 1. de rebus credit.* et de speciali condictione, quæ nascitur ex mutuo, et de jurejurando. Atque ita a Paulo 2. sentent. tit. 1. proponitur titulus de rebus creditis, et jurejurando: ita etiam a Justiniano hoc loco. Sed Justinianus posteriorem partem propter dignitatem primo loco tractat: priorem secundo: non est idem ordo in Pandectis. Videtur Justinianus de ordine titulorum non multum fuisse sollicitus, neque id nos curabimus. Rursus quaerens, de quo genere jurisjurandi hic tractet, an de legitimo? minime, et cum legitimi multa sint genera, id quale quale sit, semper est necessarium: et voluntario adverantur. *Lexus lib. 22.* loquens

de sacra milit. ait, ex voluntario ad legitimum revocavit. An hic titulus est de jurejurando judiciali, quod liti estimandae gratia datur, qui Graecis est *ἱδὲος*? minime. De eo extat titulus *de in litem jurando*. An vero de voluntario jurejurando, quo obligationes constringuntur, quo controversiae extra judiciales dirimuntur? ne de hoc quidem. An vero de eo, quo quis obtestatur heredem suum, ut det, vel faciat aliquid, hoc modo: *Per Deum rogo te, ut hoc vel illud facias*, ut *l. cum pater filios, D. de legat. 2. l. 2. inf. comm. de leg. l. 3. D. de jure fisci, §. 1. In tit. de fideicom. hered. ?* minime. An de eo, quod de testamento imponitur, videlicet cum quid relinquitur sub jurisjurandi conditione? neque id. Hic ergo titulus est de eo jurejurando, quod dirimendarum litium causa datur, cujus definitio est ex Clemente Alexandrino 7. *ἐπαράτων jurejurandum*, ait, *est certa definitio (volo addi liti) quae fit cum obtestatione divina*. Placet quod definitionem dicit esse certam, ut si quis profiteatur per nomen Dei sibi debere, vel se non debere: Stichum promissum decessisse: certa est definitio: si se putare, certa non est. Et ideo reo dicenti se liberatum, quod putet decessisse Stichum, delato jurejurando non cogitur jurare, quia etiam si juraret, rem non terminaret: praeterea debet quisque liquido jurare, ut *l. 18*. Eo sensu, quo dixit Demosthenes 2. in Aphobum, *εὐρὺς ἐξούριον*: quod de re ergo non liquet, nemo cogitur jurare. Quod ait Clemens (*cum obtestatione divina*) sumpsit ex Aristotele ad Alexandrum. Hoc proprie est jurejurandum. Abud est, quod idem Clemens vocat, quasi jurejurandum, ut cum juratur per nomen Principis, vel per majestatem Imperatoriam, quo etiam modo Christianos jurasse Vegetius auctor est *lib. 2. de re mil.* qui etiam rite jurabant per salutem Caesaris, non etiam per genium: Tertullianus in Apologetico: et ex No. Leonis de Tabulariis, Tabularii jurant per Deum, et per salutem Imperatoris. Utrumque idem potest: nam qui jurat per salutem principum, vel per salutem suam, Deum salutis auctorem appellare videtur, *l. qui per salutem, de jurejur.* At postea Carolus Magnus primus eo modo jurare voluit. De eo jurejurando est *l. si duo, §. ult. D. de jurejur.* De eodem est accipienda *l. 2. hujus tituli*, non de eo, quod per principis salutem. Sequitur divisio. Jurejurandum, quod litem finit, aut est voluntarium, aut necessarium, aut judiciale: quod indicat titulus *D.* quid sit unumquodque non aequae constat inter omnes. [Graeci volunt: accipiunt pro eo, quod defertur in jure. Necessarium pro eo quod refertur; ita Graecos accipere constat ex graeca quadam constitutione

περὶ δόξου πλάτων, quod valide probat. Nam is cui defertur jurejurandum in judicio, non nisi volens jurat: ideoque id jurejurandum venire dicitur ex conventionione, *leg. qui jurasse, §. ult. l. sed etsi servus, l. ult. D. de jurejur.* Is cui defertur jurejurandum, si nolit jurare, potest referre: et is cui refertur, necessario jurare cogitur, nec ullo modo eam conditionem recusare potest. *l. pen. §. sed in amento, h. l.* Non probo quod interpretes ajunt voluntarium id esse, quod extra judicium a parte ex conventionione defertur: necessarium, quod a judice datur: nam de jurejurando tractamus, quod litem terminat, *l. 1. ff. eod. l. pen. h. l.* Quod extra judicium defertur, litem non terminat, quia nondum lis est. Ergo de eo hic titulus non est. Lis est ut primum in jus, vel in judicium ventum est: antequam in judicium veniat, controversia est, non lis. At jurejurandum, quod defertur extra judicium mutuo consensu lites non dirimit, sed iras terminat, ut cum qui tibi injuriam fecit, jurat nolle se ea esse dicta aut facta, quae dixit fecisse: vel etiam alias controversias: ut si sit inter duos controversia de pecunia credita, si quis lite nondum mota juret se non debere. De eo genere jurisjurandi fit tantum mentio *ff. eod. l. 17. in principio*. Quod ajunt necessarium id esse, quod defertur a judice, quæso si ita est, quale erit judiciale? Id nempe, ajunt, quod adversarius adversario defert in judicio. Solus ergo locus judiciale jurejurandum faciet. Rectius Theodorus lib. 13. tit. 18. judiciale esse ait, quod ex auctoritate et sententia judicis defertur, invitis etiam partibus. Id fit dupliciter: nam vel judex statuit ut reus juret, et postea ex jurejurando præ-tito, vel relato, vel remisso, vel recusato, sententiam fert. *l. 12. inf. l. 31. 34. D. eod. vel in ipsa sententia definitiva jurejurandum imponit*. At quomodo? An solum præcipiens jurari? Minime. Nam hoc sententia nullus esset momenti, *l. 11. inf. de sent. et interlocut.* sed ita: Lucium Titium solve, aut jurare jubeo. Simplex jurejurandum non imponit necessitatem, sicut in novalibus actionibus, *solvere, aut nonne dedere*. Idem Theodorus eodem loco, necessarium jurejurandum ait esse, quod deferente adversario ex sententia judicis datur. Quod fit duobus modis: aut enim fit judice approbante delationem ante sententiam definitivam, vel in ipsa sententia, *d. l. 11*. Verum id mihi non probatur. Nam quod defertur ab adversario in judicio aut ex consensu fit utriusque partis, aut unius. Quod ex consensu utriusque, id est voluntarium, non necessarium: quod ex una parte, id etiam non est necessarium. Idem etiam voluntarii eandem definitionem cum Doctoribus male tradit. Porro hæc divisio jurisjurandi

non est inutilis. Nam si queratur, an possit referri: dicam voluntarium et necessarium posse referri, judiciale non item: si queratur, an possit recusari: dicam voluntarium et judiciale posse recusari ex juxta causa, necessarium non item, *l. pen. inf.* Postremo si queratur, an lis jurejurando finita, prætestu perjurii possit retractari: dicam judiciale jurejurando decisam posse: voluntario aut necessario non posse, *l. admonendi D. de jurejurando.* Cujus duæ sunt partes. Prima est de jurejurando judiciale, quod plerumque judex in ambiguis deferret reo, et jurantem absolvit. Post jusjurandum, et sententiam ei consentaneam licet condemnato causam retractare, si dicat se invenisse nova instrumenta, quibus usus est, non veteribus. Igitur lis decisa jurejurando judiciale retractari potest novis instrumentis repertis. Neque obstat quod dicitur sub prætestu novorum instrumentorum lites finitas non restitui, *l. Imperatores, D. de re judic. et l. 4. inf. eod.* Nam id intellige de liti-
bus finitis cognitione judicis, non de iis, quæ inopia probationum exacto jurejurando finitæ sunt. Ex probationum copia emergente retractabuntur. Secunda pars est de jurejurando voluntario vel necessario, quod deferretur vel refertur in judicio, et merito a Theodoro arguitur Stephanus, et alii, qui eam partem acceperunt tantum de eo jurejurando, quod mutuo consensu extra judicium deferretur. Nam questio est de jurejurando, quod in judicio deferretur ab adversario, et hoc etiam genere jurisjurandi lis finita nullo prætestu potest retractari, etiam novis instrumentis repertis, quia hoc generis jurisjurandi, quod deferunt adversarii, transactionem imitatur, *l. 2. l. tutor, §. 1. D. de jurejur. l. quod si deferente, D. de dol. id est,* transigisse videtur de suo jure, qui rem commisit rei gloriæ conscientie adversarii. Itaque de eo experiri rursus non potest, etiamsi perjurii adversarius arguatur, vel potius hoc jusjurandum, sive verum: sive falsum, pro satisfactione est. Et hoc est, quod lex 1. ait, *utriusque partis*, id est ipsorum litigatorum, ut *l. 1. D. eod.* Addit exceptionem, *nisi specialiter hoc lege exripiatur.* Quæ verba Tribonianus adjecit propter legem ultimam hujus tit. quæ non erat in Codice Theodos. ut *l. dudum, infra, de contrah. empt.* adjecit hæc verba, *nisi lex specialiter, etc.* quæ non erat in Codice Theodos. et tamen adjecit Tribonianus propter legem 1. *non lic. habit. lib. 11. tit. 45. Lex dudum,* generaliter tollit jusjuramentum *d. l. 1. non licet habit.* id conservat inter vicinos, id est, si vicinus quid vendiderit, convicanus emptori extraneo præfertur. Sententia legis ultimæ hujus tituli hæc est: Legatarius egit ex testamento legati nomine adversus heredem, et cum non appareret testamentum, hære-

de deferente, juravit legatarius legatum sibi relictum, et ita hæres solvit: postea apparente testamento, apparuit legatum non deberi, et legatarius pejerasse. Queritur an non stetur jurejurando, an vero legatum repeti possit. Justinianus dat heredi repetitionem sive condictioem; nisi vero videatur hac ratione, ne ex perjurio lucrum ei accedat. Quæ ratio manat latissime, et eam si sequamur, nulla erit causa jurejurando decisa, quæ prætestu illo non retractetur perjurio quæsitæ auferendi causa, quod est falsum. Itaque propria quædam ratio est in illa specie. An vero hæc est ratio, quam Accursius tradidit? quia ea lis ex testamento pendet, et transacta est jurejurando, quod transactioni comparatur, quod fieri non potuit nisi testamento inspecto, *l. 6. de transact.* quæ generaliter ait, non posse transigi de controversiis, quæ ex testamento pendent, nisi inspecto testamento. Verum hæc ratio mihi non probatur; et dico falsam esse sententiam *d. leg. 6.* Dico transactiones bona fide factas de controversiis pendentibus, ex testamento prolato, quod tum non fuerat inspectum non rescindi. Cur non licebit transigere de legato etiam non inspecto? *l. Lucius, §. ult. ff. ad Trebell. l. sub prætestu, sup. de transaction.* Dico insuper Tribonianum male eam legem posuisse sub titulo de transaction. cum ea lex pertinet ad titulum *quemadmodum testamenta aperiantur*, quod primus avin advertit Æmilius Perretus. Idque constat ex *l. 1. cujus sententia est:* Prætor pollicetur se testamentorum inspiciendorum copiam facturum postulanti-
bus. Ratio edicti est: Controversiæ testamentorum transigi et dirimi non possunt sine judice: judex autem non potest exquirere veritatem, nisi inspectis tabulis testamenti. Ut ergo dirimantur controversiæ testamentariæ, testamentorum inspiciendorum copiam fieri oportet. Ubi *transigendi* verbum significat non conventionem, sed judicationem: judex dum judicat, lites transigit. Male igitur a Tribon. posita est lex illa sub *tit. de transaction.* alia igitur est ratio legis ultimæ, quia non videtur delatum in ea specie jusjurandum transigendi causa, sed con-
cto, non apparente testamento. Ideoque testamento emergente, omnia ex integro resolvi oportet, sicut cum judex probationum inopia jusjurandum detulit, id copia probationum postea infirmabit. Sic definitio: cujus rei inopia me, vel judicem coegit ad jusjurandum deferendum, suppeditata copia me juri meo restituet. Adjiciatur *d. l. ult.* Si legatarius deferente hærede juraverit solidum legatum sibi deberi, et reperto testamento postea apparuerit solidum legatum non deberi propter Falcidianam, tandem repetitionem dari heredi totius legati: tum vero competit condictio incerti, ratione possessionis, ut scilicet hæres per relictum onem le-

geti sibi servet Falcidiam, qua ratione et occupato legato, heredi datur interdum quod legatorum. Nec obstat legi ultimæ *l. si legatarius, D. de dolo*, quæ lex dat heredi actionem de dolo, non condictionem; si est de dolo, nulla alia est actio, quia de dolo est subsidiaria. Dico *l. si legatarius* loqui de legatario, non qui juravit herede deferente in judicio, sed qui ultro juravit, et ita persuasit heredi, sibi deberi legatum, et Falcidiam locum non habere. Hic legatarius tenetur de dolo, quia non tam suo errore hæres, quam fallacia legatarii deceptus legatum solvit. Ille autem, de quo in lege ultima, non tenetur de dolo, cum hæres delato jurejurando, suo errore in captionem inciderit, et solverit. Qua ex causa habet paratam condictionem indebiti, quæ erranti datur. Sequitur tantum hæc questio, si retractetur lis, seu non, ratione perjurii, an perjurus coerceri potest criminaliter, quod et queri potest de quolibet jurejurando, etiamsi non pertineat ad lites, an coerceatur, qui id violavit. *L. 2.* differentiam ponit inter eum, qui pejeravit per Deum, et eum, qui per principem, vel principis venerationem. Nulla pene est differentia inter eum, qui jurat per Deum, et eum, qui per salutem principis: nam et hic videtur jurasse per Deum, ex quo pendet principis salus. At differentia est inter eum, qui pejerat per Deum, et qui per genium Principis, nomen, venerationem, vel principem. Si quis pejeravit per Deum, Deus solus vindex est, nec ulla poena ordinaria vel extraordinaria constituta est adversus eum. Et hoc dicitur in prima legis parte, quod et Basilinus in Canonibus scribit: si per principem quis pejeret, fustibus castigatus dimittitur, *l. si duo, §. ult. D. de jurejur.* Et ut ea lex ait, ei superdicitur, *ὑπερδικῶν πὺ ὀμνῶν*, id est, temere ne jurato. Id vero superdicitur per præconem interea dum fustibus caditur, *l. fustibus, C. ex qui. caus. infam.* Ubi legendum, cui a præcone dictum, id est, superdictum. Spartianus in Severo: *Hunc, inquit, sub præconis elogio cæcidit fustibus.* Sic Lampridius in Alexandro: *eum necari jussit præcone dicente, etc.* Sic Zonaras dicit in Valentin. de muliere quadam. Præconis vox, legis vox est, *Novella 69. τοῦ νόμου φωνή*. At quod dixi ex *l. si duo*, eum, qui pejeravit per principem puniri, obstat hæc lex secunda, quæ hoc videtur statuere in 2. parte, ne puniatur: dicendum igitur est utramque esse de eo, qui pejeravit inconsulto. Nam *l. si duo* ait, *ὑπερδικῶν*, altera cum calore: utrumque significat inconsulto. Prima itaque Accursii distinctio non est vera. Altera magis placet, quæ ait eum, qui juravit inconsulto per principem, non teneri lege Julia Majest. nec de vita esse periculum. Sic *l. 2. et l. 2. infr. ad leg. Juliam*

Majestat. fustibus tamen eum admoneri temeritatis, et imprudentiæ salva existimatione: nam perjurii causa ante novissimas constitutiones non infamabat, ut patet ex *tit. de caus. ex quib. infam.* Nam qui non sunt comprehensi dicto titulo, non sunt infames. Et ita qui pejerat per principem, castigatur; qui per Deum, non item, quod notavit Tertullian. in Apologet. *Majore formidine Cæsarem colitis, quam Deum.* Sunt tamen qui existimant, eum etiam, qui pejerat per Deum jure nostro extra ordinem puniri, quod ut persuadeant, inquirunt: perjuros Censores notabant, quod fateor: verum hoc est Censorium, non legitimum. Eos etiam notabant, qui paulo indecentius oscitassent, eos, qui strigosum, et macilentum equum habuissent, quæ tamen notæ non infamabant. Postea sublata Censoria severitate, Magistratus, inquirunt, quorum criminibus cognitio est, coeperunt punire perjura extra ordinem. Hoc nego: nam Magistratus sine lege nulla poenam infligere potest. Poena est a lege: et ideo a poena non appellatur. Nulla autem fuit lex, quæ perjurium puniendum statuerit. Non potuit ergo Magistratus perjurium punire. At probant esse poenam extraordinariam ex *l. quod si deferente, et seq. de dolo*. Si reus deferente actore juraverit, et absolutus fuerit, et postea perjurii arguatur, an tenebitur de dolo? Minime. Stari oportet jurejurando seu vero, seu falso, ut rei judicatio statur, seu æque, seu inique. Jusjurandum delatum est pro satisfactione, id est, qui juravit ex adversarii delatione, ei videtur satisfacisse, sed, inquit, sufficit perjurii poena. Quidam ergo est poena perjurii. Respondeo: est quædam humana poena, si per principem sit pejeratum: ut si per Deum, non est, nisi poena divina, ut recte Acc. ibi, et ita Horatius: *ulla sit juris tibi pejerati poena.* idem adferunt *leg. in duobus, §. ult. ff. de jurejur.* Si utraque pars juraverit delata jurisjurandi conditione, lex ait, posterius jusjur. prævalere, nec tamen præjudicium fieri alterius perjurio, id est, non ideo præjudicari criminali judicio de perjurio. Et inde statuunt, de perjurio agi posse criminaliter, etiamsi per Deum sit pejeratum, sed male, ut indicat species proposita. Pinge: actor reo deferente juravit sibi deberi, deinde reus deferente actore juravit se non debere. Hoc casu agenti actori ex priore jurejur. obstat exceptio posterioris jurisjur. quod reus præstitit; non obstat exceptio doli, ne queratur perjurio actoris, *l. adver. D. de doli excep.* neque per actionem doli, neque per exceptionem de perjurio queri potest, *d. l. quod si defer.* Igitur non queretur quis pejeraverit, sed quis posterior juraverit, nec ideo quod valeat posterius jusjur. prius dicemus falsum, nec ideo id elidimus exceptione doli. Et est, quod

ajunt, etiamsi potior sit causa posterioris jurisjur. non ideo prejudicari perjurio alterius, id est, non ideo alter videtur perjurus, aut perjurii iusimulari. Postremo id probat ex *l. ult. ff. de crim. stellionat.* Si debitor instrumento juraverit sua esse pignora, quae dat, ex perjurio fit stellionatus crimen, et ideo ad tempus exulare jubetur. Ergo est perjurii poena quaedam. Si respondeo, sicut in *l. si legat. 23. D. de dolo*, ex perjurio fit dolus, qui etiam fieret ex qualibet callida persuasione: similiter ex perjurio fit stellionatus, qui etiam fieret sine perjurio, si quis sciens rem alienam, quasi suam ignorantem creditori daret pignori, *l. 2. inf. de crim. stellion.* Itaque poena, quae constituitur in ea *l. ult.* est stellionatus, non perjurii. Nam etiamsi absit perjurium, eadem poena locum habet, *l. pen. §. pen. ff. de crim. stellion.* Sic et in Novella 124. Accursius male putat, perjurio poenam praescribi: nam ea Novella quaedam poenas statuit in eum, qui falso juravit initio litis, se nihil cuiquam dedisse, aut promisisse, nisi patronis. Hoc jusjur. est legitimum. Qui pejerant, tenentur poenis ea Nov. comprehensis, id est, si convincantur dedisse quid, aut promisisse: sed non tam ob perjurium tenentur, quam ob corruptelam. Itaque ea poena non est perjurii, sed corruptelae. Aut autem in dicta *l. ult. de crim. stellion.* Si debitor instrumento juraverit: idem dicendum est, et quidem multo magis si corporaliter juraverit; jusjur. autem praestatur instrumento, aut corporaliter tactis sacris, *l. 1. sup. si adv. ven. et l. 3. inf. si min. se major.* Et in de Theodorus libro 9. c. 7. dixit, σωματικός όρκος, id est, *corporale juramentum*. Ita non jurant clerici, sed scripto, id est, instrumento comprehenditur eos jurasse. Summa disputationis haec erit. Perjurii Deum solum esse vindicem, nisi per principem pejeratum sit. Non inficior, novissimis constitutionibus certis casibus perjurio poenam constitutam, ut Arcadii et Honorii, *l. si quis major. sup. de transact.* Si quis pacta, vel transactiones jurejurando confirmavit, et fidem non servavit, hic ex ea constitutione fit infamis ipso jure; et praeterea simul et poena, de qua conventum est plectitur: cum tamen alias non soleat, nisi alterutrum praestare. At ob perjurium hic et rem amittit, et poenam infert conventionalem. Item ex constitutione Zenonis, id est, *l. pen. inf. de dignitat. libro 12*, viri illustres, quibus hoc datur pro privilegio, ne damnentur inconsulto principe ex causa criminali, si tamen non pareant in causa criminali cautioni juratoriae, judicio astiti, cui committuntur, quasi infames ad dignitatem spoliantur, et condemnantur inconsulto principe. Haec est poena perjurii quaedam. Item ex Constitutione Graeca, quae desideratur in titulo de custod. reorum, quilibet alius, qui non pa-

ret juratoriae cautioni, jus suum amittit. Juratoria cautio eo loco speciali nomine dicitur *ἐξωμοσία*, cum tamen aliis auctoribus verbum illud *ἐξωμοσία* sit ejuratio fori, aut judicis. Ulpianus in Demosthenem. *Harpocration, Harmenop. tit. 2. lib. 1. ex Novella 117.* Tribunus militum, vel chartularius militia exaucloratur, si mulieri de marito suo inquirenti falso juraverit eum decessisse. Et haec est etiam poena. Postremo ex Novella Leonis et Constant. cujus Harmenop. tradit. *libro 1. tit. 7. ei*, qui ex judicis auctoritate, vel ex voluntate adversarii delata conditione jurisjurandi pejeraverit, vel etiam testi perjuro est poena, ut ei falsa lingua abscindatur.

Ad L. III.

In bonae fidei contract. nec non etiam in ceteris causis inopia probationum, per judicem jurejur. causa cognita res decidi oportet. PP. 10. Kal. Septemb. Maximo II. et Aquilino Consulibus 226.

Hec lex est de jurejurando judiciali. Et hoc sit tantum, eo jurejurando decidi litem inopia probationum: est hujus *l.* usus summus in foro: et in fine scribendum pro oportet, potest. De hoc juramento est etiam *lex pen. inf. l. 2. et l. admonendi, ff. de jurejur. l. admonendi* ait, jusjurandum exigi in dubiis causis, id est *ἐν τῇ ἀρρίστολῳ*: haec *l. 3.* ait, *inopia probationum*. Species haec sit. Is, qui petit certam pecuniam credam, non probat numerationem, nititur tantum quibusdam argumentis exilibus, est tamen vir tota vita innocens et probus omnium judicio. Contra reus, qui negat se pecuniam accepisse, est plenus fraudis, et perfidiorum, et saepe convictus est mendacii: dicit autem reus, se absolvi debere actore non probante. Quid fiet? Sane judex motus probitate actoris, et perfidia rei, testata apud omnes, non absolvit reum, sed vel jurabit ipse judex sibi non liquere, ut apud Gellium *libro 14. c. 2.* de quo genere jurisjur. est *l. Pomponius, D. de re jud. et l. 13. §. ult. de recept. arbit. vel etiam, ut Bartolus vult, actori deferet jusjurandum, atque secundum actorem jurantem pronuntiabit. Itaque in ambiguis actore non probante reus non statim absolvitur: quoties autem omnia sunt paria, nihilque ambigui, quod judici injiciat dubitationem, actore non probante reus non statim temere absolvitur, sed vel damnatur actore jurante, vel etiam non aliter absolvitur, quam si ipse juraverit se non teneri, *l. admonendi.* Et in specie Novellae 124. actore nil probante, reus non absolvitur, nisi juraverit se non teneri. Denique sic argumentor: si deficiente omni probatione adversarius adversarium ad jusjurandum adigere potest*

delato jurejur. *l. tutor in princ. de jurejur. l. ultim. §. licentia, de jur. delib.* si hoc adversarius potest; cur non etiam poterit iudex obsecratione causae commotus? Plus dico: si iudex omni probatione deficiente ad extremum judiciale jusjurandum deferre potest, poterit etiam semiplena facta probatione, quæ modo scrupulum iudici injiciat. Duo faciunt probationum genera interpretes, plenam, et semiplenam. Plena est, si rationes proferantur mensæ, si chirographa, si tabulae, si testes idonei; semiplenam vocant, quæ nulla est, quæ nihil probat, ut argumenta, quæ iudicii fidem non faciunt, sed eum ad suspicionem adducunt: nam iudicem ad suspicionem adducere, est probare argumentis tantum. *l. in lege Aquilia, D. ad leg. Aquil.* Hujusmodi est expensilatio, quæ quidem olim fidem faciebat cum ab unoquoque patrefamilias diligenter rationes conficerentur. Ideo Gellius supradicto loco inter legitimas probationes refert expensilationem: hoc est per se sola fidem non facit, *l. 5. inf. de probation.* Item comparatio scripturarum per se sola fidem non facit, *l. comparationes, infra, de fide instrum.* Idem dici potest de fuga, quæ tamen magnam dat suspicionem. Qui enim fugit, fere seipsum accusat, *Nov. 53. l. si in libert. ff. de bon. libert.* An idem potest dici de uno teste? unus testis, nullus testis, id est, unus testis nihil probat. Q. Scævola dicebat, pessimi esse exempli unius testimonio credi. Valerius Maximus lib. 4. cap. 1. Finge: actor producit tantum unum testem, is nil probat; an igitur absolvetur reus? Sane videtur esse absolvendus ex *l. maritus, ff. de questionibus.* Quiloi? At ea lex, unius testimonio credendum non esse, et ob unius testimonium non esse habendam questionem, ne de servis quidem alienis. Itaque Accursius male eam legem adstruxit ad servos proprios, ne torquantur in dominum. Species est. Maritus hæres extitit uxori, et agit depositi cum aliquo, dicens uxorem pecuniam apud eum deposuisse; unum testem producit tantum, et postulat, ut questio habeatur de ancilla supplendæ probationis gratia, reus negat se accepisse pecuniam dicit unius testimonio non esse credendum. Deinde non esse a questionibus incipiendum, nisi concurrant multa argumenta. Hæc res acta fuit apud procuratorem Casaris, qui vice præsidis iudicabat: procurator jussit queri de ancilla, quæ dicit pro actore, et secundum actorem pronuntiavit: jam concurrente duorum testimonio appellatum ad Imperatorem. Imperator pronuntiavit recte appellatum, et questionem illi te habitam, et unius testimonio non esse credendum. Sed dico ob unius testis dictum iudicem non deferre jusjurandum, non descendere ad questionem, nisi testis auctoritas et probitas iudici dubitationem injiciat: nam sic ar-

gumentor: si sola auctoritas actoris fore movet iudicem ad deferendum jusjurandum; multo magis actoris petitioni junctum testimonium unius hominis fidei notæ eum impellet ad deferendum jusjurandum actori: *Lex Teopompus*, quam Accursius adducit, *ff. de dote præleg.* nil ad hoc pertinet: nam nec probat lex uni testi, nec ob unum testem moveri iudicem ad deferendum jusjurandum. Species hæc est: Testator habebat duas filias et filium, filiam majorem jam collocaverat, filium et filias hæredes scripsit ex æquo; et filiam nondum nuptam commendavit Polliano cuidam, ut scilicet is eam collocaret secundum animi sui sententiam, quam optime notam habebat, idque ex æquis, ex isor ex quibus collocata fuerat soror. Deinde mortuo testatore hic Pollianus juratus affirmavit eam mentem fuisse testatoris, ut eadem quantitas dotis nomine daretur etiam minori, quæ majori: lex ait ita pronuntiandum esse a iudice. An ita pronuntiat ob unius testis dictum? Minime. Res, quæ præcipue hanc sententiam movit est voluntas testatoris, qui dixit, ex æquis partibus se filiam suam velle collocari.

Ad L. IV.

Si ad excludendam tutelam actionem pupillus jusjurandum tutori detulerit: postea eandem litem exercere non prohibetur. PP. Calendis Juliis, ipsis IV. et III. AA. Consulib. 290.

In hac l. dicemus de iis, qui jusjurandum deferre non possunt, conjuncta l. 7. hujus tituli. Lex 4. ait, si ad, etc. Accursius notat pro *detulerit*, alias *legi dederit*. Recte, ut sunt scripti omnes. Dare jusjurandum alias est præstare jusjurandum, *l. 8. §. dato, l. cum quis, §. codicillis, ff. de leg. 3.* Hoc loco dare jusjurandum est deferre, et dictaro jusjurandum. Seneca 7. declamat, *Jura, inquit, sed ego jusjurandum dabo.* Sententia autem hujus legis hæc est; pupillum non posse deferre jusjurandum sine tutoris auctoritate: ea delatione jurisjurandi nil agi, datoque etiam jurejurando nil agi, *l. 17. §. 1. et l. 1. §. 1. D. quar. rer. act. non det.* Et ideo si pupillus posteaquam reo detulit jusjurandum in judicio, rursus eodem iudicio egerit: non obstat ei exceptio jurisjurandi cum effectu, cum possit replicare, se non habuisse jus dandi jurisjurandi sine tutore; idem quidam dicendum tradunt in pubere curatorem habente, quod non est illis concedendum temere, cum id nullo loco sit proditum, quin potius in contrarium uno loco generaliter traditur: puberi, qui jusjurandum detulit necessariam esse restitutionem in integrum. Ego jure detulit, *l. nam postea, §. si minor, D. cod.* Et ne qua resideat dubitatio, animadvertendum est

in specie §. *si minor*, puberem, qui iusjurandum detulit, curatorem habuisse, argumento ex eo est, quod iusjurandum detulit pubes in lite, quæ nulla fuisset sine curatore. Præterea in ea specie puberem detulisse iusjurandum sine curatore, est argumento, quod ob id Pomponius senserit, ei cum effectu non ob stare jurisjurandi exceptionem, quæ curatore interveniente certe obstaret. Verum Pomponii sententia non probatur, nisi pubes impetraverit restitutionem in integrum. Valuit ergo delatio jurisjurandi facta sine curatore: quod etiam ita confirmo. Iusjurandum pro solutione est: quod inferius probabimus. Cui solvi potest, is et iusjurandum deferre potest, quia iusjur. est pro solutione, l. 20. et 21. ff. eod. At puberi solvi potest sine curatore, l. ait Prætor, ff. de minor. Ergo pubes potest iusjurandum deferre sine curatore. At utroque casu ei subveniatur restitutione in integrum, si captus sit. Itaque in hoc proposito l. 3. sup. de restit. in integ. quam illi proferunt, a quibus differimus, suis finibus circumscribenda est, ut scilicet non temere trahatur ad alias, quam alienationum causas, l. puberes, ff. de verb. obligat. ut divi, fateor hoc, puberem nihil vendere jure sine curatore; cetera etiam eum non facere sine curatore, nego. Pupillus enim non obligatur sine tutore, pubes obligatur sine curatore, d. l. puberes. Mora non fit in personam pupilli sine auctoritate tutoris. Mora fit in personam puberis sine curatore. In hac lege 4. actum fuit tutelæ: qua actione non agitur nisi finita tutela. At tutela in specie hujus legis non fuit finita pubertate, alioqui valuisset delatio jurisjurandi facta a pubere, sed alio modo fuit finita, ut tutore dato ad tempus, aut ad conditionem, aut tutore remoto quasi suspecto. Species sit: tutore remoto quasi suspecto, pupillus accepto alio tutore cum eo egit tutelæ, et ei detulit iusjurandum sine auctoritate novi tutoris: is juravit se ex ratione tutelæ dare non oportere: lex ait, pupillum non prohiberi eadem rursus actione adversus tutorem experiri: et si opponatur exceptio jurisjurandi, replicabit pupillus, et dicet se non habuisse ius rerum administrandarum, nec jurisjurandi deferendi: plane si auctore tutore pupillus iusjurandum detulerit, certissimum est, ei ex integro agenti, cum effectu ob stare exceptionem jurisjurandi. Verum poterit restitui in integrum adversus iusjurandum datum, licet tutor auctor fuerit, si captus doceatur, l. 2. sup. si tut. vel curat. Verum in hanc sententiam Accursius ita argumentatur d. l. 17. §. 1. de jurejur. Iusjurandum vice solutionis est, l. 27. et 28. §. 1. ff. eod. At adversus solutionem factam pupillo, auctoribus tutore et iudice, pupillo non datur restitutio in integrum, si solo tutore auctore, datur, l. sancimus, inf. de

Ton IX.

administ. int. ergo adversus iusjurandum delatum a pupillo in iudicio, tutore auctore, et iudice approbante, ut solet, non dabitur restitutio in integrum. Valet argumentum. At propositio ita est accipienda: iurejurando debitorem æque liberari ac solutione: nam iurejurando primum tollitur obligatio naturalis, l. si quis jurasset, D. de condict. indeb. l. Stichum, §. naturalis, ff. de solut. Iurejurando etiam tollitur obligatio civilis ipso jure, quod Accurs. non animadvertit in d. l. 17. sed id indicat l. nam postea, in principio, D. eod. Dices: quorum ergo causa est comparata exceptio jurisjurandi, si ipso jure obligatio extinguitur? sane non est opus, nisi cum astringitur an juratum sit, ut eadem lex ostendit. Si de iurejurando constet, necessaria non est exceptio. Igitur iusjurandum perinde reum liberat ac solutio. Præterea is potest iusjurandum deferre, cui et solvi potest, l. 17. §. pen. et l. 21. Verum quod ad restitutionem in integrum attinet, facilius datur adversus iusjurandum, quam solutionem: ratione requissima, ne reus bis eandem summam solvat, quod cogetur, si detur restitutio adversus solutionem. Illeque non æque datur adversus solutionem: qui autem juravit, nihil solvit pupillo quem diximus sine tutoris auctoritate non posse iusjurandum deferre: adiungamus alios, qui non possunt deferre iusjurandum sine curatore, ut prodigus, furiosus, mentecaptus, l. tutor, D. eod. tit. quoniam seu accipias iusjurandum pro pacto, hæ personæ non possunt pacisci sine curatore: ergo nec iusjurandum deferre, quod est pro pacto: seu accipias pro solutione, his non potest ab eis solvi sine curatore: seu accipias iusjurandum pro iudicio, id est, litis contestatione, ut l. qui jurasse, §. ult. D. eod. hæ personæ non possunt iudicium accipere sine curatore, neque litem contestari. Item procurator, cui scilicet actio, vel defensio tantum mandata est, aut syndicus, non potest iusjurandum deferre, etiamsi de rato caveat, l. 17. 18. 19. et 34. §. defensor, D. eod. Nam hic procurator non potest pacisci, aut de lite transigere. Ergo nec iusjurandum deferre, quod dicitur venire ex pactione, l. transactionis, sup. de transact. l. nam et nocere, D. de pact. Quidam ut hoc probent, quod pro certo ponimus, adferunt legem mantato, D. de procurator. idque Male. Nam ea lex non loquitur de procuratore, cui actio tantum mandata est, de quo nos hic, sed loquitur de eo, qui generale mandatum habet. Quid est generale mandatum? Est (quod illi non perceperunt) libera universorum domini seu honorum, seu negotiorum, seu rerum administratio et procuratio. Id indicant duæ leges præcedentes legem mantato, quibus l. mandato applicatur; nec enim species mutatur. Hic vero procurator, qui generale habet

19

mandatum, potest iusjurandum deferre, exigere, solvere, pacisci, alienare, et pignori obligare, si expulsi, et novare obligationem. Nec enim omnia continentur generali mandato. Verum in ea *l. mandato* queritur, an generali mandato comprehendatur transactio, id est, an is, qui liberam habet administrationem negotiorum, possit de lite transigere. Lex ait, non posse, et transactionem decidendi causa factam generali mandato non contineri: quod est falsum. Nam et tutor et administrator rerum civitatis, quibus comparatur procurator, qui habet liberam administrationem, possunt transigere, *l. præses, supra, de transact. l. interdum, §. qui tutelam. D. de furt.* Ergo et procurator, qui habet liberam administrationem: si enim illi, cur non et his? Itaque in ea *lege mandato*, pro decidendi, est legendum, diminuendi, ut *l. Lucius Titius, §. ult. D. de administ. tut.* quæ lex ostendit tutorem non posse transigere diminuendi causa, donandi causa. Idemque de administratore traditur *d. l. præses*, non posse eum transigere ambiciose in fraudem reipub. alioquin possunt transigere. Ait illa *lex decidendi*, id est, transigendi. Inepta est locutio, transactionem transigendi causa factam. Itaque hoc vult tantum generalem procuratorem, ea quidem posse facere, quæ continentur duobus legibus præcedentibus: at transigere non posse diminuendi causa. Postremo filius, vel servus non possunt deferre iusjurandum in re patris vel domini, *l. 7. h. t.* item in re peculiari, nisi habeant liberam peculii administrationem, *l. 20. D. de iurjur.* At dicas, quærimus de iurejurando delato in iudicio: servus autem non potest stare in iudicio, quomodo ergo poterit deferre iusjurandum in iudicio? Respondere non posse agere; verum non omnino vetari iusjurandum deferre ei, cum quo agit dominus ex causa peculiari, vel ei, qui agit cum domino de peculio. Et hoc iusjurandum servatur, si reo detulerit; servatur (in quam) per exceptionem. Et hoc est quod ait *l. 20. D. de iurjur.* Notanda sunt verba, *servus, quod detulit, vel iuraverit servetur; si liberam peculii administrationem habuit.* Quæ verba videntur esse edicti, quoniam ait, *servetur*; quod est edicentis. Ergo servabitur iusjurandum per exceptionem. Verum an etiam dabitur actio ex iurejurando in factum de peculio adversus dominum si servus detulerit iusjurandum ei, qui agebat cum domino de peculio? quidam trahebant edictum etiam ad actionem, *l. quidam eodem tit.* et dabant actionem ex iurejurando delato actori a servo. At *l.* ait, *Quidam*, referens illorum sententiam non tamen approbans. Nam si probat, obstat omnino *l. 3. §. si filius, D. de pecul.* quæ negat actionem dari, quod is detulerit iusjurandum, qui non potuit consistere in iudicio. Itaque

ex illo iurejurando facilius datur exceptio, quam actio. Et quod ait, *servetur* per exceptionem scilicet, ut in edicto de pactis, *pacta servabo.* At in filiofamil. omnes consentiebant, videlicet si filiofamil. habens liberam administrationem detulisset iusjurandum reo, ex eo iurejurando omnes existimarent dari et actionem et exceptionem, quia filiofamil. est persona idonea.

Ad L. V.

Cum etiam a pupillorum tutoribus, velut ab ipsis pupillis relictæ fideicommissa videantur, super fideicommissis præses provinciarum cognoscet: et si id tibi relictum esse constiterit, reddi tibi efficiet. Idem si inficietur, ad iusjurandum (ut desideras) tutorem adliget. PP. 4. Cal. Decemb. ipsis IV. et III. AA. Conss. 290.

Initio hujus legis ostenditur, a tutoribus hæredum pupillorum relictæ fideicommissa, pupillis ipsis relictæ videri, et ideo etiam esse utilis. Idem dicitur in *l. etiam, inf. de fideicommissis.* Finge: Filio impubere hærede instituto, et ei tutore dato a patre, vel matre (quævis ea jura non det) a tutore fideicommissum Juliano relictum esse: id Julianus consequetur per præsidem, ejus in Provinciis cognitio fideicommissorum est propria, *l. si res, D. de legat. 1.* Hoc ita, si constet Juliano relictum. Ceterum si neget tutor, nec inter partes de fideicommissis constet, Juliano deferente tutor interventu præsidis cogetur solvere, aut jurare, aut deferre iusjurandum.

Ad L. VI.

Cum proponas partibus placuisse, iusjurandi religione, generis et ingenuitatis questionem decidi, præses provinciarum juxta decretum arbitri ad voluntatis vestræ placitum amittit tunc filiis consulit. PP. V. Idus Februar. Tiber. et Dione Con. 291.

Differentia est inter judicem et arbitrum. Uterque datur a præside, vel alio magistratu: arbiter in actionibus bonæ fidei: judex in strictis. Arbiter æquitatem spectat: judex jus et formulam. Aristotel. 1. Rhetoricorum. Decreta sententiasque judicum et arbitrorum, præsides, qui eos dederunt, exsequuntur, *l. a Divo P. o, D. de re judic.* Sciendum est etiam, causam status, et ingenuitatis pertinere ad cognitionem præsidis, nec posse delegari, *l. pen. sup. ubi caus. stat. l. 2. de pedan. jud.* (*) Ceterum, si in questione hereditatis, cui arbiter est datus, vel si in actione familiæ eriscundæ, cui addictus est ar-

(*) Vide Merrill. variant. ex Cujac. lib. 1. cap. 1.

biter, quæstio status et ingenuitatis incidit, tum arbiter delegatus etiam de ea cognoscet, quod incidat quæstio, non etiam principaliter, ut *l. 3. sup. de jud. l. 1. de ord. jud.* Ubi quod ait *l. 1. doctæ*, interpretandum est, scilicet judicem a præside datum: alioquin lex dicit hoc præsidem non posse cognoscere de causa status. Ergo arbiter familiæ eriscundæ potest etiam de causa generis et ingenuitatis, si ea incidat, cognoscere. Sic prætor non cognoscit de crimine capitali, nisi incidat: sic latronculator non cognoscit de re pecuniaria, nisi incidat. His cognitis ita ponamus hujus legis speciem: Cujusdam agnati hereditas est delata Decio, et amilius Decii est arbiter acceptus familiæ eriscundæ: ac apud eum arbitrum Decius, ut repellat amilius, eis facit controversiam generis et nativitatis. Placet autem eam controversiam dirimi jurejurando amiliorum; partis utriusque consensu. Partium voluntatem arbiter secutus pronunciat de hereditate, amiliis imposito jurejurando. Decretum arbitri prætor, qui arbitrum dedit, exequitur. Ergo causa generis jurejurando decidi potest, *l. 3. §. sed etsi, l. eum qui §. pen. D. eod.*

Exposuimus legem VII. in *l. 4. supra.*

Ad L. VIII.

Actori delato, vel relato jurejurando, si juraverit, vel ei remissum sit sacramentum, ad similitudinem judicati in factum actio competit. §. 12. Kalen. Mart. CC. Cons. 294.

Quæstio hujus legis est de actione, et exceptione jurisjurandi. Prius est dicendum de jurejurando actoris, tum de rei. Si actori delato jurejur. quod voluntarium appellavimus, vel relato, quod diximus necessarium, actor juraverit sibi deberi, vel si jusjurandum ei a reo remissum sit (nam is, cui jusjurandum remittitur, jurasse intelligitur) Judex secundum actorem judicium dabit, reo condemnato, *lege. 34. §. ult. D. eod.* An autem ex ea sententia est actio judicati? videtur non esse: nam actio judicati est ex sententia, quæ in invitos fertur. Hæc autem sententia datur ad voluntatem litigatorum, *l. 6. sup. de petit. hered. l. pen. §. sive autem, h. t.* Idcirco ex ea sententia non est, nisi actio utilis judicati. Et hoc est quod ait hæc lex. 8. ad similitudinem judicati in factum competere actionem. His verbis ad similitudinem, ad exemplum, et ad instar, significantur actiones utiles, *l. 1. de precar. l. 1. de interd. l. locum, §. ult. D. de usufr. l. hujus, D. quod fals. tut.* Hoc etiam potest notari in *§. item si quis postulante, Instit. de act. ait*, prætorem accommodare actionem, quod verbum est proprium actionum utilium, *l. quia actionum, D. de præscrip. verb. et l. 1. sup. de inoffic. te-*

stam. Et idcirco etiam arripe ex jurejurando dicitur dari actio utilis, id est, instar judicati: sic appellatur in *l. sed etsi possessori, §. 1. l. quod si juravi, l. si duo, §. 1. de jurejur.* In tribus locis ibi actio illa dicitur utilis. At subest alia quæstio. Qui jurat ex aliqua causa sibi deberi, ex ea causa jurat, quæ exprimitur, vel intelligitur. An igitur ex ea etiam causa est ei actio præter actionem jurisjurandi utilem? Putant omnes fere interpretes esse etiam ex causa actionem. Ego autem puto unam tantum actionem competere, id est, utilem in factum ex jurejurando: non esse autem actionem ex causa, de qua juravit actor sibi deberi, quoniam exemplo judicati prior actio jurejurando novatur, *leg. gregæ, §. etiam, D. de pignor.* Itemque est in judiciis in rem si actor juraverit rem suam esse: nam ei dabitur actio in factum ex jurejurando, non actio in rem, *leg. nam posteaquam, §. ultim. et leg. 11. sed si possessori, D. de jurejur.* Igitur nova est actio ex jurejur. prior extincta. Huic autem sententiae tria obstant. Primo *l. si duo, §. si quis juraver. et §. Marcellus, D. eod.* quæ lex ait, ei, qui juravit se emisisse, dari actionem ex empto, non novam in factum actionem. Item ei, qui juravit se pignori dedisse, pignoratitiam dari, non novam in factum. Breviter autem distinguendum est. Aut enim jusjurandum defertur in judicio, aut in jure quod defertur in jud. jam actione reddita defertur, et ei est consentanea Judicis sententia, quæ vel indicit jusjurandum, vel jam prestitum probat. Ex eo jurejurando est quasi judicati actio: nam res judicatur ad voluntatem litigatorum: quod autem defertur in jure, id est, apud Prætores, nondum constituto judicio, nondum reddita actione defertur, ut in *l. 34. §. ait Prætor, D. eod.* De eo agitur in dicta *l. si duo, §. si quis juraverit, et il. §. Marcellus.* Nam ex lectione apparebit nondum fuisse ullam actionem datam: ex eo autem jurejurando non est proprie actio, sed petenti actionem ex empto, et juranti se emisso, Prætor dat ex empto actionem secundum intentionem ejus. Nos autem tractamus de jurejurando, quod defertur in judicio. Secundo obstat *l. illud, §. 1. D. de constit. pecun.* Ex ea lege colligunt, eum, qui juravit sibi constitutam pecuniam fuisse, agere de constituto. Ergo non est nova actio; pessime ex eo *§. colligitur.* Ejus enim *§. hæc* est sententia: non constitui, nisi quod debetur: non valere constitutum, nisi sit debitum. At ex jurejurando debetur. Ex jurejurando in judicio delato et prestito est actio propria. Idcirco, de quo est actio jurisjurandi, recte constituitur: et recte de eo constituto agitur: nam ex jurejurando debitum constituitur: quæ tamen actio de constituto non novat actionem jurisjurandi, *l. item illa, §. 1. de constit. pec.* Postremo obstat

l. 7. sed etsi, §. si petenti, D. de Public. in rem act. Species est: Mihi potenti rem, quam possidebas quasi meam, tu iusjurandum detulisti in iudicio: lex ait, mihi competere actionem Publicianam in rem: non dat actionem ut lein ex iurejurando, sed Publicianam in rem. Respondeo: actio Publiciana non datur antequam res sit tradita, et postea amissa: ut res tradatur, agitur in factum ex iurejurando: ut autem res tradita ex causa iurisjurandi, et postea amissa recuperetur, agitur Public. Itaque actor rem aufert primum actione in factum, postea si eam amittat, utitur Publiciana, quasi bonæ fidei possessor ex iurisjurandi causa iustissima. Nunc de reo. Si reus delato iurejurando in iudicio juret se non debere, habet exceptionem iurisjurandi, quæ comparata est ad exemplum exceptionis rei judicæ, quasi judicæ exceptio est, *l. 1. ff. quarum rer. act.* Et ideo sicut actio judicæ, et exceptio rei judicæ datur domino, non procuratori, cum procurator litem elegit, *l. hujus, ff. de solut.* ita actio et exceptio iurisjurandi dabitur domino, non procuratori, *l. nam posteaquam, §. penult. et l. ult. §. ult. ff. eod.* Aut etiam competit reo, qui iuravit, exceptio pacti, *l. sed etsi servus, ff. eod.* Hoc enim iusjurandum ex pactione deferri dicitur, cum reus jurat, volente et deferente actore: hoc pro actione est. Itaque utetur vel exceptione in factum, vel pacti. Hæc de iurejurando voluntario et necessario. Ex iurejurando iudiciali, quod alio exigit iudex datur actio et exceptio iudicæ directæ. Nam id iusjurandum vel sententiæ imponit, vel postquam juratum est, ei consentaneam sententiam dat iudex. Accurs. in *l. hujus tit.*

Ad L. IX.

De la conditione iurisjurandi, reus (si non per actorem quo minus de calumnia juret, steterit) per iudicem solvere, vel jurare, nisi referat iusjurandum, necesse habet. S. 3. Kal. Maji. Sirmsi, AA. Con. 299.

Lex hæc est de iurejurando rei: et sententia ejus hæc est. Reus, cui ab adversario iusjurandum deferretur in iudicio, vel in jure, jurare debet, solvere, aut referre: et cogitur a Prætorē vel Iudice, *l. 34. §. ait Prætor, et l. 37. §. de jurejur.* Et quidem hoc tantum genus iurisjurandi refertur, quod voluntarium appellamus: iudiciale sane non refertur. Item necessarium id est, quod relatum est, rursus non refertur, *d. l. 38.* quæ ait eum turpiter facere, et quasi pro confesso haberi reum, qui delatum iusjurandum nec accipit, nec refert in deferentem. Sunt qui eam legem 38. ajunt esse conjungendam cum leg. 12. rer. amot. Regulam ponit in *l. 38.* exceptionem in *l. 12.* Exceptionem poni

lateor in *l. 12.* nego tamen esse conjungendas, quod sint inscriptiones diversæ, ut apparet ex legibus ipsiis. Exceptio autem hæc est: si ei, cum quo agitur furti, aut rerum amot. deferatur iusjurandum, id referre non potest, *l. 11. §. jurare, l. 13. l. 13. rerum amot.* Videamus quæ sit ratio cur hic reus iusjurandum sibi delatum non potest referre. Ratio an hæc erit, quod æquius sit, reum jurare de suo facto, quam actorem, qui certo non scit, sed tantum suspicatur eum furem esse, aut res amovisse, nec ei plane liquet: jurare insciente animo suo, quæ de re non liquet, jurare nemo compellitur: hæc non est ratio. Utitur en ratione Jurisconsulti. in alia specie, dum ait, reum, qui res amovisse dicitur, delato iurejurando, jurare compelli, partem autem ejus non compelli, quod sit iniquum, de alieno facto quenkum insciente animo suo anceps iusjurandum subire. Quæ ratione hæres de contractu defuncti, tutor, curator non jurant, et procurator de facto domini non jurat: nec deferretur, nec refertur eis iusjurandum, *l. 34. §. procurator, ff. de jurejur. l. videamus, §. 1. ff. de in lit. jur. Paulus 2. sentent. tit. 1.* At cum Jurisconsult. ait in his locis, in actione furti, et rerum amotarum, reum delatum iusjurandum non referre, non utitur hac ratione, sed alia, quia ita edicto ordinatum videtur. Certe si prior ratio relationi obstaret, obstaret etiam delationi. At delationi non obstat: ergo nec relationi. Delationi non obstat probat leg. in duobus: *§. penult. de jurejur.* Ubi is, qui agit furti, delato iurejurando jurat, sibi a reo furtum factum esse, nec ei illa ratio obstat, quæ obstaret a quæ delationi ac relationi: sicut ob eam rationem hæredi de contractu defuncti, nec deferretur nec refertur iusjurandum. Et sane plerumque ei, qui agit furti his actionibus ea de re licet jurare, qui vix unquam temere ea de re litem moros ex suspitione sola: ut in illis litibus deferri iusjurandum potest, non referri: illa ratio displicet. Ea Jurisconsult. utitur, quia edicto de furtis prætor deferri iusjurandum permittit, referri non item, cum in edicto de relatione nulla fiat mentio. Itaque referri permissum non videtur, sicut, deferri palam edicto permissum est, quod omissum est. Ita etiam L. Cornelia de injur. permittitur actori iusjurandum reo deferre, *l. 5. §. hac lege, l. non solum, §. pro nle, D. de injur.* De relatione non fit mentio in ea lege. Itaque referre etiam ea lege permissum non videtur. Et generaliter reus, cui deferretur iusjurandum de actione furti, vel rerum amotarum, vel injuriarum, omnino jurare cogitur, nec referre potest. In actionibus ex contractu pro compend. litium iusjurandum moribus receptum est, seu in usum venit, *l. 1. D. de jurejur.* In actionibus ex maleficio, quales sunt prædictæ, ius-

jurandum lege nominatim vel edicto permissum est, sicut pactum, et transactio de furto, et injuriis est permissa, *l. juris gentium, §. si pariscar. l. si tibi 7. D. de pact.* Ut lex de furto pacisci permittit, ita et jusjurandum deferre, referre non permittit. Hoc omisum curae sit, non supplebimus, *l. si vero, §. pen. D. solut. matr.* Interpretari tantum possumus, non supplere, *l. Gallus, §. quid si qui filium, et seq. D. de lib. et posthum.* Interpretes asserunt aliam causam, qua censent etiam jusjurandum delatum in judicio, non posse referri, *l. ult. inf. de fideicommiss.* Et male: nam jusjurandum, de quo agitur ex lege, quod scilicet fideicommissarius deferret heredi, lex non negat posse referri, sed recusari. Inter ea autem multum distat. Itaque cum lex non dicat, non posse referri, censetur eodem jure, quo censentur cetera de re pecuniaria, de actione ex contractu, vel quasi, qualis est actio illa fideicommissi. Et hoc quidem divinus de jurejurando, quod litis finiendo causa in judicio deferretur. Nunc de eo, quod sit extra judicium. An id referri potest, quod ex conventionione deferretur extra judicium? lite nondum mota, referri non potest, *l. 17. in princip. D. de jurejur.* quae de eo genere jurisjurandi accipitur recte: sed potest etiam ex lex pertinere ad jusjurandum, quod deferretur extra judicium siue judicis auctoritate de lite jam mota, ex conventionione partium. De quo jurejur. nihil diximus. Hoc volumus includi sub appellatione voluntarii, quia sponte suscipitur, licet semel susceptum non possit referri, ut ea *l. ostendit.* Et hoc modo nempe extra judicium delato jurejurando interdum accidit, ut utraque pars juret; actor sibi dari oportere, reus contra, *l. in duobus, §. ult. D. de jurejur. l. ait recte, extra judicium:* nam in judicio ea variatio non admittitur: et ideo ponit *extra judicium*, sed jurat alteruter tantum. Adilatur etiam, jusjurandum quod deferretur extra judicium, etsi de re litigiosa agatur, non exigit approbationem judicis. Nam absque eo interponitur extra forum. Ideoque delatum jusjurandum in judicio, licet susceptum sit, antequam id approbarit iudex, referri potest, cum et revocari possit ab eo, qui detulit, *l. 11. inf. hoc. tit.* At extra judicium, mutuo consensu delato et accepto jurejurando, nec relationi, nec revocationi locus est. At in eo, quod est delatum in judicio, dum pendet judicis approbatio, sicut actor delatum revocare potest: sic reus susceptum interim potest referre. Illud quoque notandum est, cum, qui deferret jusjurandum, priorem debere jurare de calumnia, id est, se non calumniandi animo deferre jusjurandum, sed recta conscientia, quod putet rem ita esse ut intendit: quid enim si actor scit se nullum jus habere: reum tamen vult jurare: id facit calumiose. Itaque debet jurare imprimis, se

non calumniandi animo jusjurandum deferre, sed recta conscientia id deferre. At si id non faciat, jusjurandum, quod detulit, habebitur pro praestito, hac *l. et l. 34. §. qui jusjur. et l. 37. de jurejur. l. 11. §. pen. rerum amo. l. ult. inf. de fideicommiss. Paulus 2. sententiarum tit. 1.* Ergo qui petit jusjurandum, debet prior jurare de calumnia. Idem etiam debet jurare qui petit alias probationes, ut qui petit instrumenta edi ab adversario. Nam forte hoc petit differendi judicii causa, aut quia scit hanc se habere, non adversarium. Itaque prius debet purgare se jurejurando, *l. 1. sup. de jurejur. propter calumniam, l. si quis ex argentariis, §. exigitur, l. quendam, §. ult. ff. de edendo.* Idem etiam jusjurandum praestat, qui petit servos ad questionem, *d. l. 1. l. ult. inf. de quest.* quae sunt conjungendae. Praeterea ex constitut. Justin. id est, ex *l. 2. cod.* initio litis utraque pars jurat, se non calumniandi animo litem instituere, quod jusjurandum olim non praestabatur. Et ex aliis auctoribus quidam male tradunt locos ex Cicerone de eo jurejurando, quod primus Justinianus introduxit. At in *Novella 49.* dicitur, ut litigatores initio litis non tantum jurent se bona fide ad litem accedere, sed etiam in ea lite se probationes non petituros differendi negotii causa, quod dicitur jusjurandum dilationis et calumniae, quanquam calumniae nomen utrumque possit complecti, id est, vexationem quamlibet, et procrastinationem; probationes, id est, instrumenta et rationes adversarii. Id vero semel tantum jurari sufficit initio litis, ut quoties probationes petuntur, tale jusjurandum non exigatur. Ex ea re plerique opinati sunt jurejurando ita praestito ex praescripto *Novell. 49.* ab eo, qui deferret jusjurandum, vel ab eo, qui vult de servis questionem haberi, aliud jusjurandum ab eo speciale non exigi, id sufficere: quod non approbo: nam ex ea *Novella* hoc tantum juratur, se ad litem non accedere calumniandi animo, se probationes non petiturum vexandi adversarii causa. Quamobrem *Novell. Leonis 99.* intermissa jurisjurandi de calumnia praestatio in jurejurando deferendo revocatur. Qui tamen Leo et in *Novell. 97.* id sere jurari jubet, quod Justinianus praescribit in *ana Nov.* Itaque etiamsi ex praescripto *Novellae Justiniani* initio litis sit juratum nihilominus a deferente jusjurandum exigatur contrarium jusjurandum calumniae. Ita etiam quibus casibus et articulis in *Pandect.* exigitur jusjurandum calumniae: ut si quis petat cautionem damni infecti, aut nunciet novum opus, aut rationes saepe dispuogi velit: his omnibus casibus etiam hodie exigitur jusjurandum, nec sufficit illa conceptio jurisjurandi, de qua in ea *Nov. l. qui bona, §. quidamni, de damno inf. l. ult. §. ult. de bon. auctor. jud. poss.*

l. de pupillo, §. qui opus, de novi operis nunc. l. de die, §. jubetur, qui satisfacere cog. Budæus hoc iusjurandum calumnie putat interpretari ἀποποσίαν, et ἀμφοσίαν, cum Ulp. generaliter in Demosth. tribuat has signific. cuilibet iurjurando.

Ad L. X.

In actione etiam depositi, quæ super rebus, quasi sine scriptis datis, movetur, iusjurandum ad exemplum ceterorum bonæ fidei iudiciorum deferri potest.

Lex ait, exemplo ceterorum bonæ fidei iudiciorum in actione depositi iusjurandum deferri. Dixi in *l. 3. sup.* in bonæ fidei iudiciis iusjurandum deferri auctore iudice, etiam invito utroque litigatore. Deferretur ergo etiam iusjurandum in actione depositi inopia probationum: ut si pecuniæ sint depositæ sine testibus, et scripto: quod si de deposito constet chirographo depositarii, quia non potest exceptio non numeratæ pecuniæ opponi, chirographum sufficit actori, nec insuper jurare cogitur, nec ei iusjurandum potest imponi a iudice, vel a parte, *l. in contractibus, §. ideoque sancimus, et §. illo, inf. de non num. pec.* Ideoque recte hæc lex 10. ponit factum fuisse depositum sine chirographo.

Ad L. XI. et XII.

L. XI. Si quis iusjurandum intulerit, et necdum eo præstito, postea (utpote sibi allegationibus abundantibus) hoc revocaverit: sancimus nemini licere penitus iterum ad sacramentum recurrere (satis enim absurdum est redire ad hoc, cui renunciandum putavit: et cum desperavit aliam probationem, tunc denuo ad religionem convolare) et Iudices nullo modo eos autire ad tales iniquitates venientes. Si quis autem sacramentum intulerit, et hoc revocare maluerit: licere quidem ei hoc facere, et alias probationes, si voluerit, præstare: ita tamen ut huiusmodi licentia usque ad litis instantummodo terminum ei præstetur. Post definitivam autem sententiam, quæ provocatione suspensa non sit, vel quæ, postquam fuit appellatum, corroborata fuerit, nullo modo revocare iuramentum, et iterum, ad probationem venire cuiquam concedimus: ne repetita lite, finis negotii alterius cui æ fiat exordium.

L. XII. Generaliter de omnibus iuramentis, quæ in litibus offeruntur, vel a Iudice, vel a partibus, definiendum est. Cum enim jam increbuit, Iudices in plenissima definitione sacramentum imponere: evenit, ut provocatione, lite sus-

pensa, hi quidem, qui iusjurandum præstare jussi sunt, ab hac forte luce subtrahantur, probationes autem rerum cadant: cum multum discrepet iuramentum hereditarium a principali sacramento. Necessitate itaque rerum coacti, et probationibus pinguius subvenientes, ad huiusmodi venimus sanctionem. Omne igitur iuramentum, sive a Iudicibus, sive a partibus illatum, vel in principio litis, vel in medio, vel in ipsa definitiva sententia, sub ipso iudice detur, non expectata vel ultima definitione, vel provocationis formidine.

§. 1. Sed iuramento illato, cum hoc a partibus factum fuerit, et a iudice approbatum, vel ex auctoritate Iudicis cuicunque parti illatum: si quidem is cui imponitur sacramentum, nihil ad hoc fuerit reluctatus, hoc præstetur, vel referatur: necessitate ei imponenda, cui iura refertur relationis sacramentum subire: vel si hoc recusaverit, quod illato sacramento præstito, causa, vel capitulum decidatur: nullo loco provocationi relinquendo. Quis enim ferendus est ad appellationis veniens auxilium in his, quæ ipse facienda provocavit?

§. 2. Sin autem is, cui sacramentum est illatum vel a parte, vel a iudice, hoc subire minime voluerit: licentiam quidem habent sacramentum recusare: Iudex autem si hoc omnimodo præstandum existimaverit, sic causam dirimat, quasi volente eo sacramentum sit recusatum: et ita cetera sive capitula, sive totius negotii summa examinentur, et lis suo Marte procurrat, nullo ei obstaculo obviante. Ipse autem, qui sacramentum sibi illatum dare recusaverit, vel hoc attestetur: vel, si forte non audent, habeat sibi in ultima provocatione repositum auxilium: et si Iudex appellationi præsidens, bene quidem illatum iusjurandum, non rite autem recusatum pronunciaverit: res secundum quod iudicatum est, permanebit. Sin autem non rite quidem illatum, recte autem recusatum sacramentum pronunciaverit: tunc ei licebit emendare sententiam Iudicis, quæ quasi ex recusato sacramento processit: et nihil penitus nec præiudicii, nec iniusti dispendii cuiquam incurret: sed et causæ cursus ab initio usque ad novissimum terminum non impiedietur: et lis æqua lance trutinabitur.

§. 3. Sive autem illatum iuramentum præstitum fuerit, sive recusatum: ipsi parti, quæ hoc intulit, nullum provocationis remedium in hoc reservabitur: cum nimis crudele est parti, quæ hoc detulit, propter hoc ipsum, quod Iudex ejus petitionem secutus est, superasse provocationem.

§. 4. His de præsentibus personis statutis, nec absentes nos fugiant, sed etiam eos hinc legi

subjugamus, et si persona præsens non invenitur, cui sacramentum illatum est, lite forte per procuratorem ventilata, necesse est, vel ipsam principalem personam datis certis induciis ad Judicem venire, ut ea, quæ de sacramentis statuta sunt, impleat, vel (si Judex existimaverit) in provincia, ubi degit, sub actorum testificatione juramentum ab ea vel dari, vel referri, vel recusari: hoc procedere, ut singulis casibus eventus jam definitus imponatur: licentia danda etiam parti alteri, vel per se, vel per procuratorem super hoc ipsum ordinatum, adesse his, quæ de juramento aguntur: vel si neutrum facere maluerit, et ex una parte sub fide tamen gestorum, juramentum præstari, vel referri, vel recusari: expensis propter hujusmodi causam præstandis, officio judicis trutinandis, an ab utraque parte, an ab altera oporteat eas dependi: nullo tamen ex hoc litibus impedimento generando, sed donec ea procedant, aliis vel capitulis, vel litis membris a Judice examinandis, et postquam fuerint ei intimata gesta super juramento subsecuta, tunc iterum ad hoc capitulum Judice redeunte, et eo adimpleto ad cetera perveniente: omnibus aliis, quæ de præsentibus sancita sunt, et in absentium parte observandis.

§. 5. In omnibus autem casibus, in quibus sacramenta præstantur, observationem judicalem permanere censemus secundum personarum qualitatem sive sub ipso Judice præstari oportet juramentum, sive in domibus, sive sacris scripturis tactis, sive sacrosanctis oratoriis.

§. 6. Similique modo in sua firmitate manere quæ de calumniæ jurejurando, vel relato sacramento legibus cautæ sunt, vel a nobis, vel a retro divis principibus introducta. Non enim, ut a'iquid derogetur antiquioribus legibus, hæc prolata sunt; sed ut, si quid deesse eis videntur, hoc repleatur.

Lex 11. est de revocatione jurisjurandi, lex 12. est de recusatione. Dicamus primum de revocatione. Qui revocat jusjurand. quod detulit, multum distat ab eo, qui remittit jusjurand. quod detulit: qui remittit injurato credit: qui revocat, ne jurato quidem credit. Sententia autem et constitutio l. 11. hæc est: eum, qui detulit jusjurandum, id posse revocare ante sententiam definitivam; post sententiam non item, nisi appellatione suspensa, vel potius extincta sententia. Itaque interposita appellatione adhuc licebit delatori pœnitere, et jusjurandum revocare, quoad litis extrema sententia fuerit: post terminum litis zero revocat jusjurandum. Revocatum autem jusjurandum semel postea deferri rursus non potest. Hoc enim esset ludificare judicium: semel variare licet, id est, delatum revocare: rursus variare

non licet, id est, revocatum non licet deferre. Apud Senecam 7. *Declamat.* est exemplum, quo centumviri revocationem delati jurisjurandi non admisserunt. Et quidem jocosè delati, et exhortati, ut oratores in agendis causis solent exhortati inserere. At iniq̃ue fecerunt. Non his exemplis est jus dicendum, sed legibus, l. nemo, de sent. et interloc. Et ob id in eo exemplo Senecæ: *Atulius Advocatus*, qui jusjurandum detulerat contumeliam non ferens, nunquam amplius in foro causam dixit, ut ex Grecis auctor est Athenæus lib. 24. Sicut autem delatum jusjurandum pendente sententia Judicis potest revocari, ita et susceptum semel interim referri l. 9. *supr.* Ita non susceptum jusjurandum, sed statim relatum interim revocari et suscipi potest. At quod susceptum est, et postea relatum, deus suscipi non potest revocata delatione, quoniam his non permittitur variatio. Judex etiam, quod solus in re dubia jusjurandum detulit, re integra, id est, nondum neque præstito jurejurando, nec sententia dicta, poterit revocare. Constat enim quamlibet interlocutionem Judicis posse revocari, non sententiam. Itaque ex his concludendum est, et voluntarium, et necessarium et judiciale jusjurandum posse revocari. Meminisse autem oportet eorum, quæ diximus l. 1. quæ ad has leges pertinet, dupliciter jusjurandum auctoritate Judicis exigi, vel a parte delatum a Judice approbari. Nam vel in ipsa sententia Judex jusjurandum, quod pars detulit, vel quod ipse præstari censet, in sententia imponit, vel ante sententiam præstari jubet, deinde sententiam dicit, id est, sententia vel sequitur, vel præcedit jusjurandum. Si Judex sua sententia jusjurandum imposuerit, queritur an ab ea possit appellari, ut si ita pronuntiavit, *solvī, aut juravi?* Et videtur jusjurandum exigi debere confestim: quoniam periculum est, ne si res trahatur appellatione interim moriatur is, cui jusjurandum delatum est, et heredi ejus æque non liqueat jurare. Itaque Justin. l. *pen.* hoc constituit, ut sententia imposito jurejurando ab ea non appelletur; quod hanc distinctionem recipit, ut is, cui non imponitur jusjurandum ob id quod imponitur alteri non appellet, is tamen, cui imponitur, appellet si velit: item constituit in l. 12. ut jusjurandum initio, vel medio litis ante sententiam delatum a parte, vel a judice, sub eodem judice præstetur, non expectata sententia definitiva. At quid si recusatur ab eo, cui deferitur, id est, quid si nolit præstare jusjurandum, vel præstari facta relatione? tum sequetur sententia: sed id etiam hanc distinctionem recipit. Aut enim ab adversario delatum jusjurandum ei relatum est, et delator recusat jurare, et tum judex sententiam fert, perinde ac si ex delatione esset juratum. Nec appellabitur, quia

non probe delator recusat iusjurandum, cuius conditionem elegit, *l. 54. §. ait Praetor, D. eo l.* Aut is, cui delatum est iusjurandum a parte, vel a iudice, id recusat: quod, sit, si nec velit jurare, nec referre. Quid vero tum fiet? tum iudex sententiam dicet, quasi invito se recusato iurejurando: quasi contra suam voluntatem pars recusaverit iusjurandum, *§. sin autem, l. 12.* ubi quidam codices recte habent, *volente eo.* Male alii, *volente.* Quod perturbavit Accurs. Est in eo verbo saepe error, ut et *l. 1. §. si vir uxori, ff. de acq. poss.* ubi ait *Marit.* ubi *noluit possid. amitt. possess.* Græci legunt, *l. 50. Basilic. tit. 2. πότες ὁ δὲ ἀνὴρ*: ubi *voluit maritus.* Igitur in proposito iudex sententiam fert quasi invito se recusato iurejurando, id est sententiam feret quasi in contestentem. Recusatio iurisjurandi est confessio manifesta, *l. 58. ff. eod.* At ab ea sententia poterit appellare is, qui iurejurando adigebatur, quia fieri potest ut justa sit causa recusationis, ideoque condemnatus, quasi ex recusato iurejurando, quod deferretur, potest appellare. Videmus, quæ sit justa causa recusationis, forte impius pio iusjurandum deferat quæ conditio, sive ἀπόδειξις est inæqualis, *Ari t. in fin. lib. 1. Rhet.* Et est perinde atque si valens imbecillum et debilem invitaret ad pugnam, cum scilicet impius pius provocat ad iusjur. *l. ult. inf. de fide inst.* ubi Justinianus tradidit hunc ritum juris. Cum impius pio deferat iusjurandum, is nimia religione deterretur a iurejurando, et totum non est impio idem iusjurandum referre. Itaque justa est causa recusationis, de qua æstimabit appellationis iudex. At si pares sint litigatores, pio aut impius, non erit justa recusatio: qua de re æstimabit etiam appellationis iudex. Potest etiam justa esse causa recusationis, si is, qui delulit iusjurandum, et revocavit, rursus deferat, *l. 11. sup.* Item si conceptio iurejurandi displiceat: potest enim conditio non displicere, cum tamen conceptio, et formula displiceant. Quia igitur fieri potest, ut justa sit recusationis causa, condemnatus quasi ex recusato iurejurando, cum ei deferretur, appellare potest. Ad summam sic omnia procedunt. Iusjurandum necessarium, id est, quod refertur, non potest recusari ab eo, cui jurare liquet, quod autem deferretur a parte, vel a iudice justa ex causa recusari potest. Item quemadmodum secundo delationem adversarii sententia imposito iurejurando, vel etiam præstito, et postea secundum iusjurandum sententia dicta, delator non appellat: ita si vincatur delator, vel damnetur quasi recusato iurejurando, quod ei relatum fuerat, non appellabit: quia videtur a se ipso appellare, aut ab eo, quod ipse elegit et petiit: et hoc est quod ait in *§.*

sive autem, in verbo sive recusatum, cum scilicet referretur, ita omnino legunt Græci, sive ἐκ παρατάξεως, etc. *sive ex recusatione consequuta fuerit sententia:* male quidam legunt *relatum.* Victus autem et damnatus quasi recusato iurejurando cum deferretur, potest appellare. Excipitur casus *l. ult. inf. de fideicom.* In quo recusatio nullo modo permittitur favore fideicommissorum. Sed hæc omnia trahuntur de præsentibus litigatoribus. Quid autem fiet, si is, cui deferretur iusjurandum, absit, ut quia litigat per procuratorem? Domino delertur iusjurandum, non procuratori, cui non liquet jurari. Quid fiet? an venire debet in iudicium jurandi, vel referendi, vel recusandi causa? Regulariter necesse est, ut veniat in iudicium intra tempus, quod destinerit iudex pro locorum intervallo. Per procuratorem enim nequit jurare, id est, procurator ejus nomine recte non jurat. Iure tamen Pontificio hodie per procuratorem juratur. Valerius Flaccus creatus Aedilis, cui necesse erat ut juraret in leges, cum non posset jurare, quia erat Flamen Dialis, ex Plebiscito admissus est, qui pro eo juraret: iure singulari: regulariter secus. T. Livius lib. 31. in fi. Sunt tamen quidam, qui propter ætatem, vel propter dignitatem, aut valetudinem non coguntur venire si absint, sed ad eos mittitur domum ut jurent, *l. ad personas, de jurejur. l. 2. §. sin. autem, sup. de jurejur. propter ca.* Si non jurant per procuratorem, quamvis sint in dignitate positi, et valetudine laborent. Et hoc est quod ait in fine hujus legis. *Arbitrio iudicis si absit is, cui est delatum iusjurandum vel iusjurandum præstat in domibus, aut templis.* In domibus si sint in dignitate constituti. Et præstari utroque casu tactis sacris Evangelis, quod semper requirit Justinianus in Novell. Itaque ut Græci legunt, ita videtur legendum, *sive in domibus sacris scripturis tactis, seu in sacrosanctis oratoris:* nam ita interpretantur, *seu in domibus, seu templis;* ita tamen ut qui jurat, tactis sacris juret. Præterea additur, et dum præstat iusjurandum ab eo, qui peregre abest, recte præstetur, aut recusetur aut referatur *παραπρὸς*, id est, ab una parte altera absente. Cui igitur delatum est iusjurandum, jurabit altera parte presente, aut ejus procuratore. Quod si absit altera pars, quæ delulit, non ideo minus recte jurabit. Sententia autem non recte fertur *παραπρὸς*. At iusjurandum præstitum *παραπρὸς* valet: hujusmodi semper est iusjurandum in litem, nam id semper præstatur non vocata altera parte. Itaque eleganter Græci vocant hoc iusjur. *παραπρὸς ὁπ- xov*: *l. arbitrio, de jurejur.* Postremo sumptus in eam rem factos, ut vincatur dum mittitur ad eum, qui jurare debet, vel etiam pro actis: nam acta

conficiuntur de jurejur. præstito vel relato, vel remisso: hos, inquam, sumptus factos in eam rem agnoscat arbitrio Judicis altera pars victa: vel etiam inquit, utraque pars agnoscat, cum judex neminem damnandum censet expensarum nomine: nam quas quisque impensas fecerit sibi imputabit. Ad id exprimi sententia est necesse, alioqui victus semper tenetur expensarum nomine, Nov. 82.

Legem ult. explicui supra in l. 1.

JACOBI CUJACII J. C.

Ad Lib. IV. Codicis,

RECITATIONES SOLEMNES.

Ad Tit. II. Si certum petetur.

Hujus libri primus tit. est de rebus cred. et jurejur. sub eo tamen de jurejurando tantum tractatur: causam illius reddidi in illo titulo. De rebus autem creditis tractatur sub hoc titulo, si certum petatur. Ideoque in Pandect. ita concipitur, *De rebus credit. si certum pet.* Vulgo ab omnibus existimatur pertinere ad universam partem tertiam ff. quæ constat 8. libris. Moventur l. 1. ff. eod. quæ lex ait, sub eo titulo prætoris inscripsisse multa jura ad varios contractus pertinentia; crediti nomen esse generale, et nomen rei, denique eum titulum esse generalem: moventur ex eo, quod Justin. eam partem Digestor. vocat *de rebus, in constit. de conceptione, et confirm. Pandect. sup. l. un. de veteri jure enuel.* At ego his argumentis non moveor: nam primum est fallacia, si quis ita argumentetur: titulus de rebus creditis si certum petatur est generalis, ut dicit l. 1. Ergo pertinet in universum ad tertiam partem Pandectarum, vitiosa est collectio, quod possit esse generalis, id est, multa et varia complecti, nec tamen referri, ad universum corpus tertie partis Pandectar. Vitiosa etiam est hæc argumentatio: Tertia pars ff. vocatur *de rebus*. Ergo tota est de rebus, cum possit aliud vocari, aliud esse; ut qui dant operam lib. 20. 21. et 22. ff. auctore Justiniano vocantur Papinianistæ, a primis legibus titulorum libri 20. quæ sunt Papiniani: non tamen ideo soli Papiniano operam dant, sed etiam Ulpiano, et reliquis. Ita tertia pars ff. vocatur *de rebus* a primo titulo: non tamen ideo tota est de rebus. Sunt in ea parte tituli *de jurejurando, de in litem jurando*, qui nil pertinent ad res creditas. Sunt tituli *de condict. indebiti, ob rem dat. et sine causa*, quæ nascuntur ex æquo et bono, non ex contractu, aut ullo credito. Et ideo non competunt illæ conditiones, nisi quatenus is, cum quo agitur, factus est locupletior. Dico igitur eum titulum *de*

Tour. IX.

rebus credit. si certum petetur, generalem esse, non quod sequentes titulos complectatur, et totam 3. partem ff. sed quod sub eo titulo prætor proposuerit primum certi conditionem, quæ late patet quæ ex omnibus contractibus datur, l. certi, §. quomodo, eod. quæ quidem certi conditio in illo titulo his verbis significatur, *si certum pet.* ut alibi, *si ususfructus pet.* quibus verbis vindicatio ususfructus significatur. Actio si certum petatur late patet, l. 1. ff. de interrogat. in jure fac. et nihil aliud est, quam certi conditio, quæ non tantum pecunia numerata petitur, sed etiam alia quælibet res certa credita. Quint. lib. 4. cap. 2. ad eam respicit certam, inquit, *pecuniam creditam peto ex stipulatione*, item lib. 12. cap. 10. *Interdictis et sponsionibus, ac de re certa credita*. Ideo in l. certum, ff. eod. tit. quæ lex explicat quid sit certum, propter illa verba *si cert. pet.* ejus definitio complectitur non tantum pecuniam numeratam, sed et species etiam et corpora. Et in Cod. Theodos. duo sunt tituli, *si certum petatur de chir.* et alius, *si certum petatur de suffragiis*, qui pertinent etiam ad alias res, quam ad pecuniam numeratam. Verum sunt, qui putant, actione *si certum petatur* pecuniam tantum numeratam peti, non aliam rem, licet sit certa. Et pro his facit l. 1. ff. de condict. tritic. quæ prima specie id videtur affirmare, nisi dicamus in ea lege 1. conditionem triticariam comparari cum conditione certi. quod verius est, et notavit etiam Accurs. in ea l. 1. Hoc modo utraque est generalis: in hoc conveniunt. Ceterum conditione triticaria pecunia numerata non petitur: certi conditione sive actione si certum petatur petitur etiam pecunia numerata. Ex quo male idcirco colligunt, solam pecuniam numeratam peti actione si certum petatur, cum id dicatur comparatione conditionis triticariæ, quæ non petitur pecunia numerata, sed aliud quidlibet. Est etiam alia differentia, quod certi conditio certum duntaxat condicat: triticaria, et incertum, ut servitutem, possessionem, l. 1. et 2. de condict. tritic. In lege 1. ea actio appellatur *triticaria*, ut in Pandect. Flor. est scriptum, in titulo appellatur *triticaria*, et a Græcis quoque, a tritico scilicet (ut opinor) re omnium, quæ per eam actionem petuntur nobilissima, ut dicuntur *sementes triticariæ* in antiquo Calendario Romano. Ergo sub titulo *de reb. cred. si cert. pet.* prætor proposuit certi conditionem generalem: proposuit deinde conditionem specialem ex mutuo: de qua potissimum eodem titulo agitur. Et ideo ibi additur *et de conductione*, id est, de actione etiam ex mutuo. Justinianus hoc probat §. 1. *quibus mod. re contrah. ob ex mutuo*, inquit, *nascitur actio, quæ vocatur condictio*, ut in illo titulo. Male quidam addunt certi conditione: conditio enim est repetitio

pecunie creditæ, sive mutuo datæ: sic Græci dicunt *condictitia*, ὁ ἀπαιτητικὸς λόγος τοῦ δανείου ἢ τοῦ. Ergo in eodem titulo Prætor proponit certi condictio- nem generalem et conductionem specialem ex mutuo. In sequen. titulis proponuntur aliæ quædam condi- ctiones, ut *indebiti*, *ob rem dati*, *et sine causa*, *et furtiva*, cui est proxima condictio *rerum amot.* quæ tamen est rejecta in quartam ff. partem, ubi agitur de dotibus. Item condictio ex lege, *et triti- caria*. Inter conductiones Græci quoque numerant conductionem *bene depensi*, his verbis: *Condictio de bene depensis*, τῶντίςιν ἀπὸ καλοῦ διακινήσεων. De ea conductione nihil in Pandect. quod exolevis- set. At in sentent. Pauli est de ea aliquid *lib. 1. tit. 19.* dum ait, quasdam actiones ex iudiciatione cre- scere in duplum, ut *iudicati*. Hæc si reus inficietur crescit in duplum. Item *depensi*, ut si quid procu- rator, vel gestor bene dependerit in rem domini, habet conductionem bene depensi: quod si inficiatur dominus, id est, si nolit depensum agnoscere, crescit in duplum: inficiatio sit in duplum: Et ideo specialiter de bene depensis proposita fuerat con- dictio: Sub eo titulo *de rebus cred. si cert. pet.* edixit etiam prætor de aliis quibusdam, ut, de commodato et pignore, ut ait *l. 1.* Non dicit lex Prætozem edixisse de mandato, aut deposito: aut societate, aut empto, vendito, locato, conducto: de quibus tamen in ea ff. tertia parte edicta pro- ponuntur: sed dixit tantum, sub eo tit. Prætozem edixisse de commodato, et pignore: quia ille titu- lus non profertur ad universam tertiam Digestorum partem, sed suis finibus continetur. Eo autem ti- tulo una cum certi conductione, et conductione spe- ciali de commodato, et pignore aliquid fuit inser- tum, non de aliis contractibus. Postremo sub eo ti- tulo prætor edixit de iurejur. Et ideo in sententiis Pauli *lib. 2. et in tit. 1.* hujus libri additur, *et de iurejurando*. Tractatur autem ibi prius de solo ju- rejurando ob honorem religionis. At quod diximus de hoc titulo, idem est existimandum de titulo *de Judiciis*, et ubi quisque agere, scilicet non esse titulum eum totius secundæ partis generalem, sed specialem, in quo tractetur *de judic. accipiendis et contestandis*, *de officio judicis*, *de foro com- pet.* de quibus nihil in sequentibus titulis 2. partis. Theophil. tit. *de offic. judicis* vocat de judiciis: in §. *quædam*, *de actionibus*, in Græco scilicet: non in versione latina. Temere etiam quidam ad quintam partem D. apposuerunt titulum de testam. quasi ejus quintæ partis generalem. Male. Repugnant Pandectæ Florent. et constitut. Just. scilicet illæ de confirm. Digest. in quibus ceterarum partium sin- gulos libros singulas partes appellat. Unde illud quæri dignum est, cur prima pars ff. habeat pro- priam appellationem τῶν πρώτων, secunda item de

judiciis, tertia *de rebus*: ceteræ partes ff. non ha- bent propriam appellationem: sed *singuli earum libri singulares* dicuntur. Id demonstrat Constitutio Justinianæ de confirmatione Pandectarum, ex qua constitutione auditoribus juris, prima, secun- da, tertia pars ff. explicatur quælibet integra, vel (ut ipse ait) *continua serie*, sed et nulla penitus derelicta. Itaque singule hæ partes propria appella- tione demonstrantur. Prima πρώτων, quod nulla alia præcedat: secunda *de judiciis*, ob primum titulum, non quod sit tota de judiciis: tertia *de rebus* a primo titul. reliquæ partes Digestorum secundum Ju- stiniani Constit. non explicantur integræ, non con- tinua serie, sed abrupta, ideoque propriam appella- tionem non habent, sed singuli eorum libri di- cuntur *μυροβήτοι*. Si quarta pars ff. quæ constat octo libris, explicaretur uno contextu et tenore, in- tegra appellaretur a primo titulo de pignoribus, sed quia explicatur abrupte et inordinate, ideo singuli ejus libri singulares dicuntur.

Ad L. I.

Neque æquam, neque usitatam rem desideras, ut æs alienum patris tui non pro portionibus hæ- reditariis exsolvas tu et frater cohæres tuus, sed pro restitutione rerum prælegatarum, cum sit explorati juris, hæreditaria onera ad scri- ptos hæredes pro portionibus hæreditariis, non pro modo emolumentum pertinere. Quod nec tu ipse ignorare videris: cum creditoribus, secun- dum formam veteris juris, pro portione tua ca- veris.

Primæ legis species hæc est: Pater duos filios hæredes scripsit, singulis quædam prælegavit, ut ea haberent præcipua: unus ex eis mortuo pa- tre cavet creditoribus hæreditariis pro por- tione sua: nunc postulat a principe, ut non ex hæreditariis portionibus ipse et frater co- hæres æs alienum patris agnoscat, sed pro modo rerum prælegatarum. Cautio, quam præstitit est secundum formam veteris juris, quia cavet pro portionibus hæreditariis: veteris juris, id est, le- ge 12. tab. nam hoc est ex 12. tab. ut actione si certum petatur hæredes tantum teneantur pro por- tione hæreditaria. Hæc obligatio ipso jure dividi- tur ex 12. tab. *l. ult. inf. de hæred. act. l. pa- ctum. sup. de pact. l. 7. sup. famil. ercisc. l. hæ- redes, §. juris, ff. famil. ercisc.* quod vocatur alibi lex antiqua, *l. 1. inf. de except. et jus civi- le, l. si te bonis, inf. de jure delib.* Cum ergo cavet pro sua portione, secundum 12. tabulas ca- vet: desiderium tamen ejus est contra 12. tabulas; nam ex 12. tabulis hæredes debitoris hæreditariis creditoribus teneantur pro portione hæreditaria,

non pro ratione prælegatorum, l. 35. ff. de hered. instit. Legatarii, et prælegatarii non conferunt ad æris alieni solutionem, ad Falcidiam conferunt. Deducto prius ære alieno, ex eo quod superest, legati, et prælegati sumuntur, et solvuntur. Itaque sunt pura sæpe, id est, sine onere æris alieni, et solvuntur purgato patrimonio defuncti. Verum quod dicitur ex 12. tabulis hæredes teneri pro portione hæreditaria, hoc ita procedit, si conveniantur certi conditione, non si incerti, et si conveniantur in personam, non in rem l. 1. ff. de interrog. in jure fac. si conveniantur incerti, puta ex stipulatione iter dari, vel ex stipulatione opus fieri, quæ obligatio est individua et incerta, singuli hæredes tenentur in solidum plerumque, l. 2. §. ex his, l. in executione, ff. de verb. oblig. Rursus si agatur in rem, qui possidet rem, in solidum tenetur, damnaturque in solidum, vel pro qua parte possidet, non pro parte hæreditaria: nam hæc actionem possessio parit, l. si possessor, ff. de rei vindicat. l. 2. §. ult. de prætoris stip.

Ad L. II.

Quamvis pecuniam tuam Asclepiades suo nomine crediderit, stipulando tamen sibi jus obligationis quæsiuit. Quam pecuniam, ut possis petere, mandatis tibi ab eo actionibus consequeris.

Hæc l. est de eo, qui alienam pecuniam mutuatam dat suo nomine, quod sæpe faciunt procuratores et gestores, interdum curatores et tutores. Is autem, qui id facit, ex numeratione conditionem non habet quia alienæ pecuniæ datione mutuum non contrahitur; quia dominium accipientis non fecit, quod in mutuo desideratur. At ex consumptione conditionem habet. Consumptio conciliat mutuum, quod numeratio non conciliarat, l. si ego 18. l. non omnis, in fin. et l. nam etsi sur, de reb. cred. l. si quis pro eo, §. si nummos, ff. de fidejussor. Denique exstante pecunia ab eo condici non potest, consumpta potest. Quod est accipiendum de conditione certi. Nam extantem pecuniam puto ab eo etiam condici posse, incerti tamen, ut scilicet, vel possessio reddatur, quam habuit ante pecuniam numeratam, dominium quidem non transtulit in accipientem, sed possessionem, quam incerti condicet, exstante pecunia non consumpta, argumento legis indebiti, §. sed etsi nummi, de condict. indeb. quod si is, qui alienam pecuniam suo nomine, credidit, eam sibi reddi sit stipulatus, tunc habet certi conditionem ex stipulatione, ut in h. l. non ex numeratione, vel consumptione, non aliter quam si suo nomine suam

pecuniam creditam sibi stipulatus fuisset, nam et tunc haberet tantum conditionem ex stipulatione, non ex mutuo, l. 6. et 7. ff. de novation. Nunc videndum est an actio competat pecuniæ domino. Certe ex numeratione, vel consumptione dominus pecuniæ conditionem non habet, quia utraque est ex mutuo. At mutuum non est contractum ejus nomine. Ergo non habet conditionem ex mutuo, non habet etiam ex stipulatione, cum etiamsi is, qui numeravit pecuniam suo nomine ei stipuletur, nihil agat. Alteri enim stipulamur inutiliter: alieno tamen nomine non credimus inutiliter. Hoc jure singulari receptum est ut si tuo nomine credam pecuniam, tibi acquiram actionem, cum tamen si tuo nomine stipuler, eam tibi non acquiram: veram habet alias actiones pecuniæ dominus, nimirum extantis pecuniæ vindicationem, et de male pecunia consumpta actionem ad exhibendum, l. rogasti in fin. ff. de rebus credit. et §. nunc admonendi, Instit. quibus alien. lic. vel non. Idem etiam dominus pecuniæ habebit conditionem ex consumptione, et stipulatione directam, si is, qui pecuniam suo nomine credidit, vel qui eam sibi reddi stipulatus est, eam actionem illi cesserit et mandaverit: ex cessione habebit conditionem ex stipulatu, vel mutuo directam, h. l. 2. imo vero habebit etiam conditionem ex stipulatu, et ex mutuo sine cessione, argumento l. 4. inf. h. l. l. si et me et Titium, ff. de reb. cred. Ita etiam videtur Cyno et Bartolo. Nec obstat si dixeris, hæc actionem utilem tantum pupillis dari, vel adoloscenscentibus, vel mentecapiis, et militibus, quorum pecuniam alius suo nomine credidit. Videtur tantum illis personis hæc actio utilis dari, non aliis, l. 2. ff. quando ex facto, etc. l. si pecuniam, ff. de reb. cred. l. 6. sup. de rei vind. Idque ita verum est, his personis actionem utilem dari, seu is, qui pecuniam eorum numeravit, sit solvendo, seu non. At aliarum personarum pecunia credita, ejus, quorum pecunia est, utilem conditionem non dabimus, nisi cum is, qui numeravit, non est solvendo, id est, cum dominus pecuniæ, actione mandati, vel negotiorum gestorum ab eo propter inopiam ejus suam pecuniam servare et consequi non potest. Hoc plane casu domino pecuniæ dabimus utilem actionem, sine cessione adversus eum, qui pecuniam accepit, argumento l. uxor marito, de donat. inter vir. et uxorem. Sic e contrario ex l. 4. hujus tit. si negotiorum gestor absentis pecuniam ejus nomine crediderit, non proprio, et is nomen improbaverit, id est, si nolit agere cum illo debitore, tum gestori dabitur condictio directa ex cessione, id est, si dominus eam ei cesserit, vel etiam sine cessione ut lis, d. l. 4. Non est illud omittendum, quod hic Accursius tradit hæc lege. Cum quis credidit

alienam pecuniam suo nomine, et ipsum et dominum pecunie habere actionem: nam dominus pecunie habet vel vindicationem, vel utilem actionem. At agente domino tenendus debitor adversus eum, qui numeravit, ne duobus ejusdem summe nomine teneatur.

Ad L. III.

Eos, qui officium administrant, neque per se, neque per suppositas personas, tempore officii sui in provincia sœnus agitare posse, sæpe re-scriptum est.

In l. 3. hoc tantum ostenditur: Præsides provinciarum, vel procuratores Cæsaris in provinciis exercere non posse sœnus tempore sui officii: nam ii honores erant annui: addendum etiam eos non posse mutuam pecuniam neque gratuitam dare, l. principal. de rebus cred. ne scilicet inde aliquid tacite semper extorqueant a Provincialibus. Quia ratione etiam ibi non possunt negotiari, nec emere, l. non licet, l. qui officii, de contr. empt. l. un. C. de contr. judicium: nec donata consequi. Verum aliud servatur in apparitoribus eorum et officialibus: nam ii sœnus exercere, et mutuam pecuniam possunt dare, l. 34. præsidis, ff. de reb. cred. Lex utilitur hac ratione, quia sunt perpetui, id est, perpetuo manent in provincia, et singulis quibusque præsidibus ad tempus parent, l. 19. C. Theodos. de appellat. Præses apparitores secum non ducebat, sed sumebat in provincia, in qua erant certi et statuti apparitores præsidum. Si iis non licet sœnerari, aut mutuum dare in perpetuum ratione officii, quod est perpetuum, interdicetur eis commercio mutui, quo maxime humana vita indiget. Ob id licet eis mutuum dare et sœnerari. At queritur an præses possit mutuum sumere, et d. l. præsidis ait posse. Opponitur l. quisquis, inf. h. t. ex qua colligunt præsidem etiam non posse sumere mutuam pecuniam, quod esset illi auferre subsidium inopie. At non est ita. Duo tantum casus proponuntur in l. quisquis, quib. is, qui pecuniam credidit præsidi, coercetur: unus est, si pecunia credita præsidi, in provincia versetur is, qui credidit quasi mercator legum, et provincie, id est, ἀπόξενος, et quasi a præside jus ad suam voluntatem annuvari possit, quasi a præside quidvis obtinere possit, quem obæratum habet. Si ita versetur in provincia quasi quidvis possit in præsidem, ipse relegatur, non iudex, qui pecuniam sumpsit ut suæ inopie conduceret, et nihil admisit. At coercetur etiam iudex, si collectarius honorem ambienti pecuniam crediderit, qua honorem emeret, quo casu uterque relegatur, et qui sumpsit, et qui dedit: collectarius, id est, nummularius.

Symmachus Epist. 42. lib. 10. quos initio vocat collectarios, postea dicit nummularios. Igitur ea lege quisquis coercetur emptor honorum et potestatum, et qui pretium honorum ei mutuum dat. Id non est omittendum, magistratus a reis sumere turpiter mutuam pecuniam, Gellius lib. 12. cap. 12. Sunt qui dicunt, sumere mutuum proprie dici eos, qui non sunt reddituri. Sic intelligunt illum versum in Svetonii Cæsare heic sumpsisti mutuum: at id certum non est: putant etiam in l. scriniarios, inf. de num. et actu. lib. 12. usum mutue pecunie interdicti scriniariis et numerariis præfectorum prætorio, et male: non ea lex est scripta ad præfectum prætorio. Nam si licet præsidibus mutuam pecuniam sumere, licebit etiam præfecto prætorio: si eis, cur non et eorum officialibus? sed lex ait, ut præfectiani, id est apparitores præfecti prætorio pro expensis publicis non cogantur mutuam sumere pecuniam, vel se obligare, vel etiam promittere aut polliceri pecunias, ne officio deposito damnum sustineant. At mutui usus non interdictur, sed ne cogantur mutuum sumere pro expensis publicis.

L. IV. Si absentis pecuniam, etc. explicui supra in l. 2.

Ad L. V.

Si non singuli in solidum accepta mutua quantitate, vel stipulanti creditori sponte vos obligastis (licet uni numerata sit pecunia) vel intercessionis nomine hanc pro reo suscepistis obligationem; frustra veremini, ne ejus pecunie nomine vos convenire possit, quam alii mutuo dedit, si intra præstitum tempus rei gestæ questionem destulistis. Ac multo magis inanem timorem geritis, si pecunia numerata, oleum susceptum instrumento sit collatum cum si reddendi stipulatio nulla subjecta est, et hujus rei est habita sollemnis contestatio, in suo statu remanente eo, quod vere factum intercessit, ex olei accepti scriptura nihil debere, manifestum est.

Duo rei debendi quemadmodum constituentur stipulatione notissimum est: si singuli separatim eandem rem stipulanti promittant, vel si pro reo principali singuli in solidum fidejubeant. At quemadmodum ex mutuo duo rei debendi constituentur, non satis constat: quinimo videntur non posse constitui, cum non possit duobus pecunia ita dari, ut dominium ejus penes duos sit in solidum: quam dubitationem adfert Accurs. verum quia duo te rogarunt pecuniam mutuam, id agebatur, ut singuli tibi in solidum obligarentur: uni pecuniam numerasti, duobus in solidum numerari non potuit: duo sunt rei debendi, qui te rogarunt. Et generaliter cum id agitur, ut numeratione uni facta, sin-

guli in solidum teneantur: ita ex mutuo sunt duo rei debendi, sive ambo promiserint, se eam pecuniam soluturos, sive non, et is, cui pecunia non est numerata, non habet exceptionem non numeratæ pecuniæ. Satis enim est, quod uni sit numerata, *l. 4. inf. de duobus reis*. At si id non agatur, ut numeratione uni facta, singuli in solidum obligentur, aut si ambo non promittant stipulanti, vel si pro reo principali ambo non fidejubeant, non sunt duo rei. Et licet instrumento sit comprehensum, duobus fuisse pecuniam numeratam, tamen is, cui non est numerata, habet exceptionem pecuniæ non numeratæ, quam debet contestari intra præscriptum tempus, id est, intra quinquennium ex veteri jure, vel ex constitut. Justin. intra biennium: post biennium sequimur instrumentum, nec locus est exceptioni: contestanda est igitur intra biennium: contestatione perpetuatur, *l. ult. de condict. ex lege*. Et querela potius, quam exceptio, cum etiam nullo agente contestetur. Querela igitur est, et contestatio non sumptus pecuniæ. Similiter si numerata pecunia instrumento sit comprehensum oleum mutuo datum esse, intra præstitutum tempus competet exceptio non dati olei. Quod ita procedit, nisi is, qui pecuniam mutuam sumpsit, pro ea stipulanti promiserit se oleum redditurum, *l. eo quod, infra, h. t.* Et est quod ait *l. 3. cum si reddendi stipulatio nulla subjecta, etc.*

Ad *l. VI. et VII.*

l. VI. Si ex pretio debitæ quantitatis facta novatione per stipulationem, usuras licitas ab eo, contra quem supplicas, stipulatus es. falsa mutuo datæ quantitatis demonstratio præmissa, cum obligationis substantia non defecerit, quo minus usque ad modum placitum usuras possint exigi, nihil nocet. Si vero citra vinculum stipulationis, tantum mutuam pecuniam datam conscriptum est, et ejus præstari fœnus convenit: simulatis pro infectis habitis, hujusmodi placitum nihil de præcedenti mutavit obligatione.

Species hæc est: Debes mihi pecuniam ex causa venditionis: novandi animo eam sic de te stipulor, quod te mihi dare oportet ex causa mutui, id dare spondes cum usuris semissibus? Error est in causa obligationis; nam quod mihi debetur ex causa venditionis, stipulor quasi debitum ex causa mutui. Hic error non vitiat stipulationem, nec impedit novationem, quia aliqua existit obligatio: si vero nulla prorsus extitisset obligatio, indebitum esset, argumento *leg. indebitam 47. D. de cond. indeb.* si modo id non scivisset promissor, *l. fideicommissum, ibid.* existit, inquam, obligatio, si

non mutui, ut falso præmissum est, at certæ venditionis, quæ in stipulationem transfertur. Et, ut ait hæc lex, non deficit substantia obligationis, quæ dicitur constantia debiti, *l. 11. §. si rem suam, de leg. 3.* Igitur novatio fiet, etsi falsæ præcedentis obligationis causa sit expressa, id est, pro vendito mutuum. At quæro quid sit, si sine stipulatione ita convenerit pacto nudo, quod mihi debes ex causa mutui, cum usuris semissibus dabis: ita convenit sine stipulatione. Et placet ex hac conventionem non novari obligationem empti venditi. Obligationem non novat obligatio. Pacti nudi nulla est obligatio. Igitur permanet eadem obligatio. Puto tamen naus, de quibus illo pacto convenit, venire in judicium ex vendito, quod non novatur, *l. qui negotia ff. mand.* quod Accurs. non animadvertit. Id autem hoc modo, quem proposui, non convenit, ut pecunia, quæ debebatur ex vendito, mutua fieret, sed adscripta falsa causa obligationis, puta mutui, convenit de usuris: verum si ita convenisset, ut ex pecunia fieret mutua, quod tamen non ita proponitur in hac lege an fieret mutua? Accurs. existimat *l. adversus, inf. de non num. pec.* probari mutuam fieri ex conventionem pecuniam, quæ debebatur antea ex alia causa: quia lex ait, cum ex præcedente causa debiti in chirographum quantitas redigitur. Sed eo loco chirographum, id est in stipulationem, non in creditum. Id tamen aperte probat *l. singularia, D. de rebus credit.* Species est: si ei qui mihi pecuniam debet ex causa mandati, eam creditam volo, creditum sit. Ergo si ei, qui mihi debet pecuniam ex causa venditi, creditam volo, creditum fiet. Initio lex ait, quædam singularia, id est, contra jus commune, esse recepta circa pecuniam creditam, propter ejus usum crebrum et necessarium. Jure communi mutuum non contrahitur, nisi nummos meos acceperis, jure tamen singulari est receptum, ut mutuum contrahatur, si debitorem meum jussero tibi solvere pecuniam, dum eam tibi volo credere, et eam acceperis ab eo debitore mutuum contrahitur, licet meos nummos non acceperis. Idemque est, si alium, quam debitorem meum jussero tibi dare meo nomine, et is dederit, vel etiamsi alius ultro me ignorante tibi pecuniam dederit meo nomine, ego videor tibi credidisse, licet nummos meos non dederit, *l. certi, §. si nummos, eod. tit.* quod fictione quadam sustinetur, quasi videar ipse nummos dedisse: ex eo, quod receptum est, Ulp. colligit in *d. l. singularia*, mutuum contrahi (quod tamen non ita est receptum omnium consensu) si pecuniam, quam mihi debes ex mandati causa, in causam crediti te habere volo, et mihi debere. Nam et hæc est ratio Ulpiani: si dum nummos mihi ab alio debitos ac-

cipis, meos videris accipere, cur etiam, dum nummos a te mihi debitos usurpas, non videris meos nummos usurpare? Denique cum utroque casu mutuum non contrahitur, si per debitorem meum hoc fit, cur non fit etiam per teipsum, qui es debitor meus? Cur non admittitur fictio in hac specie, quæ in illa est recepta? Hæc est ratio Ulpiani. Cum quo pugnat Africanus, *l. qui negotia ff. mand.* Et certe pugnat, ut ex veteribus Fulgosius, ex novis Molinæus adverterunt: cujus sententiæ duo sunt argumenta. Primum, quod dicit Africanus *d. l. qui negotia*, aperte opinionem Ulpiani refellit, et rationem, quæ Ulpianus utitur; itaque plane ei est animus contradicere. Alterum est, quod in alia etiam re, in eadem lege dissentit ab Ulpiano. Species *l. qui negotia* hæc est: pecuniam mihi debes ex causa mandati, ex negotiorum meorum administratione, forte quia pecuniam exogisti a debitoribus meis, ut meus procurator: convenit, ut eam pecuniam, quam mihi deberes ex mandato, quasi creditam debeas cum auris semissibus. Queritur, an credita fiat? Africanus sit nuda conventione pecuniam creditam non fieri. Obstant duo: primo, quod si pecuniam, quam mihi debes ex causa depositi, creditam volo, mutuum contrahitur, *l. certi, §. ult. et l. seq. ff. de reb. cred.* et quidem solo consensu. Sed hoc casu nummi depositi mei erant, et qui mei erant tui sunt. Ex causa autem mandati nummi nondum erant mei, quia nondum traditi. Nummorum non meorum creditum non fit nudo pacto. Obstat secundo, ratio, quæ utitur Ulpianus in *l. singularia*, mutuum contrahi, si a debitore meo mea voluntate nummos accipis. Cur ergo non est etiam in hac specie? ita respondet Africanus, id hoc tantum casu benigne esse receptum usu et consensu omnium, ut mutuum fiat, si mea voluntate a debitore meo nummos acceperis, licet meos verum sit te non accepisse: id est singulare: ideo non est hoc temere trahendum ad consequentiam, et ad casus alios. Itaque non dicimus mutuum contrahi, si pecuniam, quam mihi debes ex causa mandati, creditam volo. Item non dicimus mutuum contrahi eadem ratione, si ego tibi dedi rem vendendam, ut pretio uteris quasi credito; quæ in re et Africanus adversatur Ulpiano, qui putat etiam hoc casu mutuum contrahi, *l. rogasti, de reb. cred.* Ulpiani sententia nititur fictione quadam et utilitate, ideo tutius est eam sequi propter utilitatem. Africani sententia nititur mero jure, quo quidem jure mutuum contrahitur re, id est, traditione propriæ pecuniæ, non pacto. Pacto quidem fieri potest ut pecuniæ redactæ ex ea re, quam tibi vendendam dedi, ad te pertineat periculum: idque videtur agi, cum id agitur, ut eam retineas mu-

tui jure, propterea quod in mutuo pecuniæ periculum est semper debitoris, *l. incendium, inf. hoc tit.* Et ob id ex hoc etiam pacto pecuniæ periculum ad te pertinebit, et pecunia tamen non erit mutua. Idem dicendum est, si pecuniam, quam mihi debes ex causa mandati, creditam volo: nam periculum pecuniæ ex ea conventione ad te pertinebit, quod etiam admittit Africanus, mutua tamen pecunia non fiet. Ideoque usuræ etiam, de quibus illa conventionem cautum est, venient in actionem mandati, quod sit bonæ fidei, id est, iudex additus actioni mandati habebit rationem usurarum, de quibus convenit, quæ tamen non deberentur ex nuda conventionem, si pecunia esset credita: nam in mutuo nunquam veniunt usuræ ex pacto, necessaria est stipulatio usurarum, *l. idemque, §. si quis Titio, ff. mand. l. Titius, ff. de præscript. verb. l. 3. inf. de usur.* Itaque in illa specie non mutatur obligatio mandati, et pactum proficit ad usuras. Item ut procuratoris sit periculum, ut pecunia sit periculo mandatarii, non mutat tamen pactio causam obligationis. Postremo in mutuo non est spectandum, a quo sit pecunia profecta, sed an qui dedit, propriam dederit. Nam propriæ pecuniæ mutuum contrahitur, non alienæ. Non est querendum qui dederit, a quo habuerit pecuniam, sed an sibi acquisitam dederit. Ita si dederit, mutuum fiet, *l. 7. hoc tit.* ubi legitur rectius, *si propriam*, id est, an propriam, Græcorum more.

Ad L. VIII.

Si pro mutua pecunia, quam a creditore poscebas, argentum, vel jumenta, vel alias species utriusque consensu æstimatas accepisti, dato auro pignori: licet ultra usuram centosimam usuras stipulanti spopondisti: tamen sors, quæ æstimatione placito partium definita est et usurarum titulo legitima summa tantum recte petitur. Nec quisquam tibi prodesse potest, quod minoris esse pretii pignus, quod dedisti, proponis, quo minus hujusmodi quantitatis solutioni pareas. Si ego tibi rem vendendam dedi, ut pretio uteris quasi credito, et eam vendideris, et pretiosis usas, mutuum est ex sententia Ulpiani, et mihi competit condictio, *l. rogasti, de reb. cred.* Ex sententia Africani non est mutuum ex *l. qui negotia, mand.* sed negotium est incertum, ex quo dabitur actio præscriptis verbis. At quid si cum me mutuum pecuniam rogares, non tibi rem vendendam ea lege dedi, ut pretio uteris, sed tibi dedi rem æstimatam pro pecunia, an mutuum contrahitur? Hæc lex vult contrahi mutuum da-

tionem rei aestimatae. Quem casum Accurs. male confert cum specie *l. rogasti*, quae mutuum non contrahitur, nisi re vendita, et demum pretio contracto. Hoc autem casu aestimationis, mutuum contraheretur statim ab initio. Finge igitur, pro centum aureis, quos mutuo petebas, dedi tibi rem 100. aureis aestimatam utriusque consensu, etiam accepi abs te pignus minoris pretii, puta 80. Sorti, quae est 100. non respondet pretium pignoris. An ergo eo minus condicetur ex sorte? Non: quod in fine hujus leg. proponitur. Nam etsi pignus datum pluris fuerit, non ideo tamen plus ven et in obligationem sortis, quam sit numeratum. Denique ex pignoris pretio sortis petitionem augeri vel minui non oportet. At finge: ejus sortis, vel aestimationis nomine stipulatus sum abs te usuras ultra centesimam: et ideo supra modum legitimum: nam ante Justinianum usura legitima erat centesima, nec excedebat centesimam, *l. 1. et 2. C. Theodos. de usur.* Item etiam constat ex eo, quod Paulus scribit *2. sentent. tit. de usur.* usuras supra centesimam solutas sorti imputari, quod scilicet supra centesimam jure non exigantur. Idem probat *l. 4. §. pro operi.*, *ff. de naut. faen.* si modo ita accipiat, post diem suscepti periculi, id est, quo jam non est periculum creditoris, usuram, vel poenam pro operis servi nauticae pecuniae causa non deberi supra centesimam, id est, post diem periculi jure commune servari, quo usura gravior centesima non permittitur. Idem haec lex etiam 8. optime probat; quia haec lex 8. quam vocat initio *centesimam*, postea vocat *legitimam*: nam initio est legendum, *licet ultra unam centesimam*, ut scripti habent: deinde sequitur, *usurarum titulo legitima tantum recte petitur*. Ita recte in Norico, non addito, *summa*, id est, usura centesima, non quae excedit centesimam. Videtur illa esse sententia, illam stipulationem immodicae usurae, in eo, quod excedit centesimam, esse illicitam: usuram centesimam tamen ex ea stipulatione peti posse, et utile per inutile non vitiari. Ideoque sortis etiam petitionem ob immodicam stipulationem usurarum non vitiari, *l. pecuniae*, in *pr. et l. usuras*, et *l. placuit*, *ff. de usur. l. eos*, §. *si quis autem*, *infr. eodem tit.* Denique creditores sortem non amittunt, quod contra legem sint usuras stipulati, vel exegerint. Quid igitur fit? an coercentur alia poena creditores? Non, sed quod excedit legitimum modum usurarum, si exigatur usurarum nomine, imputatur sorti, et sorte impleta reperitur quasi indebitum: nulla alia poena jure nostro est constituta in eum, qui foeneratur supra modum legitimum: olim tenebatur in quadruplum, *l. 2. C. Theodos. de usur.* quod est ex jure vetustissima. *M. Cato lib. de re rustica: Majores*, inquit, *in legibus posuerunt: su-*

rem dupli condemnari, foeneratorem quadrupli. Ascon. de Divinat. Cic. *Quadrupli condemnari solent aleae, aut pecuniae gravioribus usuris foeneratae.* Sunt etiam qui notarunt ex *5. ad Atticum l. Gabinia* eum, qui esset foeneratus supra modum legitimum, amisisse sortis petitionem. Hoc non coniectetur libris nostris. Nam creditor sortem non amittit ob usuras illicitas, neque etiam ulla poena tenetur: sed vel reddit quod superexegit, vel imputat sorti.

Ad L. IX. et XII.

L. IX. Cum te in Gallia cum Syntropho certum auri pondus, itemque numeratam pecuniam mutuo dedisse, ut Romae solveretur, precibus adseveras; aditus competens iudex, si duos reos stipulandi, vel re pro solido tibi quasitam actionem, sive ab haeredibus Syntropho procuratorem te factum animadverterit, totum debitum aliqui, quod dedistis solum restitui tibi jubebit.

L. XII. Si in rem communem cum Jone mutuum sumpstisti pecuniam; nec re, nec solemnitate verborum vos obligastis in solidum, et si eam post integram solvisi: de restituenda tibi parte contra Jonem experiri, ut debitum poscens, iudice cognoscente potes. §. XV. Kal. Sept. CC. Cons.

Finge: duo pecuniam mutuum dederunt: singuli habent actionem pro parte, non in solidum, nisi facti sint duo rei credendi: fiunt autem duo rei credendi per stipulationem, si singuli in solidum pecuniam eam sibi reddi stipulentur. Et fiunt ex mutuo, id est, re, ut *l. 9.* loquitur, videlicet si id agatur, ut uno numerante pecuniam, debitor singulis obligetur in solidum: quo genere fiunt etiam duo rei debendi: re, id est, ex mutuo, *l. 5. supra*. Et omnino haec in re, quod traditur de creditoribus idem est statuendum in debitoribus ex *l. 12. §. 1.* Finge: duo mutuum pecuniam sumpserunt in rem communem: singuli tenentur pro parte, non in solidum, nisi sint facti duo rei debendi, per stipulationem scilicet, vel re, id est, ex mutuo. Igitur si cum non essent facti duo rei debendi, unus pecuniam solidam solverit, qui tenebatur tantum pro parte, partem, quam solvit pro altero, ab eo repetet actione negotiorum gestorum. Putat Accurs. d. *l. 12.* etsi fuerunt duo rei debendi, ei, qui solidum solvit, dari actionem negotiorum gestorum: quod est falsum, cum solverit pro sua obligatione, non quasi alienum negotium gereus. Verum dabitur ei, qui solvit actio pro socio, si socii fuerint, *l. 1. alias 2. inf. de duobus reis*, vel etiam ei, qui solvit solidum, debitor actio mandati, si duo rei debendi vice mutua fide-

jusserint, et solverint partim suo nomine, partim fidejussorio, *l. reos, ff. de duobus reis*, quæ lex ait, duos reos non inutiliter vice mutua fidejuberæ. Cur non inutiliter? quia ita sibi parant actionem mandati: vel etiam utroque casu, id est, siue fuerint duo rei debendi, siue non, ei, qui solvit solidum, dabitur conditio ex cessione creditoris, id est, si creditor ei suam actionem cesserit. Puto etiam utroque casu dari utilem conditionem etiam sine cessione. Et hoc significari in *l. 12.* dum ait, *ut debitum poscens*, id est, creditam pecuniam utili conditione: sic accipi debet. Deinde quod attinet ad speciem legis 9. non est dubium ei, qui solvit solidam pecuniam conditionem partis dari: ei, qui dedit mutuam pecuniam cum altero, licet non sint duo rei credendi, conditionem competere in solidum, partim suo, partim procuratorio nomine, si habeat mandatum: alioquin si non sint duo rei credendi, singulis competit conditio pro parte tantum; idque, seu pecunia, quam dederunt, communis fuerit, siue unius propria, in solidum: cum detur communi nomine benigne receptum est, ut mea pecunia videatur numerata, cum meo nomine alius suam pecuniam numeravit, *l. certi §. si nummos, D. de reb. cred.* Ego, si quid communi nomine numeretur, uterque habet conditionem pro parte, cum non sunt facti duo rei, licet pecunia ad unum tantum pro sol do pertinerit, nec communis fuerit.

Ad L. X.

Eo quod a multis proprii debiti singulorum obligationis uno tantum instrumento probato continetur, exactio non interpellatur. Nam si pro pecunia, quam mutuo dedisti, tibi vinum stipulanti, qui debuerant, spoponderunt negotii gesti poenitentia contractum recte habitum, non constituit irritum.

Hujus legis duæ sunt partes. In prima hoc ostendit, in uno instrumento multorum debita singulorum propria comprehendere posse, nec cuique debito seorsim suum instrumentum tribui necesse est. Non ideo interpellatur conditio, quod singula debita, singula instrumenta non habeant. Possunt una charta diversorum plura debita contineri. In secunda parte ostenditur, mutua sumpta pecunia, pro ea vinum condici posse, si reddendi vini stipulatio sit subjecta, *l. 5. sup.* etiamsi promissorem promissi statim poenituerit: hæc enim poenitentia non rescindit stipulationem jure factam. Id tantum notandum in hac *l. 10.* articulum, *Nam*, esse accipiendum *παραυαρχαίς*, quia sunt duo diversi casus.

Ad L. XI.

Incendium ære alieno non exuit debitorem.

In hac lege debitor accipitur stricte, et proprio pro eo, qui mutuam pecuniam sumpsit, atque ita etiam creditor proprie pro eo accipitur, qui mutuam dedit pecuniam, *l. creditores, ff. de verb. signif.* creditores, inquit, dicuntur non tantum, qui mutuam pecuniam dederunt, quia non dicuntur plerumque creditores. Sic Harmenopolus recte lib. 3. epit. scribit, creditoris et debitoris nomine plerumque dici *ἱνὶ τῷ δανειζόντων, καὶ δανειζομένων*. Sententia legis est: pecuniæ mutue periculum ad debitorem pertinere, nec mirum, cum sit ejus pecuniæ dominus Commodatarius, depositarius, mandatarius, pecuniæ, quam ex his causis debent, periculum non agnoscunt, quia ejus pecuniæ non sunt domini, nisi pacto convenerit, ut eorum esset periculum; ut e contrario pacto fieri potest, ut mutue pecuniæ periculum sit creditoris, id est, ut ea pecunia amissa, debitor liberetur; quod fit in nautica pecunia, *l. pericul, ff. de naut. fœn.* et aliis etiam causis. Rursus, qui mutuam pecuniam sumpsit, eam ipsam pecuniam, quam sumpsit, non debet, sed neque ullum certum corpus pecuniæ: ideoque perempta ea pecunia, vel etiam consumptis omnibus bonis debitoris incendio, vel alio graviore casu, non ideo videtur periisse quod debet: nec enim debet certum corpus, sed quantitatem, quæ solo intellectu percipitur, nec perire potest: at qui debet certum corpus, ut Stichum, vel pecuniam, quæ est in arca, eo perempto ante moram, obligatio extinguitur, et perempta pecunia mutua, amissis omnibus bonis debitoris; non dicitur periisse quod debet creditori. Itaque obligatio permanet. Et hoc est quod ait, *incendium*, id est, si incendio omnia sua bona amiserit debitor, non exuit ære alieno, quod tantum pertinet ad eum, qui mutuum accepit.

Ad L. XIII. et L. XV.

LXIII. Eum, qui mutuam sumpsit pecuniam, licet in res alienas, creditori non contemplatione domini rerum eam fœnori dante, principaliter obligatum obnoxium remanere oportet.

L. XV. Non adversus te creditor, qui mutuam sumpsisti pecuniam, sed ejus, cui hanc credideras, hæredes experiri; contra juris formam evidenter postulas.

Hoc ostendit *l. 13.* conditione enim teneri, qui mutuam sumpsit pecuniam suo vel alieno nomine. Et est quod ait, licet in res alienas, id est licet alieno nomine. Is autem, cujus nomine est sum-

pta pecunia, vel ejus in rem sumpta est, nulla actione tenetur, videlicet si non ejus contemplatione creditor pecuniam numeravit. Dices, at qui meo nomine pecuniam dat mutuam, mihi acquirit conditionem, cur etiam is, qui accipit meo nomine, conditioni me non obligat? Nimirum quia quod quis dat meo nomine ego dare videor, et qui accipit, a me accipere videtur. Ideoque mihi conditio competit. At quod quis meo nomine accipit, mihi quidem intelligitur acceptum. Non tamen et datum mihi intelligitur statim, nisi is fuerit animus dantis. Potest quis meo nomine accipere pecuniam; cum tamen creditor eam pecuniam dando me obligari nolit, sed accipientem, cum creditor cum accipiente tantum velit negotium gerere. Quo casu qui pecuniam accipit principaliter obligatur, non is, cujus nomine accepta est, non is, cujus in rem versa est. Et generaliter qui pecuniam sumpsit, tenetur conditione, etiamsi sibi eam non insumpsit, sed alii. Is, cui est insumpta pecunia, et generaliter is, ad quem quoquo modo ea pecunia pervenit, non tenetur; licet ex ea pecunia sit factus debitor debitoris, ut quia sumpta pecunia mutua, eam mox alteri credidit, debitor debitoris priori creditori non tenetur, l. 13. §. 1. posset hic disputari an debitor debitoris possit conveniri. Sed id dicemus titulo *Quan. fisc. vel priv.* verum addatur l. pen. inf. de oblig. et act. quæ etiam ostendit, eum teneri, qui sumpsit mutuam pecuniam, non eum, ad quem ea pecunia pervenit. Seneca 5. *Benef. cap. 19.* Excipitur tamen ab hac sententia pater, vel dominus prædiorum, aut negotiorum, aut rerum, in cujus rem versa est pecunia accepta a filiofamil. vel procuratore, vel actore, vel colono libero homine. Qua ex causa non tantum filiofamil. tenetur, vel actor, aut procurator, sed etiam pater, aut dominus negotiorum, de in rem verso, l. cum qui, et l. ult. inf. quod cum eo, qui est in aliena potest. tenetur etiam directa conditione, §. ult. Inst. eod. tit. At quid dicemus, si creditor ejus contemplatione numeravit, non accipientis, forte sciens me tibi mandasse, ut pecuniam mutuam sumeres mee rei causa? aut pignorum meorum liberandorum causa? Finge igitur: ego id tibi mandavi, creditor pecuniam numeravit negotii mei contemplatione: cognito eo mandato negotii mei causa, queritur in quem ei actio competat? Et placet hoc casu te, qui sumpsisti non teneri ex mutuo, licet mutuam acceperis, quia non tui contemplatione est numeratum. Ego etiam in hac specie non teneor ex mutuo, quia non mihi credendi causa, sed negotiorum meorum contemplatione eam pecuniam procuratori meo dedisti, ut mea negotia expediret. Itaque non teneor conditione, sed actione negotiorum gestorum quasi iustitoria, id

Tom. IX.

est: quasi videntur iustitori meo negotiorum meorum causa credita pecunia; idque, sive sit versa ea pecunia in rem meam, sive non: satis enim est, eam dari negotiorum meorum contemplatione, nec ideo minus tenebor, quod ea sit abusus procurator meus, l. si pupilli, §. 1. et l. liberto, ff. de neg. gest. Itaque hoc casu mutuam contrahitur; nulla tamen in quenquam datur actio ex mutuo, sed datur actio negotiorum gestorum in eam, cujus contemplatione est creditum. Diversa species est, si Titio mihi pecun. credituro, quam rogavi, mandavero, ut eam tibi numeraret ad me perlaturus: quo casu non est dubium me teneri cond. et actio quod jussa non competit, l. ult. ff. quod juss. Diversa etiam est species, si mandavi creditori, ut tibi tua causa pecun. numeraret: hoc casu teneor mandati, quasi accessio, tu conditione, l. 7. inf. mand. Lex ait, si literas ejus sequutus, qui pecunie auctor extitit, id est, is unde pecunia originem habuit: l. 7. sup. h. t.

Ad L. XIV.

Mutuæ pecuniæ, quam aliis dedit creditor, citra solemnitatem verb. subscribentem instrumento te non habet obligatum.

Notandum est, pro altero, cui pecunia numerata est, alterum non teneri, eo quod subscripsit chirographo debitoris. Non dico, si subscripsit quasi testis, non si ut tutor, quasi interponens auctoritatem, non si ut curator, aut procurator, quæ sunt certissima: nam qui ita subscripsit, plane non obligatur, sed dico si subscripserit, etiam ut fidejussor non obligatur, quia defecit stipulatio. Subscriptio non est stipulatio. Fidejussor non obligatur, nisi interveniente stipulatione. Subscriptio illa habetur pro pacto nudo, quod non parit oblig. Aliud est si quis subscripserit ut pater, vel dominus chirographo filii, aut servi: qua ex causa tenetur actione quod jussa, l. 1. §. sed et si servi, D. quod jussu. l. 3. inf. quod cum eo, qui in aliena potest. Subscriptio jusso comparatur: ex jusso tantum obligatur pater, vel dominus, ceteri non obligantur.

Lex XV. exposita est in l. 13. sup. L. XVI. in l. 3.

Ad L. ult.

Super chirographariis instrumentis hæc pro communi utilitate sancienda duximus, ut si quis pecunias credere supra 50. libras auri voluerit, vel super reddito debito securitatem accipere, cum amplius sit memorata quantitate, sciat non aliter debere chirographum a debitore vel creditore recipere, quam si testimonium trium testium pro-

batæ opinionis per earum subscriptiones idem chirographum capiat. Nam si contra hujusmodi observationem chirographum super pecuniis memoratam auri quantitatem excedentibus proferatur: minime hoc admitti a judicantibus oportet. Quod et in futuris creditis, vel debitorum solutionibus locum habere oportet.

Cond. de qua agitur in hoc tit. nascitur ex re, id est, mutui datione: an etiam nascitur ex syngrapha, aut chirographo? Constat etiam nasci con-dictionem ex syngrapha: cui tamen potest opponi exceptio non numeratæ pecuniæ intra biennium. Ea actio, quæ competit ex syngrapha, cre- cit in duplum ex inficiatione. *Novell. 18. §. studium*, si qui scripsit syngrapham, inficietur, et postea convincatur, condemnatur in duplum. Unus tantum hic proponitur casus, quo ex syngrapha non est actio, si excedat quinquaginta libras auri, id est, ter mille, et 500. aureos; nisi habeat superscriptionem trium testium fide dignorum. Igitur syngrapham, quæ majorem quantitatem continet, iudex non recipiet, nisi subscripserint tres testes ex hac constitutione: tractatur etiam in hac lege de apocha, quæ dicitur etiam chirographum, et securitas: syngrapha probatur creditum: apocha solutio: ut syngrapha fidem facit crediti; ita etiam soluti apocha, etsi testes non intercesserint, *l. si ac epistolatum, ff. de acceptil. l. Lucius, §. tutelæ, ff. admin. tut. l. ult. §. Titius, de cond. ind. l. testium inf. de testib. l. qui tab. §. apocha, ff. de furt.* Verum potest etiam apochæ opponi exceptio non solutæ pecuniæ intra certa tempora, *tit. de non num. pec. inf.* Chirographum, syngrapham, vel apocham accipimus pro nuda professione acceptæ vel solutæ pecuniæ. Interdum tamen chirographum accipitur pro stipulatione scripta et signata utriusque manu stipulatoris et promissoris. Et sic interdum loquuntur, chirographum cavere, *l. si ut certo, §. denique ait, ff. commod.* Ubi quidam legunt male *Chirographo cavere*. Nam Jureconsult. dicit chirographum cavere, ut cautionem cavere, *l. 6. ff. rem rat. hab.* Verum quod dicimus de apocha, ab ea idem excipitur casus ille, qui supra, si apocha contineat quantitatem majorem 50. libris auri: quo casu etiam est necessaria trium testium subscriptio, alioqui Iudex non recipit apocham, etsi de ea non dubitetur: et hoc est quod constituit Justinian. *l. ult.* Accursius opponit *l. scripturas, infr. qui pot. in pign. hab.* quæ lex in chirographis non exigit testes. Excipiendus enim est tantum hic casus, si chirographa excedant eam quantitatem. Opponit quoque *leg. testium, inf. de test.* Hæc lex ultima tres tantum exigit. Verum hoc ita procedit, si data non sit apocha: in probanda solutione quinque testes exigimus: data apocha,

nullos exigimus, vel tres tantum exigimus, vel trium subscriptionem cum apocha superat 50. libras auri. Postremo id quod traditur in hac *l. ult.* Accursius putat mutari *Novella 75.* quod falsum est: nam ea *Novella* tantum definit, quæ exigantur in chirographis, ne eorum fides in dubium vocetur. quæ si non sint observata, non ideo minus recte agetur ex chirographis, dum eorum fides in dubium non vocetur, id est, si, non negentur scripta ab eo, a quo dicuntur scripta. Tunc ex his agitur recte, etiam non observatis, quæ ea *Novella* continentur. Ut autem hoc non possit allegari non esse scripta manu auctoris, exigimus *Novellæ* observationem. Sententiam ejus *Novellæ* explicabimus in *l. comparationes, inf. de fide instr.*

JACOBI CUJACII J. C.

Ad Librum IV. Codicis

Tit. III. DE SUFFRAGIO.

RECITATIONES SOLEMNES

Sub hoc titulo proponitur condictio si certum petatur de suffragio. Et in C. Theo. ita inscribitur, *si certum petatur de suffra.* Suffragium dicimus favorem et opem, quam quis nobis præbet apud principem alicujus rei obtinendæ causa. Dicitur etiam suffragium alia significatione pecuniæ, quæ datur ejus intercessionis nomine, *l. ultim. de silent. inf. lib. 12.* ea forma qua pactum accipitur interdum pro eo, quod datur pacti nomine *l. 3. de obs. q. patr. et Nov. 120.* eadem forma, qua *plurimum* significat non tantum conventionem de mercede pensionis, sed etiam pensionem ipsam. *Harmenop. 3. Epitom.* Male autem Accursius hoc loco suffragium accipit pro patrocinio advocati. Et *l. militem, sup. de procura.* eodem errore suffragatorem accipit pro avvocato. Quod autem datum est pro suffragio ei, cuius interventu aliquid impetravimus a principe, ejus non est repetitio, *l. 1. Cod. Theod. eodem.* Lex lata fuit a Juliano ne quis repeteret quod dedisset suffragatori. *Ammianus Marcellinus libro xxii.* *Lex est promulgata, inquit, qua cavetur, nullum interpellari suffragatorem super his quæ cum recte constitit accepisse.* Primum h. *l.* si quid sit suffragatori promissum, non datum, potest peti conditione si certum petatur a suffragatore, quæ intenditur dari, id est, dominium rei, aut pecuniæ promissæ transferri oportere in suffragatorem, et si res sit mobilis, quæ est promissa, dominium transferitur traditione bona fide facta, etiam sine scri-

ptura, et hoc est quod dicit, *collatio rei mobilis inita integra fide*, id est, traditio rei mobilis bona fide facta: hac ratione cumulator, id est, hoc modo perficitur translatio domini. Quod si res immobilis sit promissa suffragatori, ut dominium mutetur, et in suffragatorem transferatur, necessaria est traditio et scriptura. Sola traditio non sufficit, quæ in aliis causis sufficeret, ut in emptione, permutatione, donatione, et aliis: non tamen sufficit in hac causa dari suffragii nomine. Necessæ est negotium scripto committi, si res immobilis sit promissa. Additur in extremo legis: si suffragator bona sibi promissa occupet sua auctoritate, vim facit, et tenetur interdicto unde vi, ut ereptam possessionem restituat, præterea actionem si certum petatur, amittit, quod sibi ipsi temere jus dixerit. Hoc autem congruit cum *l. extat, D. quod metus causæ, et l. 6. inf. unde vi*. Si suffragator, inquit lex, ea bona occupet, dum solo commonitorio de suffragio nititur (sic enim legendum, ut in *Cod. Theod.*) Commonitorium vocat promissionem suffragatori factam ex scripto si suffragaretur promissori: ex hoc commonitorio est actio si certum petatur, quæ tamen amittitur si promissa suffragator sua auctoritate invaserit, non expectata traditione, et scriptura non confecta. Commonitorium generaliter aliis locis accipitur pro memoriali libello, qui alteri datur; et sic libellus de suffragio, quo rogatur suffragator, quoque ei promittitur vicissim aliquid, commonitorium dicitur. Et ita in Concilio Carthaginensi commonitoriumZ oneras interpretatur mandatum, quod legatis datur. Hoc loco est suffragatori facta sponsio ex scripto, quæ pro stipulatione habetur: quia cum scriptum est, aliquid alicui promissum, omnia videntur acta solemniter. Ideoque hæc actio si certum petatur de suffragio est ex stipulatione. Male putat heic Accursius, pactum nudum parere actionem si certum petatur, quo nomine recte ab Alciato reprehenditur. Ex hac igitur constitutione apparet, eos, qui valent gratia apud Principem, posse recte vendere suam suffragationem, id est, suffragationis sue præmia jure capere, suffragia eorum eblandiri, et pecunia elicere permitti: sunt tamen in aula qui simulant se suffragari, cum non suffragentur, nec quicquam re ipsa efficiunt, sed ostentant se facturos, qui dicuntur a Martiale, *vanos circum palatia fumos vendere*. Ad eos hæc constitutio non pertinet, sed ad veros suffragatores, quibus non datur actio, antequam nos voti compotes fecerint, ut hæc lex indicat. Loquitur autem lex generaliter de eis, quorum intercessionem nostra desideria implentur. Ergo loquitur etiam de his, qui nobis suffragantur ad honores obtinendos. An igitur colligimus ex eo honores

mercari licere? Minime. Id enim jure est vetitum, *l. penul. sup. tit. prox. l. ult. inf. ad leg. Jul. repetund.* Et ut Theodorus Lector scribit *lib. 1. Hist. Ecclesiast.* jam olim Marcianus et Anastasius Imperatores id vetuerant. Quales sunt nobis constitutiones D. Ludovici et Caroli V. At non licet quidem ex professo pro honoribus, iis quorum judicio promovemur, id est, qui deferunt honores, puta Principi, vel Præfecto prætorio, pecuniam dare venditionis titulo, vel etiam donationis, vel alio. Turpe est pro honore ex professo dare pecuniam ei, qui honorem deferret quoquo titulo, *dict. l. ult.* At per suffragii causam, quod quis nobis suffragandi studium navarit in honore petendo, aliquid rependere licet pro opera, et dati non tantum repetitio non est, sed etiam promissi, et non dati exactio est: et hoc etiam præterit, id est, suffragiorum nomine a petitoribus honorum et administrationum ipsi etiam Principes pecuniam accipiebant; quæ dicuntur suffragia *δωροδοκία*, in jurejurando, quod præstatur ex Novella justiniani 8. At hoc totum sustulit ex Novell. 8. ut *Judices sine quoquo suffragio*, id est, datione, et Novell. Tiberii, quæ est 161. inter Novellas Justinianas: eis Novellis generaliter constituitur, ne quid a magistratibus detur suffragii nomine, vel suffragatoribus, vel etiam, ne quid publicis rationibus inferatur. Itaque abrogata est hæc lex: et merito: nam hoc est propemodum mercari honores, et provincias, sed tamen hujus rei cognitio est valde necessaria.

JACOBI CUIACII J. C.

In Lib. IV. Codicis.

Ad Tit. IV. DE PROHIBITA SEQUESTRA- TIONE PECUN.

RECITATIONES SOLEMNES.

Hic titulus pertinet etiam ad conditionem si certum petatur, quia videlicet petitur pecunia ex quocunque contractu, ex mutuo, vel alio; et constituitur hic, ne in hac actione si certum petatur, pecunia, quæ petitur, sequestro deponatur: ut si petam abs te pecuniam ex mutuo, vel ex credito, vel stipulatu, vel vendito, an possim te cogere, ut pendente lite eam summam deponas? Non. Sed prius te convinci oportere, tum cogaris solvere. Interim non fit sequestratio pecunie, id est, non interponitur media manus, quæ servet pecuniam quæ petitur. Ita cavetur *l. 1. Cod. Theodos. si*

certum petat. de chirographis: ubi tamen unus excipitur casus, quo pecuniam, quæ petitur, sequestro deponi necesse est, alias vero prohibetur sequestratio pecuniæ. Pecuniam autem hoc loco accipere oportet stricte pro summa et quantitate, non late, ut Accursius putavit. Nam ceterarum rerum mobilium, quæ petuntur, sequestratio fit recte. Cur ita? quia res, quæ certum corpus habent, facile corrumpi possunt, et dissipari. Et idem pendente lite collocantur in tuto, exigente id adversario. Quantitatis nullum subest corpus, quantitas non potest perire. Igitur ceterarum recte fit sequestratio: non quidem immobiliū, quæ numquam fit, nisi fructuum ratione, ut fructus habeantur in deposito, ut *Græci in præsentia*. Mobilium rerum, de quibus lis est, fit sequestratio, et ita possessor rei mobilis, si ejus fides sit suspecta, et non satisfaciat iudicio sisti, iudicatumve solvi, res pendente lite sequestratur, *l. 7. §. ultim. ff. qui satisd. cogant*. Et post appellationem possessore, vel petitore condemnato, si bona dissipentur ab adversario, mobilia et fructus agri sequestrantur, *l. ab executione, inf. quor. appell. non recip. l. Impp. §. ult. de appell.* interdum etiam dos sequestratur constante matrimonio, vel fructus prædiorum dotalium, si dissipentur a marito et si interveniant alia, quæ sunt in *l. si cum dote, §. si vero dote, ff. solut. matrim.* Interdum etiam liberi, de quibus exhibendis si agitur sequestrantur: *l. 3. §. hoc interdictum, de lib. hom. exhib.* Et mulier *ἐκδοτός*, de cujus nuptiis queritur, quam duo petunt; ex *cap. cum locum, de spons.* Item, si quis ex libertate vocetur in servitutem, et is, qui se dominum dicit, dicatur rapuisse ei aliquid pendente questione status, id reddi oportet sub cautione, vel etiam sequestro deponi, *l. ult. inf. de ord. cogn.* Item si quis proclamet in libertatem, eo pronuntiato libero, incipiet statim alia questio de rebus, quæ ad eum, vel dominum pertinent: quas interim oportebit sequestro deponi, *l. ult. inf. quibus ad libert. proclam. non licet*. Ea vero sequestratio sæpe fit Iudicis auctoritate, partibus sequestrem eligentibus, *l. postquam, ff. ut legat. nom. cav.* vel etiam sine Iudice, ex conventionione partium, ex lege, ut re iudicata victori reddatur. Ea est conditio sequestrationis: ut victori reddatur. *Plaut. Servabo, quasi sequestro delis*. Et cum sequestro est actio depositi, quæ agit victor: nam sequester est depositarius rei litigiosæ, *l. ei apud quem, §. 1. et l. si in Asia, §. cum sequestre ff. dep. l. si quis affirmavit, §. Labeo, ff. de dol.* Ex eo *§. Labeo*, quidam colligunt sequestrem teneri præscriptis verbis; quod non est admittendum. Ibi qui iudicatur sequester, tenetur præscriptis verbis, ut *l. si apud te, ff. de præscr.*

verb. sed proprie non fuit contractum depositum, et ideo non competit actio depositi, sed subsidiaria præscriptis verbis: cum quis verus est sequester, depositi tenetur, quæ actio dicitur depositi sequestraria. Itaque concludamus, quoties lis est de rebus mobilibus, aut fructibus, recte fit sequestratio. Quoties autem pecunia petitur, non cogitur is, quo cum agitur, pendente lite pecuniæ sequestrationem facere, antequam de re sit iudicatum. Igitur in actione si certum petatur, prohibetur sequestratio si pecunia petatur, non si alia res certa et mobilis petatur.

JACOBI CUJACII J. C.

In Lib. IV. Codicis.

Ad Tit. V. DE CONDICTIONE INDEBITI.

RECITATIONES SOLEMNES.

Illud in primis querendum est, quæ ex causa sit hæc conditio. Sic statuo: Quæ actione tenetur, is, qui mutuum pecuniam sumpsit, eadem tenetur qui indebitam pecuniam quasi a debitore accepit. Qui sumpsit pecuniam a creditore tenetur condictione. Eadem actione tenetur, qui pecuniam quasi a debitore solutam accepit, *l. 5. §. is quoque, ff. de obligat. et act.* ait, qui non debitum accepit, eadem actione tenetur, quæ debitores creditoribus: ubi creditorum et debitorum stricte nomen refertur ad mutuum. Idem indicat *§. item is cui, Instit. de oblig. quasi ex cont.* perinde tenetur, ait, ac si mutuum accepisset, ideo condictione tenetur. Eadem igitur est actio ex mutuo et ex promutuo: ex contractu et quasi ex contractu mutui. Indebiti solutio promutuum est, videlicet si ea solvantur, quorum datione in creditum itur, et mutuum contrahitur: qualia sunt ea, quæ pondere numero, et mensura constant. Igitur si ea solvantur, quorum datione itur in creditum, solutio hæc promutuum est. Mutuum est contractus Promutuum est quasi contractus, id est, quasi mutui datio, *d. §. is quoque*. Mutui non debentur usuræ, nisi deductæ sint in stipulationem, *l. Titius, ff. de præcr. verb.* sic promutui usuræ non debentur, id est, pecuniæ indebitæ soluti, *l. 1. h. tit.* Rursus pupillus ex mutuo non obligatur sine tutore, ita nec ex promutuo, *§. is quoque, Instit. quib. mod. re contrah. oblig.* Præterea ex mutuo interdum non datur conditio, *l. 6. si pupilli, §. 1. ff. de negot. gest.* Sic interdum ex promutuo non datur conditio: ut si solvero quod nondum debeo, postea debere, cæpi, vel certo sum debiturus, ut si solvero ante diem, cessat conditio ex promutuo, *l. 10.*

in diem, l. sub conditione 16. 17. 18. ff. de cond. indeb. At si solvero quod nondum debeo, nec potest dari debere coepi, ut si solvero nautae vecturam, antequam vehendi munere fungeretur, et postea me, vel meas merces non vebat, est actio ex promutuo, seu repetitio, id est condictio, quae quasi ex mutuo nascitur, *l. ex conducto, §. cum quidam, ff. loc.* Ubi etiam promutuum appellatur ea solutio indebitae pecuniae secundum Florent. scripturam. Promutuum autem non est, si corpora solvantur, quorum datione non solemus ire in creditum, quorum datione mutuum non contrahimus, ut si solvantur homines, vasa, hisque similia, tunc dices conditionem indebiti esse ex promutuo, quoniam rerum, quae sunt solutae, natura id non patitur, sed dices esse conditionem ex bono et aequo non promutui, scilicet ex quasi contractu. Indebiti enim solutio est distractus, non contractus, quia obligationem distrabit, quae subesse existimatur, aut sit dissolvendae obligationis causa. Igitur haec condictio non est ex contractu, sed ex aequo et bono, ut apparet ex *l. 15. indebiti, ff. de condict. in l. l. pen. ff. ad Trebell.* Et ideo haec condictio non datur, nisi quatenus is, qui accepit pecuniam indebitam, ex ea est factus locupletior, *l. 8. cum hi, §. sane si is qui, ff. de trans.* Etsi detur ex promutuo haec condictio, non tamen datur supra, quam factus sit locupletior, qui accepit; cum tamen constet actionem ex mutuo dari etiam in eum, qui non est factus locupletior, *l. incendium, sup. si cert. petatur*: sed haec condictio indebiti, semper datur ex aequo et bono, nec datur in ignorantem, ut si homine indebito, soluto qui accepit hominem ignorans, id est credens sibi debere, eum manumissit, non tenebitur conductione, quoniam aequitas non patitur, quae est causa hujus conductionis, *l. in summa, §. pen. ff. de cond. ind.* Igitur haec condictio non est ex contractu, sed ex aequo et bono non ex stricto jure: quamquam non adnumeretur actionibus bonae fidei, sed strictis. Attamen non ideo male dicitur esse ex aequo et bono, nec tam stricto jure censetur, quam ceterae strictae actiones. Non enim omnes strictae eodem jure censentur. Argumento est actio ex testamento, quae est stricta, in qua veniunt usurae: et in actionibus bonae fidei, quae non veniunt in aliis strictis. Itaque omnes strictae actiones non eodem jure censentur. Rursus cum ea solvantur, quorum datione itur in creditum haec actio est quasi ex mutuo, ex tacito mutuo, ex promutuo, non ex mutuo. Et (ut Justin. ait) *magis est ex distractu, quam ex contractu*: ubi (*magis*) non comparative ponitur, sed positive: sic *l. 1. ff. communi dividundo. Actio pro socio magis pertinet ad praestaciones personales, non ad communium rerum divisionem.* Hec autem

actio est duplex, certi et incerti. Certi veluti solutae pecuniae: incerti, veluti cautionis indebitae, aut promissi indebiti, ut si promissi quod non debui, non agam certi: cautio incerti condictitur. Sic accipe *l. 8. hic.* Item possessionis condictio est incerti, *l. indebiti §. sed et si nummi, ff. de cond. ind. l. qui exceptionem, §. si pars eod. tit. et adhibita l. haeres, ad Trebell.* ex quibus locis intelliges possessionem indebite traditam incerti condici, sicut dominium indebite translatum. Obstat *l. si in area* et *l. ex quibus cau. eod.* quae leges negant ei competere conductionem: qui tradidit possessionem, quam dare non debuit. Dicendum utramque *l. loqui de conductione certi, non incerti, et de retentione facti, non juris.* Retentio facti est quae fit per exceptionem, ut si quis in alieno solo bona fide aedificaverit, non habet actionem, qua sumptus repetat: sed domino soli aedificium vindicante, is qui aedificavit per exceptionem doli retinebit rem, quoad sumptus ei solvantur: atque ita sibi servabit impensas, quas non potest petere, *l. Paulus, ff. de dol. except.* Retentio juris est, quae fit ipso jure, ut dotis retentio fit ipso jure propter impensas in res dotales factas: quoniam impensae dotem ipso jure minuunt. Item peculii venditum cum servo, si postea servus venditori furtum fecerit, ipso jure est retentio, id est, ipso jure ob id factum peculium ipsum minuitur, *l. servus quem, ff. de act. emp.* Hoc cognito, ita rem definiamus: ex quibus causis ipso jure retentionem habemus, ea si solverimus, nec retinuerimus, certi condicere possumus quasi indebita, *d. l. servus, et l. quod dicitur, §. ult. ff. de impens. in res dot. fact.* Sequitur altera propositio. Ex quibus causis retentionem opposita exceptione habemus, ea si solverimus, certi condicere non possumus, quia nullius rei dominium in accipientem transtulimus, ex *l. ex quibus, et d. l. si in area.* Possumus tamen incerti condicere possessionem, quam per exceptionem retinere potuimus. Illud quoque est sciendum, conductionem indebiti soluti aliam ex enumeratione vel traditione esse, aliam ex consumptione. Est ex enumeratione, si meam pecuniam dedi solvendi animo: ex consumptione, si alienam pecuniam solvi, et sit consumpta. Quod si non sit consumpta, non certi, sed incerti est condictio, ut vel possessio reddatur, quia ejus pecuniae possessio erat mea, dominium non item. Itaque accipientem feci possessorem, non dominum. Condicam ergo tantum quod in eum transtuli, id est, possessionem. Igitur hac conductione vel condictitur possessio, quae nostra fuit, et in accipientem translata, vel corpus, quod nostrum fuit, vel si sit promutuum, ut si sit pecunia soluta, vel vinum, tantundem ex eodem genere condictitur, *l.*

quod indebitum, *l. si pœna, §. si falso ff. de cond. et. indeb.* Quod autem est nostrum, nec est translatum in accipientem, licet datum sit et solutum (plerique enim solventes non mutant dominium) cessat hæc conditio certi. Et generaliter, ubi est vindicatio, vel actio ad exhibendum, re mala fide consumpta, cessat hæc conditio certi, *l. dominus, l. interdum, l. si in area, eod. t. l. servus inscio domino, ff. de fidejussor.* Denique hæc conditio domino non datur, sicut nec alia ulla præter furtivam. Ex quo apparet, eum qui solvit pecuniam indebitam, dominium in accipientem transferre, et ideo conditionem habere, si eam per errorem solverit, quam non haberet, si dominium pecunie solute relineret. Ergo errans rei suæ dominium amittit. Hoc videtur pugnare cum *l. si procurator, ff. de acq. rer. dom.* Nemo errans rem suam amittit. Item in *l. §. subtilius, ff. de cond. cau. data etc.* Distinctio hoc explicavit. Ita constituamus. Errans in re ipsa, reive dominio, dominium non amittit; ut si rem suam tradat quasi alienam, dominium non amittit; quia nec eo fuit animo, ut suæ rei dominium transferret, sed alienæ, mandatu ejus, quem putabat dominum. Errans hoc modo rei suæ dominium non amittit: at errans in causa traditionis, dominium amittit, ut si quasi ex causa debiti tradam rem meam, quam non debeo: nam hoc casu volui eam rem facere accipientis, volui mutare dominium rei. Ceterum id dominium condicam hac actione. At error ille non obstat translationi domini. Errans in persona dominium non amittit, ut si quis solvat Titio quasi creditori, qui se Titium esse mentitur et simulat, quo casu ab accipiente sit furtum, *l. falsus, D. de furt.*

Ad L. I.

Pecuniæ indebitæ, per errorem, non ex causa judicati, solutæ, esse repetitionem jure conditionis, non ambigitur. Si quid igitur probare poteris, patrem tuum, cui hæres extitisti, amplius debito creditori suo persolvisse: repetere potes. Usuras autem ejus summæ præstari tibi frustra desideras. Actione enim conditionis ea sola quantitas repetitur, quæ indebita soluta est.

In *l. 1.* hoc tit. tria sunt adnotanda. Primum est, ex causa judicati solutum condici non posse, licet jure debitum non fuerit. Res judicata, sicut non tollit naturalem obligationem, *l. Julianus, ff. de cond. ind.* ita nec parit obligationem: eadem enim est causa producendæ et tollendæ obligationis cujusvis; civilem tantum obligationem parit res judicata, quæ nulla exceptione infringi potest. Actionem judicati parit, quæ olim ex inficiatione cresce-

bat in duplum. *Paul. l. 1. Sent. t. 20.* Ideo ex sententia judicis solutum condici non potest, licet antea non deberetur, *l. 1. et l. cum putarem, ff. famil. ercisc. l. 2. inf. de compensat. l. 29. si fidejussor, §. in omnibus, ff. mandat.* Et ideo in *leg. servo, ff. de cond. indeb.* recte adjicit, *si sine judice solverit.* Nam quod per judicem, id est, judicis sententia solvitur, non condicatur. Excipiuntur duo casus: si ex falsis instrumentis sit judicatum, ut falso chirographo, et falsi crimen probetur, *l. ult. inf. si ex fals. instrum.* Item si quod quis jure solvit ex causa judicati, postea redierit ad injustam causam, vel potius nullam, ut in specie *l. 2. ff. de cond. sine causa.* Species est: ego dedi fulloni vestimenta lavanda, quo modo contrahitur locatio, et conductio si constituta sit merces. Fullo vestimenta mea sua culpa amisit. Cum eo egi ex locato. Judex eum condemnavit ad pretium vestimentorum: mihi pretium solvit ex causa judicati. Debitum igitur solvit. At postea vestimenta inveni, et in potestatem meam venerunt, et ita rem habeo et pretium, quod est inquam. Quæ actione fullo consequetur pretium quod dedit. *L. 2.* dat conditionem sine causa, quia quod initio fullo jure debuit, deditque, postea repertis vestimentis rediit ad injustam causam, vel potius nullam. His igitur casibus licet sit solutum ex causa judicati, competit conditio sine causa, atque etiam indebiti: nam quod apud te est sine causa, indebitum videtur: itaque hac vel illa conditione condicatur. Conditionum autem harum ob rem dati, indebiti, sine causa, ex injusta causa, est usus promiscuus. Nulli alii casus videntur excepti. Quid igitur dicemus in hac specie, de qua Fulgosiarius dicit se consultum esse? Ego, pecuniam, quam debitor meus mihi solvit, post mortem ejus ab hærede petii, hæres condemnatus ex causa judicati eam mihi iterum solvit; postea inventa apocha, quam defuncto dederam, hæres agnovit me bis idem exegisse. Quid fiet? An est aliqua actio ob apocham postea inventam? Sententia non retractatur, *l. 4. inf. de re judic.* Conditio etiam cessat, quoniam hic casus non est exceptus, et nominatim conditionem cessare in hac specie traditur, *d. §. in omnibus.* In hac specie de creditore loquitur, qui semel solutam pecuniam iterum accipit. Cessat hoc casu restitutio in integrum ex illa clausula, si qua justa causa sit, quam restitutionem hoc casu competerè putat *Accurs. d. §. in omnibus,* et *Fulgos.* sed male. Illius enim clausulæ argumento, quam latissime accipiunt, obutuntur plerumque nostri DD. sed illa debet tantum accipi de absentibus, *l. nec non, ex quib. cau. maj.* alioqui si latissime acciperetur, et ex ea fieret restitutio omnibus casibus, quibus æquitas id postulat, nunquam daretur actio de do-

lo, quia semper hæc restitutio competit, et tunc cessat actio de dolo: præterea furti actio cessat, quia qui sciens indebitum accipit, furtum non committit, quia dominus sit, si non erret in persona. At in ea specie in scientem est actio criminalis stellionatus, id est, in eum qui his sciens eandem pecuniam accepit, *d. §. in omnibus* propter calliditatem, ait. Ergo est de dolo civilis eo casu. At in ignorantem quænam est actio? ut si hæres creditoris, cui debitor pecuniam solvit, egerit cum hærese debitoris ignorans solutum, et ex causa iudicati pecuniam exegerit: et putem, quia iniquum est duplum pervenire ad creditorem, aut creditoris heredem, competere hoc casu actionem prætoriam, quæ semper est subsidaria, concurratque cum actione de dolo, *l. qui servandarum, D. de præscr. ver. l. jurisgentium, §. 1. de pact.* Ubi in scientem datur actio de dolo: plerumque in ignorantem est actio in factum prætoriam, quæ datur ex decreto. Secundo notandum ex h. l. 1. in condictione indebiti incumbere actori onus probandi indebitum fuisse: quia præsumitur debitum solutum. Nonnumquam tamen actoris conditio et qualitas, ut si sit popillus, vel dissolutus quidam, aut inficiatio rei, transfert in reum onus probandi, debitum fuisse, quod accepit, præsumptione faciente pro actore, quod explicatur *l. cum de indebito, D. de probat.*, quæ tota *l.* est Triboniani. Postremo notandum ex *l. 1.* usuras indebitæ pecuniæ solutæ non posse repeti: ut mutui, ita promutui usuræ non debentur. Unde apparet in h. l. 1. pecuniam accipi stricte pro nummis. Idem est error Accurs. hic, qui in tit. super ubi pecuniam late accipit. Idem servatur in aliis condictionibus. Nam usuræ non condicuntur, *l. 4. de condict. ob turpem caus.* Alia est ratio fructuum rei solutæ, ut cum non pecunia, sed species est data. Nam et species condicuntur, et fructus, *l. indebit. l. in summa, et qui §. qui indebitum, de cond. indeb.*

Ad L. II. III. et IV.

L. II. Si citra illam transactionem pecuniam indebitam alieno creditori promittere delegatus es: adversus eam, quem te delegavit, condictionem habere potes.

Duo notanda sunt in h. l. Primum, condictionem indebiti mihi dari adversus te, non tantum si tibi promiseris, aut solveris, sed etiam si creditori tuo solveris te delegante. Est etiam hoc casu actio mandati, si solveris, aut promiseris cui me delegasti, *l. si quis delegaverit, D. de novat. l. si mandatu. §. si iudicio, D. mand.* Hæ condictiones concurrunt cum actionibus bon. fid. non utique cum strictis. At adversus tuum creditorem, cui me dele-

gasti, mihi neque condictio competit si solveris, nec exceptio doli, si promiseris, et agat, quia suum repetit, aut suum recepit. Aliud est dicendum, si me ei delegaveris, cui non debebas; nam tunc etiam adversus eum habeo exceptionem doli, et condictionem indebiti, *l. Julianus, ff. de except. doli.* Est eni sententia Juliani in *l. 2. §. aliud, D. de donat.* et hoc cum revera tibi non debebam. At si cum revera deberem, me delegasti ei, quem falso tuum creditorem putabas, tum non competit mihi condictio, quia vere debui, sed tibi competit condictio, *l. quamvis, §. interdum, ff. ad Vellej.* Itaque hæc condictio indebiti datur, non tantum solventi, aut promittenti, sed etiam deleganti, quia delegatio solutionem imitatur: quæ datur solventi, est certi condictio, quæ promittenti aut deleganti, est incerti, id est, liberationis condictio, et facilius datur promittenti, quam ei qui jam solvit, ut ait *l. 3.* Si solutum repeto; quod est difficilius, et minus probabile, repetam et promissum. Argumentum est a minori, id est, a minus probabili: vulgo dicitur a majori, ut si diceris, si ex pacto civitas petit usuras creditæ pecuniæ, *l. etiam, de usur.* petet etiam ex stipulatione. Postremo notandum ex *l. 2.* solutum ex causa transactionis condici non posse, puta ut a lite discedatur, vel controversia, licet res nulla fuerit media, licet is, qui a lite discedit, nil juris in re habuerit. Ita accipienda, *l. in summa, §. 1. de condict. in l.* Ex eo loco notandum quæ sit differentia inter rem et litem, et notandum, litem potius dici debere, quam rem, verum si calumnia sit evidens, id est, si perspicuum sit, constetque rem nullam seu jus fuisse, datum ob causam transactionis, condici potest, quia transactio est imperfecta. Huc etiam pertinet *l. nec intentio, sup. de transact. l. 6. sup. de jur. et facti ign.* Similiter solutum ex causa, quæ ex inficiatione crescit in duplum, non condicuntur, licet non debeat, cujus rei est obscura ratio, *§. ult. Instit. de obligat. quæ ex quasi contractu.* Ratio est, quia videtur solvi a sciente propter metum potius dupli, argum. *l. illud, D. de petiti. hered. et l. si non sortem, §. si quis falso, de cond. ind.* Inficiatione crescit actio *l. Aquilæ in duplum, l. inde Neratius, §. hæc actio, D. ad l. Aquil.* Item actio legatorum piorum, in *d. §. ult. Instit. et in §. ex maleficiis, de action.* Item actio depositi ex certis causis, ut tumultus incendii, ruina, naufragii, *§. sed et furti, de action.* Item condictio ex syngrapha, *Novell. 18.* et ex contracta habito cum argentariis sine scriptura, ex edicto Justin. 7. Olim etiam actio legatorum relictorum per damnationem crescebat *d. §. ult.* Item actio ex empto ob eumentum modum agri, *Paul. 1. Sent. tit. 19. et in 2. tit 18.* Id fuit, ex 13.

tab. Item actio judiciali. *Cic. pro Flac. de cœvi*, ut si judicatum negaret, in duplum iret. Postremo conditio bene deprenti. Hodie igitur legatorum piorum per errorem solutorum non est conditio, quia solvantur ex causa, quæ inficiatione crescit in duplum. Item æstimationis damni per errorem solutus non est conditio: item depositi propter causam tumultus, incendii, ruinæ, naufragii, et crediti chirographarii per errorem soluti non est conditio: quoniam hæ causæ inficiatione crescunt in duplum, et qui solvit, ultro videtur et sciens solvere, evitandæ pœnæ causa. His tantum casibus est pœna constituta ei, qui it ad inficias, *l. inter cohæredes*, §. *qui familiæ*, ff. *famil. ercisc.* Ita loquitur ad inficias ire, ut ad incitas, uno verbo pro egestate. In illo autem §. *qui familiæ*, sunt duo versus Triboniani ex constitut. Justinianæ de jurejurando propter calumniam, quod ante Justinianum non exigebatur. Nam ait *in actionib. duplicib. etc.* Et postea subiicit, *et ideo uterque debet jurare non calumniæ causa ad inficias ire*, quod totum est Justiniani.

Ad L. V. et VI.

L. V. Si a patre emancipatus, si non intra tempora præstituta jure honorario successisti: quicquid indebitum postea per errorem (utpote patris successor) dedisti, ejus conditionem tibi competere, non est incerti juris.

L. VI. Si per ignorantiam facti non debitam quantitatem pro alio solvisti, et hoc a iusto rectore provincie fuerit probatum: hanc ei, cujus nomine soluta est, restitui eo agenti providebit.

Quæstio I. 5 hæc est, an is, qui solvit quod non ipse, sed aliud debet, habeat conditionem. Finge: quidam falso existimans se hæredem esse, aut honor. possessorem, vero hæreditario creditori quod debetur solvit: an habet conditionem? Hæc *l. 5.* ostendit ei conditionem dari, itemque *l. si pœna*, §. 1. *D. de cond. ind.* et *l. 2. §. 1. de his, qui in priorum creditor. locum success.* Obsat *l. repetitio*, *D. de cond. ind.* quæ dicit non teneri conditione cum, qui suum, id est, sibi debitum recipit, licet a non debitore receperit. Dominus Budæus ad *l. ult. D. de ædil. edict.* affirmat esse antinomiali, quod non scripsisset, si doctissimum juris interpretem Accursium non abhorruisset, quo vitio etiam Petrus Stella discedens ab Accursio in ea lege, nescio quæ monstra finxit, quæ Zasius refutavit. Accursius recte dicit: aut quod alius debet, tu solvis tuo nomine, aut debitoris. Si tuo nomine, tibi conditio competit, et verus debitor ex eo non liberatur, ut *h. l. 5. et d. l. 2.* Addatur etiam *l. in summa*, in *fin. D. hoc*

tit. l. cum quis §. de pecul. de solut. l. si quid possess. D. de petit. hæred. si solvis nomine debitoris, nulli tum conditio competit, et debitor liberatur *l. quod nomine*, et *l. servus cujusdam*, in *fin. de cond. ind.* Et ita accipienda est *l. repetitio*. Addatur etiam *l. de hæreditate*, sup. *de pet. hæred.* in qua est ponendum, eum, cui, falso putavit se esse hæredem, solvisse hæredis nomine, et ideo cessare conditionem: in specie hujus *l.* qui falso putabat se hæredem, solvit suo nomine, et ideo conditioni locus est. Hæc Accursii distinctio est frequentissima: qua etiam utimur in specie *l. 11. ff. de cond. ind.* si pater, vel dominus, cum quo actum est de peculio, per errorem solverit plusquam est in peculio, an condicet quod plus solvit? si servi, vel filii nomine solvit, non condicet, quoniam debebat id omne, *d. l. 12.* si suo nomine condicet: quia non debuit supra peculii quantitatem, *l. si quis reum*, §. *idem*, *de liberat. leg. l. 1. in fi.* et *l. 2. de constit. pec.* Eadem etiam distinctione utimur in specie *l. debitam*, et *l. frater*, §. *ult. ff. de cond. ind.* Indebite promissæ pecuniæ fidejussor acceptus solvit. Quis condicet solutum? Ipse fidejussor si suo nomine solvit: promissor, si promissoris nomine. Itaque illa distinctione Accurs. neque verius neque certius quicquam. Fateor esse antinomiali in jure, in ea questione certe nulla. Antinomiali quæ sint Bud. non percepit, non erit a proposito alienam eas, quas putat ἀντινομίας hic recensere, et refellere. Primam constituit ex *l. præcipiunt*, et *l. ultima, ff. de Ædil. edict. l. ges præcipiunt veteratorem accipi pro mancipio*, trito, longo usu, longo spatio serviendi. *L. ult.* ait, veteratorem non pro spatio serviendi, sed genere, et causa æstimandum. Nulla est antinomia. Nam in *l. ult. non*, accipere oportet pro non solum. Aliam constituit ex *l. per servum*, §. *de quo*, ff. *de usu et habit. et l. huic stipulationi*, ff. *usufruct. quem. caveat. L. per servum* ait, inutile esse legatum si fructus legatur sine usu, quia vix potest esse fructus sine usu. *L. huic stipulationi* videtur repugnare, quia ait fructum sine usu obtineri posse. Hæc non sunt pugnantis: regulariter fructus non est sine usu, accidit tamen interdum, ut sit sine usu: quod explicat *d. l. per servum*, §. *ult.* posita hac specie. Testator ab hærede tibi legavit nudum usum fundi: deinde hæres ejusdem fundi fructum Titio constituit, et cessit: non potuit hæres in Titium transferre usum, qui tibi fuerat testamento adscriptus. Ergo in Titium transtulit nudum fructum hæres. Sic fiet, ut hæres ejusdem fundi habeat proprietatem nudam, et tu nudum usum, Titius nudum fructum sine usu. Itaque in eo fundo Titius non potest habitare, et a te prohibetur illuc venire nisi ad fructus percipien-

dos. Tertio constituit aliam ex *l. quid tamen*, et *l. cum ab eo*, §. *ultim. de contr. empt.* Sed *l. quid tamen* loquitur de inauratis et inargentatis; *l. cum ab eo* de argento coopertis, quæ sunt diversa: quod diximus late in *l. 22. de verb. oblig.* Quarto constituit aliam antinomiali in *l. 10. et l. stipulationes*, §. *ult. de verb. obligat. cum l. insulam*, *ead. tit.* Inter quas tamen est evidens ratio differentie, si ita concipitur stipulatio: Insulam ante biennium fieri, non committitur ante diem, *d. l. Insulam*. At si ita concipitur, si insulam intra biennium non feceris, 10. dari. Hæc committitur ante diem, id est statim atque certum erit insulam non posse absolvi ante biennium: igitur committitur ante diem, quia est conditionalis tantum, non in diem, *d. 10.* Idemque est si die non addito, ita stipulor, insulam fieri, *d. l. stipulationes*, §. *ult.* Melius Budens commisisset *d. §. cum l. 14. eod.* in quibus continentur duo diversæ scholæ præcepta. Idem etiam aliam antinomiali constituit ex *l. si filiusfamil. ff. de judic. et l. ultim. ff. de extraord. cognit.* Una lex ait, iudicem litem suam facere, si dolo malo iniquam sententiam tulerit. Altera ait, iudicem litem suam facere, si per imprudentiam inique pronuntiaverit. Quæro quid velit utrumque esse verum? Iudex litem suam facit, si dolo inique pronuntiet. Iudex etiam litem suam facit, si per imprudentiam et ignorantiam juris inique pronuntiet. Item aliam addfert ex *l. cum quidam*, et *l. in fraudem*, *de jure fisci*. Sciendum est autem fiscum revocare ea, quæ debitor alienavit in fraudem fisci, vel quæ reus capitis, qui postea condemnatus est. Ea *l. in fraudem* adjicit in fraudem fisci fieri non tantum si quid alienetur, sed etiam si quid non revocatur, id est, si debitor fisci non datur occasio acquirendi: in omnibus ait, æque fraus punitur. Male Alciat. 8. *καπίτων*, c. 10. illa verba *et si non queratur*, sic exponit, etiamsi debitor fisci, qui rem alienat, in accipientem dominium non transferat, id est, etiamsi non acquiratur a debitore fisci. Rectius Greci, qui dicunt revocare fiscum: *τὰ ἀποσώματα*, οὐ πᾶν *αὐτῶνα*, id est, alienata, et quæ debitor non acquisivit. Verum *l. cum quidam*, a reo capitis filio emancipato, ut is delatam hereditatem adiret, sibi quæ acquireret non patri, ait, non videri factum in fraudem fisci, quod non sit acquisitum. Breviter ita dicendum est, æque puniri fraudem seu in alienando, seu in non acquirendo fiscum fraudaverit quis, *d. l. in fraudem*: licet aliud servetur in privatis creditoribus actione Pauliana vel F. bienna, in quorum fraudem non acquirere licet, alienare non licet. In fraudem fisci neutrum licet: nec obstat *l. cum quidam*: nam hoc non significat non videri factum in fraudem fisci: si non acquiratur, sed non recte ita colligit: Si filium emancipet reus capitis

Tom. IX.

ut hereditatem habeat, occasione acquirendi non utilitur. Ergo facit in fraudem fisci, et gesta sunt revocanda. Vitiosa est collectio ista, ut ea *l.* significat, alioquin non liceret reo capitis filium suum emancipare, quod soli reo perduellionis ademptum est, *l. 5. §. emancipationis, C. ad l. Jul. Majest.* Ergo reo emancipandi causa licet acquirendi occasionem negligere, licet ex ea re fraudetur fiscus. Nunc circa *l. 5.* restat hæc questio, an si quis solverit alieno nomine, quod nullus debet, an ei, cujus nomine solvit, competat condictio? sic videtur in leg. 6. hic. Dices ergo per liberam personam non acquiri actionem. Sic sane acquiritur ex mutuo, leg. *certi*, §. *si nummos*, *ff. de rebus credit.* Ergo acquiritur etiam ex promutuo. Per liberam personam acquiritur actio non tantum ex mutuo, sed etiam ex promutuo, quam constat ex aliis causis non acquiri. Restat etiam dicere quod in specie leg. 5. videatur erranti in jure dari condictio indebiti. Species est: Petiit filius emancipatus honorum possessionem unde liberi post annum, quod non licet, et sero lit: ea enim anno finitur. Honor. possessio est sine re, quia sero petita est: At filius putat esse honorum possessorem. Errat in jure, si putet post annum se fieri honorum possessorem, et tamen si hoc errore ductus solverit hereditariis creditoribus, solum condicet. Breviter dicendum est, filium non jure, sed in facto errasse, ut quia putavit nondum annum præterisse, alioquin erranti in jure non datur condictio indebiti, *l. cum quis, C. de juris et facti ign. l. pen. §. si quis, D. eod. l. error, inf. ad legem Falcid.* Minori tamen succurritur per restitutionem in integrum, *l. 2. sup. si advers. sol.* Et interdum etiam majori, *l. illud, ff. de minor.* Iusta ex causa, et benigne, ut ait *l. 1. D. ut in possess. leg.* Sed quod benigne fit, non est in consequentias trahendum, *l. qui negotia, ff. mand.* Male igitur Accurs. scripsit *l. 1. h. tit.* erranti in jure condictionem dari. Movetur hæc ratio. Error juris in damnis non nocet, *l. 7. et 8. ff. de jur. et fact. ign.* Ergo erranti in jure debet condictio dari, ne versetur in damno. Cui ita respondendum est: error juris in damnis non nocet, id est, damnum non infert, et damno etiam non liberat, nec damno subijcit, nec subducit. Ut ecce, quod quis jus ignoraverit, non ideo habetur pro confesso, ut et si quis ignorans legem Falcidiam confiteatur se debere legatariis solida legata, *l. 2. ff. de confess.* Verum quod quis jus ignoraverit, ideo non habetur pro confesso, ne juris ignorantia damnum adferat. At quod quis jus ignoraverit, non ideo habetur pro non confesso, si alias sit confessus. Similiter quod quis jus ignoraverit, non ideo non habet condictionem indebiti, puta ex trans-

etione imperfecta, *l. eleganter, §. item si ob transactiones, ff. de condict. indeb.* At etiam quod jus ignoravit ei non datur conditio, quæ quidem non competit ipso jure, sed ex hono et æquo, sic in *l. 3. ff. ad Macedon. et l. si fidejussor, §. 1. ff. mand. l. sicut, in fi. inf. de præscript. 30. et 40. ann.* Juris error his omnibus locis non hoc facit ut denegetur actio, sed etiam non obstat quo minus denegetur. Denique ut juris error damnum non inferat, ita etiam damno non eximit.

Ad L. VII.

fideicommissum, vel legatum indebitum per errorem facti solutum, repeti posse explorati juris est.

In *l. 7.* hoc ostenditur, legatorum, seu fideicommissorum per errorem solutorum, conditionem esse, *l. 2. et 3. ff. eod.* Et Paulus *3. Senten. tit. de legat. in fi.* In fragmen. Ulpiani *tit. de leg. scriptum est, non esse verum, superest negatio.* Excipiuntur ab hac sententia legata pia, et olim omnia legata per damnationem excipiebantur, *§. ult. Institut. de obligat. quæ quasi ex contract. nasc.* quæ quidem legata debita, qui inficiantur, eunt in duplum, qui ultro solvunt etiam indebita, non condicunt secundum regulam *l. 4. sup.* excipiebantur etiam olim legata relicta incertis personis, ut si quis legasset advocatis, ea legata non valebant, nec poterant peti; soluta tamen non poterant condici, *§. incertis, instit. de legat.* Hodie valent, et si solvantur, debita solvuntur, nec repetuntur.

Ad L. VIII.

Creditoris falso procuratori solventi, adversus eum indebiti repetitio, non obligationis liberatio competit.

Verus debitor, qui solvit vero procuratori creditoris, liberatur. At quid si solvat falso procuratori creditoris? id est ei, qui simulat se esse procuratorem creditoris? ita distinguendum est: creditore ratum habente debitor liberatur, *l. si vendidero, §. si Titius, ff. de furt. creditore ratum non habente, debitor non liberatur, sed habet adversus falsum procuratorem, cui solvit, ut Paulus ait, l. si procuratori, ff. de cond. causa dat. conditionem ob rem dati: ut hæc l. 8. ait, habet conditionem indebiti. Hæc non sunt pugnantia: ubi est conditio ob rem dati, ibi est etiam conditio indebiti si quis ita malit formare conditionem. Et ita quæ dantur conditionis implendæ causa, si dandi nulla causa sit, vel quasi indebita vel quasi ob rem data, condicuntur actoris arbitrio, *l. ult. D. de condict. indeb. l. 3. §. si quis quasi, D. de cond. causa**

dat. In specie autem proposita ita demum illæ dantur conditiones dantur debitori adversus falsum procuratorem, si ea mente ei solverit, ut nummi ejus fierent, deinde tradantur domino. At si ea mente dederit, ut perferrentur ad creditorem, nec pertulerit eos, furtiva tum in procuratorem conditio datur, quasi facto nummorum facto. Hæc conditio ubi est, illæ cessant. Hæc est de re, quæ nostra mansit: illæ sunt de re, quæ nostra fuit, *d. l. si procuratori.* Et hæc quidem, si procurator debitum accepit: at quid si indebitum ei solutum sit? quis tenebitur conditione? Eadem est adhibenda distinctio, quæ supra. Si dominus ratum habuerit, ipse tenebitur conditione indebiti: si non habuerit ratum, procurator tenebitur conditione ea, vel etiam furtiva, si furtum fecerit, *l. falsus, §. 1. ff. de furt. l. si indebitum, ff. rem ratam hab. l. si pupilli, §. item quaeritur, ff. de neg. gest.* Et hæc de procuratore, qui accepit debitum, aut indebitum. Nunc videndum quid sit, si procurator verus, aut falsus dederit, aut solverit indebitum. Eadem utemur distinctione. Domino ratum habenti datur conditio indebiti, idque seu in mutuo, seu promutuo, *l. 6. sup.* domino autem non habente ratum, procuratori datur utilis conditio indebiti exemplo mutui, *l. 4. sup. si cert. pet.* Sicut sequimur exemplum mutui domino ratum habente; ita sequimur domino ratum non habente. Igitur quod dicitur in *l. si procurator, ff. de condict. indeb.* Julianum scripsisse, procuratori non dari conditionem indeb. qui solverit nomine debitoris, id est accipiendum de directa. Utilis namque dabitur domino ratum non habente, exemplo mutui. Quid si procurator debitum solverit nomine debitoris? Constat tunc cessare conditionem, *l. 5. sup.* id est, nec dari domino, nec procuratori, et dominum, id est, debitorem liberari etiam invito et ignorante, seu verus seu falsus sit procurator.

Ad L. IX. et L. ult.

L. IX. Indebitum solutum sciens, non recte repetit.

§. 1. Citra mandatum autem ab alio re distracta: dominus, evicta re, vel ob præcedens vitium satis emptori faciens, non indebitum pretendere potest, sed per hujusmodi factum ratum contractum habuisse probans, a se debitum ostendit esse solutum.

L. ult. Pro dubietate eorum, qui mente titubante indebitum solverint pecuniam, certamen ill. latoribus incidit, idne, quod ancipiti animo persolverint, possint repetere, an non. Quod nos decidentes, sancimus, omnibus, qui incerto animo indebitum dederint pecuniam, vel aliam quantam

speciem persolverint, repetitionem non denegari, et presumptionem transactionis non contra eos induci: nisi hoc specialiter ab altera parte approbatur.

Rem meam vendidisti sine mandato meo: valet venditio, si ratum habuero. Nam ratihabitio retrahitur, et mandato comparatur. Videor autem ratum habere, si re evicta emptori solvero, quod ejus interest: Vel etiam si ob vitium, aut morbum rei venditæ ei solvero; quanto minoris emisset, si id scisset, qua in re actio illi competit ob præcedens vitium. Nam ob vitium, quod post venditionem res contraxit, venditor non tenetur, *l. quæro, §. ult. de edil. edic.* ob præcedens tenetur, non ob sequens vitium. Hæc pro ratihabitione habetur: ideoque condictionem indebiti mihi qui solvi, non parit: scientibus non datur conditio indebiti: vel quis videntur rata habuisse, quæ sunt gesto, vel quis videntur donare, *l. qui fundum, §. servus meus, ff. pro empt.* vel etsi non habuerint animum donandi, id sibi imputare debent, *l. quod quis sciens, ff. de condict. indeb.* Una ratio non semper facit, ut scienti denegetur conditio, sed vel prima, vel secunda, vel tertia: omnes sunt idoneæ rationes. Errantibus tantum, et ignorantibus datur condictio, et ignorantibus factum, ut errantibus in calculo, non ignorantibus jus. Nunc queritur quid sit dicendum de dubitantibus, hesitantibus, et titubantibus: hæc est questio *l. ult.* Hi videntur mediæ esse cujusdam sortis inter scientes et ignorantes, vinctis similes, ut ait Aristot. 3. *Metaphys.* magis tamen accedunt ad ignorantem. Qui dubitant, ignorant rem propositam, *l. 1. in princ. de leg. 3.* Uno loco ait, *dubitatur, postea, ignarus sit. l. qui in test. et seq. D. de testam.* Igitur qui dubitat ignarus est. Dubitatio est inhibitioprogressionis ad sciendum, propensio tamen ad inquisitionem. Et ideo Latinis error est dubitatio plerumque, ut Cicer. 1. *in Rullum*, *jam omnis*, inquit, *omnium tolletur error.* Et ideo Justinianus censet *l. ult. dubitanti æque, ac ignorantem* dari condictionem indebiti, et adjicit eos non præsumi solvisse in dubio transigendi causa, nisi hoc probetur. Præsumptio transactionis obstat conditioni. Transactio fit de re dubia, *l. 1. D. de transact.* et solutio non statim ideo quod fiat in re dubia, transactionis causa fieri intelligitur, nisi hoc probetur: hoc probato cessabit conditio.

Ad L. Penult.

Si quis servum certi nominis, aut quandam solidorum quantitatem, vel aliam rem promiserit, et cum licentia ei fuerat unum ex his solvendo liberari, utrumque per ignorantiam dependerit: dubitabatur, cujus rei daretur a legibus ei repe-

titio, utrumne servi, an pecunie: et utrum stipulator, an promissor habeat hujus rei facultatem. Et Ulpianus quidem electionem ei præstat, qui utrumque accepit, ut hoc reddat, quod sibi placuerit, et tam Marcellum, quam Celsum sibi consonantes refert. Papinianus autem, ipsi, qui utrumque persolvit, electionem donat: qui et antequam dependat, ipsam habet electionem, quod velit præstare: et hujus sententiæ sublimissimum testem adducit Sævium Julianum summæ auctoritatis hominem, et prætorii edicti perpetui ordinatorem. Nobis hæc decidentibus, Juliani et Papiniani sententia placeat, ut ipse habeat electionem recipiendi, qui et dandi habuit.

Legis species hæc est: ego debeo Stichum, aut Pamphilum sub disjunctione: habeo electionem solvendi quem velim. In disjunctivis enim debitoris est electio. Finge: per errorem solvi utrumque, putans me utrumque debere conjunctum. Queritur an sicut habebam solvendi electionem, si non errassem, habeam etiam condictendi, quem velim, electionem. Ulpianus, Celsus, Marcellus, negant dari electionem, et dicunt, creditoris esse arbitrium retinendi quem velit, non sine ratione. Nam hic creditor nunc est debitor, quoniam debet alterutrum reddere: in disjunctivis autem debitoris est electio. Debet ergo potius esse creditoris electio retinendi, aut reddendi, aut retinendi quem velit. Ulpianus *l. si non sortem, D. de condict. indeb.* ubi citat Celsum et Marcellum. Juliano est aliud iudicium; dat enim debitori electionem repetendi quem velit. Justiniano auctore, quod hæc repetitio resolvat solutionem. Debet ergo restituere electionem ei qui habuit: et sic qui habet solvendi electionem quem velit, habet et recipiendi. Cujus sententiæ est vestigium in *l. cum is, in prin. D. de cond. indeb.* Ait, ego debeo Stichum, aut Pamphilum: utrumque solvo per errorem. Si uterque moriatur, vel alter, non condictam, quia qui superest, in soluto remanet. Ergo ex contrario, si uterque vivat, condictam quem voluero. In h. *l. pen.* appellat Julianum edicti perpetui ordinatorem. Constat Julianum edicta perpetua, id est, ex quibus jus prætores dicebant perpetuo, ex *l. Cornel. in ordinem composuisse*, auctoritate Adriani et Senatus, *l. 2. §. si quid igitur tale, sup. de vet. jure enuel.* adhuc hinc distinctione titulorum, *l. 2. D. de statu hom.* Et hi sunt Juliani, qui dicuntur Digestorum libri, Edictorum scilicet, qui in inscriptione *l. 1. de his qui not. inf.* significantur his verbis: *Ad edictum*, id est, Digestorum Permisit Adrianus Juliano, ut Justinianus Triboniano, ut de suo adderet quæ vellet, quod et fecit: addidit pleraque iuxta edicti, quæ pro edicto sunt: et dicuntur nova edicta, *l. 1. §. si pater nuri, ff. de vent. in poss. mitt. et nova clausu-*

l. qui duos, ff. de conjung. cum emancip. lib. Postea Severus Imperator hanc compositionem Digestorum Juliani abolere decrevit, quod non obtinuit, ut scribit Spartianus. In questione autem proposita, quod videtur Juliano, idem est visum Papiniano. Et horum sententiam Justinianus hic confirmat: solventis esse electionem quem condicat, non accipientis, quem restituit. Itaque corrigit aperte Justinianus §. *ultim. l. si non sortem*: quod et Accursius refert: nec mirum: nam *l. pen.* est ex 50. decisionibus. Dne fuerunt editiones Codicis. Primam statim Justinianus retractavit, et ideo hic Codex dicitur repetitae lectionis. Et in secundae editione addidit 50. decisiones. Haec multa abrogant eorum, quae continentur Pandect. Quae ex re dignoscantur ille 50. decisiones, si queras, Aciatus recte docuit §. *parergon*. Verum sicut in hac specie Julianus Celso adversatur. Ulpiano, et Marcello, ita etiam necessarium et consequens, ut etiam ei adversetur in speciem, quae sequitur. Finge: is, qui debet Stichum, aut Pamphilum disjunctum, non solvit utrumque, sed Stichum per errorem, dum putat se Stichum solum pure debere, nec posse liberari alterius praestatione. Quid fiet? an condice? Celsus ei non restituit electionem, atque adeo ei conditionem denegat. Locus Celsi est in *l. si is cui legatus, de legat. 2.* Contra Julianus debitori dat Stichi conditionem, ut recipiat electionem, *l. cum is, §. ultim. ff. de cond. indeb.* haec est certa antinomia, ut et *l. pen.* arguit necessario, ad quam Tribonianus animum non advertit. Et certe sicut utroque soluto Julianus debitori servat electionem, necesse est, ut eam ei etiam servet altero soluto. Contra Celsus, qui utroque soluto debitori non servat electionem, nec altero soluto ei eam debuit servare. Igitur hac sententia Celsi utroque casu creditor habebit retentionem Stichi, scilicet si solus sit datus: retentionem alterutrius, si uterque sit datus. Sed est Juliani sententia sequenda utroque casu secundum mentem Justiniani, licet secundum casum non attingat Justinianus. Sed ex decisione primi sequitur decisio secundi. His igitur duobus casibus discordant inter se Julianus et Celsus: sed sic arpe inter se dissident, ut in specie *l. si procur. ff. de condict. indeb.* quod ex Juliano refertur est contra Labeonem et Celsum. Sic in *l. 1. §. 1. ff. de usufr. accresc.* quod refertur ex Juliano est contra Celsum, *l. et Proculo, de leg. 2.* Unus tantum casus est excipiendus ab hac *l. pen.* qui continetur in *l. plane si duos, ff. de cond. ind.* Duo sunt rei debendi, qui debent Stichum singuli, aut Pamphilum; utrumque pariter solverunt per errorem: an singuli condicent partes, unus partem Stichi, alter Pamphili, sicut si 10. debuissent, et

solvissent per errorem 20. singuli, condicerent 5. an igitur hominum partes condicent? Non: nam hominum divisio talis non fit, qualis pecuniar: et initio non potuissent solvere partes. Ergo non condicent. Quid fiet? Is condicetur in solidum, quem creditor maluerit reddere. Hoc igitur casu cum plures debuerunt sub disjunctione, et solverunt, necessario creditori servatur electio reddendi: secus, si unus tantum solvisset, ut in *l. pen.*

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. VI. De conditione ob causam datorum.

Ad L. 1.

Pecuniam, quam te ob dotem accepisse pacto interposito (ut fieri, quum jure matrimonium contrahitur adsolet) proposuisti: impediante quocunque modo juris auctoritate, matrimonium constare, nullam de dote actionem habes, et propterea pecuniam, quam eo nomine accepisti, jure conditionis restituere debes, et pactum, quod ita interpositum est, perinde ac si interpositum non esset, haberi oportet.

In hoc titulo occurrit dubitatio, quid significet causa. Causae nomen est commune, et pro principio agente, et pro fine. In hoc autem titulo accipitur pro fine, qui proprie dicitur res, *l. 1. D. de condict. ob turp. caus. l. damus, D. de condict. indeb.* Ob causam igitur dari dicitur, quod datur ob rem, id est, ob finem aliquem, ut quod datur ob transactionem, ut a lite vel controversia discedatur, vel ob conditionem implendam, quae testamento adscripta est, legati vel hereditatis consequendae gratia, *l. 1. D. de condict. caus. dat.* Et generaliter quod datur ut sequatur vel contingat aliquid, ex his causis conditiones ob rem nasci solent, *l. senatus, §. 1. D. de mort. caus. donat. l. periculi pretium, D. de naut. faen.* In qua lege est legendum, ex quibus conditiones nasci solent, non conditiones, ut vulgo, non est dubitandum, sic enim Graeci εἰς αὐτὸν ἀποδοῦναι ἀντίδοτον, *lib. 53. Basil. tit. 8.* Igitur dati ob rem re non secuta, id est, si fine suo non potiat, qui dedit, condictio est. Dato addatur etiam factum: ob rem facti re non secuta est condictio. Non quod factum revocetur (id enim est impossibile) sed aestimatio facti condicetur, *l. si non sortem, §. libertus, de condict. indeb.* At dati, cujus principium est falsa causa, condictio non est semper, ut si do tibi ali-

quid donandi causa, quod negotia mea curaveris, datio principum habet negotiorum curationem: in quo principio etiam fallat, id est, etiam si mea negotia non curaveris, mihi dati conditio non competit, *l. in summa*, §. *id quoque*, *D. de cond. ind.* At si do tibi aliquid solvendi causa, quia id me tibi stipulanti promissum existimo, dandi habeo principum stipulationem, quæ si revera nulla fuerit, conditio indebiti mihi competit, quia quasi coactus dedi, quod solutionis nomine dedi: quod autem donationis nomine, non quasi coactus, sed ultro et liberaliter dedi. Dandi causa solutioni coheret: dandi causa donationi non coheret: sicut nec falsa causa legatum vitiat. Verum quod ad conditionem ob rem dati attinet re non secuta, ut conditio indebiti, ita et hæc nascitur ex æquo et bono, *dict. l. in summa*, §. *quod ob rem*, *l. 3.* §. *si quis quasi*, *ff. de condict. caus. dat.* non nascitur ex contractu hæc actio, sed ex naturali æquitate: nam etsi ita habitus sit contractus do ut des, do ut facias, hoc est etiam dare ob rem: ex eo quidem contractu est actio præscriptis verbis, ut des, vel facias: non tamen ut reddas quod accepisti, quoniam id actum non est nominatum, sed ex bono et æquo: est etiam dati conditio et repetitio. Et ideo quod dicitur in *l. 3.* §. *1.* *D. de condict. caus. dat.* competere actionem, quæ ex eo contractu nascitur, id est, conditionem, id non est accipiendum de conditione ob rem dati, quam negamus esse ex contractu, sed de actione præscriptis verbis, quæ etiam dicitur conditio, *l. duo*, §. *ult.* *D. de præc.* vel de certi conditione generali, quæ datur etiam ex contractu incerto, id est, innominato, *l. certi*, *D. de rebus cred.* Igitur hæc actio, de qua tractamus, non est ex contractu, sed ex æquo et bono. Illud autem sciendum est, conditionem ob causam dati re non secuta, non tantum dari ex cessatione, id est, post moram, sed etiam ante moram, ex pœnitentia, si velim revocare datum, *l. 3.* §. *1.* *l. si pecuniam*, *in pr.* et §. *si servum*, *D. de condict. causa data*. De ea, quæ datur ex pœnitentia, nulla est lex sub hoc titulo, omnes sunt de ea, quæ datur ex mora et cessatione, cum is, qui accepit, moram fecit in eo dando, cujus gratia accepit. Itaque in specie *l. pen. inf. hoc tit.* quæ talis est: dedi tibi decem, ut Capuam ires, per te non obstat quo minus eas tempore constituto: sed obstat itineri tempestas, vel insolita vis aquarum, vel alius casus: hoc casu mihi non competit conditio ob rem dati, quia non cessas tua culpa, sed vi casus. Non competit mihi, inquam, conditio ex cessatione, ut Accursius recte adjecit *l. pen. se* in hi competit conditio ex pœnitentia, ex *l. si pecuniam*, *D. de condict. causa dat.* quod tamen negat Accursius in *l. pen. hoc*

tit. sed in alia specie, non in illa, quam ponimus. Sic enim ponit: dedi medico decem, ut curaret morbum filii: non curavit. Error non venit ab eo, sed ab eventu, veluti ab aere, sole, metu; quæ dicunt medici τὰ ἰσθῆναι. Hoc casu mihi conditio non competit, nec ex cessatione, nec ex pœnitentia. Non ex cessatione quidem, quia non sua culpa frustratus est sine suo medicus; non ex pœnitentia, quia non licet pœnitere, nisi re integra, *l. quod servus*, *D. de condict. caus. dat.* Res est integra, si nondum Capuam ieris, adversa tempestate retentus. Res non est integra, si curatio, quam institueras, impedita fuerit ab eventu gravi, vel ab ipso ægroto, vel a famulis. Nam videtur curasse morbum is, per quem non steterit quo minus curaverit. Itaque non cogitur reddere, quod accepit ulla ex causa, *l. in omnibus causis*, *l. in jure civili*, *D. de divers. regul. jur.* Igitur sic posita specie in medico, male reprehendit Accursius Bartolus: nam verum est, nec ex cessatione, nec ex pœnitentia conditionem dari. Sed dicimus de aliis speciebus, quibus datur conditio ob causam dati. Una est: dedi pecuniam ob dotem, et pactum interposui, quod solet interponi, cum jure matrimonium contrahitur, id est, pactum reddendæ dotis in casum, quod dicitur pactum vulgare, *l. Bæbius 9.* *D. de pact. dot.* Matrimonium illud, cujus gratia pecuniam dedi, jure non potest contrahi. Dos igitur non est quam dedi: quia non est dos sine matrimonio, pecunia, quam dedi non est dotalis. Pactum, quod feci non est dotale. Igitur per actionem de dote non est pecuniæ repetitio. At per conditionem ob rem dati re non secuta erit repetitio, *l. 1. h. c.*, et *l. si extraneus*, *ff. eod.* Dices, quod Accursius opponit; imo est conditio sine causa. Dicam, datum ob rem re non secuta, condici etiam posse, quasi sine causa datum, *l. 1.* §. *1.* *D. de cond. sine causa*, *l. si mulier*, *ff. de condict. caus. dat.* *l. prætor*, §. *emancipatus 2.* *ff. de coll.* imo poterit etiam condici quasi indebitum, *l. 8. tit. prox. sup.* conditionum fere harum promiscuus est usus. Rursus dices, si matrimonium est injustum, tantum abest, ut pecuniæ ob dotem datæ sit conditio, ut fiat caduca, ut Accursius etiam proponit. Dicam vero caducam fieri eam pecuniam, si nuptiæ secutæ fuerint contra præcepta legum. At in specie proposita non ponimus secutas nuptias, sed speratas, et pactas: vel est decisio *l. 1.* accipienda sub hac exceptione, nisi quo casu fisco sit locus. Roloander pervertit lectionem hujus legis, qui duos aut tres versus delevit: retinenda est igitur vetus lectio: si pecuniam, quam te ob dotem accepisse, pactumque interpositum, etc. ut in veteribus. Non fero etiam Accurs. dicentem, pecuniam quam, id

est, pecuniam aliquam. Videtur quidem esse barbara locutio: verum similis est in *l. eam quam, inf. de fideicomm.* eam, quam instituerat, id est, instituta more Græcorum, et eo modo, quo in *lege filium, supra famil. ercisc. Eum quem*, id est, filius, qui habuit fundum: sic hoc loco, pecuniam, quam te ob dotem accepisse, id est, accepta pecunia nullam de dote actionem habet, id est, non potest repeti actione de dote: sed repetitur condictione ob causam dati.

Ad L. II.

Si (ut proponis) pater tuus ea lege sorori tuæ prædia, ceteraque, quorum meministi, donavit, ut creditorib. ipsa satisfaceret, ac si placita observata non essent, donatio resolveretur, eaque contra fidem negotii gesti versata est: non est iniquum, actionem condictionis ad repetitionem rerum donatarum tibi, qui patri successisti, decerni.

Donavi filie eo fine, ut creditoribus meis satisfaceret: non satisfacit, non sequitur: res conditio ob rem dati dabitur fratri, qui mihi hæres extitit. Erit et actio ex contractu præscriptis verbis, ut scilicet satisfaciat creditoribus, vel præstet quanti interest, non ut donatum reddat, *l. hæreditatem, ff. de don.* In qua *l. J. C.* proponit patrem donasse filie sui juris effectæ, et agere cum ea præscriptis verbis, ut creditoribus satisfaciat. Ita etiam necesse esset poni in *h. l. 2.* Patrem filie donasse sui juris effectæ, si pater ageret cum filia eo nomine. At pater non agit, sed post mortem ejus agit frater hæres patris. Convaluit ergo donatio morte, etsi filia fuit in potestate, *l. donationes, inf. de don. int. vir. et ux.* ideo recte agit frater condictione ob rem dati, vel præscriptis verbis. Itaque non est necesse poni filiam fuisse emancipatam; et hic est unus error Accursii, quem omnes fere sequuntur interpretes: sunt et alii, veluti cum ait, ex contractu nominato dari præscriptis verbis: quod falsum esse constat ex *tit. de præscript. verb.* nunquam enim datur, nisi ex contractu innominato. Item cum ait, donationem esse contractum nominatum, quod etiam est manifeste falsum: nam donatio vel fit simpliciter, vel sub lege aliqua. Quæ fit simpliciter, aut traditione perficitur, aut pacto: quæ traditione perficitur, non est contractus, quia nec conventio: quæ pacto, pactum est, non contractus: quæ duo nostri semper separant. Donatio, quæ fit sub lege aliqua, est contractus nomine vacans: ut dono tibi prædia, ut me meosque alas. Hoc negotium caret nomine, et ideo ex eo est actio præscriptis verbis. Postremo in contractibus nominatis non dari con-

ditionem ob rem dati, quod etiam est falsum: ut si tibi dedi decem, ut mihi servum emas, certe est mandatum, et contractus nominatus. Quod tamen si revocavero re integra, mihi competet conditio ob causam dati, *l. si pecuniam, §. si servum, ff. de cond. causa dat.* Itaque in contractibus nominatis, quandoque habet locum conditio ob causam dati. Item si dedi ut rem mihi venditam, vel locatam, vel depositam reidderes, mihi competit actio locati, depositi, empti, et conditio ob rem dati, *l. ult. ff. de condict. ob turp. caus. l. ult. depos. l. si tutor, D. de tut. et rat. distr.* Et ita cum condictione sine causa concurret etiam actio ex contractu nominato in *l. 2. de cond. sine causa*, et cum condictione indebiti *l. 2. sup. tit. prox.* Ideoque in *l. cum te, inf. de pact. int. empt. et vend.* non tantum erit actio ex vendito resolvendæ venditionis gratia, sed etiam conditio ob rem dati. Sicut etiam in *l. si is qui hæreditatem, et l. sed et si me putem, de condict. indebiti*, non tantum erit conditio, sed etiam actio ex vendito, *l. si tibi, de act. empt.* At in specie *l. si non donationis, inf. de contr. empt. et l. ea, de rescind. vend. inf.* neutra actio dabitur distrahendæ venditionis causa, quia id actum non intelligitur, quod eis excussis liquido constabit.

Ad L. III.

Ea lege in vos collata donatio, ut neutri alienandæ suæ portionis facultas ulla competeret, id efficit, ne alteruter vestrum dominium prorsus alienet: vel ut donatori, vel ejus hæredi conditio, si non fuerit conditio servata, quærat.

Questio legis 3. est, an valeat alienatio facta contra prohibitionem. Legi datur donationi si non pareatur, donationi competit conditio ob rem dati. Finge igitur: donavi tibi fundum ea lege ne alienares. Ea lex jure probata est, *l. 135. §. ea lege, ff. de verb. oblig.* Alienasti fundum contra legem dictam donationi. Condicam tibi fundum, quasi ob rem datam re non secuta. Condamnatio autem fiet non in fundum, quem non habes, sed in æstimationem: lis æstimabitur: donatio autem vel alienatio non fiet irrita. Igitur valet etiamsi facta sit contra legem conventionis. Sed donatori competit conditio in donarium: in emptorem ei non competit actio in rem, nec venditor habet actionem in rem adversus emptorem. Et hic Græci nominatim notant, alienationem jure fieri. Qui aliud sentiunt, adferunt *l. his solis, inf. de revocan. donat.* in qua quæ præterquam quod ponitur alia species quam illa, de qua tractamus, in ea vindicatio significat ultionem, non actionem in rem. Item adferunt *l. ult. inf. de reb. alien. non alienand.* ea, lex

ait, quidem pacisci licere, ne quis alienet, factam autem alienationem contra pactionem esse irritam non dicit. Item adferunt *l. penult. inf. si manc. ita fuer. alien.* quæ lex non loquitur de servo prohibito alienari, id est, vendi, aut donari, sed de servo conventionis prohibito manumitti, quæ conditio hæret servi personæ, ac si dixisset, nolo te ad libertatem pervenire. Ideo ea lex impedit libertatem. Item adferunt *l. si cred. §. ult. D. de distract. pign.* quæ lex dicit nullam esse venditionem pignoris factam a debitore contra fidem pacti facti cum creditore. At in ea lege creditor legem dixit ne venderetur pig. qui semper retinet jus in re, id est, hypoib. et ideo nulla venditio censetur propter legem, quam dixit qui in re jus habet et retinet. In hac autem lege nostra is legem dicit, qui nil juris in ea re retinet. Et ideo qui eam acceperit, alienando non ideo minus dominium ejus rei transfert, obligatur tamen condictione. Item adferunt *Novel. de alien. et emphyt. in §. sanctissimis*, in qua Justinian. vetat alienari ea, quæ ecclesiis sunt data, ea lege ne alienarentur. Sed id fit favore ecclesiarum. Postremo adferunt *Novell. 117. in pr.* ex qua patri non acquiritur usufructus earum rerum, quæ sunt donatæ filio ea lege, ne usufructus obveniret patri. Verum hæc sunt diversa. Aliud est enim donari, et lege conventionis alienatione interdicti donatario, ut in *h. l. 3.* aliud donari pleno jure, ita ut nihil obveniat patri, in cujus potestate est donatarius, quam voluntatem servari requiritur est, *§. per traditionem, Instit. de rer. divis.* Male autem Accurs. hoc loco, eam *Novel.* conungat ad ultimas voluntates, puta ad legata relicta filiosam. ea lege. Nam manifeste loquitur etiam de don. Hæc de alienatione facta contra conventionem, quæ fit contra legem, et ipso jure nulla est. Alienatio autem, quæ fit contra præceptum testatoris, valet jure, sed fideicommissario, cujus tantum respectu præceptum illud testatoris sustinetur, datur persecutio non tantum in hæredem, sed etiam in emptorem, aut donatarium, *l. si quando, §. hæres, de leg. 1. l. qui solid. §. ult. de l. 2. l. pater, §. 1. D. de leg. 3.* Et hæc de prohibita alienatione: illud attendendum de condictione ob rem dati: ubi est conditio ob rem dati cessare vindicationem: unum tantum casum exceptum invenio favore alimentorum ex constitutionibus, si quis donaverit prædia sua ea lege, ut donatarius se aleret, si donatarius non præstiterit donatori alimenta: non tantum dabitur conditio ob rem dati, sed etiam vindicatio utilis. Vindicabitque utiliter quasi sua ab eo, qui alimenta inficiatur, quorum causa maxime est favorabilis, *l. 1. inf. de don. quæ sub mod.* Ubi est expenden-

dum, quod ea lex ait, ter, in hoc casu. Nam alias ubi est conditio, cessat vindicatio.

Ad L. IV.

Si cum exiguam pecuniam revera susciperes, longe majorem te accepisse cavisti, eo quod tibi patrociniū adversarius repromitteret: cum dicas fidem promissi non secutam: ut libereris obligatione ejus, quod non acceptum propter separatū patrociniū spondidisti, per condictionem consequeris.

Notandum est ex hac *l.* non tantum ob rem dati, sed etiam ob rem promissi esse condictionem re non secuta. Hæc est incerti, illa certi. Finge: minorem pecuniam mutuum sumpsisti majorem scripsi, et cavi ea lege, ut me tuo patrocinio juvares, non juvas: incerti conditio est, id est: cautionis et liberationis, *l. 3. sup. de postul. vel si pecuniam dedi sub eadem conditione; advocacione non præstita certi conditio est l. ult. inf. h. l.* Quod ita procedit, nisi per advocatum non steterit quo minus causam ageret, tunc enim conditio utraque cessat, *l. qui operas, ff. locat. l. 1. §. Divus, ff. de extraor. cognit.* nisi avvocato aliquid dederis, aut promiseris supra modum legitimum, id est, supra 100. aureos. Hunc habent modum, et finem honoraria advocatorum, *συντάξις*, ut non excedant centum aureos. Hoc casu utile per inutile non vitatur, sed id duntaxat condicatur, quod excedit modum legitimum, videlicet, si advocatus causam egerit, aut per eum non steterit: alioqui totum condicatur certi vel incerti, *l. 1. §. in honorariis, de extraord. cognit.*

Ad L. V.

Si militem ad negotium tuum procuratorem fecisti, cum hoc legibus interdictum sit, ac propter hoc pecuniam ei numerasti: quicquid ob causam datum est, causa non secuta restitui tibi competens iudex curæ habebit.

Notandum ex hac lege huic condictioni locum esse, si lex seu conditio sit possibilis, ut in superiori exemplo. Quid si impossibilis? Conditio cessat, causa non secuta et conditio habetur pro non scripta in *l. 8. inf. hac tit.* Idque certum est in ea conditione, quæ natura est impossibilis: ut do tibi decem, ut cælum ascendas: datio utilis est, conditio nulla est. At quid si conditio jure sit impossibilis? ut si tibi dederō, ut liberum hominem manumitteres, quod non sit jure nisi in Latinis: vel si dederō, ut eam duceres, cum qua non est connubium, vel si dederō militi, ut mea negotia procuraret,

quod est jure prohibitum. Igitur his casibus causa, ob quam dedi, sequi non potest. An igitur est locus conditioni? si sciens dedi, non condicam: si ignorans condicam. Et ideo in l. 6. hujus tituli recte proponitur eum, qui dedit filie manumittendae causa, quae erat libera, dedisse ignorantem, filiam esse liberam: alioqui datum non condiceret. Et Accurs. in l. 1. hic recte ponit, eum, qui dedit ob dotem, dedisse ignorantem conditionem personarum, inter quas non possunt esse nuptiae, l. 3. *inf. sol. matrim.* Sic etiam in hac l. 5. ut Accursius refert, ex quorundam sententia, ponendum est, me militi donasse, ut mea negotia procuraret, ignorantem esse militem: et ideo miles, qui accepit, mihi tenetur condictione ob rem dati re non secuta. Et generaliter, sicut conditio indebiti, ita et conditio ob rem dati scienti factum, vel ignorantem jus, non datur: erranti in facto datur. Milites autem non posse procurare, aliena negotia constat ex l. *militis, inf. de loc.* et ex Vegetio lib. 1. cap. 19. id est, ex disciplina militari. Et Ambrosio l. *Offic. cap. 36.* Denique generaliter ex l. 8. est concludendum: id quod datur certa lege, sive conditione valere, etiamsi conditio illa sit impossibilis. Obstat quod dicitur, impossibilem conditionem vitare contractum l. 7. *de verb. oblig.* Ita respondendum. In hoc proposito conditionem accipimus pro modo, ut l. *Mavia, de man. testa.* Conditio impossibilis vitat contractum, ut si caelum ascenderis, quia haec obligatio nunquam credit. At quod datur sub modo, statim habet effectum, etsi modus ille sequi non possit, id est, statim dominium transfertur, nec revocatur modo non secuto, nisi ab ignorante. Obstat etiam l. *ab administrat. inf. de leg.* In hac l. 5. dedit militi, ut procuraret; quod non potest facere. In illa l. *de legat.* legavit militi, et tutelam ei adscripsit, quam etiam non potest gerere. In hac lege 5. datum revocatur: in illa legatum valet etsi non administret tutelam. Dicendum igitur in illa lege non fuisse legatum relictum sub modo, ut tutelam gereret: sed separationem fuit relictum legatum tutela adscripta, et si cum posset tutelam gerere legatarius, non gereret amitteret legatum: at quia non potest, non amittit legatum, quod non expresso eo modo est relictum.

Ad L. VII.

Si repetendi, quod donabas uxori ejus, quem ad proficiendum tecum hujusmodi liberalitate provocare proposueras, nullam addidisti conditionem, remanet integra donatio: cum levitati perfectam donationem revocare cupientium, jure occurratur.

Notandum huic conditioni locum esse, si sit

expressa conditio, vel certe si habetur pro expressa, id est, si de ea constat inter partes nec sequatur ea conditio. Aliud est dicendum si quis dederit pure in hamo, ut dicitur: quod appellatur *munus hamatum, et viscatum spe eliciendi aliquid.* Ut dedi spe remunerationis de qua tamen nihil dixi, id si non sequatur, non est conditio, l. 7. *si majores, C. de transact. l. 3. §. si quis quasi, ff. de condict. causa data.*

Ad L. IX.

Si liber constitutus, ut filiae tuae manumittantur, aliquid dedisti: causa non secuta de hoc tibi restituendo conditio competit. Nam si quid servus de peculio domino dederit: contra eum quidem nullam actionem habere potest: sed dominum, qui semel accipere pecuniam pro libertate passus est, aditus provinciae rector hortabitur (salva reverentia) favore scilicet libertatis, placito suo stare.

Species est, liber homo dedit tibi pecuniam ea lege ut filias ejus manumitteres, quas habes in potestate: non manumittis: competit conditio ob rem dati vel praescriptis verbis. At finge: servus tuus tibi dedit ex peculio te connivente, ea lege ut filias suas conservas manumitteres: non manumittis, quid fiet? Neutra actio est servo cum domino: verum favore libertatis extra ordinem agitur per praesidem, ut manumittas filias: *salva, inquit, reverentia*, id est, verecunde agat hac de re tecum servus, l. 8. *inf. de lib. causa.* Et ideo praeses non tibi imperabit, ut manumittas servandae reverentiae causa: sed te hortabitur, ut eas manumittas nomine servi. At ea adhortatio est necessaria, et pro imperio. Et ideo ad d. legem 8. Graeci nominatim dicunt ἀναγκάζειν, lib. 48. βασιλικών. Itaque male Accurs. existimat dominum non cogi, sed ex ejus arbitrio pendere. At in hac specie (quod male diluit idem Accurs.) cessat Constitutio Marci et Commodi ad Victorinum, id est, filiae non sunt ipso jure liberae. Nam ea constitutio tantum pertinet ad venditionem servi, vel ad donationem ea lege factam, ut manumittatur: si non manumittatur, ut sit liber ipso jure. Non pertinet autem ad donationem pecuniae ea lege factam, ut servus manumittatur. Et ideo, si non manumittatur, non sit liber ipso jure, et competit conditio, quae non competeret, si jus representaret manumissionem, id est, fieret liber. Et hoc ita; nisi quis dederit illam pecuniam, quasi pretium servi. Nam tunc brevi manu videtur servum ipsum dedisse manumittendi causa. Tunc si non manumittitur, fiet ipso jure liber, l. *Paulus respondit, de lib.*

causa, l. si is qui pretium, infra, si manc. ita fuerit alien.

JACOBI CUJACII J. C.

Ad Lib. IV. Codicis,

RECITATIONES SOLEMNES

Ad Tit. VII. De condictione ob turpem causam.

Superior titulus est de condictione ob causam honestam. Hic titulus de condictione ob turpem causam, id est, que sit contra bonos mores: causa futurum finem significat. Itaque Accursius male causam accipit etiam pro praeterita. Illa conditio datur re non sequuta, videlicet si solius accipientis turpitudine fuerit l. 4. hoc tit. l. 1. ff. eod. Quod si dantis tantum turpitudine fuerit, cessat conditio: ut si dederis mercedulam meretrici, quam ipsa quidem turpiter non accipit, cum sit meretrix: qui dat, turpiter dat, et ideo datum non condicit. Sic etiam si utriusque dantis et accipientis turpitudine versetur, haec conditio cessat, ut si dederis iudici, ut male iudicaret, vel etiam bene: et locum habet regula; in pari causa turpitudinis, potior est causa possidentis, l. ult. hoc tit. l. pen. ff. eod. l. ult. ff. de condict. sine causa. Huic igitur condictioni tantum locus est, cum solius accipientis turpitudine versatur: ut si dederis tibi pecuniam, ut mihi redderes rem, quam mihi furto abstulisti; non do turpiter, tu vero turpiter accipis, l. pen. hic, vel si dederis, ut mihi redderes abacta mea pecora, l. ult. hoc tit. in qua l. etiam aliquid additur de condict. furtiva, sed id dicemus in seq. tit. Item si quis dederit pecuniam evitandi tyrocinii causa, ei conditio competit, l. 3. hic. Hoc autem videtur prima specie falsum, cum ex utraque parte videatur subesse turpitudine: nam non est honestum detractare militiam pretio dato. Non licet quidem citato ad delectum non respondere, quia ex causa olim, qui citatus non responderat, in servitutem redigebatur, id est, vendebatur. Quod traditur in l. qui cum uno, §. qui post, de re mil. iuviti ad militiam deducebantur. Item etiam ait M. Tullius pro Cicerone ad finem. Jam populus, etc. significat ibi, vendi eum, qui non respondit ad delectum: bona etiam ejus vendebantur. Flor. in Epitome lib. 4. Curius Dentatus, cum haberet delectum, ejus, qui citatus non responderat bona vendidit, Interdum etiam aedes ejus, aut ville diruebantur ob contumaciam, l. si is cum quo, D. Convn. div. d. motu judicis, inquit, id est, iracundia. Id igitur fiebat, non tam recepto jure quam motu, iracundia, et calore judicis: idque fiebat non in

Tom. IX.

ea tantum causa, sed et in aliis omnibus ob contumaciam: quod et hodie plerisque locis fit: quod indicat Cicero 1. Philip. Cum non venisset M. Tullius in senatum dicit Antonius se cum fabris, etc. Verum hoc fit iracunde, nec coercetur factum judicis. Itaque jure quidem ordinario nil est ultra pignus, aut mulctam, id est, contumax coercetur pignoribus captis, aut mulctis: extra ordinem tamen motu judicis ob gravissimam contumaciam, etiamedium demolitione punitur. In ea autem l. si is cum quo, vulgo ita est scriptum si ad delectum non responderit: id rectum est: atque ita semper habent libri manuscripti omnium auctorum, delectum, pro delectum. Recte etiam d. §. qui post, in Pand. Flor. dilectum, scriptum est. Festus, dilectus, inquit, militum, et is qui significatur amatus, a legendo sunt dicti. At in hac l. 3. non est ita species ponenda, ut quis citatus ad delectum non responderit, quia tamen ex causa hujus rescripti tempore nemo coerceretur: nam utebantur voluntario milite, non coacto: d. §. qui post, species est. Eum, qui habebat delectum militum terrore illato ab aliquo, qui nunc tamen est miles (ut inscriptio legis 3. indicat) ab eo, inquam, eum pecuniam extorsisse, ne eum deligeret, et citaret tyronem, sive militem: quia ex causa is quidem, qui dedit pecuniam, licet videretur dedisse pecuniam metu delectus, quod ille minaretur, se illum delecturum, si pecuniam daret, tamen non habet actionem quod metus causa: nam hic metus non sufficit: ut enim ea sit actio graviolem metum exigimus, ut mortis, servitutis, aut vinculorum, l. cum te sup. de his quae vi met. causa. Habebit tamen condictionem ob turpem causam, quia turpiter non dedit, qui perterritus dedit, oneris, quod quis minabatur, subterfugendi causa. At qui ob eam causam accepit, turpiter accepit, et ob id tenetur non tantum condictione accepti, sed etiam concussionis crimine extra ordinem. Concussio est perterritus facere. Concussio est, cum quis terrore illato aliquid ab aliquo exprimit. Contra, si quis in furto vel adulterio deprehensus, adhibito metu mortis, aut vinculorum pecuniam dederit, ut se redimeret, habebit hoc casu actionem quod met. causa, l. nec timorem, et seq. D. quod met. causa: condictionem quasi turpiter accepti non habebit, cum et turpiter dederit, l. 4. D. de cond. ob turp. caus. Denique et haec est summa: haec conditio non datur, nisi solius accipientis turpitudine versetur, l. solent, ff. de praeser. verb. Diximus de dato ob turp. caus. nunc dicendum de promisso, si quid sit promissum ob turpem causam ipso jure nulla contrahitur obligatio, l. 3. hic l. 27. D. de verb. oblig. Si dubitatur, ut plerumque accidit, quae fuerit causa promittendi, turpis

an honesta: tum agenti opponatur exceptio doli, aut in factum: quod generaliter procedit, seu promittentis, seu stipulantis, seu utriusque turpitudine fuerit. At si vel promittentis tantum, vel utriusque turpitudine fuerit, ita eveniet, ut qui tutus exceptione doli perpetua solverit, non condicet: quod tamen regulariter secus est qui tutus exceptione perpetua solvit, condicet, et maxime exceptione doli, *l. qui se deb. D. de cond. caus. data*. Igitur qui solvit ob cautionem turpem, quia tutus exceptione doli solvit, videtur ea ratione posse condere ut indebitum. At alia ratio obstat condictioni, quia ex turpi causa solvit. Hic est sensus *l. pen. D. de cond. ob tur. caus.* Et est similis ratio *l. cum is, §. pen. D. de cond. indeb.* Perit et ad hanc rem *l. 7. hic* in qua additur, eum, qui exceptionem illam oppovit doli, vel in factum, allegans se promisisse ob turpem causam id probare debere, cum res est dubia: non est hinc exceptio non numeratæ pecuniæ, sed est exceptio doli, aut in factum, itaque est perpetua: non numeratæ pecuniæ est temporaria. Qui simpliciter allegat non numeratam fuisse pecuniam, id debet allegare intra biennium: qui allegat se promisisse ob turpem causam, id potest allegare perpetuo. Præterea exceptio non numeratæ pecuniæ transfert onus probandi in actorem, *l. 1. inf. de probat. l. 3. inf. de non num. pec.* At qui allegans turpitudinem cautionis utitur doli exceptione, aut in factum, ei incumbit onus probandi, non actori *l. 1. et probare, inquit, debet judici, quod est certissimum: probamus judici, non adversario, neque adversarii, sed iudicis arbitrato*. Quæritur hic an cautionis etiam condictio sit? et constat esse: quo casu et dantis, aut dati esset condictio, id est, si solius stipulantis turpitudine versetur. Quæritur etiam an pignus ob turpem causam contrahatur, ut si promittat quis ob turpem causam dato pignore, qua de re disputat Accursius *l. 9. hic*. Idem quæri potest de fidejussore. At constat fidejussorem non obligari, *Nov. 14*. Ergo et pignus non obligabitur.

JACOBI CUJACII J. C.

Ad Lib. IV. Codicis,

RECITATIONES SOLEMNES.

Ad Tit. VIII. De condictione furtiva.

Hujus condictionis hoc est præcipuum, ut cum aliæ condictiones dentur non dominis, hæc detur soli domino, cui furtum factum est, *l. 1. ff. cod.* Eadem est ratio condictionis rerum amotarum,

quæ quasi furtiva est, et condictionis bonorum raptorum, et pecorum abactorum. Loquimur autem de condictione certi. Nam condictio ex causa furtiva incerti datur etiam non domino, veluti creditori, aut bonæ fidei possessori, ratione possessionis per furtum interversæ, *l. et ideo, §. ult. D. cod. l. 23. ff. de furt. l. 1. §. ult. et l. 2. ff. de condict. trit.* Datur autem hæc condictio, si res furtiva exstet, vel perierit, idque adversus furem, vel heredem ejus: quandoquidem rei furtivæ periculum ad furem spectat: quia perit post moram quocunque tempore pereat: nam fur ex tempore delicti, semper moram facere intelligitur, etiam sine interpellatione. Hæc mora fit in rem, id est, re ipsa, non in personam, *l. ult. tit. prox. sup. l. ult. ff. de condict. furt.* Purgatur tamen hæc mora oblatione. Et ideo si post oblationem rei furtivæ ea res perierit, fur hac actione non tenebitur, *l. 2. hic*, ubi ait, si ante oblationem perierit, fur tenetur, *l. subtracto, inf. de furt.* Purgatur etiam mora furis aliis modis, veluti stipulatione, aut judicato, *l. scire debemus, §. ult. D. de verb. ob.* hæc actio videtur plerisque esse ex delicto, idque ex *l. si cum mulier, §. hæc actio, ff. rer. amot.* cum tamen hæc actio non persequatur poenam delicti, et ex delicto quatuor tantum tradantur esse in *Instit. furti*, quæ alia est, quam furtiva, injuriarum, damni injuria dati, et bonorum raptorum videtur potius esse introducta ex bono et æquo, ut ceteræ alæ, ut condictio ex causa injusta, quæ est proxima et limitima condictioni ex causa furtiva, in *l. rerum, ff. rer. amot.* ubi dicitur condictionem ex injusta causa esse jurisgentium, id est, ex bono et æquo. Et sane ideo dicitur condictio furtiva esse ex delicto, quia est ex causa furtiva; et quia est comparata odio furum, ut pluribus actionibus teneantur in *§. sic itaque, Instit. de act.* contra regulam juris civilis, quæ dictat, domino rei suæ condictionem non dari. Id tamen non est satis. Quid enim utilitatis adfert hæc condictio? videlicet ut dum fores condictione obligati censentur ad dandum (qua in re moram semper facere intelliguntur in dando) res quam dare debent, eis pereat, etiam si casu fortuito pereat, quasi perempta post moram; quæ tamen res eis non periret, sed domino, si tenerentur sola in rem actione. Nam bonæ fidei possessor rei alienæ casum fortuitum non præstat, *l. utique, ff. de rei vindicat. l. illud, ff. de petit. hered.* Non igitur adfert condictio furtiva, ut etiam re perempta casu fortuito, agat sibi dari oportere, quasi perempta post moram. Proprio igitur hæc actio non est ex delicto. Ex delicto sunt proprio, quæ delicti poenam persequuntur, condictio furtiva rem non poenam persequitur: et ideo hæc di

et in heredem datur, et est perpetua, actio furti est poenalis. Et ideo, ut proponitur in *l. 1. h. tit.* si plures sint fures unius et ejusdem rei, et cum uno sit actum furti, alter non liberatur: poena unius non liberat alium. At si cum uno egeris in solidum conditione furtiva, et rem consecutus fueris, ceteri liberantur. Conditiones rerum non iterantur, ne his eandem rem consequamur, *l. 1. hic.* Non est omittendum, conditionem furtivam interdum dici actionem furti, *l. cum furti, ff. de in lit. jur. l. si is qui, ff. de furt.* Actio igitur furti est genus, quod etiam indicat *l. cum qui, §. qualis, ff. de furt.* species hæ sunt. Poenalis, quæ proprie dicitur actio furti, et conditio rei furtivæ.

JACOBI CUJACII J. C.

Ad Lib. IV. Codicis,

RECITATIONES SOLEMNES

Ad Titulum IX. De conditione ex lege, et sine causa, vel injusta causa.

Actiones vel sunt civiles, vel prætoriæ, vel ex legibus, vel ex constitutionibus, *l. 2. infr. de quadrien. præ c.* Civiles sunt, quæ sunt ex duodecim tabulis, ut ex empto vendito, vel quæ sunt instar earum, ut præscriptis verbis. Prætoriæ, quæ sunt ex edicto Prætoris. Ex novis autem legibus, vel constitutionibus aliæ nomen suum habent, ut damni injuria dati ex lege Aquilia: ut injuriarum ex lege Cornelia: aliæ nomen suum non habent, et appellantur conditiones ex lege, quarum nulla est alia causa, quam legis auctoritas, quæ eas prodidit. Harum varia proponit exempla. Accursius *l. 1. ff. eod.* partim vera, partim falsa. Unum est ex *l. un. sup. de suff.* idque falsum. Nam ibi datur conditio ex stipulatione, non autem ex lege. Alterum est ex *l. si quis argentum, infr. de donat.* Sed ibi etiam non est conditio ex lege, sed conditio ex pacto legitimo, sicut et aliis multis casibus, ex pacto est actio, quod lege juvatur. Alia sunt vera, veluti ex *l. ult. sup. de petit. hered.* ubi nominatim de conditione ex lege, *l. ult. infr. de jure del.* Ad datur etiam *l. 4. sup. de recept. arbit. et §. tripli, et §. quadrupli, In-tit. de act.* Sed omnes illæ conditiones, quæ proponuntur illis locis, sunt ex constitut. Just. Quærenda autem est conditio, quæ sit ex jure antiquo: talis est conditio ex lege Julia, quam Interp. non animadvertenterunt, de qua est *l. hæc actio, ff. solut. matrimonio.* De qua lege Julia loquitur lex præcedens. Est etiam alia ex lege Julia, de qua in *l. si postulaverit, §. ult. et l. seq. ff. ad leg. Jul. de adult.* Est conditio ex Senatusconsulto Sabini, de qua Theoph. *§. sed ea omnia,*

Institut. de hered. quæ ab intestat. def. Est etiam conditio ex *l. 1. hujus tit.* ejus species est de debitore fisci, qui debet fisco ex primipili causa. Primipilus in libris nostris significat semper annonam militarem, vel ejus annonæ provisionem et curam, *l. 8. infr. de chor. prim. in l. 6. et 17. C. Theod. eod.* Inde pastus primipili, militaris scilicet, *l. 3. et 7. eodem tit. l. 8. et 10. C. Theod. eodem.* Atque ita rectissime Theophilus Herimopolites *l. b. 9. tit. 9.* definit primipilum esse annonam, quæ datur centurionibus primipili τοῖς ἀρχόντοισι ἀπορριπταῖς, ut distribuatur inter milites. Et ideo recte Vegetius *lib. 2. c. 8.* loquens de centurionibus prim. totius, inquit, legionis commoda, et merita consequentur. Sic etiam hanc legem recte Greci interpretantur: *Alimenta militaria fisco debent, ὁ δὲ ἀρχὸντος στρατιωτικὰς τῷ ἀρχόντῳ ὀφείλουσιν.* Verum ob eam causam tam necessarium Reip. multa sunt recepta jure singulari. Primum ut qui debet ex causa primip. si non sit par solvendo, nec ipse; nec ejus fidejussores, vel nominator, ut dos uxori fisco vindicetur, manente etiam matrimonio, et ex ea sibi suum servet, *l. satis, infra, in quibus causis pign. vel hyp. tac. contr.* Item ut ex ea causa fisco vindicetur rem obligatam dotis nomine, quod est contra privilegia dotium, *l. 3. infra, de primip. lib. 12.* Item ut fisco vindicetur ex ea causa rem donatam uxori, licet morte debitoris ex causa primipili donatio ea sit confirmata, *l. si non verum, C. de donat. inter vir. et uxorem,* quod est contra orationem Divi Marci. Illud est quoque receptum, ut ejus filii, qui debet fisco, ex hac causa teneantur fisco, etsi patri hæredes non extiterint, *l. ult. infr. de primip. l. si tutores, infr. de compensat.* Postremo hæc proponitur in hac *l. 1.* ut urgente fisco debitor ex causa primipili agat adversus suos debitores ante diem, pecuniæ conficiendæ causa: agat autem conditione ex hac *l. 1.* Nam ipso jure ante diem nulla est actio in debitorem, *l. certi condit. ff. de reb. cred.* Errat autem Accurs. dum putat hac *l. 1.* dari conditionem fisco, imo datur aperte debitor. fiscali, et ideo *l. ait, præstitem cogniturum,* qui tamen non cognosceret, si res ageretur inter fiscum et privatum. Fateor tamen quo casu debitori ex causa primipili competit actio in suos debitores, eodem etiam utiliter fisco competere contra debitores debitoris, quod explicabimus *l. 3. tit. prox.* Hic titulus etiam est de conditione sine causa, vel injusta causa. Conditio ex injusta causa, vel ob causam injustam est, ut si dedi ex stipulatione vi aut metu extorta, debitum dedi: nam ea stipulatio valet ipso jure, et ideo cessat conditio indebiti, sed superest alia causa, quæ dat conditionem, quia ex injusta causa dedi, *l. ex ea, ff. de cond. ob turp. cau.* Quo casu non erit actio quod metus cau-

sa, quoniam in solvendo vim passus non sum, l. 2. sup. de his, quæ vi metusve causa gesta sunt. Igitur eo casu non est conditio indebiti, non est actio quod in ius causa. Est tamen conditio soluti ex injusta causa: et generaliter conditio ex injusta causa, vel sine causa competit, quoties sine causa, vel injusta causa res est apud aliquem. Et utraque ex a quo et bono, l. perpetuo, ff. de condict. ob turp. caus. l. si et me et Titium, ff. de reb. credit. ubi nil bonum et æquum, l. 1. §. ult. ff. de cond. sine causa. Et dantur etiam domino hæc conditiones, quarum est promiscuus usus in furem, vel quasi furem, ut l. contra, §. ult. et l. rerum, ff. de rer. amot. quasi fures sunt, qui quid amoverunt, ut uxor, quæ quid amovit. Utimur leni verbo: dicimus enim amovisse, non subripuisse. Item quasi fures sunt inficiatores rerum depositarum, l. si quis inficiatus, §. 1. ff. Deposit. Et inficiatores rerum pignoratuum soluto pignore, l. 4. §. res, ff. de reb. cred. l. inficiando, ff. de furt. Soluta pecunia debita, vel etiam non numerata, quam tamen numeratam scripsi, chirograph. quod dedi condici potest quasi sine causa datum, l. 2. et ult. hoc tit. nam chirogr. dominus sit creditor. Itaque dum chirographum condico, rem meam non condico. Videtur ob stare l. ult. inf. ad exhibend. quæ videtur dicere de chirographo agere debitorem ad exhibendum. Agit ergo quasi vindicaturus. Nam vindicaturis tantum datur ad exhib. quod si est vindicaturus mansit dominus chirographi. Hoc est negandum. Nam ea lex his verbis utitur, exhiberi, vel reddi quæ sunt diversa. Item loquitur non tantum de chirographo, sed etiam de aliis quibusdam instrumentis ad eum contractum pertinentibus, ad quæ refertur verbum exhiberi, id est, de eis agitur ad exhibendum, aut vindicabuntur: ad chirographum refertur verbum reddi, id est, chirographum condicetur, si paret reddi oportere. Postremo in l. 3. malæ fidei possessori fructus consumpti condicuntur, quasi sine causa vel injusta causa percepti. Videntur enim consumptione ejus facti: extantes autem vindicantur, non condicuntur. Idem confirmat l. si pign. §. si pign. ff. de pign. act. l. advers. infr. de crim. expil. hæc. Accurs. hæc in re multa sunt errata. Dubitat enim primum qua actione consumpti fructus malæ fidei possessori condicantur: de quo non est dubitandum propter hanc legem, quæ ostendit, conditionem esse sine causa vel ex injusta causa. Idem Accurs. putat huic legi similem l. si urbana, ff. de condict. ind. Male: nam ea lex loquitur de cond. indeb. etiam fructuum extantium nomine: quæ datur non domino, sed ei, qui indebitos fructus malæ fidei possessori prestitit, qui domini fuerunt. Conditio autem sine causa, vel ex injusta causa, de qua hic, datur domi-

no fructibus consumptis. Male etiam Accurs. putat domino dari conditionem furtivam, consumptorum fructuum nomine: nam vel loquimur de fructibus rerum immobilium, quarum furtum non fit, etiam si mala fide teneantur, vel de fructibus rerum mobilium mala fide possessorum, sine furti vitio tamen: nam non omnis malæ fidei possessor fur est, nisi rem contractaverit, id est, loco moverit et abstulerit, l. vulgaris, §. ult. ff. de fur. Ergo loquitur lex de malæ fidei possessore, qui fur non est. Si fur sit, dabitur conditio furtiva etiam fructuum nomine. Male idem Acc. putat consumptorum fructuum nomine agi cum malæ fidei possessore rei vindicatione, quasi dolo desiderit eos possidere. Nam vindicatione tenetur non solum qui dolo possidet, sed etiam qui possidere desit. Hoc admitterem, nisi consumptione fructus suos faceret malæ fidei possessor. Quod consumptione meum fit, aut fieri intelligitur, eo consumpto non teneor in rei actione. At quod consumptione meum non fit, eo consumpto teneor ac si non consumpsissem. Quæritur quid in hac re distet bonæ fidei possessor a malæ fidei possessore? brevis definitio hæc est: quod bonæ fidei possessor præstat fructus, quos consumpsit post litem contestatam, non etiam quos ante litem: nam eos non præstat, l. certum sup. de rei vindicat. Malæ fidei possessor præstat fructus etiam consumptos ante litem. Et sic est hæc l. 3. accipienda. Adhuc §. 2. Inst. de off. jud. et §. si quis a non domino, Inst. de rer. div. Itaque in summa tam a bonæ fidei possessore, quam a malæ fidei possessore res vindicatur cum fructibus extantibus. Consumpti fructus ante litem malæ tantum fidei possessori condicuntur: præterea malæ fidei possessor tenetur etiam de iis fructibus, quos ante litem percipere potuit, nec percepit, idque indistincte, a blata Accursii distinctione, seu habuerit titulum, seu non. Bonæ fidei possessor non tenetur de percipiendis, nisi post litem, d. §. 2. Nec obstat l. si fundum, sup. de rei vind. quæ lex ait, malæ fidei possessorem teneri de perceptis fructibus. Ex eo enim vitiose colligitur: ergo non tenetur de percipiendis. At omnes leges in id concordant, teneri etiam eum de percipiendis indistincte: a quibus legibus illa nos dimovere non debet.

JACOBI CUJACII J. C.

In Lib. IV. Codicis.

RECITATIONES SOLEMNES.

Ad Tit. X. De Obligationibus, et actionibus.

Lex 1. et 2. sunt de cessione actionum, quæstione

subtili, et satis difficili. Cedere actionem, mandare, præstare, exhibere, transferre, procuratorem facere ad agendum, hæc omnia idem significant: male interpretes ponunt differentiam intercedere et mandare. Imo vero etiam interdum delegare, idem significat, ut in *l. cum de bonis, inf. de don.* Proprie tamen aliud est delegare debitorem, aliud est cedere debitum sive actionem. Qui cedit actionem, eam non amittit, sed retinet, et potest ea experiri, *l. 3. inf. de novat.* qui delegat debitorem, actionem amittit, quoniam fit novatio. Cessio fit etiam invito debitore: delegatio non item, *l. 1. et 6. eod.* Nam delegatio fit per stipulationem et promissionem delegati: alias fit per litem contestat. *l. delegare, ff. de novat.* Cessio fit non tantum in rem nostram, ut cum facimus procuratorem ad agendum in rem nostram (non facimus procuratorem sine actionis cessione) sed interdum etiam in rem procuratoris, cui cedimus actionem, ut si ei, qui mihi pecuniam solvit nomine debitoris mei, forte ignaro meo debitore, aut invito, pecuniam meam debite actionem cedam, facio eum procuratorem in rem suam: nec enim quod ea actione fuerit consecutus repetam, sed id ille sibi habebit. Sed hoc casu ego videor non solum nequaquam, sed etiam nequaquam actionem cedere, quia mihi soluta pecunia desino habere actionem, et debitor invitus, ignoransque ipso iure liberatur, *l. solutione, ff. de sol.* Non est igitur actio quam cedam, quia sublata est solutione: sed id ita non est semper: ut cum nomen debitoris vendidi, et pecuniam accepi, non solutionis nomine pro debitore factæ, sed quasi pretii loco: tunc eadem actio perit, et solvanti ceditur recte: quæ est sententia *l. cum is qui, ff. de fidejussoribus.* Quod ita, procedi, si ab initio species venditionis quedam intervenit, id est, si conveniunt ut pecunia soluta cederetur actio: videtur vendi nomen, vel etiamsi nullo interjecto intervallo post solutionem statim mandata et cessa sit actio, utilis est ea cessio. Quod si ante solutionem mandetur, nulla est dubitatio: at cum post solutionem ex intervallo sine pacto ceditur actio, nil agitur, quia ipso iure solutione per alium facta, sublata est actio, *l. Modest. ff. de solut. l. cum possessor, ff. de cens.* At utiliter facta cessione, quid inde consequitur? sic statuo: recte facta cessione actionis, is, qui pro debitore solvit, habet directam actionem contra debitorem creditoris nomine, tam in personam, quam hypothecariam, *l. 6. et 7. infr. hic,* habet etiam suo nomine utilem etiam sine cessione ex constitutionibus, quod heic lex 1. ostendit, et *l. 1. §. nunc tractemus, de tut. et rat. distr. et l. 1. et 2. C. de contr. jud. tut.* Et generaliter fere ubi ex cessione est actio directa, utilis com-

petit sine cessione in his speciebus, si nomen venditum sit, si legatum, si donatum, si pignoratium, si in dotem, vel in solutum datum sit, si hereditas sit vendita, si absentis nomine sit creditum, d. §. nunc tractemus, *l. si cum emptore, ff. de pact. l. 2. hic, l. 4. sup. si cert. petat. l. ex legato, inf. de legat. l. ultim. inf. quan. fisc. vel privat. l. postquam, inf. de hered. vend. ubi legendum (quod Acc. scivit) velut ipsi creditori: id est utilis datur exemplo creditoris, ut ait *l. pen. eod.* Illa utilis actio accommodatur ad exemplum ejus, quæ creditori competit, tam in personam, quam hypothecaria. At mandatum illud, seu cessio illa actionis finitur duobus modis; revocatione, quæ fiat re integra, *l. 3. inf. de nov. l. si pater, infr. mand. l. qui tibi 6. infr. de hered. vend.* Res non est integra, si is, cui cessa est actio, litem sit contestatus: tum is, qui cessit, amittit actionem, quam cessit; atque ita litem contestatio pro delegatione habetur, *l. 2. hic, l. delegare, ff. de nov.* Res etiam non est integra, si is, cui cessa est actio, partem debiti exegerit, partis exactio pro delegatione est, etiam is, qui cedit, nullam habet actionem. Item res non est integra, si is, cui cessa est actio, debitori denuntiaverit, ut solveret. Hæc denuntiatio habetur pro litem contestatione, *dict. l. 3.* Finitur etiam cessio morte mandatoris, quæ etiam contingat re integra, sicuti explicatur in *l. 1. ejus species hæc est Valeria mulier, cui Senatusconsultum Vellejanum opitulatur si se pro alio obliget, non si pro alio solvat, l. 4. in fine, et l. 3. et l. quamvis, ff. ad Vellejan.* creditori pecuniam pro debitore numeravit, non tam solutionis nomine, quam quasi pretii loco. Ea igitur Valeria pro debitore solvit, et vicissim ei creditor recte mandavit actionem debiti, quasi venditione nominis facta ex pacto: deinde hic creditor mortuus est re integra, id est, lite nondum contestata a muliere ex cessione actionis. Itaque finitum videtur esse mandatum morte mandatoris: quod ita verum est, si sine hærede decesserit: nam si hæredem habuerit, hæres debet implere fidem venditionis factæ a defuncto, et debet in eodem mandato perseverare. At finge: hic creditor decessit sine hærede. Quid faciet Valeria? directam non habet in debitorem, pro quo solvit pecuniam, quia decessit mandator, superest tamen ei utilis, quæ etiam ei competeret durante mandato ex sua persona, et suo nomine emptæ actione: quod tamen Accurs. male negavit. Putavit eoim utilem subsidiariam dari directa deficiente, quod leges supra allatæ satis refutant. Id ex hac specie notandum summe: mandatum actionis non aliter finiri morte mandatoris, quam si successorem non habuit: idemque servatur mortuo mandatario actionis: nam non finitur mandatum, si hæredem reliquerit, qui*

actionem exequi potuit *l. illam, de donat.* Hoc ita, si ego tibi actionem vendidero, aut donavero, et te in rem tuam fecero procuratorem. At si ego te in rem meam fecero procuratorem in litem, constat re integra te vel me mortuo mandatum extinguere indistincte: idem est sive defunctus heredem relinquit, sive non, idque et in quolibet alio mandato, *l. 8. hoc tit. Bart. et Accurs.* in verb. debitorem *h. l. 1.* ponunt male speciem in fidejussore, qui solvit quod reus debet. Nam primo scribit Imperator ad mulierem, cui non licet fidejungere per Vellejanum: deinde constat fidejussorem, qui solvit, nunquam habere actionem utilem in debitorem, quam tamen dat *h. l. 1.* quis suo nomine solvit, id est, propter suam obligationem, ut se liberaret: qua ratione etiam creditor, cui fidejussor solvit, quocumque tempore recte ei suam actionem cedit ex continenti, vel ex intervallo. Nam solvente fidejussore reus non liberatur ipso jure, quia non solvit rei nomine, liberatur tamen per exceptionem, *l. Papinianus, ff. mand. l. Stichum, §. si mand. D. de sol. l. dominus, de pecul. leg. l. si res, de leg. 1.* similiter si fidejussor solverit pro confidejussore, id est, si solidum solverit neglecto beneficio Epist. D. Adriani, quo si voluisset uti, solvisset tantum partem, eo etiam casu certum est, non habere actionem utilem adversus confidejussorem, quia suo nomine solvit, id est, propter suam obligationem. Erat autem obligatus in solidum ipso jure, et si haberet exceptionem Epist. *l. ut fidejussor, de fidei. l. cum alter, inf. cod.* At habebit hic fidejussor directam actionem ex cessione creditoris, si modo ea fiat recte, id est, ex pacto, ex continenti, redempto nomine pro parte confidejuss. Nam si fiat illi ex intervallo sine pacto erit inutilis, cum confidejussor, qui nil solvit, ipso jure sit liberatus solutione per alium in solidum facta. Ergo hoc casu cessio non fiet utiliter quocumque tempore, quam tamen diximus fieri utiliter quocumque tempore, si unus fuerit fidejussor, qui pro reo solverit.

Ad L. III.

Ob causam proprii debiti locataris conveniri colonos pensionibus ex placito satisfaciētes, perquam injuriosum est.

Creditor (ut proponitur in hac *l. 3.*) non potest convenire debitorem debitoris, ut colonum, aut inquilinum pensionibus ex placito satisfaciētem. Græci legisse videntur pensionibus et placito. Igitur satis est, si colonus satisfaciāt canonibus, nec cogitur etiam satisfacere creditoribus locatoris. Hæc est regula: variæ tamen sunt causæ, ex quibus agit creditor cum debitore debitoris, veluti ex

cessionem debitoris, vel etiam sine cessione nomine in solutum dato, *l. ult. inf. quando fiscus vel privat. vel ex delegatione, au constituto, ut si debitor debitorem suum creditori delegaverit, vel si debitor debitoris constituerit se pro eo soluturum* (nam ex his causis constituitur, sitque proprie debitor creditoris). Delegatio novat, constitutum non novat, *l. pen. inf. de novat. l. ult. ff. de in diem addict. vel etiam agit creditor cum debitore debitoris ex speciali nominis debitoris hypotheca, vel etiam ex generali hypotheca, sub qua continentur nomina, l. nomen, inf. quæ res pign. obl. poss. l. si convenerit 2. D. de pignorat. act.* Et ideo recte in dicta *l. pen. de novat.* significatur debitorem debitoris chirographarii non posse conveniri: nam aliud est in hypothecario, id est, hypothecarii debitoris debitor potest conveniri, quia nomen illud pignori censetur obligatum ex generali hypotheca, vel etiam (et hæc est alia causa) si condemnato debitore, ab executoribus rei judicatæ, nomen debitoris pignori capiatur: quod fit jure *l. etiam, inf. de excec. rei jud.* in causam judicati primum capiuntur mobilia, tum immobilia, deinde nomina. Atque ita ex hac causa conveniuntur debitores debitoris. Et de hac pignoris capione accipe *l. 1. et 2. inf. quand. fisc. vel priv. etc.* In *l. 1.* ostenditur, condemnato pupillo, res tutoris ex causa judicati pignori capi non posse, quia pupillus, licet habeat tacitam hypothecam in bonis tutoris pro administrata tutela, tamen eam exercere, vel persequi vel tutelæ agere non potest ante finitam tutelam: quem debitor meus non potest convenire, nec possum ego: in *l. 2.* ostenditur, non aliter ex causa judicati nomina pignori capi posse, quam si desint alia bona condemnati, quæ sint extra omnem controversiam, et quæ rationem: quæ pignori capiuntur ex causa judicati extra omnem controversiam esse oportet, id est, liquida et certa esse oportet, ut et ea, quæ in compensationem deducuntur, *l. ult. inf. de comp.* Idque fit seu sint corpora, seu sint nomina, constare debet liquido ea esse condemnati: si vel unus faciat de eis rebus, aut nominibus controversiam, vel si debitor condemnati inficietur, abstinere oportet ab illis nominibus, *l. 3. cod. l. a D. Pio, §. si rerum, et §. sic quoq. ff. de re jud.* In *§. si id quoq.* in eam rem citat rescriptum nostri Imperatoris, id est Antonini, intelligens *l. 2. inf. quando fisc. vel priv.* in *§. autem si rerum*, quod ait, capioni res judicata, proficiat; id est accipiendum de pignoris capione. Vulgo male legitur, usucapioni, vel etiam intelligitur, cum ille locus sit de pignoris capione, quæ sit ex re judicata. Addendum est his, creditorum posse convenire debitorem debitoris, non tantum ex expressa sed etiam ex tacita hypotheca, id est,

si tacito debitoris sui nomen pignori positum sit. Et hac ratione puto fiscum, qui tacitam habet semper hypothecam generalem complectentem omnia corpora et jura, posse experiri utilibus actionibus cum debitor debitoris, licet non ex causa judicati agat, *l. 3. et 4. inf. eod. l. 3. §. multa, D. de jur. fisc.* At en casu duo exigimus, ut debitor debitoris, cum quo fiscus agat, sit confensus, et certus, *d. l. 3.* Ex tacita hypotheca generali non sunt pignori nomina vel etiam ex expressa, nisi sint liquida et certa. Item exigimus ut fiscus in excessu principali debitor non agat statim cum, debitor debitoris: prius debet agere cum principali, et in subsidium cum debitor debitoris, *d. l. 4.* Nam constat fiscum electionem non habere, et ab eo exercendam prius actionem personalem, quam hypothecariam, *l. Moichis, de jur. fisc. l. 1. de conv. fisc. deb.* Igitur quod hac in re fiscus habet, jure hypothecæ habet: quod etiam habet quilibet alius creditor hypothecarius: seu sit manifesta hypotheca, seu tacita: quod fiscus habet tacitam hypothecam, hoc fit jure quodam proprio et singulari: quod vero agit cum debitor debitoris fretus illa hypotheca tacita, hoc non fit proprio quodam jure. Nam et quilibet creditor hypothecarius idem habet.

Ad L. IV. et V.

L. IV. Bonam fidem in contractibus considerari æquum est.

L. V. Sicut initio libera potestas unicuique est habendi, et non habendi contractus, ita renuntiare semel constitutæ obligationi, adversario non consentiente, nemo potest. Quapropter intelligere debetis voluntariam obligationi semel vos nexos, ab hac, non consentiente altera parte, de cujus precibus facistis mentionem, minime posse discedere.

In *l. bona fides, D. de pos.* eadem fere sunt verba: Bona fides, inquit, in contractibus exigitur. Et accipienda sunt de bonæ fidei contractibus. Ergo accipiamus hanc etiam legem de contractu bonæ fidei, hoc sensu: ut in contractibus bonæ fidei iudex consideret quid ex bona fide dari vel fieri oporteat, vel quid magis bonæ fidei congruat. In contract. autem strictis bona fides non tam diligenter spectatur, sed sæpe insuperbabetur. Bona fides dicitur etiam sæpe alias integra fides, *l. 1. sup. de suff.* et sincera fides, *l. 2. inf. si prop. pub. pens.* Et inde *l. 10. inf. de dist. pig.* bona fide, inquit, et mox, sinceriter: hæc bona sinceraque fides in contractibus bonæ fidei maxime exigitur, *l. 3. inf. de rescin. vend.* Exigitur quidem etiam in stricti juris contractibus, sed in iis, qui sunt bonæ fi-

dei, maxime: veluti in utrisque exigitur, ut debita sine mora reddantur, quæ pars est bonæ fidei. Bonæ fidei debitor est qui moram non facit in debito reddendo. Symmach. in epist. 42. lib. 3. *De novo obligo favore literarum bonæ fidei debitorem, etc.* et inde Senec. initio declam. memoriam suam bonæ fidei vocat, quæ deposita reddat, proferatque sine mora. Id vero in contractibus bonæ fidei maxime exigitur. Et ideo ex mora in contractibus bonæ fidei veniunt usuræ; ex mora in contractibus stricti juris non veniunt usuræ. Mora culpatur magis in uno, quam in altero contractu: bonæ fidei etiam, hoc est ut in contrahendo absit mala fides et calliditas, hoc in bonæ fidei contractibus maxime exigitur. Malæ fidei emptio non est emptio, *l. 1. inf. de resc. vend. l. si fraud. 1. de long. temp. præsc.* Malæ fidei stipulatio est stipulatio nec nisi exceptione excluditur, *l. 36. de verb. obligat.* Præterea (et hoc pertinet *l. 3.*) bonæ fidei est hoc ne contractus alterutro invito temere resolvatur: quod in bonæ fidei contractibus omnimodo observatur, adeo ut nec privilegio fisci, nec principis rescripto possit uno tantum volente resolvi, *l. 3. inf. de resc. vend.* Idem Symmach. in Epist. *Vox, inquit, est juris et legum, bonæ fidei contractum non posse resolvi.* Dices, cogimur ergo stare contractibus, nec possumus eos arbitrata nostro resolvere. Atqui dicuntur voluntarii. Rationem reddit Arist. initio *ἡθικῶν*, quia initium eorum est voluntarium, lib. 3. Nemo invitus accedit ad venditionem, *l. invitum, inf. de cont. empt.* At ex post facto sunt necessarii, ut ait *l. in commodato, §. sicut, ff. comm.* voluntatis est mandatum suscipere, necessitatis explere et consummare: voluntatis et officii est commodare, necessitatis re commodata uti sinere. Et ut de compromisso ex jure Lucian. in abdicato, voluntatis est adire arbitrum, et compromittere, ita necessitatis parere arbitrio. Verum interdum etiam unius arbitrata resolvitur contractus, videlicet si vel id tacite agatur, vel contractus natura id ferat: sic societati potest renunciari ab una vel altera parte: alioqui societas esset perpetua: quo genere ne expressa quidem societas coiri potest, ut maneat quidem quamdiu voluerit unus, ejusque heres, *l. nulla, ff. pro soc.* Natura ejus negotii est hæc, ut finiatur tandem, et solvatur hæc communio, mandatum etiam revocatur re integra, si quod tibi mandavi, jam te facere nolum. Ergo retro ei renuntietur a mandatario. Explere mandatum est necessitatis, nisi opportune renuntietur, *l. si mandavero, §. ult. ff. mand.* sane hæc consequuntur: si in potes revocare mandatum quod dedisti, et cur ipse renuntiare mandato non potero quod accepi, si omnia sint in integro, et renuntiatio sit tempestiva? Sic etiam depositum et prece-

rium tandem aliquando revocantur, etiamsi convenit ne revocentur ante certum tempus: nam hæc conventio est contra naturam depositi vel precarii: et ideo ei non statuitur: si non potes, cum est tibi commodum revocare depositum, vel precarium, est aliud quoddam negotium: non potest igitur censi depositum vel precarium, quin tibi liceat cum volueris, revocare, etiamsi secus conventum sit, *l. cum precario, ff. de prec. l. 1. §. pen. ff. depos.* Similiter datum ob rem condicatur, et repetitur ex penitentia, *sup. tit. de condict. ob turp. caus.* etiamsi sit datum ex permutationis causa, quæ est bonæ fidei. Nam id videtur agi tacite, ut re non secuta, ob quam datur, repetitio dati sit. Ergo et retro acceptum ob rem reddi potest, quamquam supersit hoc casu in id quod interest actio præscript. verbis. Nam hæc semper ita accipiuntur rebus integris, id est, si nihil intersit.

Ad L. VI. et VII.

L. VI. Si in solutum nomen debitoris sui debitor tibi dedit tunc, ac te in rem tuam procuratorem fecit: pignora, quæ specialiter vel generaliter habes obligata persequere. Quod si ab his, quibus fuerunt obligata, cum potiores erant, distracta probentur: emptoribus advocari non posse perspicis.

L. VII. Si a creditore nomen comparati: ea pignora, quæ venditor nominis persequi posset, apud præsidem provincie vindica. Nam si debitum ex ejus persona res tibi obligatas tenentes non transferant: jure communi pignora distrahere non prohiberis: sane si creditoribus in ordine pignorum antecedentibus venundantibus, qui possident, comparaverunt, vel longi temporis præscriptione muniti prohibentur: pignorum distrahendorum facultatem te non habere perspicis.

In hac *l. 6. et 7.* hoc ostenditur, nomine debitoris vendito, vel in solutum dato, si nomen sit hypothecarium, emptori vel venditori non tantum dari actionem in personam, sed etiam Servianam ex cessione, vel sine cessione utilem, si qui tamen sint priores creditores hypothecarii præferentur. Nam in hypothecarum causa priores potiores habentur. Itaque nil refert in *l. 6. an legas, priores, an potiores.* Græci *πρωτισταί*, id est, priores. Potiores etiam sunt possessores, qui a prioribus creditoribus pignora comparaverunt. Item possessores pignorum potiores sunt, qui longi temporis præscriptione sunt tuti: actio Serviana tollitur præscriptione longi temporis, *l. 7. et ult. hic, l. 1. et 2. si advers. creditor. præscrip. oppon. l. cred. ff. de divers. temp. præscript.* Usucapione tamen non tollitur actio hypothecaria, *l. usucapio, de pigno-*

ribus, inf. id est, non tollitur usu anni vel biennii secundum jus antiquum: hodie etiam non tollitur usu triennii, quo res mobilis usucapitur: rei tamen immobilis hodie ex constitutione Justiniani longo tempore simul et dominium acquiritur, et hypotheca solvitur, id est, decem annis inter presentes, 20. inter absentes. De usucapione secundum jus antiquum accipe *leg. cum postulassem, §. ult. ff. de dam. infec.* Quam Accursius putat adversari superiori sententiæ, et male nam explicat. Hæc est sententiæ: damni infecti nomine missus in possessionem, ex primo decreto scilicet, possidendo: ex secundo decreto scilicet usucapiendo, dominium cepi, id est, usucepi. Si mihi non caveatur damni infecti, quod vereor ab ædibus vicini, ex primo decreto prætor facit me in possessionem ire, non possessorem. Si perseveret vicinus non cavere, ex secundo decreto prætor facit me possessorem, dominum non facit, quia non potest, ut nec facit heredem, sed possessione quæsitæ ex secundo decreto, deinde ædes usucapio tempore legitimo. Cum eo pacto usucerpissem, creditor mecum agit hypothecaria. Igitur post usucapionem, quis pignus non tollitur usucapione; creditor igitur debet mihi reddere refectionis impensas. Eadem verba quæ sunt in eo *§. possid. domin. cepi*, sunt in *l. si ita, §. fin. de vectigal. eod. tit.* Eodem sensu, id est, pro usucapere, acquisita possessione ex secundo decreto. Quod autem diximus actionem hypothecariam tolli præscriptione longi temporis, id ita accipe, ut ea tantum utatur bonæ fidei possessor, atque ita excludat creditorem. Malmæ fidei possessori est necessaria præscriptio 30. annorum, debitori 40. et ejus heredi, et posteriori creditori debitori superstiti, *l. cum notissimi, de præscriptione 30. an. l. an vitium, in fin. ff. de divers. tem. præscr.* Ita accipiendum quod scribit Suidas in verbo, *Priscus Emericus hypothecas tolli spatio 40. annorum*, scilicet adversus illas personas.

Ad L. VIII.

Si qui tem donationis causa ei, quem adfectione patris te dilexisse proponis, tuam accipere pecuniam permisisti: et hanc tuam liberalitatem ille remunerans, te a procuratore suo aliam pecuniam sumere præcepit: rebusque humanis ante perceptionem fuit exemptus: nec quod dederas, recuperare, cum perfectam habuit donationem, nec quod tibi dari mandavit, nec dum tibi traditum petere potes a procuratore. Quod si mutuo dedisti, nec a delegato dari novandi causa stipulatus es: successores ejus solutioni parere compellentur.

Species est. Alumno donationis causa permisisti

tuam pecuniam accipere a procuratore tuo. Imperfecta est donatio, antequam acceperit, *l. permisi- sti, §. ult. ff. de praescript. verb.* verum perfecta est si acceperit; quia videris ipse tradidisse. Ita ponendum hic, eum accepisse pecuniam. Porro alumnus tibi gratiam retulit: nam tibi permisit vicissim animo donandi, ut a suo procuratore aliam pecuniam acciperes, quam et procuratorem suum tibi dare mandavit: non accepisti eam pecuniam, vel mortuus est alumnus antequam acciperes: donatio est imperfecta. At non repetes pecuniam, quam ultro prior donasti, ab herede alumni, eum pure eam donaveris nulla conditione adjecta: non petes etiam a procuratore pecuniam, quam tibi defunctus dari mandaverat, quia jam dare procurator non potest, cum morte mandatoris finita sit procuratio. Nec obstat *l. l. hic et l. illam, inf. de don. quae leges sunt de cessione actionum, quam constat nec mandatoris, nec mandatarii morte finiri, si heresdem reliquerit.* In hac specie nulla tibi fuit actio creata, sed procuratori tantum mandatum fuit, ut tibi pecuniam daret; ideoque etiam vivo alumno, et integro mandato, ne utilis quidem tibi actio in procuratorem competere: cum donatio imperfecta sit: delegatio etiam nulla intercessit stipulationis jure: igitur nulla est in procuratorem ex stipulatu actio. Additur in *b. l.* diversum esse si mutuum alumno pecuniam dedisti, non donasti: nam eo mortuo, in heredem ejus pecuniae est conditio. In procuratorem autem, a quo te permisi accipere, nec accepisti, nulla est actio extra delegationem jure stipulationis interpositam: ea vero interposita erit actio in procuratorem, in heredem non erit; quia delegatio novat obligationem. At in priori specie donationis ultro citroque factae, prioris perfecte, posterioris imperfecte, tibi nec in heredem, nec in procuratorem ulla actio competit.

Ad L. IX.

Negantes debitores non oportet armata vi ter- reri: sed petito rem quidem non implentem suam intentionem, vel exceptione submota, absolvi: convictos autem condemnari eo juris remediis ad solutionem urgeri convenit.

Conjungit *l. ult. inf. de exce. rei judic.* Debitores aut confitentur, aut inficiantur. Confessi condemnantur recte, quod etiam hodie fit, atque ita etiam rei iurejurando actori delato et praestito, condemnantur: confessi, inquam, in iure, vel in iudicio: nam extra iudicium confessio nullius est momenti nisi quis cautione consteatur, quae dicitur *opartet*. Confessi igitur in iure et iudicio, ut *l. quidam, ff. de donat. l. post rem, de re jud. c. l. 1, §. proinde, D. si quid in fraud. patr. l. 4. §. pen.*

Tom. IX.

ad leg. Jul. Majest. l. 2. inf. de repud. her. et in Nov. 90. Solvere autem debent confessi intra tempora iudicati, computanda a die confessionis, ut Paulus scribit *2. Sentent. tit. 2. l. 21. D. de judic. l. 6. §. ult. de confess.* Si non solvant, pignora capiuntur et distrahuntur, ut Paulus scribit eod. loco, et probat *l. debitoribus, ff. de re judic.* Inficientes autem non sunt terrendi vi armata ut confiteantur; sed vel sunt absolvendi, vel condemnandi. Condemnati faciunt iudicatum intra constituta tempora a iudice, vel a lege intra 4. menses, sed tamen id spatium iudex potest prorogare, vel coarctare: vel pignora capiuntur, et distrahuntur, *d. l. ult.*

Ad L. X. et L. ult.

L. X. Adversus debitorem, electis pignori us, personales actio non tollitur: sed eo quod precio servari potuit, in debitum computato, de residuo manet integra.

L. ult. Est in arbitrio vestro, personali debitoris heredes actione, an eum, qui ab his distracta, sibi qua tradita pignora tenet, in rem Serviana, si non longi temporis praescriptione munitus sit, an utrosque conveniat.

Notandum creditorum habere electionem, quae potius actione experietur, principali, an accessoria, puta hypothecaria, constitutoria, vel mandati vel ex stipulatu: in fidejussore potest etiam dividere actiones: et partim agere in personam, partim hypothecaria, vel simul utraque, eo subditi: potest etiam una electa ad alteram reverti, et eo condemnato ex una actione, de reliqua, si quid sit, altera experiri. Quod totum obtinuit aetate quartae Novellae Justiniani, de fidejussor. quae quidem comparat priores creditores fisco, quem constat huiusmodi electionem nunquam habuisse: de qua re est *Novell. 156.* nec obstat *Novell. 112. de litigios.* in cuius specie videtur creditor prius agere hypothecaria, quam personali: verum id falsum est. Nam egit in ea specie prius actione personali, qua lite pendente debitor pignus vendidit; quo fit ut etiam liceat creditori agere actione hypothecaria in emptorem. De quaestione *l. 14. et 15. diximus l. 15. sup. si cert. pet.* Adde, qui pecuniam credidit colonis, nullam habet actionem cum domine praediorum, etiamsi eo praesente, vel actore ejus credidit. Praesentia eum non obligat, imo nec subscriptio sine stipulatione, *l. 14. sup. si cert. petat.* Hoc ita, si colonis credidit in rem eorum. Nam si credidit colonis, id est, conductoribus praediorum in rem domini, quod Graeci notant ad eam leg. quod scilicet praedia ea pecunia egerent, dominus tenetur actione negotiorum gestorum: 21

vel si non credidit in rem domini prædiorum, sed coloni eam pecuniam in prædia insumpserunt colonis tenetur actione ex conducto, quam etiam cedere possunt creditori: atque ita etiam ex cessione creditor agat ex conducto cum domino prædiorum.

Ad L. XII.

Ob res alienum servire liberos creditoribus, jura compelli non patiuntur.

Est ambigua oratio, ob res alienum, et cet. Nam vel hoc significat, ut ne filii pro debito paterno addicantur creditoribus: vel ut debitores liberi homines non cogantur creditoribus servire ob res alienum. Et hic sensus magis verbi legis congruit. Lex enim non ait, liberos debitorum, sed absolute, liberos. Et ait, non compelli liberos, quasi principales, seu debitores, et ita accipiant hic Græci: non coguntur inopes debitores servire suis creditoribus. Ait lex, servire: quo in verbo hæret Arcæus, non abs re, quod longe distat servire ab eo quod est servum esse. Addicti serviebant creditori; servi tamen non erant. Quintil. lib. 3. c. 10. et l. 7. c. 4. atque etiam in declamat. 311. quæ inscribitur, *Addictus manumissus*. At ex hac lege servire non coguntur; potem tamen hac lege utrumque posse comprehendere hoc modo, ut liberi homines creditoribus servire non cogantur ob res alienum, seu sint debitores, seu debitorum filii. Et sic Gregorius 4. epist. 45. dum scribit de Cosmo quondam debitore, cujus filios creditores detinebant; lex, inquit, habet, ut liber homo nultatenus pro debitore teneatur, quæ de re etiam scribit lib. 2. cap. 96. Justinianus Novell. 134. Ambros. in l. h. de Tobia, cap. 8.

JACOBI CUJACII J. C.

In Lib. IV. Codicis.

RECITATIONES SOLEMNES.

Ad Tit. XI. Ut act. ab hærede, et contra her. etc.

Hæc constitutione subvertitur regula juris antiqui, quæ talis est: obligationem, quæ non cepit a defuncto, vel contra defunctum, ab hærede, vel contra heredem incipere non posse, l. ult. C. *Thæod. de div. resc.* Et ideo post mortem stipulatoris, vel promissoris facta stipulatio non valet, quia hæc stipulatio id agitur, ut incipiat obligatio ab hærede, vel contra heredem. Eadem ratione post mortem hæredis, aut legatarii relictum legatum non valet, §. *post mortem*, *Instit. de leg.*

§. *post mortem*, *Instit. de inutil. stipul.* quamvis fideicommissum ita relictum valet, quia latius accipitur, et non tam obligatione aliqua juris, quam pudore eorum, qui sunt rogati continetur ideoque ab hærede hæredis recte relinquitur, l. *si fuerit*, de leg. 3. Ulp. tit. de fideicommiss. in Frag. Itaque in fideicommissis nil refert utrum dixeris: cum morietur hæres, vel cum mortuus fuerit hæres: nam et ita relictum fideicommissum, cum morietur hæres, post mortem hæredis relictum videtur, l. 11. §. *si filio*, de legat. 3. l. 1. §. *si emancipato*, ff. de collat. bon. At in legatis, et stipulationibus eorum, earumque, quod fieri potest, conservandarum causa inducta est hæc verborum differentia subtilis, inter cum morietur, et cum mortuus fuerit: ut hoc modo non valeant, illo valeant, §. *ita autem stipulatio*, *Instit. de inutil. stipul. l. quodcumque*, §. 1. de ver. oblig. Hæc omnia Justinian. perturbavit, ac primum quidem constituit, post mortem hæredis, aut legatarii legari posse, post mortem etiam contrahentium recte stipulationem contrahi, l. *scrupulosam*, inf. de contrah. stipul. ex qua lege erat consequens, superiorem regulam juris antiqui esse sublata: quia tamen nominatim non fuerat sublata, edita est hæc constitutio, quæ eam tolleret nominatim: quæ ex novis constitutionibus necessario concluduntur, non statim habentur pro legitimis. Novæ constitutiones sunt stricte accipiendæ, id est, quæ jus vetus abrogant. Ita semper sunt accipiendæ Novellæ Justiniani, quibus pervertitur jus civile, ut Nov. de hæred. ab intest. ven. semper est accipiendæ stricte, id est, in propriis terminis: filii fratrum cum patris succedunt in stirpes. Hoc continetur illa Novella. Quid si soli sint filii fratrum, an succedent in stirpes? Hoc videtur esse consentaneum illi Novellæ, sed tamen, quia hoc nominatim cautum non est ea Novella, ut Azo recte sensit, sequemur jus vetus, et eos dicimus succedere in capita. Consequens etiam est huic constitutioni, nil interesse stipulationem aut legatum ita relictum, cum morietur hæres, post mortem relictum videri. Hodie ita videtur dicendum, ut in fideicommissis supra diximus. At hoc non est temere affirmandum, quia constitutionibus novis non est expressum, licet necessario consequatur: consequens etiam est, nil referre hæc institui post mortem suam, an cum morietur, quæ in re differentia erat: nam institutio post mortem non valebat: cum morietur valebat, l. *extraneum*, inf. de hæred. inst. An differentiam eam dicimus manere in hac specie? sic sane: quia nova Constitutio hanc speciem omisit: quod novæ Constitutiones omittunt, pro omisso est habendum. Nec potest suppleri vel nostris interpretationibus, vel argumentationibus. Illam autem regulam Juris antiqui, Accursius modo

putat vitari a stipulationibus conditionalibus, quæ quandoque non commissæ in defunctum, committuntur in ejus heredem: hoc non est regulæ vitium: nam stipulatio conditionalis initium capit a defuncto, et ex tempore contractus vires accipit. *l. usufruct. ff. de stip. serv.* hoc est satis, non est necesse, ut committatur etiam in defunctum. Idem est dicendum de stipulationibus penalibus, quæ quamquam non commissæ in defunctum, committuntur in heredem. Idem dicendum est de quibuscumque obligationibus, quæ plerumque pleniores, uberioresque sunt in heredem, quam in defunctum, *l. si per imprud. §. 1. et §. non mirum. ff. de evict.* Ceterum origo earum est a defuncto. Ait Imp. in fine hujus legis: ne propter nimiam subtilitatem, puta cum morietur, aut cum mortuus fuerit (inter quæ differentiam constituebat regula) latitudo voluntatis contrahentium impediatur, id est, ne ideo latius non accipitur voluntas contrahentium. Latitudinem opponit subtilitati, *l. 111. de verb. oblig. Latius accipi, etc.*

JACOBI CUJACII J. C.

In Lib. IV. Codicis.

RECITATIONES SOLEMNES.

Ad Tit. XII. Ne uxor pro marito etc.

Primum ostenditur, uxorem non teneri ex contractu mariti, etiamsi pro eo fidejusserit. Nam si fidejusserit, tuta est mulier exceptione senatus. Vellejani, *l. 1. hic, l. ult. §. item si mulier, ff. ad senat. Vell.* Hodie tuta est ipso jure, si pro marito fidejusserit: si pro alio, tenetur, sed habet exceptionem Vellejani, Nov. 134. non tenetur etiam ex delicto mariti: et ideo ob delictum mariti res uxoris fisco non addicuntur, quia nec res heredis potest, qui proprias ad vicem nostram accedit, *l. 2. h. tit.* non tenetur etiam uxor ob civile munus, vel honorem gestum a viro, mulier non tenetur reipublicæ, *l. mulier, inf. de decur. lib. 10. l. 1. inf. ad leg. Jul. de vi publ. l. 1. inf. de priv. fisci, et l. 3. hic.* Excipienda est dos, quæ tenetur fisco ob munera, vel honorem gestum a marito, quia dos constante matrimonio est in bonis mariti. Constante igitur matrimonio ea fructus fisco, quasi maritus. Nec est dicendum, hoc esse speciale in primipili causa. Nam non solum id obtinet in ejus causa, sed etiam in omnibus causis munerum civilium, idque significat *l. 3. hic*, quæ ait, non in dotem. Nam dos tenetur ob civile munus mariti; parapherna non tenentur, id est, cetera uxoris bona non tenentur. Et unde Accurs.

supplet maxime, cum id repetatur, et subjiçatur ea non teneri, quæ sunt præter dotem. At in filio quidem speciale est ob causam primipili: nam filius emancipatus, aut exheredatus non tenetur ob civile munus patris defuncti, *l. 2. tit. seq.* Ex causa primipili tenetur, etiamsi heres non extiterit patri, *l. ult. inf. de primip. lib. 12. l. 1. dist. 1. l. 1. sup. de cond. ex leg.* Addendum etiam maritum non teneri ex contractu, vel delicto uxoris, *d. l. 3. hic*, neque obstat *l. observari, §. 3. ff. de offic. Procons.* quæ lex est specialiter accipienda, ut quemadmodum Proconsul, aut præses præstat factum domesticorum, aut ministrorum, si quid in provincia egerint per vim, concussionem, aut impressionem, *l. 1. inf. ad leg. Jul. repet.* ita etiam præstat factum uxoris, si quem concusserit non ex alio delicto, sed ex concussionis tantum, et impressionis causa, idque specialiter ex senatusconsulto, de quo etiam Cornelius Tacitus lib. 4. Postremo ostenditur etiam matrem non teneri pro filio, *l. 3. et 4. de patre* dicitur in tit. seq. Notandum autem valde quod ait *l. 4.* si mater patrem solverit pro filio, non ideo cogitur solvere reliquum, etiam creditorem adimplere, et partem, quam solvit mater condicere non potest, quia filii nomine solvit, ut in *l. si certis, sup. de pact.* quod solutum est non condicatur, quia est solutum ex pacto, ex ea solutione tamen non constituitur obligatio, quæ ex pacto nulla est. Quod si mater in specie legis 4. suo nomine solverit errans, habebit condictionem soluti. Multo ergo minus tum de reliquo convenietur. Ad hæc pertinet *l. operas, ff. de oper. libert. l. creditor, inf. de usur.* Ex quibus generaliter colligitur, solutionem partis nil præjudicare, si non doceatur. Obstat huic sententiæ *l. cum de in rem verso, ff. de usur.* ubi usuræ, quæ sunt præstitæ longo tempore, et in posterum præstari debent, ob id solum; quod sint diu præstitæ, et quod sint præstitæ usuræ dotis a defuncto, dos ipsa a successore petetur. Obstat etiam *l. 1. inf. de fideicommissis* ubi si legatum annuum, id est, alimentorum, sit præstitum triennio continuo, in futurum etiam perpetuo debet præstari. Videtur ergo ex iis partis solutio, aut certi temporis præstatio obligationem confirmare et constituere. Respondeo ad *l. cum de in rem verso*, præstationem illam longi temporis præsumptionem facere in re dubia, de qua erat lis apud Imperatorem. Ambigebatur enim de debito: multa faciebant pro alimentario: his si accedat diuturna præstatio, vincet. At in re certa, ut in hac *l. 4.* præstatio partis nil præjudicat, id est, si constet eum, qui præstitit, non debere, sed alium: vel a nemine deberi id, quod est præstitum. Respondeo ad *l. 1. inf. de fideicommissis* legatum alimentorum, de quo in illa *l.* fuisse relictum, sed dubitabatur

da tempore, utrum esset relictum in certum tempus, id est, in certos annos, an quousque viveret legatarius. Heres dicebat, relictum in certos annos, legatarius in perpetuum, id est, quoad viveret. Pro legatario facit presumptio; si triennio acceperit, sufficit triennium, *in tali causa*, inquit, lex alimentorum scilicet; qui triennio acceperit alimenta, accipiet et in futurum: nisi probaverit heres fuisse relicta alimenta in triennium duntaxat, quia facit presumptio pro alimentario. Denique partium, vel pensionum solutio presumptionem inducit, *l. 4. de non num. pec. l. cum de in debito, ff. de probat.* presumptionem inducit, vel facit, non jus, non obligationem.

JACOBI CUJACII J. C.

In Lib. IV. Codicis.

RECITATIONES SOLEMNES.

Ad Tit. XIII. Ne Filius pro Patre, etc.

Ex superiore titulo didicimus, uxorem pro marito non teneri, vel maritum pro uxore, vel matrem pro filio. Ex hoc autem titulo discimus, patrem non teneri ex contractu filii emancipati; nec etiam ex filiofamil. contractu tenetur ultra peculii quantitatem, nisi jussu patris contraxerit filius, quo casu tenetur in solidum pater, vel nisi filiofamil. contra Senatusconsultum Macedonianum sit pecunia credita, quo casu pater ne de peculio quidem tenetur, *l. 1. hic, l. pen. inf. ad Maced.* Itaque si metu illato creditor a patre filiofamil. nomine pecuniam extorserit, patri competit actio quod metus causa, et hoc significat *l. 1. cum sit extorta*: condictio indebiti non competit, quia sciens solvit, coactus tamen: vel si suasionibus creditoris (quod finxit Accurs.) pater solverit, quodolvere non debuit, competet actio de dolo. Hoc etiam casu non competit condictio indebiti, in quo Accursius fallitur in *l. servus, §. ult. et l. si legatarius, ff. de dolo, l. 1. sup. de rebus cred.* Pater etiam non tenetur ob civilia munera, quae filius gesserit se invito, id est, contradicente: nam taciturnitas in hoc consensum imitatur, *l. 3. hic*, qua de re dicitur ad *l. 1. inf. quod cum eo*. Ad latur etiam e contrario, filium pro patre non teneri, *l. 2. et 4. hic*. Pro patre supersite scilicet, vel etiam mortuo, si ei heres filius non extiterit, excepta causa principii, ut sup. diximus in tit. preced. Libertus etiam pro patrono non tenetur, neque servus pro domino, vel ex delicto domini, *l. ult. infr. hoc tit.* In servo id est notissimum: quia non est etiam

δερτὸν τοῦ δὲ ἀπαρτίου, id est, *foro capax non est*, et si servus fuerit tempore contractus, et postea manumittatur, non tenebitur, nec pro domino, nec ex sua persona, ob contractum a se habitum, ut explicabitur in sequenti titulo. Unde ita concludamus: cum hae personae, quae in his duobus titulis recensentur, quae scilicet actissimo vinculo continentur, et quae in multis juris partibus et articulis una censentur persona, alii pro aliis non obligentur: multominus extraneus ex contractu vel delicto extranei tenebitur, nisi sit heres, aut fidejussor, aut alia quaevis accessio. Fuit olim plerisque locis usurpatum, ut vicani tenerentur pro covincano, id est, ut creditori liceret ob debitum pagani, aut vicani ejusdem pagi, aut vici hominem prehendere, vel res ejus pignora, quoad verus debitor satisfecisset: quas Justinianus vocat pignorationes, et eas damnat tollitque. Societas, aut communio ejusdem vici, aut pagi, aut civitatis me aeri tuo non obligat; et hae pignorationes sunt hodie illae, *Nov. 53. et 134.* Id etiam indicat Zeno Imp. *l. 1. inf. ut nullus ex vic, lib. 1.* Et de his eleganter Cassiodorus 4. Variarum: quod maxime pertinet ad hos titulos, *Dividunt, ait, causae germanos*, id est frater pro fratre non tenetur: sic patronus pro liberto non tenetur, nec dominus pro servo; nisi quibus casibus pater tenetur pro filiofamil. Adjicit et Cassiodorus. *Obligationibus paternis filius, si non sit heres, eximitur.* Sequitur: *uxor maritalibus debitis, nisi per vincula successionis, non tenetur.* Et audacia ad solutionem trahit extraneos, cum observant jura conjunctos: damnat pignorationes. Idem etiam cautum est legibus Longobardorum, *l. 3. de debitis et radim.* Item Constit. antiquis Neap. latis a Friderico tit. *de cultu pacis*: nam hae pignorationes, barbare dicuntur praesalae et repraesalae. Inde Bartoli liber de repraesalibus. Sublatæ igitur sunt hae omnibus legibus. At nunquam populi in totum abstinerunt. Saepius sunt in usum revocatae; et ideo cum non possent omnino eximi a republica, saltem censuit Gregorius Clericos eximendos, *cap. 1. de injur. l. b. 6.* Idem postea Fridericus dedit studiosis, ut ne pignorentur pro alienis debitis, idque nova constitutio, quae est subjecta huic titulo: quae etiam actionem repetundarum famosam in quadruplam promittit, si quis studiosum pro alio debito pignorerit. Idem etiam datur eorum tabellariis eadem constitutio. Nostris moribus utimur non in nostrates, sed in extraneos: nec id facimus, nisi permissu principis, ut si negotiatori Gallo merces eriperetur Hispani, idem, quem primum offenderit Hispanum, pari jure eripiet, si id impetravit a principe: et dicitur a nobis *droit de marque*: po-

tissimum autem in linitibus exercetur. Ea quoque constitutione Fridericus dat studiosis duo alia privilegia, ut ne ulla onera, ullæ corporales pænæ, id est, angariæ indicantur. Quo pertinet *l. 2. inf. de incolis*: qui studiorum causa quodam loco versantur, non sunt incolæ, id est, ad munera non vocantur, et ad onera civilia. Item nec eorum parentes, qui ad eos frequenter commeant, nisi ibi decennium consumpserint, cum jam non sunt studiosi, sed incolæ. Dat etiam Imp. Fridericus constitutione sua studiosis, ut ne vocentur ad aliud iudicium, quam Episcopi aut Doctoris. Hodie habent Conservatorem. Et is cadit actione, qui studiosum ad alium iudicem vocaverit. Præses igitur, vel præfectus in studiosos jurisdictionem non habet ex ea constitutione Friderici: nam ex constitutione Justinianæ habuit una cum Episcopis et Doctoribus, in præfatione Pandect. nam ibi constituit, ne libri juris scribantur per notas: deinde ne studiosi juris illicitos ludos exercent, quos tum exercebant, existente maxime aliquo tyrone. Eos ludos vocabat ciliatras, ut est scriptum in Syn. facta in Trullo can. 71. quo etiam nominati damnantur ciliatras. Adjicit Justinianus, ut hæc observentur cura præfecti urbis Romæ, Constantinopoli, et Beryti: nam in his tribus tantum urbibus jus civile docebatur. Recte autem Accurs. ad hanc Novell. Friderici, et constit. Justin. notat: in causa criminali eos non habere privilegium fori: quo etiam jure utimur: reus omnem honorem excludit, *l. 1. supra, ubi senat. vel clarissimi, etc.* Male autem putat hanc cognitionem, quæ datur Episcopo et Doctori, posse alteri mandari ab Episcopo vel Doctore. Nam id specialiter datur constitutione Friderici, etiam privato, qualis est Doctor: non competit ergo jure Imperii: igitur secundum principia juris civilis non potest mandari, *toto tit. de officio ejus, cui mand. est Juris. l. nec mandante, ff. de tut. et cur. dat.*

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. XIV. An Servus pro suo facto, etc.

Factum in hoc titulo significat contractum, aut delictum. Duo sunt tractanda hic: primum, an servus domino teneatur post manumissionem de antefacto: deinde an teneatur extraneo. De domino est hæc regula: Servus ex contractu aut delicto domino non obligatur: et ideo post manumissionem non tenetur etiam domino ex antefacto, cum

obligatio non coeperit ex antefacti tempore, *l. servi §. 1. de furt. l. 1. sup. de nox. act. l. ult. hic, l. 1. §. 1. ff. si quis testam. lib. esse juss. fuer.* Excipiuntur quatuor casus: primus est: si dominus consilio servi circumscriptus eum manumiserit vel vendiderit ei, a quo manumissus sit: hoc casu in manumissum ex antefacto competit actio de dolo, vel in factum Prætoria. Illa intra annum: hæc post annum; illa in scientem: hæc in ignorantem, *l. et eleganter, ff. de dolo, l. verum, ff. de minor.* Secundus casus hic est, si servus domino aliquid promiserit pro capite, id est, ut manumitteretur, pactione scilicet quo casu in manumissum est actio in factum, ut præstet quod promisit, ut ait *l. 3. hic.* Verum quænam est hæc actio in factum, quæ datur *l. 3.* Eadem sane, quæ datur superiori casu, decepto domino consilio servi. Est igitur actio in factum prætoria actioni de dolo subsidiaria: et ideo hoc etiam casu in scientem agitur de dolo, *d. l. et eleganter, §. servus.* Dices, imo in hoc casu *l. 3.* est actio in factum civilis, id est, præscript. verb. Nam negotium ita gestum fuit, dabo ut manumittas. Nam licet dominus prior manumiserit, tamen non ideo mutatur forma conventionis, quæ ita inita est, dabo ut facias. Constat autem ex articulo de ut facias, dari in factum civilem actionem, id est, præsc. verb. *l. juri-gentium, §. 1. ff. de pact.* At hoc casu non dabitur, quia ille servus fuit cum contraxit, et regula juris non patitur, ut ex contractu facto cum servo, in eum post manumissionem actio sit. Hujus rei est argumentum *l. 1. §. pen. de except. rei vend. servus* emit res peculiares, necdum domino tradidit, sed retinuit in peculio quasi peculiares non domini: postea manumissus est testamento, et peculium est ei legatum; venditor repetit eas res: an repellitur exceptione rei venditæ civilis? Non: quia servus fuit cum contraxit. At repellitur exceptione in factum prætoria: sic etiam ex pactione libertatis post manumissionem servus domino tenetur, non in factum civili, sed actione in factum prætoria decretali. Tertius casus proponitur in *tit. si quis testam. liber esse jussus fuerit.* Veteres putabant hæreditati fieri furtum, Tullio teste 7. *Epistolarum.* At obtinuit sententia novorum Juriconsultorum, hæreditati jacenti furtum non fieri: item rei hæreditariæ nondum ab hærede apprehensæ furtum non fieri: quia furtum est possessionis interversio: hæreditatis autem nulla est possessio. Ergo non fit furtum, *l. 1. §. Servola, ff. Si quis test. lib. l. in eo quod, de acquir. rer. dom. l. 2. ff. de crim. expil. hæred.* At is, qui rem hæreditariam surripuit, licet non teneatur furti, tenetur tamen extra ordinem proprio crimine expila-

te hereditatis. Est etiam actio dupli in hac specie. Servus hereditarius testamento manumissus jaccute hereditate aliquid ex ea subripuit, aut dolo malo corripit adita hereditate, atque ita factus liber ex testamento, tenetur actione dupli ex illo edicto, ne illius improbitas impunita sit: quæ actio dupli dicitur a Græcis rerum amotarum, ad *l. Titia, §. pen. ff. de manumiss. testam. 48. Basilicon*, quia proprie furtum hereditati non sit, cum nullus sit possessor. Hodie moribus Galliæ hereditati furtum sit, secundum sententiam veterum Jurisconsultorum, quoniam hereditatis possessio nunquam vacat: heredis et defuncti possessio continuatur, *le morte saisit le vis*. Ultimus casus est, si servitutis et libertatis actus sint connexi, id est, si quod egit in servitute pro domino actum administrans: id pergat agere post manumissionem. Actus libertatis trahit ad se actum servitutis, et tenetur eo nomine, *l. eum actum, l. Proculus, et l. atqui natura, ff. de neg. gest.* Pertinet etiam eo *l. ult. sup. de petit. hered.* quoniam in specie hujus legis post libertatis justum tempus servus in eodem actu perseveravit. Sequitur, an servus post manumissionem ex antefacto teneatur extraneo, cum prius expositum sit de domino? Et ex delicto quidam obligatur, non tamen ita, ut manente servitute possit conveniri. Constat inter servum et liberum judicium non consistere, fori servum non esse capacem. Ideoque servitute manente, ex delicto cum eo non agitur, sed dominus noxali actione convenitur, quæ actio servi manumissione extinguitur, et tunc in servum transferetur recto jure: directa dabitur, non utilis. Igitur post manumissionem ex delicto cum servo agitur actione directa. Et hoc est quod dicitur, *Noxa caput sequitur, l. 4. hic*, ubi recte ait, manumissum extraneum teneri actione furti ex antefacto. Non solæ actiones noxales caput sequuntur. Actio furti est noxalis: conditio furtiva non est noxalis. Manumissus igitur non tenebitur condictione furtiva, nisi post manumissionem contrectarit rem, *l. quod ab alio, ff. de condict. furt.* tenebitur tamen actione furti. Igitur ex delicto et noxa servus extraneo obligatur naturaliter et civiliter, et manumissus potest conveniri directo: ex contractu autem servus extraneo obligatur naturaliter, non civiliter, *l. servi, ff. de obligat. et act.* Proinde manumissus non potest conveniri ex contractu, cum non sit civilis obligatio; ut si quis rem deposuerit apud servum alienum, servus post manumissionem depositi actione non tenebitur, nisi post manumissionem rem teneat. Sed et si rem non teneat, tenetur de dolo, si quem admisit in re deposita, *l. 1. §. si apud servum, l. si apud filium, ff. de pos.* Nam actio de dolo est noxalis, *l. si quis adfirmavit, §. pen. ff. de dolo*: et ideo caput sequitur. Et ita si dolo

servi circumscripto extraneo servus ad libertatem pervenerit, in manumissum extraneo competit actio de dolo, *l. et eleganter, §. servus, ff. de dolo*. Constat etiam ex negotio gesto post manumissionem servum extraneo teneri, si extranei actum in servitute gesserit, et in eo actu post manumissionem perseveraverit, actus libertatis trahet ad se actum servitutis, *l. si cognati, sup. de neg. gest.* ut diximus de domino, in quo eandem regulam posuimus, ut scilicet quemadmodum extraneo, ita domino servus obligetur ex contractu naturaliter, non civiliter. At in delictorum causa est differentia inter dominum et extraneum. Extraneo servus obligatur ex delicto naturaliter et civiliter, *d. l. servi*: domino naturaliter tantum. Et ideo ex causa delicti dominus habet retentionem et deductionem de peculio, *l. 10. §. sive autem, ff. de peculio*: cum manumisso ex delicto actionem nullam habet, quia nec orta est ante manumissionem. Ex his intelligitur servum esse capacem naturalis obligationis, servum cuilibet obligari naturaliter, *d. l. servi, l. atqui natura, ff. de neg. gest. l. naturaliter, ff. de condict. indeb. l. eo tempore, §. etiam, ff. de pecul.* At duo obstant valde. Primum *§. præterea, Inst. quib. mod. tol. oblig.* et ei similis *l. in persona, §. 1. ff. de pact.* in eis locis ostenditur, interveniendi servi novationem non fieri, maxime si extra rem peculiarem pro alio intervenerit. Ergo servus expromittendo non obligatur naturaliter: nam si naturaliter obligaretur fieret novatio: *l. 1. ff. de novat.* Obstat etiam *l. 20. ff. de fidejuss.* quæ lex docet domino dari condictionem indebiti, si servus pro alio fidejusserit extra causam peculii, et solverit: vel servus ipse ex peculio, vel dominus. Ergo servus ille ex fidejussione naturaliter obligatus non fuit. Nam si fuisset naturaliter obligatus, soluti conditio non esset, quæ tamen est. Duo igitur obstant, quorum unum est de servo expromissore: alterum de servo fidejussore, uterque generali verbo dicitur intercessor. Inde igitur generaliter ita definiamus: servum pro alio intercedentem extra causam peculiarem non obligari naturaliter. Hujus sententiæ effectus hi sunt: ut soluti conditio sit. Item ut in dominum non sit actio de peculio, quæ tamen in dominum competit, semper servo obligato naturaliter, seu ex causa peculii, seu extra causam peculii. Patem etiam (et hic est 3. effectus) fidejussores datos a servo intercessore, non teneri, idque sic confirmo. Comparatur omnino servus intercessor servo judicio condemnato, *l. 3. §. si filius, et §. si servus, ff. de pecul.* Ex causa judicii, quod cum servo non consistit, fidejussor a servo datus jure non tenetur, quia nec judicium consistit, *l. quoties ff. si quis caut.* Ergo etiam ex causa intercessionis, quæ non consistit, fidejussor a servo datus non

tenebatur. Denique servus intercedens pro alio, non obligatur naturaliter. Igitur non est verum quod concedit Thæophil. in *d. §. præterea*, servum expromittentem obligari naturaliter. Fateor hac in re dissensionem fuisse inter Sabinianos et Proculejanos. Et hoc est quod ait *d. l. 3. §. filius*, ff. de pec. de hac re fuisse tractatum. Obtinuit tamen sententia Sabinii et Cassii, hac in re differentiam esse constituentem inter servum et filium: ut scilicet pater obligetur de peculio, quacumque ex causa filius intercesserit pro alio, dominus non item, nisi in re peculiari, vel in re domini servus intercesserit, *d. l. 3. §. sed si filius*, et in *l. quoties*, §. 1. eod. t. Eam sententiam probarunt Julianus et Jabolenus, qui fuerunt etiam Sabiniani, *l. 19. et 20. de fidejussor*, in *d. l. in persona*, §. 1. ff. de pact. Eandem sententiam ex diversa schola probavit etiam Celsus, ut refert, *d. l. 3. §. si filius*. Et ita etiam si servus compromiserit in arbitrum, vel si forte in iudicio sit condemnatus: vel si in iudicio actori iurjurandum detulerit, his etiam casibus dominus non tenetur de peculio, quasi ex his causis non sit constituta naturalis obligatio. Sed in filio diversum est, *d. l. 3. §. sed si filius*, §. si servus, §. sed et si filius, et §. idem scribit, et in *l. depositi*, §. 1. eod. tit. quæ differentia est etiam ex Sabinianorum sententia, quam et diversæ scholæ Nerva filius probavit. Vulgo tamen Proculejanus ex his etiam causis censebat servum obligari naturaliter: et tam in dominum, quam in patrem dabant actionem de peculio. Et ob id in *l. quidam*, ff. de iurejur. quidam ajunt, inquit, ex Proculejanis scilicet; quæ de re aliquid diximus in *l. 4. sup. de reb. cred.* Conclusio hujus questionis hæc sit. Sabiniani, quorum sententia obtinuit, in his quatuor causis: si servus pro alio intercesserit, si compromiserit, si iudicio condemnatus fuerit, si in iudicio iurjurandum detulerit, obligationem naturalem, quæ tamen subesse videtur, non agnoverunt, et ideo de peculio in dominum actionem non dederunt. Nam nec naturali nec civili jure servum idoneum intercessorem, aut compromissorem, aut litigatorem idoneum, idoneam personam in iudicio esse censuerunt. Ex aliis causis indistincte, seu e re peculiari essent. seu extra, in servum naturalem obligationem admiserunt, et actionem de peculio in dominum. Est etiam alius casus, quo post manumissionem cum servo est actio ex antegesto, *l. 2. hic*. Species est: servo est credita pecunia: servus obligatur naturaliter, non civiliter: dominus autem tenetur de peculio, quacumque ex causa sit credita. Manumisso servo, dominus, vel etiam si testamento sit manumissus, hæres de peculio tenetur intra annum ex illo edicto quando de peculio, etc. At hoc ita est, si servo peculium legatum non sit: nam si servo

peculium sit legatum, dubitatur quis teneatur creditæ pecuniæ nomine. Et videtur potius danda actio in manumissum, qui peculium habet extincta actione annali de peculio: id probat *l. 1. §. per contrarium*, ff. de date præleg. Et ideo hæc *l. 2.* ait: Servus non tenetur, maxime si peculium ei legatum non sit: maxime sic est accipiendum, quasi idem prorsus non sit, peculio legato. Nam eo legato videtur manumissus teneri debere. Obstat *l. si servo*, de pecul. leg. et *l. 1. §. item hæres*, quando de peculio actio an. quæ leges servo testamento manumisso, et peculio ei legato dant actionem de peculio in hæredem intra annum, non in manumissum. Breviter ita dicendum est. Actio de peculio non quemlibet peculii possessorem sequitur nisi ait dominus, vel fuerit. Quo tamen casu actio de peculio est annalis: vel nisi sit hæres domini, vel accessoris, cui legatum est peculium sine servo, servus manumissus cum peculio, emptor peculii sine servo non tenetur de peculio, nisi ex causa, licet peculium possideant. In specie hac igitur hæres primum si habet peculium, tenetur de eo. Idem est, si id servo præstiterit ex causa legati, quia id potuit retinere non cavento servo de indemnitate; imo vero et post cautionem omissam, vel etiam peculium condicere incerti, *l. quod in hærede*, §. si servo, ff. de trib. act. Veram etiam si cautionem exegerit hæres a servo, tenebitur de peculio: at tunc liberabitur cessâ actione in manumissum, vel etiam manumissus tenebitur utili actione de peculio, quam æquum est etiam dari, si hæres non sit solvendo. Et ita est accipiendus *d. §. per contrarium*. Et recte hæc *l. 2.* ait maxime, quia si sit legatum peculium, res non eget dubitatione. Præterea statuliberi non sunt a servis separandi, hæc *l. 1. id est*, seu contrahas cum servo, seu statulibero, id est, eo, qui libertatem sperat, non habes cum eo ullam actionem, in delictis secus est. Comparantur enim statuliberi liberis, ut mitius puniantur, *l. statuliberi a ceteris*, ff. de statuliber.

JACOBI CUJACII J. C.

Ad Lib. IV. Codicis,

RECITATIONES SOLEMNES

Ad Tit. XV. Quando Fiscus, vel privatus, etc.

Explicui hunc titulum *supr. l. 3. de obligation. et action.*

JACOBI CUJACII J. C.

Ad Lib. IV. Codicis,

RECITATIONES SOLEMNES.

Ad Titulum XVI. De hæreditariis actionibus.

A definitione est incipiendum. Actiones hæreditariæ sunt personales actiones, quæ hæredibus, aut in hæredes successionis jure competunt. Hypothecariæ vel reales non sunt hæreditariæ: personales item non sunt hæreditariæ, nisi hæredibus aut in hæredes dentur. Nam illæ etiam dantur extraneis, sed in hæredes tantum ex duodecim tab. vel in eos, qui sunt hæredum loco, ut in fideicommissarios universales ex Senatusconsult. Trebell. In legatarios non competunt, *l. ult. hic*. Hypothecariæ dantur etiam in legatarios, et condictio indebiti soluti legatariis post mortem testatoris, videlicet si prius ratio sit habita legatariorum, quam æris alieni a defuncto contracti; quod quidem legis præfertur: nam ea non debentur, nisi ære alieno deducto etiam in testamento militis. Solvi prius æs alienum oportet, deinde legata. Igitur si hæres prætulit legatarios, creditores in legatarios habent hypothecariam, aut condictionem indebiti, licet ipsi non solverint, sed alius, *l. ult. §. si vero creditores, de jure deliber.* Sed hæ actiones non sunt hæreditariæ, hypothecaria non est hæreditaria, condictio illa indebiti non est hypothecaria. In donatarios etiam non competunt actiones hæreditariæ, *l. æris, de donat.* Item non competunt in debitores hæreditarios, id est, creditor hæreditarius, veluti uxor defuncti, quæ dotem repetit, agit in hæredes, non in debitores hæreditarios, ne utili quidem actione, *l. 3. hic*, quæ negat mulieri esse decernendam actionem in debitores hæreditarios: utiles decretales sunt, non edictales: ideoque negat dari utilem. At hodie uxor dotis nomine agit non tantum in hæredes mariti, sed etiam in debitores jure tacite hypothecæ, quam habet ex constit. Justin. secundum ea, quæ sunt tradita in *l. 3. de oblig. et action. sup.* sed hæc actio hypothecaria hæreditaria non est: dantur etiam hæreditariæ actiones in extraneos, sed hæredibus tantum, non aliis. Denique hæreditariæ actiones sunt personales, quæ hæredibus vel in hæredes jure successionis dantur. Hæredes sunt debitores et creditores hæreditarii. Et sic in *l. 4. hic*, debitor hæreditarius videtur significare hæredem, cum dicitur ob ætatem pupillarem debitoris hæreditarii, id est, hæredis, creditorum actionem non differri in tempus pubertatis, sed statim ag licere

in hæredem defuncti, etiam si sit pupillus. Extranei quoque possunt simul esse debitores et creditores hæreditarii, quæ omnia definitio illa complectitur. Non exigimus in hac definitione, ut actiones incipiant a defuncto: nam quæ ab hærede inceperunt sunt etiam hæreditariæ, ut legatorum actiones, *l. hæreditariarum, de obl. et action.* vel si cum defunctus moreretur, se daturum aliquid promiserit: quo casu videtur actio incipere potius ab hærede, quam a defuncto, quanquam momentum illud moriendi vitæ tribuatur. *Lex hæreditarium, ff. de bon. auct. jud. poss. sit, cum moreretur.* Nam si defunctus post mortem suam se daturum promiserit, non valet stipulatio, nisi ex constitut. Justinian. *sup. ut act. ab hæred.* Igitur hodie si quis promisit se daturum post mortem suam, hujus stipulationis actio incipiet ab hærede, et nihilominus erit hæreditaria. Jus successionis has etiam actiones complectitur. Illud autem notum est, istas actiones hæreditarias inter hæredes dividi pro portionibus hæreditariis, ut scilicet pro eis portionibus eas vel excipiant, vel dicent, *l. 2. hic*, si modo sint certi conditiones, quæ de re dixi *l. 1. sup. si cert. petat.* Ad hæc notandum de confusione, quod hæres creditor hæreditarius dici potest dupliciter: vel quod ei debeatur ab eis qui defuncto debuerunt, vel hæreditati, vel quod ei debeatur, quasi extraneo, ut si defunctus hæredi aliquid debuit ante testamentum contracto negotio. De hoc genere ita constituendum: si quid hæredi defunctus debuit, id est si creditorem scripsit hæredem, debitum non confunditur si ei cohæredem adjecerit, nisi pro qua parte debitori hæres extiterit, residui salva actio est, ut si creditor debitori pro triente hæres extiterit, pro triente confusione solvitur et extinguatur obligatio, *l. 1. h. l. pro besse manet*, et competit actio adversus cohæredes, quibus bes est relictus, *l. si ab eo, de neg. gest. l. pen. hic*. Et ideo quod a *l. 1. h. titul.* hæredem, quod sibi defunctus debuit a cohæredibus petiturum pro parte sibi competenti, id non est accipiendum pro parte hæreditaria, pro qua hæres est, sed pro parte debiti, quod observavit Accurs. Tanta autem est pars debiti, quanta est pars cohæreilum, et peti potest ea pars a cohæredibus ea actione, quæ ageretur cum defuncto si viveret, *l. ult. infr. de contr. jud. tut. l. 2. infr. de evict.* At querit Accurs. in *d. l. 1.* quid fieri oporteat in eadem specie si defunctus hæredi debuerit servitutem, quæ dividi non potest. Et ideo non potest percipi, quæ hujus debiti pars sit confusa, vel non, sed hoc (quod idem Accurs. dixit) æstimalio explicabit, ut sit in *l. Falc. l. pure, §. 1. ff. de dol. mal. excep. et ex l. Falcidia interveniente, ff. ad leg. Falcid.* Ergo hæres consequetur partem æstimationis servitutis sibi debitæ a cohæredibus. Male

Jacob. de Aratio discessit ab Accurs. quem et conatur Fulgosius defendere, ejus ratio hæc est, quod res incidit in eum casum, a quo incipere non potest, id est, quod videatur servitus pro parte constituenda, quod fieri nequit: quæ ratio fallax est sæpius, et maxime in hac specie cessat: nam difficultas præstationis servitutis non facit inutilem obligationem, cum æstimationibus factis res possit expediri, *l. 2. §. ex his, ff. de verb. obl.* Ex his igitur apparet confusionem esse modum tollendæ obligationis pro rata parte, qua quis debitori hæres extitit, *l. 3. hic.* Nam confusio habet speciem solutionis. Nam ipsa hæreditas videtur hæredi solvere pro rata *l. si debitori creditor, ff. de fidejuss.* Ideoque si creditor debitori hæres existat pro triente, ei actio perit pro triente, pro besse in cohæredes actio superest. Similiter jusjur. tollit obligationem, quia speciem solutionis habet, *l. jusjur. et l. duob. §. 1. ff. de jurejur.* Imo et acceptilationis, *l. jusjur. a debitore, ff. eod.* Verum nec confusio, nec jusjur. refertur inter modos tollendæ obligationis in *l. quibus modis toll. oblig.* Cur ita? quia non plane tollunt obligationem. Jusjurandum non tollit, nisi de eo certissime constet, *l. nam postea, de jurejur.* Confusio etiam plane non tollit obligationem: nam superest retentio et deductio. At quod diximus, pro parte cohæredum actionem hæredi superesse, pro sua autem parte confundi, ita procedit, nisi creditorem hæredem institutum testator veluerit quicquam exigere a cohæredibus suis, *l. pen. h. t.* Nam eo casu hæres si agat pro parte cohæredum, repellitur exceptione doli, vel in factum: putat Acc. *d. l. pen.* his verbis (*ne quid exigatur a cohæredibus*) testatorem præcepisse videri, ut debitum hæres compenset cum hæreditate, quam ei confert, *l. si compensandi, inf. de hæred. instit.* Sed inter hæc duo est magna differentia. Primum enim si testator voluerit debitum compensari cum triente, ex quo creditorem instituit hæredem, et usus sit his verbis, et sufficiat triens debito, nil petetur: si non sufficiat reliquum petetur a cohæredibus, arg. *l. quod bonis, §. cum fideicom. ff. ad leg. Falcid.* Verum si testator veluerit quicquam exigere a cohæredibus crediti sui nomine, seu triens sufficiat debito, seu non, nil petetur a cohæredibus. Hoc vero appellatur etiam compensatio, *l. cum pater, §. Titio, ff. de leg. 2.* Sed hoc modo compensatur triens quamlibet minimus cum magnæ pecuniæ debito. Igitur debet esse contentus illo triente, quantus quantus sit. At illo modo non fit compensatio, nisi pro modo concurrentis quantitatis. Additur in *d. l. pen.* creditorem hæredem institutum pro parte, imprudenter querere viam evertendi testamenti, ne ei pereat debitum, cum

Tom. IX.

non possit ei perire nisi pro parte, qua hæres est. Nam ceteri cohæredes adeundo hæreditatem se obligant cohæredi quasi ex contractu, et ceteris creditoribus hæreditariis pro suis partibus. At si non sit solvendo, quid fiet? Ut finge: habent proprios alios quosdam creditores nedum hæreditarios, qui si misceant se non omnibus sufficiunt bona, quid fiet? Ait *l. hoc casu postulata separatione bonorum, creditores hæreditario periculo liberari, l. si uxor, inf. de bonis auctor. jud. poss.* quæ est eadem *l. hæc separatio postulatur a præside, aut prætore, id est, ut separentur bona defuncti a bonis cohæredum, et ea deputentur creditoribus hæreditariis defuncti, hæc autem creditoribus cohæredum propriis: nam fieri potest, ut bona hæreditaria sufficiant creditoribus hæreditariis, quæ non sufficerent, si miscerentur cohæredum proprii creditores.* Confusione autem non omnino tollitur debitum: perit quidem actio creditori, qui debitori successit, sed crediti retentionem habet, et deductionem, si inventarium fecerit ex const. Justin. *l. ult. §. in computatione, de jure deliber.* Facto inventario hæres non tenetur supra vires hæreditatis. Finge hæreditatem vix sufficere creditoribus, delucent ex bonis creditores pro rata quisque quod sibi debetur, inter quos et hæres æs suum deducet. Idem etiam fiet in separationis beneficio, quod datur necessariis hæredibus, id est, servis *l. 1. in fin. ff. de separat.* Idem fiet in ponenda ratione leg. Falcid. Nam prius deducetur æs alienum, etiam quod hæredi defunctus debuit: id legatariis reputabitur, et eo minus ex legatis ferent, *l. in imponenda, infr. ad l. Falcid.* Idem fiet cum hæres ex Trebelliano restituit hæreditatem, nam deducet sibi debitum, *l. cum pater, §. Titio, D. de leg. 2.* Idem fiet hæreditate vendita, si hæres vendat hæreditatem. Nam retinebit quod sibi defunctus debuit, *l. 2. §. pen. D. de hæred. vend.* Idemque si hæreditas ei evincatur ab exhæredato, instituta querela inofficiosi: nam retinebit etiam quod sibi defunctus debuit, *l. si maritus, sup. de inoffic. test.* Ergo confusione non prorsus tollitur obligatio. Actiones hæreditariæ aliæ sunt ex contractu, vel quasi contractu, de his diximus: aliæ sunt ex delictis, vel quasi delictis, de his dicetur in tit. seq.

JACOBI GUJACII J. C.

Ad Lib. IV. Codicis,

RECITATIONES SOLEMNES

Ad Tit. XVII. Ex delictis defunctorum in quantum hæred. conven.

Hic tit. est etiam de hæreditariis act. quia non

tantum ex contractibus, sed etiam ex delictis actiones hereditarie sunt, exceptis quibusdam, de quibus inferius. Delictorum autem appellatione, non tantum comprehenduntur privata delicta, quæ sunt 4. ex quibus ordinariæ actiones dantur; ut furti, vi bonorum raptorum, injuriarum; et legis Aquilæ, sed ea etiam comprehenduntur, ex quibus restitutoriæ actiones dantur, id est, quæ rem nobis in integrum restituant, ut metus et dolus: quæ etiam delicta dicuntur, *l. ex contract. D. de oblig. et act. l. 1. §. si apud servum, D. de pos.* Comprehenduntur etiam quasi delicta. Item pleraque facta, quæ lege aut jure prætorio coercentur propositis actionibus. Quæ ex hujusmodi delictis aut factis actiones dantur, vel pœnam persequuntur, vel rem nudam, vel utrumque simul. Hoc posito duo sunt explicanda. Primum, an hæ actiones dentur in heredem, deinde an dentur heredi. Quod ad primum attinet, constat has actiones in heredem non dari, etiam si rem nudam persequantur, nisi quatenus ad eum pervenit. In heredem non dantur in solidum, sed in id quod ad eum pervenit, ut actio quod judicii mutandi causa, etc. quæ rem tantum persequitur, id est, id quod interest, non datur tamen in heredem quia ex delicto esse videtur, *l. 7. D. de alien. jud. mut. caus. fac.* sic etiam condictio rerum amotarum non datur in heredem: nisi in id quod ad eum pervenit, *l. ult. inf. rer. amotar.* Item actio de dolo, quæ etiam persequitur tantum id quod interest, in heredem non datur, nisi in id quod ad eum pervenit, *l. si plures, l. in heredem, D. de dolo.* Sola condictio furtiva datur in solidum in heredem, etiamsi nihil pervenerit ad heredem furis, *l. in cond. de condict. furt. §. ult. Instit. de obligat. ex del.* Igitur est gravior furti executio, quam doli, vel amotionis rerum, cum hæres furis teneatur in solidum, etsi rem non teneat, nec tenuerit. Actiones, quæ utrumque persequuntur, in heredem non dantur, nisi in id quod ad eum pervenit ex re, cujus persecutio actioni etiam inest, ut actio ser i corrupti quæ est mixta actio, arborum furtim cænarum. Hæ actiones non dantur in heredem, *l. 13. D. de serv. corrupt. l. 7. §. pen. arbor. furt. cæs.* Item actio legis Aquiliæ non datur in heredem, nisi ex eo sit factus locupletior, *l. inde Neratius, §. hanc actionem, ff. ad leg. Aquil.* Item actio quod metus causa, *l. quod diximus, §. ult. D. quod met. caus.* de qua actione accipio hanc constitutionem. Eadem est actio ex edicto de incendio, ruina, naufr. Nam non datur in heredem, nisi quatenus ad eum pervenit, *l. Papius, §. ult. D. de incend. ruin. et naufr.* Item actio in factum ex edicto de calumniat. quæ etiam datur in id quod ad eum pervenit, *l. in hered. D. de calumniat.* quæ actio mixta est, eo sci-

lic. agente, qui dedit alteri pecuniam, ne sibi negotium fieret, non etiam agente eo, cui ut negotium fieret, vel non fieret, alter pecuniam dedit. Quo casu mera est pœnalis, *l. si quis ab alio, eod. tit.* At actio vi bonorum raptorum, quæ est etiam mixta, non datur in heredem, ne in id quidem, quod ad eum pervenit, *l. 2. §. ult. ff. vi bonor. rapt.* Et hæc adfertur ratio, quia de eo, quod pervenit ad heredem, est propria actio eo casu, id est, condictio furtiva. Itaque non est necesse in heredem dari actionem ipsam vi bonorum raptorum, cum sufficiat condictio furtiva. At obstat quod diximus de actione in factum de calumniatoribus quæ datur in heredem in id quod ad eum pervenit: cum tamen eo casu sit propria actio, scilicet condictio ob turpem causam, *l. in heredem, §. ult. de calumn.* Differentiæ ratio est, quia actio vi bonorum raptorum famosa est in eum, qui vi rapuit: in heredem autem ejus ipso quidem jure non est famosa, sicut nec de dolo actio; sed tamen habet nomen famosum, et ideo non est data in heredem, cum esset alia actio, condictio furtiva, quæ ratione nisi sunt Græci in libro 60. Basilicorum tit. 17. *ὅτι μὴ ἐξ ὀνόματος αὐτοῦ ἀρχὴν προσηλβήται*, id est, ut ne ex ipso nomine actionis ipsis irrogetur infamia. Actio in factum non est famosa: imo omnis actio in factum est honesta: qui vult honeste agere, agit in factum. Sed color hic est potius, quam necessaria ratio, ut scilicet excusetur prætor: Nam hæc differentiæ orta est ex edictis: ut inquam, excusetur prætor, qui in heredem raptoris actionem non dedit, in heredem concussoris actionem dedit, cum tamen utroque casu condictio sufficeret. Meram autem pœnalem actionem nusquam invenies dari in heredem, ut furti, quæ in eum nullo modo datur, *l. 1. ff. de privat. delict.* Et ideo puto actionem in factum de calumniatoribus, eo casu, quo est mera pœnalis, non dari in heredem. Conclusio hæc sit. Ex delictis actiones in heredem non dari, nisi in id quod pervenit, si sit actio mixta, vel rei persecutoria, excepta condictione furtiva, quæ in heredem datur, etsi nil ad eum pervenerit. Item excepta actione vi bonorum raptorum, quæ nullo modo datur, quamvis aliquid pervenerit. Idem dicendum in quasi delictis, *l. Julianus, D. de judic. l. ult. §. hæc judicia, D. naut. caup. stabul. l. 5. §. hæc autem, ff. de his qui deiec. vel effud.* Nunc videndum an dentur heredibus regulariter ex delictis, vel quasi delictis rei persecutoriæ. Mixtæ heredibus plerumque dantur, ut condictio furtiva; et rerum amotarum, quæ sunt rei persecutoriæ, et vi bonorum raptorum, et legis Aquiliæ, quæ sunt mixtæ. Item furti, quæ est mera pœnalis. Excipitur primum actio in factum ex edicto de calumniatoribus, quæ

hæredi non datur, *l. hæredi, de calumn.* Ratio autem nulla est necessaria, nisi quis prætor eo casu existimavit hæredi concussi sufficere condictionem ob turpem causam, et voluit eidem etiam hæredi dare executionem pœnæ: quod tamen in edicto vi bonorum raptorum, et in edicto de fur. non ita censuit. Nam datur actio vi bonorum rapt. hæredi, atque etiam furti, licet suppetat condictio furtiva, *d. l. 2. §. ult. vi bonor. raptor. l. 1. ff. de priv. del. l. 4. ff. si famil. furt. sec. et l. 1. §. prætor, ff. si quis testam. liber esse jussus sit.* Itaque ex eis edictis est gravior criminum executio, quam sit ex edicto de calumniatoribus, cum licet hæredi pœnam persequi: quam non licet persequi ex edicto de calumniat. Excipiuntur etiam actiones, quæ solus vindictæ causa dantur et actio injuriarum, *§. non autem, Instit. de perpt. et temp. action.* Injuria non minuit patrimonium, sed honorem, cujus ulciscendi causa datur actio nobis tantum, non heredibus nostris, ad quos ob id non venit minor hæreditas. Ejuadem juris est actio de moribus, *l. ult. C. Throd. de incest. nupt.* Et actio, quæ competit de ingratitudine donatarii, *l. iis solis, inf. de revoc. dona.* habet ea effectum vindicationis, id est, vindictæ, quæ hæredi non datur. Item actio in factum, quod libertus patronum in jus vocaverit sine venia. Hæc etiam hæredi non datur, quia id factum liberti rem patroni non minuit, sed honorem tantum cujus vindictio ad nos solos spectat, non ad successores nostros, *l. pen. D. de in jus voc.* Excipiuntur etiam actiones populares, veluti albi corrupti, et similes: hæc non dantur etiam heredibus jure hereditario, sed jure populi, *l. 3. §. hæc autem, D. de his qui dejec. vel effud.* Postremo excipitur actio in factum, quæ datur prohibito mortuum inferre: hæc actio videtur esse ex delicto, quod injuria prohibeamur supremum officium præstare defuncto, eumque inferre in locum nostrum. Hæc actio non habet pœnæ persecutionem, aut vindictæ, sed rei tantum. Nam actor persequitur, quod ejus interest se non esse prohibitum. Verum hæc actio non datur hæredi, nec in heredem, *l. liberum, D. de religio. et sumpt. fun.* ubi Jurisconsultus ait, se mirari, id constare inter omnes, hanc actionem nec hæredi, nec in heredem dari. Constat tamen ita. Et sic est judicandum. Et male supplet Accursius imperitis. Nam constare est semper in libris nostris, constare apud omnes Jurisconsultos. Sic Græci hanc legem interpretantur. Hæc actio nec hæredi, nec in heredem datur, quamvis rei persecutionem tantum habest. Nec moveri debemus *l. si filiusfamilias, eodem. tit.* quia non loquitur de ea actione, quæ datur in eum, qui prohibuit mortuum inferre, sed de actio-

ne funeraria, quæ datur hæredi; quæque repetitur sumptus funeris. Nec debemus etiam moveri *l. 7. eodem. tit.* quæ non loquitur etiam de ea actione, sed de ea, quæ is tenetur, qui mortuum intulit in alienum locum, quæ hæredi datur, at illa, de qua agitur in *l. liberum*, hæredi non datur; et Jurecons. miratur constare inter omnes. Hæc autem omnia, quæ diximus, sunt de actionibus non contestatis: nam contestatæ actiones ab heredibus continuantur, et in heredem qualescumque sint, seu pœnales, seu vindictæ, seu pecuniæ causa dentur. Actio injuriarum contestata transferitur in heredem, *l. injuriarum, §. 1. et 3. ff. de injur.* Plautus in Querulo: *jura parasito consuli ita voluerunt, ut si vulneribus afflictus contestata lite defecerit, heredibus ejus patrum laboris, ac meriti præmia non negentur, etc.* Idem ostenditur in *l. pœnalium, de regul. jur. l. omnes, l. constitutionibus, l. sciendum, de obl. et act.* Rursus hæc dicuntur de actionibus civilibus: nam criminales actiones etiam contestatæ ad heredem non transeunt, exceptis quibusdam, *l. ex judiciorum, ff. de accus.* Proponitur hæc loco tantum questio de actionibus civilibus. Accurs. itaque non satis apte hic tractat de criminalibus. Id forte fecit, quia putabat in specie hujus legis actum fuisse criminaliter, quod est falsum: alioqui nec contestatione litis pœna transmitteretur in heredem, quam tamen lex dicit transmitti. Male quoque Accurs. vim pro rapina accipit: quo casu competere actio vi bonorum raptorum, quæ in heredem nullo modo datur: vel condictio furtiva non contestata, eo casu in heredem competere: vis hoc loco est coactio, non ereptio, ut *tit. de his quæ vi metusve causa.* Concussio autem hic est metus, terror, vel calumniosa vexatio. Idem Accursius male interdictum unde vi negat in heredem dari de eo quod ad eum pervenit, quod falsum est: eum arguit *l. in honorarii, ff. de obl. et act.* quæ aperte ait, interdictum unde vi dari in heredem, ut locum ei extorqueretur, et *l. 2. inf. unde vi.* Nec eum juvat *l. 1. §. ult. ff. de vi et vi arm.* quæ lex dicit, actionem in factum dari in heredem ejus, qui vi deiecit aliquem de possessione, de eo, quod pervenit, non dicit dari interdictum unde vi. Ergo in heredem non dabitur, sed actio in factum. Dicendum est utrumque idem esse, interdictum unde vi, et illam actionem in factum: ut si quis dolum fecerit, ejus hæres tenetur de dolo. Hoc est verum; sed hæc actio est in factum potius, quam de dolo, quia nec infamat, et calculi subluendi gratia tantum datur. Sic in heredem ejus, qui vi deiecit, est interdictum unde vi: sed id est potius in factum, quia ipse hæres vim non facit. Sic in *l. prætor, §.*

nonnulli, ff. de novi operis nunc. In heredem ejus, qui fecit contra nuntiationem, non est interdictum propriis, sed actio potius in factum.

JACOBI CUJACII J. C.

Ad Lib. IV. Codicis.

RECITATIONES SOLEMNES.

Ad Tit. XVIII. De Constit. pecunia.

Quod ipse debeo, aut alius debet, aut promitto me soluturum, aut recipio, aut constituo. Inter hæc verba differentia est constituta a veteribus Juricons. Si promitto, est stipulatio, ex qua jure civili nascitur actio ex stipulatu: si recipio me daturum, aut facturum, receptum est, ex quo jure civili datur actio, quæ dicitur receptitia. Si constituo me daturum, curaturum, soluturum, constitutum est, ex quo datur actio jure prætorio, quæ dicitur constitutoria, vel constitutæ pecuniæ actio. Receptum et constitutum sit nudo consensu sine stipulatione. Ex recepto soli argentarii obligantur, qui ad se recipiunt aliena debita. Ex constituto obligantur omnes jure prætorio, l. 2. hic. Theophilus in §. in personam Instit. de actio. In constitutum veniunt pecuniæ tantum, id est, nummi, atque etiam ea, quæ pondere, numero, vel mensura constant: et inde titulus *de constituta pecunia*: in receptum autem veniunt res omnes, et pecuniæ et corpora. Plenius est receptum, si res spectes; plenius est constitutum si personas spectes: utroque plenior uberiorque est stipulatio. Nam ea omnes personæ obligantur, et omnes res in eam veniunt: sunt et aliæ differentiæ inter receptum et constitutum, seu actionem receptitiam et constitutoriam. Actio receptitia est perpetua: constitutoria est etiam perpetua, l. 1. hic, sed certis casibus est annalis, l. 2. hic. Qui casus quales fuerint ignorantur, quis delevit Justinianus omnes has differentias ex libris prudentum, et constitutoriam omni casu perpetuam actionem esse voluit. Rursus receptitia est civilis, ut ait initio l. 2. solemnibus verbis, id est, civilibus et directis composita: actio constitutoria est prætoria, §. de constitut. Instit. de act. Præterea recipiebant in se etiam indebita argentarii, verbi gratia, ut pro eo, qui esset empturus rem aliquam, recipiebant se pretium duros hoc modo: *vendas illi licet: namque recipio pretium me tibi soluturum*. Atque ita recipiebant, quæ non debebantur. Eo modo et fidejussor intervenit recte per stipulationem: future obligationis recte accipitur fidejussor. At præ-

sentia debita tantum constituuntur. Quinimo dubitabatur an debitum sub conditione, vel in diem posset constitui, quis non videtur deberi, quod nondum peti potest. Neutrum peti potest, nec quod sub conditione debetur, nec quod in diem, l. 1. de conduct. ex lege. de hac re agitur in l. 3. §. ult. l. id quod, ff. hoc. tit. Præterea receptum fiebat in diem, vel etiam pure: constitutum in diem tantum, l. sed et si alia, l. item illa, ff. de constitut. pec. et verbum constituendi id per se significat: constitutum significat diem conductum. Cic. ad Marium, et ad Atticum lib. 12. Et ideo maxime dubitabatur olim, an pure, id est, sine die factum constitutum valeret: nec enim videtur esse constitutum die non posito, quæ de re est l. promissor, §. 1. ff. de constitut. pec. Hæc sunt differentie inter receptum et constitutum. Utrumque Græci comprehendunt verbo ἀντιπρωήσιος et ἀντιπρωήσιος: responsivis verbo Galli utuntur, quo videntur usi Latini eodem sensu, l. libertus, §. ult. ad municip. secundum Florent. scripturam, sed eo verbo comprehendimus etiam fidejussiones. At ἀντιπρωήσιος verbo, numquam significatur fidejussio. Et receptum quidem argenteorum etiam constitutum dicitur, nisi si quid mutavit Tribonian. l. si quis ex argentariis, §. rationem ff. de edend. Ob eam causam sæpe alii argentarii interveniebant, et novatione non facta alienas obligationes suscipiebant. Nam nec recepto, nec constituto fit novatio, ut nec fidejussione. Adhibitos sæpe fuisse argentarios in hanc rem ostenditur Novell. 116. et edict. Justiniani 9. de Argentar. contractib. Est etiam de constituto Novell. 113. §. ult. in qua hoc caveatur de constituto, ut obligetur ex constituto, qui ita dixerit: constituo me soluturum pro me, vel pro alio: vel etiam si dixerit, satisfacio: quo verbo etiam contrahitur constitutum: non etiam si dixerit ἀπρωήσιος, scilicet, satisfiet: tunc enim nil agit: quo genere etiam stipulationem factam dicimus non valere. At si ita dixerit, satisfiet tibi a me, ego teneor in solidum ex constituto. Idem est si ita dixerit, satisfiet tibi a me, aut ab illo: nam id agitur his verbis, ut constituentur duo rei debendi, et ideo ego teneor in solidum, nec habeo benevolentiam divisionis, ut teneor pro parte, quod tamen Justinianus dedit reis debendi, cum sciam adjunctionem Titii supervacuum esse, et jure non valere; itaque in solidum teneor, et condemnabor. Diversum est si ita dixerit, satisfiet tibi a me et a Titio conjunctim: quoniam tunc id non agitur, ut fiant duo rei, et ideo pro parte tantum tenebor, et Titii adjectio inutilis non auget meam obligationem. Idem prorsus est in stipulatione: nam de se tantum quis utiliter stipulatur, non de alio, l. inter stipulantem, D. de verb. obligat. Itaque quod

attinet ad illum §. ult. Nov. illius, nulla est constituenda differentia inter constitutum et stipulationem. Nunc videmus de l. 2. quæ sustulit differentiam inter receptum et constitutum. Tollit Justinianus actionem receptitiam, et eam transfundit in actionem constitutæ pecuniæ, ut alibi Pegas. Senatusconsultum transfudit in Senatuscons. Trebell. et actionem rei uxoriæ in actionem ex stipulatu de dote. Et ideo in Pandectis nil reperies de actione receptitia, et de actione rei uxoriæ, et de Pegasiano, de quibus tamen Jureconsulti plurimum scripserunt. Quod erat amplius in receptitia, quam constitutoria, scilicet ut omnes res in receptum venirent, et esset perpetua in omni caso, idem transtulit in actionem constitutoriam, quæ ideo est perpetua omni caso, id est, 30. annis durat: item in eam omnes res veniunt: nec id est novum, ut dicatur pecuniæ constitutæ: nam pecuniæ verba omnes res continentur; etiam in antiqua prudentia, id est, in XII. tabul. ut in eo loco, *super tutela pecuniæ ejus*. Nec mirum, inquit Theophilus, cum pecunia res omnes continentur, in §. constituitur, de usufr. Et quoque de nit Justinianus, constitutum pure fieri posse, et pro quocunque debito, etiam conditionali, vel in diem, et actionem constitutoriam dari heredibus, et in heredes, ut et l. 1. hic. Quæ de re videntur Jurisconsulti veteres dubitasse, l. item illa, §. ea re autem, D. de constit. pec. quia illo edicto de constituta pecunia prætor videbatur proposuisse poenalem actionem in eum, qui ad condictum sefellisset, qui ad constitutum non venisset, fraudis, et perfidiæ coercendæ causa, his verbis: si pareat eum, qui constituit, neque solvisse: comminari videtur poenam: sed verius est ea actione rei persecutionem contineri. Et ideo dabitur heredibus, et in heredes quasi ex contractu, et solvendo eo, qui constituit, liberabitur reus principalis. d. l. item illa, §. ult. Denique Justinianus constituit l. 2. eandem esse vim constituti, atque stipulationis, ut æque pateat una obligatio, atque altera, id est, stipulatio est uberrima seu res species, seu personas: ejusmodi est constitutum. Superiunt tamen differentie quedam, aliqui frustra titulis separarentur. Propria quedam habet constitutum, quæ non habet stipulatio: ut scilicet debita tantum constituentur, quod et olim obtinuit: in stipulationem autem indebitum deducitur, et est actio ex stipulatu, l. fideicommissum, D. de condict. indeb. Non debetur legatum si locus sit Falcidiæ, quoniam Falcidia ipso jure minuit, consumiturque legatum: debetur tamen si in stipulationem deductum sit. Præterea hoc est constituti proprium, ut pure factum non statim exigatur, sed tantum post 10. dies: constituto puro tacite insunt dies 10. alioquin non est constitutum, d. l. promissor, §. 1. In stipulatio-

ne secus. Nam ex stipulatione pura statim agitur, l. liber homo, §. decem, D. de verb. obligat. Adjicit in fine Justin. ut ea, quæ argentarii constituerint, pro aliis scilicet indefensæ, id est, ita ut nulla exceptione se lueri possint, et defendere valeant secundum pristinum morem constituta. Quam partem Accursius male accipit de decretis argentariorum, si constituerint argentarii, inquit, id est, si corpus argentariorum leges quasdam sibi fecerit, ut omnia corpora solent habere, quæ male putat appellari constituta. Et eodem errore male accipit §. ult. *Novellæ de fidejuss.* Cujus sententia est explicanda ex Novel. 136. ut scilicet argentarii, qui pro aliis constituerint, conveniri possint inexcusso reo, contra regulam illius *Novellæ 4.* nisi aliud convenerit; cum tamen si quid quis eis constituerit, non possit eum convenire inexcusso reo. Itaque quod alii habent in argentarium constituentem; idem non datur argentario in Alios. Postrema constitutio Justiniani est, ut beneficium divisionis, quod datur pluribus ejusdem pecuniæ fidejussoribus, vel mandatoribus ex Epistola D. Adriani, pertineat etiam ad reos constitutos pecuniæ, videlicet si solvendo sint litis contestatæ tempore: dividetur tunc actio, et pro parte sua tantum quilibet tenebitur, licet singuli in solidum teneantur ipso jure, l. ult. Et hac ratione Justinianus utitur: æquitatem enim divisionis species actionis excludere nullo modo debet. Ita enim legendum. Idque est Papiniano in l. fidejussores, D. de fidejuss. tut. quæ æquitas divisionis valet in actione ex stipulatu, quæ tenentur fidejussores, in actione mandati, quæ tenentur mandatores: eadem valet in actione constitutæ pecuniæ, specie actionis ne mutetur æquitas divisionis: verum idem Justinianus postea *Novella 99.* idem beneficium dedit pluribus reis debendi. Itaque hodie hoc beneficium datur, non tantum accessionibus, sed etiam principalibus debitoribus. Datur autem non ipso jure: nam ipso jure non dividitur obligatio, sed opposita exceptione Epistolæ D. Hadriani, quam qui non opponit, condemnatur in solidum, quæ exceptio est peremptoria, et ideo opponi debet ante sententiam, l. fidejussor, infr. de fidejussor. Hoc tamen quidam negant, et affirmant eam posse opponi post sententiam. Movetur l. si fidejussores, §. ult. D. de fidejussor. Quæ lex non loquitur de beneficio divisionis, sed de beneficio cessionis. Movetur et l. inter eos, §. ult. D. eod. tit. In qua lege damnatum fidejussorem accipere oportet, non ex causa fidejussionis, sed ex delicto, et bona ejus fuisse confiscata: fiscum autem ex ejus persona habere beneficium divisionis una cum ceteris confidejussoribus. In ea tamen opinione memini me alios legisse Franciscum Connanum fuisse. Memini etiam eundem in hæc

questione non callidè satis emendare *l. si Titius et Seia D. de fidejussor.* dicens pro (si postea) esse legendum , si sponte . Etiam hæc duo faciens adversa , sponte facere , et dolo deceptum facere : quæ negò esse adversa . Nam et qui dolo captus facit , sponte facit , et ideo egrè restitutione . Nego etiam mutandum scripturam , quam nec Græci mutant *libr. 26. βασιλικών tit. 1.* quod ex specie illius legis liquebit statim : mulier si fidejubeat pro alio , frustra fidejubeat , quia jnvatur Senatusconsulto Vellejano . Finge : Ego et mulier pro alio fidejussimus : mulier non tenetur , an teneor in solidum ? Lex ait me teneri in solidum , nec habere beneficium divisionis , quia scirbam mulierem frustra fidejubere , aut id non poteram ignorare : ideo videor abjecisse beneficium divisionis , et videor solus fidejussisse . Itaque cessat *Epist. D. Adriani* , quæ est de pluribus fidejuss. utiliter acceptis . Minor etiam frustra pro alio fidejubeat , quia potest restitui in integrum ex edicto prætoris . Finge igitur : ego et minor pro alio fidejussimus : minor non tenetur cum effectu . An ego teneor in solidum ? Distinguendum est . Aut separatim fidejussimus , ego quidem prior , deinde minor : aut simul . Si prior fidejussi , deinde minor , teneor in solidum , quasi solus solidam obligationem ab initio receperim . Et ideo Græci inquirunt : tunc obligor in solidum , cum prior fidejussi , vel , ut ea lex ait , cum postea minor fidejussit , quod idem est : at si simul fidejussimus ego et minor , teneor pro parte tantum , quia potui ignorare ætatem illius , qui mecum fidejubebat , vel etiamsi scivi minorem , incertum erat an prætor esset daturus restitutionem in integrum , quam non dat tenere , nec nisi causa cognita . Itaque minor non inutiliter accedit : nam forte non restituetur . Itaque si ego et minor fidejussimus pariter , ego teneor tantum pro parte : si ego et mulier , in solidum .

JACOBI CUJACII J. C.

In *L. b. IV. Codicis*

RECITATIONES SOLEMNES.

Ad Tit. XIX. De probationibus.

In judiciis frequens est questio , quis probare debeat , actor an reus , ad quam pertinet totus hic titulus . De ea vero nil possumus absolute definire : nam pro actionis , vel exceptionis genere , et conditione rei , de qua quæritur , modo reus probat , modo actor , modo uterque . Sunt hic leges , quæ probationem exigunt a reo ; aliæ , quæ exigunt ab actore : quia omnes ad idem iudicium

non pertinent , sed ad varias actiones exceptionesque . Et in hoc potissimum versatur utilitas hujus tituli , quod sit tractandum de variis actionibus et exceptionibus . *L. 1.* hujus tituli pertinet ad actionem creditæ pecuniæ . Creditor cum dicit a li deheri ex mutuo , vel ex stipulato , reus negat se accepisse , et opponit exceptionem non numeratæ pecuniæ : actor dehet probare se numerasse , ille inficiator nil probat . Idem est , si ob causam non numeratæ pecuniæ , utatur reus exceptione doli , hoc modo si non dolo facis , qui petas , quod non numerasti , *l. 3. inf. de non num. pec.* Qui habet exceptionem non numeratæ pecuniæ , habet et exceptionem doli . Certum est enim exceptionem doli concurrere cum exceptione in factum : hujusmodi autem est exceptio non numeratæ pecuniæ . Et male putat Accurs. Aliud esse exceptionem doli , aliud exceptionem non numeratæ pecuniæ . Convincitur *l. cum ultra , inf. de non num. pec. l. apud Celsum , §. adversus , D. de doli exc.* Verum qui alia ex causa utitur exceptione doli , probare debet dolum , ut si quis promiserit ob turpem causam , et conveniatur , defendet se exceptione doli , ita tamen ut necesse habeat probare turpitudinem . Id dixi supra in *tit. de conduct. ob turp. caus.* Is autem , qui excipit de non numer. pec. vel eo nomine de dolo , ideo non probat , quia hæc exceptio mera est negatio , cujus vix ulla probatio dari potest , *l. 3. l. actor , hoc tit. l. 2. D. eod. l. asseveratio , inf. de non numer. pecun.* Moribus Biturigum præscriptum est eum , qui excipit de non numerata pecunia , rationem aliquam reddere : probare debere aliqui inanem esse exceptionem , ni probet non fuisse numeratam pecuniam : quod videtur contrarium juri , et plerisque ita videtur : verum hoc omnino congruit cum jure nostro , id est , cum *l. generaliter , inf. de non num. pec.* Nam id ita procedit , si agatur ex chirographo debitoris , quo scripserit se dehere ex causa , puta emptionis , vel mutui , et neget reus eam causam processisse , se emisisse , vel creditum accepisse : hoc nisi probaverit , condemnabitur ex proprio chirographo , hoc est nisi docuerit rem aliter gestam fuisse , aut emptam peractam non fuisse . At finge : nullum emissum est chirographum , petitur tamen pecunia , reus excipit non numeratam : tunc absolvetur , nisi probet actor , nec a reo exigetur probatio . At in casu *l. generaliter* exigetur probatio a reo negante . Neque hoc novum videri dehet . Pleraque enim sunt negantia , quorum ratio seu probatio exigitur . Si nego testatorem sane mentis fuisse , id probare deheo , *l. ne cod. cillas . inf. de cod.* Si nego emancipationem solemniter factam id probare deheo , *l. 3. eod.* Si nego me Bitur gibus fuisse cum credes est facta , *l. pen. de contrah. stipul.* Si nego adversario pro-

curatorem dare licere. *l. in exceptionibus, D. de probat.* Additur in *l. 1. hic*, eum qui affirmat se solvisse, quod non est excipere, sed actionem esse negare: eum probare debere solutionem, quam allegat, *l. quingenta, D. de probat. l. ult. inf. de solut. d. l. asseverat* et idque probari debet apocha, vel testibus: nam non sufficit sola reditio chirographi aut sola chirographi inductio, ut videatur debitor solvisse. Querunt interpretes, an is, qui dicit solvisse, videatur confiteri de intentione actoris: quod magni interest scire, quoniam si habeatur pro confesso, et deficiat probationibus, id est, si nequiverit probare se solvisse, in ea lite actor potior habebitur, etiam nulla probatione pro sua parte præstata: ita vero videtur Dyno, ut habeatur pro confesso. Et ideo nec ipso probante solutionem, nec actore probante quicquam, eum esse condemnandum. Si verum hoc est, alia igitur est ratio exceptionis: nam qui opponit exceptionem, non videtur confiteri actoris intentionem, nisi palam confiteatur. Et ideo hoc primum exigitur opposita exceptione, ut actor probet intentionem suam deinde reus exceptionem suam. Si reus non probet exceptionem, non ideo condemnabitur, nisi et actor etiam probaverit suam intentionem, *l. si quidem, inf. de except. l. emptor, inf. de præscript. long. temp. l. non utique, D. de except.* Eadem debet esse ratio allegationis solutionis: nam si cum actionem esse non nego, quod sit dum excipio, actori onus probandi incumbit, multo magis cum actionem prorsus esse nego, id est, cum solutionem affirmo, probationis munere debet fungi actor, ut ostendat sibi esse actionem, et se jure agere.

Ad L. II. et IV.

L. II. Possessiones, quas ad te pertinere dicis, more judiciorum persequere. Non enim possessori incumbit necessitas probandi eas ad se pertinere: cum te in probatione cessante, dominium apud eum remaneat.

L. IV. Proprietatis dominium non tantum instrumento emptionis, sed et quibuscumque aliis legitimis probationibus ostenditur.

Pertinent hæc II. ad rei vindicationem, in qua munus probandi est actoris, non rei, id est, is, qui agit, probare dominium debet, non possessor, cum quo agitur: nam non cogitur docere esse dominum. Imo non cogitur etiam dicere titulum suæ possessionis: cogitur quidem interrogatus, dicere an rem illam possideat, de qua est lis, non tamen qua ex causa possideat: igitur nec docere, nec dicere debet causam possessionis suæ: actore non probante dominium, absolvetur quaecumque ex causa rem possideat, etiam injusta, vel nulla, *l. cogi, sup. de pet.*

hæred. Cui opponitur *l. civile l. de furt.* cujus hæc species est: rem furto amisi, ea ad te pervenit, et præstides eam. Ego alia te peto, ut mihi venditorum seu auctorem exhibeas, a quo rem meam habes: dicis te emisisse a transeunte quodam et ignoto, te venditorem nescire: hoc non expurgat suspicionem furti. Itaque debes liquido dicere quis tibi vendiderit. Igitur cogitur quis dicere tit. suæ possessionis: eumque exhib. Respondeo in ea specie non cogi possessorem dicere tit. suæ possessionis, nec lex hoc dicit, sed dicit, re furto ablata, possessorem rei incidere in suspicionem furti, nisi probet unde et a quo emerit. Et species ita ponenda est: dominus agnita re furtiva eam vindicat a possessore, vel eam condicit quasi furti: probat se esse dominum furti facti a possessore: multa proferunt argumenta: condemnabitur possessor ut fur, nisi hanc suspicionem possessor expurgaverit, exhibito venditore. Eadem est ratio *l. sive possidetis h. c.*: cujus dum sunt partes: prima nil obstat. Pater filiis emancipatis quidam donavit: ea possident hæredes patris: vindicant filii ab hæredibus: probare debent titulum domini sui: in vindicatione actor probat. Secundæ partis species hæc est. Hæres vindicat rem hæreditariam a possessore: probat rem defuncti fuisse, et se esse hæredem, et ita probat suam intentionem. Igitur rem evincet, nisi possessor probaverit sibi a defuncto donatam, aut ex alia causa acquisitam. Et ita possessor probat titulum suæ possessionis. Idem etiam licet, si ego rem vindicavero, et probavero me eam emisisse a domino: possessor autem non probaverit se usucepisse, vincam. At si probaverit possessor se usucepisse, vincet. Conclusio sit. Non cogitur solus possessor probare causam domini sui seu possessionis, exonerato petitore: sed petitor probante dominium, rei necessitas contrariam probationem potioris domini a possessore exigat, alioqui vincetur. Male autem in *d. l. sive possidetis*, putant interpretes legem probare, quod præsumptio faciat pro actore: alioquin possessionis commodum auferret quælibet præsumptio, quod iniquum est. Non igitur quod præsumptio sit pro actore, sed quod probaverit dominium, ideo tum cogitur possessor titulum potioris exponere, aut vincitur, et ideo ibi male tractant de præsumptionibus: nam de præsumptionibus nihil. Non est omittendum quod est in *l. cogi, sup. de pet. hæred.* regulariter possessorem non cogi proferre titulum suæ possessionis, sed si agatur petitione hæreditatis, aliud quodammodo dicendum videtur. Hæc actio non datur nisi adversus eum, qui possidet pro hærede, vel pro possessore. Qui agit potest interrogare possessorem an possideat pro hærede, vel pro possessore, ne non bene agat: et cogitur possessor id dicere. Sed hi tituli non sunt veri: pro hærede possidet, qui

putat se heredem esse, licet non sit heres; pro possessore possidet prætor, qui interrogatus nullam offert causam, nisi quia possideo. Hos cogitur exponere, ne petitor frustra agit. At si neget se possidere pro herede, vel pro possessore, an cogetur dicere verum titulum? non. In l. 4. quam alii faciunt tertiam, ostenditur probari dominium sine instrumento, puta, testibus, qui dicant rem tibi venditam, et tibi traditam, et te pretium numerasse, l. cum res b. inf. hoc tit. Et sane si dominium mutatur etiam sine instrumento, quod certum est, probabitur etiam recte sine instrumento: quæ sine instrumentis non sunt, ea non probantur nisi instrumentis. At lex 4. proprietatis dominium: aliud est, dominium possessionis, l. 2. Cod. Theod. de ma. bon. et l. 1. C. Greg. si sub alt. nom. res em. sit. Et ita dominium accipere oportet in l. 1. de bon. poss. dominium possessionis. Nam prætor possessorem facit, non dominum. Et ita sæpe dominus accipitur pro possessore. Aliud est dominium usufructus, quod dicitur etiam proprietas reddituum, l. jubemus. §. pen. de sacros. eccles. Est igitur triplex dominium, proprietatis, possessionis, et usufructus: tertia pertinet ad actionem tutelæ, quæ competit finita tutela. Sciendum est officium tutelæ esse individuum, et periculum commune sive mutuum: et ideo si tempore finitæ tutelæ ex tutoribus quidam solvendo non sint, horum inopia onerat ceteros collegas idoneos ad solvendum, vel heredes eorum, videlicet si culpa eorum arguatur, quod durante tutela collegam non remove- rint. Idem servatur in curatoribus et in iis, qui honorem et munus publicum gerunt, l. Imperator, D. ad Municip. At si in diem finitæ tutelæ omnes tutores idonei fuerint, tunc tenetur quisque pro rata tantum parte administrationis suæ, non in solidum, l. Emil. de administ. tut. Quis autem hoc probabit, omnes tutores fuisse solvendo? Is nimirum, cum quo agitur in solidum ex sua et collegarum persona, idque ostenditur hac lege. Ratio hæc est, quia hæc divisio actionis, ut quisque pro parte teneatur non fit ipso jure sed opposita exceptione, hac scilicet, si non omnes in diem finitæ tutelæ solvendo fuerint: is, cum quo agitur in solidum sic excipiet. Atque ita evitabit condemnationem in solidum. Sed hanc exceptionem ipse debet probare, qui eam opponit. Nam reus in exceptione pro actore habetur regulariter. Sic etiam fit in actione in factum subsidaria, qua tenentur magistratus municipales, qui pupillo a tutoribus idoneis satisfacere non curaverunt. Nam si dicant acceptos fidejussores idoneos fuisse, debent dicti sui, et defensionis probationes afferre, l. non est, de probat. l. 1. §. sed et si satis, D. de magist. conven. Hoc ita, non quod præsumptio faciat pro actore (qua ratione

quidam utuntur mole, etiam in specie hujus legis, ut et in l. sive possidetis). Non igitur ob causam, sed quia reus exceptionem suam, veluti intentionem probare debet.

Ad L. V. VI. et VII.

L. V. Instrumenta domestica, seu privata testatum, seu adnotatio], si non aliis quoque adminiculis adjuvantur, ad probationem sola non sufficiunt.

L. VI. Rationes defuncti, quæ in bonis ejus inveniuntur, ad probationem sibi debitæ quantitatis solus sufficere non posse, sæpe rescriptum est. Ejusdem juris est, et si in ultima voluntate defunctus certam pecuniæ quantitatem, aut etiam res certas sibi deberi significaverit.

L. VII. Exemplo perniciosum est, ut ei scripturæ credatur, quæ unusquisque sibi adnotatione propria debitorem constituit. Unde neque fiscum, neque alium quemlibet ex suis subnotationibus debiti probationem probare posse oportet.

Hæ tres leges pertinent potissimum ad actionem creditæ pecuniæ, in qua plerumque queritur, an creditoris rationes domesticæ fidem faciant. Olim fidem faciebant, cum rationes diligenter conficiebantur a patribusfamil. Et ideo inter genera probationum, expensilationem Gell. refert l. 14. c. 2. ubi recenset hæc genera probat. expensilat. id est, privatas rationes, et mense rationes, et chirographi exhibitionem, et tabularum obsignationem, et testium intercessionem. Ergo expensilatio fuit probatio legitima: hodie fidem non facit, ut ostendunt hæc leges, ne fisco quidem agente, id est, etiamsi fisco agat ex suis brevioriis rationibus, vel etiam ex brevioriis rationibus confiscati, l. 7. l. ult. de conven. fisci debitor. Additur in l. 5. nisi rationes domesticæ adjuvantur aliis probationum adminiculis. Egent igitur adminiculo probationum: per se nullius momenti sunt: quod et ita traditur de testatione privata et nuda, quæ obsignatores non habet, l. 4. inf. de testib. Lex 5. h. t. est de scripturis, quibus quis sibi debitorem constituit, non de syngrapha, ut Accursius accipit: nam syngrapha fidem facit, ut diximus in l. ult. sup. si cert. pet. Eadem l. 5. de rationibus expensi: hæc fidem non faciunt: non est de rationibus accepti. Nam ex rationibus accepti ab actore confectis, reus potest sumere probationem solutionis, id est, si creditor in brevibus suis pecuniæ acceptam retulerit: ex eo reus ducet certissimam probationem solutionis, l. 5. sup. de edendo. Idem etiam sumet ex rationibus fiscalibus, l. 6. eod. titul. l. illatæ, inf. de fid. inst. l. 2. inf. de conven. fisci debitor. l. 2. de discus. lib. 10. Verum an ex rationibus accepti confectis a de-

bitore sumere poterit creditor probationem crediti? Probatio soluti, ut dixi, sumitur recte ex rationibus accepti confectis a creditore. Videtur etiam ex iisdem rationibus a debitore confectis sumi posse probationem crediti, cum etiam olim rei ex suis tabulis damnarentur. Veruntamen non coguntur rei actori edere rationes suas, ut ex eis scilicet confirmet intentionem suam, ut probet sibi deberi, etiamsi contendat debitorem pecuniam suam retulisse in brevia; nisi officio iudicis, ubi iustitia eum moverit, et in causa civili tantum, l. 1. sup. de eden. l. pen. §. ult. D. ad leg. Falcid. Et nisi fiscus agat civiliter: non etiam si criminaliter. Nam ei reus cogetur edere suas rationes, ut ex eis suam actionem confirmet et comprobet, l. 2. §. item Divi, D. de jure fisci. Ex quo loco apud Harmenop. lib. 1. Epitom. tit. 2. ita generaliter scriptum est, tunc reum cogi instrumenta in se proferre, cum causa est civilis, non criminalis: quod falsum est, nisi id ad fiscum restringas, cui soli hoc tributum est. Atque ita est accipienda sententia Harmenopuli, quia sumpta est ex d. l. 2. Item regulariter reus actori non cogitur edere rationes suas, vel brevia contra se: actor tamen cogitur reo exhibere suas rationes, l. 4. et l. ult. sup. de edend. At dubitatur an quis cogatur adversus alium edere rationes suas: et placet adversus alium cogi posse quemlibet rationes edere alii profuturas, ita tamen ut ex eo non capiatur occasio litis in eum instituendae. Et ita aperte definitur Justiniani *Edicto 9. de argent. contractib.* in quo refert se id etiam antea constituisse. At ex constitutio non extat: videtur esse Græca, quæ desideratur in titulo de edendo, cujus summa ex 24. Basilicon titulo 2. Harmenop. refert in supradicto loco: et valde notandum est primum in ea, hoc est, ut nemo cogatur contra se edere instrumenta sua, aut rationes; ut contra alium cogatur, si modo ex eis ipse non laedatur, modo is, cui editæ sunt rationes, iis non abutatur contra eum, qui eas exhibuit, item, ut in quem quis invitus testimonium non dicit, ut puta in agnatum vel adfinem in eum etiam non cogatur instrumenta sua edere, vel rationes. Additur in l. 6. debiti probationem non sumi probe ex eo, quod testator in testamento adscripsit sibi deberi. Hæc etiam testatio postrema defuncti fidem non facit, ne postrema quidem manus defuncti fidem facit: quod putant confirmari Novell. 48. de jurejur. Sed ea non loquitur aperte de testatore, qui scripsit sibi deberi, sed de testatore, qui scripsit bonorum suorum modum: quæ descriptio non nocet creditoribus, quo minus, si quæ sint alia bona defuncti, ea possint persequi. Itaque Novella opitulatur creditoribus, cum testator minus dixit se habere in bonis, cum plus habeat: l. autem 6. opi.

Ton. IX.

tulatur debitoribus, id est, quos heredes dicunt esse debitores hereditarios, ipsi autem inficiantur, ut scilicet non convincantur scriptura testamenti sicut nec brevibus convincuntur: hoc tamen fateor recte colligi posse ex ea Novella: quod si testator in recensione honorum testamento facta scripserit, Titium sibi debere centum, qui debeat 200. ut non possint heredes ab eo petere, nisi centum, videlicet si cum religione iurijurandi id scripserit. Nam iurijurandum est argumentum evincere voluntatis, et remittere obligationis pro parte, l. cum pater, §. filius, D. de legat. 2. Id ex l. probat. Summa hæc est: Testatoris honorum descriptio jurata creditoribus non nocet, heredibus nocet, debitoribus prodest. Item disputationis superioris summa hæc est: neque ex brevibus rationibus creditoris, neque ex scriptura testamenti sumi probationem debiti. In libris nostris rationes domesticæ sæpe dicuntur brevia, quæ alii etiam dicere brevula. Adjiciam veluti ὀβολὸν παράπτωον, eam vocem fuisse male repositam in titulo de sentent. ex breviculo recit. Sic legit Haloander et multi. Vetus lectio est, de sentent. ex periculo recit. Cavetur in eodem titulo, ut sententiæ non pronuncientur memoriter, sed ex scripto, ex libello et tabella id est, ex periculo. Periculum significat libellum, instrumentum, documentum. Habeo librum Notarum juris antiqui, in quo hæc literæ D. L. sic sunt expositæ, de libello; et sequuntur aliæ, D. P. id est, de periculo, quæ sunt conjunctæ, quasi utrumque idem sit. Marcus Tullius loquens de Mario, id est, de libello quodam sive poemate quod Marius inscripsit, *Faciunt, inquit, imperito, qui in eo periculo non ut a Poeta, etc. In eo periculo*, id est, in eo libello: in 5. in Verrem, *Scribis, ait, comitti pericula magistratuum*, id est, libellos. Æmilius Probus in Epaminonda: *Epaminondas, inquit, petit ut in suo periculo inscriberent*, id est, in sua sententia. Sic vocat periculum quod Plutarchus eadem de re dicit ἑλάνη, id est, titulum sue condemnationis: quod idem Probus. pilam in Aleib. Asconius in Divinatione. *Periculum* inquit: ἀπὸ τῆς πίπας, πίπα autem documentum significat.

Ad. L. IX.

Cum te minorem quinque et 20. annis esse proponas: aliter præsidem provincie debes, et de eâ ætate probare.

Quæ pertinent ad legem 9. pertinent ad restitutionem in integrum: quam qui petit, debet probare ætatem, l. intra, et l. minor. l. 4. sup. de in integrum restitut. Minoris ætas probatur

variis modis, quos exposuimus ad l. 15. ff. de probat.

Ad L. X. XIII. XIV. XV. XVII. XX. et XXII.

L. X. Neque natales tui, licet ingenuum te probare possis, neque honores, quibus te functum esse commemoras, idoneam probationem pro filiae tuae ingenuitate continent: cum nihil prohibeat et te ingenuum, et eam ancillam esse.

L. XIII. Non epistolis necessitudo consanguinitatis, sed natalibus, vel adoptionis solemnitate conjungitur: nec adversus absentem hereditatis dividendae gratia, velut contra fratrem, pro ancilla petitus arbiter, substantiam perimit veritatis. Sive itaque quasi ad sororem, quam ancillam te posse probare confidis, epistolam emisisti, sive familiae eriscundae, quasi pro cohærede petitus arbiter doceatur: fraternitatis quaestio per hæc tolli non potuit.

L. XIV. Non nudis adseverationibus, nec e mentita professione (licet utrique consentiant) sed matrimonio legitimo concepti, vel adoptione solemnii filii civili jure patri constituuntur. Si itaque hunc, contra quem supplicas, alienum esse probare confidis: per te, vel per procuratorem adfirmationem ejus falsam delege.

L. XV. Vis ejus, qui se dominum contendit, ad imponendum onus probationis servo minime prodest. Cum igitur aufugisse te de domo Severi profitearis, verum nec ab illo justo initio, sed per violentiam adseveras te esse detentum, inquisito prius, an in possessione, libertatis sine dolo malo constitutus sis, tunc etiam onus probationis quis debeat subire, per hujusmodi eventum declarabitur.

L. XVII. Matrem tuam consecutam libertatem, ac te post editam, ut ingenua probari possis, ostendi convenit. Quod enim fratribus tuis nulla moveatur quaestio, ad defensionem tuam nihil prodesse potest.

L. XX. Si de possessione servitutis, emptionis instrumentis subtractis, in libertatem proclamatur Eutychia, cum petitori probationis onus incumbit, intentione sua defecta, his juvari minime potest. Nam si in servitutem petatur, ad emptionis probationem non est indicis aliis opus, sed instrumentorum furtum monstrare sufficit.

L. XXII. Ad probationem servitutis Glyconis, matrem ejus ac fratrem servilia fecisse ministeria non sufficit: cum neque ingenuorum conniventia conjunctis necessitudine præjudicet, neque de servis eadem matre natis libertatem unus adipisci prohibeatur.

Hæc leges pertinent ad actiones præjudiciales,

quæ sic dicuntur, quod plerumque eas aliæ actiones sequuntur, quibus ex præjudicium faciunt. Recte autem Thalelæus ad l. eam quæ, *infr. de liber. causa*, omnem actionem de statu præjudicialem esse definit. Est autem triplex tantum: an quis sit servus, an libertinus, an filiusfamil. Quaestio an sit uxor, non est quaestio status. In titul. *de statu hom.* ostenditur, alios esse servos, alios liberos, item alios esse ingenuos, alios libertinos. Item alios esse sui juris, alios alieni: ut alios esse filiosfamil. alios emancipatos. Triplex est divisio de statu, sic et triplex præjudicium. §. *præjudiciales, de action.* Non ponitur quarta divisio, alios esse cælibes, alios matrimonio junctos: quia nihil hæc ad statum hominum. Nec nos movet l. 8. *de lib. agnosc.* in qua dici videtur, præjudicio locum esse, si disceptetur an sit uxor: nam id ita est accipiendum, non quasi sit unum quoddam præjudicium speciale, in quo queratur an sit uxor. sed quod in præjudicio an sit filiusfamilias, vel de partu agnoscendo: de eo disceptetur an sit uxor: quoniam non est filiusfamil. nisi sit ex uxore. Itaque triplex tantum est. Nunc de probationibus duo sunt videnda: primum in præjudiciis quomodo probetur status, deinde quis probet. Primum, si queratur, an quis sit ingenuus, an ex patris ingenuitate recte probabitur? minime: quod ostendit l. 10. Nam fieri potest ut matrem Latinam, vel ancillam habuerit. Ex ingenuo autem et Latina, Latinus nascitur, non ingenuus, ut ex libero et serva servus. Aliud est, si probetur matrem ingenuam, vel liberam fuisse, l. 17. *hic*, quia qui nascitur libera matre, ingenuus nascitur, licet pater servus fuerit. Qui igitur probat matrem ingenuam natum, ingenuum se esse probat, et præjudicio vincit, nisi ex diverso probetur postea eum in servitutem incidisse. Probatio probationem evertit, exceptio exceptionem: atque ita, qui probatur serva matre natus, servus probatur: nisi ex diverso probet, se postea libertatem adeptum, l. 22. *hic*. In qua hoc etiam recte additur, dissimulationem matris liberæ nil nocere vatis, si quo tempore concepit et peperit, in servitute fuerit, non serva. Ut autem ex ingenuitate patris, ita ex ingenuitate fratrum, vel eorum libertinitate non recte quis se esse liberum colligit, cum ex pluribus fratribus alii possint esse liberi, alii servi, d. l. 17. l. multis, *infr. de liber. cau.* Hæc igitur argumenta ad fidem faciendam nil valent. Et hæc quidem de modo probandi: quoniam hoc continetur tantum hoc titulo. Nunc dicamus de personis, quis probare debeat, qui servitutem, an qui libertatem asserit? qui libertinitatem, an qui ingenuitatem? Hujus rei generalis definitio est in l. generaliter, *de except.* quæ lex male est a Tribonianus

collocata eodem titulo, quia non pertinet ad exceptiones præjudiciales, sed ad actiones præjudiciales: ideo in ea lege in præjudiciis, significat, in actionibus, quod liquet ex *l. ult. si ingenuus esse dicatur*, etc. quæ est ex eodem libro. At *lex generaliter*, in præjudiciis actoris partes sustinet, qui habet intentionem secundum id, quod intendit. Sic speciem pone ex *d. l. ult.* unus dicit se esse liberum, alius dicit se ejus esse dominum. Par videtur omnium causa. Unus asserit libertatem, alter servitutem: uterque videtur actor. Itaque sicut in duplicibus omnibus, ita etiam in præjudiciis queritur, quis actoris partes sustineat, ut scilicet is subeat onera probationum. Lex ait eum esse actorem, secundum cujus intentionem actio data est et concepta, ut si ita datur actio: Si paret Lucium Titium dominum esse, Lucius Titius actoris partes sustinebit: at si ita, si paret Cajum liberum esse, Cajus erit actor, et ab eo exigetur probatio libertatis, in qua si deficiat, vincetur, etsi adversarius suam intentionem non impleverit. Est etiam in *ead. tit. de except. l. sed si ante* ab eodem Triboniano male conjuncta legi fundum. Lex fundum loquitur de exceptione præjudiciali: *lex sed si ante* ei conjungitur, quasi etiam intelligatur de exceptione præjudiciali, quod est falsum. Nam illa *l. sed si ante* pertinet ad exceptionem rei judicate non ad exceptionem præjudicalem. Hoc probat inscriptio: nam Paulus 70. ad edictum de ea tantum exceptione rei judicate tractavit. Id quoque probat ratio legis. Lex ait non nocere exceptionem, quia diversa corpora sunt, et cause restitutionum dispares. Et hac ratione utimur negantes exceptionem rei judicate, non dum negamus exceptionem præjudicalem, *l. cum queritur*, et *l. et an eadem*, de *except. rei judic.* Postremo, *l. sed si ante* accipitur de exceptione præjudiciali, pugnat omnino cum *l. fundum*. Conclusio sit: In præjudiciis actor est, qui ex libertate in servitutem agit, id est, qui eum, qui est in possessione libertatis, servum suum esse petit. Est etiam actor, qui ex servitute in libertatem agit. At videtur in servitute esse, qui dolo malo est in possessione libertatis. Et contra videtur in libertate esse, qui vi ereptus est ad servitutem. Sic etiam actor est, qui ex libertinitate in ingenuitatem, vel ex ingenuitate in libertinitatem agit. Et in libertinitate et ingenuitate esse, eandem habet definitionem, quam in servitute vel libertate esse. Nam videtur etiam esse in libertinitate, qui dolo malo se gerit pro ingenuo, *l. 15. et 20. hic*. Quia in re est inspicienda conceptio petitionis. Sic accipe *l. cum quis*, inf. de lib. causa. Legis 18. *hoc tit.* hæc est species: Cajum, qui erat in possessionem libertatis sine dolo malo, Titius vi rapuit in servitutem: deinde Cajus aufugit d. domo Titii:

gerit se pro libero. Titius contendit se esse dominum: Cajus contendit se esse liberum: hoc casu dabitur actio secundum intentionem Titii, non secundum intentionem Caji, qui est in possessione libertatis sine dolo malo, quæ nec fuga vitata est nec injusta detentione interrupta. Itaque in hoc præjudicio exigetur probatio domini a Titio, non libertatis a Cajo. *L. 20.* sententia hæc est: Ex servitutis possessione agitur in libertatem: hoc casu actor est, qui contendit se esse liberum, et ideo si non probavit libertatem suam, secundum possessorem pronuntiabitur, etiamsi nequeat ostendere instrumentum emptionis mancipii, quod ei servus ille furto abstulerat. Nam nulla domini probatio a possessore exigitur. Quin etiam, ut eadem lex ostendit, si servus ille instrumento emptionis domino surrepto gerat se pro libero, videtur dolo malo esse in possessione libertatis. Itaque a domino servum repelente non exigetur probatio domini, sed furti: quo probato plane probabit servum dolo malo esse in possessione libertatis. Ex quo sequetur, servo libertatis possessionem probandi onus incumbere, servum pro actore habendum in hoc præjudicio. Conclusio hæc sit. Qui dicit dolo malo quem esse in possessione libertatis, dolum probare debet: quo expleto, qui est in possessione libertatis, libertatem probare debet. Nam qui est in libertate dolo malo: videtur esse in servitute. De tertio præjudicio tractandum est, scilicet an quis filius sit, de quo præjudicio queritur in *l. 1. §. per hanc D. de rei vindic.* Filiusfamilias præjudicio petitur hoc casu, si filiusfamilias vixit ut paterfamil. bona fide, non dolo malo, patri onus incumbit probandæ patriæ potestatis, *l. Titia*, *D. sol. matrim.* si vixit ut filiusfamil. filio onus incumbit probandæ emancipationis: vel etsi omnino neget pater eum suum esse filium, *l. 14. hoc tit.* cujus species hæc est. Titius Cajum filium suum esse asseveravit, vel etiam in censu habendo, Cajus se filium esse Titii professus est, consentiente Titio. Hæc asseveratio filium non facit, neque hæc professio censualis filium facit: filius natura tantum, aut adoptio facit, *l. 1. de adopt.* At hæc asseveratio, vel professio id efficit ut ille habeatur pro filio, quoad is, qui se patrem dixit, probaverit non se, sed alium patrem esse: probavit se non esse patrem, indicato vero patre. Constat nominatione et censu servum liberum fieri: nominatione et censu filius alienus, filius noster non fit idem dicendum de cognatis et agnatis. Cognatos sola natura facit, agnatos etiam adoptio, ut avunculum sola natura facit: fratrem et natura et adoptio facit, non quod quis possit adoptari fratris loco *l. nec apud*, inf. de hered. instit. sed quod adoptato filii loco sint fratres per

adoptionem alii adoptatoris filii, *l. qui in adoptionem, de adopt.* Fratrem igitur ita adoptio facit. Epistola fratrem non facit: ut si quis ad aliquem scribat quasi fratrem. Nominatio etiam alia quolibet fratrem non facit, ut si quem provocem iudicio familiae eriscundae, quasi fratrem consortem. At hoc etiam casu qui habet haec argumenta fraternitatis, eam quidem non probat, sed transfert onus probandi in eum, qui negat fratrem eum esse, *l. 13.* in qua *l.* quod initio dicit, consanguinitatem, postea dicit fraternitatem, et sic consanguinitas in libris nostris semper accipitur. Consanguineus fratrem significat.

Ad L. XI.

Si scriptum heredem ab amita tua, vel de testamenti vitio, vel quacumque alia ratione non posse obtinere hereditatem probari a te posse confidis: de hac hereditate apud rectorem provinciae agere potes.

Lex 11. pertinet ad petitionem hereditatis, qua qui agit contra heredem scriptum, probare debet vitia testamenti.

Ad L. XVIII.

Cum precibus tuis significes ignorante te praedium eum, cujus meministi, sibi velut a te donatum instrumentis inseri fecisse, si vera sunt, quae precibus indidisti, nec ad nomen factae donationis fundus iste pervenit: unde adito iudice competenti, probare te oportet contra voluntatem tuam hunc fundum instrumento adversarium tuum sibi adscribi laborasse, ut secundum tenorem rescripti nostri possis consequi sententiam.

Lex 18. pertinet ad rei vindicationem. Ego fundum vindico, et probo dominium, profero titulum auctoritatis; tu, qui possides, allegas eum a me tibi donatum. Id si probas probato donationis instrumento, vicisti, nisi contra id instrumentum donationis falsum demonstravero. Atque ita probatio probationem evertit; ut in *l. sive possidetis* diximus esse ponendam probationum collisionem, non presumptionem cum probatione, quod sit cum probatio probationem tollit.

Ad L. XIX.

Exceptionem dilatoriam opponi quidem initio, probari vero, postquam actor monstraverit quod adseverat, oportet.

Pertinet haec *l.* ad exceptiones. Exceptionum aliae sunt peremptoriae, aliae dilatoriae, *l. 3. ff. de except.* Peremptoriam statim contestari initio satis

est, nec est necesse eam statim probari, *l. 8. inf. de except. l. emptor, de praesc. longi temp.* Quod si non fuerit initio contestata, id est, si fuerit omissa in litis contestatione, adhuc poterit opponi, et poterit probari ante sententiam, vel etiam post sententiam, si appellatum sit, *d. l. 8. et l. 4. inf. de except. l. 2. inf. sentent. rescind. non posse*: si non sit appellatum, non item. Peremptoria exceptio post sententiam, a qua non est appellatum, sero opponitur, nisi qua ex causa impetratur restitutio in integrum, omisse exceptionis opponendae causa, *d. l. 2. l. 10. inf. de fidejuss.* Ergo peremptoria exceptio post condemnationem appellatione non rescissam non opponitur. Excipitur exceptio Macedon. et Vell. quae opponuntur etiam post condemnationem. Idque est ex sententia S. Consultorum, *l. tamen, D. ad Maced.* Excipiuntur etiam exceptiones peremptoriae, quae competunt militibus: Nam eis milites se defendunt post condemnationem. Id eis datur rescripto Antonini, *l. 1. sup. de juris et facti ignor.* Excipitur etiam exceptio, quae datur donatori ne conveniatur ultra quam facere possit; hanc enim opponit vel ante, vel post condemnationem, *l. Nasennius, §. ult. D. de re jud. l. qui id quod, D. de donat.* Item non datur ceteris, qui habent eandem exceptionem: latius succurritur donatori, quam ceteris. Maritus eandem exceptionem habet ne conveniatur supra vires, sed ea non ulitur post condemnationem. Nam quod est in *l. ex divers. §. ult. D. sol. matr.* non est de hac exceptione inopiae ne conveniatur supra facultates, sed de exceptione doli mali, cum maritus est condemnatus in solidum ignorantia iudicis, qui allegat inopiae rationem non habuit. Haec exceptio doli opponitur actioni iudicati, quasi imperite iudicatum ei causam dederit. Ceterum alia exceptio non opponitur actioni iudicati, et generaliter quolibet peremptoria non opponitur actioni iudicati. Quidam etiam excipiunt epistolam D. Adr. et male, ut ostendimus in *l. ult. sup. de const. pec.* Dilatoria exceptio initio litis opponi debet, non postea pendente iudicio, nondum sententia dicta, id est, opponi debet tempore litis contestatae, *l. 19. et l. pen. inf. de exc.* quae coercet etiam advocatos, qui illas allegant post contestationem litis. Igitur dilatoria est opponenda initio litis, in ipso limine questionis. Symmach. 1. Epist. loquens de procuratoria except. quae est dilatoria, eam dicit opponendam in ipso limine. Idemque de ea est proditum in *l. ita demum, et l. licet, sup. de proc. l. filiusf. §. ult. l. Pomp. §. pen. D. de proc. l. et ideo, D. de nov. oper. nunc.* Idem est etiam in exceptione fori, quae est dilatoria: nam evitari potest mutato foro et iudice. Haec exceptio fori est opponenda in ipso limine

litis, l. ult. inf. de exce. l. nemo, de jurisd. omnium jud. l. sed etsi sus. in pr. D. de jud. Hæ exceptiones, procuratoria scilicet et fori incompetentis, descendant ex personis: procuratoria quidem ex persona procuratoris qui agit: fori, ex persona judicis incompetentis: ideo debent initio opponi. Judicium enim his personis constat, actore, reo, vel procuratoribus eorum, et judice. De eis initio ut constet, est necesse, et ideo hæ exceptiones initio allegari oportet. Puto igitur exceptionem dilatoriam, quæ descendit ex ea causa, in qua de personis, quibus judicium constat non queritur, ut exceptionem pacti temporarii, quæ est dilatoria, etiam opponi posse quocumque tempore ante sententiam: idque ex veteribus Interp. qui censent hanc legem tantum esse accipiendam de exceptionibus dilatoriis, quæ ex personis descendant. Sic concludendum, quod est ex l. licet sup. de procurat. de personis, ex quibus judicium perficitur, initio aliquid certi esse constituendum, veluti de judice, et de partibus. Id si omittatur initio, postea sero in questionem deducetur. Verum utraque exceptio seu peremptoria sit, seu dilatoria probari debet postquam probavit intentionem suam actor. In oppositione differentia est quædam, quam dixi: in probatione autem non est differentia. Utraque probanda est postquam actor implevit suam intentionem, l. 9. inf. de excep. l. emptor, inf. de præsc. longi temp. et hac l. quia, ut diximus in l. 1. hoc tit. qui excipit, non videtur confiteri intentionem actoris. Ideoque probanda est primum actoris intentio, tum deinde probabitur exceptio allegata. Quod si reus palam confiteretur intentionem actoris, solius exceptionis probationem exigeremus: ut retro: si palam negaret intentionem actoris, tum solius intentionis probationem exigeremus: quin negationis nulla est probatio ob id ipsum, quia negatio esse non intelligitur. Additur huic l. 19. sententia quædam ex Novell. de testibus ab Irnerio addita, ut quidam putant. Fuit Irnerius auctor adjuugendæ Novell. C. Sententia ejus Novellæ hæc est, ut si quis semel, vel iterum, vel tertio testes produxerit, et productioni renunciavit, ut si dixerit se jam nolle ullos alios testes producere, non possit postea, mutato consilio, ad aliam testium productionem admitti, videlicet si et priorum testium dicta didicerit et cognoverit, vel etiam eorum exceptiones. Non satis est renunciavisse productionibus, nisi et quæ producta sunt teneat. Igitur si nondum ea, quæ producta sunt, percepit, et cognovit, admittitur ad novam productionem, licet renunciavit productioni, dummodo juret se priorum testium testimonia comperta non habere. Hæc est sententia Novellæ. Non video

autem cur sit conjungenda Novell. huic l. 19. debuit ea imo potius rejici in finem tit. de testibus, quod et in quibusdam libris habetur: nisi hoc modo conjungi dicatur; probata intentione actoris, reus debet probare exceptionem suam l. 19. probata intentione, vel exceptione, actor, vel reus non admittitur ad aliam testium productionem, si priorum dicta, vel eorum exceptiones cognitæ jam habuerit, et productionibus renunciavit. Et hoc est quod sit. Novella. Et ita non male conjunguntur hæ sententiæ. At Accurs. in l. 19. male putat ex ea Novella colligi cognitæ probationibus actoris reum non admitti ad probationem exceptionis suæ, quod est iniquum: et vero ea Novell. loquitur tantum de eo, qui produxit testes, et eorum dicta, vel exceptiones cognovit, et productionibus renunciavit, is non admittitur: adversarius qui nil produxit, admittitur: nec Novella id negat adversario, qui nihil produxit, sed ei, qui jam videtur satis superque produxisse, et productioni renunciavit. Idem est error Accurs. in ea Novella, et in l. offic. D. de rei vindicat. Ad hæc querit Accurs. an locus sit Nov. si appellatum sit, id est qui semel, iterum, aut tertio produxit, et renunciavit productionibus, et producta cognovit, an in causa appellationis admittatur ad novam productionem. Respondissem statim non admitti ex Novellæ sententia, sed de hac questione eam nimis disputarent interpretes, tandem fuit definita ab Alexandro in cap. fraternitatis, de testibus, et a Clement. 2. cap. eod. tit. ut si renunciatum sit productionibus, in eandem speciem nova productio non admittatur etiamsi sit appellatum, videlicet si et testimonia fuerint publica: nam sola renuntiatio non sufficit, ut diximus.

Ad L. XXI.

Ad probationem domini, aliena subtrahentes instrumenta, his uti minime possunt: quippe cum horum lectio non recitantiem, sed quem tenor scripturæ designat adjuvet. Cum itaque nec cetera probationum indicia reprobentur, jura competentis, prædiorum, quæ in questionem veniunt, dominium ad te ostende pertinere. Nam res vindicantem, ab emptore suos numeratos nummos ad-everantem, erga probationem laborare non convenit: si quidem hujusmodi, licet probetur factum, tamen intentione nullum præbet ad-miculum.

Pertinet hæc l. ad rei vindicationem, in qua petitor probare debet, et ea dicitur regula juris a Constantino, l. 1. C. Theo. de fid. test. Possessor, cum quo agitur vindicatione, non probat unde possideat, vel quo jure, quoque titulo teneat,

quod tamen Constantinus exigit in *d. l. 1.* ut et possessor exponat suum titulum: sed corrigitur a *l. cogi, de petit. hered.* quæ est etiam in *C. Theod. eod. tit. de fid. test.* Ex quo apparet *l. cogi* fuisse latam abolendæ constitutionis Constantini causa, quod adjici oportet iis, quæ diximus in *l. 2. sup.* Igitur solus petitor debet probare dominium: eo non probante possessor absolvitur, etsi nil ipse probet: dominium non solum probatur instrumento, sed etiam aliis probationum indiciiis, *l. proprietatis, et l. cum res, sup.* instrumentis probatur, ut instrumento emptionis et donationis: item instrumento auctoritatis dono accepto a domino. Nam donato instrumento auctoritatis res videtur donata, *l. 1. inf. de donat.* Qui mihi donat titulum suæ possessionis, id est, instrumentum, videtur mihi suam possessionem dare. Et sic probabo me hujus possessionis esse dominum. Diversum est si instrumentum auctoritatis domino surripueris: farto sublato non juvabor, *l. 20.* item dominium non probatur si quis ostendat suis nummis rem ab emptore fuisse comparatam. Nam quod mea pecunia emitur, non continuo meum fit, nisi sit meo nomine emptum, et mihi traditum. Certis tamen casibus rei emptæ utilis vindicatio domino pecuniæ datur.

Ad L. pen. et ult.

L. pen. Iubemus omnes, qui scripturas suspectas comminiscuntur, cum quid in judicio prompserint, nisi ipsi adstruxerint veritatem, ut nefarium scripturæ reos, et quasi falsarios esse detinendos.

L. ult. Sciant cuncti accusatores, eam se rem deferre in publicam notionem debere, quæ munita sit idoneis testibus, vel instructa apertissimis documentis, vel indiciiis ad probationem indubitatis, et luce clarioribus expedita.

Lex pen. conjungenda est cum fine legis *1. inf. quando civit. act. crim. præj.* Pertinet utraque ad accusationem falsi, ut indicat finis *d. l. 1.* Ex eoque apparet male Accursium putare in specie legis *pen.* damnari quem falsi sine accusatione, dum arguit *lin. l. 1.* in qua constituitur, ut qui suspecta instrumenta in judicio profert, vera ea esse probet, non adsimulata, alioqui falsi tenebitur, et quasi falsarius condemnabitur. Sed probatio etiam ab eo exigitur, qui falsa ea esse dicet: utraque igitur ex parte exigitur probatio, quod nominatim traditur in *l. 4. C. Theodos. de fide instrument.* quod in aliis etiam criminibus obtinet, *l. ult. in fine, inf. de abolition.* cum *l. ult.* est conjungenda *l. pen. infra de calum.* et conjunctæ sunt in *C. Theodos.* Ea *lex ult.* in accusationibus exigit

testes idoneos, et omni exceptione majores, instrumenta item apertissima. Nam instrumentis plerumque crimina probantur, maxime falsi: exiguntur indicia luce clariora: ut *M. Tullius pro Cælio, argumentis* (inquit) *agemus, signis omni luce clarioribus crimina refellemus.*

JACOBI CUJACII J. C.

In Lib. IV. Codicis,

RECITATIONES SOLEMNES

Ad Tit. XX. De testibus.

Tria sunt probationum genera, quæ ab ipsa causa et litigatoribus deferuntur; Testes, Instrumenta, Indicia, *l. ult. sup. tit. prox.* Testes admittuntur si de facto queratur; si de jure et qualitate queratur, vix testes admittuntur, veluti justum ne sit aliquid, an injustum, utile, an inutile. Sic etiam si de jure et statu personarum queratur, vix tam testibus contenti erimus. Plus valent instrumenta, ut natales, vel consuales professiones, vel etiam indicia, quod ait *l. 1. hic.* In omni lite certa indicia maximi momenti sunt, *l. indicia, sup. de rei vindicat.* quod scilicet testes pecunia corrumpi possunt: indicia non item. *Aristot. in fine Rethor. οὐκ ἔστιν ἐξαπατῆσαι τὰ τινά,* etc. Idem etiam in Græcorum libro, qui dicitur, *Παραχρῆν, tit. 30.* adnotatum est, potentiores enim tenuioribus agere debere tabulis vel instrumentis, non testibus; quia testes facile a vero possunt abduci, *Harmonop. 1. Epitom. tit. 6.* id ex eo retulit. Adversus scripturam quoque testes non admittuntur, si de fide scripturæ non dubitatur. Hæc testium probatio contra scripturæ testimonium non admittitur. Eadem de re *Paulus 5. Sentent. tit. de testib. et lib. 21. Basil. tit. 1.* Credimus scripturæ, id est, instrumento contractus potius, quam testibus, nisi falsum dicatur: scriptum scripto plerumque refutetur, non testibus, nisi cum falsum dicitur, *Novel. de testib. l. pen. inf. de contrah. stipul. l. pen. inf. de non numerata pec. l. 3. sup. si minor. et maj. dix.* At contra credimus testibus potius, id est, vivæ voci, quam testimoniis, defunctorum scilicet, *Novel. 73. l. 3. §. Idem. Divus, D. de testibus.* Exposui casus quosdam, quibus plus videntur valere instrumenta, quam testes: regulariter tamen in litibus, eandem vim obtinent instrumenta et testes, *l. in exercendis 1. tit. prox.*

At L. III. et seqq. usque ad L. XIV.

L. III. Etiam jura civili domestici testimonii fides improbat.

Quemadmodum domesticæ rationes in re propria fidem non faciunt: ita nec domestici testes. Etiam hæc ponitur pro præterea, ut hæc conjunctio complectatur omnia testimonia, quæ jure civili improbantur: hoc sensu multa testimonia improbat jus civile, atque etiam domestica. Testes domestici ita definiuntur: qui in eadem domo nobiscum habitant, et quibus imperare possumus, ut testes fiant. Theod. Bals. in Carthaginiensis Syn. can. 152. hujusmodi est servus, colonus, conditionalis quilibet, conjux. Inquilinus autem non est domesticus, licet in domo nostra habitet, non nobiscum. Nam et mercenarius, cujus operas conduximus, non est domesticus, nisi nobiscum habitet et degat, l. respiciendum, §. furta. D. de pæn. Si quem conduximus, non est domesticus, nisi una nobiscum habitet: non est etiam domesticus qui ædes nostras conduxit, puta inquilinus, nisi una habitemus, id est, nisi sit cœnacularius, qui cœnaculum tantum conduxerit: verum si domestici testes fidem non faciunt, multo minus ipse faciam in re mea, l. 11. inf. quæ lex est pars l. 1. sup. ne quis in sua caus. Et ideo conjungenda ei, in qua cavetur ne etiam quis in re propria judicet. Verum Accurs. querit in l. 10. an possit quis testis esse pro socio in re communi: id definitum est in eodem Πορταῖος, ex quo etiam retulit id Harmenop. in d. loco, ut scilicet socius pro socio testimonium non dicat in re communi, quoad societas sit soluta. Nam et res communis propria est. Frater autem in re fratris nullo jure vetatur testimonium dicere, nec cognatus in re cognati. Nam quod reprobat domesticum testimonium, eo dicto non est existimandum etiam reprobandum esse cognatorum testimonium: vel quoniam cognati affines non sunt domestici, nisi nobiscum habitent. Sequenda est Theodori definitio. At pater in re filii etiam emancipati vetatur, et contra, l. testis, D. hoc tit. Hoc notandum: quod sicut nemo cogitur contra se rationes domesticas edere, l. 3. de probat. ita etiam nemo cogitur contra se testes domesticos producere, veluti conditionales suos, vel cœnacularios, l. 7. h. t. At contra sicut cogitur quis in alium domesticas rationes producere, alii profuturas, non sibi, ut etiam diximus in d. l. 3. ita etiam cogitur quis in alium testimonium dicere, vel testes a domo sua producere. Eundem ubique est ratio. Regulariter inviti citantur in testimonium. Hoc tamen olim videtur tantum obtinuisse in causis criminalibus, l. 4. et 21. ff. hoc t. verum constitutione Justiniani non tantum in criminalibus: sed etiam in causis civilibus cogitur

quis adhibito jurejurando dicere quod scit, vel jurare se nescire. Cujus constitutionis fit mentio in l. pen. inf. hoc t. Ubi Accurs. vere scribit, eam constitutionem Græcam fuisse, quæ perit. Nam post legem 12. hujus tit. desiderantur duæ Justiniani constitutiones Græcæ, quas nobis conservavit lib. Basilic. Prima constitutio, id est l. 14. est de numero testium, ut scilicet, si desint instrumenta, ad probationem exigantur quinque testes, quod nulla alia lege certo definitum est. Hodie ex constitutione regia exiguntur decem in res singulas. Præterea ut in instrumentis sufficiant tres testes, quod congruit cum l. ultim. sup. si certum petat. l. scripturas, inf. qui pot. in pig. hab. ut in apocha, vel syngrapha sufficiant tres testes: acta autem et instrumenta publica non egere testibus. Additur etiam, ut si quis testis sit adhibitus instrumentis, vel conventionibus scriptis, lite mota ea de re omnino cogatur judicio adesse, et exponere quæ sent. et testimonium dicere, nec uti fori præscriptione posse, alioqui lederentur partes, quæ illius testimonio indigent. Ilque congruit cum l. 15. hic. Possunt ergo ab eodem judice coerceri, si deprehendanturarii vel falsi, licet eorum non sit competens iudex: secunda constitutio hoc continet quod supra diximus, ut scilicet in omnibus causis, invitis testimonium denuncietur: ut scilicet jurati testentur, vel jurent se nescire. Verum excipiuntur eadem constitutione, vel qui legibus excusantur, ut affines, et cognati. Hi enim inviti testimonium non dicunt l. 4. D. de testib. l. Jureconsultus, D. de grad. et aff. Excipiuntur etiam eadem constitutione viri illustres, et qui supra eos sunt. Hi nec in judicio, nec ex scripto, id est, neque præsentibus, neque absentibus testimonium dicere coguntur sine jussione sacra, id est, principis. Alii coguntur inviti testimonium dicere in omnibus causis, et quidem si præsentibus sint, viva voce: si absentes, mitti ad eos debent procuratores partium, ut coram eis dicant, quæ sciunt, vel jurent se nescire. Et hujus constitutionis partem hanc Justinianus intellexit in l. iudices, inf. de fide instrum. dum ait, ea, quæ disposuimus, scilicet in l. 4. de testibus. Et recte Accurs. in d. l. iudices, notavit Græcam constitutionem desiderari. De eadem fit mentio in Novel. de testib. Postremo additur ea constitutio, ut interlocutiones, quæ fiunt a iudice, exhibendorum testium, et audiendorum causa: itemque productiones fiant sine ullo testium impendio. Nam sumptus præstat qui producit testes: quod congruit cum l. 3. §. Gabinius, D. de testib. et cum l. eos qui, §. si quis autem, infra, de appel. l. 11. hic, et l. ult. C. Theodos. de abolition. quæ conjungenda est cum l. 10. hujus tit. cum sit utriusque eadem inscriptio et subscriptio.

Igitur præstat omnes sumptus, et viatica, qui eos producit, et etiam, quod receptum est in Gallia, quantum quisque testis suo artificio sibi parare possit. Productiones autem hæc sæpe fiunt iterum atque iterum. Et inde querunt interpp. quæ ex re possit cognosci, utram sit una productio, an plures: alii spectant vices, ut Azo, ut scilicet si aliquos produxero hac hora una sit productio, si alios sequenti hora, sit altera productio, licet fiat eadem die utraque. Alii spectant dilationes, ut si litigator jussus sit intra decem dies testes producere, quotquot sint producti intra eam dilationem habeantur pro una productione: et sunt in eadem sententia Albericus et Joannes, quod refert Accurs. in *Novel. de testib.* At id longe aliter est definitum *Novel. Leonis et Constantini novissimorum Imperatorum*, ut scilicet spectetur dies. Verba hæc sunt: unaquaque productione unum diem accipiente. Jam igitur hac de re non disputandum, cum habeamus certum jus, ut scilicet ex diebus estimemus productiones plures, non ex vicibus et dilationibus. Harmenop. eam *Novel.* retulerat *supra d. loco*, sed in excusis non est. Nunc tractemus de domesticis testib. Constat pro nobis interdictum esse testimonium domesticis testibus, sicut et nobis ipsis non cogimur etiam domesticos testes in nos producere. At queritur, an ipsi domestici nostri cogi possint, ut in nos testimonium dicant, quod non queritur de servis, qui quandoque, si alii testes desunt, audiuntur, adhibitis tormentis. Huic nationi hominum non creditur sine tormentis: in dominum tamen nunquam aut volentes, aut nolentes admittuntur, *l. 7. hic*: idemque est in libertis: hi etiam non possunt interrogari in patronum vel volentes, vel nolentes, *l. pridem, inf. de quest. l. 11. hic*: cui conjunge *l. ult. inf. qui accus. poss.* Verum de conjuge queritur, an ea adversus maritum cogi possit dicere testimonium, vel e contra. Joann. Papo refert, Lulætiæ pronuntiatum cogi posse: quod miror. Nam si affinis meus, id est, cognatus uxoris, non cogitur in me testimonium, dicere, *l. 1. C. de grad.* multo minus cogetur uxor, quæ mihi est proximior, quam ejus cognatus. Item si in majestatis crimine hoc tantum est permissum, ut uxor contra maritum audiat, Harmenop. lib. 1. tit. 6. in aliis sane causis non auditur. Rursus domesticorum exhibitio qualis est uxor, a nobis exigi solet, testimonii dicendi causa *l. 7. hic*. Id vero frustra exigitur, si potest trahi domesticus nobis invitis, si potest duci uxor, ut testimonium in nos ferat: igitur ex jure id potius est, ut nec uxor, quæ auctor est affinitatis, nec affinis cogatur in nos testimonium dicere. Puto etiam advocatum, qui nobis adest, et executorem litis, quem constat in ea lite non posse pro nobis testimonium dicere, adversum nos non posse etiam cogi, ut in

me testimonium dicant, licet aliud sit judicium Accursii *l. ult. ff. de testib.* Sed contra Accurs. judicatum fuisse idem Papo refert lib. 9. *senatus-consultorum.* Et hoc recte. Nam quibus interdictur testimonii dictio, usquequaque interdictur, ut nec pro nobis, nec in nos dicant. Ceterum testium aliis interdictur, alii excusantur, alii refutantur et refelluntur, sicuti tutores alii sunt, qui prohibentur esse, ut minores et milites, alii, qui excusantur, ut septuagenarii: alii dicuntur suspecti, et remouentur. Testes esse prohibentur primum domestici, et advocati, et executores in ea lite, quam tractant, ut diximus. Item liberti, et servi: item parentes, et liberi adversus se, vel etiam pro se invicem esse testes prohibentur *l. 6. hic, l. testis, ff. de testib.* Item mensitæ, id est sequestres ex *Novel. de test.* Item bestiarum, et arenarii, et prostibule, et domati publico judicio, *l. 3. §. lege, l. 14. et 15. D. de testib. l. 2. D. de senatorib.* Item damnati ob crimen famosum editum, *l. 21. D. de testib.* quod quidem refert Theod. Bals. Nomo. tit. 9. c. 2. Id ille refert quasi sit scriptum in hoc titul. falso. Nam ut in Basilicon, ita et in Pandectarum libris id est scriptum *tit. de testib. c. 20.* quod non animadvertentes duo interpretes Latini Balsam. lapsi sunt, dum *καταδικασθέντα ἐν τῷ νόμῳ τὰ παραχρῆμα φλυαρία,* condemnatum ob editum crimen famosum: hoc enim significat *φλυαρία*, vel Harmenop. teste, lib. 6. tit. 7. Unus tamen ex eis interpretatur, *condemnatum ob seditiosas, et turbulentas aliquas ineptias*: alter ita: condemnatum ob tumultuosam petulantiam: testes etiam esse prohibentur impuberes, *d. l. 3. §. lege.* Et in Synodo Carth. c. 132. Dicit aliquis, imo et minores 20. an testes esse prohibentur, *l. in testimonium, de testib.* Frustra igitur admonemur impuberib. non licere testimonium dicere, cum nec liceat puberib. ante ann. 20. Hæc videntur, quodammodo pugnare. Sic dico. Sicut impubes iudex esse prohibetur, *l. cum prætor, D. de judic. minor 20. annis excusatur a munere judicandi*, id est, non cogitur judicare, *l. cum lege, D. de recept. qui arb. recep.* Ita prorsus impubes prohibetur esse testis. Minor 20. annis excusatur. Ex testibus ut dixi, alii prohibentur, alii excusantur. Eodem modo excusantur alii, videlicet, ne omnino inviti testimonium dicant, ut affines, et cognati, et viri illustres, ex constitutione Græca Justiniani, quæ est *l. 14. hic.* Eodemque modo illi non coguntur suas rationes reddere in affines, aut cognatos secundum constitutionem Græcam titulo de edendo: de qua dixi in *l. 5. de probat.* Alii aliter excusantur. Nam non excusantur quidem a dicendo testimonio, sed ne in judicium venire cogantur, veluti senes, valetudinarii, milites, magistratus absentes, publicani, *l. inviti 1. et 2. D. de testib.*

Item Episcopi, Novel. 123. secundum quam est intelligenda *l. nec honore, de episc. et cleric.* ait, nec honore, nec legibus episcopus ad testimonium flagitatur: quid est nec honore, nec legibus? An nec jure civili, nec pretorio, ut Accurs. tentat: an vero, nec a iudice, nec a lege? Neutrum placet. Rectus Græci: nec volens honore prælato, si libet, nec invitus legibus, ut scilicet cogatur venire in iudicium testimonii dicendi causa, sed ad eum domum mittitur. Alii sunt testes, qui nec prohibentur, nec excusantur, sed excipiuntur, et refelluntur ut suspecti gratiæ, et infames omnes, *l. 5. hic*: sic dico omnes infames recte refelluntur, non omnes tamen ipso jure interdicti, ut calumniæ damnatus est infamis, nec tamen ei testimonium interdicitur, *l. quæsitum, D. de testib.* Sed eo nomine refelli potest. Eadem ratione excipiuntur inimici nostri, vel etiam amici et familiares producentis adversarii: qua ratione etiam coloni et inquilini nostri refelluntur, licet ipso jure eis non sit interdictum testimonium: atque ita *Hermenop. lib. 1. tit. 6. §. 18.* Ubi etiam male interpretantur, *μισθωτὸν*, mercenarium testem, cum sit colonus vel conductor prædiorum nostrorum. Colono nostro conditionali ipso jure est interdictum testimonium quasi domestico. Colono vel inquilino non conditionali ipso jure testimonium non interdicitur, sed per exceptionem. Dicimus exceptiones, et *παρρησιᾶς*, Gallice, *reproches*, testium, Novel. de testib. *l. si quis, testib. hic, l. pen. inf. de contrah. stipul. Socrat. lib. 1. c. 32. Ecclesiasticæ historię*, loquens de testibus: ut inimicos, inquit, excepi. Sic etiam libro 6. capite 2. et *l. si quis, de testibus*, hoc cavetur, ut si quis quosdam testes pro se produxerit, non possit eosdem in alia lite adversus se productos excipere, quasi suspectos, aut vitæ humilioris, vel deterioris, quis semel eorum fidem probavit. Dant tantum exceptiones ei dantur, inimiciarum, si quæ postea intercesserunt, et sordium. Potest etiam eos falsos dicere, si id potest probare, quod etiam cautum fuit Novella quadam Leonis et Constant. Ad hæc notandum ex *l. 3. solæ testationem fidem non facere, nisi aliis adminiculis adjuvetur*: quod est explicandum ex *l. 5. sup. de prob. et l. apud eos, inf. tit. prox.* Solæ testatio per se fidem non facit: debet enim fieri publice, *l. curent, D. de testib.* Debet fieri cum obsignatione testium, non quorumlibet, sed qui rem, de qua agitur, compertam habeant, ut si amiserit chirographum, frustra in testationem redigam me amisiisse chirographum vocatis testib. qui ignorent rem gestam, sive quod illo chirographo continetur, *d. l. apud eos*, id est, testes vel vicinos, non apud iudices. Hæc sunt adminicula, quæ in testationib. exigimus, quæ solæ non sufficiunt. Notandum

Tom. IX.

etiam ex *l. 8. testes in iuratos non interrogari.* Episcopi interrogantur adhibitis sacris Evangeliiis, et sacris scripturis, quod quidam putant esse ex *c. ult. de juram. cal.* imo est etiam ex Novel. 123. In Novella supra dicta Leonis et Constantini hoc ita explicatur, ut testes bis terve interrogentur a iudice sine iurjurando: et si quid ad litem afferre videantur, iurati id dicant. Additur quoque in *l. 9. ut testibus honestioribus potius credatur.* Honestiores plerumque jure civili æstimantur ex facultatibus. Et sæpe honesti, id est, divites. Itaque testes non tam numerantur, quam ponderantur, *l. 21. §. ult. D. de testib.* Postremum est in eadem *l.* ut unus testis non admittatur, etiamsi *præclaræ curiæ honore præfulgeat*, id est, etiamsi sit Senator: videnda quæ de uno teste dixi in *l. 3. sup. de reb. cred.* At ex prima constitutione Græca, quæ hic desideratur, videntur etiam duo testes non admitti, quoniam in instrumento exiguntur tres: sine instrumento, quinque: erravi hæc in disponendis constitutionibus Græcis. Prima constitutio Græca, quæ hic desideratur, est 12. et Zenonis, vel Anastasii, non Justiniani, quæ est de numero testium. Sequitur eam *l. nullum*, in qua continetur de præscriptione fori, quod diximus hæc, non in 12. Sequitur 15. Justiniani *de test. cog.* At si ex prima constitutione Græca duo testes non admittantur, quorum monemur unum testem non sufficere? quorum etiam pertinet *l. ubi numerus, D. de testib.* ubi dicitur duos testes sufficere, si numerus testium non addatur. Hoc videtur pugnare cum illa constitutione Græca, quæ tres aut quinque ait. Respondendum est ita. Lex ait si numerus testium non adiciatur, duos sufficere. Quod eo pertinet, ut cum *l. præcipit aliquid fieri presentibus testibus*, nec numerum exprimit, sufficiant duo testes. Si lex exprimit numerum testium, nil agitur, nisi tot adhibeantur, ut in testamentis, cum lex exigit 7. testes, et in divortiiis lex Julia exigit 7. testes, *l. nullum, de divort.* At si non exprimat numerum testium, duo sufficient, id est, quod sit coram duobus valet: verum non ideo in qualibet productione etiam duo sufficiunt. In apoche et syngrapha tres exiguntur: in depositione quinque, ad rei gestæ fidem faciendam *ἐν τῇ πράξει*, unus nunquam. Notant quoque Græci casus quosdam, in quibus unus etiam testis sufficit, ut tabellio, si manu ejus instrumentum scriptum negetur; si dicat se scripsisse, ei soli fides adhibetur, Novel. 73. Item exemplo tabellionis, argentarius, scripturæ mensariæ auctor, quia horum fides est publica, acta publica, scripturæ publicæ: notant etiam, si emphyteuta offerat canonem domino; satis esse, si offerat presente uno teste: quod unde sumpserint, nescio. Item sufficit unus testis, si quis vice dona-

27

loris voluntate ejus subscribat donationi scriptæ; donatio valet, nec alii testes exiguntur, *l. vice, et in donationibus, inf. de donat.* Postremo inquit, uni creditur propter notissimam testis gravitatem et constantiam.

Ad L. XVIII.

Testium facilitatem, per quas multa veritati contraria perpetrantur, prout possibile est, rescantes: omnibus prædicimus, ut qui in scriptis a se debita retulerint, non facile audiantur, si dicant omnis debiti, vel partis solutionem sine scriptis se fecisse, velintque viles, et forsitan redepptos testes super hujusmodi solutione producere: n si quinque testes idonei, et summe atque integre opinionis præsto fuerint solutioni celebratæ, hinc cum sacramenti religione deposuerint sub præsentia sua debitum esse solutum: ut scientes omnes ita ea statuta esse, non debitum, vel partem ejus persolvant, nisi vel securitatem in scriptis capiant, vel observaverint præfatam testium probationem: his scilicet, qui jam sine scriptis debitum, vel partem ejus solverint, a præsentis sanctione merito excipiendis. Sin vero facta quidem per scripturam securitas sit, fortuito autem casu vel incendii, vel naufragii, vel alterius infortunii perempta, tunc liceat his, qui perpassi sunt causam peremptionis probantibus etiam debiti solutionem per testes probare, damnumque ex amissione instrumenti effugere.

Si debitum petatur ex scripto, id est, ex chirographo, dissolutio ejus probari debet etiam scripto; id est, apocha: quæ etiam in h. l. securitas dicitur, et plerumque scriptum scripto subnuitur. An igitur solutio debiti scripti testibus non probabitur? Non quidem ex hac constit. nisi quinque idoneis et juratis, qui solutioni præsentibus adfuerint et qui id palam dicant se solutioni præsentibus fuisse. De auditione testimonium non valet, *Novell. de test.* Quod tamen valet in quest. de finibus agrorum, aut de operibus *l. si arbit. ff. de prob.* Fuit olim receptum in omnibus causis testim. de auditione, quasi aliquod haberet momentum, ut Asconius oratione 3. contra Verrem. Igitur eo casu debent testari se vidisse debitorem solventem, non etiam se id audisse ex aliis, debitorem solvisse etiam si tabularii sint: nam et de auditione tabellariorum testimonium non adhibetur, vel testari debent se audisse creditorem dicentem, sibi solutam pecuniam: ilque in ea *Novell. de test.* Quod notandum est, cum ex eo e contrario colligatur creditum probari, si testes dicant se audisse debitorem dicentem, sibi creditos nummos. Sed hoc ita procedit, si non id audierint, aut viderint solventem, aut numerantem,

ex τοῦ παρήκοντος, id est, in transitu, sed si nominatim in eam rem rogati fuerint, ut solutioni interessent, aut confessioni in solutum, aut creditum acceptæ pecunie. Non rogatis ergo non creditur, licet id viderint, aut audierint, quod videtur pugnare cum *l. ad fidem, de test.* Lex aut ad fidem rei gestæ sufficere etiam non rogatos testes. Respondeo, id locum habere in fortuitis casibus. Hi probantur per testes fortuitos, quos sors tum obtulit. Sic Harmenop. recte interpretatur ἐν τῷ συμβαλλόντων καὶ παρῶν. Non tamen ea lex locum habet in conventionibus, solutionibus, testamentis, quæ sunt solemniter rogatis testibus. Et hæc quidem diligens observatio et solemnitas *l. testium* in solutionibus exigitur si desit apocha. Nam si fiat apocha, vel sola fidem facit, sicut et chirographum: vel cum testibus tribus, secundum distinctionem, *l. ult. sup. si cert. pet.* At quid fiet, si facta sit apocha, et casu majore perierit, vel amissa sit? Hoc explicatur in fine legis, ut scilicet amissa apocha, tum solutio probari possit per testes quoscunque, etiam non rogatos, qui in transitu viderint debitorem solventem, aut audierint creditorem dicentem, sibi pecuniam solutam. Et ita solutio probabitur per testes non rogatos: non quidem per duos; ut ait Accursius, sed per quinque, ex prima constitutione Græca. Sin etiam e contrario, quod usavenit sæpe: amisso chirographo et amissionis casu judici probato, recte creditum probabitur, si qui sint, qui in transitu viderint creditorem numerantem, vel audierint debitorem dicentem sibi creditam pecuniam: nam eadem est causa liberandi et obligandi, *l. inter stipulantes, §. sacram, ff. de verb. obl.* Et consequenter debet esse etiam eadem causa probandi debiti et crediti: denique, et hæc sit conclusio, confessio facta extra judicium coram testibus quinque rogatis et juratis, valet tam ad obligandum, quam ad liberandum. Et hoc male Accurs. distinxit. Valet item ea confessio facta coram non rogatis testibus amissa apocha, vel chirographo: alias nō valet confessio extra judicium facta, nisi fiat in iure aut iudicio, ut diximus *sup. l. 9. de n. l. gat. et act.* Et quod dicitur, confessum haberi pro iudicato, id de confesso in iure tantum dicitur. Confessus extra judicium nondum habetur pro iudicato, sicut qui apocham, aut chirographum scripsit, quæ scriptura dicitur ἐμολογία, non est statim pro iudicato: confessio illa facta coram testibus ex non scripto, comparatur apochæ, vel chirographo, et eandem vim obtinet. Sicut igitur scriptor chirographi, ita et confessus nondum est pro iudicato. Item, ut chirographo vel apochæ opponi potest exceptio non numeratæ pecuniæ intra præstituta tempora, ita et ei confessioni puto posse opponi illam exceptio-

nem, cum scripto comparetur h. l. qua de re querunt interpretes.

Ad L. pen.

Si quando invitos testes in pecuniariis causis ex nostra lege aliquis trahere maluerit, si quidem sua sponte fidejussorum sum personæ sine damno prestare velint, hoc fieri: sin autem noluerint, non carcerali custodia detrudi, sed sacramento eos committi censimus, etc.

Ex constitutione Græca Justin. etiam in pecuniariis causis inviti testes evocantur, qui ante Justinianum non inviti evocabantur, nisi in criminalibus: facit mentionem hujus constitutionis Justinianus in hac lege, cum ait, ex nostra lege: unde Accursius collegit esse Græcam. Veniunt ergo inviti in civilibus causis: cum venerint, satisfaciunt iudicio sistendi causa, id est, se a iudicio non recessuros, nulla pecunia data ad excipiendam satisfactionem actorum nomine. Et hoc est quod ait hæc l. sine damno, id est, sine impensa, ut l. sancimus, inf. de admin. tut. §. at ex contrario, Inst. quib. alien. licet, vel non, l. ult. §. pen. inf. de bonis auctor. jud. poss. vel etiam si testes nolint satisfacere, committuntur cautioni juratorie, carcere autem non continentur, inviti non satisfaciunt, sed ut de re, ita de persona sua juratis creditur. Et ut l. ait, dies duodecim 15. in iudicio permanere debent sumptibus producentis: satisfaciunt igitur vel jurati repromittunt 15. dies iudicio sisti, intra quos a iudice interrogandi sunt utraque parte præsentem, dum scilicet recipiuntur productiones, et receptiones testium fiunt utraque parte præsentem. Imo possunt etiam fieri interdum *παρασπῶς*, id est, parte tantum, quæ testes producit, præsentem, si altera pars ob contumaciam absit admonita per executores, quod et continetur *Novel. de test.* Regulariter causæ non aguntur *παρασπῶς*, sed utraque parte præsentem, id est, cognitionaliter, sive *ἐκδότῳ*, nisi causæ appellationis, hæc enim aguntur *παρασπῶς*, et ex contumacia alterius partis, l. ult. ff. ad Trebell. l. ult. §. illud, de temp. ap. Jusjurandum etiam quod delatum est parti, non præstat *παρασπῶς*, nisi absit altera pars per contumaciam, l. pen. sup. de reb. cred. Productiones item testium non fiunt *παρασπῶς*, sed utraque parte præsentem, et generaliter omnia edicta litis, Zonar. et Balsam. in *Can. 74.* Apostol. Item Socrates lib. 1. c. 17. Quod autem diximus, productiones testium fieri utraque parte præsentem, et receptiones, id ita accipiendum est, non ut utraque pars

audiat testes respondentes interrogantibus, alioqui testimonia statim publicarentur, quod nunquam ita fit, sed ut dum testes producantur, et interroganti admittuntur, utraque pars adsit hæsitant tamen hæc in re interpretes. Additur in h. l. pen. post dies 15. testib. non dicto testimonio jus abeundi esse, nec iterum posse eos invitos evocari, qui re infecta abierunt, et si iudex intra eos dies cessarit, nec interrogavit testes productos, læse parti tenetur damni nomine actione in factum, et causam suam facit. Et hæc quidem hæc lege constituntur in causis civilibus. In causis criminalibus hoc argumentum est, testes diutius detineri posse, et carcere etiam contineri: nec illos iurejurando committi, ut sit in civilibus causis. Hic querunt interpp. an testes produci possint ante litem contestatam, quod in foro dicitur examen ad futurum, id est, an future litis testes recipiantur? Jure constat non recipi hæc testimonia: dicuntur testimonia litis, l. 4. ff. de testib. Testimonia judicialia, l. pen. sup. de hæret. Ergo nunquam recipiuntur, nisi sit lis aut iudicium. Est etiam titulus hæc de re in jure Pontificio, ut lite non contest. non proce l. At hoc jure civili verum non esse puto, quanquam alio jure utamur ex cap. quoniam, supradict. tit. ut etsi metus sit, ne testes, qui nunc sunt, non sint litis tempore, id procedat, veluti si sint senes, aut valetudinarii: nam et hoc casu si volumus testes recipi, litem oportet instituere statim, et summarim causam agere. Et ita loquitur *lex in lege*, quam perverso accipiunt, ff. ad leg. Aquil. Male et ex §. pen. *Novel. de testib.* putant probare ante litem posse testes produci, cujus sententiæ nullum est vestigium in eo §. Nil quippe pertinet ad hoc *lex laudabile*, §. quot esque, supra, de advocat. divers. judic. Nam non loquitur ea *lex* de testibus future litis, sed de actis, seu monumentis, quæ fiunt apud patronos fisci, juris sui conservandi causa. Et verbum *allegationes* in ea lege non significat probationem, sed vel exceptionem, vel defensionem, vel protestationem quamlibet *δίκαιον λόγον*, quæ sit apud acta: ut si scripsero me accepisse mutuum pecuniam, potero contestari apud acta, me non accepisse, et postulare ut ea de re acta conficiantur. Vel etiam si amiserò chirographum, ilque sciant quidam, potero apud acta id redigere in testationem: vel etiamsi funus fecero, non pietatis causa, sed ea mente et animo, ut sumptus repetam, potero id testari apud acta, l. et si quis §. sed interdum, ff. de religios. et sumpt. fun. Sed hoc non est producere testes future litis.

Ad L. ult.

Cum apud compromissarios iudices testes fuissent producti, variatum erat utrum deberet eorum depositionibus in iudicio litigator uti, an non esset audiendus. Sancimus igitur, si quidem in compromissis aliquid pro huiusmodi causa statutum est, hoc observari. Sin autem nihil conventum est in huiusmodi casibus: si quidem supersint testes, licentiam habere eum, contra quem depositiones eorum proferentur, si eas recusaverit, concedere testes iterum adduci, et non opponi eis, qui jam testimonium suum dederint. Vel si hoc concedere minime maluerit, depositiones eorum, quasi factas accipere: omni jure legitimo, quod ei competit, adversus eas servato, etc.

Jure civili semel producti testes, et interrogati, iterum non interrogantur. Cujus argumentum est hæc l. ultima, quæ est exceptio illius definitionis. Alio quidem jure utimur, sed jus civile tale habet, nec immerito, ne scilicet retractentur totius testimonia. Est exceptio in hac lege. Pinge: Duo compromiserant in arbitrium, jamque unus testes produxit apud arbitrum, postea relicto arbitro, transierunt ad iudicem ordinarium: is, in quem producti sunt testes apud arbitrum, non patietur eos iterum in iudicio interrogari, quia obstat regula juris. Sed ex hac constitutione non poterit testimonia, id est, depositiones rejicere, nisi id patietur. Debet igitur illa testimonia admittere in iudicio, salvo exceptionibus, si quas habet: aut debet pati testes iterum produci, et interrogari si sint superstites. Nam si sunt defuncti, eorum testimonia sunt recipienda omnino in iudicio, quæ scilicet dixerunt apud arbitrum, vel etiam si alii sunt superstites, alii defuncti, defunctorum testimonia sunt recipienda: superstitum item nisi malit is, in quem producantur, testes potius ipsos iterum produci. Additur tamen h. l. legem compromissi iudicem sequi debere, si de testibus lex aliqua in compromisso contineatur. Hæc lex est conjungenda cum fine l. pen. sup. de recept. arbitr. In qua generaliter traditum est, professionibus, et attestationibus factis apud arbitrum, postea apud iudicem ordinarium uti licere: atque hoc casu iterum producentur, et audientur. Quo casu anadret Bartolus, ut qui iterum interrogantur, ne quicquam mutent, postulent sibi edi exemplum prioris testimonii, in l. eos, ff. ad leg. Cornel. de fals. ubi et multa alia addit, quæ jure civili decisa non sunt.

JACOBI CUJACII J. C.

Ad Lib. IV. Codicis.

RECITATIONES SOLEMNES.

Ad Tit. XXI. De fide instrumentorum.

Multæ sunt leges in hoc titulo de amissione instrumentorum, et de his, quæ sine scriptura fieri possunt, quibus ostenditur, amissionem instrumentorum, si aliis probationibus res probari possint, nihil officere veritati: ut creditori nihil noceat amissio chirographi, si aliunde probare possit, l. 1. et 5. hic. Debitori nihil nocet amissio apochæ, l. 4. hic, de qua diximus l. 5. sup. de probat. Ingenuo nil nocet amissio professionis natalis, l. 6. hic. Profectantur olim natos apud acta. Veterano honesta amissione dimisso nil nocet amissio testimonialis, l. 7. Literæ, quæ dabantur dimissis, dicuntur testimoniales, l. ult. inf. de prof. et medicis. Veget. lib. 2. Per testimoniales ex more dimissis. Domino item nil nocet amissio instrumenti auctoritatis, l. 8. 9. 10. et 12. Actorum etiam amissio emancipatis nil nocet, l. 11. quæ lex est accipienda de emancipatione legitima, quæ sit ex duodecim tabulis, etiam sine actis. Anastasiana et Justiniana emancipatio non sit sine actis: et generaliter ubi amissio instrumentorum vel actorum non nocet, nec amissio eorum nocebit. At quaeritur an casum amissionis probari oporteat. Et quidem ubi non est necessaria scriptura, ejus amissionem probari non oportet, si aliæ probationes suppetant negotio: nec hoc exigit l. 5. ut amissio probetur. Nam non hoc significat, casum amissionis esse probandum, sed ait creditoris casum conquerentis petitioni non esse statim credendum, nisi aliis argumentis probet sibi deheri. Et in ea l. 5. ita est legendum, vel aliis argumentis probari filem, etc. Vel etiam eo casu, quo non est necessaria scriptura, si tamen intervenierit, et perierit, amissione probata, nil agitur, nisi aliæ probationes suppetent. Et huc pertinet l. 13. hic, quæ ostendit testationem habitam de amisso instrumento nil prodesse, nisi habita sit apud eos (puta vicinos) qui rem gestam, id est, tenorem amissi instrumenti mente teneant, et sciant facta ea esse instrumenta, quæ periisse dicuntur, et quæ in eis fuerit *δύναμις*. Igitur non satis est probare amissionem, nisi et cetera probes. At cetera probare satis est, id est, rem gestam, etiamsi amissionem non probes. At ubi scriptura est necessaria, ea si intervenierit, et perierit, amissionem probari oportet, etiamsi aliæ probationes sup-

petant, quas quidem probata amissione etiam omnino exigimus; ut si scriptura testamenti perierit, duo probanda sunt, peremptio, et tenor testamenti, quod ex scripto constabat. Item in specie *leg. testium in fin. sup. de testib.* Ubi solutio debili scripti, si non adfuerint quinque testes rogati, non probatur nisi scripto, quo amisso, ut illa lex ait, amissionis casum probari oportet; deinde solutionem per quoscunque testes. Et hæc de amissione instrumenti. De fide instrumenti, etiam sunt multæ leges: primum in libris eandem esse vim instrumentorum, et testium, *l. 15. quod diximus l. 1. sup. de testibus*, ut dicimus testimonia litis, *leg. 5. ff. de testib.* ita et instrumenta litis, *l. si quis aliquid, §. si quis instrumentum, ff. de pen.* Et ut jure nostro instrumenta ante litem non producantur, sic nec testes, sicut diximus in *l. pen. sup. de testib.* Præterea, ut testium productio potest fieri peregre missis procuratoribus partium, si testes absint, ex constitutione Græca Justiniani, quæ est *l. 4. de testib.* ita et instrumentorum productio, receptio, et discussio, si non sint in præsentia, potest fieri peregre, *l. 17. hic*, quam vulgo male sic accipiunt, ut testes possint proferri ad reprobationem instrumentorum; quod sit raro, nisi arguantur instrumenta falsi, ut dixi in *l. 1. de testib.* Verum hæc non est sententia legis 17. sed quod Justinianus constituerat de testib. peregre producendis et audiendis ex sententia et interlocutione judicis, id in *l. 17.* similiter constituit de instrumentis peregre producendis et recipiendis, præsentem utraque parte, aut eorum procuratoribus; si ita iudex decreverit. Testibus variis et secum pugnantibus fides non adhibetur, *Novel. de testib.* quem loquitur non tantum de testibus, qui sibi ipsis contrarii sunt; sed et de testibus, qui invicem sunt contrarii, id est, uli aliis, ut Hermenop. libro primo, tit. 6. Aliud est in ea *Novel.* sibi ipsis esse contrarios, aliud invicem esse contrarios: omnes tamen rejiciuntur. At additur in ea *Novel.* honestioribus et omni exceptione majoribus fidem adhibendam, ut *l. 9. sup. de testib.* Quo exemplo adjici potest ad *d. l. 14. hic*, ut diversa instrumenta, et secum invicem pugnantia ab una eadem parte prolata fidem non faciant, nisi si quæ momenti judici videantur esse majoris. At si omnia sint paria, et testes varios, et instrumenta varia rejiciemus. Notandum etiam de fide instrumentorum: in lite non recipi instrumentum, quo adversarius apud acta testatus est non usurum, id est, eo non poterit uti mutata voluntate, *l. 3. hic.* Videtur enim id improbasse, et habuisse pro falso. Denique in ea lite habebitur pro falso. Nunc quæro, quid si instrumentum, quo adversarius utitur, ab alio in alia lite prolatum, falsum pronuntiatum sit, an

etiam in hac lite pro falso habebitur? Non utique; nisi et in hac lite probetur falsum. Nec res inter alios judicata, præjudicium adfert, *l. 2. hic.* Fieri enim potest, ut inique falsum sit pronuntiatum. Nec tamen idem dici potest de testibus, si in alia lite sunt damnati quasi falsarii, *leg. Cornelia de falsis*, quia damnatis publico judicio testimonium amplius dicere non licet, *l. 3. §. lege, ff. de testib.* Tractant interpretes in *d. l. 2.* quomodo sit hæc regula accipienda, rem inter alios actam, vel judicatam alii non nocere, de qua est proprius *tit. inf. de re judic.* et *l. sape, D. de re judic.*

Ad L. XVII.

Contractus venditionum, vel permutationum, vel donationum, quas intimari non est necessarium, dationis etiam arrarum, vel alterius cujuscunque causæ, quas tamen in scriptis fieri placuit: transactionum etiam, quas in instrumento recipi convenit, non aliter vires habere sancimus, nisi instrumenta in mundum recepta, subscriptionibusque partium confirmata, et si per tabellionem conscribantur, etiam ab ipso completa, et postremo a partibus absoluta sint: ut nulli liceat prius, quam ita hæc ita præcesserint, vel a scheda conscripta (licet literas unius partis, vel ambarum habeat) vel ab ipso mundo, quod necdum est impletum, vel absolutum, aliquod jus sibi ex eodem contractu, vel transactione vindicare: adeo ut nec illud in hujusmodi venditionibus liceat dicere, quod pretio statuto necessitas venditori imponatur, vel contractum venditionis perficere, vel id, quod emptoris interest, ei persolvere. Quæ tam in postea conficiendis instrumentis, quam in his, quæ jam scripta, nondum autem absoluta sunt, locum habere præcipimus: nisi jam super his transactum sit, vel judicatum, quæ tractari non possunt: excerptis emptionalibus tantum instrumentis, jam vel in scheda, vel in mundo conscriptis, ad quæ præsentem sanctionem non extendimus, sed prisca jura in his tenere concedimus. Illud etiam adjicientes, ut in posterum si quæ arræ super facienda emptione cujuscunque rei datæ sunt, sive in scriptis, sive sine scriptis: licet non sit specialiter adjectum quid super eisdem arris non procedente contractu fieri oporteat: tamen et qui vendere pollicitus est, venditionem recusans, in duplum eas reddere cogatur, et qui emere pactus est, ab emptione recedens, datis a se arris cadat, repetitione earum deneganda ().*

In contractibus non exigimus scripturam, nec acta, exceptis donationibus, quæ plerumque nego-

(*) Vide Merrill. var. ant. ex Cujac. lib. 2. cap. 3.

fiunt aliquod in se habent, id est, fiunt certa lege, ac tum proprie dicuntur contractus. Hæ donationes apud acta insinuari debent, si sint majores ducentis aureis ex jure antiquo: si sint majores trecentis, ex jure medio: si sint majores quingentis, ex jure novo. Minores ergo quingentis hodie ex jure novo sine actis valent. Ex Constitutionibus regum nostrorum omnes donationes cujuscunque summe insinuantur, quod et olim probavit Constantinus, l. 1. C. Theod. de spon. Quoniam in hac l. ait, donationes, quas intimari non oportet, id est, insinuari. Strictius semper sunt habitæ donationes, et non cum summa ratione eas Justinianus accipiendas censuit: solo consensu non perficiebantur sine traditione, mancipatione, vel cessione in jure. Hodie perficiuntur ex constitutione Justiniani. Non valebat donatio omnium bonorum infinite, cum tamen valeret venditio: imo non valebat etiam donatio dimidiæ, vel tertiæ partis bonorum, specialiter rebus non designatis. Sed ex constitutione Justiniani valent: dationes etiam arrarum nullam scripturam exigunt: quæ etiam contractibus adnumerantur, et a Græcis dicuntur Arrabonici contractus. Sunt quædam negotia, de quibus dubitari potest an sint contractus. Hujusmodi sunt arrarum dationes: esse tamen constat, ut hæc l. indicat, si modo in ea legatur *dationes*, non *dationes*, et postea, *transactiones*. Dubitatur etiam de datione dotis, sed hæc est etiam contractus, l. contractus, ff. de reg. jur. l. exigere, de judic. Item de divortio; sed divortium etiam est contractus, l. si uxor, ff. de judic. l. jurisgentium, §. ut puta, ff. de pact. Transactiones autem non sunt contractus, et in hac lege separantur a contractibus duobus locis et jure merito: nam vel sunt pacto, aut acceptilatione, l. 2. ff. de transact. Acceptilatio autem distractus est, non contractus: pactum nec est contractus, nec distractus, quia nec obligat, nec liberat: at ut contractus, ita et transactiones nullam scripturam exigunt: cum autem dicimus in emptionibus et permutationibus, transactionibus, donationibus, et arris scripturam non exigi, id ita procedit, nisi convenerit, ut de eis scriptura fieret: hæc conventio scripturæ necessitatem inducit: ut non intelligantur perfecta hæc negotia sine scriptura: et hæc conventio in iis tantum donationibus est utilis, quæ actorum insinuationem non desiderant. Nam in aliis, quæ desiderant, inane est hoc cavere, ut fiat scriptura, quia id ipso jure ita se habet. Igitur contractus, vel transactiones conficiuntur non *sine scriptura*, si ita convenerit. Scripturam quomodo fieri oportet, ostendit hæc l. nec enim quævis scriptura perficit contractus, quos ex scriptura fieri convenit. Primum enim contractus rediguntur in schedam, quæ

sic dicta est ἀπο τοῦ χαῖν, vel a scindendo. Schedæ sunt veluti adversaria, deinde rediguntur contractus in mundum, ut ait hæc l. Novella de tab. ait in chartam puram. Hieronym. in purum, adversus Rufin. deinde mundum subscribi a contractibus oportet; vel si instrumenta sint publica, id est, si a tabellione conficiantur, antequam contractus in scriptis habiti perfecti intelligantur, oportet mundum compleri, et partibus edi a tabellione: sic ex conventionem scriptura perficitur contractus, non aliter, nec quolibet admitteretur. Itaque antequam eo modo sit perfecta scriptura, locus erit pœnitentiæ, quasi nondum perfecto contractu: interim etiam periculum erit venditoris, §. 1. de empt. et vend. Instit. l. ult. de contrah. empt. et ideo recte l. 2. D. de contrah. empt. ait, solo consensu perfici venditionem sine scriptis habitam: nam si fiat ex scripto, eam scripturæ formam exigimus, quam Justinian. hic prescribit. Accurs. et interpretes putant schedam in Novella de tab. appellari protocollum: qui error etiam fors occupavit. Sunt juris nostri pleræque voces: quæ quod sint male ab interpretibus nostris acceptæ, accipiuntur et male in foro. Sequitur altera pars legis de Arris. Arras dat emptor venditori: non perfecto contractu culpa venditoris, restituit venditor arras in duplum conditione ex hac lege, ut opinor; nam hæc pœna est legitima: non perfecto contractu culpa emptoris, emptor arras perdit, quas dedit. Non est di par emptoris et venditoris conditio, siue pœna: nam et emptor quod de suo dedit, perdit; et venditor tantumdem de suo dat, alterum non dat de suo, sed reddit. Ita in sponsalibus sponsus arras dat sponsæ, sponsus arras amittit, si per eum stet, quo minus sequantur nuptiæ: sponsa tenetur in duplum: l. 3. inf. de spons. quæ pœna etiam est legitima. Et hoc ita procedit, si venditio nondum perfecta fuerit, ut si eam scriptis mandari convenerit, et scriptura in mundum nondum digesta sit. At quid fiet de arris; si venditio sit perfecta, nec ab ea recedatur? imputabuntur arræ venditori in pretium, si in nummis consistant, l. ult. ff. de Leg. commiss. vel si in aliis rebus consistent, pretio soluto repetuntur, sicut pecunia credita soluta, pignora repetuntur. Arræ sunt veluti pignora. Neque nummi tantum dantur arrarum nomine, sed etiam aliæ res, ut annuli, l. ex empto, §. is qui vina, de act. empt. l. 3. §. item si institor, de instit. act. In libr. Genes. cap. 30 sic in sponsalibus arræ nomine, non nummi, sed munuscula dantur, ut apud Capitol. in Maxim. juniore. Repetuntur autem arræ actione ex empto, vel conditione sine causa, dict. §. is qui vina: non vindicantur ait l. 3. inf. de act. empt. ex arrali pacto personalem duntaxat actionem paciscentibus parari: non paratur ergo realis.

Ea l. pactum arrale vocat: at heri contractum esse diximus. Respond. est, non esse novum, ut idem sit pactum et contractus, l. si unus, §. pactus ff. de pact. l. pacta, ff. de contr. empt. Pactum, inquit, proficit ad novum contractum: sic pactum arrale, quod dat one arrarum sumpsit effectum, et pactum, et contractus est: et ideo ex eo datur actio personalis, non realis, ut ex venditione docet l. 1. ejusdem tituli dari personalem actionem, non realem: et ita pactum divisionis, vel permutationis, quod traditione sumpsit effectum, et pactum, et contractus est: item quod stipulatione sumpsit effectum, et pactum, et contractus est, l. 3. inf. de rer. perm. l. divisionis, ff. de part. Nec tamen ideo minus dicitur nuda, tit. de dot. prom. vel nuda poll. inf. item pactum, quod adjicitur contractui ex continenti, nudum dicitur, l. jurisgentium, §. sed cum nulla, juncto §. quinimo, ff. de pact. Nam cum in §. sed cum nulla dixisset J. C. nominationem, pactum nudum actionem non parere, exceptionem parere, et pactum nudum nominationem appellasset, subjicit in §. quinimo, imo et interdum format ipsam actionem, veluti si adjiciatur contractui ex continenti. Igitur aperte legem contractus vocat pactum nudum: nec nos movet l. ult. infr. de rer. per. l. 1. infr. de pactis convent. quarum sententia est. Rebus donatis certa lege, ex ea l. actionem dari: atqui non est ex pacto actio. Respondeo, hoc ita procedere, si sit tantum pactum nudum; at si sit pactum, et contractus, ex eo datur actio, non quidem plane, quia pactum est, cum et id nudum sit, sed quia contractus, d. l. divisionis. Nunc queramus quid sit juris, si venditio perfecta sit, et ab ea recedatur. Distinguo: aut mutuo consensu ab ea receditur, aut ex una tantum parte: si mutuo consensu, arrae repelentur actione ex empto, vel condictione sine causa, dict. §. is qui vina, et l. 2. inf. quando lic. ab empt. disc. sed si ex una tantum parte recedatur ab emptione jam perfecta, ut si rem venditor tradere nolit, an tenebitur in duplum nomine arrarum? Minime: nam dupli præstatio pœna est non perficientis venditionem, at hic perfecta est, nec eam imperfectam reddit mora venditionis: cessat igitur dupli præstatio, sed competit actio ex empto in venditorem, ut cogatur rem tradere, nam cogi potest districto ut tradat: vel etiam agatur in id quod interest: dabitur etiam repetitio arrarum: nam culpa nulla emptoris intercedit: itaque non est, cur arras amittat, non est etiam cur debeat compensare id quod interest cum arris, ut Hugolinus censet recte, cum separatam causam habeat: igitur utrumque feret, arras, et id quod interest, sed si emptor sit is, qui nolit implere contractum, id est, pretium solvere, agatur in eum ex vendito: cui actioni si satisfecerit, reddentur ei ar-

re, nisi res l. commissoria venierit, id est, ut inempta fieret, pretio ad diem non soluto. Nam eo casu, pretio non soluto, finitur venditio, nec redduntur arrae, quoniam culpa emptoris committitur venditio, et fit irrita, l. de lege, et l. 4. de lege commiss.

Ad L. XIX.

Plures apochis vel redituum, vel usurarum perceptis, si quando super his fuerit dubitatio exorta eas habere se negando, jus agentium faciunt vacillare, cum coloni adversus dominum certantes, et sibi iniquam forte libertatem vindicantes, vel debitores creditoribus suis temporalem præscriptionem opponere cupientes, ad easdem infirmitates perveniunt. Quod resecantes, jubemus, ut in præfatis casibus, vel aliis privatis similibus, si voluerit is, qui apocham suscepit, ab eo accipere, vel antapocham suscipere: omnis ei licentia hoc facere concedatur, necessitate imponenda apocham susceptori antapocham reddere: ita tamen, ut si hoc is, qui apocham conscripserit, facere neglexerit, vel non curaverit: nullum ei præjudicium ex eo, quod antapocham recepit, generetur, cum hoc, quod pro quibusdam introductum est, inferre eis jacturam minime rationi convenit aequitatis. Datum xii. Calend. Octobr. Chalcedone, Decio v. c. Cons.

Est de antapochis faciendis. Apocha est professio solutæ pecuniæ: dicitur etiam securitas in Novell. ἀπόδοσις, ἀποπύλη, ἀποπύλη: dicitur et a quibusdam evacuatoria, ab evacuanda obligatione: dicitur etiam ἀξυρωσίς dicitur etiam apochæ recantata, Novell. 130. Græci verunt ἐκπύληματα, non minus male, quam in eadem Novella delegatores πύληται. Sic D. Augustinus lib. de cur. pro mort. ger. ubi ait esse recantum. Debitor creditori chirographo cavet, creditor debitori apocha recavet. Antapocha autem quid est? An scriptura, qua constitetur debitor se solvisse creditori data? Minime; non ita concipiebatur antapocha. An est scriptura, qua debitor fatetur se debere antapocham? minime. Antapocha est exemplum apochæ, quod habet subscriptionem debitoris, qui habet apocham: atque id hæc lege ostenditur: nam quod initio hic vocat exemplum apochæ, postea vocat antapocham: hæc verba sunt delenda: vel antapocham suscipere. Et sic recte definiunt antapocham Jacobus et Fulsius. Sic in Novell. de reis, ἀνταπόδοσις est exemplum libelli petitionis. Apocha datur debitori, ut ex ea probet se solvisse. Antapocha datur creditori, ut ex ea probet sibi solutam annuam pensionem, vel canonem annuum emphyteuticarium, vel annuas usuras. Atque ita ut summovent præ-

scriptionem temporis, vel ut quam aliam defensionem sibi paret. Et hoc certum est usuræ annuæ præstationem tolli præscriptione triginta annorum, et cum principalis actio tollatur, usurarum obligatio est sequela sortis, *l. eos, in princ. inf. de usur. l. si quis emptiois, a ult. de præscr. 30. annor.* verum creditor, cui debentur usuræ, hanc præscriptionem summovet, probando ex antapocha sibi solutas usuras, et ob id antapocham flagitare potest. Quod si dominus petat a colono, vel emphyteuticario annuum vectigal: hæc lex non dicit ei opponi præscriptionem triginta annorum, cum hæc obligatio per se consistat, nec sit alterius sequela. Et ideo non nisi ex singulis annis, quibus singulis actio nascitur de annua pensione, vel annuo vectigali, præscriptio 30. annorum opponi potest, *l. cum notissimi, §. ult. de præscript. 30. annor.* Et sic constituenda est differentia inter usuras, et alios redditus annuos. Et ita Martinus accepit recte cum §. ult. nulla habita differentia inter stipulationes et legata, ut et ille §. ait non esse habendam: nec Martino obstat hæc lex nostra, quæ dicit præscriptionem temporalem opponi usurarum annuæ præstationi, id est, si per triginta annos cessatum sit solvi usuras: non autem dicit eam opponi annuæ reddituum præstationi. At sepe fit, ut coloni, et ascriptitii nostri capite censiti se in libertatem vindicent, et dicant se propria possidere, non nostra, et requirant a nobis titulum, dicant se *ἰδοτεταπίου*: Idque ostendit *l. litibus, infr. de agric. et cens. lib. xi.* quæ huic *l.* est conjungenda: verum coloni repellentur, si probaverit dominus eos redditus et pensiones quasi colonos diu persolvisse: quod quidem probabit antapocha, id probant papyro terreo, ut ajunt. Quare apochis datis, utile est antapochas vicissim accipere, quas et reddere, id est, dare cogitur is, qui apocham suscipit. Igitur hæc lex, cujus sententiam exposui, est de antapochis faciendis, nulla est in hoc tit. de apochis faciendis: itaque legendus sic hic titulus, *De fide instrumentorum et ammissione eorum, et de antapoch. fac.* male vulgo *de apochis*. Ceterum si creditor non curaverit sibi dari antapocham, quid fiet? cogitur debitor dare, idque datur hæc *l.* creditori, ut possit debitorem cogere sed si id negligat, hæc ommissio an apochæ nil nocebit ei si possit aliis rationibus probare sibi solutum, id est, non est necesse, ut probelet antapocha sibi solutum: nam et aliæ probationes admittuntur. Quod introductum est causa creditoris, puta ut ei scilicet fiant antapochæ, non debet converti in ejus perniciem, *l. quod favore, C. de leg.* et hoc proponitur in fine legis.

Ad L. XX.

Comparationes literarum ex chirographis fieri,

et aliis instrumentis, quæ non sunt publice confecta, satis abundeque occasione criminis falsitatis dare, et in judiciis, et in contractibus manifestum est. Ideoque sancimus non licere comparationes literarum ex chirographis fieri, nisi trium testium habuerint subscriptionem, ut prius literis eorum fides imponatur, vel ex ipsis hoc deponentibus, sive cunctis, sive omnino, lo duobus ex his, sine comparatione literarum testium producente, et tunc ex hujusmodi chartula jam probata, comparatio fiat: aliter etenim fieri comparationem nullo concedimus modo, licet in semetipsum aliquis chartam conscriptam proferat, sed tantummodo ex forensibus, vel publicis instrumentis, vel hujusmodi chirographis, quæ enumeravimus, comparationem trutinandam. Omnes autem comparationes non aliter fieri concedimus, nisi juramento antea præstito ab his, qui comparationem faciunt, fuerit affirmatum, quod neque lucri causa, neque inimicitias, neque gratia tenti, hujusmodi faciunt comparationem, et hoc observari tam in omnibus sacris nostris scriniis, quam in apparitione omnis sublimissimæ præfecturæ, nec non magisteriæ potestatis, ceterisque omnibus judiciis, quæ in orbe nostro constituta sunt, his omnibus in posterum observandis. Comparationes etenim jam antea factas retractari, extra periculum minime est. Datum xiv. Kal. Aprilis, Lampadio et Oreste Con.s.

Instrumenta, aut sunt privata, aut sunt publica: privata sunt, veluti chirographa, apochæ, et antapochæ, et quælibet scripturæ non confectæ a tabellione, dicuntur *αὐτόγραφα* et *ἰδιόγραφα*, *l. scripturas, qui pot. in pign. hab. Novell. 49. et 142.* Publica instrumenta sunt, quæ a tabellione conficiuntur, quæ et forensia dicuntur in hac lege: et *ἄγροφα*, in dictis Novell. addita *Novell. 53. et 73.* quæstio autem *l.* hæc est, an comparationes literarum fieri possint tam ex privatis, quam ex publicis scripturis, id est, collationes scripturarum, *l. ubi, ad l. Cur. de fals.* quæ in Nov. a Justiniano *παρασέως* et *συγγραψ* dicuntur: ut si quis neget suam esse scripturam, ex qua cum eo agitur, quaeritur an ea ex similitudine conferri possit cum alia, et an sola collatio fidem addat scripturæ. Et quidem si collatio fiat ex publico instrumento, fidem faciet: an et si fiat ex privato instrumento fidem faciet? Ita videtur secundum jus antiquum, quod in hac *l.* tollit Justinianus; propterea quod, ut ipse ait, plerique hac occasione utebantur ad imitanda aliena chirographa. Et constituit Justinianus, ut non fiat collatio ex privato instrumento, nisi illud privatum, quod ad comparationem confertur, habuerit subscriptionem trium testium, ex quibus duo saltem testes suam manum recognoscant, vel ne-

gentes, collatione suorum literarum convincantur: idque procedit, ut ait, etiamsi privatum instrumentum, quod quis ad comparationem profert, contra eum, qui profert faciat, vel in ea causa, vel in alia: nam ex eo etiam non fiet collatio, nisi habuerit subscriptionem trium testium. Ab hac constitutione Justiniani duo excipiuntur casus in *Novell. 49.* Primus casus est: si ego agam ex privata scriptura non habente subscriptionem trium testium, et tu defendas te ejusdem manus alia scriptura: hanc scripturam, qua tu te defendis, si negem esse ejusdem manus, fiet comparatio cum ea, qua ipse ntor, licet non habeat subscriptionem trium testium: nam ejus fidem probasse videor, cum ex ea intentionem meam confirmaverim, ut testes non excipio, quibus utor, vel sum usus, *l. si quis testibus: sup. de test.* ita nec instrumenta. Alter casus est, si privata scriptura, quae non habet subscriptionem trium testium, proferatur ex publicis tabulariis, in quibus plerumque privatorum deponuntur, vel ex arca praefecti praetorio, in qua deponebantur rationes fiscales, et quaecumque ad fiscum pertinebant, quae dicitur etiam mense: hanc scripturam, quae ex illis locis profertur valet ad comparationem, licet non habeat subscriptionem trium testium, nec ait a tabellione facta, quia publicum testimonium habet, quia pro publica habetur cum e publico eratur. Et haec quidem de *Novella 49.* nunc explicanda *Novella 73. de fide instr.* quam plerique putant hanc legem abrogare. At id falsum est, nam illa nil huic *l.* abrogat, sed id tantum constituit, ut sola literarum per se comparatio non sufficiat, etiamsi sint ex publico instrumento, vel etiam ex privato habente subscriptionem trium testium: sed ex ea *Novella* est necesse, ut instrumentum privatum, vel publicum, cujus fides comparatione literarum probatur, monitum etiam sit tribus testibus: etsi forte testes illi aliud dicant, aliud literarum comparatio suadeat, testibus est potius credendum, hi si aliud judici videatur. At testibus mortuis, quid fiet? si privatum fuerit instrumentum, sola comparatione necessario contenti esse cogimur. Item si publicum fuerit instrumentum, et testes mortui sint, et tabellio et minister ejus, sive discipulus tabellionis, et pecuniae numerator: nam saepe in contractibus adhibetur pecuniae quidam numerator, ut argentarius: hi omnes si mortui sint, tum etiam sola comparatio sufficiet: comparatio inquam, non tantum literarum tabellionis, sed et contrahentium, et testium, qui subscripserunt. At vivo tabellione, testibus vivis, aut mortuis, non utemur comparatione, quia tabellionis jurati testimonium sufficit, et quidem solius, quasi publicum testimonium. Quod adnotatum est ab Hermenop. *lib. 1. tit. 6.* non satis recte, videlicet hoc

Tom. IX.

modo, ut solius tabellionis testimonium sufficiat in comparatione collatorum instrumentorum. Quod enim opus fuit adjici in comparatione? cum tabellione instrumentum recognoscente nulla fiat comparatio. Itaque ad illum locum Hermen. in regio Codice hoc aliter adnotatum est, *ἡ παραπληρωσις δὲ ἰσχυρῶς, haec adnotatio eget examinatione.* Quod diximus, solius tabellionis testimonium sufficere, hoc ita procedit, nisi et contractus numeratorem pecuniae habuerit, et nisi tabellio per ministrum suum instrumentum scripserit. Tabellio semper instrumentum comp'et, non tamen id scribit semper, sed dat scribendum discipulo: qui si superstes fuerit, et numerator pecuniae, hi etiam interrogandi sunt una cum tabellione, ut fides addatur instrumento publico sine comparatione. At tabellione mortuo, tum literarum tabellionis comparatione utemur, si dubitetur de scriptore instrumenti; sed sola non sufficiet, si testes superstes sint, vel numerator pecuniae, vel a manu tabellionis, nam et hi sunt interrogandi, sola comparatio sine his adminiculis fidem non addet instrumento. Est haec sententia *Novell. 73.* quae eo distat ab hac *l.* quod ea agit de instrumento vel de instrumenti solemnitate, cujus fides comparatione alterius scripturae confirmatur: quam solemnitatem exigit in civitatibus tantum, et in contractibus, qui excedunt libram auri. Nec ea *Novell.* abrogat legem ultim. *sup. si cert. pet.* ut iki diximus. In hac autem *l.* agitur de instrumento, cujus comparatione alteri fides adjungitur; in ea *Novel.* exigit Justinian. ut et is, qui profert instrumentum, et is qui id comparatione approbare postulat, uterque juret de dolo et de calumnia: in hac autem *l.* exigit, ut collatores etiam literarum, quorum interventu, et arbitrio fit literarum collatio, ut scriniarii, praefectinarii, urbaniciani, et magisteriani, et omnium judicum apparitores: hi erant literarum peritissimi, edebant namque omnia acta, et excipiebant, conferbant etiam scripturam cum scriptura, quoties de fide ejusdem in judicio dubitabatur. Hi, inquam, collatores scripturarum debent jurare se nec sordide, nec inimice nec gratiose quicquam in ea re admissuros, sed ex bona fide se literas collaturos, et quid videbitur judici relatuuros. Et addit in h. *l.* ut haec constitutio servetur in omnibus judiciis, in judiciis praefecti praetorio, in judiciis magistri officiorum, in sacris cognitionibus, in sacris scriniis, puta memoriae, epistolarum, libellorum, dispositionum, ut scilicet in eis non fiat literarum comparatio, nisi eo, quo constitutum est modo. Accurs. inquit, scrinio, id est, pectore, scrinia sunt *αἱσῆς, ἀρχὴ, l. omnium, inf. de test.* quam citat: ait Imperator se habere jus omne in

scimus, memorie puta, et dispositionum, quæ sunt veluti ἀρχαῖ, et quedam tabularia principum. Sunt et multa alia errata Accurs. primum, putat alia esse forensia instrumenta, alia publica: hoc falsi arguunt tres dictæ Novell. Idem enim sunt: nam licet dicat hæc l. Forensibus, vel publicis, non ideo est ex constituenda differentia: vel enim est sæpe ἐπικυρωτικόν, ut in tit. de opt. vel elect. legata. Errat etiam, dum putat in agris, et in contractibus non excedentibus libram auri arandum Nov. 73. duos testes sufficere: unde enim hoc sumpsit? immo vero et in contractibus non excedentibus 50. libras duo sufficiunt, vel potius nulli exiguntur, l. ult. sup. si cert. pet. et sola comparatio fidem faciet, si fides instrumenti in dubium vocetur, etiamsi desint testes. Et hæc est mens Novell. 73. Errat etiam Accurs. dum putat Novell. 49. abrogare hunc locum hujus l. licet in semetipsum aliquis chartam proferat. Merito reprehenditur a Paulo Castrensi: nam in ea Novell. ponuntur tantum speciales duo casus et exceptiones, quas supra dixi. At non abrogatur. Verum ea Novella ait, se corrigere hanc l. nominatim, sed qui ex ea pit, et aliquid supplet, corrigere dicitur: et hoc sensu etiam prætor emendat jus civile, dum quid supplet, §. 1. Inst. de bon. poss. Errat etiam, dum putat privatum cum publico vel publicum cum privato conferri non posse, sed privatum cum privato, publicum conferri cum publico; verior est sententia Joannis, ut possit et publicum cum privato conferri, et privatum cum publico, in quo sit subscriptio ejusdem manus: idque hæc etiam l. significat. Postremo errat, dum putat Novell. 73. quæ scilicet exigit, ut juret is, qui postulat comparisonem fieri, id tolli per Novell. 49. aut pugnare cum §. ult. quia initio litis id semel jurari satis habet. At de alio genere jurisjurandi agitur in Nov. 49. quo scilicet quis jurat initio litis se probationes ab adversario non petitorum differentie litis causa. Et dicitur jusjurandum dilationis: id initio semel præstari satis est. Alia est forma jurisjurandi, quod jurat is, qui comparisonem fieri petit: nam non solum de calumnia jurat, sed etiam de dolo, id est, se nihil dolo fecisse eo instrumento quod ad comparationem profert, et his similia quædam diximus in l. 9. sup. de rebus creditis. Exigitur eodem modo speciale quoddam jusjurandum de calumnia in specie legis ult. hic, quod Accurs. eo loco mutari non putat Nov. 49. propterea quod illa Nov. loquitur de civilibus causis. In specie l. ult. id jusjurandum præstari putat in causa criminali. Hoc totum est vitiosum: nam in specie l. ult. non præstatur jusjurandum in causa criminali. Item ex Novell. 49. jusjurandum, quod requirit l. ult. hodie non

requiremus: initio enim semel præstitam sufficit: id ex specie l. ultimæ constabit.

Ad l. ult.

Cum quidam instrumentum protulerit, vel aliam chartulam, eique fidem imposuerit, postea autem persona, contra quam ista chartula, vel instrumentum prolatum est, quasi falsum hoc constitutum redarguere nitatur: ne diutius dubitetur utrum necessitatem ei, qui protulit, imponi oporteat repetita vice hoc proferre, an sufficiat fides jam approbata: sancimus, si quid tale eveniat, eum, qui petit iterum eam chartam proferri prius sacramentum præstare, quod existimans se posse falsum redarguere, quod prolatum est, ad hujusmodi veniat petitionem. Quid enim si cum nosset deperditam esse chartam, vel forte concrematam, vel alio modo diminutam, hanc requiri adsimulans, et ad difficultatem productionis respiciens, hujusmodi faciat petitionem? Et postquam hoc ab actore, vel petitore fuerit juratum, et inscriptionum pagina apud competentem judicem deposita: tunc necessitatem imponi ei, qui protulit chartam, de qua quæritur, iterum eam apud judicem criminis proferre, quatenus possit apud eum crimen falsitatis ventilari. Sin autem dicat non esse sibi possibile eam ostendere, quia per fortuitos casus hujus copia ei abrepta sit: tunc subeat sacramentum, quod nec habeat eandem chartulam, nec alii eam dederit, nec apud alium voluntate ejus constituta sit, nec dolo malo fecerit, quo minus appareat ea, sed revera ipsa chartula sine omni dolo sit deperdita, et productio ejus sibi impossibilis sit: et si tale subeat sacramentum, ab hujusmodi necessitate relaxetur. Quod si prædictum jusjurandum subire minime maluerit: tunc quasi falsa chartula nullas habeat vires adversus eum, contra quem prolata est, sed sit penitus evacuata. Neque enim ulterius penam produci contra eos, qui non juraverint, volumus: cum forsitan quidam subtili reverentia tenti, nec verum sacramentum præstare patiuntur. Eandem autem copiam ei præstamus, donec causa apud judicem ventilatur. Si enim jam plenissimum finem accepit, et neque per appellationem suspensa est, neque per solitam retractationem adhuc lis vivere speratur: tunc satis durum est hujusmodi querelæ indulgeri: ne in infinitum causas retractentur, et sopita jam negotia, per hujusmodi viam iterum aperiuntur, et contrarium aliquid nostro eveniat proposito. Datum v. Kalend. Mart. Lampadic et Oreste vv. cc. Consa.

Questio hæc est. An instrumentum, quod quis semel in judicio approbavit sine controversia, po-

sten ab adversario quasi falsum impugnari possit: et constituitur in hac l. ut possit. Et ideo ejus instrumenti productionem iterum fieri debere, postulante adversario, præstato jurejurando de calumnia, se non petere instrumenti iterum productionem fieri, vexandi adversarii, et negotii differendi causa, et inscriptione in crimen falsi facia. At quid fiet si is, qui jam instrumentum semel protulit, dicat se nunc id amisisse? Si juraverit se amisisse, judex sequetur fidem semel instrumento datam: sed si id nolit jurare, quod dicit se amisisse, fides abrogabitur instrumento quasi falso, ipse tamen poenam falsi non sustinebit. Potuit enim superstitione quadam imbutus noluisse jurare. Et ideo liberatur, et excusatur a poena falsi: ceteram instrumento fides abrogatur. Et hæc ita procedunt pendente lite: nam finita lite nemo cogitur producere iterum instrumenta litis finitæ. Finitur autem lis sententia, si appellatione suspensa non sit, vel retractatione, quæ loco appellationis est, §. pen. Novell. 82. de judic. Atque retractatio est accipienda in fine hujus legis: jungitur enim appellationi, quia est ejus loco. Atque ita etiam in l. ult. inf. de tempor. appellat. §. illud etiam. Quæ traduntur initio de appellatione, deinde trahuntur ad retractationem, quæ illius est loco. A sententia præfecti prætorio non est appellatio: retractatio est ex principis scripto. Nunc sic dico: lite per appellationem, vel per retractationem suspensa, adhuc quis cogitur instrumentum semel judici probatum, quod nunc dicitur falsum, iterum judici exhibere: lite autem appellatione, vel retractatione non suspensa, non cogitur iterum proferre, quia lis est finita: poterit tamen accusari falsi, etiam post finem litis: si doceatur falsarius in lite usus falso instrumento, non ideo statim lite finita agat ex integro, nisi probetur judicem falsi instrumenti fidem secutum, dixisse sententiam, ut ostendi in tit. si ex fals. instr. etc. Denique post sententiam, appellatione, vel retractatione non suspensam, non cogitur quis instrumentum iterum producere, potest tamen accusari falsi, et ita recte Cynus conjungit hanc l. cum d. tit. rejectis duabus Accursii interpretationibus. Idem etiam Accursius male putat hic jusjurandum de calumnia præstari in causa criminali: præstatur enim ante accusationem falsi ab eo, qui petit instrumentum iterum exhiberi: ergo præstatur nondum cæpta criminali causa coram judice civili. At vero nunquam legitur, in criminali causa jusjurandum de calumnia præstari: nam inscriptio sufficit: hæc alligat talioni, et calumniam satis coercet, et cohibet, et continet. Hæc fuit sententia Martiani, a qua male discedit Accurs. l. 1. sup. de jurejur. propt. cal. etc. Nec moveor obstitu-

tionem quadam Imperat. Henrici secundi dicti Claudi, quæ extat in lib. 2. legum Longobard. tit. de advoc. etc. Et de ea etiam loquitur Honorius in cap. 1. de juramento calumnie: verum ea constitutio non dicit clericos neque in civili re, neque in criminali causa jurare de calumnia sed nullo modo eis licere in causa jurare. Et Martiani constit. quem Henricus et Honorius appellant Marcum in l. cum clericis, sup. de episc. et cler. quæ lex loquitur de clericis Constantinopolitane urbis: illam inquam l. Martiani ad omnes omnium civitatum clericos pertinere constat. Hæc est sententia illius constitutionis. Itaque nullus est locus, qui dicat jusjurandum de calumnia præstari in causa criminali.

JACOBI CUJACII J. C.

In Lib. IV. Codicis,

RECITATIONES SOLEMNES

Ad Tit. XXII. Plus valere quod agitur, quam quod simulate concipitur.

Pertinet etiam hic titulus ad instrumenta. Quælibet res geri potest sine scriptura, nisi aliud convenerit. Hæc est sententia tituli superioris: rerum veritas scripturis obscurari non potest. Hæc est sententia hujus tituli: ut igitur per se rerum veritas constat sine scriptura, ita non potest labefacti scriptura simulata: plus enim valet veritas, quam simulatio; nec plus quicquam tribuitur scripturæ, quam rerum veritas concedat. Cujus sententiæ hic sunt tria exempla. Si emerò fundum meo nomine, et in instrumento emptionis uxoris nomen inscripsero, ut fraudarem creditores, vel alia ex causa, dummodo non in fraudem legum. Si ita res gesta sit, mihi competit actio ex empto, et mihi dominium acquiritur, et creditoribus meis hypothecariis ejus fundi nomine datur actio in possessorem hypothecariis: plus enim valet veritas, quam simulatio: ejus est fundus, qui emit, non ejus, quem scriptum est emisse, l. 2. et 4. hic, et quis emerit questio est facti, id est, quæ sit rerum veritas, questio est facti, cujus definitionem Jurisconsulti non præstant, sed judices. At quid dicemus, si uxoris meæ nomine emerò, non meo, et instrumento uxoris nomen inscripsero, mihi autem tacite negotium gesterò? Constat etiam hoc casu idem juris esse ex Justiniani edicto 7. Forma Pragmatica de argentariorum contractibus, §. penult. Et hæc de re plenius dicemus in l. multum, inf. si quis alteri, vel sibi: nam hic casus proprie non pertinet ad hunc titulum, cum res gesta videatur consentire cum scriptura:

nam et emit uxoris nomine, et ejus nomen inscribit. Alterum exemplum est ex l. 3. hic. Simulata emptione facta pignoris gratia, pignus valere, emptionem non contrahi. Et ideo pretii petitio non est, cum aliud sit actum, aliud scriptum, id est, contractum, pignus, emptio scripta, et sic in l. cum ea que, sup. de transaction. simulata emptione transactionis causa facta transactio valet, emptio nulla est. Tertium exemplum est ex l. ult. hic. cujus species est: rem meam, quam tibi mandaveram ut locares Titio, contra fidem mandati eam Titio vendidisti, instrumentum venditionis conscripsisti: ego instrumentum venditionis quasi locationis subscripsi per errorem. Lex ait neque venditionem esse contractam, quia ego vendere nolui: neque locationem, quia Titius conducere noluit: nec subscriptio plus valet, quam voluntas mea, et rerum veritas. Verum est, me noluisse vendere, et ideo falso scriptum est me vendidisse. Et ob id vocat instrumentum falsum. Igitur hæc scriptura nil valet, rerum veritas potior est; que tamen non efficiet, ut videatur ulla contracta obligatio, cum nec in venditione, nec in locatione uterque consenserit. Ego locare volui, Titius noluit conducere. Et ita dissensus noster impedit utrumque contractum: scriptura simulata non conciliat voluntates nostras diversas. Unum est in l. ult. notandum. Haloander ita legit, *subscribenti non relecto, sed fidem habenti suasit*: vulgo aliter: et rectius: mutandum tamen illud *subscribenti*, et legendum, *subscribere te*, deinde, *non relecto, sed fidem habenti*: id autem dictum est Græcorum more. Nam est repetendum illud: *Tibi scilicet non relecto, sed fidem habenti*, id est, cum relegesses instrumentum. Terent. ait: *Non sit peccato mihi ignosci, æquum*. Cicero: *cui errato nulla venia, ei recte facto*, id est, erranti et recte facienti.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. XXIII. De Commodato.

Incipiamus a definitione. Commodatum est, si quis rem suam alteri gratuito utendam dederit, certo sine modove eandem recepturus. A Græcis dicitur *χορηγία*, ab usu: a Latinis commodatum, a beneficii gratia, l. in commodato, §. sicut, ff. com. Qui locat, rem quoque suam utendam dat, sed mercede, non gratuito, l. si ut certo. §. nunc videndum, commod. Qui dat mutuum rem suam quo-

que utendam dat, sed aliam ejusdem generis, non eandem recepturus, l. 2. in princip. ff. de reb. credit. Agroetius Grammaticus: *commodamus amico pro tempore rem, hanc ipsam recepturi*: præterea qui precario dat, rem quoque suam utendam dat: sed non certo sine modove, nam precarium repetitur quoties libet, l. 2. ff. de prec. At commodatum non repetitur nisi tempore expleto vel modo: Precarium quotiescunque libet. Sic recte Isidorus 3. *Etymol.* inquit, *commodatum est id, quod juris nostri est, et ad alios temporaliter translatum est*. Et ita in specie l. 2. hic. Temporalis ministerii causa ancilla commodatur, et ministerio finito est actio commodati: qua qui agit, probare debet commodatum, quod allegat, secundum regulam juris exigentem ab actore probationem; et in l. 5. alteri res datur pignoranda, id est, commodatur ut in ea causa sit, quoad ille creditorem suum absolverit, et ita certo modo certove sine datur, quo expleto, id est absoluto, creditori est actio commodati. Hæc indicant, quid sit commodatum, et quid a similibus negotiis distet. Nunc restant duæ questiones, quarum prima est, an in actione commodati sit locus compensationi. Quod negat lex ultima hic. *Prætextu debiti*, id est, sub obtentu compensationis debiti ex alia causa *restitutio commodati non probabiliter recusatur*. Ergo ait, agenti ex causa commodati compensationem opponi non posse. Id vero Accursius in hunc modum accipit, si debitum, cujus compensatio allegatur, non sit certum et liquidum, verum quidem est debiti non liquidi compensationem non fieri, l. ult. inf. de compensat. Sed unde hoc colligit Accursius in specie l. ult. debitum non fuisse liquidum? An id colligit ex his verbis, *prætextu debiti*? quia ex aliis non potest: quasi autem significetur his verbis fictum et incertum debitum. Eadem verba, *prætextu debiti*, sunt in l. 1. inf. de mund. et l. 3. sup. ne fideus, vel respub. et ubique significant certam debiti causam, seu supponunt certam: hoc nihil est apertius. Itaque his verbis Accursii sententia nullo modo juvatur. L. ult. autem non negat compensationem fieri ratione debiti, quod compensatur, sed ratione commodati: commodati hanc esse naturam, ut petenti protinus restitui debeat, nec jure compensationis retineatur, hæc est sententia l. ult. Hoc tamen videtur falsum. Nam excepta est sola causa depositi, l. ult. de compensat. l. ult. inf. Depos. Sunt illæ leges Justiniani, sed ante Justinianum idem obtinuit, ut indicat Paulus 2. *sentent. tit. Depositi*. In omnibus aliis actionibus compensationi locus est. Excipitur sola causa depositi: causa commodati non excepta est. Hoc plus habet depositi actio, quam ceteræ, licet sint bonæ fidei: Nam ut actiones strictæ non eodem modo omnes

censentur, id est, pari jure stricto, ut *tit. de cond. ind. sup.* diximus: ita actiones bonæ fidei, bonam fidem aliæ aliis ampliorem exigunt, nec eodem jure censentur omnes, id est, æquitate pari. Bona fides est, depositum reddere: bona fides est, commodatum reddere: Hoc si non facias, non est actio famosa: Illud si non facias, actio est famosa, id est, actio commodati non famosa: depositi est. Turpe est depositum non reddere: turpe non est commodatum non reddere. *Aristot. in prob. sec. 19.* Item depositorum ratio anteponitur privilegiis, id est, prius solvi oportet deposita, quam veniatur ad creditores privilegiarios, *l. si hominem, §. ult. D. de pos.* Item chirographis depositorum non opponitur exceptio non numeratæ pecuniæ, vel non depositæ rei, *l. in contractibus, inf. de non num. pec.* Hæc omnia sunt in deposito singularia. Denique depositum est optimæ fidei, id est, ampliorem bonam fidem exigit, quam cetera negotia. Præterea in actione commodati compensationi locum esse verum est, non tantum si id compensetur, quod contraria actione commodati commodatarius, cum quo agitur, consequi potest, *l. in reb. §. ult. commod.* sed etiam si id compensetur, quod ex qualibet alia actione commodatario debetur, *l. Lucius, D. Mand.* quæ lex ostendit, agenti commodati, objici petitionem mutuum, quod plane est compensare, *l. 1. inf. rer. amot.* Conclusio igitur hæc sit. In actione commodati locum esse compensationi, sicut in ceteris, exceptam esse solam actionem depositi. Quid igitur dicendum ad legem ult. hujus tituli? Ego nunquam cogitavi in *l. ult. pro commodati* esse legendum *commendati*, quod titulus non permittit, sed dixi hanc legem esse notandam quasi Triboniani et ceterorum compositorum erratum, in quorum manus incidit hæc constitutio, corrupte habens *commodati*, pro *commendati*. Et ideo non animadverso mendo, eam sub hoc titulo posuerunt, quam mendo sublatum debuerunt ponere sub *tit. Depos.* In quo etiam *tit.* sunt duæ leges eorundem Imperatorum de *commendato*, *l. 6. et 9.* in quibus quidam codices perperam etiam habebant *commodatus*, pro *commendatus*: commendatum nil est aliud quam depositum. *Ambr. lib. de Tobia, cap. 11.* *Commendatum est depositum, quod custodiatur causa alicujus commissi, Isidorus §. Depositum, est pignus commendatum ad tempus, quasi diu positum.* Nil igitur in hac lege muto, quia titulus non patitur: nil muto, quia locum non commuto. Errorem Triboniani, et pravam collocationem indico. Altera questio est, quid veniat in actionem commodati, utrum dolus, et culpa, et omne periculum? id est, damnum fatale, casus fortuitus. Idem queri solet de omnibus contractibus, et nos specia-

liter etiam in singulis de ea tractabimus. Contractibus aliis inest tantum doli præstatio, ut deposito et precario, propriis rationibus, quas mitto. In his duobus contractibus dolus tantum præstatur: aliis vero contractibus inest præstatio doli et culpe, ut mandato, commodato, pignori, vendito, locato. Item doti, tutelæ, gesto, societati, rerum communioni. In his contractibus venit dolus et culpa: imo in his contractibus quidam exigunt etiam diligentiam. Hoc additur in *l. contractus, D. de div. reg. jur.* ubi diligentia plus significat, quam custodia. Nam diligentia illo loco est plenissima custodia, exactissima diligentia, quod etiam alii loci confirmant. *l. 2. de per. c. et com. rei vend. l. si ut certo, §. custodiam, D. commod. l. 6. de administ. rer. ad civit. pert. l. cum res, §. penult. de leg. 1.* Adidendum etiam, dolo opponi bonam fidem; culpe autem custodiam et diligentiam. Culpa autem nil aliud est quam negligentia et desidia. Et quot sunt diligentie gradus, consequenter tot etiam sunt culpe, id est, negligentie. Est diligentia, quædam vehementissima, vel quasi diligentie redundantia, et delatoria curiositas, *l. 6. D. de jur. et fact. ignor.* Ex adverso est culpa levissima, *l. in l. Aquilia, D. ad l. Aquil. l. homo lib. §. 1. D. de acq. rer. dom.* Est diligentia quædam media: et ex adverso culpa levis. Est diligentia quædam minima, et pene nulla: et ex adverso, culpa lata seu latior, quæ dolo comparatur: quam præstant qui et dolum præstant, *l. quod Nerva, D. de pos.* quæ *l. proprie* pertinet ad *tit. de mag. conv.* id est, ad actionem in factum, qua tenentur magistratus municipales ob dolum et culpam: et ei est conjungenda *l. 11. D. de probat. et l. in magistratus, D. de mag. st. conv.* Diximus inter eos contractus, qui supra enumerati sunt, quosdam exigere diligentiam exactissimam, scilicet hi sunt quatuor, commodatum, mandatum, tutela, gestum. Ergo in his quatuor contractibus levissima culpa præstatur: quia exigitur vehementissima diligentia, id est, diligentissimi patris. diligentia in servando commodato, et exequendo mandato, aut negotio alieno gerendo, et in tutela gerenda. In aliis contractibus præstatur tantum levis, et media culpa, excepto deposito et precario, in quibus dolus tantum præstatur, et culpa dolo proxima, id est, lata, nimia, dissoluta. In omnibus contractibus præstatur dolus et lata culpa, in nullis præstatur periculum, id est, factum, nisi ita convenerit, *l. 1. hic.* Commodatarius non præstat periculum, nisi ea lege rem utendam acceperit, aut nisi res æstimatæ sint datæ: æstimatio periculum facit accipientis. Ideo re precepta vi majore, debet æstimationem præstare, quia et tacite id convenisse videtur æstimatione, *l. si ut certo, §. commodatum, ff. commed.*

JACOBI CUJACII J. C.

In Lib. IV. Codicis.

RECITATIONES SOLEMNES.

*Ad Tit. XXIV. De pignoratitia actione.**Ad. L. I. II. et III.*

L. I. Fructus ex pignore percepti imputantur in sortem, et si sufficient ad totum debitum, solvitur actio, et redditur pignus. Quod si fructus debitum excedant, superflui redduntur, videlicet mota actione pignoratitia. PP. Ibid. Octobr. Apro et Maximo Cons.

L. II. Quod ex operis ancillae, vel ex pensionibus domus, quam pignori detineri dicis, perceptum est: debiti quantitatem relevabit. Dat. Cal. Octobr. Antonino S. et Alexandro Cons.

L. III. Creditor, qui praedium pignori nexum detinuit, fructus, quas percepit, vel percipere debuit, in rationem exonerandi debiti computare necesse habet: et si agrum deteriorum constituit, eo quoque nomine pignoratitia actione obligatur. PP. S. Id. Decemb. Antonino S. et Alexandro Cons.

Pignus aut re constituitur, aut pacto, *l. 1. ff. de pign. action.* Quod re constituitur pignus depositum dicitur, apud creditorem scilicet, *l. servus cujusdam, ff. de condict. ind. b.* Pignori deponi, inquit, et apud Paulum *2. lib. Sentent. l. 4. de commodato, et pignore deposito: et tit. 5. pignus depositum: et libro 5. Sentent. tit. 26.* dicitur etiam poni in dict. *l. servus, et l. petenti, ff. de pignorat. act.* et supponi in *l. creditor 2. hic:* et opponi ab aliis auctoribus. *Juvenalis Satyra 11. Lencibus oppositis,* id est, pignori datis. Pignus autem, quod pacto constituitur, non deponitur, et hypotheca dicitur proprie: Ex eo autem pacto nascitur obligatio contra regulam juris, sed excipitur pactum, quod jure civili vel honorario confirmatur. Hoc pactum de pignore jure honorario confirmatur, *l. si tibi, §. 1. ff. de pact.* Et ideo recte in *l. maior, inf. de pig.* Pactum, inquit, vel jurisdictio obligationem constituit, quasi diceret, pactum de pignore, non vi sua, sed ex jurisdictione, id est, edicto pretoris obligationem parit: sic dicendum de lege contractus, id est, de pacto contractui addito ex continenti: Pactum scilicet, vel contractus obligationem parit: hypotheca jure pretorio constituitur, et ideo nulla est hypotheca, si ejus persecutio a pretore denegatur, cum tamen usufructus jure civili constitutus

maneat, etiamsi ejus persecutio a pretore denegatur, *l. 27. ff. de nox. act.* De utroque autem genere pignoris competit actio pignoratitia, seu hypothecaria, quae est in rem. Pragmatici pessime censent, eam esse in personam: inde existunt multae injuriae in foro. Hypothecaria actio in rem, *l. pignoris inf. de pignor.* Et ne quis hoc calumnielur, personam non obligat, *l. 2. infr. si unus ex pluribus, etc.* De hoc autem genere pignoris, id est, de hypotheca, et de actione hypothecaria non agitur in hoc titulo: sed de pignore, quod re et traditione constituitur, et de alia actione pignoratitia, quae est in personam, cum illa sit in rem, quae dicitur hypothecaria, atque etiam pignoratitia. Et ita duplex est pignoratitia, una in rem, altera in personam, de qua est hic titulus. Sunt et aliae differentiae. Ea, de qua hic agitur, est bonae fidei: illa est stricta: haec datur debitori, pignoris recipiendi causa; illa datur creditori, pignoris vindicandi causa. Rursus haec soluta demum pecunia omni nascitur: illa soluta pecunia perimitur. Item haec appellatur pignoratitia semper, hypothecaria nunquam: illa et pignoratitia et hypothecaria dicitur, quia competit de utroque genere pignoris. Praeterea haec, de qua est hic titulus, hoc unum dumtaxat nomen habet, et vocatur pignoratitia: illa dicitur et pignoratitia, et hypothecaria, et Serviana, et utilis Serviana, et quasi Serviana, *l. 16. de pign.* Pignus igitur, de quo hic agitur, ita definiamus. Pignus est contractus, quo quid creditori obligatur translata possessione, ut in ea causa sit, quoad debitum exsolvatur. Contractus est, *l. contractus, ff. de reg. jur. l. 1. in fin. ff. de pact.* qui transfert possessionem pignoris, *l. cum et sortis, §. ult. de pign. act.* soluta omni pecunia, redditur debitori per hanc actionem pignoratitiam, *l. si rem, §. omnis, ff. eod.* Hypotheca est etiam pignus, sed pactum, non contractus, ejus possessio non transit in creditorem. Fiducia item est pignus, sed ejus dominium transit in creditorem: cum pignoris non transeat in creditorem, nisi sola possessio. Arra etiam est pignus: sed ejus quoque dominium in accipientem transit, non sola possessio, et plerumque imputatur arra in pretiam, *l. ult. ff. de lege commiss.* Inde *Lidorus in 5. Ara,* inquit, non auferenda, sed complenda est. Unde qui habet arram, non reddit sicut pignus, sed desiderat penitundinem. Pignus vero in debitum non imputatur, sed solvenda est integra pecunia, tum deinde redditur integrum pignus. At de fructibus pignoris videamus, an id debitum imputentur: hoc enim est prima questio hujus tituli. Et placet fructus pignoris imputari in sortem debitam, vel in usuras, si quae debentur, non tantum, inquam, perceptos fructus, sed etiam

percipiendos, l. 1. inf. de distr. pign. l. creditor, et l. ult. hoc tit. Et hæc est sententia l. 1. hic, quæ desideratur. Hæc enim inscriptionem et subscriptionem restituit, sententiam restitutam ex lib. 25. Basil. tit. 1. quæ etiam extat apud Harmenopulum lib. 3. Epitom. tit. 5. Hæc autem est brevis, ut fructus ex pignore percepti imputentur in sortem debitam, et si adæquaverint sortem, ut dissolvatur obligatio, et pignus reddatur. Quod si fructus superent debitum, ut superflui reddantur, nihil est præterea in l. 1. Similiter idem est proditum in l. 2. quam vulgo faciunt 1. de oper. ancillæ pig. depositæ, ut sorti imputentur, vel consumant, si tanti sint. Idem de pensionibus ædium pignori depositarum. Rursus idem de fructibus traditur in l. 3. quam vulgo faciunt 2. Itaque tres primæ leges hujus tituli videntur esse eadem de re, id est, de iis, quæ sorti imputantur, continent tamen diversas; Lex 1. est de fructibus perceptis, ut imputentur sorti, et de fructibus exsuperantibus sortem, ut reddantur. Lex 2. est de operis, et pensionibus, quæ accipiuntur pro fructibus, et ideo imputantur etiam, l. præditum, ff. de usur. quæ lex est explicanda ex l. 3. ff. de reb. auct. jud. pot. quæ est ex eodem libro. Tertia autem lex est de fructibus percipiendis, de quibus nil est in superioribus, ut fructibus, quos creditor percipere non curavit, etiam illi in sortem imputentur, perinde ac si percepisset. Additur etiam in tertia, ut pignore a creditore deteriori facto, damni ratio habeatur in actione pignoratitia, quæ de re est etiam lex creditor 2. His una exceptio addenda, pignoris fructus, et quæ pro fructibus habentur, imputari in sortem, vel usuras debitas, nisi aliud convenierit, puta ut fructus vice usurarum creditor retineat, quæ conventio appellatur ἀντίχρεσις in l. si pecuniam, ff. de pig. act. l. si qui bona, §. 1, ff. de pign. Finge: debes mihi certam summam, usuras non debet, non sum eas stipulatus, nec popigi quicquam, de eis accipi pignus: si percepi fructus, minuent sortem, nisi dixeris ἀντίχρεσις factam tacite, vel expressim. Nam jure ἀντίχρεσις fructus usurarum vice retinebo, et de hac pactione etiam agitur in l. si ea pactione, l. si ea lege, l. ex prædictis, inf. de usur. l. si servus, inf. quod cum eo, et Novel. 22. Ubi ostenditur cum agricolæ non licere facere ἀντίχρεσις, ut fructus cedant usurarum vice, cum scilicet pignus accipitur a rusticis: cum eis facta ἀντίχρεσις non valet. Ex hac autem pactione, ait Martianus in dict. l. si is qui, creditori solvere dari actionem in factum. Itaque dici solet de lege emptiois, ex ea dari actionem in factum præscriptis verbis. Sed sicut etiam datur actio ex empto, nec necessaria est actio præscriptis verbis: Ita potest recte tentari ex ἀντίχρεσις cre-

ditori dari pignoratitiam actionem: quod Azo tradidit. Nam et debitori de antichresi pignoratitia datur, dict. l. si pecuniam. A pignoratitia actione recte argumentamur ad hypothecariam, l. 1. si aliena res pig. data sit. Quo argumento ostendo, re aliena pignori data creditori, dari hypothecariam in debitorem, vel extraneum possessorem: nam et debitori datur pignoratitia, l. si rem alienam, §. 1. l. si pign. §. si prædo, ff. de pignor. act. Addendum pacta antichresi, et postea facta oblatione sortis a debitore, ex eo tempore fructus antichreos imputari in sortem. Et hanc esse sententiam leg. ex præd. inf. de usur. Ceterum percepti ante moram creditoris, id est, ante oblationem debitoris cedunt creditori usurarum vice, vi pactionis, nec sortem minuunt. Id etiam non est omittendum, antichresin fieri tacite, vel expressim, quæ sententia est l. cum deb. ff. in quib. caus. Quidam hoc non intelligens, sensit in d. l. cum deb. esse addendam negationem, quod non tradidisset, si inspexisset titulum, sub quo illa lex est posita: Nam tit. ostendit in l. cum debitor, poni exemplum taciti pignoris, id est, tacitæ ἀντίχρεσις. Finge pecuniam credidi gratuitam, id est, sine usuris, nulla usurarum mentione facta, et domum accepi pignori. Id videtur actum, ut domum mihi traditam possim inhabitare, et ea uti, eamque locare, nec reputabo hunc fructum in sortem, sed mihi retinebo usurarum vice, et ita tacite contrahitur antichresis. Idem est si agrum traditum pignori accepero. Nam id actum videtur, ut fructus capiam, et mihi habeam quoad pecuniam solvatur. Hoc ea l. addit, me fructus retenturum ad legitimum modum usurarum, non ultra modum: quod erit ultra, veniet in actionem pignoratitiam. Dices, quid prodest nominatim pacisci antichresin, si tacite videtur pacta? ut scilicet fructus capiantur vice usurarum, etiam supra modum, quæ pactio admittitur propter incertum fructuum eventum. Et ideo si hoc anno fructuum emolumentum excedat usurarum modum, non ideo minus omnes retinebuntur: quia fieri potest, ut sequenti anno paucissimi fructus colligantur: itaque ea pactio admittitur, leg. ea leg. inf. de usur. At tacita antichresis non excedit modum usurarum. Dices etiam, creditor non potest uti pignore: furtum facit si eo utatur, l. si pign. D. de fur. Id non est semper verum. Nam potest uti pignore ex pactione, imo et sine pactione, ut si ager pignori ponatur, etiamsi nil dictum sit, potest fructus percipere. Imo si non percipiat, tenetur. Idem in redibus, ut eas possit inhabitare, et locare, et ita uti frui. Ceterum si vestis detur pignori, eam non potest usu deterere: Et ita si utatur, furtum faciet. Summa est. Quoties usu rem deteriore fa-

cit, furti tenetur, alioqui tantum abest, ut non possit uti huius, ut ei imputetur si non ulatur fructus re pignori data.

Ad L. IV.

Pactum vulgare, quod proposuistis, ut si intra certum tempus pecunia soluta non fuisset, pignori vel hypothecæ data vendere liceret: non adimit debitori adversus creditorem pignoratitiam actionem.

In hac lege 4. hoc ostenditur: si id actum sit lege pignoris, ut si ad diem pecunia soluta non sit, creditori liceat pignus distrahere, hoc pacto non adimi debitori actionem pignoratitiam adversus creditorem, quia sive creditor pignus non vendiderit, debitori post diem soluta pecunia integra est actio pignoratitia, ut creditor sibi pignus reddat, sive vendiderit, ut reddat quod pluri vendiderit. Nam illa lege hoc non agitur ut creditor oblatam pecuniam recipere non cogatur, vel ut pignoris distracti pretium sibi habeat pro solido, sed vel ut solvatur pecunia, vel pignus communi jure distrahatur. Eadem est ratio hujus pacti, si ad diem pecunia soluta non sit, ac creditori pignus cessurum, vel se pignus in solutum daturum. Nam etiamsi ita convenerit, debitor post diem potest offerre pecuniam, et agere pignoratitia, nec cogitur pignus cedere, vel dare in solutum, paratus si sit solvere pecuniam, leg. 1. inf. de pact. pig. l. quamvis, D. de sol. Longe alia est ratio hujus pacti, quod sequitur, si ad diem pecunia soluta non sit, ut emptionis jure pignus creditor possideat, justo pretio retinendum: Nam hoc casu post diem debitori non est integrum offerre pecuniam, et pignoratitia agere, quia existit conditio emptionis, cum non solvit ad diem. Fuit ab initio contracta, ac perfecta conditio-nalis venditio. Venditio solo consensu perficitur, Fuit autem perfecta, maxime cum conditio existit, quæ retrahitur. Cessio autem, vel datio in solutum non perficitur solo consensu: nam hæc perficiuntur traditione, quæ antequam intervenerit, debitori est integrum pecuniam offerre, nec cedere cogitur, vel in solutum dare. At non est res integra, si sub conditione vendiderit, et extiterit conditio. Ideo post conditionem offerendo pecuniam nil agit, l. si fundus, §. ult. ff. de pign. l. Titius, ff. de pign. act. At quid dicemus si ita convenerit, ut si ad diem pecunia non solvaretur, creditur pignoris dominium obtineret? Hæc pactio dicitur fiducia, et lex commissoria, quæ quidem lex valet in venditionibus; puta ut ad diem pretio non soluto, res fiat inempta, et committatur venditori; quanquam et lex etiam in venditionibus non valde placebat Iup.

Anton. l. Emil. ff. de minor. De ea intellexit Cicer. in lib. 12. ad Att. loquens. de Castris. Quod ait, si actum est ut ipse mancipia abducat: lex commissoria dat jus venditori abducendi rei venditæ, pretio ad diem non soluto. At in pignoribus hæc lex dominium pignoris creditori non adimit, l. ult. de pact. pign. Hoc igitur pacto non adimitur debitori actio pignoratitia. Itaque post diem integrum est ei solvere, et agere pignoratitia pignoris recipiendi causa.

Ad L. V. VI. VII. VIII. et IX.

L. V. Si creditor sine vitio suo argentum pignori datum perdidit, restituere id non cogitur. Sed si culpæ reus deprehenditur, vel non probat manifestis rationibus se perdidisse: quanti debitoris interest, condemnari debet.

L. VI. Quæ fortuitis casibus accidunt, cum prævideri non potuerint (in quibus etiam aggressura latronum est) nul o bonæ fidei iudicio præstantur: et ideo creditor pignora, quæ hujusmodi casu interierint, præstare non compellitur: nec a petitione debiti submovetur, nisi inter contrahentes placuerit, ut amissio pignorum liberet debitorem.

L. VII. Creditor, qui fundos et domos pignori, vel hypothecæ accepit, damnum in decidendis arboribus, domibusque destruendis ab eo datum, in rationem debiti deducere cogitur. Et si dolo vel culpa rem suppositam deterioremfecerit: eo quoque nomine pignoratitia actione tenebitur, ut talem restituat, qualis fuerit tempore obligationis. Creditori necessarios sumptus quos circa res pignoratitias fecit, exigere non prohibetur.

L. VIII. Si nulla culpa, seu segnitia creditori imputari potest, pignorum amissorum dispendium ad periculum ejus non pertinet. Sane si simulata amissione etiamnum eadem pignora (ut adseveras) a parte diversa possidentur: adversus eum experiri potes.

L. IX. Pignus in bonis debitoris permanere, ideoque ipsi perire, in dubium non venit. Cum igitur adseveras in horreis pignora deposita; consequens est, secundum jus perpetuum pignoribus debitori pereuntibus (si tamen in horreis, quibus et alii solebant publice uti res deposita sint) personalem actionem debiti repescendi causa integram te habere.

Quæstio hæc est, utrum in actionem pignoratitiam veniat dolus, an culpa, et omne periculum? quod de singulis contractibus queri potest. Periculum quidem in actionem pignoratitiam non venit, nisi ita convenerit, leg. 6. 8. et 9. hic. Et ideo, si creditor posuerit pignora in horreis, in quibus so-

Idem et reliqui cives suas res recondere, et horrea forte deciderint, aut combusta sint, pignora pereunt debitor, nec creditori ideo perit actio creditæ pecuniæ: rursus creditor non tenetur pignoratitia, quia non præstat periculum, seu casum majorem. Sunt varia exempla casuum, ut impetus hostium, aggressura latronum l. 6. insolite nives, incendium, naufragium, et generaliter quæ prævideri non possunt, et quæ sunt vi quædam divina. Hæc creditor non præstat, nisi ita convenerit: dolus et culpa veniunt in pignoratitiam actionem, levis, non levissima, l. contractus, de reg. jur. l. 8. hic, casum periculi, seu amissionis rei pignoratæ creditor probare debet, qui eam allegat, l. itemque quis ex argentariis, §. ult. de ed. Male in eandem rem affectur ab Accursio l. sicut, de fid. instrum. Probare autem debet casum creditor manifestis rationibus, l. 5. nec satis est, si juret se casu amisisse pignora, nisi in re dubia sit ei delatum iuramentum ab adversario, aut a iudice, quanquam petita productione instrumenti semel producti et Probati, satis est si quis paratus sit jurare se instrumentum illud amisisse, l. penult. de fid. instrum. nec ei incumbit onus aliarum probationum implendarum. Satis est ex ea l. si se jurare paratum dicat. Interdum creditor casum non allegat, sed debitor allegat dolum vel culpam, et tum a debitore exigitur probatio, quod tentat Accursius hac l. 5. vel etiam ex utraque parte implentur probationes. Ex una quidem parte de casu fortuito: ex altera de dolo vel culpa. Et iudex potioribus fidem adhibet. Id sæpe accidit in litibus, ut ex utraque parte impleantur probationes, l. fallaciter, de abolit. Novel. 36. Diximus in actionem pignoratitiam non venire culpam levissimam. Obstat l. si cum venderet, §. ult. de pignor. act. quæ ait, ut in commodato, in pignore venire dolum et culpam, et custodiam, quod etiam adijcitur in l. sicut, de pignor. At in commodato venit culpa levissima, et diximus in tit. sup. Ergo videtur etiam in pignore venire. Sed hoc non est admittendum. Fateor quidem in pignore venire dolum et culpam, ut in commodato. Nego tamen in pignore venire levissimam culpam, ut in commodato. A commodatario ea exiguntur, quæ paterfamil. diligentiissimus ac accuratissimus solet præstare, l. in rebus, commod. l. 1. §. is quoque, de oblig. et act. A creditore autem ea exiguntur, quæ diligens paterfamil. solet præstare. Ita loquitur l. ea igitur, et l. si pign. §. ult. ff. de pignor. act. §. ult. Instit. quibus mod. re contr. oblig. Igitur in utroque judicio, commodati, et pignoratitio culpa venit, sed non eodem in utroque modo æstimatur. Illud non est omittendum ex d. l. 7. hic, duplicem esse actionem pignoratitiam, directam, et contrariam. Directa competit debitori pignoris recipiendi causa,

Tom. IX.

in qua id etiam venit, quo res facta est deterior dolo aut culpa creditoris. id est, in ea actione huius damni ratio habetur. Non dicit l. 7. damni cum debito compensationem fieri, sed damnum in rationem deduci, id est, in pignoratitium judicium, l. 3. sup. Et male in quibusdam codicibus additur, debiti, quod est delendum; simpliciter enim legendum, *damnum in rationem deducere*, etc. Sic in Bas. Denique eadem l. 7. quod dixit in rationem deduci, mox ita exponit, ut si dolo vel culpa creditoris res pignolata deterior sit facta, eo nomine teneatur creditor actione pignoratitia. Est igitur hoc quod ait, *etsi dolo vel cul.* etc. quo loco Accurs. notat aliter legi, *etsi non dolo*, est etiam ea negatio apud Harmen. l. b. 3. tit. 5. καὶ ἰνὰ πᾶν τὸ δόλον. Verum non est in exemplari regio, et recte. Quodcumque enim contingit non culpa aut dolo creditoris, eo nomine non competit actio pignoratitia. Contrarium tradit lex 7. si eam negationem addas. Contraria autem actio pignoratitia datur creditori, qua repetit necessarias impensas, ut refectionis, aut curationis, si quæ factæ sint in rem pignoratam, d. l. 7. in fin. Et ille unus est hic locus de contraria actione pign. Idem ostenditur in leg. si necessarias, D. eod. Competit etiam contraria ex aliis causis in id quod interest, ut si debitor sciens æs, pro auro pignori posuerit, vel si rem alienam sciens, aut alii obligatam, l. 1. in fin. et l. tutor, §. contrariam, eod. Et generaliter si debitor in re pignolata malitiose versatus sit, l. 3. et l. 9. in prin. et (ut aliquid in universam tradamus de contrariis actionibus sciendum est, contractum esse negotium, ex quo mutua obligatio et actio nascitur. Ergo ex contractu nascitur actio utroque, id est, utroque ex latere. At hæc actio vel est ex utroque latere directa, ut in emptione et venditione, ex empto est directa, ex vendito item, et ex locatione et conductione. Nam ex locato est directa: item ex conducto: item in societate, actio pro socio, utraque ex parte est directa, §. ex quibusdam, l. in l. de pan. tem. lit. vel ex uno latere est directa, ex altero contraria ut in commodato pignore, deposito, mandato, gesto, tutela. Nam commodator, debitor, depositor, mandator, dominus negotiorum, pupillus, habent actiones directas commodati, pignoratitiam, et similes. At commodatarius, creditor, depositarius, mandatarius, gestor, tutor, habent contrarias, quæ sic dicuntur, quod dantur illis ex diverso, et e contrario, l. 2. et ult. D. de negot. gest. Qua ratione etiam actio negatoria de servitutibus dicitur contraria in l. sicut in prin. D. si servit. vindic. Vocant Græci ἀντιδικτικὴ τῆς ἀπ' αὐτοῦ. Verum cur hoc tam varie? cur in quibusdam contractibus sunt actiones aliæ directæ, aliæ contrariæ, in aliis non item? Directæ actiones vocan-

tur, quasi principales. Sic vocantur in *l. in commodato*, §. 1. ff. comm. unde etiam directo et principaliter pro eodem, *l. ult. de legat. 3.* §. ult. Inst. quod cum eo. Et actio in rem collata cum actione ad exhibendum appellatur directa: id est, principalis. Ad exhibendum actio est præparatoria, et ita appellatur in *l. 3.* §. ibi. *l. si quis hom. ff. ad exh. l. 1. inf. de crim. expil. hæc.* Et nomine principali, id est, directo, legati jure, non fideicommissi leg. 8. C. Theod. de his, qui contra leg. contendunt, quia commodatarius, mandatarius, depositarius, creditor, gestor, tutor, principaliter et multo pluribus de causis tenentur, quam commodator, vel depositor, et reliqui ideo actiones, quæ in illos dantur, dicuntur directæ et principales: nam actionibus contrariis in his negotiis de indemnitate tantum agitur, et indemnitati tantum consulitur. Qua ratione non etiam sunt famosæ, ut tutelæ, mandati, depositi, directæ, quæ sunt famosæ, et non contrariæ, et in eis etiam in litem non juratur, in directis juratur, *l. furti, in fin. ff. de his qui not. inf. l. ei apud quem, depos.* At pro socio actio vel empti vel venditi utrinque est directa, quis in his contractibus contrahentium par est conditio, æque sunt partes, id est, eisdem fere modis et nominibus, nec multo pluribus, aut paucioribus unus quam alter obligatur, sic actio pro socio utrinque est principalis: actio ex venditione: actio pro socio utrinque est famosa. Quidam putant contrarias actiones dici utiles, et moventur argumento contrariæ actionis tutelæ, quam dicunt vocari utilem in tit. de cont. tutelæ et ut act. Id tamen est rejiciendum: Nam in eo tit. due proponuntur actiones, non una: una enim est contraria tutelæ, quæ opponitur actioni directæ tutelæ, vel actioni de rationibus distrahendis. Altera est contraria utilis, quæ opponitur utili actioni curationis causa: Nam de curatione quæ competit actio, dicitur utilis negotiorum gestorum, et habet suam contrariam utilem, ut in tit. de tut. et rat. distr. et uti cur. caus. Hic tit. est de directis. Alter vero titulus de contraria tutelæ, et utili actione est de duabus contrariis actionibus, quarum una datur in pupillum, altera in adolescentem, vel in eum cujus curatio administrata est.

Ad L. X. XI. et XII.

L. X. Nec creditores, nec qui his successorunt, adversus debitores pignori quondam res nexas petentes, reddita jure debiti quantitate vel his non accipientibus, oblata, et consignata, et deposita, longi temporis præscriptione muniri possunt. unde intelligis, quod si originem rei probare

potes, adversario tenente vindicare dominum debes. Ut autem creditor pignoris defensione se tueri possit, extorquetur ei necessitas probandi debiti, vel, si tu tenens, per vindicationem pignoris, hoc idem inducitur, et tibi non erit difficile, vel solutione, vel oblatione, atque solemni depositione pignoris liberatio.

L. XI. Pignoris causa res obligatas, soluto debito restituere debere, pignoratitiæ actionis natura declarat, quo jure, si titulo pignoris legasti mancipia, per eandem actionem uti potes: nec creditor citra conventionem, vel præsidialem jussionem debiti causa res debitoris arbitrio suo auferre potest.

L. XII. Quo minus fructuum, quos creditor ex rebus obligatis accepit, habita ratione, ac residuo debito soluto, vel si per creditorem factum fuerit, quo minus solveretur, (oblato, et consignato, et deposito) pignora, quæ in eadem causa durant, restituat debitori: nullo spatio longi temporis defenditur.

Actio pignoratitia nascitur soluto debito; et datur non tantum de pignore, sed etiam de hypotheca, cujus possessionem creditor nactus est actione Serviana. Ideoque ait *l. 4. et 7.* pignori, vel hypothecæ. Nunquam vero dicitur hypothecaria. Et illa hypotheca, cujus possessio ad creditorem pervenit; causam pignoris traditi habet. Datur enim hæc actio pignoratitia possessionis recipiendæ causa, quam non potest debitor sua auctoritate, licet dominus sit, occupare, sicut e contrario creditor rem debitoris pro debito auferre non potest, nisi ex lege hypothecæ, et auctoritate præsidis; *l. pen. hic.* Duo exigimus, pactionem, id est, legem hypothecæ, et præsidis auctoritatem, *l. 3. inf. de pig.* Et ideo in *l. pen. hic.* Græci legunt citra conventionem, et præsidialem jussionem: quanquam et sola præsidis jussio aliquando sufficiat: verbi gratia, pignore in causam judicati capto. Nec iis, quæ diximus obstat *l. utique, ff. de damn. inf. et l. pen. ff. in quibus caus. pign. contrah.* Nam ille leges non loquuntur de ablatione, sed de retentione nominatim. Hypothecam illatam in ædes meas possum retinere: et ita quæ invexit inquilinus in meas ædes, si non solvat pensionem, retineo, et recte præcludo. Ex debitoris redibus hypothecam auferre, et abducere arbitrio meo non possum. Est necessaria præsidis auctoritas, et actio Serviana. Notandum etiam ex *l. ult. hic.* pignoratitiæ actionem dari non tantum soluta pecunia, sed et si per creditorem sit factum, quo minus solveretur: quæ verba sunt edicti de pignoratitia actione, ut ait *l. ult. de luit. pign. l. acceptam, de usur.* Qualia verba sint in edicto de constituta pecunia. *l. si duo, §. ait prælat.*

ff. de const. pec. Et videntur ea verba in edictis fuisse translata. Videtur etiam edicto de pignoratitia actione nominatim cautum, ut periculum pignoris spectet debitorem: hoc significat l. 9. in qua jus perpetuum significat edictum perpetuum, ut in l. 5. *inf. de appel.* Quod etiam dicitur forma perpetua, l. 1. *inf. ubi pet. tut.* et jurisdictio perpetua, *sup. de rest. mil. l. 2.* Est etiam notandum ex d. l. ult. *hic*, jam natam pignoratitiam actionem, vel jus luendi pignoris, non tolli prescriptione longi temporis, id est, decennio inter presentes, vel vicennio inter absentes. Nondum erat inventa prescriptione triennii, nunc ea inventa ab Imp. Theodosio et in rempublicam introducta: quæ ratio est an luitio pignoris tollatur prescriptione tricenni, id est, is, qui cessavit per 30. annos in solvendo debito, an post 30. annos admittatur ad luitionem pignoris? et placet Roger. sententia in d. al. de præsc. ut luitio pignoris non tollatur tricennii prescriptione: Nam quod dicitur jus omne tolli ea prescriptione, l. omnes, *inf. de Præsc. 30. ann.* id est accipiendum de jure actionis, non de jure luitionis, sive reluitionis. Pignoratitia actio non potest tolli, antequam inceperit: atqui non incipit, antequam debitor pignus luat, et repignoret. Pignoratitia actio has habet conditiones, si est soluta pecunia, aut satisfactum; quibus existentibus existit et ipsa, quibus cessantibus cessat et ipsa. Nec recte quis dixerit eam tolli prescriptione tricennii, quod cum debitor potuerit pignus luere, et ita sibi parere actionem pignoratitiam, id omiserit, et cessaverit per annos 30. Nam et fil. usamil. ideo non obstat prescriptio temporis longissimi, quod actionem suam non instituerit, cum tamen id a patre facile impetrare potuerit, l. 1. §. ult. *inf. de annali excerpt. Novell. 22. de secund. nupt.* in eo §. quo disputat de lucris nupt. Debitori igitur non debet etiam ob stare prescriptio longissimi temporis, quod interim non solverit; nec enim solutio debiti facilis est. Et hanc Rogerii sentent. sequitur Harmenopolus lib. 5. tit. 5. dum ait, creditorem, vel heredem ejus prescriptione longi temporis se tueri non posse, quo minus soluta pecunia pignus reddat. Et adjicit, id est, tricennio, augens significationem longi temporis: quod male quidam latine ita vertunt. At tricennio potest, quod est contra Rogerium. Verum ita Græce est, hoc est tricennio. Sic igitur concludamus: semel natam pignoratitiam actionem soluta pecunia debita non incipiamus eam tolli tricennio, quia omnis actio personalis tollitur tricennio. Jus offerendi et solvendi debiti, reluendique pignoris tricennio non tollitur. Cui datur pignoratitia; vel jus luendi pignoris, ei etiam certum est vindicationem dari: de qua nunc videamus. Constat eam quoque non tolli prescriptione longi temporis, id est,

decem vel 20. quod est in l. 10. *hic*. Ad idam etiam tricennio eam non tolli, quia creditor pignus depositum pro alieno possidet, non pro suo. Itaque non potest juri usucapione vel prescriptione temporis: ita recte Accurs. in l. pignori, *de usur. et usuc.* qua ratione etiam conductor adversus dominum agentem in rem, non potest se tueri possessione 30. vel 40. annorum, l. 2. *de præscript. 30. ann.* Eadem ratione nec creditor se tuebatur adversus vindicantem dominum. Et sane creditoris possessio, quæ prodest creditori ad prescriptionem, l. 7. §. sed cum illud, *inf. de præscr. 30. ann.* ei nocere non debet, quo minus in rem agat, vel rem ipsam luat: ut autem additur in l. 10. debitor, qui rem vindicat a creditore, omnia pignoratitia actione, debet probare rei originem, id est, auctoritatem et dominium, quod Accurs. non intellexit. Sic origo accipitur in l. instrumenta, *inf. de fideicom.* et apud Tertull. in lib. de præscr. *Hæro*, inquit, *origines firmas*. Origine est verbum juris, quo significatur titulus domini. Si igitur debitor vindicet rem a creditore, debet probare originem. Contra creditor debet probare sortis et pignoris obligationem, seu cum eo in rem agatur, seu ipse agat hypothecaria: quo impleto id est, probata obligatione, e contrario a debitore exigitur probatio solutionis, ut vincat, vel solutio præsens, aut obligatio, depositio, et oblatio. Et hoc est quod continetur in l. 10. Ex qua apparet eam legem non loqui de pignoratitia actione, sed de vindicatione et hypothecaria. Loquitur tamen de exceptione pignoratitia, dum vindicanti debitori creditor opponit causam pignoris: pignoratitia igitur exceptio est, si agenti in rem creditor objiciat causam pignoris; ita appellatur l. si quis putans, §. Idem Julianus scribit, *ff. comm. divid.* Notandum ex d. l. 10. pignus solvi non tantum soluto debito, sed eo etiam oblato et deposito? Nam hæc ipsa oblatio et depositio solutio est. Sic appellatur in l. 9. *infra, de solut.* Debet autem debitum offerri presentibus testibus, congruo loco et tempore. Deponi in arde sacra, vel in urbis tabulario, vel ubi iudex arbitratus fuerit, sacculo obsignato signatorum signis, l. ult. *ff. de lege commiss. d. l. acceptam, inf. de usur.* Debitor autem facta eo modo depositione liberatur: pignus liberatur, inhibetur personalis actio, inhibetur hypothecaria, inhibetur usura, inhibetur venditio rei pignoratitæ: pecunie depositæ periculum creditorem spectat. Hi sunt effectus oblationis et depositionis. Creditori autem datur utilis actio depositi in ædificum, aut tabularium, aut alium quemlibet depositarium, ut sibi a debitore depositam pecuniam reddat, vel etiam datur utilis vindictio: aut si debitor rursus eam pecuniam receperit, inque suis usus converterit, dabitur etiam creditori utilis in perso-

nam, vel hypothecaria, *l. 2. l. si creditrici, et d. l. acceptam*. Debet debitor in oblatione et depositione, quam fecit, perseverare, *l. si ita quis, §. Seja, ff. de verb. obligat.* alioqui creditori actiones restituuntur. Ceterum duo omnino exigimus, oblationem, et consignationem, sive depositionem solemnem. Nam sola depositio non sufficit, nisi peregre creditor absuerit, ut non potuerit ei offerri, *d. l. si creditrici*. Sola etiam oblatio non sufficit, etiamsi fiat congruo loco et tempore, ut scilicet debitor liberetur, et pignus et usurae inhibeantur. Sola oblatio non liberat personam, vel rem, nec usuras inhibet. Sufficit tamen ut periculum pecunie debitor transeat in creditorem, etiamsi non sit deposita, quia in accipiendo fecit moram. Igitur si oblata pecunia pereat, debitor liberatur, si non pereat, non liberatur. Quod additur in *l. ult. oblato*, consignato, et deposito, sunt interpretis ejusdem verba: absunt ab omnibus veteribus, et sufficiunt quae praecedunt, *si per creditorem, etc.* id est, si credito moram fecerit in accipienda pecunia oblata et deposita.

JACOBI CUIACII J. C.

Ad Lib. IV. Codicis.

RECITATIONES SOLEMNES.

Ad Titulum XXV. De exercit. et instit. act.

Hic titulus (ut recte Haloander concepit) institutoriae exercitoriae praeposit. Idemque est ordo in Dig. nos permistim de utraque tractabimus, cum fere per omnia sint similes. Actio exercitoria tenetur navis exercitor ex contractu magistri, quem navi imposuit, qui curam navis mandavit, sicut institoria tenetur ex contractu institoris, qui institorem tabernae, vel negotio praeposuit. Sed haec, quae dicitur institoria, nomen habet ab eo, cujus nomine quis tenetur, illa nomen habet ab eo, cum quo agitur magistri nomine. Sed et utraque exercitoria et institoria dici potest. Nam et qui institorem praeposit, est exercitor, quia tabernam, vel mensam, aut aliud negotium exercet, *l. habebat, §. si duo, et l. ult. ff. de inst. act.* Et magister navis, quasi institor est quia instat navi locandae, vel mercibus, aut vectoribus conducendis, vel mercibus, aut ornamentis navium emendis, vendendisque, *l. 1. §. magistrum, ff. de exercit. act.* Et duae illae actiones exercitoria et institoria invicem, saepe comparantur in Pandect. tit. de exerc. act. et tit. de insti. or. et *l. 4. hic*, hoc modo. Sicut si mulier institorem praeposuerit, locum habet institoria: ita etiam si mulier magistrum navi im-

suerit, locum habet actio exercitoria, nec hi casus pertinent ad Senatusconsultum Vellejanum, licet illae actiones sint accessoriae, quoniam non videntur alieni esse contractus, sed ipsius mulieris, qui scilicet habentur cum institore, aut magistro a muliere praeposito. Ex aliis contractibus mulier non obligatur quasi accessio, ex Senatusconsulto Vellejano: hi non sunt alieni contractus, ut dixi: Praeterea ambae actiones dantur in solidum. Item ambae referuntur ad omnes contractus, *l. 5. §. proinde, et l. novissime, ff. de inst. act.* Ubi loquens de instito. dicit has actiones: nam est institoria ex emptio: ex mutuo, ex negotiis gestis. Denique haec actio omnibus contractibus aptatur, et multas actiones complectitur. Sic in *l. si tamen, §. haec action.* *ff. de exerc. act.* ubi ponitur elegans differentia inter actionem de peculio, et exercitoriam. Actio de peculio, post mortem servi, aut ejus venditionem, non durat ultra annum: At haec actiones, id est, exercitoria, perpetuo competit in exercitorem, etsi servus, magister, vel servus, qui navem exercet, voluntate domini decesserit, aut alienatus fuerit. Praeterea haec actiones sunt accessoriae: Nam principalis actio datur in institorem, aut in magistrum, si liber sit, *l. 1. §. est autem, et l. si eum, §. item si servus, de exercit. act.* Paulus 2. Sentent. tit. de instit. Potest tamen etiam in exercitorem, id est agi in eum, qui praeposuit, quasi in principalem. Et hoc est, quod dicitur, ex his causis posse etiam ei condici directo, *l. si institorem, ff. de reb. cred. l. si quis mancipiis, §. ult. ff. de inst. act.* Nunc quaeret aliquis, cum haec actiones ita inter se conveniant, et eadem nomina promiscue usurpari possint, cur separentur, et tituli de his separati sint? quia scilicet praecipua quaedam in magistris navium sunt introducta propter utilitatem navigantium, quae cessant in institoribus. Duo proponam, quorum est unum: Exercitor non tantum est contractu magistrum tenetur, sed etiam ex ejus contractu, quem magister praeposuit etiamsi prohibitus fuerit alium praeposere: quod non est admittendum in institore institoris, idque introduxit ut litas navigantium, *l. 1. §. magistrum, ff. de exercit. act.* Alterum est si filius voluntate patris navem exercet, seu cum ipso, seu cum institore ab eo praeposito contractum sit, pater tenetur in solidum. Diversum est, si filius voluntate patris merces peculiares exercet: nam tunc ex ejus contractu, vel institoris a filio praepositi, pater non tenetur in solidum, sed vocatur in tributum, id est, tenetur actione tributaria, *l. 1. §. si is qui navem, et §. quanquam, ff. de exercit. act. l. 3. §. si filius.* D. Naut. canon. stab. Paul. 2. Sentent. tit. de exercitor. Magistrum navis Graeci semper dicunt πωτοζών; exercitorem autem vocant semper ναυ-

κλῆρον, nos nautam, et navicularium, et tit. naut. caup. stabul. Nautae accipiuntur pro exercitoribus et naviculariis, l. 1. naut. caup. stab. Ita definitur exercitor in l. 1. §. exercitorem, ff. de exercit. act. ad quem obventiones et redditus omnes navis pertinent, seu dominus sit navis, seu eam per aversionem a domino conduxit, in qua l. 1. §. exercit. rectissime lib. 33. Basilic. tit. 1. Graeci ἐν ὁπῳδι, id est, in universum. Qua de re quid esset aversio multi dixerunt. Idem illi Graeci ad legem 4. §. aversione, de per. et com. rei venditae, aversione vendere, quod Gallice en bloc, et en tasche, interpretantur, ἐν χεῖρῳ, id est, veluti alen quodam. Valentin. Imp. in Novell. de rel. possession. divit in aggere, id est, aversione, quia haec venditio fit, quasi ab aversis, id est, parum attente rem considerantibus, non subtiliter singula quaeque aestimantibus. Plutar. in Isocrat. eleganter dixit, ἀνδρῶν τὰ πορτὰ πωπῶσθαι; cui opponit πορτὴν, τωμάζην, id est, cum per partes singulas et vendimus, cum non sit aversio, sed sunt rerum τέμαχοι. Gallice en detail. Igitur seu exercitor sit dominus navis, seu aversione navem conduxerit in universum, est exercitor, et hac actione tenetur ex contractu magistri. Dixi eum appellari etiam nautam in eo tit. Verum alias plerumque sunt nautae, qui navis navigandae causa in navi sunt, ut remiges mesonautae. Ex eorum contractu exercitor non tenetur, sed tantum ex suo contractu, vel magistri; ex delicto tamen nautarum tenetur. Ideo autem non tenetur ex contractu eorum, quia non huic rei proponuntur. Item ex recepto non tenetur, id est, si quid nautae salvum fore vectori receperint, nisi eis quid committi permiserit. At ex eorum delicto tenetur, quia ipso eos eligit, nec debet uti opera malorum hominum. Itaque si quid deliquerint, praestat eorum factum, tit. naut. caup. stab. in quo titulo proponuntur duae actiones in exercitorem. Una est de recepto, quae dicitur in factum in simplum, si quid exercitor, vel magister salvum fore receperit, ut restituat, in qua venit etiam levissima culpa. Altera est actio in factum ex delicto nautarum, et ex quasi delicto exercitoris, qui videtur quasi delinquere, quod improbis nautis utatur. In hac actione ex delicto, vel quasi delicto, quae est in duplum, non venit factum vectorum, id est, ἐπιβάρυν: in illa de recepto venit factum vectorum, id est, si quid deliquerint vectores, exercitor non tenetur, nisi recepti nomine, id est, si quid salvum fore receperit, exercitores tenentur, etiamsi vectores id surripuerint. At si vectores surripuerint, quod exercitor salvum fore non recepit, exercitor non tenetur. At si id nautae surripuerint, tenetur, quia vectores non eligit ipse sicut nautas; et ideo nau-

tarum factum praestat, non vectorum, nisi id salvum fore receperit. Ita distinctis actionibus est concilianda l. 1. §. ult. et l. 2. naut. caup. stab. cum l. 1. §. ult. D. de fur. adv. naut. caup. Eadem etiam distinctio est adhibenda, cum queritur an exercitor servi nomine, qui quid surripuit in navi, teneatur actione noxali, vel an liberetur, noxae dedendo servum. Nam si id salvum fore receperit, cessat noxalis, et tenetur in solidum, l. 3. §. item si servus, ff. naut. caup. stab. si non recepit salvum fore, locum habet noxalis, nec tenetur in solidum si dedere sit paratus, l. 1. §. servi, fur. adv. naut. etc. l. ult. §. servorum, D. naut. caup. stabul. Ex quo intelligitur, aliam esse rationem vectorum, quia hi non eliguntur, sed obvii quique admittuntur, quos sors dat aliam nautarum, qui eliguntur iudicio exercitoris, aut magistri: aliam servorum, quibus utimur necessario quasi malo domestico, et non eliguntur. At queritur nunc an exercitor actione exercitoria teneatur si magister navis mutuam pecuniam sumpserit? Constat exercitorem non teneri ex omni contractu, sed ejus tantum rei nomine, cui magistrum praeposuit; potest praepositioni legem dicere, quam vult. Igitur si in eam rem magister, qui est praepositus, mutuam pecuniam sumpserit, ut in armamenta emenda, si his emendis sit praepositus, exercitor tenetur; alioqui non tenetur si in alium usum magister pecuniam sit mutuatus, l. 1. §. non autem, et §. quid si mutuam, de exercit. act. Idem locum omnino habet in actione institoria. Magister est institor, qui praepositur navi, πωτὶξός. Institor autem in titulo de instit. act. est, qui praepositur tabernae, id est, ergasterio, vel cuilibet negotiationi, l. 1. in princ. de exerc. act. in l. 1. hujus tit. ait, officio vel negotiationi: ubi officio, id est, officinae seu tabernae, non tamen tenetur ex omni causa, qui exercet tabernam, sicut, qui exercet navem, sed ut ait l. 2. hic, et l. 3. ex ejus negotii causa, quae per eum exercetur: nam si in eam causam institor mutuam pecuniam sumpserit, proculdubio exercitor tabernae tenebitur, non aliter: videtur permittere, ut in eam causam mutuam pecuniam sumat, cum ei eum praeposit: ideo tenetur ex mutuo: alioqui non tenetur, nisi de peculio, vel in rem verso, si institor sit filiusfamil. vel servus, l. 1. et 2. Quod si mandavi specialiter libero homini, vel servo, ut mutuam pecuniam a Titio acciperet, hic mandatarius non est proprie institor, quia nec tabernae, nec certae negotiationi praeficitur, sed specialiter ei mandatur, ut mutuam pecuniam a Titio accipiat; sed est quasi institor, et ideo creditori in eum, qui mandavit, competit quasi institoria actio, l. 3. hic Distinguitur in l. 13. sup. si cert. prt. Idem est

si quis specialiter alteri mandaverit, ut rem aliquam venderet: nam hoc casu etiam emptori datur quasi institoria, si id ille mandaverit libero homini, vel servo suo, *l. ult. hic, l. Julianus, §. si procurator, de act. empt.* Si creditori jusserit ut cederet, id est, si id se velle creditori dixerit, vel etiam jusserit, ut emeret a servo suo, tunc tenebitur actione quod jussu. At si nil illi dixerit, sed simpliciter servum jusserit mutuum pecuniam accipere, vel rem vendere, non tenetur quod jussu, sed quasi institoria in solidum.

JACOBI CUJACII J. C.

Ad Lib. IV. Codicis.

RECITATIONES SOLEMNES

Ad tit. XXVI. Quod cum eo, qui in aliena potestate est, negot. gestum esse dicetur, vel de peculio, seu quod jussu, vel de in rem verso.

Verba sunt edicti prætoris, ut constat ex *l. 1. de peculio*. Prætor hac parte pollicetur triplicem actionem in patrem, vel dominum ex negotio gesto cum filiofamil. vel servo, non ex delicto. Actiones sunt hæc, de peculio, quod jussu, de in rem verso. Tentari potest patrem pro filiofamil. conveniri in solidum, sed condemnationem fieri in peculium tantum, vel in id quod in patrimonium patris versum est, *l. si servus, §. ult. de action. emp.* Et ob id in actione de peculio tempus rei judicæ spectatur, id est, in condemnatione peculii ratio habetur, non litis contestatæ, quia ab initio in solidum est actio, *l. quæsitum, ff. de pec.* De actione quod jussu, constat eam esse in solidum, et ex ea sequi in solidum condemnationem, et directo agitur in patrem, qui jussit, quasi in rem principalem. Adjecit etiam prætor, in eum, qui emancipatus, vel exheredatus erit, *l. 2. eod.* qua parte prætor actionem pollicetur in id quod lacere potest filius sui juris effectus. De qua parte agitur in *l. 2. et 3. hic*. Itaque hic quatuor actiones proponuntur.

Ad L. I.

Cum filiusfamilias tutor, aut curator datur, pater tutelæ, vel negotiorum gestorum judicio de peculio, et de in rem verso conveniendus est. Quod si voluntate ejus filius decurio sit creatus, et a Magistratibus tutor constitutus: pater in solidum satisfacere cogitur: cum id onus exemplo ceterorum munerum civilium introductum intelligatur.

Lex 1. pertinet ad actionem de peculio, et de in

rem verso. Filiusfamil. potest esse tutor vel curator: in tutorem datur tutelæ actio: in curatorem negotiorum gestorum. Iisdem actionibus tenetur pater de peculio, vel de in rem verso, videlicet si non agnoverit tutelam a filio administratam: nam si agnoverit, in solidum tenetur, *l. si filius ff. de tut.* et adjecit ea *l. patrem videri agnovisse tutelam, quam gerit filius, si filio gerenti consenserit: quod videtur pugnare cum l. Lucius, de administr. tut.* que *l.* aperte negat, patrem teneri in solidum, licet eo sciente et consentiente filius tutelam gesserit. Male Accursius et contra tenorem earum *ll.* differentiam statuit inter tutelam testamentariam, et dativam: et putat, patrem non teneri in solidum, si agnoverit tutelam testamentariam, quam filius gerit, quod est contra finem *l. Lucius*. Dicendum potius est, consensus nomen esse ambiguum. Nam vel taciturnitatem significat, vel voluntatem expressam. Si filius tutelam gerat tacente patre, et sciente, sive non contradicente, pater in solidum non tenetur, ut in *l. Lucius*. Imo vero etsi pater filium admoneat, ut bene susceptam tutelam gerat, ob id pater in solidum non tenetur, *d. l. si filius, in fine*. At si pater filio tutelam gerenti consentiat nominatim, periculum in se quodammodo recipiendo, tum plane tenetur in solidum pupillo: idque ita proponitur in *d. l. si filius, et l. Lucius, in fin.* Rursus vero *d. l. si filius* ait, patrem videri agnovisse tutelam, quam filius gerit, et ideo teneri in solidum, si eam ipse attrectaverit: cui opponitur *l. mandati, ff. de negot. gest.* Illuc eodem, quo superius, modo diluendum est. Nam ut consentire, ita et tutelam attingere dupliciter accipitur: vel enim pater tutelam attingit, quasi gerens rem filii forte senioris: et tum pater pupillo tenetur tantum de peculio, vel de in rem verso: vel tutelam attingit, quasi rem pupilli gerens, et tum pupillo obligatur in solidum, *d. l. mandati*: hæc sunt quæ pertinent ad primam partem hujus *l.* Ad secundam partem hæc pertinent. Si filiusfamil. sit decurio factus patris consensu, pater in solidum obligatur omnibus civilibus muneribus, ut fidejussor pro filio, id est, videtur fidejubere pro filio, quem decurionem facit, vel fieri patitur suo consensu, rem scilicet publicam salvam fore repromittit. Igitur obligatur reipublicæ, non aliis, *l. 1. inf. de decurionibus, l. filius ff. de administrat. rer. ad civ. pertinent*: Et hoc caso taciturnitatem patris pro consensu accipimus. Pater, qui tacet, consentit, *l. honores, §. ult. D. de decurion. l. 2. D. ad Municip.* Hoc exemplo declaramus. Filius factus est decurio consensu patris, id est, senator cujusdam civitatis, tacente, id est, consentiente patre; postea ille filius decurio factus, creatus est curator rei frumentariæ, et reliqua quedam con-

traxit, id est, debere aliquid cepit Reipublicæ ex ea causa: hoc casu pater pro filio Reipublicæ tenetur in solidum, quasi fidejussor: idem est, si ille filius, quem pater decurionem fecit, aut fieri passus est, decreto ordinis tutor datus sit. Nam pater tenetur in solidum, non quidem pupillo, cujus tutela gesta est, sed reipubl. seu curiæ, ut scilicet indemnitate præstet reipublicæ. Nam hoc casu curia tenetur pupillo actione in factum subsidaria, ex S. C. quod Trajani auctoritate factum est, *l. pen. de magistr. conveniend.* At queritur, quid sit dicendum si illum filium ordo tutorem non dederit, sed magistratus municipales, id est, duumviri. An et hoc casu pater tenebitur in solidum? et hæc *l. 1. in 2. parte*; hoc etiam casu dicit teneri patrem in solidum. Nam ponit, filium tutorem datum a magistratibus, id est, duumviris, et ob id teneri patrem in solidum, quod consenserit ad filii decurionatum. Id vero falsum videtur nam primo pater non tenetur in solidum pupillo ex illo consensu, quia rempubl. salvam fore cavisse intelligitur, non rem pupilli. Non tenetur etiam reipubl. in solidum, quia reipublicæ nil ob eam causam interest, nec enim respublica tenetur actione subsidaria pupillo, sed magistratus, qui dedit tutorem, *l. 1. in princ. de magistrat. conven.* eadem ratione filius factus decurio consensu patris, si datus sit tutor a præside, non ab ordine, aut duumviris, pater non tenetur in solidum. Item si ille filius, quem pater fecit decurionem, fiat duumvir, et minus idoneum tutorem pupillis dederit, vel a datis tutoribus satis non exegerit rem pupilli salvam fore, vel si in eis dandis fuerit negligens: his omnibus casibus ejus pater, licet consenserit ad filii decurionatum, nec pupillo tenetur, quia consentiendo decurionatui non videtur cavere pupillis: nec etiam reipublicæ tenetur, cujus nil interest pecuniariter, id est, res pecuniaria, quæ pertinet ad curiam, vel civitatem non ob id minuitur, *l. 3. §. ult. Dig. de pecul. l. 2. §. penult. Dig. ad Municip. l. 1. §. ult. D. de magistr. conv.* Ex his vero sequitur, sententiam hujus legis consistere non posse, nisi ponamus tutorem illo filio dato a magistratibus municipalibus, rempubl. sive curiam periculum in se recepisse, ut *l. 1. §. 1. ff. de magistrat. conv.* Cum magistratus municipalis tutorem eum dedit periculo et fide curiæ, pater reipubl. tenetur in solidum, non tantum si consenserit ad decurionatum filii, sed si consenserit ad illam duumviratut tutelam, *l. ult. inf. de filiisfam. et quemad. pat. etc. lib. 10.* Et (ut diximus initio) his casibus omnibus taciturnitas consensum imitatur: alias dissensum, ut priorique questione. Summa hæc est. Taciturnitas patrem in solidum pupillo non obligat: taciturnitas patrem reipubl. in solidum obligat. Est etiam in

hoc tractatu pugna quædam *l. spurii, §. pater, ff. de decur. cum l. 2. inf. de filiisfam. et quemad. pat.* una lex ait, filio nominato ad decurionatum, vel ad munus civile, patrem videri consentire, si appellaverit; quia appellando indicat rem ad se pertinere, et sui interesse. Alter vero negat patrem appellantem videri consentire. Sic res explicanda est: si filiusfam. nominetur ad decurionatum ne pater teneatur in solidum, satis est patrem contrariam voluntatem contestari, ac invito creari filium decurionem, nec habet necesse appellare, *l. ult. de filiisfam. et quemad. pat. etc.* At si pater appellaverit, cum id necesse non esset: hoc facto sibi præjudicat, et in periculum civilium munerum incidit, quasi pro filio fidejussor; videlicet si sententiam appellationis pertulerit, et victus sit. Et ita loquitur *l. 2.* At si causam appellationis non peregerit, et sententiam non pertulerit, sed præscriptione temporis sit exclusus, ut quia solemnitas appellationis non implevit intra præfinita tempora, hoc casu, quia etiam necesse non habuit appellare, omnia perinde servantur atque si non appellasset; et ideo si pater ante fuerat contestatus contrariam voluntatem: huic contestationi appellatio nil prejudicabit, quæ omissa est: et ita proponitur in d. §. patri.

Ad L. II.

Ejus rei nomine, de qua cum filiofamil. contractum est, sive sua voluntate, sive ejus, cujus potestate fuit, sive in peculium ipsius, sive in rem patris ea pecunia redacta est, si paterna hereditate abstinuit, actionem, nisi in id, quod facere possit, non dari, perpetui edicti interpretatione declaratum est.

Lex 2. pertinet ad actionem illam, quæ datur in id, quod facere potest filius de eo, quod gessit, cum esset in potestate patris: filiusfamilias ex omnibus fore causis in solidum obligatur, convenitur, et condemnatur; excepta causa mutui, propter Senatusconsultum Macedonianum, et aliis quibusdam. Et nisi satisfaciat, carcere coercetur. Et hoc vetus jus ut improbi debitores carcere coerceantur, etsi contrahentes de illo nil caverint, si non satisfaciant, in carcerem conjiciuntur, *l. 1. inf. qui bonis ced. poss.* At queritur nunc, an filius post emancipationem, vel post mortem patris sui juris effectus, teneatur etiam in solidum ob ea, quæ gessit in familia patris? Et ex delictis quidem tenetur, et condemnatur in solidum, *l. 4. §. quamquam, ff. quod. cum eo, etc.* Ex contractibus etiam tenetur in solidum, *l. penult. ff. quod. cum eo,* teneatur inquam: sed interdum causa cognita non condemnatur in solidum, sed in tantum quod facere

potest ex prætoris edicto, *l. ex hæredatum*, ff. de rejudic. l. 8. hic, *l. si dubi et*, §. ult. de fidejuss. l. 3. §. sed utrum, *D. de minor.* ut puta si filius non multo post emancipationem conveniatur, damnabitur tantum in id quod facere poterit. Si rem, non possit præstare, non condemnabitur, *d. l. 4. §. pen. D. eod.* Filius emancipatus propriam familiam incipit habere, quam dum constituit, et disponit, ne ære alieno opprimatur, prætor benigne creditorum actiones ad id, quod facere potest coerces causa cognita: multo post emancipationem si cum eo agatur, in solidum condemnabitur: sed si statim cum eo agatur, non nisi pro modo facultatum. Idem etiam fit, si filius morte patris sui juris fiat, et sit a patre exheredatus, vel etiam si hereditas ad eum non pervenerit, ut si se abstinerit patris hereditate, vel si minima quædam pars pervenerit, *d. l. 4.* Et hoc ait hæc lex 2. hujus tituli declarari interpretatione edicti perpetui, id est sermone, et forma, et tenore: quo sensu Græci utuntur verbo ἰσχυρίσας. Nam verba hujus legis 2. sunt verba edicti, ut constat ex *l. 2. D. eod.* Idque edictum locum habet seu filius sui fiat juris capitis diminutione, ut emancipatione: seu absque capitis diminutione, ut morte patris, sacerdotio, aut dignitate. Videtur etiam edicto esse locus si filius sui juris non fiat, *d. l. 2.* Hæc verba significant, vel in adoptionem datus, deinde pater naturalis decesserit. Id tamen est contra prætoris propositum, qui illo edicto subveniri tantum voluit sui juris effectis, novamque familiam inchoantibus. At eis verbis, quæ proposui, significatur aperte, etiam filio in adoptionem dato subveniri mortuo patre naturali, qui tamen non sit sui juris, datione illa in adoptionem; et morte deinde patris naturalis sequuta: manet enim in potestate patris adoptivi. At filius in adoptionem datus, mortuo postea patre adoptivo, fit plane sui juris, nec recidit in potestatem patris naturalis, qui eum in adoptionem dedit, nec desinit esse in familia patris adoptivi eo mortuo, *l. utrum*, ff. de bon. poss. contra tabul. Et ita omnino videtur legendum in *d. l. 2.* Non est illud omittendum, in filium emancipatum, aut in adoptionem datum, actionem restitui in eos ex edicto de capite minutis, quia videtur extincta capitis diminutione: opus igitur est restitutione, quia sunt novi homines. At in eum, qui morte patris, vel alias sine diminutione sui juris est factus, actio non restituitur, sed eadem actio directa permanet: quia status non mutatur: nam licet sui juris fiat, tamen familia defuncti permanere dicitur.

Ad L. III. et IV.

L. III. Etiam si non mandante, neque jubente ne-

que subscribente domina, pecuniam mutuam servo Priscæ dedisti; tamen ea quantitas si in rem dominæ ejus, justis erogationibus versa est, de in rem verso apud suum judicem eam conveni, consecuturus secundum juris formam id, quod tibi deberi apparuerit.

L. IV. Si ex contractu, patris jussu, ejus mutuam pecuniam accepisti, teque ejus hereditate abstines, frustra vereris, ne a creditoribus ejus conveniaris.

Partinet tertia lex ad actionem de in rem verso: quarta ad actionem quod jussu. Finge: Filius mutuam sumpsit pecuniam patris injussu, et justis erogationibus in rem patris convertit. Hoc casu cessat actio quod jussu, et competit de in rem verso in patrem. Justis erogationibus, id est, agrum colendo, domum fulciendo, servos paternos vestiendo, creditori paterno solvendo. Voluptuarie erogationes patri non imputantur, *l. 3. §. proinde*, ff. de in rem verso. Dupliciter autem agitur de in rem verso: Nam vel hac sola actione de in rem verso agitur, vel agitur de peculio adjuncta, aut intellecta clausula *de in rem verso*: idque constat ex *l. 1. et l. filiusfamilias, de in rem verso*, *l. 2. D. quando de pecul. etc. l. 2. §. apud Julianum, D. de hæred. vend. §. licet*, Instit. quodcum eo. At ut hoc intelligatur, sciendum est, patrem non teneri de in rem verso, nisi filius principaliter gerens negotium patris, ea mente ut sibi patrem obliget, eum reddiderit locupletiozem. Eo pertinet totus titulus *de in rem verso*. Sic quoque accipiendum est, quod dicit Paulus 2. *Sent. tit. de in rem verso*: actionem de in rem verso dari, si ob eam causam pecunia sit data: et ibi *data* passive accipitur pro accepta. Nam non est necesse a creditore dari ob eam causam, sed ut pater teneatur de in rem verso, necesse est a filio ob eam causam pecuniam accipi, et erogari, *l. 1. in fi. l. et ideo*, §. *pen. et ult. l. si res*, §. 1. *de in rem verso*. Igitur si filius suum negotium gerens, principaliter gerens, vel etiam nullum omnino negotium gerens, locupletiozem patrem reddiderit, non est in rem versum, ut sit actio de in rem verso: quia filius patrem noluit obligare, nec eo nomine pater filio obligatur naturaliter. At si negotium patris gerens eum fecerit locupletiozem, ob id pater filio naturaliter obligatur, *l. si pro patre*, §. *verum*, et §. *si domini*, *de in rem verso*. Quia ratione, id quod verum est in rem patris, in peculium imputatur. Nam quodcumque pater debet filio, in peculium imputatur, *l. quam Tiberonis*, §. *in peculio*, ff. de pecul. Id autem, quod convertit filius in rem patris, pater debet filio, et debere dicitur in *l. si pro patre*, §. 1. et *l. si in rem*, *de in rem verso*. Ex quo liquet actioni de peculio

inesse actionem de in rem verso, et ut Justinianus ait in §. licet, *Instit. quod cum eo*, nump esse actionem de peculio, et de in rem verso: qui agit de peculio agit etiam de in rem verso: quod enim in rem versum est, in peculio est. Tunc igitur tantum necessaria actio de in rem verso, cum deficit actio de peculio, puta si peculium sit ademptum, *l. si in rem, et l. filiusfamil. et l. 1. de in rem verso*. Nunc de actione quod jussu videamus, quæ non jungitur actioni de peculio, sed ejus est separata ratio, *l. 4. ff. quod jussu*. Nunc sic dico: Si pater jubeat filium accipere mutuam pecuniam, pater tenetur utili actione institoria, et cessat quod jussu, *l. pen. et ult. sup. tit. prox.* Sed si pater jubeat creditorem dare filio pecuniam, tunc competit solum actio quod jussu: cum pater loquitur cum creditore ipso. Recte ita ex veteribus Pylæus intellexit: idemque est, si pater creditori mandaverit, ut filio pecuniam crederet: item si rem gestam ratam habuerit: ratihabitio mandato comparatur. Idem est, si pater subscripserit filii chirographo: subscriptio jussu comparatur, *l. 1. ff. quod jussu, l. 3. hic*. At quid dicemus, si pater contraxerit, non filius? si pater non jusserit contrahi cum filio, sed ex suo contractu filio pecuniam numerari jusserit, an competit actio quod jussu? Placet hoc casu cessare actionem quod jussu, cui nonquam est locus, nisi filius ipse contraxerit: Et hoc casu actionem directam in patrem competere, *l. ult. ff. quod jussu*. Filiusfamilias autem eo casu suo nomine nullo modo obligatur, *l. 4. hic*, nisi hereditario nomine. Quid item dicemus, si pater pro filio fidejusserit, an competit actio quod jussu? Et placet hoc etiam casu actionem quod jussu non competere, sed teneri ex stipulatu, *l. 1. §. quid ergo, ff. quod jussu, l. si domina, ff. ad Vellejan.* Et ostenditur ratio in ea *l. 1.* quia ut extraneus intercessit, non ut pater: At cum jubet, vel mandat cum filio contrahi, facit ut pater (nemp pro auctoritate et imperio, quod habet in filium) jubet, hoc modo, illi credas. Fidejussio non habet speciem auctoritatis. Itaque cum pater fide jubet, id non facit ut pater, sed ut extraneus. At utrumque est accessio, et qui jubet, et qui fidejubet, *l. si servum, §. an filiusfam. ff. de verb. oblig.* Qui jubet, tenetur quod jussu: qui fidejubet, non item, sed ex stipulatu. Nunc quæres, quod sit discrimen inter jussum et mandatum, quæ duo actionem quod jussu pariunt. Discrimen est in eo, quod jubere etiam dicitur is qui monet ut contrahat creditor cum filio, non etiam mandat. Jubere est interdum precarium verbum, et optativum, et monitorium, *l. si servi, D. de neg. gestis*. At si pater filium commendat alteri, hoc modo neque jubet, neque mandat quicquam, *l. ult.*

Tom. IX.

hic, l. si vero non remunerandi, §. cum quidam, ff. mand. Itaque ex commendatoria epistola pater non obligatur: ex admonitione obligatur, si monuerit alterum, ut cum filio contraheret: item differentia est, quod ex jussu obligatur tantum pater, vel dominus, ex mandato quilibet. Præterea si pater mandat cum filio contrahi, an tenetur mandati? Id mandat ut pater, pro auctoritate quam habet in filium: ideo non tenetur mandati, sed quod jussu. Verum si constet eum ita mandare, non ut patrem, sed ut extraneum, in rem suam forte, tunc tenebitur mandati, non quod jussu, exemplo fidejussoris: quia ut extraneus intercedit, *l. si tibi, C. mand.* Similiter, si pater subscripserit chirographo filii ut pater, tenetur quod jussu: si ut fidejussor subscripserit fidejubendi animo, nec tenetur quod jussu, quia non intercessit ut pater: nec etiam ex stipulata tenetur, quia deficit stipulatio. Subscriptio non est stipulatio, *l. 14. sup. si cert. pet.* Postremo illud non est omittendum ex *l. ult.* hujus tit. patrem etiam teneri quod jussu, vel dominum, non tantum si servo, aut filio credi pecuniam jusserit, sed etiam si jusserit pecuniam credi suis hominibus, id est, conditionalibus; veluti adscriptitio colono vel inquilino, aut prædiorum actori, aut procuratori, licet liberi censeantur. Hi dicuntur nostri homines, licet non sint servi, et eorum conditio dicitur a veteribus *hominum*, inde *homage*. Ergo etiam liberorum hominum nomine tenemur quod jussu, si sint nostri homines. At si eis personis, non jubente domino, pecunia sit credita, nec dominus in solidum tenetur, nec ipsi ex mutuo obligantur; et hac in re servi comparantur, *l. ult.* Sed dominus tenetur de peculio, si nil debeant domino: nam peculium non intelligitur nisi eo deducto quod domino debetur. Tenetur autem directo servi nomine, utiliter aliorum nomine: nam non tantum servi sed etiam hi homines peculium habent, pro cujus quantitate dominus tenetur: tenentur etiam fidejussores, si quis eis pecuniam crediderit accepto fidejussore. Nam ex mutuo naturaliter obligantur, *l. ult. hoc tit.* Et conjungenda *l. ult. inf. si aliena res pign. data, l. 1. sup. ne lic. potent. et l. 1. sup. de prob. seq. pec.* quæ omnes eandem habent subscriptionem et inscriptionem: sunt partes edicti cujusdam Honorii et Theodosii Imp. quod edictum pertinebat ad creditam pecuniam, et ad actiones si certum petatur, ut *l. 1. ne lic. pet. et tit. de prob. seq. pec. et l. ult. si aliena res pign. data sit*: hoc adjicias huic legi, ut homines nostri, veluti adscriptitii coloni et censiti, non possint contrahere pignoris obligationem nobis invitis, quod etiam de servo traditur *l. 6. et 9.* Igitur hæc sit conclusio: sicut servi et homines nostri, ad nos pertinentes,

30

qui Græcis dicuntur ἀποτάκοντες; invitis nobis ac ignorantibus, non contrahunt obligationem mutui, nisi pro modo peculii, quæ actione nos tenemur: ita etiam non contrahunt pignoris obligationem.

Ad L. V.

Nulla res prohibet filiosfamilias, si pro aliis majores viginti quinque annis fidejusserint, actione competenti adversus eos teneri. Sed duntaxat de peculio tecum agatur, defensionibus, si quæ tibi competunt, uteris.

Pertinet ad actionem de peculio. Filiosfamilias, qui pro alio fidejusserint, in solidum suo nomine tenentur: Pater autem ejus tenetur duntaxat de peculio, nisi, sit lex, aliquas defensiones habeat. Id ostendemus exemplis, quibus pater se tueri possit adversus actionem de peculio. Primum est, si filiosfam. sine dolo male peculium ademerit: item, si morte filii, vel emancipatione extinctum sit peculium, et utilis annus præterierit, *l. 1. de in rem verso*. His casibus non est actio de peculio. Item, si plus debeat patri filius, quam sit in peculio, vel si tantundem, *l. pen. hic*. Nam peculium semper intelligitur deducto eo, quod patri debetur, vel domino. Ideo Græci peculium ita definiunt. Peculium est naturalis substantia concessa filiosfam. vel servo voluntate patris, vel domini, deductis debitis naturalibus, paternis puta, et dominicis. Et recte adiciunt, ideo se peculium definire οὐκ ἔστιν ὑποχρεωτικόν, naturalem substantiam, quod jure civili filius, vel servus proprium nil habere intelligatur. At permittente patre, vel domino contrahendi peculii potestas datur naturaliter: quod etiam illis et voluntate patris, vel domini adiungitur: idque confirmant multe *ll. in tit. de pecul.* Videtur etiam recepta fuisse hæc defensio: si res, de qua agitur, in peculium conversa non sit, *l. 11. hic*. Facit et ad aliquid *l. 2. hic, et l. 2. ff. eod.* Verum non est ita: hæc defensio non est legitima, nisi certis casibus. Est igitur actio de peculio, etiam si res non sit versa in peculium, exceptis casibus quibusdam: ex *l. 11.* datur actio peculii in id, quod in peculium versum est, non tamen ex eo concludendum est non dari ex eo, quod in peculium versum non est. Nego, etiamsi quodam loco, ut *l. 11.* secundum speciem propositam, tradatur, actionem de peculio dari in id, quod in peculium conversum est. Non ideo semper exigimus, ut sit locus actioni de peculio, rem conversam esse. Excipiuntur certi casus, ut si impuberis nomine agatur, vel servi, vel filii, *l. si quis cum filiosfam. ff. de pecul.* idque optima ratione. Pater impuberis nomine non tenetur de peculio, nisi sit res versa in peculium: quoniam ipse etiam impubes non tenetur, nisi quatenus locupletior est factus, civili, vel naturali ju-

re. Ubi filius, vel servus non obligantur naturaliter, nec pater, vel dominus de peculio tenentur. Ideo si pro alio servus intervenerit, vel compromiserit in arbitrum, non tenetur de peculio dominus, cum nec naturaliter obligetur servus, ut dixi in *tit. an servus ex suo facto*. At impubes filius, vel servus non tenentur naturaliter, ultra quam factus sit locupletior. Ergo nec pater supra id tenetur. Item excipitur hic casus, si agatur cum patre condictione furtiva, aut rerum amot. *l. 3. §. ex furtivo. ff. de pec. l. servus quem, ff. de action. emp.* Item si repetatur quod filius, vel servus alea vicit: nam quod quis vicit alea, ejus repetitio est ex edicto de aleator. At non erit repetitio adversus patrem, cum alea quid filius vicit, nisi quatenus id versum erit in peculium, *l. ult. ff. de aleatoribus*. Sicut non erit condictio furtiva adversus patrem, nisi res furtiva versa sit in peculium; et si pars sit versa, pro parte tantum erit actio: ratio est, quia hæc tres actiones, rerum amotarum, condictio furtiva, de alea, videntur esse ex maleficio. Id dixi in titulo de condictione furtiva. Idem est in actione rerum amotarum, quia illa amotio furto est proxima: sed res tristis mitigatur verbo. Item actio de alea videtur esse ex maleficio, cum sit vetita legibus, et non leve crimen: ut appellat Ovidius: et olim in aleatores fuit actio quadrupli, ut ait Acon. in Divinat. et turpe nomen aleatorum. *Marcel. lib. 28.* Sunt igitur hæc actiones ex maleficio: at ex maleficio non datur actio de peculio. Rursus proprie non videntur esse ex maleficio, quia rem persequuntur, non pecuniam. Et ideo etiam non sunt noxales. An igitur iis actionibus dicemus patrem non teneri, nec de peculio, nec noxaliter? Non: sed mediam quandam sententiam adsumemus, patrem teneri de peculio, non in solidum peculium, sed quatenus ex ea re locupletius factum est peculium.

Ad L. VI.

Si servus tuus sine permisso tuo, accepta pecunia mutua, in usurarum vicem habitandi facultatem creditori concessit: nullo jure adversarius tuus hospitium ex hac causa sibi vindicat, cum te servi factum non obligaverit: et ingrediens rem tuam, contra vim ejus auctoritate competentis judicis protegeris.

Pertinet *l. 6.* quodammodo ad actionem quod jussu. Ex jussu obligatur pater, vel dominus. Obligantur quoque eorum bona pignoris jure, *l. 9. hic*. At si jussu patris, vel domini non intervenerit, nec patrem filius obligat in solidum, aut ejus bona, nec servus dominum, nec bona ejus. Et ideo ut hic proponitur, si mutua pecunia accepta, servus creditori concesserit in ἀντίχρησιν aedes domini

sine jussu, sive permissu domini, nulla est ἀντι-
 χρεως, nulla actio hypothecaria, vel in factum,
 nulla pignoris retentio. Et si dominus ingrediens æ-
 des, per vim a creditore impellatur, ei subvenietur
 momenti beneficio, vel interdicto uti possidetis.
 Idemque in hominibus nostris, veluti colonis. Nam
 homines etiam nostri, sine jussu nostro pignoris
 obligationem non contrahunt: et si forte pater filio
 pecuniam credi jusserit, vel dominus servo, non
 ideo videtur permisisse pignoris obligationem, l.
 dominum, D. quod jussu: eam enim permitti oportet
 nominatim. Sed opponitur l. si permittente, inf.
 ad Maced. ubi filius rem patris pignori posuit si-
 ne voluntate patris, et pignus valet. Verum hoc ideo
 (quæ est ultima Accursii traditio in hac l. et vera)
 quia hic filius postea patri successit: successione
 pignus conciliatur. Item opponitur l. 9. ubi ponen-
 dum est, jussu patris non tantum filiosam l. datam
 pecuniam a creditore cum usuris conventis, sed
 etiam acceptum pignus, non invito patre. At quid
 dicamus, si filius habuerit liberam peculii admini-
 strationem? an poterit rem peculiarem pignori obli-
 gare patre invito, aut inscio? Constat posse ex l.
 si convenerit 2. §. ult. de pign. act. nam alienare
 etiam potest. Quod alienari potest, etiam pignori
 obligari potest: idque si exigit negotiorum admini-
 stratio, aut peculii, non donandi animo, aut dimi-
 nuendi. Nam donandi animo, vel diminuendi eam
 non potest alienare, vel pignori obligare, l. 1. §.
 1. ff. quæ res pign. obl. poss. Eademque servan-
 tur in procuratore, qui habet liberam administra-
 tionem omnium bonorum: etiam in tutore, de quo
 diximus in tit. de reb. cred. sup. in l. 4. Hoc
 etiam pertinet l. 10. hic, cujus sententia est: Ser-
 vus, qui habet liberam peculii administrationem,
 jure vendit rem peculiarem, exigentibus negotiis
 peculiaribus, et dominus eum contractum infirma-
 re non potest. At servus, qui non habet liberam ad-
 ministrationem, injussu domini recte rem peculia-
 rem non vendit, et si vendat, nulla est alienatio,
 injustus titulus inde paratur emptori. Præterea em-
 ptor sciens conditionem venditoris malæ fidei est
 emptor, imo fur habetur si rem mobilem a servo
 emerit, quem sciebat non habere vendendi faculta-
 tem. At si rem immobilem emerit, eam non reti-
 nebit, nec usucapiet per præscriptionem longi tem-
 poris, id est, 10. vel 20. annor. Itaque, ut qui
 sunt in nostra potestate jure contrahant pignus, vel
 mutant dominium rerum nostrarum, necesse est,
 vel ut specialem voluntatem habeant, vel liberam
 peculii administrationem, et ut id non faciant dimi-
 nuendi, vel donandi animo.

Ad L. VII.

Ei, qui servo alieno dat pecuniam mutuat,

quandiu superest servus, item post mortem ejus,
 intra annum de peculio in dominum competere
 actionem: vel si in rem domini versa sit hæc
 quantitas, post annum etiam esse honorariam
 actionem, non est ambigui juris. Quapropter si
 quidem in rem domini pecunia versa est: hære-
 des ejus convenire potes de ea summa, quæ in
 rem ipsius processit. Si vero hoc probari non
 potuerit: consequens est, ut imperstite quidem
 servo dominum de peculio convenias: vel si jam
 servus rebus humanis exemptus est, vel distra-
 ctus, seu manumissus, nec annus excessit: de
 peculio quondam adversus eum experiri possis:
 alioquin si cum libero res ejus agente, cujus
 precibus meministi, contractum habuisti, et ejus
 personam elegisti, pervides contra dominum nul-
 lam te habuisse actionem, nisi vel in rem ejus
 pecunia processit, vel hunc contractum ratum
 habuit.

Hæc lex pertinet ad actionem de peculio, et de
 in rem verso, et ostendit, actionem de peculio es-
 se annuam post mortem filii, vel servi, et post
 emancipationem scilicet filii, vel manumissionem
 aut alienationem servi. Quibus modis peculium ex-
 stinguitur, quia potestas solvitur: actio tamen de
 peculio non extinguitur, sed durat adhuc anno uti-
 li, titulo quando actio de pecul. ann. sit. Sed hoc
 ita accipiendum est, nisi principalis actio breviori
 tempore concludatur: quæ scilicet agitur de pecu-
 lio, ut si sit actio redhibitoria, quæ concludit-
 ur 6. mensibus utilibus: actio redhibitoria de pe-
 culio est 6. mensium, l. pen. ff. quando actio de
 p. c. anna. sit. Et ita quod traditur in l. penult.
 de noxal. action. actiones noxales esse perpetuas:
 hoc ita est accipiendum cum eadem exceptione,
 nisi scilicet principalis actio sit temporalis, ut si
 sit actio vi bonorum raptorum, quæ est annua,
 l. pen. sup. de noxal. action. Igitur actio noxalis
 vi bonorum raptorum non est perpetua. Similiter
 quod traditur in l. 2. in fin. D. de cap. min. actio-
 nem, quæ restituitur in capite minutum, esse per-
 petuam, hoc est ita accipiendum, nisi principalis
 actio sit temporalis. Principalem autem actionem
 dicimus eam, quæ in solidum et directo competit.
 Actio de peculio, et noxalis non competit in soli-
 dum: hæc actio noxalis, principalis est actio, si
 agatur detracto peculio, et detracta noxæ dedi-
 tione. Rursus actio restitutoria est utilis, non directa.
 Ergo non principalis. Sed si principalis sit tempo-
 ralis, id est, directa, et restitutoria temporalis
 erit. Alia est ratio actionis de in rem verso, quia
 huic non opponitur annua exceptio. Et hoc maxi-
 me distat actio de peculio ab actione de in rem ver-
 so, quod proponitur in hac l. 7. Hæc autem actio-
 nes de peculio, et de in rem verso competunt ex

contractu, vel quasi contractu filiorum, et servorum, qui sunt in nostra potestate. Competunt etiam ex contractu hominum nostrorum, et colonorum censitorum ex edicto Imp. Theodisii, *l. ult. inf.* quod expositum est. An competunt etiam illae actiones ex contractu procuratoris nostri, vel gestoris liberi hominis, et nulla nobis conditione obstricti, non conditionalis? Minime. Et est hoc quod proponitur in fine hujus legis, hic: hoc modo: Si cum libero homine rem alienam agente contraxisti, et dominum elegisti, seu ejus personam, id est, domini, ut scilicet cum illo ageres ex illo contractu: et ita sensu eodem loquitur *l. 3. sup. de noxal. action.* Lex autem nil, te nullam actionem habere, et utitur verbo (*pervide*) quo utimur in re clarissima, ut in *l. procuratorem, sup. de procurator. et l. si servus: infra de fideicommiss. libertat.* Et in illo loco Horatii

Cum tua pervideas.

Quem locum male accipit Victorius, pro insuperhabere. Dominum autem cum dicit in fine legis, non oportet eam vocem ad servum referre, sed ad gestorem, vel procuratorem, ut sepiissime. Et tunc intelligitur dominus rei, vel negotii, vel contractus, ut loquitur *l. 2. titul. proxim. inf.* Ergo ex contractu liberi hominis non conditionalis non tenemur, ut si gestor noster pecuniam mutuam sumpserit, ex mutuo non tenemur. Duae sunt exceptiones: si gestor rei alienae pecuniam sumpserit mutuam, et ea in rem domini sit versa, vel si contractum ratum habuerit: his casibus dominus tenebitur, non quidem de in rem verso (nam haec actio tantum ad eos pertinet, qui sunt in nostra potestate, vel conditionales sunt) non tenebitur etiam condicione ex mutuo, ut diximus in *l. 13. sup. si certum petat.* Ubi pro lege ultima hujus tituli, citavi hanc legem. Male. Igitur non tenebitur condicione, sed actione negotiorum gestorum utili, non directa. Cur non directa? Quia non ejus contemplatione pecunia credita est. Directa negotiorum gestorum actio competit, si credita sit ejus contemplatione, licet non sit versa in rem ejus. Contra utilis competit, si sit versa in rem ejus, vel si contractum ratum habuerit, licet ejus contemplatione data non sit. In rem versum, id est, ipse gestus, vel ipsa res parit actionem negotiorum gestorum, licet nostra contemplatione non fuit gestum, *l. si pupilli, §. sed si ego, in fin. et §. pen. D. de negot. gest.* Ratihabitio etiam parit actionem negotiorum gestorum, si quis alteri dederit meo nomine, vel si ab altero meo nomine acceperit, ut in hac specie meo nomine gestor accepit. At ratihabitio non parit eam actionem, si quid gestum est, nulla ex parte gestum sit meo

nomine, quod ad me pertinet: ut si quis non mei contemplatione filio emerit servum, non necessarium, id a me ratum haberi nil attinet, cum meo nomine nullus intervenierit. Et ideo ea ratihabitio nil prolicit, dicit. *§. sed si ego.* Itaque finis hujus legis non est accipiendus de eis personis, de quibus est *l. ultim.* Qui dicuntur nostri homines, etiam sunt conditionales, et dicuntur pertinentes, *προσάρτετες*, et *προσέχοντες*.

JACOBI CUJACII J. C.

Ad L. b. IV. Codicis

RECITATIONES SOLEMNES

Ad Tit. XXVII. Per quas personas nobis acquiratur.

Hic titulus est potissimum de acquirenda per alium obligatione, non de dominio, vel possessione. Quicquid acquiritur, vel dominium est, vel possessio, vel obligatio. Hec nobis acquiruntur per eos, qui sunt in nostra potestate, et per liberos homines, et servos alienos a nobis bona fide possessos, ex re nostra et opreis. Item per servos fructuarios ex iisdem causis. Per liberos homines, qui nec sunt in potestate nostra, nec bona fide a nobis possidentur, acquiri nil potest, quia deficit potestas, et possessio justa. Excipitur tantum possessio, quae per procuratorem nobis acquiritur, per possessionem autem dominium acquiritur, si is, qui possessionem habuit, et tradidit, dominium etiam habuit: haec ostendi in *l. 1. et l. per. proc. inf. de acquir. poss. §. ex his, Instit. per quas pers. nob. acq. Paul. 2. Sent. tit. 2.* Solam possessionem excipio. Possessio non acquiritur, nisi animo et corpore, acquiritur animo nostro tantum, corpore autem nostro, vel procuratoris etiam nostri. Idque utilitatis causa receptum est, ut corpore alieno rerum possessionem volentes, vel ratum habentes apprehendamus. Dominium per procuratorem non acquiritur, ut si procuratori nostro res tradatur ejus nomine, is autem eam accipiat nostronomine, quasi negotium nostrum gerens, dominium ei acquiritur, nobis autem possessio, non dominium, *l. res, D. de acquir. rer. domin. l. quod meo, D. de acquir. possess.* At si procuratori nostro tradatur nostro nomine, et is etiam nostro nomine rem accipiat, possessio nobis acquiritur, et per hanc possessionem etiam dominium. Iude sic definiamus, per possessionem in nos translatam voluntate domini rem tradentis nostro procuratori, nobis dominium acquiritur: per

possessionem autem in nos translata, estimatione procuratoris nostri, non voluntate domini, nobis dominium non acquiritur. Ut possessio nobis acquiratur per procuratorem, satis est eum nostro nomine accipere: nec est necesse ei etiam rem nostro nomine tradi. At ut per hanc possessionem dominium etiam nobis acquiratur, necesse est ei etiam tradi nostro nomine: ut autem dominium quaeratur nobis, per traditionem factam procuratori nostro, satis est ei rem tradi nostro nomine, nec est necesse, ut eam etiam accipiat nostro nomine: sed si suo accipiat, possessionem sibi acquirit, nobis dominium, *l. qui mihi, D. de donat. l. per servum, §. ult. D. de acquir. rer. dom.* Itaque dominium et per possessionem, et sine possessione acquiri potest. Sicut et possessio sine dominio. Sed hoc etiam posteriore casu, cum scilicet res procuratori nostro tradita est nostro nomine, is tamen eam rem nostro nomine non accepit: hoc, inquam, casu dominium per procuratorem nobis non acquiritur, sed voluntas et animus domini procuratori nostro tradentis, nos dominos facit. Id sic demonstro. Per alium non acquiro, quod is sibi prius non acquisivit. In hoc casu procurator sibi dominium non acquisivit. Ergo id per eum non acquiro. Sed recta via retro, quo casu procurator nobis dominium acquirit, nobis id acquirit: et quo casu procurator nostro nomine possessionem apprehendit, ut procurator, nos eam videmur apprehendisse, quod nobis nostro corpore paramus, et alieno corpore paramus. At quod civiliter acquirimus sine corpore, id per liberum hominem non acquirimus, *l. ea, quae, D. de acquir. rer. dom.* Et hoc est quod ait *l. 1. hic, excepta possessionis causa*, id est, excepta possessione: quam interpretationem male improbat Accursus. Sola possessio excepta est, non obligatio. Ergo per procuratorem obligatio non acquiritur, *l. 1. hic.* Eodem argumento uter, ut probem, dominium non acquiri per procuratorem, hoc modo: Sola possessio excepta est: ergo dominium per procuratorem non acquiritur: et hoc significat *l. 1.* cum ait, *redintegratae rei vindicationem, qua jure domini datur.* Species est. Procurator pactus est mihi redintegratae rei vindicationem subdita stipulatione, id est, pactus est rei restitutionem, dicta scilicet lege commissoria in venditione, ut Joannes hic recte explicat hoc modo scilicet, ut nisi emptor mihi solveret pretium intra certum diem, resolveretur venditio, et restitueretur res vendita, et redintegraretur: ex qua conventionem venditori datur actio ex vendito, vel ex stipulatu, *l. ult. D. lege commiss. l. commissoriae, inf. de pact. in empt. et vend.* Verum nulla harum actionum per procuratorem domino acquireretur, quia sola possessio excepta est, non obligatio, non dominium. Ergo per procuratorem

nec acquiritur actio in personam, nec in rem. Lex ait, *redintegratae rei vindicationem.* Sic Paulus in *1. Sentent. tit. de restitut. in integr.* dixit, *redintegranda rei actionem esse restitutionem in integrum.* Subjicit *l. nostra*, per servos tamen nostros dominium acquiri, plane significans non acquiri per procuratores nostros. Ita quam legem putat Accursus pro se facere, ea maxime est contra Accursium. Et in summa, sola possessio per procuratorem acquiritur: dominium et obligatio non item. Excipe unum casum, quo etiam obligatio per procuratorem acquiritur, si procurator, vel quilibet gestor suam pecuniam nostro nomine crediderit: quia nobis acquiritur obligatio ex mutuo, et actio directa nobis competit, *l. certi, §. si nummos, ff. de reb. cred.* Acquiratur etiam ex promutuo, ut si quis de suo indebitum solvat nostro nomine, *l. 8. sup. de cond. indeb.* Idque etiam receptum est utilitatis causa, benigne, et singulariter, ob crebrum mutuum vel promutuum pecuniae usum: sicut etiam illud benigne est receptum contra jus, ut possessio per procuratorem acquiratur, *l. 1. inf. de acq. poss.* Adjicit Justinianus in *l. 2.* acquiri ex causa mutui per procuratorem pignoris obligationem ipso jure sine cessione, directo, exemplo condictionis: quod ante Justinianum non obtinuit. Itaque in hac causa alii acquirerebatur actio principalis, domino scilicet, alii vero hypothecaria, id est, procuratori. Sed Justinianus vult ut utraque acquiratur domino. Ob id Tribonianus *l. solutum, §. per liberam, de pignor. act.* addidit non semper acquiri per liberam personam pignoris obligationem: hic casus est exceptus constitutione Justiniani. Hoc casu excepto, per liberam personam obligatio vel actio non acquiritur. Bene acquiritur: nam retinetur quidem, et paratur nobis, non tamen acquiritur, *l. per procuratorem, ff. de procur.* ut si procurator intra legitimum tempus debitorem meum conveniat, quo actio erat peritura, hoc pacto mihi actionem retinet, conservat, et perpetuat: vel si procurator prohibeat opus novum facientem, jus meum conservat servitutem forte, quam habeo. Nunciatio ista fit plerumque juris nostri conservandi causa, non acquirendi, *l. 1. §. nunciatio, de nov. oper. nunc.* Et ita prohibendo procurator nobis parat actionem quod vi aut clam: nam demonstrat vim fieri, ut si quis forem mihi furtum facientem apprehendat, parat nobis actionem furti manifesti. Item, qui meum debitorem interpellat, mihi perpetuat actionem, *l. si quis solutioni, §. pen. ff. de usur.* Sic constat per nuncium nobis parari actionem in his, quae sunt per nuncium, ut in emptione, locatione, societate, mandato, constituto, et pactione, non in stipulatione. Differentia est magna inter procuratorem et nuncium. Procurator

adhibenda ad titulum Digestorum *quarum rerum actio non datur*: quia ille titulus est totus de except. hæc verba, *non teneri, vel actionem denegari*, non excludunt ipso jure actionem, et non excludunt necessitatem exceptionis. Bonæ leges, ut dicitur, natæ sunt ex malis moribus. Senatusconsulto Macedon. causam dederunt mali mores cujusdam fœneratoris Macedonis. l. 1. ff. eod. qui ut ait ea l. ne quid amplius dicatur, filiusfamil. pecuniam credebat incertis nominibus. Hoc satis est dici, ut cognoscatur malignitas Macedonis, qui filiusfam. pecuniam credebat nominibus incertis, puta cum nesciretur, quanto cum fœnore, cum crederet tacito grandi et illicito fœnore. Iis sunt contraria certa nomina, quæ palam sunt sub usuris licitis. Horatius in Epist.

Nominibus certis nummos expendere.

Eos etiam, qui filiusfam. credunt, ille idem taxat. Satyr. lib.

Cicero pro Quintio: *Certis nominibus grandem pecuniam debet, etc.* Senatusconsulto Macedon. exceptio dicitur comparata in odium et poenam creditorum, neque tam in favorem filiorumfam. quam in eorum poenam, l. qui exceptionem, ff. de condict. indeb. l. sed et si paterfam. §. pen. ff. ad Maced. Ideoque putant Interpp. huic exceptioni filiumfamil. renuntiare non posse, quia non ejus gratia datur, sed creditorum odio, licet mulier Vellejano possit renuntiare: nam Vellejanum est introductum mulierum tantum causa. In illo verbo, nominum, quo utimur in Senatusconsulto, est sæpe erratum a librariis, et sæpe pro nominibus legitur, hominibus, et pro hominibus, nominibus, ut in l. 2. in fin. ff. de custod. reor. vulgo legitur, *nominibus sub fidejussore factis*. Recte Florent. *hominibus pro fidejussore factis*. Neque quicquam mutandum est. Sic Græci legunt ἐν τῷ ἐν' ὑῷας γυναικῶν προσώπων. 60. Basilicon, et ejus aperta est sententia. Quidam postulat est, ut exhiberetur judicio criminali: is paruit edicto, et venit: ubi venit, aliud ei crimen objicitur, quod ante admisserat, non cogitur respondere. Idem etiam servatur in causis pecuniariis, et hominibus sub fidejussore factis, ut si quis in causa civili satisfactionem judicio sisti, ejus causæ nomine et veniat, tum alia questio ei moveatur, non ea, propter quam cavet judicio sisti; non cogitur respondere, nisi sit periculum, ne actio tempore pereat. Homines, qui caverint judicio sisti, dicit factos esse sub fidejussore, ut in l. si fideicommissis. ff. ut in possess. legat. dicitur quis factus in possessionem, ut in Flor. more Græco: vulgo male, missus est. Græcis γινώσκω ἐν νόμῳ: est etiam in l. 2. inf. de usu pupil. idoneis hominibus: proculdubio legendum, *nominibus*, ut

nominatim in l. creditor, ff. de solution. l. D. Severus. ff. ad legem Falcid. et apud Ciceronem in Pisonem, *hominibus saltem bonis*, legendum, *nominibus*. Releamus ad Senatusconsultum Macedonianum. Sunt septem casus, quibus cessat exceptio Senatuscons. Macedonian. , qui omnes fere in hoc tit. proponuntur. Primos est: si filiusfamilas pro paterfamilas publico haberetur: et si in eo errore etiam fuerit creditor: hoc casu creditum non amittitur, l. 2. hoc tit. l. 3. §. pen. ff. eod. Secundus casus est, si filiusfamilas simulavit se esse paterfamilas, idque creditori persuasit inscio, et ejus conditionem ignorantem, tum creditor creditum non amittet, l. 1. hic. Mendaci et deceptoris filiofamilas. Senatusconsultum Macedonianum non opitulatur, sic nec edictum quod cum eo, etc. quod est de actione in id quod facere potest, l. 4. §. 1. et l. eum qui, ff. quod cum eo. Nec mulieri decipienti Vellejanum opitulatur, l. 2. ff. ad Vellej. Mendacium filiofamilas probare debet creditor, qui id allegat, l. 1. hic. At ut initio diximus, non satis est, si filiusfamilas se esse mentiat; sed etiam est necesse, ut ita existimet creditor, et eum esse filiumfamilas ignoret. Ignoranti non obstat exceptio Senatusconsulti Macedoniani: scienti obstat, vel etiam ignoranti: improbabilis ignorantia ferenda non est. At si sint duo rei credendi, vel si sit unus numerator, alter stipulator, et unus sciat esse eum filiumfamilas, alter ignoret, quid fiet? Ulpianus scripsit utrique nocere l. item si filiusfamilas, §. non solum, D. ad Macedon. Ergo scientia unius nocet ignorantem, quod est durum et iniquum, et pugnat cum legibus innumeras quas ibi adfert Accursius, nec respondet, Ulpiani verba sunt: *Si alteruter ignorabat in patris potestate se esse, verius dicendum est, utrique nocere*. Illud (se) videtur abundare, nisi jungatur cum verbo sequenti, sic: Severus dicendum est, id est, sequemur hac in re sententiam severiorem, ut in hoc tractatu severiores sententias amplectimur, quæ maxime faciunt contra creditores. Sic in l. sed etsi paterfamilas, §. hoc senatusconsultum, D. h. tit. inquit, severitate Senatusconsulti contractus improbabatur. Tertius casus est, si mandato, jussu, voluntate, consensu patris filius mutuum sumpserit pecuniam, tum enim cessat Senatusconsultum, si etiam permissu patris, id est, qualibet voluntate, et quolibet voluntatis indicio, l. 2. hic, et l. 4. de qua diximus in l. 6. sup. quod cum eo. Idem est si pater ratum habuerit contractum mutui, l. ult. hic, l. item si filiusfam. §. pen. ff. eod. tit. Et ex mandato quidem, jussu, vel patris ratihabitione, ipse pater in solidum tenebitur quod jussu. Ratihabitione quoque patris filium obligabit in solidum, detracto exceptionis auxilio. Addit Justinia-

nam in *d. l. ult. hic*, novella lege se definiisse generaliter, ratihabitionem omnem retrahere, mandato comparari, praeferita confirmare generaliter, id est, sublata differentia facti vel juris, ut est in *l. donationes, inf. de donat. inter vir. et uxor.* Inter juris auctores hac in re non conveniebat. (*) Omnes generaliter ratihabitionem non retraherebant: Plerique dicebant ratihabitionem confirmare quae sunt facti, ut possessionem, pactionem, gestionem: non ea, quae sunt juris. Ex ea lege novella ratihabitione omnis retrahitur, et ante gesta confirmat. Itaque cum dicatur *l. novella*, si tentaveris hodie hereditatem patri acquiri, quam filius adiit patris injussu, si modo postea ratam eam pater fecerit, id facile obtinebis ex generali novella: ut servetur in jure praetorio in acquirenda bonorum possessione: qua de re in *l. 1. inf. qui admitti.* Quartus casus est, si filiusfamilias sit miles, et mutuumumat pecuniam, tenetur usque ad quantitatem peculii castrensis. Nec quaerimus in quam rem impenderit. Et praesumitur impendisse in res castrenses, *l. ult. hic, l. 1. §. ult. ff. eodem.* Quintus casus est, si mutuum pecuniam filiusfamiliasumat in eam rem, quae patris oneribus incumbit, ut si ex ea pecunia dotem pro filia, vel pro sorore sua det, dum pater abest peregre. Nam haec dotis constitutio pertinet ad patris onus. Et hoc casu pater creditori tenebitur de in rem verso, *l. si filiusfamilias, ff. eod.* Idem est, si absens filiusfamilias studiorum, vel legationis causa, mutuumumat pecuniam ad sumptus necessarios, quos solet illi paterministrare, non si in ampliores sumptus. At in his casibus videndum est quam in rem impenderit pecuniam, puta, in dotem constituendam, aut sumptus necessarios. Nam si in eam rem impendit, ad quam est credita, pater tenetur de in rem verso; sin minus, de peculio tantum. Itaque seu in eam rem impenderit, seu non, cessat Macedonianum. Sed alias in patrem agitur de peculio, alias de in rem verso, *l. §. proinde, l. penult. de in rem vers. l. item si filiusfam. §. quod dicitur, ff. ad Maced.* At si jussu patris filio absentis pecunia sit data studiorum causa, pater in solidum tenebitur quod jussu, et perpetuo, etiam filio mortuo, nec in quid impenderit, inquiremus. Actio de peculio mortuo filio est annua de in rem verso: actio quod jussu mortuo filio est perpetua, sicut de in rem verso. Hic est sensus *l. §. hic*. Sextus casus est, si filiusfam. paterfam. factus debitum agnoverit, ut si expromiserit novatione facta, vel etiam si pater solverit. Cessat hoc casu Macedonianum. *l. item si filiusfam. §. ult. ff. eod. l. 2. hic*. At quid fiet, si pignus

tantum dedit factus sui juris, an convalescit creditum? Non omnimodo. Nam hoc casu ei denegatur exceptio Macedon. usque ad quantitatem pign. *l. sed si paterfam. ff. eod.* Filiusfam. mutuum centum accepit, factus sui juris dedit pignus dignum tantum 50. in illa 50. tenetur sine ulla exceptione: in alia 50. non tenetur cum effectu. Quod etiam notandum, ut severius admissum: nam alias sortis ratio non dirigitur ad pretium pignoris, sed seu pignus sit plurius, seu minoris, eadem sortis manet, *l. si pro mutua, sup. si cert. pot.* At severitas Senatusc. exigit hanc interpretationem. Septimus casus est. Si filiusfam. non contrahat mutuum principaliter acceptis nummis, sed emptionem sine fraude Senatusc. et de pretio, et usuris est in creditum, stipulatione interposita, actioni ex stipulat. non obstabit Senatusc. Macedon. quia mutuum non contraxit principaliter, et si de nummis cavet, *l. §. h/c, et l. §. §. pen. ff. eod.* Hoc casu eadem quidem est actio, idem titulus actionis, ut ait *l. §. ac si mutuum principaliter contraxisset*, nempe certi condictio ex stipulatione; sed diversa causa obligationis et origo. Verum cavendum est ne quid fiat in fraudem Senatusconsulti hoc genere contractus.

JACOBI CUJACII J. C.

In Lib. IV. Codicis.

RECITATIONES SOLEMNES.

Ad Tit. XXIX. Ad senatusconsultum Vellejanum.

Superius senatusconsultum, quod heri exposuimus, est de nummis filiofam. mutuo, aut scemori datis. Hoc senatusc. est de intercessionibus mulierum. Intercessio est, si se, suave pro alio obliget: ut si fidejubeat, si expromittat, si mandet, si constituat, si in judicio aliquem defendat, si pignori res suas ponat: item si cum creditor esset cum alio contracturus, interveniente muliere, cum ea ab initio contraxerit, videtur etiam hoc casu mulier intercedere pro eo, cum quo creditor initio contrahere decreverat, *l. 10.* quae ait id declarari edicto perpetuo, quod quidem expressum fuit senatusc. Vell. sed obscure, *l. 4. h. t. l. 2. ff. ad Vell.* his nempe verbis, *quod ad fidejussiones, et mutui dationes pro aliis, quibus foeminae intercesserint, pertinet.* Ubi dationis verbum passive accipitur, ut saepe fieri diximus *sup. tit. quod cum eo.* Et recte Accurs. mutui dationes interpretatur, cum foemina adante mutuum accepit, quod alius erat acceptu-

(*) Vide Merill. variant ex Cujac. lib. 1. cap. 38.

rus. Itaque illis verbis senatusconsulti, hic etiam modus intercessionis notatur; qui tamen fuit potius apertius expressus edicto perpetuo, ut ait *d. l. 19. hic*. Sunt etiam multe alie intercessionum forme, vel quasi intercessionum. Ex his omnibus intercessionibus mulieres ipso jure obligantur, vel res earum pignoris jure: sed obstat exceptio intercessionis, vel Senatusconsulti Vellejani, quæ datur non tantum mulieri, sed etiam ejus heredi, et mulieris fidejussori, et procuratori; ut cum is ea mandante pro alio intercessit; procurator hanc habebit exceptionem, si conveniatur ex sua intercessione *l. 14. et 18. et 20. hic*. Omissa exceptione sequitur condemnatio. Potest tamen etiam post condemnationem actioni judicati opponi, ut etiam Macedoniani. Id dixi in *l. 10. de prob. sup.* Duo sunt casus, quibus in mulierem, si intercesserit, ipso jure actio non est: primus est, si pro marito intercesserit, nec pecunia in ejus commodum versa sit, *Novell. 134.* Alter casus est, si mulier sine scriptura, vel privato instrumento vel publico, quod non habeat subscriptionem trium testium pro alio intercesserit. Nam et hoc casu ipso jure est tuta, *l. antiquæ, §. ult. inf. hic*: quem recte Bulgar interpretatur: alii male: igitur si instrumento publico, quod trium testium subscriptionem habeat mulier pro alio intercesserit, necessaria est exceptio. Denique his duobus casibus exceptis non alias intercedit actio adversus mulierem, vel heredem ejus, vel fidejussorem, vel procuratorem, quam opposita exceptione Senatusc. Vellejani, *l. si decipiendi in fine, ad Vellejan.* Actor autem subducta muliere ope exceptionis, habet salvam actionem adversus rem principalem, videlicet si mulier pro alio fidejussit, vel constituerit, vel mandarit, quibus modis principalis obligatio non novatur. Itaque his casibus muliere subducta, salva manet creditori actio principalis. At si novatione facta mulier pro alio expromiserit, subducta muliere, et actore excluso per exceptionem Senatusc. Vellejani, vetus actio, quæ fuit novatione extincta, restituitur in veterem debitorem, ita creditor credito non cadit. Et ob id ea actio dicitur restitutoria et utilis, *l. quamvis, §. si convenit, et §. Marcellus, et §. si mulieri hæres, et l. aliquando, §. ult. hoc tit.* Dicitur etiam rescissoria *l. 16. hic*: quia datur rescissa intercessione mulieris, subducta muliere, *l. ult. §. ult. ff. eod.* At quid fiet, si cum creditor esset Titio mutuam pecuniam daturus ipse interveniret, et eam pecuniam mutuam acceperit, seque ab initio rem principalem constituerit, et deinde Titio eam pecuniam dederit: hoc casu in Titium, cui mulier hoc factum voluit, nulla fuit actio. Ergo in Titium nulla restituitur, sed muliere confugiente ad bene-

Tom. IX.

ficium senatusc. Vellejani, in Titium instituitur nova utilis actio: id ostendi in *d. l. quamvis, §. si cum essem, et l. quidam voluit, ff. ad Vellejan.* Et hæc duo genera actionum utilium notavit Justinianus in *d. l. antiquæ*, dum ait, creditori antiquam actionem servari, vel parari novam. Igitur mulier, vel veterem, vel novam obligationem suscipit, *l. 18. hic, et l. quamvis, §. 1. ff. eod.* Si veterem suscipit, actio in veterem debitorem restituitur, ea muliere liberata: si novam suscipit, actio in eum instituitur, cujus bona cessit mulieris intercessio. Ex his apparet, in his causis creditoris creditum non intercedere, etiamsi liberetur mulier quæ intercessit. Nam vel principalis actio salva manet, vel vetus restituitur, vel nova instituitur. Nunc ex *l. 1. hic* duo sunt tantum notanda: primum cessare senatusc. Vellejanum, si mulier pro alio solverit ultro, cum non intercessisset; et ideo solum condici ab ea non potest, quod tamen condiceretur, si locus esset senatusconsulto. Idque ostenditur in *l. 4. et 9. hic*. Et verum hoc est, si e solverit animo donandi, seu quasi gerens negotium debitoris alieni, seu ex mandato: item seu pecuniam solverit, seu rem in solutum pro alio dederit: item seu rem suam vendiderit extraneo, et ex pretio pro alio solverit, vel emptorem delegaverit, quin delegatio pro solutione est, *l. 5. ff. eod.* Solvere pro alio, non est intercedere. Intercedere, est se vel sua obligare. His obstat *l. ult. §. item si mulier, ff. eod.* Species est: Mulier rem suam vendidit, et tradidit alieno creditori, vel personæ ab eo interpositæ, et ea conditione vendidit, ut is suum debitorem pro rei venditæ pretio accepto liberaret: deinde mulier rem traditam vindicat: obstat exceptio rei venditæ et traditæ mulieri. Huic exceptioni obstat replicatio senatusc. Nam mulier replicabit, venditionem intercessionis causa factam. Senatusc. Vellejanum inducitur, et exceptionis, et replicationis modo, ino et actionis modo, ut cum mulier condicit, quod solvit ex sua intercessione, ex sua fidejussione. Verum ut respondeamus in specie ejus §. mulier creditori nec rem in solutum dedit, nec rei pretium, sed cum creditore alieno venditi obligationem contraxit intercessionis vice, puta ea conditione, ut creditor debitam sibi ab alio pecuniam pro pretio rei venditæ acceptam faceret, quod est intercessionis vice. Et ob id mulier juvatur. Postremo notandum est cessare senatuscons. Vellejanum, si creditor nesciat mulierem intercedere. Ut Macedon. exceptio, ita Vellejana scienti obstat, non ignorant: in hoc autem conveniunt, ut in aliis plerisque. Sed si ex duobus reis stipulandi, unus sciat mulierem intercedere, alter nesciat, non id dicemus, quod hæri tradidimus de senatuscons. Macedon. paulo severius, scientiam unius alteri nocere: cum non

51

sint tractandi, qui cum mulieribus contrahunt, eandem severitate, qua qui cum filiisfam. Unum senatuscons. spectat poenam creditorum: alterum mulierum gratiam et favorem. In causa senatuscons. Maced. creditor cum effectu creditum amittit. In causa Vell. creditor nunquam creditum amittit: sunt et alia discrimina. Exceptio Vellejani parit conditionem indebiti, *l. 9. hic*. Exceptio Macedon. non item, propria ratione, *l. qui exceptionem, D. de conduct. indeb.* Mulier potest renunciare exceptioni Vellejani, *l. ult. inf. quand. mul. tut. off. Novell. 94. et 118.* Filiisfam. non potest Macedon. renunciare. At si quis dixerit. Quid fieri potest, ut creditor nesciat mulierem intercedere? Est hoc nobis explicandum: Id varie fit. Ut si mulier simulet se esse matrem, quod Accurs. tradit: at hoc exemplum est nimis crassum. Potest alio modo, ut si mandato mulieris quis fidejubeat pro alio, et hoc creditor nesciat fieri mandato mulieris: hoc casu fidejussori mulieris non dabitur exceptio, *l. si fidejussores, D. ad Vellejan.* Item si maritus consentiente uxore rem ejus pignori obligaverit, et creditor nesciat ea consentiente obligari: hoc etiam casu cessat Vellejanum, et ideo hoc casu exigitur creditoris scientia, *l. 3. et 7. h. tit.* Item, quia constat cessare Vellejanum, muliere intercedente in rem suam, non cessare muliere intercedente in rem alienam. Si mulier in rem alienam intercesserit, et creditor justa ratione ductus, existimet eam in rem suam intercessisse, et ita credat pecuniam, ei non obstat senatusc. Vellejanum. Finge: mulier et Titius socii sunt, et in rem communem mutuam pecuniam accipiunt, ut ardes communes reficiant: duo rei debendi constituuntur, id est, singuli in solidum tenentur, et videtur alter pro alterius parte intercessisse: an mulier tenebitur in solidum etiam pro parte socii? Constat teneri, et cessare senatusconsultum Vellejanum, *l. vir uxori, §. ult. Dig. eod. tit.* Nunc finge: moribus Galliarum receptum est in locis plerisque, ut vir et uxor sint socii bonorum in matrimonio quæditorum, nisi aliud inter eos convenerit: nam certum est huic juri conventionem posse derogari: nunc cum inter duos conjuges convenisset ut essent socii, et cum eam conventionem nesciret creditor, utrique pecuniam mutuam credidit, et duos fecit reos debendi, eos esse socios, et se in eorum rem communem credere existimans, cum conjuges conventionem dolo malo celarent: an igitur agat cum muliere in solidum? sic sane: et si opponatur exceptio senatuscons. Vellejani, creditor tamen replicabit de dolo, *l. 18. hoc tit.* Alia exempla hujus ignorantie sunt, si mulier pro alio expromittat, quem creditor justa ratione motus credebat mulieris

esse creditorem, etsi revera non sit mulieris creditor, cessat senatusconsultum Vellejanum, quia putat creditor mulierem intercedendo rem suam agere, id est, se pro creditore suo obligare, justam ignorantiam exigimus, *l. vir uxori, D. ad senatuscons. Vellej.* ut in Macedoniano justam etiam ignorantiam exigimus, *l. penult. D. ad senatusc. Macedon. l. 1. tit. prox. sup.* Utriusque senatuscons. exceptio obstat, non tantum ei, qui scivit, sed et ei, qui scire debuit: justa ignorantia non obstat. Aliud exemplum est: si mulier mutuam pecuniam sumat, mox eam marito, vel alii creditura, et ita alii potius, quam sibi contrahens et hoc creditor nesciat, huic senatusconsulto Vellejano locus non erit, *l. si mulier marito, l. si mulier, l. vir uxori, l. bona fide, l. 4. in princip. D. eod. tit.* Verum hoc casu quælibet ignorantia creditoris est probabilis, quia principaliter cum muliere ab initio contrahitur. At cum ipsa intercedit, ut cum pro alio expromittit, quælibet ignorantia non est probabilis: nam creditor tum debet esse diligens in exquirenda causa intercessionis. Hæc est sententia legis *vir uxori*. At si creditor sciat mulierem id agere, ut mox eam alii mutuam daret, tunc huic senatusconsulto Vellejano est locus. Denique, quod notandum est, huic senatusconsulto est locus, non tantum si alii crediturus mulieri pro eo intercedenti mutuam pecuniam dederit: sed et si alii non crediturus, mulieri alii mox crediturae sciens eam pecuniam dederit: et ideo in senatusconsulto Vellejano hæc verba (*mutui dationes*) sic accipiemus, cum alii datura, vel ab eo, qui alii datorus erat, mutuam pecuniam accepit. Nam utroque casu tacite videtur intercedere pro alio, cui datura accepit, vel cui daturus creditor, mulieri dederit, licet palam videatur sibi tantum mulier gerere negotium. At tacita intercessio est, et in fraudem senatuscons. quod etiam in hac specie contingit. Maritus rem uxoris pignori obligavit primo suo creditori ea consentiente: mulier videtur intercessisse pro marito rei sue interventione: mox eadem mulier a secundo mutuam accepit pecuniam sub eodempignore, et eam statim solvit primo pro marito, et pignus ab eo liberavit, an etiam hoc modo videtur intercessisse? Sane videtur: quia prioris intercessionis causa pecuniam mutuam accepit statim sub ejusdem rei obligatione, et eam solvit primo statim, et ideo huic senatusconsulto est locus, si secundus id agi sciverit, non si ignoraverit: nam ignorantem semper excusamus. Hæc est species *l. Seja, §. ult. D. eod. tit.* His obstat *l. 13. h. t.* quæ lex significat deficere auxilium senatusconsulti Vellejani, etiamsi creditor scierit mulierem mutuam pecuniam accipere jussu mariti, quod et

in ejus usum insumpserit. Obstat tam *l. vir uxori*, quam *l. Seja*. Nam in utraque sumit mutuum pecuniam in usum et rem mariti, et senatusconsultum non deficit, si scierit creditor, quid mulier ageret. At ut respondeamus, in *l. vir uxori*, vir, qui pecunia egebat, ipse eam pecunia non rogavit a creditore, sed uxorem supposuit, quæ rogaret, et mox sibi crederet in fraudem senatusconsulti Vellejani, quam fraudem si creditor scierit, obstat exceptio ejusdem senatusconsulti Vellejani: si vero ignoraverit, non obstat. At in specie *l. Seja*, cujus rei obligatione mulier pro marito intercessit apud creditorem primum, ejusdem rei obligationem statim contraxit cum secundo, et statim etiam priorem intercessionem dissolvit: mutatur statim creditor, et obligatur res eadem, mutatio illa præpostera, et ejusdem rei obligatio, argumentum est fraudis quæsitæ senatusconsulto Vellejano. At in *l. 13. h. t.* nihil est tale. Sed mulier revera sibi mutuam sumpsit pecuniam, in usum tamen et rem mariti, sine ulla fraude senatusconsulti Vellejani. Igitur scientia hoc casu non obest creditori, quia intercessioni frus non queritur. Sed revera mulier ab initio sibi duntaxat contraxit, quamvis ea mente sit, ut quod sumat, in rem mariti impendat.

Ad L. II.

Frustra Senatusconsulti exceptio, quod de intercessionibus foeminarum factum est, uti tentasti: quoniam principaliter ipsa debitor fuit. Ejus enim senatusconsulti exceptio tunc mulieri datur, cum principaliter ipsa nihil debet, sed pro alio debitore apud creditorem ejus intercessit: sin autem pro creditore suo alii se obligaverit, vel ab eo se, vel debitorem suum delegari passa est: hujus senatusconsulti auxilium non habet.

Ex *l. 2.* notandum est, Senatusconsultum Vellejanum cessare si mulier intercedendo rem suam agat: ut si pro suo creditore exponat delegatam vel ultro, vel si pro suo creditore debitorem suum delegaverit, *l. debitor, D. eod. tit.* Item in specie *l. 6. hoc tit.* Si mulier administrans bona filiorum suorum pupillorum, tutoribus eorum indemnitatem promiserit sub pignoribus, vel satisfacto, hoc casu videtur in rem suam, non in alienam intercessisse: in rem suam, ut scilicet administratione relinquatur: et ideo senatusconsultum Vellejanum cessat, *l. 2. infra, si mater indemnitatem promiserit.* Detracto etiam hoc causa administrationis, propter quam indemnitas tutoribus promittit mulier, promittendo tutoribus liberorum suorum indemnitatem ex causa directæ actionis tutelæ non videtur intercessisse. Et ideo cessat Vellejanum. At ut subjicitur in *l. 6. h. t.* si tuto-

ro pupilli se excusare volente mater se interposuerit, et tutori promiserit indemnitas, ut ad tutelam accederet sine periculo, locum habet senatusconsultum Vellejanum, qui pro se non videtur intercedere, sed pro filio, et contrariæ actionis tutelæ obligationem suscipere pro tutore apud pupillum: nondum quidem illa obligatio est contracta, sed etiam intercessio fit futuræ obligationis nomine. At huic parti *l. 6.* obstat *lex quamvis, §. 1. ff. eod. tit.* Species cujus §. hoc est: Mulier intervenit apud tutorem pupilli filii sui, ne filii sui prædia distraheret: quæ necesse habebat distrahere, et ei ex ea causa indemnitas promittit: ait lex, eam non videri intercessisse: et ideo senatusconsultum Vellejanum cessat, quia non suscepit alienam obligationem novam, aut veterem sed ipsa obligationem hanc creant, et ideo non est intercessio. Denique in ea specie mater promittendo indemnitas tutori filii non intercessit. Contra est in *l. 6.* cui ita respondendum est: ideo in specie *l. quamvis* mulier non intercedit: quia dum promittit tutori indemnitas, ne filii sui prædia distrahat, hoc videtur promittere, si conventus tutor directa actione tutelæ ob prædia non distracta, ob id aliquid ipse, quasi re non bene gesta, præstiterit a se indemnem futurum iri eo nomine. Verum illa hoc promittendo, alienam obligationem non suscipit: sive non suscipit obligationem pupilli: sed tutoris potius, qui tenetur directa actione tutelæ ob prædia non distracta, quæ distrahere debebat: tutoris etiam obligationem non suscipit, quasi intercedendo apud tutorem: nam se obligat tutori, et pro eodem ipso tutore: intercedere autem est pro alio alii se obligare, ut in *l. 6.* quam tractamus. Pro pupillo, inquit lex: mater se tutori obligavit: contra ait in *fine l. 6.* pro tutore se pupillo obligare, ut si mater tutorem filio petierit, et periculum tutelæ in se receperit, id est, si pro tutore pupillo caverit, hoc est intercedere, *l. 1. inf. si mat. indemn. promis.* At si pro tutore mater eidem tutori se obligaverit indemnitas promittendo: hoc non est intercedere, *l. tutor, ff. ad Vellejan.* Intercessor est quasi medius quidam inter duos. Sic accipiendum est quod dicit Paulus 2. *Senten. eod. tit.* mulierem, quæ pro tutoribus filiorum suorum indemnitas promisit, non pertinere ad hujus senatusconsul. Vellejani beneficium, nempe si pro tutoribus, et eisdem tutoribus indemnitas promisit, ut in *l. quamvis, §. 1.* Et ita etiam hæc omnia rectissime exposuit Bulgarus. Addendum est ex *l. 8.* si pro patre filius et filia expromiserint singuli in solidum, subtracta filii beneficio senatusc. Vellejani, filius in solidum tenetur, *l. si Titius, D. de fidejussor.* quam exposui in *l. de constituta pecunia, supra.* At si filius et filia pro patre

expromiserint novandi causa, et singuli pro parte, filia subducta beneficio hujus senatuscons. filius tenetur pro sua parte; pro parte autem filie in patrem restituitur actio personalis: datur etiam hypothecaria, si in veterem obligationem pignora pater dederat, *l. quidam voluit, D. eod. tit.* Hypothecaria verius datur, quam restituitur, *l. aliquando, §. 1. D. eod. tit.* Mulieris ex promissione non tollitur naturalis obligatio, et ideo idem pignus manet, nec etiam necesse est restitui hypothecariam: sola personalis restituitur. Postremo notandum ex *l. 11.* pleraque concedi extraneis, quæ non conceduntur conjugibus, *l. ult. C. Theodos. de legit. hæredib.* Ut extraneo donare possum, conjugi donare non possum. Extraneum possum hæredem instituere, conjugem non possum ex *l. Papia Poppæa*. Hodie possumus. Pro extraneo si mulier intercesserit, valet intercessio, nec rescinditur, nisi per exceptionem: si intercessit mulier pro marito, ipso jure intercessio non valet. Verum licet inter virum et uxorem donatio non valeat, tamen remissio pignoris valet: ut si uxor viro pignus remisit sibi obligatum forte dotis nomine, vel alia quavis causa: remissio pignoris non habetur pro donatione, *l. et si pignus, D. quæ in fraud. creditor.* Licet etiam intercessio mulieris pro marito non valeat, tamen remissio pignoris valet, etiamsi pignus remittendo negotium alteri gerere voluerit, *l. 11.* Et huc spectat *l. 11.* dum ait, mulierem pignus recte remittere, id est, hanc remissionem non contineri senatuscons. Vell. quod explicat latius *lex quamvis, D. eod. tit.* Remissio igitur pignoris neque donatio est, neque intercessio. De remissione pignoris etiam est *l. jubemus, inf. h. l.* verum ei, quod diximus, remissionem pignoris non esse intercessionem, obstat *lex vir uxori, §. 1. ad Vellej. senat.* Cujus species hæc est: res viri erat mulieri obligata duplici ex causa, dotis et crediti: id non ignorans secundus creditor pignus luit ex causa dotis, soluta dote, de causa crediti nihil dictum est: atque ita secundus creditor eandem rem in causam pignoris jure accepit, consentiente muliere. Consensus hic mulieris videtur esse remissio pignoris ex causa crediti: et tamen *lex* ait Senatuscons. locum esse. Remissio ergo pignoris intercessio est. Et hoc ex illo §. recte colligitur, si modo ponas ex una causa pignus luit, ex altera remitti: at non est ita ponendum. Luitur quidem pignus in hac specie ex una causa, non tamen remittitur ex altera. Consensus ille non est pignoris remissio ex altera causa, de qua subticuit mulier. Sed consensus ille est intercessio mera: quia rem sibi adhuc ex altera causa obligatam, mulier obligari consentit, et ita intercedit. In ea specie dixit tantum mulier secundo creditori, rem sibi esse obligatam ex causa dotis, de causa crediti nihil dixit, dum

scilicet vult pignus ex ea causa retinere, et consentire ejus obligationi, in fraudem Senatusconsulti Vellejani, retento pignore ex causa crediti. Atque ita est explicandus hic §. Atque ita certum est remissionem pignoris non esse intercessionem.

Ad L. XXI.

Jubemus licere mulieribus et pro uno contractu, vel certis contractibus, seu pro una, vel certis personis, seu rebus, juri hypothecarum sibi competenti per consensum proprium renuntiare: quodque ita gestum sit, hac auctoritate nostra firmum, illibatumque custodiri: ita tamen ut et si generaliter tali renuntiatione pro uno (ut dictum est) contractu, seu certis contractibus, vel ad unam, vel ad certas res seu personas consensum proprium accommodantes usæ sunt, vel fuerint: eadem renuntiatio ad illos contractus, et illas res, seu personas, quibus consensum suum proprium accommodaverunt, vel accommodaverint, coarctetur: ne alios quibusdam contractibus, quibus minime mulieres consenserunt, vel consenserint, prætendentibus eam, opponendi licentia præbatur. His scilicet omnibus, quæ in præsentis, per hanc consultissimam legem statuimus, ad præteritos nihilominus contractus pro negotiis et controversiis, necdum transactionibus, vel definitivis sententiis, seu alio legitimo modo sopitis, locum habituris.

Lex Jubemus est etiam de remissione pignoris: cujus sententia hæc est: uni debitori factam remissionem pignoris mulieri non nocere adversus alios, qui eandem rem mulieri obligaverunt ex eadem aliave causa: ut pignus obligatum a primo et secundo, remissum primo, non videtur et secundo remitti. Item *lex* ait, remissionem pignoris factam ex una causa non porrigi ad aliam, ut si pignus sit obligatum ex causa dotis et crediti, et remittatur ex causa dotis, non videtur etiam remitti ex causa crediti. Item *l.* ostendit pignori obligatis rebus pluribus, et unius pignore remisso, alias res in obligatione manere. Sed huic sententiæ opponitur *l. Paulus respondit, quibus modis pign. vel hypoth. solv.* Ubi ponendi sunt tres creditores, primus, secundus, tertius, inter quos servatur ordo, cum de pignoribus agitur: primus creditor videtur pignus remittere, si consentiat debitori rem obliganti tertio creditori: non tamen sic tertius successit in locum primi, ut anteponatur secundo. Nam secundus potior erit primo per remissionem pignoris vel exceptionem remoto, *l. major 1. de pignorat. act.* Ex eo colligunt, remissionem pignoris factam in gratiam tertii non tantum tertio prodesse, sed etiam secundo: verum hoc *l. nostræ* non obstat. Remissio pignoris fit debitori, non alii creditori. Si fieret remissio pignoris

creditori, facta uni, alteri non prodesset: et remittitur pignus debitori, licet id fiat plerumque in gratiam ejusdem creditoris. Et ideo si ex pluribus debitoribus sub eodem pignore, uni fiat remissio pignoris, non prodest aliis omnibus: tamen creditoribus ejusdem debitoris, qui sequuntur, prodest, quia pignus in totum liberatur a primo creditore, qui id remittit, et deinceps in id concurrunt omnes, qui sequuntur. Nec quicquam facit, quod fit remissio in unius tantum gratiam: nam pignus in totum solvitur a primo creditore. Itaque lex illa nihil obstat: nam non probat uni debitori remissionem factam prodesse aliis, sed remissionem factam debitori in gratiam unius creditoris, prodesse etiam sequentibus creditoribus.

Ad L. XII.

Si dotare filiam volens, genero res tuas obligasti, pertinere ad te beneficium Senatusconsulti falso putas: hanc enim causam ab eo beneficio esse removendam prudentes viri putaverunt.

Ex l. 12. notandum est, cessare Senatuscons. Vellejanum, si mulier pro filia dotem promiserit, et res suas pro ea obligaverit genero suo. Loquitur lex de filia: sed idem est, si mulier pro alia femina dotem promiserit, ut docet l. ult. h. t. dotem pro filia promittere, sive ea femina, pro qua dos promittitur, sit obligata, seu non, hoc est intercedere nuptiis contrahendis: sed dotium favore est receptum, ut hæc intercessionis causa non pertineat ad Senatusconsulti Vellejanum. Idque receptum est non tantum ante Justinianum, sed etiam a prudentibus. Prudentes, inquit l. exceperunt hanc causam intercessionis. Idem receptum favore libertatis, l. pen. h. t. Si servo obligato, vel non, mulier pro ejus capite pecuniam promiserit, hæc etiam causa intercessionis Senatusconsulto non continetur. Præterea notandum ex l. 12. cessare Senatusconsulti Vellejanum, si mulier, quæ pro alio intercesserit, post biennium denno se obligaverit ejusdem rei nomine, vel si eodem nomine satisfacerit, si exposuerit secundam cautionem, quæ agnoscat primam: idem traditur in Nov. 61. quæ sit, mulierem non pertinere ad Senatusconsultum Vellejanum, si post biennium cautionem primam agnoverit. Sed id tantum locum habet, si pro extraneo, non pro marito intercedat: nam et si pro marito sepius intercedat, non tenetur, Novell. 134. etiamsi post biennium iteretur intercessio. Postremo notandum ex l. 23. cessare Senatuscons. Vellejan. si mulier quid acceperit, ut pro alio intercedat. Cujus rei probatio ab actore exigitur, nisi instrumento publico quod habeat subscriptionem trium testium, comprehensum sit, dixisse mulierem, se causa intercessionis pecuniam

accepisse: hoc si sit scriptum, non exigetur probatio ab actore, si modo instrumenti fides in dubium non vocetur. Additur etiam in ea lege 25. restitui actionem in veterem debitorem, non tantum subducta muliere beneficio Senatusconsulti Vellejani, sed etiam eo casu deficiente senatusconsulto. Vellejano, si mulier non sit solvendo: quod valde novum est. Namque alias datione expromissoris, etiam si is non sit solvendo, debitor omnino liberatur, nec in eum actio restituitur, quia creditor bonum nomen facit, qui eum expromissorem probat et admittit: sicut hæreditatem locupletem facit, qui eam adit, et ideo obligatur in solidum, etiam supra vires hæreditarias, leg. inter causas, §. abesse, ff. mand. Cum igitur id sit valde novum, non est porrigendum ad alios casus deficientis Senatusconsulti Vellejani: nam si in mulierem, quæ intercessit, sit actio cum effectu, cessante Senatusconsulto Vellejano, licet mulier non sit solvendo, tamen in veterem debitorem non restituatur actio.

JACOBI CUJACII J. C.

In Lib. IV. Codicis,

RECITATIONES SOLEMNES.

Ad Tit. XXX. De non numerata pecunia.

Hic Titulus est de exceptione non numeratæ pecuniæ, quæ dicitur a Græcis ἀναρπυγία, et veritatis servandæ causa comparata est, l. 1. h. t. seu tota pecunia, seu pars ejus non sit numerata. Nam excipitur, vel de toto, vel de parte non numerata, l. 2. hoc tit. Hoc autem habet proprium hæc exceptio, ut qui eam excipit, non probet, sed onus probandi transferat in actorem, ut diximus in tit. de condict. ob turpem causam, in ff. sup. l. 1. sup. de prob. Item, id habet proprium, ut non tantum actioni opponatur exceptio, sed etiam sine actione in modum querelæ contestetur. Contestatione autem perpetuatur, alioqui temporalis est exceptio. Id ostenditur in l. 8. 9. et 14. §. pen. hoc tit. l. ult. sup. de condict. ex lego. Ea contestatio sit creditori præsentis ex scripto, vel si creditor absit a loco, ubi contractum est, vel si sit difficilis conventus, veluti si in magistratu positus sit, fiet contestatio apud judicem ordinarium, vel civitatis defensorem, vel episcopum, d. l. 14. §. pen. et ult. quæ pars leg. 14. est repetita in l. si præsens, supra, de Episcop. audient. et similiter, quod in ea l. 14 est scriptum de apochis tributorum publicorum, id est repetitum in l. ult. inf. de apochis publ. lib. 10. Item fini d. l. 14. qui quidem est de exceptione non numeratæ do-

tis, est conjungenda *l. ult. de dote cauta, et non numerata*: utriusque est eadem inscriptio et subscriptio. Qua ex causa datur hæc exceptio non numeratæ pecuniæ, ex eadem etiam datur conditio cautionis, seu liberationis, ut si quis scripserit sibi numeratum, quod non est numeratum, spe numerationis, condicet chirographum, *l. 7. hoc tit. l. 8. sup. de condict. indeb.* Hæc conditio est perpetua, et adjunctum habet onus probandi. Itaque ejus conditio longe est ab exceptione diversa: est enim perpetua hæc conditio, quia habet adjunctum onus probandi, quod non habet exceptio non numeratæ pecuniæ. Atque ita conditio indebiti, si per errorem solutum sit ex cautione non numeratæ pecuniæ, erit perpetua cum onere probandi, quod intenditur: hæc exceptio etiam, de qua tractamus, erit perpetua, si reus onus probandiumat, nec exigat ab adversario probationes, sed eas ipse offerat. Ita recte sensit quidam ex veteribus, argumento legis 10. *h. t.* Datur etiam interdum non exceptio ex hac causa, sed replicatio ejusdem naturæ et conditionis, *l. pen. hoc tit.* Et in specie hujus leg. 1. si pignus a nro datum spe futuræ numerationis vindicavero, contra exceptionem dati pignoris, et nondum solutæ pecuniæ, dabitur replicatio non numeratæ pecuniæ, ita est accipienda *l. 1. hoc tit.* quæ repetita est in *l. 1. inf. si pignoris convent. numerat. secula non sit.* Idem colligitur ex *d. l. 1. hoc tit.* contra cautionem, sive chirographum dari exceptionem non numeratæ pecuniæ, etiamsi hypotheca data sit, et cautioni pignus additum sit, *l. 8. hoc tit.* Idemque est, si cautioni additum sit iurjurandum, id est si cum religione iurjurandi, scripto quis sit testatus se pecuniam accepisse, *l. 16. hoc tit.* Id etiam colligitur ex *d. l. 1.* hanc exceptionem non numeratæ pecuniæ, non tantum dari contra actionem creditæ pecuniæ ex mutuo, vel ex stipulatu, sed etiam contra actionem hypothecariam, *l. 1. in fi. hoc tit.* Et biennio hæc exceptio concluditur ex constitutione Justiniani, olim quinquennio, *l. 1. C. Hermogenian. de cauta, et non numerata pecunia.* Hodie biennio, post biennium non potest opponi. Datur etiam hæc exceptio contra actionem ex stipulatu de dote. Et hoc casu non biennio, sed longiore tempore concluditur in favorem dotium, quod tempus præfinitur, *l. ult. de dote cauta, et non numerata, et Nov. 100.* Et hæc exceptio non numeratæ pecuniæ opponitur etiam contra quamlibet aliam actionem ex stipulatu. Sed quid si debitum ex causa venditionis, vel conductionis deducatur in stipulationem, et scribatur hæc stipulatio (ut fit plerumque) an contra actionem ex stipulatu ex his causis opponatur exceptio non debitæ pecuniæ? nam cum debitum ex alia causa in stipu-

lationem deducitur, non est necesse, ut stipulationis tempore pecunia numeretur: sed ut debitum præcedat; quod si non præcesserit, tam contra actionem ex stipulatu opponetur exceptio non debitæ pecuniæ, *l. 8. et 13. hoc tit.* Et hæc exceptio erit perpetua, quia habet adjunctum onus probandi, *l. 13. h. t.* de qua in *l. 1. sup. de probat.* Contra alias autem actiones, quæ nascuntur ex obligationibus re contractis, opponitur exceptio non datæ rei, vel pecuniæ: veluti contra actionem depositi opponetur exceptio non dati depositi, vel contra actionem commodati, exceptio dati, non commodati. Et exceptio hæc his casibus etiam biennio concluditur: nam lex 14. *h. t.* significat eam exceptionem locum habere in omnibus contractibus, qui re contrahuntur, eamque biennio finire. Opponitur etiam exceptio non solutæ pecuniæ contra apochas, *d. l. 14.* Et hoc casu non biennio concluditur, sed mense, quia plus favemus liberationibus, quam obligationibus. Denique hæc exceptio hæc omnia complectitur, non numeratam scilicet pecuniam, non solutam, non debitam, non datam rem, vel solutam. Et modo est perpetua, modo temporalis, modo mensis, modo biennii, modo temporis prolixioris. Datur autem exceptio hæc non tantum reo principali, sed etiam ejus man'atori, et fidejussori, et heredi, *l. 8. 12. et penult. h. t.* Expromissori autem non datur, *l. 6. hoc ipso tit.* Idque est verissimum, si pro suo creditore expromiserit, quia etiamsi solverit, indebiti condictionem non habet. Sed si expromiserit pro eo, cui nihil debebat, cuique stipulator pecuniam non numeraverat, si conveniatur ex stipulatu, se tenebitur exemplo fidejussoris, exceptione in factum non numeratæ pecuniæ, vel doli, *l. quamvis, §. interdum, ff. ad Senatusc. Vell. l. Julianus, ff. de doli except.* Ubi citatur Julianus, *l. 1. et in l. 2. ff. de donat.* Addatur, dari etiam hanc exceptionem aliis creditoribus rei principalis, qui agunt, vel conveniuntur actione hypothecaria, *l. pen. h. t.* Hanc igitur exceptionem habet, non tantum qui se principaliter cautione obligavit inconsiderate, sed et ejus creditor, si cum eo agatur actione hypothecaria ab eo, in quem illa cautio exposita est, et cui cautum est. Namque ei actioni opponetur exceptio *δ'απ'υπλ'ας*. Hæc exceptio certis casibus cessat. Primum, si fidem cautionis promissor agnoverit, *l. 4. h. t.* quod fit solutione partis quo etiam casu filiusfamil. post emancipationem amittit exceptionem Senatusconsulti Macedoniani si solvat partem, *l. 2. sup. ad Macedon.* His possunt addi quæ diximus de solutione partis, *sup. tit. ne uxor pro mar.* Secundo cessat hæc exceptio, si quis transactionis causa certam summam caverit: nam frustra excipit de non numerata pecunia, *l. 11.*

h. l. Nam etiam ex causa transactionis solutum condici non potest, quamvis debiti causa nulla praecesserit, *l. 2. sup. de condict. indeb.* Tertio hæc exceptio cessat, si quis argentariis, et publicis mensis exercitoribus caverit certam quantitatem dari, et hoc fuit nominatim definitum *Nov. 136. et edicto Justin. 7.* (nam quod apud eos fit, maxime fidem facit) ideoque ex eis *Novellis* generaliter dicendum est, hanc exceptionem cessare, si quis publico instrumento caverit certam quantitatem, de quo *Accursius* dubitavit, sed id expediunt *Novellæ*: et contra chirographum opponitur exceptio, contra publicum instrumentum non opponitur, nisi probetur falsum: præterea hæc exceptio non opponitur chirographis, vel apochis rerum depositarum, *l. 14. §. 1. h. l.* Ut si quis scripserit, se rem accepisse in causam depositi, quam vocant securitatem, et *ὁμολογίαν ἀποληπτικήν*, et apocham: apocha tria significat, acceptilationem, professionem acceptæ pecuniæ debitæ, et professionem acceptæ pecuniæ non debitæ, ut in causam depositi. Et contra hanc apocham non potest opponi exceptio non dati depositi, ne in reddendo deposito fiat mora: quod probatur confessione depositarii: idque introductum est favore depositi: sicut etiam illud, ut actioni depositi non opponatur compensatio, deductio, retentio. Sic hæc exceptio non opponitur, ne quid moretur redditionem depositi. Itaque non idem dicemus de apocha redditu depositi, quæ in re *Accursius* fallitur: nam hic non subest idem favor, et exceptionis, et apochæ. Itaque contra apocham redditu depositi, quam emittit, qui deposuit, cuique redditur depositum, non dicemus non posse opponi exceptionem non redditu depositi. Ideo si qui deposuit, agat depositi, et depositarius apocham proferat, replicabitur de non reddito deposito, negabiturque veram esse scripturam, et dicetur id fuisse scriptum spe futuræ redditionis. Præterea hæc exceptio non opponitur apochis publicorum tributorum, *d. l. 14.* Atque id introductum est favore collatorum. Quia fisco apocham accepit securus est, etiamsi dicatur emissæ spe futuræ numerationis. Postremo hæc exceptio non opponitur apochis traditæ dotis, quæ fiunt post tabulas matrimoniales, id est, post dotalia instrumenta; quod etiam significat *d. lex 14.* Est quidem locus exceptioni non numeratæ, vel non datæ dotis, cum tabulæ tantum nuptiales confectæ sunt, in quibus est perscriptum viro dotem datam, vel promissam esse, et hoc est quod ait *lex 1. inf. de dot. caut. et non numer.* Dotem non facit, ait, dotalis instrumenti scriptura: item *l. ult. eod. tit.* In dotibus, inquit, quas datas esse, etc. Idem significat *Novell. 100.* At si præter nuptiales tabulas, in quibus scriptum est dotem da-

tam, apocha etiam maritus caveat, se recepisse dotem ab uxore vel a socero: contra hanc scripturam non dabitur exceptio non numeratæ dotis. Quod introductum est favore dotium. His casibus, quibus ab initio cessat exceptio non numeratæ pecuniæ non potest etiam ab adversario deferri iusjurandum, *d. l. 14. h. tit.* His casibus, qui cavet neque potest excipiendi exigere probationes debiti a creditore, nec eum cogere ut juret sibi deberi. Cautio namque sufficit, nec adigendus est actor ad iusjurandum. Excipitur unus casus *Novell. 136. de argent. contract. §. ult.* Rationibus argentarii, exprimentibus causam debitorum, debitor subscripsit sua manu, causas tamen debitorum non expressit (nam alioqui constat cessare exceptionem non numeratæ pecuniæ, etiamsi res ei esset cum alio, non cum argentario, *l. 13. h. tit.*) Sed ut dixi subscripsit tantum: lex ait, argentario non posse opponi exceptionem non numeratæ pecuniæ; et rationes ejus subscriptas a debitore haberi pro publicis instrumentis: sed iusjurandum ab argentario posse peti intra biennium. Et ita *legi 14.* derogatur, ut ea *Novella* significat. Idem est, si exceptio non numeratæ pecuniæ sit tempore finita: nam post biennium, vel mensem literis statuitur omnimodo, nec jurare cogitur, qui eis literis nititur, *d. l. 14.* Et ita nudis literis obligatio contrahitur, tempore finita hac exceptione, etiamsi numeratio non sit secuta, *tit. de liter. obligat. Institut.* Sed de literarum obligationibus nulla est in *Pandectis* mentio, sed de obligatione, quæ re, vel verbis, vel consensu contrahitur, *l. Græce, §. 1. de fidejuss. l. 1. de novat. l. 1. §. 1. et l. obligamur, de obligat. et action.* Hæc fuit vetus divisio obligationis, aut re, aut verbis, aut consensu, aut nominibus: nomina apud mensam argentariorum in foro fiebant: sed obligatio nominum sublata est. Obligationem etiam nominum prudentes non agnoverunt, quia exceptio non numeratæ pecuniæ olim fuit perpetua. Ergo nulla fuit literarum obligatio. Constitutiones novissimæ eam exceptionem fecerunt quinquennalem, deinde constitutio Justiniani biennalem vel mensuram secundum ea, quæ diximus.

JACOBI CUJACII J. C.

In Lib. IV. Codicis

RECITATIONES SOLEMNES.

Ad Tit. XXXI. De compensationibus.

Compensatio ita definitur in *l. 1. eod. debiti et crediti* inter se contributio: ubi *Accurs.* debiti, in-

quit, ex utraque parte, et inter se, id est, inter contrahentes. Sed hoc totum est rejiciendum, quia his verbis nemo non videt significari sui arie, et alieni arie computationem, puta, cum quis quod alteri debet, confert cum eo, quod sibi debetur, et cum utrumque communi calculo subjicit: propter quod etiam Græci συμφηρισμὸν vocant, et ἀντὶλλογαν, Theophilus Instit. §. 1. de societ. et §. in bonæ fidei, de actionib. Et Græcus quidam compensare dicit, ἀντὶλλογίζεν. Fit autem ex causa pari compensatio, vel etiam dispari, ut si tu mihi debeas ex mutuo, ego vero tibi ex vendito. At sit tantum compensatio ex specie pari. Paulus libro 3. Sentent. tit. 5. Ut pecunia compensatur cum pecunia, aurum cum auro, frumentum cum frumento. Denique ea tantum in compensationem deducuntur, quæ pondere, numero, et mensura constant: quia ea sola mutuum permutatiorem recipiunt: corporis cum corpore non fit compensatio, licet cum de corporibus agitur, dicatur, sed improprie, compensationi locum esse: id semper est accipiendum corporibus ad æstimationem reductis: æstimationes ille ultro citroque concurrentes quantitate compensantur. Addendum, compensationem fieri ipso jure, ut si tibi centum debuerim, et tu postea mihi debere reperis sexaginta, nunc ipso jure non debeo tibi nisi quadraginta, et ejus duntaxat summæ usuræ currunt ex mora, vel stipulatione, secundum causæ, vel judicii qualitatem, l. 4. et 5. hoc tit. l. cum alter, D. eod. l. ejus, inf. de solution. Et si tu a me petas centum nominatim, plus petas, quia diminutum est debitum ipso jure, et in plus petiti periculum incidas, Paulus supradicto loco. Item, si in eadem specie ego solvam illa centum per errorem, mihi competit conditio indebiti, l. si ambo, D. eod. tit. Igitur exceptionem doli opponere, vel compensationem allegare non est necesse: nam ipso jure obligatio minuitur, l. postquam, D. eod. At olim tantum id obtinuit in actionib. bonæ fidei, d. §. in bonæ fidei, et d. lex. si ambo nominatim loquitur de actione societatis, quæ est actio bonæ fidei: at contra l. inter tutores, D. de administ. tut. quæ ait, æquitatem merum jus compensationis inducere sine exceptione, id est, æquitatem ipso jure compensationem inducere sine compensatione, loquitur de qualibet actione, et d. lex postquam, et lex cum alter, eod. tit. et lex 4. et 5. hoc tit. Et lex quinta nominatim loquitur de actione stricta ex testamento. Et male Accursius legem quartam coangustat ad rationem usurarum. Dicit enim in actionibus strictis ipso jure compensationem fieri, quod ad rationem usurarum attinet, ut inhibeantur pro modo concurrentis quantitatis. Sed male: nam licet ea l. 4. de usuris loquatur, ratio tamen leg. 4. est gene-

ralis: quia ipso jure pro soluto compensatio habetur. Idem etiam male tradit, in maleficiis ipso jure compensationem fieri, licet sint actiones strictæ, si agatur ex maleficio, allata l. si ambo, §. quoties, D. eod. tit. quæ lex, si furti vel condictione furtiva, vel novali judicio agatur, dicit compensationem locum habere, ipso jure fieri non dicit. Et quod est initio leg. si ambo, quo etiam Accursius utitur hujus sententiæ firmandæ causa, id est de culpa et negligentia sociorum, quod maleficio non est, et de actione societatis, non de actione ex maleficio. Itaque ea sententia non potest sustineri. At quid propositis dicamus? Proposuimus in actionibus bonæ fidei tantum ipso jure olim admissam compensationem: at postea multas leges attulimus, quæ ducunt compensationem in qualibet actione admitti ipso jure: hæc est mea sententia. Olim in actionibus strictis, nec ipso jure, nec per exceptionem compensatio admittebatur, ipso jure in bonæ fidei actionibus admittebatur, quia exceptiones doli bonæ fidei judiciis insunt: deinde cepit etiam postea in actionibus strictis admitti, compensatio, opposita doli exceptione, ex constitutione Divi Marci, §. in bonæ fidei, Instit. de actionib. quod non extat alibi. Judicium strictum opposita doli exceptione reddit bonæ fidei actionem. Ergo ex illa constitutione admissa est compensatio in actionibus strictis. Exceptio doli strictam actionem bonæ fidei facit, l. Seja, de mort. causa donat. et ibi Dorotheus in lib. Basil. tandem post Marci constitutionem quæ admiserat doli exceptionem, constitit inter omnes prudentes, ubique ipso jure compensationem fieri, et in bonæ fidei, et strictis judiciis. Et hic est sensus legis postquam, id est, postquam finita est vetus controversia inter Jurisprudentes: quod et constitutio Severi confirmavit, d. l. cum alter, eod. tit. id est, Alexandri, et l. 4. hujus tit. et 5. ita definiunt aperte. Deinde etiam id confirmavit aperte constitutio Justiniani, inf. l. ult. hujus tit. In qua lege quicquid constituitur, jam fuerat ante constitutum. Constituitur primum, ut ipso jure fiat compensatio in omnibus actionibus, quod ante receptum fuerat, nec id sibi vindicat Justin. deinde ut non fiat compensatio, nisi debiti liquidi, id est, certi, et confessi, et præsentis. Confessum debitum liquidum est: item id, de quo constat sententia judicis. Ita certi debiti confessi sit compensatio, controversi, vel incerti non sit, ut in specie legis si debeas, D. eod. Si debeas decem, aut hominem, utrum adversarius elegerit, hujus debiti compensatio non sit, antequam adversarius elegerit, quia nondum est certum quid debeat, cum sit debitum in potestatem creditoris collatum, nec is palam dixerit, quid sibi præstari velit. Item ejus, quod per exceptionem perimitur, quæ ex-

pungat naturalem obligationem, non sit compensatio, *l. quicumque, D. eod. tit.* Item ejus debiti, cujus dies nondum venit, compensatio non fit, *l. 7. D. eod.* At si debitum sit purum, et debitor condemnatus sit, certum est debitori diem prorogari judicato faciendo: intra eum diem judicati ejus debiti compensatio induci potest, *l. si cum mil. ti, §. ult. D. de compens.* Quoniam, inquit lex, aliud est diem non venisse, qui fuit obligationi presenti oppositus: quo casu non potest opponi compensatio, cum nondum ille dies venerit: aliud est humanitatis gratia debitori puro indulgeri solutionis tempus: quo casu, si intra illud tempus, agat ei compensatio opponetur ejus debiti, cujus solutio dilata est humanitatis causa. Idque ait, si ei, qui pure debet, humanus creditor laxiorem diem ultro dederit ad solvendum, quod non ita dudum contigit in hac specie. Mihi debes centum, deque eo constat sententia judicis, qua condemnatus mihi fuisti: sed rogatus distuli actionem judicati in biennium: interim ex novo quodam negotio ego coepi tibi debere centum, quæ statim tibi solvi petis. Ego a principe impetro licentiam ejus compensandi, quod mihi ex causa judicati debes, cujus solutionem humane in biennium distuli: nam moribus Gallie compensatio non fit, nisi ex principis rescripto. Tu dicis nondum venisse diem, et biennium nondum præterisse, et quod in diem, debetur, non venire in compensationem. Contra ego dico, longe aliud esse, venisse diem, qui fuit initio obligationis, aliud tempus indulgeri humanitatis gratia, meam humanitatem mihi nocere non debere, vinco ex *d. l. si cum militis, §. ult.* Atque ita refert Papo in lib. senatusc. non notata tamen illa lege. At ut redeamus ad dict. *l. ultimam*, Justinianus duas actiones excepit, quibus compensatio non admittitur, actionem depositi, quod etiam fuit receptum ante Justinianum, ut diximus *sup. Commod.* excipit etiam momenti actionem, quæ datur aliena possessione interversa et occupata. Utrunque actionem depositi, et momenti celeriter expediri oportet, nihil morari debet redditionem depositi nec possessionis restitutionem. Utraque actio est momentanea, et nominatum momenti actio dicitur celeris reformatio, *l. si coloni, de agric. et cens. l. quinta, Cod. Theodos. de denunt. vel edit. resc. l. 4. Cod. Theodos. unde vi*, eas duas actiones compensatio non minuit.

Ad extremum notandum est compensationem admitti, non tantum in privatorum causis, sed etiam fiscalibus, id est, fisco agenti compensationem recte opponi, *l. 1. l. quoniam librum, hoc tit. l. ult. D. eod. l. aufertur, §. ut debitoribus, D. de jure fisci* Quod ita procedit: si eadem statio, quæ mecum agit, mihi debeat. Nam ei com-

pensabo, quod vicissim mihi debetur. Sed quæ altera statio fisci mihi debet, id alteri agenti compensare non possum, ne officia fiscalia confundantur, sive stationes fiscales: unus est fiscus, diversæ sunt fisci stationes, id est, mansiones, in quibus officia fiscalia consistunt. Sic accipe legem *1. Ne fiscus rem, quam vendidit, evincat, et l. 2. inf. de solut.* Ubi Accursius legit, *stationibus*, non *rationibus*, ut vulgo, et Nov. 91. Duo fiscalia debita, quod ibi ignoravit Accursius, id est, duarum stationum fiscalium debita. At hanc legem primam Græci ita exponunt. Fiscus in diversis provinciis habet rerum suarum procuratores, et dicitur unaquæque procuratio statio: quod una statio fiscalis mihi debet, id alteri agenti mecum compensare non possum. Ratio notatur in *l. 1.* propter confusionem officiorum diversorum, id est, ne confundantur procuraciones, et rationes catholicorum. Nam Græcis semper Cæsaris procuratores dicuntur *καθολικοί*. Alii sunt procuratores speciales, ut procurator metallorum, caducorum: at provinciales sunt *καθολικοί*, et absolute catholicus est Cæsaris procurator. In *l. 9. §. ult. inf. de bon. damnat.* Ita legitur: *Cæsarianis, vel Catholicianis*. Cæsariani sunt officiales, sive apparitores procuratoris Cæsaris. Idem sunt Catholiciani. Inque illud, *vel est ἐκκαταξὶς*, et legendum forte, id est, ut apud Eusebium libro decimo *καθολικὸν* Africae interpretari oportet procuratorem Cæsaris in Africa, quod latinus interpres male vertit præfectum prætorio. Sic in libro 4. *de vita Constantini*, *καθολικὸς* nomine significatur Cæsaris procuratio. Excipiendus est unus tantum casus, quo non opponitur fisco compensatio, si rei venditæ pretium fisco petat: id enim omnimodo solvi oportet, nec compensatio ullo modo inducitur, *d. l. aufertur, §. ut debitoribus, et l. 7. hoc tit.* At si privatus petat pretium rei venditæ, recte compensatio ei opponitur. Et id tantum proditum est de fisco, ut in eo non inducatur compensatio.

Addendum, adversus fiscum compensationem non admitti, si tributa, vel stipendia, vel annonas petat, *d. §. ut debitoribus*. Hoc in civitatibus etiam receptum est, *l. 8. hoc tit.* Si civitas, inquit, petat vectigalia, vel tributa, non admittitur compensatio. Quædam sunt vectigalia fisco debita, *l. omnium, inf. de vectigal.* Quædam sunt debita Rei publicæ, *l. 10. et ult. eod. tit.* vectigalia, id est, *εἰσπρωγὰ* et *ἐξπρωγὰ*. Sic tributa quædam fisco, quædam civitatibus inferuntur: sive igitur fiscus, sive civitas petat, non est compensationis locus. Item in causa civitatum non admittitur compensatio, si is, cum quo agitur nomine civitatis, debitor sit ex pecunia, quæ serviat Culendario civitatis, ut ait *l. 8.* id est, quæ fœnori contrahendo destinata sit, cujus pecuniæ erat etiam proprius curator,

qui dicebatur curator Calendarii, *l. ult. ff. de administrat. rer. ad civitat. pert.* Et in *Cod. Theodos. tit. de curat. Calend.* Hujus igitur pecunie debitor compensationem non habet. Nam eam reddi oportet sine cunctatione, et statim collocari, ne sit otiosa. Item non admittitur compensatio, si quis sit civitatis debitor ex ea pecunia, quæ serviat solemnibus impensis civitatum, veluti viarum, operum, speculatorum: vel ex ea pecunia, quæ frumento, vel oleo coemendo sit destinata: cujus quidem pecunie erant proprii curatores, qui dicuntur *Συνῶνα*, et *Ελκῶνα* *l. ult. D. de munerib. et honor.* Igitur hujus pecunie debitor compensationem non habet, ut *l. 3. et l. ideo, D. eod. tit. de compensat.* id est, debitor alimentorum et copiarum id est, qui civitati debet alimenta vel copias, non habet compensationem, *d. l. 3. et l. ob negotium, D. eod.* Alimenta, et annonas vocamus copias, *l. 4. C. Theodos. de oper. public.* Cassiodorus in psalmo 31. ait copias victuales parcius dari. Et idem in psalm 77. et 117. *qui jussam copiam*, etc. Igitur debitor copiarum non utitur compensatione. Item debitor fideicommissi relictus civitati non habet compensationem, *d. l. 3. hoc tit.* Si privato debeatur, habet compensationem, *l. 3. hoc tit.* Et hæc quidem tantum proponuntur in *d. l. 3.* in qua dum ait, *is cujus de ea re negotiatio est*, id est, Præses, non Procurator Cæsaris, quia hæc *l. 3.* loquitur de civitate, non de fisco: et jura civitatis ad Præsides Provinciarum, non ad Procuratorem Cæsaris pertinent.

Ad L. II.

Ex causa quidem judicati (si debitum) solum repeti non potest, ea propter nec compensatio ejus admitti potest. Eum vero, qui judicati convenitur, compensationem pecunie sibi debite implorare posse, nemini dubium est.

In hac *l. 2.* hoc ostenditur, eum, qui convenitur ex judicato, posse compensare id, quod sibi debetur ex alia causa, vel ex eadem, id est, ex re judicata. Item notandum generaliter eum, cum quo agitur, posse compensare quod indebitum solvit, cujus conditionem habet, non id, cujus conditionem non habet, ut ex causa judicati solum condici non potest, licet justa non fuerit condemnatio, *l. 1. sup. de condict. indeb.* Ergo id etiam compensari non potest. Hæc est sententia *l. 2.* cui Fulgosius opponit, nec respondet, *l. etiam, ff. de compensat.* quæ ait, notandum id, quod jure civili, sed etiam quod natura debetur, venire in compensationem: nunc ita colligatur: naturalia debita veniunt in compensationem. Quod ergo male condemnatus solvi, mihi debetur generaliter.

Ergo possum id compensare quod est contra hanc legem 2. propositio (ut respondeamus) est certissima. Assumptio ita probabitur: si ego solvi ex male judicato, solvi natura indebitum, quia male judicatum non parit naturalem obligationem, neque tollit si qua sit, *l. Julianus. ff. de condict. indeb.* Ergo id ipsum, quod solvi, mox natura mihi cæpit debere is, cui solvi, argumento *leg. ult. sup. de condict. indeb.* Ubi creditor, cui Stichus aut Pamphilus debetur, utroque soluto per errorem, debitor fieri intelligitur. Et ideo quidam ei dabant electionem reddendi quem vellet, quia in disjunctivis debitoris est electio: eorum tamen sententia non probatur: si natura debita, et quod tibi solvi natura indebitum, id ipsum mihi natura debes. Ita probabiliter assumptio probatur: verum non est admittenda, quia cum solvi ex causa male judicati, solvi quidem indebitum natura, jure tamen civili debitum, ex re scilicet judicata. Solutio debiti civiliter tantum, vel naturaliter, obligationem naturalem non parit ex parte accipientis; et ideo ut natura debiti soluti non est condictio, ita nec indebiti natura est condictio, si jure civili debeatur: at solutio prorsus, et omni jure indebiti obligationem naturalem parit ex parte accipientis, ex qua est condictio, quæ dicitur naturalis, et ex bono et æquo, *l. indebiti, et l. hæc condictio. ff. de condict. indeb.* Quod ergo ex causa male judicati solvi, jure civili debui, jure naturali non debui, sed neque id tu, cui solvi mihi nunc natura debes: ergo id condicere non possum conditione indebiti, quia solvi debitum, nec compensare, quia quod debitum accepisti, fieri non potest ut natura mihi debeas. Et rursus contra *l. etiam, eod. tit.* opponi solet *lex quæcunque, ff. de compensat.* Lex ait, ea quæ per exceptionem perimi possunt, non venire in compensationem: at ea videntur natura deberi, quæ non eliduntur, nisi exceptione. Cur igitur ea in compensationem non veniunt? *Lex quæcunque* negat. Dicamus, duo sunt genera exceptionum: aliæ tollunt naturalem obligationem, ut exceptio pacti, jurisjurandi, doli, Senatusconsulti Vellejani, et non numeratæ pecuniæ. Hæc expungunt naturalem obligationem: quæ his exceptionibus perimuntur, ea si tibi solvere, condicere possum. Ergo et compensare mihi autem ea compensari non possunt, quia nec natura ea debeo. Sic est accipienda *lex quæcunque*: et ideo utitur verbo perimendi. Aliæ sunt exceptiones, quæ non tollunt naturalem obligationem, ut rei judicæ: ut si verus debitor absolvatur, non debuit ideo natura debere, quamvis habeat exceptionem rei judicæ. Igitur exceptio rei judicæ non tollit obligationem naturalem. Item exceptio inopiæ, ne quis supra vires damnetur. Et exceptio inpo-

trati iniqui juris, male judicati, et Senatusconsulti Macedoniani: hæc non tollunt naturale vinculum. Quæ his exceptionibus eliduntur, ea si tibi solvero, condicere non possum, quia natura debeo: ergo nec tibi ea postquam solvi possum compensare. mihi tamen ea, si nondum solvi, compensari possunt, quia a me naturaliter debentur, licet peti non possunt. Sic accipienda *lex etiam*, licet peti a me non possunt. Denique pleraque, quæ peti non possunt, compensari possunt, manente naturali obligatione, et quæcumque soluta repeti non possunt, nec compensari possunt, quia ille non possunt repeti, quia debita sunt aliquo jure, vel civili tantum, vel naturali. Solutio autem debiti reddendi ejus obligationem naturalem parere non potest.

Ad L. VI.

Neque scriptura, qua cautum est accepta, quam negas tradita, obligare te contra fidem veritatis potuit: et compensationis æquitatem jure postulas; non enim prius exsolvi, quod debere te constituerit, æquum est, quam petitioni mutua responsum fuerit, eo magis, quod ea te persequi dicis, quam a muliere divortii causa amota quæreres.

Conjungenda est hæc l. 6. cum l. 1. *inf. rerum amotarum*. Sciendum est apud eundem judicem sæpe mutuas petitiones institui, conventiones, et reconventiones, de quibus hæc sunt leges, l. *Lucius*, ff. *Mand. l. 13. de except. rei judic. l. 34. ff. de procurat. l. 1. §. ult. de extraordin. cognit. l. si idem, §. 1. de jurisdict. omni judic.* Item l. 1. §. *ultim. ff. quæ sentent. sine appellat. rescind.* Nunc finge: vir facto divortio agit rerum amotarum: mulier vicissim agit ex stipulatu apud eundem judicem: mutua petitiones sunt: fiet compensatio: et ideo si prius constiterit sententia judicis de eo, quod vir mulieri debet ex stipulatu, vir non cogitur id statim mulieri solvere. Non poterit statim agi judicati. Nam est expectandum quoad etiam de rebus amotis pronuntietur. Hæc est vis compensationis. Hoc hac lege ostenditur, et l. 1. §. *ult. quæ sent. sine appellat. resc.* Ubi nominatim est scriptum, constitutionibus id caveri. Nullæ extant constitutiones, præter hanc, quæ idcirco intelligenda est. Non obstat, quod dicit Accursius, ex constitutione Justiniani *de rei uxoriæ actione, infr.* ut ob res amotas non sit locus retentioni, vel compensationi, videlicet si dos repetatur: ex ea constitutione res amotæ non veniunt in compensationem. Id non obstat, quia ea constitutio est nova decisio, et si vis trahere ad priores constitutiones, non potest ad hanc trahi, cum non dicatur palam, mulierem egisse de dote, sed ex stipulatu, l. 1.

inf. rer. amot. Variæ sunt causæ, quibus ex stipulatu agitur.

Ad L. VIII.

Si propter fructus ex possessione tua perceptos vitricus tuus debitor tibi constitutus est: cum id, quod a matre tua ei legatum est, a te perire cœperit, mutuo debitæ quantitatis apud eum, qui super ea judicaturus est, compensationem non immerito objicies.

Ex l. 8. notandum est, ei, qui agit ex testamento legati nomine, posse objici compensationem fructuum ab eo ex agro adversarii mala fide perceptorum, et consumptorum, et teneri conditione sine causa, l. 3. *sup. de condict. ex lege*. Objicitur compensatio sine exceptione, quia sit ipso jure: sed dum objicitur, ipso jure factam esse compensationem, dicitur, ut filiofamilias præterito testamentum ipso jure nullum esse sine bonorum possessione contra tabulas dicitur.

Ad L. IX.

Ejus, quod non ei debetur, qui convenitur, sed alii, compensatio fieri non potest.

Si mecum agas, constat me posse compensare quod mihi debes: at quod alii, puta Titio debes, te inuito compensare non possum, etiamsi Titius velit, l. *in rem, ff. de compensat.* At si me convenias quasi Titii procuratorem, hoc casu compensabo quod Titio debes, non quod mihi debes, l. *postquam, ff. eod.* Multo minus potero compensare quod Titius mihi debet. Igitur nec quod alii debes, nec quod alius mihi debet, id possum compensare: at si agas ut hæres militis ex bonis castrensibus, id duntaxat compensabo, quod mihi defunctus debuit ex causa castrensi, non quod ex causa pagana: nam duplex est hæc hereditas, alia castrensis, alia pagana. Miles potest bona sua separare ex militari privilegio, l. *si cum militi, ff. eod.* Rursus si agas mecum ut procurator fisci in Asia, id compensabo, quod Asiana statio mihi debet, non quod alia l. 1. *h. t.* Vel si ut tutor agas, id compensabo, quod pupillus mihi debet, non quod tu debes, l. *pen. ff. eod. tit.* et si sint duo tutores, unus rerum urbanarum, alter provinciarum, et agas ut tutor rerum urbanarum, id etiam compensabo, quod mihi pupillus debet ex causa, vel contractu provinciali, l. *inter, ff. de administrat. tutor.* Nam ut fisci, ita pupilli, diversæ stationes, vel procuraciones sunt. Ipso jure una est tutela unius pupilli, licet sint plures tutores, qui administrationem rerum pupillarium dividerint, quæ per eos, vel curatores fit, et idem de curatoribus

lus, quod de tutoribus dicendum est. Et similiter si agas ut procurator in rem alienam, non tuo nomine, id solum compensabo, quod dominus mihi debet, non quod tu: et si agas ut procurator in rem tuam, compensabo, quod tu mihi debes, non quod dominus, argumento legis si quis in rem, ff. de procurat. At si agas mecum tuo nomine, quasi cum tuo debitore id recte compensabo, quod Titio debes, si modo Titius actiones suas in rem meam mihi mandaverit, puta nomine vendito, et si eas actiones contestatus fuero, l. in rem, ff. eod. tit. quia litis contestatio pro delegatione habetur. Itaque videor compensare quod mihi debes, non quod Titio. Idem ergo erit, Accursio nuctore, si a te partem illius debiti exegero, vel tibi, ut solveres denunciavero. Nam hæc exactio particularis, vel denunciatio pro delegatione habetur, l. 1. sup. de obligat. et act. His addendum, fidejussorem recte compensare quod reo principali debetur, l. 4. et 5. ff. eod. tit. Item socius, quod socio debetur recte compensat: socius enim est ipse alter, l. 10. ff. de duob. reis constit. quæ lex dum negat unum ex duobus reis promittendi, non socis posse compensare, quod alteri debet, id tacite in sociis admittit, et quod ait de non sociis, ita procedit, si invicem fidejusserint suo nomine: quia potest fidejussor, et quod sibi, et quod reo debetur, compensare, l. 11. de duob. reis, quæ sit, duos reos promittendi non inutiliter invicem fidejungere. Effectus hujusmodi mutæ obligationis duplex est: primus, si correi socii non sint, et invicem fidejusserint, et unus solidum deinde solverit partem suam, partim nomine fidejussorio, actionem mandati adversus correum habet, quam nec ullam aliam habet, si invicem non fidejusserint, quia si socii non sint, et invicem fidejusserint, unus potest compensare quod alteri debetur, quod non licet, si invicem non fidejusserint: ob id lex 11. non ait, non inutiliter duos reos promittendi invicem fidejungere. At videntur duo rei effectum semper invicem fidejungere, quia a quolibet solidum semper peti potest. Ideo in Senatusconsulto Vellejano si mulier et Titius duo rei sint accepti, mulier videtur pro Titio fidejussisse, et sic intercessisse, quod non valet, et reprobatum, l. vir uxori, §. ult. ff. ad Senatusc. Vell. l. mulierem, sup. ad Senatusc. Vell. At sane non sunt vice mutua fidejussores, ita ut superioribus sententiis locus sit, nisi id ita sit nominatum cautum, ut invicem fidejubeant, quæ cautio parit illos duos effectus. Addunt interpretes filiusfamilias recte compensare, quod patri debetur, quod verum non puto, nisi ex eadem causa patri debeat, quæ cum filio agitur. Et est quod ait l. 9. in fi. ff. eod. tit. de compens. quia unus contractus est. Loquitur autem hæc lex de socie-

tatis contractu, de quo Paulus tractavit lib. 32. ad edictum, ex quo sumpta est illa lex: tractat etiam initio legis, et ideo dicit, patri agenti ex contractu habito cum filiofamil. compensari patri solidum, quod socio filiusfamil. debet, licet non possit peti a patre, nisi pro modo peculii. Sic igitur in fine legis species ponenda est: filiusfamil. contraxit societatem cum Titio, obligatio statim patri acquiritur, qui ideo etiam socius videtur: agitur cum filiofamil. pro socio in solidum, ex eodem contractu debetur patri aliquid, qui se societati immiscuit, quasi sibi per filium quæsitæ: id quod patri debetur ex eadem causa filius compensabit, quia unus est contractus, quem rationem Accursius male ait, malem esse.

Ad L. X.

Quoniam liberum fundum distractum tibi proponis, post vero veluti præcedente emptionem obligatione, certum quid solvisse, si debitum a te apud præsidem provincie petatur: compensationem ejus, quod indebite solvi-ti potes opponere.

Notandum est ei, qui agit ex vendito, posse opponi compensationem rei pignoratæ venditæ. Finge, venditor in vendendo prædium dixit id esse liberum omni obligatione: erat tamen pignori Titio obligatum: illud emptor luit. Si emptor conveniatur ex vendito pretii nomine, compensabit pecuniam, quam Titio solvit luendi prædii causa. Idem puto esse dicendum, si venditor prædium non dixerit esse liberum, argumento legis 5. inf. de eviction. si modo et id obligatum non dixerit.

Ad L. XI.

Si tutores pupillis officio magistratus urgente nominastis, ac pro his propter onus primipili pecuniam solvistis, supersticiosam geritis sollicitudinem, ne ab ipsis conventi hanc eis imputare minime possitis, vel a vobis quicquam amplius exigatur, si tantum, quantum eis tutores debuerunt, vel vos nomine ipsorum majorem quantitatem delisse probetur.

Scripta est hæc lex 11. ad duumviros, Julianum et Paulum magistratus municipales. Hi duumviri pupillo tutorem creaverunt, quæ ex causa pupillo tenentur actione subsidiaria, quæ est in factum, de qua diximus l. 1. sup. quod cum eo, qui in aliena est pot. gest. esse dic. Idem duumviri jam autem patrem pupilli ejusdem primipili creaverant: quæ ex causa Reipublice tenentur, ut nominatores. Finge, duumviros ex causa primipili a patre gesti solvisse pecuniam Reipublicæ, quam primipilaris

reliquam fecerat: finge eos conveniri a pupillo actione subsidiaria, possunt illi quidem in hanc actionem compensare, quod pro pupillo solverunt ex causa primipilatus a patre gesti. Nam primipili honos sequitur filium, etiam heres patris non sit. Id dixi l. 1. sup. de condit. ex lege.

Ad L. XII.

Invicem debiti compensatione habita, si quid amplius debeas, solvens, vel accipere creditore nolens offerens, et consignatum deponens, de pignoribus agere potes.

Compensatione liberantur pignora, ut solutione, videlicet si quantum quis debet, tantum ei vicissim debeatur: at si minus ei debeatur, in id quod amplius debet, tenetur, et ad concurrentes quantitates compensatur, pignora tamen in solidum tenentur. Liberabitur autem ipse, et pignora liberabuntur superflui solutione, vel oblatione, et depositione: quæ solæ non sufficiunt. Id dixi l. 10. supra de pignoratitia actione.

Ad L. XIII.

Si velut in id debitum, quod solemnium publicarum pensionum nomine debueras compensaturo tibi, nihil te petiturum postea Mutiano scripsisti: redditis his, quæ venerant in compensationem, non indebiti soluti repetitio, sed ante debiti competit exactio.

Id notandum est, fisco petenti publica tributa, compensationem non objici, l. 3. sup. Nunc finge: fiscus petit a me tributa. Ego quod vicissim mihi fiscus debet, cum initio compensare vellem, postea non compensavi imo procuratori fisci scripsi me compensationem omissurum. Et solvi solidum fisco, quod petebat. Queritur an mihi detur condictio soluti? Minime: Nam jus compensationis hoc casu non habebam: Sed si solvi, quod compensando potui non solvere, mihi indebiti condictio competit: at si solvi quod compensando non potui servare, mihi non competit condictio indebiti: at mihi dabitur mei crediti petitio. Eadem est sententia l. qui invicem, D. de cond. indrb. Ex qua hac lex penult. est explicanda. Igitur qui dicit se non petiturum, id est, se non compensaturum, non remittit ideo suum creditum. Compensatio est quasi mutua petitio, proprie tamen non est petitio, quia ipso jure fit, l. posteaquam, D. eod. tit. At qui dicit se non petiturum, id est, non acturum, is remittit creditum suum, et si agat, repellitur exceptione pacti.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. XXXII. De Usuris.

Usuræ, quæ nihil aliud sunt, quam sortis incrementa, ut Isidorus ait, sunt jure civili receptæ, non tantum quæ propter moram, sed etiam quæ propter lucrum indicuntur, nec tantum ex conventionem nostra, sed etiam officio judicis, vel ipso jure, ut in bonæ fidei judiciis, et legatis, et fideicommissis, in quibus usuræ veniunt ex mora officio judicis, et in actione judicati, in qua usura centesima post diem judicati venit ipso jure, inf. de usur. re judic. Conventio, vel est stipulatio, vel pactum. In actionibus bonæ fidei usuræ debentur ex pacto facto ex continenti. In actionibus strictis nec debentur ex mora, nec ex pacto, nec lite contestata officio judicis, vel ipso jure, sed tantum ex stipulatione, ut in mutuo non debentur nisi ex stipulatione, l. Titius, D. de præscript. verb. l. 3. h. t. et in promutuo, l. 1. sup. de condict. indeb. Porro ea stipulatio usurarum, vel in diem moræ concipitur, et hæc pœnam moræ continet, et nonnunquam dicitur pœna, l. 90. de verbor. obligat. Vel pure concipitur, et statim vires accipit ex die stipulationis interpositæ. Hæc lucrum continet, quod proprie dicitur fœnus, quod quidem videtur esse locatio et conductio quædam. Nam pecunia utenda datur et accipitur certa mercede. Et ob id Horatius omnia conductis coemens obsonia nummis: conductis nummis, id est fœnori sumptis, et paulo post, usuras mercedes vocat, quo loco explicat mercedes, vel nummos, id est, usuram, vel sortem. At locatio non est proprie, quia locatio earum rerum contrahitur, quarum est usus, nummorum non est usus, sed abusus, quia utendo non permanent. Item contracta locatione eadem species redditur, contracto fœnore non item, sed idem genus. Fœnus non est etiam mutuum: nam ut commodatum mercedem non recipit, ita mutuum sui natura est gratuitum, quod etiam commodatum dicitur, l. 1. C. Theod. quod jussu, et apud alios multos auctores. Fœnus igitur qualis erit contractus, qualisve conventio? est stipulatio regulariter, certis casibus pactum, ut in pecunia nautica, in pecunia civilium, et argentariorum; regulariter autem stipulationem exigimus: non tamen scripturam, l. 1. h. t. quæ ait, optimo jure deberi usuras in stipulationem deductas, licet scripta non sit ea stipulatio, si modo rite, id est, præcedente interrogatione, et responsione sequente probetur

facte usurarum promissio: stipulationem, inquam, exigimus in pecunia tantum, vel auro, vel argento. In aliis rebus, quæ mensura constant, veluti, oleo, vino, frumento, et similibus, etiam pactum sufficit, et ex eo usuræ debentur, nec est necessaria stipulatio, *l. 12. hoc tit.* Ut, si creditis decem modios frumenti, paciscar ut in singulos modios duo sextarii quotannis mihi præstentur. Ex hoc pacto facto ex continenti, erit usurarum petitio, et hæc pactio usurarum in his rebus admittitur propter incertum pretium earum rerum; quia plerumque crediti tempore magno constant, solutionis tempore parvo, vel contra. Itaque ratione incerti pretii earum rerum, facilius ex pacto earum rerum debentur usuræ, quam celerarum, quarum est certum pretium et immutabile: eademque ratione res illæ, quæ mensura constant recipiunt graviores usuras, quas non recipit pecunia, *l. 23. inf.* Ubi additamenta usurarum, id est Græcis πλείονα τόκον, id est, graviores usuras. Eadem res eadem ratione recipiunt ἀντιπρόσitos conventionem supra modum usurarum. Et generaliter, qui modus usurarum servatur cum pecunia creditur, pecuniaque redditur, vel cum frumentum creditur, et pecunia redditur, vel contra, cum pecunia creditur, frumentum redditur, *l. 16. hoc tit.* vel etiam cum aurum, argentum, vestis, vel quæ alia species datur, pecunia redditur: quo etiam casu servatur vulgaris usurarum modus, *l. 23. inf. eod. tit.* Idem modus non servatur cum frumentum creditur, frumentumque redditur, quinimo gravior usura permittitur, quæ excedit vulgarem modum. Ideo lex *23. ait*, frumento credito, ejusdem duntaxat materię admitti usurarum incrementum, id est ὡς πρὸς βάλαν. Qua ratione in *Novella 32. 33. et 34.* Justinianus agricolæ credita pecunia permittit usuras trientes, id est, in singulos solidos quotannis singulas siliquas, quæ est usura triens, ut constat ex *Novella Leonis 83.* Frumento autem agricolæ credito Justinianus in singulos modios quotannis creditori permittit accipere octavam partem modii, quæ est usura centesima, *Novell. 130.* Itaque in pecunia permittit trientem tantum, in frumento centesimam. Nam ut in pecunia centesima est usura, quæ in singulos solidos quotannis reddit tres siliquas, id est, solidi partem octavam, qui constat siliquis *24.* ita in frumento usura centesima est, quæ in singulos modios quotannis reddit duos sextarios, id est, partem octavam modii, qui capit sextarios sedecim. Ergo ut apparet ex eis *Novell.* in frugibus graviores usuræ permittuntur, quam in pecunia, id est, centesima. Et hoc est quod Justinianus dicit in *l. 26. inf. eod. tit. In speciebus fœnori dationibus*, centesimam permitti, etc. id est, τὸν χερσίων, veluti frumenti, olei, ut recte Græci:

item frugum usuræ debentur ex pacto, pecuniæ non debentur nisi ex stipulatione: ex pacto, licet sit appositum contractui mutui ex continenti, pecuniæ usuræ creditæ peti non possunt: at si ex pacto solvantur, an possunt repeli? Si usuræ solvantur, ex pacto, non condicentur, quia natura debentur ex pacto: eadem ratione non imputabuntur in sortem, quia non sunt penitus indebitæ, cum natura debeantur, *l. 3. hoc tit.* Eadem etiam ratione servari poterunt usuræ illæ per retentionem pignoris, *l. 4. et 22. hoc tit.* Nam hic est alius effectus naturalis debiti, ut possit naturale debitum servari per retentionem pignoris. Quod ita procedit, si in illas usuras, quæ pacto debentur, pignus sit acceptum. Qua in re alia est ratio sortis, alia usurarum: ob chirographariam sortem pignus retineri potest, id est, in quam pignus acceptum non est: pignus ex alia causa acceptum potest retineri, *tit. etiam ob chirographariam pecun.* ob chirographariam usuram pignus retineri non potest, id est, in quam pignus non est acceptum. Chirographaria usura est, si pignus sit duntaxat: in sortem acceptum, necesse est apponi illud duntaxat: nam si hæc taxatio defuerit, etiam in usuras tacite pignus datum et acceptum videtur, ut recte notant Græci *ad l. si necessarias, §. ult. ff. de pignorat. act.* Idem in eodem titulo confirmat *lex solum, §. si in sortem*, in quo ita legendum: *si in sortem duntaxat, nec in usuras pignus obstrictum est.* Nam idem in eo *§.* continetur, quod in *lege 4. hoc tit.* Quamobrem si tempore contractus, ut etiam ostendi in *l. 4.* pignore accepto pactus sint minores usuras, et ex intervallo majores: pro maioribus usuris pignoris retentionem non habeo, quia in eas pignus non accepi, sed nec pro minoribus, quia minorum conventio sublatæ est posteriori conventionem majorem, *d. l. 4.* At si in usuras debitas sine stipulatione, ex pacto scilicet, pignus sit acceptum nominatim, retentionem pignoris habeo. Item si creditori simpliciter pecunia solvatur, eo incontinenti non expresso, utrum in sortem, an in usuras, de quibus convenit, solvatur: potest creditor hoc casu acceptam pecuniam in usuras imputare pacto debitas, in quas pignus accepit, *l. 21. hoc tit.* Ergo solutum simpliciter non tantum imputatur in usuras, quarum est actio, ut debitas ex stipulatu, sed etiam in usuras, quarum nominæ est retentio: non tamen imputatur in usuras, quarum nec actio est, nec retentio, veluti in chirographariis usuras, sed in sortem imputantur, *l. in iis, §. pen. ff. de solut.* Quod ait *l. 4. de usur.* idem esse servandum in pœna. Adjicit *lex grege, §. ult. ff. de pignor. et l. 22. hoc tit.* Pœna infertur ob moram, si sua die sors soluta non sit. Usura etiam ob lucrum. Item pœna semel tantum infertur, et ejus

una est summa: usura inferitur quot Calendis, et inde nomen Calendarii, inde sœnarctores, μηνῶτες ἀπαιτητοὶ, id est, menstrui exactores, et menses usurarum parentes, μηνῶτες τῶν χρημάτων πατέρες apud Basilium in psalm. 104. Ambrosius in Tobia. Verum ad eum diem Calendarum non semper usure solvebantur: constituebantur quidem in eum diem, sed concedebatur interdum dilatio usque ad Idus sequentes, neque die Calendarum, in quem erant constitutæ, exigebantur. Sc̃e sepe invenies usuras solvi Idibus, *l. si ex pluribus, §. ult. ff. de solut. Cicero 1. in Catilinam: proximis idibus centies, et cel.* Postremo stipulationis pœna est certa: stipulatio usurarum incerta: de usura datur condictio incerti, de pœna certi, *l. ubi autem, §. pen. ff. de verb. obligat.*

Interpretatus sum *l. 1. 3. 4. 12. 16. 21. 22. 23. et 25.*

Ad *l. II.*

Usuras emptor, cui possessio rei tradita est, si pretium venditori non obtulerit, quamvis pecuniam obsegnatam in depositi causam habuerit, æquitatis ratione præstare cogitur.

Lex secunda hujus tituli est de usuris, quæ ex mora veniunt in actione ex vendito officio judicis. In hac actione venit principaliter pretium, quanti res venit, deinde usuræ pretii post rei traditionem, quasi ex mora solvendi pretii, quæ sit reipsa post rem traditam. Nam cum tibi res sit tradita, cur statim pretium non solvis? reipsa moram facis: item quia æquum est, ut cum ex re jam tradita fructus emptor percipiat, præstet etiam usuras pretii nondum soluti: ratio fructuum hoc exigit, *l. 3. inf. de act. empt. l. Julianus, §. ex vendito, ff. eod.* Et aperte Paulus 2. *Sententiarum, tit. ex empto veni lito.* At usuræ cessabunt statim atque emptor pretium obtulerit, et deposuerit: utrumque exigitur, et sola depositio non sufficit, *l. 2. hoc tit.* nisi si defuerit, cui offerretur pretium: veluti venditore sine successore, vel saltem incerto, defuncto, *l. evictis, §. ult. de usuris.* Hoc casu sola depositio usuris emptorem levabit, cum non sit cui offerat. Sola etiam oblatio non sufficit, ut usuras inhibeat, quod servatur et in usuris creditæ pecuniae, *l. 16. et 19. hoc tit.* Ergo nec sola depositio, nec oblatio satis est. Sola oblatio liberat a periculo, si res oblata casu postea pereat, et ipso jure liberat, seu strictum sit iudicium, seu bonæ fidei, ex sententia Sabini, *l. 105. ff. de verb. obligat.* Item oblatio sola consumit ἀντίχρησις, *l. 11. hoc tit.* Αντίχρησις est multo gravior, quam usura, et ideo facilius solvitur, quam usura. Item oblatio sola liberata collatione

publicorum tributorum, *l. 1. inf. de suscept. et accariis, lib. 10.* quod recte Accursius notavit ad legem 19. *inf. eod.* item oblatio sola minorum usurarum a majoribus liberat: ut si sint promissæ minores, et si ad diem non solverentur, majores præstarentur: si ad diem minores offeruntur, nec deponantur, hoc satis est, ne majores currant, *l. 9. hoc tit.* quia non est savendum ubertati, et incremento usurarum: qua ratione etiam ob usuras minores non solutas, majores non infliguntur propter lucrum, id est, ex die contractus, sed propter morem tantum, id est, ex die, quo non sunt præstite minores, *l. cum quidam, in princ. ff. de usur.* Cum tamen ob sortem non solutam graviores infligantur etiam propter lucrum, id est, ex ipso die contractus, *l. lecta, in fine, ff. de reb. credit. si cert. pet.* Exposui quatuor effectus nudæ oblationis; alias oblatio sola non liberat a sorte, nec usuris, nec a pœna, nec pignus liberat. Id ostendimus *l. 10. sup. de pign. act.* Quæ autem oblatio sola non efficit, neque etiam depositio sola efficit: at quæ oblatio sola efficit, veluti illa quatuor, quæ dicta sunt, eadem multo magis præstabit depositio, et obsegnatio. Nunc quærendum circa *l. 2. ante traditionem rei venditæ,* cur pretii usuræ non currant, cum quæ ratio post traditionem emptorem usuris subjicit, ea est ratio fructuum, ut diximus, eadem ratio subsit re nondum tradita. Nam fructus rei venditæ pertinent ad emptorem ex die contractus, etiam si res vendita tradita non fuerit, *l. fructus, et l. pen. inf. de act. empt. et vend.* Sed non est hoc temere admittendum: sic enim hoc procedit, si vel pars pretii sit numerata, Paul. 2. *sentent. de loc.* Quo casu, id est, parte pretii soluta, pro ea parte fructus pertinent ad emptorem ex die contractus, *argum. l. ult. §. ult. ff. de fun. dot.* Et si totum solvit, ex die contractus solidi, omnesque fructus ei debentur: alioquin si nihil solvit, fructus ad emptorem non pertinent, quia compensantur cum usuris pretii: emptor dum solvit pretium sine usuris, accipiet etiam rem sine fructibus, qui sunt percepti post contractum, et ita compensat fructus cum usuris pretii: ut venditore rescindente venditionem ex beneficio ætatis, fructus ex re vendita percepti medio tempore ab emptore, compensantur cum usuris pretii soluti, et sit tantum restitutio ex una parte rei, ex altera pretii: fructuum et usurarum sit compensatio Paul. 1. *Sent. tit. de minoribus.* Sic etiam si supra dimidium justii pretii fraus intervenerit, emptor eligere debet, ut vel solvat quod deest justo pretio cum usuris medii temporis, vel rem emptam sine fructibus reddi beat. Nam compensabit fructus a se perceptos cum

usuris pretii, quò venditor usus est. Hac de re magna est inter interpretes disceptatio in *l. 2. C. de rescind. vend.* Id ita eleganter definitur ab Harmen. ex sententia cujusdam magistri, et Novell. quadam Lecapeni 3. *Epit. tit. 3.*

Ad L. V.

Adversus creditorem usuras majores ex stipulatu petentem, si probetur per certos annos minores postea consecutum, utilis est pacti exceptio, secundum quod tueri causam potestis etiam adversus defensores civitatis majores petentes ex cautione, si probaveritis semper quincunces amitam pupillorum vestrorum, quæ majores caverat, dependisse.

Hic ponitur exemplum taciti pacti. Tacite enim etiam fiunt pacta *l. 2. 3. et 4. C. de pact.* Species est: Debitor stipulanti creditori usuras majores promisit, minores per aliquot annos præstitit. Hodie ex stipulatu majores exiguntur: tuebitor se taciti pacti exceptione, quasi videntur creditor tacite convenisse se minoribus contentum fore, quod confirmat *l. 8. hoc tit. l. qui semissus, ff. eod.* Idque adjicit *l. 5. esse dicendum, si reipublicæ majores promissæ, minores sint præstitæ.* Nam ex hac præstatione inducitur tacitum pactum non petendarum majorum. Quis dicemus e contrario: debitor promisit minores, præstitit majores satis longo tempore? Aut errans id fecit, aut sciens: si errans, quod amplius præstitit usurarum nomine, sorti imputabitur, sortem minuet, *l. creditor, §. ult. ff. de solut.* Si vero sciens præstitit majores, tacite videtur pactus de majoribus: ex præstatione tacitum pactum inducitur: itaque quas solvit jam usuras, non condicet, nec sorti imputabit, quia ex tacito pacto debentur: at postea invitus non præstabit, licet diu eas præstiterit. Diuturna præstatio, vel partis præstatio obligationem non constituit, per actionem, quæ non fuit ab initio, *l. 7. h. t. l. si certis, sup. de pact. l. ult. sup. ne uxor pro mar. l. operis, ff. de oper. libert.* pactum quidem inducit tacitum, sed pactum non est obligatio: idem presumptionem obligationis firmissimam inducit, si de ea dubitetur, *l. cum de in rem verso, ff. de usur. l. litibus, de agricol. et censit. lib. 11.* Item obligationem, si qua fuit confirmat et corroborat, extinctis exceptionibus, quæ competeabant, ut non numeratæ pecuniæ, aut Senatusconsulti Macedoniani, *l. 2. sup. de Senatusc. Maced. l. 4. de non numer. pecun.* Interdum perpetuat obligationem, quæ fuit, ut in causa alimentorum. Nam si quis alimenta legaverit, et non constet an perpetuo, an ad tempus debeantur, si quis ea triennio præstiterit, hoc satis est, ut perpetuo debeantur; *l. 1. inf. de*

fideicommiss. et adjicitur in hac *l. 3. idem esse in republica: nihil obstat lex Imperatoris, ff. de pact.* quæ sit administratorem civitatis frustra remittere, quod reipublicæ debetur: hic etiam nil remittit, sed ita fore accidit, ut debitor majorum usurarum minores semper inferret reipublicæ: quæ ex re videtur tacite pactus cum republica, etiam de majoribus usuris non præstandis. In multis juris articulis eadem est causa privatorum et reipublicæ, ut in hac specie, et in *l. Paulus respondit, ff. quibus mod. pignus, vel hypoth. sol.*

Ad L. X

Usuræ per tempora solutæ non proficiunt reo ad dupli computationem. Tunc enim ultra sortis summam usuræ non exiguntur, quotiens tempore solutionis summa usurarum excedit eam computationem.

Ex *l. 10.* notandum est, usuras supra duplum non deberi, id est, altero tanto sorte amplius: ut si sors sit 100. et usuræ nomine solvantur 100. nihil amplius præstabitur usurarum nomine, quia usuræ æquaverunt sortem, sed quicquid postea præstabitur, sorti cedit. Igitur in hac specie si debitor ducenta solverit, liberatur tam a sorte, quam usuris: hoc est, quod dicitur, usuras non excedere duplum, *l. si non sortem, §. 1. ff. de conduct. indeb. l. 4. §. pro operis, de naut. fœn.* Ex quo §. male colligunt quidam idem esse in nautica usura. Nam in eo §. poena ob operas servi nauticæ pecuniæ causa secuti deducta, est in stipulationem post diem periculi suscepti. Itaque desit pecunia esse nautica finito periculo: et ob id usura ejus pecuniæ non excedit duplum, aut centesimam. At ipsa usura nautica excedebat duplum, et centesimam. Idem igitur non fuit in nautica usura, idem tamen fuit in poena, quæ solet inferri semel vice usurarum, hæc etiam non potest excedere duplum, *l. Julian. §. idem Papin. de action. empti, l. pecuniæ, ff. eod. tit. l. 18. hic.* Imo et supra duplum usura ipso jure non potest servari per retentionem pignoris, *l. pen. hic.* Idem confirmat *l. pretii, inf. mand. l. 4. §. nec pign. ff. de naut. fœn. et Novel. 121. et 138. Justin.* Ex eis Novellis usuræ solutæ per minutas partes diversis temporibus, ut singulis Calendis, conservantur, et in duplum computantur: quod duplum excedit, sorti cedit. Itaque jure nostro usurarum ratio valde coercetur, nec tam est laxa, quam plerisque videtur. Ideo ex eis Novellis corrigitur *l. 10.* quæ ostendit usuram non excedere duplum: ut cum sors est 100. et una vice pro usura solvantur centum, jam amplius usuræ nullæ currunt: vel si sors sit centum, et pro usuris solvan-

tur 150. centum fiant usuras, et 50. sorti imputabuntur: verum si usurae per partes solverentur, ut si singulis Calendis tres aurum in centenos usurarum ratio poterat duplum excedere, nec concervabantur hac l. 10. quae abrogatur illis. Novellis, et usurae per tempora solutae proficiunt reo. Explicuimus const. 2. 5. 6. 7. 8. 10. 15. et penult.

Ad L. XIII.

In bonae fidei iudiciis (quale est negotiorum etiam gestorum) usurarum rationem haberi certum est, sed si finitum est iudicium sententia: quamvis minoris condemnatio facta est non adjectis usuris, nec provocatio secuta est: finita retrahenda non sunt: nec ejus temporis, quod post rem judicatam fluxerit, usurae ullo jure postulantur, nisi ex causis iudicati.

Hæc l. 13. est de usuris, quæ ex mora, vel ex litis contestatione veniunt in actione negotiorum gestorum. In hac actione usurae veniunt iudicis arbitrio, non ipso jure: et ideo si iudex in condemnatione rationem earum non habuerit, nulla est petitio, l. 4. inf. depos. Ceterum post diem iudicati faciendi, id est, post quatuor menses a condemnatione ipso jure incipit currere usura centesima, l. 2. inf. de usur. rei judic. anterioris temporis nullæ possunt peti usurae, quæ non veniunt, nisi iudicis officio, quo functus est dicta sententia, l. iudex. ff. de re judic. Officium, seu arbitrium iudicis semper actioni servit: ubi igitur non est actio, vel quæ fuit actio sententia finita est, amplius officio iudicis usurae servari non possunt: nec poterit quis tentare in contrarium ex l. negotiorum, ff. de appellat. et l. ultim. de re judic. peti posse usuras, quarum in iudicio bonæ fidei rationem iudex negotiorum gestorum non habuit. Species est. Negotiorum gestor condemnatus, bona fide appellavit, id est, non morandi causa, sed diu litem traxit: deinde pronuntiatum est, injuste esse appellatum. Queritur, quia tardius paulo iudicatum est, an usurae ejus pecuniæ in condemnationem deductæ mediæ temporis peti possint. Lex ait, dandam utilem actionem, quæ videntur peti usurae, quarum iudex rationem non habuit. Hoc est negandum, quia reus fuit condemnatus in ea specie in sortem et usuras, et nisi appellasset ab actione iudicati, petitis ab eo fuissent usurae præteriti temporis usque ad sententiam actione iudicati, et usurae ejus temporis, quod fuit post diem faciendi iudicati, non usurae mediæ temporis. Nam illud mediæ tempus, quod est inter sententiam, et diem iudicato faciendi præstitutam, id est, tempus illud induciarum, quo actio iudicati suspenditur, immune est ab usuris, l.

Tum. IX.

ult. §. penult. et ult. de usur. rei jud. c. l. 3. §. 1. ff. de usur. maxime si mora coeperit a litis contestatione, non ante. Verum in ea specie reus appellavit, et quidem bona fide, sed diu litem traxit: deinde injustam esse appellationem simpliciter est pronuntiatum. Iudex appellationis potuit cum condemnare in usuras mediæ temporis inter sententiam, et appellationem, l. tutor, ff. de usur. At iudex hoc prætermisit, et simpliciter pronuntiavit, inale appellatum esse: queritur an usurae mediæ temporis, quod est inter primam et secundam sententiam peti possint: dicit peti posse utilem actionem iudicati, quia fuit condemnatus in usuras prima sententia, quæ tribuntur etiam ad usuras præteriti temporis, usque ad posteriorem sententiam, quasi tunc reus condemnatus videretur a prioris iudice, cujus sententia confirmatur. Et ob id dicitur dari utilis actio, quia videtur condemnari: at si prius in usuras non sit condemnatus, non arbitror ullam esse rationem, quæ debeat mediæ temporis usuras præstare. Condemnatum fuisse in usuras ea lex non dicit. At quæ solent fieri, ea facile supplemus, nisi quid aperte in contrarium est. Item illa questio inter usurii, quæ est in ea lege, indicio est alias usuras fuisse in condemnationem deductas, et verbum principalis pecuniæ hoc planum facit. Alia igitur fuit accessoria: præterea in ea l. negotiorum gestori tutor conjungitur, inter quos utraque est hæc in re differentia. Nam in actione negotiorum gestorum usurae veniunt arbitrio iudicis: in actione tutelæ veniunt ipso jure favore pupillorum, l. 1. §. ult. ff. de usur. Itaque in ea specie non est dubium de tutore non debuisse usuras. Ut igitur ei recte sit conjunctus gestor, idem ponendum est de gestore, debuisse eum usuras ex sententia de usuris, quæ veniunt in actionem negotiorum gestorum est lex 24. h. l. quæ ostendit pecuniæ administratæ usuras in eam actionem venire: et veniunt statim, ex quo gestor pecuniam otiosam habuit, quasi mora re ipsa commissæ sine interpellatione. Nam hoc gestori culpe vertitur, si pecuniam sæpiori non dederit, cum scilicet dominus solitus esset senerari; aliqui non est gestor in culpa, l. qui semisses, §. ult. de usur. nam a gestore exactissima diligentia exigitur, ut a tutore.

Ad L. XIV.

Si ea pacta quæ uxor tua mutuum pecuniam dedit, ut vice usurarum domum inhabitaret, pactoque ita, ut convenit, usa est, non etiam locando domum pensionem rededit: referri questionem quasi plus domus redigeret, si locaretur, quam usurarum legitimarum ratio colligit, minus oportet. Licet enim uberiore sorte putentur

quo trahi locatio, non ideo tamen illicitum factus esse contractum, sed vilius conducta habitatio videtur.

Hæc lex 14. est de ἀντίρρησι, de qua est etiam l. 11. et 17. ἀντίρρησις est conventio, quæ ita fit, ut fructus rei pignoratæ creditor retineat usurarum vice, vel ut domum pignoratam gratis inhabitet, et ut ea utatur usurarum loco. Ex ea conventionione creditor retinet omnes fructus pignoris, nec in sortem hi imputantur, etiamsi excedant legitimum modum usurarum, l. 17. hoc tit. Qui modus datus est usuris, idem non est datus ἀντίρρησι. Usuræ constituuntur stipulatione, ἀντίρρησι pacto, est enim pactum pignoris. Usuræ non perimuntur sola sortis oblatione sine depositione: ἀντίρρησι perimuntur oblatione sola, l. 11. hoc tit. ab agricola usuræ stipulari licet: ἀντίρρησι non item Novell. 32. et 33. Denique ἀντίρρησις non est usura, sed quasi usuræ vice: et ob id hæc tres leges ponuntur sub hoc titulo de usuris, cum sint tamen de ἀντίρρησι. Et Hermenopolus lib. 3. tituli 3. ponit hanc l. 14. sub titulo περὶ ἀντίρρησις. Species est. Dedi tibi pecuniam mutuum, et accepi tuas ardes pignori, ea lege, ut eas inhabitarem usurarum vice, nulla mercede habitationis præstita, quæ lex ἀντίρρησις dicitur: mihi permissum est, ut eas inhabitarem, non ut locarem, possum tamen etiam locare, quia sum conductori similis: Constat autem conductorem, etiamsi id ei non sit permissum, posse alteri locare, l. 6. inf. de locat. et cond. Nunc si id fecero, quod mihi nominatim non est permissum, id est, si locavero ardes pignori obligatas, et ex mercede plus redlegero, quam ferat legitimus modus usurarum, quod amplius erit, sorti imputabo, ut hæc lex significat. Et Joannes sensit idem, quod et Hermenopolus tradidit. Verum si ut conventum fuit, domum inhabitavero, licet ea habitatio pluris æstimetur, quam legitimus modus usurarum ferat, tamen conventio servabitur, atque adeo cedet habitatio lucro creditoris, et videbitur ea domus mihi potius conducta vilius, quam illegitima usura contracta. Similiter si ager pignori tradatur nominatim, ea lege, ut creditor fructus retineat usurarum vice, conventio servabitur, etiamsi fructus excedant modum legitimum usurarum: at si nihil dicatur de fructibus, nec de usuris, sed ager simpliciter pignori tradatur, id agitur ut fructus percipiantur, quinimo culpatur creditor si eos non percipiat; et alias tenetur de percipiendis: et hoc etiam casu, quo nihil dictum est de usuris, tacite videtur contracta ἀντίρρησις. Itaque creditor fructus retinebit usurarum vice, non tamen supra legitimum modum usurarum. Tacite ἀντίρρησις servat modum usurarum legitimum, expresse non item, l. cum debitor, ff. In quibus ex causis pign. vel.

hyp. In qua l. videtur apponi exemplum tacite ἀντίρρησις, quod titulus ipse indicat, qui est de tacito pignore conceptus. Debitor utitur mea pecunia gratuito, quia ab eo nullas sum pectus, aut stipulatus usuras: cujus beneficii compensandi causa, dum mihi tradit agrum pignori, tacite id agere videtur, ut fructus non tantum percipiam, sed et retineam usurarum vice, quod fiet tantum juxta modum legitimum quasi tacito consensu. Quod si ea pecunia fuisset feneratoria, non videretur etiam tacite contracta ἀντίρρησις, sed tradito agro debet fructus creditor percipere: et nisi fructus perciperit, culpatur, id est, imputat perceptos, et percipiendos usuris primum, deinde sorti, l. 9. inf. de partu pignoris. Gratuita pecunia est non tantum ea, de qua convenit, ut gratuita esset, sed etiam ea, de qua hoc non convenit, si de usuris nihil convenerit. Sicut qui addant negationem ex l. 4. et 19. hujus tit. et male colligunt fructus pignoris non posse retineri, nisi de eo pactum intervenerit; cum illæ leges non loquantur de fructibus pignoris, sed de re ipsa; cujus retentione servo usuras debitas, pacto, vel stipulatione, de fructibus nihil; sed retentio etiam fructuum, et tacite ἀντίρρησις inducitur, quæ tamen coercetur modo legitime.

Ad L. XVIII.

Indebitas usuras, etiamsi ante sortem solutam non fuerint, ac propterea mindere eam non poterint, sed post sortem redditam creditori fuerint data, exclusa (veteris) juris varietate, repeti posse, perpetua ratione firmatum est.

Notandum ex hac l. usuras nec civiliter, nec naturaliter debitas, et solutas in sortem nondum solutam imputari, et ideo non repeti, l. si non sortem in princip. ff. de condict. indeb. Quod principium Accursius non intellexit, quia legit, sorti debitas, cum sit legendum, ut in Florentinis, sortis debitas, id est, nondum solutæ, non ut in aliis libris. At jam soluta sorte, si postea usuræ indebitæ sint solutæ, repetitio competit, et hoc ostendit l. 18. Paulus 2. sentent. tit. de usuris. At sit lex 18. exclusa juris varietate. Nam veteres leges hac in re inter se pugnant: omnes admitterant imputationem usurarum indebite solutarum nondum sorte soluta: alie repetitionem admitterant, alie non admitterant: et quæ non admitterant, non carebant ratione. Nam usuræ, etiamsi indebitæ sint, tamen ex justa causa solvuntur, ut ob moram, quam ob causam etiam hodie pœnæ depensæ indebitæ, conditio non est, l. pœnæ, ff. de condict. indeb. ut si ad diem sort non solveretur; si non sit de pœnæ conventum, et tamen nihilominus debitor per errorem pœnam ob moram solverit, illius pœnæ non erit conditio, usu-

re erit condictio. Et hæc est differentia inter potestatem, et usuram summe notanda.

Ad L. XX.

Constitutionibus sacris, quæ ultra certum modum usuras sœnebris pecunie exigi prohibent, mandatoribus etiam, vel fidejussoribus subventum est: quibus quasi mandator, vel fidejussor conventus uti potes.

In hac l. 20. hoc ostenditur, modum usuris præscriptum non tantum pertinere ad reos principales, ne supra eum modum ab eis exigantur usuræ, sed etiam ad mandatores, et fidejussores eorum, quæ de re non temere dubitabatur. Nam plerisque in causis jure veteri severius agebatur cum mandatore, vel fidejussore, quam cum reo principali. Reo judicato dabatur induciæ ex jure veteri; mandatori et fidejussori judicatio non dabatur. Id abrogatur tamen l. ult. §. ult. *infr. de usur. rei judicatæ*. Unus hodie est usurarum modus: olim simplex centesima fuit legitimæ usuræ finis, sicut dixi initio l. 8. *sup. si cert. petat. de reb. credit.* In senatoribus fuit semis; non libuit eis nisi semissem accipere, l. 4. *cod. C. Theod.* Loquor de pecunia: Nam fructuum usura permissa fuit quadruplex centesima, l. 1. *C. Theod. eod.* Nautica usura certum modum non habuit: quin et supra duplum exigi poterat, et in pactionem, vel stipulationem deduci, ut dixi in l. 10. Hodie autem, ut intelligatur modus legitimus usurarum, explicanda est l. 26. cujus initium non est de modo usurarum; sed hoc tantum proponitur: usurarum, vel fructuum petitionem tolli actione personali sublata 50. annis, vel actione hypothecaria sublata 40. annis. Nam et ob usuras hypotheca retineri potest, si personalis actio perierit, hypotheca nondum perierit, potest retineri pro usuris, sed utraque sublata actio, solvuntur usuræ: et sublata actione personali non semper tollitur hypothecaria, l. *debitor. ff. ad SC. Treb., l. 1. et 2. infr. de lit. pig.* Idem non servatur in reddituum annua præstatione. Id dixi in l. 19. *sup. de fide instr.* Deinde Justinianus in d. l. 26. ponit modum usurarum, et primum in illustribus, et iis, qui supra eos sunt, puta patriciis et consulibus definit usuras trientes ut iis contenti sint: in iis, qui et-gasteriis, id est, inensis argentariis præsumunt, et in negotiatoribus eorum præscribit beses usuras: quod etiam declarat in Novella 136. Et in edicto non ob id cavet: et in ea Novella adjicit, eis usuras beses deberi, etiamsi eum modum argenti usuris non dixerint: ut si simpliciter convenerit usuras præstari, debebuntur beses. Id argentariis indultum est, sicut illud, ut ex pacto usuras petant: imò et olim

quasi ex tacito pacto usuras petebant, etiamsi nominatim pactio non intervenisset, tacite eas pacisci volebantur, quia illorum vitæ hoc est institutum, ut pecunias sœnore dent, ut indicat ea Novella: et ideo semper intelligebatur tacita pactio de usuris contracta. In aliis igitur idem non obtinebit, l. *quod in stipulatione. ff. de usur.* Si usuras stipuler modum non adjecto, nulla est stipulatio, quia id tantum datum est argentariis. Adjicit Justinianus, ut fructuum, et pecunie nauticæ sit usura centesima est et rei judicatæ, in aliis autem personis, et causis præscribit usuras semisses, quæ etiam in fisco servantur. Nam fiscales usuræ sunt semisses, et privatorum, l. ult. *infr. de fiscali usur. lib. 10. l. 1. infr. de iis, quæ ut indign. aufer.* Ubi loquitur de fisco, et dicit deberi semisses. Quod videtur Tribonianus addidisse, ut et in l. cum quidam, §. si deb. tores, *ff. de usur.* Pupillares usuræ etiam sunt fiscales, id est, semisses, nisi casibus certis, quibus sunt centesimæ, qui casus notantur in l. qui sine, *ff. de negot. gest. l. tutor, qui reper. oritur, ff. de admin. strat. tutor.* Illud superioribus addendum: ab Ecclesiis non exigi, vel Ecclesiæ non præstare, nisi quadrantes creditoribus ex Nov. 7. Ab agricolis non exigunt creditores nisi trientes, quales quales sint agricolæ, etiamsi sint argentarii, Nov. 32. Sciendum est etiam hunc modum esse usuris præscriptum, non iis tantum, quæ veniunt ex stipulatione, sed etiam iis, quæ sine stipulatione veniunt in bonæ fidei actionibus, et judiciis officio judicis, ex æquo et bono, non observato more regionis. Nam olim non fuit certus modus usuris præscriptus et præfinitus, quæ veniunt ex more officio judicis, sed præstabantur arbitrio judicis pro more regionum, id est, ut fœnus solebat in iis regionibus exerceri: idque ita scriptum est in multis Pandectarum locis. Sed ex constitutione Justiniani hic mos regionis non servabitur, si modum excedat usurarum legitimum, idque est additum ad l. 1. *ff. de usur. l. idemque, §. sed etsi pecuniam, ff. metad.* Itaque notandum, moribus non posse hunc modum legitimæ usuris ab hac constitutione impedito derogari. At quid fiet, si quis creditor hunc modum excederit usurarium legitimum? quæ ejus erit pœna? nulla fere nisi infamia: infamia enim notatur qui exercet fœnus supra modum l. improbum; *sup. ex quib. caus. infr. irrég.* At sortem non amittet nisi pro rata ejus, quod exegit supra modum: nam id minuit sortem. Olim tenebatur in quadruplum, l. 2. *C. Theodos. de usur.* Ascensu Pedian. in *D. vin.* Adjicitur in hac constitutione, ne creditores ex sorte, quam credunt, aliquid detrahant, vel deducant siliquarum, vel sportularum nomine, *ὑπερτίων & ἀγρίων*. Creditores hæc us-

mina prætexentes, ex sorte aliquid deducebant, et retinebant aliquid dum numerabant, et nihilominus debitorem in integram sortem sibi obligabant, et in ejus integræ sortis usuras. Id tollitur hac lege, ex qua non contrahetur obligatio, nisi quotiens datum erit, *l. si tibi, in princip. D. de pact.* Igitur si ex 100. retinuerit quinque sportulæ nomine, vel siliquæ nomine, non debebuntur nisi 95. nec usuræ nisi pro ea sorte debebuntur. Id ad extremum exigitur in hac *l.* ne quis per interpolatam personam supra modum usuras stipuletur, ut puta ne illustris quidem per argentarium sibi acquirat hesses, quas argentarius sibi potest acquirere, non illustris per eum, vel si supposuerit argentarium et de eo constiterit, non feret nisi trientes. Et ut liquet, hac de re deferetur iusjurandum stipulatori, ut purget se iurejurando, an alteri scilicet operam accommodaverit. Hic est modus usurarum a Justiniano præscriptus, post quem Basilii Imperator usuras omnino susculit, et ne nummum quidem usurarum nomine dari voluit, *Novell. quæ exstat apud Hermenopulum lib. 3. tit. 7.* quæ ibi corrupte dicitur esse Leonis, cum sit Basilii patris Leonis, vel Basilii et Leonis. Sed postea Leo solus restituit usuras trientes omnibus tantum, usurarum id exigente: nam vix sine his potest stare Respublica. Respexit Basilii ad jus divinum, Leo ad necessitatem. Est ejus *Novell. 83.* hæc ratio. Sed videndum quæ sit usura centesima, quod veteres non intellexerunt: definitio centesimæ variavit bis, aut ter. Prima fuit, quæ in centenos aureos quotannis reddit duodenos, id est, in singulos, solidos, sive aureos quotannis tres siliquas: et secundum hanc definitionem usurarium, uncia-ria ea est, quæ in centenos aureos reddit quotannis unum: sextans usura, quæ reddit duos: quadrans, quæ reddit tres: triens, quæ reddit quatuor: quincunx, quæ quinque: semis, quæ sex: septunx, quæ reddit septem: bes, quæ octo: dodrans, quæ novem: sextans, quæ decem in centenos quotannis reddit: et qui hanc exigunt usuram, dicuntur *δοκατολόγοι* a Basilio in Psalmum 14. id est, qui quotannis exigunt decimam partem sortis. Male quidam in eo auctore interpretantur, qui singulis mensibus exigunt decimam partem sortis, hi sunt *δωκατολόγοι*. Sequitur denique usura, quæ reddit undecim. Summa usura est as usurarium sive centesima, quæ reddit duodecim. Deinde definitio centesimæ hæc obtrivit, quæ in centenos reddit quotannis duodenos semis, vel quæ in singulos solidos quotannis reddit tres siliquas nulla minus, *Nov. 130.* Et brevis Græci 5. *Βεσιλιαν tit. 5.* *κράτεια τρία τῷ νομισμῶτι*, id est, tres siliquas in singulos solidos, et secundum eam definitionem triens usura est, quæ quotannis in

centenos aureos reddit quatuor solidos et siliquas, vel in singulos solidos unam siliquam, *Nov. Leonis 83. Novella Justiniani 82. Interpretes C. Theodos. l. 1. de usuris.* Quadrans secundum hanc definitionem erit usura, quæ reddit in centenos quotannis tres solidos et tres siliquas: semis, quæ reddit sex solidos et sex siliquas. Bes usura erit, quæ in centenos quotannis octo solidos et octo siliquas reddit, vel in singulos solidos duas siliquas, et sic consequenter de aliis. Postrema definitio est: usura centesima est, quæ in centenos quotannis reddit sedecim semis et siliquas quatuor. Nam libra auri cæpit aestimari aureis 72. *l. 5. infra, de suscept. et arcar.* In libram autem auri usura centesima bodie reddit duodecim aureos quotannis auctore Hermen. *lib. 3. tit. 7.* Itaque in centenos reddit sedecim semis et siliquas quatuor. Id confirmat Zonaras in Synodi Nicææ *Can. 17.* in hanc sententiam. *Ut inquit, nunc libras sunt solidorum septuaginta duorum, ita olim fuere centenaria et centum solidorum usura duodecim, quæ et ob id dicitur centesima, quod de sorte centum exigerentur:* rectissime: nam usura triens dicitur, quia est centesimæ triens quadrans, centesimæ quadrans. Igitur secundum hanc definitionem, quadrantes usuræ bodie erunt, quæ olim trientes dicebantur, id est, quatuor solidi in singulas libras, et excurrentes quedam siliquæ. In eo autem canone 17. idem Zonaras usuras æquat, de quibus eo canone agitur, videtur accipere pro semissibus usuris, sed male. Videntur potius accipiendæ pro bessibus, quæ olim erant legitimæ, aut moderatæ: sed tamen etiam clericis illis usuris interdicitur. Bes usura ad centesimam habet rationem sexculpam, id est, octo ad duodecim: semis autem ad centesimam habet rationem duplam, non *ἡμιμέρους ἡπτοσίου*. Ergo semis non est *ἡμιόλιος τόκος*. Male quidam *ἡμιόλιος* accipiunt pro sesquicentesimis usuris, id est, cum in centenos solidos redduntur centum et octo secundum primam definitionem, vel 18. solidi et 18. siliquæ juxta secundam definitionem, vel secundum tertiam definitionem, cum 24. solidi redduntur semis et 8. siliquæ in centenos quotannis, quæ usuræ centesimis sexculpo majores sunt. At in eo canone usuræ *ἡμιόλιος* dicuntur quasi leviores hoc sensu, ut neque centesimas, neque *ἡμιόλιος*, id est, leviores usuras clerici accipiant, et sane sesquicentesimæ non sunt leviores. Nunc dicamus de usuris usurarum, et hoc pertinet ad *l. ult. hujus tituli.* Certum est, usuras usurarum exigi non posse, *l. si non sortem, §. 1. ff. de conduct. indebit. l. placuit, ff. de usur.* Exigebantur tamen ante constitutionem Justiniani usuræ usurarum redactarum in sortem, puta, stipulatione usu-

rarum post annos aliquot transfusa in stipulationem ejusdem summæ, quasi sortis debitæ. Quod Justinianus tollit *l. ult. hoc tit.* Item exigebantur usuræ usurarum in condemnationem deductarum post tempora judicati, *l. 1. Cod. Theod. de usur. rei jud.* Hoc etiam merito tollit Justinianus *l. 3. inf. de usur. rei jud.* Igitur penitus improbat *ἀνατοκισμός*, id est, novatio usurarum, quæ fit vel stipulatione, vel judicato. Sic etiam pœnæ usura exigi non potest, cum pœnæ sit usurarum vice, et cum usura sit pœnæ vice, igitur pœnæ usura non exigitur, nullo tamen usura exigitur, si non solvatur intra tempora judicati, *l. 1. inf. de fiscalib. usur. l. ult. ff. de magistrat. conveniend.* Queritur de fructibus, an fructuum usuræ peti possint, vel an veniant in judicium usurarum? Certum est fructuum creditorum usuras peti posse, quod supra demonstratum est. Sed de iis non queritur. Nam queritur de fructibus, qui quasi accessiones in judiciis veniunt, queritur an ex iis usuræ dentur. Fructus autem in judicium veniunt, aut officio judicis, aut jure actionis: officio judicis, si sint percepti post litem, quia hi non sunt petiti, cum nondum essent percepti. Percepti ante litem veniunt actionis jure, et petuntur non quasi accessio, sed quasi sors, quasi comprehensi sint actione. Nunc sic dico, fructuum, qui veniunt officio judicis, ut si sint percepti post litem, usuræ etiam officio judicis non veniunt, ne sit accessionis accessio, ne officium officio subseruiat: officium judicis actioni servit, non officio, vel officii parti, *l. hæres, in fine, D. de petit. hæred. l. neque in princip. ff. de usur.* Fructuum autem, qui veniunt actionis jure, ut si sint percepti ante litem, usuræ etiam veniunt officio judicis in actionibus bonæ fidei, *d. l. hæredi*, non in actionibus strictis, *d. l. neque, in fine*. Nam in strictis judiciis usuræ nunquam veniunt officio judicis. Verum a judiciis bonæ fidei excipitur unus casus constitutione Severi benigne receptus, *l. eum qui, ff. de his quæ ut indign. aufer.* Quo casu fructuum ante litem perceptorum usuræ non veniunt in petitionem hereditatis, videlicet si fiscus petat hereditatem ex causa taciti fideicommissi, recipiet hereditatem et fructus, vel fructuum pretia, non usuras: quia benigne hic casus exceptus est constitutione Severi. Nec huic sententiæ obstat *lex cum quidam, §. in tacito, ff. de usuris* Ubi fiscus petit hereditatem ex tacito fideicommissio, et tamen auferit usuras: sed ille §. non dicit fiscum auferre usuras fructuum, sed usuras perceptas a debitoribus hereditariis, et ita ille §. nihil obstat rescripto Severi: et est definitio questionis hujus. Concludamus sic, Justinianus valde coercuit rationem usurarum, quæ graviores erant le-

gibus antiquis, leviores eas facit *d. l. eos*. Item novatione facta usuræ redigebantur in sortem, et ejus sortis rursus usuræ in stipulationem deducebantur, et sic usura usuram gignebat. Hoc sustulit Justinianus omnimodo, Ambrosius usurarum usuras vocat *τοκογλυφία*, et D. Basilus lib. de Tobia, *ἀτοκὸς χίποδος*. Idem Ambrosius ait, *sors autem fœnoris cum fuerit crescentibus exæquata centesimis, et vetustatem sui renovat, et partus solitos adunatione multiplicat.* Ex quo loco intelligitur, creditores in fraudem legum usurarum usuras a debitoribus suis exigere supra duplum, quod vetant leges, usuras novatione facta quasi sortem factas, in stipulationem deduci et rursus alias usuras ex usuris stipulari. Id etiam sustulit Justinianus. Item usuræ, per partes solutæ sortem excedere poterant, *l. 10. hoc t.* Et ideo utile erat in calendæ usuras stipulari, et singulis calendis diversis pensionibus eas exigebant. Id quoque sustulit Justinianus, et ita cohibuit rationem usurarum: maxime vero de hoc duplo puto intelligendum, quod de Augusto dicit Suetonius: iis, qui in duplum cavere potuissent, Augustum pecuniam dedisse gratuitam ad certum tempus. Item Sidorius Apollinaris 3. *Epist. centesimam, etc.*

JACOBI CUJACII J. C.

Ad Lib. IV. Codicis.

RECITATIONES SOLEMNES.

Ad Tit. XXXIII. De nautico fœnore.

Usura nautica olim non habuit modum, hodie est centesima ex constitutione Justiniani: item poterat exigi supra duplum, hodie non potest, quod ita est existimandum, etiamsi non sit nominatim definitum, quia quæ taxationem habent certam, et hunc dupli finem habent. Nautica usura, sive totius nauticum hodie taxationem habet certam, quia non potest excedere centesimam. Ergo et hunc finem habet: et in *l. penult. tit. sup.* generaliter sic definitur a Justiniano, ut in actionibus bonæ fidei, et aliis omnibus casibus, usuræ non exigantur ultra duplum. Ergo nec nauticæ, quia et hoc etiam ad argentarios porrigitur Justiniani edicto. Igitur nauticæ, et terrestris pecuniæ idem est finis, idem exitus, taxatio diversa. Nam usura nautica est gravior, puta, centesima, quia ejus pecuniæ periculum ad creditorem spectat ex conventionione, periculo discusso, vel etiam non suscepto, non currit centesima, nec potest peti, sed communis usura tantum, et id etiam ostenditur *l. 1. 2. et 4. hoc tit. l. fenerator, et l. penult. ff. eodem.* Discussio pericu-

lo pecunia terrestris censeri incipit, ejus periculum debitor suscepit. Ideo animadverti in l. Rhodia terrestrem pecuniam appellari carentem periculo creditoris, qua conditione lex Rhodia vetat pecuniam in navi reddi; eo tamen loco legis Rhodiae, is, qui curavit eam legem excudi, pro ἑρπυαία, legit ἑρπυαία, quod mendum etiam est apud Pollucem lib. 8. περὶ δασίλογατος. Periculum autem nauticae pecuniae ad creditorem pertinet ex conventionione in solidum, ut naufragio facto creditori pecunia non reddatur. Interdum pro parte tantum ad eum periculum pertinet, ut cum ad tempus pecuniae societas contrahitur, quod negotium hodie est frequens, et dicitur in ea lege Rhodia c. 17. χρῶσθαι, videlicet cum pecunia ita datur, ut quicquid lucri vel damni fecerit debitor per biennium ex ea pecunia, id commune sit; post biennium solvitur ea societas, tum periculum ejus pecuniae pertinet ad debitorem in solidum, et recluditur tota cum parte lucri, si quid ex ea lucratus sit debitor, vel redditur tantum pars sortis, habita damni computatione, si quid fecerit debitor, non succedente fortuna. Ita recte describitur hoc genus negotii in cap. 17. legis Rhodiae. At in nautica pecunia ex ejusmodi conventionione creditor pecuniam periculo suo salvam fore recepit, quoad navis ad portum appulerit. Dubitatur an ex hac conventionione creditor se cuilibet periculo subjiciat? Constat naufragii et incendii periculum ad eum pertinere, et piratarum vim, sive hostium, et impressionem metus, et si quid praeterea imprudentibus contigerit: at si culpa debitoris intervenit, periculum pertinebit ad debitorem: ut si illicitas merces in navem intulerit debitor, et fisco navem et merces vindicaverit, quod fit jure, l. cotem 11. §. dominus, D. de publicanis. Cui §. derogatur aliquis ex parte Nov. Leonis 83. Hoc vero casu periculum pertinebit ad debitorem. Et hoc preponitur in l. 3. hoc tit. In cujus specie debitor non tantum imposuerat illicitas merces, sed etiam locum navigii; id est, navigationis non observaverat, de quo conventum fuerat, quod sufficiebat ne periculum rediret ad creditorem. Nam si non observato loco dicto navigationi, debitor navem alio averterit, et forte piratae navem deprædatis sint, periculum agnoscet debitor, quoniam perire merces ejus culpa: quo modo etiam ut continetur eadem lege Rhodia, si navicularius praeter voluntatem vectorum in portum, aut locum latronibus infestum navem deduxerit, omne damnum præstabit vectoribus. Idem et in debitore erit, si naufragium culpa ejus contigerit. Nam periculum omne agnoscet. Item si in navem velustam, et cariosam merces gravis ponderis intulerit, et imposuerit, et perierit navis, periculum agnoscet, non

creditor, qui ex hac l. 3. non agnoscit, nisi damna fatalia, non quæ contingunt ex culpa debitoris.

JACOBI CUJACII J. C.

Ad Lib. IV. Codicis.

RECITATIONES SOLEMNES.

Ad Titulum XXXIV. Depositum, vel contra.

His tituli verbis significatur duplicem esse actionem depositi, directam scilicet, et contrariam, de quarum ratione satis diximus supra in tit. de pignorat. actione. Depositum autem, quod et receptum, et commendatum dicitur, l. 24. D. depos. et l. 186. de verb. sign. definimus, quod quis sine mercede custodiendum recepit: recte sine mercede: nam si merces intervenerit, locatio est, non depositum: pretium tamen depositionis potest intervenire, nec erit locatio, sed depositum, l. 2. generaliter, vi bono. raptorum. Quod quidem pretium etiam merces improprie dicitur, l. si ut certo, §. nunc videndum, ff. commodati. Dico improprie, quia pretii verbo intelligitur, quod depositario datur remunerandi beneficii causa. Dicunt Græci τὰς δαπάναις. Sic mandatum pretium non recipit: premium, remunerationem, honorarium, vel salarium recipit: ut procuratores quandoque sunt salarii, ita et depositarii. Commodatum quoque, quod constat etiam esse gratuitum, non est dubium recipere posse δαπάναις, ut et precarium: dotem constat etiam recipere δαπάναις id est, donationem propter nuptias. In definitione usi sumus verbo recipiendi, quo utitur l. 1. §. si te rogavero, et seq. ff. depositi. Deponit dominus, vel possessor, recipit depositarius. Unde quod nauta, caupo, stabularius servandum recipit, id est depositum, et est cum eo actio depositi. Est etiam præter depositum propria actio de recepto in factum, ex titulo nautæ, cauponis, stabularii, quæ quidem actio est stricta, depositum est bonæ fidei tam directa, quam contraria, sicut et negotiorum gestorum, l. et in contraria, ff. de usuris. In actionem de recepto venit culpa levissima, non casus fortuitus. In deposito solus dolus venit, vel culpa dolo proxima, nisi aliud convenerit, vel nisi intervenierit premium depositionis, l. 3. §. at hoc edicto, ff. nautæ, caupon. stabul. l. 1. hoc tit. l. 2. §. et generaliter, D. vi bonorum rapt. Item surrepta, et furto ablata re, quam nauta, vel caupo, vel stabularius servandum receperat, nautæ, vel cauponi, vel stabulario datur actio furti, quia ejus periculo furtum cedit. Fur-

tum enim non annumeratur casibus fortuitis, latrocinium annumeratur: quæ duo manifeste separantur in *l. 52. §. damna, D. pro socio*: hoc ostendi in *l. 4. ff. nautæ, caupon. stabul.* alias re deposita surrepta, depositario non datur actio furti, quia nihil ejus interest, cum ejus periculo res surrepta non sit: igitur re furto ablata non agit furti, cum ejus dolo furtum factum non est: rapta tamen re deposita, depositario datur actio vi bonorum raptorum, etiamsi nihil ejus intersit, ut in *dict. §. generaliter*, qui quidem *§. Florentie*, est male punctis distinctus. Igitur actio vi bonorum raptorum gravior est actione furti. Ideo Græci dicunt *ἑνδοκίμα*, quia etiam ei datur hæc actio vi bonorum rapti, cujus nihil interest, vel parum. Nam et rapina crimen publicum parit, *lege Jul. de vi*, furtum crimen publicum non parit, sed extraordinarium, *l. ultim. de public. judic. et l. ult. de furtis*: et hæc sufficient de differentia actionum recepti, et depositi. Commendatitia actio nulla est propria, sed idem est, eodemque jure penitus commendatum, et depositum utuntur, quod diximus supra, titulo de commodato, uno nomine, puta commendati, significatur totum depositarii fideicommissi, id est, commendari, altero significatur rem valde poni apud depositarium. Nam articulus, *de*, arguit, ut ait *l. 1. depositi*. Quo sensu Festus ait latinos dicere dedere, id est, valde dare, et deperire, deamare, despernere, deorare, id est, valde orare, depolire. Eodem sensu dicimus pignus deponi, vel pignus depositum, ut ostendimus titulo de pignoratitia actione. Igitur aliud est depositum pignoris, aliud depositum custodiæ, utrumque est valde positum. Ex genere custodiæ est sequestratio, quæ sic proprio nomine nuncupatur, de qua est, *l. 5. et 7. h. l.* quæ ostendunt cum sequestro esse depositi actionem, id est sequestrem esse depositarium. Itaque sequestratio est lex quædam depositi, ut *ἑνδοκίμα* est lex pignoris, quam Galli dicunt *mort. gage*, et in diem addictio, vel commissoria est lex venditionis. Leges contractuum transformant ipsos contractus: quo fit, ut sæpe illi propriis nominibus nuncupentur, quæ frequentiores sunt: ut fiducia, addictio in diem, sequestratio, *ἑνδοκίμα*, quæ leges sunt tantum, non contractus proprii. Nunc notandum est cum actione depositi concurrere etiam actionem ad exhibendum, et rei vindicationem, *l. 1. hoc tit.* Idem censeo dicendum de commodato, et pignore: interdum etiam cum actione depositi concurrat condictio, et actio furti: ut si depositarius invito domino rem depositam in suos usus converterit, domino hoc casu datur actio depositi, vel condictio, vel pœnalis furti actio, *l. 3. h. tit. l. si quis inficiatus, §. 1. ad l. si sacculum, ff. depos.* Et hoc casu deposi-

tarius tenetur condictione furtiva, et condemnatur in id quod interest, etiam si res deposita perierit casu fortuito, idque sine distinctione, seu fuerit interitura apud actorem, seu non: quæ tamen distinctione utemur, si dominus agat depositi secundum Sabinianos. Itaque est gravior hac in re condictio, *l. si plures, §. ult. ff. depos.* Proculiani distinctionem rejiciebant in omnibus actionibus in precepta post moram, sive, post litem contestatam. Sed obtinuit Sabinii sententia, præterquam in condictione furtiva, quæ hanc distinctionem non recipit: repetendum est quod diximus actionem depositi esse bonæ fidei, et dicendum ob id in ea actione usuras venire ex mora, *l. 2. et 3. hoc tit.* Idque officio judicis, non ipso jure, *l. 4. hoc tit.* Ideo si judex actione depositi depositarium damnaverit in æstimationem litis, non in usuras, nulla usurarum est petitio postea, quia non veniunt actionis jure, sed tantum officio judicis, cui officio præstando judex non est obstrictus; et si rursus agatur depositi, quasi minus actor tulerit prima actione depositi: reo condemnato dabitur exceptio rei judicatæ, *l. 4. hoc tit.* Id pugnat cum *l. evidenter, ff. de except. rei judic.* quæ ait non proficere exceptionem rei judicatæ condemnato: sed dicendum est, id non verum esse generaliter. Nam constat, condemnato proficere exceptionem rei judicatæ, ne sæpius condemnetur eadem de re, *l. 7. §. plane, ff. de except. rei judic.* non tamen si deficiat actio judicati. Nam tunc iterari actio potest sine metu exceptionis rei judicatæ, ut in hac specie: Si egi vindicatione rei cum Titio, et Titius putans se possidere, per errorem rem defenderit, et condemnatus fuerit, hoc casu judicati nullus effectus esse potest, quia nec litis contestatæ tempore, nec rei judicatæ rem possedit, quod evigetur, *l. si autem, §. 1. ff. de rei vindic.* et erravit, nec liti se obtulit sciens, alioqui teneretur, etiamsi non possideret. Itaque judicati actio non est, judicati effectus nullus est, licet post rem judicatam rem possidere coeperit. Nam res judicata non extenditur ad id tempus. At iterabitur actio hoc casu: et si opponatur exceptio rei judicatæ, vel non iteranda actionis, replicabitur non esse actionem judicati, *l. 2. §. penult. ff. de except. rei judic.* Item non proficit hæc exceptio rei judicatæ ei, qui egit, et victus est, si postea eadem actione cum eo agat adversarius, de cujus jure pronuntiatum nihil est, *l. si inter me et te, ff. eod. tit.* Species est: Egi tecum petitione hereditatis, contra me judicatum est, hereditatem meam non esse, de tuo jure non est pronuntiatum, scilicet tuum esse hereditatem, vel non. Ideo si ego ex ea hereditate aliquid possideam, potes eadem actione uti adversus me, nec mihi hoc casu proficiet exceptio rei judicatæ: et in hanc speciem

subicitur *l. evidenter*, ff. de except. rei judic. quæ diximus complectuntur varias leges hujus tituli. Nunc nobis explicandi sunt duo Pandectarum loci sub hoc tit. hactenus non animadverti. In uno loco. est vestigium juris antiqui, *l. Lucius 2. ff. depos.* Vestigium, puta, senatusc. Claudiani, quod Justinianus sustulit. Et quo senatusc. mulier ingenua, quæ conjungit se servo alieno, serva sit ejusdem domini, si denuntiante domino a consuetudine servi se non abstinuerit, *Ulp. in fragment. tit. 11. Paulus 4. sentent. tit. 10. Tertull. 2. ad uxorem.* Et ejus exemplo (quod non est sublatum) hodie post denuntiationem, monetaria sit, quæ se conjungit monetario. Item gynæciaria sit, id est, textrine satoris obsequio obligatur, et conditioni, quæ denuntiante fisco non recedit a consuetudine gynæciarii, *l. 3. et 7. inf. de mulier. quæ se propr.* Nunc in *d. l. Lucius* ponitur pater filiam ingenuam conjunxisse servo alieno, et dotem dedisse. Lex ait, *dotem*: at nec matrimonium est, nec dos: ideoque etiam in cautione datæ pecuniæ quasi dotalis, scriptum est pecuniam depositam, non dotem datam: postea pater decessit, nulla denuntiatione a domino servi facta, id est, filia nondum redacta in servitutem ex senatusc. Claudiano, mox etiam servus decessit. Lex ait filie hæredi patris sui adversus dominum mariti sui dari actionem depositi de peculio. In altero loco Pandectarum ostenditur quid proprie contineatur ciste appellatione, *l. 1. §. si cista, D. depositi.* Si aurum, vel argentum depositum sit, et petatur, actor debet dicere speciem, puta scyphum, pateram, item materiam, et pondus, ut in §. precedenti. Similiter, si cista sit deposita, et depositario sint ostensæ res, quæ in ea cista erant, adjiciendæ etiam sunt in actione depositi species vestis, nec tantum ista cista est petenda. Sic recte Florent. scriptum est, vulgo pessime: Nam cistæ vocabulum est græcum et latinum: est autem cista vas, in quo reconduntur vestes. Pollux *lib. 7. et 10.* ait esse vasa ad vestium depositionem. Cista pro vaso vestiario accipitur.

Ad L. VII.

Desiderium tuum cum rationibus juris non congruit: nam si custodiam pecuniæ suscepisti: quam nullis a te mutuo datam, conscriptum instrumentum, quo hanc tibi reddi profiteris, arguit: solutionem ejus competentem improbe recusas.

Hæc proponitur species: Depositarius pecuniam depositam Titio mutuum dedit. Postulat ut cum Titio agatur, non secum. Cum Titio agi potest rei vindicatione, si nummi exstent, vel actione ad exhibendum, si mala fide sint consumpti, argumento *l. rogasti, in fine, de reb. cred. si cert. pet.* Imo

et cum Titio agi potest utili conditione a domino pecuniæ, si depositarius solvendo non sit, ut dixi in *l. 3. sup. si certum petatur*, vel etiam agi potest directa conditione ex cessione depositarii: nam depositarius potest cedere conditionem ex consumptione, vel stipulatione, si eam sibi reddi stipulatus fuerit. Igitur cum Titio varie agi potest: sed tamen non ideo dominus cogetur, cum Titio agere apud quem deposuit: sed eliget depositarium omisso Titio, et hoc ait *l. 8.* Si depositarius pecuniam depositam suo nomine, vel alterius mutuam dederit, non si deponentis: verum et si nomine deponentis mutuam dederit, depositarius, quamvis in casu domino acquiratur directa conditio, ei etiam hoc caso licebit depositarium eligere, nomine improbato, *l. 4. sup. si cert. pet.* Lex 8. est de depositario, qui pecuniam mutuam dedit. Lex septima depositario, qui pecuniam depositam apud alium deposuit, et in utroque idem jus. Et sic recte Harmenopulus *lib. 3. tit. 9.* interpretatur *l. 7.* Ex quo recte probatur a libris veteribus in *l. 7.* recte abesse verbum mutuo. Est similis species in *l. 16. D. depos.* In eadem *l. 7.* male scribitur, conscriptum instrumentum, quo hanc tibi reddi profiteris, etc. Nam profiteor quidem nos reddituros pecuniam; at non profiteor nobis reddi: nemo ex latinis sic anquam loquutus est: ita igitur legendum est, instrumentum, quo hanc tibi reddi conscriptum confiteris: quibus verbis significatur depositarium profiteri pecuniam a se apud alium depositam in cautionem depositarii. At, ut lex ait, et si constet de secundo deposito, ex illa cautione tamen dominus, secundo depositario omisso, eligit primum, cum quo ipse contraxit.

Ad L. IX.

Cum hæreditas personam domini sustineat: ab hæreditario servo, priusquam patri vestro successeritis, res commodatas, secundum bonam fidem ab ejus, qui suscepit successoribus apud rectorem provincie pretere potestis.

Notandum est actionem depositi dari hæredibus, non tantum si defunctus deposuerit, sed et si servus hæreditarius. Servus hæreditarius dicitur semper ante aditam hæreditatem, jacente adhuc ea. Ut igitur domino vivo per servum acquiratur actio, si quid deposuerit ex re domini, vel peculiari, ita et mortuo jacente hæreditate: quia non intelligitur esse sine domino, cum hæreditas jaceas personam domine sustineat, ita enim habent veteres, *dominæ, non domini*, quod confirmat *l. non minus, D. de hæredib. instituend. l. deniq. §. quæsitum, quod vi aut clam.* Ibi enim ubique est scriptum, *dominæ, non domini*, ut *l. 13. ff. ad*

legem Aquiliam. Sæpe legunt Graeci; ita si servus hereditarius quid deposuerit, hereditati per eum acquiritur actio depositi, et per hereditatem acquiritur heredi adita hereditate. Sunt tamen quidam casus, quibus hereditas vice dominæ non fungitur, in quibus personam ipsam exigimus, quæ faciat aliquid, nec fictione sumus contenti: ut si servus hereditario interim sit delata hereditas, eam interim non potest adire, quia non est, qui jubeat. Item usufructus per servum hereditarium hereditati acquiri non potest, quia usufructus non consistit sine persona, quæ fructus capere possit: usufructus jus est hominis: hæc ostendit in *l. usufructus, ff. de stipulat. servorum, l. hereditas 2. de acquir. rer. domin. l. 1. §. dicitur, ff. quando dies ususfr. leg. ced.* Præterea hereditas jacens rerum hereditarium possessionem non habet. Ergo interim possessio vacat, et ob id rei hereditariæ furtum non fit, quia nemo possidet; possessio factum, et animum hominis desiderat. Ideo etiam rerum possessionem servus hereditarius interim hereditati non acquirit, quia non acquirit servus nisi scienti domino, excepta causa peculiari, ex qua servus possessionem acquirit hereditati, ut domino ignorantem, vel furiosum, *l. si quis servum, in fine, de act. empti, l. ult. de captiv. et postlimin. revers. l. peregre, §. quæsitum, l. si servus, ff. de acquir. possess.* At exceptis his tribus casibus hereditas jacens vicem dominæ sustinet, nec servi hereditarii videntur esse siue domino.

Ad L. X.

Qui depositum non restituit, suo nomine conventus, et condemnatus, ad ejus restitutionem cum infamiae periculo urgetur.

Nota actionem depositi directam, non contrariam esse famosam, et si quis damnetur actione depositi suo nomine, lite in eum initio contestata, non si damnetur procuratorio nomine, vel hereditario: item si damnetur, non si pecuscat de deposito, *l. 1. et l. in actionibus, de his qui not. infam.* Quærent interpretes, cur actio commolati non sit famosa? cur actio item creditæ pecuniæ? cur pignoratitia? quæ est de deposito pignore, depositi est famosa. Ratio hæc est: Qui rem deponit, commendat, et committit rem suam fidei depositarii, *l. 1. in princ. ff. de pos.* sicut mandator committit se fidei procuratoris, socius fidei socii, pupillus fidei tutoris: et ob id etiam mandati actio est famosa, et actio pro socio, et tutela, vindicandæ perfidiæ causa, *l. furti in fine. D. de his qui not. infam.* Cum crescit in deposito perfidia, crescit etiam actio, perfidia, crescit, si quis tu-

Tom. IX.

multus, vel incendiï, vel naufragii causa, exigente necessitate abnegat depositum, et non reddit: ideo hoc casu non tantum est actio famosa, sed etiam pœnalis in duplum, *l. 1. §. hæc autem, ff. de pos.* Crescit, inquit, perfidiæ crimen hoc casu, et publica utilitas: eandem quoque ratione actio fidei- ciæ olim erat famosa, Cicero pro Rosc. Comædo, id est, actio pignoris commissi lege commissoria, quæ hodie est sublata in pignore, nec ideo fidei- ciæ est in usu. At qui commodat, aut mutuum dat; aut pignus ponit, non confugit ad fidem alienam, id est, non dicitur commendare, aut committere quicquam alteri: perfidia quidem est si quis commodatum non reddat, vel mutuum, vel pignus: at major est perfidia, ut ait Arist. Problem. 29. *πιστος τό δόκημα*, si quis depositum non reddat, vel socium, vel mandatorem, vel pupillum fallat: ideo ex contractibus sunt actiones famosæ, et pœnales crescente perfidia: ex illis vero nec sunt famosæ, nec pœnales. Addendum hoc esse proprium actionis depositi, ut si non opponatur compensatio, quod fusius diximus in *tit. de commod. et in tit. de compensat.* De hoc est *l. penult. hoc tit.* Depositum debet reddi petenti quamcunque lerrime. Et sicut debitor pecuniæ frumentariæ ideo non utitur compensatione, ne tam necessaria pecunia moram accipiat, *l. 2. §. frumentariæ, de administ. rerum ad civil. pertin.* Ita depositum, quod tunc fidei commissi, te fidelem putas, nullam moram redditionis recipit. Ideo in actione depositi compensationi locus non est, etiamsi depositarius velit compensare id quod sibi debetur ex alia causa depositi, ut quia ipse vicissim aliquid deposuit apud eum, a quo depositum recepit. Ex *l. penult. hujus tit.* puto etiam secundum Joannem, depositarium non posse compensare id, quod contraria actione depositi potest consequi, quia lex ait generaliter, actionem depositi non recipere compensationem, deductionem, aut retentionem, exceptionem doli. Igitur reddere debet statim depositum, tunc agere contraria actione depositi: puto tamen secundum Accursium admittendam esse dominii allegationem, si depositarius dicat se esse dominum rei depositæ, et de eo constet, quia cum ita est, non videtur contractum depositum, *l. qui rem, et l. bona fides, §. ult. ff. de pos.* Additur in *l. pen. hujus tituli*, restitutionem depositi moram non accipere ex testatione, vel testata denuntiatione alterius, ut si creditor meus denuntiaverit depositario, ne mihi rem meam restituat donec ei satisfactum sit: quæ denuntiatio est efficax, nec potest contemni sine periculo denuntiati: et ea etiam usus est plerisque in locis: quod confirmat *l. ult. de lege commiss.* Et sane si depositario id sit denuntiatum, ne rem restituat

domino, nihilominus rem quidem statim petenti restituet, sed non sine cautione. Nam dominus ei cavere debet, cum satisfactione a se depositarium defensum iri adversus denuntiationem creditoris, quod non abrogatur Novella 88. que in tribus casibus inducit poenam denuntiatoribus, non autem improbat omnes denuntiationes sive interdictiones. Primus est, si quis denuntiaverit depositario, ne depositum domino reddat, illa denuntiatio est efficax. Ea enim fit ut depositarius rem depositam retineat, vel cautionem exigat, id est, ut eam non reddat sine cautione. At puniuntur denuntiator. Nam ex tempore denuntiationis, pecuniæ depositæ periculum ad eum pertinet. Item ex eo tempore præstat usuras tricientes rei depositæ. Eodem modo puniuntur qui denuntiat inquilino, ne mercedem locationis solvat, vel qui denuntiat erogatori annonæ publicæ, ne panes civiles eroget Titio. His tribus casibus coercentur denuntiatores, sed non ideo hæc denuntiatio effectu caret.

Ad L. ult.

Supervacuum veterum differentiam a medio tollentes: si quis certum pondus auri, vel argenti, confecti, vel in massa constituti, deposuerit, et plures scripserit heredes, et unus ex his contingentem sibi portionem a depositario acceperit, alter supersederit, vel alias fortuito casu impeditus hoc facere non potuerit, et postea depositarius in adversam inciderit fortunam, vel sine dolo depositum perdididerit: sancimus, non esse cohæredi ejus litentiam venire contra eum cohæredem suum, et ex ejus parte avellere quod ipse ex sua parte consequi minime potuit: quasi eo, quod cohæres a eo et communi constituto: cum si certæ pecuniæ depositæ fuerint, et suam partem unus ex heredibus acceperit, nemini in dubium veniat, bene eum accepisse partem suam, et non debere aliam partem attingere. Nobis etenim non videtur esse homo obnoxius, neque in massa, neque in specie, neque in pecunia numerata, qui suam partem suscepit, ne industria pœnas desiderat solvat: si enim et alius hæres tempora opportuna, quomodo modum cohæres ejus observasset: et suam uterque reciperet, et sequentibus altercationibus minime locus relinqueretur.

Qui pecuniam deposuit, decessit multis heredibus relicta. Certum est unum posse agere pro parte depositi, et ei pro parte posse reddi depositum, l. 1. §. si pecunia, ff. depositi. Idem est, si auri facti, vel infecti certum pondus depositum sit, ut cavetur l. ult. Nam unus hæres exiget partem auri: quid fiet si postea reliqua pars, sed apud

depositarium, perierit sine dolo depositarii? Perit alteri heredi, quia perit sine dolo depositarii, et ille cohæres, qui sibi vigilavit, id est, qui maturius suam partem exegit, nihil alteri præstabit, qui sero exegit. Non enim pro illius parte exegit; neque vero etiam plus sua parte, sed sibi vigilavit et prospexit. Jus autem civile vigilantibus scriptum est, l. pupillus, in fine, D. quæ in fraud. creditor. Idem dicemus si duo cohæredes fuerint sub curatoribus, et curatores eorum inter se pecunias hereditarias, et omne patrimonium dividerint, et unus partem suam sit consecutus, alter minus, non recte facta divisione. Is, qui consecutus est minus, non sarciet hoc damnum ex parte, quam alter est consecutus, ideo non tenetur alteri quicquam præstare, l. Lucius, ff. famul. ercisc. Nec obstat lex item Labeo, eod. tit. Species est: Duo sunt cohæredes, unus thesaurum effodit hereditarium, quem alter ignorabat: tenetur alteri familie erciscundæ, etiamsi thesaurum cum extraneo indice forte, et conscio partitus sit, id est, si tantum suam partem perceperit, et reliquam extraneo conscio, vel indici reliquerit. Igitur in hac specie cohæres cohæredi tenetur, etiamsi partem suam tantum receperit. Dicendum igitur est, eum teneri, quia cum ab initio totum habuisset postea dolo malo partitus est cum extraneo in fraudem cohæredis. Inter socios idem non observatur. Nam si tres sint socii, primus, secundus, tertius, et primus debeat reliquis ingentem pecuniam, alii nihil debeant, et secundus sit consecutus suam partem, tertius non sit consecutus, quia postea primus factus est non solvendo: hoc casu pars, quam extorsit secundus, est contribuenda tertio: hoc inter socios servatur, quia iniquum est, ut ex eadem societate alter plus habeat, alter minus, l. verum, §. si cum tres, pro socio. Non obstat lex si Titius, eodem, quia ibi extraneus, qui habuit aliam partem, fuit solvendo, et ideo socius ab eo eam recuperare potest. Denique hac in re differentia est inter socios, et cohæredes, vel inter societatem voluntariam, et societatem hereditariam.

JACOBI CUJACII J. C.

In Lib. IV. Codicis,

RECITATIONES SOLEMNES.

Ad Tit. XXXV. Mandati, vel contra.

His etiam verbis, *mandati, vel contra*, significatur duplicem esse actionem, contrariam, quæ datur procuratori sive mandatario, et directam, quæ datur mandatori. Utraque est bonæ fidei, di-

recta sola sumosa est. In utramque veniunt usurae ex mora, et arbitrio iudicis. Lex 1. pertinet ad actionem mandati contrariam, et ostendit, pecuniam, quam de suo impendit bona fide in rem alienam procurator exequendi mandati gratia, vel quam ab aliis mutuam accepit, eam cum usuria arbitrio iudicis eum consequi contraria actione mandati, *l. si vero non remunerandi*, §. *si mihi mandaveris*, ff. *ead. tit.* Additur in *l. 1. salarium* a procuratore actione contraria mandati non peti. Nullo casu petitur salarium actione proposita: sed quomodo debeat peti cognitio est praesidis. Et ait *l. salarium*, *D. eod. extra ordinem* a Praeside peti, quod idem est, omnis cognitio Praesidis, vel Praetoris est extraordinaria. Nam ordo hic est, ut non ipse Praetor, aut Praeses cognoscat, sed det actionem, et iudicem. Ergo petitur salarium, vel honorarium, sive ἀντίδοτον extra ordinem, non ordinaria actione. At dict. *l. si vero remuner.* ait esse actionem mandati, si intervenierit honor, id est, honorarium. Quod ita cum Accursio est accipiendum, ut etiam si salarium intervenierit non minus mandatum contrahatur, non ut illud salarium petatur actione mandati: si intervenierit merces, non erit actio mandati, sed locati, si honor, erit mandati. Aliud enim est honor, aliud merces. Graeci salarium ἐφώριον interpretantur. Gregorius Nazianzenus contra Julianum Imper. indicat ἐφώριον significare omne stipendium. Mandatum igitur recipit salarium, non mercedem. Verum ita demum potest salarium a procuratore peti extra ordinem, si dominus, sive mandator id constituerit, et taxaverit, id est, si de certo salarii modo conventum fuerit. Incerti salarii persecutio non est, *l. 17. infr. hoc ipso tit.* quae sententia sumpta est, et deprompta ex Papiniano in *l. qui mutuam*, §. *salarium*, ff. *ead. tit.* Id summo opere cavendum est in hac actione, ne sub specie constituendi salarii eventum litis procurator contra bonos mores redimat. Salarium procuratori constitui potest, et nihilominus actio erit mandati: sed non debet color dari redemptioni litis; redimatur lis, si procurator ad litem paciscatur, ut si vicerit, victoriae partem tertiam, aut quartam ferat, quae pactio turpis est, nec potest defendi specie salarii. Nam hoc genere non constituitur salarium: interposita pactione partis litis, et futurae victoriae, dict. *l. salarium*, ff. *mand. l. litem*, *sup. de procur. l. sumpt.* ff. *de pactis*, *l. 20. infr. hoc ipso tit.* quae lex 20. ait, frustra peti partem litis, quam redemptor litis sibi dari pactus est: quin etiam si haec pactio intervenierit, ex *l.* significat sumptus in litem factos non posse peti actione mandati, vel negotiorum gestorum: humanius tamen est si dari actionem negotiorum gestorum, si quid in litem utiliter impenderit.

Quod autem procuratoribus interdicitur, et idem quoque advocatis, ne lites alienas red mant, *l. 1. §. si cui cautum*, ff. *de extraord. cognit.* alioqui eis interdicitur advectionibus, vel foro, *l. 5. sup. de postul. d. l. si vero non remun.* §. *ult. ff. eod. tit.* De huiusmodi redemptoribus est *l. pen. et ult. eod.* Lex penult. est iustissima constitutio adversus litium redemptores. Constat actiones donari posse, et ex hac causa cedi, facto procuratore in rem suam. Vulgo etiam dicitur, actiones et nomina vendi posse, et cedi ex hac causa, quod valde restringit *l. pen.* Constat etiam cedi posse actiones procuratori constituta in rem alienam, ea lege, ut procurator, quod ex lite consecutus fuerit, totum bona fide domino restituat: at non possunt cedi actiones procuratori sub pactione dimittit, tertiae, vel quartae partis, id est, ut procurator in partem victoriae veniat. Nam est hoc redimere litem, et de futuro eventu pacisci, et de victoria. Emi etiam non possunt actiones parvo pretio. Nam et hoc etiam accedit ad redemptionem litis. Hic enim emptor, qui emit uno nummo, vel alio quovis parvo pretio, facile id agit, ut quod supra pretium ex lite consecutus fuerit, sibi habeat, et ita ferat partem futuri emolumenti: et hoc ita simpliciter tradiderunt interpretes de eo, qui emit parvo pretio: sed generaliter dicendum est, actionem nullo modo emi posse, neque magno, neque parvo pretio ex eventu litis emptori spe proposita vindictae, dum scilicet emit actionem ut alium velit, in quem sibi redemit actionem. Hic etiam habetur pro redemptore litis, et recte Harmenopolus dicit redemptorem litis vocari ὑπολαβόντα, et eum esse, qui pecuniam dedit, ut sibi actio cederetur. Inde generaliter constituitur in *l. penult.* ut ne quis mandata, vel cessu sibi actione plus consequatur, quam mandatori praestiterit et solverit: exempli gratia, si quis actionem ex stipulatu creditae pecuniae emerit centum a debitore non recipiet nisi 100. etiam si plus debeat, sed praeter illa 100. recipiet etiam usuras debitas pro modo quantitatis, *l. penult.* Nec pugnat *l. ult.* ut putat Accursius, quia quod ait *l. ult.* nihil amplius emptorem actionis percipiturum a debitore, quam quod praestiterit, loquitur de sorte, nec usurarum accessionem excludit. Dices, cujus erit in hac specie quod plus est in debito? an ejus, quod plus fuerit dabitur petito priori creditori? Minime: in quo etiam fallitur interpret. Nam abdicavit se actione, sed id cedit lucro debitoris, idque ita definit aperte *l. ult.* Non idem dicemus, ut ostendi in *l. penult.* in cessionibus, quae fiunt inter coheredes, vel collegatarios divisionis causa, cujus quidem causa alteri cedit actionem. Non idem etiam dicemus in cessione, qua fit cre-

ditori solutionis vice. Nam nomen potest creditori in solutum dari, et ceditur ex ea causa. Non idem dicemus in cessione, quæ sit possessori rei alienæ, ejus possessionis tuendæ, et minuendæ causa: ut si quis possessori rei alienæ cedat jns emphiteuticum, quod in ea habet. Hæc omnes cessiones valent in solidum, cum fiant juxta ratione, divisionis puta, vel juxta ratione solutionis, vel possessionis tuendæ. Et his cessionibus ex æquo respondere non debet, quod vice mutua est præstitum: ut si debeo tibi centum, nec numeravero preuniam, sed dedero tibi in solutum aliud nomen, quod est 120. tu ex cessione petes 100. viginti: at empti nominis nulla est ratio, nisi vindictæ, et negotii exhibendi cupiditas, cui non est favendum. Ideo hæc cessiones factæ ex causa emptionis strictè accipiuntur, et non valent supra modum pretii soluti. Hæc est nova constitutio Anastasii. Nam ante eam hæc etiam cessiones valebant supra modum pretii soluti. At ut eadem const. declarat, aliud dicendum in donatione, si donetur actio, et cedatur ex ea causa, hæc liberalitas non est coercenda, cum nihil fraudis in se habent: igitur hæc cessio, et donatio, quæ manat a liberalitate, valet in solidum: quod tamen ita procedit, ut explicat *l. ult.* si non fuerit imaginaria donatio, ne per simulationem donationis tacite lis redimatur. Item, si quis partem actionis emat, partem quasi donatam accipiat, videtur improbiæ redemptioni, et partitionicolor quæsitus: et ideo hac etiam casu cessio non valet supra modum præstiti pretii. Denique *lex ult.* confirmat Anastasii constitutionem, eamque laudat appellans justissimam, et de quid in fraudem ejus fiat, respicit.

Ad L. II.

Cum ex causa fidejussionis pecuniam patrem tuum exsolvisse proponas, habes mandati actionem, qua non solum pecuniam, sed etiam pignora in obligationem deducta, potes consequi.

Hæc lex est etiam de contraria actione mandati. Species est: mandavi tibi ut pro me fidejuberet, fidejussisti, et conventus solvist, habes actionem mandati contrariam in sortem, quam pro me solvisti, et in usuras habes etiam actionem hypothecariam, si quæ pignora in eam rem obligata fuerint, id est, si pignoribus tibi caverim, ut pro me fidejuberet: sic accipe *l. 2.* ex *l. 8.* hoc ipso tit. quæ eandem speciem habet. Sed in *l. 2.* deest verbum *eam*, in eam obligationem deducta, mandati scilicet: videtur quidem prima specie *l. 2.* hoc significare, contraria actione mandati peti a fidejussore non tantum sortem solutam, sed etiam pignora, quod est falsum; sed sunt actiones dividendæ, et dicendum, sortem peti actione man-

dati, pignora hypothecaria: et ita quarto loco interpretatur Accursius.

Lex 8. eandem speciem ponit cum *l. 2.* Quæ pertinent ad illam dixi in *l. 4.* sup. quod cum eo, qui in alien. est potest. etc.

Ad L. III.

Si pater tuus tibi sui juris constituto actionem adversus debitores suos mandavit: potuit et ipse præsens adversus eos re integra experiri. Si quid ita ab eo apud judicem actum est, rescindi nulla ratio patitur.

In *l. 3.* hæc quæst. proponitur, an is, qui mandavit actionem alteri, ea experiri possit? Et respondetur posse, et hoc genere mandatum revocari. Mandatum finitur revocatione, seu voluntate mandatoris, vult finire mandatum, dum agit ipse, idque si revocetur re integra, ut dixi *l. 1.* supra, de obligat. et actionib. Item finitur mandatum voluntate mandatarii, seu renuntiatione, *l. si mandavero 2. §. ult. D. mandati.* Item finitur morte mandatoris, si mors contingat re integra, *l. 13. hoc tit.* Mandatum jurisdictionis finitur similiter morte magistratus, et ita quodlibet mandatum finitur morte, vel voluntate, seu renuntiatione mandatoris et mandatarii, *l. 5. D. de jurid.* Excipitur hic casus, si mandate sit actio ex causa venditionis, vel donationis, et mandator non decesserit sine hærede. Nam durat etiam post mortem mandatoris, maxime si reliquerit hæredes. Id dixi dict. *l. 1. de oblig. et action. sup.* Finitur mandatum morte mandatarii, nec hæredes ejus id explere coguntur, *l. si quis alicui, §. morte, ff. eodem.* Excepto illo casu, est etiam alius, quo mandatum non finitur morte mandatoris, puta, si mandator mandatum contulerit in mortem suam, ut si mandaverit sibi post mortem fieri monumentum, vel solvi, *l. si vero non remunerandi, §. ult. ff. eodem tit.* Obstat *lex ultima, de solutionib.* nisi dicamus verba hujus legis esse transposita. Illud quoque sciendum est, mandatum finiri morte, actionem mandati non finiri, *l. inter causas, et l. si præcedenti, D. eodem tit.* Idem est in societate, et venditione: finita societate non finitur actio pro socio, finita venditione non finitur actio ex empto vendito, *l. 4. D. de lege commissoria.*

Ad L. IV.

Etiamsi contrariam sententiam reportaverunt qui te ad exercendas causas appellationis procuratorem constituerunt: si tamen nihil culpa tua factum est, sumptus, quos in litem probabili ratione feceras, contraria mandati actione petere potes.

Hæc *l.* ostendit, sumptus in litem factos a pro-

curatore probabili ratione repeti actione mandati contraria, etiamsi procurator non vicerit, dummodo culpa et dolo careat, *l. qui mutuam, §. ult. eodem tit. l. 16. hic, infra*. Procurator debet prestare dolum et culpam etiam levissimam, *l. 13. hoc tit.* Ad id etiam pertinet *l. 9. et l. 21. hic*, dum ait, aliena negotia esse gerenda exacta opera, id est, diligentia. Et ob id actionem mandati directam esse famozam, et quolibet in re sua posse esse negligentem, in aliena non erit impune negligens; et cum ob dolum mandati agitur cum procuratore, dicitur agi de dolo. Nam omnes actiones bonæ fidei sunt de dolo, et dolum vindicant, et quædam etiam culpam continent, ut hæc mandati: depositi actio non vindicat culpam: et ita dicitur agi de dolo, cum tamen sit actio mandati, *l. 1. sup. de dolo*, quæ lex poni debuit sub hoc titulo. Nam ait fidei ruptæ gratia de dolo agendum procuratoris, id est mandatarii. Fide autem mandati rupta, est actio mandati quanti interest, *l. 16. hoc tit.* Et in specie *d. legis 1.* nominatim scriptum est, esse actionem mandati. Id etiam pertinet ad fidem, seu officium procuratoris, quod quidem exactum esse debet, ut diligenter leges, et finem mandati observet, *l. 12. hoc tit.* At quod exegimus a procuratore, adtendum id etiam exigi a gestore negotiorum, qui etiam levissimam culpam præstat, *§. 1. Instit. de obligat. quæ quasi ex contr. nasc. l. si mater, sup. de usur.* Ait ea lex omnem diligentiam: *lex 13. hujus tituli*, quæ loquitur de procuratore, ait omnem culpam. Utrumque idem potest. Ergo in utroque reprehendimus etiam levissimam culpam. Hic gestor negotiorum sæpe procurator etiam dicitur in libris nostris, *l. si ego, D. de negot. gest. et in multis aliis locis*. Et a Cicerone dicitur voluntarius procurator in Bruto, et a Paulo *l. sentent.* Cujus sunt verba: Voluntarius procurator, qui se alienis negotiis offert, etc. at in specie hujus *l. 4.* differentia est inter gestorem et procuratorem. Nam procurator sumptus bona fide factos in litem repetit, etiam si non vincat, gestor non repetit, nisi vicerit. Nam tunc duntaxat habet actionem, cum res cessit utiliter, *l. jam tamen §. quid tamen, D. judicatum solvi*. Procurator habet actionem, etiamsi inutiliter gesserit, dum culpa absit.

Ad L. V.

Si maritus sororis tuæ, tibi procurans petere bonorum possessionem noluerit, cum ipso tibi congreduendum est, quam querelam ita cum effectu habes, si mandasse te, ut peteretur bonorum possessio, eumque neglexisse arguas.

Ostendit *l. 3.* bonorum possessionem recte peti

alieno nomine per procuratorem, si specialiter id mandatum sit ut peteret bonorum possessionem. Necessarium est speciale mandatum, ut in restitutione, quæ fit ex senatusconsulto Trebelliano. Nam hæc fit tantum recte speciali procuratori, *l. qui ita, §. 1. ad Senatusc. Trebell.* Igitur procurator universorum bonorum eam non petet, cui id specialiter non est injunctum: ideo ei non imputabitur, si non petierit: speciali imputabitur, si eam non petierit, *l. 5. hoc tit.* Illud certissimum est, petitam bonorum possessionem alieno nomine sine speciali mandato confirmari ratihabitione, quæ pro mandato habetur, ut ostendi in *tit. ad senatusc. Maced. sup.* imo patientia pro mandato habetur: ut si quis me patiente, nec contradicente, pro me fidejubeat, vel bonorum possessionem petat, ita mandatum tacite contrahitur, *l. 6. hoc tit.* Hereditas alieri etiam per procuratorem non potest, *l. per procuratorem, D. de acquirend. hereditat.* Major solemnitas requiritur in jure civili, quam prætorio.

De lege 7. dixi supra in *l. 13. si certum petatur.*

Ad L. X.

Si pro ea, contra quam supplicas, fidejussor, seu mandator intercessisti, et neque condemnatus es, neque bona sua eam dilapidare postea cepisse comprobare possis, ut tibi justam metuendi causam præbeat, neque ab initio ita te obligationem suscepisse, ut eam possis et ante solutionem convenire: nulla juris ratione antequam satis creditori pro ea feceris, eam ad solutionem urgeri certum est. Fidejussorem vero, seu mandatorem exceptione munitum, et injuria judicis damnatum, et appellatione contra bonam fidem minime usum, non posse mandati agere, manifestum est.

Procurator, vel mandatarius, qui quid solvit ex mandato, id repetit contraria actione mandati, *leg. 2. et 14. hoc tit.* repetit etiam usuras ex mora, *l. 18. hic*, vel ex stipulatione sine mora, ut *leg. 19. ipso titul.* In hac specie: si mandavi tibi ut rem meam venderes, et vendideris, et pretium acceperis, pretii usuras ex mora præstabis, vel ex stipulatione, non tamen supra legitimum modum, ut supra duplum: licet in eam causam mihi pignora dederis: nam per retentionem pignoris illicitæ usuræ servari non possunt, *l. 4. §. nec pignora, ff. de naut. fœnor.* Licet naturaliter tantum debitæ possint servari, puta ex pacto intra legitimum modum, ut diximus in *tit. de usur. sup.* Hic vero, qui rem meam vendidit meo nomine, et mandato, est procurator, seu mandatarius. Nam omnis procurator est mandatarius. Ideo inter do-

minum et procuratorem semper contrahitur obligatio mandati. Non tamen omnis mandatarius est procurator: ut is, qui Titio meo mandato dat mutuum pecuniam, est mandatarius, non procurator, quia credit meo nomine, non suo. Item qui pro me fidejubet meo nomine, est tantum mandatarius, non etiam procurator. Nam procurator est, qui quid mandatoris nomine facit. Mandatarius est, qui ex alieno mandato, suo, vel alieno nomine quid facit. At quaeritur in *leg. 10.* an mandatarius ante solutionem mandati agere possit (post solutionem agere diximus) Regulariter non potest, etiamsi sit conventus actione ex stipulatu, vel mandati, cum ipse pro alio fidejussor, vel mandator intercessit: condemnatus tamen agere potest, etiamsi nondum quid intulerit, nisi injuria judicis condemnatus dolo malo non appellaverit, et ita praescriptione submotus fuerit a persequenda appellatione. Hoc ostenditur in fine *l. 10.* qui est de omisso appellat. quod imputatur mandatario: finis *l. X.* non est de omisso exceptione, quod etiam imputatur mandatario certis casibus: de hoc agitur in *l. si fidejussor, ff. mandati.* Accursius hoc tractavit in *hac l. 10.* Sed non apte, quoniam finis *l.* est de omisso appellatione, non de exceptione. Item mandatarius agere potest ante solutionem, si mandator labatur facultatibus: quae ex causa etiam mulier agit de dote ante tempus actionis de dote. Item, si ita convenit, ut possit agere ante solutionem. Item, si reus diu in solutione cessaverit, agat fidejussor mandati, ut liberetur. Hoc recte in *hac l. 10.* et in *l. Lucius, ff. eod. tit.* explicatur. Hoc dicimus de eo, cui mandatum est ut fidejuberet pro alio, vel mandaret: cui etiam hoc mandatum videtur ut solvat, et ideo non agit ante solutionem, nisi aliis casibus, *l. indebitam, ff. de condict. indeb.* Quod si mandatum ei sit ut expromitteret, quod sit novatione facta, statim potest agere mandati, quia explevit mandatum, expromisit, mandatorem liberavit novatione facta. Item si mandavi ut emeris, et emeris, statim potes agere mandati, antequam pretium solveris, cum hoc mandatum non intelligatur, ut pretium solveres. Item, si mandavi ut promitteres me judicio sisti in diem certum, nec me exhibueris, cum per me staret, statim potes agere, antequam conveniaris ex stipulatione judicio sisti. Si mandavi ut negotia mea gereres generaliter, et tu dum geris te pro me obligaveris, statim potes agere, ut te ea obligatione absolvam et liberem: haec omnia tractavi in *l. si mand. meo 43. D. hoc tit.* Itaque multi sunt casus, quibus mandatarius adversus mandatorem agere potest, antequam quicquam praestiterit.

JACOBI CUJACII J. C.

In Lib. IV. Codicis.

RECITATIONES SOLEMNES.

Ad Tit. XXXVI. Si servus extero se emi mandaverit.

Ult. quest. est de servo, qui se mandavit emi. Queritur an valeat mandatum? Regulariter quae acquiruntur a servo, ex persona servi valent, quamvis in persona domini inutilia sint. Ex persona servi, id est, si is liber factus ea posset sibi acquirere: quae liber possum mihi acquirere, et servus domino acquiram, licet dominus sibi acquirere non possit, *l. debitor, §. servo, ff. de leg. 2. l. et si maxime, D. de servitute legat'a.* At si emi mandaverit, hoc mandatum non valet ex persona servi, quia liber etiam hoc inutiliter mandaret, liber homo non potest se vendere, potest se venire pati ad pretium partiendum, vel alium actum gerendum. Liber homo non potest mandare se emi, alioqui proderet suam libertatem, et seipsum statim vindicaret actione mandati. Ergo et servus. Illud etiam mandatum non consistit ex persona domini. Non potest etiam dominus a se servum emi mandare. Nam si utile est mandatum, et ex mandato emptus sit servus, dominus agat ex vendito pretii nomine, et rem etiam repetat actione mandati, quasi emptum suo mandato: itaque rem habebit et pretium. Itaque non est actio mandati, id est verissimum, si secuta non sit venditio: ut secuta venditione, domino dabitur vel actio ex vendito, vel actio mandati. Nam propter venditionem mandatum consistit, quia principaliter non id agitur, ut solum mandatum contrahatur, sed ut propter mandatum contrahatur emptio. Ideo domino datur electio, si ei non satisfiat de pretio, ut vel actione mandati emptum servum repetat, vel agat ex vendito ad pretium: ei non satisfiat de pretio, si nummos peculiares emptor solverit, servo supperlitante, quia nummi peculiares venditoris domini sunt. Utraque actione experiri non potest. Nam repugnat rei recte emptae pretium praestare, et rem etiam emptam restituere. Ideo in tit. seq. haec actiones dicuntur contrariae inter se. Igitur alterum debet eligere. Itaque secuta venditione, illud mandatum servi, qui se emi mandavit, non omnino est inutile, et ex eo domino acquiritur obligatio, si id velit.

JACOBI CUJACII J. C.

Ad Lib. IV. Codicis

RECITATIONES SOLEMNES.

Ad Tit. XXXVII. Pro socio.

Anno 1561. 13. Octob.

Hæc actio pro socio nascitur ex contractu societatis, et est ultro citroque directa, ideo non adjicit, vel contra: est ultro citroque bonæ fidei, et famosa, et recipit usuras ex mora. Socius est, qui indivise agit. Aconius Pedianus §. in Verrem: Societas est communio pro indiviso contrahere, aut verbis, aut consensu, l. 4. D. eod. tit. Re contrahitur bonis in commune collatis et redactis, verbis per stipulationem contrahitur, ut ex edicto prætoris collatio bonorum sit vel re, vel verbis, id est, cautione, l. 1. §. quamvis, D. de collatio. bonorum. Item ut plurimum societas contrahitur nudo consensu: ut si inter duos convenerit de societate bonorum universorum: quo casu ipso jure bona communicantur, et fingitur intervenisse mutua traditio, l. 1. et 2. D. pro socio. Quod notandum est, quia ceteri contractus, qui consensu contrahuntur non transferunt dominium, ut venditio dominium non transfert, sed traditio, quæ non fingitur intervenisse. Societas transfert dominium ipso jure tacita traditione, quod valde pertinet ad explicandam l. pen. in qua ostenditur, societatem posse contrahi sub conditione: ut si Titius consul fuerit, communia habebimus patrimonium. Quid opus fuit in constitut. Justiniani? Nonne et ceteri contractus, qui consensu perficiuntur conditionem recipiunt, ut venditio? Sed de societate dubitabatur, ut ait Justin. sed constituit, ut id fiat: dubitabatur autem olim: quia societas dominium transfert, et fingitur intervenisse tacita mancipatio, vel traditio. Constat, autem mancipationem diem, vel conditionem non recipere, l. actus, de regu'is juris: ubi legendum mancipatio, ut Flor. non emancipatio. Idem est in omni legitimo modo dominii acquirendi, ut non admittatur conditio, itaque non frustra dubitabatur de societate, quod definitur l. pen. de actione pro socio, addendum est, eam sic appellari, quia plerumque datur de eo, quod socius pro socio impendit, et gessit, idque communiter in l. actione, §. si post distractam, ff. pro socio. Veluti si duo coierint societatem ad coemendum prædium, et emerint, et eis sit traditum, atque ita dominium acquisierint in commune pro indiviso: si unus eorum de suo integrum pretium numeravit, et solvit sollemnia tributa fisco prædii nomine, id conse-

quetur pro parte actione pro socio, l. 2. h. t. Et generaliter finita societate actione pro socio id agitur, ut exsequantur portiones lucri et damni, quia coita est societas lucri et damni, l. 3. h. t. l. verum, si cum tres, D. eo. Dico finita societate agi pro socio, l. 5. hoc ipso tit. d. l. actione, §. si post distractam, D. eod. Nam est actio generalis, quæ totius societatis, quandiu consistit, rationes exigit. Sic dicitur l. pro socio, D. eod. Omnes autem generales actiones non dantur, nisi finito contractu, ut tutelæ non datur, nisi finita tutela, et negotiorum gestorum non datur, nisi finito officio, l. rationes, inf. de administ. tut. Ita actio pro socio non datur, nisi finita societate. Tunc enim rationes societatis redduntur actione pro socio. Interdum tamen datur, manente societate, sed specialiter, id est, in rem aliquam specialem, non in generalem, puta, ut communicatur aliquid ex societate, quod retinet unus socius, nec vult referre in commune, agitur pro socio, ut id referat in commune, quod ex societate seposuit, contracta societate universorum bonorum, idque obtinet non tantum in societate vectigalium, sed etiam in qualibet societate, ut in speciem certam agatur manente societate, l. actione, §. nonnunquam, l. cum duobus, §. idem Papin. pro socio. Locuti sumus de societate voluntaria, id est, de contractu sociorum voluntario. Alia est societas necessaria, quam fortuna offert, quæ constituitur reipsa sine contractu: ut si duo hæredes instituantur, socii sunt sine contractu: vel si duobus conjunctim donetur, vel legetur conjunctim vel indivisim: quibus casibus, si quid unus eorum impenderit in rem communem, non competeret ei actio pro socio, quia non est contracta societas, quia non eos congregavit voluntas, sed fortuna: non competit etiam actio negotiorum gestorum, quia propter suam partem ad gestionem accessit. Actio negotiorum gestorum est de aliena re gesta, non de communi re gesta, l. hæredes, §. non tantum, D. fam. ercis. Non competit etiam actio propria de communiter gesto, quia nulla talis actio edictis prodita est. Sed competit actio familiæ eriscundæ inter cohæredes, et inter alios communi dividundo, l. quib. casib. D. eod. tit. Hæc actio communi dividundo competit sociis, et non sociis, id est, competit de utroque genere societatis. Itaque concurret semper cum actione pro socio: qui habet actionem pro socio, habet actionem communi dividundo, l. 2. D. commu. divid. l. pro socio, in fin. ff. pro socio. Actio pro socio est tantum de societate voluntaria. Item actio communi dividundo est mixta tam in rem, quam in personam. Nam continet rerum divisiones, et præstationes personales, si quæ sint, vel si quid damni datum sit culpa socii. A-

ctio pro socio est in personam tantum. Item in actione pro socio habetur ratio nominum, non in actione communi dividundo, *l. si actum sit, D. pro socio*. In plerisque aliis conveniunt hæ actiones. Utraque est bonæ fidei. Actio pro socio datur finita societate, sic et actio communi dividundo datur finita societate, dummodo maneat communio: imo et finita communione datur communi dividundo ob præstationes personales, non quidem directo, sed utiliter, *l. si quis putans in princ. commu. divid.* Potest esse communio sine societate: ut si societati renuntiatur, et nondum fiat divisio, solvitur societas, communio non solvitur. Ea autem divisio, si societas coita sit, fiet societatis jure ex æquis partibus, vel ex constitutis partibus nudo consensu, uti societas constituta est, vel sit divisio per stipulationem, aut per permutationem partium ultro citroque plerumque transigendi causa. Huic divisioni stare debent hæredes tam ex testamento, quam ab intestato, *l. 4. h. t.* Item actione pro socio interdum agitur manente societate. Certum est communi dividundo actione agi manente societate, ut distrahatur. In utraque id commune est, ut in utramque veniat dolus et culpa. Et nunquam fuit dubitatum de societate necessaria, quin in eam dolus et culpa venirent, quia non eligimus eum socium, sed in eum incidimus, et si eligeremus, posset nobis id imputari: sed quia in eum incidimus forte fortuna, ideo certum semper fuit in eam societatem venire dolum et culpam, *l. hæredes, §. non tantum, ff. famil. ercisc.* At de societate voluntaria dubitatum fuit, an socius socio præstaret dolum et culpam. Verum prævaluit sententia existimantium dolum et culpam venire in actionem pro socio, *l. cum duobus, §. 1. l. socius socio, ff. eod. §. ult. de societ. Instit.* Sed non venit omnis culpa, ut et in mandato, et negotiis gestis: nam non venit levissima culpa. Nam in re quæ ex parte mea est, non omnis negligentia præstanda est. In re mea pro solido omnino negligens esse possum, *l. in re sup. mand.* In re, quæ est ex parte mea, aliquatenus negligens esse possum. Ergo non omnem culpam præsto. Lata culpa est, si quis rem alienam non servat æque ac suam, *l. quod Nerva, D. depos.* Lata culpa est, si quis rem communem non servet æque ac suam: hanc tamen præstat socius, quæ in depositario est lata culpa, in socio est levis: contra, quæ in depositario est levis culpa, puta consueta in rebus aut negligentia, in socio est levissima, et hanc non præstat. Nam non debet esse diligentior in re communi, quam in propria. Socio est similis maritus in rebus dotalibus. Nam in eis eam tantum debet præstare diligentiam, quam in rebus suis præstat, non ampliorem: eam si non

præstet, in levi culpa est, *l. si filio, §. 1. et l. etiam, §. 1. l. si constante, §. si maritus, sol. matrim. l. in rebus, de jure dot. l. Pomponius, D. de pactis. dotal.* Illa duo genera societatis notavit M. Tullius in oratione pro Quintio, cum ait, *socius, qui cum te voluntas congregasset, aut fortuna contulisset*, et cetera, et paulo post: *cum quo voluntariam societatem coibas*, etc. Notandum, quod sit voluntaria: sic vocat, *l. verum, §. in heredem, D. pro soc.* ad differentiationem illius societatis, quæ jure hereditario pertinet ad heredem, ut cum contracta est societas vectigalium, et ei hæres nominatim adscriptus est, alioquin societas finitur morte. Et voluntarium consortium dicit lex cum duobus, *§. idem Papinianus, D. eod.* Aliud est necessarium consortium, sicut duplex societas. Nam consortium, sive societas idem sive consortio. Consortes igitur sunt, qui bona communia inter se habent ex societate, vel sine societate. Dissortes dicuntur soluta communione. August. in Grammat. Inulo Festus *disertiones, divisiones patrimoniorum inter consortes*. Legendum, *dissortiones ex l. 1. h. t.* notandum est ita posse coiri societatem, ut unus pecuniam, alter operam conferat, vel artem, quo genere contrahitur cum pastore, vel politore agrorum, vel colono partiario. Lex ait magis obtinuit, scilicet, contra Mutii sententiam, ut refert Justus. *Instit. tit. de soc. et l. etiamsi socii, D. eod. tit.* Etiamsi inquit ea lex socii pares facultates non habeant, tamen universorum bonorum societas coiri potest, quia pauperioris opera, et diligentia potest supplere quod ejus patrimonio deest, *l. 3. §. 1. ff. pro soc.* Igitur pretium operæ supplet patrimonium: sic dicitur in *l. cum duobus, §. si in coeunda, D. eod.* Pretium operæ, artis, quod dicitur ἀντίδοτος, esse velamentum. Sed dicitur eo loco significari, quod sicut pretium operæ supplet quod patrimonio deest, sic etiam velat, et implet lacunam rei familiaris: et ita non tantum pretium operæ est supplementum, sed etiam implementum societatis.

Ad L. ult.

Suncimus, veterum dubitatione remota, licentiam habere furiosi curatorem dissolvere, si maluerit societatem furiosi, et sociis licere ei renuntiare. Et quæ madmodum in omnibus contractibus aliis legitimam auctoritatem ei dedimus, ita et in hac parte eum permittimus competenter commodis furiosi providere.

Notandum, curatorem furiosi posse societati renuntiare a furioso contractæ, cum esset sane men-

tis, de quo olim dubitabatur: verum sufficit consensus vel dissensus curatoris. Sed videtur lex ultima coniungenda cum *l. ult. inf. de curat. furiosi* quæ eandem habet subscriptionem, et quæ tractat etiam de officio curatoris furiosi. Et adnotat Justinianus quod in hac *l. ult.* adjicitur. Idco in inscriptione hujus legis: *ult. pro Joanni*, legendum est *Juliano PP.* duo sunt in titulo Pandectarum loci notandi. Unus est in *l. verum, D. eod. tit. in princ.* Qui locus indicat fratrem fratri teneri in id tantum, quod facere potest, si frater cum fratre agat, non aget nisi in id, quod facere potest, nec frater patietur carcerem sicut ceteri: certum est id de parentibus, de conjugibus, et liberis, de libertis, et patrono: sed illa lex ostendit, idem dicendum in fratre: nam inquit, exemplo fratrum, socios teneri in id, quod facere possunt; jus societatis esse fraternitatem quodammodo ostendens: quæ ratio falsa est, nisi idem statuatur in fratribus. Alter locus est in *l. nec quicquam, eod.* qui probat actionem servi corrupti esse famosam, quod etiam novum est, et inauditum. Sententia est: in actionibus turpibus, id est, in famosis actionibus (Nihil enim interest inter turpe et famosum) si socius maleficium commiserit; alterum socium poenam non agnoscere ob maleficium a socio admissum, nisi ejus maleficii esset ipse conscius et particeps. Idque ita intelligendum est in omnibus turpibus actionibus ut in actione injuriarum, *l. Aquilæ, et servi corrupti*, de qua dubitabatur, quia edicto de infamibus non comprehendebantur. Sed probat illa lex, cui adunge *l. nec servi corrupti, de obseq. parent. vel patron. præ-t.* Deinde subjicitur in ea *l.* idem esse in ceteris poenis pecuniariis, quæ ex publicis judiciis descendunt, ut eas non agnoscat socius pro socio. Male id Accursius accipit de actionibus civilibus, cum ea lex, privatis actionibus voluerit adjungere publicas, quæ plerumque poenam pecuniariam irrogant, non capitalis poenam, ut *l. Julia de ambitu*, in 100. solidos, et *l. Cornelia de injuriis* in plerisque condemnat.

JACOBI CUJACII J. C.

Ad Lib. IV. Codicis.

RECITATIONES SOLEMNES

Ad Tit. XXXVIII. De contrahenda emptione, et venditione.

De hoc contractu emptionis, et venditionis hic liber multos titulos continet. In primo ostenditur, substantiam, sive naturam emptionis consistere ex

Tom. IX.

tribus, re, pretio, consensu. Hæc tria omnimodo exigimus in venditione, scripturam non exigimus, nisi etiam ita convenerit, *l. ult. hoc ipso tit. et exposuimus in l. 16. sup. de fide instrum.* Rursus pretii numerationem non exigimus, sed tantum pretii conventionem: item rei, aut vacuæ possessionis traditionem non exigimus, et multo minus instrumentum traditionis vacuæ possessionis, *l. 12. hoc ipso tit.* Fidejussoria dationem exigimus evictionis nomine, *d. l. 12.* Sed nec arrarum dationem. Item rei presentiam non exigimus: venditio valet, etiamsi non fiat in rem presentem, *l. 1. h. t.* quæ tamen fit in rem presentem, hoc quandoque amplius habet, ut fingatur traditio intervenisse, *l. 1. D. de acq. poss.* At illa tria, rem, pretium, et consensum omnino exigimus, de quibus sigillatim nobis tractandum est. Primum rem, seu mercem exigimus, quæ veneat, et rem minime nostram: nam sicut donatio, locatio, pignus, item precarium, depositum, commodatum: ita emptio rei suæ non valet, *l. 4. et 10. h. t. Legis 4.* species est. Ego tibi rem donavi et tradidi: deinde hæres, et filius meus eam rem tibi vendidit. Lex ait, non duplicari titulum possessionis. Lex 10. ait, non duplicari dominium. Utrumque est verum, quia tu non videris et ex causa donationis, et ex causa emptionis rem possidere, cum nulla sit emptio: sed si donatio non valuit, quam fecit, si te non feci dominum, tum utilis erit venditio, imo etiamsi ab initio valuit donatio, quam in te contuli, si in ea tamen causa est, ut possit revocari ut inofficiosa: erit etiam tum utilis posterior venditio: ut si filio defraudato, tibi omnia bona mea dedi, quam donationem potest filius rescindere per querelam inofficiosæ donationis et in solidum quidem si dedi extraneo, ut in specie *l. 4.* idque ad exemplum querelæ inofficiosi testamenti, quæ instituto extraneo hærede, rescindit testamentum in solidum, et omnino testatorem intestatum facit. Hanc vero imitatur per omnia querela inofficiosæ donationis, *l. ult. de inoffic. donat.* At si donavi alteri filio omnia bona mea, non revocabitur donatio, nisi pro modo partis legitimæ filio defraudato, argumento *l. 2. sup. de inoff. don. et l. 3. de inoffic. testam. sup.* Nunc de pretio. Exigimus in emptione, ut sit perfecta, certum pretium, id est, ut conventum sit de certo pretio, *l. 9. h. t.* Certum est pretium, si sit ejus quantitas certa, ut si venierit merx 100. aureis. Item certum est pretium si venditor dicat se vendere quanti emit, vel quanti est in arca, si quid sit in ea, quis hoc casu pretium incertum non est, imo rei veritate certum, ideo nec venditio incerta, *l. 7. §. pen. ff. eod. tit.* Quid si dicat se rem vendere, quanti Titius arbitrabitur?

55

quidam Jurisconsulti dicebant esse certum pretium: nam ea verba accipiebant pro arbitrio boni viri, quod semper certum est; ideo dicebant emptionem valere, etiam pretium non statuente Titio, et statuendum esse ex bono et æquo. Alii vero negabant emptionem valere, pretium volente definire Titio, quorum sententiam probat Justinianus in *l. ult. h. t.* tam in emptione, quam in locatione, quæ etiam exigit pretium. Alias in contractibus bonæ fidei arbitrium accipitur pro arbitrio boni viri. In hac specie, quæ exigit taxationem pretii certi arbitrium non egredietur personam Titii, nec latius accipietur pro arbitrio boni viri. Itaque pretium non statuente Titio nulla erit emptio venditio. Et hæc dicimus, cum pretium confertur in arbitrium extranei, puta Titii: quod si confertur pretium in arbitrium emptoris, nulla est emptio, quia est sine obligatione, cum possit is, vel emptum, vel non emptum habere, *l. quod sæpe, §. 1. ff. h. t.* Ac multo magis nulla erit emptio, si tota ea confertur in arbitrium emptoris, si voluerit, *l. 13. hoc t.* quia quæ non astringit necessitate obligatio, nulla est: respicit ad obligationis definitionem, quæ est juris vinculum, quo necessitate astringimur, et sic ad eam respicit *l. pater filium, in fine, ff. ad leg. Falcid. In ære, inquit, alieno erit fundus, quia necessitate adstrictus est, etc.* Illud adjiciendum est, conferri emptionem posse in arbitrium venditoris, quasi in conditionem, ut si veniat servus, potest adscribi hæc conditio, si rationes meo arbitrio reddiderit, *l. 7. ff. eod. tit.* Vel etiam ita recte fiet emptio sub conditione, si intra Calendæ res tibi placuerit, emptio est. At palam non potest conferri in arbitrium emptoris hoc modo, si volueris hanc rem, emptam habeto: nihil enim agitur, quia nulla necessitate astringitur emptor, *l. 13. h. t.* Igitur in emptione exigimus taxationem certi pretii, non numerationem. Conventio de pretio certo emptionem perficit, etsi nondum numeratum sit, *l. 2. ff. eod. tit.* Ideo re tradita, ob pretium non numeratum ab emptore venditio irrita non redditur, nec repetitur res ex mora et pœnitentia non numerati pretii ad tempus. Item emptor ob moram hanc malæ fidei possessor non constituitur, quia initium possessionis justum est. Sed parata est venditori actio ex vendito de pretio cum usuris ex mora, vel ex traditione rei si fructus perceperit: hæc ostendi in *l. 8. 9. et 12. h. t.* Nunc dicendum de consensu, quem omnino exigimus in emptione venditione. Ideo a furioso facta venditio non valet, nisi sit facta tempore furoris intermissi, *l. 2. h. t.* Item ab invitis facta, vel simulate facta, non valet, *l. 11. h. t.* Ideo si quis fundum venalem habeat, eum vendet cui volet, nec cogetur extraneo præferre propinquum ad

eandem emptionem accedentem, *l. pen. h. t. l. 3. inf. de comm. rer. alien.* Itaque *l. pen. tollit jus προτιμήσεως.* Sed ei solet opponi *l. 1. inf. non licere hab. tator. etc. lib. 11.* Quæ lex docet, vicarium, qui fundum venalem habet, debere convicanum præferre extraneo emptori. Itaque illa lex jus admittit προτιμήσεως. Sed loquitur illa lex de convicanis, qui Græce dicuntur *καπίται* et *σχημαίται*, qui male ab Haloandro vertuntur comitiani. Vicarius adversus convicanum habet hoc jus, sicut etiam dominus adversus suos homines veluti colonos, censitos, emphyteuticarios, qui quid vendere volunt, habet jus προτιμήσεως, *l. ult. inf. de jure emphyteutic.* At lex penult. hujus tit. non loquitur de dominis, sed de propinquis et sociis: ii non habent jus προτιμήσεως, nec jus contractus ex hac constitutione, nisi ex pacto, *l. qui Romæ, §. cohæredes, de verb. obligat.* At postea Romanus Imp. Constantinopolitanus restituit jus προτιμήσεως, Nov. *περί ἐκποιήσεως κτημάτων, de alienatione possessionum.* Ea Nov. constituit, ut jure προτιμήσεως vocentur in emptionem rei venalis cognati consortes, ut fratres, qui indivise agunt, tum ut vocentur socii, quos ad societatem conjunxit voluntas, deinde extranei socii, quos ad societatem conjunxit res ipsa, vel fortuna, ut cohæredes, et collegatarii; post ut vocentur *συνπραξέμενοι ὁ μοιςλοις*, id est, qui eidem domino canoem pensitant, et servant, vel ut Fridericus ait in sua constitutione, qui sunt sub eodem servitio. Quinto loco vocantur confines. Igitur ea Nov. 5. gradus facit, et inter eos dat successionem, videlicet ut primis non offerentibus pretium intra triginta dies, vel repulsis eis, quod injurias aliquas venditori, aut ejus familiæ fecerint, tum sequentes vocentur, atque ita alii aliis succedant. Diximus simulatam venditionem non valere: nam hoc abhorret a consensu; ut fiat venditio donationis causa per simulationem, venditio non valet, *l. sicut emptio, D. loc.* Ut nec societas valet ea ex causa, *l. 5. in fine, ff. pro Soc.* Venditio igitur non valet, donatio tamen valet nisi quid impediatur. Nam qui donant specie venditionis, id agunt, ut fraus fiat legi prohibenti donationem: ideo non dicunt se donare, sed vendere: at id non agunt semper, et tum donatio valet, et legi donationis directæ parendum est, *l. 3. hoc tit.* Quæ lex perfectam donationem dicit, quia donatarius fuerat inductus in possessionem rei donatæ, quod etiam exigit *l. 4. et 9. hoc tit.* Nam donatio non perficitur solo consensu, ut emptio venditio, sed mancipatione, et traditione, nisi fiat inter conjunctas personas, ex constit. Divi Pii. Hodie inter omnes personas solo consensu perficitur ex constit. Just. ad exemplum venditionis. Pertinet ad hanc emptionem

simulatam l. 6. *hoc tit.* Species est: Mulier dum bene vellet Titio, ei donare cupiens, rei suæ dominium tit. vend. in eum transtulit; deinde ei nupsit, venditio, vel donatio valet, quia facta est ante nuptias, et ideo postea facto divortio non potest repeti a viro. Id confirmat l. pen. in fine, ff. de donat. inter vir. et uxor. Ad idem pertinet l. 7. *hoc tit.* Species est: Mulier rem emit ab extraneo, et traditam accepit, deinde finxit se eandem rem a marito accipere donationis causa in fraudem legis, ut scilicet maritus eam rem revocaret quasi illicite donatam, atque ipsa illi quodammodo donaret: queritur, an divortio facto eam possit maritus revocare tanquam illicitam? minime, quia est simulata donatio, quæ mulieri dominio jam acquisito ex causa emptionis nihil adjecit. Ergo nihil etiam detrahet dominio mulieris. Idem erit si rem emptam ab extraneo, mulier iterum emere se finxerit donationis causa, l. 10. *hoc tit.* Hæ simulationes contrariæ sunt consensui, qui omnino in emptione venditione exigitur. Postremo id continetur l. 3. *hoc ipso tit.* ut tutor possit emere rem pupilli bona fide, et palam, id est, ex auctione pupilli: sic accipio leg. hanc, idque ex l. 1. §. tutor. D. pro empt. Alias tutor non potest emere rem pupilli. Sic etiam comes rer. privat. et palatini, id est, apparitores comitis, et patronus fisci potest emere rem fisci ex auctione fiscali, non aliter, l. ult. quæ Græca est, et desideratur l. 1. de fide, et jure host. fiscal. Non obstat vero, l. 3. l. tutor rerum, D. de administrat. tutor. Ex qua colligunt tutorem jure emere rem pupilli, etiamsi non emit palam, sed id male ex ea colligitur: nam ibi tutor non emit rem pupilli, sed extraneus: at rem pupilli jure extraneo venditam, emptore non solvente, tutor retinuit, nec tradidit, et pretium rationibus pupilli acceptum tulit, perinde atque si emptor numerasset, ideo de suo intulit pupillo pretium: et perinde est, ac si extraneus pretium dedisset, eique res tradita esset, nec tutori avocabitur, cum venditio sit principaliter collata in extraneum.

JACOBI CUJACII J. C.

Ad Lib. IV. Codicis,

RECITATIONES SOLEMNES

Ad Tit. XXXIX. De hereditate, vel actione vendita.

De hereditate vendita est l. 1. 2. 4. 5. et 6. de actione vendita est l. 3. 7. 8. et 9. Si hæres

hereditatem vendiderit, non ideo liberatur a creditoribus hereditariis, vel legatariis, vel fideicommissariis, imo eis respondere cogitur cum sit hæres. Nam vendendo non desinit esse hæres: emptor vero hereditatis, invitus non respondebit creditoribus hereditariis, volens respondebit, et excipiet illorum actiones: quo casu si cum emptore volente agant creditores hereditarii, tacite videntur pacti, ne agant cum venditore. Ideo electio emptoris proficit venditori ad exceptionem taciti pacti, l. 2. *supra, de pact.* Quod si emptor nolit suscipere actiones creditorum, tunc necessario venient ad venditorem quasi hæredem. Verum quod venditor eis præstiterit, dederit, solverit, id ab emptore hereditatis recipiet, l. 2. *inf. de legat.* Recipiet id, in quam, actione ex vendito, vel etiam ex stipulatu actione. Nam solent de hac re interponi stipulationes inter hereditatis venditorem et emptorem, et venditor promittit, quanta pecunia ex hereditate ad se pervenerit, tantum emptori redditurum. Emptor contra promittit quantam pecuniam venditor præstiterit, et solverit hereditario nomine creditoribus, tantum se præstaturum venditori. Nam id agitur hac venditione hereditatis, ut in emptorem hereditatis omnia commoda et damna transeant. Hæc ostenduntur in l. 2. §. sicut, et l. si ex pluribus, ff. de hæred. l. vel act. vend. Ergo quod solverit venditor, cum quo solo est actio, licet hereditatem vendiderit, id repetet ab emptore actione ex vendito, vel stipulatu, vel si nondum quid solverit creditoribus hereditariis, in hoc aget venditor actione ex vendito cum emptore, ut emptor suscipiat defensionem venditoris adversus creditores hereditarios, argumento l. hereditatem, de donat. de qua l. diximus in tit. de condict. ob caus. dat. Vel agat cum emptore actione ex vendito, ut caveat emptor se creditoribus hereditariis satisfacturum. Nam hoc est commune omnibus bonæ fidei actionibus, ut agatur eis ad interponendam cautionem, vel si ita res ferat, satisfactionem. Hoc tamen casu venditor agat, ut caveat se satisfacturum, non etiam ut satisfaciat, nisi ab initio ita convenerit, l. 2. *hoc tit.* Hoc ibi exprimitur eleganter. Nam natura emptionis et venditionis hæc est, ut nulla ex parte satisfactiones interponantur, sed repromissiones, et cautiones nudæ, nisi aliud convenerit, l. pacta, de contrah. empt. et vendit. Et ita etiam agit emptor, ut caveatur, non ut satisfacatur de evictione, nisi ita convenerit. Sic merito ait l. 2. *hoc tit.* in specie proposita venditori non dari actionem ad satisfactionem ullam exigendam de absolvendis creditoribus hereditariis, de qua initio conventum non est, dabitur tamen ad exigendam repromissionem. Querret aliquis an uti-

les actiones in emptorem hereditatis creditores habeant? Minime. Nam nulla lege, aut senatusconsulto id expressum est. Ipse quidem emptor hereditatis habet actiones utiles in debitores hereditarios sine cessione ex constitutione Divi Pii, *l. si cum emptore, D. de pact. l. 5. hoc. tit.* vel habet directas ex cessione, quam etiam flagitabit actione ex empto: verum in eum non competunt actiones utiles. Itaque emptor hereditatis non est per omnia similis fideicommissario hereditatis. Nam fideicommissario et in fideicommissarium hereditatis competunt actiones utiles ex senatusconsulto Trebelliano: emptori hereditatis competunt utiles ex constitutione Divi Pii: in emptorem non competunt utiles, quia deficit constitutio: nihil temere constituendum est sine constitutione. Excipiendus autem est fiscus ab hac definitione: nam si ad fiscum pervenerit hereditas caduca, aut vacans, et eam vendat, jam creditores hereditarii cum fisco, qui hereditatem vendidit, non agent, sed cum emptore utili actione, *l. 1. hoc. tit. l. cum qui bona, D. de jure fisci*. Opponitur huic exceptioni *lex 2. et 3. inf. de quadrienn. præscript.* quæ leges tuerentur eos, qui a fisco emunt, et eos liberant omnibus actionibus tam in rem, quam in personam. Et ait *lex 3.* adversus emptorem cessat omnis motus, id est, actio, ut Græce *κίνησις*, et *κίνησις*, id est, agere. Sic eadem lex ait, *cum moventur*, id est, agatur, et *lex 3. in fine, de præscript. 30. vel 40. annorum*. Igitur in emptorem cessat omnis actio. Dant igitur illæ leges illi, qui emit a fisco, securitatem plenissimam, etiamsi vendiderit fiscus rem alienam, quia dominus cum fisco, non cum emptore aget. Emptori datur perpetua securitas. His videtur pugnare, quæ dicit, fisco hereditatem vendente dari actionem in emptorem. Ergo quicumque emit a fisco, non est securus. Sed hæc non pugnant: nam *lex 2. et 3.* dant securitatem emptoribus, cum quibus agitur de proprietate, et hypotheca rerum, quæ venditæ sunt, *§. ult. Institut. de usurap.* ne scilicet hoc genere res illis avocentur: de statu cum eis agi potest: ut si vendiderint ancillam, *l. 3. inf. de liber. caus.* Et sic recte Thalelæus ad *dirt. l. 3.* Sic etiam hereditate vendita a fisco, cum emptore agi potest de debito hereditario, vel legato, vel fideicommisso, quia non agitur de auferenda hereditate, de re liberanda. Sic recte Fulgosius hic: verum cum eo, qui emit a fisco hereditatem, quasi caducam et vacantem ex *l. 2. de quadrienn. præsc.* postea non agetur petitione hereditatis, ne auferatur hereditas. Itaque recte idem Fulgosius dicit *d. l. secundam corrigere legem nec ullam, §. item si quis a fisco, de petit. heredit.* quæ dat petitio-

nem hereditatis in eum, qui emit a fisco hereditatem, quod est contra sententiam *l. 2.* Igitur ex ea *l. 2.* si fiscus vendiderit hereditatem quasi caducam et vacantem, is, ad quem pertinet hereditas, jure aget cum fisco intra quadriennium, cum emptore non aget de hereditate ipsa: sed si hereditas fuerit fere caduca, et jure vendita, aget cum emptore quilibet creditor hereditarius, vel legatarius, vel fideicommissarius. Certum est etiam quod ante constitutionem Zenonis securitas data fuit emptoribus, qui emissent a fisco occupante bona debitorum suorum, et distrahente sorte ob non solutas solemnes pensationes, vel tributa: si quis emisset hæc bona ob eam causam securus erat emptor, etiamsi res illæ aliis essent pignori obligatæ: nam fiscus semper censetur antiquior in hypotheca, *l. 2. infra, si propt. public. l. 1. inf. de capiend. et distrahend. pignor. tribut. cau.* Item si bona quædam sint confiscata sorte ex causa delicti, certum est etiam hoc casu ex jure veteri ante constitutionem Zenonis ea bona in fiscum transire sine ære alieno, et a fisco rursus in emptorem, nisi sint pignori obligata aliis quibusdam: quo casu fiscus tenetur, non emptor ex eadem constitutione Zenonis. Pertinet ad hanc speciem *l. 2. inf. de debitoribus civit.* Nam ait, si quis fisco locum fecerit, quod dicitur de his, quorum bona sunt publicata, *l. 3. de jure fisci, l. 3. Cod. Theod. de bonis proscriporum.*

Ad L. IV.

Qui nondum certus de quantitate hereditatis, persuadente emptore quasi exiguam quantitatem eam vendidit: bonæ fidei iudicio conveniri, ut res tradat, vel actiones mandet, non compellitur (nam) suo quoque jure eorum persecutionem habet.

Lex quarta est de dolo emptoris hereditatis. Si emptor hereditatis venditorem induxit dolo malo ut venderet, venditio ipso jure nulla est, quia dolus dedit causam contractui. Ideo rebus hereditariis traditis, venditori competit vindictio, vel condictio sine causa: rebus autem non traditis, emptor non habebit actionem ex empto, quia nulla est, *l. 4. hoc. tit.* At si vendituro hereditatem emptor persuasit, ut minori pretio venderet, affirmans, vel jurans hereditatem esse perexiguam, cujus vires heres ignorabat, hoc casu venditio valet: sed venditori datur actio ex vendito in id quod interest, vel in id quantum pluris est hereditas, *l. si quis affirmavit, D. de dolo.*

Ad L. VI.

. Qui tibi hereditatem vendidit, antequam res hereditarias traderet, dominus earum perseveravit, et ideo vendendo eas aliis, dominium transferre potuit. Sed quoniam contractus fidem fregit: ex empto actione conventus: quanti tua interest, prestare cogetur.

Lex 6. ostendit venditorem hereditatis, qui res hereditarias non tradidit, teneri emptori actione ex empto in id quod interest, si postea rem aliquam ex hereditate alii vendiderit, et tradiderit, rupta fide prioris venditionis: nam hic posterior emptor potior erit, cum ei prius traditam sit, et potuit vendere res hereditarias alteri, et jure eas vendidit, quoniam venditio uada dominium non transfert: qui vendidit, nec tradidit, dominus manet; ideoque recte alteri vendit, et si ea tradat, alter sit dominus. Coniunge hanc l. 6. cum l. 8. de his, qui a non domin. manum. sunt, quæ ait, idem esse dicendum, si venditor hereditatis postea ancillam hereditariam manumiserit: valet libertas, quia data est a domino, sed tenetur ex empto ad id quod interest. Nunc de actione vendita videndum. Constat actionem vendi posse tam in rem, quam in personam: et sicut emptor hereditatis habet actiones utiles sine cessione, et directas ex cessione; ita emptor singularium rerum actiones habet ex cessione directas, sine cessione utiles ad exemplum earum, quæ venditori competunt tam in personam, quam hypothecarias, l. 7. et 8. hoc tit. Lex 7. addit posse etiam actionem, vel nomen debitoris pignori obligari: quæ ex re datur creditori utilis actio in personam, videlicet in debitorem debitoris. At semper meminisse oportet in his casibus l. pen. sup. mand. ne scilicet emptor actionis plus ferat ex actione mandati, quam solverit pretii nomine, ut coercescent redemptiones, et redemptores litium. Igitur directæ actiones ex cessione competunt emptori, sive emiserit actionem in personam, seu in rem, actiones utiles etiam competunt in personam sine cessione. At de actionibus in rem dubitatum fuit, an emptor actionis in rem haberet actionem utilem sine cessione, quia venditio sola non transfert dominium, nec de eo præbet actionem sine mancipatione, traditione, vel cessione. Hoc recte definitur l. ult. hoc tit. quæ constituit utilem dari sine cessione ei, qui emisit actionem in rem. Notandum ex lege tertia actionis venditionem, et cessionem fieri invito debitore et ignorante, cui coniungenda est l. 1. de novationibus, inf. quæ lex addit, aliud esse in delegatione, quæ novandi causa non fit invito debitore: nam fit per stipulationem.

JACOBI CUJACII J. C.

In L. b. IV. Codicis

RECITATIONES SOLEMNES

Ad Tit. XL. et tres Titulos sequentes.

Quæ res venire non possunt, et quæ vendere, vel emere vetantur.

Quinque hujus tractatus sunt capita. Primum caput de purpura, et serico, secundum de annona populari et militari, tertium de armis et aliis quibusdam non exportandis, nec habendis, quartum de eunuchis, quintum de non distrahendis filiis: quod ad primum attinet, l. 1. hujus tit. commercio purpuræ, et confectioe privatis interdicat, sive tinctione, proposita pœna capitis, et omnium, bonorum confiscationis: ait autem, facandæ: recte Accur. id est, tingendæ, arg. l. 3. de vest. holoberis, l. ult. C. Theod. de muril. Purpura soli principi dicata est. Ea privati non utantur, ideoque ad usum principis tingendæ purpuræ jus est tantum certis concessum personis huic conditioni addictis, quæ Græcis dicuntur Baphii, tit. de muril. Sveton. scribit Neronem interdixisse usum Tyrii coloris purpuræ, et matronam vetita purpura coltam, non veste modo, sed bonis exuisse, ut l. 1. hoc t. Ocyus exuit bonis omnibus et emptorem et venditorem purpuræ. Sic l. pen. inf. de vestib. holoberis, interdicat privatis viris, et fœminis usum sericarum, purpurearum vestium, et purpurei usum. Hæc l. 1. non tantum purpuræ usum interdicat in serico, sed etiam in lana quolibet, et adjicit, quæ blatta, vel oxyblatta, vel hyacinthina, et hyantina dicitur. Sic jampridem ostendi legendum hyantina hoc loco, dum ait quæ, id est, quæ purpura, non quæ lana. Purpura dicitur blatta, unde blattæ vestes. Est et alia purpura, quæ dicitur oxyblatta, confecta ex splendidiore, et lucidiore colore, qui et blatta appellatur a veteribus. Alia purpura dicitur hyantina a violis Martiis ut in l. 70. si cui lana, §. ult. de leg. 3. quæ dicitur Tyrianthina a Vopisco in Car. Igitur lex interdicat privatis viris et fœminis usum purpuræ, id est, blattæ, oxyblattæ, hyanthinæ. Quæri potest, eo omnino non liceat privatis vestibus purpuram prætexere? Id definit Leo Imper. Nov. 80. quæ permittit usum vestium purpure prætextarum, et multo magis permittitur usus vestium serico prætextarum. Nam purpura fuit semper pretiosior auro et serico. Sericum fuit auro par, ut in l. Rhod. ca. 40. et a Vopisco in Aurel. libra,

inquit, *auri tunc libra serici fuit*. Purpureæ vestes viris et feminis interdiciuntur holoveræ, id est, holosericeæ, quod idem est: nam βῆρας sericum dicitur. Zonaras et Balsamon, in can. 12. Gangrensi βῆρας interpretantur σπυρὰ ὑπάρχοντα, et in ficta illa donatione Constantini scriptum est, Pontificem uti veris vestimentis, et vero Selocalino. Igitur vestes holoveræ interdiciuntur viris, non feminis, *l. pen. de vest. holov.* Vopiscus in Tacito: *viris omnibus interdixit holosericam vestem*, feminis nunquam fuerunt interdictæ, at purpureæ etiam feminis. Queri etiam potest de cocco grano tinctorio, an interdictum sit, quod granum scribunt purpuræ genus esse. Nam faciunt aliam purpuram violaceam, aliam coccinam: sed sequemur *legem si cui lana, §. ult.* quæ negat purpuræ appellatione coccum contineri. Igitur ejus usus non est interdictus, sub quo continetur etiam sericum, quod omnimodo non est interdictum privatis, cum usus serici indulgeatur matronis, *l. 2. hoc tit.* Id tamen prohibitum est, ne privati sericum emanent ab hostibus, ut a Persia, a quibus Romani sericum conficere didicerunt, et ut a barbaris sericum emere possit solus commerciorum comes. Fuit quidam commerciorum comes, qui fuit sub dispositione comitis largitionum: sine ejus auctoritate non recipiuntur alienigenæ, peregrini, et barbari mercatores, ut emanent aut vendant in solo Romano, *l. ult. de commer. et mercator.* Sine ejus auctoritate Romanus mercator nec sericum, nec aliud quidvis a Barbaris emit. Secundum caput est de annona populari, et militari. Alebat princeps populum Romanum præbitis panibus, qui dicebantur civiles: alebat et exercitum datis obsoniis. Proponitur in *l. 3. poena capitis*, si quis annonam populi Romani emerit, aut vendiderit, dum in litoribus navibus vehitur; quo pertinet *l. 2. et l. pen. de navic.* Vocant eam publicum canonem, id est, canonem frumentarium populo Romano alendo. Tandem poenam constituit in eum, qui quid emit ex annona militari in *l. 4. hoc tit.* Leo in *Nov. 60.* mutavit poenam capitis in poenam quadrupli.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. XLI. Quæ res exportari non debeant.

Tertium caput est de armis, et aliis quibusdam non efferendis, nec habendis, ut supra, et constituitur *l. 1. quæ res exportari non debeant*, ne ad barbaricum transferatur vinum vel oleum,

liquamen gustus, vel promercii causa: sic barbaricum dicit, ut nos hosticum. Eutropius, *utrumque in barbarico occisi sunt*. Liquamen Geroci interpretantur *βάρον*: rectissime: sic apud Vopiscum in Aureliano: *Liquamints sextarium unum*, id est, gari. Igitur ex *l. 1. vinum, oleum, garum*, vel oxygarum exportari non debent, Additur in *l. 2. ut barbaris nulla vendantur arma*, nulla tela nociva, vel alia, nihil ferri facti, vel infecti: et nominat specialiter loricas, arcus, sagittas, scuta spathas, et gladios, id est, semispathas, quæ dicuntur *παρὰκρίπτα*, *Nov. de armis. Veget. lib. 2. cap. 13. Gladios*, inquit, *maiores, quos vocant spathas; et alios minores, quos semispathas nominant.* Adulter etiam in *l. eodem, ff. de publ.* ne barbaris vendantur cotes ferro acuendo, ne fumenta, ne sales. In omnibus proponitur poena capitis quam poenam etiam in militem Leo mutavit *Nov. 63.* At generaliter sciendum est, commercio salis omnibus esse interdictum, non tantum inter Romanum et barbarum, sed etiam inter Romanos sine persona mancipum, id est, sine publicanis. Publicani autem sunt ii: qui salinas conduxerunt, quo etiam jure hodie utimur in Gallia, *l. si quis, de vect.* id est, nemo sales vendit, nisi manceps, aut is, cui id ipse permisit: nemo etiam sales emit, nisi a publicano et mancipe, aut de eo, cui ipse permiserit: sic etiam generaliter commercio cuilibet armorum interdicatur, idque non tantum *Nov. de armis*, sed etiam *leg. Julia de vi publica, et l. 1. inf. ut arm. usus, etc.* Ideo privatis non licet habere fabricam armorum, quia erant publicæ omnes fabricæ armorum, et in eis erant constituti certi fabricenses, qui milites, vel scholares vocabantur: erat enim una ex undecim scholis, qui soli poterant fabricare arma publica, et dicebantur deputati et statuti. Non licuit etiam privatis habere ferrariam. Est hac de re locus in *l. ult. §. magn. ff. de publ.* Qui §. etiam ostendit prædium, in quo quis ferrariam habuerit, fisco committi, si id habuerit sciente domino et dissimulante.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. XLII. De eunuchis.

Quartum caput est de Eunuc. ne scilicet spadones fiant. In quam rem proponitur in *l. 1. poena capitis*, et publicationis servi excisi, item hujus domus, in qua id commissum fuerit. At ex *Nov. 142.* servus castratus contra præceptum legis non

fit servus fisci, quod tamen lex 1. voluit, sed fit liber. Itemque ex Nov. Leonis 60. quæ quidem Nov. derogat Nov. Just. 142. Unus locus est in ea Nov. Just. notandus, dum præcipit ne spadones fiant in orbe Romano. Si, inquit, *barbari nostro præcepto paruerunt, non feram, ut mei etiam ei non pareant in orbe meo*: quem locum intellige de Abasdis, quos Just. Christianos fecit et præcepit ne spadones facerent. Id indicat Evagrius *l. b. 4. cap. 22*. Porro ea constitutio de spadonibus vetustissima est, et celebratur lex Domit. apud Svet. item Nervæ et Adriani, *l. 4. ad leg. Cornel. de sicar.* Et in eam rem senatusconsulta facta quædam sunt, *l. 3. §. et qui hominem, et l. 3. 6. cod.* At tres sunt exceptiones hujus interdicti. Unam ponit Just. martyr in 2. apol. pro Christianis: *ἀνευ τοῦ ἡγεμόνος διατρέχει*, id est, *sine permissu præsidis*, et eo fine quendam ex nostris preces, sive libellum Felici rectori Alexandrie obtulisse, etc. Aliam exceptionem ponit Zonaras in *Clement. can. 24.* nisi scilicet propter morbum in eam partem irrupentem, etc. quod etiam continetur Nov. Leonis 60. Tertia exceptio est in *l. 2. de eunuch.* si barbari in barbarico castrati sint, quorum commercium est: servorum Rom. gentis, etiamsi in barbarico castrati sint, non est commercium, et capite punitur emptor et venditor, et tabellio, qui instrumentum emptionis venditionis conscribit, sicut in specie *l. jubemus, §. his tabell. de sacrosanct. eccles.* Item ex *d. l. 2.* punitur publicanus, qui vectigal suscepit pro spadone, quasi pro merce, quia spado non est in merce, nisi sit barbarus, et in barbarico exsecutus. Et notat genus vectigalis, puta octavam, ex quo apparet mercium vectigal fuisse octavam quæstus causa, quod probat *l. 7. de vectigal. et commiss. l. 7. inf. de loc.* Svelonius ait, Caligulam exegisse hanc octavam vectigalis ex diurnis gerulorum quæstibus, id est, ex bajulorum diurnis quæstibus.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. XLIII. De patribus, qui filios suos distraxerunt.

Postremus casus est de filiis non distrahendis a parentibus, nec donandis, aut alio quovis modo alienandis, quod etiam indicat *l. ult. quæ res pign. obl. poss. vel non, Paul. lib. 5. sent. tit. 1. de liberali causa.* Ex XII. tabul. vendi poterant,

hodie non possunt, nisi cogat egestas victus causa, *l. 2. hoc tit.* Id est, si pater liberos non possit alere, duo hic exigimus, ut scilicet pater sit pauper, item ut desit educator, videlicet, qui vel gratuito filium alit: nam si adsit aliquis educator filii, vel si de publico sint alimenta constituta, non poterit pater ob egestatem suam solam filium distrahere: exigimus ut filio victus causa desit. Sed filii ex hac causa venditi servi sunt, nec de hoc dubitandum est, ut Accurs. dubitat. At Paulus in supradicto loco dicit, ingenuitati filii venditi non præjudicari, etsi necessitatis causa venditus sit. Id ita est accipiendum, ut explicat *l. 2. ut filius ob eam causam venditus, possit redimi reddito pretio emptori, vel servo vicario, et ita liberatus filius libertinus non fiet, sed suæ ingenuitati restituetur.* Ita ingenuitati deductio in servitutem non præjudicat. Preterea notandum quod ait *l. 2.* etiam filios sanguinolentos vendi posse, id est, recens natos, ut alias exposuimus in *tit. de infant. exposit. inf. l. 1. C. Theod. de expos.* Prudentius contra Symmach. quos sanguinol. edendi mos juvat. Donatus in Andria, a matre sanguinol. Denique redemptionem filii ita venditi *l. 2. publicam facit, vultque ut pateat omnibus, et ut quilibet possit ad emptionem accedere, sicut etiam prostitutarum redemptionem publicam facit, l. ult. inf. de spectac.* Querit Accurs. an ob eam etiam causam filios pignori obligari liceat? Respondit licere etiam. Id confirmat *l. 2. C. Theod. de alimen. quæ inop. paren. de publ. etc.* Querit an mater possit ex causa vendere? Recte respondit non posse: quia non habet potestatem in filium. Pater jure potestatis poterat vendere liberos ex 12. Tab. hodie non nisi alimentorum causa: sed hujus juris hoc etiam casu sola causa est patria potestas. Itaque idem jus non habet mater. Vide etiam quæ diximus in *l. 12. sup. de oblig. et act.*

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. XLIV. et XLV. De Rescindenda venditione, et quando liceat ab emptione discedere.

In hoc tit. proponuntur causæ, ex quibus venditio rescinditur, vel non. Et primo venditio rescinditur, si quis vi, aut metu coactus vendiderit, aut dolo adversarii deceptus et inductus, *l. 1. et 3. hoc tit.* qui scilicet non erat venditurus, nisi fuisset vis, dolus, vel metus illatus. Itaque vis, dolus, aut metus venditioni dedit

causam, et ob id ea rescinditur. Dicere: venditio est contractus bonæ fidei, dolus dans causam contractui bonæ fidei, vitiat ipso jure contractum, *l. et eleganter, de dolo, l. 4. de hered. vel actione vendita, sup. l. 3. §. ult. ff. pro soc. l. in causam 2. §. 1. de minorib.* Item vis et metus dans causam contractui bonæ fidei vitiat etiam ipso jure contractum. Nam et in vi dolus inest. Ideo semper actio de dolo cum actione de vi, aut metu concurret, *l. item si cum, §. cum qui, ff. quod metus causa gest. erit.* Plus dico, hic dolus, vel metus non tantum vitiat contractum bonæ fidei ipso jure, sed etiam ex strictis contractibus ipso jure vitiat dotis stipulationem, *l. si mulier, §. si dos, ff. quod metus causa.* Non aliam stipulationem vitiat, quia in aliis exceptione opus est, *l. si quis cum aliter, de verb. obligat.* Non eodem et pari jure stricto omnes contractus stricti censentur. In actionibus bonæ fidei veniunt usuræ ex mora. In strictis veniunt etiam ex mora in actione ex testamento, non in aliis. Item in actionibus bonæ fidei plerumque ignoranti parcitur, et in strictis etiam parcitur ignoranti, ut in conditione indebiti, et in condict. sine causa. Item in actionibus bonæ fidei dolus dans causam contractui, vitiat eum ipso jure, et stipulationem etiam dotis, ut jam dixi. Sic e contrario, in omnibus actionibus bonæ fidei, non semper est eadem æstimatio bonæ fidei, seu æquitatis. Id dixi *sup. tit. commod.* Verum ad rem. Si dolus dans causam venditioni, vitiat eam ipso jure, quid opus est rescissione? Dicamus: venditio duo significat, venditionem nudam, et venditionem, quæ traditione sumpsit effectum, id est, venditionem et alienationem domini. Venditio, cui dolus, vel metus dedit causam, ipso jure nulla est. Ideo ex ea nulla nascitur actio ultro citroque. Venditio et traditio, quibus dolus, aut metus causam dedit, agent rescissione: nam rescindi debet traditio, quæ intercessit, et restitui oportet omnia in integrum: venditio illa non rescinditur, sed traditio; et quidem si dolus dederit causam traditioni, erit actio de dolo, ut recte Accursius in *l. 4. sup. de heredit. vel act. vend.* vel rescissa traditione restituetur vindictio ei, qui suum dominium alienavit. Sic si metus dedit contractui causam, vel dabitur actio quod metus causa, vel rescissa traditione, restituetur dominium sic alienatum, *l. metum, §. volenti, D. quod met. causa.* Hæc quidem jure ordinario, vel extraordinario præses gesta rescindet, et auctoritatem suam interponet, *l. 1. et 3. hoc ipso tit.* Igitur de rescissione agetur, vel ordine, vel extra ordinem. Id etiam lex 1. exigat, ut qui vult traditionem rescindi, emptori restituant pretium quod accepit, et rem traditam recipiat: nam ex utraque parte omnia sunt in integrum restituenda, *l. 3. et 4. sup.*

de his, quæ vi metusque causa gesta sunt. Obstat *l. si per impressionem, eod. tit.* quæ ait, emptorem, qui metu illato venditionem extorsit, rem restituere non recepto pretio. Dicendum, eam legem specialiter loqui de iis, quæ vendita sunt officium publicum gerentibus hominibus, *per impressionem*, id est, officii et potestatis terrore adhibito. Qui gerunt officium publicum, quo loci id gerunt, legibus emere prohibentur, *l. non licet, et l. qui officii, ff. de contrah. empt. vendit.* et si emerint contra legum interdicta, amissione pretii puniuntur, id est, rem restituant non recepto pretio, quod declarat apertius *l. 1. Cod. Theod. de his, quæ administr. etc.* Alii autem, qui vi aut metu illato aliquid emerunt, pretium non admittunt. Itaque lex *si per impressionem* habet tantum locum in administrationibus, et officiis publicis. Nunc quero quid dicendum, si dolus non dederit causam contractui, an rescindatur venditio, si qua alia in re dolus fuerit? Finge me hereditatem venalem habuisse, cujus vires nesciebam, dolo emptoris, et suasionem circumscriptus et circumventus eam minoris vendidi, puta, emptore affirmante eam esse perexignam. Quid fiet? Dabitur mihi actio ex vendito, quanto pluris hereditas valet, *l. Julianus, §. per contrarium, ff. de act. on. emp. l. si quis affirmaverit, in princ. ff. de dolo.* Ita per actionem ex vendito rescindetur venditio pro parte, quod scilicet ad pretium attinet. Nam res vendita non revocatur, nec vindicatur. Et hoc est quod ait *l. 10. hic, in fin. in integrum restitutio*, inquit, *æstimationis rei competit*: sic enim legendum est, quæ duo verba, *æstimationis rei*, in quibusdam Codicibus desunt. Et est alia causa, ex qua rescinditur venditio, si res venierit justii pretii dimidio minoris, quæ est quæ ratio *l. 2.* Non pono rem venditam dimidio minoris dolo emptoris. Nam si dolus emptoris intervenierit, et si res non venierit dimidio minoris, sed vel dimidio tantum pretio, vel dimidio paulo pluris, non tamen justo pretio, competet rescissio pro parte, id est, competet in integrum restit. pretii. At pono dolum emptoris non intervenisse, sed in re ipsa esse fraudem, quia res justo pretio non venit: quero an ob id solum venditio rescindatur? Minime: quia dolus emptoris adest. Nam dolus ex quantitate pretii non æstimatur, sed ex calliditate et insidiis emptoris, *l. 8. hoc tit.* Ex manifestis insidiis, *l. dolum, sup. de dolo.* Ubi vulgo male *indiciis.* Græci eo loco, ἀπὸ ἐκβουλῆς: dolus æstimatur ex calliditate facti, *l. 10. hoc tit.*, id est, ex calliditate machinationis. Sic factum etiam accipitur in *l. 11. hoc tit.* Ex quantitate sola pretii, puta, quod res vilioris venierit, non æstimatur dolus. Ad id etiam pertinent *ll. 4. 11. 12. 15. hoc tit.* In *l. 12.* tollenda est negatio

illo loco, non vilioris pretii, idque apertum est. Lex ait, venditionem non rescindi, quod dicat venditor se rem vilioris vendidisse, cum maxime pecunia egeret, urgente aere alieno, vel mun. civili sibi injuncto, quod sumptum exigebat, si venditor dicat se hac necessitate coactum minoris vendidisse, non ideo venditio rescindetur. In l. 11. pro majus pretium, legendum, minus pretium: idque exposita sent. legis constabit. Proponit lex assertionem, deinde exemplum, seu speciem. Assertio hoc ostendit, venditorem de dolo emptoris post venditionem queri posse, si ignoraverit dolum tempore contractus: nam si tempore contractus venditor emptoris dolum audivit. et nihilominus vendiderit, secus est: quia dolus scienti non insertur. Hoc proposito, Imp. subjicit speciem his verbis, quæ omnino pendunt ex propositione: quæ species, ut sunt verba, est de dolo venditoris, quo adhibito venditor paulo majore pretio rem vendidit, non est de dolo emptoris cum esse debuerit, quia propositio est de dolo empt. non venditoris. Ut igitur species propositioni congruat, necessario ponendum est, dolo emptoris instrumento emptionis comprehensum esse minus pretium, quam case convenerat, idque sciente et consentiente venditore, ideoque ei non videtur illatus dolus, cum sciverit et consenserit. Denique hæc allegatio non est idonea ad rescindendam venditionem: at venditori competit petitio pretii non soluti. Item ei competit petitio pretii, de quo instrumento comprehensum est, ut compensaretur in pecuniam quasi debitam, quam venditor tamen non debebat emptori, sed id per errorem facti scriptum est, quod non officiet petitioni pretii. Ergo summa hæc sit: pretextu minoris pretii venditio non rescinditur, sicut nec locatio, si absit dolus: et in pretio emptionis licet se injrem circumscribere, l. in causæ 2. §. pen. de mih. hypothecarum, ut ait Nov. 97. c. 1. ut sit in mercimoniis. In d. §. pen. ait, naturaliter, id est, secundum naturam et substantiam ejus contractus, l. 8. hoc tit. Emptor emit quam minimo potest, venditor vendit quam maximo potest. Plerumque diu inter se de pretio disceptant, ad extremum consentiunt. Hæc studia non improbantur, si quis velit quam maximo vendere, vel quam minimo emere: sed hoc ita accipi debet, nisi si res dimidio minoris venierit, ut si res digna 20. venierit 8. at si res digna 20. venierit 10. non rescindetur, si 8. tantum, vel 9. rescindetur, l. 2. et 8. hoc tit. Non tamen omnino rescindetur ex hac causa, quia electio datur emptori, ut rem restituat, pretio recepto vel ut suppleat quod deest justo pretio, puta 12. cum emit tantum 8. ut actio Fabiana non omnino est rescissoria, l. 1. §. si quis in fraudem, D. si quid in fraud. patr. quia eadem electio em-

pliori dferitur d. l. 1. Queritur an etiam emptori subveniatur, si dimidio pluris emerit? Et ratio facit, licet non sit lege comprehensum, nec quisquam contradicit, ut emptori etiam subveniatur, eadem electione data venditori, ut vel pretium reddat quod accepit, et rem accipiat, vel ut quod soluto pretio superest, restituant, d. §. si quid in fraudem. At id etiam petitur exemplo demonstrari, quemadmodum emptor dimidio pluris emat. An si rem dignam 20. emat. 30. videbitur emisse dimidio pluris? minime: hoc casu venditio non rescinditur. Idque sic ostendo: sicut ex parte venditoris venditio non rescinditur, si pro re digna 20. 10. accipiat, quia pretium numeratum tanti est, quanti dimidia pars justii pretii: ita etiam ex parte emptoris venditio non rescinditur, si res tanti sit, quanti est dimidia pars pretii, quod est numeratum: et in specie proposita res est aliquanto plura. Nam res est 20. dimidia soluti pretii est 15. Igitur et si rem dignam 20. emerit 40. empt. non rescindetur venditio. Ita si rem dignam 10. emerit 16. vel 20. At si rem dignam 20. emerit 41. vel si rem dignam 10. emerit 21. rescindetur venditio, quia res vendita est minoris quam sit dimidium justii pretii. Hanc interpretationem attulit Accursius, sed deterioreni sequitur. Queritur etiam, qua actione rescindatur venditio ex hac causa. L. 2. dicit auctoritate judicis intercedente, id est, præsidia, quod sit extra ordinem, ut in l. 1. hoc tit. Actio ex vendito ordinaria dabitur, ut et in specie l. 10. At intra quæ tempora agatur ad rescissionem ex hac causa? standum est Harmenopulo 3. Epit. tit. 3. ut intra quadriennium agatur, quod expressum est Nov. Romani, quam refertur ab Harmenop. Et recte: quia hæc actio rescissoria restitutio est in integrum. Sicut et cum venditor dolo emptoris minoris vendidit, restitutio in integrum dicitur, l. 10. inf. hoc tit. Restitutiones in integrum hoc tempore concluduntur, id est, quadriennio, constitutionibus Gallicis decennio: ergo et hæc actio rescissoria quadriennio extinguitur. Et ita observatum fuisse scribit Eustathius lib. de temporib. tit. de quadrienn. Queritur in specie l. 2. an emptor etiam debeat reddere fructus perceptos, si nolit supplere quod pretio deest? Respondi in l. 2. sup. de usur. fructus compensari cum usuris pretii, idque servate proportionem: quia tantum pars justii pretii soluta est, et quidem dimidia minor, pars etiam fructuum pro rata veniet in compensationem, reliqua pars fructuum in restitutionem, argumento l. empt. D. de rei vindic. et ita Harmenop. lib. 3. tit. 3. vel etiam emptor restituet fructus omnes, ommissa compensatione, et recipiet pretium, quod numeravit cum usuris: ita est expressum in Novel. Romani,

in Græca scilicet: nam qui eam latinam fecit, sensum perturbavit. Quod si emptor malit pretium supplere, id debet supplere cum usuris medii temporis absque dubio. Nam fructus omnes interim percipit, *l. 2. sup. de usur.* Quæritur, quid juris sit in minoribus 25. annis ementibus et vendentibus. Nam *l. 2. et 8.* accipiendæ sunt de majoribus 25. annis, alia est causa minorum: nam si minor 25. annis rem suam jure vendidit viliori pretio, etiamsi ea fraus non superet dimidiam justii pretii, constat minori subveniri ex causa per restitutionem in integrum, *l. si quidem, de præd. min. inf.* Ideo recte dicitur *l. 13. hic, quisquis major,* inquit, etc. Nam aliud est in minore: verum quemadmodum minori subvenietur? an dabitur electio emptori, quæ defertur *l. 2.* sive minor dimidio minoris vendiderit, sive dimidio paulo pluris, sive dimidio tantum? Minime: quia in re fallitur Accurs. quia cum electio datur emptori, plena restitutio non est: minori autem datur restitutio plenissima ex edicto minoribus indulto, et rei vindicatione ei restituitur omnimodo. Sic cum dolo emptoris minoris pretii venditio facta est a majore 25. annis, venditio rescinditur, et reformatur ad aliquid, non in totum, ut diximus ex *l. 10. hic*: at cum facta est a minore 25. annis, venditio in totum rescinditur, *l. 1. sup. si adver. fisc.* Præterea quæritur, an hæc constitutio legis 2. habeat locum in aliis contractibus? Sic respondeo. Constat eam habere locum in locatione: ut si vides meas locavero justii pretii dimidio minoris: nam locatio quasi emptio est, conductor alias emptor dicitur, sive redemptor ut Festus scribit. Ideo veteres venditionis et emptionis verbo promiscue utebantur etiam in locatione et conductione, *l. veteres et l. idem est D. de act. empt.* In utroque contractu intervenit pretium. Ergo idem juris est hac in re in locatione et emptione. Item in permutatione, si ea fraus in permutando inciderit: nam ea est emptioni proxima. Idem dicemus in divisione rerum communium, si eadem fraus inciderit. Nam et hæc est emptioni vicina, *l. 1. sup. comm. utr. jud.* Divisio, est permutatio, *l. cum pater, §. hæreditatem, de legat. 2.* et nominatim Accursius in *l. 3. comm. utr. jud.* ait esse locum in divisione huic legi 2. et recte. Idem dicemus (licet repugnent quidam) esse locum huic constitutioni in emptione redituum. Nata est vera emptio: De ea in jure nostro est unus tantum locus in *Novella 160.* Constitutionem legis secundæ non proferemus temere ad alia negotia, quæ emptioni non sunt proxima: nam ait lex 2. hoc dari humane et benigne. Quod autem ita introductum est, non temere protrahemus ad consequentias, *l. qui negotia D. mand.* Quæritur etiam quæ

sit definitio justii pretii: verum hæc quæstio in facti probatione tantum consistit: igitur nihil ad nos, id tantum scimus in universam, æstimandam esse qualitatem rei venditæ, et quantitatem redituum. Nam ex quantitate redituum statuitur justum pretium, *l. 16. hoc t. l. si fundum per fidei-commissum, de legat. 1.* Postremo quæritur an beneficio ejus constitutionis possit renuntiari, nec ne: cur non? ut aliquando respondit Sævola: nam regula juris est, eo uti non licere, quod nobis nostra causa lex dedit, id est, unumquemque de suo jure detrachere posse, *l. pen. et l. potest, sup. de pact.* Sc mulier renuntiat Senatuse. Vellej. creditor actioni, debitor cuiilibet præscriptioni, minor restitutioni in integrum, condemnatus induciis hæres Ful. etiam recto venditor restitutioni concessæ a *l. 2. et 8. hoc t.* Eadem non est ratio rescissionis donationis, quæ fit supervenientibus liberis, *l. si unquam, de revoc. don.* Nam ea rescissio est introducta non tam donatoris, quam liberorum, et posterit. causa. Itaque ei non renuntiat donator in fraudem liberorum: quod lex mihi dedit non tam mea causa, quam aliena, ei frustra renuntio. Quod item lex mihi dedit alieno odio, ut Senatuse. Maced. ei frustra renuntiasse videor. Item quod *l. mihi omnino dedit mea causa,* ei frustra renuntio, si quid inde adversario possit esse incommodi: et ita Asconius in prætura urbana, quæ de causa etiam non renuntiat sociatæ, nec mandato. Tertio loco rescinditur venditio mutuo consensu re integra, *l. jurisgent. §. adeo, l. ab empt. D. de pact. l. 1. t. t. seq.* Et quidem rescinditur hoc modo ipso jure: nam pacti exceptio inest bonæ fidei judicio, *l. 3. ff. de rescind. vend.* Unius autem consensu non rescinditur invito altero, *l. 3. et 5. hoc t.* Dixi in *l. 4. sup. de obl. et act.* Ait *l. 5.* a majore 25. annis: nam a min. 25. annis etiamsi solus adversarii absit, et jure vend. facta sit, variis ex causis rescinditur vend. per restitutionem in integrum invito altero, sed non a majore. Res est integra, si nec pretium, vel pars pretii soluta, nec traditio rei facta sit: etiamsi fidejussor datus sit evictionis causa, vel etiamsi emptioni subdita sit stipulatio, *d. l. 3. de resc. vend.* etiam si arræ datæ sint, *l. 2. tit. seq.* De arræ diximus *tit. de fid. instr.* Ita re integra rescindetur venditio mutuo consensu, at re non integra non rescindetur mutuo consensu venditio: nisi etiam reponantur res in pristinum statum, id est, nisi retro detur res, quæ tradita est, vel pretium, quod numeratum est, quod etiam titulo sequenti ostenditur: nam solus consensus, id est, solum pactum non parit datæ pretii repetitionem, non parit exceptionem, sed ut emptionem resolvat, quod pactum præstare non potest. Quarto rescinditur venditio si

procurator fisci, vel Cæsarianus, id est, apparitor, rem debitoris fiscalis non solventis per gratiam viliori pretio addiderit emptori, *l. 16. hoc tit. l. pen. ff. eod.* Id ita demum fiet, si debitor fisco postea solverit integram debitam pecuniam: nam tunc fiscus resolvet emptionem, et pretium emptori restituet, *l. 3. inf. de jure fisci.* Quinto venditio rescinditur, si decurio, sive Curialis, quem constat obligatum esse muneribus civilibus, onera civilia vitans, bona sua omnia vendiderit, et fugerit: nam omnia bona revocantur, et fugitivus ipse si potest, et ei restituuntur intra annum utilem: post annum curiæ civitatis, quam deseruit addicuntur in *l. 51. inf. de decurionib.* quæ conjungenda cum *leg. penult. hoc*, quarum eadem est subscriptio et inscriptio. Sciens autem emptor punietur hoc casu amissione pretii, si emerit furtim, id est, sine decreto, sine autione publica, *l. 1. inf. de prædiis curial.* Ergo emptor pretium non recipiet et rem restituet: et id pretium non cedit lucro venditoris, quoniam est etiam in mala fide, et ut malæ fidei possessor non admittetur, sed rerario publico inferitur illud pretium, et ita Accursius existimat recte *d. l. pen. et l. 7. inf. de agricol. et censit.* Ultimo venditio rescinditur ex alia causa, quæ proponitur in *l. ult. hoc tit.* Hæc lex loquitur de Palatinis. Palatini semper in libris nostris sunt apparitores Comitum Thesaurorum, seu largitionum, seu Comitum rerum privatarum. Ideo lex ult. scripta est ad Comitum rerum privatarum, qui gubernat privata Principis negotia, quæ lex dum ait a privatis nostris, id est, ex privatis nostris, non dicit a privatis hominibus, sed a privatis nostris, ut Julianus in *epist. ad Ecebolum τὰ κτήματα* etc. id est, possessiones adjungi privatis nostris. In his privatis sunt mancipia, agri, aurum, argentum, vestes pretiosæ. Ea Palatini, qui eorum administrationi parent, emere vetantur: sicut tutor eadem ratione vetatur emere rem pupillarem, et curator, et procurator, et gestor rem domini, *l. si in empt. §. ult. de contrah. empt. et vend.* si ea privata Palatini emerint, venditio rescinditur, et pretii amissione mulctantur, nisi ea emerint ex autione publica, ut diximus in *tit. de contrah. empt. et vend.* Exposui causas, ex quibus venditio rescinditur. Non tamen rescinditur venditio prætextu vilioris pretii, nisi ea fraus super et dimidiam justii pretii, non rescinditur unius vultu voluntate, aut consensu, aut etiam rescripto principis, aut privilegio fiscali, id est, fiscus non rescindit suas venditiones, *l. 3. hoc tit.* non rescinditur etiam oblatione pretii, etiamsi venditor offerat duplum pretium, *l. 6. hoc tit.* non rescinditur privilegio militiæ, etiamsi miles offerat pretium, et impetraverit rescripto principis jus retra-

hende rei venditæ, *l. 7. hoc tit.* Non concedemus rescissionem venditionis hoc casu: rescriptum sorte sequemur illis tribus concurrentibus, militiæ, oblatione pretii, rescripto principis, ut adsigni est dicta *l. 7.* Sed si miles eo rescripto jus illud obtinuerit, et impetravit rescissionem, eodem jure adversus eum utentur, qui aliquid ei vendiderint: nam etiam illi revocabunt venditionem oblato pretio ex edicto quod quisque juris, etc. Quam in rem notanda valde, *d. l. 7. de rescind. vend.* Non rescinditur etiam venditio, si pretii nomine non sit soluta pecunia, sed data sint pecora in solum volenti: hæc etiam venditio non rescinditur hoc prætextu, *l. 9. hoc tit.* Non rescinditur etiam venditio si me vendente, cuidam emptori denuntiaverit ne rem emeret, et nihilominus perfecta venditio fuerit: nam ego hujus nuntiationis prætextu non revoco denuntiationem, etiamsi is, qui denuntiavit dominus sit, non ideo minus est perfecta venditio, *l. 13. hoc tit.* vox legis est, ne bonæ fidei contractus quolibet colore rescindatur. Postremo non rescinditur venditio, quod emptor dictæ legi non pareat, ut si convenerit, ut emptor solveret vectigal Reipublicæ, nec solverit, sed erit actio ex vendito, ut impleatur lex: hoc ostenditur in *l. 14. hoc tit.* de qua diximus in *tit. de cond. ob caus. dat.*

JACOBI CUJACII J. C.

In Lib. IV. Codicis.

RECITATIONES SOLEMNES

In Tit. XLV. Si propter publicas pensitat. etc.

His, quæ diximus nudius tertius de non rescindenda venditione, ex hoc titulo est addendum, non rescindi venditionem si quæ bona a fisco ob tributorum cessationem capta sint, et vendita, etiamsi dominus pretium eorum offerat, etiamsi ea bona pignoris jure alteri sint obligata: nam fiscus tacitam hypothecam habet semper, et in eo ob causam tributorum, semper antiquior esse intelligitur aliis creditoribus, *l. 1. hoc tit.* Rursus ea venditio fiscalis non rescinditur rescripto principis, vi, et auctoritate rescripti, nec beneficio ætatis, ut si minoris 25. annis bona venierint ob tributorum causam, *l. 3. de fide, et jure hasta fisco.* ob cessationem tributorum, seu canonum primum pignora capiuntur statim, si conventus et interpellatus per judicem, collator cessaverit in solutione solemnium pensitationum, *l. 3. h. t. l. 8. inf. de furt.* Deinde distrahuntur post duos menses a die capionis, ut Accursius tradit in *l. 1. de ca-*

prend. et distrah. pign. trib. causa, lib. 10. C. et probat l. 1. Cod. Theod. de distractione pignorum quæ tribut. Et ita distractis bonis debitorum fiscalium, emptoribus præstatur perpetua securitas, hæc est fides hastæ fiscalis. Excipitur causa l. 16. de rescind. vendit. Ideo lex secunda hoc titulo exigit, ut ea venditio fiat a fisco justo et vero pretio, et bona fide, et solemniter, id est, sub voce præconis, sub hasta, seu sub adnotatione Quæstoris, ut ait Tertullianus in Apologetico: et ut fiat auctoritate Præsidis, seu permissa vel etiam Procuratoris Cæsaris, alinquin rescindetur si quid horum defuerit reddito tributo, d. l. 16. et l. 1. et 2. inf. de fide, et ju. hastæ fisc. Idem etiam exigitur in l. 3. hoc tit. ne minoris indefensi, id est, tutorem, vel curatorem non habentis ob tributorum cessationem bona capiantur et distrahantur: qui locus est singularis. Venditio autem hæc nomine fisci ob has causas fit ab exactoribus, vel ut ait l. 3. fit ea venditio ab officialibus procuratoris summæ rei, id est a Cæsare, vel ab officialib. rectoris provincie, id est cohortal. Hæc l. procurat. summæ rei dicit procuratorem Cæsaris, ut in inscrip. legis dominicis, sup. ubi cau. fisc. ὁ τοῦ πρυτάνος πρύματος προεστίων, vide ad l. 3. de jure fisci, lib. 10. Cod. Euseb. lib. 7. cap. 13.

JACOBI CUJACII J. C.

In Lib. IV. Codicis,

RECITATIONES SOLEMNES.

Ad Tit. XLVII. Sine censu, vel reliquis fund. comparari non posse.

Multum interest utrum quis emit a fisco, an a domino: nam si a fisco emit rem alienam distrahentem, ob tributorum cessationem, vel ex alia causa, emit sine reliquorum onere, l. 1. inf. de fide et jure hastæ fisc. l. ult. de censib. l. 2. in fin. inf. de fund. rei privat. Sed valde obstat l. præd. D. de jure fisci, quæ ait, placere ut prædiis a fisco distractis reliqua tributorum sequantur emptorem. Quæ lex de tributo tantum videtur accipienda non de reliquis: non enim uteretur reliquorum verbo, vel si ut lex innuere videtur intelligatur etiam de reliquis, dicendum est id quandoque placuisse Principibus, quod indicat l. 1. Cod. Theod. de fisc. deb. Verum displicuisse posterioribus Imperatoribus, quo videlicet facilius fiscus emptorem inveniret. Itaque secundum posteriores constitutiones, cum, qui a fisco emit, sequitur futuri temporis tributum, non reliqua præteriti tem-

poris: at qui emit fundum a domino, censum, seu capitationem fundi agnoscere debet, et reliqua, quæ debebat venditor, l. 2. Cod. Theod. de contrah. emp. et vend. l. 2. h. t. Sine censu, id est, sine tributo, vel reliquis fundus vendi non potest: pactiones contrarie illicitæ sunt, ut si conveniat inter emptorem et venditorem, ut non emptor sed venditor agnoscat fundi capitationem, hac conventionem jus fiscale ladi non potest, cum census sit onus prædiorum, non hominum. Et ideo possessorem prædiorum sequitur, l. Imperatores, D. de publican. Non valet etiam pactio facta inter donatorem et donatarium rerum donatarum, ne donatarius censum agnoscat, et fisco tributum præstet, l. 3. hoc tit. Non valent etiam hæc pactiones factæ inter virum et uxorem in dando fundo in dotem, puta, ne maritus censum fundi agnoscat, sed uxor: conventio injusta est, l. 1. hoc tit. l. neque, D. de impens. in res dot. factis. Igitur semper censum fundi agnoscit, qui eum possidet, et fructus percipit. Species legis primæ hæc est: Noverca cum patri meo fundum in dotem daret, pacta est, ut ipsa fisco tributa solveret, non pater meus: fiscus tamen ea tributa suo jure exegit a patre meo, non a muliere. Queritur soluto matrimonio morte patris an eo nomine, quod scilicet subierit onus tributorum, non mulier, ut convenerat, an eo nomine, inquam, competat mihi ul'a actio contra novercam ex pacto, vel stipulatione ei pacto subdita? l. negat actionem competere: Quoniam ea conventio penitus illicita est, ideo a Prætoribus non servatur. Idem esse ait lex, si muliere fundum æstimatum in dotem dederit, quo genere emptio venditio contrahitur inter virum et uxorem: nam æstimatio illa venditio est, l. plerumque, D. de jur. dot. Hoc vero casu etiam actio ex empto patri, vel mihi non competit: sicut superiore casu non est actio ex pacto, vel ex stipulatu. L. 1. ait actionem ex vendito, manifesto, ut ait Accursius pro actione ex empto vendito, quæ datur emptori, ut etiam in l. sed hoc nomine, et l. si cum venditor, §. si secundus D. de evict. contra etiam interdum actio empti, id est, venditi empti, vel actio ex empto, id est, vendito empto, l. Julianus, §. si procurator, D. de act. empt. et vend. Ergo hac lege prima negatur ob eam pactionem factam inter virum et uxorem in datione fundi æstimati, vel non æstimati esse actionem ex empto vel ex pacto, vel ex stipulatu. Notandum est diversum esse si inter debitorem et creditorem convenerit in dando pignore, ut debitor non creditor tributa agnosceret. Hæc pactio non omnino est inutilis: nam ea quidem pactione fisco non præjudicatur, quia nihilominus exiget creditorem fiscus, qui pignus possidet, l. inter debitorem, D. de pact. At inter

ipsos paciscentes ea pactio valet. Ideo quod creditor tributorum nomine fisco solverit, id consequetur vi pactionis per exceptionem, vel retentionem pignoris, vel per actionem pignoratitiam contrariam, *l. epistola, §. pactum, D. de pact. diversitatis causa est*, quia hac pactione onus transfertur in dominum, id est, in debitorem, qui dominus manet, dum cavetur ut debitor tributa agnoscat. Igitur justa est pactio. At illa pactione fundi dati in dotem destinati, vel inestimati, onus transfertur in non dominum, id est, in uxorem, quae desiit esse domina traditione fundi, quod est iniquum, ut non dominus census praestet alieni fundi, ideoque neque ea pactio fisco ledit, nec ei nocet, neque etiam inter ipsos paciscentes servatur, sed penitus improbat, quasi injusta et illicita fuerit. Diversum est quoque, si mulier in dotem fundum dedit, qui obligatus erat pignori quibusdam creditoribus, si pacta sit, ut ipsa usuras solveret ipsis creditoribus. Haec pactio justa est, quandoquidem ipsa debet usuras: si igitur paciscatur, ut ipsa solvat usuras, justa est pactio: verum si maritus accepto fundo solverit usuras creditori hypothecario mulieris, ne scilicet sibi fundus evinceretur actione Serviana: haeres ejus agat quidem cum muliere pro praeterito tempore, ut Accursius recte in *l. 11. sup. de pact.* sed pro futuro tempore non agat, ut ipsa usuras solvat, ut fundum liberet: quia fundus apud heredem mariti non remanet soluto matrimonio: Ideo cum fundus apud eum non remaneat, nihil ejus interest, eam pactionem in posterum servari. At si fundus apud heredem mariti remaneat, ut si datus sit aestimatus in dotem, tum agat haeres ex empto vendito, ut mulier fundum liberet. Haec duo genera pactorum, inter quae differentiam esse statuimus, Imp. Alexander eodem rescripto notavit, sed Tribonianus partem rescripti, quae pertinebat ad pactionem ut uxor census agnoscat, non maritus, quae pactio est illicita, hoc titulo posuit: alteram partem rescripti, quae pertinebat ad pactionem, ut uxor debitor solveret usuras creditori hypothecario, non maritus, quae pactio justa est, posuit sub titulo de pactis in *l. ex conventionem*, quam legem apparet ex his, quae diximus non pugnare cum hac *l. 1.* nam inter has duas pactiones constituenda est differentia. Qua tamen in re multum laboravit Accursius. Igitur sine censu et reliquis fundus vendi, donari, in dotem dari non potest, haec onera sequuntur fundum, et possessorem fundi: emptor, donatarius, maritus census agnoscent, pactiones contrariae penitus sunt illicitae inter creditorem et debitorem, non sunt penitus inutiles: *l. ultima* addit, ut huic sententiae etiam sit locus, si emptoris nomen nondum censualibus tabulis sit inscriptum, dum venditor fingit se adhuc possidere quod non possidet, et ita proficitur, dum census agi-

tur se eum fundum possidere, quem non possidet. Nam si de vero possessore fisco constiterit, ab eo fiscus census exigit potius, quam ab eo, qui se falso eum possidere proficitur.

JACOBI CUJACII J. C.

In Lib. IV. Codicis

RECITATIONES SOLEMNES.

Ad Titulum XLVIII. De periculo, et commodum rei vendit.

Primo ostenditur, ad quem pertineat periculum, vel commodum rei venditae, ad emptorem, vel venditorem, quae inspectio utilissima est: de ea tamen id vulgo traditur: Post perfectam venditionem, rei venditae periculum emptorem respicit, etiam re nondum tradita. Ideo re deteriore facta, vel perempta, ab eo pretium integrum deberi. Perficitur autem venditio solo consensu statim sine traditione, si pura sit venditio, quoniam si sit conditionalis, perficitur cum impleta fuerit conditio, *l. 7. D. de contrah. empt. et vendit.* Et ideo ante conditionem impletam commodum et periculum pertinet ad venditorem; post conditionem pertinet ad emptorem, *l. 8. hoc tit.* Dico periculum, id est, peremptionem rei venditae, interitum rei. Nam si res vendita non extet tempore existentis conditionis, emptio nulla est; et ideo pretii petitio non est, quasi res venditori perierit. At si tempore existentis conditionis, res vendita extet, deterior sorte facta, damnum ad emptorem pertinet, quia impleta conditione emptio retrahitur, tempus conditionis retrahitur ad tempus contractus, *l. necessario, D. eod. tit.* Perficitur venditio solo consensu si fiat sine scriptis, *l. 2. D. de contrah. empt. et vendit.* Quod si convenerit venditionem fieri ex scripto, tunc perficitur venditio, cum scriptura impleta fuerit, et ideo ante confectionem instrumenti; commodum et incommodum pertinet ad venditorem; post completionem, pertinet ad emptorem etiam ante traditionem, *l. 4. h. t.* Perficitur venditio solo consensu, nisi interveniat aliud, quod impediat, puta, nisi vinum veneat, cujus venditio quasi imperfecta est, antequam id emptor degustarit, id est, antequam emptori placuerit venditio. Itaque nisi post degustationem, periculum ad emptorem non pertinet, quia degustatione videtur perfecta ea venditio, *l. 1. D. eod. tit.* Hoc ita procedit, si vinum venierit aversione ἀρπάζειν, quod exposui in titulo *de exercit. act.* ut si venierit univrsum vinum, quod erat in horreo vinario, nullo expresso modo, vel mensura: ita venit aversione,

et periculum respicit emptorem post degustationem demum, non ante. At si vinum venierit ad mensuram, quod est contrarium aversioni, ut in singulis amphoras constituto pretio, ut plenissima sit venditio, non tantum exigimus degustationem, sed etiam adimensionem, *d. l. 1. et l. 2. hoc tit. l. quod saepe, §. in his, D. de contrah. empt. et vendit.* Et ideo nonnisi post mensuram factam periculum est emptoris, quoniam post adimensionem demum perficitur venditio, aut perfici intelligitur. Idem est non tantum in vino, sed etiam in oleo, frumento, et similibus. Et etiam in fundo, ut si fundus venierit, non aversione, sed in singula jugera constituto pretio, aut in singulas centurias: nam antequam fiat mensura fundi, periculum pertinet ad venditorem; nisi causa majore interierit, *l. 2. et l. si in vendit. in fine, D. eod.* Post mensuram factam periculum est emptoris: et *l. 1. hoc tit.* dum ait, vini aversione venditi periculum esse emptoris, ponit etiam claves horrei vinarii fuisse emptori traditas, quod adjectum est ex abundanti, ut ait Accursius: quia ita emerat. Nam etiamsi claves horrei vinarii emptori tradite non sint, perfecta est venditio, et periculum ad emptorem pertinet, si modo vinum sit degustatum, clavium autem traditio pro rei traditione habetur, *l. clavib. ff. de contrah. empt. et vendit. l. 1. de crim. expilat. hered.* videlicet si fiat in tempore, ut si vendito vino, quod est in horreo, post degustationem tradantur claves cellæ vel horrei; sic etiam assignatio habetur pro traditione, ut si quis vino vendito, dolia assignaverit, *l. quod si neque ff. eod.* Sed etiam hoc ita si ea assignatio fiat post degustationem, *l. 1. §. 1. ff. eod.* Nam venditio ante degustationem perfecta esse non intelligitur, multo etiam minus intelligitur traditio intervenisse, id est, alienatio, sed postea venditione perfecta, vino degustato, tunc clavium traditio, vel assignatio pro rei traditione, et pro alienatione habebitur. Cum dico periculum esse emptoris, hoc dico, pretium integrum ab eo deberi, seu res sit perempta, seu diminuta. Cum dico periculum esse venditoris, dico ei pretium non deberi. Et quo casu dico periculum esse emptoris, hoc ita procedit, nisi venditor moram tradendæ rei fecerit, *l. 4. et ult. hoc tit.* quia ex mora venditor periculum sustinet, etiam perfecta venditione: ante moram, et perfecta venditione, emptoris est periculum indistincte. Contra, quo casu dico periculum esse venditoris, hoc ita procedit, nisi emptor moram interposuerit, *l. 2. hoc tit. l. si per emptorem, D. eod.* ut si vino vendito ad mensuram, emptor mensuræ faciendæ, et tollendi vini moram fecerit: ex emptore moræ periculum erit emptoris, id est, periculum acoris, mucoris, et fusionis, et fortuitum, aut fatale, ut

ostenditur in *d. l. si per emptorem, D. eod.* Rursus quo casu dico periculum esse emptoris, ita procedit, nisi dolo vel culpa venditoris rei periculum contigerit: venditor note traditionem alias præstat dolum tantum, ut si emptor moram interposuerit, tunc venditor non præstat culpam, sed dolum tantum, *d. l. si per emptorem, et l. i. lud, ff. eod. tit.* Vel si apud emptorem sit possessio rei venditæ precaria, vel conditionis jure, non emptionis jure, eo etiam casu venditor præstat dolum tantum, non culpam, *l. servi emptor, D. eod.* Alias venditor præstat dolum et culpam, id est, diligentiam boni patrisfamilias, *l. si res, D. eod. tit. l. quod saepe, §. si res, D. de contr. empt. et vendit.* Culpam cum dicimus, levem dicimus: lata culpa est proxima dolo, levissima est proxima casui, igitur culpa absolute est levis culpa. Alias venditor præstat etiam levissimam culpam, id est, extremam diligentiam, ut si vinum venierit ad mensuram, ante mensuram factam venditor præstat custodiam, *l. 1. §. sed et custodiam, D. eod. tit.* Quod recte Græci explicant lib. 53. *Basilicon, tit. 7. φυλάξιν ἀκριβέστατον*, id est, *Custodiam exactissimam.* Id etiam probatur *l. 2. D. eod. tit.* Itaque ante mensuram venditor præstabit periculum acoris, et mucoris, quod tamen est proximum fatali periculo. Quoniam sunt quedam remedia acescentis, et murescentis vini: ideoque hoc præstat. Item præstat periculum effusionis, ut si vinum sit effusum vasis pertusæ, casu quodam: nam debuit vasa lustrare, picare, ut diligentissimus patersam. Denique omnem culpam præstat ante mensuram, et omne periculum, excepto casu majore, ut chasinate, et latronum impetu. Igitur multum interest, an imperfecta sit venditio, vel quasi imperfecta. Est quasi imperfecta si vinum venierit ad mensuram, et nondum sit admensum, illa venditio est quasi imperfecta, *d. l. 1. §. sed et custodiam.* Priusquam vinum admetiatur, quasi nondum venit. Si venditio sit penitus imperfecta, et res perierit casu majore, periculum est venditoris, et pretium ei non debetur. Si sit quasi imperfecta, et res casu majore, sive damno fatali perierit, periculum est emptoris, et ab eo pretium peti potest. Rursus multum interest utrum venditio sit perfecta, an quasi perfecta: quasi perfecta est, quæ et quasi imperfecta est, si venditio sit perfecta, venditor non præstat omnem culpam, si sit quasi perfecta venditor præstat omnem culpam. Ex his intelligitur ratio differentie. De dolo venditoris est quedam sententia legis tertie, hoc titulo: Dolum venditoris bonæ fidei emptori non nocere; quæ sententia latius patet, quam ut possit adstringi ad tractatum hunc. Ejus est exemplum in *l. qui a debitore, D. quæ in fraud. creditor.* Species est: Si quis sciens rem emit a frau-

datore mala fide tenetur actione Pauliana. Rursus qui ab isto male fidei emptore emit bona fide, non tenetur Pauliana, quia mala fides seu dolus venditoris bonæ fidei emptori nocere non debet. Sciendum quoque, post perfectam venditionem, re percepta sine dolo vel culpa venditoris, periculum esse emptoris, nisi ex præterito vitio, quod fuit ante venditionem, et ignoravit emptor, res perierit, *l. ult. hoc tit.* Cui exceptioni locus est, etiamsi res tradita sit emptori, et perierit post traditionem ex præterito vitio, dummodo id ignoravit emptor. Et generaliter ex præcedenti causa amissa, vel evicta rei venditæ, vel amissionis, *l. 1. hic*, quæ addit ita de eum periculum evictionis præstari ab auctore: si controversia emptori mota de re emptâ et tradita emptor auctori, id est, venditori denuntiaverit, ut liti subsisteret, id est, si laudaverit venditorem: illaudatus auctor non sustinet periculum evictionis, *l. 7. et 8. inf. de evict.* Additur etiam in *l. 1. hoc tit.* venditorem non teneri de evictione si emptor sit condemnatus *μωροῦς*, id est, absens, quod explicatur latius *l. si ideo, D. de evict.* Præcipua sententia legis primæ hæc est, post perfectam venditionem ad venditorem non pertinere nisi periculum evictionis, alia pericula respicere emptorem.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. XLIX. De actionibus empti, et venditi.

Ex contracto emptionis, et venditionis, due nascuntur actiones directæ: actio empti, et actio venditi: de actione venditi dicamus. Actio venditi datur venditori. In hac actione venit pretium quantitas venit. Hæc actio sola est de pretio. Si id non solvatur, ob cessationem pretii, venditori non datur rei venditæ et traditæ vindicatio, *l. 1. hoc tit.* quia rei dominium est mutatum, quando scilicet res tradita est transferendi dominii animo, fide habita de pretio. Idem ostendit lex 2. pretium scilicet vel partem pretii non solutam venire in actionem ex vendito. Et non tantum pretium, quod solutum non est, sed etiam pretium, quod per errorem facti, vel per fraudem emptoris inter contrahentes compensari placuit, quasi in quantitatem debitam a venditore, quæ vere non debebatur: nam compensatio est vice solutionis, et videtur solutum pretium, quod ita placuit compensari: sed error facti debitorem excusabit, ideo de pretio ager actione ex vendito. Idem ostenditur in *l. 11. sup. de rescind. vendit.* Item est

actio ex vendito de pretio, si emptor pretium solverit ex pecunia venditoris, ut servo vendito sine peculio si solverit emptor nummos peculiares, nil videtur actum quia solvit nummos venditoris; et ideo competit actio ex vendito de pretio, *l. 7. h. l. l. 1. si servus est. se emi mand.* Addendum est ex *l. 2. hoc tit.* in actionem ex vendito venire fructus ante venditionem perceptos, quos emptor occupavit quasi sibi venditos, cum hi venditione non comprehendantur. Ob id veniunt in actionem ex vendito, quia ab emptore sunt occupati quasi venditi, ut scilicet, quod occupavit quasi accesserit venditioni fundi, cum non sit accessio, restituat venditori. Sic servo vendito sine peculio peculium, quod ad emptorem pervenit, venit in actionem ex vendito, *l. quoties, et l. seq. D. de contr. empt. et vendit.* Competit etiam his casibus venditori vindicatio fructuum, vel peculii. At de pretio agit tantum venditi actione, non rei traditæ vindicatione. Addendum, in actionem ex vendito venire etiam usuras pretii ex mora, vel ex pacto sine mora, *l. initio, inf. de pact. inter emptor. et vendit.* vel ex tempore traditionis rei venditæ sine interpellatione, *l. 5. et 13. hoc tit.* Et diximus in *l. 2. sup. de usur.* re ipsa, id est, sine interpellatione mora fit, si pretium non solvatur post diem traditionis rei venditæ. Item re ipsa minori 25. annis rem distrahenti emptor moram facit, etiam non interpellatus, *l. 5. hoc ipso tit.* Cum qua conjunge leg. 3. sup. in quib. caus. in integr. rest. non est necess. quæ lex generaliter statuit, minoribus re ipsa debitores moram facere sine interpellatione in his casibus, qui moram desiderant, ut in bonæ fidei contractibus, legatis, fideicommissis: addatur et libertatibus *l. cum vero, §. certe, D. de fideicommiss. libert.* Addendum etiam in actionem ex vendito sumptus venire, quos venditor fecit in rem venditam post perfectam venditionem, *l. penult. hoc tit. l. Julianus, §. præterea, D. eod. tit.* Imo vero et si post venditionem perfectam ante traditionem servus venditus mortem obierit sine dolo aut culpa venditoris, et aliquid venditor in funus servi impenderit, id consequetur actione ex vendito. Servus emptori perit. Postremo actione ex vendito venditio rescinditur interdum, ut et actione ex empto, ut diximus in *l. 2. et 10. sup. de rescind. vend.* Sed id non fit facile, ut ait lex 6. h. l. non facile datur ex vendito ad rescindendam venditionem, id est, non nisi ex iustissima restitutionis causa. Nunc dicamus de actione empti. Actio empti sive ex empto datur emptori. In hanc actionem id principaliter venit, ut rei venditæ vacua possessio tradatur emptori omnimodo: nam potest in id agi districte, ut tradat venditor hanc vacuum possessionem rei venditæ, venditor præstare debet omnimodo, *l. 8. hoc tit. l. cum res, sup. de probat. l. 2. D. eod.* Ubi etiam ostenditur quid sit vacua possessio, *l. 2. inf. de*

acquir. possess. l. 13. de distract pignor. inf. Et ita venditor tradita emptori possessione dominium rei vendite transfert in emptorem si dominus sit, si dominus non sit, possessionem eandem transfert, quam habebat, et sustinet periculum evictionis, et tenetur etiam doli nomine, si sciens vendiderit rem alienam, *l. 1. D. de rer. permut.* utraque actione empti et venditi vindicatur dolus malus, quia utraque est bonæ fidei. Traditio dominium transfert, non tantum naturalis, sed etiam ficta, ut clavium traditio, aut instrumenti auctoritatis traditio, *l. 1. inf. de donat.* Item adsignatio. Item usufructus retentio, qua hodie utimur frequenter, *l. quisquis, inf. de donat.* Item venditio facta in rem presentem, ficta traditio est. Sola autem venditio dominium non mutat, *l. 11. hoc tit. l. 6. de hered. vend.* Sola etiam vectigalis, seu tributis pensatio non est idoneum argumentum tradite possessionis: ut si emptor, quod solverit tributum rei vendite, ex eo velit probare se esse possessorem: hæc probatio non est idonea *l. 8. hoc tit. l. ult. sup. sine censu, et rel.* Addendum, in actionem ex empto venire etiam id quod interest ex mora, ob rem non traditam, si emptor malit consequi quod interest, quam directe consequi rem, *l. 4. hoc tit.* Vel si res vendita tradita non sit ad diem præstitutum, *l. 10. hoc tit.* vel etiam si ancilla vendita, nec tradita, a venditore sit manumissa, *l. 11. hoc tit.* Manumissio non revocabitur, sed aget emptor ad id quod interest ancillam manumissam esse. Ancilla autem manumissione est facta civis Romana, quia ut ait *l. 10.* venditor erat ante traditionem pleno jure dominus. Et ita in *l. generaliter qui et a quibus manumiss. lib. non fiant.* Servus, inquit, pignori datus, est debitoris pleno jure, ideo manumittendo plenam libertatem præstat, id est, civitatem Romanam. Qui non erat pleno jure dominus, manumittendo non præstabat civitatem Romanam, sed Latinam, vel dedititiam ante Justinianum. Item si venditum frumentum non tradatur, idque per venditorem fiat ex mora, actione empti amplior frumenti modus exigetur, quasi pro usuris, vel etiam ex pacto. Quam in rem valde notanda est *l. 13. hoc tit.* ut scilicet quis posset dicere, sicut in actionem ex vendito veniunt usure ex mora; ita etiam dari posse casum, quo veniant usure in actionem ex empto, *l. 13.* Addendum etiam actione ex empto repeti arras, quas dedit emptor, non etiam vindicari, *l. 3. hic.* Ex arrali pacto, inquit, personalis duntaxat actio, id est actio ex empto (ut sæpe hic accipitur) non vindicatio paciscentibus præparatur, id est, formatur. Et generaliter pactiones ultro citroque formant actiones ex empto et vendito, *l. 14. de rescind. vendit. sup. et in tit. de pact. inter. empt. et vendit. compos.* Ad-

datur etiam actione ex empto interdum agi quanto minoris, quæ dicitur æstimatoria, est actio ex empto, rescissoria, æstimatoria, et redhibitoria, *l. ex emp. §. redhibitionem, D. de act. emp.* Esse actionem ex empto æstimatoriam quanti minoris ostendit *l. 9. hoc tit.* Sic e contrario nonnunquam actio ex vendito est quanto pluris, quæ etiam dicitur æstimatoria, *l. Julianus, §. per contrarium, D. de act. emp.* Species legis 9. hæc est: venditor in vendendo fundo dixit, minorem esse capitationem fundi, id est censum, seu tributum, Græci vertunt *εὐρεδν* in hac *l. 1.* quod scilicet præstatur pro colonis, et mancipiis, quæ sunt in fundo, quæ etiam dicitur functio animalis, *l. cum satis, inf. de agric. et censit.* Et ita etiam capitatio accipitur in *l. ult. Cod. Theod. sine censu, et reliquis, etc.* Et a Sidonio ad Majorianum Imp. *Sic capita ut vivam, tu mihi tolle tua.* Igitur venditor dixit fundi esse minorem capitationem, inventa est esse major, quid fiet? Si emptor sciebat majorem esse capitationem, quam diceretur, eo nomine nulla ei datur actio ex empto, quia scienti fraus non inferitur. Si ignoraverit, competit ei actio ex empto æstimatoria quanto minoris emisset, quæ actio dabitur seu id scierit venditor, seu ignoraverit: in venditore non distinguimus, in emptore distinguimus, sciens non agit, ignorans agit, *l. Imperatores, D. de publico ait, si emptores ignoraverint censum, actionem ex empt. habent.* Vulgo male, exemplo: imo videtur etiam distinguendum in venditore, *l. si sterilis, §. 1. D. rod.* Species est: venditor de tributo et onere fundi nil dixit, sciens tenetur ex empto, ignorans non tenetur: ut si vendiderit prædium hereditarium, cujus qualitatem ignoravit. Respondendum est, quæ una est ex solutionibus Accurs. in specie *l. 9.* dixit venditor capitationem esse minorem, ideo ex dicto tenetur actione ex empto, quæ plerumque ita appellatur adversus dictum promissumque, in *tit. de edil. edic.* duobus locis, quorum unus est in *l. 1.* et in *tit. de dolo, l. pen. D.* At in specie *l. si sterilis*, venditor nihil dixit, et ideo non tenetur nisi ex scientia, (*) Præterea in actionem ex empto veniunt fructus, sætus, et partus post perfectam venditionem, *l. 13. et l. pen. hoc tit.* Et generaliter omne commodum, quod, rei venditæ accessit post perfectam venditionem, cum etiam emptor omne periculum sustineat, et onus functionum publicarum, et capitationum *d. l. 13.* Sed emptor periculum sustinet etiam ante traditionem, onus autem publicarum functionum non nisi post traditionem. Fiogamus ex *l. 12. vinum cer-*

(*) Vide Merillium. *Varian. ex Cujac. lib. 1. cap. 26.*

te qualitate, ut optimum, venit averse, quo casu degustationem non exigimus, cum de qualitate constet. Hoc vinum est admensum, id est, ex dolis in amphoras est transfusum, nondum tamen sublatum est ab emptore. Queritur ejus sit periculum, si vinum corrumpatur, et mutatur in vappam? Constat periculum esse emptoris, cum sit perfecta venditio. Contra si augetur pretium vini post perfectam venditionem, hoc commodum est emptoris. Itaque si auctor, id est, venditor aucto vini pretio jam volit vinum tradere, quod eo nomine pluris intersit emptoris quod interim pretium vini creverit, actione ex empto crescet aestimatio ejus quod interest, quæ non exigetur admodum pretii, sed statuetur iudicis arbitrio, et plerumque egredietur vini pretium, *l. 1. de action. emp.* Cum crescit pretium rei venditæ, augetur etiam aestimatio ejus quod interest. Addendum etiam, in hoc agi actione ex empto, ut caveatur cautione adilita emptori servum venditum sanum esse, noxiis et furtis esse solutum, non esse erronem, nec fugitivum, animalia vendita sana esse, bibere posse ut oportet, *l. ex empto, §. animalium, de action. emp. et l. 14. hic*, ait agi posse ut repromittat venditor de his omnibus, quia in hoc contractu neutra ex parte exigitur satisfactio nisi ita convenerit: repromissio, id est, nuda cautio sufficit. Adjicit *l. 13.* agi etiam ex empto, ut caveatur de tradenda re vendita ad diem. Postremo agitur etiam ex empto re evicta emptori jure iudicioque: quod si emptor dejectus sit de possessione fundi empti per vium a Titio, hoc casu non competit actio ex empto in venditorem, sed emptori competit interdictum unde vi in Titium, *l. ult. hoc. t.* Ex hac causa adversus venditorem non habet regressum, ex causa evictionis habet quia periculum evictionis venditor sustinet. Et hic locus ut singularis maxime notandus est.

JACOBI GUJACII J. C.

Ad Lib. IV. Codicis.

RECITATIONES SOLEMNES

Ad Tit. L. Si quis alteri etc.

Aut emit quis sibi, aut alteri. Si quis emit sibi, nihil interest sua, an aliena pecunia, suo, vel alieno nomine inscripto. Nam etiam si emit aliena pecunia, ut si mulier rem sibi emit pecunia mariti, non marito, sed mulieri datur actio ex empto, eique dominium ex traditione acquiritur, *l. 1. 6. et pen. hic*. Itaque marito non competit vindicatio rei

Tom. IX.

mulieri venditæ, et traditæ, sed datur tantum ei actio personalis in mulierem pecunie sue nomine, vel certi condictio, vel actio gestorum negotiorum, vel condictio sine causa: datur certi condictio, si eam pecuniam mulieri credidit: actio negotiorum gestorum datur, si negotium mulieris gerens eam pecuniam numeravit venditori: datur marito condictio sine causa si eam pecuniam mulieri donavit: nam ea donatio revocatur, *l. 9. inf. de donat. inter vir. et uxor.* Sic si socius omnium bonorum rem sibi emit ex pecunia communi, ea res non fit communis, sed acquiritur tantum ei, cui tradita est: potest quidem cogi pro socio actione ut communicetur ea res quæ sita communi pecunia, et ipso jure non fit communis. Ita recte Accursius ex *l. si quis societatem, D. pro soc.* A superiori definitione excipitur miles, ejus pecunia procurator, vel gestor negotiorum sibi quid emit. Item pupillus, et minor 25. annis, ejus pecunia tutor, vel curator aliquid sibi emit: nam his personis datur rei emptæ utilis vindicatio indistincte, sive tutor, curator, et procurator solvendo sit, sive non, *l. si ut proponis, sup. de rei vindic. l. 2. quando ex fact. tut.* aliis vero personis non datur vindicatio utilis, ne marito quidem aut socio, nisi in subsidium, puta emptore non existente solvendo, id est, emptore actione personali, quæ in eum competit, satisfacere nequeunte, *l. naor marito, D. de donat. inter vir. et uxor.* Sic concilia *l. res quæ, D. de jure dot. cum l. ex pecunia, inf. cod. tit.* Thalelæo auctore, et ex Latinis Cyno, ut scilicet non nisi marito non existente solvendo res emptæ ex pecunia dotali pro dotali habeatur, et vindicari possit utiliter quasi dotalis. Idem diximus de actione si certum petatur, *de reb. cred. sup. l. 2. si cert. pet.* Rursus pupillo, vel adolescenti non datur utilis vindicatio indistincte, nisi cum tutor, vel curator emit eorum pecunia: si enim extraneus emit pupilli pecunia, vel adolescentis, eis non dabitur vindicatio nisi in subsidium, id est, emptore non existente solvendo. Idem est in milite, ut scilicet ei non detur utilis vindicatio rei suæ pecunia emptæ, nisi cum procurator, aut gestor negotiorum ejus emit, *arg. actionis, si cert. petat. de reb. cred. l. si ego pecuniam, D. de reb. cred.* Si quis igitur, ut initio proposui, emit sibi fundum aliena pecunia, et traditum accipiat, ei dominium acquiritur, non ei: ejus pecunia fuit, *l. 6. sup. de rei vindic.* Item si soli ante traditionem competit actio ex empto, non auctori pecunie. Quod si emit tibi sub alterius nomine, et rem traditam sibi habeat? Finge: tu rem tibi emisti, et tabulis emptionis inscriptum est, Titium emisse, non te. Tibi res tradita est, tu rem tenes et possides. Titio autem traditæ sunt tabulæ emptionis, quibus etiam Titii

nomen est inscriptum. Hoc casu potior est rei possessor eo, qui tabulas possidet, id est, tibi, non Titio dominium acquiritur, *l. 4. §. 6. hoc tit. l. si filii, de donat. inter. vir. et uxor.* Et re nondum tradita tibi, non Titio competit actio ex empto. Igitur inscripto alieni nominis nihil facit, alii nihil juris tribuit: nam plerumque contrahentes nolunt sua nomina inscribi, *l. pupillus, §. ult. de auctor. tutor. l. pen. inf. de contrah. stipul. et ed. cto T. Justin. de Argentar. contract.* Item traditio tabularum emptionis dominium non transfert, etiamsi tradantur vero emptori: quamquam aliud sit in traditione tabularum auctoritatis venditoris: nam harum tabularum traditio si fiat vero emptori, dominium transfert, *l. 1. inf. de donat.* Et licet *lex §. hic* dicat pecunia propria emisse, idem tamen est si aliena pecunia emerit. Sed ut recte Accursius, propria pecunia dictum est, quia ita oreratur, ut Ulpianus interpretatur in *l. item veniunt, §. ait Senatus, de pet. hered.* Denique hic in re potest esse alius emptor, alius inscriptus instrumento emptionis. Item alius emptor, alius pecuniae auctor, et numerator, et generaliter nihil interest ejus, qui sibi emit rem, suum nomen, an alienum inscribat, suam, an alienam pecuniam numeret, nihil interest numeret ipse, vel alius, nihil interest an per se, an per procuratorem emit, quod attinet ad rationem acquirendi domini, vel possessionis: nam traditione rei venditae facta procuratori, alias per procuratorem acquiritur dominium solum, alias possessio sola, alias possessio et dominium, ut supra diximus in *tit. per quas personas.* At actionem ex empto per procuratorem non acquirit, *l. 7. hoc tit.* Per se acquirit actionem ex empto, item per nuntium, sicut per epistolam, *l. ult. hoc tit.* Procurator contrahit cum venditore, nuntius non contrahit, sicut epistola non contrahit, nuntius praestat vicem epistolae, et non contrahit cum venditore, sed nuntiat dominum contrahere: itaque quod per nuntium acquiro, id videor per meipsum acquirere, sicuti quod per epistolam: nuntius est epistola loquens, epistola est nuntius mutus. Si quis igitur alii emerit, ut procurator, aut negotiorum gestor nomine Titii, et venditor rem tradat Titio, vel procuratori, non Titii nomine, et deinde procurator eandem Titio tradat, vel etiam si venditor rem tradat procuratori, vel gestori nomine Titii quo casu nil interest, suo nomine acceperit procurator, an nomine Titii, ut diximus *sup. tit. per quas personas.* His omnibus modis Titio dominium acquiritur ex causa emptionis, sive ejus pecunia propria numerata sit venditori, sive aliena, *l. 2. et 3. hoc tit.* Et sive nomen Titii inscriptum sit, sive procuratoris. Itaque inscriptio nominis, vel pretii numeratio; non mutat substan-

tiam emptionis, sive quis sibi emit, sive alii. In actione ex empto differentia est: Nam qui sibi emit, acquirit sibi actionem ex empto: qui alii emit, nec sibi querit actionem ex empto, quia id non vult; nec alii, quia per liberam personam actio non acquiritur, *l. 6. et 7. in fin. hoc tit.* Verum is, qui alii alieno nomine emit, alii acquirit possessionem solem, vel cum dominio, vel etiam dominium solum: ut in eo tit. exposuimus.

JACOBI CUJACII J. C.

Ad Lib. IV. Codicis.

RECITATIONES SOLEMNES

Ad Tit. LI. De rebus alienis non alienandis.

Hoc ostenditur in hoc titulo, a non domino rem alienam alienari non posse, id est, ejus dominium non transferri. Et ideo si non dominus rem alienam vendiderit, domino competit vindictio in emptorem, etiam si pretio non oblato, vel si emptor eam rem acceperit, cum emisset bona fide, tum in eum non erit vindictio, sed in venditorem domino dabitur actio negotiorum gestorum, ut reddat pretium, quod accepit ex re sua, quasi re ipsa suum negotium gesserit, *l. 1. hic, l. mater, sup. de rei vindicat.* et latius dicemus in *l. 1. seq. tit.* Hoc ita procedit, etiamsi dominus rei per imprudentiam signaverit instrumentum emptionis: haec subscriptio domino imprudenti non nocet, *l. 2. hic.* Scienti noceret haec signatio: haberetur enim pro consensu: constat autem consentiente domino rem alienam alienari. Continet etiam superior sententia exceptiones, puta, si quis rem alienam jure pignoris vendiderit, transfert dominium, *l. 4. hic.* Item si ob causationem tributorum Caesar annus rem vendiderit, vel quilibet alius officialis, quod etiam fit jure tacite hypothecae *l. 6. hoc tit.* dominium transfert in emptorem. Item si dominus rei venditori successerit, *l. 3. hoc tit.* Nam etsi dominus rei vindicet ab emptore rem suo nomine, non hereditario, repellitur exceptione doli, quod debeat heres prestare factum defuncti, et rata habere quae fecit defunctus: vel re ab eo evicta emptori hujus exceptionis non habita ratione, vel hac exceptione omissa, emptori in eum dabitur actio ex empto evictionis nomine in id quod interest, *l. Seja, ff. de evict.* quae res facit, ut omnino rata sit venditio rei alicuius si dominus venditori successerit. Secunda pars est de prohibita rerum alienatione, vel hypotheca, in qua idem prorsus continetur, quod in tit. *Inst. l. quib. alien. lic. vel non,* non dominum rem alienam alienare posse, puta jure

pignoris, dominum interdum rem suam alienare non posse: alienatione domino interdicat alias lex, alias testatoris voluntas, alias pactio contrahentis, quæ alienatio si fiat a domino contra prohibitionem, quæritur an valeat: et id exposuimus in *l. 3. sup. de conduct. ob caus. dat.* Prohibitæ a lege alienationis sunt innumera exempla. Pupillus sine tutore non alio est. Marito *l. Julia* fundi dotalis alienationem interdicat, quævis sit dominus. Senatusconsulto prohibetur alienatio prædiorum pupilli, etiamsi id fiat tutore vel curatore auctore: constitutionibus prohibetur alienatio prædiorum Ecclesiæ. Quid autem alienatione prohibita prohibita intelligatur, ostendit *lex ult. hoc tit.* Alienatio est omnis actus, per quem dominium transfertur, *l. 1. inf. de fun. dot.* Veluti traditio ex qualibet iusta causa, mancipatio, in jure cessio, atque ita alienationem definit Tullius in *Topiciis*. Solent legum auctores augere verborum significationem, ut hic Justinianus augeat significationem verbi alienationis, et prohibita alienatione lege, testamento, seu pactione, significat Justinianus non tantum contineri domini translationem, sed etiam servorum manumissionem, quæ non est translatio domini, sed peremptio. Item declarat eo verbo significari usufructus constitutionem, servitutum impositionem, hypothecam, pignus, et emphyteusicos contractus. Et hoc continetur *l. ult. inf. hoc ipso tit.* At dices, constitutionibus prohibetur alienatio prædiorum curialium, non tamen prohibetur omnis actus, per quem dominium transfertur: nam non prohibetur donatio, ut constat ex *tit. de præd. is curialium*. Respondendum est, ex hoc *l. ult.* ea omnia, quæ diximus, contineri verbo alienationis, nisi lege, vel pactione, vel testamento strictius accipiantur. Constitutiones id verbum strictè accipiunt in quaestione *de præd. is curialibus non alienandis*, in quaestione etiam *de rebus Ecclesiasticis non alienandis*. Constitutiones non omnino emphyteusim excludunt, quam tamen prohibita videtur, si late hoc verbum accipiat. Sed late accipitur hoc verbum, nisi aliud suadeat lex testatoris, aut contrahentium. Interdum etiam hoc verbo alienationis, sola venditio intelligitur, *l. 1. inf. de jure emphy.*

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. LII. De communium rerum alienatione.

Dicitur est supra rei alienæ alienationem non

esse, id est, in solidum alienæ. Idem dicamus de re communi, id est, de re pro parte aliena, ejus non esse alienationem: et alienationis verbum hic late accipiamus: nam non potest unus ex sociis præd. communi servitutem imponere, *l. 2. de servit.* Non potest id obligare inconsulto, vel ignorante socio, *l. si fratres, sup. comm. utriusq. judic.* ergo alienationis verbum hic etiam accipimus latissime. Si socius vendiderit rem communem in solidum, hoc casu alteri socio in emptorem datur rei vindicatio, per quam suam partem emptori evincet, ac deinde parte evicta, emptori dabitur in venditorem actio ex empto in id quod interest, si ignorans emerit rem communem, etiamsi de evictione nihil convenerit nominatim, vel si scieus emerit rem communem, deum dabitur actio ex empto evictionis nomine, si de evictione inter eos nominatim convenerit, *l. ult. hoc tit. l. vindicabit, de rei vindic. l. si fundum inf. de evict.* Datur autem alteri socio, qui non vendidit vindicatio tantum partis suæ in emptorem, etiam non oblato pretio emptori, *l. 3. sup. de rei vind.* Partis autem venditoris vindicatio ei non datur: pro ea parte venditio tenet, etiamsi pretium ejus partis offerat, etiamsi miles sit, *l. 4. hoc tit.* Ergo rei communis alienatio non est in solidum. At quid fiet si emptor rei communis totius rei dominium acquisierit usucapione, vel longi temporis præscriptione, usucapione quidem in Italia, præscriptione longi temporis in provinciis? sic enim hoc accipiendum est jure antiquo. Et sic recte Fulginius. Sic accipe legem 2. tit. præcedent. Tunc vero alteri socio in emptorem non competit vindicatio, sed tunc socio in socium, qui vendidit datur actio familie eriscundæ, vel communi dividendo, *l. inter cohæredes, §. si duo cohæredes, D. famil. erisc.* et in *l. 1. hoc tit.* quæ usucapionem, vel præscriptionem longi temporis vocat jus receptum. Certum autem est socium invito alteri posse suam partem vendere, et quidem cuilibet: nam non cogitur socius in venditione aut alienatione suæ partis, quasi quodam jure præcipiente, socium præferre extraneo, *l. 3. hoc tit.* Quam conjunge cum *l. 8. sup. de actionib. emp.* Vendere, inquam, potest cuilibet partem suam, antequam acceptum sit judicium communi dividendo, vel familie eriscundæ inter socios, *l. 3. hoc tit.* Quia accepto judicio communi dividendo inter socios, rei litigiosæ non valet alienatio facta ab uno ex soc. invito adversario, *l. 1. C. com. divid. l. 1. de jure fisci*, et in *tit. de litigios. D. et C.* non est etiam pignoris alienatio, neque etiam obligatio ulla existit, altero non consentiente socio *l. 1. §. ult. D. quæ res pign. oblig. poss. vel non.* Id ita servatur in judicio familie eriscundæ, ne quis suam

partem alienet post acceptum judicium familie eriscenda, *l. alienationes. D. fam. erisc.* Ubi male Accursius. Nunc excipendus est fiscus: nam fiscus potest rem communem cum privato alienare socio invito, sed tamen pars pretii rei venditæ servatur socio, quam etiam potest petere actione ex vendito utili, quasi videatur ipso vendidisse, quod fiscus vendidit suo jure, *l. 1. inf. de vend. rerum fiscal. et l. 2. hoc ipso tit.* Hodie etiam ex *l. 2. de quadrienn. præscript.* quod notarunt Græci in *l. 2. hujus tit.* Si fiscus rem alienam vendiderit, emptor securus erit, sed in fiscum est actio domino intra quadriennium, in emptorem nulla est actio. Verum si privatus alienam rem, vel communem vendiderit, emptor securus non erit, etiamsi pretium ad fiscum pervenerit, *l. 2. h. t.* Nam id privilegium tantum datur fisco vendenti, non si privatus vendiderit: hæc est sententia *l. 2.*

JACOBI CUJACII J. C.

Ad Lib. IV. Codicis.

RECITATIONES SOLEMNES

Ad Tit. LIII. Rem alienam gerentibus non interdici rerum suarum alienatione.

In hoc tit. queritur, an qui rem alienam administrat ut tutor, et curator possit res suas alienare? ratio dubitandi, quia sunt tacite pupillis, vel adolescentibus obligati. Lex ait, nihilominus cum res suas posse alienare cum sua causa, puta pignoris, cui nexæ sunt. Ergo, inquit, poterit etiam obligare eas, etiam post condemnationem, cum sua tamen causa, et suo onere: nam quod alienari potest, et obligari potest, *l. 9. §. 1. D. de pign.* Interdum tamen, qui jure prohibetur vendere vel emere, non prohibetur pignori accipere, *l. in quorum, D. de pignor.* Ad quam non trahitur exemplum, quod mihi videtur ponendum in officiali, quod male Accursius negavit. Officialis quo loco officium gerit, nihil potest emere, pecuniam tamen mutuum dare potest, *l. præsidet, D. de rebus credit. si cert. pet.* Cur non etiam et ex ea causa pignus accipere potest? Ideo dicit in quorum finibus, id est in qua regione prohibetur quis emere, velut officialis, potest tamen pignus accipere, quod verum esse confirmat *lex qui officii, de contr. empt.* quæ est ex eodem libro. *Lex qui officii* interdicet emptione. *L. in quorum*, permittit acceptionem pignoris. Adjicitur hæc, si tutor, vel curator rem fisco obligaverit, vel privato, eam obligari cum sua causa, id est, cum causa pignoris tacite cum pupillo contracti. Ex quo apparet, fiscum in hypo-

theeis non præferri antiquioribus creditoribus, etiamsi tantum habeat hypothecam tacitam, non expressam. In personalibus actionibus habet privilegium, id est, præfertur fiscus creditoribus antiquioribus chirographariis.

JACOBI CUJACII J. C.

In Lib. IV. Codicis.

RECITATIONES SOLEMNES.

Ad Tit. LIV. De pactis inter emptorem, et venditorem compositis.

Lex 1. 3. et 4. sunt de lege commissoria, de qua diximus in *l. 4. sup. de pignorat. act.* Ea lex commissoria ita fit, si pretium ad diem solutum non erit, fundus inemptus esto. Cujus legis potestate, seu conventionem legis commissoriæ, id est, ad diem pretii non soluto, etiamsi sit res tradita, dominium censetur esse venditoris, nec ab eo recessisse videtur, et ideo rei traditæ et venditæ competit vindictio, *l. ult. D. de leg. commiss. l. 4. hoc tit.* Et ex eo non est colligendum, pacto dominium mutari et transferri, quod nunquam fit: nam non mutatur dominium, quod nec in emptorem translatum intelligitur: nam venditori vindictio ita demum lege commissæ competit, si rem tradiderit emptori precario, non emptionis jure, non voluntate domini transferendi, *l. 3. hic.* Itaque dominium non videtur ad eum redire, sed ejus semper fuisse. At si venditor emptionis jure rem tradiderit emptori, hoc casu cessabit vindictio, et competit actio ex vendito, resolvendæ venditionis causa, *l. si finit, de leg. commiss.* Huic distinctioni est, locus, si dixeris venditionem factam lege commissoria esse puram, quæ sententia oblinuit, *l. 1. ff. de leg. commiss.* pura est venditio, sed resolvitur sub conditione. At si dixeris esse conditionalem ex *l. 2. §. Sabinus, pro empt.* secundum Sabinus sententiam, etiam tradito fundo emptionis jure, et lege commissæ, venditori vindictio dabitur. At cum lex commissæ est, et ideo actio ex vendito venditori competit rescindendæ venditionis causa, vel vindictio, si malit venditor partem pretii petere, vel usuras pretii actione ex vendito, quam agere ad rescissionem, videtur renuntiasse legi commissoriæ, et non fiet resolutio emptionis, *l. de lege, in fi. et l. seq. ff. de leg. commiss. et l. 3. et 4. hic tit.* Quod etiam nominatum, et disertis verbis adjiciebatur legi commissoriæ, si venditor fundum inemptum esse vellet. Ideo non utitur hac lege invitus, sive id adjectum sit, sive non, ut solitum esse adjici etiam indicat *lex ult.*

S. ult. ff. de rescind. vendit. Id etiam adjiciebatur pacto commissorio, ut pretio ad diem non soluto emptor arras perderet, *l. 1. hoc tit. l. de lege, in princip. l. ult. ff. de leg. commiss.* Alio etiam modo componitur lex commissoria, puta, re tradita, et pretio soluto venditori, ut si venditor pretium emptori restituerit intra certum diem res inempta fiat: quo casu pretio oblato, et obsignato intra diem, venditori competit actio ex vendito: sola oblatio non sufficit, debet etiam obsignare, quo jure etiam utimur, cum quid retrahitur vel pactionis hujus jure, vel *ἁπορρηστικός*: solam oblationem non sufficere ostendit *lex 7. h. t.* Post diem etiam facta oblatio, et obsignatio non sufficit, nec resolvit emptionem etiam si rescripto principis impetrarit venditor, ut post diem oblationem facere liceret: nam venditori agenti post diem, obstat exceptio peremptoria, quæ non potest adimi rescripto principis: dilatoria potest quidem, et ita respondendum *l. 2. sup. de precibus Imperat. offer.* Pertinet etiam ad hoc genus legis commissoriæ *l. 2. hoc tit.* Appello legem commissoriam, seu convenerit, ut res fiat inempta pretio ad diem non soluto ab emptore, vel pretio ad diem a venditore soluto: utraque est lex commissoria, nam et a veteribus utraque dicebatur fiducia. Inde filium emancipare contracta fiducia, id est, ea lege, ut remaneatur a patre fiduciario, et patri naturali restituatur. Itaque fiducia, seu (*π*) lex commissoria dicitur, si res venierit ea lege, ut venditori restituatur, pretio intra certum tempus reddito; ex qua certe est actio ex vendito ad diem pretio oblato, et obsignato, vel soluto emptori ex *l. 2.* quæ ait esse actionem præscriptis verbis, et statim subjicit: *Vel ex vendito*: quibus verbis significat superfluum esse actionem præscriptis verbis, ut in *l. Labeo, de contrah. empt. et vendit.* ex priore etiam genere legis commissoriæ est etiam actio ex vendito, ex rescripto Severi et Antonini, in *l. si fundus, ff. de leg. commiss.* Ante hæc rescripta tutius erat agere præscriptis verbis, quod videatur novum quoddam negotium geri diversum ab emptione et venditione, his pactionibus interpositis, et agi videretur finita venditione, vel imperfecta: at rescripto submovetur omnis dubitatio, data actione ex vendito: aliis casibus, quibus nulla sunt rescripta ad venditionem distrahendam ex pactionibus, tutius erit agere præscriptis verbis actione, quia deficiunt rescripta, ut in specie *l. si vir, de præsc. verb. l. si convenit, ff. de rescind. vendit.* Duobus superioribus casibus ex rescriptis agitur actio ex vendito: itaque superflua est actio

præscriptis verbis, aliis est necessaria. Nunc videndum, quid fiat de fructibus medio tempore perceptis ab emptore, antequam lex committeretur, et venditio, et quidem in priori specie legis commissoriæ omnes fructus veniunt in actione ex vendito, *l. 4. et 5. ff. de lege commiss.* Quod etiam plerumque nominatim exprimebatur: nam contrahentes in cautionibus solebant sibi omnino prospicere, ideo multa in cautionem deducebant, atque etiam ea, quæ ipso jure ita se habebant, et superflua: id indicat *lex 6. S. si fundus, ff. de contrah. empt.* Recipitur unus casus, si emptor partem pretii solverit, et de reliqua parte composita sit pactio commissoria, puta, ut reliqua parte non soluta ad diem, inempta esset res: hoc casu legis commissoriæ, parte ad diem non soluta, fructus pro parte compensabuntur cum parte pretii venditori soluti, quam emptor amittit lege commissoria, *d. l. 4. hoc tit.* Ut et arras amittit emptor, quæ cadunt plerumque loco pretii, si nummis consistant, *l. ult. de lege commiss.* ergo etsi emptor arras dederit lege commissoria, fructus pro rata compensabuntur cum arras, quas emptor amittit: itaque arras datis vel parte pretii, omnes fructus non veniunt in actionem ex vendito. In posteriori specie legis commissoriæ omnes fructus non veniunt, et emptor non restituit fructus nisi ex mora, *l. 2. hoc tit.* Emptor moram facit post pretii oblationem, nisi rem restituat, et quasi venditori revendat: sola sufficit oblatio hoc casu, et adversarium in mora constituit, *l. interdum, S. ult. ff. de verb. obl.* Ex oblatione igitur, id est, ex mora, etiamsi pretium non sit depositum, emptor præstabit fructus venditori, medii temporis fructus cum usuris pretii compensabuntur, et non præstabuntur. Notandum etiam ex hac *l. 2.* condiciones harum pactionum ab hæreditibus impleri posse, idque his pactionibus adjici solitum, quod tamen omissum pro adjecto habebitur: quia conditio est ejus generis ut ad hæredes transeat, secundum ea, quæ tractantur in *l. 37. ff. de verborum obligat. l. qui Romæ, S. Agerius, eod. tit.* Sicut ea, quæ diximus supra his pactionibus adjici solere de fructibus, et arras, quæ omisæ etiam pro adjectis habentur: hæc sunt de pactis commissoriis. Nunc de aliis pactionibus, si res veniet ea lege, ut emptor præstet pretii rei venditæ usuras ex tempore venditionis, quæ non solent præstari, nisi ex mora, vel ex die venditionis, rata est conventio, *l. 5. hoc tit.* Idem est, si conveniat frumento vendito, quod admittit accessionem usurarum, ut tardius traditi frumenti venditor usuras; seu accessionem præstet ex tempore venditionis: hæc etiam conventio rata est: quod indicat *l. 13. sup. de action. empt. et vend.*

(4) Vide Merrill. variant. ex Cujac. lib. 2. c. 6

in illis verbis, *citra pactum*: et hæc usuræ petentur actione ex empto vel vendito, de quibus ita convenit, quia pactiones formant ipsam actionem, *l. jurisgent. §. quinimo, ff. de pact.* ipsam actionem, id est, actionem ex contractu, et ideo pactiones illæ dicuntur formæ, et leges contractuum. Igitur ut fiat quod convenit, agitur ex contractu, cui pactum inest, nisi pactio illa novum quoddam genus negotii statuere videatur, quo casu ex pacto tutius erit agere præscriptis verbis actione, nisi constitutiones dubitantes nos confirmaverint, quæ dederunt actionem ex contractu, ut in specie *l. 2. hic*. Aliud genus pactionis proponitur in *l. 6. hoc tit.* Vendidi prædium exiguo pretio, sub ea lege, ut me aleret qui emeret, eaque fuit conditio inter nos, ne staret venditio alimentis non præstitis: emptor legi non pareat, id est, non præstat alimenta. *l. 6.* ostendit agi posse ex vendito resolvendæ venditionis causa, reddito emptori pretio. Dixi in *l. 1. sup. de condict. ob causam dat. causa non sec.* esse etiam ob rem dati condictionem, quod negavit Accurs. et nihil obstaro *l. 14. sup. de rescindenda vendit.* Quoniam ponendum in specie *d. l. 6.* id agi, ut resolvatur venditio lege non impleta. Aliud genus pactionis proponitur in *l. ult. h. tit.* qua lege corrigitur *l. pen. ff. de pact.* Vendidi locum ea lege, ut emptor in sacrum dedicaret, vel religiosum faceret, vel ne me invito, qui fundum vicinum mihi retinebam, eum alienaret: ex *l. pen. ff. de pact.* non valet pactio, etiamsi contractui inhæreat, ex *l. ult. hic*, quæ est ex 30. decisionibus Justin. et ideo correctoria: rata est conventio: et si emptor ei non pareat, id est, si locum dedicet, vel alienet invito vicino, venditori dabitur actio ex vendito in emptorem in id quod interest. Nam plerumque venditoris interest, vel nullum vicinum habere, aut non probatum, et sibi cognitum: sunt vicinitatis multa comoda et incommoda, *l. 1. §. et alias, ff. si quid in fraud. patr.* Ideo venditor ex vendito emptori tenetur, si in vendendo fundo vicinum celaverit, quem si scisset emptor, non emisset, *l. quod sæpe, §. ult. ff. de contrah. empt.* Igitur ex omnibus pactionibus, quæ hic proponuntur, datur actio ex empto, vel ex vendito, quia insunt venditioni, et pars venditionis esse censentur, cum interponantur venditioni initio et tempore venditionis: et generaliter in *l. 8. hic* definitur idem esse in omnibus aliis pactionibus, justis scilicet et legitimis, quæ inter emptorem et venditorem componuntur tempore venditionis: ex eis dabitur actio ex vendito, vel in dubio præscriptis verbis; pactiones autem ex intervallo compositæ inter emptorem et venditorem non formant ipsam actionem, nec pariunt actionem præscriptis verbis.

JACOBI CUJACII J. C.

Ad Lib. IV. Codicis.

RECITATIONES SOLEMNES

Ad Titulum LV. Si servus exportatus veniat.

Tribus seq. titulis agitur de pactionibus, quæ adjiciuntur venditionibus Mancipiorum, quæ in Pandectis proponuntur sub uno tit. de servis exportandis. Prima pactio est, si servus venierit ea lege ut exportaretur, id est, ut ne eo loci moraretur, in quo venditur: quod venditor paciscitur plerumque securitatis suæ causa, vel vindictæ, *l. 1. et l. servus ea lege, ff. de serv. export.* Et ob eam causam hac lege venditioni appositæ plerumque venditor sibi excipit manus injectionem, id est, jus abducendi servi, nisi exportetur secundum venditionis conventionem: ideo hi tres tituli sunt etiam de manus injectione, *περὶ χειρὸς ἐπιβολῆς*. Ex hac lege non datur venditori vindictio nisi manu injecta: manus injectio restituit dominium, non pactio nuda. Frange in *l. 1.* hujus tit. servus est ea lege venditus, ut Roma exportetur: secundum legem venditionis, Roma est exportatus et manumissus ab emptore: manumissio valet, cum sit manumissus extra Romam. Sed si Romæ fuisset manumissus, non valeret manumissio, *l. 3. hoc tit.* sed manumissus est extra Romam. Itaque pervenit ad libertatem. Post manumissionem ipse Romam venit, venditori in emptorem nulla est actio, quia jure servum manumissit, neque etiam habet in liberum manus injectionem, quam sibi servavit. At ex constitutionibus, hic servus, qui non pareat pactioni (nam hæc pactiones habent personis servorum, nec indicuntur solis emptoribus) fiet fisci servus ipso jure *l. 1. servus inquam fiet sub eadem conditione*, ne Romæ moretur, et si, postquam factus est fisci servus, Romæ maneat, erit venditori manus injectio in servum, si eam videlicet sibi exceperit atque ita fiscus eum amittet, *l. pr. ff. de serv. export.* Fit ergo fisci sub eadem lege, ut fiat fraus voluntati venditoris. At quid dicemus, si venditor non exceperit sibi manus injectionem, quam non habet, nisi reservavit, sed tantum vendidit servum ea lege ut exportetur, et adjicit pœnalem stipulationem si non exportaretur? Hoc caso, si servus non exportetur, datur in emptorem venditori actio ex stipulatu pœnæ nomine, servus autem fisco committetur, *l. 2. et 3. hic*. Vel igitur committitur venditori ex manus injectione ipsi reservata, vel fisco ipso jure, si legi non pareat. Quid si venditor non sit pœnam stipulatus, nec exceperit ma-

mus injectionem, et non exportetur, an dabitur actio ex vendito in id quod interest, nulla distinctione addita? qua in re variavit Papinianus. Servus autem fiet fisci, et venditor agat ex vendito excipitur hic casus, si non voluntate domini, id est, emptoris servus Romanus venerit, quia fuit ei interdictum, *l. 2. hoc tit. l. pen. ff. de serv. export.* Hoc casus non est in servum manus injectio, cui assensus non est dominus, et factum servi non tollit emptori dominium servi, non est actio ex stipulatu, nec ex vendito: fisco etiam locus non est. In *l. pen.* hæc species proponitur: servi dominum vendiderunt facta conjunctione ea lege, ut exportaretur: post exportationem manumissus est ab emptore: itaque jure est manumissus, et accusat servos, vel furti facti, vel conjunctionis in dominum. Lex sit, eos capite puniri, pendente autem accusatione habeatur pro liberto accusator, non pro ingenuo.

Ad L. ult.

Qui exportandus a domino de civitate sua venit, nec in urbe Roma morari debet: qui autem de provincia certa, nec in Italia. Si itaque contra legem constitutum factum probare potes: utere jure, quod propterea tibi competit.

Lex ultima sit, servum, qui lege venditionis exportandus est aliqua civitate, nec in ea civitate morari posse, nec Romæ, etiamsi de Roma nihil dictum sit, cum sit civitas communis. Cui civitate mea interdico, et communi etiam civitate interdico, nec querenda alia ratio quam hæc, quia est civitas communis ex constitutione Antonini Imperatoris. Sic Callistratus in *l. 19. de interd. et releg.* quam deest in Pandectis, et supplenda est ex lib. Basilic. relegatus, seu patria sua interdictus, Romæ etiam morari non debet, etiamsi id nominatim non sit adjectum, cum Roma sit communis patria, quod confirmat *l. 7. §. constitutum. eod. l. si cum dotem, §. si patri, sol. matrim.* Adjicit Callistratus eum, cui interdictum est patria abstinere ea civitate debere, in qua princeps agit, vel per quam transit, quod ei soli liceat intueri Imperatorem, qui pater patriæ est, qui et Romam accedere potest. Atque etiam ita de iis, qui ignominiose mittuntur proditum est, nec Romæ, nec in sacro comitatu eos agere posse, *l. milites, §. missionem, de re milit.* Ergo, cui sua patria interdictur, ei etiam Romæ, et sacro comitatu interdictur, et servus exportandus civitate domini, nec Romæ, nec in sacro comitatu versari potest. Ostenditur etiam in hac *l. ultim. servum exportandum provincia aliqua, nec Romæ, nec in Italia morari posse, vel si moretur, emptorem in legem venditionis incidere: sic etiam in penult.*

Svetonius scribit in Claudio. Claudius sanxit, ut quibus provincie interdicerentur a magistratibus, orbe quoque et Italia subnoverentur; At si servus sit exportandus Italia, lege venditionis, constat eum posse in provincia morari, nec cogi ire in rusticum, aut barbaricum, *l. 2. de servis export.* Cujus argumento idem dicemus in relegato, et interdicto, ut cui interdictum est Italia, versari possit in provincia.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. LVI. Si mancipium ita venierit, ne prostituatur.

Altera pactio est, ne ancille prostituatur, quæ pactio venditionibus mancipiorum addi solet, eaque committitur, non tantum, si in taberna meritoria prostituatur ex professo, sed etiam si in caupona specie ministerii, *l. ult. hoc tit.* Fraus fieri non potest huic pactioni *l. palam, de ritu, nupt. l. Athletas, §. ait prætor, de his qui notant. inf.* Prostituta ancilla contra legem venditionis, venditor habet manus injectionem, si eam sibi exceperit: ut servi est manumissio, ita et manus injectio: ut justa manumissio sit jussu magistratus, ita et manus injectio sit in urbe, auctoritate prætoris, et præfecti urbis, *l. 1. hoc tit.* Et in provinciis fiet auctoritate præsidis, qui semper exemplum urbis sequitur, et urbanorum magistratuum vicem sustinet. Igitur non omnis manus injectio fit auctoritate judicis: nam est species de manus injectione, an sit manus injectio, nec ne, ut in superiore pactione tituli superioris, manus injectio venditori non est, etiamsi eam sibi exceperit, si legem, quam dixit, remiserit, et patiatur servum venditam loco prohibito morari, nec potest variare, *l. 1. ff. de serv. export.* Et in eo genere pactionis, de quo hic est titulus, venditori etiam non est manus injectio ex constitutione Divi Adriani, *si legem quam dixit, remiserit*, id est, si patiatur ancillam prostituere, et cum potest eam abducere, manu injecta, non abduxerit, et productori non eripuerit: præcedentis tituli legem remittere licet, sicut et in contrarium pacisci, ne servus exportetur: hujus tituli legem non licet remittere, nec etiam in contrarium pacisci, ut prostituatur, quia pactio et remissio turpis est, et venditor, qui legem remiserit, id est, passus sit ancillam prostituere, mittit manus injectionem, sicut etiam pater privatur patria

potestate, creditor jure pignoris, dominus dominio. Igitur, si passus sit prostitui ancillam, amittit et ancillam, et partum ejus, si praeagnans fuerit, et pepererit. Quid igitur fiet de ancilla? An retinebit eam productor? Minime. Sed fit libera ex constitutionibus Imperatorum Divi Severi et Antonini: itemque Divi Adriani, *l. 1. hoc tit. l. 7. D. qui sine manumiss. ad lib.* qui sine manus in ectione eam ancillam, etiam ejus partum retinere potest. Igitur, hac lege dicta, ne ancilla prostituatur, si secus fiat, vel venditori competit manus injectio, vel ancillae libertas, non solum si emptor primus, cui lex primum dicta est contra legem faciat sed et si sequentes emptores, licet eis non sit repetita eadem lex. Haeret namque personae servi, etiamsi currat per plures emptores, *l. 1. hoc tit. l. si quis sub hoc, D. de contrah. empt. et vendit.* Quod etiam servatur in *l. superioris tituli*, ut scilicet eadem lex maneat, si servus cucurrerit per plures emptores. Interdum venditor non excipit sibi manus injectionem, igitur eam non habet, sed eadem lege dicta ne prostituatur ancilla, adjicit, ut si prostituatur, libera existat: quo casu conditione impleta, id est, ancilla prostituta, statim fit libera ipso jure, ἀπολύεται, sive ipsa pactio tabulis emptionis sit inserta, seu non, *l. 2. hoc tit.* Id est, si per nuntium, vel epistolam, ita sunt pacti emptor et venditor, nec pactum sit insertum instrumento emptionis: puto etiam pactionem factam ex intervallo proficere ad libertatem. Est ea lex 2. scripta ad praefectum urbi, non ad praefectum praetorio, ut in vulgariis: et lex significat emptorem, qui ea lege ancillam emit, cogendum esse manu militari, id est, per urbanitanos, sic appellantur apparitores praefecti urbi, ut ancillam, quam prostituit, exhibeat apud tribunal praefecti urbi, ad cujus officium pertinet ex constitutione Severi, nec non ex rescripto Antonini et Divi Adriani, ut mancipia tueatur, ne prostituantur contra leges venditionis, *l. 1. §. hoc quoque, D. de offic. praef. urb.* Exhibita ancilla praefecto urbi si dubitatur de lege venditionis, et libertate ex ea competente, praefectus urbi causam remittet ad praetorem, qui solet de liberali causa cognoscere, nec ipse cognoscit, *l. 1. hoc tit.* ut contra praetor quandoque remittit puniendos ad praefectum urbi: quia non habet merum imperium, *l. 1. §. ult. de suspect. tutorib.* Igitur hoc interest inter speciem legis 1. et 2. quod dicta lege ne prostituatur in *l. 1.* venditor sibi exceptit manus injectionem, quam si remittat ancilla fit libera ex constitutione Divi Adriani. In specie *leg. 2.* eandem legem dixit, et adjecit ut prostituta ancilla libera fieret, nec sibi exceptit manus injectionem, ut in specie *leg. 1.* Adrianus est actor libertatis, est etiam verisimile in specie *leg. 2.* auctorem eundem fuisse ejusdem libertatis. Laudatur tamen Vespasianus

in *l. Divus, D. de jure patron.* Videndum est an sit error in nomine, ut in *l. 2. de aedificiis privatis.* ostendimus pro Adriano, laudari Vespasianum. Male enim accipiunt Accursius et alii eam legem *Divus.* Nam ea ita accipitur, ut si ancilla venierit ea lege ne prostituatur, et ut si prostituatur fiat libera, ut competat ei libertas, si vel emptor alii eam vendiderit, sine hac conditione, etiamsi secundus emptor eam non protulerit, quod est iniquum. Rectius Graeci 49. Bas. *lic. t. l. 1.* adjiciunt, καὶ ἀπολύεται, id est, et prostituatur a secundo emptore, hoc necessarium, ut fiat libera, et ex hac quidem causa facta libera venditorem patronum habet. Ex ea causa *leg. 1.* si fiat libera, est sine patrono, *l. sed si hac lege, §. 1. D. de in jus vocando.*

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. LVII. Si mancipium fuerit alienatum ut manumittatur, vel contra.

Hoc titulo est alia pactio, quae adli solet mancipiorum venditioni, puta ut manumittantur vel simpliciter, vel intra diem certum: cui legi si emptor non parent, id est, si non manumittat ipso jure servus liber fit ex constitutione Divi Marci et Commodi ad Ausidium Victorinum, qui fuit urbi praefectus, ut docet Capitol. et his consul. indicat quoque lex 3. eam constitutionem fuisse scriptam in Semestribus: Sunt etiam multae in libris nostris constitutiones, quae dicuntur scriptae in Semestribus, et omnes sunt Divi Marci: Semestria igitur appellati sunt liberi constitutionum Marci. Ea constitutio representat factum emptoris manumissoris, id est, quod facere debet emptor, et conditionis potestatem: et ideo poenalis stipulatio non committitur, si qua legi sit subdita, *l. ult. hic:* ut si venierit ea lege, ut manumittatur, et si non manumitteretur, venditor pactus sit sibi poenae nomine centum dari superflua est stipulatio poenalis, quandoquidem factum emptoris representat constitutio, *l. ult. hic:* quae constitutio proprie pertinet ad servos venditos ea lege, ut manumittantur, non ad donatos, *l. qui Romanos, §. Flavius, D. de verb. obligat.* Non pertinebat etiam ea constitutio ad negotium do ut facias, id est, do rem, vel pecuniam, ut servum tuum manumittas. Diximus in fine *tit. de conditione ob causam dati*, porrectam esse etiam eam constitutionem ad servos donatos, *l. 1. hoc tit. l. pen. qui sine manumiss. ad libertat. perven.* Igitur constitutioni locus est in venditore et donatore: non

tamen in donatore marito, quia hæc donatio dominium non mutat cum sit contra jus civile: et ideo maritus, qui servum uxori dat ea lege, ut manumittat, sibi legem dicit, non uxori: Idem cessat constitutio, cui tantum locus est, cum lex alteri dicitur, et ab eo, cui lex dicta est, negligitur, nec impletur, *l. quod autem, §. uxori, de donat. inter virum et uxor.* Porrecta est etiam ea constitutio ad negotium date pecunie, quasi pro pretio, ut servus manumittatur, *l. 4. hoc tit. l. Paul. respondit, §. 1. de liber. caus.* Non tamen est porrecta ad servum legatum ea lege, ut manumittatur, *l. si fundum sub conditione, §. Stichum, de legat. 1.* Rursus huic constitutioni locus est, seu venditor ita dixerit in personam, ut ab emptore manumittatur, seu in rem, ut libera fiat cum erit annorum viginti, *l. 3. hoc tit.* seu contulerit libertatem in tempus mortis emptoris, *l. ult. de serv. export.* Huic constitutioni locus non est, si ante diem libertati præscriptum venditor mutaverit voluntatem, post pœnitentiam cessat constitutio: qui auctor est libertatis, ea locum nondum habens voluntatem mutare potest, et tum deficit constitutio *l. 1. et ult. hoc tit.* si venditor vel donator mutarit voluntatem, *l. 3. D. de serv. export.* Non obstat *lex quasitum, D. eod.* Breviter sic respondeo: post pœnitentiam venditoris non competit libertas ex constitutione ipso jure, competit tamen ex facto emptoris, si forte velit manumittere; pœnitentia obstat libertati, quæ sit ipso jure, id est, ex constitutionibus supradictis, non liberalitati emptoris. Non obstat *lex 1. qui sine manu.* quæ lex sit in fine, competere libertatem, etiamsi venditor mutaverit voluntatem. Sed id est intelligendum secundum legis initium, post pœnitentiam competere libertatem, si deinde emptor et venditor decesserint sine hærede: competit libertas ipso jure, quia nullius interest. Proponitur etiam in *l. pen. hoc tit.* contraria pactio ne manumittatur, quæ pactio efficit, ne servo manumisso ab emptore libertas competat, quia omnes pactiones quæ his titulis proponuntur, hærent servi personæ. Ideo non extinguuntur etiamsi servus currat per plures emptores. Ita in primo genere pactionis, quod supra exposuimus, servus manumissus post exportationem, si in locum prohibitum venerit, sit servus fiscalis: quia hæc omnes pactiones hærent servi personæ. Igitur si conveniat, ut servus non perducatur ad libertatem, et subjiçatur pœnalis stipulatio, et deinde manumittatur ab emptore servus, an dicemus committi pœnam? Minime, ut declarat *l. ult.* quia ad libertatem non pervenit, cum obstat pactio, et maxime si emptor non dixerit in personam, ut ne manumittatur ab emptore, sed in rem, ut ne ad libertatem perducatur, quod *lex ult.* ait, quoniam ita eveniret.

Tom. IX.

Sed idem erit si id dictum sit in personam, ut ne ab emptore manumittatur, et emptor manumiserit, quia non committetur pœna, et manumissio effectum non habet. In *l. ult.* reprehenditur venditor duplici de causa, primum, quod agebat de pœna, quæ non intelligitur commissa, deinde quod apud procuratorem Cæsaris agebat, qui non habet jurisdictionem inter privatos, qui non potest se privatorum contractibus immiscere: procurator Cæsaris jurisdictionem habet inter fiscoem et privatos, *l. ex consensu, ff. de appellat. l. 1. sup. de juris. omni. judic. l. 3. sup. ubi causæ fiscal. et tit. si advers. fisc.* nisi scilicet procurator Cæsaris vicem præsidis sustineat, tunc enim inter privatos cognoscit, *d. l. ex consensu, l. 3. sup. ubi causæ fiscal. l. 2. inf. de pœn. l. non valet, inf. ad leg. Flav. l. 1. de pedan. jud.* igitur errabat venditor, qui agebat de pœna, et procuratorem Cæsaris Judicem eligebat.

JACOBI CUIJACII J. C.

In Lib. IV. Codicis.

RECITATIONES SOLEMNES

Ad Tit. LVIII. De ædilitiis actionibus.

Ædilitiæ actiones dantur emptori: et sunt duæ, redhibitoria, et æstimatoria. Redhibitoria rescindit venditionem in totum, æstimatoria in partem. In actione redhibitoria queritur an sit redhibitionis causa: redhibitio sit officio judicis, omnia utraque ex parte restituntur in integrum: nam res redhimitur, et restituitur pretium, *l. 43. §. penult. l. 60. D. de Edil. edict.* In actione æstimatoria queritur quanto minoris res valeat, et ex ea fit pretii restitutio in partem: utraque autem actio competit duplici ex causa, ex reticentia venditoris, et ex dicto vel promisso: ex reticentia, ut si venditor morbum, aut vitium rei venditæ, quod latebat, quodque emptor nesciebat, reticuerit: ex dicto, vel promisso illæ actiones competunt, ut si venditor dixit illum servum furem non esse, vel non fore, et fur sit, aut fiat: vel si dixerit literatum, vel artificem, et nec literatus, nec artifex sit: quæ actio dicitur in libris nostris adversus dictum promissumve, sive contra dictum promissumve, *l. quod venditor, ff. de dolo, l. 17. in fin. l. 38. §. non tantum, l. 47. et l. pen. ff. de edil. edict.* Est autem electio emptoris ultra experiatur, redhibitoria, an æstimatoria, *l. 18. et 31. §. si plures, eod. tit.* Et redhibitoria quidem est agendum intra sex menses utiles, æstimatoria intra annum utilem, exceptis duobus casibus, *l. 2. hoc tit.* Et

38

si emptor tempore sit exclusus actione redhibitoria, superest ei æstimatoria, *l. si tamen, §. non nocebit, eod. tit.* At si alia ratione emptor exclusus sit actione redhibitoria, vel si egerit ea, et non obtinuerit, postea non aget æstimatoria: sic accipe *l. si his qui hæres, §. 1. de except. rei judic.* Datur etiam actio redhibitoria nonnunquam ex conventionem, ut si fundus veniat eo pacto, ut si displicuerit, inemptus fiat, si displicuerit, agatur redhibitoria, ex hoc edicto, *l. 4. hoc tit.* Quæ cum hanc venditionem dicit esse sub conditione, recte addit Accursius resolutiva, nam venditio est pura, sed sub conditione resolvitur, *l. 3. ff. de contrah. empt. et vendit.* Adijcit lex 4. eadem actione agi ex relicta ob vitium fundi, ut si fundus fuerit pestilens, id est, pestibulus, vel herbam lætifera habens, sic habent constanter omnes libri scripti. Pestibulus videtur vocare serpentes pestiferos, vel herbas: nam serpentes, vel herbe fundum pestiferum reddunt, *l. etiam, ff. de ædilit. edict.* Notandum est, quibus ex causis agi potest redhibitoria, ex empto etiam agi potest. Id ostendit lex ex empto, *§. redhibitionem, de act. empt.* veluti ob morbum, aut vitium agelur ex empto: et ideo non tantum competit redhibitoria ex edicto Ædilium, sed etiam redhibitoria ex jure civili, id est, ex empto ob morbum, et vitium latens, aut dictum. Item ob conventionem, *l. si convenit, ff. de rescind. vendit.* Potest etiam actio ex empto esse æstimatoria, *l. Julianus, D. de act. on. empti.* Et generaliter, qui potest conveniri redhibitoria, vel æstimatoria ex edicto Ædilium curulium, ex eadem causa potest conveniri ex empto, *l. sciendum, §. 1. D. de ædil. edict.* Ex eo queritur quorsum sint introductæ ædilitiæ actiones, cum sufficiat actio ex empto: male ab interpretibus hoc explicatur: qui habet civilem actionem, frustra desiderat honorariam, *l. 1. de Publiciana in rem act. melior est civilis, quam honoraria, l. 1. D. de Pub. in rem act. l. si creditori, ff. de legat. 1.* Actio ex empto est civilis, *l. 33. ff. de ædil. edict.* Ædilitiæ actiones sunt honorariæ, et hæc quidem ædilitiæ actiones dicuntur esse ex contractu, *l. 23. §. si servus, de ædil. edict.* Sicut actio ex empto est ex contractu; nusquam tamen ædilitiæ actiones appellantur ex empto, sed in factum, ut quæ dicitur actio redhibitoria in *l. 4. hoc tit.* In eadem specie dicitur actio in factum, *l. 31. §. si quid ita, de ædil. edict.* Et actio ædilitia, quæ competit emptori ex edicto Ædilium ad pretium repetendum post redhibitionem rei factam agnoscenti, et volenti venditori sine judicio, ea actio, quæ est redhibitoria, in factum appellatur, *d. l. 31. §. in factum, h. t.* Datur etiam venditori hæc actio ad recipiendum quod venditioni rei

accessit, ut si res sit redhibita, non accessio rei, *d. l. 31. §. restitui autem, d. l. 23. §. 1.* quæ ex causa constat, venditori etiam dari actionem ex vendito, *d. l. 23. in princ.* Ergo emptori etiam ex eadem causa non tantum dabitur actio in factum, sed etiam actio ex empto. Similiter, si venditor non præstet cautionem ædilitiam, ex hoc edicto est actio redhibitoria, vel quanti interest, *l. 28. eod. l.* est etiam eo nomine actio ex empto, *l. 14. sup. de act. empt.* Quid igitur opus fuit ædilitiis actionibus, aut quid distant ab actionibus empti? nam aut superflue sunt, aut distant necesse est. Præcipua differentia inter eas actiones est, quod ædilitiæ videntur esse pœnales, *d. l. 23. §. si servus, hoc tit.* Quia nisi pareatur arbitrio judicis (sunt enim arbitrariæ) crescunt in duplum, *l. 43. eod. tit.* et ita pœnam continent, et ob id sunt temporales actiones: empti vero actiones sunt perpetuæ, id est, 30. annor. *l. empti, inf. de evict.* Non est probanda differentia Accursii inter actionem æstimatoriam civilem, id est, ex empto, et æstimatoriam ædilitiam, quasi scilicet civilis sit quanto minoris emisset, ædilitia quanto minoris valuisset. Nam seu dixeris *emisset*, seu *valuisset*, idem dixeris, ut nostri auctores loquuntur promiscue, ut indicat *l. Julianus, §. si ven. et §. seq. de act. emp.* Nunc illud notandum est, his omnibus action. locum esse ob vitia, quæ præcesserunt emptionem, non ob sequentia: ut si servus venditus ab emptore fugerit apud venditorem ex vetere vitio: nam ex recenti vitio venditor non tenetur, nisi nominatim promiserit servum fugitivum non fore, *l. 3. hic, l. actioni, D. eod.* Igitur si servus emptus redierit ad venditorem, videndum est utrum veteri fuge vitio, an recenti redierit: nam si veteri vitio, competit actio æstimatoria, vel redhibitoria: si recenti, nulla competit actio, nisi adversus dictum promissumve: emptori autem, qui agit ædilitiis actionibus, de fuga, sanitate, furto, incumbit probatio prioris vitii, *l. 4. D. de probat.* Sic vulgo accipitur *l. ult. hic*, ut exhibere in ea re significet probare, et docere. Quod approbarem si in alio loco verbum id ita sumi mihi constaret: malo *exhibere* accipere proprie pro præstare, et restituere, ut et Græci accipiunt: num certum est, emptorem, qui agit redhibitoria ad pretium recipiendum, servum reddere debere, et exhibere, vel cavere de eo exhibendo, *§. ult. l. 21. de ædil. edict.* ut omnia in integrum restituantur si id agat, non æstimatoria: male etiam in *dict. l. ultim.* Accursius, dum lex ait, agentem de fuga, exhibere servum debere, et hoc jure esse cautum tam in provincialibus, quam in Barbaris servis, qui venditi sunt cælo vitio fuge. Barbaros dicit (barbari sunt barbaræ gentis homines a nobis empti, non Romani) servos nostros

ab hostibus captos, l. 2. *sup. de Eunuchis, et l. ult. de excusat. tut. Cod. Theod.* Postremo illud sciendum est, multum interesse utrum sciens venditor, aut scire debens, an ignorans vendiderit fugitivum: nam si sciens vendiderit, non tantum reddit pretium, sed et omne damnum præstat, ut si quid servus emptori per fugam abstulit, vel alios servos emptoris corruptit, l. *quæro, in princ. de ædil. edict. Paulus 2. sententiarum, tit. 17.* Si ignorans fugitivum vendiderit, vel si simpliciter, id est, bona fide, non ideo quidem non tenetur redhibitoria ob ignorantiam, l. 1. §. *causa, D. cod.* Sed non præstabit omne damnum, et pretium reddet tantum. Argumentum est optimum, ab actionibus empti ad ædilitias actiones, id est, a civili jure ad edictam, l. 33. *de ædil. edict. in actionibus empti illa distinctio adhibetur, l. Julianus de act. emp.* Ergo etiam adhibenda in ædilitiis actionibus. Male Accursius *legem 1. hoc tit.* accipit de civilibus actionibus, cum ædilitiæ actiones patiantur eandem distinctionem, et titulos id arguit, qui non est de actionibus empti. Ait lex, isque fugitivus abest, id est, si servus fugit emptori: nam ut egat de fuga necesse est ut fugerit. Verum emptor eum reddere debet, et cavere de eo persequendo.

JACOBI CUJACII J. C.

In Lib. IV. Codicis.

RECITATIONES SOLEMNES

Ad tit. LIX. De monopolis, et conventu, etc.

Senatusconsultis jam pridem interdicta Monopolia fuere. Plinius lib. 8. cap. 37. Svet. in Vitellio cap. 30. Utimur voce Græca, quia deest Latina, ut idem Svetonius in Tiberio cap. 71. scribit. Tiberium monopolium nominatum postulasse veniam, quod sibi verbo peregrino utendum esset. Monopolium autem est, si quis undique collecto et cempto frumento in patria id solus vendat, ut de quodam Joanne Zibo refert Procopius lib. 2. *de bello Persic.* Item si quis quamlibet speciem alieni, aut materiam collegerit omnem, eamque vendat solus, vel si a principe obtinuit, ut sibi soli liceret certe cujusdam rei negotiationem exercere: utile quidem videtur esse civitatibus, ut liceat eis monopolium exercere, ne pecunia egeant. Arist. 1. *Polit. cap. 7.* At privatis hoc interdictum hac constitutione: et nominatum exprimitur, ne exercent monopolium vestis cujusquam, vel piscis, vel pectinum. Græci interpretantur hoc loco *αἰνίου ἢ ἰχθῆος*. Echini sunt herinacei, quorum

cute expoliuntur vestes. Plinius *supra dicto loco*, qui valide ad hac legem pertinet, ait, inquit, *fraus ibi lucum monopolio invenit magnum.* Additur etiam in hac questione, ne negotiatores inter se conjurent, et pariscantur, ne minoris merces, quam inter se statuerint distrahant propositis summis pœnis. Adiecit etiam de artificibus, et ergofabis, id est, operum redemptoribus, et de balnearioribus, ne etiam inter se conjurent, et pariscantur, ut quod opus unus incipit, alius non absolvat. Improbantur etiam hæ pactiones utpote omnibus incommodæ, quod etiam Zeno repetit in constitutione Græca *de ædificiis privatis.*

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. LX. De nundinis, et mercatibus.

De Nundinis hoc tantum notandum, nundinas Græcos vocare *αἰτίδας*, id est, vacationes, sicut nos galli ferias. Et sane antiquitus nundinarum dies, erant dies feriati, ut rustici possent convenire vendendi, et mercandi causa; erant dies nefasti, ut scribit Festus, quibus non licebat agere apud prætorem, ne perturbarentur nundinatores. Id sublatum est postea lege Hortensia, ut scribit Macrobius lib. 1. *Saturnalium, cap. 16.* Constitutione hujus tituli restituitur jus antiquum, ut scilicet non agatur cum eis, qui veniunt nundinandi causa, item ut ne quid ab eis exigatur pro locis in quibus disponunt merces ob venditionem proponendam: quam ob rem olim exgebantur nullo more siliquæ quædam. Cassiodorus 4. *variarum*, sed tolluntur hac constitut. Igitur, quod *lex 1. inf. de veter. lib. 12.* dat veteranis ne quid in nundinis præstent, hoc omnibus dat hæc constitutio. Et generaliter Imp. hic ait ne quid ex mercibus, aut venalitiis nundinatorum decerpatur, vel eorum questu. Habent *venalibus* omnes manuscripti, non *venalitiis*: quanquam utrumque idem est. Separat merces a venalibus, quia venales sunt servi, servi autem non sunt in mercibus: et venalitiis etiam dicuntur mangones proprie, non mercatores, l. *mercis, ff. de verb. signific. l. 1. §. 1. ff. de tribut. act.* et ideo recte separat merces a venalibus: non est omittendum venalitiis interdum dici mangones ipsos, l. *ult. de ædil. edic. ex venalitiis*, inquit, Græci recte *πρὸς συμπεπραμένους*. Marcus Tullius pro Cornelio: multi venalitiis mercatoresque aspernabant. Sic Svetonius de claris Rhetoribus:

venalitii, quum Brundusii gregem venalium e
navi educerent.

JACOBI CUJACII J. C.

In Lib. IV. Codicis.

RECITATIONES SOLEMNES

[Ad Titulum LXI. De vectigalib. et commiss.]

In hoc titulo vectigalia accipiuntur proprie ea, quæ mercatores, et venalitii, seu mangones fisco, aut Reipublicæ præstant pro subvectione mercium, aut venalium, l. 6. et 7. hoc tit. l. 23. C. Theod. de navicul. veluti portoria, et quæ a Justiniano appellantur ἱεραρχικά, in edicto de Alexandrinis. Unde Strabo lib. 17. duo facit genera vectigalium, ἱεραρχικά mercium, quæ importantur, et ἱεραρχικά mercium, quæ exportantur: fiscus tamen immunis est ab his vectigalibus, etiamsi merces vebat, et generaliter omnes res, quæ ad fiscum deferuntur non pensant in itinere vectigal, l. 5. hoc tit. l. locatio, §. pen. D. de public. Pro rebus etiam non promercalibus, quæ quis ducit usus sui causa, vectigalia non præstantur. Hoc onus est mercatorum, et negotiatorum, l. 5. hoc tit. et in veteri inscriptione urbis Romæ ita legitur: Quicquid usurarium invehitur, ansarium non debet: ansarium, et sovenacularium sunt appellatione vectigalium urbis Romæ, ut in alia inscriptione urbis Romæ antiqua, sovenacularii, et ansarii promercalium. At huic sententiæ obstat l. ult. §. quotiens, et §. divus, de public. Quæ lex ostendit vectigal etiam præstari pro servis usus sui causa ductis. Nam ait eum incidere in penam commissi, qui in vecta mancipis professus non fuerit apud publicanum, sive sint promercalia, seu usuaria, si tamen novitia sint, non veterana: nam pro veteranis usus sui causa ductis, vectigal non præstari lex significat: ut novitiorum vectigal præstari significat. Obstat et lex superioribus, nisi dicamus pro novitiis servis, qui usus causa ducuntur, vectigal præstari, non pro veteranis, aut pro ceteris rebus. Addendum etiam superioribus, navicularios, qui sibi negotiantur, id est, qui non vebunt alienas merces, sed suas, vectigalia non præstare. Quod privilegium eorum corpori tuendo est datum, l. 6. in fine, hoc tit. quæ l. sumpta est ex duobus locis. Cujus duo postremi versus sunt ex l. 24. C. Theod. de navic. Reliqua verba sunt ex l. 3. de immu. concess. Theod. Ceteri omnes promercalium rerum, sive venalium vectigal præstant, et non valent rescripta immunitatem certis personis concedentia. Dico, ceteri omnes, seu sint milites,

seu pagani, qui sibi negotiantur, l. 7. hoc tit. Quæ lex etiam hoc ostendit simul, et l. 8. vectigal promerculium fuisse octavam partem inventorum: quod diximus in l. 2. sup. de eunuchis. Legati etiam exterarum gentium missi ad Imperatorem Romanum vectigal præstant rerum, quas important, non etiam rerum, quas exportant ex constitutione Justiniani, l. 8. hoc tit. Vectigalia autem hæc plerumque fisco inferuntur, l. 6. hoc tit. seu quod idem est, largitionalibus titulis, l. pen. hoc ipso tit. id est, thesauris sacris, seu arrario sacro, qui fiscus proprie dicitur. Ideo autem multe hæc sunt scriptæ constitutiones ad Comitum sacrarum largitionum, quia fisco hæc vectigalia deferrebantur, quædam tamen vectigalia pertinebant ad rem privatam Principis, l. ult. hoc tit. Quædam vectigalia quibusdam civitatibus, et earum curiis ad onera sustinenda, et munera obeunda erant concessa, l. 3. de compens. l. 10. hoc tit. Quia etiam ex l. ult. hic, omnia vectigalia, exceptis illis, quæ ad rem propriam, privatamque principis pertinent, communicantur inter fiscum, et civitates, municipia, et curias, ita scilicet ut fiscus habeat duas partes, civitates tertiam partem. Itaque in locationibus vectigalium, fiscus locabit publicanis pro duabus partibus, civitas pro tertia parte separatim locationem faciet, ut etiam cavetur in ea l. ult. ejusmodi locationes fiebant olim a Censoribus: inde lex Censoria, id est, lex locationis, quam Censor dixit locando publica, l. in l. go, D. de verb. significat. Marcus Tullius de Provinciis consularibus, an qui publico fungi non potuit? et cet. Sic Plinius lib. 23. cap. 4. Et ex d. l. in lege, pote in leg. Cæsar. D. de public. quæ est ejusdem auctoris Alpheni pro Cæsar fuisse scriptum Censor. Hodie hujusmodi locationes fiunt a procuratoribus fisci, vel ex l. 10. ab administratoribus rerum ad civitates pertinentium, pro portionibus cuilibet competentibus, et sub hasta, et addicuntur ei, qui plus obtulerit, l. 4. hoc ipso tit. l. locatio, in princ. D. de public. Olim fiebant in quinquennium: nam et censura erat quinquennalis: quod ostendit Varro 4. de lingua latina, l. 3. §. cum quinquennium, D. de jure fisci. Hodie hæc locationes fiunt in triennium ex d. l. 4. post triennium revocantur, et rursus fit licitatio, et mutantur publicani. Conductores vectigalium appellantur publicani, et telonæ, a publico, l. fideicommiss. §. interdum, de legat. 3. l. 1. §. 1. l. 12. in fine de publican. Nam vectigalia sepiissime simpliciter dicuntur publica, et tān quod sint perfectiones Imperiorum, et rerum publicarum, Zonaras in Can. 20. Clement. Telonæ sunt, inquit, qui publicorum vectigalium exactiones redimunt. Nam (ut et hoc tractemus)

dicuntur illi publicani etiam redemptores, seu emptores, ut ait *lex veteres*, *D. de action. emp.* (quæ l. pertinet ad titulum *de publicanis*, ut inscriptio indicat) Veteres usi sunt promiscue appellationibus emptionis et venditionis, non quod acciperent venditionem pro emptione, vel contra, vel venditorem pro emptore, sed quod his appellationibus uterentur in locatione et conductione. Igitur utebantur promiscue, et in contractu emptionis, et in contractu locationis. Et hoc est quod dicit *lex sequens l. veteres*, quæ etiam pertinet ad titulum *de publican.* ut ostendit *l. 2. de publican.* in qua est eadem inscriptio, idem est, inquit *lex*, in locatione et conductione, quæ l. est interpretatio legis præcedentis. Id omnino confirmat Festus Pompejus: *venditiones*, inquit, *olim dicebantur Censurum locationes, quod veluti fructus public. locorum veniebant*: Idem etiam explicat in verbo redemptores Hyginus *2. de limit. constit. Mancipibus ementibus, id est, conducentibus in annos centenos*: nam publicani dicuntur etiam mancipes: ut *l. 11. hoc tit.* Quod, ut Festus ait, manu subacta licentur, et demonstrent se esse auctores redemptionis. In *l. 3. hoc tit.* Stationarios Græci enim interpretantur *Τελωνῆς*. Eandem interpretationem adhibent in *l. 6. inf. de dignit.* Verius tamen est, stationarios non esse publicanos, sed apparitores seu milites dispositos certis portis; quorum interventu a mercatoribus exiguntur vectigalia: nam habebant publicani ejusmodi homines, quorum manu exigebant vectigalia. Illud sciendum est, mercatores debere profiteri merces apud publicanos, id est, explicare mercium qualitatem, et elicere palmam quales merces invehunt, et pro eis vectigal solvere, id est, octavam mercium partem. Quod si professionem prætermiserint, et prætervecti fuerint omissa professione, vectigalia non solverint, non sunt conquirendi, sed ipsi se debent offerre mancipibus, et profiteri merces, et patietur eos manceps impune prætervehi. Igitur si professionem omiserint, merces fisco committuntur vel mancipibus, vel reipublicæ; necessaria est mercium professio, nec sufficit præstatio vectigalium, quia pleræque merces sunt illicitæ, ut satis diximus *sup. tit. quæ res venire possunt*: ut sales: nam salium monopolium fisco exercet, *l. 11. hoc tit.* Quia igitur multæ sunt merces illicitæ, eas oportet profiteri, et publicanus eas scrutari potest an sint licitæ necne: merces illicitæ fisco committuntur, merces licitæ inprofessæ etiam fisco committuntur. Varro *2. de re rustica, cap. 1. ad publicanum profitentur, etc.* Significat etiam pecora inscripta fisco committi, id est, quæ inmittuntur in pascua publica, non scripta, nec professæ; merces autem licitæ professæ fisco non committuntur.

etiamsi vectigal earum nondum sit solutum, sed vectigal exigitur, *l. ult. §. si quis profess. D. de public.* Ob vectigal non solum commissum non fit, sive *ὑποπτοτέλεια*, quod scilicet commissum fiat sæpe ob suppressas merces evitandi vectigalis causa, vel quod subripiatur publicanis, ut *l. 8. §. ult. de publican.* A pena commissi milites excipiuntur: nam ii ob professionem omissam non incidunt in commissum, si modo postea vectigal solvant, *l. 3. hoc ipso tit.* Idem datur pupillis, si modo vectigal solvant intra diem tricesimum, et errorem agnoscant, *l. Imperatores, §. ult. de public.* Subvenitur etiam ex causa minoribus, *l. si ex causa, §. pen. D. de minor.* Interdum etiam majores commissi liberantur, ob errorem justissimum, *l. ult. §. cum quidam, D. de public.* Notandum etiam hoc est, hanc questionem commissi finire quinquennio, *l. 2. hoc tit.* Commissas merces ob omissam professionem fisco post quinquennium non recte vindicat, interdum etiam ante quinquennium fisco utiliter de commissi non agit, si res commissi non exstat, nec dolo malo supprimatur, *d. l. 2. ut si servus commissus fisco bona fide sit manumissus ante litem commissi motam, l. 1. hoc tit.* non revocabitur libertas, nec queretur causa commissi re extincta: manumissio morti comparatur: ita est conjungenda *l. 1. cum l. 2.* Non est omittenda *lex 9.* in qua multa sunt corrupta: ea *lex* loquitur de vectigali Arabarchiæ, per Ægyptum, atque Augustaniam, lege Augustanicam, seu Augustam vicum. In eo nomine est etiam error in inscriptione *legis 34. C. Theodos. de decurionibus*, ubi est legendum, *ad præsidem Augustanicam*. Diæcesis Ægypti habet sex provincias, ut docet Marianus in notitiis: prima est Lybia superior, secunda inferior Lybia, tertia Thebaïs, quarta Arcadia, et dunt alie, quæ ponuntur in hac *l. 9. Ægyptus, et Augustanica.* Legendum etiam in *l. 9. Alabarchiæ, non Arabarchiæ.* Idem error est in *2. ad Atticum.* Et in Satyra 1. Juvenalis, legendum Alabarches, ut in Justiniani edicto 11. *ὑποπτοτέλεια*. Sic etiam Josephus *lib. 18.* meminit Alexandri cujusdam Alabarchæ, et libro 20. Hic igitur legendum, *Alabarchiæ.* Legendum etiam in *l. 9.* quo loco est *prohibitio nec sine præbitione.* *Lex* ait, ne animalia transducantur sine præbitione solita, id est, sine vectigali soliti solutione, id est, sine vectigali Alabarchiæ, ne quid ex eo vectigali usurpetur. Ex quo apparet vectigal Alabarchiæ esse id, quod præstatur pro transductione pecorum, vel ceterarum rerum. Alaba est scriptura, seu atramentum, quo scribimus, ut ait Favorinus. Sic latine dicitur vectigalium scriptura. Græce ἀλάβα, et qui præest vectigali, magister scriptoræ, seu Alabarches. Qua ratione Marcus Tullius, Antonium Alabarchem vocat in loco supradicto:

quod multa vectigalia in Ægypto exegisset, essetque quasi prepositus vectigalium, non quod Arabum partem obtinuisset, ut vulgo existimatur.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. LXII. Vectigalia nova institui non posse.

Lege Julia de ambitu tenentur qui nova vectigalia instituunt, *l. uni. D. ad leg. Jul. de amb.* Lege Julia de vi publica tenentur qui nova vectigalia exigunt, *l. ult. D. ad leg. Jul. de vi publ.* Nova vectigalia decreto Decurionum exigi non possunt, *l. 2. hoc tit.* nec præsidis auctoritate, vel procuratoris Cæsaris potestate, *l. vectigalia, D. de publican.* Solus princeps nova vectigalia imponere potest, *l. 1. et 3. hoc tit.* Quod exactum est illicite nomine vectigalis, id restituitur in duplum ex edicto de publicanis, cum que actione concurrat actio furti, vel vi bonorum raptorum si per vim id fecerit publicanus, vel Aquilam, quæ actiones sunt strictæ: actio in factum ex edicto de calumniatoribus est arbitraria, quia non crescit in duplum nisi cum non pareatur arbitrio judicis, exacta restitui jubentis, quæ actio hoc etiam habet proprium, ut ob factum servorum in dominos detur, detracta novæ deditio, si servi non exhibeantur, *l. 1. §. ult. de public.* Quod in aliis actionibus locum non habet: nam aliæ actiones sunt noxales in dominos, factum servorum in dominos. Amplius etiam publicani, qui novum vectigal exegerunt, aut quid superexegerunt, in perpetuum damnantur exilium, *l. ult. hoc tit.* Et ut ait, alii in eorum locum substituuntur, facta licitatione sub conspectu præfecti prætorio, et ad licitatione facta vectigalium, quæ *lex ultima* scripta est ad præfectum prætorio, nisi inscriptio mendosa est, in quo subsisto, cum lex dicat gravitati tuæ, quo modo loqui solent Imp. præsidibus, vel procuratoribus suis, non præfectis prætorio. Et sufficere videtur præsidis præsentia in hac licitatione. Et sic Græci hanc *l.* accipiunt de præside, non de præfecto prætorio, ἐπ' ὄψεσι τοῦ ἀρχεπτοῦ, non τοῦ πρῶτον ἀρχεπτοῦ, semper vocant præsidem. Ad hanc legem addenda est *lex. 8. D. de public.* Lex ait, commissi persecutionem in heredem mercatoris transire, et transmitti, ut si vivo mercatori merces sit commissæ, eo defuncto fiscus ab ejus herede merces commissas repetet, et eas persequetur rei vindicatione, quasi jam commissas, quod ostendit *lex 14. cod.* Subjicit postea *l. 8. si unus ex pluribus* heredibus mercatoris rem communem causa vecti-

galis surripuerit, ceteros non teneri, ceteris portionem non auferri: et eum solum, qui subripuerit fisco teneri: quaerunt quid sit causa vectigalis subripere. Male: nam illa verba causa vectigalis aptanda sunt verbo præcedenti, non sequenti: præcedens verbum corruptum est: nam pro *rem communem*, legendum, *rem munem*, ut Florent. Pand. recte habent, ut rem immunem dicimus, ita et munem, id est, vectigalibus obnoxiam, fisco commissam. Festus Pompejus: munis, id est, officiosus, unde e contrario immunis, id est, inofficiosus. Itaque sententia legis est: si rem muniam, et fisco jam commissam causa vectigalis, unus ex heredibus subripuerit, cum illo solo fiscus agat, ceteri exonerabuntur. Græci corruptam etiam illo loco legunt, rem communem τὸ κοινὸν κληρονομήσαντων πρῶτον: nam res non dicitur subripi, dum vectigal subripitur, sed vectigal ipsum, κληρονομήσαντων.

JACOBI CUJACII J. C.

In Lib. IV. Codicis.

RECITATIONES SOLEMNES

Ad Tit. LXIII. De commerciis, et mercatoribus.

Lex prima hujus tituli est accipienda de lustralis auri collatione, ut indicat *l. 5. Cod. Theod. de lustralis auri collatione*, quæ collatio 4. quoque anno præstat, id est, singulo lustro, et est onus negotiatorum, et mercatorum, et ob id dicitur aurum negotiat. et mercatorum, et a Lampridio in Alex. dicitur etiam χρυσάργυρον aurum argentum. Ita appellatur ab Evagrio, et Zonara in Anastasio, qui etiam narrat Anastasium ausulias χρυσάργυρον Anastasii duæ leges desiderantur *l. b. 11. Cod. tit. 1.* qui est *de lustralis auri collatione*. Secundus titulus est *de navicul.* constituitur etiam in hac *l. 1.* ut negotiatores, qui pertinent ad domum principis, veluti conductores divinarum ædium, et homines potentiorum, ut etiam hanc functionem aurariam agnoscant. Pertinebat etiam ad hanc collationem *l. 1. sup. de Episcop. audient.* Sed ea lex a Triboniano ita est composita, et concinnata, ut non possit nunc referri ad aurariam negotiatorum functionem, et hoc tantum dicat simpliciter, Christianos, scilicet, Episcopos, curare debere, et cavere, ne negotiatores in mercando modum excedant, etiamsi illi negotiatores pertineant ad domum principis, veluti si sint conductores ædium divinarum, et sacrarum. Quidam male accipit hanc legem de certis quibusdam negotiatoribus prepositis a principe, veluti soli vendendo, cum ea lex generaliter loquatur de quibusdam. Et quod ait, *si ad domum*

*principis pertineat, auget, id est, etsi, ut hac l. 1. ostenditur. Si rebus quibusdam principis prae-
sit, ad eum hoc casu id pertinet.*

Ad L. II.

*Non solum Barbaris aurum minime praebeatur, sed (etiam) si apud eos inventum fuerit, subtili auferatur ingenio. Sed si ulterius aurum pro mancipiis, vel quibuscunque speciebus ad Barbaricum fuerit translatum a mercatoribus, non jam damnis, sed supplicis subjugentur. Et si iudex re-
pertum non vindicat: tegere ut conscius criminosa festinat.*

Lex secunda constituit, ne a negotiatoribus, qui a barbaris, id est, hostibus, et exteris, veluti Persis emunt mancipia, vel alias species, aurum Barbaris praebeatur: ut pretia rerum solvant in argento, vel in aere, non in auro, ne transferatur aurum ad solum Barbaricum, ne etiam equi militares, de equis est l. officium, §. 1. inf. de re militari.

Ad L. III.

Nobiliore natalibus, et honorum luce conspicuos, et patrimonio ditiores, perniciosum urbibus mercimonium exercere prohibemus, ut inter plebejos, et negotiatores facilius sit emendi vendendique commercium.

Hae lex tertia constituit, nobiliores natalibus, et honoratos, et ditiores patrimonio, id est, possessionibus, et praediis non posse negotiationem exercere, non quod omnino mercatura res omnino vilis sit, maxime si copiosa, sed quod plebi non tam facile sit cum ditioribus commercium, quam cum tenuioribus, et solitis negotiatoribus. Id igitur constituitur in plebis gratiam, ut sint faciliora commercia. Itaque distinguendi sunt negotiatores ab his, qui patrimonio ditiores, vel honoribus clariores sunt: itemque a militibus: nam negotiatores dignitatem, vel militiam consequi non possunt, exceptis argentariis, l. 1. inf. negotiat. ne milit. Sidonius Apollin. epistol. 1. dum ostendit rerum omnium vices perturbari, inquit, negotiatores militiant, mi' ite negotiantur. Eadem lex 1. adjicit ut milites, qui negotiantur, militia priventur. Ex constitutione Francisci primi regis milites negotiantes militiae privilegium amittunt: beneficio tamen principis militare licet et negotiari, l. 1. sup. in quib. caus. militiant. fori praescript. uti non poss. si modo in ea legatur, mercandi, et militandi.

Ad L. IV.

Mercatores tam imperio nostro, quam Persarum regi subiectos, ultra ea loca, in quibus saeculis tempore cum memorata natione nobis convenit, nundinas exercere minime oportet, ne alieni regni (quod non convenit) scrutentur arcana. Nullus igitur post hac imperio nostro subiectus, ultra Nisibin Callinicum, et Artaxatam emendi seu vendendi species causa proficisci audeat. Nec praeter memoratas civitates cum Persa merces existimat commutandas, etc.

Lex quarta praescribit Romanis, et Barbaris, id est, Persis, cum quibus eo tempore res erat Romanis, certos fines, et certas civitates, ultra quas eis non liceat invicem emere quid aut vendere, alioqui merces, et earum pretium fisco committuntur: ut de sale constitutum est l. 11. sup. de vectig. Et Romani negotiatores, qui hos fines sunt transgressi in perpetuum exilium damnantur, l. 4. hoc tit. et l. ult. hic. In qua l. quod additur de comite commerciorum exposuimus sup. in tit. quae res venire non possunt. Excipiuntur autem l. 4. legati Persarum, et eorum comites, quibus licet negotiari ultra hos fines, ita tamen ut pro rebus, quas comparant, vectigal praestetur, l. a legatis, sup. de vectigalib. nominat lex 4. tres urbes, Nisibin, quam constat Jovianum reddidisse Persis, Callinicum de qua Procopius in secunda parte de aedificiis Justiniani, et Artaxatam civitatem Armeniae, ut Stephanus dicit, et narrat in illis civitatibus, a Theodosio Imp. ictum fuisse fedus cum Persis. Scripta est constitutio ad Anthemium praefectum praetorio, qui etiam eo tempore cunctam rempubl. administrabat, ut scribit Socrat. lib. 7. in principio.

Ad L. pen.

Cessante omni ambitione, omni licentia 368. collegiatorum numerus maneat, nullique his addendi, mutandive, vel in defuncti locum substituendi pateat copia, ita ut iudicio tuae sedis, sub ipsorum praesentia corporatorum, in eorum locum, quos humani subtraxerint casus, ex eodem, quo illi fuerant, corpore subrogentur, nulli alii corporatorum praeter dictum numerum per patrocinia immunitate concessa.

Conjunge legem penultimam cum l. 4. sup. de sacrosanct. Eccles. cujus inscriptio ex hac l. restituenta est: l. illa 4. definit numerum decanorum in urbe Constantinopolitana, ut sint 950. Decani deputati Ecclesiae majori Constantinopolitanae, qui dicuntur etiam lecticarii, et copiatæ, et respillones, Nov. 45. et

30. l. si qua, sup. de Episc. et cleric. l. 13. C. Theodos. eod. tit. l. 1. C. Theod. de lustralis aur. collat. Ita definiuntur ab Epiphonio in fine libri tertii adversus hereses, οὗτοι οὕτως περιελλόντες τῶν κοιμώμενων, id est, qui dormientium corpora humant. Humabant enim ex constitutione Constantin. ex qua hi vespillones sumebantur ex diversis negotiatorum corporibus. Eis etiam deputatæ erant certe officinæ et Ecclesiæ, cui erant deputati: et illæ officinæ erant immunes ab omnibus aliis operibus, itemque ipsi decani officinatores. Postea eorum tabernarum numerum auxit Anastasius, ut essent 1100. numero, quarum vectigal tantum ad Ecclesiam veniret, et impenderetur exequiis defunctorum, ex Nov. 43. et ex Novella Leonis 12. Id etiam hodie manet Constantinopoli. Hæc autem lex penultima præscribit numerum collegiatorum, qui etiam dicuntur εὐχαριστοί. Collegiati sunt hoc loco, ut est scriptum in antiqua descriptione Constantinopoleos, qui ex diversis corporibus constituti solerent incendiorum casibus subvenire. Ideo in epistola Symmachi ad Valentinianum hos puto significari, dum per alios fortuito arcentur incendiis. Hi sumebantur, ut diximus, ex diversis corporibus, id est, ex diversis partibus provinciarum, ut indicat lex pen. quæ præscribit, ut sint quingenti sexaginta sex. Et ut in defunctorum locum alii substituantur, qui sint ex eodem corpore, quo defuncti fuerunt: id etiam significat lex. l. inf. de colleg. dum ait, eos eligi debere privatim iudicio cuiusque corporis: nam hi etiam erant immunes ob operam: quam Reipublicæ præstabant ad arcenda incendia, et erant ex negotiatorum corporibus, ut lex pen. indicat, immunes tamen intra eum numerum, ut indicat græca interpretatio. Alias etiam operas præstabant reipublice pro ratione imminentis necessitatis, ut Nov. Majoriani de curialibus, ostendit collegiatis aliarum civitatum pro curialium dispositione alternis vicibus operas præstare, et sibi invicem succedere mutuis operis.

JACOBI CUJACII J. C.

Ad Lib. IV. Codicis.

RECITATIONES SOLEMNES

Ad Tit. LXIV. De rerum permutatione, et præscriptis verbis actione.

Post tractatum de empt. et vendit. datur hic titulus de rerum permutatione, quæ vicina est emptioni et venditioni, l. 2. hoc tit. Deinde datur titulus de locato et conducto, qui etiam affinis emptioni venditioni, l. 3. D. de loc. Ad extremum

datur titulus de emphyteusi, quæ est etiam proxima locationi conductioni, vel emptioni venditioni, §. adeo Institut. de loc. et cond. Hic titulus est etiam de actione præscriptis verbis, non tamen de omni actione præscriptis verbis, sed de ea tantum, quæ ex permutatione competit, non de æstimatoria, vel actione præscriptis verbis, quæ datur ex negotio do ut facias, vel facio ut facias; de quibus tractatur D. tit. de præscript. verb. Hic igitur titulus est tantum de actione præscriptis verbis, quæ datur ex permutatione. Differentia autem inter permutationem et emptionem hæc est, quod emptio sit pretio, permutatio rebus, l. pen. hoc tit. quæ ait emptionem rebus non fieri pridem placuit. Nam olim hæc de re fuit inter Proculianos et Sabinianos disputatio. Sed obtinuit sententia Proculianorum separantium permutationem ab emptione, l. 1. D. de contrah. empt. et vend. Item emptio ex nudo consensu initium obligationi præbet, quia hic contractus suo proprio et legitimo signatus est nomine, et ideo ex nudo consensu parit actionem ex empto et vendito. Permutatio autem non ex nudo consensu, sed ex re tradita initium obligationi præbet, quia huius contractus nomen legitimum non est, l. 1. §. item empt. D. de rer. permut. l. 3. hoc tit. Permutatio igitur est contractus inominatus, et idem prorsus quod species, quæ dicitur do ut des, quod confirmat aperte l. naturalis, §. 1. D. de præsc. verb. Nam tractans Jurisconsultus de articulo do ut des, et dicens emptionem non esse, ait, quia non placet rerum permutationem esse emptionem. Itaque male Accurs. putat, eo differre permutationem do ut des, quo speciem a genere: et articulum do ut des, multo plura continere: hoc est falsum, quia omnes species huius tituli sunt permutationum species, ut titulus indicio est. Hoc si verum est, falsa est Accursii traditio: nam variæ species dantur, ut frumenti cum oleo permutatio, vel fundi cum fundo, vel fundi cum præstatione annua, vel mensura, quam postremam speciem negat Accurs. esse permutationem: titulus arguit esse permutationem: igitur cum utrinque intervenit datio, permutatio est. Igitur si convenerit inter nos nudo pacto, ut vestes invicem permutemus, nuda pactio est, ex qua obligatio non nascitur, vel actio. Si pacto subdatur stipulatio, tunc nascitur actio ex stipulatu: si sequatur traditio, et si vestem meam tradidero, etiamsi nondum tuam tradideris, tunc est contractus permutationis, quia res non constitit sine pacti nudi, sed ego jam cepi dare, ex eo contractu est actio præscriptis verbis, sive in factum. Competit etiam condictio ob rem dati. Præscriptis verbis actio datur in id quod interest vicissim mihi dari, quod convenit ab eo, qui jam a me accepit rem meam, l. 4. 6. et ult. hoc tit. Condictio autem

ob rem dati mihi datur si malvero rem, quam dedi, repetere, nec velim reposcere quod vicissim mihi debetur, *l. 3. et pen. hoc tit.* In lege quinta est legendum, ut Haloander, *condictionis ratione: non conditionis ratione*: nam et conditio a Græcis dicitur *λέγος κοδικεύουσας*, sic dicimus exceptionis ratione id est, jure, in *l. hæreditas, D. de pet. hæred.* ut scriptum est in Pandect. Florent. hoc modo, *ratione doli exceptione* legendum, *doli exceptionis ratione*, ut in *l. unum ex familia, §. sed si uno, et l. peto, §. ult. D. de leg. 2.* Ergo duplex est actio: ego, qui rem dare, eligam qua uti malim, nimirum condictione ob rem dati re non secuta, vel præscriptis verbis actione, ut si ego dedi, tu non dederis: idem est si ex utraque parte impleta sit permutatio, ut si ego tibi rem meam dedi, tu mihi tuam, et mihi evincatur res, quam dedisti, hoc casu agam de evictione actione præscriptis verbis, vel condicam rem, quam dedi, prout elegero, *l. 1. h. t. l. 1. §. unde si, D. cod. l. si permutationis, inf. de evict.* Interdum competit tantum actio præscriptis verbis ex permutatione, non conditio ob rem dati, re non secuta, ut in hac specie proposita in *l. 1. hoc tit.* Si cum venalem fundum haberem, de certo pretio inter nos non sit constitutum, sed tu pretii nomine, licet incerti, alium fundum mihi dederis, non est emptio, quia non est certum pretium, nec interveniunt nummi, aut conventio de certo pretio, sed est permutatio, ex qua competit actio præscriptis verbis, vel ut ait lex 1. actio ad exemplum et instar actionis ex empto, id est, actio in factum præscriptis verbis. Nam omnes actiones præscriptis verbis sunt ad exemplum civilium actionum vel ex empto, vel locato, vel mandato, vel ex aliis hujusmodi. Igitur ex ea est actio præscriptis verbis in id quod interest, si fundus mihi datus evincatur. Conditio ob rem dati re non secuta in hac specie non competit, quia hoc negotium est similis emptioni, quam ullum aliud genus permutationis, quia rem venalem habui, et aliam rem pretii licet incerti nomine accepi. Ideo id videtur actum, ut non repetatur res, ut non resolvatur quasi venditio hæc ob evictionem, ut non condicatur datum, quia hoc non solet fieri in emptione et venditione, sed id agi videtur, ut agatur tantum de evictione. Itaque evicto mihi fundo dato, est de evictione actio præscriptis verbis, non conditio ob rem dati re non secuta. Interdum etiam est conditio tantum ob rem dati, non, præscriptis verbis, quoties scilicet imperfecta est permutatio ut si cum convenisset inter nos, ut res nostras invicem permutarem, ego rem dedi alienam, quæ videbatur mea; tu nil dum tradidisti: imperfecta est permutatio, pariunde ac si nihil dedissem, quia rem alienam dedi. Et

Tom. IX.

hoc est, quod Pedius dicebat, rem alienam stantem nullam contrahere permutationem: si nulla est permutatio re aliena data, nulla etiam erit actio præscriptis verbis ex permutatione, sed tantum erit conditio ob rem dati, id est, datæ possessionis rei alienæ, atque ita proponitur in *l. 1. §. ult. ff. de rer. permut.* Negat esse præscriptis verbis actionem. Et Accursius male accipit non, pro non tantum, quia cum dixerit nullam esse permutationem re aliena data, consequens est etiam nullam esse actionem præscriptis verbis, sed est conditio dati, quia hæc conditio non est ex contractu, sed ex bono et æquo, *l. in summa, D. de condict. indeb.* Est autem æquum et bonum, ut rei alienæ possessionem, quam tibi dedi, mihi reddas re non secuta. Sic in specie *l. ult. D. de condict. caus. dat. caus. non sec.* est tantum conditio ob rem dati, non actio præscriptis verbis, cujus hæc est species: Dedi tibi pecuniam, ut mihi Stichum dares: non emptio, quia in emptione res debet tradi, non dari, *l. ex empto, D. de act. empt. l. 1. D. de rer. permut.* Non est etiam permutatio, quia permutatio fit sine pretio. Igitur si Stichum non das, et dederim pecuniam, nec mihi competit actio ex empto, nec præscriptis verbis. Sed quia æquum est, ut pecunia mea, quam ad te sine causa pervenit, mihi reldatur, conditio datæ pecuniæ ob rem, re non secuta, competit. Et hæc quidem sola ex æquo et bono, et nulla alia, ut ait *l. ult. oblig. constituitur*, quam hæc ex bono et æquo. In aliis omnibus permutatio est similis emptioni, utraque est bonæ fidei, *l. 2. hoc tit.* In utraque locus est ædilitiis actionibus, de sanitate, de fuga, de furtis, *l. 2. D. de rer. permut. l. sciendum, §. pen. D. de ædilit. edict.* In utraque præstat evictio, diversis tamen actionibus: et ut veteres promiscue utebantur emptionis et venditionis verbo, etiam in locatione et conductione: nam conductorem vocabant emptorem, locatorem venditorem, mancipem emptorem: ita in permutatione utebantur verbis emendi et vendendi *l. 1. D. de rer. permut.* ut Himerus *πρίστω*, id est, *emebat*. Plinius *lib. 35. c. 1. Alios*, inquit, *coriis bovum, alios ferro, captivisque rebus emptitasse.* Veteres libri habent *mutasse*: veteres capiebant emere pro accipere et sumere, ut Festus ait.

JACOBI CUJACII J. C.

Ad Lib. IV. Codicis.

RECITATIONES SOLEMNES

Ad Titulum LXV. De locato, et conducto.

Quod primum hoc t. t. proponitur est de locatio-

39

ne horreorum Locator horreorum custodiam omnimodo præstat, rerum scilicet in horreis depositarum. Nam rebus furto ablatiis, locatur conductori, sive horreario tenetur: levissimam enim culpam præstat, *l. qui mercedem D. eod. tit.* Horreis autem effractis, et expilatis, locator custodiam non præstat, neque tenetur horreario, id est, conductori horreorum, nisi specialiter custodiam repromiserit, ac receperit. De servis tamen custodiæ horreorum præpositis questio haberi potest propter notitiam ædificiorum: itaque dominus eos debet exhibere torquendos, sive puniendos, *l. dominus, D. eod. l. 4. hoc tit.* Nam effractis ædibus, vel horreis interdum custodes puniuntur. Effractores quidem puniuntur in urbe a præfecto vigilum, *l. 3. §. effracturæ, de offic. præf. vigil.* Verum cum res exigit maiorem animadversionem, a præfecto vigilum veniunt ad præfectum urbi, et ita in eo §. scribitur Antoninum rescripsisse Eritio Claro, qui fuit præfectus urbi. Gellius *lib. 13. c. 16.* Nam præfectus vigilum merum imperium non habuit, *d. l. 3. §. 1. et l. ult. eod.* Sic in provinciis cum res exigebat maiorem animadversionem, noxii remittebantur a præside provincie ad præfectum Prætorio, *l. 4.* Ex qua colligitur præsidem provincie maiorem animadversionem non habuisse, nec in omnibus casibus animadvertendi, aut coercendi jus illi fuisse. Sienti ex *l. si quid erit, de officio Procons.* dum dicitur de re exigente maiorem animadversionem, legatum Proconsulis remittere ad Proconsulem, ex eo colligitur, legatum non habere maiorem animadversionem, sive merum imperium, vel non in omnes. Eodem pertinet *lex 2. de officio rect. provinc.* Verum locator horreorum damnum effracturæ non præstat, nisi custodiam nominatione receperit, diligentissima custodia effracturam cavere potuit. Vim etiam maiorem, et divinam, sive iram divinam, quæ ex cælo venit, multo minus præstat, etsi custodiam repromiserit, quia adversus illam custodia nihil potuit, *l. si ea res, D. de act. empt.* nisi nominatione casum fortuitum repromiserit. Fortuitus casus est, cui non potest resisti, qui præcaveri non potest, ut incendium, procella, impressio hostium, tempestas: furtum non est casus fortuitus, item neque effractura horreorum: similiter in vino acor, mucor non sunt casus fortuiti. Idem servatur in deposito interveniente mercede. Nam hoc negotium cum quis res alienas suscepit custodiendas, alias est locatio et conductio: Depositum est si non merces intervenierit, sed honor duntaxat, et officium sine remuneratione. Locatio est et conductio, si interveniat merces annua pro custodia: hujus mercedis variae sunt appellationes: nam interdum merces dicitur, aliquando premium, redditus, redactus, canon, pensio, vectigal,

emphyteuma, *μίσθωσις, ἐνοίκιον*, in Novell. Sive autem sit depositum, sive locatio, locator, vel depositarius periculum custodiæ præstat, sed non omne: nam effracturam non præstat, nisi convenerit, quia ea proxime accedit ad casum maiorem, *l. cum in plures, §. ult. D. hoc tit.* Cujus §. species hæc est: Horrearius, sive conductor horrea alii locavit, quod est ablocare, idque licet, nisi aliud convenerit, *l. 6. hoc tit.* Igitur conductor horreorum horrea alii ablocavit, et custodiam recepit. Hanc ipse præstabit conductori suo, non locator horreario: et ideo effractis horreis, horrearius conductori suo tenebitur, qui locus est singularis: primus locator, nisi ex conventionem non tenetur, nec effracturam etiam præstat. Secundo hoc titulo proponitur, locationem conductionem esse contractum bonæ fidei, et ideo in actionem ex conducto venire mercedem, et usuras ex mora, sicut in ceteris bonæ fidei judiciis, *l. 2. hoc tit.* Adde et in actionem ex locato venire usuras ex mora: nam merces petitur alias ex locato actione, alias actione ex conducto, et e diverso; res, sive usus rei alias petitur actione ex locato, alias ex conducto: et in eam venit id quod interest, non usura. At in eam actionem, qua merces petitur, sive sit ex locato, sive ex conducto usuræ veniunt ex mora: actione ex conducto petitur merces, si faber domum extruendam acceperit: conductor enim appellatur, actione ex locato petitur merces, si quis domum suam habitandam locaverit, tunc enim qui mercedem accepit locator appellatur: ergo ob mercedem non solutam usuræ currunt ex mora. Queritur autem si hoc malit locator, ob non solutam mercedem ædium conductarum, ædium conductorem an possit expellere? et *lex 3.* significat posse expellere, et ejicere. Id comprobatur *l. 10. §. ult. D. de publican.* expectandam est biennium, ut possit expelli conductor, *l. quæro, §. inter, l. cum domini, ff. eod. §. inter* species hæc est. Convenit inter locatorem et conductorem, ne conductor ejiceretur intra tempora locationis: hæc conventio ita accipienda est, si modo solvat pensiones: quod si biennio cessaverit, non obstante conditione poterit expelli: illa definitio biennii est vulgaris, lege quadam introducta: et ideo sive illa pactio intervenit, sive non, conductoris ejectio non est ante biennium, post biennii cessationem ejicitur conductor. Quinimo, ut ait *dict. lex cum domini*, res ejus, et vasa omnia describi possunt a publicis personis, locatore id desiderante. In ejusmodi igitur re semper biennii tempus expectari debet. Emphyteuticarius expectatur triennium antequam commissio sit locus, *l. 2. tit. seq.* quia est quasi dominus. Imo in causa fisci, id est fundo fiscali dato in emphyteusim commissio non est locus, *l. 4. inf. de fund. patr. l. 2.*

de fun. rei priv. Moribus nostris non aufertur res in emphyteusim locata, etiam postquam triennio annuum canonem non intulit, nisi ex condemnatione et sententia iudicis. Conductor etiam ob alias causas exigi potest, quamvis pensionibus pareat, veluti si locator ædium, idemque dominus probaverit domum suam propriis usibus esse necessariam, ac se hospitio carere: quo jure utimur *d. l. 3.* Tunc debet conductor domino locum cedere. Item si velit dominus domum corrigere *intexendam*, id est, *instaurare*, aut *reficere*: verum facta refectio, rursus conductori habitare licebit: attamen interea debet cedere: nam si inquilinus dominum ædes reficere volentem prohibeat, domino competet interdictum uti possidetis adversus inquilinum, quia videtur ita inquilinus domino possessionis suæ controversiam facere, eumque sua possessione intervertere, *l. si duo, §. cum inquilinus, D. uti possidet.* Præterea expelli potest conductor, si male utatur re conducta, si fundum non colat uti oportet, *dict. l. 3. et d. §. inter.* Qua de re est etiam epistola Symmachii 69. *lib. 4.* Ex qua apparet verum esse quod tradit Accursius, non tantum inquilinum, qui re locata abutitur repelli, sed etiam damni ratione eum teneri ex locato. Idem Accurs. ad questionem quo tempore pensionem solvi oporteat, recte respondet, inspiciendum esse quod actum est: vel si id non appareat, morem regionis. Olim Cælarum Juliae erant solennes pendendo redum locatarum redditui, *l. qui balneum, D. qui pot. in pig. hab. vel Martiae, l. defuncta, ff. de usufr.* Macrob. *l. 1. c. 12.* Proxima questio est, an emptor ejicere conductorem possit? et constat posse; nec enim cogitur stare locationi ab alio factæ. Verum conductori tenetur venditor in id quod interest, sicut si locator conductorem ejiceret sine causa, esset actio ex conducto, vel ex stipulatu pœnæ nomine, *l. 15. hoc tit.* hoc ita nisi venditor, idemque locator habitationem excepit. Quo casu est actio ex vendito secundum legem pacti, ut emptor sinat inquilinum habitare, et non repellat, *l. 9. hoc tit. l. si merces, §. 1. et l. qui fundum, D. eod. l. Julianus, §. ult. de action. emp.* Alia exceptio est: nisi fiscus vendiderit domum suam, quam locaverat: nam emptor stabit locationi, et percipiet pensiones. Id favore fisci nove introductum est, *l. ult. de jure fisci: nove*, ait lex, ut exoneretur fiscus, ne teneatur conductori. Quod dixi de emptore, locum etiam habet in legatario: nam hic potest expellere conductorem, conductor vero habet regressum adversus heredem, *l. nihil proponi, in fine, de leg. 1.* Idem servatur in fructuario, cui cessus est ususfructus fundi, *l. arbores, §. 1. de usufr.* Hi possunt expellere conductorem jure domini, quia ipsi non locaverunt, nec auctoribus locationis

stare coguntur. At emphyteuticarium expellere non possunt, quia quasi dominus est, et rei vindicationem habet. Ita recte Accursius in *l. 9.* sed neque conductorem habentem jus specialis hypothecæ, id est, cui domus conducta obligata est pignori specialiter nomine conductionis. Ita recte Bartolus in *d. l. 9.* et hoc jure utimur, quia hic etiam vindicationem habet jure hypothecæ, sicut alter jure emphyteusicos: at conductor, qui non habet jus hypothecæ expellitur. Conductor autem expulsus ab emptore non habet interdictum unde vi, cum non possideat: sicut nec si expellatur a domino, vel ex causa, vel sine causa. Eadem ratione etiam interdictum unde vi non habet, sed actionem ex conducto in id quod interest: quinimo ipse conductor tenetur interdicto unde vi, puta, si emptorem jubente domino eundem in possessionem fundi empti vi repellat, quia videtur ipsum locatorem possessione pelleri, et eam sibi vindicare, quam non haberat: nam condictio neque jus domini, neque jus possessionis tribuit, *l. colonus, D. de vi, et vi armata.*

Ad L. V. et L. VI. VII. VIII. IX. XIII. et XIV.

L. V. Certi juris est, ea quæ voluntate dominorum coloni in fundum conductum induxerint, pignoris jure dominis prædiorum teneri. Quando autem domus locatur, non est necessaria in rebus inductis, vel illatis scientia domini. Nam ea quoque pignoris jure tenentur.

Proponitur differentia inter inquilinum et colonum. Inquilinus est conductor prædii urbani, colonus conductor prædii rustici: invecta et illata ab inquilino tacite sunt pignori obligata pro pensione. Olim ea nominatim solebant obligari, hodie id habetur pro expresso. Est igitur tacitum pignus. Invecta autem a colono in fundum conductum non sunt tacite obligata, sed ibi nata tantum, id est, fructus fundi: quoniam hæc duntaxat solebant olim obligari pro pensione, et ideo in eis constitit tacitum pignus, non in vasis, *l. si servus, §. locavi, D. de furtis.* Non potest autem locator pignoris taciti obligationem exequi, nisi post biennii cessationem, sicut nec conductorem ejicere: quod proponitur aperte in *l. cum domini, ff. eod.* et significat Martialis *l. 12.* Ait pensione pro bima, quia non est pignorum retentio, nisi ex biennii cessatione: post biennium locator retinere potest vasa omnia, sarcinas, frivola, mancipia, et præcludere vias, ne quid deportetur, *l. pen. D. in quib. caus. pig. tac. contr.* Usuræ tamen statim currunt ex prima cessatione, non observato biennio, *l. 3. et 17. hoc tit.* Illam autem differentiam inter colonum et inquilinum probat *l. 3. et*

ult. inf. in quibus causis pign. vel hyp. tac. contr. et l. 4. 6. et 7. ff. eod. tit. l. 4. in princip. ff. de pact. l. 5. et 6. hoc ipso tit. Nam in ea l. 5. voluntas et scintilla est accipienda pro conventionione, ut in l. 5. in quibus caus. pign. vel hyp. tacite contrah. Ait igitur lex 5. in vecta a colono in fundum conductum, tacite non esse pignori obligata, nisi in vecta sint voluntate domini, ea scilicet pactione, ut pignori essent pro mercede. Non sunt ergo pignori, nisi ex conventionione expressa, §. interdict. de interdict. Instit. l. 5. C. in quibus caus. pign. vel hyp. tac. contr. At in vecta ab inquilino in aedes conductas sunt pignori, etiam sine voluntate domini, id est, tacito jure: et non tantum in vecta ab inquilino, sed etiam in vecta ab eis, quibus inquilinus postea censacula domus ablocavit, l. solutum, §. solutam, de pig. act. Non tamen in vecta ab eis, quibus inquilinus gratuitam habitationem praestitit, l. 5. ff. in quibus caus. pign. vel hyp. tac. contr. in §. solutam, vilis vasa inquilinorum vocat frivola, ut Sidonius Appollinaris vii. ep. ea retinentur pro mercedeedium locatarum. His addenda est alia differentia inter colonum et inquilinum. Primum statuendum est, quod quemadmodum locator non potest jure expellere conductorem sine causa, ita conductor non potest temere discedere intra tempus conductionis, post tempus conductionis invitatus non retinetur, l. 2. h. tit. l. locatio, §. 1. de publican. Verum solent publicani retineri post tempus conductionis, licet hic mos inhumane sit, si maximos fructus ex conductione vectigalium perceperint, et finito tempore tantundem locari non possint, ut prioribus pensionibus coguntur suscipere, l. cotem, §. ult. eod. et ita in specie l. 7. h. t. publicanus qui conduxerat octavarum vectigal in quinquennium, hodie conducitur in triennium, l. 4. de vectigal. et commiss. post quinquennium retentus est: verum qui pro eo prioris quinquennii nomine fidejusserunt, sequentis temporis non tenentur, ipse cogitur reconducere, fidejussores sequentis temporis nomine non tenentur, l. 16. hoc tit. et l. 3. §. cum quinquennium, ff. de jure fisci. Impleto etiam tempore conductionis cujuslibet, si conductor sua sponte in eadem locatione permaneat locatore non abouente, aut non contradicente, id est, si uterque taceat, tacite videtur renovata locatio, tacite videtur reconduxisse eisdem pensionibus, et pignoribus, l. 16. hoc tit. l. item queritur, §. qui impleto, et l. seq. ff. eod. sed non eisdem fidejussoribus: et fidejussores igitur temporis quidem praeteriti nomine tenebuntur, at sequentis temporis nomine non tenebuntur. Itaque non videtur rem conduxisse eisdem fidejussoribus: non videtur etiam reconduxisse in idem tempus,

ut si prius conduxerit in quinquennium, sed in annum tantum, et si post annum rureus laceant locator et conductor; in alium annum videtur reconduxisse, et sic deinceps. Quod servatur in rusticis praediis tantum, quorum fructus anni sunt: aliud est in aedibus, nam ex taciturnitate illa non videtur reconduxisse in annum, sed prout habitaverit, ita etiam obligabitur, l. item queritur, §. ult. Et haec est alia differentia inter colonum et inquilinum, et sic etiam ab initio, si fiat locatio praedii rustici non adjecto tempore, facta esse videtur in annum. At locatio praedii urbani facta sine tempore facta videtur prout habitaverit inquilinus. Addenda est haec questio, an vis major caeli pertineat ad onus conductoris, quae tractatur in l. 8. ut si quae calamitas sive grando disperdat fructus omnes, an ejus anni pensiones debeat colonus? Placet non teneri, l. si merces, §. vis major, ff. loca. Ait lex, vis major, quam Deorum bias vocant, non esse in damno coloni, id est, exonerari praestatione pensionis ejus anni, si plusquam tolerabile est laesi sint fructus: nam et modicum damnum ferre debet, cum et magnus ei fructuum proventus non auferatur. Et ita appellatur in l. fluminum, §. servis, de damn. infec. Gellius lib. 9. cap. 11. Libri βλαστῶν habent διορητῶν. Hujus praeter vim caeli multa sunt exempla, veluti fluminum, graculorum, sturnorum, l. ex conducto, §. 1. eod. item locustarum, l. 18. hoc tit. Quam perniciem locustarum etiam iram Deorum lib. 11. cap. 29. Plinius vocat. Item hostium, vel latronum impetus. Hanc etiam vim colono praestat, si latrones fundum totum vastarint, quia debet locator remittere pensionem ejus anni. Quod si latrones res coloni proprias eripuerint, id damnum non praestabit colono, l. 13. h. t. sicut non praestat damnum seminis, l. ex conducto, §. penult. ff. eod. Remittit tantum pensionem ob vastatos fructus. Item si labes facta sit, locator damnum agnoscit, dict. l. ex conducto, §. sed et si labes. Graeci ἀνίσθη interpretantur, videlicet si paululum resederit terra: labes a lapsu, l. ult. eod. Idem non est labes quod χόρα. Separatur in ea l. nam cum ait lex: sed etsi ager terrae motu ita corruerit, ut nusquam sit, his verbis significatur χόρα. Plautus vocat hostium Acherontis, Graeci Plutonium, et Charonium, utrumque agnoscit locator. Item urendo, quae dicitur ἐπύρεσις, aut solis fervor insolitus, aut incendium segetis, damnum est locatoris, quia mercedem non accipiet: verum modicum damnum pertinet ad conductorem, si non omnes fructus laesi sint. Item vini acor, et mucor, item si rancis, aut herbis segetes sint corruptae, damnum est conductoris; debuit herbas exstirpare: ita est Florentina scriptum, rancis, Graeci vocant:

rectius in *l. si servus*, §. *inquit*, ad leg. *Aquil.* avenam interpretantur ἀπύργον: Rarum non sunt herbarum, sed vermes, ut recte Budæus ex Plinio explicat. Conclusio: vim majorem locator agnoscit, id est, ejus anni mercedem non exigit actione ex locato, quo vis major fundo nocuit: sicut nec ejus anni fructus exiguntur ex conducto, quoties omnes fructus locator percepit contra silem locationis, *l. 18.* Hoc ita, nisi aliud convenerit, *l. 9.* §. *Julianus*, ff. *ead.* Item nisi sequentium, vel præcedentium annorum ubertas compenset sterilitatem ejus anni. *dict. leg. ex cond.* §. *Papinianus*, et *l. 8. hoc tit.* nisi mos regionis id postulet, ut vim majorem ferat, *dict. l. 8.* quæ eo loco est corrupta. Ait, si tamen expressum non est conventionem, ut mos regionis postulabat. Harmeropulus recte in *3. epitom.* Aut mos regionis postulabat, id est, si conventionem non fuerit expressum, ut vim tempestatis agnosceret conductor, vel si mos regionis id postulat: alioqui *lex 8.* probaret ea, quæ sunt moris non venire in iudicium bonæ fidei, quod falsum est, *l. quod si nolit*, §. *quia assidua*, de *redit. ed.* Nam ut vulgo est scriptum, hæc est sententia, calamitatem debet agnoscere locator, si aliter non convenerit, ut mos regionis postulabat. Ergo satis non est, hunc morem fuisse regionis, nisi ita convenerit, quod est falsum. Atque ita pactio, et consuetudo regionis separatur in *l. 19. hoc tit.* Et hæc de colono. Videamus de inquilino: constat ad inquilinum etiam non pertinere vim majorem, ut si domus exusta sit, *l. si quis domum*, §. *1.* ff. *loc.* Hoc damnum est domini, quia ei res sua perit; non tamen tenetur conductori ex conducto quicquam præstare domo extincta nisi forte merces data sit in antecessum. Et generaliter in actionem locati conducti venit dolus et culpa, non casus fortuitus, *leg. 8. hoc tit.* Vulgo negant his actionibus levissimam culpam venire. Ostendi tractans de locatione horreorum, etiam levissimam culpam venire: hoc significat verbum custodire in *l. 28.* cum ait venire dolum et custodiam: plus dicit, quam si dolum et culpam, *l. 1.* §. *sed et custodiam* ff. *de peric. et comm. rei vend.* Idem significat *l. si merces*, §. *servo*, D. *loc.* Inde queritur quid locator conductori præstare debeat, si rem alienam locaverit, et ea evicta sit a domino? Si sciens locaverit, constat, doli nomine eum teneri actione ex conducto, in omne id quod interest, ita ut habeatur ratio et damni dati et lucri intercepti, atque ita aestimetur quod interest. Idemque est, si dolo vel culpa ejus res evicta sit: atque ita, ut ex contractu emptionis, ita ex contractu locationis de evictione est actio. Sed si sine dolo et culpa ejus evicta sit, et bona fide eam locaverit, non tenetur, nisi ut mercedem datam in

antecessum reddat, vel ut non prorogamam remittat, atque ita liberet conductorem, *l. si fundus*, cum *duabus seq. ff. loc.* qui opponitur *lex si quis domum*, *ead.* quæ ait in ea specie, locatorem teneri ex conducto, ut præstet frui licere, ergo tenetur in id quod interest. Accursius ait, eandem speciem non esse: nam in ea specie locasse scientem: male cum *lex* dicat, bona fide. Bona fide inquam rem misisse, deinde locasse, denique ab eo rem evictam sine dolo ejus et culpa; Respondendum potius his verbis, ut *præstet frui licere*: non semper significari ut præstet id quod interest, sed ut præstet mercedis exonerationem pro rata temporis, quo fructus conductor non sit: vel ut reddat mercedem prorogamam. Ita eadem verba accipiuntur in *l. ex conducto*, §. *ubique*, de *loc. et cond.* Atque hæc de inquilino. Repetendum est, nos supra esse locatos de colono, qui scilicet nummis colit, sicut de inquilino, qui nummis habitat. Alii (a) sunt coloni partiarum in *l. si merces*, §. *vis major*, *ead. tit.* Hi non videntur proprie esse conductores, qui nummis colit est conductor. Partiarum non videntur esse conductores, id est, qui partem fructuum conferunt domino, et nihil præterea, aliam partem pro cultura sibi reservant. Hoc genere societas contrahitur potius, quam locatio, *l. cum in duobus*, §. *si coeunda*, ff. *pro soc.* et ideo damnum et lucrum est commune inter dominum et colonum partiarum: modicum damnum non pertinet ad colonum in solidum: vis major non pertinet ad dominum in solidum: ut grando, procella, et quævis alia vis cæli major. Et hæc sunt locationis propria. Plinius in *epistolis lib. 9. Medendi*, inquit, una ratio, si non nummo, sed partibus locem. Et sane locationem esse dicendum est, si animus contrahenda locationis fuit, et ideo esse actionem ex locato et conducto, licet lucra et damna communicentur: nam locatio non tantum contrahitur certo pecunie numero, sed et earum rerum, quæ mensura vel pondere constant. Idque probat *lex 21. hic*, duobus modis. Primum, quia locationem vocat, si cui, inquit, certa olei ponderatione, fructus fundi locasti, id est, si fundum locasti ex pactione, ut quotannis inferatur tibi certum pondus olei proportionem, deinde cum contractum dicit esse bonæ fidei. Ergo est vere locatio, non contractus similis locationi, nam contractus similis locationi, velut do ut facias, *l. naturalis*, §. *at cum do*, de *prescript. verb.* non est bonæ fidei. Cum igitur ea *lex* dicat, esse contractum bonæ fidei, vere est locatio. Ait *lex 21.* locationem factam sub certo olei pondere quotannis inferendo, non ideo rescindi, quod alter plus offerat. Quæ ex causa etiam constat,

(a) Vide Merrill. variant. ex Cuj. lib. 1. c. 24.

non rescindi venditionem, si alius majus pretium offerat, etiamsi emptor non sit paratus adjicere, quod alter adjicit, nisi addictio facta sit in diem, ut in *tit. de in diem addict.* At non similiter pretium emptionis in aliis rebus, quam in nummis consistere potest. Id nusquam proditum est: nam si detur oleum pro fundo, permutatio est, non emptio, si oleum detur quotannis pro usu fundi, vel domus, locatio est, contractus est bonæ fidei. Galenus 2. *περὶ διαφοράς συγκυμάτων*, nummum *σύμβολον* vocat emptionis et venditionis et Plato 2. de repub. ait esse *σύμβολον τῆς ἀλλαγῆς*. Alii sunt coloni conditionales, ex quibus alii servi sunt, qui dicuntur capite censiti, quod debeant capitationem, Gallice *mort taillable*, et adscriptitii. Alii liberi, de quibus *titul. de agricolis, censitis, et colonis*. Proponuntur duo genera agrorum. Censiti: hi sunt servi, et coloni: hi sunt liberi, licet coloni nomen generaliter accipiantur: hi sive liberi, sive servi, dominis suis, sive dominis prædiorum præstant pensiones certas in nummis, vel in speciebus, plerumque in speciebus, *l. litibus, infra de agricol. censit.* id est, in fructibus, qui ut ait *l. domini, eodem*, coloni isti non audent optare pecuniam, *ἐνχεῖσθαι*, precari a Deo, et propterea sunt partiarum. Unde in consuetudinibus Campanie *champart* dicitur jus quoddam dominorum. De his Just. in legibus Georgicis titulo *περὶ μορῆς*, id est, de partitione. Non est Justinianus noster, sed novissimus quidam nomine Justinianus. Hi coloni conductores non sunt, sed huic conditioni, id est, agriculturæ obligati sunt cum sua sobole. Sola conductio ejusmodi colonos non facit, nec solum instrumentum conductionale, *l. cum scimus, inf. de agric. et censit.* Vulgo male legitur, conditionale. Græci conductionale. Equum autem esse videtur, ut his colonis vis major damno non sit, licet aliud observetur: nam et emphyteuticarius excusatur a præstatione pensionis, *l. ex conducto. §. Papin. loc.* Quo loco agitur de agro vectigali, id est, emphyteutic. Rursus ex colonis, vel inquilinis alii sunt conductores perpetuarii, diversi ab emphyteuticariis, alii sunt temporarii, *l. 10.* hic: et hos omnes etiam vis major excusabit: utrumque autem genus locationis ostendit in hæredem transire, *§. ult. de loc.* nisi ita sit facta locatio, quoad voluerit locator: hæc finietur morte locatoris *l. 4. ff. eod.* Opponitur lex *si dominus, ff. de usuf.* Ea lex non negat, locationem in hæredem transire, sed ait, a domino facta locatione usufructus, usufructum morte conductoris non extinguere: idem prorsus, quod *l. si socrus, in fine, de jure dot.* in qua lege, nam, accipitur, *παρρησιαστικῶς*, pro sed. Igitur conductor usufructus non est fructuarius, quia conductio nullum jus tribuit dominii, posses-

sionis, servitutis, usufructus, licet tribuat facultatem percipiendi fructus: cum conductor non sit fructuarius, morte ejus non finietur usufructus, sed vel intra tempora locationis transibit ad hæredem, vel recurret ad fructuarium, vel proprietarium, qui locavit. Notandum etiam locationem interdum fieri pluribus pro partibus, veluti per cœnacula, et tunc constat singulos teneri locatori pro partibus, non alium pro alio: sit interdum locatio pluribus in solidum, tunc plures sunt rei debendi. Locatione constituuntur plures rei debendi, sicuti ex omni genere contractuum, *l. eandem, de duob. reis, l. item queritur, §. duo, loc.* Et ideo locatione facta in solidum pluribus, ex eis conveniet, quem volet in solidum actione ex locato: sed cogitur reo actiones cedere adversus alios pro parte, *l. 13. hoc tit. l. cum apparebit, eod.* At ex Justiniani Novella 99. non poterit aliam convenire, et in solidum convenire, quod ex ea Novella detur beneficium divisionis, videlicet si omnes solvendo sint. In *l. 14.* idem proponitur, quod in *l. ex conducto, §. item cum quidam, loc.* videlicet eum, qui redimit, id est, qui condudit frumentum vehendum annonæ publicæ populi Romani, accepta pecunia, videlicet in autecessum, sive promutuo. Quo loco me alias decepit Harmen. lib. 2. ubi vertit promutuo *ἐν προχρηματίῳ*, cum, sit legendum *ἐν προχρηματίῳ* nam *προχρηματίῳ* est promutuum, *quand on avance*, quod dicitur simpliciter mutuum in *l. 2. de frumento urbis Constant.* ubi Græci recte, *ἐν προχρηματίῳ*: igitur (a) si vector ille conduxerit annonam vehendam accepta mercede pro mutuo, et fidem fallet, tenetur ex locato, *l. 13. et d. §. cum quidam*, ut vel mercedem reddat, vel quod interest, si dolus intervenerit. His, quæ diximus ad *l. si domina*, velim addi hoc, ut ejus species congruat cum specie legis *si socrus*: videtur legendum usufructus locatus proprietario, morte proprietari, id est, conductoris, non finietur, sed revertetur ad fructuarium: ita aperte in *l. si domina*.

Ad L. XIX.

Circa locationes, atque conductiones maxime fides contractus servanda est, si nihil specialiter exprimat contra consuetudinem regionis. Quod si alii remiserint contra legem contractus, atque regionis consuetudinem pensiones: hoc aliis præjudicium afferre non potest.

Notandum, quod sit initio hujus legis 19. in locatione maxime fidem contractus esse servandam. Fides contractus consistit in eo quod actum est,

(a) Vide Merrill. variant. ex Cujac. lib. 1. c. 26.

vel quod ex more regionis actum intelligitur inter contrahentes silentio, et nudo consensu, nisi specialiter quid exprimatur contra morem regionis: nam moribus regionis pacto derogari potest. Servandus est igitur mos regionis sub ea exceptione, nisi aliud convenerit, et servanda conventio. Finge: conventio vel mos hic est, ut vis major colonum non excuset, plures colono eundem fundum locaverunt: unus ex eis ob vim majorem colono remisit pensionem contra conventionem, vel morem regionis: hoc aliis non præjudicat, nec obstat, quod sint plures rei credendi: nam unius ex reis credendi remissio aliis non nocet, *l. si unus, de pact.* De conventionem servanda est etiam lex 22. in locatione operarum certi temporis, valere locationem factam etiam sine scriptis, et hæredes conductoris teneri, non uxorem, *l. 24. et 29.* Et si conductor satisfecerit pensionibus, extinguatur obligationem ex locato, et res conductoris ei esse restituendas, *l. 26. h. l.*

Ad L. XX.

Qui rem propriam conduxit, existimans alienam, dominium non transfert, sed inefficacem conductionis contractum facit.

Ex hac lege apparet, rei suæ conductionem non valere, et eum, qui errans rem propriam conduit, dominio suo non præjudicare; si sciens conducat potest præjudicare dominio suo, si animum alienandæ rei habuerit, *l. quædam mul. D. de rei vin.* ut, quod sit quotidie, sive vendidero, vel donavero rem meam, et nondum tradidero, transferam dominium ejus rei, si eam conducam ab emptore, vel donatario: sic facio eum dominum, hæc condictio pro traditione est, sicuti traditio ususfructus, *d. l. quædam mulier.* Alias hæc probatio dominii non est idonea, vel etiam hæc ratio repellendi adversarii, qui se rei dominum dicit, non est idonea, si quis probet, se ei locasse: potest enim locasse erranti, vel non habenti animum alienandi rem suam, *l. 23. hoc tit.* Potest igitur conductor de dominio contendere, et vincet, si dominii probationes attulerit, nec repellatur locationis argumento, quod non est idoneum. At in possessionis causa vincetur, quia rem pro alieno possidet titulo conductionis: eam possessionem ipse solus sibi mutare non potest secundum regulam juris, *l. non solum, § quod vulgo, de usurpat. et usucap.* Sic accipiendus finis legis 23. hoc tit. Sed si conductor vicerit in causa dominii, tum incipiet eam rem pro suo possidere: nam nova accedente causa possessio mutatur, non sola destinatione possessoris: sed si velit locator prius sibi possessionem restitui, quam de proprietate litiget conductor, hoc facile obtinebit,

l. 22. hoc tit. Cui opponitur male *lex litibus, de agricolis et censitis.* Nam ea lex non loquitur de conductore, sed de colono conditionali, qui si litiget de fundi proprietate, interim fruitur fundo præstita cautione. Nam ea est ejus coloni conditio, ut sit perpetuarius: nam jus colonarium est perpetuum. Ut autem locatori restituatur possessio, id consequetur actio locati: cui non obstat questio dominii in re dubia, sed reformatæ possessione, separatim quærat de rei dominio: Si conductor rem restituere detrectat, cum æquum est eam restitui, et in ea perstat usque ad sententiam definitivam, habetur pro prædore, et condemnatur in duplum, id est, in rem, et estimationem, *l. pen. hoc tit. l. pen. inf. unde vi,* quæ est conjungenda *legi pen. hoc tit.*

Ad L. XXVII.

Si tibi quæ pro colonis conducti prædii prorogasti, dominus fundi stipulanti dare spondit: competens iudex reddi tibi jubebit. Nam si conventio placiti sine stetit: ex nudo pacto perspicis actionem jure nostro nasci non posse.

Notandum est in hac *l. 27.* colonos non esse accipiendos pro conductoribus, aut pro colonis conducti prædii, conducti scilicet ab alio, alioqui dixisset pro colonis simpliciter: sed pro agricolis conditionalibus. Sed antequam ponatur species, sciendum est, quod sicut in eodem fundo potest esse emphyteuticarius; et nihilominus sunt in eo coloni conditionales, *l. 1. inf. de mancip. et colon. patrimon.* Ita etiam plerumque fundi dominus, est conductor fundi: sunt et coloni fundo adscripti. Nunc finge: conductor fundi aliquid prorogavit pro colonis extra rem domini, id est, dedit aliquid in antecessum, ut deinde fructus aliquos ab eis perciperet. Græci dicunt in ea *l. πρόχρησιν*, id est, promutuum. Igitur hic conductor dedit aliquid promutuo colonis: deinde pactus est id sibi a locat. reddi, non in ipso contractu locationis: nam formaret actionem, sed extra contractum, cum conductor aliquid pro agricolis multo post prorogasset, et expendisset. Lex ait, ex eo pacto actionem non nasci, videlicet si conventio placiti sine stetit, id est, si usque ad pactum stetit, *l. si divisionem, sup. fam. ercisc.* id est, si non sit nisi pactum. Quod si accesserit stipulatio, contractus est, ex quo erit actio in locatorem. Addatur, quod si constituendi animus fuerit, id est, si voluerit dominus constituere se pro colono soluturum, erit actio de pecunia constituta: at ex pacto solo non erit actio. Græci interpretes sic redigunt sententiam hujus legis: Εἰν' ὁ τοῦ ἀγροῦ δεσπότης τὴν δόξιν πρόχρησιν τοῖς γεωργοῖς εὐτὸς ἐκπε-

τῆς δόξης τῷ περὶ τὸν αὐτὸν ἀγρὸν ἀρτίχεται.
Si dominus fundi datum colonis promutuum, sti-
pulanti conductori dare spondarit, tenetur.

Ad L. XXX.

Curialis neque procurator, neque conductor alienarum rerum, nec fidejussor, aut mandator conductoris existat, alioquin nullam obligationem neque locatori, neque conductori ex hujusmodi contractu competere sancimus.

Ostenditur in hac l. 30. decurionem procurationem non posse suscipere rerum alienarum. Item earum fieri non posse conductorem: conductio est species procurationis, item fidejussorem, vel mandatorem eum esse non posse ex iis causis pro aliis. Sic etiam clericus, qui prohibetur procurare aliena negotia, prohibetur etiam ex eis causis fidejubere, Nov. 123. Et ita vulgo accipitur canon Clementis 20. De decurione est, l. 5. inf. de administrat. rer. ad civit. pertinent. et l. Spuri. §. decurio, D. de decurion. l. 97. C. Theo. l. de decur. l. 1. inf. quibus ad conduct. prædi. fiscal. acced. non licet, l. 11. Cod. In illis locis ostenditur, non posse curialem prædia publica, aut vectigalia conducere. Quod Adrianum constituisse scribit Xiphilius. Generaliter etiam constitutum est, ne alienas res possit procurare, l. si quis procurat. inf. de decurionib. Et ex hac lege 30. cui conjungenda lex non dubium, sup. de legib. utraque est sumpta ex Novella Theodos. ne curia. alien. fund. conduct. Primum curiali interdicta fuit procuratio rerum alienarum, non conductio, d. l. si quis procurationem. In fraudem ejus legis curiales titulo conductionis alienas procurabant res: ob id postea Novella Theodos. interdicta est conductio, et censet eam esse nullam ipso jure: et generaliter definit, quod sit lege prohibente, esse ipso jure nullum, etiamsi id lege non sit comprehensum; igitur ea conductio non valebit, nec stipulatio ei subjecta; non admittetur etiam iurjurandum de hoc adactum, d. l. non dubium. Idem vero et de militibus constituitur l. 13. ne scilicet procurent, et conducant res alienas, ut non avocentur a suis signis, ut diximus sup. l. 5. de condict. caus. dat. Idem eandem est de fabricensibus, qui sunt quasi milites, l. ult. inf. de fabricensibus, est autem l. 31. conjungenda l. milites, infra, de re militari, quæ eandem inscriptionem et subscriptionem habent. Ad idem pertinet lex ult. hujus tituli, quæ declarat militum appellatione in hac parte contineri non tantum milites, qui subant magistris militum, sed etiam scholares, qui sunt sub magistris officiorum, et ut ait l. 11. qui in undecim scholis taxati sunt. Marrianus in notitia Romani Imperii, recenset 10.

scholas fuisse sub magistro officiorum, sentariorum primam, secundam et tertiam agentium in rebus, armaturam seniorum, armaturam juniorum, gentiliū seniorum, gentiliū juniorum, scutariorum sagittariorum, scutariorum elibanariorum: undecima est fabricensium. Additur in l. ult. militum appellatione hic significari etiam sceleratos, quales erant illa ætate Saraceni, qui erant sub Philarchis, Nov. 20. in qua Juliani locus est singularis, qui ducem Saracen. vertit Philarchum, recte, ut confirmat Procopius, lib. de bello Vandalico: scelerati erant sub optionibus. Optiones autem sunt auxilia sceleratorum: ut numeri sunt militum, scholæ scholarium. Scholares erant supernumerarii milites. Suidas in verbo ὑπὸ πείρῃ. hi omnes milites hac constitutione comprehenduntur, et ea vetantur ne alienas res procurent, dum militiam exercent, ut hoc crimen sit militare, et hi militia mulctantur, et infamia; qui secus fecerint, et jure suo privantur rescriptis principum, atque adeo ipso jure. Postremo cavetur finito tempore locationis, locatorem posse alteri libere locare domum, aut fundum suum, id est, eum non cogi priorem conductorem præferre alteri, etiamsi tantundem offerat. Igitur, ut in emptione est sublatum jus προτιμώσεως, sic etiam in locatione sublatum est. Recte Accurs. excipit locationem prædiorum fiscalium, l. penult. et ult. C. de loc. prædio fiscal. Nam veteres conductores, qui prædia fiscalia conduxerunt, præferuntur novis, si tantundem offerant, excipitur nisi aliud convenerit. Notandum ante legem ult. h. t. desiderari constitutionem Græcam, quod intelligimus ex lib. qui inscribitur περὶ τῶν ἀπὸ τοῦ κράτους ἀγρῶν. Cujas sententia est, ut intra annum locatori, vel conductori liceretolvere locationem impune tam in Italia, quam in omnibus provinciis, nisi aliud initio contractus convenerit. v. Observ. lib. xii. c. xxviii.

JACOBI CUJACII J. C.

In Lb. IV. Codicis.

RECITATIONES SOLEMNES.

Ad Tit. LXVI. De Jure emphyteutico.

De eodem jure emphyteutico est titulus in fine libri quinti, D. si ager vectig. id est, emphyteuticarius petatur. Notanda est ea interpretatio: nam sic Florentiæ recte; et est similis interpretatio in l. penult. §. penult. qui satisd. cog. Et ita etiam in l. qui scit, §. pen. de usu. Et ubique semper agrum vectigalem Græci interpretantur ἐμψυτευτικός. Ager igitur, sive fundus vectigalis, et emphyteuticarius idem est. Posset opponi lex etiam,

inf. de prœdiis minor. quæ prædium vectigale, patrimoniale, et emphyteuticum diversa facit. Puto hanc esse differentiam, quod vectigale sit civitatum, patrimoniale, seu emphyteuticum fisci. Et rursus patrimoniale ab emphyteutico ita distinguitur, ut genus a specie. Nam emphyteuticum prædium est etiam patrimoniale, *l. 12. de fundo patrimon. et emphyteut.* Quod item non datur in emphyteusim, sed donatur, aut venditur jure privato salvo canone, patrimoniale etiam est, *l. 9. et 10. inf. eod. et l. 9. de omni agro deserto.* Item quod locatur in perpetuum est patrimoniale. Atque ita fundi fiscales, alii suscipiuntur jure privato, quo genere suscipiens possessor et dominus constituitur. Alii suscipiuntur jure emphyteutico, quo genere suscipiens possessor, vel dominus non fit, licet dominus simpliciter appellatur, *d. l. 12.* Sed habetur pro domino, vel possessore, et fundorum servos manumittere potest. Alii suscipiuntur perpetue conductionis jure: nam et locatio fieri potest in perpetuum, *l. 10. sup. de loc. et cond.* Hoc genere suscipiens nec fit dominus, nec quasi dominus, et servos dominorum manumittere non potest, *l. 2. inf. de mancip. et colon. fund. patrimon.* Et ita oportet separare perpetuarios conductores ab emphyteuticariis: et ob id in *l. 2. sup. de officio comit. rerum privat.* quidam codices rectius habent *perpetuarii, vel emphyteuticarii*, non, *hoc est emphyteutic.* perverse etiam ad eam legem appositus est tit. de officio comit. sec. pal. Sic etiam Nov. Valent. de præscript. 30. ann. jus perpetuum separat ab emphyteut. Vectigales autem fundi etiam sunt emphyteut. sed quamvis prædia quoque privatorum hodie dentur in emphyteusim, tamen in toto jure nostro vectigales fundi tantum appellantur soli municipiorum, sive civitatum fundi dati in emph. quod prædia tantum civitatum eo jure addici solerent. Sed quæ de illis dicuntur, hodie trahi possunt ad prædia privatorum, vel templorum: nam civitates etiam privatorum loco habentur, *l. cum qui, de verb. sign.* Quod vero diximus agros vectig. dici tantum agros emphyteuticarios, probat *l. 1. si ager vectig. l. si domus, §. ult. de legat. 1.* Idem etiam probat *l. si finita, §. si de vectig. ff. de damn. inf.* cujus sententiam exponam, quod infeliciter eam tractarit Alciat. Sciendum est, vicino non cavente damni infecti, vicinum, qui sibi caveri desiderat, primo decreto a Prætoribus mitti in possessionem: secundo juberi possidere. Primo decreto non fit possessor, sed ita in possessionem. Secundo decreto non fit dominus, sed possessor, sed dominium sibi deinde acquirit usucapione. Nunc singe: Domus vicina, cujus nomine mihi caveri desidero damni infecti, est vectig. Sic distinguen-

Tom. IX.

dam, aut emphyteutic. eam tenet, aut civitas. Si emphyteuticarius teneat, nec caveat damni infecti, prætor secundo decreto me non faciet possessorem, ita ut possim dominium ædium usucapione acquirere. Sed faciet me possessorem tantum emphyteusimatos, nec inde earum ædium dominium acquiram usucapione, quia prædia, quæ tenentur ut vectigalia usucapi non possunt, *l. cum sponsus, §. in vectig. de Public. in rem. act.* sicut et tributaria, et stipendiaria, qualia etiam fuere omnia provincialia, usucapi non possunt a possessore, et de eis accipe hæc verba in eo §. Et in aliis prædiis puta tributariis, vel stipendiariis. Si emphyteutic. eam domum non teneat, sed civitas, puta, quod ad eam sit devoluta commissi jure, vel finito tempore emphyteuseos, et ea civitas mihi non caveat damni infecti, prætor secundo decreto me faciet possessorem, tum deinde dominium acquiram usucapione. Non potest quidem prædium civitatis usucapi, *l. usucap. de usucap. et usurpat.* At hoc prædium, quod prætor me jussit possidere ob cessationem cautionis damni infecti, quodammodo desinit esse civitatis, et in me jure prætorio est translatum, atque adeo procedente tempore meum etiam fiet civili jure. Hæc est prima Accurs. interpretatio, reliquæ rejiciendæ, Alciati exhibenda est. Diximus supra differentiam esse inter perpetuarios conductores et emphyteuticarios: atqui nulla esse videtur. Nam et agri vectigales, qui sunt emphyteutici in perpetuum locantur sub præstatione vectigalis, *d. l. 1. Si ager vectig. vel emphyteutic. l. rotam, §. 1. D. de publican.* Eodemque modo differentia esse non videtur inter conductionem temporariam, et emphyteusim temporariam: nam et hæc ad tempus fieri potest, *l. 3. si ager vectigal. etc.* Imo ea est differentia: quod emphyteusis quasi dominium tribuat, conductio non item: emphyteusis est alienatio, *l. ult. de reb. alien. non alien.* conductio non est alienatio: et emphyteusis maxime hac fini contrahitur, ut res melior reddatur ab emphyteutic. et ut ab eo possideatur quasi domini jure sub præstatione vectigalis, sive canonis. Hæc est certa definitio emphyteuseos. Nota est ratio nominis, quia solent fundi deserti, inculti, et squalidi hoc jure in alium conferri, ut ab eo colantur, inserantur, implantentur, ideo hoc negotium diximus emphyteusim, id est, insitionem, et plantationem, a parte demonstratur omne meliorationis genus? nam et ædes hoc jure conferuntur, ut meliores, et utiliores ab eo reddantur, et dicitur emphyteusis, licet insitioni cultus sit locus. Est etiam alia differentia inter conductionem temporariam, et emphyteusim temporariam. Quod emphyteusis fiat in plures annos, conductio non excedat lustrum: quæ

40

excedit. Instrum. est potius emphyteusis. Eadem est differentia inter jus superficiarium, et conductionem, l. 1. §. quod ait, D. de superficie. Illud etiam jus superficiarium, vel est temporarium, vel perpetuum, et jus tribuit in re, quod locatio et conductio non tribuit, et quantum existimo dicitur, ἐπαρτησις, in l. 3. §. si jus, D. de reb. eor. qui sub tut. sunt, vel cur. non alien. in Græcis ἐπαρτησις, quod eo jure quis aliena superficie fruatur, quod est ἐπαρτησις. Verum hoc jus hoc distat ab emphyt. quod superficiarius habeat tantum jus in superficie, emphyteut. in universo prædio: ideo superficiarius imponet tantum servitutem superficiæ, non solo. Emphyt. etiam in solo. Item differunt, quod superficiarius hoc jus sibi acquirit respectu superficiæ positæ in alieno fundo sua sumptib. emphyteut. vero respectu meliorationum. Sic differunt conductor superficiarius, et emphyteutic. seu sint temporarii: seu perpetuarii: sed hi in hoc omnes sunt similes, quod quotannis aliquid domino præsent, conductor mercedem, emphyteutic. canonem vect. et ἐπὶ τὴν γῆν: superficiarius mercedem soli, quæ dicitur solarium, l. 2. D. ne quid in loco publ. vel priv. fiat, l. etiam, qui potior. in pign. habeant. l. 17. de servit. præd. urban. Ea merces consistit vel in pecunia, vel in fructibus, non tantum in emphyteusi, sed etiam in locatione et conductione, l. 2. §. locatio, ff. de loc. et cond. l. 21. sup. eod. Nunc queritur an emphyteusis genus censeatur esse locationis et conductionis? Potest defendi, atque ita videtur sensisse maxima pars veterum JC. genus quoddam proprium esse locationis, et conductionis, quo dominium transferatur in accipientem: ut in specie legis in navem, ff. loc. est locatio, licet dominium mutetur. Quidam tamen venditionem esse existimabant, quasi prædium datum in emphyteusim, videatur enim ab emphyteuticario lege dicta vectigalis pro pretio. Primus Zeno sensit separandam emphyteusim a locatione et venditione, et specialem contractum fecit, proprio jure, propriisque pactionibus munitum. Itaque non male Græci ad l. ex hoc jure, de justit. et jur. dum lex ait obligationes quasdam, et actiones introductas esse jure civili, ponunt exemplum in actione ex stipulatione Aquiliana: debuit poni in omni actione ex stipulatione generaliter, et in actione emphyteuseos. Nec nos movere debet quod quidam asserunt ex Aristotele Byzantios jam olim prædia fertilia vendidisse ad tempus, sterilia perpetuo. Nam etsi hoc genere negotii usi sunt veteres, id tamen non pro contractu proprio et speciali habuerunt, sed pro venditione aut locatione proprium contractum Zeno fecit, l. 1. hic, ut Just. donationem propter nuptias. Id etiam hac lege 1. exprimitur ut contra-

cta emphyteusi quicquid inter se convenerint contrahentes de vi majore, aut casibus fortuitis, id ratum habeatur, quod et in locatione servatur, l. 8. de loc. et cond. Sed si de hoc nihil inter dominum et emphyteuticarium convenerit: eadem caveatur, ut prædii absumpti periculum pertineat ad dominum, ut si fundus chasmate, vel domus incendio perierit; sed si portio dumtaxat perierit chasmate, vel alio modo, vel aliud damnum contigerit salva rei substantia, lex constituit ut hoc damnum pertineat ad emphyteuticarium. Igitur vis divina, aut grandis, procella, calamitas, inundatio fluminis, et hostilis devastatio, pertinent ad onus emphyteuticarii. Id non ita procedit in locatore, nisi ita convenerit, dixi in d. l. 8. videtur tamen ante hanc constitutionem Zenonis idem obtinuisse in emphyteuticario, l. ex conducto, §. Papinianus, ff. loc. Dico vim majorem pertinere ad onus emphyteuticarii, id est, non ideo ei canonem sive ἐπὶ τὴν γῆν a domino remitti. Alia est causa tributorum, quæ deheatur fisco; nam fiscus tributis prædia relevat, per censitorem, aut per æquatorem frequenter ob sterilitatem anni, vel ob portionis agri interitum, l. forma, ff. de censibus, l. 2. inf. de alluvionib. Duplex est prædiorum onus; canon, qui præstatur domino, hic non remittitur ob vim majorem vel sterilitatem: tributum, quod præstatur fisco, l. 2. inf. de prædiis tamiacis. Hoc tributum sæpe a fisco remittitur ob vim majorem. Hoc etiam vulgo colligunt ex hac lege prima, in emphyteusi esse necessariam scripturam. Sed melius Accursius: non prohibetur sine scriptis fieri emphyteusis, licet fieri dicatur in scriptis, quod hoc argumento probatur: amissio instrumenti emphyteutici nihil nocet, l. ult. §. conductio, hoc tit. Ergo nec omissio secundum regulam a nobis traditam titulo de fide instrumentorum. Unde etiamsi sit amissum instrumentum, non est necesse probare amissionem, sed contractum tantum emphyteuseos probare sufficit. Nunc videamus quid distet jus emphyteuticum a contractu libellario. Interpres vetus dicit, hoc genere contractus res in alium transfertur jure venditionis, certa summa pecuniæ initio data pretii nomine: et hoc amplius constituta certa mercede quotannis. Id etiam agitur ut renovetur contractus certo tempore, ut tricesimo quoque anno dato certo pretio, et ita certis statisque temporibus idem prædium reemittitur quodammodo, et singulis annis nihilominus pensio debetur. Et si forte de renovatione actum sit, non de pretio, id est, si pretium non sit definitum, quod per tempora inferri debet, juxta pretium statuet secundum qualitatem rei in libellum datæ. Atque ita revenditur quodammodo res æquius etiam incerto pretio. Hoc genere contra-

cius suscipiens agrum dominus, et possessor constituitur, quia certo pretio emit, et reemit, et perpetuo rem tenet, quia cogitur auctor renovare contractum, et in revenditionem non est necessarium certum pretium, ut in prima venditione, et videtur appellari *δραράτοχος*, l. 1. *Cod. Theodos. de indul. deb.* l. 7. *infra, de omni agro deserto.* Tunc similis addicitur ad vicem *δραράτοχης*, cum addicitur possessionis titulo et jure, ut quis eum retineat jure privato, jure domini, l. 11. *eodem titulo, l. duodecima, de fund. patrimonial. et emphyteut. infra.* Id etiam jus appellari videtur *παροικισμός* in *Novell. 7.* ut ibi vetus interpret *Novellae* exposuit, et apud *Hermenopulum libro quinto in Novella quadam Athanasii, sic παροικισμός* habere, et in *Novella quadam Porphyrogeneti Constantini παροικισμός λέγεται.* Erat videlicet necessaria scriptura, et iode nomen: et eodem chartularius dici opinor in *Nov. Tiberii de divis. Domini.* De hoc contractu nominatim agitur l. 1. *feudorum, titulo 5. et in l. 22. de homicid. lib. homin. in leg. b. Longobardorum, et apud Cassiodorum in quinto variarum, praedia libellario titulo concessisse. Gregorius 2. epist. cap. 1. libellario nomine terram ad libram unius semissis concede. Sic l. 8. cap. 61. voluerat terram sub specie libellorum tenere. Pretium autem illud, quod datur renovandi contractus, renovandae possessionis causa, proprio nomine appellatur *σιδάρισις* in *Novella Leonis decimatertia, quasi scilicet datum admittendi, et suscipiendi possessoris causa.* Et ostendit Leo in ea *Novella, perpetuas emphyteuses rerum Ecclesiasticarum eodem modo renovari per certa tempora, de quibus convenerit, et velat *σιδάρισις* excedere duplum emphyteuseos: sane videtur in ea Novella proponi nova forma emphyteuseos, et libellaris potius contractus, quam emphyteuticus: nam alibi non legitur renovandae emphyteuseos nomine *σιδάρισις* dari, non mutato possessore, nam datur mutato alias emphyteuticario, l. ult. *hoc tit.* Ut in censuali contractu, mutato domino suscipiente datur *σιδάρισις*. Sic oportet appellare quod dicimus gallice, *lods, et ventes*, quia datur admittendi novi possessoris causa. Addendum ideo plerosque non male libellarium contractum dixisse emphyteuticarium. Est igitur libellarius contractus nova forma emphyteuseos. Nunc videndum quid distet a precaria emphyteusis. Precaria contrahitur ab oeconomicis Ecclesiarum: nam saepe oeconomici ita contrahunt: quia etiam haec nova genera contractuum excogitata sunt: nam cum alienare vetarentur, excogitarunt novam rationem quodammodo alienandi, salva mente alienationis. Hoc modo oeconomicus dat alicui rem Ecclesiae, ut quis ea utatur, fruatur quoad vixerit, vel ad cer-**

tum tempus, et ut utatur gratuito, vel constituta certa mercede, ea lege ut is vicissim aliam rem suam ejusdem pretii det Ecclesiae, retento usufructu quoad ipse vixerit, vel ad certum illud tempus: finito usufructu utriusque rei proprietas plena transit ad Ecclesiam, et interim Ecclesia alienat rei suae usufructum. Sed id maxime fit in rem Ecclesiae: nam acquirit aliam rem ejusdem pretii, licet ea statim non fruatur. In eo contractu meliorationis nulla fit promissio, ut in emphyteusi: dominium, vel quasi dominium non transferitur in accipientem, sed usufructus tantum, pensio annua non praestatur semper: nam gratuito saepe datur praedium usufructus jure. Et hoc dicit negotium ab aliis, renovatur tamen contractus plerumque ex pacto, idque fere quinto quoque anno, ut est scriptum in concilio Beluacensi. De eo contractu saepe agitur in conciliis, et legibus Longobardorum, l. 4. *de urbanis praediis, et rust.* Videtur appellari datio in usufructum in l. *jubemus, §. sane non omnis, sup. de sacrosanct. Eccles. Nov. 7. et 120.* Igitur ex iis, de quibus tractamus, alii debent pensionem annuam, et redditum, alii parem fundum, ut precarii possessores. Rursus ex his, qui pensionem debent annuam, alii sunt domini, ut libellarii, alii quasi domini, ut emphyteuticarii, et superficiarii, alii non domini, ut conductores perpetuarii. Item adscriptitii, et coloni conditionales, qui debent pensionem annuam, nec sunt domini, vel quasi domini adscriptitii pensionem debent suo domino, nam sunt servi. Coloni debent domino terrae pensionem certam, nam sunt liberi. De quibus *tit. de agricol. et censitis.* Moribus Galliae coloni debent capitationem certis casibus domino, quam jure nostro soli adscriptitii debent, et fisco, non domino. Alii sunt domini fundorum, qui debent pensionem certam annuam, quae vulgo dicitur census. Hoc genus contractus censualis hoc habet proprium, ut qui eo jure fundum accepit, non possit eum in alium transferre sine investitura principalis domini, id est, senioris, ut vulgo loquuntur, quae investitura fit traditione scipionis, vel fustis, ut est scriptum in consuetudinibus Gallorum, quod et ex veterum more traxerunt: nam et in emptionibus ita traditio fieri solebat. Est vetus exemplum venditionis, in quo ita scribitur: tu venditor fustem illum investito, tu fustem illum manucapito. Helmodius in *Chronica Slavorum cap. 70.* ut dominus meus accipiat virgulam, et det in manum vestram pro signo investiturae. Eadem investitura fit in feudo, *tit. 2. lib. 2. feudorum.* Alii sunt, qui non debent pensionem annuam, nec fundum parem, nec pecuniarum quicquam: sed debent tantum fidem, et hominum, id est, ut profiteantur se fideles seniori

fore, et se ejus homines esse. Hominium idem Helmodius dixit sæpe, quod nos homagium. Ad-
dendum plerumque ex pacto deberi etiam pensio-
nes ab eo, qui prædium tenet jure feudi: et ita ex
pacto feudum naturam suam excedit, quod admittitur
et in mandato, deposito, et locato et ceteris contra-
ctibus, qui possunt suam naturam pactis excedere, *l.*
Lucius, l. 6 ff. deposit. l. naturalis, §. sed si facio,
ff. de præscr. ver. Nam feudi natura est ut debeatur
tantum fides et hominium ab eo, qui feudum tenet,
qui ideo sæpe in libris feudorum dicitur fidelis,
vel homo, vel homo fidei, et vassus, seu vasal-
lus vocatur, voce Longobarda. In libris nostris ho-
minum appellatione continentur procuratores pos-
sessionum, actores, custodes, conductores, emphy-
teutarii, libellarii, qui dicuntur etiam chartularii,
*l. 4. de dignitat. inf. sic l. 1. inf. de cond. procu-
rat. præd. fiscal. l. 2. sup. de episcop. et cler. l. 1. sup. de commer.* Continentur etiam vasalli:
nam hoc jus feudi est antiquissimum, ut refertur
initio libri Feud. et omnia genera reddituum et pen-
sionum, et onerum, quoquo modo duxerunt ori-
ginem ex jure civili Populi Romani, nihilque est
scriptum in consuetudinibus, quod non possit ad
id jus referri vel bene, vel male explicatum. Sic
igitur dicimus, nihil feudo esse antiquius, sed olim
potuit revocari quodocunque pro dantis arbitrio,
ut precarium, et ob id tam feudum, quam pre-
carium beneficium appellatur. Vasalli igitur erant
olim homines nostri, id est, actores possessionum,
vel procuratores, et quasi precarii possessores,
quo titulo etiam hodie si specialiter et nomi-
nate detur prædium feudi jure, potest re-
vocari pro dantis arbitrio, et hoc modo datum
feudum dicitur gardiæ, et gastaldia, id est, custo-
diæ, et actus: nam recte semper Accursius inter-
pretatur actorem gastaldum. Ammerb. in annotat.
in constitutiones Caroli magni explicavit originem
verbi. Ex iis vero apparet liquido qualis fuerit
origo feudorum. Actores possessionum coeperunt
jure perpetuo possidere, fidei, et hominii gratia,
quod quasi precario possidebant: actores sunt ho-
mines nostri, mansit nomen hominum, res et con-
ditio tenendi possessiones mutata est. Igitur, quod
in libris nostris est scriptum de hominibus potest
referri ad vasallos. Quod de clientibus non ita.
Quod de militibus limitaneis, quibus agri sunt
deputati, de quibus est *lex ult. de fundis limitrof.*
corrupte Galli dicunt *limitrophes*. Hoc, inquam,
quod est de iis scriptum, non est ad vasallos re-
ferendum, quia ii tenebant eos agros optimo jure
non jure feudi. Præterea feuda tenentur tam a pa-
ganis, quam a militibus. Igitur vasallus est is pro-
prie, quem olim dicebant hominem, sed memine-
rimus conditionem ejus tenendæ possessionis gratia

mutatam. Illud sciendum est, ut mutato emphy-
teuticario, vel censuali possessore debentur *ciōdextixā*,
scilicet admittendi novi possessoris causa,
sic mutato vasallo, non venditione, sed successio-
ne, vel permutatione sine nummis debentur *ci-
ōdextixā*, quæ vulgo dicuntur restorationes, re-
velationes, et redemptiones feudi. Et si mutetur
vasallus venditione fundi, tunc a venditore debe-
tur auctori feudi quinta pars pretii, fere omnium
gentium moribus. Et si inter emptorem et vendi-
torem actum sit, ut onus *ciōdextixā*, pertinent ad
emptorem: tunc ab emptore auctori feudi debetur
quinta pars pretii, et hujus quintæ alia quinta,
quod dicitur, *quint, et requint*, ut si fundus cen-
tum venderetur, emptor debet 24. si mille, debentur
his centum 40. Liberi autem vasalli, plerumque
non debent restorationem feudi, vel quintas, sed
tantum osculum, et manus porrectionem, quæ
sunt symbola hominii, et in quibusdam locis de-
bent aureum nummum, quod dicitur *droit de
chambelaige*. Requiritur etiam in feudo investimen-
tum domini mutato vasallo, vel aliquid pro
investimento. De eo agitur 2. *feud. t. 35*. Ex his
vasallis alii debent fidem, et hominium tantum,
alii etiam servitium, alii pacem, ut procurent pacem
domino servari, id est, ut pacatos reddant omnes,
quicumque se extulerint contra dominum, alii pla-
vium, id est, ut domino ab hostibus capto pro eo
sint obsides. Et ita Rege Gallie ab Anglis capto,
Barones quidam homines regis inviti dati sunt
obsides pro Rege. Auctor Summe ruralis, qui liber
est pernecessarius in foro versari cupientibus. Præ-
terea ex vasallis alii sunt ligii, sic dicuntur in
legibus Longobard. et Saxon. et gentium ceterarum.
Alii non ligii, sive plati, et lidorum gravior est
conditio, et arctius fidei vinculum, quam ceterarum
nam et ampliora *ciōdextixā* pensitant, et nullo ex-
cepto, quacunque ex causa dominum tueri et defen-
dere contra omnes coguntur. Inde illa contentio inter
Ducem Brit. et Carol. VII. regem Gallie: Rex
Ducem sibi esse lidum contendebat: Dux se pla-
num vasallum, non lidum: sunt vasallorum vasalli
lib. 2. feud. t. 35. dicuntur *arrierevassaux*, et *ar-
rieresiefs*, quæ quis tenet feudi jure, ab eo, qui idem
tenet feudi jure. A vasallis diversi sunt, qui dicun-
tur suscepti: ii sunt, qui se et sua omnia tuenda po-
tentioribus addicunt, quod jure nostro est prohibitum
in futurum, non in præteritum, *l. 1. inf. ut nemo
ad suum patrocinium suscipiat, et in Nov. 17. et
in tit. de patrocinis, Cod. Theodos.* Et in di-
cta *Nov. Tiberti de divinis domibus*. Itaque re-
monserunt suscepti quidam, vel potius contrarius
mos abrogavit eas constitutiones: plerosque ejus-
modi habuit olim Ecclesia: hac specie susceptio-
nis vindicabant sibi bona susceptorum, sive clientium,

vel etiam ea eis relinquebant sub patrocinii certa mercede: ita ut aliquid pensarent pro patrocinio, *l. 2. inf. ne quis ut nemo ad suum patrocinium, etc.* Græca est constitutio. Sententia est: ne quis vicarius patrocinium polliceatur, ne agricolas in clientelam suscipiat, redditum, vel alterius lucri promissione facta pro patrocinio. De his Salvianus Episc. *lib. 5. de providentia. Servius 6. Æneid. Paliemon. in glossis.* Assæcla, id est, cliens, seu susceptus: his sunt similes, qui dicuntur Casati in constitutione Caroli magni, et Casarii, *l. 7. inf. de bonis proscriptorum.* Sic habent veteres, sic codex Theodos. Vulgo male censuarii. Id ad extremum sciendum est, alia esse prædia optimo jure, optima conditione, quæ nihil ulli pensant, quæ nec fidem, nec hominum, nec investituram, nec ἀσφάλεια debent, et vulgo dicuntur alodia, id est, francæ. Inveni proprie alio dii nomine significari proprium cujusque patrimonium. Ita *2. feud. tit. 48.* dum ait: si datum sit ad proprium vel ad libellum: dum ait ad proprium, intelligit alodium: dum ad libellum, dationem libellariam, seu chartulariam, ut *l. 26.* et sic in veteribus formulis Francorum collectis a Marculpho. Alode semper opponitur comparato, ex quibus unam proponam. Lex est Francorum, seu lex Salica. Francos enim Salios appellari scribit *Amm. Marcell. lib. 17.* ut de terra Salica nulla portio hæreditatis ad mulierem perveniat, quæ lex extra *lib. II. Salicarum, t. de alodio.* Eadem fuit olim lex Anglorum, et Turingiorum, in qua id ita exprimitur, ne hæreditas transeat a lancea in fusum, et olim in Armenio, ut constat ex *Nov. xvi.* At eam *l. Francis* displicuisse id exprimitur hac formula, ut sorores cum fratribus succedant in alode. Formula est: *Gajæ dulcissime filie salutem: diuturna, sed impia consuetudo inter nos tenetur, ut de terra paterna, cum fratribus sorores portionem non habeant. Sed ego perpendens hanc impietatem, quod sicut a Dæo æqualiter mihi dati estis filii, ita et a me similiter estis diligendi, et post mortem meam æqualiter vos frui meis possessionibus æquissimum sit. Ideo te dulcissima filia cum germanis tuis Lucio et Ophilio, æqualem et legitimam hæredem esse constituo in tota mea hæreditate, ut tam paternis, quam maternis, sive quodcumque morientes reliquerimus, tibi æqualiter cum germanis tuis, filiis meis, uti frui licent, eorumque partem obtineas. Alode opponitur comparato. Est igitur proprium patrimonium, et quod tenetur proprio jure, nec pendet ex alio.*

Ad L. II.

In emphyteuticariis contractibus sancimus, si quidem aliquæ pactiones in emphyteuticis instru-

mentis fuerint conscriptæ: easdem et in omnibus aliis capitalibus observari, et de rejectione ejus, qui emphyteusim suscepit, si solidam pensionem, vel publicorum functionum apochas non præstiterit. Sin autem nihil super hoc capitulo fuerit pactum, sed totum triennium neque pecunias solverit, neque apochas domino tributorum reddiderit: volenti ei, licere cum a prædiis emphyteuticariis repellere: nulla ei in posterum allegatione meliorationis: vel eorum, quæ emponemata dicuntur, vel pæna apponenda: sed omnimodo eo si dominus voluerit, repellendo, neque prætendente, quod non est super hac causa inquietatus: cum neminem oporteat conventionem, vel admonitionem expectare, sed ultro sese offerre, et debitum spontanea voluntate persolvere, secundum quod et anteriore lege nostri numinis generaliter cautum est. Ne autem ex hac causa dominis facultas oriatur emphyteutas suos repellere, et redditum minime velle suscipere, ut ex hujusmodi machinatione triennio elapso, suo jure is, qui emphyteusim suscepit, cadat: licentiam ei concedimus, attestatio- ne præmissa, pecunias offerre, hisque obsignatis, et secundum legem depositis, minime dejectionis timere periculum.

Sicut lex prima hujus tituli ostendit, pactiones esse servandas inter dominum et emphyteuticarium factas super omnibus, et specialiter super casibus fortuitis: et si nullæ intervenerint, utri eos casus adscribi oporteat: quæ in re inter emphyteusim et locationem interest. Ita hæc lex secunda ostendit, pactiones esse servandas inter dominum et emphyteuticarium in omnibus, et specialiter in eo, quod convenerit de rejectione emphyteuticarii, de quo si nihil convenerit, alia differentia ostenditur inter locationem et emphyteusim. Emphyteuticarius duplici ex causa de fundo rejicitur, quod domino pensionem annuam non solvat, et quod apochas fiscales domino non reddat, prædium debet canonem domino, tributum fisco, tributum autem fiscus exigit, vel a conductore, vel a domino pro consuetudine regionis, *l. si sine hærede, §. Lucius, D. de administrat. tut.* Si etiam tributum exigit fiscus ab emphyteuticario, vel a domino. Ut igitur dominus sit securus adversus fiscum, emphyteuticarius domino debet reddere fiscales apochas, quibus probare possit fisco soluta esse tributa: debet igitur emphyteuticarius et canonemolvere, id est, pensionem annuam domino, et fiscales apochas reddere, quod si non faciat, expelletur fundo emphyteuticarius. Rursus etiam emphyteuticarius rejicitur ob cessationem anni, biennii, vel triennii, vel quinquennii, prout contenerit, *l. lex, D. de pignoris* vel etiam ob ces-

sationem, et moram ejusmodi non rejicitur, si nominatim convenerit ne ob moram pensionum annuarum rejiciatur. Nam si simpliciter convenerit ne rejiciatur invitus, vel si nihil convenerit: ex hac lege invitus repellatur ob cessationem triennii, id est, si per triennium, neque canonem solverit, neque apochas publicas reddiderit: et hac in re distat emphyteuticarius a conductore, in quo sufficit cessatio biennii, *l. 3. sup. locati*. Item in emphyteuticario Ecclesiastico sufficit cessatio biennii, *Novella 120.* et in pagano, ut loquitur Eustathius *lib. de temporibus*, exigitur cessatio triennii. Idem dici potest de civitatum emphyteuticario: nam et hic excidit jure emphyteutico ob canonem non solutum, *l. 1. D. si ager vect. l. 1. inf. de administrat. rer. ad civit. pertin. lib. 11.* Videtur ergo idem tempus et in eo servandum. Diversum est in emphyteuticario prædii fiscalis: nam hic ob canonem non solum non incidit in commissum, *l. 4. inf. de fund. patrim. l. 2. inf. de fund. rei priv. lib. 11.* Licet ob tributum tamen non solum possessor incidat in commissum, *l. 1. infra, de susceptoribus*, et ita videtur accipienda *l. 2. inf. de fundis patrim.* scilicet de tributis, non de canone. Alioqui pugnaret cum questione legis 4. hæc est collectio: ob tributa non soluta fundus minoris fisco non committitur: hoc datur melius: ergo idem non datur majoribus, ergo ob tributum non solum fisco majores incident in commissum. At ob canonem non solum idem minoribus et majoribus datur, ne fundus fisco committatur. Itaque Accursius *l. si tutoris, inf. de administrat. tutor.* male accipit de fundo fisci, cum sit de fundo privatorum, vel civitatum emphyteutico, qui dominis, vel municipibus committitur ob canonem non solum, etiamsi jus emphyteuticum fuerit minoris 25. annis, quod tamen pertinet ad periculum tutoris, qui rem committi passus est: sed exigitur cessatio triennii priusquam commisso locus fiat: et ita e contrario si dominus per triennium moram faciat in accipiendo canone emphyteutico, hoc cedit lucro emphyteuticarii. Anni aut biennii mora domino non nocet, et in hanc rem Eustathius citat *leg. 32. de Episcop. audiend. supra*, in quo titulo ea lex, et pleræque aliæ græcæ desiderantur. Itaque si dominus postquam triennio moratus est in accipiendo canone, deinde eum petat, repellatur. Et putem solam oblationem emphyteuticarii sufficere, id est, eum liberare præstatione temporis præteriti, sicut sola oblatio liberat a canone fisco debito, *l. 4. de col. fund. patrim.* et a tributis in præteritum, non in futurum, *l. 1. infra, de susceptor.* At a dejectionis periculo non liberabitur nisi etiam eam pecuniam deposuerit, et obsignaverit. Sola

oblatio non liberat a pœna commissi, a præstatione præteriti triennii liberat: quæ omnia sunt singularia postquam cepit hic contractus haberi pro speciali: nam regulariter sola oblatio liberat a pœna nondum commissæ, *l. Cels. §. ult. D. de recept. qui arbitr. receperunt*, et sola oblatio non liberat a sorte jam debita, vel ab usuris ex stipulatione debitis, *l. acceptam, sup. de usur.* vel ratione fructuum perceptionis, *l. 4. sup. de usur.* Sola tamen oblatio liberat ab usuris debitis ex sola mora, quia sola oblatio purgat moram, *l. qui Romæ, §. Scja, D. de verb. obligat.* Id etiam ex hac lege notandum, moram contrahi in rem ab emphyteut. ex solo triennii lapsu sine interpellatione, idque ex definitione leg. *magnam, inf. de contrahenda stipulat.* quam Justinianus intelligit, dum ait, anteriori lege: nam ambæ leges editæ sunt eodem anno: sed lex *magnam* mense Aprili, hæc Septembris: hujus legis est subscriptio *datum 15. Calend. Octobr. Chalcedone Decio viro clariss. Consule.* A qua *l. magnam* non sunt excipiendæ operæ officiales, quæ in diem non debentur, sed tunc incipiunt deberi, cum peti cœperint. Definitio est de debitis in diem, quæ etiam fuit secunda Accursii an'adversio. Postremo ex hac *l.* notandum, emphyteuticarium, qui ob cessationem triennii excidit suo jure, nullam habere retentionem, aut petitionem nomine meliorationum, vel eorum, quæ ἐμπερίκατα, vocantur. Videtur lex differentiationem facere inter meliorationem, et ἐμπερίκατα, nisi dicas, vel esse ἐμπερίκατα, quod verum est, ut confirmat lex ult. Hic dicuntur, et a Græcis ἐμπερίκατα, et βελτιώσεως. Præterea non habet petitionem pœnæ, ut si sit pœnam stipulatus, si expelleretur, et expellatur ob cessationem triennii, non agat ex stipulatu de pœna: nam hic casus semper exceptus intelligitur in hac stipulatione, nisi cessaverit in solvendo, *l. quæro, §. inter, ff. loc.* Hæc est sententia hujus legis secundæ. Nunc transeamus ad questionem interpretum. Querunt an emphyteuticarius expelli possit, si in fundo emphyteutico male versetur, quæ ex causa constat conductorem expelli posse, *l. 3. sup. loc.* Et emphyteuticarium Ecclesiasticum, *Novella 120.* Et vulgo admittitur in emphyteuticario pagano, ut expellatur non tantum ob cessationem triennii, sed etiam quod abutatur prædio. Recte: nam per emphyteusim res utenda et melioranda datur, non abutenda et deterioranda. Secunda questio est, an emphyteuticarius, qui per errorem cessavit triennioolvere canonem, jus emphyteuticum amittat, an etiam excuset ignorantia, ut si hæres cessaverit, qui justam habere solet ignorantie causam? et placet non esse distinguendum inter scientem et ignorantem: nam hæc mora committitur reipsa, ergo perso-

ne scientia non exigitur. Verum Accursius ait heredi subveniri, et restitui posse in integrum ex clausula generali, si qua justa causa esse videbitur, sed in ea errat semper Accursius, nam ad absentes tantum pertinet, *l. nec non, ff. ex quib. caus. major.* non ad ignorantes. Prius tamen solet etiam ignorantibus opem ferre, ex magna et justa erroris causa, *l. 2. de restit. in integr.* §. *si quis agens, Institut. de action.* Heredi igitur etiam ex causa subvenietur ob justum errorem, non vi illius clausulae. Tertia questio est, an valeat pactio facta inter dominum et emphyteuticarium, ne emphyteuticarius ob cessationem pensionum invitatus expellatur. Jam dixi, pactionem valere hac *l. secunda*, quae ait valere pactiones de reversione emphyteuticarii, ut secundum id quod convenerit, expellatur, vel non. Huic tamen sententiae opponit Accursius *leg. in hoc, §. si conveniat, ff. comm. divid.* Lex ait, non valere pactionem factam inter socios, ne omnino fiat inter eos divisio rei communis: ergo etiam non debet valere pactio, de qua queritur. Respondendum est, diversam esse rationem illius et hujus pactionis. Illa pactio est severior de individuo vinculo communionis, cum publice magis intersit ne quis perpetuo communioni astringatur, propter discordias, quas excitare solet communio, *l. cum pater, §. dulcissim. de leg. 2. l. in re communi, D. de servit. urb. praedior.* Haec autem pactio, de qua queritur, est benigna, quae poena commissi emphyteuticarium liberat. Deinde opponit *l. cum precario, D. de precar.* Si quid precario rogavero in Idus Januarias, nulla est conventio. Et haec etiam conventio est diversa ab ea, de qua querimus, nec sani hominis collationes sunt tam dissidentium inter se conventionum. Sumas quamlibet etiam pactionem, non minor erit ejus, quam istius cum nostra conferendae ratio. Si societatem tecum hac lege coiero, ut inequales partes inter nos fiant damni et lucri, nisi opera suppleat inaequalitatem, nulla est conventio, quia natura societatis non admittit hanc pactionem inaequalitatis: nam vel non est societas, vel aequale esse debet lucrum et damnum: contra naturam societatis facta pactio nulla est, §. *de illa, Institut. de societ.* Erit quidem societas, sed illa pactio circumscribetur. Sic contra naturam precarii haec pactio est, ut qui rem meam precario rogavit, eam teneat me invito, verbi gratia, in Idus Januarias, quia natura precarii est, ut rem, quam ex me habes precario, repetere possim quandoque libuerit: ideoque detracta illa conventionis precarium valebit. Pactio potest excedere naturam contractus, non potest contraria naturae contractus esse: ut si in deposito conveniat similem rem

reddi, non eandem, est excessus, qui non admittitur, *l. Lucius, D. de depos.* Si conveniat rem depositam reddi Idibus, non ante Idus, haec conventio est contraria deposito. Nam ut precarii, ita depositi natura est, ut revocetur dantis arbitrio, quandoque libuerit. Itaque repeti poterit depositum etiam ante Idus. neglecta pactione, *l. 1. §. pen. de depos.* At pactio, de qua tractamus, ne scilicet liceat expellere emphyteutam, etiam si diu cessarit in solvendo canone, non est contra naturam emphyteuticam, cum omissa commissi poena, canon alio modo domino salvus esse possit, et tum salva maneat emphyteuticam natura. Nam haec non sunt pugnantia, esse emphyteutam, et commissio locum non esse, ut nec sunt contraria esse emptionem, et evictioni locum non esse: at sunt pugnantia esse emptionem, et de pretio non convenisse, esse precarium, vel depositum, nec posse quandoque revocari, esse societatem, nec tamen communionem esse damni et lucri. Quarta questio est, an ob cessationem triennii dominus possit expellere emphyteuticarium sua auctoritate? Respondendum est non posse, iudicis auctoritas exigitur, *l. lex, D. de pign.* Sicut in locatione. Idemque respondetur de conductore, *l. pen. sup. de loc. et conduc.* Nec obstat *l. devotum*, quam citat Accursius, *inf. de metatis.* Species est: Si domus mea non debeat metatum, id est, non cogatur suscipere hospitem, et metator in eam veniat preparandi hospitii causa, militibus forte transeuntibus, eum expellam mea auctoritate, et executorem expellam mea auctoritate, si rem meam iniuria occupet obtenta officii, *l. 3. de iure fisci, l. pen. de excusat. et exact.* Ceterum hoc modo rem meam tueor, et defendo contra injuriam metatoris, quod jure naturali permissum est. At cum expello emphyteuticarium mea auctoritate, rem meam, quam habet, nec reddit, sine iudice mihi vindico, quod nullo jure permissum est. Quinta questio est, si post triennii cessationem dominus accipiat oblatas triennii pensiones, an dominus possit uti jure commissi. Haec definitur Novella 120. quae ostendit dominum posse uti jure commissi expulso emphyteuticario, simul et praeteritas pensiones exigere; et licet ea Novella loquatur de Ecclesiastico emphyteuticario, eadem tamen est ratio in pagano, et inter Ecclesiasticum et paganicum una tantum est differentia in cessatione, nempe in temporis definitione, de qua constat. Igitur solutio pensionum, et acceptio non liberat emphyteuticarium a poena commissi jam commissae: at si nolit uti dominus jure commissi, et velit jus emphyteuticum perseverare: tunc tantum pensiones exiget. Et e contrario, ut heri ostendimus, si ipse dominus per triennium fuerit in mora accipiendi oblatam pensionem non depositam, et obsignatam, nihilo tamen

minus utetur jure commissi, non tamen exigit pensiones. Sunt hi duo casus excipendi a priori definitione, alioquin utrumque consequetur et pensiones et fundum. Non obstat *lex post diem*, *D. de lege commissor.* qua etiam motus Accurs. aliter respondit. Species legis est: res vendita lege commissoria est, ut scilicet fiat inempta pretio non soluto. Calend. proximis: post Calendas, et ita *l. commissa*, seu venditione, venditor petit pretium actionis ex vendito. An poterit variare? et postea uti lege commissoria, et fundum venditum vindicare? *L.* ait non posse, quia ipse secum pugnat, nam dum agit pretii nomine ex vendito ratam venditionem facit, dum utitur *l. commissoria*, irritam facit. At in specie proposita non pugnat secum dominus, qui emphyteusim dissolvit, et præteriti temporis pensiones exigit. Opponitur etiam *l. ult. D. de eo, quod certo loco*, *l. 2. D. si quis cautio* et *l. vectigalia*, *§. ult. D. de publ.* Sed his medendum est eodem collyrio, ut recte respondet Fulgosius. Sexta questio est, si sit contentio inter dominum et emphyteuticarium de solutione pensionum, et emphyteuticarius dicat se solvisse, dominus neget, cui incumbat onus probandi? Nihil est apertius. Qui allegat solutionem, eam probare debet, *l. quingenta*, *D. de probat. l. ult. inf. de solut. l. asseveratio*, *sup. de non num. pec.* Probatur solutio testibus tantum, vel apochis, et testibus quinque, *l. testium*, *sup. de testib.* et apochis munitis tribus testib. *l. 14. sup. de testib.* secundum distinctionem legis *ult. sup. si cert. pet. de reb. cred.* Nam quandoque sola apocha sufficit. Adjicit Accursius emphyteuticarium, qui probat se tribus proximis annis solvisse, præsumi etiam solvisse superioribus, nec de solutione superiorum ab eo probationem exigi, sed de non solutione a domino, argumento *l. 3. inf. de apochis publicis*, quæ loquitur de tributis fisco debitis, non de canone dominico. Sed idem etiam trahitur ad canonem in burboniis consuetudinibus, *tit. 28.* Septima questio est: si dominus sit stipulatus penam de emphyteuticario, si suis temporibus pensiones intulerit, an videatur renuntiare juri commissi? Recte Accursius dicit, non videri: Nam sicut stipulatio penalis non tollit sortis obligationem, nisi id actum sit: ita non tollit jus commissi: at si eligat dominus penam, non utetur jure commissi, ni aliud sit actum, ut utroque uteretur, jure commissi, et stipulationis penæ: illa amplius potest exigi, nisi id actum sit. Ultima questio est: an si emphyteuticarius jus suum in alium transtulerit, contra eum dominus possit uti jure commissi? Respondetur, posse, cum successerit in locum prioris, sub eodem onere eademque causa, licet cum eo non sit emphyteusis contracta: itaque si cessarit in solutione pensionis per trien-

nium, expelletur a domino. Ultimo loco hanc questionem Accursius adjicit, si quis alienum prædium 40. annis possederit, sub præstatione canonis, et canonem solverit quasi emphyteuticarius, cum non esset, an re cognita possit dejici? Respond. Accurs. non posse dejici, sed præsumi celebratum esse contractum emphyteuticum. Sententia est eum non posse dejici, quasi non sit emphyteuticarius, sed pro emphyteuticario haberi: velustatem corrigere vitium possessionis, quæ fuit sine titulo: et ita qui fundum tenuit 30. annis, ut vasallus, et fidem atque hominum domino exhibuit, licet ab initio non sit investitus, pro vasallo habetur, *lib. 2. Feud. tit. 25.* Putem et in specie proposita ab Accursio 30. annos sufficere, imo et 20. si bona fide prædium alienum possiderit. In *l. ult. inf. de fundo patrimon.* agitur de fundis fiscalibus, vel templorum, et in eis exigit 40. annos, non de fundis privatorum. At quid dicemus e contrario in emphyteuticario, si 30. annis fundum possederit optimo jure, sine illatione pensionum? et constat hunc non posse dominium adquirere, cum possident alieno nomine, non suo, et idem esse in conductore: nam conductores, et emphyteuticarii per longissimum tempus possessionem, et dominium non acquirunt, *l. cum notissimi*, *§. penult. inf. de præscript. 30. annorum.* At adversus jus commissi, vel petitiones *ἐπιστάσεις*, sive reliquorum, *les arrerages*, poterit se tueri præscriptione 30. annorum, et in causa fisci 40. In futurum tamen non erit a pensionibus immunis, *l. comperit*, *inf. de præscript. 30. annor.* quia possessionis causa non mutatur, sed idem fundus manet emphyteuticus: et ita etiam vasallus non se liberat hominis conditione præscriptione 30. vel 40. annorum. Notandum in feudo non esse locum commissi, locus est commissi in locatione, in emphyteusi, in contractu libellario, vel censuali: et generaliter in omnibus annuis redditibus: at in feudo, cujus ratione nullus annuus redditus debetur, ob fidem, et professionem homini domino non præstitam, non est locus commissi, id est feudum non amittitur: et sunt tantum certæ ingratitudinis causæ, ex quibus domino feudum committitur ut si dominum abnegaverit, si violentas manus ei intulerit, si uxorem, aut filiam vitiaverit. De his *lib. 1. Feud. tit. 3. et 21.*

Ad L. III.

Cum dubitabatur utrum emphyteuta debeat cum domini voluntate suas meliorationes, quæ græco vocabulo *ἱπερβήματα* dicuntur alienare, vel jus emphyteuticum in alium transferre, an ejus expectare consensum: sancimus, si quidem emphy-

teuticum instrumentum super hoc casu aliquas pactiones habent, eas observari. Sin autem nullo modo huiusmodi pactio interposita est, vel forte instrumentum emphyteuseos deperditum est: minime licere emphyteutæ sine consensu domini meliorationes suas aliis vendere, vel jus emphyteuticum transferre, sed ne hac occasione accepta, domino minime concedant emphyteutas suos accipere pretia meliorationum, quæ inveniunt, sed eos deludant, et ex hoc commodum emphyteutæ deperiat: disponimus attestationem domino transmitti, et prædicere quantum pretium ab alio (revera) accipi potest. Et si quidem dominus hoc dare maluerit, et tantum præstare quantitatem, quantum ipse revera emphyteuta ab alio recipere potest: ipsum dominum omnimodo hæc comparare. Sin autem duorum mensium spatium fuerit emensum, et dominus hoc facere noluerit: licentia emphyteutæ detur, ubi voluerit, et sine consensu domini meliorationes suas vendere, his tamen personis, quæ non solent in emphyteuticis contractibus vetari ad huiusmodi venire emptionem. Necessitatem autem habere dominos, si aliis melioratio secundum præfatum modum vendita sit, accipere emphyteutam; vel si jus emphyteuticum ad personas non prohibitas, sed concessas, et idoneas ad solvendum emphyteuticum canonem transponere emphyteuta maluerit: non contradicere, sed novum emphyteutam in possessionem suscipere, non per conductorem, vel per procuratorem, sed ipsius dominos per se, vel per literas suas, vel (si hoc non potuerint, vel noluerint) per depositionem, in hac quidem civitate apud virum clarissimum Magistrum censuum, vel præsentibus tabellariis per attestationem, in provinciis autem per præsides, vel per defensores celebrandam. Et ne avaritia tanti domini, magnam molem pecuniarum propter hoc efflagitent (quod usque ad præsens tempus perpetrari cognovimus) non amplius eis liceat pro subscriptione sua, vel depositione, nisi quinquagesimam partem pretii, vel æstimationis loci, qui ad aliam personam transfertur, accipere. Si autem novum emphyteutam, vel emptorem meliorationes suscipere minime dominus maluerit, et attestatione facta, intra duos menses hoc facere supersederit: licere emphyteutæ, etiam non consentientibus dominis, ad alios suum jus, vel emphyteumata transferre. Sin autem aliter fuerit versutus, quam nostra constitutio disposuit, jure emphyteutico cadat.

Hæc lex tertia est, de alienatione juris emphyteutici, et emponematum, seu meliorationum: et ut lex 1. de casibus fortuitis, lex 2. de rejectione emphyteuticarii: ita hæc lex de alienatione juris

Tom. IX.

emphyteutici servari oportere ait, quod conveni- rit inter dominum et emphyteuticarium. Sed si vi- bit convenerit, vel si pactionum instrumentum pe- rierit, lex statuit, ut jus suum, et meliorationes suas emphyteuticarius vendere non possit sine con- sensu principalis domini. Greci principalem do- minum *πρωτόκυριον* vocant, quem Doctores directum. Igitur non potest vendere jus suum inconsulto do- mino, nam debet denunciare domino se velle jus suum, quod habet in prædio, alteri vendere, et au- ipse velit emere. At queritur an possit emphyteu- ticarius donare jus suum domino inconsulto: con- stat emphyteuticarium fisci donare posse jus suum sine consensu procuratoris Cæsaris salvo canone, l. 1. de fund. patrim. Accursius idem putat di- cendum in privato emphyteuticario. Recte: nam eadem est ratio, et si aliter responderis, in totum interdicere donatione emphyteuticario, cum ei in totum non interdicatur venditio, sed sub hac conditione tantum, si dominus, cui denuntiatum est esse venalem emphyteuticarium fundum, nolit emere eodem pretio. Donationem si prohibeas, sub eadem conditione, in totum prohibeas, quia do- minus semper volet sibi potius prædium donari, quam alteri. Et ita liberalitati, et munificentie emphyteuticarii in amicum de se bene meritum col- latæ, dominus erit impedimento semper. Igitur licebit emphyteuticario donare, domino non ante- stato, et inconsulto, non item vendere. Poterit et permutare sine consensu domini, quia non est in potestate domini eandem rem offerre, pro qua emphyteuticarius jus suum cum altero commutat. At idem pretium offerre, est in ejus po- testate. Ideo est denunciandum domino, cum pos- sit idem pretium præstare. Igitur in hac lege ter- tia alienare accipitur stricte pro vendere, ut in l. 1. hoc tit. Alienationis, id est, venditionis, §. adeo, de loc. Institut. refertur sententia legis primæ, et pro eo quod est in l. prima, alienationis, in eo est venditionis. Potest etiam emphyteuticarius præ- dium emphyteuticum pignori obligare salvo cano- ne, l. tutor §. ult. D. de pignorat. act. Potest etiam usumfructum, et servitutem ei imponere, l. 1. §. 1. D. quibus modis usufruct. amit. Sed soluta emphyteusi (solvitur autem tempore, vel commisso) solvetur pignus, et servitus. At em- phyteuticarius non potest vendere sine domini con- sensu. Et idem dicendum in fisci emphyteuticario, licet negaverit Accursius. l. 1. de fund. patrimon. Debet autem emphyteuticarius, qui juris sui empto- rem invenit, et meliorationum domino principali testato denunciare, se velle vendere, et quanti possit vendere, id est, se emptorem invenisse, qui daret tot aureos, ut idem dominus possit emere totidem, si velit: nam dominus habet jus *πρωτείας*, id est,

refertur extraneo. Idem jus domino non datur fundo, sed datur jus retractus venditione perfecta intra certa tempora: jus retractus, id est, jus redimendi feudi ab emptore, ut est in consuetudine Parisiensi, l. 1. et 2. *Feudorum*, tit. nono. Constitutione tamen Lotharii et Friderici, feudum non potest alienari sine domini consensu, ut libro 2. *Feudorum*, tit. 52. et 55. At eo jure non utimur: nam potest feudum alienari sine consensu domini, sed dominus habet redimendi, sive retrahendi jus, plerumque intra dies 40. reddito eodem pretio emptori. Igitur non habet jus *πρωτεύωντος*, nec jus commissi, si certior non fiat a vasallo, sed habet jus redemptionis, seu retractus: at jus emphyteuticum non potest vendi, et tradi sine domini consensu: si vendatur non denunciato domino, prædium domino committitur, ut ostenditur in fine hujus legis. Denuntiari igitur domino oportet prædium esse venale, post denuntiationem domino dantur duo menses, ut emat si velit eodem pretio: post duos menses si non emat, libere vendet emphyteuticarius cui volet ad solvendum canonem idoneo, et emere non prohibito, et dominus cogitur eum emptorem recipere, approbare: debet autem eum suscipere non per procuratorem suum, non per conductorem suum, sed per se, vel per litteras suas, sine literis per depositionem factam in urbe apud magistrum census. Magister census erat tantum in urbe, non in provinciis, qui postea dictus fuit *γυμναστής*, *Novel. Leonis. 44.* apud eum fiebant contractuum et instrumentorum omnium publicationes, et insinuationes. Igitur dominus emptorem novum recipiet per depositionem factam in urbe, per magistrum census, vel per testationem factam in urbe, presentibus publicis personis, id est, tabulariis. Depositio fit sine scripto, l. in sacris, §. hoc si prolata, inf. de prox. sacr. scrip. lib. 12. Quod non putavit Accursius, ut et l. ult. inf. de princip. ag. in rebus, lib. 12. testatio fit scripto. In provinciis autem dominus principalis debet novum emphyteuticarum suscipere per depositionem, vel testationem factam apud præsidem, vel civitatum defensores, si per se nolit, aut per epistolam. Debetur autem domino pro hac re *σιδῶντις*, id est, pro admissione novi emphyteuticarii, quod hac lege definitur, ut ei detur quinquagesima pars pretii (*Gallice le lots, et ventes*) et dominus testato convenitur, ut novum emptorem admittat, et post eam testationem, adhuc duobus mensibus expectatur: post duos menses si non admittat, et approbet jam non necessaria susceptio, *σιδῶντις*, nec debetur *σιδῶντις*; sed alienatio valet perinde ac si unus emptor fuisset receptus a domino: præterea notandum hac *σιδῶντις*, sive laudemia deberi non tantum si jus emphyteu-

ticum vendiderit, sed etiam si donaverit vel permutaverit, vel legaverit, vel institutionis jure in alium transtulerit, quod hac lege significatur, dum ait, domino quinquagesimam pretii deberi, vel estimationis loci, qui in aliam personam transfertur: pretium refertur ad venditionem, estimatio ad aliud genus alienationis. Nam licet emphyteuticarius possit donare, vel permutare sine domini consensu, non ideo non debentur *σιδῶντις*, sicut in feudo, licet hodie sine domino vendi possit, non ideo minus debentur quintæ: ac similiter si pacto convenerit, ut emphyteuticarius domino inconsulto possit vendere, non ideo remissa videntur *σιδῶντις*. Primum igitur caput legis tertie, ne alienet sine domini consensu, ad venditionem tantum pertinet, ne emphyteuticarius alienet inconsulto domino. Cetera ad omnem alienationem, et ut novus emphyteuticarius suscipiatur, ut inferat *σιδῶντις*, ut his omissis commisso locus sit.

JACOBI CUJACII J. C.

RECITATIONES SOLEMNES

SIVE COMMENTARII

Ad Lib. V. Codicis

AD TITULUM I.

De Sponsalibus et Arris, Sponsalitiis, et Proxeneticiis.

Anno 1575.

Hic titulus tres habet partes: una est de sponsalibus: altera de arris sponsalitiis: tertia de proxeneticiis. Et observandum est in primis, hanc esse mentem conditoris Codicis, ut quos omisit contractus libro superiore, hoc lib. persequatur et actiones proditas ex iis, ac præcipue matrimonii contractum, qui etiam nudo consensu perficitur, ut emptio, locatio, societas, mandatum, et emphyteusis: qui expositi sunt libro superiore. Et hoc obiter serva quod dico, emphyteusim perfici nudo consensu, sicut emptionem et locationem, quibus adsimilatur; nec case ad eam perficiendam necessariam stipulationem, nec scripturam: matrimonium inquam nudo consensu perficitur: nam neque verba, neque scripturæ proprietatem desiderat, neque dotem, neque concubitus, neque pompam, neque uxoris deductionem in domum viri, l. pen. ff. de donat. int. vir. et uxor. l. si donationem, inf. de nup. t. quæ sunt quidem per consequentias matrimonii propria, sed reliqua, non principalia, quæ rem, nego-

tiumque conficiant, nudus consensus rem conficit. Nuptiae igitur, sive matrimonium est conventio nuda, quae fit inter cives, marem, et foeminam ad sobolem procreandam spectans, eo animo votoque, ut in una domo totam vitam vivant socialiter. De hac conventionem tamen plenius dicemus, cum ad tit. quartum, qui est de nuptiis, pervenerimus. Ab eo enim ordiri velamus cum ordine titulorum, tum re ipsa: nam licet matrimonium consensu nudo trahatur, ut emptio, vel locatio: tamen ad eum non pervenitur statim, ut placuit primus sermo de nuptiis: et repente quod contrahitur, id haud quaquam sapientes probant. Ac rectissime *D. August. 8. confes. Institutum est*, inquit, *ut jam pactae non tradantur statim, ne vilem habeat maritus, datam, quam non suspiraverit sponsus desideratam, et dilatatam*. Nullus est contractus, cui tot adjiciuntur contractus alii, ne de pactionibus loquar: nam et celebrior est contractus ceteris omnibus, quippe qui primus est omnium contractuum, ut ait Hierocles *lib. de nupt.* Contractui uni, qui principalis est, non tantum pactiones adjiciuntur, sed et contractus alii, eumque ambiunt, et circumstant, ut emptionem, et venditionem arrarum datio, traditio rei, et cautiones. Matrimonii licet unus sit, et principalis contractus, sunt alii, qui, ut ad eum perveniatur, vel eum praecedunt, vel ubi completus est, eum sequuntur, vel modo praecedunt, modo sequuntur, vel qui penitus dirimunt eam conventionem, ut divorcium, quod contractum esse certum est, *l. jurisgentium, §. quinimo, D. de pact. l. si uxor, de judic.* Sed qui ad eum constituendum, confirmandum, vel corroborandum, spectant, hi sunt dotis datio, vel promissio, donatio ante nuptias vel propter nuptias, sponsalia, arrarum datio: dotis promissio est contractus, dotis etiam datio contractus, est, *l. exigere, D. de judic. l. contractus. D. de reg. jur.* Dotis, inquam, datio contractus est qui praecedere, vel sequi matrimonium potest, ut Paulus ait *libro 2. Sentent. tit. de dot.* Et si sola praecedat, nondum est matrimonium: nam dotis datio vel promissio nuptias, vel sponsalia non facit, *l. si sponsalibus, D. de jur. dot.* Imo nec dos est proprie antequam nuptiae sequantur, *l. 8. D. eod.* Inest enim dationi, vel promissioni dotis tacita conditio, si nuptiae sequantur, *l. stipulationem, et l. quia autem, D. eod. l. 4. §. 1. D. de pact.* Et ante nuptias igitur dos imperfecta est, dotis contractus imperfectus est, *l. necessario, D. de per. et cum. rei vend.* Item donatio ante nuptias est contractus: nam ei negotium est aliquod, qui olim praecedere nuptias, hodie etiam sequi potest, sicut dos, et ob id mutato nomine hodie dicitur donatio propter nuptias, non

ante nuptias, *l. si constante, inf. tit. 3.* Item sponsalia contractus est, qui praecedit tantum nuptias. Arrarum quoque datio contractus est, qui etiam praecedit nuptias, et quia pars prima hujus tit. est de sponsalibus, de eo contractu prius nobis agendum. Sponsalia hodie contrahuntur nudo consensu, sicut nuptiae, *l. 4. et ult. D. eod.* Idcirco recte contrahuntur inter absentes per internum, vel per epistolam, vel per aliam quamlibet personam interpositam, veluti per procuratorem, pararium vel proenetam. Et recte in *l. 4. quotidie fieri, et d. l. ult. plerumque fieri*, ut absens absenti despondeatur, ut haec condiciones expediantur interpositis personis, quae expediri per alium non possent, si ut olim sponsalia fierent per stipulationem: nam stipulationes nunquam fiunt per alium, *l. 1. in pr. ff. de verb. oblig.* Et secundum hoc jus novum, quo sponsalia nudo consensu contrahuntur, puto accipiendam esse definitionem Flor. positam in *l. 1. D. eod. ut sponsalia sint mentio, et repromissio futurarum nuptiarum.* Non satis est mentio; nam mentio est primus sermo et tractatus de nuptiis contrahendis, nondum contractus, nondum sponsalia. In *l. nam cum, D. pro soc.* tractatu habito coiri societatem, non tractatum scilicet, sed conclusionem tractatus esse societatem. Ideo additur in definitione, *repromissio*, quo nomine fateor plerumque significari nudam cautionem, sive repromissionem stipulanti factam non datis fidejussoribus, sed dico illo loco significari nudum consensum, quo hodie sponsalia perficiuntur, imo in jure, quod est verissimum, promittendi et repromittendi verbum latissime patet: nam et pactum eo significatur, et nudus consensus, et dictio, et pollicitatio, et omnis contractus, *l. sciendum, §. dictum, ff. de edil. edic. l. 9. in pr. ff. de duob. reis, l. pactum ff. de pollic. l. si pacto, sup. de pact. l. nuda, inf. de contrah. stip.* Et ideo minus est promittere, quam spondere. Seneca in epist. *Jam non promittunt de re, sed spondent.* Promittunt qui quancunque conventionem inveniunt, etiamsi obligatio ex ea non nascatur, et qui paciscuntur: igitur spondent tantum qui stipulanti promittunt, quod est firmissimum vinculum juris, et ut ait *l. sponsio, D. de verb. sig.* sponsio appellatur, non tantum quae fit per sponsi interrogationem, nempe his verbis, *spondes? spondeo*, sed etiam omnis promissio, stipulatioque, licet fiat alias verbis, *promittis? promitto, fidejubes? fidejubeo.* Sponsus Varro est contra sponsum rogatus: sponsor, qui vicissim rogatus est an sponderet, ut fiebat olim in sponsalibus: aetate autem Florentini desiderant sponsalia fieri per stipulationem, satisdato fiebant, id est, datis fidejussoribus, non nuda re-

promissione, ut Servius auctor est in illum locum Virgilii, *et gremio abducere pactas*. Olim igitur sponsalia per stipulationem fiebant, l. 2. ff. *ead. tit.* Arnob. 4. contra gentes. *Habent*, inquit, *interpositis stipulationibus sponsas*: et idem addit, *sponsas pactas, et speratas*: pacte addita stipulatione fiebant sponsæ. Nudum enim pactum non facit sponsalia, et aliud est nudum pactum, nudus consensus longe aliud: nam etsi pactum sit nudus consensus, non tamen omnis nudus consensus est pactum, sed vel pactum, vel contractus. Emptionem recte leges perfici nudo consensu: nudo pacto fieri nusquam leges, quod idem est de sponsalibus, atque nuptiis. Stipulatio pactum sponsum facit; stipulatio est remedium, quod attribuitur pacto, l. licet, sup. *fam. ercisc.* Et vitiosa est argumentatio, si quis dicat: pactum est nudus consensus, emptio perficitur nudo consensu: ergo emptio perficitur nudo pacto: nam propositio non est absolute vera. Nec enim pactum est simpliciter nudus consensus: sed nudus consensus, qui non transit in proprium nomen: nudus autem consensus, qui transit in proprium nomen, ut emptio venditio, locatio, sponsalia, nuptiæ, contractus est, non pactum. Et breviter idem est conventio et consensus, l. 1. §. 1. *de part.* Omnis conventio consensum habet. Conventio est genus: ergo et consensus est genus, et species duæ, pactum, et contractus. Verum ad rem. Olim igitur cum per stipulationem fierent sponsalia, non fiebant per alium: nam stipulatio non contrahitur per alium inter absentes, sed fiebat inter eos ipsos, qui erant contracturi nuptias inter se, vel inter patrem puellæ, et adolese. inter parentes puellæ, et adolescentis, qui de nuptiis futuris liberorum suorum conspodebant invicem suo nomine, non filiorum, ignorantibus filiis, et nonnunquam invitis. Ideoque sponsiones illæ eos tantum tenebant, non filios, aut filias, nisi consensissent, et licebat his patribus dissentire hac in re, in quorum potestate erant, l. 2. ff. *de rit. nupt.* l. *sponsalia, et seqq.* ff. *de sponsal.* l. *Titia*, ff. *de verb. oblig.* Igitur omnis nuptiarum potestas non est in patre. Et recte Comicus: *Uxorem decesserat dare sese mihi pater hodie, nonne oportuit præscisse me ante, nonne communicum oportuit?* Id vero quod ita agitur inter parentes, vulgo existimant esse despondere, sed falluntur: nam verbum illud commune est. Despondere etiam dicuntur invicem per se, qui conveniunt de futuris nuptiis inter se, l. si quis tutor, §. *quavis*, ff. *de rit. nupt.* vel etiam qui eorum nomine conveniunt hodie nudo consensu, ut l. 4. ff. *de spons.* desponsa a patre, in l. tutor, ff. *de ritu nupt.* additur *destinata a patre*. Desponsatur per conventionem, seu consponsionem.

Destinatur testamento citra conventionem, ut in l. non est matrimonium, ff. *de rit. nupt.* non desponsum a patre, inquit, *nec testamento destinatum*. Et ut his verbis Comici utar: *te isti virum do amicum, tutorem, patrem*. Et inde in d. l. tutor sic omnimodo videtur legendum esse; tutor, vel curator adultam uxorem ducere non potest, nisi a patre desponsa, destinatave testamento, nominata conditione nuptias puella sequuta fuerit tutoris, vel curatoris: nominata conditione, id est nominato viro, cui eam destinabat pater, puta demonstrata persona viri, cui filiam nubere pater cupiebat post mortem suam, quod est perspicue verum. Porro ex stipulatione futurarum nuptiarum, quæ olim interveniebat, et sponsalia perficiebat, ut auctore Gellio Servius Sulpitius scripsit, libro de dotibus. Ex quo libro refertur alia sententia in l. quod Servius, ff. *de condict. caus. dat.* Et Neratius quoque auctor juris lib. de nupt. *ex ea*, inquit, *stipulatione actio dabatur sponso in id, quod uxorem accipi, vel dari intererat, et consequenter erat olim etiam pænæ petitio, quasi vice ejus quod interest, si stipulationi fuisset subdita pænæ, quod etiam probat Nov. Leon. 18. Quod improbat dict. l. Titia, ff. de verb. obligat. et l. pen. infra, hoc tit. ne meta pænæ adstringantur matrimonia*. Unde consequens est improbari actionem quanti interest: nam altera alteri succedanea est, et datur in eum, per quem stat quo minus nuptiæ fiant. Est tantum petitio legitimæ pænæ, non conventionalis: petitio ex lege, non ex conventionem, nempe amissio arrarum, si eas dederit is, per quem stat quo minus nuptiæ sequantur, vel si eas acceperit, duplum arrarum, l. 5. *hoc tit.* vel etiam ut adicit, ex conventionem quadruplum. Quid igitur pænæ probat conventionalem, eamque, quæ perveniat ad quadruplum? quia videlicet vetri jure etiam legitima fuit pænæ quadrupli, l. 1. *Cod. Theodos. si rect. prov.* et jus vetus reducto quadruplo in duplum, non ita est antiquatum, quin possit ex conventionem reduci, sub eo colore, quod et quadrupli pænæ jus aliquando probaverit. Alioquin non esset pænæ illius petitio legitima supra duplum petitio. Nam certa est definitio l. unica, C. *de sentent. quæ pro eo quod interest profer.* eas tantum pænæ posse exigi, quæ legibus certo fine statuuntur, vel quæ cum competentem moderamine profuerunt, quod ne accipias de conventionalibus, per quas quisque sibi cavit, sed de iis, quæ proferuntur, de mulctis scilicet, quæ proferuntur sententiæ arbitrio judicis cum competentem moderamine: est enim mulctarum modus quidam in tit. *de mod. mulct. et l. propen.* ff. *de verbor. sign.* Ea est definitio dict. l. unica, cui si objiciatur *lex, pen. hoc tit.* habes jam quod res-

pondens. Et rursum, si ei objiciatur *l. si dictum, ff. de evict. l. si procurator, ff. de jur. fisc.* evictionis nomine contrahentes posse cavere, non duplum tantum, sed triplum, et quadruplum pretii, hoc mirum videri nemini debet, quandoquidem lege nulla constituta est ei rei certa poena, nulla certa taxata quantitas evictionis nomine, et licet moris sit duplum cavere evictionis nomine, tamen non est lex certa, ut plane liceat contrahentibus a bi cavere etiam supra duplum. Nam ubi lex deficit, vel sententia judicis, convenientibus, aut contrahentibus quidvis convenire licet. Nec rursus obstat *l. 4. §. ult. D. si quis caut.* quæ admittit ex conventionibus poenam iudicio sistendi causa quæ est amplior eo, quod statutum est edicto Prætoris, quod prima facie vehementer ob stare videtur. Nam ut respondemus: cautio iudicio sisti est prætoris, quæ in id quod interest concipitur, *l. quoties, ff. de verb. oblig.* Et tritum est illud, id quod interest licere deducere ad certam summam, quod plerumque ejus æstimatio sit incerta, *l. ult. ff. de prætor. stip.* etiamsi plura deducatur in eam summam, quam revera intersit, modo non excedat duplum in casibus certis, quoniam id quod interest in cas. cert. finitur duplo. Et id igitur, quod explicandi causa additur, quantum intersit, et in casibus incertis, moris non excedat æquum et bonum. Est in hanc rem *l. 6. D. de prætor. stipul. In prætor. stipulat. omnibus.*, ergo et iudicio sisti, etiamsi a Prætoris sit concepta, et habeant formulam certam, et conceptionem, veluti quanti ea res est, vel quanti interest, tamen posse, si quid contra factum erit, convenire de certa poena, et poenæ stipulationem committi ex conventionibus. Prætoris quidem stipulationibus nihil posse addi, nihil detrahi, nec earum formulis dicitur in *l. in conventionalibus, ff. de verb. obligat.* Sed nec immutat eas, qui vel addit, aut detrahit eis, et quicquid in eis est incertum, redigit ad certam summam et æquam. Igitur restat vera definitio *l. unicæ.* Supra autem tractavimus de patribus despondentibus filios, aut filias, et de poena, quæ adjicitur iis desponsionibus. Super usus sum supra *l. Titia, ff. de verb. oblig.* Et æquum est ideo me speciem ad eam legem apponere, quæ est veluti arx quæ rationis hujus. Species hæc est. Vir et uxor post matrimonium contractum, quod erat eis secundum (nam uterque expertus erat aliud conjugium) consenserunt, et convenerunt, ut viri filia quam ex prima uxore habebat, desponderetur filio uxoris, quem ex alio matrimonio habebat. Neque hæc nuptiæ vetitæ sunt, quia nec cognati sunt inter se, nec affines. Nec enim cognati viri affines sunt cognatis uxoris, nec filii viri affines sunt filiis uxoris ex alio matrimonio procreatis, sed cognati viri affines sunt uxori,

et contra cognati uxoris affines sunt viro: nam ipsi inter se cognati sunt. Sunt igitur inter eos justæ nuptiæ, et ita quotidie fit, ut mater et filia nubant patri et filio. Et hoc est quod ait *l. generali, §. inter, ff. de rit. nupt.* Inter privignos, viri scilicet, et uxoris, quos ἀλλογενεῖς, Theophil. vocat in *§. mariti, Instit. de nup.* contrahi posse nuptias, etiamsi communem fratrem ex novo parentum matrimonio susceptum habeant. Recte igitur parentes illi, ut proposui, consenserunt, ut uxoris filia filio mariti desponderetur, ac præterea etiam huic conventioni adjecerunt poenalem stipulationem, si quis eorum parentum nuptiis impedimento esset, atque ita eam desponsionem devinxerunt poenæ vinculo. Postea vir constante matrimonio diem suum obiit, ac post mortem patris filia noluit nubere filio uxoris, ut convenerat inter conjuges, citra consensum liberorum: potuit nolle nubere: nam sponsio patris non tenuit filium. Quæritur, an ex ea stipulatione poena peti possit ab hæredibus patris, quasi per patrem factum sit, dum viveret, ne nuptiæ complerentur: et respondet JC. poenam peti non posse, hac ratione, quia contra bonos mores stipulatio fuit interposita, cum inhonestum sit, ut ait, poenæ vinculo matrimonia constringi, sive futura, sive jam contracta, quia ea libera esse oportet. Hæc est sententia *legis Titia.* Sed si verum est quod ait, eam stipulationem poenalem esse contra bonos mores, esse inhonestam: igitur *Leo Novell. 18.* non potuit probare eam stipulationem, quæ pugnat contra bonos mores, contra honestatem pudorem, et jus naturale, quod mutari non potest jure civili. An dicamus, eam *Novell.* esse contra jus naturale? minime: nam distinguendum est, alios esse bonos mores civiles, alios naturales, *l. item apud Labeonem, §. idem ait, ff. de inju.* et alia esse inhonesta civiliter, alia naturaliter, *l. probum 41. ff. de verb. sign.* Inhonestum esse civiliter matrimonia, et sponsalia vincire metu poenæ; *l. Titio 100. §. 1. ff. de cond. et demonstr.* Ea vero, quæ sunt inhonesta civiliter, posse leges efficere, ut amplius pro inhonestis habeantur. Atque ita in uso evenit sæpe, ut quæ nunc sunt inhonesta, post non inhonesta esse videantur, vel contra, quoniam scilicet hos mores jus civile induxit, non jus naturale. Et sane etiam *d. l. Titia* significat eam stipulationem poenalem non esse nullam ipso jure, quæ sane nulla esset ipso jure, si adversaretur juri naturali. Et utriusque juri igitur: nam quod naturale est, et civile est, et significat ipso jure poenæ executionem esse efficacem, si promissor omiserit exceptionem doli mali, dum convenitur ex stipulatu: denique eam stipulationem poenalem non

esse nullam ipso jure, sed irritam fieri per exceptionem doli mali. Hic non morarer diutius, nisi animadvertissem Modestinum J.C. non indignum existimasse tractatu, quæ essent differentie inter sponsalia et nuptias. Nam is certe Modestinus libro 4. *different.* docuit, quæ essent differentie inter sponsalia et nuptias sub hoc tit. Eos enim libros distinxerat titulis de sponsalibus, et matrimoniis sicut ex fragmentis veterum Jurisconsultorum, sive reliquiis constat, eum tractasse differentiam inter depositum et commodatum lib. 3. *sub hoc tit. de depos. et commod.* et lib. 6. *differentiarum.* Differentias inter scientes et ignorantes. Et summa quidem illa, et notior differentia inter sponsalia et nuptias est: eo distare has ab illis, quo spes distat a re ipsa: nam sponsalia sunt spes nuptiarum, speratæ nuptiæ, l. pen. tit. sup. spes nuptiarum in l. 6. ff. *ead. l. si uxor*, §. *Divi*, ff. *ad leg. Jul. de adult. l. 2. inf. de repud.* et quæ dicuntur speratæ in auctoribus, eæ sunt vel sponsæ, vel pactæ. Nam et pactiones de futuris nuptiis, licet sine stipulatione obligationem non pariant jure civili, tamen etiam sunt spes nuptiarum. Aliam differentiam *ead. lib. 4. different.* Modest. exposuit in l. *ea quæ*, ff. *ad municip.* Ut scilicet, ea quæ desponsa est, non mutet domicilium, nec forum propter sponsalia, antequam contraxerit nuptias. Uxorem vero constat mutare domicilium, et forum, et ubi domicilium habet maritus, ibi eam conveniri, et facere munera publica, quæ mulieribus conveniunt, l. ult. inf. *de incol. lib. 10.* Et eleganter in l. 12. *C. Theod. de navicul. ut in litibus*, inquit, *causisque privatis mulieres convenit sequi fora maritorum, ita in publicis necessitatibus eandem rationem servari convenit*, ut munera publica, ubi obit maritus, ibi et obeat uxor; alia differentia est ex *ead. lib.* Modest. in l. 14. ff. *de sponsal.* In nuptiis definitam esse ætatem, nempe in fem. 12. ann. in masculis 14. vel quod idem est et notandum, in masculis 13. in feminis 13. annorum. Nam coeperit oportet in femina annus 13. in mare 13. Atque ita non sunt justæ nuptiæ, nisi illa faciat anno 13. ille 15. incepto, cujus vel diem unum, aut unam horam attigisse satis est. Et hoc ita demonstrat. Novella Justiniani 100. et *Nov. Leon. 78. et Nov. 2. Alex. Comneni de sponsal.* In sponsalibus autem non est definita ullæ ætas, ut ait d. l. 14. Et quod subjicit eadem l. *quapropter*, et a primordio ætatis spons. effici possunt, si modo id fieri ab utraque persona intelligatur, id est, si non sint minores, quam septem annis: hic non deficit certam ætatem: sed exigit tantum, ut sponsus et sponsa intelligant quid agatur, quod non contingit ante completum 7. annum, qui finis est infantie.

Et hoc idem de 7. annis notatur *Nov. 2. Alex. de sponsal.* Falsum autem est quod quidam existimant lege Julia et Papia definitam ætatem in sponsalibus auctore *D. Augusto.* Nam hoc tantum *Sveton.* scribit: Augustum coarctasse tempus sponsas habendi, id est, ut confirmat l. 2. h. t. et l. patri, *C. Theod. eod.* ut post sponsalia scilicet et puellæ puberis non traherentur nuptiæ, et diu sponsæ haberentur, sed acciperentur uxores intra biennium a contractis sponsalibus, alioqui eam impune sibi posse quærere conditionem aliam, si ducta non fuerit intra biennium a sponsalibus arris non redditis, sed tamen si per eam stetit quominus fierent nuptiæ intra biennium, quod lex Augusti præscripsit, tum eam arras restituere in duplum, vel in quadruplum ex conventionem. Idemque est, si impuberis puellæ 10. anno ætatis contracta sunt sponsalia, nec uxor accipitur post completum annum 12. ætatis, quod est fere intra biennium a sponsalibus, si coeperint sponsalia 10. anno ætatis: nam hæc etiam retinet arras, quas accepit, et impune alium sibi maritum adoptat. At contra si per eam stetit, quo minus ubi pervenit ad nubilem ætatem, nubere cui desponsa fuerat, reddet arras in duplum, vel in quadruplum ex conventionem, et ostendit etiam d. l. patri, quod heri tamen probaveram tantum ex l. union, *Cod. Throd. Si provinciarum rector*, vel ad eum pertinentes, etc. jure veteri quadrupli fuisse constitutam penam, cui etiam hodie locus est ex conventionem, non jure ipso ultra duplum, l. pen. h. t. Sed si sponsalia contracta sint cum puella ante 10. annum ætatis suæ: possunt enim contrahi a primordio ejus ætatis, quæ intelligit quodammodo quid agatur, d. l. 14. ut jure quoque stipulatur ea ætas, quæ exessit infantiam, id est, annum 7. et promittat quoque jure tutore auctore, l. 1. §. pen. ff. *de oblig. et act.* Si, inquam, cum puella contracta sint sponsalia ante 10. annum, non sunt illegitima, sed immatura, quia jam certum est, non posse nuptias intra biennium contrahi, quod non possit peragi pubertas intra biennium, quæ in nuptiis exigitur. Atque ideo, quia scilicet sunt immatura, et biennii præscriptionem eludunt, hoc ex ea ex utraque parte cessant pœnæ omissarum nuptiarum, vel renuntiatione conditionis, d. l. patri, et ita etiam hoc casu præmiis maritorum non fruuntur, quæ dedit lex Julia et Papia, ut contra ei, qui caelebs permansisset, indixit pœnas: non fruuntur, inquam, præmiis maritorum qui cum puella ante 10. annum ætatis sponsalia contrahunt, etiamsi eam uxorem duxerunt post completum 12. annum, quia scilicet non acceperunt, nec potuerunt eam accipere intra biennium. Ob immatura sponsalia, non illegitima tamen, præmia maritis procedunt, et privilegia

a die sponsaliorum, si modo non duraverint sponsalia ultra biennium. Et ita omnino est accipiendus hac de re locus apud Dionem 84. cum tractat de legibus perlatiis ab Augusto. Et addenda est etiam huic prescriptioni biennii inductæ l. Julia et Papia, et confirmatæ l. 2. h. t. d. l. patri addenda, inquam, est exceptio l. pen. ff. de sponsal. quæ omnino pertinet ad hanc rem, cum sit ea lex inscripta ad l. Jul. et Pap. quarum legum fuit magna pars de sponsalibus, et nuptiis, et maritandis ordinibus, id est, de nuptiis senatorum, et patriciorum, quibus cum eis esset conjugium. Exceptio hæc est, nisi valetudo sponsi, vel sponsæ vel mors parentum, vel capitalis poena, quæ fuerit inflicta sponso, vel sponsæ, vel longa peregrinatio ex necessitate suscepta coegerit trahere sponsalia in triennium forte, vel quadriennium, vel quinquennium. Nam eleganter l. si quis tutor. §. 1. ff. de ritu nupt. iniquum esse dilationem, quæ non dolo, sed ex necessitate contingit, cuiquam esse fraudi, vel noxæ: Itaque ex serie et progressu disputationis hujus, citra prescriptionem biennii, jam satis enodatæ a me, plusquam manifestum est in d. l. pen. cum sit, sæpe iustas, et necessarias causas efficere, ut trahantur sponsalia, et differantur nuptiæ, non solum in annum, vel biennium, sed etiam triennium, vel quadriennium, et ulterius, abundare illa verba, annum vel: nam huic rei numquam fuit præscriptus annus ulla lege: sed biennium tantum. Atque ita igitur scripsit auctor d. l. pen. non solum biennium, quod scilicet lege Julia et Papia præscriptum est, sed etiam triennium, vel etiam ulterius ex causa necessaria differri nuptias a contractis sponsalibus. Et præterea potest addi quarta differentia, in nuptiis esse necessariam testationem lege Julia, advectionem testium, scilicet quod uxor ducatur liberorum procreandorum causa, ut ex fragmenti Ulp. tit. 3. Nam et in concubinato testatione opus erat, l. 3. de concubinis: concubinitus est honestum et legitimum nomen, at hodie nullus in usu, stupra sunt, non concubinatus, qui vulgo concubinatus dicuntur. Concubinatus est species matrimonii, et concubina uxorem imitatur, ut ait Julian. antecessor in Novella quarta, et in antiquis inscriptionibus dicitur viceconjux: et qui nascuntur ex concubinato patrem habent, et possunt demonstrare, et dicuntur liberi naturales. Qui nascuntur ex stupro, non possunt alium patrem demonstrare, quam populum, nec liberi naturales dicuntur. In sponsalibus autem nihil interest testatio interponatur, necne, l. 7. ff. de sponsal.

JACOBI CUJACII J. C.

Ab Lib. V. Codicis.

RECITATIONES SOLEMNES

Ad Titulum II. Si Rector Provinciae, vel ad eum pertinentes Sponsalitia dederint.

Arrarum datio est contractus, l. contractus, supra de fide instrumen. qui adhibetur his contractibus, emptioni, venditioni, locationi, conductioni, et sponsalibus. Et præit locationem, vel emptionem impletam, id est perfectam, nondum impletam, puta nondum re tradita, nondum numerato pretio, et similiter præit matrimonium, et dantur arræ ab emptore venditori, vel a locatore operæ alienæ, id est, qui aliquid faciendum dat conductori, vel a conductore rei alienæ, qui accepit rem alienam utendam fruendam, dantur et prorogantur locatori, et a sponso sponsæ, non contra; quoniam ii sunt, qui magis videntur appetere impletionem contractus, emptor scilicet, locator, conductor, et sponsus. Idcirco arræ vinculo rem adstringunt: in omnibus autem idem semper est jus. Ac primum in emptione, vel locatione ita jus est, ut ea impleta arræ reddantur, maxime si certum corpus datum sit arræ nomine, l. ex empto, §. ego illud quero, ff. de act. emp. vel ut imputentur in pretium, si consistant in nummis, l. ult. ff. de lege commiss. Et eodem exemplo igitur arræ sponsalitiæ sequentis nuptiis redduntur, vel imputantur in donationem propter nuptias, quam vicissim pro dote, quam accepit maritus, adfert uxori, et ex novissimis constitutionibus in nuptiis mutua dos intervenit, dos mulieris, et donatio propter nuptias, quæ dos est viri, ac idcirco dicitur a Græcis ἀντίσπονν dos. Denique arræ sponsalitiæ exemplo ceterorum contractuum, in quibus soleut arræ intervenire, vel redduntur impletis nuptiis, vel imputantur in dotem viri, id est, in donationem propter nuptias, sic vocantur in l. ult. tit. seq. Et notandum diligenter magnam esse differentiam inter arram sponsalitiæ, et donationem, et munus sponsalitiæ, quod longe distat a donatione propter nuptias. Sed interim tantum hoc moneo, hanc esse differentiam inter arras sponsalitiæ, et munus-sponsalitiæ: arram dat tantum sponsus, non sponsa, munus sponsalitiæ non tantum sponsus, sed etiam quandoque sponsa, l. cum veterum, et l. seq. tit. 3. inf. Quamvis ea lex dicat raro evenire, ut tam sit liberalis sponsa, quod verum est, et usus comprobatur. Item arræ sequentis nuptiis redduntur, munera sponsalitiæ non redduntur sed remanent apud donatarium, ut annulus pronu-

bus non redditur, quem sponsus sponsæ muneri dedit, nam ejus annuli mera donatio est, *l. si donatæ, §. ult. ff. de donat. int. vir. et ux.* Denique ea munera non redduntur, sed cedunt lucro donatarii, nisi convenerit munera quandoque reddi soluto matrimonio, vel divortio, vel morte viri, aut mulieris, quæ dederit, *l. 7. et 12. t. 3.* Et hoc sequutis nuptiis: quid si non sequantur nuptiæ? si non sequantur culpa ejus, qui munus accepit sponsalitiū? redditur munus in simplum: si culpa dantis, non redditur, *d. l. cum veterum.* Et hæc in re dissident munera sponsalitia ab arris sponsalitiis; nam etiamsi ea distinctio adhibeatur in arris, utrius scilicet culpa nuptiæ non sequantur, tamen ubi non sequuntur culpa ejus, qui accepit, scilicet sponsæ, redduntur, non in simplum (exceptis certis casibus) sed in duplum, vel ex conventionē in quadruplum, cum conventio quadrupli permittatur, quod fuerit ea pœna aliquando jure comprobata *l. pen. h. t. l. 6. C. Th. eod. l. un. C. Theod. si rector provinc. l. 1. Cod. Theod. si nupt. ex rescr. pet.* Et hoc, ubi nuptiæ non sequuntur alterutrius culpa. Videamus, quid sit dicendum, si ideo non sequuntur nuptiæ, quod inciderit mors sponsi vel sponsæ? an etiam hæc in re est differentia inter arras sponsalitiæ, et largitatē sponsalitiæ? admodum. Nam si intervenerit mors sponsæ, et hæc sola impatierit nuptias, arræ non redduntur, sed cedunt lucro hæredum sponsæ, *l. 3. h. t.* Munera autem sponsalitia redduntur donatori, vel hæredibus ejus, *l. 2. C. Theodos. eod.* Et hoc si intervenerit mors sponsæ. Quid si mors sponsi interveniet? si liberalitatis causa munera contulerit sponsus in sponsam, post mortem ejus, quæ contigit ante nuptias non redduntur, *l. 1. de donat. l. si tibi, tit. 3. inf.* Ubi maxime velim expendi illa verba, *liberalitatis causa*, id est, ut statim ea munera accipientis fierent, nec ullo casu ad donatorem reverterentur, ut esset mera liberalitas: igitur nec mortuo donatore ante nuptias ad ejus heredem revertentur. Sed si contemplatione futuri matrimonii, et titulo sponsalium, et nuptiarum ea donatio, sive largitas facta sit, secundum distinctionem *d. l. 2. C. Theod. de sponsal.* non redduntur heredi extraneo, patri, matri, vel filio, hæredibus redduntur. Hæc est distinctio *l. 2.* quam non probavit Justinianus: quandoquidem eam non retulit in suum Codicem, sed probavit magis aliam distinctionem in *l. si a sponso, tit. 3.* Ut scilicet distinguamus, an in sponsalibus carpserit osculum sponsus, an non. Nam hujus rei veteres erant religiosissimi, ut etiam pleræque nationes, ne cuiquam datur temere osculum, ne sponso quidem: sed semel tantum confirmandorum sponsaliorum causa, ut Nov. Alexii Comneni de sponsalibus, ait confirmari sponsalia data arris et osculo.

Igitur non abs re *d. l. si a sponso*, distinguit utrum acceperit sponsus osculum, an non: nam si non acceperit, et moriatur ante nuptias, omnino redduntur hæredibus munera sponsalitia. Idemque erit si accepit osculum, et munera quædam dederit sponsæ: namque mortuo sponso ea recipit, etiamsi intervenierit osculum: sed si sponsus ea munera contulerit in sponsam, et moriatur ante nuptias hæredibus ejus, ut dixi, redditur, ex *d. l. si a sponso*, dimidia pars munerum, atque ita sponsalitia largitas pro parte manet apud sponsam, quæ præbuit osculum, pro parte revocatur ab hæredibus sponsi, quasi scilicet jus osculi, quod est argumentum magni pudicitie veterum, jus augeat sponsaliorum, et quæ præbuit osculum, sit quasi uxor, vel plusquam sponsa. Nec tamen satis est, ut ait *Quintil. declam. 279.* uxorem, aut maritum osculo tantum putari. Atque ita cernitis, quæ ratione, quove modo munera sponsalitia hæredibus donatoris, vel donatori restituantur interveniente morte sponsi vel sponsæ, cum tamen arræ nunquam reddantur morte dissolvente spem nuptiarum, *l. 3. tit. sup.* et reddantur tantum interveniente culpa sponsæ, quæ accepit: facit hæc in re solennis locus Solini *cap. 16.* dum scribit de moribus Thracum: *Nuptiæ, inquit, non parentum arbitrio transeunt ad maritos sed quæ præ aliis specie valent subarrari volunt, et licentia taxationis admissa, non moribus nubunt, sed præmiis.* Quanquam ille locus videatur potius esse accipiendus de dote, quam mulieri offert vir, atque adeo in quibusdam libris legi, non *subarrari*, sed *subhastari*, ut scilicet ei, qui plus obulerit, nubant. Nam addit, *cas, quas premit formæ deducis dotibus emere, quibus jungantur, sicut præmiis, et quasi dotibus veluti subhasta, forma, præstantes viri coeunt.* Tacitus de mor. German. refert, Germanos olim obulisse dotes uxoribus, non uxores maritis: et tandem etiam hoc introducere in orbe Romano novissimi Impp. dum quasi ex utraque parte conferri voluerunt dotem a muliere, donationem propter nuptias a viro. Restat, ut admoveam etiam idem jus esse in omnibus contractibus, in quibus intervenit arris: ut si culpa emptoris, vel locatoris, vel conductoris, vel sponsi, non impleatur contractus, vel matrimonium arris amittat, quod et pactis adjici solet, *l. 6. et ult. ff. de leg. commiss.* Nec tamen necesse erat adjici, quoniam jus ita se habebat, plerumque quod vulgo pacisci solent contrahentes, tandem transit in jus commune, et pro pacto atque convento habetur: et frequens usus tacita pacta inducit. Quod si culpa venditoris, locatoris, aut conductoris, vel sponsæ non impleatur contractus: jus commune est omnibus, ut reddantur arræ in duplum, *l. contractus, sup. de fid. instrument. §. 1. Insit. de empt.*

l. Rodia, cap. 19. l. 3. et pen. tit. sup. Excipiuntur tamen certi casus, quibus tantum in simplum tenetur sponsa, vel parens sponsæ, qui arras accepit, etiamsi nuptiis impedimento fuerit, quos casus facile percipies ex lectione *d. l. penult.* Necesse est tamen referre hic convenienter præter casus exceptos in *l. pen.* excipi alium casum in *tit. 2. si rector provincie, vel ad eum pertin. sponsal. ded.* id est, arras. Casus hic est. Si rector provincie, vel quisvis alius, qui officium administrat in provincia, et potest esse terrori provincialibus (nam Cyrillus male in hac re distinguit præsidem a ceteris administrantibus officium publicum) si is, inquam, in ea provincia puellam desponderit, et subarrarit, ut potuit. Nuptiæ enim ei interdictæ sunt, non sponsalia, non potest ducere uxorem in ea provincia, in qua fungitur officio publico, sponsalia contrahere potest. Et ita si despondat puellam in ea provincia oriundam, vel in ea domicilium habentem, si post depositum officium, quo tempore cum ea contrahere potest nuptias, ea noluerit nubere, liberatur reddendo simplum: id est, arras, quas accepit, et nihil præterea in *l. si quis officium, ff. de rit. nupt.* Neque tenetur in duplum, etiamsi pset causam repulio, quia presumitur non sua sponte fecisse sponsalia cum eo, sed territa et coacta potestate et viribus officii publici, atque ideo liberatur reddendo simplum, *d. l. si quis officium.* Cui obicitur *l. 1. hoc tit.* Propterea quod ait, eam lucrari arras, atque ita nec simplum reddit. Sed ut hoc exponam clarius, nihil est, verius quam necessitatem reddendarum arrarum hac constitutione remitti. Et ita accipiendam esse *d. l. si quis offic.* ut non aliter reddat arras, quam si sua sponte, et ultro eas reddere velit, ut sit plerumque, ut nolint quicquam retinere, quæ repudiant sponsum, ex ejus bonis. Et vero honestius esset arras reddere: sed si nolit reddere, non exigentur. Hæc est mens hujus constitutionis. Denique constituto est remissio necessitatis, indulgentia, venia, vel ut posteriores loquuntur, dispensatio: Greci εὐνοίας interpretantur. Falso autem quidam, cum revera ita sint hæc duæ leges in concordiam adducendæ, comminiscuntur, *l. si quis offic. ff. de rit. nupt.* esse de sponsalibus, et constitutionem hujus tituli esse de nuptiis. Hoc vero falsum esse ostendit series titulorum, et titulus ipso, qui ostendit constitutionem etiam esse de sponsalibus, *si rectori prov. alioquin nihil distaret hic tit. a tit. si quacunq. præditus potest.* Superfluum etiam esset ille titulus, si uterque esset de nuptiis. Et discrimen hoc tamen intercedit, quod hic de sponsalibus est, ille de nuptiis. Ac præterea si contraxisset nuptias provincie rector, vel qui ad eum pertinet, cui ipse operam hac in re dedisset, injus-

Tom. IX.

atm essent nuptiæ: et vultu dos fieret caduca, in *d. l. si quis offic. §. veterem:* ita oporteret arram fieri calucam, nec cedere lucro uxoris injuste. Nec illud omitendum est in hac constitutione arras appellari sponsalia, et pignora, ut *l. 6. Cod. Theod. de sponsal. et l. ult. inf. de ingen. manum. l. 1. inf. si nupt. ex rescript. pat.* Hieronymus de virginitatis laude, humanorum sponsaliorum pignore subarrari. Atque ita animadverto tres primæ tit. hujus libri esse de sponsalibus, scilicet primam partem esse de sponsalibus, id est, repromissionem futurarum nuptiarum, quæ etiam ita definitur ab Alexio, prima contrahentium conventio; nec tamen eodem significato sponsalia accipi in sequentibus duobus tit. sunt hi tres de sponsalibus, sed non eodem significato in omnibus accipi sponsalia: in primo tit. nuncupantur sponsalia mentio, et repromissio: in secundo sunt arras sponsalitiæ, ut dixi: in tertio donatio propter nuptias, ut in *l. patri, Cod. Theod. de sponsal. in l. 2. inf. de sec. nupt. et l. prædia, inf. de præd. min. Novell. Valent. de Episcop. jud.* et aliis plerisque locis. Et quarto significatur in eodem tit. 3. sponsalia esse munera sponsalitia, *l. 3. cod.* quæ quam distent ab arris, jam ostendi. Ac præterea observandum est *hoc tit. 2.* non tantum teneri rectorem provincie, qui provincialem despondit, eamque subarravit, sed etiam ad eum pertinentes, quibus ipse faverit hac in re, qui a Grecis dicuntur ἀπορίστεις, hi sunt liberi, cognati, affines, domestici, assessores, qui dionatur participes consilarii, *l. 1. sup. de contract. jud.* Apud Plautum in *Mil. glor. Socium tuorum consiliorum, et participem consiliarium.* Tertia pars tit. est de proxeneticiis, quo nomine significantur mercedæ, sive præmia, quæ debentur intercessoribus, sive conciliatoribus nuntiarum, aliorumve contractuum. Nam ut ait *l. ult. ff. de sponsal.* etiam conditiones nuptiarum, quæ passim dicuntur simpliciter conditiones, expediuntur interpositis personis. Sed in hac tertia parte agitur tantum de his, qui conciliatores, interpretes, et sequestres sponsalium, vel nuptiarum sunt: quantum pro proxenetico, pro opera, et conamine illo ferre debeant, aut possint, quos etiam Seneca vocat *pararios*, quasi medius inter duos: nam veteribus pares, id est duo, et Diolorus Siculus generaliter hujusmodi homines vocat μεσίτας τῶν ὁμολογῶν, id est, *sequestres conventionum*: et in venditionibus, et emptionibus Dinarchus et Isæus vocant προπράτορες, et Lysias, προπράτας, et Aristophanes προπρίας, et Plautus προποδοντάς. Sed proxeneticum, id est, præmium, quod eis datur, etiam φιλόπροπον, id est, benignum manus vocatur, *l. 2. ff. de proxenetico.* quod scilicet benigne eis largiatur, ii, quibus operam

42

navant, quibusve conditionem quærant: nam dicta *lex 2.* non dicit Philanthropi per Synæresim, ἀντὶ φιανθρωπίας premium liberale, quod uno nomine licet dicere φιανθρωπίας. His vero proxeneticis modum imposuit pro quantitate dotis, donationis propter nuptias *l. ult. tit. sup.* quæ hic deest, et est Græca, quam ego integram edidi libro undecimo observat. Unde petes sententiam ejus, et cetera de proxeneticis. Illud tamen inculcabo ex *d. l. ult.* non posse hujusmodi homines in coeundi sponsalibus interpositos, vel nuptiis immixtos, non posse exigere proxeneticum, nisi stipulationibus eis promissum sit non praesentibus. Pactio enim non sufficit, et extra ordinem non possent peti proxeneticæ citra stipulationem. Est enim sordidum proxeneticum accipere, ut ait *lex 3. de proxenet.*

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. III. De Donationibus ante nuptias, vel propter nuptias, et sponsalitiis.

Dæ sunt partes hujus tit. prior de donationibus ante nuptias, vel propter nuptias: posterior de sponsalitiis. Et tamen hoc tit. priores sunt constitutiones de sponsalitiis, id est de muneribus sponsalitiis, quæ sponsus, vel socer, aut socrus dat sponsæ, vel socero, et e contrario. Nam hæc plerumque munera sunt reciproca, quæ quam distant ab arris sponsalitiis, supra satis ostendimus: posteriores autem constitutiones 4. sunt de donationibus ante nuptias, ut olim dicebantur, hodieque dicuntur donationes propter nuptias, quia non tantum præcedere, ut olim, sed etiam sequi nuptias possunt, *l. pen. h. t.* Ejus nominis Justinianus reformator fuit, quæ enim res olim vocabatur donatio ante nuptias, eam dehinc voluit vocari donationem propter nuptias. Sciendum autem est, ut hæc partes hujus tit. breviter explicantur, donationem omnem valere inter sponsum et sponsam, *l. 1. ff. de donat.* atque etiam stipulationem factam inter sponsum et sponsam donandi animo, excepto casu *l. 3. hoc tit.* si mulier sponsum in dote decepit, puta si dotem minorem attulerit, quam fecerat spem sponso forte, et interim spe amplioris dotis sponsus promiserit se daturum mulieri res quasdam forte magni pretii, namque harum rerum, hujusmodi munerum non erit mulieri petitio efficax: indigna est munere, quæ decepit virum in dote: et excepto etiam casu *l. 3. h. t.* si turpis fuerit

causa promittendi, vel dandi munera sponsalitiis. Ut si forte impostor quidam, fingens se esse cælibem, cum haberet uxorem desponderit puellam, et promiserit munera multa: neque enim ea potest desponsa petere, quia turpis est stipulatio, turpisque promissio, cum non possit habere sponsam et uxorem: vel etiam si hic idem dederit munera quædam, ut promissa non possunt peti a sponsa, ita data non possunt repeli a sponso, quia ubi solius dantis turpitudine versatur, non sponsæ, quæ munera accepit, nescia ficti cælibatus, cessat condicio. Et hoc idem Græci notant ad *l. 3.* et Accursius etiam concludit retineri, quæ ille dederit munera ab ea, quam non jure despondit, ei idem Accursius id evidentius explicat in *l. 4. ff. de cond. ob. turp. causam.* Excepto etiam casu *l. 4. hoc tit.* si donatio facta sponsæ, collata sit in tempus matrimonii, ut scilicet non ante res traditæ fiant sponsæ, quam impletæ nuptiæ fuerint, ut in *l. cum hic status, §. si sponsus, ff. de don. inter vir. et ux.* quia scilicet inter virum et uxorem donatio non valet, nec ea igitur, quæ confertur in id tempus, quo erunt mariti ambo, donatio inter sponsum et sponsam valet, inter virum et uxorem non valet, id est, constante matrimonio non potest vir uxorem ullius rei suæ per donationem facere dominam, nec contra uxor virum (loquor de donatione simplici) nam donatio propter nuptias, quæ cum dicatur propter nuptias, jam non est mera, simplex, sive directa, hæc inquam, etiam constante matrimonio fieri, vel augeri potest, sicut dos, quæ etiam a veteribus connumeratur inter donationes, ita tamen ut donatio propter nuptias non excedat quantitatem dotis erogatæ vicissim ab uxore, ne fraus fiat legibus hæc ratione prohibentibus donationes inter virum et uxorem. Nam quod excedit dotem, simplex donatio est. Non est autem propter nuptias, si superet modum dotis, id est, dotem: donatio propter nuptias igitur non potest major esse dote minor potest esse, *l. ult. hoc tit.* Immo hodie ex Nov. 97. neque major, neque minor, sed æquales quantitates dotis, et donationis propter nuptias, et pretia æqualia esse oportet, atque omnino congruere summas dotis et donationis propter nuptias, ut igitur dos, ita etiam donatio propter nuptias, quæ contraria est dos, constante matrimonio constitui potest, quod Martianus Capella lib. de nupt. Merc. testatur: qui locus omnimodo pertinet ad jus nostrum: Arcanus, inquit, prisci juris assertor, magna nepotum obsecratione consulitur. Responditque etiam regulariter matrimonio copulato, dotem dicere fæminam viro ullis legibus prohiberi. Et eleganter *l. pen. h. t.* non obesse ejusmodi munificentis, id est, dote, vel donatione propter nuptias, interdictas esse liberalitates

tempore nuptiarum: hæc enim magnificentie excipiuntur, quia non sunt donationes simplices, sed contractus, quibus inest negotium aliquod, illa scilicet, dum datur propter dotem, et hæc dum datur propter donationem propter nuptias et propter onera matrimonii. Et rursus eleganter *lex ult. h. t.* ea, quæ dantur propter nuptias esse quasi ἀντίδοτον, non donationes simplices; donatio igitur propter nuptias magis est æquamentum dotis, sive amussis, sive ἀντίδοτον, id est, contraria dos, quodre contra dotem offertur, quam mera donatio. Et rursus in *dict. l. ult.* et nomine, et substantia nihil distare dotem a donatione propter nuptias. Nam utraque donatio dici potest, utraque dos, neque etiam substantia distant, nam eadem vis est et natura utriusque. Idem jus utriusque, pacta æqualia de lucro nuptiali, quæ paciscuntur invicem, ut scilicet præmoriante viro lucretur uxor donationem propter nuptias, aut ejus partem: et contra præmoriante uxore, ut similiter ex dote lucrum ferat maritus: pacta hæc æqualia esse oportet, et æqualia lucra, ut dixi ex *dicta. Nov. 97.* æquales summæ esse debent: ergo et accidentia sunt eadem, maxime cum pacta æqualia esse oporteat, et ut ait *dict. l. ult.* in summa æquis passibus utraque ambulat, et eleganter, quod magis declarat quid sit donatio propter nuptias, additur in *dict. l. ult.* donationem propter nuptias, fieri propter dotis dationem, et non esse donationem simplicem, sed factam propter dotem, et propter nuptias: simplicem donationem non fieri propter nuptias, sed propter nuptias prohiberi jure civili inter virum et uxorem: quia nec fiunt propter nuptiarum affectionem, quæ jam contractæ sunt, sed propter alias causas, forte au libidines, vel unius conjugis egestatem, ut *l. 1. et 2. ff. de donat. int. vir. et uxor.* Ex his facile conficietis donationis propter nuptias definitionem, nimirum hoc pacto: donatio propter nuptias est contractus, quo quis dotem contrariam uxori offert; donatio enim propter nuptias est æquamentum, levamentum, examen, amussis, sacoma dotis. Contractum esse apparet ex *Nov. 119.* ut donatio propter nuptias specialis sit contractus, et ex ea *Novella* hæc donatio non indiget insinuatione, id est, actorum publicorum testificatione, et confectione, nec ex parte viri, nec ex parte uxoris. Hæc tamen recitat Justinianus *Nov. 127.* dum vult, ut ex parte uxoris, si agatur de lucro ei acquirendo ex donatione propter nuptias soluto matrimonio, eam donationem non indigere insinuatione, ex parte viri indigere, ut pariat ei lucrum æquale ex dote in casum mortis mulieris, vel in casum injusti repudii. Olim hæc donatio propter nuptias indigebat insinuatione simul, ac munus omne sponsalitium, præterquam si donaretur minoribus ætate feminis, *l. 1. l. 3. l. ultim. C. Theod. de spon. alibus, l. 17. l.*

ultim. hoc tit. l. sancimus, §. alias vero, inf. de donat. l. ultim. §. simili quoque modo, inf. de jure dot. Et quod supra dixi sponsalium nomine etiam significari donationem propter nuptias, est verissimum: nam quod *lex 2. inf. de nupt.* vocat sponsalia, eam legem enarrans Justinianus in *Novell. 22.* interpretatur donationem propter nuptias: denique et sponsalium nomen est commune, et repromissioni futuri matrimonii, et donationi propter nuptias, et arris sponsalitiis, et muneribus sponsalitiis. Et ideo recte glos. Græcorum sponsalia interpretantur ἱδὴν: nam ἱδὴν nomine et apud Homer. significantur ea quæ sponsus dat sponse, sive sit munus sponsalitium, sive donatio propter nuptias, et contra quæ sponsa sponso. Et continentur etiam eo nomine, quæ dicuntur Σάμπτηναι καὶ ἐκάλυα, munera scilicet, quæ dantur sponse, quo die primum ei eam videre licet, et colloqui: ea autem ἀνάλυα καὶ ἐκάλυα, quæ vocant munera sponsalitia, nuptialitia, dico ea esse, quæ conferunt cognati et affines sponse quando munera sponsalitia expectat a cognatis, et affinibus, de quibus sit mentio in *l. 1. §. præterea, ff. de tut. et rat. distr. et l. tutor 13. §. ult. ff. de admin. tut. l. inter domum, ff. de verb. signific.* Quibus locis etiam ostenditur eam erogationem non esse necessariam, et culpam tutorem si quid impenderit in munera sponsalitia pupilli nomine. Non est etiam illud omittendum, sponsalitiæ largitatis nomen etiam porrigi ad donationem propter nuptias: nam quod *lex 4. inf. de sec. nupt.* vocat sponsalitiæ largitatem, quo nomine propria specie videntur tantum significari munera mutua maritorum, eam legem enarrans Justinian. in *d. Novell. 22.* interpretatur donationem propter nuptias, ut non male vetus interpret *Novell. 119.* Ut sponsalitiæ largitas specialis sit contractus id est, donatio propter nuptias.

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. IV. De Nuptiis.

Expositis contractibus iis, qui ante nuptias fieri solent, aut fieri solebant, ut donatio propter nuptias, consequens est, ut tractet de nuptiis, sive matrimonio ipso. Matrimonii, sive nuptiarum definitionem tradidi ab initio hujus libri, nimirum esse conventionem nudam, quæ fit inter marem et feminam liberorum procreandorum gratia, ea lege votoque, ut in una domo totam degant vitam socialiter, quæ definitio substantiam rei expli-

est longe aliter, quam Modestini definitio tradita in *l. 1. ff. de ritu nupt.* *Matrimonium esse conjunctionem maris et femine, consortium vite, communicationem divini et humani juris*: quæ definitio ex effectu concepta est, ut si quis definat societatem, communicationem damni et lucri in negotiatione, vel communicationem universorum honorum, vel partium: matrimonium enim, id est, iudus consensus, quo eum contractum perfici constat, inducit, et creat conjunctionem maris et femine, simul ac coitionem corporum. Ita enim accipienda sunt illa verba, conjunctio maris et femine, ut in *l. 1. ff. de just. et jur.* pro coitione corporum, ut invicem alter alteri in constituendo contrahendoque matrimonio sui corporis potestatem faciat, ut invenio apud Macarium *Homil. 32.* quod olim sicheb plerisque locis, solenne fuisse in contrahendis nuptiis, conveniendis, ut diceret alter alteri: *αὐτὸ τὸ σῶμα μου σοὶ ἐστὶν*, id est, *corpus meum tuum est*: Nudus ille verborum consensus est consensus in coitionem corporis: et additur in definitione Modestini, consortium omnis vite, ut intelligatur matrimonium esse societatem omnis vite et fortune, sive prosperæ, sive adversæ, ut est in Theonistii oratione *3. βίου κοινωνία*, id est, *vite societas*. Ac præterea additur in definitione Modestini, *Communicatio divini et humani juris*, ut intelligatur uxorem etiam esse sociam sacrorum, id est, iisdem uti sacris, iisdem obligari sacris, quibus utitur obligaturque maritus: sicut dicitur heredem obligari et alligari sacris defuncti, et filiumfamil. alligari sacris paternis: sic uxorem etiam dicimus uti iisdem sacris cum marito; sicut eodem foro et domicilio utitur, iisdemque honoribus, in *l. ult. inf. de incol. l. mulieres, inf. de dignit. lib. 12. l. 10. h. t.* In quo notandum est, quod ait, eam, quæ nupserat clarissimo viro, veluti Senatori, ejusque filio, si eo mortuo nupserit secundi ordinis viro, eam amittere dignitatem prioris mariti: secundi ordinis virum illo loco non esse plebejum hominem, ut Accurs. male ait sed equestrem dignitatem, ut aperte demonstrat *lex un. infr. de equestri dignit. lib. 12.* quæ nominationem secundum ordinem facit equestrem. Et ad summam hic adnotandum ex *leg. 4. infr. de crimin. expil. hered.* *uxorem sociam humanæ rei atque divinæ domum suscipi, vel domi suscipi*. Sic est legendum, quod miror nondum fuisse emendatum, ut in quibusdam veteribus exemplaribus: nam quid illa verba significant, quæ vulgo leguntur, *sociam humanæ rei et divinæ domus suscipi*? Quæ quidem lectio ineptissima est. Sed hæc sunt perspicua adiungenda. Videmus nunc, quæ de re agatur hoc titulo. Constitutiones hujus tit. omnes eo pertinent, ut intelligatur quæ sint permissæ, et quæ prohibita, quod etiam agitur in quinto, sexto, septimo

et octavo: atque adeo hi 3. tituli eodem spectant, et hic noster quartus dat initium huic tractationi. Ceteri igitur sunt appendices hujus, et quasi sequelæ. Ergo incipit tractare in hoc titulo, quæ nuptiæ sint permissæ, et quæ prohibita. Permissæ enim sunt quædam, quæ videbantur prohibenda, aut quæ olim prohibita fuerunt, et ita permissæ sunt patrono nuptiæ cum liberta, etiamsi eadem patrono alumna fuerit, quod videtur olim obtinuisse, propterea quod alumna in plerisque loco filia est: sed tamen in hoc titulo permittuntur nuptiæ patrono cum liberta, etiamsi alumna fuerit, *l. 15. l. 26.* Permittuntur nuptiæ cum consobrina in *l. 19.* quo jure utimur. Nam ex eo gradu cognatorum, ex transverso hodie ducimus uxorem, et consobrinæ sunt in quarto gradu. Permittuntur etiam inter disparem ordinis dignitatis, honestatisque personas, *l. 23 §. pen. hoc tit.* quæ olim existimabantur esse impares nuptiæ, et omnes nuptiæ impares inutiles sunt: nam pares paribus conditione, et dignitate conjungi volebant, aut certe inter personas dignitate impares intervenire solemnitates nuptiarum, et instrumenta dotalia, *l. 22. hoc tit.* Item permissæ sunt nuptiæ militi cujuscunque ordinis, aut conditionis cum ingenuis mulieribus, etiamsi sine solemnitate, sine dotalibus instrumentis, *l. 21. h. t.* Et generaliter hodie in nuptiis non exiguntur dotalia instrumenta, neque solemnitas nuptiarum, nisi inter personas illustres, ut *Nov. 74.* Et quod dixi de solemnitate nuptiarum animadvertendum est, vulgo nuptias dici, non quod in definitione nuptiarum antea exposuimus, sed solemnitatem, pompam, festivitatem, et celebritatem nuptiarum. Et hoc sensu pleraque exaudire oportet scripta in testamentis, et conventionibus facta mentione nuptiarum, quia solent homines plerumque abusive loqui in testamentis, et conventionibus, ut vulgus loquitur, nec propriis nominibus uti, *l. non aliter, §. 1. ff. de leg. 3.* Et ideo ex *l. 24. h. t.* in conventionum, vel etiam ut Græci addunt recte, in legatorum, aut fideic. conditionibus, quæ conferuntur in tempus nuptiarum, vel in nuptias, *veluti dato illi tempore nuptiarum filia mea, dato illi cum nupserit filia mea*, non esse ea verba sic intelligenda, ut accipiantur de eo tempore, quo solo consensu nuptiæ contrahuntur vel de ætate nubili filia, puta quæ excedit annum 12. sed de celebritate, festivitate pompa nuptiarum: et hæc de permissis nuptiis. Dicamus de prohibitis, et præmittamus illic prohibitas nupt. stupra esse, non nupt. et liberos spurios esse, non justos et legitimos. Et prohibita sunt quidem nuptiæ liberti cum patrona, vel ejus filia, aut nepte, vel uxore quondam patroni, *l. 3. h. t.* Prohibita cum concubina patris, quæ

est vel fuit, *l. 4. h. t.* Prohibita ei, qui officium in provincia administrat cum muliere, aut virgine inde oriunda, vel ibi domicilium habente, *l. 6. h. t.* prohibita cum suscepta ex sacro baptismo, *l. 26. h. t.* quae loco filiae est: et perpetua prohibitione non tantum inter parentes et liberos, sed etiam inter eos, qui sunt loco parentum vel filiorum, et eam, quae suscepta est ex sacro fonte, quae dicitur a Graecis filia adoptiva. Prohibita olim etiam erant nuptiae lege Julia et Papia sexagenario cum quinquagenaria, arida utero, et sterili, quae tamen hodie sunt permissae a Justin. *l. 27. h. t.* Et ideo debui hanc quoque speciem referre inter nuptias permissas, non inter prohibitas. Verum pergimus. Prohibita etiam sunt nuptiae senatori, aut filio senatoris cum libertina, etiamsi patronus ipse sit ejus libertinae, quasi scilicet impares, *l. 15. et pen. h. tit.* quod genus imparis matrimonii secundum jus Codicis sane prohibitum est, ut dixi: ideoque hoc titulo prohibentur haec nuptiae. Itaque rectius hanc speciem repono inter prohibitas nuptias, quod hoc libro, et hoc titulo prohibeantur, ubi agitur de nuptiis, quanquam verius sit ex Novellis non esse prohibitas, propterea quod ex eis hodie, quod attinet ad alias personas, quam patronum, libertini pro ingenuis habentur. Denique non est libertinitas hodie, nisi inter patronum manumissorem, et manumissum, non inter ceteras, quia manumissi pro ingenuis habentur ubique: et ideo elegans est, quod definitur in *l. pen. ut si is*, qui duxerit libertam cum esset equestris ordinis, deinde fiat senator, hoc casu non dissolvi nuptias, quae ab initio non potuissent contrahi, ex lege Papia inter libertam et senatorem, ex post facto injuste contractae dissolvi non possunt, quia major felicitas mariti non est idonea causa dirimendi matrimonii rite contracti, quod plerique nobiles regni, compotes voti non observant, et male. Nam perpetua est regula *l. 3. inf. de interdict. matrim.* matrimonium rite contractum ex post facto non vitari. Prohibita etiam sunt ingenuis hominibus cum famosa muliere, puta cum scenica, quae se immiscet, prostituitque ludis scenicis, vel cum scenicae filia. Et addit tantum exceptionem Justinianus in *l. 25.* nisi scenica resipuerit, et ad bonam frugem redierit, poenitentia quidem non aboleri infamiam, ut est in *l. palam, D. de rit. nupt.* sed si poenituerit scenicam ex rescripto principis, et confectis dotibus instrumentis, erit ei connubium cum ingenuo: hanc igitur omnem infamiam rescriptum principis delevit: principis enim est abolere infamiam. Quoniam ergo poenitentia sola non sufficit, necesse est notam autem actus vitae deleri rescripto principis, atque etiam, ut solemnitates nuptiarum adhibeantur. Et quo minus resipiscant, nullis teneantur obligationibus, puta si se perpetuo

theatro addixerint: namque possunt redire ad bonam frugem sine metu harum obligationum, quae ipso jure nullae sunt, *l. ult. hoc tit. et Novell. 51.* Ratio non est eadem, quae *leg. 23. sup. de episcop. aud.* licet sit eadem sententia utriusque, quia ea lex ult. scripta est ad Episcopos, haec ad magistratus civiles, et concepta est aliis verbis, ut initium demonstrat. Sed quod majoris est momenti, addamus etiam prohibitas esse nuptias, et illi citas eas, quae ab initio contrahuntur, sive dissolutae postea renovantur sine auctoritate patris, in cujus auctoritate est puella, vel adolescens, *l. 7. et l. 12. hoc tit.* Injustae sunt nuptiae, quas contraxit, vel renovavit filiusfamil. aut filiafam. sine auctoritate patris. Idemque est si filia sit emancipata, non dico si filia sit minor 25. annis: nam emancipata, major 25. annis habet arbitrium nubendi cui velit, sed emancipata minor 25. annis debet nubere patris auctoritate. Quod si pater sit orbata, debet nubere tutore auctore, et matre, et propinquis. Quod si forte inter se non consentiant, et cupiat mater eam conjungere nobiliori, tutor plebejo: hujus arbitrium rei suscipiet judex, dirimetque hanc controversiam, et dabit jus nuptiarum secundum arbitrium, vel tutoris, vel matris, vel propinquorum, prout melius ei esse videbitur, quod ostenditur in *l. 1. et l. 18. et l. 20. h. t.* Placet autem quod *l. 1.* facit mentionem tutoris, non curatoris: nam tutoris auctoritas omnimodo est necessaria ad nuptias contrahendas. *Ulp. in fragm. tit. de tut.* Si patronus, qui est tutor mulieris absit, in locum ejus alium tutorem non dari, nisi duobus casibus, id est, adeundam hereditatem, *l. 17. §. tut. ff. de appet.* et ad has nuptias contrahendas. Ad haec inutilis est auctoritas curatoris, vel propinquorum, quis non est legitimus auctor, vel arbiter, neque sunt etiam affines propinqui, *l. 8. h. t.* Curator enim tantum solam rei familiaris administrationem, non personae curam gerit. Igitur si puella sit utroque parente orbata, cui malit ipsa nubere tantum spectandum est, neque requiritur auctoritas curatoris, vel propinquorum, nisi forte ea erubescat suam sententiam exponere, quo casu si varii sint competitores, relinquitur arbitrio judicis, vocatis propinquis, *l. 20. h. t.* Ubi autem superstes est pater, qui filium aut filiam habet in potestate, vel etiam, cujus filia emancipata minor est 25. annis, certum hoc est, et tunc inutiles esse nuptias, atque injustas, si sint factae sine consensu patris: nec requiri tamen consensum expressum patris, satis est, si non contradicat nuptiis, taciturnitatem patris imitari consensum, *l. 5. hoc tit.* et est veluti paternis quaedam sumpta ex jure, ut scribit Gregorius Nazianzenus 2. orat. de pace, eum, qui tacet,

consentire videri, et silentium pro consensu haberi, et taciturnitatem consensum esse docet parœmia, quæ scilicet hoc obtinuit in multis negotiis, ut sit taciturnitas pro consensu, et raro pro dissensu. Etiam non est omittendum quod cavetur *l. patrem, hoc tit.* quæ lex est admodum singularis: nam quod est in ea proditum, nusquam alibi reperitur. Est de patre, qui filiam exposuit egestate coactus, alioquin pater non exponeret filiam, qui etsi eam non educaverit, sed educata fuerit ab extraneo, et adoleverit apud eum, non ideo amittit jus patriæ potestatis: in id non valent nuptiæ cum ea puella contractæ sine auctoritate patris, qui eam projecit. Et si forte qui eam collegit expositam, et exhibuit adultam factam apud eum, si velit conjungere filio suo, æquum est, et honestum ut non adversetur pater, qui eam exposuit: sed tamen non cogitur consentire, nec cum filio educatoris contractæ nuptiæ, justæ erunt dissentiente patre, qui nunc eam adultam factam vindicat, et vult eam elocare suo arbitrio: sed quia summa ingratitudo hæc est, ut non agnoscat beneficium, quod accepit ab educatore filiæ, et non saveat voto ejus cupientis eam suo filio conjungere: ita plebitur tantum pater, ut reddat sumptus alimentorum hoc tantum casu: ubi Thaleleus notat in hoc tantum casu reddi alimenta; quia regulariter non redduntur educatori sumptus alimentorum. Et ea de re ait exstare constitutiones in *tit. de infantib. exposit.* quod est omnino falsum. Imo *l. 1. ejus, tit.* exigit solutionem alimentorum, si dominus, vel patronus ancillam, vel libertam se invito, vel ignorante expositam vindicet: nam necesse est ut reddat educatori alimenta, nisi vindicet a fure, huic non redduntur alimenta, sed bonæ fidei possessori tantum, qui in hanc expositam exercuit misericordiam. Et breviter ut apparet ex *l. 16.* oportet nos separare filium, et patrem, libertum, et patronum, dominum, et servum, et demum hæc in re ita constituere: si sciente domino, vel patrono expositus sit servus, vel ancilla, libertus, vel liberta, ei nunquam repetitionem, vel vindicationem dari mancipii vel liberti, sed neque educatori licere alumnum quasi servum retinere, aut libertum suum assere. Expositione enim fit ingenuus, alioquin videtur educator pietatem exercere, ut ait *lex 3. inf. de infant. exposit.* mercimonio contracto pietas non esset educatori, si pro mercimonio alumnos vellet redigere in servitutem, ut dicitur de Paulo Samosatensi, cum pietatem existimasse esse *πομπήν*, quasi *reditum*, c' est à dire un revenu, et plerique existimant hodie. Igitur si sciente domino, vel patrono expositus fuerit servus, vel libertus, amittit dominium aut jus patronatus: si ignorante et invito, vindicat quod

suum est, redditis impensis alimentorum, nisi vindicet a fure. In patre et filio, vel filia aliud est: nam non amittit jus patriæ potestatis, etiamsi filium exposuerit, aut filiam, ut ait *d. lex. 16.* et vindicans eum eumve, non refundit expensas alimentorum, nisi in casu *d. l. 16.* dum non saveat voto p. i. educatoris, cupientis suo filio alumnum conjungere. Est evidens discrimin. Nec alia ratio reddi potest, quam quod indulgendum magis sit affectioni patris, quæ omnes affectiones superat, quam affectioni domini aut patroni. Et quod dicitur de non reddendis expensis, omnino congruit cum jure: nam quæ quis expendit pietatis gratia, non veniunt in actionem negotiorum gestorum, *l. 1. sup. de neg. gest.* Et hic pietas sola novit educatorem expositi, et ut ait *l. 2. inf. de infant. exposit.* voluntas amica misericordie, ut Tertull. in Apolog. *filios exposuit suscipiendos ab aliqua misericordia prætereunte extranea.* Nec illud etiam omittendum, quod tamen fuit omissum in prima parte tit. 1. hæc in re esse differentiam inter sponsalia et nuptias. Exposui enim illic aliquot differentias exemplo Modestini, restat adhuc hæc una: quod et si nuptiæ non possunt contrahi, vel reconciliari sine consensu patris, et auctoritate, maxime si puella, aut adolescens sint in ejus potestate, tamen dissolvi non possunt auctore patre, invita filia. Sponsalia dissolvi possunt auctoritate patris. Denique non possunt nuptiæ solo dissensu patris dissolvi, sponsalia possunt, *l. 10. ff. de sponsal. l. dissentientis, inf. de repud. l. 11. h. t.* quæ dat etiam actionem marito adversus socerum, qui invitam retinuit filiam suam. Certum est dari interdictum de uxore exhibenda in *l. 2. ff. de lib. exhib.* quia jus patriæ potestatis non potest turbare bene concordatum matrimonium, sponsalia potest, ut Cremes apud Comicum, *uxorem negat se daturum filiam, quam tum ante desponderat.* Denique solus pater dissolvit sponsalia, non nuptias. Postremo sunt prohibitiæ injustæ et nefariæ nuptiæ, *l. 17. hoc tit.*

JACOBI CUJACII J. C.

In Lib. V, Codicis.

RECITATIONES SOLEMNES

Ad Tit. V. De incestis, et inutilibus nuptiis.

Post titulum generalem de nuptiis, datur specialis titulus de incestis, et inutilibus nuptiis, persequitur scilicet hic tit. (quod cæpit posteriore) genera nuptiarum explicare, quæ injustæ, inutiles, et illicitæ sunt, et quæ atrociori nomine incestæ

dicuntur et nefariæ. Nam et ex inutilibus nuptiis superiori titulo hæc expositæ sunt, si quis filiusfamil. faciat nuptias sine auctoritate patris: qui modo auctor esse possit, id est, qui furiosus aut mente captus non sit, si puella sine auctoritate tutoris, quia ad nuptias contrahendas adultæ non sufficit auctoritas curatoris, tutoris opus est, sicut ad adeundam hæreditatem etiam pueri. Si libertus patronam, aut patroni uxorem, filiam, neptem ducat: si quis in ea provincia, in qua officium administrat nuptias contrahat: si susceptam ex baptismo, quam filiolarum appellamus: hæc nuptiæ inutiliter et illicitæ sunt, ut dictum est titulo superiori. Hoc tit. eis adjuvantur aliæ causæ inutilium nuptiarum, ut si liberta, quæ nupsit patrono, eo invito transnubat alii, *l. 1. hoc tit.* Potest ex lege Julia et Papia, *l. ult. ff. de divort. l. in eo jure, ff. de ritu nupt.* Item si quis uxorem habet, ducat alteram, *l. 2. h. l. l. eum qui, inf. ad. l. Jul. de adult.* quod tamen aliquando permisit Valentinianus Imperator: sed cui sapientior mens est, nec superstiti uxore, nec divortio non facto alteram despondere licet. Et turpes sunt nuptiæ, turpia sponsalia, *l. 3. de donat. ante nupt.* Novis nuptiis non fit divortium cum priore: divortium nunquam fit tacite, sed certis quibusdam et solemnibus verbis: sunt etiam jure civili inutiliter nuptiæ inter servum et conservam, *l. 3. hoc tit.* Notum est illud Plauti in *Asinaria*, *Quid istuc est serviles nuptiæ?* Indignantur gravissimæ poenæ decurionibus, qui conjungunt se ancillis alienis, hoc enim fit in fraudem Reipubl. cui servant decuriones quia qui ex contubernio nascuntur (est enim contubernium non matrimonium) servi nascuntur, et servi non sunt pares muneribus Reipublicæ obeundis, decuriones sunt minores senatores (sic solent appellari) majoribus autem senatoribus, puta urbis Romæ veteris et novæ non tantum prohibita sunt nuptiæ cum ancillis, sed etiam cum libertinis, et generaliter cum omnibus humilibus, abjectis, et famosis mulieribus, quæ specialiter numerantur in *l. 7. hoc tit. et l. 1. inf. de nat. lib.* Ita ut non liceat his, quæ numerantur, adjungere alias quasi humiles, abjectas, et famosas. Et nimirum hæc sunt in hoc numero, scenica, mimica, scenica, aut mimica filia tabernaria, tabernarii, aut lenonis filia, aut arenarii, atque propola, quæ publice instat, et mercaturam vilem exercet: nam et hæc mulier abjecta humilique censetur, et indigna connubio senatoris. Quæ de re etiam actum est titulo superiori, addita exceptione in *l. 2.* nisi scenicam, aut mimicam, quæ ad bonam frugem redierit, relicto theatro, vel pulpito, princeps restituerit famæ. Igitur in hoc titulo præsumitur, quæ sint inutiliter nuptiæ quas attingat

etiam *tit. 4.* Ac sane de inutilibus, et incestis nuptiis actum fuerat super tit. Et fere enumerat omnes personæ, cum quibus incestum, et stuprum committitur, *l. 17. et l. 23. §. pen.* Sed tamen titulo proprio, et de incestis tractare voluit simul ac de aliis inutilibus, quamquam fuissent expositæ titulo superiori. Et hic agitur de incestis nuptiis. Incestæ nuptiæ sunt vel inter cognatos, vel inter affines, et ex iis aliæ sunt nefariæ, aliæ non sunt nefariæ. Nefariæ sunt, quæ incestæ sunt jure gentium, id est, quæ abhorrent a jure naturali, quæ religione, pudore, sanctitate omni procul absunt, et quas damnat naturalis ratio (Idem est naturalis ratio, jus naturale, et jus gentium, inter homines scilicet: nam omitto jus naturale, quod est commune cum brutis animalibus, et montis) Quæ ergo sunt incestæ jure civili, non sunt etiam nefariæ. Incestum igitur aut committitur jure civili, aut jure gentium, *l. ult. ff. de rit. nupt. l. ult. ff. de condict. sine caus. l. si adulterium cum incestis in princ. et §. 1. et 2. ff. ad leg. Jul. de adul.* Dicamus de incesto jure gentium. Incestum jure gentium committitur primum quod ad cognatos attinet, prima linea inter parentes, et liberos in infinitum, cujusunque sint gradus, *l. nuptiæ, ff. de rit. nupt. cum filia, nepte, pronepte, etc. matre avia, proavia, cujusunque gradus sint parentes, aut liberi: nam et velim præsciri in hoc tractatu, primum non observari gradus cognitionis, etiamsi quis querat ad quem gradum jure civili matrimonia contrahi non possint.* Dicam hoc non posse definiri ex graduum definitione certa, sed ex enumeratione tantum personarum, quæ legibus comprehensæ ita sunt, ut pateat cum eis non esse connubium, id est, jus legitimi matrimonii. Ergo quod ad cognatos attinet jure gentium incestum committitur inter parentes et liberos cujusunque gradus in infinitum. Quod autem ad affines attinet, jure gentium incestum committitur inter eos affines tantum, qui inter se sunt parentum liberorumque numero viceve, ut jure gentium incestum committitur cum privigna, *la fille de ma femme.* Nam est mihi pene filia: ego ei sum vitricus, et pene pater. Et consequenter jure gentium incestæ sunt nuptiæ cum privigna, mortua scilicet uxore mea, quia duas habere uxores non possum, quia privignæ filia est mihi pene neptis. Si enim privignam appello filiam, ut vulgus vocat, et filiam ejus vocabo neptem, hæc appellationes solæ vetant coiri nuptias inter me et illas, privignam scil. aut privignæ filiam, *l. Aristo, ff. de ritu nup.* Et similiter incestum committitur jure gentium cum noverca, id est, quæ noverca fuit, id est uxor patris: nam si adhuc sit uxor, certum est me eam ducere non posse. Ince-

atum igitur committitur cum noverca: nam et ea
pote mihi mater est, matrisque loco colenda, ut
quæ successit matri in eadem domo, et quæ sequi-
tur vestigia matris. Et ita Spartianus, *Novercam*
matrem quinimo uxorem duxit, Sic Phocylides
ait, *Ματρίαν δ' ὡς τῆς τῆς πατρὸς ἴχνην βῆσαι*.
Ut matrem cole, quæ successit matri in eadem
domo, et quæ sequitur vestigia matris. Et eadem
de re idem Spartianus in Caracalla: *Matrem, non*
alio dicenda erat nomine, uxorem duxit, et ad
parricidium induxit incestum, id est, *novercam*
duxit. Et apud Senecam, *committ'e curas auribus*
matris mee, id est novercæ. Pudor igitur vetat
eam ducere, quam voco matrem, quamvis nec
cognata mihi sit, nec affinis: nam morte patris,
aut soluto matrimonio proculubio finita est affini-
tas: sed colimus, et renovamus affinitatis memo-
riam, adeo ut etiam nefaria conjunctio sit cum ea,
quæ fuit concubina patris l. 1. § pen. ff. de con-
cub. quia concubina ea novercam imitatur. Et ea-
dem ratione jure gentium incestum committitur
cum nuru, id est, uxore filii, quæ est mihi pro
filia, et nukum imitatur, vel quæ fuit concubina
soceris, quia socrum imitatur, ut vel imitatio ma-
tris, vel quasi matris nos jubeat abstinere nuptiis.
Hæ sunt incestæ nuptiæ jure gentium, et jure ci-
vili, et omni jure, quas quemcumque puderet,
aut pudere deberet contrahere, etiamsi nulla ea de
re scripta lex esset. Nunc dicamus de incesto,
quod committitur jure civili. Incestum committi-
tur jure civili inter cognatos ex transverso, vel a
latere, non in infinitum, ut in recta linea, non
inter omnes, sed inter quosdam ex iis, et non pro
graduam lege, quod abrogavi jam ab initio, sed
pro arbitrio legum, quæ vetuere nuptias inter eos:
nam hæc omnis prohibitio inter cognatos a latere
est juris positivi, ita ut quæ nunc sunt prohibita,
olim sint permixta, vel contra, quia res tota pen-
det ex arbitrio legum, nec gradibus hac in re certus
finis datus, qui discerneret eas, quæ duci possunt, ab
iis, quæ duci non possunt. Quod sic demonstro ex
secundo gradu, a quo incipiunt cognationes ex tran-
verso (nam in jure transversali jure civili non est
gradus primus) jure civili populi Romani non licet so-
rorem ducere, sive consanguineam, aut germanam,
aut uterinam: et ex Demosthenis constat multis in
locis l'cuisse Athenis germanam uxorem ducere, non
uterinam. Ex quo efficitur non esse veras hæc nu-
ptias jure gentium. Commune enim hoc jus, et
nunquam mutat: sed jure positio in l. 8. et 54.
D. de rit. nupt. vox sororem est Triboniani, non
auctoris: nam sororem prohibemus ducere le-
gibus: non moribus. Et hoc de secundo gra-
du. Ex tertio gradu a latere, sive ex transverso,
non licebat olim uxorem ducere: post licuit patruo

ducere fratris filiam, ilque jus diu permansit,
adeo ut quod est in l. 17. sup. t. l. prox. præterea
fratris tui filia, et ex ea nepte, hæc verba non
sufficiunt in integra constitutione Diocletiani et Maxi-
miani, sed ex jure novo addita sunt a Triboniano:
nam Diocletiani tempore patruo erat connubium
cum fratris filia, quam vulgus vocat neptem. Spar-
tiani neptem vocat, sed non boni auctores: et
est corrigendus locus Ovid. 3. de Ponto. *Ætherea*
tibi fratre nepos: tamen non nepos legendum.
Itaque in pandectis nusquam invenies inter nuptias
illicitas proferri patruo nuptias cum fratris filia.
Hodie sunt quidem illicitæ, fateor, l. ult. h. t.
§ frat. Insit. de nupt. Diu fuerit licitæ: nec tamen
licuit unquam avunculo ducere sororis filiam, quod
mirum est. In Pandectis sunt multi loci, quibus
vetatur avunculus ducere sororis filiam, quæ est in
tertio gradu: nullus locus, quo vetatur patruus
ducere fratris filiam. Nec alia ratio reddi potest,
quam quod ita sit jus positum. Sicut nec cur licuit
Athenis ducere sororem germanam, non uterinam.
Ergo hoc jus diu ita fuit, ut ex tertio gradu duci
posset uxor: nempe fratris filia, quamquam non
potuerit ex eodem gradu duci sororis filia: et si-
militer non potuerit duci ex eodem gradu mater-
tera, vel amita, quæ etiam dicitur patertera in
antiquis inscriptionibus. Itaque res hæc non pendet
ex certa graduum finitione, sed ex jure civili. Sed
pergamus. Ex quarto gradu licet jure civili uxorem
ducere veluti consobrinam, l. celebrantis, sup.
tit. prox. Hodie non licet ex noviss. constitutionib.
ducere consobrinam. Et merito, quia pene soror
est, et recte etiam appellatur soror simpliciter in
Philip. 1. *Sorori et uxori*, id est, consobrinæ,
sorori patrueli. Et ideo nos Galli rectissime, meo
quidem judicio, fratrem patrualem patris, vocamus
patruam, *le frere de mon pere, c'est à dire mon*
oncle. Et similiter sororem patrualem patris, vo-
camus amitam, sicut sororem germanam matris,
vocamus avunculam, id est, *tante*. Ac præterea
ex quarto gradu non licet, nec licuit unquam du-
cere neptem sororis, licet ex eodem gradu licuerit
ducere consobrinam, id est, neptem fratris, ut
apparet gradus hos non servari secundum legem
prescriptam, sed arbitrium principis. Et in l.
sororis, ff. de ritu nupt. *sororis proneptem du-*
cere non possum, quia parentis loco ei sum. Vi-
detur autem auctor noster scripsisse *neptem*, non
proneptem, quia sum ei parentis loco, id est avi
loco, sicut sororis filia sum patris loco, id est,
avunculus: nam proneptem sororis uxorem ducere
ætatæ ratio satis vetat, ut ait Paul. § 2. Sentent.
tit. 19. Ergo de nepte id scripsit, quod ei sit avi
loco: nam cum pronepte sororis ætas nunquam
fert ut coeant nuptiæ. Ac præterea ex quarto gradu

non licet ducere amitam, et materteram magnam. *l. per = l. optionem*, § 1. *ff. de rit. nupt.* Et hoc de cognatis. Inter affines autem eos tantum prohibita fuerunt jure civili nuptiae, et habitae pro incestis, quos recensui ante, id est, qui parentum, vel liberorum locum inter se obtinent, ut inter generum et socrum, et inter socrum et nurum, inter vitricum et privignam, inter privignum et novercam, quando illi invicem se appellant matres et filios, patres et filias. Inter affines hactenus stetit prohibitio jure civili, ut indicat *l. 4. §. hos itaque, ff. de grad. cogn.* sed postea jure novo inter affines porrecta est etiam prohibitio ad eos, qui neque parentum, neque liberorum loco sunt: ut non est connubium cum fratris uxore, vel duobus sororibus, *l. 3. h. t. l. 2. et 4. Cod. Theod. de inc. nupt.* Et notanda hic est fabula, ut huc conjunctio damnetur magis, aut merito videatur damnanda, Progne, et Philomela Cecropiae domus aeternum opprobrium, ut ait Horatius. Item cum leviro non est connubium, id est, cum fratre mariti, *l. 3. et ult. h. t.* Et observandum est *l. pen. hujus tit.* tolli Aegyptiorum legem, quae permittebat fratri ducere uxorem fratris virginem, id est, cum qua non fuisset conjunctus frater defunctus quod forte usurpaverunt ex Deuter. *cap. 25.* sed quam haec nuptiae fuerunt detestatae, si vis intelligere, legas Egesippum *lib. 2. cap. 22.* et Joseph. *de bello Judaico cap. 11. lib. 2.* Uterque loquitur de Glaphira quadam muliere, quae nupsit duobus fratribus, et post mortem prioris nupsit fratri, unde secuta sunt ejus familiae dispendia, ut solent etiam ex hujusmodi interlicibus matrimoniis sequi ruinae. Et notandum quod ait *lex pen. h. t.* Aegyptios hoc colore permisisse nuptias fratris alterius, quod prior frater non se miscuisset mulieri, quod non deintegrasset eam, quasi scilicet nuptias faciat concubitus, quod jus nostrum rejicit: nam uxorem facit consensus nudus, et ideo Modestinus definit matrimonium, maris et feminae conjunctionem esse (id est, *συνοικισιν*, ut ego interpretatus sum) vulgi morem sequitur, qui et nuptias facere dicit de quacunque commixtione, ut Petronius Arbiter: *Jacuerunt una, non ea tantum nocte; qua nuptias fecerant, sed et altero, et tertio die.* Et alio etiam loco, *postulantibus omnibus nuptias fecerunt*: et Interpres Latinus Aesopi illius, qui de vita Alessandri scripsit: *Ille, inquit, deposito scripto, accensoque lecto nuptias agit.* Igitur uxorem existimamus eam esse, cum qua convenit ut uxor esset, et omnis vite socia, etiamsi nondum coierit corpore. Observanda est igitur ea fratris uxor, perinde ac si rem habuisset cum fratre defuncto: nec sequenda amplius lex Aegyptiorum. Hic denique videmus etiam cum affinibus quibusdam incestum committi jure civili, licet non referant locum

Tom. IX.

parentum, aut filiorum. Et differentia illa, inter incestum jure gentium, et jure civili maximi momenti est. Nam error juris gentium neminem excusat, non mulierem, non minorem 25. annis si incestum commiserit jure gentium, quia jus gentium nobiscum nascitur, et notum est omnibus, *l. 2. sup. de in jus. voc.* At error juris civilis excusat mulierem, et minorem 25. annis, si incestum commiserit jure civili per matrimonium, non per stuprum, vel adulterium: nam haec sunt probra juris gentium. Excusatur igitur minor, et mulier, si modo protinus errore comperto dirimat matrimonium, *d. l. si adulterium.* Error autem facti excusat omnes, puta si ignari necessitudinis cum sororis filia, vel nepte contraxerit nuptias, dummodo errore comperto protinus dirimant nuptias, ut ait *lex 4. h. t. si modo dirimerunt.* Ubi est archaismus in verbo illo *dirimerunt.* Est et alius archaismus in illo loco, *errore acerrimo*, sicut dicitur celerissimus equitum. Et ex Co. Manlio in Iliade apud Priscianum, *celerissimus advolet Hector*, quae loquendi formulae rectae sunt, sed antiquae, unde notanda sunt verba *d. l. 4. in locis sup. dictis.*

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. VI. De interdicto matrimonio inter pupillam et tutorem seu curatorem, filiosque eorum.

In *h. t.* proponitur alia species inutilium, illi citanturque nuptiarum ex oratione Marci et Commodi, et S. C. quo cavetur ne tutor, vel curator, aut eorum filii ducant impune pupillam suam, aut patris sui, antequam tutor, vel curator rationes reddiderit tutelae suae, vel curae, et praeterierint tempora restitutionis in integrum, intra quae auxilio praetoris rationes, quae redditae essent, retractari possent, hoc est, intra annum 26. ut est in *l. non est, ff. de rit. nupt. et l. qui pupillam, ff. ad l. Jul. de adult.* Videlicet sexto anno computato utili non continuo, ceteris continuis annis, ut *l. 6. h. t.* Hodie dicere secundum Justinianum intra 20. annum, quoniam anno utili Justinianus substituit, quadriennium continuum ad petendam restitutionem in integrum. Cur voluit Senatus ne duceret pupillam suam, vel patris ante redditas rationes firmatasque tempore? causa prohibendarum nuptiarum, quae movit Senatum, sane fuit suspicio fraudis tutorum, vel curatorum: plerumque enim tutores, vel curatores hujusmodi nuptias appetunt, vel ambiunt sibi, aut

filiis, ut puella ducta in suam familiam, conturbent, invertant, vel cohibeant rationes reddendae tutelae, aut curationis, ut eam circumscribant in suis rationibus, rerumque suarum, ut fraudem administrationis suae legant. Denique ut puella, quae ulique semper reveretur maritum, et socerum, qui patris loco est, a verecundia tardetur exigere rationes ab eo. Hoc ostenditur in *l. libertum*, §. 1. et *l. pen.* §. *sed videamus*, ff. de rit. nupt. *l. pen. h. t.* Quae ratio etiam efficit, ne tutori permittatur adoptio pupilli, vel pupillae, *l. nec ei*, ff. de adopt. Ut etiam non permittatur adoptio mariti pupillae suae, *d. §. sed vid.* ne scilicet capietur his rationibus remissio rationum puellae, quas tractavit tutelam, aut curam administrans. Haec constitutio S. C. sive prohibitio habet locum in tutoribus, vel curatoribus tantum (quod notandum est) non autem porrigitur ad eum, qui pro tutore administravit, cum non esset curator, non ad procuratorem, non ad gestorem, *l. ult. h. t.* quamquam et ii rationem reddere debeant, alioquin paulatim quilibet reddendis rationibus obnoxius, eam, cui obligatus esset, prohiberetur sibi, vel filio suo conjungere matrimonio, quae non est mens S. C. *l. pen. §. pen. ff. de rit. nupt.* Et observandum est prohibitioni causam dedisse non tantum ne rationes cohererent, ut dixi supra, sed etiam ei potestatem, quam habet tutor, vel curator, et qua fretus facile potest huiusmodi nuptias extorquere a puella, quae maxime observat tutorem, et curatorem suum: et ut dicam uno verbo, rationem potentatus, ut ait *l. praefectus*, ff. de rit. nupt. Cur qui officium administrat in provincia prohibetur ex ea uxorem ducere? ratione potentatus, quo fretus appeteret nuptias quaslibet. Cur inter pupillam? eadem, inquit, ratione. Et haec nuda potentatus suspensio non est in protutore, vel procuratore, vel gestore voluntario. Addamus prohibitionem S. C. etiam consistere in pupilla tantum: nam matrem pupillae ducere nihil vetat *l. 3. h. t.* Pupillo quoque meo filiam meam collocare nihil vetat, *l. 3. h. t. l. libertum*, §. ult. ff. de rit. nupt. Et ita is, qui officium publicum administrat in provincia, quamdiu administrat, licet non possit ex ea provincia sibi ac filio uxorem adungere, potest tamen filiam suam in se dignam conditionem collocare in ea provincia, *l. si quis officium*, §. ult. ff. de rit. nupt. Nec alia ratio est, quam quod gener non ita reveretur socerum ut nurus: nurus verecundia fere semper remittet redditionem rationum, quam non remittet generi verecundia, quae talis non est: non enim tantum vir socerum erubescere solet ut nurus, et ob id nurus acquisitio cohibet quidem rationem reddendae tutelae: sed non etiam generi acquisitio. Gener enim non erubescit exigere rationes a socero ut nurus. Sic explicanda est ea ratio. Rur-

sus addamus etiam, si ad ea quae dixi, easve personas, quas dixi, non porrigatur S. C. de quo est hic tit. porrigatur tamen (licet scriptum sit tantum de filiis tutorum et curatorum) etiam ad nepotes, ut in *l. 59. ff. de rit. nupt.* In hoc S. C. filii appellatione continentur nepotes: et placet mihi valde vetus scriptura huius tit. quae habet *liberos pro filios*. Pertinet etiam hoc S. C. ad filium quemcumque, liberos quoscunque, filium sui iuris, vel emancipatum, filium illegitimum vel naturalem, quæsitum et natum ex contubernio, vel in servitute quæsitum, *l. 4. hoc tit. et l. non est*, de rit. nupt. Porrigitur etiam ad libertum tutoris, vel curatoris, *d. l. non est*, et *d. l. libertum*. Porrigitur ad patrem tutoris, vel curatoris, si in ejus potestate sint. Porrigitur et ad fratrem, qui in ejusdem patris potestate est, *l. pen. §. sed videamus*. Porrigitur etiam ad heredem extraneum tutoris, vel curatoris, nondum redditus rationibus, *l. si quis tutor*, §. ult. *l. libertum*, §. 1. ff. *ead.* Porrigitur etiam ad sponsalia, et nuptias, ne ducat uxorem, et despondeat impune, *l. tutor. de spons.* Et dico *impune*, quoniam tutor, vel curator, vel filius coercetur legibus, si ejusmodi nuptias contraxerit, fit infamis, et punitur etiam extra ordinem, *d. l. non est*, et *amplissimi*, *l. licet*, inf. de exc. tut. Cum eo commune est ceteris nuptiis inutilibus, ut dos fiat caduca, et donatio propter nuptias, et arrae, et munera, *l. 3. et 6. sup. tit. prox.* et filii, qui nascuntur ex ea conjunctione sunt illegitimi et injusti. Et ut hoc etiam obiter admoneam, in hoc tit. pupillam accipere nos oportere, ut accepimus novercam et nurum, privignam et socerum *tit. super.* Novercam, id est, quondam novercam, non eam quam adhuc nupta est patri, et quae noverca est vera mihi, ne eam ducam satis prohibet me infamia binorum nuptiarum. Et ita pupillam, id est, quondam pupillam: nam pupillam, quae nondum pubuit, ne ducam, satis vetat ætatis ratio. Ultimo loco velim vos addere ad hoc S. C. duas exceptiones. Una haec est: nisi pupilla a patre ei tutori, aut filio desponsa, destinatave inter vivos, aut testamento, testamentove denominata sit. in *d. l. non est*, et *l. qui pupillam*, ff. ad *l. Jul. de adult.* Ex quibus, ut dixi alias in *l. tut. ff. de rit. nupt.* ita videtur legendum: varia est scriptura, ut sunt varii libri: sed haec melior videtur esse quam proferam: Tutor, vel curator adultam ducere non potest, nisi a patre desponsa, destinatave, testamentove nominata conditione nuptiae sequuta fuerint, ex *d. l. quamvis*, et *d. l. non est*. Aut certe hoc modo, quod nunc primum adjicio: nisi a patre destinata, testamentove nominata, conditionem nuptiarum sequuta fuerit, ex *d. leg. quamvis*. Altera exceptio haec est: nisi quis autui

aut curator datus sit. Qua re evenit, ut pupilla inveniatur nupta filio curatoris, nondum redditis rationibus, quod est contra S. C. Et tamen matrimonium non dissolvitur, sed alius curator dandus est, l. 3. h. t. quia matrimonium rite contractum, nunquam ex post facto corrumpitur: et in matrimonio vacet ea regula, ut quæ ab initio constituerunt, in irritum recedant, si deveniant in eum casum, a quo incipere non potuissent, l. quod initio, ff. de reg. jur. Et idem etiam erit si uxori meæ curator datus sim, l. amplissimi, inf. de excus. tut. Neque enim solvitur matrimonium, sed corrigitur dato alio curatore, et substituto. Et ita si eam, quæ uxor mea fuit, deinde divortio facto duca i Senus, et postea Sejum adoptem in locum filii: eveniet ut novercam privignus habeat in matrimonium, nec propterea solveretur matrimonium, l. 12. in princ. ff. de rit. nupt. melius erit impedire eam adoptionem. Idemque erit si quis generum adoptaverit in locum filii, nec enim dissolvitur nuptiæ, quasi non possint consistere cum sorore, quod verum est, licet alii quidam dixisse ferantur dissolvendas esse nuptias, l. pen. §. sed et si filius, D. de rit. nupt. Namque melius est eam adoptionem impedire, aut emancipare filiam, l. per adoptionem, D. de rit. nupt. Idemque erit si maritum pupillæ meæ adoptavero, aut adoptare velim: huic enim adoptioni obviari oportet, ne videatur soror nupta fratri, d. l. pen. §. sed videamus. Et ita si eques, vel plebejus, qui duxit libertinam, postea fiat senator, cum quo libertinæ ab initio non est connubium, non ideo dissolvitur connubium, in l. ult. sup. de nup. Et placet generalis definitio l. 3. h. t. rite contractum matrimonium ex post facto non posse viliari.

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. VII. Si quacumque præditus potestate, vel ad eum pertinentes ad suppositarum jurisdictioni suæ aspirare tentaverint nuptias.

In hoc tit. 7. eadem ratio prohibet nuptias, quæ in superiori titulo, nempe ratio potentatus, l. præfectus, ff. de rit. nupt. quod jam exposuimus. Et punitur constitutione hujus tituli etiam conatus, et faciendi initium, licet non perpetrata sit res, puta si is, qui officium in provincia administrat, per impressionem appetierit nuptias mulieris, aut virginis ex ea provincia, invita ea, aut parentibus ejus, punitur gravissima pena, quam

aperiet lectio constitutionis: et ea, quam tentavit promissis, aut minis abducere, domusque ejus omnis, vel parentes ejus, quos æque tentavit, protinus habita contestatione impressionis ejus, sive concussionis, liberantur jurisdictione sive potestate hujus, *Ils ne le reconnaissent pas pour Magistrat*. Saepe in jure punitur etiam conatus: imo vero dicitur æquali sorte puniri scelus, et sceleris voluntas in l. quisquis, inf. ad l. Jul. majest. et l. 1. Cod. Theod. ad l. Jul. de amb. Hoc ut existimo, non tantum habet locum in crimine læsæ majestatis, sed in omni atrociori crimine, non etiam in leviori, l. 26. §. sed etsi, ff. de minor. l. cogitationes, ff. de jæn. In gravioribus delictis nihil distat scelus a consilio, conatu, voluntate: corruptores alienarum nuptiarum adessores, sollicitatores alienarum uxorum, etiamsi effectu potiri non potuerant, coercentur, l. 1. ff. de extraord. crim. et qui etiam tentaverit nuptias devotæ virginis, l. si quis, sup. de episc. et cler. Et recte Seneca declam. 7. *Scelera*, inquit, *quævis citra exitum subsederint, puniuntur*. Et ita quoque fur, raptor, effractor, venticularius manifestus, etiamsi rem non peregerit, puniatur. Et in declam. 274. *insidiatus civi, etiam si non effecerit scelus, poenas tamen legibus solvit*. Et similiter patrie proditoris consilium, et voluntas punitur, quasi rei læsæ majestatis. Et est hac de re elegantissimus locus in oratione Maximi Tyrii: *Adulterum enim, inquit, lex punit, non eum tantum, qui perpetrat rem, sed etiam eum, qui perpetranda rei consilium inivit: et similiter effractorem conantem effringere aedas alienas, licet deprehensus fuerit in ipso facinore, nec rem potuerit peragere: et similiter eum, qui meditatus sit prodicionem adversus patriam, licet eam non perduxerit ad effectum*. Et ita in hoc tit. notandum est verbum illud *tentaverit*: nam tentasse crimen est. De hac causa prohibitarum nuptiarum etiam actum fuit sup. l. 6. de nupt. Sed hoc interest, quod l. 6. est de matrimonio; hic titulus est de poena tentantis interdictum matrimonium. Et hac de re actum est in tit. 2. hujus lib. sed hic titulus est de nuptiis tentatis, ille de sponsalibus. Sponsalia fuere permessa, ut etiam concubinatus, l. ult. ff. de concubin. non nuptiæ, initiave nuptiarum, licet nuptiarum.

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. VIII. Si nuptiæ ex rescripto petantur.

In hoc titulo octavo est etiam alia species, et ul-

luna prohibitorum nuptiarum, sive inutilium: si nuptiae petantur ex rescripto Principis absque consensu puellae. Nullum non facinus hoc nostra aetas vidit: nam vidit etiam ex rescripto Principis appeti nuptias invito, jubente Principe, ut nuberet puella illi, quem maxime abhorrebat. Constitutio 1. hujus tituli maxime ulciscitur eum, qui impetrat talia rescripta, et qui obrepat Principi: nam praesumimus deceptionem fuisse Principem, qui subscribit his precibus illicitis, precatorem obrepissae Principi, et licet negare non hoc voluisset Princeps, tamen obrepit Principi fuisse, et subreptitium fuisse rescriptum: atque adeo inutile, et puniendum eum, qui hoc uti velit. Et ita etiam ex rescripto non licet petere in matrimonium fratris et sororis filiam. *l. 2. hoc tit.* Notandum tamen in quibusdam casibus ex rescripto peti nuptias cum consobrina: hoc jure ex *l. celebrandis, supra de nupt.* sunt permittae nuptiae simpliciter sine rescripto Principis, quo tamen jure nunquam usi sunt Christiani: nam ut recte ait D. Augustinus, *Christiani existimant id quod est licitum fieri illicitum vicinitate illiciti.* Consobrina autem vicina est sorori, cum qua licitae sunt nuptiae: deinde nuptiae fuerunt permittae cum consobrina non simpliciter, sed ex rescripto Principis, *l. 1. Cod. Theod. eod. tit.* Et hujus rescripti exstat formula apud Cassiodorum in *fine. 7. Var.* Ac postremo velite sunt nuptiae inter consobrinos etiam ex rescripto Principis. Secundo cum tutore, vel curatore erat permittae nuptiae ex rescripto principis, si probasset mores hominis, et laudasset, nec existimasset intervorsorem esse rationum revidendarum, *l. pen. sup. de interdict. matrim.* Item cum ea, quae est mihi impar dignitate, etiam permittabatur connubium ex rescripto Principis, *l. 23. sup. de nupt.* Et hac de re etiam exstat formula apud Cassiodorum *eo. l. lib.* Illud proculdubio est ex rescripto Principis, posse peti eam, quam despondit pater, aut duplum arrarum, *l. 1. h. t.*

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. IX. De secundis nuptiis.

Dixi ante de illicitis nuptiis, quarum ostendi varia esse genera: nunc dicturus sum de secundis nuptiis, quae illicitae etsi non sint, tamen non sine causa vicinitatem illicitarum sequuntur, cum poenis quibusdam obnoxiae sunt, quae explicantur in *l. 1. h. t.* Atque adeo quasi illicitae videri possunt. Et statim *l. 1. h. t.* indicit poenas mulieribus, quae

contrahunt secundas nuptias, antequam priorem virum eluxerint, id est, antequam priori viro religionem luctus, quam debent, persolverint: nam etsi non sint illicitae, vel illegitimae nuptiae, quae fiunt intra tempus luctus, tamen immaturae sunt: et immaturitas nuptiarum coercetur, immaturas vocat *l. 1. hoc tit.* et similiter *ἀσπορος Nov. 21. et 30. ἀσπορος,* et Plinius 4. *epist. nuptias lugentis, nuptias senis, quorum alterum immaturum, alterum serum est:* et Apul. *lib. 8. ne forte immaturitate nuptiarum, indignatione justa manes acerbus mariti ad exitium salutis tuae suscitemus.* Et ita si mulier defuncto marito susceperit tutelam filii impuberis, quem ex eo procreavit, et nondum finita tutela alii nupsit, non sunt quidem illicitae nuptiae, sed immaturae, quod non expectaverit pubertatem filii. Et coercetur haec nuptia eadem poenis, quibus quae coitae sunt intra legitimum tempus luctus, *Nov. 21. de nupt.* Et similiter, quae fiunt sponsalia cum puella, quae nondum implevit decimum aetatis annum, immatura sunt. Et ut nomination scribit Sueton. in *Tiberio cap. 34.* hanc immaturitatem sponsalium coercuit Augustus: sed tamen non sunt illegitima, *l. in sponsalibus, D. de sponsal.* Non quicquid poenae subijcitur, illegitimum est, possit enim alio vitio laborare, quam illegitimi. Et sciendum est hoc in re meliorem esse conditionem maris, quam foeminae. Nam vir non luget uxorem, nullam debet uxori religionem luctus, *l. 9. de his qui not. infam.* Uxor elugere debet virum, et hoc verecundia matronalis exigit. Luctui mulierum lex praescripsit certum tempus, nempe annum, de quo dicemus in *l. 2. h. t.* Sed excepti sunt mariti quidam indigni luctu, ut qui suspendio, vel alio genere mortem sibi consciverunt, ut transfuge homines, proditores patriae, et damnati perduellionis, *l. 11. D. de his qui not. inf.* Tiberius generaliter capite damnatos lugeri vetuit, auctore Sueton. Ubi autem non est lugendus maritus, vel est indignus luctu, si mulier non sit praegrans, nuptum ibi impune, etiam statim post mortem viri: si sit praegrans, non potest alii nubere, antequam pepererit, propterurbationem sanguinis, ut ait *l. 11. διὰ τὴν τῆς γονῆς ἀδελείαν,* ut ait *l. 33. Cod. de episc. et cler.* Quae est Graeca, propter prolis incertum, ne scilicet re habita cum alio fiat genus incertum, et dubius sanguis. Et eadem ratione si dissolvatur matrimonium non morte viri, sed divortio, vel monachismo (quod olim obtinuit) et sit praegrans mulier: jam hic cessat quidam ratio luctus, cum mortuus non sit maritus: sed si praegrans sit, non potest alii impune nubere, antequam pepererit, *d. l. 33. et l. consensu, §. si vero, et l. si constante, inf. de repud.* Ubi autem elugendus est maritus, mulier antequam

cum eluxerit, etiamsi interiri partum ediderit, cum eam pregnantem reliquisset vir, potest quidem alii desponsare se, sed non nubere, quia debuit marito: hanc observantiam luctus, et post editum partum. Nec hic spectatur tantum turbatio sanguinis: sed honor debitus memorie defuncti. Ceterum post editum partum, vel si liqueat eam non esse pregnantem, potest alii nubere ex rescripto Principis, vel senatus, l. 10. *D. de his qui not. inf.* Remittet scilicet Princeps honorem, quem debemus, et iusta, quæ debemus defunctis, non ipsi solvere eo non possumus. Quibus autem poenis coercetur, quæ intra tempus luctus nuptum ivit, et alii nupit, hoc explicatur in hac l. 1. et proponuntur in ea poenæ quinque.

Ad L. I.

Si qua mulier nequaquam luctus religionem priori viro nuptiarum festinatione præstiterit, ex jure quidem notissimo sit infamis: præterea secunda viro ultra tertiam partem bonorum in dotem non det: neque ei ex testamento plus quam tertiam partem relinquat. Omnium præterea hereditatum, legatorum, fideicommissorum, suprema voluntate relictorum, mortis causa donationum sit expers. Hæc namque omnia ab hæredibus, vel cohæredibus, aut ab intestato succedentibus vindicari jubemus: ne in his, in quibus correctionem morum induximus, fisci videamur habere rationem. His etiam amittendis, quæ prior maritus ei suprema voluntate reliquerit: quamquam hæc, quæ mulier a priore viro relinquuntur, et per inmatrimonium vacuata esse cæperunt, primo a decem personis edicto Prætoris enumeratis, id est, ascendentibus, et descendentibus, ex latere autem usque ad secundum gradum, scilicet gradibus servitis, deinde præsumi a fisco jubemus. Eandem quoque mulierem infamem redditam, hæreditates ab intestato, vel legitimas, vel honorarias, non ultra tertium gradum sinimus vindicare.

In hac lege proponuntur poenæ quinque, quibus coercetur mulier, quæ intra tempus luctus alii nupit. Prima est, ut sit infamis mulier, quæ non servat religionem luctus priori viro, et præmatrone nubit alii, quod est ex edicto Prætoris, ex quo non tantum ipsa infamis sit, sed etiam is, qui sciens eam ducit, vel pater ejus, in cujus est potestate, si non contradixerit: itemque pater, in cujus potestate fuerit mulier, si intra id tempus eam alii nuptui collocaverit, l. 1. §. *de his qui not. inf. l. decreto, sup. cod.* Dum dico hos esse infames, multa dico, nam infamiae sunt innumera damna. Infames in perpetuum omni honore et

dignitate privantur: denique nullius honoris gerendi capaces sunt, l. 1. *D. ad leg. Jul. de vi priv. l. 2. inf. de dignitat. l. 8. inf. de decur. l. 1. inf. de re mil.* Item judices dari non possunt, l. cum prætor, *D. de judic.* nec milites legi possunt, l. 4. §. *ad tempus, de re milit. et Theoph. §. ult. In tit. de except.* accusare non possunt, l. qui accusare, *D. de accus. nec agere populari actione, quasi non sint in populi, vel civium numero, l. 4. D. de popul. act.* non possunt etiam assidere in consilio iudicum, sive magistratum, sive consilarii esse, l. 2. *D. de offic. ad-ess.* non possunt postulare pro aliis, l. 1. §. *ait prætor, D. de postul.* Est enim advocatorum ordo seminarium dignitatis, ut eleganter ait Valentin. in *Nov. de post.* Et infames incapaces sunt dignitatum: non possunt etiam fieri procuratores ad lites, nec ipsi litigare per procuratores, d. §. *ult. de except.* Sed interim, quia infames non possunt assidere iudicibus, nec judices dari, nec postulare pro aliis, quæ sunt munera Jurisconsultorum, ex eo efficiunt nec Jurisconsultos, nec doctores esse posse. Invenio etiam infames si quid deliquerint, severius puniri, quam integræ famæ homines, l. *capitalium, §. ult. D. de poen.* Sunt itaque infamiae detrimenta multa. Secunda poena nubentis intra annum luctus, quæ proponitur in hac lege, hæc est, ut novo marito in dotem dare, vel relinquare testamento non possit plus, quam tertiam partem bonorum suorum. Quod utique verum est, si nulli existant liberi ex priori matrimonio: sed si existant aliquando ex priori marito, marito novo ne tertiam quidem partem bonorum suorum relinquare potest, videlicet si cui ex liberis prioris conjugii minus tertia reliquerit, quod hic Accursius recte notavit ex l. hac edictali, hoc tit. ne scilicet novus maritus plus habeat ex bonis mulieris, quam filius prioris mariti. Unde aperte querit idem Accursius, quid sit dicendum non existentibus liberis ex priori matrimonio, si forte mulier novum maritum hæredem instituat ex asse: et cum multa varia dicat Accursius, hoc solum verum est, maritum ex tertia parte hæredem fore testamentarium, quam solam legibus capere potest: reliquam partem habiturum hæredem legitimum, quod aperte confirmat l. 6. *D. de vulg. subst. et l. 55. §. ult. D. de leg. 2.* Atque ita eveniet certe, ut mulier sit pro parte testata, pro parte intestata, ut habeat pro parte testamentarium hæredem, pro parte legitimum: nam in hoc nos compellit lex, quæ vetat maritum secundum plus capere triente. Tertia poena, quæ proponitur in hac lege hæc est, ut cum ea muliere non sit testamenti factio, id est, ut nihil possit capere ex aliorum

testamentis, et codicillis, vel donationibus causa mortis: denique ut sit incapax solidi, ut nihil possit capere, et consequenter, quod ei relictum est pro non scripto erit. Et (ut solent in jure, quæ pro non scriptis sunt) id, quod ei relictum est alieno testamento, non cedit fisco, sed remanet apud heredem testamentarium, vel legitimum, a quo relictum est, vel cohæredi accrescit, ac collegatorio, vel obvenit substituto, in *l. unica, §. 3. in princ. inf. de cad. toll.* Quarta poena est, si mulier nupserit intra annum luctus, ut quæ ei reliquit suprema voluntate prior maritus, ei auferantur quasi indigne. Solent autem plerumque, quæ eripiuntur quasi indignis fisco cedere, sed non utique semper, non certe hoc casu: nec enim statim cedunt fisco, sed ut est in hac *l. 1. fisco præferuntur decem personæ enumeratæ edicto prætoris, id est, edicto de bonorum possessionibus, quod Accursius non explicat illa in parte unde decem personæ, quæ præfert decem personas extraneo manumissori secundum jus vetus, quod hodie sublatum est, §. 1. Inst. l. de bon. poss.* Decem personæ hæ sunt, pater, mater, avus, avia, tam paterni, quam materni, filius, filia, nepos, neptis, tam ex filio, quam ex filia, frater, et soror, tam consanguinei, quam uterini: his decem personis postferendus est fiscus, et iis deficientibus vocendus. Et inter eas personas utique servanda est graduum prærogativa, ut scilicet proximior excludat remotiorem, servanda paritas graduum, ut qui eodem sunt gradu, cujuscunque sint ordinis simul vocentur, et excludant fiscum in iis, quæ huic mulieri reliquit prior maritus suprema voluntate. Et supremæ voluntatis nomine, non oportet tantum intelligere testamentum, sed etiam codicillos, et epistolam fideicommissariam, et donationem propter nuptias, *l. 2. hoc tit. et donationem causa mortis, nam et hæ comparantur ultimæ voluntati, l. ult. sup. de don. caus. mort.* Imo donationem inter vivos, quia inter maritos habetur pro donatione causa mortis, *l. 19. inf. ad l. Falc.* ergo pro ultima voluntate. Nec mirum si late pateat ultimæ voluntatis nomen, cum et in secunda parte hujus *l.* quæ late accipi oporteat testamenti nomen, ut probat *l. hac edictali, hoc tit.* Et quia querit etiam Accursius, neque id explicavit bene, quare huic mulieri relicta testamento extranei nunquam cadant in fiscum: relicta testamento prioris viri cadant post decem personas. Ratio est evidens, quia indigna plane est, quæ quicquam ferat ex prioris mariti bonis, cui injuriam fecit non servata religione luctus: et indigni successor plerumque est fiscus, et indigni locum subit, atque subintrat: extraneo vero nullam injuriam facit, nec (quod censeo valde notandum) si vivo marito castitas exigatur ab uxore, mirum videri debet, cum et mortui sancte

debeat servare per annum venerationem, atque memoriam, nec minus fuit adulterii rea si intra annum peccaverit, ut est in *§. ult. Novellæ 39.* vel si nupserit intra eum annum, non remaneant impunitæ nuptiæ præcoces. Et earum poena est quinta et ultima, ut hæc mulier cognatis, et agnatis suis non possit succedere ab intestato jure civili, vel prætorio ultra tertium gradum. Et hæ sunt pœnæ, quibus plectuntur hæ nuptiæ immaturæ. Sed observandum est, infamiam, quæ prima est poena, etiam postquam in eam incidit mulier posse aboleri rescripto principis, *l. si qua, inf. ad Tertullian.* quæ est conjungenda cum hac lege prima. Nam et ipse Justinianus eas conjunxit in *Novella 22.* et ita nobis sit auctor conjungendarum legum, quoties una lex scissa est in varias partes, vel dispersa in varios locos, ut altera ex altera lucem accipiat. Principis est famam restituere. Et eleganter Cassiodorus libro 3. *Fas est principi maculosas notas, vitiosasque opiniones abstergere,* et quod notandum est, collatio honoris, id est, si infamem princeps donaverit honore aliquo, et dignitate, in hoc est famæ restitutio tacita, *l. imperialis, §. similis, sup. de nupt.* Hæc constitutionibus Pontificum ex hac causa est etiam abolita poena infamie in *cap. pen. et ult. de secund. nupt.* alias pœnas non invenio Pontifices abolevisse, sed ut indicat *l. si qua etiam,* indulgentia Principis singulari beneficio, etiam ceteræ omnes pœnæ remitti possunt, maxime si non existant liberi ex priori conjugio, quibus secundo faciat injuriam. Nam si existant liberi ex priori conjugio, princeps non alias remittet pœnas legitimas, quam si bonorum, quæ habet mulier tempore secundarum nuptiarum, semissem relinquit liberis prioris matrimonii, partiendum inter eos æqualiter, ita ut in partem morientis intestati fratris, sine filiis veniant reliqui fratres, non mater, et ut is semis non ante redeat ad matrem, quam si omnes liberi prioris matrimonii decesserint intestati, aut sine filiis: nam filii excludent matrem, atque etiam eorum heredes testamentarii, quæ est sententia dictæ legis *si qua.*

Ad L. II.

Si qua ex faminis perduto marito, intra anni spatium alteri festinaverit nubere (parvum enim tempus post decem menses servandum adjicimus: tametsi id ipsum exiguum putemus) probrosis inusta notis, honestioris nobilitisque personæ decore, et jure privetur: atque omnia, quæ de prioris mariti bonis, vel jure sponsalium, vel judicio defuncti conjugis consecuta fuerat, amittat.

In lege secunda hujus tituli definitur tempus,

intra quod defunctum maritum mulier elugere debet: id fuit olim decem mensium, quod et idem fuit olim spatium anni, cum inciperet a Martio, et finiretur in Decembri quod idem est parienti legitimum tempus, *l. 3. §. ult. D. de supel. leg.* Hæc lex secunda addit duos menses, ita ut mulier sit in luctu duodecim mensibus post mortem viri, quamquam et hoc ait ipsum se existimare esse exiguum tempus, quod scilicet pudicæ mulieres distinctius colere debeant defuncti memoriam, et extendere luctum in longius tempus: sed lex contenta est anno duodecim mensium. Lugendi etiam sunt parentes, et liberi, et agnati, et cognati, *l. parentes, D. de his qui not. infam.* Sed huic luctui non est præscriptum certum tempus: relinquitur enim in arbitrio ejusque, ut cum volet deponat lugubria, quæ sumpsit ob amissum parentem, vel filium, aut filiam, vel cognatum. Hic quoque luctus non est impedimento nuptiis, *l. liberorum, D. eod.* Et qui hunc luctum non luget, aut peragit, non notatur infamia, nec si omiserit luctum patris, id est, si non sumpserit habitum lugubrem amisso patre, *d. l. parentes* Itaque nullum hic luctus differt a luctu, quem mulier superstes persolvere debet marito defuncto. Nam mulieri ad maritum lugendum præscriptus est annus, et interim alii nubere non debet, vel si alii nupserit, notatur infamia. Et eleganter hæc lex secunda definit infamem eam, qui honestioris, nobiliorisque personæ decore ac jure privatur. Quem vocas infamem? eum qui probrovis innotis notis, honestioris, nobiliorisque personæ decore, ac jure privatur. Nobilitatem extinguit infamia, quod notandum: nec nobilium igitur magnus est hodie numerus. Etiam additur in hac lege quod manifesto non fuerat expressum in *l. 1. mulierem*, quæ properavit ad secundas nuptias intra annum luctus, amittere, quæ sponsalium iure ex prioris mariti bonis ad eam pervenerunt, id est iure donationis propter nuptias, ut interpretatur Justin. in Nov. 22. Quæ Novel. est veluti liber quidam de primis et secundis nuptiis, quo sunt enarratæ miro artificio constitutiones omnes hujus tit. ut patet etiam ex Cod. Theod. sed non additur abrogatio *l. si, qua*, ad Tertull. de qua diximus, ut scilicet hæc præe imminaturi matrimonii non remitterentur rescripto principis: hanc scilicet clausulam noluit inserere Justinianus, quis magis probavit clementiam *l. si qua*. Ad hæc notandum est quandoque mulierum luctum, virorumque, minui legibus, finiri ex certis causis. Vel etiam extra ordinem quandoque senatum minuire luctum seminarum, et marium: vel in honorem principis, vel ob rem prospere gestam, publicam lætitiā, et gratulationem. Et cum hoc lex, vel senatus inducit, ut scilicet minuetur lu-

ctus, quod videtur induxisse, id explicat *l. decreto, sup. ex quibus causis inf. irrog.* An impetrata diminutione luctus liceat viduæ intra annum luctus nubere? Minime, non hæc est mens impetrantis luctum minui: nam his verbis hoc tantum significatur, ut deponant lugubria, deponant tristiorē habitum, ut ait *d. l. decreto, tristia signa*, ut dixit Ovidius, doloris insignia, vestem atram, pullam, antracinam, amiculum nigellum, ut dixit Varro describens habitum lugentium, et sumant vestem albam, vel purpuream, vel coloriam, et aurum, et ornamenta, quibus omnibus qui lugent abstinere debent. Denique qui minui luctum jubet, jubet deponi vestem atram, id est, habitus lugubres. Et eleganter apud Æschylum in Persicis, tristis et inæstus dicitur *μελαχίμος ὄψης, una ame a robe noire*. Igitur minutio luctus non consistit in licentia nubendi, sed in positu atri et lugubris habitus. Et hæc est sententia legis decreto: summe notanda. Ex qua tamen vulgo colligunt generaliter, mulierem, quæ luget virum, posse uti alba veste, et ornamentis, remitti generaliter lugubrem vestem. Hoc vero est falsissimum, nec usu unquam fuit comprobatum, et vera etiam mens legis illa est, quam patefeci, ut quoties extra ordinem jubet senatus minui luctum, tunc liceat deponere lugubria, et sumere hilaria. Valde autem est notandum quod ex veteribus, ut opinor J. G. retulit Festus, minui luctum ipso jure, etiamsi hoc non indicatur extra ordinem, vel publice, vel privatim: privatim cum cati sunt liberi, licet eo die deponere vestem atram, cum bonos venit in familiam, cum parens, cum filius, aut nepos, aut vir, aut frater ab hoste captus, postliminio redierit: licet eo die exuere vestem atram, cum puella desponsa est, cum propiore quis cognatione junctus is, quam is, qui lugeretur, natus est: et postremo cum familia est in castro Cereris, id est, cum agit Cereris sacra, abstinens fruge Cereris, id est, panis. Nam quod hodie liquet, diu nescivimus, hoc castum veteres diverse jejunium, et abstinentiam: Græci *ἐξυαία*, ut Jejunium quadragesimæ, recte dixeris castum quadragesimæ. Et eleganter Arnobius: Castum Cereris temperatum, id est, temperationem ab alimonia panis. Publice et generaliter minuitur luctus, cum votum publice susceptum redditur, veluti pro salute principis, *l. si cal. 233. §. 1. D. de verb. signific.* Et cum censores lustrum condunt, id est, cum quinto quoque anno censum agunt civium Rom. facto sacrificio, quod lustrale dicitur, Tit. Liv. 1. Isidor. orig. 6. cap. 37. Et postremo cum ædes dedicantur, quam celebritatem Græci dixerunt *ἐξυαία*, Gallice *dedicæ*, ab *ἐξυαίω*, quod est dedicare. Ex his causis minutio luctus temporaria est, et consistit

tantum in deponendis lugubribus, non in licentia nubendi. Male quidam differentiam faciunt inter lugere et elugere hoc modo: ut lugere sit uti atra veste, et demittere capillum, ut Romani solebant: elugere autem, abstinere nuptiis: hoc est falsum. Elugere sic dicitur, ut coavigare, id est, perficere navigationem, in *S. Callimachus*, l. qui Romæ, *D. de verb. obligat.* evincere, plus quam vincere, Grammaticus Agroetius. Et ita *eluxit*, luctum deposuit. Et Livius lib. 34. Quid aliud in luctu, quam purpuram, et aurum deponunt, quod cum eluxerunt sumunt?

Ad L. III.

Femine, quæ susceptis ex prioris matrimonio filiis, ad secundas post tempus luctui statutum transierint nuptias: quicquid ex facultatibus priorum maritorum sponsalium jure, quicquid etiam nuptiarum solemnitate perceperint, at quicquid mortis causa donationib. factis, aut testamento jure directo, aut fideicommissi, vel legati titulo, vel cujuslibet munificæ liberalitatis præmio ex bonis (ut dictum est) priorum maritorum fuerint adsecutæ, id totum ita; ut perceperint integrum ad filios, quos ex præcedente conjugio habuerint, transmittant, ve' ad quemlibet ex filiis (dummodo ex his tantum sit) quos tali successione dignissimos judicamus, in quem contemplatione meritorum liberalitatis suæ judicium mater crediderit dirigendum. Nec quicquam eædem femine ex iisdem facultatibus alienandum in quamlibet extraneam personam vel successionem ex alterius matrimonii conjunctione susceptam, præsumant, atque habeant potestatem possidendi tantum, atque fruendi in diem vitæ. non etiam alienandi facultate concessa. Nam si quid ex iisdem rebus in alium quemlibet furrit ab ea translaturum: ex maternis redintegretur facultatibus, quo illibata ad eos, quos statuimus liberos bonæ, et incorrupta perveniant. Illud etiam addimus (huius) legi, ut si aliquis ex iisdem filiis, quos ex prioris matrimonio susceptos esse constabit, forte decesserit, matre jam secundis nuptiis funestata, aliis etiam ex eodem matrimonio progenitis liberis superstitibus, id, quod per eandem successionem ab intestato, vel ex testamento suæ posteritatis mater videbitur consecuta, in diem vitæ suæ pro sibi debita portione, sola tantum possessione delata, omne his, qui supererunt, ex prioris susceptis matrimonio filiis relinquat: nec super istiusmodi facultatibus testandi in quamlibet extraneam personam, vel quicquam alienandi habeat pote-

statem: quod si nullam ex prioris matrimonio habuerit successionem, vel natus, native decesserint: omne, quod quoquo modo perceperit, pleno proprietatis jure obtineat, atque in his nanciscendi dominii, et testandi circa quem voluerit, liberam habeat facultatem.

Lex tertia hujus tituli est de muliere, quæ post annum luctus alii viro nuptum ire incipit, quæ si nullos liberos habeat ex prioris viro, nullus est labor, nullum periculum, nulla lex hisce imposita nuptiis. Ceterum si habet liberos ex prioris viro, non sit quidem infamis, vel incapax, ut quæ virum non eluxit, sed ut definitur in hac l. 3. quicquid ex prioris mariti bonis percepit jure donationis propter nuptias, vel munere sponsalium, vel jure institutionis, vel legati, vel fideicommissi, vel quoquoque alio titulo, id omne servare debet liberis susceptis ex prioris marito, tanquam paternum. Nam bonis paternis recte etiam enumerantur bona prioris matrimonii, etiam ea: quæ a patre ad matrem eorum, quæ iterum nupsit, pervenerunt: non servat tamen eis dotem, quæ morte viri ad eam rediit, quia ejus proprium matrimonium est: sicut etiam vir mortuus uxore non servat liberis donationem propter nuptias, quæ ad eum rediit, quæ est sententia l. si liberis, sup. de donat. ante nup. Et ut hoc admoneam, quæ in eam legem scripsit Accursius, omnia sunt rectissima et elegantissima. Ergo dotem quidem mater, quæ iterum nubit, ad se reversam non servat liberis prioris matrimonii, sed ea duntaxat, quæ ex bonis prioris mariti quoquoque titulo percepit. Ceterum electio mulieris datur, ut cui maluerit ex liberis ea omnia bona relinquat, nihil ex eis relinquat ceteris. Et datur hæc electio mulieri in l. 3. illo loco, *vel ad quemlibet ex filiis, quem illa elegerit: et sequitur dummodo ex his tantum, quos tali successione dignos judicamus, id est, dummodo non sit ingratum, eadem electio datur mulieri in l. generaliter, §. divi lendl, inf. hoc tit.* Ac præterea datur ei liberum arbitrium, ea bona, quæ a prioris viro percepit dividendi inter liberos prioris matrimonii, ut animo suo dividat ex æquis, vel iniquis partibus, et ut animo suo gratum erit. Sed hæc omnia mutarunt Novellæ posteriorum Imp. Nam et *Novellæ Leonis et Majoriani de sanctimonialibus, et viduis, et Novellæ Leonis et Severi de abrog. cap. et Novellæ Justiniani 2. et 22.* mulieri hanc electionem adiungunt, et arbitrium dividendorum eorum honorum, et omnino volunt ea bona servari ex æquo omnibus liberis prioris matrimonii. Atque ita hæc in parte est abrogata l. 3. atque etiam d. §. dividendi, d. l. generaliter, inf. h. t. Nihil enim ex eis bonis minuire mulier potest, nec ex eis erogare

plus uni ex liberis, quam alteri. Et generaliter nihil alienare ex eis potest, nihil obligare, nihil extraneo relinquere, nihil liberis posterioris matrimonii relinquere potest, quia in eis tantum ususfructum habet, proprietas pertinet ad liberos prioris matrimonii, cum qua proprietate mortua muliere consolidabitur ususfructus. Et si quid forte alienaverit mulier ex iis bonis, id post mortem ejus, si exstet, vindicari potest a possessore, vel refici ex aliis bonis mulieris, quasi jure tacite hypothecæ, si forte consumptum sit, ut in *d. l. generaliter*, §. 1. Vel si possessorem teneatur præscriptio 30. annorum, ut *Nov. 23*. Denique, ut est in *hac l. 3.* atque etiam in *Novell. Leonis 3. et Severi, de abrog. capitibus injust. etc.* Liberis prioris matrimonii, vel datur alienationum bonorum vindictio vel redintegratio ex maternis bonis. His constitutionibus non abs re consulitur liberis prioris matrimonii: nam plerumque mulieres, quæ transmigrant in aliam familiam, obliviscuntur liberos prioris matrimonii. Et ut ait eleganter Ambrosius 6. *Hexamer. Mutato concubitu parentes a sobole depravantur, et præferunt liberos posterioris copulæ, prioris autem negligunt.* Denique, ut est in *Nov. 23.* quæ iterat nuptias, liberis prioris matrimonii injuriam facit, imo et seipsam quodammodo injuria afficit. Nam si viduitas est genus pudicitie, ut ait Quintil. *declam. 306.* hæc iteratio igitur nuptiarum est species, quasi legitimæ intemperantiæ, *εὐπορίας πορνεία*, ut ait Athenagoras in *Apolog.* Non tantum immaturitatis sunt pœnæ, ut ait *l. 1. et 2. hoc tit.* sed etiam intemperantiæ, et incontinentiæ, licet legitima sit immaturitas, legitima intemperantia, igitur quod legitimum est, pœnæ subicitur. Atqui quod lege agitur, non solet lege vindicari; quod legitimum sit, pœnam non meretur, *l. Gracchus, inf. ad leg. Jul. de adult.* Fateor quod lege sit, non solere lege vindicari: sed vindicatur quandoque, maxime cum lex permittit potius, quam prohibet. Et semper ubique sane etiam honoratores fuerunt, quæ uno erant matrimonio contentæ, univiræ, unicubæ, hæ solæ prænubæ adhibebantur in nuptiis, hæ solæ sacra faciebant fortunæ muliebri. Nullus erat Sacerdos, nullus flamen bimaritus, ut ait Hieronymus, ut *Apostolus etiam vult, nullum Episcopum esse bimaritum.* Et hæc quidem sufficient ad primam partem hujus *l. 3.* quæ hanc legem indixit mulieribus iterum nubentibus, neglectis filiis prioris matrimonii, ut eis servent proprietatem omnium bonorum, quæcunque ex bonis prioris mariti, quocunque titulo eis obvenerunt, etiam hodie adempta electione, et divisione. Et additur etiam alia lex in secunda parte, sive *§. ult.* ut scilicet eam servet liberis prioris matrimonii,

Tom IX.

quæ ex successione acquisierit unus ex filiis ejusdem matrimonii ab intestato, atque ita, si sint tres filii prioris matrimonii, non tantum debet eis servare quæ accepit a patre eorum, priore marito suo: sed etiam quæ accepit a filiis mortuis intestatis, debet servare supersistentibus filiis ex eodem matrimonio, et ut dicam explicatius: mortuo intestato uno ex filiis prioris matrimonii, mater, quæ jam se alii marito junxit, ei succedit ex *SC. Tertulliano* in bonis profectitiis, et adventitiis, et succedit jure veteri cum sororibus defuncti filii, non cum fratribus. Nam fratres excludunt matrem jure veteri, §. 1. *Instit. de SC. Tertull. l. 2. C. Theod. de inoff. testam. l. 2. C. Th. de sec. nupt.* Jure novo succedit mater etiam cum fratribus, *l. ult. inf. ad S. C. Tertull.* Et ex eo jure novo, id est, ex *d. leg. ult.* succedit cum sororibus in dimidiam partem bonorum defuncti filii, ita ut ipsa, et sorores defuncti bona partiantur ex æquo, id est, ut ipsa ferat dimidiam, et sorores alteram dimidiam: cum fratribus autem succedit in portionem virilem. Jure autem novissimo, etiam cum sororibus succedit tantum in virilem ex *Nov. 23. de nupt.* Sed ita ut in eam partem, in quam succedit filio cum fratribus, vel sororibus, id est, in virilem secundum jus novissimum, ususfructum tantum habeat: proprietatem servet liberis prioris matrimonii, fratribus, sororibusque defuncti. Idemque erit omnino, si quid perceperit mulier ex testamento unius ex liberis prioris matrimonii: namque id habebit ususfructus jure tantum, ceteri liberi erunt proprietarii, quæ est sententia *§. ult.* Et hoc quidem ita verum est, si ut posui initio, ante mortem filii ea mulier se alteri viro conjunxerit. Et ita loquitur *§. ult.* Quæro igitur, quid sit dicendum, si post mortem filii alii viro se conjunxerit? quia sane hoc casu filius dum vixit, ab intemperantia matris nullam sensit injuriam, quæ mansit vidua, quamdiu is vixit; et hoc ideo inducit discrimen quoddam, et distinctionem, utrum ante mortem filii illa iterum nupserit, an post mortem filii, cui successit. Nam si ante mortem, observantur ea, quæ diximus ex *§. ult.* Si post mortem, pro sua parte bona filii adventitia capit pleno jure, id est, ususfructus, et proprietatis jure: profectitiis autem, id est, a patre profecta capit tantum ususfructus jure, proprietatem servat ceteris liberis prioris matrimonii, quæ est sententia *l. mater, inf. ad SC. Tertull.* Sed hoc *Novellæ* variè mutarunt. Et primum *Novell. 2. Justin.* tollit differentiam temporis, utrum ante filii mortem contraxerit secundas nuptias, an post mortem, tollit differentiam bonorum adventitorum, et profectitorum: tollit differentiam viduitatis, et secundarum nuptiarum. Denique ex eadem *Nov. 2.* mater

succedit filio ab intestato cum aliis filiis, filiabusque in virilem. pleno jure in omnibus bonis tam profectitiis, quam adventitiis, nullo jure reservato ceteris filiis, vel filiabus in illam portionem virilem: et non tantum, si permanserit vidua, sed etiam, si alii nupserit ante mortem, vel post mortem filii, cui succedit in virilem: hæc est mens *Nov. 2.* Tollit etiam *Nov. 22.* differentiam temporis, utrum ante mortem filii, vel post mortem secundas nuptias contraxerit. Et hanc quidem solam: nam reducit differentiam bonorum profectitiorum, et adventitiorum, et differentiam viduitatis, et secundarum nuptiarum. Ita scilicet ut si vidua permanserit, succedat in omnibus bonis indistincte, pro rata, id est, in virilem, pleno jure: si iterum nupserit ut in bonis profectitiis habeat tantum usufructum, in adventitiis plenam proprietatem. Et hæc *Nov. 22.* quasi posterior sequenda est. Sic igitur ex his videmus etiam abrogatum esse *§. ult. hac l. 3.* atque *d. l. mater*, quæ ambæ conjunctæ inducebant illam differentiam temporis, quod tollit *Nov. 2. et 12.* Nam *§. ult. hujus l. 3.* est de ea, quæ ante mortem filii alii nupserat: *l. mater* de ea est, quæ post mortem filii. Et jura non idem in *§. ult.* statuitur, quod in *l. mater*, propter discrimen illud temporis, quo contingit mors filii intestati. Jam exposita est sententia hujus *l. 3.* Nec restat aliud, quam ut observemus *l. 3.* loqui tantum de fœminis, quæ iterant nuptias, existentibus liberis prioris matrimonii: nec idem constituit hæc *l. 3.* in maribus. Itaque sit hac in re deterior conditio fœminarum, quam marium, sicut in *l. 1. et 2. hoc tit.* quæ loquitur de immat. nuptiis. In causa immaturarum nuptiarum differentia etiam est: nam arguitur in fœmina immaturitas, non in mare. Et ita intemperantia arguitur in fœmina non in mare. Verum *l. 2. C. Th. de sec. nupt.* suadet tantum maribus, non etiam imperat, ut si novercam induxerint filius prioris matrimonii, eis servent id, quod ex dote, vel ex aliis bonis prioris uxoris quocunque titulo perceperint, suadet, non imperat. Et suasio non est conjuncta necessitati, quales dicuntur esse preces tyrannorum, precibus scilicet et suasionibus Tyrannorum inesse vim, ac permixtam necessitatem, quod proverbiale etiam esse scripsit noster Accura. in *l. 1. ff. quod jussu.* Rogatio domini præceptum est, sed suasiones legum non sunt hujusmodi, nec permixtas necessitati. Et ita, quod suadet *Nov. 22. in fin.* ut non minus relinquatur a parentibus liberis prioris matrimonii, quam secundi; ne ut sunt plerumque, prioriores videantur fuisse in posteriores liberos, id non est admixtum necessitati. Et sic etiam quod jus vetus suadebat in *§. licet, Instit. de testam.*

ord. ne hæres perhiberet testimonium in testamento, quo hæres institutus esset: id nullum injiciebat vinculum juri. Et similiter, quod suadet *l. per adopt. de rit. nupt.* ut qui vult adoptare generum, emancipet filiam, ne soror videatur conjuncta fratri. Nam et fraternitas quesita per adoptionem, impedit nuptias. Quod idem suadet: ut qui vult adoptare nurum in locum filie, emancipet filium, hoc non est necessarium: sed facta emancipatione, si adoptetur gener, vel nurus, necesse est rescindi eam adoptionem, vel dissolvere nuptias ut in *l. pen. §. sed videamus, ff. de ritu nupt.* Et ita quod suadet *d. l. 2. C. Theod. de sec. nupt.* non erat necessarium, nulla necessitate obstringebat mores servandæ proprietatis bonorum perceptorum ex prioris uxoris bonis liberis primi matrimonii. Sed partem illam suavioram *d. l. 2.* omisit Justin. in *h. l. 3.* quæ sumpta est ex *d. l. 2. C. Th. de sec. nup.* Propterea quod deinde eidem necessitati obstricti sunt mores, suasio versæ in necessitatem in *l. generaliter, h. l.* Itaque hæc in parte non sunt separandi mores a fœminis. Et quod *h. l. 3.* statuit in fœminis, pertinet etiam ad mores iterantes nuptias, existentibus liberis ex prioris matrimonio. Manet tantum differentia inter mores, et fœminas in causa immaturarum nuptiarum, *l. 1. et 2.* et non in causa hujus quasi legitimæ intemperantie.

Ad L. IV.

Cum aliis sanctionibus jusserimus materna bona integra ad liberos pervenire: quod tamen mulier-mariti largitate percepit (id) ex eo tamen liberi conjugio procreati sibi speciali tanquam paternum noverint (patrimonium) vindicandum. Itaque, si habens filios ad secundas nuptias fortasse transierit, sponsalitiæ largitatem, quam vir secundus contulit in uxorem, tantummodo filii, qui ex secundo matrimonio suscepti sunt, pro soliditate possideant, nec prosit liberis ex prioris susceptis matrimonio, quod mulier ad tertiam minime vota migraverit. Quod si posterior vir sine liberis ex eodem matrimonio susceptis decesserit: quicquid ab eo sponsalium largitate uxor fuerit consecuta, id, sibi, juriq. suo sciat esse collatum, etiamsi ex prioris matrimonio donator filios reliquisse doceatur. Ad maternas sane veniens, vel ex hoc, vel ex alio quolibet titulo facultates omnis posteritas, ex quocunque suscepta viro, pro debita sibi portione, ut a matre, vel spontanea largitate, vel per testamentum ejus fuerit collata possideat. Nos enim hac lege id præcipue custodiendum esse decernimus, ut ex quocunque conjugio

suscepti filii patrum suorum sponsalicias retineant facultates.

Lex est explicatu difficilis, nec bene ab Accursio explicata, puto difficultate eam superare reliquis constitutiones *huj. tit.* Separat hæc l. materna bona a lucris nuptialibus, id est, a bonis, quæ ex causa donationis propter nuptias mater accepit a patre marito suo. Nam hæc censentur esse paterna, non materna, ut hæc l. dicat illo loco, *sibi speciale tanquam paternum noverint patrimonium vindicandum.* Et Nov. Leonis, et Majoriani *de sanctimonial. et viduis.* Recte donatio inter bona paterna numeratur, quam in uxorem contulit maritus tempore nuptiarum, bona materna ab intestato ex æquo dividuntur inter fratres uterinos, id est, filios prioris, et secundi matrimonii, vel ex testamento matris, aut inter vivos, sive legaverit ipsa, sive donaverit. Lucra autem nuptialia præcipue servantur liberis cujusque matrimonii: lucra primarum nuptiarum liberis primi matrimonii: lucra secundarum nuptiarum liberis secundi matrimonii, tanquam paterna. Sed hic addenda distinctio est: aut mater alii nupsit, aut vidua permansit. Si post mortem viri mater alii nupsit liberis ex eo susceptis, et superstitibus, non tantum lucra nuptialia censentur esse paterna, sed etiam quæ quocunque alio titulo accepit priore marito, ideoque alienationem earum rerum non habet, nam statim a die secundarum nuptiarum earum rerum proprietarii sunt liberi prioris matrimonii, ipsa fructuaria tantum, l. 3. et l. 5. §. pen. A. t. Et similiter, quæ accepit quocunque titulo a marito secundo, si tertio nubat, liberi secundi matrimonii ea vindicant proprietatis jure, nec alienare ea mulier ullo modo potest, vel obligare in necem liberorum secundi matrimonii. Quid si vidua permanserit? Res redigitur ad facilitatem, adhibita distinctione. Si igitur defuncto priore viro vidua permansit, plena proprietas donationis propter nuptias, vel lucri, quod ex ea donatione accepit mulier ex dotali pacto in casum mortis viri secundum constitutiones hujus tit. pertinet ad matrem, et lucrum illud nuptiale alienare potest extraneo, vel cui volet ex liberis, vel de eo testari potest, ut animo suo libitum erit: sed si non alienaverit, vel si moriens de eo nihil caverit ultimo judicio, lucrum illud omne nuptiale proprie pertinet ad liberos prioris matrimonii, etsi matri hæredes non extiterint, l. 5. §. ult. l. hac edictali, §. ult. l. si quis prioris, §. 1. h. tit. Et hoc ita se habet secundum constitutiones hujus tit. Nam hæc in re accurate oportet distinguere Novellas a constitutionibus hujus tit. Nam secundum Novellas posteriores proprietates rerum eorum bonorum, quæ lucrata est mulier mortuo viro, pertinet ad liberos

prioris matrimonii, denipta virili portione, quæ mulieri datur in solidum, id est, pleno jure pro præmio viduitatis, et continentis, ita ut hanc solam portionem virilem ex lucro nuptiali alienare possit ex *Novell. 98. et 127. et Leonis Nov. 22. et 85.* Et hoc de lucro nuptiali, cum vidua permansit, ut posui initio: sed si quid alio titulo percepit a priore marito, puta legati, vel fideicommissi, in eo liberi prioris matrimonii nihil juris habent proprie, sed id quoque retinet vidua pleno jure, ut alienare possit in solidum, vel de eo testari, et ab intestato in eis bonis, quasi maternis omnes fratres uterini, sive ex primo, sive ex secundo matrimonio et conjugio æqualiter succedant. Et similiter, si mortuo viro secundo mulier vidua permansit, nec veniat ad tertias nuptias, secundum *Novellas posteriores*, proprietates rerum a patre donatarum propter nuptias pertinet ad filios secundi matrimonii, deducta illa portione virili præmio temperantis; et viduitatis, quam solam mulier alienare potest, ut supra dictum est secundum constitutiones hujus tit. Si nihil ex iis rebus mulier alienaverit dum vixit, nihilque caverit ultima voluntate, pertinet ad liberos posterioris matrimonii in solidum, nec communicabitur liberis prioris matrimonii, quod tamen tentarent forte liberi prioris matrimonii, hac ratione, quia cum liberos secundi matrimonii nulla injuria, ullo mœrore affecerit mater, quæ secundo matrimonio contenta fuit, nec transiit ad tertias nuptias, æquum videbatur lucra secundarum nuptiarum, ut non cederent solis liberis secundi matrimonii et conjugii, et secundarum nuptiarum nulla injuria, et nullo mœrore affectis, sed venirent in communionem cum fratribus natis ex priore matrimonio, quod tamen improbat hæc lex, atque *Nov. 22.* Denique ut primarum nuptiarum lucra, viduitatem servante matre, servantur solis liberis prioris matrimonii: ita secundarum nuptiarum lucra, viduitatem servante matre, nec adspirante ad tertias nuptias, cedunt solis liberis secundarum nuptiarum, si res sit integra secundum constitutiones hujus tit. id est, si ea non alienaverit. Ceterum quæ alio, quam nuptiarum titulo mulier accepit a secundo marito, ab intestato inter omnes liberos utriusque conjugii ex æquo dividuntur, vel ex testamento, prout præceperit communis mater. Neque enim aliter communicantur ea, quæ alio titulo accepit, vel etiam lucri nuptialis titulo, titulo donationis propter nuptias: ea, inquam, non aliter communicantur, quam si ea fecerit communis omnibus liberis utriusque conjugii, vel testamento, vel donatione; ex judicio matris erunt communis; extra judicium matris cedunt solis liberis lucra nuptialia, scilicet posterioris matrimonii, cetera communicabuntur, vel ex judicio una-

tris, vel etiam ab intestato, quæ ceperit quoque titulo; veluti fideicommissi, vel legati a secundo marito. Et est hæc sententia §. ult. hujus l. quam explicat etiam Nov. 22. §. reliqua. Ideoque ne quis amplius hæreat in verbis §. ult. quæ erant admodum obscura, dum ait, *ad maternas sane veniens, vel ex hoc, vel ex alio titulo quolibet facultates omnis posteritas, etc.* Ad maternas quidem veniens, vel ex hoc tit. id est, ex lucro nuptiarum secundarum, quod poterit mater commune facere utrisque liberis, testamento, vel donatione, idque dispartiri inter eos uti voluerit, alioquin ea cessante remanebit apud liberos secundarum nuptiarum, ut docuit in §. 1. Atque ita apparet, nullam esse repugnantiam in §. 1. et §. ult. quæ tamen subesse videbatur, et neminem non poterat fallere. Et quod subjicit in d. §. ult. vel ex quolibet alio titulo, puta legati vel fideicommissi, sed ex hoc titulo, id est, ex lucro secundarum nuptiarum, et *δὲ νεψυγάς*, ut est in Novell. 22. Summa igitur est, lucro secundarum nuptiarum solis cedere liberis secundarum nuptiarum, nec aliter communicari, quam si ita caverit mater, quæ domine est hujus lucri in plenum, cum vidua permansit, nec experta est tertium conjugium. Neque huic conclusioni quicquam obstat l. si quis prioris, §. talem, inf. hoc tit. Ex qua l. efficit Accurs. liberis prioris matrimonii communicari lucra posterioris ipso jure sine matris arbitrio. Hoc vero ne verbum quidem unum hujus §. talem demonstrat, et ut ibi fusius dicemus, omnino delenda est magna gl. Accurs. ad illum §. talem. At breviter hoc vult ille §. mortuo primo viro, si mater alii nubat, et omnes liberi prioris matrimonii repudiaverint hereditatem matris, omnibus servari lucra nuptialia: si alii adierint, alii repudiaverint, eis solis obvenire lucra, qui adierint, non eis, qui repudiaverint. Et hæc est sententia §. talem, cui tamen derogat Novell. 22. quæ vult omnes venire in communionem lucrorum nuptialium, quæ acquisivit mater ex priori conjugio, sive adierint hereditatem matris, sive non. Ex his omnibus intelligimus, si mulier contenta sit matrimonio secundo, nec ad tertium veniat, plus dari liberis prioris matrimonii, quibus facta sit injuria ob secundas nuptias, quam liberis secundi, quos etiam tertie nuptie nulla injuria affecere: nam liberis primi matrimonii hoc casu servantur omnia bona, quæ quoque jure, sive titulo mater accepit a patre primo marito suo, liberis autem secundi matrimonii, quibus mater non induxit vitricum per tertias nuptias, servantur tantum lucra nuptialia secundi matrimonii, cum ea conditione, si ea non alienaverit mater, vel moriens de eis non disposuerit, et forte ea communicaverit omnibus liberis utriusque con-

jugii. Quid fiet (nam et hoc explicatur in hac l. 4.) si mulier, quæ iterum nupsit, nullos habuerit liberos ex secundo matrimonio, et morte viri secundum pacta dotalia ad eam pervenerit lucrum nuptiale, quod etiam dicitur casus mortis, id est, lucrum, quod debetur mulieri superstiti in casum mortis viri? Et ostendit hæc lex, lucra nuptialia, quæ mulieri obvenierunt a secundo viro, mulierem retinere pleno jure, quasi propria, nihil reservare privignis; quos forte sustulerat secundus maritus ex alio matrimonio. Certum est nihil etiam eam reservare ex iis lucris secundarum nuptiarum, filiis suis ex prioris matrimonio, quia eis reservantur tantum profecta a patre, non a vitrico profecta. Hæc est hujus l. explicatio perspicua. Sed adhuc observandum est hanc l. 4. tantum loqui de fœminis, ut l. 3. loquitur tantum de fœminis. Nam ex l. 3. demum idem est porrectum ad matres, ut scilicet idem sit in patre in eo, quod lucratur ex dote demortui uxoris, quod in matre in eo, quod lucratur ex donatione propter nuptias præmortui mariti, et in ceteris omnibus, quæ diximus. Denique, ut dixi supra, inter marem et fœminam manet tantum differentia in causa immaturitatis nuptiarum, quæ sunt intra annum luctus, in causa secundarum nuptiarum, quæ sunt post annum luctus, quæ intemperantiæ quodammodo arguuntur, idem est jus maris et fœminæ.

Ad L. V.

Generaliter censemus, quocunque casu constitutiones ante hanc legem mulierem liberis communibus, morte mariti matrimonio dissoluto, quæ de bonis mariti ad eam devoluta sunt, servare sanxerunt: iisdem casibus maritum quoque quæ de bonis mulieris ad eum devoluta sunt, morte mulieris matrimonio dissoluto, communibus liberis servare. Nec interest, si alter pro marito donationem ante nuptias, vel pro muliere dotem crediderit offerendam. Hoc observare præcipimus, licet res ante nuptias donata (ut adsolet fieri) in dotem a muliere redigantur. Dominum autem rerum, quæ liberis per hujus legis, vel præteritarum constitutionum auctoritatem servantur, ad liberos pertinere decernimus. Itaque defuncto eo, qui eas liberis servabat, exstantes ab omni possessore liberi vindicabunt. Consumptas (vero) ab hæredibus ejus exigent, qui eas servare debuerant. Alienandi sane, vel obligandi suo nomine eas res, quæ liberis servari præcepte sunt, eis qui reservantur sunt, adempta licentia est. Negotia vero liberorum, patri utiliter administrare concedimus. Dividenti quoque res inter eos liberos ipsis parentibus pro suo ar-

bitrio, vel eligendi quem voluerint, licentiam non denegamus.

§. 1. In his autem casibus, in quibus res, ut paternas mater liberis communibus servare præcepta est (hoc est, ubi morte mariti matrimonio dissoluto, mulier ad alias nuptias pervenerit) vel ubi (res) ut maternas patrem liberis communibus servare censuimus (hoc est, ubi morte mulieris matrimonio dissoluto, vir ad alias nuptias venit) si hereditatem ejus parentis, qui prior mortuus est, non adierint liberi: licebit eis, tanquam ejus tantum res fuerint, qui posterior moritur, eas sibi vindicare, scilicet, si ejus, qui posterior moritur, hereditatem crediderint adeundam: ne quod favore liberorum introductum est, quibusdam casibus ad læsionem eorum videatur inventum.

§. 2. Illud etiam humanis sensibus huic legi credidimus inserendum, ut eo quoque casu, quo lucratur, vel mulier res, quæ ad eam a marito perveniunt, vel maritus ejus quæ ex bonis mulieris ad eum transeunt, hoc est, ubi primum matrimonium alterius morte dissolvitur, nec superstes ad secundas nuptias pervenit: si res vel maritus, vel uxor hoc est, qui superstes est, non consumpserit, vel alienaverit, (quod eis ad secundas nuptias non venientibus, quasi rerum dominis concessum esse non dubium est) liberis licet res a patre profectas, ut paternas, a matre, ut maternas accipere.

Lex 3. et 4. loquitur specialiter de fœminis, hæc lex generaliter de parentibus utriusque sexus. Expungamus 1. glossam, et dicamus generaliter, id est, sive mas, sive fœmina sit, qui quævis facit secundas nuptias. Nam ex hac lege, quemadmodum quæ mater capit jure donationis propter nuptias, vel quolibet alio jure ex bonis primi mariti defuncti, si iterum nubat, ea servat tanquam paterna liberis natis ex primo matrimonio: ita pater quæ capit ex primo cubili dotis nomine, vel quolibet alio nomine, ea servat tanquam materna eisdem liberis, si aliam uxorem ducat, si liberis primi matrimonii inducat novercam. Quod (ut Libanius ait in epistolam ad Ulysses quendam) non deforme solum, sed crudele etiam est. Nihil enim esse odio novercali acerbius, nihil horridius: liberos cariores nobis esse debere, quam uxorem petitam ex familia aliena. Et fratrum quoque (ut idem Libanius ait) gratiam esse raram, qui ex diversis uteris progeniti sunt. Ergo etiam pater ex h. l. 3. quæ capit ex bonis primæ uxoris quocunque titulo, inducta noverca, servat liberis, qui ex 1. matrim. nati sunt, etiam si sint in ejus potestate, ut Nov. 22. et l. un. inf. si dos const. matrim. Et quod suadet l. 2. in fin. C. Th. de sec.

nupt. hæc lex imperat jam, et vinculo juris necit, ut quemadmodum mater, quæ non est contenta uno viro, ita pater, qui non est contentus una uxore, sed post mortem primæ optat aliam, quæ ex prima habuit, omnia conservat primis liberis: hoc est, quod proponitur initio h. l. 3. Et additur deinde in h. l. nihil interesse mulier ipsam dederit dotem, vel maritus donationem propter nuptias, an alius pro eo, cave. Nam et quod alius dat mei contempatione, a me profectum videtur in l. profectitia, ff. de jur. dot. Ac præterea additur in h. l. idem observari, si donatio propter nuptias redacta sit in dotem, quod et Nov. 22. significat his verbis, ut latine dicam, licet videatur quodammodo antenuptialis donatio comprehensa in dote: quod h. l. ait frequenter fieri solere, nempe ut future uxori sponsus donet ante nuptias, ac deinde, quæ donavit, accipiat in dotem, ut in l. 1. et 14. sup. de donat. ante nupt. l. cum sponsus, ff. de Publ. in rem act. Dixi future uxori: nam quæ sit uxori donatio non valet, et confirmari, ac convallescere tantum potest morte donatoris, si vivus eam non revocarit, ex oratione Severi. Et si forte constante matrimonio donaverit vir uxori ea conditione, ut quod donavit, accipiat in dotem, infirma donatio est, nec nisi morte mariti donatoris convalescit, in l. si quis uxori, D. de donat. int. vir. et uxor. l. 2. inf. de dot. caut. et non nu. mortuo viro eam dotem, quæ confecta est per donationem propter nuptias viri mulier repetit ut dotem suam, ut indicat d. l. si quis uxori, D. de donat. int. vir. et uxor. l. 2. de dot. caut. Quibus nihil obstat l. 1. sup. de don. ante nupt. quæ dicit, eam dotem non repeti ab uxore mortuo viro: eam igitur dotem non haberi pro dote. Nam ut omittam communes solutiones Accursii, quod est perspicuum in l. 1. sup. de donat. ante nupt. non tam fuit donatio, quam ficta et e mentita cautio, quandoquidem maritus scripsit donandi animo se accepisse, quod non accepit, mortuo viro non repetit uxor quasi dotem. At in specie d. l. si quis uxori, et d. l. 2. fuit donatio legitime confecta. Conficitur legitime per traditionem vel stipulationem. Res certas donavit vir uxori, quas post deinde easdem accepit in dotem. Hæc proculdubio morte viri soluto matrimonio repetentur ut dotaless. Ex iis igitur necessario concludendum est, donationem ante nuptias redactam in dotem esse: nec jam censi jure donationis ante, vel propter nuptias, sed jure dotis. Non mortuo viro repetitur ab uxore: et consequenter morte uxoris viro lucrante eam dotem, debet eam servare liberis prioris matrimonii, si secundas nuptias optaverit, quam eis non servaret, si censeretur jure donationis ante nuptias ad se reversa morte uxoris, l. si liberis, supra, de donat. ante nupt. Et valde igitur proba-

quod notat Accursius in hoc loco ad verbum *redigantur*, ut inquit, *serventur filiis prioris matrimonii viro lucrante*, id est, ut res donatæ ante nuptias, et deinde redactæ in dotem, patre lucrante dotem ex causa mortis uxoris, serventur filiis prioris matrimonii. His consequens est, ut etiam morte viri soluto matrimonio, et iterato a muliere, nihil habeant in illa dote liberi prioris matrimonii, juxta dict. *legem si liberis*, licet confecta sit ex bonis patris, id est, ex donatione ante nuptias. Et ita nullo modo probo quod Græculus quidam notavit ad hunc locum *Novell. 22.* quem protuli ante. Mortuo viro, et muliere nubente alteri, eam dotem, quæ est confecta ex donatione antenuptias, servandam esse liberis prioris matrimonii, quasi scilicet magis censeatur esse donatio ante nuptias, quam dos, quod jam demonstravi esse falsum. Et omnino ita res habet. Sed ut cetera exponamus, quæ sunt in hac l. cum dicimus ea bona servari liberis, hoc dicimus, dominium, id est, proprietatem eorum bonorum pertinere ad liberos prioris matrimonii, usumfructum esse patris, vel matris superstitis. Ex quo efficitur, nihil patrem, vel matrem superstitem ex eis bonis alienare posse, vel obligare suo nomine, l. 3. *hæc t. l. 1. inf. de bon. mat. l. consensu*, §. *pen. de repud.* Fructuarios enim potest quidem usumfructum alienare, et alteri obligare pignori, l. *si is qui bona*, §. *ususfructus*, D. *de pignor.* non rem ipsam, in qua usumfructum habet. Rem cum dico, proprietatem dico, id est, rei nomine semper proprietatem intelligitur. Et ideo, si quid ex ejus bonis parens superstes, quæ accepit a marito, vel uxore præmortuo, alienaverit, vel obligaverit suo nomine, eo mortuo liberi id vindicabunt, si exstet a possessore: vel si non exstet, id reficient ex bonis parentis, qui alienaverit, jure tacite hypothecæ. Nam eo nomine cetera bona parentis omnia sunt liberis tacite oppignorata ex *Novella 22.* et l. 3. *sup. hoc tit. et d. l. consensu*, §. *pen.* quod proculdubio etiam hæc lex significat his verbis: *Consumptas vero ab hæredibus exigent, qui eas servare debuerant*, non ut Accursius, per conditionem ex lege, vel per conditione sine causa, sed per actionem hypothecariam persequantur, scilicet bona parentis, qui alienavit, quæ liberis servare debuit, et ex eis suum, quod fuit, reficient: et sequitur in hac l. cum certum hoc jam sit patrem, qui venit ad secundas nuptias, debere servare liberis, quæ habuit ex prima uxore omnia: dari tamen hoc patri, ut interim dum vivit et utatur, et fruatur iis bonis, eorum bonorum administrationem habeat, ut ea possit libere administrare, modo utiliter, nec enim potest ea alienare, vel obligare, vel dissipare. Et

propterea ait in §. *negotia*, utiliter, id est breviter, ut eorum bonorum nomine pater excipiat actionem, vel intendat, perinde ac si haberet plenam proprietatem. Et observandum hoc tantum dari patri, ut in l. 1. *inf. de bon. mat.* non matri. Et dari scilicet tantum patri habenti eos filios in potestate nam si sint emancipati, ipsi dictabunt, et excipient actiones descendentes ex causa eorum bonorum: mater non habet filios in potestate, ideo administratio hæc soli patri datur, non matri in hoc §. *negotia*. Additur in §. *dividendi*, patri, vel matri, cui ea bona obvenierunt a conjuge defuncto, permitti, ut eligant unum ex filiis primi matrimonii, cui conferant ea omnia bona, ceteris præteritis, vel exclusis, vel etiam ut ea bona partiantur inter eos filios arbitratu suo, quam electionem etiam dedit l. 3. *h. t.* et dat d. l. *consensu*, §. *pen.* Sed ostendi in d. l. 3. eam esse ademptam ex *Nov. 2. et 22.* Nam parens, qui venit ad secundas nuptias debet ea bona conservare omnibus filiis primi matrimonii ex æquo, adempta ei gaudi aut dividendi facultate. Ideoque h. §. *dividendi* est abrogatus. Illud etiam notandum est ex §. *pen. h. t.* hæc bona, quæ dixi servari liberis, etiamsi ejus parentis, qui prior mortuus est, et a quo bona venerunt superstiti, hereditatem non adierint, quia non jure hereditario liberi ea bona percipiunt, sed speciali proprioque jure, in odium parentis, qui non est contentus uno matrimonio, quique iterato matrimonio eis injuriam et mærorem attulit, ea inquam percipiunt, ut paterna, non ut hereditatem, et ut si forte adierint hereditatem ejus parentis, qui prior mortuus est, aditio hereditatis non facit quo magis ea bona percipiant: ita repudiatio non facit quo minus ea percipiant. Alioquin, ut ait in §. *pen.* quod favore liberorum inductum est in quibusdam casibus, in læsionem eorum videretur inventum, quæ sententia repetitur in l. *quod favore*, *sup. de legib.* sed eget interpretatione. Favor est, et quidem maximus, quem l. exercet erga liberos: quia quod pleno jure acquisivit parens a conjuge præmortuo, vel præmortua, ex eo liberi decerpunt proprietatem dante lege. solo usufructu relicto parenti: si repudiata hereditate præmortui parentis hoc favore non liceret uti, jam non esset favor, sed res verteretur in liberorum damnum, favorem legis nullus casus, nullave interpretatio ducta ex novo casu aliquo, infringere, et convellere potest. Nec enim favor obligatur regulis, aut speciebus juris, alioquin sub umbra favoris lex me læderet, aut liceret cuique, capto casu novo, et adhibita duriori interpretatione, beneficium, favoremque legis pervertere. Quod in omnibus negotiis diligenter observandum est, ne quid depravet favorem

legis, id est, ne ullus incidens casus nos depravet ab eo favore, nullave subtilis disputatio. Et eleganter Quintil. *declam.* 277. *Laz pro me scripta erat, non potest videri contra me valere.* Et Æmil. Probus in Epaminonda: Epaminondas, inquit, cum legem rrip. jam latam videret, ad perniciem civitatis conferri noluit. Ergo ut rem concludamus: etiamsi liberi prioris matrimonii parentis mortui hereditatem non adierint, vel adquisierint, non ideo submoventur a proprietate bonorum, quæ a defuncto parente parens superstes accepit. Sed tamen exigitur, ut ait §. pen. ut parentis, qui fuit superstes priori, et posterior mortuus est, hereditatem adierit, secundum hunc §. pen. quod tamen merito tollit Nov. 22. Itaque in hac parte etiam abrogatus est §. pen. Nam etsi neutri parenti heredes extiterint, ea bona, ut propria obtinebunt, ut paterna, vel materna, secreta ab hereditate paterna, vel materna. Postremo ostenditur in §. ult. eum parentem, qui secundis nuptiis abstinet, sive sit mas, sive femina (nam hæc l. generalis est) pleno jure obtinere lucra nuptialia, et quæcunque habuerit a conjuge defuncto, ac periinde ea posse alienare, vel obligare suo nomine, vel de eis testari suo arbitrata. Ceterum si intestatus decesserit, et nihil ex eis bonis alienaverit, tum ea bona redire ad liberos, tanquam paterna, vel materna, quod supra ostendi in l. 4. et probat l. seq. et ult. et l. si quis, §. 1. §. talem, h. l. Sed quod etiam notandum est in hoc §. ult. hoc mutarunt etiam Novellæ. Cur in hoc tit. sunt tot excerpta ex Novellis, quibus Iheronius fulcit constitutiones omnes hujus tituli? Quia ex his constitutionibus multa immutavere Novellæ. Et hac in re placet hodie, etiamsi parentes sint contenti primo matrimonio proprietatem eorum bonorum pertinere ad communes liberos dempta parte virili, in qua pater superstes habet plenam proprietatem et potestatem, *Novell.* 98. et 127.

Ad L. VI.

Hac edictali lege in perpetuum valitura, sancimus, si ex priori matrimonio procreatis liberis pater, materve ad secunda, vel tertia, aut ulterius repetiti matrimonii vota migraverit: non sit ei licitum novercæ, vel vitrico, testamento, vel sine scriptura, seu codicillis, hereditatis jure, sive legali: sive fideicommissi titulo plus relinquere, nec dotis, aut ante nuptias donationis nomine, seu mortis causa habita donatione, conferre, nec inter vivos conscribendis donationibus (quæ etsi constante matrimonio civili jure interdictæ sint, morte ta-

mem donatoris ex certis causis confirmari solent) quam filio, vel filia, si unus, vel una extiterit. Quod si plures liberi fuerint: singulis æquas partes habentibus, minime plusquam ad unumquemque eorum pervenerit, ad eorum liceat vitricum, novercamve transferri. Sin autem non æquis portionibus ad eosdem liberos memoratæ transierint facultates: tunc quoque non liceat plus eorum novercæ, vel vitrico testamento relinquere, vel donare, seu dotis, vel ante nuptias donationis titulo conferre, quam filius, vel filia habet, cui minor portio ultima voluntate derelicta, vel data fuerit, aut donata: ita tamen ut quarta pars, quæ eisdem liberis debetur ex legibus, nullo modo minuat, nisi ex his causis, quæ de inofficioso excludunt querelam. Quam observationem in personis etiam avi (vel avie) proavi (et proavia) nepotum, vel neptium, item pronepotum, vel proneptium, siue in potestate, siue emancipati, emancipatæve sint, ex paterna, vel materna linea venientibus, custodiri censemus. Sin vero plus quam statutum est (aliquid) novercæ, vel vitrico relictum, vel donatum, aut datum fuerit: tanquam non scriptum, neque derelictum, vel donatum, aut datum sit, ad personas deferri liberorum, et inter eas dividi jubemus: omni circumscriptione, si qua per interpositam personam, vel alio quocumque modo fuerit excogitata, cessante.

Edictum est Leonis Imp. et nova coercitio secundarum nuptiarum, qua non utebatur Gallia, antequam idem edixisset Franciscus II. ex suggestionibus quæstoris optimi, et doctissimi Michaelis Hospitalii, quem honoris causa nomino, vel quod fuerit, dum vixit hujus Scholæ patronus, ac vindex emantissimus. Is regi auctor fuit introducendi hujus edicti in Galliam: cum scilicet ex facto incidisset Lutetiæ, ut mulier opulentissima cæco amore capta secundi mariti, et non sentiens ab eo deamari, et appeti sua bona, non se, ut omnia sua bona in eum profunderet instrumento dotali, liberis prioris matrimonii relicta sola Falcidia, id est, modica portione, qua sola eos fraudare non poterat. Et superiores quidem constitutiones hujus tituli liberis primi matrimonii reservant proprietatem bonorum, quæ a defuncto parente obvenierunt superstiti venienti ad secundas nuptias: cetera bona, quæ aliunde quæsit, reservat singulis liberis prioris matrimonii tantum, quantum parens dederit secundo conjugii: hoc scilicet constituit, ut pater, vel mater (nam et hoc edictum generale est) existentibus liberis prioris matrimonii, qui, vel quæ venit ad secundas nuptias, non possit vitrico, vel novercæ, quam inducit liberis prioris matrimonii, dotis vel donationis propter nuptias, vel alio quolibet titulo,

ex bonis, quæ habet propria plus dare, ex mente, ut id habeat perpetuo jure, etiam morte dantis soluto matrimonio, ut inquam novo nupto, vel novæ nupte non possit plus donare, vel dare, vel relinquere, quam uni ex liberis prioris matrimonii, vel cui ex eis liberis minimum dederit: quoniam si sepe eveniret, ut irruentes in secundas nuptias, amore obscurante pectus, nullam haberent rationem liberorum prioris matrimonii. Et sunt in eam rem elegantissimi illi Hom. versus, Olyss. 6. *ξενοφύλαται*, etc. quorum sensus est, quæ alteri nupsit (nam de muliere loquitur, quod tamen edictum trahit ad virum) domum illius augeri cupit, cui denuo nupsit, nec jam amplius eam ulla cura, vel memoria sepulchri tenet prioris mariti, quem olim carissimum habuit, nec liberorum natorum ex eo. Hæc est Homeri sententia. Merito igitur hanc intemperiem coercet Leo Imper. dum edicit, ne quis, neve quæ plus novo conjugii largiatur, quam uni ex liberis prioris matrimonii, cui minimum dederit; dum tamen id minus non sit Falcidia, id est, legitima portio ab intestato successionis, quæ in hac l. dicitur quarta. Hodie pro numero liberorum est tertia, vel dimidia, non omnium bonorum, sed portio debita ab intestato ex Novel. 18. Neque enim filio potest minus relinquere Falcidia, quæ vulgo dicitur legitima portio, et debitum parentis bonorum subsidium, nisi sit ingratus, ut exprimitur etiam in hac l. et merito exheredatus, qui non possit queri de inofficioso testamento, vel dote, aut donatione inofficiosa. Ingratis liberis non debetur legitima portio, si exheredati sint. Ingratis etiam exheredatis non debet dari, vel servari tantum, quantum vitrico, vel novercæ, l. ult. h. t. Et male hic Accurs. in illum locum, nisi ex his causis, quæ de inofficioso, adnotat hæc verba esse Triboniani. Et rectius idem Accurs. in d. l. ult. hoc loco ait, agi de legitima portione, in l. ult. agi de beneficio hujus edicti, et utroque privari exheredatum, et ingratum filium. Nam etiam ingrato, et exheredato filio non servantur lucra nuptialia, vel alia, quæ parens, qui iterat nuptias, consecutus est ex bonis prioris mariti. Hic vero observandum est diligenter, ne matre (et hoc proprium est in matre tantum) nubente intra annum luctus, id quod dat secundo marito excedat tertiam partem bonorum, ne quid fiat adversus l. 1. h. t. licet forte filio unico prioris matrimonii plus reliquerit: vel etiam ne ei secundo marito, cui se junxit intra annum luctus, ne eam quidem tertiam bonorum partem relinquat, si cui ex liberis prioris matrimonii minus reliquit: nam hæc est edicti mens: imo manifesta sententia. Item observandum est, si mulier, quæ venit ad secundas nuptias, cum suscepisset, et haberet liberos ex primo, si nihil habeat in bonis præter dotem, quam

repetit a liberis, vel aliis hæredibus prioris mariti, illam ex hoc edicto non posse eam omnem dotem in dotem conferre secundo marito, nisi pro rata minoris portionis, quam reliquit uni ex liberis. Et quod ait l. si liberis, sup. de don. ante nupt. ut dotem ad se reversam non servet mulier prioris matrimonii liberis, nec vir donationem propter nuptias, hoc ita verum est, si alia bona habeat, ex quibus tantum possit dare singulis liberis prioris matrimonii, quantum novo nupto, vel nupte: sed si nihil habeat præter eam dotem, cavere debet ne ex ea plus largiatur novo conjugii, quam uni ex liberis prioris matrimonii, cui minimum adscripsit. Etiam notandum est ex hac lege, et ex hoc edicto, imo in omnibus constitutionibus hujus tit. liberorum, et parentum nomen latissime accipi, parentes dici usque ad tritavum: liberos usque ad trinepotes. Et nihil interesse agnati sint; an cognati, mares, an foeminae, idem jus esse patris et matris venientium ad secundas nuptias, quod quæstor ille prudentissimus probat quidem in bonis profectis a conjugate defuncto, vel defuncta, et quæsitis superstiti; ut si ve quæsitæ sint patri, vel matri, serventur liberis prioris matrimonii ex l. 6. In ceteris bonis conjugis superstitis, qui venit ad secundas nuptias, prudentissimus quæstor sub nomine Principis Francisci de sœ ninis tantum loquitur, non etiam ut edictum Leonis de maris, ut scilicet foeminae non sint liberaliores erga secundos maritos, quam erga filium unum proprii matrimonii. Nec idem statuit nominatione de maribus, scilicet amor majus incendium facit in pectore foeminae, quam maribus, ideo solas foeminas sparsit aqua, quod notandum maxime. At præterea etiam ex hac l. 6. notandum est, id quod plus secundo datur, donatur, vel relinquitur (ut omnis titulus comprehendatur) quam quod hæc l. statuit, irritum esse, et inter solos liberos prioris matrimonii ex æquo dividi ex hac l. et ex Novell. 22. abrogata lege quoniam, infra, h. t. quæ superfluum dividebat inter liberos prioris et posterioris matrimonii. Et licet constante primo matrimonio conjuges, si volunt, possunt minuire dotem, et augere donationem propter nuptias: in secundo tamen matrimonio, exstantibus liberis ex primo, idem efficere non possunt, id est, non possunt minuire dotem, et donationem propter nuptias, ne scilicet per hanc causam, quæ in dote, vel donatione propter nuptias excesserunt modum edicti superflui commodo fraudent liberos prioris matrimonii, modica dote, vel donatione propter nuptias redacta ad modum edicti, et consumpto superfluo, quæ est sententia, l. si constante, §. ult. sup. de don. ante nupt. Alioquin si absit fraus, ex Novell. 22. spectatur quantum sit in bonis

tempore mortis ejus, qui iteravit nuptias, ne scilicet plus ex bonis, quæ morientis fuerint, remaneat apud vitricum, vel novercam, quam uni ex liberis prioris matrimonii, cui minor portio obtigerit. Et postremo notandum est in h. l. eum, qui iterat nuptias, existentibus liberis ex nuptiis prioribus, nec per se nec per interpositam personam, nec imaginaria et simulata venditione, vel alia arte ulla, plus transferre posse in novum conjugem, quam hoc edicto caveatur, per interpositam personam veluti donauit privigno, quem novus maritus sustulit ex prima uxore, qui privignus modo sit in potestate ejus novi mariti, qui utique ante Justin. omnia bona adventitia acquirat patri: ergo et quæ noverca donasset pleno jure: igitur quod mulier ultra modum edicti non potest per se donare novo marito, nec privigno igitur, quoniam quæ privigno donat, vi ipsa donat ipsi marito, in cujus potestate privignus est: et generaliter in jure, quod per me non possum, nec per interpositam seu suppositam personam possum, l. auferitur, §. quod a præside, ff. de jur. fisc. l. 2. §. 1. ff. de ad rer. ad civ. pert. l. 3. §. non tantum, ff. de don. inter vir. et ux. l. ser. §. ult. D. de pæn. l. si is qui bonis, D. de acqu. her. l. et qui, inf. de dist. pig. Igitur quæ secundo marito non potest donare ultra modum edicto comprehensum, nec filiosam. ejus potest, privigno suo. Quæro an poterit filio communi donare, vel relinquere, non servato edicti modo, qui natus est ex secundo matrimonio? Et poterit, ut arbitror, quia bona materna per eam non acquiruntur patri, l. 1. sup. de bon. mat. nisi usufructus jure. Et hoc edicto usufructus rerum donatarum non invidet novo conjugi; et ita etiam audio nuper Lutetiae amplissimum ordinem decrevisse. Dices: at eadem ratio valet hodie etiam in privigno, quia hodie ex constitut. Justin. id est, l. cum oportet, inf. de bon. que lib. que donat noverca privigno, et generaliter omnia bona adventitia non acquiruntur patri, nisi quoad usufructum attinet, dominium non acquiritur. Eadem est ratio fateor: non tamen idem jus statuerunt. Nam vitatur sæpe, quod dicitur eadem ratio, et idem jus, l. illud, D. ad l. Aquil. l. a Titio, D. de verb. oblig. Cur vero non statuerint idem jus in privigno, et filio communi nato ex secundis nuptiis? quia scilicet filio communi, ut donet mater, naturalis affectio facit: privigno ut donet noverca, maritalis affectus facit, non certe novercalis. Privignum semper accipiam pro persona supposita, et excogitatum fraudem edicto suspicabor in privigno, non in filio communi. Et hæc omnia valde sunt notanda, quibus addendum est ex l. 38. C. Theod. de hæret. per inter-

positam personam, vel titulum imaginariæ venditionis, fraudem legibus excogitari.

Ad §. His illud.

His illud adjungimus, ut mulier in his casibus, in quibus ante nuptias donationes, ceteras etiam res a marito ad se devolutas, secundum priorum legum statuta liberis communibus, ut paternis, servare compellitur: hoc est, ubi morte mariti matrimonio dissoluto ad alias nuptias venerit, immobilium rerum, et mancipiorum, annuarum quoque civilium usufructus duntaxat vitæ suæ temporibus potiat, alienatione earum penitus interdicta. Mobilium vero rerum, justis pretiis æstimatione habita per eos, quos utraque pars elegerit, arbitros judicatuos, interposito sacramento, simili modo usufructum habeat, si idoneam fidejussionem præbuerit, quod easdem res mobiles: vel earum pretium filiis, et filiabus ex eodem matrimonio procreatis, vel post mortem eorum nepotibus, et neptibus ex eisdem liberis procreatis, sive omnibus, sive uno, unave superstite, mori contigerit, secundum legem modum restituat. Vel certe si fidejussiones idoneas præstare distulerit, aut nequiverit, prædictæ res mobiles nondum matri a liberis traditæ, apud eosdem manebunt. Solutæ vero eidem matri, vel ab eadem detentæ, restituentur liberis, si tamen ab his fidejussio idonea matri fuerit oblata, qua caveri debet, quod eidem superstiti, pro usufructu earundem rerum mobilium, vel pretio, quo taxatæ sunt usurarum nomine centesimæ, partem tertiam annuis quibuscunque temporibus præstare non different: ita (tamen) ut in eadem fidejussione hoc quoque caveatur, quod a filiis, filiabusve, vel ex his progenitis liberis, si ante eandem matrem omnes eos obire contigerit, omnes res prædictæ mobiles secundum legem moderationem matri, ut ad eandem luctuosum lucrum redeant, restituantur. Et ita quoque licitum utrilibet parti, quæ fidejussionem præbuerit si sibi commodum esse perspexerit, his rebus mobilibus uti frui, easdemque dare mutuo, vel obligare, vel vendere, ut ex his maxime liberi acquirentes possint materno affectui sine suo incommodo deservire. Sin autem utraque pars prædictam fidejussionem dissimulaverit, aut forte auferre nequiverit: eadem res apud mulierem usque in diem vitæ suæ manebunt.

Prima pars hujus legis jam exposita est, tam de patre, quam de matre veniente ad secundas nuptias, et de coercenda liberalitate utriusque erga secundam, secundamve conjugem: in hac parte agi-

tur tantum de matre, usque ad §. ultimam, quod observandum diligenter. Nam etsi quod proponitur initio hujus §. ut mater, quæ venit ad secundas nuptias, in lucro nuptiali, quod facit ex donatione propter nuptias, et in omnibus aliis bonis, quæ quolibet alio titulo adepta est a viro priore, usufructum tantum habeat: res ipsas ut paternas servet liberis prioris matrimonii. Etiam si hoc quod ita proponitur initio hujus §. in matre, locum etiam habeat in patre, ut l. 5. sup. h. t. tamen cetera fere omnia, quæ consequuntur in hoc §. non habent locum in patre: sed quædam deest. Et utitur hic §. hac distinctione: aut res, quæ ad matrem pervenerunt a patre, id est, a primo marito suo, sunt mobiles, aut immobiles. Immobiles, veluti ædes, aut fundi, aut villæ, quæ etiam res soli dicuntur, quod solo continentur. Immobiles rebus etiam hoc §. adnumerantur mancipia rustica, sunt enim pars fundorum, quibus adscripte sunt et addicta. Et ut ait Julianus antecessor Nov. 7. sunt veluti membra fundorum. Quid enim sine iis prodessent fundi? Immobiles etiam rebus in hoc §. adnumerantur civiles annonæ, quæ certis civibus debentur, et præbentur de publico, ex liberalitate principis quotidie, id est, panes certi quotidie *chaque jour comme une prebende*. Annonæ civiles sunt panes civiles, qui in dies erogantur, quibus competunt de publico: qui etiam dicuntur panes gradiles in C. Theod. ut de ann. civil. et pane gradill. Panes gradiles, quod scilicet eos pistorum distribuerent, quibus competeant, et debebantur, in dies singulos, non, e mancipum, id est, pistorum officinis, sed ex gradibus quibusdam in urbe ædificatis diversis locis, ita ut non omnes debitos sibi panes sumerent ex iisdem gradibus: sed unus ex his, alter ex illis, non in aliam rem constructis, quam ad distribuendos panes. Et ita Prudentius contra Symmachum *et quem panis, alit gradibus dispensus ab altis*. Et Cassiod. lib. 7. ut *sive in gradu, sive in aliis locis frumenta condita inveniri potuerint*. Et in descriptione urbis Constantinop. quæ edita est simul cum notitia Rom. Imperii, beneficio, et cura B. Rhegani: Pistrinis ejus urbis junguntur gradus, et numerantur gradus 117. et pistrina privata 120. et publica 20. Ideo autem panes civiles adnumerantur rebus immobilibus, quia ædibus debebantur potius, quam personis, et venditis ædibus sequebantur emptorem. Erant enim munera principis pro ædificatis ædibus in urbe, quæ transferbantur in quemcumque possessorem earum ædium, l. 1. 11. 12. 13. C. Theod. eod. tit. de an. civ. et pan. grad. Hæc sunt, quæ rebus immobilibus adjungit hic §. Et de iis quidem rebus immobilibus ita statuit, ut mulier alii nupta, quæ habuit a priore marito res immobiles, vel mancipia,

quæ adherent fundis, vel panes civiles, qui adherent ædibus constructis in urbe regia, earum rerum sit fructuaria tantum, nec tamen exigit, ut satisfaciat mulier liberis prioris matrimonii, salvo eas res fore, quia scilicet hæc res immobiles, aut quæ immobilibus adherescunt, facile interverti non possunt, licet alius fructuarius caveat ex edicto prætoris, rem fructuariam salvam fore, sive ea res sit mobilis, sive immobilis, l. 1. §. 1. ff. usuf. quædammod. cav. sed mater non oneratur hac stipulatione, satisfactione, cautione ob res immobiles, quas consequuta est a priore marito. Et hæc de rebus immobilibus. Nunc dicamus de mobilibus: mobiles res, quæ matri, obvenierunt a priore marito, æstimari debent ex sententia hujus §. adhibito arbitrio electo consensu matris eorum liberorum, qui juratus indicet verum pretium earum rerum. Ea æstimatio pro venditione erit, ut in l. plerumque, §. si ante, et §. seq. ff. de jur. dot. Et ita æstimatæ hæc res, traduntur mulieri, si modo satisfaciat earum rerum salva fore corpora, et post mortem suam ea, vel pretium earum liberis prioris matrimonii redditum iri, qui sibi supervixerint. Et interim igitur quasi domina ex causa emptionis suo nomine eas res vendere potest, vel obligare, vel mutuo dare, ex iis, quæ consistent in pondere, numero, et mensura: caveat autem eas reddi satisfacito, id est, datis fidejuss. non cautione nuda. Et reddi, ut hic §. ait secundum legum modum, et alio loco, secundum legum moderationem, quæ verba Tribon. sunt sumpta ex l. 14. h. t. constitutione Græcæ Just. quæ excepit portionem, ne redderetur scilicet, vel de ea reddenda caveretur, quam mater lucratur in casum mortis cujusque filii. Desiderantur in hoc tit. Constitutiones Just. Græcæ non una sed octo, quarum tamen sententiam vel abrogavit, vel conservavit Nov. 22. quæ totius tituli brevis comprehensio et emendatio est. Quid autem fiet, si mater nolit, aut non possit satisfacere? quod dixi sup. Sane earum rerum possessio transferetur ad liberos prioris matrimonii, quo modo satisfacient, quanti res æstimatæ fuerint ab arbitro ejus pecuniæ, usufructus vice matri quotannis datum iri tricesimas usuras, id est, in centenos aureos quaterenos, id est, *au denier vingt, et cinq*. Et præterea si forte omnes liberi obierint ante matrem, quod lucrari eam oportet ex casu mortis liberorum, si liberi alios heredes reliquerint, id solum ei matri restitutum, iri reliquum translatum iri ad heredes liberorum, veluti filios, vel nepotes. Casus mortis mariti lucro afficit mulierem, et ita casus ædificæ, ut in l. 14. *quand tous ses enfans meurent*, casus orbitatis, et Nov. 22. et 68. et 106. Et ob id dicitur luctuosum lucrum, nempe ex orbitate, in l. ult. inf. de instit. et substit. Et triste lucrum in

l. ult. inf. communia de succ. et dux fortunæ solatium in *l. si qua, inf. ad Senatuscon. Tertull.* Quid vero fiet, si neque mater satisfaciat, neque liberi? Quid si neutra pars inveniat fidejussorem (quem sane invenire difficile est) quis possidebit res mobiles neutro satisfaciente, ut hic? Melius est possessionem earum relinqui apud matrem. Notandum est in hac parte, cum agitur de fidejussoribus dandis, hanc leg. loqui tantum de matre quia scilicet a patre liberi satisfactionem sine rubore exigere non possunt. Cultus major debetur patri, cum et potestas patria liberorum sit penes patrem, nulla penes matrem. Ideo non exigunt, et desiderant a patre fidejussores, *l. filio, ff. ut leg. seu fil. caus. nom.* quia videntur dubitare et diffidere de patre: et tacite insimulare fidei patris, quod nefas est. Denique invenire fidejussores est difficile, et molestum exigere, et quodammodo contumeliosum in *l. 17. §. ult. ff. de test. tut. l. omnes, §. præterea, et §. in hac, sup. de Episcop. et Cler.* Et ita licet jure communi fructuarius debeat satisfacere, se usurum: fructurum boni viri arbitratu, se causam proprietatis, vel usufructus pejorem non facturum, et amissum, vel finito usufr. se discessurum a naturali possessione rei, in *l. 1. ff. usufr. quemad. caus. l. inter, ff. de dam. inf. l. 4. §. ult. ff. de verb. oblig.* pater tamen fructuarius honorum, quæ habuit a prioris uxore, non satisfacit liberis, et ab edicto prætoris de stipulatione fructuaria excipiendus est pater, excipienda veremedia paterna, *l. ult. §. hoc proculdubio, inf. de bon. quæ lib.* At mater tamen fructuaria satisfacit de rebus mobilibus, ut exposui ante, quod etiam Leo et Majoranus improbarunt, ut mater satisfaceret liberis in *Nov. de san. timon. et vid.* Sed non etiam Leo et Severus in *Nov. de abrog. cap.* Nam ii nec matrem voluerunt adstringi necessitate fidejussionis: sed eorum Novella non est recepta a Justiniano. Igitur secundum Justinianum, mater hodie omnino satisfacit, et satis præstabit liberis prioris matrimonii. Et ita cernis quæ in hoc §. his illud tractantur de dandis fidejussoribus, locum non habere in patre: igitur Imp. loqui tantum de matre. Et quod sequitur in §. *pen. h. t.* habet tantum locum in matre, non in patre, ex sententia hujus legis, ut scilicet bona matris propria, quæ habet, vel habitura est, præsentia, ac futura, a die traditarum ei rerum, et profectarum a prioris matrimonio, tacite priori obligata sint liberis prioris matrimonii, nomine earum rerum, si forte eas dissipaverit, et male consumpserit, quas debuit servare liberis, in liberorum fraudem, et ut ait eleganter *l. 2. C. Th. de sec. nupt. per fraudem savioris animi.* Quod ostenditur etiam in *l. 3. et 5. §. itaque, hoc tit.*

sed coaugustatur ad matrem secundum has constitutiones. Verum deinde hoc ampliatur est, et porrectum ad patrem, ut haberet tacitam hypothecam, id est, ut etiam omnia patris bona tacite hypothecæ obligata essent pro rebus profectis et acceptis a matre prioris uxore. Et ita quod §. *pen.* statuit de tacita hypotheca in matre, a Justin. porrigitur etiam ad patrem in *l. seq. 8. §. pen. et ult. h. t. et l. cum oportet, §. ult. inf. de bon. quæ lib.* qui §. *ult.* (ne quid objiciatur) manifesto a §. *non autem d. l. cum oportet*, qui bona patris solvit tacite hypotheca, excipit bona profecta a matre, quæ debuit pater servare liberis communibus. Nam earum rerum nomine etiam bona patris sunt tacite obligata. In §. *ult. h. t.* loquitur tam de patre, quam de matre, ut si non veniat ad secundas nuptias, si ut ait in §. *ult. servet affectionem liberorum suorum*: eleganter, quia sane cui non satis est unum novisse cubile, is deponit omnem affectionem, ut scilicet qui, vel quæ contenta est uno matrimonio, pleno jure habeat quæ accepit a prioris conjugis, et ita demum ea redeant ad liberos communes tanquam paterna, vel materna, licet parentum hereditatem non adierint, si vivus parens ea non alienaverit, vel obligaverit, vel consumpserit, quæ poluit consumere quasi dominus, ut *l. 4. et 5. sup.* In quibus locis ostendi etiam Novellas hoc correxisse, maxime *Nov. 127.* namque voluisse, ut etiamsi parens non iteraret nuptias, earum rerum proprietas pertineret ad liberos, nec posset alienari, vel consumi a parente superstite, nisi pro portione virili, in qua ei jus plenum datur pro præmio viduitatis, et continentie.

Ad L. VII. et VIII.

L. VII. In quibus casibus pater dotem, mater ante nuptias donationem, vel alias res ad se ex altera parte devolutas filiis utriusque sexus servare præcepti sunt: si quem ex filiis, vel filiabus ante patris, vel matris obitum in ri contigerit (sive ante secundas nuptias, sive postea) filio, vel filia, nepote, vel nepte, vel pluribus patre suo adhuc vivo, vel matre superstite devictis: portionem, quæ defuncto filio, vel filia debebatur, vel lucrum ex ea, non ad fratres, vel sorores mortui, sed ad filios ejus, vel filias, vel nepotes utriusque sexus, aut pronepotes. avis, vel proavis superstites pervenire decernimus, eligendi videlicet, quos voluerint ex liberis superstites, non adempta licentia.

L. VIII. Si quis prioris matrimonii filiorum ante secundas nuptias patris, vel matris mortuus fuerit, filiis a se, vel nepotibus, vel pronepotibus relictis, partem ejus non ad fratres, vel si nullus alius frater, vel soror sit, ad patrem,

vel matrem ejus pervenire, sed ad filios, vel nepotes, vel pronepos ejusdem mortuae personae sancimus, ut sive unus, sive plures sint, eam tantummodo partem vindicare possint, quae mortuo competit.

§. 1. Illud etiam certa sanctione definire censuimus, ut si quis, vel si qua ex alio matrimonio filiis procreatis minime ad secundas nuptias venerit: eodem modo liceat quidem genitori, vel genitrici res ex priori conjugio sibi acquisitas, quomodo voluerit alienare, vel administrare: si quae vero earum minime sint alienatae, possunt liberi, etiam non adeuntes paternam, vel maternam hereditatem, eas vindicare.

§. 2. Certum esse sancimus, quod etiam illa de cetero videbitur earundem fuisse rerum alienatio, quae in testamento genitoris vel genitricis, vel specialiter relinquento, vel generaliter haereditatem instituendo facta sit.

Explicabimus l. 7. et initium l. 8. et finem addimus huic tit. de sec. nupt. posito, quod jam satis multis constitutionibus comprobatum est, morte soluto matrimonio, proprietatem bonorum, quae a defuncto conjugis superstes accepit, servari liberis prioris matrimonii, si parens superstes veniat ad secundas nuptias, si liberis superinducat novercam, vel vitricum, quod etiam divortio soluto matrimonio nihil refert cujus culpa, liberis servari vult Justin. in l. quoniam, §. ult. hoc tit. et Nov. 22. Hoc inquam posito, et concesso, quæro si vivo parente unus ex eis liberis moriatur, ad quem portio pertineat, quam habuit in eis bonis? Utrum accrescet fratribus, vel sororibus, si plures fuerint liberi ex priori matrimonio: an mortui filii portio accedat patri, qui in eis bonis habet usufructum? Distinguendum est: aut defunctus filius unus prioris matrimonii nepotes reliquit, aut non. Priore casu portio ejus pertinet ad nepotes, id est, filios suos, parentis scilicet nepotes, et filios suos, exclusis fratribus, et sororibus, ut in l. seq. in pr. Excluso etiam patre, vel matre qui, quæve iteravit nuptias exclusa antiquitate, ut utar sermone l. ult. hoc tit. si prætermittam Græcas, quæ lex liberos vocat posteritatem, parentes omnes antiquitatem, ut l. cum scimus, inf. de agr. et cens. lib. 11. Ergo unus filius si moriatur ex prioris matrimonii relictis filiis; si filii quos reliquit, in portionem quam pater habuit in supradictis bonis, præferantur avo, vel avia, patruo, vel avunculo, amita, vel matertera. Et hoc l. 8. verum esse ait, sive parens venerit ad secundas nuptias ante mortem, sive post mortem filii, quod est mirum. Nam res quidem facilis et expedita est, si parens venerit ad secundas nuptias ante mortem filii, quia jam eam sibi unicus filius portionem adquisierat, ergo eam transmittit

ad filios suos. Nec jam locus est juri accrescendi. Nam etsi fratres, et sorores natae ex prioris matrimonii conjunctione vocentur ad proprietatem eorum bonorum, tamen post acquisitionem partium, non admittitur jus accrescendi, id est, mihi semel acquisita portio nunquam accrescet collegis, sive conjunctis. Denique proprietas acquisita non admittit jus accrescendi, l. 1. §. ult. ff. de usufr. accresc. Sed si post mortem filii parens venerit ad secundas nuptias, id est, si ante secundas nuptias parentis filius finierit vitam, cum vivus in eis bonis nihil juris habuerit, quæ nondum erant commissa liberis prioris matrimonii: cur non solida perveniant ad fratres post mortem ejus, parente veniente ad secundas nuptias? cur potius pertineat ad nepotes, in quos non potuit transferre, quod non habuit, juxta regulam juris: Nemo potest plus juris in alium transferre, quam ipse habeat? Et respondeo, ut in hereditatibus ex 12. tabul. ita etiam in iis bonis paternis, et maternis nepotes venire in locum et portionem patris sui, atque admitti cum patruis, vel avunculis, aut amitis, vel materteris, §. cum, igitur, Instit. de hæc. quæ ab int. def. Quod vulgo vocatur jus representationis, quia scilicet nepotes subeunt locum filii, et licet remotiores sint, tamen simul cum proximioribus invitantur, et vocantur in stirpem, in l. seq. in pr. id est, eam tantum partem ferunt, etiam si sint quatuor aut quinque, aut plures, quam parens eorum tulisset eamque inter se dividunt in capita, id est, in portiones viriles et æquales, ut Nov. 22. Et secundum hæc l. 8. seq. cum ait: Si quis prioris matrimonii filiorum ante secundas nupt. patris, vel matris mortuus fuerit, dum ait, si ante nuptias parentis mortuus fuerit, difficiliorem casum ponit. Nam idem est multo magis si post nuptias mortuus fuerit, id est, post acquisitionem portionem, nimirum ut ea transeat in nepotes exclusis fratribus. Et recte Accurs. in l. seq. quæ filio competit mortuo, id est, competere potuit, si non finisset diem ante nuptias parentis. Et ita in hac l. 7. quæ debebatur, addendum, vel deberi poterat, ut in 12. tab. si a quo plura nocet, id est, nocere poterit. Ergo non distinguimus, utrum parens secundas nuptias ante, vel post mortem filii contraxerit, ut in h. l. 7. Et hæc tamen distinctio adhibita est sup. in l. 3. §. ult. adjuncta l. mater, inf. ad SC. Tertull. Sed ne quem hoc perturbet, ibi igitur de aliis bonis defuncti filii, non de iis, quæ a parente, qui prior mortuus est, pervenerunt ad superstitem, qui mox coierit in alterum matrimonium. Itaque non de iisdem bonis hic agitur, d. l. 3. §. ult. et d. l. mater. Non est omittendum, quod est in fine hujus l. Si filio sint plures filii nepotes, posse eum antequam moriatur, eligere unum ex iis, qui adscribat in totum portio-

nem, quam habet in supradictis bonis, vel habiturus foret, si mors eum non occupasset. Et hanc electionem, quæ datur in fine hujus l. nulla Nov. abstulit; sed illam tantum (ne etiam hoc quemquam perturbet) quæ datur in l. 3. et l. general. §. *dividendi*, quæ scilicet datur parenti iteranti nuptias, ut cui volet liberorum prioris matrimonii bona quæsitæ a priore marito, vel uxore adscribat in solidum. Hanc electionem ademerunt Novellæ, ut in illis locis ostendi, non tamen eam, quæ definitur in hac l. 7. At nunc videamus, quid sit dicendum si ille filius nepotes non reliquit (quæ est altera pars distinctionis initio propositæ). Quid ergo si filius ille filios non reliquerit, quid fiet de portione illius? Et hoc casu fratres, vel sorores in ejus portionem admittuntur, si ante nuptias parentis mortuus fuerit, id est, ante acquisitionem portionis; jure accrescendi fratres admittuntur in ea portione. Si post nuptias, id est, post acquisitionem portionis, jam non possunt admitti fratres jure accrescendi, quod expiravit post acquisitionem portionis, sed admittuntur beneficio hujus constitutionis, excluso patre, vel matre, qui tamen, quæve in alia bona defuncti succederet una cum fratribus ex Nov. 118. In his bonis fratres excludunt parentem, qui non obstinuit secundis nuptiis. Et excipitur tantum portio, quam ex pacto convento, non ex lege in tabulis nuptialibus sibi recepit in casum amissi filii, vel filie prioris matrimonii, in casum ἀνακτάς, Nov. 22. Quod in ea Novel. Julianus antecessor perspicue interpretatur. Et in hac re explicanda ejus auctoritate utitur Accurs. in *authent. sed et si quis*, quod inseruit in hunc titulum. Irnerius, vel Martinus. Nam quæ ex Nov. breviter legis sparsa per hunc Codicem, ea digessit partim Martinus, partim Irnerius, ut significat *gl. legis fratres, sup. de inoff. test.* Et ita ut dixi in *authent. sed et si quis*, inserta in hunc titulum. Accurs. explicandæ hujus rei gratis utitur auctoritate Juliani, non nominans quidem Julianum, sed ita scribens, ut in Nov. *de mul. quæ post mort. mar. c. nullam post hac, et de his, qui ad sec. nupt. mig. c. nulla licentia*. Sed semper Accurs. cum citat Novellas, intelligit Julian. antecessorem, qui Novellas Justiniani latine, et breviter exposuit, vetus auctor, et brevissimus, quo carere non debemus, si volumus intelligere jus novissimum. Ipsas autem Novellas Justiniani, quæ sunt fusiores, et copiosiores Accursius nominat semper *authenticas l'original*, non Novellas: rectissime ergo cum hac l. 7. exposuimus l. 8. initium: quod est etiam de eadem re, de uno matrimonii prioris filio mortuo, cui obveniat ejus portio. Nam quæ sequuntur omnia in hoc titulo sup. fere omnia ostendi. Itaque jam instat finis hujus tituli. At ut ostendam

quibus locis ea sunt exposita, et si quid sit addendum ad illam. §. 1. l. 8. fuit expositus l. 4. et 6. §. *ult.* in quibus eadem est sententia, quæ in §. 1. b. l. 8. ut qui, vel quæ vidua permanet, possit alienare quæ habuit a priore conjugē, quod ostendi mutasse Novellas. Nec enim potest alienare, nisi portionem virilem. Sed additur statim in §. *certum hujus l. 8.* sive eorum rerum permittatur alienatio, sive prohibeatur: his casibus in his constitutionibus *alienationis* verbum accipi latissime, ut comprehendat etiam hæredis constitutionem, et legatum, et fideicommissum. Si permittatur alienatio parenti viduo, vel viduæ, ut possit non tantum vendere, et donare, aut permutare, aut obligare, sed etiam ut possit in eorum bonis hæredem instituere, vel legare: si prohibeatur veniens ad secundas nuptias, ut nihil horum facere possit. Ergo in his constitutionibus *alienare* non tantum est dare, tradere, donare inter vivos: sed etiam, ut uno verbo dicam, relinquere: aliud est dare, aliud relinquere: dare est viventium: relinquere est morientium, l. 1. §. *si filius, D. de leg. 3. l. 1. §. pen. D. de tab. ex h. Damus libenter: relinquimus necessario*. Si testator rogari hæredem, ut quid det uni ex liberis vel libertinis, semel tantum potest eligere, id est, non potest mutare electionem, quam fecit semel, l. 17. §. *ult. l. 24. de leg. 2.* Sin autem eum rogaverit, ut relinqueret cui vellet ex liberis, subinde variare potest, et mutare electionem, quamdiu vixerit, l. *unum ex familia, §. sed etsi fundum, D. de leg. 2.* Et ita rectissime Grammatici libro 6. *Iliados*, notant Homerum observare differentiam inter dare et relinquere, cum dixit Vulcanum sceptrum dedisse Jovi, Jovem Mercurium Melopi, Pelopem Atreo, Atreum autem reliquisse Thyesti, et Thyestem reliquisse Agamemnoni, quia scilicet Atreus, ne committeret regnum suum filio suo impuberi Agamemnoni, coactus est relinquere Thyesti fratri suo, cum quo tamen gerebat justas inimicitias, interposita fide, ut id restitueret Agamemnoni, cum ad justam ætatem pervenisset. Et ita Thyestes quasi obligatus fideicommissum, id reliquit potius, quam dedit Agamemnoni filio fratris, eumque prætulit Ægysto suo. Illi superiores regnum dederunt ultro, et sua sponte. Atque ita manifesta est differentia inter dare et relinquere: utrumque tamen complectitur verbum *alienare* in his constitutionibus. Imo etiam cum testator vetat aliquid alienari extra familiam, vetat etiam relinquere, velat institutionem, legatum, fideicommissum, in l. *peto, §. ult. D. de leg. 2.* nisi adjecerit testator, *ne vivus alienaret*: nam tunc non prohibetur relinquere moriens cui volet, l. *pater, §. fundum D. de leg. 3.* Et addendum est, non semper in omni parte juris *alienandi* verbum etiam testamen-

tum comprehendere, ut comprehenderit in his constitutionibus, non certe in edicto *de alienatione judicii mutandi causa facta*, quo dolus coercetur eorum, qui rem, quam possident, alienant, ut opponant duriorem adversarium ei, qui actorus erat in rem. Nam nullus dolus inest in eo, qui heredem instituit, nulla cogitatio mutandi judicii, vel objiciendi potioris adversarii, vel cui legat habituro tantum post mortem suam. Et ideo *alienationis* verbum in eo edicto non comprehendit institutionem, vel legatum in *l. ex hoc edicto, §. alienare, D. de alien. jud. mut. caus.* Id etiam non comprehendit *lex Julia, de fun. dot.* maritus prohibetur alienare fundum dotalem, *l. dotale, §. ult. D. de fund. dot.* Sed non comprehenditur etiam heredis institutio. Nam maritus herede instituto, per universitatem in eum transfert fundum dotalem, sed cum sua causa, ut heres non possit eum alienare, ut servet eum uxori superstiti, et ei reddat constituto die, in *l. 1. D. de fund. dot. l. quodam D. de acq. rer. dom.* et hoc tantum erat adnotandum ad *§. certum l. 8. §. vero talem* jam exposui in *l. 4.* Sed quia eum non intellexit Accurs. et delenda est ejus glossa, quantumvis magna: ostendam erroris causam. Non animadvertit Accurs. in *hoc §. talem* anterius matrimonium dici, sicut prius matrimonium, etsi post illud non fuerit contractum aliud. Nam et ita in usu prius testamentum dicitur, post quod nullum est factum, et sequutum testamentum, non habita ratione secundi, vel posterioris, ut in declam. Quintil. 308. et sic in *§. 1. et §. talem*, hac lege, prius et anterius dicitur matrimonium, quod unum fuit, vel quod sequutum non est aliud matrimonium. Et ita ut dixi in *§. 1. h. l. et l. 4. et l. 6. §. ultim.* si parens non veniat ad secundas nuptias, si non mutet matrimonium, bona quæ sita a priore marito, vel uxore, quæ tamen non alienavit, ut potuit, vel consumpsit, tamquam paterna, vel materna, redire ad liberos prioris matrimonii, etsi patris, vel matris hereditatem non adierint. Nam ea bona seorsum spectantur ab hereditate, et secernuntur. Quod cum ita esset in *§. talem*, quæritur quid sit dicendum, si ex liberis prioris matrimonii, et unius, alii adierint hereditatem patris, vel matris, alii repudiarint? et hoc casu ait, ea bona vindicari ab iis tantum, qui adierint. Hæc est sententia *§. talem*, quæ tamen abrogata est per *Novell. 22.* quæ vocat omnes liberos permixtim, sive adierint, sive repudiarint parentum hereditatem.

§. penult. exposui in *l. 6. §. ult.*

L. quoniam, et l. ult. fuit exposita in *d. l. 6.*

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. X. Si secundo nupserit mulier, cui maritus ususfructum reliquit.

Titulus 10. est de secundis nuptiis, et quasi codicillus ad titulum superiorem, quo suppletur quod in eo deest: nam hoc quidem constat ex titul. sup. mulierem, cui maritus rerum quarundam suarum plenam proprietatem dedit, vel donavit, vel reliquit, si post mortem ejus in secundum matrimonium convenerit, eam amittere earum rerum nudam proprietatem, et ususfructum solum earum rerum retinere, proprietatem statim a die secundi matrimonii acquiri liberis primi matrimonii. Sed ex eodem titulo nihil constat quid sit dicendum, si prior maritus uxori, quæ secundo nupsit, dederit, vel reliquerit ususfructum rerum suarum, quæ de re agitur in hoc titulo. Finge igitur: primus maritus non reliquit, vel dedit uxori res suas, sed rerum ususfructum. An ex hoc ususfructu ei dato, vel relicto ob repetitas nuptias aliquid decerpent liberi primarum nuptiarum? Videamus primum, an jure vir relinquat uxori ususfructum rerum omnium suarum, omnium bonorum suorum, quod hodie est frequens. Et sane uxori jure relinquatur ususfructus omnium bonorum, cum hac conditione, legeque, ut fruatur una cum liberis, et ex eis bonis filios exhibeat, atque tueatur, ut in *l. si mulieri, D. de usufruct. accresc.* Et in oratione pro Cæcinnâ: Testamento, inquit, fecit heredem, quem habebat in Cæcinnâ filium, ususfructum omnium bonorum suorum Cæcinnâ legavit, ut fruatur una cum filio. Alioqui soli uxori ususfructus omnium bonorum existentibus liberis inutiliter relinquatur, ne scilicet minuat portio legitima, quæ debetur filiis, et quæ ad eos dicitur venire pura, plena, integra, illibata, non detracto usufructu ex *Novell. 18. de trient. et sem.* Et ne quid nos moretur eorum, quæ tractat Accurs. in particulam quandam *Novell. 22.* quam constitutioni hujus tituli subjecit Irnerius, si testator (ut assolet fieri) jubeat uxorem esse domum, et fructuariam omnium bonorum suorum, semper ab hoc legato deducenda est Falcidia debita filiis, si qui sint: reliquum servatur uxori, ususfructus tantum jure: nam etiamsi dixerit dominam, et usufructuariam, dominæ appellationem ex verbo sequenti cogere debemus ad ususfructum: nam et usufructuarius

habetur pro domino, *l. in venditione, D. de reb. auct. jud. poss.* dum ait, in venditionem bonorum debitoris etiam usumfructum venire, quia appellatione domini et usufructuarius continetur. Hoc ideo scribit JC. quoniam in edicto de rebus auctoritate judicis possidendis regulariter faciebat mentionem domini: ut in Quintiana oratione, *dominum invitum detrudere non posse pleret*: ubi domini appellatio proculdubio etiam comprehendit usufructuarium. Et omnino triplex est dominium: dominium proprietatis in *l. proprietatis, sup. de probat.* dominium usufruct. et dominium possessionis. Ac scripsimus in libris nostris dominium, id est, possessio, non proprietas: dominus, id est, possessor. Cur in *l. si p. ocur. D. de acq. rer. dom.* JC. ait, dominium, id est, proprietas? ne quis intelligeret possessionem: nam domini verbum est ἀρχὴ. Et ita in *l. 4. de aquaed. lib. 11. usum aquae constitutum longo dominio*, id est, possessione longa. Verum ergo qui dicit dominum, et usufructuarium dicit, ut Grammatici loquuntur, ἐνδιαφύκτω, nempe fructuarius tantum. Quid vero dicendum est si maritus uxori dederit, vel reliquerit non res suas ex parte, vel ex asse, sed rerum suarum usumfr. ex parte, vel ex asse, ut frueretur una cum filiis, et post mortem mariti ea mulier venerit ad secundas nuptias? Non potest dici ejus usufructus, ejus legati dominium, usumfructum esse servandum prioris matrimonii liberis, quoniam usufructus non est ususfr. Ususfructus est servitus. Servitus servitutis non est, *l. 1. de usufruct. leg. l. cum essent in fin. D. de servitut. rustic. praedior.* Servitus est qualitas praedii, *l. qui fundum, quemad. serv. am.* Et ut Philosophi loquuntur, qualitas qualitatis non est. Haec vero questio ita definitur in *l. un. h. t.* ut a contractis secundis nuptiis usufructus statim auferatur uxori, et restituatur liberis prioris matrimonii cum fructibus, si a die secundarum nuptiarum mulier fructus percepit, forte liberis nondum suae tutelae factis, id est impuberibus, et destitutis auxilio tutorum. Denique mater, quae repellit nuptias, liberis prioris matrimonii restituit usumfructum, id est, jus utendi, fruendi, et omnes fructus, quos percepit a die secundarum nuptiarum. Et addamus, quia mala fide possedit mulier, etiam cum fructibus, quos percipere potuit, et debuit, nec percepit: nam male fidei possessor non tantum de perceptis tenetur, sed etiam de percipiendis, *l. fructus, l. si navis, §. ult. D. de rei vind.* Nec nos movere debet *l. si pater, de usuf. nec l. si fundum, sup. de rei vind.* quae dicunt, male fidei possessorem, et nominatim hanc matrem, cui usufructus earum rerum legatus est, debere restituere fructus perceptos: nec enim addunt taxationem,

perceptos fructus dumtaxat, ut inde non possis colligere, non teneri male fidei possessorem de percipiendis. Non omnia possunt exprimere leges, pleraque supplenda nobis relinquunt ex aliis legibus. Et licet igitur ex his locis, *perceptis* etiam addere *percipiendis*. Et ait haec lex usufructum esse restituendum cum fructibus competentibus, ad liquidum ratione deducta, *au vray*, ut cum Curtius Rufus lib. 9. ait, *nunquam famam perducere ad liquidum*, id est, rumorem ullum nunquam esse ex omni parte verum. Competentes ergo fructus redduntur ad liquidum, eorum ratione deducta, puta impensis deductis, quas mulier fecit in corpora rerum hereditariarum, quibus utebatur, fruebatur: nam fructus eos esse constat, qui supersunt deductis impensis, hi sunt fructus competentes, et liquidi, *l. fructus, qui dot. D. famul. ercisc.* nullum esse casum, qui hoc genus deductionis impediatur, et compensationem impensarum cum fructibus. Et tamen extat unus in *l. ult. inf. de fun. rei priv. lib. 11.* admodum singularis, ubi fructus intelliguntur non deductis impensis. In jure nulli sunt termini universales, ut in illo loco, *nullus casus*, et tamen excipitur aliquis. Et similiter in *l. in omnibus 43. D. de solut.* In omnibus speciebus liberationum, etiam accessiones liberantur. In omnibus, inquit. Excipienda est tamen confusio, quae si indoverit liberationem rei, sive debitoris, pignora tamen obligata manent, *l. debitor 59. D. ad Trebell. l. cum quis, §. ult. D. de sol.* Porro constitutionem hujus tituli comprobarunt Arcadius et Honorius in *l. 1. C. Theod. eod. tit.* Et Novell. 22. significat eam porrectam fuisse ad maritum, cui uxor legasset usufructum rerum suarum: sed tamen *dict. Nov. 22.* hanc constitutionem penitus abrogat, solvitque secundas nuptias poena hujus constitutionis, dum scilicet non aliter vult usumfr. auferri conjugui, quem legavit prior conjux, etiamsi repelierit nuptias, quam si id nominatim caverit defunctus. Non vult itaque servari jus, quod inducit constitutio, sed jus, quod fecerit ipse defunctus, vel defuncta, dicendo legem legato, usufructu relicto superstiti conjugui.

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. XI. de dotis promissione, et nuda Pollicitatione.

Nuptiae sunt contractus, matrimonium est contractus, ut proxime ante diximus, a Graecis pas-

sim appellatus γάμος ἐπὶ ἀλλοτρίῳ, id est, nuptialis contractus. Posteaquam dixit de eo contractu satis, id est, de nuptiis transit ad aliud genus contractus, nempe ad dotem. Dotis datio est contractus, *l. contractus, D. de reg. jur.* Et dotis quoque promissio est contractus, nempe stipulatio. Dotis item pollicitatio nuda pro contractu habetur, quia obligationem parit. Et omnis obligatio pro contractu est, *l. omnem, D. de judic.* sicut dotis dictio, quæ olim fiebat solemnibus verbis citra stipulationem a non interrogato, vel interrogata contractus erat, vel obligatio civilis. Et dotem igitur conventionem esse definiamus, qua res, aut pecunia certa propter uorem, propter onera matrimonii pervenit ad maritum. Pervenire accipimus cum effectu: nam dominium dotis in eum transit, dotis dominium, id est, vel rei, vel pecunie dotalis *l. in reb. tit. seq.* vel etiam conventio, qua compensantur onera matrimonii, data marito re aut pecunia certa, ut in *l. si maritus, l. si filia, §. 1. D. famil. ercisc. et l. si pater mulieris, D. de jur. dot. Varro 4. de ling. Latina: Dos, pecunia est nuptiarum nomine data.* Pecunie nomen accipitur generaliter. Et ita vulgo dos accipitur non pro conventionem, licet conventio sit, et contractus, sed pro re, et pecunia, quæ in conventionem venit, id est, pro eo, quod nomine rei uxoriæ datur marito, *l. nuptura, §. 1. ff. de jur. dot.* Alias dos accipitur pro jure actionis de dote, pro jure repetendæ dotis soluto matrimonio, ut *l. 1. §. Celsus, Digest. de dot. prelegat.* Dixi rem certam esse debere, aut quantitatem, quæ in dotem datur, aut promittitur, alioqui dos incerta nulla est. Verum certa videtur esse dos, quando dos, confertur in arbitrium boni viri, quanti aestimaverit, bonus vir, vel quantum maritus aestimaverit, ut bonus vir ex æquo et bono pro modo facultatum suarum, vel pro dignitate natalium utriusque, ut *l. 3. h. l.* Nam ut æquitas est certa, ita arbitrium boni viri, qui est arbiter æquitatis, et sacerdos, *l. 1. D. de leg. 2.* Atque dum pater promittit dotem, promissioni paternæ semper intelligitur inesse tacite arbitrium boni viri, cujus officium est dotem constituere filie pro facultatibus et pro splendore familiæ. Pater igitur etiamsi dotem promittat simpliciter, videtur certam promisisse, *l. cum post, §. gener, D. de jur. dot.* Et hic est addenda distinctio *l. ult. hoc tit.* ut si dotem promiserit pater, vel constituerit simpliciter hoc modo, *Doti tibi erunt mille*, vel donationem propter nuptias eodem modo: etiamsi filius, vel filia habeant bona propria, videtur de suo dotem constituisse, promisisse, vel dedisse, non de bonis, filii sui, vel filiæ. Sed si promiserit dotem ex suis bonis, et ex bonis filii, vel fi-

lie hoc modo: *Doti tibi erunt mille ex bonis meis, et ex bonis filiae meæ*: vel donationi propter nuptias tibi erunt mille ex bonis meis, et ex bonis filii mei: distinguendum est: aut inops est admodum pater, qui eo modo promisit, et eo casu dos tota præsumitur ex bonis filiæ: sed si pater sit locuples, dos tota præstat ex bonis patris, non ex bonis filiæ, licet hoc ita caverit, ut præstaretur ex utriusque bonis, quod mirum est, et merito abrogatur *l. ult. h. l.* a Leone Philosopho in *Novell. 21.* volente ex patris, et ex filii, vel filiæ bonis, sicut est cautum indistincte, sive dives, sive inops sit pater, quantum potest refici dotem, et præstari ex æquis partibus, si non sint dictæ partes. Et hæc de patre promittente dotem. Mulier si promittat dotem, vel extraneus pro ea simpliciter, non dicta quantitate, non demonstrata re dotali, inutilis est promissio, et stipulatio, quia huic promissioni non intelligitur inesse arbitrium boni viri, ut promissioni patris, cui proprie incumbit dotem constituere: quæ est sententia *l. 1. h. l.* ut Greci interpretantur, et est elegans thesis, quam Thaleleus proposuit in hac *l. 1.* stipulationem omnem, quæ ad viliissimum deduci potest, non consistere, ut si promittant fundum simpliciter, est inutilis stipulatio promissioque, quia, ut Varro dixit, fundum est, vel quod fundum mitti potest, *un morceau de terre*: et se liberare potest dando, quod fundum mittere possit. Libertus Ciceron. sic dicit: *Fundum Varro vocat, quem fundum mittere possis.* Et ita in *l. ubi autem, D. de ver. obl.* ostendi fundi promissionem esse inutilem, qui non demonstratur. Et ita dotis promissio simplex est inutilis, quia promissor posset se liberare dando unum nummum. Porro autem olim dicebant dotem datam, vel promissam, vel dictam, ut *l. 3. Cod. Theod. de inc. nup.* Nam his tribus modis dos constituebatur, et promittendo dotem omnes obligantur, *l. promittendo, D. de jur. dot.* non etiam dicendo. Nam dictio dotis obligabat tantum mulierem, et patrem mulieris, si dixisset dotem, vel avum paternum, et debitorem mulieris delegatum a muliere ad dotem dicendam, quæ dictio dotis fiebat solemnibus verbis, et hoc ostendit Ulp. in tit. *de dote*, et in *D. de jur. dot.* Hæc formulæ; *Centum tibi doti erunt*; *Quod mihi debes, doti tibi erit*: certæ sunt formulæ propriæ dictionis dotis, non promissionis, *l. si mulier, l. nuptura, l. quemadmodum, §. pen. de jure dot.* Dicimus hodie dotem datam, vel promissam, vel pactam, vel oblatam ultro per pollicitationem: nam placet hodie dotem constitui pacto nudo, nuda oblatione, *doti tibi erunt tot*, nuda pollicitatione, *l. 4. et pen. hoc tit.*

JACOBI CUIACII J. C.

In Lib. V. Codicis.

RECITATIONES SOLEMNES

Ad Tit. XII. De jure dotium.

Docui in superiore titulo quibus modis contrahitur obligatio dotis, quia contrahitur vel re, id est, datione dotis, solemnibus verbis, vel stipulatione, unde nascitur actio ex stipulato, vel pactione, aut quod minus est, pollicitatione nuda, nulla precedente interrogatione, id est, oblatione nuda dotis quibuscunque verbis, *l. pen. sup. tit. prox.* cui legi conjungenda est *l. 2. sup. de form. et imp.* quæ docet etiam in actionibus instituentis qualiacumque verba sufficere, nec a pretore esse postulandam formulam. Denique lidem Imp. eadem *l.* quæ tamen divisa est in illas duas partes, substulerunt formulas, et in obligationibus dotium contrahendis, et in omnibus actionibus apud iudicem instituendis. Et ex pollicitatione quidem erit condictio ex lege, ut arbitror, sicut ex dictione dotis, quæ fiebat olim solemnibus verbis, fuisse condictionem indicat *l. 1. h. t.* quæ fuit de dictione dotis, vel promissione. Sed ut facit primum in jure Tribonianus, in hac *l. dictionis* nomen mutavit in pollicitationem, quoniam etiam citra stipulationem, vel dictionem dotis, hodie dotis obligatio contrahitur solius offerentis promissione, id est pollicitatione. Nunc autem in *h. t.* incipit tractare de jure dotium, id est, de causâ conditione, natura, ingenio, privilegiis dotium, vel de dotibus. Et recte in digest. statim initio hujus tit. *de jure dotium* scribit causam dotium esse perpetuam. Dotis causâ, et jure dotis, idem est, sive titulus dotis. At igitur *l. 1. D. de jur. dotium*, statim proposito tit. *de jur. dot.* dotis causam esse perpetuam, quod voto ejus, qui dat ita contrahatur, ut semper apud maritum sit, ut emptionem contrahi dicimus, ita et lex dicit dotem contrahi. Dos igitur est contractus, et sit ita contrahi ex toto dantis dotem, ut semper apud maritum sit. Quamobrem olim auspicientes perpetuitatem matrimonii, ut Festus scribit, ad collocandam novam nuptam in thoro geniali, adhibebantur pronubæ univire, id est, quæ semel nupsissent, omniâtes, sive auspicientes, ut novi conjuges in eo matrimonio perseverarent usque ad extremum vite spiritum. Et inde Claudianus de rapto Proserpinæ: *Stat pronuba juxta stellantes nox picta sinus, tangensque cubile, omnia perpetuo genialia fœlere sanxit.* Et hoc idem votum facit, ut dotis causâ sit perpetua: et quia est perpetua, ex eo efficitur

Tom. IX.

dominium rerum dotialium transferri in maritum. Contractuum causæ temporariæ non mutant dominium. Contractuum causæ perpetuæ mutant dominium, et sic quia dotis causâ perpetua est secundum votum contrahentium, maritus dotis dominus fit per traditionem, §. *per traditionem*, Inst. de rer. div. §. 1. Inst. quibus al. lic. Dixi, *per traditionem*. Nam ante traditionem res non possunt intelligi dotales. Traditione fit dotalis servus, dotale prædium, dotalis pecunia, *l. 5. D. sol matr. l. dotale*, §. *Dotale*, *D. de fun. dot. l. si socius*, *D. pro soc.* Traditio igitur facit res dotales, et maritum, qui accepit, facit dominum rerum dotialium pleno jure, sive æstimata, sive inæstimata res fuerint. Quod adeo verum est, ut et servos dotales possit manumittere constante matrimonio, si solvendo sit. Nam si non solvendo sit, lege *Ælia Sentia* impeditur libertas servi dotalis, et si solvendo sit, jure manumittit servos dotales, eisquæ præstita libertas nunquam revocatur. Nihil enim difficilius revocatur, quam libertas, *l. 3. h. t. l. servum dotalem*, *D. de manumiss.* Verum hac in re, de qua hic agimus, ut ostendamus maritum esse dominum dotis, quæ ei tradita est, *lex in reb. h. t.* videtur adhibere distinctionem, quæ facit utrumque dominum, et maritum qui accepit dotem, et uxorem, quæ dedit dotem, vel cujus nomine data est: nam ait, juris subtilitate maritum esse dominum, revera, et naturaliter, quod idem est, dominam esse uxorem, non tantum, quod quandoque dos ad eam reditura sit soluto matrimonio, nisi aliud convenit, quam quod emolumentum dotis constante matrimonio, licet ejus dotis maritus fingatur esse dominus, reipsa reseat ad mulierem, cum maritus sustineat onera matrimonii, *l. quamois*, *D. de jur. dot.* Onera matrimonii sunt uxor ipsa, quæ alenda, curanda, tuenda est, et liberi, nova cura, et tutela, *l. si maritus*, *D. fam. ereis. l. si is qui Stichum*, §. *post mortem*, *D. cod. tit.* Cum ergo maritus sustineat onera matrimonii, onera uxoris: sic fit, ut emolumentum dotis redeat ad uxorem, ut fruatur ipsa dote potius quam maritus, atque adeo, ut ipsa re videatur esse domina, maritus autem habere nomen domini sine re. Atque ita adhibita hac distinctione secundum *d. l. in rebus*, facies duos dominos ejusdem rei, quidni? et consequenter facies duos possessores rerum dotialium jure domini, virum, et uxorem, *l. pen. §. si fundus*, *D. qui satisd. cog.* Ubi ostenditur eum, qui possidet res immobiles, non onerari satisfactione, id est, necessitate dandi fidejussoris, quoniam prædia, quæ possident, satis cautioni sufficiunt, satis cautionis præbent, ut qui prædiis caret, non necesse habeat dare prædes, seu fidejussores. Finge igitur dotem cou-

46

sistere in immobilibus rebus: et vir, et uxor eorum intelligitur esse possessor, ut non omeretur satisfactione in aliis causis, sive litibus. Et ita convenienter *d. legi in rebus*, in *l. quamvis*, *D. de jure dot.* Quamvis, inquit, dos sit in bonis mariti, mulieris tamen est effectu ipso: dos est in bonis mariti constante matrimonio, ut in *l. Lucius*, §. *idem respondit*, *D. ad municipa*, *l. 7. si res*, *D. de jure dot.* Ad id ut contracta societate omnium honorum veniat etiam dos in societatem: sed distracta societate maritus percipit dotem, quia apud eum dos semper esse debet, qui sustinet onera matrimonii, *l. actione*, §. *ult.* *D. pro soc.* Et ita manifestum est ex nostris Jurisconsultis Boetium sumpsisse quod in Topicis Ciceronis scribit in hunc modum: *Dos*, inquit, *licet constante matrimonio in bonis mariti sit: est tamen in uxoris jure, et post divortium factum velut res uxoria peti potest.* Quae de causa et veteres doti tribuebant nomen rei uxoriae potius, quam rei maritalis: nam certe dominus est verius qui est effectu dominus, quam qui titulo tenus: sed tamen volumus coeuntibus nuptias inter se facit, ut cum intelligatur dotis causa esse perpetua, dotis titulus esse perpetuus, necessario consequatur maritum accipientem dotem, fieri dominum dotis. Nam causae temporariae contractuum haec sunt, quae non transferunt dominium, ut causa locutionis, quae sit ad tempus, non mutat dominium, *l. non solet*, ff. *loc.* Causa commodati, quae sit etiam ad tempus, neque dominium mutat, neque possessionem, *l. 8. et 9. D. commod.* Causa quoque pignoris non mutat dominium, *l. cum et sortis*, §. *ult.* *D. de pig. act.* Ideoque licet praedia pupilli non possint alienari sine decreto, tamen praedium, quod pupillus accepit pignori, tutor alienare potest sine decreto, quia non est in bonis pupilli, *l. 5. §. si pupillo*, *D. de reb. eor.* Et eadem ratione, qui servos legat suos, non videtur legare servos, quos pignori accepit, *l. suos*, *D. de leg. 3.* quia causa pignoris non mutat dominium. Causae contractuum temporariae non mutant dominium, causae perpetuae mutant, ut causa emptionis, causa permutationis, divisionis causa, mutant dominium. Et secundum haec, dum, *l. 1. D. de jur. dot.* ait, dotis causam esse perpetuam, significat dotis dominium transferri in maritum. Et ita accipienda est ea *l. 1.* Aliud adjicit *l. 2. eod. tit.* Rcip. interesse mulieres dotes suas salvas habere, propter quas nubere possint. His verbis significatur, dotis causam esse privilegiam. Lex 1. dicit esse perpetuam, *l. 2.* privilegiam, h. est, mulierem in repetenda dote soluto matrimonio praeferrī omnibus creditoribus chirographariis, imo etiam hypothecariis an-

tiquioribus, ut infra demonstrabimus. Est autem coniungenda cum *d. l. 1. l. interest*, *D. de reb. auct. jud. poss.* alias est *l. 3. D. de priv. cred.* Utraque est ex eodem libro, et idem proponitur in eadem *l.* quod in *d. l. 2.* videlicet privilegium, quod habet mulier in repetenda dote inter actiones personales dari etiam sponsae, quae dotem dedit, si postea renuntiatum sit nuptiis: quo casu sponsa dotem, quam dedit, repetit non actione rei uxoriae, vel ex stipulatu actione de dote, cum proprie dos non fuerit nondum subsequuto matrimonio, et contracto, *l. 5. D. eod.* sed condictione causa data, causa non secuta. Et in ea condictione favoris gratia idem privilegium datur sponsae, licet uxor non fuerit. Et ita si minor 12. annis, quae non est iusta uxor, praenaturalius domum deducta fuerit, et completa aetate iussa repudiaverit eum, qui sponsus fuit ejus, non maritus: similiter dotem repetet, quam dederat condictione ob causam, licet uxor fuerit. Ea conditio erit privilegiana, ut indicat *l. si sponsa*, *D. de jur. dot.* Cur est privilegiana, quae proprie non est dos, sed data dotis nomine et spe? quia Reipub. interest, ut mulieres dotes suas salvas habeant, id quod doti destinaverunt, consequantur in solidum ut aetate permittente alii possint habere, et invento alio marito, *d. l. interest.* Ergo dotis causa etiam ejus, quae nomen dotis tantum habet, id est, etiam dotis destinatae causa privilegiana est. Ut autem intelligamus quae sit privilegiana causa dotis, quae favorabilis et perpetua, ut ait *l. 1. D. sol. matr.* imprimis sunt separandae actiones personales ab actionibus realibus, id est, vindicationibus, vel actionibus hypothecariis. Olim inter actiones personales potior fuit repetitio dotis, quae mulieri competit soluto matrimonio morte, vel divortio. Etiam si causae aliarum actionum personalium tempore antiquiores essent: reddenda erat dos, quod et hodie obtinet mulieri primum, licet posterior sit creditrix. Mulieri igitur in actionibus personalibus posferantur alii creditores mariti, etiam antiquiores. Et hoc jus semper obtinuit, *l. ult. inf. qui pot. in pig. hab.* Dabatur hoc privilegium mulieri soli, vel filiis ejus, heredibus ejus. Idem jus non dabatur extraneo heredi mulieris repetentis dotem, in *l. 1. inf. de privill. dot.* Et est similis differentia inter heredes in *l. maritum*, *D. sol. matr. sup. l. 2. C. Theod. de spons.* Rursus id privilegium non dabatur tantum mulieri, quae nupsisset, sed etiam sponsae, quae dotem dedisset nec nupsisset, et mulieri minori duodecim annis, quae ut uxor haberetur, licet jure nondum uxor sit, *l. si sponsal. ff. de jur. dot. l. quaesitum*, §. *ult. et l. seq. ff. de reb. auct. jud. poss.* alias est *l. 2. et 3. de privill. cred.* Et cum *d. l. quaesitum*, §. *ult.* osten-

disset, idem privilegium dari sponse, atque minori duodecim annis, subicitur ratio *l. seq.* quod non tantum majorem duodecim annorum, et justam uxorem, sed etiam hanc, id est, minorem annorum duodecim intersit Reipublic. dotem suam salvam habere, ut ætate permittente nubere possit, ideo et huic dandum esse privilegium inter personales actiones, id est, inter creditores chirographarios (quod idem est) sed ita ex lex scripta est: *Interest enim Reipubl. et hanc solidum consequi*, ut ætate permittente, id est, cum puberit nubere possit. Quorsum ait solidum? An dubitabatur de solidæ dotis recuperatione? An videbatur ex ea dote posse aliquid retineri, aut delibari: nec integram esse reddendam, sine diminutione partis cuiusdam? Hoc vero nemini unquam venit in mentem. Et ibi de privilegio quaeritur tantum, id est, de prerogativa actionis personalis, et conditionis dotis: non de solidi recuperatione. Dos non admittit Falcidiam, vel diminutionem. Igitur in *d. l. interest*, et in *l. 2. de jur. dot.* quæ illi est conjungenda, proculdubio Paulus scripsit hoc modo: *Interest enim Reipubl. et hanc*, id est, minorem duodecim annorum, suam dotem consequi. Error natus est ex iis notis sive literis singularibus, et majusculis S. temone superposito, et D. M. etiam temone superposito: quæ notæ utrumque significant, suam dotem, et solidam. Sed suam dotem esse potius interpretandam cum res ipse suadet, tum *d. l. 2.* quæ est ex eodem libro, et quæ pertinet etiam ad privilegia dotium. Ergo mulier quæcumque sive justa, sive injusta uxor, sive nupta, sive innupta in exactione dotis præponitur omnibus creditoribus, etiam antiquioribus. Et ut ait *d. l. ult. inf. qui pot. in pign. hab.* habet mulier privilegium contra pene omnes creditores. Addit pene, quoniam excipienda est personalis actio, quæ Reipubl. competit, si antiquior sit argumento *l. 9. huj. t.* quæ sit dotis causam esse potiorē, quam Reipub. si maritus post nuptias et dotem acceptam fuerit Reipub. obligatus, id est, si Resp. sit posterior. Ergo si sit prior Resp. non postponitur causa dotis, quod non male porrigitur etiam ad fiscum, vel maxime, quod fiscus semper sit creditor hypothecarius, quia semper acquisitum est ei jus tacite hypothecæ in omnibus negotiis, quæ nomine ejus geruntur, vel contrahuntur, *l. auferitur. §. fiscus, ff. de jur. fisc.* Resp. autem non habet tacitam hypothecam, nisi de ea convenerit specialiter et nominatim, *l. 2. inf. de jur. Reipubl. lib. 11.* His igitur exceptis inter creditores chirographarios, mulier etsi posterior sit, præfertur omnibus. Abud erat olim in hypothecis. Nam primum quidem ante Justin. id est, ante constitutionem tituli sequentis, quæ est de rei uxoris actione, id est, ju-

re repetendæ dotis, mulier dotis suæ nomine non habuit ex conventionē: sed et in ea, de qua convenerat, non habebat privilegium aliud quam temporis, ut si ei priori res pignoralis essent, præponeretur sequentibus creditoribus hypothecariis, non etiam antecedentibus, *l. ult. §. 1. inf. qui pot. in pign. et l. ubi, hoc tit.* In qua res viri suppositas, id est, obligatas oportet intelligere ex conventionē, quia nondum erant tacite suppositæ, id est, licet *l. ubi* sit Justiniani, his Justin. nondum dederat tacitam hypothecam mulieribus. Igitur agitur in *l. ubi* de conventa et expressa hypotheca, in qua tamen non aliter vult mulierem præferri, quam si prior tempore fuerit. Denique non habere nisi privilegium temporis, nec prævenire in hypothecis eisdem antiquiores, licet præveniat in personalibus actionibus. Et hæc quidem ita se habuere jure veteri. Hodie mulieris privilegium non tantum vertitur inter actiones personales ex novissimis constitutionibus Justiniani; sed etiam inter actiones reales, sive directas in rem, et hypothecarias, id est, non tantum inter creditores chirographarios, sed etiam inter hypothecarios. Sed hic rursus separandæ sunt res dotales a ceteris rebus, sive bonis mariti. Primum enim in *l. in reb. hoc tit.* quæ ars est hujus quaestionis, Justin. mulieri dedit privilegium in rebus ipsis dotalibus dumtaxat, in eis scilicet vindicandis, vel persequendis actione hypothecaria, ut præponeretur omnibus creditoribus mariti, etiam hypothecariis, et antiquioribus, puta quibus maritus forte antequam uxorem duceret, vel dotem acciperet, obligaverat omnia sua bona, etiam futura, ergo et res dotales, quas postea accepturus esset: nam et hæc sunt in bonis mariti. Hoc ergo privilegium *l. in reb.* dat tantum in ipsis rebus dotalibus, sive ut ait æstimatæ sint, quarum dominium proculdubio transit in maritum, quasi ex causa emptionis, nam æstimatio emptio est, *l. 5. et 10. hoc tit.* sive inæstimatæ sint, quarum etiam rerum ipso jure quodammodo maritus intelligitur esse dominus, ut ostendit *d. l. in reb.* Et velim adjungi huic sententiæ *l. 23.* dum ait, uxorem, quæ vendidit prædium dotale, dominium prædii acquisiti marito ex dotis causa, non potuisse ei auferri per eam venditionem. Et legitur vulgo in ea *l. 23. nihil interesse mulier illa, quæ prædium vendidit dotale, sponte nec ne contractum venditionis ratum habuerit.* Apagesis illud ratum, quod etiam non habent veteres: sed legendum, sponte necne habuerit illum contractum venditionis: nam quid de ratihabitione? Eadem est sententia *l. 22.* ut res, quas socer dedit in dotem non possit alienare, nisi eas recuperaverit soluto matrimonio. Et similiter in *l. 17. hoc tit.* socrum, si res quasdam

dederit in dotem, deducto sibi usufructu: etiam usufructum in eis retinere, non habere jus auferendi proprietatis genero venditque res easdem. Ubi etiam in l. 17. vel teste Accursio, est legendum, *res quarum*, non *quas*, usufructu sibi deducto *socrus in dotem dedit*. Est figura, quæ dicitur *ἐλλήγες* quam non capessentes, mutarunt *quarum* in *quas*, pessime; nam est frequens hoc in nostris auctoribus, atque etiam in aliis. Ergo l. 17. 22. et 23. ostenditur, dominium rerum dotialium etiam inæstimatarum, quæ proprie dicuntur dotales acquiri marito. Sed ad rem. In his igitur rebus dotalibus sive sint æstimatæ sive inæstimatæ: in iis, inquam, vindicandis, vel persequendis, actione hypothecaria, quasi suis, vel in iis rebus persequendis actione hypothecaria quasi alienis, etsi non suis, sed obligatis sibi: (nam rei suæ pignus non valet,) mulier præfertur omnibus creditoribus etiam antiquioribus. Et liberum est ei, vel eas res dotales vindicare quasi suas, (nam et ipsa intelligitur esse earum domina,) vel etiam eas persequi actione hypothecaria, quasi res mariti, non suas: nam et maritus etiam intelligitur esse earum rerum dominus. Et promiscue conjuges solent se afficere iis nominibus. Mulier maritum solet vocare dominum, maritus uxorem vocare dominam. Ergo ex eo intelligitur nihil impedire, quin eundem rem mihi liberum sit persequi ut meam, vel ut alienam, sicut rem legatam licet persequi, vel actione in rem, vel actione in personam, vel vindicatione, vel condictione, l. 1. *inf. com. de leg.* id est, licet mihi dicere cum voluero, volo item meam alienam videri, l. *pen. quand. sit app.* Cui in dubium venit quin similiter mihi liceat dicere, volo rem meam alienam videri, et ita condicere rem non ut meam, nam rei suæ condictio non est, sed ut alienam. Quod notandum est maxime et addendum ex d. l. *in rebus*, in rebus dotalibus hoc privilegium dari mulieri persequendi directa in rem actione, vel hypothecaria: nisi eas actiones amiserit prescriptione constituti temporis, quod tempus merito lex constituit, ut numeretur ab eo die, quo mulieri competere coeperit persecutio rerum dotialium, id est, a die soluti matrimonii, morte, vel divortio: vel etiam constante matrimonio, ab eo die, quo maritus coeperit habere facultates. Quo casu etiam manente matrim. dos repetitur, l. *ubi, hoc tit. l. si constante, ff. solut. matrim. l. mulus, §. 1. ff. de jur. dot.* Ac postremo addit l. *in rebus*, maxime observandum e se de facto divortio detur locus. Nam possunt conjuges simulare divortium, vel in fraudem stipulatoris, qui excepit sibi dotem, quam dedit pro muliere in casum mortis, non in casum divortii, ut in l. 3. *inf. de repud.* vel in hoc proposito possent simulare di-

divortium, ut marito nondum exaro facultatibus, ipsa mulier quasi facto divortio præcipiat res dotales, et excludat antiquiores creditores mariti. Denique possunt simulare divortium in fraudem antiquiorum creditorum mariti, ut reipsa manente matrimonio, factoque divortio, mulier seponat res dotales, summotis creditoribus antiquioribus, et parum aut nihil restet ex residuis bonis mariti. Hæc fraus sive simulatio remouetur in fin. d. l. *in rebus*, non illa quidem, quam ibi retulit Accursius. Et hæc quidem de rebus dotalibus, ut in eis mulier habeat privilegium, et inter personales et inter reales actiones. An idem habeat etiam in aliis bonis mariti? Minime, quod jam ante docui. Non habuit in aliis bonis mariti ante *legem ultimam, inf. qui pot. in pign. et constitut. l. seq.* Non habuit, inquam, in aliis bonis mariti tacitam hypothecam, etsi de ea convenisset: in ea non habuit nisi privilegium temporis, per *leg. ubi hujus tit.* Denique in jure pignoris ne ab ipso quidem Justin. in *leg. ubi*, mulier potior habita est antiquiore creditore, aut fisco in l. 6. *inf. de privil. f. c.* Verum postea Justinianus in *con. tit. tituli seq.* quæ est posterior *lego* ubi amplificavit mulierum privilegia, et dedit mulieribus tacitam hypothecam in aliis omnibus bonis mariti, dotium eis conservandarum causa. Postremo in l. *ult. inf. qui pot. in pign. hab.* dedit etiam mulieribus privilegium in eis hypothecis tacitis persequendis, ut præponerentur omnibus creditoribus hypothecariis, etiam antiquioribus, sive haberent tacitam hypothecam, sive (ut Martinus rectius censuit, quam Joannes) haberent expressam hypothecam: nam d. l. *ult.* manifesto doti postponit omnia credita, omnes hypothecas vetustiores generales vel speciales, tacitas vel expressas. Idque etiam confirmat *Novella 97.* si ad eam recte animadvertamus. Excipitur tantum dos antiquior. Dos antiquior præfertur novæ doti, vel etiam prior solvitur, vel ut dicam sollicitius mortuo patre meo ego prius solvam dotem matri meæ, quam novæ: nam inter duas dotes servatur ratio temporis: nec dos posterior potest præferri priori, ut d. l. *ult. et Novella 91.* Puto privilegium idem in hypothecis, quod dat *lex ultima, inf. qui pot. in pign.* non esse dandum etiam spouse, quæ dedit dotem, et non uspsit, vel minori duodecim annis: sed privilegium tantum personalis actionis, ut dixi: nam iis etiam personis dari tacitam hypothecam, et in ea privilegium nusquam reperias. Et privilegia hujus sunt nature, ut non possint sine lege extendi vel amplari. Et male contra opinabatur Joannes hac in re, ut ostendit gloss. supradict. l. *quæsitum*, §. *ult.* Constat etiam mulieres non uti hoc privilegio hypothecæ in persequendo lucro nuptiali quod capiunt ex donatione propter nuptias mariti. Favet

Justit. uxori ne versetur in damno, nec dos ei perent, non etiam ut lucrum faciat, quod ostendit d. l. ult. et Nov. 61. et 109. Puto tamen ex l. ultim. inf. de pact. conven. dari mulieri tacitam hypothecam, non tantum dotis nomine, sed etiam nomine mariti domum intulit extra dotem, que dicuntur parapherna, et *ἐξαρτά*, et a Gallis peculium, ut ait l. si ego, §. dotis, ff. de jur. dot. Quod Gallicum nomen retinet adhuc hodie Vascones, *pecule*. Et Gallicum nomen usurpavere Romani pro suo vocantes peculium, scilicet parapherna in l. marit. ad l. Falcid. l. donationes, §. species, ff. de donation. pro bonis paraphernis, in quibus maritus nihil prorsus habet juris, ut l. 8. inf. de pact. conven. que etiam loquitur de paraphernis bonis: pro his etiam bonis lex dat tacitam hypothecam, et in ea etiam privilegium, quod debuerit maritus in eis rebus servandis, proinde atque in dote, que est etiam res uxoria, omnem adhibere diligentiam.

Ad L. ult.

Cum quidam dotes pro mulieribus dabant, sive matres, sive alii cognati, sive extranei: recte quidem eas mariti sine monumentorum observatione suscipiebant. Cum autem mulier redditionem casus stipulabatur, et hujusmodi fortuitus casus evenisset: ipsa mulier, utpote a se non facta donatione, propter hoc, quod monumenta deerant, necessitatem habebat actiones in hujusmodi casu ad eum, qui dotem dedit, per cessionem transferre, vel ipsas res reddere: et ita inveniebatur forsitan post proluxa matrimonii annorum curricula, et liberos forte editos, infelix mulier indota a. Sancimus itaque in omnibus hujusmodi casibus nullis monumentis rem indigere, sed in omni persona ratas esse hujusmodi donationes: et mulierem ipsam dotem suam habere, (cum fortuitus casus hoc lucrum ei addiderit) et firmiter hoc apud eam permanere, nisi ipse, qui ab initio dotem dedit, sibi dari in hujusmodi casum stipulatus sit. Tunc enim cum neque ab initio suspicio aliqua liberorum concurrat, sed sibi omnem rem ille, qui dotem dedit, pepigerit: hujusmodi tractatus habere locum non potest, atqui in aliis omnibus casibus, in quibus ipse non est stipulatus, tristitia sue mulier hoc proprium habeat solatium per actionem dotis.

§. 1. Simili quoque modo, si quis extraneorum id est, qui cum, pro quo dat, non in potestate habrat, pro alio ante nuptias donationem nupturæ mulieri dederit, et necessaria monu-

menta adhibuerit: cum excedat summam legitimam donatio, vel non minor materfamilias nuptura sit: non solum ad eam, cui ante nuptias donatio datur, monumenta suam adhibeant firmitatem, sed etiam ad illum, pro quo dedit; ut ei lucrum ei ex dotalibus pactis accesserit, hoc non cedat donatori, sed in suum lucrum maritus hoc convertat, firmumque, et irrevocabile habeat: nisi donator et hoc sibi reddi, hujusmodi casu fuerit stipulatus, ut et in prefato casu simile anteriori vitium oriatur. Sin autem minor quantitas sit, vel ita res gesta sit, ut monumentorum ex omni parte nulla sit utilitas: tunc et donatio ad utramque personam valeat, et maritus equam lucretur: nisi et hic donator eam sibi stipulatus sit.

§. 2. Præterea sancimus, si quis in dotem vel prælia, vel certum redditum, vel arde, vel penes civiles quoponderit, vel promiserit: si ex tempore matrimonii biennium transactum sit, illuc reddituum, vel pensionum, nec non penis civilis quantum eum præstare, etiam si non fuerint adhuc res principales traditæ. Et si tota dos in auro sit, illidem post biennium usuras usque ad tertiam partem centesimæ præstari: sin autem alie res, præter immobilis, vel aurum fuerint in dotem datæ, sive in argento, sive in mulieribus ornamentis, sive in veste, sive in aliis quibuscunque: siquidem æstimatæ fuerint, simili modo post biennium, et earum usuras ex tertia parte centesimæ currere, æstimatione earum (quia et hac apartius declarari) oportet ea intelligenda, quam pro singulis speciebus facta est, vel pro uno quoque genere dotalium species, id est pro argento, vel ornamentis, vel veste, vel aliis speciebus, et non esse expectandam post singulas æstimationes unam coadunationem totius calculi: quod satis scrupulosum, et per nimiam subtilitatem perniciosum est. Sin autem minime res mobiles fuerint æstimatæ: ea post biennium observari, quæ leges post litem contestatam pro omnibus hujusmodi rebus definiunt. Sin vero res permixtæ fuerint, et partim in auro, partim in aliis rebus mobilibus, vel immobilibus, pro jam facta divisione omnia procedere: licentia minime deneganda marito, quando voluerit, dotem petere. Nec is, qui debet, putet sibi licentiam, esse redditus, vel pensiones, vel usuras, vel alias accessiones solventi, dotis solutionem protelare, sed sive ante biennium, sive postea voluerit, dotem paræ mariti petere quæat, et secundum leges eam exigere.

Interpretanda est vobis lex ultima tituli duodecimi, antequam accedamus ad tit. 3. Continet enim multa nova, et perutilia, et quæ usui forent l. 13. nec pos-

sunt ea l. sine perniciē praeferre. Tribonianus sane fuit maximus JC. hae laus ei eripi non potest, idque ostendunt omnes leges, quae ab eo editae sunt sub nomine Justiniani. Nam plenissime sunt eruditionis, et prudentiae legitimae, quapropter sum omnibus auctor, ut omnes Justiniani constitutiones perlegant, diligenterque perscrutentur. Cum quaerit de insinuandis donationibus, separandae sunt donationes propter nuptias a dotibus, quum veteres J. C. etiam dotes numerarint inter donationes, ut ait l. 1. §. ult. sup. de don. ante nupt. Nam donationes propter nuptias si excedant 500. aureos, non valent sine actorum, sive monumentorum publicorum insinuatione, et scriptura, nisi fiant mulieribus minoribus 25. annorum, in l. 17. et l. ult. §. similique, sup. de don. ante nuptias, l. sancimus, §. alias, infra, de donat. et in hac l. ult. §. simili, et in l. 3. et ult. C. Theod. de spons. Dotes autem non insinuantur, licet excedant summam 500. aureorum, quia contractus potius sunt, quam donationes, nempe pensiones onerum matrimonii, atque ideo dicuntur repensatrices a Martino Capella, id est, dotes. Num, inquit, repensatrix data? id est, dos. Et hoc jus semper obtinuit, ut dotes non insinuarentur actis, sive gestis publicis. Et ideo si extraneus (quo nomine et in hac l. ult. et in l. seq. §. extraneum, significatur quicunque mulierem in potestate non habet) si, inquam, extraneus pro muliere dotem det, eam maritus accipit recte sine insinuatione, et proscriptione publica. Sed si extraneo proroganti dotem pro muliere animus fuerit donandi mulieri (quem utique videtur habuisse, si eam dotem sibi non receperit in casum morte soluti matrimonii, id est, si eam non exceperit sibi) tunc quia ex parte mulieris donatio est, sane ea donatio, si excedat summam 500. aureorum constitutione definitam, videtur non valere, nisi insinuata fuerit. Et ideo secundum hoc jus, quod olim obtinuit, si mulier, pro qua extraneus dotem dedit, stipulata sit a marito post mortem ejus dotem sibi reddi, quae stipulatio valet, quia dotem dedisse videtur mulier, quam alius pro ea dedit, id est, sive ea dederit, sive alius pro ea, l. ex morte, §. ult. inf. de pact. convent. et deinde moriatur maritus, solvaturque matrimonium morte mariti, et is, qui dedit dotem pro muliere, contendat inutilem esse donationem, quam fecit mulieri dotandae ejus gratia, quod scilicet non fuerit insinuata; sane necesse erat mulieri ob defectum insinuationis, quasi donatione irrita, donatori cedere actionibus suis, donatori cedere repetitionem dotis, quae ei competit adversus heredes mariti, vel necesse erat eidem reddere res dotales, si mulier egisset ex stipulatu (nec cum agentem heredes mariti repol-

lore possent) et recuperasset res dotales. Nam ubi non intervenit insinuatio, donator potest repetere res donatas, ut significat l. ult. inf. de donat. vel etiam vindicare, ut indicat l. 39. quae est Græca, sup. de episc. et cler. Et hae quidem ita se habent in casu proposito, ut licet dos, quae datur marito, non indigeat insinuatione: donatio tamen, quae fit mulieri dotis constituendae causa, non valeat sine insinuatione. Denique ut possit revocari a donatore, vel conditione, vel vindicatione. Verum haec constitutio Justiniani abrogat jus vetus, et constituit specialiter, ut donatio ab extraneo facta mulieri dotis constituendae gratia, si eam sibi extraneus non receperit, se proinde si eam plane donarit mulieri, non indigeat insinuatione. Denique ex hac lege ultima donatio facta mulieri dotis constituendae causa non insinuat, licet excedat summam legitimam, Gloss. in l. pen. inf. de don. colligit septem casus, quibus donationes non desiderant insinuationem: his addendus est octavus ex hac lege ult. Dos igitur, quam extraneus dedit pro muliere, habens animum donandi mulieri, mortuo marito, repetitur a muliere, et permanet apud eam, nec potest ullo modo revocari a donatore, licet non intervenerit insinuatio. Permanet etiam apud mulierem lucrum, quod ei obigit ex morte mariti in donatione propter nuptias. Denique mulier lucratur casum, ut lex loquitur, et casum vocat simpliciter casum dotis, id est, dotem, quae cadit reditque ad mulierem cadente marito, et non tantum casum dotis, ut in Novell. 123. sed etiam casum lueri ex donatione propter nuptias, quod secundum pacta conventa instrumento dotis mulieri contingit in casum mortis mariti. Et ita e contrario dicimus casum donationis propter nuptias, et lucrum dotalis, quod obvenit viro secundum pacta conventa, mortuo in matrimonio uxore. Et omnino posteriores videntur appellasse casum omnem mortis causae capionem, id est, quodcumque ex causa mortis alterius nobis obvenit. Et ita dicimus casum etatias, vel casum mortis liberorum in Novell. 32. et 68. lucrum, quod ad parentem redit ex dote, vel ex donatione propter nuptias ex morte filiorum. Et similiter dicimus casum militie in Nov. 53. et 97. Gallice, le vacant. Cum quis miles, id est, officialis moritur, le vacant est à ses héritiers, id est, lucrum quod datur vice solatii mortuo militi palatino debetur ejus heredibus, idque lucrum appellatur casus militie. Et Græci quoque legitimam portionem solent appellare casum, cum definiunt casum hoc modo, ut ait πέποις τέρπειος, id est, legitima portio et πέποις τέρπειος, id est, quarta pars. Igitur casus nomen mortem significat, et lucrum ex morte alterius, triste lucrum. Et ita in his locis hujus legis ultimae est le-

gendum: *Cum autem mulier redhibitionem casus stipulabatur*, id est redditionem dotis, et lucri nuptialis moriente marito. Et paulo post ita legendum est: *Actiones hujusmodi casus, actiones ad persequendum casum*. Et paulo post legendum: *Sancimus itaque in omnibus hujusmodi casibus*. Et in sequentibus ita legendum est: *Sibi dari hujusmodi casum stipulatus sit*, non in hujusmodi casu. Et in §. simili similiter legendum: *Nisi donator, et hoc sibi reddi hujusmodi casum*, non casu stipulatus sit. Et in fine ejusdem §. maritus casum lucretur. Ergo secundum ea, quæ posuimus, etiamsi ea donatio dotis facta mulieri ab extraneo actis non fuerit insinuata, revocari non potest, nisi donator sibi eam dotem, quam dedit pro muliere, receperit stipulando, vel paciscendo eam sibi reddi soluto matrimonio, quæ dicitur dos receptitia, l. mortis, §. sed et dos, D. de donat. caus. mort. et in lib. sing. reg. tit. de dot. Ulp. (nam hodie constat fragmenta, quæ dicuntur Ulpiani esse librum singularem). Formula hujus stipulationis erat, *dotem reddi*. Et inde ratio dubitandi ad l. 8. hujus tit. Extraneus dando dotem pro muliere, eamque sibi excipiendo in casum soluti matrimonii, non est usus hujus formulæ verbis: *dotem sibi reddi*: sed dixit, *ut quæ dedisset in dotem pro muliere, se sequerentur, vel ad se pertinerent*. An ideo minus utilis est stipulatio, quod formulæ stipulationis non sit observata? Minime, quoniam sensum potius spectamus, quam verba in contractibus qui ita hoc vel illo modo stipulando, vel etiam paciscendo initio dandæ dotis ex continenti, ac similiter stipulando ex continenti, quoniam ex post facto nihil egeret. Ita ergo d. censum est, qui ita sibi recipit dotem, non videtur voluisse donare. Et notandum est hac in re esse differentiam inter extraneum et patrem. Nam extraneus sibi recipit dotem stipulando, vel paciscendo ex continenti initio dandæ dotis, l. ob res, §. 1. de pact. dot. l. 24. hoc tit. Pater autem dotem, quam dat pro filia, sibi recipit stipulando. Nam paciscendo, nisi adhibeat stipulationem, nihil agit. Hæc differentia proponitur in l. via, hoc tit. Et ratio differentiæ hæc est: quia cum patris officium sit filie dotem constituere, et conservare, l. ult. sup. de dotis promiss. non quolibet pacto potest eam in se transferre, etiamsi fiat ex continenti. Stipulatione opus est facta similiter ex continenti: et hæc quidem de dote. In §. simili idem ostenditur pene observari in donatione propter nuptias, quam scilicet pro viro extraneus offert mulieri majori 25. annor. si excedat 500. aureos, nam ea insinuanda est donatio. Sed insinuatio, quæ intervenit, proficit non tantum mulieri, sed etiam viro, vel lucra conventa ferat ex dote mortua uxore, et repetat donatio-

nam propter nuptias cum eadem exceptione, nisi extraneus eam sibi receperit, quæ etiam potest dici donatio propter nuptias receptitia. Additur etiam hæc exceptio, quia extraneus, qui recipit, id est, qui excipit sibi donationem propter nuptias, quam offert pro marito: plane ostendit, scilicet viro res in eam donationem collatas, donatas nolle. Quod si ea donatio propter nuptias non indigent insinuatione, ut si non excedat supradictam summam: vel si facta sit mulieri minori 25. annorum, donatio valet tam ex parte viri, quam ex parte uxoris, si modo extraneus eam sibi non receperit, ut scilicet vel maritus, vel uxor lucretur casum, quoniam uterque contulit quod debuit: mulier dotem, vir donationem propter nuptias, quam pro eo ultro et benigne contulit in mulierem extraneam. Et hæc est sententia §. *simili*. Deinde in §. *præterea*, hujus l. corrigit etiam Justin. jura vetus favore dotium. Jure veteri dotis promissæ per stipulationem, vel per pollicitationem usuræ non debeantur citra stipulationem, l. 2. sup. de dot. promiss. quoniam dos, quæ promissa est, ut dixi, stricto judicio debetur, et in strictis judiciis usuræ non veniunt sine stipulatione, in l. 8. sup. de usur. l. Titius, ff. de præscript. verb. l. qui negotia, ff. mand. Neque enim ut actio ex stipulatu, quæ dator mulieri repenti dotem soluto matrimonio, hodie est bonæ fidei ex titul. sequent. ita etiam actio ex stipulatu, quæ dator marito petenti dotem promissam, est bonæ fidei. Non est hæc etiam bonæ fidei, sed stricta. Quod tamen Accursius in gl. l. de divis. D. sol. matr. non inaspexit. Cum ergo sit stricta secundum regulam juris, in eam non veniunt usuræ dotis citra stipulationem. Hoc mutat Justin. in §. *præterea*. Et vult ut usuræ dotis promissæ marito debeantur ipso jure sine interpellatione, quasi mora fiat in rem post cessationem biennii: id est, si post dotem promissam, et nuptias secutas in ea solvenda promissor traxerit biennium. Et ita evenit in casu l. 3. §. *nonnunquam*, D. de usur. ut in strictis judiciis favore pupillaris ætatis ipso jure veniant usuræ. Sed hac in re utitur Justinianus accuratissima distinctione rerum, quæ promittuntur in dotem: distinctio hæc est: aut res, quæ promittuntur in dotem mobiles sunt, ut aurum, et argentum, aut res immobiles. Rebus immobilibus adnumerat panes civiles. Nam ut supra dixi in l. hac edictali, de secund. nupt. arduis debebantur panes civiles, aut possessoribus propter vires, quas habitabant, non personis. Basil. addunt in hoc §. etiam mancipia rustica, ut dict. §. *his illud*, et l. jubemus, sup. de sacr. eccles. Nam et hæc mancipia pars sunt rerum immobilium, id est, fundorum. Et quod valde notandum est hic §. etiam immobilibus adnumerat redditus certos atque pensiones,

que ex rebus immobilibus rediguntur. Et hoc jure utimur: *Toute rente est immeuble, soit qu'elle soit foncière, ou constituée à prix d'argent: rente foncière: c'est, cum traditur fundus eo lege, ut possides mihi certos redditus quotannis: constituée à prix d'argent, cum dato certo pretio, ego in toto fundo mihi comparo certum redditum. et hic redditus potest redimi a domino fundi, non pas une rente foncière. Uterque tamen redditus, etiam ille, qui potest redimi antequam redimatur, ad censetur rebus immobilibus. Nec est alius locus in jure, qui dicat id præter hunc §. Ergo summa de rebus immobilibus est, et post biennium rerum immobilium omnes fructus questus marito debeantur, cui non est soluta dos intra biennium. Quod si aurum datum sit in dotem, ut hujus auri indistincte, sive æstimatum fuerit, sive non, veluti si vasa aurea data sint, ut post biennium hujus auri debeantur marito usuræ trientes, quæ est *auri denier vingt et cinq*. Sed si in dotem datæ sint res mobiles, vel argentum, non aurum, aut ornamenta muliebria, vel vestes, ut Strabo scribit de moribus Messiliensibus, maximam dotem fuisse aureos centum, et in vestimenta aureos quinque, et in mundum muliebrem quinque. Atque ita etiam vestes, quæ dabantur mulieri, et ornamenta muliebria, *joyaux* computabantur in dotem. Videndum autem est, utrum hæc res æstimatæ fuerint, an non. Si enim æstimantur, æstimandæ sunt singulæ separatim, et æstimationis cujusque post biennium sunt marito solvendæ usuræ trientes, nuptiarum biennio a die æstimationis cujusque rei. Plerumque multis diebus opus est in ponenda æstimatione rerum dotalium, in vocandis arbitris, et æstimatoribus, in perpendendis pretiis cujusque rei. Ideo usuræ trientes currunt a die æstimationis cujusque rei, non a die summe summarum, ne scilicet tardias consummationis summe summarum, ut Plautus, loquitur, sit fraudi mariti, quod prudenter Justinianus constituit in hac lege. Sed si sint inæstimatæ, non admittit earum usuras, sed vult servari jus commune, ut post litem contestatam veniant fructus rerum inæstimatarum tantum, et omnis causa, non etiam usuræ, ut *l. videamus, §. si actionem, ff. de usur. l. 8. D. de re jud.* Etiam notandum est valde, quod est in extremo hujus legis, nec reperitur alibi, non repelli creditorem petentem sortem, si paratus sit debitor solvere usuras, redditus, vel pensiones annuas, non auditur scilicet debitor, si dicat, ne me cogas solvere sortem, perseverantem in usuris persolvendis, nec detrectantem eorum solutionem. Nam cum velit creditor, suum exiget: nec excludetur oblatione usurarum.*

JACOBI CUJACII J. C.

In Lib. V. Codicis.

RECITATIONES SOLEMNES

Ad Titul. XIII. De rei uxoriæ actione in ex stipulatu actionem transfusa: et de natura dotibus præstita.

Ad L. I.

Rem in presenti non minimum aggredimur, sed in omni pene corpore juri. effusam, tam ex rei uxoriæ actione, quam ex stipulatu; earum comminationes, et differentias reserantes, et in unum tramitem ex stipulatu actionis totum rei uxoriæ jus, quod dignum esse valere censemus, concludentes. Rei uxoriæ itaque actione sublata sancimus, omnes dotes per ex stipulatu actionem exigi, sive stricta fuerit stipulatio, sive non, ut intelligatur re ipsa stipulatio esse subsecuta. Eodemque modo etsi inutiliter facta est stipulatio, adjuvari enim eam magis, quam evanescere oportet. Si enim cum uxore in instrumentis stipulatio valida interveniat, aliis etiam inutilibus, suam nascitur prestare fortitudinem: quare non ex nostre lege hujusmodi stipulationibus robur accedat legitimum. Est enim consentaneum nobis, qui censemus ubi stipulatio supposita non est, intelligi eam fuisse: adhibitam: et multo magis etiam si inutilis, validam eam effici.

Hic titulus est etiam de jure dotium, ac præcipue de repetitione dotis, quæ mulieri competit soluto matrimonio: non de repetitione donationis propter nuptias, quod miror tentasse Accursium. Favorabilior est causa dotis. Et verum quidem est, quod ait lex in multis *9. ff. de stat. hom.* in multis articulis juris deteriorem esse conditionem feminarum, quam masculorum: sed in causa dotium certe melior est conditio feminarum, quam masculorum. Nam quæ data sunt dotibus, non etiam simul omnia concessa sunt donationibus propter nuptias. Repetendæ igitur doti certæ (incerta enim nulla est dos, *l. 1. sup. de dot. pro.*) et constitutæ olim erant proditiæ duæ actiones: ut non male Justin. *l. ult. sup. tit. prox.* pluralivo numero dixerit actiones (nam et casus pluralivus dualem complectitur) cum scilicet nondum ex duabus actionibus fecisset unam, quod locit in hoc *tit. 13.* Et alia quidem erat actio rei uxoriæ, quæ erat actio bonæ fidei: alia actio ex stipulatu ad repetendam dotem, quæ erat stricta, videlicet si, ut fieri plerumque solebat, in dando dote intervenisset

stipulatio dotem reddi. Melior certe est, et utilis, et commodior auctori actio stricta quam bonae fidei, licet aliud sentiat *gl. in l. si cui legatur. §. si Titio, ff. de leg. 1.* tum quod in judiciis bonae fidei libera sit potestas iudicis statuendi de re, qua de agitur *§. in bonae fidei, Institut. de action.* atque adeo periculosum sit nam rem committere arbitrio iudicis. In strictis autem judiciis formula iudicem costringit. Tum etiam, quod si actio stricta melior non esset auctori, contractus bonae fidei, ut fit, non concluderentur, non confirmarentur, non sequirentur verbis stipulationis. Ergo melior est actio stricta auctori, quam bonae fidei. Et ob id olim erat frequentior stipulatio dotem reddi. Actio rei uxoriae etiam dicitur arbitrium rei uxoriae, ut arbitrium tutelae, arbitrium pro socio, quod ejus iudicii potestas omnis sit in arbitrio auctoris iudice dotis recuperanda, et hic modo iudex dicitur, modo arbitrius, *l. Titia, ff. de sol. l. 1. ff. de pact. dot. l. si autem, §. pen. ff. de rei vindic.* Boetius in *Topica* Ciceronis, iudicium rei uxoriae esse ait, quoties post divortium de dote contentio est. Recte. Nihil enim aliud est res uxoria, quam dos, quae tametsi in bonis mariti sit, tamen mulieris est, *l. quavis, ff. de jur. dot.* Apud Svidam ita legitur *ῥυσώρια*, quod videtur esse res uxoria, apud Romanos, inquit, inter virum et uxorem successio est, vel hereditas mutua: *ῥυσώρια ἢ μὲν ἀνδρὸς καὶ γυναικὸς ἀλλήλοκληρονομία*. Quid est *ἀλλήλοκληρονομία*? est conventio mutuae successionis, cum duo inter se pactescantur, ut qui supervixerit alteri heres existat, quae conventio reprobat legibus, quod heres fiat testamento, non pacto, nisi inter commilitones, in ipso procinctu, *l. licet, supr. de pact. l. 4. Inf. de inutilib. stipulat.* quas leges duas Harmenop. posuit sub titulo *περὶ ἀλλήλοκληρονομίας*, id est, de mutua successione. Sed ut dixi, huic rei, sive conventioni mutuae successionis non convenit rei uxoriae nomen. Vel *ἀλλήλοκληρονομία* est cum vir et uxor se in eisdem tabulis mutuo heredes scribunt, quod et alii quilibet iure efficere possunt ducti affectione mutua, *l. captatorias, ff. de hered. instit. et Novell. Valent. de test.* Sed hoc quoque non significat rei uxoriae appellatio. Nec puto latine uno nomine hanc, vel illam *ἀλλήλοκληρονομία* significari posse. Quamobrem, ut Graeci solent quaecunque latine efferunt, efferre depravate: ita existimo Svidam depravato illo nomine *ῥυσώρια* significasse ea, quae dicuntur repotia, quo verbo significatur dies post nuptias, quo se vir et uxor mutuis convivis afficiunt, et se invicem invitant ad epulas una cum cognatis, et quasi reficiunt computatione. Nam et in glossis veterum ea repotia invenio corrupte dici reperidia hoc modo: *reperidia, ἢ ῥότια τῶν γάμων ποδοσώρια*, id est,

Tom IX.

tertium a nuptiis comessatio. Itaque vere affirmabo apud Svidam esse legendum, qui voluit interpretari, quae essent repotia, non *ἀλλήλοκληρονομία*, sed *ἀλλήλοκληρώρια*: invitationes enim ad cenam Graeci vocant *κληρώρια*, ut apud Cedrinum saepe, et duobus locis corrupte *κληρώρια*, pro *κληρώρια*. Et hoc valde confirmat Acron integer in Horat. his verbis. *Repotia*, inquit, *dicuntur dies, qui sequuntur nuptias, quoniam mutuis convivis sese frequenter invitant, quae Graece ποδοσώρια aut mutuae invitationes dicuntur*. Sed pergamus. Cum duae propositae essent actiones dotis recuperandae gratia, post dissolutionem matrimonii, rei uxoriae, et ex stipulatu, sane multae et variae inter eas actiones erant differentiae, et longa ex earum inter se communitate, aut differentia disputatio, quae diffusa erat in corpore juris, ut ait Justinian. initio hujus tituli corpus juris vocans jus publicum, plebiscita, leges, constitutiones, responsa prudentium, ut Livius libro tertio, *adjectis duabus tabulis absolvi posse velut corpus omnis Romani juris*. Et Leo in Novell. 1. vocat τῶν νόμων σώμα, corpus juris, legum corpus, ut Homeri corpus in *l. librorum 32. §. si Homeri, ff. de legat. 3.* id *saut dire, un corps de droit, non pas un cours*. Justinianus autem nos levat hac constitutione onere disputandi de communitate, vel differentia actionum inter se, sublata actione rei uxoriae, et relictis sola actione ex stipulatu de dote recuperanda, in eamque translatis ista, quae erant in actione rei uxoriae accommodata dotibus, et propria, eaque ipsa actione ex stipulatu, ad dotem repetendam scilicet, tantummodo bonae fidei effecta, non quod melior sit actio bonae fidei, quam stricta: quin potius, quod tum plenior esset actio ex stipulatu de dotibus cum erat stricta, ut in *§. fuerat, Institut. de actio.* et in hoc tit. eam ut erat plenior magis retinendam esse censuit, atque eo amplius augendam titulo, jureque bonae fidei actionis, confusa utriusque actionis potestate, utique meliore, et dotibus servandis accommodatae in actionem unam. Ac praeterea vult statim ab initio hujus constitutionis Justinianus, semper dotem repeti actione ex stipulatu soluto matrimonio, licet nulla stipulatio intervenierit, quasi ex stipulatione tacita. Sicut in aliis quibusdam causis legimus induci tacitas stipulationes, et omissa stipulatione, agi tantum ex stipulatu utili, *l. his verbis, ff. de adopt. l. pecuniae, ff. de alim. et cib. leg.* Igitur, etiamsi non intervenierit stipulatio dotem reddi, intelligitur intervenisse. Unde consequens est, ut si stipulatio intervenierit, nihil intersit jure legitimo, et solemniter interposita sit, necne, utilis, sit, necne: nam qui potest non interpositam stipulationem habere pro interposita, potest et inutili-

ter interpositam corroborare, ut argumentatur Justinianus, et habere pro utili: ejusdem est, quod factum non est, habere pro facto, et quod factum est inutiliter, quod est simile non facto, habere pro facto utili. Argumentum est a comparatione, a pari, non a majori, ut gloss. vult, et laudo quod Azo notavit in hunc locum: *nota*, inquit, *argumentum a similitudine, vel inductione, quo plurimum usus est Socrates in suis sermonibus, ut est in Topicis Marci Tullii*. Neque vero hoc novum est, ut subveniatur stipulationi inutili per stipulationem, cum et in conventionibus, ut ait, si in uno instrumento duæ sint, vel plures stipulationes, et ex eis una sit utilis, alia inutilis, tantum absit, ut vitietur utilis per inutilem, *l. 1. §. pen. ff. de verb. obligat.* ut per ut lem potius confirmetur inutilis, quod ex veteribus Jurisconsultis haud dubie sumpto exemplo hic nobis Græci exposuere recte: exemplum est ejusmodi: post mortem meam si stipuler mihi dari, inutilis est stipulatio jure veteri, *§. post mortem, Instit. de inutil. stipul.* Aliud dicemus si quis ita sit stipulatus: Promittis post biennium mihi dari, sive vixero, sive mortuus fuero? Ex casu utili, si vixero, succurritur casui inutili, si mortuus fuero. Idcirco etiam post mortem finito biennio valebit stipulatio, quod potuerit etiam ab ipso stipulatore incipere, si vivisset completo biennio. Sic igitur in hac specie pars stipulationis utilis sustinet partem alteram, quæ per se fuisset inutilis. Idem evenit in mandato tua gratia, si quid tibi tua gratia, a vostre profit mando, non nascitur mandati obligatio, *§. tua, Inst. de mand.* sed si tua et mea gratia, vel tua et aliena, omnimodo valet mandatum, et altera pars mandati opem fert alteri, *l. 2. ff. mand.* Et ad eundem modum Seneca libr. 6. de benef. multum interest, inquit, *beneficium det quis sua gratia, an nostra, an sua et nostra*. Idem etiam evenit in auctoritate, quæ præstat pupillis negotium gerentibus, *l. 1. §. 1. ff. quod fal. tut. auct.* Si falso tutore auctore gestum sit negotium cum pupillo, non valet quod gestum est: sed is, qui contraxit cum pupillo, habet adversus falsum tutorem restitutionem in integrum; ex illo edicto quod falso tutore auctore gestum sit, sive actionem restitutionem in id, quod interest, quod si quid gestum sit, adhibito tam falso, quam vero tutore, valet quod gestum est: nec ex eo edicto tenetur falsus tutor: propter verum tutorem falsus tutor servatur indemnus, *d. l. 1. §. 1. ff. quod fal. tut.* Et ita hic locus hujus constitutionis explicandus est. Apageta glossa in illum locum, *fortitudinem*, quæ ut obiter hoc admonem, male efficit inter cetera ex *l. cum quidam, ff. de his, quibus ut indig. inutile testamentum vitare utile, quod est falsissimum.*

Præter testamentum non rumpitur posteriore, nisi posterius sit utile, et jure perfectum, *§. posteriore, Institut. quib. mortis testam. infirm.* Neque *d. l. cum quidam* hoc probat, inutile testamentum vitare utile. Nam species hæc est, cum, qui fecerat justum testamentum, deinde aliud fecisse, inque eo scripsisse heredes incapaces, quod notand. Igitur posterius non alio laborabat vitio, quam quod in eo erant scripti heredes incapaces, cum quibus non erat testamenti factio. Lex non dicit posterius testamentum, quod est inutile, vitare prius. Manet enim prius firmum et incorruptum, sed fisco primis hæredibus auferit hereditatem, quasi indignis, quando habuerunt supremam voluntatem defuncti, quodque defunctus videatur eos existimasse indignos, qui eis prætulit incapaces. Non cuilibet heredi habenti supremam voluntatem defuncti auferatur hereditas quasi indigno: sed ei tantum, cui defunctus, quantum in se fuit prætulit incapacem. Idem Accursius male tenet ex *l. 1. ff. de adim. leg. utile legatum non confirmare ademptionem*. Quod fatebor quidem, et utcumque dicam colligi ex *d. l. 1.* dum ait, *eum qui legavit actum*, quo nomine continetur iter et via frustra adimere iter, cum actus non possit esse sine itinere, nec invenietur actus ademptus. Id ex ea specie utcumque colligo, quod proponit Accurs. et interim fateor legati dationem non confirmare ademptionem. Hoc enim natura abhorret, ut datio confirmet, quod dationem evertit. Datio legati, vel repetitio confirmat dationem legati inutilem, *l. legata inutiliter, ff. de leg. 1. et l. leg. inutil. ff. de adim. leg.* Datio, ut corroborat ademptionem, quæ dationi contraria est, non patitur.

Ad §. 1. Et ut plenius, et §. 2. Sed etsi.

§. 1. Et ut plenius dotibus subveniatur, quodammodo in administratione pupillarum rerum, et in aliis multis juris articulis tacitas hypothecæ inesse accipimus: ita et in hujusmodi actione damus ex utroque latere hypothecam, sive ex parte mariti pro restitutione dotis, sive ex parte mulieris pro ipsa dote præstanda, vel rebus dotalibus evictis, sive ipsæ principales personæ dotes dederint, vel promiserint, vel susceperint, sive aliæ pro his personæ: et dos sive adventitia, sive profectitia sit: secundum veteris juris nominationem. Ita enim et imperitia hominum, et rusticitas nihil eis poterit afferre præjudicium: cum nos illis ignorantibus, et nescientibus in hoc casu nostram induxerimus providentiam. Sicut enim et stipulationes, et hypothecæ inesse dotibus intelliguntur et inutiles stipulationes emendantur: sic et in posterum causa invenietur valida et perfecta, qua-

si omnibus dotalibus instrumentis a prudentissimis viris confectis. Et nemo putet, nos hoc sancire in his tantummodo dotibus, quæ instrumentis receptæ sunt. Nihil enim prohibet, et si sine scriptis dos vel detur, vel promittatur, vel suscipiatur: simili modo intelligi factam stipulationem, et hypothecam ex utraque parte, quasi fuerit scripta. Et natura quidem ex stipulatu actionis hæc intelligatur, re uxoria in posterum cessante.

§. 2. Sed etsi non ignoramus ex stipulatu actionem stricto jure esse vallatam, et non ex bona fide descendere, tamen quia novam naturam de dote stipulatio sibi invenit: accommodetur ei natura rei uxoria, et bonæ fidei beneficium, et omnes quidem eventus, quos dos ex stipulatu habet, maneat pro sua natura exercens. Si quid autem optimum ex rei uxoria actione invenimus, hoc in præsentem specialiter ei addimus: ut sit et nova ista ex stipulatu, quam composuimus, et non propria tantum, sed etiam veteris actionis pulchritudine decorata.

In hoc §. Just. dum satis non habet dotum mulieribus servandarum causas induxisse tacitam stipulationem: initio hujus constitutionis, etiam inducit tacitam hypothecam: ut scilicet, pro dote mulieris profectitia, vel adventitia, nihil refert (hanc dat extraneus pro muliere, id est, adventitiam: illam parens, in cujus potestate est puella) ut inquam pro omni dote bona omnia mariti sint tacito jure pignori obligata, eaque ut persequi possit, actione hypothecaria, si soluto matrimonio dos ei non reddatur, restituatur: recte, ut in *l. ult. inf. qui pot. in p. gn.* Et hoc novum est munus, quam illud de tacita stipulatione: nam in multis aliis casibus justa præsumptione, ut ait *l. ult. inf. in quibus caus. pig. tacit. contr. ἀπὸ προλήψεως*: introductæ sunt legibus tacitæ hypothecæ, ut in bonis tutoris favore pupillorum, quorum bona administravit, vel administrare debuit, *l. pro officio. inf. de adm. tut. l. 1. sup. rem al. ger. non interd. rer. suar.* Et in bonis parentis favore liberorum prioris matrimonii, quibus servanda sunt bona, quæ ad parentem superstitem pervenerunt a defuncto parente, *l. hac edictali, §. pen. sup. de sec. nupt.* Et in bonis testatoris legatorum, aut fideicommissorum nomine, favore ultimæ voluntatis, *l. 1. inf. com. de leg. 7.* et in plerisque aliis casibus, qui proponuntur in *suprad. tit. in quib. caus. p. gn. vel hypoth. tac. contrah. ff. et Cod.* Et hanc igitur tacitam hypothecam pro dotibus Justin. dedit, ut ipse ait, etiam invitis mulieribus, et ignorantibus, sicut jure civili constitutum est, invitæ, et ignorantis meliorem conditionem fieri posse, veluti solvendo pro alio, vel fidejubendo, *l. solvere, ff. de solut. l. 30.*

ff. de fidejuss. quæ sunt conjungendæ. Si privatus inviti et ignorantis meliorem conditionem facere potest, et Princeps igitur, ut in hac specie, altro data tacita hypotheca, atque etiam intellecta tacita stipulatione, et tacita cautione. Et quidem Justin. non tantum pro dote dedit tacitam hypothecam, sed etiam pro paraphernis, id est, pro aliis bonis mulieris extra dotem, quæ pertulit donum viri, contulitque in manum viri: nam et pro his rebus Justin. dat tacitam hypothecam in rebus mariti, *l. ult. tit. seq.* Unde eleganter ait Justin. in *hæc §.* cum ipse satis abundeque prospexerit dotibus pro eis tacito sensu admissa stipulatione et hypotheca: jam igitur in dictandis dotalitiis cautionibus non esse opus Juriscons. se dotibus servandis addidisse catenas, nec esse opus nodoso Jurisconsulto, ut utar verbis Horatii *l. 2. serm. 3. Satyr...* Adde Cicentæ.

Nodosi tabulas centum, mille adde catenas:

Effugiet tamen hæc sceleratus vincula Protheus. Jurisconsulti est addere catenas, id est, cautiones, et vincula obligationibus. Et ob id nodosus dicitur, quod adhiberetur vinciendis omnibus obligationibus et firmandis stipulationibus. Ovidius epistola Aconitii ad Cydippen:

Dictatis ab eo fecit sponsalia verbis:

Consultoque fui juris amore vaser.

Et 1. Amor. eleg. 13.

Atque etiam sponsum consulti ante-atria mittis,

Unius ut verbi grandia damna ferat.

Illud verbum est spondeo, et inde in antiquo titulo monumenti cujusdam jubetur facere Jurisconsultus his verbis: *Dolus malus abesto, et Jurisconsultus; in hoc monumento jus editus, ambitus libertis, libertabusque meis pateat. Sesterium mille dato ad sacrificia facienda quoties opus erit:* jubetur etiam facessere Jurisc. a testamento elegantissimis verbis, et memoria intelligendis in *l. pen. §. ult. ff. de leg. 2. l. Titius* (hæc sunt verba) hoc meum testamentum scripsi sine ullo Jurisperito, rationem animi mei potius sequutus, quam miseram, et nimiam diligentiam quam, *l. posthumus, ff. de inj. rup. vocat juris scrupulositatem, nimiamque subtilitatem.* Ille testator, ut cæpi dicere, nec peregi, ita dixit, *Lucius Titius* etc. deinde addit, et si minus aliquid legitime, minusve perite facero pro jure legitimo haberi debet hominis sani voluntas: quæ verba efficiunt, ut testamentum, illud non valeat ut justum testamentum, sed ut codicilli. Hæc igitur et a dotibus quodammodo facessere jubetur Juriscon. cum eis satis prospexerit Justinianus ipse, inducta cautione tacita, tam in rem, quam in personam, id est, stipulatione tacita, et tacita hypotheca: sed ab hoc beneficio tacitæ hypothecæ excluduntur mulieres, quæ sibi prospexerunt, et

caverunt jam speciali hypotheca. Nam sequum est, ut ea hypotheca sint contentae, quam sibi pepigerunt. Ubi est conventionalis hypotheca, supervacua est legitima. Et hujus rei argumentum est evidens in *l. ult. inf. de pact. conv.* Excluduntur etiam a tacita hypotheca mulieres, quae remiserunt marito hypothecam, §. *cum autem, hoc tit.* Nam remissio pignoris, vel hypothecae, neque est intercessio, ut si facta sit a muliere, possit infirmari Senatusconsulto Vellejano: nec est donatio, ut si remiserit hypothecam mulier, irrita fiat *12. tab.* quae donationes inter virum et uxorem nolunt valere. Igitur remissioni pignoris nihil est impedimento factae a muliere, quia neque est intercessio, neque donatio. Et hoc ostenditur in *l. quamvis, in pr. ff. ad Vellej. l. etiam, et l. jubemus sup. ad Vell. l. 3. in fin. ff. quibus mod. pign. vel hyp.* quae etiam ostendit, legem Cinciam, quae coercerat donationes, dona et munera, et ob id ipsam dicta est lex muneralis, non pertinere ad liberationem pignoris. Nam liberatio pignoris non est donatio. Notandum autem est praeterea in hoc §. non tantum tacitam hypothecam dari mulieri repetenti dotem soluto matrimonio, vel constante matrimonio marito vergente ad inopiam, sed etiam viro in bonis uxoris petenti dotem datam, vel promissam competere jus taciti pignoris, sive hypothecae. Denique non tantum mulier pro dote in bonis mariti tacitam habet hypothecam, sed et pro eadem maritus in bonis uxoris, si petat dotem promissam, vel dote data, si agat de evictione rerum dotalium, quae forte ei ablatae sunt jure, judicioque, actione ex empto, cum datae sint aestimatae, ut in *l. 1. sup. t. prox. de jur. dot. et l. quoties, D. eod. tit.* Vel etiam si agat de evictione rerum dotalium inaeftimatarum, quae proprie sunt dotales, quando scilicet mulier in eis rebus dandis ultro cavet marito de evictione, ut in *l. non solum, D. de jur. dot.* Non cogitur cavere, sed si caverit, maxime stipulanti praestabit evictionem, et ita donator non tenetur de evictione, quia re donata evicta, donatario nihil perit, donatarius nihil damni facit. Et quia sequum non est, cum periclitari ex sua liberalitate, *l. Aristo, §. ult. D. de dm. l. Julianus, in fin. D. de verb. oblig.* Sed tamen donator, si stipulanti caverit de evictione tenebitur *l. 2. inf. de evict.* stipulatione opus est: pactum enim nudum non potest donatorem obligare ob evictionem, etiamsi ex continenti in re donata tradenda factum sit. Et ita vides in *l. avia, sup. tit. prox. patrem in danda dote pro filia, stipulatione sibi dotem recipere posse ex continenti, non etiam pacto, id est, non temere, non hic, neque ille, sed cautione solenni. Ut ergo mulier, sic maritus si ei dos promissa non praestetur, vel praesti-*

ta evincatur, eam servabit sibi exercendo tacitam hypothecam in bonis ceteris uxoris. Ergo in causa tacitae hypothecae idem est jus viri, et uxoris, in hac una causa, inquam. Nam in aliis largiter refert vir, an uxor agat de dote. Nam privilegium, quod datum est mulieri, non est etiam datum viro petenti dotem, vel agenti de evictione dotis. Et mulieri post annum, quam coepit competere repetitio dotis, debentur usurae, §. *exactio, hoc tit.* viro post biennium, in *l. ult. l. praeced.* Et actio ex stipulatu de dote, quae marito competit, est stricta: quae autem mulieri competit, est bonae fidei ex §. *sed etsi non ignoramus, hoc tit.* Nam cum essent duae actiones ad repetendam dotem, rei uxoriae, et ex stipulatu, ut dixi supra, Justinianos retinuit tantum actionem ex stipulatu, utpote plenior, ut ait in §. *fuert, Instit. de act.* et si quid erat optimo jure in actione rei uxoriae, quod non esset in actione ex stipulatu olim cum esset stricta, eo auxit actionem ex stipulatu, eamque fecit bonae fidei, ut quae suo jure habebat actio ex stipulatu, suo jure ea etiam hodie haberet; ac praeterea, si quid melius, aut pinguius inerat actioni rei uxoriae, quam bonae fidei. Nam et si melior sit actio stricta quam bonae fidei, eo quod libera non sit potestas judicis in judicio stricto, includitur enim formula, et ideo Graeci strictas has actiones hoc loco vocant *ἀγαστάς*, id est, coactas, arctas, et constrictas, et etiam quod soleant contractibus bonae fidei addere stipulationes strictas, et etiam quod in *l. si vendidero, §. si Titius, ff. de furt.* melior est conditio furtiva, quae ceditur, et est stricta, quam actio negotiorum gestorum, quae est bonae fidei, et proprio nomine competeat, ut similiter in *l. cum quis, §. 1. D. de solution.* Ut igitur melior fuerit actio stricta, tamen et optima quaedam habuit actio bonae fidei, quae non habuit actio ex stipulatu. Et inter cetera, ut esset vindex doli mali, imo et culpa. Nam verbum bonae fidei non tantum excludit dolum, sed etiam culpam, *l. 18. junctal. 19. §. Serevola, D. de neg. gest.* actio stricta non vindicat dolum tantum, veluti actio ex stipulatu, et si dolus intervenit in contractu stricto, necessaria est actio de dolo, non sufficiente ipso contractus actione, nec idonea doli mali vindex est; *l. et eleganter, §. 1. D. de dol.* Item in casibus certis, in actionibus certis, quibus certam summam, vel rem persequimur, est periculum plus petendi, quod quidem magnum est, nempe amittendae litis maxime secundum jus vetus. Igitur cum certum petis, veluti ex stipulatu, vel certi conditione periculum est ne plus petas, *l. 1. D. de inter. in jur. fac.* In actionibus incertis nullum est periculum plus petendi, ideoque pleraque negotia, ex quibus agi

poterat, certis legibus facta sunt bonae fidei, evitandi periculi causa, ne quid plus peteretur, sed ut peteretur incertum, quod ex bona fide dari oporteret. Omnis actio bonae fidei est incerta, quod indicat M. Tull. pro Rosc. Com. Cur autem actiones aliae strictae, et nulla sunt interdicta bonae fidei? quia scilicet interdicta sunt de re incerta, id est, de possessione, quae incerta res est. Et nullum igitur subest periculum in eis plus petendi, ut opus fuerit ope, et auxilio legum, quo fierent omnia interdicta, vel frequentiora ex eis bonae fidei. Nam lex est, quae facit iudicium bonae fidei, et si queratur, cur haec actio est bonae fidei, non stricta? R. quia legi ita placuit: motu tamen ea ratione, quam retuli, servandi periculum plus petitionis, actio ex stipulatu de dote repetenda, quae olim fuit stricta, Justinian. fecit eam hodie bonae fidei. Petitio hereditatis esset, ne bonae fidei, an stricta olim controvertebatur, adeo ut in *l. utiles*, et *l. ult. D. de pet. hered.* dicatur petitioni hereditatis esse opponenda in casu proposito exceptio doli mali, quasi scilicet strictae actioni: nam si esset bonae fidei, non esset necesse, opponi exceptionem doli mali, quia bonae fidei iudicio ipso iure, sive iudicii ipsius potestate iacet exceptio doli mali, *l. sed etsi ideo maritus*, ff. sol. matrim. Contra in *l. plane*, *D. de pet. hered.* dicitur, actioni bonae fidei non esse opponendam exceptionem doli mali. Itaque juris controversi fuit, an esset demandanda petitio hereditatis beneficio bonae fidei, necne. Hodie Justinian. hoc delinivit, ut esset bonae fidei in *l. ult. in fin. sup. de pet. hered.* Igitur lex est sola, quae invalidat naturam cuiusque iudicio, potestatemque, et aliud fecit bonae fidei, aliud strictum.

Ad §. 5. Primum itaque, et §. 4. Maneat.

§. 5. Primum itaque quid naturalis sit ex stipulatu actionis expendantur: ita si quid ex actione rei uxoriae supervenerit addatur. Sciendum itaque est, edictum praetoris, quod de alterutro introductum est, in ex stipulatu actione cessare: ita ut uxor et a marito relicta recipiat, et dotem consequatur: nisi specialiter pro dote si maritus ea dereliquit: cum manifestum sit testatorem, qui non hoc addidit, voluisse eam utrumque consequi.

§. 4. Maneat ex stipulatu actionis ius ad successores, et sine mora transmissionis incorruptum.

In hoc §. Justinian. incipit tractare quae habuerit olim actio ex stipulatu de dote, et habeat etiam hodie meliora iis, quae inerat actioni rei uxoriae, et ea, quibus aucta est actio ex stipulatu ex iure

actionis rei uxoriae, quod in eam transfusum est, id nempe, quod erat melius et utilius dotibus. Ac primum quidem in actione rei uxoriae valuit edictum praetoris de alterutro, ut appellatur in hoc §. et in *l. ult. C. Th. de testam.* Nam edicti sententia haec fuit, ut si uxori vit tantum reliquisset legati, aut fideicommissi iure, quantum esset in dote, eligeret mulier utrum mallet, dotem repetere, an capere quod ei maritus testamento reliquisset alterutro contenta abiret, nec consequeretur utrumque, electo uno ne posset transire ad aliud, puta electa dote ne ageret ex testamento legati, vel fideicommissi nomine, vel electo legato, ne ageret rei uxoriae. Quinimo ut satisfaceret heredi, electo uno, nihil amplius peti. Cujus satisfactionis sit etiam mentio in *d. l. ult.* Et similiter uxor heres instituta interveniente forte Falcidia non poterat uti edicto de alterutro, id est, duplici deductione, Falcidiae scilicet, et dotis quasi debita. Nam haeres non deducit, quod sibi defunctus debuit, nisi cum inducitur lex Falcidia. Nam ante omnia deducitur omnis res alienum, etiam illi, quod debuit heredi, licet additione confusum sit, *l. 6. l. 8. inf. ad leg. Falcid. l. 15. §. quod avus*, et *l. qui fundum, si quis heredem*, ff. eod. Nam etiamsi additione confusa sit obligatio et actio, atque sublata deductio, tamen non est sublata vel retentio, vel computatio ejus, quod defunctus heredi debuit. Denique non est sublata naturalis obligatio, quae etsi non proficiat ad actionem, tamen proficit ad retentionem et deductionem, *l. debitor. D. ad Trebellian.* At cum uxor erat instituta secundum edictum de alterutro, interveniente Falcidia, non poterat et dotem sibi debitam deducere, et deducto omni iure alieno, deinde ex reliquo Falcidiam, quia alterutro contentam eam esse oportebat, hereditatis Falcidia vel dote. Sed hoc ita verum erat, nisi nominatim maritus testamento cavisset, se velle mulierem utrumque consequi, relictum scilicet, et dotem, quod utique satis declarat, si ei praelegat dotem, et hoc amplius rem certam, videlicet si dote praelegata, eam heredem instituat ex parte: hoc modo maritus utrumque ei desert, et vacat edictum de alterutro. *l. cum haeres, l. Lucius, §. maritus, D. ad Trebell.* Et observandum ex iure antiquo, in *d. §. maritus*, poni uxorem heredem institutam ex tertia parte, quoniam exceptis certis casibus, quibus uxor assem capere poterat ex testamento mariti, quae habuit liberos, potuit institui tantum ex tertia parte, ut scribit Ulpian. *lib. sing. regul. tit. de decimis*, vel si mulier non habuerit liberos, ut ait, si potuit tantum relinqui usufructus tertiae partis, non tertia pars. Et inde in iure frequens mentio mulieri relictæ usufructus tertiae partis, *l. partis*, ff. de praesc. verb. *l. ult. D.*

de usufruct. leg. l. pen. de usur. ergo, ut satiliqueat ex supradictis, ea in re actio rei uxoris in dote plus tribuit marito, quam uxori, nempe, ut si quod relinquitur uxori, tantum efficiat, quantum in dote est, eo electo amittat repetitionem dotis, vel electa dote ut amittat petitionem, aut persequutionem legati, nisi, ut dixi, si testator aliud caverit. Actio autem ex stipulatu plus habet uxori, nempe utrumque, relictum et dotem, etiamsi hoc non expressisset testator, ut cuilibet alii creditori, cui debitor aliquid reliquerit, integra est petitio utriusque: relictum, et creditum, l. in imponenda, inf. ad l. Falc. l. pater filiam, D. eod. Et ita si erat haeres instituta uxor, interveniente Falcidia, forte hereditate onerata legatis, vel ea rogata alii hereditatem restituere, non tantum deducebat Falcidiam, sed etiam dotem debitam ex stipulatione, et si quid aliud praeter dotem ei debuisset maritus, in §. igitur et in sequ. hoc tit. Ergo dotem quidem iudicio rei uxoris, et relictum testamento mariti utrumque non consequebatur uxor, nisi id cavisset maritus in testamento: dotem tamen debitam ex stipulatu, et relictum testamento mariti mulier consequebatur, sicut quilibet creditor. Quod etiam verum est cum hac exceptione: nisi quod maritus reliquit uxori, id nominatim reliquerit pro dote debita ex stipulatione compensandi animo. Hoc enim casu, ut ostenditur in hoc §. electo eo, quod relictum est, mulier dotis repetitionem, vel deductionem amittit: vel electa dote relictum amittit, l. si filia, §. pen. ff. famil. ercisc. l. 6. ff. quand. dies leg. l. cum ab uno. ff. de leg. 2. l. 2. §. 1. ff. de dot. praeleg. d. l. Lucius. §. maritus. Quod obtinuit etiam in quolibet alio creditore, ne haberet crediti petitionem electo legato, quod ei debitor reliquisset compensandi animo, l. 12. ff. ad leg. Falc. l. cum pater, §. Titio, et l. creditorem, D. de leg. 2. Magna igitur haec fuit differentia inter actionem rei uxoris, et actionem ex stipulatu. Justin. autem in hac re magis probat ius actionis ex stipulatu, quam rei uxoris, ut scilicet mulier utrumque consequatur, nisi appareat testatorem compensandi animum habuisse. Nam si hoc non appareat, magis est, ut voluerit eam utrumque percipere, videlicet, cum non adjecit se legare pro dote, aut dotis vice. Loquimur autem de stipulatione vulgari dotem reddi. Nam ut in hac constitutione eleganter scribit Thalelaeus ex veteri jurisprudentia, alia fuit stipulatio vulgaris, cujus haec est formula: *soluta matrimonio dotem reddi*, l. 8. sup. tit. prox. quae stipulatio hodie intelligitur inesse dote ex hac constitutione, licet interposita non fuerit: stipulatio vulgaris est, quae inesse intelligitur dote tacite ex hac constitutione, non ea quam mox di-

cemus. Haec stipulatio vulgaris, vel actio, quae ex ea nascebatur, longe distabat ab actione rei uxoris. Alia erat stipulatio dotis, quae concipiebatur hac modo: *quod ex causa rei uxoris dare facere oportet, id dari*. Et actionis ex hac stipulatione idem prorsus ius erat, quod actionis rei uxoris, sicut cum dominus ita stipulatur de fure: *quod ex causa conditionis furtivum dare facere oportet*: haec stipulatio idem ius habet, quod conditio furtiva, et utilis est stipulatio, l. scire, §. ult. D. de verb. oblig. Possum rem meam condicere furi, non alii: possum etiam rem meam stipulari a fure, non vulgariter, et simpliciter rem dari, quoniam rei meae stipulatio vulgaris non valet, nempe rem meam mihi dari, sed adjecta causa recte stipulabor, quod ex causa conditionis mihi dari oportet, et sic stipulabor rem meam. Sed jam tractandum est aliud discrimen, quod est inter hanc, et illam actionem in §. maneat. Actio rei uxoris soli mulieri dabatur, non heredibus ejus, nisi maritus jam viva uxore moram fecisset post divortium in reddenda, dote quod ita eleganter scribit Ulpian. lib. sing. reg. tit. de dot. Et semel maritum moram fecisse satis erat, ut transmitteretur actio in heredem mulieris, ut in l. semel mora, ff. sol. matr. Omnis mora semel committitur, aut mora semel commissa sufficit ut sequantur quae sequuntur moram jure ipso, damna scilicet et pericula, quae post moram sequuntur debitorem, l. Titia, §. usuras, ff. de leg. 2. Una igitur interpellatio, id est, semel facta morosum debitorem facit. Et lex, quae sequitur d. l. semel mora, lex si post divortium, videtur esse accipienda de muliere mortua post divortium, ut ponit, et post moram mariti, de qua etiam agebat lex praecedens, ut scilicet agente herede mulieris rei uxoris de restituenda dote, eadem intervenire, quae ipsa muliere agente observari solent, puta ut iisdem diebus dos restituatur, iisdem pensionibus, annua, bima, trima die, ut non condemnentur maritus ultra facultates suas: nec enim mulier plus commodi heredi suo relinquit, quam ipsa habuerit, l. nemo, ff. de reg. jur. Ipsa non potuit maritum condemnare ultra quam facere possit, nec heredem ejus igitur. Item ut herede mulieris agente rei uxoris post moram mariti, retentiones ex dote fiant, quae florent agente muliere. Ac praeterea ut fundo dotali alienato salva sit vindicatio tam heredi mulieris, quam mulieri: idemque auxilium praestetur heredi, quod mulieri praestaretur ut l. dotalis, §. heredi, D. de fund. dot. non etiam et hoc solum excipiendum est, ut haeres non habuit privilegium idem in actione de dote, quod habuit mulier, quoniam personale est privilegium, et cum persona extinguitur, l. 1. inf. de privil.

dot. Concludamus igitur, post divortium mortuam mulierem non transmittere actionem rei uxoris in heredem, nisi moram fecisset maritus ante mortem mulieris. Et adiciamus, mortua etiam muliere in matrimonio, dotem non redire ad heredem ejus secundum jus rei uxoris sed si sit profectitia, redire ad patrem, vel parentem; si adventitia, eam remanere apud virum *l. usufruct. D. solut. matr. l. mulier, D. de cond. inst. l. dotale l. 3. D. de fun. dot. et l. 23. de evict.* Et hæc de actione rei uxoris. Actio ex stipulatu transmittebatur ad heredes etiam sine mora, mora, ut ait in hoc §. qui locus non bene intelligitur, id est, etiamsi moram nullam fecisset maritus viva uxore. Et ideo in hoc §. subdistingue mora, id est, post vocem mora, addas virgulam, et ita componas verba hujus §. maneat, incorruptum jus transmissionis actionis ex stipulatu ad successores uxoris, et sine mora, id est, etiamsi nulla mariti mora intervenierit. Et ait, maneat, ut in §§. *neqq. taceat, et sileat.* Hoc vero obtinuit in actione ex stipulatu, ut transiret in heredem mulieris, non tantum post divortium, sed etiam in ipso matrimonio mortua muliere, quod probat §. *illo proculdubio inf. h. t.* Ergo videtur actio rei uxoris etiam fuisse data tantum in maritum, soli scilicet mulieri in maritum solum, non in heredem mariti, nisi moram maritus fecisset, quoniam in *d. l. si filia, §. ult. D. famil. erisc.* dum ponit in heredem mariti dari actionem de dote, ponit eam venisse in stipulationem, quia scilicet actio rei uxoris neque heredi, neque in heredem dabatur, nisi ex mora: denique actio rei uxoris videtur tantum fuisse inter maritos. Et inde M. Tullius in Top. in arbitrio rei uxoris disceptari ait quid virum uxori, et quid uxorem viro præstare oporteret, et peti, hæc est formula rei uxoris actionis: *Quantum æquius et melius esset dari, repræmittive*: ad quam formulam omnino respicit *l. pen. §. ult. ff. sol. matrim. et l. si cum Corn. ff. de sol.* dum utuntur iis verbis, *melius et æquius est.* Itemque *l. eas obligationes, ff. de capit. min.* dum ait, *Actionem de dote, videlicet rei uxoris esse conceptam in æquum et bonum*: plane concipitur in bonum et æquum, in qua est, quod melius est, et æquius id dari, ideoque salvam eam actionem manere, etiam post capitis diminutionem: ideoque, ut subjicit *l. que* sequitur *d. l. eas*, etiam emancipatam agere de dote, uno et deportatam, *l. 3. ff. de bon. damn.*

Ad §. 4. Taceat in ea.

§. 4. *Taceat in ea retentionum verboritas. Quid enim opus est inducere ob mores retentionem alia auxilio ex constitutionibus introducto? vel ex*

qua causa ob res donatas retentio introducatur, cum sit donatori facultas per actionem in rem directam, vel per utilem, vel per conditionem suo juri mederi? Sed nec retentio ob res amotas necessaria est, cum pateat omnibus maritis rerum amotarum judicium.

In hoc §. incipit tractare de retentionibus, quæ fiunt ex dote, quam repetit mulier post divortium, quæ et deductiones dicuntur, et compensationes, et vel fiunt quasi pignoris nomine dote retenta, ut recte ait *t. dote, D. de dot. præl.* sicut venditor rem venditam retinet veluti pignoris nomine, aut loco propter pretium, quod nondum solutum est, *l. Jul. §. offerri, D. de act. emp.* similiter commodatarius rem commodatam retinet pignoris loco ob impensas factas in rem commodatam, *l. creditores, inf. D. de furt.* Pignus contractum non est his casibus, sed retentio coloratur pignoris nomine: vel igitur retentiones ex dote fiunt a marito, veluti pignoris loco, *d. l. dote*, vel ipso jure, veluti ob impensas necessarias factas in res dotales. Nam hæc ipso jure minorem dotem ei ciunt, ita ut non reddatur integra, sed ex ea tantum retineatur, quantum in dotem maritus expendit necessario, *d. l. dote, et l. dot. D. de rit. nup. l. 3. D. de pact. dot.* Et hoc genus retentionis ob impensas necessarias non est sublatum a Justiniano; namque etiam hodie is, a quo repetitur dos, utitur quasi retentione ob necessarias impensas, et eo minus reddit ex dote, §. *item si de dote, Inst. de act.* Ceteris retentionibus ex aliis causis non est hodie locus in actione ex stipulatu, ubi stricto jure agitur in rem, vel quantitatem certam, et integram, in id quod pro uxore marito illatum est, quod jus hodie retinet actio ex stipulatu, quasi plenius, licet sit facta bonæ fidei. Igitur excepta causa necessariæ impensæ, hac actione solida dos repetitur sine diminutione, aut deductione ulla, quod obtinet etiam in actione ex testamento, qua uxor petit dotem sibi prælegatam, *d. l. dote, ff. de dot. præl.* cujus species est elegans. Quidam legavit uxori dotem, quam ab ea acceperat, in quo legato licet res uxoria fuerit, inest commodum representationis, quia scilicet ex causa legati confestim res restituitur, sine cunctatione, aut dilatione ulla. Cum ergo mulieri dotem maritus prælegasset: ea egit ex testamento dotis legatæ recuperandæ gratia, aut poterit hæres mariti differre solutionem dotis ob res donatas uxori (quæ donatio non valet, si eam revoverit defunctus) Et ait heredem ob res donatas uxori non posse uti retentione dotis, non posse differre præsentem solutionem dotis: et tamen ob impensas necessarias differet solutionem dotis, si petatur integra. Et ratio differentiarum est magna. Aliud enim est dotem ipso jure minorem

esse factam, quod contingit necessariis impensis. Nam cum sit facta minor ipso jure, minor utique reddetur, non quanta fuit ab initio. Aliud autem est, rem retineri veluti pignoris jure, ob ea, quæ invicem mulierem marito præstare ejus heredi oportet, veluti ob res donatas: nam huic retentioni locus non est in actione stricta, qualis est actio ex testamento, et fuit actio ex stipulatu de dote, ante constitutionem Justiniani, quæ tamen hodie retinet illud jus strictum quasi optimum maximum. His retentionibus fuit tantum locus in actionibus bonæ fidei, id est, rei uxoriæ, ex quinque causis propter res donatas, propter res amotas, propter mores, propter liberos, propter impensas, quas Ulp. exponit *lib. reg. tit. de dotib.* Et Anianus auctor est in *l. 2. C. Theod. de dotib.* eas etiam explicasse Paulum 2. *Sentent. tit. de dotib. et in respon. tit. de re uxoriæ.* Hæ sunt quinque cause retentionum, quarum ea tantum hodie manet, quæ ex jure venit ob impensas necessarias. Et post divortium quidem valebat pactio ne fierent hæ retentiones ob res donatas, vel ob res amotas, vel ob impensas, *l. ob res, ff. de pact. dotal.* Vel etiam ob mores, ne ageretur ob mores post divortium, ut liceret pacisci, ut ibidem addunt Græci *lib. 28. Basil.* Ante divortium hæ pactiones erant illicitæ, *l. 5. ff. de pact. dot.* puta ne ageretur ob mores, ne quid retineretur ob mores, quia publica coercitio morum non potest privata pactione tolli, sicut inutiliter paciscor ne mecum agatur furti, si quandoque furtum tibi fecero, turpis pactio est, quia invitatur ad furandum. Ceterum post factum furtum nemini in dubium venit ex XII. tabul. licere pacisci ne agatur furti, *l. si tibi, §. 1. et l. jurisgentium, ff. de pact.* Similiter non valet pactio ante divortium, ne agatur ob res amotas, vel ne quid ex dote retineatur, quia invitatur mulierem ad furandum. Non valet item ne agatur ob res donatas, quia hæc pactio impugnat jus civile, quo inter maritos interdictæ sunt donationes. Non valet item pactio ne agatur ob necessarias impensas, quoniam ipsum jus has vult minuere dotem, quod potius potentiusque est pactione privatorum, *l. jus publicum, ff. de pact.* propter liberos ne ageretur, neve quid deduceretur ex dote, etiam ante divortium licebat pacisci. Sed ut hæc omnia genera retentionum sigillatim exponamus, primum ob res donatas uxori, quod non valeat donatio, non sit retentio ex dote, quia huic retentioni non fuit locus in actione ex stipulatu, quæ salvo hoc jure, sola hodie repetit dotem, ut et donata etiam jure actionis bonæ fidei. Namque eo jure donata est integris manentibus suis propriis juribus, quæ repetitionis dotis causam meliorem facerent. Sed tamen de hac retentione ob res donatas, quæ fuit in arbitrio

rei uxoriæ, sit mentio in *l. fructus, §. ob donationes, et l. alia, §. ult. ff. solu. matr. l. 5. l. ob res, de pact. dotal. l. si autem, §. pen. ff. de rei vend.* Et inde etiam in *l. pen. §. ult. ff. de don. inter vir. et uxor.* ob res donatas sponsæ ante nuptias nihil ex dote deduci: sed per arbitrium tantum rei uxoriæ hodie non vult Justinianus ob eam causam, maxime simplex naturam actionis ex stipulatu, jusque pristinum, quod ea actio habuit proprie, non vult, in quam, ob eam causam, rem donatam scilicet quicquam retineri ex dote, quoniam a marito, qui eas donavit inutiliter, suppetere sat multa remedia, quibus eas res recuperare potest, et retrahere, ut ait *l. 6. sup. de don. ante nupt.* Ad cujus interpretationem proprie accommodabitur *lex inter eos, ff. de donat. inter vir. et uxor.* hoc modo: donatio facta uxori, vel marito ante nuptias valet, nec retrahi potest, aut revocari: facta post nuptias non valet: facta a sponso valet: facta a marito non valet, et retrahi potest. Et rursus, facta ante nuptias valet, etiamsi facta sit in die ipso nuptiarum, priusquam uxor deduceretur in domum viri, nam die nuptiarum, quæ fit in domo viri, post nuptias fit, et non valet, quæ eodem die fit in domo sponsæ, sit ante nuptias, et valet *d. l. 6.* Remedia autem, quæ competunt marito ad revocandam donationem, hæc sunt: directa in rem actio, ut hic proponit Justin. vel utilis in rem actio, vel conditio sine causa, aut ex injusta causa, unaqueque locum habet suis casibus. Directa in rem, si res donatæ extant, quia maritus non desit esse eorum dominus, ergo jure directo vindicat, *l. si donata, et l. uxor marito, D. de don. inter virum et uxorem.* Utilis in rem datur, si ex pecunia donata uxor comparaverit rem mobilem, vel immobilem, quia ea res non est mariti, et ideo non eam vindicat directo, sed utiliter. Et ideo si ex lana donata uxor vestem fecerit, hanc vestem persequitur maritus actione in rem utili, non directa, quia vestis domina est mulier, non vir, *d. l. uxor marito, et l. si mulier ex pecunia, et l. sequent. eod. tit.* Conditio autem sine causa, vel ex injusta causa marito datur ob res donatas, si res donatæ sint consumptæ, *l. si sponsus, §. ult. et l. seq. D. eod. tit.* Imo si mulier res donatas dolo malo consumpserit, vel corruperit, etiam tenetur actione ad exhibendum, et actione legis Aquiliæ, si corruperit, *l. si mulier dolo, D. de don. inter vir.* maxime si id fecerit post divortium: nam manente matrimonio non potest conveniri pœnali actione, qualis est actio legis Aquiliæ: et hæc est sententia *dict. l. si mulier dolo.* Multum ergo suppetunt actiones marito ad retrahendas res donatas uxori. Igitur nec potestur retentione dotis ob res do-

estas, cum aliunde suppetant alia remedia. Sed dices, melius est pignori incumbere, quam in personam agere, melius retinere, quam agere. §. furti, *Instit. de oblig. quæ ex del. nasc.* Putebor ita esse: sed meminisse oportet, favorem hunc esse præstitum doti, ne earum redditioni mora fieret. Et probatur magis dotium favore jus actionis ex stipulato, quam rei uxoriæ. Et eadem actione, licet ob res amotas (quod est secundum genus retentionis) retentio fieret ex dote, ob res scilicet amotas ab uxore divortii causa, et in arbitrio rei uxoriæ, tamen nec olim, nec hodie huius retentioni locus est in actione ex stipulato, et vult Justinus, ut contentus sit maritus actione rerum amotarum, nec ob res amotas veluti pignoris loco retineat dotem. Et ita etiam definit Justinus. De hac actione rerum amotarum est proprius titulus infra, ubi de ea plenius dicemus: erat etiam retentio portionis dotis ob mores in arbitrio rei uxoriæ. Nam ob mores mulieris leviores, qui causam præbuissemus divortio, maritus retinebat octavam partem dotis, ut Ulpianus explicat supradicto libro *regul.* Ob mores graviores retinebat sextam partem dotis. Et ob graviores mores adulterio tantum censebantur: ceteri mores leviores censebantur, eodem Ulpiano auctore. Et ita *l. cum mulier, D. sol. matrim.* ait, nihil retineri ex dote ob adulterium mulieris, si adulterata sit viri lenocinio. Cur enim improbareret maritus mores, quos vel ante corrupit, prostituendo uxorem accepta pecunia: vel postea approbavit, sorte uxore in adulterio deprehensa retente in matrimonio, quod lenocinio est proximum. Ergo ex contrario ea lex significat ex dote retineri portionem ob adulterium uxoris, cum ei maritus lenocinatus non est. Et ita etiam *l. miles, §. socer, ff. ad leg. Jul. de adult.* retineri lucrum ex dote, inquit, ob causam adulterii, non totam dotem. Hoc fuit jus vetus. Et eo nomine erat marito non tantum retentio portionis dotis sextæ, vel octavæ, ut dixi, sed etiam actio de moribus, ut ex aliis causis non tantum retentio, sed et actio quædam. Et hic igitur erat actio de moribus uxoris puniendis, quæ divertisset, aut quæ divortio causam dedisset, quæ actio licet sit civilis, tamen accusatio dicitur in *l. viro, et l. cum mulier, ff. sol. matrim.* Sicut accusatio suspecti tutoris, accusatio ingrati, accusatio inofficiosi testamenti, quæ tamen sunt actiones civiles, non criminales. Et de hac actione de moribus est *l. 1. C. Theodos. victum civiliter, criminaliter agere non posse, et l. 1. C. Theod. de dotibus*: quæ etiam ostendit hanc actionem de moribus dari soli marito, non heredi mariti, vel in heredem, *l. rei judicatre, §. 1. ff. sol. matrim.* quæ dicit heredem mariti non habere morum coercionem, quia hæc actio de moribus vindictam

Tom. IX.

persequitur, causam doloris agit, quæ in actione agit, ut qui agit actione injuriarum, vel qui agit ingrati, *l. 7. inf. de revoc. don.* vel qui agit in factum ex edicto de in jus vocando, in aureos 50. quod vocaverit in jus parentem, vel patronum sine venia, *l. pen. ff. de in jus voc.* Hæ actiones quatuor, quæ persequuntur vindictam, non damnum pecuniarium, sed dolorem tantum imminuti honoris, imminutæ existimationis, nec heredi dantur, nec in heredem. §. cum autem, *Instit. de perp. et temp. act.* ubi Theophilus recte actioni injuriarum adjecit illam actionem in factum de in jus vocando: actiones poenales, quæ spectant ad damnum rei familiaris, hæc dantur heredi, sed non in heredem: possumus dicere, hanc retentionem, quæ sit ex dote ob mores, esse actionem de moribus, quæ inest actioni rei uxoriæ. Nam lego apud Quintilianum libro 7. quod in schola Rhetorum est actio male tractationis, id in foro esse actionem rei uxoriæ. Et generaliter cum queritur, utrius culpa divortium factum sit, actio inest actioni. Quidni? Actio de in rem verso inest actioni de peculio, actio de dolo inest actioni ex empto, vel rei uxoriæ. Et generaliter omni actioni bonæ fidei inest actio de dolo, in eo et de culpa, vel de moribus: quoniam, ut dixi supra, bonæ fidei nomen excludit non tantum dolum sed etiam culpam. Igitur actio rei uxoriæ etiam mores mulieris mulctat, et culpam, ut dicit *l. Lucius, D. solut. matrim.* culpam, mulieris mulctari, videlicet portione dotis. Et plerumque in hoc tractatu culpa accipitur pro dolo, ut in *l. si ex causa, §. si mulier, D. de minor.* ubi si mulieris culpa factum sit divortium, ait non esse modicum delictum. Igitur adversus illud delictum eam non posse restitui in integrum, sicut nec restitueretur adversus adulterium. Et ita Tiberius Donatus in illum locum Virgilii, hoc prætexit nomine culpam: *Urus est, inquit, verbo juris, ut diceret culpam.* Namque ita definitum est, mulieris culpam esse si in pudoris causa peccaverit. Ut rem finiam, atque explicem tandem Justinianus hodie probat magis actionem ex stipulato, atque ita tollit etiam retentionem ob mores, tollit actionem de moribus, ut in *l. ult. inf. de rep. et judicio de moribus sublato*: nam et ea actio de moribus minus frequentabatur, maxime viro agente ob graviores mores, quia maluit quisque agere criminaliter judicio publico lege Julia de pudicitia. Cur non utimur hodie actione furti civili in duplum, vel quadruplum? quia malumus agere criminaliter. Et hac via electa, amittimus actionem furti, *l. interdum, §. qui furem, ff. de furt.* Cur non utimur hodie actione civili de albo corrupto ex *l. 7. ff. de jurisdict.* quia malumus agere criminaliter ex lege Cornelia de falsis,

48

l. pen. ff. ad leg. Corn. de fals. Nec tamen Justinianus ideo minus coerces malos mores: nam mulierem, cujus culpa divortium sit, mulctat dote tota, cum olim parte tantum damnaretur, et lucro nuptiali, *l. consensu, §. v r. infra de repud. l. ult. inf. ad legem Juliam de adult.* quod etiam probatur a Leone *Nov. 32.* et a Pontifice in *cap. plerumque, de don. inter virum et uxorem.* Et videtur etiam jure vetustissimo idem tenuisse, maxime ob graves mores, ut mulier amitteret totam dotem. Nam Horatius ait, *deprehensam dotti metuere.* Et Cato *lib. de dote: Si quid perverse, tetreque factum sit a muliere, eam mulctari, si vinum bibit, si cum alieno viro probri aliquid facit.* Et similiter Plinius, eam dote privari, quæ vinum bibisset, secundum illius seculi verecundiam, quo etiam minimi a pudore excessus puniebantur. Valerius Max. C. Titianum insidiantem honis Faoniarum impudicæ mulieris, eam de industria duxisse uxorem, ut propter impudicitiam spoliaret dote, quod tamen non obtinuit iudice Cajo Mario quod jam ejus mores approbasset, et sciens mulierem adulteram duxisset, ut est in *l. cum mulier, ff. sol. matrim.* Et addit Justinianus, præter dotem amissam adulteram tantum præstare, quantum facit tertia pars dotis, in *Nov. 22. et 117. et 134.* vel si mulier fuerit indotata, præstat, si culpa ejus divortium factum sit, quartam bonorum suorum partem, quæ poena est communis viro et uxori, si vir non contulerit donationem propter nuptias, modo ea quarta non excedat 100. libras auri, *l. ult. inf. de repud.*

Ad Versic. Sileat.

Sileat ob liberos retentio, cum ipse naturalis stimulus parentes ad liberorum suorum educationem hortetur, ne varium genus culpæ mariti contra uxores excogitent, ut possint eadem retentione contra eas uti, cum etiam imperialibus constitutionibus statutum sit, si culpa mulieris dissolutum matrimonium fuerit, quid fieri oporteat. Sed nec ob impensas in res dotis factas retentio nobis satis videtur esse idonea. Cur enim necessariae quidem expensæ dotis minuant quantitatem, utiles autem non aliter in rei uxoris actione detinebantur, nisi ex voluntate mulieris. non abs re est, siquidem mulieris voluntas intercedat, mandati actionem a nostra auctoritate marito contra uxorem indulgeri: quatenus possit per hanc, quod utiliter impensum est, adservari. Vel si non intercedat mulieris voluntas, utiliter tamen res gesta est, negotiorum gestorum adversus eam sufficere. Quod si voluptuarie sint, licet ex voluntate ejus expensæ deductio ope-

ris quod fecit, sine læsione tamen prioris speciei, marito relinquatur: ut sit omnium retentionum expeditus tractatus, et ex stipulatu actio marito secundum sui naturam nullam accipiat retentionem.

Supra diximus de retentionibus dotium, quæ sunt propter res donatas, vel propter res amotas, vel propter mores, nunc dicemus de reliquis duabus, quæ sunt propter liberos, et propter impensas factas in dotem. Ac primum quidem, ut incipiam ab ea retentione, quæ sit propter liberos, si divortium factum sit culpa mulieris, singulorum liberorum nomine, si qui existant, maritus retinet sextas ex dote, non tamen plures, quam tres sextas, id est non ultra dimidiam partem dotis. Et hoc aperte scribit *Ulp. lib. sign. regul. tit. de dotib.* qui jam diu editus est in lucem. Idem Boetius etiam retulit ex Paulo *lib. 2. instit. tit. de dotib. si divortium est,* inquit Paulus, *matrimonii, et hoc sine culpa mulieris factum est, dos integra repetitur. Quod si culpa mulieris factum est divortium, in singulos liberos sexta pars dotis a marito retinetur, usque ad mediam partem dotis duntaxat, id est, tres sextas.* Igitur cum culpa mariti divortium factum est, tunc cessat retentio propter liberos, et integra dos restituitur, et tum demum retentioni propter liberos est locus, videlicet dimidiæ partis dotis, vel sextarum, cum culpa mulieris divortium factum est: cum etiam eo casu ex pacto dotali propter liberos amplius retineri potest, quam pars dimidia, vel tota dos, puta si convenerit, ut divortio facto culpa mulieris tota dos pro liberis maneat apud virum, *l. si inter virum, D. de pact. dot.* Quem locum Pauli protulit Boetius in *Topicis Cic. ut dixi sup.* et idem Boetius alio loco. *Si viri culpa divortium factum est: æquius melius est nihil apud virum remanere: si mulieris culpa, æquius melius est sextas retineri pro liberis.* Ipse etiam M. Tullius in *Top. si viri culpa factum est divortium, et si mulier nuntium remisit, tamen pro liberis nihil manere oportet.* Ergo ex contrario, si mulieris culpa factum est divortium, pro liberis remaneant sextæ, ad summum tres. Idem etiam Græci adnotarunt in hunc locum, quos poteritis ipsi consulere. Nam maxima pars eorum, quæ Græci JC. scripserunt de dotibus, edita est in lucem, et facta Latina ab Gentiano Herveto. Non ignorare retentionem propter liberos esse sextas, et ei retentioni locum esse non aliter, quam si mulieris culpa factum fuerit: sed iidem Græci male hoc loco liberos interpretantur filios, cum oporteat liberorum nomen accipi latissime. Sicut in pactis dotalibus, quando convenit, ut dos apud liberos resideat, vel divortio facto culpa mulieris, vel

mortua muliere in matrimonio, liberorum nomen comprehendit etiam nepotes, *l. si do'a'i, ff. solut. matrimo.* Nec tamen nepotes omnes, sed nepotes susceptos ex filiis maribus, nam ii soli pertinent ad onus mariti: nepotes ex filiabus pertinent ad onus patris eorum non ad onus avi materni, *l. pen. D. de agn. vel al. li.* Olim non erant descripta culparum genera, nec certæ causæ iusti divortii, et iusti dissidii, quod a Grecis dicitur ἀρεστός, nec possit in Evangelio Domini, ἀρεστός elegantius verti, quam dissidium. Non erant igitur certæ causæ divortii, et rejiciendæ uxoris, vel repudiandi mariti, sicut olim non erant certæ causæ exheredationis liberorum. Et ideo hoc in loco Justin. ait, cum nondum essent certæ causæ dissidii, interveniente dissidio, maritos, ut propter liberos sextas retinerent, solitos plerasque culpas extorgitare, et fabricare fortasse in innocentes mulieres. Nam hæc res pendebat ex arbitrio mariti, ut objiceret quamlibet culpam probabilem et probaret: hodie sunt certæ causæ dissidii, certa merita, sicut exheredationis liberorum, *l. consensu, et l. ultim. de repud. inf.* De hac retentione, quæ fit ad certum modum propter liberos, agitur in *l. secun. in fin. C. Th. de repud. Super retentionibus dotium*, inquit, *propter liberos antiqui juris decreta volumus observari*: puto etiam de hac retentione propter liberos intelligendum esse hunc locum *leg. ult. sup. tit. prox.* qui a me non fuit expositus, nempe quod expositionem ejus in hunc locum remissem, et est alioquin valde obscurus, dum tractat de extraneo, qui pro muliere dotem dedit donandi causa, ut neque ea dos, neque ea donatio indigeat insinuatione: sed si non donandi causa, frustra de insinuatione queri, quoniam non est donatio, videlicet si pactus sit ab initio dandæ dotis pro muliere omnem rem sibi reddi, cum nec ab initio suspicio aliqua liberorum concurreret, id est, omnem rem, nullo scilicet relicto pro liberis. Nam extraneo initio dandæ dotis nulla fuit cogitatio aut suspicio liberorum, quandoquidem incertum est etiam an ex matrimonio sint liberi nascituri. Igitur nihil reservavit liberis, si qui nascerentur, cum posset legem dicere doti, quam dabat de suo: hanc dixit, ut omnis res ei redderetur, et utique omnis reddenda erit ex pacto. Ita ille locus explicandus est ni fallor. Et hæc quidem locum habuerunt in arbitrio rei uxoriæ, non in actione ex stipulatu, cujus naturam hac in re Justinianus sequitur et probat, ut scilicet hæc actio ad repetendam dotem, quæ competit, non admittat retentionem ullam propter liberos, et utitur duplici ratione Justinian. quia liberi non sunt alendi ex dote matris. Et retentio fiebat olim propter onus liberorum quod maxime in alimoniis consistit: sunt enim alendi ex

honis patris. Æquius est liberos communes ali ex honis patris, quam ex dote matris. Hoc est unum onus matrimonii, quod sequitur patrem, etiam post divortium. Duplex erat olim retentio propter liberos, una divortio facto culpa mulieris, ut exposui: altera, de qua nondum dixi, mortua in matrimonio filia: quo casu dos profectitia revertebatur ad patrem, ne dolori amissæ filie etiam adderetur damnum dotis, quintis relictis ex dote apud maritum pro liberis ejus matrimonii. Videtur non tantum sextas Justin. sustulisse, sed etiam quintas. Quoniam et in quintis eadem ratio valet, ut alantur liberi ex honis patris, non ex dote. Et sane si Justinian. noluisset tollere quintas, earum mentionem aliquam permisisset fieri in *ff. vel in C.* et earum nulla mentio tamen usquam reperitur. Alia ratio Justiniani hæc est, quia culpa mulieris facto divortio, hodie constat mulierem spoliari non sextis, non semisse, sed tota dote, sive extent liberi, sive non. Non igitur hodie spoliatur dote tota beneficio liberorum, aut eorum contemplatione: sed pænæ nomine, culpe nomine, in *d. l. consensu.* Et de retentione ob liberos hactenus. Ultima retentio est ob impensas factas in res dotales non modicas. Impensarum tres sunt species, necessariae, utiles, et voluptariae. Ego non adferam exempla, quæ licet discere ex *leg. impensæ, ff. de verb. sign. et ex tit. de im. in res dot. fact.* Videamus in unaquaque harum impensarum, quid juris fuerit. Ac primum quidem ob necessarias impensas, siue quibus perisset res, aut deterior facta fuisset, dos ipso jure minuitur. Idenque retentio, quæ fit ob necessarias impensas, non est propria retentio ex dote, sed quasi retentio, quia quod retinetur pro modo, et rata necessarie impensæ, jure ipso desit esse dotale: nec est igitur ex dote retentio, sed quasi retentio: quæ facta est præveniente lege, dotemque ipsam minuente pro rata impensæ, et imminuente universitatem ipsam, non corpora singularia, ut eleganter ait *l. §. D. de imp. in reb.* quo genere est Falcidia, quæ imminuit legata: imo quæcumque Falcidia, quæ minuit legata ipso jure, vel fideicommissa, vel defuncti bona, sumitur ex universo, non ex singulis rebus et corporibus. Et hoc ostenditur in *d. l. 1. et d. l. dote, D. de dot. prælag. et l. dote, D. de rit. nupt. l. si is qui Stichum, §. quod dicitur, D. de jur. dot. et in tit. de imp. in res dot. fact.* Ob utiles autem impensas fit retentio ex dote, deductio, reputatio, compensatio (tot nominibus idem significatur) dicitur etiam detentatio in *l. §. D. de impens. in res dot. fact.* sicut in *l. ab hostibus, §. ult. D. ex quibus caus. maj. detentatio.* Et ita Justinianus hoc loco, quæ detinentur ob impensas. Sed hoc leve est, pergamus. Ob utiles impensas

est retentio proprie ex dote, quæ minuunt dotem ipso jure, si modo ex voluntate mulieris factæ sint, non si invita ea, vel ignorante: nam si invita ea, vel ignorante: factæ sint utiles impensæ, quæ res dotales fecerunt meliores, si factæ sint meliorationes, seu impro-
vata hæ non aliter reputantur mulieri, quam si eas solvere aliunde possit. Doti igitur non reputantur, sed aliis bonis mulieris si habeat: si nihil aliud habeat, cedunt damno mariti, et lucro mulieris, *l. utilium, D. de impens. in res dot. fact. l. impens. D. de verb. sign.* Hodie etiamsi voluntate mulieris factæ sint impensæ utiles, ex hac constitutione, naturaque prima actionis ex stipulatu de dote, ob impensas utiles non fit retentio ex dote: sed dos integra redditur, impensis utilibus non imputatis, quia sufficere debet marito, quod impensarum earum nomine, si eas fecerit voluntate mulieris, habeat actionem mandati. Voluntas est pro mandato. Habet autem actionem mandati, ut eas recuperet auctoritate Justiniani, *auctoritate nostra*, inquit. Quid opus fuit auctoritate Justiniani ad impensas recuperandas in danda actione mandati, cum eas impensas uxor mandavit fieri? Et eleganter ait Thalelus in hunc locum, videri cessare actionem mandati, quia ea mihi non competit adversus alium, si quid impendero in rem meam, et dos mariti est. Videtur ergo actio mandati ei non competere de eo, quod impendit utiliter in dotem. Sed auctoritas Justiniani tollit hanc subtilitatem, qui etiam in *l. in rebus, sup. de jur. dot.* definivit dotem non tam esse viri, quam mulieris: quod si factæ sint utiles impensæ sine voluntate mulieris, etiam marito competit actio negotiorum gestorum, quasi re uxoris gesta utiliter, videlicet si aliunde solvere possit quam ex dote, non aliter. Alioquin non esset sublata retentio ob impensas utiles. Igitur veniunt hæ impensæ utiles in actionem mandati, vel negot. gestorum, etiamsi sint modicæ, quoniam in has actiones vel minimæ impensæ veniunt, minimus unus. Cur de nummo non recuperando non agam, quem impendi in rem alienam? Sed longe aliter servabatur in arbitrio rei uxoris, in quo quid æquius, justius, benignius esset, semper quærebatur. Nam arbitri dotis recuperandæ non curabat modicas impensas, in *l. omnino, D. de imp. in res dot. fact.* Et hoc de utilibus. Ob voluptuarias impensas, neque olim neque hodie est retentio, vel repetitio, licet factæ sint voluntate mulieris, si modo mulier parata sit pati maritum tollentem ea, quibus ornavit res dotales ad sensum et delectationem, aut voluptatem, non ad utilitatem et necessitatem. Pati igitur debet tollentem ea, quibus exornavit prædia dotalia, si separationem recipiant, si revelli possint sine damno rei dotalis, et si sint profutura ipsi marito. Et

ideo ut utar exemplo, pati debet ut tollat loricaciones, *tex lambris*, veluti tabulas affixas parietibus: nam hæc possunt prodesse marito: ceterum non cogitur pati, ut maligne corradat picturas, vel ut inducat tectoria, nihil laturus, nisi ut officiat mulieri, nihil lucri facturus. Et hæc ostenduntur in *l. pro voluptuariis, et l. voluptuaria, D. de imp. in res dot. fact. l. in fundo D. de rei vind. l. 3. §. sed si mutua, D. de in rem vers.* Exposui quinque genera retentionum. Addendum unum tantum est ex iis, quæ dicta sunt, esse observandas et colligendas differentias, quæ iis retentionem speciebus sunt inter se. Prima differentia est hæc: ob res donatas, vel amotas, vel ob impensas, vel ob mores, non tantum esse retentionem, sed etiam actionem: ob res donatas vindicationem, vel conditionem: ob res amotas, actionem rerum amotarum: ob impensas etiam conditionem in *l. 3. §. ult. D. de imp. in res dot. fact.* Ob mores, actionem de moribus. Ergo in arbitrio rei uxoris, licet concurreret actio ob eas causas: tamen et retentio admittebatur. Ob liberos erat tantum retentio, non petitio, ut eleganter *Ulp. lib. sign. rrg.* ostendit. Non plures, inquit, quam tres sextæ sunt in retentione, non in petitione, quod evenit æpissime in jure, ut sit retentio, non actio, *l. ex quib. D. de cond. ind.* Debiti naturalis est retentio, non petitio. Falcidia olim erat retentio, non petitio: secundum Just. petitio, vel diminutio, quæ fit ipso jure, et quasi retentio. Ob sumptum, quem fecit bonæ fidei possessor in rem alienam, est retentio, non petitio, *l. Paulus, D. de dol. exc.* Et ita ob liberos erat retentio sextarum, non petitio. Secunda differentia hæc est: ob alias causas retentionum ante divortium non paciscimur probe, ne his retentionibus utamur, *l. 3. D. de pact. dot.* Ob liberos etiam ante divortium paciscimur quidlibet, quod multæ leges indicant in *d. tit. de pact. dot.* Tertia differentia hæc est: ob res amotas, vel donatas, vel ob impensas retentio fit non tantum facto divortio, sed etiam morte viri soluto matrimonio ab hærede viri, *l. rei §. 1. D. solut. matr.* Morte autem mulieris soluto matrimonio dos tota remanet apud virum, vel profectitia redit ad patrem, nisi convenerit, ut remaneret pro liberis, quod §. sequenti explicabitur accuratius. Ob mores fit retentio facto tantum divortio. Itemque ob liberos facto tantum divortio, ut Martinus recte sensit. Cujus sententiam gl. hoc loco dicit observari. Ergo morte viri soluto matrimonio non fit retentio ob liberos, etiam si ita convenerit ex continenti a muliere ipsa, vel patre dante dotem: nam ea pactio est injusta, nempe contra dotem, et morte viri soluto matrimonio non licet facere deteriore conditionem dotis, ne

dos integra redent divortio facto, aut mortua muliere in matrimonio, quia non sit deterior causa dotis, nisi divortio facto culpa mulieris, *l. 1. D. de dot. præleg. l. 3. titulo sequenti, l. 2. D. de pact. dotal.* Et hoc etiam recte adnotavit gloss. in *l. cum patrem, sub tit. prox.* Mortua etiam muliere in matrimonio nihil retinebatur propter liberos, quia vel dos remanebat apud virum, vel revertebatur ad patrem, hoc casu retentis tantum quintis, nisi convenisset, ut retineretur dos propter liberos, *l. si pater, l. inter, §. cum inter D. de pact. dot.* Et quarta differentia hæc est, quia actio ex stipulatu hodie sicut olim nullam admittit retentionem, præter eam, quæ sit ob necessarias impensas, *§. item si de dote, Instit. de action.* Et ultima differentia hæc est: quod ob res donatas specialiter, etiam ante Justinian. non fiebat retentio, si vir non mutasset voluntatem. Quia ex oratione D. Severi, et senatusconsulto confirmatur donatio inter virum et uxorem, si in eadem voluntate permanserit donator *l. 1. D. de dot. præl. l. cum hic status, §. oratio, D. de don. inter vir. et uxor.* Hodie etiam si mutaverit voluntatem, non sit retentio dotis ob res donatas in actione ex stipulatu, vel in alia actione veluti in actione ex testamento, *l. 1. D. de dot. præleg.* quia alia remedia comparata sunt.

Ad §. Illo proculdubio.

Illo proculdubio in ex stipulatu actione servando, ut si decesserit mulier constante matrimonio, dos non in lucrum mariti cedat, nisi ex quibusdam pactionibus, sed ad mulieris hæredes ex stipulatu actio secundum sui naturam transmittatur, sive expressa fuerit, sive ex hac lege inesse intelligatur.

In hoc §. tractatur differentia dotis profectitiæ et adventitiæ. Modestinus J.C. scripsit librum de different. dot. ex quo est *lex 13. de jur. dot.* de differentia dotis profectitiæ, ut opinor, et adventitiæ. Et videtur is liber fuisse portio librorum differentiarum, quos edidit idem Modestinus. Profectitia dos est, quam pater dedit profilia; adventitia, quam dedit alius quilibet, vel etiam pater ipse non ut pater, sed ut extraneus, *l. profectitia: §. si pater pro filia, ff. de jur. dot.* Et hæc in glossis veterum dicitur *παρτερικὴ*: illa dicitur *ἀποδερικὴ*, inauso ineptoque errore, quasi scilicet profectitia dicatur a profectioe, id est, peregrinatione, et adventitia, quasi dicatur ab adventione, aut nuncii veluti personæ cujusdam: eodem errore repetita interpretantur *ποδερικὴ*, quasi dicantur a pedatione, sive reditione, non a repu-

tatione. Hujusmodi ineptiæ sunt frequentes in auctoribus Græcis imperitis lingue latine. Hoc posito ita distinguamus: aut divortio solvitur matrimonium aut morte viri, aut morte mulieris. Et rursus si divortio; aut post divortium vivit mulier tempore repetendæ dotis: aut mortuo est antequam dos repeteretur. Si vivit tempore recuperandæ dotis: de hoc casu agatur in *§. accedit, et §. seq. inf.* Igitur hunc casum reservemus in illum locum. Si post divortium mortua sit mulier ante repetitam dotem: de hoc casu actum est in *§. maneat, sup.* Ex quo intelleximus actionem rei uxoris, mortua muliere post divortium, non aliter transmitti ad hæredem, quam si moram in dote reddenda maritus fecisset. Et ita videtur accipienda *lex 26. et l. si post divortium, ff. sol. matr.* Actionem autem ex stipulatu transmitti etiam sine mora, ut ait *d. §. maneat*, id est, etiam si mariti nulla mora intervenerit: id est, si per maritum factum non fuerit, quo minus dos redderetur: quam interpretationem illius loci, etiam inveni confirmare Græcos, qui loco illorum verborum *et sine mora*, scribunt, *sine mora facta fuerit, sive non*: *ὡς τε γέγονεν ὑπέσθαι, ὡς τε πᾶν*. Et hoc jus actionis ex stipulatu, ut transmittatur indistincte ad hæredem mulieris, mortua muliere, post divortium, Justinian. magis probat *d. §. maneat*. Quid si morte viri dissolvatur matrimonium? Utimur eadem distinctione, et eodem jure, quod diximus primo casu, si divortio solveretur matrimonium. Nam si post mortem viri mox etiam moriatur mulier, ante repetitam dotem: vel dos redit ad patrem, vel ad hæredem mulieris: nam sive divortio solvatur matrimonium, sive morte viri, mox etiam sequuta morte mulieris separanda est dos profectitia ab adventitia, ut adventitia redeat ad hæredem mulieris: profectitia ad patrem, qui supervixit filię. Quod African. notavit recte in *l. ult. in princ. ff. rem rat. hab.* et ibi exposui copiosius. Sed si mulier vivat post divortium, vel mortem viri, tempore repetendæ dotis, sequemur ea, quæ proponuntur in *d. §. accedit*, ubi etiam hoc casu aliqua differentia est inter dotem profectitiam et adventitiam, ut ibi demonstrabimus. Quid autem fiet, si mulier moriatur constante matrimonio, si morte mulieris solvatur matrimonium? Et hoc casu aliud etiam est jus rei uxoris, aliud actionis ex stipulatu. Item aliud est jus dotis profectitiæ, aliud dotis adventitiæ. In dote profectitia est commune jus utriusque actionis, ut scilicet redeat ad patrem, unde profecta est, *l. jure, D. de jur. dot.* ne et filię amittere, et pecunie damnum sentiat, ne, ut ait Plin. in *Panegir. Trajani*: eodem momento, quo desiit esse pater, hoc quoque amittat, quo pater fuit. Dos igitur profectitia observatur in omnibus judiciis, ut redeat ad patrem, nisi convenerit, ut remaneret apud vi-

rum mortua muliere in matrimonio, vel pro liberis, vel etiam si nulli exstent liberi, *l. si pater, l. inter, §. cum inter, D. de pact. dot. l. si dotali, D. sol. matrim.* Si hoc non convenerit, procudubio mortua in matrimonio filia dos profectitia redit ad patrem, moribus quarundam nationum, veluti Tholosanorum, remanet apud virum, etiamsi nulli exstent liberi, etiamsi nihil de eo convenit, vel si uxor moriatur post triduum nuptiarum: sed non jure civili populi Romani, quo mortua muliere constante matrimonio, dotem profectitiam patri reddi oportet indistincte, sive exstent liberi, sive non ex eo matrimonio. Sed ut eleganter Ulpian. docet *lib. sing. reg. tit. de dot. exstantibus liberis*, pater defuncte mulieris, sive eorum liberorum avus maternus debet relinquere liberis quintas ex dote penes maritum, et liberis singulis in infinitum, inquit. *Quomodo liberis singulis relinqui possunt quintae ex dote in infinitum? quæso videamus.* Si sint quinque liberi, nihil ex dote revertetur ad patrem, nam quinque quintae explent assem dotis: si sint sex filii, ex dote non possunt sumi sex quintae: non septem si sint septem filii: non octo, et sic deinceps. Nam in toto sunt duæ tantum dimidiæ partes, et similiter tres tantum tertiae, et quatuor tantum quartae, et sex tantum sextae, et consequenter quinque tantum quintae, et sic deinceps. Finge 12. esse filios, non possunt ex dote universa deduci 12. quintae. Quamobrem existimo hac in re eandem rationem esse sequendam, quam sequimur in quarta pluribus filiis relinquenda ad excludendam inofficiosi testamenti querelam. Finge 12. esse, est singulis relinquenda non quarta bonorum omnium, sed quarta ejus, quod habuissent, si decessisset pater intestatus: habuissent autem singuli unciam: ergo singuli, ut eis satisfiat, est relinquenda uncie quarta, quæ latine dicitur siciliens. Et ita etiam patre repelente dotem filia mortua in matrimonio, si sint 12. filii, singulorum nomine maritus retinebit quintam partem ejus, quod habuissent filii, si tota dos pro eis remansisset apud patrem. ex æquo inter eos dividenda, eisque servanda. Habuissent autem singuli eo casu unciam, ergo singulis est relinquenda quinta pars uncie, et ad summam, omnibus 12. sunt relinquendæ duæ uncie integræ, et ex altera uncia duæ quintae, reliquum omne est reddendum patri, a quo dos profecta est. Hodie quintae illæ sunt sublatæ, ut sup. ostendi: ergo integra dos profectitia redit ad patrem, non tantum si filia fuerit in potestate ejus, ne fallamur, etiamsi quedam lex dicat, mortua filiafam. in matrimonio dotem redire ad patrem, ut *l. dos, inf. sol. matrim.* Nam non ideo negat idem esse in emancipata filia. Ergo sive dos filiae, sive filiae emancipatae profecta sit a patre, sive hujus, sive illius filiae, ea

mortua in matrimonio reddenda est patri, quod confirmant multæ leges, *l. pater, de evict.* ubi unum casum sic interpretari oportet, si filia emancipata moriatur in matrimonio, ut dotem profectitiam reddi oporteat patri, *l. profect. §. si pater pro filia, D. de jur. dot. l. si filia, D. de divort. l. si ab hostib. in pr. D. sol. matr.* Et ut dixi initio, hoc jus dotis profectitiae est commune actioni ex stipulatu, et actioni rei uxoriae, quia pater praesumitur tacite stipulatus sibi dotem reddi in casum mortis filiae. patri datur tacita stipulatio, *§. extraneum inf.* Quem male huic sententiae vulgo objiciant, quod scilicet male ei respondeant, non quod male objiciant: nec enim ille *§.* loquitur de casu nostro, de soluto matrimonio morte filiae, quo dicimus dotem profectitiam redire ad patrem indistincte, si fuerit filiafamil. sive emancipata: sed loquitur hic *§.* de matrimonio soluto divortio, quo casu si filia sit emancipata, sola repetit dotem, *l. si cum dote, §. eo autem, l. Titia, ff. solut. matr. d. l. pater, de evict.* quæ ait, si filia sit emancipata, non aliter dari repetitionem dotis patri, quam si ipsa moriatur in matrimonio, non igitur si diverterit a marito: sed si filia sit in potestate, pater dotem repetit, adhibita tamen voluntate filiaefamil. quia communis dos est, aut esse intelligitur. Hoc casu differentia est inter filiafam. et emancipatam, non in proposito casu. Et hæc de dote profectitia. In dote adventitia eodem casu, morte scilicet mulieris soluto matrimonio, est differentia, etiam inter actionem rei uxoriae, et actionem ex stipulatu. Num ex judicio rei uxoriae dos adventitia, mortua in matrimonio uxore, vel ad extraneum redit, a quo profecta est, si eam receperit a bi stipulatione, vel pactione, vel si non receperit, apud virum remanet semper, Ulp. in *tit. de dot.* id est, sive exstent liberi, sive non. Et hoc etiam admodum multæ leges probant, *l. si ab hostib. §. 1. ff. solut. matr.* In quo ponimus dotem fuisse adventitiam: posse igitur eam lucrari maritum morte uxoris. Nam hæc est natura adventitiæ dotis non receptæ ab extraneo, qui eam dedit, quod cogitans maritus occidit uxorem, ut dotem lucraretur, hoc casu inquit, maritus reddit dotem heredibus mulieris, quia non debet ob suum facinus dotem lucrari. Idem etiam ostenditur in *l. 5. de bon. damn. l. mulier, D. de condit. inst. l. Celsus, D. de rel. et sumpt. fun. l. 1. sup. si adv. dot. l. dotale, D. de fund. dot. l. cum mortem, ff. de jur. fiv. l. ult. sup. tit. prox.* Nec hoc ignoravit Cornutus antiquus Grammaticus in Persium: *Dos, inquit, a cive Romano data, non patrio dicta nomine, id est, dos adventitia, non profectitia, si repudium non intervenerit, post mortem uxoris ad maritum pertinet.* Et quo ma-

gis hoc videatur esse verum, nam refractariis quibusdam hoc non potest persuaderi, moneo ut caveant a *l. si filia, ff. famil. erisc.* quæ ait esse imperitiam, si quis forte existimaverit, post mortem uxoris dotem adventitiam non remanere apud virum. Et addamus etiam dotem profectitiam remanere apud virum, post mortem uxoris. Non sum mihi contrarius: nam hoc intelligo, si pater prior decesserit constante matrimonio, deinde ipsa filia, dos profectitia pertinebit ad maritum, non ad heredem socieri, *l. cum patrem, sup. de jure dotium*: quæ est maxime notanda. Et Ulpianus in dicto tit. de dotibus. Mortua in matrimonio, inquit, uxore, dos a patre profecta, si pater non sit, apud virum remanet. Et hoc est jus actionis rei uxoriæ. At actio ex stipulatu de dote adventitia recuperanda, mortua in matrimonio uxore transmittitur ad heredem mulieris, nec cedit lucro mariti, nisi ita convenerit iumento dotali, quæ est sententia hujus §. Nam Justinian. magis hodie prohibet jus actionis ex stipulatu, ut non remaneat dos adventitia apud virum post mortem uxoris, nisi ex pacto dotali.

Ad §. Cum autem, et §. Igitur.

Cum autem in exactione dotis ex stipulatu quidem actio naturaliter restitutionem dotis a patre mariti uxori illico, et in solidum fieri jubebat, rei uxoriæ autem annua, bima, trima die, in his, quæ pondere, numero, mensura consistunt, exactionem pollicebatur, et non in solidum, sed in quantum maritus facere potest, si non dolo malo suam diminuerit substantiam, in hac parte rudem figuram ex stipulatu damus actioni, ut si matrimonium fuerit dissolutum, nullo pacto adhibito, in tantum quidem maritus condemnatur, in quantum facere potest: quia hoc requisitum est, et reverentiam debitum maritali, si non dolo malo versatus est, caut one videlicet ab eo exponenda, quod si ad maiorem fortunam pervenerit, etiam quod minus persolvit hoc restituere procuret. Exactio autem dotis celebretur non annua, bima, trima die, sed omnimodo intra annum in rebus mobilibus, vel semoventibus vel incorporalibus, ceteris videlicet rebus, quæ solo continentur illico restituendis, quod commune utriusque fuerat actionis. Sin autem supersederit res mobiles, vel semoventes, vel incorporales post annale tempus restituere, vel ceteras res statim post dissolutum matrimonium, etiam usuras æstimationis omnium rerum, quæ extra immobiles sint, usque ad tertiam partem centesimæ ex bona fide introducendas marito præstet, fructibus videlicet immobilium rerum parti mulieris ex tempore dissoluti matrimonii præstandis, similique modo pensionibus vel

vecturis navium, sive jumentorum, vel operis servorum, vel quantu civilium annonarum, et aliis, quæ sunt eis similia parti mulieris restituendis.

Igitur et in sequenti capitulo sua ex stipulatu actio utatur natura, ut si mulier a marito fuerit hæres instituta, et legis Falcidie ratio emergerit, etiam dotis debitum liceat ei, sicuti alia debita ex substantia mariti subtrahere, et sic quartam partem deducere.

Quæstio hujus §. est de die reddendæ dotis, et si respicias ad jus actionis rei uxoriæ, dos, ut ait Ulpianus in tit. de dotib. quæ continetur pondere, numero vel mensura, redditur uxori soluto matrimonio, annua, bima, trima die, id est, anno, biennio, triennio, tribus pensionibus, quod statutum legibus tempus dicitur, *l. Attilicinus, D. de pact. dot.* et statutum dilationis tempus in *l. jurisgentium 7. §. ut puta, ff. de pactis.* Et ubique Tribon. propterea quod Justinianus hoc tempus mutavit, tresque pensiones dotis vertit in unam: ideo ubi scriptum erat *annua, bima, trima die*, Tribonianus reposuit *statuto tempore*, sicut in tractatu de usucapionibus semper *statuto tempore*, vel *legitimo tempore*, quod usucapionum tempora mutasset Justin. ubi Jurisconsultus scripserat *anno, biennio, triennio*, posuit *tempore statuto*. Et ut dixi in *l. jurisgentium, §. ut puta, ff. de pact. statuto dilationis tempore*, quo scilicet differat solutio, et restitutio dotis. Et ex illo §. quod non animadverti, explicanda sunt hæc verba hujus §. (nullo pacto adhibito) hoc modo: quia divortium est contractus, ut constat ex *l. si uxor, ff. de judic.* Igitur si in ipso divortio incontinenti vir et uxor paciscantur, ut dos præsens reddatur, quæ continetur pondere, numero, vel mensura; ea pactio utilis est ad agendum, id est, efficiet, ut confestim mulier repetat dotem, quia est adjecta contractui, id est, divortio ex continenti, ergo inest etiam ex parte actoris, sed ut ait §. *ut puta*, si post divortium, ex intervallo scilicet, idem convenerit, ex eo pacto non nascitur actio, quia non inest contractui ex parte actoris, quod post contractum paciscimur, et divortium est contractus. Et ita est explicandus omnino ille §. *ut puta*. Et in hoc §. *cum autem*, illa verba, *nullo pacto adhibito*, videlicet in ipsa dissolutione matrimonii, remissione nuntii, repudio, divortio, quod dicimus dotem illam esse reddendam annua, bima, trima die, secundum naturam arbitrii rei uxoriæ. Aliquando dicunt compendio rationis, annua die dotem esse reddendam, ut in *l. 1. ff. de dote præl.* annua die, id est, annua, bima, trima die. Et similiter in *l. talis, D. de leg. 1.* et Ulpian. in supradicto tit. de dot. in ea, inquit, dote quæ annua die reddi debet, et similiter idem possunt significare, nempe tres pensiones, Gallice

trois payes, hæc verba trima die, etiam omissis prioribus, annua, hima. Et in hanc rem est elegans *l. 3. §. penult. D. de an. leg.* Testator jussit Titio dari 100. trima die. Quæritur an sint præstanda tribus pensionibus, an post triennium demum? Lex ait, in dubio ea verba sic esse accipienda, ut 100. præstentur legatario tribus pensionibus id est, annua hima, trima die: vel quod ea adjectio esset olim frequens Romæ in omnibus causis ob minuendam exactionum acerbicatem: vel etiam quod eo minus gravetur hæres, si legatum solvat tribus pensionibus, id est, per partes: quam si integrum post triennium. Et in dubio favemus hæredi potius, quam legatario, parcimus, hæredi, ut ait eleganter *l. Sempronius, D. de l. 2.* quod potest hodie dirimere multas controversias, si insit memoriæ hæc sententia. In dubiis esse favendum et parcendum hæredi, id est, esse exonerandum hæredem. Et est elegans species *d. l. Sempronius*. Ejusdem patrisfamil. proferuntur hinc tabulæ eodem tempore scriptæ exemplari causa, ut solent testatores duobus exemplaribus sive codicibus scribere testamenta sua ut uno amisso supersit aliud, vel ut unum domi relinquant, alterum peregre secum ferant, ut *§. pen. instit. de testam. ordin.* Ergo finge: sunt binæ tabulæ testamenti, in eis congruunt omnia, præterquam quod in unis legantur Titio legata 50. in aliis eidem Titio inveniuntur 150. Quæritur utrum debeantur ei 150. an 200. conjuncto utroque legato, an 50. Et quia unum tantum legatum facere voluit testator, concludamus necesse est legatario deberi 150. ut est in unis tabulis, vel 50. ut est in aliis. Sed melius est ut in dubiis hæredi parcamus, atque ideo dicamus hæredem liberari solvendo 50. quod minimum est, nam in dubiis hæredi parcendum est. Sic in dubio? ea verba trima die accipimus pro tribus pensionibus. Et hoc de dote, quæ pondere, numero, mensura constat, ut reddatur per partes, id est, tribus pensionibus. Reliquæ dotes, quæ consistunt in corporibus, rebusque certis, redduntur præsentī die, post solutum matrimonium, redduntur statim secundum naturam arbitrii rei uxoriæ. Et secundum naturam ejusdem maritus, vel socer non condemnatur in solidum, sed in quantum facere potest, si modo non in fraudem uxoris bona sua dimiserit dolo malo, ut ait Justin. hoc loco. Et confirmatur *l. etiam, §. 1. D. sol. matr.* Nam et hoc quisque facere posse videtur, quod dolo malo fecit quo minus posset: dolus est pro facultatibus; sicut dolus dicitur esse pro possessione in *l. qui dolo, D. de reg. jur.* quia non æquum est dolum suum quenquam relevare. Et ita est proditum in *l. verum, §. tempus, D. pro soc.* Hæc in re dolus malus tantum arguitur, non culpa. Nam quod culpa, id est, negligentia et desidia amisit, id non

videtur facere posse, id non videtur possi lere: dolus non possessione est, non culpa: qui dolo desiit possidere, pro possessore damnatur, non qui culpa. Hoc autem privilegium, quod datur marito, datur etiam uxori, quacunque ex causa inter se agant privilegium est reciprocum, nisi ex maleficio agant. Hoc, inquam, privilegium non datur tantum marito, sed etiam filio communi heredi mariti, *l. maritum, l. etiam, l. rei judicatis, §. ult. ff. sol. matr.* Atque ita differentia est in hac re inter hæredem filium, et hæredem extraneum. Privilegium personale transit in filium hæredem, non in extraneum. Sicut alias etiam privilegium, quod datur mulieri, ut præferatur omnibus creditoribus etiam antiquioribus, datur tantum filio, non hæredi extraneo, *l. 1. inf. de priv. dot.* et valde notandum est, quoniam potest ad alia pleraque accommodari quod est scriptum in *l. ex diverso, §. ult. ff. sol. matr.* Finge: Judex imperitia juris lapsus maritum condemnavit in solidum, quem non debuit condemnare ultra facultates. Ex ea condemnatione sequitur carcer. Nam debitor, qui non potest facere, qui non est par solvendo, carcere coercetur, *l. 1. et ult. inf. qui bon. caus. pos.* Magna fuit imperitia judicis, et facit sane judex litem suam, id est, tenetur divinum præstare condemnato, sed interim mulier exiget solidum ex re judicata; verum repelli poterit exceptione doli mali. Exsequenti judicatum opponetur exceptio doli mali. Remedii istius est vis magna; nam sic fiet ope exceptionis, ut res semel judicata retractetur, *il faudra revoir le proces*, quod regula juris non patitur. Et hæc belle confirmat *l. non distinguemus, §. cum quidam, ff. de recept. qui arb. rec.* Finge: arbiter sumptus est ex compromisso, id est, compromissa invicem pœne, ni starent sententiæ arbitri, a qua constat non posse appellari, *l. 1. supra, de rec. arb.* Jure nostro: nam constitutiones regie permittunt appellationem etiam a sententiâ arbitri compromissarii, jure, inquam, nostro a sententiâ compromissarii appellari non potest, et qui ei non paret, committit pœnam compromissam, et exigi potest. Hoc cognito, pone: arbiter antequam sententiam dixisset, manifestu apparuit inimicus ex nova quadam causa uni ex litigatoribus. Et cum ab eo testationibus esset sæpe conventus ne sententiam diceret *qu' il le recusait*, is nihilominus nullo cogente sententiam dixit, cui damnatus parere noluit, nec obtemperare. Igitur exigitur pœna compromissa. Quid faciet apud judicem, apud quem pœna petitur? Opponet exceptionem doli mali, quod arbiter sententiam dixerit dolo malo, et per inimicitias, et contra testationem, et ultro et nemine cogente. Etque exceptio inquit, erit appellationis species, licet appellari non possit ab arbitro, quoniam efficit, ut sententiâ arbitri retracto-

tur, et eadem lis ex integro agitur. Et hæc de actione rei uxoriæ. Actio ex stipulatu recuperandæ dotis erat asperior, quam rei uxoriæ actio, ut semper omnis actio ex stipulatu est aspera, directa, simplex, ac proinde commodior, et utilior actori, quod agat præcise, nec quicquam potest in arbitrio iudicis. Nam hæc actio ex stipulatu maritum condemnabat in solidum, non habita ratione facultatum ejus, et exigebat dotem presentem, id est, statim a soluto matrimonio. Hanc asperitatem actionis ex stipulatu, qua sola vult hodie repeti dotem Justin. mitigat in hoc §. et hæc in re jura utriusque actionis immutat ad aliquod, novumque jus, et novam formam dat actioni ex stipulatu. In superioribus casibus, qui supra sunt tractati, veterem conservat formam actionis ex stipulatu, naturam, jura reprobat actionis rei uxoriæ: in hac questione, et casu de die reddendæ dotis actioni ex stipulatu Justinianus adjicit hoc, scilicet quod inerat actioni rei uxoriæ, ut maritus non condemnatur ultra facultates, atque ita mitigat actionem ex stipulatu, probato magis jure actionis rei uxoriæ, quod est mitis et moderatum. Nam ait hoc esse debitum reverentiæ maritali, ne acerbius exigatur, si absit dolus malus, etiamsi non absit culpa, quam reverentia adeo debetur marito, ut de ea non exhibenda, puta de marito conveniendo in solidum pacisci turpe sit et improbum, *l. alia, §. ult. ff. sol. matr.* At præterea si conventus fuerit maritus in id, quod vires facultatem sanarum ferebant duntaxat, si in id tantum condemnatus fuerit, cavere etiam debet hoc modo, quod in presentiarum facere non potest, quandoque poterit, reddi. Quod etiam proponit Justinian. in hoc §. nam post condemnationem illam moderatam, integra manet mulieri residui petitio, si postea aliquid adquisierit maritus, quod idoneum emolumentum continent, atque sufficiat explendæ doli, et persolvendæ. Et nota non esse dubitandum, hanc cautionem esse tantum novam repromissionem fidejussoribus, hoc probat evidenter *l. verum, §. item videndum, ff. pro soc.* Et quod generaliter Justinian. definivit in *l. 3. infr. de verb. signif.* in legibus cautionis nomen si nihil addatur aliud, puta si non dicatur, ut præstetur idoneæ cautio, vel satisfactio, semper esse accipiendum de stipulatione nuda promittis? promitto. Idemque significare simplex cautelæ nomen, videlicet *ἀπαλλάξ*, quoniam quam nos dicimus cautionem, Græci ἀπαλλάξ, id est, securitatem vocant: ergo et in hoc §. cautionis nomen accipimus pro nuda repromissione. Idem Justinian. in hoc §. nove constituit, ut dos que consistit in mobilibus rebus, vel semoventibus, inquit, quas Græci vocant *ἀντοκίνητα*, puta in mancipiis, vel jumentis, aut

pecoribus, item dos, que consistit in rebus incorporalibus, puta in nominibus debitorum. Denique si dos consistat in pondere, numero, et mensura, que res veniunt etiam mobilium appellatione veluti pecunia numerata, vinum, frumentum, oleum, vasa argentea, aut massæ aureæ, aut argenteæ. Et generaliter, si consistat in quibuscunque mobilibus, vel semoventibus, vel jurbus, vel actionibus, ut ea dos non reddatur annua, hima, triente die, neque etiam præsentis die, rejecto jure utriusque actionis, sed intra annum. Et hic valde laudo, quod decidit Accursius, quod querit primum, ac deinde respondet. Dos igitur ea reddenda est post annum. Interim unde se, et suos alet; et tuebitor mulier? unde vitam tolerabit suam? finge eam alia nulla bona habere, ut *l. ult. inf. qui pot. in pign. hab.* Plerumque ait mulieres solam dotem habere in bonis. Et prudenter definit Accursius, mulierem, que aliunde se tueri non potest, intra eum annum esse alendam sumptibus mariti, vel heredum ejus, quod et ipsi dote utantur fruuntur. Quid autem fiet si dos consistat in rebus immobilibus? ut olim obtinuit in utraque actione, reddenda est statim, hoc est apertissimum. Et in ea quidem, que reddenda est intra annum, intra eum annum, est immunis ab usuris præstandis mulieri. Sed si post annum reddatur, incipiunt currere usuræ dotis trientes; usuræ ergo moventium, ut mancipiorum, jumentorum, id est, estimationis earum rerum, qua in re distat vir a muliere: nam viro potenti dotem debentur usuræ trientes à quatre pour cent post biennium, *l. ult. §. præterea, supra tit. proxim.* mulieri repetendi post annum. Etiam ex *d. §. præterea, et ex l. hac edictali, §. his illud, sup. de sec. nupt.* intelleximus antea, rebus immobilibus adnumerari panes civiles, et mancipia rustica, et redditus, vel pensiones prædiorum rusticorum, vel urbanorum. Ex hoc loco annumerabimus etiam rebus immobilibus, vel fructibus earum, aut quæstibus vecturas navium, vel jumentorum, ac si naves sint res immobiles, et jumenta, et operas servorum, que locari solent, quod videtur tantum accipi posse de servis rusticis, vel de jumentis rustico operi destinatis. Nam hæc mancipia, vel jumenta, veluti pars fundorum sunt. Ergo veluti res immobiles, ut ait Julian. in *Novell. 7.* Et his addatur *l. mercedes, de pat. hered. §. seq.* exposuimus in §. primum itaque, quia pertinet ad edictum de alterutro.

Ad §. Cumque.

Cumque ex stipulatu actio in his casibus, quos enumeravimus propriam naturam habeat: necessarium est in sequenti tractatu ea exponere, quas

vel communia sunt utriusque actionis, vel quæ in solam ex stipulatu actionem colligi oportet: vel propria quidem rei uxoriæ actionis, et inde autem ex stipulatu actioni accomodanda. Itaque partus dotatium ancillarum, id est, quæ aestimatae non sunt, vel quæ servi dotales ex quacunque causa (nisi ex re mariti, vel operis suis) acquisierunt, ad mulierem pertinere utraque actio similiter voluit. Fœtus autem jumentorum, et omnia, quæ fructuum nomine continentur, ad luctum mariti pertineant pro tempore matrimonii, sive non aestimata, sive aestimata sint. Sed et novissimi anni, in quo matrimonium solvitur, fructus pro rata temporis portiones utrique parti debere assignari, commune utriusque actionis est, in rebus scilicet non aestimatis. Aestimatarum enim rerum maritus quasi emptor et commodum sentiat, et dispendium subeat, et periculum exspectet.

Justinianus cum antea satis ostendisset quæ retinuerat ex natura, et jure actionis ex stipulatu longe diversa ab actione rei uxoriæ: nunc incipit tractare quæ sunt communia actionis utriusque, quæ etiam ipse retineat et probet. Et jam in §. cum autem, sup. occupavit dicere hoc esse commune utriusque actionis, ut prædia dotalia soluto matrimonio statim reddantur, reliquæ dotes etiam redduntur, statim ex natura stipulationis, ex natura rei uxoriæ annua, bima, trima die: ex nova forma, quam Justinianus indidit actioni ex stipulatu, intra annum reliquæ dotes redduntur, quæ non consistunt in rebus soli, vel quæ in mobilibus rebus adnumerantur. Sequitur in hoc §. aliud commune utriusque actionis, ut in neutram actionem veniant fructus dotis percepti constante matrimonio. Hos enim maritus lucratur pro oneribus matrimonii, l. dotis fructus, ff. de jur. dot. l. pro onerib. sup. cod. l. cum pater, l. queris, ff. de pact. dot. Dixi constante matrimonio, nam fructus percepti ante nuptias, puta, cum traditio dotis vetustior est nuptiis, hi fructus augent dotem, et reddendi sunt quandoque soluto matrimonio, quasi dotales, d. l. dotis, §. 1. l. si servo in dotem, de jure dot. l. 6. ff. solut. matr. Rursus recte dixi, percepti constante matrimonio, nam percepti post solutum matrimonium ex prædiis dotalibus, etiam augent dotem, non cedunt lucro mariti, l. si marito, §. ult. ff. solut. matrim. Et ideo ejus anni, quo divortium factum est, vel quo morte viri solutum est matrimonium ut in l. 7. §. interdum, in fin. soluto matr. vel etiam morte mulieris, si dos profectitia fuerit, quæ sit reddenda patri mulieris superstiti, ejus, inquam, anni fructus extremi anni nuptiarum dividuntur inter virum et uxorem, aut socerum, pro rata

temporis, quæ stetit matrimonium, ut recte ait Justin. in hoc §. et J. C. in l. si alienan, ff. solut. matr. l. cum in fundo, §. d'vortio, ff. de jur. dot. Et Paulus 2. sentent. tit. 22. Exempli gratia: si novissimo anno matrimonium steterit quatuor mensibus tantum, cum forte una fuissent per quinquennium, aut decennium, ex novissimo anno, quo conjuges una fuerunt quatuor mensibus tantum, ex fructibus ejus anni maritus feret trientem, uxor bessem, id est, maritus tertiam, quia tertia parte tantum ejus anni stetit matrimonium, tertique tantum parte ejus anni sustinuit onera matrimonii: uxor feret duas tertias, nisi aliud convenerit, l. penult. ff. de pact. dot. Et inde illa nobilis questio, de divisione fructuum inter virum et uxorem in d. l. 7. §. Papinianus, ff. sol. matr. quam satis diligenter, ut arbitror, memini me exposuisse tribus in locis; in sententiis Pauli, in feudis, et in obser. 14. cap. 22. Aberrarem longe si ea questio esset mihi nunc relaxanda: sed ex eis locis licet unicuique petere certam ejus definitionem, maxime ex obser. 14. Ubique tamen semper servanda est illa regula, ut novissimi anni fructus capiat mulier pro rata temporis, quo nupta viro fuit, et vir æque pro rata temporis, quo ei nupta mulier fuit: quæ ratio, ut in illis locis ostendi, etiam servanda est inter dominium et fructuarium, ut ejus anni, quo finitur usufructus, pro rata temporis, quo stetit usufructus, eo anno fructus partiantur inter se, abrogata communi opinione, quæ ducebatur ex l. defuncta, de usufr. male intellecta. Nam et audio Senatum Parisiensem ea in re abrogasse communem opinionem, id est, id quod plerique existimant, quod etiam dicitur regula. Nam in jure regula est, quod plerique juris auctores existimant, sive opinio communis. Et hoc de fructibus ejus anni, quo factum est divortium bona gratia. Nam si culpa intervenerit viri, vel mulieris, servanda sunt ea, quæ antea diximus de mulctandis conjugum culpis, qui dissidium fecerunt. Porro aliis annis percepti fructus, quibus nullam fuit inter conjuges dissidium, cedunt lucro mariti in vicem onerum matrimonii, nec veniunt in repetitionem dotis, etiamsi usufructus datus sit in dotem, non sunt reddendi fructus soluto matrimonio, quia nisi aliud appareat actum, jus ipsum utendi fruendi videtur esse in dotem, non fructus qui percipiuntur. Igitur satis est cedi jus ipsum utendi fruendi soluto matrimonio, nec perceptorum fructuum repetitio est, et quod dixi, eos fructus cedere lucro mariti onerum matrimonii vice, l. dotis, §. si usufr. ff. de jur. dot. ex eo J. C. recte colligit in l. quamvis, ff. de jur. dot. dotem quamvis sit in bonis, et dominio mariti, tamen etiam mulieris

esse ex effectu ipsa; quia fructus dotis effectu redeunt ad mulierem, cuius onera sustinet maritus, et hominum ejus puta, ancillarum, et servorum. Denique et jure, et ipsa mulier est domina dotis etiam constante matrimonio. Igitur maritus non est solus dominus dotis, sed sunt veluti duo domini dotis, et duo possessores. Maritus igitur non omnino comparandus fructuario, ut glossa tentat in hoc §. Est enim plus quam fructuarius, nempe dominus, id est, proprietarius: nam et fructuarius posset dici dominus, et quam legem nondum in hanc rem attuli, aperte *l. quoties, §. ult. ff. de pecul. sit*, dotis datione dominium mutari, sicut emptione, aut venditione facta a domino, et legato: nam legati dominium acquiritur ipso jure *ex l. tab. ut Ulp. ait lib. reg. titul. de dom.* Fructuarius non potest servum manumittere, in quo habet usufructum, cum nec jure veteri nulus proprietarius ante Justin. potuit manumittere: pleni domini erat dare plenam libertatem, non vel proprietarii tantum, vel fructuarii, *l. 2. §. de manumiss. vind.* Maritus potest manumittere servum dotalem, si sit solvendo, id est, si pretium capitis manumissi possit refundere uxori, sicut alienare potest quamlibet rem dotalem mobilem aequè, si sit solvendo, *l. 3. sup. tit. prox.* Nam lege Julia prohibetur tantum alienatio fundi dotalis, vel ædium, servus non est hujus generis. Ac præterea manumissio non est alienatio, qui manumittitur, non alienatur, hoc est perspicuum. Et ideo in jure semper separatur alienatio a manumissione, *l. ex judiciorum, ff. de accus. l. prospexit, ff. qui et quib. man.* In fructibus autem, quos diximus lucrari maritum, quoniam et Justin. hoc attingit in hoc §. numerantur, ut certum est, vineæ, et segetes: in fructibus dotis sunt etiam lana, et foetus pecorum exceptis foetibus, qui submissi gregem retinent, atque reficiunt. Nam si grex ovium datus sit in dotem, maritus in locum demortuorum debet submittere foetus, atque ita retinere gregem integrum. Et hi foetus submissi non habentur in fructu, sed in dote, *l. plerumque, §. si servi, ff. de jur. dot. et l. 7. §. non solum, ff. sol. matr.* In fructibus etiam sunt, aut vice fructuum usurae collectae ex nominibus dotalibus, argumento *l. deducta, §. ante, ff. ad Trebell. et l. usurae, ff. de usur.* Usurae fructuum vicem obtinent. Quid est usura? fructus, sive redditus pecuniae, sive earum rerum, quæ pondere, numero, mensura constant, in quibus tantum matuum consistit. Usura est hujus pecuniae redditus, *l. Titius, ff. de præscript. verborum.* Et in fructibus numerantur pensiones prædiorum urbanorum, in *d. l. 7. de pensionib. l. prædior, ff. de usur.* Non loquuntur hæc leges de pensionibus rusticorum prædiorum; nam has certum

erat esse in fructu, quia rusticis prædiis fructus parere proprie innatum est ingenitoque. Sed dubitabatur an etiam pensiones urbanorum prædiorum in fructu essent? quod magis placet: item vice fructuum sunt, et ideo cedunt lucro mariti quæ servus dotalis acquirit ex re mariti, vel ex suis operis, ut ait Justinian. in hoc §. vel etiam si aliquid servus dotalibus relinquatur hæreditatis, aut legati titulo contemplatione mariti, id est, quod testator velit ad maritum pervenire, non ad uxorem, nam et hoc videtur esse ex re mariti, ex *l. aditio, in ff. D. de acq. hæred. l. si legato, aut hæred. ff. de jur. dot.* Sunt et alia pleraque in fructu, quæ necesse non est omnia recitare. Dicamus de his, quæ non sunt in fructu dotis, quæ sunt in fructu, maritus non reddit, quæ non sunt in fructu, reddit uxori, quia augent dotem. Dos constante matrimonio crescere, et decrescere potest. Idemque de ea dici potest, quod de peculio, similem esse homini dotem, ut peculium simile ex homini dicebat Papirius Fronto: nascitur dos cum traditur, nuptiæque sequuntur, aut præcesserunt: crescit alluvione, crescit confusione usufructus, et iis, quæ mox subsequuntur: decrescit etiam casu fortuito, et moritur soluto matrimonio. Quæ non sunt in fructu accrescunt doti, augent dotem, ut lapides cæsi, et arbores, quædam, veluti grandes, et frugiferae, nam esse non sunt in fructu, ut maritus possit eas cedere: itemque res comparatas ex dotali pecunia non sunt in fructu, sed dotales sunt, *l. si ex lapidicinis, et l. res, quæ ex dotali, D. de jur. dot. l. 7. §. si fundum.* Et, ut dixi sup. foetus, qui submissi gregem suppleant, non sunt in fructu: itemque acquisitiones aliæ servorum dotalium, id est, extra rem mariti, vel operas servorum, sunt etiam dotales, non in fructu, *l. 3. D. de fund. dot.* Itemque partus ancillarum, ut ait Justin. hoc loco, et *l. cum post, §. ult. D. de jur. dot.* Nam partus non est in fructu, neque in redditu. Absurdum visum est, ut homo homini esset in fructu, *l. vetus, D. de usufr. l. in pecudum, D. de usur.* Igitur partus neque in fructu est, neque in redditu, quia, ut utar alia ratione, etiam ancillæ non ita comparantur, ut gallinæ, nempe ut pariant. Hæc ratio ponitur in *l. ancillarum, de pet. hæred.* Partus igitur earum marito dicuntur non esse in redditu. Et in hoc consentiunt omnes juris auctores, qui exstant, neque, ut ego ostendam infra, ulla lex huic sententiæ refragatur, nam quas objiciunt, eas ostendam potius corroborare sententiam. Extremum erit, licet nos dicere de rebus dotalibus inæstimatis, quæ etiam proprie sunt dotales: harum periculum spectat ad mulierem: ergo et compendium, sive commodum. Inæstimatæ res meliores, aut deteriores, aut mi-

nones, aut maiores sunt mulieris periculo, ac proinde ei conservantur incrementa dotis, id est, quicquid est extra fructus dotis, sicut diminutiones dotis, etiam ei imputantur, cum dos est inestimata. Nam aestimatarum rerum dotalium alia est conditio, quia eas emisse videtur maritus, qui soluto matrimonio liberatur solvendo pretium, sive restitutionem conventam initio dotis danda. Et hujus fundi dotalis aestimati lex Julia non prohibet alienationem, sed inestimati: nam aestimatio facit maritum solum, et plenum dominum, non etiam uxorem, *l. 5. sup. de jur. dot. aestimatae* dotis est dominus solus maritus. Et ideo omne ejus dotis commodum et periculum ad eum pertinet. Denique non tantum fructus, sed et cetera, quae non sunt in fructu, *l. plerumque, in principio, et §. 1. et l. si mancipia, D. de jure dotium*. Ergo partus ancillarum etiam ad eum pertinent, quasi emptorem ancillarum. Nam aestimatio vera emptio est, cum ex eo negotio sit actio ex empto et vendito, *l. quoties, D. eodem titulo*. Ex superioribus intelleximus, partum ancillae non esse in fructu, vel redditu, et augere dotem, si ancilla dotalis fuerit, quod hodie post multas controversias constat inter omnes juris auctores, et dirimit haec definitio multas quaestiones juris. Fac aliud esse fructum, aliud redditum, ac proprio redditum, qui et proprie relictus, et relictus dicitur, esse id, quod redigitur ex locatione et conductione, in *l. fundi, D. de usufruct. leg. l. liberti, D. de annu. legat. l. penult. §. insulam, D. de leg. 2.* vel id, quod redigitur ex senore, ut in *l. Titius, D. de praescriptis verbis, l. alumnae, D. de adimend. legat.* Nam senus quasi conductio est nummorum, et locatio, ut in illo loco Horatii: *Conductis coemens obsonia nummis*, id est, senori acceptis: vel fac aliquando, esse idem redditum et fructum, ut in *l. quidam, l. qui fructus, D. de usufructu leg. l. 12. D. de alim. legat.* Vel hoc si feceris, vel illud semper verum est, partus ancillarum non esse fructus, non esse redditus, et ideo non dissidet ab hac definitione Paulus, quod tamen plerisque videtur *l. 14. D. de usuris, et leg. 24. §. 1. D. ad leg. Falci.* Quorum locorum interpretationem pollicitus sum. Cum nominatim scribat Paulus *§. sentent. tit. de legatis*: legato usufructu ancillae, partum ejus non pertinere ad legatarium, sive fructuarium. Ergo Paulus idem admisit, quod ceteri omnes, partum ancillae non esse fructum. Sed diligenter, ut res tota intelligatur, nobis explicanda est *d. l. 14. ff. de usur.* Initio lex proponit, post moram in fideicommissio solvendo factam, fideicommissario esse restituendos partus ancillarum, quae fideicommissio continentur, videlicet editos post moram. Ergo per contrarium

inducit statim ab initio, et manifestius in sequentibus, partus editos ante moram non esse restituendos fideicommissario, sed remanere pene heredes. Et hoc proposito idem Paulus eodem in loco ponit hanc speciem: heredem rogatum restituere hereditatem post mortem suam, id est, heredis, nam olim fideicommissum potuit relinqui post mortem heredis, non etiam legatum. Recte igitur rogatus est haeres post mortem suam restituere hereditatem, in qua erant ancillae, et adjecit sine redditu, id est, ut restitueretur hereditas post mortem heredis excepto redditu. Quæritur an partus editi vivo herede, id est, ante diem fideicommissi cedentem, et ante moram, an mortuo herede sint restituendi fideicommissario? Et videbatur esse restituendos, quia testator tantum excepit redditum, ne is restitueretur, ne fideicommissio contineretur, vel hereditate fideicommissaria. In redditu autem non sunt partus, ergo partus excepti non videntur. Sunt igitur restituendi, quasi insint hereditati. At Paulo aliud judicium est, nimirum ut partus editi vivo herede ante diem fideicommissi cedentem, non veniant in restitutionem, non contineantur fideicommissio. Et hoc ita existimat Paulus, non quod excepto redditu, excepti videantur partus quos scribat non esse in redditu, vel fructu, sed quia ea adjectio testatoris, *sine redditu post mortem tuam restituito hereditatem meam*, sit superflua, et perinde res habeatur, atque si apposita non fuisset. Illa autem clausula non apposita, *sine redditu, deducto redditu, excepto redditu*, proculdubio non venient in restitutionem fructus percepti ante moram, ante diem legati cedentem, ante acquisitum ex causa fideicommissi dominium. Haec tria idem demonstrant tempus, ante moram, ante diem legati cedentem, et ut est in *l. 42. D. de usur.* ante acquisitum ex causa fideicommissi dominium. Nam ut legatum statim ut cessit dies ejus, ipso jure acquiritur ex *12. tabulis*, id est, dominium ejus rei, quae legata est, *l. quoties, §. ult. D. de pecul.* ita etiam jure praetorio statim ut dies cessit ex causa fideicommissi dominium acquiritur, vel dominium possessionis, quoniam praeter facit possessorem, non dominum ubiquam, *l. qui usufructum, D. si usufr. pet.* Ergo ut uno verbo dicam, fructus perceptos ante diem fideicommissi cedentem, haeres rogatus restituere hereditatem, post mortem suam retinebit, neque restituit. Et sunt dum rationes hujus sententiae: prima haec est, quia rogatus est tantum restituere quod esset hereditatis. Fructus autem medio tempore percepti non hereditati accepto fruantur, sed rebus hereditariis, quae multum distant ab hereditate. Nam hereditas est res incorporalis: res hereditariae sunt corporales. Usurae autem medio

tempore percepti, non etiam accepto feruntur hereditati, sed nominibus hereditariis. Ac proinde in restitutionem non veniunt fructus medio tempore percepti, vel usurae nominum hereditariorum, quæ vicem fructuum obtinent. Et hæc ratio proponitur in *l. in fideicommissaria*, §. 1. *D. ad Trebell.* nam §. 1. est ratio sententiæ propositæ initio huius leg. Altera ratio hæc est, quia fructus ab hærede percepti medio tempore rogato restituere hereditatem, post tempus videntur percepti iudicio defuncti, id est, videtur defunctus voluisse, ut interim hæres fructus suos faceret, et interea pedinem illam temporis adscripsisse in gratiam hæredis, in *l. mulier*, §. *si hæres*, *D. ad Trebell.* Ergo non debet eos restituere, quia voluntas defuncti hæc fuit, ut venirent in fideicommissum. Quæ ratio etiam efficit, ut fructus medio tempore percepti, hæredi imputentur in quartam, *d. l. in fideicommissaria*. Nam quicquid hæres percepit iudicio defuncti, jure hereditario, non alio titulo, id, inquam, solum, non quod alio titulo capit, imputat in quartam, *l. in quartam*, *ff. ad legem Falc.* Ergo fructus medio tempore percepti non veniunt in restitutionem, cum sint percepti iudicio defuncti, sed eadem ratione imputantur hæredi in quartam. Paulus existimat idem statuendum esse in partu, quod est receptum in fructu, quod etiam confirmat de fructu scilicet *l. ita tamen*, §. 1. *ad Trebell.* et *l. 26. et l. quod his verbis*, *D. de leg. 3.* Et excipiuntur soli filii, quo jure utimur hodie dæstrictæ, ut filii a patre rogati restituere hereditatem vel aliis liberis, vel extraneis post tempus, omnimodo fructus medio temporis lucrifaciant, nec imputent in quartam: sed præter fructus medii temporis etiam deducant quartam integram. Hoc solis filiis dedit Zeno Imperator, in *l. jubemus*, *inf. ad Trebell.* Hæc, inquam, omnia, quæ dicuntur de fructu, Paulus etiam admittit in partu, et in partu partus, videlicet partum, vel partuum partus non contineri fideicommissum hereditatis, sed imputari in Falcidiam hæredi, in *l. 24. §. 1. D. ad l. Falcid.* quoniam et in partu intervenit eadem ratio, eadem utilitas, par in utroque est ratio et utilitas, argumento *l. ubi*, *ff. de cloacis*, et *l. 5. §. constitutio*, *D. ut in poss. leg.* Communis ratio hæc est, quia ut fructus, ita partus, qui eduntur medio tempore (quia fideicommissum dilatum est in tempus in gratiam hæredis ex tacita voluntate defuncti) debent pertinere ad hæredem, id est, non fructus tantum, sed etiam omnis causa hereditatis, omne commodum, omne interuenturium, quod pendente die fideicommissi hæres capit rogatus restituere hereditatem post tempus. Non vult Paulus partum esse in fructu,

sed sequi jus et conditionem fructus, ut evenit in multis partibus juris. In actionem quod metus causa non veniunt tantum fructus, sed etiam partus, quamvis non sint fructus, et partuum partus, *l. sed et partus*, *D. quod metus causa*. Et similiter in actionem Paulianam, *l. ait prætor*, §. *partum*, *D. quæ in fraud. cred.* et in rei vindicationem officio judicis, post litem contestatam veniunt fructus, veniunt partus, venit omnis causa ejus rei, de qua agitur, *l. Julianus*, §. 1. *D. de rei vindicatione*, et in petitionem hereditatis, et nominatim in *l. ancillarum*, *D. de petit. hæred.* ancillarum hereditarium partus, et partuum partus venire in petitionem hereditatis, quamvis in fructu esse non existimentur, inquit, quod vix ancille ejus rei gratia comparantur, ut pariant, ut sint redditui, fructuique, sed ut serviant utiliter. Ergo nihil vetat aliquid non esse in fructu, et ejusdem esse juris et conditionis, cujus est fructus. Et hoc voluit Paulus in *d. l. 14. de usuris*, sed non fuit contentus hoc ita demonstrasse; voluit etiam id confirmare in *d. l. 14. ex eo*, quod retulit Neratius in *lib. 1. respons.* ut opinor, ex communi auctorum sententia, quod si ancilla sit legata sine redditu, sicut ante propositum fuit, hereditatem fuisse relictam per fideicommissum sine redditu: si inquam ancilla similiter relicta sit per fideicommissum, legata per fideicommissum, partus ex eo nati, ante fideicommissi diem cedentem, ante moram, non veniunt in restitutionem, non sequuntur matrem. Et sane de hoc constabat inter omnes auctores, ancillam legatam vel directo, vel per fideicommissum non sequi partum editum ante moram. Hoc aperte probat *l. uxorem*, §. *sorori*, *ff. de leg. 3. et l. penult. ff. de optio. leg.* Sed huic *l. penultimæ*, ne quem perturbet varia scriptura, modo affirmativa, modo negativa, quæ est in ea *l. penult.* duobus locis, et ut asseramus, et vindicemus, veram esse scripturam vulgarem, manus ei porrigenda est, exposita breviter specie: quidam filium et uxorem suam hæredes instituit, et filiam exheredavit, et ei legavit certam summam, cum in familia nuberet, et insuper eidem filie legavit decem mancipia cum nupsit, quæ scilicet elegisset uxor mater filie statim post aditam hereditatem, ante nuptias filie: queritur, si ante nuptias mancipia enixa sint, et pepererint, an partus debeantur filie, qui nati sunt ante diem fideicommissi cedentem, id est, ante nuptias? Respondet non deberi filie, partum matrem legatam non sequi: non est igitur perpetuo verum quod dicitur partum sequi matrem. Est verum cum queritur de dominio, ejus scilicet, esse partum, cujus est mater, *l. partum*, *supra, de rei vindic.* Et heredis igitur esse partum editum medio tem-

pore, quia medio tempore ancilla hæredis fuit. Et etiam id verum si queratur de statu partus vulgo quæsitum, non iusti partus, id est, ex iustis nuptiis: nam partus non intervenientibus iustis nuptiis sequitur statum matris, ex serva servus nascitur, ex libera liber, ex latina latinus: ea est lex naturæ, quæ sola spectatur in vulgo quæsitis seu spuris, *l. lex naturæ, D. de statu hominum*. Ceterum partus, qui jam factus est hæredis, non sequitur matrem jure legati, aut fideicommissi transeuntem ad alium, quia non sunt comprehensi fideicommissi, vel legato. Et rursus in eadem *lege penul.* queritur, an usus et fructus partuum editorum ante nuptias pertineant ad matrem, cui maritus permiserat electionem decem Mancipiorum dandorum filie exheredatæ cum nuberet? Et respondet lex, nihil proponi cor fructus, quod et de partibus dici potest natis medio tempore, ad matrem pro solido pertineant, quæ verba explicant male. Sed est manifestum significari hoc, fructus partuum non pertinere ad matrem in solidum, quia habet cohæredem filium: communicandi ergo sunt filio cohæredi, quia non inveniuntur nominatim adscripti matri. Erunt igitur communes: matri tantum electio decem Mancipiorum concessa est: ergo hoc ratum et fixum est, ancillam legatam non sequi partum editum ante moram, vel medio tempore, idem est: et ideo non abs re in *l. si ancillas, de legatis 1.* proponitur testatorem legasse ancillas, et quod ex eis nasceretur: alioquin partus non sequerentur legatarium, nisi nati post moram. In *l. hujusmodi, §. legatum, D. de legatis 1.* quod dicitur partum sequi matrem legatam, hoc ideo fit, quia testator legaverat omnia Mancipia, quæ sua essent tempore mortis: et eo tempore, mortis scilicet testatoris, ancilla in fuga pepererat, manifestum est hunc partum esse legatum non minus, quam matrem, quia tempore mortis testatoris is partus fuit editus, et ipso jure factus testatoris. Denique relinquitur, ut iterum dicam, ancillam legatam post tempus non sequi partum editum medio tempore. Unde sic ratiocinatur Paulus in *d. l. 14.* Ancillam legatam non sequitur partus editus medio tempore: hæc propositio est, hoc est verum hoc nemo distitetur. Sequitur assumptio: nihil autem interest an ancilla specialiter, an hæreditas sit in fideicommissi, in qua sunt ancillæ. Conclusio: ergo idem obtinet in hæreditate fideicommissaria, ut scilicet hæredem, vel fideicommissarium non sequantur partus editi ante moram. Si hoc valet in ancilla specialiter legata, ut constat inter omnes, cur æque non constat inter omnes, ut valet in hæreditate fideicommissaria, in qua sunt ancillæ? Nam sciebat Paulus suam sententiam neque Ulpiano probari in *l. mulier, §. sed enim, D. ad Trebell.* neque Papiniano in *l.*

deducta, §. hæreditatem, D. eod. tit. Quos auctores solet sæpissime reprehendere. Nam et in Papinianum ex professo Paulus scripsit notas, et cum ait: Quidam refert, cujus sententiam improbat, vel intelligit Ulpianum, ut in *l. lecta, D. de rebus cred. l. 8. D. usufr. quemad. cau. l. qui hæredi, §. si duorum, D. de cond. et dem.* vel Papinianum, ut in *l. creditorib. D. de separat.* Videamus autem an assumptio Pauli sit vera. Nihil interesse ait an ancilla specialiter, an hæreditas in fideicommissi sit. Si ostendero esse falsam, consequens est eam ratiocinationem esse captiosam. Videtur esse falsa, id est, videtur interesse multum, ancilla reliquatur specialiter, an hæreditas, in qua sunt ancillæ: nam hæreditas est nomen juris universi, quod recipit augmenta, et diminutiones, commoda, et incommoda omnia: ancillæ autem nomen est corporis, nomen, quod certis finibus circumscribitur, finitur. Et inde differentia inter petitionem hæreditatis, et rei vindicationem. Nam in petitionem hæreditatis veniunt partus, et fructus quocumque tempore percepti ante litem, vel post litem, ante aditam, vel post aditam hæreditatem, *l. item veniunt, §. fructus, ff. de pet. her.* In rei vindicationem non veniunt fructus, vel partus, nisi post litem contestatam, nec ii jure actionis, sed officio judicis, quam differentiam probat *l. 9. sup. de pet. hæred.* dum inducit nomen hæreditatis, quo significatur jus universum. Nam formula hæreditatis petitionis hæc est: *si paret hæreditatem meam esse*: hoc nomen recipit augmenta omnia, et diminutiones, fructus, et partus cujuscunque temporis. Sic dicam, si rogatus quis sit restituere hæreditatem, partus augere eam hæreditatem. Item fructus augere hæreditatem perceptos ante aditionem, *l. ita tamen, §. 1. D. ad Trebell.* Et multo magis fructus, qui erant maturi tempore mortis testatoris: vel in horrea repositi, *l. 9. D. ad leg. Falc. l. Centurio, D. de vulg. substit.* Fructus perceptos post aditionem ante moram eripiam, et negabo augere hæreditatem fideicommissi collato in tempus, quia ex judicio defuncti eos retinet hæres, fructus, inquam, non etiam partus, quia in fructibus non habentur. Sed facile potest respondere Paulus, nempe hoc modo: fructus perceptos post aditionem aut moram, videri perceptos judicio defuncti: qui in gratiam hæredis distulit solutionem fideicommissi, cur non et partus ut hæres lucretur, videtur testator fideicommissum contulisse in tempus? Non est ergo plus juris hæredi retinendorum fructuum, quam partuum perceptorum, editorum ante tempus fideicommissi. Ulpianus tamen in supradicto loco dixit, partus esse restituendos, quia non sunt in fructibus. Et loquitur necessario, cum dicat tantum partus, de editis ante moram: nam post moram nullæ

est differentia inter partus et fructus. Et ita etiam Papinianus in supradicto loco, si quis rogetur restituere hereditatem post mortem suam exceptis redditibus, ait, eum non posse retinere partus, quia excepti sunt soli redditus, et partus non sunt in reddito. Et similiter eum non posse retinere fetus gregi submissos, quia et ii non sunt in reddito, *l. plerumque, §. si servi, ff. de jure dot.* Et loquitur etiam necessario de editis ante diem fideicommissi cedentem. Nam post diem nulla est differentia inter partus et fructus, sive redditus. Ideoque idem Papinianus in dicta *l. deducta*, cum hoc proposuisset in *§. hereditatem* de partibus, et in *§. ante*, fructus retinere heredem, subjicit, fructus tantum heredem retinere ante diem fideicommissi perceptos, et pensiones, quæ sunt in fructu, atque usuras, quas debitores hereditarii solverant heredi, cum postea dies cessasset, id est, quarum usurarum post mortem creditoris dies cessasset, has heres retinebit, nec restituet, ut in dicta *l. deducta, §. qui post*, et *l. ita tamen, §. actiones, eodem titulo*. Nec obstat *l. postulante, §. penult. et ult. eodem*. Itaque ut concludam, non est dissidium inter jurisconsultos in ea questione, an partus sit in fructu, sed an partus in restitutione fideicommissi eodem jure sit et conditione, qua fructus. Et probabilior est Pauli sententia.

Ad §. Cautione.

Cautione videlicet defensionis in specie, in qua dotem suam uxoris, vel nurus in familie erciscundæ judicio præcipuam filius defuncti detrahit, secundum propriam naturam ex stipulatu actionis cohæredibus suis præstanda.

Solet nurus dotem dare socero, itemque pronurus pro socero, in cujus potestate maritus est, vel pro eo pater, aut extraneus: nam et socer, vel pro-socer sustinet onera filii, et nurus, et nepotis pronurus. Sunt enim in unius patris familie, in *l. si filia, §. hoc amplius, ff. famil. ercisc.* Dos datur pro oneribus matrimonii, et nihil aliud est, quam pensatio onerum. Ergo ei dari debet, qui sustinet onera, id est, ei, in cujus potestate maritus est: nam etsi data sit marito, confestim acquiritur parenti, in cujus potestate maritus est. Et ex contractu dotis data filio, vel nepoti, parens quandoque tenetur, soluto matrimonio mulieri jure honorario, actione de dote, quod jussu, si jussu ejus dos data sit filio, vel nepoti, novo marito, vel de pecunio, vel de in rem verso, vel si quid dolo malo ea in re fecerit. Nam si forte res dotales habeat, nec eas restituere paratus sit, condemnabitur ex doli clausula, quæ inest actioni de dote bonæ fidei, quanti ea res erit. Et hæc omnia comprobantur ex

d. §. hoc amplius, et l. in bonæ fidei, ff. de pecul. l. si cum dotem, §. transgrediamur, l. si filiofam. 25. et l. si filiofam. 55. soluto matrim. hac ratione, quod scilicet dos apud eum esse debeat, apud quem decurrunt onera matrimonii. In distrahenda societate omnium bonorum ex judicio communi dividendo, socius, qui contulerat in societatem dotem uxoris suæ, eam præcipit, id est, retinet præcipuam, nec deducit in divisionem constante matrimonio, quia dos apud eum debet esse, qui onera sustinet. Et hæc est sententia *l. actione, §. ult. D. pro soc.* Et similiter post mortem soceri, qui a nuru dotem accepit, quia onus matrimonii a patre marito defuncto in ipsum maritum transfertur, maritus si ex parte pure hæres sit institutus a socero, id est, patre suo, adjectis cohæredibus constante matrimonio in judicio dividendo hæreditatis inter cohæredes, quod dicitur familie erciscundæ, dotem uxoris suæ recipiet ante omnia, et reliqua bona dividet inter cohæredes, sed opposita exceptione doli, non ante præcipit dotem, quam caverit cohæredibus, defensum iri eos adversus mulierem, vel patrem ejus, vel extraneum, qui pro muliere dotem datam sibi recepit, quandoque soluto matrimonio agentem ex stipulatu de dote recuperanda: eadem est cautio defensionis et indemnitatis. Nam defendere cohæredes adversus repentes dotem, quam ipse præcipuam retinuit, est litem totam subire pro cohæredibus, cum quibus agitur de dote, et indemnes eos præstare, *l. pater dotem, D. de dot. præl.* Et hæc est sententia hujus §. cautione, quam confirmat *d. l. si filia, §. hoc amplius, et l. fundus qui, D. fam. erc. et l. 1. §. Celsus, et §. pen. D. de dot. præl.* Et addit *l. 2. sup. fam. erc.* filium præceptam dotem uxoris suæ judicio familie erciscundæ per arbitrum divisionis sibi retinere, si postea mulier moriatur in matrimonio, videlicet nisi sit dos profectitia, et pater mulieris, qui dotem dedit, supervixerit filio, vel nisi dos sit receptitia. Et sane *d. l. 2.* loquitur tantum de dote, quam socero nurus ipsa adnumeravit, non pater ejus, non extraneus pro ea. Hanc filius ex parte hæres institutus a patre suo socero uxoris suæ deducet, detrahet, præcipiet in judicio familie erciscundæ, eamque retinebit, si postea mulier moriatur in matrimonio. His autem verbis hujus §. secundum propriam naturam ex stipulatu actionis: his verbis, inquam, ne fallamur, non hoc significatur, jus illud proprium fuisse actionis ex stipulatu de dote recuperando, ut scilicet dotem datam socero maritus ex parte a socero hæres institutus, præciperet in hereditate dividenda: nam propria, quæ erant actionis ex stipulatu, omnia jam sup. exequutus est, et communia utriusque

actionis ex stipulatu, et rei uxoris, cepit exponere a precedenti §. Ergo et ad communia utriusque actionis pertinet hic §. Denique quod in hoc §. dicitur de precipienda dote, utriusque iudicii æquitas admittit. Et recte ita Græci concludunt hunc §. τὰν τε καὶ τὴν νύμφην. *Hæc communia erant utriusque actionis.* Hanc conclusionem appingunt extremo hujus §. Quid est ergo quod ait, *Secundum propriam actionis ex stipulatu naturam cautionibus cohæredibus præstandis?* His verbis hoc tantum significatur, in stipulatione stricta cohæredibus esse cavendum de indemnitate et defensione, si quis forte cum eis agat de dote actione stricta, non bonæ fidei, qualis est stipulatio dotis recuperande. Cautio igitur præstabitur cohæredibus secundum naturam propriam actionis ex stipulatu, non secundum novam formam pro dote datam hac constitutione Justiniani. Et quæ diximus omnia, quæque dicemus de socero et nuru, vel de patre et filio hac in re, eadem dicta intelligamus de pronuru et prosocero, itemque de avo et nepote ex filio, qui mortuo avo recidit in potestatem patris, cum ambo vivo avo in ejus potestate et familia fuerant. Et consequenter onus matrimonii sui in eum transfert, is scilicet, in cujus venit aut recidit potestatem, sustinet onera matrimonii, quæ vel ita ante tulisti, vel is, ex cujus potestate exiisti. Hæc est simplex interpretatio hujus §. nec per se desiderat quicquam aliud. Sed quia hinc dependent, et agitantur multe quæstiones et varis, non mihi videntur non esse prætermittendæ. Propositio hujus §. hæc est. Filium a patre, qui dotem a nuru accepit, institutum hæredem ex parte pure constante matrimonio, eam dotem habere præcipiam, et eam detrachere in iudicio familie eriscundæ, nec subicere eam divisioni: ponit filium hæredem institutum. Quæro, quid sit dicendum, si exheredatus sit? Et placet etiam exheredato dari præceptionem dotis, ad quem onus matrimonii decurrit, et præcipit dotem utili iudicio familie eriscundæ, l. 1. §. *Calsus*, D. de dot. præl. dum ait utili iudicio, nempe familie eriscundæ. Nam sicut utilis actio familie eriscundæ datur inter hæredem scriptum et filium adoptivum impuberem, et exheredatum quartæ obtinendæ gratia, quæ ei debetur ex constitutione D. Pii, l. 2. *famil. erisc.* ita etiam utilis familie eriscundæ datur inter hæredem scriptum et filium exheredatum dotis uxoris suæ præciendæ gratia, licet non sit cohæres, quia quem onera matrimonii sequuntur, eam dos sequitur, licet sit exheredatus. Exhereditatio non potest adimere filio dotem uxoris suæ, exhereditatio non potest adimere dotem filio filis suæ, quam pro ea dedit parens, l. *dotem*, ff. de colla. bon. Exhereditatio filis exheredatæ non adimit do-

tem suam, quam pro ea semel dedit pater. Et hoc ostenditur in §. seq. Denique exhereditatio non adimit omnia: nam jura sepulchrorum non adimit l. 6. D. de religio. et sumpt. fun. Ergo utili iudicio familie eriscundæ exheredatus filius deducit dotem uxoris suæ, quam patri, sive socero suo nurus dederat, vel si exheredato filio fuit prælegata a patre, eam persequitur jure legali, l. 1. §. *per contrarium*, l. *pater dotem*, ff. de dot. præleg. Sed semper exheredatus, qui dotem præcipit, deducit, persequitur, debet hæredi cavere de indemnitate ratione dotis, quia hæres tenetur de dote. Licet dotem habere desiderit, præstitam nempe exheredato manente matrimonio, id est, non ideo minus soluto matrimonio hæres soceri convenitur ex stipulatione de dote. Et est hac in re differentia inter obligationem peculiarem, et obligationem dotalem. Obligatio peculiaris sequitur peculium, l. *frater a fratre*, D. de cond. indeb. Obligatio dotalis non sequitur dotem, ut puta divorcio facto mulier non repetet dotem a marito exheredato, quam ei non dedit, sed patri ejus, licet eam non habeat, sed eam repetet ab hærede soceri, cui eam dederat, licet eam non habeat jure præstitam exheredato, ideo hæredi cavendum est de indemnitate. Proponit etiam filium hæredem institutum ex parte: unde quæro, quid sit dicendum, si sit institutus ex asse a patre suo, cui uxor dotem dederat? Et hoc casu nullus est labor, quia suo jure dotem habet filius, et omnia bona patris, nec ei res est, aut controversia cum aliis, sed interveniente Falcidia in ejus ratione incenda ante omnia deducitur omne res alienum defuncti, et eo deducto primum, computatur quantum sit in bonis defuncti, et animadvertitur secundum quantitatem honorum, quæ fuerant mortis tempore, sit locus Falcidis, necne. Hoc, inquam, casu filius ex asse hæres institutus, et forte oneratus legatis, in ponenda ratione legis Falcidis, deducit dotem uxoris suæ, veluti res alienam, quod debuit pater, quia debuit eam dotem, id est, obligatus fuit ex causa dotis acceptæ a nuru, etiamsi nondum venerit dies reddendæ dotis, ergo eam dotem deducit tanquam res alienam defuncti. Et similiter, si sit institutus ex parte dimidia, pro sua parte etiam deducit eam dotem, tanquam res alienam defuncti cohæres quoque ejus pro altera parte dimidia, quæ ad eum pertinet, deducit et detrahunt partem dotis, tanquam res alienam defuncti, videlicet si filius nondum dotem præcepit, quia si filius jam dotem præcepit, cohæredi cavet de indemnitate, et pro liberato habetur is, cui cautum est, ut jam id non possit reputare in res alieno pro sua parte; quæ liberatus intelligitur, quæ est sententia elegantissima leg. si dos socero, D. ad leg. Falcid. Rur-

aus possi heredem filium institutum ex parte pure. Quæro, quid sit dicendum, si sub conditione? Et breviter, conditio institutionis filii non suspendit dotis præceptionem. Igitur etiam pendente conditione præcipiet dotem, *l. si maritus, D. famil. erisc.* quo iudicio? utili familie eriscundæ, exemplo exhereditis alioquin *d. l. si maritus* nihil pertineret ad titulum familie eriscundæ: imo vero locus est præceptioni dotis, deficiente conditione institutionis, in cuius defectum filius erat exhereditatus, alioquin institutio filii conditionalis esset inutilis. Ea, inquam, deficiente, et locum habente exheredatione, secundum ea, quæ ante dicta sunt, præceptioni dotis locus est. Nam pendens conditio non impedit præceptionem, nec deficiens igitur, et contra, *l. cum tale, §. si arbitrati, D. de condit. et demonstrat.* Ob conditionem igitur non pendet præceptio dotis, pendet tamen repetitio dotis, si post mortem socii factum sit divorcium, pendente conditione institutionis, quia incerta est mulier, pro qua parte agere debeat cum cohæredibus, quamdiu pendet conditio huius institutionis: ergo repetitio quidem dotis pendet, sed non præceptio propter conditionem ante divorcium. Et ita est explicanda *d. l. si maritus*. Cetera sunt facilissima. Proposui etiam constante matrimonio filium eam dotem præcipere arbitrio familie eriscundæ. Quæro, quid sit juris, si soluto matrimonio agatur familie eriscundæ? Breviter: aut dos reddenda est mulieri, vel heredi ejus, aut non: et si reddenda, vel reddenda est præsentis die, vel annua: si præsentis die, cessat præceptio, et mulieri est repetitio dotis adversus hæredes pro portionibus hereditariis: si reddenda est annua die, interim præcipienda est a marito, id est, eadem die est præcipienda, qua debet solvi mulieri, in *d. l. actione, §. ult. pro soc. ubi male recipienda, pro præcipienda, et d. l. pater dotem, D. de dot. præl.* Si non sit reddenda mulieri soluto matrimonio, puta ex conventionem, venit in divisionem, nisi filio sit prælegata, *l. quod si eo tempore, D. pro soc.* Ultimo quæro, quia superiora pertinent ad dotem datam socero, quid sit dicendum, si data fuerit marito ipsi, qui fuerit in potestate socii, et non socero, et sit institutus a socero, ut sup. An erit locus præceptioni dotis, quæ non data est socero, an nulli præceptioni? Imo vero erit præceptioni locus pro modo ejus, in quo tenebatur socer actione de dote. Tenebatur autem de peculio, dote data filio ex contractu dotis, vel de in rem verso, vel etiam in solidum, quod jussu, si jussisset nuptum dare filio, et id, in quod tenebatur socer, filius deducet præcipuum in actione familie eriscundæ, quod ostenditur etiam in *d. l. si filia, §. hoc amplius*.

Tam. IX.

Ad §. Videamus, et §. Quo a nobis.

Videamus igitur, quali incremento ei de rei uxoria actione accedente, formari deet ex stipulatu actionem. Cumque juris certi, atque indubitati sit, si parens virilem sexum ascendens, dote pro filia vel nepte præstita emancpaverit eam, vel ipse decesserit, in rei uxoria actione dotem omnimodo ad mulierem pertinere, etiam si fuerit exhereditata (quod non erat in ex stipulatu actione: ibi etenim velut alie actiones in omnes cohæredes actio dividebatur) requisitum nobis visum est, et in ex stipulatu actione mulierem dotem suam præcipuam accipere, et si emancpata, vel exhereditata sit, vel cum aliis hæredibus scripta.

Quo a nobis recepto, et alie multe species promptum accipient exitum, cum dos possit, et de inofficiosa actionem excludere (maxime si sufficit ad quartam) et in collationem ferri, si intestatus paterfamilias decesserit, et testamento facto, quando hoc testator dixerit, quæ omnia ex stipulatu actio a rei uxoria actione accipit.

Justinianus deenit supra ex iis, quæ propria erant actionis ex stipulatu de dote repetenda, quæ retineret, et ex iis, quæ erant communis utriusque actionis: ab hoc §. incipit docere ex iis, quæ erant propria actionis rei uxoria, quæ transfuderit in actionem ex stipulatu, quæ sola vult repeti dotem. Ac primum quidem, quod inerat actioni rei uxoriae, ut dos, quam dedisset, vel promississet parens virilis sexus per virilem sexum cognatione junctus, ut pater et avus paternus, cui soli in liberos potestas est, et ut ait Leo in Nov. 28. *solius virilis personæ in potestate esse filium dici*: filiusfamilias respondet tantum masculo parenti, non parenti feminini sexus, ut matri, non parenti virilis sexus per femininum cognatione juncto, ut avo materno: nam iis parentibus in liberos nulla est potestas (Parens igitur per virilem sexum ascendens, ut loquitur in hoc, et infr. §. extraneum), ut dos, quam is dedisset, aut promississet profilia, vel nepte, eam filia vel neptis sibi haberet titulo præcipui, non tantum iudicio familie eriscundæ heres scripta ex parte adjectis cohæredibus, sicut dotem uxoriae suæ patri datam filius præcipuam retinet ex parte heres scriptus in §. præcedenti. Ut igitur eam dotem pro se datam ab eo parente filia, vel neptis præcipuam retineat, non tantum heres scripta ex parte, sed etiam emancpata, et exhereditata, quæ est sententia hujus §. Emancpata sequitur peculium: si non adinatur nominatim. Et dos igitur multo magis, quoniam dos magis est in bonis filia, quam peculium. Emancpata, ut dixi, tacite sequitur peculium, si non ademptum sit nominatim;

l. donationes, §. pater, D. de donat. Sicut etiam manumissum, vel manumissam vindicta, manumissum inter vivos quoquomodo tacite sequitur peculium, si non sit ademptum, non etiam manumissum testamento nam manumissum testamento non sequitur peculium, nisi sit relictum nominatim, nec satis est non esse ademptum, ut sequatur testamento manumissum, §. *peculium, Instit. de legatis, l. 1. inf. de pecul. ejus, qui lib.* Cetero rationem differentie, cur manumissum inter vivos peculium sequitur, non manumissum testamento? Vix possunt vulgo explicare rationem differentie, quam tamen perspicuum est esse talem, quia magis liberalis est qui vivus, quam qui moriens manumittit: namque moriens, non tam sua sponte manumittit, quam necessario, et relinquit potius, quam dat libertatem, utique non manumissurus, si viveret. Denique plenior est voluntas manumittentis inter vivos, quam mortis causa, plenius est beneficium illius, quam istius manumissoris, quia et liberalitas major in illo, quam in isto manumissore. Eadem distinctio non adhibetur in emancipato, quia omnis emancipatio fit inter vivos; nusquam invenies emancipationem fieri testamento, certe non ejus, qui morte parentis sui juris futurus est, id est, ridicula esset emancipatio facta testamento, atque adeo collata in tempus mortis, si filium testatoris mors patria sui juris factura est; sed aliquo casu posset emancipatio ejus, qui est in potestate, testamento facta videri non inutilis, ut si avus nepotem ex filio post mortem suam recaturum in potestatem filii, jubeat esse liberum, nec recidere in potestatem filii, sed tamen nusquam invenies emancipationem fieri testamento, ut non invenies adoptionem fieri testamento, non invenies curatorem dari testamento, hæc non sunt jure in testamentis, nec in 12. tabulis, ex quibus pendet jus et origo testamentorum, legandi verbum hæc complectitur. Sed tamen sicut adoptio facta testamento, licet non sit jure facta, potest confirmari, ut docet *obs. 7.* ac similiter curator datus testamento, licet non sit jure datus, potest confirmari: sed necessaria est confirmatio, alioquin non erit curator in *tit. de confir. tut.* ita non dubito quin emancipatio facta testamento possit confirmari, ut si avus, ut ante dixi, nepotem recaturum in potestatem filii vetet recidere, et jubeat fieri sui juris post mortem suam. Et ita emancipatio facta testamento, erit strictius accipienda, quam emancipatio jure perfecta inter vivos, exemplo manumissionis, id est, emancipatum testamento non sequitur peculium, nisi relictum sit nominatim. Verum ita argumentor: Si emancipatum peculium sequitur, quod non est ademptum, et dos igitur. Nam peculium potest adimi nuda

voluntate, *l. non statim, D. de pecul.* Dos semel constituta filie non potest adimi, *Novell. 97. de equal. dot.* Dos a patre profecta est vere proprium patrimonium filie, adeo ut negetur esse in bonis patris et dicatur magis esse in bonis filie, *l. 4. D. de coll. bonor. l. pater, D. ad leg. Falcid.* et dotis semel constitutæ nomino, quasi rei filie propriæ, et pleno dominio lis possit esse cum patre, licet in ejus potestate sit filia, sicut lis potest esse de quasi castrensi peculio, vel castrensi; ita ex dote licet sit profecta a patre *l. denique, §. ergo, D. de minor.* Peculium est quasi patrimonium filii, vel filie, vel servi, *l. peculium, et l. hinc queritur, D. de pec. l. 2. D. de statuliber.* Marcus Tullius in Prætur. Urb. ait, vivos parentes cum filiis bonæ partiri: hoc fit vel dando in dotem vel dando in peculium; quod in dotem, patrimonium est: quod in peculium, quasi patrimonium. Si igitur emancipatum sequitur peculium, et dos multo magis. Collectio est necessaria: etiam additur in hoc §. dotem sequi exheredatam filiam, nam exhereditatio excludit tantum bonis paternis, excludit etiam lucris nuptialibus, *Novell. 29. excludit beneficio l. hac edictali, l. ult. sup. de sec. nupt.* non spoliatur dote, quæ filie nunc esse videtur potius, quam patris, id est, quæ jam non intelligitur esse in bonis paternis. Hoc vero, ut dixi, juris obtinuit in rei uxoris actione. Justinian. in hoc §. transfert in actionem ex stipulatu, ut scilicet, si filia sit hæres scripta ex parte, si emancipata, si exheredata, dotem pro ea datam a patre, qui eam scripsit hæredem, vel emancipavit, vel exheredavit, retineat præcipuam, solaque ejus dotis repetitionem habeat actione ex stipulatu, quæ tamen hoc non admittebat olim: nam actio ex stipulatu de dote, si filia hæres fuisset scripta ex parte, dividebatur inter cohæredes pro portionibus hereditariis, sicut et alia quæ libet actio dividi solet inter eos, et exheredata dote spoliabatur, dotis repetitione nimirum competente solis hæredibus scriptis. Hoc emendat Justinian. hæc in re natura actionis rei uxoris transfusa in actionem ex stipulatu, et hoc unum est, quod ex illa actione transfert Justinian. in actionem ex stipulatu. Sequitur aliud in §. seq. ut scilicet exheredata dotem a patre pro ea datam, etiam in actione ex stipulatu hodie, sicut olim in actione rei uxoris, imputet in quartam legitimæ partis, si tres sint filii in quartam tertiæ partis omnium hæcorum, id est, in unciam. Hodie ex *Novell. de tri. et semiss.* in tertiam partem legitimæ partis debetur ab intestato, si sint quatuor filii vel pauciores, vel in dimidium legitimæ partis, si sint plures. Et idem ut exheredata excludatur a querela inofficiosi testamenti, satis est, si dos, quam pro ea dedit pater, sufficiat portio-

ni legitimæ portionis. Nam dos imputatur in legitimam, quod tamen olim non obtinuit, neque enim dos imputabatur in legitimam, l. 1. et 2. C. Gregor. de inoff. test. optima ratione, quia vivente patre dos a paternis bonis separatur, et fit proprium patrimonium filie. Legitima autem filiis debetur eorum tantum bonorum, quæ morientis fuerunt, l. cum quaritur, su. de inoff. test. hodie et dos, et donatio propter nuptias imputantur in Falcidiam, l. quoniam, sup. de inoff. test. et in hoc §. hac ratione, quæ refellit antiquam rationem, quia præsumitur iusta; et legitima præsumptio, id est, quia præsumit lex dotem, vel donationem propter nuptias liberis dari contemplatione debitæ portionis. Alioquin non inducta hac præsumptione propter rationem juris veteris, iniquum esset, eam imputari in legitimam, sed præsumimus datam contemplatione legitimæ, et quasi mortis causa, ut in lege 3. §. penult. D. de bon. lib. Donatio autem directa, quæ non fit propter nuptias, non imputatur in legitimam, nisi hac conditione facta sit nominatim, ut imputetur in legitimam, l. si non mortis, ff. de inoff. test. l. si quando, §. et generaliter, sup. de inoff. test. Et valde est notanda definitio l. pen. inf. de coll. bon. ea tantum imputari in legitimam, de quibus legibus specialiter expressum est, ut imputentur in legitimam. Hæc regula valde concreat imputationes in legitimam, ut plane non liceat nobis nostris interpretationibus aliud quicquam imputare in legitimam, quam quod specialiter tantum legibus expressum est. Et reperio hæc tantum expressa legibus, quæ imputantur in legitimam liberis, hereditatem, legatum, fideicom. mortis causam donationem, dotem, donationem propter nuptias, casum militiæ pecunia parentis comparatæ, et donationem directam factam ea lege, ut imputetur in legitimam, quod patet ex l. quoniam, et l. omnimodo, §. ult. et l. si quando, §. et generaliter, sup. de inoff. test. l. Papin. §. si quis mortis, et l. si non mortis, ff. eod. Et hæc brevis distinctio est valde notanda, cui addamus etiam aliam ex h. §. quodcumque imputatur in legitimam conferri etiam fratribus, Gall. rapporteur, id est commisceri bonis paternis, ut omnia simul ex æquo dividantur inter fratres. Quodcumque igitur imputatur in legitimam, etiam conferitur, l. pen. inf. de coll. sed non e contrario. Nam non omne, quod conferri oportet, atque tribui in commune, etiam imputatur in legitimam, d. l. pen. Ergo in hoc proposito filia conferat dotem, si vellet succedere cum fratribus in bonis paternis ab intestato, nisi scilicet id voluerit pater, ne conferret dotem a se profectam, l. ex parte, §. intestato, ff. famil. erisc. recte ab intestato: nam si filia ex testamento patris suo-

cedat cum fratribus jure veteri, quod diu obtinuit etiam tempore Justiniani, non est collationi locus, id est, titulus de collationibus non pertinet ad successiones testamentarias, nisi nominatim parens præceperit, si vellent filii sibi ex testamento heredes esse pro partibus eis adscriptis, ut bonis paternis commisceant bona sua, atque confundant, atque deinde dividant omnia pro portionibus testamento adscriptis, alioquin ex testamento non est collatio, l. 1. et 7. inf. de coll. l. ult. sup. com. utr. jud. Verum hoc Justin. cum aliquando probasset, postea improbat Novell. de triente, et sem. ut succedentes ex testamento fratres conferrent bona propria in commune, si vellent frui paternis ex testamento, nisi testator id prohibuisset. Ad summam igitur, sive fratres veniunt ab intestato, sive ex testamento, debent conferre quæ sunt collationi subjecta. Castrense enim peculium, vel quasi castrense non conferunt. Ergo tantum, quæ solent conferri, conferre debent, nisi testator id prohibuerit.

Ad §. Accedit ei, §. Extraneum, et §. Et hoc.

Accedit ei et alia species ab rei uxoris actione. Si quando enim extraneus dotem dabit, nulla stipulatione, vel pacto pro restitutione ejus in suam personam facta: quisquis is fuerat, mulier habebat rei uxoris actionem: quod antea in exstipulatu actione non erat. Stipulatione autem, vel pacto interposito, stipulator, vel is, qui pasciscatur, habebat vel ex stipulatu, vel præscriptis verbis civilem actionem. In præsentii autem non sic esse volumus, sed si non specialiter extraneus dotem dando in suam personam dotem stipulatus sit, vel pactum fecerit: tunc præsumatur mulierem ipsam stipulationem fecisse, ut ei dos ex hujusmodi casu accedat. Neque enim in hac specie volumus videri extraneum tacitam stipulationem fecisse: ne quod pro mulieribus introduximus, hoc aduersus mulieres convertatur. Imo magis in hujusmodi dotibus, quæ ab extraneis dantur (vel promittuntur) ipsa mulier fecisse videatur tacitam stipulationem: nisi expressim (extraneus) sibi dotem reddi potius fuerit vel stipulatus: cum donasse magis mulieri, quam sibi aliquod jus servasse extraneus non stipulando videatur.

Extraneum autem intelligimus omnem citra parentem per virilem sexum adscendentem, et in potestate dotatam personam (non) habentem. Parenti enim tacitam ex stipulatu actionem damus.

Et hoc ex rei uxoris actione simili modo ex stipulatu actioni accommodandum: si quando etenim post dissolutum matrimonium dos a patre ejus petebatur, si quidem rei uxoris fuerat actio,

non poterat solus pater sine consensu filiae sum-
ngere: et si nendum actione mota ab hac luce
fuerat subtractus, et si lis contestata esset, ad fi-
liam, quasi proprium patrimonium dos reverteba-
tur: quod non erat in ex stipulatu actione; ibi
enim et solus actionem habebat, consensu filiae
non expectato: et si decedebat, ad suos hæredes
transmittebat, sed rei uxoris jus et in stipulatu
actionem transponere, satis humanum, satis pium,
satis utile matrimoniis est.

Hi tres §§. pro uno habentur, quia scilicet de una
re sunt. In hoc autem §. accedit, proponitur alia
species, in qua etiam, quod erat proprium actio-
nis rei uxoris transfertur in actionem ex stipulatu.
Ac species hæc est de divortio facto bona gratia,
vel culpa viri, non mulieris, et muliere vivente
post divortium, tempore repetendæ dotis, cui com-
petat repetitio dotis. Muliere mortua in matrimonio
non divortio facto, dictum est sup. in §. illo: cui
post divortium muliere mortua in §. manent, cui
post divortium muliere viva in h. §. explicatur. Et
quod de hac specie constituitur, id etiam dictum in-
telligemus de matrimonio soluto morte viri: post
divortium factum, ut dixi, bona gratia, vel culpa
viri, si mulier vivat, et sui juris sit, sola repetit
dotem actione rei uxoris, l. si cum dotem, §. eo
autem tempore, et l. Titia, ff. sol. matr. l. pater,
ff. de evict. nec interest adventitia dos fuerit, an
profectitia. Quod si mulier fuerit in potestate pa-
tris, communis est actio patris, et filiae, quia sci-
licet pater non agit recte actione rei uxoris, nisi
adjuncta persona filiae, id est, volente et consen-
tiente filia, in l. Titia, §. qui invita, ff. de leg.
2. l. pater filiam, ff. ad leg. Falc. l. qui hominem,
§. si gener, ff. de solut. l. 2. l. filia inf. sol.
matr. l. 2. §. 1. et l. 3. ff. eod. tit. Quod etiam ve-
rum est indistincte, sive dos sit adventitia, sive
profectitia, tam veteri, quam novo jure. Nam hodie
non tantum ex causis profectitiis, sed etiam ex cau-
sis adventitiis communes sunt actiones patris, et fi-
liæfamil. vel filii, l. ult. §. ubi autem, et §. et filius,
inf. de bon. quæ lib. acq. Pater exercet omnes
actiones, etiam descendentes ex causis adventitiis,
adhibito tamen consensu filiifamil. vel filiae. Igitur
etiam hodie repetitio dotis adventitiæ divortio facto,
est communis, patris, et filiifamil. imo et dos ipsa
adventitia olim erat communis patris et filiifamil.
cum ante Justinian. etiam adventitia bona per filium
quæsitæ, aut filiamfamil. pleno dominio pertinerent
ad patrem. Hodie ex constitutione Justinian. id est,
dict. l. ult. differentia est inter dotem profectitiam,
et dotem adventitiam. Nam dos quidem profectitia
est communis patris, et filii, nendum actio: dos au-
tem adventitia, et generaliter omnium bonorum ad-
ventitiorum solus usufructus ad patrem pertinet.

Ergo dos adventitia hodie est filiae propria jure do-
minii, non communis patris et filiae, quia usufruc-
tus, quem habet pater in bonis adventitiis, non est
pars domini, id est, proprietatis, sed servitutis
species, l. recte dicimus, D. de verb. sign. Ergo
bona adventitia non possunt dici communia cum
patre. Dos adventitia non est communis patris, et
filiae, licet repetitio dotis adventitiæ utrique com-
petat, id est, patri, adjuncta filia. Ac propterea
forte in l. 2. §. 1. ff. sol. matr. a Triboniano scri-
ptum est tantum de dote profectitia nominatim, eam
esse patris, et filiae, id est, communem, quia sci-
licet hodie dos adventitia est solius filiae, solo usu-
fructu nimirum patri concessio. Ergo secundum na-
turam rei uxoris actionis, si mulier erat in po-
testate patris divortio facto, ut dos qualiscunque
jure veteri profectitia, vel adventitia, ita actio com-
munis erat patris et filiae. At inde quæro. Quid
si post divortium moriatur pater? si filia moria-
tur post divortium, quid sit dicendum? explican-
tum est in §. manent. Sed non dixi quid si pater
moriatur post divortium: sola filia agit rei uxoris
actione, non hæres patris. Igitur etiam si sit exhe-
redata, ut in §. videamus sup. et inf. §. et hoc
ex rei uxoris: sola, inquam, filia mortuo patre
post divortium, etiam exheredata agit de dote, qua-
si morte patris sui juris effecta. Et hoc obtinuit ita
in rei uxoris actione, Ulp. lib. reg. tit. de dot.
dum ait: si mulier sit in potestate, patrem adjun-
cta filia persona habere actionem revera. Quid
hoc est revera? Ansimum omni asseveratione contem-
dere, pro revera esse legendum rei uxoris, erroris
nato ex notis. Patrem igitur adjuncta filiae persona
habere actionem rei uxoris, nec interesse dos fue-
rit adventitia, an profectitia. Idem vero non obti-
nuit in actione ex stipulatu: nec enim patri, aut
mulieri erat ad repetendam dotem divortio facto
actio ex stipulatu, nisi stipulatio redclendæ dotis
initio intervenisset, et patri, qui stipulatus erat do-
tem sibi reddi in casum divortii, soli compete-
bat actio ex stipulatu, non adjuncta persona filiæfamil.
et moriens eam actionem trans mittebat ad hære-
dem suum. Hoc patet satis ex §. et hoc ex rei
uxoris actione. Hodie autem ex hac constitutione
transfusa potestate rei uxoris in actionem ex sti-
pulatu, et pater stipulatus præsumitur, et mulier.
Data est tacita stipulatio et patri, et mulieri juxta
præsumptionem: primam quidem mulieri, si extra-
neus, qui pro ea dotem dedit, stipulatus, vel pactus
non sit eam sibi reddi, aliter quam si sit stipulatus,
vel pactus dotem sibi reddi, quæ dos dicitur rece-
pitia; si, inquam, non sit stipulatus, vel pactus,
ipsa mulier stipulata præsumitur tacito intellectu,
et extraneus, qui dotem sibi non recepit eam mu-
lieri donasse intelligitur, ut sit in hoc §. et probat

etiam *l. ult. sup. de jur. dot. et lex ex morte, in fin. tit. seq. l. si cum dotem, in princ. ff. solut. matr. l. si cum Cornelius, ff. de sol.* Et est hæc in re, ut alias dixi, differentia inter extraneum, et patrem dantem dotem pro muliere. Nam pater recipit sibi dotem stipulatione tantum, non pacto, initio dandæ dotis: nam stipulatio interposita ex intervallo sine voluntate filie, inutilis est, *l. cum dos, ff. de pact. dot.* Quin et interposita stipulatio a patre statim his verbis concipi debet, *voluntate filie dotem mihi reddi*, ut quomodo solvitur, redditorque dos patri, scilicet voluntate filie divortio facto, et dos qualiscunque, eodem etiam modo promittatur. *l. 2. §. 1. ff. sol. matr.* In extraneo autem recipiente dotem, quam dedit pro muliere sufficit pactum. Et proponitur hæc differentia in *l. 6. sup. de jur. dot.* cuius rationem attuli in *§. illo proculdubio*. Ergo extraneus recipit sibi dotem stipulando, vel paciscendo, non ex intervallo, sed vel initio dotis dandæ, ut in *l. cum dos*, vel initio promittendæ dotis, ut in *l. ex morte inf. tit. seq.* Illo loco, tempore oblationis, vel promissionis, ubi oblationem vocat, quam ante dixit dationem offerre, et dare, idem est in ea lege, et alibi sæpe: ergo extraneus dationis tempore, vel promissionis recte sibi dotem recipit stipulando, vel paciscendo, non alio tempore. Et ita in venditione, non tantum ea pacta insunt, et proficiunt ad agendum, quæ fiunt tempore venditionis, statim, sed etiam, quæ fiunt tempore traditionis, *l. si binarum, ff. de serv. urb. præd. l. in traditionibus, ff. de pact.* Nam traditio veluti alius contractus est. Et male gl. hoc loco dotem fieri ex promissione: nam fateor promissionem dotis esse contractum. Etiam alio, dationem dotis esse contractum: sed datione sola dico fieri dotem, necdum promissione, nam res desiderat naturalem traditionem. Non est igitur dos, si eam promiserò tantum, vel dixerò, vel pollicitus fuero, sed si tradiderò, *l. 5. ff. sol. matr. l. dotale, ff. de fund. dot. l. si socius, ff. pro soc.* Et ita peculium non constituitur voluntate nuda, sed traditione, *l. non statim, ff. de pecul.* Nuda voluntate adimitur peculium, traditione sola constituitur. Et dos neque sola traditione constituitur, non promissione: ex pacto autem, quo extraneus sibi dotem recepit tempore dationis, vel promissionis, ut ostenditur in *h. §.* atque etiam in *l. 6. sup. de jur. dot.* extraneo datur actio præscriptis verbis: pactum, inquit *l. 6. constituit actionem præscriptis verbis*, id est, format, videlicet, quod ex continenti sit adjectum traditioni dotis: per se quidem pactum non parit actionem, sed quod adjicitur negotio civili format actionem, quæ ex eo negotio nascitur. Hic autem gestum est civile negotium, *do ut reddas*,

do tibi dotem, ut divortio facto eam mihi reddas. Hæc conventio facta hæc lege, ut reddas, quia datione sumpsit effectum, non pacti tantum nomine censetur, sed contractus. Et contractus huius ratione ex pacto ei appositus datur actio præscriptis verbis, quæ nascitur ex negotio *do ut reddas*. Et ita est accipiendum, quod dicitur ex pacto dari præscriptis verbis actionem, nempe actionem contractus, cui pactum legum dedit ex continenti. Sed si ille extraneus, neque pactus sit, neque stipulatus dotem sibi reddi mulieri aut juris, est actio ex stipulatu tacito, vel patri ejus ea consentiente. Nam ut ait in *§. extraneum*, non tantum filie, sed etiam patri data est stipulatio tacita, non etiam extraneo. Dos enim non est receptitia, nisi extraneus nominatim eam sibi receperit stipulatione, vel pacto. Denique stipulatio tacita data extraneo non est, sed patri, aut filie data est: igitur tantum in gratiam mulieris excogitata est favore dotis. Non est ergo extraneo etiam danda stipulatio tacita in perniciem mulieris, contra dotem, juxta definitionem et regulam *l. nulla juris ratio, ff. de leg.* Alioquin extraneus excluderet mulierem, perinde ac si dotem specialiter sibi recepisset, quia eadem vis est tacite et expressæ stipulationis. Inane igitur esset beneficium tacite stipulationis, quod mulieri datum est. Porro extraneum ut ostenditur in *h. §.* dicimus omnem, qui mulierem in potestate non habet, etiam matrem, et avam maternam, ut in *l. ult. §. simili, sup. de jur. dot.* Nam patri, qui mulierem habet in potestate, ut dixi, datur tacita stipulatio dotis cujuscunque repetendæ, sicut olim ei erat dotis cujuscunque actio rei uxoris divortio facto, adjuncta tamen personæ filie. Et si moriatur pater ante repetitam dotem adjuncta filia, vel etiam litem contestatam adjuncta filia, non transfert eam actionem in heredem suum, sed sola filia agit, ac dotem persequitur etiam exheredata, quasi proprium patrimonium, ut ait in *§. et hoc*. Et hoc quidem divortio facto: nam mortua filia in matrimonio nihil interest, quod ad profectitiam dotem attinet, pater habens filiam in potestate, necne, ut in *l. pater, ff. de evict.* Nam et si filia sit emancipata, dos profectitia revertitur ad patrem mortua filia in matrimonio, tametsi pater non fuerit stipulatus dotem sibi reddi in eum casum. Non igitur remanet apud maritum, non transfertur in heredem mulieris, sed hæc uno casu, id est, filia emancipata mortua in matrimonio, non divortio facto, dos profectitia revertitur ad patrem, vel si pater non sit, ut si præmortuus sit, id est, antequam filia moreretur in matrimonio, olim dos remanebat penes virum, hodie transfertur dos, id est, repetitio dotis in heredem mulieris, ex *§. illo proculdubio*.

Ad §. Et cum, et §. Illud.

Et cum lex Julia fundi dotalis Italici alienationem prohibebat fieri a marito non consentiente muliere, hypothecam autem nec si mulier consentiebat: interrogati sumus, si oporteat hujusmodi sanctionem, non super Italicis tantummodo fundis, sed pro omnibus locum habere. Placet itaque nobis eandem observationem non tantum in Italicis fundis, sed etiam in provincialibus extendi. Cum autem hypothecam ei etiam ex hac lege donavimus: sufficiens habet remedium mulier, et si maritus fundum alienare voluerit. Sed ne et consensu mulieris hypothecæ ejus minuantur, necessarium est et in hac parte mulieribus subvenire, hoc tantummodo addito, ut fundum dotalem non solum hypothecæ titulo dare, nec consentiente muliere maritus possit, sed nec alienare: ne fragilitate naturæ suæ in repentinam deducatur inopiam. Licet enim Anastasiana lex de consentientibus mulieribus, vel suo juri renuntiantibus loquatur, tamen eam intelligi oportet in rebus mariti, vel dotis quidem æstimatis, in quibus dominium, et periculum mariti est. In fundo autem non æstimato, qui et dotalis proprie nuncupatur, maneat jus intactum, ex lege quidem Julia imperfectum, ex nostra autem auctoritate plenum, atque in omnibus effusum, non tantum Italicis, et sola hypotheca conclusum

Illud etiam generaliter præsentī addere sanctioni necessarium esse duximus, ut si qua pacta intercesserint, vel pro restitutione (dotis) vel pro tempore, vel pro usuris, vel pro alia quacunque causa, quæ nec contra leges, nec contra constitutiones sunt, ea observentur. Sin autem repudium matrimonii fuerit dissolutum, omnia jura, quæ ex Theodosiana, vel nostra lege descendunt, custodiantur similique modo ea, quæ Anastasiana lege pro his, quæ bona gratia separantur, enumerata sunt, firma, illibataque permaneant. Et generaliter quicquid sacratissimis constitutionibus, vel libris prudentium cautum est, quod non contrarium huic legi inveniat: et hoc in sua maneat firmitate, et ex stipulatu actioni aggregatur: licet in re uxoria tractatum est. Quæ omnia in his tantummodo dotibus locum habere censemus, quæ post hanc legem datæ fuerint, vel promissæ, vel etiam sine scriptis habitæ, instrumenta enim jam confecta viribus carere non patimur sed suum expectare eventum.

Hactenus explicata sunt jura, quæ habet actio ex stipulatu de dote recuperanda, et quæ dedit partim ex natura stipulationis propriæ, partim ex natura rei uxoris actionis. Sunt alia ex iis, quæ utriusque actionis communia erant, quædam ex hac

constitutione nova veluti, ut doti reddendæ, quæ in rebus mobilibus, tam animalibus, quam iis, quæ animæ carent, vel quæ in rebus incorporalibus consistere, marito, hæredive ejus detur annus explicandæ pecuniæ gratia, quia plerumque eorum rerum pretia rediti solent, si manente matrimonio alienatæ, vel manumissæ fuerint. Nunc peractæ omni ista actionum inter se comparatione, alia tradit de jure dotium, et primum de fundo dotali non alienando quod cautum est lege Julia, eadem scilicet l. Julia, quæ et de pudicitia lata est, et de adulteriis, ut est in 2. Sentent. Pauli tit. de dotib. Et legis sententia hæc est, ut sit hac in re differentia inter alienationem, et obligationem fundi dotalis, ut possit scilicet alienari fundus dotalis volente muliere, obligari autem non possit, nec volente muliere. Est etiam differentia hac in re secundum legem Juliam inter prædia Italica, et prædia provincialia, ut proponitur in §. 1. Instit. quib. al. lic. vel. non. ut scilicet fundus dotalis Italicus non possit alienari invita muliere, ut possit alienari consentiente muliere. Provincialis autem fundus dotalis ne consentiente quidem muliere possit alienari, quia hæc prædia olim non erant res Mancipi, id est, non veniebant in Mancipatum sive Mancipationem, quod est justum alienationis genus, sed sola prædia Italica Mancipari poterant. Lex Julia loquitur de fundo quo nomine significatur prædium rusticum tantum: sed eodem jure utimur in ædibus dotalibus, quod est prædium urbanum. Et ita lege 12. tab. quæ jubet usum, et auctoritatem fundi, id est, usucapionem fundi esse biennium, utimur, aut utebamur ante Justinianum etiam in ædibus, licet hæc l. 12. tab. ædes non appellentur, sed fundus tantum, ut M. Tullius explicat in Orat. pro Cæc. Item lex Julia intelligitur de fundo dotali inæstimato: nam æstimati alienatio prohibita non est, cujus dominium, et periculum omnimodo pertinet ad maritum emptio-nis jure, adeo ut evicto fundo ei competet adversus mulierem actio ex empto de evictione. Marito igitur æstimati fundi dotalis (cum nec sit propriæ dotalis, nisi qui inæstimatus est) alienatio non est prohibita; addo, etiamsi postea conveniret, ut is ipse fundus restitueretur soluto matrimonio, non æstimatio. Hic enim fundus etiam in provinciis alienari potest volente muliere, voluntas mulieris exigitur propter posteriorem conventionem, ut non æstimatio, sed ipse fundus redderetur, quæ si non interposita, posset vir æstimatum fundum alienare etiam invita muliere. Et hoc ostenditur in l. ult. ff. de pact. dot. l. æstimatis, ff. sol. matr. Et ita hoc casu fundi dotalis initio quidem æstimati, sed postea pactione quodammodo ea æstimatione retractata, quæ placuit eundem fundum restitui, ejus, inquam, fundi nihilominus alienatio valet facta volente muliere: cum

tamen regulariter ex l. Julia non valeret alienatio fundi dotalis in provinciis, ne volente quidem muliere. Ac præterea in lege Julia fundi nomine intelligitur res soli, ut est in supradicto loco *Inst.* non superficies, quod solo in edificatum est. Et ut recte notent Græci interpretes ex l. si ex lapidicinis, ff. de jur. dot. quæ hoc probat evidenter, est hæc in re aliqua differentia inter rem soli, et rem immobilem. Domus est res soli, cujus domus sunt partes summe, solum, et superficies, l. cum qui, ff. de usucap. Domus igitur est res soli, superficies autem est res immobilis, non res soli: non est ἰδιόκτης ἀκίνητος, non est res solaris: ideo superficij dotalis venditio valet volente muliere facta, d. l. ex lapidicinis: quia scilicet venditio superficij, et traditio non est proprie alienatio. Alienatio est, quæ dominium mutat, l. 1. inf. de fun. dot. Superficiarius non est dominus, sed quasi inquilinus, l. in provinciali, §. pen. ff. de novi op. nunt. Et hic etiam casus valde notandus est de superficie. Eadem lex Julia prohibuit pignorationem fundi dotalis Italici, etiam volente et consentiente muliere, ut attigi initio. Igitur alienationem non prohibuit consentiente muliere. Obligationem prohibuit etiam consentiente muliere. Et ratio diversitatis hæc est, quia facilius mulier consentit obligationi fundi dotalis, quam alienationi. Nam obligatio non mutat dominium rei, et nimiam facilitatem lex refrenare voluit. Nam et ita SC. Vellejanum opitulatur mulieri obligatæ pro alia, non donanti: quia facilius se mulier obligat, quam alicui donat, l. 4. ff. ad SC. Vell. Et hæc de l. Julia. Hodie ex hac constitutione sublata est differentia locorum, Italianæ scilicet, et provinciarum, sublata differentia inter alienationem et obligationem, quam inducebat lex Julia: ne consentiente quidem muliere fundi dotalis alienatio, vel obligatio permittitur. Hæc est generalis determinatio Justin. ne, ut est in Instit. fragilitas sexus in perniciem substantiæ suæ convertatur: et ut sit hoc loco, ne fragilitate naturæ suæ facile consentientis, in repentinam deducatur inopiam, quæ omni sexui est pene cautio prima, et debet esse non privatis tantum, sed etiam civitatibus, ne fragilitate mentis, et imbecillitate animi in repentinam deducatur inopiam, ne faciles et leves animis dedant se, et sua. Idem vero quod dicimus de fundo dotali, porrigitur etiam ad fundum donatum propter nuptias, nam et hic quasi dotalis fundus est, et dotis nomen habet contrarie, sive matris et reciproce. Ita etiam alio sensu dicitur fundus dotalis in l. 7. et 13. C. Th. de pistor. scilicet fundus, qui est obligatus pistrino, et corpori pistorum, ita ut non possit transferri in jus externum: is fundus dotalis, dicitur fundus

pistrini dotalis, et dos pistrini, nec jus etiam est alienatio extra corpus pistorum. Et his, quæ statuimus cum de fundo dotali, tum de fundo donato propter nuptias ut ejus neque obligatio sit permissa, neque alienatio, etiam consentiente muliere: addenda est una exceptio, ad quam pauci animaverunt ex Nov. 61. ut si mulier consenserit alienationi fundi dotalis, vel obligationi semel, vel etiam si maritus obligationi fundi donati propter nuptias, vel alienationi consenserit semel, et mulier consentiat iterum post biennium, ita ut appareat certo animi judicio, eam initio consensisse alienationi, vel obligationi, ut tam rata sit alienatio, vel obligatio, si ex aliis mariti bonis mulieri satisfieri dotis nomine possit, ex d. Nov. 61. Data autem est mulieri, ut docuit hæc constitutio in princ. pro fundo dotali, et pro dote tota, quæcumque in re consistat tacita hypotheca, et in rebus ipsis dotalibus, et in omnibus rebus mariti ipsius: et beneficio tacite hypothecæ, alienatum, vel obligatum fundum dotalem, etiam si ipse consenserit, vel quo is fundus ei salvus sit, bona omnia mariti persequi potest, nec si consenserit alienationi, vel obligationi, tacita hypotheca solvitur, quæ ei nexus est fundus dotalis, juxta l. in rebus, sup. de jur. dot. Nam ut ostenditur in h. §. etiam si ex constitutione Anastasii, id est, ex l. jubemus, sup. ad Vellej. remissio hypothecæ neque infirmetur Senatusc. Vellejano, quod non intelligatur esse intercessio, neque jure civili, id est, 12. tabulis, quo inter virum et uxorem donatio vetita est, quod remissio hypothecæ non sit donatio, ut plenius ostendi initio hujus l. tamen in hac parte mulier remittenda legitimam hypothecam, quam habet in fundo dotali, nihil agit, quam habet in aliis rebus mariti hanc jure remittit, non, ut dixi, illam, quam habet in rebus dotalibus. Et hæc distinctio est adhibenda ad leg. jubemus, sup. ad Senatusc. Vellej. Et hæc omnia cum ita constituisset Just. in hoc §. tandem ita concludit. Hodie in fundo dotali inæstimato (qui proprie est dotalis) jus manere perfectum, et effusum in omnibus terris, sublata differentia locorum: in omnibus terris, inquit, et non tantum Italianis. Sequitur: et sola hypotheca conclusum: quæ verba sunt obscura, nisi ἀπὸ τοῦ τοῦ repetas (non) ut sit hæc sententia, jus hoc obtinere in omnibus terris, et non tantum Italianis, ac rursus, jus hoc non sola hypotheca esse conclusum, quæ l. Julia ne, volente quidem muliere consistebat: sed etiam alienatione, nam et hæc non valet ex hac constitutione, licet marito alienanti mulier consensum accommodaverit. Cetera sunt facilia. Justinianus in sequentibus probat primum pacta dotalia, quæ intervenerant inter virum et uxorem in dote con-

stituenda, modo sint contra leges, aut constitutiones secundum regulam generalem *l. pacta, sup. de pact.* Contra leges est pactum si convenerit, ut dos redderetur longiore die, puta post biennium, aut triennium soluto matrimonio. Contra leges est si convenerit ne omnino redderetur mulieri, id est, ut fieret indotata mulier, quod est contra utilitatem nubentium. Contra leges est, si convenerit, ut maritus non praestet dolum in rebus dotalibus, imo turpis haec pactio est: contra etiam leges, etiam si convenerit, ut post moram, vel post tempus reddenda dotis, usurae majores legitimis praestentur, quae pactiones omnes improbantur in *tit. de pact. dot. ff. testatur* deinde Just. se probare poenas injusti repudii, comprehensas in *l. consensu, et l. ult. inf. de rep.* Se item probare divortia facta bona gratia, id est, communi et nudo consensu, absque alia causa dissidii; quae divortia probat in *l. si constante, infr. de repud.* et probavit aliquandiu in *Nov. 22.* Improbavit tandem in *Nov. 117.* quo jure utimur. Et ad extremum Just. probat cetera omnia quae vel prudentes scripserunt de re uxoria, vel principes constituerunt, minime contraria huius constitutioni: ita tamen ut omnia ea jura transferantur in actionem ex stipulatu: et quod est plerumque commune omnium LL. et constitutionum, ut pertineant ad futura, non ad praeterita, *l. 7. sup. de legibus.* Qua re dicitur iudex distare a lege. Nam iudex statuit de praeteritis, ut est in partitione, orat. *Lex de futuris.* Igitur aut eodem modo hanc constitutionem tantum pertinere ad dotes post eam constitutionem datas, vel promissas, scriptas vel non scriptas, quam dos exigit scripturam.

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. XIV. De pactis conventis tam super dote, quam super donatione ante nuptias, et paraphernis.

Ut in libro quarto proposito contractus emptionis et venditionis, et actionibus, quae ex eo nascuntur, subjicitur de pactis inter emptorem et venditorem compositis, id est, de pactis conventionis in ipsa emptione et venditione, aut in traditione rei venditae, et merito subjicitur titulus de pactis, quod soleant pacta formare contractus, et actionem ex contractu, quod soleant dare legem contractui, et perinde efficere, ut certa contractuum forma a nobis non possit constitui, quoniam eam quisque contractus habet formam, quam accepit ex pactis: Haec vero in hoc libro quinto proposito contractus do-

tis, et actionibus dotis, eorumque explicata natura et potestate, subjicit titulum de pactis conventis tam super dote, quam donatione ante nuptias, et paraphernis; vel quod Justin. in fin. *supr. tit.* profitentur, se servare pacta dotalia, quae modo non sint contraria legibus et constitutionibus. Et ex his quidem pactis dotalibus jam ante diximus dari actionem praescriptis verbis ex *l. avia 6. sup. de jur. dot. et constitutione sup. §. accedit*, dari praescriptis verbis, veluti negotio ita gesto, do ut reddas, quod fit extraneo dotem dante pro muliere ea lege, atque pacto, ut scilicet reddatur quandoque soluto matrimonio. Non est extraneo, qui ita pactus est, actio rei uxoriae, quae, nascitur ex contractu dotis, quia ipse dotem contraxisse non videtur, sed mulier, cujus nomine dotem dedit id est, mulier dotem dedisse videtur, non extraneus. denique mulier contraxisse dotem. Mulieri igitur danda est actio rei uxoriae, non extraneo. Non est etiam extraneo actio ex stipulatu, ut dos ei reddatur soluto matrimonio, nisi stipulatione sibi prospexerit, quia extraneus non est data tacita stipulatio, *d. §. accedit.* Et quod dixi supra, extraneum, licet dotem dederit, contraxisse non videri, probatur *l. 9. hoc tit.* Breviter extraneo danti dotem pro muliere ea lege, ut ei reddatur, non est eo nomine actio rei uxoriae, vel ex stipulatione tacita ad dotem recipiendam, sed quasi ex novo negotio, novo genere contractus, qui nomine vacat, datur actio praescriptis verbis, ut vel dos reddatur in casu existente, de quo convenit inter extraneum et maritum, vel ut praestetur id quod interest, quae actio ut Thalelaeus interpretatur recte appellatur condictio in *l. 1. hoc tit.* Condictio igitur, id est, actio praescriptis verbis, vel quae concurrat cum ea semper, conditio certi, ut constat ex *l. naturalis, ff. de praescr. verb.* Et dicitur etiam in *haec l. 1.* utilis conditio, quia omnis actio praescriptis verbis est utilis, non directa: datur enim ad exemplum directae et civilis actionis, *d. l. naturalis*, et in specie hujus *l.* datur ad exemplum rei uxoriae actionis. Ex his autem pactis dotalibus alia utilia sunt, alia inutilia. Inutilia quae contra leges, contra constitutiones, contra favorem dotium, contra utilitatem nubentium, quorum exempla supra exposui in *§. ult. sup. tit. prox.* Utile est pactum, si mulier cum viro paciscatur in instrumento dotali, ut mulier fructus dotis percipiat, et se suasque alat, etiamsi dote data constante matrimonio ita paciscatur, quia haec pactio non est donatio, quae constante matrimonio non fit, sed est pensatio onerum, quae mulier explicanda suscipit, quibusque relevat maritum, ideoque fructus illi quasi donati a marito non possunt repeli et revocari, qui non sunt donati, sed pensati. Et ita est omnino explicanda *l. 2. hoc tit.* quod patet ex *l.*

21. *si quis pro uxore*, §. ult. ff. de don. inter vir. et uxor. Utile etiam pactum (ea vero tantum pacta tractamus, de quibus dubitari poterat, inutilia essent, an utilia) quod facit cum genero socer, ut mortua in matrimonio filia dos profectitia : quæ alioquin rediret ad socerum, remaneat apud virum, in l. 6. hoc tit. quia mulieris quidem conditio pacto deterior fieri non potest habito cum patre, vel muliere, ut si pacto spoliatur dote, vel parte dotis, sorte obtenta liberorum, morte viri soluto matrimonio, nam etsi existant liberi, dos integra est restituenda mulieri, nec ex pacto quicquam retineri potest pro liberis, quod dote spoliatur mulierem superstitem : quæ est sententia l. 3. hoc tit. et l. 2. l. Attilianus, ff. de pact. dot. Patris tamen conditio potest deterior fieri ex d. l. 6. h. t. pacto a patre habito cum genero, ut mortua filia (nam si viva secus esset) dos profectitia remaneat apud virum : non etiam pacto habito a genero cum muliere, l. cum. dos, ff. de pact. dot. quia non potest alteri per alterum iniqua conditio inferri, et multo iniquius patri per filiam. Et hoc quidem de pactis conventis super dote. Hic titulus est etiam de pactis conventis super donatione propter nuptias, de quibus est l. 9. et pen. h. tit. ut scilicet quod attinet ad partem lucris, æqualis sit casus dotis, et casus donationis propter nuptias, de quo convenerit : ut l. ult. §. sin autem, sup. de donat. ante nupt. Ex Nov. 97. de æqual. dot. et don. propter nuptias, etiam æquales debent esse quantitates lucris, ut scilicet quantum summam mulier lucratur morte viri, veluti pro solatio ex donatione propter nuptias, tantum etiam ferat vir ex dote mortua uxore. Et partes igitur non tantum sunt æquales, quod vult lex 9. et pen. sed etiam hodie, ut summæ sunt æquales. Et observandum est in hoc tit. appellari donationem ante nuptias, quia nondum mutaverat Just. hanc appellationem : nam l. ult. sup. de don. ante nupt. quæ donationem ante nuptias deinceps vult appellari propter nuptias, recentior est inscriptione hujus tituli. Et hæc de pactis super donatione propter nuptias. Hic titulus est etiam de pactis conventis super paraphernis, id est, super iis, quæ mulier non dedit doli, sed sibi retinuit ex suis bonis, nec ut plerumque, commisit in potestate viri, quæ Gallico vocabulo a Latinis recepto etiam dicuntur peculium mulieris, id est, bona, quæ habet extra dotem, l. si ego, §. dotis, ff. de jur. dot. l. donationes, §. species de donationibus, rēda, patoritum, convinni, vrbiculorum genera, sunt Gallica vocabula, et a Latinis tamen recepta, et similiter peculium pro paraphernis : nam vulgo peculii longe alia significatio in tit. de pecul. De pactis habitis super paraphernis est l. 5. 8. et ult. hoc tit. ut inutile sit

Tom. IX.

pactum instrumento dotali interpositum vice testamenti, ut mortua in matrimonio uxore, parapherna pertineant ad maritum : utile quidem est pactum, si ita convenerit de dote, ut mortua uxore dos cedat lucro mariti, l. pen. ff. de pact. dot. sed non de paraphernis, id est, ceteris bonis mulieris, quia pactio non defertur hereditas, et omnino extraneo non defertur hereditas sine testamento. Cognato tamen defertur sine testamento jure prætorio, vel civili ab intestato : extraneo testamenti jure duntaxat, non pactionis : nam ea pactio, neque vim testamenti habet, neque codicillorum, l. 6. h. tit. Et improbum etiam est pacto costringere libertatem testandi, et supremæ voluntatis, l. cum duobus, §. idem respondit, ff. pro soc. Et additur in l. 8. hoc tit. nihil juris habere maritum in paraphernis, nisi eatenus, quatenus concedit mulier. Et observanda est distinctio legis de his, infra, de donation. inter vir. et uxor. ut si mulier dederit parapherna marito, distinguamus, donandi animo dederit nec ne : nam si donavit, et ea consumpsit maritus, mulier ea repetet, non solida, sed in quantum locupletior factus erit maritus : namque eatenus duntaxat marito donata repetuntur, id est, quatenus ipse factus est locupletior : sed si non donavit, integras res mulieri restituere compellitur, aut pretium earum, nec enim debuit consumere, quod sciebat esse alienum. Harmen. addit in 4. Ep. tit. πρὸς ἑξουσίαν, id est, de paraphernis, maritum conventum de dote (quod scimus omnes) conveniri eatenus quatenus sufficiunt facultates, ne inops fieri periclitetur, quem mulier quondam dominum vocavit ; sed si mulier cum eo agat de paraphernis, eum condemnari in solidum, non quatenus facere potest quod valde novum est, nec potest defendi, nisi cum agitur de paraphernis, sive subreptis a viro, quo nomine vir tenetur actione rerum amotarum, l. si ego, §. ult. ff. de jur. dot. Et ita cum agitur rerum amotarum cum marito, l. si rerum, ff. de re judic. sit maritum condemnari in solidum, quia ex delicto actio est. Et ita mihi videtur explicandus locus ille Harmenopuli. Et notandum præterea ex l. pen. si in paraphernis sint nomina, id est, ut recte Justin. interpretatur in l. ult. cautiones fœderatitiæ, id est, calendaria, ut in l. nomen, §. ult. de leg. 2. Et similiter Hieronym. in Esaiam 58. nomina, vulgo dicuntur cautiones, inquit. Si inquit, in paraphernis sint nomina, et instrumento dotali conscriptum sit, data esse nomina marito loco paraphernorum, hoc vim mandati habere, ut scilicet maritus exigat nomina. Et posse igitur maritum quasi procuratorem ea nomina exigere, easve actione exercere, etiam non præstita satisfactione de rato, contra definitionem

51

l. maritus, sup. de proc. quia constat satis de voluntate mulieris ex instrumento dotali, quo frustra esset scriptum nomina data marito, nisi ea posset exigere nomine mulieris, et exacta servare, et restituere mulieri, ab ea recepta securitate, id est, *apocha, ὁπιδίσκη*, ut Græci dicunt. Ubi autem constat de voluntate domini procurator non exigitur satisfationem dare de rato, ut in casu *l. ne satisfactio, ff. ratam rem hab.* si fuerit voluntas domini apud acta insinuata, vel in casu *l. si procuratorem, ff. de procur.* si fuerit declarata literis ad adversarium scriptis, quibus duobus casibus est adjungendus tertius *l. ult. hoc tit.* Neque tamen existimandum est, constante matrimonio agi posse ex ea causa cum marito actione mandati, quæ est famosa, et constante matrimonio famosis iudiciis mariti invicem non confligunt, in *l. 2. inf. rer. amotar.* Sed datur actio in factum exactæ pecuniæ recipiendæ gratia. Nec illud est omittendum ex eadem *lege ultima*, nomine paraphernalium rerum mulieri tacitam datam hypothecam, nisi ipsa specialiter alia sibi caverit hypotheca. Et præterea ut in rebus dotalibus servandis præstat maritus dolum et culpam, *l. etiam, §. 1. et l. in his rebus, ff. sol. matrim.* ita etiam in paraphernis. *In paraphernis*, inquit, *præstat dolum et diligentiam*: diligentia nomine ex adverso intelligitur culpa, ut in *l. contractus, ff. de reg. jur.* In his etiam vendere diligentiam, id est, exactissimam diligentiam, ut vel levis culpa coargui possit, et reprehendi. Et hoc si parapherna commissæ sint marito, non uxori, *d. l. si ego, §. ult. ff. de jur. dot.*

JACOBI CUJACII J. C.

Ad Lib. IV. Codicis.

RECITATIONES SOLEMNES

Ad Tit. XV. De dote cauta non numerata.

Summa brevis hæc est: dotem facere numerationem, vel traditionem, non cautionem falsam; forte promissam spe numerationis, quæ postea consequuta non fuerit, ut in *l. 1. sup. de don. ante nupt.* Dotem tantum facere donationem legitime factam, ut in *l. 2. h. t.* veluti insinuatam si excedat modum, id est, si donandi animo maritus caverit, se accepisse dotem, quam non accepit, aut se plus accepisse, quam accepit, legitime insinuata donatione, et contestatione: quæ donatio etsi initio sit inutilis, tamen ex SC. confirmatur morte mariti, si non mutaverit voluntatem, et habetur pro donatione mortis causa. Et ita hæc donatio confirmata morte mariti, id est, cautio dotis non

acceptæ facta animo donandi, facit et auget dotem: cautioni autem falsæ, nec interpositæ donandi animo, vel non confirmatæ a soluto matrimonio potest opponi exceptio non numeratæ dotis intra annum tantum, in *l. 3. h. t.* Sed Just. huic exceptioni præscripsit longe diversa tempora in *Nov. C.*

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. XVI. De donationibus inter virum, et uxorem, et a parentibus in liberos factis, et de ratihabitione.

Questio de re uxoria tribus partibus constat, inter quas una est de donationibus inter virum et uxorem, propter quas erat retentio dotis soluto matrimonio: et hanc partem hic titulus exsequitur, namque superioris tituli *l. 2.* prædicere occupavit cautionem dotis non acceptæ factam uxori donandi animo, ut dotis majoris, quam data sit, confirmari morte mariti, quod est ex SC. facto post orationem Severi et Antonini. Nam orationem imperatoris habitam in senatu de decernenda re aliqua statim sequebatur SC. adeo ut passim in libris nostris idem dicatur factum oratione principis, et SC. Sed hæc oratio etiam constit. dicitur generali nomine in *l. 3. hoc t.* ideoque in dicta *l. 2. tit. sup. prox.* recte dicitur mortuo marito, morte mariti confirmata donatione, sive cautione facta donandi animo, summam cautione comprehensam posse mulierem repetere ab hæredibus mariti. Cur autem ab initio non valeant ipso jure donationes inter virum et uxorem, et indigeant confirmatione, et ne mutæ quidem donationes valeant inter conjuges, ut in *l. cum hic status, §. si ambo, ff. eod.* Cur non transferant dominium, cur legibus et moribus sint prohibita, non una ratio reddi potest. Et ex multis rationibus oratio illa, quæ hac de re habita est in Senatu, hanc elegit unam, ne fiat venalis concordia inter maritos, *l. 3. in pr. ff. eod. l. si liberis, ff. de pact. dot.* et ait dicta *l. 3. hæc ratio oratione principum Severi et Antonini electa est*, quia poterant reddi plures. Et sane si liceret marito donare uxori, vel contra, nec donaret alter alteri quicquam, aut frequentissima ex eo nascerentur jurgia, dissidia, discordiæ, juxta illud Varii Geminii: *qui non litigat caelebs est*, apud Hieronymum, et maxime si maritus non donaret uxori. Non est enim mulieri poscendi finis, ut ait Juvenal. Satyr. 6.

*Interea calet et regnat poscitque maritum
Pastores, et ovem Canusinam, ulmosque Pa-
lernas*

*Quantulum in hoc, pueros omnes, ergastula
sola,*

*Quodque domi non est, et habet vicinus, ema-
tur, etc. Idem alio loco*

.... hæc quaeritur quod,

Et lateri parcas, nec quantum jussit, anheles.

Deterior igitur est conditio mariti, vel uxoris, quam extranei, et penitus ignoti hominis, cui licet donare, *l. in extraneos, inf. de donat.* Deterior causa uxoris, quam concubinae nam concubinae licet donare, *l. 3. §. divus, l. si prædia, ff. eo. l. donationes, in pr. D. de donat.* imo et scorto licet donare pagani, *l. affectionis, D. de donat.* non etiam militibus, ne eos scortilla spolient stipendiis, ex *l. 2. hoc tit.* Ubi focaria non est concubina, ut interpretantur, sed scortum, quod plerumque habeatur per causam coquinae; nam et ita Divus Hieronymus 1. Sam. cap. 8. magyriassas, id est, cursiniers, coquas interpretatur focarias, et in *l. 1. §. caupones, ff. nnu. caup. stab.* Focarii sunt, qui in stabulo, vel caupona ministerium præbent, ut sunt coqui, quibus etiam eo loco recte junguntur atriarum, quibus committitur cura, mundities, et splendor atrii, in quo erat culina. Et inde atrii nomen, ut recte sentiunt Grammatici ab atre, nempe fuligine. Concubinae nomen est honestum et legitimum, non focariae nomen. Cur autem concubinae donare licet, non uxori, neque per se, neque per interpositam personam? quia scilicet (nec alia ratio reddi potest, quam quæ adfertur in *l. ult. C. Th. de leg. hæc.*) quo plenior est affectio, et dignitas conjugalitatis, eo fuit refrærenda magis, alioquin nullum facerent finem donandi invicem, et spargendi munera. Et ut ait eleganter, veteres arbitrati sunt reprimendum potius, ut in loco ancipiti, quam incitandum esse mutuum favorem inter maritos. Igitur quæ sit constante matrimonio donatio viro ab uxore, vel contra (nam ante matrimonium, vel post matrimonium non est prohibita) quandoque retrahi, et revocari potest, quia nulla est. Revocatur poenitentia donatoris, et poenituisse utique videtur, qui rem donatam conjugii deinde alii donet, ut si vendat, vel alienet quoquo modo, vel etiam pignori obliget, ut in *l. 12. hoc tit. d. l. cum hic status, §. si maritus*, et si donator res donatas retrahat per vindicationem aut conditionem sine causa, vel ex injusta causa. Sed observandum, non retrahi, sive repeti a donatore res donatas in integrum, sed hæcenus duntaxat, quatenus locupletior factus, factave est, qui, quæve res donatas accepit, quod multæ constitutiones hujus tit. ostendunt, *l. 8. et 17.* Et nulla alia ratione permittitur donatio inter

conjuges honoris causa, ut scilicet vir honores adipiscatur, et ludos forte solennes exhibent populo, quos debent eum honorem concupiscentes, et appetentes, in *l. si propriis, hoc tit. l. nuper, D. eod.* Non alia, inquam, ratione, quam quod adepti honores per se nos locupletiores non faciant, et multo minus impendia ludorum. Eademque ratione non impediuntur donationes inter maritos manumissionis gratia, *dono tibi servum illum: ut eum statim manumittas, l. maritus, hoc tit.* quia etsi donatarius per manumissionem acquirat libertum: tamen in jure hoc est perpetuum, ut non videatur locupletior factus, qui libertum acquisivit, quia libertus non est in bonis nostris. Justinianus etiam donationem inter Augustum et Augustam permisit, inter serenissimos Principes, *l. pen. hoc tit.* quia, ut ait, omnis contractus Principis, omnis conventio lex est, quæ ratione etiam liberalitates Principum non indigent insinuatione, *l. sancimus, inf. de donationibus*, et collaturæ in filiosfamil. pleno jure ad eos pertinent, patribus, in quorum potestate sunt, minime servato usufructu, *l. pen. inf. de bon. quæ lib.* Nunc exponamus, quemadmodum confirmetur donatio inter virum et uxorem, quam ab initio diximus esse inutilem. Quod ab initio est inutile, confirmari etiam et convallescere potest: ita est auctore lege certa, non aliter, ut oratione Severi et Anton. et SC. donatio inter virum et uxorem, etsi ab initio fuerit inutilis, convalet, et confirmatur silentio donatoris, morte donatoris. Alioquin non confirmaretur si abesset SC. quia quod ab initio non valet, regulariter ex postfacto non convalet. Adeo autem verum est SC. confirmari donationem silentio, et morte donatoris, id est, si nunquam dixerit se poenitere, si non dixerit se mutasse voluntatem: *S' il n' en a jamais parlé depuis qu' il a fait la donation*, ut hodie post SC. ob res donatas hæredibus donatoris nulla sit exactio, vel retentio, *l. 1. ff. de dot. præl.* Ac proinde mortuo donatore non mutata voluntate, ut habeatur ea donatio pro fideicommisso, vel mortis causa donatione, quæ nunquam fuit prohibita inter maritos, atque adeo Falcidia subijciatur, *l. 12. inf. ad l. Falcid.* cum tamen alias donatio inter vivos non patitur Falcidiam, *l. Seja, §. ult. ff. de mort. caus. donat.* Hæc etiam fuit donatio inter vivos: sed quia sola morte donatoris confirmatur, habetur pro donatione mortis causa, et ideo Falcidiam patitur. Ergo si mortuo donatore locus sit legi Falcidiae, donatio non confirmatur in solidum, sed detracta Falcidia, id est, dodrans tantum donationis confirmatur. Et hoc est, quod dixit *l. 2. tit. sup.* quatenus liberalitas interposita mutua est. Et similiter in *l. 4. hoc tit.* quatenus firmare potuit dominium: non confirmat autem dominium mors donatoris, nisi pro

clodrante, si interveniat ratio legis Falcidiae. At hoc notandum est, confirmari donationem, de qua tractamus non tantum morte naturali donatoris, sed etiam morte civili, id est, servitute, quae comparatur morti, veluti damnatione in metallum. Et quod maxime notandum est hac in re: donatio facta inter maritos non est instar donationis causa mortis. Nam donatio causa mortis, ut quaelibet ult. voluntas irrita sit damn. donatoris, quae irrogat servitutem, *l. si aliquis, ff. de mort. caus. donat.* Donatio autem inter maritos, tantum abest, ut irrita fiat servitute donatoria, ut maxime confirmetur, *l. res, hoc tit.* Sunt tres optimae leges *hoc tit. l. res, l. donationes, et l. ult.* quas inferius etiam explicabimus, praetermissis levioribus. Servitute ergo donatoris quasi morte confirmatur donatio, non etiam confirmatur peregrinitate, id est, omissione civitatis Romanae, quod contingit per deportationem; quam deportationem semper sequi solet publicatio omnium bonorum, ita ut fiat exhereditatio civitate, et bonis omnibus qui in insulam deportatur, *l. ult. inf. de sent. pas.* Non tamen publicantur res donatae uxori, quia adhuc potest confirmari ea donatio morte deportati, quae est sententia *d. l. res.* nunc quaeramus an etiam captivitate donatoris confirmetur donatio, si sit captus ab hostibus? Dicam primum, non quidem confirmari statim, quia pendet status captivi propter spem postliminii, sed si decesserit apud hostes, confirmabitur donatio, non oratione Severi et Antonini, sed lege Cornelia, quae fingit eum, qui decessit apud hostes, decessisse paulo antequam caperetur, aut in ipso capiendi momento, nondum captione peracta. Lex Cornelia horam captivitatis jungit horae mortis, *l. justo, inf. ff. de usucap. l. Gall. §. videntum, D. de l. b. et post.* Et haec fictio legis Corneliae confirmat hereditates mortui apud hostes tam legitimas, quam testamentarias, et substitutiones pupillares, et legata, fideicommissa, donationes mortis causa. An confirmat etiam donationes inter virum et uxorem? minime. Sed *l. ult. hoc tit.* licet non loquatur de lege Cornelia, tamen manifesto porrigit fictionem legis Corneliae ad donationes inter virum et uxorem, si donator moriatur apud hostes, quasi fingatur mortuus in urbe. Et haec est vis *l. ult.* ut ad donationes inter virum et uxorem porrigat fictionem legis Corneliae, imo et fictionem postliminii, ut si donatarius sit apud hostes tempore mortis donatoris, qui est mortuus in civitate, et donatarius redeat postliminio, periode donatum recipiat, ac si tempore donatoris in civitate fuisset, quia postliminii fictio fingit eum, qui redit ab hostibus numquam fuisse in hostium potestate. Et mens igitur *d. l. ult.* haec est, quod nemo animadvertit, ut haec duae fictiones porrigantur

etiam ad donationes inter virum et uxorem. Verum hic titulus est non tantum de donationibus inter virum et uxorem, ut *d. l. res*, sed ut legimus, est etiam de donationibus a parentibus factis in liberos, et de ratihabitione: sed de his est una tantum lex, *l. donationes 25.* illa est de donationibus inter maritos, quae ab initio non valent, licet de donationibus inter parentes et liberos, qui sunt in potestate eorum, quae etiam non valent ab initio. Dono filio emancipato recte, filiofamilias inutiliter, perinde ac si donarem mihi ipsi, qui idem videor, qui et filius ipse propter vinculum potestatis. Est etiam de ratihabitione nova lex fere in omnibus: primum hoc novi constituitur, ut quemadmodum donatio inter virum et uxorem confirmatur silentio, et morte donatoris ex oratione D. Severi: ita quod nondum fuerat constitutum, donatio inter patrem et filium, id est, facta a patre filiofamilias, confirmetur morte patris. Hoc non obtinuit olim, ut confirmaretur silentio solo, et obitu patris, *l. 1. §. 1. ff. pro don. l. 2. §. ult. ff. pro soc.* Confirmabatur quidem ratihabitione patris post emancipationem, ut in *l. donationes, §. pater, D. de donat.* vel etiam extremo iudicio patris speciali confirmatione scripta in testamento, aut jure legati, vel fideicommissi, donatione scilicet inutili veram in jus legati, vel fideicommissi, *l. pen. D. de coll. bon. l. 2. C. Gregor. famil. ereisc.* Hodie etsi non intervenerit specialis confirmatio, vel ratihabitione patris post emancipationem solo silentio patris, sola morte, si non mutarit voluntatem expresse, donatio collata in filiumfamilias, confirmatur ex *l. 25.* quae est Justin. et ideo secundum eam legem, si quid donavit filiofamilias, pater, idque ei in testamento reliquit jure legati, vel fideicommissi, non valebit ut legatum, vel fideicommissum, quamvis dixerit se legare: non enim verbum lego facit semper legatum, sed valebit ut confirmatio vetustioris donationis, exemplo donationis inter virum et uxorem. Nam donata uxori si legentur, uxor non capiet jure legati hodie post senatusconsultum, sed jure donationis confirmatae morte donatoris: ante senatusconsultum capiebat ea jure legali, quod probat *l. si quando lo, ff. de leg. 1. et l. uxori, §. 1. ff. de leg. 3.* Et hodie etiam ea accipit jure legati uxor vel maritus, cui donata sunt, vel filiusfamilias, si donatio non fuerit insinuata. Nam donationes non insinuatæ non confirmabat SC. quae prorsus inutiles sunt. Igitur donata sine insinuatione, quando ea opus est, si legentur, tunc sane percipiuntur jure legati, quia donatio non est confirmata morte donatoris. Et hoc ne videatur esse inutile, multum interest, utrum confirmationis jure valeat donatio, an jure legati: nam quae valet legati jure, valet tantum ex die mortis testatoris: quae valet confirmationis jure retrahitur ad

tempus, quo donatio facta est. Et generaliter in d. l. 23. definit Just. omnem confirmationem, omnem ratihabitionem retrahi tam in iis, quæ sunt juris, quam in iis, quæ sunt facti, quod nullo modo assequuntur interpretes nostri quid sit. Nam sciendum est, veteres in hac questione, an ratihabitione retrocurrat, fecisse differentiam inter ea, quæ juris, et ea, quæ sunt facti. In iis, quæ sunt juris, dixerunt, et facile admiserunt ratihabitionem retrahi, ut in constituenda obligatione, in constituendo jure obligationis, vel jure liberationis, ut in l. ult. sup. ad Senatusc. Maced. l. licet, ff. de judic. l. si fundus, §. 1. D. de p. g. in iis autem, quæ sunt facti, dicebant ratihabitionem non retrahi, ut si cum falsus procurator mea negotia sine mandato meo gessit, ego ita dicam, me probare, et rata facere, quæ ipse fecerit in re, quæ mea est. Questio est facti, quæ res sit mea, vel quæ non. Et spectandum hoc erit ipso tempore ratihabitionis, non quæ fuit mea retro tempore negotii gesti. Et ita eleganter in l. 7. D. de jur. cod. In iis, quæ sunt facti, quod est scriptum in codicillis, non trahitur ad tempus testamenti, in quo forte sunt codicilli confirmati, ut si testator ita dixerit; lego vestem, quæ mea est, vel lego Titio si vivat, vel si tot annorum est, spectamus tempus codicillorum, non retro tempus testamenti, quæ res nimirum sit mea tempore codicillorum, vel an vivat eo tempore Titius, an ejus ætatis sit. Ceterum in iis, quæ sunt juris, veluti in libertate danda, in legato dando, in jure capiendi ex testamento, vel codicillis, plerumque (nam excipiuntur quidam casus) codicilli trahuntur ad tempus testamenti, in l. 2. §. 1. l. conficiuntur, §. pen. D. de jure cod. At in causa ratihabitionis vult Just. (quod novum est) in d. l. 23. ut tollatur subtilis differentia veterum interpretum inter ea, quæ sunt juris, et ea, quæ sunt facti, generaliter definiens, in omnibus hodie quæcumque ratihabitionem retrahi.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XVII. De repudiis, et judicio de moribus sublato.

Pars alia questionis de re uxoria est de moribus, quia olim propter mores erat retentio ex dote, videlicet divortio facto, et non tantum retentio, sed etiam actio de moribus ulciscendæ injuriæ gratia, quod fecisset qui dando causam divortio: sed actio de moribus tollitur a Just. in l. ult. h. t. Et dein-

de in inscriptione hujus tit. de judicio de moribus sublato: quoniam sufficiunt pœnæ injusti repudii comprehensæ in l. consensu, h. t. nec necessaria est hodie actio de moribus, nec in usu jus, quod ad eam actionem pertinebat: et retentionem quoque postea sustulit Just. in tit. de rei ux. art. §. lateat, quod ibi latius exposuimus. Sed quia non nisi facto divortio locus erat actioni, vel retentioni propter mores, etiamsi utraque sublata sit, id est, actio, et retentio propter mores, residet tamen adhuc inspectio de divortio, de quibus est hic tit. qui inscriptus est de repudiis potius, quam de divortio. Nam repudium est generale nomen, et ejus species duæ, divortium, et repudium, ut adoptionis duæ sunt species, adoptio, et adrogatio, cognationis duæ species, cognatio, et agnatio: idem nomen alias generaliter accipitur, alias specialiter: divortium est inter maritos tantum, non inter sponsores, repudium inter maritos, et inter sponsores. Divortium est repudium, et separatio maritorum, repudium est renuntiatio sponsalium, vel etiam divortium. Et est contractus, ut apparet ex l. jurisgentium 7. §. ut puta, ff. de pact. l. si uxor, ff. de jud. qui fit etiam vel per libellum missum ad domum ejus, qui repudiatur, vel per nuntium, l. 6. h. t. Et est contractus solemniter, qui fit adhibita observatione legitima, ex l. Julia, l. si non secundum, ff. de donat. inter virum et ux. l. nullum, de divort. l. un. ff. unde vir, et uxor. Et ut M. Tullius ait 1. de Orat. fit certis quibusdam verbis, et solemnibus, et formatis, ut etiam loquuntur nostri auctores, id est, typicis, et mysticis, ut in l. 2. ff. de divort. Veluti res tuas tibi habeto, ad quæ procul respexit Ovid. in 2. artis his verbis.

Lite fugent, nuptæque viros, nuptasque mariti

Inque vicem credant res sibi semper agi:

Hoc decret uxores, dos est uxoria lites

Sic sunt restituendi hi versus. Apud Petronium elegans est formula repudii, quia ejicitur impudica: *Quia fidem scelero violasti, et communem amicitiam, res tuas ocyus tolle, et alium locum, quem polluas, quære.* Et licebat, ut scitis, olim cum conjuge divortium facere communi consensu absque alia causa ex l. si constante, hoc tit. non invito altero impune, nisi esset justa et legitima causa, quæ causæ enumerantur in l. consensu, et l. pen. et ult. hoc tit. et sunt faciles. Unus erat flamen, sacerdos Jovis, et Flaminica, id est, uxor flaminis, qui non poterant divertere matrimonium flaminis, nisi morte dirimi jus non erat, ut Festus et Gellius scribunt. Utimur igitur hodie jure sanctiori, jure illo sacerdotali, seu flaminico. Porro cum hic tit. sit generaliter de repudiis, ideo et sub eo tractatur de renuntiatione sponsalium, de repudio inter sponsores. Et est l. 2. hujus tit. de divor-

lio, ceteræ omnes. Posset videri *lex 1. hoc tit.* neque esse de repudio, neque de divortio, sed de deportatione mariti, quæ tamen constat non solvi matrimonium, *l. res, sup. tit. prox. l. 5. ff. de bon. damnet.* Quibus tamen obstat valde *l. si quis sic stipuletur, ff. sol. matr.* Extraneus stipulatus est dotem de marito hoc modo: *si quo casu uxor tua nupta esse desierit, dotem reddes*: est generalis sermo, generalis conceptio, et commemoratio, si quo casu nupta esse desierit: et ideo si ancilla fiat, quia solvitur matrimonium servitute, committitur stipulatio: item si capiatur ab hostibus, quoniam redigitur in potestatem hostium: item si deportetur. Ergo deportata nupta esse desinit, nec possis aliter respondere, nisi jure civili deportatam nuptam esse desinere, jure civili deportatione solvitur matrimonium, quia justæ nuptiæ non sunt inter peregrinos, vel cum peregrino, id est, non cive Rom. At deportatio facit peregrinum. Justæ nuptiæ sunt tantum inter cives Romanos, ut est in *Instit. in tit. de nupt.* Jure tamen gentium nuptiæ ab initio recte contractæ inter cives, etiam altero conjuge redacto ad peregrinitatem per deportationem in insulam, conservantur integræ. Atque ita facta differentia inter jus civile, et jus gentium, hi loci in concordiam reducendi sunt: nam eadem etiam utimur in illa questione, an deportatus amittat libertatem: nam dicimus vulgo eum amittere civitatem tantum, non libertatem, deportationem esse mediam capitis diminutionem, non maximam, quæ plectit civitate, et libertate, quod est verum jure gentium: nam jure Quiritium, id est, stricto et summo jure civili, non potest videri liber, qui non est civis, *l. pen. ff. de var. et extr. cog.* Quod etiam significat *lex 5. ff. de stat. hom.* illo loco exclusæ civitate, quasi velit exclusum civitate non esse liberum, nec excludi quemquam civitate, salva libertate. Et sane est etiam quedam deportatio, cum id expressum sit judicis decreto, quæ plectit utroque omnino, et civitate, et libertate, *l. ult. sup. ut nem. priv. tit. præs. imp. l. ult. inf. de post. revers.* Ergo ut ad rem redeam, *l. 1. h. t.* non videtur esse de repudio, sed de deportatione tantum. Verum hæc verba *l. 1. si casus, in quem maritus incidit, non mutet mulieris affectionem*, demonstrant *l. 1.* pertinere etiam ad repudia. Nam sententia ejus legis hæc est: Si propter casum mariti, propter ærumnam mariti, id est, deportationem, nolit ab eo discedere, laudandam esse pudicitiam mulieris, et nihilominus manente matrimonio dotem ab ea repeli posse, nec posse a fisco vindicari, qui tamen occupat omnia bona deportati. Nam si marito vergente ad inopiam constante matrimonio dotis repetitio est, *l. ubi, sup. de jur. dot.* et mul. magis publicatis omnibus bonis mariti,

quod contingit per deportationem: solum ipsum deportationis nomen est confiscatio omnium bonorum rei, et si id non exprimitur in sententia. Ergo *l. 1.* ex contrario significat, mulierem posse mutare affectionem, et casum deportationis mariti mulieri esse justam divertendi causam, et querendi novi mariti post ænum, quia deportationes erant perpetuæ, et hoc inter cetera distabant a relegationibus. Relegationes erant temporariæ, deportationes perpetuæ, *l. relegatorum. §. hæc est differentia, ff. de interd. et rel.* Et summa quoque illa differentia distabant invicem, quod relegatio non esset capitis diminutio, qualem Ovidius sustinuit, non deportatio, quæ est capitis diminutio. Ac præterea post deportationem nulla est spes restitutionis in integrum. Nam etsi deportatus possit restitui in integrum beneficio principis, tamen hoc non speramus, hæc spem nullo habemus in loco, sicut spem postliminii: alia est spes postliminii, cujus in jure ratio habetur: alia spes restitutionis, cujus nulla habetur ratio. Certior est spes postliminii, quæ est posita in virtute bellica, quam spes indulgentiæ principis, certius est jus gentium, ex quo est postliminium, quam restitutio, et venia principis: nam et idcirco deportatio solvit matrimonium, si spectes jus civile, et patriam potestatem solvit omnino, captivitas suspendit propter spem postliminii potius, quam solvit. Quod Justinianus docet in *Institut. tit. quib. mod. pat. potest. solv.* Ad extremum unum tantum notandum est ex *h. t.* neque filia emancipatæ divortium esse in arbitrio patris ulla ex causa, neque filiafamil. nisi ex justa causa, et magna, in *l. 5. hoc t. l. cum hic status, §. si socer, ff. de donat. inter vir. et uxor. l. 1. de liber. exhib. l. 11. sup. de nuptiis.* Ergo invita filia emancipata jubente patre ex nulla causa repudiabit virum, nec ex justa quidem, qua movetur pater. Filia autem familias etiam non faciet divortium cum marito invita, etiam jubente patre, nisi ex justa causa, unde elegantissimi versus Ennii.

*Injuria abs te afficior indigna pater,
Nam si improbum Ctesiphontem existimaveras,
Cur huic me locabas nuptiis? Sive est probus,
Cur talem invitam cogis relinquere?*

Et similiter Afranius in Comœdia, quæ inscribitur *Divortium apud Nonium.* O dignum facinus, inquit, adolescentis, optimas bene convenientes, concordas cum viris, repente viduas faciet spurcitia patris. Et similiter apud Plautum in *Sticho* filia ad patrem: *Aut olim, inquit, nisi tibi placebant non datas oportuit: aut nunc non æquum est abluere: pater.* Ergo in ar-

bitrio patris non est divortium filie. Quæ in re divortium distat a repudio inter sponsores: nam renuntiatio sponsalium est in arbitrio patris, *l. 10. ff. de sponsal.* Ut ergo divortium filie non est in arbitrio patris, vel etiam filii: ita etiam ex contrario ex *l. ult. h. t.* quæ est constitutio Græca, divortium non est in arbitrio filii, vel filie emancipatæ, vel suæ, sed necesse est eam, eamve, si velit divertere, qui patrem habet, exhibere consensum patris, si pater dotem dedit, aut donationem propter nuptias accepit; ne alioquin in damno versetur pater, propter culpam filii, vel filie divergentis, et amittat dotem, vel donationem propter nuptias, aut etiam exigatur ea pro pœna injusti repudii. Non debet culpa filie, vel filii fraudi esse patri non consentienti divortio. Igitur generaliter est inutile divortium, nisi factum sit consensu filii, vel filie, et patris ejus. Neque in solius filii, vel filie, neque in solius patris arbitrio est divortium. Hæc fuit sententia constitutionis Græcæ, quæ refertur etiam iisdem verbis a Justiniano *Novell. 29.* Et simili ratione in *l. si filia, ff. de divort. et l. filia, ff. sol. matr.* amovetur fraus, quam parat filia patri facto divortio, id est, cavetur utique semper, ne per filium, aut filiam deterior fiat conditio patris.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XVIII. Solutio matrimonio quemadmodum dos petatur.

Hic tit. est de repetitione dotis, et solutione, vel de iudicio recuperandæ dotis, quod soluto matrimonio competit mulieri, vel socero, vel extraneo, qui dotem dedit pro muliere. Eadem de re fuit tit. 13. *de rei ux. act.* An igitur hic titulus est superfluus? Minime vero, alioquin erit etiam superfluus tit. 25. *inf. de fun. dot.* quia omne fere jus de fundo dotali expositum est in *ead. tit. 13.* Sed observandum est in eo tit. 13. ea tantum exponi de repetitione dotis, quæ nova Justin. fecit partim probato, partim improbato veteri jure actionis rei uxoris, et ipsa etiam actione sublata, et re-tenta sola actione ex stipulatu, eaque bonæ fidei effecta, et tacita stipulatione data mulieri, et patris ejus, et mulieri etiam tacita hypotheca. Ac similiter in *eo tit.* ea tantum exposui de fundo dotali, quæ Justinianus fecit nova, sublata differentia locorum, quam induxerat *l. Julia*, et differentia alienationis, et hypothecæ. Cetera autem, quæ de repetitione

dotis, vel de fundo dotali constitutionibus prodita sunt, confirmat nominatim in *ead. tit. 13. §. pen.* Et ut cetera de fundo dotali sunt in *tit. 13.* sic cetera de repetitione dotis sunt in *hoc tit. 13.* quæ observationes valde notandæ sunt, si quis velit noscere rationem titulorum: imperfectus esset hic tractatus, sive liber de dotibus, si contineret tantum, quæ Justin. de jure dotium fecit nova, non etiam vetera, quæ non mutavit. Ac primum in *h. t. de dote restituta* quædam proponuntur, utilissima, et subtilissima, *l. 1. et 6.* Dotis æstimatæ periculum plerumque pertinet ad maritum, aliquando ad uxorem. Cujus autem est periculum, ejus etiam est commodum omne dotis æstimatæ. Eadem enim est ratio periculi et commodi. Ergo cujus periculum est, et ejus commodum cedunt partus ancillarum dotalium editi constante matrimonio, et omne emolumentum, sicut dampnum omne, et periculum ad eum respicit, periculum dotis æstimatæ est mariti, si post æstimationem nihil aliud actum sit inter maritos ea de re. Ergo partus sequuntur maritum, et omne emolumentum, ut in *tit. 13. §. cumque ex stipulatu, et leg. Licinius, ff. de leg. 2.* Periculum est etiam mariti si post alienationem dotis hoc actum sit inter conjuges, ut ancillæ dotalis tantidem æstimatæ periculum transferatur ad maritum: *tantidem æstimatæ*, ill est, ut vel æstimationem earum ancillarum dotalium factam ab initio soluto matrimonio reddat, vel omnes ancillas, neque deteriores, neque viliores, sed tantidem æstimatas, quanti fuerunt ab initio. Ergo hoc etiam casu partus earum sequuntur maritum, quæ est sententia *leg. si mancipia, ff. de jur. dot.* quod et ibi glossa explicat rectissime, atque etiam *l. pen. §. mancipia, ff. sol. matr.* periculum dotis æstimatæ est mulieris. In specie *l. 1. h. t.* si post æstimationem dotis hoc agatur inter maritos pactione (ut inquit) vel stipulatione, ut soluto matrimonio redderentur res ipse, si exstent, ut in *l. æstimatis, ff. sol. matr.* nam his verbis: *si exstent*, periculum transfertur in mulierem: nimirum hic est sensus eorum verborum, ut quæ non exstabant, quæ res erunt extinctæ, vel peremptæ, non reddantur mulieri, et mulieri perierint. Ergo consequens est, partus ancillarum dotalium debere sequi mulierem, ad quam respexit periculum dotis, non maritum. Soluta igitur matrimonio partus esse restituendos mulieri actione ex stipulatu, ut inquit lex 1. an etiam si pactio intervenierit, non stipulatio, quoniam initio id sit convenisse pactione, et stipulatione. An ergo si pactione id convenierit iudicio ex stipulatu mulieri reddentur partus: sic sane hodie ex titulo 13. Olim erat actio rei uxoris, quod data opera prætermisit Tribonianus in hac *l. 1.* Cum Imperator

scripisset, *judicio rei uxoriae, vel stipulatu*; quae verba respondebant superioribus, *pactione, vel stipulatione*: *lex 6. inf.* est obscura, sed non relinquetur, antequam fuerit reducta ad facilitatem: *lex 6. inquam*, est de dote aestimata viliori pretio, muliere circumscripta, et quaestio oritur elegans, et necessaria cognitu. Sciendum est, dotis aestimationem venditionem esse, quod saepe diximus, veram venditionem, simplicem, sed dotis causa, ut ait *l. quoties, ff. de jur. dot.* Et ideo venditionem simplicem non semper imitatur: sunt enim tres differentiae inter venditionem simplicem, et venditionem dotis constituendae causa. Prima differentia haec est: evicta re vendita, si venditor emptori praestiterit duplum, ut sit evictionis nomine, id emptor habet plenissimo jure, nec unquam restituit venditori, hoc est certissimum. At si aestimata dote res dotalis evicta sit marito, et eo nomine, id est, evictionis nomine uxor viro praestiterit duplum constante matrimonio, id vir restituet duplum soluto matrimonio mulieri, quia aequius melius est maritum non lucrari quicquam ex damno mulieris, *d. l. quoties*, sicut e contrario aequius melius est mulierem non locupletari ex damno mariti. *l. jure, §. ult. ff. de jur. dot. l. pen. §. ult. ff. solut. matr.* Secunda differentia haec est, venditione facta viliori pretio, non rescinditur venditio, *l. quisquis, sup. de rescind. vendit.* nisi venditor fraudatus sit supra dimidium justii pretii, *l. 2. C. eo. l. vel nisi dolus emptoris arguatur, l. et ideo, ff. loc. l. 8. sup. de rescind. vend.* Circumscribitur venditor in pretio aut re ipsa, aut dolo emptoris: si dolo emptoris, rescissio locus est: si in re ipsa (quod fraus dicitur proprie, id est, damnum, non dolus) non aliter rescinditur venditio, quam si fraus superet dimidium justii pretii. Et hoc in venditione simplici. Aestimatio autem dotis facta viliori pretio citra dolum mariti, etiamsi non superet dimidium justii pretii, rescinditur data electione marito, ut vel rem dotalem restituat soluto matrimonio, vel justam aestimationem, *l. si res, §. 1. ff. de jur. dot.* Nam sicut venditio simplex, in qua intervenit fraus venditoris, supra dimidium justii pretii rescinditur, data electione emptori, ut vel rem emptam restituat, vel suppleat quod deest justo pretio, *d. l. 2. sup. de rescind. vend.* ita fere aestimatio facta dotis viliori pretio quocunque, etiamsi non immodice viliori, nec continente fraudem supra dimidium justii pretii, rescinditur, data eadem electione marito soluto matrimonio, ut vel rem dotalem reddat, vel justum pretium, non pretium, quod factum est ab initio, *d. l. si res, §. 1.* Quod utique verum est, ut ibidem ostenditur, si exstet res dotalis, quae vilius aestimata fuit, muliere re ipsa circumscripta, non dolo

mariti. Nam si res extincta sit, contenta debet esse mulier aestimatione, de qua convenerit, aestimatione qualiqua, quae totius rei damnum fecisset, nulla facta aestimatione. Nam constat in aestimatione dotis periculum esse mulieris. Ergo re extincta aequi homine consulere debet, si recipiat qualemquam aestimationem rei, cui res erat peritura, si non fuisset aestimata qualiter qualiter. Et hoc ut dixi si absit dolus mariti. Et ita accipienda est omnino tertia pars legis 6. (faciam enim tres ejus partes) quae distinguit utrum res dotalis exstet, an extincta sit, ut scilicet huic distinctioni sit tantum locus, cum in aestimanda dote maritus dolum non adhibuit: nam si dolus mariti probari possit, indistincte rei justam aestimationem reddere debet actione dotis, *edit. l. si res ex sententia Scævola*, quae aestimatio justa etiam servabitur per exceptionem doli, si mulier forte, aut haeres ejus possideat rem dotalem, eamque vindicet maritus, quasi dominus factus aestimatione, id est, emptione; et traditione, quae est sententia primae partis legis sextae. Nam tantum abest, ut possis ex ea inferre, quod vult glossa, cui datur exceptio, et multo magis ei dari actionem, quod est absurdum, et vitiosum omnino, et falsum: sed potius cui datur actio ad recipiendam justam aestimationem, si in ea facienda dolum adhibuerit maritus, et multo magis ei dabitur exceptio doli servandae justae aestimationis gratia. Et haec vera sunt, ut ostendit dicta *lex si res, §. 1.* quae est clavis illius quaestiois, sive mulier, quae in pretio circumscripta est, major fuerit vigintiquinque annis, sive minor. Nam minori mulieri hoc tantum datur specialiter, ut si aestimationis faciendae tempore habuerit in manu emptorem offerentem justum pretium rei dotalis, et circumventa eam rem viliori pretio marito addixerit, hoc casu ut maritus non habeat electionem reddendae rei dotalis, vel justae aestimationis, re exstante, vel etiam re extincta, ut non liberetur reddendo aestimationem eam tantum, de qua initio conventum est: sed ut omnino cogatur minori 25. annis reddere aestimationem justam. Tertia differentia inter utramque venditionem est beneficium *leg. 2. sup. de rescind. vend.* ut rescindatur venditio si laesus sit venditor ultra dimidium justii pretii: beneficium, inquam, illud datur soli venditori, non emptori: in quo erratur vulgo pessime, et ibidem ostendi latius. Nam aperte Harmenop. *lib. 3. cap. 8.* docet, id beneficium cui locus est etiam in locatione et conductione, quae habetur ad iustarum venditionis et emptionis, dari, inquam, soli locatori, non conductori, et rationem hujus differentiae exposui in *d. l. 2.* Non datur ergo emptori majori 25. annis, minori datur ut in *l. patri, §. praedium, ff. de minor.* Et hoc in venditione simplici. Marito autem laeso et gra-

valo in aestimatione dotis qualicumque, vel modica vel immodica, si res dotalis sit majoris aestimata, et hac aestimatione circumscriptus maritus petivit, ut ei subveniatur, qui est pro emptore, ne scilicet soluto matrimonio reddat ultra justum pretium. Et in omnibus iis differentiis eadem ratio valet, ne mulier lucretur ex damno viri. Et hæc est sententia tertie partis *l. 6.* quam confirmat etiam *l. jura, §. ult. ff. de jur. dot.* Quod ad cetera hujus tit. attinet, ea non admodum desiderant operam meam. Censeo tamen breviter tria esse notanda, primum in *l. filia hoc tit. filia pecuniam, quam habes in potestate, adimere non prohiberis.* Omnino legendum est in ea *l. filia, peculium, loco pecuniam,* et ita Thalelus legit, et confirmat *l. donationes, §. pater, ff. de don.* Nam *l. filia* facit differentiam inter dotem, et peculium filie. Pater potest adimere filie peculium quandocunque, etiam nulla voluntate: dotem vero semel pro ea datam non potest ei auferre. Immo soluto matrimonio eam non potest repetere sine consensu filie, ut in *l. 2. hoc tit.* Et solvi dos etiam ei soli non potest sine filia, *l. 3. ff. solut. matr.* Et hoc est, quod ait *l. 2. neque exigere, neque accipere.* Et ita *l. filia* ponit differentiam inter peculium, et dotem, non pecuniam. Numquam enim videmus pecuniam pro peculio. Secundo notandum est, repetitionem aliquando esse utilem, aliquando directam. Directa est, si dos fuerit, si matrimonium fuerit, utilis, si nec matrimonium justum, nec dos fuerit: nam dos proprie non est sine matrimonio. Matrimonium potest esse sine dote. Fingo igitur: mulier libera nupsit servo, quem existimabat esse liberum: cognito errore repetet dotem, quam ei dederat, non a servo illo, qui cum servis nulla actio est, sed a domino ejus utili actione de dote, quia neque matrimonium fuit, neque dos, quæ erit etiam quasi privilegiaria inter creditores chirographarios, ut est quasi dos: agat igitur utili actione de dote cum domino, non in solidum, sed de peculio, et hæc est sententia *l. 3. hoc tit.* et facit lex *si cum dote, §. ult. ff. sol. matr. l. Lucius 2. ff. dep.* Tenetur, inquit, dominus de peculio, videlicet si mulier ipsi servo dotem dederit: nam si dedit domino, tenetur in solidum, non in peculium tantum. Et ita si data sit dos marito filiofamilias, in patrem est actio dotis directa de peculio, soluto matrimonio: si data sit patri, in solidum: *d. l. si cum dote, §. transgrediamur, et l. 10. hoc tit.* videlicet, si pater ille, id est, socer facultas habeat: nam illud in *l. 10.* non accipitur bifariam, ut scilicet tenetur supra peculium, et supra facultates, sed ut supra peculium tantum filiofamilias, non supra facultates damnatur in solidum. Sunt adversi, sive contrarii hi quatuor, damnatus in solidum,

Tum. IX.

damnatus in partem, damnatus in facultates, damnatus in peculium. Damnatus in solidum, damnatur in quantum locupletior factus est, ut in *l. de iis, D. de jur. dot. et d. l. 10.* Et ita in solidum accipitur varie, prout confertur cum alio vario, ultimum, quod est apertissimum, nec fuerat palam expositum in tit. 13. in hoc tit. ostendit mortua filia in matrimonio dotem profectam redire ad patrem. Loquitur de filiofamilias *l. 4. h. t. sed recte Theodorus* tam porrigit ad emancipatam, quod ego multis legibus confirmavi in supradicto titulo 13. Vel si pater non sit, mortua in matrimonio uxore, qualiscunque fuerit dos profectitia, vel adventitia, remanet apud maritum, nisi stipulata sit uxor eam sibi reddi, hæredive suo, *l. 5. h. t.* quod hodie semper presumitur stipulata ex tit. 13. Hæc est brevis explicatio hujus tituli: cave autem minimis deesse ullam constitutionem Græcam in hoc tit. Nam quam annotat collega noster deesse in hoc tit. ea est, quam dixi supra deesse in extremo præced. tit.

JACOBI CUJACII J. C.

In Lib. V. Codicis.

RECITATIONES SOLEMNES

Ad Tit. XIX. Si dos constante matrimonio soluta fuerit.

Commodissime junxit hunc titulum superiori: nam lex ult. præced. tit. et *l. un. hoc tit.* partes due sunt unius ejusdemque constitutionis, ut constat ex Cod. Theodos. *l. si constante de dotibus, et l. ult. sup. tit.* est de marito mortuo: hæc de uxore mortua. Et ut mortuo marito dos redit ad mulierem superstitem, et nihil ex ea sibi vindicare possunt hæredes mariti, ex *d. l. ult.* ita ex hac *l.* uxore mortua, si maritus constante matrimonio dotem ei solvit, absque causa legitima contra generationem definitionem super. tit. ut dos tantum soluto matrimonio solvatur, vel repetatur, ut dotis actio non nascatur antequam solutum sit matrimonium: deique ut manente matrimonio, dos neque solvi mulieri, neque repeti ab ea possit, exceptis certis causis, de quibus in *l. mutus, D. de jur. dot. l. quamvis, ff. sol. matr.* quia velita est donatio inter maritos et representatio dotis est species donationis, et ut ait in constitutione *h. t.* dotis solutio, quæ sit constante matrimonio sine causa legitima, donationis instar obtinere perspicitur, id est, perspicuum est, donationem eam esse: ne dicas, ut ait gl. perspicitur, id est, presumitur. Græci recte, *Stoipitæ.* Si inquam maritus constante matrimonio dotem mulieri solverit absque legitima causa, quia

et solutio præmatura pro donatione est. nihil ex ea dote mortua muliere hæredes vindicare possunt : sed maritus superstes ab eis potest repelere dotem cum fructibus perceptis a die solutæ dotis, quia morte mulieris (ut postea explicabimus) dos lucro mariti cessat. Repetet igitur eam ab hæredibus mulieris cum fructibus, ut ait, et ut opinor cum fructibus omnibus cujuscunque generis, sive opera et cura mulieris pervenerint, qui vulgo dicuntur industriales, veluti serendo, sive absque cura et labore mulieris, qui vulgo dicuntur naturales. Et eleganter Virgilius in *Culice*. *Agrestum bona tori cura secura*: hi sunt fructus, quos terra fert sua sponte, sine opera et diligentia nostra. Hos omnes mortua muliere, cui dotem abs re maritus representaverat, hæredes mulieris marito restituent, qui interim sustinuit onera matrimonii, et qui sustinuit onera, æquum est ne privetur ullo genere fructus. Neque moveor *l. fruct. ff. de usur.* quæ ait, mulierem ex re sibi donata a marito fructus suos facere, illos tamen quos sua cultura et opera adquisierit, sicut bonæ fidei possessorem, non naturales fructus. Et tamen ego dico omnes esse restituendos. Hoc sollicitius explicemus. Finge: maritus rem suam donavit uxori, prædium suum donavit uxori, non dotale: uxor percepit fructus varios, illos tantum suos fecit, quos ipsa curavit, et excoluit. Cui sententiæ solet obijci *l. bonæ fidei, in pr. ff. de acqu. rer. dom.* quæ loquitur de bonæ fidei possessore, cui comparat uxorem *l. fructus*: idem nimirum statuit in uxore, quæ fructus cepit ex re donata a marito, et in bonæ fidei possessore, *d. l. bonæ fid.* ait, inquam, bonæ fidei possessorem omnes fructus suos facere interim, etiam si non pervenerint opera et diligentia possessoris, hæc non sunt pugnantis, nec pugnat *d. l. fructus cum l. bonæ fid.* Nam ille articulus interim, qui est in *l. bonæ fidei*, ut interim omnes fructus suos faciat, rem omnino dirigit, et diluit. Facit quidem fructus suos omnes interim, sed re evicta restituit eos, qui sua sponte pervenerunt, et eos tantum retinet, qui facto ejus pervenerunt pro cultura et cura. Et ita etiam quod ait *d. l. bonæ fidei* §. Pomponius, fructus perceptos post scientiam rei alienæ, id est, postquam possessor cognovit rem esse alienam, possessores suos non facere. Et contra quod ait *l. qui scit, §. ult. ff. de usur.* post scientiam rei alienæ interim possessorem fructus suos facere. Hæc nullo modo invicem pugnant, et res est exploratissima. Facit quidem fructus suos interim, sed evictam restituit cum fructibus. Et hoc ut volis deinceps pro certo sit atque comperto, similiter in *l. §. D. de leg. commiss.* fundo vendito lege commissoria, id est, ut nisi pretium solvatur intra certum tempus, fundus sit inemptus, Gallice *marché nul*, lex ait, pro-

ptorem interim sibi suoque jure fructus percipere, eos sed restituere venditori *l. commiss* quod valde notandum est. Et ita etiam mulier ex re sibi donata a marito, non dotali, si fructus perceperit, omnes interim suos facit, sed eos restituit, qui sine cura, et cultura ejus provenerunt: nam aliorum fructuum, qui facto ejus provenerunt, donatio licita est, sicut usurarum, quæ ex obligatione dotis uxor debuit marito, usurarum remissio est licita, et eorum quoque fructuum donatio, quos ipsa sibi acquisivit. Et hoc ex Juliano proponitur in *l. de fructibus, D. de don. int. vir. et uxor.* Ex quo loco in *l. si quis pro uxore, §. pen. D. eod.* dum ait, si maritus uxori remiserit usuras dotis, quas debuit, questionem esse, an donatio sit illicita, scribendum est, an donatio sit licita, quando subjicit et Julianum hoc putare, quod et verum est. Julianos autem non putat esse illicitam, sed licitam, *d. l. de fructib.* Ergo ut recte subjiciat Julianum hoc putare, præcedere hæc oportet questio, an donatio sit licita, Et hoc quidem ditionis de fructibus perceptis a muliere ex re donata, non dotali. Sed de iis neq. agimus hoc loco sed de fructibus dotis, de fructibus rerum dotalium constante matrimonio solutarum sine legitima, quod donatio est. Hos omnes sine disjunctione dico esse restituendos marito deductis impensis: nam fructus semper intelliguntur deductis impensis culturæ. Omnes igitur restituendos esse marito deductis impensis, quia sine distinctione fructus omnes repensare debent onera matrimonii, quæ interim sustinuit maritus. Et non ulimur igitur hæc in re, ut Accursius distinctione bonæ fidei, vel malæ fidei. Nam quæque fide percepti sint ex dote ab uxore, omnes sunt restituendi marito, cujus lucro dos cessat mortua uxore. Et jure quidem veteri dos profectitia, vel adventitia, si non sit pater, mortua uxore, lucro mariti cedit, liberis communibus servata proprietate, quasi bonorum maternorum, adeo ut nec a liberis possint segregari ea bona, et alienari, si maritus liberis superinducat novercam, vel hodie etiam si non superinducat ex Nov. 98. nisi pro parte virili ex Nov. 127. nam virilem partem poterat alienare, quod hinc pro præmio continentis ad eam pertineat plena jure, non per usufructum solum, in aliis partibus habet usufructum solum: hodie vero ex constitutione Just. mortua uxore dos non cedit lucro mariti, sed redditur hæreditibus mulieris, §. *illo proculdubio, in tit. 13.* Igitur locus non est huic constitutioni, nisi convenit instrumento dotali, ut mortua uxore dos cedat lucro mariti. Et ita idem nominatim Justinian. accommodata hæc *l.* ad jus, quod ipse novum fecit de dotibus, censet hanc legem esse accipiendam, nempe fingendum esse in specie hujus *l.* ex pacto dotem cessasse lucro mariti mortua uxore. Et

si liberi existent eis communes, reservandam esse proprietatem, usufructum solum esse patris: quo argumento possit quia contendere, omnes leges, omnes constitutiones esse accipiendas secundum mentem Justiniani, secundum jus novum. Sed hoc si quis velit tueri semper, et servare stricte, incidet in difficultatem, et saepe multas. Porro in hac l. unica sic est legendum ex Cod. Theodos. omnino in fine: *Ita ut proprietates ejusdem a liberis ex eadem susceptis (contra leges) a marito alienari non possit.* Quod ait, *alienari a liberis*, ut in Novell. Majoriani de abrogat. cap. et in interpretatione Aniani ad leg. 2. Cod. Theodos. de sec. nupt. ut a liberis alienare non liceat, in l. sed si hoc, ult. D. de cond. et demonstr. Apparet autem ex iis in specie hujus l. non eosdem fuisse heredes, et liberos mulieris: separantur enim liberi ab heredibus extraneis, scilicet heredes fecerat mulier, et liberis satisfecerat, relicta portione legitima.

JACOBI GUJACII J. C.

In Lib. V. Codicis.

RÉCITATIONS SOLEMNES.

Ad Titul. XX. Ne fidejussores, vel mandatores dotium dentur.

Sententia hujus tituli hæc est, ut maritus, vel socer, vel prosocer, qui dotem accipit dotis servandæ causâ, et reddendæ mulieri soluto matrimonio, non cogatur fidejussorem dare mulieri, vel mandatorem, cujus scilicet mandato uxor dotem det viro, ut sit adversus fidejussorem, vel mandatorem mulieri regressus soluto matrimonio dotis recuperandæ gratia. Et si ultro maritus dederit fidejussorem, vel mandatorem, ut non obligetur, quia hanc obligationem constitutiones improbant, l. 1. C. Theodos. de fidejussor. dot. Et legendum est omnino in l. 2. hoc tit. satisfactionem, vel mandatum pro dote exigendum, vel a marito vel a patre ejus, non patre, ut in Basilic. τοῦ πατρὸς ἀνδρός. Et ita pars uxoris, in l. Titia cum testamento, §. Gajus, D. de leg. 2. et pars legatarii, in l. Ofilius, de leg. 3. quod nomen etiam retinemus in idiotismo, et dicimus ut Latini adversum partem, ut Græci ἐναντίον τῆς partes. Livius lib. 21. Pars in adversandum magis quam collega consuli in civitate, pour luy faire teste. Sic legendum illo loco Titi Livii. Ratio autem redditur in d. l. 2. cur non sit dandus a marito fidejussor dotis servandæ, et reddendæ: quia scilicet cum

mulier se committat in potestatem mariti, vel socii, cujus filiofamilias nupsit, et plerumque etiam sua, id est, parapherna: absurdum esset si fidei ejus non committeret dotem suam, quæ et in honore mariti est, si exigeret fidem alienam; si consideret magis fidei alienæ, quæ fidei conjugali: Est elegantissima ratio, quæ confirmatur etiam l. 8. sup. de pact. convent. cap. per vestras, extra, de donat. inter vir. et uxor. Sed sunt hujus constitutionis aliquot exceptiones. Una si forte (quàm solus Harmenopolus exposuit lib. 4. Epitom. tit. 8.) ante nuptias convenerit dotis fidejussorem dari, vel si ante nuptias datus fuerit: nam potest fidejussor præcedere non minus, quàm sequi obligationem. Sic ad questionem, quàm movet hic glossa, possis respondere ex Harmenopulo. Est etiam aliâ exceptio certissima, ut post nuptias, post absolutum matrimonium, possit mulier accipere fideiussorem dotis reddendæ suis diebus, in l. si constante, §. quoties, D. sol. matr. l. etsi si. D. de re jud. l. 7. D. de except. Dissidentia tantum hæc improbat constantem matrimonium, constante amicitia fideique communi, non post matrimonium. Idem addendum est, etiam a marito constante matrimonio mulieri posse dari pro dote pignus, quod hodie est certissimum, cum et lex dei tacitum pignus, tacitam hypothecam, id est, Justinianus; quod lex tandem fecit, ut essent pro dote tacite pignorate omnia bona mariti. Idem etiam fieri potuit ex conventionem, ut vel omnia bona mariti, vel quædam mulieri pignora essent dotis servandæ nomine. Idque etiam ostendit l. quod autem, §. si uxor, D. de don. inter vir. et uxor. et l. vir, §. 1. D. ad Vellej. Et ratio differentie inter pignus, et fidejussorem hæc est: nam dato pignore res uxoris ponitur tantum in tuto, non etiam committitur alterius personæ fidei, quæ mariti ipsius: fidejussor obtinet locum debitoris, pignus obtinet locum rei debiti. Non est aliena fides eligenda fidei, aut quærendæ. Non quæritur autem aliena, si quæritur pignus, sed quod sit loco rei uxoris. At præterea in exigendo fidejussore est quædam contumelia, nempe dissidentia. l. 18. inf. ff. de testament. tut. quæ non est in exigendo pignore. Accursius lib. 1. §. 2. multas et agit quæstiones in hanc rem; quæ hactenus tradidi alibi, dirimant omnes, præterquam unam. An sicut uxor non exigit a viro fidejussorem dotis servandæ, et reddendæ; non exigit etiam vir ab uxore fidejussorem dotis promissæ, et non præstitæ marito: et existimant vulgo, exigi posse a muliere fidejussorem dotis promissæ, et ita hæc in re esse differentiam inter uxorem et maritum, anti l. cum dotis, ff. de jure dot. male intellecta: nam societas vitæ, et honestas videtur exigere, ut constante matrimonio, neque uxor virum, nec

que vir uxorem flagitet fidejussorem. Ac sane d. l. cum dotis non loquitur de uxore, sed de eo, qui dotem viro promissam ab uxore, id est, qui dotem, quam debuit uxor, expromisit utitur enim eo verbo. *Expromittere* semper est novandi animo suscipere alienam obligationem, et se facere reum principalem pro alio, absoluto alio: nam novatio liberat priorem reum prius obligatum. Nunc lex ait, si quis dotem debitam ab uxore promiserit viro novandi animo, et fidejussorem dederit, utique fidejussor tenebitur, hoc est certum, nec enim ab uxore datus est, sed ab extraneo expromissore.

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. XXI. Rerum amotarum.

Inter ceteras partes ejus questionis, quæ est de dotibus, vel de re uxoria, una est de rebus amotis, propter quas olim erat compensatio, sive retentio ex dote, et quæ bodie etiam manet actio rerum amotarum; de utraque est h. c. lit. 21. de compensatione, sive retentione ob res amotas l. 1. de actione ceteræ leges 1. 2. 3. Et est actio rerum amotarum, ut eam definiam, condictio, quæ ex edicto prætoris post divortium datur statim, et in solidum in uxorem, vel maritum, qui conjugii res abstulit divortii causa. Hæc definitio complectitur omne jus istius actionis, et ex ea primum apparet, eam esse actionem prætoriam, ut ex l. 2. h. t. dum ait, eam edicto perpetuo promitti. Promittit, sive pollicetur prætor actiones in edictis, deinde quas pollicitus est proposito edicto, dat postulanti. Itaque in l. 2. h. t. est legendum, *promittitur*, non *permittitur*, ut in l. 1. sup. de al. jud. int. cum in integrum restitutio, inquit, edicto perpetuo promittatur, ut in Basil. ἐμπήλαται, non permittatur, ut legitur vulgo. Sic etiam in l. ult. sup. de act. empt. actiones promissæ, non permissæ. Illud etiam apparet ex superiori definitione, hanc actionem esse condictionem, si paret dari oportere, id est, et intendimus dari nobis oportere. Et ita in l. 27. ff. eod. rer. amotarum actio, condictio est. Ergo alia est condictio rerum furtivarum, de qua est proprius titulus in ff. et alia condictio rerum amotarum: et hæc quidem honestior, cum in ea res furtivæ non appellantur, sed amotæ tantum dicantur, et intendatur hæc non res furtivas dari oportere, sed res amotas. Vir vel uxor, qui quæve amovit res aliquas conjugis, revera fur est, l. pen. ff. eod. in verita-

te furtum est. In hac igitur specie in forem agitur honestiore actione, atque leviori, quam soleat agi in alios fures, propter pudorem matrimonii prioris. Competit etiam rerum amotarum vindictio, l. 3. h. t. et l. 24. ff. eod. Ergo ejusdem rei est vindictio et condictio contra regulam juris (nam nemo condicit rem suam, cujus habet vindicationem) scilicet odio furum. Sive igitur is fur sit co-jux, sive extraneus, in eum ad res recuperandas, quæ sublatæ sunt, duplex est actio, vindictio, et condictio, quarum alteram eligit actor: nam ut dixi, res, quæ dicuntur amotæ, revera furtivæ sunt, et sicut res furtivæ non possunt usucapi, ita nec res amotæ, quæ revera sunt furtivæ, l. pen. ff. eod. Ergo inter condictionem rei furtivæ, et condictionem rei amotæ, in verbis tantum est discrimen, non in re ipsa, non in vi ipsa: nimirum mitiora sunt verba hujus, quam illius actionis: uxorem enim, vel maritum non dices res furto subripuisse, sed ad levandam invidiam verbi, dices, eum eamve res tuas amovisse, easque ut libet, vel condictiones intendis tibi dari oportere vel vindicationes asseris eas esse tuas; parcens pudori ejus, qui maritus tuus, vel quæ uxor tua fuerit in memoriam præcedentis societatis vitæ, ut ait l. si rerum, ff. de re jud. In memoriam prioris matrimonii non agis furti, vel condictione furtiva adversus eum, qui divortii causa res abstulit, si eas post divortium non contrectet: sed agis tantum rerum amotarum condictione. Et sic etiam, quod notandum est, in memoriam prioris domini servus non torquetur in caput venditoris, neque in caput domini, neque in caput ejus, qui fuit dominus olim, l. unius, §. servus, ff. de quæst. Et in memoriam prioris dignitatis, qui desinit esse decurio non torquetur ex delicto, l. ult. ff. de decurionibus. Et sic in memoriam prioris matrimonii, prioris societatis, non utimur atroci judicio in eum eamve, qui quæve conjux fuit, sed agimus tantum de rebus amotis, id est, amovendi verbo utimur, non acerbiori. Utitur etiam prætor eo amovendi verbo in aliis edictis, sed longe alia ratione, quam in hoc edicto, ut suus hæres non habent beneficium abstinendi, qui quid ex hereditate jacente amovit, l. si servum, §. prætor ait, ff. de acquir. hæred. Et in edicto, si servus testamento manumissus aliquid subripuerit ex hereditate jacente, nondum adito, in l. pen. et ult. ff. si is, qui testam. lib. esse jus. erit, etc. Et utitur, inquam, in his edictis prætor amovendi verbo non quod velit parcere reo, sed quod certe hereditati jacenti, necdum aditæ furtum non fiat. Hæc est certa sententia juris, hereditati jacenti furtum non fieri: vetustissima sententia juris, cujus ratio hæc est: quia furtum fit soli possessori, et

nihil est furtum, quoniam possessionis interversio, l. 1. §. Scavola, ff. si is qui test. lib. Hereditas autem jacens, etsi interim habeatur pro domina in l. non minus, ff. de hered. institut. l. cum hereditas, sup. dispos. non tamen potest haberi pro possessore, ergo ei non potest furtum fieri. Cor vero non habetur pro possessore, sicut pro domo? Quia possessio est facti, et quicquid facit, corporeum est: et corporeum quicquid est, id ipsum aliquid animale est. Hereditas autem est res incorporea et inanimata, id est, jus, quod defunctus habuit, est res incorporea, nullo animo praedita: ergo nec possideri potest, nec pro possessore haberi: nam leges nunquam fingunt, quod rerum natura non fert, in l. confessionibus, ff. de interrogat. in jur. fac. At in hoc ed. eto rerum amotarum praetor utitur amovendi verbo, non quod furtum non fiat, quandoquidem revera furtum fit: sed quod pareat pudori ejus, qui maritus, vel uxor fuit, ut aperte turpem rem propter reverentiam personarum verbis temperat, extenuat, atque coarctat, ut in l. non debet, ff. de dolo. Nec semper latius loquitur, id est, furtum non semper appellat furtum. Divi in definitione, hanc actionem dari statim, et in solidum ad differentiam actionis de dote, quam hac in respectu juris auctores, quando actio de dote non statim datur post divortium, si pondere, numero, et mensura continentur, sed annua die, et non datur in solidum, sed hactenus, quatenus facultates viri patiuntur: qui modo dolo vacet. Actio enim rerum amotarum post divortium datur statim in solidum, quia pendet ex facto turpi, ex delicto, ex vero furto, l. 21. §. rerum, et §. ult. ff. eod. l. si verum, ff. de re jud. Et ut inferius dicemus quodammodo est ex delicto, et ex delictis agimus semper in solidum. Praeterea divi in definitione, hanc actionem dari de rebus amotis divortii causa id est, cogitatione divortii, meditatione divortii, quod animo agitabat, quod facere decreverat, et vero postea fecit rebus amotis; vel etiam de rebus amotis sine cogitatione divortii, et celatis tempore divortii, quia et ea videntur sublatæ divortii causa, cum non sunt redditæ, aut relictae conjugii tempore divortii, l. 17. §. penult. ff. eod. tit. Ergo hinc actio oritur ex divortio tantum. Est elegans in hanc rem lex, ult. §. penult. ff. de divort. Unde queritur an sit locus huic actioni, si quid conjugum amoverit mortis causa. Finge: marito decubente, et fere occubente, mulier, ut solet, subripuit res multas mariti, an teneatur heredi mariti actione rerum amotarum? Certum est hanc actionem dari heredi in d. l. 21. §. penult. Et utique datur heredi si res sint amotæ divortii causa, id est, cum divortii consilium inieisset, qui quævis fur-

tum conjugii fecit, si postea conjugum moriatur: sed non dabitur heredi actio, si furtum factum sit mortis causa, sed dabitur actio in rem ad res persequendas, quæ ablatæ sunt mortis causa, vel actio ad exhibendum, vel petitio hereditatis, vel condictio ex iniusta causa. Non desunt actiones rei persequendæ heredibus defuncti, l. 6. §. ult. l. 22. §. ult. ff. eod. Sed non est eis actio rerum amotarum neque directa, neque utilis: neque quicquam nos movere debet d. lex. 21. in princ. Nam longe alia est species dictæ l. 21. Nos ponimus res ablatas mortis causa, et mortuum conjugem fuisse: illa lex. 21. in princ. mulierem res abstulisse mortis causa desperantem de vita mariti, nec tamen mortuum esse maritum, sed convalescere ex morbo, et postea divertisse; et teneri eam utili actione rerum amotarum. Directa non tenetur, quia amoris mortis causa, non divortii, desperans de sospitate mariti: tenetur utili, quia tempore divortii eas res celavit, atque suppressit. Sed nondum est satis. Cur est actio rerum amotarum de rebus amotis divortii causa, et non de rebus amotis mortis causa? Ratio hinc est, quia quæ res mariti amovat, quæ aufert res marito divortii causa (et idem potest dici de mare) hoc infenso animo, et inimico facit, ut expoliet virum. Impleta dicitur, quæ discedit a viro in l. cum in fundo, §. sed etsi, ff. de jure dot. l. Cicero, ff. de pæn. Plane igitur furtum facere viro voluit; at quæ mortis causa res abstulit, furtum non fecit, quia non fit furtum nisi sit cui fiat, id est, non facit furtum marito, quia non voluit, non enim si victurum putasset, quicquam amovisset: non facit furtum hereditati, quia nondum fuit hereditas, nec si fuisset, hereditati furtum fit. Hinc autem actio rerum amotarum pendet ex furto, et ubi furtum non est, nec actio hinc est. Postremo divi hanc actionem dari statim post divortium de rebus amotis constante matrimonio, vel in ipso articulo divortii: nam de rebus amotis post divortium, est gravis actio et famosa, nempe furti, et condictio furtiva. Itaque de rebus amotis ante divortium, et contractatis post divortium: nam contractatio est furtum, et qui sæpius contractat eandem rem, sæpius eandem rem furatur. Itaque est actio furti earum rerum, non autem rerum amotarum. Nam hæc est tantum de furto, quod nupta fecit, vel nuptus, d. l. 3. in princip. D. eod. Item constante matrimonio non agunt invicem rerum amotarum, sed aliquanto leviores actiones, nempe actiones in factum, id est, verbis temperata in factum, l. 2. hoc l. 1. ult. §. ult. inf. de furt. vel condictione sine causa, ut in l. 23. D. eod. quia ut ait lex 9. hujus tit. constante matrimonio neque penalis neque famosa actio competit in uxorem, vel maritum. Sane

ita est. Ergo non competit rerum amotarum constan-
te matrimonio: et hoc certissimum est quoque. Er-
go recte inferitur actionem rerum amotarum, vel
esse famosam, vel poenalem. Et utrumque tamen
falsum est. Condictio rerum amotarum non est fa-
mosa, sicut nec condictio rerum furtivarum. Nul-
la condictio est famosa, licet pendent ex causa
famosa, veluti ex furto, *l. cessat, ff. de obl. et
act.* Non est etiam actio rerum amotarum poenalis,
quia rem solam persequitur, *d. l. 21. §. penult.*
Sic respondeo. Fateor non esse famosam, aut poe-
nalem, sed etiam affirmo inesse ei poenam ali-
quam, et infamiam, propterea quod pendet ex
furto, et dicitur oriri et esse ex maleficio, *d. l. si
rerum.* Sicut condictio furtiva, licet rem solam per-
sequatur, dicitur esse ex maleficio, *d. l. 21. §. pe-
nult. et l. 10. §. quoties, ff. de compens.* Et ob id
neutra condictio datur in heredem, nisi quatenus
ad eum pervenit, *l. 3. hujus tit. l. 9. §. ult. et l.
seq. ff. de tut. et rat. distr.* quia est quasi poena-
lis, quasi famosa, quodammodo famosa et poena-
lis, quia in ea fit quasi mentio furti. Nam etsi
res amotas dicas non furtivas: tamen populus in-
telligit te dicere furtivas, apud quem debet constare
ratio famae nostrae. At in quem non est actio famosa,
in eum etiam non est actio quasi famosa, *l. pa-
rens, cum legibus seqq. ff. de obseq. a lib.* Ergo
verum est, quod ait *l. 2.* constante matrimonio
non agi rerum amotarum, quod non agatur famosa,
vel poenali actione: famosam cum dicit, vel poena-
lem, dicit quasi famosam, vel quasi poenalem: si-
cut, qui dicit contractum, dicit etiam quasi con-
tractum, ut tutelam, *l. contractus, ff. de reg. jur.*
Etiam intelligitur manente matrimonio non agi cum
conjuges servi corrupti, quae est poenalis, nisi in
simplum, dempta poena, id est, in id quod inte-
rest in favorem et honorem nuptiarum, *l. ult. ff.
de serv. corrupt.* Item non agi ex lege Aquilia,
quia est etiam actio poenalis ex parte, id est, mixta;
sed agitur tantum in simplum, *l. si servus, §. si
cum marito, ff. ad l. Aquil. l. si mulier, ff. de
donat. inter vir. et uxor.* Ac similiter non agitur
mandati, vel depositi, quia sunt famosae, nisi tem-
perantur verbis, et concipiuntur in factum, vel ni-
si post divortium. Et ita Graeci accipiunt *l. si ego,
§. ult. ff. de jur. dot.* Et idem notant de actione
mandati in *l. ult. sup. de pact. conv.* Ergo famosis
actionibus non agimus constante et manente matri-
monio, nisi temperes eas, et concipias in factum,
notato scilicet facto modestissime in eo, quod tua
interest, non notata persona, non facta mentione
doli, et fidei ruptae, sed damni pecuniarii tantum,
hoc favor et honor nuptiarum exigit.

JACOBI CUJACII J. C.

RECITATIONES SOLEMNES.

*Ad Tit. XXII. Ne pro dote mulieris bona quon-
dam mariti addicantur.*

Longe alia fuit ratio hujus tituli, quam tituli su-
terioris: nam vivi mariti pudori parcat mulier, ex
titulo superiore si agat post divortium de rebus di-
vortii causa a marito subreptis, quin et vivo marito
parcat mulier, si agat de dote post divortium, dum
eum non condemnat in solidum, sed quatenus fa-
cere potest, mortui autem marito judicio dotis he-
redem ejus condemnat in solidum, *l. maritum ff.
sol. matrim.* Et ex hoc titulo non parcat pudori mor-
tuo mariti, quinimo si maritus sine herede decease-
rit, mulier dotis servandae causa mittitur in pos-
sessionem bonorum omnium, et bona omnia mariti
distrabit sub hasta nomine mariti, quod heredem
non reliquerit, ejus nomine venditio bonorum fiat.
Id vero erat ignominiosum, nomine debitoris mit-
ti in bonorum possessionem, deinde proscribere bo-
na, vel distrabere sub hasta, quasi deceptoris ne-
quam: hoc fuisse ignominiosum ostendit *§. 1. inst.
quib. ex caus. man. l. paterfamilias, ff. de reb.
auct. jud. poss. Et canone sunt manifestae 12. quest.*
1. Sic ergo ex hoc t. mulier non parcat existenti-
oni mariti mortui, nam si nullus heres ei existat,
dotis servandae causa mittitur in possessionem uni-
versorum bonorum, eaque distrabit nomine mariti,
quod erat infame. Nec enim statim mulieri bona ma-
riti addicuntur pro dote: quia nec ulli creditori bo-
na debitoris addicuntur pro debito, *leg. 8. et leg.
9. infra de bonor. auct. jud. poss.* Et maxime lex
8. congruit cum constitutione hujus tituli. Sed si
maritus, vel alius debitor sine successore, aut he-
rede, aut bonorum possessore decesserit, forte cum
non esset solvendo testamentariis, et legitimis he-
redibus, aut bonorum possessoribus repudiantibus
ejus successionem tanquam damnosam, vel suspec-
tam: tunc ex illa parte edicti praetoris, cui heres
non exstabit, de quo Marc. Tullius in Quinctiana,
mulier mittitur in possessionem bonorum omnium
mariti dotis servandae causa, deinde omnia bona
proscribuntur, et distrabuntur sub hasta, et augil-
latur nomen defuncti. Haec est forma juris, inquit,
constitutio hujus tituli, id est, ordo edicti perpe-
tui, quae et forma perpetua dicitur, *l. 1. inf. ubi
pat. tutor.* Hic est mos judiciorum, quo creditores
perveniant ad jus suum, debitore sine successore
defuncto. Nec enim desiderant jure sibi addici pro
debito bona debitoris. Ergo nec mulier sibi addici
bona mariti pro dote, sed sequi jubetur ordinem
edicti perpetui, sicut extraneus debitor. Addicere non

est in solutum dare: hoc enim facit debitor si vult, *l. 4. inf. qui bon. ced. poss. l. 4. inf. de evict.* Ad dicere est prætorium jus, cujus tria illa verba sunt notissima, *do, dico, addico*. Et rursus, addicere non est ipso jure dominium transferre, quia Prætor neque heredem, neque dominum facit ipso jure, *l. qui usufructum, ff. si usufruct. pet. §. quos autem, Instit. de bon. poss.* Nisi addictio fiat ex voluntate domini, ut in cessione in jure, et in actione, quæ sit voluntate domini. Ideoque is, cui Prætor addicit bona libertatum conservandorum causa ex constitutione Marci, vel honorum emptor, cui ex edicto postulantiibus creditoribus addicit bona debitoris, is non est heres, sed quasi bonorum possessor, *l. 4. §. penult. D. de fideicommiss. lib.* Et Theophilus noster in tit. *Instit. de success. quæ sibi.* Addicere igitur bona, est ea collocare penes aliquem, eumque eorum possessorem facere, quem tamen prætor tuetur tanquam dominum, id est, habet loco domini. Addicere, est possessionem dare, et quasi dominium (quod Grecis est *προσχωρῶνται*) collocare, *l. quod a. ff. de in diem add. et in idiotismo, εἰς τὸν οὐρανὸν* quæ *chuse*. Ergo mulieri pro dote ex lege hac, vel cuilibet creditori, aut creditoribus pro debito bona debitoris non addicit Prætor, etiamsi maritus, vel alius debitor nullum heredem reliquerit, aut successorem universi juris sui. Sed hic est ordo juris, quem certissime noster Theophilus exposuit tit. *de success. subl. quæ, etc.* Primum, ut mulier non quidem fiat possessor bonorum mariti, hoc enim esset addicere: sed mittatur tantum in possessionem bonorum mariti dotis servande causa, ut in *l. ea quæ, §. 1. D. ad munic. l. pen. §. item danda, D. de diver. temp. præscript. l. officium, D. de rei vindic. l. Titia, D. de solut.* quo genere possessio non transfertur in mulierem. Nam longe aliud est possidere, aliud esse in possessione, sicut longe aliud est servum esse, aliud in servitute esse. Ergo quem Prætor mittit in bonorum possessionem, certe non facit possessorem, hoc jure non transfertur possessio, sed jus pignoris constituitur in eis bonis creditori, idque appellatur prætorium pignus, in tit. *de prætor. pign. inf.* Deinde transactis aliquot diebus post missionem in possessionem, intra quos dies si res exigit, potest constitui curator bonis administrandis et custodiendis: his inquam diebus transactis, bona omnia proscriptantur, et creato magistro bonis vendendis, consensu creditorum, bona publice venduntur sub hacta, *Gall ce au plus offrunt*, consensu creditorum lege dicta venditioni solvendi debiti integri, vel partis ab eo, qui licitatione vicerit, *qui aura plus offert*, et addicuntur bona emptori, qui licitatione vicerit, habeturque is bonorum emptor pro bono-

rum possessore, id est, pro successore, et cogitur satisfacere mulieri pro rata dotis, et ceteris creditoribus. Nam hic ordo juris, proficit omnibus creditoribus, etiamsi eum non petierint omnes, *l. cum unus, D. de reb. auct. jud. poss.* Atque ita in damnis damno servatur mulier. Quatenus, inquit lex, successionis modus patitur, quæ dixerat tamen maritum nullum successorem reliquisse: *l. 4. inf. qui bon. ced. poss. ait*, quatenus substantia patitur, quod reipsa idem est. Sed observandum est in voce successoris, et successionis in hac lege esse *πληρὴν*, id est, figuram, quoniam primo loco successor est heres, vel bonorum possessor: secundo loco successionis nomen significat bonorum venditionem, *Instit. de success. quæ sibi.* et successor igitur significat bonorum emptorem, qui similis est bonorum possessori, non bonorum possessorem. Et in hoc proposito bona non dicimus, quæ supersunt deducto iure alieno, ut in *l. Falcidia*. Sed dicimus bona cum sua causa, id est, cum suis commodis, et cum suis oneribus, incommodis, et damnis, et cum iure alieno, ut in edicto de bonorum possessionibus.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XXIII. De fundo dotali.

Lex Julia scripta fuit de fundo dotali, sed pertinet etiam ad vires dotales: fundus est prædium rusticum, vires prædium urbanum: et ita *l. 12. tab.* quæ jubet, *fundi usucapionem esse biennium*, pertinet etiam ad vires, ut M. Tullius ait pro Cæcinnâ. Et contra edictum uti possidetis, est scriptum nominatim de ædibus et pertinet tamen etiam ad fundum, *l. 1. §. penult. D. uti poss.* Verum non pertinet ad superficiem solam, *l. 3. §. 3. sed si, ff. rod.* Nam de superficie proponitur proprium et speciale interdictum, quasi uti possidetis possessionis retinendæ causa, ut in tit. *de superficialib.* Et ita lex Julia, de qua est hic titulus, non pertinet ad superficiem solam, *l. si ex lapidicinis, ff. de jur. dot.* quia lex Julia est de re soli, et superficies non est res soli. Et breviter lex Julia hoc vult, maritum rei dotalis, quæ solo continetur, si iæstimata sit, vel etiam si æstimata, modo electio sit servata mulieri repetendæ rei, vel æstimationis, prout elegerit, maritum, inquam, non habere alienationem, licet pro domino dotis habeatur, quo alienationis verbo significatur omnis translatio domini, *l. 1. hujus tit.* Ubi est

elegans definitio alienationis, quam semper habere oportet in promptu: est autem alienatio omnis actus, per quem dominium transfertur. Ergo etiam alienationis nomine continetur divisio fundi communis, et actio communi dividendo, per quam pervenitur ad divisionem, et commutationem partium, l. 2. hujus tit. quam confirmat l. ex castrensi, §. 1. ff. de pec. cast. quam miror non esse annotatam. Alia, quae possent dici hac de re, nos exposuimus satis abunde in tit. de rei ux. act. §. et cum lex Julia.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XXIV. Divortio facto apud quem liberi morari, vel educari debeant.

Et ad Titulum XXV. De alend. liber. ac parent.

Parti alia hujus tractatus de dotibus est de liberis, quoniam propter liberos erat retentio sextarum, vel quintarum ex dote, alendorum liberorum causa, l. unic. §. silcat, supra, de rei ux. act. quo loco tollitur ea retentio, propter quod communes liberi non sunt alendi ex dote matris, sed ex facultatibus patris. Deinde querebatur in hac parte de retentione propter liberos post divortium, apud quem liberi morari et educari deberent (nam in hoc tit. disjunctio pro conjunctione) utrum apud patrem, an apud matrem? Et haec constitutio hujus tit. ponit in arbitrio judicis, ut pro qualitate personarum statuat morari, et educari liberos apud matrem, si pater sit nequam, mater frugi, vel contra apud patrem. Nec probat per sexum inter parentes fieri divisionem liberorum, quod notandum est, ut scilicet masculi alantur apud patrem, feminae apud matrem. Et videnda est hac de re Novell. 117. Inde etiam queritur in hoc tit. 25. a quo alendi sint liberi: est enim tit. de alendis liberis, et parentibus. Et hoc constituitur alendos esse liberos a patre pro modo facultatum, l. 3. et 4. hoc tit. etiam emancipatos liberos, l. 5. D. de agn. et al. videlicet si sint majores trimis, alendos esse a patre, non a matre, Gallice *s' ils ont plus de trois ans*, l. pen. inf. de pat. pot. quoniam ea etate solent repelli a mamma, a lacte, et tum dicuntur exuberare, quasi *ἐκέρχονται*, ut contra sububerare *ὕκονται*, Gallice, *qui tettent encore*: et exuberare apud Caelium Apicium lib. 8. c. 6. dicuntur

syringiat, seu mammocestes. Vice autem versa, ut ait d. l. 5. quod Graece est *ἀπτετάλαρρην*, etiam parentes egenos liberi, qui sunt in facultatibus, alere debent, et parentes utriusque sexus: quoniam etsi parentum inaequalis sit potestas, aequalis tamen debet esse pietas, utraque erga parentes, ut ait l. 4. D. de cur. fur. l. 6. D. de in jus voc. l. 1. et 2. hoc tit.

JACOBI CUJACII J. C.

Ad Lib. V. Codicis.

RECITATIONES SOLEMNES

Ad Tit. XXVI. De concubinis.

Explicito tractatu de dotibus, datur titulus de concubinis. Nam etsi in concubinis questio dotis locum non habeat, nec divortii, nec rerum amotarum, l. si concubina. ff. rerum amot. nec rerum donatarum, l. donationes, D. de don. nec ex quibus causis concubinum interdicitur, etiam omnibus utique concubinatus interdicitur, l. 1. §. qui autem, et §. ult. l. 3. l. ult. D. eod. tit. tamen concubina uxorem imitatur, ut eleganter ait Iulianus in Nov. 18. Uxoribus igitur proximae sunt concubinae. Et merito igitur post uxores dantur concubinae in hoc titul. Concubinae nomen non est infame et turpe, imo honestum et legitimum, ut explicabitur infra. Et hoc est, quod illo loco ait, *concubinam imitari uxorem*. Et ut uxori uxorem superducere non licet, l. 2. sup. de incest. nupt. vel sponsae sponsam, l. 3. sup. de don. ant. nupt. ita nec concubinam ex constitutione hujus tit. quasi scilicet *πάτρυον ἐρωτικὸν ἀνδράμον*. Et rectissime Ignatius in Epistola ad Antiochenos, *ἐστὶν ἓξ, οὐ πολλὰ ἐν ἰδὸθναρ ἐν τῇ κτίσει*, una uni, non multae uni datae sunt in creatione. Et Hermione apud Euripidem, *οὐ κτλὸν δύοιν*, etc. non est honestum unum virum duarum mulierum regere habenas, sed contentum quemque una esse debere, siquidem bene et beate vivere, remque suam tueri velit. Concubina igitur uxorem imitatur, et ut uxorem uxori, ita concubinam uxori non licet superducere. Et inde posteriores etiam concubinatum, et concubinum appellavere *ἡμίγαμον*, id est, *seminuptam*. Zonaras in Michaeli Paphiagone, *οὐκ ἡμίγαμος γυνώμενος, ἀλλὰ μὴ τῷ ἐνόμῳ ἐγγαμείας*, id est, ex concubinato, non ex justo cubili. Et idem in Constantino gladiatore, *τῇ γυναικὶ συνουσίᾳ*, etc. Et concubinatus etiam conjugium dicitur, sed inaequale, l. 3. l. 1. seq. quod opponitur justo conjugio, l.

1. C. Theod. de colleg. Denique, ut ex his apparet, concubinatus non est illegitima conjunctio, furtiva conjunctio, et per concubinatum non committitur stuprum, l. 3. D. eod. tit. l. stuprum, D. ad leg. Jul. de adult. Et vis nosse amplius, quam concubina similis sit uxori? F.lio procreato ex justis nuptiis concubina patris est quasi noverca, ut enim uxorem ducere non possit, l. liberi, sup. de nupt. Item si concubina in adulterio fuerit deprehensa, accusari potest adulterii ex lege Julia quasi uxor, l. si uxor, ff. ad leg. Jul. de adult. Et Lysias de cæde Eratosthenis in adulterio deprehensi, reum cædis non esse eum, qui deprehensus in adulterio concubinae occiderit lege Atheniensium, et tantum abesse, ut eum jure non occiderit, quem deprehendit in adulterio uxoris, ut et jure occidatur deprehensus in adulterio concubinae. Et hæc est sententia Lysiae, licet concubina talem gradum honoris, et parem non obtineat, quod est etiam addendum ex Lysia in l. item legato, §. penult. D. de leg. 3. Uxorem tantum a concubina distare dignitate: uxor, materfam. domina, sic enim solet appellari, hæc tria nomina sunt majoris dignitatis: nam et uxor fit particeps omnium honorum mariti, non concubina, l. mulieres, inf. de dig. Concubina est nomen nonnullius dignitatis: amica turpitudinis est nomen. Hodie in usu non sunt concubinae, et abutitur vulgus eo nomine, dum scorta vocat concubinas: hic semimatrimoniū usus in desuetudinem abiit: audio tamen eum retinere districte Vascones et Pyraeos. Aliæ nationes Galliarum non novere concubinatum. Et vero etiam damnatus est Nov. Leon. Philosophi 91. Et constitutiones etiam tit. seq. damnat magis, quam probant concubinatum, cum liberos ex concubinato susceptos, in bonis patris nolunt habere solidi capacitatem, sed portionis tantum certæ capiendæ jus, qui tamen olim habebant solidi capacitatem, sicut nati ex justis nuptiis, quin olim, id est, ante constitutiones tit. sequen. concubinatus erat prorsus legitima conjunctio, perinde atque matrimonium, quia ex constitutione tit. seq. est quasi legitima intemperantia, et quasi vitium legitimum, l. 7. tit. seq. Cur enim malis retinere, ut concubinam, quem possis habere ut uxorem? Et ut eleganter ait Nov. Leonis 91. Cur malis cænim, aut latum, quam fontem.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Titulum XXVI. De naturalibus liberis, et matribus eorum, et ex quibus causis justi efficiantur.

Matres sequuntur liberi: nam in hoc tit. natu-
Tom. IX.

rales liberi, qui etiam nothi dicuntur, hi sunt, qui nascuntur ex concubinis. Fateor naturalium liberorum nomen esse ἀμφίβολον, πολύσημον. Nam alias naturales liberi ἀντιδίζεσθαι, sive opponuntur adoptivis liberis, qui legitimi sunt, non naturales, l. 1. §. liberos, D. unde cog. l. Lucius, D. de vulg. subst. et tunc naturales liberi sunt liberi quæsi ex justis nuptiis, πρὸς ἀντιδίζεσθαι. Alias naturales liberi opponuntur liberis quæsi ex justis nuptiis, et tunc naturales liberi, sunt liberi quæsi in servitute, ex contubernio, l. ult. D. de his qui sunt sui, vel al. l. ex facto, §. si quis rogat, D. ad Trebel. vel quæsi ex concubinato. Et ita accipiuntur proprio in hoc tit. qui nascuntur ex stupro, puta ex meretrice, vel ex uxore illicita, aut concubina illicita, ut in l. 1. hoc tit. Nam et per matrimonium, et concubinatum illicitum stuprum committitur. Hi inquam, liberi neque sunt legitimi, neque naturales, sed tantum spurii, vel pueri publici, ut apud Senecam, vulgo quæsi, vulgo conceuti, ut Lucretius loquitur, vulgivaga Venere concepti. His pater incertus est: neque enim habent patrem, quem demonstrent, nisi populum, aut terram, vel si quem habent, qui et ipse spurius pater dicitur apud Festum, eum honeste demonstrare non possunt: et ita veluti ex contubernio illicito, ut in l. 1. h. l. in qua imp. non dixit, qui pater est, sed qui pater dicitur: et rursus non dixit, quos naturales filios habuerit: sed quos naturales dixit. Et idem est in l. 41. sup. de Episc. et Cleric. quæ constitutio est de filiis Clericorum Græci, et in l. vulgo, D. de stat. homin. l. 4. D. unde cog. Et eleganter Julius Solinus de Æthiopia cap. 33. Garamantici Æthiopes, inquit, matrimonia privatim nesciunt, sed omnibus vulgo in Venerem licet. Inde est, quod filios naturales tantum recognoscunt: nam paterni nominis nulla reverentia est: quis enim verum patrem noverit in hac luxuria incesti lascivientis? Spurii igitur sunt filii nati ex incerto patre, mater semper est certa, l. 3. D. de in jus voc. Calpurnius Placcus in declam. de puero suscepto ex scorto: in hoc puero, inquit, nescio quid sit indignius: utrum origo patris, quæ est dubia, an origo matris, quæ est certa. Et hac ratione dicunt Physici, cariores nobis esse fratres ex eadem matre, qui certiores, quam ex eodem patre, diversa matre suscepti, quod hos tantum opinemur, non etiam recte certo sciamus nobis esse fratres. Et inde Homer. Iliad. 3. etc. Eadem ratione dicunt cariores esse liberos matri, quam patri, quod illa sciat suos esse, hic aŕnos esse opinetur. Multum ergo distant spurii liberi a naturalibus, de quibus hoc tit. nam illi patrem non habent, si patrem habent, nec tamen proprie patrem, id est, non

justum patrem. Nam proprie pater est, quem justae nuptiae demonstrant, *l. quia 8. D. de in jus vocand.* Et observandum in *l. 7. inf. hoc tit.* non simpliciter esse scriptum patri naturali denegari nomen patris, sed jus, et nomen patris, id est, nomen justis patris, non patris simpliciter. Nomen ergo justis patris denegatur patri naturali, quia et filio naturali non succedit, *l. 9. §. quod et in his, h. t.* In qua auctor vobis sum delendi haec verba, *vel ascendentium.* Nam hoc vult ille §. ut pater naturalis non succedat filio naturali, vel ejus liberis, vel cognatis ex transverso. Sed nec potest valere, nec jure proficere, ut pater naturalis non succedat suo patri, vel avo, vel proavo, qui filio naturalis sunt ascendentes. Secunda differentia haec est: spurii nihil capiunt ex bonis ejus, quem patrem dicunt ullo jure, ulloque modo; sed naturales liberi una cum matre ex testamento, vel codicillis, vel testamento patris naturalis possunt tantum capere unciam existentibus justis liberis, *l. 2. hoc tit.* Deficientibus justis liberis possunt capere quadrantem ex *l. 1. C. Throd. eod. tit.* vel semissem ex *l. 1. h. t.* et hodie solillum ex *Nov. 89.* Quod locum obtinet etiam in nepotibus naturalibus, id est, quos justus filius genuit ex concubina sua, ex filio mortuo, *l. ult. hoc tit.* Ab intestato autem liberi naturales non succedunt patri naturali, nisi deficientibus justis liberis, et justa uxore, et tunc succedunt tantum in sextantem una cum matre ex *Nov. 18. et 89.* Et recte in hoc tit. liberis naturalibus junguntur matres eorum, quia simul in unam portionem admittuntur. Tertia et ultima differentia haec est: spurii nullo modo justis, et legitimi fieri possunt, quod est verissimum: naturales autem certo modo possunt, ut hoc tit. ostenditur, quia hi non sunt indigni misericordia, ut ait *l. 7. hoc tit.* qui alieno vitio laborant, non concubiantus quasi vitium est: quae ratio licet etiam obtineat in spuris, quod spurii etiam alieno vitio laborant, tamen quia certum patrem non habent, non efficit ut possint fieri justis: sed efficit ut possint aspirare ad honores, ut fieri possint decuriones: non est impedienda dignitas ejus, qui nihil admisit, *l. spurii, de decur.* qui etiam innocens est *l. 2. §. penult. ff. eod.* Emporius rhetor, mentionem, inquit, generis partus esse augendam, quod in cujusque potestate non sit, quemadmodum natus sit. Naturales autem liberi sunt justis honore decurionatus, *l. 3. et 4. hoc tit.* et ducta in matrimonium concubina, *l. 3. 10. 11. hoc tit.* et ex *l. Anastasii arrogatione, l. 6. hoc tit.* quam tamen deinde in *l. 7.* Justinianus Imperator voluit tantum valere in praeteritum; statuens in futurum, ne adrogatio naturalem justum faciat, cum ducere in matrimonium concubinam promptum et facile sit, eodemque momento uxorem justam, et liberos justos

facere, quod confirmatur in *Nov. 89.* Et praeterea naturales liberi sunt legitimi rescripto Principis, *Nov. 74.* quod et *l. 1. hoc tit.* adsignificat in loco, *noti prerogativa rescripti.* Hi sunt modi, quibus naturales liberi justis efficiuntur: inter quos modo adhuc notandum est, esse quendam discrimina. Primum, qui decurionatus factus est legitimus, vel rescripto Principis, patri soli sit suus haeres, justusque successor, non ceteris cognatis patris, ut liberis, id est, jus sui haereditis acquirit, non jus consanguinei, non jus cognati, non ergo plenum jus legitimi filii, *l. 9. hoc tit. et d. Nov. 89.* Matrimonio autem: id est, concubinato verso in matrimonium, plenum jus consequuntur naturales liberi, id est, non tantum sui sunt patri, et in potestate: sed etiam agnascuntur agnatis patris omnibus in *Nov. 12.* Item decurionatus, et matrimonio naturales legitimi fiunt etiam existentibus justis liberis: rescripto autem Principis legitimi non fiunt existentibus justis liberis, *Nov. 74.* Item decurionatus facti legitimi, existentibus justis liberis, non plus possunt capere ex bonis patris naturalis, et modo justis patris per decurionatum, quam is reliquerit uni ex filiis justis, cui minimam portionem adscripserit, *l. 9. §. ult. hoc tit.* Aliis modis facti justis soli capacitem habent, nec certa parte concluduntur.

JACOBI CUJACII J. C.

Ad Lib. V. Codicis.

RECITATIONES SOLEMNES.

At Tit. XXVIII. De testamentaria tutela.

Explicato contractu matrimonii, et dotis, et ceteris, quae id genus conventionis sequuntur, vel antecedunt, incipit tractare de alio genere contractus, nempe de tutelis. Nam et tutela contractibus annumeratur in *l. contractus, D. de reg. jur. l. ex contractibus, D. de oblig. et act.* Quia etsi pupillus tractatu habito, negotioque gesto non contrahat cum tutore, sed in eum incidat, ut ait *l. ult. D. rem pup. salv. for.* tamen tutor ex sua administratione tenetur quasi ex contractu, et per causam ejus administrationis, sive gestionis inter pupillum, et tutorem ultro citroque nascitur actio directa et contraria. §. tutores, *Instit. de obl. quasi ex contr.* Tutelae nomine, cum eam dico esse contractum, intelligo tutelae administrationem, et gestionem, ut cum juris auctores dicunt, restituere tutelam passim in jure, id est, administrationis tutelae rationem reddere: nam tutela per

se simpliciter non est contractus, sed ut Servius Sulpitius definit, vis et potestas in capite libero. Novissime administratio tutelæ, quæ et ipsa tutela dicitur, contractus est. Est autem alia tutela legitima, alia dativa. Omnis divisio debet esse bimembris. Et dativa rursum alia est testamentaria, alia Attiliana; nam et testamento dati tutores dativi sunt: ut scribit Ulpian. *lib. reg. tit. de tut.* Et dati quoque a prætore dativi sunt, qui propriis Attiliani dicuntur, quia lex Attilia jussit a prætore tutorem dari ætate parvis deficiente testamentario, non legitimo tutore, ut est in *Instit. de Attil. tut. l. dativus, D. rem pup. sal. l. ult. inf. de leg. tut.* quæ etiam facit duas tantum summas species tutorum, legitimos nempe, et dativos: nam dativi simpliciter accipiuntur. Et adde etiam *l. generaliter, sup. de Episc. et Cler.* et ideo hic tractatus de tutelis, qui comprehendit multos titulos, primum incipit a testamentaria tutela. Hæc tutela prævalet, et ut in hereditatibus, ita et in tutelis prior est causa testamenti. Quandoque autem speratur tutela testamentaria, alie cessant, *l. si quis sub conditione, D. eod.* Ac rursus, ut conferamus hereditatem cum tutela, quæ frequens in jure contentio est: sicut hereditas testamento data confirmatur leg. 12. tab. *uti quisve legasset, etc.* ita tutela confirmatur eadem lege, *l. 20. D. eod.* et Ulpian. *eodem lib. reg. eod. tit. Testamento,* inquit, *dati nominatim tutores, l. 12. tab. confirmantur.* Placet valde, quod ait *nominatim.* Nam tutorem dari oportet *nominatim*, alioquin datio inutilis est. Et hoc est quod ait *l. 20.* tutorem incertum dari non oportere, et *§. tut. Inst. de legatis, pro tutela certo judicio posteritati esse cavendum,* sicut in eod. tit. dicitur *§. libertas.* Libertatem incertæ personæ inutiliter dari, quod placeat servos liberari *nominatim.* Sed hoc interest inter libertatem, et tutelam, quod libertatem dari *nominatim*, hoc est ex lege Fusia Canina, ut Paulus ait *4. Sent. tit. ult. et Ulpian. eod. lib. reg. tit. 1.* tutorem autem dari *nominatim*, hoc est, *ex 12. tabul.* Quia vero dandus est tutor *nominatim*, inde dubitabat Pomponius in *l. 16 §. 1. D. eod.* an tutor datus filio hoc modo: *filii mei tutor esto,* si plures essent filii, videretur datus omnibus filiis impuberibus, quia exhereditatio filiorum *nominatim* fieri debet. Et tamen qui plures filios habet, si filium exheredem esse jusserit specialiter, *filius exheres esto,* nemo videtur *nominatim* exhereditatus, *l. 2. D. de lib. et post.* quia scilicet exheredationes strictius accipiuntur. At tutorum dationes plenius accipiuntur, favor pupillorum admittit latiore interpretationem hac in re, puta, ut datus tutor generaliter filio, non adjecta alia nota demonstrationis, videatur datus omnibus filiis ætate

parvis, *d. l. 16. §. 1.* Et ita etiam tutor, qui datus est filiis, et posthumis datus intelligitur, *l. 5. ff. eod. tit.* Quod tamen non ita est in exheredatione: exhereditatis filiis hoc modo, *filii exheredes sunt,* non videntur exhereditati posthumi nominatione. Ergo ad posthumos non pertinet ea exhereditatio, *l. 5. §. nominatim, D. de inj. rup.* Et simili ex filiis datus tutor, videtur etiam datus filabus, *d. l. 16. in princ.* quia et analogia recti sermonis hoc patitur, ut dicamus filie, (larum, filiis. Et ut plenius Sospiter et Phocas scribunt, Jurisconsulti primum instituerant distinguendi sexus, et discernende ambiguitatis causa, ut diceremus filiabus. At si filii sunt exhereditati hoc modo: *filii exheredes sunt:* dico non videri etiam filias exhereditatas: nam invenio accurate testatores, cum omnes exhereditatos volunt, et filios, et filias dicere, quasi non sit satis dicere filios, *l. Titius, ff. de lib. et post.* Et confirmatur hoc idem etiam argumento *l. 1. §. quare, ff. de ventr. in poss.* Verum ad rem. Cæpi conferre hereditatem cum tutela, et pergam. Ut hereditatem testamentariam non improprie quis dicit lege obvenire, quod confirmatur, ut ante dixi hereditas testamentaria lege 12. tabul. *l. lege obvenire, D. de verbor. signif.* ita etiam tutelam testamentariam non improprie dixeris lege obvenire, quod 12. tabul. confirmetur. Et confirmare tutorem, est tutorem facere, ideoque tutor testamento non jure datus, et confirmatus a prætore dativus est, non testamentarius: Attilianus est, non testamentarius in *l. jure, §. ult. et l. seq. ff. de testament. tut.* Et ita consequens est, solam legem facere heredem, non testatorem, non prætorem: nam prætor tutorem dare non posset, nisi hoc jussisset lex Attilia. Denique et hereditatis jus, et tutelæ datio omnino est legis, non jurisdictionis, aut imperii, *§. quos autem, Instit. de bon. pos. l. muto, §. tutoris, D. de tut.* Nam non omnis, qui imperium et jurisdictionem habet, non omnis Magistratus dare tutorem potest: sed is tantum, cui lex specialiter hoc concessit. Non omnis parens tutorem testamento dare potest, sed is tantum, qui pupillum cum moritur in suis heredibus habet, habiturusve erat si vixisset, *l. quo tut. §. 1. D. de reg. jur.* sive sit paganus testator, sive miles. Et hoc est, quod ait *l. impuberi, D. de adm. tut.* tutelam mandari jure patris potestatis, non præmio militie. Et militem igitur non dare tutorem, nisi filiosam, heredivæ suo, id est, qui sit in familia, et potestate sua, *l. 2. de test. tut.* Præterea non tantum heredem instituere dicimus, sed etiam tutorem instituere apud Phnium et Ciceronem. Ut autem heres non tantum institui potest, sed etiam substitui in locum instituti, si institutus heres

non erit, quæ dicitur substitutio vulgaris ex 12. tab. ita tutori instituto, substitui alius tutor potest in eundem casum, si prior non erit tutor, quod Iulio comprobatur *l. penult. D. de test. tut.* Et simili modo, qui proximus est ad tutelam legitimam, et proximus est ad hereditatem legitimam: et contra, quo hereditas redit legitima, eo et tutela *d. l. quo tutela, in prin. et l. 3. §. proinde, D. de leg. tut.* Neque tamen existimandum est perpetuam semper esse similitudinem inter hereditatem, et tutelam: vel unam dissimilitudinem attulisse satis est, in qua re discernenda possunt etiam falli prudentissimi. Hereditas datur tantum testamento, non codicillis testamento confirmatis, et multominus non confirmatis: tutela tamen datur recte codicillis testamento confirmatis, *l. 2. hoc tit. l. 3. ff. cod. l. 1. de confir. tut.*

JACOBI CUJACII J. C.

Ad Lib. V. Codicis.

RECITATIONES SOLEMNES.

Al tit. XXIX. De confirmando tutore.

Titulus 29. est etiam de tutore testamentario, qui paucis explicabitur, nec erit longi subseclii. Est autem de tutore non jure dato testamento, non recte dato. Non jure enim datur testamento a patre tutor filio emancipato impuberi, quia emancipatus extraneus est patri, non suus, licet jure prætorio ab intestato vocetur inter suos. Non recte datur tutor testamento a matre, vel alia muliere, nec si patrona fuerit, quæ liberto impuberi tutorem dat, *l. 1. sup. tit. prox.* quia scilicet scemine suos hæredes non habent, *l. illud, §. ad testam. D. de bon. possess. contra tab. l. nulla, D. de suis, et leg. hæc.* Et ut superiore tit. proposui, parens tutorem tantum dare potest ei, quem habet in suis hæredibus. Verum ex hoc tit. tutor a patre datur filio emancipato, atque ita inutiliter datus frustra datus jure ipso, confirmabitur edicto prætoris, et decreto, sine inquisitione morum, et facultatum tutoris a patre dati filio emancipato, quia stamus judicio patris, et electioni: hoc tantum inquirimus an duraverit voluntas patris: si duravit, nihil præterea inquirimus de moribus, et facultatibus ejusmodi tutoris testamento a patre dati et instituti. Ceterum datus a matre, vel ab alia muliere extranea, vel ab extraneo, qui pupillum non habet in potestate, confirmabitur etiam decreto prætoris, sed ex inquisitione, nec enim citra inquisitionem sequitur judicium mulieris, vel extranei, *l. 1. hoc tit. quæ inquisitio sit per Officiales prætoris, l. 3. §. si tutor,*

D. de susp. tut. Est etiam alia differentia hæc in re inter patrem, et matrem: nam a matre datus, vel extraneo non aliter confirmatur, quam si pupillo hæredi a se instituto datus sit, *l. 4. D. de test. tut. et l. 4. sup. tit. prox.* Ubi jamdiu in Institutionibus docui abundare negationem, et omnes agnoscunt hoc esse verissimum, ut sit legendum affirmative, quando autem eos hæredes instituerit, si non instituerit heredem pupillum mater, tutor ei datus non confirmabitur: et est elegans ratio in *l. 4. D. de confir. tut.* quia non videtur dilexisse eum, quem non instituit. Ergo præsumitur statim nec ei bene prosperasse pro sua tutela, ac proinde judicium ejus repudiat Prætor, nec confirmat unquam. Contra bene præsumit de judicio matris, quæ dilexit pupillum, ut ei instituerit hæredem: tunc excutiet judicium matris prætor, et plerumque confirmabit: et hoc in matre. A patre autem datus tutor filio emancipato impuberi, confirmatur, etiamsi exheredatus sit, *d. l. 4. ff. de test. tut.* quia emancipatus jure prætorio, non habetur pro extraneo, alioquin in ejus persona inepta esset exhereditatio. Sed jure prætorio, sicut suus jure civili, emancipatus est instituendus, vel exheredandus a patre. Et ab eodem patre datus exhereditato tutor confirmabitur, quæ in re etiam distat filius emancipatus a filio naturali id est, ex contubernio, vel concubinato: nam filius naturalis et prætorio, et civili jure extraneus est patri naturali, ut in ejus persona inepta sit exhereditatio. Itaque a patre tutor datus filio naturali, non aliter confirmabitur, quam si institutus sit, vel ei legaverit, vel donaverit aliquid secundum modum præscriptum constitutionibus de naturalibus liberis. Cui ergo aliquid ita reliquerit, ei si dederit tutorem, is tutor confirmabitur, quasi datus magis in id, quod ei reliquerit in rem, quam in personam, sed non confirmabitur sine inquisitione, *l. naturali, l. 2. D. de confirmando tutor. l. ult. hoc tit.* Item non jure datur tutor filio sui juris a patre, nec filiofamil. impuberi, si imperfectum sit testamentum, vel injustum: non jure etiam datur per epistolam, sed tamen confirmari potest decreto prætoris, et, ut dixi ante, confirmatus, erit magis dativus, quam testamentarius, erit magis prætoris, quam patris, *l. 2. hoc tit. l. 3. D. cod.* Ac postremo non jure datur tutor a patre filiofamil. verbis precariis. Nam tutela est relinquenda directis verbis, *Tutor esto, tutores sunt,* verbis imperativis, verbis civilibus: alioquin datio prorsus inutilis est, ut in *l. 1. ff. cod.* Tutela non defertur per fideicommissum, quod notandum est, sed sequetur prætor judicium patris facile, et confirmabit. Et hæc de tutore dato testamento impuberi. Curator autem puberi non datur testamento, nec a patre filiofamil. nec a matre, quod est cer-

tissimum. Nec alia ratio est differentie inter tutorem, et curatorem, quam quod omnis potestas dandi tutoris, et curatoris pendeat ex lege, et legis sit, non patrie potestatis, non jurisdictionis. Ac lex, quæ dedit patri jus dandi tutoris, de tutore tantum loquitur, his verbis, *tutela ve auct rei*, non de curatore, ideo curatoris dandi testamento jus non est, quia lex deficit, quæ id dederit: ut e contrario, curventri datur curator non tutor? quia prætor in edicto, ex quo curator datur ventri, loquitur tantum de curatore, non tutore: hæc est ratio leg. *ventri*, ff. *de tut. et cur.* Hoc totum est legis, vel edicti, cujus verba non licet immutare, nec pro tutore curatorem, nec pro curatore tutorem substituere. Ergo generaliter curator testamento jure non datur, sed confirmabitur auctoritate, et decreto prætoris, l. 2. et 3. *hoc tit.* l. 1. ff. *cod.*

JACOBI GUJACII J. C.

Ad Lib. V. Codicis.

RECITATIONES SOLEMNES

Ad Tit. XXX. De legitima tutela.

Testamentarie tutelæ succedit legitima: hæc non datur, l. 5. *in prin.* ff. *cod. tit.* sed lege defertur ipso jure, et deficientibus tutoribus testamentariis, pupillo tutores existunt statim, id est, exapparentes, sive apparent, vel sunt ipso jure, non tamen cognati, id est, per feminas conjuncti (cognatos enim lex non novit) sed consanguinei, id est, fratres legitimi, qui non exierunt familia patris, qui jus agnationis non amiserunt, vel alii agnati, qui sunt proximi ad hæreditatem pupilli ab intestato, id est, si parens pupillo non fecerit substitutionem pupillarem: denique proximi ad hæreditatem legitimam pupilli, etiam sunt proximi ad tutelam ejusdem legitimam, deficiente testamentaria tutela: testam. est dativa tutela, legitima non est dativa: legitima proprie est legitima: testamen. non improprie dicitur legitima, sicut hæreditas. l. *lege*, ff. *de verb. sign.* quæ duo sunt longe diversa, proprie scilicet et non improprie, l. 1. ff. *de suis*, et l. *hæred.* Et rursus legitima tutela est absolute, leg. tutela testamentaria quoque modo, itemque Attiliana. Nam si veram istius juris originem quaeramus et spectemus, si libeat adire fontes, et non rivulos consectari, sola lex hæredem facit, vel senatus, vel Princeps, §. *quos autem*, *Instit. de bon. poss.* Sola lex tutorem facit, vel senatus, vel princeps, l. *muto*, §. *tutoris*, ff. *de tut.* Tres dicitur, legem, id est, populum, senatum, et principem. Prætor autem non facit tutorem, sed dat jubente

lege Attilia, et confirmante dationem. Nec ullum existat prætoris edictum, quo tutor datur. Non est igitur prætoris edictum legi simile: senatusconsultum est legi simile: constitutio principis est legi similis. Idem non dicitur de edicto prætoris, sed dicitur tantum edictum Prætoris modicam obtinere juris auctoritatem, §. *prætorum*, *Instit. de jur. natur.* Edictum prætoris partem esse juris, non legis. Nec mirum, si ex edicto prætoris ventri curator datur, non tutor, l. 20. *ventri*, ff. *de tut. et cur. datis*: quia et de tutore constituendo Prætor edicere non potuit: sed ut qui hæredem facere non potest, ex edicto tamen bonorum possessorem facit, quem in omnibus causis tuetur vice hæredis, d. §. *quos autem*, et l. 2. *D. de bon. poss.* ita qui tutorem facere non potest, curatorem tamen facit, eumque habet vice tutoris. Et in summa tutorum origo est ex lege, vel alio jure, quod legis vigorem obtinuit. Curatorum autem, qui dantur puberibus non fictis juxta ætatis, et aliquando pupillis, vel qui dantur bonis, aut ventri, origo est ex jure prætorio, exceptis curatoribus furiosorum, aut prodigorum, qui soli sunt legitimi curatores, non dativi, §. *furiosi*, *Instit. de cur.* quæ omnia summe sunt notanda. Sed de legitima tutela modo tantum tractemus: alia est legitima tutela, quæ descendit ex l. 12. tab. ut quæ defertur conanguineis, id est, fratribus agnatis: nam consanguinei in jure semper sunt fratres, consanguinitas, id est, fraternitas legitima: nam frater emancipatus, cum non sit agnatus, nec consanguineus est: consanguinitas est speciei agnationis. Tutela igitur, quæ venit ex l. 12. tab. defertur consanguineis, vel aliis agnatis proximis, deficientibus fratribus legitimis, vel gentilibus. Alia autem est tutela legitima, quæ descendit ex Senatusc. qui cum alius tutor datur in locum remoti, vel excusati tutoris, vel absentis, vel mente capti, aut imbecilli, aut surdi, l. *penult.* *D. de tut.* l. *si quis sub cond.* *D. de test. tut.* Et Ulpianus *lib. reg. tit. de tut.* Alia legitima tutela descendit ex moribus, ut cum alius tutor datur pupillo, quo auctore agat cum suo tutore aliquando ex causa, quia ipse in rem suam auctor fieri non potest, et ideo moribus receptum est, ut alius tutor datur in eam litem exercendam contra verum primumque tutorem, qui proprie dicebatur tutor prætorius, quia hoc solo casu prætor tutorem dabat extra ordinem, nulla jubente lege, secundum jus vetus. Hodie enim in eam litem curator datur, non tutor, §. *ult.* *Institut. de auct. tut. et Ulpian. in sup. d. lib. et tit.* Et præterea tutela, quæ ex lege descendit, alia ex lege directa descendit, ut quæ defertur agnatis et gentilibus, alia per consequentias hæreditatum, ut qui sperant hæreditatem pupilli, et onus tutelæ subeant, ut

que deferatur patrono, vel que deferatur parenti manumissori pupilli, vel pupillæ, l. 5. D. de legit. tut. l. 5. sup. de dol. vel etiam, que deferatur extraneo manumissori, id est, patri fiduciario, cui pater naturalis filium mancipavit ob causam liberandi filii, que proprie dicebatur *fiduciaria tutela*, quia hac lege fiduciaque causa filium pater naturalis mancipat, et vendit emptori, qui pater fiduciarius dicitur, ut eum manumittat, faciatque sui juris. Et sic etiam *fiduciaria tutela* dicebatur cum pater naturalis in emancipatione filii impuberis manumissor extiterat, puta, contracta fiducia, ut emptor, id est, fiduciarius pater filium mancipatum sibi, et traditum a patre naturali, eidem remanciparet, et revenderet manumittendum. Sed hodie fiduciarii tutoris nomen coarctatum, non in patre manumissore: quia receptum est, ut potius legitimus tutor appelletur, exemplo patroni, sublato patre fiduciario, et emancipationum solemnitatibus antiquis: sed consistit tantum fiduciarii tutoris nomen in liberis patris manumissoris, fratribus filii emancipati et manumissi, l. 4. D. de leg. tut. et *Inst. de fiduciar. tut.* Et addamus aliam divisionem legitimæ tutelæ. Tutela legitima alia est principalis, alia cessitia, id est, quam legitimus tutor feminæ alteri cedit in jure: ut hæreditas cedi alteri in jure potest, ita legitima tutela feminæ, Ulpianus lib. sing. regul. titul. de dominiis, et acquisit. rerum. Servius Honoratus in illum locum Virgilii: *Et patrio Andromachæ iterum cessisse marito.* Cessisse, inquit, est de jure: nam et cedi hæreditas dicitur. Cessitia tutela extinguitur, eodem Ulpiano auctore, morte, vel capitis diminutione mandatarii, vel mandatoris, id est, cessitii tutoris, vel ejus, qui eam tutelam cessit, ut mandatum quodlibet, quod et cessio est, constat extinguere non tantum morte mandatoris, vel mandatarie integra, sed etiam capitis diminutione alterutrius, l. cum quis, D. de sol. l. post litem, D. de procur. in illo loco. vel in civitate manente. Item cessitia tutela extinguitur cessitio tutore alii tutelam cedente, quia hæc secunda cessio inutilis est, quod ipse videatur renuntiasse jam sibi cessæ tutelæ, ut secundum mandatum quodlibet est inutile. Nam procurator procuratorem facere non potest, nisi post litem contestatam, l. si procuratorem, §. 1. D. mandati, l. quod quis, supra, de procuratoribus. Et si alium procuratorem fecerit, ipse videtur renuntiasse suscepto mandato, susceptæ procuratori. Et renuntiatio quidem valet re integra, cessio sive secundum mandatum non valet. Restat igitur cessionem primam extinguere. Potuit autem olim cedi tantum tutela legitima alteri, non testamentaria, quia certiore judicio testa-

mento eligitur tutor: et cedi rursus potuit tutela legitima, non masculorum, sed feminarum tantum, quia olim tam puberes, quam impuberes erant in perpetua tutela, propter consilii infirmitatem, et propter rerum forensium ignorantiam, ut recte dicat femina apud Juvenalem: *Nunquid nos causas agimus? civilia jura novimus?* Erant, inquam, feminæ omnes in perpetua tutela, cujuscunque ætatis, quoad mariti convenissent in manum: nam conventionem in manum mulier transit in potestatem viri. Et generaliter neque masculi, neque feminæ, que sunt in manu alterius, vel potestate, vel mancipio, etiam possunt esse in potestate tutoris, l. cum filiusfamil. ff. de testam. milit. Tutela est vis ac potestas in capite libero, id est sui juris, quod non sit in potestate alterius, ut in l. recte, D. ex quib. caus. major. illo loco, *liber homo*, id est, *sui juris*. Alias liber homo est etiam, qui alieni juris est, ut filiusfam. Sed in definitione liberi hominis in illa lege recte, *homo liber*, liberum caput, id est, *sui juris*. Verum hoc obtinuit de tutela feminarum legitima jure antiquo. Postea, ut Ulp. docet eod. lib. et l. 3. hoc t. l. Claudia, quam nominat, sustulit tutelam feminarum puberum, et voluit, ut feminæ essent in perpetua tutela: hodie igitur cum sit sublata lege Claudia tutela legitima feminarum puberum, que sola potuit cedi alteri in jure, consequens est, etiam hodie cessare cessitiam tutelam, et hodie cessitiam potius esse a cessando, quam a cedendo dicam. Denique hodie impuberibus feminis tantum legitimos tutores esse consanguineos, id est fratres, vel ceteros cognatos usque ad pubertatem, l. 3. h. t. l. 3. C. Theodos. de tut. et cur. creand. Et sententia igitur l. 3. quam non assequuntur vulgo, hæc est, lege Claudia esse sublata tutelam perpetuam feminarum puberum: solis impuberibus tutores existere, vel constitui. Manere igitur tantum tutelam legitimam feminarum impuberum, que deferatur consanguineis, vel aliis agnatis. Dico, tutelam legitimam deferri recte agnatis tantum: nam et hæreditas legitima consanguineis tantum, et agnatis, id est, fratribus deferatur primum, deinde agnatis ceteris: separantur consanguinei ab agnatis, quamvis et ipsi agnati sint, quia inter consanguineos etiam vocabantur feminæ ad hæreditatem, id est, sorores ex l. Voconia, non inter ceteros agnatos. Breviter ut hæreditas, ita tutela legitima solis consanguineis, et agnatis deferatur, non cognatis, id est, qui sunt conjuncti per feminas. Excipiendus tamen est frater emancipatus, qui propter emancipationem cognatus tantum est, non agnatus: quia emancipatio tollit jus agnationis, jus familiaris, jus gentilitatis.

Hic enim frater emancipatus vocatur ad legitimam hereditatem fratris, vel emancipati, vel integri ex constitutione Anastasii, §. ult. *Instit. de grad. cogn.* §. 1. *Instit. de succes. cog.* Uno in loco, ut hoc admoneam, Justinianus nos remittit ad pleniorum lectionem constitutionis Anastasii, quæ tamen nunquam invenitur, quia scilicet inserta fuerat priori editioni Codicis, quæ antecessit editionem *Instit.* Posteriori autem editione Codicis, qui est is, quem habemus, quæ facta fuit post Institutiones amota fuit libro prioris Codicis. Ut autem ex constitutione Anastasii frater cognatus, non agnatus vocatur ad legitimam hereditatem fratris, et præfertur agnatis ulterioribus, ita æquum est, ut vocetur ad tutelam legitimam fratris, vel ad curationem. Et hæc est sententia *l. 4. h. t. et l. ne lucrum, inf. de cur. fur. dan.* quæ duæ leges sunt partes integrioris constitutionis Anastasii, et amplioris. Et hoc ita constituitur secundum regulam: *Quo hereditas redit, eo etiam tutela redit, et contra.* Quæ tamen regula, ut hoc addam per occasionem *l. ult. h. t.* vitatur, si femina agnata proxima hæres intercedat: nam hæres erit, non tutor, quia tutela virile munus est, non muliebre, et contra ulterior agnatus erit tutor, non hæres, *l. 1. §. 1. D. cod. l. penul. ff. de leg. tut.* Vitatur etiam ea regula in minore 25. annis ex constitutione Justin. id est, ex *l. ult. h. t.* Nam licet ad minorem 25. annis omnis hereditas legitima redeat agnati impuberis, tutela tamen ad eum non redit, quia si tantum sunt idonei tutores, vel curatores, qui sunt maiores 25. annis, id est, is tantum idoneus rector est alterius, qui ipse rectore non indiget ex hac *l. ult.* Nam ante Justinianum minor 25. annis erat tutor legitimus ipso jure, sed per alium administrabat tutelam, periculumque omne administrationis sustinebat, ut significat *l. ult.* Nec tamen, quod erat absurdum, bona ejus minoris tutoris legitimi immobilia erant tacito jure pignori obligata pupillo: quia obstabat SC. de rebus minorum non alienandis, cum tamen regulariter pupilli, et adolescentes habeant tacitam hypothecam in bonis rectoris sui, §. et ut plenius, *sup. de rei uxor. l. pro officio, inf. de administ. tut.* Dati autem tutores a prætore minores 25. annis ante hanc *l. ul.* excusabantur ad tempus, et in locum eorum dabantur curatores, non tutores, *l. 10. ff. de excus. tut. §. item major, Instit. cod. tit.* Curator, inquam, non tutor, quia tutorem habenti tutor non datur, nisi ex certis causis, ex SC. ut retuli supra, et non desinebat esse tutor minor 25. annis, quem prætor derelisset, *l. 16. ff. de tut. et cur.* Manebat tutor, sed excusabatur ad tempus tantum, interim curatore substituto in ejus locum.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XXXI. Qui petant tutores, vel curatores.

Post tutores testamentarios, et legitimos, dicturus de tutoribus, vel curatoribus, qui dantur a prætore urbis ex *l. Attilia*, vel ex *Senatusconsultis*, vel moribus, vel a præsidibus provinciarum ex *l. Julia et Titia* (qui inquam, petuntur et dantur, non existunt ipso jure, ut legitimi, nec dantur, ut testamentarii nemine petente) imprimis docet, qui tutores, vel curatores petere possint, aut debeant. Petuntur tutores, aut curatores editis nominibus plurium, qui possunt appellari *ἑταίροι*; vel *ἑταίροι*, et ex illis magistratus eligit, atque constituit unum, *l. 2. h. t.* Et idem etiam est ordo in Episcopo creando, qui est etiam nobis veluti tutor, ut scilicet tres nominentur, et eligatur unus ex iis, *Nov. 123. §. 1.* Et ita Cornel. Tacitus libro 4. patricios tres nominari, et ex iis unum eligi flamine dialem. Et liberti quidem liberis patroni sui impuberibus omnimodo tutores petere debent, non curatores puberibus, sed aliquando, etiam impuberibus curatores, puberibus nunquam curatores. Itemque mater liberis suis petere debet tutores, non curatores, ut postea explicabitur, et liberis non tantum quaeritis ex justis nuptiis, sed etiam ex concubinato, id est, naturalibus, ex *l. ult. h. t.* et petere debet quamprimum sine frustratione, sive cunctatione, *l. 2. §. confestim, ff. ad Tertull. l. 8. h. t.* Sicut dandi etiam sunt quamprimum a magistratibus, *l. 1. tit. seq.* Liberti hoc debent liberis patroni veluti obsequium, ut ait *l. 2. h. t.* Mater autem hoc debet liberis suis veluti officium pietatis, ut in *l. 6. 8. 9. h. t.* et quidem officium plenum, *l. 2. §. quid si non compulit, ff. ad Tertull. officium sedulum, l. 2. h. t.* id est, sedulo, vere, et ex animo, mater liberis tutores petere debet, non defunctoris, non dicis causa. Quid enim si petat non idoneam? coercetor, *d. l. 2. §. non solum, ad Tertull. l. 2. ff. qui pet. tu.* Et notandum valde, quod ait *l. 8. h. t.* a matribus sedulam petendi tutoris officium exigi, non perfunctorium, quod dicitur Gallicepar acquit, non etiam matribus adscribi impedimenta fortuiti casus, quæ petitioni tutoris obstiterunt; et ponit exemplum in matre, quæ confestim fecerat procuratorem, ut proficisceretur peregre ad locum congruum petendo tutori, ut peteret filiis suis tutorem

nomine suo (peti enim potest per procuratorem) et ponit eum procuratorem in via fuisse a praedonibus peremptum, nec diu rescivisse matrem interemptionem procuratoris, atque ita eam rem remoram esse petitionem tutoris, hoc, inquam, non esse imputandum matri, impedimentum fortuiti casus non esse adscribendum matri, sedulitatem tantum ab ea exigi. Idemque officium pietatis exigitur ab avo et avia, ut orbis filiis mature tutores petant, l. 1. Cod. Theod. qui tut. pet. l. 2. §. fil. is, ff. ad Tertull. Denique libertus hoc debet liberis patroni ut obsequium, mater, avus, avia, ut officium. Et inde differentia inter obsequium, et officium sive pietatem. Et mater quidem, si cessaverit petere tutorem liberis, punitur. Nam ex constitutione Severi emolumentum haereditatis filii intestati amittit, quod ad eam pervenire poterat ex Senatusconsulto Tertull. vel alio jure, l. 2. ff. eod. l. 2. §. si mater non petierit, ff. ad SC. Tertull. nec excusatur mater ignorantia juris, constitutione Zenonis, in l. ult. h. t. quia juris ignorantia non prodest, ne mulieri quidem haereditatem acquirere volenti, vel honorum possessionem, l. error, ff. de jur. et fac. ing. l. 3. l. quamvis, sup. eod. l. juris, inf. qui adm. ad bon. posse. Eadem est poena avi, vel avie non petentis tutorem. Libertus autem, qui cessaverit in petendis tutoribus liberis patroni sui, sit reus deserti obsequii, l. 2. h. t. et graviter punitur in corpus, l. 2. ff. eod. non etiam ut arbitror ob eam rem redigatur in servitutem quasi ingratum, ut recte sentit Accursius in l. 2. hoc tit. ex l. solo, inf. de lib. caus. ut libertus non fiat servus per solam causam obsequii non praestiti et exhibiti. Nam etsi l. 2. inf. de libert. et cor. lib. dicat, eum redigi in servitutem ex levi offensa, hoc sic accipiendum est, si quid fecerit adversus patronum, non si quid deseruerit, vel omiserit. Ergo libertus ob desertum obsequium hac in re punitur, et mater neque, et avus, et avia ob desertum officium, ob desertam pietatem; sua cuique poena propria. Recte igitur dices, has personas tutores petere ex necessitate, poenae metu, tutores, inquam, non curatores, nam impone curatores non petunt, l. 6. hoc t. puberibus scilicet, nam impuberibus sane tutores, vel curatores petere debent, non etiam puberibus curatores, quia puberibus invitis non dantur curatores, §. item inviti, Inst. de cur. nisi ad litem, ut in l. 1. h. t. sed addit §. item inviti, dum ait, nisi ad litem, vel ad tutelam recipiendam. Nam finita tutela, si pubes nolit sibi petere curatorem, admonitus a tutore, qui offert rationes, ipse tutor etiam invito petet curatorem dari, cui reddat tutelam cum rationibus, l. 7. h. t. Alii sunt, qui non coguntur tutores, vel curatores petere, sed si petant, admittuntur, ut

amita filiis fratris recte tutores petat sua sponte, l. 3. hoc tit. Ergo et patruus, et propatruus, l. pen. h. tit. Et similiter sua sponte recte petunt tutores cognati alii impuberis, vel affines, vel amici itemque is, qui acturus est cum pupillo vel adolescente, si admonitus adolescens sibi curatorem non petat, in litem recte petet ei curatorem dari, l. 1. 4. et 6. h. t.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XXXII. Ubi petantur tutores, vel curatores.

In hoc titulo paucis ostenditur, ubi petantur tutores et curatores, et breviter hoc vult constitutio hujus tituli, ut tutores, vel curatores petantur a magistratibus apud patriam pupilli, vel adolescentis, ex qua per patrem originem ducunt, vel ubi patrimonium habet pupillus, vel adolescens. Et loquitur constitutio hujus tituli de magistratibus municipalibus: nam iis etiam fuit datum jus dandi tutoris, vel curatoris, l. 3. ff. de tutor. dand. l. 2. §. si mater non petierit, versicul. et quidem, et seqq. ff. ad SC. Tertull.

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. XXXIII. De tutoribus, vel curatoribus illustrium, vel clarissimarum personarum.

Dixit, qui petant tutores a magistratibus, et ubi petant: nunc incipit tractare, qui magistratus tutores dare possint, et qui tutores dari. Et specialiter in h. t. qui dare, et qui dari possint illustribus personis, puberibus, aut impuberibus, vel clarissimis. Et in tit. 34. generaliter, qui possint dare, aut dari ceteris: sed tantum explicabimus hunc titulum specialem, qui possunt dare, et dari illustribus personis, vel clarissimis. De illustribus est l. 2. h. t. et ii sunt, qui non sunt adstricti curiae civitatis suae, id est, qui non sunt decuriones, et consequenter, qui non sunt obnoxii muneribus publicis, municipalibus, oppidanis: ii, inquam, soli, qui curia liberi sunt, tutores dantur illustribus

Senatoribus, id est, natis a Senatore illustri: nam filius cujuscunque ætatis Senatoris illustris, et ipse est Senator illustris, licet non introeat in Senatum ex SC. Papiriano, cui causam dedit Papirius prætextatus, apud Gellium *lib. 1. c. 8.* Sicut etiam uxores Senatorum dicuntur Senatores, et clarissimæ, sed non introeunt in Senatum, *l. 11. C. Theod. eo l. tit.* quod etiam esse ex SC. Lamp. scribit in Heliogabalo. Ergo, ut d. xi, de illustribus Senatoribus, eorumque tutela, si impuberes sint, est *l. 2. h. t.* de clarissimis est, *l. 1.* ut apparet ex illo loco: *Parvulis, adultisque clarissimis*: et paulo post, *tutoribus et curatoribus clarissimarum personarum.* Nam initio hujus legis non est legendum *illustribus*, sed *illustris præfectus urbi*, ut nonnulli codices habent, ut habet codex Theod. et *lex 2. inf. quand. mul. tut. off.* Illustris, inquit, præfectus urbi. Ceterum fateor in *h. l. 1. clarissimorum* nomen accipi latissime, ut in *Novell. 71. et sup. ubi Sen. vel claris. libr. 3.* ut scilicet comprehendat tres gradus dignitatis, Senatores illustres, spectabiles, et clarissimos. Clarissimorum nomen est speciale, et generale, generale comprehendit illas tres species dignitatis Senatoriæ. Alii sunt Senatores expertes omnis dignitatis, id est, neque spectabiles, neque illustres, neque clarissimi, quos non comprehendit clarissimorum illa appellatio, *l. 52. et 54. C. Th. ad. de hæret.* Et inde in supradicto titulo ubi Senatores vel clarissimi, id est, Senatores expertes dignitatis: et clarissimi, id est, Senatores cum dignitate clarissimorum etiam appellatio comprehendit uxores, et liberos clarissimorum. Et ita ut dico, facile feram *l. 1. hoc tit.* accipere clarissimorum nomen generaliter, non specialiter, cujus hæc est elegantissima sententia: clarissimis impuberibus, vel puberibus, si deficiant testamentarii, vel legitimi tutores, vel curatores, vel excusati sunt, iis tutores constitui ex quocumque ordine, ut ait id est, ex Senatorio ordine, vel equestri, in urbe ab illustrissimo præfecto urbi, qui est Princeps Senatus, Gallico *le premier president, l. 3. sup. de offic. præf. urb. et Novell. 62.* Ergo eis personis tutores constitui a præfecto urbi, non solo sed adhibitis in consilio decem Senatoribus, et prætore tutelari. Nam ut erat de libertatibus prætor specialis, qui prætor liberalis dicebatur: ita et de tutelariis cognitionibus, et tutoribus, dandis, qui præsideret, erat prætor specialis constitutus a D. Marco, prætor tutelaris, de quo est *l. 2. inf. quand. mul. tut. off.* Nam ut libertates, ita tutelæ pertinent ad publicam curam, vel utilitatem, cum conventionis fuerit tam libertatibus, quam tutelis proprium tutorem scribi. Olim præfectus urbi potuit etiam dare tutores, *l. penultim. §. Romæ: ff. de excus. tut.* Sed ex hæc *l. 1.* præfectus urbi una cor-

Tam. IX.

stituere tutorem extra consilium supradictum, sed adhibito illo consilio: hoc ordine constituit tutorem, ut primum nominentur plures, qui ut dixi appellantur *τὸν πρῶτον*, deinde unus idoneus pronuntietur sententia præfecti urbi, et postea ille solemniter detur, decernatur, confirmetur auctore tutelari prætore, quod aperte hæc lex demonstrat. Sententia igitur præcedit decretum, ut ait recte *l. ult. inf. de mag. conven. et l. tutores, ff. de confirm. tut.* Et notandum est hanc *l. 1.* tria exigere in tutore, vitam, id est mores, ætatem, nempe justam et legitimam 25. annorum completorum, *l. ult. sup. de leg. tut. et facultates.* Et hoc quidem in urbe Imperatores, qui sunt auctores hujus legis, hoc observari voluerunt (ut apparet ex *C. Theod.*) in omnibus impuberibus, etiam plebeis, ut adhibito ita solemniter consilio, eis detur tutor, vel curator: sed Justinianus sive Tribonianus ad litis multis, eam constitutionem contraxit tantum ad impuberes clarissimos, id est, illustres, spectabiles, Senatores, vel clarissimos. Et hoc in urbe. In provinciis autem cavetur in extremo hujus legis, dari tutorem decreto decurionum, periculo eorum, qui presentes alluerunt in decernendo tutore, qua in re, ut constat etiam ex *tit. de conven. mag. inf.* distat ordo decurionum a magistratibus urbanis: nam Præfectus urbi, et qui ei in consilio adfuerunt, et Prætor tutelaris in tutoribus constituendis, vel curatoribus clarissimis personis, non agnoscunt periculum administrationis.

JACOBI CUJACII J. C.

In Lib. V. Codicis

RECITATIONES SOLEMNES.

Ad Tit. XXXIV. Qui dare tutores, vel curatores possunt, et qui dari non possunt.

Et Ad Tit. seq. Quand. mul. tut. offic. fungi potest.

Docuit titulo superiore specialiter, qui dare, et dari tutores, et curatores illustribus, vel clarissimis personis possunt: in hoc titulo nunc docet generaliter, qui dare, et qui dari ceteris possint, vel non. Quæ duæ questionis, et illam etiam nequunt, cui dari possint, nec enim potis est quisquam dare, nisi cui dari potest. Et hoc igitur primum videamus, cui dari possint, vel non possint, quantum nos instruunt, scilicet, constitutiones hujus tit. ac primum quidem tutorem habenti, tutor dari non potest, ex regula juris, qua in re separator tutor a curatore, *l. 9. et 10. h. a.* Et hac de re plenius tractabitur proprio titulo.

nempe 36. Ubi etiam explicabitur diligentius l. 10. h. t. nam et ille tit. 36. est pars hujus. Item magistratus municipales non possunt dare tutorem, vel curatorem ex alio municipio, sed dare debent ejusdem municipii, in quo jurisdictionem exercent et ex quo pupillus, vel adolescens oriundus est, municipem, vel incolam: et municipi, vel incolæ: qui ibi domicilium habeat. Ac similiter Praeses provinciae non potest tutorem dare ex alia provincia, vel, curatorem, sed dare debet ejusdem provinciae, quam administrat, provincialem, id est, subjectum jurisdictioni suæ, et subjecto jurisdictioni suæ, l. 5. hoc t. l. 3. sup. qui pet. tut. l. 1. in fin. et l. 3. ff. de tut. et cur. dat. l. 13. §. consequens, §. ult. de excusat. tut. Quia etsi tutoris datio non sit jurisdictionis, l. tuto, §. tutoris, ff. de tutel. tamen, quia jus dicentis officium consistit etiam in tutore dando, si lex ei dederit jus dandi tutoris l. 1. D. de jurisd. omni. jud. ideo et in tutore dando magistratus municipalis vel provincialis debet servare jurisdictionem territorii sui: et in hac re distant decreto dati tutores, vel curatores a datis testamento: nam testamento recte dantur tutores, etiam non municipales, id est, qui non sunt ejusdem municipii, vel civitatis, cujus est testator, vel pupillus, modo sint cives Romani. Sunt enim tutelarum jura civium Romanorum propria, sicut hereditatum, modo datur pupillo municipi. Denique recte testamento tutor datur non civi civi a cive, qui pupillum habeat in suis heredibus. Et ita est accipienda l. etiam, ff. de tut. Etiam non municipis tutor dari potest (nempe testamento) modo municipi datur, et l. quæro, in princip. ff. de testam. tut. quia, ut intelligatur ratio differentiae, nullis finibus circumscripta est patria potestas, et ideo municipi tantum ejusdem municipii datur testamento tutor, quia si pupillus non sit ejusdem municipii, cuius est pater, qui ei tutorem dedit, desiit esse in ejus potestate et familia. Et constat, patrem ei tantum filio testamento tutorem legitime dare, qui in ejus potestate est, et in eadem familia, et consequenter, quidem cum patre forum, idemque municipium habet commune, intelligimus etiam ex hoc titulo, curatorem dari pupillo posse, imo vero dandum esse necessario, etiam iuvito ad litem, si non habeat generalem curatorem. Denique dari specialem ad litem deficiente generali, l. 11. et 12. h. t. Quia minor indefensus, qui non habet defensorem, id est, curatorem, non est litigator legitimus, l. 1. et 2. sup. qui leg. pers. habent. Nec omittendum est, quod dicitur, vocatum ad munus civile, qualis est tutela, et cura, liberari, si nominet potiore se ad tutelam, vel curam administrandam periculo

suo, ex t. de pot. ad munera nominand. inf. lib. 10. Hoc ita verum esse; si res sit integra. Nam curator datus ad litem, post litem contestatam sero nominat potiore, et frustra, quia res non est integra. Ceterum ante litem contestatam, etiam si ordinatus sit curator ad litem, absolvitur, nominato, producto, et probato potiore. Et ita explicatur l. 12. h. t. Etiam ex hoc titulo intelligimus, tutorem, vel curatorem recte dari ei, qui patitur controversiam libertatis, id est, quem adversarius asserit in servitutem, quia interim pro libero habetur, l. 1. h. t. et libero tantum homini, id est, sui juris tutor, vel curator constituitur, non ei, qui est in manu, vel potestate, vel mancipio alterius, interim autem pro libero habetur; quia jus civile vetustissimum hoc est, quod semper mansit integrum, ut vindicæ dentur secundum libertatem, si probetur eum hominem, de quo agitur tempore litis de statu ordinando, fuisse in libertatis possessione, et vixisse, et egisse omnia quasi liberum hominem, l. lite, inf. de lib. caus. l. ordinata ff. eod. l. 2. §. initium, ff. de orig. jur. Et Livius libro 3. et Dionys. Halicarn. lib. 11. Nam si tempore litis motæ et ordinatæ de statu, in servitute fuerit, vindicæ dantur secundum servitutem, et pendente lite habetur pro servo, nisi quis per vim liberum hominem rapuerit, et in servitute habuerit, l. vis ejus, sup. de prob. l. si quis liberum, ff. eod. Et ita in vindicatione singularium rerum iudex initio litis dat vindicias secundum possessorem, ut interim habeatur pro domino, nisi eam rem, qua de agitur, a petitore vi possideat, dict. l. si quis liberum, quæ est etiam vetus lex Zaleuci apud Polybium lib. 18. Et hæc de illa questione, cui tutores, vel curatores dari possint, aut non possint. Quoniam quo loco queritur, quis dare, et quis dari possit, simul et id queritur cui dari, et quis accipere possit, vel non, l. naturali, §. ult. ff. de conf. tut. Sunt enim, ut initio dicti, hæc questiones inter se iugatæ et connexæ. Et ita magistratum municipale, vel provinciale divinus dare subjectum tantum jurisdictioni suæ, et simul et quoque subjecto jurisdictioni suæ. Et addamus ex l. 6. hoc tit. plerumque magistratum municipale tutorem dare jussu, monitu, præcepto Præsidis, non delegatum. Nam tutoris datio cum lege concedatur, nec competat jure magistratus, non potest delegari, l. nec mandante, ff. de tut. et cur. l. 1. ff. de officio ejus, cui mand. Igitur magistratum municipale tutorem dare monitu Præsidis sæpenumero, sed suo jure tantum, quod ei scilicet leges tutelares impertiverunt. Et hominem ex eodem municipio, vel ex agro ejusdem municipii, l. Lucius, §. tutorem, ff. de admin. tut. l. 1. §.

magistratibus, ff. de magist. conv. §. sed hodie, Instit. de Attil. tut. Vel si desit in eo municipio, cui præest. qui videatur idoneus, jussu etiam præsidis magistratus municipalis ex vicino municipio non jam dat (nec enim potest) ex alieno municipio; sed mittit ipsi Præsidi nomina quædam electa idoneorum, et honestorum virorum, ut ipse præses eligat unum ex eis, atque decernat, qui modo sit ejus provincie. l. diuus, ff. de tut. et cur. l. 1. §. si quando, ff. de magist. conven. §. sed hoc, Instit. de Attil. tut. Et hæc est omnino sententia l. 6. hoc t. Et restat tantum tertia et ultima questio, qui dari tutores, vel curatores possint, aut non possint: certe non cæcus utroque lumine, l. 5. hoc t. sicut nec mutus, aut sordus, l. 1. §. ult. ff. de tutel. non maritus uxori dari potest curator, ne conjunctio matrimonii cohibeat causam reddendæ rationis, quia nec curator adultam uxorem ducere potest, et retro uxori eadem ratione curator vir non fit, l. 2. hoc t. l. virum, ff. de curat. fur. Non potest etiam ullo modo dari miles, l. 4. hoc t. non minor vigintiquinque annis, ut jam supra didicimus, l. ult. de leg. tut. non servus, l. 7. hoc tit. non patrimonialis colonus, id est, qui adscriptus est, et adlictus (licet sit liber homo) agris patrimonialibus principis, l. ult. hoc tit. Quæ etiam generaliter ait, non jure dari quemquam tutorem, vel curatorem, qui habeat vacationis privilegium, quale habent clerici, ut tutores non dentur, l. generaliter, sup. de epis. et cler. et in Novella Leonis 68. quam Harmenop. facit 36. quæ patitur quidem clericos fieri dispensatores, et exequutores testamentorum, non etiam tutores, vel curatores. Non datur etiam recte curator, vel tutor creditor debitori, vel contra, ex Nov. 77. abrogata, l. 5. hoc tit. Ac postremo, ut apparet ex titulo 36. maxime ex l. 1. et l. quo tutela D. de reg. jur. mulier tutor dari non potest, quia tutela virile est officium, nisi specialiter a Principe impetraverit tutelam filiorum suorum, l. ult. D. de tut. forte hoc colore, quod pater moriens voluerit eam administrare negotia filiorum suorum, l. qui aliena negotia, §. pen. D. de negot. gest. l. 2. §. quid si pater, D. ad Tertull. freta voluntate mariti defuncti facilius impetrabit a Principe tutelam filiorum suorum, sed necesse est adire Principem. Hoc unum est ex iis, quæ sunt reservata Principibus. Et hoc jure veteri. Hodie ex l. 2. et 3. hoc tit. matri, deficientibus tutoribus testamentariis et legitimis, vel si privilegio a tutela excusentur, vel suspecti genere summoveantur, potest deferri a magistratu tutela filiorum suorum, tam naturalium, quam quæditorum ex justis nuptiis, si modo jura verit se iterum non nupturam, et recunt iaverit Senatusconsulto Vellejano, quo

mulieres liberantur intercessionibus, quas fecere pro aliis: nam tutela est species intercessionis. Sed si contra fidem juriajurandi mater nubat iterum, non redditis rationibus, non petito alio tutore, filii ex eo tempore habent tacitam hypothecam tam in bonis matris, quam in bonis vitrici, quem eis mater superinduxit, quia præsumitur vitricus fraudem participasse cum matre. Ac præterea et constitutione Severi, quia non petit alium tutorem, amittit jus successionis filiorum, ut in l. omnem, inf. ad Tertull. l. sciunt, inf. de leg. hæc. l. si mater, inf. in quibus causis pig. et in Novella Theod. de tutor. et Novella Justiniani 22. et 115. Hodie vero ex novissimis Novellis ejusdem Justiniani mater non jurat se iterum non nupturam, ne aperiat via perjurio, sed tantum apud acta protestatur, et confirmat se iterum non nupturam, Novella 94. Ac præterea præfertur mater legitimis tutoribus, non testamentariis ex Novella 118. quæ ex l. 2. hoc tit. non admittitur ad tutelam filiorum, nisi deficientibus legitimis. Ac præterea non prohibetur mater, quod etiam porrectum est ad aviam, tutelam filiorum, aut nepotum suscipere, si ei sit creditrix, aut debitrice, d. Novell. 94. Et hic solus casus excipitur in Nov. 32. ut creditor debitori, vel contra, non sit tutor, vel curator, abrogata lege 8. hujus tit. ut dixi, nisi mater, aut avia. Et ii vero omnes, qui tutores, aut curatores dari non possunt, si forte datisint, non necesse habent se excusare, quia datio ipso jure inutilis est, et periculum cessationis non agnoscant, l. 5. et 9. hoc tit. Ac præterea quidam nec volentes admittuntur ad tutelam, vel curam, §. item major, et §. seq. Instit. de excusati tut.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Titul. XXXVI. In quibus causis tutorem, vel curatorem habenti, tutor, vel curator datur.

Intelleximus ex l. 2. sup. qui dare tutores, et curatores, et qui dari non possunt, et ex l. 9. sup. qui pet. tut. tutorem habenti tutorem dari non posse. Hac Sententia etiam utitur l. idem fiet, D. test. tut. et §. interdum, Instit. de cur. Et in specie admodum singulari Paulus lib. 4. Sent. tit. de fideicom. lib. Et dicitur regula juris in l. ventri, D. de tut. et cur. dat. Quamvis ea lex ait non pertinere etiam ad curatorem, non porrigi ad curatorem: curatorem enim habenti jure curatorem dari. Et quæ

magis clarescat ea in re esse differentiam inter tutorem, et curatorem, observa *d. l. ventri esse ex lib. 7. differ. Modestini*. et in ea proponi duas differentias inter tutorem et curatorem, quod ventri curator datur, non tutor, et quod curatorem habenti curator datur recte, non tutorem habenti tutor: regulam illam superiorem esse de tutore tantum, non de curatore. Et ex eodem libro Modestini adde tertiam differentiam in *l. 1. D. qui pot. tut. matrem scilicet puniri, si non petierit tutorem filio impuberi, non puniri, si non petierit curatorem filio puberi*. Possunt addi et alie differentie inter tutorem et curatorem, quod tutor datur testam. non curator: quod tutor datur invito non curator: quod tutor datur impuberi tantum, curator puberi et impuberi: quæ differentie sunt notissime: item quod ad hereditatem adeundam, vel nuptias contrahendas tutor intervenire, et auctoritatem suam interponere debeat, nec sufficit auctoritas curatoris, *l. cum in una, §. ult. D. de appell. l. 1. l. in ropulandis, sup. de nupt. ut olim etiam ad arrogationem pupilli, l. 8. ff. de adopt.* Et generaliter ad ea omnia, quæ juris solemnitate desiderabant tutore opus erat, nec sufficiebat curator, *l. curatorem, ff. de auct. tut. l. ult. inf. de in lit. dand.* Et summa differentia hæc est, quod tutor personæ datur, curator rebus, bonis, patrimonio, ut recte est scriptum in *§. item tria, instit. de excus. tut. tutela pupillorum, et cura bonorum*. Hæc est scilicet summa differentia inter tutelam et curam: Nam etsi tutor dicatur etiam dari in bona, *l. ult. inf. qui pot. tut. l. propter litem, §. licet, D. de excusat. tut.* tamen principaliter datur personæ, vel in personam, id est, in caput liberum potius, quam in rem, et aliquando in rem potius, quam in personam, ut cum mater dat tutorem filio heredi instituto, vel pater filio naturali, cui aliquid dedit vel reliquit, *l. 4. ff. de test. tut. l. naturali, D. de conf. tut.* Sed unoquam tutor non datur in personam, et quasi ad pedagogandum puerum. Curator semper datur in rem, non in personam. At ut ad regulam initio propositam revertar, cujus inspectio propria est hujus tituli; quero cur tutorem habenti tutor non datur, curatorem habenti jure datur curator? Et cur regula, quæ est de tutore, non sit impedimento, quo minus curatorem habenti curator datur, ut ait dicta *l. ventri, D. de tutor. et curat. datis*. An quia datio tutoris est actus legitimus et sollemnis, et superioribus diebus docebam plures nominari, plures advocari agnatos, affines, amicos, et eorum arbitrio, consilio ex nominatis eligi unum (alioquin non esset electio, nisi exhiberentur plures, et nominarentur) et sit inquisitio in mores, etatem, et facultates tutoris dandi, et sollemne de-

cretum interponitur, ut *l. 1. sup. de tut. et cur. illustr.* Denique tutoris datio est actus legitimus, et sit ex inquisitione, et decreto prætoris, aut præsidis, *l. actus, D. de reg. jur.* Actus autem legitimi non iterantur, optio servi, aditio hereditatis, manumissio servi justa, sunt actus legitimi. Et legata optione servi, semel tantum optare licet, *l. 5. in princ. D. de leg. 1.* Semel licet adire hereditatem, *l. si solus, §. ult. D. de acquir. hered.* semel manumittere, *l. 2. inf. de manumiss. vind.* Ergo et semel tutorem dare sic dici potest. An vero, quia pupillus est in tutoris potestate, et nemo potest esse in duorum potestate? sic potius dicamus. Nam cum plures tutores conjunctim dantur, omnes pro uno habentur, ut *l. plane in princ. D. de leg. 1. §. hoc item tam varie, inf. de cad. toll.* quæ datio utilis est, *l. simul plures, D. de tutor. et curat. dat.* Cum autem separatim dantur, pro uno habentur, et posterior datio inutilis est, sicut cum dominus eandem rem duobus vendit, aut donat simul et conjunctim, unius personæ potestate funguntur, et dominium ejus rei pro indiviso adipiscuntur. Cum vero duobus separatim vendit et tradit, jam duo sunt, et potior est is, cui priori res tradita est, *l. quoties, sup. de rei vind.* nec apud utrumque potest esse possessio vel dominium in solidum, *l. si ut certo, §. ult. D. commod.* Pupillus est in potestate tutoris, et nemo potest esse in potestate duorum, ita ut duorum potestas sit in solidum: curatoris autem nulla est potestas in puberem vel impuberem, atque ideo tutor pupillum suum dicit, ut in *l. cum quis, §. Sejan, ff. de leg. 3. l. 11. inf. de furt.* Cornutus in illum locum Persii: *Magni pupille Periclit: tutores*, inquit, *dicunt pupillos suos, quorum tutelam gerunt, quod tutela sit potestas in pupillos auctore Servio Sulpitio*. Et inde etiam apud Cornelium Tacitum, initio 14. exprobatio. Popem vocantis Neronem pupillum, qui *jussis alienis obnoxius, non modo imperii, sed libertatis etiam indigeret*. Regula igitur illa, quæ est de tutore, ut habenti tutorem non datur tutor, non extenditur ad curatorem, longeque distat hæc in re, ut et in aliis multis tutor a curatore. Posset enim tentari curatorem habenti curatorem dari non posse, ex verbis hujus rubricæ, sicut vulgo sunt concepta. Nam hæc verba supponunt regulam illam procedere tam in curatore, quam in tutore. Et sub hac rubrica poni exceptiones illius regulæ, et casus, quibus contra regulam tutor tutorem habenti, et curator curatorem habenti datur. Sed auctores sunt omnes libri antiqui, male concepta esse verba hujus rubricæ, et sic esse restituenda, in quibus *causis, non casibus* (ut in hoc tit.) *tutorem habenti, circumscriptis illis verbis, vel curatorem:*

hoc igitur modo, in quibus causis tutorem habenti tutor, vel curator datur: nam et nulla sub eo titulo est lex, quæ loquatur de curatore dato curatorem habenti, sed omnes sunt de tutore, vel de curatore dato tutorem habenti. Possis et idem tentare ex l. 10. sup. qui dare tut. vel cur. poss. quæ dicit (ut vulgo scripta est) curatorem habenti alium adjungi, vel in locum ejus alium substitui non posse. Ergo eadem regula valet in tutore et curatore. Et ponit etiam exemplum d. l. 10. in curatore, qui absfuturus erat sui negotii causa, ut in locum ejus alius creari non possit, cum absens curator maneat, et periculo medii temporis obstringatur, si quid interea dum abest damni contigerit rebus pupillaribus, ut ait, qui et absfuturus debuit suo periculo actorem constituere interposito decreto prætoris, l. decreto, D. de adm. tut. Sed ut notavit Glossa recte duplex est lectio d. l. 10. Alii codices habent, *curatorem habenti*, quæ vulgo est recepta, et eandem regulam statuit in curatore, quam statuimus in tutore: Falso: glossa notat alios codices habere, *tutorem habenti*: Et hæc est plus quam vera, quam suadent etiam illa verba, *negotiis pupillaribus*: et loquitur ea lex de eo tutore, qui absfuturus erat sui negotii causa, non Reipubl. causa. Et in inscriptione d. l. 10. est delenda vox *militi*, quis nec volens miles admittetur ad tutelam, vel curam, l. 4. eod. sup. §. *idem et in milite*, Instit. de excusat. tut. Et absens Reipublicæ causa non obstringeretur periculo medii temporis, l. 1. inf. si tut. vel cur. Reipub. cau. Et in locum absentis Reipub. causa, licet non desinat esse tutor, daretur alius tutor tutorem habenti, hoc casu l. 3. §. *si quis absfuturus*, D. de susp. tut. l. *si tutor Reipub.* ff. de tut. et rationibus distr. l. *quæsitum*, D. de tut. et l. 1. hoc tit. quæ est accipienda de tutore, non de curatore dato in locum tutoris, non curatoris absentis Reipub. causa. Et si potest tutor dari in locum absentis Reipub. causa, et multo magis curator, ut in l. in omnem rem, D. de tut. et cur. dat. §. *item qui Reipub.* Instit. de excusat. tut. Denique in locum tutoris absentis Reipub. causa, vel tutor, vel curator datur: in locum autem absentis ex alia causa, neque tutor datur, ut d. l. 10. neque etiam curator, l. curator, D. de tut. et cur. dat. Ubi inquit, *curator pupillæ, vel pupillo non datur, si tutor eorum affuerit*: sic solent scribere Pan. Flor. et omnes veteres libri, pro *absfuerit*, ut in d. l. in omnem rem: si Reipub. causa absfuerit, et d. §. *si quis absfuturus*, et in solemnæ cautione, dolum malum abesse absfuturumque esse. Ergo male in d. l. 10. vulgo curator adfuerit, imo afuerit, quod est absfuerit. Et hæc igitur una est causa, in qua tutorem habenti

tutor datur, videlicet si tutor absit Reipub. causa. Hæc una est exceptio superioris regulæ. Nam et d. l. 10. quæ incipit, *Tutorem habenti*, ut exposui, ostendit eam regulam vitari causa cognita, ut in hac rubrica, *in quibus causis*, et nominatim d. l. 10. etiam ostendit in locum suspecti, convicti, et remoti tutoris alium dari, ut in l. 4. hoc tit. quæ est conjungenda cum l. 2. inf. de tut. vel cur. qui non satisd. Ergo in locum remoti tutoris dabitur alius tutor, etiamsi pupillus habeat alios tutores. Et sic tutorem habenti, sive solus testamento datus fuerit is, qui remotus est, et præsto sit legitimus tutor. Nam et in locum remoti dabitur alius tutor ex inquisitione. Et sic hæc est altera, causa, in qua tutorem habenti datur alius tutor. Addamus tertiam ex d. l. 4. h. t. et d. l. 2. quam cum ea conjungendam dixi, ut in locum defuncti tutoris datur alius tutor, licet pupillus habeat alios tutores superstitiles, et tutorem habenti dabitur alius tutor: ergo sic etiam in locum excusati tutoris datur alius tutor: nam et excusatus ipso jure tutor est, d. l. 4. hoc tit. Itemque in locum deportati, qui desinit esse civis per deportationem, datur alius tutor, licet pupillus alios tutores habeat: quandoquidem tutor deportatus omnino desinit esse tutor, sed in locum ejus datur tutor alius, licet pupillo suppellant alii tutores, l. *si quis sub conditione*, D. de test. tut. Item in locum relegati tutoris in perpetuum, licet non desinat esse civis, et tutelam retineat, l. 4. hoc tit. l. 3. sup. qui pet. tut. Item in locum furiosi tutoris, id est, qui post susceptam tutelam incidit in furorem, vel in locum muti, aut surdi, etiamsi pupillus alios habeat tutores, l. pen. ff. de tut. Multæ igitur sunt exceptiones superioris regulæ: sic sane et omnes inductæ ex Senatusconsultis, d. l. pen. et d. l. *si quis sub conditione*, et Ulp. lib. reg. de tut. Neque iis, quæ dixi de relegato, ut in ejus locum alius tutor datur quicumque obstat, quod dicitur in locum exilis, qualis est relegatus curatorem dari, l. *quod si forte*. §. *quid ergo*, D. de solut. vel actorem, ut in l. sine herede, §. ult. D. de adm. tut. Non exemplo absentis Reipubl. causa, quod legimus in locum relegati dari tutorem, recte dices, non ideo sequi et in locum relegati esse promiscua datio tutoris, vel curatoris, vel in locum absentis Reipubl. causa, imo ut etiam in locum furiosi tutoris, cui dicitur substitui tutor, d. l. penult. ex Senatusconsulto, et curator in l. 12. ff. de exc. tut. Itemque sit in locum excusati. Et id proponitur in l. 12. hoc tit. in locum excusati tutoris datum curatorem. Cum tamen, ut ait, potuerit, et debuerit dari tutor, l. 4. hoc tit. Et inde questio legis secundæ, quæ ita explicanda

est. Si curator ita datus sit, num sit curator? id est, an perseveret ultra pubertatem? Et ait perseverare tantum usque ad pubertatem, et exemplum sustinere tutoris, cum et in locum excusati ex Senatusconsulto potuerit dari, et vero debuerit tutor, non curator. Et ita est omnino legendum, ut legatur vulgo in hac l. 9. *in locum excusati tutoris, licet pupillus alios quoscunque haberet tutoras*: potuit dare, tutorem scilicet. Et sequitur deinde: Quamvis autem curatorem dederit exemplo tutoris, finitur hæc curatio pubertate. Et hæc quidem sunt causæ, in quibus tutorem habenti tutor datur ex Senatusconsultis, qui alioquin non posset dari propter regulam juris, de quibus est l. 1. 2. 4. *huc tit.* In aliis legibus 1. 3. 5. (sunt enim quinque tantum in hoc titulo) exprimuntur causæ, in quibus tutorem habenti curator adjungitur, vel quod auctor sunt facultates pupilli, aut late diffusæ, ut in l. 11. *inf. de excus. tut.* l. 9. §. ult. *ff. de administr. tut.* Quæ ex causa non male tutor datur tutorem habenti, videlicet aliorum rerum, non earundem, si pupilli patrimonium sit late diffusum, atque dispersum, ut in l. *propter litem*, D. *de exc. tut. et l. pupillo*, D. *de tut. et cur. dat.*

JACOBI CUJACII J. C.

In Lib. V. Codicis

RECITATIONES SO LEMNES.

Ad Tit. XXXVII. De administratione tutorum, vel curatorum, et pecunia pupillari fœneranda, et deponenda.

Dixit supra de variis tutorum generibus, de testamentariis, legitimis, et iis, qui ex inquisitione a magistratu dantur, cui et qui dari possunt, a quibus peti debeant, vel possint, et ubi, et a quibus magistratibus dari possint: sequitur nunc ut dicatur de contractu ipso, id est, ut ad rem veniat: illæ enim quasi præfationes fuerant. Dicit igitur posthac de ipsa administratione tutelæ, vel curæ, ex qua proculdubio est nasci quasi ex contractu actionem ultra citroque directam, vel contrariam tutelæ inter pupillum, et tutorem, utilem negotiorum gestorum inter adolescentem, et curatorem, eque nomine omnia bona tutorum, vel curatorum tacito jure esse obligata pupillo, vel adolescenti, vel furioso, vel aliis, quibus curatores dati sunt, l. 20. *hoc tit.* §. *et ut plenius*, *sup. de rei ux. act.* l. ult. *sup. de leg. tut.* Neque tamen, quod notandum est, ea tacita obligatio, sive hypotheca bonorum omnium tutoris, vel curatoris impedimento est,

quo minus possit interim res suas vendere, donare, aut testamento relinquere. Neque enim alienabuntur nisi cum sua causa, id est, salvo jure tacitæ hypothecæ. Ceterum ipsa tacita hypotheca non tanti est momenti, vel tantarum virium, ut possit libero homini auferre testamenti factionem, vel commercium testamenti, aut liberalitatis exercendæ causam, l. 17. *hoc tit.* l. 1. *sup. rem al. ger. non interd.* Ergo ex hoc contractu, id est, ex causa administrationis tutelæ, vel curæ, non tantum tenentur personæ eorum, qui administrant, id est, personæ tutorum, vel curatorum, sed etiam bona omnia eorum tenentur, et non tantum tenentur, illi id fecerunt, quod facere non debent, sed etiam si non facere, quod facere debent, l. 1. *in princ. ff. de tut. et ration. dist.* Nam et qui non facit quod facere debet, videtur adversa facere, et contumacia ejus in non faciendo, vel negligentia, cessatio, evictio, dolus, vel culpa pro facto, pro contractu, pro gestione, pro administratione est: sicut dicitur dolum ejus, qui non possidet, id est, qui desit possidere dolo malo, pro possessore esse, l. *qui dolo*, *ff. de reg. jur.* Denique qui non facit, etiam facere, et contrahere intelligitur, ut teneri possit. Nam qui non facit, et hoc facit, quod non faciat, et ut Philosophi dicunt, privatio actionis, actio est. Et sic e contrariis, qui facit quod facere non debet, etiam non facere intelligitur: id est, mala administratio pro cessatione est, l. *qui non*, *ff. de reg. jur.* Ergo tutores, vel curatores præstant utramque culpam. Duplex est culpa, una in faciendo, altera in non faciendo l. *si servum*, D. *de verb. obl.* Prima pars administrationis est inventarii confectio bonorum pupilli, et instrumentorum *de tous les papiers*, l. *tutor qui repertorium*, D. *cod.* secunda pars administrationis est depositio pecuniæ inventæ in bonis pupilli, vel adulti, aut reffectæ ex venditione fructuum, vel rerum mobilium. Depositio, inquam, ejus pecuniæ ad prædiorum comparationem, et si nulla bona conditio se offerat comparandum prædiorum, ejus pecuniæ collocatio, et fœneratio. Summa autem et præcipua pars administrationis est defensio pupillorum, adolescentium, furiosorum, ceterarumque personarum, quibus curatores dari solent. Et de iis partibus administrationis, de quæ aliis plerisque dicendum erit. Sed tamen hæc tres sunt insigniores, et excellentiores administrationis partes, ac de his nunc agamus, quem poterit fieri brevissime. Incipere debent tutores, et curatores administrationem a confectioe inventarii, sive repertorii. Nam statim quidem atque intellexerunt se tutores, vel curatores datos (ignorantibus parcemus) debent suscipere administrationem tutelæ, vel curæ. Quod si cessaverint, nec excusationem, si quam habuerint, allegaverint intra tempus

ra constituta, periculum omne cessationis, id est, damnum omne, quod interim contigerit negotiis pupilli, vel adolescentis ad eos pertinet, *l. 8. et 19. hoc tit.* Ac præterea extra ordinem compelli possunt ad administrationem, *l. 1. in pr. ff. eod. l. 4. §. 1. ff. rem pup. salv.* Quid est extra ordinem? Quia scilicet nulla in eam rem est prodita actio civilis, vel prætoris, nulla actio ordinaria, qua compellatur ad administrationem: sed per prælorem, aut præsidem, si cesserint, coercentur pignoribus captis, vel iudicis multa, et nunquam compelluntur manu militari, manu ministrorum prætoris, vel præsidis. Et aggredi protinus debent confectionem inventarii bonorum, et instrumentorum pupilli, adhibitis publicis personis, id est, tabulariis, et scriba viro clarissimo, qui erat veluti quidam arbiter, et interpret, observatorque rerum pertinentium ad minorem, nec sine dignitate, cum diceretur clarissimus, de quo est *l. ult. inf. de mag. conv. et Novella 72. et Novella Constantini, de consuetud. scrib.* id est, de sportalis. Et ita Novella 72. ait inventarium confici publice, id est, presente illo scriba, et ministris ejus. Et ita accipitur *leg. 24. hoc tit.* adhibita Nov. 72. Et si hoc omiserit, si non fecerit inventarium, primum damnatur quanti actor juraverit suo interesse, id est, damnatur arbitrio adversarii jurati, quod grave est, *l. 7. D. eod. l. ult. et pen. inf. de in lit. jur.* Deinde removetur cum infamia, quod dolo malo omiserit confectionem inventarii, nisi pater prohibuerit, et valuerit confici inventarium. Hæc enim prohibitio conficiendi inventarii valet, quod notandum est ex *l. ult. inf. arbit. tut.* Potest pater remittere tutori inventarii confectionem, alioqui, ut ait *l. 24.* mos deberet conficere inventarium bonorum, et instrumentorum, id est, ut constat ex *Cod. Theod.* eodem momento, quo creatus est tutor, et cepit tutelam attingere, idem jus est: licet dentur tres menses ex sententia gloriæ, et exemplo hæredis conficientis inventarium bonorum defuncti, *l. ult. inf. de jur. delib.* Porro magna est utilitas inventarii. Nam inter cetera, amissis chirographis debitorum, incendio, vel casu alio, vel amissis aliis instrumentis, ut emptio, vel donatio, amissis titulis, ut dicunt, sive auctoritatibus rerum suarum, et specialiter amissis chirographis, possunt conveniri debitores ex inventario ad solutionem, vel novationem faciendam, id est, ad faciendam novam chirographa, puta si pecuniæ dies nondum venerit, *l. chirographis, ff. eod.* Hic igitur est primus actus tutoris, vel curatoris, nempe repertorium. Secundus actus significatur his verbis rubricæ nostræ: *et de pecunia pupillari frueranda, et deponenda.* Nam debet tutor (et idem est in curatore) pecuniam pupillarem deponere, id est, tuto loco

collocare in arcam, vel horreum, alioquin culparetur si eam deponeret in loco non tuto. Deponere, inquam, debet, ad prædiorum comparisonem, cum se offeret bona conditio prædii comparandi idonei, vel si idonea prædia non inveniuntur, debet eam pecuniam fœnori occupare, *l. 4. §. 24. hoc tit.* quod explicandum, et distingendum erit secundum *Novel. 72.* Et hinc quidem ex ea pecunia scilicet comparare prædia, aut eam occupare fœnori, non debet facere confestim, ut de inventario distinximus, quia non posset, nec enim inveniuntur statim idonea prædia, aut idonea nomina, sed intra sex menses primos a suscepta administratione, debet ex ea pecunia pupillari, quam depositam habet, prædia comparare, vel facere nomina, *l. si tutor constitutus, ff. eod.* Et ne hoc videatur ob stare post susceptam administrationem, et pecuniam collocatam fœnori, datur ei singulis annis (si singulis annis exactionem faciat pecuniarum fœnori occupatarum, vel eo annuo, quo exigit eas pecunias) ad eas rursum elocandas datur ei laxamentum duorum mensium ad faciendum nova nomina. Hi duo menses sunt immunes ab usuris, *l. tutor qui repertorium, §. usure, ff. eod.* Præcipua autem et magis necessaria pars administrationis (ut ait *l. ult. hoc tit. et l. 30. ff. eod.*) est defensio pupilli, id est, ut in judiciis pupillum, vel minorem 25. annis, vel similem personam, cui curator datur, indefensam non relinquit: ab hac etiam parte administrationis, quasi præcipua, appellantur passim defensores, quoniam præcipuum officium eorum in defensione consistit, licet sint plures quam defensores: nam sunt loco dominorum, quorum res gerunt, et administrant, et quasi domini rem in judicium deducunt, et actiones inferunt sine mandato, non præstita cautione de rato, vel iudicatum solvi, quam tamen cavent alii defensores constituti ex mandato. Nec igitur in tutoribus, vel curatoribus valet illa regula juris: *neminem rei alienæ sine satisfactione idoneum defensorem esse: sine satisfactione*, scilicet de rato, et iudicatum solvendo. Nam ea regula pertinet tantum ad mandatarios, sive procuratores, non ad tutores, vel curatores, quod satis est modo caveant iudicio sibi, suo, et pupilli nomine, sicut Græci dicunt caveant ὑπὲρ τοῦ πτωχολοῦ, id est, se, pupillumve suum perseveraturum assidue in exsequenda lite, et peracturum iudicium, se in ea re utilitatem pupilli non deserturum, quæ præcipue officio ejus incumbant. Et hoc ostendit *l. 13. l. ult. §. de defensionem, hoc tit.* quæ tota lex est de defensionibus, ut intelligamus quam debeat curæ esse ea defensio in litibus curatoribus, et tutoribus. Hæc sunt tres maximæ partes administrationis, sunt autem septem particule complures: nam ad administra-

mento, ac codicillis. Detrahis his exceptionibus, dicimus ex necessitate officii tutores, vel curatores debere protinus auctionari omnia bona minorum. Ergo, ut incipiam explicare res, quæ enumerantur hac l. 22. sive edicto Constantini, possunt auctione constituta vendere aurum, et argentum minoris, quo nomine non significantur nummi, ne quis fallatur, sed vasa aurea, vel argentea, quod dicitur aurum, vel argentum factum, *qui est mis en oeuvre*. Vel significatur materia auri, vel argenti rudis, quod dicitur aurum, vel argentum infectum, *l. cum aurum, ff. de aur. et arg. leg.* Et addit initio hujus legis, etiam gemmas, et vestes, et cetera mobilia pretiosa: vestes igitur pretiosas, veluti sericas, nam *l. emptori, §. 1. ff. de evict.* vestes sericas adnumerat rebus pretiosis, quoniam scilicet olim libra auri, libra serici erat, et pro serico aurum appendebatur ad saccum, *au contrepoide*, ut Vopiscus scribit in Aureliano. Unde, quod est notandum, possis rem pretiosam definire, quæ auro contra veneat, vel auro supra. Et licet res mancipi sint, et dicantur tantum prædia, et jura prædiorum, et res animales, quedam tamen aliæ res mobiles pretiosæ etiam in mancipatum veniunt, sicut prædia, ut nominatim de margaritis scribit Plinius, lib. 9. cap. 35. et 8. *et ita etiam d. l. emptori, §. 1.* margaritas adnumerat rebus pretiosis, et infra etiam subjicit margaritas, et separat eas a gemmis. Constat enim margaritas, neque gemmas esse, neque lapillos, sed habere propriam speciem, et partem, scilicet, sive ova animalis esse, *d. l. cum aurum, §. ult.* Et addit etiam inf. in hac l. vascula, ut veniant sub hasta in foro, et cetera suppellex. Quæ in parte Constantinus (quod tamen gloriatur) non abutitur suppellectilis nomine. Nam cum certum sit vasa escaria, vel potoria inesse suppellectili, recte positis vasculis, subiunxit et cetera suppellex, et addit etiam initio h. l. mancipia etiam urbana: nam sic omnino legendum est, urbana mancipia, et non urbana prædia: et mancipia, quoniam prædia urbana statim subjicit, dum ait domos, balnea, horrea. Ergo hæc omnia tutores, vel curatores necesse habent vendere publica auctione constituta, nec debent ea servare minoribus: denique ea omnia debent in pecuniam redigere, et ex ea pecunia rem augere pupilli: prædia autem, vel mancipia rustica, vel suburbana non possunt vendere sine decreto. Illa scilicet debent vendere statim, etiam sine decreto, vel auctoritate magistratus. Atque ita hac in re erat olim differentia inter prædia urbana et prædia rustica, et inter servos urbanos et rusticos. Et ratio differentie inter prædia urbana, et rustica hæc fuit, quia prædia rustica sunt proventus, et fructus majores res, certiores, et necessarij magis, nec sunt

Tom. IX.

tot casibus obnoxia, quot prædia urbana. Et urbana sæpius plus sumptus requirunt, quam reddunt emolumenti. Et inde in *l. verum, §. si locupletis, ff. de minor.* minor, si adierit locupletem hereditatem, in qua sint prædia rustica, non potest restitui in integrum, licet ea prædia postea casu majore deperierint, veluti terræ fragore: sed si adierit hereditatem opulentam, et locupletem, in qua erant multe res mortales, vel prædia urbana, restitui potest in integrum, quod demonstrat aperte differentia inter urbana, et rustica prædia, inducta oratione Severi, et Senatusconsulti. Ratio autem differentie inter servos urbanos, et rusticos hæc est, quia urbani servi pejores sunt, et astutiores, ut utilius sit eis carere minores, nec sunt admodum necessarii, maxime venditis prædiis urbanis: servi autem rustici simpliciores sunt, et utiliores, et necessarii omnino, quasi pars prædiorum rusticorum, ut ait Julianus in *Novella Justiniani 7.* Et hoc quidem fuit jus vetus. Hæc distinctio rerum introducta fuit jure veteri, illo scilicet senatusconsulto, et oratione Severi. Hodie ex edicto nono Constantini, id est, ex hac lege 22. quod confirmat etiam *l. 24.* et aurum, et argentum, et gemmas, vel lapilli, vel margaritæ, et vestes, et ceteræ res mobiles pretiosæ minorum, et vascula, et cetera suppellex, et servi urbani, et prædia urbana, eodem jure sunt, quo sunt prædia, et mancipia rustica, vel suburbana ex oratione Severi, ut scilicet, non possint alienari, vel obligari, vel in donationem propter nuptias, vel in dotem dari, nisi per inquisitionem causis probatis, et interposito decreto prætoris, *d. l. 22. §. 1.* quam in hanc rem specialiter destinavit Constantinus, cujus specialiter hanc cognitionem demandavit, atque adeo appellavit illum de suo nomine Prætores Constantinianum in *l. ult. inf. de præd. min. l. 23. C. Th. de prætor.* Ad prætores Constantinianum in urbe pertinet, et hac in re, et in aliis omnibus interpositio decretorum, ut *l. 1. sup. de off. prætor.* quæ in provinciis pertinet ad prædes. Dixi in donationem propter nuptias, vel in dotem ex hac *l. 22.* ut nullæ res minorum, nulla prædia dentur in donationem propter nuptias, vel in dotem citra decretum prætoris, vel præsidis. Ergo hæc donationes etiam rusticorum prædiorum valent ex decreto, donationes autem simplices quæ hic non exprimuntur, nec cum decreto valent. Neque hujus definitioni quicquam obstat *l. 1. sup. si adv. don.* quæ est accipienda de rebus mobilibus, dum significat earum donationem valere etiam sine decreto, sed restitui posse minorem adversus eam. Non est autem accipienda de prædiis rusticis, de quibus non loquitur, sed de mobilibus, ut dixi, donatis propter nuptias, vel in dotem. Nihil etiam

33

obstat *l. prœdia, inf. de prœd. min.* quæ potius ostendit, nec prœdia rustica donari posse propter nuptias sine decreto: ergo etiam posse ex decreto. Nec etiam obstat *l. ult. inf. si major. fac. al.* quæ dum excipit donationem propter nuptias, satis ostendit, eam valere ex decreto non valere sine decreto, sed confirmari post legitimam completam ætatem silentio quinquennii. Donationem autem simplicem, nec cum decreto valere, nec confirmari post completam legitimam ætatem, nisi præscriptione longi temporis, quæ est sententia *l. ult.* Ac præterea non obstat etiam *l. ob res alienum, inf. de prœd. min.* quæ dicit, prœdia rustica alienari posse ex decreto ob res alienum tantum. Et similiter *l. ult. ejusd. tit.* ob res alienum duntaxat, taxatio illa videtur excludere donationem propter nuptias, vel dotem, ut scilicet nec possint ex decreto alienari prœdia rustica. Sed leve est argumentum plerumque in jure, quod illis taxationibus ducitur, id est, ex illis articulis, *solum duntaxat*. Et id, quod proprie pertinet ad hanc locum aperiam, si respicias ad illa verba orationis Severi: verum est, ob res alienum tantum cum decreto alienari prœdia rustica. Sed ex sententia ejus orationis, vel ex productione rationis et ex interpretatione ampliore manifestum est, etiam ob aliam causam justam, veluti ob nuptias ex decreto permitti alienationem prœdiorum rusticorum. Ergo intelligimus (ut rem omnem concludamus) ex hac lege hodie eodem jure esse mancipia urbana, quo rustica, ut non temere alienentur, vel pignorentur, vel dentur in dotem, aut donationem propter nuptias, sed ex decreto. Et utitur Constantinus hac ratione: quia pupillo, vel adolescenti, etiam servi urbani servire possunt utiliter, et aliquando etiam vitam domini protegere, ac vindicare, et usui esse domino, vel propter notitiam rerum familiarum, qua instruere possunt tutores, vel curatores, vel ad detegendas fraudes tutorum, aut prœdas, quod servi boni, inquit, ultro facturi sunt, mali, adhibitis tormentis. Vel etiam utiles sunt servi urbani propter perfectæ alicujus artis peritiam, vel propter operas, operarumve mercedes, quibus partim se tueri possunt, vitamque suam, partim, ut ait, ex taxatione alimentorum, id est, ex demenso suo, ex diariis, et justis præbitis, ut Græci interpretantur hoc loco, quæ domini debent servis. Et his rationibus censet Constantinus, neque vendendos esse servos urbanos magis, quam rusticos sine decreto, sed retinendos in familia, et conservandos minoribus. Dices, periculum est ne moriantur, melius est igitur citius eos distrahere, etiamsi nulla res cogat. Respondet Constantinus, melius esse eos mori dominis, quam extraneis. Rursus dices periculum esse ne fugiant, ideo melius esse ex iis refici num-

mun. Respondet Constantinus, si fugiant, plerumque fugam imputari tutori, puta quod eis causam dederit tutor, vel curator, per neglectum discipline, vel custodiæ, vel per severitiam, aut avaritiam suam. Ac postremo dices: quot servi, tot hostes, quo etiam proverbio noster Theophilus usus est in *tit. de his qui sunt sui, vel al. jur.* Sed Constantinus huic proverbio derogat fidem, dum ait, eos non execrari, sed eos magis diligere dominos, et quibus scilicet tractantur benigne, et temperate, ut Seneca ait recte: *Non habemus eos hostes, sed facimus, dum in eis superbissimi, contumeliosissimi et crudelissimi sumus*. Et ita Constantinus removel omnes objectiones juris veteris inter mancipia rustica et urbana. Omnia autem vult promiscue servari minoribus, nec distrahi, nisi urgente necessitate, et causa cognita, et auctoritate sive decreto magistratus. Ostendit etiam summa ratio, se velle omnino, ut eodem jure sint prœdia urbana, quo rustica, quia luctuosum est, inquit, et lugubre vendere domum eam, in qua decessit pater. Et sane solet etiam malis moribus depravatis adscribi, si quis vendat domum paternam, et in qua ipse minor fortasse crevit, et in qua majorum imagines non videre fixas, aut revulsas videre, satis lugubre est, nam hæ imagines sequebantur emptorem domus. Et eodem modo loquitur Corn. Tacit. Hist. 3. *ambustasque Capitolii fores penetrassent, ni Sabinus revulsas undique statuas, decora majorum, in ipso aditu v'ce muri objecisset*. Ergo nec domum talem, nec ullam domum, ullumve ædificium urbanum ex hoc edicto tutores, vel curatores vendere possunt sine decreto: sed debent tutores, et legatarius, cui legatus est usufructus, et hæres initio administrationis intestatum redigere, qualia invenerint ædificia, ut appareat quod eorum causa deterius factum sit, ut in *l. 1. §. recte, ff. usufruct. quemad. cav.* Et ita debent sarta tecta tueri, aut reficere, si sit refectio necessaria. Et eleganter subjicit, minoribus sicut subventum est constitutionibus *tit. de sec. nupt.* adversus matres, quæ novis maritis plerumque, et res, et vitam filiorum prioris mariti addicunt, ita æquum esse minoribus subveniri adversus tutores, vel curatores, ne quid temere obligent, vel alienent. Veteres malebant omnia bona, exceptis rusticis, ut dixi, in pecuniam redigi, quia antiqui omne robur patrimoniorum in pecunia ponebant; cum scilicet, dicerent, ut ait Demosthenes, et Æschines, pecuniam esse nervos negotiorum, *νῦν πατρὶν πρῶματων*, sed se arbitrari tutius esse, si bona qualiacunque rustica, vel urbana minorum eis conserventur, quam si ex eis redacta pecunia fœnori occupetur, quia sæpe pecunia abortum facit, et nomina sæpe sunt deto-

riera. Quid fieret lapsis et perditis nominibus, si cetera omnia bona in nummos redigerentur lœnerandos? Tutius igitur et melius est bona conservari, et ita Constantinus censuit, et excipit tamen vestes usu detritas, et generaliter res omnes, quæ facile corrumpi possunt, quæ tempore depereunt, quæ servando servari non possunt, ut fructus prædiorum, *l. ul. inf. quan. decr. opus non est*. Excipit idem animalia supervacua, hæc sola vendere tutores, et curatores possunt sine decreto, et nulla alia.

JACOBI CUJACII J. C.

Ad Lib. V. Codicis.

RECITATIONES SOLEMNES.

Tit. XXXVIII. De periculo tutorum, et curatorum.

Administrationi conjunctum est periculum. Nam si quid per causam administrationis neglectæ, aut gestæ perperam minor amiserit, vel non acquisierit, *l. quicquid, inf. arbit. tut. vel tutor, vel curator eo nomine minorem indemnem damno præstat*, id est, omne damni periculum agnoscit secundum regulam *l. 10. sup. tit. prox.* ut resarciat damnum, qui dedit, quod et aliæ *ll. multæ tit. prox.* demonstrant, *l. 8. 11. 18. 21. 23.* et recte post titulum *de administratione* datur hic tit. *de periculo*, quod, ut supra dixi, administrationi conjunctum est semper, ut id repetamus, quod habuimus *tit. super.* Sed ut intelligatur non semper ad tutores, vel curatores periculum redundare, aut pertinere, hæc proponuntur in *hoc tit.* veluti exceptiones quedam ad *tit. sup.* quo multis locis ostenditur periculum administrationis non pertinere ad tutores, vel curatores, qui administrarunt. Nam in *hoc tit.* primum ostenditur, non pertinere ad eos periculum administrationis collegæ, id est, contutoris, vel concuratoris, qui non in eadem, sed in alia provincia administrat, cum esset inter eos distributa administratio per provincias, *l. 2. hoc tit.* Non pertinere etiam ad eos periculum damni, quod contigit negotiis pupillaribus casu fortuito, sine dolo et culpa tutoris, vel curatoris, *l. 3. et 4. hoc t.* quia nullum hominum consilium potuit prævidere casus fortuitos, et damna fatalia, nullus etiam iis obsistere. Et ideo si res pupilli subito latronum incursum perest, hic casus non imputatur tutori. Non pertinet etiam ad eos administrationis periculum ejus temporis, quo nesciunt se tutores, vel curatores datos, *l. 5. hoc tit.* si modo justam ignorance causam et allegare et

probare possunt. Et postremo non pertinet etiam ad eos periculum futuri temporis, post finitam tutelam, vel curam *l. ult. hoc tit. l. tutores, §. 1. ff. cod.* Sicut ad eos etiam non spectat periculum præteriti temporis, veluti ad curatorem, qui tutori successit, post susceptam curam non pertinet periculum præteriti temporis, id est, tutelæ temporis, *l. 1. sup. tit. prox.* Ergo post *tit. de administratione tut.* qui sane est etiam de periculo (semper enim cum administratione periculum ambulat) datur hic tit. specialis, *de periculo*, ut exponantur causæ, ex quibus a tutore periculum avertitur. Et præterea, ut intelligamus, non eos tantum tutores, vel curatores obstringi periculo administrationis, qui dati sunt administrandi causæ, quod satis docuit titulus superior, sed etiam, quod non docuit, tutores datos notitiæ causæ, id est, ut alios tutores, vel curatores instruant de fortunis pupilli, vel adolescentis, quales plerumque solent dari liberti, qui actores fuerunt rerum domini, vel dispensatores, et qui novere totius familiæ rationes, negotia, bona, suppellectilem. Et hæc est sententia *l. 2. A. t.*

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XXXIX. Quando ex facto tutoris, vel curatoris minores agere, vel conveniri possunt.

Hic titulus est etiam de administratione tutorum, vel curatorum. Nam docet hic titulus, ex lite, quam intendit tutor, vel curator minoris nomine, si condemnnetur, minorem conveniri utili actione judicati, non tutorem, vel curatorem, *l. 1. hoc tit.* Actio judicati est executio sententiæ, quæ sit tum in personam damnati, tum in bona, captis pignoribus, scilicet in causâ judicati. Equum autem est, ne officium tutoris ei sit damnosum, vel curatoris, qui litigaverit nomine pupilli non suo, et non fieri executionem in bona tutoris, vel curatoris, quod etiam obtinet in procuratore, qui se liti non obtulit ultro sine mandato. Nam actio judicati datur domino litis, et in dominum litis, non procuratori, vel in procuratorem, qui alieno nomine litigavit, *l. 6. ff. de re jud.* Item ex mutuo pupillus potest conveniri actione creditæ pecuniæ, si tutor pecuniam mutuam sumpserit nomine pupilli, et converterit in rem pupilli, *l. 3. hoc tit.* Ergo ex his duobus casibus minor convenitur ex facto tutoris, vel curatoris.

Et ex diverso docet etiam hic titulus, minores agere ex stipulatione creditæ pecuniæ suæ interposita a tutore, vel curatore, vel etiam sine stipulatione ex mutuo suæ pecuniæ, quod contraxit tutor actione si certum petatur, *l. 2. hoc tit.* Item potest agere minor ex locatione prædiorum suorum facta a tutore, vel curatore (*qui a baillé à rente son bien*, ut dicunt Galli) *l. 4. hoc tit.* quæ omnia facta continentur nomine administrationis. Et sic in summa duo ponuntur casus in hoc titulo, quibus minor convenitur ex facto tutoris, vel curatoris: et duo, ex quibus agit ex contractu, quem habuit cum alio tutor, vel curator, ex rebus pupillaribus. Dices, ergo per tutorem pupillo acquiritur actio, quod est contra regulam juris: nam per liberum hominem alteri non acquiritur actio, et tutor est liber homo, in cujus potestate pupillus potius videtur esse, quam ipse in pupilli. Et sane regulariter, per tutorem pupillo non acquiritur actio, *l. ult. hoc tit.* ubi ponitur regula *l. solutum, §. per liberam, ff. de pign. act.* quæ nominatim loquitur de tutore. Sed ex his causis, quas retuli, per tutorem pupillo acquiritur actio utilis non directa, *l. 2. hoc tit. l. 2. ff. eod.* Cur utilis? Quia pecunia, quam tutor credidit, fuit pupilli, quia prædia, quæ locavit pupilli fuerunt. Cur non competit directa? quia tutor suo nomine credidit pecuniam pupillarem, vel locavit ejus prædia, non nomine pupilli, alioquin frustra locasset nomine pupilli. Nemo enim contrahit alteri, nec paciscitur, sed sibi, nemo alteri stipulatur, hoc est tritum, sed obtinet in omnibus contractibus. Credidisset autem tutor suo nomine pecuniam non inutiliter, non tantum pupillarem, sed etiam suam, et acquisisset utilem actionem creditæ pecuniæ minori, quia et quilibet alius extraneus credendo suam, vel pupilli pecuniam nomine pupilli, ei acquirit utilem actionem, quia hoc jure singulari receptum est in pecunia credita, ut etiamsi regulariter non recte contrahamus alteri, recte tamen credamus pecuniam, recte contrahamus mutuam alteri, id est, nomine alterius, ac si pecunia esset alterius, *l. 2. sup. per quas pers. nob. acquir.* Ergo quisquis nomine pupilli suam, vel pupilli pecuniam credit, pupillo acquirit utilem conditionem. Qui autem suo nomine pecuniam pupilli credit, non acquirit ei utilem conditionem, nisi sit tutor, vel curator. At quibus ex causis convenitur pupillus ex facto tutoris, directo judicio convenitur, non utili, quia scilicet tutor litigavit, vel pecuniam mutuam sumpsit nomine pupilli, *l. 1. et 3.* Possum alium obligare suo nomine contrahendo, vel quasi contrahendo, veluti judicio accepto lite contestata. Nam contestatio litis est quasi contractus. Non possum tamen alii

acquirere actionem, vel obligationem: nec etiam unquam acquirere directam, sed certis tantum ex causis utilem ex bono et æquo.

JACOBI CUJACII J. C.

In Lib. V. Codicis.

REGITATIONES SOLEMNES.

Ad Tit. XL. Si ex pluribus tutoribus, vel curatoribus omnes, vel unus agere pro minore vel conveniri possit.

Scire nos convenit, cum inter tutores, vel curatores non divisa est administratio tutelæ, vel curæ ratum esse debet quodcumque per unum gestum est, nec quicquid geritur, necesse est geri per omnes, vel administrari. etiam quod unus gessit ratum est, *l. 3 in princ. ff. de adm. tut.* Ergo rata etiam est causæ defensio, quam cessantibus aliis unus exequutus est, *l. 1. h. t.* quod est præcipuum munus administrationis, *l. 30. ff. eod.* Sin autem divisa sit administratio, puta per provincias, tu regis bona illius provincie, ego bona istius provincie, quæ divisio fit auctoritate magistratus, tunc in sua quisque provincia causam pupillarem agere debet, non in aliena, nullus debet se immiscere negotiis alii adscriptis contra divisionem et distributionem factam a magistratu, quia divisio tutelæ est jurisdictionis, *l. inter ff. eod.* Et ideo tutor rerum hujus provincie non potest agere ex contractu pertinente ad aliam provinciam: vel si agat, repellatur exceptione divisionis, *l. 4. ff. eod.* Sed notandum est maxime, quod ait *l. inter*, divisionem tutelæ valere inter tutores ipsos tantum, ne quis alterius munus usurpet, sed suum tantum exequatur, nec tamen eam divisionem posse adferre præjudicium creditoribus pupilli, non posse obstare creditoribus suum repetentibus a pupillo, vel hujus, vel illius provincie tutore auctore, vel ab hoc, vel ab illo. Et ideo, si tutor rerum hujus provincie agat ex contractu suæ provincie, debitor, cum quo agit, potest ei opponere compensationem ex contractu alterius provincie. Quæ est sententia *d. l. inter*. Igitur et si cum tutore hujus provincie agat creditor provincie alterius, non excludetur exceptione divisionis, quia res inter alios acta non debet ei officere. Et quia licet sint plures tutores, unus est pupillus, qui debet, et unum patrimonium: nam unius hominis non possunt duo esse patrimonia, nisi militis peculium pagorum et castrensium, *l. jurisperitos, ff. de exc. tut.* Unus est ergo pupillus debitor, unum patrimonium, licet administratio ejus sit inter tutores divisa. Et hoc ostenditur in *l. Titium, §. ult. ff. eod.* Videtur

tamen cum hac sententia pugnare *lex 2. huj. tit.* dum ait, *divise administratione, iis tantum omnibus litem insinuari, litem denuntiari, id est, hos tantum omnes tutores in jus vocari convenit, ad quos pertinet administratio rerum ejus provincie, ex qua nascitur contractus, ex ejus causa agitur.* Ergo creditor non potest agere cum tutore alterius provincie. Sic resp. *lex 2.* dicit, *iis tantum omnibus insinuari litem convenit, etc.* Sane convenit iis tantum denuntiari; ad quos pertinet administratio rerum ejus provincie, sed non male etiam cum aliis tutoribus alterius provincie creditor experietur sui servandi causa, quia non alligatur legibus divisionis. Et consequenter etiam alii tutores ei solvent recte, ut tutor rerum urbanarum solvet recte, si conveniatur a creditore provinciali, *d. l. Titium, §. ultim.* quanquam esset convenientius quemvis creditorum adire suae provincie tutores. Illud vero expeditum est et certum, litem tantum inferre postea tutores ex contractibus, qui pertinent ad provinciam suam, quod in hac lege sequitur. Et quod ait *omnibus*, est verum, omnes tutores, ad quos pertinet administratio rerum illius provincie, in judicium vocari, omnibus litem insinuari, et condici. Ceterum, vel ab uno causam defendi posse, etiam verum est in *l. 1.* Divisio administrationis tutelae inter ipsos tutores duntaxat locum habet, nec quod inter eos actum est, jus ceterorum, cum quibus nihil actum est, ledere potest. Non potest igitur efficere ea divisio, ut creditor pupillaris non agat cum quo voluerit ex tutoribus: nam res inter alios acta, vel iudicata aliis non nocet. Et hoc etsi non probaretur *l. inter, et l. Titium, §. ult. ff. de admin. tut.* tamen habet naturalem intellectum. Et tamen aliud cavetur *l. 2. h. t.* Nam si *divise administratio fuerit*, inquit, per provincias, iis tantum, et ab iis tantum litem inferri, vel insinuari convenit, qui in ea provincia, unde res, qua de agitur, originem duxit, officium tutelae, vel curae sustinent. Non ergo agat creditor pupillaris cum quo volet ex tutoribus, et divisio inter eos facta, tenebit etiam creditores pupillares, quod iniquum est, et jam ante satis reprobatum. Ideo dicebam verbum, *convenit*: non importare necessitatem. Sed concedamus importare necessitatem, quod et varius est, et rem omnem nunc ita explicamus luculenter. In hac *l. 2.* insinuatio litis significat denuntiationem solemnem future litis, quae olim erat in usu, et fiebat olim apud acta. Igitur haec *l. 2.* est accipienda de solenni denuntiatione illa veteri litis future. Idemque aperte demonstrant *l. 1. C. Th. de denunt. vel ed. resc.* Unde sumpta est haec *lex 2.* quod notandum est, ut plane inde appareat hanc legem *2.* esse referendam ad solennem illam denuntia-

tionem future litis, postquam utrique parti erant constituta certa tempora ad litem exsequendam, et contestandam, post quae agenti obstabat praescriptio temporis, et exceptae erant tantum certae causae et actiones, in quibus ille ordo sollemnis juris antiqui non observabatur, ut causae ecclesiasticae, et causae, quae non excederent summam 100. aureorum, et etiam momenti, id est, de possessione restituenda vel recuperanda, et actio tutelae, et negotiorum gestorum, et querela inofficiosi testamenti, et actio creditae pecuniae, *l. 3. et 6. cod. tit.* Ubi autem observatur ille ordo sollemnis, denuntiationem fieri oportet sollemni more iis, vel ab iis tutoribus tantum, qui in ea provincia tutelae onus sustinent, et *iis omnibus*, ut ait: nec enim alias current tempora post denuntiationem constituta ad litem contestandam, quam si is omnibus ea lis intimata, denunciata, insinuata fuerit. Ceterum causam agi, et etiam contestari ab uno ex iis posse, nemo negabit, quia unus tutor facilius exercet et excipit actiones, *l. 3. §. apparet, ff. de adm. tut.* Ubi autem illa denuntiationis, et temporum observatio cessat, ut in actione creditae pecuniae, sicut dixi, si ad eam pecuniam solvendam minor, vel tutor, vel curator ejus conveniatur evidenti chirographo, vel si quae alia actio sit, quae non excedat summam centum aureorum, tunc protinus creditor agit cum quibus est commodum, etiam cum eis, qui in alia provincia, tutelae officium administrant, quia legibus divisionis factis inter tutores, creditor non alligatur. Ergo apparet *l. 2.* esse restringendam tantum ad sollemnem illum ordinem juris, id est, solennem denuntiationem, solennem observationem temporum, ut ea sollemnitas peragatur secundum formam divisionis tutelae. Ubi ei sollemnitati locus est, non ubi locus non est, sicut hodie nusquam ei sollemnitati locus est, sublati illis ambagibus, ut ait *l. ult. inf. de interd.* Et ita liquet mihi hodie hunc nodum satis difficilem solvendum esse, alioquin est inextricabilis, nisi scilicet d. legem ultim. interpreteris secundum jus vetus, et secundum locum unde sumpta est.

JACOBI CUJACII J. C.

Id Lib. V. Codicis.

RECITATIONES SOLEMNES.

Ad Tit. XLI. Ne tutor, vel curator vectigalia conducat.

Quo expeditior sit tutelae, vel curae administratio, nec oneretur ex alia causa graviore, cavetur in h. tit. ne tutores, vel curatores fiant publicani, pra-

gers, ne conducant vectigalia fisci, antequam paria cum suis minoribus fecerint, id est, ante redditas rationes tutelae, et reliqua. Quod etiam ostenditur in *l. 1. §. ex illa, ff. ad l. Corn. de fals. et l. εἰ σὺν ποσὶ, ff. loc.* Quae leges etiam docent id juris esse ex constitutione Severi et Antonini, et non tantum inhibere conductionem vectigalium, sed etiam quemlibet alium contractum fiscalem, et non tantum conductionem vectigalium fisci, sed etiam conductionem praediorum Caesaris. Hujus prohibitionis duae sunt rationes. Una respicit pupillum, ne tutelae administratio, et obligatio oneretur ex causa fiscali, ut in *l. locatio, §. debitores, ff. de publ. dicitur debitores fisci, vel Reipubl. non posse conducere vectigalia fisci, ne ex alia causa, inquit (eadem enim ratione utitur) eorum debita onerentur: altera ratio respicit fiscum, qui ut pupillos tacitam habet hypothecam in omnibus bonis debitoris sui: uterque habet tacitam hypothecam, *l. aufertur, §. fiscus, ff. de jur. fisc.* ne scilicet privilegio temporis in hypothecis praelato pupillo, quod tutela sit vetustior conductione vectigalium, nihil fisco supersit ex bonis publicani, quo suum sibi servare possit. Denique constitutio Severi et Antonini excludit fraudem fisci, et eodem modo providit fisco suo plurimum, et adjecit poenam, si tutor, vel curator fuerit publicanus: ut si dolo malo versatus tutor in celanda priore hypotheca: quae ex causa tutelae, vel curae descenderit, accedat ad conductionem vectigalium fisci, vel alium contractum habeat cum fisco, qui si id scisset, cum eo non contraxisset, teneatur, lego Cor. de falsis, quia obrepsit, et imposuit fisco. Obreptio illa, et impostura, et reticentia, sive suppressio veritatis, et tutelae, qua nondum solutus erat, falso comparavit, et tenetur crimine falsi, non quidem ex ipsa lege Cornelia, sed ex constitutione illa, quae legem produxit ad hunc casum. Sed ut caveatur in constitutione hujus tituli, tutor, qui semel incidit in hanc poenam falsi ex hac causa per subreptionem, et *συνάραγνις*, ut vocant, conducto vectigali fisci, si postea satisfaciat utrique in solidum, pupillo et fisco, facile impetrabit veniam criminis a Principe. Tutius est veniam petere, ut in *l. Divus, §. plane, ff. de lege Corn. de fals.* quia satisfactio sola non purgat crimen, nec liberat poenam eum, qui semel commisit in legem, *l. qui ea mente, ff. de furt. l. ult. ff. vi bonor. rap.* Et ideo recte Imperator ait in hac lege, *quoniam me ultro adisti*, veniam scilicet petens admissi falsi, et satisfacti utrique, ita ut nihil amiserint, remittimus tibi poenam falsi. Et hoc quidem, quod dixi hactenus, locum habet, si tutela fuerit vetustior conductione vectigalium. Non enim qui tutelae tenebatur, potuit postea publica conducere, et publicanus fieri. Quid si vectigalium conductio vetustior*

sit tutela? an incidet in crimen falsi: quod susceperit tutelam postea, ita ut idem inveniat eam et tutor et publicanus? Minime. Et hoc est quod ait haec eadem lex in fine, cum se posse excusare periculo, id est, periculo falsi, ut Basilic. accipiunt recte, in quibus loco illorum verborum, poterit te periculo excusare: ita est, ἀπὸ πλῆκτος τοῦ τῆς πλαστογραφίας ἐγκλήματος, id est, liberatur crimine falsi, et additur ratio in *d. l. 1. §. ex illa, ff. ad leg. Corn. de fals.* quia illa constitutio Severi et Antonini, de qua tractamus, fraudem fisci excludere voluit, et amovere, quae nulla est, cum fisco prior est hypotheca, quia prior contraxit. Nec etiam constitutio illa admisit excusationem tutelae delatae ei, qui ante cum fisco contraxerat: nam illa constitutio non loquebatur specialiter de conductore vectigalium fisci, licet haec de eo loqueretur specialiter: sed generaliter loquebatur de eo, qui contrahit cum fisco, ut ne contrahat, si tutelam ante gesserit. nec dum rationes reddiderit: sed ex diverso contraxerit cum fisco, ne etiam excusatur a tutela, quae nunc ei deservit, quia scilicet non quicumque contraxit cum fisco, non quicumque obligatus est fisco, a tutela excusatur, neque enim id justum est et æquum. Conductor vectigalium fisci excusatur a tutela, quia illa negotiatio est operosa, et implicita nimis, anxiosa nimis, et sollicita, *l. in honoribus, §. non alios, ff. de vacat. muner. l. 1. inf. de conduct. vectig. §. c. lib. 10.* Conductor etiam praediorum fisci vel Caesaris excusatur a tutela, ut sit maris idoneus praediis exercendis, *l. pen. §. coloni, ff. de jura immunit. nisi scilicet videatur utrumque posse tractare et administrare sine damno fisci vel Caesaris, l. ult. §. 1. ff. ad municip. secundum quem nobis est interpretanda lex coloni, inf. de excusat. tutor.* Procurator etiam fisci excusatur a tutela, vel cura, *§. item D. Marcus, Institut. de excus. tutor.* Hi excusantur, sed generaliter quicumque contraxit cum fisco, et ei obligatus est, ejus excusatio non admittitur a tutela, vel cura, nec admissa illa constitutione Severi et Antonini, sed fraus tantum excluda, ne qua fieret publico, et fisco. Et ita hoc est explicandum, quod tamen erat difficile. Illud adnotandum est praeterea, ne tutor, vel curator conducat vectigalia fisci, sic esse accipiendum, ut illa verba satis indicant: *Cum autem fisco te jam obstrictum, postea tutorem, etc.* Nam aliud est in vectigalibus civitatum. Tutor enim non prohibetur conducere vectigalia civitatum, non excusatur a tutela *l. οὐδὲν, §. οὐδὲν, ff. de excusat. tutor.* Et ratio differentiae est evidens, quia civitates ceterae praeter urbem sunt privatorum instar, *l. cum qui, ff. de verb. signif.* et non habent tacitam hypothecam, sicut fisco in bonis debitorum suorum,

in l. 2. *inf. de jure Reipub. lib. 11.* ita ut sine civitatum fraude, sine fraude hypothecæ, quæ nulla competit civitati, recte conducat vectigal, qui ex causa tutelæ obligatus est, et etiam bona sua omnia eadem ex causa obligata habet. Et notandum est iis, quæ diximus, nihil ob stare l. 1. *supr. rem. alien. ger.* dum ait, tutorem posse fundum suum obligare fisco cum suo onere, id est, cum causa generalis hypothecæ, quam habet pupillus in omnibus bonis suis. Ergo tutor non prohibetur contrahere cum fisco. Respondeo ibi fundum specialiter obligari, quia casus de speciali hypotheca non continetur constitutione Severi et Antonini: sed is casus, quo fisco competit generalis tacita hypotheca, quam non habet fisco in ceteris bonis debitoris, si eis res certa obligata sit specialiter, quia lex dedit tacitam hypothecam, et non solet lex cavere ei, qui sibi præcavit. Denique non dat lex generalem tacitam hypothecam fisco, qui fuit contentus speciali. Et hujus rei argumentum præbet *lex ult. sup. de pact. conv.* Et hoc est quod dicunt doctores: provisionem hominis tollere provisionem legis. Eademque ratione nihil obstat iis, quæ diximus, si dicis tutorem, qui conducit vectigal fisci, vel alias cum fisco contrahit, quod celaverit, fisco de onere tutelæ, teneri crimine stellionatus: ergo non teneri crimine falsi. Nam stellionatus crimen est subsidiarium, id est, ei locus est tantum, cum aliud nomen criminis deficit, l. 3. *ff. de crim. stell.* Nam respondeo, eum teneri crimine stellionatus, qui rem eandem duobus in solidum separatim obligat pignori, posteriori scilicet creditori dissimulata obligatione prima. Crimini igitur stellionatus locum esse in speciali hypotheca ejusdem rei, quam quis duobus in solidum nexit, vel opposuit, l. tutor, §. contrarium, l. si quis in pignore, §. ult. *ff. de pign. action. l. ult. inf. de crim. stell.* Sed nos hic non agimus de speciali hypotheca, id est, de eo, qui rem eandem obligaverit specialiter pupillo et fisco: sed loquimur de eo, cujus bona omnia generaliter pupillo erant obligata tacito jure, ut scilicet in fraudem fisci collans generalem illam hypothecam priorem, cum fisco non contrahat. Et hunc tantum, qui celat generalem hypothecam, dicimus teneri falsi, non etiam crimine stellionatus. Et hoc est ex constitutione Severi et Antonini: alioquin nec hoc casus esset crimen falsi. Et ut sit crimen falsi re obligata duobus specialiter fraudulenter, opus est constitutione, quæ deficit tamen. Et ne id sit impunitum, superest crimen stellionatus. Sed et in speciali hypotheca contracta cum duobus in solidum et separatim, potest esse locus crimini falsi, puta si obligans eandem rem posteriori creditori, mentitus sit palam, eam rem alii obligatam esse, exemplo creditoris, l. qui duobus, D. ad leg. Corn. de fals. Men-

dacium est species falsi, sed si tacuerit tamen, si dissimulaverit priorem obligationem, cessat crimen falsi, et locus est subsidiario crimini, nempe stellionatus. Postremo non omitam, quod competentem judicem (quæ sunt prima verba hujus legis) Basilica interpretantur *κατάκλητον*, id est, procuratorem Cæsaris, quem posteriores dixere Catholicum quasi generalem procuratorem. Laudo hanc interpretationem, quia hujus rei cura atque ultio pertinet ad procuratorem Cæsaris, si qui tutela nondum liberatus est, ad conductionem vectigalis fisci accesserit. Etiam illud non prætermittam, quod glossa tentat, huic constitutioni Severi et Antonini locum esse, et crimini falsi ex ea causa, si vivat pupillus vel adolescens, ejus tutela vel cura gesta est: quoniam habet priorem tacitam hypothecam in omnibus bonis tutoris. Non si mortuus sit pupillus, et nondum redditæ sint rationes tutelæ. Nam si post mortem pupilli, etiamsi tutor nondum liberatus sit tutela, licita est conductio vectigalium, quia nulla intervenit frans fisci. Cur ita? quia privilegium tacitæ hypothecæ, et privilegium personale, id est, quod vertitur inter actiones personales, solus pupillus habet, utrumque privilegium cohereret soli personæ pupilli, nec transfertur in heredem ejus, quod est maxime notandum, l. 1. §. *iidem Principes*, D. ad leg. Corn. de fals. l. ex pluribus, D. de adm. tut. l. dabimusque, §. 1. de reb. auct. jud. poss. Ergo cum morte pupilli finita sit tacita hypotheca, evitens est sine fraude fisci sequi conductionem vectigalium, quia solus fisco est habiturus tacitam hypothecam in universis bonis.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XLII. De tutore, vel curatore, qui satis non dedit.

Ex hoc titulo intelligimus non habere potestatem administrandi (nam et hic titulus est de administratione) tutorem, vel curatorem legitimum, aut petitem, et datum sine inquisitione facultatum, et morum, nisi pro tutelari officio satisfecerit, nempe tutelam scilicet minorum salvam fore: et quicquid gessit, qui satisfacere debuit, nec satisfecerit, vel litigando, vel alienando, vel bonorum possessionem agnoscendo nomine pupilli, vel alio quocunque modo, id ipso jure nullam est, quia non

est legitimus administrator, qui non satisdedit, cum satisfacere debuit, *l. 3. et l. ult. hoc tit.* quæ *l. 3.* repetita est in *l. 4. sup. in quibus causis in integ.* Legis ultimæ hujus tit. inscriptio ita est corrigenda: *Imp. Constantius et Maximianus AA. et Severus et Maximianus Cæsares, non Severo et Maximo, quod plurimum conducit ad notitiam historię illorum Imp. Est similis inscriptio in l. 1. sup. de feriis, et in antiquo lapide urbis Romæ: Constantius et Maximianus inv cti AA. et Severus et Maximianus Cæsares thermas ornarunt, et ornamentis suis dedicaverunt. Sed pergamus. Legitimi, vel dati sine inquisitione non sunt justi administratores sine satisfactione tẽm pupilli, vel adolescentis salvam fore. Satisfactio est fidejussorum datio, qui pro tutore se obligant minoribus. Non eadem est conditio tutoris jure dati testamento, vel etiam non jure dati, sed confirmati decreto prætoris, aut præsidis: hic enim non satisfacit rem pupilli salvam fore, etiamsi confirmatus sit sine inquisitione, *l. 4. hoc tit.* ut puta, cum datus esset tutor a patre filio emancipato, hic non datus est jure, sed confirmatur sine inquisitione, *l. 4. ff. de test. tut. l. 1. ff. de conf. tut.* nec tamen oneratur satisfactione, quia fides ejus, et diligentia a patre approbata est. Approbatio patris pro satisfactione est. Eadem est etiam conditio tutoris dati, et petiti ex inquisitione, quia idoneus est electus, et non tantum electus, sed etiam pronuntius idoneus esse, *l. 3. D. de conf. tut. et Instit. tit. de satisfac. tut.* Et generaliter quicumque curator bonorum, curator calendarii civitatis, nullus curator, qui ex inquisitione eligitur satisfacit, *l. bonorum, ff. de cur. sur. l. ultim. §. item rescripserunt a curatore, ff. de adm. rer. ad civit. pert.* Inquisitio est, idonei, per inquisitionem electio, pronuntiatioque pro satisfactione est. Sed si sunt plures tutores dati testamento, vel ex inquisitione, quos diximus non onerari satisfactione de tutela, vel cura, ex edicto Prætoris, qui ex eis ultro obtulerit satisfactionem, rem minoris vel pupilli salvam fore, causa cognita solus suscipiet administrationem tutelæ, ceteri erunt honorarii tutores, *l. 4. hoc tit. l. qui injuriae, §. ult. ff. de furt. l. dativus, D. rem pup. salv. §. si ex testamento, Inst. de satisfac. tut.* Et si forte plures sint satisfacere parati, si plures offerant satisfactionem, vel satisfaccptionem (nam non satis est si dicam, satisfacabo, nisi etiam dicam, vel tu satisda, et administra, ego sum paratus vel satisfacere, vel satisfaccipere) Si igitur plures hoc idem offerant, causa cognita, et æstimata persona tutorum, vel fidejussorum, qui offerunt, idoneior præfertur, et administrat solus, *l. 18. D. de test. tut.* Male autem glossa in *l. 1. hoc. tit.* scribit ex constitutione Græca, quæ refertur in *§. pen.**

Instit. de Attil. tut. hodie etiam eos satisfacere, qui petiti, et dati sunt ex inquisitione. Est enim falsum omnino id caveri in constitutione; uno in ea nulla sit prorsus mentio ejus inquisitionis: sed ut defensores civitatum, adhibito episcopo vel magistratus municipalis consilio, id est, domiviris in provinciis, in municipiis dent tutores, vel curatores exacta satisfactione. Nec tamen mens est hujus constitutionis, ut ea satisfactio exigatur, si inquisitio præcesserit. Et exstat ea integra constitutio hodie in *l. 30. sup. de episc. aud.* Et hæc brevi comprehensione hujus tituli intelligimus in causa satisfactionis rem minoris salvam fore, non eandem esse conditionem omnium tutorum, vel curatorum, alios onerari satisfactione, alios exonerari.

JACOBI CUJACII J. C.

In Lib. V. Codicis

RECITATIONES SOLEMNES.

Ad Titul. XLIII. De suspectis tutoribus, et curatoribus.

Recte superiori titulo applicitus est hic titulus de suspectis tutoribus, et curatoribus. Nam tutor, vel curator, qui cum satisfacere debet, non satisfacit, vel compellitur ad satisfactionem capitis pignorum, et distractis, ut in *§. pen. Institut. de satisfac. tut.* vel removetur tanquam suspectus, sine infamia id est, salva existimatione, si gratia inopie hoc faciat, *par facto de credit:* vel removetur cum infamia, si dolo malo hoc faciat, et contumaciter, si ve maligne. *l. 1. et 2. tit. sup.* Et quod prætermisi, id nimirum consulta opera rejiciens in hunc tit. in *l. 1. sup. tit.* nesciunt vulgo ponere speciem, et est satis difficilis posita, quam liquido sic possis exponere. Pingo, litem habet adolescens ex causa creditæ pecuniæ cum eo, qui ei curatorem dedit minus idoneum, cum fungeretur magistratu in suo municipio, non exacta satisfactione: quo genere dupliciter peccavit, quod dederit minus idoneum, et satisfactionem non exegerit. Ceterum ea de re nondum agit adolescens cum eo, sed ex quadam alia causa, verbi gratia, creditæ pecuniæ, nondum etiam potest cum eo agere, quod minus idoneum dederit, et quod non satis exegerit, videlicet actione in factum, quæ competit in magistratus municipales, qui minus idoneos tutores dederint, vel pupillis satisfactione non prospexerint. Ea actio competit ex senatuscons. sive oratione Trajani, *l. pen. inf. de magistr. conv.* Ea, inquam, nomine nondum competit adolescenti actio illa in factum, quia est actio subsidiaria, et non-

dum est finita cura, nondum excussus curator, qui utique excutendus est, priusquam veniatur ad magistratum, vel eum, qui magistratum gessit, et cum eum gereret minus idoneum tutorem dedit, vel satisfdari non caverit. Ergo ex ea causa adolescens nondum potest queri, vel agere ex oratione Trajani: sed ex alia causa agit, et cum male habet, quod agat cum eo, qui ei curatorem dedit, eodemque curatore auctore, quia minor 25. annis non habet legitimam personam standi in iudicio sine curatore. Verum lex ait in promptu esse, quo se ea anxietudine liberet nimirum compellendo curatorem ad satisfactionem, vel eo removendo, et repellendo tanquam suspectum decreto prætoris, quo remoto alius datur. Sicut etiam tutor, ex quo scivit se esse tutorem datum, si cessat administrare, vel extra ordinem compellitur administrare, vel removetur tanquam suspectus, l. 2. et 4. hoc tit. Et ita est explicanda species l. 1. Placet etiam vicinitas tit. sup. quod ex ea apparet non exigi quidem satisfactionem a tutore dato testamento patris, ut dixi, sed tamen suspectum posse postulari, qui a patre testamento datus est, si res pupilli fraudulenter administrare conguatur, l. 4. hoc tit. Et quod diximus cessantem in administratione, cessare primum suo periculo, deinde compelli posse ad administrationem, vel si in eadem contumacia perseveraverit, removeri posse tanquam suspectum: hoc sic accipiendum est, non quasi suspectus haberi debeat, qui simpliciter non gerit tutelam, nam ob id solum specialiter, quod non gerat, suspectus postulari non potest, l. 4. §. ult. ff. eod. Quid enim si sit honorarius tutor? quid si notitie causa datus? Ergo non gerere specialiter non est vitium, sed non gerere, cum gerere debemus, dum administratio nobis incumbit et cessamus ob ignaviam, vel negligentiam, vel dolum, hoc enim casu rejiciatur decreto prætoris tanquam suspecti, et male fidei. Sciendum autem est postulationem suspecti, crimen, et accusationem esse ex duodecim tabulis, que patet omnibus, etiam extraneis, et quasi publica actio est l. 6. hoc tit. l. 1. §. consequens, l. 3. §. liberti, ff. eod. tit. Et patet etiam mulieribus, licet alias mulieres non admittantur ad accusationem, l. qui accusare ff. de accusatione. Ac similiter iure singulari, licet regulariter nemo damnatur sine accusatore, tamen removetur tanquam suspectus sine accusatore, si prætori liqueat argumentis rerum evidentissimis, suspectum eum esse, et male versari in tutela, vel cura, l. 3. §. prætorum, ff. eod. tit. hoc exigit favor pupillorum, et publica utilitas, ut quilibet possit tutorem arguere suspecti, et probare, et convincere, et inde remove re elicto decreto prætoris, vel præsidis, ut etiam mulieri suspecti accusare liceat, ut etiam sine

Tom. IX.

accusatore removeri possit tanquam suspectus officio prætoris, et ut hoc solo casu sit suspecti actio. Nam nullus est alius casus extra tutelam, et curam, in quo locum habeat similis actio. Hoc sunt admessa favore pupillorum, et nomine publicæ utilitatis, quoniam negotia pupillaria pertinent ad publicam curam, l. 10. §. ult. D. de test. tut. l. 1. ff. de excusat. tutor. l. 2. ff. qui pet. tut. l. 2. §. tractari, ff. ad Tertull. l. 19. Cod. Theod. de curator. Et sciendum etiam est, hanc accusationem, seu postulationem suspecti irrogare infamiam, si tutoris, vel curatoris dolus malus et fraus arguatur et probetur: non irrogat autem infamiam, si negligentia eius tantum arguatur, vel ignavia, vel rusticitas, l. ult. hoc tit. Qua de causa necesse erat in decreto prætoris, quo removebatur tutor, tanquam suspectus, exprimi causam remotionis, l. 3. §. ult. l. 4. ff. eod. puta hoc modo: Quando Lucius Titius tutelam C. Seji ob ignaviam gerere non potest, eum ob eam rem tutela abire placet, hoc decretum non irrogat infamiam. Sed si ita dixerit: quando Lucium Titium tutorem C. Seji paret in ea tutela fraudulenter versatum esse, eum ob eam rem tutela abire placet: hæc sententia irrogat infamiam. Ergo removetur tutor ob dolum et fraudem, vel ob culpam et negligentiam, segnitiam, simplicitatem, nunquam propter paupertatem. Fraus, aut negligentia vitio vertitur, non paupertas, pauperté n'est pas vice, comme l'on dit, l. 5. et 6. hoc tit. l. suspectum, ff. eod. Postremo notandum est, tutorem postulatam suspecti: pendente litis cognitione abstinere debere administratione tutelæ, et interim ei adjungi curatorem ad administrandum, l. 7. hoc tit. non tutorem, quia tutorem habenti tutor non datur. Et postulatio suspecti non finit tutelam, sed damnatio. Igitur huic actioni suspecti locus est manente tutela, nec postulatio desinente esse tutore, cum tamen actio tutelæ non habeat locum manente tutela, sed finita tantum tutela, l. 1. et pen. hoc tit. Ergo actio suspecti locum habet durante tutela, non finita tutela: actio autem tutelæ, finita, non durante tutela.

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. XLIV. De in litem dando tutore, vel curatore.

Hic titulus est de tutore, vel curatore, ad quem non omnium rerum pupillarium administratio pertinet, sed unius rei tantum, unius litis defensio,

nempe ejus, quam pupillus ex alia causa, quam ex tutela habet (quoniam tutelae non agitur, nisi finita tutela) ejus ergo litis, quam pupillus ex alia causa, quam tutelae intendit tutori, vel tutor pupillo suo, nec enim pupilli persona est legitima in judicio sine tutore, vel curatore, et hic tutor, qui acturus est cum pupillo, vel excepturus actionem pupilli in rem litemve suam, pupillo litem inferenti, vel excipienti auctor esse non potest, secundum regulam juris civilis, ut tutor non sit auctor in rem suam, l. 1. ff. de auctor. tut. et non potest etiam semper tutor, si qua ei res sit cum pupillo, vel pupillo cum tutore, sibi solvere, vel a se exigere, ut in l. quotiens, §. item si, et §. sicut, ff. de adm. tut. Non si actio fuerit in rem, id est, si fuerit questio dominiij cujusdam rei, non etiam si fuerit actio in personam, de qua non admodum liquet, non etiam si fuerit tutori actio in personam, et in bonis pupilli non sit pecunia, unde tibi solvat, d. §. sicut, et l. divortio, ff. de neg. gest. tunc sane necesse est adire judicem, necesse est litigare. Ergo moribus receptum est, ut ait Ulpianus lib. reg. tit. de tut. ut tutorem justum habenti, sive ipse sit pupillum provocaturus ad judicium, sive pupillus ipsum, in eam litem specialis tutor datur, quo auctore pupillus experietur, atque contendat cum justo tutore suo. Et hic specialis tutor ad eam litem dicitur tutor praetorius, quia hoc solo casu datur a praetore sine lege alias dat tutorem ex lege Atilia, vel praeses ex lege Julia et Titia. Hoc casu etiam sine lege invaluit mos iste, ut ad litem futuram cum justo tutore praetor det specialem tutorem. Hodie tamen in extraordinariis judiciis non tutor, sed curator datur, quo auctore lis peragatur cum justo tutore, et ea peracta lite curator esse desinit, §. ult. Instit. de auct. tut. l. 3. §. pen. et ult. et l. 3. ff. de tut. More igitur antiquo ad litem datur specialis tutor, jure novo curator, ordinario, et solenni tutor, jure extraordinario curator, l. 3. h. t. dum ait, tutor vel curator, utrumque jus notat, ut scilicet tutor datur ad litem, si jure ordinario agatur, quod est solemniter: ut vero curator datur si agatur extra ordinem detractis solemnitatibus et formulis juris. Et sane verius est, promiscuam fuisse hac in re dationem tutoris, jure ordinario, vel curatoris extra ordinem, sicut in ceteris causis, in quibus dicitur, tutorem habenti tutorem dari, invenies etiam curatorem dari videlicet extra ordinem. Et e contrario, ut memini me ostendere sup. in tit. 56. Quinimo lex 4. hoc tit. abscise ait, ad litem tutorem dari, respiciens scilicet ad jus ordinarium, tutorem igitur praetorium. Ac praeterea l. ult. hoc tit. fatetur quidem ex solemnitate juris dandum esse tutorem ad litem, quam pupillus habet cum justo tutore suo. Idque juxta regulam juris, ut in om-

nibus, quae solenni et legitime ordine expediuntur per formulas certas, atque solennes, quae solemnitate juris desiderant, tutor adhibeatur non curator pupillis, l. curatorem, ff. de auct. tut. l. cum in una. D. de appell. Sed quia plerumque hodie agitur extra ordinem omissis solemnitatibus, l. actio, D. de neg. gest. l. pen. infr. de interd. hodie efficere curatorem, et ita demum tutorem exigere specialem, si agatur solenni, legitimo, et ordinario jure. Et ita sunt explicanda verba legis ultimae, curatore ad litem constituto, et solemnitati juris, ubi tutor exigitur, prospici possit, quia ea solemnitas juris hodie scrupulosius non observatur, nisi quis eam observari velit. Ut licet tibi codicillos facere, et idem codicillis cavere, quod testamento, ubi solemnitas non exigitur, sed interim tamen si vis condere testamentum solemniter vide quid agas. Nam si vel minimum in solemnitate peccaveris, irritum erit testamentum, et injustum, id est, non solenne. Et ita omnino explicandus est hic titulus, quod tamen non patet omnibus. Verum nunc satis est: nam etiam exponere debeo speciem l. 2. quae est admodum difficilis. Sciendum est venditorem emptori non teneri evictionis nomine, neque actione ex empto, in id quod interest, id est, in simplum, neque ex stipulatione dupli, quam plerumque venditor emptori promittit. Et dupla est altero tanto pretio amplius. Promittit igitur duplam, id est, si res empti sit 100. et evicta sit emptori, promittit redire emptori 200. vice ejus, quod interest. At neque hac actione utitur emptor, nisi illa mota questione dominiij statim denuntiaverit venditori, vel heredi ejus, ut liti assistat, eamque defendat: *S'il ne l'appelle à garantir pour le défendre en ceste cause*, quod est laudare auctorem, id est, nominare venditorem. Illaudatus venditor, qui n' a pas esté appelé à garantir, vel haeres ejus non tenetur de evictione, ne ex stipulatione quidem, l. 1. sup. de peric. et com. rei vend. l. 7. 8. 20. 21. et aliae multae, inf. de evict. ff. eod. Sciendum rursum est, posse laudari pupillum sine tutoris auctoritate, si tutor non appareat, l. si dictum, §. ult. ff. de evict. Ceterum lis defendi debet tutore auctore: denuntiabitur pupillo, laudabitur pupillus, quasi venditor, vel quasi haeres venditoris, sine tutore, non male, sed liti non assistet sine tutore. His cognitis, finge, quae est species l. 2. Frater fundum paternum, quem communem habebat cum fratre, vendidit in solidum, non consentiente fratre, et vendidit Lucio Titio, et ei promisit duplam ob evictionem, si quando forte ei fundus evinceretur, aut pars ejus. Postea vita decessit, relicto herede filio impubere, cujus tutelam suscepit frater superstes, patruus pupilli, et vindicat partem fundi paterni a Lucio Ti-

tio emptore, quam non jure ei vendidit defunctus frater. Lucius Titius laudat pupillum, *l' appelle à garand*, quasi h. e. idem auctoris, id est venditoris. Quaritur an vindictio impediatur, videlicet, quod idem sit actor, et defensor pupilli, qui liti subsistat. Lex ait, tutorem acturum recte, et vindicturum partem fundi, si laudatum pupillum non defendat ipse, quoniam res ejus agitur, sed specialis curator datur ad defendendam eam litem: sic recte iudicium peragetur, et sine ullo scrupulo, alioquin si non fuerit datus curator ad eam rem defendendam, et eviderit tutor partem, quam vindicavit, atque ita pro parte promissa fuerit stipulatio duplæ adversus pupillum, evidens erit, pupillum oneratum fuisse dupla facto tutoris, quod non convenit officio tutoris, et poterit ei imputari iudicio tutelæ id, quod ultra simplum, id est, ultra pretii quantitatem, pupillus emptori solvere coactus est. Igitur tutor ne jus suum impediatur, id est, ne ejus rei, quam eviderit, pretium, quod supra simplum pupillus præstitit, pupillo refundere cogatur, et ita quodammodo rem suam emere, rectius fecerit si curaverit curatorem ad eam litem specialiter dari pupillo, vel etiam, ut lex ostendit, si omnino non vindicaverit ab emptore partem fundi paterni, quam frater pupilli vendidit Lucio Titio, quia ex ea causa pupillus ei obligatus est hereditario nomine, actione negotiorum gestorum, vel familiæ ereiscundæ, ut pretium partis venditæ a patre restituat, *l. 1. sup. de rebus alienis non alienandis, l. 1. sup. de rer. comm. alienat.* Et finita tutela, id quod debuit ei pupillus actione illa negotiorum gestorum, vel familiæ ereiscundæ, poterit ab eo consequi contraria actione tutelæ, ratam habendo venditionem partis, nec infringendo eam, vel etiam si tutor conveniatur directa actione tutelæ poterit id reputare pupillo jure compensationis, *l. 1. §. præterea, et §. seq. de tutel. et util. act.* Et ita est explicanda lex 2. quod valde notandum est, alioquin per se est obscurissima.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XLV. De eo, qui pro tutore negotium gessit.

Breviter ostenditur in hoc titulo non tantum justum tutorem, vel curatorem teneri ex administratione, sed etiam eum, qui quasi tutor, vel curator aliquid administravit, cum non esset tutor, vel esse non posset: ut puta miles, vel mulier, vel

datus a muliere, quasi tutor, ex administratione tenetur actione protutelæ prætoris: alia est actio tutelæ, quæ est civilis, alia protutelæ, quæ est prætoris, ut alia est conditio ex mutuo, alia ex promutuo. Tenebitur, inquam, actione protutelæ, si administravit, quasi ex necessitate officii, ut tutor, puta, existimans se esse tutorem: nam si sponte sua, ut gestor amicus, et voluntarius accesserit ad negotia pupillaria, non tenetur protutelæ, quia ut gestor gessit, non ut tutor, vel voluntarius procurator, non ut tutor, sed tenetur actione negotiorum gestorum, *l. 4. sup. de test. tutel.* quasi curator autem tenetur utili actione negotiorum gestorum, *l. 4. sup. qui dari tut. vel cur. poss.* Quæ actiones privilegiantur sunt, quoniam in eis vertitur utilitas pupilli, perinde atque actio tutelæ, vel negotiorum gestorum, quæ tenetur verus curator. Porro non est omittendum, quod ait *l. 2. hoc tit.* his agentibus nomine pupilli, qui sunt quasi tutores, vel curatores, posse opponi exceptionem, *si tutor non est, si curator non est*: quæ verba accipienda sunt pro formula exceptionis.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Titul. XLVI. Si mater indemnitem promisit.

Hic titulus est de periculo administrationis, quod aliquando mater suscipit promittendo indemnitem, et securitatem pupillo filio suo, vel tutori ejus ex causa tutelæ, vel curæ: et quidem si pupillo pro tutore, vel tutori pro pupillo indemnitem promiserit: nam inter tutorem, et pupillum ex causa tutelæ sunt mutue actiones, directa tutelæ pupillo finita tutela, et contraria tutelæ tutori. Si, inquam, mater vel pro tutore pupillo, vel pro pupillo tutori sua sponte indemnitem promiserit, intercessio est, quæ infirmatur Senatuscons. Vellejano de intercessionibus mulierum. Intercedit enim mulier, quæ se alii pro alio obligat sua sponte, tutori pro pupillo, vel pupillo pro tutore. Et ideo si conveniatur ex ea intercessione, tuetur se Senatusconsulti Vellejani exceptione, et beneficio, quo infirmantur intercessionibus mulierum, *l. 1. hoc tit.* Et hoc verum est, eum hac exceptione, quæ proponitur in *l. 3. hoc tit.* nisi decreto prætoris, aut presidis tutorem dantis nominatim comprehensum sit, periculo matris, quæ tutorem petit, tutorem dari: quod aliquando decreto com-

prehendit prætor, dum arbitratur non admodum idoneum esse eum tutorem, quem mater petiit. Hoc casu intercessio matris non rescinditur Senatusc. Vellejano, *d. l. 3.* Unde valde notandum, Senatusc. Vellejanum iis tantum mulieribus opitulari, quæ se pro aliis ultro obligarunt, non si decreto prætoris: nam decreta prætorum senatusconsulta non infirmant. Nec igitur intercessionem mulierum interpositas decreto prætorum, vel præsidis. Sed si mater tutorem pro tutore ipso, non pro pupillo, vel pro alio indemnitate promiserit, puta dum caput tutorem sibi permittere administrationem rerum filii sui pupilli, vel partem administrationis: hoc vero non est intercedere, quia alii se pro alio non obligat; sed ipsa facit hanc obligationem, et ideo non juvatur Senatusc. Vellejano, quæ est sententia *l. 2. hoc tit. et l. si mater, sup. ad Vell. l. tutor, l. quamvis, ff. ad Senatusc. Vell.* Et ideo si finita tutela pupillus tutorem elegerit, exacta ratione administrationis, mulier, quæ tutorem promisit indemnitate, indemnem tutorem damno præstare debet. Dico si tutorem elegerit: nam et pupillo liberum est cum matre, quæ bona sua administravit tutore concedente, agere actione negotiorum gestorum, *l. si mater, sup. de usur. l. fidejussor, ff. de neg. gest.* Ergo mater tenetur tutorem ex stipulatione, quia ei promisit indemnitate, pupillo non tenetur ex stipulatione, quia ei non promisit, *l. tutorem, inf. arb. tut. sed tenetur negotiorum gestorum, et electio est pupilli, utrum agat tutelam cum tutore, an negotiorum gestorum cum matre, quæ negotia gessit, quæ electio etiam in l. 2. hoc tit. significatur verbo malunt.* Et secundum hanc leg. 2. est accipiendum, quod ita Paulus scribit *lib. 2. Sent. tit. ad Vell. Mater, quæ pro tutoribus filiorum suorum indemnitate promisit, ad beneficium senatusconsulti non pertinet.* Hæc sententia est vera, si pro tutoribus pupillis promisit indemnitate: hoc est intercedere, et pertinet ad SC. Vell. Sed si tutoribus pro ipsis tutoribus indemnitate promiserit, intercessio non est, ut in specie *l. 2.* Nam intercedere est alii pro alio obligare, non eidem pro eodem ipso se obligare.

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. XLVII. Si contra matris voluntatem tutor datus sit.

Hic titulus respicit ad titulum 43. *De suspectis tutoribus*, a quo propius abest. Et in hoc tit. voluntas

est ult. voluntas, et hoc docet tantum, a tutela removeri eum, qui datus est tutor filio impuberi contra matris ultimam voluntatem, id est, quem filio impuberi heredi instituto moriens mater voluit tutorem dari. Prætor enim servat voluntatem matris (aut servare debet) quæ bona reliquit pupillo. Nam etiamsi mater filio impuberi heredi instituto tutorem dederit, quæ datio ipso jure non valet, prætor solet servare, et confirmare voluntatem matris, habita tamen inquisitione, *l. 4. sup. de test. tut.* Et is quidem, quem mater voluit dari, si sit datus ignorante forte prætore tenorem ultimæ voluntatis matris, removetur sine infamia, si hac sola ratione removetur, quod datus sit contra voluntatem matris, quod pater ex rescripto Severi et Antonini, posito sub hoc titulo. Et observandum ad hoc rescriptum in extremo, compositores Codicis addidisse hæc verba: *quæ rescripto, si in fraude convictus fuerit*, id est, superiori rescripto non est locus, et ut sine infamia removeatur, id est, salva existimatione, qui datus est contra prohibitionem matris, nisi idem jam in tutela fraudem commisisse convictus fuerit. tunc enim removetur cum infamia; dolus et fraus infamat eum, qui ob fraudem rejicitur, et tutela abire jubetur, *l. ult. sup. de susp. tutorib. l. 2. sup. de tut. vel curat. qui satis non dedit.*

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. XLVIII. Ut causæ post pubertatem adsit tutor.

Est constitutio facillima, modo ita explicetur: tutela finitur pubertate. An etiam periculum administrationis finitur pubertate, sicut tutela? Non utique. Nec enim, etiamsi finita sit tutela, periculum administrationis finitur antequam tutor rationes reddiderit, ac restituerit omnem tutelam curator, et antequam liberatus etiam fuerit sententia prætoris, aut præsidis, *l. ult. sup. de peric. tut.* Is autem non vidatur restituere tutelam, qui adhuc retinet instrumenta litis, vel causæ pupillaris a se inchoatæ. Igitur periculo administrationis obstringitur: sed liberatur omnino, nec debet persequi litem suo consilio coeptam, si omnem tutelam restituerit curatoribus, quod hodie est certissimum ex constitutione Severi et Antonini, *l. 1. inf. si pend. appell.*

JACOBI CUJACII J. C.

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. XLIX. Ubi pupilli educari debeant.

Præcipua pars administrationis, si spectes negotia pupillaria, est defensio causæ pupillaris, l. 30. ff. de administr. tut. Sed si personam ipsius pupilli spectes, præcipua pars administrationis educatio est, quo nomine non tantum significatur victus, sed etiam vestiarius, et habitatio, et institutio morum, et liberalium artium, l. 2. tit. seq. Educatio ingenui, ut in Comædia, *bene et pudice doctum, atque eductum ingenium*. Plerumque autem educatur pupillus ad matrem, si modo ei non superduxerit vitricum, id est, si iterum non nupsit, l. 1. hoc tit. et Nov. 22. Vel si de ea re sit controversia inter tutores, et cognatos, et matrem, ea dirimetur arbitrio prætoris, vel præsidis, qui statuet apud quem pupillus potius educari, vel institui debeat: et quem is elegerit, non poterit effugere istam operam, d. l. 1. Observare autem debet prætor, qui ejus rei arbiter est, et censor, ne temere pupillus detur educandus ei, qui sperat pupilli successionem: posset enim ejus vitæ insidiari. Nec eadem est ratio in jure tutoris, et educatoris: nam si quidem, qui sperant successionem pupilli intestati, sunt legitimi tutores, ut quæ sperant bona teneantur, ne dilapidentur, l. 1. ff. de leg. tut. Et hoc est, quod dicitur, *quo hæreditas pupilli, eo etiam legitima tutela reddit*. Neque tamen temere etiam apud tutorem educabitur pupillus, qui sperat successionem, sed apud matrem, vel alium cognatum, quæ est sententia leg. 2. hujus tit. Hoc autem distat hic titulus a titulo vigesimoquarto: *sup. divort. facto, apud qu. lib. ed.* quod hic titulus est de iis, qui patrem non habent, qui ætate sunt parvi, et orbi patre, aut patrem quidem habent, sed sunt emancipati. Non idem est in jure pupillus, et impubes. Nam impuberis nomen significat tantum ætatem, pupilli nomen significat et ætatem et conditionem, id est, eum qui est sui juris sive liberum: caput parvæ ætatis, qui est in potestate patris, necdum pervenit ad annum decimum quartum, est impubes, non etiam pupillus: Galli *il n'est pas orphelin*. Ergo hic titulus est de iis, qui patrem non habent, vel qui in patris familia esse desierunt: ille autem est de iis, qui patrem habent, et in patris familia sunt.

In Lib. V. Codicis.

RECITATIONES SOLEMNES.

Ad Tit. L. De alimentis pupillo præstandis.

Consequens erat docere qui præbeant alimenta pupillis, et quatenus, quæ utique præbenda sunt sine mora, sine cunctatione ulla, juxta illud, *præterem non habere aures*. Etiam omni die, etiam feriato constituuntur alimenta sive taxantur postulantis pupillis, l. 2. ff. de fer. l. 2. ff. de re jud. Alimenta igitur confestim præbentur, et constituuntur pupillo arbitrio tutoris, vel si cesset tutor, aut cunctetur, arbitrio prætoris, vel præsidis, pro modo facultatum pupilli. Nam honestum est quemque ex suis facultatibus sue impensæ facere modum. Nec est inhonestum, si quis auctus sit facultatibus, augeat etiam impendia familiæ suæ l. 1. hoc tit. l. Lucius, inf. ff. fam. erisc. Et ait *dic'a lex 1.* protinus constitui alimenta pupillis, etiamsi eis fiat controversia de statu, et de bonis paternis, ut si negentur esse defuncti filii. Nam interim quandiu sunt pupilli, habentur pro filiis defuncti juxta præsumptionem, et agnoscunt honorum possessionem ex edicto Carboniano, dilata questione status, dilato præjudicio, dilata petitione in tempus pubertatis. Ergo et interim ex eis bonis alendus est. Et placet omnino, ut legamus, sicut habent quidam codices: alii in hac l. 1. *partibus suis fungetur*. Id est, non autem, *idem est, etsi de statu pupilli*, hæc enim causa dubitandi fuit. Alimenta igitur constituuntur vel arbitrio tutoris, vel magistratus. Aliquando est tutius ea constitui arbitrio tutoris siue decreto magistratus: quod aliquando sit melius non aperiri secreta patrimonii pupillaris, et suspectum res alienum, id est, quod creditores pupilli suspicantur non esse idoneum nomen, dum tenues suspicantur esse facultates pupilli. Et solet prætor dum hac de re editur excutere modum facultatum pupilli, et aperire, quod interest pupilli non fieri sæpissime, non publicari bona sua apud acta magistratus. Et ita l. 2. h. tit. dicit aliquando tutius esse alimoniorum taxationem permitti tutoris arbitrio, non adhibito decreto magistratus. Nec, inquam, sumptus omnes a tutore facti bona fide ex justis vel honestis causis, vel necessariis in alimoniam pupilli, in mercedem præceptorum, in institutionem pupilli, quæ omnia educationis verbum complectitur, et in educationem etiam ministrorum pupilli, ut si, inquam, omnes sumptus bona fide facti in pupillum etiamsi facti sint sine decreto prætoris, tutari ve-

cepto ferri debeant, *l. 3. sup. de administr. tut.* nec possit eos recusare pupillus in accipiendis tutelae administrationibus, nisi probet eos sumptus factos esse in eam rem ab alio, non a tutore. Alio-qui pupillus praesens praesumitur educatus, eductus, edoctus, a tutore de suo de bonis propriis, nisi probet alios suppeditasse eos sumptus: debet igitur eos agnoscere etiam factos in mercedem praecceptorum, ut in *l. cum plures, §. penult. D. de administr. tut.* quoniam ejus interest maxime, ne educetur illiberaliter. Nec praesumitur vento vixisse, quod est proverbiale, non more lupi, ut glossa ait, qui est voracissimus, sed ut veteres dicebant more Siluri. Silurus est piscis, σιλούρος vel γλάστος Graecis, qui dicitur *esturgeon*: sturio enim nomen barbarum est: et hoc est certissimum. Nam inter peritos diu fuit agitatum de nomine Siluri quod primus docuit Paulus Jovius libro de piscibus v. cap. ix. et libro ix. cap. xv. Sed valde fallitur dum de Siluro locum unum Ambrosii interpretatur, ex lib. v. Hexam. cap. v. dum scilicet vult Ambrosius demonstrare Silurum, quod habeat os angustum sub rostro, nutrirunt tantum suctionibus piscium minutissimorum, et quod etiam habeat ventriculum angustissimum. In quo si quaeratur unde nutriatur Silurus, nunquam invenietur, sed pisciculi, sed succus, qui ingreditur in ventrem: dum scilicet ita refert Ambrosium ita scribere, inveniri, ut ait, inutilem praedam in ventriculo Siluri, vivere Silurum aliorum piscium vermibus. Sed sic scribit, *vivere minorum piscium visceribus*, et dum etiam male haec interpretatur: *Captus est Silurus, et inutilis praeda detecta*. Potat ille Ambrosium dicere, Silurum esse inutilem praedam piscantium. Non est inutilis praeda Siluri, dum in ejus ventriculo nulla invenitur praeda, ut pene venta vivat, et ideo dicamus, praesumi pupillum non vixisse vento, more Siluri, sed de bonis propriis, sumptus suppeditante, et moderante tutore, vel curatore. Igitur eos sumptus improbe recusat, nisi prohibet ab alio factos.

JACOBI CUJACII J. C.

In Lib. V. Codicis

RECITATIONES SOLEMNES.

Ad Tit. LI. Arbitrium tutelae.

Satis jam dixit de ipso contractu, id est, de officio, et administratione tutelae, nunc venit ad

actionem, quae ex eo contractu nascitur, quam vocat *arbitrium tutelae*, modo *judicium*, modo *arbitrium*, et *arbitrium*, quod hujus judicii potestas omnis sit in arbitrio judicantis, qui excussis rationibus tutelae, aestimat quantum pupilli tutorem prestare, aut reputare, et pensare oporteat ex fide bona: est enim *judicium*, sive *arbitrium bonae fidei*. Huic autem *judicio* locus non est, nisi finita tutela, *l. 4. in pr. D. de tut. et rat. distr.* Imo nec *actioni* ex stipulatu locus est, nisi finita tutela, qua quidem tenetur tutoris fidejussor, qui cavet tutelam salvam fore, vel rem pupilli, *l. 4. §. hanc, et §. penult. ff. rem pup. salv.* Diversum est in *actione utili negotiorum gestorum*, qua curator tenetur *d. l. 4.* Quae est alia differentia inter tutorem, et curatorem, quae non fuit exposita in *tit. 36* ubi alias differentias exposuimus inter tutorem, vel curatorem. Diversum est etiam in *actione ex stipulatu*, qua fidejussor curatoris tenetur, qui cavet rem adolescentis salvam fore, vel furiosi, vel prodigi. Aliud est etiam in *actione protutelae*. Nam haec omnes *actiones* competunt statim, ut quaeque res minoris salva esse desinit, etiam nondum finita administratione, *l. cum curatore, D. de administr. tut. l. 1. §. sed etsi, D. de eo, qui protut. neg. gess. l. 16. §. ult. ff. de tut. et rat. distr.* Videamus quae sit ratio differentiae, cur in tutorem, vel fidejussorem ejus agitur finita demum tutela, in curatorem, vel fidejussorem ejus, vel in protutorem etiam manente administratione. Paulus in *l. 4. §. ult. D. de tut. et rat. distr.* satis habet hanc rationem reddere, quod mirum est: quia non idem in *actione negotiorum gestorum* constitutum est, quod in *actione tutelae, dum impubes est, cujus tutela geritur*, quod perinde est, ac si diceret id, quod est in *l. 20. non omnium, ff. de legib. non omnium, quae a majoribus constituta sunt ratio reddi potest.* Et accommodata ad leg. non omnium sumetur exemplum ex *d. l. 4. §. ult.* atque etiam ex *l. liberum, de relig.* Sed tentemus tamen aliquam reddere differentiae rationem: licet uti eadem, quam sumus usi in *tit. 36.* querentes cur tutorem habenti regulariter tutor non detur, sed curatorem habenti curator detur: nam utrobique est eadem ratio. Differentiam enim facit ratio potestatis, quam tutor habet in caput pupilli. quam non habet curator: non ago cum patre, in cujus sum potestate, hoc non patitur potestas, non ago etiam cum tutore, in cujus sum potestate, videlicet ex causa tutelae, *actione tutelae*, vel *actione legitima de rationibus distrahendis ex duodecim tabulis*, quae datur in duplum adversus tutorem, qui intercepit pecuniam pupillarem, qui furatus est, imo nec ex alia ulla causa nondum finita tutela pupillo in

tutorem datur actio, quæ coeperit tempore tutelæ, non furti, non legis Aquiliæ, si quid culpa tutoris deperierit, non condictio furtiva, *l. 9. §. ult. adhibita l. seq. D. de tut. et rat. distr.* Et omnino pupillo non est actio cum tutores no ulla, nisi ex causa præcedente tutelam, ex contractu tutela vetustiore, quam in rem ei datur specialis tutor, vel curator, de quo actum est in *tit. de in lit. dand. tut. sup.* Sic igitur ratio potestatis vetat agi cum tutore, cujus potestati liberum caput commissum est, quæ ratio potestatis cessat in curatore, et in protutore. Posset quis contendere idem esse in tutore, et curatore, ut nec causa potestatis agi possit cum curatore negotiorum gestorum, nisi finita demum cura, fortiter ex *l. 2. et l. 12. sup. de adm. tut.* In quibus ostenditur, rationes curationis administrationis non jure exposci manente administratione, id est, non agi utili negotiorum gestorum adversus curatorem; et si duo sint curatores, non posse alterum cum altero agere negotiorum gestorum, quamdiu communis administratio durat: sed si quis eorum non ex fide curam gerat, ab altero est postulandus suspectus, et removendus, ac deinde agatur cum remoto negotiorum gestorum, non ante remotionem, ut in *l. actus, D. de adm. tut.* Ergo videtur nulla esse differentia inter tutorem, et curatorem. Sed recte Accurs. notavit, nullam etiam esse differentiam inter tutores, et curatores, videlicet si a curatore exigetur ratio totius administrationis, quasi curatione finita, quæ durat. Nam ut de tutore dicitur in *l. 9. §. et generaliter, D. de tut. et rat. distr.* ideo non agit tutelæ, nisi tutela finita sit, quod absurdum sit administrationis rationem negotiorum pupilli a tutore exposci, in qua adhuc perseverat. Hæc utilitatis ratio exigit, ut tutelæ actio differatur in tempus pubertatis, *l. 16. ff. cod. tit. vel in aliud tempus limitæ tutelæ.* Finitur autem variis modis. Hæc autem ratio obtinet etiam in curatore, quod absurdum sit a curatore exigi rationem administrationis, in qua adhuc perseverat, quandoquidem obijcit, nondum peregi administrationem, nondum implevi officium meum, nimis festinas agere, et reposcere rationes negotiorum nondum peractorum. Ergo ita dicamus, certa de re, quæ salva esse desierit dolo, aut culpa curatoris, posse agi etiam manente administratione, sed non generali judicio. Et ita loquitur manifeste *d. l. 2. et l. 12. sup. de adm. tut. et d. l. actus.* Et ut hoc dicam apertius, hæc in re nihil distat tutor a curatore, si agatur generali judicio tutelæ, vel generali judicio negotiorum gestorum. Nam utraque actio est generalis, id est, non negotii certi, sed negotiorum complurium, *l. pro socio arbitri, ff. pro soc.* Et hoc tantum

distat, quod tutelæ judicium semper est generale, quod tantundem est ac cum dicis, tutelæ judicio agi finita demum tutela; judicium negotiorum gestorum etiam speciale esse potest, *l. 3. §. negotia, ff. de neg. gest.* dum ait, *negotia sic accipe, sive unum, sive plura.* Ergo de uno negotio recte agem cum curatore, manente administratione, non de administratione universa, quia intempestiva et immatura actio est, quæ generaliter instituitur. Et hæc omnia valde notanda sunt. His addamus observata *l. 3. hoc tit.* arbitrium tutelæ dari non tantum in tutorem finita tutela, ut dixi, sed etiam in curatorem pupilli. Nam omnino *d. lex 3.* significat, tutelæ conveniri curatorem pupilli, quod est valde novum. Et sane hoc olim fuit controversum inter prudentes, an curator pupilli teneretur actione tutelæ, vel saltem protutelæ, quia curator pupilli iustar est tutoris, et ut tutela finitur pubertate, ita etiam curationis, quæ imitatur tutelam, *l. 2. et 3. in quibus caus. tut. sup. l. curatorem, D. de tut. vel cur.* Sed Ulpian. in *l. 1. §. si curator, ff. d. no qui pro tut. neg.* verius esse ait, in re nimirum controversa, ut pupilli curator non conveniatur pro tutelæ judicio, quia nulla alia significatio horum verborum est, *qua officio curatoris functus est,* quam ut teneatur actione negotiorum gestorum. Sed tamen controversiæ veteris vestigium exstat in hac *l. 3.* quæ in curatorem pupilli dat judicium tutelæ. Et hoc ita annotavit Thalelaus in hac *l. 3.* dum scribit in hanc sententiam. *Erat sententia quorundam Jurisc. qui existimabant curatorem pupilli tutelæ teneri exemplo tutoris, quæ nunc non obtinet.* Ceterum etiam si titulus nobis exponat tantum actionem tutelæ illis verbis, *arbitrium tutelæ,* tamen sub hoc titulo tractatur etiam de arbitrio negotiorum gestorum, id est de utili actione negotiorum gestorum, qua tenetur curator, non directa, qua tenetur gestor voluntarius, id est, qui ultro accesserit ad negotia aliena, utili autem tenetur, qui coactus suscepit negotia aliena, veluti curator. Non etiam tutela et cura invito deferuntur quasi munus civile, et publicum: ut sæpe quæ sunt scripta de tutore ad curatorem trahuntur, ita quæ sunt scripta de actione tutelæ, trahuntur ad utilem actionem negotiorum gestorum, quæ competit administrationis, sive curationis causa, de qua in hoc tit. est *l. 7. et l. ult.* Quæ quam affines sint, ut intelligatis, notandum in hoc titulo, in utramque venire id quod interest, ut in *l. 4.* ut scilicet reddant rationes administrationis, et quicquid reliquorum nomine debent qui negotia gesserunt in *l. 9. h. t.* Nam et rationum ipsarum nomen continet etiam re-

liqua, *l. cum servus, ff. de cond. et dem.* et rursum quicquid dolo, vel culpa lata, aut levi, eorum scilicet tutorum, et curatorum, qui negotia gesserunt, minores amiserunt, vel non acquisierunt, *d. l. 7.* Nam et minores restituantur in integrum, non tantum si quid amiserint, sed etiam si quid non acquisierint, *l. penult. sup. de in integr. rest.* Hæc veniunt in utramque actionem. Denique tutor, vel curator præstat dolum, culpam latam, et levem, et quantam in rebus suis diligentiam, *l. 1. in princ. D. de tut. et rat. distr. l. n. tutoribus, D. de adm. tut.* Uno casu latam culpam tantam videlicet in exigendis nominibus, non que ipse tutor fecit, vel curator minoris nomine, sed in nominibus paternis, et vetustioribus contractis ante tutelam: in iis exigendis arguitur tantum tutor ob latam culpam, id est, nimiam cessationem, remissionem, negligentiam. Et ita est explicanda *l. 2. h. t.* Altero etiam casu præstat tantum latam culpam, dissolutam culpam, manifestissimam negligentiam, videlicet si emerit pupillo prædium bona fide, nihilque egerit in ea re, dolo malo forte majoris emendo, quam fuerit æquum, in gratiam venditoris: sed si, ut dixi bona fide emerit, verum minus bonam conditionem elegerit, *si la terre n'est pas forte bonne*, in ea re satis erit si præstat latam culpam, id est, si nimis negligens videatur fuisse in eligenda conditione prædii, ut hoc solo casu teneatur, nec in eo arguatur levis negligentia. Et utraque etiam actio est bonæ fidei, et utraque est privilegiaria, *l. dabimus, ff. de reb. auct. jud. poss.* Et in utramque veniunt usurae, et utrique actioni datur tacita hypotheca, *l. 20. sup. de administrat. tut.* Et si sint plures tutores, vel curatores, et agatur de summa administrationis, omnes sunt conveniendi apud eundem judicem, *l. 3. h. t. l. 2. ff. de quibus reb. ad eund.* Et rursus si sint plures tutores, vel curatores, prius convenietur, qui administravit, nec enim plerumque omnes administrant, sed constituitur unus ex multis, qui solus administrat, præstita satisfactione: ut igitur prius conveniatur, qui administravit, *l. 6. h. t. l. 2. inf. de hæred. tut.* deinde is, qui non administravit, ut conveniatur culpe nomine, quod administratorem non admonuerit officii sui, vel quod mala fide versantem in administratione non suspectum postulaverit. Ac præterea ex pluribus, qui gesserunt, unus potest eligi, a quo minor suum repetat cassis eidem actionibus adversus collegas, ut in *l. 6. hoc tit.* Item utraque actio est perpetua, id est, non finitur, nisi silentio 30. annorum, *l. adversus, sup. de neg. gest. l. 8. hoc tit.* In qua corrigendus est unus locus, ille scilicet, *novatione, aut acceptilatione*: nam pro disjunctione est ponenda conjunctio, ut

in veteribus quibusdam, et in Basilicis, *novatione, atque acceptilatione*: nam et ita res solet geri: quod debetur ex causa tutelæ, novatur in verborum obligationem, deinde verborum obligatio tollitur acceptilatione, quia verbis non tollitur, nisi quod verbis contractum est. Et ideo *lex. 8.* dicit vel tutorem liberari transactione, quod sit per exceptionem pacti vel novatione, atque acceptilatione, quod sit ipso jure. Utraque etiam actio datur heredi, et in heredem *l. 12. h. t. t.* Quod dicitur ad differentiam actionis de rationibus distrahendis ex *l. 12. tab.* quæ non datur in heredem, quia est pœnalis, id est, in duplum, *l. 9. §. pen. ff. de tut. et rat. distr.* Ac postremo in utramque venit etiam id, quo gestum est post finitam administrationem, si connexum fuerit tutelæ negotium, vel curæ: et connexa dicuntur, sine quibus negotium perfecte expediri non potest, et quæ separari vel disjungi non possant, *l. 11. h. t. l. ita autem, §. si tutor, et §. ult. ff. de adm. tut. l. 13. ff. de tut. et rat. distr. l. quid ergo, §. pen. de contr. tut. l. cum actum, ff. de neg. gest.* Hi omnes loci sunt de connexis, in quæ actiones veniant. Etiam illud non omitam, quod Justinianus notat in *l. ult. h. t.* in reddendis rationibus, cum queritur de modo bonorum pupilli, de quantitate bonorum pupilli, stari inventario publice confecto, etiamsi ampliorem quantitatem contineat, etiamsi falsam quantitatem contineat, et ex eo damuari tutorem, qui ei subscripsit, quique id publice fieri curavit. Itaque cautione maxime opus est in conficiendo inventario. Non tenebitur tutor ex nudo sermone, si forte laudans pupillum, locupletiores eum esse dixerit, quam sit, *d. l. ult.* sicut etiam non attendimus æstimationem patris defuncti, quam fecit moriens: sæpe errant patresfam. in æstimandis suis bonis. Idcirco non attendimus eorum æstimationem, *l. 1. h. t.* Et ultimo valde notandum censeo, quod est in *l. 10. h. t.* propterea quod hodie invenio sæpe promotis ad munus publicum, seu honorem, et sua industria forte, vel parsimonia factis ditioribus, qui ante inopes erant, objici eis suspicionem deprædati fisci, suspicionem sordium, aut gratiæ, denique suspicionem malæ peritarum divitiarum. Nam ita legimus Avidium Cassium dicere apud Volcatium Gallicanum: *Audisti præfectum prætorii nostri philosophi ante triduum, quam fieret mendicum, et pauperem, sed subito divitem factum, unde quæso, nisi de visceribus Reip. provincialiumque fortunæ?* Et iudicium istud si adjuvetur aliis adminiculis, et probationibus, utique non est contemnendum: sed non ex eo solo est argumentandum temere, quod hæc verba *l. 10.* demonstrant elegantissime: nam quod, etc.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LII. De dividenda tutela, et pro qua parte quisque tutorum conveniatur.

Hic titulus est de divisione administrationis, et actionis tutelæ, et docet pro qua parte actio tutelæ dividatur inter tutores. Dividere trahit secum etiam non dividere, ut facere non facere, id est, ubi de uno tractatur, necesse est etiam de altero tractari: sicut solet contrariorum esse eandem disciplina. Igitur hæc omnis questio, quæ est celeberrima, et admodum necessaria, eo pertinet, ut sciamus; cum plures sint tutores, vel curatores: nam et tutores ad se pertrahunt curatores, pro qua parte in singulos agi possit, et quando in unum ex pluribus in solidum dividere est agere pro parte in singulos: non dividere est agere in solidum in unum a multis: quid vero hac de re statuendum sit, paucis dabō. Aut divisa est administratio tutelæ in partes, vel in regiones, vel in provincias, aut indivisa. Si divisa est, aut a testatore, aut a iudice divisa est et distributa, aut a tutoribus ipsis inter se. Si divisa est a testatore, vel a iudice, actio etiam tutelæ dividitur, ut pro ea tantum parte quisque conveniatur, quæ ei attributa est, non pro parte collegarum, id est, contutorum, nisi dolus ejus, aut culpa arguatur quod collegam, vel collegas, id est, contutores suspectos non fecerit, eversis jam eorum facultatibus, vel quod latorie suspectos fecerit, id est, per collusionem prodita causa pupillorum. Hoc enim casu conveniatur in solidum, l. 2. §. in divisionem, h. t. l. si duo, ff. de adm. tut. Julianus Antecessor in collectione quadam, quam fecit hac de re, et edita est, sic scribit: *Si divisa sit tutela a testatore, vel iudice, unusquisque pro sua administratione tenetur, nisi forte, cum oportebat contutorem removere ut suspectum, omnino non removet, aut tardius removet.* Sic est legendum apud Julianum. Et hoc si divisa sit tutela a testatore, vel a iudice, ut dixi: sed si ipsi tutores sine iudice, et sine præcepto testatoris tutelam inter se dividerint, singuli actione tutelæ in solidum tenentur, perinde atque si inter se administrationem non divisissent, sed tutelam gressissent communiter et indivise, l. 2. h. t. Quia conventio tutorum non potest dividere officium tutelæ, quod est individuum, nisi id dividerit testator, aut iudex. Conventio tutorum non potest dividere administrationis periculum, quod est commune omnium tutorum, l. 3. h. t. Et generaliter conventio non potest lædere jus alterius, l. 3. ff. de

Tom. IX.

transact. Ergo et in fraudem pupilli inutilis est divisio administrationis, quam fecere invicem tutores sine iudice. Et breviter, etiamsi tutores ipsi inter se administrationem dividerint, perinde omnia servantur, atque si communiter tutelam gressissent pro indiviso. Qua de re nunc est dicendum plenius. Satis dictum est de tutela divisa. Dicamus igitur de indivisa. Si indivisa sit tutela administrationis, vel quod idem est, ut dixi, si ipsi tutores soli inter se divisionem fecerint, quoniam ea divisio non lædit jus pupilli, et quantum ad pupillum irrita inutilisque habetur pro non facta. Hoc ita distinguimus: aut omnes gesserunt communiter tutelam, aut nulli gesserunt: aut quidam gesserunt, quidam cessarunt. Si omnes gesserunt communiter pro indiviso, vel etiam pro diviso, ut dixi, facta privatim tantum inter eos divisione sine iudice, vel si nulli gesserunt, et administrarunt tutelam (nihil enim interest) singuli actione tutelæ tenentur in solidum, et eligere potest pupillus, cum quo experietur in solidum, cum hac conditione tamen, ut is, quem elegerit, condemnaverit, exegerit, cedat actionibus suis adversus alios, l. 6. §. 1. sup. arb. tut. l. 2. in pr. h. t. In hac leg. 2. studiosis est omne operæ pretium quæstionis hujus. Hoc autem, ut possit eligere pupillus ex eis, quem convenit in solidum, omissis ceteris, ita verum est nisi omnes tutores solvendo fuerint tempore litis contestatæ, quod et Justinianus notat in supradicta collectione. Hoc enim casu is, quem elegit pupillus, et convenit in solidum, opposita exceptione potest desiderare quod omnes collegæ sint solvendo, actionem dividi inter omnes pro virilibus portionibus, vel pro rata ejus, quod quisque gessit, l. 1. §. nunc tractemus, ff. de tut. et rat. distr. Exemplo scilicet fidejussorum plurium, vel mandatorum, qui ex epistola Adriani notissima etiam omnibus tabellionibus, si omnes solvendo sint tempore litis contestatæ, dividunt inter se actionem pro virilibus portionibus, nisi renuntiatum sit beneficio Epistolæ D. Adriani, id est beneficio divisionis in ipso contractu, quod beneficium divisionis porrexit etiam Justinianus ad omnes correos debendi, Nov. de duobus reis 99. Vel etiam si pupillus non eligat unum ex tutoribus, sed cum omnibus agat, et condemnet omnes, periculum sententiæ dividitur inter eos pro virilibus portionibus, id est, actio iudicati, l. 2. inf. si plures un. sen. cond. Et hoc, ubi omnes fuerint solvendo litis contestatæ tempore. Quid si omnes eo tempore solvendo non sint, vel non sufficiant indemnitati pupillo præstandæ? Hoc casu ii, qui non sunt solvendo, ouerant idoneos tutores, et locupletes, qui sunt pares solvendo. Igitur, si unus tutor sit solvendo, ceteri non solvendo litis contestatæ tempore, ille, qui solvendo est, conveniatur in solidum, nec poterit uti beneficio

57

divisionis, l. 2. ff. quibus rebus ad eund. jud. Ceterum pupillus ei cedet actionem adversus collegas, l. ex pluribus, ff. de adm. tut. vel sine cessione dabuntur utiles ex constitutionibus, d. l. 1. §. nunc tract. ff. de tut. et rat. dict. l. 2. inf. de contr. jud. Et hoc ita procedit si conveniatur unus in solidum ex communi culpa, vel ex culpa eorum, qui solvendo non sunt: nam si conveniatur ex dolo communi omnium, vel contumacia omnium, id est, ex cessione omnium improba, ei neque ceduntur actiones directæ convento in solidum, neque dantur utiles adversus collegas, d. l. 1. §. plane, ff. de tut. et rat. distr. l. ex pluribus, ff. de adm. tut. Optima ratio, quia proprii doli, proprii delicti, propriæ contumaciæ poenam tulit, quæ res indignum eum facit, ut quicquam consequatur a ceteris doli ejusdem, aut contumaciæ participibus, quia nulla est societas maleficiorum, nulla justa communicatio damni ex delicto. Ad hæc notandum est, non statim onerari tutorem idoneum propter non idoneum, quoniam prius excutiendus est is, qui dicitur non idoneus, vel hæres ejus, et fidejussor ejus, et tandem magistratus municipalis qui eum dedit non exacta satisfactione, l. Luc. §. penult. ff. de adm. tut. Et si ab iis personis pupillus suum servare non possit, tum demum venit ad contutorem idoneum, eumque exigit in solidum. Et unus tantum casus est, quo contutor idoneus statim convenitur in solidum propter non idoneum, excusso magistratu municipali, si tutor idoneus ob hoc conveniatur, quod collegam suspectum facere, vel ab eo satisfactionem exigere supersederit, l. 2. et 3. ff. de mag. con. Et hæc est sententia l. 1. §. usque adeo, ff. de tut. et rat. distr. Ubi potius est legendum, si non sint solvendo contutores. Et ita vulgo legunt Latini Græciq. perspicue, rectius quam sit scriptum in Florentinis, et in illa collectione Juliani detracta negatione: nam in Florent. est manifesta trajectio negationis e suo loco in alium, quandoquidem in eo §. usque adeo, vulgo omnes Græci, et Latini, et Julianus ipse legunt, si contutor ob hoc conveniatur, quod suspectum facere, aut satis exigere noluit, ut scilicet hoc casu prius conveniatur quam magistratus municipalis. Et hanc sententiam asserit etiam fortiter Hugolinus, ut cum in Florent. sit scriptum, si non contutor ob hoc etc. appareat eo loco abundare negationem, quæ in eodem exemplari paulo ante desideratur, illo loco; si sint solvendo contutores, manifesta trajectione negationis; nunc videmus quoniam ille articulus explicitus est, si omnes gesserunt pro diviso ex privata conventionem, vel si nulli gesserunt: videamus et quæramus quid sit dicendum de altero articulo, si quidam gesserint tutelam, et quidam cessaverint. Et iusta est, ut conveniantur

prius qui gesserint, si solvendo fuerint tempore finitæ tutelæ, l. 6. sup. tit. prox. l. 3. h. l. l. 2. inf. de hered. tut. l. 1. inf. si tut. vel cur. reip. causa abs. Satis est si tempore finitæ tutelæ, qui eam gesserunt, solvendo fuerint, ut ceteri, qui non gesserunt omnino libereantur: nam si post finitæ tutelam sunt non solvendo, hoc non onerat ceteros, qui nihil gesserunt, sed cedit periculo minoris ipsius, aut curatoris, qui tutelæ rationes in tempore non exegerunt, l. 1. h. l. Si vero solvendo non sint, qui gesserunt tutelam tempore finitæ tutelæ, neque fidejussores eorum, neque magistratus municipales, qui eos dederunt non exacta satisfactione, tum conveniuntur utili actione tutelæ qui non gesserunt, quia suo periculo cessaverunt, l. 4. §. 1. ff. rem pupill. sal. for. l. tres tutores, ff. de adm. tut. Verum hic ordo conveniendi tutoris non servatur in eo, quod ex communi dolo perit pupillo: ex hac enim causa cum quo liberit pupillo congruere licet, l. 2. inf. si tutor, vel cur. non gess. l. tutores, §. in eum, ff. de adm. tut. Servatur tamen is ordo si quid perit culpa levi omnium, ut etiam Julianus scribit in illa collectione. Et placet etiam, quod ibidem Julianus notat, etiam eum videri non administrasse tutelam, qui rem aliquam, aut partem, de qua agitur, non attigit, etiamsi alias res attigerit, quia quantum ad eam rem verum est eum non gessisse, non se miscuisse administrationi. Et hoc etiam comprobatur lex 2. ff. de mag. str. conveniendis.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LIII. De in litem jurando.

Hic titulus 53. est de jurejurando in litem, quod in arbitrio tutelæ deferitur adolescenti, vel curatori ejus, et curatori volenti, non invito, l. 1. et 2. hoc tit. Et nihil aliud est jurejurandum in litem, quam æstimatio religiosa ejus rei, de qua agit adolescens, vel pupilli, adolescentisve tutor, aut curator adversus tutorem, aut curatorem, aut brevius, jurejurandum in litem est pretium, quod juratus rei suæ ponit atque constituit is, qui agit tutelæ, vel utili negotiorum gestorum ex curationis causa. Litem enim dicimus rem in judicium deductam, vel id quod interest. Est igitur jurejurandum in rem æstimandam, qua de agitur. Dubitabant veteres rem, an litem dici oporteret: hodie promiscue dicimus rem, vel litem, ut in 12. tab. rei, vel litem arbitros tres danto; jurejurandum ergo in litem

est, quo aestimatur lis: id est, id quod interest, sive res de qua agitur, quod idem est. Hæc vero res, quæ in iudicium deducta est, aut aestimatur a iudice vero et justo pretio, videlicet si dolus, et contumacia, vel lata culpa ejus unde petitur nulla arguatur, *l. 2. in fin. h. t.* cum iudex aestimat rem in iudicium deductam, vero prælio aestimat id quod interest, vel ea res aestimatur ab actore jurato, si dolo adversarii, vel lata culpa res, qua de agitur, non restituatur, vel non exhibeatur: utroque genere, id est, sive aestimet rem iudex, sive petitur juratus, sit vera venditio rei, sive litis. Litis aestimatio venditio est, sed priore genere, id est, aestimante iudice, sit justo pretio: posteriore genere, id est, aestimante domino litis, sit etiam injusto et immenso coercendi adversarii gratia ob dolum ejus, vel latam culpam, quæ vulgo presumitur esse dolo proxima, ac posse dolus: vel ob ejus contumaciam, id est, cessationem in administranda tutela, quæ etiam nihil aliud est quam dolus malus, et fraus, *l. si plures, ff. de admin. tut. l. 3. h. t.* in qua, ut hoc admonemus, illo loco, *dolo, vel circumveniendo pupilli gratia*, omnino delendus est ille articulus, vel, ut sit, *dolo circumveniendo pupilli gratia*, quod est perspicue verum. Igitur iudex aestimandæ litis gratia, et, qui agit tutelæ, vel utili negotiorum gestorum, defert iuramentum ob dolum tantum, vel latam culpam tutoris, aut curatoris. Et quantum actor juratus rem, sive litem aestimaverit, in tantum iudex plerumque condemnat rem, *l. 2. et 3. h. t.* Id vero nunquam defertur ob levem culpam tutoris, vel curatoris, sed ipse iudex facit pretium verum et justum, quod probat apertissime *l. videamus, in fin.* quæ tota est de actione tutelæ, *ff. de in lit. jur.* Et vehementer errant vulgo qui aestimant ob levem culpam in tutorem deferri iuramentum in litem, hoc enim nullo modo probat *lex 4. h. t.* ex quo duxerunt istum errorem, ac si diceret, alio iure esse tutorem, alio heredem tutoris, quod etiam ob levem culpam in tutorem juratur in litem, in heredem autem tutoris ob dolum tantum, vel latam culpam. Quæ differentia falsissima est, et longe alia mens hujus *l. 4.* videlicet in tutorem jurari in litem, si inventarium, ceteraque instrumenta pupillaria non exhibeat. Item si inventarium nolit facere, *l. tutor, ff. de administ. tut.* Item si rem pupilli restituere nolit finita tutela, *l. tutor, ff. de in lit. jur.* quia hæc omnia dolo malo facit, et fraudulenter. Ex dolo igitur tutoris, vel lata culpa quæ et ipsa dolus est, in tutorem actori deferri iuramentum in litem: in heredem autem tutoris conventum actione tutelæ, ex dolo, vel lata culpa tutoris non deferri iuramentum in litem, nisi la fuerit contestata cum defuncto, sed ex dolo proprio tantum ipsius hæredis, vel ex lata culpa ipsius hæredis

propria, *l. 1. 2. et 3. h. t. l. 4. §. 1. ff. de fidejus. tut.* Et hæc est elegantissima sententia *l. 1. h. t.* non illa, quam referunt: et notandum quod dixi, contra heredem tutoris conventum actione tutelæ ex dolo tutoris non jurari in litem, non dixi, heredem non teneri actione tutelæ ex dolo, vel lata culpa tutoris: sed in eum non jurari in litem, nisi ex proprio dolo, non ex defuncti dolo. Nam certum est, heredem ex dolo, vel lata culpa tutoris teneri actione tutelæ in solidum, id est, etiam si ex dolo defuncti nihil ad eum pervenerit, *l. ex depositi, et l. ex contractibus, ff. de obligat. l. ult. ff. de fidejussor. tut.* Et generaliter heres quicumque, ut ex illis locis apparet, tenetur ex delicto defuncti, id est, ex dolo, actione ex contractu, non actione ex delicto: et si heres defuncti tutoris tenetur actione tutelæ ex dolo defuncti, vel lata culpa, id est ex delicto, et multo magis ex levi culpa, id est, ex cessatione, et negligentia quolibet tutoris, ut *l. 2. et 4. tit. seq. l. 4. de magist. conven.* in quo etiam peccant vulgo, dum existimant heredem teneri ex dolo, vel lata culpa defuncti tutoris, non ex levi, quod est absurdum. Hoc enim est perinde ac si diceret, heredem non teneri ex contractu defuncti, nisi ex causa doli aut latæ culpe, non si dolus, aut lata culpa obfuerit. Notantur ergo a me duo vulgares errores. Unus, ut in tutorem juretur in litem ob levem culpam, male percepta *l. 4. hoc tit.* Alius ut heres tutoris non teneatur ex levi culpa defuncti, qui tenetur ex delicto defuncti. Qui duo errores sunt maximi. Sed notandum ad hoc maxime heredem tutoris (quod de herede cujuscunque dici potest) non teneri ex omni dolo, vel lata culpa tutoris, ut declarat *l. 1. tit. seq.* sed ex eo tantum dolo, qui damnum, et diminutionem attulit rebus pupilli, qui diminuit patrimonium pupilli, qui spoliavit pupillum, ut inquit *l. 1. tit. seq.* si quid tutor lucratus sit ex damno pupilli, si interceptit pecuniam pupilli, si quid depredatus est, si grassatus est in re pupillari, licet ex eo dolo nihil ad heredem pervenerit tutoris, tamen id damnum debere præstare pupillo in solidum. Idem etiam erit, si quid alter lucratus sit ex damno pupilli, per gratiam tutoris, *par la faveur du tuteur*, veluti re pupilli alteri vendita viliori pretio, ut in *l. 6. sup. arb. tut.* quæ gratia adscribitur latæ culpæ, *l. si procuratorem, §. ult. D. mand.* Et lata culpa presumitur semper esse dolus: lata culpa est dolus presumptus, non omnino evitatus *l. quod Nerva, ff. de pos.* Ex iis igitur causis, quibus minuitur res pupilli, aut deterior fit dolo, vel lata culpa tutoris: heres ejus tenetur actione tutelæ in solidum, etiam si nihil ad eum pervenerit, non temere ex aliis causis, aut ex quolibet alio dolo. Et rectissime, ut meminimus docere

obser. 13. Græci in *Basil. in l. 1. tit. seq.* detracta negatione affirmative legunt hoc modo: *hæredes tutorum ob negligentiam, quæ lata culpæ comparari possit, condemnari non oportet*: denique Basilica manifeste ostendunt esse legendum in *l. 1. hoc tit. quæ lata culpæ*, detracta negatione, ut sit hæc sententia, hæredem tutelæ teneri in solidum ex dolo, vel lata culpa tutoris, qua diminuta est res pupilli, vel deterior effecta in lucrum tutoris, vel alterius per gratiam tutoris: non teneri ex alio quocunque dolo, nisi si fuerit cum defuncto contestata. Qui existimabant hæredem tutoris non teneri ex levi culpa tutoris (quod est iniquum) junxerunt negationem in illa *l. 1.* et etiam in *l. 2. inf. de mag. con.* Et ita hæc interpretatio, fidaque correctio *l. 1. tit. seq.* quam summe notandam censeo, atque retinendam, patet perspicue jam quid sit, quod ait Justinian. in *§. aliquando, Instit. de perpet. et temp. act.* aliquando actionem ex contractibus non dari in hæredem, ut puta si defunctus dolose versatus sit, et nihil ex eo dolo ad hæredem pervenerit. Sciendum est duas esse regulas juris. Actione ex delicto penali ob dolum defuncti non teneri hæredem, nisi quatenus ad eum pervenerit ex delicto defuncti. Altera regula hæc est: ex dolo defuncti, ex actione ex contractu defuncti, licet in eo versetur dolo, ob dolum defuncti, vel latam culpam hæredem teneri, etiam si nihil ad eum pervenerit ex eo dolo defuncti. Sed posteriori additur exceptio in *d. §. aliquando*, dum ait: aliquando ex contractu in hæredem non dari actionem, si nihil ad eum pervenerit ob dolum malum defuncti. Quando vero hoc fiat, docet *l. 1. tit. seq.* Si dolo defuncti rebus actoris diminutionem non attulerit, hæres non tenetur ob eum defuncti dolum, damno tantum sarciendo obnoxius est, quod intulit defunctus alteri dolo malo, vel lata culpa: nam ut refutemus aliorum interpretationes ad *§. aliquando*, et probabiles tantum (nam aliæ sunt dolo contemptu et silentio dignæ, ut explicant hunc *§. aliquando*) putant excipi in illo *§.* interdictum de precario, propterea quod in *l. questum in fin. D. de prec.* dicitur, interdicto de precario ex dolo defuncti hæredem teneri hactenus, quatenus ad eum pervenit. Ergo non teneri si nihil pervenit. Et interim non afferunt rationem, cur hoc sit speciale in precario, nec possunt adferre. Sed facile nimis capti sunt illis verbis *leg. questum*, hæredem teneri, ex dolo scilicet defuncti hactenus quatenus ad eum pervenit. Nam ideo non sequitur, quin etiam teneatur ultra id, quod pervenit, id est, in id, quod non pervenit ad se, sed ad alium dolo defuncti, si quid lucratus sit reus, vel alter ejus beneficio et gratia ex damno actoris, etiam *l. 4. inf. tit. seq.* dicitur, hæredem tutoris

teneri in id, quod pervenit. Unde jam patet vitiose colligi, non teneri etiam eum in id, quod non pervenit, si dolo defuncti rem actoris diminuerit, vel dilapidaverit malo more et improbo. Alii vero etiam male existimant in eo *§. aliquando* excipi actionem specialem depositi, de eo, quod depositum est in tumultu, aut ruina ædium, aut incendio, aut naufragio, in trepidatione quadam, et consternatione mentis. Nam et actio depositi ex his quatuor causis, tumultus, incendii, ruinæ, naufragii, est poenalis actio in duplum, in quam venit dolo depositarii, vel hæredis ejus proprius dolo. Nam ex hac causa, ex dolo defuncti hæres non tenetur in duplum actione depositi. Hoc etiam exemplum non est accomodatum ad *§. aliquando*, neque conveniens. Nam actio depositi potius videtur esse ex delicto, quam ex contractu, cum et sit poenalis in duplum. Et ideo secundum priorem regulam, ac actione non tenetur hæres ex dolo defuncti, sed ex dolo proprio tantum, ut in *§. plane si, Instit. de action.*

JACOBI CUJACII J. C.

Ad Lib. V. Codicis

RECITATIONES SOLEMNES.

Ad Tit. LV. De hæredibus tutorum vel curatorum.

Quod dixit supra tit. generali, scilicet arbitrium tutelæ, id est, tutelæ actionem dari hæredi, et in hæredem, *l. pen.* id specialiter exsequitur in hoc tit. Cur specialiter? Quia alio jure est actio tutelæ, quæ datur hæredi, et in hæredem, et alio jure actio tutelæ, quæ datur tutori, et in tutorem. Ac primum occupavit in tit. superiori *l. 4.* indicare unam differentiam, quod scilicet ex dolo adversus tutorem juretur in litem, sed non adversus hæredem, nisi si fuerit contestata cum defuncto. Addantur etiam aliæ duæ differentie. Actio tutelæ quæ hæredi pupilli competit, non est privilegaria; pupillus habet privilegium personale, et privilegium tacitæ hypothecæ, hæres ejus non habet, *l. ex pluribus, de adm. tut. l. dabimus, D. de reb. auct. jud. poss. l. 1. §. iidem principes, D. ad leg. Cor. de fals.* Ergo non est eadem actio tutelæ, nec eodem jure est, quæ pupillus agit: et actio tutelæ, quæ hæres pupilli agit: altera est privilegaria, altera non est privilegaria. Et rursus actio tutelæ, quæ in tutorem datur, famosa est, non quæ agitur in hæredem tutoris, *l. furti, §. si quis alieno, et §. penult. D. de his qui not. inf.* In hoc autem proposito hæredem, vel hæredes accipimus in infinitum,

ut contineantur etiam heredes heredum, quod in tit. sup. ostendit l. 2.

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. LV. Si tutor, vel curator non gesserit.

Dat tit. Si tut. non gess. ut resumat quod dixit in tit. generali arb. tut. l. 6. etiam eum, qui non gessit tutelam teneri arbitrio tutelæ, utili scilicet non directo, et excusso eo prius atque convento qui gessit, ut in l. 2. hoc tit. in prima parte l. 8. sup. de admin. tut. l. 8. sup. de div. tut. et ut doceat specialiter cessationis rationem esse reddendam, etiamsi non defuerint, qui gererent tutelam, ut ait l. 2. sup. tit. proximo. Si nemo gessit tutelam, quia non apparet quis sit prior, quis posterior, quivis ordo in eis conveniendis sit servandus, cum sit omnium contumacia par, vel culpa lata, perinde omnes tenentur, atque si communiter tutelam indivisam administrassent, l. 2. hoc tit. in secunda parte, quod a me latius explicatum est in tit. de div. tut. Ubi alii gesserunt, alii non gesserunt, si forte, qui gesserunt, solvendo non sint, conveniuntur qui non gesserunt, vel culpam nomine, quod contutores suspectos non fecerint, l. 2. tit. seq. et d. l. 6. sup. arb. tut. Vel si is, qui tutelam administravit, qui tutelam gessit, solus patronus sit ceterorum contutorum, ut non possit postulantibus collegis suis libertis accusari suspecti, ob dolum et fraudem, quod actio suspicionis sit famosa, quam unusquisque intendit suo nomine, et quasi publico nomine, quia quasi publica actio est, quod patet omnibus, hoc pietatis officium pupillo prestare paratis, l. 1. §. consequens, D. de susp. tut. In patronum igitur contutorem ceteri non possunt movere suspecti actionem famosam, quia liberto in patronum nulla est actio famosa, l. 1. hoc tit. ex qua sumpta est l. 1. sup. de obseq. pat. prest. Quid igitur fiet hoc casu; si ceteri tutores, qui tutelam non gesserunt, eum, qui gessit, quod patronus esset, non potuerunt postulare suspecti, an culpabuntur? sic sane, non quod suspectum contutorem non fecerunt (nec enim poterant) sed quod curatorem ei adungi non postularunt, vel alio remedio non prospexerunt rebus pupilli, quas patronus male administravit, l. 1. hoc tit. et arg. l. si tutor, D. de susp. tut.

JACOBI CUJACII J. C.

In Lib. V. Codicis

RECITATIONES SOLEMNES.

Ad Tit. LV1. De usuris pupillaribus.

Etiam hoc tit. specialiter resumit, quod attigit tit. generali arb. tut. l. 8. Videlicet in arbitrium tutelæ venire usuras pecuniæ pupillaris quam tutor in usus suos convertit, et usuras legitimas, id est, centesimas, quibus nullæ possunt esse majores, secundum leges, *au denier huiet et un tiers*, quod etiam constitutionibus regis comprobatum est, *douze pour cent, l. 1. hoc tit.* quæ hoc dicit, venire usuram centesimam in actionem tutelæ, ejus pecuniæ, quam tutor convertit in usus suos. Veniunt etiam usuræ centesimæ in eandem actionem, si tutor negaverit pecuniam pupillarem ad alendum pupillum penes se esse, et in mendacio convictus fuerit. Item eadem usuræ veniunt, quæ sunt maximæ usuræ, et gravissimæ, si tutor neglexerit præceptum prætoris de pecuniis pupillari deponenda, vel si tardius ei obtemperaverit. Item si a debitoribus pupilli centesimas usuras exegerit. Item si tutor dum negat aliquam pecuniam penes se esse falso, compulerit pupillos ad sui onere expedienda mutuam pecuniam sumere sub usuris centesimis. Ex his causis usuræ pupillares sunt centesimæ, l. 7. §. *quæ autem, D. de administr. tutor. l. qui sine, D. de neg. gest.* Ex ceteris causis ejus, quod tutor debet ex administratione, in arbitrium tutelæ secundum morem regionis veniunt usuræ trientes, vel quincunces, ut ait dictus §. *quæ autem*, id est, *au denier vingt*, vel trientes, id est, *au denier vingt et cinq*, vel si quæ alim leviores in provincia frequentantur. Nam exceptis causis, ex quibus veniunt usuræ maximæ, id est, centesimæ, in aliis ad usuras exigendas, vel in usuris exigendis servamus morem regionis, modo non excedat modum legitimum, l. 1. in princip. D. de usuris. Hæ sunt pupillares usuræ, id est, quæ veniunt in arbitrium tutelæ, vel in actionem utilem negotiorum gestorum. Nam quæ de tutoribus dicimus, pertinent etiam ad curatores. Veniunt autem hæ usuræ non tantum, si tutor ex sua persona conveniatur: sed etiam ex persona contutoris, quod enim suspectum non fecerit, vel quod ubi opus fuit, satis ab eo non exegerit d. l. 7. §. penult. l. 2. hujus tit. Et veniunt usque in diem sententiæ, sive condemnationis, vel si tutela sit redlita sine iudice, *sans procès*, in diem redditæ tutelæ, *lex usures courent jusques là, d. l. 7. §. ult. et l. 1. D. de usur.* Et ex die veniunt, quæ tutor ex administra-

tione cepit esse debitor ipso jure, sine mora, quæ fiat, in personam sine interpellatione, quia favore pupillorum ex constitutione Severi mora ejus fit in rem, sive ipso jure, *l. cum vero, §. apparet, D. de fideicommiss. lib.* quæ constitutio Severi significatur articulo hodie in *d. l. 1. de usur.* Ad hæc duo notanda sunt, in arbitrium tamen tutelæ non venire otiosæ pecuniæ pupillares usuras, id est, quam tutor non habuit, cui fœneraret, vel ex qua non habuit prædia idonea, quæ compararet, tunc enim ea pecunia valet pupillo, et sterilescit, *l. 3. hujus tit. l. cum plures, §. ult. D. de administr. tutor.* Postremo notandum est impediri cursum usurarum pupillariorum, quas tutor debuit, si per eum non steterit, quo minus tutelam restituerit, *l. 4. hujus tit.* Nam, ut non impeditur petitio sortis, quod debitor usuras solvere paratus sit, *l. ult. §. ul. sup. de jure dot.* nisi aliud convenerit, puta, ut donec usuræ solverentur, sortis non exigeretur, *l. 4. §. ult. D. de pact.* ita quoque non impeditur liberatio usurarum, quod creditor non agat, quod pupillus tutelam non agat: si modo tutor ei sæpius denunciaverit, et postremo apud acta jus dicentis protestatus sit, se paratum esse parem rationem cum pupillo facere, quæ est sententia *l. 4. hujus tit.* valde notanda quia non desiderat oblationem pecuniæ, oblationem reliquorum, et obsignationem. Unde notandi sunt duo modi, quibus inhiberi potest cursus usurarum pupillariorum. Unus est in *l. 1. in fin. D. de usuris, l. tutor pro pupillo, §. 1. D. de administr. tut.* Alter modus hic est, qui proponitur in *hac l. 4.* si frequenter denunciaret pupillo tutor, ut accipiat rationes tutelæ, et tandem apud acta contestetur, se paratum esse restituere tutelam. Hoc sufficit ad inhibendum cursum usurarum, etiamsi pecuniæ obsignatio, vel depositio non intervenerit. Denique oblatio illa iterata sæpius, et ad extremum prodita actis atque insinuata absolvit usuris pupillaribus.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LVII. De fidejussoribus tutorum, vel curatorum.

Hic titulus ostendit, non tantum tutorem teneri actione tutelæ, sed et fidejussores ejus actione ex stipulatu, qui et ipse fidejussor nomine usurarum pupillariorum tenetur, quia rei locum obtinet, *l. si postea, D. rem pup. salv. fore.* Et adolescens eligere potest cum quo agat de tutela, cum ipso tutore, vel cum

fidejussore ejus, vel etiam potest dividere actionem, et partem petere a tutore, partem a fidejussore tutoris, non etiam solidum a tutore, et solidum etiam a fidejussore, ne his idem consequatur, *l. 1. hoc tit. l. pupillus, D. cod. tit. l. reos, inf. de fidejuss. l. 3. §. 1. D. de duobus reis, l. grege, §. etiam, D. de pign.* Et hoc secundum jus vetus, quod obtinuit ante Novell. Justin. *de fidejuss.* quæ creditoribus quibuscunque ademit istam electionem, et vult prius executi rem principalem, quam fidejussorem. Quæ de causa dux constitutiones hujus tituli, quæ loquuntur de ista electione non sunt positæ in Basil. quia erat sublata electio a Justiniano. Illa quia satis explicata est *lex 1.* videamus alteram, in qua queritur, an electo tutore liberetur fidejussor, electio, inquam, et condemnatio, et solvendo sortem forte duntaxat, nec etiam satisfaciente ad solvendas usuras pupillares, et cetera arbitrii tutelæ? An et cetera integram est pupillo reposcere a fidejussore tutoris, qui elegit rem? Denique an electo an omnino liberetur fidejussor? Et valde notanda est distinctio *l. 2.* quia potest esse usui in multis partibus juris. Aut fidejussor acceptus est simpliciter in id, quod tutor debiturus esset: et tunc electo reo, et damnato, et nonnihil solvente, parata solvendo sortem, fidejussor liberatur, quia non videtur in omnem causam intercessisse. Aut promisit generaliter rem pupilli salvam fore vel indemnem pupillum fore: aut præstari etiam id quod a tutore servari non possit: et his modis fidejussor se videtur obligasse in omnem causam, et electo reo, et solvendo sortem tantum, nihilominus tenetur fidejussor ad solvendas usuras, quas reus per inopiam solvere nequit, et omnino ad supplementum pupillo indemnitate. Et hoc vult *l. 2.* quod confirmatur *l. fidejuss. inf. de fidejuss. et l. initio, sup. de pact. int. empt. et vend. et l. quare, D. loc.*

JACOBI CUJACII J. C.

In Lib. V. Codicis

RECITATIONES SOLEMNES.

Ad Titulum LVIII. De contrario judicio tutelæ.

Cum de judicio tutelæ directo supra dictum sit satis, quod pupillo competit: ad contrarium veniendum est, quod tutori in pupillum datur finita tutela. In hoc judicio tutelæ contrario venit, quod tutor de suo impendit in rem pupilli, *l. 3. hoc tit.* vel quod ei pupillus debuit ex causa præcedente tutelam, veluti ex contractu paterno, *l. 2. sup. de in lit. dand. tut.* Quod autem venit in con-

trarium iudicium tutelæ, id etiam tutor, si cum eo agatur directo iudicio potest consequi iure compensationis, l. 3. h. t. d. l. 2. sup. de in lit. dand. tut. Illud notandum est, in contrarium iudicium tutelæ non venire, ut tutori, qui solvit pro contutore suo convento, et condemnato in solidum, pupillus cedat actiones suas adversus contutorem condemnatum, quia post solutionem extincta tutelæ obligatio, nulla pupillo actio superest, quam cedere possit, sed is, qui solvit pro contutore condemnato, habet in eum actionem negotiorum gestorum: post solutionem, ut dixi, frustra desideraretur cessio actionis a pupillo, quia solutio actionem pupilli peremit: ante solutionem recte desideraretur, recte scilicet pupillus cederet actiones suas tutori, qui id omne, quod ex tutela sua debetur, paratus est solvere pro collegis. Itemque valeret cessio post solutionem uno casu, si in ipsa solutione pactus sit tutor, qui solvit pro collegis, ut sibi cedantur actiones adversus collegas suos, quia hoc modo videtur cum suo actionem pupilli adversus collegas suos, l. Modest. ff. de sol. l. cum is, ff. de fidejuss. Itaque cessio redemptæ actionis valet, ut transactio mandatum, qua veluti mandato emptor sit procurator in rem suam, l. 1. hoc tit. vel etiam emptori actionis, sive nominis sine cessione, id est, etiamsi non sit factus procurator in rem suam, competit in collegas utilis actio tutelæ, quasi ex cessione præsumpta, l. 1. sup. de obl. et act. Sicut tutore condemnato, et solvente ex communi culpa, vel ex culpa collegarum, ei cedendæ sunt actiones adversus collegas, quod condemnatus consequitur in actione iudicati per exceptionem doli mali, vel sine cessione ei dantur utiles ex constitutionibus: l. ex pluribus, ff. de admin. tut. l. 1. §. punc tractemus, ff. de tut. et rat. distr. Quod utique verum est, etiamsi ex communi culpa vel ex culpa collegarum tutor absens, et indefensus condemnatus sit post litem cum eo contestatam, quæ sententia valet, lata scilicet in absentem, et indefensum, qui litem contestatus fuerat, l. ult. inf. quomodo, et quando jud. Si, inquam, ita absens condemnatus bonam fidem agnoscens sententiæ acquieverit, id est, non appellaverit, sed solverit, et fecerit iudicatum, quæ est sententia l. 2. hoc tit. Et dixi recte ex leg. 2. ex communi culpa. Nam si unus ex tutoribus damnatus sit ex propria culpa: nulla ei actio potest esse in contutores, neque item, si ex communi dolo, l. si plures, ff. de adm. tutor. l. 1. §. plane, ff. de tut. et rat. distr. quod exponimus etiam in tit. de divid. tut. neque item, si suo nomine solverit, l. ut fidejussor, D. de fidejuss. et l. cum alter, inf. de fidejuss.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LIX. de auctoritate præstanda.

Explicatis actionibus, quæ ex administratione negotiorum pupillarium nascuntur, datur tit. de auctoritate præstanda, quoniam veteres auctoritatem separabant ab administratione negotiorum, ut Ulpian. lib. regul. tit. de tut. dum ait, pupillorum, et pupillarum tutores, et negotia administrare, et auctoritatem interponere pupillis aliquid gerentibus: mulierum autem puberum tutores, quæ ante legem Claudiam erant in perpetua tutela, auctoritatem duntaxat interponere, non etiam gerere negotia mulierum. Et tamen de auctoritate præstita, vel non præstita, ubi oportuit, non minus, quam de administratione tutor rationem reddit iudicio tutelæ, l. si tutor, D. de auct. tut. Et, quod notandum, receptum est, ut sine auctoritate tutoris pupillus tutori obligetur iudicio contrario tutelæ, l. 1. D. de contr. act. tut. quamvis aliis non obligetur pupillus sine tutoris auctoritate, nisi in quantum locupletior factus est ex D. Pii constitutione, l. 1. D. de auct. tut. Cum tamen alios sibi pupillus obliget recte, etiam sine auctoritate tutoris, l. 1. hoc tit. quæ sumpta est ex l. neque, inf. de contrah. stip. Namque placuit generaliter, pupillum meliorem suam conditionem facere posse sine tutoris auctoritate, non etiam deteriore. Sunt autem in hoc tit. duæ Justin. constitutiones novæ, quibus ius vetus abrogatur maxime notandæ. Una est in l. 4. ut non tantum in civilibus, sed etiam in criminalibus causis minoribus sit necessaria auctoritas tutoris, ut inutile sit, et irritum etiam criminale iudicium, si tutor, vel curator minori non adfuerit, vel accusatori minori, vel reo. Et inde in l. 2. §. pupillis, D. de accus. pupillo licet exequi iudicio publico mortem patris, vel avi sui ex consilio tutorum. Iure autem veteri, sicut cum servis nulla erat actio civilis, l. servus, sup. de jud. l. cum servo, D. de reg. jur. erat tamen cum servo criminale iudicium, l. hos accusare, §. omnibus, D. de accus. ita cum minoribus non erat actio civilis sine tutoris, aut curatoris auctoritate, erat tamen criminalis sine tutoris auctoritate, quod mutat hæc lex 4. Altera constitutio est in l. 5. ut scilicet si plures sint tutores, in omni re unus auctoritas sufficiat, quæ comprobetur, et corroboretur quod cum pupillo agitur, præterquam si pupillus detur alteri in adoptionem,

quod hodie jure fit adhibita auctoritate omnium tutorum, vel curatorum ex constitutione Antonini, l. 8. l. 17. §. 1. D. de adop. Merito excepit hanc rem l. 8. ne sit in potestate unius tutoris finire tutelam. Finitur enim tutela adoptione pupilli, cum per adoptionem desinat esse liberum caput. Ergo hoc casu excepto, si plures sunt tutores, ex constitutione Justiniani indistincte, quoque modo, aut jure accesserint ad tutelam, in omnibus causis unius auctoritas sufficit, si indivisa sit tutela, si divisa sit in partes honorum, vel in regiones, et provincias, oportet quemque in sua provincia auctoritatem interponere, nec miscere se negotiis alterius provinciae commissis alteri per divisionem tutelae. Quod ita accipiendum est, ut si tamen unius provinciae sint plures tutores, unius auctoritas sufficiat ex illis, quibus attributa est illa provincia, non ex alia provincia. Nam etsi lis, si qua moveatur pupillo, vel a pupillo, omnibus denuncianda, vel ab omnibus qui in ea provincia tutelam gerunt, l. 2. inf. si ex plur. tut. tamen post denuntiacionem, vel unius provinciae uno tutore auctore iudicium peragi potest. Hac constitutione Justinianus sustulit veterem differentiam tutorum inter se, quam olim obtinebat. Nam olim si plures erant tutores testamentarii, vel dati ex inquisitione, unius auctoritas sufficiebat, licet denunciare litem solemniter omnibus oporteret, ut aperte ostendit l. 1. C. Theod. de denunt. Sed si plures erant tutores legitimi, vel dati sine inquisitione, unius auctoritas non sufficiebat, sed omnes in omni re auctoritatem pupillis suis praestare oportebat, vel curatores omnes suis adolescentibus, Ulp. lib. reg. tit. de tut. Si plures, inquit, tutores sunt, omnes in omni re debent auctoritatem accommodare, praeter eos, qui testamento dati sunt: nam ex his unius auctoritas sufficit: quibus adjunguntur etiam dati ex inquisitione. Et ita M. Tullius pro Flacco: nihil de tutela legitima sine tutorum omnium auctoritate diminui potest. Sed hanc differentiam abrogat Justinianus in hac l. ult. Et vult ut sit eadem hac in re conditio, et causa omnium tutorum, et ut scilicet in omnibus causis, excepta sola causa adrogationis pupilli, unius auctoritas tutoris sufficiat. Et notandum est valde, quod ait in hoc casu, non absimiles esse testamentariis, et datis per inquisitionem legitimos, et simpliciter datos. Et sequitur, eo quod fidejussionis onere praegravantur, et subsidariae actionis adminiculum speratur. Explicat cur dixerit, non esse differentiam inter tutores in hoc casu tantum, eo quod in aliis casibus est differentia inter tutores, duobus nempe, primum in onere fidejussionis rem pupilli salvam fore, quod subeunt legitimi, et dati sine inquisitione non testamentarii, et dati ex inquisitione, l. penult. sup.

de tut. et cur. qui sat. non ded. Deinde inter eos differentia est in spe subsidariae actionis. Subsidariam actionem vocat actionem in factum, quae datur in magistratum municipalem ad extremum, ubi non potest alio remedio pupillus a tutoribus suum conservare, vel curatoribus, videlicet si magistratus municipales non idoneum fidejussorem dederint, non exacta satisfactione, ex oratione Trajani: de qua actione est tit. ult. hoc libro. Et merito ultimus, quia ultimum hoc est remedium, quod competit pupillo rei suae servandae gratia, ultima actio, id est, subsidaria. Haec vero actio non pertinet ad testamentarios tutores, vel datos ex inquisitione, sed tantum pertinet ad legitimos, vel datos sine inquisitione, a quibus magistratus municipalis satis non exegit. Et ita mens Justiniani hoc loco est, ut his casibus probet, non esse idem jus tutorum: sed in proposito casu, si unius tutoris auctoritas sufficiat, idem jus esse omnium indistincte. Auctoritas est voluntas, suggestio, consilium, consensus, approbatio tutoris expressa. Necessae est, ut auctoretur expressim dicens, se auctorem esse, se assentiri pupillo contrahenti, vel litiganti. Nam sola praesentia corporalis tutoris non sufficit, nec habetur taciturnitas pro consensu. Denique auctoritas est approbatio tutoris expressa, quam interponitur in ipso negotio pupilli, vel perfecto negotio, l. si quis mihi, §. jussum, ff. de acquir. hered. l. 1. §. ult. et l. 3. ff. de auctor. tut.

JACOBI CUJACII J. C.

Ad Lib. V. Codicis

RECITATIONES SOLEMNES.

Ad Tit. LX Quando tutores, vel curatores, esse desinant.

Recte conjungitur hic titulus legi ultimae praecedenti, quae docet tutelam, et curam finire adoptione pupilli, ut addat etiam, tutelam, et curam finire impuberis pubertate, l. 1. hoc tit. l. 2. sup. in quib. caus. tutor. l. curatorem, ff. de tut. vel curat. dat. non finire tutelam sola pupilli voluntate, quia invitus pupillus est sub tutoris auctoritate, invitus tutela continetur, l. 2. hoc tit. et l. ult. pubertatem, quia diximus finire tutelam, vel curam, aestimat Justinianus in feminis ex annis duodecim completis, quod olim etiam obtinebat in maribus autem ex annis quatuordecim, quod olim omnino non obtinebat, cum aestimabatur in more pubertas ex aspectu corporis, id est, verecundioris partis omnino, quod indecorum esse Justinianus arbitratus est, ut apud Aristoph. in Vesp. πιδαν δειπαρομένην. Et apud Platonem II. de leg.

Igitur hodie indistincte pubertas aestimatur ex annis
fœminarum 12. et masculorum 14.

JACOBI CUJACII J. C.

In Lib. V. Codicis

RECITATIONES SOLEMNES.

*Ad Tit. LXI. De actore a tutore, seu curatore
dando.*

Non satis est dixisse de tutore, vel curatore,
nisi et aliquid proprio titulo tractetur de actore a
tutore, vel curatore dato, licet et de eo jam ac-
tum sit *l. 10. sup. qui dar. vel dar. tutor. vel,
cur.* Hic vero actor dari dicitur a tutore, vel cu-
ratore, quis ex decreto prætoris, vel præsidis,
postulante tutore, aut curatore, et ejus periculo
datur plerumque litium causa, unde est actoris no-
men, cum tutor, vel curator aliquo profecturus,
et aliquandiu absuturus est, ut in constitutione
hujus tit. et *l. 10. inf. de appell. l. qui altera
negotia, §. penul. D. de negot. gest. l. tutor,
D. quand. ex fac. tut.* Absuturus igitur tutor
constituit, constituive postulat decreto prætoris,
suo loco, et suo periculo actorem idoneum, qui
interim defendat pupillum, atque tueatur: nam
propter absentiam solam tutoris, non potest dari
alius tutor, vel curator, *d. l. 10. sup. qui dar.
tut. vel cur. l. curator, D. de tut. et cur. dat.*
Si modo (ut alias dixi) ibi accipias affuerit, pro
absuerit, quemadmodum semper habent scriptum
Pandect. Fior. Non potest etiam tutor, qui absu-
turus est procuratorem facere ex sua persona in litem
pupilli, cum non sit ipse dominus litis, solus do-
minus litis procuratorem facit, *l. neque, sup. de
proc.* Posset quidem facere procuratorem ad litem
ex persona pupilli sua interposita auctoritate: sed
finge pupillum abesse peregre, aut infantem esse,
ut procuratorem constituere non possit, tunc sane
nec ex persona pupilli procurator dari potest auctore
tutore, qui abesse cogitur sui negotii necessarii
causa, *§. ult. Institut. de curat. l. decreto, D. de
administr. tutor.* Igitur necesse est hoc casu acto-
rem constitui periculo absentis tutoris, vel absu-
turi, qui etiam dicitur adjutor, *l. solet, ff. de
tut. l. 6. infra, quom. et quand. jud.*

JACOBI CUJACII J. C.

In Lib. V. Codicis

RECITATIONES SOLEMNES.

*Ad Tit. LXII. De excusationibus, et tempori-
bus eorum.*

Cum sæpe jam dixisset in superioribus tit. tuto-
rem jure datum, ex quo scivit se datum, suo pe-
Tom. IX.

riculo cessare, si se non excuset, *l. 6. sup. de
testam. tut. l. 1. sup. de leg. tut. l. 9. qui dar.
tut. vel cur. non poss. l. 19. de adm. tut.* tempus
est tandem, ut dicat de excusat. Dux sunt partes
tituli, una de excusationibus, altera de tempori-
bus excusationum, id est, intra que excusationes
allegari et proponi oportet, quæ qui non observat,
et postea tempora se excusat, repellitur præscri-
ptione temporis, nec auditur. *Excusatio* quid
est? Est allegatio vacationis, seu immunitatis a
tutela, vel cura, quam habet quis ex privilegio,
vel ex justa causa, et quam proponit re integra,
id est, nondum coepta administratione. Sæpe est
excusatio regulariter post administrationem coeptam,
exceptis causis, quæ post susceptam tutelam no-
vissime præbent excusationis causam. Alioquin
regulariter excusatio proponenda est re integra,
l. 2. tit. seq. Et vel excusatio fit in partem, vel in
totum. In partem, veluti ab administratione rerum,
quæ sunt in alia provincia, quod non possit in
duabus provinciis solus, propter late diffusum pa-
trimonium pupilli, officium tutelæ exercere. Idcir-
co enim excusabitur in partem tantum. In totum
autem plerique excusantur, et multo plures sunt
excusationum causæ, quam proponantur in hoc tit.
Adduntur etiam aliæ in aliis tit. seq. Ingenuus ex-
cusatur a tutela libertini, *l. 3. hoc tit.* Ut si ho-
die diceremus, nobilem excusari a tutela plebei:
nam qui dicuntur nobiles, alii sunt a militibus.
miles est tantum is, qui meret stipendium in ex-
peditione, sive ingenuus sit, sive libertinus, extra
castrum nullus est miles. Et est error ineptissimus
vulgaris, ut milites arbitrentur esse, quos no-
biles appellamus, quia scilicet nobilitantur mu-
nere feudi a principe profecti, alioquin milites ne
volentes quidem possunt tutores fieri, *l. 4. supra,
qui dar. tut.* Ergo ingenuus excusat se, si detur
tutor libertino, ac similiter nobilis, si detur tu-
tor plebeo. Item navicularii, id est, qui serviunt
annonæ urbis, et aliis publicis necessitatibus in
contrahenda annona, vel lignis, vel lapidibus,
aut marmoribus, vel qua alia materia necessaria
Reipub. quorum in urbe, cum erat amplissima,
erat certum corpus donatum multis privilegiis. Et
inter cetera, ut excusentur navicularii a tutela per-
sonarum, quæ non essent ex suo corpore, id est,
non naviculariorum, *l. 1. l. t. l. 7. C. Theodos.
de navicular.* Excusantur etiam silentiarii, *l. ult.
hoc tit. l. ult. infra de silent. lib. 12.* Hi sunt mili-
tes, qui noctu excubias agunt in palatio principis ad
limina, qui, ut ait Claudianus, *sacro adhibent silen-
tia somno*, unde est nomen. Item exactores tribu-
torum excusantur a tutela, *l. 10. hujus tit.* Et
qui tutelam gessit pupilli, ea finita pubertate, non
cogitur etiam suscipere curam ejusdem personæ,

nisi sit libertus patroni: is enim debet utrumque munus liberis patroni, vel patronæ, ut in *l. 5. et 10. hujus tit.* Excusatur etiam favore senatorum urbis, libertus tantum unus, qui senatori procurat (*qui fait tous ses affaires, et qui les manie*) *l. 15.* Item qui cum pupillo de hereditate controversiam habet, *l. 16.* Et quod maxime notandum est, quasi valde novum et singulare, hic si susciperet tutelam, ex necessitate officii, cogeretur nomine pupilli diem d-cero fratribus suis, cum quibus pupillo res est, vel fratrum suorum filiis, si se excuset: ne nomine pupilli tam propinquis personis negotium faciat ullum, audietur, maxime cum communis utilitas pupilli occurrat, cui est negotium proximum cum propinquis ejus, qui tutor datus est. conjunctissimisque personis, in *l. 23. hoc tit.* Hi igitur excusantur in totum. Ac notandum est rursum, ex iis, qui se excusant, alios tutores esse posse, si velint, ut ii, qui ante relati sunt. Et notandum est, voluntariam tutelam nihil derogare privilegio excusationis, *l. 12.* ut si omissa excusatione, quæ mihi jure competit, mea sponte tutelam cujusdam pupilli suscepero, non ideo minus me potero excusare a tutela nova, si deferatur. Et notandum est, non amitti privilegium per voluntaria tutelæ munera, *l. 12. h. t.* Alios vero se excusare, qui nec si velint, tutores esse possunt, et forte suscepta ultro administratione remonentur, ut maritus tutor datus uxori, vel socer norui, *l. 4. 15. et 17. hoc tit. l. 2. supra, qui dar. tut. vel cur.* Observandum etiam est in hoc tit. non tantum explicari causas aliquas justas excusationum, sed etiam aliquot injustas, *l. 1. 7. 8. 9. et 21.* Et hæc de prima parte. Altera pars est de temporibus excusationum, ad quam pertinet *l. 6. 11. 16. 18. et 20.* Ut scilicet tutor datus decreto prætoris, vel testamento patris, non necesse habeat statim appellare a decreto, a nominatione, creatione. Sane si testamento datus sit, non appellat: si decreto prætoris datus sit, jure veteri potuit appellare, *l. 4. D. de excus. tut. l. cum in una, l. tut. ff. de appell. l. tutor, vel cur. ff. de admin. tut. l. penult. de tut. et cur. dat.* Sicut quilibet vocatus ad alia munera civilia, quæ sunt innumera, confestim potest appellare, ut est in *l. 7. infra, de appell.* Igitur jure veteri hac in re munus tutelæ, vel curationis nihil differt a ceteris muneribus civilibus. Nam statim atque tutor, vel qui vocatur ad aliud munus civile decreto præsidis, vel decurionum, datus, et nominatus est (nominatio datio est, ordinatio, creatio) jure veteri potest appellare, et queri de iniquitate oneris impositi. Sed ex constitutione D. Marci, tutoribus datis remissa est appellandi necessitas, ut non cogantur statim appellare, nec omissa appellatio statim eis fraudi est,

quasi injuncto periculo cessationis, quod significat *l. 18. hoc tit. et l. 15. D. eod.* Sed tutor datus decreto prætoris, vel præsidis ex eadem constitutione D. Marci, ex quo innotuit ei decretum, debet se excusare apud eundem prætorem, vel præsidem intra dies 30. Et excusatione non recepta, id est, si decreverit idem prætor, vel præses, qui dedit, non esse excusationi locum, tunc licet tutori appellare, et agere causam appellationis etiam post pubertatem pupilli, cum jam tutor esse non potest, ut scilicet sciatur an futurum medii temporis periculum ad eum pertineat, nec ne. Qua in re est notanda *lex 15. hoc tit.* Hic ordo introductus est constitutione D. Marci sed notandum est, se excusare testamentarios, vel datos decreto prætoris, vel præsidis: nam legitimi non possunt se excusare, quia ipso jure tutores sunt facti legibus, et a legibus non licet se excusare, non licet appellare, et excusationem non receptam sequitur appellatio, secundum *l. si qua pena, D. de verb. sign.* Et ideo in *l. 6. h. t. et l. 15. D. eod.* fit tantum mentio testamentarii, vel dati a prætore, aut præside: ut intra tempora se excusent: non fit mentio legitimi. Et similiter in §. *qui autem excus. Instit. eod. tit.* cujuscunque generis tutores se excusare possunt. Quibus verbis, ut excluderentur legitimi, subjicit interpretationem, id est, quicumque dati fuerint, quo excluderet legitimos. Dixit qui dati fuerint: legitimi enim non dantur, sed fiunt, *l. 5. D. de leg. tut.* Possunt tamen legitimi se excusare ad tempus ex causa forte, quæ supervenerit, *l. 10. §. si libertus, D. eod.*

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LXIII. Si tutor, vel curator falsis allegationibus excusatus sit.

Addendum ex tit. 63. si falsis allegationibus excusatus sit, excusationem receptam liberare periculo cessationis, *l. 22. sup. tit. prox.* nisi scilicet ut ostenditur in h. tit., recepta sit excusatio falsis allegationibus circumscripta religione judicantis, ut in specie *l. 2. h. t.* si falso dixerit se tutelam non attigisse, quam tamen cepit gerere: atque ita excusatio ejus recepta fuerit, quæ non recipitur generaliter, nisi res sit integra, nisi omnia sint in integro, id est, nisi intacta fuerit tutela, alioquin se excusat. Decretum igitur prætoris quo recepta est, et comprobata, rescinditur, si falsis allegationibus tutor judici imposuerit: et generaliter omne decre-

tum, omnis sententia iudicis rescinditur, circum-
venta religione iudicis ex falsis instrumentis, con-
testationibus, allegationibus, in *l. 1. h. t.*

JACOBI CUJACII J. C.

In Lib. V. Codicis.

RECITATIONES SOLEMNES.

*Ad Tit. LXIV. Si tutor, vel curator reipu-
blicae causa abfuerit.*

Hoc tantum notandum est, quod dixit in titulo
prae. *l. 2.* excusationem proponi re integra, non
si jam coeperit administrare. In hoc tit. additur
exceptio nisi post susceptam administrationem abes-
se coeperit Reipublicae causa. Nam et si coepit admi-
nistrare, potest se excusare ad tempus: nam post
regressum recipit eandem tutelam. Et inde videmus
alios excusari in perpetuum, alios ad tempus, et
qui ad tempus, non se excusant proprie, quia non
desinunt esse tutores: quae de causa legitimi non
male se excusant ad tempus. Ergo qui se excusa-
vit, cum res non esset integra, cum ei abundum
esset Reipublicae causa, reversus recipit tutelam
priorem, e cuius administratione cessavit aliquandiu
excusatus. Nam excusatio illius administrationis, prius
quam tutelae excusatio est. Ceterum postquam re-
versus est, a nova tutela, quae deferretur post re-
gressum, habet anni vacationem: recipiet priorem,
repudiabit novam intra annum ex quo reversus est.
Quod est privilegium huius constitutionis datum iis
qui dant Reipub. operam, *l. 2. hoc tit.*

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LXX. De excusatione veteranorum.

Si libet ordinem titulum detexere diligentius,
cum dixisset in *l. ult. tit. 59.* tutelam, vel curam
finiri adrogatione minoris, subjicit in titulo sexage-
simo, tutelam finiri etiam pubertate, et curam
similiter aetate legitima adolescentis, non sola vo-
luntate pupilli, et in *tit. 61.* non sola absentia tu-
toris, sed in locum absentis dari actorem periculo
ejus, et in *tit. 62.* finiri tamen tutelam, vel curam
excusatione, propositis variis excusationum causis,
et specialiter una in *tit. 64.* si tutor abfuturus sit
Reipubl. causa, vel absit, qui etiam reversus a

nova tutela, vel nova curatione anni vacationem
habet pro praemio navatae in Reipubl. operae. Et
pro praemio igitur impletur militiae, ut nunc osten-
ditur in hoc tit. 65. Nam et milites absunt Reipu-
blicae causa, *l. miles, et seq. D. ex quibus causis
major.* Et majorem quoque immunitatem habent
milites stipendiis confectis, quam ceteri, qui abfue-
runt Reip. causa, qui post regressum anni tantum
vacationem habent, *l. 2. sup. tit. prox.* Qui vero
vicena stipendia meruerunt, id est, qui militaverunt
20. annis, et dimissi sunt, solutique sacramento
sine infamia, in perpetuum excusantur a tutelis et
curationibus, et muneribus ceteris personalibus,
praeterquam ab nova tutela, vel cura filiorum con-
veterani, vel nova cura militis, a qua tamen etiam
anni vacationem habent post missionem, in *l. 8.
ff. de excusat.* Hi sunt veterani, qui ut dixi, vice-
na stipendia meruerunt, nec dimissi sunt cum infam-
ia, his data est vacatio tutelarum, et munerum
omnium personalium, et civilium: his etiam sunt
concessa alia privilegia multa, ut ex delictis poe-
nis plebejorum non subiciantur, puta ut non in
metallum damnentur, ut fustibus non caedantur,
et ut capite dampnati testamentum facere possint,
quod non possunt alii, vel si testamentum non fece-
runt, ut in eorum bona non statim succedat fiscus,
ut in *tit. D. et C. de veteran. et de veteran. succ.*
Ut et veterani filiofamil. de castrensi peculio testa-
mentum facere possint, et ut testamentum, quod
fecerunt in castris jure militari, valeat intra annum
missionis, §. *sed hactenus, Institut. de mil. test.*

JACOBI CUJACII J. C.

In Lib. V. Codicis.

RECITATIONES SOLEMNES.

*Ad Tit. LXVI. Qui numero liberorum se excu-
sant.*

Sequitur alia specialis causa excusationis ob nu-
merum liberorum, id est, si Romanus habeat tres
liberos, Italus quatuor, Provincialis quinque. Nam
et hic numerus excusat a ceteris muneribus perso-
nalibus omnibus, et liberorum nomine continentur
etiam nepotes ex filio jam ante defuncto, non ne-
potes ex filia, quia ii non sequuntur familiam avi
materni: non etiam nepotes ex filio superstite,
quoniam ii patri suo prosunt magis, quam avo ma-
terno, *l. 2. hoc tit. l. 3. inf. de his, qui num.
liber. lib. 10.*

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LXVII. Qui morbo se excusant.

Sequitur alia causa excusationis ob morbum, si tutor post susceptam tutelam oculis captus fuerit, vel mente, vel lingua, vel auditu. Nam ab initio qui his morbis affecti sunt, tantum abest ut tutores, vel curatores dari possint, ut his ipsis sit curatoribus opus. Ergo morbi nomine in hoc titulo significatur etiam cæcitas, et surditas, et emissio vocis, ut in *tit. de edil. edict.* Et recte Galenus definiit morbum esse causam, qua impediuntur actiones totius corporis, vel actio certæ partis, veluti oculorum, aurium, linguæ. Igitur sub titulo *qui morbo*, recte docet tutelam deponere excusationis genere captos oculis, vel mente captos, aut lingua, aut surdos, aut captos perpetua invetudine.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Titul. LXVIII. Qui ætate.

Sequitur alia causa excusationis ob ætatem longævam, quæ scilicet excedat 70. annos, ut ita etiam legendum ostendi in *l. ult. inf. qui ætat. se excus. lib. 10.* Ille titulus docet ætatem longævam, quæ finitur 70. annis completis, et elapsis, excusare a ceteris muneribus civilibus personalibus: hic titulus specialiter a tutelis, et curationibus. Nec male morbo mox jungitur ætas, aut ætati mox subjungitur morbus: nam recte in Basilicis, et quibusdam veteribus libris hic titulus præponitur titulo præcedenti, atque adeo ætati prolixæ, aut longævæ subjungitur morbus, ut recte Aristoteles dixerit *lib. 5. de generat. animal.* morbum esse senectutem adscititiam, et senectutem esse morbum naturalem.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LXIX. Qui numero tutelarum.

Sequitur alia species excusationis, ut scilicet

excusetur a quarta tutela, vel cura, non ab alio munere civili in *l. 3. inf. de excus. mun. lib. 10.* qui sustinet onera trium tutelarum, vel curationum. Dico onera, quæ sunt vere onera: nam tenuissima tutela, puta admodum egeni pupilli non cedit in numerum trium tutelarum. Et dicitur hæc in constitutione hujus tituli plerumque suscipi defunctorie, id est, ex causa, ut possint dicere, se tres tutelas administrare, cum non sufficiant tutelæ tres ad excusationem quartæ, sed onera tantum tutelarum. Non omnis tutela est onus. Onera, inquam. Et ideo si ex tribus tutelis una finiatur, mox alia substitui potest, etiam non redditis rationibus finitæ tutelæ. Et tandem in constitutione hujus tit. expositis variis excusationum causis, et absoluta quæstione ejusmodi, monet duas imperfectas causas excusationum nihil proficere, ut si quis sustineat onus duarum tutelarum, et duos liberos habeat, non excusatur, vel si quis agat annum ætatis 65. et tres liberos habeat in provinciis, ubi exiguntur quinque, *l. 1. §. ult. D. de vacat. et excus. mun.*

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LXX. De curatore furiosi, vel prodigi.

Hic titulus ostendit curatores dari non tantum minoribus vigintiquinque ann. et adolescentibus, sed quod nondum exposuerat, dari etiam his, qui nuper facti essent majores 25. annorum, si mente lapsi, aut furiosi facti sint, vel si eis quasi prodigis Prætor interdixerit bonis, et sui juris sint. Nam homini alieni juris nunquam tutor, vel curator datur ulla ex causa, ut in *l. ult. in pr. h. tit.* his autem furiosis, et prodigis agnati, et gentiles sunt tutores legitimi ex 12. tab. non cognati, excepto solo fratre, cognato tamen, non agnato, id est, qui per emancipationem exiit familia patris, atque ita desit esse agnatus. Nam ex constitutione Anastasii hic est etiam curator legitimus fratris furiosi, vel prodigi, cui bonis interdictum est, *l. 8. h. t.* sicut est legitimus tutor fratri impuberi, *l. 4. sup. de leg. tut.* Ergo excepta persona fratris cognati, soli agnati, vel gentiles sunt legitimi curatores furiosorum, aut prodigorum. Sed hodie eis solent etiam a prætore dari curatores, maxime si agnati non sint idonei, si sint inhabiles curando furioso, aut prodigo, *l. 1. et l. sæpe, ff. eod. l. ult. §. sin autem testamentum, h. t.* Videtur etiam tan-

dem legitimæ curationi raro fuisse relictum locum, aut datum. Prætoris his personis dante curatores, quos eligeret, vel agnoscos si vellet, quos lex vocat ad curationem earum personarum, vel extraneos. Certum est autem, nullam curam esse testamentariam, id est, curationem dari testamento inutiliter, datam tamen a patre confirmari solere, ut in *l. ult. h. t. §. et si quidem*. Igitur cum tutela alia sit testamentaria, alia legitima, alia dativa, cura tamen est duplex, alia legitima, alia dativa, nulla testamentaria. Et hodie etiam raro locum obtinet legitima cura, his personis dandi curatores arbitrio omni relicto Prætori, vel Præsidi, ut possit quis tentare, hodie omnem curam esse dativam. Olim Prætor dabat curatores adolescentibus, id est, minoribus 25. annis, ut certum est: dabat etiam curatores maioribus 25. annis, qui negotiis supercrescere non poterant, ut mutis, surdis, cæcis, fatuis, debilibus, et laborantibus morbo perpetuo, *l. 2. et 3. in fin. et seq. ff. de postul. l. 2. ff. de cur. fur.* Non dabat furiosis, et prodigis, nisi deficientibus legitimis curatoribus, aut non existentibus idoneis. Sed dabat tantum solus Prætor curatores prodigis ingenuis, qui testamento parentis hæredes scripti essent, quia lex 12. tab. non faciebat curatores legitimos prodigorum agnoscos, et gentiles, nisi ab intestato, id est, cum pater eorum decesserat intestatus, cum pater eos hæredes fecerat, tum solus Prætor curatores eis ingenuis personis dabat, qui ob dissolutos mores, et luxum judicati essent prodigi, atque interdicti bonis aus, et commercio. Dabat etiam Prætor curatores prodigis libertinis indistincte, sive ex testamento, sive ab intestato hæredes patri extitissent, quia lex 12. tabul. prodigis libertinis non dabat curatores agnoscos, propterea quod nullo jure patri hæredes fieri possunt, neque ex testamento, neque ab intestato, jure civili scilicet, cum libertini non videantur habere patrem, aut matrem civilem, sed naturalem, quia servilis cognatio nulla est, quæ cepit in servitute, *l. 1. §. 1. ff. unde cogn. et Ulpianus lib. reg. tit. de cur.* et Paulus *lib. 4. Sentent. tit. ad SC. Orfit.* Et hoc ex jure antiquo notandum est de curatoribus. De furiosis unum tantum dicam, alios esse furiosos, qui continua mentis agitatione omni intellectu carent, de quorum curatoribus nulla est questio: alii autem sunt furiosi, qui intervallis quibusdam sensu saniores sunt, *l. 14. ff. de offic. præst.* de quorum curatoribus est questio, an scilicet tempore intermissi furoris desinant esse curatores, quod curatio furiosi finitur respicientia, sicut substitutio, quæ fit furioso finitur respicientia, *l. humanitatis, inf. de impub. et ali. subst.* Sed hanc questionem ita definit Justinianus in *l.*

penult. h. tit. ut tempore intermissi furoris nihil administret curator furiosi, nec tamen desinat esse curator, sed interim ut sit curator nomine, non re. De his curatoribus furiosorum multa alia enucleata jura explicat Justinianus in *l. ult.* quæ facilis est.

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LXXI. De prædiis, et aliis rebus minorum sine decreto non alienandis, vel obligandis.

In *h. t.* proponitur oratio Imp. Antonini et Severi, et SC. quod eam orationem subsequutum est, de non alienandis, aut pignori obligandis prædiis, mancipiisque rusticis, aut suburbanis pupillorum, aut adolescentum sine decreto Prætoris, aut Præsidis provincie, in qua prædia sita sunt, quod jam *tit. super. l. 2.* docuit pertinere etiam ad ceteras personas, quibus curatores dari solent, veluti furiosos, prodigos, mutos, surdos. Nam et horum prædia, mancipiisque rustica, aut suburbana sine decreto alienari non possunt, vel obligari. Et hoc quoque supra docuimus in *l. 22. tit. de adm. tut.* a Constantino Imperat. esse porrectum ad prædia, mancipiisque urbana: nam SC. loquebatur tantum de prædiis, vel mancipiis rusticis, aut suburbanis; sed in Constantinus produxit etiam ad prædia, vel mancipia urbana, imo ad mobilia quoque pretiosa minorum, vel furiosorum vel prodigorum, ut neque obligarentur, neque alienarentur sine decreto, puta ob res alienum minoris, quod forte ex ceteris rebus exsolvitur non potest, quæ causa æris alieni fuit expressa oratione Imperatorum, sed non in ea sola causa hoc constitit: nam ut ostendi in *d. l. 22.* vel ut ostendit potius ipse Constantinus in *d. l. 22.* etiam ex decreto possunt alienari prædia minorum ob donationem propter nuptias, vel ob dotem constituendam, quæ ex aliis rebus constitui non potest, commode explicata *l. ob res alienum, h. t.* et recepto argumento, quod ducitur ex articulo *tantum*: nam in jure nostro ex taxationibus istis, sicut etiam ex terminis universalibus, veluti *omnis*: aut *nullus*, infirmum est argumentum. Nam interpretationes, aut constitutiones sæpe demunt, et excipiunt ab antiquiore textu universali, et ei legi, quæ ob unam causam lata est, per interpretationem adjuvant sæpe alias. Jus paulatim creascit, ut inquit *l. fideicommissa,*

ff. de leg. 3. Et idem Constantinus, qui ita produxit, et amplificavit orationem Severi, nominatim in *l. ult. h. t.* vult in urbe, cum agitur de vendendis rebus minorum, causam cognosci, et decretum interponi a suo prætore Costantino, cui suum nomen indidit *d. l. ult.* Et ita ex his apparet, quæ de re agitur in *h. tit.* etiam fuisse antea actum, maxime in *l. 2. t. sup.* et in *d. l. Constantini 22.* Cum autem restarent pleraque alia pertinentia ad eandem orationem, et SC. ea inclusit in *tit. de præd. vel al. reb. min.* Et addit qui composuit hunc titulum, et aliis rebus ex lege Constantini. Nam SC. erat tantum de prædiis rusticis, et suburbanis, non urbanis. Et ob id etiam in *h. t.* nulla est constitutio de urbanis, quanquam omnes possint produci, et debeant produci ad prædia, vel mancipia urbana, et res mobiles pretiosas. Docet autem in hoc *tit.* in ea oratione latissime accipi alienationis verbum, ut comprehendat et venditionem ne fiat sine decreto, et permutationem, et transactionem, ut in *l. 4. h. t.* et dationem in solutum, ut in *l. 15. h. t.* et cautionem rei donatæ reddendæ, rei acquisitæ minori semel *l. 7. h. tit.* atque etiam divisionem, si minor habeat rem communem cum alio, prædium commune cum alio: nec enim ipse minor, vel tutor ejus, aut curator statim potest provocare ad divisionem actione communi dividundo, *un mineur ne peut demander partage.* Divisio est species alienationis: provocari tamen potest ad divisionem minor a majore 25. annis, idque nominatim fuit expressum oratione Severi, provocare non potest ad divisionem sine decreto, *l. 1. §. communis, et l. si pupillorum, in princ. de reb. eor. qui sub tut. l. pen. h. t.* Cum autem hæc omnia contineantur interdictæ alienationis verbo; multo magis donatio continetur, ut ait *l. 4. hoc t.* Nam si non possum vendere, multo magis donare non possum, cum sint plerique, qui possunt vendere, nec tamen continuo donare, ut qui habent liberam peculii administrationem, *l. libera, ff. de pecul.* Sed quod ait *d. l. 4. de donatione*, accipiendum est de donatione propter nuptias, vel munere sponsalicio, quæ est etiam species donationis, vel dote, ut et ea non valeat, nisi fiat ex decreto, ut *dict. l. 22. l. 8. h. t. et l. 8. sup. de don. ant. nup.* Et accipio etiam de donatione simplici, ita scilicet ut hæc ne ex decreto quidem valeat, *l. ult. inf. si major fact. al.* Excipitur autem eadem oratione Severi prædium, quod parens pupilli, quem hæredem reliquit, creditori pignori obligavit. Id enim creditor, si pecunia ei non solvatur, suo jure vendere potest, *d. l. 1. §. si communis, ff. eod.* Et hoc est quod ait *l. 1. h. t. in princ.* quod Accurs. non potest interpretari, *venditio prædii, quod jure pignoris*

*distractum est, ad SC. non pertinent, id est, quod creditor distraxit, qui id pignori accepit a parente pupilli, sunt enim ea verba manifeste explicanda ex l. 2. h. t. altera alteram explicat: quam l. 2. ostendit hæc in re plus juris habere creditorem pignoratitium, cui parens pupilli prædium pignori obligavit, quam debitorem minorem 25. annis. Nam debitor minor 25. annis, prædium, quod pater ejus creditoribus obligavit, non potest vendere sine decreto, creditor autem potest id vendere suo jure, conventionis jure, lege pignoris, vel hypothecæ, sine decreto. Nec adversus eam venditionem minori facile datur restitutio in integrum, nisi fraudatus forte fuerit in pretio, puta emptore fraudem participante cum creditore, re addicta modico pretio, ut in l. 2. h. t. Ex qua etiam replicandum est, quod l. 1. in fin. scribit de restitutione in integrum. Et ita etiam invenio in specie d. l. 3. ff. de distr. pign. plus juris habere creditorem hypothecarium, quam debitorem in re obligata. Nam si eadem res duobus est obligata diversis temporibus, et eam debitor vendat, et ex pretio solvat priori creditori: posterior creditor habet jus offerendi pretii emptori, ut pignus ei cedat: contra, si prior creditor vendiderit, qui potior est in pignore privilegio temporis, posterior creditor non habet jus offerendi pretium emptori, quod notandum ex *dict. l. 3.* Et ita sunt duo casus, quibus in pignore plus juris habet creditor, quam dominus ipse. Excipitur etiam ab oratione Divi Severi in *l. 1. prædium minoris, quod captum est, et distractum ex judicati causa, id est, exsequendi judicati gratia, cum esset condemnatus minor jussu magistratus: nam in hac venditione non est opus decreto sollemni: quoniam oratio Severi vetat tutores, vel curatores alienare, non magistratus. Et ea oratione minoribus consultum est adversus perfidiam tutorum, vel curatorum, non etiam id actum est, ut minores sint æmptæ, id est, ut cum eis nihil quicquam negotii geri possit, ut non habeant creditores eorum, quo suum ab eis servent destituti omni remedio juris, ne per hanc occasionem nemo contrahat cum minore, et quodammodo videatur minori interdictum commercio, quasi prodigo, l. quod si minor, §. non semper, ff. de min. Et eadem ratione excipitur etiam pignus prætorium, quod constituitur ex edicto, creditoribus pupilli missis in possessionem bonorum ejus, quam missionem deinde sequitur possessio, et ad extremum venditio pignoris prætorii sine speciali decreto: quoniam hæc species alienationum, quæ sunt auctoritate magistratus, non attingit SC. sive oratio Severi, l. 3. ff. eod. Ad hoc notandum est, in decreto interponendo videndum esse, an obreptum sit Prætori, vel Præsidi prolatis falsis allegationibus, puta allegato falso ære alieno, falsis no-**

minibus: nulla enim sunt decreta ipso jure, quæ eliciuntur per obreptionem et furtum, ut in *l. 3. h. t. l. 2. sup. de fidejus. min. et sup. t. Si ex falsis alleg.* qui tit. est de decreto receptæ excusationis incompetentis. Videndum est etiam, ne in pretio fraudetur minor, etiamsi fiat venditio ex decreto. Nam et adversus venditionem factam ex decreto, si probet minor, se captum esse et fraudatum, restitui potest in integrum, *l. 11. h. t.* Notandum est etiam, ut diximus, in alienandis, vel obligandis prædiis, vel aliis rebus minorum, vel ceterarum personarum, quæ consilio curatorum reguntur, decretum exigi omnino, ut ne quid fiat temere, neque examinata. neque facta rei cognitione, causaque probata apud acta, et pro tribunali sedente magistratu, et se dante huic cognitioni. Non posse igitur hanc rem expediri de plano, per libellum magistratu procedente, *l. 4. sup. de dilationibus*, sed ardente pro tribunali. Omne decretum interponitur pro tribunali, ut in *l. 6. hujus tit.* Et hoc est, quod dicitur, *omnia, quæ causæ cognitionem desiderant, id est, quæ decretum exigunt, per libellum expediri non possunt.* Decretum est cognitio causæ pro tribunali presentibus ambobus. Ea, inquam, quæ decretum exigunt, non expediri per libellum, non expediri de plano, et simplici solo, *χαρόδις*, ut Modestianus loquitur in *l. 13. de excusat. solo.* Et ad extremum notandum, venditionem sine decreto, ipso jure nullam esse: ideoque minori non opus est restitutione in integrum, quandoquidem rem venditam potest vindicare cum fructibus mediæ temporis, si emptor scierit rem esse minoris 25. annis, ut in *l. 2. inf. si quis ign. rem min.* Sed debet etiam minor emptori reddere pretium, si probet emptor pretium fuisse conversum in rem pupilli, puta ea pecunia minorem solvisse res alienam fiscale, quod semper est usurarium, aut privatum: hoc probato emptor non aliter ei restituet rem emptam sine decreto, quam si refundat ei pretium, atque etiam usuras, quas percepturus erat creditor, vel fiscus, quo se minor liberatur pecunia emptoris. Reddenda etiam sunt emptori meliorationes, si fundum venditum sine decreto fecerit meliorem, *l. 10. 14. 16. hujus tit. l. pen. §. quanquam, ff. eod. tit.*

JACOBI CUJACII J. C.

In Lib. V. Codicis.

RECITATIONES SOLEMNES.

Ad Tit. LXXII. Quando decreto opus non est.

Proposito SC. de non alienandis, vel obligandis

prædiis minorum sine decreto, vel auctoritate magistratus, subjicit certos casus, quibus decreto opus non est, et quibus sine decreto harum rerum alienatio, vel obligatio valet: ut si parens, a quo res profectæ sunt, testamento caverit, vel codicillis, ut alienarentur, quod etiam fuit exceptum nominatim oratione Severi, *l. 1. ff. de reb. eor. qui sub tut. l. 3. h. t.* Idemque est, si parens fundum emerit ea lege, ut quandoque reddito pretio eum venditori revenderet (*pacte de rachapt*) et venditor hæredi ejus minori pretium offerat: nam et hoc casu, non est opus decreto, quia ex conventionione defuncti revenditio fit, sive redhibitio rei venditæ, *l. 1. h. t.* Non est etiam opus decreto Prætoris, vel Præsidis, si Princes permiserit alienationem: nam concessio Principis pro decreto habetur, *l. 2. h. t.* Et necesse est, ut id permiserit nominatim, quia si veniam fecerit *etatis, si il l' a déclaré majeur*, ante perfectam ætatem, sola venia ætatis non permittit alienationem prædiorum, *l. 3. sup. de h. s. qui ven. ætat. l. ult. inf. si maj. fac. al. rat.* Cassiodorus in formula veniæ ætatis: *Ita, inquit, ut prædiis urbanis, vel rusticis alienandis constitutionum servetur auctoritas non alienandi, ne cum opinioni stare velimus, publicam auctoritatem lædere videamur.* Item ex lege, sive edicto Constantini constat recte vendi sine decreto res minorum, quæ tractu temporis deteriores fieri possunt, veluti jumenta, aut pecora supervacua, *l. 22. in fin. sup. de adm. tut. l. ult. h. t.* quæ inde sumpta est. Item ex *l. ult. §. defensionem, sup. de adm. tut. tutor.* vel curator potest obligare res pupilli, aut res adulti pro cautione judicatum solvi, quæ a pupillo, vel adulto exigitur in lite. Nam in *d. §. defensionem*, cautio litis est cautio judicatum solvi, non ut volunt quidam, cautio judicio sisti, quæ personæ est cautio, non litis, ut in *Nov. 53. l. si reus, ff. jud. sol. l. 3. §. in possessionem, ff. ut in poss. leg.* Excepta etiam erat edicto Constantini mulier minor 25. annis, quæ marito nupserat. Nam hæc res suas vendere poterat sine decreto, adhibito consensu mariti, et subscriptione, quod tamen tollit *l. 3. C. Theod. de contrah. empt.*

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. LXXIII. Si quis ignorans rem minoris esse, sine decreto comparaverit.

Ubi autem sine decreto contra SC. venditio rerum minoris facta est, a bonæ fidei emptore se-

parandus est malæ fidei emptor, id est qui scivit rem minoris esse, ab eo, qui hoc ignoravit. Et in hoc titulo proponuntur duæ differentie inter hunc et illum emptorem. Una, ut bonæ fidei emptor possit se tueri præscriptione statuti temporis, si post perfectam ætatem domini, id est, post impletos 25. annos, sine controversia statuto tempore eam rem possederit, quam tamen præscriptionem non habet malæ fidei emptor, *l. 1. et 4. hoc tit. l. 2. et 3. tit. seq.* Quinque etiam exiguntur, ut præscriptioni locus sit, justus titulus, bona fides, major ætas ejus, qui rei dominus est, et legitimi temporis possessio, et ut ea possessio fuerit sine controversia, et interpellatione *l. 4. hoc tit.* Major ætas domini: nam in præscriptione temporis non computatur minor ætas, *l. 3. inf. quibus non ob. long. temp.* et statutum tempus in *l. 1. et 3. hoc tit.* et in *l. 2. tit. seq.* intelligere oportet quinquennium ex constitutione Justiniani, id est, *l. 3. tit. seq.* si res pupilli, vel adulti obligata, aut vendita sit; et post perfectam ætatem emptor eam sine controversia quinquennio possederit. Breviori tempore, id est, quadriennio confirmatur venditio, quæ jure antiquo valuit, licet hodie non valeat. Ex oratione Severi hoc habet singulare, ut quinquennio confirmetur. Sin autem res minoris donata sit: quin nec ex decreto valet donatio simplex: statutum tempus dicimus longum tempus: id est, decem annorum, præsentem domino, et viginti, absente: ea est perpetua definitio in jure longi temporis, vel diuturni temporis. Inde *l. 4. hoc tit.* quæ de longo tempore loquitur, etiam loquitur de re donata, non de re vendita, quod omnino est notandum, nec enim placet omnibus. Et altera differentia inter bonæ fidei et malæ fidei emptorem, qui rem minoris emit sine decreto contra SC. hæc est, quod emptor bonæ fidei, etiamsi nondum statuto tempore rem possederit, fructus interim lucratur: non etiam malæ fidei emptor. Nam etsi res minoris non possit usucapi, vel etiam acquiri legitimi temporis possessione, et præscriptione, quæ inde nascitur, nec bona fides prosit ad eam usucapiendam, quam lex usucapi prohibet, vel etiam SC. prodest tamen bona fides ad fructus lucrandos bona fide perceptos, *l. 2. hoc tit. l. bonæ fidei, D. de acquir. rer. dom.*

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. LXXIV. Si major factus alienationem factam sine decreto ratam habuerit.

Dicamus eadem saliva. Sicut silentio domini

majoris effecti confirmatur alienatio facta sine decreto contra SC. et silentio quinquennii, vel longi temporis, secundum distinctionem *l. 3. hoc tit.* quam paulo ante exposui: ita eadem alienatio confirmatur, et multo magis speciali ratihabitione, *l. 6. sup. arb. tut.* Sed ut exponatur species *l. 1. hoc tit.* rescindi venditio potest, si minor captus fuerit supra dimidiam justæ pretii, electione data emptori, ut vel quod justo pretio deest, suppleat cum usuris, aut compenset, vel fundam emptum, aut in solum datum, quod pro emptione est, restituat cum fructibus, *l. 1. hoc tit.* quæ idem vult, quod *l. 2. sup. de rescin. vend.* Confirmatur donatio speciali ratihabitione, sicut silentio: silentium est tacita ratihabitione. Et nihil refert ratum habeat major effectus facto ipso, aut silentio, ut ait Paulus *l. 1. Snt. tit. de minor.* Silentio, inquam, quinquennii, ut dixi ante in rebus minoris sine decreto alienatis, vel obligatis, et silentio longi temporis in rebus donatis, quod numeratur tantum ab eo die, quo dominus rerum major est effectus. Et heredi quoque ejus si minor sit, tempus silentii cedit tantum ab eo die, quo etiam ipse major effectus est, quæ est sententia *l. 3. in fine, hoc tit. confirmata l. interdum, §. 1. D. de minor. l. 3. §. quod si majoris, sup. de tempor. in interest.* Possis querere, quid distet hic tit. a tit. si major fact. rem rat. hab. sup. Breviter respondeo illum tit. esse de causis, quæ ipso jure valent, sed rescindi possunt per restitutionem in integrum, nisi minor, major effectus eas causas fecerit ratas, omisso beneficio restitutionis. Hic autem titulus est de causis, quæ ipso jure nullæ sunt, puta prædiis minorum alienatis sine decreto.

JACOBI CUJACII J. C.

Ad Lib. V. Codicis.

RECITATIONES SOLEMNES.

Ad Tit. LXXV. De magistratibus conveniendis.

Merito hic titulus ultimum occupat locum: nam ultimum auxilium, quo minoribus succurritur, qui alia ratione servari indemoes non possunt, est actio utilis in factum ex senatusconsulto, et oratione D. Trajani, quæ in hoc titulo proponitur in magistratus municipales, sive duumviros, qui tutores, vel curatores dederunt, vel nominaverunt missis nominibus ad præsidem. Nam *l. 1. h. t.* facit differentiationem inter dare tutorem, et nominare: nominat magistratus municipalis, dat præses. Item nominat mater tutorem in testamento potius, quam dat, ut in *l. 1. inf. de patr. pot.* pater dat liberos. l. tu-

lorem in testamento. Sed hæc differentia sæpe confunditur: utrumque his verbis indifferenter significatur. Ergo hæc actio datur in magistratus municipales, sive duumviros, qui tutores dederint, aut nominaverint, nec cum ab illis exigere deberent satisfactionem, exegerunt, salvam minori rem fore, aut si minus idoneam satisfactionem exegerint: nam et hæc pro non exacta habetur, *l. quotias, D. qui satisfac. cog.* Ex quo apparet hanc actionem pertinere ad tutores, vel curatores, qui satisfacere debent, quales sunt legitimi et dati sine inquisitione, non autem tutores testamentarios, vel datos ex inquisitione, *l. ult. sup. de auct. præs.* Et dicitur hæc actio ultimum auxilium profugiumque minorum: dicitur actio subsidiaria, quia priusquam extor ad duumviros, extanti oportet bono tutoris, vel curatoris, et revocari actione Pauliana, si quæ alienaverit in fraudem minorum: extanti etiam debent boni fidejussorum ejus, et boni collegarum qui eum suspectum non fecerunt, *l. 1. 4. 5. hoc tit.* Et per eos, si non satisfiat indemnitati minoris in integrum, tum deumum itur ad duumviros, divisa inter eos actio pro viribus portionibus, si ambo solvendo sint, *l. 3. hoc tit.* nec itur ad heredes eorum, nisi conveniantur ex dolo, et lata culpa eorum, id est, ex delicto, præterquam si dolo eorum, aut lata culpa locum captaverint sibi, vel alii ex damno minoris, ut exponi *sup. tit. de in lit. jur.* ex Græcis auctoribus detracta negatione, et *l. 2. hoc tit. et l. 2. sup. de her. tut.* Et si forte (ut exponam liquido speciem *l. 1. quam non tenuit Accur. sed Iulianus*) magistratus in dando tutore pupilli indemnitati prospexerit, acceptis fidejussoribus rem pupilli salvam fore, sed forte non idoneis, et si separatim sum indemnitati satisfactione prospexerit, acceptis fidejussoribus a tutore, si non extet solvendo tutor, vel fidejussor, qui indemnitati pupilli cavet, liberatur magistratus, si cedat actiones suas minori adversus fidejussores, qui eis caverunt separatim de sua indemnitate: vel quod notandum, etiam sine cessione in ejus fidejussores minori erit actio utilis. Et ratio hæc est, cur detur utilis, quia magistratus, qui sibi cavet de indemnitate sua in tutore dando, vel curatore, per consequentiam videtur etiam cavisse de indemnitate pupilli, id est, sub ea cautione continetur etiam cautio minoris, reus minoris. Et ideo etiam sine cessione minori competit utilis actio, quæ est sententia *l. 11.* Porro, quod diximus de actione subsidiaria, palam est locum habere tantum in provinciis, ubi sunt magistratus municipales; ubi singule civitates suas habent magistratus, et præsidem, qui præest omnibus municipiis, qui est iudex judicum; ut ait Justinianus in quadam Novella. In urbe autem, an est locus huic actioni subsidiaria, puta si prætor dederit tutorem? Sane

Tom. IX.

est etiam huic actioni locus in urbe, sed non in prætorem, sicut in præsidem in provinciis, sed in scribam prætoris, forte, qui fuisse prætoris inventarium bonorum fecit, et non omnem quantitatem bonorum in eo expressit dolo malo, ut pro modo facultatum in inventario expressarum fidejussor daretur, in minorem quantitatem scilicet: nam fidejussor datur pro rei qualitate, in *l. si vero, §. 1. D. qui sati. d. cogant. et l. 1. D. in jus voc. ut rant.* Hic dolus scribæ coercetur actione subsidiaria, ut ait *l. ult. hoc tit.* quæ est conjungenda cum *l. mulier, sup. de jur. dot. et l. ult. sup. de in int. restit. minor.*

JACOBI CUJACII J. C.

RECITATIONES SOLEMNES.

SIVE COMMENTARII

In Sextum Librum Codicis.

AD TITULUM I

De serv's fugitivis, et libertis, manc'isque civitatum, artificibus, etc.

Anno 1576. usque ad Tit. 80.

Superiore libro contractu dotis exposito, et iis omnibus, quæ circa eum contractum vertuntur, ac deinde exposita obligatione tutelæ, vel curæ, quæ quasi ex contractu descendit, hoc libro proponitur alia obligatio, quæ etiam quasi ex contractu descendere videtur: nempe successio in universum jus defuncti, vel acquisitio hereditatis bonorumve defuncti: nam et qui adit hereditatem, vel se immiscet bonis defuncti, contrahere videtur quatenus res alium defuncti suscipit, et subeundo eam hereditatem obligat se creditoribus hereditariis, legatariis, et fideicommissariis, perinde ac si cum eis aliquot negotii gessisset, *l. 3. §. ult. l. 4. ff. quibus ex caus. in poss. l. 8. ff. de acq. hered.* Ac similiter contrahere videtur fideicommissarius, qui hereditatem recipit ex Senatusc. Trebel. *l. 38. non enim, ff. ad Senat. Treb.* Et qui bonorum possessionem agnoscit jure honorario, *l. pen. in fine, ff. de separat.* Denique omnis successio quasi contractus est. Alia autem est successio, sive hereditas libertinorum, alia ingenuorum: et in hoc libro primum agitur de successione libertinorum: in qua nemo ignorat, leges et edicta multa jura patronus detulisse. Hæc est una pars juris patronatus, ut in bonis libertinorum succedant patroni, sicut in bonis clientum jure applica-

tionis. Sunt et aliae partes juris patronatus, quas conditor hujus libri omnes explanare parat, ut jus patronatus quam sit amplum aperiatur juris studiosis, ac in eo potissimum consistit, quod est de hereditate bonisve libertorum. Et primum quidem ostendit jus patronatus consistere in operis, quas libertus patrono debet ex stipulatione, vel iurejurando, quo officio erga patronos cum decedant liberti fugitivi, inde apparet, hunc primum titulum hujus libri, qui non tantum est de servis, sed praecipue de libertis fugitivis, respicere ad *tit. 3. de operis libert.* In quo etiam lex ult. est de libertis fugitivis, ut qui libertum alterius fugitivum recipit, damni nomine teneatur in quantum patroni interest amisisse operas liberti, et hoc amplius poenae nomine in quantum religioni judicis requum de eo visum fuerit, ut patet ex *l. 1. inf. de colonis Illyricis, lib. 11.* ex qua decerpta est *d. l. ult.* et sine qua viz intelligi potest. In hoc autem titulo primum de libertis fugitivis est lex. 3. Sed hoc interest, quod illa lex ult. est de libertis privatorum, *l. 3. hujus tit. de libert. civit.* quorum artificio et operis Reipub. utebatur: et gravior erat poena sollicitantis, et recipientis libertum Reipub. quam sollicitantis, et recipientis libertum privati hominis. Nam sive libertum quis, sive servum Reipub. sollicitaverit ad fugam, et receperit, damnatur in duplum, et praeterea XII. aureorum summam reipublicae inferre cogitur: qua poena, quod admodum singulare est, nec solvi potest beneficio principis, nec excusari acquisitione, vel emptione servi fugitivi: ut recte, et longe secus quam Accurs. in extremo *l. 3.* Graeci accipiunt haec verba, *nec beneficio principali*, quia scilicet ex SC. quod factum est ad L. Fab. de plagiaris, inhibita est fugitivi venditio, et donatio, sive fiat a domino, sive a non domino, *l. in fuga, inf. ad l. Fab. de plag. l. 2. D. eod.* Et quæso videamus cur sit illicita venditio, aut donatio fugitivi: cur in fuga servi nec vendi, nec dari possint? An ne per hanc causam venditione permittitur plagiaris, vel qui proximi sunt plagiaris sollicitatores alienorum servorum, redemptis sorte a domino servis, eludant plagii crimen publicum in fraudem reipub. Qua ratione Graeci utuntur in *d. l. in fuga.* An vero, quod rectius esse arbitror, ut servi a fuga deterreantur, si nec suscipi se posse a quocumque, nec celari impune intellexerint, nec acquiri cuiquam titulo vel auctoritate justa, veluti emptione, donatione, usucapione. Quam rationem confirmat *lex servos, inf. de agricolis, et cens. lib. 11. et lex. 6. hoc tit.* quæ et fugitivos, si eos occultator asserat in libertatem, vel vindicet esse suos, protinus vult adhibitis tormentis interrogari, cujus domini, cujusque con-

ditionis sint, adjecta ea ratione, ut a fuga deterreantur: quæ etiam efficit ne fugitivi, dum sunt peregre, et forte imperii fines egrediuntur, in commissum cadant, ne per fugam dominorum potestati se subtrahant, *l. ult. §. servi, ff. de public. et vectig.* Et ne in arenam se dando, vel ne ullo alio periculo vitæ domini effugiant potestatem, *l. ult. de fugit.* Hæc omnia, ut a fuga deterreantur: et illud quoque Senatusc. ne ab alio ullo titulo acquiri possint mutareque dominum. Denique hæc omnia recepta sunt fugæ servorum coercendæ gratia, ne excedant, ne fugiant inconsulto, ne officia deserant, ne perfringant compedes, quod fugitivos beneficio aque assequi posse scribit D. Chrysostom. homil. 9. dum ait, *ferrum aqua mollescere.* Sed ad rem redeamus. Duplum, quod ex *l. 3. hujus tit.* quam interpretandam suscepit quasi præcipuum, is, qui sollicitavit, et suscepit servum publicum civitatis reipublicæ inferre cogitur, hoc est, ut præter servum fugitivum præstat alterum servum ejusdem æstimationis. qua forma etiam colonos fugitivos vult dominis suis esse reddendos, *l. servos, inf. de agricol. et cens. et rursus l. 3. hujus tit.* eadem forma libertos civitatum fugitivos sit reddendos esse civitati, quod ita accipiendum est non ut alter libertus præstetur, quia liberi hominis, aut æstimationis ejus nulla est præstatio, *l. 103. liber homo, D. de verb. oblig.* sed ut præstetur alter homo, non libertus: et quemadmodum Basilica habent, ut reddatur libertus civitati *παρὰ ἀλλοῦ δούλου.* Nam et libertus δούλος est, ex Chrysippi sententia *ἐπὶ ὁμαρτυρίας. τὸν δούλου* nomen est generale, quod et servos complectitur dominio alieno subjectos, et libertinos, qui proprie dicuntur *οἰκτεταί* apud Athenienses lib. 6. Proinde quodammodo meus est, qui etsi non sit servus, libertus tamen meus est. *l. talem, in fine, D. de hered. instit.* quia hæc testamenti verba, *si meus erit cum moriar, hæres esto*, docent pertinere etiam ad servum manumissum inter vivos, id est, ad libertum: et similiter quem indignus sum servum habere, eum etiam libertum habere non debeat, *l. 33. Si quis rogatus ancillam, ff. de fideicommiss. libert.* Eadem ratione alienata in fraudem patronorum revocantur actione Fabiana, vel Calvia. cum tamen eadem alienata in fraudem filiorum, vel parentum nulla actione revocentur, *l. 2. D. si quis a patre manumiss. fuerit.* Nempe ingenuo homini licet fraudare bonis suis filium, vel parentem facta alienatione inter vivos citra donationis inefficiæ, vel dotis speciem: quia liber et ingenuus est rerum suarum dominus pleno jure: libertus servitutem, qua exivit nonnullum exiit, ita ut nulla supersint vestigia pristinae servitutis, nullæve reliquæ. Sed pergamus: non omittam, quod additur præ-

terea in hac l. 5. defensorem civitatis, qui servum publicum non requisierit, nec revocaverit, duo vicaria municipia publico inferre, unde scientes servos publicos esse fugitivos, defensores civitatum requirere debent suo jure, quasi magistratus. Servos autem privatos quisque persequitur, investigat, requirit non nisi adhibito magistratu, vel ejus apparitore, qui auctore licenter ingrediatur aedes alienas quascunque, et perscrutetur vestigia occultantis servos, l. 2. hoc tit. l. Divus, D. eod. ut ex 12. tabul. furti concipiendi gratia patet aditus in alienas aedes, atque adeo γυναικείων, in anteriorem partem aedium, sed non sine magistratu, et qui fugitivum requirit, quasi furem requirit. Nam fugitivus sui ipsius fur esse videtur, l. 1. h. tit. l. ancilla, D. de furt. l. 4. l. 6. §. si servus si servus, sup. de iis qui ad Eccles. confug. Illo loco, aut qui seipsum furatus, etc. Dico intelligitur: nam natura non patitur, ut idem sit fur, et res furtiva. Imo nec jus civile patitur ut servus, qui alterius possessionem, et dominium subvertere non potest, l. 15. rem qua, D. de acquir. poss. sui possessionem subvertat, id est, ut sui furtum faciat, furtum enim nihil aliud est, quam subversio possessionis, l. 1. §. Scrvola, D. si quis test. lib. Sed quantum ad usucapionem attinet, fugitivi furtivi esse intelliguntur, vel finguntur, ut in eis neque locum habeat usucapio, ut ait lex 1. neque praescriptio longi temporis. Quae duo ita videntur recte posse distingui, ut in eis locum non habeat usucapio, si ab alio possideantur, et in eis locum non habeat longi temporis praescriptio, si ipsi diu versati sint in libertate sine dolo malo. Sed simplicius est dicere, etiam in servo, vel alia quacunque re mobili aliquando esse locum praescriptioni longi temporis, ut in l. 1. inf. Si advers. credit. praescript. opp. l. rescriptis, ff. de divers. temp. praescript. quae sane notanda est, dum ait, rescripto Antonini caveri etiam, ut in re mobili, (sic habent Florent. Pandectae, et Basilicae) locus sit praescriptioni diutinae possessionis, ceterum fugitivo locum non esse. Denique ut est in §. aliquando, Instit. de usucapion. nullo tempore servum acquiri, cui adheret vitium fugae, quod quasi furtum est, et ita Graeci in l. 1. h. tit. Bartol. et Salyc. et Fab. et multi alii. Et addit d. l. 1. utilitatem Reipub. hanc fictionem induxisse, ut fugitivi haberentur pro furtivis, ne eorum fuga ex causa usucapionis, aut praescriptionis longi temporis ullum damnum dominis adferret. Et haec de servis, et libertis civitatum fugitivis, et artificibus, vel deputatis publicis operibus. Alia est constitutio hujus tituli, nempe l. ultima, quae specialiter tractat de servis publicis urbis Romae, vel fabriceis, seu aliis operibus deputatis, ut si se

contuberniis alienarum ancillarum immiscuerint, quod in idiotismo est *formariage*, confestim reldantur operibus urbis Romae, una cum contubernali sua, et liberis ex contubernio natis. Quod novum est datum urbi Romae singulari jure: nec enim contubernia dominium mutant, et liberi ex contubernio nati cedunt utique matri jure naturali, id est, eodem jure, quo nata cedunt solo. Nam et mater veluti solum est, nec proprie τὰς, ut ait Aeschyl. Alia est autem Constitutio in hoc tit. de servis fiscalibus, ut qui eos occultaverunt extra rem etiam urario inferant 12. argenti libras: quae poena longe superat poenam dupli, quae vulgo indicitur jure ordinario ceteris furibus. Nam et occultator fugitivi fur est: qui tamen gravius plectitur, quam ceteri fures: et servus in l. pen. hoc tit. quae est de servis fiscalibus generaliter servos appellari fiscales eos, qui in rubrica hujus tituli dicuntur pertinere ad rem privatam, vel dominicam. Res privata est principis propria jure suo, quam quaesivit antequam rerum potiretur, vel posteaquam rerum potitus est suo nomine. Res dominica est, quae pertinet ad dominium principis jure publico, ut in tit. de fundis rei privatae, et fundis rei dominicae. Haec vero, et illae res rectissime dicuntur fiscales, et quod ait l. 3. inf. de quad. praescript. omnia esse principis, habet sensum hunc, ut omnia sint principis tam dominica, quam privata, ut omnia adscribantur fisco: nam, ut ait Seneca, cetera privatorum sunt imperio principis, et dominio singulorum. Pene exposti omnes Constitutiones hujus tit. saltem paucissimae restant. Primum ut adnotemus ex l. 4. mitius puniri eum, qui servum fugitivum privati hominis suscepit: nam ex d. l. 4. in hoc tantum damnatur, ut propter servum fugitivum etiam reddat alterum servum ejusdem pretii, aut pretium alterius: quod in legibus solemne est taxari ad 20. aureorum summam, ut d. l. 4. et l. Papinianus, §. ult. ff. de inoff. testam. l. 1. inf. de communi servo. Hoc tantum addam ex l. 3. hujus tit. Servus, qui transfugit ad Barbaricum (sic est legendum ex Basil. ἀπὸ τοῦ βαρβαρικῶν, ex l. 1. et 2. sup. quae res export. non poss.) si deprehendatur, detur in metallum, vel alia poena afficiatur, vel quod barbaricum est, ut ei pes unus abscindatur, non uterque. Nam hoc vetat Nov. Justiniani 34. sicut in libro Volcatii Gallicani legimus, crura, et poplites abscissos esse eis, qui e militia fugerant, desertoribus militiae, qui et ipsi fugitivi dicuntur, l. aut facta 16. §. tempus, ff. de poenis. Et in allegoriis Heraclidis Pontici abscindi manus impiis liberis, qui eas in parentes intulissent, et cetera, quae retulit Galeus lib. 6. de placitis Hippocratis, et Platonis.

JACOBI CUIACII J. C.

In Lib. VI. Codicis.

RECITATIONES SOLEMNES.

Ad Tit. II. De furtis, et servo corrupto.

Titulus est generalis, qui non sine causa sequatur vicinitatem tituli de servis fugitivis. Nam fuga servorum species furti intelligitur, ut heri diximus, et qui fugitivum celat fur est, *l. 1. D. de servis fugit. l. 36. qui servo, §. ult. D. de furt.* Imo ut Sabinus JC. ait apud Gellium lib. 11. cap. ult. fur est etiam, qui cum fugitivus præter oculos domini forte iret, obtentu toge, tanquam se amiciens, ne videretur a domino, obstitisse visus est: forte et fur est, qui sciens viam fugitivo monstrat, ut est in legib. Visigotib. lib. 9. non qui insciens, *l. furtum non committit, D. de furt.* Hæc enim sunt jurisgentium, lumen de lumine accendere erranti, coarctiter monstrare viam, non prohibere aquam fluentem, alteri largiri, quod sibi non officiat, et alteri prorsus, quæ sunt iis utilis, qui accipiunt, tanti non molesta, *l. 2. §. Item Varus, ff. de aqu. et equ. plur. arc. et ut vulgo faciat in foro, une partie ne doit insister à une chose où elle n'a point d'intérêt.* Item quo magis horum titulorum conjunctionio illucet, vix unquam servus fugit, quin secum furto rem aliquam auferat, pecuniamve domini, *d. l. qui servo, §. pen. l. ult. D. de fugit.* ut in comædiis Plauti servus quidam latetur: *Multa mihi mala eveniunt, et merito meo: quia et fugi, et tibi surripui filium, et eum vendidi. A. quid homini. S. Theodoromedi in Aulide Polyplasio sex minis.* Igitur hæc duo vitia conjuncta, et proxima sunt, et servorum probra, fuga, et furtum. Et inde in venditionibus servorum cautiones illæ addebantur, et fugitivum non esse, et furem non esse. Et eleganter D. Hieron. in epistola ad Titum, cum audiente viro apprime gravi laudaretur iudex, quod fur non esset, refert eum dixisse, *lauda. optimum servum, si nec fugitivus est: quod scilicet florere oporteat virtutibus longe majoribus ingenios, quam servos, et longissime abesse a vitiis servilibus.* Et id puto D. Hierony. sumpsisse ex Philostrati Apollonio lib. 3. apud quem Jarchas rex Indorum eruditissimus inepte dari vulgo eandem laudem magistratibus, quam venaliciarii dant venalibus, quod fures non sint. At quod attinet ad 2. partem hujus tit. de servo corrupto quantum conjunctionem habet cum tit. ejusdem libri, lex 8. satis demonstrat, quæ de sollicitatoribus servorum fugitivorum loquitur. Is corruptor est, qui per-

suadet alieno servo, ut dominum fugiat, in quem est actio ex edicto prætoris, quod quis servo alieno quid dolo malo persuaserit, quo eum deteriore faceret. Olim ita edicebatur, quo eum corrumpere. Et inde nomen actionis. Recte novi, ne quis servum duntaxat, vel servam deintegratam intelligeret edixerunt, quo eum deteriore faceret. Et quæso cur de servo corrupto a prætore prodita est actio, non de filio corrupto? Dixerit aliquis rectissime ex *l. ut tantum 14. §. 1. D. cod.* Servo corrupto minui patrimonium domini, dignitatem, et famam domus integram manere, filio autem corrupto non minui patrimonium patris, nec enim filii sunt in nostro patrimonio, sed minui dignitatem et splendorem familiæ, cujus infamiam prætor existimat neminem suum pervulgatorum. Ideo non dedit de filio corrupto, ut ille, qui de parricidio legem non posuit, quod existimaret tantum facinus superare captum generis humani, et quod existimaret id neminem facturum, neque de eo quid sanxit, quasi autem commissum non esset. Ceterum filii, vel filie animo corrupto, si quis velit potest experiri, non directa actione de filio corrupto, sed utili, id est, in factum verbis obscuris, temperatis, et mollioribus, ut mentionem non faciat corruptionis, ne suum pudorem, suæque familiæ offendant: in qua actione officio iudicis æstimabitur quid commodi ex filio perciperet si esset bonus, et frugi, sicut filio subrepto, in actione furti, quæ patri competit, æstimatur id quod interest, veluti lucra acquisitionum, quæ per evasus furti intercepta sunt, et quæ duplicantur, *l. eum, qui, §. si filiusfamil. l. mater, D. de furt.* Affectionis rationem haberi non est æquum. Nec omittendum, quoniam pertinet plurimum ad bonos mores, quibus quisque debet se bene informare quantum potest, ut est in *l. 1. et l. corrumpitur, ff. de ser. corr.* corrumpi etiam servum, eamque corruptionem pertinere etiam ad edictum, ut inscriptio ostendit, si persuadetur ei, ut dominum contemnat. Corrumpi et filium si persuadetur, ut patrem contemnat, contra viam pervulgatam majorum, et contra jura naturæ. Corruptores igitur morum pessimi, qui persuadent, ut magistratus, et principes legitimos contemnat. Porro de servo corrupto in hoc tit. sunt tantum duæ Constitutiones *l. 4. et 20.* Ex quibus intelligitur eum, qui servum duntaxat sollicitavit ad mores improbos, teneri tantum actione servi corrupti, quæ mixta est actio, quanti ea res erit in duplem, *l. 14. ut tantum, §. in hac actione, ff. de ser. corr.* Qui autem sollicitavit verbi gratia ad fugam, et celavit, tenetur actione furti, quæ meram duplicem continet, *l. 4. hoc tit.* Et tenetur etiam actione servi corrupti, nec alteram altera consumit. Duo enim sunt diversa facta, quæ plecti seorsum æquum

est, quod probat l. 20. hoc. tit. Cujus species hæc est. Lucius Titius suavit servo alieno, ut rem aliquam domino surriperet, et ad se ferret, nec per-suasit: namque servus hæc omnia domino exposuit, et auctore domino, qui L. Titium cupiebat in hoc ipso delicto deprehendere, servus rem ad L. Titium pertulit: concepta re queritur qua actione teneatur L. Titius corruptor? Lex ait, L. Titium utraque actione teneri, furti, et servi corrupti, nec altera alteram consumi, nec minui. Nec obijcienda est legi 20. l. 4. tit. l. supr. quæ dominum, qui immisit servum in domum, vel agrum alienum, ut si possessor servum susciperet, deinde cum eo ageret, quasi cum susceptore servi fugitivi, hunc qui illud lucrum captaret, et cadere actione, et dominio servi, et servum redigi in si-cum, quia in ea specie dolus incepit a domino, ut Accursius ait: in lege 20. dolus incepit a Lucio Titio, et dolo quicquam agere non licet, sed contra agere licet. Et valde notandum est in specie d. l. 20. eum, qui furtum non fecit, puta L. Titium, qui rem non contrectavit invito domino, qui permisit servo suo, ut per se rem suam ad sollicitatorem, tamen teneri actione furti ex dolo suo. Ut igitur non sit furtum, sed furti actio: quia quantum in L. Titio fuit, furtum fecit. Eadem ratione de servo corrupto tenetur, licet servum non corruerit: etiam conatus puniuntur, et ut habetur in Basil. non debent esse impuniti ejusmodi hominum conatus. Omnia scelera, quavis citra exitum subsederint, puniuntur, et generaliter ait l. 1. C. Th. ad l. Jul. de ambitu: pari sorte leges punire scelus, et sceleris voluntatem, et l. 3. quisquis, inf. ad l. Jul. majest. Eadem, inquit, severitate voluntatem sceleris, qua effectum puniri jura voluerunt. Cujus legis verba sunt accipienda generaliter, nec coangustanda ad hoc crimen. Nam ut hoc variis comprobem exemplis sollicitatores alienarum nuptiarum, itemque matrimoniorum interpellatores, licet stuprum non perpetraverint, propter voluntatem perniciosæ libidinis, extra ordinem coercentur, l. 1. ff. de extraord. criminib. et ex Constit. Joviniani: Si quis non dicam rapere, sed attentare tantum jungendi matrimonii causa sacratissimas virgines ausus fuerit, capitali pœna feriatur, l. 3. Si quis, sup. de Episc. et Cler. No. de raptu sanctionum 123. per pœna plectitur qui rapuit virginem devotam, vel ut ait Sozomenus, qui devotam ἀροάτωρ intuitus est: et similiter, qui officium in provincia habet, si mulieris invitæ sue provincie illicitæ nuptias affecit, l. unic. sup. si quacunque prædictus, potestate vel etc. Et fur quoque ex d. l. 20. etiam effectum potiri non potuerit, et consimiliter effractor, et vecticularius, et raptor manifestus coerendus est, et ut Quintil. ait declamat. 174. Insi-

diatus civi, etiam si non effecerit scelus, pœnas tamen legibus solvit: et proditoris patriæ consilium certum est puniri, d. l. quamvis, quæ omnino Max. Tirius complexus est his verbis: Ad alterum, inquit, lex punit, non tantum eum, qui perpetrat, sed eum qui perpetranda rei consilium iniit. Et generaliter verum est in atrocioribus delictis, quæ tam naturati, quam civili jure improbantur, non minus puniri voluntatem, quam effectum, sed non etiam in levioribus, l. 22. §. sed et si, ad l. Cornel. de falsis, l. cogitationis, D. de pœn. quæ pertinet tantum, ut inscriptio docet, ad edictum quod quisque juris, quo tantum punitur effectus non consilium: quoniam leve est crimen. Porro ut in specie d. l. 20. licet furtum non sit, tamen est actio furti, ita evenit aliquando contra, ut re vera sit furtum, non tamen sit actio furti: ut si quid divortii causa uxor auverit, re vera furtum est, l. rerum, ff. rerum amot. Et si illa commiserit crimen expilatae hereditatis, re vera furtum est, nec tamen in eam est actio furti quæ irrogat infamiam: quia promiscuus usus exemplo actionis furti rem uxorem fieri non potest, l. 11. hujus tit. Ac similiter furtum est si quid filio emancipato pater, vel patronus liberti auverit, nec tamen in eos est actio furti, sed in factum tantum, l. 3. 6. 7. ff. de obseq. par. præst. Denique in parentes non est furti actio, etiam si nobis furtum fecerunt, quoniam est turpis actio, et vetat his personis debitas honores in eos configamus turpi actione: et tamen, quod notandum est ex l. 3. et 11. hujus tit. in novercam et in vitricum est actio furti, qui tamen dicuntur parentum locum obtinere, et vero pro parentibus habentur in aliis partibus juris, §. affinitatis, et §. socrum. Instit. de nupt. l. Aristo, D. de ritu nupt. secundum id quod Phocylides præcepit de noverca sed non eadem tamen, ut liquide constat ex l. 3. et 11. hujus tit. In novercam, et vitricum, si nobis furtum fecerint, datur actio furti. Nudius tertius exposuimus quemadmodum apte cohererent inter se tit. 1. et 2. Et cum essent due partes tit. 2. de furtis, et servo corrupto faciliiori methodo prius expedire volui eam quæ est de servo corrupto, deinde de furtis. Residet difficilior, quæ tractata est multorum scriptis et sermonibus vexata, et multas quæstiones habet, et illam potissimum, quæ tractatur in l. 1. de concurrentibus actionibus. Hanc nemo possit absolvere una hora, illam facile mihi erit absolvere: de concursu contrariarum actionum, quas idem homo in judicium deducit juris sui tenendi gratia, contrarie actiones sunt quibus, quod intenditur pugnari invicem, ut in specie l. 1. sioge: ex pecunia, quam servus domino surripuit, Lucius Titius sciens eam pecuniam contrectari invito domino, mandante servo fundum comparavit domino in L. Titium, tan-

quam furem pecunie est ex delicto conditio furtiva, et actio furti in duplum: est etiam in eum actio mandati ex contractu servi, id est ex mandato, in hoc ut secundum mandatu servi emptum restituat. Sed eligere dominus debet, utrum experiri malit ex delicto, an ex contractu. Nec enim simul utramque actionem in iudicium inferre potest alioquin secum ipse pugnaret: nempe improbaret, quod cum servo L. Titius gessisset agendo furti, et condictione furtiva, probaret agendo mandati: mandati actio gesti ratihabitio est, l. 66. Si servus alienus, D. de fidejuss. quod ius etiam sequimur hodie, ut Jo. Faber annotavit: si ex pecunia patris, vel mariti mandante filio, vel uxore idem sciens pecuniam esse furtivam aliquid filio, vel uxori comparaverit: et ita verum in specie l. 1. supra, si servus, etc. Si servus ab extero se emi mandaverit, et manumitti, et post emptionem emptor eum non manumittat, liberum est domino agere mandati cum emptore, ut servum reddat, quem non manumisit, vel ex vendito, ut solvat pretium servi, utraque actione experiri non potest. Contrarie enim sunt actiones, actione mandati servum ineptum fieri et restitui desiderat: actione ex vendito manere emptionem vult, et adimpleri soluto pretio. Sic igitur statuamus, contrarias actiones, simul in iudicium deducere non licere: neque offendamur legibus, quas in contrarium adducit Accurs. l. 45. rei communis, ff. pro soc. l. si servus, D. commod. l. si mandavero 22. §. si tibi, ff. mand. l. 8. sup. depos. quod admittant concursum actionis furti, et actionis mandati, si procurator in exequendo mandato furtum domino fecit: concursum actionis furti, et actionis tutelæ vel negotiorum gestorum, concursum furti vel actionis depositi, pro socio, commodati, conducti, locati, quoniam ut hoc paucis expediam in illis casibus non pugnat actio furti cum actione mandati. Utraque enim improbat factum procuratoris, qui rem domini celandi animo attraxit, et mandati actio persequitur rem, furti actio poenam. Quo genere concurrat etiam actio furti cum aliis bonæ fidei iudiciis. Quod cum generaliter proposuisset l. 45. recte intulit l. 46. id est, et in colono, et eo, qui negotia gerit, et qui mandatum nostrum exequitur, et in tutore, sic legendum, forte, id est, non idem est: imo nihil unquam ioveni hoc certius: nec alia est ratio l. si servus, ff. commod. quandoquidem re domini invito domino a servo commodata L. Titio scienti nolle sibi rem domini commodari, domino est in L. Titium non tantum actio furti, et conditio furtiva, sed etiam actio commodati, et utraque experiri potest, cum lex non adiciat, quod semper solet, et debet semper: et vero auctores adiciant, altera contentum

esse debere. Dices: atqui agendo commodati videtur ratum habere commodatum, sicut in specie d. l. 1. agendo mandati, videtur ratum habere mandatum: ergo sibi contrarius est, quia probat commodati agendo, commodatum, et quia improbat agendo furti: proinde non est audiendus, si utroque iudicio experiri velit. Dicam species esse diversas, et in l. si servus, ff. commod. dominum agere commodati ex contractu servi, ut rem suam recipiat, non potissimum factum comprobat. Et in hac l. 1. dominum agere mandati, non ut pecuniam suam recipiat, sed ut Titius mandatum impleat servi, et ex fide bona secundum mandatu servi emptum restituat, reddat: quo genere plane ratum habet omne, quod cum servo L. Titius gessit: si ageret mandati ad pecuniam suam recipiendam duntaxat, non prohiberetur etiam agere furti. Et ex iis apparet quam male in d. l. si servus Accurs. et Bart. suppleant, electa actione commodati, extinguere actionem furti, quod perinde est, ac si dicerent, exacta re furtiva, furem absolvi poena. Solvitur quidem fur condictione furtiva si acceperit actionem commodati: quia utraque actio commodati, et conditio furtiva respicit ad rei persequutionem; non solvitur autem actione furtiva, quæ respicit poenam: nec moveor rursus l. 71. si is cui, ff. de furtis, quæ nititur Accurs. quod dicat ipso iure perimi actionem commodati, si cum commodatario, qui rei commodatæ furtum fecit, prius actum sit furti in duplum, et retro perimi actionem furti per exceptionem doli mali, si cum commodatario prius actum sit commodati, quo nihil, ut dixi, moveor. Nam hodie fecimus, ut constaret in d. l. si is cui, actionem furti non significare actionem poenalem in duplum, sed condictionem furtivam, ut l. cum furti, ff. de in lit. iur. Furti actio est genus, ut l. cum qui, §. qualis, ff. de furt. Cujus duæ species: una ad poenam duntaxat furti actio: altera ad rem, quæ specialiter dicitur conditio furtiva. Et hac si prius actum sit, actio commodati ipso iure perimitur: quia commodati actioni, cum sit bonæ fidei, inest exceptio doli mali, ut eam opponi non sit necesse, l. sed et si, ff. solut. matr. sed si prius actum sit commodati, conditio furtiva non perimitur, nisi posita exceptione doli mali, quoniam stricta est actio, cui nihil inest, nisi quod exprimitur. Et hæc eadem sententia refertur in l. qui servum, §. 1. D. de oblig. et act. Cetera quæ Accurs. d. l. si is cui exequitur in d. l. 45. non approbo, non admitto etiam, quod idem Accursus notat in d. l. 45. quæ est veluti arx questionis hujus hodie ex Constitut. Justiniani electa actione commodati, extinguere actionem furti poenalem, hoc est ex l. ult. hujus tit. et contra electa actione furti poenali, extinguere actionem commodati: male: nam l. ult. non loquitur de commodatario, qui rem

commodatam subripuit, de qua re non agimus, sed de extraneo, qui rem a'lii commodatam subripuit, quo casu, ut in hac lege proponitur, dominus rei commodatæ eligere potest an commodati cum commodatario, an furti cum fure agere velit. Et hanc si eligat, id est furti actionem, proculdubio perimitur actio commodati. Rursus si eligat actionem commodati, actio furti transfertur a domino in commodatarium, cujus periculo res cessit. Denique unius actionis electione, et perceptione perimitur altera: imo et sola electione, si elegerit actionem furti, vel etiam si elegerit actionem commodati, modo scierit rem esse furto subreptam. Nam si nescierit, vel si dubitarit, ut ait lex ult. que dubitantem ignorantem comparat, ut semper sit in jure, *l. ult. sup. de condict. indeb. l. 2. §. 1. ff. quis ordo in bon. pos. ser.* Si, inquam, nescierit, aut dubitaverit, et elegerit forte actionem commodati, nec pergerit nondum percepta re commodata, integrum ei est relicto commodatario transire ad furem. Distinguendum igitur omnino est hac in re hoc modo: aut in eundem quis habet actionem furti, et commodati. Et hoc casu altera alteram non tollit: aut in unum habet actionem furti, in alterum commodati, ut in specie *d. l. ult.* et hoc casu altera contentus esse debet, ut *l. 3. §. ult. D. nautæ, cap. Vector*, cui in navi res subrepta est, in exercitorem navis habet actionem de recepto, in furem actionem furti: sed alterutra contentus esse debet. Nam si eligat actionem de recepto, amittit actionem furti, eaque transfertur in exercitorem: si eligat actionem furti, liberatur exercitor. Et Accurs. hanc distinctionem, que rectissima est, admittit id *d. l. si is cui com. D. de furt.* sed corrupta est glossa, et restituenda hoc modo: hodie, inquit, videtur tolli electione etiam actio furti, ut *C. eod. l. finali*: sed dicas, inquit, ibi loqui quando extraneus fecit furtum rei commodatæ, quod verissimum est. Non est omittendum, quod Bald. annotavit in hac *l. 1.* duas actiones contrarias recte institui sub alternatione, ut ille, qui apud Accurs. in *l. 1. inf. quanto prov. non est nec.* sic loquitur, dico sententiam esse ipso jure nullam, aut si quid valet, majorem judicem appello. Et ad eundem modum duas actiones contrarias institui recte sub alternatione, et adhibita scilicet protestatione, ut judici videbitur, ex altera tantum nos esse contentos consequi sententiam, quo jure utimur: et vero ut utamur æquum est, et necessarium si incertum sit, que potius actio teneat, ut in specie *l. 1. §. quia autem, D. quod legator.* Si legatarius sine voluntate hæredis rem legatam occupaverit, hæres cum legatario agit non male petitione hereditatis, vel interdicto quod legat. quibus judiciis tenentur ii tantum, qui pro hærede, aut pro possessore possident: et simul agel cum eo-

dem interdicto quod legat, quo tenetur, qui pro legato possidet, quamvis illa sibi quodammodo adversetur, dum agit utroque judicio. Nam interdicto quod legatorum fatetur adversarium jure possidere, id est pro legato: petitione hereditatis, vel interdicto quod legat. negat adversarium justo titulo possidere, sed pro possessore, ut pro prædone, vel pro hærede, ut falsum hæredem, et subreptitium, sed protestatio corrigit omne vitium intentionis. Et sic in *l. contra, sup. de inoffic. testam.* Idem simul agit querela imperfecti testamenti, et querela perfecti, sed inofficiosa, nec tamen sine protestatione, vel alternatione, ut hac, vel illa via ad jus suum perveniat. Et similiter licet simul agere judicio petitorio, et possessorio, veluti actione in rem, et actione momenti id est, interdicto uti possidetis, vel utrobi: quamvis actio in rem videatur lateri adversarium esse possessorem, interdicto uti possid. negare. Hoc nimirum proposito, et hac protestatione, ut jus suum sive hoc, sive illo remedio sibi conservet, que est sententia *l. naturaliter, §. nihil commune, de acquirenda possess.* Qua de causa, et proculdubio licet petitorii, et possessorii judicii causam cumulatione disceptare, et dirimere. Symmach. in epistolis ad Theodos. Constitutio, inquit, recitata est, que iudicibus copiam tribuit, non necessitatem imponit. Locus est apertissimus ut quoties de possessione judicant, continuo, et si casus tulerit et de petitorio cognoscat: nec pugnat, quod vulgo dicitur, prius esse cognoscendum de possessione, quam de proprietate: nam et ita dicitur prius esse disceptandam criminalem causam, quam civilem, minorem cedere majori. Et tamen si ita judici visum sit, simul civilis et criminalis disceptari potest, *l. pen. sup. de ord. judic.* Denique sicut qui exceptione utitur non omnino fatetur, et admittit intentionem actoris, nec se impugnandæ ejus alia ratione privat, *l. non utique, D. de except.* sicut qui familie exercundæ agit, non omnino fatetur adversarium esse cohæredem, *l. qui familia, D. fam. l. exercisc.* ita, qui agit rei vindicatione, non omnino fatetur adversarium esse possessorem; ut non sit integrum, si velit, adhuc venire ad interdictum de possess. et hoc est, quod ait *d. §. nihil commune*, non videri eum renuntiasse possessioni, cujus postea argumenta forte proferuntur, qui rem vindicavit, videlicet vindicationem esse proditam rei servandæ, non perdendæ gratia, *l. aliam causam, D. de novat.*

Ad. L. V. et VII.

L. V. Civile est, quod a te adversarius tuus exigit, ut rei, quam apud te fuisse fateris, exhibeas venditorem. Nam a transeunte, et ignoto te

emisse, dicere non convenit, volenti evitare aliam non bono viro suspicionem.

L. VII. Si is, cui te pecuniam ad matrem tuam perferendam dedisse proponis, parva quantitate numerata, reliquam in usus suos convertit, furtum fecit.

Explicaturi sumus hodie questiones l. 5. et 7. Ac primum quidem admonendi sumus. in furem nec manifestum præter rei persequutionem, quæ genere vindicationis aut condictionis instituitur, dari actionem furti poenalem in dupl. ex XII. tab. §. sunt autem de noxa. action. Instit. Eaque actione tenetur non tantum qui furtum fecit clanculum, sed etiam is cujus ope, et consilio furtum factum est. Nam et hic dupli tenetur, ut optime docet l. ult. sup. de noxal. action. In furem autem manifestum dari actionem in quadruplum ex edicto prætoris, §. 1. Instit. de perpet. et temp. action. Actio igitur furti nec manifesti, quod notandum est, est civilis, id est, l. XII. tab. Actio manifesti est prætoris, et utraque perpetua tamen. His vero actionib. utimur si pro fure damnum decium non sit, ut loquuntur XII. tabul. id est, si de furto transactum non sit. Placeat enim pacto, et transactione nuda ipso jure tolli actionem furti poenalem, l. 13. hoc tit. l. juris gentium, §. si paciscar, l. si tibi, §. 1. D. de pact. l. si pro fure, D. de condict. furt. ipso jure, id est ex duodecim tab. quæ pactionem, et decisionem furti approbaverunt. Alioquin ex pacto nudo neque constitui ipso jure, neque tolli obligatio potest. Non igitur jure civili nimis acerbe actum est, jureve ordinario cum furibus, cum ut dixi, pactione nuda extinguatur furti poena, non rei persequutio, nisi quis ultro eam rem donaverit. Ac præterea nunquam legibus fuit prodita criminalis actio furti; id est nulla fuit de furto accusatio ordinaria, et legitima, præterquam ex certis causis, veluti plagii, repetundarum, residuorum, peculatus, et si quid de incendio, ruina, naufragio, rabe, nave expugnata captum, aut captum esse dicetur. Ex aliis causis non est prodita de furto criminalis actio, quæ sit ordinaria, et legitima: proponitur etiam in hoc titulo l. 18. specialis actio furti ex edicto prætoris, civilis actio in eum, qui ex miserrima naufragorum fortuna, vel incendio, quo forte conflagrabant ædes alienæ, aliquid cepit, abstulit, amovit: aut qui quid deterius fecit, quæ tenetur, etiam si non sit manifestus intra annum utilem in quadruplum, et post annum in simplum, non ei tantum, cujus interest, sed etiam fisco, id est, tantum fisco inferi, quantum ei, cujus interest, l. 3. §. ult. de incend. rui. naufr. Atque ita tenetur intra annum in octuplum: et post annum in duplum præter criminalem exequutionem, et poenam corporalem in eum statutam duodecim tabul.

l. 1. §. 1. l. qui ædes. D. eod. Quod l. 18. hujus tit. significat his verbis: præter poenam olim statutam. Criminalis igitur exequutio si sit legitima, et ordinaria, non tollit civilem actionem in duplum, vel quadruplum, neque vicissim hæc illam: at certe extraordinaria criminis persequutio tollit actionem civilem, et ordinariam: et quod hodie in usu actio non est furti in duplum, vel in quadruplum, id ex eo manet, quod omnia judicia sint extraordinaria, et furti agatur, ut ait l. ult. ff. de furt. nunc plenique criminaliter, et extra ordinem, non civiliter in duplum, vel quadruplum: ubi autem quis elegit viam, et accusationem extraordinariam, sane renuntiasse videtur civili, et ordinariæ actioni in duplum, vel quadruplum, et simpli ei assisist, quod ad rem sublatam attinet, quæ est evidentissima sententia l. interdum, §. qui furem, ff. de furt. nec tamen prohibetur quis si velit omni suo jure, et rigore extraordinario, civiliter agere in duplum, vel in quadruplum, ut ait d. l. ult. nec jure prohiberetur hodie mo judice, si quis mallet agere de furto in duplum, vel in quadruplum extraordinarie: quia ordinaria judicia cessant potius, quam extincta sunt, quod notandum. Et ita ad hunc, quod proponitur in l. quinta hoc titulo de furto conceptio, quo nomine olim erat actio in triplum. Hodie est actio in duplum, tanquam ex furto non manifesto, ut si quis rem sibi surreptam conceperit, et invenerit apud L. Titium, possit L. Titium inculpate, et condemnare furti, si ultro dicat se eam rem emisse, cum agitur a domino actione furti in eum, vel condictione furtiva, nec exhibeat venditorem, fur est, qui rem domino surreptam possidet, si non exhibeat auctorem, a quo rem accepit. Et ideo ait l. 2. Incivile est quod desideratis, ut agnitas res furtivas non prius reddatis, quam pretium fuerit solutum a dominis. Curate igitur cautius negotiari, ne non tantum in damna ejusmodi, sed etiam in criminis suspicionem incidatis. Contra l. cogi, sup. de petit. hered. ait incivile esse possessorem a petitore compelli, ut edicat causam, et titulum possessionis suæ, præter eum, ut subjicit, qui cogitur edicare an pro herede, vel pro possessore possideat, ne scilicet frustra agatur petitione hereditatis, quæ comparata est in eum dumtaxat, qui pro herede, vel pro possessore possidet. Sed hi tituli pro herede, vel pro possessore in eo tractatu de petitione hereditatis falsi sunt, non veri, et reus si ex eis neget se possidere, sane cogitur edicare verum titulum, si quem habet. Atque ita is, quo cum agitur speciali in rem actione, cogitur edicare an possideat, ne frustra cum eo agatur: sed quæ ex causa possideat, nec edicare nec docere cogitur: Hoc munus est petitoris, non possessoris implere

dominii probationem. Præposterum est petitorum actionem suam desiderare ut instruat, informet, et fundet possessor unde petitur: omnis probatio a petitore exigitur, nulla a possessore: possessori fortuna favet, et impenior est semper possessoris causa, et prior, quod omne ostenditur in l. 4. et ult. sup. de edendo, l. 2. sup. de probat. l. 7. sup. de testib. Et ita d. l. cogi abrogat l. 1. Cod. Theod. de fide test. et instrum. qua Constantinus petitori defuncto probationibus constituit ut possessor edicat unde possideat, vel quo jure eam teneat; quod merito l. cogi ait esse incivile, et esse præposterum, ut actore non probante, probationem exhibeat reus, nec refragatur l. 5. hujus tit. quæ hoc vult, ut possessor compellatur edere titulum sue possessionis, auctoritatis, sive dominii: si possessor ultro dicat eam rem se emisse, cum agitur in eum actione furti, vel conditione furtiva, vel rei vindicatione, tum ut damnetur furti nisi exhibeat venditorem: aut dicamus sollicitius, ut Thalelaus in illo loco, et distinguamus hoc modo: aut agitur de nudo, aut solo dominio petitione heredit. vel rei vindicatione, et tunc possessor non cogitur edicere tit. possessionis suæ actore non probante. Aut igitur de furto, et tunc possessor cogitur purgare innocentiam suam probatio tit. possessionis suæ, et auctore suo, qui non indicat auctorem, vel qui non indicat furem, si rem possideat, pro fure habetur: qui non indicat furem, si rem non possideat, et si furem noverit, pro fure non habetur: quæ est sententia l. qui vas, §. 1. ff. de furt. Aliud est celare furem, aliud non indicare: qui celat, fur est, qui non indicat, fur non est, nisi rem possideat, et auctorem exhibere detrectet: nam ut eleganter ait l. 5. a transeunte et ignoto te emisse dicere non convenit, volenti evitare alienam bono viro suspicionem. Et inde Divus Hieronymus dum Rufinum perfidie coarguit, et plagii: Dic, inquit, a quo exemplar acceperis, nec mihi ad subterfugendum crimen auctores mortuos aliquos proferas, ut cum auctorem proferre non poteris, illum proferas qui non possit respondere, et in consequentibus: dic potius inveni librum, putavi esse irartyris, jam te non urgebo, et non quæram a quo acceperis, vel mortuorum aliquem nominato, vel in platea ab ignoto homine te emisse dicito, non curo. Et id etiam apertius dici potest ad l. cogi, et ad istam omnem questionem percipiendam, petitorum non probante intentionem suam, possessorem non cogi edicere titulum possessionis suæ: contra petitorum probante intentionem suam, ut si rem vindicet, et liquido probet eam rem defuncti fuisse, cui hæres extiterit, tum ne res evincatur, necessario cogi possessorem edicere, et probare unde possideat, puta eam rem es-

Tom. IX.

se sibi a defuncto donatam, vel se eam usucepisse, in l. emptor, inf. de præscript. longi tem. l. si quidem, inf. de except. l. sive possidetis, sup. de probat. In qua tuale affirmant ideo possessorem edicere tit. possessionis suæ, quia præsumptio faciat pro petitore: quæ de re nullum verbum, nullumque indicium in ea lege: Ac proinde male in eo etiam loco diffuso tractant de præsumptionibus, deserta questione propria, et simplicius Græci illam legem, interpretantur in hanc sententiam: qui rem suam petit, probare debet quæ ex causa ejus rei dominium nactus sit: quæ probatione impleta, si adversarius dicat se ex alia causa justiore dominium acquisisse, tum ipse pro sua parte suæ quoque intentionis probationem implere debet, et ita probatio probationem elidit, sic recte a possessore exigens probationem, modo a petitore exegeris prius acceperisque. Et ita accipiam omnino eam l. sive possidetis, et dicam solum possessorem non cogi edicere causam dominii, vel possessionis suæ exonerato petitore, sed petitorum probante dominium rei, necessitatem contrariarum probationum exigi a possessore, nisi lite cadere velit. Et ita quoque accipiam quod Iserus ait in proxeneta, his verbis, jus, inquit, esse ut prædicia, quæ sunt in controversia, possessor doceat a quo emerit, vel ex causa pignoris acceperit, vel ex causa judiciali, nimirum petitorum pro sua parte implente intentionem suam. Et his addamus etiam quod est in l. 2. hujus tit. cum, apud quem furtum conceptum, et inventum est, cadere in suspicionem furti, etiamsi edicat, vel edoceat a quo eam rem acceperit, posset enim a fure acceperisse sciens, et fur est, qui rem a fure sciens accepit, l. ancilla, in fine hujus tit. atque ita domino rem suam vindicante ab eo, apud quem quæsitæ et inventa est, is inciviter desiderat ut dominus sibi restituat pretium, quod ipse pro ea re intulit venditori, cum nisi accleris particeps sit, regressum habeat adversus suum venditorem. Et inde corpori negotiatorum Imp. in d. l. 2. (quod aptari potest ad multa negotia humana) ita rescribunt: Discite igitur cautius negotiari, ne non tantum in damna ejusmodi, sed etiam in criminis suspicionem incidat. Id est circumspicite etiam atque etiam a quo ematis, ne et rei et pretii damnum faciatis: curiosos esse emptores oportet, sicut dicitur, curiosos creditores esse oportet, in quam rem scilicet mutuum pecuniam rogentur: alioquin per incuriam, vel non curantiam eis persæpe fraudi foret, l. 3. §. sed si sic accepit, D. de in rem verso, l. ult. D. de exerc. actione.

Ad l. penult.

Apud antiquos quærebatur, si servus, quem ali-

60

quis bona fide possidebat, furtum commiserit alienarum rerum, vel ipsius, apud quem constitutus est. an ipse, qui eum bona fide detinet, noxalem furti actionem adversus verum dominum habeat, vel ipse ab eo, qui furtum passus est, praedicta conveniatur actione. Cumque generalis regula ab antiqua prudentia exposita est hujus hominis gratia, pro quo noxalem furti actionem suscipere quis compellitur, adversus alium furti actionem habere non concedens: qui tam ita eam per conjecturam interpretati sunt, adversus bonae fidei quidem possessorem nullo modo furti actionem extendi: ipsi autem si furtum fuerit passus, adversum verum dominum furti noxalem actionem recte decerni. Tunc autem bonae fidei possessorem furti nomine, quod passus est, noxalem actionem habere posse, quando servus sub domini sui fuerit constitutus possessione: et pro his rebus posse eum adversus dominum habere actionem, non solum, quas servus subtrahit jam apud eum constitutus, sed et quas furatus est, quando fugit quidem a bonae fidei possessore, adhuc autem nondum sub manibus domini sui fuerat constitutus. Quam interpretationem prisca quidem jura per conjecturam introducebant: nos autem altius, et verius ad eam respicientes, generalem regulam sic ab initio esse prolatam accipimus. Cum igitur bonae fidei possessor domini cogitatione furem possidet: merito, donec apud eum constitutus est, et aliis tenetur noxali actione, si extranei furtum a servo fuerint passi, et ipse adversus verum dominum non habet actionem, secundum regulam dicentem. Qui habet adversus alium furti actionem, ipse ea teneri non potest. Sin autem desinat in servi retentione, et ille apud verum dominum fuerit inventus, tunc ipse quidem noxali furti actione minime potest teneri, adversus autem verum dominum habet ipse furti noxalem actionem pro rebus, quas vel tunc furatus est, cum est apud verum dominum, vel antea, postquam bonae fidei possessoris retentionem excessit, nec dum apud verum dominum factus est. Sic iterum regulae generali casus evenit contentans: qui enim habet tunc furti actionem adversus dominum, ipse aliis teneri furti actione non potest, et sic ex tempore omnibus discretis, vetustissima dubitatio nostro fœdere conquiescat, et bonae fidei possessor in parte certa temporis habet actionem, et non teneatur actione: et ipse dominus alio tempore non teneatur actione, et in alio sub actione constituitur. De eo autem, qui liber constitutus, ab alio bona fide tenetur, si furtum commiserit, recte, et sine aliqua dubitatione dicitur, posse eum, qui liber est cognitus et ab ipso, qui bona fide eum detinet, pro furto conveniri, et bonae fidei possessorem, si extra

neo furtum liber commiserit, non posse conveniri, sed ipsum pro suo furto respondere: quia generalis regula de servo prolata est: et pro eo, qui non servus, sed liber, et sui potestatis est, noxalem moveri actionem, impossibile, nostrisque legibus incognitum est. Datum Casend. Octob. Lampadio et Oreste vv. cc. Coss.

Questio I. penult. pertinet ad regulam juris antiqui quae dicit dominum, aut bonae fidei possessorem, qui ex delicto servi noxali actione tenetur, atque conveniri potest, non posse ejusdem servi nomine ea actione experiri, et contra eum, quo cum agi non potest noxali actione, posse ipsum agere ea actione. Huic regulae locus est primus in dominum, si communis servus primi et secundi, primo dominorum furtum fecerit: nam primus cum secundo agere non potest actione furti noxali. Quia si is servus extraneo furtum fecisset, primus eo nomine teneretur noxali actione in solidum: et pro quo teneretur noxali actione etiam in solidum, qui ex parte tantum dominus est, absurdum est, ut propter eum etiam habeat noxalem actionem in socium. Quod ostendit lex et patet, §. ult. ff. famil. ercisc. et l. pro penult. ff. de nox. act. et l. 8. ff. eod. quae nominatim ait, quemvis dominorum, si servus communis noxam fecit, teneri noxali actione in solidum. Sed non alia ratione, inquit, poterit qui conventus est evitare litis estimationem, nisi solidum servum vocare dederit, quia vocis deductio divisionem non recipit, l. si servus, §. item si, ff. ad leg. Aquil. nec igitur serenus si partem suam cedere paratus sit actori post acceptum iudicium noxale: nam ante id potest cedendo suam partem consequi securitatem, et is, qui cesserit hoc genere, amittet actionem noxalem, quam habuit, quia dominus servi pro parte factus, non potest jam cum socio experiri actione noxali: qui si alii noxam noxasset servus, ipse conveniretur noxali actione. Et in eundem haec non cadunt, ut ejusdem servi nomine possit idem et convenire, et conveniri noxali iudicio. Quod locum habet non solum in actione furti, sed etiam in aliis noxalibus actionibus, ut ipsi inter se socii non possint agere noxali actione ex delicto servi communis, quod in unum ex iis admiserit, d. l. si servus, §. 1. l. ut tantum, §. si servus, de serv. corr. l. sed si unus, §. si servus, ff. de injur. Et eadem rationem hujus regulae, quae sit idonea: nimirum alia ratio non est, quae sit idonea, quam quod sit absurdum eos inter se noxalibus actionibus experiri, qui in ea causa sunt, ut servi nomine tanquam domini noxales actiones pati et excipere possint. Quae ratio etiam efficit, ut inter se socii non agant de peculio ex contractu, quem forte habuerint cum servo communi, l. hinc queritur, §. ultim. et l. seq. de po-

culio. Nam qui agit de peculio, vel noxali actione non se, sed adversarium dicit esse dominum, et possessorem. Denique non agit, ut dominus de peculio, vel noxali iudicio, sed ut extraneus, id est extraneis hæ actiones dantur non dominis, sed in dominos, dominis, et in dominos non item et hac in re nulla est differentia inter servum communem et proprium. Si servus meus servo meo noxam nocuerit, nemo est, in quem mihi competat actio noxalis, quod alterum servum meum deteriore fecit, vel forte occiderit. Et similiter si servus communis servo meo proprio noxam fecit, cum quo experiar actione noxali non habeo: hanc pati meum est agente extraneo, sive ex parte, sive in solidum dominus sim, condominis servi non licet inferre, neque in dominum, neque in socium, non enim scindere hominem possumus, ut pro parte cum socio agam, cum is homo servo meo proprio noxam nocuerit toto pectore et corde, non parte pectoris, corporisve sui, οὐκ ἡμετέρα γυνή, ἡ μὲν χυρὴ. Et hac in re etiam utitur comparatione servi proprii et communis Sabinus in *d. l. ut tantum*, §. *si servus*, ff. *de servo corrupt.* ut si servus communis corruerit servum meum proprium, non sit mihi actio noxalis servi corrupti in socium, perinde ac si servus meus proprius corrupisset conservum, id est, alterum servum meum proprium: ut enim hoc casu non esset actio noxalis in quemquam, ita nec erit illi in socium, eademque comparatio est servi proprii et communis, *l. si servus communis*, ff. *de furt.* *l. si ante aditam*, §. *2.* ff. *de interrogat. in jure fac.* Ceterum etsi deficiat, ut ostendi, actio noxalis in socium servi communis, quod in me admisit unum ex dominis, tamen suppletur alia actio, nempe famil. erisc. inter socios, vel communi divid. Et est actio quasi noxalis, ut scilicet officio judicis, vel socius parte sua mihi cedat pro noxa vel ut litis æstimationem præstet in simplum. Non est noxalis actio sed quasi noxalis, ut ait *l. si servus communis*, *D. de furt.* quia non datur ad poenam: puta in ea actione communi divid. lis non æstimatur in duplum, vel quadruplum, sed in simplum tantum, id est, in solam æstimationem damni, ut vel socius eam præstet in simplum, vel cedat parte servi, et totum servum mihi adjudicari sinat. In iudicio divisionis hæ actiones suppetunt, simpliciter actio noxalis non suppletur propter rationem, quam exposui antea, quæ ut perspicua est, sic etiam vera: alia tamen ratio redditur in *l. si servus servum*, §. *1.* *D. ad l. Aquil.* quam quæ superius allata est, quæque vero vincit justissimam esse regulam juris antiqui. Excutiamus quæso illam rationem, quæ proponitur in *l. si servus*, §. *1.* Si servus communis meus et tuus meum proprium occiderit citra volun-

tatem suam, cessat noxalis actio in te ex *l. Aquil.* cur ita? ne, inquit, sit in potestate servi damno dando injuria uni ex dominis, alterius potestate se subtrahere per delicti causam, beneficiumque. Græci legunt uni soli, vulgo tibi soli serviat, per enallagen personarum, ut Odofredus annotavit. Nam sunt frequentissimæ ἐναλλαγὰς et temporum, et personarum. At vero Accursius noster prorsus damnat, nec petita venia, rationem illam, quæ proponitur in *d. l. si servus*, ut non sit noxalis actio in socium, ne sit in potestate servi, ut uni soli serviat: et contendit aliam rationem debere reddi cur socio non sit actio noxalis in socium, propterea quod ipse socius, qui agit noxali, tenetur noxali iudicio in solidum. Accura. movetur duobus fortissimis argumentis. Unum hoc est: si ideo socio in socium non datur noxalis actio ex delicto servi communis, quod admisit in unum ex sociis, ne sit in potestate servi, ut uni soli serviat, eadem ratione contendam nunquam dominum teneri actione noxali ex delicto servi, ne sit in potestate servi, ut dominum mutet damnum dando, vel furtum faciendo extraneo, domino suo non existente solvendo, id est, si dominus non velit, aut non possit persolvere litis æstimationem: atqui hæc ratio non tollit actionem noxalem, quia hæc una re esset in potestate servi deteriore facere domini conditionem, *l. 1.* §. *quod igitur*, ff. *de vi et vi arm.* nisi colludant cum iis, quibus damnum inferunt, ut dominum mutent ex sententia Platonis ad finem 2. legum: et argumento *l. cum servus*, in *ff. mand.* ac citra collusionem certe potest in hoc servus facere deteriore domini conditionem damnum dando extraneo, ut dominum mutet, et dedatur extraneo pro peccato, cujus æstimationem non potest implere dominus per facultates suas: igitur ne sit in potestate servi hoc genere mutare dominum, ideo negabis esse in dominum noxalem actionem. Minime vero: ergo nec negabis in socium socio noxalem actionem non esse ea sola ratione, ne sit in potestate servi, ut uni soli serviat. Alterum argumentum Accursiale est. Si ideo socio, cui servus communis noxam nocuit, non datur in socium noxalis actio, ne sit in potestate servi, ut uni soli serviat, eadem ratione non dabitur etiam in socium socio actio communi dividendo, quasi noxalis, quam jam ante dedit quis per eam etiam accidit, ut servus uni soli serviat: si forte socius non sit solvendo, aut litis æstimationem sufferre nolit: atqui illa ratio non impedit actionem communi dividendo. Ergo nec per se sola potest impedire actionem noxalem. Hæc sunt fortissima argumenta: quid dicemus? venerari solem, ut debem, scripta juris auctorum, nec si quisquam contempserit is unquam quicquam in jure certum habuerit, nec sibi bene consuluerit. Sed non patet iterum viam ad jus per-

discendum. Sed animadverti in *d. l. si servus servum*, §. 1. Ulpianum referre ex Ursei Ferocis libris, et Ursejum ex Proculo, cessare noxalem actionem in socium, si servus communis occiderit servum proprium unius ex dominis, aut vulneraverit. Quam sententiam Ulpia. subjicit esse veram, si modo non voluntate alterius domini id fecerit. Sed non sentit Ulpia. eam rationem esse veram, qui alibi utitur priorē, quam firmamus, ut in socium non sit actio noxalis socio ex delicto servi communis, qui et ipse teneretur noxali actione, si servus communis alii noxam nocuisset, *l. sed si unus*, §. *si servus*, ff. *de injuriis*, l. 8. *de noxal. actio.* Deinde animadverti Julianum scribentem ad Ursejum Ferocem in *l. prope. de noxal. act.* ex lib. 2. Juliani ad Ursejum, quo complexus est notas ad libros Ursei. Julianum scribentem notam impressisse Ursejo hanc, quod non ea ratione socio in socium non sit noxalis actio, quam attulit Ursejus ex Proculo, ne videlicet sit in potestate servi, ut uni soli serviat, sed idcirco, quia socius, qui agit noxali actione, teneretur et ipse noxali actione si servus extraneo noxam fecisset, et Juliani ratio est et quę nominatione Sabino adsignatur, *d. l. ut tantum*, §. *si servus servum*, per comparisonem servi proprii et communis: Julianus Sabinianus fuit, non Proculianus, et ex dissidiis inter has familias J.C. Procul. et Sabinianorum innumeris in Digestis hoc unum est certissimum Judicium. Nota igitur Accursii nostri et nota Juliani est: et nota Juliani est ad Ursejum, quasi veram Ursejus rationem non protulerit, et nos igitur non tam Accursio, quam Juliano libenter assentiamus, et dicamus Juliani rationem esse potius sequendam. Et pergamus ad alia. Superiori regulę, id est, quam initio recitationis hujus exposuimus, locus est non tantum in domino, sed etiam in bonę fidei possessore, qui servi alieni, quem bona fide possidet, existimat se esse dominum. Nam bonę fidei possessor quādiu eum servum possidet, teneretur propter eum actionibus noxalibus, ut dominus: bona fides imitatur dominium. Denique tanquam dominus, quādiu servum alienum bona fide possidet, ejus nomine teneretur noxali actione, *l. bona fide*, et seq. *l. quotiens*, §. 1. *l. et generaliter*, ff. *de noxal. act.* Neque obstat, ut paucis expediam, quod male ait Accurs. *l. si servus servum*, §. *item si servus*, ff. *ad l. Aquil.* quod dicat servi occisoris dominum teneri noxali actione damni injurię, non bonę fidei possessorem: ne diveris, ut vulgo dicitur, speciale esse in actione legis Aquilię dari in bonę fidei possessorem, proditum est *l. octava*, ff. *de interrog. in jure fac.* Sed rem ita precipiam: bonę fidei possessorem non teneri directo

judicio noxali, ut vel litis æstimationem sufferat, vel servum faciat actoris, quoniam est illud iniquum, et hoc non possit prestare, cum ipse non sit dominus servi bona fide possessi. Non igitur tenetur in hoc, ut vel servum eum faciat actoris per noxę deditionem, vel omnem litis æstimationem sufferat, sed tantum tenetur utili actione noxali, ut eum servum dimittat, et toto suo jure cedat actori, ut quoquo modo noxę dedat actori, non abscise, ut eum faciat actoris: quę deditio non erit inutilis actori. Nam domino vindicante eum ab actore, cui eum in noxam dedit bona fide, possessor repelletur exceptione doli mali, nisi offerat integram litis æstimationem unde apparet tenere noxę deditionem factam a non domino, et omnino utili judicio noxali teneri, ut qualiter qualiter servum dedat actori bonę fidei possessor, et toto suo jure cedat. Ex quo sequitur servum, qui furtum fecit bonę fidei possessori secundum superiorem regulam, non habiturum noxalem furti actionem adversus verum dominum servi, quia qui tenetur ipse noxali judicio, non potest agere in quemquam noxali judicio: denique superior regula habet locum etiam in bonę fidei possessore: definitio est legis penultim. in qua additur, quod si bonę fidei possessor jam non possideat illum servum, quem olim possedit bona fide, ut si fortasse redierit ad dominum, ut tum bonę fidei possessor non teneatur noxali actione, quod non eum amplius habeat in sua potestate et possessione, et consequenter, ut recte agat actione noxali in dominum ex furto, non quod fecit is servus dum erat in sua possessione, quoniam hoc genus furti non cadit in actionem furti, quod servus domino facit, vel quasi servus, id est bona fide possessus, bonę fidei possessori facit, quoniam is δούλος est, sive ἀντιδούλος: nec patrono etiam cliens si furtum fecerit, imo nec quod libertus patrono fecit, sed quod fecit, postquam exivit a custodia bonę fidei possessoris. Sed idcirco non cadit in actionem, quod libertus patrono fecit, quod et servus δούλος sit, et hic ἀντιδούλος, ut Æschylus loquitur: nec si mercenarius furtum fecit conductori tenetur actione noxali furti, quia hi sunt servi loco, *l. 1. §. familię*, ff. *de vi et vi arm.* l. 4. ff. *de usu et habit.* adhibita interpretatione Theophili in §. 1. *Instit. eod. m.* In servos nostros, vel eos, qui sunt nobis servorum loco, non est furti actio ulla ex causa, ne leviori quidem, quoniam jus non patitur, ut in quem possimus jure nostro statuere, in eum agamus jure civili, et ut inter dominum et servum lis non consistit, ita nec etiam inter bonę fidei possessorem, qui pro domino habetur, et inter servum bona fide possessum, ut inter eum, qui loco domini est, vel loco servi.

Quæ omnia proponuntur in *d. l. penultim.* Sed additur, quod maxime notandum est, noxalem actionem non dari in bonæ fidei possessorem, qui possidet liberum hominem: servi alieni bonæ fidei possessor, quamdiu eum tenet, tenetur actione noxali propter ejus servi noxam, liberi hominis bonæ fidei possessor ex delictis liberi hominis non tenetur noxali actione, vel si ea actione actum sit, cum domino nondum comperta conditione hominis, quem possidet, manet integra actio cum libero homine, *l. pen. de noxal. action. l. confessionibus, §. ult. de interrog. in jura.* Potest quæri, quæ sit differentie ratio inter bonæ fidei possessorem servi alieni, et possessorem liberi hominis? Cur ille bonæ fidei possessor servi alieni fingitur esse dominus, et tenetur noxali actione, et bonæ fidei possessor liberi hominis non fingitur esse dominus, nec ea bona fides imitatur dominium. Puto, ut rectissime definit Accurs. *l. 3. §. pro soc.* quia fictiones in jura hæc tantum admittuntur, quæ naturæ et juri conveniunt: adoptio fictio est et imago naturæ, quæ imitatur naturam suscipiendorum liberorum, ut ait *l. filio, ff. de lib. et post.* Et Calpurnius Flaccus in declamat. adoptio sancta res est, quæ beneficia naturæ et juris imitatur, quæ tamen naturæ et juri congruere debet. Nam si adoptaveris eum, qui per ætatem tuus filius esse non potest, adoptio non valet: pugnat fictio cum natura, nec admittenda igitur. Et similiter si quis in jure interrogatus respondeat illum filium suum esse, responsio eum non obligat, quæ falsa est, nisi congruat naturæ, quæ est sententia *d. l. confessionibus.* Nam si ætas non ferat esse filium, confitendo eum esse filium autum nihil agit, nihil sibi incommodavit, confessiones rejiciuntur, quæ non sunt juri et naturæ convenientes, *d. l. confessionibus.* Porro jus non patitur, ut possit quis fingi esse dominus liberi, etiamsi eum bonæ fidei possideat, quod non sit in commercio hominum liber homo. Ac proinde quod non possit a bonæ fidei possessore usucapi, *l. usucap. ff. de usucap.* Igitur qui bonæ fidei possidet liberum hominem, non fingitur esse dominus liberi hominis, sine qua fictione, nec in eum possit intendi actio noxalis ex delicto liberi hominis. At apte et convenienter bonæ fidei possessor servi alieni, fingitur esse dominus, quod opinio ejus juri non adversetur, et potest usucapi. Absoluta hæc est questio, si modo ostendero paucis, eum, qui tenetur noxali, non agere noxali, non idem esse cum eo, quod dicitur, eum, qui tenetur furti actione non agere furti, hæc sunt longe diversa: nam prior sententia ponit unum tantum furem, ut qui tenetur actione noxali furti nomine, non agat noxali actione. Posterior ponit duos fures, et est quoque de directo judicio furti, non de noxali, cum

furem, qui rem domino surripuit, et furem, qui furi rem surripuit, quo casu dicimus furem furti non agere, quæ tamen positio non est undequaque vera. Nam si furis ob eam rem intersit eam rem sibi non perire, et sibi confestim surripiri, quod ipse furtum ejus rei fecerit, vel dolum in ea re admisit, ex quibus tenetur, hoc prætextu non potest agere furti ex suo furto et dolo, id est, quod propter dolum hujus rei nomine furti teneatur. Nam cujus interest, is tantum actionem habet, si ejus intersit ex justa causa. Nam ex turpitudine sua, et improbitate nemo habet actionem furti, sicut nec pro socio nec mandati, *l. si a ro, §. ult. de fidejus. l. 12. et 14. §. is autem, et §. idem Pomponius, de furt.* Ita certe fur furti non agit. Sed si furis intersit rem non perire, quod ea res sit sua: nam rei sue quandoque furtum fit, ut si debitor creditori rem suam subripiat dolo malo invito creditore, cui si deinde ea res surripatur ab alio, tamen recte et in alium agat suo nomine actione furti, ut *l. itaque, §. pen. ff. de furt.* Et sic fit, ut teneatur furti, et agat. Nam demenda est negatio, ut jam multoties docui et notavi ex Basil. Et ex Paulo 2. *sentent. l. tul. de furtis,* dum ait *Creditori rem pignori obligatam surripiendo debitorem furtum facere, et tamen ipsum quoque, si eam rem amiserit, furti agere in furem si res surripatur, quia ejus interest ex honesta causa, quod sua intersit eam rem non perire.* Itemque eveniet, si intersit furis rem, quam surripuit, non interverti ab alio, quod ipse diligenter eam custodire debuerit, et culpæ nomine teneatur ea re furto subducta: nam furtum culpæ annumeratur: propterea quod optimo et prudenti patrifamilias non fit furtum: nec abs re quædam pro incivis non solum puniunt furem, sed eum etiam, cui furtum factum est damno rei furtivæ. Nam in illo est dolum, in hoc culpa. Quod ostenditur *l. qui res, §. si eo l. eum qui, §. an pater, ff. de furt.* Et hoc in hac specie ostenditur. Item tibi commodari in usum certum, in eam in alium usum transulisti, furtum fecisti. Et si mox tibi ab alio subrepta sit, ages cum fure furti, quod culpam prestare debeas commodatori, et agat æque in te furti commodator, quod rem in alium usum transuleris: et ita si tua intersit quasi commodatarii, aut conductoris, quod re ab alio furto sublata culpæ nomine tenearis, etiamsi sis fur, recte ages furti in furem novum. Denique interrogatus fur cur agat furti, respondeat, quod res mea sit, vel quod ejus rei nomine culpæ sim obstrictus, sive quod eam non servaverim diligenter, recte agat in novum furem actione furti. Sed si rogatus, cur ejus intersit, non habeat quid dicat, nisi quod furtum feci, et teneor, quod dolum in ea re admisit: ratio non est idonea

ad dandam furi actionem furti. Denique hac distinctione adhibita non magis stabit veritas ab eo, qui negabat furem furti agere, quam ab eo, qui affirmavit furem furti agere. Et inde viles, quam sit difficilis hęc regula, siquidem dixeris eum, qui tenetur furti non agere furti: et similiter eum, qui tenetur actione noxali, non agere noxali actione.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. III. De operis libertorum.

Jam a primo titulo dicere instituit de operis libertorum, ut in eo titulo ostendi, priusquam exponerem alia jura patronatus, quę in libertas habemus, quia et initio quoque edicto prętor pollicetur judicium operarum in libertos, l. 2. ff. eodem. Sequitur ergo ordinem edicti perpetui, dum ab ipso primo titulo meditaturs primis dicere de operis libertorum. Operę sunt diurna officia, quę libertus pręsenti patrono jurat, vel promittit libertatis causa, id est, sine quibus libertas data non esset, l. in liberto, ff. de sol. Jurat autem, vel promittit manumissus se daturum operas patrono, in ipso articulo manumissionis, vel post tempus: nam in servitute ipsa hoc inutiliter ageretur, propterea quod manumissus non tenetur ex eo, quod gessit in servitute secundum regulam juris. Igitur non in servitute, quasi spe libertatis, sed post manumissionem ex continentis, vel intervallo libertus jurat, ac promittit patrono se daturum operas. Non debentur nisi promissę, vel juratę. Et juratę debentur ex lege Julia et Papia, jure singulari, alioqui ut ex pacto et pollicitatione, ita ex jurejurando jure civili non nascitur obligatio. Ex pacto legitimo nascitur, et ex jurejurando quoque legitimo, ex quo nominatim lex caverit actionem dari oportere, ut in hac specie l. Julia et Papia. Ac pręterea exigitur, ut pręsenti patrono juret se daturum operas non absenti, alioqui jurisjur. nulla est obligatio, nec debentur absenti juratę operę, ut idiotismo utar, *les jurées*. Juratę, inquam, operę non debentur, nisi juratę sint pręsenti, l. 6. §. si quis absente, ff. de confess. Quę lex hęc tria comparat: rem judicatam, confessionem, et jusjurandum liberti. Res judicata in absentem non valet. Confessio facta absenti non valet. Itemque jusjurandum liberti de operis factum absenti patrono non valet. Et hac in re igitur hęc tria consimilia sunt. Ex edicto autem Prętoris datur judicium operarum, quę, ut dixi, juratę et promissę sunt patrono

libertatis causa. Et operarum non futurarum, sed pręteritarum, quoniam oportet patronum prius indicere operas liberto, quas sibi edi cupit, quas si deinde non edat, libertus judicio operarum conventus, in tantum condemnatur, quantum ex operis consecutus erat, l. 6. hoc t. l. 13. §. judicium, ff. eod. Quia scilicet operę edendę sunt patrono ex ejus commodo. Non ergo debentur antequam imperentur, et petantur. Sed petite si non exhibeantur in judicio, operarum sit æstimatio, et quanti fuerit æstimatę operę, tanti damnatur patrono libertus. Denique damnatur tantum pręteritarum operarum nomine: futurarum nulla est petitio, nec indicio, quas non declaravit, non indicit, nec imperavit ipse patronus, quia nullę sunt, vel quia nondum sunt, vel nondum debentur, quę nesciuntur quales sint, nec sciri potest quales sint, nisi indicente et exponente patrono, ex cujus commodo exhibendę sunt. Et notandum indicitas operas, vel petitas lite contestata, etiam peti posse ab hærede extraneo patroni, id est, pręteritas, quas patronus vivus indicit, vel de quibus egit cum liberto lite contestata: nam si lite pendente moriatur, translatio judicii operarum danda est hæredi patroni etiam extraneo, ut adfirmate omnino legendum est in l. si operar. eod. Quinimo etiam pręteritas operas petere possunt creditores, qui distrahunt bona debitoris, cui debebantur operę a libertis suis, vel peti possunt ab emotore bonorum, qui pro successore habetur. Et non est mirum si operę pręteritę, id est, quę cęperunt deberi patrono, sequantur hæredem extraneum, cum etiam sequantur creditores missos in bonorum possessionem, et permissos vendere bona, et sequantur etiam emptorem bonorum: nec jam ea possunt sequi patronum, cujus bona venierunt, quia is, cujus bona venierunt, ex antegesto nullam actionem habet l. pen. de cur. bon. dan. Et hęc est sententia l. 40. de op. libert. Ergo operę pręteritę, id est, quę cęserunt ante venditionem bonorum, non debentur patrono, sed creditoribus, aut emptori bonorum. At operę, quę cęserunt post venditionem bonorum, debentur patrono, etiamsi citra operas liberti, ut ait d. l. 40. habeat unde se aliat, quod utique semper ei servandum est, si post venditionem bonorum cum eo agatur, quia post venditionem bonorum tenetur tantum in id quod facere potest, l. ultim. inf. de revoc. iis, etc. Deducto itaque ne egeat, id est, deductis alimentis, l. 6. de cess. bon. Hęc ut intelligamus operas pręteritas, id est, indicitas, vel petitas a patrono sequi hæredem extraneum, et hoc distare hæredem extraneum a filio patroni. Nam filio patroni non exhæredato debentur etiam operę, quas pater neque indicit, neque petit jure suo. Futurę operę, id est, quę cęso-

runt post mortem patris, *l. si oper. ff. hoc tit.* Dum ait filio patroni competere petitionem operarum, si hæres patri extiterit, non si exheredatus fuerit, etiamsi non extet hæres. Aliud est existere, aliud extare. Existit hæres filius patri ipso jure, id est, confestim apparet hæres, etiam invitus et ignorans. Extare est constare, et perseverare hæredem esse filium, qui hæres existit, nec extat, quia abstinet se beneficio prætoris, etiamsi de operis litem non fuerit contestatus pater, vel etiamsi nullas operas indixerit pater, filius nihilominus operarum petitionem habet, quæ sententia est *leg. si operarum*, valde notanda, et *l. cum patronus, §. 1. D. hoc t. et l. pro hære. §. si quid, de acquir. hære.* Quæ eleganter ait filium hæredem institutum, qui et ipse patronus est, petendo operas a liberto paterno, id est, quod petat a liberto patroni operas, non ideo videri se pro hærede gessisse, quia filiis etiam non hæredibus datur petitio operarum. Non dicit filiis exheredatis, sed filiis, non hæredibus, ut est legendum eo loci, id est qui hæredes extiterint, sed non perseverant propter beneficium abstentionis, quod a prætore impetrarunt: iis, inquam, non solum hæredibus filiis operarum petitio datur, et maxime futurarum, id est, quæ cesserunt post mortem patris, quæ scilicet ab ipsis filiis indictæ sunt. Sic igitur videmus, ut hæc in pauca comprehendamus, operarum iudicium a prætore dari post indictionem patroni in libertum, ac patroni filiis non exheredatis, licet respuerit hereditatem paternam ipso jure sibi delatam. Sed notandum præterea est, hoc iudicium operarum dari iis tantum, qui servum ultro manumiserunt, nulla necessitate cogente, et qui gratuito manumiserunt. Nam qui manumisit ex causa fideicom. vel lege venditionis, aut donationis, inutiliter imponit operas liberto, quia non habet earum operarum petitionem, eo quod potius solvit debitam libertatem, quam præstitit. Et similiter eandem petitionem operarum habet is, qui manumisit servum pretio accepto pro capite; quia gratuitam libertatem non præstitit, quæ omnia ostenduntur in *h. t. l. 2. §. et 7. §. rescriptum, l. 13. leg. 47. ff. hoc t. l. qui ex causa, de bon. libert.* Ergo hæc pars juris patronatus datur tantum iis, qui gratuitam sua sponte, nulla cogente necessitate servis suis libertatem dederunt. Cum autem dicimus operas esse diurna officia, quod initio proposui, ut *l. 1. et 3. D. hoc t. operarum* editionem esse officii præstationem, *l. cum patron. eod.* hoc dicimus, operas, quas patronus a liberto postulat, esse officiales, et quas libertus patrono jurat, vel promittit esse officiales. Jurat enim vel promittit operas, quas sibi indixerit patronus, esse daturum officii causa. Non semper adjicit, quas patronus indixerit, sed intel-

ligitur, quia patrono sunt edendæ operæ ex ejus commodo, cum eas poposcerit, ut ait *lex quoties, D. eod.* nec igitur debentur, antequam petantur. Indicit autem liberto, aut indicere potest quascunque operas honestas, quæ possunt edi sine discrimine vitæ, ut indicit fabriles operas, si libertus faber pictorias si pictor, medicas si medicus, minas si minus, ut sibi, vel amicis mimos, sive ludos faciat, vel postulat sibi scribi libros, si libertus sit antiquarius, vel eum facit insularium, ut custodiat ædes: vel postulat, ut se sequatur libertus, et secum moretur, vel peregre proficiscatur, vel ut secum officium suum exercent. Hæc sunt officiales operæ, quas patronus a liberto postulare potest, et similes quascunque. Multum autem interest promittat quis (quod male distinguitur a nostris) operas fabriles, pictorias, vel alterius artificii, ut extraneo, an officiales, ut patrono. Nam ut proponam differentiam inter officiales operas, quæ ut patrono exhib. et pictorias, vel fabriles, quæ exhib. ut cui-libet non patronatus verecundior, non libertatis causa, in promissione operarum officialium, non recte adjicitur persona alterius solutionis gratia hoc modo: patrono operas dari, aut Titio: adjectio Titii non valet, quia officium ei non debetur, nec deberi potest, nisi patrono libertatis causa, nec si tibi polliceor officium, vel promittam stipulanti, ex ea stipulatione nulla est actio. Officium recte tantum stipulatur patronus; stipulatio officii, quam extraneus facit, ulla est, *l. 10. 11. et 12. D. eod. t.* In promissione autem operarum fabrilium adjectio valet, si quis ab extraneo, vel si patronus a liberto, non libertatis causa stipuletur sibi, aut Titio operas dari, *l. 23. D. hoc t.* In qua lege, quod dignum est ut teneamus, ait libertum, qui stipulanti patrono, ut cui-libet promisit fabriles operas, non officii causa, non libertatis respectu, quam accepit a patrono, si inquam libertus ita promisit, ut cui-libet, non ut patrono, ut liberetur libertus obligatione, si tales operas extraneo dederit, quales patrono præstando liberaretur, ubi est manifesta transductio verborum. Igitur sic dicamus: libertus, qui promisit patrono fabriles operas, non ut patrono, sed ut extraneo, obligatione operarum solvetur, si tales operas patrono dederit, quales extraneo dando liberaretur, quia patrono eas promisit ut extraneo, non ut patrono. Et hæc est prima differentia inter officiales et fabriles, seu alias operas. Secunda, quæ melius substantiam rei declarat: officiales sunt in officii præstatione: fabriles autem sunt quasi in præstatione pecunie, *l. 6. D. hoc t.* Item quod attingi jam ante, officiales solus libertus soli patrono debet, vel filio patroni non exheredato, quia et ipse patronus est. Non debet officiales filio exheredato, non extraneo heredi,

nisi præteritas, quæ jam deberi cœperunt defuncto, non fideicommissario Trebelliano, *l. si patroni, in fine, ad Trebell.* Non debentur marito patronæ, *l. 10. h. t.* Sed si officiales, quæ debentur patrono sicut in artificio, veluti medicæ, aut mîmicæ operæ, aut histrionicæ, jubente patrono alii edi possunt, quia quæ eduntur alii jubente patrono ipsi edi videntur *l. si non sortem, §. libertus, D. de cond. ind. l. 9. D. h. t.* Quarta differentia est, quæ sumitur etiam ex *d. l. si non sortem, §. libertus*, officiales debentur soli patrono, fabriles vero cuilibet. Concludamus igitur, officiales soli patrono deberi, et solum libertum solvere, fabriles vero quemcumque, et cuicumque deberi, et solvere, *d. l. 9.* Officiales jure naturali illi deberi, qui nos affecit libertate, et summo præmio. Et ideo si operæ officiales, nec juratæ, nec promissæ præstite sint patrono, non condicuntur, quia naturaliter debentur patrono, et intelliguntur promissæ, et juratæ. Fabriles autem, et pictoriæ, sive cujuscunque artificii, natura non debentur, sed ex contractu. Et consequenter si per errorem indebitæ solvantur, condicuntur. Est etiam alia differentia, quod operæ officiales ex jurejurando debeantur, fabriles non nisi ex stipulatione. Et postremo, quod officiales non ante cedant quam indictæ sint, fabriles statim cedant ex die stipulationis, *l. 23. et 24. D. hoc t.* Unde apparet quantum intersit officii causa operas debere extraneo, vel patrono ut extraneo, operas deberi fabriles, vel pictorias certi generis, certæque speciei, non ut patrono, sed ut extraneo. Et postremo, quod debet, ut nihil prætermittam ex hoc tit. demonstrare volo, certis modis interciedere operas officiales quæ debentur patrono, certis modis finiri et amitti. Ac primum quidem operas amittit patronus, qui cum eis uti potest, mavult locando ex eis capere mercedem. Indignus est operis, et officio patronus, qui aspernatur officium liberti, et mavult quæratum facere ex eis operis, quas genere locationis exhibet extraneo, quod ait *lex. 6. h. t. d. l. patronus, D. hoc tit.* Item extinguitur operarum officialium præstatio si patronus libertam in matrimonio, vel concubinato habuerit, *l. 8. hoc t. l. 46. D. h. t.* quia novum officium, quod debet uxor marito, vel concubina, quæ uxorem imitatur, ut Julianus antecessor eleganter dixit, quæ dicta est a veteribus viceconjux, quibus concubinæ nomen fuit honestum: nec est hodie in usu: et quod est in idiotismo concubinæ verbum, est abusus. Igitur si cœperit libertam habere in matrimonio, vel concubinata, novum hoc officium conjugis, aut viceconjugis extinguit vetus. Tercio amittit patronus operarum petitionem, si voluntate ejus liberta alii nupsit, quia nec potest præstare cum decore operas patrono, quæ alii nupsit, quæ debet esse in

officio solius mariti. Nec idem dicemus, si voluntate patroni libertus uxorem duxerit, quod hic non sedat in officium alterius. Et hæc omnia ostenduntur in *l. 11. hoc tit. l. 13. §. penult. et ult. l. sicut, D. hoc t. et l. 2. inf. de obsequi.* Ubi ita est scriptum: *Libertas, quæ voluntate patroni: aut jure nuptæ sunt, non coguntur:* ubi Græci sublata disjunctione, aut, melius legunt, *libertas, quæ voluntate patroni jure nuptæ sunt.* Nam et *d. l. sicut* exigit, ut jostæ sint nuptiæ, quas liberta facit volente patrono, aut ratum habente. Nam ratihabitio patroni sufficit, ut amittat operas. Ac præterea etiam intercidunt operæ patronis debitæ, si libertus ad dignitatem pervenerit, ut non sit conveniens cum operis præstare patrono, *l. interdum, l. hæc demum, eod.* Quo argumento tentatur eum, quem populus elegerit in regem, solvi operis, vel honore, quem ante debuit domino feudi jure. Et quinto ex *lege Julia et Papia*, liberta major 50. annis non cogitur præstare operas. Finitur operarum obligatio annis 50. propter infirmitatem ætatis, *l. liberta major, D. hoc t.* Quæ omnia possunt trahi ad operas, quas hodie rustici quasi liberti debent dominis suis, quas in idiotismo dicimus *corvædes*. Item ex *l. Julia et Papia*, libertus, qui duos filios habuerit liberatur, etiamsi superstites non sint, vel qui habuerit quinquennem, *l. qui libertinus, D. hoc t. et l. 6. h. t.* Quia jure veteri libertinus, qui habuisset filium quinquennem, id est, qui pervenisset ad quinquennem ætatem justo civium Romanorum numero fiebat, nec rejiciebatur a tribunis urbanis populi Romani cum ceteris libertinis, ut est apud Liv. *lib. 45.* Ac postremo si libertus patrono dederit pretium, ut dimitteretur obligatione operarum, etiam constat finiri obligationem operarum, et omne jus patronatus, quasi videatur se omnino redemisse a jure patroni, qui se pretio redemit ab operis ei jure, vel natura debitis. Et hoc genere igitur consequitur liberam testamenti factionem, *l. 4. hoc t. l. cum patronus, §. penult. D. hoc t. l. Jul. de bon. libert. l. semper, de verb. sign. et iis modis finitur operarum obligatio.* Et hæc est brevis summa constitutionum hujus tit. modo unum addam, quod pertinet ad *l. 9.* quæ in summa vult non valere citra operas, ea, quæ imponuntur libertis onerandæ libertatis gratia, in *l. is qui onerandæ, hoc t. D. et in tit. quarum rerum actio non detur*, ut in specie *d. l. 9.* si manumissum testamento testator jubent diurnum officium præstare heredibus. Nam hoc genere onerat libertatem fideicommissum. Libertas est res inæstimabilis, nec in pecuniæ ratione censetur, ut qui libertatem accipit, ex legati, vel fideicommissi causa, et ipse possit fideicommissum onerari. Si tibi lego pecuniam, a te recte relinquam fideicommissum. Si tibi lego libertatem, non relinquam fideicommissum, quia

libertatis prestatio impretabilis est, nec in pecunie censum, ut dixi, commutatur. Et quod dominus Alciatus laborat in eo, quod in hac l. 9. servo cuidam imlatur nomen Cajus, ut eum ista cura liberemus, invenies apud Eustathium lib. 2. *Iliad* Caji nomine significari mercenarium, quem Ennius vocabat abactum servum: ὁ γὰρ πρὸς Ἰταλῶνας καὶ Τarentίνους ὁ μισθός. Cajus, inquit, Italis, et Tarentinis est mercenarius. Convenit et hoc nomen servo.

JACOBI CUJACII J. C.

Ad L. b. VI. Codicis.

RECITATIONES SOLEMNES.

Ad Tit. IV. De bonis libertorum.

Juri, judicioque operarum officialium, quas liberti patronis suis debent, vel naturaliter, vel civiliter ex jurejurando, aut stipulatione, addit in hoc titulo jus succedendi in bonis liberti, quod per emmentiam vocant jus patronatus, ut est in l. 11. *sup. tit. prox.* et l. 14. *de int. et cur.* et alibi frequentissime jus patronatus est id, quo patronus liberto succedit testato, vel intestato, quod jus est precipuum, ut scilicet ad nos redeant bona libertorum nostrorum. Id vero jus patronatus, quod in successione libertorum versatur, quam varium fuerit, atque multiplex Institutiones docent in tit. *de bonor. poss.* et in tit. *de success. libert.* et Ulpian. lib. *regul. tit. ult.* Nempe aliud fuit ex 12. *tabul.* aliud ex edicto pretoris, aliud ex l. Julia et Papia. Multum scilicet hac in parte juris elaboramus et J. C. et magistratus, et tota Resp. propter commoda, quae inde redeunt ad patronos, et hodie longe aliud est ex constitutione Justiniani Græca, id est, ex l. 4. et ult. *hoc t.* quæ in eo desideratur. Nam quatuor hic tit. tantum constitutiones habet, et ultima desideratur Græca constitutio, quæ omne jus successionis libertorum complectitur simul, et emendat. Et est plenissima jurisprudentia, imo omnes (ut hoc semel indicem) si observes diligenter et accuratius, constitutiones Justin. sunt plenissime sapientiae juris. Quod plene demonstrat, quam peritissimus fuerit J. C. Tribonianus, sine quo, etiam periissent omnes veteres libri J. C. Nam ipse solus contulit copiam multorum librorum veterum J. C. cujus voluminum solum habuit eam copiam. Nullus alius in Reipubl. tum abundabat tanta librorum copia, et magna sit ei habenda gratia, quod corpus juris habeamus, quod alioqui nullum habuissemus, aut perquam modicum. Sed quale fuerit jus antiquum de jure patronatus,

Tum. IX.

vel ex 12. *tabul.* vel ex edicto pretoris, et leg. Julia et Papia, sane longum, et propemodum inutile sit, et quantum suspicor ingratum auditu. Imo ut ingenue fatear, hoc liquido vix quisquam explicare posset, quod admodum pauca supervint vestigia juris antiqui. At constitutio Justin. cujus sit mentio in quatuor locis *Instit.* §. *illud, de grad. cognat.* §. *sed nostra, de success. libert.* §. *cumque antea, de bon. poss.* §. *placebat, de legit. agnat. success.* extat integra in scriniis regis sacratissimi in hac urbe Basilicæ lib. 49. tit. 1. Et hoc potissimum agit tota ea constitutio, ut quantum potest rescindat, et minuat jus patronatus. Et quemadmodum tit. superiori ostendit, quibus modis tollatur operarum obligatio: ita toto hoc titulo ostendit, quibus modis perimatur jus patronatus. Valde enim cupiebat Justinianus, valde ei cordi erat, ut ipse ait in l. 3. *hoc t.* abolere conditionem servorum, et libertinorum, quod non potuit adsequi, nisi gradatim. Nam ut paulatim jus civile crescit, l. *fideicom.* §. *si rem suam, D. de legat. 3.* ita nonnisi paulatim decrescere potest, quod nihil mutari subito ex antiquo possit sine confusione rerum omnium, et melius sit jura vetera disrumpere, quam dissecare. Et in hoc tit. seciso primum quantum potuit jure patronatus prolatis antiquis constitutionibus, quibus certis casibus jus patronatus extinguitur, aut cessat, et productis etiam plerisque novis: deinde item Justinian. libertinos omnes fecit cives Romanos, et donavit jure Quiritum sublata *Latinorum Junianorum* conditione, et deditiorum nec jam in hac constitutione in successione libertinorum separandi sunt cives Romani a Latinis Junianis, quorum nulla erat successio, l. *intestato, de suis et legit. hered. conjuncta l. 1. C. Theod. de petit. her.* §. *ult. Inst. de succ. libert.* Ac tandem etiam ipse Just. in Nov. 78. nullos in Repub. voluit esse libertinos, et eos, qui inannumitterentur, ingenuos esse pronuntiavit, salvo tamen jure patronatus, cui statim derogari sine injuria non potuit. Atque ita fecit speciem unam ingenuorum habentium patronos. Quod videtur absurdum. Nam alias ingenui nullos habent patronos, quibus hæc jura debeantur, quæ liberti patronis debent. Et ut jam enarrare incipiam ea omnia, quæ continentur in l. 4. constitutione Græca de jure patronatus, id quam brevissime fieri poterit præstabo, Suave est Justin. ab initio constitutionis enarrare multos casus juris antiqui; quibus jus patronatus perimitur, vel ex aliorum, vel etiam ex suis antiquioribus constitutionibus, veluti ex l. 3. *hoc tit.* quæ est ipsius, ut si patronus remiserit liberto jus patronatus donatione inter vivos, aut testamento, aut codicillis, vel si ei dederit liberam testandi facultatem, quod olim ipse patronus liberto dare non

¶

poterat. Nam legis est, non hominis privati dare testamenti factionem. Lex liberto ademit liberam testandi facultatem, hanc nisi eandem reddat eadem lex, aut Princeps, qui pro lege viva est, frustra secundum jus velus patronatus ei eam concedit. Ceterum ex constitutione Justiniani in *l. 3.* remissio juris patronatus solvit jus patronatus, cum hac exceptione, ut tamen honorem semper, quem debet libertus patrono exhibeat, et consequenter, ut possit accusari ingrati, et revocari in servitutem, si quid contra pietatem, et reverentiam debitam patrono committat. Igitur nec hodie remissio juris patronatus, in totum remittit jus patronatus, nec continuo pleno jure libertum hominem facit ingenuum, aliter quam si Princeps ei daret liberam testamenti factionem, vel si eum natalibus restitueret, iis scilicet natalibus, in quibus omnes homines erant, nondum neque naturali, neque civili jure descripto. Nam libertini, qui a principe impetrarunt liberam testamenti factionem, vel qui natalibus restituti sunt, plenam ingenuitatem adipiscuntur, quod solum notare *ad l. 3. hoc tit.* sufficit. Ex *l. 2.* intelligimus, eum jus patronatus amittere, et id maxime, quod convertitur in successione liberti, quo connivente libertus junxit se ancillis fiscalibus, vel colonia. Conniventie consensum imitatur, et conniventi damno est, et sæpe dedecori. Ac præterea ex *l. 1. hoc tit.* is qui servum emit ipsius servi nummis: nam et servus intelligitur habere aliquid: certo peculium habet, et quæcumque connivente domino habet, et quæcumque amici ejus prorogant pro eo, quin et testamenta facit connivente domino, et exequitur testamentum quantumvis licet injustum, ut Plin. ait in quadam Epist. et Symmach. in Epist. ad quam respondit D. Ambr. Sic sæpe fit in jure, ut videantur servi aliquid proprium habere. Et ita dicimus, si quis servum emerit ipsius servi nummis, et manumiserit, ea de re fide habita inter servum, et emptorem, manumissorem quidem eum esse, sed non habere jura patronatus, *l. 1. et l. 4. hoc tit. l. si tuis, sup. tit. prox.* Et longe alia est conditio domini, qui accepta pecunia a servo ex peculio forte, quamquam peculium sit in potestate domini, et possit eum liberit edimere, sibi que vindicare, si inquam, accepta pecunia a servo, forte ex peculio, eum manumiserit, nam hic plenum jus patronatus habet, ut ait *l. 1. hoc tit.* Et ratio differentie summe notanda inter hunc, et illum hæc est: quod is, qui accepta pecunia a servo eum manumisit, et si non gratuitam, libertatem tamen præstat. Ille autem, qui servum nummis ipsius emit et manumittit, operam suam tantum videtur accommodare in emendo servo servi munus manumittendi causa, ac proinde accepit eum potius in fiduciarium quam veram servitutem, quod valde confirmat *l. 3.*

de obs. par. et patron. præst. Et l. 4. hoc tit. ostendit jus patronatus extingui militia, libertus militia scilicet, vel alia dignitate adipiscitur jus ingenuitatis *l. 6. et l. 7. qui mil. poss. vel non.* Nam et olim Latini ex *l. Visellia* jus civitatis Romanæ militia adipiscebantur. Item servus a domino domo ejectus in adversa valetudine, qui a Græcis dicitur ἀποσώτης, id est, cujus curam, vel curationem dominus non suscepit, non ut quidam scribunt ἀποσώτης, id est, furiosus, et mente captus, sed quem dominus deseruit ægrotantem, qui eam ob rem dominio ejus cadit, et patronatu, et servus fit liber, et ingenuus in *l. 1. §. sed scimus, inf. de lat. lib. toll.* Et serva quoque, quam prostituit dominus, statim erumpit in ingenuitatem, apt fit liberta sine patrono, *l. penult. inf. de spectacul.* Et ut repetitur in hac *l. 4.* quod et admodum singulare est, serva quam dominus solam in concubinato habuit usque ad mortem vice conjugis et uxoris morte domini fit libera et ingenua cum sua sobole, et lucratur totum peculium, nec hæredem domini habet pro patrono. Item si is, qui in liberali judicio servum vicit, mox pretium ejus servi, quem in liberali judicio servum esse pronuntiatum est, acceperit ab alio, nec usus sit beneficio rei judicate, hoc caso certum est ex *l. 1. §. illud, inf. de lat. lib. toll.* enim quoque servum ingenuum fieri, aut certe libertinum esse sine patrono, ipsum, ut ait lex, sibi quodammodo libertum esse. Aliquando libertinus est sine patrono, ut aliquando servus sine domino, et tantisper ipse sibi libertus est, *l. 1. inf. commun. de manumiss.* Et interim ipse sibi quodammodo est dominus. Et ex *l. Ælia Sentia* illud notissimum est, eum etiam jura patronatus amittere, qui adegit jurejurando libertum, ne uxorem duceret, vel libertam ne nuberet, *l. qui contra, D. de jure patronat.* Idemque evenit si patronus pecuniam acceperit pro operis si pecuniam officio cariorem habuerit, *l. 4. sup. tit. prox.* Item si colludente patrono libertus ingenuus pronuntiatum sit, collusionem detecta, ejus patroni libertus esse desinit, et fit libertus ejus, qui detexerit collusionem ex SC. Ninoiano, *l. 2. de col. deteg.* Ita tamen ut proditum est in hac constitutione, ut illa, qui detexit collusionem, nihil juris habeat in bonis liberti, sicut nec is, qui juravit suum esse libertum, cum revera non esset suus libertus. Nam et hic jus succedendi non habet in bonis liberti, licet alia quædam jura patronatus habeat quia vere non est patronus, sed quasi patronus. Item is, cui relicta est fideicommissaria libertas, si cessante hærede, aut latitante ex SC. Rubriano, vel aliis SC. quæ proponuntur tit. de fideicommiss. liber. ipso jure ereptus sit in libertatem, jam non est illius meratorem habiturus pro patrono. Ad

postremo filius patroni, qui libertum paternum capitis accusavit, vel in servitutem petiit, nec tenuit causam, cadit jure patronatus ex l. Julia et Papia, l. qui cum major, de bon. lib. Et generaliter, quod attinet ad jus, et successionem libertorum, valde hac constitutione accisum et immutatum est jus patronatus, quandoquidem in successionebus pene iniquavit, ut ipse ait, jura ingenuorum, et libertorum, dum prope jam affectaret, quod non effecerat, libertinos facere ingenuos; et quale jus successionis etiam velit, ut in paucis conferam, utitur hac distinctione Justin. Aut libertus est minor centenarius, id est, minus centum aureis habet in honis, et hic liberam testamenti factionem habet ex hac constitutione, id est, in suo testamento impune præterire patronum potest. Ab intestato autem deficientibus liberis suis, vel emancipatis patronus vocatur. Quod si libertus sit major centenarius, constituit, ut impune libertus in testamento patronum præterire possit, liberis suis hæredibus scriptis, vel etiam exheredatis, si modo tenuerint in causa querelæ inofficiosi testamenti, et resciderint testamentum, et venerint ab intestato ad successionem patris. Extraneis autem hæredibus scriptis, et præterito patrono, ut patrono detur honor, possess. contra tab. quæ olim in semissem dabatur, ut indicat l. 1. §. penult. si cui plus quam per leg. Falc. l. deb. §. 2. de pig. act. l. 1. et l. 43. de bon. lib. Et ad eum semissem respicit proculubio Svet. in Ner. dum ait: Nerone conatum efficere, ut ex bonis libertorum pro semisse quadrans cogeretur ei, quæ scilicet erat legitima patroni portio, quæ ut ait l. si patron. de donat. erat portio legitima, debita verecundiarum patronali: sed hodie ex hac constitutione detur præterito patrono tantum poss. honor. in trientem. Quo genere Justin. patroni legitimæ portionis rescidit sextantem, dum vult trientem tantum habere. Is autem patronus, cui relictus est triens in testamento liberti repellitur a bonorum possessione contra tabulas, sicut filius exheredatus, cui relictus est quadrans testamento patris repellitur a querela inofficiosi testamenti. Sed exigitur ut uterque sit relictus xaxapòt, purus, sine onere legati, aut fideicommissi, sine dilatione, sine conditione. Nam portio legitima, quam adscribit filio, vel patrono, si adjiciat diem, vel conditionem, eam lex circumscribit, quod iis personis debeatur legitima portio sine onere ullo, sine die, et sine conditione, l. quoniam in prioribus, sup. de inoff. testam. Et de patrono nominatim l. cum patronus, de legat. 2. l. si patronus 21. §. 1. et 2. de jur. patron. Igitur legitima, cui debetur, debet relinqui puro, et sine onere ullo et gravamine, deductis semper libertatibus testamento relictis, l. Papinianus, §. 4. de inoff.

testam. Libertates minuunt legitimam portionem liberorum, nec tamen olim minuebant legitimam portionem patroni, sed hodie ex hac constit. minuant. Item olim poterat portio patroni onerari legatis relictis certis personis, puta liberis, liberti aut parentibus, l. 4. de cond. et demon. l. 6. §. si patronus, si quis. omis. caus. test. l. ex asse, et l. Falc. l. si rjus, §. 1. et l. ita tamen, §. si patronus, ad SC. Trebell. Legitima tamen liberorum non potuit onerari ullo legato, ne legato quidem relicto fratri, aut parenti, avo, aut proavo. Sed ex hac constitutione in utroque idem jus est, ut neque patroni, neque filii legitima ullo legato, aut fideicommissio onerari possint. Et si quæ legata relicta sint a patrono, ut transferantur in hæredem scriptum, vel si ipse patronus sit hæres scriptus ex asse, deducat suum trientem, et reliquum eroget legatariis, vel si patronus sit scriptus ex herede, vel ex semisse, ut pro eo, quod excedit trientem legata præstet, reliquum ut transferat in cohæredem. Et hæc quidem si libertus centenarius major testatus decesserit: ab intestato autem primum vocantur ad possessionem liberi liberti cujuscunque sexus, hodie sublata differentia veterum inter filium, et filiam et cujuscunque gradus, servato tamen graduum ordine, et cujuscunque stirpis. Quibus verbis multe tolluntur differentie veterum: tollitur differentia stirpis ingenuæ, et libertinæ, quam indixisse veteres Ulpianus indicat in suis Instit. Post suos, inquit, consanguinei vocantur, post consanguineos cognati, post cognatos vir et uxor, si qui decessit, non fuit libertinus, vel stirpis libertinæ. Libertinæ stirpis sunt, qui nati sunt ante manumissionem patris, et manumissi una cum patre, vel post patrem. Inge-nuæ autem stirpis sunt, qui nati sunt post patris manumissionem, l. 2. sup. tit. prox. Qui etsi sint ingenui, tamen si deficient eis liberi, et cognati, patronus patris, vel patrona ei succedit, qui tamen ipse ingenuus est, et solus quidem patronus ex hac constitutione, non filius, vel nepos ejus, nec cognatus. Et addendum, non tantum in successione liberti intestati præferri liberos ejus patrono, sed etiam ipsos inter se liberos libertorum habere mutuum successionem, et vicissim liberis parentes succedere, nec distingui utrum liberi sint ex diversis nuptiis. Fratres igitur excludunt patronum. Post liberos autem, et parentes vocatur patroni cujuscunque sexus, sublata differentia veterum inter patronum, et patronam, ex parte unde legitimi, quia et ipsi cognati libertis esse videntur, id est, agnatis datur honorum possessio unde legitimi, si modo per mores sint cognati, id est, agnati. Et hoc notandum esse censeo, quod ait, patronum videri liberti esse cognatum, ut deinceps nemini sit mirum, quod ait l. cum tale, de cond. et demon. libertum

esse conjunctum patroni liberis. Post patronus autem vocantur patronorum liberi cujuscunque sexus, etiam posthumi, et in adoptionem dati, non adoptivi ex hac constitutione, et vocantur usque ad 5. gradum tantum, servata gradus prerogativa, servata etiam inter eos successione, ut repudiante primo, vocetur sequens, quod est contra jus vetus. Nam neque in suis, neque in legitimis heredibus erat locus successioni, sed proximior, cui delata erat hereditas repudiante vacabat hereditas, nec deferretur sequenti gradui, ut etiam in legitimis heredibus non esset locus successioni. Sed nova hac constitutione Justinianus introduxit, ut post liberos vocentur cognati patroni usque ad quintum gradum. Et hac in re est aliqua differentia inter successionem liberti, et ingenui: nam in successione ingenui vacantur in infinitum agnati, et cognati usque ad sextum gradum, et ex septimo etiam invitatur unus, scilicet sobrino, sobrinava natus, l. 2. §. agnati, de suis et legit. hered. l. 8. unde cognati, §. ult. Instit. de success. cog. Et haec est fere sententia hujus constitutionis.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. V. Si in fraudem patroni, etc.

Post titulum de bonis libertorum, datur tit. Si in fraudem patroni a libertis alienatio sit facta, etc. In quo de bonis libertorum hoc additur, ut si quid ex iis bonis libertus dolo malo in fraudem patroni alienaverit, id post mortem liberti pro portione sibi debita in bonis liberti, rescissa alienatione, revocari possit per actionem Fabianam et Calvisianam. Haec autem actiones patrono non competunt nisi post mortem liberti, l. qui res, §. 1. de solut. Quia nec ante mortem liberti patrono debetur legitima portio, et in fraudem patroni alienatio facta intelligitur ea, quae minuit portionem legitimam, et legibus debitam verecundiae patronatus, ut ait l. si patronus, de donat. quae hodie est triens honorum liberti ex constitutione Justiniani. Et observandum hunc titulum loqui de alienatione, non de manumissione. Aliud enim est alienatio, longe aliud manumissio, nimirum quia is, qui manumittitur non fit alterius, et alienare est transferre dominium in alterum: aliud igitur est alienare, aliud manumittere, vel manumittere non est alienare. Et ita recte in l. ex judiciorum, de accusat. qui contraxit crimen lesae majestatis, inquit, nihil nec alienare, neque manumittere potest. Et similiter in l. prospere-

xit, qui et a quib. etc. Et in hac re, de qua agimus, distant etiam manumissio, et alienatio, quod alienatio facta in fraudem patroni valeat interim, sed post mortem rescindatur per actionem Fabianam aut Calvisianam, manumissio autem facta in fraudem patroni ipso jure nulla sit ex l. Aelia Sentia, Instit. Quibus ex causis manu. etc. Et Ulpian. lib. reg. et Cujus 1. Inst. 4. l. qui in fraudem, qui et a quib. manumis. et l. servum filii, §. si idem servus, de leg. 1. Libertati statim ab initio lex obstat, nec locum obtinet, quia lex acit, ex post facto vis, ac ne vix quidem convelli posse libertatem quam semel competiit; alienationem, quae semel obtinuit, facile impugnari, et revocari libertatem maxime l. 4. §. 1. de fideicom. libert. l. si ex causa, §. ult. D. de minor. Quae negat adversus libertatem esse restitutionem in integrum, quod aegre liber homo redigatur in servitutem, l. sicut, inf. de lib. causa. Difficilius permittitur et spissius, quae data aegre revocaretur, ut ait Cornel. Tacit. quodam loco, facile concedendum, quod datum non alimeretur. Ideo lex statim ab initio obstat manumissae, factae in fraudem patroni, eamque statuit nullam ipso jure, nec tamen ita lex occurrit alienationi, propterea quod facile est rescindere alienationem. Male Aemilius tentat libertatem datam in fraudem creditorum non esse ipso jure nullam contra locos manifestissimos, quos protuli, motus hac ratione, quod libertas data in fraudem creditorum revocari dicatur, l. 1. inf. Qui manu. non poss. Quasi vero verbum revocari non sit ambiguum, quod significat tam revocari ipso jure, quam revocari remedio actionis, ut in l. si libertus, §. ult. de jure patron. Ipso jure revocabitur, inquit, citra actionem: ac similiter rescindi dicitur in libris nostris non tantum quod per actionem, sed etiam, quod ipso jure rescinditur, ut est scriptum nominatim in l. hoc modo, D. de cond. et dem. l. 3. §. qui et a quibus manu. l. 5. sup. de resc. vend. Movetur etiam idem, ut affirmet libertatem datam in fraudem creditorum non esse ipso jure nullam, et indigere judicio rescissorio, l. si creditoribus inf. de ser. pign. dato. Nam si quis dederit servo suo libertatem fraudulorum creditorum gratia, ipse quidem, qui manumisit, non potest manumisso movere controversiam, sive questionem status adversus factum suum, non potest infringere factum suum, nec honeste fraudem allegare suam. Idem etiam non potest heres ejus manumissoris. Nam heredis est iuri, quod gessit defunctus, etiamsi id jure non gessit, quia proprius accedit ad vicem defuncti, et sustinet personam defuncti, ut quod defunctus non potuit immutare et retractare, nec possit etiam ipse heres. Haec est sententia d. l. si creditor. Unde ita concludit. Ergo ipso jure non fuit nulla liber-

tas quam dominus dedit servo in fraudem creditorum. Vtiosa est collectio. Si, inquit, hæres manumissoris non potuit manumissum in fraudem creditorum habere, ut servum: ergo non fuit libertas ipso jure nulla. Ergo libertas momentum aliquod habuit. Sæpe quidem, quantum attinet ad manumissoris personam, vel hæredis ejus, quoniam, quod actum est mutare non possunt, vel reprehendere, quod sit absurdum, eundem hominem pugnare se-tum, et modo aliquid probare, modo improbare, non quod ipso jure nulla non fuerit libertas, quod apparebit manifestum, si vel creditor dicat, nullam ipso jure, vel patronus, quo casu patroni Allegatio proderit heredi manumissoris. Ut scilicet manumissione declarata ipso jure nulla interventione patroni, ex eo non tantum patronus lucrum ferat, id est, portionem legitimam, sed etiam hæres ipse, quod superest portioni legitimæ, *l. 9. §. pen. de lib. can.* Et ita evenit sæpe in jure, ut quod quis per se non habet, habeat per alium, *l. cum hæreditate, de acq. hæred.* Per se hæres manumissoris non potest dicere manumissionem ipso jure nullam, sed si alius eam dixerit nullam, puta patronus, ea res proderit heredi manumissoris, perinde ac si ipse hæres jure licito manumissionem nullam dixisset. Et ita omnino res est explicanda, et pro certo tenendum est, quod posui initio, alienationem factam in fraudem creditorum indigere actione rescissoria, manumissionem non indigere, quod ab initio nulla fuerit datio libertatis ipso jure: addamus revocari alienationem factam in fraudem patronorum per actionem Fabianam vel Calvisianam, nisi (quod semper excipiendum est) patronus alienationem ratam habuerit post mortem liberti, vel etiam eo vivo, *l. 2. h. t. l. non videtur, D. h. t.* At quæso, quid distat inter se hæc duæ actiones, quæ patronis dantur rescindendæ alienationis gratia, quam liberti fecerunt in eorum fraudem, Fabiana scilicet et Calvisiana? Et certissimum est Fabianam actionem competere testato liberti: Calvisianam intestato, suo cuique casui aptatam esse suam actionem propriam: ut testatus libertus si quid videretur facisse, quo minus portio legitima ad patronum perveniret, id corrigeretur actione Fabiana. Itemque si intestatus, per actionem Calvisianam. Duo sunt edicta, duæ actiones comparatæ in eam causam, *l. 2. h. t. et l. 3. §. si intest. D. h. t.* Et omnino Græci solam hanc differentiam agnoscunt inter actionem Fabianam et Calvisianam in *l. quod si in diem, §. idem scrib. de pet. hæred.* Si libertus testatus decesserit, per actionem Fabianam alienata revocari: si intestatus, per Calvisianam, et adiciunt utramque esse in factum. Nam certum est, omnes actiones, quæ novius acceperunt a prætoribus, esse in factum

actiones, nimirum quia inde apparet eas fuisse proprio nomine destitutas. Quæ nomen non habent actiones dicuntur in factum, vel a Prætoribus, qui eas edidit, mutantur. Male vulgo statuunt hanc esse differentiam tantum inter Fabianam et Calvisianam, quod illa soli detur patrono, Calvisiana non tantum patrono, sed etiam fraudato creditori, quod non possis comprobare ullo loco: nam semper hæc et illa actio datur soli patrono, non creditoribus. Creditoribus enim, quos debitor fraudavit alienando, vel aliud quid agendo, in eorum fraudem actio datur, quæ dicitur Pauliana in *l. videamus 2. §. in Fab. de usur.* Et Theoph. in *Inst. §. item si quis in fraudem, de act.* quæ et ipsa est actio in factum, et datur etiam ex eadem causa defraudato creditori de possessione rerum alienatarum interdictum fraudatorium, ex quo etiam nascitur actio in factum, de qua agit *l. ait prætor, quæ in fraudem credit. l. postulante, ad Senatusc. Trebell. l. pupilli, de solut. l. 1. C. Theod. de in integr. restitut.* Hinc quæritur, cur actio Pauliana non sufficiat creditori, cui debetur legitima portio in bonis liberti, cur opus fuerit patrono dare speciem actionem, Fabianam nempe et Calvisianam? Hoc velim mihi explicari, quod tamen explicare possum hoc modo. Si dicam actionem Paulianam dari creditoribus, qui missi sunt in possessionem bonorum debitoris ex edicto, et quibus permissum est ea bona excutere, et distrahere crediti sui servandi causa, quod probat *lex 1. et penult. inf. de revocand. iis, quæ in fraud. credit. et d. §. item si quis in fraudem.* Verum patronus hoc ordine, id est, bonis possessis, excussis, et distractis, non persequitur portionem legum datam in bonis liberti. Igitur creditor non est: Creditoris quidem appellatio latissime patet, ut ostendit *l. 10. 11. et 12. de verb. signif.* Sed quod notandum, nunquam aptatur creditoris nomen aliis, quam iis, quibus ex ea causa debetur, ex quâ potest fieri missio in bonorum possessionem debitoris ejus generis non est patronus, quia hoc remedio non persequitur legitimam portionem ipso jure sibi debitam: est igitur alio jure, quam creditoris, aut certe creditoribus non est ullo modo annumerandus. Et licet dicatur ei deberi legitimam portio, licet is libertus, qui quid alienavit in fraudem patroni dicatur debitor patroni, *d. l. quod si in diem, §. idem scribit,* ipse tamen non est creditor, ut potuerit ei sufficere actio Pauliana: debendi, aut debitoris verbum latius patet, quam creditoris. Nam debitor generaliter dicitur, cum quo agi potest, et ita debendi verbum accipitur in definitione actionis. Creditor non est quicumque agere potest. Legitima portio debetur filio in bonis patris, et est debitum (sic appellatur *χρεος* in Novella 1. et 18.) nec tamen di-

citur filius creditor. Et adsummam: si quid mihi debetur ex contractu, vel ex delicto, qui contractus dicitur involuntarius, scilicet contractus malus, *l. si rerum, de re judic.* si, inquam, aliquid mihi debetur ex delicto, sive contractu, creditor sum, et sic contractus nomen generaliter accipimus. Si vero mihi quid debetur ex beneficio legis, et munere, creditor non sum. Quod mihi debetur ex contractu, ut ait *l. 6. in fi. D. ad l. Cornel. de fals.* mihi merito debetur, id est, necessario, et optimo jure. Quod mihi debetur ex beneficio, et munificentia legis, non merito debetur, quia scilicet id non merito mihi, sed benigne et gratis concessum est, sicut si quid mihi privatus donaverit, non merito dicam, sed benigne dedisse. Ex quibus efficitur, patronum non esse adnumerandum inter creditores. Et merito hac in re, quam tractamus separatas actiones dari creditoribus, et patronis, atque non posse diversis personis adscribi unam eandemque actionem, quæ diverso jure, viaque diversa sua jura prosequitur, quæ sub eadem leges non cadit. Et ita manifesto in *d. l. 6. §. ult.* separatur patronus a creditore in specie elegantissima. Finge; creditor testatoris adhibitus ad scribendum testamentum debitoris, sua manu adscribit sibi quod debet testator jure legati. Nam plerisque casibus jure mihi legatur quod mihi debetur, ut ostendit *lex si creditori, de legat. 1.* Creditor igitur quoniam sibi adscripsit quod testator debet, reus est falsi ex Senatusconsulto Liboniano. Sed facile impetrabit a principe veniam falsi, si modo abstinere legato, et plerumque cui facit veniam falsi princeps, eum jubet abstinere ab eo, quod sibi temere adscripsit. Non poterit igitur quod sibi debetur ex causa legari petere. Sed an non poterit petere quod sibi debetur ex pristina causa, an ei denegabitur actio pecunie debite? Minime vero, ne merito debito careat, id est, optima lege. At contra si patronus sibi adscripserit portionem legitimam, et venia falsi impetrata, abstinere legato jussus sit, an tum poterit petere emolumentum legitimæ portionis ex causa bonorum possessionis contra tabulas? Minime: caret ergo penitus portione legitima, si legatum elegerit. Denique non habebit bonorum possessionem contra tabulas, neque portionem legitimam, neque legatum, quia eo se abstinere jussus est, et tanquam non creditor carebit eo, quod non tam merito, quam benigne debebatur. Sic sunt ponendæ ob oculos juris rationes in hac re. Videamus si parens in emancipatione filii manumissor extiterit (nam aliquando idem non mancipabat et manumittebat) ei ut patrono, si in testamento filii præteritus fuerit, datur bonorum possessio contra tabul. in portionem legitimam, vel si intestatus fuerit filius, ei tamquam patrono et manumissori datur bonorum possessio unde legitimi *l. si*

n. mil. §. ult. de milit. test. l. 1. §. ult. si quis a parente. Non tamen ei datur actio Fabiana, vel quasi Fabiana, seu Calvisiana, id est, neque directa, neque utilis, si quid filius in ejus fraudem dolo malo alienaverit. Cur ita, cum sit manumissor et patronus? igitur sic respondeo: non omnem manumissionem libertinum facere. Libertini sunt, qui ex justa servitute manumissi sunt, id est, qui a dominiis manumissi sunt, non qui a parentibus. Sic igitur statuam primum, non omnem manumissionem libertinum facere; manumissio, quæ sit a dominis, libertinum facit. Equum est igitur libertino homini non esse liberam rerum suarum administrationem in necem patroni, a quo meruit libertatem, cum in multis articulis pro servo habetur, qui et Stoicis, a quibus JC. nostri imbuti sunt, ut alias ostendi, est δούλος, vel ἀντιδούλος. ὁ τὸν αὐτὸν οὐκ ἐξέσται, id est, non servus jure mancipioque, sed observantia, cultu, beneficio, operibus, obsequiis, donis, et muneribus, et portione legitima, quæ omnia patronis debentur. His igitur, qui tot debent patronis, in fraudem patronorum non est usquequaque suorum bonorum libera alienatio, aut si quam fecerint in fraudem patronorum, ejus revocatio concedenda est patronis, quod non tantum licuerit in patronum homini libertino, heri servo, hodie libertino, quæ vox est de via collecta, heri servus, hodie libertus. Manumissio autem parentis facta in emancipatione ea mente, ut filius exeat potestate parentis, libertum non facit, filii ingenui conditionem non mutat, et est iniquam ingrato homini non esse liberam rerum suarum alienationem, etiam si ea res patri et manumissori sit fraudi, *l. 2. si a parente quis manumiss.* Et consequenter iniquum est, alienationem, quam fecerit ingenuus, revocari actione Fabiana vel Calvisiana, vel quavis alia actione ad exemplum illius. Nam et eadem ratione parens, qui manumisit filium, nec ex jurejurando filii potest ei operas imponere, nec ab eo exigere, etiam si juraverit filius se eas daturum patri. Quia filius patri debet pietatem et obsequium, non officium et operas officiales. *l. pen. de obseq. parent. præst.* Quia indignum est, hominem ingenuum obstringi operis officialibus, vel ei in alienandis rebus suis ullam præscribi legem, et quod ab ingenuo alienatum fuerit, id rescindi et revocari, quoniam id convenit libertinis, non ingenuis. Ergo etiam si pater manumissor sit filii, tamen Fabiana vel Calvisiana, et nulla omnino alia actione potest revocare alienationem, quam fecit filius rerum suarum. Dico eadem ratione filio impuberi non dari actionem Fabianam aut Calvisianam, vel utilem, si parens ex bonis suis aliquid alienaverit dolo malo, ut portio legitima non perveniret ad filium. Quia licet patri homini libero alienare, quæ

sua sunt, etiam in fraudem filii, consulto consilio, consulta opera, dolo malo, nec alienatio revocari potest Fabiana, vel quasi, sed tantum est querela inofficiosi testamenti, inofficiosa donationis, aut dotis, non querela inofficiosa venditionis ex constitutione Alexandri. Nam si pater vendat omnia sua, nec quicquam relinquat filio moriens, irrevocabilis est venditio. Verum posses obijcere, quod ceperam, dari filio impuberi adrogato actionem Calvisianam, si adrogator dolo malo aliquid alienaverit, quo minus quarta portio honorum, quae impuberi adrogato debetur ex constitutione D. Pii, qui, primus permisit adrogationem impuberis, neque enim ante investis adrogari poterat, et eam permisit cum hac lege, ut impuberi adrogato ex bonis adrogatoris omnino debeatur quarta pars: quod si quid fecerit adrogator, quo minus quarta pars obveniret adrogato, si quid fecerit dolo malo, ille revocatur per actionem quasi Fabianam, *l. ult. ff. si quid in fraud. pat.* Quam das actionem Fabianam filio adoptivo, cur non das filio naturali adversus patrem, qui dolo malo alienavit, ut fraudaret filium legitimam portionem debitam, tum natura, tum legibus? Nihil est quod tam facile expediri possit. Et res est notata dignissima. Primum hoc invenio tantum datum impuberi adrogato, non puberi. Deinde animadvertio patrem naturalem etiam dolo malo in fraudem filii firmo jure alienare bona sua, vel partem bonorum, non tantum quod sit ingenuus, et hominem ingenuum deceat liberam rem suarum alienationem habere, sed etiam quod dolo malus patris naturalis neque vivi, neque mortui, non possit a filio honeste coargui. Nam exploratissimum est, honorem deberi parenti cum vivo, tum mortuo, et ut vivum non potest arguere doli mali, neque etiam mortuum, et per hoc revocare alienationem, quam ipse fecit, quasi factam dolo malo, *l. apud, §. adversus, de doli except.* et mortuum patrem adoptivum non debemus ea memoria colere, qua naturalem, ut nec possimus dolum ejus arguere proposita actione Fabiana et Calvisiana in id quod pater adoptivus in necem nostram alienavit bona sua, ut nos privaret quarta Antoniana, cum nec vivo patri adoptivo eundem honorem exhibeamus, nisi quamdiu manet adoptio, et tum jure potestatis potius, quam debiti honoris, cum tamen emancipatus patrem naturalem colere debeat, perinde ac si in ejus familia permanisset, *l. adoptivum, de in jus voc.*

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. VI. De obsequiis patronis praestandis.

Explicaturi sumus hodie tit. 6. 7. et 8. Tit. 6.

qui est de obsequiis patronis praestandis, non eadem semper est ratio vel conditio patronorum et parentum, nam, ut dixi nudius tertius, patronis datur actio Fabiana et Calvisiana, non datur etiam parentibus manumissoribus, *l. 2. si quis a parent. manumiss. etc.* Et quae patronis debentur officia, id est, operae officiales, etiam parentibus non debentur, nec si filius juraverit patri se eas praestitutum operas, *l. pen. de obseq. par. praest. les fils ne doivent aux peres des jurées*, id est, ne juratas quidem, quas promisit operas officiales patri, eas edere cogitur, quia pietatem ei debet, non officiales coronas, ut Tertullianus vocat, quas liberti gestabant, etiam patronos persequentes in convivis, vel aliis hilaritatibus publicis. At obsequia, de quibus agitur in hoc titulo, jure naturali neque debentur parentibus, ac patronis. Officia, sive operae separantur ab obsequiis, *l. libertus, qui operarum, D. de oper. lib. l. ult. si ingenuus esse dic.* et inde tituli diversi de operis, et de obsequiis. Patet aliquando officia appellari obsequia ut in *l. 6. sup. de oper. lib.* Et vera dicere possum, officia esse obsequia operarum. Obsequia autem esse pietatis officia, honoris, reverentiae, vereturiae, officia grati animi et benevoli, quae liberi parentibus, liberti patronis cujuscunque sexus debent, etiam tacentibus, non petentibus obsequia, cum tamen officia non debeantur, nisi petentibus et indigentibus patronis, ut diximus in *tit. de oper. lib.* Ac praeterea, ut constet magis differentia inter obsequia et officia, officiorum sive operarum ex edicto actio competit, *l. 2. de oper. libert.* Obsequiorum autem nulla petitio est, quae sit edicto praetoris proposita, sed in libertum vel filium, qui contra obsequia debita fecit, est actio ingrati, de qua agitur in *tit. seq.* Item officia sive operae non debentur patroni haeredibus extraneis, *l. liberti, sup. de oper. lib.* Liberis patroni debentur non ex haereditate, quia et liberi patroni sunt patroni, *l. cum patronum, de jure patron.* Obsequia autem non tantum debentur liberis patroni, vel patronae, sed etiam privignis, *l. pen. h. l. et haeredibus extraneis, l. pen. tit. seq.* Qua in re rursus distant patres a patronis: nam patribus solis debentur obsequia, non ceteris liberis, id est, fratribus, non haeredibus patris, ut sit haec tertia differentia inter patres et patronos. In obsequiis autem quae sint, exemplis demonstramus. In obsequiis haec sunt, non facere injuriam parenti vel patrono, non facere convicium, non cervicem adversus eos erigere, ut ait *l. 2. tit. seq.* Graeco τραπεζιάν, non agere cum iis actione famosa, id est, parcere pudori eorum, *l. 1. h. l.* quae ducta est ex *l. 1. sup. si tut. non gess.* Et est de actione suspecti tutoris, quam constat esse famosam. Item non agere adversus patrem vel patronum ulla actione, etiamsi

ipso jure non sit famosa, si quam in se habent atrocitatem verborum. Non agere igitur nisi leni mitique judicio: non agere nisi modeste, et verbis compositis ad omnem reverentiam, in agendo non facere mentionem doli parentis vel patroni, non fraudis, quoniam atrocitas sunt nomina, non vis, non audacia, ut ait *l. 4. h. t.* non posse obijci patrono vim et audaciam. Utroque nomine, atrocitas significatur, crimen: audacia injure est vis, *l. si quis in tantum, unde vi, inf.* et illo loco Ciceronis pro Cæcinnæ: *si tantum in agris, locisque desertis audacia potest*, id est, vis, de qua tota oratio est. Ad hæc nec ullo alio judicio licere agere sine venia prætoris cum parente, vel patrono, non temere, sine venia cum eo litigare, ut eleganter ait *l. 4. hoc t.* Quis te fecit idoneum ad litigandum? In servitute enim eras: non eras idoneus litigator, cum eo insolenter litigare indecens est, et contra obsequia, pietatemque debitam parentibus, et patronis. In obsequiis item hæc sunt, non damnare parentes, vel patronos, non exigere ultra facultates, non querere, neque acerbè ab iis exigere, quod debent, sed quatenus eorum facultates partiuntur et ferunt. Non desiderare ab iis iurjurandum calumnie, ne videantur ii, quibus debemus omnem cultum et reverentiam, nobis esse suspecti calumnie, qui etsi non indigeant bonæ existimatione nostra, eam tamen præstare et exhibere eis debemus. Ea igitur honeste iis denegare non possumus, quin committamus contra obsequia iis debita, iurjurandum de calumnia ab iis exigere nefas est, *l. licet, de obseq. parent. vel patr. præst.* Non etiam ab iis exigere iudicio sisti fidejussores locupletes, non fastidire quos offerunt, et respuere, sed qualicumque fidejussore, quem nobis offerunt, nos contentos esse oportet, *l. 1. in jus voc. ut eant, l. 2. §. prætor, qui satisd. cogantur.* Postremo etiam non postulare, quod notandum est restitutionem in integrum adversus ea que parentes, vel patroni nobiscum gesserunt, non revocare, et retractare, quoniam qui petit restitutionem in integrum adversus aliquem, tacite ei fraudem obijcit, quam indignum est filium, aut libertum obijcere parenti, aut patrono, *l. ult. qui et advers. quos restituit. in integr. pot. poss.* Et in summa obsequium, quod debetur parentibus, et patronis, est pietas, honor, cultus omnis, atque reverentia, non quodcumque ministerium; non omnia præstanda sunt iis personis, sed ut ait *l. 8. et 8. consuetum obsequium, legitimum*, quæ erant verba solemnia in judiciis, non ministerium servile, aut vile. Breviter igitur hæc personæ nobis sunt omni genere pietatis, et obsequii observande, et reverendæ non solum dum vivunt, sed etiam post mortem, id est, quod ait *l. liberto, de*

obseq. parent. vel patron. Liberto, et filio, inquit *semper personæ patris, et patroni honesta et sancta videri debet.* Sancta sunt nomina patris, et patroni. Colenda igitur religione multa. Quid est quod ait *semper*? id est, tam vivi, quam mortui, ut indicat *l. apud, §. adversus, de dol. excep.* ex qua emendanda est inscriptio *d. l. liberto*. Igitur non possum post mortem arguere dolum, aut vim parentis, aut patroni. Nam nec cuiquam honeste post mortem maledicatur, non velletur, ut ait ille, *barba mortuo Leoni*. Quæ fuit una lex Solonis, ut ne defunctis quisquam impune malediceret, multo magis patronis, et parentibus. Quæ præcepta omnia summe notanda sunt, et sufficiunt nobis: nam et continent pleraque, quæ possem dilatare dicendo, et locupletare multis auctoribus, sed esset perlongum, et quam partem de moribus sibi vindicant studiosi juris, eam aliena potius, quam sua prudentia fulcire.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. VII. De libertis, et eorum liberis.

Hic tit. est etiam de obsequiis. Nam expositis obsequiis tit. 6, quæ debentur patronis, subjicitur in tit. 7. poena et ultio non præstitorum obsequiorum: proponitur etiam hoc tit. actio ingrati, et impietatis (quæ primum locum habet in principibus: est enim actio impietatis, sive ut Græci loquuntur, ἀσεβείας accusat o majestatis) in ingratum filium, vel libertum, vel donatarium. Nec citra hos in quemquam est actio impietatis, vel ingratitudinis. Proponitur, inquam, actio impietatis, vel ingratitudinis, quæ patrono datur adversus libertum, qui contra obsequia debita vel minimum peccavit, qua actione libertus rescissa manumissione retrahitur in servitutem, et exiit libertate. Et est actio vetustissima recepta jure civili pop. Rom. et Atheniensium, et confirmata Hispanensis concilii 2. can. 8. in libertinas personas, et Toletani concilii 4. can. 66. et conc. Tolet. 6. c. 10. et Novell. Leonis. 23. Inde apud Ambrosium de beata vita, ita, inquit, *libertatem accepisti, ut manumissoris tui meminisse debeas, ut patrono noveris legitimum obsequium esse deferendum, ne ab ingrato revocetur libertas.* Eadem etiam actio ingrati datur patri in liberos emancipatos, rescissa emancipatione, sed non nisi ex magna et gravi offensa *l. unic. inf. de ingrat. liber.* Et similiter actio ingrati est in donatarium ad rescindendam donationem, non

ex causa qualibet, non ex levi offensa, sed ex his causis, quæ enumerantur in *l. ult. inf. de revoc. donat.* At in libertinos est actio ingrati etiam ex levi offensa et causa ex *l. 2. hoc tit.* Quia scilicet coercendi sunt magis et continendi libertini homines, qui plerumque solent redire ad nequitiam ingenii servilis, *l. pen. hoc tit.* Hinc Plantus in Persa: *Ita pars libertinorum est: nisi patrono, qui adversatus est, nec satis liber sibi videtur, nec satis frugi, nec satis honestus: ne id efficit, ni ei maladixit, ni grato ingratus repertus est.* Et notandum ex *l. 1.* hanc actionem ingrati esse extraordinariam, nam eam actionem extra ordinem præberi ei qui, voluntate servo suo libertatem gratuitam dedit, non qui debitam restituit. Quo in loco velim deletis verbum *voluntate*, et ita legis, *actionem extraordinariam præberi ei, qui servo suo libertatem gratuitam dederit, non qui debitam restituit*: veluti ex causa fideicommissi, cui non debentur obsequia: ergo ei non potest dari actio ingrati. Cur autem dicis hanc actionem esse extraordinariam? Quia scilicet legibus, quod est jus ordinarium, nunquam fuit prodita ingrati actio, aut si qua, veluti ex *l. Ælia Sentia*, ut in *l. sciendum, de verb. signifur.* nunquam de ingratitudine actum est jure ordinario, sed extraordinario. Denique actio ingrati est extraordinaria, quia legibus nunquam fuit prodita, aut si quæ est prodita, nunquam fuit in usu. Certe generalis actio ingrati in malemeritis nunquam legibus edita fuit, cui etiam vix omnia fora sufficerent. Esset tamen non inutile in universum introduci etiam actionem ingrati, cum ingratitudo inimicitarum multarum est causa, quæ tacite et occultæ majores fiunt, et peiores, quam si liceret eas palam excipere in foro, atque judiciis, ut disserit eleganter Themistius oratione 3. Celant odia neculta, nec manifesta faciunt in judicio, non ab ingratis vindictam jure, judicioque expetunt, quod tamen esset utilius, et sane qua in regione nullæ sunt lites inter cives, ut in Gallia, quæ dicitur nutricula causidicorum, judicia leniunt et mitigant iras: tum etiam, quod qui adsuescunt impune ingrati esse adversus quemcunque, paulatim etiam sensum sine sensu, quod abhorreo dicere, ingrati sunt adversus Deum omnipotentem. Quæ est sententia Xenophontis in adolescentia Cyri, lib. 1. Eum, qui adsueverit esse ingratus apud homines, paulatim erga Deum ipsum ingratum fieri. Non esset igitur inutile, et incivile omnibus patere ingrati actionem, causis evidentissime probatis et probatis. Verum ad rem: invenio in hoc titulo actionem ingrati in libertum dari non tantum patrono, sed etiam liberis patroni, qui et ipsi sunt patroni: et non tantum filiis, sed etiam extraneis hæredibus, *l. pen. hoc tit.* quam male Accursius

Tum. IX.

coangustat ad filios. Et rectius Placentinus accepit de omnibus hæredibus, etiam extraneis, ut in libertos defuncti hæredibus, si liberti eos offenderint, competat ingrati actio, qua eos libertos retrahant ad servitutem. Quod tamen scio displicuisse Valentiniano Imperatori Novella de libertis; et success. qui scilicet voluit filios patroni, vel heredes extraneos, si qua contumelia affecti essent a libertis defuncti, cum libertis experiri jure communi, qui eos remisit ad jus ordinarium, veluti ad actionem injuriarum, quæ est ordinaria, nec voluit extraordinario judicio aliis, quam patronis lere ex causa ingratitudinis revocare libertum in servitutem, sed hoc displicuit Justiniano in *Novell. 78.* ex qua plane restat etiam hæredibus patroni competere actionem extraordinariam. Titulus est de libertis, et eorum liberis: ut exponamus hanc partem ultimam de libertis, ad eam pertinet *l. 2. hoc tit.* ut scilicet libertis ingratis reducto in servitutem, liberi postea ex eo suscepti patrem sequantur, quod ad conditionem servilem attinget, *l. ult. hoc tit.* Quod prima specie novum et mirum videtur, ut non tantum libertini ex causa ingrati possint revocari ad servitutem, sed etiam filii libertinorum post mortem patris, si et ipsi ingrati extiterint adversus patronum patrum. Hoc ideo mirum est, quia filii libertinorum sunt ingenui, non libertini, sed tamen et has teneri actione ingrati manifesto proditum est in *l. ult. hoc tit. et Novell. 23. et in l. 2. sup. de in jus vocando*, nec novum videri debet. Nam invenio etiam in *l. ult. sup. de bonis libert.* id est, in const. Græca Just. de jure patronat. filiis libertinorum morientibus sine legitimis hæredibus intestatis, quamvis sint ingenui, patronum paternum ab intestato eis succedere: nec alia ratio est, quam quod et si suam ingenuitatem acceptam referre debeant patrono paterno. Igitur obsequium præstare debent ratione ingenuitatis: quod si non præstiterint tenentur actione ingrati extraordinaria.

JACOBI CUIACII J. C.

In Lib. VI. Codicis.

RECITATIONES SOLEMNES.

Ad Tit. VIII. De jure auroreorum annulorum, et de natalibus restituendis.

Ideo subjicitur tit. 8. de jur. auroreorum annulorum, et de natalibus restituendis, quoniam non debent obsequia, et consequenter non tenentur actione ingrati liberti, qui natalibus restituti sunt a principibus, quoniam his natalibus restituuntur, in

quibus omnes homines fuerunt, ut ait *l. 2. de natalib. restit.* nondum descripto jure naturali, vel civili nondum agnita servitute, ac si nunquam servitutem serviissent. Denique ea natalium restitutio jus ingenuitatis restituit, et libertum omnimodo ingenuum facit, ut nec obsequia manumissori debeant, nec tenentur actione ingrati, *l. pen. de bonis libert. l. 10. §. sed et si jus, de in jus voc.* Quae de causa princeps nunquam restituit natalibus libertinum hominem invito patrono, vel invito patroni filio, ne ei faciat injuriam. Restitutio enim natalium juris patronatus plenissima est abolitio *l. 2. l. pen. et ult. de nat. restit.* Non oportet beneficium principis pertinere ad alterius injuriam. *l. 4. inf. de emancip. liber.* Trajanus apud Plin. *privilegium in injuriam privatorum a me dari non oportet.* Idcirco in restitutione natalium exigitur consensus patroni. Verum alia conditio est is, cui princeps dedit jus gestandi annuli aurei, id est, quem equitem Romanum fecit. Nam hic non solvitur obsequiis debitis patrono, et si contra ea deliquerit, tenetur ingrati judicio, quia non sit ingenuus: imaginem potius, quam statum ingenuitatis praestat, *l. 2. hoc tit.* quandiu vivit libertus, qui jus annuli aurei impetravit, umbram tantum, non statum ingenuitatis habet non est vere ingenuus. Atque ideo non solvitur obsequiis debitis verecundiae patronatus, ut observatur in *l. 2. hoc tit.* Persimile vulgo in omnibus libris ita legitur, *aureorum usus annulorum beneficio principali tributis libertinitatis quoad vivunt, imaginem, non statum ingenuitatis praestat, sed legend. libertinis, l. 1. inf. ad leg. Viselliam.*

JACOBI CUJACII J. C.

In Lib. VI. Codicis.

RECITATIONES SOLEMNES.

Ad tit. IX. Qui admitti ad bonorum possessionem possint, et intra quod tempus.

Hactenus diximus de successione libertinorum, et ceteris partibus juris patronatus, et nunc dicturus est de successione ingenuorum, quod haec vel jure praetorio obveniant, aut jure civili: incipit a jure praetorio, id est a bonorum possessione: Praetorum enim est bonorum possessionem dare, juris civilis legitimam hereditatem dare; praetor bonorum possessorem facit, non heredem, possessorem, non dominum, sed quem facit heredem vel bonorum possessorem, in omnibus causis habetur pro domino vel pro herede, *l. 2. de bonorum possess. l. praetor, de regul. juris, l. cum emancipatus, in principio, de bonorum possess. con-*

tra tabulas. Ac proinde effectus bonorum possessor similis est heredi, *l. vel similem, de alienat. jud. mutandi causa.* Bonorum possessio est similis hereditati in re ipsa, in jure est aliqua differentia. Iuxta multae, et singulae differentiae inter jus praetorium et civile, quod attinet ad successionem suis locis declarabuntur. Et, ut definit Ulpianus, bonorum possessio est jus persequendi, et retinendi patrimonii, sive rei, quae cujusque cum moritur fuit. Jus persequendi, id est, formula, auctoritas, sive titulus, quo nanciscimur actiones hereditarias, et petitionem hereditatis, et interdictum quorum bonorum, et tanquam heredes omnia jura, quae heredibus competunt, *l. facta 83. §. si danda, et §. seq. ad Trebell.* Si, inquit, petierit bonorum possessionem, et ita nactus sit actiones, quas quidem actiones Ulp. *lib. reg. fictitias* appellat, quod in eis bonorum possessores fingantur esse heredes, et heredum jure censeantur: frequentius dicuntur possessoriae actiones, *l. 1. de possess. hereditatis petit. l. ideo si, de Carbon. ed. l. pen. de bon. lib. d. l. cum emancipatus.* Et additur *jus retinendi*, quo verbo proprie significatur possessio, *hereditas*, ut ait M. Tull. *in Top. non est, quae possessione retenta est.* Quod proculdubio dicit ad differentiam bonorum possessionis. Bonorum possessio est hereditas possessione retenta, id est, jus obtinende et retinende hereditatis, quod indulget praetor postulanti, {meliori conditione, quam lex faciat heredibus jus succedendi in universum jus defuncti, et suscipiendi ejus rei omne commodum et incommodum, in vicem locumque defuncti, ad quem etiam non minus accedit bonorum possessor, quam heres, ac proinde in omnibus fingitur defuncti loco. Addit Ulpian. *patrimonii*, quod est pecuniae, sive rei, ut in *l. Fulcidia, quam pecuniam, quasque res*, non alia ratione, ut mittam, quae leguntur in glossematibus, quam quod rei latior sit appellatio, quam patrimonii, vel pecuniae, *l. 3. et 23. de verb. sign.* Res est genus, pecunia species. Res pecunia, quae dicebatur olim simul pecunia, et pecuniaria res uno eodemque sensu. Alia res est in pecunia, alia in nominibus, alia in juribus. Ex iis satis credo, vos percipere quid sit bonorum possessio, pergamus ad alia. Hic titulus duo pollicetur. Primum, qui admitti possunt ad bonorum possessionem. Secundum, intra quae tempora admittantur. De primo primum videamus. Certissimum est ex testamento ad bonor. possess. secundum tabulas admitti heredes scriptos, et liberos praeteritos ad bonor. possess. contra tabulas: ab intestato autem admitti ad bonor. possessionem unde liberi, vel unde legitimi, vel unde cognati, vel unde vir et uxor. Et his capitibus proximiores ex agnatis, vel cognatis, et ad extremum conju-

ges, et his omnibus deficientibus, ill. caducariis bona transire in fœrum. Hæc sunt expeditissima: quæ sunt difficiliora tractemus. et ea quidem solum, quæ in hoc titulo proponuntur, ut solemus semper fines eisdem præscribere, quos præscripserunt auctores. Discas ex *l. 1. hoc tit. ad honorum possessionem delatam filiofamilias vel secundum tabulas, vel unde legitimi, filiofamil. admitti etiam ignorante patre, id est, recte a filiofamil. peti honorum possessionem sibi delatam, etiam ignorante patre et emolumentum bonorum possessionis deinde acquirere patri, si petitionem ratam habuerit, l. 6. de acquir. hæred. l. ult. quis ord. in bon. poss. servetur.* Quæ in re differentia est inter jus prætorium et civile, et inter jus novum et vetus. Jure prætorio ratihabitio patris sufficit in acquirenda possessione bonorum, vel ratihabitio cujuscunque, cui absenti, vel ignoranti fuerit petita, dataque bonorum possessio, *l. 3. §. acquirere, de bonorum possess. l. servo, §. 1. ad Senatusc. Trebell. l. 7. et pen. rem rat. hab.* Quia prætor ratihabitionem comparat jussui, et mandato, nec scrupulosius jussum: quod præcedat exigit, et ratihabitione contentus est. Jure autem civili jussum patris præcedere oportet in acquirenda hereditate, *l. si quis mihi bona, §. jussum, ff. de acquir. hæred.* Nec alia differentie ratio est inter jus civile et prætorium, quam quod jus prætorium benignius sit jure civili: jus prætorium est mile et moderatum: jus civile asperum et directum. Rigor juris nullus est in jure prætorio, sed est omnis in civili, et scrupulositas, diligentia, solemnitasque nimia. Quod si filiofamil. ignorante patre, sibi delatam possessionem bonorum petierit, et non sequatur ratihabitio patris (ut ostendam hæc in re, quæ sit differentia inter jus vetus et novum) jure veteri est inutilis honorum possessionis petitio, quam postea ratam non habuerit pater, *l. ult. §. pen. D. quis ordo in bon. possess. serv.* Jure autem novo est utilis, et proficit filio pleno jure, ut nec eorum bonorum, quorum possessionem filiofamilias accepit, ususfructus pertineat ad patrem ex constitutione Justiniani, in *l. ult. §. 1. inf. de bon. quæ liber.* Additur in *l. 1. h. t.* bonorum possessionem delatam filiofamil. amitti, si omittatur, id est, si non petatur intra constituta tempora. Et vero tempora notanda sunt ex *l. ult. quis ordo in bon. possess. servet.* cedere, et currere ab eo die, quo filiofamil. sciverit sibi delatam bonor. poss. et certiorare patrem potuit. Igitur ex quo die patrem certiorare potuit, si non petat bonorum possessionem intra constituta tempora, uterque, scilicet pater et filius, amittit commodum bonorum possessionis. Nam scientia filii, atque negligentia patri ignoranti nocet, quia filius est principalis persona, cui defer-

tur bonorum possessio, scientia principalis personæ ei nocet, et cuilibet alii, *l. 2. de litig.* Contra scientia patris, in hac specie, ignoranti filio non nocet, cum filius sit principalis persona, cui successio delata est, *l. 3. quis ordo in bon. etc.* Quod summe notandum est. Vel etiam, si filius ex die, quo potuit certiorare patrem ante tempora constituta, petat bonorum possessionem, nihil agit, nisi etiam intra ea tempora pater eam petitionem fecerit ratam, *d. l. ult.* Et retro, si filius, antequam potuerit certiorare patrem, non petat bonorum possessionem, nihil amittit vel si petat, nihil acquirit jure veteri, ratum non habente patre. Jure autem novo sibi acquirit, sicuti si ex quo die potuerit certiorare patrem petat bonorum possessionem sibi delatam, jure veteri nihil acquirit, ratum non habente patre: jure novo sibi acquirit. Atque ita videmus quantum in specie *l. 1.* distet jus prætorium a civili, et jus vetus a novo. Addeamus de iis, qui admitti ad bonorum possessionem possint, infantis nomine admitti bonorum possessionem, quæ infanti delata est, aut delata intelligitur ex *l. 3. hujus tit.* et posse admitti bonorum possessionem infantis nomine, non tantum a tutore, vel patre, sed etiam a quolibet. Nam nihil est, quod facilius impetretur a prætore, quam bonorum possessio, quæ plerumque titulum tantum, et colorem adfert agere volenti, non rem. Non omnis bonorum possessio est cum re, id est, frequentissime est tantum titulo tenus bonorum possessio, quod in hoc tractatu sæpiissime demonstravi. Et ita quilibet recte petit bonorum possessionem absentis, et ignorantis nomine, si modo judex non ignoret quid agatur, si non ignoret absentem, vel ignorantem esse eum, cujus nomine petitur bonorum possessio, et nihilominus tamen eam dat petenti, *l. 7. de bonorum poss.* Si igitur cum infans ipse sibi non possit petere bonorum possessionem, cum fieri non possit, tamen tutor, vel pater, vel quilibet ejus nomine recte petit bonorum possessionem: et si moriatur infans postea, dicemus recte bonorum possessionem competere, ut ait *l. 3.* Quo verbo semper in jure significatur recte transmitti in heredem infantis bonorum possessionem, vel competere actionem, et in hac causa rem esse, ut moriente eo, cujus nomine data est ea possessio, vel actio transferatur in heredem, et competat heredi ejus, *l. 9. §. ult. et l. 10. ff. de tut. et rat. distrah.* Et hæc etiam de infante confirmantur *l. 7. §. pen. de bonor. possess. l. 1. de bon. poss. infanti, l. 2. §. sed si infanti, ad S. C. Tertyll. et l. si infanti, inf. de jure delib. et l. 2. inf. tit. 12.* Restat adhuc, quod prædictum est de pupillo, qui excessit infantiam. Pupillus major infante admittitur ad bonorum possessionem petendam, vel agnosendam cum auctoritate tutoris, vel sine tutore, auctoritate judicis scientis, nec

ignorantis ejus etatem, qui petit bonorum possessionem non adhibito tutore, et rursus videtur quam facilis sit impetratio bonorum possessionis, cum pupillo detur sine auctoritate tutoris sciente iudice. Tutor etiam recte admittitur ad bonorum possessionem petendam pupilli nomine, *l. 7. hoc t.* Pater autem non admittitur ad petendam bonorum possessionem filii sui impuberis nomine, nisi ex consensu filii, qui major est infante, *d. l. 1. de bon. possess. infan. compet. l. 13. is qui hæres, de acquir. hæred.* Et hac in re rursus observanda est differentia inter bonorum possessionem, et hereditatem: inter jus prætorium et civile: nam ut dixi tutor potest petere bonor. possessionem pupilli nomine, *l. 7. hoc t.* non potest adire hereditatem nomine pupilli, *l. potuit, inf. de jur. delib. l. servo invito, §. si pupillo, ad SC. Trebell.* quia aditio hereditatis est actus legitimus, et nullus actus legitimus peragitur per alium: ceterum bonor. possessionem licet admittere, et acquirere per alium, qui eam petierit nobis absentibus, sine consensu nostro, puta per tutorem, per amicum voluntarium. Et quod attinet ad tempus, intra quod admittenda est bonorum possessio, vel petenda, nemo est, qui nesciat, edicto prætoris ad petendam bonorum possessionem, agnoscedam, admittendam, constitutos dies centum utiles, nisi ii, quibus delata est bonor. possessio, morte alterius sint ex liberis, vel parentibus. His enim datur largius tempus, nempe annus utilis, qui constat 365. diebus utilibus quibus prætorem, vel præsidem adire est. Gallice *jours de plaiderie, l. 2. 4. et 5. hoc t.* Qua in re etiam est differentia inter jus civile et prætorium. Nam jus adeundæ hereditatis non circumscribitur tempore, sed est perpetuum, ut Græci notant in *l. 4. hoc t.* Nisi ipse testator aditioni, vel cretioni certum præscripserit tempus, ut solebat olim fieri, intra centum dies cernito, vel nisi iudex aditioni præstituerit certum tempus urgentibus creditoribus, vel filio exheredato. Alioquin jus adeundæ hereditatis perpetuum est, petitio hereditatis, perpetua est, id est, non tollitur, nisi prescriptione triginta annorum, *l. hæreditatis, sup. de petit. hæ. l. pen. inf. in quibus casib. ces. præscript. longi temp.* Dies autem utiles, qui servantur in bon. possessione, sunt, ut jam attigi, quando is, cui delata est bon. possessio morte alterius, sibi delatam sciverit, potueritque sibi bonorum possessionem admittere, et petere. Continui dies cedunt etiam ignoranti semper in jure, *l. genero 8. D. de his, qui notan. infam.* utiles dies non cedunt ignoranti, quandoquidem sunt dies, quibus scierit, poteritque ut in cretioneibus, etiam adhibere solebat. In hac causa igitur dies petendæ bon. possessionis non cedunt ignoranti mortem cognati sui, non cedunt ignoranti se hæredem

scriptum esse, vel ignoranti tenorem testamenti, ignoranti jus necessitudinis, sive cognationis sibi cum defuncto fuisse. Denique non cedunt ignoranti factum, *l. 5. hoc tit.* Nam ignoranti jus cedunt tempora etiam mulieri, ut puta, si sit soror defuncti, et putet in successione amitam defuncti fratris sorori præferri, atque ita sinat abire diem petendæ possessionis bonorum, tempore excluditur, *l. 6. hoc tit.* Et generaliter in lucro juris ignorantia mulieri non prodest, maxime si Jurisconsulti habuerit copiam, *l. 8. de juris et facti ignor. l. ult. sup. qui pet. tut.* Imo nec rustico temere profuerit in lucro juris ignorantia, si Jurisconsultorum copiam habuerit. Scio quod Poeta ait *Odys. 9. ἄγχιον οὐτὲ δῖξας εἴναι ἀδελφῶν, οὐτὲ δέμους.* Sed tamen in lucro vix ulli unquam subvenitur, qui contempserit Jurisconsultum, nec consuluerit de jure suo cum liceret. Et hic commodissime explicabitur *l. pen. h. t.* quæ nescio an adhuc sit bene, et liquido explicata. Primum, monebo in Basilicis, et in *παρὰ νόδας*, duos adfero testes, non ita esse perscriptam, *l. pen. ut perscripta est vulgo.* Illi sic se habent, si per rusticitatem, vel ignorantiam, vel aliam quamlibet rationem, prætermittis illis verbis, aut sane nunquam cognitis, *facti vel absentiam, εἰν ἄποκαίαν ἢ ἀγνοίαν ἢ οἷον ὁ ἀπερὶλογισµὸν*, et ita ignorantiam accipio pro inscitia juris. Nam ita vult *lex pen.* nullum excludi commodo bonorum possessionis sibi morte alterius delatæ, ob id solum, quod eam bonorum possessionem intra tempora constituta solemniter a prætore non petierit, modo si eam agnoverit qualiter qualiter intra tempora. Jus tamen ita est, quod diu obtinuit, ut peti debeat bonor. possessio a prætore, vel a prætore solemnibus verbis, et dari æque solemniter in jure, vel de plano, nisi sit decretalis bonorum possessio: quæ tantum pro tribunali datur. Igitur jure veteri necessaria est petitio, datioque bonorum possessionis sollemnis, conceptive sollemniter, et verbis, ut loquuntur formalibus, id est, typicis. Nunc si quis rusticus; ut vult *lex penult.* vel si quis alius juris ignarus, vel qua alia ratione præpeditus, non ita sollemniter petierit possessionem bonorum intra tempora, an ideo amittet commodum bonorum possessionum? Minime vero, si modo eam agnoverit, et admisit postea. Omissio sollemnitatis, omissio petitionis nihil nocet. Et hæc est sententia *l. penult.* quæ est Constant. et refertur etiam in *l. penult. §. eos itaque, sup. de cur. fur.* Et idem Constantinus in *l. ult. hoc t.* addit, qualemcunque testationem sufficere ad acquirendam bonorum possessionem amplectendam hereditatis causa factam apud præsidem, vel magistratum municipale, intra tempora constituta, et eam testationem cedere pro sollemni petitione: in quo duo sunt nova, ut nihil obsit omissio peti-

tionis amplectendi bonorum posses. Deinde, ut testatio fieri possit apud Magistratum municipale. Namque olim non potuit a magistratu municipali peti, vel dari bonorum possessio, quoniam magistratus municipalis non habet ea, quæ sunt mixti imperii, *l. ea quæ ad municipal. et datio possessionis honor. est mixti imperii, l. imperium, de jurisd. om. jud.* Denique dare honor. possessionem prætoriam, vel jurisdictionalem, non est magistratus municipalis. Ac præterea, quod etiam novum est, ut ita tria introducat nova *l. ult.* præmatura testatio sequentis gradus cognati, id est, quæ fiat noudum præteritis diebus datis proximiori cognato, quæ fiat intra tempus datum proximiori cognato, eo postea proximiori cognato repudiante, vel omittente honor. posses. valet testatio, quam fecit sequentis gradus cognatus præmature, perinde ac si suis esset usus curriculum. Nam ita legendum est in *l. ult.* præmatura testatio, et agnitio bonorum possessionis, quæ fit intra fines, diesve datos proximiori, perinde effectum habet, ac si suis fuisset usa curriculum. Quod non obtinuit olim. Nam intra dies quibus possum petere bonorum possessionem, non admittebatur sequens ad bonorum possessionem, *l. si filius, §. cum filius, de bon. lib.* Hoc igitur valde notandum, præmaturas agnitiones, vel acquisitiones admitti. Sunt hæc duæ *Const. pen. et ult. Constantinæ*. Sed post Constantinum plus est quod adjecerunt Theodosius et Valentinianus Imperatores, ut etiam citra testationem illam possit admitti, et acquiri bonorum possessio quocunque indicio, ut jam, quæ introducitur in *l. ult.* loco solemnitis petitionis testatio non sit necessaria, cum sufficiat quaecunque indicium. Ita Theodosius et Honor. Imp. in *l. 1. C. Theod. de cretione, vel bon. poss.* ad bonorum possessionem sufficere quaecunque indicium; quod et Justinian. probat in *§. ult. de bon. poss.* et hoc jure utimur, *c'est assés de faire quelque acte d'heritier*.

JACOBI CUIJACII J. C.

In Lib. VI. Codicis.

RECITATIONES SOLEMNES.

Ad Tit. X. Quando non petentium partes petentibus accrescant.

Sequitur titulus 10. quando non petentium, etc. sub quo tantum est una constitutio, ad cuius interpretationem hæc adnotare satis erit. Ex pluribus personis ejusdem juris, vel gradus, quibus honor possessio defertur, si qui intra id tempus, quod

dedit tit. superiori ad petendam bonorum possessionem, non eam petant, vel non admittant. in hoc tit. docet portiones eorum accrescere iis, qui bon. possessionem petierunt, vel admiserunt, ut in specie constitutionis hujus tit. Si intestato defuncto plures sunt filii emancipati, quos lex ad hereditatem patris non vocat, prætor tamen iis pollicetur bon. possessionem unde liberi, uno ex eis bon. possessionem non petente intra id tempus, quod finivit tituli, qui præcessit; ceteris, qui petierunt accrescit illius portio. Et hæc in re consentit jus civile cum prætorio. Nam ut est in hereditate jus accrescendi, tam legitima, quam testamentaria, *l. si ex pluribus, de suis et legit. hered. l. qui ex duobus, §. ult. de acquir. hered.* Ita etiam in bon. possessione locum habet jus accrescendi inter eos, qui eodem jure ad eandem successionem invitantur prætoris beneficio, quod ostendit hæc constitutio, et *l. 3. §. ult. et l. 4. et 5. de bon. poss. et §. cum igitur, Instit. de bonor. possess. l. 2. §. pro qua quisque parte, D. de bon. poss. secund. tab.* Et introductum quidem primum est jus accrescendi in hereditate, non novo quidem jure, sed antiquissimo jure civili, quod in ipsis initiis describendi juris civilis, non minus fuit absurdum, quam hodie unius hominis unam hereditatem scindere, et partem amplecti, et partem repudiare, quæ ratione utitur *lex unica, §. his ita definitis, inf. de cod. toll. l. 7. et 12. §. ex testamento, de bonis lib.* Absurdum est quod nunquam convenit; et nusquam convenisse verosimilius est: ac proinde antiquissimum esse hoc jus, ut cohæredis portio vacans cohæredi accrescat, et ut eam, quam amplexus est, non possit habere, nisi et deficientem partem amplectatur. Quo genere sit, ut qui semel adit, licet non possit repudiare, tamen deficiente cohærede, dum non vult amplecti partem cohæredis deficientis, vel possit abstinere a toto, et idem ipsum repuere, quod est semel amplexus, *l. cum hereditate, de acquir. hered. secundum id, quod evenit sæpe, ut quod ego non possum, alius interveniens faciat ut possim, et quam ire non possum viam patefaciat alius.* Ab hereditate autem statim exemplum pervenit ad legatum, ut eleganter ait Paulus *lib. 12. Sen.* ut scilicet legatarius non possit sciudere legatum, et legati sibi adscripti partem amplecti, partem repudiare, vel partem sibi adscriptam amplecti, et accrescentem repudiare. Et ita etiam ab hereditate exemplum pervenit ad bonor. posses. Stultum est quod dicunt originem accrescendi innare ex *l. Julia et Papia*, id est, ex *ll. Cad.* quæ id potius agebant, ut abolito jure accrescendi, in ejus locum succederet jus caduci. Et quod ait *l. 3. de vulg. et pupil. sub. l. per leg. accrescere l.*

Juliam, scilicet, et Papiam, ad quam pertinet *d. l. 5.* ut docet inscriptio non hoc significat auctoritate *l. Juliae et Papiae* inductum jus accrescendi inter cohæredes, sed sine impedimento *l. Juliae et Papiae*, quæ plus nimio favet fisco, quandoque hæredibus servari jus accrescendi, veluti liberis, aut parentibus. Nam *l. Jul. et Papia* iis personis erubuit adimere jus accrescendi, quod ademit ceteris augendi ærarii causa. Et *d. l. 5.* loquitur tantum de liberis, et parentibus, non de aliis hæredibus, quibus per legem non licet uti antiquo jure accrescendi. Posui speciem ad constitutionem hujus tit. in filio emancipato, ut explicarem hæc verba, quæ sunt in ea constitutione, *cessante legit. success. etc.* Quia liberi emancipati non sunt legitimi successores, *§. emancip. Instit. de hæred. quæ ab intest. def. l. sed cum patrono, §. 1. de bon. poss.* Quia lex tantummodo novit agnatos, et emancipatione tollitur agnatio. At prætor etiam novit cognatos, et emancipatione non tollitur cognatio. Jus naturale, tolli non potest, cujus sunt cognationes. Jus civile, cujus sunt agnationes, alio jure tollitur. Igitur constitutio hujus tit. est de filiis non habentibus jus legitimam, puta capite diminutis, sive emancipatis, quibus tamen prætor defert bonorum possessionem. Et non potest, quod tentat multis verbis Accursius, poni species in matre, cui liberi succedunt, quia matri liberi sunt legitimi successores ex *S. C. Orfit.* licet cognati, non agnati sint. Quia hæredes facit non tantum lex, sed etiam *S. C.* et constitutio principis. Solus prætor is est, qui non facit hæredem, sed bonorum possessor. qui dominum non facit, sed possessorem tantum. Nam et eum, quem jubet ex decreto secundo bona possidere debitoris, vel ejus, qui cautionem prætoriam cavere detractat, non facit dominum, sed possessorem tantum, ut usucapione opus sit ei, qui possidere jussus est ad dominium acquirendum, et quoties legitur, Prætorum facere dominum, id semper accipiendum est ita, ut dominus accipiat in iis locis pro possessore, quod prætor solet possessorem, quem fecit, tueri pro domino, quamquam duplex sit dominium, imo multiplex, dominium proprietatis, dominium possessionis, dominium usufructus. Et quæso cur in *l. si procurat. de acq. rer. dom.* ait dominium, id est, proprietas, ne scilicet, quis intelligeret possessionem. Ac præterea etiam posui speciem ad constitutionem *A. l.* in iis, qui intra tempora constituta non petunt, vel admittunt bonorum possem. quoniam constitutio ait, *omittentibus et omittendo in jure est semper non petere intra tempus, sive beneficio prætoris finito tempore excludi bonorum possessione, commodo hæreditatis finito tempore cretionis, aut tempore ad deliberandum, et consultandum a judice dato, l. quod si minor,*

§. Scæv. l. aux. de min. l. 1. §. ult. ut in poss. legit. nomine, etc. Hæc est sincera interpretatio constitutionis hujus tit. Sed expediendæ nobis sunt quæstiones ab Accursio propositæ in hac constitutionem. Dux sunt glossæ magnæ, priorem jam circumscripsi, eo solum retento et admissio, ut species ad constitutionem ponatur in filiis non habentibus jus legitimam, veluti emancipatis. Nec infelicitè tractantur ea, quæ agitat de successione matris, quam constat esse legitimam. Primum quærit Accursius, an non petentium bonorum possessor. partes accrescant petentibus ipso jure, sine nova agnitione, aut petitione bonorum possessionis. Et ita distinguit: aut eodem jure vocantur plures ad bonorum possem. aut diverso. Passima distinctio est: primum, quis nusquam invenietis jus accrescendi esse inter alios, quam inter eos, qui eodem jure invitantur, *l. sive, §. ex duob. de jure patr.* non inter eos, qui diverso jure invituntur. Cur igitur distinctioni mices eos, inter quos non est accrescendi jus, tractans de jure accrescendi: an obveniat sine agnitione, vel petitione nova tacito jure, et intellectu? Et omnino ita est si plures eodem jure vocentur, ut si sint plures filii, quorum alii admittant bonorum possessionem, alii non admittant, iis qui admiserunt portio, quæ ceteris competet, si admisissent, bonorum possem. accrescit ipso jure, et tacito sensu, *l. servus communis, de acquir. hæred. l. 2. §. si duo, de bon. poss. secund. tab.* et si objiciatur *l. si ita scriptum §. 1. eod. tit.* non possem. ad eum locum luculentius respondere, quam fecit idem Accursius, ad quem in remitto. Parum enim est, et pene recitatu indignum, quod efficere conantur ex illo loco, ut non adcreseat ipso jure iis, quibus accrescit portio vacans. Si autem diverso jure duo, pluresve vocentur in bona alterius demortui, ut si sit hæres scriptus testamento liberti, cui defertur bonorum possessio secundum tabulas, et patronus præteritus, cui defertur bonorum possessio contra tabulas, *l. 6. D. de bonor. possem.* in portionem legitimam, id est, in trientem, proculdubio est inter eos non posse versari jus accrescendi. Sed non petente hærede scripto bonorum possem. secundum tabul. patronus, qui petit jam bonorum possem. contra tabul. in trientem, potest denuo nominationem ejus quoque partis, quam hæres scriptus amplecti noluit, bonorum possem. petere, et per hoc habebit partem, quam habuisset hæres scriptus, si petisset bonorum possem. non per jus accrescendi, sed per beneficium prætoris, non jure accrescendi, sed jure possessionis novæ, qui et premature petierat priorem bonorum possessionem; nimirum hærede scripto deliberante. Nam bonorum possessio contra tabulas patrono præterito, cum re, cum effectu non datur, antequam hæres

scriptus extiterit, id est, hereditatem adquisierit, *l. illud, in princip. de bonor. poss. contra tab. l. 5. §. ut patronus, de bon. libert.* Qua in re est differentia inter bonorum possessionem contra tabulas, quæ patrono præterito datur, et bon. poss. contra tab. quæ filio præterito datur. Nam hæc datur contra lignum, contra ipsas tab. testamenti ligneas, vel alterius materiam, *l. quod vulgo, de bon. poss. contr. tab.* Etiam si nondum hæres scriptus adierit hereditatem, aut se pro hærede gesserit. Denique datur filio præterito contra lignum, non contra heredes: nam etsi necdum hæres scriptus hæres extiterit, datur. At quæ competit patrono præterito, cum re non datur, nisi contra heredes, qui acquiesierint hereditatem. Igitur deliberante hærede scripto, si patronus occupaverit postea bonorum posses. contra tab. cum nondum nullus existeret hæres testamentarius, petitio erit sine re: adeo ut postea hærede scripto repudiante necesse sit denuo patrono petere bonor. poss. totius assis, non concurrente hærede scripto: sed ita totum obtinet beneficio prætoris, vel bonor. poss. non jure accrescendi: nam jus accrescendi ipso jure procedit, nec auxilium desiderat novum, quæ est sententia *l. sed cum patrono de bon. poss.* Sine distinctione igitur concludamus, cohæredibus, vel bonor. poss. ad exemplum hæredum accrescere ipso jure sine additione, vel petitione nova, quod fingatur ab initio ex esse heredes, aut bonorum possessores esse. Idem Accursius postea, dum querit an invito accrescat, non animadvertit, se id, quod jam antea expediverat, in dubium revocare: nam si ipso jure accrescat, invito igitur accrescit, ut si quis hæres ipso jure existit sine additione, *l. in suis, de suis et legit. hered. l. 7. de inoff. test. l. pen. §. pen. de bon. lib.* Et invitus igitur, et ignorans hæres existit, *§. sui autem, de hered. quæ ab intest.* Adeo ut etiam sui heredes existant furiosi, et infantes, et pereгри nati, ut est legendum 4. *Sent. Pauli in collat. illa veteri ll. popul. Jud. et ll. pop. Rom.* Sicut alias docui etiam in *§. ult. Instit. de hered. instit.* esse legendum, posse etiam ignotos heredes scribi, id est, quos nunquam vidimus, veluti pereгри natos, ut veteres loquebantur, quod in Theoph. est *ἐπὶ τῶν ἀδύστων*. Et ad eundem modum, si ipso jure accrescit sine petitione nova bon. poss. et invito igitur accrescit. Denique qui illud, et hoc etiam dicit, et præcipit, oportet semper explorare quas proponimus quæstiones, et etiam atque etiam videre, quemadmodum simus eas expositori, ne de eadem bis mutatis verbis inquiramus frustra. Et elegantissime Aristoteles tertio *Metaphysic.* non minus esse difficile proponere quæstionem aliquam, quam, illam recte expedire

et pertingere. Et multi sunt loci, in quibus dicitur invitis accrescere, quod nihil aliud est, quam ipso jure accrescere, *l. un. §. his ita definitis, de cad. toll. l. si quis hæres institutus, l. qui ex duobus, §. ult. ff. de acquir. hered.* Quod in hæredibus et aliis successoribus, qui similes sunt hæredibus, est indistincte verum. Quia semper, quod notandum est, universi juris successores, potestate juris re conjuncti esse censentur, licet forte testator eos separaverit separata oratione, et aliis atque aliis adscriptis partibus, id est, non ideo minus singuli intelliguntur vocati in assem, ut scilicet non nisi concursu facerent portiones sibi adscriptas, quia unius personæ, id est, defuncti, uniusque hereditatis vicem sustinent, ut eam non possint scindere, nisi absurde et inconvenienter. Et hæc in re est differentia inter jus accrescendi, et jus substitutionis. Nam jus substitutionis non obvenit invito. Jus accrescendi obvenit invito, et cohæredi cohæredis substituto: existente casu substitutionis portio deficiens cohæredi obvenit magis jure accrescendi, quam substitutionis, licet substitutus sit in portionem cohæredis, ut constat ex *l. pen. de injust. rupt. et irrit.* Et hinc fit ut portio cohæredis cohæredi substituto obveniat invito, et sine additione nova, *d. l. si quis hæres institutus, et l. testam. inf. de impub. et aliis substit.* Certum est igitur invito obvenire jus accrescendi, aut quasi accrescendi. Nec offendor *l. si minor, de acquir. heredit.* quæ ponit duos fuisse cohæredes, et unum ex iis fuisse minorem 25. annis, et utrumque adisse hereditatem pro sua parte, mox minorem, qui adierat pro sua parte se abstinuisse beneficio restitutionis in integrum. Unde queritur, an portio ejus accrescat cohæredi, vel obveniat invito? Et lex ait non obvenire invito ex constitutione Severi. Ergo inquies, jus accrescendi non obvenire invito? Sed dices non esse proprie jus accrescendi. Nam certa definitio hæc est, portionem non acquisitam accrescere acquisitæ, et portionem non petitam accrescere petitæ: semel autem acquisita portio non accrescit consorti, sive collegæ portioni acquisitæ. exceptio usufructu, *l. 1. §. interdum, de usufr. accresc. l. aquam, §. ult. quemadm. ser. amit.* At portionem suam jam semel minor acquisiverat. Igitur non proprie ea deferitur restituto in integrum minore substituto ejus jure accrescendi, quia acquisitione perimitur jus accrescendi, et quicumque concurrat semel, etiam si postea concurrere desinat, non ideo facit, ut portio ejus obveniat invito. Quæ est ratio Novellæ primæ Just. Si hæres, qui ediit, non exequatur voluntatem defuncti, portio ejus accrescit cohæredi volenti, non invito. Nec enim proprie accrescit portio, quam cohæres acquisiverat jam, et quæ nunc ei

eripitur ob contumaciam, inobedientiam. Non offendor etiam *l. si solus*, §. ult. ad acq. hered. Finge: servus Titii hæres scriptus est ex parte pure, et ex parte sub conditione, dato cohærede in reliquam partem hereditatis: idem servus ex pura institutione adiit jussu domini, nec mutavit dominum. Et cum igitur esset in ejusdem domini potestate, extitit conditio institutionis conditionalis. An portio illa conditionalis existente conditione obvenit ipsi jure statim domino ejus, qui jam acquisierat sibi commodum pure institutionis? Minime, inquit, quia aliud est etiam jussu domini ex conditionalis institutione. Ergo non accrescit invito, non ipso jure, quia nova aditione opus est. Nihil est, quod tam facile expediri possit. Non accrescit invito, fateor: sed non accrescit etiam volenti sine nova aditione. Et ne huius definitioni *l. si solus* videatur ob stare *l. si quis hæres institutus*, observandum, aliam proponi speciem in *d. l. si quis hæres*, nempe unum eundemque fuisse institutum ex parte, et substitutum cohæredi, et extitisse casum substitutionis: et ideo *d. l. ait* portionem cohæredis ei invito accrescere sine aditione nova. Quia scilicet, ut ait *l. substitutio* illa est appendix substitutionis, id est, magis est accrementum, quam substitutio, quia et hac omissa substituit. portio cohæredis ei obveniret jure accrescendi: obveniet igitur invito, et magis jure accrescendi, quam substitutionis, ut etiam ait *l. pen. de injust. rupt. et irrit.* At cum est substitutus ex parte pure, et ex parte sub conditione, conditionalis substitutio non est appendix pure substitutionis. Et ideo nova aditione opus est. Quoniam omissa conditionalis institutione, ut posui, ea pars, quæ relicta est sub conditione, non ei obveniret, et accresceret soli, sed utrique hæredi, ut non possit censeri appendicula esse pure institut. Et postremo querit Accurs. pro qua parte accrescat, et respondet pro rata ejus, quod eis competit, quod male probat ex *l. 1. infra, de impub. et aliis substit.* quæ non loquitur de jure accresc. Sed probare id posses. ex *l. si ita* 68. de hered. inst. et *l. Mrevio, de leg. 2.* Nec te offendere debet, quod constitutio de cad. toll. ait accrescere pro virili portione. Nam, et virilis portio significat ratam, et rationalem, sive æqualem, sive inæqualem, *l. 1. inf. unde liberi*, et §. ult. Instit. de inoff. test.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XI. De bonorum possessione secundum Tabulas.

Docuit qui admitti possint ad bonorum poss. quæ

prætoris, vel honoraria hereditas dici potest: et intra quæ tempora: et non petentium partes, quibus accrescant, atque accedant. Quo præmisso, bonorum possessionis species omnes exequi parat. Et cum alia ex testamento competat, alia ab intestato, ab ea, quæ ex testamento competit, initium sumit, et facit. Ea vero, aut est contra tabulas, seu voluntatem testatoris, aut secundum voluntatem, *l. sed cum patrono*, §. 1. de bon. poss. Et prius quidem in edicto prætoris proponitur ea, quæ est contra voluntatem testatoris, id est, bon. poss. contra tabulas, *l. 2. in princ. de bon. poss. secund. tab.* Quare etiam in libris nostris sæpe beneficium bon. poss. contra tabulas appellatur primum edictum, aut prima pars edicti, *l. 4. l. scriptus, de Carbon. edic. l. 2. l. filius 42. §. cum filius, de bon. liber.* Et hic etiam ordo servatur in titulo ff. Prior enim est tit. de bon. poss. contra tab. Ille, qui est de bon. poss. secundum tabulas, secundum ordinem edicti perpetui. In titulo hujus libri hic ordo perturbatur. Prior enim est titulus de bon. poss. secundum tabulas. At bonorum possessio secundum tabulas datur heredibus scriptis tab. testamenti, etiamsi injustum sit testamentum, vel nullum jure civili, vel ruptum, vel irritum, vel falsum, modo sint supremæ tabulæ testamenti, et obsignatæ non minus quam septem testium signis, et is, cujus bonor. poss. datur, utroque tempore mortis, et testamenti, testamenti factionem habuerit. Sed si postea testamen. in judicio appareat, cum de hereditate ambigitur, esse injustum, vel nullum, vel ruptum, vel irritum, vel falsum, bonor. possessio, quam petere occupavit hæres scriptus, sine re constituitur, et sine effectu, et ad eum perveniet ea res, ad quem meliori jure pertinere videbitur. Ut is, cui data est actio, non semper rem evincit, et aufert; ita nec is, cui data est bonor. poss. utrumque est jus persequendi: sed modo cum re, modo sine re. Tria potissimum exigit prætor, qui daturus est bonor. poss. secundum tab. ut sint supremæ tabulæ testamenti, sicut dixi in *l. 1. §. 1. de bon. poss. secund. tab.* ut obsignatæ sint non minus quam 7. testium signis, *l. cum tab. eod. l. 2. h. t.* Et vetus hoc fuit edictum prætoris, et translatitium est, ut ait Marc. Tull. in prætura urbana: si de hereditate ambigitur, inquit prætor, et tabulæ testam. obsignatæ minus multis signis, quam lege oporteat, ad me proferrentur, secundum tab. testamenti bon. poss. non dabo. Exigit ergo prætor omnimodo signa 7. testium, quia scilicet hæc est solemnitas juris prætorii. Numerum testium introduxit jus civile, signa prætorium. Subscriptiones constitutum jus, sive constitutiones Principum, ut Institutiones docent. Non exigit prætor, quæ sunt ex constitutionibus, vel ex jure civili

solemnia: satis habet si agnoscat non minus quam 7. testium signa, quae ipse introduxit, et adhiberi in testamentis voluit. Et tertium exigit praetor, ut testator utroque tempore testamenti factionem habuerit, testamenti faciendi tempore, et mortis, *l. 1. §. exigit, de bon. poss. secund. tab.* Quod ita est accipiendum ut testamentum, quod quis non jure fecit, non valeat, etiamsi postea testamenti factionem habere coeperit: testamentum, inquam, quod quis non jure perfecit, quod non haberet testamenti factionem, non valeat, etiamsi postea testamenti factionem habere coeperit, ut si filiusf. aut pupillus testamentum fecerit, et paterfamil. factus, aut puerus vita decesserit, *l. si filiusfam. qui testam. fac. possint.* Contra ut testam. quod quis jure perfecit, cum haberet testamenti factionem valeat, etiamsi postea testamenti factionem habere desierit, ut si postea ei interdictum sit bonis ob vitium prodigalitatis, ob dissolutionem morum. Nec ideo interdictum testament. quod fecit ante-interdictionem. Idemque est si quis post testamentum, quod jure fecit, factus sit nullus, aut surdus, aut furiosus, *l. 6. l. is cui lege, qui testam. fac. poss. l. 1. §. si quis autem, de bon. poss. sec. tab. l. 7. de jure codicill.* Idemque est ex Nov. 8. Justin. si quis post testament. factus sit monachus. Nam quod post monachismum testamentum fecerit, ipso jure non valet. Quod vero monachismo antiquius habuerit testamentum, hoc valebit. Non idem erit, si post testamentum factum capite diminutus est, id est: si factus sit servus, vel peregrinus, vel alieni juris, alienae familiae: nam hoc exigitur omnino, ut utroque tempore testamenti et mortis testator fuerit sui juris, et civis Romanus, *§. non tamen, Instit. quibus modis testam. infirm.* Igitur si testator deportatus sit post factum testamentum, si reductus sit ad peregrinitatem, vel si adrogatus sit, deportatione, peregrinitate, adrogatione, omni jure civili et praetorio irritum sit testamentum, optima ratione, quia deportatus et adrogatus omnia sua bona amittit, et transfert in fiscum, vel adrogaorem, et ita est accipiendum quod ait *d. §. exigit*, praetorem exigere, ut testator utroque tempore habuerit testamenti factionem. Nec enim hoc est per omnia verum, nec tenendum precise, destricto, aut praefracto, sed adhibende sunt superiores distinctiones. Illa igitur tria potissimum, quae dixi praetorem exigere, ut petenti det bonorum possessionem secundum tabul. si concurrant, praetor a quo petitur bonorum possessio non spectat, an sit injustum testamentum, id est, an defuerint in eo solemnia juris civilis, non spectat an jure civili nullum sit testamentum, id est, an filius suos in eo sit praeteritus, non spectat an ruptum sit agnatione posthumi, *l. posthumus, de inj. t. rupt. et irr.* Non spectat etiam admodum an testamentum

Tam. IX.

irritum factum sit medio tempore per capitis diminutionem inter testamentum et mortem, *l. 1. §. sed etsi quis utroque, de bon. poss. sec. tabul. l. conficiuntur, §. si post, de jure codicill.* Interdum etiam non spectat an sit falsum testamentum, non exculit an sit verum testamentum, aut si prima specie videatur non esse verum, non ideo minus petenti haeredi scripto largitur bon. possess. sec. tabul. *l. 1. inf. de his qui sibi adscrib. in test.* in cujus specie petenti haeredi scripto, et reo falsi compertissimo praetor dat bonorum possessionem secundum tabul. nempe filio emancipato haerede scripto, qui sibi adscripserat hereditatem dictante patre, atque ita incidit in crimen falsi ex Senatusconsulto Liboniano. Huic enim praetor dat bon. possess. secundum tabulas, si nemo alius in ea re illo potior futurus sit. Quae est brevis explicatio *d. l. 1.* Plus dico: etiamsi qua alia ratione quis dicat testamentum esse falsum, nec dum probet esse falsum, vel etiamsi probet, nec dum pronuntiatum sit esse falsum, sine controversia interim petenti haeredi scripto praetor dabit bonorum possessionem secundum tabulas. Nam sive haeres scriptus accusetur falsi, nec dum damnetur, sive alius quilibet, sicut haeres script. potest interim adire heredit. si modo ei liquet de innocentia sua, vel innocentia ejus, qui reus postulat: ita etiam interim potest bonorum possessionem admittere secundum tabulas, *l. cum falsum, l. Pannonius, §. rei, de acq. vel omitt. haered.* Et non est verum quod Accursius notat in *l. 1. hujus t. l.* hac in re differentiam esse inter jus civile et praetorium, inter bonorum possessionem et hereditatem, ut alio testamentum dicente falsum, haeres scriptus possit adire hereditatem, non admittere bonorum possessionem. Et merito etiam Bart. cum Accursii differentiam abdicavit, quoniam praetor semper (ut satis licet intelligere ex iis, quae ante dicta sunt) satis habet, dum ab eo petitur bonorum possessio secundum tabulas, si testamentum non fuerit ruptum mutatione, id est, si sit supremum testamentum, et si non perseveraverit esse irritum usque ad mortem testatoris, id est, si moriens testator fuerit suae potestatis, et civis Romanus. Et quod est tertium, si testamentum non careat solemnibus juris praetorii, id est, si obsignatum sit septem testium signis, *l. 2. hoc t. l. posthumus, de inj. rupt. et §. non tamen, Instit. quibus modis testam. infirm.* Et eleganter Ulpianus *lib. regul. tit. quemadmodum testam. rump.* Si inquit, testamentum 7. testium signis signatum sit, licet jure civili ruptum aut irritum sit: tamen praetor haeredibus scriptis honor. possess. dat secundum tabulas, si testator fuerit suae potestatis, et civis Romanus cum moreretur fuit, quae possessio cum re habetur

si nemo alius jure heres sit. Ergo etiam si concurrant, sufficit. Nec quicquam obstat, quod testamentum esse dicitur falsum, sicut nec ea res obstat additioni hereditatis. Et plane hac in re consentit jus civile cum jure pretorio. De falso testamento est *l. 1. h. t.* species haec est: quidam falsum testamentum dixit contendens de hereditate cum herede scripto, et testamentum falsum pronuntiavit: heres scriptus, qui petierat jam bonorum possess. secundum tabulas, et obtinuerat rem, appellavit; pendente appellatione nondum est certum, an defunctus intestatus decesserit, quoniam pendente judicio appellationis adhuc viget et praepollet causa testamenti; ideoque, ut lex statuit, pendente eo judicio non deferitur bonorum possess. ab intestato, quoniam incertum est an sit intestatus. Et ita demum bonorum possess. ab intestato competit, si neque bon. poss. secundum tabulas, neque contra tabulas admissa et agnita sit, *l. 1. §. 1. si tab. testam. nullae exstab.* Nec obstat quoque, quod prior iudex testamentum falsum esse pronuntiavit. Nam eam pronuntiationem appellatio exstinguit. Ne dicas appellationem suspendere, sed extinguere iudicium, *l. 1. §. ult. ad Turpill. l. furti, §. 1. de his qui not. infam.* Quod adeo verum est, ut si damnatus furti appellaverit, et deinde injustam appellationem videri pronuntiatum sit, non fiat, retro infamis ex die prioris sententiae, sed hodie ex die posterioris sententiae, quae priorem confirmavit, vel potius conservavit. Nam ne etiam unquam dicamus iudicem, ad quem appellatum est, confirmare priorem sententiam: nam si confirmaret, vis ejus retro traheretur: atqui non retrahitur, cum ex hoc die demum infamis fiat. Sed dicamus conservari priorem sententiam, non confirmari, ut in *l. ult. §. ult. Quod cum eo, etc.* Et haec quidem omnia sunt de testamento, id est, de tabulis testamenti. Quid si testamentum non sit scriptum, an dabitur bonorum possessio secundum nuncupationem, et voluntatem defuncti non scriptam, sed nuncupatam septem testibus praesentibus. Jus pretorium non novit testamentum non scriptum. Jus civile novit testamentum non scriptum, modo praesentes fuerint 7. testes, *l. 2. hoc t. §. ultim. Instit. de testam. ordin.* Igitur secundum testamentum non scriptum, id est, secundum nuncupationem ex edicto non competit, vel non deferitur bonorum possessio. Ceterum ex arquo et bono datur utilis bonorum possessio secundum nuncupationem. Ut actio alia est directa, alia utilis: ita bonorum possessio alia est directa, alia utilis: utramque est jus persequendi, modo directum, modo utile. Et ita utilem possessionem bonorum dari secundum nuncupationem a praetore, *l. 2. hoc tit. et l. si ita scriptum, §. ult. ff. hoc tit. et l. ult.*

inf. de codic. et l. 2. inf. tit. 13. hujus lib. Quae quidem erit decretalis bonorum possessio, quae dabitur interposito decreto a praetore pro tribunali, non edictalis. Nam secundum voluntatem defuncti ex edicto non datur bonorum possessio, nisi ex tunc tabulae jure directe: ut omnes actiones utiles sunt decretales, ita et bonorum possessiones utiles. Nec omittem quod in *l. 2. hoc tit.* Graeci exigunt septem testes, vel quinque. Cur quinque? et eadem questio fieri potest ad *l. 1. C. Theod. de testam.* Anquod in urbe exigantur septem testes ruri sufficiant quinque? ut est proditum in *l. ult. infr. de testam.* An vero quod hodie ex Novella Leonis 42. etiam in urbe sufficiant quinque testes, et ruri tres?

JACOBI CUJACII J. C.

In L. b. VI. Codicis

RECITATIONES SOLEMNES.

Ad Tit. XII. De bonorum possessione contra tabulas, quam praetor liberis pollicetur.

Bonorum possessio contra tabulas, de qua agitur in hoc t. 12. datur liberis naturalibus suis vel emancipatis, non etiam in adoptionem datis, quia in aliena familia sunt: emancipati etsi non sint in familia patris, tamen non sunt in aliena familia, sed suae propriae familiae et potestatis sunt. Item datur bonorum possessio contra tabulas posthumis natis, qui sui futuri erant: datur liberis adoptivis non emancipatis: datur, inquam, iis omnibus liberis, si praeteriti sint, et omisi testamento parentis virilis aetate, et per virilem sexum cognatione juncti. Haec omnia exiguntur rescindendi causa testamenti causa. Bonorum possessio contra tabulas rescindit iudicium parentis, rescindit testamentum, *l. 1. in princ. de legat. praetand. l. ut liberis, inf. de collation.* Impugnat igitur testamentum patris, quia et praeteritio injuria est filii, *l. quidam, inf. de fideicommissis.* Et ne hoc etiam omittem, liberi praeteriti dicuntur, qui silentio praetermissi sunt a patre, atque neglecti in testamento, id est, nec haeciles instituti neque nominatim exheredati, *§. eadem, Instit. de haer. quae ab intestato def. l. 2. hoc tit.* ut apud Postum Senatores praeteriti dicuntur, qui neglecti sunt a consoribus, quod erat ignominiosum, et ut ante dixi, etiam per praeteritionem filius a patre afficitur ignominia, *dict. l. qui. law.* Et exhereditatio, et praeteritio ignominiosa est. Quamobrem exhereditato subvenitur per querelam inofficiosi testamenti, si probet se immerito exhereditatum, vel colidat se probare posse iudici. Praeterito autem subvenitur per

honorum possessionem contra tabulas, quæ etiam dicitur actio præteriti in *Nov. 1. Valentiniani de testam. non male*. Nam honorum possessio definitur ius persequendi, sicut actio, et honorum possessionis datio nihil aliud est, quam actionum hereditariorum datio. Et ita etiam Paulus in *Sentent. relatis in coll. illa veteri U. Judaicar. et Roman.* qui sui heredes sunt, inquit, ipso jure etiam ignorantes heredes constituuntur, ut furiosi, infantes, et pereгри nati: quibus honorum possessio propter prætoriam actionem non erat necessarium. Qui sermo latinus erat elegantissimus. Ut apud Marcum Tull. *eam rem præsidio non futurum*. Recte igitur dixeris vel honorum possess. contra tabulas, vel actionem præteriti, vel honorum possessionis contra tabulas prætoriam actionem, quæ emendatur nota præteritionis rescisso iudicio paterno, liberis quidem emancipatis præteritis, quia ad eos non pertinet legitima hereditas, cum non sint æquali patri, sed cognati tantum, quia cessat legitima successio, necessaria est honorum possessio contra tabulas, *l. 2. §. 1. de bonor. possess. sec. tabul.* Suis non est necessaria, ut Paulus dixit, id est, iis, qui manserunt in potestate et familia parentis: qui eo moriente in potestate ejus fuerunt, *l. 7. de inoffic. testament.* Cur suis non est necessaria? Quia scilicet ipso jure statim, vel ut Greci expriment, ἀπὸ τοῦ πρώτου, nullum est testamentum, in quo suus filius est præteritus, *§. 1. Instit. de exhered. lib.* Et ipso jure rumpitur, in quo posthumus præteritus est. Si nascatur, rumpitur id ipso jure agnatione posthumi præteriti, *l. 2. hoc tit.* Ergo non est necesse id rescindi per honorum possessionem contra tabulas, quod ipso jure factissimum est. Sed tamen, quia si testamentum in quo filius suus est præteritus, signatum sit non minus quam septem testium civium Romanorum signis, Prætor petente herede scripto potest dare honorum possessionem secundum tabulas, ut ostendi modius tertius: ideo ut filius suus præteritus obviæ est heredi scripto, non inutile erit eum agnoscere bon. possessorem contra tabul. atque ita prævenire heredem scriptum, quoniam hac agnita hæres scriptus tanquam præventus, non potest admitti ad bonor. possess. secundum tabulas, quæ est sententia *l. 2. hoc t. et l. quod vulgo, ff. hoc t.* Immo aliquando utilis est, filium suum præteritum testamento patris admittere bonor. possess. contra tabul. quam dicere nullum ipso jure, ut in hac specie, quæ tractatur in *l. 14. de lib. et post.* Si filius suus præteritus sit a primo gradu, id est, ab institutione, et exheredatus a secundo gradu, id est, a substitutione vulgari, quia præteritio non infirmat ipso jure totum testamentum, sed tantum eum gradum, a quo filius est præteritus, ut in hac specie, ipso jure

nullus est primus gradus institutionis: secundus valet, et incipit testamentum a secundo gradu, id est, a substitutione, et substitutus venit, non ut substitutus, sed ut institutus, quia ei priori deferatur hereditas, primo gradu habito pro nullo, *l. 3. §. ult. l. 14. §. quod vulgo, de lib. et post.* Igitur si in ea specie filius suus præteritus dicat primum gradum nullum esse ipso jure, a quo solo est præteritus, ubi locum non facit, sed potius substituto, id est, declarat testamentum incipere a substitutione, a qua ipse fuit rite exheredatus, non præteritus. Sed si velit adversus substitutum instituere querelam inofficiosi testamenti, in ejus arbitrio est, tanquam non videatur pater justam causam habuisse exheredandi filium, justas causas irarum non habuisse: sed in eadem specie si filius suus, qui, ut dixi, a primo gradu, hoc est, qui ab instituto est præteritus, a substituto exheredatus, agnoscat honorum possessionem contra tab. et institutionem et substitutionem vulgarem, infirmabit et omnem scripturam testamenti atque ita repellat substitutum, ut in *l. non putavit, §. si primo, de bon. possess. contra tab.* Atque ita hoc casu utilior est bonor. poss. petitio contra tab. quam dictio nullius testam. Ex his ergo ita concludamus, hac in re differentiam esse inter filium emancipatum, et filium suum. Nam in emancipato, et dixi necessaria est bonorum possess. contra tab. In suo non est necessaria, et non inutilis tamen, et aliquando utilior, quam dictio nullius testamenti. Ad damus etiam aliam differentiam inter emancipatum et suum. Emancipatus non omnino infirmat testamentum, si petat bonorum possessionem contra tabulas, quandoquidem præstat legata ex testamento patris quibusdam personis exceptis edicto prætoris, *l. is qui in potestate, de leg. præst.* ut liberis et parentibus et uxori, vel onui dotis nomine legata, *l. 1. hoc tit.* quæ est accipienda de liberis emancipatis. Conservantur etiam ex æquo et bono secundæ tabulæ, si quæ sint, id est, tabulæ pupillares, testamentum, quod pupillo fecit pater, et legata relicta ois tabulis quibuscunque personis, id est, omne testamentum pupillare, et primum dumtaxat rescinditur, *l. ex duobus, §. ult. et l. seq. de vulg. et pupill. substitut.* Suus autem præteritus, etiamsi petat bonorum possess. contra tabulas, si malit uti jure prætorio, quam civili, nullis personis præstat legata, et infirmat omne testamentum, et tabulas primas et secundas. Certe legata nulli præstat, quia et sine bonorum possessione suo jure omnimodo habiturus erat hereditatem optima lege sine ullo onere legati, aut fideicommissi, aut libertatis. Et hoc ostenditur in *l. illud, de bonor. possess. contr. tab. et l. pen. §. legata, eod. tit. et l. is qui in potestate, delegat. præst.*

Hæ sunt summæ differentie hæc in re inter emancipatos et suos. Et hæc sola sunt, quæ dici possunt ad duas constitutiones hujus tituli.

JACOBI CUJACII J. C.

In Librum VI. Codicis.

RECITATIONES SOLEMNES.

Ad Tit. XIII. De bonorum possessione contra tabulas liberti, quæ patronis, liberisque eorum datur.

Cur subjicitur hic titulus? An quod non satis explicata sit pars illa de success. libertorum initio libri? Cur ad eam rem regreditur, qui post successiones libertinorum cepit jam aliquot titulis tractare de successione ingenuorum? dico subjici hunc titulum non ut tractet de successione libertinorum, de quibus dixit potissimum in tit. 4. *sup.* in constitutione græca, sed ut, vel ex diversitate tit. tacite ostendat, differentiam esse magnam, et latam inter bonorum possessionem contra tabulas, quæ datur liberis præteritis, et bon. poss. contra tabulas, quæ datur patronis præteritis, et extraneis hæredibus scriptis, vel liberis patronorum præteritis, et extraneis hæredibus scriptis, ut ait titulus, qui et ipsi sunt patroni, *l. cum patronum, de jur. patron.* Et hæc nimirum sunt differentie inter hanc et illam bonorum possessionem, quod bonorum possessio contra tabulas, quæ datur liberis præteritis, sit contra lignum, ut vulgo dicebant J.C. vox erat de foro collecta, bonorum possess. contra tabulas, quæ liberis præteritis competit, esse contra lignum, id est, contra testamentum, etiamsi hæres scriptus nondum adierit hæreditatem, vel non petierit bonorum possess. secundum tabulas. Denique non esse contra hæredem scriptum, sed contra lignum, *l. illud, l. quod vulgo, de bonor. poss. contr. tab.* At bonorum possessio, quæ datur patrono præterito contra tabulas liberti, non est contra lignum, sed contra hæredem scriptum, id est, non aliter competit patrono, quam si ex testamento hæres extiterit aliquis, cum quo litigare possit de bonis liberti, *d. l. illud, et l. 3. §. ut patron. et §. si patronus, de bon. lib.* Similiter querela inofficiosi testamenti datur exheredatis contra hæredem scriptum, non contra lignum: nec enim ante datur, quam hæres ex testam. aliquis extiterit, quia querela hæc competit exheredato: et exheredatus non intelligitur, id est, exhereditatio nullas vires habet, ut queri de ea præmature possit, antequam aliquis extiterit hæres ex testamento, cum quo de hæreditate contendat: nam adita hæreditate ex testamento, exhereditatio vires suas aperit, et astat

nota, sive ignominia in persona exheredati, quam eluit per querelam inofficiosi testamenti, dicens se immerito exheredatum esse. Et ita licet petitio hæreditatis regulariter non detur contra verum hæredem, sed contra eum, qui pro hærede possidet id est, contra falsum hæredem, vel contra eum, qui pro possessore possidet, id est, contra prædonom: tamen agente patrono præterito ex causa bon. poss. contra tabul. liberti, petitio hæreditatis ei datur contra verum hæredem: et similiter filio exheredato querela inofficiosi testamenti, petitio hæreditatis ei datur adversus verum hæredem. His duobus casibus contra regulas juris, petitio hæreditatis datur in verum hæredem quos notat *l. per servum de petit. hæ.* Et ut eluceat magis ratio prioris differentie inter bon. poss. contra tab. patris, et bon. poss. contra tab. liberti, quarum illa datur contra lignum, hæc contra hæredem: proponenda est alia differentia inter hanc et illam bon. poss. Bonorum possess. contra tabulas patris datur in assem, id est, in totum. Bonorum poss. contra tabul. liberti ex edicto datur patrono tantum in legitimam debitam reverendiæ patronali. Jure veteri in semissem, jure novo in trientem. Denique datur ut hæreditatem liberti patronus partiat cum hærede scripto, non ut ei auferat assem, eumque penitus excludat. Prius igitur hæredem esse oportet ex testamento, cum quo patiatur patronus, alioquin incertum erit utrum patronus persequi partem debeat bon. poss. liberti, an assem: quia omittente hærede scripto, nec aduente, vel admittente bonor. possessionem secundum tabulas, patronus vindicat assem, ut legitimus hæres, *l. cum patrono, de bonor. poss. l. si libertus præterito, de bon. liber.* Vicinitas igitur horum titulorum nos admonuit de iis differentiis, nec alia ratione defendi potest. Sunt autem etiam in hoc titulo due constitutiones. Præmo docet patrono præterito dari bonorum possessionem contra tabulas in partem, etiamsi non gratuitam libertatem præstiterit, sed debitam restituerit, ut si ex causa fideicommissi servum manumiserit, *l. 1. hoc tit.* quod confirmat etiam lex 3. §. 1. *de suis et legit. hæred.* et *l. qui ex causa, de bon. lib.* Nam et qui ex causa fideicommissi coactus manumisit, habet etiam alia jura patronatus, quia libertus est tutor legitimus *l. 13. de tut. et curat. dat.* et in jus ab eo libertus vocari non potest sine venia, *l. 9. de in jus voc.* Non habet tamen cetera jura patronatus, non habet actionem ingrati, ut docui in *l. 1. sup. tit. 7.* Non potest etiam donum, munus, operas imponere libertus, quem ex causa fideicommissi manumisit, vel impositas non potest exigere *l. 7. §. rescriptum, l. si quis hac lege, §. 1. et l. Campanus, de operis liberti.* Ac præterea etiam libertus, si ju-

stam causam excusationis habent, invitus non cogitur suscipere tutelam filiorum patroui, qui eum ex causa fideicommissi manumisit, qui tamen cogetur, si manumisisset eum sponte sua, *l. nequaquam, de excus. tut.* Et pleraque etiam alia, qui manumisit ex causa fideicommissi iura non habet, quæ tamen habent, qui donarunt, non solverunt libertatem. Denique quædam ei tantum iura patronatus servantur, et inter cetera, ut non possit impune a liberto injuriis affici per præteritionem. Altera constitutio (in quam quæcunque scripsit Accursius sunt somnia) vult bon. poss. contra tabul. liberti non dari patrono præterito, qui post mortem liberti elegit donum, munus, operas impositas liberto, ut ea hæres extraneus testamento scriptus patrono exhiberet instar defuncti: nam ex edicto prætoris, ut indicat *l. sicut, de jur. patron.* electio datur patrono præterito, ut vel amplectatur honorum possessionem contra tabulas in portionem legitimam, vel sit contentus donis, muneribus, operis, quæ præstare ei solebat defunctus libertus. Et hæc si elegerit, non potest mutare factum, non potest variare, et transgredi ad honorum possess. contra tabulas. Hæc est sententia *l. 2.* quæ in omnibus libris male adscribitur Anastasio: est enim Theod. Imp. ut constat ex *l. ult. C. Th. de codicill.* ex qua sumpta est. Ex quo apparet etiam omnino esse conjungendam *l. ult. inf. de eod.* quæ est ejusdem Theod. et variationem etiam non admittit in eo, qui ex codicillis maluit amplecti bonas, cum ea posset amplecti ex testamento, et plenior, *l. ult. C. Th.* exemplo leg. secundæ utitur, ut quemadmodum qui elegit operas, non potest venire ad honorum possessionem contra tabulas: ita qui elegit codicillos, non potest transire ad testamentum, nec subinde variare. Unde etiam subscriptio est emendanda, et legendum est *Victore*, non *Viatore*.

JACOBI CUIJACII J. C.

In Lib. VI. Codicis.

RECITATIONES SOLEMNES.

Ad Tit. XIV. Unde liberi.

Titulus decimus quartus *unde liberi* sic explicandus est: pars edicti unde liberi ad successionem parentum ab intestato vocantur. Liberos dicit omnes descendentes, filium, filiam, nepotem, neptem pronepotem, proneptem, et deinceps. Parentes omnes ascendentes, patrem, matrem, avum, aviam etc. Et expositis quidem bonorum possessionibus, quæ ex testamento competunt, ab hoc titulo incipit proponere eas, quæ ab intestato deferuntur.

Ac quemadmodum ex testamento prima edicti parte liberis præteritis suis, vel emancipatis prætor pollicetur bonorum possess. contra tabulas: ita ab intestato prima parte, primoque capite liberis suis, vel emancipatis prætor promittit bonorum possess. unde liberi. Et rectissime in *l. 1. §. recte, si tab. testam. null. exstab.* prætorum a liberis initium facere in successionibus ab intestato, ut sicut contra tabulas ipsis primo loco defert, ita ab intestato eos priore loco vocet. Et similiter in *l. 2. hoc tit.* tam ex testamento, quam ab intestato. Et ex testamento per bon. poss. contra tab. ab intestato per bonor. possess. unde liberi. Siquidem suus hæres, de quo agitur in *l. 2.* velit bonor. possessionis actione prætoris uti ex testamento, vel ab intestato filio, aut nepote suo, aut hærede existente, neminem ab intestato hæredem existere posse. Quæ lex secunda scripta est tota secundum jus civile, ut suo hærede existente, nemo alius hæres existere possit, *l. pen. §. ult. unde legit.* Nam jure prætorio eodem jure sunt sui liberi, et non sui, sui et emancipati, et etiam ii, qui nunquam in potestate parentis fuerunt, *l. 5. si tab. test. null. exstab.* Nam et emancipatos liberos, et eos, qui nunquam fuerunt in familia parentis, prætor vocat inter suos. Secundum jus civile igitur dicimus, priorem et potiore causam hæredum suorum esse. Secundum jus prætorium, potiore et priorem causam liberorum. Est etiam secundum jus civile scripta omnino *l. 2. inf. de usucap. pro hære.* quæ dicit, existentibus suis hæredibus, nihil ab alio pro hærede usucapi posse. Et nihil aliud est præterea in ea lege, quæ satis difficilis est explicatu. Nihil, inquit, pro hærede ab alio usucapi posse suis hæredibus existentibus. Existunt autem subito, etiam inviti et ignorantes, quod est *apparent*, sive ut Græci semper vertunt, ἀπαρίεργα, ut ait *l. ult. §. si vero perpetuo, sup. de curat. fur.* quibus etiam existentia sui hæredis dicitur ἀνιπαρίεργα, quæ est acquirendæ hereditatis species. Igitur, ut ait *d. l. 2.* si vel existant sui hæredes, impediunt alios quoscunque, ne quid ex ea hereditate pro hærede usucapere possint, licet abstinerint se hereditate. Existere satis est, nec necesse est ut attingant, vel teneant bona, vel se iis immisceant. Nam et sui hæredes, qui abstinere se beneficio prætoris, vel principis hæredes manent, *l. 6. §. pen. de bon. liber. l. cum quasi, §. sed et si suis, de fideicommiss. libert.* Hæredes manent nomine et jure, non re, quatenus re ultro se abstinere hæredes sunt sine re, quæ res tamen, id est, nomen hæredis excludit ceteros omnes, ut hæredes esse possint, et consequenter ne quid pro hærede usucapere possint. Igitur suis existentibus, nec immiscendis se agnati legitimo, et civili jure venire non possunt, jure

prætorio venire possunt ad honorum possessionem. Quia prætor sum, qui se abstinuit, non habet pro hærede: igitur secundum jus civile sic dicamus, vel existentibus suis hæredibus nihil pro hærede usucapi potest. Secundum jus prætorium hoc modo: etiam suis existentibus hæredibus procedit usucapio pro bonor. possessore. Et hæc pertinent ad *l. 2. hujus tit. l. 1.* est facillima. Ex ea notandum est, si plures sint liberi emancipati, qui simul admittantur ad honorum possessionem unde liberi, eos inter se dividere hæreditatem, sive bona, ut lex ait, pro rata portione, quod M. Catoni est pro ratione, id est, ἀνάλογα. Analogia autem hæc est, ut viriles, et æquales partes ferant, non inæquales, qui veniunt ab intestato, quibus nullus adscripsit partes. Et observandum est etiam in hac lege, bonorum possessores appellari hæredes accise, id est, veluti hæredes, et *l. 1.* loqui secundum jus prætorium, aliter quam loquatur lex *2.* loquitur enim de liberis emancipatis, quibus scilicet maxime est necessaria bonorum possessio unde liberi, propterea quod jus civile eos non novit, nec eis opitulatur quicquam, et ita *l. 3. hoc tit.* maxime emancipatis inquit. Suis autem non est necessaria possessio bonorum unde liberi *l. 7. de inoffic. testam.* Cum nec editio, nec cretio hæreditatis suis sit necessaria, quia ipso jure hæredes existunt de repente, *l. in suis, de suis et legitim. l. in suis, de liber. et post.* Existencia illa facit hæredem, etiam invitum et ignorantem, adeo ut ad mortem parentis videantur sui hæredes continuare dominium, quod habuerunt vivo parente, ut nec si pupilli sint sui hæredes, necessaria sit eis tutoris auctoritas: si furiosi, non sit necessarius eis curator, si solvendo sit hæreditas, quæ jure sui ad eos pertinet, *l. 8. de acquir. hæred.* Restat igitur ut exponamus hanc partem edicti unde liberi, quæ ab intestato bonorum possessio defertur, quæ necessaria est maxime emancipatis, vel non suis: necessario non est suis. Et restat modo tantum, ut exponamus speciem *leg. 3.* quæ est vexata a multis, et respersa multo pulvere. Omnis difficultas consistit in ponenda specie quod etiam accidit fere in ill. omnibus: ut aptas et convenientes species ponere nesciamus, et sæpenumero vehementer laboremus. Et studiosis velim hanc esse præcipuam curam, et hanc habere diligentiam, ut se exercent in hanc et recte apponendis speciebus, quandoquidem et se parat quisque ad forum, in quo ridiculus est, qui nescit bene enarrare facta, quæ in judicium deducuntur. Ut intelligamus speciem *l. 3.* sciendum est, aut quoniam, id scire arbitror omnes, memoria repetendum, suos esse liberos: qui sunt in potestate morientis, et qui primum gradum obtinent delatæ hæreditatis tempore, id est, quos nemo præcedit gradu eo tempore, quo defer-

tur hæreditas, vel a morte parentis, vel apertis tab. secundum jus vetus et novum. Nam hanc partem exigimus omnimodo in definitione hæredis sui. Nec enim satis est, si dicas, suum hæredem esse filium, vel nepotem, qui est in potestate morientis, nisi adjicias, qui primum gradum tenet delatæ hæreditatis tempore ex *l. scripto, unde lib.* Et notandum in suis hæredibus non esse successionem, et hoc esse tenendum regulariter, *l. 1. §. sciendum, de suis et legitim. hæred. b.* Quid hoc est in suis hæredibus non esse successionem? Finge filius suus extitit hæres patri, et postea abstinuit se, an nepoti ex eo deferretur hæreditas avi, ut suo hæredi, an nepos succedet suo patri, qui se abstinuit bonis avi? Minime: quia in suo hærede non est successio, quia suo hæredi non succedit æquens gradus. Nepoti igitur ex eo non deferretur hæreditas avi, quasi suo hæredi, quia pater eum præcessit delatæ hæreditatis tempore, qui et post abstentionem sui hæredis nomen et jus retinet. Ergo nepos venire non potest jure sui ad bona avi, quoniam ei obstat pater, licet abstinuerit se: ei obstat nomen hæredis, et quod nepos tempore delatæ hæreditatis non obtinuerit proximum gradum. Verum veniet nepos auxilio prætoris petita bonorum possessione unde liberi, quæ defertur etiam iis, qui sui hæredes parentis non sunt. Veniet igitur non ut suus, sed ut nepos, non civili jure, sed prætorio. Diversa hæc sunt venire ut suus, et venire ut nepotem, *l. si quis filio, §. non fuisse, de injus. rupt. et irr. etc.* Hoc cognito nullus erit labor in ponenda specie *leg. 3.* Species hæc est: ego et pater meus simul sumus in avi potestate: avus prior moritur intestatus, ego recido in potestatem patris mei, et pater meus avo ipso jure hæres existit ut suus: mox etiam moritur pater meus, ego ei suus hæres sum, et in hæreditate ejus invenio hæreditatem avi, et utramque si volo complector. Quid tamen si velim dividere hæreditates, et separare paternæ bonæ, et avitæ? Quid si me abstinere a bonis paternis: avi autem bonæ retinere malo, an audendus sum? aut ut mihi satisfiat, quæ via id consequi possum? Distinguendum est: aut miscuit se pater bonis avi mei, aut non: mixtio et abstentio sunt ex jure prætorio. Si miscuit se bonis avi, dum me abstinere bonis patris, et avi bonis abstinere, quæ patri acquisita sunt, non tantum jure civili: quod ipso jure hæres extiterit avo, sed etiam prætorio, quod miscuerit se bonis avi, ut plane coaluerint, et confusa sint utriusque bonæ, et ut cum jam una sit hæreditas, non liceat mihi eam scindere, et pro parte amplecti, et pro parte repudiare, et illo casu cum miscuit se bonis avi, quia jure prætorio grahit se pro hærede, ego nullo remedio consequi possum,

ut mihi eam hereditatem licent separare, et ex una facere duas. Sed si pater meus non miscuit se bonis avi, ad quem casum referenda est lex tertia, et nolui esse heres patris, malui esse avi, venire etiam non possum jure civili ad hereditatem avi, quasi suus heres, licet in potestate avi morientis tempore fuerim, quia delatae hereditatis tempore pater me precessit, et in suis heredibus non est successio. Et cum jure civili acquisita sit patri meo hereditas avi jure ἀπαρξένος, seu existentiae statim a morte avi, et hoc casu, dum me abstinco hereditate paterna, et avita similiter me abstinco. Verum quia eo casu jure praetorio patri non est acquisita hereditas avi, propterea quod non miscuit se, sed ut ponendum est, ab avo confestim, et ipse vita functus est: ideo praetor concedit separationem bonorum, et me ad bona avi admittit per bonorum possessionem unde liberi, licet avo suus heres non fuerim. Denique me ad bona avi admittit, qui sprevi bona patris, ut nepotem, non ut suum heredem. Quod ita evidenter procedit in nepote emancipato ab avo, quod lex significat in illo loco, *maxime emancipatus*, ut scilicet is non possit, neglectis bonis paternis, venire ad bona avi, nisi per bonorum possessionem unde liberi. Quia emancipatus jure civili nullam speciem succedendi, vel nullum colorem habet. Hoc est, quod ait lex. Et ut titulus indicat, est omnino accipienda de bonorum possessione unde liberi: dubitari tamen potest, cur ea lex posita sit in *C. Theod. sub titulo de bonis maternis, et materni generis l. 5.* Ex quo apparet multa ampliorem fuisse constitutionem hanc, quae est Constantini Aug. ad Leontium Comitem Orientis, et minimam partem ejus constitutionis eam esse, quam exposuimus, reliquam, quae est amplior, totam esse de bonis materni generis. Quia in re notandum est separata fuisse constitutionibus materna bona a bonis materni generis. Nam ex constitutione Constantini, cum omnia bona materna patri per filiumfamilias acquirerentur plenissimo jure, ex ea constit. Constantini bona materni generis non acquiruntur, nisi usufructus jure, proprietas residet apud filiumfam. Quod non idem obtinuit in bonis materni generis ante *l. 2. inf. de bon. mat. gener.* Jus civile crescit paulatim, ut ait *l. fideicommissa, §. si rem, de leg. 3.* Primum constitutum est, ne bona materna acquirerentur patri proprietatis jure. Deinde etiam ne bona materni generis, puta profecta ab avo,

vel proavo materno *l. 2.* Tum fuit constitutum, ut etiam lucra nuptialia non acquirerentur per filiumfamilias patri jure proprietatis, deinde lucra sponsalitia, vel munera: et ad extremum, ne adventitia ulla bona, quod a Justiniano constitutum est, qui quasi soritem facit hac in re. Non acquiruntur patri bona materna, non bona materni generis, non lucra nuptialia, non munera sponsalitia. Nec acquiruntur ergo adventitia ulla bona: reliqua pars loquitur non de bonis maternis, sed de bonis profectis ab avo materno, quae tempore ejus Constitutionis pleno jure acquirebantur patri per filiumfamilias. Et ideo, ut ait lex, si quid avus maternus jure institutionis, vel legati, vel fideicommissi filiofamilias reliquerit, id patri acquiratur, si filius adierit jussu patris, vel si legatum, aut fideicommissum solutum sit, vel si antequam pater moreretur, dies legati, aut fideicommissi cesserit, ejus legati commodum pertinet ad heredes patris. Et addebatur, quod si dies legati cesserit postquam filius sui juris effectus est, vel si adierit hereditatem avi materni, postquam sui juris effectus sit, ut tum sibi omne id acquirat. Quae postrema pars ex illa constitutione est etiam relata in *l. 15. inf. de jure delib.* quae est conjungenda cum *l. ult.* Utriusque eadem esse debet inscriptio, et subscriptio. Quod est in tit. seq. non est longi subsecllii.

JACOBI GUJACII J. C.

In Lib. VI. Codicis.

RECITATIONES SOLEMNES.

Ad Tit. XV. Unde legitimi, et cognati.

Secunda pars edicti ab intestato vocat legitimos. Inde tit. *unde legitimi, et unde cognati.* Secunda, inquam, pars edicti vocat legitimos, ut agnatos, et patronos, et qui vocantur ex Senatusconsulto Tertulliano et Orfitiano, vel quo alio Sanatuscons. vel qui vocantur ex constitutionibus. Nam ii omnes sunt heredes legitimi. SC. est simile legi, et per omnia: quos igitur SC. vocat, heredes legitimi sunt. Constitutio Principis per omnia est legi similis. Edictum praetoris non est legi per omnia simile: et ideo praetor heredem non facit. Datur haec bonorum possessio legitimis legum tuendarum causa, ut ait lex *sed cum patrono, §. pen. de bonor. possess.* Igitur non est necessaria, quia patet aditus ad hereditatem jure civili. Et non esse necessariam bonorum possessionem unde legitimi, etiam proditum est in *l. 3. inf. de Senatusc.*

Orfit. et l. 1. Cod. Theodos. de leg. her. Et addamus tantum liberos, qui ab intestato vocantur ex prima parte si sui sint, omisso prima parte bonorum possessionem occupare posse ex secunda parte, unde etiam legitimi vocantur, *l. 2. in princ. unde legitimi, l. prima, §. sed vidend. de success. edict.* Quoniam qui sunt sui, sunt etiam legitimi, et agnati, retro qui non sunt sui, non sunt etiam agnati, vel legitimi, ut in *l. de bonis, §. 1. de Carb. edic. l. scripto, unde liberi, l. 6. sup. si quis omis. caus. test.* Liberi non sui omisso prima parte, non admittuntur ad secundam partem, quia non sunt legitimi. Tertia pars edicti vocat cognatos, id est, conjunctos per matrem. Et hæc bonorum possessio unde cognati est necessaria, quia cognati jure civili deficiunt. Necessariam esse ostendit *l. 2. et ult. hoc tit.* id est, non alia via pervenire possunt ab intestato ad bona cognatorum, quam si petant bonorum possess. unde cognati. Et hic rursus notandum est legitimos, qui omiserunt successionem ex secunda parte, puta agnatos, deinde posse eam occupare ex tertia parte, unde cognati vocantur, quia qui sunt agnati, et cognati sunt, *l. 3. unde legitimi, l. 1. §. si qua prægnans, unde cognati, l. 1. §. sed videndum, de success. edic.* Ut plane ita concludere liceat, has tres partes edicti unde liberi, unde legitimi, et unde cognati, ita inter se vinculas esse, ut qui potest venire ex prima, possit etiam venire ex secunda, et qui possit ex secunda, possit ex tertia, sed non retro, ut qui possit venire ex tertia, possit ex secunda, et qui ex secunda, possit ex prima. Et omnes quidem constitutiones hujus tituli sunt de bonorum possess. unde cognati, quæ succeditur consubrinis, qui cognati sunt, non agnati, id est sororum filii, *l. 1. A. l. vel avo materno, l. 3. vel propriori sobrino, id est, nato ex sobrina, l. 2.* qui omnes sunt cognati, non agnati, id est, conjuncti non per patrem, sed per matrem. Una est lex tantum, pen. nempe, quæ possit aptari legitimis, dum ait, necessariam esse agnitionem hereditatis, vel bonorum possessionem unde legitimi, ut quis obtineat rem: nam quod bona teneat, hoc non præbet idoneum argumentum acquire hereditatis: possunt plerique acquirere hereditatem, vel bonorum possessionem, etiamsi non teneant bona, sola voluntate animi, solo judicio voluntatis, et contra licet obtineant bona, non ideo statim videntur acquisivisse, vel admisisse bon. possess. *l. si sorori, inf. de jure deliber.* ut cum una sit tantum lex in hoc titulo de hac bon. possess. titulus hic ita datus sit unde legitimi, et unde cognati, ut notarentur tantum hæc duæ partes edicti.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XVI. de successorio edicto.

Sequitur ut exponamus *tit. 16. de successor. edicto*. Prima pars edicti ab intestato vocat liberos suos, et non suos. Secunda pars vocat legitimos: tertius cognatos, quod heri exposuimus. Quarta autem pars edicti, quæ in hoc titulo dicitur edictum successorium, dat successionem inter liberos, et inter cognatos, id est, in jure liberorum, et in jure cognatorum, ut scilicet liberi, vel cognati, qui primum gradum obtinent, si omittant, aut repudient successionem, eam transmittant ad sequentem gradum. Successio est transmissio ad sequentem gradum, quæ ex hoc edicto competit, et a Græcis dicitur proprie *ἐκκλησιασμός*. In jure autem suorum, aut in jure legitimorum non est successio, non est locus huic edicto, nisi in jure legitimorum ex nova Constit. Justin. in *l. 4. sup. de bonis libert.* Hæc sunt rata et fixa, quæ latius explicabo datis positionibus quatuor. Prima hæc sit. Deficiente eo, qui suus hæres repertus est, delatæ hereditatis tempore, veluti filio, in jus sui non succedit nepos ex eo, hoc est, in suis non est successio, non successorium edictum. Secunda, deficiente filio, sive suo, sive emancipato in jure bonorum possess. unde liberi, quæ ei deferrebat, succedit nepos ex eo, hoc est, in liberis est successio, seu valet edictum successorium. Tertia, deficiente fratre consanguineo, id est, agnato, qui defuncto ab intestato proximior agnatus repertus est tempore delatæ hereditatis, in jure legitimo, in jure agnatice, vel in jure bonorum possessionis unde legitimi, non succedit filius natus ex eo, id est, in legitimis non est successio, non valet successorium edictum. Quarta, deficiente fratre agnato, sive cognato, in jure bonorum possessionis unde cognati, quæ etiam agnato deferrebat, propterea quod qui agnatus est, et cognatus est, succedit filius natus ex eo, id est, in cognatis est successio, seu valet vis edicti successorii. Et hæc postrema positio confirmari potest etiam posita specie *l. 1. hoc tit.* Species hæc est: mortuus est patruus sine liberis, relicta tantum filia fratris, quæ ei est agnata, hæc non petit bon. possess. unde legitimi, patruo intestato mortuo, nec honor. possessionem unde cognati, quæ etiam ei deferrebat, et mortuus est. Filius ejus mulieris succedit in jure bon. possess. unde cognati patruo suo magno. Nam qui matri est patruus, filio est

patruus magnus, et qui matri agnatus, filio ejus cognatus, non agnatus est. Et nihil vetat idem cognationis nomen tribui agnato, et cognato. Sic enim fit, ut patruus aliis sit agnatus, aliis cognatus, filius aliis sit agnatus, aliis cognatus. Ideo autem in specie legis 1. h. t. mortuo patruo, filia fratris non petit bon. possess. unde legit mi, vel unde cognati, quia ei impedimento fuit furor, et alienatio mentis, quia corripiebatur, et ex edicto non deferretur honor. possess. nisi vivo et sano homini. Dico vivo, ut excludam posthumum nondum natum: dico sanum, id est, sane mentis, ut excludam furiosum, ut petere non possit ex edicto. Furioso enim nulla ex parte deferretur honorum possessio. Ex decreto tamen curatori furiosi datur honorum possessio, sed præstita cautione bona reddendi sequentis gradus cognato, si ille in furore moriatur, ut obtinuit olim ante Justinianum in l. hæres furiosi, de petit. hæred. l. ult. §. si autem ex alia, sup. de curator. fur. Ut in hac specie, filia fratris in furore mortua, etiamsi curator ejus agnovit decretalem possessionem honorum unde legitimi, vel unde cognati, necesse sit bona reddi sequentis gradus cognato, id est, nepoti fratris ejus, de cujus bonis agitur, et admitti eum ex successorio edicto ad bon. possea. unde cognati. Et ita fit, ut in cognatis, vel in jure possea. bon. unde cognati sit successio. Idemque evenit in specie l. 2. hoc tit. quæ talis est: duo sumus fratres, qui nullum agnatum habemus, qui nobis intestatis defunctis, jure legitimo succedat, et cognatum non habemus proximiorum avunculo magno, id est, fratre avie nostræ, qui est in quarto gradu. Is post mortem nostram adiit hæreditatem, velut ex testamento nostro, quod erat falsum, quia intestati mortui sumus. Quare adeundo nihil agit. Mox etiam obiit idem avunculus magnus, qui cognatus est, non agnatus, non petita bon. possess. unde cognati, quam utique petere potuisset, etiam post aditionem, veluti ex testamento factam. Nam qui adiit hæreditatem ex testamento falso, quod putat esse verum, non videtur repudiare successionem ab intestato, quam nescit sibi deferri, l. 8. legitimam, de petit. hæred. l. mater, de insuff. test. Quinimo is, qui scit jus suum, quod sibi competit, vere id non amittit, sed si eligat aliud jus, quod falso arbitrat sibi competere, ut patronus præteritus, qui scit sibi competere bon. poss. contra tabul. liberti, si falso putet libertum sibi legasse aliquid, vel sibi portionem hæreditatis reliquisse, cum nihil reliquisset, id legatum, eamve portionem acceperit, et admisit, non ideo amittit bon. poss. contra tabul. Electio ei erranti, aut ignorant, vel (ut dicam explicatius) falso existimanti alio jure pervenire ad bona liberti, ni-

Tom. IX.

hil nocet, l. Paulus 46. de bon. libert. Cui legidum Accursius opponit l. 3. in princip. si quid in fraudem patroni, et dum respondet, in ea lege patronum jus civile ignorasse, et ideo ei non subveniri, si adierit hæreditatem liberti, ut redeat ad bon. poss. contra tabulas, quæ competit non tantum patrono præterito, sed etiam hæredi instituto ex modica parte, errore labitur. Nam in specie d. l. 3. patronus jus non ignoravit, sed ignoravit tantum libertum alienasse in fraudem suam, sed non existimavit falso se heredem institutum: fuerat enim hæres ex modica parte institutus a liberto, atque ita adiit hæreditatem, non ductus falsa opinione institutionis, et aditio ei nocet, ut nec possit postea transgredi ad honorum possess. contra tabulas, vel ad actionem Fabianam, vel Calvisianam, qui contentus fuit institutione. Sed redeamus ad rem. Posui speciem l. 2. nondum posui questionem, quæ ex ea specie ducitur. Deferretur successio avunculo magno, is adiit hæreditatem ex testamento falso, ac proinde nihil egit, ac non petit bon. possess. unde cognati. Deficit igitur avunculus magnus. Unde queritur eo deficiente in jure bon. possess. unde cognati, an succedat quinti gradus cognatus, ipse enim erat quarto gradu. Et ait l. 2. succedere ex edicto successorio. Dum tantum sunt II. sub hoc titulo, et utraque igitur docet in cognatis, vel in jure possessionis honorum unde cognati esse successionem ex edicto successorio. Quod est, ut Greci dicunt eleganter, non *πρὸς θυγατροῦ*, sed *πρὸς θύγατρος*, id est, de successione, sive transmissione in sequentem cognatum. Quod dixi in suis hæredibus non esse successionem, id heri satis exposui. Rursus, quod dixi in legitimis, etiam non esse successionem, id etiam Paulus scribit 4. sent. tit. 8. in legitimo, inquit, hæreditate non est successio. Et ideo fratre decedente, antequam adeat, vel repudiet hæreditatem, filius fratris admitti non potest, quia omnis successio proximiori deferretur. Et ita Ulpianus lib. regul. tit. de legit. hæredibus. Si proximior agnatus, inquit, non adierit, ad insequentem gradum ex lege hæreditas non transmittitur, quia in legitimis hæredibus non est successio. Ac similiter Cajus in Institut. lex 12. tabul. inquit, dat hæreditatem agnatis iis, qui tunc cum certum est aliquem intestatum decassisse, proximo gradu sunt, nec in eo jure successio est. Ideoque si proximus hæres omiserit, vel antequam adierit, decesserit sequentibus nihil juris competit. Et ita scribit Theophilus in §. sunt autem, Institut. de bon. possess. Et Accursius recte in l. 1. in fin. de leg. 3. in successione liberti mortui sine liberis patrono omittente honorum possess. unde legitimi, filius non vocatur ex ea parte, sed ex altera parte, unde liberi patroni, vel patronæ.

61

Denique secundum jus vetus, quod obtinuit usque ad Justinianum, in legitimis hæredibus non erat successorium edictum, sed in liberis tantum, qui jure liberorum veniunt, vel in cognatis. Hodie tamen ex Græca constitutione Justiniani in *leg. 4. sup. de bon. libert.* cujus sententia etiam refertur in *§. placebat, Institut. de legit. agnat. succes.* etiam in legitimis hæredibus est successio, id est, in jure bonorum possess. unde legitimi, vel in jure adeundæ legitimæ hereditatis. Et utitur hac ratione, quia et olim in legitimis tutelis erat successio, id est, proximo agnato, cui deferabatur pupilli legitima tutela, capite deminuto, qui erat post eum, id est, sequentis gradus agnatus succedebat in tutelæ administratione, et succedit etiam hodie, *l. 3. §. pen. de legit. tut.* Quæ ratio, quia valuit in onere tutelæ, par est ut etiam valeat in lucro hereditatis, ex constitutione Justiniani. Igitur non tantum in legitimis tutelis, sed etiam in legitimis hereditatibus est successio, porrigitur edictum successorium etiam ad legitimos hæredes. Non dicam etiam porrigi ad suos hæredes, quia nusquam invenio in suis esse successionem, et religiosissimos juris nos esse oportet. Et est etiam, cur in hac re separentur sui hæredes a legitimis: nam sui hæredes existunt statim, nec desinunt esse abstentione. Non possunt igitur non ob stare sequentibus gradibus, et adferre impedimentum: legitimi non existunt, sed fiunt additione hereditatis. Si igitur non adierint, quibus deferabatur prioribus hereditas, non male dicitur hodie eos non ob stare sequentibus gradibus, licet subtili jure obstant, eo quod proximiores fuerint delatæ hereditatis tempore. Et hoc quidem genere, ut animadvertistis, gradus cognationis succedit gradui eodem jure, ut puta, secundus gradus liberorum succedit primo gradui eodem jure per bon. poss. unde liberi: secundus gradus cognationis succedit primo. Et ex constitutione Justiniani secundus gradus agnationis succedit primo gradui, si defecerit primus omissione, aut repudiatione. Et de hoc genere success. est *h. tit.* vel hæc pars edicti, quæ successoria dicitur: est aliud genus successionis, de quo *h. tit.* non est, quo gradus intestati successionis succedit gradui diverso jure, ut primo gradui unde liberi succedit secundus unde legitimi, et secundo tertius unde cognati, quod fit non tantum in pluribus et diversis personis, puta non petentibus liberis, ut succedant legitimi, non petentibus legitimis, ut succedant cognati, sed etiam in una eademque persona, ut qui omisit bon. possessionem unde liberi, idem postea eam occupet, quæ dicitur unde legitimi: qui omisit unde legitimi, ut sequentem occupet, quæ dicitur unde cognati, *l. 2. in princ. unde legit. l. 1. §. sed videndum, de success. edic.* Igitur hoc secundo genere successionis, de quo est

edictum successorium, idem sibi ipsi non succedit, *l. ult. ff. eod.* quoniam absurdum est, quæ ex parte omisi poss. bon. ex eadem ipsa parte rursus in bonorum possess. amplecti. Gradus ergo bifariam accipiuntur. Primum, pro gradibus cognationis, et de horum successione est hic titulus: et pro gradibus intestati successionis, sic enim vocatur in *l. 1. quis ordo in bon. poss. serv. et l. 1. si tab. test. nullæ ext.* Quæ etiam dicuntur partes, capita, et ordines. Et de horum graduum successione, quæ perpetua est, et valet in omnibus, est titulus in *ff. quis ord. in bon. poss. servetur.* Duæ igitur sunt successiones, et unaquæque suum titulum habet, et hic de ea tantum est, quæ gradus cognationis succedit gradui eodem jure.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XVII. De carboniano edicto.

Post successorium edictum, quo inter bonorum possessores datur successio, proponitur aliud edictum, quod Carbonianum dicitur, quod tamen in ordinatione edicti perpetui non sequebatur successorium edictum, sed edictum bon. possess. contra tabul. promissum liberis præteritis, ut indicat *l. 4. ff. h. tit.* Nam Carbonianum edictum maxime pertinet ad bonorum possessionem contra tabulas, et ad liberos ætate parvos præteritos testamento patris, quibus fit controversis status, et bonorum paternorum. Igitur si puero infanti, vel nondum puero præterito testamento patris, is, qui ad eam hereditatem venire præcepit, ei faciat controversiam hereditatis paternæ, eam suam vocans, simul atque status, id est, si eum neget esse ex liberis defuncti, prætor ex edicto Carboniano causa cogita, interim ei dat bon. possess. contra tabul. perinde ac si ei nulla fieret controversia status et bonorum paternorum, et utramque controversiam plerumque differt in tempus pubertatis, ne puer, antequam se tueri possit, periclitetur de statu suo, et de bonis paternis: periculum est ne minus idonee defendatur, ideoque interim quasi præsumitur esse filius, et veluti ex justa presumptione datur ei Carbon. poss. contra tabul. *l. 3. §. pen. ff. h. tit. l. pen. in fin. ne vis ei fiat, qui in bon. poss. missus est.* Atque ita quamdiu est ætate parvus pro filio habetur, aut pro filio eum tuetur prætor, neque ei controversiam ullam fieri patitur, jubet litem omnem interquiescere, tam scilicet eam, quæ est de statu pueri, quam eam, quæ est de bonis paternis, et interim facit

puerum possessorem, ita ut se possit alere ex bonis paternis, id est, qui contendit esse paterna, et ad se iure legitimo redire, et pertinere, aut iure honorario. Quid hoc est, alit se ex bonis defuncti, qui fortasse post pubertatem iudicabitur non esse filius, aut liber, alit se interim ex bonis alienis? Sic est ex edicto Carboniano, quia maior cura adhiberi debet, ne filius fame pereat, quam ne minoris hereditas ad adversarium perveniat, si forte appareat non esse filius, atque ita interitum videbitur altus ex alienis bonis. Interim si habuerit justam causam, et probabilem existimandi se esse filium defuncti, si nihil ipse, vel mater ejus, vel tutor egerit per calumniam, etiam post pubertatem iudicetur non esse filius, adversario tamen non competit sumptuum repetitio, quod notandum in *l. 1. §. interesse, si mul. vent. nom. in poss. int.* Et observandum est Carbonianam bonorum possess. non tantum dari petitori, vel non possessori, sed etiam possessori, vel ut persequatur possessionem, vel ut retineat, *l. 3. §. parvi, et §. seq. ff. h. tit.* quod ei potest de omni bonorum possessione, ut scilicet datur possessori, et non possessori. Nam in definitione bon. possess. ius persequendi, et retinendi nihil aliud est, quam possessori, et non possessori dari bon. poss. ejus, quod cuiusque cum moreretur fuerit. Nec omittendum hanc bon. poss. Carbon. esse extraordinariam, non ordinariam, id est, decretalem esse, hoc est dari causa cognita, non edictalem, in *l. 3. §. pen. eod. tit.* Unde existunt, et manant multae differentiae. Nam edictalis bon. possessio datur etiam de plano, in via publica, in transitu, in processu. Decretalis non datur, nisi pro tribunali. Omnis enim causae cognitio tribunal desiderat, omne decretum, *l. 3. §. pen. de bon. possess.* Edictalis datur etiam die feriato, datur quocunque die: decretalis tantum die sessionis, quo sedet praetor pro tribunali, *l. 2. §. dies, quis ord. etc.* Ac postremo edictalis possess. quae ipso iure defertur ex edicto, potest repudiari, quia defertur quidem statim ex edicto, sed non acquiritur antequam agnita sit: ergo in arbitrio est ejus, cui defertur, eam repudiare, vel agnoscere. Decretalis autem repudiari non potest, quia non ante defertur, quam decreta sit, et cum decreta est, serm est repudiatio, quia cui decreta est, ei et acquisita est, et quod acquisitum est, non potest repudiari: quia delata tantum repudiantur, non acquisita, *l. 1. §. decretalis, de success. edic.* Ergo ne dicamus bon. poss. Carbonianam, tametsi proficiscatur ex edicto Carboniano esse edictalem, sed decretalem. Nam certe non defertur etiam ex edicto Carboniano, sed hoc tantum edicto Carboniano comprehensum est, ut impuberi causa cognata, id est, ex decreto datur bon. poss. cui sit controversia status, et bono-

rum paternorum, dilata utraque controversia et status, et bonorum paternorum ad pubertatem. Videtur Cn. Carbo ejus bon. poss. instituendae, et ejus edicti auctor fuisse, quem legimus apud Valerium lib. 3. c. 3. Pompeii pueritiae, et bonorum patris ejus, de quibus controversiam patiebatur, admodum impubes, fuisse accuratissimum defensorem et protectorem, interposito decreto in causa bon. patris Pompeii, et status Pompeii, dilataque ea causa a Cn. Carbone, cum praetura gereret, in tempus, quoad Pompejus in suam tutelam pervenisset. Nam cum dicatur decretum Carbonianum in *l. 2. de vent. inspic.* verisimile est decretum illud Carbonis deinde transisse in edictum, id est, in ius commune, ut quod valere is decrevisset in causa Pompeii admodum pueri, valeret in omnibus pueris. Etiam illud non est omittendum, ut res omnis omnibus modis intelligatur, bonorum possessionem Carbonianam non impedire ordinariam bonor. possessionem: hoc probat *l. 3. §. ult. l. 4. l. de bonis, §. 1. l. si impubes, ff. h. tit. l. 1. §. sed et si ex Carboniano, si tab. testam. nulla ex tab.* Quid hoc est? Carbonianam bon. poss. non impedire ordinariam, id est, edictalem bon. poss. Res ita se habet: mortuo parente relicto posthumo, vel infante, vel impubere filio, primo loco ei defertur ordinaria bon. possess. contra tabulas, si sit praeteritus, vel si sit institutus inutiliter, vel exheredatus inutiliter. Nam definitio praeteriti haec est, qui neque haeres institutus, vel exhaeres scriptus est, aut inutiliter haeres, aut exhaeres scriptus est, *l. 1. §. idem ait, et §. seq. ff. h. tit.* Vel etiam ab intestato impuberi primo loco defertur ordinaria, et edictalis bonorum possessio unde liberi: nam edictum Carbonianum licet proprie sit coniectatum ab bon. possessionem contra tabulas, et liberos praeteritos, tamen etiam postea porrectum est edictum Carbonian. ad bonor. possess. ab intestato. Imo et ad bon. possess. secundum tabulas, si quis institutus sit ut filius, ut si institutus sit posthumus, qui ex uxore nascetur, et negetur esse filius, simul ac ei fiat controversia bonor. paternorum, interim ei dabitur Carbon. possessio secundum tabulas, vel ad exemplum edicti Carb. bon. poss. secundum tab. *l. 1. §. Pomponius, l. 3. in prin. ff. h. tit.* Qua ex re Interpretes Graeci dicunt, hanc bonorum possessionem esse τῶν ἐκδοτῶν, non esse propriam quandam bon. possess. sicut de peculio est, τῶν ἐκδοτῶν, propria actio ex empto, ex locato, conducto, etc. Sic bon. poss. Carbon. contra tabul. vel secundum tab. vel unde liberi, vel unde legitimi. Nam cui patet ea, quae est unde liberi, patet et ea, quae est unde legitimi et unde cognati. Haec tria capita concatenata sunt, unde liberi, unde legitimi, unde cognati. Prmo igitur loco defertur

ordinaria, et edictalis bon. possessio contra tabulas, vel secundum tabul. vel unde liberi, deinde eundem impuberi sequenti parte datur bonorum possessio Carboniana, et ex eodem jure, videlicet si post acceptam bonorum possess. ordinariam ei fiat controversia status, et bonorum paternorum. Accepit igitur primum impubes ordinariam, et edictalem, post sit ei controversia status, et bon. paternorum, tum accipiet Carbonianam, quæ datur causa cognita, dilata utraque controversia ad pubertatem. Et necesse est dari hoc casu bonorum possess. Carbonianam: quia ubi negatur esse filius, cui ut filio data est bonor. possessio jure ordinario, sane statim ea bonor. possessio corrumpitur, et sine re constituitur. Denique controversia status moritur, aut inhibet effectum ordinariæ bonorum possess. Igitur ut sustineatur interim impubes, et ne quid in re ejus innovetur, statim facta, et peracta controversia status, et bonorum paternorum, non expectata pubertate, necesse est, ut denuo postulet sibi dari bonorum possessionem Carbonianam, ut scilicet nihilominus possideat bona, et ut alatur ex bonis interim, et ut exerceat actiones hereditarias, et ut res hereditatis persequatur, ut debita exigat, ut etiam ei conferatur, si forte frater emancipatus concurrat. Hi sunt effectus Carbonian. poss. bon. vel etiam, si statim post mortem patris filio fiat controversia duplex: nam una ex eis si fieret, non esset locus huic edicto, si inquam ei fiat controversia, et prius petierit bonorum possess. Carbonianam, non inutiliter etiam postea petet bonorum possessionem ordinariam, et edictalem, ut scilicet repellat heredem scriptum a possessione bonorum secundum tabulas, vel heredem legitimum bonorum a possessione unde legitimi, quem non repelleret, si agnosceret solam bonorum possess. Carbonianam. *l. si impubes, §. ult. et l. scriptus, ff. eod.* Non repelleret, inquam, heredem scriptum, vel legitimum, si admitteret tantum bonorum possessionem Carbonianam, quia est temporaria bon. possess. id est, pupillaris, ut ita dixerim bonorum possessio, quæ datur pupillis tantum, et finitur pubertate, *l. 2. §. sed si quis cum status, ad S. C. Tertull. l. 3. §. puberi, de Carbon. edict.* Nec igitur Carboniana perpetuum jus tribuit, jus quidem plenum tribuit, sed ad pubertatem tantum favore parvæ ætatis, non igitur perpetuum. Ex quo intelligitur, quod initio dixi, quam sit verum bonorum possessionem Carbonianam non impedire ordinariam. Nam et ei, qui amplexus est ordinariam, necessaria est Carboniana, et ei, qui amplexus est Carbonianam, non inutilis est ordinaria. Et quod dixi Carbonianam bonorum possessionem esse pupillarem, id est pupillo tantum dari, non puberi, id est verissimum, et compertissimum. Id

tamen quis posset fortiter impugnare *l. 1. sup. de alimentis pupillo præstand.* quæ dicit, partes tutoris esse, vel interveniente, vel cogente præside, ne mora pupillis fiat in alimentorum præstatione: etiam, inquit, si de statu pupilli, vel adulti, et bonis ejus controversia pendeat (quæ verba videntur respicere ad edictum Carbonianum, et completuntur non tantum pupillum, sed etiam adultum) non debemus propterea tamen arbitrari eodem jure esse hac in re pupillum, et adultum: nam pupillo, cui utraque sit controversia, status, et bonorum, datur quidem Carboniana, et jure ejus alitur ex bonis, in quorum possessionem mittitur potestate edicti Carboniani, sive decreti potius. At adulto non datur Carbon. bon. possessio, licet ei fiat hæc et illa controversia. Sed pendente illa controversia curare debet tutor, ut ex bonis, quæ alio jure possidet, quam Carboniano decreto, ea tucatur, atque exhibeat. Et ita est accipienda *l. 1. sup. de aliment. pup. præst.* Et postremo, ut proprius accedam ad interpretationem utriusque legis, quæ tantum sunt due in *h. l.* Sciendum est impuberem, cui data est Carboniana, solum possessorem bono constitui: interim ablata etiam possessione adversario, si is forte possessor fuerit hereditatis, quod interim præsumatur esse filius, et calumniose negatur esse filius is, quem solum possessorem constituit, si satisfecerit se bona restitutum adversario, si judicatum fuerit eum filium non esse, si lis secundum adversarium fuerit data, vel si non satisfacere potuerit adversarius, cum erit in possessione eorundem bonorum. Possessio adversario cedit pro satisfacta communis poss. cum pupillo, *l. de bonis §. qui pupillo, ff. h. l.* Ac præterea, ut ostenditur in specie *leg. 1. h. tit.* Carboniano edicto locus est non tantum si quis negatur esse ex liberis defuncti, (quæ est questio de statu familiæ) sed etiam multo magis, si dicatur esse servus ex ancilla editus, (quæ questio est de statu capitis, longe gravior) Edictum quidem Carbonianum loquitur de eo, cui sit controversia, an sit inter liberos. Sed ex sententia Juliani comprobata rescripto Divi Pii, edictum etiam trahitur ad controversiam, quæ impuberi sit, an sit liber. Et species *l. 1.* hæc est: Frater possidet bona defuncti fratris, et impuberem filium ejus justum non esse filium, id est, ex ancilla notum et editum esse dicit, ac proinde hereditatem defuncti ad eum non pertinere, sed ejus heredem se esse legitimum: contra filius impubes, aut tutor ejus nomine contendit jure hereditatem ad se pertinere, jure prætorio, jureque legitimo, et petit hereditatem a patruo, qui eam possidet pro herede. Queritur an admittatur ad petitionem, sive possessionem hereditatis? Et statim initio lex ait, cum non

esse, ut certum sit, indubitatum esse matrimonium, et ut certum sit legitimam hereditatem pertinere ad filium impuberem de quo agitur. Quæ omnia prætor, antequam decernat Carbonianam debet summam examinare. Nam si certum sit non esse matrimonium, vel eum filium legitimum heredem non fore, puta quod sit rite exheredatus, proculdubio cessat Carbonianum edictum, *l. cum sine, ff. eod. tit.*

JACOBI CUJACII J. C.

Ad Lib. VI. Codicis

RECITATIONES SOLEMNES.

Ad Tit. XVIII. Unde vir, et uxor.

Post edictum successorium, quo datur successio inter eos, qui ex parte unde cognati, vel unde liberi vel etiam secundum Justinianum ex parte unde legitimi vocantur: et post edictum Carbonianum, quod etiam omnibus iis edicti partibus aptari constat, merito subjicitur ea pars edicti, quæ post cognatos prætor virum et uxorem vocat ad conjugis intestatæ hereditatem. Cur merito? nempe quia ad hanc partem unde vir et uxor bonorum possessio defertur neque successorium, neque Carbonianum edictum aptari potest. Nam et plures in eo ordine non sunt personæ, quam vir et uxor ut possit alii alia succedere ex edicto successorio et ex eis nemo est pupillus, ut possit esse locus edicto Carboniano, quod pertinet tantum ad pupillos. Ergo data parte unde liberi, et unde legitimi, et unde cognati, recte iis aptavit continuo edictum successorium, et edictum Carbonianum, et nunc proponit partem unde vir et uxor, ad quam illa duo nihil pertinere possunt, et huic quidem parti unde vir et uxor vocantur, locus est, si sit justum matrimonium, quod est notandum in *l. 1. ff. h. t.* Itemque secundum jus vetus, si uxor non fuerit in manu viri. Hæc enim non succedit viro, nisi post cognatos ex hac parte edicti petita bonorum possessione: quæ autem fuit in manu viri, ea viro succedit ex *l. 12. tab.* ut suus hæres, quia viro est filii loco, et vicissim vir ei est patris loco, ut sit inter eos legitima successio ex *l. 12. tabularum*, et possit etiam ea uxor suo marito succedere ab intestato, ut sua hæres cum filiis communibus, qui in potestate mariti morientis fuerunt. Eodem modo hæc, quæ convenit in manum viri, id est, per coemptionem, et conventionem in manum, nuptias cum eo contraxit, utque adeo in manu est ejus, et potestate ut filiam. ea, inquam, filiis suis ex iusto matrimonio susceptis succedit ut consanguinea,

id est, si quasi soror, et filii sunt loco fratrum, loco consanguineorum. Nam in jure semper, atque in aliis auctoribus consanguinei dicuntur tantum fratres et sorores, non ceteri cognati; consanguinitas est tantum fraternitas, non agnatio quælibet. Consanguinitas est species agnationis, non generale nomen, et qui dicit arborem consanguinitatis, duo peccat. Nam graduum disposito similitudinem nullam habet cum arbore sed cum scala potius, vel gradibus. Neque consanguinitas unquam significat cognationem sed fraternitatem tantum. Quæ est igitur in manu viri veluti consanguinea, ea filiis suis est veluti consanguinea. Et vicissim sunt filii consanguinei, et ab intestato invicem sibi succedunt ex *l. 12. tab.* Ex SC. autem Tertulliano ea tantum mater succedit filio cessante *l. 12. tab.* quæ non fuit in manu patris, ut eleganter notat Ulpianus. *lib. Regul. tit. de leg. hæc.* Et retro vice mutata ex SC. Orfitiano, cessante lege nimirum *12. tab.* filius ab intestato ei matri succedit, quæ non fuit in manu patris. Neque enim ei, quæ fuit in manu patris, opus fuit SC. Ergo secundum jus vetus adjecit viro et uxori post cognatos necessarium esse, ut invicem sibi succedant ex hac parte bon. possess. si modo mulier convenerit in manum viri, id est, si per conventionem in manum coierint nuptias, quo genere uxor marito est suus hæres. Sunt enim heredes sui alii naturales, ut liberi, quos in potestate habemus, alii non naturales, ut adoptivi, vel uxor, quæ in manu est viri, vel nurus, quæ in manu est filii, quem in potestate habemus. Quæ omnia deprompta sunt ex jure veteri. Sed pergamus ad alia. Etiam notandum est, ita demum huic parti locum esse, si defuncto, vel defunctæ conjugii deficiant parentes, et liberi, et cognati omnes, ut *l. ult. inf. quor. bon. ff. 9. de legat. 3.* Hæc bon. poss. ultimum edicti locum occupat, id est, non nisi deficientibus superioribus gradibus defertur atque competit. Et ut ait *l. 1.* deficiente successione legitima et naturali, vocat successionem legitimam agnatorum, et successionem naturalem cognatorum. Tunc igitur deficiente omni cognatione virum et uxorem sibi invicem succedere in solidum, fisco excluso jure antiquo, inquit lex *1.* Non vocatur fiscus, nisi post conjuges ex *l. Julia caducaria, l. quidam, §. quoties, de leg. 1.* Quod autem sit *l. unica*, virum et uxorem deficiente omni cognatione sibi invicem succedere in solidum pro jure antiquo, non est ita scriptum, ut Thalelæus voluit, tantum ad differentiam legis Papie decimaræ, quoniam ea *l.* pertinebat ad causam testati, non intestati, de qua tractatur *l. 2. de infir. pæn. cælib.* Ubi loquitur de illis decimis, quæ solæ ex testamento poterant conjugum relinqui. Nec enim inter se conjuges ex *l. Pap.* habebant testamento soli di capocitatem. Sed

constitutio hujus tituli jus antiquum dicit ad differentiam, sive ἀντιδιαστολήν cujusdam novæ constitutionis Theodosii et Valentiniæ, quæ non cum liberis defuncti mariti intestati, sed cum parentibus etiam et propinquis defuncti mariti intestati vocabat etiam uxorem in certam partem. Et iis demum deficientibus in solidum secundum jus antiquum. Cujus constitutionis novæ Theodosii et Valentiniæ fit mentio in *l. ult. C. Theod. tit. de leg. hæred.* et cujus etiam portio quedam est in hoc titulo. nimirum illa, ut deficiente omni cognatione, vir uxori, et uxor viro succedat in solidum ab intestato pro jure antiquo et jure novo, ut cum parentibus et cognatis defuncti mariti uxor succedat non in solidum, sed in portionem certam. Sed iidem Imperatores non diu in ea sententia perseveraverunt: imo in *d. l. ult.* derogant ei constitutioni suæ novæ, restituto jure antiquo, ut scilicet mulier viro nulla ex parte succedat, nisi deficiente omni cognatione, et in nullam partem veniant bon. marit. existentibus parentibus, aut propinquis, et omnino ut sequamur jus antiquum hac in parte, quo liquido apparet in constitutione b. tit. jus ant. quum dici, quod fuit ante illam constitutionem novam Theodosii et Valentiniæ, ut uxor cum propinquis mariti succedat in certam partem, quod etiam jus antiquum restitutum est ab iisdem Imperatoribus, recantata sua nova constitutione. Hodie ex Novell. Just. etiam uxor vocatur in certam partem bon. mariti cum filiis suis, si maritus locuples fuerit, mulier autem inops et indotata, quod facile est discere ex Nov. 53. cap. ult. et 74. cap. ult. et 117. cap. 5. quarum summa quedam brevis hujus tituli constitutio ab Irnerio subjecta est. Nunc transeamus ad tit. 19. de repud. bonorum possessione.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. XIX. De repudianda bonorum possessione.

Hic titulus respicit ad edictum successorium, quo repudiandæ, vel petendæ bonor. poss. certa tempora præscripta sunt. Nempe liberis et parentibus annus, ceteris centum dies ad deliberandum, utrum expediat eis petere bon. poss. an repudiare, videlicet ut primis repudiantibus: vel omissentibus, sequentes ex edicto succedant. Et de repudiatione notandum hoc est, sive repudietur hæreditas, sive bonor. possessio intra constituta tem-

pore successorio edicto, non valere repudiationem bonorum, nisi fiat solemniter in jure, ut confessio neminem obligat, neminem judicato, sive damnato similem facit, nisi quæ sit in jure, id est, ad sellam prætoris. Repudiatio igitur bonor. poss. fieri debet solemniter in jure, id est, ad tribunal prætoris, *l. suus, et l. sicut, inf. de rep. hæred.* Et hoc distat a recusatione hæreditatis bonorum possessio. Nam hæreditas recusatur quocunque loco quocunque modo, quovis indicio voluntatis, *l. recus. ad Senatusc. Trebell. l. recusari, de acquir. hæred.* Et Paulus 4. sent. tit. de repud. hæred. Repudiatio, ut dixi non fit qualitercunque, non valet, nisi quæ solemniter facta est, id est, in jure. Qui autem ita semel repudiavit, perdidit omne jus suum, et coepit confestim sequenti ex edicto successorio deferri bon. poss. etiamsi nondum exierint tempora, intra quæ poterat is, qui repudiavit, petere bon. poss. *l. 1. §. qui semel, de success. edic. l. 1. §. plane si tempora, si tab. testam. null. exstab.* Ergo non licet reverti ad hæreditatem, vel bona, quæ solemniter in jure repudiavimus nisi minori beneficio restitutionis in integrum, vel etiam majori ex magna causa justis erroris, quæ omnia notissima sunt. Nunc sciendum est unam fuisse constitutionem Impp. Maximiani et Diocletiani scriptam ad Theodosianum quendam, quæ in hoc Codice discissa est, et dispartita in quinque partes, quas tu si condunaveris, invenies aliam aliis magnam lucem adferre, hæ sunt, *l. 1. h. t. l. suus, inf. de repud. hæred. l. 4. sup. de post. l. si filius, sup. de petit. hæred. et l. transactio nulla, sup. de transact.* Quæ quinque partes efficiiebant unam constitutionem, omnium earum legum: una eademque est inscriptio et subscriptio. Hoc autem in ea constitutione Imperatorum docebant, differentiam esse inter filium suum et emancipatum in hoc quod emancipato prætorio jura datur bonorum possessio contra tabul. suo autem præterito ipso jure nullum et injustum testamentum est. Item, quod filius emancipatus si petierit bonorum possessionem, et nondum acceperit, non intelligitur eam acquisivisse, vel agnovisse ob id solum, quod petierit eam, nisi et data, et accepta fuerit, ut sit ei integrum post petitionem bon. poss. eam repudiare, quia nondum ei acquisita est: sed si filius suus dicat testamentum ipso jure nullum, si dicat injustum, hoc ipso statim videtur agnovisse hæreditatem, et acquisivisse sibi, ut jam non possit eam repudiare. Finge igitur, et hæc est species *l. 1. hoc tit.* Filius emancipatus petit bon. possess. prætor ei nondum dedit: non ut petitur quælibet possess. et datur confestim, quia plerumque obstat adversarius ne detur, et longa sæpe est lis ea de re apud præto-

rem, danda ne sit bon. poss. necne, *l. qui ex liberis, §. ex testamento, de bon. poss. secund. tabul.* Post petitam honorum possessionem a filio emancipato inter moras judicii, dum certaretur inter filium emancipatum et adversarium de danda bon. posse ipse, qui eam petierat, nescio qua ratione ductus, eam repudiavit in jure, quo in loco litigabat, repudiatio valet, nec potest is ad eam questionem reverti, nec potest resilire a repudiatione, et reverti ad bonorum possessionem, quam semel rite repudiavit. Neque vero ut repudiatio facta in jure valeat, necesse est repudianti quemquam adesse advocatum: sive patronum, quia et sine patrono facta in jure repudiatio valet. Et ideo, ut definit lex *l. filius emancipatus*, qui rite repudiavit bonor. possess. quam petierat, antequam daretur, non potest ad eam reverti, eamque petere, hoc praetextu, quod ei repudianti causae patronus nullus fuerit, *l. 1. et l. 4. sup. de postul.* quae est constitutio eadem: hoc in emancipato: si suus in jure dixerit testamentum nullum quod in eo sit silentio praeteritus, et mox non donandi animo, sed transigendi cum adversario in jure profiteatur, se eam hereditatem non petiturum, ea res neque ut transactio valet, neque ut repudiatio, quia filius suus dicendo testamentum nullum, atque instituendo litem de bonis paternis, hoc ipso videtur acquisivisse et agnovisse hereditatem paternam. Sera igitur repudiatio est, quia quod acquisitum est, non potest repudiari, *l. 1. §. decretalis, de succes. edic. l. Titia, §. Lucia, de leg. 2.* Non valet etiam ea professio filii sui, qui cum dixisset patris testamentum nullum ipso jure, postea dixit se hereditatem non petiturum, non valet, inquam, ut transactio, quia nihil ei datum est, nihil ei promissum est, nihil etiam ipse retinuit ex bonis paternis. Et transactio nulla fit gratuito. Transactio nulla est si nihil retinetur, vel detur, vel promittatur, *l. 1. de transact.* Et hoc est proditum ex eadem constitutione in *d. l. suus*, et in *d. l. transactio nulla, sup. de transact.* Atque ita conjunguntur ille II. quatuor, quae etiam ductae sunt ex una eademque lege. Et conjungenda tantum restat *l. si filiusfam. de petit. her.* quae superioribus coaptabitur convenientissime, si dicamus in *l. si filiusfam.* alium modum proponi agnoscendae hereditatis patris. Agnoscit hereditatem patris, ut diximus, qui testamentum patris dicit ipso jure nullum, ut jam non possit repudiare hereditatem paternam. Item ex *d. l. si filiusfamil.* agnovisse videtur hereditatem patris, qui longo tempore eam possedit, et non tantum hereditatem patris, sed et quamlibet hereditatem filiusfam. videtur acquisivisse, et agnovisse, si eam diu possederit, et per eam videtur etiam hereditas acquisita patri.

Qui modus acquirendae hereditatis est valide novus, ut credatur admisisse hereditatem, et acquisivisse patri filiusfam. sibi delatam, qui eam longo tempore possedit. Et confirmat etiam haec *d. l. qui in aliena, §. 1. de acquir. hered.* Adiditur in *l. 2. et ult. hoc tit.* filio delatam honorum possessionem, patri in fraudem filii repudiare non licere. Non potest, inquit, pater filio delatam hereditatem repudiare in fraudem filii. Quod si accipias de filio emancipato, est certissimum. Si item id accipias de filiofamil. et de bonis castrensibus, quae patri nullo jure acquiruntur, etiam est certissimum, patrem nihil posse in fraudem filii, ad quem pertinet emolumentum hereditatis, vel honor. posses. Nec possis quod in bonis castrensibus idem statuere in bonis maternis: nam falsum est, quod saepe tentavit Accura. etiam ante Constantinum hoc jus fuisse, ne bona materna per filiumfam. acquirerentur patri proprietatis jure, sed usufructus tantum: nam certo certius est, ante Constantinum, id est, ante *l. 1. de bon. matern.* bona materna pleno jure, ut quaecunque alia bona adventitia acquiri patri ex *d. l. qui in aliena* circa prin. in eo loco, sed etsi legitima, et *l. 1. §. qui operas ad Tertull. et l. 3. §. verbum, de don. int. vir. et ux.* Hi loci ostendunt bona materna, quae obvenierunt filiofam. plenissimo jure acquiri patri, sed hodie ex constitutione constant. non acquiruntur, nisi usufructus, et possessionis jure non proprietatis. Ergo sive hanc *l. 2.* accipias de filio emancipato, sive de filiofamil. et bonis castrensibus, quae ei deferuntur, nec possunt acquiri patri, nullus est labor. Sed quid si hanc legem accipias de bonis delatis filiofam. quae pleno jure acquiruntur patri? An verum est etiam patrem in fraudem filii, ut ait lex, non posse bon. poss. repudiare? sic arbitror: nam semper in interpretandis legibus is casus assumendus, qui est difficilior, et qui plus habet dubitationis, *l. quod Labeo, de Carbon. edic.* Et ratio dubitandi magna est, si filiof. deferatur bon. poss. cujus emolumentum jure potestatis mox sit perventurum ad patrem, si admittatur, et agnoscat, quia unusquisque potest repudiare suam bon. poss. Et pater repudiando illam delatam filio, videtur repudiare suam, cum emolumentum omne bon. poss. ad eam redeat. Igitur videtur eam jure repudiare, nec in ea re fieri fraudem filio, apud quem ne momento quidem, si ea res agnoscat, permansura est. At nihilominus dicam verum esse quod ait lex, in filiofam. et in bonis, quae acquiruntur patri, ut eorum honor. poss. delatam filiof. non possit repudiare pater in fraudem filii, quia scilicet quamvis omne emolumentum acquiratur patri, si filiusfam. jussu patris agnoscat bon. poss.

vel si agnitam a filio pater ratam habeat, ut in *l. 1. sup. qui admitti*, tamen interest filii, ne eam tenere repudiet pater ipso invito, ut forte filios. paterf. facto morte patris, vel capitis diminutione, vel emancipatione, ut, inquam, ei patrif. facto postea quandoque sit integra et incolumis agnitio bon. poss. Hæc ratio efficit ne repudiatio patris, quæ sit sine voluntate filii, possit filio esse fraudi, et ideo quod delatum est filios. ut non possit repudiare pater sine consensu filii, sive sit bon. possessio, sive hereditas, sive legatum, vel fideicommissum, in *l. renitente, inf. de jure delib. l. ex repudiatione, inf. de fideicommiss.* Et hoc distat maxime pater a domino: nam bonorum possessionem delatam servo, vel legatum servo delatum, dominus repudiare potest invito servo, *leg. 1. §. per servum, ff. de success. edicto, l. legatum 7. de leg. 1.* Et ratio differentie, quia servus pro nullo habetur, et jure civili, et prætorio, ut non sit spectanda illius voluntas. Qua ratione utitur JC. in *l. de jure delib.* dum ait, servo heredi instituto ab extraneo, tempus ad deliberandum præstitui a domino, non explorata voluntate servi: quia, inquit, servus pro nullo habetur apud Prætorem. Et longe alia est ratio liberi hominis, puta filiofamil. et servi. Concludamus igitur: sicut pater non potest bonorum possessionem delatam filiofamil. agnoscere, vel hereditatem adire sine voluntate filii, nisi sit infans, *l. 1. §. de bon. possess. infanti competente, leg. servus, §. impubes, de bonor. poss. l. is qui hæres, §. ult. de acquir. hered. l. 4. et l. si infanti, inf. de jure delib.* ita etiam ut non possit repudiare sine voluntate filii, ne fiat filios. injuria, qui mox fiet paterfamilias, et cui volenti integrum erit, contra quam senserit pater, eam bonorum possessionem amplecti. Eadem igitur ratio sit et agnitionis et repudiationis.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XX. De collationibus.

Hic titulus terminat et claudit tractatum de bonorum posses. Et proprie respicit ad bonor. posses. contra tab. quæ datur potissimum liberis emancipatis præteritis ex edicto Prætoris, etiam existentibus suis, si modo, ut edicto Prætoris comprehensum est, emancipati parati sint suis hæredibus, id est, fratribus, qui in potestate patris manserunt, hæredibus institutis, vel etiam præteritis, bona pro-

Tom. IX.

pria, quæ moriente patre communia habuerunt, in commune conferre, vel satisfacere se ea collaturos, vel eo minus carere ex bonis patris. Nam ut eleganter Ulp. ait in Inst. æquissimum putavit Prætor neque emancipatos liberos bonis paternis carere, per hoc, quia non sunt in potestate, neque propria bona habeant præcipue, cum partem sint ablaturi suis hæredibus. Ergo ratio inducendæ collationis non hæc est, quia emancipatus injuria quodammodo afficiat fratres, id est, suos hæredes, dum eis partem bonorum paternorum auferi beneficio prætoris, qui in omnia defuncti bona vocantur soli, jure civili exclusis emancipatis, ut in *l. 1. in prin. et §. pater, et §. toties, de collation. bon. et l. 3. de collat. dotis.* Quamobrem si quocumque forte liberi emancipati suis injuriam non faciant, si nihil eis auferant, nihil abradant, sed adiciant potius, eo sane casu collationis munere non funguntur, ut in hac specie, quæ proponitur in *l. pen. §. videamus, de bon. poss. contra tab.* Si duo sint fratres, unus emancipatus, alter suus, et emancipatus sit præteritus, suus institutus ex quadrante, extraneus ex dodrante: et emancipatus, qui præteritus est, petat bonor. poss. contra tabul. atque ita viam aperiat edicto de bon. poss. contra tabul. vel cause intestati commissio illo edicto, ita fiet, ut beneficio emancipati parson moyen, habeat filius suus hæres institutus, quod per se non haberet, videlicet ut possit simul cum fratre emancipato admittere bonor. posses. contra tabul. ac si hæres institutus non fuisset, qua via foret remissum, qui ex institutione tantum tulisset quadrantem: nam excluso extraneo herede instituto in dodrantem, voluti ab intestato, duo semisses sicut hereditatis paternæ, et singuli singulos capient, nec emancipatus quicquam conferet fratri suo. Quia concursus, seu interventus emancipati commodum attulit suo heredi, non incommodum, id est, auxil portionem sui heredis. Idem procedit et in hac specie, quæ etiam proponitur in *d. l. §. videamus.* Filius emancipatus præteritus est, filius suus exheredatus, extraneus scriptus hæres. Irrita est exheredatio, si forte is qui hæres scriptus est, non adeat. Quia destituto testamento, nihil eorum, quæ in eo scripta sunt, valent. Et destituitur non adempto scripto. Finge: hæres scriptus metu emancipati præteriti, cui non igitur competere bonor. possessionem contra tab. ad eas rescindendas, repudiavit hereditatem, atque ita beneficio quodammodo, atque interventu filii emancipati præteriti irritum factum est testamentum, irrita facta est exheredatio filii sui. Et suus quidem ipso jure venit ab intestato ad bona patris. Emancipatus jure bonor. possessionis contra tabulas. Qua via inter se duo fratres hereditatem dividunt ex æquis portio-

6.)

nibus, et aufert sibi quisque atque vindicat semissem honorum defuncti patris. Nec emancipatus quicquam confert suo, quia æquum non est, ut quicquam conferat ei, cui commodum adfert, non incommodum. Nam si non intervenisset emancipatus, vires suas habuisset exhereditatio, herede scripto adveniente hereditatem. Ergo pensandi tantum incommodi causa: quod emancipatus adfert suo, dum ei concurret in amplectendis defuncti patris bonis, introductum est onus collationis, ut scilicet id subiret, qui incommodum adferret alteri. Est et alia ratio inducendæ collationis inter suos et emancipatos, quia filius emancipatus qui appetit bona paterna, et vult in ea concurrere cum fratribus, qui sunt in familia patris, jus filifamil. vult habere, id est, ac si filiumfamil. se admitti vult in bona patris cum eo, qui vere est filiusfamil. et suus heres. Filii autem familias quæ sunt, patris sunt. Igitur qui vult venire tanquam filiusfamil., ea, quæ sua sunt, in commune redigere debet, ita ut omnes fratres sint consortes tam in bonis paternis, quam in bonis propriis; ut qui se adæquat cum suo, nihil etiam sibi proprium et præcipuum esse ducat, excepto peculio castrensi, vel quasi, quod ex constitutionibus constat, omnes liberos retinere præcipuum, nec unquam conferri favore militiæ, sive sint liberi emancipati, sive sui, *l. 1. §. nec castrense, ff. eod.* Hæc est ratio inducendæ collationis, quam dixi proprie pertinere secundum edicti verba ad bon. poss. contra tab. id est, quotiens existentibus suis heredibus, emancipati veniunt ad bona patris, quod sint præteriti jure bon. poss. contra tab. Sed notandum est etiam aptari hunc titulum ad bonorum possessionem unde liberi, et ad querelam inofficiosi testamenti, ut in *l. 4. 9. et l. ut liberis, h. t.* Et generaliter ubicunque liberi emancipati veniunt ad bona patris ab intestato concurrentibus fratribus, qui in potestate remanserunt, sive veniant ex parte unde liberi, sive rescisso testamento per bonor. poss. contr. tab. sive rescisso testamento per querelam inofficiosi testamenti, collationi locus est. Collatio igitur fit inter fratres suos et emancipatos ab intestato: et est collatio, commixtio, sive confusio propriorum bonorum cum paternis, quæ fit inter fratres ab intestato, ut ea omnia inter se partiantur ex æquo. Hæc est definitio collationis. Unde queritur, an si liberi emancipati veniant ad bona patris ex testamento, non ab intestato, ut si sint heredes scripti ex parte adjectis cohæredibus fratribus, qui in potestate manserunt, an propria bona fratribus cohæredibus suis in commune conferre debeant, quæ est questio *l. 1. et l. 7. hoc tit.* quæ simul explicabuntur. Et eo quidem jure,

quod perpetuo obtinuit ante Novell. Justin. inter fratres a patre testamento scriptos heredes non datur collatio, ut *l. 1. et 7. et omnibus ll. ff. et Cod. et approbante etiam Justin. in l. ult. sup. communia utriusque jud. et l. unica, §. quo a nobis recepto sup. de rei ux. act.* Videmus quæ sit ratio, non oportet Jurisconsultum ἀπάφρατα λαλῆσαι καὶ ἀλογα. Cur ex testamento fratres, qui veniunt ad bona paterna non conferunt propria? Ratio admodum perspicua est, quia non vocantur, aut non veniunt ex testamento ut liberi, sed ut quilibet, ut extranei qualescunque habentes testamenti factionem, *l. 1. §. Pompon. de Carbon. edic.* Filio herede scripto, nihil agis si objicias eum non esse filium, quoniam etiam si non sit filius, tamen si sit scriptus testamento, heres esse potest, id est, venit non ut filius, sed ut extraneus quilibet, venit extero jure, ut ait *l. 10. hoc tit.* id est, extranei jure. Et æqualitas illa, et communio, quam collatio constituit, eis tantum congruit, qui succedunt in bona demortui liberorum jure, et qui simul vocantur jure fraternitatis. Quod ipsum per se nomen, ut est in panegyrico Flaviensium, *nihil est aliud quam æqualitas, et communio, ut in l. verum, pro socio.* Et ita etiam si quid per legatum, aut fideicom. reliquit pater filio emancipato, ille capit extero jure, ut ait *l. 10. id est, ut extraneus.* Ac proinde illo nomine non obligatur collationi, quia in id, quod legatum est, non venit ut frater, vel ut filius defuncti, sed ut quilibet heres, et ita in *l. 16. h. tit.* Si filius emancipatus, cui pater aliquid legavit, vel ut ait, cui aliquid reliquit, ultra relictum (quo nomine significatur legatum, vel fideicom.) si ultra relictum, velit etiam venire ad successionem patris intestati, et auferre partem fratri, qui mansit in familia, atque ita plus habere, quam ei reliquit pater, collatione fungi debet. Hoc ideo dicit, quoniam si relicto sit contentus, nullum sustineret onus collationis. Ergo verum est eum, qui quid meretur ex judicio defuncti, vel institutione, vel legato, vel fideicom. etiamsi partem bonorum paternorum seriat, non pati onus collationis. Denique ex testam. collationem non esse, aut collationi eum non obligari, qui capit ex testam. bonor. paternorum partem. Nec quicquam obstat *l. qua offenditur Accursius in l. 7. hoc tit.* nimirum *l. 2. de coll. dot.* quæ dicit, filiam datam in adoptionem a patre naturali, et heredem institutam ab eodem, debere conferre bona propria, et dotem sicut emancipatam. Et si pater ejus adoptivus adhuc vivat, debet etiam ea conferre. Ergo instituta heres confert. Sed (nolo esse longior) verissimam est perspicue, quod notavit Azo, ita ponendam esse speciem ad *d. l. 2.* ut omnia congruant, cum non possint literis

omnia exprimi, quæ ad unam speciem spectant. Pleraque nobis subintelligenda, atque supplenda relinquuntur, ita ut non sit temere ex eadem lege generaliter statuendum, heredem, institutum, vel institutam conferre bona propria, sed quibus receptum est heredem institutum etiam pati onus collationis, et sunt ne casus aliqui, quibus hæres institutus illud onus sustineat? Sic sane, ut puta, si heredi instituto alius filius præteritus committat edictum de bonorum possess. contra tabulas, id est, si hanc faciat viam et sibi et fratri instituto, si velit, perveniendi ad bona defuncti patris. Quo casu si instituto filio additi fuerint cohæredes ex eodem testamento, et forte institutus sit ex modica parte commisso edicto, vel beneficio præteriti, simul veniet, licet institutus sit ad bonorum possessionem contra tabulas ratione portionis accrescentis, id est, quod ea via plus capiat, quam ei dederit scriptura testamenti, subijcitur munus collationis. Et ita etiam in eadem persona, id est, in filia data in adoptionem hæc proponitur l. 1. §. *is quoque, de coll. bon. l. non putavit, §. in adoptionem, de bonor. possess. cont. tab.* Et secundum hoc rectissime in l. 1. *hoc tit.* ut filius emancipatus nihil conferat fratribus suis, exigitur, ut non tantum sit testamento scriptus, sed etiam ex testamento successionem obtineat adita hereditate, vel agnita honor. poss. secundum tabulas: nam si filius emancipatus testamento patris hæres scriptus, alio jure veniat ad bona patris, quam testamento, et eo jure plus nanciscatur, quam ei adscripserit pater, ut puta alio filio præterito rescindente testamentum per bonorum possessionem contra tabulas, vel alio filio exheredato rescindente per querelam inofficiosi testamenti, et intestatum pulcre faciente omnimodo, atque ita viam aperiente etiam fratri instituto, ad obtinendam majorem portionem in bonis paternis: sane æquum est, ut collationem admittamus, imo necessariam esse dicamus. l. 1. §. *toties, de coll. bon. l. 3. de collat. dot.* Non est omittenda exceptio, quæ additur in hac l. 1. et 7. ut ex testamento non detur collatio inter liberos nisi pater nominatim caverit filium emancipatum conferre etiam a se donata, vel filiam emancipatam vel etiam filiamfam. conferre dotem a se dulam ex voluntate defuncti. Collationi non est locus inter eos, qui veniunt ex causa testamenti, non aliter. Hodie autem ex Novella Justiniani de triente, et semisse liberi, qui ex testamento veniunt ad bonorum possess. patris: licet non caverit testator specialiter, ut propria bona conferrent, debent ea omnia, quæ habent, in commune conferre, nisi nominatim voluerit testator ne ea conferant. Vetus hæc est regula: ex testamento non esse collationem, nisi testator velit esse. Nova hæc est re-

gula: ex testamento esse collationem, nisi testator esse noluerit: ut plane hodie nihil intersit inter causam testati, et intestati. Nam sive ex hac, sive ex illa parte veniant liberi, sustinent munus collationis, nisi noluerit pater esse collationem. Et observandum maxime ex l. *ex parte, §. intestato, famil. ercisc.* sufficere tacitam voluntatem defuncti. Si pater ab intestato voluerit non esse collationem inter fratres, non erit collatio. Sufficit voluntatis indicium, ut in specie h. §. Si pater inter vivos, vel etiam codicillis factis ab intestato inter liberos emancipatos, et eos, quos habet in potestate, dividerit omnia bona sua, et nihil indivisum reliquerit, videtur exclusisse munus collationis. Ut in hac specie ob voluntatem defuncti, ab intestato non est collatio inter liberos: ita hodie dicamus in eadem specie ex testamento non fore collationem inter liberos. Nondum satis est: nam quæres, cur regulam juris veteris, quæ nitebatur optima ratione, ut ante docui, mutaverit Justinianus? Non caruit sua ratione: jure veteri ex testamento erat collatio, si id cavisset testator. Quod si non cavit per oblivionem, inquit Justin. sæpe in testamentis, et in aliis negotiis iudices spectant, quid per oblivionem factum non sit, l. 1. §. 1. *de liber. legat. l. Seja, D. de inst. vel ins. leg. l. Arist. quæ res pignori oblig. poss.* Si per oblivionem, inquam, pater non cavit collationem fieri inter fratres venientes ex testamento, an non dicas tamen esse æquum, ut fiat collatio vel ex tacita voluntate defuncti? Justinianus autem præsumit semper per oblivionem excidisse patri, et hoc colore, quasi per oblivionem non caverit, inducit generaliter, etiamsi de collatione nihil dixerit pater, ex testamento collationem esse. Et hæc est ratio Novellæ. Sed ne quis opinetur, liberos suos omnia, quæ habent propria conferre, singula, vel strictim recensere operæ pretium est, quæ in collationem veniunt. Et primum quidem loquamur de liberis emancipatis. Liberi emancipati conferunt bona profectitia, id est, donata a patre, id est, quæ sunt ex re patris, quæ habuerunt tempore mortis patris, non quæ alienaverunt (nam emancipato pater donat rectissime) sive dolo malo, sive ea pater eis donaverit post emancipationem, sive in ipsa emancipatione: nam et plerumque solebat pater in emancipatione ipsa aliquid donare filio, quo fretus poneret fundamenta familiæ suæ, l. *ut liberis, in fine, hoc tit. l. 2. et ult. inf. de emancipat. liber. et Novella Leonis 25.* Spartianus in Adriano: *Filiam, inquit, dato patrimonio emancipatam.* Vix fiebat emancipato patrimonio nullo dato, alioquin abdicatio esset potius, quam emancipatio. Conferunt autem tam ea, quæ in ipsa emancipatione eis largitus est pater, quam quæ post emancipationem: liberi

emancipati conferunt etiam bona adventitia jure veteri in totum, quæ aliunde quæsierunt post emancipationem: Jure novo ex constitutione Justiniani conferunt tantum usumfructum eorum bonorum, qui solus pertineret ad patrem, si in potestate ejus mansisset, *l. ult. inf. de bon. quæ lib. l. ult. hoc tit.* In qua etiam Justinianus ait, se hoc introduxisse favore liberorum, id est, singulari studio ductum erga liberos, detraxisse patri, quod competebat jure potestatis, et dedisse liberis, relicto patri usufructu solo, dum viveret. Denique profectitiorum bonorum liberi emancipati plenam proprietatem conferunt, adventitiorum autem usumfructum duntaxat eorum, quæ scilicet acquisierunt ante mortem patris: nam acquisita post mortem patris nunquam conferunt. Ea scilicet tantum conferunt, quæ habuerunt tempore mortis patris, non quæ habere coeperant post mortem patris, *l. 13. et 15. hoc tit. et Nov. 75.* Et hoc est, quod ait *l. 12. hoc tit.* non conferri castrense peculium, nec relictum, quod verbum est morientium, cedere viventium, *l. ult. comm. prædior.* Non conferri, inquam, castrense peculium, nec relictum, quod pater filio emancipato veluti præcipui titulo reliquit, quia scilicet filius post mortem patris id acquirit. Nunc de snis dicamus. Sui, qui in potestate manserunt, nihil conferre possunt, quia nihil habent proprium, quod conferant. Possunt habere castrense peculium proprium, aut quasi castrense, sed ut jam ante dixi, constitutiones, neque ab emancipato, neque a suo ea peculia conferri volunt, sed retineri præcipuo jure, in favore militiæ. Possunt etiam sui habere peculium paganum profectitium, vel adventitium, sed id etiam eis non est proprium patrimonium, sed quasi patrimonium. Igitur id jure etiam non conferunt. Conferunt tantum bona propria sua, non nostra. Peculium filiofamil. non est proprium ejus patrimonium, sed quasi patrimonium tantum, quoad pater vivit, *l. hinc queritur, l. 40. de pecul. l. si decem heredi, de statulib.* Et quatenus id peculium dicitur esse quasi patrimonium, id etiam non male dices quasi conferri, non siue illo affixo conferri abesse. Quia mortuo patre, ea peculia pagana magis veniunt in communionem ut bona paterna, quam collatitia bona, quia peculium finitur morte patris, *l. 1. quando de pecul.* Et eadem ratione dicam, donationem a patre collatam in filiofamil. non conferri. Qua de re possent dici multa, quæ ego attingam strictim, et dilatabo, et explicabo in *l. si donatione, et l. si ex liberis.* Sed interim sic statuo, donationem a patre factam filiofamil. mortuo patre non conferri, quia inutilis est donatio, quia quod ita donatum est filiofamil. non est ejus proprium. Et adeo inutilis est donatio, ut secun-

dum jus vetus, etiam non confirmetur morte patris, *l. 1. §. 1. pro don.* Morte, inquam, patris sola non confirmatur, et silentio: et idem ea donatio venit in communionem, et in judicium familiæ eriscundæ, ut paternum aliquid, non ut collatitium, quod in communionem redigat filiofamil. cui donatio facta est. Ergo proprie non conferitur. Attamen certum est, judicio extremo patris confirmari donationem filiofamil. factam, si quæ donavit vivus filiofamil. caveat se ex testamento apud filiofamil. permanere velle, quo genere, id quod donatum est filiofamil. capitur non ut donatio, sed ut legatum, sive relictum, ut, si quis diligenter animadvertat, ostendit *lex donationes, sup. de donat. inter virum et uxorem.* quod si capitur ut legatum, vel etiam, quod negari non potest, ex judicio patris ultimo, ergo non conferitur: quia post mortem patris acquiritur; et ea tantum in collationem veniunt, quæ liberi acquisierunt ante mortem patris. Verum notandum est hodie ex constitutione Justiniani, id est, ex dicta *l. donationem*, donationem factam filiofamil. morte patris sola confirmari, imo et retrahi, sive reduci ad id tempus, quo facta est. Quo posito sequitur necessario eam donationem debere conferri, quasi rem ante mortem patris quæsitam, quia confirmatio illa donationis, quæ fit morte patris, retro recurrit. Dies donationis non descendit ad diem mortis patris. Sed dies mortis patris adscendit, et recurrit ad diem factæ donationis. Et generaliter, quod valde novum est, sublati controversiis JC. in *d. l. donationem*, definit, ut deinceps omnis confirmatio et omnis ratihabitio retrahatur. Quæ sententia est magni ponderis, et dirimit innumeras quæstiones. Non constabat olim inter Sabinianos et Proculianos, an semper ratihabitio retraheretur, quod statim deprehendit ex *l. 1. §. sed etsi quis, de vi et vi arm.* Et inde non constabat inter JC. servus, qui censu manumissus esset, utrum intelligeretur esse liber ex eo die, quo lustrum conditum est. Nam ut scitis, dum census agebatur civium Romanorum, ei censui censendo erat præstitutum quinquennium, quod lustrum dicebatur, et in extremo quinquennii moris erat conditum lustrum, quod fiebat solemnibus sacrificiis factis, et lustratis civibus Romanis. Lustrum igitur conditum est finis censui censendo, et lustrum conditum confirmat ea omnia, quæ retro acta sunt in censu. Inde, ut ex fragmentis Ulpiani discimus, inter prudentes erat dissensio: is servus, qui voluntate domini professus fuisset se esse civem Romanum, et nomen suum inter censum dicasset, utrum ex eo die, quo census esset inter cives Romanos, intelligeretur esse civis Romanus, utrum ex eo die, quo lustrum conditum esset, ut eleganter scribit idem auctor. Alii dicebant censum descendere ad diem lustrum con-

diti, non lustrum recurrere ad diem census. Alii dicebant lustrum recurrere, et retrahere ad diem, quo is servus inter cives Romanos census esset, et ex eo die eum liberum factum videri, quasi retroacto lustro. Et hanc controversiam, quam notat Ulpianus, eandem notaverat M. Cicero 1. de Oratore. Sed locus nondum purgatus fuit a quinquam, quem veteres membranis conservarunt integrum. Verba hæc sunt: *Quid de libertate, quo iudicium nullum gravius esse potest? nonne ex jure civili potest esse contentio, cum quaeritur is, qui domini voluntate census sit, continuo ne, an post lustrum conditum sit liber. Vulgo male si quaeratur, etc.* nota illis verbis, quæ restitui, quam ante notavi controversiam, quæ fuit inter prudentes, utrum lustrum conditum retraheretur, an census recurreret usque ad lustrum, utrum manumissus ex eo die liber esset, quo census esset an quo lustrum conditum esset. Et cum omnis confirmatio hodie retrahatur, et ut idem auctor ait, omnia, quæ censu acta sunt, lustro confirmantur: et dicamus etiam eam confirmationem retrahere. Postremum est, ut adoptemus, filiumfamil. sive suum heredem, vel etiam filiamfamil. conferre dotem datam a patre. Pater filiesfamil. donat inutiliter, dotem dat utiliter, et quavis filia sit in ejus potestate, dos tamen est filie non quasi proprium patrimonium, sed vere proprium patrimonium filie, nec ullo modo censetur ex bonis paternis, abcessit penitus bonis patris, ut non possit filia habere castrense, vel quasi castrense peculium, sed possit habere proprium patrimonium, nempe dotem. Igitur dotem profectitiam debet conferre, quasi proprium patrimonium. An et adventitiam debet conferre? distinguendum est, sed hoc explicabitur in l. 4. hujus tit. Et eadem ratione filiusfamil. confert donationem propter nuptias, quoniam est veluti dos mariti. Igitur proprium patrimonium filiusfamil. si proprium patrimonium, non quasi patrimonium conferri debet. Rectissime enim in libris nostris ea, quæ donantur propter nuptias vocantur ἀντίδοτα, id est, contrariæ dotes: ut pro sua parte mulier dotem dat marito: ita vicissim pro sua parte dotis loco vir dat uxori donationem propter nuptias: utraque ergo dos est, et utraque subicitur collationi.

Ad l. I. II. III. IV. et V.

L. I. *Emancipatos liberos testamento hæredes scriptos, et ex eo successionem obtinentes, a patre donata fratribus conferre non oportere, si pater ut hoc fiat, supremis judiciis non cavit, manifesti juris est.*

L. II. *Si pater intestatus decesserit, relictiis*

duobus filiis, et cujus nomine dotem promiserat: portiones hæreditatis æquæ sunt, et dos nihilominus ita conferenda est, ut pro portionibus fratres ejus a necessitate præstandæ ejus dotis liberentur.

L. III. *Pactum dotali instrumento comprehensum, ut contenta dote, quæ in matrimonio collocabatur, nullum ad bona paterna regressum haberet, juris auctoritate improbat, nec intestato patri succedere filia ea ratione prohibetur. Dotem sane, quam accepit, fratribus, qui in potestate manserunt, conferre debet.*

L. IV. *Filiæ dotem in medium ita demum conferre coguntur, si vel ab intestato succedant, vel contra tabulas petant, nec dubium est profectitiam, seu adventitiam dotem a patre datam, vel constitutam, fratribus, qui in potestate fuerunt, conferendam esse. His etenim, qui in familia defuncti non sunt, profectitiam tantummodo dotem post varias prudentium opiniones conferri placuit.*

L. V. *Dotis quidem portio perseverante matrimonio tibi non competebat. Quamvis enim ea intestato patre defuncto, fratri conferre debueras: non tamen eo nomine adversus maritum tibi actio potuit esse, cum eo minus in partem tibi delatæ successionis patris auferre potueris.*

Heri exposui generalia præcepta de collationibus, et ea, quæ specialiter constituuntur in l. 1. et 7. satis accommodata in ipso limine, ut admoneremur collationis munus non sustinere eos liberos, qui ex testamento veniant, nisi hoc ipsum pater nominatim in testamento significasset, quod hodie immutatum est, ut inde intelligere hunc titulum pertinere tantum ad successionem intestati. Denique cur datur ea de re lex prima? Ne scilicet ex testamento fiat collatio, ut intelligas, titulum tantum pertinere ad successionem intestati: sed hodie pertinet ad utramque. Nunc venio ad legem 2. 3. 4. et 5. quæ omnes sunt de collatione dotis, et possunt una hora comprehendi. Ac poterit etiam obiter adungi interpretatio l. 9. Ex l. 2. intelligimus filiam dotem profectitiam in medium conferre fratribus, quibuscum succedit patri communi ab intestato. Et notandum non solum dotem a patre datam filie nomine, sed etiam promissam, nec datam, post mortem patris filiam in medium conferre, quod æquissimum sit eam de suo in solidum dotatam esse, ut ait l. 1. §. pen. de col. dot. Et conferendo dotem fratribus, ejus nomine promissam a patre defuncto, hoc consequuntur fratres, ut ipsa sibi in solidum eam dotem constituat de suo, id est, de sua parte, non de parte fratrum cohæredum. Et iis convenienter d. l. 1. §. 1. etsi promissa tantum dos sit, ejus collationem fieri. Quæres, quo-

moilo possit conferri dos, quæ promissa tantum? Conferet filia dotem promissam suo nomine a patre, liberando fratres obligatione præstandæ dotis pro rata partium, ex quibus sunt hæredes, ut si duo sint fratres pro besse, liberando unumquemque pro triente, utrumque pro besse. Et quæres rursus, quomodo soror possit liberare fratres, qui non sibi, sed marito obligati sunt, quatenus pater marito dotem promisit daturum non filie, ex qua stipulatione hæredes ejus tenentur pro portionibus hæreditariis. Quid igitur fieri potest, ut filia, cui non sunt obligati fratres dotis nomine, eos liberet, et absolvat? Hoc fiet, si suscipiat soror in se totam obligationem dotis, quæ ipsa tantum obligatur pro triente, ex persona defuncti patris, cui hæres extitit una cum duobus fratribus, et præterea si caveat defensum iri fratres adversus maritum, quandoque agentem adversus eos ex stipulatu. Cautio defensionis, seu cautio indemnitalis pro liberatione est. Hoc loco videntur corrupta esse Basilica, in quibus ita est, dum explicant, quod dixi, quæ ratione soror liberet fratres, necessitate præstandæ dotis, dum ajunt, καὶ οὖν λαμβάνουσα τὸ μέρος αὐτῆς, quod est, *accepta parte ejus*, quod nullum sensum habet idoneum. Igitur legendum est, καὶ λαμβάνουσα τὸ μέρος προῖός, id est, *suscipiens onus integrum solvendæ dotis marito*, et promittens indemnes damno se servaturam fratres consortes. Et suscipiens, inquit, dotis integræ persolvendæ onus, compellatur cavere fratribus defensum iri eos, si forte conveniantur tanquam hæredes patris, qui dotem promiserat genero. Denique cautio defensionis, sive indemnitalis pro liberatione est, lex 2. loquitur de dote profectia. Quæro an etiam soror in medium conferre debeat in familia erciscunda dotem ejus nomine datam, vel promissam ab extraneo, quæ dicitur dos adventitia? Et videtur etiam dos adventitia esse conferenda. Quidni? cum eo jure, quod obtinuit ante Justinianum etiam adventitia bona essent conferenda, propterea quod et hæc acquirabantur pleno jure patri, non minus quam profectitia. Et ita adventitiam dotem conferri ostendit lex 1. §. *sed si sub conditione*, ff. de collat. dotis. Pater, vel extraneus, inquit, quod cum dicit, tollit discrimen inter profectitiam, et adventitiam dotem, pro muliere dotem promisit sub conditione, et antequam conditio existeret, mortuus est pater, eique ea mulier hæres extitit una cum fratribus, cavere debet curante arbitro familiam erciscundæ se dotem collaturam cum extiterit conditio. Ergo etiam dotis adventitiæ collatio est. Idque evidenter demonstrat *Novella 97. de æqualitate dotis, in fi.* dum aperte ait, dotem datam mulieri a matre, vel avia conferri. Mater extranea est filie, itemque avia. Et is tantum in hac parte dicitur non esse

extraneus, qui mulierem habet in potestate. Dos a matre, vel avia profecta confertur. Ergo dos adventitia confertur. Ea enim est dos adventitia, quæ ab extraneo data est. Verum utitur hac in re distinctione quadam lex 4. *huj. tit.* quam nunc explicabo, loquitur de filiamfamil. aut intelligenda omnino est de filiafamil. ut semper in libris nostris, quoties filius, vel filia nominatur, nullo alio adjecto, exaudire nos semper oportet filiumfamil. vel filiamfamil. filius, nisi adjicias, emancipatus, filiusfamil. intelligitur, l. 8. §. 1. de inoff. testamen. l. filia, supr. famil. ercis. Hoc autem vult lex 4. filiamfamil. quæ ab intestato patri succedit una cum fratribus ex capite unde liberi, vel ex parte, quæ liberis prætor pollicetur bon. possess. contra tabulas, conferre iis fratribus dotem, si fuerint in familia defuncti patris communis. Atque adeo filiam suam hæredem, fratribus æque suis hæredibus conferre non tantum profectitiam dotem, sed etiam adventitiam. Ex quo intelligitur, et necessario sequitur, etiam adventitiam dotem esse proprium patrimonium filiamfamil. etiam viro patre, cum sit conferenda post mortem patris. Sui nihil proprium habent, excepto castrensi, vel quasi castrensi peculio, nisi dotem, aut donationem propter nuptias, quæ veluti alia dos est. Nam statim atque dos constituta est filie a patre, ahæredit bonis patris, et fit non quasi patrimonium, sed verum et proprium patrimonium filie, quod neque avelli ei unquam potest a patre, nec diminui. Et eadem est ratio dotis adventitiæ, ut filiamfamil. proprium sit patrimonium, nec in ea vivus pater quicquam juris habeat, quod consequentia probant. Nam ut profectitia dos post mortem patris, quod sit proprium patrimonium filie, confertur fratribus suis, ita et adventitia. Ex eo etiam intelligimus (quod valde est notandum) nos, qui proprium aliquid habent, id omne suis conferre semper, excepto peculio castrensi, vel quasi. Sui igitur, qui habent quid proprium, id est, qui habent dotem, vel donationem propter nuptias, nihil enim aliud habere possunt extra peculium castrense, vel quasi, id omne suis conferunt. Breviter hoc in prima parte vult lex, ut filia sua hæres fratribus suis æque hæredibus, cum quibus succedit patri ab intestato, vel rescisso testamento per bonorum possess. contra tab. in medium conferat, non tantum profectitiam dotem, sed etiam adventitiam, fratribus autem non suis, ut filio emancipato, filiafamil. non confert dotem adventitiam. Erat hac in re, ut significat l. 4., inter prudentes contentio, sed tamen eam dirimit Imper. facta differentia inter suos hæredes, et emancipatos, ut filiafamil. suis fratribus conferat utramque dotem, fratribus emancipatis profectitiam tantum, non adventitiam. Et ut statim

adferam rationem, nihil est obscurius in hoc tractatu, quam explicatio rationis. Ratio perspicue hæc videtur esse, ut filiamfam. fratri emancipato non conferat dotem adventitiam, ne duplici incommodo afficiatur, concursu fratris emancipati, qui ei abradit partem, cum jure civili succederet in assem defuncto patri, jure summo, et præterea collatione dotis adventitiæ, in quo est æquitas evidens: rationes tuerentur æquitatem, et eleganter Cassiodorus in Rhetorica, rationem esse animam et medullam legum, quæ æquum bonum tuetur. Sic igitur dicamus iterum, filiamfam. non conferre fratri emancipato adventitiam dotem, ne duplici incommodo afficiatur concursu fratris emancipati, qui ei abradit partem, cum jure civili succederet in assem, collatione dotis adventitiæ. Confert tamen dotem profectitiam, in quo est etiam et duplex incommodum. Cur non habita ratione duplicis incommodi, vis filiamfam. sustinere collationem dotis profectitiæ concurrente fratre emancipato? Quia scilicet dotem profectitiam, id est, quæ profecta est ex bonis paternis, æquius est confundi cum paternis bonis, unde profecta est, cum etiam morte filiæ soluto matrimonio, dos profectitia, licet prout abcesserit bonis patris, ad ea tamen redeat: adventitia autem non redeat, sed maneat apud maritum mortua filia in matrimonio, l. 23. de viet. l. mulier, de cond. instit. et ulp. lib. reg. tit. de dotib. Ita ut inde possis duas constituere differentias inter dotem profectitiam, et adventitiam, quod illa facilius recurrit unde profecta est, et suæ origini restituatur: et quod adventitiam non conferat filiamfam. emancipatis fratribus. Recte hoc loco adnotaverunt. Joannes et Azo, bonis neque suis, neque emancipatis fratribus conferri dotem adventitiam, quod generaliter constitutum sit a Justiniano, bona adventitia non acquiri patri, et consequenter non conferri, sed præcipua retineri a liberis, qui ea acquisierunt, nisi quantum attinet ad usufructum, quem solum patri reliquit Justinianus in bonis adventitiis. Hoc igitur approbant, dotem adventitiam, ut cetera bona adventitia non venire in collationem ex l. ult. h. t. Sed quæramus, cur suis conferant, ut probavi jam ex l. 4. suum conferre dotem suis heredibus, suum heredem conferre donationem propter nuptias suis heredibus, et tamen emancipati emancipatis non conferunt in l. 9. h. t. Non explicatur ratio liquido, et quæcunque non est liquida ratio, non est ratio. Explicanda igitur est l. 9. Duæ sunt ejus partes: prima illud districte tradit, cessare collationem inter fratres emancipatos. Secunda pars ostendit, emancipatum conferre bona propria fratri, qui remansit in potestate patris, si nullum sit testamentum, inquit, quia, ut heri ostendi, et rursus inculcavi hodie, ex testamento cessat collatio secundum

jus, quod sequimur recitantes constitutiones hujus libri. Quod obtinuit ante Justiniani Novellam de triente, et semissa. Ergo ait, si nullum sit testamentum: quis qui venit ex testamento nihil confert. Et adjicit, si etiam nullum sit novissimum judicium patris, quod male Græci interpretantur de testamento imperfecto, quod tantum valet inter liberos, l. hæc consultiss. §. ex imperfecto, inf. de test. Quoniam lex ante dixerat nullum exstare testamentum, neque perfectum igitur, neque imperfectum, quod jure subsistat, quoniam imperfectum, quod jure sustinetur, pro perfecto inter liberos habetur, et ideo, quod subjicit novissimum judicium, si nullum exstat, aliud quiddam est, quam imperfectum testamentum, nempe si codicillis factis ab intestato pater filio emancipato reliquerit partem suorum bonorum jure legati, aut fideicommissi. Nam in codicillis directo non scribitur hæres, vix et exhæres: nam et ita, qui venit ex judicio defuncti, id est, qui meruit judicium defuncti, qui venit ex codicillis factis ab intestato, ex hoc novissimo patris judicio non patitur munus collationis, l. 1. §. vel maxime, de coll. bon. Hæc est sententia l. 9. Et interim ex ejus initio dicimus, emancipatum emancipato non conferre. Certe cur suus suo conferat, et emancipatus emancipato non conferat? Et placebit valde, si respondeas, eos tantum suos conferre, qui aliquid habent, dotem, vel donationem propter nuptias, quæ est alia quædam dos, et in iis, quæ propria habent sui, emancipatorum jure censentur, patrisfam. jure censentur, ut ait l. 2. ad Senatusc. Macedon. l. 15. §. servus, de castr. pecul. Jurisconsultus ait, in castrensi peculio, quod ei est proprium patrimonium, eum filiumfam. esse pro patrefam. Ergo suus in eo quodcunque habet proprium, sive militare peculium sit, sive dos, aut donatio propter nuptias pro patrefam. pro filio emancipato habetur. Emancipatos autem suis conferre constat. Emancipati autem ideo emancipatis non conferunt, quia alter alteri nullum adfert incommodum, alter alteri nihil demit in concursu successionis paternæ, quia par est jus utriusque, et conditio, nec plus juris in bonis paternis alter habet altero, sicut suus plus juris habet in bonis paternis, quam emancipatus, aut is, qui pro emancipato habetur. De collatione dotis etiam notandum est quod habetur in l. 5. sororem fratribus conferre dotem, fratribus, inquit, qui in potestate manserunt, etiamsi dos data sit marito, et necdum ei competat repetitio dotis, puta constante matrimonio. Ubi statim quæres, qui possit conferri a muliere dos, quam non habet, quam a marito nondum repetiit, imo nec repetere potest constante

matrimonio: lex docet, dotem conferri eo minus percipiendo ex bonis paternis, quod in idiotismo est, *raporter ou moins prenant*. Varie fit collatio, fit reipsa, id est, divisione, fit cautione defensionis, ut in *l. 2.* fit cautione collationis, id est, si reis, vel pignoribus caveat, se collaturum cui conferre debeat, *l. 1. §. jubet, et §. quamvis, de collat. bon. l. filium, §. videamus, de bon. poss. cont. tabul.* Fit etiam remissione, vel ut Græci loquuntur, *παρὰ τοσούτῳ τὸν γάμῳ*, quod in Novellis male interpretatus est Ha'lander, id est, si tantum remittat ex bonis paternis, quantum debet conferre, si eo minus capiat ex bonis paternis. Et ita *l. 7.* docet, dotem non repetitam a marito, mulierem conferre fratribus remissionis genere, id est, tantum remittendo ex bonis paternis, quantum in dote est, quod conferre debet. Quod genus collationis etiam comprobatur *l. 1. §. sed etsi tantum, de bon. collat.* et qui locus non adnotatur, *l. cum post, §. pen. ff. de administ. tut. et Novell. 97.* Quæ ut ibidem adnotavi, nonnihil derogat constitutioni *l. 5.* Restat tantum ex pollicito ut explicetur *l. 3.* quæ etiam de collatione dotis loquitur. Pater cum nuptui collocaret filiam, dotali instrumento pepigit, ut filia contenta dote esset, nec ad cetera paterna ullum haberet regressum post mortem suam, id est, ne ei succederet jure legitimo, vel jure prætorio. Lex ait nullam esse pactionem, quæ impugnat jus publicum, quæ derogat liberis, et eripit legitimam, vel honorariam successionem jure publico delatam, et nihilominus conferre dotem mulierem si velit ex æquo patri communi ab intestato cum fratribus succedere. Hæc est sententia *l. 3.* quæ ducta est ex responsis Papiniani, id est, ex *l. ult. de suis, et leg. hæc.* Quæ improbandæ hujus pactionis hanc rationem adfert, quod non oportet privatorum pactiones II. auctoritate censeri, legem lege abrogari posse, legem privata conventionis abrogari non posse: non habere legum auctoritatem privatam pactionem adversus leges ipsas: habere tamen privatam conventionem legum auctoritatem adversus privatam, quod II. publicis justæ conventiones approbentur, et observentur, non habere legum auctoritatem adversus leges ipsas. Non posse efficere igitur ut filius non sit hæres patri legitimus. Neque obstat, quod est in *l. si non mortis, de inoffic. testam. l. si quando §. et general. sup. eod. tit. l. 1. §. si parens, si a parente quis manum.* quam hic perperam explicat Accursius in hac *l. 3.* Nam eadem est ratio harum trium legum, ut recte donet aliquid pater filium inter vivos ea lege, ut id imputet in portionem legitimam, et ut recte donet filius parenti manumissori: ea lege, ut id imputet in portionem legitimam, ut ea donatione sibi satisfactum putet.

Rata est conventio, quamvis tacite hoc agatur, ne forte testamento exheredatus, agat querela inofficiosi testamenti, si ei sufficiat quod donatum est inter vivos. Et tamen si expressim convenerit, aliquare donata filio, ne forte exheredatus agat querela inofficiosi testamenti, nullum est pactum, quia impudenter II. publicas impugnat, *d. l. si quando, §. illud.* Et est notissimum, frequentissime in jure expressa nocere, tacita non nocere. Et in judiciis sæpe venit, ut ita necessario distinctionem constituere debeamus inter ea, quæ tacite pignant cum II. et ea, quæ palam improbant II. Non est etiam existimandum conventionem, de qua agitur in hac *l. 3.* ut filia contenta sit dote, nec jure legitimo veniat ad bona patris, et jure eodem, quo venturi sunt fratres valere jure civili, etiamsi juraverit filius, se ita facturam, se non venturam ad successionem patris ab intestato, dotem sibi abunde esse: nam quod non potest fieri pacto, non potest etiam fieri jurejurando: hoc generaliter verum est. Non habet plus virium iusjurandum, quam pactum nudum, *l. juris gentium, §. et gen. de pact. l. si quis inquilinos, §. pen. e. ultim. de leg. 1. l. non dubium, sup. de leg.* Ex pacto non nascitur obligatio, hæc est regula juris. Ex pollicitatione non nascitur obligatio, ex jurejurando etiam non nascitur obligatio. Ergo non plus potest iusjurandum, quam pactum ad obligationis munus. Et contra, ubi ex pacto nascitur obligatio, nascitur etiam ex jurejurando. Denique eodem jure est iusjurandum et pactum: ut si convenierit libertus, si juraverit patrono se operas præstaturum, ex conventionem sola, vel jurejurando, nascitur obligatio, *l. 7. de oper. lib.* Ex lege Julia et Papia hæc pactio est legitima, et ideo parit obligationem iusjurandum legitimum, et tamen paulatim, quæ dicimus esse ex ultimo jure civili abrogata sunt. Primum constitutum est ex pacto licito, et jurejurando esse obligationem, et actionem. Ex pacto solo non est obligatio, vel actio, sed ex pacto, quod est licitum, et jurejurando, quod ei adjectum est, competit actio, *l. si quis major, sup. de transact.* Denique Pontifici placuit, ut ex pacto illicito, non omni quidem, sed ex eo pacto, de quo agitur in hac *l. 3.* ut filia sit contenta dote nec ultra dotem desideret intestato patri succedere cum fratribus. Non igitur ex omni pacto illicito, sed ex eo saltem, quod jure civili illicitum est, et jurejurando, ut sit obligatio, et actio in *cap. quamvis, de pactis, lib. 6.* Aliud est genus pacti, de quo tractatur hoc loco, quod jure civili illicitum est, ut si convenerit instrumento dotali, ut præter dotem datam filie nomine, etiam filia ab intestato patri ex æquo succederet cum aliis fratribus. Hæc etiam conventio improbata est in *l. 13. sup. de pact.* Et ratio eadem redditur: quia hæc pactio contriungit li-

bertatem faciendi testamenti, quam *lex 12. tab.* dedit civibus Romanis. Hæc conventio impugnatur *l. 12. tab.* et tollit liberam testamenti factionem, dum vult non licere patri plus erogare uni ex liberis, quam alteri, vel non licere patri minus erogare filie, quam filia. Lex potest tollere libertatem testandi, ut *lex Voconia*, *lex Furia*, *lex Caninia*, *lex Falcidia*, et pleræque aliæ leges testamentariæ, quæ coercent libertatem testandi, nec omnia licere testatori volunt. Privata autem conventio non potest adimere liberam testamenti factionem. Non debet privata conventio legum auctoritate censeri, ut possit, quod et ipsa lex potest. Capitis diminutio impedit, et adimit liberam testamenti factionem ex lege, non pactio privata adversus legem, et officii promovere sunt hereditates, non pactionibus. Denique nullius de supremis judiciis est constringenda libera voluntas. Et tamen idem accidit huic generi pactionis, quod priori, de quo in *l. 8.* nempe ut postea Imper. Leo hanc pactionem approberet Nov. 19. etiam non adhibito iurejurando, si quis dote data filie, aut pro filia instrumento dotali caveat, ut etiam sibi sit ex æqua parte heres cum fratribus, ea pactio rata est, auctore Leone, quia aliquatenus convenit juri publico, cum æqualitatem constituat inter fratres, ut scilicet filia, quemadmodum jura volunt, patri ab intestato ex æquo succedat cum fratribus. Et quia si improbetur ea pactio, datur occasio perfidiæ, atque mendacii, d. *lex 15.* aperit perfidiæ fenestram, ut contra quam promiserit pater minus possit testamento filie relinquere, quam reliquerit instrumento dotali, et quod aliquatenus ea conventio est contra *l. 12. tabul.* eo quod minuit libertatem testandi, tolerabilius esse censet in hoc conflictu rationum ex utraque parte minui libertatem testandi contra *l. 12. tab.* quam minui æqualitatem, quam jura constituunt inter fratres ab intestato, et induci inæqualitatem, maxime contra id, quod cautum est autodotali instrumento: ex iis duabus rationibus sibi invicem repugnantibus, videtur sibi sumpsisse Leo eam, quæ præponderavit, et ideo etiam magis hanc probavit. De collatione dotis habemus *l. 2. 3. 4. 5. et 7.* Sunt et plures aliæ in *hoc tit.* eadem de re, quarum hodie maximam partem expediam, ubi prius ostendero, qui et quibus conferant. Quod quidem ostendi nudius tertius, reditis variis rationibus et distinctionibus, sed non addidi, quæ nunc adhibiturus sum, et ut facilius omnia teneant adolescentes, quibus præcipue studeo, constituam veluti quatuor regulas. Prima regula hæc sit: liberi emancipati invicem non conferunt, cum simul veniunt ad bona intestati patris in *l. 8. hoc tit. l. 1. §. ult. l. 2. §. si tres, l. 3. §. Julianus quotiens, ff. eod. tit.* Et non conferunt quidem inter se emancipati cetera bona propria, quæ habuerunt

Tom. IX.

tempore mortis patris: quia in successione paterna alter alteri non adfert incommodum, cum omnes eodem et pari jure vocentur. Dotem autem, et donationem propter nuptias profectam a patre sane conferunt emancipati invicem, ne melioris conditionis sint, quam sui, qui invicem conferunt dotem, et donationem propter nuptias profectam ab eo parente, cui succedunt, ut inferius declarabimus. Et ita emancipatos invicem conferre, sicut suos, dotem, et donationem propter nuptias profectam a patre, cui succedunt, ostendit *l. ut liberi, hoc tit.* Quod et ita puto obtinuisse jure veteri, ne sui, qui hæc conferunt invicem, deteriore conditione sint, quam emancipati. Et in eo igitur *l. ut liberi* non est nova, et dicitur nova, sive Novella constitutio in *l. quoniam, sup. de inoff. testam.* hac tantum ratione, quod velit inter fratres, qui in potestate parentis, veluti matris, aut avie non fuerunt, nec esse potuerunt, ut inter eos sit locus collationi dotis, vel donationis propter nuptias profectæ a matre, vel avia. Nam olim non erat locus collationi dotis, vel donationis propter nuptias, nisi inter eos, qui fuerant in potestate morientis, vel erant in ejusdem potestate, etiam in ipso mortis articulo. Valde novum est etiam, quod ad *d. l. ut liberi* adjecit Justin. in *l. penult. hoc tit.* ut non tantum inter fratres locum habeat collatio dotis, aut donationis propter nuptias profectæ ab eo, cui succedunt simul, sed etiam inter patruos, avunculos, amitas, materteras, et fratrum sororumve filios. Igitur ex *l. pen. et d. l. ut liberi*, hæc duo noviter introducantur: nam olim non sustinebant munus collationis nisi sui, vel emancipati, non qui nec sui nec emancipati unquam fuissent a defuncto, quales sunt filii matri, vel nepotes avie, et avo materno. Olim non fuit collatio inter alios, quam inter fratres, sed hæc duo nova latius explicabuntur in *d. l. pen. et d. l. ut liberi*. Proponamus regulam secundam. Secunda regula hæc est: liberi, qui parenti sui heredes sunt ab intestato, non ex testamento, nisi ex voluntate parentis expressa, vel præsumpta (quæ tamen hodie semper præsumitur ex *Novell. 18. de triente et semisse*) ii, inquam, conferunt invicem dotes suas, et donationes propter nuptias jure veteri, tam adventitias, quam profectitias: quia qui sunt in potestate, hæc sola habent in proprio patrimonio, et in iis, quæ in proprio patrimonio habent, pro emancipatis, et patribusfamil. accipiuntur. Et quasi emancipati igitur, sive patresfamil. ea inter se conferunt. Nam ut ante expedivi, emancipati invicem conferunt semper dotes, et donationes propter nuptias, quas acceperunt ab eo parente, de cujus successione agitur. Jure autem novo sui invicem, sicut emancipati etiam invicem conferunt tam dotes profectitias, quam donationes

66

propter nuptias ex nova Justiniani constitutione *l. ult.* quia profectitia bona, vel etiam profectitia dotes, aut donationes propter nuptias, licet sint in proprio patrimonio liberorum, non in quasi proprio patrimonio, sed vere in patrimonio filiorum, non fictitiae, tamen et dicuntur dotes, sive donationes propter nuptias esse communes patris et filiorum. Denique ita sunt propria, sive proprii patrimonii, ut in eorum communione etiam veniat pater jure potestatis, et proprietatis, *l. 3. solut. matrim.* Qui tamen hodie nihil habet juris, quod ad proprietatem attinet in dote, vel donatione propter nuptias. Denique dos, vel donatio propter nuptias adventitia, et quicquid adventitium est; id est, quod aliunde, quam ex parte patris obvenit filiis, id nulla ex parte pertinet ad patrem proprietatis jure. Nec igitur est commune filii et patris. Nam commune cum dicimus, proprietate commune semper dicimus. Nec enim ulla est communio inter proprietatis et usufructus dominium. Sicut enim separata dominia, dominium proprietatis, et dominium usufructus. Tertia positio haec est: sui emancipatis et veteri et novo jure conferunt duntaxat profectitiam dotem, vel donationem propter nuptias, *l. 4. et ult. hoc tit.* Hanc sui conferunt emancipatis, quia aequius videtur esse, ut mortuo patre, a quo haec sunt profecta, et collata filiis per causam nuptiarum suae origini reddantur, et confundantur cum bonis paternis inter eos, qui permixtum ad bona paterna vocantur. Adventitiam autem dotem sui emancipatis non conferunt, nec veteri jure, ne, ut dixi antea tertius, adficiantur duplici incommodo, collatione dotis adventitiae, quam bonis paternis acceptam non ferunt, et concursu fratrum emancipatorum. Ultima positio haec est. Emancipati suis conferunt non tantum donationem propter nuptias profectitiam, sed etiam omnia bona propria, quae habuerunt mortis tempore patris communis. Igitur emancipati concurrentes cum suis gravius onerantur, quam nulli alii. Et haec sententia utriusque vera, etiamsi filii sui sint impuberes, qui negentur ex filiis esse defuncti, dummodo acceperint bon. posses. Carbonianam. Nam et his interitur conferunt, quasi interim presumantur esse filii, donec post pubertatem res diligentius disceptetur, *l. penult. de Carbon. ed.* Item emancipati non tantum conferunt fratribus, qui fuerunt in potestate morientis patris, sed etiam posthumis, qui tamen in potestate futuri erant, si vivo patre nati essent in *l. 11. hoc tit.* Nondum natis non conferunt, sed natis post mortem patris. Non possunt conferre nondum natis, quia nondum venerunt in hereditatem, nondum admiservant bon. poss. *l. ult. de collat. bon.* Item emancipati con-

ferunt non tantum fratribus suis, qui in potestate remanserunt, sed etiam filiis suis, quos pater defunctus retinuit in potestate emancipato filio. Quomodo saepe fit, ut pater emancipet filium, et nepotem ex eo retineat in familia. Atque ita emancipati non tantum fratribus, sed etiam filiis, qui in familia remanserunt, conferunt universa sua bona propria ex edicto novo, quod edictum Julianum dicitur, id est, edictum de conjungendis cum emancipato liberis, *l. 1. hoc tit. l. 6. si tab. testam.* Et notandum praeterea, collationis onus, atque etiam commodum transire in heredes, id est, haeres filii emancipati debet conferre, si filii emancipati hereditatem adquisierit, ex, quae defunctus contulisset: sive, filius filii emancipati, ad quem transmissa est filii emancipati successio, confert ea, quae pater conferre debuit. Ac simpliciter heredi ejus, cui conferri debuit, confertur, ut amita dotem confert filio fratris sui, quam debuit conferre fratri in *l. 14. hoc tit. l. 1. §. ibid. l. 2. in princ. D. eod.* Ac postremo etiam notandum est, in hoc proposito emancipatos nos dicere quocumque modo emancipatos, ex *l. 18.* Triplex est emancipatio, Legitima, Anastasiana, et Justiniana. Legitima emancipatio fit solemniter conceptis verbis per imaginarias venditiones, ut Instit. docent. Anastasiana fit ex rescripto Principis. Justiniana fit apud quemcumque magistratum competentem, sive rescripto principis, apud quem pater profiteatur suum filium sui juris esse velle, et potestatis suae, *l. pen. et ult. inf. de emancip. liber.* Nunc enim *l. 18. hoc tit.* dicat nihil referre, utrum quis sit emancipatus solemniter ex *l. 12. tabul. an constitutione Anastasii*, licet nobis addere, an ex constitutione Justiniani. Denique quocumque modo emancipati sint liberi, onus collationis sustinent, concurrunt in hereditatem paternam cum fratribus suis: et minus collationis omnium honorum priorum in modum dotis, aut donationis propter nuptias profectitiae. Ex his certe et absolute tenemus, qui et quibus conferant, et quae etiam conferantur. Nunc ut initio pollicitus sum, expellam maximam partem ceterarum legum, quae sunt in hoc titulo. De collatione dotis sumo *l. 8.* cujus haec est species. Soror in divisione honorum paternorum ab intestato sefellit fratres, quia pro sua parte tulit plus ex bonis paternis, quam bonum esset et aequum, et non contulit dotem, quam accepit a patre, et habuit tempore mortis patris, quid fiet? quemadmodum hanc fraudem corrigemus post perfectam divisionem? Aut divisio honorum fit a patre ipso, aut a fratribus ex conventionem, ex communi placito, aut ab arbitrio famil. erisc. *l. si cogitatione, sup. eod. tit.* si fiat a patre inter vivos quasi supremo judicio, ut *l. 20. §. si pater, fam. erisc.*

vel si fiat a patre codicillis factis ab intestato, ut si, exempli gratia, inter filium et filiam, et filio amplius relinquat, quam filiae, nec bona inter eos ex aequo partiantur, rata est et pia nihilominus divisio a patre facta, et per eam videtur exclusisse collationem et divisionem dotis, quam dederat pro filia, si modo nihil indivisum reliquerit, ut in *l. ex parte*, §. *intestato*, fam. ercisc. Nihil indivisum reliquit ex bonis, quae habuit, dos abscesserat bonis paternis, et filiae minus reliquit in ea divisione, quod pro ea dedisset dotem, videtur exclusisse collationem dotis, maxime, ut dixi, si nihil indivisum reliquerit. Nam si aliquid indivisum reliquit, et filia velit ab intestato venire in partem ejus, quod pater indivisum reliquit, proculdubio compelletur in medium conferre dotem. Et ita explicandus est *d. §. intestato*. Si divisio facta sit ex communi placito fratrum, remotis arbitris; et haec quoque divisio rata est, et pia, et ut ait *l. ult. D. famil. ercisc.* fratres, qui remoto arbitrio inter se partiantur bona paterna, funguntur officio pietatis, quo neque fungitur pater, cum omnia bona sua partitur inter filios. Et ita *D. Ambrosius* §. *de fide, bona pietas*, inquit, *refugit arbitros etiam in divisione patrimonii*. Quod si divisio facta inter fratres sine arbitris ex conventionem, ex permutatione, omnis enim divisio fit per permutationem partium mutuum: si, inquam, in ea divisione aliquis circumscriptus esset, ut in specie *l. 8.* quam proposui, non servata aequalitate, non collata dote in medium, etiam si is, qui circumscriptus est, sit major 25. ann. natu, tamen hanc fraudem emendari convenit post divisionem, accersito arbitro fam. ercisc. nam in bonae fidei contractibus et judiciis hoc est raram; etiam majoribus circumscriptis vel in re, vel dolo adversarii subveniri in *l. 3. sup. comm. utr. jud. l. 3. sup. quibus ex caus. major. l. jure*, §. *ult. de jure dot.* Idemque fiet, si ab arbitrio fam. ercisc. divisio facta sit perperam, id est, inaequaliter, quod est tertium genus divisionis, nam et haec divisio, ut iudicat *l. 8.* corrigitur iterato arbitrio familie erciscundae. Namque iterari potest causa cognita, quae rem in integrum restitui postulet, *l. 20. §. familiar, ff. famil. ercisc.* Et praeterea observandum est quod ait *l. 8.* reformata divisione, et retractata, sororem, quae dotem in medium non contulerit, per arbitrium familie ercisc. conferre compelli, quod etiam est prodictum in *l. 1. de collat. dot.* Quomodo compelletur per arbitrum, qui jurisdictionem nullam habet? Est enim arbiter fam. ercisc. iudex delegatus, qui notionem tantum habet non jurisdictionem, quia scilicet si non pareat arbitrio, quo jubetur conferre dotem, nihil consequetur per arbitrium fam. ercisc. *l. 16. hoc tit.* Et

hoc est, quod dicitur saepe in hoc tit. non parato conferre denegari actiones hereditarias, *l. 11. 12. et 16.* atque actionum, quae hereditibus dari, et competere solent, ei auferri omne emolumentum, quod ait *l. 1. §. si cum duob. ff. hoc tit.* Et ut transeamus ad *l. 12.* ea lex illo praemissa, quod ante retuli, filiae suae fratribus aequae suis hereditibus non offerenti collationem dotis, denegari actiones hereditarias subiecit: ut ex sua parte ea soror conferre cogitur dotem, ita etiam fratres ejus, qui in potestate patris manserunt, peculium paganum, quod habuerunt moriente patre, non retinere praecipuum, quia et morte patris desinit esse peculium, et hereditati paternae agglutinatur, ac proinde res ex eo peculio, ut ait *l. 12.* quae in eadem causa duraverunt, id est, quae venditae non sunt, aut permutatae a filio vivo patre, venire in iudicium fam. ercisc. quasi paternae, deducto tamen eo, quod ex causa peculii debetur extraneo in *l. certum, sup. fam. ercisc. l. empt. §. ult. de rei vind.* Haec res igitur in communionem veniunt, non ut collatitiae: nec enim ut propriae conferuntur, sed ut paternae, morte patris extincto peculio filii, quia et vivo patre non fuere in patrimonio filii, sed in quasi patrimonio. Ergo ne dicas conferri peculium paganum, sed venire in iudicium fam. ercisc. deducto aere alieno. Et ita etiam filius emancipatus confert bona propria deducto aere alieno, in *l. 6. hoc tit.* Confert, ut Graeci ajunt *κατὰ τὴν οὐσίαν*, id est, *puram substantiam*, deducto onere et aere alieno, quam acquisierant filii emancipati ante mortem patris, et habuerunt tempore mortis patris. Nam necesse est etiam, ut in eadem causa duraverint: quae enim filii emancipati vivo patre amiserunt, ea conferre non tenentur, sed ut dixi, quae acquisierunt ante mortem patris, et habuerunt moriente patre, nisi forte quid alienaverint, aut dolo malo dissipaverint in fraudem fratrum, ut ostendit *l. 1. §. conferre, de coll. bon.* Et addit *l. 12.* peculium tamen castrense, quod a me dictum est saepius, neque conferri, neque venire in iudicium fam. ercisc. Non venire equos, sive animalia, non venire arma, quae proficiscenti ad militiam donavit pater, sed venire praedia in iudicium fam. ercisc. quae donavit pater: nam ea non possunt videri donata intuitu militiae, ea tantum bona, quae profecta sunt a patre, deputari in castrensi peculio possunt, quae sunt mobilia, vel moveantia, non immobilia: quoniam dandi praedii filio proficiscenti ad militiam nulla est causa militiae, quae impellat patrem, nulla necessitas. Et ea tantum immobilia sunt in castrensi peculio, quae filius fam. forte miles comparavit ex annonis militaribus, vel tulit ex emerito, vel etiam, quae tulit ex causa commilitii, id est,

ex causa collegii Castrensis, *l. 4. sup. famil. ercisc.* Cujus sententia ita explicata est. Et quod dicitur de castrensi peculio in *l. 12.* id etiam notum est pertinere ad quasi castrense peculium. Sed addimus idem etiam hodie obtinere in adventitio peculio pagano, ex *l. ult. h. t.* ut neque conferatur, neque veniat in iudicium famil. ercisc. nisi (quod notandum est) ratione usufructus adventitiorum honorum, qui solus pertinet ad patrem ex constitutione Justiniani, et pro rata temporis, et pro rata ejus anni, quo pater est mortuus. Usufructus, qui patri debetur, conferri debet fratribus, non item fructus futuri temporis. Nam statim a morte patris usufructus eorum honorum proprietati consolidatur, et filius bona adventitia incipit habere pleno jure, ut ex eis postea, neque ex proprietate, neque ex usufructu quicquam conferri debeat fratribus. Satis igitur est, si fratribus conferat pro rata ejus anni, quo pertinuit usufructus ad patrem, pro rata trium mensium, si pater ejus anni tertio mense, aut fine tertii mensis mortuus sit: ceterorum mensium fructus retineat filius suo jure, consolidationis jure. Nam et usufructus ad eum recurrit morte patris. Et quicquid redit ad filium morte patris alio jure, quam intestatæ successionis, quasi quæsitum post mortem patris, in collationem et divisionem non venit, *l. 15. hoc tit.* Non venit in divisionem, quod acquisivit post mortem patris, *l. 15.* Nam et quod pater ei reliquit ex testamento, vel codicillis ut præcipuum, id etiam non confert, quia post mortem acquiritur ei, *l. 12.* Et licet conferat cetera bona propria filius emancipatus, tamen quod ei est relictum præcipui titulo, vel profectitium peculium, codicillis ab intestato factis, non confert. Nam quid est aliud præcipuum, quam quod non confertur, nec est commune cum fratribus, quæ omnia nascio, ne liquido intelligantur. Ex hoc titulo explicandæ tantum restant leges quatuor. Dux de donatione simplici, *l. si donatione*, et *l. pen.* Et an conferenda sit donatio simplex, quæ et donatio directa dicitur in *l. donatio*, inf. de donat. Aliæ autem duæ leges sunt de collatione dotis, et donationis propter nuptias, quas quod sint proximæ, et conjunctæ his, quæ eadem de re heri tractavi, de ejus rei seriem interrumpam, debeat, ut mihi videtur eponere priora loco, *l. ut liber.* et *l. anteq.* In *l. ut liberis* hoc primum constituitur, ut in dividendis bonis patris ab intestato, filia sua, vel emancipata, fratri suo, vel emancipato conferat dotem pro se a patre datam, vel promissam nurui, vel ipsi filio, ut mox eam conferat in nurum uxorem suam, et exemplo filiorum, ut idem servant ceteri liberi in dividendis bonis avi, vel proavi paterni. Et ita fit, ut emancipati invicem, et sui quoque invicem conferant dotes suas, vel donationes pro-

pter nuptias, quas acceperunt a patre, vel avo, aut proavo paterno, in cujus bona veniunt ab intestato, quod etiam jure antiquo obtinuit, ut heri ostendi. Neque in hac parte est nova constitutio *l. ut liberis*. Nova tantum est in eo, quod sequitur, ut in dividendis bonis maternis ab intestato filia conferat fratribus, vel sororibus dotem a matre datam, vel promissam, et filius conferat donationem propter nuptias a matre datam, vel promissam filio, vel nurui. Quod confirmat etiam *l. quoniam*, sup. de inoffic. test. in qua huc lex ut liberis dicitur esse Novella constitutio. Novella, scilicet hac in re, quod ex ea sit locus collationi dotis, et donationis propter nuptias, non tantum si agatur de successione patris, avi, aut proavi paterni, in quorum potestate sunt liberi, vel e quorum potestate exierunt per emancipationem, sed etiam si agatur de successione matris, avi, aut proavi materni, qui nullam in liberis potestatem habent, aut possunt habere, quod postremum nunquam antea obtinuit. Et tantum abest, ut olim fuerit collatio inter cognatos transversos ordinis, succedentes defuncto cognato, vel directo ordine inter parentes, succedentes liberis, ut recte Baldus notat in *l. 9. h. tit.* ut nec inter liberos fuerit collatio, nisi suos, vel emancipatos, quos discriminat ratio potestatis, eo quod jure civili potiora jura habent in successione, quam emancipati. Quod quidem discrimen nullum exstat inter eos liberos, qui veniunt ad bona matris, vel avi, aut proavi materni. Et tamen inter eos Novella constitutio *l. ut liberis* collationem inducit dotis, et donationis propter nuptias profectivæ a matre, avo, aut proavo materno, cui succedunt ab intestato. Non est nova constitutio in eo, quod proposui initio, ut sit inter suos, et emancipatos collatio dotis, vel donationis propter nuptias, quæ promeruerent ab eo parente, in cujus bona pariter succedunt: nam et idem olim obtinuit. Non est etiam nova constitutio (et huc dum persequar, interim addito quæcumque in hac lege continentur) in eo quod dat collationem dotis, et donationis propter nuptias profectivæ inter liberos rescisso testamento per querelam inofficiosi testamenti, id est, per aliquem ex liberis, qui exheredatus sit, atque ita re deducta ad causam intestatæ successionis. Nam et idem olim obtinuit in totum rescisso testamento per querelam inofficiosi testamenti omnibus venientibus ab intestato in bona defuncti parentis, non etiam rescisso testamento pro parte tantum. Nam si testamentum sit per querelam rescissum pro parte tantum, veluti filio instituto pro parte, et alio exheredato, quo genere ex post facto qui testatus decessit in totum, sit pro parte testatus, et pro parte intestatus: quia querela rescindit tantum testamentum pro parte, id est,

exheredatus tantum auferi semissem bonorum, et instituto fratri semissem reliquit. Hoc enim casu inter eos non est collatio, quia diverso jure veniunt, unus jure testati, alter jure intestati. Inter eos, qui tam diverso jure veniunt non est collatio, sed inter eos, qui eodem jure veniunt, aut venire possunt, l. 6. et 7. de collat. dot. Quæ ex contrario ostendit, si veniant omnes eodem jure rescisso testamento per querelam inofficiosi testamenti, collationem dari. Ne dicas etiam ex hac lege, emancipatos emancipatis conferre alia bona, quam dotem, vel donationem propter nuptias, profectam ab eo parente, cui succedunt. Cetera enim bona adventitia invicem non conferunt, ut in l. 9. hoc tit. l. 1. §. ult. l. 2. §. si tres, l. 3. §. quoties, D. h. tit. Ne dicas etiam ex hac lege suos emancipatis dotem adventitiam conferre. Nam lex loquitur tantum de dote profectiva. Et suos emancipatis non conferre dotem adventitiam constat ex l. 4. h. tit. Ne dicas etiam in fine hujus l. emancipatos tantum conferre ea, quæ parens, de cujus bonis agitur, eis donavit post emancipationem, vel in ipsa emancipatione. Nam dum hæc lex in fine ait, conferri donationem simplicem collatam in filium emancipatum, non ideo excludit ceterorum bonorum emancipati propriorum collationem. Denique sic statuendum est, emancipatos conferre non tantum donationem simplicem profectam a parente manumisso, sed etiam omnia bona, quæ acquisierunt post emancipationem, et habuerunt tempore mortis parentis. Et postremo serva, hæc legem dare collationem tantum inter liberos suos, et liberos emancipatos, inter suos, et emancipatos, et inter liberos neque suos, neque emancipatos, puta venientes ad successionem matris, vel avi, vel proavi materni, qui eorum non sunt sui heredes, et a quibus emancipati non fuerunt, nec emancipari potuerunt. Ne dicas legem dare collationem inter patruos, amitas, materteras, et filios fratrum sororumve, quæ de re non est l. ut liberis, sed l. antepen. ad quam jam tempus est ut veniamus: nihil enim præterea est in l. ut liberis. L. antepenult. quod valde novum est, dat collationem inter agnatos ex transverso, quæ tantum olim fuit ex directo limite inter liberos, nempe dat collationem inter patruos, amitas, avunculos, materteras, et filios fratrum sororumve, non omnium bonorum propriorum, sed dotis tantum, vel donationis propter nuptias profectæ ab eo parente, in cujus bona pariter succedunt. Sed hoc omne exponamus clarius et diligentius. Sciendum est in primis, nepotes ex filio jam mortuo avo paterno succedere, et civili et prætorio jure, cum patris, vel amitis, et ferre unam tantum partem, licet plures sint nepotes ex filio præmortuo, id est, eam tantum partem ferre, quam

pater eorum tulisset, si superstes adhuc fuisset, quod est succedere in stirpem, et consequenter conferre dotem, vel donationem propter nuptias, quam pater eorum contulisset, in cujus locum succedunt, et subintrant jure representationis, quod vulgo dicitur in §. cum autem, Instit. de hæred. quæ ab intest. defer. l. 3. inf. de suis et legit. hæred. l. si in adopt. §. ult. de bon. possess. cont. tab. l. si nepotes, de collat. bon. Ergo in nepotibus ex filio præmortuo, qui avo paterno succedunt, nullus est labor, consentientibus in unum omnibus juribus: ut scilicet nepotes ferant partem patris integram et incolumem, cum eodem onere collationis, quod eorum pater, si vixisset, sustinisset cum fratribus, veniens in bona paterna. In nepotibus ex filia, vel filio, qui succedunt avo materno, vel avie maternæ est labor aliquis. Nam si non ferunt concurrentes cum patris, amitis, avunculis, materteris, integram eam partem, quam accepisset pater eorum, aut mater, sed cum diminutione tertiæ partis ex constitutionibus: quia et jure civili non vocantur, cum sint cognati, non agnati. Ex constitutionibus vocantur cum patris, amitis, avunculis, materteris ad bona avi, vel avie maternæ sub hac lege, ut partem, quam pater eorum, qui præmortuus est, aut mater accepisset, non habeant integram et incolumem, sed detrahatur ex ea tertia portio, quæ accrescat patris, amitis, avunculis, materteris, in §. ult. Instit. de hæred. quæ ab intest. defer. l. si defunctus, inf. de suis et legit. hæred. Licet hodie ex Nov. 18. de triente et semisse, et Nov. 118. non detrahatur ulla portio, nec fiat diminutio tertiæ partis: namque ex eis Novellis servatur ejus parentis præmortui, cujus vicem representant, portio, quam patris accepisset, integra et incolumis. Et hoc de ratione succedendi, quæ exposita statim transit, l. antepen. ad questionem, quam potissimum spectabat de collatione dotis, vel donationis propter nuptias faciendæ inter patruum, amitam, avunculum, materteram, et filios fratrum sororumve. Et queritur, an patrui, vel avunculi, vel amite, aut materteræ, debeant conferre dotem, vel donationem propter nuptias a defuncto pro se datam, aut promissam, in cujus bona pariter succedunt. Et similiter an patrui, amite, avunculi, et materteræ debeant conferre filiis fratrum sororumve in medium dotem a parente, cui pariter succedunt, datam, vel promissam. Et contra, an etiam filii fratrum sororumve debeant conferre dotem datam, vel promissam, vel donationem propter nuptias pro patre, aut matre, cujus vicem representant. Hæc est questio leg. antepenultim. Patrui primum dicebant, eos non alligari collationi, concurrentibus filiis fratrum, sororumve, non etiam fratribus vel sororibus, quod collatio nunquam fuerit data, nisi

inter liberos, non inter cognatos a latere: ne in eum onerari collatione sine lege speciali, quod notandum. Non potes imponere, vel indicere collationis munus aliis, quam quibus lex indixit. Sic plane patrui non cogebantur conferre, vel amitæ, aut avunculi, aut materteræ. Posset quis tentare ex *l. 14. h. tit.* ut Accursius tentat, etiam olim patruum vel amitam contulisse dotem, vel donationem propter nuptias filiis fratrum. Nam in specie h. l. amita procubito confert dotem filio fratris: sed in specie longe dissimili et sejuncta ab ea, quæ tractatur in h. l. Nam in *l. 14.* (de qua heri nonnihil dixi) filius fratris amitam conferri sibi dotem desiderat jure hereditario, quia hæres extitit patri, cui amita conferre debuit antequam moreretur. In hac specie queritur, an filius fratris suo jure, ut filius fratris, non ut hæres patris sui, possit a patruo, vel amita desiderare, vel avunculo, vel matertera collationem dotis, vel donationem propter nuptias, quod sane non potest, aut non potuit unquam ante hanc legem antep. Et ita patrui justa ratione refugiebant munus collationis concurrentibus non fratribus, non sororibus, sed filiis fratrum sororumve. Ex diverso nepotes etiam dicebant dotem, vel donationem datam patri eorum, in cujus locum succedunt, et partem cum diminutione trientis, non debere eam conferre patruis, vel amitæ, vel avunculis, aut materteris, quia dicebant, unam tantum esse legem, quasi scilicet hæc omnia pendant ex jure positio, non ex interpretationibus nostris. Eam esse *l. nepotes, C. Th. de legit. hær.* ut nepotes ex filia venientes cum avunculis ad successionem avi materui conferant dotem avunculis, quam matri eorum avus dederat. Lex loquitur de avunculis tantum. Ergo, inquebant nepotes, avunculis tantum conferemus dotem, vel donationem propter nuptias datam patri nostro, in cujus vicem et partem venimus, non patruis, amitæ, aut materteris, quia lex loquitur tantum de avunculis, et avunculorum nomen nunquam legitur porrigi ad patruos, amitæ, vel materteras. Et hi igitur justa ratione defugiebant munus collationis, concurrentibus patruis, amitæ, materteris, non avunculis. Nec negat Justinianus, quin justa ratione nitantur utrique, sed vult, ut deinceps etiam inter patruos, avunculos, amitæ, materteras, sit collatio dotis, vel donationis propter nuptias datæ pro patruis, amitæ, materteris, vel datæ pro patre, vel matre eorum nepotum. Denique etiam ex transverso esse collationem dotis, aut donationis propter nuptias, non inter quoscunque cognatos ex transverso, sed inter patruos tantum, et filios fratrum et sororum, interque amitæ, avunculos, materteras. Lex non loquitur de dote datâ filiis fratrum vel sororum, sed de dote datâ patri, vel matri eorum, ut eam conferant, quam etiam pater

et mater contulisset, si in ea bona venissent, id est, si vixissent. Quid autem statuemus de dote iis nepotibus datâ ab avo vel avia materna, vel pro iis datâ, vel promissa dote, vel donatione propter nuptias? Et verissimum est quod respondet Accursius ex *l. 1. §. ult. de conjug. cum emanc. lib.* cui adlenda est *l. 1. §. sed et si duæ, de collat. dot.* cum veniunt filii fratrum vel sororum cum patruis, amitis, avunculis, aut materteris in bona avi, vel avie maternæ, dotem eorum nomine datam, vel promissam eos invicem conferre, non etiam patruis: dotem tamen datam, vel promissam patri eorum, cujus vicem representant, eos conferre non invicem, sed solis patruis. Et hic est finis de collatione dotis, vel donationis propter nuptias. De collatione donationis simplicis breviter statuamus quid juris sit. Ex *l. si don. et l. pen.* ita distinguendum est, aut agitur de bonis matris, aut avi, aut proavi materui: aut de bonis patris, avi, aut proavi paterni: si agatur de bonis et successione matris, avi, aut proavi materui, liberi acceptam donationem simplicem a matre, avo, aut proavo materno non conferunt, nec ulla bona propria, in quibus est etiam donatio illa simplex atque directa. Cur eam non conferant? Quia nulla alia bona conferunt præter dotem, et donationem propter nuptias ab eo parente profectum, cui succedunt. Donationem simplicem non conferunt, exceptis duobus casibus, si mater, avus, aut proavus maternus donationi hanc legem dixerit, ut conferretur in *l. pen. in fine.* Alter casus ponitur etiam in *d. l. pen.* Si sint plures liberi, qui veniant in successionem matris, avi, aut proavi materni, quorum quidam acceperunt dotem, vel donationem propter nuptias: quidam donationem tantum simplicem. Nam propter illos, qui conferunt dotem, et donationem propter nuptias æqualitatis tuendæ causa, etiam ceteri, qui acceperunt tantum donationem simplicem, eam conferre compelluntur. Ceteroquin donatio simplex non conferitur, cum agitur de eorum parentum hereditate, atque etiam non imputatur in legitimam portionem iis, qui ad querelam inofficiosi testamenti veniunt, nisi eadem lex donationi dicta sit, ut donationem illam simplicem imputarent in legitimam portionem, *l. si non mortis, D. de inoff. testam. l. si quando, §. et generaliter, sup. eod.* Ex *d. l. si donatione*, donatio simplex conferitur et imputatur in legitimam, si ea sit lex donationis. Altero vero casu, quo donatio simplex confertur æqualitatis tuendæ causa inter liberos, non imputatur etiam in legitimam, quia hoc non est expressum. Et servanda est perpetuo cautio *l. pen.* ut nihil liberi imputetur in legitimam, nisi quod legibus expressum cavetur ut imputetur, ut illo secundo casu, quem exposui. Lex *pen.* quidem

vult donationem simplicem conferri, sed non adijcit, etiam imputari in legitimam. Ergo nec imputatur in legitimam: et quod omisit lex, promisso habetur, nec suppletur commentationibus nostris, vel argumentationibus. Res enim non est parvi momenti, imputare aliquid in legitimam, vel non, quod temere admitti, vel denegari debeat extra legem expressam. Et inde colligit Justinianus ea, quæ conferuntur in medium, non semper etiam imputari in legitimam, ut in illo casu. Et si vis hoc evidentius cernere, emancipati conferunt bona propria, tamen ea non imputantur in legitimam. Ergo quod conferitur, non continuo imputatur in legitimam, nisi constitutio aliqua hoc dixerit. At contra regula est certissima, ea, quæ computantur in legitimam, omnia etiam venire in collationem. Et ut ea breviter percenseamus, quibus caveto, ne ulla alia adjicias inconsulto, quæ imputantur in legitimam hæc sunt: Donatio simplex, si ea lex dicta sit donationi, ut imputaretur in legitimam, ut id ante probavi, alioquin donatio simplex non imputatur in legitimam. Cur? quia vivo parente, qui fecit eam donationem, ea donatio abscissit bonis ejus, et liberis ejus debetur portio legitima tantum ex bonis, quæ morientis fuerunt, *l. cum quaeritur, sup. de inoff. testam.* Non ergo ex bonis, quæ donata liberis jure, vel extraneo. Qua ratione etiam olim dos, et donatio propter nuptias non imputabatur in legitimam, quia statim atque profecta est, separatur a bonis patris, et legitima tantum debetur liberis ex bonis, quæ manserunt patris, usque in diem mortis. Qua ratione utitur *lex 1. C. Gregor. de inoff. testam.* Sed hoc correctum est. Nam hodie dos, et donatio propter nuptias imputatur in legitimam. Cur? Nam est reddenda ratio correctionis, quia hoc sit justa presumptione: legislatoris enim est inducere presumptionem, quasi scilicet presumatur semper pater dare dotem, vel donationem propter nuptias hac contemplatione, ut id cedat in legitimam, et quasi mortis causa, *l. 3. §. ult. de bon. lib.* Hic est color novi juris, quo placeat dotem, vel donationem propter nuptias imputari in legitimam: et constat etiam illud imputari hereditatem in legitimam, id est, ea, quæ capiuntur jure hereditario in bonis defuncti, aut ea, quæ capiuntur legati jure, aut fideicommissi, aut mortis causa donationis. Ac præterea, ut docet *lex penult. et l. omnimodo, sup. de inoff. testam.* etiam imputari casum militiæ paternæ pecunia filio comparatur. Nomine militiæ significatur officium Palatinum quod quis exerceat in Palatio principis, veluti officium adjutoris questoris. Et hæc officia militiæ poterant vendi jure liciti, et jure licito. Officium adjutoris questoris, quod militiæ nomine continetur (in idiotismo *office de chauffecire*) distrahi potest,

et transmittitur in heredem quemcunque. Sic etiam hæc militiæ distrahi poterant, et transmitti in heredem. Ac præterea moriente milite casus militiæ debebatur heredibus ejus (in idiotismo dicitur *le cas vacant*) ex casu mortis militis obveniebat aliquid lucri heredibus ex communi placito scholarum, universique officii: obveniebat cum commodis et lucris, quod appellatur casus militiæ; Gallice *le vacant*. Nulla est militia, quæ dicta sit ex casu. Et obscurus est labor Lælii Taurelli, qui scripsit librum de militiis ex casu, in quo multo audore quaerit, quæ sint militiæ ex casu, cum nullo loco hæc appellatio militiis ullis tribuatur, sed dicitur casus militiæ: sed deceptus est, quod in Novella 53. legatur τὰς ἐκ τοῦ καλοῦμένου καὶ τοῦ στρατῆρος; non τὰς ἐκ τοῦ καὶ τοῦ καλοῦμένου στρατῆρος, id est, militiæ, quæ vocantur casus: non militiæ, quæ vocantur ex casu, si inquam, ea militia sit comparata pecunia parentis, lucrum ejus, quod ex ea redigi potest, casusque militiæ, quod aliud lucrum est, imputatur filio, cui ea militia comparata est, in portionem legitimam, excepta tantum militia silentiaria, sive silentiariorum in *d. l. omnimodo §. ult.* quæ non venit in collationem, sed deputatur castrensi peculio. Silentarii hi sunt, qui excubias agunt noctu in palatio principis, qui indicunt silentia sacro somno, ut ait Claudianus. Excipitur tantum eorum militia. Et ita percensui omnia, quæ imputantur in legitimam, nihil præterea imputatur. Et quod imputatur secundum regulam *l. pen.* etiam confertur ab intestato. Et hoc cum agitur de bonis matris avi, et proavi materni. Altera pars distinctionis hæc est: aut agitur de bonis avi, aut proavi paterni, et hoc casu etiam separandus est filius emancipatus a suo. Nam filiis emancipatis, quibus facta est donatio, omnimodo valet, et ut cetera propria conferunt suis, ita etiam conferunt donationem simplicem *l. ut liberis, in fine.* Suis autem, quia ea facta donatio inutilis est; inutiliter pater donat filiofamil. quoniam quod ei donaverit, si diveris ei acquiri, recurret confestim ad ipsum patrem jure potestatis, quod filiusfamilie nihil possit habere proprium, quod mox non fiat patris. Igitur donatio facta filiofamil. non confirmatur morte sola secundum jus vetus, quod obtinuit olim ante *l. donationes, sup. de donat. inter vir. et uxor. l. 1. §. 1. pro don.* Donatio igitur facta filiofamil. cum non valeat proprie, non confertur, nec retinetur etiam a filio, ut præcipua, sed venit in judicium familie erciscundæ, ut quælibet res paternæ, quia nunquam abscissit bonis paternis. Hæc est sententia *l. si donatione, hoc tit.* Quæ ex contrario etiam confirmatur *l. 4. sup. famil. ercisc.* dum ait donata a patre filiofamil. ex causa castrensi, non venire in judicium familie erciscundæ. Nam ex eo colligis

recte ex contrario, donata filiofamilias a patre ex alia causa, quam castrensi, venire in iudicium familie eriscundae, cum ea dicantur tantum non venire, quae obveniant ex castrensi peculio. Sed obijciunt, et hic est finis *d. l. si donatione, l. filia, sup. famil. eriscund.* in qua multum laboravi. Nam lex ait, patrem filiae nomine quendam comparasse, quod ut absolvam statim, donare est, res filiae nomine comparare, est filiae donare *κατά νόμον*, quod comprobatur *l. cum hic status, §. 1. de donat. inter vir. et uxor.* Et filiam illo loco, ne quis calumniatur, oportet accipere pro filiafamilias. Nam, ut alias dixi, filiam cum dixerim sine ullo affixo, filiafamilias intelligitur. Quid si de filia emancipata? Utique etiam adjiceremus eam qualitatem? Sic igitur res est, in specie *l. filia*, filiafamilias nomine patrem res quendam comparasse, quod est donasse juris praesumptione, et tamen lex ait filiamfamilias in iudicium familie eriscundae eas res retinere praecipuas. Ergo donata filiafamilias non venire in iudicium famil. eriscundae, sed praecipua retinentur, et tamen *l. si donatione* ait venire. Recte Graeci dicunt et doctius meo iudicio, quam Latini: aut pater, qui donavit filiafamilias, perseveravit, aut non. Si in eadem voluntate non perseveravit, donata veniunt in iudicium familie eriscundae, et ita addenda *lex si donatione*: sed si in eadem voluntate perseveraverit, donata non veniunt in iudicium famil. erisc. quod confirmatur *d. l. filia, l. 2. C. Gregor. famil. erisc.* confirmat et Paulus *lib. 3. Sent. tit. de donatione.* Nam ait, ea, quae pater filiofamilias donavit, si decesserit in eadem voluntate perseverans, morte patris convalescere. Ergo *l. filia* pertinent tantum ad donata filiafamilias, a patre, ut non veniant in iudicium divisionis, si pater in eadem voluntate perseveraverit, et si filius, cui donavit, accipiat iudicium familie eriscundae. Haec duo exiguntur, ut pater perseveret in eadem voluntate, et ut filius ultra donata a patre, velit venire in hereditatem patris, et in iudicium familie eriscundae: nam placet, quod Thaleus notat, filiumfamilias, qui repudiat hereditatem patris, non posse percipere donata sibi a patre inter vivos, etiam si pater in eadem voluntate perseverans decesserit. Quod optima ratione probari potest: nam filiusfamilias, qui abstinet se bonis paternis, donata sibi a patre constanter retinere non potest jure praecipui, quia praecipuum non est illi, ultra quod nihil aliud capitur. Et *l. filia* donatorum tantum retentionem dari, ait jure praecipui, quod jus nullum est, si non admittat bona paterna, jus hereditatis paternae. Non potest etiam ea retinere jure perfectae donationis morte patris secundum jus vetus, quod obtinuit ante Justinianum, quod donatio facta filiofamilias, non confirmetur morte patris,

sed perseverantia, et voluntate manifesta. Summa igitur differentia haec sit inter emancipatum, et suum: quod donatio collata in filiumfamilias, si in ea perseverans pater decesserit, confirmetur, non ipso jure, sed officio iudicis familie eriscundae, et rescindatur si sit inofficiosa, similiter non ipso jure, sed officio iudicis familie eriscundae, *l. 2. sup. de inoffic. don.* Donatio autem collata in filium emancipatum nulla indiget confirmatione, et rescinditur si sit inofficiosa, non officio iudicis, sed per querelam inofficiosae donationis.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XXI. De testamento militis.

Postquam egit de honorum possessione, cujus beneficium jure praetorio veluti haereditas in bona defunctorum succedunt, transit ad haereditates, quae jure civili deferuntur ex testamento, vel ab intestato, et servat ordinem legis 12. tab. ut ait *l. 1. si tab. testam. nulla est.* Quae quidem *l. 12. tabul.* prius de iudiciis testamentorum, et sic deinde de successione ab intestato loquitur. Quem ordinem etiam in suis edictis secuti sunt praetores, et praefecti. Cum autem alii testamentum testentur jure singulari, et proprio, ut milites: alii jure communi, ut ceteri cives Romani, ante omnia vult se expedire jure singulari, dato titulo de testamento militis. Sequentes enim tituli omnes sunt de jure communi civium Romanorum, quod servant in testamentis faciendis. Et nulla quolibet voluntas militis de divisione honorum suorum pro justo et legitimo testamento est; decretum rei familiaris milite quoquo modo factum contemplatione mortis, justum et legitimum est testamentum ex constitutionibus Principum, quae dant veniam imperitiae militis, *l. impub. D. de adm. tut.* Et generaliter militibus permittitur ignorare jura publica, non tantum in constituendis rebus suis, vel in damnis amittendarum rerum suarum, sed etiam in lucris, in compendiis, *l. penult. §. si filiusfamil. de jur. et facti ignor. l. 1. sup. eod. tit. l. ult. inf. de jur. delib.* Nam etsi quidam ex militibus esse possint periti juris; tamen omnes milites sine discrimine arma, potius, quam jura scire constitutiones existimant, aut certe eos oblitos esse juris et legum, ut recte dixerit Julius Frontinus *lib. de limit.* Dum, inquit, armorum magis exerceor curis, totum hoc negotium (litesarum scilicet, sive negotiorum civilium) veluti oblitus intermiseram, nec quicquam aliud, quam belli gloriam cogita-

bam. Et Cornelius Tacitus in Agricola. *Credunt*, inquit, *plerique militaribus ingenis subtilitatem ducere, quia castrensis, jurisdictio sacra, et ob- tator, ac plura manu agens, furi calliditatem non exorant. Et hæc incalliditas fori, vel ignoran- tia rei forensis est, quæ dicitur simplicitas militum in l. 8. hoc tit. l. 1. D. eod.* Ergo si in testamento faciendo miles non observaverit solemnitates, et di- ligentiam illam quam utique pagani necessario observare debent, si velint rata esse supremæ suæ judicis, non ideo minus rata est voluntas militis, nec ei imputa- tur, quod J.C. non adhibuerit: nam et sine J.C. quoquo modo miles testamentum facit: ut in anti- quo titulo monumenti voluntatis suæ quidam hæc verba præscribit, *dolus malus, et Jurisconsultus abesto.* In hoc monumento jus aditus libertis, li- bertatibusque patet, sextertium mille dato ad sacri- ficia faciunda quotiescunque opus erit. Est vetus inscriptio Neapolitana, et ad eundem modum *l. penult. §. Lucius, de leg. 2.* Quidam contestatur sine J.C. testamentum fecisse, et omnia diligentia legum insuperhabita, vel neglecta, his verbis ele- ganter, quod vellem adolescentes addiscere memo- riter: *Lucius Titius hoc meum testamentum scripsi sine ullo Juris perito, rationem animi mei pot- tius secutus, quam nimiam et miseram diligentiam. Et si minus aliquid legitime, minusve perite fe- cero, pro jure legitimo haberi debet hominis sani voluntas.* Et ea quidem voluntas si non sit militis, quod contempserit diligentiam legum, et solemnita- tem, non est testamentum, sed codicilli, id est, ad bona defuncti vocantur ab intestato legitimi hære- des, qui tamen deducta Falcidia ex causa fideicom- missi, quasi jure codicillorum compellentur hæ- reditatem restituere hæredi scripto. Ea autem vo- luntas militis, si esset, testamentum esset, quod valeret jure directo, quamdiu in militia perman- ret, atque etiam post missionem honestam intra annum, *l. 8. hoc tit.* Nam post annum desinit va- lere testamentum jure militari, et mutari igitur post annum oportet, jureque communi civium Romanorum fieri. Ergo si forte in testamento mi- litis non sint adhibita signa vel subscriptiones tes- tationis, non ideo minus valet testamentum, quod ob eam rem, si pagani esset, imperfectum diceretur. Et cum sit militis, nihilominus dicetur perfec- tum esse testamentum et legitimum. Item militis testamentum scriptum notis, non literis, valet, ac si perfectum et legitimum esset, *l. Lucius, de milit. testam.* Cum tamen pagani testamentum scriptum notis, nec civili jure, nec prætorio va- leat. Nec enim prætor dat bonor. possessionem se- cundum notarium pagani, et tamen dat bonorum possessionem secundum notarium militis. Idemque erit, ut ait *l. milites, hoc tit.* si miles testamen-

Tom. IX.

tum scripserit forte sanguine proprio in clypeo, vel in vagina gladii, vel etiam si in ipso articulo moricodi, gladio suo in pulvere significaverit quid post mortem suam fieri vellet, *d. l. milites.* Et ita eleganter Egesippus lib. 5. *Vere, inquit, bel- licum testamentum non atramento scriptum, sed sanguine, nec in charta, sed in mucrone.* Ad hæc etiam observemus militem posse si velit in aliis bonis suis testari, et in aliis non testari, ve- luti testari de castrensibus, non de paganis, vel contra, atque ita posse eum decedere partim testa- tum, partim intestatum, *l. 1. et 2. hoc tit.* Sicut etiam potest miles alio tempore esse testatus, alio intestatus, veluti hæres scripto ex die, vel ad diem, *l. 8. hoc tit.* Longe secus est in pagano: nam quem paganus ex parte tantum hæredem fa- cit, non adjectis cohæredibus, is nihilominus obti- nebit assem, *l. 1. §. si ex fundo, de hæred. in- stit.* Causa scilicet testati trahente ad se causam intestati. Sicut ex diverso nonnunquam evenit, ut causa intestati trahat ad se causam testati, ut in specie *l. penult. de injust. rup. et irrit.* Quem etiam paganus hæredem scripsit ex die, vel ad diem circumscripto die, vel sublata et circumscripta illa mentione diei, quasi mendo testatoris, qui hæres scriptus est a die, vel ad diem hæres sit statim, hæresque permanet, *l. hæreditas, de hæred. in- stit.* Quaerierim libenter, cur hæres a pagano pos- sit scribi sub conditione, non ex die, vel in diem? Et placebit satis, si quis respondeat hoc modo, eum, qui hæredem scribit sub conditione, interim pendente conditione, neque testatum, neque inte- statum esse, quia conditio rem omnem suspendit, eum autem, qui scribit ex die, ante diem esse in- testatum plane, et post diem testatum, ac similiter eum, qui scribit in diem, ante diem esse testatum, post diem intestatum. Denique alio tempore testa- tum, alio intestatum, *l. potest, de hæred. instit. l. miles ita, de milit. testam.* Quam inconstantiam jus novum non patitur in paganis, in militibus admittit privilegium militum. Et, ut addatur alia differentia inter paganos, et militem: patris pa- gani silentium non habetur pro exheredatione, id est, si pater filium suum, neque nominatim exheredat, neque hæredem instituit, non habetur pro exheredato, quia exheredandus est nominatim, non tacite. Silentium matris, aut avi materni pro exheredatione est, si silentio solo exheredant, pa- ter silentio solo non exheredat. Ideoque filius te- stamento patris, neque hæres institutus, neque exheredatus, non habetur pro exheredato sed pro præterito, et ipso jure nullum, atque injustum te- stamentum patris facit ob causam præteritionis, quod valeret ipso jure si exheredatus videretur, et ad rescindendum, opus esset venire querela

67

inoficiosi testamenti, et hoc genere actionis legere in hereditatem paternam. In milite ita distinguimus, ex *l. 9. et 10. hoc tit.* Miles aut scit se habere filium, et hunc neque instituit, neque exhereditat, legatum forte ei adscribit, ex quo probatur eum non ignorasse filium se habere, cum ei legatum adscripserit: hoc casu silentium militis pro exheredatione habetur, pater miles et silentio filium exhereditat, uti vult, vel nominatim. Sed si forte ignoret miles sibi esse filium, ut si quem habeat filium, falso rumore perlato crediderit esse mortuum, eumque neque instituerit, neque exheredaverit, tunc eadem est causa militis, et pagani, id est, filius militis pro praeterito habetur, et testamentum militis ipso jure nullum est, quia scilicet non habuit animum exheredandi eum, quem existimavit non esse in rebus humanis. Et inde plane hodie sine controversia et difficultate dirimi potest quaestio illa, quam apud centumviros fuisse tractatam, M. Tul. Cic. refert *1. de Oratore*. De morte filiofamil. militis ab exercitu venit falsus nuntius, et pater ejus re credita testamentum mutavit, in quo eum filium heredem scripserat, et quem ei visum fuit heredem fecit, ac deinde mortuus est pater. Post mortem patris filius revenit domum, quaeritur an tanquam exhereditatus possit jure agere in hereditatem paternam? Res est explicata facillima hodie, ut possit lege agere in hereditatem paternam, ut praeteritus, quod ipso jure nullum sit testamentum, quod pater fecit, non exhereditatus, quia exhereditatus non videtur, quem omisit pater, cum ignoraret eum filium sibi superesse, quem crederet mortuum, *l. 9. et 10. hoc tit.* illa species est de filiofamil. militis, et patre, eodemque testatore pagano, qui in civitate manserat. Sed id etiam obinet in patre milite, eodemque testatore, cum falso nuntio perlato filium crediderit esse mortuum, et secundum eam speciem, quam ille refert, filiofamil. miles potuit exheredari a patre, quod tamen aliquando edicto proposito vetuit Augustus, quod est novum valde, ne quis filiofamil. militem dantem operam Reipubl. exheredaret. Sed postea sublatum fuit edictum Augusti, *l. filiofamil. de lib. et posthumis*. Pergamus: etiam invenio paganum non jure libertatem dare, aut non jure a pagano libertatem datam videri suo servo, quod legaverit quasi liberto, puta hoc modo: Stichus liberto meo centum do, lego. Neque valet libertas, quia non est relicta verbis directis, et solemnibus, neque legatum, quia servo proprio sine libertate legatur inutiliter. At si parent militis animum fuisse dande libertatis directae etiam illis verbis, Stichus liberto meo centum do, lego, competet militis servo directa libertas, quae est sententia *l. 7. hoc tit.* Et

ita etiam testamento militis data libertas ante heredis institutionem valebat, ut scribit Ulpian. *lib. regul. tit. 1.* Neque tamen valebat data a pagano ante heredis institutionem, ante Justinianum, §. *ante her. Instit. de leg.* Et ut magis intelligatur quantum possit ultima voluntas militis qualis qualis, observemus ex *l. 12. hoc tit.* legata a milite relicta, vel fideicommissa deducto aere alieno deberi: nam ex testamento militis legata, aut fideicommissa non debentur, nisi deducto aere alieno. Legata, vel fideicommissa delibant puram substantiam defuncti, non onustam aere alieno. Legata inquam, vel fideicommissa relicta in testamento militis, solvuntur integra et illibata sine diminutione Falcidiae ex voluntate testatoris. *L. Falcidia* est contra voluntatem pagani, non contra voluntatem militis, *l. 3. ad leg. Falcid.* Igitur si miles voluit rem solidam praestari, etiam si ei interveniat ratio Falcidiae, solida praestabitur, nec imminuta. Denique lex Falcidia non pertinet ad testamentum militis, *l. 11.* Neque tamen testamenta militum sunt soluta omnibus legibus. Omnia non licet militibus in suis supremis voluntatibus. Nam et *l. Aelia Sentia* pertinet ad testamentum militum, quae velat minorem viginti annis justam libertatem servo tribuere in testamento, id est, civitate donare. Hae lex non est remissa militibus, *l. 4. hoc tit. l. si a milite, §. 1. de milit. testamento.* Non est etiam remissa lex Fuisia, vel quae alia lex, quae impediat libertates. Non est etiam illud militi remissum, ut in ejus testamento scriptura captatoria valeat, *l. 11. hoc tit.* ut si miles sic heredem scripserit: quae ex parte Lucius Titius me heredem faciet, ex ea Lucius Titius mihi haeres esto. Nulla est illa institutio, quia est hamata, quae expiscatur hereditatem alienam potius, quam offert suam. Offert suam hereditatem in hamo. Et ita eleganter ait lex *11.* nec captatorias institutiones in testamento militis admitti. Nec captatoria igitur legata, vel captatorias quascunque scripturas, quae indignissimae sint ingenuo et libero homine. Illud etiam multum est, quod tribuit lex *6. hoc tit.* a quo longissimo absunt pagani, ut miles possit extraneo heredi scripto, vel filio puberi directo substituere in secundum casum, hoc modo: *Ille mihi haeres esto, et si mihi haeres extiterit*, (hic est secundus casus substitutionis, nempe casus acquisitae hereditatis: primus casus substitutionis est casus non acquisitae hereditatis, id est, *Si haeres non extiterit*). Ergo recte substituet hoc modo: *ille mihi haeres esto, et si mihi haeres erit, et postea vita decesserit, Gajus Sejus mihi haeres esto*, valebit substitutio ita facta a milite jure directo, quae in pagano non valet. Nam nemo paganus dat heredem, ei, qui sibi potest facere heredem. Non potest

igitur nisi pupillo. Pupillus enim non potest sibi facere heredem. Igitur pupillo pater facit heredem. Quæ substitutio pupillaris dicitur, sive testamentum pupillare. Puberi autem filio, sive extraneo nemo facit heredem jure directo, sed unusquisque sibi. Excipitur miles tantum, qui ei, quem facit heredem, testamentum facit in secundum casum, ut dixi, si heres ei extiterit, et vito decesserit. Et illud erat valde novum ante Justinianum, id est, ante *l. ult. hoc tit.* ut posset impubes, et pupillus tribunus militum testamentum facere. Nam et sæpissime nobilissimi pueri ad tribunatum militum promovebantur, ut sit etiam hodie, ut sit dux, vel Imperator, exercitus Princeps puer, et admodum impubes: ab eximia et excellenti virtute, ut M. Tull. ait in Philip. non expectari progressum ætatis. Et Plin. in Epist. ab optima indole non exigi numerum annorum. Et consequenter Papin. in *l. penult. de decurionibus* ad decurionis honorem non pervenire minores 25 annorum natu, nisi dignitas oris, ex qua sæpe apprehenditur bona indoles, certam spem faciat honoris, ut Princeps ei adolescenti permotus dignitate oris indulgeat honorem decurionatus, non expleta justa ætate. Quod potest aptari hodie ad pleraque negotia, dum nimis exacte a præclaris adolescentibus exigitur numerus annorum, dum summo jure, cum excellentia, et eximia virtute agitur, et stirpe præclara. Invenio tamen aliquando constituisse D. Adrian. ne quis impubes fieret tribunus militum. Valerian. apud Vopiscum in Probo: *Miraris*, inquit, *quod ego imberbem tribunum fecerim contra constitutum D. Adriani.* Et de Adriano Spartian. *Nullum*, inquit, *Adrian. tribunum, nisi plena barba fecit, aut eius ætatis, quæ prudentia tribunos robur impleret.* At si quando creatus sit tribunus impubes ei ante Justinianum jus erat faciendi testamenti. Quapropter huic pupillo pater non poterat facere pupillarem substitutionem. Illud non est omitendum, male vulgo quosdam confundere milites cum nobilibus. Nam et plebei quidam sunt milites, et nobiles plerique, neque sunt milites, neque fuere unquam. Milites sunt, qui in numero relati sunt, qui stipendia merent, et in expeditione degunt. Nobiles sunt, quorum majores feudum a principe, seu beneficium acceperunt cum onere militiæ. Nobilitati quidem adnexum est onus militiæ, sed non sunt milites, nisi quamdiu in expeditione sunt occupati, et testamenta eorum ad privilegium militum non pertinent. Etiam vehementer errant, qui arbitrantur id tantum testamentum valere jure militari, quod quis fecerit in procinctu sine libra, atque tabulis, in acie, in hostico, ut loquuntur: nam etiam, quod quis fecit in expeditione, in castris, in fossato, in ho-

stico, extra aciem, extra belli discrimen, atque conflictum, vel quod quis fecit in hybernis, vel stativis, in præsidiis, placet valere jure militari. Alioquin nihil distaret paganus a milite. Nam et paganus in procinctu, si forte fuerit casu quodam in acie, in hostico, quoquomodo testam. fecerit, ejus testamentum valet, etiamsi in pulvere expresserit ultimam suam voluntatem, in extrema mortis trepidatione, *l. ult. de milit. test.* Eadem ratione, quod tunc temporis pene intermortua est memoria legum, et memoria ceterarum disciplinarum, ut ait *Xenoph. in Cyri adolescentia*: et tam repente etiam a pagano in procinctu, in acie, in hostico juris utilitas a peritis depromi non potest. Igitur quoquomodo fecerit testamentum, valet, et ideo ratum erit, perinde ac si a milite factum esset, *d. l. ult.* Sed dicamus militem (quod jus non habet paganus) posse etiam in expeditione, in castris, in hybernis, in præsidiis, in stativis testament. jure militari facere. Nec moveamur eo, quod scriptum est in *Instit. de milit. testam.* militem in sedibus suis debere jure communi testari, testament. quod fecerit in sedibus suis non valere jure militari. Nam male interpretantur illo loco sedes, stativa, et malim sedes, ut recte in *l. ult. sup. de testam. mil. in sedibus suis*, et Basilica habet *ὁμοῖς ἰδίαις*, in propriis ædibus, aut certe idem est in sedibus, et in ædibus, ut *l. 2. C. Theodos. de domest.* Et quod in eo loco Institutionum Theophilus sedes interpretatur *στῆρα*, sive dicas, ut Suidas, sedes esse fossata, id est, castra, sive dicas esse stativa, ut *l. 18. sup. de Episcop. audient.* verum est in stativis militem posse jure militari testari, non etiam in ædibus suis, cum non est occupatus circa res bellicas.

JACOBI CUJACII J. C.

In Librum VI. Codicis.

RECITATIONES SOLEMNES.

Ad Tit. XXII. Qui testamentum facere possunt, vel non.

Explicato jure singulari, quod in testamento militis observatur, transit ad ordinem jusque commune, id est, ad regulas juris civilis, secundum quas pagani testari debent. Et quia in omni tractatu semper prior est questio, vel inspectio de personis, quam de solemnitate juris, ut in *l. quidam referunt, de jure codicill. l. 4. Qui testam. fac. poss.* Ideo hoc tit. in primis declarat, qui habent testamenti factionem. Pendet hæc res omnis

ex l. 12. tab. in quibus ita scriptum est. *Paterf. uti legasset super pecuniæ, tutelæ suæ, ita jus esto.* Sine qua lege non potuisset civis Romanus testamentum facere: legis est dare, vel adimere testamenti factionem. Quoniam testamentum est voluti lex quædam, quæ posteritati dicitur, quam dicere non est privati ullius, nisi dicendi lex fecerit potestatem. Hoc est, quod dicitur testamenti factionem, id est, jus, potestatemque testandi esse juris publici, non juris privati. Neque enim ex pactione privatorum habiturus est is testamenti factionem, cui lex ademit, neque etiam ex patris voluntate contra præscriptum l. 12. tab. et sic ex voluntate privati hominis non poterit filiusfamil. facere testamentum, l. 6. qui testam. fac. poss. Et similiter ex voluntate patroni libertus non est habiturus liberam testamenti factionem contra præcepta legum, quæ libertos obligant muneribus, donis, et testamentis. Quintilian. ait in declamat. 4. libertos debere patronis dona, munera, testamentum, quod scilicet non possint liberti patronos in suis testamentis præterire et prætermittere, et amsi patroni liberam testamenti factionem eis permiserint. Quoniam non est privati hominis dare liberam testamenti factionem, sed legis, aut Principis, qui viva lex est, l. etiam, l. Paulus respond. §. patroni, de bon. liber. Ergo lege opus fuit, quæ nominationem daret civibus Rom. testam. factionem, tam activam, quam passivam. Nam ut dictionis testimonii, ita testamenti factionis duplex est significatio, activa, et passiva. Ait ergo l. 12. tab. *paterf. uti legasset super pecuniæ, tutelæ suæ*, ut est scriptum in Florent. l. sæpe, de verb. signif. ut in loco Virg. *O mihi sola mei super Astyanactis imago.* Sic super pecuniæ, tutelæ suæ, sive quod brevius est, *sue rei*, l. verbis, de verb. sign. Ergo secundum verba legis non potest quis testam. facere de alienare, vel pecunia. Non potest etiam alieno filio tutorem dare, sed moribus tantum hoc receptum est, ut pater possit facere testam. de re filii sui impositis, quem habet, vel habiturus est post mortem suam, si eum habeat in potestate, quæ dicitur substitutio pupillaris. Excepto igitur hoc casu, nemo potest testari de pecunia aliena, sed de sua, l. conficiuntur, §. si post, de jur. codicill. Et respicit ad verba l. 12. tab. dum ait, de pecunia sua esse facultatem testandi, l. testandi, tit. seq. l. cum pater, §. mando, D. de leg. 2. Inde vero oritur questio l. 1. quod non animadvertitur, et erat facillimum animadvertere, an testam. factionem habeat is, qui quicquid habet, id habet commune cum fratre, vel sorore, vel extraneo? Nihil refert, quia scilicet res, pecuniæ communis, proprie pecunia sua non est, l. illud

dubit. de rit. nup. Sed ut ostendit l. 1. placet in l. 12. tab. suam pecuniam appellari etiam eam, quæ communis sit cum alio, ut scilicet super ea possit testam. facere pro sua parte. Igitur ut in multis partibus juris sæpe quaeritur, an quod commune est, tuum vel meum sit, quemadmodum indicat l. 1. etiam in l. 12. tab. circa illa verba, *pecuniæ suæ*, in questionem deductum est, an pecunia communis esset sua, quod definit l. 1. Præterea observandum est, l. 12. tab. loqui de paterf. ut refertur a Cornificio, et Cicerone, qui præponunt illud verbum *paterfam.* Ex quo intelligitur filiumf. non habere testam. factionem, l. 3. hoc tit. Et sane filiusf. non habet testam. factionem super bonis profectitiis, quod est certissimum, quoniam ea bona nullo jure pertinent ad filiumf. sed pleno jure sunt patris, in cujus potestate est. Verum constat etiam filiumf. non posse testam. facere super bonis adventitiis, tametsi horum proprietas nuda hodie pertineat ad filiumfam. et quibusdam casibus etiam proprietas plena, non deducto usufructu. Ergo indistincte nec super bonis adventitiis suis propriis filiusfam. testam. facere potest, sed mortuo eo revertuntur ad patrem, si vivat, jure peculii, id est, tanquam peculium, non tanquam hæreditas. Atque ita fit, ut quis non testetur de re propria, de pecunia sua, quod non satis sit suam esse pecuniam, nisi etiam paterf. sit qui testam. facit secund. verba l. 12. tab. Et hoc ostenditur in l. Imp. ad S. C. Trebe l. 1. ult. §. filiis, inf. de bonis quæ lib. l. pen. h. tit. Et ut ante dixi de iis bonis filiusfam. ne auctore quidem patre testari potest, qui tamen potest donare auctore patre etiam mortis causa, l. tam is, §. 1. de mort. caus. don. l. 9. §. pen. l. filiusf. de don. Videlicet si pater ei permiserit donare rem peculiarem non utique si ei permiserit liberam peculii administrationem. Neque enim intelligatur ei permisisse donationem, nisi forte Senator sit, quod Senatorum sit de suo largiri, et sæpe in vulgus suam pecuniam spargere, d. l. filiusf. Et similiter auctore patre quilibet ex peculio profectitio, vel adventitio filiusf. Deo devovere potest, l. 2. de pollicit. Nec alia ratio differentie est inter testam. aut donationem, aut volem, quam quod de testam. lex scripta sit paterf. tantum, de donationibus quilibet sit scripta, non soli paterfamil. Et quod testam. non possit fieri per alium l. illa institutio, de hæred. inst. Donare autem quis potest, et vovere per alium. Quid ni? Filiosfam. donante, vel vovente auctore patre, jussu, aut voluntate patris, ipse paterfam. qui eum habet in potestate, donare, aut vovere videtur, non filiusfam. Et tamen non possit filiosfam. testam. faciente, pater videri ipse testam. facere. Quia nunquam sit test. per alium. At facile videri potest pater donante

filiusfam. suo permissu, ipse potius donare, quam filius *d. l. 9. §. pen.* Sicut etiam filio manumittente servum peculiarem jussu, aut voluntate patris, forte patre cæco, muto, aut surdo, nequeunte exequi solemnia manumissionis, *l. 10. de manum. vin.* ipse pater videtur eum servum manumittere: nam etsi non liceat manumittere per procuratorem, et dare justam libertatem, tamen licet manumittere per filium eum servum, quem habet in quasi patrimonio, id est, in peculio. Ceterum manumissus ab ipso patre videtur potius, quam a filio, *l. si quis hac lege, §. 1. Qui et a quib. man. lib. 51. de rit. nup.* Summa igitur hæc sit: filiusfam. ne volente quidem patre super profectitio, aut adventitio peculio testam. facere posse. At potest tamen facere testam. super peculio castrensi, vel quasi. Cur ita? Quia constitutiones Principum hoc fieri permiserunt, et leges. Legis est, aut constitutionis dare liberam testamenti factionem, et posset etiam dare de profectitio, et adventitio peculio testamenti factionem, sed eam non dedit. Et hoc quidem de filiofam. notandum est, *l. 12. tab.* quæ loquitur de patrib. non esse dubitandum, quin exigit, ut is patrib. sit pubes: nam cum testam. nihil aliud sit, quam ultimum judicium, quod de rerum suarum divisione defunctus facit, et nullum sit judicium impuberis, perspicuum est legem non dedisse impuberi testamenti factionem. Et ita in *§. Præterea, inst. quibus non est permis. fac. test.* impuberes non posse condere ultimum judicium, sive facere testam. quod nullum animi judicium habeant. Ratio est ducta a nomine. Impubes nullum judicium animi habet. Ergo ultimum judicium condere non potest, ut similitur *l. cum prætor, §. pen. de jud.* Impubes iudex esse non potest, quis iudicio caret. Est ratio ducta a nomine. Duplex est iudicium ut Gal. docuit *lib. de hist. Philos.* Hoc animi iudicium impubes non habet, ut possit discernere ea, quæ sunt, et quæ non sunt, et qua ratione, quoque modo dignoscenda sunt, quod utique necessarium est in testatoribus. Et athenicum ex lege *4. h. t.* pubertatem, quam exigimus in testatore, hodie sine ulla controversia æstimari ex annis 14. in mare, in femina ex annis 12. quod sciunt omnes. Quæstio fuit olim centumviralis, pubertas annis, an habitu corporis æstimeretur Fabius auctor est fuisse centumviralem quæstionem. Hodie definita est illa quæstio ut pubertas æstinetur ex annis, non ex habitu corporis, non ex aspectu necessariz partis, ut olim Aristophanes in *Vespis*, et Plato *11. de legib.* Et ita Quintilianus 279. *declam.* cum quæreretur de ætate pueri: Puerum, inquit, nudari et in conspectu iudicis constitui jussit pater. Is fuit olim mos, quem abrogat lex *4. h. t.* Et statim subjicitur *l. 5. que*

vult, ut etiam spadones ceterorum exemplo testamenta faciant, ut igitur ab ea ætate, qua solent alii testamenta facere, faciant. Et quod observandum notat *l. 5.* tria genera ultimorum judiciorum, testamentum, codicillos, et ultimum judicium; ultimum judicium vocatur epistola fideicommissaria, ut *l. 7.* quæ est supplementum codicillorum, in *l. cum quis §. pater, l. uxorem, §. 1. deleg. 3.* Sicut codicillus est supplementum testamenti, codicillus est justa sententia defuncti de rei familiaris sive divisione, quæ obtinebat post mortem: epistola fideicommiss. est supplementum codicilli. Ut ergo voluntatem suam ultimam exponant spadones exemplo ceterorum omnium: ab ea ætate igitur, quam ante præscripsi: quæruunt, quæ fuerit in spadonibus ratio dubitandi. Sumunt ex *3. Sent. Pauli*, quod dicat, spadones facere testamentum plena pubertate; id est, anno 18. Inde quæri poterat, an in spadonibus exigerentur 18. anni. Sed Imperat. definit ut sufficiant 14. Numquam spadonibus fuit adempta testamenti factio, *l. 6. de lib. et post.* Sed in dubio fuit, a qua ætate possent facere testamentum. Sed videmur rationem posse nos dubitandi ducere ex eo, quod fuit olim institutum de Eunomianis hæreticis, qui plerumque solebant sibi exsecrare virum, et iis modo Imp. dederunt, modo ademerunt testamenti factionem, *l. Eunomiani spadones, et l. 23. 27. et 51. C. Theod. de heret.* Hæc lex videtur eis hæreticis permittere liberam testamenti factionem, et magis sequi eos Imp. qui dicebant non esse adimendam Eunomianis spadonibus testam. factionem. Et potest etiam meo iudicio propius ad rem, quam intuetur constitutio *l. 5.* duci dubitatio ex eo, quod est constitutum de præpositis sacri cubiculi Principis, qui erant spadones, ut scitis. Et ex hac constit. et ex *l. 2.* quæ habet eandem subscriptionem et inscriptionem *inf. de privil. eorum, qui in sacro palat. et l. 2. inf. de præpos. sacri cubic. l. 12.* Cubicularii omnes Principis habent liberam testamenti factionem, licet a dominis oblatis sint cubiculo Principis. Nam servus spado statim atque a domino suo offertur cubiculo principis, non liber tantum, sed et ingenuus fit, et adipiscitur liberam testamenti factionem, vel etiamsi sit filiusfam. non liberatur quidem potestate patris, sed de iis, quæ acquirit in palatio Principis, libere potest testari, ut de castrensi peculio ex iis constitutionibus. Et quoniam incidit sermo de spadonibus, addam aliquid, quod est proprium huic sedi (juris canonici auditorio) non esse continentendum quod est in cap. 5. *de corpore vitiatis ordinandis, vel non.* Cum regulariter sacerdotes, aut eos, qui aspirant ad sacerdotiam, oporteat omni ex parte esse integros, ut Joseph. ait *l. 1. de bello*

Judaico, dum scribit, Antigonus Lucano cuiusdam cum dentibus præcidisse aures, ut nunquam posset pervenire ad sacerdotium, quia non integri non sunt idonei sacerdotio, quod lex Judaica vetus instituit, ut intelligeretur, nihil nisi quod esset sincerum et integrum, mente non nisi sinceram et integram Deo offerendam esse. Et certatim Canones volunt idem servari etiam hodie, ut nemo perveniat ad sacerdotium, nisi sit integer ex omni parte. Quod etiam invenio Romulum cavisse, aut Numam de suis sacerdotibus apud Dionys. Halicarnas. Ceterum, ut est in d. c. non excluditur aut non ejicitur sacerdotio, qui propter eminentem elephantiasin, id est, lepram, Arnobio vitiliginem, sibi exsecuit virilitatem, propterea quod sane constat eo morbo nunquam corripit eum, qui sibi virum exsecuerit. Auctor est Aelius l. 15. c. 125. Cetera, quæ sunt in h. tit. essem insuavis, si tractarem, quoniam unusquisque ex potest percipere lectione. Nihil dicam de muto, surdo ita nato, itave facto, quorum testamenta l. antepen. vult non esse justa, si fiant per nuncupationem, et vult omnino ea fieri per scripturam. Et notandum tamen ad d. l. antepen. ex l. 29. tit. seq. mutum nescientem literas, ut ait, mortuo esse similem, nec posse igitur facere testamentum. Etiam non est omittenda diligentia, quam vult. Just. Imp. l. hac consultiss. hoc tit. adhiberi in testamento ejus, qui cæcus est, et oculis orhatus, ut scilicet faciat testamentum per nuncupationem, quod non possit facere per scripturam, adhibitis 7. testibus, quot solent adhiberi etiam in aliorum testam. vel si faciat codicillos, adhibitis 5. testibus, quod est supplendum ad d. l. hac consultiss. Et adhibito tabulario, qui scribat testam. et excipiat quæ cæcus lingua nuncupavit, vel etiam tabulario recitante testam. cæci, quod alter scripserit dictante cæco. Denique adhibetur tabularius ut scribat testam. coram 7. testib. vel recitet quod recepit alius. Item ut testes subscribant, atque obsignent testam. vel si copia non sit tabularii, ut adhibeatur octavus testis in testam. vel sextus in codicillis, qui vicem supplcat tabularii, et scribat, vel recitet testament. cæci. Et præterea quorum magna pars servatur, vult ut cæcus palam edicat, quamobrem eos testes convocaverit, et tabularium, et palam nuncupet nomen hæredis, et non tantum nomen hæredis, sed etiam dignitatem, la qualitè, et notas demonstrationis veluti a colore, rufum illum, vel simum illum, aut claudum, ne ulla, inquit, sit ambiguitas in persona hæredis. Et hæc omnia vult peragi uno loco, unoque tempore, quod vulgo dicitur, uno contextu.

JACOBI CUJACII J. C.

In Lib. VI. Co licis

RECITATIONES SOLEMNES.

Al Tit. XXIII. De testamentis, et quemadmodum testamentum ordinentur.

Venio ad explicationem tit. 23. de testament. et quemadmodum test. ordin. De testam. id est, de variis generibus testam. quæ in h. l. proponuntur, deque testam. aperiendis, et publicandis, et quemadmodum testam. ordinentur, id est, de solemnitatibus et regulis juris, quæ in testam. observantur diligenter et accurate, ut rata sint ea testam. quæ scilicet quis facere instituit jure modoque legitimo, jure solenni. Nam et hæc solemnia juris in h. l. explicantur. Sunt autem hæc due inspectiones ita conjunctæ invicem atque connexæ, ut simul explicari possint et debeant. Igitur dicendum nobis est de unoquoque genere testamenti, et quæ in unoquoque solemnia juris exigantur. Principale autem genus testam. est, quod Græci dixerunt *μυστικόν*, id est, *arcanum*, cujus tenorem neque testes sciunt, et signatores testam. neque alius, quam testator ipse, qui testam. scripsit, vel is, cui testator scribendum testam. dictavit. Nam id nunquam fuit exactum a testatore, ut testam. suo proprio chirographo scriberet, quia potuere semper testatores per testamentarium scribere testam. Testamentarium dicitur scriptorem alieni testam. qui et ennomo dicitur in glossis antiquorum. Et de hoc quidem genere testam. est l. hac consultiss. h. l. quæ nulla est celebrior in h. l. nec majoris momenti. Itaque impellor, ut ab interpretatione potissimum ejus legis incipiam. Et ab eo igitur genere testam. quod facio primum et præcipuum, quod dicitur mysticum. Qui vult secretam esse suam ultimam voluntatem, nec innotescere testibus, vel aliis, debet offerre testam. clausum testibus, et pertusum, sive perforatum ad mediam marginis partem, ter lino per foramina trajecto, ut cautum SC. Neroniano Suet. scribit. Clausum igitur, et pertusum in summa marginis ad mediam partem, triplici lino per foramina trajecto, ut supra lino testes signa sua imprimant, et subscribant hoc modo, annotato nomine suo, et nomine testatoris: Cajus Sejus Lucii Titii testam. obsignavi. Imprimunt quisque suum signum supra lino, deinde ita subscribit: Cajus Sejus L. Tit. testam. obsignavi, l. ad testium, §. si quis ex testam. l. penult. Qui testam. fac. poss. vel etiam ut constat ex d. l. ad test. §. ult. testator

offert tabulas test. involutas linteis, quod illo loco Græci admodum singulariter vocant *πυλιν*, ut scilicet sub linteis testes suos signa imponant, et subscribant, ut divi supra. Et ita interioris scripturæ fidem servat exterior scriptura testium, ut eleganter ait Paul. *l. 8. Sent. ad l. Corn. test.* Testes autem rogari oportet, ut sciant in cuius rei causam veniant in conspectu testatoris, id est, ad testimonium perhibendum. Et ubi venerint, ut signant testam. testatore tenente testam. clausum, et ita dicente: *L. Titius hoc meum testam. scripsi*, vel *L. Tit. hoc meum testam. Cajo Sejo scribendum dictavi*. Rogo vos, Quirites, ut vestris signis obsignetis, nominaque vestra subscribatis. Rogandos esse testes nominatim ait *lex hac consultiss. h. t. et l. hæredes*, *S. penult. Qui test. facere poss.* et *l. ult. in fine, inf. de codicill.* Rogandos, inquam, in testam. non in codicillis, in quibus etiam fortuiti testes adhibentur, non ejus rei causa accersiti specialiter, aut vocati. Si adhibeantur fortuiti testes in testam. injustum est testam. quod in eo hoc solemnitas desit, et oportet servari ad unguem omnia, quæ *ll. servari præcipiant in faciendo testam.* Itemque testes non minus 7. adhiberi oportet, ne qua fraus fiat: nam si vel unus testis defuerit, si 6. tantum adhibiti fuerint, injustum est testam. Quinimo exiguntur oculati testes septem, qui exigebantur in omnibus fere actibus legitimis, ut in divortis, *l. nullum, de divort.* ne tot intervenientibus testibus mutaretur fides testam. vel de ea dubitaret quisquam. Testes, inquam, oculos 7. intervenire oportet, eosque puberes, et cives Romanos, ut ait *l. hac consult. 21. h. t.* Quamobrem, qui adhibentur signandis testam. et Festos scribit, appellati sunt classici testes, quia cives Rom. olim omnes omnino in classe aliqua censebantur. Denique classici testes sunt proprie testamentarii testes. Hos omnino adhiberi oportet puberes, et cives Rom. ut igitur testatorem oportet esse civem Rom. ita testes, et signatores cives Rom. Hoc negotium tantum peragitur inter cives Romanos, et cum civibus Romanis, quod et quisque ad cives suæ patriæ referre potest. Et ut hoc loco interpretemur sententiam *l. 4. h. t.* invenio testes adhibitos testam. ex eo haberi pro idoneis, etiamsi servi fuerint, vel peregrini, modo testam. faciendi tempore omnium consensu civium Rom. loco habiti sint, et habeantur etiam hodie prolato testam. nemine faciente eis controversiam status. Nec enim prolato testam. si nemo faciat testibus controversiam status, admodum quaerimus testes ne cives Rom. fuerint, nec ne. Præsumptio facit pro eo, qui est in poss. libertatis, et ubique non existente adversario, vel etiam existente, cujus per sit conditio, potius semper est conditio possess. quam est sententia *l. 1.*

Et ita etiam prolato testam. si hæredibus instituendis nemo faciat controversiam status, non quaerimus sollicitius hæredes scripti, cives Romani sint, nec ne, quod omnino vult *lex militis, sup. de testam. milit.* in illo loco: *nec uxorum, aut filiorum eorum meritum, aut libertas, dignitasve queratur*. Videlicet nullo existente adversario, qui vel eos adserat esse servos, vel indignos hæreditate defuncti. Ergo satis est si testibus testam. adhibitis nemo faciat controversiam status. Si quis enim faceret controversiam status, et vinceret præjudicio, corrueret testam. per causam non idoneorum testium. Pergamus porro: testes, qui adhibentur ad testam. signanda et subscribenda, venire vocati debent in conspectum testatoris, et convenire simul, signare, et subscribere simul, uno eodemque tempore, nullo actu interveniente, ut ait *l. h. consult.* id est, nullo actu superfluo. Quæ verba (*nullo actu interveniente*) quæ sunt in *l. hac consult.* Just. ita interpretatur in *l. cum antiquitas, h. t.* ut non quilibet actus, qui intermiscetur conturbet testam. factionem, puta si interim dum quis offert suum testam. testibus, exigique eorum signa et subscriptiones, forte ægro-tanti testatori offeratur medicamentum, vel si quid aliud interveniet, quod natura necessario requirat, vel etiam si quis ex testibus corripitur comitiali morbo, non dirimit comitialis morbus testam. fact., sed aliquantisper is testis seducitur, moxque eo languore finito reducitur, ut vel ipse scribat, et obsignet test. vel adsit ceteris, qui nondum signarunt. Fortuiti casus, qui intermiscetur, non vitiatur, sed alii actus, qui vel a testatore ipso, vel testibus extra rem, de qua agitur, accersuntur paulatim intermisso eo negotio, cujus causa conveniunt. Est apertissima interpretatio Just. Igitur adhibita interpretatione, dicendum, verum esse quod ait *l. h. consult.* testes simul convenire omnes, et subscribere uno eodemque tempore, non uno eodemque die, sed uno eodemque tempore, una eademque hora, non diversa, *l. 8. sup. tit. prox. l. 12. h. t.* *Ex Nov. 2. Val. de testam.* valet testam. etiamsi testes id signaverint horis diversis, non simul eadem hora momentove. Sed eo jure non utimur. Nam omnes constit. *h. t.* volunt, ut uno eodemque tempore testes signent, et nomina sua subscribant. Excipitur in *l. 8. h. t.* unus casus, qui est satis difficilis explicato. Si contagione cujusdam testis, vel forte testatoris, alii testes metuant sibi malam, casus major, inquit, et novus, id est, vis divina, quæ potest contagionem adferre, si quis ad eam accedat, vel ad eos potius, qui ea corripiuntur, is metus contagionis hoc remittit ex solemnibus testam. ne uno eodemque tempore coeant, sed alii post alios veniat, suscribant, atque subsignent: vel-

de laborant in pondosa specie certa. Et Vulgo ponitur exemplum in comitiali morbo, in epilepsia, qua corripitur testator, vel testis quidam, qui tamen morbus non est habitus pro contagioso. Et l. 8. de contagionis metu est. Græci aliter accipiunt verba l. 8. ut si peste, vel alio morbo contagioso laboret testator, testes non cogantur in ejus conspectum venire, sed ut seorsim a testatore testamentum obsignent. Quod quidem habet rationem, sed nullo modo convenit verbis legis, quæ dicit, testes ipsos, si morbo contagioso fuerint oppressi eo tempore, quo dant operam in obsignando testam. eos non sociari, non jungi aliis, ut ait. Et videtur ergo hæc potius sententia l. 8. ut si dum huic rei impeditur opera, forte contingat eo tempore, quo grassabatur peste, in presentia ceterorum, aliquem ex testibus eo morbo corripitur, ita ut mox ceteri testes deterreantur, ut is testis sejungatur mox, et segregetur a ceteris et nihilominus ut ratum sit testament. licet ille testis seorsim signaverit propter casum majoris necessitatis, et horrorem ceterorum testium. Etiam ex parte nos oportet l. 9. *hoc titul.* quod ex solemnibus testament. speciale privilegium patriæ testatoris, aut sane mores remittunt, veluti, ut est species hujus legis, si speciale privilegium patriæ testatoris, vel etiam si mos sit, ut non sit necesse omnes testes venire in conspectum testatoris, sed ut possint singuli seorsim a testatore signare testament. Ex quo loco intelligitur manifeste contra distinctiones, quas introducere interpretes nostri alienas non minus, quam alienus est locus, in quo ea de re tractare, id est, in l. 1. *sup. de sum. Trinit. et fide cathol.* Intelligimus inquam, in faciendo testam. privilegium, et morem patriæ testatoris spectari oportere, non situm honorum. Nam sola possessio honorum non creat mihi patriam. Si possideo prædium in hac urbe, hæc urbs non est ideo mea, nisi in ea posui domicilium, quod ostendit l. *libertus*, §. *sola domus poss. ad municip.* Solam poss. nec civem facere, nec incolas. Ergo in servandis solemnibus testam. non spectabo situm bonorum, ut pro vario situ bonorum etiam varia solemnia observentur, variæ mores in exequenda defuncti voluntate: sed spectabo tantum morem et privilegium patriæ testatoris. Ambiguum est nomen patriæ. Nam alia est patria originis, alia domicilii, quam patriam spectabo? Et quævis magis proprie patria nobis sit ea, unde orti sumus, quasi deducto nomine a patre, ut indicat l. 1. *sup. qui petant. tul.* tamen æquius est in testamentis faciendis spectari eam patriam, in qua domicilio posito, facta constitutione rerum nostrarum diem obire decernimus, et hunc legem Isocrates testis est fuisse Æginetarum in Æginetico: ut

scilicet lex ejus patriæ servetur, in qua quis domicilium fixit, in quam transmigravit, relicta patria originis. Et jam invenio in numero testium, qui sunt adhibendi ad signanda testamenta, plurimum posse mores cujusque provinciae. Tholosæ sufficiunt duo testes et tabellio. Græci scribunt ad l. 2. *unde liberi*, hunc morem fuisse in Oriente, ut sufficiant quinque testes, maxime ruri. Invenies etiam in l. *ult. h. t.* nominatim esse scriptum antiquam rusticorum consuetudinem vicem legis obtinere, qui tamen adhibent certum modum. Sed ut cetera persequamur, quæ sunt in l. *hac consultiss.* quam dixi esse veluti arcem h. t. ea exigit, ut testator in reliqua parte testam. in ima, vel exteriori parte testam. quod clausum, aut linteum involutum obtulit testibus presentibus idem manu propria subscribat, hoc fere modo: *L. Titius huic testam. meo subscripsi.* Hoc etiam esse ex solemnibus testam. lex ait, et ex solemnibus juris antiqui, ut opinor, quandoquidem invenio in l. 6. §. 1. *de jure cod.* ad differentiam testamentorum posse quem plures codicillos facere, cum tamen non possit quis plura testam. facere, quæ omnia vires obtineat. Et subjicit etiam codicillos valere neque subscriptos, neque signatos manu testatoris. Cur hoc subjicit? Nisi ad differentiam testam. in quo necessaria est subscriptio testatoris, vel etiam ut constitutio addis, si sit illiteratus testator, subscriptio octavi testis requiritur, qui subscribat hoc modo: *L. Titius pro Cajō Sejō testatore nomen meum, testatoris-que huic testam-nt. subscripsi.* Hæc vero Just. ita declarat d. l. *cum ant quitas*, §. *ult.* addita exceptione, ut non sit necesse testam. subscribi manu testatoris, vel manu octavi testis subscriptoris, si testator totum testam. manu sua perscripserit, quod dicitur test. holographum apud Isidor. et in Nov. 2. *Vol. de test.* in qua valde novum est, quod scribit de testam. holographo, ut valeat sine testibus, etiam si nemo unus adhibitus sit, satis esse, quod totum test. defunctus sua manu perscripserit, nec quin is perscripserit quispiam in dubium vocet. Quo tamen jure non utimur: hoc jus non utique probant constitutiones h. t. Nam in holographo testam. requiruntur 7. testium signa et subscriptiones: subscriptio testatoris remittitur tantum, vel testis octavi subscriptio pro eo. Hæc vero solemnitas mystici testam. quæ recensui, cum Imp. exposuisset in l. *hac. consultissima*, rem ita conclusit: *Non subscriptum autem a testibus, ac non signatum testam. pro infecto haberi convenit.* In quo proculdubio est male omnes legisse, quod confirmaverunt quilibet veteres liberi, si eos consulueris. Male, inquam, eos legisse, *pro infecto*, cum sit legendum *pro imperfecto*. Et ita etiam Græci l. 35. *Basilicon* ἡ μὲν γὰρ ἀτελής ἐστίν, etc. id est: *Imperfectum est testam.*

quod ita completum non fuerit, id est, quod non obsignaverint 7. testes, quique non subscripserunt. Denique proprie imperfectum testam. est non quod quocunque vitio laborat, sed quod neque subscriptum, neque obsignatum est a testibus: hoc peculiari nomine vitium imperfecti appellatione denotant, et ita etiam in *l. si qui legatum, ad l. Cornel. de fals. invenies*, imperfectum testamentum appellari evidenter, quod neque subscriptum, neque subsignatum est a testibus: et ita imperfectum testamentum accipimus in *l. ex imperfecto, h. t.* Ergo cum Imperator in hac *l.* ita rem finisset, *non subscriptum ac signatum a testibus, pro imperfecto haberi placet*, rectissime subiicit: *Ex imperfecto autem testam. voluntatem non tenere defuncti, nisi, etc.* Vult igitur, ut imperfectum testamentum, id est, neque subscriptum, neque signatum a testibus, non valeat. Non loquitur de aliis vitiis testamentorum, sed de hoc solo, quo desunt signa et subscriptiones testium ut inquam, non valeat nisi factum sit a parentibus inter liberos. Nam etiamsi neque sit signatum, neque subscriptum a testibus, valebit tamen inter liberos, ut ferant scilicet portiones eis adscriptas in eo testamento. Et si forte habeant cohæredes extraneos, ut ii nihil ferant, et eorum pars accrescat liberis, quorum respectu solo testamentum perfectum et ratum est. Ergo quantum ad extraneos imperfectum est, quantum ad liberos pro perfecto est. Hæc est verissima sententia hujus loci. Sed serve, quam abutantur passim hoc loco. Nam quod hic de uno testamenti vitio constituitur, ut ob id non minus valeat testamentum inter liberos, si desunt signa et subscriptiones testium, id porrigunt ad omne vitium testamenti, etiamsi defuerit numerus testium inter liberos, testamentum valere existimant, quod nunquam approbavi. Non licet nobis interpretationibus nostris, stultis maxime, quæ cauta sunt de solemnibus, extendere, et ampliare, sicut in *d. l. 9. h. t.* propter metum contagionis non convenient quidem testes in unum, sed alii post alios venient, et signabunt. Hæc solemnitas tantum conveniendi in unum remittitur evitandæ contagionis gratia, non etiam, ut ait *l. 9.* remittitur testium numerus. Quæ etiam hodie longe abutantur, dum volunt, grassante peste non exigere 7. testes, cum manifesto lex exigat, ut congruat numerus testium, et hoc tantum remittat, ne in unum cœeant testamenti signandi causa. Et ita etiam si desit numerus testium in testamento inter liberos, dicamus non valere testamentum, quoniam signa tantum et subscriptiones sunt remissa inter liberos: numerus vero testium non est remissus. Non etiam dices testamentum notis scriptum valere inter liberos, quod aliquando obtinuit,

Tom. IX.

l. ultim. sup. famil. etc. Hodie non obtinet ex *Nov. 107.* nec pugnat *§. ex imperf.* dum ait ex testamento imperfecto liberos obtinere hæreditatem sibi eo testamento delatam: quoniam imperfectum testamentum vocat id tantum, quod neque signatum est, neque subscriptum a testibus, non etiam quod alio vitio laborat. Præter ea, quæ heri diximus juri necessaria ex *Nov. Theod.* id est ex, *l. hac consultissima*, in testamento scripto, et secreto, quod mysticum dicitur, vult etiam Justin. in *l. jubemus*, et *l. pen. h. t.* si testator nolit testibus prodere suam voluntatem, ut in interiori pagina testamenti per se manu sua scribat nomina hæredum, non per alium; alioquin ut testibus pronuntiaret suam voluntatem, ut testibus euntiaret nomina hæredum suorum, quæ post inserant subscriptionibus suis, hoc fere molo; *l. Titius obsignavi C. Seji testamentum, quo hæredes fecit sibi M. Tul. et Pompejum Atticum.* Itaque ex constitutione Justiniani omnino aut manu, aut lingua testatoris exprimenda sunt nomina hæredum, et derogatur aliquatenus *Novellæ Theodosii*, nempe in hoc, ut is, qui nescit literas, non possit mysticum condere testam. ex *d. l. jubemus*, et *d. l. pen.* Sed postea mutavit sententiam Justinianus, et censuit illiterato licere etiam per alium scribere nomina hæredum, nec ea prodere testibus, *Novell. 119.* Et notandum tamen, quod est in *d. l. jubemus*, si pars hæredum testatoris scripta, vel lingua testatoris nuncupata sit, eorum tantum hæredum institutionem valere, qui manu testatoris scripti, vel lingua nuncupati fuerint: ceterorum non valere. Cui sententiæ Accursius opponit *l. si is qui test. fac. poss.* Cujus mens hæc est: quidam cum vellet plures hæredes pronuntiare, et nuncupare quorundam nomina, decumbens ex morbo nuncupavit, et priusquam ceteros nuncuparet, obmutuit, inquit, amissis verbis, et occupante enim morte, ut apud Poetam. *Ille, qui incipit effari, mediaque in voce resistit.* Queritur an nuncupati sunt hæredes futuri? Lex ait, hæredem neminem fore, quia magis cœpit testamentum facere, quam fecit. Quæ ratio satis demonstrat statim, quam distet ea species a specie *l. jubemus*. Nam in illa specie *l. si is qui*, cœpit potius testamentum facere, quam fecit: in specie *l. jubemus*, perfecit testamentum, nimirum institutis iis omnibus, quos sibi hæredes esse voluit. Sed quia in subscriptione testam. non omnium nomina nuncupavit, ideo hæredes tantum defertur iis, qui sunt nuncupati. Ex testamento igitur perfecto: at illa in specie, infectum est testamentum, vel inchoatum duntaxat: in specie *legis jubemus*, factum est testamentum, sed quod subscriptio testatoris, vel nuncupatio defuerit, non nuncupavit omnes hæredes, quos voluit, ideo

68

veniant ad hereditatem subscripti tantum, non nuncupati. Et hoc de testamento scripto et secreto erat addendum his, quæ diximus heri ex d. l. jubemus, et d. l. pen. Nunc transeamus ad aliud genus testamenti, nempe id, de quo agitur in eadem lege hæc consultissima, quod fit sine scripto per nuncupationem uno eodemque tempore, audientibus testibus septem puberibus, civibus Romanis, et testatore solemnibus verbis prædicente, ac cogere testes, et convocare testamenti sui nuncupandi gratia. Sed hanc solemnem prædicationem tollit Justinianus in l. in testament. h. t. Satis igitur est rogari 7. testes, ut adsint auditori nuncupationem testamenti, et palam eis non narrari, vel promitti futurum suæ voluntatis arbitrium, sed confici ab eis coram eis, et nuncupari testamentum secundum l. 12. tab. quod quis ita lingua nuncupasset animo testamenti faciendi, id jus ratumque sit. Et hoc quidem genus testamenti, quod fit sine scriptura per nuncupationem jus civile novit, non jus prætorium, l. 2. sup. de bon. poss. sec. tab. Ideoque non datur bon. poss. secundum nuncupationem, sed utilis tantum, et obliqua. Directa bon. poss. datur tamen secundum tabul. id est, secundum scripturam testamenti, sive secundum testamentum. Hoc ergo secundum testamenti genus est ex jure civili mero, primum autem testamenti genus, quod mysticum dicitur, et arcanum, et civile ac prætorio, atque constitutionum jure permixto: jure civili, quantum ad testes, ut præsentibus adsint uno eodemque tempore et loco: jure prætorio, quantum ad signa, et numerum 7. testium: jure constitutionum, quantum ad subscriptiones testium: et hæc duo potissimum genera testamentorum hodie sunt in usu. Nam abolita sunt antiqua testamentorum genera, veluti quod appellabatur calatis comitiis, et quod appellabatur cudo procinctu. Abolitum est etiam testamentum, quod fiebat per æs et libram, id est, quod per imaginariam emancipationem familiæ, sive honorum, et nuncupationem testamenti, testatore dicente hæc verba. *Hæc uti in his tab. cerise scripta sunt, ita do, ita lego, ita testor, itaque vos Quirites, testimonium perhibete.* Constitutio Constantini tollit hanc formulam testamenti, ut omne testam. deinceps fiat, aut fieri possit, sine ære, sine libra, sine tabulis, et ut in testamento necessaria etiam non desiderantur verba directa et sollemnia, l. quoniam, h. t. in legatis, inf. de legat. Igitur ex constitutione Constantini recte fit testam. verbis precariis, quod olim fiebat tantum verbis directis, id est, imperativis, veluti *hæres esto, damnus esto, dato, facito*, sic loquente testatore, ut II. loquuntur, quæ non precantur, sed imperant: verba imperativa ea sunt, quæ directa dicuntur.

M. Tull. 2. de divinac. *Quid opus est, inquit, circuitu, et amfractu, ut sit utendum somniorum interpretibus potius, quam directo? Deus si quidem nobis consulebat, hoc facito, hoc ne feceris, diceret.* Sic loqui igitur est directo loqui. Et ita eleganter Porphyrio in illum locum Horatii: *Transanto Tyberim, et paulo post, habento. Utitur*, inquit, *verbis directis, quia scribit ad Trebatium* IC. Olim non erat justum testamentum, quo quis heredem scripsisset his verbis: *Titium heredem meum esse volo*, quia verbum volo est precarium, non directum. Et ita in l. illud, §. 1. de jure codicill. cum quidam ita scripsisset, *Titium heredem meum esse volo*, ita censet Jurisconsultus esse distinguendum: aut voluit his verbis facere codicillos, et tunc Titius ab herede legitimo hereditatem petet, veluti ex causa fideicommissi, quoniam volo est verbum precarium, et fideicommissarium: aut voluit facere testamentum, et arbitratum est ea verba esse legitima et directa, et tunc ea scriptura neque valebit jure testamenti, neque jure codicillorum, quia non adjecit clausulam codicillarem: itaque inutilis et inanis est scriptura, nec Titio erit petitio hereditatis ex causa fideicommissi adversus heredem legitimum defuncti, d. l. illud, §. 1. at, ut nominatum ait d. l. quoniam, etiam verbo volo recte sit testam. Denique quibuscunque verbis, vel ut referens eam ipsam Constantini legem Eusebius loquitur 4. de vita Constantini. *ψιδὸς πᾶσαι*, id est, nudis verbis, id est, quibuscunque verbis directis, vel precariis. Certe olim etiam nihil nocerat error tabellionis, vel testamentarii, aut enomionis, si omisisset per errorem verba directa, ut si omisisset verbum esto, vel etiam heres esto, et tantum scripsisset nudum nomen L. Titii, quod tunc presumatur plus nuncupatum, minus exceptum, minusve scriptum, l. 7. h. t. l. 1. ff. de hered. instit. Et multo magis in fideicommissis verbum volo omissum nihil nocet, ut si testator dixerit Lucio Titio fundum Sabinum dari, nec adjecerit verbum volo, l. verbum, inf. de fideicommissis. Et similiter in sententiis arbitratorum, si quem litigatorum arbiter jusserit dare centum, et ille acquiescens sententiæ arbitri subscripserit dare, nec adjecerit promitto, nihilominus ex sua subscriptione obligatur, l. 4. §. si quis autem, sup. de recept. arbit. In quo noudum vere restituta, quæ sunt verba Græca, sic moneo obiter esse restituenda: Si quis autem post arbitri definitionem subscripserit *ἀποδοῦναι*, vel *δοῦναι*, vel *παραδοῦναι*, vel *παρασχεῖν*, vel *δοῦναι*, nec adjecit *ὁμολογῶ*, id est, promitto, et ita ut retuli ex l. 2. et l. ergo h. t. omissa hæc verba directa, *Hæres esto*, nihil nocent. Et generaliter etiam secundum eam Constantini legem, hodie etiam Græcis verbis recte sit to-

stamentum, ut in *l. hac consultiss. et l. ult. sup. de testament. tut. l. directas, inf. de testam. manumiss.* Cum tamen olim non fieret testamentum, nisi verbis Latinis, quia verba Latina directa dicuntur, civilia verba, in *l. verbis civilibus, de vulg. et pupill. substit. et Ulpian. lib. reg. tit. de fideicom.* Cum autem verba Latina sint directa, non Græca, ideo olim inutiliter instigebatur hæres verbis Græcis, inutiliter dabatur tutor verbis Græcis, inutiliter dabatur libertas, et legatum verbis Græcis, et quæcumque in Pandectis videntur esse relicta verbis Græcis, fideicommissa sunt, non legata, quod fideicommissa quibuscunque verbis rehoquantur. Sed ut absolvamus ea omnia, quæ continentur in *l. hac consultissima*, additur in §. *si quis autem*, prius testamentum jure perfectum, non rumpi posteriore testamento imperfecto, id est, neque signato, neque subscripto a testibus. Quæ regula est certissima, sed addit exceptionem, nisi in priore testamento scriptus sit extraneus, in posteriore autem is, qui ab intestato rem omnimodo ablaturus erat. Veluti filius, aut frater consanguineus defuncti, qui et non facto testamento veniret ad legitimam hereditatem. Hoc enim casu, licet imperfectum sit posterius tamen corrumpit prius, non quidem ipso jure, sed ope exceptionis, cum et posterius testamentum, ut ait §. *si quis autem*, non valeat ut testamentum, sed ut voluntas intestati, qui scilicet voluit corrumpi prius testamentum, et mori intestatus, debita hereditate ex posteriore scriptura ei qui omnino ab intestato hereditatem ablaturus erat. Denique posterius testamentum, quod est imperfectum, in quo est institutus is, qui veniret ab intestato, non valet ut testam. sed ut intestati voluntas novissima, in qua etiam sufficit numerus, quinque testium juratorum, id est, qui post mortem testatoris jurent apud judicem, non tabellionem, ut Accurs. notavit recte, qui testificentur, et affirmant eam esse voluntatem defuncti, *l. ult. in fin. hoc t.* Et ita etiam si sit unicum testamentum imperfectum, tamen in quo liberi testatoris hæredes instituti sunt, verum est id non valere ut testamentum, sed ut ultimam intestati voluntatem: ultima voluntas est testat., et intestati. Non dubium igitur est, id non valere ut testamentum, sed ut ultimam voluntatem intestati, in qua etiam sufficiat numerus quinque testium. Et ita rectissime Accurs. interpretatur §. *ex imperf. l. ult. sup. fam. etc.* dum respondet ad legem qui a patre, de confirm. tut. quæ vult eum tutorem jure filiis a patre datum non esse, qui datus sit in minus solemnio testamento, et indigere confirmatione prætoris aut præsidis. Nam et ita liberi instituti in imperfecto testamento non competit hereditas veluti ex testamento, sed quasi ex novissima voluntate inte-

stati. Et cum sententia hujus §. *si quis autem* congruit etiam omnino *l. 2. de injur. rup. irr.* Et ei locus est non tantum si imperfectum sit testamentum ob signa vel subscriptiones omisissas, sed etiam si nullum sit ob præteritionem filii, vel posthumi, modo filius, vel posthumus præteritus vivo patre decesserit, et posteriore testam. sit hæres scriptus is, qui omnimodo rem ab intestato ablaturus erat. Nam et ab intestato, et ex testam. ipse venire poterit, petita honor. poss. secundum tab. Idemque erit si filius priori testam. exheredatus sit, posteriori præteritus. Nam distinguimus hoc modo: aut posteriore testam. filio præterito scriptus est extraneus, et nullum est test. posterius ob præteritionem filii, nec tamen veniet filius ad hereditatem, quia prius testamentum consistit, in quo est exheredatus, in quo exhereditatio eum excludit ab hereditate paterna. Sed si in posteriore testam. filio præterito, scriptus sit is, qui remoto filio, id est, non existente filio, omnimodo veniret ab intestato, hic sustinet posterius testam. efficitque ne effectum habeat exhereditatio filii, et ut rescindere possit posterius testam. petita honor. poss. contra tab. quandoquidem sustinetur persona heredis instituti, qui remoto filio ad hereditatem defuncti veniret ab intestato, quæ omnia proponuntur in *l. posthumus, de inj. rupt. irr.* et in *l. si duobus, §. si prius, de bon. poss. cont. tab.* Et ita videmus illis casibus etiam imperfectum testamentum imperfectam voluntatem, et nudam, corrumpere prius. Est etiam alius casus, quo nuda voluntas, id est, non solemnis, sive imperfecta corrumpit prius testamentum, videlicet, si decennium effluerit ab eo die, quo factum est testamentum, ex *l. sancimus, h. tit.* Cujus juris ratio hæc est, quia olim omne testamentum antiquabatur tempore decennii, et fiebat irritum, nisi renovaretur post decennium, *l. 6. Cod. Theod. de testam.* Hodie ex *d. l. sancimus*, decennio non antiquatur testamentum, sed decennio, et nuda voluntate, id est, decennio ita antiquatur, si etiam post decennium testator declaraverit coram tribus testibus, se non permanere in eadem voluntate. Etiam notissimum est illud testamentum corrumpi nulla, imo tacita voluntate defuncti, cujus lium defunctus, antequam moreretur incidit, quo scilicet constrictum erat testamentum, vel etiam signa testium testator ipse consulta opera removerit. Hoc enim facto declarat se mori velle intestatum, *l. ult. h. tit. l. in fraudem, §. 1. D. de milit. testam. l. pen. et ult. de his quæ in testam. del.* Exposita est lex *hac consultissima*. Unicum tantum adidemus, esse testium quoddam genus testamenti: quod nondum exposuimus, quod scilicet fit in consistorio apud consilium principis, oblatis percibus sedente principe cum nobilibus, et proceribus, ut id testa-

mentum omnimodo valet, nec sint in eo necessarii testes, vel signatores, quod sit teste principe, teste consilio principis, oblatis precibus, in iisque relata ultima voluntate supplicantis de divisione rerum suarum, quam servari velit post mortem suam. Nam etiamsi secundum eas preces, vel secundum eam formam testamenti non sit prætor daturus bonorum possessionem secundum talinlas, cum in eo desunt 7. testium signa, tamen jure civili ex *l. omnium, hoc tit.* licet uti hereditatem heredi scripto, vel se pro herede gerendo acquirere hereditatem. Hoc igitur testamentum est etiam juris civilis, non prætorii, quod sit oblatis precibus Imper. nullis aliis adhibitis testibus: nam *l. omnium* satis habet, si probetur testibus idoneis, oblatis ad eum modum, finemque preces principis consilio fuisse. Duobus igitur, vel tribus, qui affirmant rem ita fuisse gestam, oblatis precibus, et prolato testamento apud consilium principis, nec adhibitis exteris testibus, et signatoribus. Et ita etiam in *l. 2. sup. de bon. poss. secund. tab.* dum dicitur, de testamento nuncupativo, probari debere id testamentum fuisse nuncupatum propalam coram testibus, dicemus probare id satis esse testibus duobus, vel tribus, secundum Martini et Gulielmi sententiam, quam ibi retulit Aconius. Ergo testamentum insinuatam fuisse apud consilium principis, teste principe ipso, vel teste jure omni, quod est conditum, inquit, princeps, in scriniis nostris, puta memorie: quæ quidem scrinia erant disposita in ipso consistorio principis. Ita, inquam, factum fuisse, et insinuatam, et oblatis precibus probari testibus duobus, vel tribus. Ac similiter fuisse testamentum nuncupatum propalam, et coram testibus. Itaque probabitur testamentum duobus testibus, vel tribus. Et ita res est explicanda: diximus, pulchri civi Romano licere testamentum facere et civili, et prætorio, et constitutionum jure permixto, id est, adhibitis septem testibus civilibus Romanis, uno eodemque tempore, et loco, qui testamento sua signa imprimaunt, atque subscribant, et ita licere facere ex scripto testamentum, licere etiam ex non scripto facere per nuncupationem jure civili totidem testibus adhibitis. Licere et ex constitutionibus testamentum facere precibus oblatis principi, adhibito solo testimonio principis, et consilii, et subscriptione testatoris. Addamus nunc licere etiam testamentum facere municipalibus gestis, vel actis, vel apud acta cujuscumque magistratus habentis jus actorum conficiendorum, jus excipiendorum insinuationum, eo scilicet, qui testamentum facere vult, desiderante, magistratus actuarii publicum excipere ejus ultimam voluntatem, eamque in archis servare publicis. Quæ forma testandi explicatur in *l. omnium, hoc tit.* et in

Nov. 1. Valentiniani. de testam. Est igitur hoc quartum genus testamenti ultimum, quod proponitur hoc tit. Addamus etiam, aliter posse testatorem, qui jam jure perfecit testamentum, id perinde publicare apud acta municipalia, vel apud acta magistratum, qui jus habent actorum conficiendorum, in hunc scilicet, vel illum finem, ut si quando testamentum authenticum, id est, originale, quod ipse fecit solemniter, interciderit casu aliquo, sit unde peti posset fides ejus. Petitur enim ex actis publicis, in quæ testator ipse coram suum redigi, referrique testamentum. Amisso igitur authentico documento, fides ejus petetur ex actis publicis, ubi testamentum insinuatam est. Et ob id utile est etiam, quod quis jure perfecit testamentum, publicare apud acta. Sed priusquam fidei testamenti petas ex actis publicis, probare debes casum, et amissionem testamenti authenticum, ut ait *l. 2. hoc tit.* Puta testamentum interciderit vi ignis, vel alio simili casu, vel furto subtractum esse, ut in *l. 11. hoc tit.* et ita in *Novell. 127.* dicitur, donationem propter nuptias insinuari apud acta, quod est publicari, sive in publicum proferri, ut amisso forte ejus donationis instrumento principali, quod Græci vocant uno verbo *δωρεατικόν*, fides ejus donationis peti possit ex publicis monumentis. Hæc est ratio *Novellæ*. Publicantur et cetera omnia, quæ insinuationem desiderant, secundum jus, quod interpretamur, cuique studemus omnes, in urbe Roma vetere, vel nova, apud magistrum census, quem posteriores appellavere *γρωξόν*, id est, *generalem*, apud quem fierent census professiones, et insinuationes omnium negotiorum, in quibus requiritur insinatio, vel publicatio necessario, vel utiliter. Posteriores, inquam, dixerunt *γρωξόν*, ut docet Suidas in *Arthensio*, et *Levin Novel. 44.* Ergo in urbe quidem publicatio, et insinatio fit apud magistrum census, vel apud apparitores, sive officia censuaria jussu magistri census, qui huic parti juris præest. In provinciis autem fiunt insinuationes, et publicationes apud defensores civitatis, vel apud magistratus municipales, apud duumviros, qui in provinciis instar sunt consulum. Defensores civitatum instar sunt tribunorum plebis, qui sunt in urbe. Et ita apud eos publicari testamenta, et donationes, ostenditur in *l. 18. qui test. fac. poss. et l. consulta, hoc t. l. in hac, l. 2. inf. de don. l. repetitis, sup. de Episcop. et cler. 17.* quæ est constitutio Græca, *sup. de SS. Ecclesiis, et Nov. 48. et 49.* Et hoc est, quod ait *d. l. 18. hoc tit.* testamenta omnia, ceteraque, quæ apud officium censuale publicari solent, id est, apud acta magistri census, ut in *l. cum pro quo, de in jus voc. l. fidejussor, §. ult. qui satisd. cog.* Apud officium,

id est, apud acta. Et adjicit *l. testam. 18.* ut in eodem loco testamenta referantur, id est, aperiantur, resignentur, et publicentur, ut in *d. l. consulta.* Et addit, ne usquam permittatur fieri ulla translatio, id est, ut omnimodo apud magistrum census fiat publicatio testamenti, et a magistro census, ne permittatur usquam transferri ea publicatio testam. vel donationis, vel cujusquam negotii, sive sit necessaria, sive utilis videatur et aliquando non-nihil profutura. Ut igitur non transferatur hoc jus a magistro census ad alios magistratus, vel etiam, ut est nominatim scriptum in *l. consulta,* ad defensores ecclesiarum, apud quos quidam malebant insinuare ultimas suas voluntates, et ultima judicia. Ne ergo hoc jus transferatur temere ad defensores ecclesiarum, vel ad primicerium notariorum, qui erat in ecclesia, per quem Damasus scribit in lib. Pontific. Julium constituisse in ecclesia, ut fieret confectio omnium actuum, et ait morem esse retinendum fidelissimæ velustatis, nec quod est proprium magistri census, esse transferendum ad clericos, puta, defensores ecclesiæ, et primicerios notariorum. Et possunt quidem de iis negotiis, quæ ad ecclesiam pertinent acta conficere, non etiam de negotiis privatorum. Imo, ut ait *l. consulta,* est opprobrium clericis, si velint se miscere forensib. disceptationibus, aut si velint esse periti forensium disceptationum. Restat tantum, ut finem imponamus *l. 3. h. t.* in qua ita scriptum est: *Ex imperfecto testam. etc.* Qua de re pauci sunt, qui liquido tradant, quod observandum est. Primum lex ait, *ex imperfecto testam.* id est, in quo desunt signa et subscriptiones 7. testium, ut ego interpretatus sum ex *l. hac consultissima, h. t.* Principem non vindicare hæreditatem, filium defuncti vindicare, aut nepotem, vel neptem. Imperatorem non item, qui defuncto extraneus est. Et addit rationem, *quia licet lex Imperii solemnibus juris Imperatorem solverit, nihil tamen est tam proprium Imperii, quam legibus vivere.* Et legem Imperii vocat eam, quæ primum Augusto detulit Imperium, ut refert Dio Cassius lib. 53. Quod Augustum privilegium dicitur, *l. un. §. ult. inf. de euduc. tol.* Quod Dionys. scribit se transferre ex Latino sermone, *ἀφαιρῆται τῶν νόμων*, id est, *solvuntur legibus.* Et inde Dio Chrysost. in orat. quadam tradit, principem esse, *τῶν νόμων ἐκείνων.* Et similiter Justin. in *Novellis*, leges submitti principi, quod scilicet in potestate sit solius principis, ex usu Reipub. leges ferre, vel abrogare, vel derogare, et eas ipsum quandoque sequi non posse. Quapropter aliquando major videtur potestas esse principis, quam populi fuerit. Populus enim suis legib. tenebatur, Princeps suis legib. non tenetur. Et hac causa in *l. Barbarius, de offic. præet.* ait, multo magis in

Imperatore, quam in populo esse recipiendum, ut servum prætorem facere possit. Ea est lex Imperii, lex Augusta, quæ Augustum solvit legibus, maxime si non juraverit in leges initio imperii. Non solebant enim jurare in leges, cum Plin. scribat in Panegyrico: *Jurare magistratus quidem in leges, sed ejus jurisjur. verba ignota esse principibus, nisi cum alios cogunt jurare in leges.* Hodie quia principes statim initio Imperii jurant in leges, tantum abest, ut legib. soluti sint, quinimo maxime legib. obstringantur ex suo jurejurando. Et ut soluti sunt principes legib. tamen, ut inquit *l. 3. nihil tam proprium est Imperii, quam legibus vivere.* Et ita rectissime *l. ex imperfecto,* quia docet tantam majestatem eas servare *ll. quib. ipse solutus videtur.* Et ita Paul. lib. 4. sent. cum, qui leges facit, pari majestate legib. obtemperare debere. Et eleganter Imp. Severus et Anton. in *§. ult. Inst. quib. mod. test. infirm.* licet, inquit, soluti simus legib. tamen vivimus. Et elegantius *l. 4. sup. de leg. præclaram esse, et dignam vocem principis profiteri se legibus alligatum esse, et de auctoritate legum pendere auctoritatem principis, et revera majus esse Imperio *ll. sub-mittere Imperium.* Ideo eleganter ait *l. ex imperfecto, de l. 3. ex imperfecto testam. Imperat. legata aut fideicomm. vindicare inverecundum esse,* id est, *dedecori.* Inverecundus enim est, qui quod non debet, facit audacter, securus reprehensionis, pudorisque sui, Inverecundus Imperator qui non vereatur Senatus reprehensionem, cujus ipse pars est, ut ait *l. quisquis in prin. inf. ad l. Jul. majest. et l. jus senatorum, inf. de dign. lib. 12.* qui non reveretur auctoritatem Senatus, qui non reveretur curiam suam, *l. 5. inf. de dign.* Denique licet tantæ majestati non leges dare tantum, sed etiam accipere, eique submittere fascis Imperii sui. Et secundum hæc præcepta in *h. l. 3. et in d. l. ex imperfecto,* Imper. profitentur se non vindicatu-ros hæreditatem, vel legatum, vel fideicommissum ex imperfecto testam. Et simili modo invenio etiam, eo quod quis dixerit se Imper. hæredem fecisse, vel hæredem fecisse, vel hæredem facturum esse, id est, ex nuda pollicitatione, vel jactatione inverecundum esse principem vindicare hæreditatem, *l. ult. qui test. fac. poss.* Constat etiam principem, si hæres sit institutus filio exheredato, pati quædam inofficiosi testamenti, *l. Pap. n. §. si imp. de inoff. testam.* Patitur etiam princeps legem Falcidiam, si legatum, aut fideicommissum, aut mortis causa donationem acceperit. Servat *l. Voconiam,* vel ut Augustus apud Dionem, ab ea migrat impetrata venia a Senatu. Quo exemplo docentur Principes, ne quid faciant contra *ll. sine venia Senatus.* Volunt etiam optimi principes prius testam.*

in quo ipsi sunt scripti heredes, rumpi posteriori testam. id est, ut possit mutare quis etiam testamentum, in quo sibi principem heredem fecit in *l. 6. sup. tit. prox.* Plus dicam, etiam principes aliquando minus sibi adrogare, et concedere quam privatis, puta, ut capiant quidem ex alienis testam. jure perfectis, non etiam ex codicillis factis ab intestato, non ex epistola fideicommissaria. Ex iis scripturis, quæ defruntur, non capiant, quæ sunt minus solennes, *l. 2. C. Th. de testam.* Eamque constitutionem mirum in modum Symmachus in epistola quadam ad præfectum prætorii commendat, ut liceat capere privato, quod nolit capere princeps, non nisi ex justo et solenni testamento. Sed postea alii principes abrogarunt hanc *l. 2.* ut constat ex *l. 7. sup. tit. prox.* Præterea licet regulariter prius testamentum scriptum rumpatur non scripto, id est, facto per nuncupationem, si utrumque sit jure perfectum, tamen nolunt principes testam. prius ex scripto jure perfectum, rumpi posteriore non scripto, in quo ipsi heredes sunt nuncupati. Quia ita nuncupatum fuisse testam. non potest probari, nisi testibus, qui ut audirent nuncupationem testam. rogati sunt. Atque hoc testes facile est suspicari, in gratiam principis ementiri illam nuncupationem testamen. qua dicunt defunctum heredem nuncupasse principem. Hoc igitur casu vult princeps in *l. nolumus, h. l.* ut consistat prius testamentum, quod factum est jure, et sollemniter ex scripto, nec rumpatur posteriore, in quo ipse sit nuncupatus heres, solis testibus hoc facile concedentibus, et blandientibus fortasse principi. Quinimo hoc vult *l.* ut etiamsi prius testamentum ex scripto jure perfectum, postea sit rescissum a filio exheredato in eo testamento per querelam inofficiosi testamenti, si sit rescissa exhereditatio, rescissumque testamentum totum, ac proinde exhereditatus filius veniat ab intestato ad successionem patris, ut nec eo casu impediatur, quod extet posterius testamentum non scriptum, in quo princeps heres nuncupatus sit. Invenio etiam, quod etiamsi regulariter quilibet possit vindicare hereditatem sibi delatam ab ignoto, *l. extraneum, tit. seq.* tamen legimus apud Cornel. Tacitum, *libr. 5.* Tiberium Imper. semper respiciisse hereditates sibi delatas ab ignotis hominibus. Idem de Adriano Imper. legimus apud Spartianum. Et elegans est ad hæc, quod etiam de se scribit Imper. *l. 2. C. Th. de advocat. fisci,* plus sibi curæ esse causam privatorum, quam causam, tutelamve sui fisci. Et quod est proditum in *l. non puto, de jure fisci,* eum non delinquere, id est, non dicere ineleganter, qui in dubiis questionibus facile respondet contra fiscum. Ad quam sententiam danda sunt exempla ex *l. ult. in fi. de his quibus ut indignis, l. Divus, §. 1.*

de jure codicill. l. intercidit, de condit. et demonst. l. 2. de aur. et arg. leg. l. Paul. §. 1. de leg. 3. In quibus omnibus locis in ambiguis semper datur responsum contra principem, contra fiscum, contra ærarium. Quæ regula potest accommodari multis negotiis, ut si lis est ambigua, potius descendamus in eam sententiam, quæ onerat fiscum. Contra tamen invenio quibusdam *ll.* ita esse solutos principes, ut secundum eas omnino non vivant. Invenio solutum esse principem *ll.* caducariis, Julia nempe et Papia, *l. quod principi, de leg. 2.* Si tibi relictum sit legatum, et hominem exueris, id est, mortuus fueris, antequam dies legati cederet, caducum sit legatum. Sed si legatum relictum sit principi, et is obierit, quod omnes obire oportet, antequam dies legati cederet legatum non fit caducum, sed cedit heredi principis. Et hoc est quod ait *l. princeps, de ll.* Princeps legibus solutus est. Nam diligenter attende ad inscriptionem legis, quæ est Ulpiani ex *lib. 15. ad leg. Juliam et Papiam,* quæ sunt leges caducariæ. Princeps ergo est legibus solutus, id est, *l. Julia et Papia,* de quibus tractat, non omnibus legibus. Augusta autem, ut subjicit, non est soluta legibus caducariis, quamquam princeps ei tribuat eadem privilegia, quæ ipse habet, non intelligit privilegium illud, ut etiam Augusta soluta sit *ll.* caducariis, sed ut princeps, vel fiscus habet ex suis contractibus tacitam hypothecam semper, et Augusta habeat. Itemque, ut Augustus habet privilegium in actionibus personalibus: idem etiam Augusto habent: ut similiter habent vocationem, et immunitatem, ut habent privilegium in donatione, ut valeat donatio facta ab Augusta sine inusuactione, perinde ac si facta esset a principe; ut facta ab hoc, vel illa donatio filiofamil. imputetur quasi castrense peculium; ut donatio inter Augustum et Augustam valeat, quæ non valet inter maritos, id est, privatos. *l. illud, sup. de SS. Eccl. l. pen. sup. de donat. inter vir. et uxor. l. cum multa, inf. de bonis quæ liber. l. sancimus, §. 1. inf. de donat.* Et sicut res alienæ, quæ forte imprudenter a principe venditæ, et donatæ sunt alteri, non possunt ab eo, qui emit a principe revocari, aut vindicari, vel a donatario, sed est tantum domino rerum actio in ipsum principem, seu fiscum intra quadriennium: ita idem sequimur, si quid imprudens Augusta ex rebus alienis donaverit, aut vendiderit, ne revocetur donatio, sed licet agere in Augustam intra quadriennium, *l. ult. §. ult. inf. de bon. quæ liber.* Hæc privilegia princeps communicat Augustæ. Nunquam autem Augusta invenietur soluta legibus, ne odiosis quidem legibus, quales sunt *l. Julia et Papia.* Hæc æquum est, non servare principem, ut, vel mor-

ius fruator privilegio Augusto, quo vivus non est usus. Etiam invenio in manumissionibus vindicta, si quem princeps manumittat vindicta, non servari solemnia juris, *l. apud eum, de manumis.* Quia scilicet concurrat favor libertatis. Hoc igitur non tam Principi datur, quam libertati maxime datæ a principe, ut non desideret solemnia juris: quæ data a privato utique nulla esset sine solemnibus. Invenio etiam nunquam ea lege, quæ lata est Duillio Coss. fuisse obligatum Principem, quæ cavetur, ne quis in urbe sepeliatur. Invenies apud Servium Honoratum 11. *Æneid.* virgines Vestales, et Principes sepeliri in urbe, nec ea lego teneri, quæ velat quemquam in urbe sepeliri. Invenio legibus igitur non teneri Principem, non obligari solemnibus juris his casibus, quos exposui. Nec temere dicam unquam generaliter esse verum, quod ait *l. Princeps*, cum id tantum sit accipiendum specialiter de lege Julio et Papia, non de legibus omnibus. Et tum maxime id affirmabo cum erit Princeps, qui juravit in legem: et quod contra legimus in plerisque auctoribus Principem esse supra legem, hoc eo pertinet, ut intelligatur Principem habere potestatem ferendi, et abrogandi *ll.* non temere quidem, sed ex justa causa, et a Re- publ. Ac consequenter posse Principem confirmare, quæ non jure facta sunt, ut legimus adoptionem non jure factam, a Principe confirmari, in *l. 23. de adopt.* Et matrimonium injustum, statumque liberorum non jure quæsitum a Principe confirmari, *l. qui in provincia, de ritu nupt.* Legimus eos pœne veniam facere, et abolere crimen indulgentia, et benignitate sua. Eos ex causa etiam veniam legum facere. Et hoc solum est, quod dicitur principem esse supra leges, nec placet, quod de Achille ait Horatius.

Jura negat sibi data, nihil non arrogat armis.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. XXIV. De hæredibus instituendis etc.

Quia hæredis institutio est caput, et fundamentum totius testamenti, ut ait §. *ante hæredis. Inst. de legatis*, ideo prælato titulo generali de testamentis, de partibus eorum dicturus sigillatim, ab hæredis institutione initium facit, a qua etiam plerumque testatores ipsi incipere solent, ut ait *l. 1. in princ. ff. eod.* Corte ex hæredis institutione, vel substitutione cognoscimus testamentum, non codicillos defunctum facere voluisse, *l. 14.*

sup. tit. prox. l. illud, §. 1. de jure codicill. quia non alio genere, quam testamento hæres institui, vel substitui directo potest. Idcirco recte ait de hæredibus instituendis, quia omnino hæredes instituendi sunt, si quis testamentum facere velit, et vel sola hæredis institutio testamentum est, ut si quis scripserit, vel pronuntiaverit in hunc modum: Lucius Titius hæres esto, nec quicquam aliud adjecerit, testamentum est. Sequitur, in hac Rubrica, *et quæ personæ hæredes institui non possint*, quoniam in eo potissimum vertitur hic titulus, ut intelligere possimus, qui hæredes institui non possint. Et constat incertas personas hæredes institui non posse, certum heredem nominatum scribi, vel nuncupari oportere, non personam incertam. Igitur hæres inutiliter scribitur hoc modo: qui prior post mortem meam ad monumentum meum venerit, ille hæres esto: quia confert testator judicium suum in personam incertam: vel qui anno sequenti consul designabitur, ille hæres esto: nam ejus quoque persona incerta est. Quæ de re est certissima constitutio Justiniani in *tit. de incert. pers. inf.* Quia vero jure civili incerta persona hæres institui non potest, hinc fit, ut collegium, quoniam est incertum corpus, institui non possit, veluti collegium, et synagoga Judæorum, *l. 1. sup. de Judæis.* Et eadem ratione olim non potuit institui collegium Christianorum, et quod certatim omnes, ultima judicia sua, nascente ecclesia domini nostri, conferrent collegia Christianorum, ne nimirum locupletarentur, vel quod pleraque ex eis captarent nimium hereditates alienas pietatis obtentu. Sic igitur his rationibus olim collegium Christianorum non potuit capere hereditatem, vel legata ex testamentis alienis, quod ostendit Ambros. in *Epist. 31.* ad Valent. Imp. et Hieron. in *epistol. ad Nepotianum de vita clericorum*, et Origenes lib. 1. contra Celsum. Sed postea facta sunt capacia collegia Christianorum ex *l. 1. sup. de SS. Eccles.* qua constituitur, ut quisque habeat licentiam relinquere collegio Christianorum partem bonorum suorum, *ut optaverit, et ut*, inquit, *non sint cassa judicia collata in collegium Christianorum: nihil esse, quod magis debeatur hominibus, quam ut ultimæ voluntatis, postquam aliud jam velle non possunt, liber sit stylus, et licitum, quod iterum non redit arbitrium.* Et ad eundem fere modum Quintil. declamat. 398. *Non aliud*, inquit, *videtur solatium mortis, quam voluntas ultra mortem.* Ergo collegio Christianorum permissum est, ut possit capere hereditatem ex alienis testamentis, quod fuit antea prohibitum, cum specialiter, tum etiam generaliter. Nam regula juris est, collegia esse corpora incerta, et institui inutiliter.

Et ita definit *l. 8. hoc tit.* ut collegium non possit hereditatem capere, nisi si ei datum speciali privilegio, sicut diximus datum esse collegio Christianorum. Eadem ratione urbes, civitates, municipia, aut municipes, generaliter heredes institui non possunt: quid incertum corpus sunt, ut est in epistola Plinii, et *lib. regular.* Ulp. Sed tamen *l. 18. hoc tit.* concedit et urbi Romæ, et quibuslibet civitatibus testamenti factionem, id est, ut capere possint ex alienis testamentis hereditates, legata, fide commissa, et mortis causa donationes. Opus fuit constitutione, que hoc permetteret, quoniam obstabat regula juris, ne quid relinquatur incerto corpori, et civitas est incertum corpus: nec enim certum est, quod cernis concilium, certusque hominum jure sociatus. Et olim etiam cum populus Romanus heres instituebatur, ut liceret ei adire hereditatem, opus erat SC. ut testamento regis Alexandri delato regno populo Romano M. Tullius refert in Bullum auctoritate Senatus populi Romani, eam adire hereditatem. Item, ut dicamus de aliis, qui heredes institui non possunt: quemadmodum testatores, et testes cives Romani esse oportet, ita etiam heredes institutos, sive scribantur, sive nuncupentur, ita ut testator, et testes, et heredes, et legatarii, etiam omnes sint ejusdem civitatis cives: nam peregrini, et advenæ heredes institui non possunt, *l. 1. hoc tit. l. 36. C. Th. de heredibus.* Immo peregrini, et advenæ nullo modo habent testamenti factionem, id est, neque activam, neque passivam. Unde oritur jus præcipuum, quod Reges nostri habent in advenas, quos in idiotismo vocamus Albinatos, *aulbains*, deducto scilicet nomine ex Latino advena, ut in *l. heres absens, §. proinde. de jud.* Quo loco agit de advena mercatore. Basilica Gallica habent, *un marchand aulbain*: nam, ut scitis, omnes libri nostri de Latino in Gallicum summa diligentia sunt translati: in eo et libri canonici, qui extant in Bibliotheca Regia, et quod est pene incredibile, glossæ omnes sunt e Latino conversæ in Gallicam linguam, ut jam ex illo loco non sit dubitandum, quin illa vox idiota deducatur ex hac Latina advena. Advenam non posse facere testamentum, nec capere ex alieno testamento, proinde nisi factus sit civis, fiscum jure occupare bona morientis advenæ. Et in peregrino ponamus speciem ad *l. 1. hoc tit.* Quidam heredem peregrinum scripsit: deinde Lucium civem Romanum scripsit ex residua parte, quam ille capere non possit. L. Titius assem obtinebit, vel ut heres testam. scriptus, vel ut substitutus, vel ut institutus, quia ille peregrinus nihil prorsus ex testam. capere potest, *l. qui non militabat, §. ult. et seq. ll. D. eod. tit.* Quia, ut ait *l. 2. residui appellatio*, etiam totum

admittit: quod utique valet, si diligenter advertamus, etiam in *l. Julia residuorum*, sive de residuis: nam si curator aliquis Reipub. cui data est pecunia publica in rem aliquam publicam, nihil reliquatus sit, sed totam eam pecuniam consumpserit in rem suam, et nulla ex parte erogaverit in Rempublicam, reus est *l. Julia residuorum*, quod recte residuorum appellatio admittat etiam totam pecuniam, *l. 4. §. sed et qui publicam pecuniam, D. ad l. Jul. peculat.* Pergamus porro: etiam servi alieni heredes institui non possunt, si dominicorum peregrini sint, vel deportati, quos constat esse peregrinos. Quoniam ita demum cum servo alieno est testam. factio, si et cum domino ejus testam. factio fuerit. Propterea quod servus ex persona domini designatur, sive personatur, nam alioquin servus nullam personam haberet, sed ut noster Theoph. ait, ex persona domini *χαρακτηρίζεται*, id est, ut in glossomatibus leges, *personatur.* Ergo servi alieni non recte heredes instituuntur, si cum eorum dominis non sit test. factio. Et hoc ostendit *l. 10. hoc tit.* Item servi proprii possunt institui heredes sine justa libertate, que civem Rom. faciat, que tamen hodie, etiam si non sit nominatim adscripta, tacite videtur inesse institutioni ex *l. pen. de necess. servis hered. inst.* Servus autem communis, id est, quem testator communem habet cum alio, et cum libertate, et sine libertate heres institui potest. Cum libertate si instituatur, quasi proprius propter partem nostram, non fit liber, sed accrescit socio, secundum jus vetus, quod obtinuit ante Justinian. cujus jussu, si adcat Hered. nostram, eam acquirit socio. Potest etiam servus communis heres institui sine libertate tanquam alienus propter partem socii, que nostra non est, *l. 3. in pr. hoc tit.* Si modo cum socio fuerit test. factio. Et etiam hereditas acquiritur socio per servum, si jubente socio eam adierit, *l. verum, §. Societas, pro soc. et l. Plot. ad l. Falc.* concludit glossa peritissime in *l. 1. §. et si plures, inf. de comm. serv. man.* Et hoc præcipue pertinet, nampe ad servum communem heredem instit. species *l. 3. hoc tit.* que maxime desiderat et accuratorem meum, et attentionem vestram. Ponamus ergo speciem. Milites servum, quem habet communem cum fratre scripsit heredem, ut libertum suum, cum non esset libertus suus, sed servus communis, hoc modo, *ille libertus meus heres esto.* Ex quo non sequitur statim, credidisse eum servum libertum suum, licet libertum appellaverit: ex eo non efficitur necessario testatorem credidisse eum suum libertum esse argumento *l. ex his verbis, sup. de testam. mil.* Excidit enim sæpe nobis falsa demonstratio in heredibus instituendis, *l. falsu demonst. de con. l. et demonst.* que non vitiat

institutionem. Unde in specie proposita l. 5. ait, uacui questionem voluntatis, videlicet, utrum testator instituturus eum esset, si servum communem nosset, an non? Quoniam præterea ponendum est, testatorem in ejus locum substituisse vulgari modo L. Titium in hunc casum, si neque nollet hereditatem, aut non posset adire. Et omnino tenor testam. hic fuit. *Stichus libertus meus hæres esto: et si Stichus hæred. meam noluerit, aut non potuerit adire, L. Titius mihi hæres esto*, quæ est substitutio vulgaris. Queritur, cum Stichus sit institutus ut libertus, nec sit libertus defuncti, an repellatur ab institutione: atque a deo eo repulso an sit locus substitutioni vulgaris? Queri etiam potest, an videatur etiam institutus cum libertate sub appellatione liberti. Et sicut in d. l. ex his verbis, *sup. de test. milit.* distinguit utrum errore lapsus crediderit eum esse libertum suum, an habuerit unum militem dandæ libertatis, qui servo suo ut libertus legavit aliquid: ita etiam in specie l. 3. omnino distinguendum est, et distinguit lex ipsa: aut errore ductus libertum suum esse credidit nec per eum ad alium quemquam, cujus juri forte potest subijceretur, hereditatem suam pervenire voluit, ita ut non fuerit instituturus, si nosset servum communem, quandoquidem voluit eum solum sibi heredem esse, sibi que acquirere hereditatem, ut liberum hominem, non alii cuiquam, cujus juri fortasse postea subijceretur deductus in servitutem. Et hoc casu ex voluntate defuncti, verba substitutionis *si hereditatem non adierit, vel adire noluerit*, sic interpretantur, si hereditatem sibi non acquisierit, vel quod noluerit, vel quod non potuerit. Ideoque cum ea verba ita sint interpretanda ex voluntate defuncti, cum ille sibi hereditatem non acquisierit, nec acquirere potuerit, cum subjectus sit alterius potestati, manifestum est, etsi adierit jubente domino, substitutioni locum esse, quia ipse sibi non acquisivit hereditatem: nam ubi quis quem heredem instituit ut libertum suum, non aliter instituturus, si is libertus non sit, omnino inutilis est institutio. Sicut si quis aliquem heredem instituit ut filium, qui est suppositivus filius, quem non instituisset, si nosset suppositivum, omnino institutio non valet, et ei suppositivus fiscus hereditatem aufert quasi indigno, l. 5. *sup. tit. pox. l. 1. Sup. de Carbon. edic. l. 4. A. t. l. aufertur, in prin. D. de jur. fisc.* Et ita etiam si quis aliquem instituat ut fratrem suum, nec is sit frater, omnino illa institutio nihil valet, ut in specie l. 7. *A. t.* quæ talis est. Quidam habens filium unum, extraneum quendam adoptavit in locum fratris, quæ adoptio inutilis est: nam per adoptionem nobis acquirimus filios, vel nepotes, non fratres, vel patruos. Jure civili nulla est adoptio in locum fratris, nulla

Tom. IX.

adilpoyia. Igitur ille, qui adoptivus est, non sit frater, posset fieri filius, vel nepos per adop. non frater. Ergo qui existimabam eum mihi fratrem, simul eum heredem institui ut fratrem, ut duplici honore adicerem, et fratris, et heredis, et hereditatem eum ex parte, filium autem meum ex reliqua parte heredem institui: hic frater adoptivus, non erit hæres, quoniam ut frater institutus est, sed pars ejus hoc casu non aufertur a fisco, ut supra dictum est de parte filii suppositivi, sed accrescet parti filii testatoris defuncti, quia non est indignitas in adoptivo fratre, quæ est in suppositivo filio, et quod aufert fiscus suppositivum, ut indigno aufert. Neque vero ita indignus existimabitur unquam adoptivus, ut suppositivus. Et ita est concilianda l. 4. cum l. 7. *A. t.* Verum ad eum etiam modum, si quis errore ductus eum servum instituerit heredem, quem existimaret suum esse libertum, non aliter instituturus, quam si esset libertus, non valet institutio: et substitutus vulgariter admittitur ad hereditatem. Et si is servus communis adierit jubente domino socio testatoris, nihil agit, quoniam non alii voluit hereditatem acquiri, sed ei tantum, quem heredem scripsit. Et hæc est prima pars distinctionis. Altera pars hæc est: aut verba substitutionis, *si sibi hereditatem adire noluerit, aut non potuerit*, retulit ad jus, inquit l. 1. id est, ad id, quod in jure ipso, in re ipsa, et in veritate est. Et tunc ea quoque verba interpretamur secundum jus, et secundum rem ipsam et veritatem, nempe hoc modo: si neque sibi, forte manumissus, aut domino suo, hæred. acquisierit. Et ideo si nolit adire hereditatem, ne jubente quidem domino: potest enim servus, cui datus est substitutus vulgari modo, quamvis jubente domino, nolle adire, ut ait l. *pen. C. de jur. delib.* sicut etiam filius. si heres institutus dato instituto vulgari, etiam jubente patre, potest nolle adire, l. *filium, de auro et arg. leg.* Si itaque in hac specie servus noluerit adire jubente domino, substitutus veniet, quia extitit casus substitutionis. Sed si paruerit domino, et adierit, expirat substitutio vulgaris, l. *post aditam, inf. de impub. et aliis subst.* Et hæc est sententia l. 3. verissima. Sed obijciuntur l. 3. duo: primum §. *ult. Inst. de vulg. et pupill.* deinde l. *neque, §. si servum, de milit. testam.* quib. expositis, finis erit. In specie d. §. *ult.* quidam instituit servum alienum, quem existimabat esse liberum, et ei, si hæres non esset, vulgari modo substituit Titium. Lex definit in ea specie propter ea, quæ inferius dicentur, cum hereditatem esso partiendam inter substitutum, et instituti servi dominum. Quod non ita constituitur in l. 3. cum quis servum communem heredem instituit, quem credebatur esse libertum suum, hoc modo: *Ille libertus meus hæres esto*. Sed dicimus

in specie §. ult. cum quis instituit heredem servum alienum, quem credebat esse liberum, dato substituto vulgari, esse locum distinctioni posite in hac l. 3. ut si omnino noluerit per eum heredem, quem credebat esse liberum hominem, ad alium pervenire hereditatem, si plane instituit ut liberum, non aliter instituturus, substituto locus sit omnimodo, qui eum solum voluit sibi heredem esse, non per eum alium. Cum igitur is heres non sit, patet locus substituto. Sed si verba ad jus retulit, id est, si verba instituit, ita accepit, si is, quem instituo, et credo esse liberum, neque sibi hereditatem adquisierit, nec ei, cuius juri postea subjectus esse coeperit: nam ex jure verba illa, si heres non erit, hanc vim habent in servo alieno, etiamsi testator credat esse liberum, si neque ipse heres erit, neque alium heredem fecerit in cuius dominium postea transierit, hoc casu verbis relatis ad jus ipsum, et veritatem ipsam rei, dubitatur, an substituto locus esset, nec ne. Substitutus dicebat se potiorum in hereditate esse, quod extiterit casus substitutionis: quia neque ipse sibi adquisivit hereditatem, neque ei, cuius juri postea subjectus esse coepit, sed ei, in cuius dominio jam erat, et fuit semper. Et verba illa substitutionis relata ad jus, pertinent tantum ad liberum hominem heredem institutum, qui postea servus fiat; atqui nec ille liber fuit, nec postea liber factus est, sed semper servus. Ergo extitit casus substitutionis, et potior est substitutus in ea hereditate. Contra dominus heredis instituti dicebat, hoc quo utimur substitutus, esse subtile nimis, propterea quod nihil referat utrum in alterius dominio postea esse coeperit, an tunc temporis fuerit. Unde dicebat dominus servi, verba substitutionis si heres non erit, sic esse accipienda, si neque ipse sibi hereditatem adquisierit, neque ei, in cuius potestate forte est, vel in cuius postea potestatem venerit, res erat valde dubia. Ideoque ex decreto Tiberii Imp. divisa est hereditas *νεχρηστικῶς* inter substitutum, et dominum heredis instituti, sicut legimus de Apollonio apud Philostratum lib. 2. cum inter duos litigaretur de thesauro invento, et uterque justis et probabilibus rationibus niteretur, inter eos eum thesaurum ex æquis portionibus divisisse, quod esset controversia dirimptu difficillima, et ita ut alias ostendi in l. si paterf. et l. seq. ff. h. t. idem proponitur, quod in d. §. ult. de vulg. et pup. ut fiant duo semisses, ita ut as ex æquis portionibus dividatur inter substitutum et dominum servi heredis instituti. Nam cum esset scriptum, ita ut as, quod sæpe ei accidit, Tribonianus non notas pro notis accepit. Et cum Justin. jussisset a libris juris omnes notas exsulari, omnia sigla, sive singula amoveri, ut vincula pro vincula dicimus. Cum igitur eas notas, unde orta est controversia illa ve-

xatissima, illud verbum as, accepisset pro notis, eas ita explanavit, ita ut alter semis, etc. Unde orta est illa controversia vexatissima inter doctores de illa l. paterf. in concordiam adducenda cum d. §. ult. cum lex aperte dicat, ut duo semisses fiant, ita ut as dividatur ex æquis portionibus inter dominum instituti servi, et substitutum, quod et probat l. sequens, et d. §. ult. et ita etiam invenio in l. redhibere, §. pen. de ædilit. edic. Tribonianum non notas accepisse pro notis in illo loco stipulationis additæ (isdem dieb. reddi) quæ verba (isdem dieb.) illo loco nullo modo congruunt, et cruciant animum, sed scribendum est (id reddi) nec interpretari hic, et explavare eas notas quasi notas: ita isdem dieb. quod confirmat lex item si servi, §. ult. eod. in qua ponitur eadem formula stipulationis (id reddi) non isdem dieb. reddi. Et facilius est, quod opponitur l. 3. h. t. ex l. neque, §. si servum, de milit. testam. ubi etiam si miles servum proprium heredem sine libertate instituat, quem credidit esse liberum, dicitur omnino inutilem esse institutionem, indistincte inutilem esse. Non adhibetur distinctio talis, qualis in specie l. 3. Nec vero adhibenda est, quia non aliter voluit heredi esse, quam si esset liber: sive ea retulit verba ad jus, et ad veritatem ipsam, certum est servum proprium heredem esse non posse sine libertate. Et rectissime in d. §. si servum Acc. respondet ad d. l. 3. hoc modo; ibi inquit, id est, in l. 3. erat servus communis, unde erat, qui querere poterat hereditatem, nempe socius testatoris: hic erat servus proprius, unde non erat, qui quereretur hereditatem. Igitur non poterat heres esse, neque si testator eum aliter esset instituturus, quam heres sit voluntate testatoris si esset liber, quæ erat voluntas defuncti: neque si ad jus ipsum, vel veritatem referamus hanc rem, et consideremus revera eum esse proprium servum institutum sine libertate, quoniam servi proprii institutio non valet sine libertate. Igitur servus communis multum differt a proprio. Ut cetera absolvamus, quæ continentur in hoc tit. de hæc. inst. sciendum est his, qui heredes institui non possunt, jure veteri ex l. Papia adnumerari virum et uxorem, neque enim uxor testamento viri heres institui potuit, nec vir testam. uxoris, l. ult. inf. de infir. pæn. cælib. l. 1. de his qui se defer. lib. 10. l. ult. C. Theod. de leg. hæc. Denique ut conjux conjugem heredem instituere non poterat, si forte compensandi debiti gratia, ut in specie l. 6. hoc tit. uxor, quæ marito dotis nomine certam pecuniam debebat ex stipulatione, moriens, maritum heredem scripsit ex parte, ita ut eam portionem hereditatis compensaret in dotem debitam, quæ utique cum sit adventitia, lucro mariti cedit præmortua uxore, l. si ab

hustibus, §. *pen. sol. matr. l. Cels. de relig. l. 25. de exct. l. mulier, de cond. inst.* Maritum ergo uxor hæredem fecit ex parte compensandi debiti gratia, debite marito dotis gratia. *L. 6. ait*, maritum alterutro debere esse contentum, nec posse utrumque petere, et partem hereditatis, et dotem promissam, et ei non tantum ob stare severitatem legis et juris, id est, legem Papiam, sed etiam defunctæ voluntatem, quæ compensare voluit cum debito portionem hereditatis, quam marito adscripsit. Certi tamen sunt casus, in quibus libera erat inter maritos testamenti factio, ut si jus liberorum a principe impetrasset, et aliis casibus plerisque, quæ retulit Ulpian. *lib. reg. de sol. capac. inter vir. et ux.* Et h' casibus, quibus mariti inter se solidi capacitatem habent ex testam. si uxor hæres instituitur, in *l. 5. hoc tit.* dicitur, non ideo minus jure institutum videri, quod non uxor, sed affinis testamento mariti nominata sit, hoc modo: Affinis mea hæres esto. Nam etsi proprie mihi affines sunt uxoris meæ cognati, non uxor mea, sicuti etiam cognati viri et uxoris, non sunt invicem affines, ut saceri, vel comprivigui, sed cognati uxoris sunt affines viro, et cognati viri sunt affines uxori. Vir autem uxori, aut uxor viro non est proprie affinis, sed maritus, vel uxor, nec aliud conjunctionis nomen inter se proprium habent, quam mariti tamen non ideo minus vitatur institutio, quod instituenda uxore maritus non appellaverit uxorem, sed affinem suam, quia nec proprie dicitur uxor affinis. Sed non dicitur etiam improprie affinis, cum invenimus etiam affinium nomen dari cognatis, puta filio fratris, qui nobis est cognatus, non affinis. Nam affinitas contrahitur ex nuptiis, id est, ex mihi affinis, si soror mea tibi nupsit. Tamen, ut dixi, filius fratris dicitur etiam affinis, Spartianus in Juliano, Julianum despondisse filiam suam affini suo, quem Capitolinus in Pertinace dicit fuisse filium fratris, et Juliani patrum. Pergamus ad reliqua. Notandum maxime censeo, quod proponitur in *l. 9. hoc tit.* his verbis, ut legitur in omnibus libris antiquis, et ita si sic legatur, sensus est evidentior, extraneum etiam cum moreretur hæredem sibi scribi placuit, puta hoc modo: *L. Titius cum morietur hæres esto*. Nec enim videtur institutus post mortem suam, alioquin non valeret institutio, sed videtur institutus momento ipso moriendi, quod momentum semper in jure tribuitur vitæ, non morti. Si tribueretur morti, non valeret stipulatio, cum moriar mihi dari, sicut non valet jure veteri, quæ palam confertur post mortem stipulatoris, et quamvis nominatim non recte detur hereditas ex die, quia circumscripto die hæres scriptus protinus sit hæres, non expectato

die si hereditatem adierit, *l. hereditas, D. hoc tit.* tamen tacite etiam heredis institutio potest in diem conferri non expresse, sed tacite, ut diem illum expectare necesse sit, hoc modo: *cum capere poteris, hæres esto, cum adoleveris, hæres esto, cum morieris hæres esto, l. in tempus, de hæred. instit. l. si mater, de vulg. et p. p. l. substit.* Ut sæpissime in testamentis, quædam expressa nullum effectum habent, quæ si verbis legantur, effectum, et momentum aliquod habent, quamvis eandem significationem habeant, quam haberent expressa verba. Et in usu hoc est frequentissimum, ut quæ expressa sunt non probemus, tacite probemus: ut expressim nihil in testamento contra leges decernere possimus, quoniam plane demonstramus nos velle impugnare jus publicum, quem animum nemo probaturus est. Tacite possumus etiam aliquid statuere adversus leges. Bene autem ait hæc *l. extraneum* cum moreretur hæredem scribi posse: nam filius certe inutiliter institueretur, hoc modo: filius meus cum morietur, hæres esto: quandoquidem institutioni filii nec mora, nec conditio iniici debet, et iis verbis (cum morietur) injicitur mora. Quod etsi non sit conditio, tamen quod suspendat institutionem, veluti conditio est, et certum est filium, vel pure esse instituendum, vel pure exheredandum, nisi sit conditio, quæ sit in ejus potestate, quæ dicitur conditio potestativa. Filius igitur institutus a patre suo cum morietur, pro præterito habetur ob longam moram. Et recte *lex 9. scripta est de extraneo, non de filio*. Præterea quod valde notandum est ex *l. pen. hoc tit.* quod hodie sequimur semper, et est locus singularis, ut heres institutus ex rebus certis, vel ex re certa, veluti hæres esto ex fundo Tusculano legatarii loco habeatur videlicet si adjecti sint alii cohæredes scripti sine parte, vel scripti ex parte, puta ex semisse, triente, quadrante, sextante, ex uncia: adjectis aliis cohæredibus ex parte, aut sine parte scriptis, qui est scriptus ex fundo Tusculano, loco legatarii est: quod attinet ad actiones hereditarias, ut eas exercere non possit, vel pati non cogatur: et ut earum onus, vel commodum respiciat tantum cohæredes scriptos ex partibus, aut sine partibus, ipse vero fundum Tusculanum habeat sine onere ullo, atque sine commodum actionum hereditariarum: denique ut sit legatarii loco. Constat enim legatarium neque convenire quemquam, neque conveniri hereditariis actionibus, cum juris successor non sit, sed rei tantum. Sic igitur hæres scriptus ex re certa, adjectis cohæredibus, est successor rei, non juris, aut pro successore rei, non juris habendus est. Et recte *l. 1. §. si ex fundo, ff. eod. si quis solus hæres institutus sit ex fundo, cum habiturum totam hereditatem jure successionis, quod qui testatus est in fundo, videatur*

et in ceteris bonis testatus : propterea quod nunc solum hæredem paganus facere non potest ex re certa, id est, ex re certa tantum testatus esse, et ex ceteris intestatus. Ille sane sustinebit et exercebit omnes actiones hæreditarias, quia pro eo habetur, ac si esset institutus ex asse. Atque ita *l. cohæredi, §. ult. de vulg. et pup. sub. eum*, qui certe rei instituitur hæres, cohæredo alio non dato, posse vindicare assem. Igitur quod est in *l. pen. hoc tit.* ut hæres scriptus ex re certa, ex corpore certo, non ex parte assis, sit loco legatarii, verissimum est, cum ei adjecti sunt cohæredes scripti sine parte, vel ex parte. Restat tantum *l. ult.* in qua queritur, an hæc institutio valeat : Sempronius Plotii hæres esto. Et quidem si testator, qui ita scripserit, Sempr. Plot. hæres esto, non nominetur Plot. sed Cajus, finge, et voluerit tamen his verbis sibi hæredem facere, videlicet in eis bonis, quæ jure hæreditario a Plotio acceperat, rata est institutio, ratumque testamentum, quia recte dicitur hæres Plotii, qui est hæres hæredis Plotii, juxta regulam antiqui juris, ut ait Justin. in *l. ult. hæres hæredis*, est hæres testatoris. Secundum quam regulam, hæres hæredis Titii, et bona Titii sua esse petere potest, vel hæreditatem Titii suam esse, *l. 5. de pet. hæc.* Idemque si velit esse hæres hæredis Titii, non potest separare bona Titii a ceteris bonis, quæ habuit hæres scriptus a Titio, id est, non potest esse hæres hæredis Titii, quin etiam simul sit hæres Titii, *l. 7. §. ult. de acquir. hæred.* Item secundum eam regulam, possessio testatoris non tantum hæredi accedit, sed et am hæredi hæredis, *l. 2. §. etiam, pro empt.* Et similiter mora, quæ facta est defuncto, non tantum hæredi ejus competit, sed etiam hæredi hæredis, *l. cum patrifamil. de usur.* Et deinceps hæredis hæredi in infinitum, prout hæres alterius hæredem supervenit, ut Horatius loquitur, *velut unda supervenit undam.* Et ita August. *advers. Julian.* Bona instar undarum, et fluctuum in succedentibus sibi dominis occupari. Et sic a primo hærede sequentes omnes in infinitum sustinet personam ejus, qui primum hæredem scripsit, quod et ejus hæredes esse censeantur. Et sic etiam in stipulationibus plerumque hæres capitur per longam successionem. Recte per longam successionem, ut loquitur *l. 2. de in litem jurand.* quia hæres hæredis non directo et principaliter est hæres testatoris sed per successionem, et per mediam personam *l. ult. de leg. 3.* non suo nomine, sed aliorum nomine. Ergo cum testator ita dicit, *Sempr. Plot. hæres esto* : et ita sensit ut Sempron. sibi hæres esset ex iis bonis, quæ sibi obvenissent a Plotio, rata est institutio. Rursus si testator, qui sibi instituit Plotium, deinde subjiciat : *Sempronius hæ-*

res esto, hoc casu his verbis videtur Sempronium Plotio substituisse vulgariter in locum, partemve ejus, in hunc casum, si Plotius hæres non esset. Et ita secundum hanc interpretationem, rara etiam erit hæc institutio, et sive hoc, sive illo modo ea verba interpreteris, ratum est testamentum. Sed si quis voluerit Plotio testamentum facere, his verbis, *Sempronius Plotii hæres esto*, irritum est testamentum; nemo alii testamentum facit, sed sibi tantum, nisi filio impuberi, quem habet in potestate, vel furioso. Is enim potest testamentum facere in hunc casum, *si impubes, aut furiosus decesserit*, nimirum facit testamentum jure potestatis ei, qui sibi facere non potest. At filio puberi, et sano, nisi sit miles, testamentum facere non potest, nec extraneo puberi, vel impuberi. Ergo si Plotius sit extraneus, et pubes, vel sanus, id est, sanæ mentis, et ita paganus scribat, vel pronuntiet, *Sempronius Plotii hæres esto*, inutile est testamentum. Et rursus si dixeris his verbis, *Sempronius Plotii hæres esto, testatorem hæredem sibi facere voluisse, sed errasse in nomine suo, et se pro Cajo Plotium appellasse*, nunquam hoc recipimus, nunquam hanc interpretationem admittimus, quia hoc est penitus improbabile, ut quis ignoret nomen suum, si sanæ mentis sit, alioquin non faceret testamentum. Quædam sunt penitus improbabilia, quæ vix aut ne vix quidem admittuntur in jure, ut suum quemquam nomen ignorasse in *l. ult.* vel etiam ignorasse vires patrimonii sui, quod etiam ægre admittitur, *l. quisquis, sup. de rescind. vendit.* vel etiam filium fratris ignorasse surditatem patris sui, cum quo vixit familiariter, *l. octavi gradus in fine, unde cognat.* vel etiam maritum ignorasse fratris uxoris suæ conditionem, puta ignorasse eum esse liberum. Hoc etiam ægre admittimus, si maritus forte alleget fratrem suæ uxoris, quem quasi servum emit dolo malo sciens, ac fingat se ignorasse conditionem sui affinis, *l. si filium, inf. de liber. caus.* Et similiter non admittimus tutorem, eundemque cognatum, si alleget se ignorasse ætatem pupilli sui, *l. de tutela, sup. de in integr. restit.* Denique quædam sunt improbabilia, ut allegata statim penitus rejiciantur, ut in hac *l. ult.* ut si quis alleget defunctum ignorasse nomen suum, et errasse in nomine suo.

JACOBI CUJACII. J. C.

Ad Lib. VI. Codicis.

RECITATIONES SOLEMNES.

Ad Tit. XXV. De institut. et substitut. seu restitut. sub cond. fact.

Hic titulus est de conditionibus, quæ injiciuntur

institutionibus, et substitutionibus directis, vel etiam substitutionibus precariis, id est, fideicommissariis hereditatibus, quæ in h. l. restitutiones dicuntur, quia Græci ἀνακαταστάσις etiam substitutiones precarias vocant. Institutio igitur alia est pura, alia conditionalis. Pura statim a morte testatoris hereditatem defert. Conditionalis pendet ex futuri eventus expectatione. Substitutio autem omnis videtur esse conditionalis, quia vel concipitur in casum non acquisitæ hereditatis, qui primus casus dicitur, et substitutio vulgaris, vel concipitur in casum acquisitæ hereditatis, et mortis, aut si fiat liberis exheredatis in casum mortis tantum, qui secundus casus dicitur in l. precibus, tit. seq. et substitutio pupillaris, quod fiat liberis tantum impuberibus, et ad exemplum eorum etiam furiosis ex l. humanitatis, tit. seq. Vulgaris substitutio fit omnibus heredibus institutis, cujuscunque sint ætatis, aut conditionis, vel expressa conditione, si heredes non erunt, vel etiam tacita, ut l. ult. sup. tit. præ. Sempronius Plotii hæres esto, videlicet prius in tuto herede Plotio. Nec est dubium, quin etiam recte fiat substitutio pupillaris non expressa conditione, hoc modo: Sempronius Plotii filii mei impuberis hæres esto, vel cum ille Plotius filius esset testatoris impubes, hoc modo: Sempronius Plotii hæres esto. Quamobrem verius est et substitutionem aliam esse puram, aliam conditionalem. Pura est, cui non ex testamento, sed extrinsecus, reipsa, tacite conditio inest, quæ juris conditio dicitur in l. bovem, §. ult. de adilit. edic. Et licet mora suspendat substitutionem, ea tamen conditio juris substitutionem conditionalem non facit, l. conditiones, de condit. et demonstr. l. 6. quando dies leg. ced. Et quod dicitur spem substitutionis non transmitti in heredem, l. si ex pluribus, de suis et legit. hæres l. sed si plures, l. Lucius, §. ult. l. qui habebat, de vulg. et pupil. substit. Quod, inquam, dicitur, spem substitutionis non transmitti in heredem, hoc non facit conditio tacita, sive conditio juris, quæ inest substitutioni, sed regula juris, quæ vetat hereditatem non acquisitam in heredem transmitti, cujus regulæ ratio est, quia omnis hereditas transmittitur in personam, non in rem. Et generalis est regula, quæ locum habet et in institutionibus, et substitutionibus, id est, sive per institutionem, sive per substitutionem deferatur hereditas, l. unien, §. in novissimo, in c. de cad. toll. l. 6. §. ult. et l. 7. de inoff. testam. l. 1. C. Theod. de legit. hæred. et locum habet etiam in bon. poss. l. 5. §. acquirere, de bon. poss. et in fideicommissis hereditate, l. 11. §. utrum, ad Senatus. Trebell. Conditionalis autem substitutio est, cui ex ipso testamento proponitur conditio certa, veluti si navis ex Asia venerit. Hæc di-

visio substitutionum in puram, et conditionalem probatur ex l. qui lib. impuber. de vulg. et pupil. substit. Quid vero est institutio? quid substitutio? quid restitutio? quid conditio? tot enim sunt termini in h. l. Institutio est prima scriptura testamenti, quæ primo heredi hereditatem defert. Substitutio est sequens scriptura testamenti, quæ post instit. sibi quis facit heredem vel suis liberis testam. factionem non habentibus: vel substitutio est secundi, vel tertii institutio, et sic deinceps in infinitum. Restitutio autem est substitutio precaria, sive hereditas ab herede scripto per fideicom. relicta. Conditio autem est futuri casus incertus eventus, vel huic tit. accommodatus, conditio est lex adjecta institutioni, aut substitutioni directæ, aut precariæ, quæ effectum ejus differt in futurum et incertum eventum. Et alia est conditio potestativa, alia casualis, ut Just. loquitur. potestativa conditio, quæ dicitur a Græcis ἐξουσιάζειν, vel elegantius ἐπ' αὐτῶν, ea est, quæ ponitur in potestate et arbitrio heredis instituti, veluti si Capitolium ascenderis. Casualis autem conditio est, quæ in casu et eventu futuro, fortuitoque ponitur, veluti si navis ex Asia venerit, si Titius consul factus fuerit, si hodie tonuerit, si fulserit. Et adiciamus etiam tertium genus, puta conditionem mixtam ex utroque, quæ pendet partim ex voluntate heredis instituti, partim ex casu, veluti si Titio consule Capitolium ascenderis, in l. ult. §. ult. inf. de caduc. toll. l. ult. inf. de necess. hæres inst. Et inter hæc genera conditionum hæc ponitur differentia in l. 4. h. l. a cujus interpretatione incipiam, deinde ceteras omnes hujus tit. II. sigillatim explicaturus. Filius non potest a patre institui sub omni conditione. Sub potestativa instituitur recte, quia pro pure instituto habetur, cui apponitur conditio, cujus ipse arbiter est, vel quæ ex ejus voluntate pendet. Institutio facta sub conditione potestativa habetur pro pura, l. 1. §. qui sub conditione, si quis ommissa causa test. Et qui sub ea heres institutus est, si conditionem nolit implere, non videtur deficere conditio, sed ab eo omitti, l. si libertus, §. existimo, de bon. lib. Ideoque filius eo quod sit institutus a patre sub conditione potestativa, patrem intestatum non facit, quia rite institutus est, et proinde est, ac si esset institutus pure, uti etiam ex l. 12. tab. omnino filium a patre, aut pure institui aut pure exheredari oportet, ne si prætoratur, patrem faciat intestatum. Quod si filius sit institutus a patre sub conditione casuali, et in ejus conditionis defectum non sit exheredatus a substitutis, vel a coheredibus, pro præterito habetur, et patrem statim intestatum facit. Idemque est si sit institutus sub mixta conditione, quoniam et hæc partim casualis est, l.

4. l. jam dubitari, ff. de hær. inst. et l. 4. hoc tit. Et summe est notandum hoc, quod dixi esse proprium in filio ex antiquissimo jure: nam idem non servatur in filia, aut nepote ceterisque liberis, quoniam filia, nepos, et ceteri liberi recte instituuntur sub qualibet conditione, propterea quod deficiente casuali conditione, si sub ea instituti fuerunt, pro exheredatis habentur ex generali clausula, quæ solebat præscribi in testamentis: *Ceteri exheredes sunt*, l. Lucius, de lib. et post. Neque enim filia, nepos, et ceteri liberi sunt exheredandi nominatim, ut filii, et satis est si exheredentur inter ceteros perfunctorie, perfusorie, et generaliter illis verbis, *ceteri exheredes sunt*. Liberi scilicet, vel popinqui, vel amici. Denique hoc est ex intima prudentia juris in filio proprium, ut sit instituendus, vel exheredandus nominatim, et ut non instituatur recte sub conditione casuali, vel mixta, nisi subjecta sit exhereditatio statim in ejus conditionis defectum, ut ei satisfiat omnimodo. Et hoc utique verum est, ut filia, nepos, et ceteri liberi possint institui etiam sub conditione casuali, vel mixta, non subdita exheredatione in defectum conditionis. Verum, inquam, hoc est, etiamsi nepos tempore testamenti obtineat locum sui hæredis, nemine scilicet gradu præcedente, quod patet exemplo filie, quæ prout dubio obtinet locum sui hæredis tempore testamenti, et tamen recte instituitur sub qualibet conditione, non subdita exheredatione, nominatim, ut plane evidens sit in hac re hallucinari Accursium in hac l. 4. cum filio comparat nepotem, qui tempore testamenti sui hæredis locum obtinet, ut scilicet idem sit juris in uno, quod in altero. Et in eodem errore etiam versantur Joannes et Azo, ut idem Accursius retulit ad l. 6. §. nepotes, ff. de hær. inst. Nunc aperitissima erit species l. 4. Pater in Mauritania provincia, ut ponit lex, quæ illi erat patria, ita testatus est: *L. Titius filius meus si in patriam revertatur mihi hæres esto*. Id est, si in Mauritaniam revertatur. Ille filius trans mare agit, et longissime, veluti Lugduni, aut Romæ. Et cum esset additioni præscriptus dies, vel institutioni hoc modo: *Filius meus si in patriam revertatur intra tot dies, hæres esto*: et non possit reverti, non possit conditionem, implere per hiemis conditionem, vel quem alium casum majorem, atque fortuitum, videtur institutus sub conditione casuali, quæ non est in ejus potestate, et ideo hæreditatem adire potest, jure intestati scilicet, quia pater jure testatus non videtur, qui filium hæredem scripsit sub conditione casuali et difficili, vel etiam potest petere honorum possessionem contra tabulas, quasi præteritus. Et loquitur hæc lex 4. de filiofamil. de suo hærede, et tamen dicit, eum adire hæreditatem posse ab

intestato, ut sæpe alias invenies etiam suum hæredem dici adire hæreditatem, l. si filius, de collat. bonor. l. si duo, de acquir. hær. Quibus locis, ut in hac l. 4. vel adire accipitur pro miscere se hæreditati paternæ, vel sante propriæ, quia hoc tantum invenitur scriptum, in suis hæredibus non esse necessariam additionem, quia ipso jure existunt etiam inviti et ignorantes, l. in suis, de suis et leg. hær. In suis hæredibus esse supervacaneam additionem, l. 7. de inoffic. testam. Non quod non possint adire hæreditatem, si velint, et peragere sollemnia cretionis, sive additionis. Et de hoc bene loqui etiam addere interpretationem l. 1. Species est aperitissima: avunculus septem filiam sororis hæredem scripsit sub conditione, *Si Lucio Titio nuberet*. Honestæ est conditio, quæ non remittitur. Et ideo si per eam fiat, quo minus nubat Luc. Titius, hæres non erit, quia deficiet conditio institutionis, sed si per Luc. Titium fiat, quo minus ei nubat, quæ parata est ei nubere, nihilominus hæreditatem adire poterit ex testamento, quia conditio pro impleta habetur. Res est facillima expeditu: nec fuit cur in specie tantum adlaboraret Accursius, qui afflixit amplissimam glossam, dum opponit huic l. 1. l. 4. inf. de conditione inster. tam legat. quam fideicom. Cujus legis species hæc est: Legavit pater filie fratris sub eadem conditione, *Si Lucio Titio nuberet* (nihil refert legaverit, an instituerit) post mortem patris Luc. Titius mortuus est, ante quam ea mulier ei nuberet, an poterit accipere, et vindicare legatum? Minime, quia defecit conditio: nec enim nupit Lucio Titio. Quærit Accursius quemadmodum sit respondendum, adhibitis multis distinctionibus contrariis, cum uno verbo res absolvi possit in d. l. 4. inf. de condit. inster. cui est similis lex in testamento, de condit. et demonstrat. Mulier non admittitur ad legatum, quia conditio, *Si Titio nupserit*, defecit morte Titii, quæ contigit post mortem testatoris, antequam ea Titio nupisset. In specie autem l. 1. conditio pro impleta habetur, quando facto ejus in cujus personam conditio impleri debet, evenit, ne impleteretur, juxta regulam l. in omnibus causis, de reg. juris, sicut et plerisque aliis casibus conditiones pro impletis habentur, quando ea persona, cujus interest, conditionem non implevit, et ne ea impleatur impedimento est, vel etiam, ut in hoc casu, quoties ea persona, in cujus personam ea conditio impleri debet, non patitur eam impleri in suam personam. At in d. l. 4. ut dixi, quia post mortem testatoris mortuus est L. Titius, qui nullum impedimentum nuptiis attulerat, defecit conditio, propterea quod mortuus est eo tempore, quo potuit a muliere impleri conditio, id est, post mortem patris, quæ tamen non fuit impleta, quod

observandum. Mortuum scilicet fuisse L. Titium post mortem testatoris. Nam si vivo testatore mortuus fuisset L. Tit. aliud dicerem, nempe deberi legatum, quod L. Tit. mortuus est eo tempore, quo conditio impleri non debuit, nempe vivo testatore, qui eam voluit impleri post mortem suam, contractis nuptiis cum L. Titio. Et hoc si observares absce, n. hil obstat hunc quicunque alia adfert Accursius. Primum non obstat l. turpia, §. 1. de leg. 1. cui similis est l. filia, in prin. de cond. et dem. species hujus hæc est: lego Cajacentum, si arbitratu L. Tit. nupserit, id est, consulto L. Titio. Luc. Tit. mortuus est vivo testatore, et nupsit puella inconsulto L. Tit. qui non erat in rebus humanis, capiet legatum, quoniam per eam non stat, quo minus consulat, et sit parata consulere L. Tit. si superesset. Et L. Tit. decessit eo tempore, quo conditio impleri non debuit, id est, vivo testatore: nam si decesserit post mortem testat. cum cum puella consulere poterat, conditio defecisse intelligitur. Et eadem est ratio l. annua, in prin. de annuis leg. Species hæc est: Illi lego tot, si cum matre mea morietur, mortua est mater vivo testatore quo tempore non debuit morari cum ea, capiet legatum. Contra si mortua sit mater post mortem testatoris, antequam cum ea demorari cepisset, non capiet legatum, quia defecit conditio. Eadem est etiam ratio l. turpia, de leg. 1. et l. quæ sub condit. §. quotiens, de condit. instit. Species hæc est: Hæres esto, aut tibi lego, si Stichum servum tuum manumiseris, quæ conditio impleri debet post mortem, ut quælibet conditio non promiscua, l. 11. de cond. et demon. conditio talis fuit: si Stichum servum tuum manumiseris: et Stichus occisus est antequam manumitteretur, aut occisus est vivo testatore, cum nondum deberet manumitti, nondum impleri conditio illa, et capit hereditatem, vel legatum, quod sub ea conditione relictum est. Sed si occisus sit Stichus post mortem testatoris, cum nondum esset manumissus, qui debuit manumitti, defecisse conditio intelligitur. Quod etiam probat l. inde Nerat. §. idem Jul. D. ad l. Aquil. et ita est concilianda l. 4. cum d. l. turpia, §. pen. et d. l. quæ sub cond. posita supradicta distinctione, utrum servus ille vivo testatore occisus sit, an post mortem ejus.

Ad L. II. et III.

L. II. Conditioni, sub qua testamento matris tuæ hæres instituta es, si non parvisti, locum habet substitutio: nec enim videri potest sub specie turpium nuptiarum viduitatem tibi indixisse, cum te filio sororis tuæ, consobрино tuo, probabili consilio, matrimonio jungere voluerit. Nec

extraordinario auxilio indiges, cum his precibus, quas libello complexa es, declaratur, non per eum stetisse, quo minus supremæ voluntati matris tuæ testatricis satisfieret.

L. III. Si mater vos sub conditione emancipationis hæredes instituit, et priusquam voluntati defunctæ pareretur, sententiam deportationis pater meruit, vel aliter defunctus est, morte ejus, vel alio modo patria potestas liberati, jura adempta hereditatis cum sua causa quæsisit.

Quo de genere conditionis institutionum apponitur est l. 1. de eodem etiam est l. 2. cum puella hæres instituitur sub conditione, si certæ personæ nupserit, veluti Titio, et est species hujusmodi l. 2. Mater filiam ita hæredem instituit: filia mihi hæres esto, si nupserit filio sororis meæ, consobрино suo. Hanc conditionem mater ascripsit, ut ait l. ducta probabili consilio, dum certa quadam ratione vult filiam suam filio sororis suæ consobрино nubere. Lex prudens consilium testatricis spectat, ut in l. Luc. Tit. in fin. de hæred. instit. Quod si filia hæres non esset, mater in ejus locum substituit Sempron. vulgari modo: quæritur an hæc conditio remittenda sit filiae, ut necesse non habeat eam adimplere, ut etiam ea non impleta admitti ad hereditatem maternam possit, et excludere substitutum? Nam post admissam hereditatem si jure admissa sit, substitutio vulgaris extinguatur, l. post aditam, tit. seq. Et tentari potest hæc conditionem esse remittendam, quasi turpem ex l. non dubitamus, de cond. et demonst. Videtur turpis et inhonesta esse conditio, quæ vult inter se consobrinos matrimonio conjungi. Et consequenter quasi indicto turpi matrimonio, videtur filia indicta viduitas, quæ conditio viduitatis remittitur lego Julia Miscella, non tantum si sit expressa, sed etiam si tacite insit, l. cum tale, §. si arbitratu, de cond. et demonst. Sed cum ex constitutionibus, quas Justinianus probavit, certissimum sit, eam conditionem non esse turpem, et consobrinam consobрино honeste nubere posse, l. celebrandis, C. de nupt. et §. duorum, Inst. de nupt. consequens etiam est, filiam excludi ab hereditate materna, et vocari substitutum, si conditioni non obtemperaverit, si consobрино nubere noluerit, l. cum ita legatum, de condit. et demonst. Et additur in hac l. 2. etiam filiae, ut capere possit hereditatem maternam non impleta conditione, non subveniri in hac re extraordinario auxilio, puta data utili hereditatis petitione, aut persecutione, aut utili interdico quorum bonorum. Omnis actio utilis est extraordinarium judicium et auxilium, ut in l. cum filius, de reb. cred. Cum dicitur subveniri extraordinario judicio filiofamil. qui viaticum, quod ei peregre agruti misit pater, alii mutuum dedit, hoc

significatur, dari ei utilem conditionem creditæ pecunie, utilem actionem si certum petatur, directam nimirum competente patri ei confestim acquisita per filium, non filio. Nam regula juris est, ex suis contractibus non dari actionem filiofamil. sed patri ejus. Ceterum absente patre ex omnibus contractibus etiam filiofamil. dantur, et competunt actiones utiles, quæ extraordinariæ dicuntur, et in factum actiones. Et ita accipienda est *lex in factum, de oblig. et action.* ut in factum actiones, id est, utiles, etiam per filiumfamil. exerceri possint. Extraordinarium igitur auxilium in hac l. 2. interpretor esse utilem persecutionem hereditatis maternæ, quæ quidem, fateor, dabitur filiæ, si per consobrinum stet quo minus nuptiæ fiant, ut in l. 1. *hoc tit.* quia conditio habetur pro impleta. Et generaliter in omnibus causis pro facto accipitur id, in quo per alium mora fit, quo minus fiat. Si per filiamfamil. steterit, quo minus conditio impleretur non per consobrinum, puta ea respuente conditionem, consobrinum petente, hoc casu, de quo agit l. 2. nec ordinario, nec extraordinario remedio filiæ aditus est ad hereditatem. *Non indiget*, inquit *lex, extraordinario auxilio.* Honestius quid aliis negamus, dum eo nihil illum indigere dicimus. Ergo si filia non præbeat obsequium matri, si per eam fiat, quo minus consobrinum nubat, nullo modo capiet hereditatem maternam. Sed si per consobrinum fiat, non per ipsam, ei subvenitur extraordinario judicio. Adnotandum etiam ei subveniri non impleta conditione extraordinario judicio, consobrinum mortuo, viva testatrice. Ita est scriptum rectissime, et consulto opera in l. *qui ex fratribus, de cond. instit.* Consobrinum mortuo vivo testatore, quo scilicet tempore conditio impleri non debuit. Est enim hæc conditio ex numero earum, quæ promiscue vocantur, quæ nonnisi post mortem testatoris implentur, l. 11. *de cond. et demonstr.* Si est conditio potestativa, quæ ideo dicitur promiscua, quod nulla sit potestativa quin possit esse casualis, id est, difficilis implende, si *Lugdunum iveris*, est potestativa. Quandoque non est potestativa, si quæ causa impediat, ne quis Lugdunum eat. Omnis potestativa conditio est promiscua. Casualis non est promiscua, quia nullo casu potest esse potestativa, in potestate nostra scilicet, et in facili. Consobrinum igitur mortuo, viva testatrice, filia venit ad hereditatem maternam, sine ulla controversia. Mortuo autem consobrinum post mortem testatricis, si per eam non stetisset, dum vixit, quo minus nuptiæ fierent, filia repellitur ab hereditate materna, l. 4. *inf. de cond. infert. l. in testam. de cond. et demon.* Quæ distinctio unam dirimit, et multas alias controversias de conditionibus, an si non sint

implere, nihilominus vel hæredes veniant ad hereditatem, vel legatarii perveniant ad legatum, aut fideicommiss. ut ecce legato ita relicto sub hac conditione: *si Titio 10. dederit*, mortuo Titio vivo testatore debetur legatum, mortuo Titio post mortem testatoris, antequam legatarius dederit decem, non debetur legatum, l. *cum ita datur, de cond. et demonstr.* Itaque legato relicto sub hac conditione: *si Stichum servum tuum manum.* Stichum mortuo vivo testatore, quo tempore non debuit manumitti, debetur legatum, l. *turpia §. pen. de leg. 1. l. 8. quotiens, de cond. inst.* Stichum autem mortuo post mortem testatoris ante manumissionem non debetur legatum, l. *inde Nerat. §. idem Jul. D. ad l. Aq.* Item legato relicto sub conditione: *lego Tit. centum, si morietur cum matre mea*, mortuo matre vivo testatore, debetur legatum, mortua matre post mortem testatoris, cum nondum cum matre moraretur, non debetur legatum, l. *annua, in princ. de annuis leg.* Ut autem aliquid de matrimonio inter consobrinum dicamus, prout jure cum consobrinis fuit connubium usque ad Theod. Imperat. qui prohibuit nuptias inter consobrinum sive venia Principis, l. 3. *C. Theod. de incest. nupt. l. 1. C. Theod. si nupt. ex rescript.* Quia scilicet consobriini sunt tanquam fratres, et sorores, et dicuntur etiam fratres, et sorores patruales, vel matruales. Horruit Theod. licitum propter proximitatem illiciti, propter communionem nominis, censuitque, ut inter fratrem et sororem, ita et inter fratrem et sororem patrualem, qui consobriini dicuntur, prohibendus esse nuptias sine venia Principis: sed eam constitutionem Theod. statim non obtinuisse, patet ex d. l. *celebrandis*, obtinuit tamen successu temporis, et eo jure utimur. Quæ de causa dicta l. *celebrandis* non est in Basilicis, et in d. §. *duorum*, Theoph. addit negationem, quasi essent illicitæ nuptiæ, et injustæ inter consobrinum. Et in hac l. 2. Basilica habent *προσβεβηκότες*, pro consobrinum: nam in Oriente prohibiti fuerunt nuptiæ tandem non tantum inter consobrinum, qui sunt in quarto gradu, et dicuntur *προσβεβηκότες*, sed etiam inter sobrinum, id est, inter sobrinorum filios, qui sunt sexto gradu, et dicuntur *δύττωτες βεβηκότες*, non tamen prohibiti inter sobrinorum filios, qui dicuntur *επρόσβεβηκότες*, et sunt octavo gradu. Hodie igitur, quia eo jure utimur, ut hæc conditio, si consobrinum nupserit, habeatur pro illicita, ut inter consobrinum sint illicitæ nuptiæ, dicemus hanc conditionem esse remittendam, et habendam pro non scripta, nisi scilicet testator conditionem ad jus retulerit, et ita acciperit, si consobrinum, uti oportet, nupserit, sive petita venia a Principe, vel Pontifice. Etiam vetustiores videntur inter consobrinum nuptias non admodum approbasse:

nam et Æschylus scribit filias Danaï Argos venisse fugientes consobrinis, a quibus appetebantur, et nuptias eas vocat οὐκ εὐσεβήτους γάμους, id est, non venerabiles, non persequendas, vel appetendas. At forte non hac ratione, sed alia, quod consobrinis eas insequentibus, et appetentibus nuptiæ admodum nefariæ, et infelices fuerint, et infelicitas sæpe arguit eas displicere naturæ. Lex 3. est de alio genere conditionis, de conditione emancipationis: mater si filium hæred. instituit sub conditione emancipationis: *filii, hæres esto, si a patre emancipatus fueris*, filius non fuit emancipatus a patre, sed sui juris effectus est alio modo, puta mortuo patre, vel capite diminuto. Queritur an admittatur, et adire possit hereditatem maternam. Lex ait ius ei esse ad eundem hereditatis cum sua causa, cum onere terris alieni, cum onere legatorum, etiam si non emancipatione sui juris effectus sit. Id lexumpsit ex voluntate defunctæ, quæ rogat conditiones, et quæ ideo adscripsit hanc conditionem, *si a patre emancipatus fueris*, ne patri per filium acquireretur hereditas, quoniam noluit ad maritum suum bona sua pervenire, quæ utique etiam pervenirent ad eum, si filius alias sui juris effectus sit, vel mortuo patre, vel deportato, vel in metallum condemnato sine emancipatione, vel dignitate, aut sacerdotio obveniente filio. Et hæc quidem ratio apponendæ conditionis est communis matri, et extraneo cuilibet, et frequentissima: de hærede instituto sub conditione emancipationis *l. quidem, de hæred. inst. l. duos, l. avia, de condit. et demonstr. l. filiis, sup. de inoff. testament.* Ubi etiam ait, matrem, quod mores mariti suspectos haberet, filium hæredem instituisse sub conditione emancipationis, in quo causam exprimit apponendæ hujus conditionis. Sic etiam in *l. ult. de petit. hæred. l. 3. §. et si hæres, de minorib. l. pen. unde liberi, l. divi, de jure codic. et Plin. lib. 8. Epistol. 18. Curtius, inquit, perosus generum suum, sub hac conditione filium ejus, nepotem suum hæredem instituerat, si esset manu patris emissa. Et Sueton. in Vitellio: hunc hæredem a matre sub conditione institutum, si exisset a patris potestate, manu emisit. Frequentissimum erat, ut institutis filiisfamil. hanc testes conditionem apponerent, ut ad eos, non ad parentes perveniret hereditas. Igitur hæc etiam conditio, de qua est lex 3. imponitur institutioni probabili consilio defunctæ, imo et omnis conditio testamenti. Nam ut natura nihil frustra facit, ita nec homo sanæ mentis. Et conditio igitur est, ut iis definitionibus, quas prima recitatione tradidi, utar. Conditio est lex certa, quæ testator probabili consilio alium ad suum testamentum invitat. Quod vero proponitur in hac *l. 3. idem sequendum ex diverso, nimirum casu mortis, si sit positus in con-**

Tom. IX.

ditione institutionis, ducto ad casum emancipationis: nam ut ex hac *l. 3.* casus emancipationis ducitur ad casum mortis, vel alium casum, quo filius sui juris fiat: ita ex diverso casus mortis deducitur ad casum emancipationis, ut si filius instituitur sub hac conditione, *si morte patris sui juris fiat*, et emancipetur a patre, statim capiet hereditatem ex tacita voluntate testatoris, qui ideo expressit tantum casum mortis, quia credebatur patrem eum non emancipaturum, ac proinde non relicturum filio commodum hereditatis. Denique etiam casus mortis trahitur ad casum emancipationis, et quolibet alium, quo sui juris fiat. Quæ est sententia *l. fideicommissi. §. si cui ita fuerit, de leg. 3. et l. mulier, ad Senatuscons. Trebell. et l. si ita esset, quando dies leg.* Nec dicendum est, expectandam esse mortem patris, si filius ejus sit a matre, vel extraneo institutus sub conditione, *si morte patris sui juris fiat*. Nam posset quis dicere, si emancipatus sit, adhuc tamen esse expectandam mortem patris, antequam adeat hereditatem testamenti delatam. Et prima fronte hoc videtur adstruere *l. §. si cui ita fuerit*, nisi adhibeatur interpretatio. Primum enim lex ait, fideicommissum ita relictum filiofamil. si morte patris sui juris fiat, tunc subjicit filio emancipato a patre non videri defecisse conditionem, quod convenit cum superioribus omnino. Verum subjicit, sed et cum mors patri contingat, quasi existente conditione ad fideicommissum admittatur, ut videntur exigere mortem patris, nec sit contentus emancipatione. Sed hic est omnino sensus hujus legis, ut admittatur ad fideicommissum, si contingat mors patris, sive emancipatio filii. Utroque casu, ut dies fideicommissi cedat ex tacita voluntate defuncti, cui potissimum adservire debemus, quæ regit, et facit conditionem, non sermo, non scriptura conditionalis, *l. in conditionibus, et l. pater, de cond. et demonstr.* Et ita etiam in *l. ult. hoc tit. demonstrabitur in substitutionibus sæpissime casum expressum duci ad tacitum, et ubique esse servandam semper defuncti voluntatem.*

Ad L. V.

Reprehendenda tu magis es, quam mater tua: illa enim si hæredem te sibi esse vellet, id quod est inutile, matrimonium te dirimere cum viro non juberet, tu porro voluntatem ejus divortio comprobasti. Oportuerat autem, etsi conditio hujusmodi admitteretur, præferre lucro concordiam maritalem: enim vero cum boni mores hæc observari vetent: sine ullo damno conjunctionem retinere potuisti. Redi igitur ad maritum, sciens hereditatem matris, etiamsi radieris, retentu-

ram: quippe quem retineres, licet prorsus ab eo non recessisses.

Lex 3. hoc tit. tractat de conditione divortii, et valde pertinet ad bonos mores. Mater filiam instituit sub conditione, si a marito diverteret. Hæc conditio est inutilis, quia est contra bonos mores, et remittitur l. 2. inf. de condit. insert. l. 8. de usu, et habit. Et ait d. l. 2. eam nonnumquam remitti, quia aliquando possit esse divortii justa causa, et probabilis. Frequentius remittitur. Igitur filia hæres instituta a matre sub conditione divortii, etiamsi non divertat a marito, hereditatem maternam capere potest. Et si forte divertat, dum putat se aliter non posse pervenire ad bona matris, quam si pareat voluntati ejus, id est, conditioni testamento scriptæ, et discedat a marito, si, inquam, hoc faciat filia per imperitiam, nesciens divortii conditionem jure publico remitti, majori reprehensione est digna, quam mater, quæ divortium indixit, ut ait hæc lex rectissime, et sanctissime: nam mater odio generi filię divortium indixit genere conditionis. Filia lucri avidior, quam fidei, et concordie maritalis divortium fecit, mater voluit divortium fieri, filia divortium fecit, majus est delictum facientis, quam jubentis, ut recte colliges ex h. l. 3. Sudent ergo merito Impp. filię, quæ per imperitiam divertit a marito, dum putat non nisi facto divortio hereditatem maternam adire posse, ut redeat ad maritum, et nihilominus retineat bona materna, quæ et habuisset, et relinisset, etiamsi non divertisset. Hæc est sententia legis 3. cui addenda est etiam explicatio d. l. 2. inf. de cond. inser. maxime quod in ea dicatur ejus legis species multum longeque ab ista lege differre. Sciendum est hæredem, a quo legatum relictum est in diem certum, ex edicto Prætoris interiri ante diem debere cavere legatario de legato solvendo cum dies venerit, si hoc legatarius desideret, et petierit, nisi scilicet testator hæredi hanc conditionem remiserit: potest enim remitti ex constitutione D. Marci quolibet indicio voluntatis, l. 2. inf. ut in poss. leg. Nam finge: pater filiam hæredem scripsit, et ab ea Lucio Titio legatum reliquit in diem certum, vel in conditionem certam: idem filię suæ remisit cautionem ejus legati, si a marito diverteret, dum cavit, ut ita deinceps hanc caveret cautionem legatario, si a marito non diverteret. Si igitur divertit, ut non subiret onus cautionis: illa vero non divertit a marito, non paruit voluntati patris, qui omnino volebat eam divertere a marito, et fecit ut probum decet, quæ fidelem servavit viro libentius, quam paruit patri. Sed si idem etiam detrectet cavere de legato, facit improbe contra voluntatem patris, quæ pugnabat cum utilitate publica, quæ exigit ut temere conjugia dissolvantur,

fecit improbe contra patris voluntatem, contra jus publicum, id est, contra edictum Prætoris simul, et contra voluntatem patris, non cavendo de legato. Nam quatenus non divertit a marito, facit quidem contra voluntatem patris, sed secundum bonos mores, quatenus non cavit de legato, facit et contra edictum prætoris, et contra voluntatem patris, qui voluit eam cavere de legato, si non diverteret. Igitur si non divertat, omnino cavere debet de legato, et alia est causa legati, aut hereditatis filię relictæ sub conditione si diverteret. Nam si non divertat, nihilominus hæredit. aut legatum capiet. Remissa autem cautione legati si diverteret, si non divertat, non remittitur etiam cautio legati, quia absurdum est negligi formam edicti perpetui, quod non pareat voluntati defuncti. Igitur fecit quidem probe si non divertat, sed facit improbe, si hoc colore, quod non obtemperaverit patri diveriendo, velit se exonerare onere satisfaciendi, aut fideicommisso. Hæc est sincera interpretatio hujus legis 3. Trauseamus ad legem 6.

Ad L. VI.

Generaliter sancimus, si quis ita verba sua composuerit, ut edicat, si filius, vel filia intestatus, vel intestata, vel sine liberis, aut sine testamento, vel sine nuptiis decesserit: et ipsæ, vel ipsa liberos sustulerit, sive nuptias contraxerit, sive testamentum fecerit: si mita res possideri, et non esse locum substitutioni eorum, vel restituti oni. Si enim nihil ex his fuerit subsequutum: tunc valere conditionem, et res secundum verba testamenti restitui, ut incertus successionis morientis exitus videatur, certo substitutionis, vel restitutionis fine concludi. Cui enim ferendus est intellectus, si forsitan testamentum quidem non fecerit, posteritatem autem habuerit: propter hujusmodi verborum angustias liberos ejus omni pene fructu paterno defraudari? Viam itaque impiam obstruentes, ut ne quis alius deviet, hujusmodi facimus sanctionem: et hanc legem in perpetuum valituram inducimus, tam patribus, quam liberis gratam: quo exemplo etiam aliis personis, licet extraneis sint, de quibus hujusmodi aliquid scriptum fuerit, medemur.

§. 1. Cum autem invenimus excelsi ingenii Papinianum in hujusmodi casu, in quo pater filiis suis substituit, nulla liberorum ex his procreandorum adjectione habita, optimo intellectu disposuisse, evanescere substitutionem, si is, qui substitutione prægravatus est, pater efficiatur, et liberos sustulerit, intelligentem non esse verisimile, patrem si de nepotibus cogitaverit, talem fecisse substitutionem: humanitatis intuitu

hoc latius, et pinguius interpretandum esse credidimus, ut et si quis naturales filios habeat, et partem eis reliquerit, vel dederit usque ad modum, quem nos statuimus, et substitutioni eos subjugaverit, nulla liberorum eorum mentione facta: et hic intelligi evanescere substitutionem liberis cum excludentibus, et intellectu optimo his, qui ad substitutionem vocantur, obsistente, et non concedente ad eos eam partem venire, sed ad filios, vel filias, nepotes, vel neptes, pronepotes, vel proneptes morientis transmittente, et non aliter substitutione locum accipiente, nisi ipsi liberi sine justa sobole decesserint, ut quod inter justos liberos sancitum est, hoc et in naturales filios extendatur. Quae omnia et in legatis, et fideicommissis specialibus locum habere sancimus.

Quae quaestiones in hac l. 6. explicantur a Justiniano. Prima pertinet ad hanc speciem: quidam in testamento, ita scripsit: *Rogo te, mi haeres, ut sine testamento vel sine liberis vel sine nuptiis vita decesseris, hereditatem relictam Caio Sejo*, id est, si intestatus, orbus, vel caelebs vita decesseris. Haec est sententia testatoris. Decessit intestatus, non orbus, non caelebs. Queritur an fideicommissio locus sit? Quod videtur, quia dixit sub disjunctione, si intestatus, vel caelebs decesseris, sufficit unum evenire, ut monet disjunctiva oratio, et ita evenit unum, quia intestatus decessit. Hoc satis est, ut sit fideicommissio locus. Aliter tamen statuit Justinianus, aut statuendum censet ex praesumpta voluntate defuncti, quasi praesumpisset defunctus disjunctionem pro conjunctione, ut non admittatur ad fideicommissum L. Titius, nisi et intestatus, et orbus, et caelebs decesserit, quod est in jure frequentissimum, ut conjuncta accipiantur pro disjunctis, et retro disjuncta pro conjunctis, quod in l. pen. inf. de verb. sign. appellatur *παράδοξος*, id est, falsa disjunctio, quae conjunctio potius est, et Latine uno verbo dicitur subdisjunctio, cui contraria est *παρέρυαψς*, id est, falsa conjunctio, quae sit pro disjunctione accipienda ex mente scriptoris, vel ejus, qui haec verba nuncupavit. Hoc igitur in prima parte hujus legis statuit, ut intelligatur in his verbis, *si intestatus, vel orbus, vel caelebs decesseris*, esse subdisjunctionem, seu *παράδοξον* potius, quam disjunctionem, ut scilicet (vel) accipiamus pro conjunctione, nec aliter vocemus fideicommissarium, quam si haec tria evenerint, id est, si intestatus, et orbus, et caelebs decesserit, et non si unum, vel duo ex his evenerint. Fuit hac de re controversia inter juris peritos, quam Justinianus demum voluit in hac lege dirimi, et fini. Transamus ad alteram quaestionem, quae est in §. cum autem. Pinge: liberi, veluti

filii, aut nepos aut pronepos a parente haeredes instituti sunt, et rogati hereditatem restituere post mortem suam Lucio Titio, nullo haerede adjecto: *Rogo te, fili mi, ut post mortem meam hereditatem restituas Lucio Titio*. Sciendum est, ita demum fideicommissio locus esse, id est, substitutioni precariae, si liberi haeredes instituti decesserint sine liberis: nam si liberos reliquerint, liberi eorum fideicommissarium excludent, licet simpliciter, et pure rogati sint ei hereditatem restituere post mortem suam, non adjecta conditione hac, *si sine liberis decesserint*, quia hoc semper intelligitur, cum scilicet liberi sunt instituti, et onerati fideicommissio hereditatis: ilque sumitur ex voluntate defuncti, quia praesumitur patrem a filio, vel a nepote L. Titio relicturum fideicommissum non fuisse, si nepotem, aut pro nepotem cogitasset ex eo nasciturum. Et hanc praesumptionem, et conjecturam ex pietate paterna primus duxit Papinianus, ut fuit acutissimus conjector perscrutande voluntatis testatorum, et II. qui bene conjicit ne dicas vatem, sed etiam Jurisconsultum esse optimum. Et hanc conjecturam, quam primus dixit Papinianus ex pietate paterna, approbat Justinianus in l. cum acutissimi, inf. de fideicommissis. Et exstat Papiniani responsum l. cum avus, de condit. et demon. Ergo secundum hanc conjecturam pietatis paternae, conditio *si sine liberis decesserit*, quae non est appositae, pro appositae habetur: et minus scriptum, quam dictum intelligitur. Denique cuilibet institutioni precariae factae liberis, tacite inest haec conditio, *si sine liberis decesserit*. Et est pens similia conjectura in specie legis cum pater, §. cum inter, de leg. 2. Qui habet plures libertos, et libertas, eis reliquit fundum, et petit, ut eum fundum in familia libertinorum retinerent. Ex iis liberta una suscepit filium, qui quidem, ut est evidentissimum, non est ex famil. libertorum, sed ex aliena, nimirum patris sui familia, non ex familia matris, et vult liberta partem, quam in eo fundo habet, in filium transferre, exclusis collibertis, quibus omnibus simul lex indicta erat, ne fundus exiret de familia eorum. Exit de familia eorum si transit ad filium libertae, qui est ex familia aliena. Et tamen lex ait, filium libertae praeferrere collibertis, quod patronus videatur voluisse, ut liberti partes suas conservarent amicus liberis, et his deficientibus, collibertis, et ita demum fideicommissio locus esset si non filiis, aut collibertis, sed aliis partes suas darent, vel relinquerent. Et eadem est conjectura pietatis patroni erga filium libertae, qui et ipse libertus est, si uterque sit uno eodemque testamento manumissus; ut saepe manumittitur pater vel mater cum filio, ne se jungantur, ut adhuc creat semper alter alteri, et ne dura separatio inducatur. Hunc autem

definitionem, cujus, ut dixi, auctor est Papinianus, et approbator Justinianus, in hoc §. Justinian. etiam porrigit ad filios naturales, id est, quæritos ex concubinato, sive contubernio, non ex justis nuptiis. Nam sive instituti sint filii justis, id est, quæriti ex justis nuptiis, sive naturales, et rogati restituere hereditatem post mortem suam fideicommissario, tacito sensu, et optimo intellectu, ut ait, *κατὰ ἀπορρήτους* inest hæc conditio, *si sine liberis decesserint*. Idem Justinianus porrigit hoc loco ad legata, et fideicommissa specialia, ut si liberis justis, vel naturalibus legatum relictum sit, quod rogati sint restituere post mortem suam, id non debeatur, si liberos reliquerint. Illud interea valde notandum est, hanc conditionem, *si sine liberis decesserint*, sive exprimat, sive tacite intelligatur semper ita esse accipiendam, si sine liberis justis decesserint. Liberi enim naturales non excludunt fideicommissarium. Et hæc est honesta interpretatio, ne videatur invitari ad procreandos injustos liberos. Ergo sive sit expressa, sive tacita conditio, semper est accipienda de justis liberis, non de naturalibus. Et hoc lex significat in fine hoc loco, *sine justa sobole*. Et confirmat lex facta, §. *si quis rogatus, ad Senatuse. Trebell.* Et generaliter verum est, liberorum appellatione contineri justos, non naturales, nisi aliud suadeat voluntas defuncti: totum enim facit voluntas defuncti, ut in specie *l. cum pater, §. rolo, de leg. 2.* ubi proponitur eadem conditio, *si sine liberis decesserint*, liberorum appellatione continetur filius naturalis in servitute susceptus a patre, propterea quod comprehendebatur fideicommissum, et legatum, id est, ei, et patri colliberto, et aliis collibertis simul idem fuerat per fideicommissum relictum, ut qui continetur fideicommissum ex voluntate defuncti, facile videatur etiam contineri conditione fideicommissi, *si sine liberis decesserint*. Et sic etiam in *l. ultim. inf. de jure delib. l. Lucius, §. Damas, de legat. 2. l. heredibus, §. ult. ad Senatuse. Trebell.* ex voluntate defuncti, non aliter, liberorum appellatione etiam naturales comprehenduntur.

Ad L. VII.

Lex septima est constitutio Græca, et est pars legis 33. §. 2. *sup. de episc. et cler.* Sententia constitutionis hæc est: si legatum, aut fideicommissum relictum sit ab hærede sub conditione, *si sine liberis decesserint*, et hæres nullis susceptis liberis, devovit se in monasterium vel clerum, ita ut jam non possit uxorem ducere, et nulla sit spes procreandorum justorum liberorum, ut tamen fideicommissum non debeat quasi conditione existente fideicommissi, quod jam certum sit, hunc

justos liberos non procreaturum, qui transit in Monasterium, et tamen ut dixi, non est fideicommissus locus. Quinimo poterit hæres res fideicommissas erogare in pias causas, nec serventur fideicommissario. Et ratio hæc videtur esse, quia hæc conditio videtur tantum imposita illis, qui sunt in ea conditione, ut liberos justos suscipere possint, non qui conditionem suam mutaverunt in melius, ut vitam viverent collibem. Eodemque modo, quod prima specie videtur esse novum, si cui sit relictum fideicommissum sub conditione liberorum, hoc modo, *cum liberos susceperis*, et hic non susceptis liberis (quæ conditio accipitur etiam de justis) dederit se in monasterium, vel in clerum, ita ut jam non possit sperare nuptias, vel liberos, ei statim debetur fideicommissum, sive sit mas, sive femina. Devota igitur virgo (sic ab Ausonio sanctionialis appellatur) cui fideicommissum relictum erat sub conditione liberorum, statim feret fideicommissum, atque devoverit se. Sic igitur statuo: devotis personis, quæ abdicatione mundo, sese devoverunt numini, et Majestati divinæ, has condiciones remittit, id est, conditionem liberorum, ut ea oblitterata, nihilominus consequantur fideicommissum, quod eis sub conditione liberorum relictum est, vel etiam oblitterata conditione *si sine liberis decesserint*, ut non onerentur fideicommissum.

Ad L. VIII. et L. pen.

L. VIII. Si quis hæredem scripserit sub tali conditione, si ille consul factus fuerit, vel prætor, vel ita filiam suam instituerit hæredem, si nupta fuerit: vivo autem testatore, vel ille consul processerit, vel prætor fuerit factus, vel filia ejus nupta fuerit vel vivo adhuc testatore consulatum quidem, vel præturam ille deposuerit, filia autem ejus a merito diverterit, omni veterum dubitatione explosa, sancimus, quandocunque impleta fuerit conditio, sive vivo eo, sive mortis tempore, sive post mortem, conditio nem videri esse completam. Quod et in legatis, et fideicommissis, et libertatibus obtinendum esse censemus: ne dum nimia utimur circa hujusmodi sensus subtilitate, judicia testantium defraudentur.

L. Pen. Si testamentum ita scriptum inveniat, ille hæres esto secundum condiciones infra scriptas, si quidem nihil est adjectum, neque aliqua conditio in testamento posita est: supervacuum esse conditionum pollicitationem sancimus, et testamentum puram habere institutionem. Et argumento utimur, quod Papinianus respondit, *Ficos Reipublicæ relictos*, qui proprios fines habebant, non ideo ex fideicommissum minus deberi, quod testa-

tor fines eorum, et certaminis formam, quod celebrari singulis annis voluit, alia scriptura se declaraturum promisit, ac postea morte præventus non fecit. Sin autem conditiones quasdam in quavis parte testamenti posuit: tunc videri ab initio conditionalem esse institutionem, et sic omnia compleri tanquam si testator ipsas institutiones eisdem conditionibus copulasset, quæ infra conscriptæ sunt.

In lege 8. proponitur hæres scriptus sub conditione, si Titius Consul. factus fuerit: et filia hæres scripta sub hac conditione, si nupta erit. Prior conditio est casualis l. si quis instituatur, §. pen. de hæred. instit. Posterior quoque est casualis. Et alia est conditio si nupta erit, alia si nupserit. Hæc iungit nuptias, illa non iungit nuptias, sed confertur in casum, eventumque futurum. Quæritur autem hæc conditiones, Si Titius Cons. factus fuerit: si Titia nupta erit, quo tempore implenda sint? Casualis conditio quolibet tempore impleri potest, aut vivo, aut mortuo, aut moriente testatore, l. 2. l. 11. de cond. et demonstr. Hæc autem conditiones sunt casuales, ergo post factum testamentum, si vivo testatore Titius consul factus fuerit, licet eodem vivo consulatu abierit, vel si vivo testatore filia nupta fuerit, licet eodem vivo nupta esse desierit, conditio institutionis impleta esse videtur: semel enim conditionem impleri sufficit. Et ita omnino definit Justinianus in hac l. 8. antiquata illorum sententia, qui existimabant propositas quidem conditiones in hac l. non impleri posse vivo testatore, sed ita demum habendas esse pro impletis, si Titius esse consul perseverasset in diem mortis testatoris, vel si Titia in eum usque diem nupta permansisset, quod Justinianus non desiderat. Et ait l. si consul processerit, respiciens ad solemnes, quæ in urbe publice fiebant pompas, et processus Coss. quos *probov* vocat in *Novella de Coss.* de quibus est lex nam et Imp. ff. de donat. int. vir. et uxor. Sequitur lex. pen. Quidam ita scripsit, ille hæres esto sub conditione infra scripta: nec ullam conditionem infra scripsit, ait Justinianus in hac l. penult. si nulla inveniat conditio infra scripta, puram esse institutionem, sive data opera, sive oblivione, sive præveniente morte conditionem testator omiserit, nullius momenti esse pollicitationem conditionis. Et hoc confirmat ex responso Papiniani, id est, ex l. cum pater, §. ultim. de leg. 2. Cujus species hæc est: quidam legavit vicum Reipub. vicum, non pagum: nam pagus significat provinciam. Unde in latinismo dicimus *pays*. Pagi nomine significatur universitas civitatum apud bonos auctores, Plinium, Cæsarem, Tacitum: et inde in testamento Caroli Magni, pagus Turonicus, Cahilouensis, Matisco-

nensis. Igitor magna est differentia inter vicum et pagum: vicum, inquam, Reipublicæ quidam legavit, cujus fines infra scriberet, nec infra fines ullos scripsit, et certum tamen est, quem vicum legaverit, nec sunt ejus vici fines incogniti: et debetur legatum ob præteritam circumscriptionem finium, quam testator pollicitus est? Et Papinianus respondet non ideo minus valere legatum, quod fines non scripserit: et ita etiam non ideo minus valet institutio, quod nulla, et pollicitus erat testator, infra fuerit inscripta conditio, quinimo institutio pro pura habetur. Neque obstat l. quotiens, §. tantumdem: de hæred. instit. quæ valde cruciat Accursium; quæ lex ait, cum pro instituto non haberi, qui hæres scriptus est pure, cum testator eum destinasset scribere sub conditione. Sed nihil est, quod tam facile expelliri possit, et dicamus breviter, et perspicue, in illo §. tantumdem errorem fuisse, quoniam pure fuit scriptus, quem testator scribere voluit sub conditione, quoniam minus scriptum est, quam dictum fuerit. Error hic vitiat institutionem quasi non videatur scripta ex iudicio defuncti. In specie autem l. pen. nullus fuit error, sed oblivio polliciti tantum, vel omissio consulta, vel præstandi polliciti morte præcepta facultas. Et nihil est præterea, quod necesse sit adnotare ad l. penult. Pergamus ad l. ult. cujus species elegantissima, et utilissima.

Ad l. ult.

Cum quidam prægnantem habens conjugem, scripsit hæredem ipsam quidem suam uxorem ex parte, ventrem vero ex alia parte, et adjecit, si non posthumus fuerit natus, alium sibi hæredem esse, posthumus autem natus impubes decessit: dubitabatur, quid juris sit? tam Ulpiano, quam Papiniano viris disertissimis, voluntatis esse questionem scribentibus, cum opinabatur Papinianus eundem testatorem voluisse posthumo nato, et impubere defuncto, matrem magis ad ejus venire successionem, quam substitutum: si enim suam substantivam partem uxori dereliquit, multo magis et luctuosam hæreditatem ad matrem venire curavit. Nos itaque in hac specie Papiniani dubitationem resecantes, substitutionem quidem in hujusmodi casu, ubi posthumus natus, adhuc impubes viva matre decesserit, respondendam esse censemus. Tunc autem tantummodo substitutionem admittimus, cum posthumus minime editus fuerit, vel post ejus partum mater prior decesserit.

Lex ultima est de substitutione directa, quod facile fero propter vicinitatem tit. seq. qui est de substitutionibus directis: nam et ceteræ omnes leges hujus tituli sunt de institutione, et substitutione

precaria, et de conditionibus in eis appositis. Quae de causa in rubrica ipsa *de instit. et substit. seu restitutionibus*, opinor articulum (seu) additum, explicandi, non ampliandi causa, et ἐν δὲ διὰ τοῦτο, in l. 6. substitutioni, vel restitutioni, id est, substitutioni precariae, et in l. 7. quae Graeca est, ἀποκατάστασις ἢ ἀποκατάστασις, restitutioni, vel substitutioni. Sciendum est, ut accedamus ad questionem hujus l. ult. in substitutione vulgari; quae sit filio impuberi a patre herede instituto, tacite inesse substitutionem pupillarem, et vicissim in hac illam id est, vulgari inest tacita pupillaris, et pupillari tacita vulgaris: quod an ita esset, non erat olim certum, ut constat ex notissima illa Curiana, cujus multis in locis mentionem faciunt Cicero et Fabius. Sed hodie ex constitutione divorum fratrum certum est in vulgari inesse pupillarem, et vicissim in hac illam, unius casum duci ad casum alterius in l. 2. §. pen. l. jam hoc jure, de vulg. et pupil. subst. l. quamvis, tit. seq. Ergo omnis substitutio directa, quae fit filio impuberi heredi instituto, est substitutio duplex, id est, substitutio vulgari pupillaris, ut Theophilus loquitur. Et ita posthumo herede instituto, et dato substituto in hunc casum: *si mihi posthumus non nascetur*, qui est casus substitutionis vulgaris, eventus causa: posthumus natus, et impuberedefuncto (qui est casus pupillaris) substitutus, etiam si in eum casum non sit nominatim substitutus, admittitur ad heredem pupilli ex tacita pupillari quod utique verum est, si posthumi mater non supersit, quae ab intestato ex SC. Tertulliano vindicet hereditatem pupilli. Nam si mater ei supersit, si mater vivendo pupillum vicerit, questionis est, an matri praeferatur substitutus ex tacita pupillari: ex expressa pupillari veniet substitutus procalabio, et excludet matrem. Questio est, an etiam qui venit ex tacita pupillari excludat matrem pupilli. Haec est questio hujus legis, cujus species haec est. Qui habeat uxorem praegnantem, moriens eam heredem scripsit ex parte, et posthumum ex alia parte, et adiecit substitutum vulgarem, his verbis: *Si mihi posthumus non nascetur, in locum partemque ejus L. Titius haeres esto.* Natus est posthumus, et mox decessit impubes. Queritur, quis ei succederet, utrum substitutus ex tacita pupillari, an mater ex SC. Tertulliano? Ulpianus et Papinianus, ut refert Justinianus, dicebant, questionem esse voluntatis, id est, facti, non juris. Nam quid voluisset testator, judici existimandum esse in l. 14. sup. de donat. inter vir. et uxor. in l. 2. sup. plus val. quod agi. l. voluntatis, inf. de fideicommiss. Et Papinianus quidem, ut ait, opinabatur, hoc potius voluisse testatorem, nato posthumo, et impubere defuncto, ut mater ei succederet, non substitutus, tum quia haeres erat

adjecta, tum etiam quia summus luctus ad eam perveniebat morte filii impuberis, ut etiam ad eam rediret luctuosus hereditas filii, excluso substituto. Hoc opinabatur, inquit, Papinianus. Nem postea dicit, Papinianum de hac re dubitasse; hoc igitur opinabatur, non quasi certus, sed quasi dubitans: Opinari enim est dubitantis, l. 1. §. pen. de contr. tut. et utili act. Et in Andria: *Opinor, narras? non recte accipis, certa res est*, inquit. Justinianus autem in hac l. ult. ex opinione Papiniani certum jus facit, et statuit, tacitam pupillarem non excludere matrem, non esse igitur eandem vim expressae et tacitae, quod evenit serpissime in jure, ut plus possit expressum, quam tacitum, l. 2. quibus mod. usufr. amit. l. creditor, §. si inter mand. Expressam autem pupillarem excludere matrem in l. precibus tit. seq. tacitam pupillarem non excludere. Imo contra, matrem excludere tacitam pupillarem, aut eum, qui venit ex tacita pupillari. Quod utique verum est indistincte, ut ostendit d. l. precibus, sive testator fuerit miles, sive paganus, sive Mater sit cohæres adjecta filio ut in specie l. ult. sive non. Nam etsi non sit adjecta cohæres, filio, a successione filii impuberis non repellitur per tacitam pupillarem: ut repellatur exprimi oportet casum substitutionis pupillaris, quia non est testamentum filii, quoniam filius ipse id sibi non fecit, sed pater id ei fecit. Non potest queri mater de testamento, quod maritus fecit, l. Papin. §. sed neque imp. ff. de inoff. test. Non poterit etiam mater, si sit expressa pupillaris substitutio, ullam desiderare portionem a substituto in bonis filii impuberis, c. si pater, de testam. lib. 6. Expressa igitur pupillaris omnimodo excludit matrem, tacita vero nullo modo excludit. Aliam heredem legitimum excludit, matrem autem non excludit: hoc tantum datum est pietati maternae, non cuilibet. Neque huic definitioni quiquam obstat l. Lucius, in fin. de vulg. et pup. subst. illo loco, *aliter si ejusdem ætatis liberi, etc.* (a) Sane non obstat, si abesse debeat ea extrema clausula a lege Lucius, quemadmodum certe abest a Pandectis Florentinis: et videtur ex ora libri irrepsisse in contextum: sed retineamus eam clausulam, quoniam et ratione subnixæ est et proponemus speciem illius extremæ clausulæ. Duo sunt filii impuberes heredes instituti a patre, et invicem substituti his verbis communibus et generalibus, *vos invicem substituo: illa et ille filii mei heredes sunt, quos invicem substituo*. quæ dicitur substitutio mutua, et recurrens, sive reciproca, quæ quidem continet utramque substitutionem, vulga-

(a) Vide Merrill. variant. ex Cujac. lib. 1. cap. 37.

rem et pupillarem. Hæc verba comprehendunt casum primum et secundum substitutionis, ut si alter ex fratribus hæres non sit, vel si hæres sit et moriatur impubes, ut ejus portio perveniat ad superstitem. Finge alterum mori impuberem. Quis ei succedet, mater an frater? ex tacita pupillari, quæ inest huic orationi, *vos invicem substituo*, lex ait hereditatem pertinere ad substitutum, non ad matrem. Ergo inquit, tacita pupillaris, quæ discrete non fuerat expressa, excludit matrem. Sic sane in ea specie: quia substitutus non venit contra verba substitutionis, quandoquidem hæc verba generalia *vos invicem substituo*, admittunt utrumque casum, et quasi quodammodo expriment. Igitur merito præfertur matri, quæ venit contra verba. At in specie nostra, uno tantum casu expresso, puta vulgari, *si hæres non erit ille hæres esto*, qui venit ex tacita pupillari, venit contra verba et ideo non excludit matrem, nisi probet aliam fuisse voluntatem defuncti. Res est evidentissima. Observandum in hac re, multum interesse substitutio reciproca fiat a pagano, an a milite. Nam si substitutio reciproca, hæc communis oratione, *eoque invicem substituo*, fiat a pagano duobus liberis impuberibus, est duplex substitutio, id est, vulgaris, et pupillaris. Si fiat uni puberi, alteri impuberi, si imparibus personis, ut ajunt, substitutio facta tantum videtur in eum casum, qui utrique personæ utiliter congruit. Is autem est casus vulgaris substitutionis, non pupillaris. Nam casus pupillaris alteri tantum convenit, puta impuberi. Ergo cum ita substituitur puberi, et impuberi, *vos invicem substituo*, hæc substitutio est tantum vulgaris, non pupillaris. Et hoc si paganus testamentum fecit. Nam receptum est, ut paganus non possit substituere directo puberi in secundum casum, non possit facere testamentum puberi in secundum casum, sed impuberi tantum filio: ut igitur paganus non possit substituere puberi in secundum casum verbis directis: miles autem, ut possit non inutiliter etiam puberi substituere directo in secundum casum. Ceterum non valuit substitutio, nisi jure fideicommissi, verbis directis inflexis ad fideicommissi causam, quod explicabitur in *l. precibus, tit. seq.* Nunc finge: militem instituto filio pubere, et filio impubere, qui utique potest substituere in utrumque casum, et non inutiliter eos invicem substituere, communi verbo, *vos invicem substituo*. Quæritur, an hæc substitutio dicatur esse duplex? Minime, cum scilicet sint personæ dispares, unus pubes, alter impubes. Miles præsumitur tantum substituere vulgariter hoc communi verbo, *vos invicem substituo*, non pupillariter, et incumbit probatio puberi fratri, ut scilicet doceat, militem etiam voluisse compre-

hendere substitutionem pupillarem. Alioqui, si hoc non probaverit, dicemus eam substitutionem reciprocam tantum esse vulgarem, non pupillarem, *l. in testamento, sup. de testam. mil.*

JACOBI GUJACII J. C.

In L. b. VI. Codicis

RECITATIONES SOLEMNES.

Ad Tit. XXVI. De impub. et aliis substitut.

Dixit superiori titulo de substitutionibus precariis, et conditionibus earum: hoc titulo dicturus est de directis, quæ post institutiones sequentem partem, locumve in testamentis occupant, de quibus etiam ante dixit in *l. ult. tit. super.* ut hoc veluti nodo hunc ei connecteret. Et ut primum constituamus quid sint: directe sunt institutiones heredum, quas vel nobis ipsis fecimus in priorum locum, vel quibusdam liberis nostris non habentibus testamenti factionem: his verbis duo tantum notantur casus substitutionum, ut in *l. precib. hoc tit.* qui et eventus dicuntur, *l. jam hoc jure, cod. tit.* et cause, *l. cum ex filio, §. Alio, D. cod.* Primo casu, si primo gradu institutus, hæres esse velit, aut non possit, in locum ejus alium volis heredem substituimus. Et hæc est, quæ dicitur substitutio vulgaris, quod fiat communi jure a quolibet, et cuilibet, ex *l. 12. tabul.* Nam hæc verbal. *12. tab. Paterfam. uti legasset super pecuniæ, tutelæve suæ, ita jus esto: et instituendi, et substituendi heredis in locum priorum tribuunt potestatem, imo et legandi, et substituendi legataria, l. ut hereditibus, de leg. 2.* Atque etiam tutoribus, hoc pacto, *ille filii mei tutor esto, si non erit, ille tutor esto, l. pen. de testam. tut.* Et inde etiam fit, ut fiat substitutio vulgaris in fideicommissis, et donationibus causa mortis, quæ instar fideicommissi sunt, *d. l. ut heredibus.* Secundo autem casu substitutionis, si liberi nostri moriantur, antequam habeant testamenti factionem, puta impuberes, aut nescio capti, heredem eis damus, quem substitutum vocamus, quod post heredem, quem nobis instituimus prima parte testamenti cum subjiciamus et substituamus liberis, quos in potestate habemus, ita ut duo testamenta sint, unum quod facimus nobis, alterum quod facimus liberis impuberibus, quorum potestatem habemus, quod dicitur pupillare testamentum, pupillaris substitutio, pupillares tabule, secundæ tabule. Paulus scripsit librum singularem de secundis tab. id est, de substitutionibus pupill. Nam secundarum tabularum appellatio non convenit, nisi pupillari substitutioni. Vulgaris substitutio

locum primarum et principalium tabularum obtinet, quibus testator potissimum sibi heredem facit, non alij. Et latior est secundi heredis, quam secundarum tabularum appellatio. Nam et substitutus vulgaris, quod inferiore parte testamenti scribatur, secundus heres dici potest, imo et coheres: qui adjicitur heredi primo loco scripto, secundus heres appellatur, licet uterque sit in primo gradu, *l. si is qui testam. qui test. fac. poss.* At secundae tabulae dicuntur tantum de pupillari substitutione: pupillares etiam tabulae uno tantum loco, id est in *l. si mater, de vulg. et pupill. subst.* τρονιάς dicuntur substitutiones pupillares de substitutione vulgari, quod in specie hujus legis in vulgari substitutione insit casus substitutionis pupillaris, puta si impubes decesserit, non etiam vis et natura substitutionis pupillaris, qua datur heres pupillo, cum vulgari testator ipse det heredem sibi, non pupillo. Sed quia dando sibi heredem, id est, instituto substituendo vulgare, vult hinc substitutioni inesse hunc casum, si institutus impubes decesserit, eatenus videntur posse appellari pupillares tabulae, quibus continetur tantum vulgaris substitutio, non vis et natura substitutionis pupillaris; nam species haec est: mater, quae non potest facere pupillo secundas tabulas, sive substitutionem pupillarem, quia non habet filios in potestate, et hoc tantum datum est patribus, in quorum potestate sunt impuberes: nec enim emancipatis licet hoc genere substituere: moribus receptum est, ut parentes substituant hoc modo in secundum casum, *l. 2. ff. hoc tit.* quia et moribus recepta est patria potestas, *l. patre, de his qui sui vel alieni juris*. Ergo mater, quam constat non posse filio impuberi substituere in secundum casum, eum ita heredem instituit, *filius meus, cum puberit mihi heres esto*, et adiecit substitutionem vulgarem, *et mihi filius heres non erit, Cujus heres esto*: in his verbis, si mihi heres non erit, tacite inest ille casus, si impubes decesserit, quoniam voluit eum heredem esse, nisi puberet. Et ideo, quia inest hic casus vulgari substitutioni, quodammodo existimari possunt haec tabulae esse pupillares, cum effectum tantum sit vulgaris substitutio, quandoquidem sibi, non pupillo heredem facit. Pupillum, scilicet in primis, et si is non sit heres (qui est manifestissimus casus vulgaris substitutionis) alium substituit. Notandum est, ad exemplum substitutionis pupillaris, in similem casum posse patrem substituere, sive testamentum facere liberis mente captis, si continua animi agitatione, omni intellectu careant. Et hoc est ex constitutione Justiniani in *l. humanitatis, h. t.* Nam moribus hoc tantum datum erat parentibus, ut testamentum facerent liberis impuberibus in hunc casum, si impuberes decederent, ante adpam

testamenti factionem, non etiam mente lapsis in similem casum, si mente capti decesserint, nondum recepta sanitate, nisi scilicet ex beneficio principis, quod dedisset patri, ut faceret testamentum filio mente capto, hoc erat precibus oblatum petendum a Principe, *l. ex facto, D. h. t.* Hodie nihil opus est venia principis. Sed ex constitutione Justiniani, sicut pater ipso jure impuberibus liberis, quorum potestatem habet, ita mente captis testamentum facere potest in secundum casum. An etiam poterit pater filio muto, aut surdo substituere in secundum casum? Natio et mutus, et surdus testamenti factionem non habent. Et ex beneficio quidem principis, etiam muto, aut surdo filio, qui sibi heredem facere non potest, heredem faciet pater, *d. l. ex facto*. Vel etiam ipsemet mutus, aut surdus sibi faciet testamentum ex beneficio singulari principis, *l. 7. qui testam. fac. poss.* Opus est venia principis, quia deficit constitutio, nam ipso jure non fit substitutio in secundum casum, nisi liberis impuberibus, quos in potestate habemus, aut mente captis. In primum casum fit omnibus et extraneis, et liberis, et inde vulgaris nomen: quia fit pupillis, aut mente captis, sit proprio jure, non vulgari. Et secundum huc videmus, esse tantum duos casus substitutionum. Si igitur spectes substitutionum casus, duae tantum sunt species, et vero casus potissimum spectari oportet. Nam in causa substitutionis, ex causis sumende sunt divisiones. Cum igitur non sint aliae cause substitutionum, nec etiam sunt aliae substitutionum species. Sed si personas spectes, quibus fiunt substitutiones, aliae fiunt impuberibus aliae mente captis ipso jure, aliae mutis, aut surdis ex beneficio principis, liberis scilicet, qui sunt in potestate testatoris, et indistincte, sive sint heredes instituti, sive exheredati, licet patri facere testamentum ei, qui nihil ipse dat de suo, et est, quod habeat ei gratiam filius, cujus interest quodammodo ne moriatur intestatus: captabant enim gloriam ex testamentis propriis, nec facile moriebantur intestati, vel ut venientibus etiam ab intestato deferrent ipsi hereditatem ex testamento, vel quemadmodum lex pro nobis intestatis testatur, mallet ipsi, quam, ut lex praescribit, quasi supervacuo testari, suoque potius nomine legitimis heredibus, quam legitimo deferri, ut hanc heredes haberent gratiam memorie defuncti. Aliae igitur fiunt liberis impuberibus, aliae mente captis ipso jure, aliae mutis, aut surdis principis beneficio, sive heredes instituti sint, sive exheredati. Et his omnibus fiunt substitutiones in secundum casum: aliae autem fiunt extraneis, vel etiam liberis quibuscunque heredibus institutis tantum in primum casum. Nam in persona exheredati ridicula est substitutio vulgaris. Et rursus haec substitutiones, vel

fiunt specialiter alterutro casu expresso, quæ simplices substitutiones dicuntur, ut, *si primus hæres non erit, ille hæres esto*, simplex est vulgaris substitutio: *si hæres erit, et impubes decesserit, vel cum sit exheredatus, si impubes decesserit*, est simplex pupillaris: vel sit etiam utroque casu expresso, primo et secundo, quæ dicuntur duplices substitutiones, id est, vulgari pupillares, vel fiunt neutro casu expresso, generaliter, et compendio orationis, veluti *hæredes meos invicem substituo*, vel hoc modo: *illum illi substituo*, ut *l. precibus, hoc tit.* nullo expresso casu substitutionis, in qua lege est legendum (compendio) non compendiosa, id est, compendio orationis, *l. marvin, §. duorum, de leg. 2.* Compendio orationis substituo, dum dico, *illum illi substituo*, ubi queritur, quis hoc compendio orationis casus comprehendatur, et au uterque in *d. l. precibus*, vel etiam sit substitutio nullo casu expresso rectissime, veluti, *Sempronius Plotii hæres esto*, cum prius est Plotius a testatore institutus heres, *l. ult. sup. de hæred. instit.* vel etiam cum Plotius est testatoris filius impubes. Denique et hæc et illa substitutio potest fieri nullo casu expresso. Nam in testamentis idem est expressisse, et intellexisse, *l. sed si non alias, de leg. 1. l. 6. de assignand. lib.*

Ad L. I.

Cum hæredes ex disparibus partibus instituti, et invicem substituti sunt, nec in substitutione facta est ullarum partium mentio, verum est, non alias partes testatorem substitutioni tacite inseruisse, quam quæ manifesto in institutione expressæ sunt.

Lex est Titii Ælii Antonini Pii de vulgari substitutione, ut si sint tres hæredes scripti ex disparibus partibus, primus ex uncia, secundus ex quadrante, tertius ex besse, et invicem substituti sint, non adscriptis partibus, tertio repudiante, qui est scriptus ex besse, primus et secundus ex besse, qui vacat ferant partes, bessemque inter se partiantur pro ratione partium, ex quibus hæredes instituti sunt. Ita ut primus ex illo besse ferat sextantem, secundus semissem, id est, duplo plus habeat secundus, quam primus, ut qui maiorem partem ex institutione fert, et maiorem ex substitutione ferat. Imo vero ita partiendus est bes, ut quemadmodum ex institutione secundus habet plus duplo, quam primus, quoniam primus habet unciam, ipse habet tres uncias, id est, duplum supra unciam: ita in substitutione primus ferat sextantem, secundus semissem, quia scilicet testator videtur eandem dedisse in substitutione, quas in institutione expressit. Hæc est sententia *l. 1. cui etiam congruit §. si ex disparibus, Instit. de vulg. substit.* et *l. si*

Tom. IX.

plures, l. cohæredi, §. 1. cod. tit. Denique, qui tulit maiorem partem ex institutione, feret etiam maiorem ex substitutione. Et maior intelligitur non tantum, quæ ab initio est maior, sed, quæ postea fit maior, veluti per jus accrescendi, *l. 3. eo l.* Quoniam quod accrescit, etiam ex voluntate defuncti proficiscitur. Et ita sæpius in iure: quæ quis legem dicit primo gradui, aut prius scripturæ, eandem videtur etiam dicere, licet eam omittat, sequentibus. Condicio data instituto, videtur etiam data substituto vulgari, aut legatum datum ex instituto, videtur etiam datum a substituto vulgari, *l. licet, de leg. 1. l. cum pater, §. ab intestato, de leg. 2.* Mutua, sive reciproca substitutio facta in hereditate, videtur etiam facta in fideicommisso sequenti, *l. cum proponebatur, de leg. 2.* Condicio imposita institutioni, videtur imposita legato, *l. ult. §. ult. de döl. except. l. cum servus, de condi. institut.* Et imposita legato, videtur etiam tacite repetita in translatione legati, *l. legatum sub conditione, de cond. et demonstr.* Et ita non est mirum, si partes adscripte in institutione, intelligantur repetite in substitutione. Posui speciem in tribus hæredibus scriptis ex disparibus partibus. Nam in duobus hæredibus non potest poni species, in quo erravit Theophilus. Nam, verbi gratia, si primus heres sit institutus ex besse, secundus ex triente, vel primus ex septimo, secundus ex quincunce, repudiante primo, qui maiorem partem habuit in institutione, integer bes, aut sextanz, alio non concurrente hærede, pertinebit ad secundum, non pro triente tantum, aut quincunce, alioquin testator decederet pro parte testatus, et pro parte intestatus, quod abhorremus. Igitur non potest poni exemplum, nisi in tribus hæredibus, aut pluribus. Loquitur lex, ut dixi, de vulgari substitutione, sed idem est in pupillari, quæ sit hoc modo. *Quisquis mihi hæres erit, cum plures hæredes scripserit ex disparibus partibus, idem filio impuberi hæres esto.* Filio impubere mortuo, substituti easdem partes sunt habitori in hereditate filii, quas habent in hereditate patris, *l. si in testamento, l. qui liberis, §. ult. l. si plures, de vulg. et pupill. substit.* Idemque sequitur in substitutione precaria, ut constat ex *l. Lucius, §. Mervia, et l. quotiens, ad SC. Trebell.* ut si sint plures hæredes, et unus rogetur partem suam restituere hæredibus, restituet servata ratione partium, ex quibus cohæredes instituti sunt, nec lient inter eos æquales partes, sed quales eis sunt adscriptæ in institutione. Sed semper est addenda hæc exceptio, nisi alia mens fuerit testatoris, ut in *d. l. si plures*. Et mirum est quod adiecit, *nisi fuerit alia voluntas testatoris, quod vix credendum est, ut alias scilicet vuluerit portiones*

servare in substitutione, quam in institutione, nisi sit evidenter expressum. Et placet, quod ait, *vix*: nam etsi non sit evidenter expressum, si modo evidens sit voluntas defuncti, dicemus in substitutione aequales, aut viriles partes, quae personales dicuntur, esse servandas, non hereditarias: ut in hac specie: si sint quatuor haeredes, primus, secundus, tertius, et quartus ex disparibus partibus, et primus et secundus rogati sint ex die certo restituere hereditatem ceteris cohæredibus suis, acceptis ab unoquoque decem. Hic ratio postulat, ut dandi et accipiendi eadem sit proportio voluit, aequales partes pecuniae fideicommissarios dare, id est, singulos decem. Ergo voluit eos invicem accipere aequales partes fideicommissi, ut eadem servetur ratio in accipiendo, quae est expressa in dando a testatore, ut eandem partem servarent fideicommissarii, *d. l. quotiens*. Conjectura recta ducitur ex comparatione dationis et acceptionis, et ex qualibet alia comparatione, ut in *l. 1. de reb. dub.* Item alio casu videtur evidens esse voluntas testatoris, ut in substitutione precaria fiant inter substitutos fideicommissi aequales partes, non quales iidem fideicommissarii habuerunt in institutione, cum essent cohæredes, et fideicommissarii: videlicet si eorum propria nomina expresserit, dicendo, *rogo vos primus et secundus, tertio et quarto restituite hereditatem*. Hoc casu fideicommissum tertius et quartus ex æquo inter se partientur, quin enumeratio personarum exerceat eos in fideicommissio, vel substitutione precaria, ut in aliis omnibus causis semper in iura enumeratio personarum exerceat personas, *l. si haeredes nominatim, de leg. 1. l. cui fundus, de condit. et demonstrat.* Enumeratio personarum tantum, non expressa, aut non animadversa qualitate earum, qui exprimit earum propria nomina Titio aut Cajo, *restituio*: enumeratio, inquam, personarum exigit, ut personales partes etiam fiant, id est, aequales: secus si dixisset, *cohæredibus restituio*. Hæc appellatio desideraret inter eos fieri divisionem fideicommissi pro ratione partium, ex quibus haeredes scripti sunt, ut ostendit *l. nonnunquam, ad SC. Trebell.*

Ad L. II. et IV.

L. II. *Hereditatem quidem defuncti intestati filii, delatam tibi dubitari non oportet. Substitutio enim testamento patris facta, ad pubertatis tempora porrigi non potest: quia ipso, et aliis non ejusdem conditionis hæredibus institutis, et invicem substitutis, propter eorum personam, quibus in unum casum duntaxat substitui potest, etiam*

in filio debere idem servari, et ratio suadet, et divus Marcus pater constituit.

L. IV. *Quamvis placuerit substitutionem impuberi, qui in potestate testatoris fuerit, a parente factam ita: si heres non erit, porrigi ad eum casum, quo postea quam hæres existit, impubes decessit, si modo non contrariam defuncti voluntatem extitisse probetur: cum tamen proponas ita substitutionem factam esse: si mihi Firmianus filius, et Ælia uxor mea (quod abominor) haeredes non erunt, in locum eorum Publius Firmianus heres esto: manifestum est in eum casum factam substitutionem, quo utrique hæredum substitui poterit.*

Lex 2. est de impuberum, et aliis substitutionibus, et etiam de vulgari substitutione. Si testator duos filios impuberes, quos habet in potestate, haeredes instituerit, et invicem substituerit generaliter, certi juris est ea verba, *vos invicem substituo*, complecti utrumque casum, utramque substitutionem, et vulgarem et pupillarem, *l. jam hoc jure, de vulg. et pupill.* Sed si uterque filius non sit in potestate patris, si unus ex eis sit in potestate, puta filius legitimus, quæsitus ex justis nuptiis, alter sit sui juris, puta filius naturalis tantum. Si, inquam, filium legitimum et naturalem, cum uterque esset impubes, instituerit, et invicem substituerit, ea verba substitutionis reciproce continent tantum eum casum, quo utrique substitui potuit, is est primus casus. Nam in secundum casum ei, qui est sui juris substitui non potest, substitui non in secundum casum liberis tantum, quos in potestate habemus, non naturalibus, quos in potestate non habemus, non liberis emancipatis, qui exierunt potestate nostra. Est igitur illa substitutio reciproca simplex substitutio vulgaris, et consequenter mortuo impubere, qui erat in potestate patris, mater ei succedet ab intestato ex SC. Tertull. excluso filio naturali tantum, qui in eum casum non intelligitur esse substitutus, et qui etiam ab intestato non excludit matrem, quod maxime notandum. Frater uterinus non excludit matrem, frater naturalis non excludit matrem ab intestato, sed frater consanguineus tantum, §. *frater*, *Instit. de SC. Tertull. l. 3. §. si mater, de Carbon. edict. l. 2. C. Theodor. de secundis nupt.* Excluso igitur fratre naturali, omnimodo mater rem filii intra pubertatem defuncti obtinebit ab intestato. (a) Et hæc est sententia *l. Lucius, de vulg. substit.* In qua vulgo adjiciuntur hæc verba (*aliter, si ejusdem ætatis liberi, etc.*) hæc, inquam, clausula, de qua hodie est magna contentio, merito abest a E. Flo-

(a) *Vide Merill. variant. ex Cujac. lib. 1. cap. 23.*

rentinis et Noricis. Quia dum ait, *aliter*, videtur velle opponere casum adversum superiori, et non opponit tamen. Nam et supra proponitur, *si ejusdem ætatis liberis*, id est, impuberes. Denique Paulus in *d. l. Lucius*, posuit patrem fuisse substitutionem reciprocam filiis impuberibus, legitimo, et naturali, ubi legitimum vocat quæsitum ex justis nuptiis, filium justum et legitimum, non filium adoptivum, ut Augustinus opinatur, cum tractat de matre ejus, uxore defuncti. Naturalem autem vocat quæsitum in servitute, cum servitutem serviret pater, ex ancilla, ex contubernio, vel quæsitum ex concubinato, qui et ipse hoc jure, id est, ante constitutiones Christianorum solidi capacitatem habuit, sicut quilibet extraneus: ex his constitutionibus filii naturales solidi capacitatem non habent ex testamento patris. Naturales igitur liberi, de quibus egit supra Paulus, sunt etiam ejusdem ætatis, id est impuberes, sed non sunt ejusdem conditionis. Unus enim est in potestate, alter sui juris. Proinde igitur ex adverso ita debuit constitui casus. *Aliter si ejusdem conditionis liberi*, congruenter superioribus, vel, *aliter si ejusdem conditionis, et ætatis liberi*. Sed et quia non satis est, eam clausulam non congruere superioribus, demonstrabimus etiam eam clausulam esse supervacaneam. Nam et ita posito casu adverso, ut fuerint ejusdem conditionis, ut fuerint in potestate patris, ambo legitimi, impuberes ambo, stultum est adnotare, altero mortuo impubere, fratrem jure substitutionis reciprocæ matri præferri, cum et in legitimo jure, id est, jure intestati matri præferatur, quia est frater consanguineus, et ut ante dixi, frater consanguineus excludit matrem, et repellit commodo SC. Tertull. Frater naturalis, ut ante docuit Paulus, qui non fuit in ejusdem patris potestate, neque jure substitutionis, quæ intelligitur tantum in casum vulgarem facta, neque jure intestati præfertur, quia non est consanguineus, non est agnatus, quæ omnia valde sunt notanda: nam explicant totam *l. Lucius*. Eadem est ratio *l. 2*. Cujus species hæc est: pater filium impuberem, quem solum habebat, et Titium et Cajum extraneos sibi hæredes instituit, eosque invicem substituit. Lex ait, hæredes non fuisse conditionis ejusdem, quo nomine significatur, non fuisse status ejusdem, nimirum quia filius fuit in potestate patris, cohæredes fuerunt sui juris. Et ideo ait, mutuum substitutionem factam videri in primum casum tantum, quod iis, qui erant sui juris, non potuerit fieri in secundum casum. Atque ita propter extraneos cohæredes, quibus non potuit substitui in secundum casum, ex illis verbis: *vos invicem substituo*, debet eadem ratio servari in filio, ut videantur cohæredes ei substituti in primum casum tantum,

sicut ipse est cohæredibus substitutus tantum in primum casum. Quia absurdum est in filio esse duplicem substitutionem, in cohæredibus solam vulgarem. Ideoque mortuo filio impubere, mater ei succedet ab intestato, exclusis cohæredibus institutis, qui in hunc casum substituti non intelliguntur, sed in primum tantum, si filius se abstineret ab hereditate paterna, quem ponimus patri hæredem extitisse, sed intra pubertatem decessisse vita, hæc est sententia *l. 2*. Addamus ex *l. jam hoc jure*, ff. *cod. tit. et l. 6. sup. de testam. milit.* idem nos sequi vel observare. si pater duos filios, quos habet in potestate, unum puberem, alterum impuberem, non ergo ejusdem ætatis, hæredes instituerit, et invicem substituerit, quia in eum tantum casum videtur substituisse eos invicem, quo utrique pari ratione substitui potest, id est, in vulgarem casum, propterea quod a pagano testatore puberi directa sit substitutio frustra prorsus et inutiliter, *l. verbis*, de *vulg. subst.* Et licet a milite puberi substitutio directa non fiat inutiliter, quod jure fideicommissi sustineatur, *l. precibus*, hoc tit. facta tamen a pagano in secundum casum substitutio, nullo jure sustinetur. Licet igitur facta a milite puberi non omnino sit inutilis, tamen in specie *l. 6. sup. de testam. milit.* si a milite frater pubes et filia ejusdem militis impubes, instituti, et invicem substituti sint, ea substitutio reciproca valet tantum jure substitutionis vulgaris, non pupillaris. Et ideo, si filia hæres extiterit patri, et impubes decesserit, mater ei succedet ab intestato, excluso fratre defuncti, patruo filiarum: nisi, inquit, probaverit patruus aliam fuisse voluntatem militis, ut scilicet fratrem et filiam invicem substitueret in utrumque casum et eventum. Probandi onus incumbit patruo. Ergo jure etiam præsumimus militem, qui invicem substituit puberem, et impuberem, eos tantum voluisse substituere vulgari modo, non aliter. Et ita explicanda est lex sexta. Nunc tempus est, ut iis addamus interpretationem legis *4. h. t.* quod in illa eadem etiam servetur ratio juris. Primum proponitur in ea *l.* in vulgari substitutione facta filio impuberi a patre, quem habet in potestate, contineri t. e. tam pupillarem, et in pupillari vicissim tacitam vulgarem, ut in *d. l. jam hoc jure*, nisi, inquit *l. 4.* probetur aliam fuisse voluntatem defuncti, ut scilicet in eum tantum casum valeret substitutio, qui exprimeretur, non in casum omissum, alioquin casus vulgaris, qui solus exprimitur, *si hæres non erit*, ducitur etiam ad casum pupillarem, *si hæres erit, et impubes decesserit*. Et secundus pupillaris, qui solus exprimitur, *si hæres erit, et impubes decesserit*, ducitur tacito intellectu ad casum vulgarem, *si hæres non erit*, nisi probetur aliam fuisse volunta-

tem defuncti. Et videtur alia fuisse mens defuncti, si in singulos casus filio impuberi, singulos substitutos dederit, veluti, si *filius hæres non erit, Cujus hæres esto. Si filius hæres erit, et impubes decesserit, Sempronius hæres esto*: nam cum ita proprium dei filio substitutum in secundum casum, non videtur substitutum ei in primum, etiam substituisse in secundum. Expressum inquit DD. facit cessare tacitum, l. cum ex filio, §. fil. de vulg. substit. Alioquin si Cæjus solus substituitur filio in hunc vel illum casum, non etiam in utrumque casum nomination. Substitutus vulgariter intelligitur etiam substitutus pupillariter, videlicet si soli filio impuberi fecerit substitutionem vulgarem: nam trahitur vulgaris etiam ad pupillarem. Sed si filium, et uxorem instituerit, quæ est species hujus legis 4. et vulgari modo ita eis substituerit, si *filius, et uxor hæredes non erunt. in locum eorum Cæjus hæres esto*. In hac substitutione vulgari non inest tacita pupillaris, quia pupillaris non potuit fieri uxori. Igitur in eum tantum casum valet substitutio, quo utrique pariter substitui potest, id est, in casum expressum, qui fuit vulgaris, non in casum omisum, qui est pupillaris, in quem uxori non substituimus, vel extraneo, vel puberi filio. Denique mortuo filio intestato, hæreditas filii pertinebit ad matrem, non ad Cæjum substitutum vulgariter tantum, vel deficiente matre pertinebit ad alium legitimum hæredem filii. Hæc est sententia l. 4. Cui Accursius non male opponit l. falsa, §. ult. de cond. et demonstr. cui tamen non respondit ita, ut satisfaciat quicquam. Si testator separatim filio, et uxori hæredibus institutis, substituerit in primum casum, hoc modo, si *filius hæres non erit, Cæjus hæres esto*. In substitutione facta filio, non negabis inesse tacitam pupillarem, quæ tamen mortuo filio impubere non excludet matrem, alium tamen legitimum hæredem filii excluderet, l. ult. sup. tit. prox. et d. l. precibus. Ergo ita separatim singulis, filio scilicet, et uxori facta substitutione vulgari, in ea, quæ facta est filio, tacita inest pupillaris, et valeret adversus alium legitimum hæredem filii, non adversus matrem, cujus luctui et mærori hoc datur, nec ex tacita pupillari, ex tacito intellectu, quæ filium am sit, etiam amittat filii hæreditatem, et bona hæc est præpositio. Assumptio est. Atqui pluralis ille sermo, qui proponitur in hac l. 4. si *filius, et uxor non erunt hæredes*, pro eo debet accipi ac si divisim, et separatim dixisset ita *si filius meus hæres non erit, Cæjus hæres esto et si uxor mea hæres non erit, Cæjus hæres esto*. Sicut in specie l. falsa, §. ult. si quis ita legaverit: *Stichum, et Pamphilum do lego, si mei erunt cum moriar*. Hic pluralis

sermo pro eo accipi debet, ac si separatim Stichum, et separatim Pamphilum legasset, ut alienato Stichum vivo testatore, legatario supersit petitio Pamphili, qui fuit testatoris tempore mortis: cur non similiter etiam divides illam scripturam, si *filius, et uxor hæred. non erunt*. Quod si divides, necessario sic fiet, ut quæ dicitur esse simplex substitutio in hac l. 4. nempe vulgaris tantum, in persona filii censetur esse duplex, id est, vulgaris, et pupillaris. Sed ne circumscribamur, dissimiles sunt species l. falsa, §. ult. et hujus l. 4. Nam qui ita legat, *Stichum, et Pamphilum do, lego, si mei erunt cum moriar*, ita demum vult legatarium habere Stichum, si et Pamphilum habeat, nec aliter, cum sit in potestate legatarii si velit, cum uterque remansit in potestate testatoris, repudiare Stichum, et amplecti Pamphilum. At qui substituit conjunctim filio, et uxori vulgariter, noloit solum substitutum venire in locum filii, nisi veniret etiam in locum uxoris: cur enim juncta scriptura eis substituerit, considerandum est, et conjuncta scriptura utrique substituit in vulgarem casum, non alio fine, quam ut jus legitime successionis servaret matri in bonis filii, et substitutum vocaret repudiante utroque, vel abstinente se. Et ita est respondendum ad l. falsa, §. ult.

Ad L. III. et V.

L. III. *Hæres instituta matris testamento, si successionem ex testamento omisisti, et ab intestato bonorum possessionis jus habere voluisti, substitui locum quin feceris, in dubium non venit. Proinde si substitutus hæreditatem amplexus est, actionibus, quæ tibi adversus matrem competeant, ipsum convenire, non successionem ab intestato potes vindicare.*

L. V. *Post aditam hæreditatem directe substitutiones non impuberibus filiis factæ, expirare solent.*

Lex 3. et 5. quæ simul explicabuntur, pertinent etiam ad substitutionem vulgarem, et l. 3. docet hæc verba substitutionis vulgaris, *Si hæres non erit*, sic esse accipiendæ, si *ex testamento hæres non erit*. Nam si mater filiam hæredem instituat, eique substituat, si *hæres non erit*, et filia ex testamento non adeat hæreditatem matris; sed ab intestato eam possideat ex SC. Orfitiano, locus est substituto vulgari, quia verum est, filiam ex testamento hæredem non esse. Hæc est, sententia l. 3. quæ confirmatur etiam l. si filius meus, si quis omis. causa test. et l. filium emancipatum, de acq. hæred. Igitur in filiae locum veniet substitutus, et filia, quæ ab intestato adivit, vel

possedit bona materna, non erit eorum hæres, et honorum possess. cum re, cum effectu, quia substitutio vulgaris excludit intestati successionem: ac similiter etiam substitutio pupillaris excludit intestati successionem, *l. 7. hoc tit.* quæ hoc tantum vult, substitutionem pupillarem, vel substitutum in secundum casum excludere legitimum heredem, *d. l. 7.* quæ est prima lex in hoc t. *de pup. subst.* Nam præcedentes sex leges hujus tit. sunt de vulgari substitutione. Sequentes quinque sunt de pupillari. Adeo autem hæc substitutio pupillaris excludit legitimum heredem pupilli, ut et matrem ejus excludat, *l. 8. A. t.* Utraque est testamentum, substitutio vulgaris et pupillaris. Substitutio vulgaris est testamentum meum, substitutio pupillaris est testamentum filii mei: et ubi est testamentum, semper cessat legitimus successio. Sed tamen hoc interest inter vulgarem, et pupillarem substitutionem, quod qui venit ex vulgari expressa, vel tacita, omnimodo excludat matrem hæredis instituti, quia nulla fit injuria matri, cum ex substitutione vulgari tacita vel expressa succedatur marito ejus, non filio. At expressa pupillaris excludit matrem, tacita non excludit, ut jam diximus. Unde apparet non semper esse eundem effectum expressi et taciti. Et ita etiam in specie *l. 3. quib. mod. usufr. amit.* si expressim, et nominatim legatur Titio usufructus, donec vixerit, usufructus repetitus videtur, forte legatario capite diminuto, nec extinguitur capitis diminutione, aut si extinguatur, reviviscit protinus ex repetitione. Sed si simpliciter sit legatus usufructus, nec additum sit, donec vixerit, quamvis hoc tacite insit (nam omnis usufructus finitur morte legatarii) tamen usufructus repetitus non videtur. Non idem est effectus taciti et expressi. Et sic etiam in *l. talem, §. 1. de hæred. instit. l. servo libertatem, de condit. et demonstrat.* Si servum meum liberum esse jussero, et heredem sub hac conditione instituero, si meus erit cum moriar, et post testamentum eum vendidero: atque ita meus non sit mortis tempore, hæreditas mea non sequitur emptorem, id est, emptor per eum servum non fit hæres meus, propterea quod dixi nominatim et diserte, ut ita demum esset meus hæres, si meus esset cum morerer. Atque etiam si hoc non edixero nominatim, si meus erit cum moriar, tacite tamen inest illa conditio, si in dominio testatoris permanserit, ut ita demum sit hæres, et liber, si testatoris fuerit tempore mortis: et tamen emptor per eum servum fiet hæres meus. Et generaliter ita concludit *l. servo libertatem*, sæpe numero mutari effectum rei, quamvis testator id expresse-rit, quod etsi non fecisset, inesset tamen. Et sic igitur non est mirum, si sit alius effectus expressi

pupillaris, longe alius tacite. Sed ut ad speciem *l. 3.* revertamur, filia, cui ex testamento matris hæreditas deferrebat, si omittat testamentum, et ab intestato bona possident materna, non erit hæres ab intestato, aut honor. possess. cum effectu, quia legitimæ successionis obstat substitutus vulgaris. Non erit etiam hæres ex testamento, quia quæ omisit testament. et ab intestato matris bona possidere voluit, videtur penitus renuntiasse testament. quia non ignoravit sibi ex testamento hæreditatem deferri, et sciens privansque eam ab intestato amplecti, possidereque maluit. Igitur neque hæres ei erit ab intestato, quia obstat ei substitutus vulgaris, neque ex testamento quia noluit, quia lege maluit, quam judicio matris hæres esse. Sed ut adjicit *l. 3.* si quam actionem personalem filia habuit adversus substitutum ex contractu, vel quasi eam potest exercere adversus substitutum, tanquam solum heredem ex testamento matris. Concludamus igitur hoc modo: adita hæreditate, vel agnita honor. possess. veluti ab intestato, non finitur substitutio vulgaris, adita autem hæreditate ex testamento, finitur, et evanescit substitutio vulgaris, et ita accipienda *l. 5. h. t. a. t.* post aditam hæreditatem, ex testamento scilicet si sit voluntarius hæres, vel extraneus. Sed addamus, hoc etiam posse porrigi ad gestionem pro hærede. Nam postquam hæres institutus, ac pro hærede gessit ex causa testamenti, expirat substitutio vulgaris. Et similiter post agnitam honorum possessionem ex testamento, expirat substitutio vulgaris, quia qui agnoscit honorum possessionem, pro hærede gerere videtur, *l. puberem, inf. de jure deliber.* Addamus etiam post immistionem, si suus hæres institutus sit, expirare substitutionem vulgarem, et nudum nomen sui hæredis, qui scilicet statim existit hæres a morte parentis, etiam invitus, et ignorans, non excludit substitutum vulgarem. Atque ita non recte dices, postquam existit suus hæres, et apparuit: nam existentia appellatur ἀνταρσις. Non potes, inquam, dicere, ipso jure expirasse substitutionem vulgarem, sed postquam immiscuit se bonis paternis: immistio excludit substitutum vulgarem, etsi suus hæres, qui jam adierat, post immistionem fuerit in integrum restitutus abstinenti causa: nec enim convalescit substitutio vulgaris, quam semel extinxit immistio, ut non sit regressus a privatione ad habitum, ut ajunt philosophi. Et hoc ostenditur in *l. et si sine, §. sed quod Papinianus de minor.* Secundum hæc verba substitutionis vulgaris, si hæres non erit quæ latissime manant, et comprehendunt hos casus omnes, si non adierit, si non gesserit se pro hære. si poss. bon. non agnoverit ex test. vel si non misc. se bonis ex caus. testam. Denique post aditam, vel

alio modo acquisitam hereditatem, substitutiones vulgares expirant. Et ita etiam si legatario facta sit substitutio vulgaris, post agnitionem primi legatarii evanescet, *l. 6. inf. de legat.* non etiam si legatario substitutio facta sit in secundum casum. Nam (quod est maxime notandum) hac in re differentia est inter hereditatem, et legatum. In hereditate non potest cuilibet substitui in secundum casum, sed impuberi tantum filiofamil. cujus potestatem testator habet, vel etiam mente capto. In legato cuilibet potest substitui in secundum casum, ut *l. si fundum sub conditione, §. Stichum de leg. 1.* hoc modo; Titio do, lego Stichum: si Titius Stichum intra annum non manumiserit, eundem Stichum Cajo do lego. Recte fit legatario substitutio in secundum casum, id est, in casum acquisiti legati, nec impletur voluntatis, aut praecepti testatoris. Sequitur in hac lege, ut singula explicem, substitutiones non impuberibus filiis factas quibus verbis significantur substitutiones vulgares. Substitutiones igitur puberibus factae, id est, vulgares. Quia puberibus non possunt fieri nisi vulgares substitutiones. Puberibus non possumus substituere directo in secundum casum, §. ult. *Inst. de pupil. subst.* Dixit ergo, substitutiones non impuberibus filiis factae, discretionem pupillarium substitutionum, quae non finiuntur aditione heredis scripti, aed pubertate, *l. in pupillari, de substitut. vulg.* Et secundum hanc sententiam, si forte impuberi filio facta sit substitutio vulgaris simplex, quae intelligitur sola esse vulgaris, haec proculdubio extinguetur aditione, quia dixit substitutiones factae puberibus, discretionem substitutionum pupillarium, non quod et impuberibus factae vulgares simplices non finiuntur post hereditatem aditam, vel alio modo acquisitam heredi instituto. Et rursus ait in hac *l. directae*: quia precariae substitutiones post aditam hereditatem valent. Ideoque etiam haeres institutus, cui precariis verbis facta est substitutio, id est, cui relictum est fideicommissum hereditatis restituendum alteri, cogitur adire hereditatem, nec intercidit substitutio precaria. Tantum igitur abest, ut precarias extinguat aditio, ut non aliter confirmetur, quam aditione, vel etiam immixtione, si haeres institutus, sit suus haeres, et rogatus sit hereditatem restituere alteri, *l. recusare, §. sed et ad filium, ad Senatusc. Trebell. l. 5. §. ult. Quod cum eo, qui in alien. etc.* Ac praeterea precariae substitutiones etiam puberibus fieri possunt, et extraneo, *d. §. ult. Inst. de pupil. subst. l. cohæredi, §. nec aliud, de vulg. et pub. subst.* Postremo ait haec lex, *expirare solent*. Quibus verbis significatur esse regulam juris. Nulla autem est regula juris, quae non aliquando vitietur. Et haec quoque vitari videtur in specie Nov.

de haer. et Falc. ubi haeres institutus, qui adiit hereditatem, si non exequatur voluntatem defuncti, si non praestet legata, aut fideicom. et libertates, contumacia ejus, et indevolio ejus ita coercetur, ut ei eripialur hereditas, et transferatur in substitutum vulgarem, quem tamen excludit aditio, quia scilicet hoc casu venit substitutus, non tam jure substitutionis, quam beneficio Novellae Justiniani, quae hac ratione haeredem inobedientem voluit coerceri, et contumacem. Eadem est ratio *l. et si sine, §. sed quod Papi-nianus, de minorib.* Minor 25. annis adiit hereditatem, vel immiscuit se. Deinde restitutus est abstinenti causa, an in ejus locum veniet substitutus post abstentionem? Minime: regulariter non convalescit substitutio vulgaris, quam semel extinxit aditio, vel immixtio. Excipitur tantum unus casus in illo §. si substitutus sit vulgariter servus, et hereditas non sit solvendo, ita ut omnino creditores bona defuncti sint distracturi. Nam hoc casu nullo existente haerede, quia legitimi exclusi sunt aditam hereditatem ex testamento, substitutus servus, quamvis ipse exclusus sit, tamen venit in locum heredis abstinentis se post aditionem, ut bona defuncti veneant potius servi nomine, quam defuncti: et ait hunc casum singularem introductum esse rescripto Divi Pii et Severi: unde possis dicere eum substitutum vocari magis ex eo rescripto, quam substitutionis jure, ut subveniatur famae, atque memoriae defuncti, propterea quod honorum venditio, quae fit nomine defuncti, defuncto irrogat infamiam, ut plane substitutus servus necessarius haeres videatur, potius infamiam assequi, quam hereditatem, quod ejus nomine bona veneant potius, quam defuncti, ut ait *lex 3. C. Theodos. de inoffic. testam.*

Ad L. VI.

Testamento jure facto, multis institutis haeredibus, et invicem substitutis: advenitibus suam portionem etiam invitis cohæredum repudiantium accrescit portio.

Lex 6. est etiam de vulgari substitutione, cujus sententiam explicaturi sumus. Si plures sint haereses instituti, et invicem substituti vulgariter, quoniam sunt extranei haereses, portiones eorum, qui non adierunt, advenitibus adcreseunt, etiam invitis ex sententia *l.* Obveniunt igitur portiones vacantes iis, qui adierunt, magis jure accrescendi, quam jure substitutionis reciprocae, quae vulgaris esse intelligitur, quia substitutio illa imitatur jus accrescendi, *l. si quis haeres, de acquir. haered. l. pen. de injusto, rupto, et irr.* Differentia est

inter jus accrescendi, et substitutionis jus. Nam hæreditas ex substitutione deferitur tantum volenti, non invito. Jus accrescendi deferitur etiam invito, *l. un §. his i a defunctis, de cad. toll. inf.* Uno tantum casu excepto, quo etiam ex substitutione hæreditas deferitur invito, videlicet si hæres cohæredi vulgariter substitutus sit, et unus pro sua parte adierit, alter repudiaverit. Nam portio, quæ vacat, pertinet ad eum, qui adit, sine nova additione. Denique pars, quæ omisa substitutione obveniret jure accrescendi, obvenit invito secundum naturam potius accretionis, quam substitutionis, quia ea substitutio, ut ait *d. l. si quis hæres*, fuit appendix præcedentis institutionis, id est, accretio potius, quam substitutio, et remedium inducendi juris accrescendi contra caduca, contra *l. Juliam et Papianam*, quæ subvertit jus accrescendi, et impugnat, non substitutionem. Et ita in *princip. tit. de cad. tollend. i. f.* ait, substitutiones introductas esse, ne hæreditates caderent in fiscum, substitutiones hæredum scilicet reciprocas, vel omnium hæredum factas uni, vel unius factas omnibus, ut in *l. 5. D. de vulg. substitut.* ut non abs re in *l. miles, §. ult. de legat. 2.* dicatur, cohæredes esse substitutos, quibus vult invitis obvenire portionem cohæredis deficientis. Et non tam jure substitutionis igitur, quam jure, conditioneque accrescendi. Quod tantum adnotare ad *l. 6.* satis est.

Ad L. VIII.

Precibus tuis manifestius exprimere debueras, maritus quondam tuus miles defunctus, quem testamento facto heredem communem filium vestrum instituissis proponis, et secundum heredem scripsisse, utrumne in primum casum, an in secundum filio suo, quem habuit in potestate mortis tempore, si intra decimum quartum sum ætatis annum, aut postea decesserit, substituerit. Nam non est incerti juris, quod si quidem in patris militis positus potestate, primo tantum casu habuit substitutum, et patri hæres extitit: eo defuncto, ad te omnimodo ejus pertineat successio. Si vero substitutio in secundum casum vel expressa vel compendio, non usque ad certam ætatem facta reperiat: siquidem intra pubertatem decesserit, eos habeat hæredes, quos pater ei constituit, et adierint hæreditatem. Si vero post pubertatem: tunc ejus te successione obtinente, veluti ex causa fideicommissi, bona, quæ cum moreretur, patris ejus fuerint: a te peti possunt.

Lex precibus est potissimum de substitutione pupillari facta a milite filio impuberi, quem in potestate habuit mortis tempore, quod exigitur semper in substitutione pupillari, ut is, cui facta

est in potestate morientis fuerit. Nam emancipatione finitur substitutio pupillaris. Quæstio autem hujus legis est a tota doctorum familia tractata. Species hæc est. Quædam mulier precibus oblati Imperatori, exposuit, militem maritum suum communem filium impuberem, quem moriens in potestate habuit, testamento heredem instituissse, et ei directo substituissse Sempronium, et filium vitam decessisse, et quæsit ab Imperatore, utrum filio ipsa succederet, an substitutus. Respondit Imperator, ut in *l. exprimere, inf. de duobus reis*, eam mulierem in precibus suis exprimere debuissse utrum pater filio Sempronium substituisset in primum casum, si hæres non esset, an in secundum casum, si filius moreretur intra pubertatem, aut post pubertatem. Nam si ei substituit in vulgarem casum, et filius patri hæres extiterit, per immistionem (quo genere proprio sui acquirunt hæreditatem) hoc casu omnimodo, inquit, sive filius decesserit ante, sive post pubertatem, ei ab intestato ex *Senatusconsulto Tertulliano* succedit mater. Quia et substitutionem vulgarem extinxit immistio filii, et tacita pupillaris, quæ inest vulgari, non excludit matrem, *l. ult. sup. tit. præced.* Nec obstat quod in specie hujus legis non ponitur mater cohæres adjecta filio, ut in specie *d. leg. ult. ad præferendam matrem substituto venienti ex tacita pupillari*, quia non ea tantum ratione utitur, quod mater sit cohæres adjecta filio, sed etiam (quæ ratio est potior) quod sit æquum, matrem, ad quam summus morror morte filii pervenit, et filii amissi, et luctuosæ hæreditatis damnum non sentire, ex solo tacito intellectu substitutionis pupillaris. Quæ ratio etiam locum habet, matre non adjecta cohærede filio. Ergo indistincte, sive fuerit mater cohæres adjecta filio, sive non, tacita pupillaris eam non excludit. Tacita pupillaris alium heredem legitimum filii facile excludit, matrem autem non excludit. Hoc datum pietati maternæ. Et hæc in re nihil omnino distat miles a pagano, cum scilicet testator substituit in vulgarem casum, et post immistionem decessit filius superstiti matre. Quod si in secundum casum miles substituit filio impuberi, vel expressæ certæ ætate, veluti si intra pubertatem decesserit, intra decimum quartum annum, vel, ut in *l. centario, ff. eod.* si intra vigesimum quintum annum decesserit, vel etiam compendio (sic legendum) id est, compendio orationis, hoc modo, *quandocunque filius decesserit*, non expressæ certæ ætate, dum brevitati studet miles, tunc filio moriente intra pubertatem, certo certius est, substitutum, qui adivit hæreditatem pupilli, excludere matrem, tanquam ex expressæ pupillari substitutione. Nam satis est expressæ pu-

pillaris substitutio, et quæ generali, breviorique sermone concipitur, et constringitur, ut non sit necesse ad eum sermonem quicquam supplere, et satis est interpretari quid eo contineatur. Nota est differentia inter *supplere*, et *interpretari* ex *l. Gallus, §. quid si qui filium*, et *§. seq. de lib. et post.* Et hæc etiam in parte nihil interest inter militem, et paganum testatorem. Utrobique enim expressa pupillaris substitutio specialiter, vel generaliter excludit matrem, si substitutus substitutionem amplecti velit. Sed si filius, cui miles directo substituit, vel nominatim, *si post pubertatem decederet*, puta intra 25. annum, vel cui substituit compendio orationis, *quandocumque decederet*: si, inquam, is filius post pubertatem moriatur, hoc casu mater ei succedet ab intestato, sed debet, ut ait *l. Sempronio substituto filii restituere hereditatem*, veluti ex causa fideicommissi, ubi *veluti*, non significat similitudinem, sed approbationem, et confirmationem, minime. ut hoc casu, favore militis, quod hoc voluerit testator, ut veniret substitutus etiam post pubertatem defuncto filio favore voluntatis militaris: verba directa substitutionis deflectuntur ad causam fideicommissi, et pro precariis accipiuntur, ita ut substitutus veluti ex causa fideicommissi non capiat bona propria filii, sed bona tantum, quæ militis, cum moreretur, fuerunt, et quæ ab eo ad filium pervenerunt, mater autem retineat bona propria filii, et si quid filio deest ex bonis patris ad conferendam Falcidiam, id est, portiohem legitimam. Nam pupillo quidem directo substitui potest in secundum casum, etiam in legitimam portionem: quia datur ei hæres, qui sibi heredem facere non potest, si moriatur intra pubertatem, in *l. ex tribus, sup. de inoffic. testam.* Ergo pupillo in hunc casum, si moriatur pupillus, pater directo substituit recte, etiam in portionem legitimam, post pubertatem autem puberem filium non potest onerare fideicommissi in portione legitima, quam æquum est filium habere sine onere ullo, sine fideicommissi, sine dilatione, sine conditione. Et ita Accursius notat recte in ultima glossa h. leg. Notanda igitur hæc in re differentia inter substitutionem pupillarem directam, et substitutionem fideicommissariam sive precariam, vel quæ cum figura verborum sit directa, benigne accipitur pro precaria, conservandæ voluntatis militis causa: nam qui venit ex pupillari directa, non tantum capit bona, quæ habuit pupillus a patre, sed etiam bona adventitia, quæ aliunde habuit, propria quæ sita post mortem patris, vel etiam ante mortem patris ex causa, unde non acquirit filiusfam. patri, in *l. sed si plures, §. ad substitutos, ff. eod.* Qui autem venit ex fideicommissaria substitutione, non capit bona filii

propria, sed bona tantum, quæ a testatore ad eum pervenerunt, *l. cohæredi, §. quod si hæredem, eod. tit.* Quia fideicommissi nemo onerari potest ultra id, quod a testatore accepit, *l. 6. de leg. 3. l. ab eo, inf. de fideicommissis.* De quo enim quisque fideicommissi, aut legata relinquere, de suo largiri, non de alieno debet. Et ita in fine hujus legis præcibus, ut evidentius ostendat, substitutionem a milite factam filio impuberi verbis directis, post pubertatem valere tantum jure fideicommissi, addit valere tantum in bonis profectis a patre, non in bonis propriis filii, hæc remansura penes matrem, jure legitimæ successione. Et hæc est omnino sententia hujus legis. Eademque est penitus sententia *l. centurio, ff. hoc tit.* tantum abest, ut pugnet inter se. Illius legis speciem hæc est: Centurio, et miles igitur, filio impuberi directo substituit, expressa certa ætate sed in longius tempus, puta si intra vigesimum annum sine liberis decederet, filio moriente intra pubertatem, substitutus jure communi, non tantum bona patris occupat, sed etiam bona filii propria, jure scilicet substitutionis pupillaris directæ, quæ secum trahit omnia bona pupilli, unde profecta fuerint. Filio autem moriente post pubertatem intra vigesimum annum, substitutus ex privilegio militum, nec jure communi jam, sed jure singulari capiet tantum bona centurionis cum fructibus inventis in hereditate, quoniam et ii fructus bonis centurionis adnumerantur, fructus, quos postea filius percepit, bonis propriis filii connumerantur, *l. postulante, §. ult. ad Trebell. l. 24. de usufr. leg. l. 1. inf. de his, quibus ut indig.* Non dicitur nominatim in *l. centurio*, eam substitutionem post pubertatem valere jure fideicommissi, quod dicit aperte *lex præcibus*, sed cum sit, substitutum tantum capere bona patris, quid aliud significat, quam substitutum venire jure fideicommissi? Hic enim effectus est fideicommissi, quo longe amplior est effectus, et major substitutionis directæ, quæ occupat omnia bona. Ergo ea tantum bona, quæ centurionis, cum moreretur, fuerunt, substitutus capiet de manu matris, vel alterius hæredis legitimi filii, et legitimus hæres retinebit propria bona filii. Hæc est vera interpretatio *leg. centurio*, secundum quam apparet nullum inter eam, et *leg. præcibus* esse dissidium, nullas inimicitias, quia *lex centurio* non loquitur de matre, ut hæc *lex præcibus*, sed generaliter; nec spectat, quis filio succedat ab intestato, mater, an alius legitimus. Ex eo, inquam, apparet, etiamsi mater non sit in medio, sed alius legitimus hæres filii, substitutionem directo a milite factam filio in longius tempus, post pubertatem tamen valere jure fideicommissi in bonis profectis a patre. Quod igitur dicitur in parte ultimæ

hujus legis, haberet locum et in alio successore, nec ut habuit ante proprium mater, ne excludatur per tacitam pupillarem, ita etiam hoc proprium habet, ut propter matris interventum substitutus filio post pubertatem, non veniat jure directo, sed jure tantum fideicommissi: nam ex *l. Centurio*, quæ generaliter loquitur, apparet idem esse, si quis alius legitimus heres filii interveniat, et errore labi eos, qui interveniente alio heredem legitimo, quam matre, putant post pubertatem eam substitutionem valere jure directo, quod nusquam reperietur. Nam est facta quidem jure directo, sed directe effectum non habet, propterea quod, et militem puberi, qui sibi potest facere testamentum, absurdum est testamentum facere. Nemo dat alii heredem habenti testamenti factionem. Sed tamen, quia ita voluit miles, ut qualiter qualiter satis ei fiat, porrectis verbis directis ad fideicommissum, post pubertatem eam substitutionem, quam directo concepit, accipimus pro precaria, constituto proximo agnato heredem ab intestato, et onerato tantum restitutione honorum patris militis, qui eam substitutionem fecit, non ceterorum honorum filii. Et notandum etiam est, hac una tantum in parte esse discrimen inter militem, et paganus: in superioribus partibus adnotavimus nullum esse discrimen inter militem, et paganus: in hac parte ultima hujus legis, cum scilicet post pubertatem filius moritur, est discrimen, nimirum, quod miles post pubertatem substituat filio non inutiliter, ut in hac *leg. et d. l. centurio, l. 6. sup. de testam. milit. l. miles, §. pen. ff. hoc tit.* Cur ait non inutiliter militem post pubertatem filio directo substituere? quia scilicet ea substitutio valet saltem jure fideicommissi in bonis profectis a patre milite, qui ita testatus est, ut ait *lex centurio*, ex privilegio militum, subindicans, non idem esse in pagano apertissime, cum dicat esse privilegium militum. Jure ergo communi directa substitutio facta post pubertatem, nec jure fideicommissi valet. Denique paganus post pubertatem substituit prorsus inutiliter, *l. verbis, eod. tit.* Verbis civilibus, id est, directis, substitutionem post pubertatem frustra fieri convenit. Non fieret frustra, si post pubertatem valeret, ut fideicommissum, et loquitur *l. verbis* de jure communi, non de privilegiario, quod militibus competit, sed de jure pagano eo, et adjicit eam substitutionem post pubertatem non posse etiam venire, ut cohæredem adjectum in partem bonorum paternorum, diviso esse in duos semisses, *παρὰ μέρους*, ut in *§. ult. Instit. de vulg. substit. et l. si paterfamil. de hered. instit.* quod exposui in *l. 3. sup. tit. 24.* Quoniam evidens est in hac specie patrem nullum cohæredem filio adicere voluisse.

Tom. IX.

Ergo ille substitutus neque veniet ut cohæres, neque ut fideicommissarius. Et ad summam, a pagano directo facta filio substitutio, post pubertatem nullo jure valet, neque directo, neque obliquo. Cum enim ex privilegio in his tantum datum sit, ut valeat jure obliquo, consequens est idem non dari secundum jus commune. Et hæc est verissima hujus rei definitio. Sunt innumeri, qui tentant etiam jura communi ex testamento pagani post pubertatem substitutionem valere tanquam fideicommissum. Nec igitur hæc in re ullam esse differentiam inter paganus, et militem, contra manifestissimam legum verba: hanc opinionem a nobis annotam volo. nec unum vero volo *c. Raynutius, de testam.* quoniam quod in eo definitur, ut jure communi post pubertatem valeat tanquam fideicommissum, manifestissimum est ductum illud esse ex prava opinione interpretum juris civilis. Et ut solet error unus alium ducere errorem, etiam ex opinione prava eorundem interpretum in illo *c. Raynutius* filio rogato restituere hereditatem dantur duæ quartæ, quod ut quodam loco ostendimus, omnino pugnat cum jure civili, et originem sumpsit non ex jure civili, sed ex prava opinione. Nihil etiam moveri debemus *l. Scævola, ad Senatusc. Trebell.* quæ est arx istius opinionis. Sciendum est, in codicillis inutiliter heredem institui, vel substitui directo, inutiliter exheredari quomquam. Nunc sige: pater filium impuberem testamento instituit, et codicillis ei directo substituit Lucium et Cajum in secundum casum, qui exstitit filio mortuo impubere: non potest substitutus venire jure directo, quia in codicillis nihil directo scribitur utiliter. Sed benigna interpretatione substitutus venit jure fideicommissi, et a fratre legitimo heredem filii impuberis mortui capiet bona, quæ a patre ad filium defunctum pervenerunt. Et si illi duo substituti Lucius et Cajus invicem sibi substituti sint, consequenter inter eos reciproca substitutio valebit jure fideicommissi, id est, mortuo filio impubere. At ejus hæredes legitimi capient bona profecta a patre deducta Falcidia, quoniam est testamentum pagani jure fideicommissi. Denique si unus ex duobus substitutis moritur, jure mutue substitutionis portio illius pertinebit ad alium tanquam fideicommissum. Et secundum hæc, substitutio directo facta pupillo in codicillis, cum habeatur pro fideicommissaria, etiam ipsi inter se habebuntur pro fideicommissariis, et reciproca substitutio directo facta inter eos, declinabit etiam ad causam fideicommissi, per consequentias prioris substitutionis directe factæ pupillo, quæ declinat etiam ad causam fideicommissi: et hæc est sententia *l. Scævola*, cui respondendum est. Quæres, cur etiam directa substitutio a pagano facta post pubertatem non valeat jure fideicommissi, id est, cur

dicatur frustra fieri in *l. verbis civilibus* nec valere etiam jure fideicommissi? Quia hoc non expressit testator, quod exprimere debuit, si voluit constituere fideicommissum, §. *ultim. Instit. de pupil. substit. et l. cohærenti*, §. *cum filio, eod. tit.* Et ita recte in *l. in pupillari*, quæ pertinet ad jus commune, si in pupillari substitutione longius tempus comprehensum sit, tamen substitutio evanescet pubertate, sicut etiam Carboniana bonorum possessio, quæ est pupillaris, dicitur evanescere pubertate, nec in longius tempus ulla jura producit, *l. 3. §. puberi, l. de bonis*, §. *ult. l. queritur, de Carbon. edic.* Quæro igitur in specie hujus legis, exemplo *l. Scævola*, verba directa substitutionis cur non trahantur ad fideicommissum? Et respondeo, aliam esse speciem et causam hujus legis, et illius. Nam substitutio filio impuberi directo facta codicillis, erit prorsus inutilis, nisi sustineatur jure fideicommissi. Igitur ne frustra videatur facta substitutio, maxime pupilli, ut qui ex codicillis hæredem habere non potest, habeat tamen fideicommissarium, qui ei sit loco hæredis, huius scriptura illa directa perperam scripta in codicillis, si non potest valere ut testamentum pupilli, valeat ut codicillus a pupillo factus ab intestato, si non valet jure testamenti, valeat jure codicillorum. Directa enim verba habere pro precariis, est testamentum habere pro codicillis, ut pupillus, qui non habet testamentum, habeat codicillos, et ita moriatur. Ceterum in *l. precibus* substitutio, quæ directo est facta impuberi in longius tempus, puta in vigesimum quintum annum, vel *quan. locunque decesserit*, etiamsi dicamus post pubertatem eam nullo jure valituram, quod etiam omni asseveratione confirmamus, tamen non ideo erit inutilis prorsus substitutio, quia potest valere intra pubertatem jure directo. Et favor hic pupilli nullus intervenit, cum pubes mortuus est, ut non abs re dicatur, post pubertatem nec jure fideicommissi valere substitutionem factam a pagano, etsi ii, qui sunt instituti, invicem substituti sint, et consequenter reciproca illa substitutio inter eos nullo jure subsistere potest.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XXVII. De necessariis hæred. inst.

Cum ante dixisset de hæredibus instituendis, vel substituendis, nunc hæredum, qui instituuntur, et substituuntur divisionem, et qualitatem exequi parat: nec enim omnium hæredum eadem est qualitas,

non omnium idem jus in successionem defuncti, non omnium idem jus, et in omne jus defuncti: alii sunt voluntarii, alii necessarii, et rursus necessariorum alii sunt sui, alii necessarii tantum non sui: de necessariis tantum est h'c tit. 27. de suis est tit. 28. et 29. de voluntariis est 30. Et necessarii quidem, de quibus agitur hoc tit. sic appellantur, quod dominis, a quibus cum libertate instituti, vel substituti, aut liberis dominorum impuberibus, ignorantes, et inviti hæredes existunt, adeo ut et poena afficiantur, si eorum hereditatem spernant, aut hereditatem amplecti detrectent, *l. 4. h. tit.* Et abstinendi beneficium non habent, quod tamen prætor dat suis hæredibus, qui etsi necessarii sint, non adeo tamen necessarii sunt, ut prætor non possit illos hac necessitate absolvere, data abstinendi licentia. Illi omnino necessarii sunt, ut nec beneficium abstinendi habere possint, *l. necessariis, in fine, ff. de acq. hæred.* Existunt autem hæredes ipso jure confestim, id est, apparent hæredes a morte testatoris, et ante apertas testamenti tabulas, ut Stephanus notavit recte in *l. ejus qui, in pr. ff. de reb. cred.* Et ante aditam hereditatem a cohæredibus: nam et a cohæredibus libertatem non accipiunt, sed a semetipsis *ἀπ'αυτῶν*, id est, immediate, nullo actu, nullave persona media interveniente, *l. 6. §. ult. ff. de hæred. inst. l. ex parte, ff. de acq. hæred.* videlicet si, ut posui, cum libertate hæredes instituti sit adjectis cohæredibus: nam si sola libertas eis relicta sit, non etiam hæreditas, libertatem non accipiunt a semetipsis, sed ab hæredibus, a quibus liberi esse jussi sunt. Quomohrem post mortem hæredis libertatem non posse dari recte scribit Ulp. *lib. reg.* Et alia est conditio tutelarum: nam ut ait *l. 7. ff. de test. tut.* tutores non ab hærede, sed a testatore protinus proficiuntur. Cujus rei argumentum est, quod hæres ipse tutor dari potest, qui non jure daretur, si daretur a semetipso. Item quod post mortem hæredis tutor dari potest, qui etiam non recte daretur, si tutoris datio proficeretur ab hærede: et hoc ita dicitur in *d. l. 7.* sane ad differentiam legatorum, et fideicommissorum, et libertatum, quoniam hec ab hærede proficiuntur. Legata omnino non ab hærede, ut nec hæredi ob eam rem a semetipso possit legari, *l. legatum, §. 1. ff. de legat. 1.* nec post mortem etiam hæredis alii, id est, ab hærede hæredis, §. *post mortem, Instit. de legat. fideicommissa* quoque hæredi a semetipso relinquuntur inutiliter, sed hoc proprium in fideicommissis, ut non tantum proficisci possint ab hærede, sed etiam ab hærede hæredis: et libertates similiter, ut ante dixi, ab hærede proficiuntur, libertates testamentarie scilicet, si ii, quibus dantur non sint hæredes instituti: nam si sint

heredes instituti, cum a semetipsis accipiunt, vel quod pene idem est, a testatore protinus, ut *l. 1. hoc tit.* ab ipso testatore servum liberum et heredem existere necessarium ab ipso testatore, id est, protinus, ἀπὸ τῶς, id est, clausis testamenti tabulis, necdum adita hereditate a coherede. Et ita in §. 1. *Instit. de hered. qualit. et diff.* servum heredem institutum, sive velit, sive nolit, omnino post mortem testatoris protinus liberum, et necessarium heredem fieri. Et hinc manat regula illa juris civilis, quæ dictat libertatem auferri non posse, cujus sit mentio in *l. si ita scriptum, §. regula, ff. de lib. et post.* Siquidem, ut jamdiu ostendi, et probavi cunctis, si in eo §. reponatur vox *libertatis*, ut dixi, et removeatur vox *hereditatis*, quæ ascita est, ut hæc non sit regula vera, hereditatem adimi non posse, sed hæc, libertatem adimi non posse, quæ tamen falsa videtur esse non minus quam illa, ex *tit. de adempt. libert. et l. si peculium, §. 1. ff. de manumiss. test. et l. si servus, ff. de fideic. libert.* hæc vero falsa est, nisi ut idem §. ostendit, coangustetur ad speciem propositam de servo proprio, quem dominus in testamento liberum et heredem esse jussit, ut huic eodem testamento libertas adimatur inutiliter hac ratione: quia a quo legari non potest, nec adimi ab eo quicquam potest: ab herede autem ipsimet heredi a semetipso legari non potest: ergo ab herede ipso ipsimet adimi nihil potest, *id. l. 6. in fin. ff. de hered. instit.* quia una eadem est causa et adimendi et legandi, una eadem causa contrariorum. Et hæc de appellatione necessariorum heredum dicta sufficiant. Nunc causam exponamus instituendorum necessariorum heredum. Causa instituendorum necessariorum heredum est pudor, et existimatio testatoris, ut conservetur, quia plerumque servus necessarius hæres scribitur ab eo, qui solvendo non est, ut ejus hæredis nomine, qui non potest non esse hæres potius, quam testatoris nomine bona a creditoribus possideantur, et distrahantur, quod est ignominiosum, vel inter creditores dividantur: quæ ratio diligenter observanda est in *l. fratres, C. de inoff. testam.* adhibita *l. servus, C. Theod. eod. tit.* quæ eleganter ait servum necessarium heredem institutum, non tam patrimonium, quam infamiam consequi, quia non instituitur nisi ab eo, qui solvendo non est, ut hic tueatur famam defuncti, et exponat suam pro defuncto, distractis bonis, suo, non defuncti nomine. Et integra sententia *l. fratres* est, fratrem non agere de inofficioso testamento fratris, quod in eo sit præteritus, nisi frater sibi instituerit heredem infamem, vel turpem personam, vel levi nota insignitam: nam si levicula sit nota, æquum est præferre fratrem in vindicandis bonis fraternis,

atque etiam si frater sibi instituerit heredem libertum suum, æquum est liberti præferri fratrem, nisi sit libertus, qui maximis beneficiis assequutus sit testatorem, ut inquam, optime meritis a de testatore, alioquin non excludet fratrem ab hereditate agentem querela inofficiosi. Excipiendum esse etiam lex censet libertum Orcinum, id est, servum testatoris, quem cum libertate, cum non esset solvendo, necessarium heredem fecit: quoniam vix frater præteritus adversus eum actorus est de hereditate, quæ detrimentosa est: nam si a fratre, qui solvendo sit, hæres institutus sit necessarius præterito fratre, utique huic servo frater præferendus est argumento *l. ult. hoc tit.* Et hæc ita adnotaverunt etiam Græci summa cum ratione ad *l. fratres*. Eadem quoque intervenit ratio in specie *l. etsi sine, §. sed quod Pap. ff. de minoribus*, cujus species hæc est: quidam pupillum heredem instituit, non filium suum, sed extraneum, et ei substituit vulgari modo, si hæres non esset, servum suum proprium cum libertate, qui utique deficiente pupillo herede instituto, et repudiante hereditatem ex vulgari substitutione erit necessarius hæres. At linge, pupillus hæres institutus adivit hereditatem, mox se abstinuit ab hereditate beneficio restitutionis in integrum, an admittebatur substitutus? Minime, quia aditione hereditatis semel extincta est substitutio vulgaris: et hoc ita verum est, nisi testator fuerit non solvendo: nam hoc casu, ut ejus famæ subveniatur et consulatur, ne scilicet ejus nomine bona veneant post aditam hereditatem, etiam substitutus necessarius hæres admittetur hoc colore, quasi hoc casu aditio habenda pro non facta, quam abstentio irritam fecit: eademque est ratio *l. qui potuerunt, ff. de manumiss. test.* Lege Ælia Sentia minor 25. annis, ut scitis, non potest manumittere servum, nisi causa probata apud consilium: variae sunt causæ probabiles, et inter ceteras hæc una est, ut habeat heredem necessarium servum, videlicet cum solvendo non est, et suæ vult prospicere existimationi, et memoriæ post mortem: eadem etiam omnino fuit ratio *l. Æliae Sentia* in conservanda libertate data in fraudem creditorum uni ex servis heredi instituto ab eo, qui solvendo non erat, ne injuria defunctus afficeretur a creditore, suo nomine venditis bonis atque distractis, §. 1. *Instit. qui et quibus ex caus.* Sed exigitur, ut nemo alius ex testamento hæres extiterit, adeo ut si servo proprio instituto cum libertate, ab eo, qui solvendo non est, datus sit substitutus vulgari modo liber homo, rescisso primo gradu, incipiat a secundo, id est, substitutione, *l. 57. ff. de hered. instit.* Exigitur etiam, ut hæres servus, qui cum libertate institutus est ab eo, qui solvendo non

est, non sit specialiter creditori obligatus, vel pignori datus: nam quandiu durat pignus, invito creditore ad libertatem perducere non potest. Et hæc est sententia *l. 1. hoc tit.* hæc est vis specialis, et manifestarii pignoris, quæ non est eadem generalis, et taciti pignoris in *l. 2. et 3. inf. de servo pignori dato manu. l. pen. ff. in quibus caus. pig.* nec alia ratio differentiarum est quam quod videantur magis nexa creditori quæ specialiter, quam quæ per fusorie pignoriata sunt, quæ speciali conventionione, quam quæ jure tacito. Igitur servum, quem ei, qui talis locavit ædes inhabitandas specialiter ex conventionione obligavimus, non posthumus manumittere antequam locatori satisfactum sit. Servum tamen eum, quem intulimus in ædes conductas, qui tacito jure pensionis nomine intelligitur pignori obligatus, et omne quicquid intulimus in eas ædes postumus manumittere: non est igitur eadem vis taciti et expressi pignoris, nisi, inquit *d. l. pen. pensionis nomine præcludatur*, quod ut explicemus, moris erat inquilino non solvente pensionem locatori, interveniente publica persona aperire ædes, et describere res omnes, et mancipia omnia, quæ inquilinus in eas ædes intulerat, *l. cum domini. ff. loc. ac deinde rebus descriptis omnibus, mancipiisque illatis in ædes conductas, solebat auctoritate publica ostium ædium obsignare fores præfigere, et præcludere, adhibito clastro, vel consepito, quod illo loco in Basilicis est τὸν αἴθρον ἀσφαλτίζειν, domum firmare*, eoque genere locator videbatur detinere ea mancipia, quæ incluserat in eas ædes cum ceteris rebus illatis. Denique eos videbatur habere in sua potestate, nec jam erat tacitum pignus, sed reale, et corporale, et manifestarium, ideoque nec a præclusis ædibus inquilino jus erat eorum servorum manumittendorum, ut inquit *d. l. pen.* quæ est elegantissima. Derisus est Nerva jurisconsultus, qui monstraverat per fenestram servos detentos ob pensionem, atque inclusos manumitti posse, puta in fenestra exhibitio, vel sese offerente servo, et domino dicente, teste populo, eum se liberum esse velle: derisus autem non insultando, non solent enim prudentissimi et religiosissimi juris auctores alii aliis insultare. Sed derisus argumentando est, dum certa ratione, aut probabili rationi ejus ceteri adsensi non sunt quia si ea ratione, quam monstravit Nerva, servi manumitti possunt, qui inclusi sunt in ædes conductas, quasi non plane detinerentur, quibus patent fenestræ, sed etiam præfigendæ essent, et obstruendæ fenestræ, et prospectus omnes quod utique nemo diverit, et si pensionis nomine servus esset locatori pignori traditus, et ab eo detentus in suis ædibus, atque diligenter observatus, ea tem ratione posset beneficii fenestræ manumitti a domino transiente. Et ita

quoque apud Senecam *1. ep. lib. 12.* ridere, est obijcere rationem, quæ confirmet sententiam alterius, hoc est deludere, leviter atque honeste declinare, *quemadmodum*, inquit, *opposita simili interrogatione derideatur, attende*: et ita in *l. sed an ultro, ff. de negot. gest.* cum Laheo dixisset (est species elegans) eum habere actionem negotiorum gestorum, qui negotium alterius gessit utiliter: etiamsi negotium effectum non habuerit, ut si domum fulsit, et postea exusta sit, vel si servum alterius curaverit, et postea mortuus sit, nihilominus repetet impensas sulcimenti, et curationis actione negotiorum gestorum, et cum ad Laheonem adnotasset Proculus hanc definitionem non esse perpetuam, nec enim eum habere actionem expensorum, vel negotiorum gestorum, qui domum fulsit, quam dominus quasi impar sumptui dereliquisset, vel quam necessariam non putavit, cum, inquam, ad Laheonis definitionem hoc Proculus adnotasset, hanc adnotationem Celsus, inquit, deridet, opposita hac ratione sola: is, quem Laheo dixit habere actionem negotiorum gestorum, utiliter negotia gessit. Is autem, quem posuit Proculus, non gessit utiliter rem et negotium, qui non necessariam rem et onerosam patrifamilias aggressus est. Igitur ea adnotatio non est bene appposita ad definitionem Laheonis. Nondum est satis: ex quo reddidi rationem appellationis necessariorum hæredum, exposui causam instituendorum necessariorum hæredum: restat tantum definitio eorundem. Alia autem est definitio juris veteris, alia juris novi: vetus definitio hæc est: *necessarii hæredes sunt servi proprii, qui in eadem causa permanserunt, eodem gradu, et testamento cum libertate hæredes instituti, vel substituti in primum, aut secundum gradum. Demas illa verba, eodem gradu, et testamento cum libertate*, et erit definitio juris novi: dixi, servi proprii, quia servi alieni voluntarii sunt, non necessarii, *l. 3. hoc tit.* dixi, qui in eadem causa permanserunt, quia si testator servum proprium, quem testamento liberum et hæredem scripsit, vivus manumiserit, vel alienaverit, voluntarius est hæres, non necessarius, quia in eadem causa non permansit, *§. servus autem, Instit. de hæred. instit. §. ceteri, Inst. de hæred. qualif. et diff.* hæc sunt notissima: præterea dixi *eodem gradu*, quia si servus proprius, qui primo gradu sit hæres institutus sine libertate, et a secundo gradu, id est, a substitutione libertatem acceperit, vel contra, non fit hæres necessarius, quia non eodem gradu et liber et hæres est scriptus secundum jus vetus: nam hodie ex constituto Justiniani, nihil refert, quo gradu servo adscribatur libertas, *l. 4. hoc tit.* dixi præterea eodem testamento, quia secundum jus vetus si servo proprio

data sit hereditas testamento, et libertas codicillis, etiam non efficitur hæres necessarius: quia non potest videri recte data libertas codicillis, ne videatur hereditas codicillis confirmata, quod regula juris non permittit, quæ dictat hereditatem codicillis neque dari, neque confirmari posse, nam qui confirmat, hereditatem dat, ut tutor, qui confirmatur, dativus est non testamentarius, *l. tutores, D. de confirm. tut. l. jure, §. ult. D. de testam. tut.* Sed id quoque mutat Justin. in *l. pen. §. sed cum veteres, hoc tit.* nam si ut idem Justinian. constituit in eadem *l.* neque testamento, neque codicillis servo proprio hæredi instituto relicta sit libertas tamen presumitur *κατὰ πρόληψιν*, per præsumptionem ex scriptura institutionis, vel substitutionis. Et multo magis assumetur si ei sit codicillis utcumque relicta; Postremo dixi cum libertate, id est, nominatim adscripta libertate et hereditate simul, hoc modo, *liber et hæres esto.* Alioquin non recte institutus hæres, sicut pluribus juris auctoribus visum est in *§. 1. Instit. de hæred. instit. πολλῶν δὲτε μῆτις ἀρετῶν*, ut ait Apollonius, multorum vero consilium melius; unde queri potest, quid sit dicendum, si quis servum proprium hæredem instituerit sub appellatione liberti, hoc modo: *Stichus libertus meus hæres esto*, an erit hæres necessarius? minime, quia hæres scriptus servus sine libertate non est hæres necessarius et nuncupare libertum non est servo adscribere hereditatem. Et hoc ita verum est summo jure: nam ex rescripto Antonini ad Ausidium Victorinum, id est, ex *l. 2. hoc tit.* benigna interpretatione ex scriptura, *Stichus, etc.* accipitur, ac si dixisset, *Stichus liber et hæres esto, d. l. 2. hoc tit.* Et tamen, quod mirum est, eadem *l. 2. d. cit.* eandem benignam interpretationem non esse admittendam in legato: ergo legatum est inutile ita relictum *Sticho liberto meo 100. do lego*, quia servo proprio inutiliter legatur non adscripta libertate, *l. servis, inf. de leg. l. ex his verb. sup. de testam. milit.* Et libertum appellare, non est adscribere libertatem. Quæso cur potius valet institutio servi proprii facta non adscripta libertate, si modo institutus sit sub nuncupatione liberti? Cur benigna interpretatio magis admittitur in hereditate, quam in legato? non possis adferre rationem aliam libertatis, quam eam, quam adfert, *l. filium, §. sed et si portio, D. de legat. præst.* quod hereditatis plenius sit beneficium, quam legati, ac proinde admittat etiam plenorem interpretationem, quod plenior honor hereditatis sit, quam legati, adeo ut, si quæ fiat benigna et favorabilis interpretatio in legato, multo magis in hereditate, non contra. Quod in alia re apparet evidentius ex *l. pen.* quando quidem ex ead. *l. pen.* ex sola scriptura institutionis, vel substitutionis servi proprii,

etsi non sit adscripta libertas, competit: hodie tamen ex solo legato, quod ei relictum, est, non competit libertas, ex *d. l. pen. §. illo videlicet.* Legatum tamen etiam non valet servo relictum sine libertate. Sed in illo *§. Justinian.* ut pietatis arbitrum, impios existere ait hæredes, qui servo legatum non præstant ex voluntate defuncti, qui serviles labores debita remuneratione defraudant, nec ullam tamen de legato actionem competere statuit, sed tantum improbe factum scribit, nihil ultra, quam quod impie factum sit, statuit in hæredem. Quædam sunt leges imperfectæ, quæ velant aliquid fieri, sed nihil ultra adjecerunt, quam non recte factum, ut in *l. si quis. §. funus, D. de relig.* vel improbe factum, ut in *l. Valeria apud Livium lib. 10.* satis arctum est vinculum ill. Exposita necessarij hæredis appellatione, unde deducta, sit, et quam ob causam necessarius hæres potissimum scribatur, et necessarij hæredis definitione vetere et nova, veterem quidem dixi fieri novam, si ex ea detrahantur hæc verba, *eodem gradu, et testamento cum libertate*: nam olim servi proprii institutio non aliter valebat, quam et si libertas ei eodem gradu, et testamento adscripta fuisset, hoc modo: *Stichus liber et hæres esto*: deinde placuit eum quoque servum recte hæredem scribi, qui scribitur sub nuncupatione liberti ex benigna interpretatione Antonini Imp. id est, ex *l. 2. hoc tit.* Post hæc vero, quod nunc nobis explicandum est, benignitas illa Antonini, quæ paulum inflexit rigorem juris veteris: tandem elicit a Justiniano plenioris dignitate, et abolitionem totius juris veteris, nempe ut institutio servi proprii valeret, etiamsi neque sit adscripta libertas, neque nuncupatio liberti; institutioni servi proprii: tacite inesse libertatem, institutum servum proprium sine libertate, videri institutum cum libertate, *l. pen. hoc tit.* Quod et idem Justinian. in *Instit. tit. de hæred. instit.* qui locus est singularis, ait esse æquus, id est, benignius, et Attilio J.C. placuisse, ut a constitutione Justiniani stet unus auctor juris, ac proinde non sit omnino nova sententia Justiniani. Et nunc videamus quo argumento hanc sententiam Justinianus confirmet. Si quis filiis suis impuberibus servum proprium tutorem dederit sine libertate, ex ipse tutelæ datione presumitur tacite ei etiam dedisse libertatem: quod omnes veteres juris auctores approbarunt, *l. si hereditas, §. ult. D. de testam. tut. l. sed et si non adscripta, in fin. de fideic. libert. §. 1. Instit. qui testam. tut. dari poss.* Sed est inter illum *§.* et illam *l. et si non adscripta*, notissima omnibus pugna quædam, in eo quod *§. 1.* assignet directam libertatem, *lex sed et si non adscripta*, fideicommissariam, cui nos finem imponemus. Inde vero ita argumentatur Ju-

stinian. si per præsumptionem adsumitur libertas in persona servi proprii, qui tutor datus est sine libertate, et assumenda igitur est in persona servi, qui heres scriptus est sine libertate: quæ conclusio est vitiosa et fallax. Major enim est ratio præsumentæ libertatis in tutore, quam in hærede: nam in persona tutoris duplex est favor, libertatis, et pupilli, ut tutorem habeat, ut ait lex *sed et si non ads.* In persona hæredis scripti unus tantum est favor libertatis: duplex favor facilius elicit hanc præsumptionem, quam unus. Ac præterea in persona tutoris dati, lex *sed et si non ads.* assumit tantum fiduciariam libertatem in persona hæredis scripti, Justinian. in hac *l. pen.* assumit directam. Sunt igitur casus dissimiles: itaque idem Justin. ut hanc dissimilitudinem minuat et conterrat, et augeat similitudinem, qua utitur, et ut quam minimum claudicat efficiat, etiam in persona tutoris dati, sicut in persona hæredis scripti assumit directam libertatem in *d. §. 1.* ut fortiter possis defendere liberum esse servo hoc vel illo jure uti, id est, vel jure directo ad libertatem pervenire, vel ex causa fideicommissi, sicut si quis eodem testamento et pure et per fideicommissum liber esse jubeatur. Si cui per testamentum sit relicta directa: et fideicommissaria libertas, in potestate ejus est ex directo, an ex fideicom. ad libertatem pervenire velit, *l. si quis servo, D. de mon. testam.* et ita sensisse videtur Thalelaeus in *d. l. sed et si non ads.* dum ait, cum, qui non assumit in persona servi proprii tutoris dati fideic. libertatem, non ideo removere directam, et integrum esse servo hanc vel illam sibi assumere ex tutelæ datione, et ita nodus explicandus est. Nunc si quæras ad hæc quod veteres quæsierunt, ut refert *l. pen.* quid si dicendum, si servus proprius heres institutus sine libertate, ante institutionem, vel post institutionem eodem testamento alii legatus sit, an valet institutio? an valet legatum? Et hodie quidem res in expedito est: quia libertas, quæ tacite inest institutioni, est potior legato, sive præcedat legatum, sive sequatur institutionem, *l. si idem, D. de legat. 2. l. si peculium, §. 1. D. de manu. testam. et l. si servus, D. de fideicom. libert.* Olim cum libertas non inerat institutioni tacito intellectu, magna erat quæstio *προβληματώδης* utrum valeret legatum servi hæredis instituti: nam videtur servus heres ipse alii a semetipso legari inutiliter, ne idem sit debitor, et res debita. Et vix etiam evenire id unquam posse ait Justin. in hac *l. pen.* ut quis servum heredem suum alii leget. Institutio quoque videtur non valere, quæ præcessit legatum, quod non sit ei adjuncta libertas, si is servus accipiat pro servo proprio testatoris: nam si accipiat

pro alieno, utpote legato, valeret institutio, si et legatum valeret: et ita hæreditas perveniret ad legatarium per servum legatum: atqui ostendit non posse valere. Item quærebatur an valeret institutio servi legati, cum scilicet, legatum præcessit institutionem: quia dubitabatur utrum is servus sit accipiendus pro alieno, utpote legato, quo casu constat institutionem valere, et hæreditatem acquiri legatario per servum adeuntem jussu legatarii, cui a cohærede sorte utiliter legatus est. An vero sit accipiendus pro servo proprio testatoris, quo casu inutilis est institutio, quæ non habet adjunctam libertatem, ut indicat *l. si servus, in ff. de vulg. subst.* Dum ait servum legatum posse institui cum libertate: nam ex contrario præbet argumentum, ut videatur non posse institui sine libertate secundum jus vetus, de quo tractamus; hunc locum ament juvenes dialecticis imbuti, nec veteris juris imperiti: neque vero novi potest esse peritus, qui antiqui est imperitus, sed si spectas jus novum, hæc quæstio inanis est, quoniam libertas tacita, quæ semper intelligitur inesse institutioni, facit ut evanescat legatum quocumque loco fuerit adscriptum, ante institutionem, vel post institutionem. Eiusdem generis est quæstio proposita in *§. ult. l. pen.* finge: proprius servus testatoris, quem testator alii legavit eodem testam. filio impuberi substitutus est in secundum casum, puta si ante pubertatem moreretur sine libertate. An valet substitutio? an valet legatum? Si servum acceperis pro alieno, utpote legato, valet substitutio, et quandoque existente conditione substitutionis, hæreditas pupillaris legatario acquiritur, adeunte servo jussu legatarii: nam et substitutio et legatum valet. Sed si eum acceperis pro servo proprio testatoris, qualis est tempore testam. et mortis, non valet substitutio pupillaris, cum non est adscripta substituto libertas. Id vero explicatu difficillimum est, siquidem id velis explicare secundum jus vetus. Hodie est facillimum: nam institutus, vel substitutus sine libertate, habetur pro instituto, vel substituto cum libertate. Et ubi servus alii legatus cum libertate, pupillo substitutus est, constat in suspensio et in pendentem esse libertatem, quoad extiterit, vel defecerit conditio substitutionis: ea existente competit libertas, quæ data est, et evanescit legatum: ea deficiente debetur legatum, et evanescit libertas, *d. l. si servus, §. ult. ff. de vulg. subst.* Igitur idem etiam erit omnino hodie si servus alii legatus, pupillo substitutus sit sine libertate. Et sequitur alia quæstio in *l. ult. hoc tit.* finge: servum proprium pure heredem scripsit sub conditione, liberum esse jussit: et constat jure veteri ex *l. 3. §. 1. et l. qui filio, §. si quis servum, ff. de hæc. instit. insti-*

tationem illam puram, quamvis sit pura, differri in tempus, quo libertas, quæ data est sub conditione, expleta conditione obtingat. Ideoque expleta conditione demum liber et necessarius hæres erit, deficiente conditione, neque liber neque hæres erit. Et non distinguitur utrum casualis, an potestativa conditio fuerit. Et jure veteri in eo nullus est labor. At hodie quid dicemus, cum placeat Justin. institutioni semper tacite inesse manumissionem et libertatem. An prævalet tacite manumissio, ut non sit expectanda conditio adscripta libertati? Sicut si quis eodem testam. et pure institutus: et sub conditione in alia parte testam. liber esse jussus sit, prævalet institutio pura, *l. 1. ff. de man. testam.* An vero dicemus in hac specie, nec hodie quidem institutioni tacite inesse manumiss. quia, ut vulgo dicitur, expressum facit cessare tacitum, *l. ult. sup. de pact. convent. sup. dot. l. cum ex filio, §. 1. de vulg. et pupil. subst. l. ult. ff. de fidei lib.* An igitur expressa manumissio, quæ facta est sub conditione, facit cessare tacitam? Et Justinian. in hac *l. ult.* distinguit inter conditionem potestativam et casualem. Potestativa est in arbitrio et voluntate servi, cui imponitur, ut *si dederit 10. si ierit Lutetiam*: casualis est in casu atque fortuna, ut *si navis ex Asia venerit*. In potestativa Justinian. probat quod ait *d. l. 3. §. 1. de hæred. instit.* ne servus ante fiat hæres et liber, quam potestativam illam conditionem impleverit, ea non impleta, ut neque hæres sit, neque liber. Sed velim addi exceptionem, nisi ei postea in codicillis pure sitrelicta libertas, ex *l. qui filio, §. 1. de hæred. instit.* Cujus speciem explicare necesse est. Finge: servum quis proprium hæredem fecit pure, et eodem testamento ei libertatem reliquit, eodemque gradu, sub conditione si intra calend. decem dederit, quæ plerumque est potestativa conditio: post deinde in codicillis eidem servo pure reliquit libertatem: pendente conditione servus neque hæres fuit, neque liber: non certe ex testamento, quia pendet conditio adscripta in testamento, sine qua hæres domino esse non potest: non etiam ex codicillis, ne videatur codicillis confirmari hereditas, quod regula juris non patitur, quia confirmare hereditatem, est dare, ut *l. pen. §. sed cum veteres*. At si deficiat conditio, si intra cal. non dederit 10. proculdubio erit liber ex codicillis: hæres autem non erit, quia ex eodem testamento libertatem non accepit: qui est insignis locus juris veteris, qui ita explicandus est. In casuali autem conditione Justinianus ita distinguit rursus in hac *l. ult.* Aut hereditas domini solvendo est, aut non est: si non est solvendo, et immineant creditores, etiamsi defecerit conditio libertatis, tamen ut consulatur sanx defuncti, servus protinus liber et ne-

cessarius hæres sit. Liber, inquam, ex tacita intellectione. Itaque expressa manumissio non facit cessare tacitam, cujus etiam causam est melior, cum tacita manumissio sit pura, expressa est conditionalis. Et ubi occurrit illa diversitas inter expressum et tacitum, proculdubio expressum non facit cessare tacitum. Sed si hæreditas sit solvendo, si sit locuples hereditas, et defecerit conditio libertatis, ea hereditas veniet ad substitutum vulgari modo servo datum, si quis fuerit: at si non fuerit substitutus vulgaris, veniet ab intestato ad legitimum hæredem, excluso servo ab hereditate, non etiam ut constituit, excluso a libertate, quod mirum est. Nam libertas ei conservatur ex institutione, quæ tamen ipsa non conservatur, quia ab instituto hereditas transit ad substitutum, vel ad legitimum: atque ita evenit, ut expresso vitato, non vitietur tacitum, quod extorsit favor libertatis, vel ut loquitur, humanitatis intuitus. Alias enim vitato expresso, et tacitum, quod ei inest, vitatur, in *l. 3. in ff. de servit. rust. præd.* Et hic quoque expressa manumissio non facit cessare tacitam, et ita in hac *l. ult.* In casuali conditione Justinian. subtiliter distinguit, utrum fuerit solvendo testator, vel non. Et ita, quod notandum, dicebam heri ad *l. fratres, sup. de inoff. test.* esse distinguendum, ut si non sit solvendo hereditas fratris, qui servum proprium hæredem instituit, fratrem præterierit, is servus liber et necessarius hæres fiat, submoto fratre præterito a querela inoff. testam. Sed si solvendo fuerit hereditas, ut vocetur frater superstes ab intestato, excluso servo per querelam inoff. testam. fraterni. Hujus quæstionis species, ut dixi initio, hæc est: servum fuisse institutum pure, et manumissum sub conditione eodem testam. quæro quid dicemus e contrario, si sit institutus sub conditione, et manumissus pure? Et hoc facile est definire ex *l. Trebatius, §. 1. et l. seq. ff. de hæred. instit. et l. cum servus, ff. de man. test.* ut deficiente conditione institutionis liber fiat ex manumissione pura, non etiam hæres: existente autem conditione, ut liber fiat, et hæres necessarius: et quod postremo adjeci in definitione necessariorum hæredum: hæredes instituti, vel substituti in 1. casum, hæredes sunt testatoris, substituti in 2. casum hæredes sunt pupilli: nam in 2. casum tantum fit substitutio pupillaris: hæc ergo adjeci, ut ostenderem, quem quis sibi necessarium hæredem facere potest per institutionem et per substitutionem vulgarem, et illum posse eundem facere hæredem necessarium suo filio impuberi per substitutionem pupillarem ex *l. 2. §. prius, et l. sed si plures, §. 1. ff. de vulg. sub.* Sic fit, ut frater fratri possit esse necessarius hæres, et ut libertas patrono.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. XXVIII. De liberis præteritis, vel exhereditatis.

Titulus 28. est de liberis præteritis, vel exhereditatis. Ergo de suis heredibus. Hi enim sunt liberi, qui in potestate morientis, et gradu proximiores sunt delatæ hereditatis tempore, *l. scripto, ff. unde lib. §. 1. et §. cum autem, Instit. de hered. quæ ab intest. def.* Est etiam hic tit. de his qui non sunt sui, sed a prætore ad successionem parentum vocantur inter suos: hi sunt liberi emancipati, quos prætor in successione parentum adæquat suis. Denique hic tit. est non tantum de liberis, qui sunt in potestate, sed etiam de emancipatis. Et sui quidem heredes etiam necessarii heredes sunt statim ipso jure, id est, ex 12. tab. tam ex testamento, quam ab intestato, *§. necessarii, Instit. de hered. qual. et diff.* et tam ex directo, quam ex fideicommissio, *l. 19. de rebus dub. nec eis necessaria est aditio, quia ipso jure heredes existunt, et apprent de repente, l. in suis, ff. de suis, et legit. hered.* Aditio, inquam, eis non est necessaria, id est, supervacua eis est, *l. 7. ff. de inoff. test.* Nam si ex abundanti velint adire solemniter hereditatem parentis, sane non prohibentur, atque ita fit ut nonnunquam in jure sui dicantur adire non tam ex necessitate juris, quam ex sponte sua, *l. si duo, ff. de acq. hered. l. si filius, ff. de collat. bon. l. 4. sup. de inst. et subst.* Ut si sint præteriti silentio, petere possunt honor. possessionem contra tab. quæ tamen eis non est necessaria *l. is qui in potestate, ff. de leg. præst.* Sui igitur, et necessarii sunt, videlicet jure civili: nam jure prætorio abstinere se possunt hereditate parentis, atque ita defugere onera hereditaria, et injuriam, qua forte afficerentur a creditoribus si non est idonea hereditas. Et puberes quidem possunt se abstinere beneficio prætoris, si non miscuerint se bonis paternis, impuberes etiam si miscuerint se *l. impuberibus, l. necessariis, ff. de acq. hered.* quod tamen beneficium heredes necessarii tantum non habent: liberi autem emancipati voluntarii heredes sunt, quia alieni, et extranei heredes sane sunt, qui in familia morientis non sunt quales sunt liberi emancipati, et omnes voluntarii heredes, atque etiam necessarii tantum; id est, servi cum libertate heredes instituti, nec enim sunt sui, et hi liberi sui, vel emancipati dicuntur præteriti, si neque instituti, neque rite exhereditati sint, etiam si lega-

ta, aut fideicommissa eis relicta sint, *§. eadem, Instit. de hered. quæ ab intest. def.* Vel etiam sic definiamus: præteriti liberi sunt, qui institutionis, vel substitutionis gradu, vel in omnibus gradibus silentio omissi sunt: eadem forma, qua præteriti Senatores apud Sextum Pompejum, qui non sunt lecti a Censoribus, atque adeo tacite loco moti videntur. Exhereditati autem sunt, quos parentes a successione sua certo judicio submovere, quod fieri debet pure, non sub conditione, in *l. 3. §. 1. ff. de lib. et post. l. 18. ff. de bon. poss. cont. tab.* Et alii quidem liberi exheredantur nominatim, alii inter ceteros, alii præteritione, atque silentio solo, si eorum non sit facta mentio in 1. gradu, vel in 2. vel in nullo: nam qui sunt præteriti a matre, vel avo, aut proavo materno, pro exhereditatis habentur: horum parentum silentium exhereditatio est, *§. ult. Instit. de exher. lib.* Item præteriti a patre, vel avo, vel proavo paterno, testam. jure militari facto, etiam pro exhereditatis habentur, *l. 12 in princ. l. Paulus 2. §. ult. ff. de bon. lib. l. sicut, sup. de testam. milit.* At præteriti a patre pagano, et faciente testamentum jure communi, vel ab avo, vel proavo paterno, et pagano, et faciente testamentum jure communi, pro exhereditatis non habentur, sed vel ab eis nominatim exheredandi sunt, vel inter ceteros. Idque non quibuscumque verbis, sed directis verbis, certis, conceptisque verbis, ne temere liberos suos bonis suis pellant, vel excludant, ut hoc modo, *ille filius meus exheres esto:* dubitabatur an et recte exheredaretur filius hoc modo: *filius exheres sit, vel filius exheres erit:* sed placet et hoc modo exheredationem recte fieri, *l. filii, de lib. et post.* Dubitabatur etiam an his verbis recte fieret exhereditatio: *filius meus alienus meus substantia fiat.* Sed hæc verba etiam Justin. pro exheredatione sumit in *l. 3. hoc tit.* Ante Justinian. licet is, qui exheres esse jubetur, alienus fiat a bonis paternis, et indignus esse existimetur successione paterna, *l. 12. §. si patroni filius de bon. lib.* tamen hæc verba non erant exheredationis propria, abdicationis erant forte propria, ut cum apud Valer. Maxim. lib. 5. cap. 8. Torquatus filium suum Syllanum abiecit hoc modo: *Cum Syllanum pecuniam de sociis accepisse mihi per oblatum sit, et Repub. et domo mea indignum judicavi, et protinus e conspectu meo abire jubeo:* quæ abdicationis erat alterum fulmen patrum adversus adversus filios potius, quam adversus filias, ut eleganter ait Quintilian. in declam. 259. *Fulmen istud patrum,* inquit, *adversus ferociam adolescentiæ datum est, adversus filios, filius abdicare non decet, potius filios, qui peccare plus possunt:* sic est legendum: nam vulgo perperam ita legitur, nullo sensu: *Fulmen istud patrum adversus ferociam adolescentiæ,*

*datum est adversus filias abdicare, non debet plus filios, qui peccare plus possunt. Sed hodie abdicatione non utimur, et restat patri tantum unum fulmen exheredatio, quæ etiam sit tantum mortis causa: nec enim valet nisi post mortem patris, et post aditam patris hereditatem, l. pen. §. 1. ff. de bon. poss. cont. tab. Abdicatio fiebat inter vivos: et initio in exheredatione idem fuit jus omnium liberorum cujuscunque sexus, et gradus, nimirum ut non esset necesse eos exheredare nominatim, ut possent omnes exheredari inter ceteros, puta hoc modo, *ille mihi hæres esto: ceteri omnes amici, et cognati, ex hæredes sunt*: hoc est exheredare inter ceteros, veluti in agere, et aversione. Sed postea juris auctores varias differentias constituerunt inter liberos: ac potissimum sunt tres, quæ nunc sunt explicandæ, atque ita explicabitur celeberrima l. ult. hoc tit. Prima differentia hæc est: filius si non instituitur hæres, debet nominatim a patre exheredari, filia nepos, neptis, et reliqui liberi possunt exheredari vel nominatim, vel inter ceteros, §. 1. Inst. de exher. lib. l. si quis legatum, §. si institutus, D. ad l. Cornel. de fals. Et hoc est, quod ait in hac l. ult. et aliis verbis exheredari debere filium sanxerunt, a filia filiam. Obstat tamen videtur l. 2. hoc tit. quæ exigit, ut nepos exheredetur nominatim, quem tamen diximus non esse necesse exheredari nominatim, sed posse exheredari inter ceteros. Sed animalvertendum est, legem 2. hoc tit. loqui de lege Jul. Vellea, et de eo tantum nepote, qui succedendo in locum sui hæredis, id est, in locum patris sui mortui, vivo avo, atque ita subintrando in locum, et portionem sui hæredis, rumpit testamentum veluti agnatione, si in eo non sit institutus, vel nominatim exheredatus, §. posthum. Inst. de exher. lib. nominatim exheredandus est, quia redigitur ad conditionem filii per successionem, qui nominatim exheredari debuit, l. sed et si cond. §. 1. D. de hæred. inst. Et quod ait l. 2. h. tit. nepotem succedentem in locum sui hæredis, mortuo patre suo, vivo avo, si in testamento avi sit præteritus, rumpere testamentum sine impedimento l. Vellea, hoc ideo dicit sine impedimento l. Vellea, quia tunc tantum impedit l. Vellea rumpi testamentum, cum nepos invenitur in eo institutus, vel nominatim exheredatus, l. Gallus 20. §. sequenti, D. de lib. et posthu. Et ad hoc etiam valde notandum est, in nepotibus exheredandis aliud fuisse jus civile, aliud jus prætorium: nam jure civili nepotes, et omnes liberi cujuscunque gradus, vel sexus, excepto filio, possunt exheredari inter ceteros: jure autem prætorio, quo vocantur emancipati liberi perinde atque sui, sive ad iustar suorum, excepto filio, nepotes, et ceteri liberi masculi sunt exheredandi nominatim. Pœmi-*

Tom. IX.

nas satis est exheredari inter ceteros. Et ita est proditum in §. emancipati, Inst. de exher. lib. et in lib. reg. Ulp. tit. 22. §. emancipatos, Et id est omnino, quod voluit notare l. ult. his verbis: *Et inter nepotes exheredandos, quem locum doctorum nostrorum intellexit nemo. Secunda differentia hæc est: filio præterito jure civili, nullum est omnino testamentum: jure prætorio præterito filio datur bonorum possessio contra tabul. in assem, id est, in hereditatem totam: filia autem, et nepote, et reliquis liberis præteritis, valet testamentum, sed jure civili liberi præteriti habent jus accrescendi in portionem certam, id est, scriptis suis hæredibus accrescunt in virilem portionem, scriptis autem extraneis accrescunt in semissem, d. §. 1. Inst. de exher. lib. et in Nov. Majoriani, et Leonis de Sanctim. et viduis. Et ubi ita accreverunt forte scriptis extraneis hæredibus in semissem præstant legati omnibus, nedum exceptis personis, quæ sunt in testamento relicta pro ratione semissis, quem auferunt scripta, perinde ac si ipsi scripti essent, quod valde singulare est, ut non scriptus hæres oneretur, a quo nihil legatum est, deducta tamen Falcidia, id est, deducto quadrante semissis, qui est sescuncia, l. qui duos, D. de vulg. subst. nos in idiotismo nostro dicemus sescunciam tres semuncias, ut sesquixtarius dicimus tres heminas *trois demi septiers trois chopines*, et sesquimodium, tres semimodios. Ita vero, ut notat Justinian. in hac l. ult. eveniebat, ut minus haberet filia præterita, minus auferret ex bonis paternis, quam quæ exheredata erat, quæ injuria exheredationis certo judicio patris affecta erat, quod evenit etiam in specie l. pen. §. ult. ff. de bon. poss. cont. tab. Nam ut hoc demonstrum, filia exheredata relinqui, vel repleti debet quadrans totius assis ad excludendum centumvirale judicium, id est, querelam inofficiosi testamenti. Nam in hac l. ult. in qua fit mentio centumvirorum, respicit ad querelam inofficiosi testamenti, quæ est centumvirale judicium, l. Titia, l. qui repudiantis, D. de inoff. testam. A quo judicio ut submoventur filia exheredata, necessario, ut ante dixi, ei repleti debet quadrans totius assis. Præteritæ autem filiæ, ut dixi, sufficit quadrans semissis, id est, sescuncia, atque ita minus habet quæ silentio omissa est, quam quæ affecta est, atque notata summa injuria, ictaque illo fulmine, quia scilicet filia præterita non patet aditus ad assem, vel quadrantem assis per querelam inofficiosi testamenti, quia hæc actio est subsidaria, §. tam autem, Inst. de inoff. testam. Id est, non datur ei actio inofficiosi testamenti, cui aliud jus, aliave actio suppetit. Et filia præterita suppetit jus accrescendi: et hæc ita quidem*

75

se habebant jure civili, cum quo non consentiebat jus prætorium: nam jure prætorio filie, et reliquis liberis præteritis dabatur bon. poss. cont. tab. in æsem cum onere præstandorum legatorum, personis tantum exceptis, puta liberis aut parentibus, aut nurui, aut uxori in edicto *de legat. præstand.* non omnibus legatariis. Sed ut refert idem Justin. in *hac l. ult.* qui locus est singularis, nec habet parem in toto jure civili, ex constit. Antonini, filie et reliquis liberis præteritis non datur bon. poss. con. tab. nisi in eam portionem, pro qua jure civili hæredibus adscriptis accrescunt, id est, in virilem, vel in semissem: hætenus de 2. differentia. Sequitur tertia: filius sub potestativa tantum conditione institui hæres potest, nisi institutus sub casuali in defectum ejus nominatim exhæredetur. At filia, nepos, et reliqui liberi sub omni conditione hæredes institui possunt, et sub casuali igitur, licet in defectum ejus nominatim non exhæredentur, *l. suus, l. sed et si cond. §. 1. ff. de hæred. instit. l. 1. §. sciendum, ff. de suis, et legit. hæred.* Et hæc 3. differentia prætermissa, nec sublata: nunc Justin. in *hac l. ult.* tollit superiores omnes, reducto jure vetustiore, qui tamen et hæc 3. differentiam tollere debuit, cum pendeat ex consequentia superiorum. Nam cur filius non potest institui sub conditione casuali? quia ea deficiente inveniretur præteritus, et ita corrueret testamentum: cur nepos tamen, et reliqui liberi possunt institui sub conditione casuali? quia ea deficiente invenientur exhæredati inter ceteros ex vulgari clausula quæ solebat apponi testamentis, *ceteri præter quos hæredes scripsi exhæredes sunt, l. Titius, D. de lib. et post.* Igitur et hæc tollere debuit, quod cum non fecerit, manet. Nam syllogismi nihil valent in novis constitutionibus, nihil argumenta a consequentibus, quia non licet jus novum extendere ultra suos fines. Et vult ergo tantum Justinian. ut sicut ab intestato inter liberos nulla est differentia sexus, vel gradus in successione parentum, ita etiam ut nulla sit differentia inter eos in testamento, sed ut omnes nominatim exhæredentur, si parens velit eos exhæredare, non inter ceteros, cujuscumque gradus sint, vel sexus: et si forte præteriti sint, ut omnes sine distinctione sexus, et gradus eadem jura habeant, quæ habuit filius jure civili, et prætorio. Verum nequid prætermittamus eorum, quæ continentur in hoc titulo, notandum in *l. 1.* quam nondum attigi, filium vel exhæredari ab uno gradu, puta ab instituto tantum, vel a substituto tantum, in casum institutionis tantum, vel in casum substitutionis tantum: et nunc is tantum gradus valet, et ab eo incipit testamentum, etsi remotior gradus sit, a quo filius exhæredatus est: ceteri gradus, in quibus præteritus est, nullius

momenti sunt. Ab uno autem ex hæredibus unus gradus filius inutiliter exhæredatur, *l. non putavit, §. si ab uno, D. de bon. poss. cont. tab.* quia non exhæredatur a toto gradu, sed a parte gradus, a re certa aut portione certa, et a re certa non fit recte exhæredatio, vel in partem casus tantum, *l. cum quidam, D. de lib. et post.* Exhæredandus est igitur a toto gradu, non a parte, id est, ab uno ex institutis, vel ab uno ex substitutis: vel etiam filius exhæredatur ab omnibus gradibus, et utique videtur exhæredatus ab omnibus gradibus, si ante gradus omnes exhæredetur, si primo loco, vel prima parte testamenti exhæredetur, vel etiamsi exhæredetur inter institutionem, et substitutionem, et a consequenti et a subsequenti gradu exhæredatus videtur: ab omnibus igitur exhæredatus videtur. Quid si exhæredetur ab omnibus gradibus hæredum, id est, post omnes? hoc casu non videtur o hæredatus nisi a posteriore gradu, et in posteriorem casum. Igitur a posteriore gradu incipiet testamentum: superiores nulli erunt, in quibus est præteritus. Denique sic statuamus: exhæredatus post omnes gradus, a posteriore tantum exhæredatus videtur, non ab omnibus, cum hac exceptione ex *l. 1.* nisi apparet eam fuisse mentem testatoris, ut quem exhæredaret ab ultimo gradu, exhæredaret ab omnibus. Nam plerumque in testamentis idem est scripsisse aliquem, et sensisse nec scripsisse: quia totum facit sententia defuncti: nam quid senserit explorandum est. Idem est expressisse, et intellexisse, *l. 88. D. de legat. 1. l. 6. ff. de ass. g. libert.*

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XXIX. De posthumis hæredibus instituendis, vel exhæredandis.

Tit. 29. est etiam de suis hæredibus: nam est de posthumis (id est, de his, qui sunt in utero, quique nati nobis sui hæredes futuri sunt) hæredibus instituendis, vel exhæredandis, id est, non prætereundis. Superior titul. est de jam natis, hic est de nascitoris, de quib. cum fuerit etiam finis tituli superioris, id est, *§. ult. l. ult.* ex eo quam apte hic tit. mox illi coaptatus sit, intelligi potest. Separati autem sunt tit. de liberis, et posthumis: nam et inter liberos, et postumos sunt separationes, sive differentie plures, quas explicaturus sum. Et prima quidem differentia hæc est: in liberis superstitibus præteritis jus civile fecit

differentiam sexus, ut heri ostendi, atque etiam jus prætorium, quod olim obtinuit: in posthumis præteritis nullam fecit differentiam sexus, sed ejuscumque sexus sint posthumi præteriti agnoscenti jure civili totum testamentum rumpunt, l. 1. h. t. et jure prætorio habent hoc poss. cont. tab. l. 2. sup. de bon. poss. cont. tab. l. 1. §. 1. ff. eod. Rumpunt autem testamentum agnatione, ut dixi, id est, statim atque nati sunt, quamvis illico decesserint, ne voce quidem emissa, aut ejulatu ullo, in manibus assensu, sive oblatricis, quibus excipiuntur, modo nati sint vivi et homines, non monstra, l. 3. h. t. Nam abortu testamentum non rumpitur, agnatione rumpitur, l. 2. hoc tit. Sed neque aborsu rumpitur: et inde Paul. 4. sent. aborsum, vel abactum ventrem partum non facere. Abordiri est non ordiri, vel in ipso ordiendi initio foetum ejici nondum ullo spiritu præditum. Aboriri autem est non oriri, non agnasci: Varro 4. de lingua Latina. De re, inquit, ubi omnia oriuntur, ubi abortiuntur. Abortivi igitur sunt, qui mortui utero prodierunt, qui a veteribus dicti sunt extranei apud Festum: proinde abortivi non sunt liberi: quia nec nati sunt, qui mortui prodierunt, l. qui mortui, ff. de verbor. sign. Augustin. 22. lib. de Civit. Dei cap. 12. Abortivi, inquit, foetus non nati, sed effusi. Monstri quoque, vel prodigii ortu, sive alterius magis animalis, quam hominis partu non rumpitur testamentum, l. 3. in fin. h. t. quia hæc monstra, sive prodigia etiam liberos non appellamus, l. non sunt liberi, ff. de stat. hom. Neque obstat l. queret, ff. de verb. sig. quæ etiam monstra non dicit esse liberos, non dicit esse partus, sed vult mulieribus cedere, et proficere partus loco in odium l. Julæ et Papiæ, de qua est illa lex, quæ mulieres orbas liberis, vel steriles plus nimio coerceat. Non omitam, quamvis sit admodum leve, ut conservem fidem scripturarum in l. 3. h. t. in hoc loco, Veterum animi, omnes libros antiquos habere, veteres animi. Et ita etiam scriptum reperies in omnibus aut quis libris, ut in l. 22. inf. de leg. veteres animos movit. Et sic scribendum est, et mansit integra ea scriptura in l. 9. sup. qui test. fac. poss. Aut quos animos movit. Et est frequens in Novellæ Græcis impressa ea locutio. Quod ait l. 2. hoc tit. non convalescere non restitui testamentum, quod rupit agnatio posthumi, etiamsi illico decesserit. Quod ego retuli ante, hoc ita verum est, si post mortem testatoris natus, et illico mortuus sit: nam si vivo testatore nascatur posthumus, et deascatur, id est, moriatur illico, ex requo et bono testam. convalescet, maxime si in eo fuerit scriptus, qui omnino ab intestato rem habituros est. Et hæc est elegantissima sententia l. post. ff. de inj. rupt. et irr. quæ est ita

adducenda in concordiam cum l. 2. h. t. et hæc in re, quod notandum est: et hæc erit secunda differentia inter posthumum, et filium superstitem: a posthumo distat filius superstes, quia etiamsi filius præteritus moriatur vivo patre, testamentum non restituitur, non convalescit, §. 1. Instit. de exher. lib. l. 7. de lib. et posthu. Et ratio diversitatis hæc est, quæ constituet tertiam differentiam inter posthumum, et filium superstitem, quia filius superstes præteritus in testamento patris, statim ab initio, et semper injustum, et nullum testamentum facit: posthumus autem præterito testamentum valet ab initio, sed rumpitur si nascatur, l. 3. §. ex his apparet, ff. de inj. rupt. Et facilius ergo convalescit, quod valuit ab initio, quam quod nunquam valuit: hæc est ratio diversitatis, et 3. differentia inter posthumum, et filium superstitem. Quamquam et ex æquo et bono ubi ab initio non valuit testamentum, puta filio præterito, testamentum sustineatur, et tueretur potius, quam convalescat ex voluntate filii præteriti, cujus interest. Quidni, si se absteineat a bonis paternis, nec velit injuriam præteritionis exequi? l. filio præterito, D. de inj. rupt. Sicut codicilli irriti sustinentur, et quodammodo restituuntur ex voluntate hæredis, l. cum quasi, §. ult. D. de fideicom. lib. Posthumi igitur non rumpunt testam. antequam nascantur: nati rumpunt, si modo nati sint sui, vel post mortem testatoris, qui sunt posthumi legitimi, vel post testamentum factum vivo testatore: qui sunt posthumi Vellejani ex l. cap. l. Velleæ. Alii sunt posthumi Juliani, qui postfactum testamentum vivo testatore nati sunt non sui, sed postea eorundem testatore vivo succedunt in locum sui, de quibus omnibus est l. Gallus D. de lib. et post. Alii sunt non posthumi, sed quasi posthumi, sive posthumorum loco, qui scilicet cum nati essent testamento tempore, nec essent sui, postea vivo testatore in locum sui succedunt, et quasi agnascuntur, sive renascuntur, de quibus est 2. caput l. Velleæ, d. l. Gallus, et l. 2. sup. tit. prox. Et hi omnes, quos recensui, agnatione, vel quasi agnatione, id est successione, rumpunt testamentum, in quo silentio præteriti sunt. Et inde existit differentia inter posthumum, et filium superstitem: namque omnes differentie, quæ inter eos sunt, catenatæ sunt, et necluntur aliæ ex aliis. Quarta hæc est, si posthumus a primo gradu sit præteritus, a 2. exheredatus, id est, a substituto, rupto primo gradu agnatione posthumi, quod in eo fuerit præteritus, rumpitur etiam 2. gradus, in quo tamen ei satisfactum est: quia posthumus rumpendo primum gradum locum sibi facit in hereditate, bona et occupat, et consequenter excludit secundum gradum. At si filius superstes sit

præteritus a 1. gradu, a 2. exheredatus, secundus gradus valet, et ab eo incipit testam. quia primus gradus pro nullo est, *l. 3. §. ultim. de inj. rupt.* Addamus quintam differentiam, quæ est ultima, et quæm solam sustulit Justin. Quinta igitur differentia hæc est: filia superstes secundum jus vetus potest exheredari inter ceteros sine adiectione legati: filia posthuma, ceteræque femine posthumæ non recte aliter exheredantur inter ceteros, quam si eis aliquid legatur, id est, cum adiectione legati, ne videantur præteritis per oblivionem: nam legatum eis relictum, argumentum dabit earum meminisse testatorem, atque adeo data opera eas exheredasse, atque comprehendisse sub appellatione ceterorum *§. posthumi, Instit. de exhar. liber.* Sed hanc differentiam Justinianus tollit in fine tituli superioris, et vult filios et filias, posthumos et posthumas æque omnes exheredari nominatim, hoc scilicet modo: *Quicumque mihi genitus erit ex uxore mea exheres esto: vel, Venter exheres esto.* Posthumus in hoc loco est venter, vel *Posthumus*, et *posthuma exheres esto*, ut in *l. 3. §. nomin. D. de inj. nupt.* ut jam eis exheredatis nominatim eo modo non sit necesse adjicere legatum, quo videantur testator eorum meminisse. Quod etiam olim fuisse observatum in posthumis masculis, refert *Ulp. lib. Reg. tit. 22.* Sed ad hæc notandum est ex *Nov. 115.* hodie exheredationem posthumi ipso jure nullam esse, quia exheredatio nulla est sine elogio, id est, non adscripta causa ingratitudinis, et probata etiam ab hærede liquidis et indubitatis probationibus, ut ait *l. ult. sup. de secund. nupt.* Quæ autem potest esse ingratitudinis causa in posthumis? quæ causa irascendi ventri? etiam notandum est ex eadem *Novella* hodie ex causa exheredationis, vel præteritionis, si deficiat elogium, vel si non probetur, per querelam inofficiosi testamenti non rescindi totum testamentum, ut olim, non rescindi omnem tenorem testamenti, sed tantum institutionem, legata omnia conservari, et fideicommissa, et præstari ab exheredato, qui obtinuit querela inofficiosi testamenti: atque ita fit, ut non scriptus hæres oneretur legatis a se non relictis, sicut olim, ut heri dixi, filia præterita, quæ scriptis hæredibus accrescebat in semissem, pro semissem legata prætabat omnibus. Conservari etiam tutelas, et libertates, et tabulas pupillares, et omnia, quæ sunt scripta in testamento præter institutionem. Sed ne circumscribamus, ne latissime accipiamus novam constitutionem dum ait ex causa exheredationis, vel præteritionis solam institutionem infirmari, sed eam tantum accipiamus de præteritione, quæ pro exheredatione habetur ut si facta sit a matre, vel avo

materno, vel a patre milite, vel a filio, vel a fratre: nec accipiamus eam de præteritione, quæ pro exheredatione non habetur: nam hæc præteritio totum testamentum infirmat, et nullum ab initio facit, et ea *Novella* pertinet tantum ad querelam inofficiosi testamenti, quæ datur exheredatis tantum, aut præteritis, qui pro exheredatis habentur. Neque vero pertinent ad honorum possessionem contra tabul. quæ datur præteritis, qui pro exheredatis non habentur, neque ad querelam injusti testamenti, nullius, aut rupti: et ita etiam rectissime sensit *Alciatus 4. Parerg. cap. 9.* et sui semper in ea sententia, nec me pœvitet: nam utar eodem argumento, quo *Justinianus* ipse utitur in *l. si quando, sup. de inof. testam.* Unico verbo præteritionis adjecto exheredationis verbo e propinquus: Principem Romanum, qui jura tuetur, non videri obvertisse totam observationem testamentorum multis vigiliis excogitatem, atque inventam. Et tamen in aliâ sententia sunt et Latini, et Græci plerique omnes: non est omittendum, quod habetur *l. ult. hoc tit.* quandoquidem est valde novum, et dabit finem huic recitationi, et huic titulo: si posthumus sit heres institutus in hunc casum: *Si post mortem meam nascatur heres esto*, qui est casus juris antiqui, sive legis 12. tabul. et nascatur vivo testatore, non post mortem, quia in eum casum non est institutus, *si me vivo nascatur*, sed in alterum tantum, an videtur in eum casum præteritus, ut vivo testatore natus rumpat testamentum? minime: quoniam ex hac *l. ultima*, casus ille juris antiqui, *si post mortem nascatur* porrigitur ad casum legis Velleæ, *si me vivo nascatur*, latins assumpta voluntate defuncti, quod omnino pugnat cum lege commodissime, et *l. Gallus §. forsitan, D. de lib. et post.* ex quibus casus ille non ducitur ad alium casum. Pugnat cum *l. si pater filium, D. de vulg. subst.* et cum *Paulo in 3. Sentent. tit. de testamentis*: et omnino in hac *l. ultim.* Justinianus voluit ahrogare sententiam veterum JC. qui restrictius accipiebant institutionem posthumi, et in suo casu coercabant, nec eam ducebant ad alterum casum: quod præsumatur testator et eos, et posthumum fuisse instituturus, si quidem putasset posthumum nasciturum se vivo. Justinianus ita proponit fuisse conceptam institutionem, *Si filius, vel filia intra 10. menses editi fuerint post mortem meam heredes sunt.* Illud spatium 10. mensium solebat apponi in institutionibus posthumorum, quoniam hoc est spatium partus legitimi, *l. ult. D. de fideicom. libert. l. 3. §. ult. D. de su. et legit. hered. et d. l. Gallus*, ut rectissime dicat *Optavianus de venatione, lib. 1.*

Ὡς δ' ὅτι τις κοῦρη δέκατον περὶ μῆνα σελήνης
Πρωτοτόκος λοχίσει ὑπ' ᾧδύσει τυκίσα.

Et quamvis adjecerit *post mortem meam*, id est in'tra decem menses numerandos a morte mea, qui nascetur *post mortem meam*, *hæres esto*, tamen et ex testamento hæres erit si nascetur vivo testatore, nec pro præterito habebitur. Accursius putat idem non esse dicendum in exheredatione, ut si sit exheredatus, qui nascetur *post mortem meam*, non videatur etiam exheredatus, qui nasceretur *me vivo post testamentum*: forte aliud dicendum est, ut omnino idem statuendum in exheredatione, quod in institutione rumpatur testamentum: nam etiamsi dicatur non esse exheredationes adjuvandas interpretatione, sicut institutiones, quod sint odiosæ, *l. cum quidam, D. de lib. et post.* tamen nonnunquam adjuvande sunt, ut in proposita specie in hac lege ultima, si testator ita dixerit, *si filius, vel filia nascetur, hæres esto*: utroque nato filio, et filia, uterque videtur institutus, et disjunctio accipitur pro conjunctione: et idem omnino est in exheredatione, si ita dixerit, *si filius, vel filia mihi natus, natave erit, exhæres esto*: utriusque natis non rumpitur testamentum, quia utriusque exheredati videntur, *l. si ita facta, ff. de i. j. rept.* Atque ita exhereditio admittit nonnunquam latiore interpretationem confirmandi testamenti gratia. Neque huic sententiæ obstat quicquam *l. 1. §. sed etsi, ff. de ventre in poss. mitt.* ubi exhereditio strictè accipitur: nam si testator ita dixerit, *si filius mihi nascatur, exhæres esto*, et nascatur filia, non erit exhæres filia, vel si nascantur plures filii, nulli erunt exhæreses, quia adheremus scripto præfractæ, et ita scripsit, *si filius unus*, sed differentie causa est in conceptione verborum, quia dixit, *si filius unus*, in specie proposita dixit, *si filius vel filia*, et elegantissime Græci in illum locum quod potest accommodari frequenter, ἡ διαφορά τῆς σφραγίδος τῶν πρῶτων τοῦ διαδύπτου διαφορὴν ἀποτίλισμα ἐργάζεται, id est, differentia conceptionis, vel consignationis verborum testamenti diversos effectus parit. Unum emisi supra de exheredato, qui agit querela inofficiosi testam. si forte ei pater reliquerit legatum amplissimum, forsitan an hodie, quia ex causa exheredationis non infirmantur legata, sed institutio tantum, an possit petere legatum, qui per querelam institutionem evertit? Et respondet Accurs. in *l. ult. sup. tit. prox.* non petiturum legatum, qui expugnavit testamentum per querelam inofficiosi testamenti, quod etsi non comprobatur Accursius, tamen, ut notant interpretes, est vero verius, ut apparet ex *l. filium, §. omnibus, ff. de leg. præst.*

JACOBI CUJACII J. C.

In L. b. VI. Codicis

RECITATIONES SOLEMNES.

Ad Tit. XXX. De jure deliberandi, et de adenda vel acquirenda hereditate.

Hic titulus est de voluntariis hæredibus: nam jure civili voluntariis tantum hæredibus competit jus deliberandi, id est, potestas consultandi, utrum expediat adire hæreditatem, necne: quia invitum non adeunt, cum sint voluntarii, *l. 16. b. t.* videlicet suo periculo: nam alieno periculo possunt compelli adire, puta ex SC. Trebelliano, ab eo, cui rogati sunt hæreditatem restituere, quod notissimum est. Jure autem Prætorio, etiam suis hæredibus competit jus deliberandi, quia se abstinere possunt: necessariis hæredibus, id est, servis propriis defuncti, neque jure civili, neque jure Prætorio competit jus deliberandi: et hoc primum posito, deinde adnotemus ad deliberandum vel a testatore ipso dari certorum dierum spatium, quod dicitur *cretio*, ut Ulpianus docuit *lib. reg. tit. 17. et 22.* et intra eos dies a testatore præfinitos, num velit hæres esse, debet cernere: inde appellata est *cretio*, quia proprium est hæredis instituti cernere, ut didicimus a veteribus: nostri utuntur verbo *decernere*, et *scire*, ut in *l. pupillus, D. de acq. hæred.* Pupillum posse adire tutore auctore, licet ea ætas neque scire, neque decernere quicquam possit, non magis quam furiosus ex *l. is qui hæres, §. pen. ff. eod.* substitutum inutiliter repudiare, antequam hæres institutus decernat de hæreditate: cujus rei gratia datur ei *cretio*, id est, tempus ad cernendum, sive decernendum: et ita quod olim veteres dicebant *cernere ferro*, hodie dicimus *decernere*: Seneca initio Epistolæ 58. *Simplicia*, inquit, *quædam in usu erant, sicut cernere ferro inter se dicebant*: Idem Virgilius hoc probabit tibi, cum ait:

Inter se coisse viros, et cernere ferro
Quod nunc decernere dicimus . . .

simplicis illius verbi usus amissus est, vel etiam ad deliberandum immoderatum tempus præfinitur judicis arbitrio, *l. 9. h. t.* Ita tamen ut ne pauciores dies dentur a judice, quam centum, *l. 2. D. eod. tit.* quia et solemne *cretionis* tempus fuit centum dierum, ut apparet ex hac formula *cretionis*, *Titius hæres esto cernitoque in diebus centum proximis*, apud Ulpian: et in *l. si Titio, §. 1. quando dies leg.*

cod. l. 3. §. et si hæredes, ff. de minor. hodie, quem diem princeps, vel iudex, a quo petitur tempus ad deliberandum constituere debeat, definitum est in *l. ult. §. et hæc quidem, vers. sed quia, hoc tit.* Ne princeps det ampliorem anno, ne iudex ampliorem 9. mensibus, et ne iterum det hic, vel ille post annum, vel post 9. menses, cui semel dederit annum, vel 9. menses ad deliberandum, vel consultandum de hereditate adeunda, vel non. Olim sæpius dari poterat jus deliberandi, dummodo iudici suaderetur tempus, quod primum aditioni præstitisset non sufficere, *l. 3. ff. eodem tit.* et hodie etiam dabitur sæpius intra annum, vel 9. menses, si initio brevius dederit, non etiam post annum, vel 9. menses: quæ est sententia *d. vers. sed quia.* At si neque a testatore, neque a principe, aut iudice datum sit tempus ad deliberandum heredi instituto, vel heredi legitimo, forte nullis creditoribus postulantiibus, nullis liberis exhereditatis jus adeundi, ut opinor, est perpetuum, non ut jus agnoscendæ bonorum possessionis temporarium: hæc est differentia inter jus civile, et prætorium: nam jure civili adeundi facultas est perpetua, si a iudice, aut testatore non sit præscriptum tempus deliberationis: jure autem Prætorio agnitio bonorum possessionis est temporalis, id est, annua, aut centum dierum: et hoc ita etiam adnotarunt Græci interpretes ad *l. 4. sup. qui admitti ad bonor. poss. possint*, his verbis: τὸ πολιτικὸν δίκαιον χρόνον οὐκ ἀποκλείεται, id est, *jus civile tempore non excluditur*, adeo ut etiamsi suus hæres non petat bonorum possessionem intra tempora constituta, possit post ea tempora adire hereditatem, eamque transmittere ad suos heredes. Ergo ita est, si non sit præstitutum deliberationis tempus a testatore, vel a iudice, jus adeundi esse perpetuum: neque tamen hoc ita probabis recte, ut faciunt quidam: petitio hereditatis est perpetua, quod est verum, non excluditur longo tempore, *l. hereditatis, sup. de petit. heredit. l. 4. inf. in quib. caus. longi temp.* ergo jus adeundæ hereditatis est perpetuum: vitiosa est collectio. Nam et possessoria actiones, aut possessoria bonorum petitio hereditatis, quæ bonorum possessori datur, est perpetua, *§. 1. Instit. de perpet. et temp. act.* Et tamen jus agnoscendæ bonorum possessionis non est perpetuum: male etiam probabis ex *l. 8. hoc tit.* quam tamen in eam rem citant vulgo, jus adeundi, vel jus miscendi se esse perpetuum: nam *l. 8.* cum loquatur de suis heredibus, qui ipso jure hæredes existunt, necessaria eis aditio non est: et cum dicat ea lex, *vindiceant*, loquitur potius de petitione hereditatis, quam dicit non excludi prescriptione longi temporis. Denique hoc tantum vult, petitionem hereditatis quesitam ei, qui ipso jure hæres existit,

esse perpetuam: contra male etiam colliges ex *l. 1. §. ult. ad Tertull.* jus adeundi non esse perpetuum, quod tentant hoc modo ex hoc loco, apparet filium prescriptione longi temporis repelli ab hereditate materna: ergo jus adeundæ hereditatis maternæ non est perpetuum. Sed respondetur illi locum, quæ pars est SC. Orsitiani, referri ad præteritum tempus, quod fuit ante SC. et quo filius ab intestato non præferebatur agnatis matris suæ, nec poterat ab eis vindicare hereditatem matrem, ut scilicet etiam nunc post SC. Orf. filius ab eis vindicare non potest, si eam ante longo tempore possederit, nec enim hoc casu filio competere petitionem hereditatis. Et hæc sufficiant de his verbis hujus tit. *de jure delib.* Sequitur, *et de adeunda hereditate*, quod ostendit etiam hunc titulum de voluntariis heredibus, quibus solis est necessaria aditio, suis non est necessaria aditio, vel honorum possessio, *l. in suis, ff. de suis et leg. hered. l. 7. ff. de inoff. testam. l. 13. hoc tit.* Aditio sic dicitur quasi ad tus, et accessus ad heredem, adire hereditatem, adire bona, adire testamentum, sic enim loquuntur varie, est accedere ad hereditatem, accedere ad bona, accedere ad testamentum, quod etiam dicunt subire, et obire hereditatem, et duo significant: namque aditio alias accipitur pro cretione, quæ dicitur intra tempus a testatore constitutam, id est, pro aditione solemnī, alias pro aditione simplici, et nuda contestatione amplectendæ hereditatis, quæ hodie utimur, de tractis cretioneis solennibus: neque enim in adeunda hereditate infinitas illa testium requiritur, quæ requirebatur olim, ut indicat epist. quædam Cic. 13. ad Atticum. Nec sollemnia cretioneis verba diligentius observamus qualia retulit Ulp. *Cum Marcius me heredem instituerit, eam hereditatem adeo, cernoque*, nec etiam dicentem adire se hereditatem necesse est, quod olim erat necesse, eum arripere rerum hereditariarum corpus aliquod, idque tenentem eum, dicere se adire hereditatem, ut *l. 1. C. Th. de leg. l. hered.* non est necesse digitis concrepare, eoque signo demonstrare jactam esse aleam, et se hereditatem defuncti amplecti, se obligare veri alieno defuncti, et omnibus hereditariis oneribus: quem morem Ambrosius inclius, quam Cicero, et evidentius expressit in 3. de off. *Non ego, inquit, in hereditatibus adeundis digitorum concrepationes, et nudi successoris salutationes notabo, etc.* Hæc sollemnia cretioneum primum remissa sunt in hereditate materna, vel qua alia delata filiosum, ut scilicet etiamsi eam non crevisset jubente patre nihilominus mortuo filio, transmitteret in patrem, in cujus potestate fuit, *l. 4. et l. 8. Cod. Theod. de Mat. bonis, l. 1. C. Theod. de cret. vel bonorum poss.* Postea ea so-

solennia cretionum remissa sunt omnibus heredibus, et ideo cum in d. l. inserta essent hæc verba, *Si materna hereditas filiosum. vel alia quaecumque deferatur*, Tribonianus in l. cretionum, hoc tit. quam duxit ex d. l. 8. hæc verba sustulit, ut intelligeremus hodie generaliter, et in universum sublata esse solennia cretionum, quod notandum, et ubicumque invenit idem Tribon. nomen cretionis, ea ratione semper oblitteravit, et pro eo posuit nomen additionis, vel agnitionis. In l. 13. hoc tit. cum esset scriptum in l. 5. C. Th. de maternis bonis, diceret cretionem, id est pronuntiaret verba cretionis, reposuit Tribon. *si adiecit hereditatem*: nam l. 13. hoc tit. ducta est ex d. l. 5. ex qua apparebit etiam esse conjungendam cum l. 3. sup. unde lib. et similiter in l. ea qua, sup. de temp. in integr. restit. verbum cretionis, quod erat in l. 2. C. Th. de integr. restit. ex qua illa ducta est, Tribonianus expunxit, ut his argumentis, quibus et pleraque alia adjungi possunt, liquido appareat in universum hodie cretionum solennia esse sublata. Verum meminisse oportet effectum tamen cretionis remanere, et solo effecta inspecto additionem hereditatis appellari actum legitimum, l. actus, de reg. jur. Nam fit pure, in l. cum qui, §. ult. de acq. her. Et fit semel, non iteratur, l. si solvi, §. ult. ff. eod. et per heredem ipsum, non per procuratorem, non per tutorem, non per curatorem, in l. per curatorem, eod. nisi sit procurator Caesaris, l. 1. §. ult. ff. de off. proc. Caesar. vel pupillus hæres scriptus sit infans: nam infantis nomine per tutorem adiri potest hereditas, vel etiam pro hærede gerere se tutor potest nomine infantis, l. 5. hoc tit. l. servo invito, §. si pupillo, ff. ad Treb. Alioqui pupillus, qui excessit infantiam adit ipsemet tutore auctore, d. l. 5. hoc tit. vel ex decreto iudicis si tutorem non habeat, l. si infanti, hoc tit. Plus datur patri, quam tutori. Nam per patrem hereditas delata filiosum, adiri potest, et acquiri gestione pro hærede volente filio. Nam exitur filii voluntas, non etiam invito filio, l. 4. l. 11. hoc tit. et interdum sine voluntate filii, si infans sit, d. l. si infanti. Porro quod additur in hoc tit. *vel acquir. hered.* ostendit suos hæredes ab hoc tit. non esse penitus submovendos, quia acquirendi verbum generale est, quod complectitur et cretionem et additionem simplicem, et pro hærede gestionem, et immisionem, et existentiam, et animi destinationem. His enim omnibus modis hereditas acquiritur: et immisio est genus acquisitionis suorum heredum proprie, quia jure prætorio non aliter censentur obligati esse hereditati, quam si miscuerint se bonis: misione obligantur hereditati, ut nec restitui possint in

integrum si sint maiores 25. annis, l. 10. hoc tit. nec si allegent hered. patris non esse solvendo: cur enim temere miscuerunt se, quod etiam non possunt honeste profiteri: hæres non dicit honeste hereditatem sibi delatam non esse solvendo, sed debet dicere, non expedire sibi eam adire, non etiam notare mores defuncti, et inopiam, quæ forte defuncto contigit ob mores, ob morum dissolutionem, l. sed et si alio loco, ff. ad Treb. nec restituitur etiam major, qui miscuerit se, si alleget fratrem eripuisse sibi partem suam, vel eripuisse testamentum, id est, assem, d. l. 10. hoc tit. Item existentia, quæ Græce dicitur ἀνὰ παρὲς, est etiam acquisitio propria suorum heredum jure civili: pro hærede gestio, cretio, aditio, animi destinatio sunt genera acquisitionum communia omnibus heredibus, sed necessaria in voluntariis, non etiam in suis, vel necessariis: et pro hærede quidem gerit, qui rebus hereditariis tanquam dominus utitur, aut qui auctionem facit rerum hereditariarum, vel qui servis hereditariis cibaria dat, sic est legendum in lib. reg. Ulpian. ex authent. non mandat. Item pro hærede gerit, qui debita solvit, l. 2. h. t. l. 12. huj. t. non etiam, quod notandum ex l. 1. h. t. qui servum hereditarium non jure manumittit, non etiam, qui suæ causa, ut justa faciat defuncto, qui pietatis causa distrahit rem hereditariam, hic ideo non videtur se pro hærede gerere in l. 1. h. t. Cui nihil obstat *l. Julianus*, §. ult. ff. de acquir. hered. Nam dicit filium se immiscuisse videri, qui servum patrum manumisit: nam ut breve faciam, §. ille ult. non loquitur de gestione pro hærede, sed immisione, et facilius videtur quis se immiscere, qui ipso jure hæres existit, quam pro hærede gerere, qui ipso jure non est hæres, qualis est filius emancipatus in l. 1. hoc t. Acquiritur etiam hereditas animi destinatione tantum, et quolibet indicio suscipiendæ hereditatis, l. 6. hoc tit. §. ult. Inst. de hered. qual. et diff. Sola destinatio animi sufficit, nec necesse est, ut teneat, vel apprehendat ullam rem hereditariam, l. 6. hoc tit. l. pen. sup. unde legit. Recte igitur concludes, quia hic tit. est de omni genere acquirendæ hereditatis, et quia suis heredibus etiam competit jure Prætorio jus deliberandi, hunc tit. esse potissimum de voluntariis heredibus, sed pertinere etiam ad suos, de quibus est l. 3. l. 8. et l. 13. et in 3. proponitur jus præcipuum suorum heredum, quod etiam refertur in l. cum in antiquioribus, h. t. ut scilicet si sui hæredes inter moras deliberationis decesserint, hereditatem sibi delatam transmittant ad hæredes suos, quia ipso jure statim hæredes extiterunt, etiam clausis testamenti tabulis, ut ait l. 3. statim, sicut l. in suis, de suis et leg. hered. et l.

1. §. qui sunt, ff. si quis omis. caus. testam. At filii emancipati, et voluntarii quicumque heredes, sibi delatam hereditatem non transmittunt in heredes suos antequam eam edierint, vel animi destinatione adquisierint, vel gestione pro herede, d. l. 3. et 7. Et hoc sit jactum veluti fundamentum materię transmissionis, quam tractabimus ad l. si infanti: nam omnes interpretatus sum leges usque ad l. 18.

Ad L. XVIII. et XIX.

L. XVIII. Si infanti, id est, minori septem annis, in potestate patris, vel avi, vel proavi constituto, vel constituto, hereditas sit derelicta vel ab intestato delata a matre, vel linea, ex qua mater descendit, vel aliis quibuscumque personis: licebit parentibus ejus, sub quorum potestate est, adire ejus nomine hereditatem, vel bonorum possessionem petere.

§. 1. Sed si hoc parens neglexerit, et in memorata aetate infans decesserit: tunc parentem quidem superstitem omnia ex quacumque successione ad eundem infantem devoluta jure patrio, quasi jam infanti quęsita capere.

§. 2. Parente vero non subsistente, si quidem post ejus obitum tutor infanti sit, vel datus fuerit: posse eum etiam adhuc infante pupillo constituto, ejus nomine adire hereditatem, sive vivo parente, sive post mortem ejus ad eum devolutam: vel bonorum possessionem petere, et eo modo eidem infanti hereditatem querere.

§. 3. Si vero vel non sit tutor, vel cum sit, ea facere neglexerit: tunc eodem infante in eadem aetate defuncto, omnes hereditates ad eum devolutas, et non agnitas, ita intelligi, quasi ab initio non essent ad eum delatę; et eo modo ad illas personas perveniant, quę vocabantur, si minime hereditas infanti fuisset delata. Ea vero, quę de infante in potestate parentum constituto statuimus, locum habebunt et si quacunque causa sui juris idem infans inveniantur.

§. 4. Si autem septem annos ætatis pupillus excesserit, et priore parente mortuo, in pupillari ætate fati munus impleverit: ea obtinere præcipimus, quę veteribus continentur legibus, nulla dubietate relicta, quin pupillus post impletos septem annos suę ætatis ipse adire hereditatem, vel bonorum possessionem petere, consentiente parente, si sub ejus potestate sit: vel cum tutoris auctoritate, si sui juris sit, possit: vel si non habent tutorem, adire prætorem, et ejus decreto hoc jus consequi. Datum vi. Id. Novemb. Ravennę, Theodosio XII. et Valentiniano II. AA. Cons.

L. XIX. Cum in antiquioribus legibus, et præcipue in quęstionibus Julii Pauli invenimus filiosfamilias paternam hereditatem deliberantes posse, et in suam posteritatem hanc transmittere: et aliis etiam quibusdam adjectis, quę in hujusmodi personis præcipua sunt: eam deliberationem, et in omnes successores, sive cognatos, sive extraneos duximus esse protelandam. Idcirco sancimus, si quis vel ex testamento, vel ab intestato vocatus, deliberationem meruerit: vel si hoc quidem non fecerit, non tamen successionem renuntiaverit, ut ex hac causa deliberare videatur: sed nec aliquid gesserit, quod aditionem, vel pro herede gestionem indicat: prædictum arbitrium in successionem suam transmittat: ita tamen ut unius anni spatio eadem transmissio fuerit conclusa. Et si quidem is, qui sciens hereditatem, vel ab intestato, vel ex testamento sibi esse delatam, deliberatione minime petita, intra annale tempus decesserit: hoc jus ad suam successionem intra annale tempus extendat. Si enim ipse, postquam testamentum fuerit insinuatum, vel ab intestato vel ex testamento vel aliter ei cognitum sit, heredem eum vocatum fuisse, annali tempore translapso nihil fecerit, ex quo vel adeundam, vel renuntiandam hereditatem manifestaverit: is cum successionem suam ab hujusmodi beneficio excludatur. Si autem instante annali tempore decesserit: reliquum tempus pro adeunda hereditate suis successoribus sine aliqua dubitatione relinquat: quo completo, nec heredibus ejus alius regressus in hereditatem habendam servabitur. Recitata septimo in novo consistorio palatii Justiniani. Dat. iiii. Calend. Novemb. Dario V. C. Cons.

Aggrediar l. Si infanti, et l. cum antiquioribus, ut quam ceppi heri introducere quęstionem tractatus hujus tit. transeam, et periculum ad extremum. Ita vero ceppi, ut dicerem ex l. 3. et 7. hujus tituli voluntarium, sive extraneum heredem, qui interim dum deliberat moritur ante editam hereditatem, eam deliberationem, hereditatemve, vel petitionem hereditatis, cujus litem contestatus non est, non transmittere ad heredem secundum regulam juris civilis, quę veli, hereditatem non editam non transmitti, nec deliberationem igitur de ea adeunda, vel non adeunda: suum autem heredem, sive ex parte, sive ex asse heres sit: etiam non editam hereditatem, vel non agnitam transmittere, et clausis testamenti tabulis nondum aperte testam. ut in l. apud hostes, inf. de suis et leg. hered. l. 2. §. si quis ex lib. ff. ad Senatusc. Tert. quia suo heredi non est necessaria editio, vel agnitio, cum ipso jure heres existat, etiam ignorans, hoc est præcipuum jus suitalis, sive ἀναπαύσις,

hoc est jus præcipuum suorum hæredum : et olim certe ita fuit præcipuum eorum , ut in ejus juris participatum alieni , et extranei hæredes , ad quorum discretionem illi dicuntur sui , nullo modo venirent : verum postea constitutionibus Imperatorum ex his , quæ in jure transmissionis sui hæredes habebant propria quædam , communicata sunt etiam extraneis hæredibus , non utique passim , sed certa lege , modoque : et sunt tres constitutiones , quæ hoc effecerunt : duæ Theodosii , et una Justiniani . Prima constitutio Theodosii est hæc *lex si infanti* , quæ vult infantem heredem extraneum ex testamento , vel ab intestato , si moriatur antequam pater ejus nomin. hæred. adierit , vel honor. possess. petierit , eam transmittere hereditatem in patrem , vel deliberatorem de ea hereditate , quasi scilicet ea hereditas , licet non sit adita nomine filii infantis , videatur patri cedere beneficio constitutionis potius quam ei acquiri per filium , et sic loquitur l. 4. C. Th. de matr. bonis , in qua ita cavetur : idem etiam cavetur l. 1. C. Theod. de cret. vel bon. poss. Et hæc l. si infanti , est pars orationis Theodosii habite in senatu , ut probat inscriptio , et d. l. 1. est pars altera ejusdem orationis , et vulgo male in d. l. 1. legitur , *Hac ordinatione sancimus* , cum sit legendum , *Hac oratione sancimus* : omnes constitutiones inscriptæ ad Senatuum , orationes principum sunt : atque ita vides ex hac oratione etiam extraneum heredem , si infans sit , non aditam hereditatem extranei transmittere in patrem suum , et serva hoc tantum datum esse personæ patris jure singulari , et filio tantum mortuo in infantia , ut ei filio delata hereditas ab extraneo , nec dum adita transferatur in patrem superstitem , qui ei ab intestato hæres proximior est , et hoc indistincte , si ve filius sit in sua potestate , id est sui juris , si ve in potestate sui patris . Nam deficiente patre , cujus tantum personæ hoc datum esse diximus , l. si infanti , nihil immutat ex jure veteri . Ideoque si infantis nomine tutor non adierit hereditatem infanti delatam testamento extranei , perinde atque si delata ei non esset , mortuo infante ea hereditas redit ad legitimos hæredes testatoris : quia intestatus decessisse intelligitur deserto testamento , id est , non adita ex testamento hereditate : neque major infante si intra pubertatem decesserit , jus , et arbitrium deliberandi , vel hereditatem sibi ab extraneo delatam , nec aditam , quam ipse potuit adire jussu patris , vel tutore auctore , vel ex decreto Prætoris , quia non a livit , etiam non transmittit ad hæredes , quod et ita ponitur in hac l. si infanti , ut appareat singulare istud jus transmissionis hereditatis non aditæ , locum tantum habere in hereditate ab extraneo delata infanti , et

Tom. IX.

mox mortuo in infantia supersite patre : definit hæc l. infantem minorem 7. annis , et si ve tardius , si ve maturius fari incipiat , eo fine concludit infantiam , ut l. 8. C. l. Th. de matr. bonis , et ita in l. 1. §. sicut , qui locus est Triboniani , D. de administ. tut. lis , qui fari non possunt , recte opponuntur ii , qui 7. annos excesserint . Nam imbuti sumus a Stoicis quorum princeps Chrysippus negat pueros incipientes fari , et dicit non fari , sed ut fari , non loqui , sed ut loqui , quod suo quoque loco ponere verba nesciant , et verba eorum non esse verba , ut Varro scribit 3. de ling. Lat. Idcirco nec verborum obligationes contrahunt , l. 1. ff. de verbor. obl. At vulgo infantem dicimus , qui propter ætatem omnino fari non potest . Æschylus in χορηγοίς : οὐ γὰρ τὶ φωνῇ παῖς , ἔδν τοῦ ἀπαγγέλλου , non enim quicquam fatur puer , qui est in cunis , et inde Horatius *infantes statuas* , id est , mutas , et alio in loco :

Infans namque pudor prohibebat plura profari.

6 Epist. Et majore errore infantes vulgo dicuntur liberi , ut loquimur in idiotismo , et Hieronymus refert in Genesim : *Hodieque* , inquit , *omnes filii vocantur infantes Romæ* . Et invenies quoque in l. uxorem , §. ult. D. de leg. 3. l. cum vero , §. cum quidam , D. de fid. lib. infantem dici non pro minore septennio , sed pro quolibet puero , vel puella : verum ad rem . Ex hac lege , ut dixi , extraneus heres si infans sit , hereditatem sibi delatam , necdum a litam transmittit in patrem , vel potius de ea ardeunda , vel non , jus potestatemque deliberandi transmittit in patrem : et hæc est prima Constitutio Theodosii . Secundo loco idem Theodosius constituit in l. un. inf. de iis qui ante ap. tabul. quæ confirmatur a Justiniano in l. un. §. in novissimo , inf. de cad. toll. constituit , inquam , ut hereditatem parentum cujuscunque sexus , vel cognationis delatam liberis , liberi licet sint eis extranei hæredes , puta matri , aut avo materno , aut proavo materno , aut patri manumissori , ut , inquam , eam hereditatem etiam non aditam antemptas tabulas testamenti , id est , etiam clausis testamenti tabulis , si ve sint ex parte heredes scripti , si ve ex asse , et si ve scientes si ve ignorantibus eam sibi delatam esse , vita decesserint , ut eam transmittant non in quoscunque hæredes , sed in liberos suos , si ve eos habeant in potestate , si ve non : hæc est constitutio 2. Theod. Quæ etiam suos suos habet : nam est tantum de heredit. parentum , ut eam liberi etiam si non adierint , vel jus deliberandi de ea transmittant ad hæredes , et adhuc bitus est alius finis et modus , ut non ad omnes hæredes , sed ad liberos tantum , vel suos , vel emancipatos . Tertia autem constitutio , quæ jus transmissionis ,

74

quod proprium erat suorum, aliqua ex parte communicavit extraneis heredibus, est constitutio Justiniani, id est, *l. cum in antiq.* quæ confirmatur etiam in *d. §. in novissimo*, et dat etiam ea constitutio omnibus extraneis heredibus, qui morlo sciverint hereditatem sibi delatam, ut etiam nondum aditam, vel agitam hereditatem, vel jus, et arbitrium deliberandi, si moriantur, transmittant non tantum in patrem, vel liberos suos, sed in quoscunque heredes, etiam extraneos, non quidem quocunque tempore moriantur, et hic est alius modus, quem adhibet constitutio Justiniani sed si moriantur intra annum antequam decreverint de hereditate. Nam post annum, non agitam hereditatem non transmittunt. Igitur his duobus finibus hæc constitutio sic circumscribitur: unus est, ut sciant sibi delatam hereditatem, alter, ut eam non transmittant, nisi post annum, numerandum ab eo die, quo sciverint sibi delatam hereditatem: et præterea apparet inde hanc *l. cum in antiq.* deliberationi petendæ præstitueri annum tam heredi, quam heredi heredis, quod notandum est, neque existimandum est ei derogari per *l. ult. §. sed quia, hoc tit.* quia ibi cavetur, quod heri etiam dixi ne anno largius tempus princeps, ne novem mensibus largius tempus iudex det ad deliberandum: ex hac autem *l. cum in antiq.* hæres, vel hæres heredis a die, quo prior hæres scivit sibi hereditatem delatam, intra annum tantum admittitur ad petendam deliberationem, non post annum: denique hic præfinitur tempus petendæ deliberationis: tempus, in quod dari deliberatio potest. Et notandum est secundum hanc *l.* accipiendum esse quod ait *l. si infanti*, infantem, qui patrem non habet, hereditatem, aut deliberandi jus, si ante eam aditam decesserit, non transmittere eam in heredem suum, si tutorem non habeat, vel si, ut dixi, tutor ejus nomine ut potuit non adierit hereditatem, id inquam, ita verum est si infans moriatur post annum a die, quo tutor ejus scivit ei extranei delatam esse hereditatem. Nam si intra annum moriatur ex hac *l.* jus deliberandi transmittet in quemcunque heredem suum, et ita eam partem legis *si infanti* esse accipiendam ex *l. seq.* declarat aperte Novel. 158. atque ita tres sunt constitutiones, quæ quod ad jus transmittendi pertinet, jus, quod sui heredes habent præcipuum, ad aliquid communicant etiam extraneis heredibus: alioquin potiora semper jura habent sui heredes in transmissionis causa, et notandum etiam exheredatos in transmissionis causa potiora jura habere, quoniam sui heredes futuri erant, si exheredati non fuissent. Nam exhereditatio abscindit jus sui heredis, *l. filium, §. videmus, ff. de bonor. poss. contra tab. l. 1. §. post. suos, ff. de suis et legit. hered. l. si quis posthumos,*

§. si filium, ff. de lib. et post. sed quia exhereditati liberi possunt rescindere exheredationem, et totum testamentum, in quo scripta est, si agant querela inofficiosi testamenti, et obtineant adversus heredem scriptum, ideo quasi assumitur pro suis heredibus, ut si interim moriantur, querelam inoff. testamenti transmittant in heredes suos, modo si vel comminati sint se acturos querela inoff. testamenti, ut appareat eos noluisse se abstinere bonis paternis, vel etiam si litem denuntiaverint heredi scripto, vel si ei dederint libellum conventionis: comminatio sufficit, vel libelli datio, sive editio actionis, vel denuntiatio, ut transmittant querelam in heredes, quam nondum contestati sunt tamen: quæ omnia non desiderarem ab herede suo. Sed quia exheredatus est, et exclusus jure sui, interim dum judicatur de ejus meritis, modo processerit comminatio vel denuntiatio, vel libelli datio, querelam transmittit in quoscunque heredes suos, quam tamen non transmitteret si suus futurus non erat, nisi post litem contestatam, vel etiam post agitam honorum possessionem, litem de inofficioso ordinandæ causa, vel post coeptam et præparatam controversiam hereditatis, quæ non sunt tamen necessaria in eo, qui suus futurus erat ut transmittat querelam, quia denuntiatio, vel sola comminatio, vel libelli datio sufficit, in *l. 6. §. ult. et l. 7. ff. de inoffic. testam. l. 5. sup. de inoff. testam.* et hoc quidem si hæres scriptus in testamento adierit, a quo tempore demum incipit actio inofficiosi testamenti: nec enim nascitur ante aditam hereditatem, quoniam datur contra heredem, non contra lignum, sicut bonorum possessio contra tabul. quæ competit etiam ante aditam hereditatem, quia, ut dicitur, est contra lignum, non contra heredem, *l. quod dicitur, ff. de bon. poss. contra tab.* Querela est contra heredem scriptum: ergo ea agi non potest, antequam hæres aliquis extiterit, cum quo exheredatus congregiatur, et de hereditate litiget: ergo ubi hæres scriptus adiit, si queratur an exheredatus, qui interim moritur, querelam transmittat, utemur superiori distinctione ejus, qui suus futurus erat, ab eo, qui suus futurus non erat, quoniam facillime ille transmittit querelam: verum si is vel ille moriatur deliberante herede, *il n'y a point de partie encore*, hoc casu placet distinctio, ut querelam inofficiosi transmittant non in heredes quoscunque, sed in liberos tantum, in *l. filius, in l. penult. §. ult. D. de inoff. testam.* atque ita explicatæ sunt duæ leges, *si infanti*, et *l. cum in antiquioribus*.

Ad L. XX. et XXI.

L. XX. Quidam elogio condito heredem scri-

psit in certas uncias, et post certa verba testamenti eundem in alias uncias, vel tantas, vel quantascumque, et tertio, vel in aliam partem hereditatis, vel in quemdam unciarum modum: illo autem unam institutionem, vel duas admit- tens, unam, vel duas, vel quantascumque respuendas esse censuit: quærebatur apud veteres, si hoc ei facere permittatur. Similique modo dubitabatur, si impuberem quis filium suum herede ex parte instituit, et quendam extraneum in aliam partem, quem pupillariter substituit: et postquam testator decessit, pupillus quidem patri ejus hæres extitit, extraneus autem hereditatem adiit: et postea adhuc in prima ætate pupillus constitutus ab hac luce subtractus est, et pupillaris substitutio locum sibi vindicavit. Cumque substitutus eandem partem admittere noluit, quæsitum est, si potest jam hæres ex principali testamento factus, pupillarem substitutionem repudiare. Utramque igitur dubitationem simul decidendam esse censemus. Placuit etenim nobis, sive in institutione, sive in pupillari substitutione, ut vel omnia admittantur, vel omnia repudientur, et necessitas imponatur hæredi particulari facto, vel aliam, aut alias partes hereditatis admittere, vel etiam substitutionem pupillarem. Dat. prid. Calend. Maii Constantin. post consulatum Lampadii et Orestis VV. CC.

L. XXI. Cum aliquis scripsit heredem eum, qui de sua conditione ei, qui dominium ejus vindicabat, in judicio adversabatur: is autem, qui dominum se esse dicebat, adire eum hereditatem imperabat, ut acquisitio hereditatis per eum celebraretur, indignatus est quasi domino ei parere: dubitatio veteribus exorta est: si qua poena imponatur hujusmodi insolentiae. Veteres in multas trahuntur sententias, sed nos eorum discordiam sic esse decidendam censemus, ut distinctio subtilis causæ ei imponatur: ut si quidem ita scripta est institutio. Illum æquum illius heredem institui: quia apertissimum est, intuitu domini institutionem esse conscriptam, necesse sit omnimodo per competentem judicem eum compelli adire quidem hereditatem, et eam acquirere: nulli autem ex post facto subjici gravamini, si liber pronuncietur, sed omne sive lucrum, sive damnum ad eum redundare, qui in servitutem eum trahebat, et denegari ei, et adversus eum omnes hereditarias actiones, nullo ei ex hoc præjudicio generando. Sin autem quasi liber invitatus est, nulla domini, vel servi mentione in institutione habita: tunc nullo compelli modo eum adire hereditatem, nec denegari ei liberale iudicium: sed et hereditatem per suum jus decurrere, et liberale iudicium

suam expectare sententiam, sive agente eo, sive pulsato: ut si quidem servus pronuncietur, tunc domino suo hereditatem acquirit: sin autem liber, eam adipiscatur, si adire maluerit. Dat. Cal. Maii Constantinopoli, post consulatum Lampadii et Orestis VV. CC.

Exponam legem 20. quidam elogio, et l. p. n. id est 21. Species legis 20. hæc est. Quilam Lucium Titium in eodem testamento ex pluribus partibus heredem scripsit. Primo loco ex senissæ, alio ex triente, alio ex sextante, et defuncto testatore, vult L. Titium unam partem, vel duas repudiare, et aliam amplecti, vult scindere iudicium defuncti: queritur an possit? et lex sit non posse, et omnino eum debere vel repudiare iudicium defuncti, vel omnino amplecti, honorem delatum sibi non fastidire superbe et inconstanter. Itaque unam partem repudiando omnes amittit, vel unam partem adeundo omnes acquirit, ut l. 2. et l. si solus, D. de acquir. hered. Una enim est hereditas, quamvis data sit per partes: unam autem hereditatem scindere est incongruum, et inconstans nimis. varietas est, et inconstantia non ferenda. Nam et ita unum legatum scindi non potest, puta, ut quis rei legatæ partem velit, partem nolit. Nam et agnita parte una rei legatæ, totam videtur rem agnovisse. l. 4. l. si cui res, D. de leg. 2. Et ab hereditate exemplum pervenit ad legatum, ut eleganter ait Paulus 2. sentent. de leg. et quemadmodum una hereditas non potest scindi ab ipso hærede, cui delata est, partim probato, partim improbato honore defuncti, ita nec unum legatum scindi posse. Nam et legatari honore est. Subjicitur in hac l. similis questio ei, quam eodem libro Ulpianum tractasse apparebit, conjuncta d. l. 2. de acquir. hered. cum l. sed. si plura, §. filio, D. de vulg. sub. Species hæc est: pater filium impuberem, quem habuit in potestate ex parte heredem scripsit, et L. Titium extraneum ex alia parte, eundemque L. Titium filio impuberi substituit pupillariter in 2. casum: existente casu substitutionis. puta mortuo filio intra pubertatem, queritur an L. Titius possit amplecti hereditatem patris pro ea parte, ex qua scriptus est hæres, vel qui jam amplexus est hereditatem patris pro ea parte, an possit postea delatam sibi hereditatem pupilli ex substitutione pupillari repudiare? Denique an possit patris hereditatem amplecti, et pupilli hereditatem repudiare et ita dividere iudicium defuncti, et unum testamentum. Nam patris et filii testamentum habetur pro uno l. patris, D. de vulg. substitut. et ait similiter non posse eum amplecti hereditatem patris, et pupillarem substitutionem repudiare, et vice mutata d. §. ait nec posse eum patris hereditatem amplecti, et repu-

diare substitutionem, id est hereditatem filii impuberis: et huic tamen sententiae requissimè et vehementer obstare videtur *l. si filius qui patri, D. de vulg. substitut. et l. filius, D. de acquir. hered.* In quibus ostenditur heredem institutum, et substitutum pupillo filio testatoris, posse separare bona, vel hereditatem, et patris hereditatem omittere, pupilli autem hereditatem complecti: quod quis non videt adversari sententia hujus *l. omnimodo*. Sed ne vos diutius morer in ea re, quæ non est difficilis, animadvertendum est, aliam esse speciem hujus legis, longe aliam eorum legum, quæ obijciuntur. Nam hic agimus de cohærede cohæredi filio impuberi testatoris substituto pupillariter, hic non potest repudiare hereditatem patris, et amplecti hereditatem pupilli ex substitutione pupillari quia repudiata hereditate patris, jam non sunt duæ hereditates, sed una hereditas, quæ conduit in personam pupilli cohæredis, cui portio a substituto cohærede repudiata accrevit, ut substitutus ille amplectendo substitutionem pupillarem, plane etiam amplectatur bona patris, quæ repudiavit. Itaque necesse est, vel eum habere utriusque bona, vel neutra, et idem evenit in specie *l. si tu ex parte, D. de acq. hered.* quæ talis est. Quidam me instituit ex sextante, id est duabus uncias, Titium ex sextante, et me substituit Titio vulgariter, si non esset hæres Titius: ego repudiavi institutionem meam, Titius neque repudiavit institutionem suam, ut sit locus substitutioni vulgari: et licet repudiaverim institutionem meam possum adire ex substit. vulgari, quæ locum habet, et si adiero assem consequar. Ergo non tantum sextantem, ex quo Titius fuit hæres scriptus, sed etiam sextantem, quem repudiavi, vel etiam si adiero sextantem ex institutione mea Titio repudiante, mihi invito obveniet portio Titii, id est sextans, ut *l. Si quis hæres institutus, D. de acq. hered.* et sic habebō assem: aut si nolum sextantem Titii amplecti ex substitutione vulgari, debeo recedere a sextante, quod adivi: atque ita fit ut quod per meam personam habere non possim, habeam propter alium, id est, propter cohæredem, ut in *l. cum hereditate, D. eod. tit.* Nam per me non possum quod semel repudiavi, alire postea, vel quod semel adivi, repudiare postea: sunt certissima principia juris, sed propter alium, sive occasione alterius sæpe fit, ut repudium quod adivi, et retro ut adeam quod repudiavi, ut puta obveniente mihi portione cohæredis, si eam nolum, et recedere debeo a mea portione, licet eam adiverim, vel etiam obvenientem mihi portionem cohæredis, si velim amplecti, debeo etiam meam amplecti portionem, licet eam repudiaverim, ne adulatur iudicium testatoris ne fiat pro parte testatus,

pro parte intestatus, destituito pro parte testamento, nec tota hereditate complexa: et hæc de specie hujus legis. Longe alia est species legum, quæ obijciuntur, *d. l. si filius, et l. filius*. Nam in eis legibus proponitur filius a patre, in cuius fuit potestate, hæres institutus ex asse, vel ex parte, et substitutus pupillariter alii filio impuberi exheredato, id est, patri suo filius, qui hæres institutus est, si abstineat se hereditate patris beneficio Prætoris, etiamsi sit institutus ex asse, non ideo corrumpit substitutio pupillaris quia per abstentionem non desinit esse hæres: sed desinit tantum rem habere: est igitur hæres sine re, et nudum nomen hæredis, quod notandum, quod retinet etiam qui abstinuit se beneficio Prætoris, quia Prætor non potest efficere, ut qui semel hæres extitit jure civili, desinat esse hæres. Ergo et qui abstinuit se, hæres est, *l. 2. §. sed si sint sui, D. ad Tertul. l. 6. §. pen. D. de bonis liber. l. cum quasi, §. sed etsi suus, D. de fideic. libert.* et nulum nomen hæredis conservat substitutionem pupillarem, id est, ἀνὰ πάσας, hæredis sola, et omnia, quæ in testamento scripta sunt, *d. l. si filius, l. sciendum, ff. de man. test. l. si post mortem, ff. de leg. 1.* Et hæc est alia vis ἀνὰ πάσας, sive existentie: ergo in ea specie etiamsi filius hæres institutus ex asse abstineat se, non ideo minus valet substitutio pupillaris. Quod si is filius sit institutus ex parte, plusquam manifestum est a cohærede, qui adiit, sustineri testamentum principale, id est, testamentum patris: et pupillare igitur, quod paterni pars et sequela est. Verum potest filius ipsemet etiamsi abstinerit se hereditate patris, ut est proditum in illis legibus, quæ obijciuntur nostræ constitutioni, potest, inquam, fratris hereditatem amplecti ex substitutione pupillari, etiamsi se abstineat bonis patris, et ita separare bona: quia scilicet omnino habiturus est hereditatem fratris ab intestato, et frustra repelleretur a substitutione pupillari, qui mox ad bona pupilli venturus est ab intestato, ut non sit ei invidenda separatio bonorum, quam lex induceret ab intestato, quæ est ratio illarum legum, expressa in *d. l. si filius*. Verum rursus illis legibus obijcitur, retenta eadem specie *l. quæsitum, ff. de acq. hered.* quæ heredem institutum ex asse, et substitutum pupillo exheredato, quæ est species illarum legum, ostendit alligari hereditati paternæ, etiamsi eam omiserit, eave abstinerit se, si quidem velit amplecti hereditatem pupillarem. Denique hanc non posse amplecti, qui nec illam amplectatur, illiusque onera sustineat. Ergo non posse separare bona: quod tamen superiores leges permittunt. Eam *l. quæsitum* sequitur illa *lex filius*, cui obijcitur ut non sit verisimile inter leges ita vicinas ullum esse dissidium: eo observandum illam legem *filius*, loqui de filio heredem instituto ex

asse, aut ex parte, nihil refert, et substituto fratri impuberi exheredato, quem dicit, sprete hereditate patris, posse amplecti hereditatem fratris exheredati. At *l. quæsitum*, cum non sit palam de filio, proculdubio accipienda est de extraneo, hærede instituto ex asse, non ex parte, et substituto filio impuberi testatoris exheredato, quo repudiante hereditatem patris, certe corrumpit substitutio pupillaris: quia ubi principale testamentum non consistit, nec pupillare valere potest, et ita traditur in hac eadem specie *l. sed si plures*, §. *si ex asse*, ff. *de vulg. sub.* extraneo igitur hærede repudiante, corrumpit substitutio pupillaris, et ideo ex ea venire non potest, sed si præceptet habere hereditatem pupilli, si affectet nimis hereditatem pupilli, debet subire libens onera hereditatis paternæ, licet eam repudiarit. Hæc est sententia edicti *si quis omissa causa testamenti*. Quod si ille extraneus sit hæres institutus ex parte, quia a cohærede, qui adiit, sustinetur testamentum patris, et filii, per consequentias, hoc casu potest sine metu onerum hereditatis paternæ, repudiata hereditate paternæ, amplecti substitutionem pupillarem. Igitur in extraneo distinguitur utrum sit institutus ex asse, an ex parte: in filio qui est suus hæres non distinguitur: et hæc est sententia *d. l. queritum*, qua hac ratione explicata, satis apparet nullam ei cum *l. vicina* esse discordiam, et nihil est præterea, quod huic *l. 20.* addi, vel detrahi possit. Quæstio *l. pen.* hæc est: an is, qui est in possessione libertatis, cogatur adire hereditatem sibi delatam jussu ejus, qui se dominum ejus dicit, quique eum petit in servitutem præjudiciali actione instituta. Et eleganter in *l. pen.* Justinian. ita distinguit: aut ille homo institutus est propter dominum, ut loquitur *l. aditio*, §. *pen. ff. de acq. hæred.* id est, contemplatione domini, hoc modo: *ille servus Filii hæres esto*: hoc casu cogitur adire per judicem, jussu ejus, qui se dominum dicit pendente liberali causa, et ei intelligitur acquiri hereditas, quæ etiam contemplatione ejus fuit relicta servo velut servo, et postea is liber pronuntiatur, liberabitur oneribus hereditariis, cum res sit acquisita ei, cujus contemplatione fuit relicta, et ita etiam liber homo, qui bona fide servit, si quasi jussu domini adierit, non obstringitur oneribus hereditariis, quis veluti ex necessitate adiit, non sua sponte, sed coactus, quasi alieno periculo, non suo, *l. qui putat*, §. *1. ff. de acq. hæred. l. liber homo*, in princ. ff. *de hæred. instit.* Sed si ille sit hæres institutus ut liber, nulla facta mentione domini, aut servi, hoc modo: *ille hæres esto*: non cogitur adire pendente liberali judicio, cum sit institutus ut liber, et exitus liberalis iudicii declarabit sibi, an domi-

no, adeundo, eam hereditatem acquirat, hæc est sententia *l. pen.* Cui tantum obijcitur *l. 3. de hæred. instit.* adducta ab Accursio perperam, quod lex dicat, servum, quamvis jubente domino, posse nolle adire: nec igitur compelli posse adire, hoc vero pugnat ne cum *l. pen.*? Minime, et idem vult. *l. pen.* in 2. parte, et in ea ipsa specie, quæ proponitur in *d. l. 3.* servum fuisse institutum ut libertum, nulla facta mentione domini, aut servi, ac merito eum posse nolle adire, quamvis jubente domino, maxime si habeat substitutum vulgarem datum in hunc casum, si nolit esse hæres, in cujus arbitrio testator existimabat posse velle adire, et non adire: igitur tantum abest, ut *d. l. 3.* pugnet cum hac *l. penult.* cum maxime consentiat.

Ad *L. ult.*

Scimus jam duas esse promulgatas a nostra clementia constitutiones: una quidem de his, qui deliberandum pro hereditate sibi delata existimaverint: aliam autem de improvisis debitis, et incerto exitu per diversas species eis imposito. Sed et veterem constitutionem non ignoramus, quam divus Gordianus ad Platonem scripsit, de militibus, qui per ignorantiam hereditatem adierunt: quatenus pro his tantummodo rebus conveniantur, quas in hereditate defuncti invenerint: ipsorum autem bona a creditoribus hereditariis non inquietentur. Cujus sensus ad unam præfatarum constitutionum a nobis redactus est. Arma etenim magis, quam jura scire milites sacratissimus. Legislator existimavit. Ex omnibus itaque istis unam legem colligere nobis apparuit esse humanum: et non solum milites adjuvare hujusmodi beneficio, sed etiam ad omnes hoc extendere: non tantum si improvisum emergerit debitum: sed etiamsi onerosam quis inveniat, quam adiit hereditatem: ita enim nec satis necessarium de liberationis erit auxilium, nisi hominibus formidolosis, qui et ea timeant, quæ nulla digna sunt suspicionem.

§. 1. Cum igitur hereditas ad quendam sive ex testamento, sive ab intestato sit delata, sive ex asse: sive ex parte: si quidem recta via adire maluerit hereditatem, et spe certissimam hoc fecerit, vel sese immiscuerit, ut non postea eam repudiet: nullo indigent inventario, cum omnibus creditoribus suppositus sit, utpote hereditate ei ex sua voluntate infixa. Similique modo si non titubante animo respuendam, vel abstinendam esse crediderit hereditatem, et apertissime intra trium mensium spatium, ex quo ei cognitum fuerit scriptum se esse, vel vocatum heredem, ei renun-

liet: nullo nec inventario faciendo, nec alio circumitu expectando, sit alienus ab hujusmodi hereditate, sive onerosa, sive lucrosa sit.

§. 2. Si autem dubius est utrumne admittenda sit, nec ne defuncti hereditas: non potest sibi esse necessariam deliberationem, sed adeat hereditatem, vel sese immisceat: omni tamen modo inventarium ab ipso conficiatur, ut intra triginta dies post apertas tabulas, vel postquam nota fuerit et apertura tabularum, vel delatam sibi ab intestato hereditatem cognoverit, numerandos, exordium capiat, inventarium super his rebus, quas defunctus mortis tempore habebat: et hoc inventarium intra alios sexaginta dies molis omnibus impleatur sub praesentia tabulariorum, ceterorumque qui ad hujusmodi confectionem necessarii sunt, subscriptionem tamen supponere heredem necesse est, significantem et quantitatem rerum, et quod nulla malignitate circa eas ab eo facta, vel facienda res apud eum remaneant: vel si ignarus sit literarum, vel scribere praepediatur, speciali tabulario ad hoc solum adhuc benedendo, ut pro eo literas supponat, venerabili signo antea manu heredis praeposito, testibus videlicet adsumendis qui heredem cognoscant, et jubente eo tabularium pro se subscribere, interfuerit.

§. 3. Si autem a locis, in quibus res hereditariae, vel maxima pars earum posita est, heredes abesse contigerit: tunc eis unius anni spatium a morte testatoris numerandum datur ad hujusmodi inventarii consummationem: sufficit enim praefatum tempus, et si longissimis spatiis distant: tamen placuit dare eis facultatem inventarii conscribendi, vel per se, vel per instructos procuratores, in loca, ubi res posita sunt, mittendos.

§. 4. Et si praefatam observationem inventarii faciendi solidaverint, hereditatem sine periculo habeant, et legis Falcidiae adversus legatarios utantur beneficio: ut in tantum hereditatis creditoribus teneantur, in quantum res substantiae ad eos devolutae valeant: et eis satisfaciant, qui primi veniant creditores: et si nihil reliquum est posteriores venientes repellantur: et nihil ex sua substantia penitus heredes amittant: ne dum lucrum facere sperant, id damnum incidant. Sed et si legatarii interea venerint, eis satisfaciant ex hereditate defuncti, vel ex ipsis rebus, vel ex earum forsitan venditione.

§. 5. Si vero creditores, qui post censum patrimonii nec dum completi sunt, superveniant: neque ipsum heredem inquietare concedantur, neque eos, qui ab eo comparaverint res, quarum pretia in legata, vel fideicommissa, vel alios creditores processerunt. Licentia creditoribus non deneganda adversus legatarios venire, vel hypo-

thecis, vel indebiti conditione, uti et haec, quae acceperint, recuperare: cum satis absurdum sit creditoribus quidem jus suum persequentibus legitimum auxilium denegari: legatariis vero, qui pro lucro certant, suas partes leges accommodare.

§. 6. Si vero heredes res hereditarias creditoribus hereditariis pro debito dederint solutum, vel per dationem pecuniarum satis eis fecerint: liceat aliis creditoribus, qui ex anterioribus veniunt hypothecis, adversus eos venire, et a posterioribus creditoribus secundum leges eas abstrahere, vel per hypothecariam actionem vel per conditionem ex lege, nisi voluerint debitum eis offerre.

§. 7. Contra ipsum tamen heredem (secundum quod saepius dictum est) qui quantitatem rerum hereditariarum expendit, nulla actio extendatur.

§. 8. Sed nec adversus emptores rerum hereditariarum, quas ipse heres pro solvendis debitis, vel legatis, vendidit, venire alii concedatur: cum satis anterioribus creditoribus a nobis provisum est, vel ad posteriores creditores, vel ad legatarios pervenientibus, et suum jus persequentibus.

§. 9. In computatione autem patrimonii datur ei licentiam excipere, et retinere quicquid in funus expendit, vel in testamenti insinuationem, vel in inventarii confectionem, vel in alias necessarias causas hereditatis approbaverit sese persolvisse. Si vero et ipse aliquas contra defunctum habebat actiones, non haec confundantur, sed similem cum aliis creditoribus per omnia habeat fortunam temporum: tamen praerogativa inter creditores servanda.

§. 10. Licentia danda creditoribus, seu legatariis, vel fideicommissariis, si majorem putaverint esse substantiam a defuncto derelictam, quam heres in inventario scripsit, quibus voluerint legitimis modis, quod superfluum est, approbare, vel per tormenta forsitan servorum hereditariorum secundum anteriorem nostram legem, quae de quaestione servorum loquitur, vel per sacramentum illius, si aliae probationes defecerint, ut undique veritate exquisita, neque lucrum, neque damnum aliquod heres ex hujusmodi sentiat hereditate: illo videlicet observando, ut si ex hereditate aliquid heredes surripuerint, vel celaverint, vel amovendum curaverint, postquam fuerint convicti, in duplum hoc restituere, vel in hereditatis quantitate computare compellantur.

§. 11. Donec tamen inventarium conscribitur: vel si res praesto sint, intra tres menses, vel si absuerint, intra annale spatium secundum anteriorem distinctionem, nulla erit licentia neque creditoribus, neque legatariis, vel fideicommiss-

sariis, eos vel inquietare, vel ad iudicium vocare, vel res hereditarias, quasi ex hypothecarum auctoritate vindicare: sed sit hoc spatium ipso jure pro deliberatione heredibus concessum; nullo scilicet ex hoc intervallo creditoribus hereditatis citra temporalem præscriptionem præjudicio generando.

§. 12. Sin vero postquam adierint, vel sese immiscuerint, præsentis, vel ab-entes inventarium facere distulerint, et datum jam a nobis tempus ad inventarii confectiorem effluerit: tunc ex eo ipso, quod inventarium secundum formam præsentis constitutionis non fecerint, et heredes esse omnimodo intelligantur, et debitis hereditariis in solidum teneantur; nec legis nostræ beneficio perfruantur, quam contemnendam esse censuerunt.

§. 13. Et hæc quidem de his sancimus, qui deliberationem nullam petendam esse curaverint: quam putavimus quidem penitus post hanc legem esse supervacuum, et debere ei derogari. Cum enim licet eis et adire hereditatem, et sine damno ab ea discedere ex præsentis legis auctoritate: quis locus deliberationi relinquatur? Sed quia quidam vel vana formidine, vel callida machinatione, pro deliberando nobis supplicandum necessarium esse existimant, quatenus eis liceat annato tempus tergiversari, et hereditatem inspicere, et alias contra eam machinationes excogitare, et eandem deliberationem subtilibus adsertionibus, repetita prece sæpius accipere: ne quis nos putaverit antiquitatis penitus esse contemptores, indulgemus quidem eis petere deliberationem vel a nobis, vel a nostris iudicibus: non tamen amplius ab imperiali quidem culmine, uno anno, a nostris vero iudicibus novem mensibus: ut neque ex imperiali largitate aliud tempus eis indulgeatur: sed et si fuerit datum, pro nihilo habeatur. Semel enim, et non sæpius eam peti concedimus.

§. 14. Sin autem hoc aliquis fecerit, et inventarium conscripserit (necesse est enim omnimodo deliberantem inventarium cum omni subtilitate facere) non liceat ei post tempus præstitutum, si non recusaverit hereditatem, sed adire maluerit, nostræ legis uti beneficio: sed in solidum secundum antiqua jura omnibus creditoribus teneatur. Cum enim gemini tramites inventi sint: unus quidem ex anterioribus, qui deliberationem dedit: alter autem rudis, et novus in nostro numine repperitus, per quem aduntes sine damno conservantur, electionem ei damus, vel nostram constitutionem eligere, et beneficium ejus sentire: vel si eam aspervendam existimaverit, et ad deliberationis auxilium convolaverit, ejus effectum habere: et si non intra datum tempus recusaverit hereditatem omnibus in solidum debitis hereditariis

teneantur: et non secundum modum patrimonii, sed etiam si exiguus sit census hereditatis, tamen quasi heredem cum in totum obligari, et sibi imputet, qui pro novo beneficio velus elegerit gravamen, et ideo ad ipsam deliberationis dationem, et divinum rescriptum super hac promulgatum, hoc adjici volumus, ut sciant omnes, quod omnimodo post petitam deliberationem si adierint, vel pro herede gesserint, vel non recusaverint hereditatem, omnibus in solidum hereditariis oneribus teneantur. Si quis autem temerario proposito deliberationem quidem petierit, inventarium autem minime conscripserit, et vel adierit hereditatem, vel minima eam repudiaverit, non solum creditoribus in solidum teneatur: sed etiam legis Falcidie beneficio minime utatur. Quod si post deliberationem recusaverit, inventario minime conscripto: tunc res hereditarias creditoribus, vel his, qui ad hereditatem vocantur, legibus reddere compellatur: quantitate earum sacramento res accipientium manifestanda, cum taxatione tamen a iudice statuenda.

§. 15. Notissimum autem est hac constitutione, quæ omnes casus continet, nostris constitutionibus jam pro eisdem capitulis promulgatis esse derogatum, quarum altera etiam Gordianæ constitutionis sensus continetur. Cum enim ampliore tractatu habito, melior exitus inventus sit, et tribus constitutionibus in unum congregatis, unus apparet et in milites, et in alios omnes juris probabilis articulus: ea propter ex anterioribus inquietari nostro subjectos imperio non patimur: scilicet ut milites etsi propter simplicitatem præsentis legis subtilitatem non observaverint, in tantum tamen teneantur, quantum in hereditate invenerint. Quam, patres conscripti, in hujusmodi casibus in posterum obtinere sancimus. Dat. 5. Calend. Decembr. Constantinop. post consulatum Lamp. et Orest. VV. CC.

Oratio est Justiniani ad Senatum, quam idem Justinianus valde nobis commendat, dum eam dicit esse æquissimam, et nobilissimam in §. sed nostra, Instit. de hered. qual. et diff. usu certe frequentissima observatio est, et diligentissima, adeo ut ab ea aberrare sit amittere commodum, quo ex ea heredes afficiuntur. Nam et sic semper novæ servantur constitutiones strictius, et diligentius, ut si vel tantillum ab eis aberes, nihil ex illis petere possis: et finis hujus constitutionis omnimodo est heredes periculo additionis, vel immixtionis omnimodo liberari, ne posthac cunctentur adire, vel immiscere se bonis metu onerum defuncti. Nam aditio, vel immixtio est quasi contractus, qui heredes obligat veri alieno defuncti, etiamsi sit exigua hereditas, heredem implicat omnibus negotiis he-

reditariis, omnibus oneribus etiam supra vires hereditatis, si forte hereditas non sit solvendo, si exigua sit census hereditatis in *l. 3. §. ult. et l. 4. D. quibus ex causis in poss. eatur, l. 3. D. de acq. hered.* Et hoc est, quod dicitur omnem hereditatem esse solvendo, quæ heredem invenit, *l. libertus, D. de bonis lib. l. quæ dotis, D. sol. matrim. l. si quis locuples, D. de manum. test.* quia scilicet hæres de suo solvit, si quod morientis fuerit, non sufficiat solvendis creditoribus demortui: cur enim temere adivit, et inconsiderate, et inconsulto, non bene excussis facultatibus defuncti? Quamobrem etiam atque etiam ii, quibus desertur hereditas aliqua plerumque consultant, et deliberant adire bona, vel miscere se bonis debeant, necne. Nam post immisionem, vel aditionem sera poenitentia est, si sunt majores annorum 25. Nam majoribus non potest dari venia, ne teneantur supra vires hereditatis, ne teneantur in solidum, non spectato modo hereditatis: non possunt etiam majores restitui in integrum abstinendi causa, *l. 10. h. t.* Igitur priusquam adeas, deliberare opus est maxime, ait in *§. extraneis, Inst. de hered. qual. et diff.* qui locus est singularis, *il n'y en a pas autre part*, refertur, Divum Adrianum etiam majori 25. annis, qui temere adierat damnosam hereditatem, veniam dedisse, ne teneretur supra vires hereditatis, cum scilicet post aditionem grande res alienum emerisset, quod latebat aditæ hereditatis tempore. Sed hoc beneficium Adriani, ut ait, fuit personale, id est, datum fuit certæ personæ, non fuit generale: ergo in exemplum trahi non debet: qui locus maxime facit ad *§. sed quod Principi, Inst. de jur. nat.* cum sit personalia beneficia principis non trahi in exemplum, debes enim ad illum locum apponere exemplum ex *d. §. extraneus* ex eo rescripto Adriani: deinde vero Gordianus Imperator generaliter idem beneficium dedit militibus, non etiam pagani, ut si milites forte per ignorantiam adiissent damnosam hereditatem, non tenerentur supra vires hereditatis ejus, non compellerentur de suo satisfacere creditoribus hereditariis, sicut tenentur pagani, qui inconsulte adiverint sibi delatam hereditatem, veniam dari simplicitati militum. Postea Justinianus pagani quoque non omnimodo, sed aliquatenus subvenit hac in re, promulgatis duabus constitutionibus, quarum mentionem fecit initio *l. ult.* quæ scilicet fuerunt in priori editione Codicis: non sunt in hac posteriore editione, quia eis derogavit *l. ult.* quam interpretamur: et una constitutio fuit de heredibus, qui petunt tempus ad deliberandum, altera fuit de debitis hereditariis, quæ ex improvviso emergunt post aditionem hereditatis: sed utrique constitutioni, ut dixi, derogat Justinianus in hac *l. ult.* per quam viam aperit, qua omnibus hæ-

redibus, qui modo suo beneficio uti volent, succurrat, ut sine mora deliberationis, sine consultatione ulla, sine metu onerum, sine periculo ulla, adeant sibi delatam hereditatem, non solum si emergant improvisa debita, sed etiam, inquit, si onerosa inveniantur esse hereditas, ut puta si inveniantur prædia hereditaria debere immensas pensiones fisco, et gravem censum, ut in *Novel. 7. Authent. Sicut alienatio, sup. de sacro. Eccles. Via*, quam aperit Justinianus hæc est: ut hæres repertorium, sive inventarium faciat rerum hereditariorum, atque ita pro quantitate tantum eorum rerum subeat onera defuncti: hanc viam si insistat hæres, et ita inventarium faciat, et adeat, nulla re suppressa ex fide bona, quæ de re coargui potest ab iis quorum interest, ut in *§. licentia h. l.* recte dices eam hereditatem non esse solvendo, quæ talem heredem habeat, quoniam non tenetur supra vires inventario comprehensas ex fide bona. Triplex est via, qua adire possis, et immiscere te: alia est recta via, si adieris, vel immisceris te intrepide, et incunctanter, ut simili via repudiare possis, vel abstinere te: alia est habita deliberatione hoc facias excussis bonis defuncti: sed utraque via est anceps, periculosa, et longe facilior, et securior est hæc 3. via conficiendi inventarii, quam patetfacit Justinianus in hac *l. ult.* Ita scilicet, ut a quo die sciveris tibi hereditatem delatam, adeas vel misceas te, et intra dies 30. incipias facere inventarium defuncti, presentibus publicis personis, et iis, quorum interest, ut in *Novel. 1. id*, quod absolves intra alios 60. dies, adhibita subscriptione tua. Ergo intra tres menses non admodum requiro, ut incipias facere inventarium intra 30. dies: nam etsi post 30. dies coeperis facere, ut Bartolus docuit recte, et Paulus de Castro, modo id absolvas intra 3. menses, confectione inventarii pro justa et legitima haberi debet, quod est exquisitissimum. Ceterum 30. dies districte observandi sunt, alioquin non erit in te frui beneficio inventarii, quod quidem postea apparebit esse multiplex et varium. Aditio, vel immisio plerumque præcedit confectionem inventarii, *§. donec*: et tamen hæres interim dum dat operam inventario conficiendo, licet adierit, non potest conveniri a creditoribus hereditariis, non magis quam si deliberaret, *d. §. donec*. Quia nondum constat pro qua parte conveniri debeat, vel an conveniri possit. At confectionem inventarii, etiam potest sequi aditio, vel immisio: nam et sunt qui deliberant, necdum adeunt, et tamen conficiunt inventarium, interim dum deliberant, non ut exonerent se, et fruantur beneficio inventarii, ne teneantur supra vires hereditatis: sed ut excutiant bona defuncti, et explorent, atque ita cautius de-

liberent de alicunda hered. vel non, ut in §. *sin autem hoc aliquis* in hac l. et hoc quidem casu is, qui deliberat, et inventarium facit, simul, si adeat, proculdubio tenetur in solidum omnibus creditoribus hereditariis, etiamsi non sufficiant bona defuncti, qui deliberavit, et post declarationem adiit, nec petit beneficium Justiniani hac l. concessum, quo exclusa omni deliberatione exoneratur heres, ne teneatur ultra quantitatem honorum. Quia igitur nudo hoc beneficio inventarii usus non est, sed inter moras deliberandi inventarium fecit, caret beneficio inventarii, et in hoc tantum ei prodest inventarium fecisse, ut legatariis, vel fideicommissariis non teneatur, nisi deducto aere alieno, et deducta Falcidia: ceterum creditoribus tenetur in solidum, etiamsi bona non sint solvendo; ubi autem heres mavult repudiare hereditatem, nihil attinet conficere inventarium, et est certissimum: sed ne res trahatur longius, repudiare debet intra 3. menses, qui decrevit repudiare, id est, apertissime debet repudiare intra 3. menses, qui hoc ita facere decrevit, nec morari diutius in eo exequendo, quod constituit senat., in §. *similique modo*, h. t. et intra 3. menses similiter, ubi mavult adire, debet conficere inventarium, ut diximus. Nec quicquam obstat d. §. *similique modo l. scimus*, §. ult. sup. de inoff. testam. quam obijcit Accursius, quia scilicet illa lex est de herede cunctante, et deliberante, et de illo, in quem illa deliberatio datur, qui est angustior in specie d. l. *scimus*, §. ult. quam praescribitur in §. *sed quia*, h. t. ne scilicet fiat longior mora filio nato infamia exheredationis, qui acturus est querela inofficiosi test. adversus heredem scriptum, qui non potest agere antequam is adierit: ergo ut mature adeat, nec diutius moretur filium defuncti exheredatum, dantur ei tantum 6. menses ad deliberandum a iudice, cum soleant dari novem ex §. *sed quia*. Sed id facit odium exheredationis. Illo autem §. *similique modo*, non est de deliberante, sed de eo, qui certo consilio repudiare instituit, ut repuliet, non intra 6. menses, sed intra 3. menses, intra quos etiam concluditur inventarii conficiendi potestas, quo exemplo etiam Graeci in Basilicis definiunt, et tutorem priusquam aggradiatur administrationem tutelae, intra 3. menses debere conficere inventarium rerum pupillarum, et nominatim Harmenopolus §. *Ept. tit. 11.* et sic etiam Leo Imperator in Nov. 110. ut mulier post mortem mariti, nisi velit amittere dotem, et lucra nuptialia, ut intra 3. menses, exemplo heredis, conficiat inventarium rerum mariti, ne qua fraus fiat liberis, ut saepe contingit, matres a morte mariti, non habita ratione pietatis debite liberis dilapidare pretiosa quaeque mobilia, et mo-

Tum. IX.

mobilia, ut inde possis statuere in confectione cuiuscunque inventarii generaliter esse servandam praescriptionem 3. mensium: et notandum est angustiora esse tempora inventarii, quam deliberationis, nimirum inventarii trium mensium, et deliberationis novem mensium, in §. *sed quia*. Et notandum etiam praescriptionem 3. mensium praescribi heredi praesenti in eo loco, in quo sita est hereditas: nam heredi absentis ab eo loco, conficiendi inventarii datur annus a morte testatoris, ut ait d. §. *sin autem*, et §. *dumtaxat*: et placet valde, quod Accurs. notat in d. §. *sin autem*, annum numerari a morte testatoris, videlicet si et heres scierit sibi delatam esse hereditatem, nam et iidem auctores Graeci, idemque Harmenopolus scribunt tres menses numerari a morte testatoris, et tamen supra exigimus, ut concurreret scientia heredis, ut sciret heres sibi delatam hereditatem. Ignoranti enim iniquum est cedere tempora vel anni, vel trium mensium, et ut huic quaestioni finem imponamus, notandum est tria esse potissimum beneficia inventarii. Primum hoc est, ut heres non teneatur supra vires hereditatis, ut ait heres sine onere amittendi sui. Omisso inventario tenetur supra vires hereditatis. Secundum beneficium hoc est, ut facto inventario heres praestet legata, primo deducto aere alieno, *car il faut payer premierement les creanciers*, et ex reliquo deducta Falcidia: omisso autem inventario, quod valde novum est, heres non tantum tenetur creditoribus in solidum, etiamsi non sufficiant bona defuncti, sed etiam legatariis tenetur in solidum, nec deducta Falcidia, nec habita ratione aeris alieni, id est, etiamsi res alienum defuncti absorbat omnia bona, tamen heres, qui noluit facere inventarium, praestat integra legata. Ea igitur praestat nec deducta Falcidia, nec deducto aere alieno, quod nunquam antea obtinuit, l. 1. §. *denique*, D. ad Trebell. Tertium et ult. beneficium hoc est, ut facto inventario non confundantur actiones, quas heres habuit adversus defunctum id est, ut inter ceteros creditores defuncti et ipse numeretur, et ipso sibi solvat, quod defunctus debuit, et deducat etiam funeris impensas ante omnes res alienum, et sumptum, quem fecit in insinuationem testamenti, ut ait in §. *in computatione*, hac l. ut sumptum, quem fecit in confectionem inventarii, *l'inventaire se fait aux despens: de l'heritier*, et item sumptum, quem fecit in auctionem sorte rerum hereditariarum, ut ex pecuniis inde redacta absolvat creditores hereditarios in l. *quod privilegium*, D. de pos. in l. *quantitate*, D. ad l. *Falcid.* in l. 10. in fine, D. ad Trebell. *les fraiz des creances sont les premiers payez*, et deducit, ut dixi, omne quod sibi debuit defunctus: ergo additione non confundi-

78

tur actio, quam habuit cum defuncto, videlicet cum adivit facto inventario ex beneficio hujus legis: omisso autem inventario actiones confunduntur. At observandum est ab hac constitutione semper excipiendos esse milites, ut Gordianus voluit: nam etiamsi milites non faciant inventarium, non tenentur supra vires hereditatis. Idem beneficium ex communi sententia interpretum datur etiam fisco: nam et fiscus non tenetur supra quantitatem honorum quæ ei obvenerunt, *l. 1. §. an bona, D. de jure fisci*. Idem non datur minori 25. annis, qui non fecit inventarium, sed restitui potest in integrum, quod omiserit confectionem inventarii, ut liceat ei postea ex inventario adire: ex questionibus propositis in hac l. a doctoribus, una tantum mihi videtur digna honore questionum. Querunt an possit testator heredi prohibere confectionem inventarii, ne scilicet utatur beneficio hujus legis, sicut videmus testatorem prohibere posse tutor confectionem inventarii in *l. ult. sup. arbitr. tut.* et sine controversia verum est, posse etiam heredi interdici confectionem inventarii, quasi volente testatore, ut is hæres, quem scribit, subeat omnia onera hereditaria, sive ea possint ferre sua bona, sive non, ut suscipiat tuendam famam defuncti, vel ut de suo solvat fidem defuncti, alioquin ut non sit hæres: nam invenio etiam ex Nov. prima Just. testatorem posse prohibere Falcidiam, ut hæres præstet solida legata sine diminutione, ut plenum sibi obsequium solvat, plenamque pietatem exhibeat, eam solum habiturus pro lucro, et vice lucris: et eodem argumento, eodemque modo poterit prohibere confectionem inventarii, et inde vero, quod recte prohibeat testator Falcidiam, quod non potuit prohibere olim, *l. nemo potest, D. de leg. 1.* inde apparet legem Falcidiam esse valde recisam a Justiniano: nam non habet locum contra voluntatem defuncti, ut habuit olim, nisi vetuerit testator confectionem inventarii: item non habet locum, si hæres inventarium non fecerit, si adierit recta via, vel habita deliberatione, omisso inventario: et hæc sunt, quæ præcipue dici possunt in hac questione.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. XXXI. De repud. vel abstin. heredit.

Sequitur tit. 31. de repud. vel abst. hered. hic titulus opponitur superiori de aduenda, vel acquir. hered. ita ut verbo aduenda, ex adverso re-

spondeat verbum repudianda, et verbo acquirenda, verbum abstinenda. Quæ collatio demonstrat in tit. superiori, verbum acquirenda, proprie pertinere ad suos hæredes, qui immiscerunt se, id est, qui immixtione acquirunt hereditatem parentum, sicut in *l. t. verbum abstinenda*, constat proprie pertinere ad suos hæredes, quibus solis jus abstinendi prætor tribuit, et ita in *l. ult. §. similique modo, tit. sup. si respuendam*, inquit, *vel aduendam hereditatem esse crediderit*. Repudiatio autem est professio omittendæ hereditatis, quæ fit in jure: nam repudiationem fieri in jure docet *l. 3. et 4. h. t. et l. 1. sup. de repud. bonor. poss.* Repudiationem fieri in jure, id est, apud prætorem, vel præsidem: jus est locus, in quo jus dicitur, *eamus in jus*, id est, ad prætorem: actio quoque hereditatis, ut opinor, fiebat in jure, id est, in conspectu prætoris, quia est actus legitimus, *l. actus, ff. de reg. jur.* Nam et ea tantum tutoris datio, de qua ibi etiam agitur, est actus legitimus, quæ fit in jure, quod notandum, non quæ fit testamento: unde etiam recte assumes acceptionem, et servi optionem in jure solemniter fieri solitas: de emancipatione non est dubium. Hi sunt quinque actus legitimi, qui enumerantur in *d. l. actus*, qui omnes, ut divi, olim peragebantur in jure. Dæ autem de repudianda, vel abstinenda hereditate regula potissimum proponuntur in *h. t.* una regula hæc est: extraneum, qui semel adivit, vel suum hæredem, qui semel miscuit se rebus hereditariis, postea eam hereditatem repudiare non posse, etiamsi damnosa sit, nisi sit minor 25. annis, qui restituitur in integrum, ut se abstineat. Suo autem jure nemo quod acquisivit, repudiare potest, ut *§. extraneis, Instit. de hered. qual. et diff. l. 1. §. decretalis, de success. edict. l. Titia, §. Lucia, ff. de leg. 2. Et Paulus 3. Sent. tit. 4. in fine*. Altera regula hæc est: qui semel repudiavit, rursus ad ea bona, quæ repudiavit, reverti non potest, *l. 1. sup. de repud. bon. poss. l. 9. sup. t. prox. et l. 4. hoc tit.* cujus *l. 4.* sententia hæc est: cum, qui semel acquisivit hereditatem, postea renuntiando, vel repudiando eam hereditatem nihil agere: ergo jus quod habuit retinere. Obiciebat aliquis, quod dicitur, *confessos in jure haberi pro judicatis*, posita specie hujusmodi: hæres, qui adierat hereditatem, dixit in jure, forte cum is esset cum alio de hereditate, se heredem non esse. Interrogatus ab adversario, vel a prætore, respondit, se heredem non esse, qui tamen hæres erat, qui adiverat: vel immiscuerat se: an jus, quod acquisivit, amittit? Sic videbatur quibusdam, quod confessi in jure pro judicatis habeantur, non etiam confessi extra jus, vel extra judicium ex *12. tab. æt. confessi, rebusque jure judicatis*: comparat confessum cum

judicato, vel adæquant, ut in *l. post rem*, ff. de re jud. l. donari 29. §. 1. §. de don. l. 1. §. proinde, ff. si quid in fraud. patr. l. 4. §. pen. ff. ad l. Jul. majest. Ergo qui confessus est in jure se heredem non esse, pro eo habetur, ac si judicatus esset hæres non esse. Res judicata habetur pro veritate, quamvis verum sit eum acquisivisse hereditatem, et heredem esse, et confessio igitur illius est habenda pro veritate, licet acquisiverit hereditatem: sed respondet Imperator in *l. 4.* id quod vulgo dicitur, *confessum in jure pro judicato haberi*, pertinere tantum ad heredem, qui in jure confitetur se debere certam pecuniam, ut hic pro rite damnato habeatur: non pertinet autem ea sententia ad eum, qui falso negat se heredem esse repudiandi causa post acquisitam hereditatem: nam nec hac ratione, quod semel acquisivit repudiare potest, et hæc est sententia *l. 4.* hæc autem regula, ut quod acquisitum est, repudiari non possit: ita procedit, ut nemo id, quod acquisivit, possit repudiare per se, id est, per personam suam: nam propter alium sæpe fit ut repudiet, puta propter portionem cohæredis quæ ei defertur deficiente cohærede: nam si eam portionem cohæredis vacantem amplecti nolit, et in sua portione, quam adivit, recedere debet. Denique aut totum amplecti, aut a toto recedere debet, quod facit interventus vacantis portionis, et accessio illius, nec recedendi ab eo, quod semel amplexus est jus habet ex se, sed ex alio ex cohærede, qui portionem suam repudiavit, quod ostendit in *l. quidam*, sup. tit. prox. et probat *l. cum hereditate*, et *l. si tu ex parte*, ff. de acq. hered. Item propter fideicommissarium Trebellianum sæpe fit, ut hæres, qui repudiavit, adeat hereditatem, ut si rogatus sit restituere hereditatem Titio, postulante Titio, etiamsi eam hereditatem repudiaverit, per prætorem compellitur adire periculo fideicommissarii, et restituere hereditatem, nec detracta Falcidia, maxime si res sit integra, id est, si nondum bona attigerint creditores hereditarii, si nondum bona venerint: nam distractis bonis, et facta auctione rerum hereditariarum, ne pupillus quidem hæres per prætorem compellitur adire, et restituere hereditatem fideicommissario, nisi ex causa, et hæc est sententia *l. nam quod*, §. 1. ad Trebell. in qua jam ostendi, et probavi cunctis, esse in Florentino perperam scriptum, præceptorem, pro per prætorem compelli ad restitutionem. Ergo si omnia sunt in integro, inque statu eodem, omnia, scilicet defuncti bona et negotia propter fideicommissum, id est, ne interdicat fideicommissum, hæres, tametsi repudiaverit, cogitur adire, et restituere, et ita propter fideicommissarium pleraque admittuntur, quæ alioquin non admitterentur: unum legatum scindi non potest: pro-

pter fideicommissarium scindi potest, ut si legatarius sit rogatus partem rei legatæ restituere, eam potest agnoscere, et restituere, aliam repudiare, quo genere scinditur legatum, et recte propter fideicommissarium, cui rogatus est restituere *l. Imperator Antoninus*, ff. de leg. 2. et ita etiam, qui est incapax hereditatis capiendæ, capit tamen hereditatem propter fideicommissarium, cui rogatus est restituere, et eam adit, *l. cogi*, §. hi qui volidum, ff. ad Treb. quia nihil honoris apud eum remansurum est, cum mox aditam hereditatem sit fideicommissarius restitutus, et ita, ut dixi, propter alium, vel per alium sæpe fit, ut qui repudiaverunt bona, ea sepæ adeant postea recte. Ac præterea hæc posterior regula ita est accipienda, ut quod quis repudiavit semel, rursus suo jure amplecti non possit, vel suo marito: nam beneficio restitutionis in integrum minor 25. annis, qui hereditatem repudiavit, eam postea adire potest, si res sit integra, id est, si bona defuncti nondum venerint. Nam rebus distractis, et finitis omnibus negotiis hereditariis, si velit beneficio restitutionis venire ad pecuniam partam laboribus substituti, ad quem post repudiationem ejus venit hereditas, vel laboribus legitimi heredis, qui explicavit omnia negotia hereditatis, purgavitque hereditatem omnem, repellitur, inquit *l. quod si minor*, §. Scævola, ff. de minor. ergo nec minor quidem, qui repudiavit, restituitur ut adeat, si res non sit integra: major autem 25. annis, qui repudiavit semel, rursus redire non potest ad bona, quæ repudiavit, neque suo jure, neque beneficio restitutionis in integrum. Nec quicquam obstat huic sententiæ *l. filii*, ff. ad SC. Tertull. quæ manifesto ait, filium, qui repudiavit matris hereditatem intestatæ, postea mutata sententia eam hereditatem adire posse, et poenitentiam ejus admitti usque in annum. Sed eadem *l. filii* ostendit hoc fieri, sive permitti propter verba SC. Orfitiani, quo filius vocatur ad hereditatem matris intestatæ exclusis agnatis matris; licet ipse matri sit cognatus, non agnatus, quia verba SC. sunt extensiva, nimirum etiam nemo filiorum mulieris hereditatem volet, tunc proximi cognati heredes sunt: verbum *volet*, est extensivum, vel *παρὰ τὴν ἐξουσίαν*, id est tractum habet temporis, extenditur. Igitur ille sermo saltem in annum, in quem filius potest petere honorum possessionem unde liberi, vel unde legittimi, intra annum poenitentia admittitur, quoniam tacite in annum extenduntur verba Senatusconsulti; et ita etiam olim herede instituto cum cretione, puta hoc modo, *in dieb. cent. prox. cernito, aditoque*, si hæres repudiasset intra centum dies, nihilominus poterat cernendo hæres fieri si supererant dies centum, quia spatium centum

dierum ei datum est ad decernendum de hereditate, ut interim liceat ei poenitere, si initio forte repudiaverit, vel si initio forte adierit, quoniam supersunt centum dies, aut ex eo tempore dies aliquot. Et hujus rei est auctor Ulp. in *lib. reg. l. 22.* his igitur casibus exceptis, extraneus hæres, qui repudiavit, neque suo jure, neque beneficio restitutionis postea adire, vel amplecti bona potest: et notandum hac in re differentiam esse inter extraneum, et suum heredem. Nam suus hæres etiam major 25. annis, qui repudiavit bona patris, postea se bonis immiscere potest, eaque amplecti, si res sit integra, id est, si nondum bona venierint, *l. si quis suus, ff. de jur. del. nec* necesse habet petere restitutionem in integrum eo nomine: sed si res sit integra, suo jure redire potest ad bona patris, quæ repudiavit: quod Justinianus ita limitat in *l. ult. hoc t. ut si suus hæres sit major 20. annis*, id est, si excesserit quadriennium, quod post impletos 25. annos, datur ad petendam restitutionem in integrum, ut *l. ult. supra, de temp. in integ. restit.* et res sit integra, intra triennium, ut dixi, tantum possit redire ad ea bona, quæ inconsulto repudiavit, vel si sit minor annis 20. neque impleto anno 20. intra triennium ad eadem bona redire potest: et hæc est sententia *l. ult. nec* quicquam restat, quum ut exponamus *l. 3. hoc tit.* et ut intelligatur, cum ea sunt conjungendæ *4. leges l. 1. sup. de repud. bon. poss. l. 4. sup. de postul. l. transactio, sup. de transact. et l. si filiusfam. de pet. hered.* una fuit constitutio, quæ fuit dicta in 5. partes, quod inscriptio et subscriptio eadem indicat, quo argumento et artificio utimur sæpe in constitutionibus interpretandis, et invenio eodem uti Thaleleum in libro 45. Basilicon, dum ducta conjectura ex inscriptione et subscriptione, conjungit *l. si qua mulier, inf. ad Tertul.* cum *l. 1. sup. de secund. nupt.* porro ex conjunctione earum *5. ll.* sive partium unius ejusdemque constitutionis, intelligimus esse differentiam inter filium præteritum, et emancipatum, quod filius suus præteritus injustum faciat testamentum statim ab initio, *l. 3. §. ex his, ff. de injust. rupt.* Emancipato autem præterito, testamentum valet, sed rescinditur per honorum possessionem contra tabul. Quam tamen si emancipatus semel repudiaverit, rursus ad eam redire non potest, nec si dicat honorum possessa. in jure repudianti advocatum sibi non adfuisse, non potest hoc colore redire ad honorum possessionem, quam repudiavit per causam obvenire advocati sui, non potest ad questionem jam finitam reverti: hoc est quod ait *l. 1. sup. de rep. bon. poss. et l. 4. sup. de post.* Suus quoque hæres non potest reverti regulariter ad hereditatem, quam repudiavit, nisi sit

res integra, et intra triennium, ut dixi supra: verum quæso quid sit dicendum si suus hæres miscuerit se bonis, atque ita acquisiverit hereditatem parentis, an postea ab hereditate recedere potest? an repudiare eam? ut utique videtur se miscuisse, si diu possedit bona, ut in *d. l. si filiusfam. sup. de pet. hered.* filius videtur miscuisse, et agnovisse hereditatem patris, si injustum testamentum dixerit, in quo fuit præteritus, et egerit adversus heredem scriptum de hereditate: ergo et hoc casu eam hereditatem repudiare non potest. At tinge, quæ est species *l. 3.* post motam litem de hereditate, filius in jure professus est transigendi animo, decidendæ litis causa, se eam hereditatem ab heredem scripto non petiturum, quo genere videtur repudiasse hereditatem, et recte: quia in jure professus est. Sed repudiatio nullius est momenti, quia quod acquisitum est, repudiari non potest. Transactio etiam nullus momenti est, quia qui discedit a lite transigendi animo, si nihil ei detur, vel promittatur, vel si ipse nihil retineat ex bonis, de quibus transigit, transactio nulla est, et qui ita transigit, nihil agit. Nam transactio gratuita nulla est quæ lit, ut facta est in proposita specie nullo dato, vel retento, vel promisso, ut ait *l. 3. Quod etiam repetitur in d. l. transactio, sup. de transact.* Ergo in hac specie, neque transactio, neque repudiatio valet: si præciseretur donandi animo, non transigendi se non petiturum, valeret pactio, sed non ea mente pactus est, sed transigendi causa, nullo dato, vel promisso, vel retento: non valet ergo: neque repudiatio valet, neque transactio, et addamus ad hæc ex *l. 1. et 2. hoc tit. in suum heredem*, qui se abstinent bonis, sive se abstinerit suo jure, vel beneficio ætatis restitutus, creditoribus hereditariis non dari actionem. *l. necessariis, ff. de acquir. hered.* neque in fidejussores ab eo datos, *l. 88. ff. eod. tit.* et ita in *l. 1. ait, si paterna hereditate te abstinuisti, ex persona patris conveniri te procurator meus prohibebit.* Ideo ait *procurator meus*, quia filius, qui se abstinerat, conveniebatur a fisco, ex nomine a patre cum fisco contracto. Ergo iudex competens, qui est, nunquam feret, ut conveniatur ex persona patris filius, qui se abstinuit, sed exigimus omnino, ut non sit ficta abstentio, ut absit fraus et simulatio omnis, nam, quod maxime notandum, si filius, qui se abstinent bonis patris verbo tenus, per suppositam personam clanculum emat bona patris, quæ forte a creditoribus distrahuntur, perinde tenetur ac si miscuisset se, *l. si is qui bonis, ff. de acquir. hered.* quia bona fide rem gessisse non videtur, qui per suppositam personam emit: et ita etiam in specie *l. sicut, §. supervacuum, ff. quibus modis pignus*

vel hypoth. solv. si creditor hypothecarius permittat debitori vendere hypothecam, sane solvitur hypotheca. Sed si vendita hypotheca debitor, cui venditio permissa est a creditore, eam repossideat, ut est recte scriptum Florentie, et in Basilicis, ἵνα ἡ δὴ πάλιν τις τῶν χρηστέων, id est, si post venditionem per interpositam personam fecerit debitor, ut mox eam rem repossideat, jus hypothecæ solutam esse non intelligitur, quoniam non id fecit debitor, quod permiserat creditor, et ita etiam in 1. oratione Demosthenis adversus Onetorem: Καὶ τοὶ δὲ τῶν μὲν λόγων ὡς ἀπεστιμῆσται τὸ χρηρὲς, τῶν δ' ὁποτετιμῆσται παύσειν γαργυρῆτα, id est, non est consentaneum, ut qui dicit se prædium dedisse, et tradidisse pignori, eum tamen postea videri id prædium possidere, et excolere: non potest fieri sine simulatione et fraude aliqua. Igitur filius, qui se abstinent, pro eo est, ac si non se abstinuisset, si mox per suppositam personam emerit bona patris, seu si palam et bona fide veluti ex auctione ipse emerit a prioribus creditoribus patris fundos pignori obligatos, rata emptio est, et a posterioribus creditoribus patris, qui ut ait l. 2. hoc tit. sub iisdem obligationibus, id est, sub iisdem pignoribus patri pecuniam crediderunt, non potest conveniri actione hypothecaria, oblata pecunia debita prioribus creditoribus, a quibus fundos emit: denique posteriores non habent jus inferendi filio, qui emit bona patris, quoniam abstinent se, et res palam gesta est bona fide: in l. 2. h. t. non fuit abstentio simulata, non est etiam emptio simulata, ut ostendit l. 1. si filius, qui se abstinent habitat in domo patris non ut hæres, sed ut inquilinus, id est, conductor, l' ayant pris à louage, vel ut custos, id est, insularius, comme concierge, idemque etiam si habitat in domo hereditaria ut inquilinus, vel custos, non tenetur ex persona patris, quia non videtur se pro hærede gerere. Pro hærede gerere non tam est facti, quam unimi. Et ita etiam confectio inventarii (de qua diximus heri, quod notandum est) non est idoneum argumentum ad re, vel agnitæ hereditatis, vel pro hærede gestionis. Nam et qui deliberat, quandoque inventarium conficit, ut l. ult. §. sin autem hoc, sup. tit. prox. et ad confirmationem horum omnium, quæ dixi, adferam constitutionem Antonini ex l. 3. Codicis Gregoriani, quæ nondum est edita.

Imperator Antoninus Augustus Julio.

Si paterna hereditate abstinuisti, et a patris creditoribus convenis: secundum juris formam lueri te potes. Si vero permiscuisti te hereditati, nec citate permittente in integrum restitutus es, ut abstinenti jus haberes, intelligis te omnibus creditoribus hereditariis debere re-

spondere. PP. 3. Cal. Septemb. Antonino Aug. Cons.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XXXII. Quemadmodum testamenta aperiuntur, inspiciantur, et describantur.

Aut tabule testamenti aperiuntur, et publicantur, et insinuantur apud acta vivo testatore, in urbe apud magistrum census, qui habet jus actorum publicorum conficiendorum, et in provinciis, apud præsidem, ut scilicet tabulis testamenti major accedat fides, ut in l. 2. 18. et 23. sup. de test. Aut aperiuntur post mortem testatoris, ut immolescant heredibus, et legatariis, et fideicommissariis, et servis manumissis, et fisco, cui vicesima hereditatis debebatur, de qua dicemus tit. seq. vel aliis, quorum interest inspicere, et describere tabulas testamenti, aut partem earum, et ex l. Julia et Papia heredes non poterat adire hereditatem ante apertas tab. testamenti, ante insinuationem testamenti, ut in l. cum in antiquioribus, l. ult. §. sin. autem dubius, et §. in computatione, sup. de jure delib. nisi forte esset hæres scriptus ex asse, ut l. multum, ff. de cond. et demonstr. l. 1. §. ult. ff. de juris et fac. ignbr. et ex iisdem legibus Julia et Papia, dies legatorum, vel fideicommissorum non cedeat ante apertas tabul. verum hodie ex constitutionibus Justin. restitutum et reductum est jus antiquum, quod obtinuit ante l. Jul. et Pap. ut heredes, sive sit ex asse scriptus, sive ex parte, possit adire hereditatem statim a morte testatoris, etiam clausis tabulis testamenti: et similiter, ut dies legatorum, et fideicom. cedat statim ante apertas tab. l. n. §. cum igitur, et §. in novissimo, inf. de cad. toll. et hoc in extraneis heredibus, quibus solis est necessaria additio: nam in necessariis heredibus, id est, servis cum libertate institutis, et in suis heredibus hoc semper obtinuit, ut heredes existerent statim a morte testatoris, etiam ante apertas tab. l. 3. sup. de jure del. l. ex parte, D. de acq. hered. Et idem postea a Teodosio datum est liberis testatoris non necessariis heredibus, ut scilicet intelligantur parenti heredes extitisse statim a morte in hoc, ut etiam si ipsi moriantur ante apertas tabulas, et ante aditam hereditatem parentis, eam nihilominus transmittant ad liberos, non ad quosunque heredes extraneos, l. un. inf. de iis qui ante ap. tab. aperiuntur autem h. t. non tantum est tabulas testamenti

patefacere naturaliter, id est, clausas recludere, et resignare, rupto vel inciso lino, quo colligatae sunt, ut in *l. 3. §. aperire, D. de SC. Syll.* Sed hoc loco *aperire*, est etiam civiliter aperire, id est, secundum leges et mores civitatis, in qua sit apertura testamenti, *l. 2. h. t.* solemni quodam ordine, qui plerumque explicatur praesente magistratu, in foro, vel in Basilica, claro lumine, id est, inter horum accundam et decimam, ut ait Paulus *4. Sentent. l. de vicesima*: quod hodie est secundum rationem, quae apud nos horae numerantur, inter horam 8. et 4. pleno, differto foro, et adhibitis testibus, qui testamentum signaverunt, aut majore parte eorum, ita ut agnoscant signa sua, confitentes esse sua, et agnitis signis mox resignetur testamentum rupto lino, et recitetur palam, atque ita inspicienti, et describendi, sive exempli sumendi fiat potestas heredi, vel legatario desideranti testamentum describere, vel alii cujus interest, et quod descripserit, etiam conferendi, et recognoscendi, ne quod mendum in exemplo residat: post descriptum, et recognitum, factum testamentum publico signo a magistratu obsignatum, reponitur in archis civitatis, et haec ostenduntur in *l. 4. et 6. et 7. D. eod. tit.* Et in sententiis Pauli *sup. lib. et tit.* et notandum, quod si aliquis ex testibus non cognoscat signum suum, sigillum suum, et quod ostenditur neget esse suum signum, suspectas quidem ea res facit testamenti tabulas: sed non ideo minus aperiuntur, ut sint usui ei cujus interest, qui eas desiderat aperire, *l. 1. §. ult. D. eod. tit.* notandum etiam est ex *d. l. 7.* Si quis ex testibus, et signatoribus testamenti absit, vel si omnes absint peregre, ad eos mitti debere tabulas testamenti, ut sigilla sua et manus cognoscant: nam cognoscendi signi sui manusve suae causa, omnes non debere revocari, quia ut ait elegantissime *d. l. 7.* et notandum est valde, cum magno saepe incommodo, et detrimento a rebus nostris revocamur, et iniquum est officium, quo functi sumus in signando testamento alieno, nobis esse damnosum. Ergo qui postulat aperiri tabulas testamenti, non debet nos revocare a negotiis nostris, sed debet ad nos mittere tabulas, ut signa nostra noseamus: neque quicquam obstat huic sententiae *l. 3. §. hoc interdictum, D. de tab. exh.* quae ait, tab. esse exhibendas apud praetorem, ut ex auctoritate ejus signatores, id est, testes testamentarii veniant, non etiam mittantur ad eos ad recognoscenda signa sua, et addit, non obtemperantes jussu praetoris, non venientes, etiam coerceri posse a praetore, contumaciam eorum esse plectendam. Sed nihil est, quod facilius expediri possit. Loquitur ille *§. de praesentibus testibus, l. 7. de absentibus peregre*, qui non

possunt sine magno detrimento negotia sua derelinquere quae gerunt peregre, quod si forte absentibus omnibus testibus, aliqua urgeat necessaria causa, quam primum aperiri tabulas testamenti, ita ut non possint ad singulos mitti tabulae ad recognoscenda sua, quid fiet? tum a lito praetore, vel praeside pro tribunali, vel per libellum, praesentibus honestis viris, id est, optimae opinionis et integerrimae famae tabulae aperiuntur, et earum inspiciendarum sit copia ei cujus interest, atque describendarum: et post descriptum, et recognitum factum, rursus ab iisdem honestis viris obsignantur: tum deinde mittantur ad testes, ut cognoscant sigilla sua libere, neque ardentur nimis: ergo post factam aperturam testamenti, cum ea desideraret celeritatem et rursus obsignatum testamentum, non ideo minus testes, qui absuerunt, signa sua debent recognoscere, ut videatur apertura facta legitime et hoc etiam ostenditur in *d. l. 7. in l. 2. hoc tit.* ergo praesentibus honestis viris, cum illi absint, sit apertura testamenti, deinde inspectio, quo nomine signi etiam lectio, nam frustra inspicias, nisi legas, in *l. 2. §. inspectio, D. eod.* et post inspectionem, et lectionem fit descriptum: descriptum dicit *d. l. 7. ut l. Praetor, §. ult. D. de edendo.* Quod Graeci vocant ἀντίγραφον, et ἀπόγραφον, et ita in antiqua inscriptione Cannusina, descriptum, et recognitum factum in pronao aede Martis: sic loquitur *l. 7.* unde dicitur, *la prone*, quod feri solebat in pronao Ecclesiae, et notandum quod ait *l. 2.* ut fiat apertura testamenti, a lito praetorem, vel praesidem pro Tribunali, vel per libellum, *par requête*, per libellum, si effectum rei inspicias, id est, de plano transeunte praetore, *en son chemin*, e solo, e plano, eo non sedente pro tribunali, quoniam haec res non desiderat causae cognitionem, non desiderat decretum praetoris, vel praesidis: quid est decretum? est sententia, quae sequitur causae cognitionem, decretum non potest interponi de plano, sed tribunal evigit, et sellam praetoris, *l. 9. §. ubicumque, D. de off. proc.* et ita dicitur excusationem tutelae eum qui se excusat, posse contestari pro tribunali sedente praetore, *πρὸς βήματα*, vel etiam libellum, *χαράδιν*, quod non est, ut vult Augustinus, supplicis prece, *se mettent à genoux*, sed *χαράδιν*, id est, de plano, ex transitu. *ἐκ τῆς δόξης*. Contestatur ergo excusatio etiam de plano, sed non recipitur nisi pro tribunali, hoc non potest expediri per libellum, *l. 13. §. penult. conjuncta l. 25. de excus. tut.* Et ita aperturam testamenti *l. 2.* ait fieri praesente magistratu, etiam si non sedeat pro tribunali. Denique ei magistratus auctoritatem accommodare etiam per libellum, et de plano, in transitu, in processu. At nunc notandum est, non semper ei, qui desiderat inspicere tabulas testa-

menti, dari copiam inspiciendarum omnium partium testamenti. Primum ea tantum pars inspicienda est, quæ ad eum pertinet, et totum, si totum ad eum pertineat: verum semper excipienda est ea pars testamenti, quam testator veluit aperiri et inspicere, cui superscripsit ne aperiretur, *l. 3. hoc tit.* Et hoc solent plerique testatores superscribere tabulis pupillaribus, id est, substitutioni pupillari, quam seorsum obsignaverunt, ne aperirentur, videlicet ne quis sciat, quis sit pupillo substitutus, ne substitutus insidiatur vitæ pupilli, §. *sin autem, instit. de pup. subst.* Imo etsi testator nominatim non vetuerit aperiri tabulas pupillares, tamen si eas seorsum signatas reliquerit proprio lino, propriæque cera, tacite videtur velasse ne aperirentur. Ac proinde licet sint pars testamenti principalis, tamen non aperientur, nisi causa cognita a prætore, propter quam quis eas aperiri vult, *l. pupillares, D. eod.* excipienda etiam semper est ea pars testamenti, quæ pertinet ad ignominiam alicujus, veluti pars exheredationis filii. Nam exheredatio est ignominia, quæ etiam quandoque fit cum convicio, cum elogio infami, *l. 3. D. de lib. et post.* ac similiter præteritio ignominia est, *l. quidam, inf. de fideicommiss.* nihil autem attinet inspicere eam partem, quæ pertinet ad infamiam alterius, nec honestum est desiderium postulantis eam partem inspicere, quæ alteri dedecori est, *l. 3. hoc tit.* ex qua etiam *l. 3.* notandum maxime est, cum, qui desiderat tabulas exhiberi, et aperiri, non audiri, nisi juret de calumnia se non desiderare frustra et inutiliter vexandi tantum illius gratia, penes quem sunt tabulæ testamenti, sed quod maxime e re sua sit aperiri tabulas, ut eis utatur in controversia aliqua pendente ex his tabulis, quam non potest persequi non cognitis et inspectis verbis testamenti: debet ergo primum se purgare de calumnia. Et notandum etiam ex eadem *l. 3.* nunquam cuiquam dari potestatem ut describat diem et consulem testamenti, ut in *l. 2. §. diem D. eod. tit.* non valeat testamentum jure civili, jure solemnî, in quo non esset adjectus dies et consul. Quod nominatim scribit Joannes Chrysostomus in Homil. 3. de verbis Esaiæ. *Vidi dominum, etc.* Et quod circumfertur fragmentum Modestini in hæc verba: *cum in testamento dies et consul adjecti non sunt, nihil nocet, quo minus valeat testamentum*, hoc verum esse possit jure prætorio, non jure solemnî. Ideo autem nulli patet facultas describendi consulis et diei testamento, adscripti, ne quid excogitet falsi: inspecto, inquit Fabius, ipsa etiam sæpe falsum deprehendit, et ut inspectio falso deprehendendo materiam instruit, et fabricando sæpe etiam falso. Nam cognito die et consule, posset quis proferre diem

confecto alio testamento, vel confecto codicillo, quo aliquid testamento relictum alimatur, et descripto die posteriore, multum igitur interest ne edatur dies et consul, ne ex eo excogitetur aliquid falsi, et prolato die fiat. Quod obtinuit in omnibus instrumentis, quæ a nobis edi desiderantur, ut edantur sine die et consule, *l. 1. §. edit. D. edendo.* Unum tantum restat, ut adnotemus, hunc tit. loqui de testamento, quemadmodum testamentum aperiantur. Titulus autem *testamento*, sed pertinet etiam ad omne id, quod pertinet ad causam testamenti, ut puta ad codicillos, *l. ult. hoc tit. l. 1. §. hoc interdum, D. de tab. exhibendis*, et ad substitutionem pupillarem, nisi vetuerit testator eam aperiri, *l. 2. §. ad causam, D. eod. tit.* et ad libellum quoque quem reliquit defunctus, si aliquatenus pertineat ad supremam ejus voluntatem, *l. 1. in princip. D. de tab. exhib.* et ad epistolam fideicommissariam, quæ est imitatio codicilli, *l. cum quis, §. pater, D. de leg. 3.* et generaliter ad omnem scripturam testamenti, etiam imperfectam, nam et vitiosum et vitiatum testamentum quandoque inspicere expedit, et recte *l. 2. hoc tit.* Ejus, quod ad causam testamenti pertinet, quæ fuerint verba prætoris non tantum in interdicto de tabulis exhibendis, quo tenetur is, qui negat penes se esse id, quod ad causam testamenti pertinet, in id quod interest, atque etiam in remedio extraordinario, quo is, qui non negat penes se esse tabulas testamenti, vel id, quod ad causam testamenti pertinet, omnimodo viribus prætoris id exhibere compellitur in *l. 2. §. ult. D. eod. tit. et l. 1. §. 1. D. de tab. exhib.*

JACOBI CUJACII J. C.

Ad Lib. VI. Codicis.

RECITATIONES SOLEMNES.

Al Tit. XXXIII. De edicto Divi Adriani tollendo, et quemadmodum scriptus hæres in possessionem mittatur.

Post aperturam, et recitationem testamenti, de qua est tit. superior proximus: post aperturam, inquam, et recitationem testamenti rite perfectam, solet hæres scriptus mitti in possessionem rerum hæreditariarum, quas mortis tempore testator possedit. Nam in possessione earum rerum, quas alius ex justa causa possedit, non testator, non ante mittitur in earum possessionem, quam egerit petitione hæreditatis cum possessore, vel rei vindicatione: ergo in eas tantum res statim post mortem testatoris, aut in eorum tantum rerum hæreditariarum

possessionem statim mittitur, quas liquido constat testatorem mortis tempore possedisse, *l. 3. hoc tit.* Et similiter Paulus *3. sent. tit. 5. in fine*: in possessionem, inquit, earum rerum, quas mortis tempore testator non possedit, haeres scriptus priusquam jure ordinario experiatur, improbe mitti desiderat: ergo debet prius agere jure hereditario id est, petitione hereditatis adversus possessorem rerum, vel actione in rem, quam desideret extra ordinem se mitti in earum possessionem excluso possessore: et licet haec missio in possessionem ex edicto D. Adriani, atque ideo beneficium edicti conditi a Divo Adriano appellatur in *l. 27. Cod. Theod. quorum appellationes non recipiantur*: quia qui heredis beneficio utitur, necesse non habet petere honorum possessionem secundum tabulas, vel secundum nuncupationem, quam tamen si elegerit, et amplecti maluerit hoc beneficium amittit, ut *l. ult. Cod. Theod. de testam. et in Nov. 1. Justiniani*. Et praeterea ex edicto Divi Adriani haeres scriptus statim post mortem testatoris, et post apertas, et recitatas tabulas testamenti, agnitamque hereditatem mittitur in possessionem rerum hereditariarum (et hoc est beneficium edicti) quas testator possedit, etiam si testamentum dicatur esse falsum, vel irritum, vel ruptum, vel nullum, vel inofficiosum, salva tamen eorum manente disceptatione, an sit falsum: vel irritum, vel ruptum, vel inofficiosum, vel nullum. Sed interim dum de eo disceptatur, is, quem patet esse scriptum testamento heredem, protinus mittitur in possessionem rerum hereditariorum, quas testator possedit, *l. 2. h. t. et Paulus in sententiis suprad. lib. et tit. et ab ea quoque missione in possessionem non est appellatio, non est provocatio, id est, non admittitur adversarius appellatus a decreto missionis in possessionem, quo placuit heredem scriptum protinus mitti in possessionem l. quisquis, in fine, quorum appellationes non recip. l. ult. D. de appell. recip.* Et sic postulatur ab herede scripto missio in possessionem ubi sunt res hereditariae, et corpora hereditaria, quae possidere vult auctore iudice, *l. un. sup. ubi de hered. agit. et ubi haeres scriptus in p. sess. mitti post. deb.* cum autem plures sunt, inter quos est controversia, quod evenit frequentissime, qui volunt mitti in possessionem rerum hereditariorum, quas testator habuit, et tenuit saepe magna contentione, quaeritur uter preferri debeat, uter potius mitti debeat interim in possessionem, dilata quaestione principali de hereditate? sane si inter institutum et substitutum sit controversia, quod evenit frequentissime. Nam et substitutus aliquando excludit institutum, ut in specie *l. ult. sup. de necess. hered. inst. et l. si*

is qui solvendo *37. D. de hered. instit.* licet institutio valeat, et institutus adierit, vel adire voluerit; sunt casus singulares, quibus instituto praefertur substitutus contra seriem testamenti, et aliquando etiam substitutus admittitur in partem hereditatis, ut in specie *§. ult. inst. de vulg. subst.* et jure veteri, ut Ulpianus scribit *lib. reg. tit. 22.* haerede scripto cum cretione, non cernente, sed pro haerede gerendo, substitutus in partem admitteretur, substitutus destringebat ei partem, quod non crevisset, uti in testamento praescripserat testator, sed pro haerede gerendo hereditatem acquirere maluisset: unde et in specie *l. verbis, D. de vulg. sub. t. et l. Lucius, D. de hered. inst.* non immerito dubitatur, an substitutus veniat in partem hereditatis, quoniam hoc saepe contingit, ut abradat substitutus instituto partem hereditatis. Cum vero est ista controversia inter institutum et substitutum, et quaeritur uter potius debeat mitti in possessionem ex edicto D. Adriani, quae missio expedienda est celeriter, dilata quaestione principali in largius tempus, melius est, ut praefertur is, qui primo loco scriptus est, itaque institutus mittetur potius in possessionem quam substitutus, donec de eorum jure liqueat, et haec est sententia *l. 1. h. tit.* quae exstat etiam apud eundem Paulum *cod. lib. et tit.* Si inter heredem institutum et substitutum, inquit, controversia sit, magis placet eum mitti in possessionem rerum hereditariorum, qui primo loco scriptus est, primoque gradu, neque refert substitutus quis sit directo, an per fideicommissum: nam haeres institutus ante restitutam hereditatem ex fideicommissum, potius mittitur in possessionem rerum hereditariorum, quam fideicommissarius Trebellianicus, quae est sententia *l. filiam, D. ad Treb.* quae pertinet ad edictum Divi Adriani, et generaliter, ut definit, *l. 3. hoc tit.* quoties inter aliquos est controversia, ea discessa summam, et exactiori disputatione dilata in aliud tempus, debet iudex mittere in bonorum possessionem eum, qui potiora jura habere videtur, *l. 3. h. t.* Hodie haeres scriptus mittitur in possessionem, non ex edicto D. Adriani, quod titulus declarat esse sublatum, sed ex constitutione Justiniani, id est, ex *l. 3. h. t.* videmus quid distet edictum D. Adriani a Justiniani constitutione, non idem utriusque constitutionis fuit ordo, non idem jus. Primum ex edicto D. Adriani haeres scriptus missionem post annum impetrare non poterat, ut indicat haec lex *3.* Et definit aperte Paulus in suprad. loco ex constitutione Justiniani etiam post annum impetrat missionem, imo nec postulanti heredi scripto missionem ulla obstat praescriptio longi temporis, quod maxime notandum ex *l. ult.* atque ita imitatur missio petitionem hereditatis, quae etiam est actio perpetua, *l. hereditatis,*

sup. de petit. hered. l. 21. in quib. caus. cesset longi temp. præsc. tollitur tamen petitio hereditatis præscriptione 30. annorum. Nam hæc præscriptio perimit omnia, et hæc dicitur peremptoria, quæ dicitur a Cassiodoro *patrona humani generis*. Ergo hæres scriptus, postulans missionem, similiter non excluditur præscriptione longi temporis, id est, 10. vel 20. annorum, sed excluditur præscriptione 30. annorum, vel etiam usucapione, si rei hereditarie, aut quarundam rerum hereditariarum dominium possessor, quem vult hæres scriptus repellere missionem in possessionem, acquisierit usucapione. Quod etiam declarat l. 3. quia enim questio principalis, quæ est de dominio usucapione perimitur, vel præscriptione 30. annorum, sequitur necessario perimi jus missionis in possessionem: *Qui n' a point de droit, au principal, n' en a point aux dependances*, et hoc argumento etiam utitur hæc l. 3. Sed notandum est, heredem scriptum non aliter mitti in possessionem quam si testamentum proferatur, et publice recitetur: præcedit enim apertura, et recitatio testamenti, sequitur missio: ut inde appareat quam apte h. l. sequatur superiorem, qui est de apertura, et recitatione testamenti: non fiet igitur missio, nisi prolatum sit testamentum, et apertum, et recitatum, et nisi etiam inventum fuerit integrum, atque perfectum, non abolutum, non cancellatum, ut ait l. 3. non ulla ex parte vitiatum, sive corruptum, non imperfectum, sed quod habeat signa, et subscriptiones 7. testium, et uno verbo, quod sit legitime formatum. Nam ex eo testamento, quod legitime conceptum est, atque conscriptum, hæres scriptus in eo, protinus inducitur in possessionem rerum hereditariarum, quas testator possedit mortis tempore ex auctoritate iudicis, mittitur in possess. per officiales iudicis, per publicas personas, et hoc est quod ait l. 3. *et eas cum testificatione publicarum personarum* id est, officialium prætoris, aut præsidis accipiet: nec quicquam interest hæres sit scriptus ex asse, an ex parte: nam et scripto ex parte datur missio in possess. l. *filiam*, D. *ad Trebell.* Præterea edicto Divi Adriani occasionem dedit lex Julia, quæ proprio nomine *lex vicesima hereditatum*, vel *hereditatum*, appellatur. Et ex veteribus initio l. 3. sic est legendum, edicto Divi Adriani, quod sub occasione vicesimæ hereditatum introductum est. Et paulo post, quia vicesima hereditatum ex nostra recessit repub. antiquatis, non antiquitatis, ex eadem lege vicesimis hereditatum: fisco debetur vicesima pars omnium hereditatum, quæ nobis ab extraneis obveniunt: tempore Augusti onera Imperii, quæ erant gravissima ob præterita civilia bella, coegerunt vectigal vicesimæ institui, sicut et caduca in

Tom. IX.

stitui coegerunt: caduca legata, caducas hereditates certis ex causis, et fuit specialis quidam procurator Cæsaris, et dicebatur procurator vicesimæ hereditatum sæpe in antiquis inscriptionibus, *procuratori vicesimæ hereditatum*. Et etiam in l. *sed si accepto*, D. *de jure fisc.* et in inscriptione l. 1. inf. *de usur. rei judic.* procuratoribus hereditatum, et apud Scribonium Largum medicum, inter Tiberii libertos *supra hereditates*: huic autem præstationi vicesimæ erant tantum obnoxii extranei heredes, non sui heredes: Plinius in Panegyrico Trajani his verbis: *vicesima reperta est*, inquit, *tributum tolerabile, et facile heredibus duntaxat extraneis, domesticis grave. Itaque illis irrogatum est, his remissum videlicet, quod manifestum erat quanto cum dolore latari, seu potius homines non latari essent, destringi aliquid, et abradi bonis, quæ sanguine, gentilitate sacrorum, denique societate meruissent, quæque non ut aliena et speranda, sed ut sua semper possessa, ac deinceps, proximo cuique transmittenda cepissent*. Nam multa tradit de vicesimo illo loco, et ostendit tantum immunitatem vicesimæ Trajanum dedisse liberis quibuscunque, etiam emancipatis, qui non sunt sui heredes, et parentibus etiam cujuscunque gradus, et fratribus, et sororibus, quæ immunitas postea data est omnibus heredibus. Nam, ut ait in h. l. 3. vicesima hereditatum recessit ex repub. et postquam Plinius illo loco multa retulit de vicesima hereditatum, et liberalitate Trajani, qui eam remisit omnibus liberis, et parentibus, et fratribus edicto suo, subjicit: *Additum est*, inquit *ut qui ex ejusmodi causis in fulem edicti vicesimam deberent, nondum tamen intulissent, non inferrent*. Quid est illo loco *in fulem edicti*? facile est animadvertere mendum esse, cujus etiam correctio facillima, ut mirer non animadverti. Nam legendum est, *in diem*: remisit, inquam, vicesimam in diem edicti, quæ debebatur fisco. Quæ remissio Trajani, et indulgentia reliquorum, maxime vicesimæ in diem edicti sui, commendatur etiam in antiquis inscriptionibus, et antiquis numismatibus: vetus inscriptio sic habet, IMPERATORI TRAJANO, QUOD OMNIUM PRINCIPUM, ET SOLUS REMITTENDO SESTERTIUM NOVIES MILLIES. ET SEPTENA MILLIA NUMMUM DEBITUM FISCO NON PRÆSENTES MODO, SED ET POSTEROS PRÆSTITIT HAC LIBERALITATE SECUROS, et in antiquo numismate Trajani, RELIQUA SESTERTIUM NOVIES ABOLITA, id est, novies millies centena millia: neque est prætermittendum ex l. Julia non tantum deberi vicesimam hereditatum fisco, sed etiam legatorum ab extraneis relictorum: nam ita scripsit Dion 55. τὴν εἰκοστὴν τῶν τελευτῶν

16.

αὐτὸν δὲ παῖδα, id est, *vicesimam et legatorum et hereditatum*. Δωρὰς enim semper Dion legata vocat, et omnino de hoc onere vicesimæ accipiendum esse opinor *l. 2. sup. de transact.* hoc modo: frater transegit de hereditate patris cum sorore, ita ut ille retineret hereditatem, corpora omnia hereditaria, et sorori certam pecuniam numeraret. Is frater veluti hæres ex asse solvit fisco: quid? nisi vicesimam, an quasi plus debito solverit, potest repetere quod solvit, quod integrum vicesimam solvit, qui habuit sororem cohæredem, aut non posse petere, cum ex transactione teneat omnia corpora hereditaria, et ita de hoc vectigali est accipienda *l. filiusfam. §. Divi, D. de leg. 1.* Si testator prohibeat alienare bona hereditaria, ut potest, ne exeant de familia; hæc prohibitio, inquit, non potest esse fraudi fisco: hoc quid sit, querunt alii, qui sunt imbuti ab interpretibus. Sed manifestum est Jurisconsultum loqui de illa prohibitione, quæ non est fraudi fisco, sicut non est etiam fraudi creditoribus, quominus pignora distrabant. Ultimum hic est ut adnotemus, ad hanc legem vicesimam hereditatum pertinuisse edictum D. Adriani, quod fuit etiam de aperiendis tabulis testamenti, quod indicat *l. ult. D. de appell. recip.* Ac deinde mittendo hære scripto in possessionem, et voluit Adrianus tabulas aperiri confestim post mortem testatoris intra 3. vel 5. dies, si hæredes præsentibus essent, quod si absentes essent, eis dedit itineri peragendo in vicena millia passuum singulos dies, ut ita reversi mox intra dies tres, aut 5. tabulæ aperiantur, ne fiat mora necessario vectigali, id est vicesimæ, ut ait eleganter Paulus *4. sent. tit. de vicesima in fine*.

JACOBI CUJACII J. C.

In Lib. VI. Codicis

RECITATIONES SOLEMNES.

Ad Tit. XXXIV. Si quis aliquem testari prohibuerit vel corgerit.

Fisci, aut vicesimæ hereditatum fisco debite ab extraneis hereditibus mentio facta in tit. superiore, nos vocat ad alias, spec. es quibus etiam fisco aditus patet ad hereditates, et bona defunctorum, et ut superioris tituli origo profisciscitur ex una constitutione, sive edicto Divi Adriani, ita et istius tit. causa et origo manat ex alia constit. ejusdem. Imperatoris, ut ostendit *l. 1. D. eod. tit.* quæ quidem hoc vult, ut qui dum capiat hereditatem legitimam ab intestato prohibuit volentem facere testamentum ne face-

ret, vel qui cum esset hæres scriptus priore testamento, prohibuit volentem mutare testamentum per vim, aut dolo malo ne mutaret, ut si impediverit ne testes introirent, ne testamentarius, id est, scriptor testamenti, qui exciperet testamentum dictante testatore, vel Eunomio (Eunomius dicebatur scriptor testamenti) ingrederetur, ut ei velut indigno auferatur hereditas legitima, sive testamentaria, et caduca fiat, id est, ut redigatur in fiscum, *l. 2. h. tit.* Et ut redigatur in fiscum igitur cum suo onere: nam hoc est perpetuum, caduca fieri cum suo onere. Ideoque libertates, et legata, et fideicommissa ab eo data, ex cujus persona hereditas caduca sit, salva esse, et præstari a fisco debere, *l. quidam §. quotiens, D. de leg. 1. l. cum fisco, D. ad Senatuse. Syllan. l. in facto, §. ult. D. de cond. et dem. l. cum secundis, §. ult. D. de iis quibus ut indign.* et ita in proposita specie, caducam hereditatem fieri cum suo onere proditum est in *l. 2. §. ult. D. eod. tit. et l. 3. ult. ad Treb.* Finge: is, qui prohibuit testatorem mutare testamentum, quod esset scriptus hæres in priore, si in priore testamento rogatus sit eam hereditatem restituere alteri, caduca sit hereditas cum onere fideicommissi, et restituenda hereditatis, alteri, deducta tamen Falcidia, quam hæres scriptus detraxisset, si bene more se gessisset, nec mutasset testator voluntatem ut dolrans tantum perveniat ad fideicommissarium. Sed hic quæres, cum tamen legatum, quod legatarius rogatus est alteri restituere, qui dolo malo effecit ne testamentum mutaretur, cur caducum non fiat legatum? Nam ita est scriptum in *l. 1. §. pen. D. eod. titulo*, eum, qui dolo malo impedimento fuit, quo minus testamentum mutaretur, si in eo testamento ei fuerit legatum relictum, idemque mox rogatus fuerit legatum restituere alteri, admitti eum ad legatum, quod ipse legatum, non sit habiturus, sed mox ad alium translaturus. Cur non dicit legatum fieri caducum? Ratio est evidens: quia nihil commodi ad fiscum perveniret, quandoquidem eum oportet statim integrum legatum restituere fideicommissario non detracta Falcidia. Nam solus hæres habet Falcidiam: legatarius, vel qui in locum legatarii venit ex fideicommisso a se relicto, non detrahit Falcidiam: frustra igitur esset, si vocares fiscum, et similiter ex eadem constitutione Divi Adriani, qui per vim, aut dolum malum coegit aliquem testamentum, facere et se heredem scribere, et ut indigno hereditas auferatur, et cadit in fiscum. Imo vero, et si quis aliquem compulerit testamentum facere, et alium, quam se heredem scribere, verius est æque heredi scripto ut indigno auferri hereditatem, licet vim ipse, aut dolum nullum adhibuerit. Cur ita? quia non habet voluntatem

defuncti, optima ratio, *l. cum quidem, D. de his, qu. ut indig.* indignus est hereditate, qui eam non tenet ex voluntate defuncti: neque enim intelligitur voluisse, ut is sibi heres esset, qui coactus voluit. Nam et legimus in fragmentis quibusdam Ulpiani, quæ edidit in lucem Claudius Puteanus, vir clarissimus, etiam non intelligitur voluisse manumittere, qui coactus manumisit: coacta voluntas non est voluntas: quod confirmat *lex si privatus, D. qui et a quibus man. l. b.* In manumissionibus, quæ res est magni pretii, exigitur expressa et integra et libera voluntas, et ubi exigitur libera voluntas et integra et plena, non intelligitur voluisse qui coactus voluit, id est, coacta voluntas non habetur pro voluntate. Testamentum certe exigat liberam voluntatem, liberum stilum, ut ait *l. 1. sup. de sacros. eccl.* Igitur non intelligitur voluisse facere testamentum, qui coactus voluit. Igitur, qui in eo testamento est scriptus, non habet voluntatem defuncti. Ac proinde indignus est bonis defuncti. Quedam sunt negotia, in quibus sufficit qualis qualis voluntas, etiam non expressa, id est, in quibus taciturnitas pro consensu habetur, etiam remissa voluntas: et in iis etiam coacta voluntas sufficit, ut in additionibus hereditatum, quæ explicantur quolibet iudicio amplectendæ hereditatis, maxime hodie subtilis cretionibus: ergo in adenda hereditate etiam, qui coactus adivit, obligatur hereditati, qui voluisse intelligitur, *l. si mulier, §. penult. D. quod metus causa l. si metus, D. de acquir. heredit.* et idem etiam obtinet in nuptiis: nam et qui cogente patre duxit uxorem, voluisse eam intelligitur, quod in nuptiis sufficiat nudus consensus, qualis qualis consensus, etiam remissus: quod sunt, qui non ex animo ducant uxores; et tamen matrimonio alligantur *l. si pater, D. de ritu nuptiar.* abesse debet simulatio semper, et fallacia, nam simulata nuptiæ non valent, *l. simulatae, cod. t. t.* Et simulata quoque aditio non valet: nam hæc nullam habet voluntatem *l. 6. §. ult. de acquir. heredit.* non intelligitur voluisse, qui simulavit: at in negotiis illis intelligitur voluisse, et qui coactus, et invitatus animo suo voluit, ut ait Homerus, *ἰκὼν δ' ἐξορτα γέδυνον, sponte, et invito animo*, ut coactus sua voluntate: merito igitur etiam is, qui heres scriptus est cogente altero, etsi non sit conscius sceleris, indignus tamen iudicatur hereditate, qui non habet liberam voluntatem testatoris: et notandum ex hac constitutione Adriani excipi tantum vim, vel dolum malum, non etiam blanditias. Nam, ut ait *lex ult. D. col.* heres scriptus testamento uxoris, qui iratam uxorem, et contra se codicillos facere parantem placat, et demulcet ne codicillos, faciat ne codicillis, oueret legatis, quod potest facere usque ad dodrantem

non incidit in crimen. Ideoque fisco non vindicatur, quod mulier per codicillos erogare potuit, et abradere marito in testamento scripto: potuit autem dodrantem, *l. 4. D. ad leg. Cornel. de fals.* et similiter *lex ult. hujus tit.* ait, ut æque legimus apud Apul. 2. *Apologia*, non esse crimen, si quis supremum iudicium uxoris in se provocet ut ab ea aliquid promereatur blanditiis quibusdam: nec enim blanditias possis dicere vim esse, aut dolum malum. Et tamen Plutarch. in Roman. refert Solonem non admisisse legata morientium, quæ extorsisset suasio uxoris, quæ legasset *γυναικὶ πεισθύνοντες*, id est *persuasum uxoris*, quod nos etiam probamus, si quid suaserit dolo malo, sed possit suadere bono animo, et honesta ratione, *l. 1. §. persuadere, D. de sevo cor.* et in crimine incidit ex constitutione Adriani is tantum, qui vim, et malitiam malam, moremque malum, et improbatum adhibet in prohibendo, ne quis testamentum faciat, vel ne mutet, vel in cogendo ut faciat, et scribat quos non vult heredes: et hujus criminis nullam invenio esse poenam in libris nostris: licet quidam Græci interpretes relegatione dignum iudicent, et eum plecti dicant, quod non est in jure nostro proditum: nullam, inquam, poenam patitur, præter quam, ut indignus iudicetur hereditate qui hoc faciat, qui hoc ipse sibi lucrum patefacit, ac proinde ut in ejus locum veniat fisco: non tantum incapacium, sed etiam indignorum locum fisco occupat, et aufert: et observandum est ex *l. 1. hoc tit.* ex hac causa etiam competere civilem actionem, id est, actionem de dolo in id quod interest, quæ dabitur iis, quorum interest non esse locum factum fisco, non esse apertam viam fisco, id est, iis, quos defunctus heredes scripturus erat, si non fuisset coactus alios scribere, vel si non fuisset prohibitus testamentum scribere, vel nuncupare, vel iis, ad quos bona defuncti redibant ab intestato, si non fuisset coactus facere testamentum: nam heredi quidem scripto fisco aufert hereditatem criminali iudicio, sed et idem, cui aufertur hereditas civiliter tenetur iis, quorum interest actione de dolo malo, quod dolo malo ejus factum sit, ne ad eos hereditas perveniret, *l. Lucius, §. Sempronius, ff. de leg. 2.* et Nov. 115. adjuncta interpretatione Julani antecessoris, ut ejus interpretatio est necessaria, et ita puto accipiendam esse civilem disceptationem in *l. 1. hoc tit.* non pro petitione hereditatis, ut vult Accursius, ita ut lex dicat, eum, qui cogit defunctum facere testamentum, teneri civiliter iis, quorum interest, actione de dolo malo, vel in factum, quæ est succedanea actionis de dolo secundum qualitatem, et dignitatem personarum, cum qua agitur: et præterea crimi-

naliter possit accusari, et deferri ejus causa ad fiscum. Nam omnis delatio ad fiscum sit criminis causa fere, et criminalis accusatio est: atque ita ex hoc tit. habemus unum casum, quo hereditas auferitur velut indigno. Sequuntur alii plures casus tit. sequenti.

JACOBI CUJACII J. C.

In Lib. VI. Collicis

RECITATIONES SOLEMNES.

Ad Titulum XXXV. De his, quibus ut indignis hereditas auferitur, et ad Senatusconsultum Syllanianum.

In titulo superiore proposita est causa una, ex qua auferitur hereditas ut indigno: ea est crimen prohibiti, aut extorti testamenti: in h. l. proponuntur plures aliae causae, et est totus de jure fisci: nam quae ut indignis auferuntur, auferuntur a fisco, exceptis casibus certis, qui notabuntur in l. un. §. quae autem, inf. de cad. toll. fiscus est successor indignorum, et non tantum ab indignis auferre dicitur, sed etiam eripere, ut in l. pen. ff. de jure fisci, l. 26. ad l. Cornel. de fals. et in l. legatum ereptorium libro reg. Ulpiani tit. 19. Sic enim nuper Lutetiae legi in ipso Authentico, non ereptitium, et generali nomine ereptoria, id est, quae ut indignis auferuntur, etiam caduca dicuntur, l. 2. §. ult. ff. si quis aliqu. test. proh. l. cum fisco, ff. de SC. Syllan. omne quodcumque cadit in fiscum caducum est, et specialiter caduca sunt, quae nondum delata, aut acquisita sunt: eripiuntur, vel auferuntur quae jam acquisita sunt: caduca sit hereditas, quae non adita est, alioquin eripitur, quae jam adita est: indignus igitur est, qui capere potest, et vero etiam cepit, sed quod cepit retinere non potest, vel quod eum esse male meritum de testatore, testator ipse judicavit, vel lex: vel quod quodammodo pudendum sit apud eum tenere quod cepit: unde satis apparet, quam longe distet incapax ab indigno, cum hic jus capiendi habeat, non retinendi: ille non habeat jus capiendi.

Ad L. I. et VI.

L. I. Haeredes, quos necem testatoris inultam omisisse constiterit, fructus integros cogantur reddere. Neque enim bonae fidei possessores ante controversiam illatam videntur fuisse, qui debitum officium pietatis scientes omiserunt. Ex hereditate autem rerum distractarum, vel a

debitoribus acceptae pecuniae post motam litem, bonorum vias inferant, quod in fructibus quoque locum habet quos in praediis hereditariis inventos, aut exinde perceptos vendiderint, proculdubio est: usuras autem semisses dependere satis est.

L. VI. Minoribus 25. annis haeredibus non obasse crimen inultae mortis placuit. Cum vos autem accusationem pertulisse, et quosdam ex reis punitos proponatis, licet is, qui mandasse eadem dicitur, provocaverit: vereri non debetis, ne quam hereditatis paternae questionem a fisco meo patiamini. Convenit enim pietati vestrae respondere causam appellationis reddendi. Quod si majoris aetatis fuissetis, etiam ex necessitate provocationis certamen implere deberetis, ut possetis adire hereditatem.

Primum in l. 1. hoc tit. quam hodie explicaturus sum, adjuncta l. 6. proponitur crimen inultae cordis defuncti, ex cuius causa heredi, qui in hoc crimen incidit, auferitur hereditas, ut indigno videlicet, si non defenderit mortem defuncti, id est: necem et eadem defuncti, si eam ultus non fuerit, jure judicioque instituta accusatione adversus auctores cordis ex l. Cornelia. Neque enim aliter quam jure, judicioque se ulcisci licet, vel defunctum, cujus vicem, personamque refert. Et eleganter l. scientiam, §. pen. ff. ad l. Aquil. jus tuendi se esse naturale, jus ulciscendi se, manu scilicet, et viribus, non esse naturale. Tuemur nos ex continenti, in ipso articulo rixae, ulciscimur nos ex intervallo. Quod non licet aliter quam jure, judicioque invocato magistratu, cui Deus dedit ultionis (qui bonus est soli Deo competens) jus, potestatem, gladium: et hunc honorem soli Deo competentem vere contaminat, qui se ipsum, non adito magistratu ulciscitur malo more, et improbo. Si igitur heres non desideraverit a magistratu ultionem necis defuncti, a quo ad se pervenit hereditas, nimirum postulato reo credis lege Cornelia, ei eripitur hereditas, sed etiam si sciens, prudensque omiserit ultionem necis defuncti, auferuntur ei fructus omnes, quos percepit antequam fiscus faceret ei controversiam bonorum, quia male fidei possessor est, qui sciens omittit debitum officium pietatis: et hoc ita proponitur in prima parte l. 1. et licet lex dicat, eum hereditatem restituere fisco, et fructus perceptos integros, id est, omnes: tamen et percipiendorum, id est, quos percipere potuit, aut debuit, licet non percepit, recte dices habendam esse rationem, id est, et percipiendos in restitutionem venire, l. 1. ff. de pet. haered. et ita si pater, qui dicit restitui fructus perceptos, si hoc dicit sine taxatione, id est, sine hac adjunctione, *duntaxat*,

non continuo excludit fructus percipiendos, ut quod dicit simpliciter de perceptis, facile possit trahere ad percipiendos, ut in *l. si fundum, sup. de rei vind. l. si pater, sup. de usuf.* et in hac *l. 1.* præterea is, qui sciens omisit vindictam necis defuncti, amittit actiones, quas habuit cum defuncto, ut si quid ei defunctus debuit. Nam ablata hereditate tanquam indigno, non ei restituentur actiones, quæ sunt confusæ additione. Nam post additionem aufertur hereditas, et additione actiones sunt confusæ, id est, confusione extinctæ, quoniam idem cepit esse creditor, et debitor ejusdem pecunie: confusæ sunt servitutes, si prædium defuncti prædio heredis servitutem debuit, aut contra: verum ob eandem malam heredis erepta hereditate, cum sic remaneat hæres sine re, non restituentur ei actiones, vel servitutes confusæ per additionem hereditatis, *l. indigno, et l. heredem, ff. de his, quibus ut indign. auf. l. ejus. §. ult. de jur. fisci*, in bonæ fidei possessore aliud est, puta qui deceptus est ignorantia facti, qui existimabat testatorem mortuum fuisse, cum fuisset occisus. Nam bonæ fidei possessor, fructus, quos bona fide percepit, et consumpsit (nam consumptio cum plenum dominum facit, non perceptio sola) eos non restituit fisco, et actiones confusæ ei restituantur, et resuscitantur cum ei eripitur hereditas: puta, quod postea cognita voce testatoris eam ultus non sit postulato reo cædis admisit, *d. l. heredem*, et hæc de *l. 1.* parte legis. In *2.* parte agitur de usuris. Prima est de fructibus: secunda de usuris:inge: qui sciebat necatum fuisse testatorem, a quo hereditatem accepit, atque ita malæ fidei possessor omisit vindictam testatoris, et ex venditione rerum hereditariarum, vel ex venditione fructuum inventorum in hereditate, aut fructuum a se perceptorum ex corporibus hereditariis, ex rebus hereditariis pecuniam redegit, vel etiam a debitoribus hereditariis pecuniam accepit, an fisco debeat restituere, sive præstare ejus pecuniæ usuras, quod dicantur usuræ esse vice fructuum in *l. usuræ, ff. de usuris*, et ex quo die, si debet usuras inferre, eas inferit? et mirum est, quod sit hæc *lex 1.* in *2.* parte, cum tantum debere usuras post motam controversiam ejus pecuniæ, quam redegit ex venditione, ut divi, vel quam accepit a debitoribus hereditariis post motam controversiam. Atque ita manifesto statuit hæc *lex* differentiam inter fructus, et usuras: nam restituit heres, qui non ignoravit eandem defuncti, nec eam ultus est, fructus etiam perceptos ante motam a fisco honor. controversiam: usuras autem pecuniarum, post motam controversiam, et est tunc in re ipsa magnam discrimen inter fructus, et usuras. Nam fructus natura prove-

niunt ex ipso corpore hereditario, usura non item, sed ex jure, et obligatione, ex stipulatione, *l. si navis, de rei vindic.* et inde existunt aliæ differentie inter fructus, et usuras: nam malæ fidei possessor tenetur de fructibus percipiendis, non de usuris percipiendis, sed de perceptis duntaxat, *d. l. si navis, et l. item veniunt, §. Papin. de pet. hered.* Item novatio obligationis non perimit fructuum persequutionem, qui ante, vel post novationem percepti sunt, et perimit tamen usurarum petitionem, *l. 4. ff. de usur.* Item in bonæ fidei judiciis usuræ veniunt ex mora demum, fructus etiam ante moram, *l. videamus, §. pen. de usur.* Et ita non mirum est si hæc *l. 1.* et quartam differentiam constituat inter fructus, et usuras: verum inde nascitur magna questio, quod in hac parte de usuris præstandis: idem jus hæc *lex* faciat in malæ fidei possessore, de quo loquitur, et bonæ fidei possessore, ut usuras malæ fidei possessor non inferat, nisi pecuniæ redactæ sint post motam controversiam, quod est contra Senatusconsultum auctore D. Adriano factum *de pet. hered.* quod a Græcis dicitur Senatuscons. Adrianum, in *l. quod si possessor, de pet. hered.* Nam ex eo Senatusconsulto soli bonæ fidei possessori hæc datur, ut non inferat usuras redactæ pecuniæ ex venditione rerum hereditariarum, nisi post litem contestatam, nisi post petitam hereditatem, vel controversiam motam. Itaque Ulpianus in *l. item veniunt, §. ceterum, de pet. hered.* ut hanc discordiam dissiparet, mira quadam ratione, ac pene calumniosa adstringit hanc *l. 1.* cujus mentionem fecit in *d. §. ceterum*, ut scilicet locus huic *l. sit*, si malæ fidei possessor vendiderit res hereditarias, quas vendi expediebat, quæ magis onerabant hereditatem, quam fructui erant, puta, res steriles, aut tempore perituras, ut scilicet pretii earum rerum usuras non inferat fisco vindicanti bona, et eripienti quasi indigoo, nisi quas redegerit post motam controversiam a fisco. Et secundum hoc, quod sit satis explicatu difficile hac in re, ut integra *lex* item veniunt, ostendit, Ulpianus hanc facit differentiam inter bonæ fidei possessorem, et malæ fidei possessorem quod bonæ fidei possessor non teneatur in usuras ob pretium, vel usuras pretii rerum distractarum ante motam controversiam, vel in res ipsas, sed ut si bonæ fidei possessor res distraxerit post motam controversiam, et inde pretium redegerit, res ipsæ veniant in petitionem hereditatis, et fructus earum, id est, ut res ipsas præstet, quas vendidit, et fructus earum, vel si non possit eas recipere ab emptore, ut præstet quanti petitor hereditatis in litem juraverit, id est, quanti eas res, et fructus juratus aestimaverit, quæ æstimatio possit esse immensa, et immodica, et iniqua, quoniam licet in infinitum jurare, licet in infinitum æstimare

rem suam, cum eam inviti distrahimus, invitum nemo vendit vero pretio, ut vult regula, *jure invitum vendit, quis pretio immenso, quod modo juraverit*, id est, quod juratus fecerit: ergo cum dicimus res debere restitui, aut fructus, omnino hoc sic intelligimus, si quidem possint restitui, sin minus, quam maximum pretium earum, non verum, et justum; sed quod iratus, vel, juratus fecerit actor pro affectu animi sui, *d. l. item veniunt, §. ult.* Sed addenda est exceptio, nisi bonæ fidei possessor post motam controversiam vendiderit res steriles, aut tempore perituras: quia tunc eas res non veniunt omnino in petitionem hereditatis, vel fructus earum. Sed venit tantum verum pretium, quod duplex est, quod verum in re ipsa, et in natura est, quanti res, et fructus digni sunt re ipsa, hoc est, verum pretium: et aliud verum pretium est, quod venditor accepit ex conventu, et hoc casu erit in electione actoris, ut vel petat verum pretium rei, et fructuum quantum est in re ipsa, vel pretium, quod distraxit, et usuras pretii: eligit utique majus pretium, *d. l. item veniunt, §. quid si post petitam*: et hoc, inquit, in bonæ fidei possessore: si malæ fidei possessor sit, qui res hereditarias distraxerit ante, vel post controversiam motam, res ipsæ, si eas possit recipere, et fructus omnes veniunt, vel quanti in litem juratum erit, quod est plerumque iniquum pretium. Adidimus eandem exceptionem, nisi distraxerit res steriles, et tempore perituras, aut quæ erant potius oneri, quam fructui, quas si non distraxisset, etiam hoc ei imputaretur, *l. nisi, §. Julianus, de pet. hered.* et si eas res distraxerit ante motam controversiam, quo tempore magis actori præstabit verum pretium earum quanti fuerit in re ipsa. Sed si eas distraxerit post motam controversiam, quo tempore magis in mala fide versatur, qui nec judicio haereditatis vult agnoscere litem bonam, tum in arbitrio erit actoris qualem computationem faciat, id est, æstimationem, *d. §. ceterum*, ut vel eligat æstimationem rei, et fructuum veram in re ipsa, vel eligat pretium redactum ex venditione ipsa, et usuras pretii, si forte pretium illud conventum majus sit vero pretio. Pretium conventum possit esse majus vero pretio, nec tamen iniquum: nec enim est iniquum, nisi excedit dimidiam veri pretii, *l. 2. sup. de rescind. vend.* et ita viro modo, ut videtis, eam adstringit, et hanc epistolam, sic vocat, id est, ut hanc l. in concordiam adducat cum Senatusconsulto Adriano, viro modo eam adstringit: interpreti juris, qualis ille fuit, multa licent. Ergo ex hac *l. 1. hujus tit. quibus ut indignis, etc.* intelligimus heredem, qui mortem testatoris, quem interfectum esse scit, non exequitur, et vindicat, amittere hereditatem, et pertinere eam ad fiscum,

ita ut et fisco restituere debeat fructus omnes, quos percepit ante, vel post motam controversiam bonorum a fisco: redactæ autem pecuniæ ex pretio rerum hereditariarum, post motam tantum controversiam cum fisco usuras prestare, maxime secundum interpretationem Ulpiani, si vendiderit res steriles, et tempore perituras, quæ onerabant hereditatem, magis quam augebant, et maluerit fiscus pretia earum rerum, quanti venderunt, et usuras, quam veram æstimationem earum rerum, et fructuum. Sed quæ usuræ inferentur? hesæses, an semisses, an centesimæ, nondum diximus: quod tamen non prætermisit lex 1. quæ ait usuras semisses fisco esse dependendas: hæ sunt usuræ fiscales, usuræ semisses, *l. cum quidam, §. si debitores, ff. de usur. l. ult. de fisc. usur. lib. 10.* quæ scilicet in centenos annos, quotannis reddunt senos, quod nos Gallice dicimus, *au denier seize, et deux tiers: c' est usura semis*. Nunc ut absolvamus ea omnia, quæ continentur in hoc tit. de hoc crimine inultæ cædis defuncti quod et recte dixeris crimen ingrati, quod obijcitur heredi ingrato, qui non est ultus mortem ejus, a quo hereditatem accepit, ex *l. Gajus, in fine, D. de Senatusc. Syll.* Notandum est, primum heredem excusari, nec incidere in crimen ingrati, si auctores cædis diu quæsitos reperire non potuerit, *l. 7. hoc tit.* excusari etiam eum, si alius eum prævenit in accusatione homicidæ, id est, ejus, qui testatorem necavit, *l. 10. hoc tit.* Nam accusatum ab alio heres, vel alius accusare non potest, *l. hi tamen, §. ult. ff. de accus.* nec tamen poena, quam sufferet heres non accusato homicidæ, erit præmiu ejus, qui eum in accusatione antevertit, ut scilicet ei hereditas cedat, quæ neque ei cedet, qui homicidam occupavit accusare, nec cedet fisco, quia non stetit per heredem scriptum, quin accusaret, sed fuit præventus ab alio, forte spe potiundæ hereditatis in locum heredis scripti, spe vana: nec enim heredi, qui in culpa non est, hereditatem auferre potest vel fiscus, vel is, qui eum in accusatione prævenit: et hæc est sententia *l. 10. hoc tit. et l. si sequens, in principio, ff. de SC. Syll.* excusantur etiam heredes minores 25. annorum natu, *l. 3. h. t.* pupillos dicit tantum. Sed proculdubio pupillis etiam addendi sunt minores 25. annorum ex *l. 6. hoc tit.* Nam hujus ætatis homines excusat ignorantia juris, *l. pen. in principio, de juris, et facti ign. l. 5. ff. ad leg. Cornel. de fal.* et ita *l. 6. h. t.* ait, *minoribus annis 25. non obesse crimen inultæ mortis*. Quoniam eis jus ignorare permissum est, id est, quod heredibus jus injungit, vel quod periculum amittendæ hereditatis eis ex legibus immineret non ultiscentibus necem defuncti: et ideo si heres minor 25. annorum non accusaverit reum cædis patruæ,

non incidit in crimen, et multo minus incidit in crimen si accusaverit quidem, et damnaverit, sed interposita appellatione desierit: et observandum in hac l. 6. *perferre accusationem* plus esse, quam accusare: *perferre accusationem* significat perfectionem criminis, ut loquimur, id est, crimen ad finem usque perducere, ut in l. 8. *h. tit.* Idem potest verbum accusare, nempe perorare causam usque ad sententiam, l. 14. §. *accusasse*, ff. *de bonis libert.* et eodem quoque sensu dicimus, *peragere*, et *perferre litem, causam, questionem*, l. *filius*, §. 1. ff. *de inoff. testam.* l. 6. *de col. dot. l. dominus*, ff. *de usufr.* l. 2. §. *mirabile*, *de vet. jure encl.* et non hi tantum, inter quos lis est, causam, vel litem *perferre* dicuntur, sed etiam advocati eorum, quod Graecis est *διαγρυπνῶν τὴν δίκην*, *perferre causam*, et sic advocati *perferunt causas* in l. 2. *supra de jurejur. propt. calumn.* et Plinii 5. *Epistolar.* Si causam *Vicentinorum* eodem animo, quo susceperat, pertulisset, id est, si peregisset reum. Quid ergo si quis reum peregerit, et condemnaverit, sed interposita a reo appellatione, causam appellationis persequutus non fuerit, nec responderit reddenti causam appellationis, ut ait l. 6. an videtur accusasse, et pertulisse accusationem? Non utique major 25. annis, ut in d. §. *accusasse*. Nam non satis est eum rem perduxisse ad sententiam unam, nisi et eandem rem perducatur ad alteram sententiam, interposita appellatione a reo priore sententia damnato: debet ergo haeres major 25. annorum reo condemnato, si appellaverit reus, perseverare. et causam appellationis, exequi, et ut ait, l. 6. respondere reddenti causam appellationis, alleganti meritum appellationis et ut Paulus loquitur 5. *Sentent. tit. de reddend. causis appellationis*, reddere causas appellationis, est quod in foro dicimus *proposer lex grieft*, non possis dicere latine, nisi hoc modo, reddere causas appellationis, quibus is, qui vicit necesse habet respondere, cum agitur de ulciscenda morte testatoris: alioquin non videtur pertulisse accusationem, non videtur plenum officium pietatis exhibuisse defuncto: haereditatem minori 25. annorum natu parcitur, sive non accusaverit, sive accusaverit, sed destiterit ab incepto interposita appellatione: nam ut ait l. 6. elegantissime, *convenit quidem pietati etiam haeredis minoris 25. annorum respondere reo homicidii reddenti causam appellationis*, sed non est necesse: excusat enim aetas: non omne, quod convenit est necesse: non est criminis minor 25. annis interposita appellatione desinere, cum non incipere non sit criminis, id est, non ei crimini deputetur, aut vitio: et species l. 6. integraque sententia haec est: minor, cui delata est haereditas patris ab alio occisi, reum caedis paternae

accusavit, auctoresque caedis, atque etiam mandatorem caedis, qui perinde atque homicida tenetur, et omnes condemnavit: auctores caedis non appellaverunt, et supplicio affecti sunt: mandator caedis appellavit, cum valeret gratia et opibus: nam plerumque qui caelestem heri mandant, sunt potentiores quidam, qui obnituntur quantum possunt, nec facile se vinci patiuntur: et ita cum mandator caedis appellasset, minor destitit, nec crimen persequutus est: ignoscatur ei propter aetatem, ne patiatur a fisco questionem hereditatis paternae, id est, ne fiscus ei eripiat hereditatem paternam: nam conveniebat quidem pietati ejus et crimen exequi post appellationem: sed si hoc praetermisit, non ideo amittit hereditatem paternam, cum et venia detur omnino non accusanti reum caedis paternae. At majori 25. annis, ut possit adire hereditatem, quae verba sunt notanda l. 6. fuit necesse et implere causam appellationis, ut possit adire hereditatem, inquit: ex his verbis colligitur haereditatem non posse adire haered. antequam ultus sit necem defuncti, a quo hereditas proficiscitur: aduntem autem vindictam et ultionem caedis relinquere, et accusari eum posse ut indignum, et auferri etiam ab eo hereditatem, quod etiam significat l. 9. *h. tit.* dum ait, *testatore occiso veneno, vel quo alio modo malo, veluti vi carminis, sine ullo veneno*, ut est apud Lucanum:

*Mens hausti nulla sanie polluta veneni
Lucantata perit . . .*

Vel ut notat Accursius, quod potest esse usui in l. ult. *de malefic. et math.* depicta imagine cerea, inquit, quod quid sit, ego non admodum cupio scire: et ita explicanda sunt illa verba l. 1. §. *occisorum*, ff. *de Senatusc. Syll.* si necatus sit veneno, vel quo alio modo malo, sic Florentinus recte, occiso, inquam, testatore veneno, vel alio modo malo, l. 9. *h. tit.* ait posse haereditatem adire hereditatem, deinde exequi mortem testatoris, quando scilicet proponitur clandestinis insidiis appetitus, veluti veneno: quod argumentum praestat ex contrario, ut dicamus testatore occiso aperte vi, non per insidias, haereditatem non posse adire hereditatem antequam ultus sit caelestem defuncti: verum non est ita statuendum generaliter, ut necesse sit ultionem praecedere ante omnia, quandoquidem legimus in l. ejus, §. ult. ff. *de jure fisci*, enim tantum haereditatem indignum judicari, qui post aditam hereditatem non est ultus necem defuncti: potest ergo adire antequam ulciscatur necem defuncti, et erit rata aditio, id est, cum effectu, si postea ulciscatur necem defuncti: videamus quomodo sit respondendum l. 6. et l. 9. hujus tit. Et dico omnino l. 6. et 9. hujus tit. pertinere ad Senatusc.

Syll. ad quod Senatusc. non pertinet vindicta ejus, qui veneno necatus est, aut occultis insidiis sed ad eum tantum, qui per vim et caulem (*cerdes* significat ferrum et sanguinem) interfectus est: nam mens et ratio Senatusconsulti haec est, ut si defunctus a familia necatus esse dicatur per vim et eundem, ut haeres non possit adire hereditatem, vel miscere se hereditati si sit anus, vel honorum possessionem petere, vel tabulas testamenti aperire, recitare, describere, priusquam habita fuerit questio de familia, id est, de servis, qui in potestate occisi patrisfamilias fuerunt, et qui sub eodem tecto fuerunt, et opem ei ferre potuerunt: forte in SC. fuit scriptum, *qui suffurrunt*. Nam Festus interpretatur *suffurrat* esse, qui sub eodem tecto fuerat, sed idem est etiam si extra tectum dominus sit occisus presentibus servis quibusdam, vel omnibus in itinere forte, ut Paulus ostendit in 4. *Sententiar. tit. de SC. Syll.* et confirmat *l. ult. hoc tit.* Ergo priusquam adeat, habenda est questio de servis, qui sub eodem tecto fuerunt, cum dominus occisus est, vel qui in eodem loco fuerunt, quo occisus est, ut in *l. Lege Cornelia, D. de SC. Syll.* deinde necesse etiam est priusquam adeat, ut de servis noxiis facinoris, vel qui opem domino non tulerunt, quoniam et hi pro noxiis habentur, sumatur ultimum supplicium, ut in *l. 11. §. si servus, D. ad leg. Fulcid.* alioquin si haec non observaverit haeres scriptus ante aditionem, vel immisionem, hereditas ei eripitur ut indigno et ingrato, ac proinde causa hujus hereditatis vindicandae a fisco erit agenda apud procuratorem Caesaris, qui est iudex inter fiscum et priatos, et hoc vult *l. 3. hujus tit.* crimen peragitur apud praesidem provinciae, causa honorum apud procuratorem Caesaris, et ratio SC. est multiplex: una proponitur in *l. 3. §. non tantum, D. de SC. Syll. ne haeres*, inquit, *propter suum compendium*, id est, *ne scilicet amittat servos, familiam ejus facinus occultet, dum adire hereditatem sesinat antequam de servis questionem habuerit, et supplicium sumpserit ultimum*, et additur alia in *l. propter veneni, eod. tit.* quae satis obscura, ne testamento manumissis libertas competat. Nam si liceret adire hereditatem, statim servis manumissis testamento libertas competeret, et necesse esset questionem habere de liberis hominibus, neglecta libertate, quam per aditionem adopti sunt, quod fit aegre: vix unquam liber homo quæstioni subjicitur: et tamen hoc casu necesse esse, eruendae veritatis causa, etiam testamento manumissos, qui adita hereditate ad libertatem perveniunt, subjici quæstioni, ut *l. 1. §. idem Scævola, ff. eod.* et melius est non negligi eorum libertatem, quod *on ne soule point leur liberté*. Ne igitur cogatur eam negligere, prohibetur hereditatem adi-

re haeres, ut quasi de servis habeatur questio, sumaturque supplicium nulla libertate illata: quæ ratio non intervenit, cum proponitur paterfamilias veneno peremptus, quoniam hoc casu non puniuntur servi, nec subjiciuntur quæstioni, qui adversus hujusmodi insidias nihil potuerunt. Ideoque licet heredi impune occiso testatore veneno, vel occultis insidiis, protinus adire hereditatem, deinde exequi crimen: at priore casu cum occisus est vi aperta, non ante potest adire, quam crimen perfecit, et ita relata *l. 6. et ult. ad Senatusc. Syll.* ut distinctio illa exigit inter occisum veneno, et occisum vi, quæ proponitur in *l. l. propter veneni, et l. 1. §. quid ergo, et l. necessarios, §. ult. ff. eod.* apparet non idem esse dicendum de quocunque testatore occiso, qui non dicatur esse occisus a familia, qui non pertineat ad SC. Syllanum. Nam hujus mortem haeres exequi potest post aditionem, quam tamen si non exequatur, aditio sine effectu constituitur, erepta hereditate a fisco: unum tantum est, quod *l. 6* quam potissimum volui explicare, et in eam tamen includere *l. 3. et 7. et 9. et 10. et pen. et ult.* nam et hoc omisi ex *l. pen.* testatore occiso per vim, differri aditionem, ut differantur libertates manumissorum testamento, sicut attingi sup. qui tamen habita quæstione de servis, et sumpto supplicio de noxiis adita hereditate perveniunt ad libertatem. At mora illa aditionis, sive dilatio eis videtur esse damnosa: singe: medio tempore dum questio habetur de servis, et crimen peragitur, delata est servis quibusdam hereditas, vel delatum est legatum, aut fideicommissum, eo lucro fraudabuntur, cave acquisitione, quod non sunt facti liberi maturius adita hereditate. Ideoque oratio D. Marci philosophi conservat eis servis, quorum ex SC. suspenditur libertas, acquisitionem medi tempore, puta hereditates, legata, fideicommissa, et tamen oratio D. Marci nihil loquitur de libertatibus, qui tamen cum fuerit philosophus Stoicus, et philosophiae pleons, ut ait Justinianus, debuit esse studiosissimus libertatum. Nam Stoicorum hæc fuit vox apud Laetium; *παύλα ἡ διαπορία*, *c'est une chose mauvaise se que d'avoir un maître*, et quid omisit in ea oratione M. Philosophus? non exposuit, quid esset dicendum, si medio tempore ancilla hereditaria testamento manumissa, dum non aditur hereditas, pepererit, an partus erit liber? Quod non videtur, cum sit natus ex serva. Et tamen ut suppleat orationem Marci Justinianus, in *l. pen.* vult, ut partus perinde sit liber et ingenuus, atque si ex libera natus esset, ut non minus conserventur libertates servis manumissis testamento, quam acquisitiones medi tempore. Et quod est ultimum in *l. 6* quam, ut dixi, potissimum explicandam suscepi, in quam inclusi multas alias, quatenus lo-

quitur de majore 25. annis, ut non possit alire, antequam interposita appellatione a reo condemnato, causam appellationis ad finem usque perduxerit: ei opponitur *lex propter*, §. ult. *D. de SC. Syll.* quæ dicit absolute, quem hæres reum reddidit fecit, si hæres non appellaverit, non incidere eum in crimen ingrati, vel in ille cædis defuncti. Et tamen l. 6. ait eum incidere in crimen, si ab interposita appellatione destiterit: vorum, ut recte Bartolus adnotavit melius quam Accursius, observandum est l. 6. loqui de reo condemnato, ut eo appellante, hæres incidat in periculum amittendæ hereditatis, nisi causam appellationis persequatur: at l. propter, §. ult. loquitur de reo absoluto, ut hæres sine periculo amittendæ hereditatis possit acquiescere sententiæ, quam forte justam esse agnoscit, nec appellavit: nam hoc tantum ab hærede exigimus, ut rem perducatur ad sententiam, non etiam ut vincat: et hæc sufficiunt de crimine inultæ mortis defuncti.

Ad L. II. IV. V. et VIII.

L. II. Polla quidem liberam habuit administrandi patrimonii sui potestatem: nec ideo quod pupillus illi hæres exstitit, ea, quæ ab ipsa finita sunt, revocari in deceptationem oportet: sed si pupilli nomine falsum dicere vis testamentum, de quo per Pollam transactum est, potes experiri: dum memineris, si in ea causa non obtinueris, et portionem, quam ex eo testamento pupillus habet, te salvum facturum (quam adimi pupillo necesse erit secundum juris formam) et de calumnia tua Proximum deliberaturum, quamvis pupilli nomine agere videaris, cum retractas ea, quæ finita sunt per hæredem.

L. IV. Hereditas in testamento data per epistolam, vel codicillos, adimi verbis directis non potuit. Quia tamen testatrix voluntatem suam non mereri unum ex hæredibus suis declaravit: merito ejus portio non jure ad alium translata, fisco vindicata est: libertates autem in eadem epistola datæ peti poterunt.

L. V. Non oportet indignis hæredibus successiones auferri prætextu, quod in sepultura supremis judiciis, vel voluntatibus defunctorum obtemperatum non fuisset.

L. VIII. Alia causa est ejus, qui falsi instituta accusatione ad finem usque, quod insimulabat, perduxit, et contrariam sententiam meruit: alia ejus, qui inchoatam accusationem non pertulit: cum in illius quidem partem succedat filius: hic autem, qui contrariam judicis sententiam non sustinuit, suæ partis non perdat persecutionem.

Ex hoc tit. restant tantum leges quatuor, quæ

Tom. IX.

nondum explicatæ sunt, 2. 4. 5. et 8. post crimen inultæ cædis defuncti, quod est crimen ingrati, impii, inofficiosi hæredis datur in l. 2. et 8. crimen aliud hæredis, qui per calumniam falsum testamentum dixit, in quo ex parte hæres institutus est, quæ etiam ex causa fisco vindicat portionem hereditatis, quasi indigno ablatam: et omnino ita est, hæredi, qui per calumniam falsum testamentum dixit, nec obtinuit in accusatione, in qua perseveraverit usque ad sententiam, fisco aufert portionem hereditatis, ex qua in eo testamento hæres scriptus fuit: recte pono eum pertulisse accusationem falsi, et perseverasse usque ad sententiam: nam si desistat ante sententiam, vel moriatur, fisco locus non est, l. 8. *hoc tit.* Recte etiam pono, eum non obtinuisse in accusatione falsi testamenti: nam si obtinuit, id est, si pronuntiatum sit falsum testamentum esse, fisco locus non est, sed legitimis hæredibus ab intestato: et rursum etiam pono, recte eum fuisse hæredem institutum ex parte: nam vix quisquam hæres ex esse scriptus unquam dicit falsum testamentum: ex parte scriptus possit dicere falsum spe obtinendi assis, si sit proximior hæres ab intestato, et quemadmodum ætati subvenitur hæredi, qui necem defuncti ultus non est, ut l. 6. *hoc tit.* ita notandum, ætati subveniri hæredi qui falsum testamentum dixit falso, vel per calumniam, atque adeo non obtinuit, hoc est, subveniri minoribus 25. annis, quos constat etiam accusationem instituisse posse ex l. Cornelia testamentaria, quæ est de falsis testamentis, vel ex aliis legibus publicorum judiciorum, præterquam ex l. Julia de adult. et l. 15. §. lex, *D. ad l. Jul. de adult.* Ceteræ leges publicorum judiciorum recipiunt accusatorem etiam minorem 25. annis, quin etiam pupilli de falso testamento patris, l. Cornelia testamentaria ex consilio tutorum agere possunt, l. 2. *de accus.* recte ex consilio tutorum: non dicit tutore auctore, sed ex consilio tutoris, ut Paulus 5. *Seut. tit. de jure fisci et populi ætati*, inquit, ejus, qui accusat testamentum, si non obtineat, subveniri solet in id, quod ita amisit maxime si consilio tutoris, aut curatoris actio instituta sit. Consilium tutoris sufficit: nam ante constitutionem Justiniani, id est, ante l. 4. *sup. de auctor. præst.* in criminalibus causis minoribus non erat necessaria auctoritas tutoris, vel curatoris, quæ eo distat a consilio, quod consilium accusationem præcedit, et litem criminalem, auctoritas in lite agenda, et peragenda tutore assistente tanquam defensore, et patrono interponitur: pupillis igitur, et adolescentibus, qui falsum testamentum dixerunt, in quo ex parte instituti sunt, nec obtinuerunt, subvenitur maxime, si consillio, vel tutore auctore, aut curatore accusationem instituerunt: idemque erit si tutor

pupilli nomine, ut potest, vel curator adolescentis nomine falsum testamentum dixerit, nec obtineat: nam et hoc casu pupillis, vel adolescentibus subveniri necesse est, quia ipsi accusasse videntur, non tutor, qui nomine pupilli, non suo in falsi crimen subscripsit: denique ipsi in crimen incidisse videntur, ut plane indignum auxilio, ne quod amiserunt, jure amittant, vel ut quod jure amiserunt, retineant. At quæso, quomodo eis subvenitur (nam non subvenitur iis ipso jure, cum ipso jure hereditatem amittant, quod temere testamentum impugnaverint et improbe) sed iis subvenitur principis beneficio, ut indicat *l. tutorem, in fine, D. eod.* quod facile impetratur, vel etiam iis subvenitur jure ordinario per actionem tutelæ, aut negotiorum gestorum, per quam indemnes servantur, si eorum nomine tutor, vel curator temere falsum testamentum dixerit, ut in hac *l. 2. hoc t.* et puto hac *l. 2.* significari in *l. 3. §. etati, D. eod. tit.* dum allegat rescriptum Severi et Antonini: nam *l. 2.* est Severi et Antonini. Igitur subvenitur illis facile beneficio principis condemnatis hæredibus pupillis, aut adolescentibus, ut in fine *l. tut. D. eod.* vel beneficio actionis tutelæ, aut negot. gest. in repositenda ratione administrationis: et huc pertinet species *l. 2.* elegantissima, quæ talis est. Quidam filiam natu majorem, et filium pupillum ex partibus hæredes scripsit, adjectis aliis cohæredibus extraneis ex aliis partibus: filia testamentum falsum dixit, nec tamen pertulit accusationem, sed transegit de testamento patris cum cohæredibus extraneis: ita ut certa pecunia contenta discederet a lite, et extraneos cohæredes sineret habere suas partes, quæ sunt eis adscriptæ in testamento: deinde mortua filia, ei hæres extitit pupillus frater jure consanguinitatis, et mox tutor ejus nomine falsum testamentum dixit, retractatis his, quæ jam sinierat transactio sororis cohæredibus, et re perlata usque ad sententiam, tutor non obtinuit contra cohæredes pupilli sui extranei: lex ait partem pupilli vindicari fisco quasi indigno ablatam; quoniam ipse accusasse videtur testamentum, cum ejus nomine sit accusatio instituta a tutore; partem vero, quæ pupillo jure legitimo obvenit, a sorore fisco non vindicat, quia qui falsum testamentum dixit, hæredi testatoris hæres existere non prohibetur, quoniam non est in ea parte testatoris hæres principaliter, sed per consequentiam, per mediam personam, *l. 3. §. qui accusavit, et l. qui Titii, ff. eod. tit.* At partem adscriptam pupillo, qui non obtinuit in questione falsi testamenti fisco vindicari, ut dixi, sed indemnem eum damno præstat tutor, qui temere, vel improbe aliam accusationem prosiluit sub pupilli nomine, vel qui in ea exercenda non probe sanctus est officio suo: at præterea si tutor sciens

prudensque calumniosam accusationem instituerit, etiam reo tenetur de calumnia, licet non suo, sed pupilli nomine egerit: alioquin tuto sæpe abuteretur nominibus pupillorum, et sub eorum nominum prætextu propter suas similitudines calumniosas accusationes institueret. Ergo æquum est, ut non tantum pupillo præstet indemnitate, qui amisit partem hereditatis culpa tutoris, sed etiam ut de calumnia reo absoluto teneatur, licet non suo, sed pupilli nomine egerit: perinde atque si gessisset suo, *l. 2. inf. qui accus. non poss.* ubi alias ostendi non esse legendum proprio nomine accusasse tutorem, sed pupilli nomine: et in eadem questione idem error insedit in pandectis Florentinis in *d. l. tutorem*, illo loco, *Si libertum patris pupilli suo nomine capitis accusaverit*, cum manifesto sit scribendum, *pupilli sui nomine*, non suo nomine. Sed et exponamus etiam, et absolvamus *l. 4. et 5.* Notandum est ex *l. 4.* ei etiam eripi hereditatem ut indigno, ut applicetur fisco, quem testator in codicillis declaravit non mereri suam voluntatem, quæ declaratio satis evidens est ademptio hereditatis, atque est inutilis, quia codicillis, vel per epistolam dari, aut adimi hereditas non potest secundum regulam juris, de qua cras dicemus ad tit. sequentem, et epistolam vocat in hac *l. 4.* epistolam fideicommissariam, quæ sic dicitur in *l. 7. sup. qui testam. fac. poss. l. cum quis, §. pater, ff. de leg. 3.* potest tamen in codicillis jure fideicommissi hereditas ad alium transferri, quæ data est testamento hæredi scripto in testamento rogato, in codicillis, vel epistola fideicommissaria, ut eam hereditatem alii restituat: denique codicillis potest alii relinqui hereditas per fideicommissum verbis precariis, atque etiam in epistola fideicommissaria, non etiam verbis civilibus, directis verbis, nec etiam illa nuda declaratione, hæredem scriptum testamento non mereri voluntatem suam. In specie autem h. *l. 4.* non proponitur hereditas data testamento, fuisse codicillis translata in alium per fideicommissum, sed proponitur tantum in codicillis declarasse testatorem hæredem testamento scriptum non mereri voluntatem suam, quæ ademptio cum sit inutilis, poterit hæres alio hereditatem, sed ei auferetur a fisco veluti indigno, quia non habet supremam voluntatem defuncti, ut in *l. cum quidam, ff. eod. tit.* Caduca igitur sit hereditas, sed cum onere præstandorum legatorum ab eo hærede relictorum, et ut nominatim scribit in hac *l. 4.* cum onere præstandorum legatorum ab eo hærede relictorum, et cum onere præstandorum libertatum datarum in epistola fideicommissaria id est, datarum per fideicommissum: huic *l. 4.* opponit Accursius primum *l. ex parte, ff. de adim. legat.* Quidam hæredem scripsit ex parte, et ei prælegavit aliquid,

deinde cum eo suscepit gravissimas inimicitias, nec tamen cum instituisset mutare testamentum, id perficere potuit, morte preventus: an capiet hereditatem? an capiet legatum, sive praelegatum? non capiet, quia tacita voluntate legata adimuntur, et nuda, et praesumitur mutasse voluntatem, qui cum herede moriens gessit capitales inimicitias, longe aliud est in hereditate, quia adiungi non potest hereditas nuda voluntate, sed solenni, id est alio testamento jure perfecto. Ergo praelegatum non capiet, hereditatem capiet, et tamen l. 4. ait, eum cum effectu non capere hereditatem, quem testator dixit non mereri suam voluntatem in codicillis, vel in epistola fideicommissaria post testamentum factum. Sed facile est respondere: dicamus in hac l. 4. testatorem dixisse immerentem heredem esse, et ademisse hereditatem quantum in eo fuit, addito elogio, quod sit *de me ma'e meritis*, quod non mereatur meam voluntatem. In l. ex parte, nihil dixit, sed gessit tantum inimicitias cum herede: deinde opponit l. 1. §. pen. D. si test. nullus ext. si heres institutus non habet voluntatem testatoris ultimam, ut puta, quia a testatore incisae sunt tabulae testamenti rupto lino, vel quia inductae sunt, et cancellatae tabulae testamenti, vel quia ab eodem testatore turbata sunt signa, Si, inquit, testator, qui hoc fecit, voluit intestatus decedere, legitimi heredes vocabuntur: non vocat fiscum in locum heredis non habentis supremam ejus voluntatem, sed legitimos heredes: verum ut respondeam, ponderanda sunt illa verba §. pen. Si voluit intestatus decedere, et ita distinguendum est: si ideo testator vitavit tabulas testamenti, vel cancellavit, vel rupit, vel confregit, quod judicaret heredem indignum esse, vel immetentem, vel ingratum, fiscus vocatur. Sio vero id eo animo fecit, ut intestatus decederet, legitimi heredes vocantur. Si non id fecit odio heredis scripti, vel forte quod eum indignum judicaret, sed quod mallet postea agnatos heredes sibi esse ab intestato, hoc casu fiscus non vocatur, sed legitimis heredibus incumbit onus probandi eam fuisse voluntatem defuncti, ut in l. pen. et ult. D. de iis quae in testam. nam in dubio fiscus vocatur. Atque ita respondeo, quod ultimo loco objicit esse facillimum, ex l. hac consul. §. pen. sup. de testam. prius testamentum, in quo Titium heredem scripsit, non rumpitur posteriore imperfecto, id est, non jure perfecto, nisi in posteriore scriptus sit is, qui rem, sive hereditatem omnino ab intestato habere potest, vel nisi sit factum jure militari, ut in l. 2. de inj. rup. ergo Titius, qui est scriptus priore testamento, cum posterius est imperfectum, hereditatem obtinebit,

et tamen non habet ultimam voluntatem defuncti, quia defunctus voluit mutare testamentum, et vero mutavit, sed non jure rem perfecit: sic respondens, hoc ideo, quia nullum extat argumentum, ex quo colligere possis testatorem Titium indignum judicasse hereditate sua, et quod videatur non aliter Titio voluisse auferri hereditatem, quam si jure valeret, quod fecit posterius testamentum: ultimum, quod notandum ad l. 4. vel ad l. 5. hoc est, quod olim obtinuit, et obtinet etiam hodie quodammodo, omnibus heredibus, qui contra voluntatem testatoris faciunt, auferri hereditatem, ut indignis, et addici fisco, et ita scribit Paulus 3. *Sententiarum de SC. Syllae*, et probat l. ult. §. ult. de fideicom. l. si peculium, ff. de statul. nisi quae fuerit voluntas testatoris inepta, ut si nimiam impensam fieri jubeat circa latus, vel circa sepulchrum, aut in eodem busto concremari vestes, et omnia ornamenta sua, quae habuit charissima in vita sua, quae voluntas inepta dicitur, cui non sit parendum, aut obtemperandum in l. servo alieno, §. ult. ff. de leg. 1. et apud Lucianum in Nigrino: *οὐ πὲν, ἰστῆται ἰστροῖς ἀδύνατος; οὐ γὰρ ἀπὸ τῶν παρὰ τὸν βίον τιμίων; οἱ δὲ καὶ παρὰ τὸν τῶν οὐκ ἐκείνους τοῖς τόποις*. Et laudanda magis est parcitas Theophrasti, in cujus testamento ita scriptum fuisse refert Diogenes Laertius: *μὴδὲν περὶ τῶν πρὸ τοῦ ἰστροῦ τόπων, μὴδὲ περὶ τὸ μνησίον*, et ad eam rem pertinet etiam l. pen. ff. de cond. inst. et l. 5. sup. de relig. l. 5. hujus l. in ea, inquam, re funeris modus staturndus est pro dignitate et conditione defuncti: quod militaris disciplinae est, id in funebri pompa non sequentur pagani, ut militaris disciplina, est nequum usque ad sepulchrum duci, et armigerum perversa arma gestare, supina etiam signa gestare, non erecta, ut Virgil. xi. lib. *Aeneidos*, in funere Pallantis.

*Post bellator equus postis insignibus Aethon
It lacrymans, guttisque humectat grandibus ora.*

Et ibidem etiam docet, omnia quaecumque virtute ornamenta sibi composasset defunctus, ea in pompa funerum mortuum condecorasse, nec omittendum vulgo in hac l. 5. ita legi non oportere, ut indignis heredibus successiones auferri pretextu, quod in sepultura supremis judiciis, vel voluntatibus, cum omnes libri habeant simpliciter supremis, et in l. 5. de test. mil. supremis judiciis, *il ne faut point de judiciis, sed tantum supremis*, ut in l. cum pater, §. donationis, D. de leg. 2. et in l. 3. §. ult. de muner. et honor.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. XXXVI. De codicillis.

Quæstio I. ult. est nobilissima: an is, qui egit ex testamento de hereditate, si contra testamentum pronunciatum sit, possit transire ad jus codicillorum, sive fideicommissarie hereditatis persequutionem, vel quod idem est, an quis ex scriptura, ut testamento, non potuit obtinere hereditatem, possit deinde ex eadem scriptura, ut codicillis eandem obtinere et vindicare: nam nihil prohibet eidem eodem testamento eandem hereditatem dare verbis directis, et verbis precariis, id est, per fideicommissum jure testamenti, et jure codicillorum, utro maluerit uti hæres institutus. Sicut eandem rem eidem constat posse relinqui directo simul et per fideicommissum: verbis directis, et verbis fideicommissariis, veluti hoc modo: *Illi do, lego, darique volo*, l. *ad lumen* 4. de *adim. leg. Do, lego*, sunt verba directa, *dari volo*, precaria, vel fideicommissaria verba, §. *ult. Instit. de reb. sing. per fideicom. relic.* l. *illud*, §. 1. ff. de *jur. codicill.* verbum *volo*, est precarium, non directum, non imperativum: vel etiam hoc modo: *Quisquis mihi hæres erit do, lego, fideique ejus committo, ut det Cajo centum*, l. *Publius* ff. de *condit. et demonstr. l. quisquis*, de *leg. 3.* l. *Aurelius*, §. *Titius*, ff. de *liberat. leg.* Sic eadem res eidem legatur, et per fideicommissum relinquitur eadem scriptura, sive conjuncta scriptura, et eo casu in arbitrio est ejus, cui res eo modo relicta est, utrum velit eam persequi ut legatum, an ut fideicommissum. Sed si elegerit jus legati (ut infra demonstrabitur) exemplo hereditatis, postea non potest transire ad jus fideicommissi, electionem quidem habet utro jure malit uti. Omnis electio sit semel. Igitur post electionem, mutatio consilii et variatio non admittitur, et ita etiam libertas recte datur servo et directo, et per fideicommissum, et in potestate est servi, utrum ex directo, an ex fideicommissum ad libertatem pervenire velit, id est, an velit esse libertus originis: an libertus heredis, l. *si quis servo*, ff. de *manumiss. testam.* Sed si elegerit directam libertatem, nec forte eam obtineat adversus heredem scriptum, qui forte contendit non esse jure datam, non poterit transire ad fideicommissariam, qui peccavit in eligendo, et de se queri debet, qui elegit male: et ita etiam, quæ est inspectio bu-

jus legis, eidem eodem testamento potest dari hereditas et directo, et per fideicommissum, veluti hoc modo: *Titius hæres esto* (hæc est institutio directa) *si quo casu forte fiat me meum testamentum valeat institutioque directa heredis, quisquis mihi legitimus hæres erit, fidei ejus committo, ut hereditatem Titio restituat.* Sic eidem relinquitur hereditas et directo, et per fideicommissum, eadem scriptura, eodem instrumento. Idem sit adjecta clausula codicillari, id est, si testator caveat, testamentum se etiam vicem codicillorum obtinere velle, l. 3. ff. de *mil. testam.* vel si caveat, se suum testamentum omni jure valere velle: vel ita πᾶσις ἰξουσίζε, l. *ex ea scriptura*, in *fi. ff. qui testam. fac. pass.* Et in testamento Gregor. Nazianzeni, ταύτην μοῦ τὴν διαθήκην κυρίως, καὶ βεβαίαν ἡμῶν βούλομαι ἐπὶ παντὶ δικάσῳ, καὶ πάσις ἰξουσίζε, si δὲ καὶ ὅτε διαθήκη μὴ ἰσχύειν ὥς βούληται ἡμεῖς οὖν κωδὶκίλλου αὐτὴν ἰσχύειν βούλομαι, id est, *hoc meum testamentum ratum et firmum esse volo in omni iudicio (etiam apud prætorum, et omni jure) quod si non valeat ut testamentum, volo ut valeat ut voluntas scilicet ultima, vel ut codicillus*: hæc est clausula codicillaris, quam necesse est adijci expressim, si vis testamentum obtinere vicem codicillorum: alioquin si sit prætermissa hæc clausula codicillaris, clausula fideicommissaria, quæ voluntas jure non valet ut testamentum, non valebit ut codicillus: adeo ut nec fideicommissa in eo relicta valeant, quia testamentum fecere voluit, non codicillum, et quod voluit, non fecit jure, et quod non fecit, nec fecisse intelligitur, l. 1. ff. de *jur. codicill.* d. l. *ex ea scriptura*, in *prin. l. cohæredi*, §. *cum filio*, ff. de *vulg. sub. tit. l. ex testamento*, inf. de *fideicom.* l. *si jure*, inf. de *manumiss. testam.* et in hac l. *ult. §. illud.* Est autem ut in legatario diximus, et in servo manumisso, in arbitrio heredis instituti, si sit extraneus, et si sit institutus in testamento, quod vice codicillorum valere possit vi clausule codicillaris: est, inquam, in arbitrio ejus, utrum jure testamenti, quod est jus directum hereditatem petere velit, an jure codicillorum, quod est jus fideicommissum, quæ de re etiam atque etiam deliberare debet, priusquam hoc vel illud eligat, quia post electionem res non est integra, nec penitentie locus est, si extraneus hæres sit, et jure fideicommissi idem non consequetur, quod jure testamenti: nam jure fideicommissi, sive jure codicillorum a legitimo hærede dodrantem tantum hereditatis consequitur, legitimus vero quadrantem Falcidianum retinet, l. 4. ff. ad *leg. Cornel. de fals. ex testamento* consequitur usum, si sit ex asse scriptus. Sed quia sæpenumero testaments multa vitia incurrunt, quæ irritum testamentum faciunt, quod sit testa-

mentum multis periculis juris obnoxium, quasi allegatum nimis sollemnitatibus, nimis diligentie, ideo quidam malunt, cum testamento adjecta est clausula codicillaris, id est, fideicommissaria, spreto testamento contenti dodrante, veluti ex codicillis hereditatem petere quam nihil forte omnino consequi agendo ex testam. Sed quod eligant potius, etiam atque etiam videant: nam electo testamento, licet ex eo rem non obtinuerit, non potest transire ad persecutionem fideicommissi vel etiam omissa semel in medio causa testamenti semel inchoata, non potest migrare ad causam codicillorum, et videtur elegisse causam testamenti, ut declarat hæc lex ult. quæ multa continet. Is qui petit bon. possess. secund. tab. videtur elegisse testam. vel qui petit bon. possess. secundum nuncupationem testamenti, cum testam. constat sine scripto, ut in *l. 2. sup. de bon. poss. secund. tab. l. si ita scriptum, §. ult. ff. eod. tit.* est utilis bon. poss. ex, quæ est secundum nuncupationem, quia jure prætorio directo non datur bon. possessio, nisi secundum testam. scriptum, et obsignatum 7. testium signis: ergo quæ datur secundum testamentum non scriptum, id est, secundum nuncupationem, est utilis, sive decretalis, non directa, et edictalis bonorum possessio. Additur in hac *l. ult.* cum etiam videri elegisse testam. qui petit ceteras similes bonorum possessiones. Quid hoc est? non est tantum bon. possessio secundum tabulas jure perfectas, vel secundum nuncupationem jure perfectam, sed et secundum testamentum militis quoque jure factum, de qua est titulus specialis *de bon. poss. ex testam. mil.* et bonorum possessio secundum gesta municipalia, cum quis apud gesta municipalia testatus est, ut in *l. omnium, sup. de test. et Novell. 1. Valent. de test.* Item bonorum possessio secundum voluntatem testatoris ut lis, non directa, quæ datur ex æquo et bono, cui nomen hæredis post consummationem testamenti vivo testatore inconsulto et incaute deletum est, ut in specie *l. un. ff. si tab. test. null. ext.* Videtur etiam elegisse testamentum, et neglexisse codicillos, qui omissa bonorum possessione oblato testamento, postulant ex electo D. Adriani se mitti in possessionem rerum hereditariarum, quas moriens possedit, quod et proponitur in hac *l. ult.* Atque ita electio testamento, postea non potest transmigrare ad jus codicillorum, si sit extraneus hæres, cui utriusque juris potestas, sive electio delata est eodem testamento, ultima voluntate. Nec hæc constitutio caret exemplis: nam videmus eum, qui agnovit testamentum, et quocumque probavit judicium defuncti, postea mutato consilio non admitti ad querelam inofficiosi, *l. si pars, §. ult. l. nihil interest, l. si ponas, §. 1. l. si is qui, in fin. ff. de inoff.*

te tam. non admittitur quoque ad bonor. possessionem cont. tab. qui semel approbavit testamentum, *l. et si ex modica, in fin. et l. seq. ff. de bon. lib.* Videmus etiam patronum, qui elegit munera, et operas liberti, qui eas prætulit successioni liberti, non admitti ad bonorum possess. cont. tab. *l. 2. sup. de bonor. possess. contra tab.* quæ lex est pars hujus leg. ult. sicut lex ult. de inoff. testam. quemadmodum apparet ex *l. ultima C. Theod. de testam. et codicill.* Videmus etiam mulierem, quæ elegit legatum sibi relictum testamento viri pro dote, ex edicto quod dicebatur editum de alterutro, postea non admitti ad petitionem dotis, de quo in *l. unica, §. 1. sup. de rei uxor. act.* Et ita non est novum, quod cavetur hac *l. ultima*, ut hæres institutus, qui eligit causam testamenti, excludatur a causa codicillorum, repellatur a causa codicill. et fideicommissi. Multa tamen huic definitioni obijciuntur, quæ diluere facile est. Primum *l. et an eadem, §. actiones, ff. de except. rei judic.* Eadem res mihi debetur ex pluribus causis, pluribus obligationibus, et cautionibus, si ex una cautione egero, nec obtinero, non prohibeor postea agere ex alia: quid mirum cum agam ex alia causa, et cautione? in hac specie *l. ult.* ago ex eadem scriptura, ex eodem instrumento, et quam causam semel cepi pro testamento, nunc mutato consilio si velim accipere pro codicillis, non admittar: quia ex eodem instrumento ago, ex quo egi antea. Eodem modo nihil etiam obstat *l. cum qui, sup. de inoffic. testam.* quæ ait, eum qui egit de falso testam. et non obtinuit, postea posse agere de inofficioso, et e contrario, eum qui egit de inofficioso, postea posse agere de falso. Primum, hoc jus tantum procedit in liberis, et parentibus, qui soli recte agunt de inofficioso testamento, et qui excipiuntur a constitutione hujus leg. ultim. Deinde etiam alii, quam parentes, aut liberi agant de inofficioso testamento, puta nemine eos repellente, tamen apertum est, esse aliam causam falsi, aliam inofficiosi testamenti, cum tamen eadem sit causa, quæ agitur de hæreditate, sive agitur ex directo, sive ex fideicommissio. Nempe causa communis est judicium defuncti, quod utique semper sequitur, et spectatur qui vel hoc, vel illo jure agit. Et multo minus obstat *l. 3. sup. de petit. hæred.* quæ dicit, petitam hæreditatem materteræ non infringere alterius hæreditatis petitionem ex alia successione. Ubi ex Græcis ita ponenda est species: Matertera mea possidet hæreditatem matris meæ pro hærede, vel pro possessore, quæ ad me pertinet: et moritur matertera, me præterito in suo testamento, id est, exheredato. Ago querelam inofficiosi contra testamentum materteræ, quæ in eodem me prætermisit, atque ideo exheredaverit, deinde non obtineo: recte agam de hæredi-

late matris meæ, quia de alia hereditate ago, de alia successione. At cum ago ex directo, deinde ex fideicommisso, de eadem hereditate ago: quod si uno jure persequutus non obtinero, nec alio jure obtinebo, quia eadem res est, et idem instrumentum, et eadem persona, et in quam ago. Sed ut dixi, hac *l. ult.* repellitur tantum variatio hæredis extranei: nam in liberis, et parentibus permissa est, sive agnati, sive cognati sint: nam liberi, et parentes alii sunt agnati, alii sunt cognati. Mater, et avus maternus mihi sunt cognati, non agnati: pater mihi agnatus, et ego vicissim patri: si in ejus potestate sim: nam emancipulus patri, cognatus est, non agnatus. At in hac *l. ult.* excipiuntur ab ea sine discrimine liberi, et parentes, sive agnati sint, sive cognati, cum tantum locum habeant in extraneis, et separentur ab ea liberi, et parentes, sive agnati, sive cognati, sed agnati usque ad quartum gradum, id est, ad abnepotem, vel abavum: cognati usque ad tertium gradum, id est, ad pronepotem, vel pronyum: his usque ad eum gradum permittitur transire ad jus codicillorum electo prius testamento, si testamento exheredatus sit is, qui est proximior ab intestato, et illi liberi, aut parentes remotiores sint instituti: nam si liberi, aut parentes instituti, erant proximiores ab intestato, certum est eos, rem omnimodo habituros, sive elegerint testamentum, sive non, *l. mater, ff. de inoffic. testam. l. legitimam, ff. de petit. hæred.* Et ratio differentiarum inter extraneos hæredes, ut non possint variare, et liberos, aut parentes, hæc adfertur in hac *l. ult.* quod extranei veniant ad aliena bona: liberi, et parentes quasi ad sua bona, aut quasi ad debita sibi jure sanguinis, jure necessitudinis: non sunt arctandi, et adstringendi nimis, qui pene ad propria bona veniunt, *l. 1. §. largius, ff. de successor. edict.* Ideoque cum agitur de bonis paternis inter fratres, prætor variantem filium non repellit, *l. nonnunquam, de collat. bonor.* Nam ut in persecutione rei omnino meæ, liberum est mihi variare, et subinde modo hoc, illo modo eam persequi; ita et in persecutione rei quasi meæ, fictio juris imitatur veritatem: eademque ratione institutis liberis, aut parentibus usque ad tertium gradum, legata, quæ legatarii non capiunt, non fiunt caduca, quæ tamen fierent caduca institutis extraneis, sed remanent apud liberos, et parentes hæredes institutos, *l. un. §. et cum lex, inf. de caduc. toll.* et eadem ratione liberis, et parentibus remittitur onus aliquarum inferendarum curiarum civitatis, quoties non curiales curialibus successerunt, *l. 1. in fin. de impon. lucrati. descript. l. b. 10.* Et similiter liberis, et parentibus fuit vetigial vicesimæ hereditatis remissum: quia (ut ait Plinius in Panegy.) ad eos hereditates videntur,

pertinere ut suæ, semperque possidere, ut sit impium nominibus liberorum, et parentum inserere fiscum publicanorum dispensatorem, sive promagistrum vicesimæ hereditatum, ut vocatur in antiquis inscriptionibus: et merito igitur electo testamento, possunt ex persone transire ad fideicommissum, ut bona, quæ sunt quasi sua quoquo modo obtineant. Nec enim captant lucra, sed debita quasi sua. Nec obstat, quod diximus supra, eum, qui elegit testamentum, non posse postea transire ad querelam inofficiosi, quæ dari tantum solet liberis, et parentibus, *l. 1. ff. de inoffic. test.* Nam absurdum est, licere eundem evertere testamentum per querelam, quod sciens approbavit semel, et agnovit, *l. nam absurdum, de bon. libertor.* At qui agit ex fideicommisso, cum ante agere cœpisset jure directo, interclusa ea recte via, vel deserta: neque hoc, neque illo modo potest dici evertisse judicium defuncti: immo approbasse potius utrumque, licet non eodem jure, non eodem titulo: Sed utroque semper sequitur judicium defuncti, qui vel ex directo agit de hereditate, vel ex fideicommisso. Ideoque si sit ex liberis, aut parentibus, potest utroque jure experiri, quia utroque modo sequitur judicium defuncti: sed protestari debet, se ex altero tantum jure, prout iudex arbitrat, vel consequi quod ad eum pertinet, aut ad eum pertinere videbitur, *l. 1. §. quia autem, ff. quod legat. et ita filius qui agit de falso testamento, postea recte agit de inofficioso, imo simul de utroque, sub protestatione, vel alternatione, quia utriusque judicii idem est finis, nempe everasio testamenti: nec alium finem habet, qui dicit falsum testamentum, quam qui inofficiosum: utriusque idem est scopus. Et hæc est definitio hujus questionis.*

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XXXVII. De legatis.

Post testamenta, et codicillos, dat legata, quod hæc et testamento relinquuntur, et codicillis testamento confirmatis. Legatum est, quod verbis directis ab herede instituto testator coherredi, vel alii relinquit, verbis, inquam, directis, quæ civilia dicuntur, et legitima, et imperativa, *l. ult. sup. de testam. tut. l. pen. de testam. manum. l. quoniam, sup. de testam.* Unde alpius *l. bro regul. tit. 24.* deducere videtur nomen legati, quod legis modo, id est, imperative relinquuntur puta,

Capito, sumito, recipito, habeto, hæres meus dare damnas esto. Quæ forma loqui solent leges: fideicommissum autem verbis precar is relinquitur: legatum est imperativa voluntas, directa voluntas, fideicommissum precaria. Et olim verba directa erant latina, et certa, solemniæque: hodie etiam Græco sermone relinqui potest: olim non nisi latino. Denique totum testamentum hodie etiam Græco, vel alio sermone conscribi, vel nuncupari potest, *l. hac consultissima, §. ult. sup. de testam. l. ult. sup. de test. tut. l. pen. inf. de testam. manum.* Et legari hodie etiam potest quocunque verbo latino, *d. l. quoniam, et l. 21. hoc tit.* etiam si sit minus solemne verbum, minus legitimum, quod scilicet non usurpent leges, etiam si sit inusitatum, et *μὴ σὺν ὁρίῳ*, quo fere omnia testamenta hodie videmus esse conscripta, unde Iulium seges. Et quod idem Ulpianus scribit *eod. lib. tit. 19.* legato dominium acquiri ex *l. 12. tabul. Paterfamilias uti legasset, etc.* confirmat etiam *lex quoties, §. ult. ff. de pecul. et l. 7. hoc tit.* quæ docet, legati duobus relictis disjunctionem et separatim per vindicationem, aut uni per præceptionem, alii per vindicationem, eis dominium acquiri concursu, id est, per concursum factis portionibus, si uterque legatum amplecti velit. Et notandum etiam hoc de legatis dictum, in fideicommissis aliud esse, nam in fideicommisso possessio, non dominium acquiritur, *l. qui usumfructum, ff. si usufruct. pet.* dominium possessionis, ut est accipienda *l. 42. ff. de usur.* non dominium proprietatis: quia fideicommissa non sunt juris civilis: nec jus civile ea novit, cum cœperint tantum ex temporibus D. Augusti: denique non proficiuntur ab ipso jure civili, id est, a jure *12. tab.* quod est fundamentum juris civilis, et *sous*: sed proficiuntur a nuda voluntate relinquente, quam tuctur Prætor. Adilamus his, legatum præstari ab hærede instituto, qui adiit hæreditatem, sine mora, sine lavamento temporis, si sine die, vel conditione relictum est. Et mora fieri videtur, cum legatum non datur postulanti, ut ait Paulus *in fine 3. sentent.* et ex mora debentur usuræ, aut fructus legati, vel fideicommissi: nam et in fideicommissis idem juris est, ut præstetur incunctanter, et sine frustratione ulla, ut in *ut. 47. inf.* Et hoc usque adeo verum est, ut etiam si hæredi instituto, a quo legata relicta sunt, id est, cui onus præstendorum legatorum injunctum est, si, inquam, ei fiat controversia hæreditatis: etiam si falsum testamentum dicatur, ex quo hæreditatem adiit, tamen debeat statim postulanti legatariis præstare legata, et fideicommissa pendente lite, pendente accusatione falsi testamenti, modo ita ei caveatur, evicta hæ-

reditate, legata restitui cum omni sua causa, id est, cum usuris, et fructibus, *l. ult. sup. de petit. hæredit. l. 9. hoc tit.* quam exponamus. In hac *l. 9.* primum velim antiquum verbum reponas, *restituiri*, ex vetustioribus libris, et ex formula cautionis, quæ est in *l. pen. ff. si cui plus, quam per leg. Falcid.* ut ita legas: *interposita cautione* (hæc est formula cautionis hujus) *si evicta fuerit hæreditas, ea restituiri, non restitutum.* Quod verbum antiquum est etiam frequentissimum in omnibus cautionibus, sicut et in Digestis occurrunt sæpe verba similia: *Restitui, datur, traditui, præstitui, defensui, actui.* Et quod plerisque videtur, ut Antonio Augustino, non esse ferendum, in *l. fidejussor, §. pater, de pign. Metui*, quod pro ratione superiorum verborum, videatur potius dicendum *metutui*, cum tamen studio brevitatis, et *εὐωνοῦς*, certe maluerit dicere *metui*: namque studium tale hæc peperit compendia. Invenio et Iulium Severianum antiquum Rhetorem, ita legere, quod nondum quisquam emendavit, in illo loco Ciceronis in prætura urbana: *Quis hoc non perspicit præclare nobiscum actui, si popul. Rom. istius unius supplicio contentus fuerit?* Ergo reponas *restituiri*, et hic cave existimes in hac *l.* quod vulgo omnes volunt agi de duabus cautionibus: de cautione evicta hæreditate legata restituiri, et de cautione, quæ dicitur cautio legis Falcidæ, *l. 70. ad leg. Falcid.* quod interponatur servandæ Falcidæ causa, quoties hæres solvit legatum, nondum bene subducta ratione honorum, legatorum, et æris alieni: cuius formula hæc est: *Quod amplius legatorum nomine, quam per legem Falcidiam licuerit, ceperis restituiri.* Ut scilicet hæc cautio posterior interponatur, si hæredi non fiat hæreditatis controversia: illa prior interponatur, si fiat hæredi controversia hæreditatis: nam hæc differentia falsa est: quandoquidem et illa cautio, evicta hæreditate legata restituiri, interponatur, et præstatur hæredi, qui solvit legatum, non tantum si patiatur controversiam hæreditatis, sed et si speret, aut metuat, et ex quacunque justa causa, et probabili, non tamen temere, ne legatarius overetur cautione supervacua, *l. 3. §. si legatarius, l. 4. in princ. si cui plus quam per leg. Falcid, l. Julian. §. Marcel. ff. ad exhibend. l. quod si possessor, ff. de petit. hæredit.* Sicut transigit etiam quis recte de re, aut negotio aliquo non tantum si controversiam patiat, sed etiam si speret, aut vereatur, *l. 2. sup. de transact.* Et præterea *l. 9.* loquitur tantum (quantum ex verbis apparet, et nisi ea licet calumniari) de ea cautione, si evicta fuerit hæreditas, legata restituiri. Et hoc vult, quod etiam si hæc cautio nunquam præstetur nulla mora, con-

troverſia, ut ſupra oſtendi, non ideo minus præſtabitur nota controverſia, puta dicente aliquo teſtamento falſum, imo vero tum magis præſtabitur, et ita *l. 9.* eſt accipienda. Quod autem in definitione noſtra legati notavi, etiam a cohærede cohæredi legatum relinqui, ſciendum eſt, id quod ita relinquitur, appellari proprie prælegatum, præcipuum, et præceptionem, quod habentur, et capiatur extra partem hæreditatis præcipuo jure, et antequam dividantur bona inter cohæredes. Et hujus præceptionis natura hæc eſt, ut cui relicta eſt, pro parte ſua hæreditaria ex qua inſtitutus eſt, præceptionem capiat jure hæreditario, pro parte cohæredis jure legati, quod pro parte ſua non poſſit præceptionem accipere jure legati, quia nihil a me ipſo mihi poteſt legari, ne idem ſim et legatarius, et debitor legati: denique hæres prælegati partem capit jure hæreditario ex ſua perſona: eamque poſſidet pro hærede: partem autem capit jure legati ex perſona cohæredis: Et ideo hanc non imputat in Falcidiam: illam imputat *l. in quartam 91. ff. ad leg. Falcid. l. filium, ſupra, famil. erſc.* Et inde ſumitur materia dubitandi *l. 12. h. l.*

Ad L. XII.

Lex eſt ſingularis propter reſponſum Papiniani in ea relatum, quod alibi non exſtat. Quæſtio eſt, an hæres ex parte inſtitutus, cui et aliquid legatum eſt per præceptionem, ſi repudiaverit portionem hæreditatis, ex qua eſt inſtitutus, poſſit vindicare prælegatum, ſive præceptionem? Quærendi et ambigendi cauſa duplex eſt. Primum, quia abſurdum eſt hæreditatem ſcindere, id eſt, partem agnoſcere, partem repudiare, *l. un. §. hæc ita, inf. de caduc. toll.* Et videtur ſcindere hæreditatem, qui omittit partem ſibi aſcriptam, et totum prælegatum amplectitur, quia pars prælegati, eſt pars hæreditatis. Altera hæc eſt, quia qui repudiat hæreditatem, videtur impugnare judicium defuncti: ideoque quatenus in eo eſt, inſtitutum defunctum facit deſerto teſtamento, id eſt, repudiata hæreditate: et qui impugnat judicium defuncti, indignus eſt ex eo quicquam conſequi, *l. Papinianus, §. Papinianus, §. meminisse, ff. de inoffic. teſtam. l. si patroni 55. §. quid ergo, ff. ad Trebell.* hæ ſunt duæ rationes dubitandi, quibus non movetur Papinianus, quin reſpondeat, præciſe heredem ex parte ſcriptum, qui repudiavit hæreditatem, integrum legatum præcipere, quia ſcilicet (ut reſpondeamus primæ rationi) tunc cum repudiavit hæreditatem, totum prælegatum videtur a cohærede capere jure legati, nam partim jure hæreditario, partim jure legati, ut *l. qui filius 17. §. ult. et l. ſeq. l. quæſitum, §. duobus, de legat. 1.* Qua ra-

tione etiam ei, cui auferitur hæreditas ut indigno, non ſemper etiam auferitur præceptio, ullave præceptionis pars, *l. cum quidam, l. eum qui, §. ult. ff. de his quæ ut indign.* Et ita conſtitui ſane melius eſt, ne dum non vis ſcindere hæreditatem, eveniat, ut ſcindas legatum, quod eſt æque abſurdum, *l. 4. de legat. 2.* Nam id teſtator voluit integrum præſtari, nec dividi voluntatem et liberalitatem ſuam. Et hoc ita eſt omnino, præſertim ſi is, qui indignus eſt de hæreditate, puta, quod ejus tantum nomen teſtator deleverit data opera non ſit etiam indignus præceptione, quam non induxit, non delevit, ſicut inſtitutionem: nam ſi utroque ſit indignus, utrumque ei auferetur, ut ſi non ſit ultor necem defuncti, quod eſt ingratiſtudinis et impietatis crimen, ei et hæreditas auferitur et prælegatum, *l. si ſequens, §. 1. ff. de Senatuscons. Syllan.* Itemque ſi falſum teſtamentum dixerit, vel inofficioſum, nec obtinuit: nam et huic omne commodum auferitur, omne lucrum proveniens ex teſtamenti cauſa, quod non ita fiet, ſi injuſtum teſtamentum dixerit, id eſt, non ſolemne, et non obtinuerit, quoniam hic diſputavit de jure, id eſt, dixit in teſtamento non eſſe obſervata ſolemnia juris: non etiam impugnavit judicium defuncti, ſicut qui dixit falſum vel inofficioſum. Qui dicit injuſtum, ducitur ſtudio tuendi juris, ne quod teſtamentum admittatur injuſtum: qui falſum, vel inofficioſum dicit, ducitur ſtudio impugnandi teſtamentum: et hoc ita demonſtratur in *l. post legatum, §. pen. et l. ſeq. de his quæ ut indign.* Et ita etiam (ut reſpondeam ſecundæ rationi) is, qui repudiat partem hæreditatis, id non facit, ut impugnet teſtamentum principaliter, non animo impugnandi teſtamenti, ut non ſit propterea indignus præceptione integra, ſive prælegatione, quia hoc facit providentia quædam, ut ſibi bene conſulat, ne ſe implicet per additionem negotiis et moleſtiis hæreditariis, *l. filio 87. de legat. 1.* Quod et lex quid ergo 90. eod. tit. ait fieri providentia quædam. Merito igitur Papinianus reſpondit *d. l. 12.* eum, qui repudiavit hæreditatem, poſſe integram præceptionem vindicare, quia non ſcindit hæreditatem, imo legatum ſcinderet, niſi id integrum vindicaret, et quia repudiando hæreditatem, non videtur impugnare teſtamentum: nihil denique feciſſe videtur, quo ſit iudicandus indignus integro prælegato, quod mavult, quam hæreditatem. Neque obſtat *l. ult. ff. ult. ff. de dol. except. ad quam, ut nihil amplius addam.* Accuſius reſpondet rectiſſime, quem conſulatis. Non obſtat præterea lex miles, *§. ult. ff. de leg. 3.* ex qua etiam in contrarium efficiunt, eum, qui repudiavit hæreditatem, integrum prælegatum non transmittere ad heredem

suum: quia ut perspicue respondeam, illa lex non loquitur de eo, qui repudiavit hereditatem, sed de eo, qui decessit inter deliberandum; hic, quia vultum in eo res fuit, ut totum legatum ad eum pertineret, quia deliberans decessit, transmittit tantum prælegatum in suum heredem pro parte cohæredis: portio hereditatis, quæ est in prælegato, accrescit cohæredi. Neque obstat *l. apud, §. si qui ex uncia, ff. de dol. except.* Nam consentit omnino cum Papiniano, præterquam in posteriori parte, cujus species hæc est: heredem, cui relictum erat prælegatum, pretium accepisse hereditatis a substituto, ut repudiaret hereditatem: is reipsa non repudiavit, licet repudiaverit, quia habet pretium, et ideo si integrum prælegatum petat, repellitur, quia reipsa non repudiavit hereditatem. Neque etiam obstat *l. si non solus, §. 1. ff. si quis omnia. caus. testam.* quia ibi non loquitur de eo, qui repudiavit simpliciter hereditatem, sed de eo, qui dolo malo repudiavit hereditatem sibi delatam ex testamento, ut eam haberet ab intestato, cum esset ex proximioribus agnatis, in fraudem scilicet testatoris et legatariorum, ut legata intercederent non providentia sui commodi, aut onerum hereditariorum devitandorum, sed malitia quadam: atque ita impugnavit testamentum et ipsemet patitur fraudem, quam ab is intentabat, ut scilicet ex testamento non feral prælegatum, qui causam intestati sequi maluit, ut in *l. quidam, eod. tit. l. bonorum, ff. de legat. præstand.* Falcidiam tamen fert ex legatis: quia Falcidia capitur jure intestati, *l. filiusfamil. ff. ad leg. Falcid.* Neque postremo obstat *l. si patroni, §. quid ergo, ff. ad Trebellianum*, ubi ostenditur eum qui recusavit adire hereditatem, vel qui eam repudiavit, quam erat rogatus restituere alteri, si coactus adierit, et restituerit, amittere Falcidiam et prælegatum. Ratio hæc est: quia adit alieno periculo sine metu onerum: nemo enim cogitur adire suo periculo: alieno cogitur. Nos autem loquimur de eo, qui repudiavit, cum non posset adire sine suo periculo. Atque ita dissolvi omnia, ut puto, huic legi contraria. Reliquas leges de legatis cras absolvam.

Ad LL. l. III. XI. XVII. XX. et XXV.

Observandum hoc uno titulo multa contineri, quæ in Digestis in varios titulos dispersita sunt: nam et hic agitur de annuis legatis, de quibus proprius titulus in Digestis et similiter de alimentis legatis: et de adimendis legatis, et delegatis, quæ ut indignis auferuntur. De annuis legatis est *l. 22.* Annuum legatum, aut fideicommissum est simile usufructui, quia finitur morte, et ad lega-

tarii heredem non transit, id est, cohæret personæ legatarii, aut fideicommissarii, *l. 4. l. in singulis, ff. de annuis legatis, l. patrimonii, ff. de usufructu legato*, nisi scilicet etiam heredi relictum sit hoc modo: *Titio et heredi ejus annuos aureos decem heredem meum dare jubeo.* Quo casu *l. 22.* declarat heredis appellatione, contineri etiam heredem heredis, et omnem successorem in infinitum. Quod tamen locum non obtinet in usufructu legato *Titio, et heredi ejus.* Et est hac in re dissimilitudo inter legatum annuum et legatum usufructus: nam annuum, quod legatum est certæ personæ, et heredi ejus, pertinet ad heredem heredis, et insequentes omnes heredes, qui alius alii superveniunt, ut unda supervenit undam, ut inquit ille de hereditibus loquens. Usufructus autem legatus Titio, et heredi ejus, pertinet tantum ad heredem proximum, non ad sequentes deinceps, ex *l. antiquitas, sup. de usufr.* quia si usufructum extenderes ad omnes successores, inutilem faceres proprietatem nudam, semper abscedente usufructu. Non potest usufructus semper abesse a proprietate: aliqui inane esset, et vanum proprietatis nomen. Usufructus nullus est perpetuus: aut certe plena proprietas est potius, quam usufructus. Et ita si quis forte vellet usufructum transire a fructuario ad omnes successores fructuarii, præcudubio dicerem nunc nomine usufructus, intellexisse plenam proprietatem, et non usufructum. Sicut quum quis ab herede fructuarii legat rem, id est, proprietatem, cujus usufructum legavit, sane videtur sub appellatione usufructus proprietatem legasse, cum ab herede ejus proprietatem, id est, rem ipsam per fideicommissum reliquerit, *l. ult. ff. de usufr. eorum rerum, quæ usu consum. l. species, ff. de aur. et arg. leg. l. filios, ff. de usufr. leg.* Et simili ratione alia existit differentia inter legatum annuum et legatum usufructus: nam legatum annuum relictum Ecclesiæ, templo, collegio, vel Reipublicæ, in perpetuum debetur, *l. 6. l. annua §. ult. l. antepen. l. penult. ff. de annuis legatis, l. 46. quæ est Græca, sup. de episcopis et clericis.* Aliud est dicendum, si usufructus legatur Ecclesiæ, vel Reipubl. ut legimus apud Capitolinum, Divum Pium patrimonium privatum in filiam contulisse, sed fructus Reipublicæ donasse. Usufructus legatus Reipublicæ, non potest esse perpetuus, aut certe non est usufructus, sed proprietas plena. Ideoque placet usufructum legatum reipublicæ finire centum annis: quoniam is est finis longissimus vite humanæ, *l. an usufructus, ff. de usufructu, et l. si usufructus, ff. de usufructu legato.* Comparatur Respublica homini, et ideo spectatur quantum temporis homo per rerum naturam

longissime vivere possit, ut tanto tempore Respublica, quasi morte amittat usufructum, et finis dicitur vite longævi hominis esse centum annorum: licet Mathematici apud Trebellium Pollionem in Claudio, dicant, homini ad vivendum datum esse 120. annos: nec amplius cuiquam jactant esse concessum, etiam addentes. Moysen solum Dei familiarem, vixisse 125. annis, qui cum quereretur, quod juvenis interiret, responsum ei ab incerto, ferunt, numine, neminem plus esse victurum. Quod si forte quis in perpetuum legaret, in omne ævum usufructum, planè hunc dicerem abusu nomine usufructus, et solidam proprietatem videri legatam: proprie enim usufructus omnis temporarius est, longe alia ratio annui legati, anque pensionis, quæ potest esse perpetua. De alimentis legatis est *l. 1. hoc tit. de alimentis*, quæ testator legavit libertis suis, quod cum Claudio Justo morarentur: quæ verba Quod accipiuntur pro conditione, id est, si cum Claudio Justo morarentur, habitarent: et mortuo Claudio vivo testatore, proculdubio legata debentur libertis post mortem testatoris. Ita accipienda *l. annua, in princip. de annuis legat.* quia non stat per libertos, quo minus habitent cum Claudio, cum quo dicunt se libenter habituros, si supervixisset. Atqui mortuus est eo tempore, quo conditio impleri non potuit, nempe vivo testatore, qui post mortem suam demum eos voluit insimul habitare: mortuo autem Claudio post mortem testatoris, etiam *l. 1. hoc tit.* ostendit, et *l. Gajus §. 1. de ann. legat.* in qua proponuntur verba eadem hujus *l. 1.* Dicitur, inquam, utroque loco, mortuo Claudio post mortem testatoris deberi alimenta libertis: hoc ita accipiendum est, ne quis fallatur, si liberti conditioni paruerint, conditionem impleverint, id est, si post mortem testatoris aliquanto tempore cum Claudio morati sint: vel si per eos non statit, quo minus fieret, sed per Claudium, forte, qui eos exclusit, quo casu conditio habetur pro impleta, id est, cum non per eum, cui adscripta est, sed per eum, in cujus persona implenda est, stat quo minus implentur, *l. 1. sup. de instit. et substit. l. in omnibus causis, ff. de regul. jur.* Ergo si post mortem testatoris liberti potuerint demorari cum Claudio, *demorari*, nec demorati sunt, licet Claudius postea decesserit, non debentur alimenta eis, quia intelligitur defecisse conditio in eis. Sed si cum Claudio morati sunt, impleta conditio legati, legata eis debentur quoadiu vivent, etiam post mortem Claudii. Hæc est sententia *l. 1.* cui etiam addendum est, ita demum locum esse, si alimentariorum, id est, libertorum gratia testator eis adscripserit habitationem certam: puta, ut apud Claudium habitarent, forte hæredem suum. Pro-

ponitur in hac *l. 1.* testatorem legasse libertis suis alimenta et vestiarium, ut in *l. 16. in princ. ff. de aliment. legat.* Sed et si alimenta legaverit simpliciter, videtur et legasse vestiarium, et habitationem: quia sine iis ali corpus non potest, sine iis tolerare hanc vitam non possumus. Immo vero, quod mirum est, si legaverit alimenta simpliciter, ex voluntate defuncti etiam continetur disciplina, quod est suavissimum alimentum animorum, *l. legatis, et seq. et l. ult. eod.* Verum in hac specie testatrix, quæ libertis legavit alimenta et vestiarium alimenta rudius pro cibariis tantum accepit. Denique alimentorum appellatione, nec vestiarium complexa est, cum adjecerit specialiter, vestiarium, nec habitationem, cum legato conditionem adscripserit, ut liberti habitarent apud Claudium: quam si adjecerit propter legatarios, sive alimentarios, ut haberent ubi habitarent, ut certam eis habitationem designaret, sane etiam post mortem Claudii, apud quem eis prescripsit ut habitarent, alimenta eis debebuntur, et ita ponendum est in specie *l. 1.* et attingit Accursius, designatam fuisse, et indictam habitationem ipsorum alimentariorum gratia, ut non cibaria, et vestiaria tantum haberent, sed et habitationem certam: nam aliud omnino dicendum erit, si propter Claudii utilitatem, testator edixit, ut libertis præstarentur alimenta, si habitarent cum Claudio, puta, ut ei essent in obsequio, in ministerio, in actus administratione, et interim alerentur: nam hoc casu, Claudio de medio sublato, finietur legatum, quod libertis relictum est contemplatione Claudii, ut ei Claudio ævi essent, *l. illis libertis, ff. de condit. et demonstr.* De adimendis legatis agitur *l. 3. 11. et 17.* Adimuntur legata eodem testamento, vel codicillis testamento, confirmatis, vel pure, vel sub conditione, ut et dantur, *l. 17. hoc tit.* dum tamen adimantur eo modo, quod data sunt, ut olim obtinuit: nam si ita sint data, *Do, lego*, ita sunt adimenda, *Non do, non lego*, sin autem ita, *Hæres dato*, ita adimenda, *hæres non dato*, vel etiam, ut hodie obtinet, adimuntur quibuscunque verbis: nam ut olim certis, conceptisque verbis dabantur, et adimebantur: ita hodie quibuscunque et dantur, et adimuntur, et vel adimuntur ipso jure, vel ope exceptionis: ipso jure, si nominatim: ope exceptionis si nuda, tacita et præsumpta voluntate, conjectura voluntatis, ut puta susceptis cum legatario gravissimis, et capitalibus inimicitiis, *l. 3. §. ultim. l. ex parte, l. cum servus, ff. de adimend. leg.* Opus est exceptione, quod contra voluntatem legatarius petat, si legatum non sit ademptum nominatim. Et hoc etiam distat legatum a fideicommissum: nam fideicommissum etiam nuda voluntate adimuntur, et etiam codicil-

lis non confirmatis testamento: et nuda tacita voluntate videtur adimere legatum, puta relictum filie, qui rem ei legatam, postea pro eadem dat in dotem, *lex 11. hoc tit.* sicut si quis rem legatam alii donet vel si eam vendat alii, modo vendat sua sponte, non urgente necessitate, *lex cum servus, et l. rem legatam ff. de adimend. legat. et l. fideicommiss. §. si rem, de legat. 3.* non tamen videtur ademiase legatum, si rem legatam dedit pignori creditori suo, et ita definitur in *l. 3. hoc tit.* cuius testimonio etiam utitur Justinianus in *§. si rem, Instit. de legat.* Ergo qui rem legatam pignori, vel hypothecæ dat, non videtur mutasse voluntatem ex sententia *l. 3. cui valde obstat l. si maritus, sup. de donat. inter vir. et uxor.* cui similis est *lex cum hic status, §. si maritus, ff. eod. tit.* Nec scio an quisquam possit legem *3.* in concordiam adducere cum *§. si maritus.* Loquitur de re donata uxori, quæ donatio ab initio non valet, sed morte confirmari potest, sicut legatum morte confirmatur, nec statim vires accipit a testamento. Donatio inter virum et uxorem confirmatur morte, si in eadem voluntate perseveraverit donator ad mortem usque, ex oratione D. Antonini, quare recte dicitur, cum donationem factam inter maritos, legati, aut fideicommissi partibus fungi, ac proinde subijci Falcidie, *l. in donationibus, inf. ad leg. Falcid.* Cum igitur sit instar legati, cur sicut res legata non videtur adimi, si eam testator creditori suo oppignoraverit, idem non statuas in re donata conjugi? cur vis, ut videatur donator mutasse voluntatem, qui rem donatam uxori pignori dat? Non potest idonea adferri ratio diversitatis, tamen quidam tentant adferre, sed non quo genere expleri possit animus: et ubi non est idonea ratio diversitatis, idem ius statuendum, ut eleganter ait *l. 5. §. 1. de inju. rupt. testam.* quomobrem deinde etiam Justinianus in *Novel. 162.* abrogat *l. si maritus:* idemque ius vult esse in donatione inter virum et uxorem, quæ legati partibus fungitur, et in legato, ut neutrum videatur ademptum, quasi mutata voluntate, si res donata, vel legata, pignori, vel hypothecæ detur, *d. Nov.* Adidit *lex 3. hoc titulo, heredem,* a quo legatum relictum est, licet post testamentum rem legatam testator oppignoravit, debere eam luere et præstare liberam legatario, etiamsi actio in personam electa sit, quod notandum, id est, etiamsi legatarius malit petere legatum per actionem in personam, id est, actionem ex testamento, debet ei heres rem liberam præstare, id est, pignore solutam, ex quo apparet legem *2.* pertinere ad legatum per vindicationem, quod peti potuit vel actione in personam, vel in rem, *l. cum filius, §. 1. de legat. 2. l. hujusm. §. ult. et l. seq. et l. si servus, §. cum*

homo, de legat. 1. nam ante Justinianum, legatum damnationis petebatur tantum per actionem in personam: et ei quidem qui agit in rem, si vice-rit, res libera restituenda est, quia rem suam petit, et vindicat, utque optimo jure est, et optima conditione, immunem, liberam, optimam maximam petit, quod non ita petit qui agit in personam, id est, qui intendit rem certam sibi deberi: nam hic rei qualitatem non attingit, et tamen, ut ait *lex 3.* etiamsi in personam agatur, non in rem, res præstanda est optimo quoque jure, et optima conditione quaque, non obligata, sed immunis.

Ad L. V. VIII. et pen.

De legatis, quæ ut indignis auferuntur est *l. 8. et pen. Lex 5.* loquitur de portione hereditatis legata: nam placet, portionem hereditatis posse legari, puta unciam, aut sextantem hereditatis, *l. mulier §. ult. ff. ad Trebell.* quod satis mirum est ut ex uncia scriptus pro legatario habeatur cum unciarum nomina solis heredibus scriptis imponantur ad designandas portiones hereditarias, puta uno scripto ex uncia, alio ex hesse, alio ex triente: sed e contrario evenit etiam aliquando, ut heres scriptus habeatur pro legatario: puta si sit scriptus ex re certa adjectis coheredibus scriptis ex partibus, vel sine partibus: nam qui cum eis scribitur heres ex fundo certo, loco legatarii est, quod attinet ad creditores hereditarios, *l. pen. sup. de hered. instit.* Et ita etiam olim, qui ex Senatusconsulto Pegasiano hereditatem recipiebat, erat loco legatarii non loco fideicommissi heredis, *§. post quod Senatusconsultum, Instit. de fideicom. hered.* Nunc fingi: portio hereditatis cuicdam legata est: is de hereditate furatus est res aliquas: non est in eis rebus habiturus portionem ullam: in ceteris est habiturus portionem sibi legatam: in iis, quas surripuit de hereditate, nihil est habiturus, sed auferitur ei in rebus subreptis portio, quam habuisset, si eas non subripuisset ut indigno, nec tamen si eo addicatur, sed heredi remanet: non omne, quod eripitur ut indigno, confiscatur. Ita est accipienda *l. 5. adjuncta l. Paulus, ad Trebell.* Auferitur etiam legatum tutori testamento dato, cui remunerandæ fidei gratia, remunerandi officii gratia pater legatum reliquit, si tutelam se excusaverit, ut qui tutelam recusavit non. ferat præmium tutelæ, sive remunerationem, sed etiam hoc casu legatum non confiscatur, sed relinquitur pupillo, cuius utilitatem ille deseruit, vel heredi extraneo, ut *l. post legatum, §. amittere, ff. de his quæ ut indig. l. tutor petitus, §. 1. ff. de excusat. tutor. l. pen. hoc tit.* Et postremo auferitur ut indigno, qui celavit testamentum in fraudem heredis æris

di, et defuncti, sed hęc quoque legatum, quod ei auferitur non cadit in fiscum, sed remanet apud heredem, quem fraudare voluit celando testamentum, perinde ac si haberetur pro non scripto, *l. pen. hoc tit.* Et ita ex hoc titulo habemus tres casus, quibus crepta legata quasi indignis, non cadunt in fiscum, sed remanent apud heredes. Et ad secundum casum omisi pertinere *l. 8.* quę docet excipiendum esse tutorem non jure datum, cui legatum relictum est, ut si miles tutor datus sit, qui non jure datur, *l. 4. sup. qui dare tut. vel curat.* Hic si non gerat tutelam, cum non jure possit gerere, non amittet legatum. Hęc est sententia *l. 8.*

Ad L. II. IV. X. XIII. XV. XIX. XX. et ult.

Sequuntur in hoc titulo quę communia esse dicuntur inter legata et fideicommissa, ea nos expedito, et communiter latius adhibita interpretatione exponamus. Inter legata et fideicommissa jam hoc commune esse diximus, ut ab herede præstentur, quę pure relicta sunt sine mora, vel statim post diem, aut conditionem expletam, etiamsi heres patiatur controversiam hereditatis. Commune, quod est de annuis in *l. 22.* et quod de ademptione in *l. 17.* et quod de verborum obreptione, quibus relinquuntur *l. 21.* his addamus multa alia communia, quę sunt, et proponuntur hoc tit. et post hunc titulum ex sequentibus adduntur, et alia complura, ut inde merito queri possit, cur cum in hoc titulo, etiam in sequentibus, multa communia proponantur legatis et fideicommissis, tamen detur infra titulus specialis de communibus, id est tit. *Communia de legat. et fideicom.* quod explicabimus cum pervenerimus ad hunc tit. Interim hoc vobis dispiciendum relinquo. Addamus autem etiam communiter de legatis et fideicommissis hoc esse proditum in *l. 2. hoc tit.* ut heres legatorum et fideicommissorum nomina teneatur, etiam si vendiderit hereditatem, quia hereditatis venditione non desinit esse heres, sed quod solverit legatariis, aut fideicommissariis, quibus etiam post venditionem honorum respondere debet ut etiam omnibus creditoribus hereditariis, id ab emptore hereditatis consequi potest ex stipulatione empti et venditi hereditatis, quę interponi solet, *§. ergo si quidem, Inst. de fideicom. heredit.* et est nuda cautio, nisi placuerit fidejussoribus dari, ut in specie *l. 2. quę de fidejussoribus loquitur*, vel non interposita stipulatione venditori qui solvit eo nomine, in emptore competit actio ex vendito, ut servetur indemnis damno, *l. si ex pluribus, de hered. vel act. vend.* Addamus etiam commune aliud, quod proponitur in *l. 4. h. t.* ut

et legalum et fideicommissum sit inutile, quod servo proprio relinquatur sine libertate, *l. ex fideicom. inf. de fideicom. l. pen. §. illo, sup. de necess. her. inst.* Et ex eadem *l. 4.* ut regula Catoniana tam ad fideicommissa, quam ad legata pertineat, id est, ut neque illa convallescant ex post facto, si ab initio inutilia fuerint: ea regula est Catonis Jurisconsulti. Et aliud ex *l. 13. hoc tit.* proprias res meas mihi legari, aut fideicommittere inutiliter, id est, mihi relinqui per fideicommissum. Et ita fideicommittere non tantum est onerare fideicommissum heredem, aut legatarium, aut donatarium mortis causa, aut debitorem (nam ii omnes fideicommissum onerari possunt) sed etiam est relinquere aliquid per fideicommissum, scilicet ut fideicommittere *L. Titio*, vel est a *L. Titio* fideicommissum relinquere, vel ipsi *L. Titio* fideicommissum relinquere, ut *l. 13. hoc tit. et l. 1. inf. de litig. l. si tibi certam, ff. de adim. leg. l. si a me tibi, ff. ad leg. Falcid.* Et ita fideicommissarius non tantum est is, cui relictum est fideicommissum: sed et heres, a quo fideicommissum relictum est: vel alius, a quo fideicommissum relictum sit jure, ut in *l. quamvis ff. de judic. et Novella 108.* Item *l. 10. h. t.* est communis de legato, et fideicommissum rei alienę. Res aliena olim non potuit legari per vindicationem, ut probat *l. Stichus servus, ff. de man. testam. l. tantum 88. de verbor. signific.* Per damnationem legari potest, *l. alienus, ad leg. Falcid.* Itemque per fideicommissum relinqui: imo et per vindicationem ex *SC. Neroniano*, cujus meminit *Ulpianus lib. regul. tit. de legat.* Et ita demum valet legatum, vel fideicommissum rei alienę, si testator scierit esse alienam: quoniam hęc est cognitio defuncti, qui non ignorat rem alienam esse, quam reliquit, ut heres eam redimat a domino, et præstet: vel si non possit, ut heres præstet ejus justam estimationem. Quod si ignorans testator rem alienam reliquerit ut suam, relictum non valet: quia si scisset esse alienam, forte non legasset: hoc ita (ut ostendit *l. 10.*) nisi rem alienam ignorans, et per errorem reliquerit ei, cui relicturus erat, etsi scisset esse alienam, vel eam ipsam rem, vel aliam ejusdem pretii, ut si filio reliquerit, si fratri carissimo, si uxori, et adile, si alumno, arg. *l. in testamento, D. de fideicom. libert.* Nam in alumnum etiam nobis est præcipua quardam affectio, qui inter manus nostras crevit, et in manibus nostris alumnatus est. Item si heredi suo rem alienam reliquerit, ut si heredem scriptum præcepto fundo, qui erat alienus, jusserit hereditatem alii restituere: nam etiam erga eum, quem honore heredis affectus, videtur duci affectione quadam præcipua, ut indistincte præcipere possit fundum alienum, aut estimationem ejus: sive testator scierit,

sive non, esse alienum, et hoc ostendit *l. hæres præcepto, ff. ad Treb.* Ergo in personis his, erga quas elucimur affectione summa, non distinguimus inter scientem et ignorantem. Nec moveor *l. cum pater, §. evictis, ff. de legat. 2.* ubi proponitur pater uni ex filiis prælegasse prædia aliena, quæ existimabat esse sua: et lex ait, filio cum fratribus, et cohæredibus nullam actionem esse: unde efficiunt, legatum rei alienæ, etiam filio relictum ab errante, qui eam legat ut suam, non valere, aut ejus legati nullam actionem esse cum cohæredibus: nam (ut respondeatur) lex non negat, cohæredes filio teneri ad æstimationem præstandam prædiorum, si nondum ea acceperit: sed si ea acceperit, et evinctura vero domino, negat ei esse actionem de evictione adversus cohæredes, quia regulariter hæres de evictione non tenetur legatariis, aut fideicommissariis quibus res certa legata est: quia legatarii, aut fideicommissarii sunt rei lucrative possessores: *l. si a substituto, in fi. l. si legati servi, ff. de legat. 1.* Ergo in personis nobis conjunctissimis et carissimis non distinguimus inter scientem et ignorantem: non utimur etiam ea distinctione in re hæredis legata, sed in re aliena, in re extranei: nam sive sciens, sive ignorans testator legaverit rem hæredis sui, legatum debetur, quia facilius legamus rem hæredis nostri, quam extranei: et quia etiam hæredi est facilior præstatio rei suæ, quam alienæ, *l. unum ex familia, §. si rem, D. de legat. 2.* Non utimur etiam ea distinctione in libertate relicta servo alieno, *l. Paulus respondit, D. de fideic. libert.* hoc favor libertatis extorsit, quæ sine pretio ubique pretiosa habetur, *l. pœnales, in fi. D. ad leg. Falcid. l. generaliter, §. si quis servo, de fideic. libert. l. 3. de alien. judic. mut. caus. sac. §. ult. Instit. de donat.* Ergo his casibus exceptis, legatum rei alienæ ita demum valet, si sciens rem alienam testator legaverit, vel alio modo reliquerit: verum ut ne hoc quidem modo efficiant legatum rei alienæ valere, obijciunt *l. 20. hoc tit. ad quam sic respondeo: quod dico rei alienæ valere legatum: quod sciens reliqui, hoc sic intelligo si in ea re nihil juris habeam: nam si in ea re habeam aliquid juris, quæ est aliena, non videor rem ipsam legare, sed id tantum juris, quod in ea habeam, ut si rem legem, cujus usufructus est meus, nuda proprietas alterius, usumfructum tantum legare videor: hæc est sententia l. 20. et licet usufructus finiat morte mea, tamen aliquo casu legatum utile esse potest, ut si vivus postea nanciscar proprietatem rei: nam post mortem meam legatario usufructus debetur: erit etiam nonnihil utile, si vivus legatario concedam jus percipiendi fructus, propter fructus medii temporis: ut nonnunquam testatores dum vivunt, quæ legant repræ-*

sentare solent, et erogare legatariis, *l. 22. D. de legat. 2.* Plinius 6. epistola: *Tam rara est, inquit, in amicitis fides, tam parata oblivio mortuorum, ut ipsi etiam debeamus nobis conditoria extruere, et omnia hæredum officia præsumere.* Nec tamen in hanc rem quicquam cum Accursio existimes facere *l. Srja, D. de aur. et arg. leg.* ubi proponitur, quæ legaverat unionem cum hyacinthis, qui scilicet inerant ornamento mulieris cuidam, unionem solvisse: nam illo loco, *Unionem solvere,* non est legatum præstare, non est etiam (quod tamen quidam existimaverunt) unionem aceto liquefacere ad absorbendum, et deglutendum eum: quia in deliciis habebantur uniones liquati: sed unionem solvere, est eximere ornamento, ut apparet ex *l. arg. §. margar. cod. tit.* Nec existimes etiam jure canonico legatum rei alienæ nullo modo valere ex *cap. filius, extra, de test.* In quo hoc tantum proponitur, rem alienam Ecclesiæ legatam, quod non dicit fieri inutiliter: Ecclesiam jure non delinere invito domino, hoc est certissimum: nam et ab hærede Ecclesiæ tradi non potest invito domino: sed si eam non possit a domino redimere, tenetur veram æstimationem præstare Ecclesiæ. Addimus, quoniam satis dictum est *d. l. 10. et 20. ex l. 13. h. t.* legata, et fideicommissa Falcidiam pati. Lex Falcidia est tantum de legatis, sed porrecta fuit ad fideicommissa ex Senatusconsulto Pegasiano, non ad universalis tantum, sed et particularis, sive peculiaris, ut loquuntur in jure, *§. sed quia hæredes, Inst. de fideicom. hæred.* Et similiter, ut ostendit *d. l. 13. h. t.* legata, aut fideicommissa non debentur, nisi deducto ære alieno ex pura substantia defuncti, ne testamento quidem militis, *l. 1. §. denique, D. ad Trebell.* quod etiam est ex lege Falcidia, et Senatusconsulto Pegasiano, *l. 1. §. hæc verba, D. si cui plus quam per leg. Falcid. l. successores, inf. ad leg. Falcid.* Aliud etiam, quod est commune inter legata et fideicommissa, suppleat *lex 19. hoc tit.* quæ summe notanda est: nam interpretationem sumpsit ex jure antiquo, quo, ut scitis, ante constitutionem *l. 2. inf. de infirm. pœn. cœlib. et l. 1. inf. de jur. liber.* quæ est eadem constitutio: eo, inquam, jure antiquo, vir ex testamento uxoris, et e contra uxor ex testamento viri non poterat solidum capere, quo jure etiam hodie quædam regiones utuntur, sed partes tantum quasdam certas, scilicet decimas, exceptis casibus quibusdam, quibus inter virum et uxorem fuit solidi capacitas, quod explicat Ulpian. *lib. reg. tit. 16.* Inter alios hic unus est: Si duo juvenes contraxerint matrimonium, et non dum sint ejus ætatis, quam lex Julia et Papia exigit, ut liberos procreent, si velint invicem capere solidum ex testamentis suis, id est, si vir sit in ætate 25. annorum, aut

mulier, vel puella minor 20. annorum. Nam intra eam ætatem solidi capacitatem habent: sed videtur hic modus esse additus in antiqua lege: nisi paulo post nuptias, uterorum, nova nupta, vel uxor, vel novus nuptus, vel maritus decesserit, cum nondum describuerit novus et insitus calor, tum maritus ex testamento uxoris, etsi sit infra eam ætatem, non capiet solidum: in novum enim nuptum, vel in novam nuptam effunderet conjux omnia sua bona, et hic nimis calor coercendus est. Et videtur lex vetus præfinivisse spatium duum mensium, quod attingit lex 19. cum sit non tantum *duum mensum*, sic legit Haloander, et castigatiores codices habent, non autem, *duorum*. Et priscus ille sermo *duum mensum*, argumentum præbet priscæ legis, quæ id spatium præfiniverit, ut scilicet ita demum novus maritus caperet ex testamento uxoris hæreditatem, vel legata, vel fideicommissa, vel ut ita demum caperet donationes causa mortis, si *duum mensum* spatio cum uxore fuisset. Sed hac l. 19. Diocletianus et Maximianus Imperatores præeam legem abrogant, et volunt, ut etiam si minori spatio temporis maritus cum uxore fuerit, possit ex ejus bonis capere solidum: ergo et si mensurans tantum fuerit maritus, ut et hic utar prisco sermone usurpato a Cicerone in l. *de inventione*, cum definit tempus, et miror eos, qui tantopere in Cicerone emendando laborarunt, locum illum non correxisse, in quo et Priscianus ita legit, et habet ita lib. 2. *Tempus est pars quædam æternitatis, cum alicujus annui, mensurni, diurni, nocturnive spatii certa significatione*: legendum est, *mensurni*, non *mensuri*, ne exulet vox prisca. Ita etiam Boetius de disciplina scholastica: *Qui Satyricis, inquit, inliabat atramentis mensurnus: historiographis persæpe diurnus*: et infra: *in editionibus philosophicis mensurnus*; et infra: *veneroque accessu, si fas est dicere, mensurnus, permolliri deberet*. Sed ut sit finis aliquis huic prælectioni, addamus aliud commune ex l. ult. hoc tit. Olim legatum non potuit relinqui ad tempus, puta hoc modo, *lego tibi fundum illum usque in quinquennium, l. obligationum, §. 1. de oblig. et action.* Ex tempore potuit relinqui legatum, ut *post annum quam mortuus fuero, hæres meus illi fundum dato*. Ad tempus relinqui non potuit, quia dominium non potest tempore finire ipso jure, dominium amittitur donatione: alienatione, legato, et certis aliis modis, non tempore solo: ergo tempus non potest efficere, ut qui jure legati factus sum ejus fundi dominus, desinam esse dominus sine facto meo. Et ita non recte hæres instituitur ex tempore, vel ad tempus: valet quidem institutio, sed adjectio temporis vel diei non valet, siue quis instituitur ex tempore, siue ad tempus, l. *hæreditas, de hæred. instit.*

Et tamen hæres recte instituitur sub conditione: Cedo rationem diversitatis: dico conditionem suspendere testamentum, diem non suspendere testamentum: hæc est ratio diversitatis, quam ita explano. Interim dum expectatur conditio institutionis, defunctus neque testatus, neque intestatus est, sed utriusque causa est in suspensio: *de præcep.* Et interim dum expectatur dies hæredi instituto ex die, si valeret adjectio diei, defunctus esset intestatus interim, et ex die testatus, vel hæredi instituto ad diem, si valeret adjectio diei, interim defunctus esset testatus, et post diem intestatus, quod jus nostrum non patitur: nam ut paganus non potest in aliis bonis esse testatus, in aliis intestatus: sic non potest alio tempore esse testatus, alio intestatus. Valet quidem institutio ex die, vel ad diem, ita ut hæres statim alire hæreditatem possit jure perpetuo, et diei adscriptio sic circumscribatur, quasi mendum, aut vitium testatoris, sicut circumscribi solet conditio impossibilis. Et hæc confirmat l. *potest, D. de hæred. institut. l. miles ita, D. de militar. testam.* Et addendum etiam, obligationem non contrahi ad tempus, ut quis mihi debeat usque ad quinquennium: nam et post quinquennium erit mihi obligatus, d. l. *obligationum, §. 1.* quæ utilitur optima ratione: quia quod certis modis deberi coepit, certis modis deberi desinit. Sunt certi modi contrahendæ obligationi, et certi tollendæ: veluti solutio, novatio, acceptilatio: tempus non est inter modos, l. 7. *inf. de sent. et interloc. omn. jud.* M. Tull. pro Cæcinnâ: *Si per has rationes, inquit, liberari majores nos posse voluerunt, intelligimus alio modo noluisse*. Ergo tempore, ipso jure non finitur obligatio, nec dominium, quod semel acquisivimus, sed sicut placet, obligationem finire tempore remedio exceptionis, id est, non ipso jure, sed opposita exceptione pacti, vel doli mali, ut in §. *at si ita, Instit. de verb. oblig.* Sicut etiam placet, donationem finire tempore, si donavi tibi rem ex lege, ut ad me redeat post quinquennium, remedio scilicet cautionis, quæ tu caveas rem post quinquennium restitui, l. 1. *inf. de donat. quæ sub mod.* Ita Justinianus l. ult. hoc tit. inducit remedium cautionis, quæ legata, aut fideicommissa relicta ad tempus perimantur. Ergo non ipso jure, sed vi et potestate cautionis: ex qua potest conveniri legatarius, aut fideicommissarius post tempus, ut quod accepit, hæredi reddat, restituat.

Ad LL. XXIII. et XXIV.

Explicaturus sum hodie l. 23. et 24. in quibus est finis hujus tit. Emendant ambre jus vetus, et

pertinent tam ad legata, quam ad fideicommissa: suntque communes: et *l. 23.* pertinet etiam ad hereditates, in qua duæ questiones juris definiuntur aliter quam a veteribus Jurisconsultis. Prima hæc est: si quis Titio fundum Cornelianum totum reliquit per legatum, vel fideicommissum, et deinde Mævio ejusdem partem dimidiam. Quid quemque in eo, quamve partem habere oportet? Hoc definire est perquam difficile: trahimur enim in varias sententias, dum de ea re cogitamus, de dividendo fundo inter Titium et Mævium, cui uni est adscriptus totus: alteri pro parte dimidia. Primum enim possumus dicere, Titio Mævium esse conjunctum in partem dimidiam: ita ut Titius habeat partem dimidiam solus, et alterius dimidiæ partem tantum dimidiam, id est, ut Titius in eo fundo habeat doctantem, id est, semissem et quadrantem: Mævius autem reliquum quadrantem tantum: sicut si fundus legatur uni (quo nomine significatur plena proprietas, plenum dominium) et alii usufructus, ambo concurrunt in usufructum, *l. 3. §. ult. de usufr. accresc. l. si tibi, D. de usufr. earum rer. quæ usu consum.* Usufructus partis instar obtinet, *l. cum filius, §. dominus, de legat. 2.* Possumus etiam dicere rationem esse revocandam ad solemnem distributionem assis, ita ut cum appareat, eum, qui legavit Titio totum, Mævio partem dimidiam, Titio reliquisse alteri tanto amplius, quam Mævio, eadem proportionem servata: et ratione revocata ad assen, Titio dandum esse bessem fundi, et Mævio trientem: atque ita definitur in *l. interdum, §. sed si excesserit, D. de hered. instit.* quia et huic questioni similiter locus est in hereditate, si unus sit institutus ex 12. unciiis, id est, ex toto, ex asse: alter ex 6. unciiis, ratione revocata ad distributionem legitimam assis, primo dandum esse bessem: secundo trientem, servata proportionem dupla, ut primus altero tanto plus habeat, quam secundus: nam ut inter duodecim et sex est proportio dupla: sic et inter octo et quatuor, id est, inter bessem et trientem est proportio dupla, quam constituit testator ipse: excedendo tamen modum assis, possumus et dicere, eum fundum esse dividendum ex quo inter Titium et Mævium, quod videatur testator de toto relicto Titio detraxisse dimidiam, quam deinde ascripsit Mævio. Et ex his tribus sententiis difficile est constituere, quæ potius nobis sequenda sit: nam ut ait eleganter *l. ult. D. de adim. leg.* quæ valde pertinet ad hunc locum; cum nihil præter pecuniam numeratam legatum est, promptum est, vel facile, detrabere legato pecuniam: vel adjicere: quia pecunia numero facile dividitur: cum autem corpus, ut fundus, est legatum, obscurior est portio, quæ vel detrabitur, vel adjicitur, et difficilior scriptura, inquit, id est,

supputatio, ahæc difficilior, ut rationem publicanorum Asconius Pædianus scribit appellari *scripturam*: quod nomen etiam tribuit rationibus argenteorum, quæ vocantur *scripturæ mensæ*. Ut merito in hac *l. 23.* Justinianus dicat, hanc supputationem dignam esse multis *rationatoribus*, id est, calculatoribus. Nam habent libri veteres, non *rationationibus*: aut certe *rationationes* accipiendæ sunt pro calculis, quasi dicat, cum intervenierit res corporalis, et agitur de minuendo legato primo adscripto in solidum, difficiliorem esse computationem, et perobscuram partis designationem, quam secundo legatario testator dari voluit detractam primo: opus igitur fuit constitutione principis, quæ hoc definiret et determinaret. Igitur Justiniano placet in hac *l. 23.* ut si primus instituitur hæres ex duodecim unciiis, secundus ex sex unciiis, vel si uni adscribatur tota hereditas, secundo pars dimidia: itemque si primo legatur fundus in solidum, secundo pars dimidia fundi, vel si relinquatur per fideicommissum, nihil refert, ut duo semisses fiant, id est, æquales partes inter primum et secundum, quia interpretatur Justinianus hanc fuisse cogitationem defuncti, ut primo detraheret semissem, et vult spectari magis cogitationem defuncti, quam proportionem justam, abrogato *d. §. sed si excesserit*, quo primo datur bes, secundo triens, id est, primo altero tanto plus, quam secundo, quod eadem sit proportio inter bessem et trientem, quæ est inter assen et semissem. Et verò melius fuisset servari hanc proportionem, nisi nos ab hac sententia revocaret cogitatio defuncti, quam nobis Justinianus destinat pro certa: Princeps est interpret non legum tantum, sed etiam testamentorum, quæ veluti leges quedam sunt. Eodem modo, ut ostendit hæc *l. 23.* si primo reliquerit fundum totum, vel hereditatem totam, et secundo tertiam partem fundi, vel hereditatis, statuit primo deberi bessem, secundo trientem, quod videatur primo, cui totum reliquerat, detraxisse tertiam partem, ut tantum retineret bessem. Veteres servarent justam proportionem, et darent primo dodrantem, secundo quadrantem: quia eadem est proportio dodrantis et quadrantis, quæ totius et tertie partis, id est, quæ assis et trientis. Et consequenter, si primo totum adscribat testator, secundo dimidiam partem, tertio sextam partem, quam speciem proponit hic Accursius, dicendum est ex sententia Justiniani, primum et secundum tertio debere conferre uncias duas, ut singuli retineant quincuncem, quod videatur testator cuique portionis sue, id est, semissis detraxisse partem sextam, id est, primo detraxisse semissem datum secundo, in primo et secundo detraxisse sextam partem totius datum tertio, servata justa proportione. Veteres darent primo altero tanto plus,

quam secundo, et secundo altero tanto plus, quam tertio, quam Justinianus non vult spectari in hac l. 23. Quod vero dicemus, si primo reliquerit dimidiam partem suam, aut hereditatis: deinde secundo totum, vel primo semissem, deinde secundo totum? Et hoc sane casu, quia non occurrit eadem præsumptio detractiois, quam cogitavit testator, sequemur jus vetus, et proportionem justam, ut primus habeat quadrantem, secundus sessem, id est, altero tanto plus, quam primus, in l. *Mævio de legat. 2.* nisi appareat, testatorem, qui secundo legavit totum, primo alimere voluisse semissem, et ita Accursius hoc loco recte. Secunda questio, quæ proponitur in §. *sed aliam*, pertinet et ad legata, et fideicommissa, et hereditates. Finge, Titio fundum Cornelianum legavi: postea eidem eundem fundum legavi repetito legato, et pone si vis, id me fecisse tertio, nempe et tertio me Titio eundem fundum legasse, aut sæpius: deinde legavi Sempronio eundem fundum, quo Titio eandem rem semel legavi, et iterum, et sæpius, et Sempronio semel tantum, et separatim, vel etiam finge: Titio legavi fundum Cornelianum, deinde conjunctim Titio et Sempronio legavi eundem fundum: queritur, in quot partes, aut quemadmodum is fundus dividi debet inter Mævium et Titium. Quod et de hereditate queri potest eodem modo adscripta Titio et Mævio, separatim, aut conjunctim. Et concludit Justin. in hac l. contra quam existimaverint veteres, æquas partes ad eos pertinere, nisi specialiter testator expresserit, et dixerit (quæ verba sunt notanda) nam omnino exigit, ut dixerit, quæ partes servarentur inter Titium et Mævium, alioquin æquales servabuntur, nec quod Titio sæpius eandem res sit legata, major erit portio Titii, quoniam testator videtur idem sæpius dixisse, et iterasse potius, quam legasse sæpius, l. *Mævius*, §. *eum qui*, de legat. 2. Veterum judicium fuit aliud, maxime Titio et Sempronio conjunctis, et ponamus exemplum in hereditate: *Titius hæres esto*: deinde dixit: *Titius et Sempronius hæreses sunt*, vel in legato: *Titio fundum illum do, lego, Titio et Sempronio eundem fundum do, lego*. Ex hac scriptura veteres darent Titio primum semissem, et in altero semisse eum conjungerent Sempronio, atque ita darent Titio quadrantem, Sempronio quadrantem reliquam. Et hujus sententiæ argumentum est l. *dominus*, §. 1. de pecul. leg. et l. 4. de stipul. servor. Quibus ne quid dissimulemus, hæc constitutio derogat manifesto. Species l. *dominus* hæc est, sed prius monendi estis, servum vicarium, esse servum servi ordinarii in libris nostris, et servum peculiarem, videlicet qui est in peculio servi ordinarii. Nunc finge: servus ille vicarius, qui est in peculio Stichum servi ordi-

narii, est communis inter Stichum et dominum, id est pro parte peculiari Stichum, et pro parte propriis domini: Dominus Stichum cum libertate legat peculium, ergo partem vicarii, quæ est peculiaris, deinde eidem Stichum et libertate legat eundem vicarium, id est, partem, quam in eo propriam habet, quæ ex æquo dividetur inter Stichum et libertatem: atque ita Stichum in servo vicarii habebit quadrantem, libertatem quadrantem. Ex hac Constitutione faciendi sunt duo semisses. Et dictæ l. 4. species hæc est: servus communis Titii et Mævii stipulatus est rem certam Titio nominatim soli: deinde eandem rem stipulatus est Titio et Mævio, ambobus dominis conjunctim, quid fiet? Ea res Titio debetur pro dodrante, et Mævio pro quadrante, ut scilicet Titius in ea habeat semissem, et alterius semissis partem, et tamen secundum mentem hujus constitutionis fient hodie inter dominos æquales portiones, non inæquales. Facilius est l. 24. quæ loquitur de filio impubere exheredato, cui pater substituit pupillariter, si intra ætos pubertatis decederet, et pertinet tam ad legata, quam ad fideicommissa: questio est, an ab exheredato, vel a substituto filii impubers exheredati, legatum, aut fideicommissum reliqui possit: et primum ita distinguendum est: aut filio exheredato nihil legatum est: et tunc constat ab eo, vel ab ejus hærede inutiliter legari, cum nihil ei dederit testator, etiamsi forte hereditas paterna perveniat aliunde ad filium per successionem, et interpositam personam, quia non obvenit patris beneficio, sed beneficio alieno, l. *qui fundum*, §. *qui filium*, D. ad leg. Falc. l. ult. de leg. 3. Aut exheredato aliquid legatum est, et tunc ab exheredato, vel ejus substituto legatum reliqui non potest, l. *moles ita*, §. *si miles*, de milit. test. quia a legatario jure veteri non relinquitur legatum, sed ab hærede tantum fideicommissum reliqui potest, l. *coheredi*, §. *quod si hæredem*, D. de vulg. subst. hæc mutat Justinianus in h. l. 24. exæquans hac in re fideicommissa legatis, ut nec fideicommissum possit reliqui ab exheredato, vel substituto exheredati, etsi exheredato legatum relictum sit: ergo hoc vult hæc lex, ab hærede legatarii fideicommissum, aut legatum non posse reliqui: legatarius est filius exheredatus, hæres est ejus substitutus. Objicies igitur mox, quod vult Justinian. in l. *unic. sup. ut act. ab hæred. aut contra hæred. inc.* hodie ab hærede legatarii fideicommissum reliqui posse, aut etiam legatum, ergo poterit reliqui a substituto exheredati, cui legatum est aliquid, quod tamen negat h. l. 24. Respondeo breviter: aut certus est hæres legatarii aut incertus: si est incertus, ut plerumque est, l. *sciendum*, de verb. sign. ab hærede legatarii lega-

tum, aut fideicommissum relinqui potest, quia hoc non sit nominatim, nec enim nominari potest, qui incertus est, quia incertum est, quis sit futurus hæres legatario, quemve is sibi heredem facturum sit: hoc igitur non sit nominatim, sed hoc modo, cum legato- rius mortuus erit, illi dari volo. id est, ab hærede legatarii, qualiscunque sit, quem nescio quis futurus sit, nec nominare possum: vel etiam hoc modis: *Pride quam morietur legatarius, illi dari volo.* Ergo ab hærede legatarii legas recte, quia non facis palam a substituto legatarii exheredari, quem ei dedisti, quoniam certus est, legas nominatim, et palam, puta hoc modo: *Filius exheres esto, filio fundum do, lego, si filius intra pubertatem morietur, Titius hæres esto: Titio mando substituto filii mei, ut det Caja centum.* Non potest nominatim legari ab hærede legatarii contra ius vetus, quia sumus difficiliore in abrogando eo, quod sit nominatim; quam in eo, quod verbis legitur, *l. si quis Sempr. de hered. institut.* Et hæc est ratio valde notanda.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Titulum XXXVIII. De verborum, et rerum significatione.

Hic tit. pertinent etiam ad legata et fideicommissa, et in eo l. pen. ad hereditates quoque et libertates, et tutelas, et aliquatenus etiam ad contractus pertinet. Et ut videas quam apte connectatur hic titulus superiori, serva initio l. 23. tit. superiori, de verborum significatione, ut ait illa lex, questionem proponit, nimirum, de significatione horum verborum: *Primo fundum Cornelianum do, lego: Secundo partem dimidiam fundi Cornelianum do, lego, vel dari volo.* Et sequitur hic tit. de aliorum verborum significatione, quæ inseruntur legato, aut fideicommissis, ac omnino testamentis. Nam titulus similis, qui est in Digestis pertinet ad omnes partes juris, hic ad partem de testamentis tantum: denique est de significatione verborum legati, aut fideicommissi præcipue, veluti quid *Instructi* verbo significetur, si quis fundum, aut prædium instructum legaverit, l. 1. et 2. quid *cautionis* verbo significetur, l. 3. si quis forte heredem aut legatarium in testamento suo cautione oneraverit, ut l. *Ballista*, ff. ad Trebell. l. *hujusmodi*, in princ. de leg. 1. Item quid hic incertus sermo significet: *Primo, aut secundo fundum Cornelianum do lego, quoniam incertum*

Tom. IX.

est legatum, cui legaverit, an utrique, an alterutri, et si alterutri, cui potius: eademque questio est de fideicommissis, si ita reliquit: *Primo, aut secundo fundum Cornelianum dari volo, et de hereditate, si ita dixerit, ille, aut ille hæres esto, et de tutela si ita dixerit, illum, aut illum tutorem esse jubeo.* Nam in l. 4. h. t. ita oportet distinguere tutelæ dationem a datione libertatis, id est, formulam dandæ tutelæ a formula dandæ libertatis. Nam libertas potest relinqui et directis et precariis verbis: et utique relinquitur precariis hoc modo, *Stichum, aut Pamphilum liberum esse volo.* Nam volo est fideicommissi verbum. Tutor datur verbis tantum directis: et ideo ad tutelam in l. 4. referri debet illa formula, *illum, aut illum tutorem esse jubeo*: nam *jubeo* est verbum directum in l. 2. infr. comm. de legat. hic incertus sermo, *ille, aut ille, illum, aut illum*, quemadmodum accipiendus sit, explicat l. 4. hoc tit. Ac postremo l. ult. ostendit quid familie nomine significetur: si quis familie sue legaverit, vel si secundum legatum prohibuerit alienari extra familiam, quo modo etiam videtur fundum legare familie in hunc casum, scilicet si quando extero illum fundum legatarius alienaverit. Et nullæ sunt præterea leges in hoc tit. ex earum brevi argumento cognoscimus, tituli proprie pertinere ad legata, et fideicommissa. Sed ut scias etiam quam egregie, commodeque in hoc tit. addatur, et rerum: audias Platonis gravissimam sententiam: *ὅς αὖ τίς τὰ ὀνόματα, καὶ αὖ τὰ πράγματα, id est, qui novit verborum significationem, et res ipsas novit, quæ scilicet per verba significantur.* Et quod ait l. *illud*, in fi. ff. de jur. codicill. voluntatis questio enim ex scripto et verbis declarari, voluntatis questio est rei ipsius indagatio et verborum conceptio, rei ipsius significatio: namque omnis oratio ex rebus et verbis constat. Seneca 14. *epistolarum*: *Dialecticam in duas partes dividit, in verba et significationes, id est, in res, quæ dicuntur, et vocabula, quibus dicuntur*: quod et de juris arte dici potest: nam omnis questio juris, ut eleganter Fabius ait, aut verborum proprietate, aut æqui disputatione, aut voluntatis disquisitione continetur. Et similiter omnis questio juris, ut idem ait, aut definitione solvitur, aut qualitate, aut conjectura æqui et voluntatis. Questiones sunt de rebus ipsis, quæ in controversiam veniunt, quæ ut dixi plerumque dirimuntur et declarantur ex proprietate verborum ex potestate verborum. Et ut dicere incipiam de *instructi* significatione, quæ proponitur in l. 1. et 2. hoc tit. si quis legaverit fundum instructum, vel ita ut instructus, est, vel prædium instructum, peritii nomen est commune: nam pertinet et ad fundum, quod est

prædium rusticum, vel ad domum et aedes, quod est prædium urbanum. Et jam non queritur tantum de fundo instructo, sed et de domo instructa, quæ ita legata est, cum l. 1. loquitur de prædiis: ergo dicimus generaliter, prædio instructo legato, legatario deberi omne instrumentum fundi, id est, omnem apparatus, sine quo fundus coli, exerceri, custodiri non potest, deberi villicum, deberi servos, qui agrum colunt, boves aratorios, vasa omnia ad agriculturam necessaria, et pleraque alia, dotes fundi omnes, et *ὅσα*, sic enim a veteribus appellabantur, l. 2. de *fun. instr.* et *instr. legat.* aratra, pala, ligones, falcis, et iis similia. Continetur etiam legato instructi omne instrumentum patrisfamil. sive matrisfamil. qui testatus, testatæ est, et ita legasse proponitur. Ergo continetur suppellex testatoris, et quod non est in suppellectile, si sit comparatum et positum in eo fundo usus patris famil. gratia. Ergo extra suppellectilem continetur etiam aurum et argentum, id est, vasa aurea et argentea, quæ ruri habet, et vestis, et Bibliotheca, quam ruri habuit, ut ea uteretur quotiens venisset in rus. De vino queritur, et oleo, et grano, an hæc legato instructi contineantur? suppellectilem facile concedimus contineri, quia et suppellectile patrisfamil. videtur fundus esse quodammodo instructior, vino fundus instructus intelligi non potest: quæ de causa fundi instructi, vel domus instructæ legato, Servius respondit, non contineri vinum, quæ in eo fundo sunt. Ac similiter non contineri oleum, aut frumentum, nisi id, quo utitur familia rustica, quod et in instrumento fundi esse censeatur, l. *quæsitum*, in *pr. ff. de instr. leg.* Et hinc Servii sententia proponitur l. *si ita*, §. 1. *ff. eod.* Sed eam alii JC. ita temperant, adhibita distinctione, ut si in fundo, quem uti instructus est legavit paterfamil. vinum habuit, quasi in horreo, quasi in apotheca (solebant enim veteres vinum habere diffusa in superiori parte ædum, eaque fumigare) si vinum ibi habuit, quasi in horreo, quasi in apotheca, forte promercii causa, ut ea aliquando venderet, vel ut ea suo tempore transferret in urbem, tum vinum legato non continetur, quia his vinis fundus non intelligitur esse instructus, sed si vinum habeat testator usus sui cause, ut cum venisset his uteretur, proculdubio legato continentur, l. 1. *hoc tit.* quia et his fundus instructus esse non quale dici potest, quibus dominus fundi ipse se instruxit. Idemque est in oleo et in grano, quæ legato etiam continentur, ut ostendit l. 2. greges ovium, quos in eo fundo habuit paterf. ut ex iis fructum caperet, vel ut ex iis instrueret suas epulas cum rus se contulisset, quæ, inquam, in eam

causam pecora ibi habuit stercorendi, vel pascendi causa, forte suarum epularum instruendarum gratia comparata, quæ tamen constat non esse in instrumento fundi: greges ovium, quos in fundo habet pascendi causa, ut ex iis fructus percipiat, non continentur legato instrumento, l. *de grege*, *ff. eod.* et tamen instructo continentur, et sic etiam suppellex patrisfamil. ut dixi instructo continetur: et præter suppellectilem aurum, argentum, vestis, bibliotheca, et vinum etiam, ut dixi. quod ibi posuit non temporis causa; ut eo quandoque uteretur, cum eo veniret cum amicis, quæ tamen omnia non sunt in instrumento fundi. Et quo apparet prius esse legatum in instructi, quam instrumenti: nam instructo inest instrumentum fundi, atque etiam eo amplius omne instrumentum patrisfamil. omnis apparatus patrisfamil. Et de cautionis verbo in l. 3. *hoc tit.* hoc habemus, cautionis verbo significari tantum nudam repromissionem sine fidejussoribus, sive pignoribus, quod etiam referendum est ad testamenta, puta, si testator heredem, aut legatarium aliquem de re cavere jusserit in d. l. *Ballista*, et d. l. *hujusmodi*: *parcimus heredi*, ut ait l. *Sempronius*, de *legat. 2.* aut legatario: cui injunctum est, ut caveret alii cautionem aliquam, ut scilicet non cogatur querere fidejussorem, ut sufficiat nuda promissio, sicut in l. *verum*, §. *item videndum*, *ff. pro soc.* Et ita etiam Justinian. vult accipi verbum *ἀπαλλάξαι*, quod Græci pro cautione, et nuda repromissione accipiunt, et cautionis, et *ἀπαλλάξαι* nomine significatur tantum nuda promissio sine fidejussore, sive pignore, sine jurejurando. Idemque est dicendum de cautela verbo: nam in hac l. 4. omnes libri sic habent, *Cautions, vel cautela vel ἀπαλλάξαι, ce mot la devait dedans vos livres.* Quibus nominibus significatur tantum nuda promissio. Addi potest etiam cavillatio: nam et cavillationem dixere pro cautione. Tertul. *lib. de Corona milit. omnibus modis cavillandum, ne quid adversus Deum committatur.* Et hoc quidem ita est accipiendum, quod definit Justinianus in d. l. 3. si sit simpliciter positum in testamento sine ullo adfixo: nam si jussit heredem utiliter cavere, vel recte cavere, vel idonee cavere, his verbis significabitur fidejussio, sive fidejussoris datio. Idemque si non cavere dixerit, sed satisfacere: nam etsi *satisfacere* sit generale verbum, ut significat hæc l. 3. tamen sine dubio accipietur pro datione fidejussoris potius, quam pro repromissione nuda, quod maxime notandum: ex hac l. 3. non notant admodum notabile. Generale igitur verbum *satisfactionis*, quodammodo facit speciale, ut significet dationem fidejussoris, sicut etiam *cautionis* verbum, quod certe erat ge-

nerale, facit speciale, ut significet nudam promissionem tantum in testamentis. Et hoc precipue notandum in hac l. 3.

Ad L. Pen. et Ult.

L. pen. Cum quidam sic vel institutionem, vel legatum, vel fideicommissum, vel libertatem, vel tutelam scripserit: ille, aut ille mihi heres esto, vel illi, aut illi do, lego, vel dari volo, vel illum aut illum liberum, aut tutorem esse volo, vel jubeo: dubitabatur utrumne inutilis sit hujusmodi institutio, et legatum, et fideicommissum, et libertas, et tutoris datio: an occupantis melior conditio sit: an ambo in hujusmodi lucra, vel munera vocentur, et an secundum aliquem ordinem admittantur: an uterque omnimodo: cum alii in institutionibus primum quasi institutum admitti, secundum quasi substitutum, alii in fideicommissis posteriorem solum accepturum fideicommissum existimaverint, quasi recentiore voluntate testatoris utentem. Et si quis eorum alternationes sigillatim exponere maluerit: nihil prohibet non leve libri volumen extendere, ut sic explicari possit tanta auctorum varietas: cum non solum juris auctores, sed etiam ipsae principales constitutiones, quas ipsi auctores, retulerunt, inter se variasse videntur. Melius itaque nobis visum est, omni hujusmodi verborum explosa, conjunctionem aut, pro et accipi: ut videatur copulativo modo esse prolata: et magis sit *καταδιαιρέτικη*, ut et primam personam inducat, et secundam non repellat. Quemadmodum enim (verbi gratia) in interdicto. Quod vi, aut clam, aut conjunctio pro et apertissime posita est: ita et in omnibus hujusmodi casibus, sive institutionum, sive legatorum, sive fideicommissorum, vel libertatum, seu tutelarum, hoc est intelligendum, ut ambo veniant aequa lance ad hereditatem, ambo legata similiter accipiant, fideicommissum in utrumque dividatur: libertas utrumque capiat: tutoris ambo fungantur officio, ut sic nemo defraudetur a commodo testatoris: et major providentia pupillis inferatur: nedum dubitatur apud quem debeat esse tutela, in medio res pupillorum depercant. Sed haec quidem sancimus, cum in personas hujusmodi proferatur scriptum. Sin autem una quidem est persona, res autem ita derelicta sunt, Illam, aut illam rem illi do, lego, vel per fideicommissum relinquo: tunc secundum veteres regulas, et antiquas definitiones vetustatis jura manebant incorrupta, nulla innovatione eis ex hac constitutione introducenda. Quod etiam in contractibus locum habere censemus. Dat. pri-

die Cal. Maji, Constantinop. post consulatum Lampadii, et Orestis. VV. CC.

L. ult. Suggestioni Illyricianae advocacionis respondentes, decernimus, familiae nomen talem habere vigorem: parentes, et liberos, omnesque propinquos, et substantiam, liberos etiam, et patronos, nec non servos per hanc appellationem significari. Et si quis per suum elogium fideicommissum familiae suae reliquerit, nulla speciali adjectione super quibusdam certis personis facta: non solum propinquos sed etiam his deficientibus, generum et nulum. Eos enim nobis humanum esse videtur ad fideicommissum vocari: ita videlicet, si matrimonium morte filii, vel filiae fuerit dissolutum: nullo etenim modo possunt gener vel nurus filiis viventibus ad tale fideicommissum vocari: cum hi proculdubio eos antecedant: et hoc videlicet gradatim fieri, ut post eos liberti veniant. Hoc eodem valente et si quis rem immobilem cuidam legaverit, vel fideicommi-erit, eamque alienare prohibuerit, adjiciens, ut si hoc fideicommissarius praeterierit, familiae suae res acquiratur. In aliis autem casibus nomen familiae pro substantia oportet intelligi: quia et servi, et aliae res in patrimonio uniuscujusque esse putantur. Dat. XV. Cal. Novemb. Constantinop. post consulatum Lampadii, et Orestis VV. CC. anno secundo.

Sequitur ut exponamus **L. penult.** et **ult.** hujus tit. In **L. pen.** tractatur de alternatione rerum, et de alternatione personarum. Est magna differentia inter haec et illam alternationem, sive disjunctionem. Alternatio et disjunctio idem est: nam si sit alternatio rerum, illam, aut illam rem do, lego, vel dari volo, alterutra praestabitur, non utraque: et similiter in stipulatione si promisero illam, aut illam rem, alterutra praestabitur, non utraque, quia tametsi incertus sit sermo, qui sub alternatione effertur, vel scribitur, **L. ubi autem, §. qui illud, ff. de verb. oblig. l. 7. §. quod autem, ff. de injuriis**, et Paulus lib. sing. de injuriis. Certum, inquit, dicit, qui suo nomine demonstrat injuriam, neque ita, ut per disjunctionem, illud, aut illud accidisse comprehendat: tamen rem facile explicat, et incertum quicquid est in eo sermone dissipat electio; quae competit heredi, vel legatario, vel promissori. Incertus est sermo **faleor, illud, aut illud**, sed electio faciet certum, quae quidem in legatis competit legatario, si per vindicationem legatum relictum sit, ut in **L. plane, §. pen. ff. de leg. 1. l. 19. et 23. de leg. 2.** vel competit heredi, si legatum relictum est per damnationem, **heredes dabo illud, aut illud**, vel si relictum sit per fideicommissum, **Rogo te dare Titio illud aut illud, l. si ita relictum, §. ult. de leg. 2.** Et in stipulationibus si quis stipulanti promiserit **illud, aut illud**, procul-

dubio electio competit promissori, nisi aliud actum sit nominatim, *l. plerumque, §. ult. ff. de jure dot. l. 2. §. si quis Ephesi, et §. seq. ff. de eo quod cer. loc.* et in fine hujus *l. pen.* Et ita si quis promiserit mihi, quod ille, aut ille mihi debet, in ejus electione est, pro quo velit mihi solvere: nam pro utroque non cogitur solvere, qui promissit sub alternatione, *l. 8. §. si decem, et l. si is cui decem, ff. de novat.* nisi scilicet id actum sit, ut utrumque novaretur, et pro utroque debitore meo solveret mihi, ut *d. l. si is cui decem, et l. qui hominem, de acceptilat.* Et ita si testator, qui legavit illud, aut illud voluit utrumque legare, in ita sensu, procul dubio sequemur voluntatem defuncti, et conjunctionem, aut, accipimus pro et, pro copulatione, *l. quintus, in fin. ff. de aur. et arg. leg.* in dubio rem permittemus electioni, ejus, cui eligendi jus est. Et hæc de alternatione rerum. Si sit alternatio personarum veluti, *illi, aut illi do, lego, l. aut §. do, lego,* nullus occurrit, cujus electio rem explicare, id est, incertum sermonem emendare possit: nam neque ille, aut ille legatarius est idoneus arbitror ad eligendum in re sua, *l. pen. ff. de recept.* Quis enim non se potius eligeret, quam collegam. Neque etiam heres, cui testator non videtur dedisse electionem, legato relicto per vocationem *illi, aut illi do, lego,* nec directo sermone ad heredem, nisi scilicet heredi nominatim adscripserit electionem, *illi, aut illi, utri heres volet,* ut in specie *l. 6. ff. de leg. 2.* vel in fideicom. *illi, aut illi dari volo,* vel in legato damnationis, *illi, aut illi dato,* videtur esse electio heredis, cui malit dare, quia sermo dirigitur ad heredem, ut *illi det aut illi.* Denique melior videtur esse in legato damnationis, aut fideicom. is, qui prior ab herede acceperit legatum, aut fideicom. melior videtur esse conditio occupantis: et ita quidam opinati sunt, ut refert Justin. in *h. l. penult.* Alii autem in hac propositione, sive specie existimabant secundum esse substitutum primo, primo, aut secundo dato. secundum dicebant esse substitutum primo: in hunc casum si primus repudiaret, et hoc quidem sequimur omnino, si modo appareat testatorem substitutionem facere voluisse, ut in specie *l. cum pater, §. pen. D. de leg. 2.* in dubio non inducimus substitutionem. Ergo nec admittemus illorum sententiam, alii autem dicebant, nam valde vexata fuit hæc questio, maxime ex fideicom. posteriorem solum admitti ad fideicom. Titio, aut Mævio dari volo: Mævium solum admitti, id est, posteriorem, quod in fideicom. potissimum posterior voluntas spectanda sit, ut in *l. 19. inf. de fideicom.* quæ hoc tantum habet, certi et aperti juris est in fideicom. posteriores volun-

tates esse firmiores, quod ea *l.* videtur dicere ad differentiam legatorum: et tamen in legatis constat posteriorem judicium esse firmiora, atque potiora, *l. 12. §. pen. D. de leg. 1.* et nihilominus dico *l. 19.* dicere hoc ad differentiam legatorum, nempe in fideicom. proprie posteriores voluntates esse firmiores: nec potest poni exemplum accommodatius ad *l. 19.* quam ex hac *l. pen.* Si legavero *l. aut §.* non dicam temere secundum esse potiora, sed si per fideicom. legavero *l. aut §.* facilius dicam secundum esse potiora: quod scilicet videatur testator se correxisse, qui postquam dixit *l.* adjecit, aut *§. dari volo,* ut vel hoc solo fretus secundus contendere possit se solum habere posteriorem voluntatem defuncti, quæ semper spectanda est in fideicom. in legatis non utique semper, quia directam scripturam non infirmat quævis voluntas. Et ita etiam libertate data per fideicom. sub variis conditionibus, non posterior conditio spectatur, sed levior, id est, quæ servo impletu facilior est, *l. 8. D. de manum. test. l. quod traditum, et l. per fideicom. D. de cond. et dem.* Et ita ut eleganter refert Justinian. in *h. l. penult.* qui dicebant posteriorem solum admitti hoc in fideicom. tantum dicebant, non utique in legatis, in quibus hoc non est proclive ita dicere et affirmare. Sed horum sententia etiam explosa est in specie proposita, et probat Justinian. magis aliorum sententiam, de qua nondum diximus. Alii enim ita existimabant legato, aut fideicom. ita relicto, *illi, aut illi,* utrumque simul admitti ad legata, vel fideicom. periade ac si ita dixisset, *illi, et illi,* quorum sententia, explosis ceteris, magis accedit Justin. in hac *l. penult.* heredi adeempta electione, cui dare malit, etiamsi res sit relicta per fideicom. aut per damnationem, ut plane, inquit, hæc oratio *illi, aut illi,* sit παραδιαζευχτική, quod verbum ego restitui primus in hac *l. pen.* id est, subdisjunctio, quæ utrumque admittit ad legatum, vel fideicom. distinctione accepta pro conjunctione: quod ne novam videatur esse, id probat argumento interdicti, quod dicitur quod *vi, aut clam,* cui inest etiam potestas copulæ, ut si quis forte quid fecerit et *vi et clam,* eodem interdicto teneatur, *l. is qui puteum, §. hoc interdictum, D. quod vi aut clam.* Et ita sæpissime in legibus et in testamentis occurrunt similes παραδιαζευχτικὰ λέγαι, ut in *l. sæpe, D. de verb. sign. l. 6. sup. de instit. et subst. l. si ita facta, D. de inj. rap. test.* Et simili modo, placet veteribus Grammaticis, ita accipere notissimum versum illum Homeri, *βούδον' ἱγὲ λαὸν εὖρον ἱμνεύει ἢ ἀπολέσθαι,* ut dicat, *populum servari, et se perire velle,* distinctione accepta pro conjunctione. Itemque illud Æschyli: *ἄνευκα, ἢ οὐκ*

ἤκουσας, ἢ κατὰ λέξιν, ut dicat, *audisti, et non audisti, et ardo loquor*, licet dicat, vel: itemque illud ejusdem poetæ, *οὐκ εἰσὶν, ἢ λέγας ταλαίπην*, ut dicat, *Amicum ei est tacere, vel dicere, quæ ex usu sient*, id est, et *dicere quæ ex usu sient*. Sic interpretes Æschylæ: et ita apud Euripidem, *χιτών μοι χρίτων, ἢ καὶ ἱμάτιον*, ut dicat, *Stolam mihi commoda, aut tunicam*, quomodo alterum quidem petit, sed atroque dato maxime gaudet, quasi is sermo facile recipiat etiam utrumque, et ita eadem interpretatio adhibenda est in hæreditate, ut declarat *h. l. p. m. ille, aut ille hæres esto*, ut uterque hæres institutus intelligatur. Et in libertate, *illum, aut illum liberum esse volo*, utrique libertas relicta intelligitur: et in tutela, *tutorum filii mei impub. illum, aut illum esse volo*, uterque datus intelligitur. Sed non ut cum tractabamus de alternatione rerum idem juris esse diximus in legatis, et contractibus, id est, stipulationibus: ita nunc cum tractamus de alternatione personarum, dicemus idem esse in contractibus, vel stipulationibus, quod statuimus in hæreditatibus, in legatis, aut fideicom. libertatibus et tutelis: non idem est in stipulationibus: nam si stipulanti mihi, aut Titio dari promiseris, si videreris, et mihi, et Titio promisisse, si esset *παράδοξος*, *subdisjunctio*, pro parte tantum valeret stipulatio, id est, pro parte mea, pro parte stipulantis, non pro parte Titii, quia alteri stipulator inutiliter. Et hoc ostenditur in *l. si mihi, et l. ult. in fine, D. de verb. oblig.* Et tamen constat totam stipulationem valere, si stipuler mihi, aut Titio, quia Titius non videtur adjectus: ut ei debeatur, alioquin pro parte Titii inutilis esset stipulatio, sed ut ei solvi, possit, quasi procuratori meo, atque ita in totum valet stipulatio, §. *plane solutio, Instit. de inutil. stip.* Et ita si aliquam rem venderem Titio, aut Mævio presentibus, utens hoc sermone, *tibi, aut tibi, Titio, aut Mævio, qui presentes estis*: Mævius esset accipiendus pro adjecto, sive procuratore constituto rei venditæ accipiendæ causa nomine prioris, id est Titii, nisi uterque emere voverit, et ego quoque utrique vendere, et hoc appareat agi: nam tunc erit *παράδοξος* locus omnino. Et ita Accurs. annotat recte in ult. glossa hujus l. Lex ult. hujus tit. est facillima. Queritur, quid verbo *familia* significetur, non generaliter in omnibus causis, quoniam verbum illud est multiplex, sed in legatis tantum, aut fideicommissis, cum quis legat rem aliquam familie suæ, vel cum rem legatam uni, petit ne is eam alienet extero, sed ut eam relinquat in familia: queritur sub nomine familie, qui vocentur ad fideicommissum, vel ad legatum, et quo ordine. Et de hac re Justin. in *l. ult.* ait se rescriptisse ad suggestionem Illyri-

cianæ advocacionis, id est, ad petitionem, consultationem, vel, ut habent Basilica, ἀναγογήν, id est, *Relationem* advocatorum fori Præfecti prætorio Illyrici. Ac primum ait, ex eo legato, vel fideicommissio vocari liberos, vel parentes exemplo legitime successione, id est, servato jure et ordine legitime successione inter liberos et parentes, post liberos et parentes, ait vocari cognatos, servata gradus prærogativa, ut proximus præferatur ulteriori, ut in *l. omnia, §. ult. et l. peto, §. ult. D. de leg. 2.* Post cognatos ait vocari ex affinibus generum et nurum, non quoscunque affines, et in ea re non sequitur exemplum legitime successione: nam affinitatis jure nulla est successio: affinitatis jure nunquam mihi succedet gener, aut nurus: venit tamen ad fideicommissum gener, aut nurus, quod relictum est familie post omnes cognatos, quia sunt filiorum loco, etiam post finitam affinitatem morte filii, aut filie, quod ponendum est, alioquin filius, aut filia potior esset in eo fideicommissio: post generum autem et nurum dicit vocari liberos defuncti: nam si etiam sunt ex familia defuncti, cum sint ex nomine, quia *manumissus*, ut Tertullia. ait de *resurrectione carnis*, *honora'tur nomine patroni, et tribu, et mensa*: et Lactant. de *vera sapientia*: *Servus, inquit, liberatus, patroni nomen accepit tanquam filius*. Si ex nomine, et ex familia igitur: nam hic familiam comitia intelligimus, non potestatem, non personas potestati nostre subjectas, sed nominis ejusdem. Et ita familie nomen accipitur in *l. cum pater, §. fidei, et §. ab instituto, et l. Lucius, §. Lucius, D. de leg. 2.* Et ita accipere oportet in legatis et fideicommissis: nam et in aliis causis, ut notat hæc *l. ult.* aliter accipitur, veluti in rebus, quæ sunt in nostro patrimonio, sive animales sint, sive inanimæ, ut in *tit. fam. erisc.* et in *12. tab. proximus agnatus familiam habeto*, id est, res, sive bonæ: familie nomen in res, et in personas deducitur, in legatis in personas: eo ordine, quem *h. l. ult.* præscribit. Et hic est finis hujus tit.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. XXXIX. Si omnia sit causa testamenti.

In hoc tit. proponitur edictum prætoris, quod pertinet ad tuenda legata et fideicom. cum hæres institutus omittit testamentum in necem, in fraudem legatariorum, vel fideicommiss. (non uon tantum est mors, sed etiam fraus quædam)

et ab intestato possidet hereditatem. Et pertinet etiam ad tuendas libertates tam directas, quam fideicom. testamento relictas, ut in 1. parte l. 2. h. t. l. si in testamento, l. si servum, §. ult. D. si quis omiss. Et perfecta sententia edicti hæc est, si testamento jure perfecto hæres institutus sit is, qui et ab intestato defuncto lege hæres esse potest, veluti proximus agnatus, vel filius, vel nepos, et is omittat causam testamenti in necem legatariorum et fideicom. manumiss. testamento, ut intercidant legata, fideicom. libertates testamento relictæ, quæ omnia ipso jure non aliter debentur, quam si ex testamento adita sit hereditas, vel alio modo acquisita, vel petita bon. poss. secund. tab. secundum judicium testatoris, si inquam, hæres institutus hæc omittat: si omittat testam. sive institutionem, et malit ab intestato hereditatem pro herede possidere, ut faciat compendium legatorum, aut fideicom. et servorum, ne hos manumittat, ne illa præstet, vel etiam si hæres institutus non sit de his, qui defuncto ab intestato succedere possunt, ut si sit extraneus, et omisso testamento heredit. possideat pro possessore, id est, quasi prædo, veluti ab intestato, fingens sibi aliquem titulum ab intestato possessionis, ut in l. 1. §. non querimus, D. eod. l. nam omnia prædo, sive male fidei possess. fingit sibi aliquem titulum. Denique si ipse, qui hæres testamento institutus est, testatorem intestatum faciat dolo malo destituto testamento, deserto testamento, id est, non acquisita hereditate ex testamento, quo facto corrumpunt, quæ in testamento scripta sunt, ut scilicet veluti ab intestato possideat hereditatem pro herede, vel bon. poss. vel ut prædo, pro possessore fictitio titulo et ementito, sine onere legatorum et fideicom. et libertatum, ex hoc edicto, de quo hic agitur, causa cognita, in eum dantur utiles actiones legatorum nomine, et fideicom. et libertatum, quæ vel etæ sunt per fideicom. et directæ libertates competunt. Et hæc denique omnia conservantur iis, quibus competunt, aut debentur, perinde atque si ille ex testam. heredit. adiisset, non ab intestato. Salva tamen ei Falc. ex legatis et fideic. nam in libertatibus cessat Falcid. Conservatur ei Falcid. conservantur legata, vel fideicom. pro modo dodrantis, et libertates in solidum, l. 3. hoc t. l. si duo, §. ult. l. cui servus, D. eod. l. 1. §. ad eos, D. ad l. Falc. atque ita fit, ut qui ex testam. non adit hereditatem, sit veluti testamento hæres jure prætorio, jure honorario, ut ait d. l. si duo, ut merito hic possit adnumerari honorariis successoribus. Et omittere causam testamenti videtur is, qui repudiat hereditatem testamento delatam, vel si sit suus hæres, qui abstinet se, l. 1. §. prætermittere 2. et §. seq. D. eod.

vel quod proprie est omittere, qui intra tempora constituta a testatore, vel a iudice, vel lege non adit hereditatem, vel alias acquirit, vel non petit bonor. poss. quod in 2. parte l. 2. hoc t. est cessare, et insuperhabere, dum docet lex in ea parte 2. eum heredem testamento scriptum non incidere in hoc edictum, et non conveniri a legatariis, vel fideicom. qui ideo omisit testamentum, atque neglexit, quod jure perfectum non esset, vel quod alio vitio laboraret, et eum tantum incidere in edictum, qui omittit causam testamenti jure perfecti, ex quo potuit adire cum effectu, id est, heredem scriptum jure, ut ait l. 3. h. t. et in hac 2. parte l. 2. jam olim memini me reponere antiquum verbum, et elegans, quod exulat adhuc vulgo: nam ita legitur: *si judicium defuncti non usurpabitur, sed ad irritum uris ratione revocatum est*, quo casu, ait, heredem non culpari, quia culpa vacat, qui non adit ex testamento irritum, si, inquam, *judicium defuncti, non usurpabitur, sed ad irritum juris ratione revocatum est*: nam loco verbi *usurpabitur*, necesse est reponi verbum ejusdem modi, quod respondeat sequenti verbo, *vocatum est*: nec abs re Accurs. laborat in interpretando illo verbo, *usurpabitur*, cui fortasse suboluit non esse eam veram lectionem, sed ad ejus tamen cubile non pervenit. Et jam olim ut dixi, ex vestigiis antiquæ scripturæ sic illum locum emendavi: *Si judicium non insuperhabetur, sed ad irritum juris ratione vocatum est: insuperhabetur*, id est, neglectum, id est, si non omisit testamentum contemptu judicii defuncti, sed coactus ratione juris, quod non valeret testamentum, et ita *insuperhabere* dixit Papinian. in eodem sensu in l. sunt personæ, D. de relig. et sump. l. heredem, D. de his quib. ut ind. secundum Flor. pandectas: nam in vulgatis, et illis locis erat mendum idem. Et sic Apul. in *metamorph. lib. 4. lacrymis mulieris insuperhabitis*. Et Symmach. in epist. *Scribendi munus insuper non habere*. Et Gellius lib. 2. *eam confidentiam non insuperhabendam intelligit*: et vetus interpret Bibliorum sacrorum in lib. sapientie *Jesus filii Sirac*, qui et *panaretos* dicitur: cap. 19. *Qui delinquit in animam suam a domino insuperhabebitur*. Et proprie, ut dixi ante, cessare, omittere, prætermittere, insuperhabere hered. testamento delatam, est tempore excludi: sed locus etiam edicto, est, si quis repudiaverit in jure, vel si abstinuerit se hered. fraudandorum legatariorum causa: fraudandi testam. causa, fraud. defuncti causa, ne voluntas ejus adimpleretur, sed irrita fieret. Et ad hæc notandum est secundum verba edicti, ei tantum esse locum, cum is, qui omisit heredit. testamento delatam, eam possidet ab intestato. Sed ex

constitutionibus et ex sententia, exemplo edicti, edictum porrigitur etiam ad alias species. Explicabo tres: primam sumam ex *l. 1. hoc tit.* Sententia edicti, etiamsi deficiant verba, locus est si is, qui omisit hereditatem testamento delatam, eam ipse non possideat, sed alius, puta, substitutus, aut legitimus heres, cum heres scriptus non potuit esse legitimus, ut cum fuit extraneus, videlicet cum id actum est dolo malo inter heredem institutum et substitutum, vel legitimum heredem in fraudem legatariorum et ceterorum quibus quid testamento relictum erat, ut heres institutus testamentum omitteret et destitueret: destituta institutione cetera omnia corrumpunt. Nam hoc casu uterque tenetur legatariis et fideicommissariis, et manumissis per fideicommissum. Primum tenetur is, qui omisit testamentum fraudis cogitatione, licet hereditatem non possideat, et substitutus, vel legitimus heres, in quem hereditas transit ab herede instituto, etiam iisdem tenetur legatorum et fideicommissorum nomine, licet ipse non omiserit testamentum, imo vero substitutus maxime amplectatur testamentum omittente instituto. Sed hoc ita, ut dixi, si ita res inter eos gesta sit per collusionem, et fraudem, in necem aliorum, si dolo malo, ut dixi: nam si quis bona fide, et ex justa causa repudiet hereditatem testamentariam, si omittat testamentum, veluti quod sit ei suspecta hereditas, quod nolit implicari negotiis, et molestiis hereditariis, vel ex alia causa, cessat edictum quia et fraus cessat, cuius aelius coercendae gratia edictum propositum est. Et ita est accipienda §. pars *l. 2. h. l.* et ostenditur etiam aliis locis saepe multas et varias causas existere omittendi testamenti, omittendae institutionis, omittendae hereditatis, et insuperhabendae institutionis, ut in *l. Julianus, D. de acq. hered. l. Papinian. §. quarta, D. de inoff. test. l. cum pater, §. Titio, D. de leg. 2.* quibus casibus impune omittitur hereditas, et sine metu onerum hereditariarum: ubi autem dolo malo, et fraudis consilio communicato cum substituto, vel legitimo herede, sive collusione habita cum substituto, vel legitimo herede, heres institutus omittit testamentum, uterque et institutus et substitutus, vel legitimus heres legatorum et fideicommissorum petitione tenetur ex sententia huius edicti. Et queritur tantum uter prior conveniri debeat, ubi ita distinguitur: aut heres institutus omisit testamentum accepta pecunia, aut gratis: si accepta pecunia omisit testamentum, ut veniret hereditas ad substitutum, vel legitimum heredem ab intestato, ipse, qui omisit testamentum prior convenitur legatorum nomine, et post eum, si non sit solvendo, substitutus, vel legitimus heres, qui possidet hereditatem, et qui cum eo fraudem participavit. Sed si heres institutus gratis

omiserit testamentum in hoc, ut gratificaretur tantum substituto, vel legitimo heredi, prior convenitur substitutus, vel legitimus heres, qui possidet hereditatem licet ipse non omiserit testamentum propter fraudis participationem, quam habuit cum eo, qui omisit testamentum: nam per eum factum intelligitur, ut omissum sit testamentum, et per consilium fraudulentum ejus, et collusionem pravam: post eum autem, si non sit solvendo, convenitur is, qui omisit testamentum in *l. 2. l. 4. l. 10. D. eod. tit.* Et secundum hunc ordinem, et distinctionem, et secundum illas H. quas adduxi, est accipienda *l. 1. hoc tit.* et rectius *l. 1. sit, si pecunia accepta omisit additionem ex testamento, quam d. l. 2. D. eod. tit. pretio accepto*: nam si heres institutus ex venditione hereditatis pretium redegerit, ipse solus tenetur legatariis, aut fideicommissariis, nec ulla fraus intervenit, in *l. 2. sup. de legat. l. 4. §. ult. D. eod.* Non est interdictum heredi instituto vendere hereditatem, sed non ideo minus tenetur respondere legatariis, aut creditoribus hereditariis, *l. 2. sup. de hered. vend.* licet habeant regressum adversus emptorem hereditatis per actionem ex vendito, aut ex stipulatu. Et ita etiam diximus non esse interdictum eniquam heredi scripto, nisi sit heres necessarius tantum, ut omittat hereditatem sine fraude, etiamsi sit lucrosa, et locuplex, *l. 6. §. si patronus, et l. si quis omissa, D. eod.* Ceterum fraude adhibita si quis omittat hereditatem, non impune feret, quandoquidem jure praetorio habetur pro herede testamenti, et conveniri potest periinde atque si adiisset ex testamento: rectius, inquam, *l. 1. hoc tit. sit, pecunia accepta*, et in *l. 1. D. eod. pretio accepto*, id est, praemio, ut ita accipitur saepe, aut munere nummerio. Duo autem sunt, quae obijciuntur, huic *l. 1.* quibus expositis explicitus erit tit. Primum hoc est, quod nulla fraus videtur fieri legatariis, si heres institutus omittat hereditatem, ut ea ad substit. perveniat, quia legata ab instituto relicta, videntur repetita a substituto. Ergo substit. ea debiturus est, nec ea omissio hereditatis fraudi est legatariis: ut autem legata relicta ab instituto censeantur repetita a substituto, hoc est ex rescripto Severi et Antonini, ut ostendit *l. licet, D. de leg. 1. l. si Titio, §. ult. D. de leg. 2. inf. ad Treb.* Est ergo hoc ex rescripto eorundem Imp. quorum est haec *l. 1.* quae tamen indicat fraudem fieri legatariis, si quis omittat institutionem, ut testamentum incipiat a substitutione vulgari, quasi a substitutione nihil debeatur legatariis, quibus ab institutione relictum est. Sed ut quod verum est statim aperiatur, observandum est hanc *l. 1.* fuisse priorem illo rescripto eorundem Imp. quandoquidem fuit emissum haec *l. 1.* initio Imperii Severi et Antonini, ut subscripti Coss. demonstrant, De-

ater et Fuscus. Igitur tempore editæ hujus legis l. sive rescripti, nondum legata relicta ab instituto ceu-
sebantur repetita a substituto. Secundo objicitur, quod is, qui omittit institutionem videtur id facere ex facultate ei concessa a testatore, qui ei substitutum dedit in hunc casum, si omitteret institutionem; id est, si hæres non esset. Et edicto non tenetur, cui testator permisit nominalim, ut omitteret institutionem, et substituto palefaceret locum, in l. 6. §. plane, D. eod. tit. vel cui intelligitur concessisse apertissime, ut in specie l. 1. §. si proponatur, eod. cum institutus sibi ipsi substitutus est, et ab instituto sunt legata relicta quædam, a substituto nulla; quo casu omissa institutione, amplectetur impune substitutionem, quæ non est onerosa, quia testator arbitrium eligendi dedit instituto, quem sibi ipsi substituit. Idemque evenit in specie l. Julianus, in fi. eod. unde simpliciter possis dicere si redem institutum, cui testator alium substituit, ei videri concessisse facultatem omittendæ institutionis. Ergo si omiserit non esse culpandum et puniendum. Respondeo breviter, hoc non esse admittendum temere, ut cui dederit substitutionem, ei concesserit facultatem omittendæ institutionis, nisi hoc ei adscripserit nominalim, quia ei dat substitutum in casum plurimum mortis, si moriatur ante aditam hereditatem, ut tum substitutus vocetur: non continuo substituti simplex argumentum præbet datæ facultatis omittendi testament. in fraudem legatariorum, licet omitti possit sine fraude: nam edictum tantum coerces fraudem, et calliditatem institutorum heredum: et ideo actiones utiles, quibus tenentur qui omittunt hereditatem ex testamento, et amplectuntur ab intestato, aut transmittunt in alios, non dantur, nisi causa cognita in l. 6. §. non simpliciter, eod.

JACOBI CUIJACII J. C.

In Lib. VI. Codicis.

RECITATIONES SOLEMNES.

Ad Tit. XL. et XLI. De indicta viduitate, etc. et de iis, quæ pæna, etc.

Datur tit. specialis de legato, aut fideicommissis, viro, aut mulieri relicto sub conditione viduitatis, aut cælibatus, propter jura novam, quod Justinian. ex de re introduxit, et in hoc titulo exposuit: conditio viduitatis est honesta quidem, quia viduitas species pudicitie est, sed tamen, reipublice est inutilis, quam maxime interest augeri civium numero, l. cum ita legatum, l. hoc modo, D. de cond. et demonstr. ideoque remittenda ea conditio videtur esse tanquam publice

utilitati contraria, l. 2. §. tractari, D. ad SC. Tertull. ut scilicet etiam ea non impleta, capiendi legati jus sit. Et vero remittitur etiam ea conditio lege Julia et Papia, si modo is, cave, cui legatum relictum est sub conditione viduitatis, intra annum nubat, vel uxorem ducat, et juret se liberorum procreandorum causa nubere, vel uxorem ducere. Appellatur autem ea l. Miscella in hoc t. et in Novella 22. et a Græcis interpretibus lib. 48. Basilicon, qui jam emerit in lucem, ad l. ult. D. de statul. Miscella, quod pertinet tam ad viros, quam ad feminas, quibus viduitas injungitur. Innumera fuere capita l. Julii et Pap. de cæcibus, de adulteriis, de fundo dot. de maritandis ordinibus, de nuptiis, de jure et ritu nupt. tam primarum, tam secundarum, atque inde de cond. viduitatis, id est, veterum secundarum nupt. Et hoc caput de cond. viduitatis Miscellum appellatur, quod alia fere ejusdem legis fuerint capita de viris, alia de feminis, hoc fuerit promiscuum, atque miscellum, atque confusaneum: quod indicat l. 3. hoc tit. et l. hæres, §. ult. qui est intelligendus de hac lege, D. de cond. et demonstr. Eadem l. continebat etiam absque dubio alia Miscellanea, viro et uxori communia, de quibus Ulp. lib. rrg. tit. 15. et 16. Non displicet Miscellæ, imo nec Miscellaneæ legis appellatio, cum et Juvenalis dixerit: veniunt ad Miscellaneæ ludi. Et Tertull. adversus Valentinianum, citat Miscellaneam Ptolomæi, nec debuit Victorius reprehendere inscriptionem librorum Politiani, quasi non sit satis purum Miscellaneorum nomen, aut seculo incontaminato minus frequentatum. Si extraneo legavero sub conditione, si uxor mea vidua permanserit, ea conditio non remittitur, quia nec ulli viduitatem injungit, l. 1. hoc tit. l. mulieri, D. de cond. et demonstr. Sed si uxori ipsi, vel alii cuicumque mulieri legavero sub conditione, si vidua permanserit, conditio remittitur, si modo intra annum nubat, ut dixi, si quam primum nubat, et juret se hoc facere liberorum querendorum causa: non est libido ex l. Julia Miscella, et Senatusconsultis circa eam l. factis. Sic enim legendum est ex veteribus pluralivo numero in l. 3. et SC. quæ circa eam facta sunt, veluti SC. Porcianum, et SC. Calvisianum, quæ memorat Ulp. eod. lib. rrg. Post annum vero numerandum a morte testatoris, ex eodem l. Julia Miscella, si nubat, quod tardius nubat, quasi conditio defecta, ad legatum non admittitur. Denique post annum ea conditio viduitatis non remittitur, sed intra annum tantum, si nubat maturius, et det operam liberis, jurata se nubere studio liberorum tantum. Quin etiam si post annum nondum nupserit, secundum id, quod dixi, non aliter admittitur ad legatum, quam si caverit credere se vi-

duam permansuram, quæ cautio Mutiana appellatur, quod sit inventa a Q. Mutio J.C. Et locum habet in legatis, quæ relinquuntur sub conditione non facienti aliquid, quæ non possit impleri nisi morte legatarii: nam accipiet legatum statim legatarius, si modo caveat se non facturum, quod non facere iussus est, aut si fecerit legatum restituiri cum fructibus, vel interusurcio mediæ temporis. Et similiter habet locum cautio Mutiana, de qua agitur sæpe in tit. de cond. et demonstr. in fideicom. ita relictis, vel in mortis causa donationibus, et in hereditate. Et hoc quidem ita obtinuit ex l. Julia Miscella. Sed Justinian. eam l. abrogat in hoc tit. l. 2. et 3. et sive imposita sit conditio viduitatis viro, sive foemina, Justinian. penitus remittit conditionem viduitatis, ut statim ei prestetur legatum, sive nubat intra annum, aut ducat uxorem, sive post annum, circumscripta conditio, et sublati conditioibus l. Jul. Miscellæ, ut legatarius necesse non habeat prestare cautionem Mutianam, etiam si tardius nuptias contrahat, id est, post annum, et ut necesse etiam non habeat jurare se liberorum querendorum causa id facere, et in l. 2. ita legendum est in illo loco, non dato sacramento procreandæ sobolis gratia tantum: ubi est subdistinguendum, ad secundas migrare nuptias pœna hujusmodi cessante, sive habent liberos, sive non, et ea percipere, ubi est expungendum hoc verbum tantum: et ait sive habeat liberos, sive non: videlicet ex priore matrimonio, ut scilicet possit impune nubere secundo, nec amittat legatum, nec jurejurando obstringatur, sed id facere liberorum procreandorum gratia quoniam non eodem animo sunt omnes. Et non vult Justinian. ut quisquam anceps perjurium subeat: et eleganter ait, *leges quæ perjuria puniunt, non debere viam perjuris aperire*. Sed tamen ubi habet liberos ex priore matrimonio, omnimodo eis debet servare proprietatem rei legatæ, quæ transit ad secundum virum, et proprietatem omnium bonorum, quæ accepit a priore viro secundum constitutiones tit. de sec. nupt. Et hoc ita constituit Justinian. in l. 2. et 3. abolito Miscello illo capite l. Jul. et Pap. Postea hoc ipsum recitat, et quodammodo redit ad l. Jul. Miscellam in Novella 22. in qua nullo modo vult remitti conditionem viduitatis, sed ita constituit servari deinceps, ut sive sit vir, sive mulier, cui legatum relictum est sub conditione viduitatis, intra annum non capiat legatum, nisi quo casu tollatur spes omnis nuptiarum: ut si legatarius sacerdotio consecratur: si legataria se Deo devovent: nam hoc genere tollitur spes nuptiarum, spes liberorum, ut in l. 25. quæ est Græca sup. de Episc. et cler. et Novella. 125. spe nuptiarum sublata, etiam intra annum capiet

Tom. IX.

legatum: alioquin non capiet legatum intra annum, sed post annum tantum, præstita cautione Mutiana, quod legati nomine ceperit, si vidua lecto dicesserit, id omne cum sua causa restituiri. Igitur non remittit conditionem viduitatis, et hoc jure utimur. At si forte hodie quis ita reliquerit legatum uxori, si in domo mea caste vixerit, recte Accursius putat in l. 3. hoc tit. uxori indictam viduitatem videri, quia dixit, in domo mea, secus si dixisset tantum, si caste vixerit: nam hoc genere indicitur pudicitia, non etiam vetantur nuptiæ secunde, non indicitur viduitas: et notandum est etiam Novellam Justinian. 22. quæ non remittit conditionem viduitatis, pertinere tantum ad secundas nuptias, ut coercesantur, non etiam ad primas, ut Johannes adnotavit rectissime. Nam si puellæ nondum expertæ nuptias relictum sit legatum sub conditione, si non nupserit, proculdubio conditio ei remittitur: at quæ mulieri imponitur conditio, si iterum non nupserit, hæc est, quæ non remittitur: et notandum etiam ex l. 3. hoc tit. ad causam indictæ viduitatis nihil pertinere legatum sub conditione, si vidua erit, vel cum vidua erit, non dicit, si vidua permanserit, sed si vidua erit, vel quotiescunque vidua erit, aut mari, hoc modo si uxorem amiserit, si cælibem vitam vivere induxerit in animum, quoniam hoc genere non inducitur viduitas, aut cælibatus, sed legatur pro solatio vacui lecti in hunc casum, si amiserit maritum, si amiserit uxorem, tum si ut dei hæres aliquid legati nomine, et statim quidem atque extiterit conditio morte viri, aut uxoris soluto matrimonio, legati petitio est, et retentio, etiamsi mox alii nubat, aliamve uxorem ducat, quia conditio, quæ semel extitit, non resumitur, l. quidam, in prin. D. de fideic. libert. Nova est constitutio Justiniani posita in hoc tit. Nova etiam constitut. tit. seq. de his, quæ pœna nomine in testam. vel cod. relinq. constitutio hujus tit. est etiam nova de legatis, fideicom. et hereditatibus, et libertatibus datis, vel ademptis, vel translatis pœna causa: et ut uno exemplo cetera cognoscas, atque percipias, legatum relinquatur pœna causa, quod non relinquatur legatarii gratia, sed in odium et pœnam hæredis hoc modo, *hæres meus ne Cajo filiam tuam despondeas, si despondens, 10. millia Sejo dato*. Sejo relinquatur legatum pœna causa, non beneficii causa, non sui gratia, et adimitur legatum pœna causa hoc modo, *illi, cui fundum legavi, si filiam suam Cajo despondeat, fundum illum neque do, neque lego*: et si similiter transfertur pœna causa hoc modo, *quod Titio legavi, si is fecerit quod ne faceret vetui, puta, si filiam suam Cajo desponderit, id Marcio do, lego*, transfertur legatum pœna causa: et

eodem modo, atque eodem exemplo licebit tibi ponere fideicommissum, aut hereditatem, aut libertatem datum pœne causa, quæ omnia jure veteri non valebant sive datum esset, sive ademptum, sive translatum pœne causa legatum, aut fideicommissum, aut hereditas, aut libertas. Et ratio hæc erat, quia libertates, hereditates, legata, fideicommissa dantur beneficii, et honoris causa, et inventa sunt hæc beneficiorum genera, ut amicos quos diligimus honore afficiamus, non ut pœnas illis infligamus; pactum, quod est contra naturam contractus dicitur non valere, *l. cum precario, D. de prec. §. 1. Instit. de societ.* Hoc est contra naturam legati, fideicommissi, libertatis, hereditatis, ut detur pœne causa. Ergo non valet. Et tamen Justinian. in constitutio. hujus tit. ne quid fiat contra voluntatem testatoris, hæc omnia admittit, et probat, quæ pœne causa relinquuntur, et non obtemperante hærede præcepto testatoris, vult ex omnia præstari, aut competere. Et excipit tantum tres casus, si quæ præcipiuntur sint impossibilia, vel illicita, vel probrosa: impossibilia hoc modo: *Titio lego x. si digito eorum tetigerit, quod si non tetigerit, ea x. lego Sempronio.* Quis capiet relictum? Titius prior legatarius, circumscripta conditione impossibili: legatum igitur relictum Sempronio non valet. Idem est si quod præcepit sit illicitum aut probrosum: nam hoc habetur pro impossibili, quod honeste fieri non potest, aut licite, in *l. 14 et 15. D. de cond. instit.* Illicite hoc modo, *Titio lego, si sororem suam uxorem duxerit, si non duxerit, id Sempronio lego*, non valet legatum relictum Sempronio, et valet relictum Titio, et conditio illa illicita habetur pro non scripta. Itemque posterius legatum habetur pro non scripto. Quicquid est impossibile in testamentis, illicitum, vel probrosum, pro non scripto est. Et probrosum ita, *Titio lego, si uxorem illius corruerit*, quod jure naturali dicitur esse probrum, in *l. probrum, D. de verb. sig. Si non corruerit id Sempronio lego*, Titius perveniet ad legatum: et conditio legato adscripta, itemque legatum sub contraria conditione relictum Sempronio habebitur pro non scripto. Et hæc tantum legata pœne causa relicta, si quis non fecerit, quod est impossibile, illicitum, vel turpe, Justinian. vult non valere. Et ex hac constitut. Justinian. proculdubio in *l. 1. de his quæ pœn. causa*, addita sunt a Tribonian. ea verba, *illicita, vel probrosa*, et paulo post verbum, *talem*. In hac *l.* tantum notandum est, abundare verbum *pecunias* in eo loco, vel *pecunias dari præcipere, vel aliam pecuniarum penam*.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XLII. De fideicommissis.

Hic tit. vicinus et proximus est tit. de legatis, adeo ut et in hoc et in illo, et his quoque tit. quæ hunc et illum sequuntur, pleraque sint nominatim perscripta communiter de legatis, et fideicommissis, quæ indicavi superioribus tit. ubique satis diligenter. In hoc t. indico primum *l. 6.* quæ est de legato rei testatoris obligate creditori ejusdem testatoris, vel de fideicom. ejusdem rei, in quo idem servatur omnino, quod diximus servari in legato rei alienæ in *l. 10. sup. de legat.* Indico *l. 8.* quæ docet servo proprio legatum, aut fideicommissum utiliter relinqui, non tantum cum libertate directa, sed etiam cum libertate fideicommissaria, quia hoc casus legati, aut fideicom. dies non cedit, antequam competat libertas, id est, ante aditam hereditatem, ut in *l. si quis servum, D. de leg. 2. l. 8. D. quando di. leg. ced. l. unica, §. libertatibus, inf. de cad. toll. communis et est l. 12.* in qua legendum ex veteribus initio, *quoties principe loco*, id est, primo loco, et gradu, eleganter, ut in illo versu, *Lubrica per vacuum posui vestigia princeps*. Hæres institutus scribitur principe loco, substitutus deinceps loco, et legata relicta a substituto, vulgari scilicet, de quo lex loquitur, non videntur etiam relicta ab instituto, relicta a secundo gradu non videntur relicta a principe gradu, et e contrario tamen ex Constit. Severi et Antonini legata relicta a primo gradu videntur repetita a secundo gradu, id est, a substituto: ideoque si substitutio vulgaris extinguatur (extinguitur autem additione hæredis instituti) et legata extinguantur, quæ relicta sunt a substituto, nimirum quia ea non debet institutus, et facilius ab instituto, quæ sunt relicta committuntur ad substitutum, quam remeant a substituto ad institutum. Ne mutemus interim veterem scripturam in *l. 13. quoties principe loco*, et sic etiam in *l. 18. legamus voluntatem immutata, non immutata*: communis etiam est *l. 24.* quæ summe notanda: ut hæres, a quo legata sunt prædia, aut relicta per fideicommissum, non cogatur legatario, aut fideicommissario instrumentum præstare originis prædiorum, quæ vere appelles *les titres*, instrumentum acquisitionis, quod instrumentum auctoritatis dicitur in *l. ult. de pig. act.* Et *tabellæ auctoritatis* apud Senecam contro. 22. Legatario igitur, aut fi-

fideicommissario heres non cogitur prestare instrumentum originis prædiorum legatorum, sive auctoritatis, quia prædia legata sunt, non instrumentum auctoritatis, quia alia res est, quæ scilicet non requiritur prædia nec lex distinguit, ut Pileus fecit, prædia legata sint ex parte, an in totum: nam etiamsi sint legata in totum ex tantum præstabit heres, non præstabit instrumentum auctoritatis sed si quando opus eo fuerit legatario, vel fideicommissario, id compellitur proferre, exhibere, ostendere, non præstare. Aliud est exhibere aliud præstare: quod exhibetur, datur, ut eo utaris temporis causa, quod præstatur, datur, ut utaris perpetuo tibi que habeas, et possideas pleno jure. Et ita etiam, nisi aliud actum sit, venditor prædij tenetur prestare prædium, non autem prestare instrumentum originis, sed exhibere tantum, si usus emptoris hoc postularit, *l. Titius, l. creditor, D. de act. empt.* Ergo et hic tit. pleraque habet communis, quæ sunt inter legata, et fideicommissa, sed tamen separati sunt tituli de legatis, et de fideicommissis, quia et multe inter ea separationes et differentie sunt, de quibus aliquantulum dicamus, quantum hujus tit. tenor patitur. Fideicommissum relinquitor etiam codicillis testamento non confirmatis, non legatum: fideicommissum relinquitor etiam in epistola fideicommissaria, vel libello fideicommissario, et nutu solo, sine verbo, aut scriptura. *l. 22. h. t.* legatum non item. Tacitum fideicommissum sæpius legas in jure nostro, nusquam tacitum legatum: fideicom. nutu relinquitor, ut si quis interrogatus an Titio fundum suum dari velit, rejecto capite significet se velle, utile fideicom. est, dummodo is, qui annuit, fari sciat, ut ait *l. nutu, D. de legat. 3.* non necesse est eum fari, sed ut fandi impotens non sit necesse est, quia scilicet fideicom. relinquere tantum potest is, qui factionem testamenti habet, licet non faciat testamentum, *l. 1. D. de leg. 1.* mutus autem non potest facere testamentum, *l. 6. D. qui test. fac.* Ergo nec scriptura, vel nutu fideicom. relinquere, at merito in eo, qui fideicom. relinquit exigimus fandi facultatem. Et longe alia est ratio delegantis debitorem suum creditori suo in *l. 17. de novat.* qui recte delegatur nutu solo, etiamsi is, qui annuit, fari non possit, quia et mutus delegare debitorem suum potest. Illud etiam exigimus in eo, qui fideicom. relinquit nutu, aut alio modo ut adhibeat 3. testes, *d. l. 22. h. t.* Omnino 3. testes exiguntur in voluntate fideicom. sive precaria ut valeat, nec minus 3. sufficiunt: verum uno casu, qui maxime notandus est, etiamsi nullo teste adhibito relictum sit fideicom. præstandum est fideicommissario, ut si heres constentur fuisse relictum: nam si recurrat ad subtilitatem juris, adjiciens fuisse relictum sine teste, atquo ideo petitione ejus fideicom. non teneri, sive præ-

statione non audietur: ubi heres confitetur se oneratum fuisse fideicom. non requirimus testes. Hoc ostenditur in fine tituli *de fideicommiss. hered. in Instit.* Imo etiamsi heres neget fideicommiss. fuisse relictum, fideicommissarius hac via potest ad fideicommissum pervenire, si prius iurejurando purgarit se de calumnia, id est, juraverit se non calumniari scienter dolo malo, nec vexare heredem improbe: deinde heredi, vel ei, a quo fideicommissum relictum est, deferat iusjurandum de fideicom. nam si heres nolit jurare quicquam ex de re, omnino cogitur prestare fideicommissum; et recusatio iusjurandi pro confessione habetur. Et hæc est sententia *l. ult. hoc tit.* quæ eleganter ait 3. testes esse necesarios in fideicommissis, cum fideicommissarius eligit fidem testium, id est, cum nititur probatione testium, non cum eligit fidem heredis, et 3. testes exiguntur, inquit, ne quid falsitatis incurrat per duos forte testes, compositum, ubi quod sequitur verbum *testamentum*, obliterandum est: nam et id subaudivit Accurs. quæ tamen subauditio non est necessaria, imo inepta est: nam sensus hic est, ne quid falsitatis incurrat per duos forte testes compositum, id est, ne quid falsi testes comminiscantur, et fabricent, quod utique duo testes ex compacto facilius facturi sunt, quam plures, ideo amplior numerus testium exigitur, ut ampliores homines rei veritatem communiant, *l. quidam, §. ultim. D. de furt.* Testes et signatores dicuntur rem communire. Ceterum ubi fideicommissarius eligit fidem et religionem solius heredis, nihil opus est testibus. Et nisi heres juraverit a se fideicommissum relictum non esse, omnimodo fideicommissum præstare compellitur, licet sit relictum remotis testibus. Notande etiam sunt aliæ differentie ex hoc tit. Legata relinquuntur a solis heredibus, fideicommissa relinquuntur etiam a legatariis, et fideicommissariis, et donatoriis mortis causa, *l. 9. et l. ultim. hoc tit.* relinquuntur et fideicommissa a patre heredis instituti in cujus potestate est heres, vel alii, vel ipsi, vel filio heredi instituto, ut in *l. 13. hoc tit.* cujus species digna est, quæ proponatur. Quidam duos filiosfam. heredes instituit simpliciter, ut ait, id est, pure: deinde in eodem testamento rogavit patrem eorum, in cujus potestate sunt, ut eos manumitteret: sive emanciparet: post mortem testatoris filii jussu patris adiverunt hereditatem, ac proinde eam patri requisiverunt jura potestatis patriæ: debet pater eis eandem hereditatem restituere deducta Falcidia: quia qui eodem testamento rogavit patrem, ut filios emanciparet, et rogasse intelligitur, ut eis restitueret hereditatem: quo enim ut eos emanciparet, nisi ut filii haberent hereditatem, id est, dodrantem? Quod et confirmat *l. si cui legatum, §. ult. et l. seq. D.*

de cond. et demonstr. fideicom. etiam possunt relinqui ab herede heredis, vel legatarii, id est, post mortem heredis, vel post mortem legatarii, ut in *l. 3. D. de leg. 3. et l. 12. h. t.* quæ ostendit, quod notandum, fideicommissum relictum post mortem heredis, id est, ab herede heredis, posse ab ipso primo herede representari dum vivit. Quid ni? modo id faciat sine fraude substituti, cum fideicommissario datus est substitutus, et sine fraude creditorum, ut in *l. uxorem, §. Sejum, D. de leg. 3. l. ait prætor, §. si cum in diem, D. quæ in fraud. cred.* Possunt etiam fideicommissa relinqui a tutore pupilli heredis instituti, vel legato honorati, aut fideicommisso, licet ipsi tutori nihil relictum sit, qui a pupillo relinqui intelligitur. Et tutor est vice pupilli, vice domini in multis partibus juris, nec tamen a tutore relictum legatum intelligitur relictum a pupillo: nam rigor juris in legalis observatur, in fideicommissis latitudo voluntatis, τὸ πλάτος. Et hæc pertinet *l. 20. hujus tit.* quæ est portunculæ *l. 3. sup. de reb. cred.* non tamen fideicommissum potest relinqui a filio præterito, licet per poss. contra tab. ad hereditatem patris pervenire possit, quia suo jure ad eam perveniet, non ex judicio patris, *l. pen. hoc tit.* Et etiam ab exheredato fideicommissum relinqui non potest, licet per querelam inoff. test. exheredatus possit pervenire ad bona patris, *l. cum qui tam, sup. de leg.* Quod obtinet etiam in legato: sed in fideicommisso major erat dubitatio, quia in fideicommissis admittendis, quam in legatis prouiores sumus. Et sequuntur aliæ differentie: in fideicommissis nuda voluntas spectatur, non desiderantur verba directa, sive imperativa, verbum, *volo*, quod non est directum: nam verbum *volo*, id est, desidero, cupio, opto facit fideicommissum in *l. 10. h. t.* non etiam legatum. In fideicommissis nulla desideratur verborum observatio, nec alia ulla solemnitas jure veteri, non exigimus ut rogati testes adsint, cum quis erogat fideicommissum, sed ex *l. ult. sup. de cod.* exigimus ut 3. testes adsint, etiam non rogati, qui casu supervenerint: et exigimus etiam, ut subscribant, scripto scilicet, quo fideicommissum relinquitur. Et ut adsint non eodemque tempore et loco, cum fideicommissum relinquitur, nihil præterea ex solemnibus exigimus. Et illa quoque ante *d. leg. ult.* non erant necessaria, nec hodie sunt necessaria, si fideicommissarius rem permittat religioni heredis, id est, jurijurando heredis. Et hæc pertinet *l. 23. h. t.* Sciendum est ex testamento, vel codicillis, si veritas, aut juris solemnitas deest, ut ait *l. 23. nec legata præstari, nec fideicommissa, l. 29. h. t.* poterit tamen heres, si velit, ultro ea præstare sciens prudensque, licet sint data inutiliter, nec quæ præstiterit postea poterit repetere, sive condicere: et

ita sæpe fit, ut heres ex conscientia sola relictæ fideicom. pudore quodam ductus præstet fideicommissa, aut legata, quæ jure non debeantur ex scriptura, vel nuncupatione sola testatoris, ut in *l. 2. h. t.* imo ut et sæpe præstet quædam sine scriptura, aut nuncupatione testatoris: pietatis ergo, ut in elegantissima inscriptione urbis Narbonæ: *Neque jussa testamento, neque voce rogata, sed pia promeritis sponte sua posuit.* Et similiter, ut licet heres rogatus sit restituere hereditatem præcepta certa quantitate, certa pecunia, vel re, evenit sæpe, ut nolit ea præceptione uti, sive deductione, et ut nolit etiam deducere Falcidiam, ut fungatur pleniore, et fideliori officio fidei præstandæ, ut fidam obsequium præbeat precibus defuncti, nullo deducto ex ea hereditate, ut ait *l. qui totam, D. ad Trebell. l. 3. §. pen. D. de don. inter vir. l. debitorem, D. quæ in fraud. cred.* aliquando non præstat inutile fideicommiss. quod relictum est, sed sponte sua promittit se fideicommissum præstaturum, et obligatur cum effectu, ut in *l. fideicom. D. de condit. indeb.* Et multo magis obligatur si transactionis causa promissit, ut in hac *l. 25.* alioquin invitæ legata, aut fideicommissa non præstat, ut ait *d. l. 23. si veritas, aut juris solemnitas deest, relictæ non præstat: Relictorum* nomen est generale in jure, id est, continet legata, et fideicommissa: et verbum *veritas* in *l. 23.* respicit ad fideicommissa, in quibus veritas sola spectatur, non formula juris. Verbum autem *solemnitas* respicit ad legata: nam in fideicommissis nulla desiderabatur solemnitas juris. Et ita est explicanda *l. 23.* Placet valde obsequii verbum, quo utitur *d. l. qui totam, fidum obsequium defuncti precibus præbere desiderat*: nam et ita Plinius *5. epist. Illius hoc munus, illius liberalitas, nostrum tantum obsequium vocetur*: qui scilicet præstat prolixè et libenter, quod defunctus præstari voluit, missis subtilitatibus juris: est celeberrima et non ex omnibus præcipue nota differentia, quæ colligitur ex *l. cum virum, h. t.* Lex est singularis propter responsum Papiniani, quod in ea refertur, quod non extat alibi. Finge. Heredem scriptum ex parte, cui res quasdam prælegavi, rogatum, ut quicquid ex hereditate mea ad eum perveniret, id restitueret Mevio sub conditione aliqua, aut in diem. Queritur an non tantum debeat restituere partem hereditatis, sed etiam an prælegata restituere debeat? Et respondit Papinian. præstanda esse prælegata. Et confirmatur opinio, sive responsum Papiniani ex verbis testatoris, quæ duobus locis ponderat *l. cum virum*, quia testator dixit, *quicquid ex hereditate*, et legata, sive prælegata sunt ex hereditate, *l. 2. §. ult. D. de dot. præleg.* donationes inter vivos non sunt ex hereditate, hæc non veniunt in li-

de commissum, *l. cum quis*, §. 1. *D. de leg. 3.* ergo, ut dicamus prælegata venire in fideicommissum, moveatur, responsi Papinian. auctoritate, moveatur et verbis testatoris. Sed tamen, quod maxime notandum, *l. cum virum optat*, ut fideicommissarius etiam quibusdam argumentis probet eam fuisse voluntatem testatoris: quasi verba non sufficiant. Et sane ita est, in fideicommissis, etiamsi verba sint perspicua, admitti questionem voluntatis. Et ideo non sufficit responsum Papiniani, non sufficiunt verba, quæ satis aperta sunt, sed vult, ut doceat fideicommissarius etiam suffragari voluntatem. Et ita in *l. quisquis*, *D. de legat. 3.* non satis habet probare fideicommissum ex verbis, sed adjicit etiam suffragari voluntatem, propterea quod etiamsi verba sint apertissima in fideicommissis, licet in scirpo nodum querere, licet querere de voluntate: in legatis si verba sint perspicua, non admittitur unquam questio voluntatis, non auditur is, qui dicit aliud voluisse testatorem, quam præferant verba, *l. ille aut ille*, §. 1. *D. de legat. 3. l. si alii*, *D. de usufr. leg.* Quod autem ita definitur in hac *l. cum virum*, cum testator dixit, *quicquid ex hereditate pervenerint*, locum etiam habet, si testator rogaverit heredem restituere portionem suam, non portionem hereditatis, sed portionem suam, quia in portione simpliciter numerantur etiam prælegata, ut in *l. 3. §. quidam*, *D. ad Treb.* Ergo hoc casu in fideicommissum etiam prælegata veniunt. Sed huic definitioni *l. cum virum*, multa obijciuntur, quæ eras explicabimus. Ut in paucissima verba conferam definitionem *l. cum virum*. Qui heredem institutum ex parte rogavit restituere alii *qui quid ex hereditate, bonisve suis ad eum pervenisset*, et de prælegatis integris, quæ ei reliquit restituendis eum rogasse intelligitur, videlicet salva Falcidia: non distinguit lex, ut Accursius, utrum prælegata præcedant, an sequantur institutionem, quæ distinctio etiam inepta est: nam sive præcedant prælegata, sive sequantur, verum est ea esse semper ex hereditate, licet omnino non sint in hereditate, ut paulo post demonstrabitur. Aliud est rem esse ex bonis, aliud in bonis, §. ult. *Institut. de vi bonor. raptor.* Et ita quoque aliud est esse ex hereditate, aliud esse in hereditate: huic autem definitioni legis *cum virum* obijciuntur in *l. in fideicommissaria*, §. ult. *D. ad Treb.* quæ dicit ex decreto D. Marci, eum, qui rogatus est restituere hereditatem, aut hereditatis partem: nihil refert, non restituere integrum prælegatum, sed eam tantum partem prælegati, sive præceptionis, quam a semetipso jure hereditario capit. Aliam vero partem, quam a cohærede capit jure legati non restituere fideicommissario: ergo non universum prælegatum restituere. Non ignoratis præceptionem,

sive prælegatum vario jure capi, nimirum heredem, qui præcipere prædium jussus est, id est, cui prædium prælegatum est partem prædii a semetipso capere, ut heredem jure hereditario proportionem hereditaria, ex qua institutus est, quia heredi a semetipso legatur inutiliter, partem autem capere a cohærede jure legati, quoniam a cohærede ei recte legatur: denique eam prælegati partem possidere pro herede, partem pro legato, *l. in quartam*, *D. ad l. Falc. l. filium*, *sup. famil. ercisc. l. cum qui*, §. ult. *D. de iis, quæ ut ind.* Et eadem pars prælegati, quam capit jure hereditario, quia in hereditate, est venit in fideicommissariam hereditatis restitutionem: alia pars, quam capit jure legati, non venit, quia non legatum restituere jussus est, sed hereditatem tantum, non quod haberet ut legatarius, sed quod haberet ut heres. Atque ita fit, ut pars prælegati retineatur, pars restituatur: ergo non integrum prælegatum restituitur, quod est contra definitionem: *l. cum virum*. Sed hujus rei facilis est, promptaque responsio: quia si rogatus sit restituere quicquid ex hereditate perveniret, ut in hac *l. cum virum*, ea verba latissime patent, et complectuntur omnia quæ ex hereditate proficiuntur, vel derivantur, etiamsi jure hereditario non capiantur: sed si rogatus sit restituere hereditatem, aut hereditatis portionem, ut in *d. l. in fideicommissaria*, §. ult. quæ obijciuntur, in restitutionem veniunt ea tantum, quæ revera sunt in hereditate, proinde prælegati ea tantum pars in restitutionem venit, quam heres cepit jure hereditario a semetipso. Varia formula fideicommissi, varium jus inducit: unde faciamus, si placet, positiones duas. Et prima hæc est: rogato herede restituere quicquid ex hereditate pervenerit, in restitutione fideicommissi veniunt integra prælegata, salva Falcid. Et 2. hæc sit rogato herede restituere hereditatem, aut hereditatis partem prælegata in restitutionem veniunt pro ea parte tantum, quam heres capit jure hereditario a semetipso, non a cohærede. Et huic secundæ positioni rursus multa opponuntur. Primam opponitur *l. si Titius*, *D. de leg. 3.* In cujus specie heres rogatus est restituere hereditatem, et tamen nihil omnino restituit ex fideicommissis, quod a cohærede accipit, sed id retinet integrum et illibatum. Et hujus quoque facilis est responsio, si dicamus *l. si Titius* non loqui de præceptione, sive prælegato, quod, ut dixi, duplici jure capitur, et possidetur, sed de fideicommissis a cohærede relicto, quod totum a cohærede capitur jure fideicommissi: et ideo retinetur etiam totum, nec ulla ejus pars venit in fideicommissariam hereditatis restitutionem, quia nec ulla pars est hereditaria: quod et de legato damnationis dici potest,

cum quis heredi a cohærede ita legavit: *hæres meus æmulus esto illi cohæredi tuo dare illam rem, quæ tibi obtigerit in solidum ex divisione hereditatis*. At cum testator heredi legavit per præceptionem, quod *prælegatum* dicitur, hoc modo: *hæres meus illam rem præcipito*, tota enim res non capitur a cohærede, sed partim a scripso eam capit ut heres, partim a cohærede: ideoque eam tantum partem retinet, quam a cohærede capit, et aliam restituit ut rem hereditariam. Deinde opponitur illi secundæ definitioni *l. Titia, D. ad leg. Falcid.* In qua ponitur hæres rogatus restituere hereditatem, et tamen retinet integra prælegata. Sed ea imputat in Falcid. pro parte certa. Et quæso attendite ad speciem *l. Titia*, quæ omnium judicio non abs re existimatur difficilis. Species *l. Titia* hæc est: testator Tit. heredem instituit ex parte 3. id est, ex triente, et eidem quædam prædia prælegavit, eundemque rogavit restituere Cajo hereditatem, retenta 4. parte trientis, ex quo fuit scriptus, id est, retenta uncia quæ est 12. pars assis. Queritur utrum Titius debeat etiam restituere prædiorum prælegatorum 3. partem, quam jure hereditario capit retenta uncia, ut testator cavet, id est 12. partem prædiorum: an vero integra prælegata retinere debeat? Et Julian. in *d. l. Titia*, ait, cum, integra prælegata retinere, sed in 4. partem, id est, in unciam hereditatis, quam retinere jussus est, eum imputare 12. partem prædiorum prælegatorum; id est 3. partis prædiorum, quam jure hereditario capit partem quartam. Et hoc ita, ut initio posui, si testator nominatim cavet, ut retineret 4. tertiæ partis hereditatis, ex qua institutus fuit, nam et tertia pars prædiorum prælegatorum est in 3. parte hereditatis. Et ut ceterarum rerum 3. partis retinet quartam, ita et 3. partis prædiorum prælegatorum ex jussu testatoris retinet 4. ut eam solum imputet in Falcid. id est 12. partem prædiorum, reliquam retineat: atque et hanc ipsam 12. partem prædiorum, et hanc solum imputet in Falcid. quia hanc solum retinere jussus est. Et placet eum, qui rogatus est restituere hereditatem, non id omne imputare in Falcid. quod ex hereditate habet, sed quod ex judicio defuncti, quatenus jussit voluitque defunctus, ex hereditate jure hereditario habet, ut in *l. 3. l. quod autem, D. ad leg. Falcid. l. mulier, §. si hæres, D. ad Treb.* hoc autem casu nominatim cavet ut haberet 4. tertiæ partis hereditatis, id est, unciam. Quod si testator non cavet nominatim ut retineret quartam, sed simpliciter eum rogavit, ut restitueret hereditatem, vel hereditatis partem tertiam, ex qua fuit hæres scriptus, hoc casu placet totam tertiam partem prædiorum prælegatorum, id est, un-

cias 4. eum imputare in Falcid. quia totam eam 3. partem prædiorum capit jure hereditario, juxta definitionem *l. in quartam, D. ad l. Falcid.* atque ita, ut subtiliter docet *l. Titia*, multum interest contra sententiam testatoris hæres inducat Falcid. an ex sententia testatoris: nam si contra sententiam testatoris, qui totam partem tertiam eum restituere rogavit, non adjiciens, ut ejus 3. partis retineret quartam, nihilominus retinebit quartam, sed in eam imputabit totam 3. partem prædiorum prælegatorum, quam jure hereditario capit a semetipso. Sin autem ex voluntate testatoris inducat Falcid. qui nominatim cavet, ut retineret Falcid. in Falcidiam imputabit prædiorum prælegatorum 12. tantum partem, id est, quartam 3. partis prædiorum prælegatorum, nempe unciam: hæc est sententia, *l. Titia*, ex qua intelligimus rogatum restituere hereditatem, integra prælegata retinere, sed in Falcid. imputare eorum prædiorum 3. partem, si simpliciter rogatus sit restituere 3. partem hereditatis, vel imputare in Falcidiam tantum eorum prædiorum 12. partem, si rogatus sit restituere 3. partem hereditatis, retenta quarta. Ergo prælegata non veniunt in restitutionem fideicommissi, sed imputantur in Falcid. modo 3. parte, modo pro 12. quod est contra superiorem positionem, quæ statuit prælegata venire in restitutionem hereditatis pro qua parte capiuntur jure hereditario, difficilior erat exponere *l. Titia*, quam respondere huic argumento: nam ita recte responderis, utrumque esse verum, prælegata venire in restitutionem hereditatis pro qua parte præcepta sunt jure hereditario, et imputari in Falcid. nempe imputari in Falcidiam, si locus sit Falcidiæ, venire in fideicommissum si locus non sit Falcidia, ut in testamento militis, et si coactus a fideicommissario adierit, quo casu amittit Falcid. vel etiam hodie ex *Nov. 1. Justiniani*, si testator prohibuerit Falcid. et venire in fideicommissum similiter in specie *l. Titia*, pro parte 3. si simpliciter rogatus sit restituere 3. partem hereditatis ei relictam, vel pro parte 12. tantum, si rogatus sit restituere tertiam, retenta 4. Et rectissime Accurs. in *d. l. Titia*, statuit venire in fideicommissum id, quod imputatur in Falcid. ac præterea obicitur etiam illi secundæ definitioni, sive positioni, quod didicimus, et tractavimus in *l. cum responso, sup. de legat.* eum, qui omisit hereditatem, integrum prælegatum retinere: ergo, inquit, in hereditate prælegata non numerantur ulla ex parte, cum omissa hereditate retineantur integra: etiam nihil est, quod tam facile expediri possit: nos loquimur de eo, qui adiit hereditatem, quo casu prælegata numerantur in hereditate, pro qua parte hæres extitit:

illa *l. cum responso* loquitur de eo, qui omittit hereditatem, quo casu integra prælegata jure legatarii capiuntur a cohærede, non diverso jure: his etiam addamus quandoquidem, et jam explicita questio est, interpretationem *l. 1. hoc. tit.* quæ erit amenior. Questio *l. 1.* est de alimentis mensuris, et vestiario annuo relicto per fideicommissum: pono fuisse relicta per fideicommissum inutiliter: et hæc ita ut ponam, fecit vicinitas *l. 2. hoc. tit.* quæ etiam est de fideicommissis inutiliter relicto quod tamen pius hæres voluntatem defuncti ratam habens solvit, atque præstitit, ut non repetat, quod obtinere etiam in legatis inutiliter relictis, et ultro præstitis ab hærede approbante judicium defuncti, nec disputante de jure, atque etiam in libertatibus, ostendit *l. non dubium, sup. de testa. et l. cum quasi, §. ult. D. de fideic. libert.* ubi autem relicta sunt alimenta annua, plura sunt fideicommissa, quot sunt anni, tot sunt fideicommissa, *l. 4. D. de ann. leg.* et si forte sunt relicta inutiliter, forte non adhibito justo testium numero, et hæres præstiterit fideicommissum primi anni, non ideo cogitur et sequentium annorum fideicommissum præstare, vel etiamsi secundi anni fideicommissum præstiterit, non jure cogitur et tertii anni fideicommissum præstare, quod est inutile. Verum ex hac *l. 1.* si primis tribus annis præstiterit fideicommissum alimentorum et sequentibus annis, quamdiu vixerit alimentarius, fideicommissum præstare compellitur, quia continua illa præstatione trienni videtur per omnia ratum habuisse judicium defuncti: approbatio hæredis, sive ratihabitio, quæ colligitur ex præstatione triennii, non si anno tantum, aut biennio præstiterit, facit ut debeatur quod non deheretur, ut sit utile fideicommissum, quod erat inutile, sicut approbatio filii præteriti facit ut valeat testamentum patris, quod erat ipso jure nullum, *l. filio præterito, D. de in. rupt. d. l. cum quasi, §. ult.* neque dicendum est hoc esse receptum favore ultimæ voluntatis, cum idem sit receptum in usuris indebitis, quæ longo tempore præstite sunt, ut in futurum etiam præstari debeant, *l. cum de in rem verso, D. de usur.* ubi etiam longum tempus recte finies esse triennium ex hoc loco: satis videtur longo tempore præstitisse, qui triennium perseveraverit in præstandis usuris singulis mensibus. Solebant enim solvi in menses, in calendas, et inde calendarii nomen: neque huic definitioni quicquam obstat *l. creditor, sup. de usuris*, quæ dicit eum, qui solvit sæpe usuras ex consensu, id est ex pacto habito inter se, et creditorem, porro non compelli etiam usurasolvere si nolit. Ratio est aperta: quia ex pacto non nascitur obligatio, et usuras solvit ex pacto, non ut debitas

igitur jure civili: at in hac specie, et in specie *l. cum de in rem verso*, solvit usuras, vel alimenta ut debita, ut obligatus, non ut ex pacto, quod non obligat. Et præterea ex judicio defuncti, et ratihabitione hæredis constituitur obligatio. Ergo et in futurum præstanda sunt alimenta, quæ quis triennio præstitit. Sic etiam respondendum est ad *l. si certis annis, sup. de pact.* ubi qui ex pacto, ut ait nominatim, solvit redditus aliquantum temporis, deinceps etiam non cogeturolvere, quia solvit ut ex pacto, et ex pacto non est obligatio. Sic etiam respondemus ad *l. operis non impositis, de oper. libertæ.* Libertus, cui non erant impræstata opera, id est, qui non debuit operas, eas tamen præstitit ex pactione, ex voluntate, an invitus cogetur præstare easdem operas? minime: quia eas præstitit ex voluntate nuda, animi gratia, quod neminem obligat, neque in futurum, neque in præteritum: non præstitit eas, ut obligatus, ut confitens se eas debere, sed animi gratia. Et ita dicimus eum, qui habet immunitatem ne gerat munera publica invitus, qui habet hoc privilegium non amittere privil. si voluntarie munus suscipiat, *pour son plaisir*, non ideo cogetur et in futurum quæcumque munera publica oblata suscipere: quod quis ultro, et liberaliter munus Reipub. suscipit, non labefactat privilegium ejus, *l. 2. ff. de privileg. veter. l. voluntariæ, sup. de excus. tut.* quod notandum. Et ita etiam, quod solvi ex mera liberalitate, aut ex causa inefficaci ad obligandum, non labefactat immunitatem meam, quia id præstare obligatus non sum, sed si quid præsto ut obligatus, ita ut videar sateri esse obligatus, et perseverem præstare sat longo tempore, et maxime si approbo judicium defuncti sciens, quantumvis licet irritum sit, obligabor et idem præstare in posterum. Et hæc est hujus questionis definitio. Hic tit. non tantum est de fideicommissis specialibus, id est, singulorum rerum, sed etiam de universalibus, id est, de fideicommissariis hereditatibus, ut patet ex *l. 3. 5. 12. et 15. et ex l. cum virum*: cujus questiones heri absolvimus, et ex *l. eam quam, ex l. cum acutissimi*; et ex *l. ult.* nam et quod dicitur de universalibus fideicommissis, facile trahitur ad fideicommissa specialia, ut quod dicitur in *l. cum acutissimi*, de fideicommissis hereditatis constat pertinere etiam ad fideicommissum speciale, et legatum, ex *l. generaliter, in fine, sup. de instit. et subst.* comprobatur autem in *d. l. cum acutissimi, et d. l. generaliter*, in utraque responsum Papi-nia. quod extat in *l. cum avus, ff. de cond. et demonst.* qui fideicommissis hereditatis relicto a filio, vel nepote, vel pronepote, primus respondit, semper fideicommissis inesse tacite hanc conditionem, *si filius, vel nepos, vel pronepos sine liberis du-*

cesserit, ut tum hereditatem restituat, ducta conjectura ex pietate parentis, quam admittit Justinian. in d. l. generaliter, etiamsi non justis, et legitimis liberi, sed naturales instituti proponantur, et onerati fideicommissum universali post mortem suam. Condicio tamen illa, quae subintelligitur, si sine liberis decesserit, accipienda tantum est de justis liberis, non de naturalibus, si sine liberis justis decesserit, nisi alia fuerit mens testatoris, quia vis unquam quisquam alium invitat ad procreationem liberorum in justorum, sive naturalium, qui et nulli, et obliqui, et degeneres dicuntur. Extraneo autem herede instituto, et rogato restituere hereditatem, non subintelligimus eandem conditionem, quia in extraneo cessat pietatis conjectura, quae Papirian. perinovit. Et hac de re quidem satis. Veniamus ad l. eam quam, cujus interpretatio finem adfert huic tit. Male fere omnes Doctores, ut notatur in ipso summario legis, sequuti Azonem, censent hanc esse sententiam l. eam quam, ut si institutio heredis nulla sit ob errorem testatoris, qui, puta puellam heredem instituit, ut filiam adoptivam, cum jure non esset adoptata: institutionem quidem nullam esse. Et ita si institutio nulla sit ob errorem illum testatoris legata tamen, et fideicommissa conservari, et praestari a legitimo herede testatoris ab intestato. Primum, ut refutemus hanc communem interpretationem, lex eam quam, non potuit testatorem puellam instituisse ut filiam adoptivam, non instituturum, si non jure factam adoptionem fuisse, nosset, quod exigitur, ut institutio nulla sit, l. 4. et l. 7. sup. de hered. instit. l. neque, sup. de testam. Sed lex ait simpliciter, eam quam frater tuus instituerat, nec addit, ut filiam, et quod ait eam quam etc. appellatur ea forma loquendi Syllepsis, et est similis in l. filium quem, sup. fam. l. ercisc. et in l. filiusfamil. §. Divi, ff. de leg. 1. et l. qui Romae, §. Flavius, ff. de verb. obl. Et illo loco eunuchum, quem dedisti nobis, quas turbas dedisti. Et populo, ut placerent, quas fecisset fabulas, et quas faciet de integro comedias spectandae, an negligendae sint vobis prius: non ponit, inquam, ea lex eam puellam fuisse institutam, ut filiam, imo vero cum ponat testatorem ei substituisse pupillariter per fideicommissum, ex eo apparet eum, ut extraneam substituisse: nam ut filie jure adoptatae, substituisset pupillariter verbis directis. Et praeterea lex significat puellam posse adire hereditatem. Et si adierit, fideicommissum ab ejus heredibus praestari. Ergo institutionem non esse nullam. Denique non fuisse institutam ut justam filiam, alioqui institutio esset nulla, nec posset ex ea adire, nec heredes ejus ex ea institutione relictum fideicommissum praestare compelleren-

tur. Item lex non dicit fideicommissum deberi, puella non adveniente hereditatem, aliter quam si et ei relictum sit ab intestato a legitimis heredibus testatoris. Ac praeterea de fideicommissum loquitur, non de legato: fideicommissum potest relinqui ab intestato, non legatum, l. si Titio pecunia, §. 1. ff. de leg. 1. l. ult. ff. de leg. 3. Et postremo quod statuunt ex hac una lege, ut ostendi, male accepta, vel contorta, si institutio fuerit nulla, quod ita statuunt ob errorem testatoris, cetera conservari, hoc nunquam mihi probabunt, nisi ex hoc quo loco male contorto, ut ostendi, quia repugnat ratio juris, cum institutio sit caput et fundamentum totius testamenti, quae deficiente omnis scriptura testamenti corrumpitur, et collabatur, l. 9. ff. de testam. tut. l. 3. §. 1. ff. de legat. 3. l. 1. §. ult. ff. ut in poss. legat. Itaque facessat ista interpretatio Azonis, et amplectamur magis speciem, quam priore loco ad hanc legem apposuit Accurs. noster, quam vobis exponam latius et diligentius: nam hac specie legis sola bene posita, velut alicui, januaeque patefacta, facile pervenimus ad verum sensum legis. Species haec est: quidam puellam impuberem sui juris arrogavit pro filia, sed non rite, non jure; quia non arrogavit eam solemniter, et causa cognita apud principem, uti oportet, §. cum autem, Inst. de adopt. non est igitur filia. Deinde moriens eam heredem instituit, et ei substituit pupillariter in secundum casum, non verbis directis, quia nec valuisse substitutionem, sed verbis precariis, et simpliciter, hoc modo: Si filia haeres mea inter pubertatem decesserit, id est, ante impletum 12. annum aetatis, bona mea ad Titum, et Sempron. pervenire volo: volo, est verbum precarium, simpliciter substituit, ut ait lex, quia scilicet non designavit personam, a qua fideicommissum relinqueret, quamvis fideicommissum hereditatis oneraret. Quo genere videtur generaliter fideicommissum hereditatis reliquisse ab omnibus, qui et heredes extitissent, sive ex testamento, sive ab intestato. Simpliciter ergo in hac lege in hac parte, id est, generaliter, non nominatim, ut in l. si domus in pr. ff. de leg. 1. Postea mortua est puella intra pubertatem, atque ita dies fideicommissi cessit. Queritur a quo praestandum sit fideicommissum Titio, et Sempronio. Et distinguimus aut puella adiit hereditatem ex testamento, aut non: si adiit, fideicommissum ab ejus heredibus debetur, hoc est certissimum: dico si adiit, quia cum non fuerit jure adoptata, extranea haeres fuit, non sua. Extraneus non potest acquirere hereditatem sine additione, nec transmittere in heredes non aditam. Si esset jure adoptata, esset in familia, et potestate adoptatoris, ac proinde ei sua haeres esset, et

statum ei heres existeret ipso jure, sine additione, *l. in suis, ff. de suis, et legit. hered.* Et transmitteret hereditatem ad heredes suos, *l. 3. sup. de jure delib.* Et similiter ab ejus heredibus deberetur fideicommissum. Sed quia non fuit sua heres, id est, non fuit filius, sed extraneus heres, ideo lex additionem desiderat, ut ab ejus heredibus fideicommissum debeatur: nam si non adit hereditatem ex testamento, fideicommissum debetur a legitimis heredibus testatoris ab intestato, non ab heredibus puellae, quia qui simpliciter substituit, et generaliter verbis precariis videtur porrexisse preces suas ad omnes successores suos, sive jure testati venirent, sive jure intestati. Et hoc est, quod ait illo loco, *nihil prohibet fideicommissum petere vel ab ipsius puellae heredibus, vel qui bona intestati tenent*: et subjicit, nihil obstaré regulam juris, quae vult, non adita hereditate ex testamento, nihil eorum valere, quae in testamento scripta sunt, *l. si nemo, ff. de regul. jur.* Ergo si puella non adierit hereditatem ex testamento, non deberi fideicommissum hereditatis, hoc est non valere substitutionem pupillarem ei factam verbis precariis, non tantum, ut hoc interim admoneam, substitutio pupillaris facta precario, sed quicunque substitutio precaria appellatur hereditas fideicommissaria. Et retro omnis hereditas relicta per fideicommissum dicitur substitutio, precaria scilicet. Et hominis est non versari in libris juris dicere, quod dixit Antonius, id tantum fideicommissum hereditatis appellari substitutionem precariam, quod relinquitur in casum mortis pupillae ad exemplum pupillaris substitutionis directae. Ergo videbatur obstaré illa regula juris, id est, ex ea videbatur quis efficere posse, non adente puella hereditatem, non valere substitut. pupill. ei factam verbis fideicommissi. Et vero si facta esset substitutio pupillaris puellae heredi institutae verbis directis, hoc modo, *si intra pubertatem decesserit, Titius, et Sempronius heredes sunt* ea non adente hereditate, evanesceret substitutio pupill. *l. 2. §. quisquis, ff. de vulg. subst.* Denique herede impulsere instituto non adente, vel eo adente, et substitutis non adentibus directo, sibi delatam hereditatem pupilli ex substitutione pupillari, substitutio pupill. evanescit, si ipse non adeat, quia nec substituti adire possunt. Si adeat, quia substituti non adierunt ea mortua intra pubertatem: hoc ita in substitutione pupillari directae. At in hac specie fuit facta substitutio pupillaris per fideicommissum, et simpliciter, ut ait lex adeo ut successores ab intestato rogati intelligantur Titio et Sempronio hereditatem restituere. Quamobrem puella mortua intra pubertatem nonnullum adita hereditate, Titius et

Tom. IX.

Sempronius non possunt quidem adire hereditatem, quia fideicommissarii dicuntur postulare, et recipere hereditatem, non adire, sed postulare possunt eam hereditatem a legitimis heredibus testatoris, eosque cogere, ut adeant ipsi hereditatem, ac deinde restituant sibi, quod non tantum testamentaria heres, sed et ipsi generaliter, ea omittente testamentum, videantur eodem fideicommissum onerati: et opposita haec sunt in hac *l. adire hereditatem, et postulare hereditatem*: aditur jure directo, postulatur jure fideicommissi, non aditur in illo loco, qui notandus est, *quia verbis relicta directis adiri potuit hereditas, non cum illa ipsa sic data est, ut esset ab intestato successoribus postulanda*, sic est legendum cum verbis directis. Et ne quae resideat difficultas, cum hereditas relicta est substitutis verbis directis, tunc valet regula, quae objicitur, et cum potuit adiri hereditas. At non adente instituto, nec potuit adiri a substituto verbis directis, a substituto autem verbis precariis: nunquam aditur hereditas, sed postulatur. Et jure postulatur etiam destituto testamento, cum proponitur testator generaliter eodem fideicommissum onerasse omnes successores suos quoque jure successerunt testati, vel intestati. Et ita calcamus pulchre sensum hujus *l.* ex quo breviter colligimus, fideicommissum testamento relictum non deberi ab herede heredis instituti, si heres institutus ex testamento non adierit hereditatem, ut in *l. 9. h. l.* quae est conjungenda, ut inscriptio, et subscriptio docet cum *l. 14. sup. de testamen.* in utraque ita posita specie communiter, ut voluerit quis facere testamentum, non codicillos, idque appareat ex institutione, et ex heredatione, quam in eo instrumento scripsit, quae non scribitur in codicillis, quia codicillis directo, neque datur, neque admittitur hereditas, ut, inquam, appareat ex eo, cum voluisse facere testamentum, non codicillos, nec tamen testamentum jure perfecisse. Et ait nec fideicommissa quidem ex eo testamento deberi veluti ex codicillis, quia non codicillos, sed testamentum facere voluit, ut in *l. ex ea scriptura, ff. qui testam.* Ex ea scriptura, quae ad testamentum faciendum parabatur, id est, ut Graeci breviter vertunt ἀπὸ ἐξεδάπιον, ex ea scriptura, ex eo libello, ex ea scheda: si nullo jure fuerit perfectum testamentum, neque fideicommissi verba valere debere. Merito igitur ita concludemus ex *l. eam quam*, fideicommissum testamento relictum non deberi ab herede heredis instituti, si ab herede instituto ex testamento adita hereditas non fuerit, sed addendum ex eadem *l. et ex d. l. 20.* deberi tamen fideicommissum a legitimis heredibus testatoris, si et ab intestato succedentes rogati probeantur, vel rogati intelligantur et generali, et simplici sermone

testatoris, ut in specie hujus l. vel ex clausula codicillari, vel ex aliis conjecturis, et breviter omnibus underim casibus, quos studiosse collegit Accurs. in hac l. in quibus perscrutandis vos exerceatis, obrogato tamen casu 12. et 13. quos etiam interpretes omnes rejiciunt jure meritoque.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Titulum XLIII. Communia de Legatis, et Fideicommissis.

In superioribus tit. multa exposita sunt, quae ubique notavi satis diligenter, quae semper fuerunt, et sunt etiam hodie communia legatis, et fideicommissis: in hoc autem tit. proponuntur quae cum ante non fuissent communia, Justinianus communia fecit: ac primum quidem in l. 1. *Hoc t. Justin. communes facit actiones leg. et fideicommissorum.* Qua in re ante Justinianum magna erat differentia inter legata, et fideicommissa, atque etiam inter ipsa genera legatorum: nam legata petebantur per actionem, et per judicem datum specialiter in causa legati, l. si quid ex Pampyla, ff. de leg. 2. Et si erant relicta per vindicationem hoc modo, *Do, lego, vel capto, aut sumito, aut habeto*, legatum petebatur vel per actionem ex testamento, quae est in personam, vel per actionem in rem, quia et hoc genere legati testator vindicandae rei legatæ potestatem facit, cum ait, *capto tibi, aut tibi do, lego.* Et hoc ostenditur in l. cum filius, §. penul. ff. de leg. 2. l. hujusmodi, §. ult. et l. seq. et l. si servus, §. cum homo, ff. de leg. 1. et l. 3. sup. de leg. vel etiam per actionem ad exhibendum, aut in factum, ut in l. si heres rem legatum, ff. de leg. 2. l. quod legatur, ff. de judic. utra scilicet maluisset legatarius utri: nam plures actiones dantur, non ut omnibus legatarius utatur in solidum, vel pro parte legati: non in solidum, quia testator semel tantum dari voluit, non pro parte, quia legatum in partes scindi non potest, sed dantur plures actiones, quemadmodum ostenditur in d. §. pen. ut lexior sit agendi facultas, et ut ex multis, quae suppetunt, legatarius eligat unam, cujus beneficio perveniat ad legatum. Legata autem per damnationem relicta, veluti *heres meus illi dare rem illam damnas esto*, et ita Græci interpretantur *κατάδικω σε*, damno te, vel etiam legata relicta sinendi modo, ita scilicet, *heres meus sumito illam rem illum sumere, et sibi habere*, hæc petebantur tantum per actionem in personam,

Ajo te mihi dare oportere; aut quod damnavit testator ut mihi dares, id mihi dari oportere. Legata autem relicta per præceptionem, quæ heredibus solis relinquuntur hoc modo, *heres meus illam rem præcipito, sive præcipuam habeto*, extra partem hereditatis scilicet, hæc veniebant in actionem famil. erisc. l. heredes, §. ultim. l. rem, ff. famil. erisc. fideicommissa autem non petebantur per actionem jure ordinario, non per formulam, ut ait Ulpian. lib. vrg. tit. de fideicommissis. Non ergo per judicem specialiter datum in causam fideicommissi, sed per extraordinariam persecutionem, interventumque ipsorum magistratum, veluti consulum, aut prætoris fideicommissarii in urbe, vel præsidum in provinciis, ut in l. pecunia, §. persecutionis, ff. verb. signif. fideicommissa non erant ordinarii juris, ideoque de fideicommissis non dabatur judex specialis, qui ex formula ea de re cognosceret, et arbitraretur, sed ipsius magistratus cognitio erat, et omnis cognitio magistratus extraordinarium judicium est: nam jure ordinario magistratus non cognoscit de causis, sed dat judices, qui cognoscant speciales in quaque causa, judices pedaneos, judices delegatos. Sed et fideicommissorum nomine olim fiebat quidam sollemnis in rem missio adversus extraneos possessores rerum per fideicommissam relictarum, vel rerum hereditariarum, herede scilicet non existente solvendo, ut ait Novella 39. *ἡ ἀπόλας*, id est, herede non existente solvendo, quæ sollemnis in rem missio non fiebat in legato vindicationis, ut recte Græci interpretes notant hoc loco: et longe diversa erat a missione in possess. rerum omnium hereditariarum, quæ fit communiter legatorum, aut fideicommissorum servandorum causa, herede non cavente legatorum, aut fideicommissorum nomine, quo genere pignus Prætorium constituitur, de quo est infr. tit. 33. Et hæc quidem ita se habuerunt ante Justinianum. At ex constit. Justinian. id est, ex l. 1. h. t. quam in Instit. ait se fecisse cum magna lucubratione, et sane est plenissima juris, perfectissimaque constitutio, quæ nihil omittit, et in qua nihil possis jure desiderare, ut omnes constituit. Justiniani sunt eruditissimi: utpote conditi a maximo J. C. nempe Triphoniano, qui fuit alter Papi-nianus studiosissimus juris veteris, et sine quo perissent omnes libri veterum J. C. quorum ille solus copia abundabat ætate Justiniani. Ex hac constitutione, inquam, de legatis omnibus cujuscunque generis, et fideicommissis tres competunt actiones ordinariæ: actio ex testamento, vel ex codicillis, actio ex ultima voluntate, quæ est in personam heredis, vel ejus, a quo fideicommissum relictum est, et actio in rem ad vindicandam rem, quæ relicta est, si res testatoris fuerit, non si aliena,

non si heredis propria, quæ legata sit, cujus etiam testator vindicationem dare non potuit: et 3. actio hypothecaria ad persequendam possessionem rerum hereditariorum pro quantitate legati, aut fideicommissi: non etiam rerum heredis: vel ejus, a quo fideicommissorum nomine res omnes hereditarie tacito jure legatariis, aut fideicommissariis pignori, hypothecæ obligatæ sunt: potuit testator ipse in testamento legatariis, aut fideicommissariis res hereditarias pignoris jure obligare, ut ait hoc loco Justinianus, et probat *lex fundus, de ann. legat. et l. Lucius, de alim. legat. et l. non est, de pign. action.* Ergo, inquit, potuit et Imp. eisdem legatariis, vel fideicommissariis dare tacitam hypothecam in omnibus rebus hereditariis, etiamsi de eo nihil caverit ipse testator, nihilve convenerit inter heredem, et legatarios, aut fideicommissarios, quasi ex tacita voluntate testatoris, vel ex tacita conventionione. Igitur non possunt non pervenire ad legata, vel fideicommissa illi, quibus relicta sunt, cum omnis hereditas eo nomine eis tacite pignoratæ intelligatur. Et maxime, inquit, in hac *l. si legata, aut fideicommissis piis actibus destinata sint*, in quibus tamen hoc non est præcipuum: eam animus est Justiniani, ut et aliorum legatorum nomine, quæ non sunt destinata piis actibus, vel usibus, competat actio hypothecaria. Id tamen esse præcipuum in legatis destinatis piis actibus, ut si per errorem solvantur, cum jure non debentur, repeti non possint conditione indebiti, *l. 46. quæ est Græca sup. de episc. et cler. cujus sit inentio in fine l. de obligat. quasi ex contractu, in Instit.* ergo de legatis omnibus, et fideicommissis hodie tres illæ actiones competunt: et sublata est illa sollemnis in rem missio, quæ fiebat fideicommissorum nomine, quia sufficient illæ tres actiones. Et notandum est, huic constitutioni locum esse, ut legatorum, et fideicommissorum nomine omnes res hereditarie pignori obligatæ sint, non tantum si ab heredem legatum, aut fideicommissum relictum sit, sed etiamsi a legatario, vel fideicommissario, vel alio, a quo fideicommissum relinqui possit, ut ait, veluti a donatario mortis causa, a debitore ex constitutione D. Pii. a legitimo heredem, ab heredem heredis, vel legatarii, a patre, vel domino heredis instituti, quia ab his personis relictum fideicommissum non valet, nisi ad eas aliquid pervenerit ex rebus defuncti, judicio defuncti, *l. 6. in fin. de leg. 3.* Et hæc ipsæ res, quæ ad eas pervenerunt eo defuncto fideicommissi nomine, quod ab eis relinquuntur, tacito intellectu hypothecæ obligatæ sunt, earumque persequutio est per actionem hypothecariam, et recte ait, et custodite in hac *l. 1. fideicommissum*, quoniam a legatario, vel fideicommissario, vel ceteris, quos enumeravi, nondum

potuit legatum relinqui. Sed postea placuit Justiniano, ut et ab his legatum relinqui posset, ut fideicommissum in *l. 2. hujus tit. ad quam transsumus*, quoniam satis abunde diximus de *l. 1.* Lex prima fecit communes actiones legatorum, et fideicommissorum: lex secunda ejusdem Justiniani facit communia verba legatorum, et fideicommissorum, imo et communia jura legatorum, et fideicommissorum, communia verba quæ facit, quid vult, ut legatum, vel fideicommissum faciat sola voluntas defuncti, non verba directa legatum, ut olim, et verba precaria fideicommissum: denique ex sententia Justiniani, legatum est, quod legatum defunctus esse voluit, quamvis reliquerit verbis precariis, et inflexis, qualia sunt, ut ait recte, *mando, rogo, volo, fideicommitto.* Et similiter fideicommissum est, quod defunctus fideicommissum esse voluit, quamvis defunctus id reliquerit verbis directis et civilibus, quale est, inquit, verbum *jubeo*, rectissime: nam tantum aliud, ut Ulpianus in fragmentis scripserit verbum *jubeo*, esse precarium, ut nominationem scribat libertatem ita directum dari, *illum liberum esse jubeo*, et hereditatem similiter, *illum heredem esse jubeo*, et legatum quoque per damnationem hoc modo, *heredem meum dare jubeo*. Ergo *jubeo* est verbum directum Ulpiano, sed addidit Justinianus in hac lege *conalt.* temperamentum veluti quoddam, *forte* scilicet; *jubeo* esse verbum directum: *forte*: nam videtur plerisque esse verbum commune legati, et fideicommissi. Sane fideicommissum aptatur in *l. Aurelius, §. ult. D. de liber. leg.* Ambiguitas verbi fecit ut adhiberet *forte*, quam ambiguitatem etiam refert Justinianus in hac *l. 2.* Scias verbum Græco *εὐπαρ*: sic legit rectissime doctissimus Haloander, sic habent innumeri libri manuscripti, non divisionem, ut Alciatus legit *εὐπαρ in jurejurando*, quodam manifeste lex agit de unico verbo, et ut scite de verbo *rogo, volo, mando, jubeo*, ita et mox de verbo *εὐπαρ*, quod est adjuro, sive jurejurando convenio, vel obtestor, ut des, vel facias, eadem forma compositum, quæ verbum *εὐπαρ*, quod est liquido jure: et est frequentissimum testatores cum jurejurandi obtestatione heredes nuncare legati, aut fideicommissi præstatione, ut in *l. 3. ff. de jur. f. et. per Deum rogo te heres mi, ut illi des fundum*: et in *§. 1. Institut. de fideicommiss. heredit.* *Per salutem principis peto, ut illi des illum rem*, et in *l. cum pater, §. filius, ff. de leg. 2.* quæ locus est summe notandus, prout testator cum jurejurandi religione rogasse tabulis data fideicommissa præstare, quæ enixe preces, ut ait lex, id est, omni cura effusus per omnes Deos adjurato heredem effundit sunt habituræ, etiamsi ab intestato, non testamentis heres rem obtineat, licet non sit adjecta clausula

codicillaris, quia valde vult dari, et omnino dari il, de quo adjurat heredem, et obtestatur, sive olacrat, valde cupiens, prægestiens animo id dari, quod obsecrat et obtestatur dari, ideo fideicommissum etiam ab intestato debetur: male Alciatus hoc loco, et Accurs. etiam hoc modo ponit exemplum: si quis scripserit in testamento: *jure me daturum Titio 100.* nam ex hac scriptura neque legati, neque fideicommissi petitio est, *l. Titia, in princ. ff. de leg. 2.* male item Accurs. ponit exemplum in conditione jurisjurandi scripta hoc modo, *ille hæres esto, si juraverit se daturum Cuius decem millia*, quia et conditio illa neque legatum facit, neque fideicommissum: sicut quem pono in conditione, ut dicunt nostri, non pono etiam in dispositione. Ac præterea etiam illa conditio jurisjurandi jure prætorio remittitur, ut et ipse Accurs. notavit in *l. quæ sub conditione, in princ. ff. de condit. instit.* communia etiam in hac *l. 2.* Justinian. facit jura legatorum, et fideicommissorum: quomodo? Ita scilicet, ut jura fideicommissorum, quæ fuerunt humaniora, ut ipse ait, et pinguiora, sive locupletiora communicentur legatis, puta ut hodie legatum possit relinqui non tantum ab hærede instituto in testamento, sed etiam ab hærede legitimo, et a legatario, et a fideicommissario, et ab hærede hæredis, ut fideicommissum, et ab aliis omnibus, quos enumeravimus in *l. 1.* Et consequenter, ut et hodie legatum nudo relinqui possit, ut fideicommissum, vel in libello, et in epistola fideicommissaria. Contra quoque ut quod amplius juris est in legatis, communicetur fideicommissis, puta, ut in eadem actionibus petantur fideicommissa: quibus legata, ut non tantum legata, sed etiam fideicommissa jure ordinario debeantur: et ut non tantum legatorum, sed etiam fideicommissorum dominium transferatur in accipientem. Et jam ut legata non censeantur ex rigore juris civilis, nec strictius accipiantur, sed ex sola voluntate defuncti, quæ legitima sit, ut hæc sola dominetur tum in legatis, tum in fideicommissis, denique ut per omnia et in omnibus exæquata sint legata fideicommissis, quod primus Justinian. introduxit in hac *l. 2.* Et qui putant idem Ulpian. scripsisse in *l. 1. ff. de leg. 1.* profecto maximo in errore versantur: nam Ulpian. non dixit per omnia et in omnibus exæquata esse legata fideicommissis, ut in *l. 2. §. per. D. de ju. codic.* dicitur per omnia et in omnibus furiosum absentis, et quiescentis loco haberi, sed Ulpian. tantum dixit, per omnia exæquata esse legata fideicommissis. Et querendum nunc qua in re sint per omnia exæquata. Non enim tunc erant exæquata in omnibus. Et hoc inserptio legis indicat, quæ sumpta est ex *lib. 67. Ulpiani ad edi-*

ctum, quo tractavit de lege Falcidia, et de interdicto quod legatorum, quod datur tantum propter retentionem Falcidiæ adversus legatarium, vel fideicommissarium, qui quod sibi relictum erat occupavit: et in hac parte juris, quæ est de lege Falcidia, per omnia exæquata sunt legata fideicommissis. Idque ex Senatusconsulto Pegasiano: nam ex lege Falcidia quadrans retinetur tantum ex legatis, sed ex Senatusconsulto Pegasiano, lex Falcidia porrigitur etiam ad fideicommissa, atque ita Falcidia detrahatur ex legatis, et ex fideicommissis specialibus, et universalibus, et interdictum quod legatorum ad retinendam Falcidiam datur, non tantum legatorum, sed etiam fideicommissorum nomine, *l. 1. ff. quod lega.* quæ est ex eodem libro Ulp. ut quæ imputantur in Falcid. legatorum, eadem etiam imputentur in Falcid. fideicommissorum, aut quæ non imputantur in legatis, non imputentur etiam in fideicommissis. *l. in quartam, ff. ad l. Falcid.* ut plane Ulpian. non scripserit in omnibus, quod primus Justinian. introduxit, sed in *l. Falcid.* exæquata esse legata fideicommissis.

Ad. L. ult.

Si duobus, vel tribus hominibus, vel pluribus forte optio servi, vel alterius rei fuerit relicta, vel si uni quidem legatario optio servi, vel alterius rei relicta est, ipse autem moriens plures sibi reliquerit hæredes: dubitabatur inter veteres si inter legatarios, vel hæredes legatarii fuerit certatum, et alter servum, vel alteram rem eligere velit, quid sit statuendum. Sancimus itaque in omnibus hujusmodi casibus rei judicem fortunam esse, et sortem inter altercantes adhibendam: ut quem sors prætulerit, is quidem habeat potestatem eligendi, ceteris autem æstimationem præstet contingentium eis partem: id est, servis quidem, et ancillis majoribus decem annis, si sine arte sint, viginti solidis æstimandis, minoribus vero decem annis, non amplius, quam in decem solidos computandis: sin autem artifices sint, usque ad triginta solidos æstimatione eorum procedente, sive masculi, sive fæminæ sint: exceptis notariis, et medicis utriusque sexus: cum notarios quinquaginta solidos æstimari velimus, medicos autem, et obstetrices sexaginta. Eunuchis minoribus quidem decem annis, usque ad triginta solidos valentibus: majoribus vero usque ad quinquaginta: sin autem artifices sint, usque ad septuaginta.

§. 1. Sed et si quis optionem servi, vel alterius rei reliquerit non ipsi legatario, sed quem Titius forte elegerit, Titius autem vel noluerit eli-

gere, vel non potuerit, vel morte fuerit præventus: et in hac specie dubitabatur apud veteres quid statuendum sit: utrumne legatum exspiret, an aliquod ei inducatur adiutorium, et viri boni arbitratu procedat electio. Censemus itaque si intra annale tempus ille, qui eligere jussus est, hoc facere superederit, vel minime potuerit, vel quandocunque decesserit: ipsi legatario videri esse delatam electionem: ita tamen ut non optimam ex servis, vel aliis rebus quicquam elgat, sed mediæ æstimationis: ne dum legatarium sativ esse fovendum existimamus, hæredis commoda defraudentur.

§. 2. Sed quia nostra majestas per multos casus, legatariis, et fideicommissariis præcepit, actionesque tam personales, quam in rem, et hypothecarias dedimus, et in rem missionis tenebrosissimus error abolitus est, et ad hanc legem pervenimus. Nemo itaque hæres ea, quæ per legatum, vel pure, vel sub certo die relicta sunt, vel quæ restitui aliis disposita, sunt, vel substitutioni supposita, secundum veterem dispositionem putet in posterum alienanda, vel pignoris, vel hypotheca titulo adsignanda, vel mancipia manumittenda: sed sciat hoc, quod alienum est, non ei licere, utpote sui patrimonii existens, alieno juri applicare, quia satis absurdum est, et irrationabile, rem, quam in suis bonis pure non possidet, eam ad alios posse transferre: vel hypothecam, pignorisve nomine obligare, vel manumittere, et alienam spem decipere.

§. 3. Sin autem sub conditione, vel sub incerta die fuerit relictum legatum, vel fideicommissum universalis, vel speciale, vel substitutione, vel restitutione, melius quidem faciet, si et in his casibus caveat ab omni venditione vel hypotheca, ne se gravioribus oneribus evictionis nomine supponat. Sin autem avaritiæ cupidine propter spem conditionis minime implendæ, ad venditionem, vel hypothecam prosiluerit, sciat, quod conditione impleta, ab initio causa in irritum devocetur: et sic intelligenda est, quasi nec scripto, nec penitus fuit celebrata: ut nec usucapio, nec longi temporis præscriptio contra legatarium, vel fideicommissarium procedat. Quod similiter obtinere censemus in hujusmodi legatis, sive pure, sive sub die certo, sive sub conditione, sive sub incerta die relicta sint. Sed in his omnibus casibus legatario quidem, vel fideicommissario omnis licentia patrat rem vindicare, et sibi assignare, nullo obstaculo ei a detentatoribus opponendo.

§. 4. Emptor autem sciens rei gravamen, adversus venditionem actionem habeat tantum ad restitutionem pretii, neque duplæ stipulatione, neque melioratione locum habente: cum suf-

ficiat ei saltem pro pretio, quod ariens dedit pro aliena re, sibi satisfieri. Creditori nihilominus pignoratitia contraria actione adversus debitorem competente: ut ex omni parte, omni-que studio, id, quod semper properamus, ad effectum perducatur, et ultima elogia defunctorum legitimum finem sortiantur, bonæ fidei prœculdubio emptoribus integra jura, et nullo modo ex hac constitutione diminuta, contra venditores habentibus. Dat. Calend. S. pt. Constantinop. post Consulatum Lampadii et Orestis VV. CC.

Restat l. 3. hujus tit. Constitutio Justin. est, quæ de tribus questionibus juris aliter statuit, quam fecerint veteres juris auctores: 1. questio est de optione legata servi, vel alterius rei, puta, ut ex multis suis, vel aliis rebus hereditariis, quam legatarius elegerit, eam uti capiat, et sibi habeat, quæ pertinet etiam ad optionis fideicommissi. nam post l. quis dubitat, quæ Justinian. constituit de legatis, omnia pertinere etiam ad fideicommissi. quasi æqualia? Et questio hæc est. Si pluribus sit legata optio servi, vel alterius rei hereditariæ; vel si uni sit legata, et is post diem legati cedentem, antequam eligeret, decesserit, relictis pluribus hæredibus, et plures legatarii, vel plures hæredes unius legatarii in eligendo servo non consentiant, alio alium servum, aliamve rem eligere cupiente: queritur quemadmodum res dividenda sit: nam plerique existimabant, eos, qui non consentiunt, invicem sibi obstare, id est, se invicem excludere petitione legati, denique legatum intercidere, quod erat inhumanum. Et ideo Justin. in hac l. 3. mavult hujus rei sortem judicem facere, id est, fortunam, ut ait recte: nam et fors et sortis idem est, et in S. C. relato l. 2. ff. de bon. eorum, qui ante sent. mort. sibi consc. cum damnatus nemo videri possit in hunc annum, antequam de eo forte judicium Romæ redditum et pronuntiatum esset: forte, id est, sorte, ut in l. Corn. ff. de sica. ut is prætor, judexve questionis, cui sorte obvenerit questio de sicariis, ejus, quod in urbe Roma prope mille passus factum sit, uti querat cum iudicibus, qui ei ex lege sorte obvenerint. Et ita in proposita specie ex sententia Justiniani, cui sortis felicitas dederit electionem, in electione potior erit, et ceteris præstabit ejus rei, quam elegerit portionem contingentem: sic appellat: quod Græci τὸ ἐπιβάλλον μέρος, ut et l. domino, ff. ad S. C. Syllanian. l. 1. §. quia autem, ff. quod legat. l. ult. sup. de pos. ergo ceteris collegatariis, vel cohæredibus præstabit contingentis, sive ratæ portionis rationem, quoniam rem ipsam aspernantur, et is, qui elegit, munere, et beneficio sortis rem solidam retinebit. Æstimationem quoque taxat Justinian. hoc loco,

scilicet si servi optio legata sit, pro vetate servorum, et qualitate majores decem annis pluris faciens, quam minores, et eunuchos, quam integros, quod olim servi pretium produceret excisio viri, vel *πίστις ἔντα*, id est, *fidei gratia*, ut ait Herodotus in *ὑπάρτα*, vel muliebrium libidinum causa. Et pluris peritos, quam imperitos. Notarios autem, et medicos supra omnes, ut et in *l. 1. inf. de cumm. serv. man.* Sortem vero judicem facere, et fortunam in jure novum non est: nam et cohæredes inter se sortiri licet apud quem remaneant cautiones hereditariæ, *l. 5. ff. famil. erisc.* et sortito hereditatem dividere in *l. 2. sup. quando, et quib. quarta pars, lib. 10.* Et in duplicibus judiciis, quæ scilicet redduntur inter cohæredes, vel consocios, vel confines: cum se invicem provocant ad judicium divisionis, si queratur litis ordinanda gratia uter sit actor, uter reus, res sorte discernitur, *l. sed cum ambo, ff. de judic. nec dicas, quod objicit Accurs.* rem frustra permitti sorti, cum prætor viribus imperii sui possit eos, qui inter se dissentiant compescere, et compellere ad consentiendum, quod ostendunt loci adnotati ab Accurs. Nam prætor ipse mavult sepe rem sorti permittere, quam partes suas interponere, ne subeat suspicionem ambicionis, vel gratiæ, *de favore*, ut eleganter ait *l. generaliter, §. quid ergo ff. de fid. libert.* Et non solat etiam prætor nisi novissime, et ad extremum rem sorti committere. Quint. lib. 7. cap. 1. Scio esse *quæsitum utra pars deberet prior dicere, quod in foro vel ex atrocitate formularum, vel ex modo petitionum, vel novissime sorte dijudicatur*: est locus elegantissimus, nec sapientissimi etiam Heræorum in judiciis, sive in causis dirimendis abstinerunt judicio sortis, sive fortunæ, ut *Prov. cap. 18. Litis finis sors est, et controversias potentiorum dirimit.* Et valde placet etiam quæ illi proxima est sapientissimi viri sententia, *Justus accusator initio est sul, inquit, postea inquit in alium: nam qui alium incusat probri, cum ipsum prius se intueri oportet*: alioquin nec legibus auditur, *l. in arenam, sup. de inoff. test. l. 7. D. si quis omis.* Nam stultitiæ est proprium aliorum vitia cernere, oblivisci suorum. Et ex hac decisione Justiniani etiam intelligimus optionis legatum hodie non esse conditionale, quandoquidem si is, cui optio legata est servi, vel alterius rei, decesserit antequam eligeret, jus eligendi transmittitur ad hæredem, vel ad hæredes ejus ex hac *l.* quod non transmitteretur si conditionale esset legatum. Et vero in hoc valde est nova constitutio Justiniani, nam olim optionis legatum pro conditionali habebatur, nec trans mittebatur ad hæredem, si legatarius decessisset ante electionem. Et longe

est alia ratio servi legati generaliter: nam et si legatario competat optio servi, ut in *l. legato, D. de leg. 1.* tamen quia optio non est relicta nominationem, sed tacite, ideo legatum non habetur pro conditionali. Et si legatarius decesserit, antequam hominem elegerit, legatum transfertur in hæredem ejus, *l. nec semel, §. penult. D. quand. di. leg. ced.* quia conditiones, quæ tacite insunt, id est, quæ non exprimuntur, sed extrinsecus, id est, extra testamentum, extra testamenti scripturam assumuntur, et expectantur, legatum, aut fideicommissum conditionale non faciunt, *l. conditiones, D. de cond. et dem. et l. cum illud, in fine, D. quand. di. leg. ced.* hoc ergo legatum, *lego Titio servum*, quamvis tacite Titio videatur data electio, ut ex universa familia defuncti eligat unum servum, tamen legatum non est conditionale, aliter quam si optio servi sit legata nominationem. Nam verbum *optionis* facit conditionem, et si dixisset, *si optaverit*, et ideo veteres non immerito existimabant, mortuo legatario ante optionem, non transmitti legatum in hæredes, quia verbum *optionis* satis exprimit conditionem. Denique ea conditio optionis expressa est, non tacita, unde apparet, quam male in *§. optionis, Instit. de leg.* quidam codices habeant legatum optionis in se habere conditionem tacitam, imo expressam, alioquin transmitteretur legatum mortuo legatario ante electionem: et rectius adest ab aliis libris verbum *tacitam*, quod tamen miror Latinum interpretem Theophili Latino inseruisse, cum Theoph. scripserit simpliciter, *ἀπὸ τοῦ ἑκείνου ἔντα*, id est, *conditionem in se habet legatum optionis*, non dixit, *ἐν τῇ ᾧ ἀπὸ τοῦ ἑκείνου*. Verum ex hac Constit. jam optionis legatum non habetur pro conditionali, cum et ante electionem mortuo legatario, placeat Justin. transferri electionem ad hæredes legatarii, abrogato jure veteri. Secunda questio hæc est: *Titio lego servum, quem Mævius eligit*: quid fiet si Mævius nolit eligere, vel non possit, vel decesserit antequam eligeret, an intercidit legatum? Sic videbatur veteribus, quasi defecta conditione. Nam et hoc legatum existimabant esse conditionale, *si Mævius elegerit*: et ideo non abs re in *l. nec semel, §. ult. ff. quan. di. leg. ced.* Si Titio legetur, quod Sejus elegerit, et Sejus post electionem decesserit, locus est vindicationi semel acquisitæ, quod certissimum est. Sed cur dixit si post electionem decesserit Sejus, nisi ut ex contrario, id *ἀντιθέσει* præstet argumentum Sejo, moriente ante electionem perire vindicationem legati, quod Justin. mutat in hac *l.* ita definiens: ut si Mævius ille, aut Sejus non elegerit intra annum, transferatur electio in ipsum legatarium: ita tamen ut in eligendo modum servet jure veteri

præscriptum, ne scilicet optimum servum eligat, ut in *l. legato, D. de leg. 1.* puta ne eligat actorem, qui *sait toutes les affaires de la maison*, cujus damnum pertinet ad aversionem totius familie, ut ait eleganter *lex ult. D. de off. præsid.* Et Canon. Apostolorum 82. *sic οἱ τοὺς ἀναστροφῆς*, ad aversionem domus, quoniam is est, qui tenet rationes totius domus. Item servandus est hic modus, si plurium servorum optio legata sit, hoc modo, *optato servos, quod volueris ex familia mea*, ut non possit plures, quam tres eligere, quod maxime notandum ex *l. 1. de opt. legat.* Frugalitas veterum fuit contenta tribus servis, nec incedebat magna comitante caterva: leges apud Valer. Maxim. lib. 4. Catonem seniore Hispaniam rexisse tribus servis comitatam: leges apud Athenæum lib. 6. Cæsarem Britanica expeditione duxisse tantum tres servos, ut non sine causa *d. l. 1. definat*, enim, cui data est optio plurimum servorum, tribus debere esse contentum. Tertia questio et ultima hæc est, an res legatæ, aut relictæ per fideicommissum speciale, vel per fideicommissum universalis possint alienari, vel pignori, vel servi manumitti ab eis, a quibus relictæ, vel relictæ sunt. Et observa in hac parte Justinian. dicere pro eodem, *substitutione, vel restitutione*, et alio loco, *quæ restitui*, aliis disposita sunt, *vel substitutioni supposita*, duobus nominibus nempe, *restitutionis, et substitutionis*, significat substitutionem precariam, sive fideicommissariam hereditatem, ut *sup. in tit. de instit. et substit. seu restitut.* et in *l. ejusdem tit. substitutioni, vel restitutioni.* Et in *l. 1. ejusdem tit.* quæ est Græca, *ὀρεκτάσας ἢ ἀρεκτάσας*, id est, *substitutionem, vel restitutionem.* Differentiam tamen facit Justinian. in hac parte inter *alienare, et manumittere*, ut *l. ex judiciorum, ff. de accusat. l. propevit, ff. qui et a quibus manum.* nam manumissio non est alienatio. Alienare est alieno juri applicare. De hac autem questione ita statuit Justinian. ut si legatum, vel fideicommissum sit relictum puro, vel quod pro puro etiam habetur, in diem certum, nihil agat hæres, vel is, a quo relictum est, quod relictum est vendendo, aut manumittendo, aut pignoraudo. Sed si legatum, vel fideicommissum relictum sit sub conditione, vel quod pro conditione etiam habetur, in diem incertum, videtur eum posse interim alienare, et pignori obligare res fideicommissas, quia potest conditio non existere, aut non venire dies ille incertus. Sed melius fecerit, si neque vendiderit eas res interim, neque pignori obligaverit, quia si forte existat conditio, legatario,

aut fideicommissario competit vindicatio rei, adeo ut venditio habeatur pro infecta, ita ut nec bonæ fidei emptori, id est, ignoranti fideicommissum, atque ita ementi, prodesse possit usucapio, vel præscriptio longi temporis: qui locus est singularis, et hanc rationem habet, quia usucapio, et longi temporis præscriptio non procedit sine titulo: et hic titulus venditionis deficit, quia venditio pro infecta habetur. Constitutione fingente eum titulum, id est, venditionem non intervenisse. Ergo quod dicitur, *usucapio non procedit sine titulo*, sic intelligitur: si vel re ipsa deficiat titulus, vel lex fingat defecisse. Emptor autem: qui ignorans emit ab eo, qui fideicommissum oneratus erat, habet regressum adversus venditorem ex stipulatione duplæ, ut habeat duplum pretii, et habet etiam repetitionem meliorationum, si rem emptam meliorem fecerit. At si emerit, sciens quam emit esse obnoxiam fideicommissum, quia res fuit in incerto, et in suspensio, propterea quod potuit conditio fideicommissi deficere, emptor male fidei aliquatenus excusatur, namque datur ei regressus adversus venditorem, ut recipiat pretium, quod solvit. Regressus ergo in simplex tantum, non in duplum ex stipulatione duplæ non datur etiam repetitio meliorationum, quia mala fide accessit ad emptionem, et melius fecisset ille si non vendidisset, et hic si non emisset sub incerto conditionis fideicommissi: verum casus est singularis in *l. ult. §. ult. ff. de legat. 2.* quo succurritur ignoranti venditori, et ignoranti emptori in hac specie: quidam hæredem scripsit testamento, et codicillos, quos reliquit obsignatos, veluit hæredem aperire dum viveret, ut aperirentur post mortem hæredis: ille hæres ignarus eorum, quæ erant scripta in codicillis, fundum quendam hereditarium infructuosum, saxosum, pestilentem vendidit æquo ignaro emptori. Post mortem ejus, apertis codicillis, apparuit eum fundum fuisse Mævio relictum. An retractabitur venditio, aut vindicabitur fundus ab emptore? Minime, sed hæres hæredis damnabitur fideicommissario præstare restitutionem fundi. Quoties autem quis rem relictam sub conditione venditori suo pignori obligavit, vel scienti, vel ignoranti; in creditore non distinguimus: re ablata creditoria fideicommissario, proculdubio creditor habet in debitorem, qui pignori dedit rem subjectam restitutioni, contrariam actionem pignoratitiam in id quod interest: et hæc est sententia hujus const. ad quam velim vos addere quæ de hac questione latius pertentatis omnibus definitionibus exposuimus in Novella 39. ex illo loco sumes cetera, quæ transferes etiam in istum locum.

JACOBI CUJACII J. C.

Ad L. b. VI. Codicis.

RECITATIONES SOLEMNES.

Ad Tit. XLIV. De falsa causa etc., et Tit. XLV. De iis, quæ sub modo, etc.

Legatis, vel fideicommissis, quæ relinquuntur, aut causa adscribitur, aut modus, aut conditio: de causa est tit. 44. De modo 45. De conditione 46. Et in hoc tit. causa bifariam accipitur, pro ratione legandi collata in præteritum: Titio 100. do, lego, quia negotia mea curavit: et pro demonstratione, id est, nota, sive designatione rei, aut quantitatis legatæ; lego Titio fundum Cornelianum, quem de Cajus emi, vel quem Cajus possidet. Nam demonstratio, vel in præteritum confertur, vel in præsens. Et hic tit. ostendit neque hanc, neque illam causam, etiamsi falsa sit, perimere legatum. Primum falsa demonstratio rei certæ aut quantitatis certæ legatæ non nocet legatario, aut fideicommissario, non perimit legatum: ut si Titio ita legatur, Titio 100. aureos do lego, quæ ei debeo, debentur 100. aurei ex legati causa, etiamsi eos Titio non debeam, quia falsa demonstratio, vel etiam quæcumque demonstratio non cohæret legato. Et hæc sententia l. 2. hoc tit. vel etiamsi uxori ita legavit, uxori mille aureos, do, lego, quos mihi in dotem dedit, etiamsi mulier fuerit indotata, aut eos mille aureos non dederit in dotem, debentur mille aurei, non ut legatum dotis, ut recte ait l. 3. hoc tit. ex quo constat non deduci Falcid. l. sed ususfructus 81. D. ad leg. Falcid. Sed debentur ut aliud legatum, ex quo poterit deduci Falcidia, si legatis, vel fideicommissis, onerata, vel exhausta sit hereditas. Est etiam de falsa demonstratione l. 5. hoc tit. uxori ita legavi, quæ instrumento illo dotali conscripta sunt, ea uxori do, lego, vel dari volo. Si in eo instrumento sit expressa certa quantitas, prestanda est uxori defuncti, licet instrumentum dotale non fuerit, vel etiamsi ea quantitas doti data non fuerit, ut in §. sed si uxori, Ins. it. de leg. ex l. 2. 5. et 6. quæ est postrema lex hujus tit. apparet falsam demonstrationem non nocere legato, aut fideicommissis. Et ratio hæc est, quia abundat id omne, quod rei satis demonstratæ additur, l. 1. §. si quis uxori, ff. de dot. præleg. Et non solet quod abundat vitare scripturam, l. testamentum, sup. de testam. l. si servo, ff. de adim. leg. l. 12. §. pen. ff. de instr. vel. instr. leg. Et ad illam regulam juris, non solent quæ abundant vitare scripturas, possis pro interpretatione hæc subscribere commodissime, ut falsa de-

monstratio falsa causa, falsus modus, falsa conditio non vitiant legatum, aut fideicommissum certæ quantitatis, certive corporis, quoniam omnes illæ causæ, quæ superadduntur supervacue sunt. Et supervacue prodesse possunt, nocere nunquam possunt: falsa quoque ratio legandi nihil nocet legato, quia hæc ratio legandi non cohæret legato, id est, sine ea per se stat legatum, atque consistit, l. cum tale, §. falsam causam, ff. de condit. et demonstr. Et supervacuum est addere rationem legandi. Ergo in falsa ratione legandi eadem ratio est cit ut noceat, quæ etiam efficit ne noceat falsa demonstratio. Finge testatorem ita dixisse: a Titio debitore meo quicquam exigi veto, quia mihi quod debuit, omne persolvit: Titio videtur legata liberatio, et valet legatum, etiamsi nihil solverit. Ideoque actio ex testamento hoc consequetur, ut liberetur per acceptilationem, vel etiamsi ab eo hæres petat pecuniam debitam, poterit se lueri exceptione doli mali, quod contra voluntatem defuncti petat, in l. 17. et 19. sup. de fideicommissis. Et hæc pertinet l. 1. et 4. hoc tit. Sed placet exceptio, quam addit l. 1. atque etiam d. §. falsam causam: nisi hæres liquido probet testatorem aliter legaturum non fuisse, quam si vera esset ratio legandi, quam adscripsit, ut si lapsus per errorem existimavit solutam esse pecuniam, et nominatim veluit quicquam exigi a priore debitore, adjecta causa, quia sibi pecunia soluta esset: hoc casu non tam falsa causa vitiat legatum, quam mens defuncti. Ergo sive hoc, sive illo modo causam accipias in hoc tit. verum est falsam causam non reprimere legatum, hoc est, falsam demonstrationem, falsamve rationem legandi collatam in præteritum non vitare legatum, nisi hoc suadeat voluntas defuncti, quæ liquido probetur: nam l. 1. exigit liquidas probationes. Neque huic definitioni quicquam obstat lex is qui in potestate, §. ei qui dotem, D. de leg. præstand. quam obijcit Accursus, quoniam ibi agitur de testamento rescisso per bon. cont. tab. Ex quo constat nec legata deberi, nec fideicommissa, quod rescindatur in totum, exceptis tantum legatis relictis liberis, et parentibus, quæ prætor conservat in edicto de leg. præstand. Excepto etiam legato relicto uxori, vel nurui dotis nomine, ut res alienum, ut res debita uxori, vel nurui: nam non aliter conservatur tale legatum, quam si vera fuerit causa dotis: nam si sub falso prætextu dotis ei legatur, quæ dotem non habet, ut cetera legata infirmantur per bon. poss. cont. tab. ita et hoc legatum infirmabitur: nam mens prætoris hæc est, ut conservet tantum mulieribus dotes, quas habent non alia legata, ne relictæ quidem sub umbra, et imagine dotis falsæ. Et hæc est etiam prima opinio Accursii. Divi causam in hoc tit. bifariam accipi: addamus causam

legati in aliis locis quandoque aliter accipi non pro ratione legandi, nec pro demonstratione rei legatæ, sed pro legato ipso: pro jure et substantia legati, ut in *l. si sic legatum*, §. 1. ff. de legat. 1. ut causa dotis, id est, dos: causa peculii, id est, peculium: causa venditionis, id est, legatum ipsum, quæ et conditio dicitur in eodem loco, et in *l. si fundum*, §. si libertus, eod. tit. Finge: quidam ita legavit: Titio 10. do, lego, quæ mihi Cæjus debet. Non est demonstratio legati, sed causa legati, id est, his verbis legatur obligatio, et nomen Cæji, non quantitas: itemque si ita dixerit, 10. quæ mihi Titius debet, damnas esto hæres meus ea non potere, vel ei ea dare, quod est condonare, et remittere, non quantitas legatur, sed liberatio tantum: et illa verba: quæ Titius mihi debet, exprimunt rem ipsam, quæ legatur, quam vocat causam legati, nec pro demonstratione accipiuntur, ut quantitas debeatur, etiamsi Titius nihil debeat, *l. legavi*, *l. ult.* §. 1. D. de lib. leg. quod valde notandum est: nam ut sup. ostendi ex *l. 2. hoc tit.* longe aliud est si quis ita legaverit, 10. Titio do, lego, quæ ei debeo, quoniam hoc genere quantitatem lego, non obligationem, quia nemo legat obligationem passivam, sed activam. Ergo illa verba, quæ illi debeo, pro demonstratione sunt, non pro substantia legati, et consequenter etiamsi nihil Titio debeam, 10. debentur: notandum est etiam alias causam accipi pro modo, et pro conditione, atque ita videtis, causæ nomen manare latissime, cum et modum comprehendat, et conditionem. Modum scilicet, qui contrahit legatum, et conditionem, quæ suspendit legatum, ut *l. eas causas*, ff. de cond. et demonstr. quæ necessario est nobis explicanda, et explicatio hujus legis dabit finem huic tit. et initium tit. seq. *lex eas causas* facit duo genera causarum: alias, quæ protinus agentem repellunt, id est, eum, qui agit, statim repellunt: quas ait observari pro conditionalibus, id est, esse conditiones. Nam ut et Accurs. notavit, ita legendum est affirmative, non negate: *Eas causas, quæ protinus agentem repellunt*, in fidei commissis pro conditionalibus observari oportet: ne scribas, non pro conditionalibus, ut est Florentinæ scriptum perperam, quod *l. ipsa* in fine demonstrat, dum ponit ita datum legatum, si monumentum fecerit, de quo si legatarius agat, protinus repellitur, quia nondum implevit conditionem, nondum monumentum fecit. Alias autem esse causas, quæ habent moram cum sumptu, id est, quæ impleri non possunt sine mora temporis, sine spatio temporis aliquo, nec sine sumptu, sine impendio, ut in *l. facta*, §. si sub, ff. ad Treb. veluti si ita datum sit legatum, ut monumentum faciat, id est, si datum sit sub modo. Hæ causæ, id est, modi, eum, qui protinus agit non repellunt: namque statim po-

TUM. IX.

test petere legatum relictum sub modo, ut monumentum faciat, qui non potest impleri sine spatio temporis, et sine sumptu. Ergo statim admittitur ad legati petitionem nondum inchoato monumento, oblata cautione, id est, si caverit se monumentum facturum, ut in *l. 19. ff. de leg. 3. et l. cum in testam.* ff. de fil. lib. vel etiam omissa cautione, a iudice compelli potest, ut modum impleat; in *l. Mævia*, ff. de man. testam. quæ est sententia d. *l. eas causas*. Ex qua apparet causæ nomen in ea bifariam accipi, pro modo scilicet, et pro conditione, et aliter quam bifariam accipitur in hoc tit. et serva illud, eum, cui sub modo legatum relictum est, admitti protinus ad legatum, si offerat cautionem, quæ de causâ in *l. 1. tit. 45.* dicitur, in legatis, et fidei commissis modum pro conditione observari, quia scilicet, vel implendus est sicut conditio: vel est cavendum de eo implendo. Sed si non steterit per legatarium, quo minus impleatur modus, proculdubio capiet legatum: et ut ait, nihil tibi legatario oberit, quod non implevisti modum, quo minus quod tibi relictum est, obtineas: ubi noli mutare *ratineas*, cum obtinere sit etiam retinere, ut in *l. cum fratrem*, sup. de iis quibus ut indig. etc. Finge mulieri relictum legatum ita, ut nubat Titio, et per Titium stat quo minus illa nubat, modus habetur pro impleto. et protinus admittitur mulier ad legatum, vel quod jam cepit, obtinebit. Modus est finis, propter quem legatur, vel modus est ratio legandi collata in futurum, qui, etiamsi sit falsus, non vitiat legatum, sicut ratio legandi collata in præteritum, ut habuimus tit. sup. non vitiat legatum: et falsum modum dicimus modum impossibilem, *illi fundum do, lego si cælum ascenderit*: quodcumque est impossibile, et falsum est: nec aliter potest modus dici falsus, quam si sit impossibile, in *l. cum tale*, §. falsam causam, ff. de cond. et demonstr. quæ vitia omnia (sunt enim vitia, et menda testamentorum) nullam scripturam testamenti vitiant, vitia non vitiant, *l. 1. ff. de cond. inst.* sub impossibili conditione, inquit, quæ et ipsa falsa est, vel alio mendo, sic recte habent Florentini, puta sub falso modo, vel falsa demonstratione, vel falsa causa facta institutio valet, quia menda illa circumscribuntur. Et similiter legatum relictum sub conditione falsa, vel alio mendo, vel fideicommissum, vel libertas. Et observandum etiam ex *l. ult. hoc tit.* quoniam manui me alias explicasse, primum ex modo non nasci petitionem fideicommissi, in *l. cum hi*, §. et si sit certa, de transact. visi in libertate ex constit. Severi, ut ait hæc *l. 2.* scilicet cum ita datum erat legatum, ut servum illum manumitteret, ex modo illo erat petitio fideicommissariorum libertatis, sed non petitio fideicommissi pecuniarii: tibi fundum illum lego,

83

ita ut des Cajo decem. Cajo non est fideicommissio, sed ex Constit. Gordiani valde singulari, id est, ex hac l. 2. etiam ex modo est fideicommissio pecuniarii petitio: unde existit magna differentia inter modum, et conditionem: nam si legaverim sub conditione, si dederit Cajo decem. Cajo proculdubio non est fideicommissio, Cajo non est legatarius, neque fideicommissio. l. 8. ff. si quis omiss. l. Mævius, ff. de cond. et dem. Sed si legaverim sub modo, ut det Cajo decem, ex hac l. 2. hodie est fideicommissio. Et ratio differentie optima: quoniam, qui legat, ita ut det Cajo, valde vult dari Cajo: qui legat, si det Cajo non ita valde vult dari Cajo, sed hoc relinquit in arbitrio legatarii, nec admodum curat si dederit, vel non dederit: unde etiam placet hodie ex hac l. 2. etiam ex conditione esse petitionem fideicommissio. si conditio sit concepta verbis modalibus, quod notandum, hoc modo, lego Titio fundum, ut det Cajo decem, verba sunt modalia, ita est, sed accipientur pro conditione, si testator voluit conditionem facere, non modum, quoniam conditionem facit voluntas sola, non verba, l. in conditionib. §. 1. ff. de cond. et dem. l. 2. ff. de his quæ pœn. Atque ita conditio concepta verbis modalibus facit fideicommissio, quia quæ ita concipitur conditio, plane indicat eam voluntatem defuncti, qui omnino velit Cajo dari 10. Itaque Cajo competit actio, quod significat l. 2. in illo loco, sive ad conditionem, sive ad modum respiciat: id est, sive verbis modalibus usus modum facere voluerit sive conditionem, ex his verbis fideicommissio petitio est statim, nisi quæ alia sit conditio adscripta, ut si ita legavit: lego Titio fundum ut Cajo det 10. si navis ex Asia venerit, nec enim Cajo competit actio antequam navis ex Asia venerit. Et ita sunt accipienda illa verba l. 2. videlicet in conditionibus post exitum earum. Atque ita videtur perspicua l. 2.

JACOBI CUJACII J. C.

Ad Lib. VI. Codicis

RECITATIONES SOLEMNES.

Ad Tit. XLVI. De conditionibus insertis etc.

Legatis, et fideicommissis vel causa inseritur, vel modus, vel conditio. De causa fuit tit. 44. de modo 45. de conditione est hic tit. Et additur in eo, et libertatibus, propter l. ult. quæ est de statutis libertate id est, de libertate data sub conditione. Conditio quid est? Conditio est casus collatus in futurum, qui evenire, vel non evenire, vel aliter evenire potest: vel conditio est causa

apposita legato, qua existente, legatum debetur, deficiente, perimitur, suspensa, suspenditur. Et hoc distat a modo, sicut heri attingi, quod conditio repellat enim, qui statim agit de legato antequam ea extiterit, modus autem non repellat, sed admittat legatarium cautione oblata modum impletum iri, l. eas causas, ff. de condit. et demonstr. Ita tamen ut legatarius, qui admissus est, quique legatum cepit nondum modo impleto, id retinere non possit, nisi modum impleat, et cautioni satisfaciatur l. 1. tit. sup. atque ita modus ut Græci ajunt recte, habet τὰ τῆς ἀπώλειας; ἀπορρίπτειν, id est, effectus conditionis: non tamen per omnia modus pro conditione semper observatur, cum statim agentem non repellat, videlicet si modus ita sit conceptus, illi fundum illum do, lego, ut det Cajo decem. Sed si modus ita sit conceptus, illi fundum illum do, lego, si Cajo dederit 10. per omnia pro conditione observatur, d. l. 1. tit. sup. et d. l. eas causas. Et ex ea scriptura, si Cajo dederit 10. fideicommissio petitio non est Cajo: sive testator modum, sive conditionem facere voluerit. At ex illa scriptura, ut det Cajo 10. Cajo est fideicommissio petitio, sive testator modum, sive conditionem facere voluerit, ex l. 2. tit. sup. quæ notatu dignissima est. Ergo modus aliquando per omnia pro conditione est, pro ratione concipiendi ejus, vel conscribendi, et inserendi legatis, aut fideicommissis. At sicut falsa causa, et falsus modus non perimit legatum, ut heri docuimus, ita etiam falsa conditio non perimit legatum. Et falsa ea conditio est, qua impossibilis est, l. cum tale, §. falsam conditionem, ff. de cond. et demonstr. Possibilis quoque conditio, etiam si non eveniat, non existat, non impleatur, aliquando non perimit legatum, quia sunt quædam conditiones, quæ remittuntur, id est, pro nullis habentur, perinde atque si essent impossibiles, ut conditio viduitatis, de qua in tit. 40. sup. et conditio jurisjurandi, et conditio turpis, l. 8. ff. de condit. inst. l. non dubitamus, de condit. et demonstr. Et conditio divortii, l. 6. sup. de inst. et subst. l. 8. ff. de usu, et hab. Titius lego illum fundum si a marito diverterit, etiam si non diverterat a marito, admittetur ad legatum, quia conditio divortii remittitur, propterea quod est contra bonos mores. Et hoc pertinet species l. 2. h. lit. satis obscura, sed quæ expediri dilucide atque perspicue poterit hoc modo: Pater filiam heredem scripsit, quæ jam nupsit viro: et Cajo per fideicommissum reliquit 10. millia in diem certam: et jussit ut filia ante diem eidem Cajo caveret fideicommissum nomine sua die pecuniam Cajo dari, adhibitis fidejussoribus, sub conditione scilicet, si a marito non diverterit, voluit filiam subire onus cautionis,

sive satisfactionis, si in marito non diverteret, non subire si diverteret: atque ita in hunc casum, si diverteret, remisit ei cautionem fideicommi. quæ ex constit. D. Marci remittitur quocunque iudicio voluntatis defuncti, l. 2. inf. ut in poss. leg. l. avia, §. ult. de condit. et dem. Post mortem patris filia a marito non divertit, quæritur an debeat cavere Cajo fideicommi. nomine? Et ait eam Cajo cautionem fideic. præstare debere, non tam ut pareat voluntati patris, quam ut pareat juri publico, id est, edicto Prætoris, ut legatorum, vel fideicommi. nomine caveatur. Nam et si potuit non diverterendo facere contra voluntatem patris, qui indixerat divortium contra bonos mores, non tamen potuit non cavendo facere contra edictum prætoris simul, et contra voluntatem patris: et longe est alia ratio, ne quis hoc abiciat, ut l. 2. ostendit, legati, aut fideicom. relictæ mulieri sub conditione divortii: nam et quæ non divertit admittitur ad legatum: alia autem ratio est legati, aut fideicommi. alii relictæ, cujus cautio filie hæredi remissa est sub conditione divortii, quia si non divertat, non liberatur onere cautionis quoniam, ut ait l. absurdum est, id est, incongruum, et inconveniens eam non obtemperare edicto prætoris: quod etiam non obtemperet voluntati patris: utrumque enim negligere non potest, sed voluntatem patris solam. Et hæc est sententia l. 2. Et de conditionibus, quæ remittuntur hactenus. Conditiones: quæ non remittuntur, si per legatarium, aut fideicommi. fiat quo minus impleantur, legati, aut fideicommi. petitio non est, in l. 3. et 4. h. l. Sed si per legatarium non fiat quo minus impleatur conditio, sed per eum, in cujus persona implenda est, ut si talis sit conditio, si cum matre sua moretur, et mater nolit eum excipere hospitio: vel talis, si L. Titio nubat, et L. Titius nolit eam habere in uxorem, conditio pro impleta habetur, sicut modus legati, ut nubat L. Titio, pro impleto habetur, si stet per L. Titium, l. 1. tit. sup. l. 3. sup. de instit. et substit. vel etiam si sit talis conditio, si Cajo decem dederit, et Cajo oblata 10. congruo loco et tempore, noluerit accipere, conditio pro impleta habetur, l. ult. D. hoc tit. Et quod notandum, Cajo penitenti locus non est, id est etiam si postea mutata voluntate paratus sit decem accipere, non erit necesse ei 10. dare, quia conditio pro impleta habetur, et conditio, quæ impleta est, vel impleta intelligitur, non resumitur, l. 3. §. Stichus, D. de stat. lib. l. pater Severinam, §. ult. D. de cond. et dem. l. qui tam, D. de fid. libert. Et hoc est, quod ait l. ultim. hujus tit. quod semel repudiatum est, id est enim, quod quis semel noluit accipere ab eo, qui offerebat conditionis implendæ causa, redintegrari non posse.

Habetur etiam conditio pro impleta, si is, in cujus persona implenda est vivo testatore decesserit, cum testator eam impleri voluit post mortem suam: ut si talis sit conditio, si Cajo 10. dederit, mortuo Cajo vivo testatore, extilisse conditio intelligitur, et debetur legatum: mortuo Cajo post mortem testatoris antequam legatarius ei daret 10. decessisse intelligitur, et legatum non debetur, l. cum ita datur §. diversa, D. de cond. et dem. et simili modo hæc conditio, si L. Titio nubat, mortuo Titio vivo testatore debetur legatum, mortuo autem Titio post mortem testatoris, cum per eum non staret quo minus nuptiæ fierent, legatum non debetur, l. qui ex fratribus D. de cond. inst. Et ita est accipienda l. 4. hujus tit. ut l. in testam. 2. de cond. et dem. Et simili modo hæc conditio, si cum matre moretur, mortua matre vivo testatore, quo tempore noluit testator conditionem impleri, legatum debetur, l. annua, in princ. D. de ann. leg. Mortua autem matre post mortem testatoris, cum per eam non staret quo minus cum ea moraretur, legatum non debetur, quia conditio deficit, l. Stichus, §. ult. D. de alim. leg. Eadem est ratio l. turpia, §. 1. de leg. 1. et l. filia, de cond. et dem. Titius illam rem do, l. go, si arbitrato L. Titii nupserit, scilicet post mortem meam: mortuo Titio vivo testatore debetur legatum, etiam si nubat suo arbitratu post mortem testatoris inconsulto Titio, qui obit vivo testatore: mortuo autem Titio post mortem testatoris, cum nondum illa nupsisset consulto Titio, ipso jure legatum non debetur, sed sustinetur tamen, non quidem ex verbis, sed ex sententia L. Juliae Miscellæ quæ excludit omnem conditionem, atque remittit, quæ impedimentum adfert nuptiis. Et hæc si arbitrato Titii nupserit, videtur impedimentum aliquod adferre nuptiis, ut necessario impleri non debeat auctore Papinian in l. cum tale, §. si arbitrato, D. de cond. et demon. Summa rei hæc est. Conditionem haberi pro impleta, si per eum, in cujus persona implenda est, fiat quo minus impleatur, vel si is, in cujus persona implenda est vivo testatore decesserit: nam nondum implenda erat conditio. Quæro an etiam conditio habeatur pro impleta cui casus fortuitus impedimento fuit ne impleretur? Finge: hæc est conditio, si Cajo dederit 10. et cum proficisceretur ad Cajum cum pecunia, vi hostium, et latronum erepta ei pecunia est, an conditio habeatur pro impleta? Minime: imo Cajo 10. adnumerare oportet antequam possit admitti ad petitionem legati, cui relictum est sub conditione dandi 10. Cajo. Aliud tamen constituitur favore libertatis in l. ult. hujus tit. cui suffragatur etiam l. libertate, D. de testam. liber esto, si hæredi dederis 10. potest dare ex peculio suo, in l. 3. §. ult. D. de condict. caus. dat. vel, liber esto,

si heredi dederis servum vicarium, qui peculiaris est, in peculio, vel, si ei dederis peculiarem: hic cum proficisceretur ad heredem secum adferens pecuniam, vel rem, vel adducens servum vicarium, interceptus est a latronibus, et erepta est ei ea pecunia, vel ea res: nihilominus statim competit libertas, sed post libertatem cogitur eam pecuniam heredi solvere, aut eam rem, si extet, vel ejus estimationem veram, vel servum vicarium, si extet, aut ejus estimationem, quam taxat Justinianus ad aureos 15. minoris pretii sunt vicarii quam ordinarii, et taxat estimationem servi, quoniam plerumque difficilior est hominis æstimatio. Itaque receptum hoc est favore libertatis, alioquin non competit petitio legati ei, cui casus fortuitus impedimento fuit quo minus conditionem impleret, si nihil moræ fuerit per eum, in cujus persona implenda conditio erat. Et jam adest finis hujus tit. si modo notemus prius, ne quid prætermittamus ex l. 1. aliquid de hac conditione, si sine liberis decesserit: hæc conditio intelligitur de liberis procreatis ex justis nuptiis, non ex concubinato, non ex stupro, ut in l. generaliter, §. ult. sup. de instit. et substit. et intelligitur de liberis justis igitur, non tantum qui sunt in familia, et in potestate nostra, ut filius, et nepos ex filio, sed etiam de his, qui non sunt in familia nostra, sed in familia aliena, ut nepos ex filia, qui non est in familia avi materni, sed patris sui: nam non videtur decessisse sine liberis, qui reliquit nepotem ex filia, quia reliquit justum nepotem, et legitimum nec necesse est ut et in sua familia fuerit. Igitur deficit conditio fideicommissi relictæ ab herede sub conditione, si sine liberis decesseret, quia qui reliquit nepotem ex filia justum et legitimum non decessit sine liberis. Et hæc est sententia l. 1. atque etiam l. jubemus, §. ultim. infr. ad Trebell. Et postremo notandum ex l. pen. novam esse Constitutionem Justinian. quæ abrogat jus vetus: quæ quidem differentia erat inter conditionem faciendi, et conditionem dandi. Dicamus primum de conditione faciendi. Pluribus fabris, finge, legatur aliquid sub conditione si monumentum faciant, vel pluribus pictoribus sub conditione, si membrum ædium pingerent, unus fecit monumentum, atque perfecit, altero cessante, queritur, ille qui monumentum fecit, an solus admittatur ad legatum, excluso socio? an vero admittatur cum socio ut quod fecit, et sibi, et socio prosit? an vero nullo modo admittatur? quia verum est plures non fecisse monumentum, atque ideo videtur defecisse conditio, cum unus fecerit, non plures. Et Ulpian. quem nominat in hac l. pen. non definit hanc questionem, sed scripsit esse questionem voluntatis, cujus disquisitio pertinet ad judicem, non ad J. C. hoc scripsit l. 13. ff. de mun. test. Imo alius J. C.

abscissus scripsit in l. pen. in pr. ff. de cond. et demon. Conditionem illam si illi fecerint monumentum defecisse videri, nisi omnes simul fecerint. Ergo et unum, qui fecit non admitti ad legatum, nisi apparent liquido eam fuisse voluntatem defuncti. Sed hoc omne mutat Justinian. in hac l. penult. et vult, ut is, qui perfecit monumentum solus admittatur ad legatum exclusis sociis, et ut solidum legatum capiat: quod obtinuit etiam in conditione dandi hoc modo: legavi pluribus, si heredi decem dederint: unus si dederit 10. capiet integrum legatum cessante altero, vel si dederit tantum 5. capiet partem legati, vel si plures servos liberos esse jussit sub conditione si 10. dederint: qui dederit 5. solus liber erit, et multo magis si dederit 10. in l. si quis legata, §. ult. et l. cui fundus, ff. de cond. et demon. l. 11. §. 1. ff. de mun. testam. Atque ita nihil interest inter conditionem dandi, et conditionem faciendi, nisi quod conditio faciendi non potest dividi, id est, pars facti non potest præstari: non videtur fecisse, nisi qui perfecit: conditio dandi potest dividi, impleri, id est, pro parte.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. XLVII. De Usuris, et fructibus legat. seu fideicommissi.

Hic t. ostendit legata, et fid. iis, quibus relicta sunt, sine mora et frustratione esse præstanda, alioquin ex mora deberi relictarum pecuniarum usuras, et ceterarum rerum fructus, vel quæ fructuum vicem obtinent, ut operas servorum, aut mercedes operarum, et vecturas jumentorum, aut navium, et pensiones prædiorum rusticorum, et urbanorum, atque etiam ancillarum relictarum portus, licet ii in fructu non habeantur et hoc ostenditur etiam in l. 39. §. fructus, ff. de leg. 1. l. generaliter, §. proinde, ff. de fid. libert. Ac præterea ex tempore moræ periculum rei per legatum relictæ, aut per fideicommissum pertinet ad heredem, vel alium, a quo legatum, vel fideicommissum relictum est, sive res pereat, sive deterior fiat, l. 3. hoc tit. et d. §. fructus, et l. cum res, §. ult. et l. si servus legatus, §. si servus legatus, ff. de leg. 1. periculum non pertinet ad legatarium, cui et rei peremptæ integra petitio est, quia perit post moram heredis, post culpam heredis. Moram fieri non ex die mortis testatoris, quoniam non ita protinus sunt præstanda legata, aut fi-

fideicommi. sed moram fieri ex litis contestatione, ajunt Constitutiones hujus tit. l. 1. 2. et 4. et l. *quasi*, §. ult. ff. de legat. 1. videlicet si is, a quo legatum relictum est litigare malit, quam præstare legatum, tum plane est in mora, ut ait l. *nemo*, §. ult. ff. de verbor. oblig. Neque enim qualibet interpellatio constituit debitorem in mora, sed repetendi debiti instantia, ut ait l. *mora*, de usur. sive repetitio, quæ fiat per judicem lite contestata cum adversario: nam etsi vix unquam perveniatur ad judicem, et lis contestetur apud eum nulla mora præcedente, ut ait l. 3. ff. de usur. et illo loco Græci rectissime, οὐκ εὐχεσθῆς πρὸ ὑπερδίκης δίκην λήγειν, id est, non facile licet movetur ante moram, constituiturve, quum scilicet sit causa exposcendi adversus debitorem: tamen ratio moræ cortius ducetur ex die litis contestatæ, et ideo hic potissimum dies notatur, quo certo reus sit in mora, qui judicium accipit, nec bonam fidem agnoscit in ingressu judicii. Non inficior tamen etiam ante litem contestatam moram fieri posse in præstando legato, aut fideicommi. ejusque rationem haberi si certo haberi possit, et ex eo die, quo certo argui mora potest, etiamsi nondum sit lis contestata, heredem obstringi necessitate præstandarum usurarum, et fructuum, veluti a nota controversia instanter, et continuo sine intermissione, etiamsi nondum sit perventum ad judicem: et ita ut SC. Adrianum de petitione hereditatis, quod facit tantum mentionem litis contestatæ, tamen trahitur a JC. etiam ad motam controversiam, quæ præcedit litem, l. *sed et si lege*, §. *si ante litem*, ff. de pet. her. Ita quod est in Constitutionibus hujus tit. ex die litis contestatæ deberi usuras, et fructus legatorum, potest etiam porrigi ad diem motæ controversiæ instantis, atque continue, si ex eo non minus ratio moræ duci possit, atque coargui, quam ex lite contestata: et hoc ita, nisi is, a quo legatum, vel fideicommiss. relictum est, habeat justam causam controversiæ, vel litigandi. Hic enim moram facere non videtur, etiamsi litem contestetur, qui juste provocat ad judicium, l. *qui sine dolo*, ff. de reg. jur. l. *si quis solutioni*, ff. de usur. ut puta si juste dubitetur utrum lex Falcidia locum sit habitura, nec ne, quæ minuat legata, et fideicommissa, atque ideo an solidum legatum, quod petitur præstari debeat, forte quod nondum sit bene comperta quantitas bonorum defuncti, aut quantitas reris alieni, quod semper prius deducitur, quam satisfiat legatariis, aut fideicommissariis: hoc casu non videtur hæres, qui litigat moram facere, qui bona fide litigat, et ratione justa in l. 3. ff. de usur. l. *qui solidum*, in pr. ff. de leg. 2. Et ideo si ita juste litigavit cum nimium urgeretur a lega-

tario, nondum explicatis rationibus hereditatis, et peregerit litem, etiamsi forte condemnatus fuerit, immunis erit a pendendis usuris, vel fructibus legatorum si sententiæ pareat. Sed si post dictam sententiæ, et tempore judicati, quæ judicatis, et condemnatis dantur, id est, post justos dies, ut est in 12. tab. qui erant 30. dierum, hodie sunt 4. mensium judicato faciendo: si, inquam, post tempore judicati moram fecerit in solvendo legato, aut fideicommi. accedet onus usurarum, et fructuum a tempore litis contestatæ, licet ratio ei fuerit litigandi, quia post condemnationem recessit a bona fide: accedent, inquam, usuræ, et fructus a die litis contestatæ in diem dictæ sententiæ: nam tempora judicati, quæ dantur humanitatis gratia condemnatis, erunt immunis a pendendis usuris, et fructibus, quæ est sententiæ d. l. 3. ff. de usur. et hoc cum bona fide litem suscepit, puta cum non esset certum an locum haberet Falcidia. At si hæres moratur solutionem legali sub prætextu Falcidiæ, fingens nondum sibi liquere quantumcumque sit in bonis, quantum in ære alieno, dolo malo, inquam, morandæ solutionis causa, lex 2. hujus tit. quæ est elegantissima, docet hunc ordinem servari hoc casu, ut lite contestata legatarius, vel fideicommissarius caveat datis fidejussoribus, quod amplius quam per l. Falcid. liceat ceperit, reddi. Qua satisfactione præstita, mox prætor fideicommissarius compellet heredem ei præstare solidum legatum, vel fideicommissum. Quod si fideicommissarius non possit ea de re satisfacto cavere, quod non inveniat fidejussorem, ut plerumque fidejussorum datio difficilis, et molesta est, l. *omnes*, §. *præterea*, sup. de Episc. et cler. tum Prætor fideicommissarius deficiente satisfaciendi facultate, sive copia, dabit arbitrium, non ad cognoscendum de fideicommissio, sed ad incundam rationem bonorum defuncti, et reris alieni, ponendamque rationem l. Falcidiæ, ad excutiendam hæc omnia, et certum diem præfuiet, intra quem veniat hæres ad excutiendam rationem legis Falcidiæ, et eo præsentem excutiet, tum relata re omni ad Prætores fideicommissarium, de fideicommissio prætor pronuntiabit, vel si forte hæres non venerit ad diem conditam, quod semper moretur solutionem, quod moras trahat, et frustretur, tum Prætor fideicommissarius condemnato heredem, jubebit solidum fideicommissum præstare, sine diminutione cum onere usurarum, et fructuum propter moram hæredis a die litis contestatæ in eum diem, quo fideicommi. solvetur, ne tempore quidem judicati faciendi immuni ab usuris, et fructibus, ut d. l. 3. de usuris. Atque ita eveniet, ut satisfactio remittatur legatario, vel fideicommissario et ut ea non præstita, cum ambigitur de lege Falcidiæ, solidum legatum capiat, cum ei difficile est invenire

fidejussores, et cum paret, sive liquet judici hæredem exigere satisfactionem morandæ solutionis causa scientem legatarium vix reperturum fidejussorem. Nam hoc casu satis erit si legatarium probeat se per quam sollicite egisse, ut inveniret fidejussorem, et daret, ut dicitur hodie in foro, *s' il fait paroître de ses diligences*, atque ita remittitur ei satisfactio, quod amplius, quam per, etc. in *l. 6. D. si cui plus quam per l. Falcid.* ac simili ratione in *l. 2. inf. ad l. Cornel. de fals.* si agente creditore ex chirographo debitor morandæ solutionis gratia, objiciat falsum esse chirographum, nihilominus cogetur statim solvere solidam pecuniam, quæ chirographo comprehenditur, dilata questione criminis falsi, ne negotium trahentibus pateat aditus ad conclamationes istas, et frustrationes. Et ita explicanda *l. 2. h. t.* observandum in ea *l. 2.* ut jam attigi supra, a Prætoris fideicommissario non fuisse datum arbitrum ad rem judicandam, sed ad inveniendam rationem Falcidiæ, *pour compter*, qui dicitur arbiter, et judex *l. Falcid. l. 1. §. cum dicitur, D. si cui plus quam per l. Falcid. l. si debitor, et l. cum Titio, D. ad l. Falcid.* quis nondum potuit dari arbiter, vel judex in causa fideicom. ad rem judicandam, sed judicium, sive cognitio fuit extra ordinem solius Prætoris, qui fideicommissarius dicitur, cujus meminit, *l. 2. hoc tit.* atque etiam *l. 2. inf. qui pot. in pign. hab. l. is cui legatum, de cond. et dem. l. questum, §. pen. de leg. 3.* Et postremo notandum est ex eo, quod disimus quodque totus hic tit. demonstrat, legatis, et fideicommissis, usuras, et fructus accedere ex mora: ex eo, inquam, non esse generaliter colligendum, actionibus bonæ fidei, in quibus constat usuras venire ex mora, comparari per omnia actionem legatorum, vel fideicommissorum, quæ non est bonæ fidei, sed stricta, si agatur in personam: Nam actio ex testamento est stricta, *l. 6. D. de in lit. jur.* vel est arbitraria, si agatur in rem: nam omnis actio in rem est arbitraria, *l. qui restituere D. de rei vind. c.* hoc ergo dico, quancunque actione agatur de legato, aut fideicommissio, neque eam esse bonæ fidei, neque generaliter similem esse actioni bonæ fidei: similis tantum est, quatenus et actionibus legatorum usuræ veniunt ex mora. Quo respectu etiam comparantur actionibus bonæ fidei in *l. 34. D. de usur.* neque hoc novum est, ut actio stricta recipiat usuras ex mora: nam et actio ex pollicitatione, quæ competit Reip. cui quis quid pollicitus est ob honorem decernendum, vel decretum, recipit usuras ex mora, licet sit stricta actio, *l. 1. D. de pollicit.* Et similiter actio judiciali, ut constat ex *tit. de usur. rei jud.* Similis est etiam actio legatorum actioni bonæ fidei in eo quod si, is, cui debetur sit minor 25. an-

nis ex decreto, et Constit. Severi Imp. si sit mora in rem, etiam si non interpellat debitorem: minori sit mora reipse sine interpellatione debitoris, id est, ex solo tempore tardioris solutionis. Et hoc est commune omnium actionum, *l. 3. sup. in quibus caus. in integr. restit. l. Titio, §. 1. de leg. 2. l. cum vero, §. apparet. ff. de fid. lib.* Dissimilis autem est actio legatorum ab actionibus bonæ fidei, quod attinet ad fructus: nam actiones bonæ fidei etiam ante moram recipiunt fructus, *l. videamus, §. pen. ff. de usur.* dum sit in actionibus bonæ fidei omnimodo fructus venire, id est sive percepti sint aut percipiendi fuerint ante moram, vel post moram, quia ex bonæ fidei agitur, et id solum petitur, quod ex bonæ fidei præstari æquum est. Et bonæ fidei nomen sonat latissime, ut Q. Scævola dicebat, id est, comprehendit etiam fructus rei, et omnem causam, imo et usuras, quas præstari æquum est. Ceterum non est æquum usuras præstari nisi post moram mulandæ moræ gratia. At fructus non ex mora tantum veniunt in actionibus bonæ fidei, sed et præteriti temporis: at ut didicimus in actionibus legatorum, aut fideicommissorum fructus tantum veniunt ex mora. Atque ita non est per omnia similis actio legatorum actioni bonæ fidei.

JACOBI CUJACII J. C.

In Lib. VI. Colicis

RECITATIONES SOLEMNES.

Ad Tit. XLVIII. De incertis personis.

Sequitur tit. 48. de incertis personis, id est, de legatis, aut fideicommissis, aut hæreditatibus, aut libertatibus, aut tutelis datis incertis personis. Et incertas personas vocat, quas testator ignorat quales futuræ sint, ut si hæredem instituerit eum, qui prius ad suum nomen veniret, vel eum, qui prior Consul designaretur, et si ei legaverit. Agitur etiam sub hoc tit. de posthumis, quoniam et hi incertis personis adnumerantur, ob id ipsum, quia non sunt. Agitur etiam in hoc tit. de incertis corporibus, qualia sunt civitates, municipia, collegia. Horum enim nullum est certum corpus, ut nec civitas, aut collegium sub aspectum cadat, sed intellectu abstrahatur, et comprehendatur. Sed perit Constit. Justiniani, quæ fuit Græca posita sub hoc tit. de incertis personis: certe nondum venit in manus meas, si venisset, et venisset in omnium utraque lingua, ut pleræque aliæ. Jure autem veteri, quæ relictæ erant incertis personis, vel incertis corporibus, ut intelligere licet ex Institutioni-

bus, non valebant, nisi relictæ essent sub certa demonstratione: incertis personis, ut hoc modo, sicut tradit Ulp. *lib. regularum, Ex cognatis meis, qui nunc sunt, qui primus ad funus meum venerit, illi illum fundum do, lego*, incerta est persona, cui legamus, quia ignoramus quis primus venturus sit ad exequias, et solemnia mortis, scilicet certa demonstratio, nempe illa *ex cognatis meis, qui nunc sunt*, facit, ut consistat legatum, quod non ita vagetur sub incerto, ut vagaretur omnia certa demonstratione. Et recte Ulp. adjicit, *ex cognatis, qui nunc sunt*: nam posthumis cognatis non potuit legari, ut infra ostendam, quia sunt alieni posthumus. Item notandum nihil quidem relinqui posse utiliter incertis personis nec libertatem, sed tamen conditionis implendæ causa etiam incertis personis dari oportere, ut si quis ita dixerit: *hæres esto, si ei qui primus ad funus meum venerit, dederis* 10. Observare debet hæres, quis veniet primus, ut in eo impleat conditionem dandi, alioquin non erit hæres, l. 4. ff. de reb. dub. quia scilicet is, cui datur conditionis implendæ causa neque est legatarius, neque fideicommissarius, l. 3. ff. si quis omiss. Denique hoc genere incertæ personæ non legatur mortis causa capio, puta quod datur conditionis implendæ causa, neque legatum est, neque fideicommissum: notandum etiam, quod et si legatum relictum incertæ personæ peti non possit, retineri tamen potest, si sit solutum per errorem, nec soluti repetitio est, §. incertis autem personis, Instit. de legat. Denique legatum incertæ personæ relictum, fuit in retentione, non in petitione. Et hoc pertinere opinor l. ex quibus causis, ff. de condict. indeb. Ex quibus causis retentionem quidem habemus, petitionem autem non habemus ea si solverimus, repetere non possumus. Causæ hujusmodi sunt complures. Qui vicit ex injusta sententia retentionem habet, non petitionem, l. 3. §. ult. ff. de pign. Item possessor, qui juravit rem petitoris non esse, ex illo iurejurando habet retentionem, non petitionem, l. et non tantum, §. veniunt, ff. de petit. hered. Item, qui in alieno solo ædificant, habent sumptuum nomine retentionem, non petitionem l. Paulus, ff. de doli except. l. 14. ff. comm. divid. Et olim quoque Falcidie fuit retentio, non petitio, ut dicemus in l. ult. inf. ad l. Falc. Et constat naturale debitum esse in retentione, non in petitione. Itemque divorlio facto ætas propter liberos esse in retentione, non in petitione, ut discrete scribit Ulpian. *lib. Reg. tit. de dot.* Et ita legata quoque relictæ incertis personis sunt in retentione, si forte solvantur, non in petitione, quia ab initio jure civili inutilia sunt, et ut ait illa l. ex quibus, ex quibus causis retentionem habemus, non petitionem, ea si solverimus, repe-

tere non possumus. Prima fronte illius regulæ hic videtur esse sensus, ut mihi debita, quæ retinere possum, non petere, si solvam, repetere non possum: quo sensu, si solvam, id est, si ea non retineam, nec enim proprie solvo, quod mihi debetur, sed quod ego debeo. Itaque improprie dicit si solvam, vel si solverimus, et confirmatur ille sensus l. si in area de cond. ind. Sed ut nulla sit improprietas, et ne verbum, solvo nove usurpetur, et inusitate, quasi solvam, quod mihi debetur, cum id non retineo, propius vero esse videtur, ut eam regulam sic accipiamus. Mihi debita, quæ retinere possum, non petere, si mihi solvantur per errorem, ut is, qui solvit ea repetere non possit, quia utar jure meo, si ea mihi solverit, id est, jure retentionis, quod solum mihi competit. Et ita interpretemur verba hujus regulæ. Ex quibus causis retentionem habemus, peti non habemus, videlicet si alii ea nobis debeant, ex iis causis ea si non aliis debeamus, et solverimus, repetere non possumus, ut si legatum relictum incertæ personæ solvamus, puta ei, qui primus ad funus venit, licet per errorem solvamus, id repetere non possumus, quia etsi non habuit legati petitionem, tamen habet retentionem, d. §. incertis. Ergo incertæ personæ legatum relictum non est in petitione: idemque est in hereditate: nam incerta personæ hæres institui non potuit, quia certum esse debet consilium testantis. Et sunt hujus juris vestigia etiam in Pand. l. 9. §. hæres, ff. de hered. institut. l. sciendum, de verborum signif. Posthumus quoque non semper legari potuit, aut non omni jure. Posthumus aut est suus, aut alienus, sive extraneus. Suus est, qui natus nobis est futurus inter suos hæredes, veluti filius. Alienus, qui natus non est nobis futurus suus hæres, licet sit agnatus, vel cognatus. Et posthumus quidem suo legari potuit, idemque hæres institui potuit jure civili, aut l. Julia Velleja. Posthumus autem alieno legari non potuit, quasi incertæ personæ: fideicom. tamen relinqui potuit, l. 3. §. ult. ff. de reb. l. 2. in prin. ff. de jure cod. Posthumus quoque alienus jure civili institui non potuit, jure Prætorio institui potuit, et admitti ad bon. poss. secundum tab. non etiam adire hered. jure civili, l. posthum. ff. de inoff. test. l. 1. §. si filius in adopt. et l. extraneo, ff. de vent. in poss. l. 3. ff. de bon. poss. ser. tab. §. 1. Instit. de bon. poss. et §. posthum. de leg. Ergo posthumus nec jure veteri per omnia fuit habitus pro incerta persona, quamvis nondum sit, et nesciatur an futurus sit, aut quis futurus sit, an homo, an monstrum, et paulatim etiam postea discessum est a veteri jure in quibusdam: nam Senatusc. concessum est, ut civitas posset hæres institui a libertis civitatis, l. 1. ff. de lib. un v. Et

alio Senatusc. ut civitatibus omnib. quæ essent sub imperio pop. Romani fideicom. hæreditas relinqui posset, *l. omnib. ad Treb.* Et alio Senatusconsulto, ut et collegiis licitis, et corporib. legatum, aut fideic. speciale, aut universitatis relinqui possit, *l. cum S. natus, de reb. dub. l. 5. tit. seq.* Et certatim deinde Constit. principum Christianorum, ut et Ecclesiæ relinqui possit, et pauperib. id est corpori pauperum civitatis, et captivis, ut redimantur ab hostibus, *l. 1. et l. generali, sup. de sacros. Eccles. l. id quod, l. nulli, l. si quis ad declinandum, sup. de Episc. et Cler. et Nov. 131.* Et tandem generaliter Constit. hujus tit. Justinian. decrevit valere legata relicta quibuscunque incertis personis, aut corporibus licitis, et collegiis licitis, et posthumo alieno, quin et posthumum alienum hæredem institutum, non tantum jure prætorio ad bona venire posse, ut olim, sed etiam sine auxilio prætoris hæreditatem adire posse jure civili. Et excepit Justinian. tantum tutorem: nec enim voluit incertam personam recte tutorem dari, quia certo consilio debet quisque de tutela posteritati sue consulere. et ita in *l. tutor incertus, ff. de test. tut.* Et hæc satis erit adnotasse ad hunc tit.

JACOBI CUJACII J. C.

In Lib. VI. Codicis

RECITATIONES SOLEMNES.

Ad Tit. XLIX. Ad Senatuscons. Trebellianum.

Hic tit. proprie pertinet ad hæreditates fideicommissarias, de quibus jam actum est supra multis locis in tit. de fideicommissis, quia non est tantum de fideicommissis specialibus, sed etiam de fideicommissis hæreditatibus. Et de iis duo fuerunt Senatusconsulto, Trebellianum et Pegasianum quorum differentia luculenter explicatur in Instit. et in Reg. Ulp. tit. de fideicommissis, et in Sent. Pauli tit. de Senatusc. Pegas. Prius fuit Senatusc. Trebel. cum nondum lex Falcidia pertineret ad fideicommissa, sed ad legata tantum. Posterius fuit Senatusc. Pegasian. ex quo *l. Falcid.* porrecta est etiam ad fideicommissa, vel specialia, vel hæreditatum, §. *sed quia hæredes, Instit. de fid. hered.* quod significat articulus hodie in *l. 1. §. hodie, ff. si cui plus qu. per l. Falcid. Trebel. Senatusc.* fuit de transferendis omnibus actionibus ab hærede rogato restituere hæreditatem, licet jure ipso hæres permaneat in fideicommissarium: omnibus actionibus tam activis, quam passivis, id est, quas hæres habet, vel quibus obstrictus est. Et placet ratio Senatuscons. quæ proponitur in

l. 1. ff. ad Treb. cum esset æquissimum, inquit, in omnibus fideicommissariis hæreditatibus, si qua de his bonis judicia penderent, ex his eos subire, in quos, jus, fructusque transferretur potius, quam cuicumque periculosam esse fidem suam. Ubi primum in initio. Senat. dum ait, cum æquissimum esset in omnibus fideicommissariis, hæreditatibus, illud, fideicommissariis, est irreptitum, quoniam intelligit de omnibus hæreditatibus, sive directo nobis obveniant, sive restituantur nobis, sive cedantur in jure. Nam et hæreditas in jure cedi potest, ut Servius *lib. 3. Æneid.* Cedere, inquit, est verbum juris, nam cedi hæreditas dicitur, et Ulp. *lib. reg. tit. de dominiis.* Itaque primum ajo verbum fideicommissariis, abundare: deinde quero, quid sit in illo Senatusc. ex iis eos subire: quid hoc est ex iis, et opinor legendum, ex *12. tabul.* vel ex *12. simpliciter*, ut alias ostendi *l. de legibus circa finem, nec Mamiliæ lege singuli, sed ex iis tres arbitri fines regemus: ita esse legendum ex 12. tres arbitri fines regemus sacrati-que legibus, esse legendum, ut in veteribus 12.* Et sic etiam opinor in *l. 2. §. omnium, de orig. jur. omnium tamen harum esse scribendum, omnium tamen 12. tabul.* et confusus est error ex notis: quæ ratione sit confusus, ore non possum exprimere, manu facile possim: et cuique cupienti ostendam. Auctoritate Justinian. Senatusc. Pegas. transfusus est in Trebell. adeo ut, quæ fidebant olim ex Pegasiano, veluti deductio Falcidiæ, hodie fiant, et fieri deantur et venire ex Senatuscons. Treb. atque ita dicimus hodie ex Senatuscons. Treb. ex fideicommissis detrahi quadrantem, id est, Falcid. s. hæres sponte adierit, et onera creditorum hæreditariarum dividi inter hæredem, et fideicommissarium pro quadrante, quem retinet, et dodrante, quem restituit. Ita ut hæres, quod solverit creditoribus pro dodrante, id a fideicommissario repetere possit, *l. 1. hoc t. vel si hæres non retineat quadrantem, sed restituat totam hæreditatem, omnia onera creditorum transferuntur in fideicommissarium, onera autem legatorum, vel fideicommissorum specialium semper pertinent ad fideicommissarium, quia ex quadrante, id est, ex Falcidia non delibantur legata, sed quadrans delibatur ex legatis et fideicommissis l. ult. hoc t. l. 1. §. ult. ff. eod. tit.* Et hoc si dodrans restituatur, vel as ex fideicommissis: nam si minor pars hæreditatis restituatur, puta, semis, non tantum onera creditorum, sed etiam onera legatorum dividuntur pro rata inter hæredem ex asse, et fideicommissarium semisarium, quæ est sententia *l. 2. hujus tit. et l. 1. §. qui minorem, l. etiam, §. 1. ff. ut legat. nov. cav. et l. 1. §. pen. ff. ad Treb.* Et ad hæc

notandum ex *l. 5. Senatusc. Treb.* locum esse, et *l. Falcidiae* non tantum si fideicommissaria hereditas reliquatur ab herede testamentario, sed etiam si reliquatur ab intestato ab herede legitimo, ut in *l. 3. et 5. hujus tit. l. 1. §. hoc autem, et l. recusare, §. 1. ff. eod. l. ult. inf. quand. dies leg. ced. Il y a en vostre glose, l. fideicommissum, il ne faut rien que. si. c'est à dire final. l. Filusfam. 18. D. ad l. Falcid. Et proponit *l. 3.* heredem legitimum ex asse rogatum restituere hereditatem Reip. et utile fideicommissum esse, licet sit relictum ab intestato. Et ex senatuscons. Trebel. olim Pegas. heredi, inquit; vel heredibus legitimis oneratis illo fideicommissio quartae partis, id est, Falcidiae, et fructus ejus restitutio competit, quoniam haeres retinet non tantum Falcidiam, sed etiam Falcidiae fructus semper, *l. mulier, §. si haeres, ff. ad Treb.* Sed quid est quod ait *l. 3. quartae partis, et fructus ejus heredibus legitimis restitutio competit, debuisset dicere retentio competit, et sane spuria est vox illa restitutio.* Et rectius legitur in aliis libris, *quartae partis, et fructus ejus institutio competit, nisi major retentio, quandoquidem non proponuntur instituti haeredes, sed legitimi haeredes, qui rogati sunt Reipub. restituere hereditatem.* Etiam mendum est in *l. 5.* in fine, in qua lege etiam ostenditur fideicommissum hereditatis recte relinqui ab intestato, et conventos legitimos haeredes de fideicommissio nihil obtinere posse ex SC. ultra quartam, deducto aere alieno, inquit, nam primum deducitur res alienum deinde ponitur ratio legis Falcidiae: et deducitur Falcid. si locus ei sit, *l. 6. tit. seq. et ultra hanc quartam, inquit, ut legendum est in fine, nihil obtinere posse praestiterit. Senatusc. scilicet, id est, Senatusc. non praestitit legitimo heredi, ut ultra quartam quicquam aliud obtinere possit, ubi obtinere, est retinere, ut in *l. 1. sup. de iis, quae sub modo, et l. cum fratre, sup. de iis quib. ut indig.* Et postremum hoc est ut adinoneamus, ex SC. Pegasiano hoc quoque esse translatum in Treb. ut haeres, qui suspectam hereditatem dicit, coactus adire hereditatem fideicommissariam periculo fideicommissarii, ne intercidat fideicommissum, non retineat Falcidiam, sed assem restituat, et omnes actiones transferat in fideicommissarium, et ita in *l. cogi, §. idem Marcianus, et l. si haeres, D. eod. l. articulo hodie* significatur hoc caput Senatusc. Pegasiani, quod etiam, ut dixi, Justin. transtulit in Treb. ut unum esset tantum Senatusc. de fideicommissariis heredit. et huc pertinet *l. 4. hoc l.* cujus species est elegantissima. Nepos aviam, et fratrem haeredes instituit ex parte, et aviam rogavit, ut partem suam restitueret Quintianae: avia repudiavit partem institutionis suae, ut scilicet accresceret alii nepoti, eademque cohære-**

Ton. IX.

di defuncti, nec perveniret ad Quintianam: ac deinde avia coactam a praetore, postulante Quintiana, hereditatem adivit, et priusquam pro haerede gereret, inquit, id est, priusquam ex hereditate quicquam attingeret eamque restitueret Quintianae (aditionem sequitur pro herede gestio, quod notandum maxime ex hac *l. 4.*) Si inquam, priusquam attingeret hereditatem, quam adivit coacta, eamque restitueret, vita decesserit, an intercidit fideicommissum, quod viva non restituit Quintianae? lex ait consistere fideicommissum, et a coherede, cui accrescit esse praestandum, maxime post Constitut. Severi et Antonini, quae vult, ut legata relicta ab instituto, videantur relicta a substituto, licet ab eo nominatim repetita non sint, vel etiam fideicommissa qualicumque: nam consequens est huic constitutioni, ut cohæres quoque quasi substitutus, vel exemplo substituti consequatur accrescentem portionem cohæredis cum onere fideicommissi, quasi legata relicta a coherede videantur repetita ab alio coherede, cui accrevit portio prioris. licet a posteriori non sint nominatim repetita, ut in *l. 16. §. 1. D. de leg. 1. l. mortuo 49. §. 1. l. si Titio 61. §. ult. D. de leg. 2.* Ex quo intelligitur verum esse, quod Azo dixit, Constitutione illa Severi et Antonini abrogari quod vetustiores juris auctores existimaverunt, puta Julianus et Celsus in *l. Celsus, §. ult. ff. eod.* videlicet accrescere portionem cohæredis sine onere fideicommissi, si ab eo quoque nominatim relictum non sit. Ita existimaverunt Julia, et Celsus, cum nondum prodixisset illa Constit. Sed hodie sententia Constitut. sequenda est, et observa diligenter in specie hujus *l. 4.* cohæredi accrescere portionem cohæredis, quia eam repudiavit, et accrescere statim a repudiatione, nec ei auferri, licet cohæres postea coactus adiret, non auferri scilicet ab herede cohæredis, qui postea coactus adiret, non auferri jure transmissionis, sed auferri jure fideicommissi a fideicommissario sine deductione, Falcidiae, quia cohæres, cujus portio ei accrescit, coactus adiret, et qui coactus adiret, amittit Falcidiam. Et ita exposuimus quinque priores leges hujus tit. atque etiam *l. ult.* Cum dicitur omnia legatorum pertinere ad fideicommissarium, cui dolans restituitur, quod quadrantem illibatum apud heredem remanere oporteat, et multo magis omnia legatorum, vel fideicommissorum, pertinere ad fideicommissarium, cui as restituitur, id est, tota hereditas, ut in specie hujus *l. ult.* ex praecepto testatoris, qui totam hereditatem restitui jussit, tota restituitur: ubi observandum est diligenter jam a tempore editae illius legis ult. Justin. parturisse id, quod palam biennio post edidit *Novel. 1.* scripta ad eundem PP. ad quem scripta est hanc *l. ult.* ne scilicet haeres detraberet Falcidiam vetante testa-

tae, nec contra voluntatem testatoris. Nam satis vetat Falcidia detrahi, qui jubet totam hereditatem restitui, ut *l. pœnnales*, §. ult. *D. ad leg. Falcid.* Brevis hoc dico, eam *l. ult.* esse certissimum indicium partitionis, id est, Novellæ, quæ biennio post edita fuit, ut Falcidia prohiberi possit: et nunc restat tantum ex hoc tit. *l. jubemus*, et *l. pœn.* Sunt duæ *ll.* celeberrimæ, et in usu frequentissimæ. Ad *l. jubemus*, sciendum est in primis, fructus medio tempore ab herede perceptos ex legato, aut fideicommisso relicto in diem, vel sub conditione, quia jure hereditario, et ex judicio defuncti percipiuntur, qui interim fructum omnem heredis esse voluit, et omnia, quæ ex judicio defuncti percipiuntur in quartam imputantur: et fructus igitur medio tempore perceptos in Falcidiam imputari, quæ detrahitur ex legato, vel fideicommisso quibuscunque. Et consequenter eos fructus Falcidiam submovere, et excludere, si tantum efficiant fructus, quantum quarta pars hereditatis officit, et fructus quartæ, quod ostenditur in *l. mulier*, §. *si hæres*, *l. in fideicommissarium*, et *l. deducta*, §. *ante diem*, *D. eod.* *l. l. Pup.* §. *unde si quis*, *D. de inoff. test. l. quod de bonis*, §. *fructus*, et *l. si iusfam. in fi* et *l. qui quadringenta*, §. *qui durante*, *D. ad l. Falcid.* Et est certissima regula juris, quæ locum habet in omnibus heredibus oneratis legato, aut fideicommisso relicto in diem, vel in cond. onem, ut fructus medii temporis, quos capiunt, sibi imputent in Falcidiam: et si non sufficiant Falcidiam, ut in tantum, quod deest, detrahant, et ut si superent Falcidiam fructus medii temporis, ut superfluum quod est sibi habeant, quoniam ita voluit defunctus, ut ante diem, vel conditionem fideicommissæ omnia commoda perciperent et tenerent: locum, inquam, hæc regula habet in omnibus heredibus, exceptis filiis: nam Zeno temp. in hac *l. jubemus*, excipit filios solos hæredes institutos. Itaque in filiis jus hoc singulare est, ut si onerati sint fideicommisso hereditatis, vel pecuniario, vel speciali relicto in diem, vel sub conditione in quartam Peganianam, ut dixerat veteres JC., ut corriguntur a Justinian. in quartam Trebellianam, quæ et generali nomine dicitur Falcidia, non imputent fructus medio tempore perceptos, etiamsi specialiter rogati, jussive fuerint a patre, vel matre eos fructus imputare in quartam: non omni præcepto parentis obtemperandum est, maxime dante lege licentiam non obtemperandi, et minuerite potestatem patris, sed ut filii retineant omnes fructus medii temporis, et hoc amplius detrahant quartam ex rebus ipsis, vel corporibus hereditariis, si hereditatem rogati sint restituere in diem, vel sub conditione, vel si rogati sint præstare fideicommissum speciale, ut lucri-

faciant fructus medii temporis: et præterea ex rebus ipsis fideicommissi specialis ferant quartam, si fideicommissum oneret hereditatem, aut si fideicommissa multa sint specialia, quæ onerent, vel exhauriant hereditatem. Et additur in hac *l.* idem juris esse, si filii hæredes instituti onerati sint legato, ut scilicet in quartam, quæ proprio dicitur Falcidia, cum deducitur ex legato, non imputent fructus medii temporis. Denique in nullam quartam filii heredes instituti imputant fructus medii temporis. Quod procedit non tantum si a filiis legata, vel fideicommissa extraneis relicta sint, sed etiam si ipsi filii hæredes instituti ex partibus, invicem substituti sint per fideicommissum, id est, si rogati sint, ut qui diem suum obiret sine liberis, partem suam superstitibus fratribus restitueret. Quam conditionem *si sine liberis diem suum obiret*, etiam Zeno in hac *l. §. pœn.* docet deficere, vel uno relicto filio, aut posthumo, vel uno nepote ex filio, vel filia, vel uno pronepote ex nepote, vel ex nepte, quod confirmat etiam *l. 1. sup. de condit. insert.* et *l. pater*, §. *1. D. de condit. et demonstr. l. non est sine liberis D. de verbor. sign.* Aug. lib. 10. de civit. Dei, cap. 40. in latine linguæ consuetudine, inquit, *liberi dicuntur filii, etiamsi non sint uno amplius.* Idem quoque juris, ut scilicet filii non imputent in Falcid. fructus medii temporis, vel quæcumque sunt fructuum vice, vel usura pecuniarum, non tantum si, ut dixi, invicem sint substituti per fideicommissum, sed etiam si separatim quibuscunque, vel eundem ex filiis, si sine liberis moreretur, superstes, vel superstites fratres per fideicommissum substituti sint. Et quod dico, si separatim, lex dicit simpliciter, si simpliciter rogati sint, id est separatim, non invicem, non vicissim, non mutuo: vox simpliciter varie accipitur in libris nostris, hoc loco, id est, sine reciproca, sine mutua substitutione, in *l. 13. sup. de fideicommissis*, id est, pure, sine conditione ulla, in *l. 3. §. nunc videamus, D. jud. solv.*, id est, sine satisfactione, in *l. 13. sup. de fideicom.* id est, generaliter, non nominatim, ut in *l. si domus, de leg. 1. et l. hinc queritur, D. de pecul.* et in *l. 1. sup. de edilit. action.* Simpliciter, id est, bona fide, ut in oratione Demosthenis in Timocratem Ulp. interpretatur ἀνὰ δὴ, quod est simpliciter ἀνὰ τὸ ὁρθὸν καὶ μὴ πρὸς ὄργον, id est, bona fide, non mala: et in *l. 6. §. si quis ita, D. de neg. gest.* id est, supine, et τὴν δὴ, puta cum quis suum negotium in suis bonis gerit quasi alienum, id est, existimans esse alienum, quæ est summa supinitas, et simplicitas nescire sua bona, suaque negotia, et ea accipere pro alienis, quo ex gestu non est actio negotiorum gestorum, quamvis animum habuerit gerendi negotia aliena. Verum

hæc mittamus, et pergamus explicare cetera, quæ continentur in hac l. Quod dat filiis, ut in Falcid. non imputent fructus medii temporis, docet obtinere, etiamsi filii rogati sint restituere hereditatem nepotibus defuncti, id est, filiis suis, vel pronepotibus, id est, nepotibus suis, vel deinceps ceteris liberis. Et ita principium hujus legis divido in 3. partes contra quam faciat Accurs. ut prima pars sit de quarta Trebell. ne in eam imputentur fructus intermedii temporis. Secunda autem pars sit de quarta Falcid. quæ ducitur ex legatis, ut in eam similiter a filiis non imputentur fructus medii temporis. Et notandum hanc secundam partem his verbis contineri, *idemque in retinenda legis Falcid. portione obtinere jubemus*: nam post verbum *jubemus*, punctum apponi oportet, ut tertia pars incipiat ab his verbis, *etsi pater*, etc. quæ est de nepotibus, ut si filii hæredes instituti rogati sint nepotibus, id est, filiis suis restituere hereditatem, etiam non imputent in Falcidiam fructus medii temporis. Et notandum hoc jus tantum dari filiis hæredibus institutis, non etiam nepotibus hæredibus institutis vel aliis liberis, in §. ult. hujus l. filii hoc habent præcipuum supra omnes liberos. Nec omittendum est ex cap. Raynulfus, extra de testam. hoc jus singulare datum esse filiis in fructibus perceptis ante litem contestatam: nam requisitum est, ut fructus perceptos post mortem, id est, post lit. contest. imputent in Falcid. omnis mora dispendiosa est, aut esse debet: et sequitur in §. in supradictis, aliud jus singulare, quod datur filiis solis hæredibus institutis, ut scilicet, si filii hæredes instituti rogati sint hereditatem restituere, non dico jam fratribus, sed nepotibus id est, filiis suis, non cognatis nepotibus, id est, filiis suis præstare cautionem de fideicommisso, quæ ex edicto jure desideratur a fideicommissario: nam filio fides patris satis esse debet, nec desideranda est fides alterius. Excipiuntur tantum duo casus, quibus pater a patre suo hæres institutus, et rogatus nepoti hereditatem restituere, debet nepoti præstare cautionem fideicommissi. Prior casus hic est, qui proponitur in hoc §. si testator jusserit caveri nepoti de fideicommisso pendente conditione fideicommissi, vel die, quoniam testator hoc non jubet sine aliqua providentia et notitia morum filii hæredis instituti, ut æquum sit huic voluntati testatoris obtemperare. Secundus casus hic est, si filius hæres institutus, et rogatus restituere hereditatem filio, aut filiis suis ex prioro matrimonio susceptis, soluto eo matrimonio, transeat ad secundas nuptias: nam quia secundæ nuptiæ plerumque alienant animos parentum a liberis primarum, ideo ut in tutum redigatur fideicommissum hereditatis, et hoc casu debet pater præstare filio cautionem fideicom-

missi, sed non qualem præstari oportet aliis fideicommissariis: quibus præstatur satisfactio fidejussorum, *en brillant respondent*: ut loquitur l. nec non, ff. ex quib. caus. mojo. Sed pater filio fideicommissario non præstabit satisfactionem fidejussorum, præstabit tamen cautionem tantum, nudam re-promissionem, ut l. filius, ff. ut leg. nomine: quoniam pater non est acerbè exigendus, non avarè, et sufficere ubique debet filio fides patris, quem habere debet pro bono viro, et revereri, et invere-cundum est a patre desiderare alienam fidem. Et ita licet in hoc §. utatur verbo *satisfactionis*, ut illis duobus casibus pater præstet satisfactionem filio de fideicommisso, licet, inquam, utatur verbo *satisfactionis*, tamen satisfactionem accipere oportet pro nuda cautione, non pro satisfactione fidejussorum: et ita sæpiissime accipitur in jure, et hoc loco easdem ita accipiendam hanc vocem ostendit Nov. 22. in qua refertur sententia hujus §. et pro satisfactione veritè *ἀποκρίσις*, quo nomine nuda cautio significatur in l. 3. sup. de verb. sig. Ergo illis duobus casibus filius jure desiderat a matre primum cautionem fideicommissi pendente causa fideicommissi, et a patre, etiamsi filius sit sui juris: non si sit in potestate patris, quoniam nunquam restituitur fideicommissum filio, nisi emancpetur, vel nisi dilapidet pater bona, quæ filiosamil. suo forte post mortem restituere jussus est: nam ob dissolutos mores patris, etiam filiosamil. representatur fideicommissum, quam in rem est elegantissima l. Imperator, ad Senatuse. Trebell. et hæc est interpretatio l. jubemus. Ex l. penult. primum notandum est, pupillo relictam hereditatem fideicommissariam, ipsi pupillo esse restituendam tutore auctore, quoniam restitutio fideicommissi potest esse damnosa, propterea quod transferuntur onera in fideicommissarium ex Senatuse. Trebelliano: ideo interponi auctoritatem tutoris oportet, non tutori restitui, sed pupillo tutore auctore, videlicet si pupillus sit præsens, et si dari possit: nam et vox fideicommissarii desideratur, ut desideret adire hereditatem suo periculo, si heres suspectam eam dicat, et recuset adire: sed quid fiet si pupillus sit absens, vel si dari non possit? Et hoc constituit Justin. in hac l. pen. ut recte fiat restitutio hereditatis tutori soli, non ut procuratori pupilli, sicut Accurs. nit: quia si fieret ei ut procuratori, pupillum non obligaret oneribus hereditariis, antequam ratum haberet, vel ab eo bona recepisset sed sit restitutio tutori ut tutori ex Senatuse. Trebell. quæ pupillum obligabit. Et ita quod si furioso sit relicta fideicommissaria hereditas, restitutio potest fieri ex Senatuse. Trebell. ita ut obligetur furiosus soli curatori ejus, quia furiosus habetur pro absente, et pro infante. Et hæc Constit. Justiniani confirmatur l. restituta, §. ult. et l. quæ

sequuntur duobus, et *l. servo invito*, et §. *si pupillo*, *D. ad Treb.* Et notandum quod ait *d. §. si pupillo*, per tutorem fideicommissarii heredis heredem testamento scriptum posse compelli adire et restituere exemplo juris civilis, et juris prætorii. Exemplo juris prætorii, quia et per tutorem potest peti bon. possessio delata pupillo, *l. tutor, ff. de bon. poss.* Exemplo juris civilis, quia et tutor potest pro herede gerere nomina pupilli, videlicet eodem casu quam pupillus est infans, vel absens, ut in *l. si infanti*, *sup. de jure delib.* Et ita legendum in *d. §. si pupillo*, ut pro herede tutor gerere possit, non ut pupillus pro herede gerere possit tutore auctore si sit infans: nam hoc est falsum, *l. pupillus*, *de adq. hered. l. 1. inf. ad Senatusc. Tert.* Secunda definitio Justin. que proponitur in hac *l. pen.* hæc est. Heres institutus, qui rogatus est restituere hereditatem, latitat, aut evocatus a Prætoribus, ut restituat hereditatem, venire contemnit: quid fiet? fideicommissarius potest quidem vindicare hereditatem fideicommissaria hereditatis petitione, de qua est tit. in Dg. Sed quomodo transferuntur in eum actiones ex Senatusc. Trebell. quia non transferuntur in eum sine restitutione heredis, et heres latitat, et non restituit. Eadem questio intervenit, si idem heres antequam restitueret, diem suum obierit nullo herede relicto: nam et hic quomodolum transferuntur actiones in fideicommissum nullo existente, qui restituat fideicommissum. Eadem questio etiam intervenit, si primus fideicommissarius, cui heres restituit hereditatem ex Senatuscons. Trebell. rogatus sit alii restituere eandem hereditatem, quia Senatuscons. Trebell. loquitur de herede, ut ab herede transferantur actiones in fideicommissarium. Sed ut ait *l. quomvis*, §. 1. *D. eod. tit.* hoc jure utimur, ut etiam heres heredis oneratus fideicommissio restituat ex Senatusc. Trebell. id est, transferat actiones, ut honor. possessor, aut pater, vel dominus, sed eodem jure non utimur in primo fideicommissario, ut et hic secundo fideicommissario restituat ex Senatusc. Trebell. id est, ut transferat actiones de herede heredis, aut patre, vel domino. Non dubitatur de primo fideicommissario rogato restituere secundo: dubitatur, ut ait *l. 1. §. de illo dubitatur*, *D. eod. tit.* quemadmodum scilicet in secundum fideicommissarium actiones transferantur, et ut refert Justinianus hoc loco, Ulpian. dicebat hæc de re esse constituendum, a principibus scilicet, et quod eo jure non uterentur, non posse se introducere aut definire: opus esse constitutione principis, et ita sæpiissime in jure in auxilium, in loco præcipi, ut loquitur, *l. cum quedam*, *sup. de admin. tut.* implorandum est principis auxilium, consulendus est princeps, ut in *l. itaque*, *D. de fid.*

lib. et l. si cui legatum, *D. de cond. et demonstr.* ubi extra ordinem constitui oportere, inquit Jurisc. in questione quadam dubia, a principe scilicet, non a Prætoribus, que ibi proponitur, *l. 2. in fine*, *D. de reb. eorum, qui sub tut. sunt.* Et Justin. in questione proposita suscipit has partes in *l. pen. §. ult.* ut superioribus tribus casibus ipso jure transferantur actiones in fideicommissarium, quod duobus prioribus casibus sane verum est sine restitutione ulla. Sed tertio casu omnino desideratur restitutio primo fideicommissarii, ut *d. §. de illo*, et §. *seq.* ut mirer huic *l. pen.* opponi §. *de illo*, cum secundum illum §. sit accipienda *l. pen.* ut tertio casu ipso jure transferantur actiones in secundum fideicommissarium, restituta hereditate a primo, perinde ac si primus esset heres testamento scriptus, Senatusc. Trebell. porrecto etiam ad hunc casum: nec tamen existimandum est primum fideicommissum deducere Falcidiam: nam hoc certum est in jure solum heredem directo institutum detrahere Falcid. aut solum legitimum, cui directa hereditas lege defertur, non fideicommissarium: fideicommissarius primus secundo solidum restituit, in *l. cogi*, §. *Mæcianus*, *l. si patroni*, §. *qui fideicommissum*, *D. ad Trebell. l. lex Falcid. §. ult. D. ad l. Falcid.* nisi scilicet fideicommiss. primus eam deducat ex persona heredis, qui forte noluit eam deducere, et totam restituit primo fideicommissario, ut ipse eam deduceret a secundo, ut in *l. 1. §. inde Neratius*, *D. ad Treb.*

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Titulum L. Ad Legem Falcidiam.

Vide Appendicem in fine Tomi VII.

Ad Tit. LI. De caducis tollendis.

Ad L. I.

Et nomen, et materiam caducorum ex bellis ortam, et auctam civilibus, que in s. populus Romanus movebat, necessarium duximus. Patres conscripti, in pacificis nostri imperii temporibus ab orbe Romano recludere ut, quod belli calamitas introduxit, hoc pacis lenitas sopiret. Et quemadmodum in multis capitulis lex Papia ab interioribus principibus emendata fuit, et per desuetudinem abolita: ita et a nobis circa caducorum observationem invidiosum suum amittat v. gore,

qui et ipsis pro lentissimis viris displicuit, multas invenientibus vias, per quas caducum non fieret. Sed et ipsis testamentorum conditoribus sic gravissima caducorum observatio visa est, ut et substitutiones introducerent ne fiant caduca: et si facta sint, ad certas personas recurrere disponent, vias recludentes, quas lex Papia posuit in caducis: quod et nos fieri concedimus. Et cum lex Papia jus antiquum, quod ante eam in omnibus simpliciter versabatur, suis machinationibus, et angustiis circumcludens, solis parentibus, et liberis testatoris usque ad tertium gradum, si scripti fuerant hæredes, suum imponere jugum erubuit, jus antiquum intactum eis conservans, nos omnibus nostris subjectis sine differentia personarum hoc concedimus.

Ut lex Falcidia de modo legatorum fuit lata Augusti temporibus: ita Papia Popæa lex de caducis in rebus et legatis: et lex Falcidia a Justiniano non quidem sublata, sed valde rescissa, sive restricta est Novell. de hæredibus, et Falcidia, ut docui super. titulo. Lex autem Papia ab eodem Justiniano oratione missa ad Senatum, quam posuit sub hoc tit. penitus sublata est. Caduca vero ex Ulpian. lib. regul. tit. de Caducis, ita definiuntur: *Quæ jure relicta capaci, aliqua ex causa post mortem testatoris ab eo in fiscum cadunt.* Dico capaci: nam qui incapaci relinquuntur, non sunt caduca, sed pro non scriptis, pro non datis, vel relictis habentur, l. 1. sup. de hæred. instit. Dico post mortem testatoris: nam ea tantum proprie dicuntur caduca directo nomine, aperta voce, ut ait in §. et cum triplici, hoc tit. quæ deficiunt post mortem testatoris; quæ autem deficiunt vivo testatore, ut si legatarius moriatur vivo testatore, vel si conditio legati vivo testatore deficiat, ea in lege Papia dicuntur esse in causa caduci, quia eodem jure sunt, eademque conditione, quæ sunt caduca: nimirum ut recidant in fiscum, d. §. et cum triplici. Dixi aliqua ex causa, causam accipiens pro casu. Sunt autem caducorum quinque casus. Primus hic est, si post mortem testatoris ex parte hæres scriptus, vel legatarius vita decesserit ante apertas tabulas, quod est antequam cederet dies legati, vel dies adveniente hæreditatis: nam ex lege Julia et Papia is dies incipit ab apertis tabulis, et recte ait Ulp. in supradicto loco, *ex parte hæres scriptus*, quoniam hic non potuit adire hæreditatem ante apertas tabulas: at hæres scriptus ex asse potuit adire hæreditatem clausis tabulis testamenti, l. mulieri, l. multum, ff. de cond. et demonstr. l. 1. §. ult. de jur. et fact. ignor. Secundus casus: si post mortem testatoris ex parte hæres scriptus, vel legatarius ante apertas tabulas, ut Ulpianus loquitur supradicto loco, *peregrinus factus fuerit*,

id est, si peregrinus factus fuerit amissa civitate Romana: ut si deportatus sit in insulam, quæ peregrinitas pro morte habetur, l. 1. §. filium, ff. de bonor. possess. contra tabul. l. verum, §. ult. pro soc. et peregrinus incapax annumeratur. Dixit autem Ulpianus *peregrinus*, pro peregrinus, non male; cum et veteres dixerint *peregrinus*, Ausonius epist. 17. *Nedum me peregrinum existimes, composita fabulare.* Tertius autem casus hic est, ut constat ex eodem Ulpiano, si legatum, aut hæreditas relicta fuerit cœlebi; et is intra diem 100. id est, intra diem cretionis, et additionis a morte testatoris legi Papie non paruerit, id est, uxorem non duxerit: nam et hoc casu, quod ei relictum est, caducum fit. Cœlebs proprie dicitur de viro, qui uxorem non duxit, vel qui ductam amisit, quasi *κοῦλῃς*, *κοῦλῃς λέγειν*, ut *αἰγῶλῃς* dicitur petra prærupta, et inaccessa, quæ non admittit capram, quasi *αἰγῶλῃς λέγειν*: femina autem, sive virgo sit, sive mulier, vidua dicitur, non cœlebs, quod concubitum faciat vir, non mulier, l. ult. sup. de indict. viduit. tol. Quartus casus est: si legatum, vel hæreditas relicta fuerit Latino, et is intra diem centesimum, id est, intra diem cretionis a morte testatoris, jus Quiritum, id est, civitatem Romanam consecutus non fuerit: qui duo posteriores casus etiam ab Ulpiano repetuntur eodem libro in tit. qui hæredes institui possunt. Addamus quintum casum, si post mortem testatoris conditio hæreditatis, aut legati defecerit; quia ejus dies non cessit, et qui initio fuit capax hæreditatis, aut legati, ex accidenti, id est, deficiente conditione factus est incapax, quo casu etiam fiscus vocatur ex lege Papia. Ne addas sextum casum ex Accursio in d. §. et cum triplici. Si post mortem testatoris legatarius repudiaverit legatum, quoniam ea tantum sunt caduca, quæ postea legatarius cepit capere non posse. Atqui quod repudiavit, cepisset si voluisset. Igitur repudiatum legatum non fit caducum, sed remanet apud hæredem, l. 16. §. 1. de leg. 1. l. si Titio, §. ult. de leg. 2. l. 9. de usufr. leg. Ex his quinque causis, quas exposui, hæreditates, vel legata sunt caduca, et quod dixi in definitione, caduca ab eo cui relicta sunt cadere in fiscum, rationem nominis demonstrat simul, et causam introducendorum caducorum. Introduta enim sunt caduca tempore Augusti, fisci sive ærarii augendi, et replendi causa, quod bella civilia exhausserant, suscepta inter Pompejum et Cæsarem, inter Antonium et Lepidum, et Brutos, *ce fut un moyen pour trouver de l'argent*, et hanc causam legis Papie introducendorum caducorum ita proponit Justin. initio Constitutionis, et l. 2. §. solum, sup. de vet. jure ruvel. et Cornelius Tacitus 5. Annal. Relatum, inquit, de audenda

Papia Popæa, quam senior Augustus post *Julias rogationes* incitandorum cœlibum pœnis, et augendi ararii, causa scilicet (car il parle toujours ainsi) sanxerat. Atque eadem quoque ratione augendi ararii per bella civilia exhausti vicesima hereditatum, de qua diximus l. 23. lege *Julia* introducta est, ut Fiscus hereditatis, quæ inexpectato obveniret extraneo, ferret vicesimam partem. Hoc de vicesima ait Plinius in Panegyrico, *Onera*, inquit, *Imperii pleraque vectigalia institui, ut pro utilitate communi, ita singulorum injuriis coegerant, iis vicesima reperta est.* At Cornelius Tacitus supradicto loco aliam quoque notavit causam legis *Papiae*, et introducendorum caducorum: ut scilicet per bella civilia amisso incredibili, et ingenti numero civium Romanorum, qui supererant sololi propagande darent operam, et ampliando Imperio civium adjectione: ideo propositas fuisse pœnas iis, qui cœlibes essent, puta, ne hereditatos, aut legata caperent iis relictis, nisi intra centum dies a morte testatoris uxores ducerent: propositas etiam esse pœnas orbis, id est, liberos non lubentibus, ne solidum caperent ex aliorum testamentis, qui non essent proletarii, qui essent improles, ut loquebantur veteres: et contra fuisse proposita prœmia patribus, quod et paulo post idem Cornelius significat his verbis: *Legem Papia Popæam inducti prœmiis, ut si a parentum privilegiis cessaretur, velut parens omnium populus vacantia teneret*, id est, ut orbis bona redigerentur in fiscum magna ex parte, quæ scilicet iis deferrentur ex aliorum testamentis: et maxime observandum, quod Dio scribit lib. 56. tempore latæ legis *Papiae Popæe* tantam fuisse penuriam civium Romanorum, ut ipsi consules *Papius*, et *Popæus* cœlibes, et orbi essent non inventis maritis, et patribus, qui eis anteponebantur: nam ut idem significat lib. 55. in adipiscendis honoribus patres præferuntur orbis, et mariti cœlibibus, et ita hic locus explicatur. Hæc autem secunda causa legis *Papiae*, et introducendorum caducorum, ut videtur, pertinet proprie ad tertium casum. Ad eundem etiam tertium casum, atque etiam ad quartum pertinet, quod Ulpianus scribit titulo de *Latinis*: *Latinum consequi jus Quiritium, id est, civitatem Romanam, si novem fabricaverit decem millium mediorum capacem, quæ Romam sex annis frumentum portaverit, ex edicto D. Claudii.* Ex quo loco Ulpiani emendandus, et interpretandus est hic locus elegantissimus Suetonii in Claudio: *Naves, inquit, mercaturæ causa fabricantibus magna commoda constituit pro conditione cujusque: civibus vacationem legis Papiae Popææ, id est, ut cœlibatus, et orbitatis pœnas non sustinerent, Latinis jus Quiritium, ut scilicet sine cunctatione hereditates,*

et legata omnia caperent; et *fœm'nis* (quæ naves fabricassent suis sumptibus) jus quatuor liberorum. Ad hæc notandum est, quod quemadmodum vicesima hereditatum remittitur liberis, et parentibus heredibus institutis, auctore eodem Plinio in Panegyrico, et ut l. ultima, sup. de codic. electo jure testamenti liberis, et parentibus remittitur, id est, permittitur mutare consilium, et transire ad jus codicillorum: ita quæ legata, aut portiones hereditatis deficiunt, noluit lex *Papia* recidere in fiscum, liberis, aut parentibus institutis heredibus, sed remanere apud heredes institutos, qui sunt ex liberis, vel parentibus testatoris: usque ad tertium gradum, id est, usque ad pronepotem, et proavum: ubi *Uque* includit etiam tertium gradum. Possent multa dici de illo articulo *usque*, includat, an excludat, valde utilia, quæ suo loco reservamus. Et ita liberis, aut parentibus heredibus institutis, quæ deficiunt legata, aut hereditates, non sunt caduca, vel caduca, sed remanent apud liberos, vel parentes usque ad tertium gradum. Et hoc est, quod ait Ulpianus cod. lib. tit. 1. 17. et 18. et Justinianus §. 1. hoc tit. liberis, et parentibus heredibus institutis jus antiquum servari, quod obtinuit ante legem *Papiam*, ita jubente ipsa lege *Papia*, ne his personis heredibus institutis locum habeant caduca, id est, ne locum habeat fiscus, aut ararium, aut vocetur in ea, quæ deficiunt ex quinque superioribus causis. Et hoc est etiam, quod ait l. 29. §. ult. De leg. 2. filium heredem institutum, cui pars coheredis, a quo nominatim legatum extero relictum est, accrescit, eam partem, legatumque capere jure antiquo, id est locum non esse caduco; sed a filio retineri, et legatum illud non præstari: quoniam non a se relictum est, sed a coherede nominatim, quod tamen hodie non sequimur, post rescriptum Severi et Antonini, quo legata relicta ab instituto, etiam nominatim videntur repetita a substituto, et consequenter a coherede, tanquam a substituto, l. si Titio, §. ult. D. cod. Et ita Azo recte sensit, rescripto Severi corrigi sententiam Celsi atque Juliai: quibus tamen fuit ratio ita scribendi, rescripto nondum edito Severi. Et ad hoc quoque pertinet lex 5. in fine, D. de vulg. subst. cum ait: nihil interesse, coheredes coheredis partem capiat, et vindicet juris substitutionis, an per legem, id est, per *Juliam* et *Papiam*, quæ est inscriptio istius legis quænter: puta, si heres sit ex liberis; vel parentibus: quo casu partem vacantem coheredis per legem *Papiam* occupat, excluso fisco. Justinianus autem in hac constitutione, quod lex *Papia* solis liberis, aut parentibus dedit ad tertium gradum usque, dat omnibus heredibus institutis, restituto jure antiquo, et abo-

lita ponitur lege Papia caducaria, cui cum originem dederint bella civilia, ut diximus supra, consequens esse ait, ut pacatis rebus civilibus, et in pristinam dignitatem, amplitudinem, et opulentiam restaurata Republica, cessent etiam viæ conficiendæ pecuniæ publicæ, cessent commoda fiscalia. Et ideo, ut cessat vicesima hæreditatum, etiam cessent caduca, quæ fisci exiguitas, rerumque necessitas extorserat, et ita pereleganter L. Valerius apud Titum Livium libro trigesimo quarto. *Quas tempora aliqua (inquit) desiderarunt leges, mortales, et temporibus ipsis mutabiles esse video, quæ in pace latæ sunt, plerumque bellum abrogat: quæ in bello, pax.* Et ita lex caducaria, quæ in bello fuit lata civili, vel ejus occasione, cum esset exhaustum ærarium, merito ea abrogatur pace reversa. Exposui definitionem caducorum, et sententiam pene omnem legis Papiæ caducariæ et causam ferendæ ejus: et cur Justinianus tandem eam abrogare necessarium esse duxerit: nomenque, ut ait, et materiam caducorum a suo Imperio secludere: et jus antiquum restituere omnibus hæredibus institutis, quod Lex Papia conservarat solis liberis, et parentibus usque ad tertium gradum, ut deinceps quæcunque deficerent legata post mortem testatoris, aut vivo testatore, ex quatuor, aut quinque causis, quas exposui nudius quartus, ea omnia etiam penes hæredes extraneos, qui scripti essent, remanerent, et portiones similiter hæreditatum, quæ deficerent ex iisdem causis cohæredibus accrescerent, qui hæreditatem aut bonorum possessionem admisissent. Consummavit Justinianus, quod alii ante eum principes inceperant: nam ut ait, et alii principes, qui ante eum rerum potiti sunt, quædam emendaverant capita legis Papiæ Popææ. Septimius Severus emendavit caput legis Papiæ Popææ, quo præscripta erat ætas, qua liberos habere oporteret. Tertullianus in Apologetico: *Nonne vanissimas leges Papias, inquit, quæ ante liberos suscipi cogunt quam Juliam matrimonium contrahi, post tanta auctoritatis senectutem, heri Severus constantissimus principum exclusit?* et nota quod ait, *cogunt matrimonium contrahi: cogunt liberos suscipi*: quoniam hoc maxime facit ad intelligendam l. 21. ff. de rit. nupt. ejus inscriptio etiam est ad legem Juliam et Papiam, et ait, *non cogitur filiusfamilias uxorem ducere*, non cogitur scilicet legibus Julii, aut Papii, quoniam iis legibus ad uxorem ducendam, liberosque procreandos coacti, et compulsi sunt tantum patresfamilias, qui suæ familiaris principes essent, non etiam filiifamilias, qui in aliena potestate, et familia essent, qui nondum haberent suam familiam propriam. Ætas autem, quæ lex Papia liberos exigebat, fuit in mare viginti

quinque annorum, in scemina viginti. Ulpianus libro r. g. tit. 16. *Aliquando, inquit, vir et uxor solidum inter se capere possunt, veluti si uterque, aut alteruter nondum ejus ætatis sunt, quæ lex, id est Papia liberos exigit; sit est in originali, id est, ut subicit, si vir sit minor vigintiquinque annorum, et scemina minor annorum viginti, id est, qui hac ætate matrimonio conjuncti non susceperunt liberos, incidunt in pœnas orbitalis: et illam quoque ætatem vigintiquinque annorum notavit Hermias Ecclesiast. hist. 1. cap. 9. Sed hanc ætatis præscriptionem, hoc legis Papiæ caput, ut dixi ante, Severus exclusit. Deinde vero Constantinus Imperator prorsus sustulit pœnas cœlibatus, et orbitalis, l. 1. inf. de infir. pœn. cœlib. et orbit. Ubi sunt suaves, qui orbitalitatem interpretantur, carentiam uxoris, sive viduitatem, cum sit ἀρρωδία, non ἀρρωτία, cœlibatus est ἀρρωδία. Et pœnas dicit cœlibatus, vel orbitalis, ut Domitius Ulpianus supradicto loco, Tacitus 3. Annal. et l. si is qui hæres, D. de vulg. sub. Cujus inscriptio etiam est ad legem Juliam et Papiam: nam ita puniuntur cœlibes, ut nihil omnino capiant ex testamentis extraneorum, non legata, non hæreditates, quæ solvendo sunt, là où il y a de quoy. Nam legata, hæreditates, quæ solvendo non sunt, capere non prohibentur: quia lex Papia voluit minuire commoda eorum, non incommoda, non onera l. si quis solidum, D. de hæred. instit. Cujus inscriptio etiam est ad eandem legem Papiam, et ita vero puniuntur cœlibes, nisi post mortem testatoris legi Papiæ paruerint, id est, nisi intra dies centum contraxerint veras, non simulatas nuptias: nam simulatæ non sufficiunt; et ita ex inscriptione etiam lex simulatæ de rit. nupt. est referenda ad legem Papiam: nec quod eadem lex jussit, ut intra dies centum nuptias faceret, relictum est sine interpretatione: propterea quod, ut articulus usque, ita articulus intra est ambiguus: quandoquidem ambigitur, utrum includat, an excludat: sed hoc facta interpretatione ad eandem legem Papiam declarat lex si quis sic dixerit, ff. de verb. signif. Ut hoc sermone, intra dies centum, etiam ipse dies centesimus comprehendatur, ut vox intra includat, non excludat. Dixi cœlibes, nisi hoc ita fecerint, nihil posse capere ex testamentis extraneorum: nam a propinquorum bonis non repellebantur, ut Hermias scribit eodem loco. In quo vertendo perperam Epiphanius interpretes omisit negationem contra fidem Græci exemplaris, et scripsit, cœlibes ad alia bona, quam propinquorum admitti; cum lex dixerit, eos non admitti ad alia bona, quam propinquorum. Orbi autem ex lege Papia, eorum, quæ relinquuntur, semisse mulctantur, id est, semis relictorum caducus fit. Hermias in supradicto*

loco, νόμος ἢ τὰς ἀπειθὰς ξηρῶν τῷ ἡμῶν τῶν
 περὶ αὐτῶν: id est, *lex orbes relictorum mul-*
ctat dimidia parte. Et ita Ambrosius *Lucæ 3. cap.*
Erat, inquit, deforme liberos non habere, quod
etiam legum civilium fuit auctoritate mulctatum.
 Unde ad eas leges, quæ loquuntur de iis, qui par-
 tem tantum capere possunt ex testamento, id est,
 dimidiam (nam cum partem dicimus simpliciter,
 intelligimus dimidiam) ex alienis testamentis maxi-
 me, quæ sunt inscriptæ ad legem Juliam et Pa-
 piam, ut *l. 42. et 55. §. ult. D. de leg. 2.* ad eas
 conveniens exemplum apponi potest de orbis, sive
 de iis, qui sunt improbes, et veteres loquuntur,
 simul et ad eas, quæ sunt inscriptæ ad eandem le-
 gem, et loquuntur de iure capere lege concessa,
 vel de statuta legi portione, id est, legi Papie,
l. sed si hoc specialiter, ff. de condit. et demon-
str. l. quoties, ff. ad leg. Falcid. Unde emen-
 danda est proculdubio *lex quod conditionis, §. 1.*
D. de mort. caus. donat. Ubi habent etiam Floren-
 tini, *modo legati concessa, cum, ut in supradictis*
legibus sit scribendum, modo legi concessa, id est
legi Papie, de qua est etiam inscriptio illius legis.
 Fuerunt hæc pœnæ tum coelibatus, tum orbitatis
 veteribus Romanis in commendatione, prima qua-
 si fundamenta Reipublicæ, ut intelligere licet ex
 Panegyrico dicto Maximiano et Constantino in illo
 loco: *leges enim quæ multa coelibes notavere, pa-*
rentes præmiis honorarunt, vere dicuntur esse
fundamenta Reipublicæ, quia seminarium juven-
tutis, et quasi fontem humani corporis semper
Romanis exercitibus ministrarunt: Sed ut dixi in
 d. l. 1. Constantinus eas pœnas omnino sustulit, mo-
 tus rationibus, quas refert Eusebius 4. *de vita Con-*
stantini: quod non sit æquum puniri eos, qui nihil
 dolo malo deliquerunt, sed qui vel vitio et imbecil-
 litate naturæ operam liberis dare non possunt, libe-
 ros procreare non possunt, quod præstat, inquit,
 ἁπλῶς, ἀλλ' οὐ τρυφεύειν, qui sunt miseratione
 potius, quam pœna digni. Vel etiam qui studio
 religionis, et castitatis, abhorrentes a contactu
 foeminarum, se dant, vel ut Tertullianus loquitur, se
 assignant spadonati, quos etiam præstat, ut ait,
 ὑπερβαυδῶν, ἀλλ' οὐ καλῶς, qui sunt admira-
 tione potius digni, quam pœna: et hæc retuli, ut
 ostenderem, quod ait Justinianus initio hujus Con-
 stitutionis: *Et quemadmodum in multis capitulis*
lex Papia ab anterioribus principibus emendata
fuisset, ut ostenderem id referri debere ad Severum
et Constantinum; non ad leges, quas Accursius
adducit, quæ sunt Justiniani ipsius, non anteriorum
principum. Et hoc demonstrato, addit Justinianus
 etiam pleraque capita legis Papie per insuetudinem
 fuisse abolita, quo genere leges abrogantur, non
 minus quam decreto, jussoque populi, *l. de qui-*

bus, in fi. ff. de legib. non decreto tantum, juss-
oque, sed etiam tacito, illiteratoque consensu po-
puli. Denique legum jussa, tacito consensu populi
 obliterari. Adit præterea Justinianus, ut magis
 atque magis ostendat paulatim fuisse imminutam po-
 testatem legis Papie, atque adeo sui se sibi cau-
 sam ejus tollendæ penitus; jus caducorum, et
 adeo legem Papiam caducariam displicuisse Juri-
 scons. ut interpretationibus suis, quoad ejus fieri
 potest, semper caduca coerceant, ut in causis odiosis
 plerumque versari solent, ut eas impugnent scilicet,
 et conterant potius, quam adjuvent interpretatione.
 Idque apparet primum ex *l. intercidit ff. de con. l.*
et demon. quæ lex docet legatum fieri caducum,
 non tantum quod relictum est pure, sed etiam quod
 relictum est sub conditione, si legatarius decesserit
 ante apertas tabulas, vel antequam conditio legati
 extiterit: deinde docet, non idem esse, si legata-
 rius peregrinus factus fuerit post mortem testatoris:
 nam hoc casu purum quidem legatum caducum sit,
 at conditionale non sit caducum: quia potest resti-
 tuti in civitatem Romanam adhuc pendente condi-
 tione. Spes restitutionis excludit fiscum: cum ta-
 men alias ad spem restitutionis non soleant animum
 attendere juris auctores, ut *§. cum autem, Instit.*
quib. mod. jus patr. potest. sol. cum ait, *De por-*
tatione patris, vel filii non suspendi patriam po-
testatem, sed amitti penitus, nec in consideratio-
nem venire spem restitutionis. Sed in considera-
 tionem venit in *d. l. intercidit* odium caducorum.
 Idem apparet ex *l. quero, D. de verb. signific.*
 quæ lex ostendit, non videri orbam esse eam mu-
 lierem, quæ partum eligit monstruosum, vel pro-
 digiosum: ne quod fato contingit, ei injungat mul-
 tam orbitatis; et ut nihil imputetur mulieri, quæ
 qualiter qualiter legi Papie obtemperavit, cum ta-
 men alias, id est, in aliis partibus juris, non vi-
 deatur peperisse, quæ monstrum edidit, aut pro-
 digium: aut portentum, *l. non sunt liberi, D. de*
stat. hom. eadem ratione licet princeps teneatur
 lege Falcidia, cui quid legatum est, et aliis ple-
 risque legibus, solutus tamen est lege Papie cadu-
 caria, *l. princeps, ff. de legib.* Princeps solutus
 est legibus, non omnibus, sed caducariis, secun-
 dum inscriptionem: hoc etiam ostendit *l. quod*
principi, ff. de leg. 2. quod apparet etiam magis
 ex specie *l. ult. in fine, ff. de his, quæ ut indign.*
aufer. Sed primum sciendum, legatum relictum
 incapaci esse pro non scripto, et quod est pro non
 scripto, remanere apud heredem, nec fieri cadu-
 cum: hoc ita semper obtinuit. Item sciendum, le-
 gatum, quod deficit vivo testatore mortuo legatario,
 esse in causa caduci, et pertinere ad fiscum. Nunc
 singe, utrumque intervenisse, id est, et relictum
 esse legatum incapaci, et legatarium decessisse vivo

testatore, quid fiet? utrum fiscus admittetur, quasi legatum sit in causa caduci: an heres, quasi legatum sit pro non scripto: et lex heredem praeferit fisco, juxta legem non puto, ff. de jur. fisci. non puto eum delinquere, id est, non puto eum ineleganter dicere, qui in dubiis causis respondet contra fiscum: nam ut eleganter ait optimus Constantinus l. 2. C. Theod. de advocat. fisci Potior est apud me privatorum causa, quam fisci tutela, et ita de Marco Philosopho Capitolinus scribit, eum judicantem nunquam fuisse fisco suo in causis compendii, quem imitatus est etiam Antoninus in specie l. Paula, §. 1. ff. de legat. 3. Imitatus est bonum principem, sub quo, ut ait Plinius in Panegyrico, fisci saepe mala causa est: et hoc idem studuisse, scilicet juris auctores coercendis caducis demonstrat lex Divi §. ult. ff. de jur. codicil. Sciendum est, legatum relictum mortuo, esse pro non scripto: ergo remanere apud heredes. Repetendum etiam illud, quod diximus ante, legatum esse in causa caduci, quod deficit mortuo legatario, relicto testatore superstite: nunc fuge: ego in codicillis mortuo aliquid legavi, quem existimabam vivere post factum testamentum, qui viveret tempore testamenti, quia mortuo legavi, videtur esse pro non scripto, sed quia vixit tempore testamenti, et scripta in codicillis, maxime testamento confirmatis, intelliguntur scripta in testamento, et ex testamento vires accipiunt secundum regulam l. 2. §. 1. ff. eod. tit. ideo videor legasse vivo, qui postea mortuus sit superstite testatore: ex quo sequitur, legatum esse in causa caduci: unde oritur lis inter heredem, et fiscum, sed lis datur in dubia causam statim secundum heredem, excluso fisco, d. l. Divi, §. ult. Id etiam ostendam, tantum alia proposita specie, ut ita constet multis exemplis quam verum sit, juris auctores omni conatu, omni que via imminuisse jus caducorum, ex l. 2. D. de aur. et arg. leg. Cujus species haec est: legavi uxori, quae ejus causa empti parata essent, qui antea mandaveram Titio, ut emeret ornamenta quaedam in usu uxoris: deinde me vivo mortua est uxor, atque ita legatum videtur esse in causa caduci: et post mortem uxoris Titius emit, quod emere jusserat eum testator. Queritur, an et quoque sit in causa caduci? et ait non delinquere, non ineleganter dicere eum, qui non admittit fisco ad id, quod fuit emptum post mortem uxoris, quod non videatur ejus causa emptum, quod emptum est post mortem ejus. Igitur fisco tantum admittetur ad cetera, quae uxoris causa empti erant antequam moreretur. Postremo docet Justinianus, non tantum anteriores Principes, non tantum jurisperitos quantum potuere imminuisse caduca, sed

et ipsos testatores id sollicite plerumque agere, suadentibus scilicet Jurisperitis, et dictantibus (neque enim solebant testamenta fieri sine jurisperito) ne caduca fierent, facere substitutiones. Quid hoc est? quasi substitutiones inventae sint post caduca ad ea tollenda; substitutiones sunt antiquiores caducis, nempe ex vii. Tabul. ex illa lege Patryi, uti legasset, etc. Sed significat testatores repellendi huius causa pluribus heredibus institutis ipsos substituere invicem, vel uni substituere omnes coheredes: vel unum omnibus, ut in l. 3. de vulg. subst. ne locus pateret fisco, id est, ut substitutus excluderet fiscum, maxime facta reciproca substitutione, ut dixi, nullique heredi non dato substituto coheredo suo, vel coheredibus suis: ut non abs re in l. miles, §. ult. ff. de leg. 2. ponatur, heredi datos substitutos coheredes, non alios. Unde ita concludamus, hodie Justinianum, postquam docuit anteriores principes satis egisse, ut aboleretur lex Papia, et jureconsultos quosque, ac testatores ipsos imbutos a JC. idem sollicitius egisse, ne caduca fierent, ut paulatim jus decrescit, quod diu invaluit, tandem censuit ipse, penitus esse abolendam legem Papiam caducariam, et retinendam tantum (quod notandum) l. Julianam caducariam, quae scilicet ultimum tantum locum dat fisco, videlicet si nemo sit, qui ad hereditatem, vel legatum, vel fideicommissum pervenire possit, neque scriptus heres, neque legitimus, aut honor. possessor, neque conjux: vel si sit quidem, sed omittat delatam hereditatem, legatumve: ut iis omnibus demum deficientibus, veniat ultimo loco fisco, vel populus, ut olim, velut parens omnium (ut ait Cornelius Tacitus) ad bona vacantia, Strabo 17. οὐδὲν ἄλλο πλὴν οὗτοῦ καὶ Κρίσσεια, vacantia cadere in Caesarem, quod esse ex lege Julia caducaria scribit Ulpian. libro regul. tit. de poss. dandis, et l. quidam, §. quoties, ff. de legat. 1. unde in l. ergo, §. eadem, ff. de fid. libert. ego jam olim probavi, et vero vici in illo loco, si bona vacantia delata sint caducis legionibus, esse scribendum caducis legibus, vel caducarum legibus, quales sunt Juliae leges, quae plurationum numero dicuntur Juliae leges: et a Tacito Juliae rogationes, quod multa contineant capita: licet una tantum fuerit lex, ut singula capita legum non male appellantur leges, sicut leges Papiae dicuntur eadem ratione, quamvis una fuerit lex. Et hanc legem Julianam caducariam, quae ultimum locum reservat fisco, hanc, inquam, solam se ait retinere Justinianus in §. cum autem, et §. ult. hujus legis: abolita tantum lege Papia caducaria. Atque ita gloriatur Justinianus, se fisco suo non parcere, non favere in compendii, et lucri causis: exemplo

D. Marci et Antonini honorum principum, cum fisco tantum det ultimum locum. Et hec usque ad §. et cum lex Papia.

Ad §. Cum igitur.

Cum igitur materiam, et exordium caducorum lex Papia ab aditionibus quæ circa defunctorum hereditates procedebant sumpsit, et idcirco non a morte testatoris, sed ab apertura tabularum dies cedere legatorum Senatusconsulta, quæ circa legem Papiam introducta sunt, censuerunt, ut quod in medio deficiat, hoc caducum fiat: primum hoc corrigentes, et antiquum statum renovantes, sancimus, omnes habere licentiam a morte testatoris adire hereditatem similique modo legatorum, vel fideicommissorum pure, vel in diem certam relictorum diem a morte testatoris cedere.

Sequitur in §. cum igitur, legem Papiam caducorum materiam, et originem sumpsisse ex aditione hereditatis testatoris, quam ex parte heredes scripti nolunt adire ante apertas tabulas testamenti: ut quicquid medio tempore deficeret, puta si ante apertas tabulas is, cui quid testamento relictum est capere non posset, id omne caducum fieret: cum tamen jure antiquo etiam ex parte heredes scriptus adire hereditatem posset statim a morte testatoris, etiam clausis tabulis testamenti. Et similiter lex Papia noluit legatorum pure, vel in diem certum relictorum diem cedere a tempore mortis testatoris, quod tamen jure antiquo obtinuit, sed voluit, diem eorum legatorum cedere ex apertis tabulis testamenti. Et ita Ulpian. lib. Reg. tit. de legat. legatorum, inquit, quæ pure, vel in diem relicta sunt: quo modo loquitur etiam Justinianus in hoc §. antiquo quidem jure dies cedit ex tempore mortis testatoris: per legem autem Papiam Popæam, inquit, ex apertis tabulis testamenti, id est, ab eo demum die, quo aperte sunt tabule testamenti, et palam recitatur: si moriantur legatarii, legata transmittunt ad heredes suos: non si ante eum diem moriantur: nam cedere diem legati, est competere legatum: competere, est competentem fieri legati, ut Apul. lib. 9. Metam. dies me maximi voti competeret, dies aperturæ tabularum legatarium legati competit, id est, competentem facit, ut id ipse capere possit vel transmittere ad heredem suum. Cui competit legatum, quive ejus compos factus est, transmittit legatum, l. 3. sup. qui admit. ad bonor. possess. poss. licet nondum adquisierit, nondum fuerit consecutus legatum, l. 3. inf. quando dies leg. ced. Cum compos quisque sit ejus, quo potiri potest, licet nondum potitus sit. Denique competit in hi, quod consequi pos-

sunt, licet nondum consecutus sim: et effectus istius rei, quod quid nobis competere cœperit, est transmissio in heredem. Et recte Theophilites definit, cessionem esse legatorum, quæ nondum percepta sunt, in heredes transmissionem: definit ab effectu cessionem. Aliud est igitur competere legatum, cedere diem legati: aliud acquiri legatum: itemque aliud d. ferri legatum. Competunt legata, cedere dies legatorum jure antiquo a morte testatoris, jure novo, id est, ex caducariis legibus, ab apertis tabulis. Et effectus cessionis transmissio est. Deferuntur autem legata, siue pertinent: nam et pertinere proprie dicitur, quod delatum est, l. si ita scriptum, §. 1. ff. de legat. 2. l. 14. ff. de liber. et pos. hum. deferuntur, inquam, legata, siue pertinent a die aditæ hereditatis: et delationis effectus hic est, ut exinde peti, vel repudiari possint, l. 1. §. decretalis, ff. de success. edic. Nam ante delationem frustra agnoscuntur, vel repudiantur. Acquiruntur autem legata agnitione legatarii, et præstatione heredis: nam ut omnia legata relinquuntur ab herede, quod est certissimum: et ut omnia legata ab herede peti possunt actione in personam, cujuscuque generis sint, siue formulæ, aut modi: cujus quidem actionis in personam formula hæc est, dare, vel facere, vel præstare oportere: et præstare, quod est ultimum, generale nomen est quod ambitu suo complectitur duo priora verba, ut solent auctores, ubi posuerunt species, subijcere genus: ubi posuere specialia verba quendam, subijcere generale verbum: ita etiam omnia legata præstantur ab herede: et præstare non est dare, aut facere simpliciter, sed aliud quoddam, quod jam puto me dixisse, quod leges, et formulæ antiquæ demonstrant, in quibus hæc tria verba feruntur eodem gressu, dare, facere, præstare, l. qui libertinus, ff. de oper. liber. l. 3. ff. de oblig. et act. Quod si legatarii moriantur ante apertas tabulas, ex lege Papia legata non transmittunt ad heredes suos, sed caduca fiunt, quod ut ait Justinianus in hoc §. Senatusconsulta facta circa legem Papiam censuerunt (scribendum concesserunt) de quo etiam in ora libri nostri admonuit dominus Contius, ne si legas Senatusconsulta censuerunt, ut legatorum dies cedat ex apertis tabulis, hoc non videtur effecisse lex Papia sed Senatusconsulta facta circa legem Papiam, quod tamen falsum est, ut locus supra relatus ex Ulpiano ostendit, per legem Papiam diem legatorum cedere ex apertis tabulis, ut quæ deficerent medio tempore, cederent lucro fisci. Ergo rectius concesserunt Senatusconsulta, ut etiam fere omnes libri antiqui habent, non censuerunt. Ideoque et post illa verba, (et ab apertura tabularum dies cedere legatorum) est ponenda subdistinctio, que vous appellez une

virgule, ut sequatur, *Senatusconsulta, etc.* Sunt autem facta plura *Senatusconsulta* circa legem *Papiam Poppeam*, vel interpretande, vel ampliande legis gratia, aut questionum dirimentiarum, quæ oriantur ex dispositione illius legis: unum proponitur in *l. senatus, ff. de donat. caus. mort.* quæ est etiam ex libris ad legem *Juliam et Papiam*, ut scilicet coelibes, et orbi, quos lex *Papia* censuit esse incapaces legatorum, sint etiam incapaces fideicommissorum, et donationum causa mortis. Quæ de causa in *l. et fideicommissorum, de legat. 3.* quæ est etiam ad easdem leges, dicitur legati appellatione, in lege *Papia* scilicet, contineri etiam fideicommissum, et donationem causa mortis, videlicet in illo capite legis *Papie*, quo certæ personæ ex testamento capere prohibentur, ut declarat *d. lex Senatus*. Neque enim idem dici potest de alio capite legis *Papie*, ex quo dicitur legati cedit ab apertis tabulis: neque enim legati nomen in eo capite producemus ad donationem mortis causa, vel fideicommissum, quia deficit *Senatuscons.* vel constitutio, quæ hoc produxerit, et odiosas leges sine legibus ampliare non possumus, aut debemus. Et vero certum est ex *l. ult. ff. de donat. causa mortis*: donationes causa mortis cedere a morte testatoris, nec expectare aperturam tabularum. Ergo et idem vere dici potest de fideicommissis, ut et post legem *Papiam* fideicommissa cedant a morte testatoris: quia lex *Papia* de legatis tantum loquitur, quæ odiosa est lex: et odiosæ leges non sunt adjuvande interpretatione, ut in *l. cum quidam, ff. de liber. et posthum.* contra favorabiles sunt adjuvande interpretatione, *l. hoc modo, ff. de cond. et demonstr.* Aliud *Senatuscons.* quod factum est etiam circa legem *Papiam*, ponitur in *l. idque et in legato, ff. de hæred. instit.* Si ita legatum sit, *Titio, et Sejo, utriusque eorum vivet, hæres meus dare illam rem damnas esto: altero mortuo ante apertas tabulas, is, qui supererit: totum legatum obtinebit, nec pars deficiens caduca fiet: quia tacite invicem substituti videntur, et substitutio præfertur caduco, non tantum expressa, ut heri dixi, sed et tacita ex *Senatusconsul.* de quo in *d. l. idque et in legato*: quæ est computanda cum præcedentibus: et non tantum directa substitutio præfertur caduco, sed etiam precaria, cui solebat injici ea conditio: *si sine liberis decesserit*, quæ frequenter occurrit in libris nostris: cur vero? nisi ne orphanitatis causa bona venirent ad fiscum ulla ex parte, sed ad substitutum potius pertinerent directis, aut precariis verbis. Est etiam aliud *Senatusconsultum* in *l. Julianus, D. de legat. 2.* quod pertinere ad legem *Papiam* etiam ejus legis inscriptio demonstrat: et sententia *Senatusconsulti* illo loco relati hæc est: ut fideicommissum relictum a legatario, moriente fi-*

deicommissario ante diem fideicommissi cedentem, non pertineat ad heredem scriptum: nec si sit ex liberis, vel parentibus, ut ibi proponitur, qui jus antiquum habent, sed remaneat apud legatarium, a quo relictum est, ut potior sit causa ejus, cujus fides electa est, vacuato fideicommissio. Caducum etiam fideicommissum constat non fieri: quia lex *Papia* (quod maxime notandum) voluit minuire commodam hæredum, non legatariorum: res legi fuit cum hæredibus, ut scilicet quod alioqui apud eos remaneret, potius cederet fisco, locupletandi æarii gratia, et hoc idem, quod proponitur in *d. l. Julianus*, comprobatur *l. 17. eod. tit. et l. pater, ff. de leg. 3. et lex in fraudem, §. 1. ff. de iis quæ ut indig. aufer.* hæc tantum tria *Senatusconsulta* invenio, quæ facta fuerint circa legem *Papiam*: et secundo quidem, ac tertio etiam hodie utimur: non etiam primo, non etiam eo, vel eis, quæ concesserunt, ut jussit lex *Papia*, diem legatorum cedere demum ex apertis tabulis testamenti. Nam ex hac constitutione *Justiniani*, quæ proponitur in hoc §. cum igitur, jus antiquum valet, quo cuilibet hæredi permittitur adire hereditatem statim a morte testatoris, etiam clausis tabulis testamenti, et quo etiam dies legatorum, aut fideicommissorum, puro, vel in diem certum relictorum, cedit statim a morte testatoris ut transmitti possint in hæredes, et si nondum sint apertæ tabule testamenti, nondum omnibus palam innotuerit quicquam eorum, quæ relictæ sunt. Excipiuntur tamen legata quædam, quorum dies cedit ab additione hereditatis, de quibus tractabitur infra in §. *libertatibus*, eorum autem legatorum, quæ sub conditione relictæ sunt, vel in diem incertum, dies cedit cum conditio extiterit, quod semper obtinuit: pura legata, vel in diem certum relictæ alium diem habent, quo cedant jure antiquo: alium jure novo: sed *Justinianus* restituit jus antiquum: ex quo sequitur, regulam *Catonianam*, quæ spectat tempus mortis testatoris, pertinere ad jus antiquum, quo dies puri legati cedit a morte testatoris: dum Cato ita constituit, legatum, quod inutile foret, si eo ipso tempore mortuus fuisset testator, quo testamentum fecit, in ipso articulo, ex post facto non convalescere, notat tempus mortis testatoris, id est, diem cessionis legati, secundum jus antiquum: et hoc est, quod dico, regulam *Catonianam* pertinere ad jus antiquum: non autem ad jus novum, id est, ad legem *Juliam et Papiam*, qua dies legati puri non cedit a morte testatoris, sed ab apertura tabularum: quod tempus aperture tabularum, cum non notet, nec observet regula *Catoniana*, sequitur eam non pertinere ad legem *Juliam et Papiam*: et hoc est, quod ait *lex ult. de regula Caton.* quam nostri nunquam interpretari potuerunt, regulam *Catonian-*

nam non pertinere ad novas leges, id est, Julianam et Papianam, sed pertinere ad jus antiquum, ut conceptio illius declarat. Et hoc etiam belle confirmat lex 42. ff. de hered. instit. quæ pertinet ad leges novas Julianam et Papianam. Sciendum est eum, qui non est solvendo, in fraudem creditorum non posse servos manumittere in testamento, si manumiserit, ipso jure nullam esse libertatem ex lege Ælia Sentia, quæ tamen ei permittit, qui solvendo non est, unum tantum servum ex suis liberum, et heredem scribere, ut ejus servuli nomine potius, quam a defuncti creditoribus bona distrabantur, et veniant, quod erat ignominiosum ei, cujus nomine distractio fiebat. Quod si testator, qui solvendo non est, duos, vel plures servos liberos, et heredes faciat, is tantum erit liber, et heres, qui prior scriptus, vel nuncupatus fuerit: hoc cognito, finge non apparere, duobus institutis servis hereditibus, uter sit prior, uter posterior: quoniam scripsit hoc modo: duos Apollonios servos meos liberos, et heredes esse jubeo: duo servi erant ejus nominis: quid et? statim ab initio utriusque institutio, et manumissio nulla est: quia non apparet, quis sit prior, et unius tantum manumissio permissa est. Verum si alter ex iis Apolloniis mortuus sit ante apertas tabulas, quæ verba pertinent ad novas leges, convalescit institutio superstitis: atque ita eo casu cessat regula Catoniana, quæ paucis hoc vult: ea, quæ ab initio non valent, ex post facto non convalescere: et pertinet tam ad hereditates, quam ad legata, sed refertur tantum ad jus antiquum, non ad legem Julianam et Papianam, quæ leges quamdiu valuerunt, cessavit regula Catoniana, ut apparet ex l. 42. ff. de hered. instit.

Ad §. Et cum.

Et cum triplici modo ea, quæ in ultimis elogiis relinquuntur contigebat deficere: consentaneum est et tempora eorum, et nomina manifeste exponere: ut quod vel tollitur, vel reformatur, non sit incognitum: ea etenim, vel iis relinquebantur, qui in rerum natura tunc temporis, cum condebantur ultima elogia, non fuerant, forte hoc ignorantibus testatoribus; et ea pro non scriptis esse leges existimabant. Vel vivo testatore is, qui aliquid ex testamento habuit, post testamentum ab hac luce subtraheretur: vel ipsum relictum expirabat, forte quadam conditione, sub qua relictum fuerat, deficiente: quod veteres appellabant in causa caduci. Vel mortuo jam testatore hoc, quod relictum erat, deficiebat, quod aperta voce caducum nuncupabatur.

Dixit Justinianus initio hujus legis, cur materiam caducorum, quam lex Papia introduxit, tol-

lendam esse duxerit, restituto jure antiquo omnibus hereditibus institutis, quod lex Papia conservabat solis liberis, et parentibus usque ad tertium gradum: et materiam ipsam caducorum statim, causamque, et fundamentum eorum sustulit in §. cum igitur, quem heri exposui, ne deinceps caderent in fiscum, quæ relicta testamento, vel codicillis aliqua ex causa expirarent, et deficerent. Et nunc in §. et cum triplici, ea quæ deficiunt ex temporibus, quibus deficiunt, trifariam dispergitur: vel enim deficiunt statim initio testamenti, vel post factum testamentum vivo testatore, vel post mortem testatoris. Ea quoque nominibus ita distinguit, secutus veteres leges: ut quæ deficiunt ab initio, pro non scriptis esse dicat: quæ post testamentum vivo testatore, in causa esse caduci: quæ post mortem testatoris, directo nomine esse caduca: etiam eadem distinguit et separat ex jure, quod proprie in quoque genere servatur. Denique ea, quæ deficiunt distinguit et separat ex tempore, quo deficiunt, et ex nomine, jureque var.o. Primum igitur dicamus de iis quæ pro non scriptis sunt, id est, quæ perinde habentur, atque si scripta et inserta testamento non essent, quæ et inutilia dicuntur, nullius esse momenti: hujus generis sunt, quæ jam mortuo sorte ignorans testator reliquit, in l. pen. D. de iis quæ pro non scriptis habentur l. 2. pau. post princ. l. divi, §. ult. l. quidam, §. 1. ff. de jure codicil. l. quo loco, in fi. D. de hered. instit. et in hoc §. qui in rerum natura non fuerant, id est, qui jam mortui fuerant, iis quod reliquitur sit pro non scripto: nam et qui nondum nati, vel concepti sunt, non sunt in rerum natura. Sed non tamen omnia, quæ iis reliquuntur pro non scriptis habentur, l. placet, D. de liber. et post. l. 2. in princ. D. de jure cod. l. 6. §. ult. D. de reb. dub. Item quod quis relinquit iis, qui capti sunt ab hostibus, pro non scripto est, si ibi moriantur, nec postliminio redeant, d. l. pen. et l. si servo meo, §. 1. ff. de leg. 1. quia eo ipso tempore, quo capti sunt, mortui intelliguntur, id est, mors, quæ secuta est, jungitur captivitati, vel primo momento captivitatis, l. justo, in fi. D. de usurp. et usu. Item pro non scripto est, quod quis dictante testatore sibi adscribit ex Senatusconsulto Liboniano, sive hereditatem adscribat, sive legatum, et ex alio quoque Senatusconsulto omnis scriptura captatoria pro non scripta est, id est, quod quis alii relinquit in banno, bannata scriptura, ut ab eo, cui quid relinquit, eliciat tantumdem, vel amplius veluti hoc modo: Quantum mihi Lucius Titius legaverit, tantum illi heres meus dato, legatum est captatorium, et ideo ex Senatusconsulto habetur pro non scripto, l. 1. D. de his quæ pro non scriptis hab. Item quod relinquitur peregrino, in ut aubain,

qui non est civis Romanus, veluti deportato, pro non scripto est, *l. 1. sup. de hered. instit.* Et multo magis, quod relinquitur damnato in metallum, qui sit servus pœnæ, excepta tamen in utroque causa alimentorum: nam hujus legæ incapaces non sunt, *l. 3. de his quæ pro non scriptis hab. l. 16. D. de interd. et releg.* Damnatus in metallum est servus pœnæ, id est, servus sine domino: ideoque quod ei relinquitur pro nullo est, pro non scripto; quin non habet dominum, ex cuius persona sit cum eo testamenti factio. At si sit servus fisci, vel Cæsaris, vel privati, si modo cum domino ejus sit testamenti factio, legatum, quod ei relinquitur, utile est, et per eum domino acquiritur. Et quæon, videte quantum intervallum sit interjectum inter peregrinitatem, et servitutem, et mortem naturalem, et inter genera servitutem: si legatarius ante apertas tabulas moriatur, vel si peregrinus factus sit, ut si deportatus sit, purum legatum caducum fit. Conditionale autem legatum, si legatarius peregrinus fiat antequam conditio extiterit, caducum non fit: quia civitatem Romanam recipere potest, nonnullum defecta conditio, *l. intercidit, D. de cond. et demonstr.* Atque ita hoc casu peregrinitas morti non comparatur: quod evenit etiam in casu *l. ex facto, §. si quis rogatus, D. ad Treb. et l. 13. sed si mors, D. de donat. inter virum, et uxorem.* Nec mirum, si tot casibus peregrinitas, vel deportatio morti non comparetur: cum et non qualibet servitus utique semper morti comparetur, non servitus, quam quis servit privato, vel fisco, vel Cæsari, ut *l. cum hic status, §. si donator, D. de donat. inter vir. et uxorem.* Nam et ita si legatarius fiat servus fisci, vel Cæsaris, vel privati hominis ante apertas tabulas, vel quocumque alio tempore, legatum neque caducum fit, neque in causa caduci, sed novo domino acquiritur. Atque ita contingens servitus non comparatur morti naturali: sed si contingat servitus pœnæ, quæ alium non agnoscit dominum, quam cruciatum, et pœnam, et finitiam metalli: si, inquam, legatarius fiat servus pœnæ ante apertas tabulas, sive purum sit legatum sive conditionale, omnino caducum fiet. Nam hæc servitus pœnæ ea est, quæ per omnia morti comparatur ex lege Papia, *d. l. intercidit*: quæ est scripta ad legem Papiam, secundum quam etiam est accipienda *lex antepenult. de reg. jur.* cum sit etiam scripta ad legem Papiam, dum sit, *servitutem mortalitati comparari*, in lege Papia scilicet: non quamlibet, sic velim accipias, sed servitutem pœnæ, veluti damnationem in metallum, vel ad gladium, vel ad bestias: si quis sit metallicus, vel bestiaris, vel gladiatoris ex sententia iudicis hic nullius est servus, nisi pœnæ, et per omnia pro mortuo habetur: et licet *d. l. antepenult.* adji-

ciat temperamentum illud *scilicet*, non eo articulo significat, aliquando servitutem pœnæ non comparari mortalitati, sed eum, qui subit hanc servitutem, propemodum mori naturaliter. Nam mortalitatem non accipit pro commortali natura nostra, sed pro naturali morte cujusque. Sed ut persequar, quod est in *d. l. 3. ff. de his quæ pro non scriptis habent.* nam est satis difficilis: lex addit, quod incredibile posset videri: non tantum ea, quæ ab initio inutilia sunt pro non scriptis haberi, quod est certissimum, sed etiam ea, quæ ab initio utilia sunt, si postea in eam causam reciderint, a qua incipere non poterant: quasi scilicet in ea ipsa causa retro fuisse fingantur tempore testamenti, exempli gratia. Si quis legaverit servo alieno: deinde ejus servi dominum adquisierit, legatum pro non scripto est, quia in eam causam recidit, a qua incipere non poterat. Et ut quod quis legat servo suo sine libertate, pro non scripto est: ita quod legat servo alieno, si is post testamentum suus effectus est. Idem est, si quis legaverit civi Romano, et post testamentum factum, is, cui legatur, peregrinus factus sit, puta per deportationem: vel servus pœnæ, puta per damnationem in metallum, vivo scilicet testatore: sic enim est *d. lex 3. accipienda*: ut in priore casu est manifestius de legato relicto servo alieno, qui postea factus sit suus vivo testatore. Sic etiam accipienda *lex in metallum, ff. de jur. fise.* Nam si post mortem testatoris, ante apertas tabulas legatarius peregrinus fiat, aut servus pœnæ, legatum non est pro non scripto, sed per legem Papiam caducum fit. Obijcies primo: imo in causa caduci est legatum, si vivo testatore legatarius peregrinus factus sit, aut servus pœnæ, id est, si deportatus sit, vel datus in metallum, nec est pro non scripto, ut dixi, sed in causa caduci, qui vivo testatore deficit, hoc ego negabo: quia ut apparet ex hoc §. id tantum legatum constituitur esse in causa caduci, quod vivo testatore deficit, mortuo legatario naturaliter: vel legati conditione defecta, ut est in hoc paragrapho, non etiam si legatarius peregrinus fiat, aut servus pœnæ. Sed his casibus legatum pro non scripto est, secundum jus antiquum, quod si casus non sint comprehensi lege Papia. Rursus obijcies, etiam pro non scripto esse legatum, quod deficit vivo testatore morte naturali legatarii, quod nos diximus esse in causa caduci, et vero ita est. Sed posset quis tentare esse pro non scripto, non in causa caduci, quia scilicet in eam causam venit, a qua incipere non potest: nam legatum mortuo relicto in causa caduci non est, sed pro non scripto est. Ergo et relicto vivo, si is moriatur vivo testatore, secundum definitionem *d. l. 3. ut etiam ea pro non scriptis habeantur*, quæ in eam causam incidunt, a qua incipere non poterant. Et respondeo, ita

quidem esse, ut dicis, jure antiquo. Sed hunc casum esse exceptum lege Papia ab eo, quod dicitur, ea, quæ in eam causam pervenerunt, a qua incipere non poterant, pro non scriptis haberi: nam et alio capite legis Papie, huic sententiæ derogatum est, hoc casu scilicet, si post mortem testatoris ante apertas tabulas legatarius moriatur, vel peregrinus factus sit, aut servus pœnæ: nam ex lege Papia legatum caducum fit, quod jure antiquo haberetur pro non scripto, quia in eam causam recidit, a qua incipere non poterat. Igitur illa sententia, sive regula leg. 3. non est porrigenda ultra casus in ea lege comprehensos: quod maxime notandum: nam vitiatur casibus legis Papie. Imo et plerisque aliis casibus quæ in eam causam pervenerunt: a qua incipere non poterant, non ideo minus utilia sunt, ut in §. ex contrario, Instit. de legat. l. a filio, l. plane, §. inde dicitur, ff. de legat. 1. l. penult. §. ult. ff. de verb. obligat. l. 3. sup. de interd. matr. ut in jure nulla sit debilius regula, sive sententia, id est, quæ tot patiatur vitia, ut ex ea quæ ducitur argumentatio, periculosissima sit.

Ad §. In primo

In primo itaque ordine, ubi pro non scriptis efficiebantur ea, quæ personis jam ante testamentum mortuis testator donasset: statutum fuerat, ut ea omnia bona manerent apud eos, a quibus fuerant derelicta: nisi vacuatis, vel substitutus suppositus, vel conjunctus fuerat aggregatus: tunc enim non deficiebant, sed ad illos perveniebant, nullo gravamine (nisi perraro) in hoc pro non scripto superveniente: quod est nostra majestas, quasi antiquæ benevolentiae consentaneum, et naturali ratione subnixum, intactum, atque illibatum præcepit custodiri in omne ævum valiturum.

Dixi quæ non scriptis habeantur, dicam breviter, ut finiam hunc articulum, quo jure ea censeantur, quæ pro non scriptis habentur: idem jus est hodie, quod fuit olim, quod fuit semper, ut quæ habentur pro non scriptis, non recidant in fiscum: nec enim ad ea pertinent leges Papie caducariæ. Eleganter Plinius lib. 2. Epistol. In codicillis, inquit, quæ pro non scriptis habentur, delatori locum non esse: sed quæ pro non scriptis sunt, pertinent ad substitutum, ut ostenditur in §. sequenti, et in l. 1. §. 1. ff. de iis quæ pro non scriptis habentur: vel si non sit substitutus pertinent ad conjunctum, id est, ad collegatarium, vel cohæredem: et quomodo pertineant, et an semper pertineant ad conjunctum hoc in §. in primo Accursius præmature tractavit, cum sit disse-

rendum in partem, sive tractatum de conjunctis: quem Justinianus inferius nobis exhibet. Ergo satis habeamus dicere, ea, quæ habentur pro non scriptis, pertinere ad substitutum, vel conjunctum: vel si nullus sit, remanere apud hæredem scriptum, vel legitimum, ut in l. 55. sup. §. ult. ff. de legat. 2. vel ne obstat lex si quis cum, ff. de condit. et demonst. et lex pen. §. Scævola, D. de legat. 2. quas objicit Accursius, utque apertius respondeamus ad eas leges, quam ille faciat: concedimus ea, quæ pro non scriptis habentur, deficiente substituto, vel conjuncto, remanere apud hæredem, si ab hærede relicta sint: alioquin apud legatarium remanere, a quo relicta sunt. Ut si a legitimo relictum sit fideicommissum, quod habeatur pro non scripto, æquus est, ut in eo retinendo (dico retinendo, non petendo) potior sit causa legatarii, cujus fides electa est, ut in supradictis legibus, quas objicit Accursius, et l. si quis quos, de legat. 2. Ergo remanent apud hæredem, vel apud eum, a quo relicta sunt quæ sunt pro non scriptis: et remanent quidem sine onere, ut defuit in hoc §. in primo ut si ab hærede, cujus portio habetur pro non scripta, vel si a legatario, cui quid relictum est, habetur pro non scripto, relictum est, id ab eo alii legatum, aut fideicommissum, hæres non præstat, apud quem remanet id, quod pro non scripto est: quia cum principale relictum pro non scripto sit; consequens est, ut et onus legati, vel fideicommissi ei in injectum, pro non scripto sit, tanquam a nemine relictum. Itaque concludit merito Justinianus, quæ pro non scriptis habentur, apud hæredem, vel apud legatarium, si ab eo relicta sint, ut dixi, retentionis jure remanere, deficiente substituto, vel conjuncto, et remanere sine onere. Sed addit Justinianus: nisi perraro, quod et apertius explicat in §. hoc videlicet infra: nam aliquando apud eos remanet cum onere: et rectissime Accursius duos tantum casus notavit, non potest dari tertius unus est ex lege cum vero, §. si pro non scripto, ff. de fideicommiss. lib. Legatarius rogatus est servum suum manumittere, legatum, pro non scripto est, et remanet apud hæredem, cum onere tamen ejus servi redimendi, et manumittendi: hic nimirum favor exhibetur libertati. Alter casus est in l. ult. D. de his quæ pro non script. hab. ut legatum, quod quis sibi adscripsit, pro non scripto sit, et apud hæredem resideat cum onere, quod est nominatim cautum, nec est alia querenda ratio, nisi quod est nominatim cautum Senatusconsulto Liboniano, quod censuit, legata, quæ sibi testamentarii adscribunt, pro non scriptis esse, l. filius, §. ult. D. ad leg. Cornel. de fals. non addas tertium casum ex l. civitatibus, §. 1. de legat. 1. quæ male accipitur

de iis, quæ pro non scriptis habentur: species legis hæc est: quidam scripsit heredes Cajum et Sejum: et ita dixit: *Cajus et Sejus. illi decem danto*: utrumque heredem oneravit nominalim: Sejus repudiavit hereditatem accrescet pars ejus Cajo, et Cajus illi præstabit totum legatum: quia, inquit, Sejus habetur pro non scripto: videtur ergo, quod remanet apud cohæredem, quod non habeatur pro non scripto, remanere cum onere præstandi totius legati. Breviter sic respondeo: illo loco non hoc dicere Jurisconsultum, portionem Seji pro non scripta haberi, cum ei fuerit utiliter adscripta ab initio: sed Sejum, qui repudiavit haberi pro non instituto, id est, perinde esse, ac si Cajus solus fuisset hæres institutus: solus ergo præstabit totum legatum: hoc etiam ita explicat l. 16. §. 1. de leg. 1. Et hæc de iis, quæ pro non scriptis habentur.

Ad §. Pro secundo.

Pro secundo vero ordine, in quo ea vertuntur, quæ in causa caduci fieri contingebant, vetus jus corrigentes sancimus, ea, quæ ita eveniant, simili quidem modo manere apud eos, a quibus sunt relicta, heredes forte, vel legatarios, vel alios, qui fideicommissa gravari possunt: nisi et hunc casum, vel substitutus, vel conjunctus eos antecedit. Sed omnes personas, quibus lucrum per hunc ordinem deferitur, eas etiam gravamen, quod ab initio fuerat complexum, omnimodo sentire: sive in dando sit contentum, sive in quibusdam faciendis, vel in modo, vel conditionis implendæ gratia, vel alia quacunque via exogitatum. Neque enim ferendus est is, qui lucrum quidem amplexitur, onus autem ei annexum contemnit.

In causa caduci dicuntur, quæ post factum testamentum vivo testatore deficiunt morte naturali hæredis, vel legatarii, aut defectu conditionis. Et hæc quidem jure antiquo pro non scriptis erant, quod in eam causam pervenerant, a qua incipere non poterant juxta l. 3. D. de his, quæ pro non scriptis habent. Lege autem Papia erant in causa caduci, id est obnoxia fisco: ex hac autem constitutione Justiniani pertinent ad substitutum excusso fisco, et restituto jure antiquo, vel si nullus substitutus sit, accrescunt conjuncto, vel remanent apud hæredem, vel quemlibet alium, a quo relicta sunt, id est, cohæredem, vel collegatarium: substitutus præfertur conjuncto, l. 2. §. si duo, D. de bon. poss. sec. tab. quod hic venit ex tacita, ille, id est, substitutus, ex expressa voluntate defuncti. Et expressa voluntas facit cessare tacitam: quod si nullus sit substitutus, vel conjunctus, ea,

quæ in causa caduci sunt, remanent apud hæredem, vel legatarium, vel alium quemlibet, a quo jure relicta sunt: conjunctus præfertur ei, a quo relicta sunt: nam substituto datur primus locus, conjuncto secundus, ei a quo relicta sunt, tertius. Ig tur ea, quæ pro non scriptis habentur ab iis, quæ sunt in causa caduci hoc distant, quod illa remanent sine onere apud eos, a quibus relicta sunt: quæ sunt in causa caduci cum suis oneribus, ut in hoc §. nam et cum recidebant in fiscum ex l. Papia, in eum recidebant cum suis oneribus, l. in facto, §. ult. de condit. et demonstrat. Aut quibus casibus non recidebant in fiscum, veluti liberis, aut parentibus hæredibus institutis, vel usufructu legato (nam usufructus nunquam recedit in fiscum, nec caduci, nec veluti caduci jure) his, inquam, casibus remanebant apud eos, a quibus relicta erant, similiter cum suis oneribus, l. si ab eo, de usufr. leg. Et ita ad substitutum quoque pertinebant cum onere, l. licet, de leg. 1. et similiter ad conjunctum, l. 29. §. 1. de leg. 2. Cur autem ea, quæ pro non scriptis habentur apud eos remaneant sine onere, reddita ratione explicavi in §. in primo, sup. eod. quod onus ipsum pro non scripto sit, tanquam a nemine datum, sive relictum. Onus autem dicimus, ut ostendit hic §. præstandi legati, aut fideicommissi onus, præstandi libertatis onus, modo si quid legatum sit, ut aliquid fiat: nam et hunc modum implere debet is, ad quem a legatario, qui defecit, transit legatum. Itemque onus conditionis dandi, vel faciendi aliquid, l. si quis legata, l. si cui legatum, §. ult. de condit. et demonstrat. Conditionis intelligi, quæ sit in potestate ejus, cui adscribitur. Nam ut recte Accurs. conditio casualis non est onus, veluti, si Titius consul factus fuerit. Conditio etiam faciendi non omnis sequitur substitutum, vel conjunctum, ad quem transit relictum, quod deficit vivo testatore, quod dicebatur esse in causa caduci, sed ea tantum conditio transit, quæ per alium impleri potest, ut ostendit in §. ne autem, omnis conditio dandi potest per alium impleri, l. ult. de condit. instit. l. Arrescusa, de stat. homin. conditio faciendi etiam per alium impleri potest: veluti si quis jubetur suis sumptibus fabricare monumentum; potest enim suis sumptibus fabricare per alium, vel si jubatur extruere domum, item si jubetur emere, locare, fidejubere: nam et hæc per procuratorem fieri possunt: hæc facta, per alium impleri possunt; alia sunt facta, quæ personæ coherent, nec possunt per alium adimpleri, ideo cum persona extinguuntur conditiones, quæ consistunt in eis factis, nec sequuntur substitutum, vel conjunctum, vel hæredem, vel legatarium, vel alium, a quo relictum est, quod sit in causa caduci,

ut si quis jubeatur navem fabricare suis manibus, suis operis: non dico suis sumptibus: hæc sunt diversa suis manibus, suis operis, et suis sumptibus, ut in *d. §. ne autem, et l. 11. §. ult. et l. seq. de leg. 3.* Ergo hæc conditio, *si navem fabricaveris tuis manibus*, personæ cohæret, quia electa est persona artificis, et ut ait *l. inter artifices*, quæ est notissima, *de solution.* inter artifices est longa differentia ingenii, et nature, et doctrine, et institutionis, et ut vulgo Græci dicebant *πρόπος τῶν ὑπάρχων καὶ πρὸς τὴν διὰ τῆς πρῆξις*: id est, *longa est distantia inter Phryges, et Persas*. Et ita etiam si quis jubeatur uxorem ducere, si jubeatur juri civili operam dare, hoc factum personæ cohæret: videntur etiam omnia facta, quæ nullum opus post se relinquunt personis cohærere, nec posse impleri per alium, ut si quis jubeatur Capitolium ascendere, vel Alexandriam ire, quæ facta nullum opus relinquunt. Nota est distinctio Aristotelis inter facta, quæ opus aliquod edunt, et quorum finis est aliud præter factum, sive factionem, ut si quis fabricet navem, et ea facta, quæ nullum opus relinquunt, quorum nullus est alius finis, quam ipsa actio, cujusmodi est saltatio, pulsus cytharæ, si quis peregre proficiscatur, in *1. Ethic. ad Nicom.* et in *1. Ethic.* et in *1. Polit.* Quod autem dixi, ea, quæ sunt in causa caduci remanere apud legatarium, a quo relicta sunt, id nuper ostendi esse ex *S. C. l. Julian. de leg. 2.* Ea igitur senatus censuit lucro legatarii, a quo relicta sunt potius cedere debere, quam lucro hæredis. Verum huic legi obstat *l. pen. §. 1. de adim. leg.* Cujus species hæc est: testator matri quatuor prædia legavit, et fidei ejus commisit, ut duo prædia socero restitueret: deinde codicillis ademit socero fideicommissum, relictum a legatario: queritur, an ea duo prædia ex prælegatione apud matrem maneat, et prælegationem dixit pro prælegato, ut Boet. arripimus in *Comment. Topic. Cic. legationem* dicit pro legato, ut *l. quisquis, de leg. 3. prælegationem dotis, pro prælegata dote, l. cum vulgari, de dote præleg.* et respondet Scævola in *d. §. 1.* nihil proponi cur ad matrem illa duo prædia pertinerent, id est, non pertinere ad matrem: quod est, peti non posse a matre. Nam pertinere dicitur, quod delatum est, quod peti potest. Unde apparet fideicommissum relictum a legatario, quod deficit, non remanere apud legatarium, aut non pertinere ad legatarium, ut ait. Breviter sic respondeo, loquitur illa *lex pen. de adempto fideicommissum*, quod relictum erat socero a legatario. Nos hic loquimur de eo, quod est in causa caduci, et differentia demonstranda est, quæ sit inter hæc: primum quidem fideicommissum ademptum, nec datum videtur, *l. 14. de leg. 1.* Et sicut cum fideicommissum pro

non scripto habetur, ejus retentionem habet legatarius, a quo relictum est, non etiam petitionem, *l. pen. §. Scævola. de leg. 2.* ita legatarius adempti fideicommissi, quod a se relictum erat, retentionem habet, et *d. l. pen. de adim. leg.* non negat eum habere retentionem, si forte legatum acceperit, sed negat etiam habere petitionem, id est pertinere ad eum, quod est peti posse ab eo. Ideo autem ab eo peti non potest, quod legatum illud duorum prædiorum ei fuerit ademptum pro fideicommissum. Tam enim directo, quam per fideicommissum, legata adimuntur, *l. quidam, §. ult. de leg. 1.* Adimentis autem animus plerumque iis est, ut nunquam legatum redeat ad eum, cui semel ademptum est, nec si adimatur fideicommissum ei, in quem per fideicommissum transfusum est legatum, nec etiam si ille moriatur fideicommissarius. Et hoc de fideicommissum adempto, quod relictum erat a legatario. Fideicommissum autem, quod fuit in causa caduci, ab initio utile est, nec non datum videtur, cum utiliter datum sit. Et de utili tantum fideicommissum loquitur Senatus in *d. l. Julia, et l. 14. 17. eod. tit. et l. pater, §. fidei, de leg. 3.* ut ad legatarium scilicet pertineat, non ad heredem, et ut a legatario peti possit, ne dum retiperi. Et ita apparet, quæ sit differentia inter fideicommissum ademptum, et id quod sit in causa caduci. Alius casus, quo legatario competit petitio legati, licet fideicommissum non præstet, quod ab eo relictum est: et casus hic est. Si legatarius rogatus non sit restituere ipsam rem legatam, sed aliam rem rogatus sit prestare, vel ficere, et per eum non stet quo minus præstet, ut si legatus sit fundus, aut pecunia, et rogatus sit servum alienum restituere, et manumittere, et is servus moriatur, vel dominus eum vendere nolit, an ideo extinguatur legatum? Minime, *l. si fundum per fideic. §. 1. de leg. 1.* Præterea: quod dixi ante, quodque proponitur in hoc §. onera injuncta relicta, quod sit in causa caduci, sequi substitutum, vel conjunctum, vel legatarium, vel heredem: huic parti etiam obijciatur *l. 3. §. ult. de leg. 3.* hæc est sententia legis: fideicommissum potest relinqui ab intestato: sive relictum esse fideicommissum a proximior agnato, cui ab intestato defertur hereditas: is repudiavit legitimam hereditatem, an agnatus sequentis gradus, qui venit ex successorio elicto, repudiante agnato primi gradus fideicommissum obstringetur relicto a proximior agnato? Minime: et hoc ait certum esse, cum et ita, ut refert, rescripserit Antoninus, ex *d. l. 3. §. ult.* Respondeo primum: illa lex non loquitur de hereditate, quæ est in causa caduci, sed de ea, quæ repudiatur. Deinde non loquitur de substituto, vel conjuncto, vel heredem scripto, vel legatario, sed de legitimo heredem, qui venit ex successorio elicto suo jure,

non ex iudicio defuncti, et ideo non agnoscit onera, quæ defunctus imposuit proximiori agnato: quæ est etiam ratio *l. qui gravi, et duarum sequentium, ff. de jure codicill.* et ita ut ait in *d. l. 3. §. ult.* hoc constituit Antoninus, idem scilicet, qui voluit onera tamen sequi substitutum, et conjunctum, quia hi veniunt ex iudicio defuncti, *l. licet, de leg. 1. l. 4. ad Treb.* Idem etiam voluit fiscum, cum admittitur, subire onera ejus, cujus legatum in eum cadit, vel portio hæreditatis, *Ulp. lib. regul. tit. de cad.* videlicet caducorum rescindendorum gratis, licet fiscus non veniat ex iudicio defuncti, sed suo jure. Postremo, quod diximus, id, quod est in causa caduci, deficiente substituto, pertinere ad conjunctum cum onere, huic parti obijcitur *§. sin autem, h. l.* quo dicitur, portionem deficientem collegatarii pertinere ad collegatarium sine onere. Sed ut in tractatu de conjunctis plenius dicatur, differentia est inter re tantum conjunctos, vel conjunctos re et verbis: nam si sint duo re tantum conjuncti, ut puta, si ita legatum sit, *Primo fundum Tusculanum lego, Secundo fundum Tusculanum lego*, deficiente Primo, fundus pertinet ad secundum sine onere fideicommissi relictæ a Primo, quod scilicet palam unicuique solidum relictum est. Et Secundus dum capit solidum, fundum suum capit, non legatum alienum, suo autem non fuit impositum onus, sed alieno. At cum sunt re et verbis conjuncti, *Primo et secundo illum fundum lego*, deficiente Primo Secundus totum fundum capit cum onere præstandi fideicommissi relictæ a Primo, quia tum capit alienum legatum pro parte Prima. Ideoque ejus partis onera subire debet.

Ad §. In novissimo.

In novissimo autem articulo, ubi proprie caduca fiebant, secundum quod prædiximus etiam clausis tabulis, tam existere hæredes, quam posse adire, sive ex parte sint, sive ex asse instituti, censuimus, et dies legatorum, et fideicommissorum, secundum quod prædiximus a morte defuncti cedere. Hæreditatem enim nisi fuerit, adita, transmitti, nec veteres concedebant, nec nos patimur, exceptis videlicet liberorum personis, de quibus Theodosiana lex super hujusmodi casibus introducta loquitur: his nihilominus, quæ super his, qui deliberantes ab hac luce migrant, a nobis constituta sunt, in suo robore mansuris.

Exposui heri quæ in *l. Pap.* erant in causa caduci, ea hodie in hac causa non esse, sed pertinere ad substitutum, vel conjunctum, vel hæredem, vel alium, a quo jure relictæ sunt. Non dixi eas transmitti in hæredem ejus, cui relictæ sunt: nam

Tum. IX.

vivo testatore neque dies legatorum cedere, neque transmissioni locus esse potest. Non dicam de iis, quæ proprio et directo nomine caduca dicebantur, qui est tertius, et novissimus articulus, ut ait tertius ordo, sive modus eorum, quæ proposuit in *§. et cum triplici*: ea enim caduca dicebantur, quæ deficiebant post mortem testatoris, etiam clausis tabulis testam. hæredis ex parte scripti, aut legatarii morte naturali, vel peregrinitate, vel servitute pœne: quomodo nihil eorum, quæ testamento, vel codicillis relinquuntur hodie deficere potest, quia apertarum tabularum hodie non habetur ratio. Et sui quidem hæredes sive ex parte, sive ex asse scripti hæredes sunt, statim a morte testatoris, etiam clausis tabulis, ipso jure hæredes existunt inviti et ignorantes, *l. 3. sup. de jure delib. l. apud hostes, inf. de sui et legit. liber. l. 2. §. si quis ex liberis, ff. ad SC. Tertull.* Et hoc semper obtinuit in suis hæredibus, etiam lege Papia: et hoc quod ait *l. in suis, ff. de sui et legit.* quæ est inscripta ad leg. Pap. in suis hæredibus non esse necessariam additionem, quia statim ipso jure hæredes existunt statim, id est, ante apertas tabulas. Existere est proprium suorum, quod est apparere de repente, et ut Græci ajunt ἀνταρξάσθαι. Id quoque semper obtinuit, ut etiam extranei hæredes ex asse scripti possint hæreditatem adire statim a morte testatoris, etiam clausis tabulis testam. *l. multum, de cond. et demonstr. l. 1. §. ult. de juris et facti ign.* At extranei hæredes scripti ex parte secundum *l. Papiam* non possunt hæreditatem ante apertas tabulas adire, et ob id *Ulp. lib. regul. cum definit caduca, de hærede scripto ex parte* loquitur, non de hærede scripto ex asse. Et similiter *SC.* quod factum est auctore Hadriano de petitione hæreditatis, loquitur de partibus hæreditatis caducis, non de asse caduco, eo loco, cum antequam partes caducæ fisco peterentur, etc. Quæ verba interpretans Ulpian. in *l. item veniunt, §. ait Senatus, de petit. hæreditatis*, sic ait, hoc evenerat (ex facto) ut partes caducæ fisco peterentur, sed et si ex asse fiat, *SC. locum habebit.* Idem etsi vacantia bona fisco vendicentur, vel si ex alia quacunque causa bona ad eum pervenerint: quod ait hoc evenisse, ut partes hæreditatis caducæ fisco vindicarentur, ergo hæres ex parte scriptus fuerat mortuus ante apertas tabul. vel peregrinus factus, aut servus pœne: alioqui partes caducæ non fuissent, quod tamen ita poni non potest in hærede scripto ex asse, quia hic non expectat aperturam tabularum. Igitur non hoc vult *Ulp. SC. locum esse*, etiamsi hæres scriptus ex asse mortuus sit ante apertas tabul. quia in eo hoc non observatur. Sed ait *Ulp. si ex asse fiat, SC. locum habebit*, quæ verba

sunt legenda conjuncta scriptura, cum iis verbis, quæ sequuntur: *Idem etsi vacantia bona fisco vindicentur*, mutato scilicet illo *idem*, in *id est*, quod modum est frequens in libris nostris, quod alias notavi in l. 20. l. 30. in fine, ut est scripta Flor. de art. emp. l. 46. pro soc. l. 10. §. quotiens, de compens. et l. 76. de hered. instit. et l. 22. cujus initio legendum, *id est*, ff. loc. Et id quidem ejus legis initium est copulandum extremo l. 20. eod. tit. Item in l. 1. sup. de aliment. pup. prest. in quibus omnibus locis pro *idem id est*, est scribendum. et ita U p. cum in d. §. ait, *sed etsi ex asse fiat*, *id est*, si totus as caducus fiat, non pars, SC. locum habebit, *id est*, *etsi vacantia bona fisco vindicentur*, vel si ex alia causa ad fiscum pervenerint, iis casibus vult Ulpianus, cum as at caducus, cum sunt bona vacantia nullo existente successore bona deserta, vel cum ex causa delicti bona omnia confiscata sunt, iis etiam casibus esse caduco facto, etiam SC. locus est. At hodie ex constitutione Justiniani etiam heres scriptus ex parte, contra l. Papian hereditatem adire potest statim a morte testatoris, non ab apertis tabulis testamenti. Et dies quunque legatorum, aut fideicommissorum, quæ in diem certum, aut pure relicta sunt, quod est contra l. Papian, credit non ex apertis tabulis, sed ex tempore mortis testatoris, etiam clausis tabulis statim, vel moriente mox legatario nondum apertis tabulis, jure transmittuntur legata in heredem legatarii, ne fisco locus sit, aut ne fisco detur locus ullus, nec ullum spatium inducendi fisci, cum cadat dies statim a morte testatoris: et observanda est differentia, quæ est hac in re inter hereditatem, et legatum: nam legatorum, quæ pura sunt, diem cedere dicimus statim a morte testatoris, etiam clausis tabulis: et ideo post mortem testatoris moriente legatario, nec agnito, nec repudiato legato, legati petitionem ad heredem ejus transmitti: repudiatum autem legatum, vel fideicommissum pertinere ad substitutum, vel collegatarium, aut conjuncto accrescere, vel residere apud eum, a quo relictum est. Hereditatis autem diem non dicimus cedere statim a morte testatoris, sed adiri posse statim a morte testatoris, etiam clausis tabulis: et aditam transmitti in heredem, non aditam, non item. Quamobrem moriente herede post mortem testatoris ante aditam hereditatem, hereditas non transmittitur ad heredem ejus, sed pertinet ad substitutum cum onere legatorum: vel cohæredi accrescit æque cum oneribus suis, vel pertinet ad legitimam heredem sine oneribus cum suo jure veniat, non ex judicio defuncti, ut autem hereditas non adita non transmittatur in heredem, vel quæ alio modo acquisita non est, veluti pro herede gestione: aut petitione bonor. possessionis, vetus est regula juris,

ut ait in hoc §. hereditatem non aditam non transmitti in heredem, vel non acquisitam alio modo in l. 6. §. ult. et l. 7. de inoff. testam. l. quoniam, sup. de jure deliber. l. 1. C. Theodos. de legit. heredib. l. 2. C. Hermog. de success. quæ regula locum etiam habet in bon. possessionibus, ut non transmittatur bonor. possessio, nisi fuerit agnita a defuncto, l. 3. §. acquirere, de bon. poss. l. 7. rem rat. hab. locum etiam habet in fideicom. hereditate, ut non transmittatur in heredem fideicommissarii, antequam restituta, et recepta sit, l. 11. §. utrum, ad Treb. Et rursum locum habet non tantum in institutione, sed etiam in substitutione, ut jus substitutionis novum delatum, nondum acquisitum, non transmittatur in heredem substituti, l. si ex plurib. de suis et legit ratio est, quia omnis hereditas personæ cohæret, vel omnis hereditas defertur in personam, non in rem. Ergo personam, cui defertur, omnino oportet agnoscere hereditatem, ut transferatur in heredem ejus. Inde Paulus 1. Sentent. tit. 13. *petitio hereditatis, cujus defunctus litem contestatus non est, ad heredem non transmittitur*. Quod etsi scribat Paulus de petitione hereditatis civili, locum tamen habet etiam in possessoria, et fideicommissaria hereditatis petitione. Ab hac tamen veteri regula, quæ etiam hodie obtinet, excipe casum legis si infanti, sup. de jur. deliber. Si infans ab extraneo sit heres institutus, et pater nomine ejus, ut potuit, hereditatem non adierit, et is in infantia mortuus fuerit. Nec enim ille minus hereditas transmittitur in patrem, ex constitutione d. l. si infanti. Justinia, etiam hoc §. excipit alium casum, quem introduxit constitutio Theodosii, quam ob nullam aliam causam posuit in tit. seq. de iis, qui ante apert. tab. heredit. transmitt. quam quod et ejus mentionem fecisset hoc loco. Loquitur autem illa constitutio de apertis tabulis, quod tempus non vult spectari Justinian. Et ad hæc etiam illa constitutio est derogatio legis Papian in illo casu, quem abrogavit Justinianus in totum: et l. penitus abrogata, superfluum est derogationis causas exponere. Sed quia ejus constitut. mentionem fecerat hoc loco, et quia ex ea etiam hoc remanet hodie in usu necessarium, ut in casu ejus legis hereditas non adita transmittatur, ideo sequens tit. propositus est, quem hoc loco interpretabimur. Casus in illa constitut. ita est propositus, si parentum hereditas liberis deferatur, etc. Nam etsi parentibus sint extranei heredes, non sui, veluti, si matri, avi, avo materno, aut patri, a quo emancipati sunt, tamen hereditatem parentis non aditam cujuscunque gradus, vel sexus fuerit parens, transmittunt, non in quoscunque heredes, sed in liberos suos, sive ex asse, sive ex parte scripti sunt, sive sci-

verint, sive ignoraverint sibi delatam hereditatem et ut ait eadem constitutio Theod. licet invicem substituti non sint, quæ res scilicet excludebat legem Papiam: nam ea tollebat jus accrescendi, non substitutionis. Et ideo remedio substitutionis, maxime reciproce, id est, factæ ad invicem introducebatur jus accrescendi, et excludebantur caduca, ut ostendimus in §. 1. *hoc tit.* sed ut ait Theod. licet liberi instituti a parente, invicem substituti non sint, quæ res proculdubio excludebat l. Papiam, et fiscum, non ideo minus excludetur lex Papiæ, et fiscus, si illi liberi habeant liberos, in quos hereditatem transmittant, etiam morientes ante apertas tabulas. Et ideo etiam servari vult Theod. Constitutio in legatis, et fideicommissis, quæ a parentibus liberis relinquuntur, quæ habent in potestate, vel non, nihil refert: nam si moriuntur ante apertas tabulas, legata non fiunt caduca ex l. Papiæ, sed transmittuntur in liberos legatariorum, quod favore liberorum Theodosius detrahit legi Papiæ. Et licet hodie sublata sit necessitas aperientiarum tabularum, tamen hoc modo utimur constitutione Theod. ut non dicamus, liberos hereditatem parentum ante apertas tabulas transmittere in liberos suos, sed hoc modo, liberos hereditatem parentum non aditam transmittere in liberos suos, non etiam in quoscunque heredes. Etiam excipit Justinianus alium casum ex l. cum in antiquioribus, *sup. de ju. delib.* quæ pertinet ad omnes hered. extraneos: et jus ita est ex ea const. ut si hæres etiam extraneus, qui non ignorat sibi delatam hereditatem, moriatur intra annum inter deliberandum, ut jus deliberandi transmittat in heredem suum qualemcumque; et hereditatem igitur, si hæres amplecti eam velit, sed exigitur, ut moriatur intra annum: nam si moriatur post annum ante aditam hereditatem, nihil transmittit in heredem suum. Item exigitur, ut sciorit sibi delatam hereditatem: nam ignorans nihil transmittit. Hæ tres constitutiones, quas attigi, l. si infanti, l. cum in antiquioribus, et l. un. tit. seq. quod ad transmissionem attinet, jus, quod erat præcipuum suorum heredum etiam extraneis heredibus communicant. Accuratas quartum casum addidit, quo hereditas non adita transmittitur, ex l. si quis in gravi, §. præ. ff. de SC. Syllan. Finge, testator a familia necatus esse dicitur, quo casu hæres vetatur adire hereditatem, aut aperire tabulas testamenti antequam questio de familia habita sit: vellet quidem adire hæres, sed obstat SC. ne adent antequam tormenta familie adhibita sint. Quid igitur si interim moriatur hæres, per quem factum non est quo minus adent hereditatem? jure ipso non transmittit hereditatem in heredem suum, sed decreto Prætoris hæres ejus admittetur ab bona,

eique dabuntur non directæ actiones hereditariæ, sed utiles, sive decretales. Et eadem est ratio l. ventre, de acq. hered. Filius emancipatus non adiit hereditatem, quia nondum potest eam adire, quoniam uxor defuncti prægnans dicitur et expectare debet, quoad constet prægnans sit, an vacua. Quid ergo si interim moriatur? opus est decreto heredi ejus, ut bona percipiat, perinde atque si filius emancipatus adisset hereditatem, per quem factum non est quo minus adiret eam, datis scilicet actionibus utilibus.

Ad §. I. libertatibus.

Libertatibus proculdubio, et post præsentem sanctionem propter sui naturam, quæ aditionem heredis expectant, ab adita hereditate una cum aliis, quæ servis in testamento manumissis, vel aliis legatis relicta sunt, competentibus. Excepto etiam usufructu, qui sui natura ad hæredes legatarii transmitti non patitur: quia, neque a morte testatoris, neque ab adita hereditate, quantum ad transmissionem, dies ejus cedit. Sed hæc omnia in his observari sancimus secundum præjactam dispositionem, quæ pure, vel in diem certum relicta fuerint.

Justin. in §. cum igitur, et in §. in novissimo, hoc t. jam definivit legatorum, aut fideicommissorum, quæ pure, vel in diem relicta sunt, diem cedere a morte testatoris, etiam ante apertas tabulas, et ante aditam hereditatem restituto jure antiquo, et abrogata l. Papiæ, ex qua eorum dies cedit ex apertis tabulis testamenti, etiam si nondum adita hereditas sit: nam et lex Papiæ non exigebat aditionem, ut cederet dies legatorum, aut fideicommissorum, sed aperturam tantum tabularum, ut Paulus indicat lib. 3. sent. tit. de legatis, dum ait, legatum per vindicationem transmitti ad heredem legatarii, etiamsi legatarius nondum constituerit ad se pertinere, id est, si nondum agnoverit legatum, a quo ita post apertas tabulas ante aditam hereditatem decesserit. Nunquam enim aditio hereditatis moram fecit cessionis diei, sed petitioni tantum legati, l. 7. in princ. quando il. leg. ced. Etiam, quod notandum maxime, ignorantia legatarii, qui, puta, nondum cognovit legatum sibi esse relictum, moram non facit cessionis diei, l. ult. inf. quando di. legat. Hos vero, quod ita definivit Justin. *supra in hoc §.* nunc ostendit, non esse perpetuum: quorundam enim legatorum diem non cedere a morte testatoris, sed ab aditione hereditatis, id est, interdum aditionem hereditatis moram facere cessionis diei. Et primum libertates ait non competere a morte testatoris, sed ab adita hereditate, ut l. 8. quando

di, legat. ced. Quæ de causa recte dicitur, regulam Catonianam, quæ spectat tempus mortis, non additionis, non pertinere ad libertates testamento datas, ut emendavi *l. 3. de reg. Caton. et confirmat l. si privatus, §. ult. ff. qui et a quibus manum. lib. non si. l. generaliter, §. si homini, de fideic. libert.* Competere autem libertatem est diem libertatis cedere, non quantum ad transmissionem, quia nec quantum ad transmissionem diem libertatis cedit ab adita hereditate, cum transmitti in alium non possit datio libertatis: ut de usufructu legato dicitur *hoo §. diem legat. usufructus*, neque a morte testatoris, neque ab adita hereditate cedere quantum ad transmissionem attinet, quia jus est personale quod non transmittitur ad heredem, quia deficiente persona usufructuarii, et ipse usufructus prosus extinguitur. At cedere quid dicitur duob. modis, uno, et quidem proprio, ut transcat, et transferatur ad heredem ejus, cui legatum relictum est. Altero, ut debeatur, *l. Sempromius, de usufr. leg.* Et posteriori modo, non etiam priori, quia natura rei non patitur, dicimus diem libertatis, et usufructus cedere ab adita hereditate, id est, ab eo demum diei deberi hereditatem, et libertatem: nam libertas, et usufructus non cadunt in tractatum de transmissionibus, cum adhærent personæ, cui hæc adscripta sunt. Et recte *l. 36. §. fin. ff. ad l. Falcid.* libertatem competere, vel deberi, ut illud, vel *αἰ ἐμπνυστὸν*; ut *αἰ ὥπε* vel *διὰ ἀπαρτὸν*; nam competere est cedere diem, et in causa libertatis quid est cedere diem? Est incipere deberi libertatem. Competere igitur est deberi: nam de transmissione frustra queritur. Quod dico de libertate, et usufructu, idem dictum volo de omni alia servitute personali, id est, quæ personæ adhæret: usufructus non transit in heredem: idem igitur et de usu legato, qui est etiam servitus personæ, servitus hominis, et de habitatione legata, ut eorum legatorum dies cedat ab adita hereditate. Et omnino ratio est hæc, quia cum servitutes personales ad heredem transmitti non possunt, inutile esset, si quis ante aditam hereditatem eorum legatorum diem cedere diceret: nam hoc nulli usui esset, cum et ante aditam hereditatem non debeantur. Et hoc ostenditur in *l. 2. 3. et 5. §. 1. et ult. ff. quando di. leg.* Idcirco enim constitutum est, dies legatorum cedere statim a morte testatoris ne, heredes moram additione faciant, quo minus legata in heredem legatarii transmittantur, quæ consideratio cessat in iis rebus, sive juribus, quæ transmitti non possunt. Concludamus igitur omnem servitutem personalem testamento legatam vel codicillis relictam, veluti usufructum, usum, habitationem, ejus legati diem nunquam cedere, nisi ab

adita hereditate. Idemque statuamus in legato alimentorum: nam etiam hoc legatum finitur morte alimentarii. Idem in legato relicto in annos singulos, sive in legatis annuis, quæ relinquuntur alimentorum gratia plerumque, nam et hæc legata non cadunt, nisi ab adita hereditate, *l. in singulos, ff. de annuis legat. l. Firmio, in fi. ff. quando di. leg.* Neque vero quod diximus de servitute personali, idem, ut hoc loco tentat Accursius, qui merito ob eam rem a Bartolo reprehensus est, ne idem, inquam, dicamus in servitute reali, veluti via, itinere, actu, aquæductu, quia hæc servitutes transmittuntur in heredem: ideoque earum dies cedit a morte testatoris, ut de iis rebus, quæ personæ non adhærescunt, intelligendus autem est hic *§. tam de fideicommissariis, quam de directis libertatibus*: nam aut libertates competere ab adita hereditate, et non tantum directe competere dicuntur, sed etiam fideicommissariæ, *l. 22. §. ult. ff. de fideic. lib. l. de libertatib. ff. si quis om. caus. test.* Et verbo competere cessio diei significatur, a quo debetur libertas hæc vel illa. Sed hæc una est differentia inter libertates fideicommissarias, et directas testamento relictas, quod fideicommissariæ petantur, directæ non petantur, sed vindicentur, *l. pen. de fideic. lib. l. mulier, §. non est, ad Trebell.* Et eleganter Paul. *lib. 4. Sentent. tit. 1. Jus, ait, omne fideicommissi si in petitione, non in vindicatione consistit.* Et rursus hæc in re hæc est differentia inter libertates, et legata, quod libertates quæcumque relictæ sunt testamento, competere dicuntur, legata præstari. Et ita ea, quasi consulta opera dividit invicem JC. in *l. qui fundum, §. si tu ex parte, ad l. Falcid.* Additur in hoc *§.* etiam legati relictæ servo manumisso, cui data est libertas, testamento diem non cedere, nisi ab adita hereditate, quod utique certissimum est, si sit data directæ libertas: nam si fideicommissaria data sit, diem libertatis, et legati servo per fideicommissum relictæ, melius cedere dicemus ab adita hereditate: nam aliquem heredem esse oportet, et præterea a die præstatiæ libertatis fideicommissariæ ab herede, vel cessante herede, a die adeptæ libertatis ex SC. Rubriano, quo cessante herede representatur libertas servo per fideicommissum manumisso, *l. filiusfamil. in fin. ff. quando di. legat. etc.* ut vero dies legati relictæ servo manumisso non cedat, nisi ab adita hereditate, est consequens ei, quod dixi, libertatis diem non cedere, nisi ab adita hereditate, quia utiliter cedere non potest legati relictæ dies servo manumisso, antequam libertas ei competat, quia servo proprio inutiliter legatur sine libertate. Igitur ne pereat legatum, differtur cessio diei in id tempus, quo liber futurus est. Atque ita uno, eodemque die, et cedit libertas, et legatum manumisso relictum. Et hoc

confirmatur *l. 7. §. ult. et l. 8. quando di. legat. et l. si quis servo suo, de leg. 2. et l. 8. sup. de fideicommiss.* Adhuc etiam in hoc §. legati relictī servo alii diem non cedere, nisi ab adita hereditate. Finge, testator servum suum Titio legavit, eidemque servo aliquid legavit: si dicat huius legati diem cedere ante aditam hereditatem, cedit inutiliter, servo non habente alium dominum, quam hereditatem jacentem, id est, nondum aditam, quæ est vice domini, id est, defuncti. At servo defuncti, non potest legatum competere sine libertate. Ideo necessario ne pereat legatum, expectandum est, quoad adentur hereditas, et ea adita, statim servus acquiritur Titio legatario, deinde consequetur legatum. Hoc proponitur in *l. servo leg. de legat. 1. et l. 7. §. ult. quando di. legat.* Et observa mendum, quod est in *d. l. 7. §. ult.* Primum enim hoc proponitur: interdum aditionem hereditatis moram facere cessionī diē legatorum, id est, quædam esse legata, quorum dies non cedit a morte testatoris, sed a tempore aditæ hereditatis, ut inquit, si servo manumisso legatum sit, quod est manifestum: deinde subiicit, vel ei, cuius servus legatus est. Et ideo servo aliquid legatum sit: sic est Florentinæ, et ideo: alii libri habent, et idem. Primum sic est scribendum, vel si cui servus legatus est, non ei, et est similis error in *l. 1. §. ei cui, ut legator nom.* Ubi perspicuum est alios codices habere rectius, si cui, non ei cui. Ergo ait in illo §. ult. si servo manumisso legatum sit, diem legati non cedere ante aditionem, id est, antequam obtingat libertas, vel si cui servus legatus est, et non idem, sed trajectis litoris, eī em, quæ traiectiones, sive ut Græci loquuntur, ὑπερβασεῖς τῶν ἐκείνων in Flor. Pandect. frequentissimæ sunt, ut cum scribitur modo, pro domo, vicariis, pro cibariis, pars hodie, pro rapsodiæ: sic etiam ait, vel si cui servus legatus est, et eidem servo aliquid legatum sit: nam hæc tantum habemus genera legatorum, quorum dies cedit ab adita hereditate, si relictæ sit libertas, quod et legatum dici potest, aut fideicommissum: si relictum sit jus personale, aut servitus, vel si servo manumisso relictum sit legatum, et si servo alii legato aliquid relictum sit. Et hæc sola sunt legata, quorum dies cedit ab adita hereditate, ad quæ nihil pertinet regula Catoniana, *l. 8. de reg. Caton.* Verum notandum est, quod miror glossam omisisse, ita demum horum legatorum, quæ excipiuntur a definitione generali Justiniani, diem cedere ab adita hereditate, si scriptus sit hæres extraneus, a quo relictæ sunt, quia huius non est hæres sine aditione, aut eo, quod pro aditione sit. Aliud est, si servus scriptus hæres necessarius, quia hic capit hereditatem a morte testatoris, et ipso jure sine aditione hæres existit. Et consequenter etiam illa legata,

quæ excipimus, ut sunt libertates, servitutes, usufructus, si ab eo relictæ sunt, dies eorum cedit statim a morte testatoris, *S' il y a un heritier tout aussi tost*, dies libertatis cedit statim a morte testatoris, dies usufructus, et ceterorum legatorum, quæ excipimus, et ideo necessario hærede scripto ad ea legata pertinebit regula Catoniana, quoniam scripto necessario, ut cetera legata, ita et illa cadunt a morte testatoris, non expectata aditione hereditatis, et hoc belle confirmat *lex Julianus, de condit. et demonstrat. l. si optio, de opt. leg. l. quasitum, §. 1. de leg. 1.* Et hæc quidem de legatis, quæ pure relinquuntur, vel in diem certum: de legatis, quæ relinquuntur sub conditione, vel in diem incertum, et a quo die cedant, tractabo die seq. in §. *sin autem.*

Ad §. Sin autem.

Sin autem aliquid sub conditione relinquuntur, vel causali, vel potestativa vel mixta, quarum eventus ex fortuna, vel ex honoratæ personæ voluntate vel ex utroque pendeat, vel sub incerto die: expectari oportet conditionis eventum, sub qua fuerit derelictum, vel diem, ut tunc cedat, cum vel conditio impleatur, vel dies incertus extiterit. Quod si in medio is, qui ex testamento lucrum sortitus est, decedat, vel eo superstite conditio defecerit, hoc quod ideo non prevaluit, manere disponimus simili modo apud eos, a quibus relictum est, nisi et hic: vel substitutus relictum accipiat, vel conjunctus, sive hæres, sive legatarius hoc acquirat: cum certi juris sit, et in institutionibus, et legatis, et fideicommissis, et mortis causa donationibus posse substitui.

Justinianus docuit supra, ex quo tempore cedat dies legat. et fideicommissorum, quæ pure, vel in diem certum relictæ sunt. Nunc docet, ex quo tempore cedat dies eorum, quæ sub conditione, vel in incertum diem relictæ sunt, quæ legata dicuntur incerta, *l. si dies, in fine, ff. quando di. leg. ced.* Incerta conditio, vel dies, incertum legatum facit, quod est, ut id certum non sit, debitum iri: ita vero jus est, et fuit semper legati conditionalis, aut in diem incertum relictī, diem nempe non cedere statim a morte testatoris, sed cum conditio, vel dies incertus extiterit. Ut autem puris legatis comparantur ea, quæ in diem certum relictæ sunt, quod scilicet et hæc statim debeantur a morte testatoris, et transmitti possint, *l. 9. ut leg. nom. caveat.* et ante diem recte solvantur, *l. 1. §. 1. de condit. et demonstrat.* Non tamen per omnia comparantur puris legatis: nam pura statim peti possunt a morte testatoris, si quis hæres extiterit; relictæ in diem certum, licet statim debeantur, non statim peti

possunt, id est, *antequam dies venerit*. Ita vero conditionalibus legatis comparantur ea, quæ in diem incertum relinquuntur, quia in eis dies incertus dicitur facere conditionem, *l. dies incertus, de condit. et demonstrat.* Et conditio quoque appellatur, *l. 1. §. ult. ut legator. nom. et l. si dies, §. 1. quando di. leg. ced.* eo loco, *tempus, conditiove: tempus*, incertum scilicet conditiove, quasi possit et conditio appellari. Neque tamen per omnia sunt similia conditionalibus legatis, quæ relinquuntur in diem incertum: sunt enim quædam relictæ in diem incertum, quæ sunt pure, aut pro puris, quod certum sit ea transmitti in heredem legatarii, vel fideicommissarii. Et omnis quidem conditio est dies incertus, *l. talis scriptura, de leg. 1.* Non omnis tamen dies incertus est conditio: ut si Titio legatur, *cum morietur hæres*, qui dies est incertus, is dies conditio est, et conditionale legatum facit, quia fieri potest, et hæc est ratio, ut hic dies non cedat vivo legatario, puta si is morietur superstiti hærede, *l. 1. §. 1. l. hæres, §. 1. de condit. et demonstrat. l. si pecunia, §. ult. de leg. 2. l. ult. in fine, inf. de contr. et commit. stipul.* Item, si legatum relinquatur Titio, *cum pubes erit*, dies est incertus, quia forte non perveniet ad pubertatem, *vel cum consulatum inierit*, dies incertus est, qui pro conditione habetur, quia fieri potest, ut is dies non cedat vivo legatario, ut puta si morietur ante pubertatem, vel ante adeptum consulatum, *l. si dies, ff. quando di. leg. ced. et l. hæres, in princ. de condit. et demonstrat.* At si cum morietur Titius, ei legatur, sane dies est incertus, mors uniuscuiusque diem incertum habet, sed is dies non facit conditionem: et legatum est purum, quod certum est in heredem transmissum iri mortuo Titio, cui legatum est, quia fieri non potest, ut is dies non cedat, et ideo purum est legatum, *l. 1. quando dies leg. d. l. hæres, in princ.* Et si stipulanti quid promiserit *cum moriar*, dies incertus est, qui tamen conditionem non facit in stipulationibus, adeo ut quod interim solvero, non possim repetere, quod tamen repeterem, si esset conditio. Et hæc differentia inter diem incertum, et conditionem est in *l. sub conditione, et seq. de condict. indeb.* et in *d. l. sub conditione, et seq.* omnino videtur scribendum: *Die pendente, non existente.* Et recte *l. dies incertus, de cond. et demonstrat.* diem incertum testamento facere conditionem, puta, *cum morietur hæres*, qui debet legatum: nam aliud est in stipulatione: nam si quod a me deberi volo, promittam *cum moriar*, dies ille incertus non facit conditionem. Et certum est in hac questione longam esse differentiam inter stipulationes conditionales, et legata conditionalia. Vel una sufficiat, quod stipulatio

conditionalis transmittatur in heredem, conditionale legatum non. Et si conditionalis stipulatio existat retrahatur, conditio legati retro non trahatur, *l. 78. de verb. oblig.* Quod igitur dicitur hoc §. *legati conditionalis, et legati relictæ sub die incerto diem cedere, cum dies incertus, vel conditio extiterit*, id inquam non est sumendum de quolibet die incerto, sed de eo tantum, qui est pro conditione. Et effectus ejus definitionis hic est, et fere triplex. Primo, ut regula Catoniana ad ea legata non pertineat, quia dies eorum non cedit a morte testatoris, sed cum conditio extiterit. Non pertinent etiam ad eandem regulam conditionales hereditates, *l. cetera, §. 1. de leg. 1. l. pen. de reg. Caton.* Item, ut mortuo legatario pendente conditione, vel die incerto, id est, *ante diem legati cedentem*, petitio non transmittatur in heredem *l. 5. quando di. leg. ced.* At mortuo heredem a quo legatum sub conditione relictum est, pendente conditione legati, hæres heredis tenetur legati nomine, si postea conditio existat, *l. legata sub conditione, de condit. et demonstrat.* Hæres moriens pendente conditione legati heredem suum obligatum relinquit ex legat causa, aut in ea causa eum relinquit verius, ut legati nomine obligari possit, postea conditione existente. Legatarius autem moriens pendente conditione legati, heredi suo nihil relinquit. Et (a) hoc Græcis visum est velle *d. l. legata*, quam hic exponam: nam vulgo explicatur male. *Legata sub conditione relictæ non statim* (id est a morte testatoris) *sed cum conditio existit, deberi incipiunt*, quod est certissimum. Verum sequitur, *ideoque interim delegari non potuerunt*: Græci, quia *delegari* interpretantur *παράπιασμα*, ita videntur verum illum accepisse, ut interim non possint transmitti in heredem legata conditionalia, pendente conditione moriente legatario, nam ita scribitur, *ὅτι οὐ παράπιασμα ἐστὶ τὸ μεταξὺ δυνάτα*. Verum melius est, ut verbum *delegari* accipiamus proprie, ut scilicet conditionalia legata dum pendet conditio, non possint cedi et mandari alteri, ut scilicet nomina ceduntur, et actiones, quia nondum est ullum nomen, nullum debitum, nulla actio, quamobrem frustra interim ceduntur eorumve actiones, quæ nullæ sunt. Et hoc demonstrat *d. l. dum sit, non statim deberi incipiunt, sed cum conditio extiterit*. Inde infero, ergo interim alteri cedi non possunt: nam legatarius conditionalis non est creditor, et hæc est alia differentia, licet stipulator conditionalis sit creditor. Quia stipulatio ex presenti contracta et tempore vires capit, legatum ex

(a) *Vide Merill. variant. ex Cujac. lib. 1. cap. 40.*

die cessionis, *l. is cui, de obligat. et act. l. qui in fraudem, qui et a quibus manum*. Addit Justin præterea in hoc §. nihil interesse, utrum legati conditio sit casualis, an potestativa, an mixta. Quod et confirmat *l. 3. §. 1. quando di. leg.* Et casualem definit, *cujus eventus pendet ex fortuna*. Casum pro sorte fortuna sumens, ut *si navis ex Asia venerit*. Potestativa est, quæ est in potestate honoratæ personæ, id est, legatarii, quæ honoratur legato. Legatum est bonos: veluti, *Si Titio decem dederit, si Capitolium ascenderit*. Mixtam autem vocat, quæ pendet ex utraque, id est, ex voluntate legatarii, et fortune eventu. Et inter ea genera conditionum in jure sunt multæ differentiæ. Casualis potest impleri vivo testatore: Potestativa nisi post mortem testatoris impleri non potest, *l. 2. de cond. et dem.* Casualis non est promiscua, id est, nunquam potest esse potestativa, *l. 4. §. pu'o, de hæc. instit.* hæc est promiscua, *l. 11. de cond. et demonstr.* Quia nulla est potestativa, quæ interdum non possit esse non potestativa, *l. 4. §. pu'o, de hæc. instit.* ut, *si Titio decem dederit*: interdum non est potestativa, ut *si Titius longissime ab sit*, si peregrinetur longinquo itinere. Item filius a patre, in cujus potestate est, potest hæres institui sub conditione potestativa, non sub casuali, nisi in ejus defectum exheredatur, *l. 4. sup. de instit. et substit.* est et alia differentia in *l. ult. sup. de necess. hæredib. inst.* Et male Accursius hoc loco, mixtam conditionem sumit pro promiscua ex *d. §. pu'o*: cum aperte Justin. dicat, eam esse mixtam, quæ pendet ex utroque, id est, ex arbitrio legatarii, et ex fortuna, qualis hæc est: *Si Titio postliminio ab hostib. reverso decem dederit*, nam decem dare est in potestate legatarii, ab hostibus reverti in casu consistit. Igitur ita concludamus, siue casualis sit conditio legati, siue potestativa, siue mixta, antequam ea extiterit, non cedere diem legati sub ea conditione relictæ. Et addamus, si ea conditio deficiat vivo legatario, vel etiamsi legatarius moriatur pendente conditione, proculdubio in hæredem ejus legatum non transmittetur. Quæro igitur, ad quem pertinent? Et Just. ostendit, mortuo legatario pendente conditione, aut defecta conditione legatum pertinere ad substitutum legatarii cum suis oneribus, si legatario substituerit testator. Nam ut notat Justin. non tantum hæredibus substituiamus, sed etiam legatariis, et fideicommissariis, *l. ut hæredib. l. cum pater, §. pen. de leg. 2. l. 8. usufr. quemad. cav. l. avia, de cond. et demonstr. l. si spons. §. si marit. hæred. de don. inter vir. et ux. l. 6. sup. de leg.* Et ita etiam donatariis causa mortis substituiamus, ut et heic Justin. ait, et

probat *d. l. ut hæred. et l. si cui, de mort. caus. don.* Et notandum legatariis, fideicommissariis, et quibus donatur mortis causa, qui fideicommissario comparantur, nos substituere posse in utrumque casum, id est, *si ceperint, vel non ceperint legata, l. si fundum sub conditione, §. Stichum, de leg. 1.* Hæredibus tamen nostris non substituiamus: nisi in primum casum, id est, *si hæredes non extiterint*. Præterquam liberis impuberibus usque ad pubertatem tantum, ut etiam si hæredes extiterint, qui est secundus casus, et moriantur intra pubertatem, ille eis substitutus sit. Et puberibus quoque, et extraneis substituiamus in secundum casum, non quidem directo, sed per fideicommissum. Ubi vero legatarius testator non substituit, legatum, quod deficit, et expirat moriente legatario pendente conditione, vel conditione defecta, pertinet ad conjunctum, id est, ad cohæredem, vel collegatarium jure accrescendi. Quod si nullus horum sit, legatum remanet apud eum, a quo relictum est: si a pluribus relictum sit, remanet apud eos pro hæreditaria portione, ut in *§. 27. et §. sed ut manifestetur*. Videlicet cum hæredes, si legatum prævaluisse, id est, *si conditio extitisset*, id erant præstituri pro hæreditaria portione. Nam quod sic præstitissent, id ita etiam apud eos residebit pro hæreditaria portione. Et omnino pro qua portione hæredes de legato præstando obstringuntur, pro eadem etiam legatum apud eos remanet. Idem est, si legatum relictum sit a legatario, vel fideicommissario, vel donatario causa mortis: nam et hic potest onerari fideicommissio. Vel etiamsi ab alio sit relictum, veluti ab hærede legitimo, vel ab hærede hæredis, vel legatarii, vel a debitore defuncti, a quo etiam potest relinqui fideicommissum, vel a patre, vel a domino hæredis instituti, ab eo, cui statuliber dare jussus est, hi omnes onerantur fideicommissio, et si fideicommissum sit conditionale, mortuo fideicommissario pendente conditione, fideicommissum apud eum remanet, inquit, pro virili portione, quæ verba non semper significant æquales portiones servari, sed ita sunt sumenda, ut demonstrabitur in *§. si vero pars, inf. eod.* ea verba *pro virili*, in eo loco esse accipiendæ *pro rata*, ut pro qua portione fideicommissio præstando obligantur, et pro ea virilium fideicommissum, quod deficit inter eos distribuitur, servata tamen proportionē, quam ipse testator in præstatione fideicommissi servari voluit. Et hic est finis hujus questionis §. *sin autem*: §. qui sequitur exposui partim in *§. in primo*, partim in *§. pro secundo*. In *§. his ita definitis*, Justinianus incipit novum tractatum de conjunctis, et jure accrescendi, quem nos absolvemus post serias.

Ad §. His ita.

§. His ita definitis, cum in superiore parte nostræ sanctionis in plurimis locis conjuncti ferimus mentionem: necessarium esse duximus omnem inspectionem hujus articuli, latius, et cum subtiliori tractatu dirimere, ut sit omnibus et hoc apertissime constitutum. Non enim tantum conjunctivo modo. In his itaque si quidem cohæredes sunt omnes conjunctim, quædam relinquuntur sed etiam disjunctim, vel omnes disjunctim, vel instituti, vel substituti, hoc quod fuerit quoquo modo evacuatam, si in parte hæreditatis, vel partibus consistat, aliis cohæredibus cum suo gravamine, pro hæreditaria parte, etiamsi jam defuncti sunt, acquiratur. Et hoc nolentibus ipso jure accrescat, si suis portiones jam agnoverint: cum sit absurdum, ejusdem hæreditatis partem quidem agnoscere, partem vero respicere, secundum quod in divini nostri numinis decisionibus statutum est. Sin vero quidam ex hæredibus institutis, vel substitutis permixti sunt, et alii conjunctim, alii disjunctim nuncupati: tunc si quidem ex conjunctis aliquis deficiat, hoc omnimodo ad solos conjunctos cum suo veniat onere, id est, pro parte hæreditatis, quam ad eos pervenit. Sin autem ex his, qui disjunctim scripti sunt, aliquid evanescat: hoc non ad solos disjunctos, sed ad omnes tam conjunctos, quam etiam disjunctos similiter cum suo onere pro portione hæreditatis perveniat. Hoc ita tam varie, quia conjuncti quidem propter unitatem sermonis quasi in unum corpus redacti sunt, et partem conjunctorum sibi hæredum quasi suam præoccupant: disjuncti vero ab ipso testatoris sermone apertissime sunt discreti: ut suum quidem habrant: alienum autem non soli appetant, sed cum omnibus cohæredibus suis accipiant. Et hæc in hæredibus tantummodo statuenda sunt.

Sequitur nunc posterior pars hujus tit. Prima fuit de lege caducaria sublata, et restituto jure antiquo: posterior est de conjunctis, et disjunctis hæredibus, aut legatariis, quam incipit ab hoc §. Nec sine causa prioris partis vicinitatem sequitur: nam cessante jure caduci, et fisco excluso, consequens est conjunctum vel disjunctum cohæredem, vel collegatarium admitti jure accrescendi in portionem conjuncti, quæ post testamentum, vel mortem testatoris deficit aliqua ex causa, vel quæ repudiatur. Quamobrem (*) et Paulus ipse scribens ad l. Papiam accurate tractat de conjunctis in l. re conjuncti, de leg. 3. l. triplici, de verb. signific.

(*) Vide Merill. Variant. ex Cujac. lib. p. cap. 39.

Lex Papia tollebat jus antiquum, id est, jus accrescendi, jus conjunctionis, jus collegii, ac certe non tollebat etiam jus substitutionis, ut dixi hoc tit. initio. Quæ de causa facta substitutione, sæpe testatores excludabant fisco commodo caducorum, videlicet per causam substitutionis inducto jure accrescendi antiquo, et jure substitutionis factæ a testatore, nec prælato fisco in causa caduci: nam substituti duplici jure nitebantur contra fisco, jure accrescendi antiquo, et jure substitutionis factæ a testatore. At jus accrescendi simplex proculdubio tollebat lex Papia, sive jus conjunctionis, exceptis certis casibus, prælato fisco cohæredi, vel collegatario ejus, cujus portio defecerat. Facilius autem omnia, quæ pertinent ad jus accrescendi, ad jus conjunctionis, in notitiam venient, si exemplo Pauli in d. l. re conjuncti, et d. l. triplici, quæ conjungendæ sunt, prius ostendero, triplici modo conjunctos intelligi: alii enim sunt conjuncti re tantum, alii re et verbis, alii verbis tantum. Conjuncti re et verbis, qui omnimodo conjuncti sunt, hi sunt, ut Paulus ait, quos unumquemque et rei complexus jungit, quibus similiter et pariter idem jus eademve res relinquitur, vel qui conjuncta scriptura in eandem rem, vel jus vocatur, ut si duo hæredes scribantur hoc modo, *Primus et Secundus mihi hæredes sunt: vel, Primus et Secundus ex semisse hæredes sunt*, vel si ita legatum sit duobus: *illi et illi fundum do, lego*. Atque ita plerumque pari amicorum legari solebat: Plinius libro septimo *Epistolarum* scribens ad Tacitum amicum suum. *Eadem legata*, inquit, *et quidem pariter accipimus*, id est, conjunctim. Re autem, non etiam verbis conjuncti sunt, quibus separatim eadem res idemve jus relinquitur, veluti, *Primus hæres esto, Secundus hæres esto*, vel, *Primus ex semisse, Secundus ex eodem semisse hæres esto*, vel, *Primo fundum Tusculanum do, lego, Secundo eundem fundum do, lego*. Hi re per se conjuncti sunt, non verbis, illo autem modo simul duobus, vel pluribus eadem res relinquitur, l. si patronum, §. ult. de bon. libert. l. 2. quib. mod. usufr. Denique illo modo conjunctim legatur, hoc modo disjunctim et separatim: nam hic articulus conjunctim in hac constitutione et §. conjunctim, Institut. de leg. et in l. 1. ff. de usufr. accresc. passim in jure nostro significat conjunctionem rerum et verborum. Hic autem articulus disjunctim, vel separatim significat conjunctionem rerum, et disjunctionem verborum. Quamobrem illi sunt omnimodo conjuncti. Hi autem etiam sunt conjuncti, sed oppositi illis dicuntur disjuncti et separati quia, ut ait Justin. ab ipso testatoris sermone apertissime discreti sunt. Cur vocantur disjuncti? Quia ab ipso testatore in eundem sermonem coacti non sunt. Verbis autem,

non re conjuncti sunt, quibus conjuncta scriptura eadem res, idemve jus rebus partibus relinquitur. Veluti *Primus et Secundus ex æquis partibus mihi heredes sunt*, vel. *Primo et Secundo illum fundum ex æquis partibus do, lego*. Et hi quidem, qui verbis tantum conjuncti sunt, semper partes habent, d. l. *re conjuncti*, id est, omni jure, et antiquo, et novo, et omni genere legatorum, sive legatum sit per vindicationem, sive per damnationem, et omni tempore, id est, non concursu tantum, sed etiam statim ab initio partes habent, quas fecit testator in relinquenda hereditate, et legato. Et hoc distant tantum verbis conjuncti a ceteris. Illi, qui re et verbis conjuncti sunt, vel re tantum, non semper ab initio partes habent, sed concursu tantum, aut ne concursu quidem. Nam hac in re est longa differentia inter jus antiquum, et jus novum, et inter eos, quibus conjunctim relinquitur, id est, qui conjuncti sunt re et verbis, et eos, quibus relinquitur disjunctim, id est, qui sunt conjuncti re tantum, et inter eos, quibus conjunctim, vel disjunctim per vindicationem legatur, et inter eos, quibus per damnationem legatur. Et primum dicamus de iis, quibus disjunctim eadem res legatur. Si disjunctim eadem res legatur per vindicationem hoc modo, *Primo illum fundum do, lego, Secundo eundem fundum do, lego*, vel hoc modo *Primus fundum capto, sumito, habeto, Secundus eundem fundum sumito, capto vel habeto*. Hoc genere singuli ab initio solidum habent, concursu autem partes faciunt, id est, utroque concurrente, vel agnoscente legatum, nullo repudiante, nullo deficiente: nam palam est eo genere singulis initio adscribi solidum, sed per concursum faciunt partes. Et hoc ita ostendit Paulus 4. *Sentent. tit. de leg.* et Cajus lib. 2. *Instit. tit. de leg. in fin.* Unde in lib. regul. Ulpiani tit. *de legatis*, ubi ita scriptum est, *si eundem disjunctim* (loquitur de legato per vindicationem) *singulis in solidum debetur*. Primum illa verba non sunt in archetypo, quem mihi nuper Lutetie communicavit D. Tilus, qui est possessor hujus libri. Et vero falsum est, etiam re eadem disjunctim per vindicationem legata, singulis deberi in solidum. Itaque spatium, quod in illo archetypo est vacuum, ita repleti potest, *si qui tem disjunctim, singulis partes debentur*, id est, concursu partes faciunt, initio singulis solidum sit adscriptum. Idem vero est in legato per præceptionem, ut quibus disjunctim ita legatum est, partes concursu faciunt, l. 7. *sup. de leg.* nam et legati per præceptionem, sive prælegationem eadem fere sunt verba, atque per vindicationem, nempe, *præcipito, tibi que habeto*: ut est in Reg. Ulp. Sed si per damnationem eadem res sit disjunctim legata hoc modo, *Heredes meus damnas est Primo dare fundum illum*:

Tom. IX.

heredes meus Secundo eundem fundum dare damnas esto. Hoc genere singulis solidum debetur, uni res integra, alteri æstimatio rei integræ, ita ut ille rem auferat, qui agere præoccupavit, et re ablata a diligentiore, ea in re nihil juris supersit alteri, sed integram habeat actionem de æstimatione, quod Ulpianus, et Paulus, et Cajus supradictis locis docuerunt. Et eodem jure omnino fuit legatum siueudi modo, quod et pene similis his verbis relinquitur: *Heredes damnas esto sinere illum rem illam habere, sive sumere*, quod est præstare: nam siuere est pati, et *patientia* pro traditione et præstatione est, l. 3. *de usufr. l. si ego, §. 1. de Public. in rem act.* Eodem jure est fideicommissum, quo legatum per damnationem non in hoc juris articulo tantum, sed etiam in aliis: nam quæcunque per damnationem legari possunt, et per fideicommissum relinqui possunt, Ulp. tit. *de fideicom. lib. Reg.* Et ut electio est heredis, si homo generaliter, aut illud, aut illud legatur per damnationem, ita etiam si relinquitur fideicommissum, l. *si a substituto* 46. §. 1. *de leg. 1. l. si is cui, l. si ita relictum §. ult. de leg. 2.* ut plane appareat in omnibus idem esse jus legati et fideicommissi per damnationem. At notandum ex hac l. Justiniani, sublatam esse hanc differentiam inter legatum per vindicationem, et legatum per damnationem, quandoquidem ita constituit, ut quoquo modo legata sit eadem res disjunctim, legatarii concursu partes faciant, nec singulis solidum debeat. Notavit tamen differentiam juris antiqui Justin. in §. *si autem disjunctim*, eo loco: *Cum in uno tantum legati genere*, quod accipe, non ut inquit Accursius, de re legata per vindicationem, sed de legato damnationis relicto disjunctim duobus, aut pluribus, ut se licet voluerit jus antiquum singulis præstari solidum; velut autem Justin. singulis tantum, si omnes concurrant, præstari partes æquas: sed addit exceptionem: *nisi apertissime appareat testatorem singulis solidum dare voluisse, aliter rem, aliter æstimationem*, quam exceptionem, ut et si lus prodit, omnino verum est ex hac constitutione Tribonianum inseruisse pluribus locis juris, ut in l. *si pluribus, l. si iusfamil. §. finali. de legat. 1. l. 13. §. ult. de leg. 2. l. 20. de leg. 3. l. duos, de usufr. leg.* Et hæc de eadem re duobus disjunctim legata. Nunc videamus de eadem re duobus conjunctim legata. Quo in articulo est etiam differentia inter legatum per vindicationem, et legatum per damnationem nondum sublata, quia docetur ex conjectura voluntatis defuncti, et ex figura verborum, quæ sunt notæ voluntatis defuncti. Itemque inter jus antiquum et novum, et hac distinctione adhibita facile dissipatur dissidium inter l. 30. *conjunctim, de leg. 3.* quæ sit conjunctim

omnibus hereditatibus institutis, vel conjunctim legato relicto, aut solidam hereditatem aut solidum legatum singulis dari ab initio, partes autem concursu fieri, et *l. 34. plane, §. si conjunctim, de leg. 1.* que ait conjunctim re legata duobus, ab initio partes fieri: quod dissidium interpretes nostri, qui erant veteris juris ignari, numquam componere potuerunt: utroque loco conjunctim, est re, et verbis: nam hic articulus, conjunctim, ut dixi, numquam aliter accipitur. Sed res componi hoc modo debet. Hi, quibus conjunctim per vindicationem legatur, concursu partes faciunt, non ab initio partes habent: ut Ulpianus lib. regular. eod. *l. de legat.* ostendit apertissime. Et ita accipienda *d. lex conjunctim*, cum satis aperte loquatur de legato vindicationis, loquens nempe de hereditate, que semper per vindicationem relinquatur, hæres esto, et delegata dato. Nam do est verbum vindicationis. Hi autem, quibus per damnationem conjunctim eadem res legatur, ab initio quasi divisim partes habent in ea re æquas. Et ita sane accipienda est *d. l. plane, §. si conjunctim*. Et præterea, ut ostendatur differentia juris antiqui et novi, *lex conjunctim*, est accipienda secundum jus antiquum, quod scilicet obtinuit ante legem Papiam. Nam ea lex est lib. Celsi 33. ff. quo constat ex *l. 1. de Reg. Caton.* Celsum tractasse de regula Catoniana, quæ pertinet ad jus antiquum, non ad leg. Papiam: *lex autem plane §. si conjunctim*, etiam vera est, licet plane contrarium statuat, non secundum jus antiquum, sed secundum jus novum, id est, secundum *l. Papiam*, ex qua pars non concurrentis conjuncti caduca fit, sive per vindicationem, sive per damnationem legatum relictum sit. Et ita dissidium illud componi debet. Diximus in hac constitutione conjunctos vocari eos, qui re et verbis sunt conjuncti, disjunctos esse, qui non verbis, sed re tantum conjuncti sunt; cujus in hoc tractatu meminisse semper oportebit. Eorum, qui verbis, non re conjuncti sunt, ratio hic nulla habetur, quia verborum conjunctio sola nullius momenti est, *l. si ita quis hæredes 68. de hæred. instit.* Nisi illa conjunctio verborum nuda ex voluntate testatoris accipiat pro duplici, id est, pro conjunctione nominum et rei: ut si testator ita dixerit, *Primo et Secundo illum fundum æquis partibus do, lego*, non ut ipse faceret partes ab initio, sed ut demonstraret, quas per concursum partes habituri forent: quo casu verbis tantum conjuncti pro utroque modo conjuncti habentur. Et hujus voluntatis argumentum est in *l. si duobus 16. §. ult. de leg. 1.* cujus species hæc est: Testator legavit mihi et posthumis eandem rem conjuncta oratione ex virilibus partibus, id est, adscriptis virilibus partibus: nullo nato posthumo, ego totam

rem vindicabo, non tantum virilem partem, quia testator adscripsit partes viriles, non ut nos separaret, sed ut demonstraret plurimis posthumis natis, non unam se mihi partem, alteram posthumis dare velle, sed omnibus viriles: quia nullo posthumo nato, tota res ea ad me pertinet, quasi solido mihi ab initio relicto, *l. 7. et 8. de reb. dub.* Dixi etiam conjunctos per vindicationem jure antiquo, quo utimur, ab initio solidum habere, partes autem concursu facere. Unde sequitur, non concurrentis partem accrescere alteri secundum generalem definitionem Celsi, quæ est in *l. 3. de usufr. accresc.* Totiens scilicet jus accrescendi esse quotiens duobus, qui in solidum habuerunt rem ab initio, concursu dividitur res; atque ita, qui non concurrat, qui non capit partem, non facit etiam partem socio, id est, non impedit quo minus habeat totum, non numeratur in partibus faciendis: nam non capientem partem, non facere partem socio, hoc nihil est aliud, quam partem non capientis accrescere socio. Ex *l. Papia* non capientis pars caduca fiebat, quæ hodie sublata est. Dixi etiam conjunctos per damnationem ab initio partes habere: unde sequitur, inter eos non esse jus accrescendi, secundum definitionem Celsi, quia non concursu partes faciunt, sed habent ab initio partes factas et adscriptas a testatore. Verum pars non capientis, non concurrentis, in hereditate remanet, ut nominatim scribit Ulpian. lib. regul. tit. *de leg.* Atque hoc casu, qui non fert, non capit partem, socio tamen partem facit, id est, non patitur ut socius habeat totum. Et hoc ex jure antiquo, quo utimur: nam ex *l. Papia* et hoc casu non capientis pars caduca fiebat. Eadem vero ratio fuit conjunctorum verbis tantum, quæ conjunctorum re et verbis per damnationem. Nam sicut hi ab initio partes habent, qui sunt conjuncti verbis et re per damnationem: ita qui verbis tantum sunt conjuncti, non re, ab initio partes habent, *d. l. re conjuncti*. Unde sequitur inter eos non versari jus accrescendi secundum regulam Celsi: quod etiam demonstrat *lex pen. et ult. de usufr. accrescen.* Et ideo non capientis pars jure antiquo apud heredem remanet, exemplo conjunctorum re et verbis per damnationem. Hoc ita, ut supra dixi, si non testator, quos verbis tantum conjunxit, palam etiam re conjungere voluerit, quod in dubio præsumitur. Et inde questio nata est *d. l. re conjuncti*, quæ fama est celerrima, uter utri præferatur in jure accrescendi. Species ejus hæc est. Fingo testatorem ita legasse, *Primo et Secundo fundum illum do, lego. Tertio eundem fundum do, lego.* Deficiente primo, pars ejus accrescit soli Secundo, non Tertio, quia conjunctus re et verbis præfertur re tantum conjuncto, et ceteris omnibus collegariis, et ut ait, *d. l. præfertur*,

id est, præfertur omnimodo sine ulla distinctione, ut l. 1. §. *idem ait*, de usufr. accresc. l. *Sempronius*, §. *ult.* de usufr. leg. At lingua rursus, quæ species est difficilior, testatorem ita legasse pluribus eundem rem, *Primo et Secundo fundum illum do, lego, Tertio fundum eundem do, lego, Quarto et Sexto eundem fundum æquis partibus do, lego*: si omnes concurrant, si omnes amplectantur legatum, fient quatuor partes fundi, quæ a conjuncti omnes unius personæ potestate funguntur, l. *plane*, in princ. de leg. 1. et hac lege, §. *hoc ita tam varie*, sicut plures conditiones conjunctionis datæ unius loco habentur, l. 5. de condit. instit. Ergo in hac specie Primus et Secundus pro uno habentur. Et rursus Quintus et Sextus æque pro uno habentur: deficiente autem Primo, proculdubio soli accrescit Secundo, quia re et verbis conjunctus præfertur ceteris omnibus. Deficiente autem Tertio, Quartus non erit potior in portione Tertii, quæ deficit, sed portio Tertii accrescit omnibus pro rata l. 2. 3. 4. 5. et 6. quia omnes Tertio sunt re conjuncti. Re enim conjunctus dicitur non tantum, qui in toto, sed et qui in parte conjunctus est, l. 3. §. *non solum*, de usufruct. accresc. l. 3. §. *pen.* quibus modis usufr. amitt. At deficiente Quinto, lex ait, questionis esse, an Sextus potior sit, quia ei est conjunctus verbis tantum, id est, an præferatur ceteris collegatariis, ut portionem Quinti deficientis solus capiat: et ait, questionis esse propter ambiguum voluntatem testatoris: denique questionem esse voluntatis, quia incertum est, utrum testator, dum brevitati studet, ita dixerit, *Quinto et Sexto eundem fundum æquis partibus do, lego*, an consulto consilio eos ita conjunxerit. Et in dubio verius esse ait, ut et ipse præferatur. Sic recte Florent. ut et ipse, id est, ut non tantum re et verbis conjunctus præferatur ceteris omnibus, sed etiam verbis tantum conjunctus, et eandem prærogativam habeat verbis tantum conjunctus, quam habent conjuncti re et verbis, quasi testator videatur non frustra eos conjunxisse, et non celeritati studuisse in dubio, ut l. 66. de hæred. instit. sed data opera eos conjunxisse, ut eodem jure essent invicem, quo qui re et verbis conjuncti sunt. Denique ex sententia defuncti, ut habeatur pro conjunctis re et verbis. Et hæc est sententia d. l. *re conjuncti*. Neque obstat huic definitioni lex *Mavio* 41. de leg. 2. ex qua efficiunt, verbis tantum conjunctum non præferri ceteris. Species ejus hæc est testator ita dixit: *Primo fundi illius partem dimidiam, Secundo partem dimidiam do, lego, Tertio eundem fundum do, lego* deficiente Secundo, quid fiet? An portio Secundi accrescet Primo? Accrescet, inquit lex *Primo et tertio*,

quod est verissimum: et ut rem aperiam statim, Primus et Secundus non sunt conjuncti verbis: verborum conjunctio est nominum complexio, l. *triplici*, de verb. signific. Nomina Primi et Secundi in ea oratione non conjunguntur. Ergo non sunt conjuncti, sed separati, ut ait lex ipsa, partes eis fuisse legatas separatim, id est, separata oratione: nam in illa oratione: *Primo illius fundi partem dimidiam*, subauditur, verbum per zengnam, *do lego*, ac perinde est, ac si dixisset, *Primo illius fundi partem do, lego. Secundo ejusdem fundi partem dimidiam do, lego. Tertio eundem fundum do, lego*. Sunt igitur omnes re conjuncti: nam et qui in partem conjunctus est, etiam conjunctus est re. Et ideo portio Secundi, quæ deficit, accrescit Primo et Tertio pro rata, id est, ita ut Tertius in fundo habeat duas partes, Primus unam, quin quemadmodum in legato Tertius altero tanto plus habet, quam Primus: ita in portione Secundi, quæ accrescit, eadem ratio servanda est: si omnes concurrerent, Primus, secundus, Tertius, Tertio daretur dimidia pars fundi, altera dimidia divideretur inter Primum et Secundum. Nam Primus et Secundus sunt re conjuncti propter Tertium, qui nullo modo essent conjuncti, non adjecto Tertio, ut si ita legasset, *Primo illius fundi partem dimidiam, Secundo partem dimidiam do, lego*. Primus et Secundus in hac specie nec re, nec verbis sunt conjuncti, quia nec nominum connexus eos conjungit, nec in eandem partem dimidiam vocantur, sed Primus in unam, Secundus in alteram dimidiam. Et consequenter inter eos non est jus accrescendi, et si deficiat portio Secundi: ea remanebit in hæreditate, non aliam accrescet et Primo. Et similiter retenta specie eadem l. *Mavio*, deficiente Secundo et Tertio, Primo, qui superest, nihil accrescit, quia testator non plus dimidia ei dari voluit. Et jus accrescendi non facit, ut quis plus habeat, quam testator dare voluerit, sed ne minus habeat, quia iis tantum competit jus accrescendi, qui ab initio solidum habent, et excessu tantum interveniente locum habet, id est, quoties quis excessit assem. At non excessit assem, qui uni adscripsit partem dimidiam, et alteri alteram dimidiam. Unde, ut ponatur nova species rei dilucidande gratia, si testator ita dixerit: *Primo fundi partem dimidiam, Secundo dimidiam Tertio dimidiam do, lego*, quæ in re est excessus: nam duæ tantum dimidiæ sunt cujusque rei, non tres. Igitar inter eos tres collegatarios est jus accrescendi, quia excessus eis accrescit pro rata, si concurrant omnes, vel deficiente Primo aut Secundo, aut uno ex iis, excessus accrescit ceteris duobus: deficiente autem Primo et Secundo, Tertio nihil accrescit, ne habeat plus, quam dimidiam fundi, contra voluntatem defuncti.

Nam jus accrescendi manat ex voluntate defuncti, qui singulus voluit habere solidum non concurrentibus ceteris, partes æquas concurrentibus ceteris. Hæc voluntas inducit jus accrescendi. Dixi postremo, disjunctos quoque genero eis legatum sit, ex hac constitutione concursu partes facere, unde sequitur inter eos jus esse accrescendi, quod jure antiquo, et l. Papia tantum erat inter disjunctos per vindicationem. Nam singulis, qui disjuncti essent per damnationem, solidum debebatur, uni res, alteri restitutio, sive pretium, quod hæc constitutio tollit cum hac exceptione nisi apertissime apparent testatorem singulis solidum dare voluisse. Unde quæro, cur ex lege Papia erat jus accrescendi inter disjunctos per vindicationem, non inter conjunctos, sed non capientis pars caduca fiebat? Et ratio hæc est summe notanda, quia singulis, qui disjuncti sunt, maxime per vindicationem, solidum ab initio palam legatur hoc modo: *Primo illum fundum do, lego, Secundo eundem fundum do, lego.* Illi jus accrescendi nihil aliud est, quam retentio solidi non concurrente collegatario. Conjunctis autem hoc modo, *Illi et illi fundum illum do, lego.* singulis tacite, non palam solidum, id est, totus fundus legatur: ideoque non habet locum jus accrescendi: aut non concurrente collegatario, solidi, quod palam iis relictum non erat, non habebant retentionem, sed portio non concurrentis caduca fiebat. Et hæc ratio diversitatis efficit etiam hodie, ut restituto jure antiquo, conjuncto non accrescat invito, id est, ut invitus non retineat solidum, quod palam ei relictum non est: disjuncto autem accrescat invito, in §. *si vero non omnes* et §. *ubi autem l. 1.* ut invitus retineat solidum, quod palam ei relictum est, quia unum legatum scindi non potest, l. 4. et 6. de leg. 2. Et qui unius legati partem capit, totum capit, et acquirit etiam invitus, l. si cui res 59. eod. Et ab hærede ad legatarium pervenit exemplum, Paulus Sententiar. 111. tit. de leg. §. *ejus rei*, ut quemadmodum hereditas non potest scindi, seu pro parte adiri, pro parte repudiari, §. *in his itaque*, hac l. et l. 7. et 12. §. *ex testa. de bonis liber.* Ita nec legatum scindi potest, quia scindere legatum est fastidire judicium defuncti, dum partem honoris delati a defuncto respuit, partem amplectitur, et est *estre trop délicat*: nam quos vulgus vocat delicatos, non aliter Latino dicere possumus, quam fastidiosos, id est, qui respiciunt cilios. Et hoc est quod initio hujus partis posterioris proponit Justin. hereditatem ab hærede scindi non posse. Quare hic locus exigit, ut deinceps ex ordine, quem instituit Justinian. omnia nos exponamus, quæ in posteriore parte tractat de hæredibus conjunctis, deinde de fidei-

commissariis et legatariis conjunctis, quæ nos persequemur sigillatione.

Ad §. Ubi autem.

Ubi autem legatarii, vel fideicommissarii duo sorte, vel plures sunt, quibus aliquid relictum sit: si quidem hoc conjunctim relinquitur, et omnes veniant ad legatum, et pro sua portione quisque hoc habet. Si vero pars quædam ex his deficiat: sancimus eam omnibus, si habere maluerint, pro virili portione cum omni suo onere accrescere, vel si omnes noluerint, tunc apud eos remanere, a quibus derelictum est. Cum vero quidam voluerint, quidam noluerint: volentibus solummodo id totum accedere. Sin autem disjunctum fuerit relictum: si quidem omnes hoc accipere et potuerint et maluerint, suam quisque partem pro virili portione accipiat: et non sibi blandiantur, ut unus quidem rem, alii autem singuli solidam, jus rei æstimationem accipere desiderent: cum hujusmodi legatariorum avaritiam antiquitas varia mente suscepit, in uno tantummodo genere legati eam accipiens, in aliis respiciendam esse existimans. Nos autem omnimodo repellimus, unam omnibus naturam legatis, et fideicommissis imponentes, et antiquam dissonantiam in unam trahentes concordiam. Hoc autem ita fieri sancimus, nisi testator apertissime, et expressim disposuerit, ut uni quidem res solida aliis autem æstimatio rei singulis in solidum præstetur. Sin vero non omnes legatarii, quibus separatim res relictæ sit, in ejus acquisitionem concurrant, sed unus forte eam accipiat, hæc solida ejus sit, quia sermo testatoris omnibus prima facie solidum assignare videtur, aliis supervenientibus partes a prioribus abstrahentibus, ut ex aliorum quidam concursu prioris legatum minuat. Sin vero nemo alius velit vel venire potuerit, tunc non vacuatur pars, quæ deficit, nec alii accrescit, ut ejus, qui primus accepit legatum augere videatur: sed apud ipsum, qui habet, solida remaneant, nullius concursu diminuta. Et ideo si unus fuerit in persona ejus, apud quem remanet legatum adscriptum: hoc omnimodo impleat, ut voluntati testatoris pareatur. Sin autem ad deficientis personam hoc onus fuerit collatum: hoc non sentiat is, qui non alienum, sed suum tantum legatum imminutum habet. Sed et varietatis non in occulto est ratio: cum ideo videatur testator disjunctim hoc reliquisse, ut unusquisque suum onus, non alienum agnoscat. Nam si contrarium volebat, nulla erit difficultas conjunctim ea disponere.

Justinian. dividit in hæredes et legatarios tra-

etatum de conjunctis et disjunctis, et in heredibus sic distinguit: aut omnes heredes conjunctim instituti sunt, vel substituti, hoc modo, *ille et ille, et ille, heredes sunt*, aut omnes disjunctim instituti, vel substituti, ut *Primus heres esto, Secundus heres esto, Tertius heres esto*, aut quidam conjunctim heredes instituti sunt, vel substituti, quidam disjunctim hoc modo: *Primus heres esto, Secundus heres esto, Tertius et Quartus heredes sunt*. Hæc est distinctio Justiniani. Si omnes conjunctim, aut disjunctim nihil refert, heredes instituti, vel substituti sunt, ita constituit, et notanda definitio brevis constitutionis Justin. portionem coheredis, quæ repudiatur, vel quæ deficit ex ea causa, ex qua l. Papia caduca ferebat, vel in causa caduci jure civili, id est, ex duodecim tabulis, jure antiquo, jure ipso, jure tacito, pro portionibus hereditariis accrescere cum onere suo coheredi, vel coheredibus, qui portiones suas agnoverunt, vel heredibus eorum. Dixi *portionem, quæ repudiatur, vel quæ deficit ex ea causa, etc.* quia portio quæ pro non scripta habetur, coheredi accrescit sine onere. Neque huic definitioni locus est in iis, quæ pro non scriptis habentur, exceptis duobus casibus duntaxat, ut ostendit in §. *in primo, hoc t. Dixi, qui portiones suas agnoverunt*. Nam portio portioni accrescit, adjungiturque: ergo ei tantum accrescit, qui portionem suam agnovit. Et excipe tantum casum unus, quia usufr. personæ accrescit, non portioni, l. *interdum, de usufr. accresc. l. si Titio, §. ult. de usufr. leg. l. et an eadem, §. qui cum partem, ff. de except. rei judic.* Quod autem dixi, *cum suo onere accrescere coheredi portionem coheredis vacantem*, verum est, non tantum si portio deficiat ex ea causa, ex qua l. Papia caduca ferebat; nam quæ ita deficit, vel jure antiquo pertinet ad conjunctum, vel lege Papia ad fiscum cum suo onere. Verum idem etiam est in ea portione, quæ repudiatur, ut licet nominatim ei, qui portionem repudiavit, sit injunctum onus legati, portio ejus accrescat coheredi cum suo onere, ex constitutione D. Severi, l. *mortuo, §. ult. l. si Titio et Marcio, §. ult. de leg. 2.* Ante constitutionem Severi, qui scripserunt Julianus et Celsus, recte dicebant, portionem repudiatam, cui nominatim impositum fuisset onus, pertinere ad coheredem sine onere, quod alii heredi, qui repudiavit, fuerat nominatim injunctum, l. *pater, §. ult. de leg. 2.* Sed hoc, ut dixi, mutavit constitutio Severi. Dixi etiam, *vel heredibus eorum*, ut intelligamus jus accrescendi transmitti in heredem, in quem transmissa est portio hereditatis agnita ante aditionem. Et hoc distat jus accrescendi a jure substitutionis quia hæc non transmittitur, nisi post adi-

tam ex substitutione hereditatem, l. *si ex pluribus, de suis et legit. hered. l. hæc scriptura, §. ult. de condit. et demonstrat.* Ratio differentie est, quia substitutio, quæ nondum competit, in bonis nostris non est, l. *substitut. de acquir. rer. domin.* Quod autem accrescit, in bonis nostris esse videtur, etiam antequam accreverit, quasi ab initio solido nobis relicto. Itemque substitutio substituti personæ coheret. Portio proprietatis portioni accrescit, non personæ, sicut alluvio, ut ait d. l. *si Titio, §. ult. de usufr.* quæ recte comparat jus accrescendi alluvioni: quia et alluvio est jus accrescendi, quod tamen non a jure civili, de quo heic tractamus, sed a jure gentium venit. Alluvio est jus accrescendi, cum definiatur esse incrementum latens, quod non videatur antequam accreverit, ut arboris quoque est incrementum latens, et cujusque corporis naturalis. Horat *Crescit occulta velut arbor ævo, fama Marcelli.* Præterea dixi initio, coheredi portionem coheredis accrescere tacito jure, quod etiam proponitur in l. *testamento, sup. de impub. et aliis subst. l. si quis heres, l. qui ex duabus, §. ult. l. servus communis, de acquir. hered.* Et portio hereditatis, quæ deficit, si coheredi accrescit invito, ergo et ignorantibus ipso jure, l. *heredi cum posthumo, d. tit. Ut suus heres, quia invitum heres existit, et ignorans igitur.* Hæc sunt consequentia, invito quid obvenire, et ignorantibus. Ideo autem portio hereditatis accrescit invito, quia hereditas pro parte sciendi non potest, ut scilicet pars habeatur jure testati, pars intestati, si testator fuerit paganus, non miles: sed aut tota habenda est jure testati, aut tota intestati, non diviso jure. Ergo non potes partem hereditatis amplecti, quin et te invitum reliqua pars sequatur. *M. Tull. de invent. unius pecuniæ, inquit, plures dissimilibus de causis heredes esse non possunt, nec unquam factum est, inquit, ut alius testamento, alius lege heres esset.* Et hæc si omnes conjunctim, vel disjunctim instituti, vel substituti sint. Sin autem quidam conjunctim instituti, vel substituti, et quidam disjunctim, et unus ex conjunctis deficiat, portio ejus non omnibus coheredibus accrescit, sed reliquis tantum, qui conjuncti sunt cum suo onere, pro hereditariis portionibus. Conjuncti præferuntur disjunctis, quia conjuncti quod accrescit quasi suum occupant, et ea ratione disjunctos repellunt. Sin autem unus ex disjunctis deficiat, portio ejus accrescit omnibus heredibus cum suo onere, qui eodem testamento instituti, vel substituti sunt pro hereditariis portionibus, l. *heredes, l. liber, §. cum quis, D. de hered. instit. l. quidam, sup. de jure delib.* quam constitutionem intellexit Justin. in §. *his ita definitis, dum a t, idem fuisse*

constitutum in suis decisionibus, ne scilicet hæreditas pro parte scindatur, nimirum in *d. l. qui dam*. Ideo autem portio disjuncti, quæ deficit, omnibus accrescit, ut in hac specie. *Primus hæres esto. Secundus hæres esto, Tertius et Quartus hæredes sunt*. Portio Primæ, si deficiat, accrescit omnib. hæredib. Portio autem Tertii, si deficiat, soli Quarto accrescit, videl. ut posui ita concepta institut. hæredum quænor. *Primus hæres esto: Secundus hæres esto: Tertius et Quartus hæredes sunt*. Et ita omnino debet poni species, ut omnes hæredes sint instituti sine partibus: nec enim ullæ partes eis sunt adscriptæ, et ideo deficiente Primo vel Secundo, omnibus accrescit, deficiente Tertio, vel Quarto, soli conjuncto, non omnib. videlicet, cum proponuntur omnes scripti sine partib. et hæc est ratio, quia disjuncti quod accrescit quasi alienum occupant. Igitur non debent, quod alienum est, sibi soli vindicare, sed in eo admittere reliquos cohæredes. Et hæc ratio redditur in §. *hoc ita tam*. quem non immerito objicit §. *si autem disjunctim, h. l.* In quo dicitur, disjunctos solidum accipere quasi suum, deficiente aliquo ex disjunctis, quod est verum, quia disjuncto ab initio solidum palam relinquitur. Et verum quidem est, enim deficientibus collegis solidum capere quasi suum, sed cum concurrant alii collegæ, vel socii, vel cohæredes, solidum non possunt accipere quasi suum, sed id, quod deficit, debent communicare omnibus conjunctis in totum, vel in partem. Id notandum, quod dixi, huic sententiæ locum esse, cum omnes cohæredes proponuntur scripti sine partibus partim conjunctim, partim disjunctim: nam si quidam scripti sunt disjunctim ex partibus quidam sine partib. conjunctim hoc modo, *Primus ex quadrante hæres esto, Secundus ex triente, Tertius et Quartus hæredes sunt*, deficiente Primo, vel Secundo, sine dubio accrescit omnib. pro hæreditariis portionibus cum suo onere, deficiente quoque Tertio accrescit omnibus, non soli Quarto, et deficiente Quarto, non soli Tertio sed omnibus. *l. item quod qui, §. 1. de hæred. inst. l.* Ratio est, quia Tertius Quarto conjunctus est nuda sermone tantum: et nudis verbis quæ conjunctio nullius momenti est, nisi et in eandem rem vocentur et jungantur. Atqui Tertius et Quartus non vocantur in rem certam, id est, in partem certam, quia sine partibus scribuntur. Non ergo sunt conjuncti, qui sine re scribuntur, id est, sine parte. Cum alii ex parte scripti sunt, quod attinet ad jus accrescendi, portio Tertii non soli Quarto, sed omnibus accrescit. In legatariis autem et fideicommissis ita distinguit: aut conjunctim duobus, aut pluribus eadem res relicta est, aut disjunctim: Si disjunctim, portio, quæ deficit, remanet apud

eum, qui agnovit suam partem, potius quam accrescit, quia singuli ab initio solidum habuerunt, solidum ergo retinet suo jure, nullo concurrente, qui solus agnoscit legatum. Si conjunctim fuerit eadem res pluribus legata, pars, quæ repudiatur accrescit conjunctis, si modo partem deficientem amplecti volunt, non etiam invito, et accrescit pro parte virili, ut ait §. *ubi autem, hoc tit.* Sed rectius *l. Mæv o, de leg. 2.* pro portione legati accrescere dicit. Igitur in §. *ubi autem* pro virili portione, videlicet si viriles habent in legato, id est, æquas, et personales partes: si æquales, pro virili, pro ratione legati cujusque, *d. l. Mæv o*. Nam et virilis nomine rata significatur, id est, τὸ ἀνάλογον, §. *ult. Instit. de inoffic. test. l. 1. sup. unde lib.* Et ita virilem portionem accipere oportet in §. *sed ut manifestetur, hoc tit.* ut ibi recte Accursius: ut quemadmodum inter hæredes inter se pro partibus hereditariis accrescit, ita etiam accrescat collegatariis pro portione legati: nec sit in hac re ulla differentia inter hæredes, et collegatarios, inter quos invenio tantum tres esse differentias hæc in re. Prima est, cohæredi conjuncto, vel disjuncto accrescit invito, quia scilicet juris potestate singuli hæredes, etiamsi disjuncti sint, in assem vocantur ab initio, propterea quod ea scind non potest, adeo ut, qui sunt disjuncti, videantur conjuncti esse. Conjuncto autem legatario non accrescit invito, sed volenti tantum, disjuncto accrescit invito. Et rationem reddidi in fine sup. recitationis. Secunda hæc est: cohæredi conjuncto, vel disjuncto accrescit cum onere. Conjuncto legatario etiam accrescit cum onere, disjuncto autem sine onere, id est, sine onere illo legati, aut fideicommissi, quod relictum est ab eo, cujus portio deficit, non etiam sine onere, ut etiam hæc Justin. declarat, quod relictum est ab eo nominatum, cui accrescit deficiens portio. Ratio differentie inter conjunctum, et disjunctum legatarium hæc est, quia disjuncto solidum legatur ab initio propalam. Suum ergo legatum caput, non alienum. Igitur ut tantum onus subit, quod suo impositum est, non alieno. Denique portio deficiens ei accrescit sine onere illo, quod iunctum fuit ei, qui deficit. Conjunctus autem alienum legatum capere videtur, quia ei palam solidum relictum non est. Et proinde dicimus conjuncto proprie accrescere, id est, conjuncti portionem augeri deficiente conjuncto, disjuncto autem non decrescere potius, quam accrescere, id est, disjuncti portionem non minui concursu potius, quam augeri. Et secundum hanc distinctionem inter conjunctum, et disjunctum legatarium est accipiendum, quod dictum est in §. *pro secundo*, et §. *ne autem, sup.* portionem deficientem pertinere ad conjunctum cum onere, conjun-

eti nomine proprie accepto, ut dixi semper esse accipiendum in hoc tit. et in omni jure: et eadem distinctio adhibetur non tantum in onere legati, vel fideicommissi proutandi, sed etiam in onere conditionis, *l. si separatim*, quæ est de disjunctis *l. si quis legata*, §. *fin.* quæ est de conjunctis. *ff. de condit. et demonstr.* Tertia differentia est: pars cohæredis, quæ deficit, semper cohæredi accrescit. Pars collegatarii, quæ deficit, etiam collegatario accrescit, si sint disjuncti ex hac constitutione, sublata differentia inter legatum per damnationem, et per vindicationem. Nam pars collegatarii, quæ deficit collegatario accrescit, si sint conjuncti per vindicationem, *l. si duobus*, §. *ult. l. liberatum*, §. *1. et l. plane*, §. *si duobus de leg. 1. l. si servo sub conditione, de statutib.* Sed si sint conjuncti per damnationem, pars eorum deficit, non accrescit collegatario, sed remanet apud hæredem. Ita accipienda est *d. l. si duobus* et *lex plane* §. *si conjunctim*, de *legatis 1. et l. 7. de leg. 2.* Nec invenio hanc differentiam esse sublata, quæ est inter legatum per damnationem, et legatum per vindicationem. Atque ita explicitus est tractatus de conjunctis, et disjunctis qui coepit a §. *his ita definitis*, usque ad §. *quæ autem antiquis*.

Ad §. Quæ autem, §. Cum autem, et §. Hæc autem.

Quæ autem antiquis legibus dicta sunt de his, quæ ut indignis auferuntur, et nos simili modo intacta servamus: sive in nostrum fiscum, sive in alias personas perveniant.

Cum autem in superiore parte legis non aditam hæreditatem minime, nisi quibusdam personis, ad hæredes defuncti transmitti disposuimus: necesse est, si quis solidam hæreditatem non adierit: hanc, si quidem habeat substitutum, ad eum, si voluerit, et potuerit, pervenire. Quod si hoc non sit, vel ab intestato successores eam suscipiant, vel si nulli sint, vel accipere nolint, vel ab quo modo non capiant, tunc ad nostrum ærarium devolvatur.

Hæc autem omnia locum habere censemus, tam in testamentis, sive in scriptis, sive sine scriptis habitis, quam in codicillis, et omni ultimo elogio, vel si quid ab intestato fuerit derelictum, nec non in mortis causa donationibus. Tantum enim nobis superest clementiæ, quod scientes etiam fiscum nostrum ultimum ad caducorum vindicationem vocari, tamen nec illi pepercimus, nec Augustum privilegium exerceamus: sed quod communiter omnibus prodest: hoc rei private nostre utilitati proferendum esse censemus, nostrum esse

proprium subjectorum commodum imperialiter existimantes.

Justinianus postquam egit de iis, quæ testamento, vel codicillis ab intestato, vel testamento factis, relinquuntur, et quocunque alio ultimo judicio, sive hæreditates sint, sive legata, sive fideicommissa, aut donationes causa mortis, si deficiant post testamentum, vel ultimam voluntatem vivo testatore, vel post mortem ejus ante apertas tabul. testamenti, ultimive judicii cujuscunque: postquam, inquam, ea lege *Papæ* caducaria derogata, definitum caduca non fieri, sed in hæreditate remanere, vel ad conjunctos, aut disjunctos, modo cum suis oneribus, modo sine oneribus pertinere: nunc in hoc §. docet, ea tantum caduca fieri, quæ ut indignis auferuntur, quæ *Ulp.* in *tit. de dominiis*, *l. b. reg.* scribit appellari ereptoria, quod ea jure tenenti eripiat fiscus. Et scribit etiam, ea eripi ex *l. Papia*, ut recte dixerim ante Justin. *l. Papiam* caducariam non abrogasse penitus. Nam derogavit *l. Papia* in iis tantum, quæ deficiunt ante mortem testatoris, vel ante apertas tabulas, non etiam in iis, quæ non deficiunt quidem ulla ex causa jure ipso, sed ut indignis auferuntur. Hæc enim plerumque caduca sunt etiam hodie, id est, recidunt in fiscum cum suis oneribus ex *l. Papia*, exceptis certis casibus, quibus ea, quæ ut indignis, non ad fiscum, sed ad alias personas devolvuntur, ut in casibus *l. 3. et l. pen. sup. de legat.* Et in casu *l. si ex voluntate, sup. de donat. inter vir. et uxor.* Est etiam casus in *l. si patroni*, §. *qui fideicommissa*, *D. ad SC. Treb.* Item alius in *l. ab hostibus*, §. *ult. solut. matr.* et alius in *l. 3. §. amittere*, *D. de his quibus ut ind. g.* et alius in *Nov. 118.* In quibus perscrutandis suadeo, ut vos exerceatis. Non abrogat etiam Justinianus hac constitutione, ut dixi in §. *autem l. caducariam*, ex qua scilicet bona vacantia, id est, bona, quæ *Græci* vocant ἀδικοτά, qui n' ont point de maistre, et ἀλλοπορεύματα, id est, bona ejus, qui vita decessit nullo relicto successore testamentario, vel honorario, vel legitimo, quæ populo deferuntur, ut ait *Ulpianus*, *lib. regul. tit. de possess. dandis*, et *l. quidam*, §. *quoties, de leg. 1.* Et *Cornelius Tacitus 3. annal.* populum veluti parentem omnium vacantia tenere. Hodie vacantia fisco, sive principi deferuntur æque, ut parenti omnium, ut constat ex *tit. de bon. vacant. lib. 10.* Et *Strabo lib. 17.* ἀδικοτά, πένταις εἰς Κόστωρ. Et inde *lib. Sententiarum Pauli tit. de jure fisci et populi*: inde libri *Callistrati de jure fisci et populi*, ut in inscriptione *l. 1. de bonis damnat.* Et *Lanpridius in Alexandro*: *leges de jure fisci et populi moderatas, et infinitas sanxit.* Et jus omne populi translatus est in Principem. Populi sunt leges ferre, et perferre, *l. de qui-*

bus, *D. de l. g. b. hodie est Principis, l. ult. sup. de legib.* Populus creavit magistratus, hodie Princeps, *l. 1. ad l. Jul. de amb.* Populus indixit h. l. la, *l. hostes, de verb. signifi.* hodie Princeps solus, *l. 4. C. ad l. Jul. Majest.* Adoptio apud populum fiebat, *l. 1. et 2. inf. de adoption.* hodie apud Principem solum. Populus a magistratu appellabatur, hodie Princeps, *l. 1. D. a quibus appell. non licent.* Bona vacantia populo deferabantur, hodie Principi. Atque ita h. c. constitutio duobus casibus admittit caduca, si qua auferantur ut indignis, et si qua sint vacantia. Et hoc posteriori casu, non aliter admittitur Princeps, quam si deficient omnes intestati gradus, qui sunt quatuor. Primum enim si quis decesserit sine testamento, aut vocatur, Secundo legitimi, id est, agnati, Tertio proximi cognati, deinde vir et uxor, *l. 1. quis ord. in bon. poss. serv. post eos omnes est princeps, sive fiscus.* Cassiodorus in formula Comit. privatorum; *Caduca, inquit, bona, non finis esse vacantia, ita quod usurpatio potuit invadere. tu fiscum nostrum facis justis compendis obtinere. Proimos defunctorum nobis legaliter, anteponis, quia in hoc casu persona Principis post omnes est.* Et lib. 9. idem Cassiodorus ad Comitem Syracus, hoc illi esse commissum, ut fisci titulo nomine caduci vindicet bona peregrinorum, quod nullus eis possit esse testamentarius, vel heres legitimus: quo jure utimur hodie in nostro regno, ut si peregrini non sunt a rege donati civitate, quod beneficium tollit peregrinitatem, ille les naturalise, nullum in bonis suis possint habere successorem testamentarium, vel legitimum alium, quam fiscum. Et hi peregrini in idiotismo dicuntur advenæ: unde certe deducitur vox vulgaris, *Arbain.* Postremo hac constitutione declarat Just. se velle constitutioni locum esse in futurum, non in præteritum. Nam quæ ante hanc constit. acta sunt secundum l. Papian, ea vult esse rata, et ut ait, suo Marte decurrere, ubi malim decurrere, ut *l. 1. sup. ne liceat potent.* quod alibi est sua natura decurrere. Et sane hoc distat lex a iudice, ut docet Cic. in *partitio.* quod iudex de præteritis, lex de futuris statuat, *l. 7. de legib. l. pen. C. Th. de hæret. l. cum lex, de legib.* Quod etiam in antiquis legibus exprimi solebat, ut in *l. Falcidia*, post hanc legem rogatam, *l. 1. ad l. Falcid.* Cic. in *prætura urbana: de jure civili*, inquit, si quis novi quid instituit, omnia, quæ antea acta sunt, rata esse patitur. *Cedo mihi leges Attinias, Furias, Fusias* (sic loquitur) *cedo legem Voconiam: omnes præterea de jure civ. hoc reperies in omnibus statui jus, quo post eam legem populus utatur, post hanc l. rogatam.* Plato in *Theæte*to: ὁ δὲ νόμος νομοθετοῦντος τοῖς νόμοις τὰ δὲ κατὰ τὴν ἐκείνου φύσιν: cum le-

gem ferimus, in futurum ferimus tempus: et Demosthenes in *Timocratem*: ἔγωγε δὲ μὴ δῖον τῶν νομοθετοῦντων περὶ τῶν μὲλλοντων ἵστασθαι, τὸ δὲ περὶ τῶν γενομένων πραγμάτων νόμους γράψαι οὐ νομοθετοῦντες εἰσιν, ἀλλὰ τοῖς ἀδικούσας σώζειν. Ego existimo eum, qui legem fert, eam debere ferre de futuris. Nam legem ferre de præteritis, non est legem ferre, sed nocentes servare.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. LII. De his, qui ante apertas tabulas hæreditatem transmittunt.

Non aliam ob causam datur hic titulus, quam quod constitutionis in eo expositæ Just. sec. l. mentionem §. in noviss. tit. prox. ubi exposita est ejus sententia.

JACOBI CUJACII J. C.

Ad Lib. VI. Codicis.

RECITATIONES SOLEMNES.

Ad Tit. LIII. Quando dies legati, vel fideicommissi cedat.

Hunc etiam titulum non aliam ob causam datur quam ut quod dixit in *tit. de caduc. toll. §. in novissimo*, et *seq. de cessione diei legatorum, aut fideicommissorum*, id confirmet ex veteribus constitutionibus, et *l. 1. hoc tit.* est de annuis legatis, quæ scilicet relinquuntur privato homini: nam annua, quæ Reipub. relinquuntur, vel ecclesiis, perpetua sunt, quæ privato, morte ejus finiuntur, et quod ait *d. l. 1.* initio cujusque anni annua legata peti posse, intelligo, ut et ab heredibus legatarii peti possint, quia post mortem testatoris initio cujusque anni eorum legatorum dies cedit, et cepti cujusque anni legatum, si modo initio ejus vixerit legatarius, transmittitur in heredem legatarii, et hoc est, quod ait *l. 4. de annuis leg.* annuo legato relicto, quod vel idem est, legato relicto in annos singulos plura esse legata, primi anni purum, sequentium annorum conditionalia: hunc enim inesse conditionem legatis sequentium annorum, si vivat legatarius, unum esse legatum purum, multa esse conditionalia: et ideo mortuo legatario ante iuchatum annum se-

quentis anni, legatum non transire in heredem, l. 5. et l. in singulos, de ann. leg. l. 10. 11. et 12. quando dies legat. l. 1. §. si in annos, ff. ad l. Falcid. l. 45. sup. de Episc. et Clericis. Nec obstat l. si in annos, de cond. et demonstrat. quæ dicit legatum relictum in annos decem non debere initio cujusque anni, sed novissimo die annorum decem: nam quid debemus respondere satis perspicuum est. In ejus l. specie testator non legavit in annos singulos, sed legavit certam summam in annos decem, completos scilicet, et recte certam summam pecuniæ: nam si ususfruct. legaverit, vel operas in annos decem, intelligimus debere initio cujusque anni, quia hæc sua natura dividuntur in annos, dies, vel menses, nec unica præstatione funguntur, ut certæ pecuniæ summa, l. quasitum, ff. de usufr. ex aliis legibus hujus tit. intelligimus in heredem legati, aut fideicommi. petitionem ita demum transmitti si dies ejus cesserit, quod utique fit a morte testatoris, si legatum sit purum, vel in diem certum, vel a tempore impletæ conditionis, si sit conditionale, vel in diem incertum, qui et aliquo casu cedere non possit, nec exigit scientiam vel agnitionem legatarii. Legatum non agnatum transmittitur in heredem, si modo dies cesserit; hæreditas non adita non transmittitur. Nec traditionem rei legatæ exigi, nec additionem hæreditatis, l. 3. et ult. hoc tit. Et in l. 3. vellem veterem scripturam retineri, quæ permansit in omnibus libris antiquis, cui legatum, vel fideicommissum delegatum erat, ut apud Ege-sipp. lib. 2. Salome delegatum servavit, id est, quod ei Herodes reliquerat: notandum est etiam l. 4. hoc tit. vestigium juris antiqui, quo uxori non habenti solidi capacitatem ex testamento viri, vel contra, præter decimam partem honorum matrimonii, licebat etiam legare ususfructum tertiæ partis honorum, et cum liberos haberet, ejusdem partis proprietatem, l. Lucius, §. maritus, ad SC. Trebell. Ulpian. lib. reg. tit. de decimis: vir et uxor, inquit, præter decimam, etiam ususfructum tertiæ partis honorum capere possunt. Et quandoque, sic est in originali, non quotcumque liberos habuerit, ejusdem partis proprietatem. Nota etiam ex l. pen. hoc tit. legatum ita relictum, cum ad legitimum statum pervenerit, non esse conditionale: mora enim suspendi, non conditione, et longa est differentia inter moram, et conditionem l. 1. de leg. 2. l. hæres 79. de condit. et demon. l. quod pure, quando dies leg. et legitimum statum vocat l. pen. quod Græci vocant ἀπὸ τοῦ, id est, ætatem, justam, ætatem 25. annorum, l. cum pater, §. curatoris, de leg. 2. qui et virilis vigor dicitur in l. 1. ff. de min. ad differentiam vigoris pubertatis, l. 4. sup. qui test. fac. poss. Itaque post mortem testatoris mortuo

T. m. IX.

eo, cui ita legatum est: cum ad virilem ætatem pervenerit, ante impletum 25. annum, legati petitio in heredem ejus transmittitur, scilicet ut eo tempore solutio fiat, quo legatarius, si rebus humanis subtractus non fuisset, 25. annum implevisset. Neque obstat huic legi, l. si Tit. ff. eod. tit. et pleraque aliæ similes, in quibus, ut recte Joannes docuit, ab initio legati conditio injicitur hæc modo: illi cum erit annorum tot, do, lego, legatum est conditionale: in hac autem lege ab initio pure legavit hoc modo, illi decem do, lego, deinde solutionis diem adiecit hoc modo, quam pecuniam accipere debet, cum ad statum legitimum pervenerit.

JACOBI CUJACII J. C.

In L. b. VI. Codicis

RECITATIONES SOLEMNES.

Ad Tit. LIV. Ut in possessionem legatorum, vel fideicommissorum servandorum causa mittatur, et quando satisfdari debeat.

Restat ut dicamus de satisfactione legatorum, vel fideicommissorum servandorum causa, maxime eorum, quæ sub conditione, vel in diem relictæ sunt, quam satisfactionem hæres legatariis, vel fideicommissariis postulantiibus, qui legatum, vel fideicommi. sperant, præstare debet. Postulant eam legatarii a prætore, vel præside sedente pro tribunali, tanquam actionem. Est enim prætoriam cautio, ut prætor heredem jubeat cavere legatorum, vel fideicommissorum nomine. Formula cautionis hæc est. Quod mihi ex testamento, vel codicillis L. Titii dari oportet, vel fieri, id, quibus diebus dari fierique L. Titius voluit, iisdem dari fierive, aut quanti ea res est, tantam pecuniam recte præstari, dolumque malum huic rei promissionique abesse, absuturumque esse spondeo n. p. stipulatur legatarius, promittit hæres, a quo legatum relictum est, adpromittit fid. jussor, quem dare hæres debet: nam huic cautio non est nuda cautio, sed satisfactio. Hæres autem non obtemperante jussu prætoris, non cavente legati nomine, legatarius ex edicto Prætoris mittitur in possess. omnium rerum, quæ in causa hereditaria sunt, dolo malo heredis esse desierant, l. 6. hoc tit. l. 1. quibus ex causis in poss. eatur, l. fundus, de ann. leg. quo genere pignus prætorium constituitur, id est, missio in possessionem earum rerum, quæ sit ex edicto prætoris, eas res pignoris jure facit, ut teneat legatarius, l. 4. et 5. hoc tit. non jure proprietatis, aut possessionis: nam per hanc missionem in possessionem rerum hereditariarum legatarius, neque rerum proprietatem nanciscitur, neque tam possea-

sionem, quam custodiam perpetuam, ut simul cum herede possident, et saltem tædio perpetuæ custodiæ heredi extorqueant cautionem legati, *l. 3. §. ult. et l. 10. de acq. poss. l. cum legatorum, ff. ex quibus causis in poss. eatur, l. 5. §. 1. ut in poss. legat.* Et sit etiam uno casu ex constitutione Antonini missio in res heredis proprias, videlicet si post sex menses, quo legatarius adivit prætorem, vel præsidem heres neque satisfecerit, neque legato sati fecerit, *l. 6. hoc tit. l. 5. l. Imperator, ff. eod.* Et in id, quod est in rub. *et quando satisfdari debeat*, notandum est statim, post mortem testatoris, vel aditam hereditatem postulanti legatario satisfdari debere, etiamsi nondum dies legati cesserit, ne qua arte heredis interim forte depercat legatum, modo de eo constet, id relictum esse, licet de jure ejus non constet. Qua de re prætor, a quo postulatur satisfactio, cognoscit summam, et *περὶ τῶν*, non subtiliter, ut ait *l. 1. hoc tit.* quæ est rescriptum D. Pii, quod citatur in hanc rem, *l. 3. §. 1. ff. eod. l. hæc stipulatio, §. ult. ff. ut legat. nom.* Hæc sunt opposita subtiliter, et summam. Ita vero demum præstanda est hæc satisfactio, si a testatore remissa non fuerit, si testator non vetuerit eam ab herede exigi: remitti potest quocunque indicio voluntatis ex constitut. Marci et Commodi in *l. 2. hoc tit.* cujus sit sæpe mentio in Pandect. Idemque confirmat *l. 4. et 7. hoc tit.* ante eam constitutionem testator non potuit prohibere hanc cautionem, quia ut ait, *l. nemo, de leg. 1. nemo potest cavere ne leges, vel constitutiones, vel edicta in suo testamento locum habeant.* Qua ratione etiam ante Novellam constit. Justiniani, testator non potuit cavere, ne lex Falcidia induceretur in legatis, et hodie etiam quia deficit constitutio, quæ hoc permittat, non potest testator vetare, ne, quæ etiam ex edicto prætoris a fructuario præstenda est cautio, præstetur, se boni viri arbitrato usurum, fructurum, et quandoque amisso, vel finito usufructu rei possessionem heredi, aut proprietario restitutorum, *l. pen. hoc tit.* Et similiter non potest a testatore remitti cautio Senatusconsulti de usufr. earum rerum quæ in abusu sunt, veluti de pecunie usufr. quandoque mortuo usufructuario, aut capite diminuto tantam pecuniam reddituri, *l. 1. sup. de usufr. l. 8. ff. de usufr. earum rerum quæ usu, etc.* quia nisi lex specialis hoc testatori permiserit, non potest ipse cavere, ne in suo testamento leges, constitutiones, Senatusconsulta, edicta, locum habeant, *d. l. nemo.* Et ut eleganter ait Quintilianus in *declamat. Potentius est, quod in albo lego, quam quod in testamento*: bene est, perveni ad finem hujus materię de successione civili, et iis, quæ testamento, vel codicillis relinquuntur. Sequitur materia de successione ab intestato.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. LV. De suis et legitimis liberis, etc.

Incipit tractatus de hereditate intestatorum, quæ primo loco ex *l. 12. tab.* id est, jure civili deferitur suis heredibus, id est, liberis, qui in potestate morientis, et in gradu proximiores sunt delatæ hereditatis tempore, sic dictis, quod sint domestici, non alieni, non extranei heredes, scilicet ad discretionem eorum, ut recte Priscianus ait *7. id est*, qui secundum leges sui non sunt, qui sub potestate patris legitimi non sunt: ergo jure civili primum ab intestato ad suos heredes pertinet defuncti hereditas. Et hic tractatus est tantum de hereditate, quæ deferitur jure civili, quæ obvenit jure civili, *qui escheoit*, unde in plerisque consuetudinibus Gallie hereditas vocatur *escheoietes* nam de hereditate, sive successione, quæ obvenit jure prætorio dictum est *sup. a tit. 9. usque ad tit. 20.* nihil autem interest sui heredes, utrum sint naturales quæriti ex justis nuptiis, an adoptivi: nam et adoptio suum heredem facit, *l. 5. hoc tit.* nihil interest utrum liberi nati sint tempore mortis defuncti intestati an posthumi sint: nam et posthumi, qui a vivo parente nati fuissent in ejus potestate futuri forent, sui heredes sunt, *l. 4. hoc tit.* nihil etiam interest utrum liberi nati sint ex ingenuis parentibus, an ex libertinis: nam et libertini suum heredem habere possunt, *l. 7. hoc tit.* quæ repetitur in *l. libertos, inf. de patr. potest.* Et ii quidem sui liberi, et heredes ipso jure heredes existunt, id est *12. tab.* etiam ignorantes, *l. 8. hoc tit.* Et inviti igitur, quæ de causa sui, et necessarij heredes dicuntur passim in jure: unde Apulejus *10. leges*, inquit, *infantulis necessariam patris successionem deferunt.* Et ii liberi præferuntur matri defuncti intestati, quia liberis magis debetur hereditas, quam matri, vel patri, *l. scripto, §. ult. unde lib.* Et addit *d. l. pen. hujus tit.* (quod notandum maxime) etiam filios, qui neque sunt sui, neque legitimi id est agnati, quales sunt filii matri, nec enim sunt in potestate matris, nec agnati ei sunt, sed cognati tantum, et vocantur tamen tanquam legitimi ex Senatusconsulto Orfitiano ad successionem matris, et præferuntur avix, id est matri defunctæ matris, et præferuntur etiam omnibus legitimis, sive agnatis, et sui quoque, et legitimi liberi, etiamsi ignorantes ipso jure heredes extiterint, atque ita decesserint, quod est

jus præcipuum suorum, hæreditatem parentum transmittunt in hæredes suos qualescunque sint, sive liberi, sive parentes, sive extranei, *l. 8. hoc tit. l. 19. cum in antiquioribus, supra, de jure delib.* Et recte in hac rub. de suis et legitimis liberis, quia licet omnes legitimi, id est agnati non sint sui, ut frater consanguineus est fratri legitimus hæres, non etiam suus, tamen omnes qui sunt sui, et legitimi sunt, id est agnati: suitas est species agnationis, *l. de bonis, §. 1. de Carbon. ed. l. 2. unde leg. l. 1. §. sed videamus, de success. ed. l. juriscons. §. 1. de grad. et affinibus, l. filius, de suis et legit. l. ult. de codicill.* Et contra, qui non sunt sui liberi, nec sunt legitimi, sive agnati, *l. scripto unde lib. veluti filii emancipati, nec sunt sui, nec agnati, sive legitimi: item filii nati ex concubinato, qui naturales dicuntur, proprie tamen nec sunt sui, nec legitimi, qui proprie dicuntur spurii, et vulgo concepti, vulgo quæsi, ut Lucretius loquitur, vulgiva venere concepti, et Seneca in controversiis, publici pueri: qui scilicet patris incerti sunt, ut l. 5. inf. ad Senatuscons. Orfit. l. divi, de capt. et post. l. vulgo, de statu hom. qua de causa eos non dicimus filios spurios, nec unquam ita loquimur, sed filios spurii, id est, arvi materni, quod et spurium, κατὰ τὴν μητέρα dicitur, id est, a matre, a satione, non autem eos nominamus a vase paterno, a patre, qui incertus est, sed eos dicimus filios spurii, id est rei maternæ, non filios spurios. Ansonius: credo, inquit, quod illi nec pater certus, fuit, et mater fuit vere lupa. Solinus in Æthiopia: Garamantici Æthiopes, inquit, matrimonia privati nesciunt, sed omnibus vulgo in venerem licet inde est, quod filii matres tantum recognoscunt nam paterni nominis nulla reverentia est: quis enim verum patrem noverit in hac luxuria incesti lasciviantis? ea propter inter omnes populos degeneres habentur, nec immerito: quia afflictæ castitatis disciplina successionis notitiam ritu improbo perdiderunt: hæc eleganter Solinus. Recte autem d. l. vulgo, vulgo conceptos, sive spurios patrem demonstrare non posse, aut posse quidem, sed eos habere patrem, quem habere non licet. Qui locus demonstrat etiam filios susceptos ex illicitis nuptiis esse spurios, ut in §. si adversus, Instit. de nupt. Apulejus 6. legitimæ nuptiæ non sunt, ac per hoc spurius nascetur: ut ut ostendit *l. 6. hoc tit.* etiam ex contubernio natus, veluti ex libera, et servo spurius est, quia contubernium non sunt justæ nuptiæ: nec quicquam facit si pater ejus postea manumittatur, et restituatur natalibus a principe, id est, ingenuus fiat, atque ita proveniat ad honorem decurionatus: nam et is filius, qui ex contubernio natus est, veluti spurius*

habetur. Et hoc idem confirmat etiam *l. 3. sup. sul. mat.* At natus ex concubinato, quod maxime notandum est, in eo enim errant plerique omnes, non est spurius, quia concubinatus est licita consuetudo, licitum consortium, et hæc manifesto ostendi *l. 3. inf. ad SC. Orfit.* Denique natus ex concubinato, quod veluti quoddam matrimonium est non illicitum, naturalis dicitur, non spurius. Et ut omnia absolvam, quæ nobis proponuntur in hoc tit. notandum est, inter suos hæredes ad successionem intestatam ex *l. 12. tab.* vocari nepotes ex filio, vel filiis masculis pariter cum filiis superstitis, id est, patruis suis licet ii nepotes defuncto non sint sui liberi, quia filii eos præcedunt, sed sunt legitimi liberi, quos æquum est succedere in locum, portionemque patris sui, cujus vicem representant, *par droit de représentation*, id est, in eam partem, quam pater eorum habiturus fuisset, si vixisset, in bonis patris, atque ita nepotes succedunt cum patruis non in capita, id est, non pro virilibus portionibus: sed in stirpes, id est, in portionem patris sui quam habuisset, si vixisset, ut si sit unus filius, et ex filio jam mortuo tres nepotes, non fiant tot partes quot sunt capi, sive persone, sed duæ tantum partes, ut filius unum habeat sensissem, alterum tres nepotes, vel 10. vel 20. nil refert, *l. 3. hoc tit.* Quod et jure Prætorio ita procedit exemplo juris civilis, *l. si in adopt. §. ult. de bon. poss. cont. tab. l. si nepotes, de coll. bon.* vel si nulli sint filii, sed nepotes tantum ex diversis filiis jam mortuis varii numeri, puta ex uno tres, ex alio duo, ex alio unus, non succedent etiam in capita, sed in stirpes, et in lineas, ut tres tantum partes hæreditatis intestati fiant, *l. 2. h. l. l. Papia. §. quoniam, de test. test.* Et omnino in librorum linea hæc duæ regulæ observandæ sunt: una hæc est, inter liberos a proximioris alteriore non excludi, ut a filio non excluditur nepos ex alio filio jam mortuo. Altera regula hæc est, inter liberos hæreditatem dividi pro stirpibus non pro capitibus, quæ duæ regulæ non ita valent in linea legitimorum, seu agnatorum. Et notandum præterea inter suos etiam vocari ex constit. Valent. et Thend. quæ prior hoc induxit contra omnem disciplinam juris antiqui, inter suos, inquam, vocari, et cum suis, vel legitimis, id est, agnatis etiam nepotes ex filia in portionem, quam habuisset filia mater eorum jure representationis, licet ii nepotes nepue sui sunt, neque legitimi, quod verissimum est, et vocari, si concurrant sui hæredes cum diminutione trientis, qui accrescit suis, ut portionem matris integram non ferant, ut ejus vicem non representent ex integro, qui nec sui sunt, nec legitimi, *l. 9. hoc tit.* vel si concurrant legitimi, id est, agnati non sui cum

diminutione quadrantis, qui accrescit agnatis, l. 4. C. Theod. de legit. hered. Sed hoc totum mutavit Justin. ampliato jure nepotum ex filiabus; primum enim quadrantem ademit agnatis concurrentibus in l. ult. hoc tit. deinde etiam trientem ademit suis Nov. 18. et 118. ut nepotibus ex filia obveniat integra portio, quam habitura fuisset mater eorum si vivisset sine ulla diminutione trientis, vel quadrantis, qualiscunque concurrat hæres. Et notandum, quod ait l. 9. hujus tit. hæc eadem. quæ de avi materni bonis constituimus, et de avi paternæ, sive etiam paternæ simili æquitate sancimus: ait, quæ dixit de hereditate avi materni, ut in eam concurrant etiam nepotes ex filia, idem se velle obtinere in hered. avi maternæ, vel paternæ, nisi forte, inquit, avia elogia inurenda impiis nepotibus justa semotis ratione dixerit, qui locus est explicandus, quoniam cum non intellexit Acc. Sensus ejus loci hic est, ut nepotes ex filia in portionem matris suæ succedant moriente avo materno, vel avia materna, aut paterna, nisi sint exheredati testam. matris suæ: quod si vel unum hodie didiceritis, satis est, nempe exheredatos a patre, vel etiam a matre, non representare vicem patris sui in successionem avi, vel aviæ maternæ, vel paternæ, quia a se, vel suo nomine, qui parens exheredavit filium, noluit quicquam ad eum pervenire. Et hæc est sententia ejus loci: etiam addendum est ad l. 10. vulgo male ita legi, *capitis diminutio paterna*: reponas, *capitis diminutio materna*, ut est in Cod. Theod. a que ita in lib. 43. Basil. Obscuritas loci fecit, ut mutarent vocem maternam in paternam, perperam. Nam sensus evidentissimus hic est, quem quisque facile capiet si conferat patrem emancipatum cum matre emancipata: singe: avus meus emancipavit patrem meum, et post emancipationem patris mei natus sum, jure civili non succedam in bonis avi, sicut nec pater meus ei succedere jure civili potest, jure prætorio potest et ipse, et ego, quia prætor emancipatos vocat inter suos: et contra singe: avus meus emancipavit matrem meam, et post emancipationem matris meæ natus sum, an succedam avo? sic sane, quia in matre, inquit non est inquirendum an sit capite diminuta, id est, an sit emancipata, nam ea si emancipata sit, non habet potestatem familiæ, non habet liberos in potestate, et hæc est sententia hujus l. Restat ut advertamus omnes leges hujus tit. esse de suis et legit. hered. vel de iis, qui inter suos, vel cum suis vocantur, licet ipsi sui non sint, aut legitimi, excepta l. 1. que non est de liberis, sed de fratribus consanguineis, ergo de agnatis ex transverso. Itaque lex prima nih. l. videtur pertinere ad tit. qui est de liberis, non de agnatis ex transverso: nisi dicamus, quod et verum est, initio hujus tractatus de hære-

ditate intestatorum, quæ obvenit jure civili, voluisse conditorem hujus libri proposita l. 1. indicare differentiam, quæ est in successione intestatorum inter jus prætorium, et civile, quod apparet cum l. 1. collata etque conjuncta l. 2. sup. qui admitti ad bon. cujus est eadem inscriptio et subscriptio. Et ait d. l. 2. eum, qui jure prætorio tantum vocatur ad successionem intestati, velut jure proximitatis, jure cognationis, non agnationis: nam cognatum jus civile non novit, solus prætor eum novit, et vocat cognatum ad successionem intestati, dummodo petat bonor. possess. intra 100. dies: post dies 100. excluditur a successione: de jure prætorio est etiam l. 1. §. si quis, de success. ed. At l. 1. hujus tit. docet sororem consanguineam, quæ est legitima hæres fratris jure civili non excludi prescriptione 100. dierum, quia ex jure civili venit, non ex jure prætorio: et jus adeunda hereditatis, quod est semper ex jure civili, est perpetuum: quod optime probat hæc l. 1. et ita sup. in tit. de jure delib. ego ostendi recte Græcos l. 4. sup. qui admitti, hæc adnotare, τὸ πολιτικὸν δίκαιον χρόνῳ ὅντι ἀποκλείσθαι, id est, jus civile tempore non circumscribi: ergo mens ejus, qui sub hoc tit. posuit l. 1. licet ea non sit de liberis secundum tit. sed de agnatis ex transverso, hæc fuit ut statim ab initio hujus tractatus, qui est de jure civili, constitueret differentiam, quæ est hac in re in successione intestatorum inter jus civile et prætorium.

Ad L. X.

Ubi aviarum successio morte interveniente discutitur, capitis diminutio materna querenda non est: Tunc enim in hujusmodi hereditatibus filiorum status, aut persona spectatur, quotiens de ejus bonis, qui potestatem familiæ potuit habere, tractatur. Dat. xv. Cal. Octob. Ravennæ, Theodosio XIII. et Valent. III. AA. Cons.

Priusquam ad tit. 36 veniam, quia puto me heri per errorem dixisse avum pro aviam in interpretatione l. 10. illa verba, ubi aviarum successio discutitur, capitis diminutio materna querenda non est, hunc habet sensum, natum quidem post emancipationem patris, jure civili non succedere avo paternæ, in cujus familia non est, sed sequi familiam patris sui; at natum post emancipationem matris, jure civili succedere aviæ paternæ, vel maternæ, non avo: quoniam lex est de aviarum maternarum successione, et frustra queritur, an mater fuerit emancipata, quoniam et si emancipata fuerit, nihilominus nati ex ea post emancipationem, ex constitutionibus succedunt aviæ paternæ, vel maternæ, et frustra spectari emancipationem matris, quia avia, vel que alia scemina familiæ potestatem non habet,

l. nulla. de suis et legit. l. 8. inf. de præscrip. longi temp. Nunc veniam ad tit. 56.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. LVI. Ad Senatusconsultum Tertullianum.

Post liberos (de quibus supra titulo proximo) mater vocatur ad hereditatem filii intestati, tanquam hæres legitima, non ex *l. 12. tab.* quia cognata est, non agnata, et ea lex non cognovit cognatos. Sed ex Senatuscons. Tertulliano: nam Senatus heredem legitimum facere potest: post liberos, inquam: nam liberi defuncti excludunt matrem, *l. pen. sup. tit. prox.* Et retro, ad hereditatem matris intestatæ vocantur liberi, tanquam legitimi, non ex *l. 12. tab.* quod cognati sunt matri, non agnati, sed ex SC. Orfitiano de quo *tit. seq.* quod divi Marci et Commodi temporibus factum est: ut *Instit. docent eod. tit.* Spartianus in Marco, *leges addidit*, inquit, *de bonis maternis, et item de filiorum successionibus pro parte materna.* Et ideo de SC. Tertulliano, velut antiquiori *l. t. præcedit*: et ex hoc quidem, ut quantum fert *h. t.* notemus quasdam differentias, quæ sunt inter hæc duo SCta. Mater filio succedit cujuscunque ætatis filius decesserit etiam si infans, *l. 1. hoc t. si decesserit intestatus*, id est, si pater ei non substituit pupillariter: nam ipse pupillos non potest facere testamentum. At ex SC. Orfitiano filius matri intestatæ non succedit per se, si infans sit, sed per tutorem, aut per patrem, *l. 1. hoc tit. et l. servo, invito, §. si pupillo, ad SC. Trib. l. si infanti, sup. de jure delib.* Item filii et filię succedentes matri ex SC. Orfitiano excludunt parentes matris, atque etiam fratres consanguineos, vel sorores consanguineas, *d. l. pen. et l. 1. et 4. tit. seq.* At consanguinei fratres, vel sorores ex eodem patre, qui et germani dicuntur, et legitimi, *l. ult. h. t. l. ult. inf. de legit. hæ. l. Sextiam 32. de leg. 3.* quia sunt agnati: qui sunt ex eadem matre tantum, et uterini dicuntur, non sunt agnati, sed cognati. At ex SC. Tertulliano defuncti pater excludit matrem, si is pater in emancipatione manumissor extiterit, *l. 2. h. t. si contracta fiducia manumiserit*, quæ cum hodie semper contracta intelligatur ex *constit. Justin. §. ult. de legit. agnat. success.* dicamus etiam simpliciter in successione filii, patrem matre esse potiorum ex SC. Tertulliano: nam, ut dicitur inle-

rius, jure novissimo simul succedit pater et mater. Item ex Senatusconsulto Tertulliano consanguinei, sive soli, sive permixti cum sororibus, omnino matrem excludunt, et de his fratribus, qui sunt consanguinei accipienda est *l. 2. hoc t. §. frater, Instit. eod. l. 3. §. plane si mater, de Carb. edicto, l. 2. C. Theod. de inoffic. test. l. 2. C. Theod. de secund. nupt.* Nec mirum si fratres consanguinei præferantur matri, cum et patri præferantur secundum jus vetus, *l. ult. inf. comm. de success.* At fratres uterini, vel naturales, non excludunt matrem, aut patrem, *l. Lucius, de vulg. et pupill. substit.* Sorores autem consanguineæ, si solæ sint, non permixtæ cum fratribus consanguineis, pariter cum matre succedunt fratri, ut sorores unam dimidiam, et mater alteram habeat, *d. §. frater.* Et hoc ex SC. Tertull. Nam aliud est jus ex constitutione Justin. *l. ult. hoc t.* quæ matrem vocat ad successionem filii intestati in virilem portionem, etiam cum fratribus vel solis, vel permixtis cum sororibus, et cum sororibus solis in partem dimidiam, nulla posita differentia inter fratres consanguineos et uterinos, inter fratres agnatos et cognatos: quæ lex etiam non permittit, ut matri venienti ad successionem filii ex Senatusconsulto Tertulliano quicquam detrahat, vel abradat quidquam alius agnatus filii defuncti, sive patruus sit, sive patruelis frater. Quo jure abrogat Justin. *l. 1. C. Theod. de leg. hæred.* Quod si defuncto sint fratres, vel sorores, et pater vel mater, vult Justin. ut fratres tantum et sorores defuncto succedant, solo usufructu hæres servato patri et matri. Et hoc si defunctus filius sui juris fuerit: nam si fuit in potestate patris, pater honorum adventitiorum filii retinet usufr. ex *constit. Justiniani*, proprietates autem eorum bonorum pertinet ad matrem pro virili parte, concurrentibus fratribus defuncti, vel fratribus et sororibus, aut pro dimidia parte concurrentibus solis sororibus. Et hoc est sententia *l. ult. cui est conjungenda l. ult. inf. de jure liber.* quæ habet eandem inscriptionem, et subscriptionem, et quæ in eo etiam derogat SC. Tertull. quod etiam si mater ingenua non habeat jus trium liberorum, et libertina quatuor, quod SC. Tertull. exigebat, nihilominus veniat ad legitimam hereditatem filii intestati. Et observandum etiam est in *l. mater, hoc t.* (cum in *l. mater, C. Theod. de legit. hæred.* ex quo ducta est, sit scriptum tantum, *sororibus transmissura defuncti*) Tribon. scripsisse, *sororibus et fratribus*: nam in eo loco C. Theodos. pro fratribus, ubi nunc legitur, repouendum est, *sororibus*, ut quæ præcedunt demonstrant, cum quibus mater succedit et SC. Tertull. quod etiam interpretes Anianus demonstrat. Tribonianus tamen utrumque apposuit,

sororibus et fratribus ex d. l. ult. Nam ante l. ult. hoc t. matrem petitus fratres excludebant. Nota etiam postea Justin. discessisse a sententia l. ult. et constituisse in Nov. cap. 22. cap. 46. ut etiam mater cum sororibus, quæ solæ sunt, succedat in virilem tantum, non in dimidiam. Et hoc ipsum etiam, quod cavetur hac l. ult. magis retractavit Nov. 84. et Nov. 118. ut si defuncto sint fratres et sorores, et pater et mater, omnes ei succedant pro virilibus portionibus, id est, in capita, si sint fratres et sorores ex eodem patre, et ex eadem matre, et ut quisque retineat virilem portionem pleno jure, sine deductione ususfructus, etiamsi filii sint in potestate patris fratris defuncti, exclusis fratribus, qui sunt ex eodem patre tantum, vel ex eadem matre tantum, quo jure utimur, ut fratres utroque parente conjuncti illis præferantur. Hæc omnia ita procedunt, si mater vidua permanserit: nam si iterum nupsit post mortem mariti, ex quo filium illum habuit, de cujus successione queritur, distinguendum est: aut enim ante mortem filii iterum nupsit, aut post mortem ejus: si post mortem filii, pro sua parte cum fratribus et sororibus capit bona filii adventitia, id est, quæ aliunde habuit, quam a patre: in bonis autem profectis a patre habet tantum ususfructum, proprietatem servat sororibus, vel fratribus defuncti, filiis suis superstitibus ex sententia l. mater, hoc t. Sed si ante mortem filii mater iterum nupsit, in omnibus bonis filii, sive profectitiis, sive adventitiis ususfructum habet tantum pro sua parte, l. fæminæ, §. ult. sup. de secundis nup. Ratio hæc est: quia majori poena digna est, quæ filio vivo vitricum superduxit: mortuo autem filio, nullam mater, quæ iterum nubat, ei injuriam facit. Hæc est distinctio temporis, quam facit l. mater, conjuncta d. l. fæminæ, §. ult. Sed hoc quoque, id est, hanc distinctionem temporis postea sustulit Justinianus Novell. 2. et differentiam illam honorum, et differentiam viduitatis, ac secundarum nuptiarum, ita definiens, ut mater succedat filio pro virili pleno jure cum fratribus et sororibus defuncti filii in omnibus indistincte, sive nupsit iterum, sive vidua permanserit. Ac rursus, et hoc recitat Justinianus Novella const. 22. in qua tollit quidem illam differentiam temporis, utrum mater iterum nupsit vivo filio, an mortuo, sed reducit differentiam honorum, et poenam secundarum nuptiarum, ut in bonis profectitiis pro sua portione mater habeat tantum ususfructum, quæ iterum nupsit, sive ante mortem filii, sive post mortem filii iterum nupsit. In adventitiis autem pro sua parte habeat plenam proprietatem. Restat, ut notemus ex eo, quod superest in hoc tit. cessare SC certis casibus. Unus est, si filiis impuberibus non

habentibus tutorem, mater non petierit, intra annum scilicet, si mortui sint impuberes, ut eis non succedat, non etiam si puberes mortui sint, l. 3. hoc t. Atque ita si mortui sint impuberes, quia deseruit officium pietatis, mulctatur mater hereditate, eaque redit ad agnatos filii, l. matris, 1. et l. cum jure, sup. qui pet. tut. Et hujus juris origo est ex const. D. Severi, l. 2. §. Divus, ff. ubi tut. petat. l. 3. l. sciant, §. si mater, D. ad SC. Tert. Et idem obtinet in quolibet hærede legit. impuberis, aut etiam substit. in secundum casum, l. sciant, de leg. hæred. inf. Et dixi intra annum ex d. l. sciant, et §. pen. Instit. eod. t. Ex qua lege sciant, proculdubio Tribonianus in l. 2. §. confestim, ff. eod. adjecit hæc verba: Ita tamen ut nullo modo annale tempus excederet: quoniam ex constitutione Severi confestim erat petendus tutor. Hodie ex d. l. sciant, satis est intra annum peti. Cessat etiam SC. Tertullianum, si mater, quæ tutelam filii impuberis legitimam suscepit ex constitutionibus, quæ hoc matri dant, modo juret se iterum non nupuram, si præjeret, et iterum nubat, non dato filio alio tutore idoneo, eidemque redditis rationibus suæ administrationis: nam hoc etiam casu mater amittit commodum SC. Tertulliani, l. pen. hoc t. l. pen. inf. in quibus causis pignus. Quod si mater iterum nupsit intra annum luctus, non aliter potest aboleri infamia, quam incurrit ob immaturas nuptias, quam beneficio principis: non aliter etiam ejusdem principis beneficio solvitur poenis, quas inducit l. 1. sup. de sec. nup. mulieribus nubentibus antequam peregerint annum luctus antequam eluxerint virum, non aliter, inquam, solvitur poenis d. legis l. quam si filiis prioris matrimonii honorum suorum semissem pleno jure donaverit, ea tamen lege, ut intestati omnes obierint sine liberis, is semis redeat ad matrem: et hæc est sententia legis 4. hoc tit. quæ proprie est de immaturis secundis nuptiis, id est, quæ sunt intra annum luctus: nam l. mater, et alie, quæ sunt in hoc titulo sunt de secundis nuptiis, quæ sunt post annum luctus.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. LVII. Ad SC. Orfitianum.

Post SC. Tertull. sequitur SC. Orfitianum, ex quo filii pari jure vocantur ad legitimam hereditatem matris intestatæ, exclusis omnibus agnatis matris, ut mater ad hereditatem filiorum intestatorum

ex SC. Tertull. et notandum quod ait *l. pen. sup. de suis et leg. lib.* filios matri intestatæ ipso jure succedere: quod non est citra aditionem, vel gestionem pro hærede, sicut cum dicimus suos hæredes ipso jure hæredes existere, quod tunc est citra aditionem, *l. in suis de suis et legit. hæred. l. pen. §. pen. D. de bonis liber.* Sed filios matri ipso jure succedere, hoc est citra cretionis solemnitate, quæ hodie penitus sublata est, *l. cretionem sup. de jure delib.* et citra bonorum possessionem, ut ostendit *l. 3. hujus tit.* quia filii non prætoris, sed SC. Orfitiani beneficio admittuntur ad hereditatem matris: igitur non indigent Prætoris auxilio, id est, honor. possessione, *l. 1. C. Theod. de legit. hæred. l. 1. C. Theod. de cret. vel bon. poss.* quod idem dicitur de suis heredibus, ut scilicet hæredes existant citra bonorum possessi. *l. 13. sup. de jure delib. l. 7. D. de inoff. test.* Sed in iis, id est, in suis, addimus etiam, citra aditionem, quod non addimus tamen in filiis, qui matri succedunt ex SC. Orfitiano, nec in aliis legitimis heredibus, nec in testamentariis, de quibus tamen idem dici potest, ipso jure eos hæredes existere, id est, citra honor. possessi. ut in *l. 4. tit. seq. l. omnium, sup. de testam.* sed non citra aditionem, vel gestionem pro hærede. Quamobrem filii ex SC. Orfitiano non aliter acquirunt hereditatem matris intestatæ, quam si eam adierint, vel se pro hærede gesserint. Paulus 4. *Sentent. eod. tit. filius,* inquit, *hereditatem maternam, eandemque legitimam, nisi adeundo querere non potest:* unde sequitur, quam ita non acquisierint filii hereditatem matris suæ, eos non transmittere in heredem secundum regulam, quæ vetat hereditatem non aditam transmitti in heredem, sed deficientium portionem accrescere reliquis cohæredibus, qui adierunt, ut in specie *l. 2. hujus tit. l. si ex pluribus, D. de suis et legit. hæred.* vel si omnes deficient, omnes filii si moriantur ante aditam hereditatem matris, hereditas redit ad agnatos defunctæ matris. Verum huic sententiæ videtur ob stare *l. unica, sup. de his qui ante apert. tab.* ex qua intelleximus jam satis, et ex *tit. de cad. toll.* hoc jure singulari datum esse liberis, ut delatam eis hereditatem patris, aut matris, etiamsi ignorantes eam sibi delatam esse clienti suum obierint, necdum adiverint, tamen transmittere in liberos suos: nam ne fallamur observandum est, illam *l. unicam* loqui tantum de hereditate patris, vel matris delata testamento patris, vel matris, quod et in ipso titulo tab. nomen indicat. Loquitur ergo de liberis, qui patri, vel matri hæredes extiterunt ex testamento, aut quibus ex testamento delata est hereditas patris, vel matris, ut eam etiam non aditam transmittant in liberos suos contra regulam juris: non loquitur de

liberis, quibus ab intestato defertur hereditas matris. Igitur cum ea constitutio sit nova, et adversus regulas juris non possumus eam nostra auctoritate producere ad legitimos hæredes, maxime obstante *l. 2. h. j. tit.* quæ docet filium non aditam hereditatem matris, quæ ei erat delata ab intestato ex SC. Orfitiano, non transmittere in heredem suum. Fateor tamen, ut Accura. recte notavit in hac *l. 2. filios*, si moriantur intra annum a die delatæ hereditatis maternæ ab intestato, scientes eam sibi esse delatam, eos jure deliberandi transmittere in hæredes suos, sed non hereditatem ex beneficio legis. Cum in antiquioribus, *sup. de jure delib.* si moriantur post annum, nec jure deliberandi transmittere ad heredem suum, imo nec si intra annum, si ignoraverint delatam sibi esse hereditatem matris, puta, si ignoraverint mortem matris. Ad hæc notandum est, sicut spurio intestato mater succedit ex SC. Tertulliano, *§. ult. Instit. de SC. Tertull. l. 3. in princ. D. eod.* Ita quoque spurius matri intestatæ succedit ex SC. Orfitiano, *l. 1. §. sed et vulgo, D. eod. tit. §. vulgo, Instit. de SC. Orfit.* Et consequenter filius vulgo quæsitus, qui spurius dicitur, de inoffic. testamento matris, in quo est præteritus agere potest, *l. si suspensa, §. 1. D. de inoffic. test.* quia quicumque filius ab intestato potest jure civili, vel prætorio succedere parenti, cujuscunque sexus sit parens, si in testamento ejus sit exheredatus, vel præteritus, ita ut pro exheredato habeatur, potest agere de inoffic. testamento parentis: spurius autem ab intestato succedit matri: ergo queri potest de inoffic. testamento matris, ilque rescindere si probet non habuisse matrem justam causam irascendi sibi, non fuisse justam causam indignationis matris, justam iram. Excipitur tamen ab eo, quod dicimus spurium matri succedere ex Orfitiano, illustris mater, illustris femina, id est, filia vel uxor Senatoris illustris, puta præfecti prætorio, vel præfecti urbi, vel Comitæ sacrarum largitionum, et similibus, qui enumerantur inter Senatores illustres. Cujus quidem feminae illustris, ut eleganter ait Justin. præcipuum debitum est observatio pudicitie, *ἐξαιρέτως χρείας τῆς σωφροσύνης εὐλαβείας.* Et ideo ad legitimam hereditatem illustris feminae non admittitur spurius, videlicet si habeat justos liberos: justi enim liberi excludunt spurios, id est, sine marito filios, qui nullum alium patrem habent, quam terram, vel populum, vel πόλιν, et spurium matris. Et hos justi et legitimi liberi non tantum excludunt a legitima hereditate matris, sed etiam a testamentaria, et ab omni liberalitate matris, ex *l. pen. hujus t.* quam Justin. ait se dedicare pudicitie ingenuarum, et illustrium feminarum. At justi liberi non excludunt etiam naturales, id est succe-

ptos ex concubinato, qui non sunt sine marito filii: nam ut concubina uxorem imitatur, ut Julianus ait in Novell. 18. ita concubinatus maritum imitatur. Et est concubinatus semimatrimonium ἀμιγνός, ut Graeci loquuntur. Et ut haec lex indicat, est licita consuetudo ab homine libero habita, sic vulgo legitur, sed veteres libri habent rectius, ad liberum hominem habita ut Basilica, πρὸς ἀνδραπόδον εὐδύ-
 Δρον. Igitur lex ait liberæ mulieris licitam esse consuetudinem, quam habet ad liberum hominem, id est, per leges esse licitum concubinatum, quo et hodie quædam nationes utuntur, maxime in Pyrenæo. Igitur concubinatus est legitima conjunctio per concubinatum stuprum non committitur, l. 1. et 3. ff. de concub. l. stuprum, ff. ad l. Jul. de adult. Et ut uxor accusari potest lege Julia de adulteriis, ita concubina, quod sit vice uxoris, l. si uxor, D. rod. l. Et in hoc præcipue notanda est hæc l. pen. ut discamus, quam distent spurii a naturalibus liberis, et quam errent, qui naturales liberos vocant spurios. Notandum etiam est ex l. ultim. hujus tit. natum ex ancilla post moram ei factam ab herede in præstanda fideicommiss. libertate, quam ei debet ex codicillis, vel testamento defuncti, cui heres extitit, liberum et ingenuum nasci, quod est mirum, et παράλογον, ut ex serva ingenuus nascatur, quia cui relicta est fideicommiss. libertas, post moram heredis proculdubio non fit continuo liber; et tamen quod ex ea nascitur liberum est et ingenuum. Ex serva igitur hoc casu ingenuus nascitur, ut in l. 1. §. quæri, ff. de suis et leg. hered. neque est hoc novum: nam ex captiva, etiam quæ est serva hostium, ingenuus nasci, aut natus intelligitur, si cum ea postliminio redierit, ex l. 1. inf. de postl. revers. quæ lex citatur in l. apud hostes, ff. de capt. et postl. revers. Et in l. §. sed et si apud hostes, ff. ad SC. Tertull. ex quibus locis est restituenda inscriptio d. l. 1. de postl. revers. ut sit inscripta ad Ovinium Tertullum Præsidem provincie Mysie inferioris, quam hodie Vallachiam appellamus. Hoc autem posito, natum ex ancilla post moram heredis, qui transit manumissionem ancillæ, de qua rogatus fuerat testamento, vel codicillis, nasci ingenuum, hoc, inquam, posito, consequens est, ut desinit lex ult. hujus t. cum matri ab intestato succedere postea perductæ ad libertatem ex SC. Orfitiano. Et vicissim huic illam ex SC. Tertul. quod etiam confirmat l. pen. sup. de iis quibus ut indig. l. 1. §. interdum, et l. 2. §. et in servitute, ff. ad SC. Tertull. l. si quis rogatus, ff. de fid. libert. l. 3. in. eod. tit. Postremo notandum est non tantum ad SC. Orfitian. sed etiam ad SC. Tertul. his SC. locum esse ita deinceps de mutua successione matris et filii ab intestato, si mulier viro nupserit si-

ne conventiono in manum, quod nominatim scribit Ulpian. lib. reg. tit. de leg. hered. Nam mulier, quæ viro convenit in manum solemniter, ut fiebat olim, quam solemnitatem explicat Servius in Virgil. Et Ulpian. etiam eodem libro, et Cajus 3. Instit. et Boetius in Topicis Cic. quæ inquam, ita viro convenit in manum secundum jus vetus, apud virum jus filie, et sui heredis habet, sicut filius, qui ex eo matrimonio nascitur. Atque ita et mater et filius viro sunt sui heredes, et in potestate, familiaque ejus. Igitur et uxor huic viro est loco filiefamil. et consequenter filius illi est loco fratris consanguinei. Et retro illa filio est loco sororis consanguineæ, ut supra dicti auctores docent, et Gellius 18. atque ita inter eos est jus consanguinitatis, et jure consanguinitatis igitur invicem succedunt ex l. 12. tab. filius matri, mater filio, non ex Tert. vel Orfit. quod hoc casu non fuit necessarium: nam ex ordine, quem fecere II. 12. tab. post suos vocantur consanguinei fratres et sorores, id est, qui sunt ex eodem patre, qui ejusdem patris sunt, vel esse censentur per conventionem in manum: nam consanguineorum nomine in jure non significantur quilibet cognati, sed consanguinei tantum fratres et sorores consanguineæ, fratres germani, agnati et legit. l. 1. et 3. l. seq. l. 3. sup. de leg. tut. §. 1. Inst. de leg. ag. success. et consanguinitas non est genus, sed species agnationis, id est, fraternitas germana et legitima, §. ult. Instit. de SC. Orfit. Neque obstat l. 1. §. post. suos, ff. de suis et legit. hered. in qua Cassius definit, ut ait lex, consanguineos esse eos, qui inter se sanguine conjuncti sunt, quoniam ea est definitio nominis, id est, veriverbium, non definitio rei, quæ definitio nominis non efficit, ut consanguineorum nomen producamus ultra fratres, vel sorores germanas, quo in errore est passim Accurs. et maxime in l. 1. ff. de leg. tut. et omnes Doctores, quod et demonstrat pictura graduum cognationis, sive οὐνοψία, quam illi vocant arborem consanguinitatis duplici errore, quia non instar arboris habet, sed scalarum, locorumque proclivium, ut ait Jurisc. §. gradus, ff. de grad. affin. deinde quia consanguinitatis nomen est speciale, quo fratres tantum germani significantur, atque sorores, id est, orti ex eodem patre; et sic etiam Virgilius et Statius consanguineum lethi soporem, quem Homerus καίτηντρον, id est, fratrem, et Annæus Seneca et Valerius Flaccus, frater duræ languidæ mortis, id est, somnus. Ex alio loco: Somne frater simillime letho. Et sic etiam Statius de fratribus Thebanis: stat consanguineum campo, scelus unus ingens Bellum uteri. Et Claudianus de consulatione fratrum, o consanguineis fidelis auctoribus annus. Et idem de Jove et Juvene fratri-

hus. In consanguineo recipit post fulmina sexum Juno sinit. Atque ita vides etiam alios auctores retinere proprietatem hujus verbi, ut consanguineos vocent fratres, non cognatos quoslibet, utque ab hac sententia nos dinovere debet l. 2. C. Theod. de leg. hered. dum ait, quotiens filius consanguineus, vel per adoptionem quæsitus nulla capitis diminutione intercedente matrem excludit. Ex quo apparet filios quosdam esse consanguineos patri et matri. Ergo consanguineorum nomen ad solos fratres non pertinere. Sed si legatur tota ea lex, et interpretatio Aniani, et si res ipsa spectetur, cujus maximum argumentum est, semper apparet non esse legendum filius, sed frater consanguineus. Nam nisi in illo loco, nusquam leges consanguineum dici ad discretionem, sive *πατὶ ἀντρίπρωτον* filii adoptivi. Ac præterea agitur ibi, an frater excludat matrem a success. filii, non an filius defuncti, excludat matrem defuncti, quod est certissimum. Sed questio legis hæc est, an non tantum frater consanguineus, sed et adoptivus excludat matrem defuncti, et deficiat utrumque excludere matrem defuncti, quia ut Anianus ait, et adoptivus frater est loco consanguinei: improprie consanguineus, §. per adoptionem, Instit. de leg. r. g. success. sed jura consanguinitatis habet, id est, fraternitatis. Et ideo loco consanguinei est, sicut mulier, quæ in manum convenit, filio communi loco consanguinei est, quia jura consanguinitatis habet ab intestato. Et hæc de adoptivo fratre probat l. 1. §. ult. ff. de suis et legit. hered. ab iis vero, quæ diximus, commodissime gradum faciemus ad tit. seq. qui est ex parte de consanguineis.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. LVIII. De legitimis Heredibus.

Post suos hæredes jure civili, id est, ex l. 12. tabul. ab intestato vocantur agnati, id est, qui per mares nobis cognatione legitima juncti sunt, qui idem habent nomen, easdem imagines, *ἀντρίπρωτον* eandem, qui et ob id ipsam legitimi hæredes dicuntur quia lege 12. tab. vocantur, si in civitate decesserint, vel lege Cornelia, si apud hostes decesserint: nam et l. Cornelia confirmat legitimas hereditates, l. 8. hoc t. l. 8. sup. de suis et leg. lib. 1. bonæ, ff. de capt. et postl. ac primum quidem ex agnatis vocantur consanguinei tanquam proximiores, id est, ut exposui undiustertius, fratres et sorores ex eodem patre, licet non sint ex eadem matre,

Tom. IX.

fratres et sorores, qui in ejusdem patris potestate, cum is moreretur, fuerunt, id est, qui capite diminuti non fuerunt, qui familia patris non exierunt, §. 1. Inst. de legit. agnat. success. l. 4. sup. de suis et legit. lib. 1. 3. et 6. hujus tit. et nominatim ait l. 6. deficiuntibus suis hæredibus, succedere consanguineos, et deficere suos, inquit, si abstineant se bonis paternis, vel si ea repudient, qui locus notandus, in quo sui dicuntur repudiare hereditatem. Ergo et adire sui delatam sibi hereditatem possunt: nam hæc duo sunt *ἀντρίπρωτον*, adire, et repudiare, sicut illa, *miscere se*, vel *immiscere se*, et *abstinere se*. Et ita etiam sui adire dicuntur in l. si duo, D. de legat. præstand. l. si filius, D. de collat. bonor. l. 4. sup. de institut. et subst. l. ult. sup. de repud. hered. Sed non est necesse, ut adeant, cum ipso jure hæredes existant, adire tamen non vetantur: ergo nec repudiare, aut repudiandi verbum alienum est a suis, quod *adeundi* verbo ex adverso respondet. Et notandum est etiam l. 6. hujus tituli. conjungendam esse cum l. pupill. sup. de repud. hered. quod confirmant inscriptiones similes et subscriptiones. Quo argumento inscriptionis et subscriptionis Thalaleus scribit ad l. 4. sup. ad SC. Tertill. eam legem conjungendam esse cum l. 1. sup. de sec. nupt. fratres autem consanguinei, vel sorores consanguineæ ita vocantur ad hereditatem legitimam primore loco, ut et matrem defuncti excludant secundum jus, quod olim obtinuit; ut ostendi in tit. 56. mater præfertur reliquis agnatis omnibus, præter fratres et sorores consanguineos, a quibus ipsa penitus excluditur. Sed hodie, ut ibidem ostendi, etiam cum eis admittitur in virilem portionem. Quæro an fratres consanguinei, vel sorores etiam excludant patrem defuncti, quæ de re varia promissa sunt jura, quæ attingam paucis omnia, posita in primis distinctione hujusmodi. Filius, qui decessit, aut est in potestate patris, aut emancipatus. Si est in potestate patris, videtur pater omnia ejus bona occupare jure peculii, id est, ut peculium filii, non ut hereditatem filii: certe castrensia bona, aut quasi castrensia filii famul. quorum vivo filio ne usufructum quidem habuit, filio intestato defuncto, pater occupat jure peculii, non jure hereditario. Nemo autem in jure peculii patre potior est, l. 1. et 2. ff. de castr. pecul. Et hoc hodie manere etiam arbitror in militaribus scilicet bonis, ut dixi, in militari peculio castrensi, aut quasi castrensi. Adventitia bona, quæ filius acquirit, hodie sibi acquirit quantum ad proprietatem attinet, et quantum ad usufructum patri, in cuius potestate est. Atque ita post mortem filii iis tantum usufructus continuatur in patrem omnium bonorum adventitiorum filii. Proprietas autem pertinet ad fratres et sorores quoscunque agnatos, vel

cognatos et ad matrem. si supersit pro virilibus portionibus, ut in *l. ult. sup. ad SC. Tertul.* quod jus novissimum, id est, Novell. Justiniani 118. de hereditatibus, quæ ab intestato veniunt, ita immutat, ut velit mortuo filio famil. intestato bonorum adventitiorum filii usufructu non retinere patrem, sed pro usufructu habere, et ferre pleno jure virilem portionem: pleno jure, id est, proprietatis, et usufructus jure, in iis bonis, una cum matre et fratribus, et sororibus, licet in ejus potestate sint: ita ut inter eos omnes ea bona dividantur in capita, *par testes*, id est, pro virilibus portionibus, ut pro numero singulorum viritum dividantur, et quisque virilem ferat pleno jure, etiam frater superstes, licet sit in potestate patris: aut filius, qui decessit, et de cujus bonis et successione queritur, fuit emancipatus a patre: et hoc casu pater manumissor jure civili, et pater non manumissor jure prætorio, petita honorum possessione unde decem personæ, secundum jus vetus, in quo explicando non est opus horam terere, ut nobis tempus sufficiat explicare jus novum, quo utimur: is inquam, pater admittitur ad successionem filii emancipati, exclusa matre, ut in *l. 2. sup. tit. 36. et l. 10. ff. de suis et legit. hæred.* an etiam exclusis fratribus et sororibus: distinguo: aut fratres superstites sunt in ejusdem patris potestate, aut sui juris. Si sunt in potestate, proprietatis bonorum fratris emancipati ad eos pertinet usufructum retinet pater bonorum fratrum, etque adeo adventitiorum, quæ fratribus superstilibus acquiruntur jure proprietatis tantum, ut in *l. de emancipatis, hoc t. l. ult. sup. tit. 36.* Sed si fratres superstites sint sui juris, patri tantum reservatur in bonis filii emancipati intestati defuncti usufructus hereditatis, ex *d. l. ult.* et ex Novell. Justiniani jure novissimo, sive fratres superstites sint in potestate patris, sive sui juris, id sequemur, quod diximus ante, ut omnes veniant pleno jure in virilem portionem bonorum sine deductione usufructus. Pergamus ad reliquos fratres consanguineos, ut dixi, primo loco vocantur deficientibus suis hæredibus ex *l. 12. tab.* fratres autem cognati, veluti emancipati, vel uterini ex *l. 12. tab.* non vocantur ad successionem cognati fratris, quia ea lex cognatos non novit, sed suos tantum, et consanguineos, et ceteros agnatos, et gentiles: nam hic est ordo *12. tab.* ut primum sui vocentur, tum consanguinei, deinde ceteri agnati, ac postremo loco gentiles, quamvis gentiles neque sint sui, neque agnati, neque cognati. Et nihil aliud erant gentiles, quam qui erant ex eadem gente, non qui ex eodem genere, qui erant ejusdem nominis, quorum familia habuit idem nomen, ut Tullius Rex fuit gentilis Ciceronis, non agnatus, aut cognatus, ut rectissime quos Plato vocat *ὀνόματι*,

Cicero verterit gentiles in Timæo. Combien y a-t-il de Lulliers dans Paris, qui ne sont pas de même maison. Sed gentilitia illa jura, ut et Cælius et Paulus notavit in fragmentis, in usu esse desiderant. Verum post agnatos hodie vocantur jure prætorio cognati, id est, qui per feminas conjuncti sunt, qui non habent idem nomen, nec *ὀνόματι* eadem. Et post cognatos vocantur vir et uxor etiam jure prætorio, non civili. Quæ de causa in hoc tractatu, qui est de jure civili, nihil omnino agitur de cognatis, et post conjuges vocatur fiscus ex *l. Julia caducaria.* Ergo ut compi dicere, fratres cognati jure civili non vocantur, sed jure prætorio vocantur post agnatos: nam et prætor ipse, quod notandum est, agnatos prætulit cognatis, ut in *l. 3. 7. et 9. h. t.* At novissime Justin. confundit agnatos, et cognatos, voluitque eos simul admitti, si modo eodem gradu essent. Itaque hodie abrogata est *l. 5.* quæ præfert agnatos cognatis. Abrogata est *l. 7.* quæ præfert patrum, qui est agnatus, materteræ, quæ est agnata, licet ambo sint in 3. gradu. Abrogata est *l. 9.* quæ præfert sororem consanguineam avo materno, qui est cognatus, non agnatus, licet ambo sint in 2. gradu: nam hodie quicumque sunt eodem gradu, sive sint agnati, sive cognati pariter admittuntur. Et notandum est quod ait *l. 1. h. t.* quæ indiget interpretatione, fratres sive jure civili vocentur, sive jure prætorio, non spectari cujus sexus sint: pari enim jure esse fratres et sorores. Et observandum est eam legem esse scriptam ad Cassium et Hermionem filios fratris, vel fratrum, qui consuluerant Imperatorem, ut rectissime notavit Accurs. non de jure suo, sed de jure defuncti, patris sui videlicet, an in hereditatem patris intestati pariter cum patre suo amittæ suæ jure fuissent admittæ, maxime cum proponeretur amittæ fuisse dotatas a patre. Et *l.* ait, amittæ cum patre suo jure fuissent admittæ pro virilibus portionibus, licet fuissent dotatæ ab avo, quia scæminæ dotem suam non conferunt, *ils ne la rapportent pas*, cum agitur de hereditate fratris, sed cum agitur de hereditate patris tantum. Species igitur *l. 1.* hæc est, fratrem intestatum decessisse relictis fratribus, et sororibus, quas dotaverat avus: et nihilominus *l.* ait: pariter fratres, et sorores in capita succedere, sive veniant ex jure civili, sive ex jure Prætorio. Et ita omnino pendenda est species ad *l. 1.* alioquin si quem ponas intestatum decessisse relictis fratribus, et sororibus, et filiis fratrum jam mortuorum, fratres et sorores secundum jus vetus, quia gradu præcedunt filios fratrum, præferuntur filiis fratrum: et hoc ita est manifeste expressum in *l. 3. hujus tit.* frater excludit filium fratris jam mortui jure antiquo, quia non ut in linea directa locum habet jus representationis, ut filii representent patrem: ita

etiam huic representationi locus est in linea collateralis: in linea collateralis igitur filius non representat vicem patris, filius non succedit in locum, gradum, portionem patris, puta filius fratris jam mortui non representat ipsum fratrem: et idcirco frater superstes eum excludit. Hoc ita jure antiquo. At ex sup. dicta Novella Justiniani filii fratrum jam mortuorum veniunt in hereditatem patrum, avunculi, amitiæ, matertera, soit *oncle ou tante*, una cum patruis, avunculis, amitis, materteris, id est, una cum fratribus, et sororibus defuncti superstitibus, et veniant cum eis non in capita, sed in stirpes, *par souches, comme nos costumiers parlent, et non pas par testes*, ex d. Novell. 118. Quod si defunctus nullus reliquerit fratres, aut sorores, qui vivendo eum vicerint, sed reliquerit tantum filios fratrum, qui sunt proximiores, tum filii fratrum non succedunt in stirpes, puta, si ex uno fratre sint duo filii, ex alio tres, non sunt duo semisses, sed sunt quinque partes, id est, tot partes, quot sunt capita, quod olim obtinuisse certissimum est ex l. 2. §. *hereditas*, D. de suis et leg. hæred. et Cajo 3. *Inst.* et Paulo 4. *Sentet.* et vix tandem hoc jus passim receptum est, contra communem tamen opinionem Doctorum, et merito. Nam Novell. Justinian. vult tantum spectari stirpes concurrentibus patruis, aut avunculis cum filiis fratrum, unde idem statuit, ut querantur stirpes si soli sint filii fratrum. Novæ autem constitutiones semper sunt accipiendæ restrictæ, ut quod eis non est nominatim definitum, non definiatur argumento ex eis ducto a pari, aut simili, sed secundum jus vetus: nam et ita etiam licet ex Novell. Justinian. frater utroque parente conjunctus, et filius etiam ejus fratris, qui est *qualifié en cette sorte*, præferatur fratri ex uno tantum parente conjuncto, vel filio ejus, tamen non eadem distinctione personarum utemur, si queratur de hereditate filii fratris, vel sororis: nam patruus, vel avunculus, qui patri, vel matri ejus fuit utroque latere, utroque parente conjunctus, non præferitur patruo ex altero tantum parente conjuncto, imo simul admittuntur; quia Novell. hanc divisionem non posuit in patruis, quod igitur omisit, pro omisso habendum est. Et ita etiam in hac specie rectissime disert a verbis respondit Bartol. in l. 2. §. *legitima*, de suis et legit. hæred. et postremo notandum etiam est, alia in re filios fratrum representare patres suos, nimirum ut excludant patruos magnos, id est, patruos patris sui, vel avunculos, licet omnes sint in tertio gradu: patrum magni sunt quidem 4. gradu, sed erant tantum patrum ei, de cujus successu agitur, patrum autem magni filii fratris: quia scilicet filii fratrum jure representationis, licet sint in 3. gradu, ut patrum magni, linguntur esse in 2. id est, in eo gradu,

in quo fuit pater eorum; quod et ita nominatim definit Novell. Justinian. Et erat tamen super ea de re summa lis Lutetie, dum non omnes patroni bene memoria tenebant sententiam hujus Novellæ: et ne deinceps fallamur, constituamus 3. casibus tantum filios fratrum representare vicem patrum suorum. Unus casus est, si concurrant in hereditate patruus, vel avunculus, id est, fratres defuncti: nam cum eis filii fratrum succedant in stirpes. Secundo eadem etiam representant patres suos, videlicet si sint nati ex fratre, qui defuncto fuit utroque parente conjunctus, ut scilicet, qui sunt filii ejusdem fratris jam mortui, excludunt fratres, ejusdem ex altero tantum parente conjunctos, ex eadem Novell. Tertio eadem representant patres suos, ut excludant patruos, vel avunculos patris sui. Exceptis his tribus casibus, quibus filii fratrum vicem representant patrum suorum in linea collateralis non est representationi locus, sed proximior ulteriorem excludit, et inter eos, qui sunt gradu proximiores hereditas dividitur in capita, non in stirpes. Longe aliter in linea directa, in qua proximior ulteriorem non excludit, et semper hereditas dividitur pro stirpibus, non pro capitibus. Ex his, quæ divinus, apparet Novella Justiniani abrogari l. 3. hujus tit. quæ sororem præfert filio fratris jam mortui, et similiter ejusdem Justinian. l. pen. §. ult. hoc tit. quæ generaliter fratres, et sorores præfert filiis fratrum, et sororum secundum gradus prærogativam: nam ex ea Novell. filii fratrum, et sororum representant vicem patrum suorum, ut pro stirpibus concurrant cum fratribus, et sororibus defuncti, vel defunctæ. Itemque ut excludant defuncti fratres ex eodem patre tantum, vel ex eodem matre tantum, si pater eorum fuit defuncto frater ex eodem patre, et ex eodem matre. Itemque ut excludant patruos amitos, avunculos, materteras intestati defuncti, vel defunctæ: his tribus casibus exceptis in linea ex transverso non est representationi locus, sed proximior ulteriorem excludit, et distributio hereditatis fit in capita, non in stirpes. Et notandum ex d. l. 3. quod ait, consanguinitatis jure etiam feminas admitti ad legitimam hereditatem, id est, pari jure esse sorores, et fratres, quod obtinuit etiam in communi jure agnationis ex 12. tabul. perinde atque in jure liberorum. At ex l. Voconia, ultra consanguineas jure agnationis feminas non admittuntur ad hereditatem legitimam, id est, neque agnatis maribus, neque sibi invicem agnatie jure legitimo succedunt, §. *ceterum*. *Instit. de legit. ag. success.* et Paul. *Sent. tit. de intest. success.* ideoque juris auctores cum tractant de jure legitimo successionum in testatorum consanguineos separant ab agnatis reliquis et agnatos ita

definiunt: virilis sexus personas ex eodem parente virilis sexus ortas, *l. 2. §. 1. D. de suis et leg. hered.* Cur dicunt virilis sexus personas? nam post consanguineos, muliebri sexus persone licet agnatae sint, non admittuntur ad legitimam hereditatem. Lex Voconia coercuit foeminarum hereditates: unde quod ait *l. 2. §. 1. unde legit.* in illo loco, *nec tantum masculi, etc.* honorum possessionem unde legitimi dari non tantum masculis, sed etiam foeminis, hoc tantum verum est in consanguineis foeminis, vel in liberis foeminini sexus, non in omnibus foeminis agnatis secundum leg. Voconiam, quae obtinuit usque ad tempora Justiniani. At Justinian. in *l. pen. hujus tit.* restituit jus antiquum, ut quemadmodum liberi, ita agnati admittantur ad legitimam hereditatem in infinitum, cujuscunque sint gradus, sine ulla discretionis sexus, et sit jus aequabile, ut quemadmodum foeminis agnatis agnati succedunt: ita etiam maribus, vel foeminis agnatis in infinitum succedant ab intestato, *nec paternum vitium*, inquit, in *l. pen. ex quo prodit foemina proles, ipsi proli nocet*; quo loco aperte demonstrat Justinian. se accedere sententiae Stoicorum, qui ex sola vi patris existimabant prodire partum, quam et multi magni viri sequuntur, et Aristoteles ipse dum ait, vim foeminae non esse vim vitalem, vius hominis solum esse vitale: contra Anaxagoras, et Empedocles, et Epicurus, ut Censorinus refert, ex quo Epicuro ita Lucret. lib. 4. *Semper enim partus duplici de semine constat*: ut autem Justinian. in *d. l. pen.* nulla habita discretionis sexus vocat agnatos ad legitimam hereditatem, restituta *l. 12. tab.* abrogata *l. Voconia*: ita etiam paulatim agnatos omnes vocavit ad legitimam hereditatem, nulla habita discretionis agnationis, et cognationis quam fecit tamen et *l. 12. tabul.* et praetor ipse. Ac primum quidem Justinian. fratres ex eodem patre tantum, qui sunt agnati, et fratres uterinos, qui sunt cognati, non agnati simul admittit ad hereditatem legitimam defuncti intestati fratris sine liberis, *l. ult. hoc tit. l. ult. §. ult. sup. ad Senatusc. Tertull.* quod ita est accipiendum ex Novella Justiniana, si defuncto nulli sint fratres ex utroque parente conjuncti, et utroque parente cognati, vel horum fratrum filii: hi namque praecellunt, et illos excludunt ex Novella *de heredib. ab intestato veni.* Item ex constit. Anastasii ab ipso Justiniano approbata et adiecta, fratres emancipati ex rescripto principis reservato jure legitimarum hereditatum, ne eo scilicet cadere per emancipationem: quod genus emancipationis Anastasius introduxit, vel etiam ut Justinian. adjecit in *l. de emancipatis, hoc tit.* fratres emancipati alio legitimo modo, puta, ex leg. *12. tabul.* vel ex

constitut. Justinian. nam triplex est emancipatio, legitima, Anastasiana, Justiniana: fratres, inquam, emancipati quoquo modo emancipati sint, et fratres in familia retenti primum simul admittuntur ad legitimam hereditatem patris, licet emancipati sint cognati, non agnati, quia emancipatione tollitur agnatio, tolluntur familiae sacra. Sic tamen emancipati admittuntur ad legitimam hereditatem patris cum suis, ut suis bona propria conferant, *l. liberis, sup. de collat.* quae est conjungenda cum leg. *11. hujus tit.* et animadvertendum leg. *liberos* loqui de successione patris, in qua emancipati suis conferunt. At legem *11. hujus tit.* loqui de successione fratris, in qua non est collationi locus: itaque in *l. g. 11. hujus tit.* hic versus, qui est appositus in extremo *l. collationibus tamen, etc.* merito abest totus ab emendationibus libris quamplurimis, et in Basilicis ab interpretatione facta, *νότα πρόσθ' ut discere licet ex 43. Basil.* qui editus est jamdiu Latine a Gentiano Herveto. Eum quoque versum Accursius ipse non agnovit. Est igitur spurcius, cum nec res ipsa eum ferat, propterea quod lex servat inter omnes fratres, sive sint emancipati, sive sui, jura legitimarum hereditatum, puta, ut sibi invicem succedant. Quae de re cum agitur cessat collatio honorum, quia non de hereditate patris agitur, sed fratris. Ergo ex hac *l. 11. itemque l. 4. sup. de legit. tut. et l. 5. sup. de curat. fur. dand.* quae sunt ejusdem Anastasii, fratres emancipati, et fratres in familia, in potestate retenti, simul admittuntur ad legitimam hereditatem fratris, vel sororis, sive is defunctus sit in familia, sive post emancipationem. Et ex constitutione quidem Anastasii fratres emancipati in hereditatem fratris intestati veniunt cum fratribus in familia retentis cum diminutione tertius, ut Theophil. declarat in *§. 1. Instit. de success. cog.* Ex constitutione autem Justiniana veniunt sine ulla diminutione, id est ex *l. ult. hujus tit.* et excludunt omnino agnatos, licet fratres emancipati non sint agnati. Excludunt etiam patrem defuncti fratris: ita tamen ut si filius in familia retentus vita decesserit, pater in bonis ejus adventitiis retineat usufructum totum, quem habuit eo vivo, *ut l. ult. §. ult. sup. ad Senatusc. Tertull.* Si autem filius emancipatus vita decesserit, in bonis, quae ab eo pervenerint ad fratres in familia retentos, vel etiam ad fratres emancipatos, neque pater habet usufructum totum ex *l. de emancipatis, hoc tit.* Non obstat *d. lex ult. §. pen. sup. ad Tertul.* quia, ut rejiciam solutiones Accursii, illa *l. ult.* non loquitur de fratribus emancipatis, sed de fratribus uterinis, qui pariter admittuntur cum fratribus consanguineis, quo casu si is, qui decesserit emancipatus, ea lex patri tantum dat usufructum heredis, non usufructum

assis. Ergo si quis *l. de emancipatis*, hoc tit. objiciat d. l. ult. dicas non de iisdem fratribus in utraque agi. In hac agi de emancipatis, in illa de uterinis. At longe aliter hæc omnia definiuntur Nov. Justinian. nempe ut sine ulla retentione usufructus, vel deductione, pater, et fratres, et sorores, sive agnati, sive cognati, qui modo utroque parente conjuncti sint, defuncto succedant pro virilibus portionibus pleno jure. Ac præterea notandum est ex hac *l. de emancipatis*, bona emancipati fratris jure legitimo deferri omnibus fratribus indistincto, exceptis bonis profectis a matre, quæ quidem lex vult pertinere ad eos tantum fratres, qui sunt ex eadem matre, non etiam ad eos fratres, qui sunt ex alia matre, eodem vero patre. Et inde ducitur quod vulgo jactatur, *materna maternis cedere, paterna paternis*: quod cum hæc *l. de emancipatis* constituisset tantum in fratribus, quod notandum, mores tamen nostri trahunt ad omnes cognatos. Quo I autem Anastasius dedit fratribus emancipatis, iidem etiam Justinian. dedit in *l. ult. hujus tit.* filiis fratris emancipati, licet agnati non sint, ut simul admittantur cum filiis fratrum retentorum in familia, hoc quoque casu, nulla habita discretione agnationis et cognationis: et similiter idem Justinian. in *l. pen. §. ult. hoc tit.* pari jure esse vult filios fratrum, et filios sororum, quamvis si cognati sit, illi agnati. Atque ita veluti per gradus, et paulatim eo ventum est, ut Just. penitus tolleret differentiam agnationis, et cognationis in Novella 117. Jura paulatim crescunt, et ampliantur, *l. ffd. §. si rem, in fine, de leg. 3.* et jus vetus, quod invaluit, quod viget, quod hæret animis hominum, melius tollitur per partes, quam semel eo abrogato, quoniam populus non facile dediscit, aut deuitur quæ insueverit semel: atque ita melius est jus vetus dediscere pedetentim. Recte Livius quodam loco, *nihil mutari ex antiquo sine confusione multarum rerum, et perturbatione populi*. Igitur melius est antiqua jura pedetentim aboleri, sive paulatim, ac sensim sine sensu. Non est omittendum, quod est in *l. 12. hujus tit.* Et sciendum est, ut intelligatur illa lex, impar esse matrimonium ex leg. Julia et Papia, si major quinquagenaria nupserit minori sexagenario: et cum dico impar esse matrimonium, significo non esse justum. Apul. sexto Metam. *impares nuptiæ*, inquit, *legitimæ non possunt videri*. Et ita concubinatus, quod dicitur inæquale conjugium, impar conjugium, *l. 3. sup. de natural. liber.* etiam non est justum conjugium, licet non sit illicita conjunctio, et sic in *l. 1. C. Theod. de colleg.* impari matrimonio opponitur justum. Ergo ex *l. Jul. et Papia*, impar est matrimonium, et injustum igitur, atque etiam illicitum ex illis legibus, si major quinquagenaria nupserit minori sexagenario:

item ex iisdem legibus impar est matrimonium, si major sexagenario duxerit minorem quinquagenariam: et Lactantius lib. 1. Instit. *legem Papiam sexagenariis fibulam imposuisse*. Verum hoc caput *l. Pap.* ne major sexagenario ducat minorem quinquagenariam sustulit D. Claudius Iul. p. ut Sueton. scribit in Claudio cap. 25. quia constabat sexagenarios generare posse. Et hoc est quod scribit Ulpian. *lib. reg. tit. 16.* ex Senatusconsulto Claud. id est, cujus auctor fuit Claudius, si major sexagenario duxerit minorem quinquagenariam, perinde esse, ac si minor sexaginta annorum duxisset uxorem, id est, impar non esse matrimonium: illud autem caput *l. Papie*, ne major quinquagenaria nubat minori sexagenario Justinian. sustulit in *l. pen. sup. de nupt.* nam est quidem plerumque sterilis major quinquagenaria, ut in *l. si sterilis. D. de action. emp.* quod non sit *ἀστέρης τῆς ῥόδου πρὸς ἀνέπαυτος ὑπόδοξιν*, ut ait Zonaras in Romano Argyropilo. Et Plinius quoque 7. et Aristot. 3. de hist. animal. tamen quia aliquando evenire potest, ut major quinquagenaria partum concipiat, atque edat, licet id raro eveniat, tamen Justinian. censuit non improbandum esse matrimonium inter majorem quinquagenariam, et minorem sexagenario, quia sit aliquantula spes liberorum. Alioquin si nulla sit spes, nefarium est matrimonium, quod non contrahitur liberorum procreandorum gratia. Et ideo, ut ostenditur in *l. 12. hujus tit.* si major quinquagenaria forte partum ediderit, is partus erit suus hæres patri, et habebit jura legitimarum nuptiarum, legitimæ hereditatis, jura consanguinitatis, jura agnationis, quasi legitimus partus, licet, inquit *l. 12.* raro hoc eveniat: ubi non male Greci notant; hanc legem constitutam de iis, quæ raro eveniunt, cum tamen regulariter dicatur, legem non constitui de iis, quæ raro, sed quæ ut plurimum eveniunt, *l. 3. 4. 5. et 6. D. de legib.*

JACOBI CUIJACII J. C.

In Lib. VI. Codicis

RECITATIONES SOLEMNES.

Ad Titulum LIX. Communia de successionibus.

Venio ad interpretationem tit. 39. *Communiam de successionibus*. Ac primum quæro quid significant hæc verba, *communiam de successionibus*. An ut glossa Rubricaria notavit, proponi sub hoc tit. communia, quæ sunt successionibus ex testamento, et successionibus ab intestato? minime: neque enim in ea ulla lex est quæ pertineat ad successiones testamentarias. An igitur, quia initio

hujus libri dixit de successionebus intestatorum, quæ jure prætorio deferuntur id est, de honorum possessionibus, quæ dabantur olim per septem gradus, hodie dantur per quatuor tantum, quorum primus est liberorum, secundus agnatorum. 3. cognatorum, 4. viri et uxoris. Postea vero dixit de hæreditatibus intestatorum, quæ jure civili deferuntur agnatis solis, ac primum suis, deinde consanguineis, tum reliquis agnatis. Nunc proponit communis utriusque success. civilis, et prætorie ab intestato: Communis utriusque juris civilis, et prætorii. Et hoc certissimum est: nam et nominationem l. 2. h. t. nihil referre, sit, jure civili, an jure prætorio pater meus ab intestato successerit propiori sobrino meo quandoquidem sive hoc, sive illo jure successerit, si patri meo hæres extiterim, et per eum propiori sobrino meo videor extitisse: ac proinde exercere possum omnes eas actiones quæ propiori sobrino meo competierunt. Denique agere possum tutelæ in eum, qui gessit tutelam propioris sobrini, mei, ut l. pen. sup. arb. tut. Et hæc est sententia l. 2. hujus tit. Propior autem sobrinus, vel sobrino dupliciter dicitur. Is, qui patris mei consobrinus est, ut l. JC. §. 3. de grad. aff. Et aliquando etiam is, qui consobrini mei filius est, ut apud Sext. Pompe. et in l. 2. sup. unde legit. Item quod ait l. 7. hujus t. affinitatis jure nulla successio promittitur, sic legendum, ut in Basil. non permittitur successio, id est, neque civilis, neque prætorie sive honoraria, ut nominatim l. 3. hujus tit. vitrico sit privigni successionem nec civili jure deberi nec prætorio. Ac similiter novercæ privigni successionem nullo jure deberi, quia affinitatis jure nulla intestati successio est. Ita etiam accipienda est l. 4. hoc tit. dum ait, servos successores habere non posse, ut scilicet successores nullo jure habere possint, quia et apud prætorem servus pro nullo habetur, l. 1. D. de jure delib. l. nullo, D. ad l. Cornel. de fals. et cum hac l. 4. est conjungenda, l. liber, sup. de pet. hæred. utriusque idem est Imperator, et idem Cos. Et ex hac in illo dies corrigendus, et ex illa in hac locus addendus: integra autem sententia hæc est. Si is, cujus hæreditas petitur, dubitetur liber fuerit, an servus, questionem de statu esse præjudicialem: et de eo prius disputandum esse liber fuerit, an servus, quam petatur hæreditas, quia servus heredem habere non potest, ut ait lex servus, hoc tit. Et eodem modo accipienda est l. 10. dum ait, educatores nec civili, nec honorario jure succedere posse alumni suis, quæ etiam manifesto est communis utriusque juris, educatorem, inquam, alumno suo nullo jure ab intestato succedere, hoc solo nomine, quod sit educator, et veluti pater: ut veteres

Virgilius et Plantus nutritores, et nutrices vocant patres, et matres, et in plerisque partibus juris, alumni filiorum loco sunt, ut tutores eis dati confirmantur, l. Nescennius, D. de excus. tut. ut alumni non cadant in generalem obligationem bonorum omnium, l. 1. inf. quæ res pig. oblig. ut imperfecto testamento relicta alumni conserventur, ac si essent relicta filiis, l. in testamento, D. de fid. libert. ut non separentur ab educatore, l. 3. §. proinde, D. de lib. hom. exhib. ut etiam educatoris nomen assumant, l. Lucius, S. munus, de leg. 2. ut dubitetur an alumnam uxorem ducere liceat, l. si quis, sup. de nupt. ut dubitetur an in eis sit locus SC. Syllan. l. 1. §. in eo, D. de SC. Syllan. Et nunc ut dubitetur an eis educator ab intestato succedat, hoc tamen negatur, nisi alio jure nitatur, quam nudo nomine educatoris. Communis est etiam utriusque juris, et successionis l. 8. h. t. quæ ita definit, ut est in Regul. juris, quoadvis ex testamento acquiri potest hæreditas, licet scriptus in eo non haberet assis capacitatem, neminem ab intestato succedere. Quæ sententia proculdubio pertinet etiam ad utramque successionem intestatorum civilem, et honorariam. Communis etiam est utrique successioni, et juri l. 9. hujus tit. ut quod liber homo misceat se servis alienis, non ideo fiat servus domini ancillæ, nec ideo honorum ejus successio vindicetur a domino ancillæ, cui ille liber homo commisceat se, ut in l. 3. inf. de lib. caus. et hoc ita est, etiamsi liber homo me denuntians, et velante misceat se ancillæ meæ. Et respicit hæc lex ad SC. Claudianum, quo si libera mulier contra denuntiationem meam misceat se, servo meo, serva sit mea, et bona omnia ejus cum capite in me transferantur genere quodam successionis, §. ult. Instit. de success. sub. quod tamen sustulit Justin. ut hæc in re nulla esset differentia inter marem, et feminam, id est, ut quemadmodum liber homo propter hanc commisionem non fit servus, ita nec libera mulier propter eam fiat serva. Et cum hac l. 9. est conjungenda l. ult. sup. de rei vindic. cui locus ex hac l. 9. addendus est, et corrigendus dies, ut sit ubique 7. Cal. Jan. utraque autem lege conjuncta, intelligimus dominum ancillæ non habere justam causam retinendi bona liberi hominis, contra denuntiationem suam consuetudinem habet cum ancilla sua: sed tamen quia bona ejus tenet ille liber homo, si ea vindicet, nihil agit, nisi probet se eorum bonorum esse dominum: nam in dubio, vel in incerto pensor est conditio possessoris. Etiam l. 8. h. t. pertinet ad utramque successionem, ut significant illa verba tam agnationis, quam cognationis jure, id est, tam civili, quam Prætorio. Sed sententia l. 3. indiget interpretatione, vel explanatione verius,

Sententia plenior hæc est. Amita mea, unde nos dicimus, tante: nam veteres Galli dixere, *amte*, quasi *amta*, inde depromptum est, *tante*, amita, inquam, mea quæ suscepit filios ex Titio, habet filios ex alia uxore, qui amite meæ sunt privigni, amita mea illis est noverca: amita, inquam, mea illa defuncta est intestata relictis filiis susceptis ex Titio, qui mihi sunt amitini, *ce sont des cousins*, qui s' appellent ainsi, ergo illis sum consobrinus. Hi vero amite meæ heredes extiterunt ex SC. Orfitiano, non etiam privigni amite meæ, quia adfinitatis jure nulla est successio. Porro amitini mei etiam sunt mortui intestati sine liberis relictis fratribus natis ex priorē uxore patris sui, qui erant eis consanguinei fratres, puta nati ex eodem patre, diversa vero matre, et ideo hi succedent amitinis quasi proximiores, quia sunt in 2. gradu, et me excludent, qui sum in 4. gradu: nam in linea collateralī excepto gradu filiorum fratris, vel sororis, proximior gradus excludit inferiorem, seu prolixiorem, remotiorem, ulteriorem. At nunc sūge, ut absolvamus sententiam l. 5. Amita mea, quæ suscepit filios ex Titio, qui mihi sunt amitini, ego illis consobrinus, mortuo Titio nupsit Cajo habenti filios ex alia uxore, qui amite meæ sunt privigni, et ex Cajo 2. marito nullos suscepit filios: deinde ei mortuo intestatæ successerant amitini mei. Nunc vero amitinis meis mortuis intestatis ego eis proximior sum heres, quia privigni amite meæ, quos Cæjus procreavit ex priorē uxore amitinis meis neque sunt agnati, neque cognati; id est, nullo jure eis sunt fratres, quia neque sunt ex eodem patre, neque ex eadem matre, sed ex diverso patre et matre. Verum, ut alias ostendi in hæc l. 5. sic est legendum. Nam si amitinis tuis alio etiam patre natis non consanguinei eorum matris privigni sunt. Quod autem ait l. 6. hujus tit. avunculum, qui est 3. gradu præferri consobriño qui est quarto, hoc sane proprie pertinet ad jus prætorium, quia est de cognatis. Sed cum sit posita sub hoc tit. idem omnino statuere licet in patruo, ut præferatur consobriño. Eodemque modo quod ait l. 1. h. tit. pertinet quidem proprie ad jus prætorium, sed tamen quod in ejus specie statuitur, commune est juri civili: nam sententia l. 1. hæc est: sororem emancipatam in bonis fratris emancipati pariter succedere cum fratre retento in familia, ut in l. 1. sup. tit. prox. videlicet per bon. poss. unde cognati: nam ex Constit. Anastasii etiam fratri emancipato frater retentus in familia, et soror emancipata, ut legitimi heredes ex æquo succedunt adita hæreditate, vel petita bon. poss. unde legitimi. Ergo et l. 6. et l. 1. quod statuunt de jure prætorio, idem obtinet etiam in jure civili. Denique, ut con-

cludamus, omnes ll. hujus tit. sunt communes utrique successionī ab intestato, quæ vel proficiuntur ex jure civili, vel ex jure prætorio: una tantum est l. ult. quæ nihil videtur pertinere ad communionem istam, cujus sententia hæc est: filiusfamil. bona materna, et lucra nuptialia, et generaliter hodie bona adventitia non acquirit patri, nisi quantum attinet ad usumfructum. Quis igitur mortuo filiofamil. in eis bonis succedit? nempe liberi ejus, si quos habeat excluso avo, et reservato tantum ei usufructu: deficientibus liberis, ei succedunt fratres utroque parente conjuncti, et iis deficientibus, fratres altero tantum parente conjuncti reservato usufructu patri: et rursus deficientibus iis omnibus, proprietas horum bonorum redit ad usumfr. id est, ad patrem. Et hæc l. ult. probant Novellæ Justinian. quatenus præfert fratres utroque parente conjunctos, quos Greci vocant ἀμφιπαιδῆς, fratribus ex altero tantum parente conjunctis, ut Novella 84. At abrogatur hæc l. ult. quatenus fratres præfert patri: nam Novella 118. vult fratres pariter succedere cum patre pro virilibus portionibus sine deductione ususf. hoc est, quod pertinet ad l. ult. ex cujus explanatione videmus, nihil in ea proponi, quod sit commune utriusque juris civilis, et prætorii, utriusque successionis. Sed quia tit. duo, qui sequuntur sunt de iisdem bonis maternis, vel de lucris nuptialibus, vel aliis, quæ filiusfamil. patri non acquirit, ideo posita hæc l. ult. finem hujus tit. ipso quodam veluti nodo connexit cum tit. seq. ut accidit tit. de inst. et subst. sup. qui est de substitutionibus præcariis conditionalibus, non de directis, excepta l. ult. ut ab ea convenienter subjiciatur tit. de impub. et aliis substit. qui est de substit. directis. Denique super leges ult. unius tit. sunt notandi sequentis tituli, ad quem jam accedemus.

JACOBI CUIACII J. C.

Ad Lib. VI. Codicis.

RECITATIONES SOLEMNES.

Ad Tit. LIX. De bonis maternis, et materni generis.

Quæ hactenus dicta sunt de intestatorum hereditate, ad patresf. tantum intestatos pertinent, non ad filiosf. nam lex 12. tab. de patrefamilias loquitur, non de filiof. ut M. Tul. retulit his verbis: Si paterfamil. intestato moritur, familia, pecuniave ejus agnatorum gentiumque esto. Et ideo bona, quæ relinquit filiof. vel dicuntur peculia, vel bona, ut in h. tit. et tit. seq. potiusquam hereditates, quia filiofam. plerumque hereditas non est. Potest

autem filiusfamil. habere bona quædam propria, vel tanquam propria: nec enim omnia acquirit patri jure potestatis patriæ. Ea vero bona, aut sunt castrensia, sive militaria, aut pagana: et castrensia, aut castrensia, sunt, aut quasi castrensia: et pagana rursus, aut sunt profectitia, aut adventitia. Castrensia sunt quæ filiusfamil. acquirit occasione armatæ militiæ: quasi castrensia, quod acquirit occasione civilis, forensis, urbanæ, literariæ militiæ. Hujus peculii mentio fit in digestis non uno tantum loco, ut quidam non erubuit scribere, sed quamplurimis, ut *l. 1. §. nec castrense, D. de coll. bon. l. 1. §. in filii, D. ad SC. Treb. l. 3. §. dari, D. de bon. poss. l. filiusfamil. in fine, D. de donat.* Profectitia autem bona sunt, quæ filiusfamil. dedit pater, in cuius potestate est, quæ profecta sunt ex re patris, quod proprie patrimonium dicitur, id est, bona paterna, ut bona materna matrimonium apud Senecam, Suet. et Valer. Et bona fraterna fratrium, in libro notarum Senecæ. Adventitia autem sunt, quæ alius quilibet ei dedit, vel reliquit, ut bona materna aut materni generis, de quibus est hic tit. bona materna sunt, quæ mater ei dedit, vel reliquit. Bona materni generis, quæ avia, aut proavus maternus, avia, aut proavia materna: sic ut ait *l. 2. hujus tit.* ea in eum contulerunt vel testamento, vel fideicom. vel legato, vel donatione, vel quo alio titulo, vel intestati successione: ubi testamentum significat hereditatem testamento relictam, ut in *l. illud, D. de acq. hered.* Repudiare testamentum, id est, repudiare hereditatem testamento delatam. Et Isocrates in Trapezitico: *ὁ πατήρ τοῦ καταλιπόντος τὴν διαθήκην ἐπὶ ἐμὲ*, id est, pater ejus, qui mihi testamentum reliquit, id est, qui me heredem fecit, qui mihi hereditatem dedit. Et D. Ambrosius in eum locum Paulini: *In veritate quæsi testimenta tua, Novum testamentum*, inquit, *singuli ad eum, id est, singuli ad eum hereditatem novo testamento delatam, et omnes possident, tamen nec minuitur heredi quicquid a cohæredibus vindicatur. Alia est conditio hereditatis humanæ: nam si divisa fuerit heredi as inter cohæredes, minuuntur emolumenta, inquit, et heredis est damnum adscriptio cohæredis. Indivisum est autem regnum Christi, indivisa heredi as, quæ ad singulos pertinet ex asse, non ex parte.* Hæc ille preleganter. Et in id, quod hæc *l. 2.* sit de donatione collata in nepotem, aut pro nepotem, qui est in potestate sui patris, recte Thaleleus Græcus interpretes exigit, ut ea donatio sit confirmata morte donatoris: nam ut inter virum et uxorem donatio ab initio non valet, sed confirmatur morte, et silentio donatoris, si in eadem voluntate perseveravit usque ad supremum vitæ exitum, ita etiamsi quid mater, uxor mea, vel si

quid socer meus, id est, avus maternus filii mei donet filio meo, qui est in mea potestate, ab initio donatio non valet, sed morte confirmatur, si donator poenitentia ductus non fuerit. Nam ea donatio poenitentia penitus infirmatur: hæc omnia ostenduntur in *l. 3. §. verbum, D. de donat. int. vir. et uxor.* ut autem de singulis generibus bonorum, quæ proposuimus, dicamus, quo jure, quaque conditione sint: primum castrensia bona, vel quasi castrensia bona, id est, castrense, vel quasi castrense peculium proprium est filiusfamil. pleno jure, ut nec usufructus pertineat ad patrem, *l. cum oportet, §. 1. tit. seq.* Et mortuo patre, id retinet præcipuum, sive excipuum, nec confert fratribus, *l. 1. §. nec castrense, D. de collat. l. Titius, D. ad Treb. l. 23. §. servum D. de fid. libert.* Ac præterea in eis bonis, castrensibus scilicet, vel quasi castrensibus filiusfamil. testamentarium heredem in eis bonis habere potest, quoniam jus habet testamenti faciendi de his bonis ex beneficio constitutionum, ex privilegio militiæ, quod Constit. ultro concesserunt militibus armatis, vel literatis. Nam studiorum militia, et comititium est, ut loquitur Apulejus Florid. lib. Denique quandiu viveret filiusfamil. voluerunt constitutiones principum, eum in bonis castrensibus, vel quasi castrensibus fungi jure, et vice patrisfamil. *l. 2. D. ad SC. Maced. l. 13. §. si servi, de castren. pec. l. 6. §. ult. D. de inj. rupt. test.* Sed si de his bonis filiusfamil. testamentum non fecerit, mortuus superstiti patre, legitimum heredem non habet, atque ita facit exitum filiusfamil. vivit ut paterfamil. in eorum bonorum causis, moritur ut filiusfamil. si testatus non sit, quia bona quasi castrensia aut castrensia, pater ejus qui eum vivendo vici, qui ei supervixit, retinet non ut hereditatem filii, sed ut peculium filii sui, quod potest occupare suo jure tanquam rem suam, non tanquam rem filii. Et hoc ostendit *l. 1. et 2. et 9. et l. pen. §. peter, D. de castren. pec. et l. pen. inf. de cast. pec. mil. lib. 12. et l. 1. §. si is qui bona, D. de coll. bon. l. ult. D. ad SC. Tertull. l. filiusfamil. D. ad l. Falc.* Denique in castrensibus bonis, vel quasi castrensibus filiusfamil. testamentarium heredem habere potest, legitimum habere non potest ab intestato, si ei supervixerit pater. Et ita etiam virgo vestalis olim testamentarium heredem habere potuit quia statim ut capta erat, sic loquebantur, exbat de potestate patris, et jus testamenti faciendi adipiscebatur, ut et Hermias retulit in historia Ecclesiastica 1. cap. 4. Et tamen ut Labeo scribit in commentariis ad *l. 12. tabul. virgini vestali intestatæ nemo legitimus heres esse potuit, sed bona redigebantur in publicum.* Et hæc de castrensibus, vel quasi castrensibus bonis filiusfamil. Profectitia

proculdubio pertinent ad patrem pleno jure, non per usumfructum tantum, et in eis filiusfamil. neque testamentarium, neque legitimum heredem habere potest, quod ante Constit. obtinuit etiam in omnibus bonis adventitiis, ut per filiumfamil. pleno jure acquirerentur patri etiam bona materna, ut inquam, bona materna acquirerentur patri pleno jure, ut rectissime in *l. 1. h. tit.* notavit Thalelus. Atque etiam Accurs. eorumque sententia evidenter comprobatur *l. 6. in princ. et l. filiusf. de acq. hered. l. 1. §. qui operas, ff. ad SC. Tert. l. 3. §. verbum, ff. de donat. int. vir. et uxor. l. 1. inf. de lib. exhib.* Et Dominus Alciatus, qui contra scripsit, etiam ante Constantinum, ante edictum Constantini, quod proponitur in *l. 1. hujus tit.* dominium honorum maternorum non pertinuisse ad patrem, id puto cum dicis causa, quod revera ita sentiret scripsisse. Et nihil est, quod hujus novæ, et paradoxæ sententiæ (nam hoc scripsit in *l. hris paradoxorum*) nihil, inquam, quod hujus novæ sententiæ introducendæ gratia adferat, nihil est quod careat calumnia manifesta. Nam primum quod ait ex *l. cum oportet, in princ. tit. seq.* dominium honorum maternorum non acquiri patri ex veteris juris observatione, hoc non est jure vetustiore edicto Constantini. Est igitur ex veteris juris observatione, id est, ex edicto Constantini, non ex eo jure, quod valuit ante Constantinum: nullum etiam est argumentum, quod ducit ex *l. filiusfam. ff. de inoff. test.* quæ *l.* ait patrem agentem nomine filii de inofficioso testamento matris, commodum victoriæ parare filio. Non hoc significat, bona materna acquiri filio, quia in querela inofficiosi testamenti matris, non agitur principaliter de bonis maternis, sed est querstio officiorum, materia officiorum, ut Quintilian. ait, id est, agitur potissimum de meritis filii, an sit merito exheredatus a matre, et commodum victoriæ patris, qui nomine filii agit querela inoff. testamen. propriæ pertinet ad filium, quia judicatur non esse malemeritus de matre, et justas causas matrem non habuisse irascendi filio, atque ita aboletur nota exheredationis, quam filio inusserat quasi ingrato, quasi immerito. Commodum ergo victoriæ non est acquisitio honorum maternorum, quæ mox per filium ante Constantinum acquirerebatur patri pleno jure, sed bona existimatio filii, ut existimetur esse probus, gratus, et bene meritus erga matrem, et indignus etiam nota exheredationis. Nullum est etiam argumentum, quod ducit ex *l. pen. ff. ad SC. Tert.* quæ dicit ex oratione Antonini Imper. hereditatem matris intestatæ pertinere ad filium, licet sit in potestate patris. Ergo, inquit, non acquiritur patri hereditas matris delata filio, quæ

Tom. IX.

illatio vitiosissima est: nam fateor quidem pertinere hereditatem matris ad filium ex orationi Antonini, sed mox per filium acquiri patri. Nec animadvertit idem esse orationem Anton. ad SC. Orsitian. quoniam SC. sequi solebat orationem principis, quæ Senatui princeps suadebat ut quid decerneret. Denique SC. Orsit. quo hereditas matris filio deferretur ab intestato, fuit factum auctore Antonino, ut est in *Instit.*, id est, secundum orationem Antonini in Senatu recitatam, ut etiam filiofam. obveniret legitima hereditas matris, et mox ab eo transiret ad patrem iure patriæ potestatis. Ac postremo nullum est etiam, quod ducit ex *l. 1. sup. qui admitt.* Primum quoniam ea lex non loquitur de bonis maternis: deinde quia etiamsi intelligatur de bonis maternis, ea *l.* potius probat dominium honorum maternorum acquiri patri, videlicet si filiusf. honorum posses. unde legitimi admiserit intra constituta tempora, et intra eandem, quod fecit filius, ratum habuerit pater: nam ita commodum bonorum possessionis acquiritur patri: at post tempora constituta petitio bonorum possessionis nec filio, nec patri proficit. Et hæc est sententia *l. 1.* igitur cum Alciatus sit destitutus suis argumentis, licet ut est apud Aristot. argumentari ad hominem, quod sit hoc modo. Tu tuam sententiam his testimoniis confirmare vis, hæc ego testimonia refutavi. Restat igitur esse falsam tuam sententiam. Igitur concludamus, primum esse Constantinum, qui in *l. 1. hujus tit.* definivit, ut honorum maternorum delatorum filiofam. proprietas pertineret ad filium, et usufr. tantum ad patrem, ut fruendi duntaxat facultatem haberet pater, Tribonian. maluit scribere fruendi facultatem, quam uti verbo prisco, quod erat in *C. Theod. l. 1. eod. tit. ut fruendi pontificium habeat pater*, id est. potestatem, ut in *l. 3. C. Theod. de fide Cathol. hereticis non permitti facultatem, pontificiumque obtinendarum Ecclesiarum*. Et Symmachus in epistolis: Optimum factu credidi, ut eternitati tuæ causa istius pontificium reservarem. Et Solinus cap. 21. Devotionis, quam peregre prosequabantur pontificium, mox intra suos fines receperunt. Et in precibus Ecclesiæ nostræ recte: Drus, qui beato Petro ligandi et solvendi dedisti pontificium. Constitutio autem Constantini trahitur etiam ad bona materni generis in *l. 2. h. t.* ut eorum quoque proprietas non acquiratur patri, sed usufruct. tantum, et nihil mutat si pater filio novercam superduxerit: nam ideo non amittit usufr. in bonis filii materni, aut materni generis, *l. ult. h. t. l. de emancipatis, sup. de leg. hered.* et novella 22. abrogata hac *l. 3. C. Theod. de bon. mater.* Addit autem Constantinus in hac *l. 1.* patrem debere uti

89

frui bonis materni filii sui boni viri arbitrato, conservatis rebus omnibus illæsis, qua in re debet prestare diligentiam et custodiam omnem, neque tamen exigit lex, ut pater filios præstet satisfactionem fructuariam: non exigit ut filiosfam. caveat dato fidejuss. ac boni viri arbitrato usum fructuum, quoniam inverecundum est a sacro nomine patris exigere fidejuss. nec fide ejus esse contentum, quod etiam confirmat *l. ult. §. sin autem res. l. seq.* item eadem *l. 1.* ait patrem præter usufructum, quem habet in bonis maternis filii, etiam hoc habere, ut possit exercere omnes actiones. In examine, inquit, Basilica vertunt, *ex δαζωτρίῳ*, id est, in iudicio, descendentes ex causa eorum bonorum, quia ipse filiosfam. non habet legitimam personam in iudicio, *l. filiosfam. ff. de obl. g. et act.* quia rem in iudicium deducere non potest, qui est in potestate alterius non sua, *l. ult. §. 1. in fine, tit. seq.* quod adeo verum est, ut et pater eas actiones per procuratorem exercere possit. Qui alieno nomine agit, id est, procurator regulariter alium procuratorem dare non potest ante litem contestatam: at pater ante litem contestatam in hac specie procuratorem dat ad instituendas actiones, quæ descendunt ex causa eorum bonorum, nimirum quia suo nomine agit, et suis etiam sumptibus, ut lex ait, et suo nomine eum agere lex indicat, dum ait, *eum perinde agere, atque si solidum, perfectumque dominum earum rerum ei quæsitum fuisset*: agere igitur suo nomine. At postremo adjicit, patrem tamen non habere jus alienandi, vel distrahendi, vel pignori bonis materna filii, ut in *l. 2.* atque ita hoc casu evenit, quod tamen lex ait prior, *ff. de jure delib.* ait esse absurdum et incongruum, ut cui interdicitur alienatio rerum ei liceat exercere actiones, ut ante dictum est, propterea quod persona filiosfam. non est legitima in iudicio sine voluntate patris. Ita fit ut pater exercent actiones, et tamen jus alienandi, vel pignori non habeat: nam si quid alienaverit, postea filio rem vindicanti nulla obstat præscriptio longi temporis: præscriptio 30. annorum, quæ a Cassiodoro dicitur *patrona humani generis*, obstat, ut in *Nov. 22.* quæ tamen numeranda erit a pubertate filii, et ab eo tempore, quo sui juris factus erit, ut in *l. 4. §. ult. tit. seq. l. 1. §. ult. inf. de ann. except.* Et ultimo etiam adlegendum est ex *l. 2. huj. tit.* mortuo patre filiosfam. bona materna, et materni generis retinere præcipua, ut bona castrensia, nec conferre fratribus, ut in *l. 4. titul. seq. et l. ult. sup. de coll.* et notandum tamen in hac *l. 2.* vulgo corrupte ita legi, *præcipua computentur, nec ab illis, qui ex parte sunt cohæ-*

redes vindicantur. Omnes Libri scripti, et Codex Theod. habent *ex patre ἀπὸ τοῦ πατρὸς*: Basil. Igitur restituatur hæc lectio, et ita legatur: *ab illis, qui ex patre sunt cohæredes*, id est, fratribus: nam extraneo heredi non fit collatio, sed fratri, id est, cohæredi: consortique ejusque patris. Quod jus fuit olim patris potestatis, ut bona adventitia, quæ obvenirent filiosfam. per eum confestim pleno jure acquirerentur, patri ab eo primum exceperit Constant. in *l. 1. hujus tit.* bona materna, quæ noluit patri acquiri, nisi per usufructum, et iis adject, ut eodem jure essent, eademque conditione Arcadius et Honorius bona materni generis in *l. 2.* sine distinctione; superdixerit (sic novercam pater, an non, ut scilicet indistincte eorum bonorum ei usufructus debeat, *l. 4. et ult. hujus tit.* At nunc quæro, quid sit dicendum, si posteaquam bona materna, aut materni generis ad filiosfam. pervenerant, is filius a patre emancipatus sit: nam emancipatione filii usufructus, quem in eis bonis jure potestatis habuit pater, proculdubio extinguatur finita potestate, et finitur emolumentum potestatis omne. Denique usufructus finitur, quem in eis bonis pater habuit potestatis jure. Et hoc casu placebat pro præmio emancipationis, quod sua potestate filium liberaverit, eumque fecerit patremfam. patrem posse retinere eorum bonorum trientem pleno jure, ut *l. 1. et 2. et l. penult. C. Theod. eod. tit.* Et est de eo præmio emancipationis aliquid etiam in *l. 3. hujus tit.* et in *l. 2. in fine, tit. seq.* hodie autem ille triens, illudve præmium emancipationis sublatum est Constitut. Justiniani, id est, *l. 6. §. cum autem, tit. seq. §. hoc quoque, Instit. per quas pers. nob. acq.* Et pro præmio emancipationis hoc tantum datur patri emancipatorum, ut in eis bonis habeat remissum usufructus, nihil præterea, ad remunerandum beneficium emancipationis, quod est beneficium honorum quærendorum, ut et *l. 1. ff. si a parentis quis manum.* At rursus quæro, quid sit dicendum, si bona materna, aut materni generis obveniant filio jam emancipato: nam per filium emancipatum nihil patri acquiri potest, sed tamen etiam ad remunerandam emancipationem leges in bonis quæsitis post emancipationem a matre, vel a materno genere concedunt patri virilem portionem usufructus, sive unus, sive plures fuerint filii emancipati: virilem igitur partem habet usufructus, non quasi acquisitam, cum per liberum hominem nobis non possit acquiri, sed quasi lege concessam. Et hæc est sententia *l. 3. hoc t.* quæ ostendit idem procedere in omnibus liberis cujuscunque gradus, vel sexus sint, nedum in filiis, et filiabus. Et hæc sufficiunt de bonis maternis: et materni generis.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. LXI. De Bonis, quæ liberis, etc.

Bona maternis, et materni generis in hoc tit. adiunguntur l. 1. 3. et 4. bona quæ filiusfamil. vel filiafamil. acquirunt ex causa matrimonii, puta ex causa dotis, quam maritus lucratur, vel ex causa donationis propter nuptias, quam uxor lucratur soluto matrimonio, vel ex hereditate, aut legato, aut fideicommiss. mariti, vel uxoris, ut hæc etiam bona eodem jure sint, et eadem conditione, quæ in superiore titul. dictum est, esse bona materna, et materni generis. Ab his bonis, quæ ex matrimonio filiusfamil. acquirunt, recte l. 2. hoc tit. separat dotem, quam pater de suo dedit filio nomine, et donationem propter nuptias, quæ velut dos est viri, quam pater dedit filii nomine: nam hæc soluto matrimonio si vivat pater, ad patrem redit pleno jure, vel ex conventionem, vel auctoritate legum, ut ait l. ult. sup. commun. utriusq. judicii: quia ea bona sunt profectitia, non adventitia: et ideo merito separantur ab adventitiis in l. 2. Mortuo autem patre intestato, ad quem redierat dos, vel donatio propter nupt. profectitia plenissimo jure et mortuo eo filii superstitibus, ut cetera bona patris, ita et dos et donatio propter nupt. in communem redigitur. Ex testamento autem, si collatio bonorum fuerit prohibita a patre, quod hodie omnino exigitur ex Novella 18. alioquin non minus ex testamento collatio bonorum fit inter fratres, quam ab intestato jure novissimo, non jure antiquo, quo collationi locus erat inter liberos ab intestato tantum, non ex testamento, l. 1. sup. de collat. et d. l. ult. sup. communia utriusque iud. l. si filius, ff. si quis omiss. caus. testam. De eo ergo ex testamento si collatio bonorum fuerit prohibita a patre nominatione, adscriptis extraneis hæredibus, filios et filias dotes suas præcipuas habere, quæ redierant ad patrem. Testamento autem facto inter liberos nullo adjecto extraneo, non retinere dotes suas præcipuas, nisi eatenus, quatenus ex bonis suis pater aliis filiis dedit ex eadem causa, vel militis adipiscendæ causa, id est, officii Palatini. Et hæc est sententia d. l. ult. Porro bonis, quæ filiusfamil. acquirunt ex matrimonio, l. 5. hujus tit. adiungit etiam ea bona, quæ acquirunt filiusfamil. ex sponsalibus, puta, munera sponsalitia, quæ et sponsalia dicuntur, ut etiam in eis bonis pater tantum habeat usumfr. non dominium proprietatis, plenius accepta l. 1. hujus tit. et mariti uxorisque nomine.

quod est in ea l. 1. porrecto ad sponsum et sponsam ut l. 3. refert. qui locus est singularis, Julianum JC. in interpretauda l. Jul. de fundo dotal. ut opinor, quæ tractavit de eo capite l. Julia, quod erat in l. scriptum de marito. Ne maritus prædium dotale alienaret, vel obligaret, eum porrexisset etiam ad sponsum, ut et Cujas ex Juliano, ut opinor, facit in l. 4. ff. de fund. dot. Et ad extremum Justin. generaliter constituit, ut nullorum bonorum adventitiorum dominium acquiratur patri per filium, aut filiam, sed ut usufr. tantum eorum contentus esset, l. 6. hoc tit. quo jure utimur. Et observa quibus gradibus res lente processerit. Primum Constantinus noluit bonorum maternorum dominium acquiri patri, sed usufructum tantum quandiu viveret in l. 1. titul. sup. deinde is etiam adiecit Arcadius bona materni generis in l. 3. eod. tit. Tum is adiecit Theod. lucra nuptialia in l. 1. h. t. post is adiecit Leo lucra sponsalitia in l. 5. atque ita paulatim eo ventum est, ut eodem jure censerentur esse omnia bona adventitia in l. 6. quo certe modo jus vetus cui populus insuevit, et quo vix fieri potest, ut desinat uti repente, dissolvatur melius, quam discindatur, ut alio exemplo mecum demonstrasse in tit. de leg. hæc. sup. in castrensibus autem, vel quasi castrensibus bonis pater nihil omnino juris habet, nec proprietatem, nec usumfr. ulla ex parte. Ac ne præmium quidem ullum emancipationis, de quo ante dictum est, ex castrensibus bonis, vel quasi castrensibus ferre potest, l. 6. §. cum autem, h. t. Et his bonis l. penult. adnumerat liberalitates principum collatas in filiosfamil. ut sint filii, quasi in castrensi peculio. Idem etiam sequimur in bonis adventitiis, quæ scilicet a matre, vel avia, vel alio parente filiofamil. data, vel relicta sunt, ea lege ne usufr. acquiratur patri, sed ut is filius sit et proprietarius, et fructuarius, id est, plenus dominus in Nov. 117. quæ, inquam, ita sub ea lege data, vel relicta sunt filiofam. a matre, vel aliis parentibus post legitimam portionem, πατρί τὸ νόμιμον μέρος, vel πατρί τὸ νόμιμον κτήνη, quoniam legitime portioni debite filius, vel liberis a matre, vel alio parente nulla lex imponi potest. Sed ceteris tantum bonis extra portionem legitimam, et inter ceteras res hæc vincunt, ut usufructus non pertineat ad patrem. Atque, idem etiam esse in bonis adventitiis, quæ lex culpa viri aut mulieris divortio facto addit liberis: nam in eis bonis nec usufructum habiturus est pater ex Novella 134. et convenit quidem hæc exceptio si culpa uxoris divortium factum sit. Sed si divortium factum sit culpa viri, bona, quæ viro auferuntur, et dantur liberis, cum dicuntur ad eos pertinere pleno jure; hæc exceptio non pertinet ad bona adventitia, de quibus tractamus, sed ad bona profectitia.

ctitia. Non est omitendum etiam in bonis adventitiis usufruct. habere patrem, secundum quod generaliter constituit Justinian. si velit: nam si nolit, filiusfamil. erit plenus dominus bonorum adventitiorum. Et idem etiam erit si recusante patre filiusfamil. delata bona adventitia adeat, delatam hereditatem adventitiam adeat: nam et hoc casu in eis bonis, quibus querendis non est adsensus pater, nihil juris habiturus est, *l. ult. h. t.* Idemque evenit, ut eadem lex ostendit in fine, si servus sit relictus filiofamil. ut eum manumittat confestim post mortem testatoris, et aditam hereditatem: nam quis potest momento illo temporis in eo servo usufr. competere patri? Etiam ab ea generali definitione Justiniana est excipendus unus casus, qui proponitur in *Novell. 118.* Sed priusquam ille casus explicetur, explicanda est gravis questio, cujus definitionem differam in diem crastinum. Questio huius est, mortuo filiofamil. ad quem pertineant bona adventitia, et an in eis heredem habere possit: et constat testamentarium heredem in eis habere non posse, quia filiusfamil. non habet ius testamenti facienda, nisi de castrensibus, aut quasi castrensibus bonis ex privilegio militiæ, vel quasi militiæ, non etiam de adventitiis, quæ nec alienare potest, nec pignori sine voluntate patris, *l. 2. inf. de cast. pecul. mil. lib. 12.* Testamentum autem facere de eis, nec ex voluntate patris potest, *l. 6. D. qui test. fac. poss.* quia testamenti factio iuris publici est, non arbitrii privati hominis. id est, ius publicum dat testamenti factionem, non pater, aut quisquam alius privatus homo. Denique ne permissu quidem patris de adventitiis filiusfamil. testamentum facere potest quamdiu vivit pater, qui eorum bonorum usufruct. habet, *l. ult. §. filiis, h. t.* imo et si quorundam bonorum adventitiorum usufr. non pertineat ad patrem, ut quibusdam casibus heri ostendi contingere, sed pleno jure ea bona pertineant ad filiumfamil. vivo patre de eis testamentum facere non potest, *l. Imperator, D. ad SC. Treb. l. pen. sup. qui test. fac. poss.* quia *l. 12. tab.* quæ ius testamenti facienda dedit, de patrefamil. loquitur, non de filiofamil. his verbis. *Paterfamil. uti legasset, id est, uti testatus, ita ius esto.* Et eadem ratione, quia etiam in causa intestati eadem lex de patrefamil. loquitur, non de filiofamil. ut docui initio tit. sup. et legitimum heredem ab intestato filiusfamil. non habet, sed omnia ejus bona pater: qui supervixit, occupat jure peculii, id est, ut rem suam a se filio concessam in peculium, non jure hereditatis, etiam castrensia, et quasi castrensia bona si filiusfamil. intestatus mortuus fuerit. Sed huic juri nonnulli derogarunt novissimæ constitutiones: nam ex novissimis constitutionibus filiusfamil. in bonis adventitiis habet hære-

des legitimos liberos suos, si quos reliquerit. Igitur si filiusfamil. liberos reliquerit, bona ejus ad eos transeunt jure hæreditario potius, quam ad patrem jure peculii, etiamsi in ejus potestate sint, id est, in potestate avi paterni, *l. 3. h. t.* non quidem bona profectitia, quæ omnino redeunt ad patrem mortuo filiofamil. id est, ad eum, a quo sunt profecta, sed bona adventitia, reservato usufr. avo paterno, exceptis casibus heri expositis, quibus bonorum adventitiorum ne usufr. quidem parenti acquiritur. Et ut quidam opinantur, filiusfamil. etiam in castrensibus, et quasi castrensibus bonis, de quibus testatus non est, habet legitimos heredes liberos suos ex *Novell. 118.* potius quam patrem successorem jure peculii. Post liberos autem filiusfamil. vocantur in bona adventitia fratres ejus ex utroque parente conjuncti una cum matre, si supersit, reservato toto usufr. patri. Et post hos vocantur fratres ex uno parente conjuncti æquo reservato usufr. patri, ut in *l. 4. et l. 6. §. sub hac, et §. pen. h. t. l. ult. sup. communia de success. l. ult. §. ult. sup. ad SC. Tertul. l. de emancipatis, sup. de leg. hered.* et reservatur utique semper usufr. parenti, in cujus potestate defunctus fuit, sive is parens domum secundis nuptiis auferat, sive non, ut *d. l. de eman. ip. et l. ult. sup. tit. prox. abrogata l. 3. et ult. C. Theod. eod. tit.* Post hos autem omnes, id est, post liberos, et post fratres vocatur pater defuncti filiusfamil. in ea bona, non etiam avus paternus, licet defunctus in ejus potestate fuerit, solo usufr. reservato avo paterno, ut *l. 3. h. t.* Et postremo post patrem vocatur avus, in cujus potestate est. Et hic quidem ordo obtinuit ante *Novellam Justiniani 118.* quæ hunc ordinem confudit, et perturbavit: namque ex ea si filiusfamil. defunctus sit nullis relictis liberis, pater, et mater, et fratres ejus, si hi omnes supersint, simul jure hereditario vocantur in bona ejus adventitia pro virilibus portionibus pleno jure, nullo reservato usufr. parenti. Atque ita evenit, ut si fratres superstites sint in potestate patris, virilis portionis eorum usufr. non pertineat ad patrem. Qui est alius casus, quem in hanc recitationem heri reservaveram, quo bonorum adventitiorum, puta, fraternorum usufr. non pertinet ad patrem, sed plenum dominium pertinet ad filiumfamil. Et ita apparet ex iis, quæ diximus fieri, ut in bonis adventitiis filiusfamil. habeat legitimum heredem, qui in eis testamentarium heredem habere non potest, ut e contrario didicimus, in castrensibus, vel quasi castrensibus eum habere posse testamentarium heredem, non etiam legitimam. Nunc sequitur ut exponamus partem illam hujus Rubricæ, *Et de eorum administratione*, id est, de administratione bonorum, quæ acquiritur liberis in

potestate constitutis, cui scilicet ea competat, et in quibus consistat. Et certum quidem est administrationem bonorum adventitiorum pertinere ad parentem, in cuius sunt potestate liberi, licet proprietas sit liberorum. Administrationis partes hæ sunt, exercere actiones, id est, dictare, et pati consentiente filiofamil. nisi absit, vel infans sit, ut in *l. ult. §. ubi autem in unum, h. t.* exemplo tutorum, *l. 1. §. sufficit, D. de adm. tut.* Item impendere laborem, et sumptum in lites, quæ ex causa eorum bonorum moventur ex fructibus, quorum ipse pater dominus est, ut in *l. 1. sup. tit. prox. et d. §. ubi autem in unum.* Item Mancipia, quæ in eis bonis sunt, alere et vestire, debitores exigere, creditores solvere, et nomine filii vendere res mobiles et immobiles, si opus sit, legatorum a filio relictorum, aut fideicommissorum solvendorum gratia, vel æris alieni solvendi gratia, maximo usurarii, quoniam nihil est, quod citius exeat bona, quam cursus usurarum. Nomine, inquam, filii vendere, ut ait *l. ult. §. sin autem res alienum, et §. sin autem non habeat, et §. sed pater quidem, h. t.* quia suo nomine pater nihil alienare, vendere, aut obligare potest: et recte suo nomine, *l. 6. §. non autem, h. t.* nam filii nomine alienare, et obligare potest ex justa causa, puta urgentibus creditoribus aut legatariis. Item pars administrationis est vendere res onerosas hæreditati adventitiæ filiofamil. delatæ, quas expedit vendere potius, quam retinere, quæ detrimento potius sunt, quam usui, et pretium redactum ex earum rerum venditione insumere in res, et causas hæreditarias, in rem filii, non in rem suam, *l. ult. §. non autem licentia parentibus, h. t.* Et generaliter prima pars administrationis est tueri omnia diligenter, in *l. 1. sup. tit. prox.* Nam ut in procuratore, in tutore, curatore, gestore, id est, procuratore voluntario, ita in omni administratore, etiamsi is sit pater ejus, ad quem negotia pertinent, exigitur asperitas, diligentia, et gravitas summa: et inde Martialis eleganter. *Sane certus, et a-per homo, procuratorem, qui vultu præferat ipso.* Quod de procuratore ille, idem de quolibet administratore dici potest, ut ab eo exigatur custodia, cura, diligentia summa. Sed non tamen in omnibus eodem jure sunt omnes administratores, ut ecce pro officio administrationis tutoris, et curatoris bona tacito jure pignolata sunt iis, quorum res est, *l. pro officio, sup. de administr. tut. l. ult. sup. de leg. tut. l. un. sup. rem al. gerent. l. un. §. et ut plenius, sup. de rei uxor. act.* At nomine administrationis bonorum adventitiorum, quam habet pater in bonis ejus, filius non habet tacitam hypothecam, tacitum pignus. Item ab aliis admi-

nistratoribus finita administratione rationes exiguntur: a patre non exiguntur, id est, non exigit filius a patre jure judicioque, ut ei reddat rationem administrationis suæ: hoc enim esset inverecundum. Item alii administratores incipientes administrationem satisfaciunt *rem salvam fore*: pater non satisfacit, reverentia patriæ, et sanctitas pro satisfactione est, *l. 6. §. non autem, l. ult. §. sin autem non habeat h. t.* neque pugnat *§. ult. l. 6.* qui tamen pugnare videtur, et tacitæ hypothecæ subicere bona patriæ pro officio administrationis, nisi dicamus statim, quod est verissimum, illam *l. 6. §. ult.* non loqui de omnibus bonis adventitiis, quorum proprietas pertinet ad filiumfamil. us. fruct. ad patrem, sed apud aliter tantum de bonis, quæ pater lucratus est ex matre filiofamil. quæ quidem bona, si pater secundis nuptiis occupaverit domum, debet servare filiis priorum nuptiarum: et similiter loquitur ille *§. ult. de bonis, quæ a matre, vel materno genere pervenerunt ad filium, quæ etiam pater fructuarius si secundis nuptiis occupaverit domum, omnino debet conservare filio suo famil.* Et eo nomine bona patriæ filio sunt tacito jure pignolata, ut in *l. si quis prioris, §. ult. sup. de secund. nupt.* Igitur si quis objiciat illum *§. ult. §. non autem ejusdem l. 6.* respond. breviter, eum *§. ult.* loqui specialiter tantum de bonis profectis a matre, vel stirpe materna, et de patre, qui secundis nuptiis occupavit domum. Ratio secundarum nuptiarum ejus patriæ bona subicit tacitæ hypothecæ nomine administrationis: non omnium bonorum adventitiorum, sed maternorum tantum, aut materis generis: etiam cum eo, quod diximus patrem reddendis rationibus non esse obnoxium, non pugnat *l. ult. §. sin. autem res alienum, h. t.* dum ait patrem, qui maturius non exolvit res alienum usurarium, debere usuras, quæ post cesserunt, præstare ex fructibus, vel de suo. Nam hoc non est exigere rationem administrationis a patre, sed hoc est lege finire hanc administrationis partem, sive functionem, sicut in *§. non autem licentia parentibus, ejusdem leg. ult.* quod ait patrem pretium redactum ex venditione rerum inutilium, quæ oneri erant potius, quam fructui debere insumere in res, et causas hæreditarias, hoc etiam est explicare partem officii administrationis, quæ patri incumbit, non dare facultatem filio agendi cum patre de rationibus reddituum. Postremo non est omitendum ex *l. ult. hujus tit.* quod quandoque eveniat, ut delatam hæreditatem filiofamil. adventitiam, vel etiam castrensem, ut si a commilitone hæres instituator, vel filius recuset adire, vel pater: nec bene inter eos ea de re conveniat: et tum ita statuit *d. l. ult.* ut recusante filiofamil. delatam hæredit. adventitiam, vel etiam

castrensem, ut ait in §. *similique modo*, ipse pater possit adire suo nomine, seque implicare negotiis hæreditariis, nihil juris in ea hereditate habente filio, nihil etiam sentiente ex ea oneris, vel incommodi, sed omni commodo et incommodo transfuso in patrem, qui suo nomine adivit recusante filiofamil. quo genere sit, ut qui non est hæres scriptus adeat hereditatem veluti scriptus, quod ipse et is, qui scriptus est pro uno homine habentur: nam vinculum potestatis efficit ut pater, et filius unus homo esse censeatur. Et quod dicitur de hereditate, idem obtinet in quolibet alio lucro adventitio, sive veniat ex contractu, sive ex ultimo iudicio. Quod si pater recuset adire hereditatem delatam filio, aut filio si recuset consentire adeunti, filius suo nomine adire potest injussu patris, in cujus potestate est quod est contra regulam juris. ne filiofamil. adeat injussu patris. Sed is casus facile desciscit ab ea regula, quia nec si recusante patre filius adeat suo nomine, ea aditio patrem æri alieno obligat sed omne commodum et incommodum hereditatis respicit ad filium, non ad patrem, qui etiam in ea hereditate, quam recusavit ne usufr. quidem habiturus est. Et si forte filius sit minor 25. annis, id est, nondum capax administrationis rerum suarum, dabitur ei, vel potius hereditati curator, quoniam filiofamil. vix datur curator, sed bonis ejus datur. Et si velit agere filius suo nomine, vel excipere actiones, quia etiam filiofamil. persona in iudicio non est legitima sine voluntate patris, pater officio iudicis, licet non sponte patris ea bona adierit, cogetur ei litiganti consensum accommodare. Et hæc ita, si filiofamil. infans non sit: nam si sit infans, pater poterit nomine ejus adire hereditatem, quæ ei delata est, ut in *l. si infanti*, *supr. de jure delib.* adhibet nomine filii: sed quod mirum est, nihilominus obligatur æri alieno hereditario, et omnibus moleat is hereditariis, *l. ult. §. ubi autem*, quod valde novum est, ut qui adiit alieno nomine, obligetur hereditati, quia scilicet non tam alieno nomine adivit, quam suo, sed postea filiofamil. poterit mutare factum patris, et improbare petita restitutione in integrum adversus aditionem patris, vel etiam si dum erat infans, pater repudiaverit eam hereditatem, poterit filius restitui in integrum adversus repudiationem patris. Sed valde notandum est, ut etiam observemus quantum leges deferant sacro nomini patris, filio semel tantum dari restitutionem in integrum adversus factum patris, adversus gestum patris, ut si fuerit restitutus adversus aditionem patris non poterit postea restitui, ut ipse aseat, quia semel improbavit aditionem patris, et e contrario.

JACOBI CUJACII J. C.

In Lib. VI. Codicis.

RECITATIONES SOLEMNES.

Ad Tit. LXII. De hæred. decurionum, etc.

Redit ad hereditates patrumfamilias intestatorum, ut doceat deficientibus legitimis, aut honorariis successoribus, in hereditatem patrumfamil. intestati non continuo venire fiscum, quasi in bona vacantia ex *l. Julia cad.* sed fisco præferri quandoque ex constitutionibus personas certas, vel corpora certa. Ac primum moriente intestato decurione, id est, senatore municipali, sine liberis, aut parentibus, sine agnatis, aut cognatis, sine uxore, Curia sua, vel quod idem est, is ordo civitatis suæ, in quo defunctus erat, ei succedit excluso fisco, *l. 4. h. t. l. un. C. Theodos. de bonis decur.* Item naviculario mortuo nullo relicto hærede, corpus naviculariorum, ex quo ipse erat, ei succedit remoto fisco, ut in *l. 1. hujus tit.* quæ scripta est ad præfectum annuarum; merito, quoniam sub ejus cura, et dispositione erat corpus naviculariorum. In urbe hi sunt, qui annuarie urbis serviunt invehendæ, quorum est certum corpus, certaue conditio, quæ obstruit etiam eorum successores, et bona, et pro isto munere, quod Reipub. impendunt, multa privilegia corpus naviculariorum habet, quæ proponuntur in *tit. de naviculariis*, *inf. lib. 11.* et inter cetera, ut uno ex eis mortuo nullo hærede relicto, hereditas ejus non veniat ad fiscum, sed ad corpus naviculariorum, quod idem etiam constituit Valentinian. in *Novella de naviculariis amicis*: item ex *l. 2. h. t.* Si quis eorum, qui in legione, aut in vexillatione Comitatenſi, vel in cuneo, ut ait *l. militans* vita decessit, sine ullis hæredibus, ei fisco excluso succedit legio, aut vexillatio, aut cuneus, in quo militabat: quod etiam est proditum in DD. uno loco singulari in *l. si quis filio*, §. *ejus qui*, in *fine*, de *inj. rupt.* ut bona militis defuncti nullo hærede relicto legioni vindicentur. Et inde librari caducorum in castris, *l. ult. D. de jure immunit.* qui scilicet conficiunt rationes, et servati eorum, quæ morte militum in legionem cadunt, aut in vexillationem. Videtur tamen obstare huic sententiæ *l. 2. D. de veteran. et milit. success.* quæ post quintum gradum cognatorum in bona militis vocat fiscum, non legionem. Sed quod nos dicimus legionem succedere, obtinet tantum in milite sua morte functo, de quo non est sumptum supplicium: illa *l. 2.* est accipienda de milite capite dampnato, quod suadet vicinitas

l. 1. quæ nominatim est scripta de milite capite damnato, atque etiam inscriptio l. 2. nam lib. 16. Respons. ex quo ducta est illa l. 2. Papinian. scripsit tantum de reis capitalium criminum. Ergo licet illa l. 2. nominatim non faciat mentionem damnationis militis capite damnati, tamen duplici illo argumento, et vero reipsa moveor, ut adfirmem esse accipiendam de milite capite damnato: unde ita constituo: Militi capite damnato, ab intestato in bonis castrensibus succedunt cognati usque ad quintum duntaxat gradum, et post eos fisco, d. l. 2. Militi patrifamil. autem non damnato ab intestato in omnibus bonis succedunt cognati usque ad 6. vel 7. gradum, et post eos legio, aut vexillatio, aut cuneus, sive numerus in quo militavit fisco remoto. Et ita recte etiam Græci interpretes distinguunt illo loco 45. Basil. Ne autem ignoremus quid distet legio a vexillatione: vexillatio est equitum: militant enim subvexillis, id est, flammeolis, ut Vegetius ostendit initio lib. 2. Legio autem, et cuneus est peditum, sed tamen habuit etiam legio equites, qui legionarii dicebantur, quod essent connexi aliis legionum. Denique alii fuerunt equites vexillarii, alii legionarii: et hæc differentia etiam servatur in l. veteranis, inf. quando provocare non est nec. l. ult. de iis qui non impl. stip. lib. 10. l. 22. C. Theod. de erog. milit. ann. Et hoc loco, et aliis quibusdam comitatenses legiones, aut vexillationes dicuntur, quæ sequuntur sacrum comitatum, qui sic definiuntur, ubi est princeps, ubi est sacer comitatus, ubi princeps agit, ut in l. milites §. missionum. D. de re mil. conj. l. 2. §. ignominia, ff. de iis qui not. inf. una lex dicit, militem ignominia missum, non Romæ, neque in sacro comitatu morari posse: altera dicit, enim neque Romæ, neque alibi ubi Imperator est, morari posse: conjunctio utriusque docet, sacrum comitatum ibi esse ubi princeps est, ut et recte in l. 20. C. Theod. de decurion. quod l. ait decurionem esse destinandum ad Comitatum, id Anianus interpretatur, transmittendum eum esse ubi rerum dominus est, id est, princeps. Et hoc item invenio Herodianum lib. 4. scribere de Roma, ibi esse Romanam ubi est Imperator, ἐστὶν ἡ Πάρις, ὅπου πῶς ἂν βασιλεὺς ᾖ. Addatur etiam ex l. 3. hujus tit. cohortali mortuo nullo hærede relicto cohortales ejusdem provincie succedere excluso fisco. Et cohortales breviter sunt apparitores, sive officiales præsidis provincie, qui erant perpetui in provinciis, ut ait l. præsidis, D. de reb. cred. Et erant gregarii milites, atque adeo viliores: quæ de causa a Græcis in hac l. vocantur ἐνταχθεῖς, id est, viliores, gregarii, vulgares: nam ita Græci expriment sententiam hujus l. 3. ἐκ τῶν ἐνταχθεῖς τελευτήσαν

ἀδίαστος, καὶ μὴ ἔχων οὐγγενεῖς, ἐξ ἀδίαστέου ἐκ τῶν ἄλλων ἐνταχθεῖς κληρονομεῖται Quæ sententia extat etiam 5. Epitom. Harmenop. et male interpretantur alii, si vilis, si tenuis, si abjectus homo moriatur intestatus, viles ei succedunt. Est inepta sententia: sic debuit verti ab interprete Harmenop. et Basilicorum: si cohortalis moriatur intestatus nullis relictis cognatis, ab intestato ei cohortales succedunt, ejusdem scilicet provincie. Et adnotat in hac l. 3. Patricius Græcus interpres, Cohortales, sive Cohortalinus, quod idem est in l. 3. inf. de cohortal. lib. 12. esse beneficiarios, quibus mandantur onera mansionum equorum publicorum: definiunt cohortales a parte una tantum muneris eorum: nam fateor cohortalibus mandari curam, et exhibitionem cursus publici, curam veredorum, sive equorum publicorum, ut indicat l. 4. inf. de curs. publ. et l. 7. Cod. Theod. de cohort. quæ etiam, quod confirm. sententiam Patricii, cohortales appellat beneficiarios, quod promoveantur beneficio præsidis: et ait beneficiarii, sive officiales rationales si neglexerint beneficium cursus equorum publicorum, exhibitionem cursus, s' ils n' ont des chevaux de poste prêts, vel si neglexerint principili curam, annonæ militaris curam: pars una hæc est officii cohortalium: sed injunguntur etiam eis pleraque alia munera provincialia ex præcepto præsidum, quibus parent. Ac postremo in l. ult. hoc tit. ostenditur fabricensi mortuo intestato sine legitimo, aut honorario successore corpus fabricensium succedere excluso fisco. Fabricenses sunt, qui in publicis fabricis faciunt arma bellica, ce sont armuriers, qui arma publica vendunt, quæ reponuntur in publicis armamentariis, parent denique fisco, serviunt fisci utilitati, sive Reipub. et his solis licet arma fabricare, ut constat, ex tit. de fabric. inf. lib. 21. et ex Novella de armis. Et recte in gloss. Cedreni, Fabricisii, inquit, id est Fabricenses, οἱ τῶν ὀπλῶν δημιουργοί. Fabricenses autem cum sunt creandi, vel sufficiendi in locum demortuorum, corpus ipsum fabricensium suo periculo eos nominat. Est enim ea nominatio pro fidejussione, adeo ut si quid gesserit fabricensis, quem ceteri nominarunt in fraudem fisci illi ex sua nominatione fisco obligentur, ut similiter fit in specie l. 8. inf. de suscept. lib. 10. Et in tit. de peric. nominat. lib. 11. Et hi nominatores creatores appellantur: nominare, et creare idem est, ut in l. 2. §. si eo tempore, D. de administ. rer. ad civit. pert. In Pand. Flor. recte creator, ante quos perperam legebatur procurator. Et ita etiam in l. si quos 59. inf. de decur. et l. 2. inf. quo quisque ord. conveni. lib. 10. Et ita etiam ad d. l. si quos, ego primus ostendi in hac l. ult. pro creditores, legendum esse creatores, id est

nominatores, ut in Basil. hoc loco εἰς αὐτὸν ὑπερονο-
ται, velut creatores, veluti ordinatores. Et sic
etiam in *l. 1. inf. quemadmodum civilia munera
ind. lib. 10.* pro curiæ, reposui *creaturæ*, id est,
*nominatiōis sive creationis, et conditionis, sive
condituræ*. Et his quidem, quæ proponuntur in
hoc tit. nos etiam addere oportet præterea cleri-
cum, vel monachum, vel devotam virginem, qui,
quæve moritur nullo hærede relicto: nam ex con-
stitutionibus ei succedit Ecclesia, vel Monasterium,
cui dedicatus, vel dedicata erat excluso fisco, *l.
si quis presbyter, sup. de Episc. et Cler.* Adda-
tur etiam, apparitor præfecti prætorio, qui uno ver-
bo dicitur Præfectianus in libris nostris, qui si
moriatur nullo hærede relicto testamentario, aut
legitimo, aut honorario, in ejus successione fisco
præfertur arca PP. quæ erat publica arca, id est,
destinata usibus publicis. Et hoc ostendit *l. 3. inf.
de apparit. præf. prætor. lib. 12.* Item si quid
princeps ultro donaverit duobus, aut pluribus, si
eandem rem princeps donaverit duobus, aut plu-
ribus, uno ex eis mortuo nullo hærede relicto, con-
sortes liberalitatis principis fisco præferuntur, *l.
unica, inf. si liberalitatis Imp. socius sine hæ-
redec. lib. 10.* his exceptis, deficientibus testa-
mentariis legitimis, aut honorariis successoribus,
post omnes, ut didicimus in tit. de caduciis, fiscus
vocatur ex *l. Julia cad.* Et hic est finis libri sexti
Codicis.

JACOBI CUJACII J. C.

RECITATIONES SOLEMNES.

SIVE COMMENTARII.

In septimum Librum Codicis Domin. Justiniani.

AD TITULUM I.

*De vindicta libertate, et apud concilium manu-
missione. Anno 1577.*

Ut cohereat hic liber cum superiore, et tracta-
tus, qui initio ejus instituitur de libertatibus
facile intelligemus, si repetamus lectione, me-
moriave ea, quæ ante nobis tradita sunt. Cœ-
pit codex iste a jure sacro, ac deinde de jure pu-
blico nobis proposuit partes juris civilis, varisque
officia magistratus, et quod ordine apud eos agere-
tur, et quorum interventu, et patrocinio. Tum
a titulo vicesimo octavo libri tertii de inofficioso te-
stamento, de actionibus tractatum inchoavit, qui
quidem omne jus complectitur, et propositis actio-
nibus multis tam in rem, quam in personam, quæ

vel ex contractu nascuntur, vel ex quasi contractu,
puta ex administrat. tutelæ, vel curationis, vel ex
aditione hæreditatis testam. aut legitimæ. Nolo
parat initio hujus libri septimi tractare de præjudi-
cialibus actionibus, in quibus quæstio vertitur deta-
tu hominum, puta, servus quis, sit, an liber: in-
genuus, an libertinus: idcirco de manumissionibus
dicere instituit, quibus ex servis homines liberi
fiunt, et cives Romani, et liberi libertini, non
liberi ingenui: hi nascuntur, illi fiunt: et quia ma-
numissio, vel sit inter vivos, ut loquitur *l. 27.
§. 1. D. de adm. leg.* vel causa mortis: ab ea
incipit in titulo primo, quæ sit inter vivos, secundo
dicturus de ea, quæ sit causa mortis, id est, te-
stamento, aut directis, aut precariis verbis. Ea vero,
quæ sit inter vivos sit vindicta, apud prætorem,
vel consulem, vel proconsulem, aut præsidem,
ut in *l. 2. D. de offic. procons.* vel etiam in con-
cilio principis, ut significat *l. ult. hoc tit. et l. 2.
sup. de liber. et eorum liber.* Et vetus inscriptio,
sive titulus hujusmodi: *priscus manumissus ad
concilium procuratorio nomine, apud Domitianum
Imperatorem.* Et addit *l. ult. hoc tit.* violata
manumissionem posse apud magistratus municipales
fieri: ut puta duumviros, qui sumuntur ex ordine
curiæ civitatis: sed addit, quibus hujusmodi jus
est: non igitur apud omnes magistratus municipa-
les: sed apud eos tantum magistratus, quibus hujus-
modi jus est, id est, qui habent legis actionem:
nam manumissio est legis actio, sive legitimus actus:
quo servo donatur legitima libertas, id est, civitas
Romana: et ita recte Paulus *lib. 2. Sentent. tit.
25. apud magistratus municipales si habeant legis
actionem, emancipari, ac manumitti potest:* nam
manumissio est legis actio, id est, legitimus et
solemnis actus, qui peragitur solemnibus verbis,
solemnique ritu quodam: et idcirco etiam manumis-
sio non iteratur, ut ait *l. 2. hoc tit.* sicut nec ullus
actus legitimus. Aditio hæreditatis non iteratur, *l.
si solus 80. §. ult. D. de acquir. hæred.* Optio
etiam servi, quæ et inter actus legitimos numera-
tur in *l. actus, D. de reg. jur.* non potest iterari,
vel retractari, *l. 3. D. de legatis 1.* Eademque ra-
tione manumissio non potest fieri per procuratorem,
l. 3. hoc tit. quia (ut est in regula juris) nemo
alieno nomine lege agere potest. Legis actiones
expleantur, et expediantur per nos ipsos, non
per alios: non per procuratores, non per maritos:
puta uxor non manumittit per maritum, *d. l. 3.*
et omnino nullus actus legitimus sit per procurato-
rem. Aditio hæreditatis non fit per procuratorem,
l. per procuratorem, D. de acquir. hæred. Adop-
tio etiam, quæ est actus legitimus, non fit per
procuratorem, *l. post mortem, ff. de adopt.* Ac-
ceptilatio, quæ etiam in *d. l. actus legis actionibus*

adnumeratur, non fit per procuratorem, l. 13. §. tutor, ff. de acceptilat. Et ne nos fallat lex 3. ff. de acceptilat. dum ait: per procuratorem acceptilationem fieri non posse sine mandato: ex quibus verbis hauriunt hanc sententiam falsissimam, per procuratorem habentem mandatum acceptilationem fieri posse: cum alia sit mens legis testis: puta per procuratorem non posse fieri acceptilationem, nisi precedente mandato, prius ei permissum sit novare obligationem, eamque in se transferre: puta hoc modo: quod illi debes, promittisne mihi dari, aut fieri? Novata obligatione recte per eum fiet acceptilatio, quia suo nomine fiet, non alieno, ut d. l. 13. §. tutor, et l. 4. inf. de novat. Atque ita remedio novationis per procuratorem fit acceptilatio. Et sic etiam aditio hereditatis recte fiet per procuratorem remedio procuratori cessante in iure hereditatis. Et ita quoque remedio mancipationis, vel traditionis recte fiet manumissio per procuratorem. Et ita sunt explicandae leges, quas adversus legem 3. hoc tit. adducit Accursius l. cum proponas, sup. de dolo, l. si vero negotium, sol. matr. l. quod autem, §. ult. ff. de donat. int. vir. et uxor. Constat etiam causam manumissionis posse probari per procuratorem, propter quam nos volumus servum manumittere: vel quod fiet educator noster, vel paedagogus, vel alia ex justa causa, l. etiam, §. absens, ff. de manum. vind. Itaque per filiumfam. pater recte manumittit servos suos, id est, filius servos patris, vel servos peculiares recte manumittit jussu patris: et res ita plerumque geritur, cum pater est surdus, aut mutus, ut manumissionis vindicta solemniter urasciat expedire, l. 10. ff. de manum. vind. Hoc vero modo ipse pater videtur manumittere, dum filius manumittit jussu patris, ut est nominatim scriptum in l. si quis hac lege, §. 1. ff. qui et a quibus, l. matrimonii, ff. de rit. nupt. Potestas patris, vel domini unius personae, uniusve hominis intellectum constituit in patre, et filiofamilias, in domino, et servo, ut eleganter ait l. si Pamphilo, ff. de opt. leg. Et contra manumissio dividit personas id est, ex una facit duas: ut etiam eleganter ait Theophilus noster in §. an servo, Instit. de leg. Et tamen ex ratione dominus non posset manumittere vindicta per servum suum alios servos suos: quia servi persona apud praetorem nulla est, l. 1. ff. de iure delib. servi persona legitima non est in iure, vel in iudicio: nec consistat se servus voluntate domini. At filiofamilias persona legitima est adhibita voluntate patris, l. 8. §. necessitate, sup. de bonis, quas liber. acqu. Et ita, quae per filiumfam. jussu patris fit manumissio, per ipsum patrem facta intelligitur: sicut donatio, quae fit a filiofamilias voluntate patris, aut jussu, a patre facta intelligitur, l. 9. §. pen. D. de donat. Tum. IX.

Ad hoc notandum, praetorem, apud quem fit manumissio vindicta, necesse non habere cogere concilium suum ob eam rem: immo sine concilio apud eum manumitti posse: modo is qui manumittit sit maior viginti annorum, et is, qui manumittitur maior 30. annorum ex lege Aelia Sentia, ut Ulpianus docet lib. reg. tit. 1. et est etiam relatum in Institutionibus nostris: nam minor 20. annis ex lege Aelia Sentia non potest vindicta manumittere, nisi causa probata apud concilium praetoris: itemque is, qui minor est 30. annorum non potest manumitti vindicta, nisi causa probata apud concilium praetoris, aut praesidis: imo et minor 30. annis in testam. suo, aut minor 30. annorum in testamento domini sui frustra manumittitur, ut perveniat ad justam libertatem, id est, civitatem Romanam: ideoque in libris nostris invenies libertutibus, et manumissionibus testamentariis saepe adscribi hanc conditionem: liber esto, cum eris annorum triginta, in l. ex parte, §. servo, ff. fam. ercisc. l. Aristo, de manum. vind. l. si quis, §. ult. de tuteliber. Cur apponitur illa conditio, cum erit annorum 30. quia non poterat pervenire ad civitatem Romanam ante eam aetatem, ut ostendi supra: et in concilio quidem praesidis (quod titulus exigit ut exponamus propter illa verba, et apud concilium) apud quem in provinciis fit manumissio, ut Ulpianus docet supradicto loco, et Theophilus noster in §. eadem, Inst. quib. ex caus. man. non licet, adhibentur 30. recuperatores cives Romani, viginti iudices. In concilio autem praetoris, in urbe adhibentur quinque Senatores, et quinque equites Romani: in medio eorum sedet praetor: sexto igitur loco, habens ab utroque latere quinque. Et inde explicandus est hic locus M. Tulli pro Cluentio: quid est Q. Naso, cur tu in hoc sexto loco sedes? puta ut praetor ad concilium. Melius loci fuit semper honor principis, etiam in conviviis, ut est apud Virgilium, aurea composuit sponda, mediamque locavit. Et Pomponius Mela lib. 2. Binisque poculis perporatis interlocantur, is honor principis est. Et in incessu quoque medius locus honoratior fuit: ut apud Josephum legimus Herodem in senatu creatum regem Judaeae, exisse e Senatu incidentem medium inter Antonium, et Pompejum. Et Spartianus refert Hadrianum Imperatorem cum vidisset servum suum ambulante inter duos Senatores, misisse, qui ei servo colaphum duceret. Et ita etiam Capitolinus in Vero: Aelius (inquit) cum resedisset inter Verum, et Marcum. Et hoc evidenter (ne in eo morer) nobis expedit Ovidius in Fastis: et Maenius juvenum, non indignantibus ipsisibat, et interior si comes unus erat: au hinc de la main, non pas au haut. Verum pergamus.

Si causa fuerit probata apud concilium, et ita minor 20. annorum manumiserit servum suum vindicta, aut major manumiserit minorem 30. annorum, ea manumissio rata est; nec revocari ullo modo potest, etiamsi postea appareat fuisse falsam demonstrationem, ut ait *l. 1. h. t.* id est, falsam causam, quæ extorsit manumissionem. Libertas, quæ semel competiit, ægre revocatur, quod maxime notandum est ex *l. 1. quæ est rescriptum D. Pii*, quod in eam rem etiam citatur *l. 9. D. eod.* Exposui leges hujus tituli. Sed die proximo his, quæ diximus de manumissione vindicta adleimus nonnulla. Lex ultima ait, manumissionem vindicta fieri apud concilium principis, fieri etiam apud consules: quod solum videntur novissima ætate consules retinuisse, id est, jurisdictionem voluntariam, quæ consistit in auctoritate, aut consilio præbendo manumittere, vel emancipare volentibus, vel adoptare: hæc pars jurisdictionis appellatur voluntaria, quia jus dicitur statuiturque inter volentes. Jurisdictio autem, quæ dicitur contentiosa, exercetur inter invitos: puta invito adversario perducto in jus, vel in judicium. Et hæc differentia jurisdictionis voluntariæ, et contentiosæ ponitur in *l. 2. D. de offic. procons.* In titulo autem de officio consulis, hoc tantum pertinere ostenditur ad officium consulis, cujus tum scilicet valde diminuta erat potestas, omne imperium occupante principe, ut consilium præbeat manumittere volenti: quando consilio est opus, et alias ut auctor sit manum. volenti. Nec inter vivos enim manum. fit sine magistratu, *d. l. un. D. de offic. consul. et l. laudabile, §. pen. sup. de advoc. divers. judic.* Cassiodorus initio *lib. 8. de consule*, in augmentum, inquit, gloriæ publicæ (consul) solebat famulos jugo servili, qui libertatem tantæ dederat rivati. Nam (ut scitis) Consules reges expulerunt Brutus et Valerius, civitati reddita libertate pristina, ac deinceps hoc retinuerunt, ut per eos servi liberi fierent volentibus, postulantibusque dominis: et ita etiam Ammianus Marcellinus *lib. 22. Dein*, inquit, Mamertino manumittendis ex more inductis per admissionem proximum ipse lege agi dixerat, ut solebat: id est, jusserrat lictorem suum lege agere: qui locus demonstrat manumissionem, ut dicebam nudius quartus, esse legis actionem, esse actum legitimum, ideoque nec iterari posse, nec peragi per procuratorem: idemque demonstrat *l. ult. inf. de iis qui a non domin.* manumiss. quæ etiam valde pertinet ad *l. ult. hoc tit.* quia unam constituit differentiam inter eam manumiss. quæ fit apud consulem, vel alium magistrat. et eam, quæ fit apud principem: primum quidem, sive quis apud magistrat. sive apud principem manum. servum alienum, ipso jure nulla est

manumissio. Nec idem de manumissione dicimus, quod de alienatione. Alienatio rei alienæ valet, et parit obligationem inter ipsos contrahentes, sine prejudicio veri domini, *l. rem alienam ff. de contrah. empt.* Manumissio servi alieni ipso jure non valet: et is quidem, qui servum alienum manumisit apud magistratum tanquam servum suum, nulli pœnæ subijcitur: qui tamen manumisit servum alienum tanquam suum apud principem, damnatur in quintuplum: puta, ut præter servum, quem frustra manumisit, vero domino servi præstet duos servos ejusdem precii, sexus, ætatis, artis, et tres servos fisco: quia grave est fallere conscientiam principis, *se moquer de son Prince*: gravius certe, quam fallere conscientiam magistratus. Unum plectitur pœna quintupli, si lege actum sit apud principem, ut ait: alterum impunitum manet. Et his, quæ dixi nudius quartus de prælo- re, qui in consilio, quod præbet manumittere volentibus sedet sexto loco, et de medii loci dignitate, addam quod hodie fit in consistorio Imperatoris, conventuque, et concilio publico, ut ei a dextra adsideant togati: a leva viri militares. Addam invenire me etiam apud Flavium Vopiscum in Aureliano, Valerium Augustum consedis- se apud Byzantium præbentem consilium, adsidentibus a parte dextra Præsidi Orientis, Præfecto Pretorio, et Consule ordinario, qui erant togati, qui est habitus civilis, non militaris: a leva autem parte, adsidentibus Duce Scythici limitis habitu militari, et Duce Orientalis limitis: et Duce Rhetici limitis: et Duce Illyriciani, et Thracii limitis: a dextra tres, a sinistra quatuor: ut sit etiam hodie in consistorio Imperatoris. Eunapius in Ecdesio de philosopho quodam, quem Imperator Constantinus in concilio ob excellentiam ingenii ejus habuit sibi adsidentem a parte dextera, sic ait: *ὁ βασιλεὺς δαμασκίαν ἀνέστην εἶχεν σὺς τὸν δεξιὸν καθεζὼν τόπον*: eum etiam (inquit) publice adsessorem habuit adsidentem a parte dextera. Et hunc ordinem nosse, locorumque dignitatem sane est Jurisconsulti proprium: ut in Chronicis Marcellini Comitis, Jacobus medicus quidam ait, se didicisse a veteribus Jurisconsultis, licere juxta thorum Imperialem in regia sella consilere medico invasenti ægrotum Imperatorem, quod is locus sit honoratior, nec temere usurpandus a quoquam. Et ita Xenophon ἀναβάτω 7. ei, inquit, obligit honoris causa, ut in proximiori sella principis adsideret. Spartianus in Hadriano, S. verinum mori cogit, quasi affretatorem Imperii, quod in sedili regio juxta lectum posito sedisset. Et idem in Severo: Sedit et in sella Imperatoria temere a ministro posita, ignarus quod non liceret. Verum ad alia pergamus. Quod ad Vindictæ no-

men attinet, de quo nondum diximus, a Vindice Vitelliorum servo id ducunt: qui ob indicium conjurationis in Rempublicam fuit libertate et civitate donatus: vindex scilicet primus etsi libertinus, factus est etiam civis Romanus: et ab eo, qui manumitti dicuntur vindicta, etiam omnes sunt cives Romani. Et hac de re est *l. 2. §. initium, D. de orig. jur.* Et inde illud etiam Claudiani in 4. de consulatu Honorii. *Deductum Vindice morem lex celebrat*, id est, lege agitur in servis vindicta manumittendis: et ab eo etiam Vindice quidam tractum putant vindictae, aut vindictarum nomen: ut Livius ait *lib. 2.* scribens de eodem Vindice. Quidam et vindictae nomen (sic legi in veteribus, non vindictae ab illo tractum putant. Vindicias, aut vindictiam dicimus additionem, et apprehensionem possessionis, *la recréance*. Vindictam autem dicimus virgulam, sive festucam, ut alii loquuntur alii *ῥάβδος*, quam dominus apud praetorem, vel lictor pro domino, imponit capiti servi manumittendi: et ob id hinc libertas inter vivos imponi dicitur: testamentaria autem relinqui, *l. 1. §. pen. inf. de comm. serv. manum.* Et inde in *l. apud eum, D. de manumiss. ex lege Augusti*, id est, ut interpretor ex lege, quae de imperio Augusti lata est, qua plurimis legibus solutus est, ex Augusto privilegio ut loquitur *lex un. inf. de caduc. tollend.* in fine, principem servos manumittere, et cives Romanos facere nuda voluntate; et si eis vindictam non imponat, quod erat ex solemnibus: etiamsi non feriat caput servi virgula illa, qua etiam servi feriri dicebantur: ut in declamatione Quintiliani 342. *vindicta ferires* (inquit) *et mancipium circumverteres*: et *Circumvertere* vocat, quod circumducere, *l. ult. C. de emancipat. liber.* et alii *σπέρειν*, aut *περισπέρειν*, ut Arrianus 2. in Epictetum, *ἔσπερε τὸν αὐτοῦ δοῦλον ἐπὶ ἐστρατηγῶν*, id est, circumduxit servum suum apud magistratum. Et Appianus in fine quarti, *περισπέρειν τὸν δοῦλον ὡς Ρωμαῖος ἔδος ἀποδιδόν*, id est, circumducens servum, ut mos est Romanis peragere manumissionem. Alii dicunt circumagere, ut Seneca 1. Epistolarum. *Qui se Philosophiae subiecit, et tradidit, statim circumagitur*, id est, liber fit statim. Mitto alios locos notissimos. Ea vertigo, sive circumductio significabat servo abire licere quo vellet: quod et quandoque exprimi solebat, ut apud Plautum in *Menæchmis*, *Mea hercle causa liber esto, et abito quo voles*: quamohrem recte dicitur in *l. pen. sup. de operis libertor.* libertinum ubi velit morandi facultatem habere. Et ita libertinus apud eundem Arrianum, *πορεύομαι ὅπου θάλω, ἵσχυμαι ὅπου θάλω, καὶ ὅθεν θάλω*. Et inde non imperite a Grammaticis *ἄπο*

ἄπο (sic vocant Graeci liberum hominem) dici quasi *ἀποδόντα ὅπου ἴθῃ*, qui va là où il lui plaist. Porro quod significat lictorem adhiberi in manumissione apud praetorem, aut Consulem hodie ex more novissimo non est in usu: nam *lex ego, D. cod.* significat recte peragi manumissionem vindicta etiam absente lictore, et *l. non est, cod.* eam non fieri pro tribunali, nisi scilicet cum causae cognitione opus est, causae probatione, sed posse fieri de plano, ut in transitu: aut etiam sit per lictorem tacente domino, hodie omissis verbis solemnibus, ut ait *lex manumissio, D. cod.* verbis, inquam, solemnibus, quibus et lictor utebatur, ut Boetius scripsit in Topicis Cicronis: et quibus dominus ipse utebatur, ut apud Festum, *hunc hominem liberum esse volo*. Hodie etiam tacente domino peragi manumissio potest, praesentia domini tantum desideratur. Item sublatae sunt illae circumductiones, ut indicat *d. l. ult. inf. de emancipat. lib.* Non solet etiam ex *d. l. ult.* aut necesse non est, quod olim erat in usu, dominum, aut lictorem vice domini manumisso illidere alapam (quod erat proprie manumittere) oro perciso, atque batuito: quod Latini appellarent proprio vocabulo *Pitarem*, *un soufflet*, et ipso Cicero, ut veteres glossae testantur veteres divisae, *Salapittam*, pro alapam, quo verbo usus est Arnob. *Salpicrum sonitu*, quo se Concedi invicem verberabant. Hodie *l. ult.* illae alaparum, sive *πατισμάτων* contumeliae sublatae sunt: quod etiam ostendit Nov. 81. Item non est in usu hodie *vectigal*, quod pro servo manumisso fisco dependendum erat: nam servi manumissi vindicta erat pendenda fisco vicesima ex lege Manlia, et Senatusconsulto. Livius *l. 7. Legem*, inquit, *tulit de vicesima eorum, qui manumitterentur*. Et sequitur postea: *Patres quod ea lege haud parvum vectigal inopi aerario additum esset, auctores fuerunt*. Id etiam significat Arrianus supradicto loco: *ἔσπερε δοῦλον, καὶ τίποθεν ὑπὲρ αὐτοῦ δίδόναι ὀφείλου*: quod ego memini me jampridem monuisse in 3. *Observation, cap. 13.* Ex his intelligimus cur in *l. actus, de reg. jur.* inter actus legitimos, id est, perquam solennes, quae legis actiones dicuntur, non ponit manumissiones: quia ut apparet ex superioribus manumissio hodie expeditur sine ulla solemnitate. Denique manumissio vindicta non est legis actio. Alii, quam JC. his de rebus, quae nostrae artis sunt propriae, scribere non timent. Navim agere, ignari navis non est. Inter quos Sigonius, quem tamen honoris, et laudis causa nominamus. Sed quis non peccet in arte non sua? Is non JC. dum de jure libros scribit, et in eis etiam multa peccat, dum ea, quae pertinent ad manumissionem vindicta at-

tingit. Primum, quod statuat generaliter in eis manumissionibus causæ cognitionem exigere, quod antequam quartus didicimus non esse verum, nisi is, qui manumittit sit minor, quam 20. annorum, vel is, qui manumittitur minor, quam 30. annorum natus. Alioquin manumissio fit sine consilio, sine causæ probatione, cognitione, alioquin non possent fieri de plano: nam quæcumque causæ cognitionem desiderant, non possunt expediri, nisi pro tribun. l. ubicumque 105. de reg. jur. Deinde etiam peccat in eo, quod scribit inter solemnia verba manumissionis vindicta fuisse hæc verba prætoris. *Secundum tuam causam, sicut dixi, ecce tibi vindicta*: quæ formula non respicit ullo modo antiquum morem concipiendarum formularum: imo vero nullum sensum exprimit: et singulari literæ Valerii Probi, unde hunc errorem hausit, ita restituendæ, et interpretandæ sunt. *Secundum servitutis causam ejus servi dico tibi vindictas*, id est, illo tibi jus abducendi ejus servi quasi tui: quæ erat formula sententiæ prætoris in lite vindictarum, id est, in lite de possessione, non in solemnibus manumissionis vindicta. Deinde etiam plane falsum est, quod de manumissione, quæ fiebat olim censu, puta servo nomen suum deferente in censum voluntate domini, ac si esset civis Romanus: quoniam soli cives Romani censebantur: cum, inquam, de hoc genere manumissionis ita scribit Ulpianus JC. scripsisse: *Servi, qui in præculio 100. haberent aut quibus eas facultates domini impertiret, si eos domini a Censoribus in censum civium adscribi jussisset, libertatem consequerentur, civitatem assequerentur*: hæc vero si quæsieris ubi Ulpianus scripserit, frustra fueris diligens quædāmodo. Postremo etiam abutitur falso nomine Martiani Jurisconsulti, etiam notato loco in l. 2. D. de offi. præcons. Ac si ita scripsisset Martianus: *Apud legatum proconsulis manumittere non possumus, quia apud eum non est legis actio*. Non utitur hac ratione Martianus, cujus ætate jam manumissio desierat esse legis actio, sed utitur hac ratione, quia non habent jurisdictionem talem, id est, jurisdictionem voluntariam. Et hæc sufficiunt ad hunc titulum. De creatione explicabimus titulum sequentem.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Titulum II. De Testamentaria manumissione.

Servi testamento manumittuntur, aut jure directo, aut fideicommissi: et ut manumissi jure directo liberi

fiant et cives Romani, lex XII. Tabularum facit, ut nominatim scribit Ulpianus lib. regul. tit. 1. quæ quidem lex confirmat non tantum testamentarias hereditates, aut tutelas, aut legata, sed et libertates directas, l. vrbis, l. lege obvenire, de verb. significat. fideicommissarias libertates lex XII. non novit, sed eas prætor tuetur, is, qui proprie de fideicommissis quibuscunque cognoscit, qui ab ea re prætor fideicommissarius dicitur. Hic autem titulus est de directa manumissione, sive libertate, quæ testamento relinquitur, quæ etiam codicillis relinquere non potest, nisi testamento confirmatis, quia confirmati habentur pro parte testamenti. Et hæc est alia differentia inter libertatem directam, et fideicommissariam: nam fideicommissaria, et ab intestato relinquere potest, et codicillis testamento non confirmatis, et quolibet scripto, vel etiam sine scripto, l. ult. hoc tit. l. libertates, D. cod. Hinc oritur questio l. 1. hoc tit. quia minor 20. annis, licet de re sua pecuniæ suæ testamentum facere possit, non potest tamen ex lege Ælia Sentia in testamento servo suo dare libertatem, non alia ratione, quam quod libertas sit res inestimabilis, impropiabilis, res sine pretio pretiosa, quæ non sit temere relinquenda a quolibet, nec cuilibet, nec nisi firmiore, gravioreque judicio, quam quo est is, qui pervenit ad pubertatem: a qua ætate incipit habere testamenti factionem, sed non jus manumittendi servi ante impletum annum 20. ex lege Ælia Sentia. Si igitur minor 20. annis testamentum fecerit, et in eo codicillos confirmaverit, quos postea faceret, hoc modo: *Si quos codicillos fecero ratos esse volo*: ac deinde major factus codicillos fecerit, et in iis servo, aut servis libertatem dederit: an libertas valet? quod non videbatur: quia ex regula juris, quæ in codicillis scribuntur, perinde habentur, ac si in testamento scripta essent, l. 2. D. de ju. codicill. Atqui tempore testamenti minor fuit 20. annorum. Ergo non valet libertas, quam postea dedit major factus in codicillis, quod videatur eam dedisse cum erat minor, id est, testamenti faciendi tempore. Sed favore libertatis hic casus ab ea regula excipitur: ut (quemadmodum ait l. 1.) consideretur potius potestas judicii, quo scilicet fuit præditus major 20. annis eo tempore, quo in codicillis libertatem dedit: ut consideretur, inquam, stabilitas judicii (ut loquitur hac in re Justinianus in fine tituli qui, et in quibus manum. in Instit.) potius, quam potestas juris, id est, fictio juris et regula juris, quæ fingit scripta in codicillis post testamenti factis, qui testamento confirmati erant, videri scripta tempore faciendi testamenti. Atque ita in causa libertatis valet potius potestas, firmitasque judicii, quæ viget in majore 20. annis, dum in codicillis dat libertatem, quam potestas, sive fictio

juris: et ita ille locus *l. 3.* est expl'candus. Nec omit-
tendum, in quibusdam codicibus initio legis addi duo,
vel tria verba, quæ non sunt contemnenda, maxi-
me, quia rem perspicuiorem reddunt: nam sic legi-
tur, *si codicillos qui minor testamentum fecerat, major XX. etc.* Sic etiam in simili casu in *l. 4. ff. de ju. codicill.* si is, qui testamenti tempore non erat solvendo, codicillorum vero tempore erat sol-
vendo, fuerit auctus facultatibus, libertas codicillis data, quo tempore erat solvendo, et par solvendo æri alieno, valet, licet ex lege Ælia Sentia non valeret si testam. data intelligeretur ejus tempo-
re inops fuit et ægrus: sed plus valet veritas, quam fictio juris, cum queritur de obtinenda libertate. Et quidem hoc caput legis Æliæ Sentia etiam ho-
die manet, de quo est *l. 3. h. t.* At illud caput ejusdem legis ne minor 20. annis testamento servum suum manumittat, aut ne valens libertas testamento data a minore 20. annis, hodie sublatum est a Ju-
stiniano *Novell. 119. cap. 2.* Et olim in ea parte etiam erat differentia inter directam, et fideicom-
missariam libertatem: nam directa libertas, quam testamento dedisset minor 10. annis, ipso jure nul-
la erat: fideicommissaria sustinebatur, si modo habuisset justam causam manumittendi servi, quam si eum manumisisset inter vivos, facile approbasset concil-
lio: et ita accipienda *l. 3. tit. 5. inf. et l. 4. sup. de testam. mil. l. 4. §. item si minor, ff. de fidei-
com. libertat.* Atque ita habuimus jam tres differen-
tias inter directam, et fideicommissariam libertatem: que testam. relinquitur, vel codicillis. Addamus alias: directa libertas non potest dari nisi iis, qui proprii testatoris fuerunt tempore faciendi testamenti, et tempore mortis: inutiliter datur servis hæredis, aut servis alienis *l. 9. h. t.* At constat fideicommissariam libertatem etiam servo alieno dari posse, ut scilicet hæres rogatus eum manumittere, eum redimet, si possit a domino justo pretio, et redemptum manumittat, *l. debet, tit. 4. inf.* Item ut ostendit *l. 10. h. t.* directo manumissus statim ab adita hæreditate liber fit, si modo sit pure manumissus, et si in testamento alterius cu-
jusdam domini, in cujus olim potestate fuit, non fuit prohibitus manumitti, ut in *l. 7. hoc tit. l. ser-
vus hoc lege, ff. de manumiss. vel etiam si ejus libertati nulla lex obstat, ut lex Ælia Sentia, vel lex Fabia de plagio, nulla constitutio, nullum Se-
natuconsultum; ut in *l. si non lex, ff. de hæred. instit.* Et hoc est quod ait *l. 10.* si nulla juris impe-
diat constitutio: et similiter Ulpianus in *regulis, tit. 1.* nullo jure impediante: *Cives Romani* (inquit) *sunt liberi, qui legitime vindicta, aut censu, aut testamento nullo jure impediante manumissi sunt.* Hi si pure manumissi sint, statim ab adita hære-
ditate eripiuntur in libertatem ipso jure, non tamen*

ante aditam hæreditatem: etiamsi forte ante aditam hæreditatem sumpsissent pileum libertatis: et ita est accipiendum quod ait *l. 10.* non sola pilei im-
positione eos fieri liberos: quod sit plerumque ante aditionem hæreditatis: ut pileati prosequantur fu-
nus defuncti domini, qui ejus testamento directam libertatem acceperunt: sed expectari debere etiam aditionem hæreditatis: antequam tamen (ut dixi) funeris ordinandi gratia simul atque defuncti, sum-
mebant pileum attonso capite strictim, vel per pe-
tinem: ut invenio apud Plutarchum libro *de fortuna Alexandri*: Nicomedem regem se appellasse li-
bertum populi Romani attonso capite, sumptoque pileo, τὴν ἀρχαίαν ἐπαχύνοντες καὶ πῖλον ἐκδύμενοι τῶν Περσῶν εἰς τὸν Ἰλίου Περὶον. Et didici ex interpretibus Græcis ad *l. unic. §. sed et qui domini, inf. de Lat. libert. toll.* ubi agitur etiam de pileatis servis, fuisse pileum ex lana alba: cum eum vocant ἵπρον λευκόν, et Leo et Constantinus Imperatores in no-
vellis πᾶστον, *velut dire una chose blanche*, eἰς τὴν δὲ ἀρχαίαν πορφύραν πᾶστον, *servus ferens album in capite*, scilicet pileum, sequitur funus defuncti. Et ita Livius lib. 27. *pileati autem lana alba vela-
tis capitibus Volones epulati sunt*, etc. fuisse etiam teretem, *en esuelle*, didici ex Lactantio *de opi-
ficio Dei, in figuram* (inquit) *pilai teres factus.* At ut ante dixi, directo manumissus non a sumptio-
ne pilei fit statim liber, sed ab adita demum hæ-
reditate; et ut ait eadem lex, libertus Orcinus, quo verbo passim utuntur nostri auctores, id est, nullius viventis libertus, ut ait *l. 4. de bonis dam-
natorum*: sed libertus defuncti, libertus Orci, A-
cherontis, Plutonis, Charonis, ut a Theophilo vo-
catur libertus Charonianus, et libertus familie de-
functi, nullius certæ personæ libertus, *l. si socius, ff. de manum. testam. l. 3. §. si plane, ff. de legiti-
tim. tut.* Quomodo etiam hæredes omnes possunt ap-
pellari Orcini hæredes, quia defuncti sunt hæredes: viventis enim nulla est hæreditas, *l. 1. ff. de hæred. vendit.* Et ita Apulejus in *Apologia*, *non diu est* (inquit) *eum te crebræ mortes propinquorum im-
meritis hæreditatibus fulserunt. Unde et tibi po-
tius, quam ob istam tetriorem faciem Charon no-
men est.* Is autem, qui manumittitur per speciem fideicommissarii non est Orcinus libertus, sed viventis: puta ejus qui rogatus defuncti eum manumisit, *l. si quibus, tit. 4. inf.* Et quia de pure manumisso di-
ximus, etiam adnotandum, pure manumissum vi-
deri, et libertum esse Orcinum eum, qui manumis-
sus est in testamento, dispensatorem scilicet, vel actorem rerum domini, quem dominus posuerat su-
per rationes suas sub conditione rationum redde-
ndarum: quod mirum videri non debet: nam et *l. aliquando, de condit. et demonstrat. docet*, lega-
tum conditionale aliquando purum videri. Ita ma-

tate competere, quia lusorium illud iudicium est: quod *l. 12. h. t.* ait esse ex constitutione Antonini Pii, ut mirer cur glossa id referat ad edictum si quis omissa causa testamenti, quæ ad hanc speciem nullo modo accommodari potest, nec recordetur *legis a sententia*, et *l. si per lusorio*, ff. de appellat. in quibus fit mentio ejusdem constitutionis D. Pii: nihil igitur est: quod difficiliter revocetur, quam libertas, quod apparet etiam ex multis aliis partibus juris, ut *l. si ex causa*, §. ult. ff. de minorib. *l. ultim. sup. si advers. libert.* *l. 4. sup. de inoffic. testam. l. 1. tit. 1.* hujus libri, quæ de causa et olim libertas data testamento, ab ipso testatore adimi non potuit, ut indicat *l. 10. §. ult. ff. de manum. testam. et l. si servus. ff. de fideicom. libertat.* et hodie etiam vindicta datam libertatem constat a domino adimi non posse, nisi ex causa ingratitudinis, quæ ex causa et donatio quælibet revocatur. Ad huc notandum est, quod si ideo non adentur hæredes, neque ex testamento, neque ab intestato: quod nimis laboret ære alieno, libertatum relictarum conservandarum gratia, simul atque famæ defuncti, quæ laboraret, si bona ejus nomine distraherentur a creditoribus, quod erat turpe et ignominiosum, licet servo testamento manumisso satisfactionem offerre creditoribus hereditariis pecunie debite, vel partis, prout inter eum et creditores convenit, et polliceri manumissis libertates: atque ita eum hereditatem excluso fisco obtinere simul atque libertatem sibi adscriptam ex constitutione D. Marci: de qua in *l. 6. et ult. hoc tit.* Idem etiam licet offerre cuilibet extraneo homini libero, et sic eam hereditatem adire, quæ vacat. Imo idem quoque licet servo non manumisso in testamento, qui si admittatur, si audiatur, et ei addicantur bona, quæ vacant, erit hæres, aut tanquam hæres, et liber, qui ceteris conservat hoc modo amplectendo bona, relictas libertates: nec enim potest esse hæres domini sui sine libertate: igitur fit liber, qui conservat libertatem ceteris, licet ipse non sit scriptus liber, et hi omnes admittuntur ex Sententia Ulpiani, etiamsi res non sit integra, id est bona distracta sint a creditoribus. Sed admittuntur intra annum tantum post venditionem bonorum ex Ulpiani sententia, ut dixi: et contra constitutionem Severi, ut ait *l. ult. h. t.* et in eo, quod refert ex Ulpiano et Severo, est singularis, *il ne se trouve point autre part.* Divus Severus non nisi re integra, id est, ante venditionem bonorum admisit eam petitionem, et oblationem, et additionem bonorum vacantium. Nec deerant argumenta pro Severo ex *l. quod si minor*, §. Scævola, ff. de minor. *l. ult. sup. de repud. hæred.* At ex hac lege ultima, intra annum post venditionem bono-

rum ut licet beneficio constitutionis D. Marci. Ideoque ut *l. ult.* ait, interim intra annum emptores bonorum nihil novi patiantur, quæ verba nullo modo intellexit glossa, id est, intra annum potest venditio rescindi. Nondum igitur sunt possessores firmo et perpetuo jure: quamobrem nihil ab eis interim exigitur: et hoc est quod ait, interim eos novi pati. Hoc est perspicuum. Et hic unus locus tantum erat obscurus *l. ult. hoc tit.* In his vero, quæ ex ea lege resultant, nova et inopinata hæc sunt, quantum potes intelligere ex supradictis, ut ex testam. hereditatem adire possit qui testamento hæres scriptus non est, ut ei competat velut ex testamento libertas, cui testamento non est data libertas, ut si servi manumissi testamento, quibus non placet sibi conservari libertatem, remedio constitutionis D. Marci, inviti liberi non fiant, et cives Romani, in *l. ult. §. sin vero quidam*: alias enim civitas Romana datur invito, ne quis dedecoret dignitatem tantæ civitatis, dum oblata eam spernit, quam alii magno redimunt, et impetrant ægre, ut Hermias scribit *Ecclesiasticæ hist. lib. 1. cap. 9.* πολλὴν θυξίαν εἶναι εἰς τὴν πολιτείαν Ρωμαίων, magno sudore parari justam libertatem, quam inquit, vocant πολιτείαν Romanorum, id est, civitatem Romanorum: et eleganter Leo Imperator in *Novella 101.* aliud beneficium esse si quis cogatur accipere beneficium, id est, duplex beneficium ἐλευθέρωτον καὶ ἐμπύκτιον: atque ita invito libertas datur, et civitas: non tamen in causa *l. ult.* Et quidam sunt adeo prono et infelici ingenio, ut liberi esse noliunt. Servus apud Plautum in *Querulo*. Nobis, inquit, quotidie sunt nuptiæ, natales, debaccationes, ancillarum serice, propter hoc quidam nec manumitti volunt. Et ut hæc hora finem offerat huic questionis de testamentaria manumissione.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. III. De Lege Fusia Caninia tollenda.

Notandum et titulum tertium de lege Fusia Caninia sublata pertinere ad libertates testamento datas jure directo, quibus lex Fusia Caninia certum modum imposuit: puta ne quis in suo testamento universam suam familiam manumitteret, qui tamen vindicta universam manumittere potest. Et ratio differentie est evidens, quia quo liberaliores sunt, qui moriuntur, quam vivunt, eo magis cohibendi sunt, et coercendi, ne rem suam omnem perdant,

et heredibus parum aut nihil relinquant, præter nudum nomen. Et eadem ratione cur Senatusconsultum Vellejanum succurrit mulieri se obliganti pro alio, non alii donanti? quia, ut ait *l. 4. ff. ad Senatuscons. Vellej.* facilius mulier se obligat, quam donat: igitur cohibenda fuit intercessio mulieris, non certe donatio. Cur etiam lex Julia prohibuit hypothecam prædii dotalis, non etiam ventilationem ut est in *§. 1. Institut. quib. alienare licet vel non?* quoniam unusquisque facilius hypothecæ opponit res suas, quam vendit, et abalienat. Cur etiam in *l. ult. inf. de præl. curial.* decurio prædia sua prohibetur vendere, non etiam donare? nimirum quia facilius quis res suas vendit, quam donat: unum indiget freno, non alterum. Cur etiam ex *Nov. 134.* si mulier se obligaverit pro marito, ipso jure non teneatur, si pro alio, ipso jure teneatur? nimirum quia mulier facilius se obligat pro marito, quam pro extraneo. Cur, ut est in more Parisiensium, potest Parisiensis inter vivos omnia sua bona alienare, et testamento relinquere non nisi certam partem? quoniam facilius relinquimus morientes quam alienamus viventes. Et his intelligimus satis, qua ratione hanc differentiam lex Fusia Caninia imposuerit inter manumissionem inter vivos, et testamentariam. Et notandum, quod hic titulus tertius præponatur titulo quarto de fideicommissariis libertatibus: et proxime jungatur titulo secundo, qui est de directis libertatibus, ex eo apparere, quod alii non observant, legem Fusiæ Caniniam non pertinuisse ad fideicommissarias libertates testam. relictas: quia scilicet eis non auferunt heredibus totum servum: quoniamquidem eis conservantur commoda juris patronatus, quæ sunt amplissima: directis igitur libertatibus tantum lex Caninia certum numerum præscripsit, quem intellexit proculdubio *l. pen. C. Theod. de Judæis*, illo loco *libertatibus obtinentibus si intra legitimum numerum fuerint*, id est, intra numerum legis Caniniæ. Et quis ille numerus fuerit, quive modus, luculenter exposuit Ulpianus in *regulis*, et Gajus in *Instit.* et Paulus in *Sententiis*: ut qui habet duos, tres, quatuor, vel quinque, duos tantum testamento verbis directis manumittere possit: et qui sex, aut septem, tres duntaxat, et cetera, quæ illi earrant prole. Verum ad extremum lex Caninia cavet, etiamsi quis habeat ingentem numerum servorum, ut ne testamento supra centum manumittat, et inde Vopiscus in *Tacito: Servos manumisit, intra centum tamen, ne Caniniam transire videretur.* Et de eadem lege sit mentio in *Querulo Plauti* his verbis, *Ad legem Porciam, Caniniam, Furiam, Fusiæ consulibus Torquato et Taurca*: quod si quis servos suos manumiserit supra numerum legis Cani-

niæ, ii, qui priores nominati erunt, et manumissi, pervenient ad libertatem usque ad legitimum numerum: reliqui manebunt servi: quod etiam servatur in lege Ælia Sentia, quæ vult, ut is, qui non est solvendo, possit unum tantum servum heredem necessarium facere, et liberum, ut bona veniant ejus nomine potius, quam defuncti: et si plures manumiserit in fraudem creditorum, ut is tantum, qui prior nominatus fuerit, liber et heres sit, in *l. qui solvendo 2. et l. si non lex, §. 1. ff. de hered. instit.* Sed tamen in lege Fusiæ Caniniæ, vel in lege Ælia Sentia, si plures servi liberi esse jubeantur ultra legitimum numerum in orbe teretili, *en un cercle*, ita ut non appareat quis sit primus, quis unus, ut si in orbe teretili ita scribas, *Stichus, Pamphilus, Davus, Eros, et in area orbis, liberi sunt.* Quid fiet. Nam ut recte dixit Plato in *Timæo*, in *Sphæra* non est invenire τόρον ἀπὸ τῆς κέντρῳ, id est, non est in *sphæra* locus superior, nec inferior. Et hoc casu propter incertum ex utraque lege placet nulli servo competere libertatem: et ita Gajus scribit in *Institutionibus*, et probat *l. qui solvendo, et l. sequens, ff. de hered. instit.* verum in constitutione hujus tituli hoc caput legis Caniniæ sustulit Justinianus, quod tamen habuit summam rationem, ut scilicet nulla esset differentia inter manumissionem vindicta, et manumissionem testamento: ut utroque genere possit quis universam suam familiam liberare; sed non sustulit totam legem Caniniam: nam hoc adhuc ea lege manet, ut servis relinquatur libertas nominatim. *§. libertas, Instit. de legat.* qua de causa, quid ait nominatim, explicabitur in *l. nominatim, ff. de manumiss. testam.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. IV. De Fideicommissariis libertatibus.

Dicebam nullius quartus, legem Fusiæ Caniniam non pertinere ad fideicommissarias libertates testamento relictas, id est, non eis libertatibus certum numerum eam legem præscribere, sed directis tantum. At hoc profecto verum non est. Moveor eo, quod *lex si legatario, §. 1. ff. de fideicommiss. libert.* ponit testatorem, qui tres tantum servos habebat, duos manumisit per fideicommissum, qui certe fuit modus legis Caniniæ, ut qui tres haberet, duos tantum testam. manumittere posset: denique servavit testator modum legis Caniniæ, etiam in relin-

quendis fideicomm. libertatibus. Moveor quoque *l. si quis eum*, ff. de cond. et demonstrat. quæ est inscripta ad legem Fusiam Caniniam, et loquitur de fideicom. libertate. Verius igitur est, legem Caniniam coarctare non tantum directas, sed et fideicommissarias libertates. Ideoque dicamus titulum de lege Fusia Caninia fuisse positum in confinio tituli superioris, qui est de directis libertatibus et tituli sequentis, qui est de fideicom. quoniam ea lex communis erat utrique titulo. Et nunc veniamus ad titulum quartum de fideicommissariis libertatibus. Non tantum directæ libertates in testamento, vel codicillis relinqui possunt, sed et fideicommissariæ, id est, quæ verbis precariis relinquuntur: dum tamen, ut ait *l. libertates*, ff. eod. ea verba sint vulgaria, id est, usitata, et quibus voluntas testatoris exprimitur, qualia sunt, *Peto, Rogo, Volo, Mondo, Fideicommitto*. §. ult. *Instit. de sing. reb. per fideicom. relict.* Verbum autem *Commendo*, *Commendo tibi illum servum*, non satis exprimit voluntatem defuncti, non satis exprimit fideicommissum, denique non est verbum precarium, quod necessitatem non imponit sed arbitrium permittit ei, cui servum commendat: et preces testatorum sunt permixtæ necessitatis: ut de precibus tyrannorum inquit Plato et Publius Syrus, *Cogit rogando, qui rogat potentior*, et Accursius in *l. 1. ff. quod jussu, Rogatio domini*, inquit, *est præceptum*. At qui commendat, nihil adprecatur, ergo necessitatem non imponit: nec fideicommissum facit, *l. 12. hoc tit.* Et quod ait *l. 12. §. 1. ff. eod. tit.* his verbis, *Illus servos tibi commendo, ne cui alii serviant*, fideicommissariam libertatem relictam videri: etiam detracto illo verbo *Commendo*, idem esse si hoc solum dixisset, *ne cui alii serviant*, *l. 9. l. 10. l. rogo, l. generaliter*, §. si petitur, ff. eod. tit. Nihil ergo potest, nihil efficit, nihil adjicit in eam rem *Commendo* verbum. Porro directæ libertates statim ab adita hereditate, vel sinecessarius heres sit, statim a morte testatoris ipso jure competunt velut ex testamento, sine ullo facto, aut voluntate heredis, non tamen sine herede, qui adierit, vel extiterit: nam ab heredibus relinquuntur: et ut dicimus, *legare ab herede illo vel illo, ita manumittere*. Quintilianus declamat. 388. *Hunc* (inquit) *a filio manumisit*. Et post mortem quoque heredis olim inutiliter relinquebantur, ut Ulpianus scribit *libro regularum l. 1.* fideicommissariæ autem libertates præstantur ab herede, vel legatario, vel fideicommissario, qui rogatus est manumittere servum defuncti, vel servum proprium, vel servum alienum: nec sine illius manumissione, sine illius facto et voluntate is servus ad libertatem pervenire potest; *l. 11. hoc tit.* nisi latitet is, qui rogatus est servum ma-

Tom. IX.

numittere, id est, nisi fraudandæ, frustrandæ, detractandæ libertatis gratia, non justa ex causa absit, vel nisi evocatus a magistratu fideicommissariæ libertatis nomine potestatem sui non faciat: quo casu, ut ait *l. 11.* contra latitantem interposito decreto, id est, si causa cognita prætor, aut præses pronunciaverit libertatem servo deberi, statim fit liber et libertus Orcinus, licet non fuerit directo manumissus: videlicet si servus testatoris fuerit; quod est ex SC. Rubriano, quod factum est Rubrio Consule. Non est igitur libertus ejus, qui rogatus est, ne is habeat commodum juris patronatus, qui non manumisit, quia precibus defuncti non obtemperavit. At si is servus, quem heres rogatus est manumittere, servus heredis fuerit, heres non amittit libertum, id est, fit libertus heredis, etsi latitaverit heres, vel absuerit non justa ex causa, quod est ex SC. Junce ano. Et ita suum quodque SC. reddere oportet ad *l. 5. ff. eod. tit.* Absente autem justa ex causa eo, qui fideicommissariam libertatem præstare debet, non in fraudem libertatis, ex decreto quidem eo absente servus fit liber, sed absens non perdit jus patronatus, non perdit libertum, quod est ex SC. Dasumiano, de quo in *ff. eod. tit.* Igitur cum quaeritur de libertate servi absente domino, qui rogatus est enim manumittere, non distinguimus utrum absit justa, an non justa ex causa, quia omnimodo libertas servo servatur. At cum quaeritur ejus fiat libertus, si dominus absuerit, tum distinguitur: et si absuerit non justa ex causa, dicimus eum fieri libertum Orcinum: si justa ex causa, eum fieri libertum domini. Et male Græci in *l. 29. ff. eod. tit. pro libertas*, legunt *libertus*: quam lectionem etiam infirmat *l. 10. §. 1. ff. eod. tit.* Quod autem diximus de latitante, vel absente non justa ex causa herede, qui fideicommissariam libertatem debet, id etiam obtinet ex constitutione Justiniani in eo herede, qui neque latitat, neque absit, si moram fideicommissariæ libertati faciat, ut scilicet ex sententia prætoris, vel præsidis servus eripiat in libertatem, et fiat libertus Orcinus, non libertus heredis, qui non exequitur voluntatem defuncti; qui moras trahit in præstanda fideicommissaria libertate, *l. 13. h. l.* Moram autem facit heres, qui petitam suo tempore libertatem non præstat, *l. 4. h. tit.* Opus est petitione, interpellatione, ut mora fiat in personam heredis: videlicet si libertas fideicommissaria sit relictæ majori 25. annis: nam si minori 25. annis, semper mora ei fit in rem, id est, sine petitione, sine interpellatione ex solo tempore tardæ præstationis, *l. cum vero*, §. apparet, ff. eod. *l. 3. sup. in quibus causis in integ. restit. non est necess.* Majori autem non fit mora ex die tardæ præstationis, ex die, quo libertas peti potuit, sed ex die, quo petita est

61

interpellato hærede, d. §. apparet, quod notandum: quia quod vulgo dicitur, diem interpellare pro homine, non est verum, nisi in pœnalibus causis, ut docui in *l. trajectitia, de obligat. et action.* scilicet quando dies adjicitur, ut quid detur, vel fiat: ita ut qui ad eum diem non fecerit, aut dederit: incidat in pœnam certam, quia in causis pœnalibus severius agitur cum eo, cum quo nobis res est, pœnæ affectio plane demonstrat, quod agitur, ut summo jure agatur, denique ut dies solus interpellat satis: immo etiam ut post diem non possit purgare moras oblata pecunia, vel re debita, et se liberare pœna, quam commisit: Ita *lex trajectitia, et l. magnam, inf. de contrah. stipul. l. 2. sup. de jure emphyteutico*: extra causas pœnales dies non interpellat pro homine: ut demonstrat *lex cum fideiusam. §. ult. ff. de verborum obligat.* quæ ex contrario sensu demonstrat post diem esse necessariam interpellationem, ut reus constituatur in mora. Hic vero nobis explicanda est *l. 4. h. t.* quam ante adduxi: et explicanda ex jure veteri, quod nostri ignorarunt, atque adeo praeclarissimum sensum hujus legis. Sciendum est quosdam esse manumissos, qui dicuntur ex voluntate domini in libertate morari, quod quid sit mox intelligemus: et non esse liberos, sed ex voluntate domini in libertate morari, ut sunt manumissi inter amicos, §. multis, *inst. de libertinis*. Tales manumissiones frequenter occurrunt in Comœdiis. Et manumissi per Epistolam, *l. qui absenti, de acquir. possess.* et manumissi per mensam, ut Theophilus noster loquitur in titulo de libertinis, et ut Cælius loquitur in Institut: Convivi adhibitione, puta si dominus servum convivio excipiat: sicut dicebant homines Deos fieri, si adhiberentur conviviis Deorum, illo loco, *Tu dæ epulis accumbere dium*. Et illo: *nec Deus hunc mensa, Dea nec dignato cubili est*. Qui ita manumittuntur, veteri, jure non fiunt liberi, sed serviendi tantum metu dimittuntur, quando a domino libuerit: nam mutata voluntate domini, per viam in servitutem reduci possunt, et cogi ut serviant, quod tamen prætor non permittebat, ut Ulpianus scribit in fragmentis quibusdam regularum, et interim quicquid acquirebant, domino, a quo ita erant manumissi, tanquam servi acquirebant: solo enim onere serviendi liberati erant. Sed postea lex Junia eis dedit propriam libertatem, qui manumissi essent inter amicos, per epistolam, aut per mensam, videlicet ut fierent non cives Romani, sicut qui manumittuntur vindicta, aut censu, aut testamento, sed fierent Latini, qui et ab ea *l. Junia* dicti sunt liberti Latini Juniani: dum autem hoc voluit lex Junia ut illi fierent Latini, hoc voluit, ut eodem jure essent, quo olim erant Latini colonarii, deducti in

coloniam, ut *infr. titulo 6.* qui tamen Latini Colonarii, quod pauci, aut nulli explicant, tempore lætæ legis Junie mutarunt istam conditionem, quia tum omnes erant cives Romani, mutata Latinitate in civitatem Romanam ex lege Junia, ut Cicero ait pro Balbo: lege Junia Latinis datam civitatem. Et hoc est quod eleganter ait Ulpianus illo loco: Lex Junia manumissos inter amicos exarquivit Latinis Colonariis, qui tunc erant cives Romani, et nomen suum in civitatem dederant. Non hoc vult Ulpianus, exarquatos esse Latinos Junianos Colonariis, ut tunc erant cives Romani, sed ut fuerunt olim non cives Romani, sed Latini Colonarii. Ergo sublata conditione Latinorum colonorum emersit illi similis conditio Latinorum Junianorum, qui ut eodem essent jure, quo olim erant Latini Colonarii, puta ut certis modis possent pervenire ad civitatem Romanam, ut etiam Livius lib. 41. scribit, Latinos Colonos pervenisse ad civitatem Romanam beneficio stirpis liberorum, aut lege, aut migratione, aut censu, aut magistratu, ut est addendum ex Asconio Pediano in *Orationem in Pisonem*. Et ita Ulpianus in *tit. de Latinis* docet, Latinos Junianos certis modis fieri cives Romanos: Hoc enguito facilius erit species *l. 4. hoc tit.* Finge: heres rogatus est ancillam manumittere, et qui ita rogatus est, quod summe notandum, semper intelligitur rogatus præstare justam et legitimam libertatem, id est civitatem Romanam, non Latinam libertatem, *l. generaliter, §. hostium, ff. eod.* Porro hæres moram fecit in præstanda fideicommiss. libertate, id est petitam non præstitit, sed ancillam morari sivit in libertate: puta manumiss. inter amicos, aut per convivium, aut per epistolam: post moram ancille factam edidit partum. Lex ait ex constitutionibus, quæ factæ sunt ad Senatusconsultum Rubrianum partum nasci ingenuum post moram factam ancille manumittende ex fideicommissio: atque ita evenit ut ex ancilla ingenuus nascatur, ut ait *l. 1. §. queri, ff. de suis et legitim. hæred.* quia ipsa etiamsi passa sit moram, nondum est libera: qui voluntate domini in libertate moratur non est liber. Nec obstat *lex cum quasi, §. ult. ff. eod.* quæ ait ad justam libertatem pervenisse servum, qui voluntate heredis in libertate moratur. Justa et legitima libertas, id est civitas Romana, *toujours*: sed ne fallamur, lex non dicit simpliciter, qui in libertate moratur voluntate heredis, sed qui præstande fideicommissarie libertatis causa voluntate heredis in libertate moratur, id est, cui præstitit fideicommissariam libertatem effectu ipso, dum animo præstande ejus, cum sivit in libertate morari: hic utique fit liber et civis: alioquin voluntas nuda sipientis servum morari in libertate non facit eum liberum: sed neque post moram factam præstande liber-

tatis legitimæ servus sit liber secundum jus vetus: nam ex constitutione Justiniani, id est, ex l. 15. hoc. t. post moram factam ancillæ ex sententia præsidis, vel prætoris ipso jure ancilla sit libera: ut non mirum sit hodie, si ingenuum pariat, et si ei partus intestatæ succedat, et vicissim illa partui intestato, ut in l. ult. sup. de S. C. Orfit. que conjungenda est omnino cum d. l. 15. utriusque eadem est inscriptio et subscriptio: et plurimum illustrat d. l. ult. hanc l. 15. Et hoc post moram factam, id est, ex die, petitæ libertatis fideicommissariæ: nam ex die, quo peti potuit libertas, nec tamen petitæ est (qui dies non inducit moram) qui nascitur partus, servus nascitur: sed postea matri manumissæ traditur, ut ab ea manumittatur, id est, ut ipsa sit patrona potius, quam hæres, qui suo tempore non reddidit libertatem fideicommiss. l. si prægnans, et l. cum vero. §. apparet, ff. eod. Et ita est explicanda l. 4. h. tit. Reliqua explicabimus die crastino. His, quæ heri diximus ad titulum quartum de fideicommissariis libertatibus, hodie addam quæ in eo invenio esse communia inter directas ac fideicommissarias libertates. Ac primum ut destituto testamento, id est, non adita hereditate, nec ex nec ille competant, nisi testamento adjecta sit clausula codicillaris, quæ huic oneri subiciat etiam legitimum heredem, l. 1. h. t. quæ obtinet etiam rupto, aut injusto, aut irrito testamento: verum ut additur in fi. l. 1. si hæres scriptus pecunia accepta a legitimo hærede destituerit, repudiaveritque testamentum: hoc casu cogitur servo prestare libertatem, quod in eo constitutiones induxerunt e emplo ejus, qui omissa causa testamenti ab intestato possidet hereditatem: et servatur etiam in directis libertatibus: et male Accursius in fi. l. 1. prius conveniri possessorem hereditatis, id est, legitimum heredem: cum aperte lex dicat, hæredem scriptum, qui pecuniam accepit a legitimo repudiandi testamenti gratia, servo libertatem prestare compelli: igitur prius convenitur hæres scriptus, ac deinde si solvendo non sit, hæres legitimus, qui possidet hereditatem l. 10. ff. si quis omis. causa testam. quia ex causa debita fideicommissariæ libertatis servus in judicio potest consistere adversus dominum; dominum in judicium vocare potest, et petere fideicommissariam libertatem ab eo, l. vir, ff. de judic. l. de libertate, ff. de fideicommiss. libertat. l. mulier, §. non est, ff. ad Trebell. l. Titius, ff. de action. emp. Et quod ait l. 2. et l. 4. ff. si quis omis. causa testam. prius excuti posses orem, id est, legitimum heredem, quod fecellit Accursius, tunc duntaxat locum habet, cum hæres scriptus a legitimo nullam pecuniam accepit repudiandi testamenti gratia:

non cum accepta pecunia a legitimo hærede repudiavit testamentum: nam hoc casu, quo hæres legitimus non habet lucrativam possessionem, prius convenitur de libertate fideicommissaria, vel etiam directa, ne servum retineat in servitute, hæres scriptus, quam legitimus. Et hoc tantum adnotandum est ad l. 1. Est etiam hoc commune tam directis, quam fideicommissariis libertatibus, ut competant, satis esse ex pluribus heredibus si vel unus hereditatem adierit, l. si legato, §. ult. l. testam. ff. de manumissis testamento, l. 8. hoc tit. Licet ab eis, qui repudiaverunt hereditatem, nominatim libertates relicte sint: nam portiones repudiantium, ei, qui adit accrescent cum suis oneribus, l. Titio, §. ult. de legat. 2. Est autem species l. 8. dilatanda, et explicanda hoc modo ex l. Lucius, ff. eod. Uxor, et filius in hi heredes sunt: Stichum liberum esse volo, si ita placeat uxori meæ. Uxor repudiavit hereditatem: portio ejus accrevit filio cohæredi, quem Sticho libertatem præstare oportebit: quod utique certissimum, si uxor non contradicat: nam taciturnitas uxoris consensum imitatur: quid si contradicat? Hoc vero non faciat me auctore, cum post repudiationem nihil ejus intersit Stichum non manumitti: sed si hoc faciat tamen, id est, si dicat sibi displicere libertatem Stichi, sane non auctor: neque enim est indulgendum malitiæ ejus, nihil latere, nisi ut officiali, ex l. in fundo, ff. de rei vindicat. est etiam commune utrique libertatibus, quod proponitur in l. 2. hoc tit. ut si ex codicillis libertas competierit, vel præstita sit: qui postea falsi pronuntiat sint, non ideo revocetur libertas, quæ contigit semel: sed ex constitutione Hadriani, ut manumissus heredi præstet 20. aureos quasi pro pretio sui capitis, l. cum ex falsis, ff. de manum. testam. l. pen. ff. de jure patronat. ut, inquam, præstet 20. aureos: nam hoc erat commune pretium servi unius, l. si fundum sub conditione, §. si libertus, ff. de leg. 1. l. Papinianus, §. ult. et l. seq. ff. de inoffic. testam. l. 4. sup. de servis fugit. Et ideo vestigal vicesime, quod ex lege Manlia inferebatur ætario pro servo manumisso, olim fuit unus aureus tantum. Et ponenda ita est species ad hanc l. 2. Servum Titio legavi, et ab eodem servo reliqui fideicommissariam libertatem: eam legatarius præstitit, quam defunctus reliquerat codicillis, ante moram questionem falsorum codicillorum, et ita servo contigit justa libertas, quæ etiam ei conservabitur, licet postea codicilli falsi pronuncientur, adnumeratis hæredi 20. aureis. Nec quicquam obstat l. ult. sup. de pet. hæred. quam objicit Accursius, quia libertas, quæ semel contigit, conservatur. At in specie d. l. ult. testamento falso pronuntiato, in quo

erant relictæ libertates, illæ non intelliguntur contingisse servis, quod nemo eas dederit in ea specie aut præstiterit: neque enim finguntur obligasse ipso jure. Quod etiam est in l. 10. h. tit. porrigi debet et ad directam libertatem ex l. si ita scriptum, ff. de manum. testamento: Species hæc est: Testator ita dixit, *filius hæres esto: Stichus, cum filius meus pervenerit ad 25. annum, liber esto*: vel per fideicommissum hoc modo: *Stichum cum filius meus pervenerit ad 25. annum liberum esse volo*: hoc est verbum precarium: filius decessit impubes; hæres ejus præstituta die, quæ si filius viveret, pertingeret 25. annum, Stichus libertatem præstabit, l. 10. hoc tit. quia non intelligitur data sub conditione, si filius ad eam ætatem pervenerit sed in diem certum, in diem justæ ætatis: quæ interpretatio jure singulari recepta est favore libertatis ut ait l. 23. §. pen. ff. eod. namque aliud est in fideicommissio pecuniario: quandoquidem si quis ita legaverit, *Titio cum pervenerit ad annum 25. fundum illum dari volo*: Titio mortuo ante eam ætatem, fideicommissum ejus hæredi non debetur, nec præstituta die quis intelligitur fuisse conditionale, l. si Titio, ff. quando dies leg. red. Neque l. 10. hoc tit. quicquam obstat l. 8. sup. de testam. manum. quæ dicit conditionalem libertatem esse ita relictam: *Stichus liber esto tempore nuptiarum filii mei*: et ideo mortuo filio ante nuptias contractas, Stichus non debetur libertatem, quia defecit conditio. Cur etiam in specie d. l. 10. non dicimus libertatem esse conditionalem? Differentia est in perspectu: quoniam d. l. 8. non expressit certam ætatem, cum filius pervenerit ad illam ætatem, ut non possit videri libertas data in diem certum: sed expressit tantum eum nuptiarum, qui conditionalem manumissionem fecit. Porro in hac specie l. 10. ut jam dixi, apparet differentiam esse inter fideicommissariam libertatem, et fideicommissum pecuniarium. Et addi potest alia differentia ex l. Paulus respondit, ff. de fideicommiss. libert. Si per fideicommissum relinquam rem alienam, valet fideicommissum, si sciero esse alienam, si sciens hoc fecero: sed si ignoravero, id est, si eam reliquero ut meam, non valet fideicommissum: quia forte si scissem eam rem, eumve servum esse alienum, non legassem: denique servi alieni fideicommissum non valet, quem quis aliis reliquit ut suum, nesciens esse servum alienum. At fideicommissaria libertas etiam ab ignorante data servo alieno tanquam suo, cum dominum ejus se esse opinaretur omnino valet, quod favor, id est, studium amplandæ libertatis extorsit, quod est in l. 9. hoc tit. quam ego meminisse exponere in titulo 26. lib. 6. de necessar. hæredibus. Etiam favor libertatis id extorsit, quod est l. 14. h. t. Et

est etiam commune utrique libertati, ut possit relinqui ei, qui in utero ancillæ est: hoc scilicet modo: *Quicumque ex Pamphila genitus erit, liber esto*. De eo dubitabant veteres, an posthumus alieno data libertas valeret, quia posthumus alieno legari non potuit, quod sit incerta persona: at hodie legari potest, et libertas relinqui ut cum sole libertatem aspiciat, ut ait l. 14. et ita servo quoque ejus, qui in utero est, id est, futuro servo ejus recte relinquitur fideicommissaria libertas, l. generaliter, §. servo ejus, ff. eod. tit. Et ut definit d. l. 14. illa quoque oratione: *Quicumque ex Pamphila genitus erit, liber esto*: si plures geniti sint omnes monumittendi sunt: nam in ambiguis pro libertate respondere melius est: et favor libertatis alias plerasque benigniores sententias extorsit contra regulas juris, l. penales, §. ult. ad l. Falc. l. generaliter, §. si quis servo, ff. de fideicommiss. libertat. §. ult. Instit. de donation. Et placet valde, quod ait l. 3 §. 1. ff. de alienat. judic. mut. caus. prætorem favere libertatibus: nam (ut didicimus ex reliquiis regularum Ulpiani) inter cetera prætor manumissum inter amicos (quod heri dicebam) non permettebat servire, aut reduci in servitutem a domino, qui illa manumissione non desierat esse dominus: et similiter manumissum a peregrino, licet jure non valeret manumissio, nec faceret Latium, nec civem, tamen prætor non permettebat servire. Et ita eleganter illa lex ait prætorem favere libertatibus, cum eis lex non favet. Et istius favoris si vis, suppetunt exempla multa: notabis hos locos, in quibus exentiendis te potes exercere, l. duobus, de liber. causa, l. 1. 16. 26. ff. de manumiss. testam. l. 4. ff. de manumiss. vind. l. talem in pr. de hæredib. instit. l. quidam, §. ult. ff. ad Senatuscons. Trebell. l. cum ita datur, ff. de condition. et demonstrat. et quod Paulus 2. regul. titul. 24. In quibus locis omnibus fit mentio favoris, quem leges impertiuntur libertati, et l. ult. sup. de his quibus ut indig. Puto pertinere etiam ad favorem libertatis, quod est in l. pen. hoc tit. ut si testator ex pluribus servis, uni, quem eligeret hæres, relinqueret fideicommissariam libertatem, hærede non eligente, aut moriente, nullo electo: omnes servos esse manumittendos: cum favore libertatis, tum etiam ut plectatur hæredis instantia: ubi instantia, id est, επιμονή, μέλλου, la demeure, cunctatio, mora: alias instantia est ἐπιείκεια. Ac postremo notandum legem ultimam definire id de quo Paulus in l. itaque, ff. eod. scripserat, aliendum esse principem, ut libertati prospiceretur, quod æquum esset ei prospici in ea specie, needum prospectum esset. Species hæc est. Rogavi legatarium, ut servum, quem ei legavi, manumitteret, et hæres latuit, nec servum præstat legatario, cessat

Senatusconsultum Rubrianum: quia is, qui rogatus non est, latius, non is, qui rogatus est: puta legatarius, qui paratus servum manumittere, si cum haberet: quid fiet? Et placet Justiniano in l. ult. ut post duos menses, quam l. titavit heres, servus ille perinde fiat liber, ac si a legatario manumissus fuisset, ut tamen legatarius habeat salvum jus patronatus, qui in nulla culpa versatur. Idemque est si dum heres detrectat etiam in iudicio servum præstare legatario, iudex eussit heredem legatario præstare restitutionem servi, quod tamen stulte iusserit: nam debet omnimodo compellere heredem ad præstandum legatum, si ejus restituendi facultatem habeat: nisi adferat justam causam retinendi servum: puta quod sit pater suus naturalis, aut mater, aut frater: rogat iudicem ne is sibi eripiat, et ut legatario satisfiat restitutione litis, ut l. si domus, §. qui confitetur, et §. seq. de legat. 1. alias præcise cogitur præstare servum legatum, cujus copiam habet. Et ita etiam vero verius est, venditorem omnimodo compelli tradere rem venditam, quam possidet, si eam malit emptor, quam id, quod interest, ut in §. perficiuntur, Inst. de donat. quæ fuit opinio Martini, quam etiam Accurs. æquiores esse ait, l. 1. de action. empt. et probat omnino eam Paulus lib. 1. Sent. tit. 15. Si (inquit) id quod venditum est, neque tradatur, neque mancipetur, venditor cogi potest, ut tradat aut mancipet. Et ita quoque in specie l. ult. iudex debuit omnimodo cogere heredem ad præstandum servum legatum: si hoc non fecerit, quomodo prospicietur libertati, puta si damnaverit heredem in restitutionem servi tantum? Et placet hoc casu perinde haberi servum, atque si ante eam condemnationem a legatario manumissus fuisset: et ut ait l. ult. etiam legatario sumptuum nomine in eam litem factorum, heres præstat quadruplum: illa autem sententia est vitiosa et nulla. Et hic est finis hujus tituli.

JACOBI CUJACII. J. C.

In Lib. VII. Codicis.

RECITATIONES SOLEMNES.

Ad Titul. V. De dedittis libertate tollenda.

De fideicommissaria libertate etiam egimus in l. 43. ff. eod. tit. fideicommissariam libertatem testamento relictam, vel codicillis non debere ei quem dominus postea vixit pœne causa in ergastulo. Cur ita? nimirum quia ex lege Ælia Sentia ad civitatem Romanam pervenire nullo modo potest is, qui a domino vinctus est pœne causa, vel qui compun-

ctus est notis, qui dicebatur *Stigmatias*, et *Subverbustus*, apud Plautum, et Tertullianum. Eiusdem conditionis est is, qui propter noxam tortus, uocensque inventus est, vel qui datus est ad ferrum, vel ad bestias, vel coniectus in publicam custodiam. Sed quocumque modo fuerit manumissus, neque sit civis Romanus, neque Latinus, sed habetur Dedititiorum numero, auctore Ulpiano lib. regul. tit. 1. et Theophil. in tit. de libertinis: quod est (ut dixi) ex lege Ælia Sentia: ideoque Ulpianus scribens ad legem Æliam Sentiam in l. verum, ff. de verb. significat. definit, quis vinctus dicatur: quæ lex nisi secundum inscriptionem coangustatur ad legem Æliam Sentiam, et caput de Dedititiis, omnino pugnat cum ea l. succurritur, ff. ex quib. caus. major. Fuit autem lex Ælia Sentia lata Augusti temporibus, et auctore eodem Augusto, si non etiam latore, sicut lex Fusia Caninia, cum et Suetonius in Augusto scribat, Augustum manumittendi modum, numerumque terminasse, quod fecit per legem Caniniam, et cavisse etiam, quod pertinet ad legem Æliam Sentiam, ne vinctus unquam, tortusve quis ullo libertatis genere civitatem Romanam adipisceretur, et illi, qui in ea sunt causa ex lege Ælia Sentia dicuntur esse Dedititiorum numero, quod eodem numero sint, eodem jure, conditione eadem, qua sunt peregrini, qui se et sua victi a Romanis dediderunt in ditionem et potestatem populi Romani, qui parum absunt a servis, et infami nomine Dedititii dicebantur. Erat enim ignominiosum nomen quia et se dedere ignominiosum est abjectis armis. Certe Dedititii deteriore conditione erant, quam Latini: nam Latini Colonnarii, et Latini Juniani, habebant commercium, id est, inter eos poterat fieri mancipatio rerum non minus, quam inter cives Romanos, non etiam inter Dedititios, vel cum Dedititiis, ut idem Ulpianus scribit in regulis tit. 19. Item cum Dedititiis non erat testamenti factio: cum Latinis erat testamenti factio, si modo intra diem cretionis, sive aditionis delatæ hereditatis, jus Quiritium, id est, civitatem Romanam adipiscerentur, ut idem Ulpianus docet: et poterant Latini variis modis adipisci civitatem Romanam, ut idem docet tit. de Latinis, quam Dedititiis nunquam, et nullo modo adipisci poterant. Ac primum quidem Latini sunt cives Romani, et jus Quiritium consequuntur beneficio principis, patrono tamen consentiente, sicut proditum est, libertum non restitui natalibus, nisi consentiente patrono, aut patroni filio, l. pen. et ult. ff. de natal. restit. liberti non dari jus annuli aurei, id est, non redigi libertum in equestrem ordinem nisi consentiente patrono, l. 3. ff. de jur. aureor. annulor. quia beneficium principis semper dare oportet sine injuria alterius, l. 4. inf. de emancipat.

l. impuberi, ff. de administrat. tutor. l. 1. Cod. Gregoriano, de testamentis. Et ita beneficio principali Latinus non sit civis nisi consentiente patrono, aut patroni filio, Plinius in Epist. ad Trajanum: *Rogo des Jus Quiritium liberto Antonie, quod ego volente patrono peto: et alio loco: Rogo illis indulgeas Jus Quiritium, quod ego volentibus patronis peto.* Sed quid si forte Latinus invito, aut ignorante patrono a principe impetravit civitatem Romanam? et edicto D. Trajani cautum est, ut proponitur in §. ult. Instit. de success. liber. ut is vivat quidem ut civis Romanus et moriatur ut Latinus. Item Latinus sit civis Romanus beneficio liberorum, vel filii unius, aut filie anniculi, vel anniculæ factæ: puta, si uxorem duxerit Latinam, quæ nuptiæ non sunt justæ, justæ fiunt tantum inter cives Romanos: is potest causa probata apud prætorem, cum eam uxorem duxerit, vel apud præsidem, civitatem Romanam adipisci cum filio, et uxore, ut idem Ulpianus docet tit. 3. et tit. 7. Item Latinus sit civis Romanus iteratione: ut puta, si qui manumissus est inter amicos: manumissio Latinum facit, non civem ex lege Julia Norbana, quæ etiam fuit lata Augusti temporibus: si postea ab eodem patrono is manumittatur vindicta, sit civis Romanus. Plin. 7. Ep. Si voles, inquit, vindicta manumittere, quem proxime inter amicos manumisisti. Et de illa manumissione, quæ Latinum facit, etiam Seneca libro de vita beata, *Iustæ libertatis* inquit (ea vero est civitas Romana) *an libertatis data inter amicos*, quæ scilicet est Latina libertas. Item Latini militia, beneficio militi, cives Romani fiebant, si in urbe inter vigiles aliquod annis militassent ex lege Visellia, quæ etiam alio capite cavet, ne libertini legerentur in Senatum, vel in Curiam, de quo est *lex unica, inf. ad legem Viselliam*. Item Latini sunt cives Romani navi, si navem fabricaverint aliquot modiorum capacem, quæ serviat annonæ populi Romani. Item si ædes construxerint, aut pistrinum. Prestat quandoquidem populum exhortari ad extruendas ædes quibusdam premiis: vel ad pistrina, aut moletrina, quæ sint usui universo populo. Et similiter, ut idem Ulpian. refert titulo de Latinis, Latina sit civis Romana, si ter enixa sit. Addi potest alius casus ex l. 1. Cod. Theod. de raptu virginum, quo Latinus civis Romanus efficitur, si crimen raptus in publicum detulerit, servus autem sit Latinus. Variis igitur modis Latini possunt pervenire ad civitatem Romanam. Dedititi nullo modo possunt. Est igitur eorum conditio deterrima, et miserrima, quam in hoc titulo penitus sustulit Justinianus, abolito illo capite legis Æliæ Sentie, quod etiam, ut ait, desiderat esse in usu. Sed absolvamus etiam hodie titulum sequentem.

JACOBI CUJACII J. C.

Ad Lib. VII. Codicis

RECITATIONES SOLEMNES.

Ad Tit. VI. De latina libertate tollenda, et per certos modos in civitatem Romanam transfusa.

Primum non repelo quæ dixi de Latinis in l. 4. tit. 4. sup. quæ tamen licet vobis transferre etiam in hunc locum. Sed hoc tantum nunc adiciam, Latinos comparatos esse ex lege Julia Norbana Augusti temporibus, qui ante non erant liberi, licet fuissent manumissi inter amicos, aut per epistolam, aut per mensam. Conditio autem eorum talis est, ut vivant tanquam liberi, moriantur tanquam servi, §. ult. Instit. de success. liber. Salvianus Episcopus, l. b. 3. ad Ecclesiam Catholicam. *Jugo Latinæ libertatis addicunt, quos scilicet jubent quidem sub titulo libertorum agere viventes, sed quæ superstites habent, morientes donare non possunt, id est, moriuntur ut servi, quia testari non possunt, sed bona omnimodo sunt relinquenda patronis, et ita in l. 8. C. Theod. de liber. causa. Latini, inquit, licet servitutis necessitate solvantur, patroni tamen privilegio tenentur.* Denique Latinus vivit ut liber, moritur ut servus, ut simili forma diximus eum, qui invito patrono a Principe meruit civitatem Romanam, vivere ut civem Romanum, mori ut Latinum. Et simili forma etiam dicimus donatum a Principe libertinum jure aureorum annulorum, vivere ut ingenuum mori ut Latinum, l. 3. D. de bonis liber. l. 2. sup. de jure aureor. ann. l. unica in fi. ad legem Viselliam. Latinus autem moritur ut servus, quia bona ejus manumissor occupat jure peculii, itemque liberi manumissoris non emancipati, id est, liberi agnati, ut in l. 1. C. Theod. de petit. heredit. quæ est etiam de Latinis scripta nominatim: liberi, inquam, non emancipati, item non exheredati, qui quidem liberi, etiamsi sint a patre instituti adjunctis cohæredibus extraneis, in bonis Latinorum libertorum patris, præferuntur extraneis cohæredibus ex Senatusconsulto Largiano, ut proponitur in d. §. ult. Instit. de success. liber. Verum in hoc titulo etiam tollitur conditio Latinorum, omnesque libertini pronuntiantur esse cives Romani, unam tantum esse libertatem justam, legitimam, et plenam. Et initio hujus legis recte Haloander legit, quapropter titubatur: nam alii Codices longe aliter, quam scripturam Haloandri confirmant Basilica, in quibus ita est, *ἡ δὲ νόμος ἡ*. Ex hac autem lege, quibus modis, puta undecim, manumissi fiebant Latini, non cives, hodie iisdem modis fiunt cives Romani,

quod Justinianus in fine tituli de successione liberiorum, proficitur se introduxisse cum adjectionibus quibusdam. Quærent quid illa verba significent, *adjectionibus quibusdam*. Et non est verum, *adjectiones* vocari undecim modos relatos in hoc titulo, quibus olim manumissi fiebant Latini. hodie sunt cives Romani: nam verum est quidem, modum Latinitatis dandæ esse modum dandæ civitatis hodie, sed nullam hic video adjectionem. Non est etiam verum, quod Dominus Alciatus scribit *l. πρῆπον, cap. 16.* illis verbis, *cum quibusdam adjectionibus*, illo loco Institut. significari familiarum adjectiones, ut Cornelius Tacitus scribit *lib. 1. Historiarum*, Othonem Imperatorem Hispanensibus, et Emeritensibus dedisse familiarum adjectiones; nam constitutionem hujus tituli, si perlegamus, nihil in illa reperimus de istis familiarum adjectionibus. Hoc unum semper, modum scilicet dandæ Latine libertatis hodie esse modum dandæ civitatis Romanæ. Et idem etiam Dominus nescit quid apud Cornelium Tacitum sit familiarum adjectiones, quas scribit fuisse datas illis populis Hispaniæ cum scribit familiarum adjectionem, id est, jus succedendi suis libertis, vel suis clientibus, quod nec probaverim unquam. Et manifestius ex Livii 43. discamus licet, familias adicere, esse augere colonorum numerum: hæc sunt verba Livii elegantissima, quæ explicant hunc locum: *eo anno postulantibus a Senatu Aquilejensium legatis, ut numerum colonorum augeret, mille et quingentæ familiæ ex Senatusconsulto scriptæ, triumvirique, qui eas deducerent missi sunt.* Adjectiones autem de quibus intellexit Justinianus illo loco, dum scribit, se vias faciendi Latini, fecisse vias adipiscendæ civitatis Romanæ cum adjectionibus quibusdam: putæ dum constituit, ut per epistolam servus fieret civis Romanus, qui olim fiebat Latinus tantum, non quidem simpliciter per epistolam, sed cum hac adjectione, si epistole subscripsissent 5. testes. Et ita etiam servum manumissum inter amicos fieri civem Romanum cum hac adjectione, si hoc fiat presentibus testibus quinque, vel intervenientibus actis, quibus subscribant quinque testes. Ex sunt adjectiones, nam nudum sermonem domini inter amicos non vult facere civem Romanum, nudamque præsentiam domini: erigit præsentiam quinque testium. Sexta Synodus tamen habita in Trullo, quod fuit palatium cujusdam Imperatoris Constantinopoli, exigit tantum tres testes *Canone 85.* Recte autem manumissum inter amicos, vel per epistolam adhibitis quinque testibus, recte nam epistolam, vel ea acta, dicit esse imitationem codicillorum, quia scilicet in codicillis tot testes, scilicet quinque exiguntur, *l. ult. sup. de codicill.* Persequemur etiam

cursim reliquos modos. Latinus fiebat servus, quem dominus in adversa valetudine exposuisset, et dereliquisset, ubi convalesceret, Latinus fiebat ex edicto Claudii, de quo est *lex 2. D. qui sine manumiss. ad libert. perven.* quæ de re etiam Suetonius scripsit in *Claudio cap. 25.* Et *De ad finem libri ultimi.* Hodie fit civis Romanus servus ἀποδοῦτος duquel le maistre ne fait aucun conte: male vulgo interpretantur, quid sit ἀποδοῦτος. Sic vocatur in Basilicis, et Harmenopulo. Fiebat etiam ex Latina, quæ vendita fuerat sub conditione, ne prostituere, si prostituta fuisset contra legem venditionis, hodie fit civis Romana. Item *la ious*, aut Latina fiebat, qui quæve ex voluntate defuncti, vel heredis piliatus præcessisset funus defuncti, ut populo pateret aut videretur defunctus multos servos fuisse ab eo perductos ad libertatem captandæ falsæ opinionis, vel aucupandæ humanitatis defuncti, quæ tamen dissimulatio ita coercetur, ut qui piliatus præcessisset funus defuncti, fierent Latini, nec manerent servi. Idemque est, ut eleganter ait, si in funere quidam fuerint adhibiti servi defuncti, qui stantes ad lectum, sive feretrum, *cercueil*, ou *hiere* defuncto veluti ventum facerent: sic est explicandus locus ille, ut etiam Latini fierent constitutum erat hodie sunt cives Romani. Item si quis testamento manumissus sit hac lege ut fieret Latinus, fiebat Latinus, hodie civis. Item si pendente conditione libertatis dato testamento, servus sit manum. ab hærede vindicta, fit Latinus tantum, hodie civis, et existente conditione libertatis libertus Orcinus, deficiente libertus heredis. Idem est, si detur pretium servi domino, ut eum manumittat, quia domino non manumittente fit Latinus, hodie civis. Idem evenit, si dominus ancillam collocaverit in matrimonium libero homini, ut fiat civis Romana, quæ ex hac causa olim tantum fiebat Latina. Item, ut si inter acta, quæ eleganter vocat figuram judicii, et quæso notate hunc locum, quod sit inter acta, *au greffe*, videatur fieri in judicio, in figura judicii, si, inquam, inter acta servum suum filium nominaverit, ut hæc nominatio veluti in judicio facta civem Romanum faciat, quæ olim faciebat tantum Latinum. Ac postremo si instrumentum emptionis servi, si instrumentum servitutis, dominus servo det, quo casu etiam exigatur præsentia quinque testium, si, inquam, illis presentibus, ei reddat instrumentum servitutis, vel si coram eis instrumentum conscindat, fit civis Romanus, qui olim Latinus tantum. Eo eodem argumento legimus debitorem liberari, si creditor ei chirographum reddiderit, vel si id corruerit, et consciderit, *l. 4. ff. de pactis.* Optatus Afer libro contra Donatistas: *extorta creditoribus chirographa reddebantur.* Quod est etiam in Augu-

stini? epistola quadam ad Bonifacium. Et sic D. Ambrosius 1. Officior. est etiam illa benevolentiae liberalitas, ut si quod habes debitoris chirographum, scindens restituas, nihil a debitore consecutus debiti. Et in libro de Nabuce cap. 13. Cautionem quoque, si quam habui, debitoris, scissam sine debiti recuperatione reddidi, quomodo significat liberatum fuisse debitorem a re alieno. Quomodo etiam dicimus, liberum fieri servum reddito instrumento servitutis.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. VII. De communi servo manumisso.

Ut titulo quinto, et sexto Justinianus sua vetus abrogavit, ita in hoc titulo idem abrogat, quod scilicet olim obtinuit in communi servo manumisso ab uno ex sociis. Et eleganter lex 2. hoc tit. servum communem apud unumquemque dominum partim esse proprium, partim alienum: quod et de re qualibet communi dici potest, ut scilicet definias eam esse rem communem, quae partim est propria, partim aliena. Ideoque unus ex sociis dominis servo communi potuit legatum relinquere cum libertate, ut servo proprio, et sine libertate, ut servo alieno, ut Ulpianus quoque regularum tit. 23. scribit, servum communem ab uno ex dominis recte heredem institui cum libertate, quasi proprium, et sine libertate, quasi alienum, qui si per omnia esset proprius, si in solidum esset proprius, non posset institui, nec posset ei legari utiliter sine libertate. Et hoc idem ostendit lex 3. in princ. et lex 6. § pen. D. de hered. instit. Et eadem ratione, ut ostendit l. 2. hoc tit. servus communis ab uno ex dominis alii potuit legari, non tantum per damnationem, sed et per vindicationem, ut proprius servus. Nec enim ideo minus est proprius noster, quod sit et proprius alterius. At dubitabatur valde, an etiam servo communi unus ex dominis possit directo libertatem dare vindicta, vel testamento: nam ut alienum, id est, si servum communem accipias pro alieno, non potest ab uno domino directo manumitti, per fidei commissum potest. Sed si accipias pro proprio, potest et ab uno ex sociis directo manumitti vindicta, vel testamento: in causa libertatis, valde dubitabatur, utrum servus communis esset accipiendus tanquam proprius, an tanquam alienus: in causa, inquam, libertatis dandae ab uno ex sociis: et placebat olim unum ex sociis directo manumittendo servum com-

munem, amittere partem suam, eamque accrescere socio, qui non manumisit, auctore Ulpiano libro regular. l. 1. et Paulo 4. Sentent. tit. de manumissionibus. Igitur servus communis manumissus directo ab uno ex sociis non perveniebat ad libertatem, sed manumittentis pars accrescebat non manumittenti: denique veteres hac in re non pro libertate pronuntiabant, sed pro servitute, quod libertas non posset dividi, id est, ut qui non potest fieri liber pro parte, maneret servus. Post vero paulatim res ita processit, ut tandem sublato illo jure accrescendi, Justinianus favore libertatis statueret, servum communem pleno jure liberum fieri, optimoque jure, quem unus ex dominis directo manumisisset praestita parte pretii sui domino, qui non manumisisset, vel eo nolente accipere partem pretii, oblata ea, et obsignata et deposita in arde sacra, vel in tabulario urbis, a quo tempore pecuniae oblatae, et depositae periculum pertinet ad socium, ad eum, qui pecuniam noluit accipere, ut l. 2. in fi. hoc tit. l. acceptam, sup. de usuris: nam ea oblatio et depositio solutionem imitatur, l. 9. in fin. de solut. Atque ita socius, qui non manumisit servum, cogitur partem suam vendere, ut servus liber efficiatur ex voluntate alterius domini, et vendere, vel ipsi manumisso, vel manumissori, vel heredi manumissoris; nam et ex constitutione D. Severi, ut Justinianus scribit in l. 1. hoc tit. Marcianum retulisse in Institutionibus (sic est corrigendum, non in constitutionibus) milite testamento manumittente servum communem verbis directis, heres ejus cogitur relinere partem socii, quatenus servo competat libertas: imo et pagano manumittente servum communem, ut scribit in h. l. 1. quae valde singularis est, cum variis citat constitutiones, variasque auctoritates juris auctorum, scribit, inquam, ex alia constitutione D. Severi et Antonini socium socio manumittere volenti, compelli vendere partem suam, pretio constituto arbitrio Praetoris, ut servus perveniat ad libertatem. Regulariter nemo vendit invitus, sed favor libertatis hoc extorquet, ut socius invitus vendat partem suam alteri socio servum manumittente, ut praevalcat sententia mitioris, quam durioris domini. Et (a) scribit etiam sensisse Sextum Aelium antiquum interpretem duodecim tabularum, ut socius non manumittens manumittenti invitus vendat partem suam. Et hanc sententiam Sexti Aelii referre Ulp. 6. Fideicommissorum, et Paulum 3. Itemque Marcellum in notis ad digesta Juliani, quam ego notam Marcelli ad Julianum, id est, 30. Digestorum, adhuc residere opinor in l. 5. servus, ff. de

(a) V. de Merrill. variant. ex Cujac. lib. 2. cap. 11.

vulg. substit. Illo loco, quod si neque a patre, etc. Lex inscripta est Juliano, et agit de servo communi, quem unus ex dominis substituit filio impuberi: et hunc ait esse redimendum a patre, vel a fisco; ne inanis sit substitutio pupillaris scripta cum libertate, ut proponitur, servi communis. Et subiicit: quod si neque a patre, neque a filio redemptus sit pars servi, æquitatis rationem suggerere, ut servus pretium partis suæ offerens, et libertatem, et hereditatem consequi possit ex substitutione pupillari, mortuo impubere intra pubertatem. Hunc postremum versum dico esse notam Marcelli, cujus mentio fit in hac l. 1. quod sciam scriptis Juliano solere misceri notas Marcelli etiam non notato Marcelli nomine. Tandem vero ad extremam Justiniano placuit absolute, et protinus, ut fiat liber servus communis, quem unus ex dominis directo manumittit, sed ut compellatur partem sui pretii prestare domino, qui non manumittit, ne ea res ei sit fraudi: nam nec liber qui equam fieri debet cum detrimento alterius. Et eadem æquitas valet in specie legis duobus, ff. de liber. causa. Duo sunt socii, qui hominem vinclant in servitutem, ut servum communem, sed vindicant eum separatim, id est, separatim iudiciis, non apud unum eundemque iudicem, et evenit, ut unus vincat servum uno iudicio, alterum vincat servus altero iudicio, quid fiet? Nam homo dividi non potest, id est, non potest pro parte duci in servitutem, pro parte in libertatem: veteres statuebant ducendum esse in servitutem: sed quod puto additum in l. duobus a Triboniano ex mente h. l. 1. Commodius est, inquit, favore libertatis liberum eum esse prevalente sententia ejus iudicis, qui secundum libertatem suam dedit: sed compelli servum victori partem prestare pretii sui, arbitrio boni viri, aut sane ducendus fuit in servitutem in totum, aut in libertatem: et melius est eripi eum in libertatem: quia dividi non potest, l. alieno, §. 1. ff. de fideic. liberl. Quomohrem lex Falcidia non minuit libertatem: quia libertas est res individua, l. Papi- nianus, §. 4. ff. de inoffic. testam. Et hoc ind- duitatis magis facere debet, ut fiat liber, quam ut fiat servus, id est, ut prioriores nos faciant ad id quod est humanius, ad libertatem, quam ad servitutem. Diminutio, quæ sit ex lege Falcidia sive rescissio, divisio est, ut in l. si debitor, §. pen. ff. de fideic. liberat. si divisum fuerit fideicommissum, per legem Falcidiam scilicet, quæ fidei- commissum, et legata dividit pro quadrante, et pro doctante. Secundum hæc, quæ diximus, hodie si unus ex dominis servum communem heredem in- stituerit, vel ei legaverit cum libertate, hæreditas, et legatum pertinet ad servum, quoniam liber sit; olim acquirebatur socio non manumissori, ut nominatim

Tom. IX.

Paulus scribit §. Sent. tit. de leg. Sed si sine li- bertate eum heredem scripserit, vel ei legaverit, ser- vus erit communis inter alterum socium, et heredem testatoris, hæreditas autem tota, et legatum totum acquiretur alteri socio, quod optime probat l. ve- rum, §. si servo, ff. pro suc. l. Plautius, ad leg. Falcid. Hic non est omittendum, quo definitur in l. 2. unum ex dominis, qui partem, quam habet in servo communi, legat ipsimet servo, videri eum te- stamento manumisisse, et ideo in eo esse servanda ea omnia quæ ante dicta sunt ex l. 1. de communi servo manumisso ab uno ex dominis.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. VIII. De servo pignori dato manumisso.

Jam a titulo septimo cospit quodam modo tracta- re de his dominis, qui manumittendo servos, libe- ros eos non faciunt: nam si respicias ad jus vetus, unus ex dominis manumittendo servum communem, eum liberum facere non potuit. Huic additur alius casus in hoc tit. Puta, debitor, qui servum suum pignori dedit, vel obligavit, ut ait l. 8. nam hac in re non est differentia inter pignus et hypothecam, id est, nihil refert servus pignori traditus sit cor- poraliter, an hypothecæ oppositus nulla conventio- ne, sine traditione corporis. Et de hujus generis ser- vo ita invenio esse scriptum in reliquis regularum Ulpiani: *servum (quod notandum, ut restituatur ea sententia) pignori datum civem Romanum dé- bitor potest facere, nisi solvendo non sit*: obstat enim libertati lex Ælia Sentia, quæ vetat fraudan- dorum creditorum causa manumissum civem Roma- num fieri. Hanc sententiam Ulpian. confirmat aper- te l. generaliter, ff. qui et a quib. man. lib. non fi. quæ ait servum pignori datum pleno jure esse de- bitoris: et ideo a debitore justam libertatem conse- qui posse, id est, civitatem Romanam: nam qui pleno jure dominus est, civem Romanum facere po- test, l. 11. sup. de act. emp. id est, dominus ex ju- re Quiritum, ut veteres requirebant: is est pleno jure dominus, ut Theophilus loquitur, qui est do- minus Quiritarius: nam qui est dominus in bonis tantum, quod regulæ Ulpiani explicant, et Theo- philus ipse, qui est dominus B. i. i. t. a. r. i. u. s., ut idem loquitur, non est pleno jure dominus, et ideo civem Romanum facere non potest. Cum vero debitor ser- vi pignori dati sit pleno jure dominus, ergo, ut ait d. l. generaliter, civem Romanum facere potest, nisi lex Ælia Sentia obstet libertati, quæ datur in

fraudem creditorum. Idem etiam ostendit *lex 1. sup. de necess. hered. instit.* debitorem scilicet, qui est solvendo, posse manumittere servum pignori datum, non etiam eum, qui non est solvendo, propter legem Æliam Sentiam. Verum huic sententiæ valde obstat *lex 3. de manumis.* quæ abscise ait debitorem etiam locupletem, id est, qui est solvendo, servum pignoratium non posse manumittere, quod et probat *l. 1. hoc tit.* cujus sententiam exponamus, prius cum ea conjuncta *l. 1. in fin. de rem. pig.* quæ est eadem de re, et habet inscriptionem et subscriptionem eandem, ut inde utrique legi lux reddatur clarior. Quæstio primum est de servo dotali: servum dotalem maritus ut dominus, etiam invita uxore manumittere potest, si solvendo sit, quia *lex Julia* prohibet alienationem fundi dotalis, non manumissionem servi dotalis. Idemque juris est in eo servo, quem maritus ex pecunia dotali comparavit: nam et hic intelligitur esse dotalis, *l. res quæ, ff. de jur. dot. l. ult. h. t.* Et hunc igitur et illum servum maritus ut dominus, etiam invita uxore manumittere potest, si solvendo sit, si locuples sit: nam si solvendo non sit, libertati obstat *lex Ælia Sentia*, quæ fraudem facit doti quandoque reddende uxori, *l. servum dotalem, ff. de manumis.* Ut autem maritus locuples possit manumittere servum dotalem invita uxore, hoc verum est cum hac exceptione, quam ponit *l. 1. hoc tit.* nisi idem servus dotalis sit uxori specialiter pignoratius ob creditam pecuniam, ut in *d. l. 1. de remiss. pign.* nam hoc casu propter nexum pignoris specialem, non poterit servus dotalis manumitti invita uxore, id est, contradicente uxore: nam taciturnitas uxoris similis est consensui, ut indicat *d. l. 1. de remiss. pigno.* quæ, ut dixi, conjungenda est cum hac *l. 1.* Utraque scripta est ad Proculum servum dotalem manumissum a marito, qui tamen ob creditam pecuniam uxori erat specialiter obligatus: et ex sententia hujus legis apparet eum, qui solvendo est invito creditore, non posse manumittere servum pignori obligatum, vel traditum. Sed respondendum (ne quæ repugnantia resident inter auctores) sane manumissum ab eo, qui solvendo non est, non fieri liberum, nisi satisfiat creditori, vel nisi satis offeratur, ut *l. 3. hoc tit.* Alioquin si satis offeratur creditori, qui solvendo est, jure manumisit servum pignori datum, fecitque civem Romanum: et eadem subauditione nos uti oportet ad *l. generaliter, §. si quis servo, ff. de fideicom. libert.* Species hæc est: Debitor servo pignorato in testamento dedit directam libertatem: ipso jure non valet libertas, sed ex æquo et bono verba directa inflectentur ad fideicommissum, et perinde erit, ac si per fideicommissum is servus manumissus fuisset, atque ita perveniet ad libertatem, non tamen antequam satis factum sit cre-

ditori, et ideo Græci interpretes rectissime in illo §. supplent hæc verba, *soluta tamen debito.* Item notandum est, quod dicimus servum pignori datum a debitore inutiliter manumitti, ita verum esse, si sit pignori datus specialiter non si generaliter, ut cum quis obligat omnia, quæ habet, quæque habiturus est. Generalis hypotheca non impedit manumissionem servi, quæ est in bonis, imo nec tacita hypotheca, nec quam fiscus habet semper, *l. auferitur, §. fiscus, ff. de jure fisci.* Tacita etiam hypotheca non impedit manumissionem servi, *l. 2. et 3. hoc tit.* nisi favore pupillorum, *l. 6. hoc tit.* Sciendum est, ea, quæ tutor comparavit sibi ex pecunia pupilli, pupillo tacito jure obligata esse una cum ceteris bonis omnibus, quæ tutor habuit initio susceptæ tutelæ, ex constitutione fratrum, ut ait *lex 6. et l. 3. ff. de rebus eor. qui sub. tut. vel cura.* Unus hic est favor pupillorum, ut comparata ex eorum pecunia, tacite eis obligata sint, hoc enim idem alii non habent, in *l. 17. infr. de pign. l. licet, infr. qui pot. in pignor. hab.* Igitur plus favoris tribuitur in *l. 6. pupillis*, quam fisco in *l.* quoniam et hic pupillis tribuitur favor, ut tacita hypotheca, quæ eis competit, impediat manumissionem servi, et tacita tamen hypotheca, quæ fisco competit, non impedit manumissionem servi: nam excepto illo favore pupillorum, hæc in re est differentia inter specialem, et tacitam hypothecam: quia quodammodo creditori magis nexa sunt ea, quæ specialiter obligata sunt, quam quæ generaliter et persusorie, quæ specialiter, quam quæ tacite, ut in *l. pen. ff. in quibus causis pignus, vel hypotheca tacite contrahat.* Illud non est dubium consentiente creditore servum pignori datum recte manumitti, ut in *l. 4. hoc tit. l. qui in fraudem, ff. qui et a quib. manumissi liberi non fiant.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. IX. De servis reipublicæ manumittendis.

Servos Reipublicæ vocat servos populi Romani, vel alterius civitatis: quod ante constitutionem Arcadii et Honorii (id est, *l. generali, in fi. de tab. lib. 10.* quæ vetat servos homines per-esse, vel interesse tabulario civitatis, vel tabellis, aut actis publicis) ante eam legem, inquam, servi publici erant deputati tabulario civitatis, quod Græci vocant λογιστήριον, quod in eo subducantur rationes publicæ: proinde deputati erant rationibus, tabellis, et chartis publicis, et recte *l. 3. hoc tit.* significat,

tabul. administr. esse actum servilem: quem tamen liber homo, si velit, gerere poterit, et ita Livius lib. 34. Censores, inquit, signalis tabellis publicis, clauso tabulario, dimissisque servis publicis, negarunt se quidquam publici negotii gesturos. Sed et servos publicos in Senatu fuisse adhibitos ad acta Senatus excipienda, aut regerenda Capitolinus in Gordian's indicat, dum ait, tacito Senatusconsulto faciendo nullos interesse scribas, nullos servos publicos. Utebantur etiam servis publicis singuli cives, quamquam non singulorum ciuim essent servi, sed Republicæ: ut scilicet publici illis stipularentur, quod in rem eorum erat, et ex usu, vel ex necessitate, cum videlicet ipsi non poterant stipulari propter a-tatem, nec poterant huic rei adhibere liberum hominem, qui liber homo alii stipulatur inutiliter, nec habebant alium servum proprium, qui ipsa stipularetur, cum uterentur opera servi publici. Servus publicus unicuique ex civibus stipulatur recte, l. non aliter, de adopt. l. 2. rem pup. salv. l. orphanotrophos, sup. de episc. et cler. §. cum autem Instit. de adopt. Legi etiam apud Ulpianum in secundam Olynthiacam Demosthenis, Athen's fuisse servos publicos, peritos literarum, quos mittebant in bellum cum Imperatoribus, et Quæstoribus ad conficiendas rationes accepti et expensi: ut finito bello in reddendis rationibus veritatis eruendæ causa, de eis servis haberetur questio: qu'is non licebat torquere civem Atheniensem, sicut non licet civem Romanum: fraude autem ducis, vel Quæstoris comperita per servum publicum, tum in eum lege agebatur, non habita ratione libertatis: et hac in re præcipue utebantur servi publici bona et fideli opera: ut eleganter scripsit ille Demosthenis interpres. Servus publicus populi Romani nam habuit præcipuum, quod non habuerunt servi aliarum civitatum: nimirum jus testamenti faciendi de parte dimidia honorum, sive pecun'æ, ut Ulpianus scripsit in regulis tit. 20. Sicut is, qui se impuro flagitio turpificavit, etiam parte tantum dimidia jus testamenti faciendi habuit, ut Paulus scripsit Sententiarum lib. tit. de adulteriis. Ex Novella autem Leonis 58. servus non publicus, sed servus fisci, servus Principis, plenam testamenti factionem habet: verum ab intestato heredem habere non potest: sicut in titulo de bonis maternis docuimus, filiumfamilias in castrensi peculio testamentarium heredem habere posse, non legitimum: et pari modo virginem Vestalem. Servos autem publicos manumittendo Republica olim non faciebat cives Romanos, sed Latinos. At ex lege Vettii Lybici (sic est legendum in l. 3. hoc tit.) eos manumittendo Republica cives Romanos facit. Fuit quædam Vet-

tiorum familia Romæ: nam et Vettium Rufinum legimus, qui fuit præfectus urbi, l. 1. sup. de bonis maternis, in subscriptione: et Vettium Atticum, et Lucium Vettium, qui detexit conjunctionem Catiline apud Dionem, et hunc Vettium Lybicum. Et cum pertineret ea lex tantum ad urbem, et municipia Italicæ, deinde porrecta est etiam ad municipia provincialia, ut ait h. l. 4. Senatusconsulto facto Juventio Celso et Neratio Prisco consulibus: cujus consulatus sit mentio in l. 2. de orig. jur. Et ita cum lex Attilia de tutoribus dandis locum haberet in urbe tantum, deinde lege Julia et Titia porrecta est ad provincias, ut est in Instit. tit. de Attil. tutore, ante legem Vettii Lybici, etiam Republica servos suos manumittere poterat, sed Latinos eos faciebat; non cives Romanos, ut dixi. Varro 7. de lingua latina: habent plerumque libertini nomen a municipio manumissi. Et recte nomen a municipio: nam (ut scitis) liberti assumebant nomen patroni, ut Tyro libertus M. Tullii assumpsit nomen Tullii. Libertus autem civitatis nullum alium habet patronum, quam civitatem, aut Rempublicam, non singulos cives, l. in tantum. §. 1. de rer. div. l. sed si hac, §. qui manumittitur, de in jus voc. Sumit igitur nomen a municipio, puta ut dicatur Faventinus a Faventia, Valentinus a Valentia: in provinciis autem servi publici, ut erat cautum legibus municipalibus, et constitutionibus Principum hac forma observata, plerumque manumittebantur, puta ex decreto ordinis, et decurionum, et presidis provincæ, et in locum manumissi dato subito vicario l. 1. et 2. hoc tit. l. 1. in fi. ne quis liber inuitus act. ger. cogatur lib. 10. l. 1. de libert. univers. l. 3. de man. quæ ser. ad univers. pert. etc. Ita vero perveniebant ad Civitatem Romanam nec reduci poterant in servitutem, licet postea tabulario civitatis servissent sua sponte, vel publico gessissent alium actum civitatis, nam ex actu servili solo non possunt duci in servitutem nullo iusto titulo præcedente, l. 6. inf. de ingen. manumiss. l. 2. hoc tit. quæ lex 3. est conjungenda, ut paritas inscriptionis demonstrat cum l. 1. sup. de iure iur. annul. Ex utriusque conjunctione emergit hæc sententia, ordinem decurionum servum publicum donare civitate Romana, non etiam donare ingenuitate, non restituere eam natalibus, hoc solius esse Principis.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. X. De his, qui a non dominis manumissi sunt.

In hoc titulo ostenditur, servo alieno directam

libertatem dari inutiliter invito domino, fideicommissaria potest dari, *l. alieno, de fideicom. libert.* Directa inutilis est, et tamen venditio alieni servi valet, non quidem ut prejudicet domino servi, quia est satis illicita venditio, ut ait *l. 1. sup. de commun. rer. alienat.* Et certe non sit jure, ut ait *l. 3. sup. de rei vindicat.* non etiam ut mutet conditionem servi, sed ut nascatur obligatio inter venditorem et emptorem. Manumissio servi alieni nullam constituit obligationem, quæ facta est directo, conservator tamen libertas, quæ data est servo alieno, si dominus voluit eam revocare, id est, si dominus contentus sit pretio servi, *l. 1. hoc tit.* in qua sine articulo vel, Græci legunt ita recte, ut *pretium eorum dominis, si hoc elegerint, dependat quanti sua interest.* Unde ibi Thaleleus vocat, idem esse pretium, et id quod interest: ut non abs re quidam definiant id quod interest, pretium rei, quia certe id quod interest, plerumque non egreditur pretium rei: sed tamen aliquando egreditur, si plus intersit, quam res valet, aut emptæ est, *l. 1. de act. empt.* Interdum etiam minoris interest, quam res est, ut ostendit *l. 9. inf. ad exhibend.* id est minus utilitatis nobis adest, quam sit in pretio rei. Nam ut vere definatur, id quod interest nihil aliud est, quam utilitas, quæ nobis adest. Servi alieni manumissio directa non valet, si fiat verbis directis: hoc *l. pen.* ostendit verum esse, etiam si pater manumittat servum filii, puta castrensem consentiente filio minore 20. annis: nam manumissio non valet: sed hoc non tam quod sit alienus servus, quam quod manumissio fiat contra legem Æliam Sentiam, quæ vetat minorem 20. annis servos manumittere sine consilio Prætoris, aut Præsidis, et probatione causæ: nam in majore 20. annis aliud dicerem, quia ipse filius videtur manumittere, dum servum ejus consentiente eo pater manumittit, in cujus potestate est, sicut e contrario cum filius servum patris manumittit consentiente patre, ipse videtur manumittere *l. matrimonii, de ritu nupt.* Sed si proprietario, aut debitori manumittenti servum consentiat minor 20. annis, qui in servo habet usufructum, vel jus pignoris, manumissio valet: nec est contra legem Æliam Sentiam, quia non manumittitur servus minoris, sed alienus, *l. 2. l. si pater, §. ult. ff. de manu. vind.* In hoc proposito, quod notandum, dominum accipimus pro pleno domino, nam fructuarius non potest manumittendo servum perducere ad libertatem, quia non est plenus dominus, *l. 9. sup. de testam. man. l. 4. et 5. sup. hoc tit.* Idemque est in eo, cui relictum est ministerium servi, *l. 4. hoc tit.* ministerium est simile usufructui, *l. 9. sup. de usufr.* Nudus quoque propriarius sine consensu fructuarii frustra manumittit, sed manumittendo

amittit dominium secundum jus vetus, ut idem Ulpianus scribit *in regulis tit. 1.* et probat *lex quoties, in fin. de hered. inst. l. et servus est sine domino,* ut servus habitus pro derelicto, servus est sine domino, ut ait *l. quemadmodum §. 1. de noxal. action.* Is quoque liber homo, qui se patitur vendi ut servum, servus est sine domino, si quis sciens eum esse liberum, vendat, et cedat usufructum ejus eo patiente nam usufructus recte constitutus intelligitur. At qui mala fide hoc perpetravit, non habet dominium servi: denique servus est sine domino, *l. si usufructum, de liber. causa.* Hæc autem ex *l. 1. inf. com. de manum.* si nulus propriarius manumiserit servum, in quo alius habet usufructum, sit liber, et libertus proprietarii, sed quasi servus permanet apud fructuarium, quoad finitus sit usufructus: et ex contrario, si fructuarius manumiserit servum fructuarius in gratiam servi, manet servus, nec tamen quandiu vivit fructuarius cogitur observare dominum, non cogitur servire domino, non præbere ministerium, sed quietam agit vitam sine servitute, quandiu vivit fructuarius, qui isto beneficio ipsum donavit, ut neque ipse, neque alius eo servo uteretur, frueretur, ex constitutione Justiniani *inf. l. 1. commun. de manumiss.* Propterea addamus ex hoc titulo venditorem, et donatorem servi esse dominum, antequam servum tradat, et recte manumittere igitur eum servum, *l. 3. et 5. hoc tit. l. 11. sup. de action. empt.* Sed venditor tenetur emptori actione ex empto in id quod interest, nec revocatur libertas, quæ recte data est. Donator autem tenetur donatario condictione ex lege in id quod interest, prodita a Justiniano in *l. pen. inf. de don.* Item dominum esse emptorem, cui servus traditus est a venditore, licet eum emerit mandato alieno, et nec dum tradiderit mandatori, quæ est sententia *l. 2. hoc tit. et l. res ex mandato, de acqu. rerum domin.* Et hoc si ei servus traditus sit a venditore suo nomine, alioquin obstarat *lex qui mihi de donation.* Obstarunt et multæ alie similes, quæ sic accipiendæ sunt, ut si procuratori res tradatur nomine mandatoris, dominus fiat mandator, non si nomine proprio procuratoris ipsius, ut in hac *l. 2. et d. l. res quæ.* Legem ultimam exposuimus in tit. 1. hujus libri.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XI. Qui manumittere non possunt, et ne in fraudem creditorum manumittantur.

Jam a titulo septimo cœpit tractare de iis, qui

servos suos, vel olim non potuerunt, vel hodie non possunt facere liberos, et cives Romanos: ut quos habent communes cum aliis, secundum jus vetus, et etiam hodie, quos creditoribus suis obligaverunt, et olim quoque Respublica publicos servos non potuit donare civitate. De servis alienis, qui manumittuntur directo a non dominis, illud etiam est compertissimum, eos non perducere ad libertatem. Nunc iis adduntur hoc titulo servi principis. Imperatoris, ut scilicet non possint manumittere vicarios, sive peculiares servos suos, *l. 2. hoc tit. quavis eorum sint domini quodammodo*. Servus ordinarius est dominus servi vicarii, id est, peculiaris, quem ordinarius habet in peculio, *l. si servus meus, D. de pecul.* quod si servus Principis non potest manumittere servum peculiarem, multo minus servus privati hominis: nam generaliter verum est quod ait *l. 9. ff. qui et a quib. manum. lib. non fiant* nullam competere libertatem, ut recte in Flor. legitur, data ab eo, qui postea servus ipse pronuntiatur: denique servus non potest facere liberum, ut non dominus non potest facere domum: nec plus juris quisquam dare, quam ipse habeat. Et ita ex *l. 1. sup. de test.* intelligimus, nullum esse testam. obsignatum ab eo, qui postea servus ipse pronuntiatus est, quia servus non est idoneus testis, non est classis testis: nam a veteribus Classici testes dcebantur, qui adhibebantur in testamentis. De servo Principis dubitabatur, quia servus Principis pleraque jura precipua habebat, quae non habent servi privatorum, ut ex *Novella Leonis 38*. Servus Principis de suo peculio testamentum facere potest. Ergo et de servo peculiari, sive vicario *c'est tout un*. At inter vivos, ut significat *l. 2. servus Principis*, nec per se, nec per interpositam personam, ut ait, veluti per imaginarium emptorem, servum vicarium manumittere potest: nam in jure hoc fere perpetuum est, ut quod quis per se non potest, non possit etiam per suppositam personam, *l. aufertur, §. quod a praeside, ff. de jur. fisc.*, ne fraus fiat legibus, *l. 2. §. 1. ff. de administrat. rer. ad civitat. pert. l. quar. tur. ff. de bonis libert. l. 3. §. non tantum, ff. de donat. inter vir. et ux. l. 38. Cod. Theod. de haereticis, l. 20. C. Theod. de epis. et clericis*. Et ita etiam ut ostenditur in *l. 4. h. l.* minor 20. annis non potest manumittere servum suum per interpositam personam, ut si eum tradat servum majore 20. annis, verbi gratia ex causa donationis, vel ex causa simulate venditionis, ut eum manumitteret, ea transactio nulla est, quia fit in fraudem legis Aelia Sentiae, quae non permittit minori 20. annis servum manumittere, nisi causa probata apud consilium. Si donet, aut vendat servo alterius, qui sit major 20. annis, recte ab eo po-

terit manumitti, non si sit interpositus manumittendi causa, ut summoventur fraus, quae hac ratione fit legi Aelia Sentiae. Et hoc quoque casu cessat constitutio Marci et Commodi ad Aufidium Victorinum, ut venditus, aut donatus ea lege, ut manumittatur, cessante eo, cui servus traditus est ea lege, ipso jure fiat liber: ea, inquam, constitutio cessat hoc casu, quia neque facto ejus, cui traditus est ea lege, neque ipso jure is servus liber fieri potest, ne fiat fraus legi Aelia Sentiae, *l. verum, §. quid si minor, ff. de minor.* et duobus legibus, quae obijciuntur huic legi 4. in ea Accursius rectissime respondit, et perspicue. Ea igitur praemittam, et adjiciam quod ait *d. l. 4. ut minor 20. annis servum suum non possit manumittere per subjectam personam*, hoc esse ex S. C. quod ait factum circa legem Aeliam Sentiam: ne per se possit manumittere sine consilio, et approbatione cause, lex Aelia Sentia fecit, quae restitit consilio adolescentis parum firmo, ut eleganter ait lex 4. *D. de servis export.* Parum firmo, inquit: nam ante 20. annum non est confirmata aetas, sed a vigesimo incipit firmata aetas, quae dicitur, *l. 1. C. Theod. de iis, qui veniam aetatis impleverunt*. Et illo loco: *h. c. ubi jam firmata virum te fecerit aetas*. Ne autem idem manumittat per interpositam personam, hoc fecit Senatusconsultum, de quo in hac *l. 4.* Est aliud Senatusconsultum, quod factum etiam fuit ad istud caput legis Aeliae sentiae, quod proponitur in *l. 1. D. de officio procons.* Ut si quis apud unum consulem ediderit nomina manumittendorum vindicta, ut apud eundem expediat manumissionem, peragatque solemniter, non apud collegam, nisi is, apud quem nomina edita sunt, impediatur infirmitate, vel alia justa causa. Est etiam aliud Senatusconsultum factum ad id caput legis Aeliae Sentiae, quod proponitur in *l. si colactaneus, in fin. de manum. vind.* Justam causam manumissionis esse, si minor 20. annis velit ancillam suam manumittere matrimonii causa: hanc causam concilium Praetoris facile probaturum. Sed debere exigere iuramentum a minore 20. annis: quo juret se eam ducturum intra sex menses ex Senatuscons. Legem semel latam solebant sequi multa Senatusconsulta, quibus dubitationes ortae ex lege tollebantur. Non est praetermittendum, quod Justinianus derogavit huic capiti legis Aeliae Sentiae in *Novella 119*. Nam haec lex Aelia Sentia et testamento vetabat minorem 20. annis servos suos manumittere, et vindicta, nisi ex causa probata consilio Praetoris, vel Praesidis. At ex *Novella Justiniani* vindicta quidem non potest manumittere, nisi apud consilium, at testamento manumittere potest, modo si major 14. annorum, aut mulier 12. In hoc titulo proponitur etiam aliud caput legis

ditorum causa, *l. ult. hoc tit. l. 4. §. si quis autem, D. de filicom. libert.* Adnotamus etiam ex hoc titulo non recte manumitti, aut non recte manumissum videri servum a domino, quem populus coegit ut manumitteret, puta ut ait *l. 3. hoc titul.* actorem fabulae, histrionem, comædum, qui populo forte placuerit, servum alienum: nam plerumque ubi is, vel saltando scite, vel cantando populum oblectasset, eique placuisset, presentem forte dominum populus compellebat manumittere, quæ res nihil proficiebat manumisso, *l. si privatus, D. qui et a quibus manum. lib. non fi.* ubi etiam additur, quod est in hac *l. 3.* Divum Marcum hoc constituisse, ne quis manumitteretur ex acclamatione populi, et ut non videretur voluntate domini manumissus, quem dominus coactus manumississet, quamvis voluntatem accommodasset: nam qui coactus vult, et vult: et placet etiam quod adjicit *d. l. si privatus*, eum liberum non fieri, quem dominus mentitus sit liberum esse, ne a magistratibus castigaretur, quod non fuerit ei animus manumittendi. Ubi *ne a magistratibus*, id est, a magistratibus municipalibus, qui in servos tantum habent castigationem, non in liberos homines *l. 12. de jurisdict.* Et ita Græci hunc locum accipiunt, cum vertunt *ἐκ τῶν δημοτῶν*: nam in libris juris *ἐπαγγελλόμενοι* semper oportet interpretari magistratus municipales, sive Duumviros. Hoc vero, quod diximus de domino coacto confirmatur ex reliquiis regularum Ulpiani, in quibus ita est scriptum pereleganter: *In his, qui inter amicos manumittuntur, voluntas domini spectatur, id est, an habuerit propositum manumittendi, et sequitur: Unde si per vim coactus ab aliquo, vel a populo manumiserit, non venit servus ad libertatem, quia non intelligitur voluisse, qui coactus manumisit.* Idem est etiam, si Princeps, dum interest spectaculo, vel Prætor, dum edit ludos, coactus sit actorem fabulae, qui populo placuit, servum manumittere: namque ea manumissio nihil valet, ut legitur apud Svetonium in *Tiberio*, Tiberium rarissime interfuisse spectaculis, ne quid exposceretur, utique postquam fuit coactus, inquit, manumittere Actium Comædum invito animo suo. Et hoc esse scribit *l. 3. ex Senatusconsulto facto auctore D. Marco*, quod est ex oratione D. Marci: auctore, id est, ex oratione, ut in *l. 1. sup. de pet. l. hered. l. libertos, sup. de excusat. tutor. l. pen. sup. de magistrat. conv. niend.* Et in antiqua inscriptione, in qua est ita: *Ex Sanausconsulto, et ex auctoritate Caesaris.* Et in aliis: *Statuum poni habi'u civili pecunia publica Senatus censuit, auctore Marco Aurelio Antonino.* Et hoc intelligitur etiam placuisse D. Hadriano ex Dione in *Hadriano*, qui refert rogante populo Imperatorem, ut

servum quendam agitatoremanumitteret, Imperatorem per tabellam respondisse, id a se peti non debere, ut servum alienum manumitteret, vel ut suum invitum manumitteret, quod definit hæc *l. 3.* Et eandem legem fuisse Athenis, constat ex *Æschynæ contra Ctesiphontem*: *πᾶσι δὲ τῶν ἀπὸ τοῦ Δημοῦ ἐκ τῶν δέσποιν.* Et postremo notandum ex *leg. pen.* tutores etiam non posse præstare libertatem servo sui pupilli, nec eam quidem, quam pupillus debet præstare, puta ex causa fideicommissi, ubi recte Talelaeus, dum lex ait *nec fideicommissariam libertatem, etc.* recte notat verbum *nec* esse conjungendum cum verbo *debitam*, non cum verbo *fideicommissariam*, ne hoc videatur, dicere, nec directam, nec fideicommissariam libertatem tutorem præstare non posse, quod esset ineptum dictum, quia et recta libertas non præstatur. Et hic est finis hujus tituli.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XII. Qui non possunt ad libertatem pervenire.

Dixit supra de iis, qui manumittere non possunt, nunc dicet de iis, qui manumitti non possunt, id est, qui apud dominos perpetuam servitutem colunt, quales sunt damnati ob maleficia aliquod in vincula perpetua a Præside provincie, vel, ut ait *l. 1. h. tit.* ab eo, qui coercendorum maleficiorum potestatem habet, id est, merum imperium, puta a Præfecto urbi, vel a Procuratore Cæsaris, qui in provincia Præsidis partibus fungitur, vel a latrunculatore qui extra ordinem dimittitur in provincias ad compescendos, et coercendos, latrones, qui in Novellis vocatur *ἀγροδωκτής, persecutor latronum, et l. 35. §. quæsitum, ff. ex quib. caus. maj. r.* qui dicitur missus ad compescendos malos homines illo loco, in Basilicis uno verbo dicitur *ἀγροδωκτής*: ergo ab eo, qui coercendorum maleficiorum potestatem habet, quod merum imperium dicitur, si servus sit damnatus in perpetua vincula, nunquam potest pervenire ad libertatem, si sit damnatus in vincula temporaria, licet interim quamdiu sua poena fungitur, non potest a domino manumitti, atque adeo nec ex testamento domini capere hæreditatem, nec legatum, aut fideicommissum, quia hæc relinquuntur servis propriis inutiliter sine libertate justa, tamen damnatus

servus in vincula temporaria, postquam erit perfunctus sua poena, a domino manumitti potest: nam temporaria illa coercitio; id est, determinatio certi temporis, quo sit in vinculis, poenae abolitio est. Igitur post tempus perducitur ad libertatem potest. Et hæc est sententia *l. 1. h. t.* quæ tribuitur Divis fratribus a Papiniano in *l. fratres, ff. de pœnis*. Unde opinor in inscriptione *l. 1.* sic esse legendum. *Imp. Antoninus et Verus Augusti*: ii sunt Divi fratres, vel, ut in quibusdam libris, *Imp. Antoninus Augustus*, suppresso nomine fratris, ut sæpe fit alias: et similiter in subscriptione hujus legis, hoc modo. *Da'ta XVI. Kalend. Julias, ipsis Antonino et Vero Augg. Coss.* Unde quem initio hujus legis Imperator vocat patrem suum, is est Antoninus, Pius, non Claudius, quod nomen perperam quidam supposuerunt. Et sic notare licet ex hac *l. 1.* servum damnatum in vincula perpetua, vel temporaria non fieri servum poenæ, sed in dominio, et potestate ejus remanere, cujus fuit, antequam damnaretur in vincula, cum, lex dicat ab suo domino, cum non posse manumitti quamvis est in vinculis. Et longe aliter hoc est, quam si servus damnaretur in metallum, vel in opus metalli, vel in arenam: nam fieret servus poenæ et desineret esse servus ejus, cujus fuit antequam damnaretur: adeo ut nec si postea beneficio Principis ea poena liberetur, redeat in potestatem prioris domini: sed desinit esse servus poenæ, qui liberatus est poena ex indulgentia Principis, et fit servus fisci: aliud enim est esse servum poenæ, aliud servum fisci. Et hoc ostenditur in *l. aut damnum, in fin. ff. de pœnis, l. frustra inf. de pœnis*. His vero servis, qui sunt damnati in vincula perpetua adduntur in *l. 2. hoc. t.* servi testatoris, vel heredis, quos testator in testamento suo manumitti vetuit poenæ causa: ille poenæ causa nam: (ut ea lex ostendit) si vetuit servum manumitti, ut filio suo consuleret cui opera ejus servi valde erat necessaria, mortuo filio poterit pervenire ad libertatem, si ei supervixerit: at si poenæ causa testator enim manumitti prohibuerit, in perpetua servitute morabitur, nec per suppositum emptorem fiduciarium, qui scilicet eum redimat manumittendi causa nummis ipsis servi, poterit manumitti, ut hæc lex ait in fine, quæ ita explicanda, et probat *l. 4. §. in illis, D. de manumis. l. 7. sup. tit. 2. h. libri*. Sed dicto *§. in illis* videtur adversari eiusdem leg. *4. §. sive autem*, quod explicatu dignum. Sciendum est, servum, quem emptor imaginarius ab eo suppositus, redemit a domino, nummis ipsius servi, ejus conditionis esse, ut omnino manumitti debeat ab emptore illo fiduciario, cujus fidem est secutus, et qui de sua pecunia eum non redemit, sed de pe-

cunia servi: et hoc jus est ex constitutione Divorum fratrum ad Urbium Maximum, cui tamen non est locus, si ejus conditionis sit servus ille, qui suis nummis redemptus est, ut in totum non possit perducitur ad libertatem: nam nec ab emptore fiduciario perducitur poterit, et cessat hoc casu illa constitutio fratrum, quæ est sententia *§. in illis*. At in *§. sive autem*, ait, servum venditum emptori suppositio et imaginario ea lege, ne manumittatur, quæ lex solet etiam irrogare perpetuam servitutem, tamen benignius esse, ut debeat manumitti ab emptore fiduciario, qui tantum nomen suum ei accommodavit, et cui præterea nihil abest ob emptionem servi, id est, qui de suo nihil erogavit: ergo interveniente etiam emptore fiduciario locus est constitutioni fratrum, ut scilicet libertatem adipiscatur: ita ille *§. cum illo pugnare videtur*. Sed distinctio rem aperiet facillime, quæ talis est. Si emptori fiduciario, sive imaginario, et servo vendito nunc primum in venditione ea lex irrogetur, ne manumittatur, benignius est dicere, ut tamen manumitti debeat a fiduciario emptore, cujus fidem secutus est, et cui eo nomine nihil abest, ut *id. §. sive autem*. Sed (hæc est altera pars distinctionis) si personæ servi ea conditio, ne manumitteretur cohereret apta et colligata fuerit, antequam supponeret emptorem imaginarium, a quo redimeretur suis nummis: sane hoc casu neque ab illo emptore, neque ab alio ad libertatem perducitur potest: nec hoc casu locus est constitutioni fratrum ad Urbium Maximum ut in *dict. §. in illis*. Et secundum hæc iis, qui testamento domini prohibiti sunt, ne unquam manumitterentur, addere etiam licet eos, qui in perpetuam servitutem venerunt, id est, ea lege, ne unquam manumitterentur, quæ lex imponitur, et coheret personæ servi. Idemque est, si quis servus ob aliquod delictum a Præfecto urbi, vel Præsede provincie prohibitus sit manumitti, *l. servus hac lege, D. de manum. l. ille, §. ult. D. qui et a quib. manum. lib. l. servum filii, §. si idem. D. de leg. 1. l. pen. sup. si mancip. ita fuer. alien. etc.* Adhuc etiam servum venditum ea lege, ut exportetur, ex *d. §. in illis*: nam servus, qui venit exportandus, eo loco unde exportari jubetur, nunquam potest manumitti, vel si manumittatur, servus sit fisci, alibi potest manumitti, quia ea lege non omnino vetatur manumitti, sed si manumissus alibi redeat, unde exportatus est protinus etiam sit servus fisci, id est, venit in perpetuam servitutem fisci, *l. 1. sup. si servus export. ven.* Ex qua interpretandus vobis est *d. §. in illis*, quo loco agit de servo exportando. Et hi quidem sunt servi, qui ad libertatem pervenire non possunt.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. XIII. Pro quibus causis servi pro præmio libertatem accipiunt.

In hoc titulo additur exceptio superiori titulo, ut scilicet, qui non possunt manumitti, id est, qui perpetuæ servituti addicti sunt, quandoque manumittantur: puta libertate publice data pro præmio: ubi intelligere oportet, pro præmio indicii: quod servos, qui alias manumitti non poterat, indicaverit crimen, cujus indicium maxime pertineat ad Rempublicam, et utilitatem communem, ut si servus indicet eandem domini sui vel arguat eum perpetuo addictus fuerit, tamen hoc casu sententia prætoris, vel præsidis libertate donari potest quod *l. 1. h. t.* ait esse ex Senatusconsulto, et constitutionibus. Et præcyludubio intelligit Senatusconsultum Syllanianum, ex quo servus qui indicat et arguit necem domini sui pro præmio indicii consequitur libertatem, licet perpetuæ servituti addictus fuerit, *l. 3. §. si quis ex stipulatu, et li quoque, D. ad Senatusc. Syllan.* In eo Senatusconsulto erant illa verba, *indicasse, vel arguisse.* Ideoque recte *l. indicasse, D. de verb. signif.* refertur ad Senatusc. Syllanianum, quæ *indicasse* interpretatur esse delulisse reum cordis. *Arguisse* autem interpretatur esse accusasse reum cordis et conviciasse: nam ex hac causa servus potest accusare, qui regulariter non agit, neque accusat in judicio. Ideoque *l. 1. h. t.* exigit, ut reum cordis domini convincat incorruptis probationibus, id est, liquidis et veris: et ut adversus eum consistat strenuo nisu, ut ait. si velit pro præmio consequi libertatem, non dicis causa, non perfunctorie. Unde recte, ut in *d. l. indicasse*, Antoninus Augustinus vir politissimus in *d. l. 3. §. utrum, ad Senatusc. Syllan.* pro *vindicasse*, legit *indicasse*, vel *arguisse*: quæ erant verba Senatusconsulti: eademque ratione sum auctor vobis, ut in *hac l. 1. pro vindicant*, legatis *indicant*: nam et idem verbum est, quod scilicet idem pollet in metaphrasi Græca hujus legis, ὁ δούλος καταμνήσας τὴν σφαγὴν τοῦ δεσπότου: non dicit *ἐνδύχσας* id est, *vindicans*, sed *καταμνήσας*, id est, *indicans* quod est verbum Senatusconsulti: eodemque loco libertatem, quæ ob fidem suam erga dominum servo datur, vocat *ἐπαθλον τῆς μνήσεως*, id est, *præmium indicii.* Et sic etiam in *l. 1. sup. de precib. Imp. offerend.* (quæ est conjungenda cum hac *l. 1.* ut monet paritas inscriptionis et subscriptionis, et res eadem, quæ agitur in utraque)

Tom. IX.

pro *vindicanda*, scribendum *indicanda*, ut retineamus Senatusconsulti verbum. Idem monendum etiam insidet hodie alia in re in *l. deferre, §. sed communem, D. de jure fisci*, ubi legitur *deferre*, id est, *vindicare*, *ce n'est pas cela*: sed *indicare*. Sed pergamus. Non est omitendum quod in lege *1. servum*, qui indicavit, vel coarguit necem domini sui, pro præmio indicii accipere libertatem non ex ipso facto, id est, ipso indicio: sed adito prætore, vel præsido ex sententia ejus: quod etiam exigit *l. veris alieni, D. ad l. Fulcid.* et *l. si necem, D. de bonis libert.* quæ etiam ostendit eum ita manumissum sententia prætoris, vel præsidis fieri libertum orcinum, id est, defuncti, cui eum fidem exhibuit, ut in *l. 3. ff. qui sine manu. ad libert. perven.* Et quod ait *hæc l. 1.* non ex ipso facto, puto ex hoc loco duxisse, quod ajunt doctores frequenter, quædam ipso facto vires obtinere, vel amittere sons: ut cum dicunt ipso facto, id est, ipso ingressu monasterii: quod etiam est in *Nov. de Monachis*, quem devovere monasterio se, et sua ipso facto, id est, ipso ingressu: nec tamen verum est quod putant, quodque h'c scripsit Accursius, idem esse ipso jure, et ipso facto: nam ipso jure, id est facto ullo, et sine sententia judicis, ut ostendit *l. 1. sup. de locat.* Et his, quæ dicuntur fieri ipso facto, potest addi *l. palam, §. ult. de ritu nup.* quæ dicit deprehensam in adulterio, etiam si non sit damnata adulteri, esse infamem ex lege Julia et Papia. Cur ita? quia, inquit *lex factum notavit, non sententiam his verbis: quæ in adulterio deprehensa fuerit, ut notata sit*, et non exigit sententiam: denique vult eam ipso facto infamem fieri. Est etiam servus liber pro præmio indicii, si raptum virginis indicaverit: quem forte improbiissimi parentes, quorum maxime ultio intererat, omiserint, vel silentio, vel depectione, id est, pactione turpi: nam et hic servus propter indicium publice accipit libertatem, ex *l. 3. hoc tit. ubi libertate donetur*: cum esset in Codice Theodosiano, unde sumpta est, *Latinitate donetur*: quia hodie sublata est Latinitas, ut dixi. Turpis est illa pactio, qua parentes injuriam puellæ factam remittunt; adeo ut et deportatione plectantur, qui eam remiserint, ex lege Constantini, *l. 1. C. Theodos. de raptu virginum*: quam confirmat etiam hac in re Justinianus in *l. un. §. pen. inf. eod. tit.* Ac præterea ea pactio, quam habuit reus cum parentibus virginis non extinguit crimen raptus, ut non possit scilicet alius id inferre reo, sive raptori: reo quidem raptus (quod notandum) pacisci licet cum accusatore: quia est capitale crimen, id est, quod insert pœnam sanguinis: et omnis est honesta ratio redimendi sanguinis, *l. transigere, sup. de transact.* Sed habita ea pactio in-

ter datus, non tenet alios, qui cum reo idem non pepigere, nec repellit eos ab accusatione publici iudicii, *l. 5. §. ult. ad leg. Jul. de vi public.* Et hæc est una differentia inter adulterium, et raptum: nam de adulterio pacisci non licet, *d. l. transigere*: quævis hodie sit capitale ex lege Constantini, *l. quævis, in fin. inf. ad l. Jul. de adulteriis*: quia scilicet lege Julia non fuit capitale, et de crimine non capitali transigere non licet, atque pacisci. Et Constantinus, qui adulterium fecit capitale crimen et in eo derogavit legi Julæ: non tamen ei legi derogavit in eo, quod obtinuit ex ea, ut de adulterio transigere, vel pacisci non liceret. Quod nominatim non derogatur, manet. Et hæc est ratio excepti adulterii in *d. l. transigere*. Est etiam alia differentia: nam adulterii crimen finitur quinquennio: raptus crimen est perpetuum, *d. l. 5. §. ult.* Item raptus punitur lege Julia de vi publica: adulterium lege Julia de adulteriis. Etiam addimus ex *l. 4. pro premio indicii servum consequi libertatem*, qui in publicum detulit desertorem militiæ: et conjungenda est cum *l. 1. inf. de desertorib.* ut suadent inscriptiones, et subscriptiones pares: quæ lex ingenuo homini indicii desertoris militiæ, pro præmio dat immunitatem tributorum publicorum: servo autem libertatem. Et ita etiam ingenuo homini indicanti reos falsæ monetæ datur immunitas, in *l. 1. inf. de falsa moneta*, servo autem datur libertas, in *l. 2. hoc tit.* quæ est conjungenda cum *d. l. 1.* sed ut ait *l. 2. hoc casu*, quo servus indicat reum falsæ monetæ, si publice libertatem acceperit pro præmio indicii, fiscus domino ejus debet refundere pretium servi, nisi ipsum dominum detulerit reum falsæ monetæ: quod potest in *l. vi. D. de judic.* At si alium detulerit et conarguerit publice, pro præmio indicii donabitur libertate, domino ejus reddito pretio ex ærario: quod obinet etiam secundo et tertio casu, quo diximus servo præmium indicii esse libertatem, ut scilicet his tribus casibus debeat domino reddi pretium servi de publico: et adjici potest quartus casus ex *l. unic. inf. de mulieribus*, quæ servo proprio se junxerunt ut si quis servus deferat comminationem domine cum servo proprio, quæ sanctissima est, pro præmio indicii, ut Apulejus loquitur, pro præmio indicii accipiat libertatem, reddito scilicet pretio servi: et ita etiam leges apud Livium *lib. 24.* Cum Tiberius Sempronius Gracchus heros esse jussit servos, quorum opera prospere pugnaverat adversus Pœnos ad Beneventum, Tribunos mensariis dominis pretia servorum reddidisse. Idem leges apud eundem *lib. 32.* de duobus servis, qui detulerunt conjurationem servorum de solvendis Carthaginensibus obsidibus, pretium servorum ex Senatusconsulto manumisso-

rum ex ærario dominis fuisse redditum. Et invenies similem legem apud Platonem *11. de legib.* δοῦλος δὲν μανίας ἢ ἀεὶδερος ὑπὸ τῆς πόλεως ὀρῶν γίγνεται ἀποδιδόντος τῷ δεσπότῃ τὴν τιμὴν: servus, inquit, qui crimen illud, de quo agit, detulerit, recte fiat liber, et civitate reddito pretio domino at in primo casu posito in *l. 1. hoc tit.* quo servus, qui indicavit eandem domini, publice donatur libertate, non est æquum ut fiscus hæredi refundat pretium servi: imo si lex deficeret, hæc servum deberet hæres afficere præmio libertatis, ut non possit honeste a publico reposcere pretium servi: idem etiam procedit in casu *l. 1. sup. de Christian. mancip. paganus, vel Judæus habeat* ubi si servus Christianus, quem aliqua ex causa acquisivit paganus, vel Judæus, vel hæreticus, eam rem in publicum detulerit, fit liber: nam et eo casu domino, qui deliquit in acquirendo servo, non est æquum reddi pretium: idemque procedit in casu Novellæ de Eunuchis: si quis servo suo exsecuerit virum, ut et servum amittat, et pretium servi.

JACOBI CUJACII J. C.

In L. b. VII. Codicis

RECITATIONES SOLEMNES.

Ad Tit. XIV. De ingenuis manumissis.

In hoc titulo agitur de ingenuis hominibus, qui manumittuntur ut servi ab iis, qui existimant, aut fingunt se esse dominos: quæ res libertinos non facit, id est, non officit ingenuitati eorum, ut si filius ex imaginaria servitute a patre manumittatur, *l. 3. D. de capite minut.* Hoc modo liberatur quidem patria potestate, sed ingenuus manet, nec fit libertinus. Item ingenuus, qui non ex justa servitute manumissus est, non fit libertinus, non omnis manumissio libertinum facit. Non justa libertas est, ut eam definiam, cujus titulus, sive causa non legitima, vel non vera est: ut non justa servitus est, si infantem expositum et projectum extuli et educavi: neque enim possum eum jure retinere in servitute ob sumptus educationis, et proprietatis præmio, quæ usus sum eum efferendo, quem parentes projecerant, *l. 2. hoc tit. l. 3. inf. de infant. expos.* quod tamen olim non obtinuisse significat *l. 1. C. Theod. de exposit.* et Seneca controversia 33. Item non justa servitus est, vel non est justæ servitutis argumentum, si quis ingenuus ultro mihi exhibeat obsequia, officia, ministeria servilia, *d. l. 2. hoc tit. l. 23. inf. de liberali causa.* Etiam si mihi iis serviat longissimo tempore, scienti,

vel ignorant conditionem ejus: nihil refert, vel sciens ipse quasi liber, ut *l. 16. eod.* vel ignorans, quasi servus, id est, opinione servi, quia liberos homines, neque usucapio neque possessio ullius temporis servos facere potest, *l. 6. hoc. tit. l. ult. in c. de long. temp. præscrip. quæ pro libert. vel advers. liber. oppon.* Denique nulla possessio hominem ex libertate, vel ingenuitate perducit ad servitutem: non etiam mutatio nominis, si quis adsumat, vel si cui imponatur nomen servile, ut in *l. 10. hoc. tit.* non confessio, aut confessio nulla, si quis ignorans profiteatur, aut fateatur se esse servum, vel etiam si paciscatur ut pro servo habeatur, ut sit servus: nam ex pacto (quæ est regula juris) non nascitur obligatio. Et hæc omnia ostenduntur in *l. 6. et l. parentes, et l. post certi, inf. de liberali causa.* Plagum etiam ingenuum servum non facit jure, id est, si quis veneat ut servus: itemque si in dotem detur ut servus, vel ancilla: vel si ut ancilla detur sponsalium nomine, id est, vice sponsalicii muneris, ut *l. 12. et ult. hoc. tit. l. 12. inf. de lib. caus. et l. 16. eod. tit. l. 2. sup. ubi de criminib. agi oportet.* Non est etiam in justa servitute is, qui cum esset libertinus, liberali judicio contendit se esse ingenuum, et superatus est, non prolatis idoneis probationibus ingenuitatis, namque ideo non amittit pristinam libertatem, id est, libertinitatem, nec fit servus: quia non videtur renuntiasse libertinitati, qui contendit se esse ingenuum, *l. pen. hoc. tit.* sicut non videtur renuntiasse possessioni continuo, qui egit rei vindicatione adversus alium tanquam possessorem, *l. naturaliter, §. nihil commune, de acquir. possess.* Non videtur renuntiasse legitime hereditati, qui hereditatem vindicavit ex testamento, *l. mater, D. de inoffic. testam.* Et ita recte non continuo videtur renuntiasse libertinitati, qui in ea fuit, qui ex ea proclamavit ad ingenuitatem. Is quoque ingenuus homo, qui operas suas locavit mercenarius, propterea jure servus non fit, *l. 11. hoc. tit.* licet loco servi habeatur: nam in jure hoc est certum, mercenarios, quibus hodie utimur, esse servorum loco; et plerumque quæ de servis statuta sunt servari in mercenariis. Et ita quod *l. 4. D. de usu et habit.* liberos homines, ait, esse loco servorum, ii sunt liberi mercenarii, ut constat ex Theophilo in *§. 2. Instit. de usu et habitat.* Et similiter in *l. 1. §. familiar, D. de vi et vi arm.* qui dicuntur esse servorum loco, ii sunt mercenarii liberi homines, ut constat ex *§. si filiusfamil. ejusdem l. 1.* Denique mercenarii loco servorum sunt: quæ de causa si mercenarius furtum fecit ei, cui operas suas locavit, non nascitur actio furti: quia est furtum domesticum, et quasi servi furtum, quod privatum ab ipso domino vindicari potest: nec solet

publice vindicari, nisi sit gravissimum furtum, *h. si libertus, D. de furtis, l. perspicendum, §. furti, D. de penis.* Unde apparet, quod jus nos habeamus in servos nostros mercenarios, id est, liberos mercenarios: de quibus etiam Varro *l. de re rustica* hoc modo. *Omnes agri colantur hominibus servis, aut liberis, aut utrisque, id est, alii sunt coloni servi, alii liberi coloni; quæ etiam divisione utitur titulus de agricolis, et censitis, inf. lib. 10.* Sequitur in Varr. *liberis, aut mercenariis* (inquit) *cum conductitis liberorum operis majores res, ut vindemias, ac fœntisicæ administrant: ique, quos obœratos nostri vocitant: et etiam nunc sunt in Asia, ac in Ægypto, et in Illyrico complures.* Et quos Varro ait fuisse vocatos obœratos, ii etiam sunt liberi homines, qui etiam nexi dicuntur, et addicti, qui scilicet ob æs alienum creditoribus serviunt, aut serviebant olim: nam hoc ne fieret in urbe postea fuit cautum primum rogante Cajo Roetelio, ut idem Varro ostendit *l. 6. de lingua Latin. et Livius 8.* Sed adhuc, ut supra dixit, in Asia, Ægypto, et Illyrico, nos illo permanserat, ut obœrati creditoribus servire compellerentur: quod merito tollitur in *l. ob æs alienum, sup. de obligat. et act. ut ob æs alienum* liberi homines creditoribus servire non compellantur. Serviebant creditoribus, non etiam servi erant: sicut retro olim quidam erant servi, nec tamen dominis serviebant: ut manumissi inter amicos ante legem Julianam Norbanam, prætoris non permittente, ut ii servitutem servirent: atque ita aliud est servire, aliud servum esse: aliud esse in servitute, aliud servum esse: nam et liberi homines serviunt, et ingenui. Sicut in jure aliud possidere, et in possessione esse, et aliud possessorius esse: unde in *l. uxori, §. ult. D. de usufructu leg.* si testator ita dixerit: *Stichum illi servire volo,* non videtur legasse proprietatem Stichi, sed ministerium tantum, vel usufructum: nam aliud est servire, et servum esse: nam, ut dixi, et liberi homines serviunt, atque ingenui: justa autem servitus est: servitus venæ, id est, domini ex ancillis nostris: servitus ejus, qui bello captus est justo, quod geritur adversus hostes, cum quibus sunt jura postliminiorum, jura captivitatum: justa etiam est servitus, si quis homo liber major 20. annis prodât libertatem suam, id est, si ignaviter se venire patitur ad pretium participandum. Dico *major 20. annis*: nam ut minor 20. annis sine concilio prætoris, aut præsidis non potest dare libertatem: ita non suam amittere ut eleganter ait *l. 16. inf. de liberali causa.* Item justa est servitus, si quis liber homo ob aliquod delictum servus fiat pœnæ, ut si damnetur in metallum, ad turemes, si in arenam, in ludum venatorium; vel

s. libertus ex causa ingratitudinis retrahatur in servitutem: vel etiam si civis Romanus, ut olim obtinuit, in census, id est, ob non relatum nomen suum in censum venierit sub hasta, quod Ulpianus probat libro *Regularum tituli de tutelis*, et M. Tullius ad finem orationis pro *Cæcinnæ*: et Dionysius Halicarn. lib. 4. Fuit etiam justa causa ingenuum mulieris redigende in servitutem ex Senatusconsulto Claudiano, de quo in *tit. 24. inf.* si ea nupsisset servo alieno: et qui ex justa servitute manumittuntur; ejus exempla dedi, proposuive formas; hi sunt libertini, non qui manumittuntur ex servitute imaginaria, non qui ex nexu, non qui ex non justa servitute, ingenui autem sunt (nam et hoc ut exponamus hic titulus postulat) qui nascuntur ex ingenuis, vel etiam libertinis: patris libertini filius est ingenuus, *l. 11. sup. de o. eris libertor. l. 9. hoc tit.* vel etiam qui ingenui pronuntiati sunt, licet revera non sint ingenui: quia res judicata pro veritate habetur, cui nullum vitium obijci potest, scilicet, ut in *l. 3. h. t. l. ingenuum, D. de statu homin.* Et hoc si contradictio iudicio ingenui pronuntiati sint, id est, in contradictione, videlicet consistente adversus eos justo contradictore adversario, qui se diceret patronum, vel dominum, ut in *l. 1. hoc tit. l. 3. D. de collusione detegenda*: qui de ea re contenderet strenuo nisu, non lusorie, non perfunctorie: alioqui res judicata pro veritate non habetur, quæ non est adhibito justo et vero contradictore iudicata. Nec omittenda est sententia ejus Senatusconsulti, quod proponitur *l. 1. hoc tit.* ut si quis sit testamento manumissus, is possit a die manumissionis, id est, ab adita hæreditate defuncti proclamare ad ingenuitatem agnitis natalibus suis, atque comperitis intra quinquennium, vel etiam post quinquennium ex magna causa repertis novis probationibus ingenuitatis, et insperatis, ut in *l. 2. §. ult. D. si ingen. esse dicatur, et l. ultim. sup. ubi causa status, etc.* Et ita si fuerit pronuntiatus ingenuus consistente adversus eum justo contradictore, plane manumissio nihil ei officiet: sed ex Senatusconsulto ita qui agnovit, recepitque natales suos, debet omnia, quæ accepit ex domo, aut familia manumissoris in ea relinquare, etiam legata, quæ ei relicta sunt ut libertis: atque ita potest ingenuitate ex Senatusconsulto, ut dixi: ejus sententia etiam refertur in *l. 3. D. si ingenuus esse dicat. l. de bonis, de liberali causa.* Hi sunt, qui dicuntur ingenui: ne autem existimes ingenuum facere persequi adversarii: ut puta si is, qui libertino fecit controversiam status, dicens se esse dominum, et eum vindicans in servitutem, si, inquam, pendente iudicio desistat, nec adsit cognitioni de statu, nec perstet cognitioni de statu, non ideo ingenuus

pronuntiabitur qui non probat se esse ingenuum: sed idem erit qui fuit ante, puta libertinus, et hoc ostendit *l. 7. hoc tit. l. divi, §. 1. D. de liberali causa*: pactio etiam, vel transactio non est modus faciendi ingenuum, sicut nec faciendi servum, aut libertinum, *l. 8. hoc tit.* Ad hæc notandum est, eum, qui ingenuus est, etiam non amittere ingenuitatem, si bello civili capiatur: nam in bellis civilibus jura captivitatum, et jura postliminiorum non servantur, *l. si quis, §. ult. de capt. et postlimin.* Ideoque captus bello civili, proprie non est captivus: quia nec servus est ejus, qui eum cepit. Captivi sunt servi: quapropter si forte captus bello civili velut e præda sub corona veniat ut captivus, ea res nihil officit ingenuitati: et eleganter *d. l. si quis, §. ult. In civilibus dissensionibus* quæ est ratio superioris sententiæ licet per eas *Respublica lædatur*: non tamen partes contendere in exitium *Reipublicæ*: et ita M. Tullio in Oratione pro *Q. Ligario*. *Non hostile odium fuit, sed civile dissidium, utrisque cupientibus Rempublicam salvam*: et *3. Catilinaria*. *Civiles dissensiones erant hujusmodi, quæ non ad delendam, sed ad commutandam Rempublicam pertinerent.* Et paulo post, iisdem verbis, quibus *d. l. si quis utilis*. Atque ita tamen omnes dissensiones: quarum nulla exitium *Reipublicæ* quæsit. Et similiter Plato in *Epitaphio*: πρὸς τὸ ἐμφύλιον μέχρι νεκρῶν πόλεως: πρὸς δὲ βεβήκοντες μέχρι διαφθορᾶς, id est, in bello civili ad victoriam tantum usque certandum esse, nec ita indulgere propriæ iræ, ut *Respublica passum eat*: at in bello, quod geritur cum hostibus, id esse gerendum usque ad interfectionem, μέχρι διαφθορᾶς. Et ex his nunc plane intelligemus, quod non est assecutus Accursius, quod est in *l. 4. hoc tit.* dominatione factionis *Palmirenæ*: factionem vocat rebellionem, et civile bellum. Fuit Palmira urbs Syriæ Parthis finitima, ut habetur etiam in *l. 1. D. de censibus*: in ea orta est *Valeriani Augusti* temporibus civilis dissensio adversus *Rempublicam* populi *Romani*, auctore *Odenato* et *Zenobia*, uxore ejus fortissima, et nobilissima, et speciosissima, ut auctores scribunt, quæ tandem fuit victa, et triumphata ab *Aureliano Imperat.* qua de re *Zosimus lib. 1.* et *Trebellius Pollus in Odenato, et in Zenobia*, et *Florent. Vopiscus in Aureliano*. Nunc hæc est sententia *l. 4.* Quidam tempore factionis illius *Palmirenæ* fuit factus velut captivus, inquit, recte velut: quin factio non facit captivum: bellum civile non facit captivum, sed bellum hostile tantum, et fuit distractus ut captivus: ea res, inquit, non officit ingenuitati: sed notandum maxime est: pro natum, esse legendum factum, ut in *Basilicis*, et in anti-

quis omnihus , ut non dicat esse natum ingenuum ,
quanquam et natus forte fuerit ingenuus : sed fuisse
factum velut captivum : unde et interpunctiones
ita sunt emendande , ut post ingenuum ponatur si-
cilius , subdistinctio , id est , virgula , et sic po-
natur , *factum velut captivum* : subdistingue etiam
illud *captivum* : quia non est captivus proprie : et
sequitur , *cum distractum eum dicas , etc.* Et illud
etiam non est omitendum , quod novissime consti-
tuit Justinianus , ut omnes libertini ingenui sint in
Novella 78. ut jam manumissio non faciat ullum
libertinum , sed omnes faciat ingenuos , salvo tamen
jure patronatus , quod non est absurdum , ut in-
genuus homo habeat patronum : nam et clientes ,
quos habebant Romani , qui vocabantur patroni
erant ingenui homines , aut esse poterant . Manu-
missi igitur hodie sunt ingenui , habentes patronum
tamen , cui debeant patronatus jus conservare inte-
grum et illaesum , nisi eis patronus remiserit . Non
est etiam (et hoc erit postremum) omitendum ,
quod habet *l. 5. diffamari , hoc tit.* qua utuntur
in plerisque provinciis hujus regni cives provincia-
les : atque etiam in Germania : ne a quoquam dif-
fametur status ingenuorum hominum , vel errore ,
vel malitia : et sunt literæ , quæ dicuntur dari se-
cundum formam *legis diffamari* , quas tabelliones
habent affixas ad postem , ex quibus licet convenire
eos , qui diffamant statum nostrum , et qui dicunt
nos esse servos , aut libertinos , et falso nobis ad-
serere libertatem , sive ingenuitatem , qui nos dicunt
esse ignobiles , vel spurios , vel quaquam alia ratione
diffamant existimationem nostram , ut qui dicunt
nos concilia agitare contra Reipubl. vel aliquid
aliud : si possunt in jus vocari *ex lege diffamari* ,
ut scilicet , qui infamia illos afficit , vulgo sparso
falso rumore veniat in jus , et probeat liquido ita
esse , ut sparsit in vulgus si non veniat , ut de-
inceps absteineat a diffamia (hoc verbo D. Augu-
stinus utitur , dum in Senatore ait esse diffamiam ,
si pecuniam fœnore occupet) ergo vocatus in jus
audietur , si quidem velit probare verum esse id ,
quod sparsit in vulgus : sed si non veniat , etiam
absente eo , pronunc abitur ut temperet ab injuria :
nam in absentem lata sententia valet , licet nun-
quam fuerit , litem contestatus , si fuerit absens ex
contumacia , ut *l. 4. et l. justa , inf. de liberali
causa , l. 1. inf. quom. et l. qu. jud. sent. prof. deb.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XV. Communia de manumissionibus.

In Basilicis, καὶ περὶ Δυστορίαν, non male di

ceres xavá, et xavá: quia omnes, quæ in hoc titulo proponuntur, sunt Justiniani constitutiones novæ, quæ jus vetus abrogant: sed et omnes sunt communes, omnibus manumissionibus, ut ait *l. 1. §. ult. et l. 2.* sive fiant apud magistratum, qui tribunali præest, veluti prætorem, aut consulem, aut proconsulem, vel apud magistratum municipalem, licet non habeat tribunal, cum et de plano manumissio expediri possit, *l. non est, D. de manumissis vindicta*: modo habeat legis actionem ut exposuimus in *tit. 1. hujus libri*: sive etiam fiant manumissiones in Ecclesiis, teste populo, et signatore Episcopo, quo de genere manumissionis actum est *libro primo, de iis, qui in Eccl. manumittuntur*: et de eo agitur in Concilii Africani primi *Canone 31. et 49.* sive fiant in testamentis, vel codicillis directo, aut per fideicommissum, sive alio legitimo modo, quales multi relati sunt *sup. tit. 6.* Ac primum quidem valde novum est, quod proponitur initio *l. 1.* ut servus manumissus a nullo proprietario sit liber, et tamen serviat fructuario ut mercenarius, et oberatus, est liber, et servit tamen: et contra ut servus manumissus a fructuario sit servus, nec tamen serviat domino, quamdiu durare potuit ususfructus in persona fructuarii, qui eum manumisit: ut olim inter amicos manumissus, vel manumissus a peregrino erat servus, nec tamen prætor eum servire permittebat domino suo: quod plane indicat (ut dicebam nudius tertius) quam hæc duo sint diversa, servire, et servum esse. Et eleganter Quintilianus *declamat. 111.* *Quid enim lex dicit? addictus donec solverit serviat, ut opinor, non servus sit. Plurimum autem refert, inquit, an servire, an servum esse dicamus: jure autem veteri servus manumissus a proprietario non veniebat ad libertatem, sed servus remanebat sine domino. Manumissio autem facta a fructuario nullius momenti erat, quod supra satis exposui tit. 1.* Illud etiam valde novum est, quod proponitur in hujus *l. 1. §. ult.* ut pater, et mater per filium, vel filiam, sive in potestate sit, sive emancipatus aut emancipata, possit servos suos manumittere: itemque avus, et avia per nepotem, vel neptem ex filio, vel ex filia, et sic deinceps: hoc tamen ita non obtinuit jure veteri: nam hæc in re jus vetus faciebat differentiam inter liberos, aut liberorum sexum, et gradum, sicut in successionibus ex testamento, vel ab intestato. Sed ut eam differentiam inter liberos in successionibus sustulit Justinianus: ita etiam hoc loco eam tollit in manumissionibus: in quibus jure veteri ita res procedit, ut pater per filium, quem habet in potestate, possit servum suum manumittere: ut filius familias jussu patris recte manumittat servum patris, et manumittendo faciat libertum patris, ac si ipse pater

manumisisset, *l. si quis hac lege, §. 1. D. qui, et a quib. manum. lib. non fiant, l. matrimonii, D. de rit. nupt. l. si consentiente, l. nepos, D. de manum. l. si pater, l. surdi, D. de manumiss. vind. l. filiusfamilias, D. de jure patron. quia vinculum potestatis patris facit ut una, eademque intelligatur esse persona patris, et filii. Vox filii, vox patris: manumissio filii, manumissio patris: manumissio facta a filio, manumissio facta a patre: alias equum nemo servum suum manumittit per alium, non per procuratorem, per conjugem, vel cognatum: non etiam pater per filium emancipatum, secundum jus vetus, ut nominatim hic Thalelaeus notavit. Et similiter avus manumittit servum suum per nepotem ex filio, quem habet in sua familia, *d. l. nepos*, non per nepotem ex filia, quia non sequitur familia a vi materni. Eademque ratione mater non potuit manumittere servum suum per filios suos, ut nominatim Paulus scribit *lib. 1. Sentent. tit. de re judic.* quia eos non habet in potestate: forte et filiafamilias jura patris non potuit manumittere servum patris: quia superiores leges de filio tantum loquantur, non de filia: magnus est igitur favor, quo adficit libertates Justinianus: dum in manumissionibus, quae sunt jussu parentum, non vult spectari patriam potestatem, ut eodem jure sint omnes parentes, omnes liberi, et jussus manumittendi parentis cuiusque pro potestate sit. Illud etiam est valde novum, quod proponitur in *l. 2. hoc. tit.* ut servus minor annorum 30. ad civitatem Romanam pervenire possit: nam jure veteri, id est, ex *l. Aelia Sentia*, servus minor 30. annorum, Latinus tantum fieri poterat, non autem civis Romanus, licet vindicta esset manumissus, nisi causa probata apud consilium: et ita secundum jus vetus, videtur accipienda *l. pen. D. de manumiss.* dum ait, juris rationem efficere, ut etiam infanti justa libertas competat, causa scilicet probata apud consilium, vel libertas Latina, non legitima: sine concilio vindicta manumissus servus manebat: testamento autem manumissus minor 30. annorum Latinus fiebat, non civis Romanus: excepto uno casu, si a domino, qui solvendo non erat, liber et heres esse jussus esset, nemine alio ex eo testamento herede existente: nam etiam si minor esset 30. annorum, et daretur ei libertas in fraudem creditorum ab egeno domino, tamen conservabatur ei justa libertas, ut per eum conservaretur fama defuncti domini, id est, ut ejus servi nomine potius bona distraherentur heredis necessarii, quam nomine defuncti: alias minori 30. annorum testamento data libertas non donabat civitate Romana: et hoc de minoribus 30. annorum invenies, ut alias dixi, saepe in Digestis, testamento relinqui libertatem sub conditione, *Cum**

ad 30. annum pervenerit. Cur? nempe propter illud caput legis *Aeliae Sentiae*, ut expectarent tempus legitimae libertatis *l. ult. de reb. dub. l. Aristot.* de manum. testam. *l. si quis ita, §. ult. D. de statuliber. l. ex parte, §. seivo, D. famil. ercisc.* In eo, qui censu manumittebatur, quod genus manumissionis, quia in usu esse desierat, in ejus vicem suffecta manumissione in Ecclesia: ideo nihil de eo genere manumissionis Justinianus scriptum reliquit in corpore juris: in eo vero etiam olim requirebatur aetas 30. annorum, ut reliquae regularum Ulpiani docent his verbis: *Et qui censu manumittitur, si 30. annos habeat, civitate Romana potitur*: quod probat etiam Theophilus *§. ult. Institut. de libert.* Sed Justinianus, ut dixi in *h. l. 2.* hanc aetatem, neque spectari, neque expectari vult. Postremo illud etiam valde novum est, et favore libertatis indultum, ut et cetera, ut si quis habet ancillam concubinam, et liberos ex ea, et moriens, eam, eoque non legaverit, aut nominatim non reliquerit heredi; si eam habuerit in concubinato usque ad supremum vitae exitum, susceptis ex ea liberis, ut morte concubini, morte patris naturalis ipso jure liberi fiant, jura veteri pertinebant ad heredem defuncti ut servi: hodie morte defuncti, et taciturnitate, si nihil de eis disposuerit, ipso jure liberi fiunt, ex *l. 3. hoc. tit.* quae loquitur tantum de eo, qui uxorem non habet, concubinam habet: nam non habenti uxorem concubinatus licitus est: habenti illicitus *l. ex ea, §. 1. D. de verbor. oblig. l. unic. sup. de concubinis*: quomodo accipere omnino oportet illud Catonis: *Cum conjux tibi sit, ne res, et fama laboret, vitandum ducas inimicum nomen amicae*: nam concubinas etiam amicas vocabant, *l. Masurius, D. de verborum significatione*.

JACOBI CUIJACII J. C.

In Lib. VII. Codicis.

RECITATIONES SOLEMNES.

Ad Titulum XVI. De liberali causa.

Adhuc quae dicta sunt, veluti praeludia quaedam sunt, et preparationes ad hunc titulum, qui est de praedjudicialibus actionibus, quibus quis ex servitute miserit se, vel adseritur liberali causa in libertatem ingenuam, vel libertinam: vel quibus quis ex libertate, id est, ex possessione libertatis vindicatur in servitutem, vel ex ingenuitate in libertinitatem, quae liberales causae dicuntur: quarum cognitio in urbe pertinet ad praetorem, qui praetor liberalis dicitur, quod cognoscat de liberalibus

causis: vel ad consules, ut *l. Divi, ff. de liber. caus. l. 4. si ingen. esse dicetur*, et in provinciis pertinet ad proconsulem, vel ad procuratorem Caesaris, si agatur inter fiscum, et privatos, *l. pen. sup. ubi causa status*. Desiderat etiam liberalis causa maximos iudices, ut ait *lex ult. eod. majores iudices*, ut ait *l. non distinguemus, §. de liberali causa, D. de recept.* Adeo ut cognitio liberalis causae non possit delegari pedaneis iudicibus, *l. 2. sup. de pedan. judic.* Nec committi arbitris compromissariis, *d. §. de liberali*. Praesidem quoque in provinciis cognitio non facit de liberali causa, nisi generaliter accipias praesidis nomen pro proconsule, ut certe est generale nomen praesidis, *l. 1. D. de offic. praesid.* Sed loquor specialiter, dum dico cognitionem causae liberalis non pertinere ad praesidem, quod probat aperte *l. 1. sup. de ordine judic.* Et Plinius in Epistola ad Trajanum de adserctione ingenuorum, in qua docet cognitionem esse proconsularem, non praesidum: nisi praesides a Senatu impetraverint ius praetorium, vel ius proconsulare. Nam aliquando mittebantur in provincias cum iure proconsulari, ac tum de liberali causa cognoscere poterant; cuius cognitio proprie pertinet ad proconsules, qui utique sunt majores praesidibus: nempe proconsules sunt spectabiles: praesides clarissimi. Atque ita apparet causam liberalem desiderare majores iudices, puta principem ipsum, aut illustres, aut spectabiles iudices. Quae de causa cognitiones dicuntur simpliciter in libris nostris. Cognitiones, id est, cognitiones de statu: quia desiderant majores iudices, ut Suetonius in Claudio c. 15. *Rem cognitionis esse, non juris ordinarii*, id est, ut totus locus aperte demonstrat, rem pertinere ad cognitionem principis, non ad magistratus, non ad iudices ordinarios. Et praedictae actiones dicuntur, quia maxima quaestio ea est, quae est de statu, et conditione hominis. M. Tullius 1. de orat. *Judicio libertatis*, inquit, *nullum gravius esse potest*. Ideoque cognitio, sive praedictum istud, quod esse dico de statu hominis, impedit omnes alias futuras lites, vel de alimentis, vel de hereditatibus, vel de actione in rem, vel de criminibus, *l. 2. et l. 3. inf. de ord. cognit.* Et per alias lites, si forte praecedant, huic maximae liti non fit praedictum, ut in specie *l. 2. hoc tit.* Si egi in rem vindicans illum hominem esse meum, et pronunciatus est esse meus, integra est cuilibet proclamatio ad libertatem, integra libertatis causa: quia haec quaestio de statu praedicta est, id est, facit praedictum ceteris omnibus. Ipsa autem non patitur praedictum a ceteris. Et observandum ex §. *praedictae*, *Inst. de action.* usam esse actionum praedictalium civilem, in qua quaeritur

de dominio, id est, utrum quis sit liber, an servus hoc est praedictum civile: Alius esse praetorias, in quibus de quasi dominio quaeritur, puta de jure patronatus, vel patriae potestatis: utrum quis libertinus, an ingenuus: utrum filiusfam. an emancipatus, justus, an naturalis. Et civile quidem praedictum datur cuilibet volenti aliquem adserere in libertatem. Denique est publica actio, ut est in *Institutionibus tit. de iis, per quos agere possumus*. T. Livius lib. 3. in iis, qui adseruntur in libertatem, inquit, *quibus lege agere potest*. Nam libertas est publica res, ut ait *l. si quis rogatus, de fideic. libert.* quae publicam tutelam meretur, ut ait *l. 2. D. de statu defunct. l. si hereditas, §. ult. D. de testament. tut. conjuncta l. etsi non adscripta, sup. de fideicom. libert.* Et notandum etiam hoc ex *l. 1. hoc tit.* quod valde est singulare, et contra regulas juris, ut pater, qui filium suum venundedit justum, et legitimum: nam naturalem filium, id est, susceptum ex ancilla, pater naturalis, idemque dominus vendere potest, *l. 12. hoc tit.* Si igitur pater filium justum, et legitimum, filium civilem venundedit, quod est plagium, et tenetur pater lege Fabia de plagiaris: tamen postea auditur pater, licet veniat adversus factum, et alleget suam turpitudinem, id est, plagium, contra regulam *l. si credituribus, sup. de servo pign. dat. manum.* Auditur, inquam, si eum filium liberali causa adserat, venditio patris non officit libertati filii. Et addatur ex *l. 3. hoc tit.* venditionem etiam fisci, qui vendidit liberum hominem nihil nocere libertati, etiam si liber homo major viginti annis passus sit se a fisco venundari sciens, prudensque, modo pretium non participaverit: participatio pretii servum faceret: patientia, sive conniventia servum non facit, ut *l. 1. inf. quibus ad libert. proclam. non licet*. Ideoque integrum ei est, licet a fisco venditus fuerit, ex servitute, in qua est, proclamare ad libertatem prolati in corruptis probationibus, quibus probet se esse liberum: semper enim probatio in praedictis incumbit ei, qui agit, non reo. Et etiam illud postremo adnotabimus ex *l. 4. hoc tit.* eum, qui aliquem vindicavit in servitutem, si superatus sit, nec appellaverit intra tempora constituta, quae *d. l. 4.* probat non esse continuam, id est, currere tantum a die, quo cognovit se esse superatum, ut is, inquam, non habeat secundum petitionem servitutis: quod dicitur ad differentiam adserctionis in libertatem: nam adserctio in libertatem poterat iterari olim, ut indicatur titulo sequenti, favore libertatis: vindicatio in servitutem non potest iterari, *d. l. 4.*

Multae sunt pusillae leges in hoc titulo de liberali causa, quas praetermittam, quod sint facillimae, vel explicatae jam supra, vel quod eas expli-

enturus infra commodiore loco sim. Hodie dux mihi potissimum explicandæ anat. quas facio arcem hujus tituli, scilicet facio præcipuas, *l. 14. et l. 21. Lex 14.* ait lite, sive causa liberali ordinata, eum, de ejus libertate queritur, constitui in possessione libertatis, et interim pro libero haberi: nec possideri igitur interim ab eo, qui se dominum dicit: quod etiam est proditum in *l. ordinata, et l. si cui de libertate, §. licet, D. eod. l. 1. sup. qui dare tutor. vel curator. possunt.* Et hoc nimirum est, quod fuit cautum duodecim tabulis, ut in causa liberali vindicæ darentur secundum libertatem, *l. 2. §. initium, D. de orig. juris*, id est, ut is, de ejus libertate queritur, statim initio litis constitueretur in possessione libertatis: hoc enim est dare vindicias secundum libertatem. Et hoc quidem (quod summe notandum) ita procedit, non tantum si quis ex libertate vindicetur in servitutem, sed etiam si ex servitute proclamatur in libertatem, ut mox debeat constitui in possessione libertatis, qui ante in servitute erat: quod evidenter probat *l. servum, §. 1. D. de procurat.* quæ indistincte eum, qui de suo statu litigat, sive ex possessione libertatis, sive ex possessione servitutis, ait, procuratorem habere posse, non quidem in illa ipsa lite liberali, quam non nisi per semetipsum agere potuit, ut Paulus scribit *§. Sent. tit. 33.* sed in aliis litibus, quæ ab eo in alios, vel ab aliis in eum interim intenduntur. Unde sequitur eum interim haberi pro libero, eum interim esse loco liberi, sive ex servitute petatur in libertatem, sive ex libertate in servitutem: alioqui nec agere, nec conveniri posset, si loco servi esset. Id etiam colligitur ex *l. is autem, D. ex quibus causis major.* quæ ait, eum, qui erat in servitute, id est, qui possidebatur ut servus, post conceptam et ordinatam causam liberalem, non videri esse in servitute, id est, haberi pro libero. Ergo et si quis ex servitute proclamatur ad libertatem, vindicæ ei dantur secundum libertatem, et desinit esse in servitute post ordinatam litem liberalem, ut dixi. Et hæc est ratio *d. l. ordinata*, quæ dicit in annuis actionibus omnibus, quales sunt prætorie complures, ex tempore ordinatæ causæ liberalis demum cedere ei annum, qui de statu suo litigat: nam annus non cedit ei, qui non potest agere, sed ei, qui potest agere tantum tempora actionum cedunt. At ante litem liberalem ordinatam erat in servitute, ideoque agere non poterat; ac consequenter ei annus non cedit ante litem liberalem ordinatam; post litem ordinatam cedit: quia jam agere potest, vel contra eum, qui se dominum dicit quacunque actione, vel contra alium quemlibet, cum liberi loco sit post litem ordinatam, etiam si ex possessione servitutis de statu litiget: quod si

erat in possessione libertatis, et nunc vindicetur in servitutem, proculdubio etiam ante causam liberalem ordinatam, videlicet post motam simplicem controversiam libertatis, in qua erat, actiones suas quasi liber exercere potest, qui est in possessione libertatis constitutus. Ita omnino explicanda est dicta *l. ordinata*, quæ sane erat perquam obscura. Ordinata autem lis, vel causa liberalis, etiam concepta dicitur, et inchoata, et præparata, *d. l. is autem, D. ex quibus caus. maj. et l. liberi, §. ult. D. de liber. caus.* Et ordinatio hujus litis in hoc titulo *l. 11. 15. et 31.* significatur his verbis solemnibus ordinatis: quæ solemnia mox explicabuntur: et in *l. si status, inf. de evict.* his verbis, *Solemnibus, quæ juris admittit ratio interpositis.* Et ordinata lis dicitur, quæ, ut dixi, concepta et præparata est, non quæ contestata est: facessat hæc interpretatio: ordinationem sequitur contestatio. Ordinatur lis liberalis ante litis contestationem, dum adsertor, quod olim erat necesse, et vindex libertatis queritur, dum apud eum, qui de causa status cogniturus est, disceptatur, ut lis ordinem accipiat, et inde nomen *ordinatæ litis*, quis actoris, et quis rei partibus fungatur: utrum ex servitute quis in libertatem petatur, quo casu actoris partes sustinet, id est, probare debet se esse liberum, *l. 5. hoc tit.* nisi in servitute fuerit vi, aut dolo malo possessoris, *l. vis, sup. de probat. l. si quis liberum D. eod.* Nam is, qui est in servitute dolo malo possessoris, pro eo habetur, ac si esset in possessione libertatis, ut non sustineat onus probandi: an vero ex libertate in servitutem petatur: quod utrumque ipsa conceptione petitionis manifesto declaratur, ut ait *l. 21.* illo loco, *sui conceptione manifeste probatur*, id est, conceptione petitionis declaratur, utrum ex servitute quis in libertatem, an ex libertate in servitutem quis revocetur. Et ita est accipiendus ille locus, rejectis Accursii interpretationibus *l. 21.* Et est similis loquendi formula, *l. cum tibi, inf. de eviction.* Hoc vero casu cum quis ex libertate in servitutem petatur, ipse sustinet partes rei, et probatio ei nulla incumbit; sed ei tantum, qui se dominum dicit, nisi ille dolo malo fuerit in possessione libertatis: nam ut *l. 21.* ait caveri edicto prætoris is, qui dolo malo est in possessione libertatis, simile præjudicium patitur, atque si esset in possessione servitutis, ut scilicet probare debeat se liberum esse. Et adnotandum ex *l. 21.* ex Basilicis in fine ita esse legendum: *Nec quicquam ancillæ doli juris proprii, non proprii, τοῦ ιδίου δικαίου.* Et observandum etiam, quod ait, eum, qui dolo malo est in libertate, in servitute constituto simile habere præjudicium, id est, simili præjudicio teneri, ac si in servitute esset, sine dolo malo possessoris:

qui locus ostendit non esse verum, quod quidam Cimbri scripsit, cujus nomen obscure dicam, ut sit Græce *πρόβουτος*, ne aequal quidem in titulis de liberali causa fieri mentionem præjudicii, quod mendacii conarguit l. 21. Unde etiam ille ausus est scribere, nihil esse absurdius, quam dicere, idem esse causam liberalem, et præjudicialem actionem, cum in illum ipsum locum l. 21. simile habere præjudicium Thaleleus rectissime notet, omnem causam status appellari præjudicium. Idem vero ordo constituitur, et servatur cum queritur, utrum quis sit libertus, an vero ingenuus: nam qui erit in possessione ingenuitatis, rei partibus fungitur: qui erit in possessione libertinitatis, actoris partibus: nihil enim refert, quod ad litem ordinandam attinet, utrum quis dicatur esse servus, an libertinus, l. circa, D. de probat. Et generaliter, ait l. generaliter, D. de exception. quæ est accipienda de præjudicialibus actionibus, non de præjudicialibus exceptionibus, ut alias ostendi. Ait in præjudiciis, id est, præjudicialibus actionibus: generaliter igitur in omnibus actionibus præjudicialibus eum actoris partibus fungi, qui habet intentionem secundum id, quod intendit, id est, cui secundum intentionem ejus datur actio: datur præjudicium: vel hoc modo: si paret Lucium Titium Caii esse patronum: vel, si paret Cajum esse ingenuum, habet præjudicium congruum suæ intentioni, is est actor, sive adserat libertatem, aut libertinitatem, sive servitutem, aut patronatum. Et valde laudandus est Throphilus, qui præjudicium dixit sola intentione constare actoris, et nullam in se continere condemnationem. In aliis actionibus non præjudicialibus additur clausula condemnationis, veluti: si paret illum ex testamento mihi decem dare oportere, condemna illum iudex. Ad quam formulam respicit l. qui condemnare, de re judic. ut licet formula sit condemna, possit tamen iudex absolvere, et condemna sic accipitur, condemna, vel absolve. At in præjudiciis non opponitur clausula condemnationis, sed simpliciter ita agitur: si paret eum servum esse, aut si paret eum liberum esse, aut libertum illius, aut patronum illius: nec præterea additur quicquam. Ita vero de ingenuitate egit ex libertinitate Paris Histrio quidam tempore Neronis, Pantomimus celeberrimus adversus Domitiam amitam Neronis, ut Cornelius Tacitus scribit 13. annal. filiam Neronis, ut Ulpianus noster scribit in l. 3. §. Neratius, D. de condict. caus. dat. quod in Ulpian. proculdubio est *πρόβουτος*, commune vitium senescentium, aut occupantium animorum rerum magnarum cogitatione. Vel potius est *πρόβουτος* Ulpiani, non *ἀνάπνευστος*, ut Ipparchus excensat Aratum, et Eudoxum, cum duobus locis Tacitus vocet Domitiam amitam Ne-

Tom. IX.

ronis. Et D'no quoque in Nerone Domitiam amitam Neronis. Et vera species, de qua agitur in eo §. Neratius, et historia hæc est: Domitia amita Neronis Paridem histrionem servum suum a manumissionem accepta ab eo pecunia pro libertate. Atque ita dim Paris fuit quasi libertus Domitiæ: post jussu principis egit de ingenuitate, dicens veritati, et origini ingenuitatis manumissionem Domitiæ nihil obfuisse. Et vicit, id est, pronuntiatus est esse ingenuus, repetitis et agnitis natalibus ingenuis. Verbi Cornelii Taciti hæc sunt: *Ereptus amita libertus Paris quasi jure civili, non sine infamia principis, cujus jussu perpetratum ingenuitatis iudicium erat.* Et observa illo loco nomine juris civilis significari jus prætorium: quia et pars est juris civilis, quod invenies etiam in oratione pro Cæcinnæ. Nam actio, et iudicium ingenuitatis est prætorium, non civile. Ex ea autem specie orta est questio, an Paris ingenuus pronuntiatus posset a Domitia repetere pecuniam ei datam manumittendi causa, quasi datam ob causam, causa non secuta, quia manumissio, quæ intercessit: nulla et inanis est; et ait competere repetitionem pecuniæ indistincto, sive Domitia sciverit eum esse ingenuum, sive ignoraverit. Verum, ut finiamus quod propositum, est, liberalis lis ordinatur quantum ex superioribus ediscere licet, dum adsertor queritur, et constituitur antequam ea lis contestetur, quis actoris, quis rei partes sustinebit, et agendi formula concipitur, et datur, et præterea dum exigitur satisfactio, sive cautio iudicio sisti, ut in l. 1. §. omnes, ut. seq. quam cautionem iudicio sisti constat interponi ante litem contestatam. Ergo aliud est lis contestata; longe aliud lis ordinata. Et ita in l. 1. inf. ad Senatusc. Turpill. criminalis causa ordinata dicitur, non contestata inscriptionibus accusatorum depositis, cum inscribere in crimen, sive subscribere se calumnie poenæ, et fidejussore de lite exercenda præstito; quæ cautio in causis criminalibus hodie non interponitur: neque etiam illa iudicio sisti in civilibus: quia pro interpositis habentur tacito intellecta. Inscriptionum etiam hodie nullus est usus, nisi in crimine falsi. Et ita quoque lis de inofficioso testamento ordinari dicitur petita honorum possessione unde liberi, vel unde legitimi, veluti ab intestato ordinande litis gratia, ut sit jus, sive titulus quidam, qui præbeat causam agendi, de rescindendo testamento: atque etiam si opus sit ad litem tutore, vel curatore dato, l. Papinianus, §. 1. ff. de inoffic. testam. l. jure, §. ult. ff. de testam. tut. quod utique sit ante litem contestationem. Adhibentur in lite ordinanda etiam Jurisconsulti, et Advocati, Seneca 10. Epistol. Sapienti, inquit, cum ad civilia, et domestica venit, et ut ita dicam mortalia, necessarius

91

est aliquem in concilium advocare: in his sic opus est sapienti alieno consilio, quomodo medico, quomodo gubernatori in navigatione; quomodo advocato, et litis ordinatori. M. Tullius 2. de Orat. Qui in foro, inquit, atque in civium causis, disceptationibusque versantur, ea, vel in lite ordinanda, vel in consilio dando esse posita. Absoluta est questio l. 14. et l. 21. Hodie, ut nihil pretermittatur eorum, quæ sunt notanda (*il n'y a que trois petits points*) ad l. 27. Arrianus hoc tit. adnotemus eam esse conjungendam cum l. 4. sup. com. de successione, et cum l. 8. sup. de pet. hered. ex quibus etiam in l. Arrianus, est legendum in inscriptione Asterio, ut in illis, non Asterio: et eadem repouenda subscriptio. Conjunctio etiam cum re ipsa congruit omnium harum trium legum: ut Arrianus, qui liber pronuntiatus est, non possit iterum ab eodem in servitutem peti, ut in l. 4. hoc tit. Adsertio in libertatem iterari potest, non petitio in servitutem. At finge, Arriano duo heredes existere, quasi libero. Nam hereditatis nomen congruit tantum libero homini, peculii servo homini, et nomina bonorum, nomina substantiæ non sunt temere commutanda, ut ait l. Arrianus, puta nomen hereditatis in nomen peculii: neque hæc mutatio quicquam obest libero homini, cujus hereditatem peculium vocat: neque etiam si unus ex heredibus Arriani, ab heredibus ejus, adversus quem pronuntiatum est Arrianum esse liberum, passus sit se vinci, dum ii revocant in dubium statum defuncti Arriani, ea res non nocet coheredi alteri; sed ut significat l. 8. de pet. hered. ut prejudiciorum natura postulat, prius questio de statu erat dividenda, quam questio de hereditate Arriani: quia, ut ait l. 4. sup. commun. de successione, servus successores habere non potest. Notandum etiam ex l. 31. eum, qui dixit esse servum, si pronuntiatur liber, habere in eum actionem injuriarum, vel actionem calumnie, ut in l. qui ex libertate, ff. eod. quæ est conjungenda cum l. 12. ff. de injur. Et inscriptio hujus, vel illius emendanda in numero libri, ex l. pen. inf. de injur. Sed ut possit agere injuriarum is, quem quis temere servum dixit, necesse est, ut hujus rei habeat contestationem, ut in l. 13. id est, *διὰ μαρτυρίαν*, id est, ut testato, vocatis testibus scilicet, dicat se eam injuriam revocare ad animum. Alioqui actio injuriarum silentio aboletur, §. ult. Inst. de injur. nisi habita sit contestatio: quod retuli, ut intelligeremus veram sensum illorum verborum in l. 31. habita contestatione.

Postremum, quod velim vos annotare est in l. 32. quod nulli præter Græcos interpretes intellexerunt: dum ait *subscriptio filii, etc.* Et sane prima specie obscurus est hic verus; sed facillimum cum

reddunt Græci, dum ponunt dominum manumittentem, qui subscripsit in epistola quadam, Stichum servum esse filium suum, eum servum suum nuncupando filium suum animo manumittendi nihil egisse: sola subscriptio filii, etiamsi dominus habeat animum manumittendi servum, liberum non facit: quod et plenius Justinianus ostendit §. ult. Inst. de adopt. et tit. 6. sup. §. similique modo: nisi nuncupatio illa filii, ut ait, fiat apud acta et quasi in figura judicii: alioqui subscriptio, vel nominatio filii nihil agit.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. XVII. De adsertione tollenda.

Manu adsertio, ut manumissio, dicitur defensio ejus, qui de statu suo controversiam patitur, si quis scilicet pro libertate ejus agat adversus eum, qui illum vindicat in servitutem, et hæc quidem adsertio in causa liberali olim erat necessaria, sive quis ex servitute in libertatem peteretur, sive ex libertate in servitutem: quia is, qui servus dicebatur, non poterat per se agere causam liberalem, ne forte servus ageret adversus dominum, ut Thaleæus notavit in l. 1. hoc tit. quod servo non licet: qua de causa et interim liberi loco erat in omnibus aliis actionibus instituendis adversus eum, qui se dominum dicebat, l. ordinata, de liber. cau. Denique is, qui litigabat de suo statu, non per se litigabat, sed per adsertorem, l. 1. C. Theodos. de liber. cau. et nemo agebat de suo statu sine adsertore. Ac præterea licet petitio in servitutem iterari non possit ab eodem, l. 4. et l. 27. sup. tit. prox. tamen adsertio in libertatem iterabatur ab eodem ter, quaterque, etiam in causa appellationis: ne temere quis eriperetur in servitutem ex libertate: Qua de causa et proclamatio in libertatem dicta est: nam islem sæpius iterare, et frequentare, proclamare est, et ita l. 1. hoc tit. adsertionem fieri solitam secunda, et tertio vice: pro quo tamen in Basilicis est tertio, et quarta vice: ut apud Martiale quoque illis versibus: *Adsertor venias satisque præstes. Et cum se dominum vocabit ille. Dicat esse meos manuque missos. Hoc si terque, quaterque clamitaris. Impones plagiaris pudorem.* Adsertio igitur iterabatur ter, quaterque. Et ita sæpius iteratae adsertiones, ut alias emendavi, dicuntur per fusorie adsertiones a Suetonio in Domitiano cap. 8. quod scilicet iterarentur defunctorie,

et dicis causa: et ut barbari loquuntur pro forma tantum.

Hodie ex *l. 1. hoc tit.* in causa liberali non est necessarius adsertor, qui causam agit pro eo, qui servus dicitur, qui etiam olim erat difficilis inventu, diuque trahabatur iudicium liberale querendi adsertoris gratia, sed qui de statu suo litigat, per seipsum causam agit sive adsertore, tanquam liber, sive agat ex possessione servitutis, sive ex libertate petatur in servitutem, non etiam ex servitute proclamet in libertatem, quia hic quodammodo servus esse praesumitur, quod sit in possessione servitutis: et servus non potest habere procuratorem ad lites, *l. servum, ff. de procurat.* Hic notandum est nobis, quid distet adsertor a procuratore: qui ex libertate in servitutem petitur, potest agere causam per procuratorem, non per adsertorem: quia adsertiones sublatae sunt. Item adsertor periculo suo causam agebat, et praestabat satisfactionem suo nomine iudicio sisti, et res salvam fore, quas teneret is, qui servus dicebatur, *l. 1. et 2. Cod. Theod. de liber. cau.* Ac praeterea si causam liberalem adsertor deseruisset, tenebatur actione poenali: quod prodendae libertatis causa factum est. Haec est formula poenalis actionis auctore Paulo 3. *Sentent. tit. 1.* Quin etiam mortuo homine, de cuius statu agebatur, pendente lite adsertor cogebatur litem peragere iudicii forte de evictione emptori hominis servandi causa, ut in *l. 2. hoc tit.* Ut sit in rei vindicatione, si vindicavero hominem, et is moriatur pendente lite, non ea etiam lis moritur: quoniam praeter causam evictionis, necesse est pronuncari cujus is homo fuerit, ut sciatur emptori ejus hominis competat, necne actio de evictione, *l. utique, de rei vindicat.* Hodie autem sublati adsertoribus ex *d. l. 2. hoc tit.* si mortuus sit pendente lite, is homo, qui sine adsertione de suo statu per se causam agit, ab eo lis transfertur in venditorum propter causam evictionis: ut scilicet venditor probet se vendidisse servum, non liberum hominem; aut subijciatur periculo evictionis, quae est sententia *l. 2.*

Et haec de adsertore, cum quo nunc conferamus procuratorem, a quo adsertorem multum distare diximus.

Procurator agit periculo domini, non suo: nam actio iudicati datur domino, vel in dominum, non procuratori, vel in procuratorem, nisi fuerit procurator in rem suam, *l. 4. D. de rei judic.* Denique procurator in rem alicuiam alieno periculo agit, puta periculo domini, id est, manilatoris.

Domini nomen est multiplex: nec enim respicit tantum ad servum, sed etiam ad colonum liberum hominem, et ad uxorem, et ad beneficia-

rium, sive vasallum, et ad procuratorem. Item satisfactionem iudicio sisti nunquam praestat procurator; sed is, cuius res est, quae praestatur semper autem litem contestatam, *l. amplius, D. rem rat. hab.*

Item procurator non praestat illam cautionem rem salvam fore, quam adsertor praestabat: item si ceptam litem procurator deseruerit, non tenetur poenali actione, sed mandati tantum actione in id, quod interest, *l. si quis 37. §. qui suscepit, D. mand.* Et olim, ut dixi, nullo caso potuit quis status sui causam agere per procuratorem, ne absens duceretur in servitutem, aut damneretur, auctore Paulo lib. 5. *Sentent. tit. 35.*

Nec potest etiam hodie causam status agere per procuratorem, si ex servitute in libertatem proclamet, sed si ex libertate petatur in servitutem, potest agere per procuratorem, *l. 1.* Is autem, qui se dominum dicit, semper potuit agere causam status per procuratorem, *l. non solum, §. si is status, ff. de procurat.* sive ex servitute in libertatem, sive mutata vice ex libertate, in servitutem peteretur. Et in causa liberali, licet actor sit, qui petit in servitutem, reus qui politur, vel potius, ut eleganter definit *l. generaliter, ff. de except. actor,* secundum cuius intentionem iudicium liberale concipitur: Et actoris tantum procurator caveat de rato, id est, rem ratam dominum habiturum, non procurator rei. *d. l. non solum, §. 1.* Tamen, ut in *d. §. si status,* ait fuisse expressum praetoris edicto; quod ad cautionem de rato attinet, procurator ejus, qui se dominum dicit, sive is sit actor, sive reus, habetur tanquam procurator actoris, ut utroque caso scilicet carere debeat de rato: quae est interpretatio *d. §. si status* valde notanda.

Persequamur reliqua, quae sunt in *h. l.* Non est hodie necessarius adsertor, addit Justinianus, ut etiam non sit necesse hodie iterari, et retractari saepius iudicium liberale, sublato more prisco, quo adsertio iterabatur ter, quaterque. Et ita quoque Domitianus, ut Suetonius ait, Recuperatores identidem monuit, ne se perfusoriis adsertionibus accomodarent, id est, ne admitterent iteratas adsertiones, quae, ut solchat fieri, instituerentur defunctorie, non strenua opera. Et ait, recuperatores: quoniam olim magistratus ante *l. 2. sup. de pedan. judic.* dabant iudices, qui recuperatores dicebantur, de quibus Theophilus noster in *tit. qui, et quibus ex caus.* qui scilicet de liberali causa cognoscere, ut recte legi apud eundem Suetonium in *Vespasiano*, Flaviam Domitillam uxorem Vespasiani ingenuam, et civem Romanam pronunciatam iudicio recuperatorio, adserente patre Flavio Liberali. Et ita quoque legi in antiquo privilegio Ther-

mensium majorum Pisidiae : quos Thermenses majores Pisidiae liberos servosve bello Mithridatis emisserunt magistratus prove magistratus, cujus ea de re jurisdictio erit, quin de ea re in jus aditum erit; ita de re jus dicunt, ut in eos recuperare possint. Addit praeterea Justinianus in *h. l. 1.* ne peculium bonae ejus, qui de suo statu litigat, sequestro deponatur, si ex libertate vindicetur in servitutem : sed si ex servitute proclamet in libertatem, tum ut res ejus sequestro deponatur arbitrio judicis in arde sacra, vel apud honestum virum, et probum, vel ubi videbitur judici. Quod ita est intelligendum ex *l. 3. tit. sequentis*, ut qui ex servitute proclamet in libertatem, protinus reddat res, quas fatetur esse ejus, qui se dominum dixit, quas dicitur, de eis praestet satisfactionem res salvas fore, ut in *sup. tit. de ordin. cognit.* Ac deinde si liber pronuntiatus sit, reddat rationem actus administrati, si quem administraverit, et omnia bona, quae constiterit esse profecta ab eo, qui se dominum dicebat, et ut ait *d. l. 3.* ut reddat etiam quae furtivis compendiis, et obscure capta et parata sunt. *Vous ne sauriez mieux dire : faire le tour du baston* : quod ibi glossa notat in Italia vulgo appellari Trebellianum, id est, *le tour du baston*. Ut igitur haec omnia reddat : nam etsi liber ipse pronuntiatus sit, non tamen etiam liberum esse pronuntiatum est, quod apud eum residet ex bonis adversarii. At vero, quae quis testamento ei reliquit, qui postea liber pronuntiatus est, vel donavit inter vivos, ut libero, non ut servo, id est, adventitia, ea ut ipse retineat, sibi que vindicet. Verum exacto liberali judicio, ut ait *d. l. 3.* id est, expleto liberali judicio, atque peracto, ut in Basilicis *παροδότης* : et ita etiam glossa interpretatur recte *exacto*, id est, *finito*, ille omnes res, quae supra designatae sunt, ut discernantur, debent etiam profectitiae res maxime si non potuerit satisficere salvas eas res fore, ut in *l. ult. inf. de ord. cognit.* Ut omnes inquam, ut aliae ab aliis discernantur, apud sequestrem deponi debent, et in *medio jure*, id est, apud sequestrem, ut in *l. 5. inf. quor. appellat. non recip.* pro in deposito, quod est in *d. l. 3.* Basilica habent, in *medio jure*, *ἐν μέσῳ δικαίου*. Atque ita omnibus in rebus in medio positis, ut hic qui liber pronuntiatus est, sua vindicet, et is, qui causa cecidit aequae suae, ut agant invicem rei vindicatione, rebus ante sequestro depositis. Nec nos movere debet *l. un. sup. de prohib. sequest. pecun.* quasi generaliter ea lex velit omnem sequestrationem esse prohibitam. Est indigna objectio, quoniam ille titulus de prohibita sequestratione pecuniae pertinet ad actionem creditae pecuniae, qua petitur quantitas certa, quae mutuo data est; non ut certa corpora nummorum : quia

ex causa mutui non debet reddere eandem speciem, sed idem genus, id est, quantitatem eandem, et qui repetit pecuniam creditam, non jure desiderat, ut interim dum lis agitur, ea quantitas sequestro deponatur : quia ejus quantitatis non subest certum corpus : generis non subest certum corpus, ut vereri non debeamus, ut intervertatur quantitas, quae certe interverti, et perire non potest. At cum agitur de rebus, quarum est certum corpus, quia interverti possunt, jure desideratur sequestratio eorum.

Postremo additur in *h. l. 1.* ab his qui de statu suo litigant per se sine adsertore, ante litis contestationem, ut dixi, esse praestandam satisfactionem judicio sisti, vel si non possint invenire fidejussores, esse committendos juratoriae cautioni, ut jurent judicio sisti se perstaturos in judicio, et cognitione status. Ac deinde subjicit in *§. scientes* (quem vellem non esse paragraphum, id est, non esse avulsum a prioribus verbis) ut si quis posteaquam cavet judicio sisti, cognitioni absit, cum ex libertate vindicaretur in servitutem, et edictis evocatus praesentiam sui facere contempserit, et in ea contumacia per annum perseveraverit, ut omnino servus esse pronuncietur, etiam si revera non sit servus : etiamsi liqueat esse liberum, quod est durum et iniquum, ut videtur : quia iudex, cui liquet bonam esse causam absentis contumacis, debet et secundum absentem pronunciare. Et ita nominatim proditum est de libertate, ut secundum libertatem sententia feratur, si absentem appareat iudici non esse servum, *l. Divi, §. ult. ff. de liber. causa*, quam merito objicit Accursius; idque obtinet in omnibus causis : ut etiamsi quae pars absit per contumaciam, quantovis tempore absit : possit iudex, et vero debeat secundum eam pronunciare, si ejus videatur causa bona, *l. et post edictum, ff. de judic. l. properandum, §. sin autem ex gestis, sup. de judic. l. 1. inf. quomodo et quando iudex*; et *Novella 49.* Neque obstat, quod dicitur in *l. contumaciae, de re judic.* Contumaciam plecti damno litis : nam hoc non est contumacem semper condemnari, sed condemnatum nunquam rem suam recipere posse, nec restitutionis, nec appellationis remedio : quoniam hoc est perpetuum in jure, damnato ex contumacia non esse jus appellandi, non esse restitutionis petendae jus : quia suo vitio condemnatus est. At absolvi certe potest : quid ergo est, quod ait in *l. 1.* Justinianus, eum qui ex libertate petitur in servitutem, post praestitam cautionem judicio sisti, si annum abfuerit cognitioni contumaciter, omnimodo servum pronunciari. Ratio hujus constitutionis facile intelligitur, si haec verba *§. scientes* legamus conjuncta oratione, conjuncta scriptura cum praecedentibus,

juratorum cautioni committi scientes, quod si post hujusmodi expositionem, id est, post expositionem hujusmodi cautionis juratorum, abfuerint, etc. Atque ita tenor orationis docet non tam plecti contumaciam, quam perjurium, quod is, a quo non sunt exacti fidejussores, qui commissus est aux fidei, jurationi suae, suo iurejurando, id si non servaverit, post annum servus esse pronuncietur: cum nulla cura religionis teneatur; et ita etiam sentit rectissime D. Alciatus 3. περὶ πυρῶν. Et ita inveni in l. si quis major, C. de transact. cum, qui venit contra transactionem juratam, cadere eo iure, quod ipse liquido habuit ex ipsa transactione, vel alio iure, quod spectet ad eam rem, de qua transactum est, transactioni interposito divino numine; neque tamen suo iure cadere, si transactio non esset jurata, d. l. si quis major.

JACOBI CUIJACII J. C.

In Lib. VII. Codicis

RECITATIONES SOLEMNES.

Ad Tit. XVIII. Quibus ad libertatem proclamare non licet, etc.

Proclamandi verbo etiam significatur iteratio adsertionis, si quis se iterum, atque iterum adserat in libertatem, ut fieri olim solebat ter, quaterque: et inde locus Ciceronis apud Plutarchum, cum Marcus Caelius, qui vulgo non estimabatur esse ingenuus, gereret tamen se pro ingenuo, et quadam die in Senatu recitaret literas quasdam magna voce et insana, Cicero proxime adstantibus dixit: nolite mirari: quia unus erat ex iis, qui olim proclamaverunt. Sic ille locus est explicandus, quem male accipiunt de Prætoribus, quasi M. Caelius ex numero Prætorum fuerit: quæ interpretatio joco admittit omnem venustatem. In hoc autem titulo l. 1. et 2. ostenditur, quod est in prima parte tituli, quibus ad libertatem proclamare non licet, etc. Atque in primis ostenditur, proclamationem ad libertatem denegari ei, qui cum major esset viginti annis, compacto participationis pretii se venalem præbuit bonæ fidei emptori. Hic proclamare ad libertatem non potest, quia prodidit ipsemet sibi. Quod esse ex Senatusconsulto significat l. 3. ff. eod. Et ex Senatusconsulto Claudiano id esse innuit inscriptio l. ult. ejusd. tit. Et adeo verum est, ut etiam si postea manumissus sit ab emptore, non recipiat ingenuitatem, quam habuit, antequam se venalem præberet, sed libertinæ conditionis efficitur, l. homo liber, ff. de statu hom. quia indignus est ingenuitate, qui ea seipsum ignaviter abdicavit, pro

qua retinenda alii nec mortem quidem fugiendam censent: qui libertati, quæ nihil est præstantius, prætulit vilissimum questum. Eadem ratione si servus, cui jam debetur fideicommissaria libertas, ut mox possit eam petere, et obtinere, in ipso confinio adipiscendæ libertatis, si se venalem præbeat, ut participet pretium, non poterit ad libertatem proclamare, l. 1. h. tit. nec implorare fidem poterit Prætoris fideicommissarii, qui in ipso limine consequendæ fideicommissariæ libertatis ea se abdicavit accepta pecunia. Et hæc est ratio l. 4. in fin. d. eod. Quin etiam placet militem, qui se in servitutem venire patitur, quæ re nihil est sordidius, capite puniri propter ignaviam, l. quædam, ff. de pœnis. Videlicet si in servitutem se venire passus sit ad pretium participandum. Dixi initio propositionis major 20. annis: nam minor 20. annis, quam libertatem ex l. Ælia Sentia propter infirmum ætatis consilium aliis dare non potest sine consilio prætoris, aut præsidis causa probata, et inconsulto, etiam ipse se libertate abdicare non potest, l. 17. sup. de lib. causa.

Dixi, bonæ fidei emptori, id est, ignoranti hominem esse liberum, ignoranti hominem venalem esse liberum, existimanti esse venalitium, quod nomen tribuitur tantum servo: nam adversus malæ fidei emptorem, qui sciens emit liberum hominem, placet dari proclamationem in libertatem, quia nulla venditio est, l. liberis, ff. de lib. caus. Dixi, compacto participationis pretii, nam si is, qui se venire patitur sciens, prudensque, simulata servitute non participet pretium, servus quidem fit, sed integra est ei, qui nihil sordide fecit, qui nihil æris accepit, proclamatio ad libertatem, l. 1. hoc tit. l. 3. de lib. causa. Est quidem malus, qui simulat servitutem, et decipit emptorem dolo malo, atque eo nomine tenetur emptori in factum, quæ est annua, et pœnalis in duplum ex edicto prætoris, l. in tantum, l. non solus, ff. de lib. caus. Venditor etiam evictionis nomine emptori tenetur in duplum, si intervenerit stipulatio duplæ ab evictionem, atque ita fit, ut emptor habeat quadruplum, quod ostenditur in l. vel obligatus, ff. de lib. caus. non tamen est indignus ea libertate, qui non participavit pretium, licet sciens venumjerit ut servus: nam integra est ei proclamatio ad libertatem. Et idem multo magis dicendum est, si liber homo passus sit se donari alii tanquam servum, vel dari in dotem, vel pignori, vel sponsaliorum nomine, ut l. ult. sup. de ingen. manumiss. quia hic nullum pretium intercedit. Quod ergo in venditis liberis hominibus locum habet, ut non denegetur iis proclamare in libertatem, si pretium non participaverint, istud multo magis locum habet in donatis, vel datis in dotem, vel pignoralis, vel datis

pro munere sponsalitia, ubi nullum pretium intercedit. Et quod ait *l. 10. sup. de lib. cau.* mulierem nescientem in dotem dari, et eam rem non obesse libertati, id proponit ex facto: nam idem est in sciente, si sciens patitur se dari in dotem, ut non denegetur ei proclamatio in libertatem. Sicut etiam *l. scientis, sup. de ingen. manum.* recte Thaleleus notat illud *scientis* proponi ex facto, de quo agebatur, quod idem sit in nesciente, quod lex illa constituit, ut praestatio servilis ministerii non faciat servum. Igitur ut alias ostendi, utque rei consequentia suadet in *l. si usufructum, §. 1. de lib. cau.* legendum est addita negatione, ut quae dicta sunt de venditis liberis hominibus, quibus non denegatur proclamatio ad libertatem, puta si pretium non participaverint, pertineant etiam ad donatos, et pignoratos, et datos in dotem, quod ex iis negotiis non interveniat pretium. Et haec de lege 1. In *l. 2.* ostenditur etiam libertatem, vel proclamationem in libertatem denegari iis, qui ex latronum familiis descendunt, si servi facti sint, vel largitione Principis, vel auctoritate fisci, quod exponemus. Primum notandum est familiam latronum dici pro secta, sive factione, *Gall. une bande*, ut dicimus, *familiam gladiatorum, familiam Philosophorum, familias Jurisconsultorum*: quae duae sunt sectae, *Proculianorum*, et *Sabinianorum*. Secundo notandum est eos, qui capiuntur a latronibus non fieri servos, nec captivos; quia non bello capiuntur, *l. postliminium, §. a piratis, et l. hostes, ff. de capt. et postlim. l. 1. in princ. de leg. 3. l. qui a latronibus, ff. qui testam. fac.* Et vice versa latrones, qui capiuntur, non fiunt servi, ut jus sit requasibile. Sed aliquando pro praemio a principe in servitutem dantur iis, qui eos ceperunt, et expugnaverunt, ut sint servi ex largitione Principis: et ex hoc loco potest explicari, quod est obscurum in *l. penult. C. Theod. de lib. causa, vel ad Senatuscons. Claud.* ut servi alii fiant bello, alii connubio, ut mulier libera, quae contra denuntiationem domini rem habet cum servo alieno, aut ei nubit ex *Senatusconsulto Claudiano*, ea serva fit connubio, alios aut fieri servos praemio. Quid? An servitu. datur pro praemio? Minime: sed sunt, quibus pro praemio liber homo datur, ut sit eorum servus, pro praemio victoriae, si devicerit, et debellaverit factionem latronum, ut in *hac l. 2. ex largitione Principis, vel auctoritate Fiscali*, puta si sint facti servi fisci. Qui descendant ex familia latronum, sivebant aliquando servi poenae, ut de *Isauris latronibus famosissimis* est proditum aut *Marcellinum lib. 14.* Et haec de prima hujus tituli parte. Quibus ad libertatem proclamare non licet, etc. Ad secundam pertinet tantum *lex ter-*

tia, quae exposita est titulo superiori. Itaque transeamus ad titulum 10.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. XIX. De Ordine cognitionum.

Distat hic titulus *de ordine cognit.* a tit. *de ord. judic.* qui est lib. 3. In tit. *de ordine judiciorum* agitur de omnibus judiciis, si plura judicia concurrant, et verentur inter duos, ultra prius expediri debeant, criminale judicium praeferre utrum oporteat civili, possessorium petitorio, majorem quaestionem minori. In hoc autem titulo agitur de causis liberalibus, proprio accepto nomine cognitionum: nam *cognitiones* cum dicimus simpliciter, de stata litis dicimus. Et hoc tantum agit in hoc tit. ut ostendat *liberale judicium impedire cetera judicia omnia*, id est, *praeferre ceteris omnibus judiciis, et terminari, sive decidi priusquam veniatur ad cetera judicia, quae concurrunt, et inde praepjudicii nomen.* Ac primum in *l. 1. §. 3. et 4.* ostenditur, judicium liberale impedire accusationem criminalem, atque ita hoc casu simile judicium praefertur criminali, quod nota: nam causa liberalis est civilis causa; judicium, inquam, liberale impedire accusationem criminalem, quam instituere parat is, qui de statu suo controversiam patitur adversus eum, qui se dominum dicit: nec enim aliter admittitur, quam si liberali judicio liber pronuntiatus sit. Itemque si in eum ipsum, qui servus dicitur, alius instituat accusationem, quia aliter puniuntur liberi homines ex delictis, aliter servi: servi gravius. Ut ergo sciatur, quae poena reo criminis sit infligenda, prius constare oportet de statu ejus. Ergo prius cognoscendum est de causa liberali, quam veniatur ad crimen, *l. 3. hoc tit.* Et in *l. 4.* idem ostenditur, quod in *l. 1. et l. quoniam, inf. de adult.* ut qui accusat aliquem, si ei obijciat servum esse ejus, quem accusare vult, differatur accusatio, quoad finita sit causa status. Et hoc si is, qui accusatur, dicat eum *esse servum suum*: nam si dicat *esse alienum*, cessat causa liberalis, si inquam dicat hoc modo, *non potes agere in me, quia servus es Lucii Titii*, non proponitur liberalis causa, cum non contendat eum esse servum suum, ideoque hoc casu criminis examinatio ostendet, utrum accusatio induci debeat propter statum personae, an evanescat, quia et servo certis ex causis accusare permittitur, veluti ex causa *legis Juliae Ma-*

gestatis, vel falsæ monetæ. Et ita quod obijcitur esse servus alienus, iudex dispiciet, an sit removens ab accusatione ex genere accusationis. Induci in *h. l.* non est aboleri, et circumduci, sed introduci: inducere non est *διεγχεῖν*: et recte in Basilicis pro iuduci est, *διεγχεῖν*: et ita etiam in *l. 7. §. de petit. hered.* Recte Basilica pro inducatur, *διεγχεῖν*. Ac præterea iudicium liberale, etiam impedit petitionem hereditatis, *l. 2. hoc tit.* Cujus due sunt partes. In prima ponitur de libertate, et hereditate simul agi, et priorem esse causam libertatis. In secunda parte ponit, de libertate tantum agi principaliter, puta *L. Titio vindicante hereditatem ab intestato*, tanquam filio defuncti, et in modum exceptionis induci, et incidere questionem status, quod a possessore hereditatis is, qui vindicat hereditatem legitimi, dicatur esse servus, quo casu quidem ordinanda est causa liberalis, ut interim liberi loco habeatur et recte persequatur litem de hereditate: sed de hereditate pronuntiabitur, de qua sola actum est principaliter, non de libertate: et sententia, qua evicerit hereditatem, plurimum ei opitulabitur adserenti se in libertatem. Atque eandem puto esse speciem *l. 1. sup. de ord. judic.* Præterea iudicium liberale impedit repetitionem pecuniæ debite, si is, qui repetit, dicatur esse servus, quia cum servo nulla est actio. Idemque dici potest, de quacunque actione criminali, vel civili, *l. 5. hoc tit.* Item de actione furti, vel legis Aquiliæ, quia cum servo dominus non agit furti, licet furtum fecerit, quia in furem omnem habet potestatem: nec actione *l. Aquiliæ*, si damnum dederit domino, *l. 6. hoc tit.* In qua initio *l. si res tuas raptas*, legendum est, *res tuas raptas*, id est, corruptas, quod est verbum Aquiliæ, vel amotas, quia ut integra lex docet, de duabus rebus agitur, de damno dato, si quid *ruperit*, id est, *corruperit*, et de rebus *ablati*s, quas leniori verbo vocat amotas. Et de iis etiam agitur in *l. ult. hoc tit.* cujus hæc est sententia, ut liberalis causa impediat actionem honorum raptorum, etiam si is, qui se dominum dicit, aliquid rapuisse dicatur ei, quem servum suum esse dicit, et hoc si ille ex servitute proclamet in libertatem: nam prius excutienda est causa liberalis, quam agatur de rebus raptis. Sed si de libertate vindicetur in servitute, quæ ei crepta sunt, protinus reddi debent, præstita cautione *res salvas fore*, vel si non potuerit invenire fidejuss. eas sequestro deponi oportet, ut si interim alia bona non habent ex rebus sequestro depositis ei suppeditetur sumptus litis, et victus, et vestitus, et stratus, ac denum si liber pronuntiatus sit, ut ei omnia restituantur. Hæc est sententia *l. ult. quam confirmat l. 3. sup. de lib. cau.* Et notandum est, quod ait *l. ult. direptorum ne-*

gotiorum, pro direptarum rerum, Græco more, qui dicunt *πράγματα*, pro negotiis, et pro rebus, sive facultatibus. Ita videmus in *h. l. ult.* negotia pro rebus dici, pro bonis, Græcorum exemplo.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XX. De collusione detegenda.

Titulus de liberali causa trahit ad se titulum de adsertione tollenda, quæ pars erat liberalis iudicii, et quam D. Marcus confirmaverat, ut Capitolinus scribit in Marco his verbis: *antiquam de assertionibus (sic legend.) legem firmavit*: et titulum: *quibus ad libertatem proclamare, etc.* id est, qui non possint liberali iudicio agere libertatis adipiscendæ gratia, et titulum de origine cognitionum, quo ostenditur, jure ordinario hanc esse prærogativam liberalis iudicii, ut solemnem ordinationem prius decidi debeat, quam ullum aliud criminale iudicium, vel civile. Trahit etiam hunc titulum 20. de collusione detegenda: qui est titulus de causa liberali, acta inter dominum, et servum nimia indulgentia et conniventia domini per colludium, et ex compacto, ut servus liber pronuntiaretur, non iusta et strenua contradictione, ut *tit. 18.* habuimus unum casum, quo loco præmii datur quis in servitute alterius, puta grassator si capiatur, ex largitione principis præmii loco sit servus ejus, qui in illum cepit vivum. ita hoc titulo datur alius casus, quo is, qui liber pronuntiatus est, domino lusorie cum eo agente de statu, pro præmio sit servus ejus, qui colludium, et compactum detexerit. Ilque ex Senatusconsulto Ninniano: sic in *l. 2. hoc tit. ex Basilicis, et veteribus libris*: et fortasse in Fastis sub Domitiano, qui dicitur Nonnius, Asprenas, est Ninnius, non Nonnius, celebre nomen Romanæ familiæ, vel ex Lucio Ninnio Tribuno plebis, qui intercessit iniquis rogationibus Clodii, ut Dio scribit *l. 38.* et quo referente Senatus decrevit de reditu Ciceronis, ut idem Cicero sæpius scribit. Generaliter autem verum est, si actum sit perlusorio iudicio, id est, per collusionem; non strenuo nisu rem iudicatam pro veritate non haberi, ut in *l. 27. sup. de lib. cau. l. si servus, §. 1. D. de legat. 1. l. si perlusorio, D. de appellat.* rescripto Divi Pii, cujus sit mentio in *l. 1. hoc tit.* similis est lex. 9. sup. de ingen. et manumiss.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXI. Ne de statu defunctorum, etc.

Ut collusioni detegendæ ingenuitatis, et libertatis, qua de re actum est titulo superiore ex Senatusconsulto Ninniano post sententiam quinquennium præscriptum est, ita hoc titulo ex alio SC. ut ostendit *l. 4. et ult.* quinquennium præscribitur volentibus quærere de statu defuncti, qui in die mortis suæ, quod exigit *l. 1. et 2. et 6.* sine interpellatione vixit ut liber, palam, non clanculum, et furtim, fugitans dominum, ut in *l. ult.* Nam hoc SC. tantum in eo locum habet, qui in oculis omnium vixit pro libero in diem mortis suæ, ut post quinquennium a die mortis, de ejus statu quæri non possit: dico quæri, non agi: nam de statu defuncti constat liberali judicio principaliter agi non posse, *l. 13. sup. de liber. cau.* quia nihil interest nostra, nec addebet, ut Martialis ait, *vellera barbam mortuo leoni.* Ideo in hoc tit. non hoc vult, ne agatur principaliter de statu mortui, ne in mortuum sit liberale judicium, quod erat certissimum, sed in aliam litem principalem, puta in litem honorum, quæ movetur hæredi defuncti, vel in litem de statu viventis, si incidat quæstio de statu defuncti, ex Senatusconsulto ut ea non admittatur post quinquennium a morte defuncti, nec possit per aliam quæstionem præjudicium fieri statui ejus, qui ante quinquennium decessit. Puto SC. factum fuisse Divi Marci temporibus, ex oratione Divi Marci, cujus fit mentio in *l. 1. hoc tit.* Cum et de eo Capitolinus ita scribat, *de statu defunctorum intra quinquennium quæri jussit*: quod refert *l. ult. ff. eod.* Primum omnium etiam edixisse Divum Nervam, et Divum quoque Claudium non edixisse, sed rescriptis tantum, quæ differentia est notanda: nam edictum est lex generalis, rescriptum specialis, ne per quæstionem nummariam præjudicium fieret statui defuncti. Et refert quoque Suetonius Vespasianum de statu defunctorum quæri vetuisse ultra certos annos. Omnes hi principes hoc agebant ut luerentur illesum statum defunctorum, qui in diem mortis vixerant ut liberi, intra quinquennium admittitur incidens quæstio de statu defuncti: nam principalis non admittitur, modo non faciat præjudicium ante quinquennium mortuo. Et ita etiam de statu vivi principaliter agi potest, modo per eam quæstionem non fiat præjudicium statui ejus, qui ante quinquennium mortuus est, quod si cæpta sit causa liberalis adversus aliquem, et is moriatur pendente

lite, lis continuo non extinguitur, sed perclurat, non propter ipsum, qui defunctus est, sed propter causam evictionis, ut in *l. 2. sup. de adsert. toll.* vel ob causam honorum, ut sciatur ad quem pertineant, vel domicii singularum rerum, *l. 3. hoc tit.* Et notandum hanc præscriptionem quinquennii opponi etiam agenti fisco post quinquennium, moveatque, aut movere tentanti quæstionem status defuncti, *l. 1. ff. eod.* Eandem quoque exceptionem opponi pupillis agentibus, et Reipublicæ, *l. 6. hoc tit.* quæ comparat Reipublicam pupillo, ut *l. 9. ff. de appell. l. pen. sup. ex quib. caus. major. l. pen. inf. de jure Reipubl.* Ideo ait, etiam agenti de statu defuncti, post quinquennium pupillo, vel Reipublicæ obstat præscriptio quinquennii, quia libertas publicam tutelam meretur: *l. 2. ff. eod.* adeo ut nec ex ea causa pupillus, et minor 23. annis possit restitui in integrum, id est, adversus libertatem: si posset in integrum restitui ex ea causa, hodie ex *l. ult. in quib. caus. in integr. rest. necess.* ipso jure adversus eum non correret præscriptio quinquennii, id est, ipso jure tutus esset, nec ei opus esset restitutione in integrum, sed quia ex hac causa non restituitur in integrum, ideo cessat hoc casu *d. l. ult.* Et præscriptio quinquennii currit contra minorem, fiscum, et Remp. quia ea res publicam tutelam meretur. Et notandum, statum in hoc titulo accipi pro deteriore statu, puta si quis vixit ut liber, in diem mortis dicatur fuisse servus, puta, si quis vixit: ut ingenuus, in diem mortis dicatur fuisse libertus: nam si quis vixit ut sui juris, id est, ut emancipatus a patre, in diem mortis potest dici esse alieni, id est, in potestate patris. Ad hanc speciem non pertinet hoc Senatusconsultum, sive præscriptio quinquennii: nam et post quinquennium quæri potest de emancipatione, id est, an defectus jure emancipatus fuerit, nec ne *l. 3. hoc tit.* Nam hic status non est deterior status, emancipatio est minima capitis diminutio, minima mutatio status. Et hoc ita intelligit debet, ut post quinquennium ab alio induci possit hæc quæstio, utrum defunctus fuerit sui juris, an alieni, id est, utrum filiusfam. an paterfam. non tamen a patre ipso, qui eum emancipavit, id est, non audietur pater post mortem filii, si dicat se eum non rite emancipasse, ne veniat inconstanter contra factum suum, *l. post mortem, ff. de adoption. quam observandum est non loqui de patre, qui negat se emancipasse, qui audietur, l. §. si adversus Rempub. jud. sed de patre, qui dicit se emancipasse, non tamen jure: qui non audietur impugnans quod fecit.* Postremo ad hunc tit. notandum est, quod ait *lex pen.* Procuratorem Reipublicæ non esse competentem judicem in causa ingenuitatis, sed Præsidem provincie, hoc certo certius est in

procuratore Reipublice. Itaque ut in *l. pen.* major sit causa dubitandi, maxime, quia loquitur de eo, qui dicebatur servus fisci, est legendum, *Procuratorem rei privatae*, quem constat, si agatur, de servo inter fiscum, et privatum, esse competentem iudicem in causa libertatis, et servitutis, sic est legendum in *l. pen. sup. ubi caus. stat. et libertatis*, pro libertinitatis, ut lex ipsa demonstrat: alioquin pugnaret ipsa secum. Sic igitur statuo: procuratorem fisci, vel procuratorem rei privatae, qui rationalis dicitur, et catholicas, esse iudicem competentem in causa libertatis, et servitutis, sed non in causa ingenuitatis: eam enim tantum agi posse apud Praesidem provinciae, ut *l. 2. sup. de ped. judicib. et d. l. penult. hoc tit.* quam esse de causa ingenuitatis ostendit initium *l. si pater tuus velut ingenuus.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXII. De longi temporis praescriptione, etc.

Post quinquennii praescriptionem inductam S^c. Ninniano, quae tuetur statum eorum, qui liberi pronuntiali sunt, et post aliam praescriptionem quinquennii inductam alio S^c. quae tuetur statum defunctorum, nunc datur praescriptio longi temporis, id est, continui decennii inter praesentes, et continui vicennii inter absentes, quae adversus libertatem nec ipsa, neque longioris temporis praescriptio sola quicquam potest, etiamsi quis diutissime fuerit in possessione servitutis, etiamsi sexaginta annis, ut ait lex 3. ex facto proposito. Nullo igitur tempore proclamatio ad libertatem extinguitur, qui maximus est libertatis favor. At praescriptio longi temporis plurimum facit pro libertate, si quis longo tempore sine interpellatione fuerit in possessione libertatis bona fide, et ex justo initio possessionis: nam haec tria requiruntur, ut libertati proficiat praescriptio longi temporis, primum longum tempus, et cessatio interpellationis, id est, ut fuerit quis sine interpellatione in possessione, et bona fides, et justum initium possessionis, *l. 2. hoc tit. l. ult. sup. de iis, qui a nominis, etc.* justum initium possessionis, id est, titulum justum requiro, veluti manumissionem justam, vel redemptionem a servitute, vel vicarii servi traditionem, vel peculii adsignationem, puta si dominus servo peculium concesserit, ut eo uteretur libere ut liber, tanquam proprio patrimonio. *l. 3. C. Th.*

Tom. IX.

sup. de liber. cau. nec semper requiro, ut annis 20. in possessione libertatis fuerit, sed contentus sum decennio inter praesentes, ut *l. si cum, §. Arist. ff. qui, et a quib. manum.* Qua in re valde peccant glossae in hac *l. 2.* quae neque justum titulum requirunt, neque contentae sunt decennio inter praesentes, quod est contra *l. 2.* quae justum initium requirit, quod quid aliud est, quam justus titulus? et contra *d. §. Arist.* qui contentus est decennio: quod si quis mala fide fuerit in possessione libertatis, ut servus fugitivus, qui se gerit pro libero, non ignarus conditionis suae, placet longi temporis praescriptionem ei non prodesse, *l. 1. hoc tit.* quae congruenter sequitur vicinitatem *l. ult. tit. sup.* quae est etiam de servo fugitivo, ut tametsi in fuga decesserit, quinquennii praescriptio non obstat agentis de statu ejus: posset tentari servo fugitivo, qui se occulte pro libero gessit, et fide mala prodesse praescriptionem 30. annorum ex *l. 4. C. de praescript. 30. ann.* in qua Anastasius generaliter constituit, ut omnis quaestio quacunque de re, vel jure, vel conditione finiatur praescriptione 40. annorum. Quod tamen postea noluit Justinianus obtinere in colono adscripto, qui nec praescriptione 40. annor. redditur immuni conditione colendi agri alieni, cui est adscriptus, et addictus, ne agrorum cultura deseratur, *l. cum satis, C. de agris. et censit.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Titul. XXI. De peculio ejus, qui libertatem meruit.

In hoc titulo proponitur una differentia inter manumissionem servi, quae fit inter vivos, et eam, quae fit testamento. Manumisso inter vivos tacite videtur concedi peculium, si non sit ademptum, nisi sit pupillus, qui manumittat apud consilium, *l. pen. D. de manum. vind.* Manumisso autem in testamento peculium concedi non videtur, si non sit relictum nominatim. Quam differentiam probat *§. peculium, Instit. de leg. et lex tertia, de manumiss. serv. ad civit. pertinent. l. si Stichus, ff. de pecul. l. 1. sup. de comm. serv. man.* Idemque est in filio emancipato, quia videtur pater ei concedere peculium, quod habet, si ei in emancipatione non ademerit, *l. donat. §. 1. ff. de donat.* Et ratio differentiae haec est, quia dum manumitto, vel emancipo inter vivos, alii non tribuo peculium: concedere igitur videor manumisso, vel emancipato, quod alii neque tribuo, neque mihi retineo: at in testa-

mento, dum manumisso servum, peculium alii relinquo, puta heredi instituto, qui mihi, in jus universum succedit: et in jus peculii igitur. Denique cum instituo heredem, videor adimere peculium manumisso in eodem testamento, quod ei non relinquo nominatim, ut plane sequi debeat heredem potius, quam manumissum, quoniam in dubio heredi parcimus, heredi favemus, heredem exonera- mus, quem etiam magis dilexisse videtur testator, *l. Sempronius, de leg. 2.*

JACOBI CUJACII J. C.

Ad Lib. VII. Codicis.

RECITATIONES SOLEMNES.

Ad Titul. XXIV. de Senatusconsulto Claudiano tollendo.

Explicanda est prius sententia Senatusconsulti Claudiani, de quo in hoc titulo agitur. Senatusconsulto Claudiano cautum est, ut mulier libera, quæ non habita ratione honestatis, et pudoris contra denunciationem domini se jungit servo alieno, capite minuat, et fiat ancilla ejus, cujus servus est, et fortunas quoque omnes cum capite in familiam, et domum ejus transferat, et filii ex ea conjunctione nati servi nascantur, ut *l. pen. C. Theod. de liber. causa*. Et sic fit ancilla connubio, quæ de re Ulpianus *lib. reg. tit. de tut.* Et Tertullianus *lib. 2. ad uxorem*: *Nonne*, inquit, *insuper censuerunt servituti vindicandas, quæ cum servo alieno post domini denunciationem in consuetudine perseverarunt.* Et Corn. Tacitus *12. annalium*, qui hujus Senatusc. auctoritatem tribuit D. Claudio; ut omnes auctores, excepto Svetonio, qui nescio quo errore id tribuit Vespasiano *cap. 11.* dum scribit, auctorem fuisse Vespasianum Senatui decernendi, ut quæ se servo alieno junxisset, ancilla haberetur, quod omnes, ut dixi, tribuunt Claudio, et verum est. Et ea de re ita scribit Tacitus, ut legendum est illo loco: *Inter quæ refertur de poenis feminarum, quæ servis conjungerentur, statuiturque, ut ignaro domino ad id prolapse in servitute, sin consensisset, pro libertis haberentur.* Atque ex eo loco licet intelligere, eam tantum fieri ancillam, quæ ignaro et invito domino, et contra denunciationem ejus nupsit alieno servo; eam vero: quæ nupsit consentiente, non fieri ancillam, sed haberi pro liberta. Fuit autem opus tria denunciatione domini, et sententia pratoris, quæ pronunciaretur ancilla ejus, cujus denunciationi non paruit abstinendo a consuetudine servi. Et hoc docuit Theophilus §. ult. *Instit. de suc-*

cess. subl. quæ fieb. per bonor. vendit. idemque confirmat *l. 9. et ult. C. Theod. de liber. causa, et l. 10. C. Th. de murilegulis*, quæ et omnino ad hanc denunciationem, quæ fiebat ex SC. Claudiano referenda est, *l. Lucius, ff. depos.* cujus hæc est species: Pater filiam, quam habuit in potestate, in matrimonium collocavit servo alieno, quod non est matrimonium: inter servos, vel cum servis non est connubium. Eam igitur servo alieno, quod non est matrimonium, collocavit, et ei dotem dedit, quam tamen nec dotem appellavit, quia ubi non est matrimonii nomen, ibi dos esse non potest, *l. 3. D. de jur. dot.* sed eam pecuniam quasi dotalem in cautionem deduxit sub titulo depositi, ut ait *lex Publica, eod. tit.* id est, eam pecuniam servo alieno non dedit in dotem nominatim, sed veluti in causam depositi: postea nulla denuntiatione a domino facta, ut caveatur SC. Claudiano, ut mulier abstinere consuetudine servi pater decessit, et mox servus, quæritur, qua actione filia eam pecuniam repetat? Non actione de peculio ex causa dotis, quoniam dos constitui non potest, sed eam repetet a domino servi, qui non contradixit connubio, actione de peculio ex causa depositi. Hæc est sententia *d. l. Lucius*. Et secundum hæc notandum est Accursium male interpretari *l. 34. sup. de lib. causa*, dum ait, *liberam concubinatus ratione non constitui ancillam*, puta, inquit, *si fuerit in concubinato servi mei*: imo vero hoc casu constituitur serva ex SC. Claudiano. Igitur sic potius illam *legem 34.* exponamus, si fuerit in concubinato meo: nam et ingenua mulier potest haberi in concubinato, quia illa conjunctio olim non fuit illicita, licet legamus apud Vopiscum in *Aureliano*, eum vetuisse ingenuas haberi concubinas: sed ex *l. 3. ff. de concub.* etiam ingenua, maxime obscuro loco nata, in concubinato esse potest. Quod vero juris fuit Romæ ex Senatusconsulto Claudiano, invenio omnino juris fuisse inter Longobardos, atque inter Francos, ut serva fieret, quæ nuberet servo alieno, ut scriptum est in eorum legibus, *l. ult. l. si servus liberam puellam, vel mulierem in conjugium acceperit in legib. Longobard.* Nec est omitteudum, SC. Claudianum fecisse in hac re differentiam inter lib-ruin, et liberam: nam libera, si jungat se servo alieno, ancilla fit: at liber homo, qui se junxisset ancillæ alienæ, non fiebat servus, etiam si ei denuntiatum fuisset, ut abstineret consortio ancillæ, *l. 9. sup. comm. de success. et l. 3. de liber. causa*. Item quod diximus de libera, quæ jungit se servo alieno, obtinuit exemplo SC. Claudiani: libera junxisset se adscriptitiæ alieno: nam fiebat adscriptitiæ conditionis. Sed hodie a Justiniano sublato SC. Claudiano, si servus vel adscri-

placuit duxit liberam mulierem, a domino retrahi potest, et castigari verberibus, dissoluto conjugio si velit; sin minus, non dissolvitur conjugium: quæ res erit fraudi domino, quoniam nati ex eo conjugio sequentur conditionem matris, id est, nati ex libera, et servo, liberi nascuntur, *l. Severus, de decur. §. 1. Inst. de ingenuis*. Nati ex libera, et adscriptio etiam liberi nascuntur, ex *l. ult. de agricol. et censit. Novella XXII. et LIV.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXV. De nudo ex jure Quiritium tollendo.

De nudo jure Quiritium tollendo, nudo videlicet nomine ex jure Quiritium. Sciendum est, secundum jus vetus alios habuisse servos in potestate ex jure Quiritium, qui a Theophilo dicuntur *domini Quiritarii*, ut si servos usucepissent, et vel mancipati eis fuissent nexu per æs et libram vel si iis in jure cessi fuissent, quibus modis jure Quiritium dominia rerum acquiruntur: alii autem servos habuerunt *in bonis*, non ex jure Quiritium, qui a Theophilo dicuntur *domini bonitarii*, ut quibus servi traditi fuissent ex causa emptionis non mancipi, non cessi jure, hi erant in emptoris bonis, venditoris autem erant jure Quiritium, quod nomen in venditore erat nudum, et inane, id est, sinere, propterea quod is servus emptori acquirat ex omnibus causis, non venditori, auctore Ulpiano *in regulis tit. vii.* et Theophilo *tit. de libert. et domini ex jure Quiritium testamento manumittendo* civem Romanum faciebant: domini in bonis testamento manumittendo Latinum faciebant, non civem Romanum, ut apparet ex supradictis locis. Hanc differentiam dominiorum auulit Justinianus in hoc titulo, constituens ut quoquo jure quis dominus sit, quoquo jure dominium servi acquirat, naturali, vel civili ut civem Romanum faciat manumittendo: et tamen remaneat adhuc eadem formula ex jure Quiritium in *l. 1. §. per hanc, de rei vindic.* et si quis filium meum possideat, possum eum petere præjudiciali actione, et interdicto de liberis exhibendis, ex cognitione prætoris extraordinaria. An etiam vindicatione? Minime, quia pater non est dominus filii sui, licet eum habeat in potestate, et vindicatio soli domino datur. Sed addita causa ex jure Quiritium, etiam recte filium meum vindico hoc modo: *Hunc hominem ex jure Quiritium meum esse ajo*: nam ex jure

Quiritium sum quodammodo dominus filii mei, cum eo jure in eum mihi fuerit jus vite, necisque.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Titul. XXVI. De usucapione pro emptore, vel transactione.

Post præjudiciales actiones dicturus de interdictis, sive actionibus, quæ pro iis competunt, quas constat esse de possessione, vel quasi possessione, de possessionis ipsius jure, et potestate dicere primum instituit, puta de usucapione, quæ ex possessione potissimum consistit, a quo ut possessionis nomine quandoque significetur usucapio, ut *l. denique, l. cum miles, D. ex quib. caus. major.* et de præscriptione longe, longiorique, aut brevioris possessionis et missione in possessionem judicati servandi causa, quæ etiam species possessionis est, in quibus omnibus consumitur quicquid est reliquum in hoc lib. 7. Et spectant hæc omnia ad initium libri octavi, quod est de interdictis, et hanc continuationem censeo esse notandam. Incipiamus igitur ab usucapione, quæ in possessione consistit. *Usucapio* est per usum domini acquisitio, *l. ait prætor, §. 1. ff. quib. ex causa major.* Per usum id est, per possessionem, vel plenius: *usucapio* est domini acquisitio per possessionem legitimo tempore continuatam, ut autem usucapione dominium acquiratur, hoc est ex 12. tab. Et ideo jus vetustissimum dicitur bonæ fidei possessoris, *l. in bello, §. et si ignorans, ff. de cap. et post.* et plenum jus tribuere possessori, id est, plenam proprietatem, *l. 17. in fi. de rei vind.* et securitatem præstare, ne quis unquam possit movere possessionem legitimi temporis quod impletur possidendo sine interpellatione, *l. 1. sup. de commun. rer. alienat.* et in 12. tab. usum, id est possessionem esse auctoritatem fundi, id est, titulum, quo possessor fretus dicit se esse fundi proprietarium: usus, inquit lex, auctoritas fundi biennium esto, quod hodie a Justiniano transformata usucapione est 10. et 20. et in *l. 12. tabularum* usus biennium, id est, possessio biennium, ἀρχαῖος, ut relegatio biennium, aut quinquennium. *Quintil. dicit. 296. Ex lege, inquit, in exilium quinquennium missus est.* Et sic *l. ait*, quod usus, id est possessio biennium, est auctoritas fundi, id est, justus titulus fundi, in *l. si inter extran. ff. de donat. inter vir.* usucapio dicitur suffragium temporis, id est, possessionis legitimo tempore continuatæ. Et licet usucapio sit

incrum conjunctum cum detrimento alterius, puta domini, l. 8. conjuncta l. seq. ff. ex quibus caus. major. tamen recepta est propter bonum publicum, cujus ratio prevalet, ne scilicet rerum dominia, diu, aut fere semper in incerto essent, et ut esset aliqua securitas possessori, aliquis finis sollicitudinis, et periculi litium, l. ult. ff. pro suo. Quia dominis sufficit ad inquirendas res suas, et vindicandas legitimi temporis spatium, ut plane iis imputari possit, si intra id temporis res suas non perquisiverint, collegerint, vindicarint, l. 1. ff. de usurpat. et usuc. Et quod est commune, et publicum bonum, non videtur esse privatum detrimentum, si modo bona fides interveniat initio possessionis, l. si quis fundum, de acquir. posses. et justus titulus, justum, initium, et veram, justamque possessionis causam possessionem continuam requiro, id est, non interpellatam, non interruptam, non intermissam, et bonam fidem possessoris, quia male fidei possessoris possessio non potest esse alteri detrimentosa, et ei proficere ad usucapionem. Denique non infero tibi damnum, si usucapio quiddam esse nescio, infero tibi damnum improbe, si id scivi esse tuum, quod usucapi, d. l. si quis. Damnum quidem facit, qui amittit dominium rei suae, quam bonae fidei possessor usu suam facit. Sed id damnum non videtur ei dedisse bonae fidei possessor, quia scientes tantum aliis damnum inferimus, non ignorantes. Requiro etiam verum, et justum titulum possessionis, possessionis inquam, non proprietatis: nam si nactus fuero justum utrumque titulum proprietatis, atque ita proprietatem acquisiero, usucapioni locus non est: nemo quod suum est, usucapit. Quod si nactus fuero verum, justumque titulum possessionis, non proprietatis, cum mihi usus temporis certi, sive possessio, et usucapio tribuit. Neminem rem suam usucapere est proditum in l. sequitur, §. lana, de usucap. et d. l. in bello, §. si quis servum. Et in hoc titulo ostenditur justum, verumque titulum possessionis esse titulum pro transactione, l. pen. hoc tit. l. cum solus, ff. de usur. Puta si a non domino mihi bona fide accipienti res aliena tradita sit ex causa transactionis, in hoc nullus est labor. Sed quid si rem alienam possideo nullo precedente iusto titulo, et lite mihi de ea re mota, eam retineo ex transactione habita cum adversario, qui mihi litem fecit, an nunc eam rem incipio possidere ex justa causa, id est, pro transactione? Hoc negant interpretes, ut glossa refert in d. l. pen. Et moventur admodum subtili ratione, quae talis est. Si cum adversario, qui litem fecit de re, quam possidebam, transegi, ex pacto transactionis dominium rei in me non transfertur, l. si super, l. sive apud acta l. si pro fundo, sup. de transact.

quia scilicet pacto nudo dominium non transfertur, l. traditionibus, sup. de pact. et ideo adversario, cum quo ita transegi, ut eam rem ita retinerem, integra est rei vindicatio, quae lis dominii est, l. evictis, sup. de usur. Ergo illo posito, id est, cum adversarius ejus rei dominus non est, nec ex pacto transactionis ab eo causam possessionis habere videor. Cessat igitur usucapio pro transactione, cum rem retinui: nec traditam mihi ex transactione accepi. Et omnino, ut ita statuamus, subtilitas juris exigit, mera illa ratio juris, sed ex aequitate ad interpretes vellem addi, praetor enim, qui ex causa transactionis rem retinet, quam ante non juste possidebat, tenebitur tanquam possessor pro transactione, quia licet rei vindicatio, vel Publiciana in rem actio remaneat integra adversus eum: potest tamen repelli actor exceptione pacti, vel doli mali, ut docent supradictae l. de transact. In hoc titulo etiam ostenditur justum esse titulum possessionis pro emptore, puta si quis a non domino bona fide rem alienam emerit, et acceperit, traditione non statim dominium transfertur in accipientem, non domini traditio non transfert dominium, quod non habet, sed praestat bona fide accipienti occasionem usucapionis, occasionem juris, ut loquitur l. qui alienam, de mort. caus. don. Occasionem, non causam: aliud est occasio, ut statuunt philosophi, aliud causa. Aliud αἰτία, aliud ἀπαρμή. Causa usucapionis est a l. 12. tabular. Cicero pro Crecinna: usucapio fundi, inquit, non a patre relinquitur, sed a legibus, etc. Non est autem justus titulus, si quis a pupillo rem emerit sine tutoris auctoritate, sciens pupillum esse. Non est justus titulus pro emptore, quia venditio emptio ipso jure nulla est, sed et pupillo integra est rei vindicatio. Sed si ex pretio factus sit locupletior, vindicanti rem obstat exceptio doli mali, ni pretium reddat. Et haec est sententia l. ult. hoc tit. cujus pars repetitur in l. 3. sup. de auctor. priest. Unde est emendanda ita inscriptio non tantum l. ult. hoc tit sed et pen. et antepen. ut omnes adscribantur Diocletiano, Maximiano, non Philippo. Dixi sciens pupillum esse: nam qui putavit puberem esse, ut nos saepe fallit vultus, usucapere poterit, l. 2. §. sed pupillo, ff. pro empt. Quod non est accipiendum de re propria pupilli, quia res pupilli usucapi non potest, l. bonae fidei, ff. de acquir. rer. dom. Nihil de tutela usucapi potest, id est, de bonis ejus, qui in tutela est. Sed quae tractantur hac de re, accipienda sunt de re aliena a pupillo bona fide possessa; quales subauditiones saepe in hac materia de usucap. fieri compertum est id etiam requiro titulo pro emptore, vel alio quolibet, ut res, quae emitur, neque sit furtiva, neque vi possessa.

Nam usucapioni rei furtivæ obstat l. 12. tabular. et Altinia, ut nec a bonæ fidei emptore usucapi possit, antequam res redierit in potestatem domini, quo genere vitium furti amovetur, quod inerat rei, et loquor de re mobili, non immobili, cuius furtum non fit, l. quam rem, ff. de usurpat. et usuc. l. verum, ff. de furt. l. 1. de disrat. pignor. Unde existit alia differentia inter rem mobilem et immobilem, ut scilicet in rei alienæ venditione, si mobilis sit, exigatur bona fides utriusque, id est, emptoris et venditoris: nam si emptor sit bonæ fidei, venditor malæ fidei, vendendo rem non suam mobilem, furtum facit, nec procedit igitur usucapio pro emptore, nisi dominus ratam venditionem fecit, l. 1. 4. 6. et 7. hoc tit. Et observandum est, l. 6. hoc tit. quæ videtur pugnare alioqui cum lege se vitur, §. si rem, ff. de usurpat. et l. si rem, ff. pro empt. l. 6. inquam loqui de hypotheca, id est, de re mobili, quam debitor creditori pignori obligavit nuda conventionione, non etiam tradidit, ut scilicet si debitor eam vendat, non possit res ab emptore usucapi, quin et rei suæ furtum fecisse dicitur et post furtum commissum res non rediit in potestatem ejus, sed remansit apud emptorem. At II. contrarie loquantur de pignore tradito, et earum sententia hæc est ut si debitor pignus, quod tradidit creditori, subripiat, ac deinde vendat, res possit usucapi pro emptore, quin post furtum commissum res fuit in potestate debitoris, qui dominus est ejus rei, atque ita furtum fecit, simulque furtum emendavit, simulque ceperit esse furtiva, et desiit ut usucapi possit: nec necesse est, ut redeat in potestatem creditoris, cui subrepta est, in quam tamen si redeat, fateor etiam furti vitium, quod fuit, amoveri, l. ult. ff. de usurpat. Et præterea hæc sunt intelligenda de re aliena a debitore bona fide possessa, quam pignori obligavit, vel dedit: nam in venditione rei propriæ, quam fecit debitor, non potest intelligi usucapio pro emptore, quia res per traditionem statim fit emptoris. Unde apparet et hic nos uti superiori subauditione, ut sit species congrua superiori, quæ ponitur de usucapionibus. Et hæc quidem de re mobili. In venditione rei immobilis, cuius non sit furtum, ad usucapionem sufficit bona fides emptoris, nisi res a venditore vi possessa sit, quia usucapioni rei vi possessæ obstat lex Julia et Plautia, l. 3. h. tit. Ceterum, si res a venditore non sit vi possessa, propter malam fidem ejus, nullo vitio laborat, et usucapi potest a bonæ fidei emptore. Quod tamen rursus, et hoc nunquam vobis exire memoria debet, ita est accipiendum ex Nov. 129. c. 7. ut si sciente domino a malæ fidei possessore res vendita, et tradita sit bonæ fidei emptori, usucapi possit legitimo tempore, sed si

ignorante domino a malæ fidei possessore sit tradita emptori bonæ fidei, non sufficit usucapio 10. aut 20. ann. sed necessaria est præscriptio 30. ann. Quæ distinctio excidit sæpe memoria, et tamen magni momenti est. Addamus postremo ex l. 2. hoc tit. eam quoque rem, vel servum eum non posse usucapi, quem testator alienari veluit, quem jussit servari in familia propter peritiam artis singularem, quoniam hæc conditio, quam dixit testator, personam servi afficit, eique coheret, sicut in venditione facta ea lege, ne servus manumittatur, hæc lex coheret personæ servi, l. pen. sup. si mancip. ita fuer. alien. Et ex lege 3. notandum est, partum ancillæ furtivæ, quod et de quolibet animali dici potest, conceptum apud bonæ fidei emptorem usucapi posse, nec esse furtivum, licet ancilla sit furtiva, nec usucapi possit. Desidero ut sit conceptus apud bonæ fidei emptorem: nam si conceptus sit apud furem, et ipse furtivus est sicut et mater. At conceptus apud bonæ fidei emptorem, si modo et editus sit emptore adhuc ancillam bona fide possidente, quod desidero, non intelligitur esse furtivus, et potest usucapi, l. qui vas, §. si ancilla, ff. de furt. l. non solum, in princ. ff. de usurp. et usucap.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXVII. De Usucapione pro donato.

Iustus etiam est titulus usucapionis pro donato, puta si res aliena a non domino donata sit bona fide accipienti, l. 1. hoc tit. Si etiam donator eam donaverit, et tradiderit bona fide: nam utriusque bona fides exigitur donatoris et donatarii, alioquin res furtiva est, l. 2. hoc tit. ut non abs re dicatur in §. quod autem dictum, In tit. de usucap. in re mobili non facile procedere usucapionem: nam qui mala fide eam tradit aliqua ex causa, furtum ejus committit, et res furtiva usucapi non potest. Potest tamen quibusdam casibus evenire ut et res mobilis usucapiatur ex utraque parte interveniente bona fide, ut explicatur in l. potest, de usucapion. Res autem immobilis donata, vel aliqua ex causa justa a malæ fidei possessore, qui eam sine vi possideat, tradita bona fide accipienti, præsertim non ignorante domino, usucapi potest: nec in re immobili exigitur bona fides utriusque, sed sufficit bona fides accipientis, et ut qui dedit eam rem possideat sine vi, quia eo casu res neque furtiva est, neque vi possessa, denique est sine

vitio, §. quod autem ad eas res, Instit. de usuc. Verum autem titulum pro donato requiro, quia falsus titulus pro donato non sufficit ad usucapionem, l. 3. hoc tit. Et hoc est, quod generaliter dicitur, errorem falsæ causæ non parere usucapionem, ut si quis putet rem sibi donatam, quæ ei donata non fuit, se emisse, quam tamen non emit, l. Celsus, de usucapion. l. 1. 2. et 3. ff. pro leg. l. 6. ff. pro derelict. Hoc ita procedit, si traditio non intervenerit, veluti ex emptione, licet revera contracta non fuerit, vel si non intervenerit alia justa causa erroris, l. 1. ff. pro don. l. 3. l. 4. §. ult. ff. pro suo, l. Proculus, ff. de jure dot. leg. quod vulgo, ff. pro empt. Et notandum ad hunc titulum usucapionem pro donato procedere, non tantum si res aliena donata sit inter vivos, sed etiam si mortis causa, quod non carebat dubitatione in donatione mortis causa, quæ non est directa donatio, non simplex, non absoluta, quæ non videtur ante perfecta, quam mors sequatur, l. non videtur, ff. de don. mort. causa. Sed tamen placet, rem mortis causa donatam, et traditam igitur (nam verbo donandi significatur traditio, nec ante Justinianum intelligebatur donatio sine traditione et acceptione, quia non valet donatio, quæ sit *paravant qu'elle soit acceptée*, placet, inquam, rem donatam causa mortis, statim usucapi posse, si aliena fuerit, et data, acceptaque bona fide. Et hoc ostenditur in l. si alienam, in princ. et l. qui alienam, ff. de mort. causa, et l. Aristo, §. Idem Aristo, ff. de donat. Et huc valde pertinet species, quæ est satis difficilis l. sed etsi constante, ff. de donat. inter vir. et uxor. Sciendum est, ut intelligatur species illius legis, inter virum et uxorem receptas esse mortis causæ donationes, quia in hoc tempus excurret donationum eventus, quo vir et uxor esse desinunt, l. 10. in fin. et l. seq. eod. Donationes autem inter vivos inter virum et uxorem prohibita sunt. Nunc fingo: maritus uxori donavit rem alienam, et intervenit bona fides ex utraque parte, quaeritur an impediatur ejus rei usucapio? quod videtur, quia deficit justus titulus. Est enim donatio inter virum et uxorem illicita. Igitur et vitiosa traditio, quæ sit ex ea causa, quod tamen non est concedendum; nam non omnis donatio rei alienæ bona fide facta, inter virum et uxorem est illicita, nec vitiosa traditio, quia jure civili ea tantum donatio prohibetur inter conjuges, quæ donatorem pauperiorem in rebus suis facit. Et valet ergo rei alienæ donatio a marito facta uxori bona fide, quia pauperiorem maritum in rebus suis non facit, et consequenter ejus rei usucapio possidenti procedit, ut in l. si vir uxori ff. pro don. Et rectius in d. l. sed etsi constante, vulgo sine negatione, quam cum negatione Florent. legitur, quia etsi mortis causa

donaretur ei, non impeditur usucapio, male Florentine: etsi non: ut sit hæc ratio Jurisconsulti, quia res aliena mortis causa donata uxori bona fide accipienti, statim usucapi potest, ut ante probavimus. Et res igitur aliena uxori donata inter vivos usucapi potest, et quia ea donatio maritum pauperiorem non facit, et quia comparatur donatori causa mortis post orationem Severi et Antonini, qua cavetur, ut donationes factæ inter maritos confirmantur morte eorum, si in ea voluntate perseveraverint, usque ad extremum vitæ suæ exitum, l. 12. sup. ad l. Falcid. dum ait, donationem factam inter virum et uxorem fungi partibus fideicommissi, vel donationis causa mortis, quia morte donatoris hodie confirmatur. Ideoque Falcidiæ subijcitur: et negatio, quæ illo loco additur in Pandectis Florent. meo judicio rejicienda est in inferiorem locum, ut ita concludat d. l. sed etsi constante. Itaque licet non mortis causa donatio interveniat, sed inter vivos, scilicet rei alienæ, quasi inter extraneos fieri intelligenda est: non inter conjuges. Ideoque quia aliena est, usucapi potest, fuit trajecta illa negatio, et suo loco restituenda, ut dixi. Exemplo autem donationis rei alienæ factæ inter uxorem et virum, hodie idem etiam constituemus, si pater rem alienam, et suam donaverit filiofamilias, nimirum ut statim usucapi possit, quia instar habet mortis causa donationis, propterea quod ex constit. Just. id est, l. donatione, sup. de don. inter vir. et uxor. morte confirmatur, quæ ante Justinianum morte non confirmabatur, l. 1. §. 1. ff. pro don. Quia obstat regula juris, ne ex post facto convalescat, quod ab initio non valuit, quæ regula cessat, si quando quid fiat ex lege certa, ut ex oratione illa Severi et Antonini, et illa constitutione Justiniani.

JACOBI CUJACII J. C.

Ad Lib. VII. Codicis.

RECITATIONES SOLEMNES.

Ad Tit. XXVIII. De usucapione pro dote.

Titulus quoque pro dote justissimus est, ut ait l. 1. ff. eod. si res mobilis, quæ aliena est, nec furti vitio laborat, bona fide data sit in dotem marito bona fide accipienti, quæ est sententia constitutionis hujus tituli. In qua observandum est, eam loqui de re mobili tantum, quia res immobilis, puta fundus dotalis, usucapi non potest, neque ab alio, neque ab ipso marito, quia fundi dotalis alienationi, quod nomen comprehendit etiam usucapionem, lex Julia obstat, l. si fundum, ff. de fund. dot. videlicet quoties soluto matrimonio actio de

dote mulieri competitura est. Quo etiam solo casu locum habet lex Julia de fundo dotali, *l. 3. ff. eod.* quod non annotavit glossa, idque observandum erat, quod dicit *res mobiles*.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXIX. De Usucapione pro hærede.

Justus etiam est titulus *pro hærede*, si hæres rem inventam in hæreditate possideat ut hæreditariam, ignorans esse alienam, quæ erat aliena, et necesse est pro hærede titulus sit verus titulus, id est, ut possessor ejus sit hæres, et defunctus igitur is, cujus se hæredem dicit, quia vivi hæredes non habent, *l. 3. h. tit. l. 1. ff. eod. l. 1. ff. de hæred. vendit.* Et notandum est, malam fidem defuncti hæredi nocere: id est, quod defunctus non potuit usucapere pro hærede, vel quo alio titulo, propter malam fidem, vel propter aliam rationem, id etiam hæredem ejus, quamvis sit bonæ fidei possessor, velut hæreditarium usucapere non posse, quæ est sententia, *l. 1. et l. ult.* Et omnino ita est verum generaliter, ut quod defunctus mala fide possedit, vel alio vitio, hæres ejus, licet bonæ fidei sit, mala fide possidere videntur, quia propius accedit ad vicem ejus, qui decessit vita, et eadem persona esse intelligitur. Et hoc ostendit *l. 3. tit. seq. et l. cum hæres, ff. de divers. et tempor. præscript. et §. diutina, Instit. de usurap. et l. vitia, inf. de acquir. possess.* Cum aut vitia a majoribus contracta perdurare, et successorem auctoris sui culpam comitari: successorem scilicet universi juris: nam et virtus auctoris sequitur hæredem, puta bona fides defuncti proficit hæredi ad usucapionem, licet hæres sit malæ fidei possessor. Explicanda etiam est lex secunda, dum ait, *nihil pro hærede posse usucapi suis hæredibus existentibus*. Quid hoc est? Aliud est suum hæredem existere, aliud extare. Sui hæres existit ipso jure statim a morte parantis, etiam clausis tabulis testamenti, si testatus parens decesserit, atque etiam invitus, ignorans existit, id est, apparet: nam existere Græci interpretantur *ἀπαύτως*. Sui ergo hæredes existunt statim ipso jure. Extant autem si se misceant bonis. Et horum verborum distinctio *l. si operarum, ff. 1. de oper. libert.* adducit in concordiam *l. cum patronus, §. 1. ff. eod.* Nunc serva, quod ait *l. 1.*

suis hæredibus existentibus, non etiam sit extantibus: unde sic dicamus suis hæredibus existentibus, non tamen extantibus, sed abstinentibus, nihil pro hærede usucapi posse, quia sui hæredes manent ipso jure, etiamsi abstinuerint se hæredes sine re, *l. cum quasi, §. sed et si quis, ff. de fideicom. libert. l. etsi ex modica, §. si filius, ff. de bon. libert.* Igitur suis hæredibus existentibus, licet abstinuerint se, agnati legitimo jure venire non possunt ad hæreditatem: denique res alienas inventas in hæreditate pro hærede usucapere non possunt, quia ipsi non sunt hæredes, sed sui, licet re abstinerint. Sed suis hæredibus abstinentibus se, agnati jure prætorio venire possunt, et usucapere, pro bonorum possessore, non etiam pro hærede.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Titulum XXX. Communia de usucapionibus.

Proponantur in hoc titulo non omnia, sed quedam, quæ sunt communia omnibus titulis usucapionum, ut sine possessione civili usucapio contingere non possit, in *l. 1.* Ideo eum, qui sibi rem non possidet, sed alii, puta conductorem, non posse eam rem, quam conduxit usucapere, imo nec ad eam obtinendam ullius temporis præscriptione se tueri, *l. 2. de præscript. 30. annor.* quis non ipse possidet sibi, sed dominus solus per eum, et sine possessione non procedit usucapio, vel præscriptio, id est, nisi qui possidet, sibi possideat: quæ de causa nec ei datur interdictum possessori, sed domino, *l. 1. §. de jectur, et §. quod servus, ff. de vi et vi arm.* Item commune hoc est, ut res fisci usucapi non possit, *l. 2. hoc t. l. quamvis, l. ubi lex, in fin. ff. de usucap.* Item commune est hoc omnium titulorum usucapionis, omnium causarum possessionis, ut mala fides defuncti noceat hæredi, licet bona fide possideat. Quod et ante fuerat specialiter propositum de titulo *pro hærede*, generaliter proponitur in *l. 3. hoc tit.* Et verum est adeo circumscripta glossa, ut hæres malæ fidei possessoris, rem, quam defunctus possidere cepit, nec ex persona defuncti, nec ex persona sua usucapere possit. Quod glossa tamen tenuit, ut possit ex persona sua, quia idem censetur esse homo hæres, et defunctus, et quod in defuncto juris fuisset, idem sequetur hæres.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXXI. De usucapione transformanda, et de sublata differentia rerum Mancipi, et nec Mancipi.

Ut intelligamus jura usucapionum, quæ olim fuerunt, et quæ sunt hodie, prius ita constituamus, omnes res esse, vel Mancipi, aut nec Mancipi. *Res Mancipi* sunt prædia urbana, vel rustica, quæ sunt in Italia, res soli Italici, et jura prædiorum rusticorum, ut iter, actus, via, aqueductus, quæ et ipsæ intelliguntur esse res soli Italici, et eodem jure censentur, quo res soli, l. 2. sup. de servit. et aqua. Item servi res Mancipi sunt, et quadrupedes, quæ dorso, collove dominantur, ut hoves, equi, muli, asini, etc. auctore Ulpiano lib. reg. tit. 10. Item uniones, id est, grandes margaritæ, quæ et peruli dicuntur, ut in idiotismo *des perles*: nam Plinius lib. 9. cap. 35. scribit, uniones in Mancipatum venisse, ut prædium aliquod. Idemque dici potest de omni re pretiosa, de qua nomine evictionis duplam promitti oportet, ut l. emptori, §. 1. ff. de eviction. et rem pretiosam definitio, quæ venit auro contra, vel supra. Et ita in d. l. emptori, §. sed de his rebus, etiam margaritæ enumerantur, et ornamenta pretiosa, et vestes sericæ, quæ etiam contra aurum venisse Vopiscus scribit in Aureliano. Et hæc quidem res sunt Mancipi. Ceteræ res nec Mancipi sunt, ut prædia provincialia, quæ etiam stipendiaria dicebantur, vel tributaria, quod omnia, vel stipendium populo, vel principi tributum penderent. Item nec Mancipi sunt feræ bestiæ, licet domitæ sint, et oves, et capræ, et sues, et res non admodum pretiosæ, quæ veniunt auro infra. Et rerum Mancipi propria alienatio est Mancipatio per æs et libram, quo genere si fiat a domino, dominum acquiritur ex jure Quiritium: si a non domino, usucapionis occasio præstat. Rerum autem nec Mancipi propria alienatio est traditio, per quam non ex jure Quiritium, sed in bonis jure naturali dominium acquiritur, ut in §. per traditionem, Inst. de rer. divis. Nec possunt hæc res alienari per Mancipationem, et inde illis nomen Mancipi: tam autem rerum Mancipi, quam nec Mancipi usucapionem esse communem alienationem Ulpianus scribit supradicto loco. Quod verum est tantum, ne fallamur, in rebus mobilibus, vel se moventibus, puta animalibus, ut sive traditæ sint, sive Mancipatæ a non domino justa ex causa, bona fide accipituri, sive Mancipi sint, sive non, usucapi pos-

sint. Non autem est verum in rebus soli, id est, in prædiis: nam ea tantum prædia usucapi possunt, quæ Mancipi sunt, quæ solo Italico continentur: nam provincialia prædia, sive stipendiaria, et tributaria, quæ nec Mancipi sunt, de quibus est l. cum sponsus, §. in vectigal. ff. de Public. in rem act. non possunt usucapi. Et licet ea prædia, quæ nec Mancipi sunt, non possint usucapi, non tamen ideo minus recte vindicantur, ut in d. §. quia in rei vindicatione qualecunque dominium deducitur, l. si mater, §. eandem, ff. de except. rei judic. Aggenus Urbicus secundo de limitibus agrorum: *Stipendiarii*, inquit, *agri nexu non habentur, sed nec Mancipatio eorum legitima esse potest, privatis enim possidere, quasi agri colendi causa, et præstandi tributi conditio concessa est, vindicant tamen inter se fines ex æquo, ac si privatorum agrorum.* Hæc Aggenus Urbicus. Et constat etiam prædiis provincialibus recte imponi servitutes, quæ intelliguntur esse res immobiles, quod coherent rebus immobilibus, l. 3. ff. de servit. Et in his quoque prædiis nuntiatio novi operis locum habet, l. in provinciali, ff. de operis novi nunt. At in iisdem locum non habebat usucapio, quæ fuit biennii, habuit tamen præscriptio longi temporis, ut declarabitur tit. 35. At, ut dixi, res mobiles, sive se moventes, sive Mancipi sunt, sive nec Mancipi, ubique usucapi possunt, in Italia, vel in Provinciis, ut nominatim ait constit. hujus tit. in princ. in qua suo loco reposito verbo, *nexu*, quod in-sederat incongruo, sic lego: *cum autem antiqui in rebus mobilibus, vel se moventibus, quæ fuerant alienatæ nexu, vel quocunque modo, bona fide tamen detentæ, usucapionem extendebant, non tantum in Italico solo, sed in omni orbe terrarum, etc. et quæ fuerant alienatæ nexu, vel quocunque modo detentæ, id est, quæ fuerant Mancipatæ, vel traditæ.* Nexus enim nomen, quod esse generale Manilius, et Gallus recte existimaverunt, in hoc loco specialiter accipitur pro Mancipatione, ut in definitione abalienationis tradita a Marco Tullio. Abalienatio est ejus rei, quæ Mancipi est traditio alteri nexu, ubi recte Severinus Boetius: *Omnes res, inquit, quæ abalienari possunt, Mancipi dicitæ sunt, aut nec Mancipi.* Adde ex vetustis libris hæc verba, *aut nec Mancipi*, et sequitur postea: *Mancipi res veteres appellabant, quæ ita abalienabantur, ut abalienatio ea per quandam nexum fieret solemnitate, quam solemnitate nunc explicabat prolati verbis Cui Juris. ex l. b. 1. Instit. tit. de nexu faciendo.* Quæ omnia verba Cui sunt de Mancipatione. Unde apparet idem esse nexum, Mancipium, sive Mancipationem, ut in legibus 12. tabul. *Cum nexum faciet, Mancipiumque, uti lingua nuncupasset, ita jus esto*, apud Po-

stum. Hujus legis interpretationem mox Festus addit, quam vulgo male pro verbis legis accipiunt, id est, inquit, sic legendum pro ita: uti nominavit, locutusve erit, ita jus esto. Interpretator scilicet illa verba, uti lingua nuncupasset, ita jus esto. Nexus generaliter dicitur, quæcumque sit datio, vel obligatio, vel liberatio per res et libram. Specialiter autem nexus dicitur mancipatio, sive datio rei per res et libram, presentibus, ut oportet non minus, quam quinque testibus civilibus, puberibus, et libripens, et adhibitis certis, solemnibusque verbis, quæ idem etiam Boetius relinquit ex Cajo. Et idem hoc confirmat Ulpianus supradicto loco, et §. 1. *Instit. de testament. ordin.* Prolati autem verbis Caji, attendite diligenter, de solemnitate emancipationis, et nexus, subjicit Boetius: quæcumque igitur res lege 12. tabul. aliter, nisi per hanc solemnitatem alienari non poterant. Sui juris autem ceteræ, nec mancipi vocabantur, quæ verba sunt depravatissima, et hæcenus impotuerunt studiosis quamplurimis, ignorantibus quantum discrepent ab ea scripta libri veteres, in quibus ita est scriptum: quæcumque igitur res lege 12. tabularum aliter, nisi per hanc solemnitatem alienari non poterant. Sui juris autem ceteræ res, nec mancipi vocabantur. Unde facta verissima conjectura, ita emendo, quæcumque igitur res l. 12. tabul. aliter, nisi per hanc juris solemnitatem alienari non poterant (sunt autem certæ hæc res) mancipi vocabantur. Ac præterea sciendum est, secundum jus vetus usucapionem rei immobilis, seu se moventis esse annum, cujus juris vestigium extat in l. nunquam, §. 1. ff. de usurpation. dum ait, in usucapione rerum mobilium continuum tempus observari, scripserat Juriscons. continuum annum, non utilem scilicet: alioquin cur dixit mobilium potius, quam immobilium, cum et in usucapione immobilium rerum tempus continuum numeretur? Est etiam aliud vestigium juris antiqui in l. cum sponsus, §. pen. ff. de Publ. in rem act. Publiciana in rem actio datur bonæ fidei possessori, qui possessionem rei amisit nondum usucapit, et ita dum ait in illo §. pen. Publiciana dari de infante servo, nondum anniento, id est, nondum usucapto, quia rei mobilis, sive se moventis usucapio annua fuit ex l. 12. tab. Res autem immobilis ex iisdem 12. tab. usucapio fuit biennium, usus auctoritas fundi biennium esto. Et hoc tantum in Italico solo, non in provinciali, ut etiam refert Justin. in constit. hoc tit. Et ut summam dicam totius rei: jure veteri, quantum intelligere licet ex prædictis, erat differentia inter res mancipi, et nec mancipi, et inter solum Italicum, et solum provinciale, et inter dominium ex jure Quiritium, et dominium in bonis. Quas omnes differ-

Tom. IX.

rentias sustulit Justinianus. Ac primum quidem differentiam domini tit. 25. sup. ut omnes essent rerum suarum domini deinceps, eodem jure pleno, et legitimo jure omnes. Et in hoc titulo differentiam locorum, ut ubique procedat usucapio omnium rerum, ut olim præscriptiones longi temporis, vel 30. ann. ubique locorum locum habebant: et in hoc titulo etiam sustulit differentiam rerum mancipi, et nec mancipi, ut omnes res quoquo modo alienari possint. Ac præterea tempus anni mutavit in hoc titulo, videlicet in triennium, quod exigit in usucapione rerum mobilium, vel se moventium: tempus autem bienni mutavit in decennium inter presentes, et vicennium inter absentes: id exigit in usucapione rerum immobilium. Sed ut hanc longi temporis usucapionem magis ampliaret, declaravit primum ad usucapionem sufficere si bona fides interveniat ab initio possessionis, ut obtinuit etiam olim in præscriptione longi temporis. Igitur mala fides superveniens non interruptit usucapionem bona fide ceptam, et ob id hæc in re l. bonæ fidei, de acquir. rer. dom. docet separatam esse causam possessionis, et usucapionis, ut et l. 2. §. separata, ff. pro empt. quoniam mala fides superveniens non interruptit jure ceptam usucapionem, quam lex ipsa pericit et persolvit, sed mala fides superveniens interruptit possessionem, id est, qui bonæ fidei possessor fuit initio, facit ut desinat esse, et fiat male fidei possessor. Atque ideo fructus suos non facit ex eo tempore, quo scivit rem aliam esse, id est, ut non habeat commodum bonæ fidei possessoris, et consequenter ex l. qui bona, §. 1. D. de acquir. rer. dom. ut ab eo tempore, quo supervenit mala fides, nihil acquirat per servum alienum, aut liberum hominem, quem scilicet possidet, quoniam ceptum esse injustus possessor, et male fidei. Et ita D. Augustin. lib. de fide, et operibus. In jure, inquit, prædictorum tamdiu quisque bonæ fidei possessor dicitur rectissime, quamdiu se possidere ignorat alienum: cum vero scierit, nec ab aliena possessione recesserit, tunc male fidei possessor perhibetur, tunc jure injustus vocatur. Sed non est omittendum etiam jure Pontificio supervenientem malam fidem interrompere usucapionem, cap. ult. extra, de præscript. quod est ex Lateran. conc. cap. 41. ut scilicet qui usucapit, vel præscribit, nulla temporis parte habeat conscientiam rei alienæ. Jure civili satis est, non habuisse initio possessionis. Et postremo addit Justinianus ampliandæ longæ possessionis gratia, ut ei, qui possidet bona fide, prosit ad usucapionem tempus, quo auctor ejus bona fide possedit, id est, ut emptori prosit tempus venditoris, atque etiam donatario in causa lucrativa tempus donatoris, et in l. pen. inf. de præscript. longi temp. l. 2. §. emptori, D. pro

empt. l. id tempus, D. de usurpat. Denique ut tempus emptoris, sive antecessoris, ut loquitur, connumeretur in decennium, vicennium, vel triennium, sic omnino legas, non tricennium: nam tricennii nomine significantur triginta anni, et in prescriptione triginta annorum non exigitur justus titulus, *l. 2. inf. de præscript. 30. ann.* quam tamen mox exigit Justin. in hac lege. Ergo non loquitur de tricennio, sed de triennio. Et observa, ut venditoris, vel debitoris tempus prosit emptori, vel donatario, et ei accedat, atque jungatur tempus ejus, necessarium esse, ut uterque rem ceperit possidere bona fide, id est, venditor et emptor, et donator, et donatarius, *l. Pomponius, §. 1. D. de acqu. possess.* Non etiam, ut perseverent in bona fide, quoniam satis est, si uterque ceperit possidere bona fide: nec interruptitur usucapio, si postea sciverit esse rem alienam, nec si ab alio ad alium res pervenerit ex causa lucrativa, veluti donatione, ut in *d. l. pen.* Quæ omnia Justinian. accipit de successore singulari, ut scilicet requiratur bona fides antecessoris, et successoris: nam idem non est in defuncto, et hærede, quoniam bona fides defuncti sufficit, ut curat usucapio cepta a defuncto, licet hæres mala fide possideat, et contra bona fides hæredis non sufficit, si defunctus fuerit malæ fidei possessor, *§. diutina, Institut. de usucap.*

JACOBI CUIACII J. C.

In Lib. VII. Codicis

RECITATIONES SOLEMNES.

Ad Tit. XXXII. De acquirenda, et retinenda possessione.

Recte inter usucapionem, et prescriptionem hic titulus medius interponitur, quia neque h. c. neque illa sine possessione consistit. Et ut a definitione possessionis incipiam, nulla melior dari potest illa, quam Festus retulit ex Ælio Gallo Jurisconsulto in libro de verbor. quæ ad jus pertinent sign. simplicius definitur in *l. questio, de V. S.* Possessio est usus: plenius Gallus, ut complectatur prædium rusticum et urbanum, et recte quidam, id est, proprii cujusdam generis usus, ut in definitione legati, *donatio quedam*, id est, proprii generis donatio, quæ neque fit inter vivos, neque mortis causa, quia nec convalescentia legatum revocatur, ut donatio causa mortis, nec qualibet poenitentia temere. Et ita in *l. rogasti, ff. de præscript. verb.* proprio negotio quodam gesto, et in *l. 1. de oblig. et act.* proprio quodam jure, ut in *l. obligamur, cod.* Ergo illud quidam, demonstrat possessionem esse pro-

priam speciem usus, ac proinde non esse possessionem cum usu, qui usus dicitur communiter, quod sic ostendo: eandem rem in solidum non possunt duo possidere, uti tamen ea possunt pro solido, neque enim ille minus utitur re, quod et ea ipse utaris, *l. si ut certo, §. si duobus, ff. commod.* forum non possidemus, eo tamen utimur, *l. 1. in fin. de acquir. poss. servitutes non possidemus, eis tamen utimur, l. 2. in fin. et l. 3. ff. de præcar.* Inde Apulejus *l. pro se ipso: plurimis rebus possessu careo, usu fruor.* Itaque definitio Galli non comprehendit quasi possessionem, qualis dicitur esse servitutum, quæ non possidentur, quia corpore vacant, ut nec apprehendi, nec retineri possint, sed cessio earum, et patientia, et usus pro possessione est. Et hoc est, quod ait *l. 1. in fin. ff. de servitut. urban. præd. traditionem*, id est, cessionem servitutis prædialis, et patientiam inducere officium prætoris, id est, hoc efficere, ut prætor eam cessionem et patientiam tueatur quasi possessionem, et data actione Publiciana, ut in *l. si ego, §. 1. ff. de Public. in rem act.* Et datis interdictis, quasi possessoris, veluti de itinere et actu, *l. quod iens via, ff. de servitut.* Usus igitur in definitione Galli non est qui communiter usus dicitur, id est, *χρησις*, ut servitus usus, vel usufructus, et commodatum, vel precarium, sed est detentio, sive detentatio, ut loquitur *lex ab hostibus, §. ult. ex quibus causis major. et l. 3. ff. de impens. in res dotal. fact.* Et glossæ Philoxeni, detentatores *διωκτόχους*, vel subsessio, incubatio: quamquam hæc duo verba plerumque accipiuntur in malum, ut in *l. 3. inf. de rei dominica vel templorum*, et illo loco Virgilii, *Deviata Asia subedit adulter*, id est, interprete Servio, *mala fide possedit.* Itaque malæ fidei possessio, proprie dicitur subsessio, vel incubatio, ut idem ille Servius: *apud nos, inquit, Tyrannus incubator imperii vocatur.* Et Augustinus in *Homilia trigesima: non erat vox justi possessoris, sed impudentis incubatoris improbitas*, id est, prædonis, et malæ fidei possessoris. Sed ut cetera, quæ Festus retulit ex Ælio Gallo, cum sit ex nostris, exponamus, et iis suppleendis, tum corrigendis, sunt enim in iis spatia supervacua, et gravia menda quedam, ut iis, quantum possit, medeamur, cetera etiam exponamus, Gallos ubi definiuit possessionem usum quandam esse agri vel ædificii, subiicit, *non esse ipsum fundum vel agrum, neque enim esse possessionem iis de rebus, quæ tangi possunt.* Quibus verbis significat fundum, vel agrum esse rem corporalem, cujus scilicet plenam proprietatem habemus: possessionem autem esse rem incorporealem, quæ cerni et tangi non potest, abstrahi tantum intellectu, et percipi potest, et ex his rebus denique, quæ intelliguntur, sunt

ex rebus incertis. Idcirco datur etiam de possessione condictio incerti, *l. indebiti*, §. *sed etsi*, *l. qui exceptionem*, §. *si pars*, ff. *de condict. indeb. adhibita l. heres*, ff. *ad Trebellian.* Interdum tamen possessio accipitur pro corpore ipso, quod possidetur, ut cum prædia provincialia possessiones dicimus, *l. 2. de probat. l. 3. inf. de revoc. donat. l. pen. sup. comen. utriusq. judic.* Et ea prædia possessiones dicimus, quia non sunt propria provincialium mancipio, et nexu, sed usu tantum, et fructu sub onere colendi, arandi prædia, præstandi tributi, vel stipendii. Et ita Festus, *possessiones quandoque appellari agros late patentes, publicos, privatos, quia non mancipatione, sed usu tenebantur, et ut quisque occupaverat, possidebat.* Quamobrem Flaccus Siculus, et Agg. Urbic. eos agros vocant *occupatorios*, et *arvifinios*, quod accersitis hostibus occupati sunt. Et ita etiam in *l. interdum, de verbor. signific.* ostenditur, eum, qui legavit possessiones suas, videri etiam legasse corpora prædiorum suorum. Et ita Apulejus in Asclepio: *Quicumque, inquit, terrena corporali cupiditate possidentur, quæ merito possessionum nomine nuncupantur, quia non sunt nata nobiscum, sed postea a nobis possideri cæperunt.* Sequitur autem in illo fragmento Aëlii Galli: *neque qui se possidere dicit, is vere potest dicere.* Quid hæc facit vere? loco illius reponimus *hanc ego rem*, quod est initium formulæ vindicationis, et creatus est error ex iis singulis, sive notis: pinge literas *h. et e.*, et ambas punctis subdistingue, et subde, re, temone superposito, id est, *hanc ego rem*, utile fecerunt here, et post, vere. Sensus hic est: *possessionem non posse vindicari veluti rem corporalem, hoc modo: hanc ego rem ex jure Quiritium meam esse ajo: Quod et ita mox declarat Gallus: Itaque, inquit, in legitimis actionibus nemo possessionem suam ex iis vocare audeat; sed ad interdictum venit.* Loco istorum verborum ex iis, reponendum est omnino *ex jure Quiritium*, ut ita scribas: *Itaque in legitimis actionibus nemo possessionem suam ex jure Quiritium vocare audeat, sed ad interdictum venit uti possidetis, quod ibi proponitur, vel etiam utrobi.* Sensus igitur est, neminem legitimam actionem *ex jure Quiritium* possessionem suam vocare, id est, vindicare, ut in Rhetoricis ad Herennium *hereditatem suam vocare lege agnationis, sed ut interdicto uti possidetis, vel utrobi, quo possessionem suam esse affirmat.* Et ita est explicanda *lex 3. §. Pomponius, ff. ad exhibend.* Possessio autem, ut Labeo ait, qui optime callebat origines, ratio neque verborum, dicta est a sedibus, quasi positio in *l. 1. ff. cod.* id est, situs, quia naturaliter tenetur ab eo, qui insistit rei, quæ est,

quam Græci *κατοχή* dicunt, id est, detentionem, sive detentionem, sessionem. Et *possidere* igitur est insistere, incumbere rei: incubare, et residere, ut apud Plantum in Epulco, *possidere ferias.* Et in Captivis, *residere ferias.* Et sequitur in *d. l. 1.* dominium rerum ex naturali possessione cepisse, id est ex detentione corporali ejusque rei vestigium remanere in iis, quæ celo, mari, terra capiuntur, et in iis, quæ bello capiuntur, et in gemmis, lapillis, margaritis in litore inventis, quæ protinus fiant ejus, qui primus eorum possessionem apprehendit: ergo in iis rebus apparet, dominium incipere statim a naturali possessione. Et ita in *l. 8. hoc tit.* per procuratorem, id est, corpore procuratoris, nobis acquiri possessionem, et per hanc dominium, ut in *l. traditio*, §. *ult. ff. de acquir. rer. dom.* Veluti si procuratori sit tradita a domino nostro nomine, quod omnino exigitur, ut statim et possessio, et dominium nobis acquiratur, ut in *l. qui mihi, de donat.* Nam si nomine procuratoria dominus ei rem tradat, non meo, dominium mihi non acquiritur, nisi per traditionem procuratoris mihi factam, quæ est sententia *l. res 39. D. de acquir. rer. dom. l. 2. sup. de his, qui a non dom. num.* Et ita in *l. 8. hoc tit.* per procuratorem utilitatis causa possessionem. Et hic subdistingue illud verbum, ut intelligatur, si proprietas a possessione separari non potest, id est, si dominus tradat rem procuratori, si proprietarius tradat procuratori, si in persona tradentis conjuncta fuerit possessio dominio, hoc casu per possessionem mihi quæsitam per procuratorem, etiam mihi dominium acquiratur. Quod si is, qui tradit procuratori meo, non sit dominus, per procuratorem quidem mihi possessio acquiratur, non dominium: sed postquam sciero rem traditam procuratori meo, tunc inchoatur usucapiendi conditio, id est, tum incipio eam rem usucapere, quæ procuratori meo tradita est a non domino. Ergo ne dicamus quod tentat Accursius in *l. 8.* dominium acquiri per procuratorem, quod est falsissimum, quia non acquiritur dominium per procuratorem simpliciter extra possessionem: nec Cavillari oportet verba *l. 1. sup.* per quas personam ait, *nihil nobis acquiri per liberam personam, puta per procuratorem, excepta causa possessionis*, quasi aliud sit possessio, aliud causa possessionis: nam idem est proculdubio causa possessionis, id est: possessio. Passim in libris nostris, causa dotis est dos, causa honorum, id est, bona, causa venditionis est venditio, et causa lethiio aliis auctoribus, id est, lethum. Et apud Tibullum causa. *Neræ conjuges ereptæ, causam perire fuit*, ubi est *κατοχή* in verbo causa. nam aliter sumitur infra, quam supra: hic enim est sensus, causa Neræ conjuges ereptæ, id est, Neræ conjux

ei præbuit causam mortis. Sic igitur concludamus: per procuratorem non acquiri dominium citra possessionem, sed per possessionem dominium acquiri. At dum ait *d. l. 1.* dominium ex naturali possessione coepisse, idque adhuc apparere in supradictis rebus, satis indicat, non in omnibus rebus dominium incipere ex naturali possessione: nam rei legatæ dominium ipso jure acquiritur, id est, *l. 12. tabul. Ulp. in reg. tit. 19.* sine naturali possessione, et probat *lex quotiens*, §. ult. *D. de pœcul. l. 7.* et *25. sup. de legat. l. 3. §. 3.* quando dies, *l. 3. §. si rem D. de legat. 3.* et rei quæque donatæ mortis causa, ut probat bellissime *l. 1. in fi. conjuncta l. 2. D. de Public. in rem act.* Et hereditas quoque ipso jure acquiritur, si vel dixeris, adeo illam hereditatem, etiamsi nullam rem hereditariam apprehenderis, *l. si ager, ff. de rei vind.* Et contra non semper possessionem etiam dominium sequitur: fidei commissarius est possessor rei per fideicommissum aum relictæ, non etiam dominus jure civili, *l. qui usufructum, ff. si usufruct. pet.* Provinciales prediorum suorum erant possessores, non etiam domini, ut Theob. in §. *per traditionem, de rer. div.* ut non male in *l. natura iter, §. 1. de acq. poss.* dicitur, nihil aliud habere possessionem cum proprietate, id est, dominio. Unde Seneca 10. Epistola. *Stulta hominum avaritia proprietatem a possessione dicerunt.* Et ut opinor, hoc vult dicere, attentionem, et accuratorem nimiam hominum in distinguendis rebus discrevisse possessionem a proprietate, nec tamen immerito discrevisse. Duximus heri de definitione, et nomine possessionis Labrouem recte deducere nomen a sedibus, qui etiam in *l. 3. §. ex contrario, ff. eod.* exemplo sessionis et stationis docet, apud duos ejusdem rei possessionem in solidum esse non posse, non magis, quam ut in stare videaris in eodem loco, quo ego sto, vel sedere in eodem loco, quo ego sedeo. Possessionem autem esse usum quendam rei, vel dominium usus rei, vel detentionis, nam multiplex est dominium, proprietatis, usufructus, et possessionis in *l. si procurator, ff. de acq. rer. dom.* Cur addit interpretationem, *Dominium*, id est, *proprietas*? ne quis intelligeret possessionem: nam est frequentissimum in jure, ut dominium accipiat pro possessione, et dominus pro possessore, ut in *l. 4. inf. de aqueductu*: longo dominio, id est, longa possessione. Unde non male diversam possessionem esse dominium usus, sive detentionis rei. Nunc videamus. Species duas proponit *l. 10. hoc tit.* Unam, quæ jure consistit, aliam quæ corpore, ut Divus Augustinus in Sermone de vita clericorum: *Exiguum est, inquit, quod videtur possidere, sicut jurisperiti loquuntur, jure, non corpore, ut quæ jure consistit, id est,*

jure civili, *l. stipulatio ista, §. hæc quoque, de verb. obl. l. si eum qui, de donat. inter vir. et uxor.* Civilis possessio appellatur, et ita definitur detentio, quæ constat jure, et animo domini, puta detentore credente se esse dominum, et detinente rem ex ea causa, quæ dominium, id est, proprietatem quæri solet. Unde apparet possessionem civilem esse facti, quia est detentio, id est, usus rei. Et inde in *l. denique, ex quibus causis major.* possessionem plurimum facti habere, *διὰ τὸ νύπυετα*, Græci adjiciunt illo loco, et esse etiam animi, quia animus, affectionem, voluntatem, cogitationem, opinionem domini desiderat, tot voluntur nominibus auctores nostri, ut putet se esse dominum, et possidere rem suam, *l. 1. §. Scævola, si quis testam. liber. esse*, et esse etiam juris, quia justum titulum acquirendi domini desiderat, veluti emptionem, donationem, aut legatum, quæ imbuunt animum possessoris opinione domini. Quamobrem et animus ille, qui jure imbutus est possessionis justæ, dicitur esse juris, non facti, *l. possessionem, D. eod.* Denique possessio civilis est juris, et facti. Juris, quia sine jure non consistit, ut Cornelius Fronto de differentiis vocabulorum recte scribit: *In possidente jus esse, et possidere eum, qui, aut testamento relictæ, aut donatæ rei, aut emptæ dominus est.* Facti, quia sine corpore non consistit, quod possident, et quod possidentur. Et hoc distat a bonorum possessione prætoris, quæ ut hereditas, sine ullo corpore juris intellectum habet, *l. 3. §. 1. D. de bon. poss.* *l. hereditas, de petit. heredit.* quæ autem possessio corpore consistit, naturalis, et corporalis dicitur, et est detentio rei nude, citra jus, affectionemque domini, non tamquam citra jus aliquid, affectionemque: nam utraque possessio legitima dicitur, et civilis, et naturalis in hac *l. 10.* quæ, ut inferius dicitur, utrumque præter interdictis luctur possessoris. Et possessio quoque fructuaria, quæ naturalis tantum est, dicitur plurimum ex jure mutuari, *l. poss. ff. eod.* Ergo utraque possessio est juris, et facti. Quid ergo distat invicem? quia naturalis est facti potius, quam juris, propterea quod destituitur jure, animoque domini, quod est jus summum: et civilis potius est juris, quam facti, quia possidetur summo, et optimo jure, nempe domini. Sed hæc, quæ ita constituimus, exemplis nobis patefacienda sunt. Fructuarius videtur naturalis possidere, *l. natura iter in pr. D. eod.* Quæ ex inscriptione referenda est ad interdictum uti possidetis, quod etiam usufructuario competit, *l. 1. §. hujus autem, D. uti possid.* Tull. in oratione pro Cæcilio, *Cesenniam*, inquit, *propter usumfr. possidisse non negat.* Possidet igitur fructuarius, vel possidere videtur pro-

per usum fructum; non domini sed usufructus jure, quod et re domini affectum habet, et possidet fructuarius jus utendi, et fruendi potius, quam fundum aut servum, in quo usumfructum habet, *l. 1. acquiritur, §. ult. D. de acquir. rer. dom. l. 1. §. unde est, quod legat.* Et quasi possidet igitur potius, quam possidet: quia juris est quasi possessio, non possessio, quod ejus nullum subsit corpus, cui incumbatur. Et ita in *l. ait prætor, ex quib. causis major. fundi possessionem*, inquit, et usufructus quasi possessionem et sic etiam in *l. 3. D. de vi, et vi arm.* Denique fructuarius possidet naturaliter jus utendi fruendi, fundum autem fructuarius ipse dominus possidet civiliter. Ne igitur dicas fructuarius fundum possidere naturaliter, et dominum civiliter, quia duo non possunt esse in solidum possessores ejusdem rei, nec duo, qui possideant civiliter nec duo, qui naturaliter, nec duo, quorum unus naturaliter, alter civiliter, nec duo, quorum juste unus, alter injuste. Et jam pridem explosa est Sabini sententia, qui duos admittebat possessores, *l. et habet, §. eum qui, D. de precario*, quæ est ex libro ad Sabinum, et ex doctrina Sabini. Et hoc ostenditur in *l. 3. §. ex contrario, D. eod. l. duo, D. de prec. l. si ut certo, §. si duobus, D. commod. M. Tull. in Lucul.* Nam aut Stoicus constituitur sapiens, inquit, aut videris Academicus, sed non potest: est enim inter eos, non de terminis, id est, finibus, sed de tota possessione contentio. Ergo dominus, id est propriarius, fundum, in quo alter usumfructum habet, possidet civiliter tanquam dominus, quia propter usumfructum non desit habere animum possidendi, non deposuit animum possidendi, nec fuit causa deponendi, cum nihil commune habeat usufructus cum proprietate, id est, cum nec duo hæc permisceantur, sicut nec possessio, et proprietas nec possessio, et usucapio permiscerentur, *l. pen. eod. l. 2. §. separata, pro empt.* et hæc de fructuario. Tractemus etiam de aliis, qui possident naturaliter tantum, non civiliter. Creditor rem pignori datam possidet naturaliter, et jure pignoris. Et hæc igitur naturalis possessio, etiam non caret suo jure, *l. 3. §. ult. ff. ad exhib.* Et si possidet rem ipsam, solus igitur, ut ante constitui, quia scilicet eo animo debitor eam rem dedit creditori, ut ipse possessionem dimitteret, et eam in creditorem transferret, *l. cum et sortis, §. ult. de pig. act.* Ergo per traditionem pignoris debitor, qui id possidebat civiliter ut dominus, desit possidere, et creditor, cui traditum est, id incipit possidere naturaliter. Excipitur causa usucapionis, propter quam ut litatis ratione receptum est, ut debitor, licet omnino non possideat pignus, ut dixi, ad usu-

cipationem id possidere intelligatur, id est, ne usucapio coepta impediatur, vel interrumpatur per possessionem, quæ re ipse, et naturaliter est penes creditorem, *l. 1. §. per servum, l. qui pignoris, ff. eod. l. servi, ff. de usucap.* Et hoc non est novum ut perseveret, quæ coepit, usucapio, licet is, qui usucepit, desierit possidere, ita ut ab initio quidem usucapio non consistat sine possessione, ex posifacto consistat sine possessione: et ita sit, ut morte non interrumpatur usucapio, imo impleatur jacente hereditate, quia hereditas fingitur vice persone, *l. coeptam, ff. de usucap.* ut siore non interrumpatur, licet furiosus desinat possidere, cujus animus aberrat, vel exulat, *l. juste §. pen. eod.* ut non interrumpatur etiam captivitate in rebus peculiaribus, *l. si is, qui pro emptore, eod.* ut non interrumpatur usucapio rei mobilis junctio in ædificium, quo tamen genere desit possidere, *l. rerum, eod.* proinde, ut non interrumpatur, et interpelletur usucapio coepta a debitore, possessionis translatione in creditorem pignoratitium. Et hoc est, quod dicitur, debitorem quantum attinet ad usucapionem videri possidere, licet omnino non possideat. Jus fingit omnibus illis casibus, eum, qui rite coepit possidere, et porro possidere, licet reipsa desierit possidere, ut impleatur usucapio. Et hæc de creditore. Similiter vero sequester, apud quem litigatores rem litigiosam deponunt, vel sua sponte, vel auctoritate judicis, possidet naturaliter, si partes possessionem ei dimiserint, id est, si rem apud eum sequestro deposuerint, non custodiæ causa, sed dimittendæ possessionis causa, ut interea neuter rem possideret, *l. inter eos, D. eod. l. licet, §. rei, depos.* Et justa quoque ea possessio est cum voluntate partium teneatur. Denique, et hæc quoque naturalis possessio suum jus habet, non tamen jus domini optimum maximum. Colonus autem, et inquilinus, et sequester custodiæ causa, depositarius, et commodatarius, et is, qui precario rogavit, possident certe naturaliter, id est, rem tenent, quod est proprium verbum naturalis possessionis, habere autem civilis: et hos omnes naturaliter possidere ostendunt *lex 7. §. neque, comm. divid. l. videamus, §. si possessionem, D. de usufr. l. 2. §. 1. D. pro hered.* Neque possident sine jure, sine titulo, non tamen titulo domini acquirendi possident, justo titulo conducti, vel depositi, vel commodati, vel precarii: non tamen justo titulo, quo dominia rerum acquiruntur: et præterea ii possident sibi ut fructuarii jus utendi fruendi: possident sibi creditor, et sequester, cui dimissa est possessio, non possident sibi, sed domino ii, quibus omnibus eo animo possessio conceditur, ut non sibi possideant, sed domino. Hoc agitur inter eos, hoc conventioni inest. Ideoque rei depositæ, commo-

datæ, vel locatæ, non tantum proprietatem retinemus, sed etiam possessionem per eos, quibus cessimus possessionem, ita ut nos soli vere possideamus, aut quod idem est, per illos, qui teneant rem naturaliter permissu nostro, *l. 1. sup. comm. de usucap. l. 2. de præscript. trig. annor.* Is autem, qui alium vi deiecit possessione, etiam possidet naturaliter, et quidem sibi, non alii, et qui dejectus est, desinit possidere, quia deposuit animum possidendi. Quem enim posses habere animum possidendi, dum alium conspicis in possessione invito te? Animo solo retines possessionem, si nemo fundo insistat, et incubat, sed si insistat aliquis per vim, ut posui, qui putes animo retinere possessionem, qui plane abiecit animum possidendi? Imo etiam desinit possidere is, cujus animus labascit suspicionem, ut in specie *l. si ille quod, §. pen. ff. eod.* Si me absente aliquis ingressus est possessionem, et reversus suspicor, ne me repellat: si quidem ingressus est possessionem fundi mei, et depono animum possidendi: hæc suspicio facit, ut desinam possidere, et consequenter desinit possidere, cujus labascit animus dubitatione aliqua juris sui, aut vacillatione, ut in specie *h. leg. 10.* quæ docet lite contestata adversus possessorem, eum, licet possideat naturaliter, quod non abscesserit fundo propter litem motam, tamen non possidere civiliter ut dominum, quia labascit animus dubitatione juris sui, cui sit questio domini. Et notandum *l. 10.* loqui de possessione: nam hac de re est longa differentia inter possessionem, et usucapionem. Possessio civilis interruptitur lite contestatione; usucapio non interruptitur, quia nec superveniente qualibet mala fide, *l. aliam, de novat. l. si post acceptum, l. si a bona fidei, de rei vindic. l. Julianus, §. quantum, ff. ad exhib. l. 2. §. ult. ff. pro emptore, l. 2. ff. pro donat.*

Ac postremo si maritus donaverit rem uxori, uxorem rem possidet naturaliter sola, non civiliter, quia cum ea donatio sit illicita, non est justa causa acquirendi domini, nec justa præsumptio domini. Maritus nullo modo possidet, quia abiecit possessionem penitus, et eam transtulit in uxorem. Et hoc ostenditur in *l. 1. §. deiecitur, de vi et vi arm. l. si eum qui, de donat. inter vir. et uxor.* Dices, hæc possessio naturalis, quam possidet, qui vi deiecit dominum a possessione, vel quam possidet uxor, cui vir donavit, est sine ullo jure: ergo non omnis possessio naturalis ex jure semper aliquid habet. Respondeo, et hos quoque, qui possident naturaliter, habere juris aliquid. Qua de causa pupillus non potest alienare possessionem naturalem sine tutoris auctoritate, *l. pupillus, ff. de acquir. rer. dom.* et jus, quod habet, est quod tueri possit possessionem

suam adversus quoscunque, etiam non jure interceptam. Excepto eo, a quo injuste possidet, ut inquam eam tueri possit interdictis possessoris, quod probat *l. 1. §. ult. ff. uti possid. l. 1. §. qui a me, et §. deiecitur, de vi et vi arm. l. 1. §. si vir, ff. de acquir. poss.* Ex his facile intelligere licebit quid sit naturalis possessio, et quid civilis.

Ad L. 1.

Per liberam personam ignorantem quoque acquiri possessionem, et postquam scientia intervenierit, usucapionis conditionem inchoari posse, tam ratione utilitatis, quam jurisprudentia receptum est.

Lex 1. auctoritate utitur *l. solum, §. per liberam, de pig. act. et §. ex his, In tit. per quas person.* Et ejus sententia hæc est: per liberam personam, quæ non est in nostra potestate, veluti per procuratorem, tutorem aut curatorem, et addere licet ex Accursio, vel per servum alienum, ut *l. si me in vacuum, §. ult. ff. de acquir. possess.* non tantum scienti mihi possessionem esse traditam procuratori, vel alii meo nomine, sed etiam ignorantem mihi omnium rerum possessionem acquiri, et per hanc possessionem etiam dominium, si dominus fuit, qui tradidit meo nomine procuratori, etiam accipienti meo nomine: quod ideo dico, quia si tradidit procuratori meo nomine, et procurator accepit suo nomine, dominium mihi, possessio procuratori acquiritur, *l. qui mihi, de donat. l. per servum, §. ult. ff. de acquir. rer. dom.* Sin vero tradidit nomine procuratoris, et procurator acceperit meo nomine, procuratori dominium acquiritur, quod tamen præstare mihi tenetur actione mandati, possessio mihi *l. res, ff. de acquir. rer. dom. l. quod meo, ff. de acquir. possess. l. 1. sup. de his, qui a non domin. manum.* quod si non fuerit dominus, qui tradidit rem procuratori meo, hæc lex ait, usucapionis conditionem inchoari posse, id est, usucapionem ejus rei, postquam sciero procuratori fuisse traditam possessionem meo nomine accipienti, non antequam hoc sciero. Unde notanda est una differentia inter usucapionem, et possessionem. Possessio, et per hanc dominium acquiritur ignorantem, etiam per liberum hominem, volenti tamen possidere, *l. ea quæ, de acquir. rer. dom.* Voluntas requiritur, non scientia tradite possessionis: Usucapio autem non competit ignorantem, *l. possessio, §. pen. ff. de acq. poss.* Et cum Neratius in regulis scripisset *l. 13. ff. de acquir. rer. dom.* per procuratorem, et tutorem acquiri rerum dominia ignorantem, Paulus ad Neratium notavit in *l. si emptam, de usucap.* usucapionem tamen non competere

ignoranti, quod et Neratius non ignoravit, *l. si rem, cod.* nisi ex causa peculiari, id est, si quid nomine peculii servus nanciscatur, id etiam dominus ignorans possidet, et usucapit. Denique hoc solo casu ignorantis usucapio competit, id est, ex causa peculiari, quod *lex peregre 44. §. quæsitum. de acquir. poss.* ait esse receptum jure singulari utilitatis causa, ne domini per singula momenta cogerentur inquirere species, et causas peculiorum, quæ esset molestia maxima. Et in illo *§. quæsitum*, possessioni etiam addenda est usucapio, ut dicamus, ex causa peculiari ignorantis possessionem acquiri, et usucapionis conditionem. De possessione non minus dubitabatur, quam de usucapione, an per servum domino ignorantis acquireretur, quia in ea re, quam nunc acquirat servus non habet jussu domini, aut voluntatem, ut procurator, qui habet mandatum domini, vel ratihabitionem, ut *l. communis, §. ult. ff. de acq. poss. l. si ego, ff. de negot. gest.* Tutor autem, vel curator habet jus, et potestatem in personam pupilli: et consequenter administrationem rerum, ut possit plane per eos, etiam ignorantis acquiri possessio, non etiam inchoari usucapio antequam sciverint quæsitam possessionem, quia usucapio extra causam peculii ignorantis non procedit. Et eadem ratione utilitatis hac *l. 1. et l. 8. hoc t. et Paul. 5. Sent. tit. 2.* receptum esse ait, ut per procuratorem nobis acquiratur possessio, ne scilicet cogamur semper corpore nostro apprehendere possessionem, quæ sane non potest acquiri sine corpore simul, et animo, sed id possumus expedire corpore alieno, misso homine, cui tradatur possessio, ut volentibus nobis possidere, et tradita acceptaque possessione nostro nomine, ea acquiratur nobis potius, quam vacet, quæ utique erit vacua, nisi nobis acquiratur, quia neque, qui tradidit, possidet, quia dimisit possessionem, neque procurator, cui tradita est, quin non habet animum possidendi rem. Rem enim accepit, et tenet meo nomine, non suo. Vacua igitur est possessio, nisi nobis acquiratur: et utilitas rerum expediendarum hoc exigit, ut nobis acquisita intelligatur, licet regulariter jus non patiatur, ut liber homo nobis acquirat, sed is tantum qui juri nostro subiectus est. At ab hac regula excepta est possessionis causa, *l. 1. sup. per quas personas, l. traditio, §. ult. de acquir. rer. dom.* id etiam *l. 1.* ait esse receptum juris prudentia, id est, auctoritate prudentum quorundam, ut in *l. si rem, ff. de usucap.* ait jam sere convenire inter juris auctores, ut possessio acquiri possit per liberam personam: fuit enim controversum olim, quia pugnat cum regula juris, hodie est certum ex re-

scripto Severi et Antonini, id est, ex hac *l. 1.* Tria sunt, quæ acquiruntur, dominium, possessio, obligatio, sive actio. Possessio etiam acquiritur per liberam personam, dominium solum non item, sed per possessionem etiam dominium, si dominus tradiderit libero homini nostro nomine accipienti rem datam nostro nomine: obligatio, vel actio nulla nostro nomine acquiritur per liberum hominem, excepta obligatione creditæ pecuniæ: utilitatis etiam causa excepta est propter necessarium usum creditæ pecuniæ, ut constat in credita pecunia singularia plerumque recepta esse, *l. singularia, de reb. cred.* Puta, ut mutuum contrahatur, etiamsi non meos nummos acciperis, sed mihi debitos acciperis, vel retinueris, quos ipse debuisti ex alia causa in crediti causam, *d. l. singularia.* Cum regulariter non contrahatur mutuum, nisi fiat de meo luum, unde scite comminiscuntur, deduci nomen mutui. Item ut mutuum contrahatur, etiamsi neque meos, neque mihi debitos nummos accipias, sed alienos, qui tibi numerentur in crediti causam, et a te accipiantur meo nomine, quo casu placet, ut per liberum hominem suos nummos credentem meo nomine, mihi acquiratur obligatio creditæ pecuniæ, et ex ea causa obligatio pignoris, et consequenter actio si certum petetur, et pignoratitia, *l. 2. sup. per quas person. l. certi, §. si nummos, ff. de reb. cred.* Unde adjectum est non semper in *l. solut. §. per lib. ff. de pign. act.* non semper per liberam personam acquiri pignoratitiam actionem, non scilicet, nisi ex causa crediti ex constitutione Justiniani, quod ante eam non obtinuerat, licet obtinebat acquiri actionem creditæ pecuniæ per liberum hominem, id est, ex *d. l. 2. SC.* etiam Macedon. constat esse singulare in credita pecunia filiofamilias, quod trahitur etiam ad pecuniam creditam servo, vel conditionario homini, vel colono, *l. ult. quod cum eo, etc.* Olim etiam id erat singulare in credita pecunia, ut ex causa creditæ pecuniæ valeret constitutum sine stipulatione, quod ex constitutione Justiniani etiam hodie valet ex omni causa, *l. pen. sup. de const. pec.* Illa autem differentia, quam tradit in *l. 1.* inter usucapionem, et possessionem, ut hæc scienti procedat: illa etiam ignorantis acquirat, nova videri non debet: sunt enim aliæ plerumque. Mala fides superveniens, et incidens interpellat, et interruptit possessionem, non usucapionem, *l. bonæ fidei, ff. de acq. rer. dom.* Item litis contestatione interruptitur possessio civilis, non usucapio. Amittitur possessio, si transferatur in creditorem pignoris jure, usucapio cæpta a debitore perseverat, *l. 1. §. per servum l. qui pig. ff. de acq. poss.* Et plerisque aliis modis amittitur possessio usucapione non cessante, ut vere possis

constitueret sine possessione usucapionem posse consistere ex postfacto, non ab initio. Item malæ fidei possessorem usucapere posse, quod videtur esse *παράδοξον*, si cognoverit rem esse alienam postceptam usucapionem bona fide, non ab initio. Præterea possessio bonam fidem non exigit: ut acquiratur usucapio omnino exigit bonam fidem, *l. 2. §. separata, ff. pro empt.* Ideoque et scientiam exigit, quia *bona fides* nihil aliud est, quam fides recta, sincera. Nec definienda est simpliciter bona fides, ignoratio rei alienæ, sed potius ignoratio injustæ possessionis, injusti tituli: ut bona fide possiden, etiamsi scierim rem esse alienam, quæ mihi vendebatur a non domino, si modo existimaverim eos jus vendendi habuisse, puta domini procuratores fuisse, aut tutores, qui tamen non habebant. Itaque non juste possideo, id est, ex justo titulo, quia tamen id ignoro, bonæ fidei sum possessor, *l. bonæ fidei, ff. de V. S.* Et ita, si bonæ fidei possessor possidet a servo, qui mihi noxam noxuit, et eum mihi dedat in noxam, quia noxali actione bonæ fidei possessor tenetur etiam, ne dum dominus, si inquam, mihi eum dedat scienti alienum esse, bona fide eum possideo, quia possideo ex justa causa, id est, ex noxæ deditioe, *l. et generaliter, ff. de nox. act.* atque ita scientia rei alienæ simpliciter non est mala fides, sed scientia injustæ causæ, injustæ possessionis. Et si vis nosse quæ præterea requirantur in usucapione, una tantum lex est notanda, *l. ult. sup. Si quis ignor. rem minor. comp.* bonam fidem requirit, et justum titulum, quo rerum dominia quæri solent. et tempus legitimum, et ut possiderit sine interpellatione, et sine controversia: nam etiamsi litis contestatione non interrumpatur usucapio, tamen interrumpitur vi naturali amissa possessione, id est, usurpatione, *l. naturali, ff. de usucap.* aut vi civili, veluti lapilli jactu, *l. 3. §. meminisse, ff. de novi oper. nunc. l. 7. ff. quod vi, aut clam*, aut aliis modis plerisque, de quibus dicemus seqq. titulis, quantum ratione exigimus, ut possiderit sine controversia. Et postremo ut rei dominus sit major ætate, id est, 25. annor. quia res pupilli non potest usucapi, *l. bonæ fidei, ff. de acq. rer. dom.* Adolescentis res potuit olim usucapi: sed hodie ex oratione D. Severi, nec adolescentis res usucapi possunt, quia in ea oratione, vel SC. alienationis verbo etiam usucapio continetur, *l. 3. §. pen. ff. de reb. cor. qui sub. tut. l. alienationis, ff. de V. S.*

Ad L. II.

Minus instructus est, qui te sollicitum reddidit, quum in vacuum possessionem ejus, quod per procuratorem emisisti, non sis inductus: cum ipso

proponas, te diu in possessione ejus fuisse, omninoque ut dominum gessisse: licet enim instrumento non sit comprehensum, quod tibi tradita sit possessio: ipsa tamen rei veritate id consecutus es, si sciente venditore in possessione fuisti.

Ex leg. 2. hujus tituli id tantum notandum est, acquiri nobis possessionem rei, licet in instrumento emptionis non sit comprehensum: traditam possessionem fuisse, si modo emptor sciente venditore, ut ait (quia scientia venditoris, et patientia consensum imitantur) si modo, inquam, emptor sciente venditore in possessione fuerit, et omnia gesserit ut dominus rei. Possessio non acquiritur verbo, aut scriptura sola, sed re ipsa, facto ipso. Et hoc idem ostendit *l. non idcirco, ff. de contrah. empt. l. 2. sup. si quis alt. vel sibi.* Et recte *l. 8. sup. comm. utriq. judic.* Nihil referre, relinquo, an transferas possessionem, ut in *§. interdum. Inst. de rer. divis.* nihil referre, utrum tradas, an permittas alium rem sibi habere, eamve inferre in domum suam, ut *l. si ego, §. pen. ff. de jur. dot.* Sed notandum, quod hæc lex pen. loquitur de vacua possessione, ut et *l. 3. et 7. hoc tit.* quia si non sit vacua possessio, quam quis se tibi tradere dicit, qui possis habere animum possidendi, sine quo possessio nulla acquiritur, aut qui possis habere animum possidendi eam rem, quam cernis occupari ab alio? non imbibit nomen possessoris, nisi cui vacua possessio tradita est, ut *l. 2. §. 1. et l. venditor, de act. empt.* Denique possessio non acquiritur, nisi quæ vacua est, et libera: et ideo non ex facto, ut ait glossa *l. 2.* proponit fuisse possessionem vacuum, sed ex mero jure, quod non sit acquisitio: nisi liberæ et vacuæ possessionis: mentionem fieri divisimus non ex facto proposito, sed ex mero jure, quod non nisi vacuæ possessionis acquisitio sit. Ita etiam mentionem fieri possessoris, qui diu in possessione fuit, non ex facto proposito, ut Accursius voluit, sed ex jure, propterea quod agebatur de usucapione, vel præscriptione longi temporis.

Ad L. III. et IV.

L. III. Donatarum rerum a quacunque persona infanti vacua possessio tradita, corpore quantur: Quamvis enim sint auctorum sententiæ dissentientes: tamen consultius videtur interiri (licet animi plenus non fuisset adfectus) possessionem per traditionem esse quæsitam: alioquin (sicut consultiss. viri Papiniani responso continetur) nec quidem per tutorem possessio infanti poterit acquiri.

L. IV. Licet possessio nudo animo acquiri non possit, tamen solo animo retineri potest. Si ergo prædiorum desertam possessionem non dereliquit

quendi affectione transacto tempore non coluisti, sed metus necessitate culturam eorum distulisti: praedictum tibi ex transmissi temporis injuria generari non potest.

Pertinent hæc dæ leges ad unam, eandemque quæ-
stionem, et notandum ad utramque possessionem
acquiri corpore, et animo, id est, apprehensione
naturali, actu, facto, et animo acquirendi, sive pos-
sessio sit naturalis, sive civilis, utraque utrumque
exigit. Et perperam faciunt, qui ex animo definiunt
civilem, ex corpore naturalem, cum utraque utrum-
que requirat. Ergo et hæc, et illa non acquiritur
nisi corpore, et animo, id est, nudo animo, vel
nudo corpore non acquiritur, ut ait l. 4. Et idem
est nudus animus, et solus animus, sicut nudum
pactum, et solum pactum, l. major. inf. de p. gn.
Sed acquiritur possessio corpore, et animo, animo
utique nostro, corpore, aut nostro, aut alieno, ve-
luti corpore procuratoris, tutoris, vel curatoris,
cui tradatur nostro nomine, vel corpore filii, vel
servi, vel fructuarii, vel coloni, animo utique no-
stro, non alieno, ut l. 3. in princ. et §. saltus,
ff. eodem. Animo, inquam, nostro, quia invito
non acquiritur possessio, ignorantem quidem acquiri-
tur, hoc est verissimum, non tamen invito. Et igno-
ranti acquiritur per procuratorem, vel servum alie-
num ex mandato, aut per servum, aut filium pro-
prium ex causa peculii, vel ex jussu nostro, imo
et ex causa peculii videtur nobis acquiri possessio
animo alieno, puta filii, vel servi. Et ita est scri-
ptum, in d. l. 3. §. saltus: sed et hæc ratio ad-
ferri posse videtur, quia specialiter ei non man-
davimus ut compararet, quid comparavit, neque
id declaravimus nos comparare, et posside-
re velle. Igitur queritur mihi possessio corpo-
re, et animo alieno, vel filii, aut servi: at-
amen videri potest et filius, et servus id parare,
et possidere nobis ex causa peculii animo no-
stro, quod ei peculium permiserimus, l. 1. §.
item neq. ff. eod. Et hoc colore etiam defendi
potest hoc casu, possessionem nobis acquiri non
animo alieno, sed nostro, corpore tamen alieno:
videtur etiam in casibus relatis ab Accursio in l.
1. hoc. tit. possessio nobis acquiri solo animo
nostro, non corpore, quod est contra definitionem
initio propositam de non acquirenda possessione,
nisi utroque concurrente, corpore, et animo. Et
ita scriptum est in l. quarund. ff. eod. Illis qui-
busdam casibus, quos colligit Accursius, posset
videri possessionem acquiri solo animo, ut si
jussu meo res, quæ posita erat sub oculis meis
alibi tradatur, vel si in re presenti consentiamus,
puta ut columnæ, quæ propter magnitudinem
ponderis moveri non possint, meæ sint. Et quæ
sit in re presenti conventio non est traditio cor-
poris, quia res loco non movetur, neque attrecta-
tur a me. Ergo ejus rei videor possessionem acqui-
rere, quia utique eam acquirere animo solo. Sed
dici potest etiam hoc casu hanc ipsam rem, quæ
ita geritur, esse veluti corporis traditionem, id
est, presentiam, et conspectum rei haberi pro
traditione corporali, vel oculis quodammodo ap-
prehendi possessionem, vel corpore, sicut si
venditor ex turri mihi demonstrat vicinum fundum,
quem vendidit mihi, et dicat se mihi tradere ejus
fundum, quem indicat, vacuam possessionem, oculis
apprehendo possessionem, et super dicto vendito-
ris, qui demonstratam possessionem se mihi tra-
dere dicit, l. 3. §. penult. et l. quod meo, §. si
vendit. ff. eod. Sicut hodie fit, ut beneficii Ec-
clesiastici possessio capiat presentibus testibus,
et inspectione sola turris Ecclesiæ: denique effi-
cit traditio clavium sedium venditarum, ut vides
intelligantur traditæ corporaliter, si claves tradan-
tur in re presenti. Idemque efficit archibus ruptis
appositus insularius, id est, custos, concierge.
Et in d. l. quorundam, in ff. quod omnino non
improhabet, si legem perlegas, videtur legendum,
utrobique, id est, sive mihi emptori, sive ei,
cui jusserim sit tradita custodia rei, corporis quo-
dam genere possessionem aestimandam esse, id est
non solo animo acquiri possessionem, sed et quo-
dammodo corpore. Idemque quoque efficit depo-
situs, vel illatio rei in domum meam, licet eam
non attrectaverim. Idemque traditio instrumenti
auctoritatis, quo fretus probo emptori me jus
vendendi habere, rem mihi jure quesitam esse,
quam vendo, rem omnino esse meam: tradita res
videtur, si sit traditum instrumentum auctoritatis,
quodam genere corporis: instrumentum instar est
rei ejus, de qua conscriptum est, ut gleba si ap-
prehendatur, instar habet totius fundi, et habuit
olim in rei vindicatione. Et hoc de instrumento
est ex l. 1. inf. de donat. Idem efficit conductio,
vel retentio usufructus, l. quisquis, col. Quod
sic declaro: usufructuarius jus utendi fruendi
possidet sibi, id est, quasi possidet, fundum pro-
prietario alieno nomine, non suo: non possidet
igitur ipse fundum, sed is, ejus nomine possi-
det. Igitur si is, qui sibi fundum possidebat ple-
no jure tanquam dominus, in eo constituerit ha-
bere tantum usufructum, dum vult proprietatem
fundum transferri in Cajum per retentionem
usufructus, vel conditionem fundi, si eum pos-
sideat ut colonus, videtur Cajum fecisse posses-
sorem fundi corpore suo, volentem scilicet Cajum
eundem fundum sibi acquirere. Voluntate ergo,
et animo Caii, et corpore suo. Unde ita con-
cludamus: ut corpore videatur acquisita posses-
sio, non esse necessarium contactum corporis,

non esse necessariam attestationem, et ut Græci dicunt, οὐ γὰρ ἐὰν τὴν οὐρανὴν ἀπὸ τοῦ οὐρανοῦ: nam et oculis apprehenditur possessio voluntate domini, aut bonæ fidei possessoris veluti corpore nostro, et traditione instrumenti auctoritatis, ut divi: immo et signo imposito rei, ut trabes mihi videntur traditæ, si eas mihi adsignavero, *l. quod si neque, in ff. D. de peric. et comm. rei vend.* Et aliis plerisque modis possessio queritur si non corpore, saltem veluti corpore, vel quodam corporis genere, et corpore etiam alieno. Restat igitur nullo casu possessionem acquiri solo animo nostro, nullo casu animo alieno: nullo casu solo corpore nostro, vel alieno. Inde vero pendet questio *l. 5. an infanti videatur acquisita possessio rei donatæ, quæ ei vacua tradita est?* Et causa dubitandi hæc est, quia infantis non est plenus animi affectus, infantis nulla voluntas est in acquirenda possessione. Corpus solum non sufficit, sed animo opus est acquirendi, affectu, voluntate, *διὰ τὴν ἐκ τῆς ψυχῆς*. Et cum placeat tamen auctoritatis causa per tutorem infanti acquiri possessionem, *l. 1. §. per procuratorem, ff. eod.* consequens est, ut etiam per infantem, cui traditur res de manu in manum, videlicet tutore auctore, ut rectissime Joann. supplet ad *l. 5.* et suppleri necesse est ex *l. quamvis, §. infans, ff. eod.* Alioquin possessio videretur acquiri solo corpore infantis, quod fieri nequit, non magis, quam si quid in manu dormientis ponas, non intelligetur acquisivisse possessionem: recte comparat dormientem infantem, ut *l. 1. §. adipiscimur, eod.* sed auctoritate tutoris suppletur, quod deest animo infantis. Idque ait *§. infans, receptum esse utilitatis causa*, ut interveniente auctoritate tutoris, quodammodo animo infantis videatur acquiri possessio, qui utique animo præditus est, etiam si non pleno affectu animi, quia hic defectus ei suppletur et corrigitur auctoritate tutoris: nam aliqui infantis nullus est sensus, nullum iudicium, nullus affectus, et est ridiculus Dynus, dum asserit in hac *l. 5.* infantem solum, sine tutoris auctoritate posse acquirere possessionem quarundam rerum, veluti puparum, aut imaginum, quibus infantes delectantur, et ita intelligendum esse *l. 3. h. tit.* ut istas res, in quas cadit affectio infantis, etiam sine tutoris auctoritate acquirat corpore suo, et puerili illo affectu suo. Prudentius Joannes ex jure supplet tutoris auctoritatem, ut scilicet per infantem acquiratur possessio tutore auctore: et hoc supplemento tolluntur omnia, quæ obijci possunt huic *l. 5.* aliqui infantis nullus est affectus, nulla voluntas, nullum iudicium. Et scribens etiam de possessione ideam D. August. 14. de Trin. *Infans, inquit, licet dominus sit omnium, quæ jure ejus sunt, nihil possidet*

mente sapita; quia possessio neque acquiritur, neque retinetur sine animo acquirendi, vel retinendi. Et quod ait d. *l. 5.* hoc confirma responso Papiniani, in eo est singularis, neque id responsum reperitur alibi. Ad hæc notandum est, non acquiri quidem possessionem, nisi corpore, et animo, retineri tamen solo animo, quod est perpetuum in jure, ut si decedam de fundo, atque eundem incultum et squalidum relinquam, non derelinquendi animo, sed forte metus necessitate, si illinc corpore abscedam nullo relicto, ut sit in bellis civilibus, quæ est species *l. 4. animo solo retineo possessionem*: vel etiam si ea sit conditio agrorum: ut eis continuo insistere non possim, ut si sint saltus hyberni vel æstivi vel si sint agri inculti, puta sylvar, et pasciones: horum agrorum possessionem, dum his longe absum, possessionem retineo nudo animo, *dicit. §. saltus, et l. peregre, in fine, ff. eod.* Quod et de omni agro dici potest, si eo corpore abscedam, non animo, *l. 1. §. quod vulgo, D. de vi et vi arm.* Et hinc explicanda species legis *clam. §. qui nundinas, D. eod.* Finge: ad nundinas profectus sum, nemine relicto in fundo meo, retineo possessionem animo solo, et licet me absente aliquis occupaverit possessionem fundi, adhuc tamen possideo solus, ut *l. 3. §. in amittenda, D. eod.* donec reversus a nundinis, intellexero alium occupasse possessionem, et suspicatus fuero me regredientem ad fundum posse ab eo repelli, quia jam depono animum possidendi, et ille incipit clam eum possidere, quod clam ingressus sit in fundum, nimirum me absente: vel incipit vi possidere, si ingredientem me repulerit, ego amitto animum possidendi, mihi labitur animus possidendi, *l. et si nolit, l. si id, quod, §. ult. D. eod. l. 1. §. sive autem, D. de vi et vi arma.* Quod autem diximus, animo solo retineri possessionem, hoc significamus, eam non amitti corpore solo, nisi et animus amittendi fuerit. Et hoc est, quod dicitur in *l. 8. ff. eod. l. fere quibuscunque, de reg. jur.* possessionem non amitti, nisi corpore, et animo. id est, si corpore discedam a fundo, me non amittere possessionem, si mihi non fuerit animus derelinquendi fundi, id est, si animo retineam possessionem, atque ita non amitti solo corpore, nisi concurrat et animus. Et ita nihil obstat d. *l. 3. §. in amittenda.* quæ dicit possessionem amitti solo animo: nam corpore quidem solo non amittitur, nisi et deponende, et derelinquende possessionis fuerit animus, quia animo solo retineri potest, *l. quamvis saltus, D. eod.* Animo tamen solo amittitur, licet corporaliter e fundo non discedam, sed eum possidere constitui alieno nomine, ut colonus, et fructuarius, *l. quod meo, ff. eod.* Si quem fundum possedi ut meum, nunc possideam ut alienum, ex causa ususfructus,

vel conductionis, eundem possideo corpore meo alii, sed non mihi. Itaque non possideo, sed is possidet, cujus nomine possideo. Atque ita fit, ut animo solo amittam possessionem, licet corpore fundo non excesserim: idem fit expeditis si possessionem retinebam animo solo, non corpore meo, aut alieno: nam et hanc amitto solo animo. Igitur non eadem est ratio acquirendæ, et amittendæ possessionis. Et comparatio acquirendæ, et amittendæ, quæ fit in *d. l. 8. et d. l. fere quibuscunque*, ut articulus *fere* declarat, quod Harmenopolus in eam rem notat, et eandem interpretationem sequitur Bulgarus, Placentinus, et Joannes, claudet, quia perpetuum est, non acquiri possessionem, nisi corpore, et animo; amittitur autem animo solo, licet corpus eidem rei incumbat. Contra vero non amittitur corpore solo, nisi et animum abiecerim possidendi, quia solo animo retineri potest. Atque ita apparet claudere comparisonem illam, nec omnino eandem rationem servari in amittenda, et acquirenda possessione.

Ad L. V.

Cum nemo causam sibi possessionis mutare possit, proponasque colonum nulla extrinsecus accedente causa ex colendi occasione, ad iniquæ venditionis vitium esse prolapsum: præses provincie, inquisita fide veri, dominii tui jus convelli non sinet.

Ex *l. 8.* notanda est regula juris vetustissima, quæ etiam hodie locum habet, neminem sibi ipsi, id est, per se solum mutare posse causam possessionis. Causam possessionis titulum dicimus, quo possidemus, quem mutat in specie *h. l. 8.* qui fundum naturaliter possidet alieno nomine, ut colonus, per quem dominus possidet civiliter, Theoph. in *§. possidere, de interd.* si postea constituat eum fundum suo nomine, et pro suo possidere, et vendat eum tanquam suum, quæ illicita venditio est, quia non potuit sibi mutare possessionis causam, et jus dominii non mutat, id est, nihil domino præjudicat, quin etiam, ut Sabinus scripsit lib. *de furtis*, sicut Gellius refert lib. *11.* ex ea causa furti condemnatum colonum, qui fundo, quem conduxerat, vendito, dominum possessione ejus interverterat, cum scilicet nondum abolita esset sententia existimantium, etiam fundi furtum fieri, *l. quam rem, D. de usuc.* Hodie ex ea causa colonus teneretur non furti, sed ex locato in id quod interest, et integra est domino rei vindictio, si emptor rem non usucaperit, quia non est dubium, quin eum fundum honeste fidei emptor usucapere possit, licet eum emerit a male fidei venditore, maxime ex *Nov. 119.* si non ignorante domino emerit. Et miror hoc in hac *l. 8.*

Inverium, et Accursium in dubium revocare Joannes nihil de eo dubitabat. Quod autem ex Sabinio restitui, colonum, qui fundum alii vendit, dominum possessione intervertere, valde notandum est: nam ex eo intelligitur, quod licet jus dominii non convellatur, ut ait *l. 8.* amittatur tamen possessio, quam dominus possidebat per colonum, fundo a colono alii vendito, neque ob id solum amittitur, quod constituerit possidere suo nomine: quia non potuit sibi mutare causam possessionis, sed quod fundum alii vendat, et tradat, id est, alio ingresso fundum, dominus amittit possessionem, non etiam dominium. Et ita in *l. 8. §. quod si servus, D. eod. si servus*, et colonus decesserint, discesserintve: si decesserint, quod mortem significat, vel discesserint de possessione fundi, animo retineo possessionem, at si alii tradiderint, sic legendum, amitto possessionem, etiamsi hoc ignorem, ut in *l. peregre, §. ult. eod.* In specie igitur hujus legis mutat sibi ipsam causam possessionis, si id, quod possidebat pro alieno, constituat possidere pro suo. Idem non est dicendum ex contrario, si quis, quod possidebat suo nomine, iustoque titulo, id constituat possidere alieno nomine, puta ut colonus, vel fructuarius: nam hic non mutat sibi causam possessionis, sed desinit possidere. Nec enim idem est possidere, et alieno nomine possidere, nam is possidet, cujus nomine possidetur, *l. quod meo, D. eod.* Et præterea hic injuriam nemini facit, ille facit, dum illud, quod possidebat alieno nomine, incipit possidere suo. Item non mutat etiam sibi causam possessionis, qui dimissa prima possessione, et derelicta ejusdem rei, denuo ex alia causa possessionem nanciscitur; sed nova, quæ supervenit causa, possessionem, quam amiserat, ei restituit, *l. qui bona fide, §. ult. eod.* Idem si quod possidebam naturaliter alieno nomine, veluti ex conducti, vel depositi, vel commodati causa, si id a domino emero, vel ab eo donatum accipero, non iusto mihi causam possessionis, sed iustat eam mihi, quæ extrinsecus accedit causa emptionis, vel donationis, *l. 3. §. illud quoque, eod.* Et ob id *l. 8.* ait, nulla extrinsecus accedente causa neminem sibi ipsi posse fabricare novam causam possessionis.

Ad L. VI. VII. et IX.

L. VI. Si nulla ex causa ingressum agrum tuum, sive vineas, eum, cujus meministi, præses repererit, nec ulla præscriptione impellatur petitio: restituere tibi possessionem cum omni causa non dubitabit.

L. VII. Imprecba possessio firmum titulum possidenti præstare nullum potest. Unde ingredienti in vacuum possessionem alieni fundi, non con-

consentiente domino, vel actore, qui ejus rei concedendae potestatem habuit, causam justam possessionis adipisci non potuisse certum est.

L. IX. Nec ex vera venditione possessionem, quam non fuerat emptor adeptus, improbe retinere potest, ac multo minus is, qui adseveratione falsa velut emptor, cum sine obligatione pignoris pecuniam mutuo dedisset, fundum irrumpens alienum, retinendi justam causam habet.

Ex *l. 6.* cui adjungenda est *l. 7.* et *9.* notandum est, adversus eum, qui ex nulla justa causa possidet fundum alienum, domino dari rei vindicationem cum effectu, per quam ei restituatur possessio, et consequatur etiam omnem causam, id est, fructus, et partus, et alias accessiones fundi, *l. 17. §. 1. D. de rei vindic.* videlicet si possessor munitus non sit praescriptione 30. ann. quae datur sine justa causa possidenti. Male Accurs. in *l. 6.* eum fundum ponit ab eo alii fuisse venditum, quia hoc lex non ponit. Et posito emptore, etiam male idem Accursius ait, eum emptorem teneri utili interdicto unde vi, quia nullam vim fecit, aut quid proximum vi. At eum, qui fundum occupavit sine justa causa, forte absente, vel invito domino, si vi possideat, fateor domino teneri interdicto unde vi, vel si clam, interdicto de clandestina possessione, *l. 7. §. Jul. com. div.* Utrumque interdictum restituit possessionem: emptorem si quis ab eo emerit, neque teneri his interdictis, quia nec vi nec clam facit quicquam. Et huc *l. 6.* est afinis *l. 7.* quae definit, eum sine justa, et firma causa fundum possidere, qui fundum ingressus est non consentiente domino, vel procuratore, aut tutore, vel actore fundi, sive villico, qui ejus rei concedendae potestatem habet: quia scilicet mala fide possidet, et ut ait *l. 7.* improba possessio, id est, male fidei possessio firmam titulum praestare non potest: quod utique verum est, etiamsi revera venditio interverit, et ex ea causa, ut emptor ingressus sit fundum, eumque teneat sine voluntate domini, quia vitiosa, improba, et male fidei haec possessio est, quae etiam verum titulum corrumpit, et vitiat. At quæro, quid si emptor pretium numeravit, deinde ingressus sit fundum sine voluntate venditoris, an fundum possideat mala fide, et cum vitio? quod non videtur ex *l. nemo praedo, D. de reg. jur.* in jure praedo non est tantum qui vi possidet, sed quicumque mala fide, *l. non solum 13. de nox. act.* Ergo secundum illam regulam non videtur possidere mala fide, cui pretium rei abest, quam possidet. Contra puto quia non est tradita possessio voluntate venditoris: denique ut non sit praedo, qui pretium numeravit, etiam requiro, ut tradita ei res sit sine vitio, id est, consentiente venditore. Et quamvis ubi res est mobilis (quæ rei immobilis sur-

tum non sit) emptor, qui post solutum pretium, rem surripuit, non teneatur furti venditori, quia nihil interest venditoris, qui jam pretium acceperit, *l. cum qui, §. adeo, D. de furt.* Tamen non ideo minus mala fide possidet, si ingressus sit possessionem furtim sine voluntate domini. Nam ut rectissime ait Glos. in *l. 9. hoc tit. quæ* hoc, quod dixi comprobatur, simul atque *l. si ex stipul. D. eod.* Hæc duo sunt diversa, mala fide possidere, et furtum rei facere, non contraria. Nam est differentia Dialecticorum inter contraria, et diversa. Contraria se mutuo impugnant, diversa distinctam rationem habent. Quare perite glossa ait, illa esse diversa, non contraria, quia non omnis, qui fur non est, vel qui furti non tenetur, est bonæ fidei possessor. Nam etiam is tantum est male fidei possessor, qui fur est. Idem dicendum opinor, si quis sciens rem alienam emerit, et occupaverit possessionem sine voluntate venditoris, aut domini: nam et hic, licet pretium numeravit, male fidei possessor est, quod vitiose rem possideat. Et illa regula, *nemo praedo est*, etc. quæ ducitur ex *l. 13. §. si quis sciens, D. de pot. hered. de eo* intelligenda est, qui sine vitio in possessione est, ut si pretium numeravit, non videatur rem mala fide possidere, licet sciens alienam emerit, quia non omnis scientia rei alienæ est mala fides *l. et generaliter, de nox. act. l. bonæ fidei, D. de F. S.* sed scientia injusti tituli. Et injustus non est titulus emptoris, qui pretium numeravit, cui pro re abest pretium, quantum res digna est, licet emerit rem sciens esse alienam. Et ita Ulpiano videtur in *d. §. si quis sciens.* Qui tamen refert alios quosdam aliud arbitrari, nempe prædonem esse eum, qui pretium numeravit, si sciens emerit rem alienam: et ex his fuit Julianus, ut apparet ex *l. non solum, §. 1. D. de usucap.* qui duo loci sine calumnia, et crimine juris reconciliari non possunt, cum et Ulpianus dicat quosdam aliud arbitrari, quia id ipse arbitretur.

Ad L. ult.

Ex libris Sabinianis quæstionem in divinas nostri numinis aures relatam tollentes, definimus, ut si sive servus, sive procurator, vel colonus, vel inquilinus, vel quispiam alius, per quem licentia est nobis possidere, corporaliter nactam possessionem cujuscunque rei dereliquerit, vel alii prodiderit, desidia forte, vel dolo, ut locus aperiat, alii eandem possessionem destinare: nihil penitus domino præjudicii generetur, ne ex aliena malignitate alienum damnum emergat, sed ipsa si libera conditionis est, competentibus actionibus subijgetur omni jactura

ab eo restituenda domino rei, vel ei, circa quem negligenter, vel dolose versatus est. Sin autem nec dum sub manibus procuratoris, vel coloni, vel inquilini, vel servi possessio facta est, sed ipse eam accipere desidia, vel dolo supersedit, tunc et ipso, qui eam transmisit, ex mala electione præjudicium, circa eam possessionem patiatur ex memoratarum personarum, vel machinatione, vel negligentia accedens. Hoc etenim tantum sancimus, ut dominus nullo modo aliquod discremen substineat ab his, quos transmisit: non ut etiam lucrum sibi per eos aliquid acquirat: cum et antiqua regula juris, quæ definit deteriorem conditionem per servum domino nullo modo fieri, tunc locum habeat, cum dominus de damno periclitetur, non cum sit lucrum per servum acquiri desiderat. Salva videlicet in hoc casu domino rei, vel ei, qui ad eam detinendam præfatas transmisit personas, adversus eas omni actione (si quæ ex legibus ei competit) servata.

Lex ultima dirimit controversiam unam, quæ fuit inter Sabinianos, et Proculianos circa istam speciem. Colonus, per quem possidebam fundum, discessit e fundo. animo deserendæ possessionis, non etiam fundum alii tradidit, quo casu possessionem amitterem, ut antea dixi, sed tantum discessit e fundo sponte sua, non expulsus, animo derelinquendæ possessionis: queritur an dominus possessionem amittat, quam nondum alius est ingressus, vel quam ipse nondum neglexit? Proculus dicebat, facto coloni dominum non amittere possessionem, et exstat Proculi sententia in *l. cum quis, D. de dolo*. Sabinus autem existimabat, dominum amittere possessionem, si colonus fundo discessit. Et ideo Pomponius scribens ad Sabinum in *l. si colonus, D. eod.* ait: si colonus non animo deserendæ possessionis exierit de fundo, eundem fundum dominum possidere, id est, non interpellari possessionem: cur si non animo deserendæ possessionis? quia si animo deserendæ possessionis, Sabinus putavit, dominum possessionem amittere, ut apparet ex *l. si de ro fundo, §. 1. D. eod.* quæ est Africani, Africanus Sabinianus est, cum sit discipulus Juliani, qui Sabinianus proculdubio fuit: in qua lege manifesto fit differentia inter colonum, qui discessit, et colonum, qui decessit: nam si colonus vita decesserit, dominus non amittit possessionem: ut morte mea non interpellatur possessio, etsi nondum adita sit hereditas, *l. ceptam, l. justo §. nondum, D. de usucap.* ita nec morte coloni mei. Et in hoc consentiebant omnes, ut decedente colono non amitteretur possessio: ut decedente colono a possessione, Sabinus existimabat protinus amitti possessionem. Justinianus hanc controversiam dirimit in hac *l. ult.* et pronunciat pro

Proculianis, ut nihil intersit decesserit, an discesserit colonus, id est, ut neutro casu amittat dominus possessionem, ut etiam est definite scriptum *l. 3. §. quod si servus, D. eod.* Et quæ de colono diximus, eadem obtinent in procuratore, tutore, curatore, actore, fructuario, depositario, commodatario, per quem fundum possidemus, ut non interpelletur possessio nostra, sed perseveret, sive illi discesserint, sive decesserint interim, dum ab alio possessio non arripitur, quæ non est æquum, ut dolus earum personarum, vel culpa damnum nobis inferat possessionis. Loquimur de iis, qui discedunt, qui deserunt possessionem, et produunt cuilibet volenti ingredi, licet nondum existat quisquam, qui ingrediatur: non loquimur de iis personis, quæ missæ possessionis apprehendende causa, cum non apprehendunt: nam hoc casu sane non acquiri possessionem. Denique per eos fieri potest, ut non acquiram possessionem corpore eorum, non etiam ut eam amittam, quam meo nomine tenebant. Et ita, cum de damno queritur, id est, de amittenda possessione, dolus coloni, vel negligentia, vel culpa domino nihil nocet. Cum autem de lucro queritur, id est, de acquirenda possessione, dolus coloni, vel culpa, dolus servi, vel culpa (nam et id in servo locum habet) dolus procuratoris, vel culpa, et aliarum personarum nocet domino, ut in *l. bona fide, §. 1. D. ad Vell.* Et hac distinctione inter damnum, et lucrum etiam utitur hac *l. ult.* quæ ostendit eandem distinctionem adhiberi debere ad regulam juris in *l. melior, D. de reg. jur.* Quæ vult servum conditionem domini etiam ignorantis meliorem facere posse, non etiam deteriorem, si de damno agatur: nam si de lucro agatur, potest domini conditionem facere deteriorem, ut si velit apprehendere possessionem rei, quam dominus jubet apprehendere. Et uno tantum casu invenio etiam in damno, per servum domini conditionem deteriorem fieri, puta si servus alii noxam fecerit, quæ ex re maxime si dominus solvendo non sit, id est, si de suo non potest sarcire noxam, et damnum a servo illatum, damnum ipsi domino inferitur, id est, amittit ipsum servum, quia cogitur eum noxam dedere. Et in hoc casu tantum dolus servi, et culpa domino damno, et fraudi esse potest, ut *l. 1. §. quod igitur, de vi, et vi armata.*

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. XXXIII. De præscriptione longi temporis.

Quedam sunt res, quæ etiam si usucapi non pos-

sint, longi temporis præscriptione acquiri possunt. Hujusmodi olim erant prædia provincialia, sed hodie etiam usucapi possunt, ex constit. Justinia. in tit. *de usucap. transf.* Hujusmodi etiam sunt hodie prædia superficialia, itemque vectigalia, id est, emphyteuticaria: nam si a non domino prædium accepero, ut in eo haberem jus superficiæ, vel jus emphyteuseos, quod quidem jus tribuit actionem in rem, ut *l. superficialis, de rei vind. l. 1. §. 1. D. si ag. vect. pet.* jus illud usucapere non possum, cum sit incorporale, sed tamen longi temporis usu, et quasi possessione longa acquirere possum, *l. cum sponsus, §. in vectig. D. de Publ. in rem act. l. si finita. §. sed in vectigal. D. de damn. inf.* Hujusmodi etiam sunt servitutes prædiorum, quoniam earum usucapioni lex Scribonia obstat, *l. 4. §. pen. de usucap.* Acquiri tamen possunt præscriptione longi temporis, *l. si quis diuturno, D. si servit. vind. l. apparet, §. pen. D. de itin. act. priv. l. ult. in fin. hoc tit.* Et ut alias etiam differentias exequamur, quæ sunt inter usucapionem, et longi temporis præscriptionem: usucapione dominium acquiritur, non præscriptione, aut possessione longi temporis. Usucapio parit actionem in rem directam; possessio longi temporis exceptionem tantum, et inde præscriptionis nomen: nam præscriptio, et exceptio idem est, et in hoc tit. de præscr. longi temporis, id est, de acquirenda exceptione longi temporis, quæ est exceptio peremptoria, ideoque non est necesse eam opponi statim initio litis, quia satis est si contestetur, id est, si is unde petitur testetur se eam exceptionem habere, *l. 9. hoc tit. l. 8. sup. de excep. l. 2. inf. sent. resc. non poss.* Et hoc distat peremptoriæ exceptiones a dilatoriis, quod dilatoriæ, ut præscriptio fori, aut exceptio procuratorum, non satis est, si contestentur initio, id est, si quis eas habet, testatur se habere, et se his quandoque usurum, cum animo sederit: non hoc satis est: sed statim in initio et limine questionis opponende sunt, et post litem contestatam serius opponuntur, *l. exceptionem, sup. de prob. l. ult. C. de except.* Cum tamen peremptoriæ exceptiones quancumque ante sententiam opponi possint: et satis sit si initio fuerint contestatæ, nec oppositæ, sive additæ formulæ actionis, ut in claudis actionibus solebat prætor objectas adungere. Denique præscriptio longi temporis quancumque ante sententiam opponi potest. Et sufficit si initio reus, qui convenitur ante protestatus fuerit, ut in *l. 9. hoc tit.* Et hanc quidem exceptionem parit possessio longi temporis, cujus ope possessor retinebit possessionem, et repellat omnino actorem, si eam probaverit, id est, se diu possedisse, et perimet litem, unde peremptoria dicitur. Et olim quidem ex

possessione longi temporis non dabatur nisi exceptio, sive retentio, per exceptionem longæ possessionis. Sed postea placuit, ut cui acquisita esset longi temporis præscriptio, ei daretur ut lis actio in rem, forte amissa possessione, ut in *l. pen. inf. de præscr. 30. ann.* Quam actionem etiam illa lex ait veteres leges dedisse, puta *d. l. si quis diuturno, et l. 1. §. ult. D. de aqua pluvi.* ut hac ratione quod ex longa possessione paretur, non tantum exceptio, sed etiam utilis vindicatio rei possimus dicere, longam possessionem non minus præstare securitatem possessori, quam usucapionem, *l. 1. sup. de comm. rer. alien.* Sed adnotemus alias differentias: in rebus mobilibus, vel se moventibus, puta in servis, in animalibus cessat longi temporis præscriptio, sed in iis ubique gentium, et in Italia, et in provinciis, ut semper obtinuit, locum habet usucapio, ut in *d. tit. de usuc. transf. et d. l. 2. tit. seq.* Cum ait, in lite proprietatis servorum, quæ dicitur lis domini, et pet. domini in *l. 3. hoc tit.* id est, proprietatis: in ea, inquam, cum locum habeat usucapio, superfluo perveniri ad præscriptionem longi temporis, cum usucapio sit brevioris temporis, nempe anni ex jure veteri, hodie triennii. Ceterum ab hac definitione excipio servos rusticos, qui prædiis adherent, quia inter res immobiles numerantur, ideoque in is non minus, quam in prædiis locus est præscriptioni longi temporis, *l. 3. D. de diversis, et temp. præscr.* ut idem juris sit in parte, quod in toto, ut in *l. 3. pro derelicto*, quia mancipia rustica pars raris sunt, et fundi. Et ut ait Julianus in *Nov. 7.* sunt veluti membra rerum immobilium, ergo partes. Obstat tamen lex rescriptis, *D. de divers. et tem. præscript.* quæ vexat ingenia multorum, dum ait, quibusdam rescriptis *D. M. Antonini caveri*, ut in rebus mobilibus locus sit præscriptioni diutinae possessionis. Non dicit in mancipiis prædiorum, sed generaliter in rebus mobilibus, quod pugnat cum *l. 2. tit. seq.* Nec verum esse potest ullo modo, nisi in mancipiis rusticis, quæ pro rebus immobilibus habentur. Et magna est questio in foro, quæ res mobiles, vel immobiles sint propter societatem, quæ contrahitur moribus inter virum et uxorem, rerum scilicet mobilium. Unde multum interest scire, quæ res sint mobiles, et immobiles. Et pleræque res sua natura mobiles rerum immobilium jure censentur ex accidenti, ut mancipia rustica, in quibus ea ratione locus est præscriptioni longi temporis, non in omnibus rebus mobilibus, et sane constans non est scriptura *d. l. rescript.* Flor. et Basil. habent in rebus mobilibus: vulgo scriptum est in rebus

soli, quæ scriptura si accipitur, nullus est labor, aut soluti sumus omni labore. Alii habent in *reb. soli immobilibus*. Unde arbitror rescripta Antonini pertinuisse ad prædia provincialia, et ita accipiendam esse *d. l.* et referendam esse ad agros provinciales, qui usucapi non poterant, sed Antoninus rescriptis cavet, etiam in rebus soli immobilibus prescriptioni longi temporis locum esse, ut sic usucapioni locus non esset: et scripserat in *rebus soli provincialis immobilibus*, sed verbum *provincialis* sustulit Tribonianus, quia sublata est locorum differentia: aut sane si nolis retinere verbum *soli*, omnino legendum est in *rebus immobilibus*, quod eodem etiam in *Bas. ad l. 2. sup. de serv. et aqua*, quæ ait, *servitutem tempore acquiri exemplo immobilium*, quod est verissimum, quia rebus immobilibus servitutes herent, ut *l. pen. D. cod.* Et tamen Eustathius in *lib. de temp. et auctor. Basil.* legunt, *exemplo mobilium*, quod ferri non potest, non magis quam ut legas in *d. l. rescriptis, mobilibus*. Igitur, vel ut vulgo, legas *rebus soli*, aut quæ vetus est lectio, in *rebus soli immobilibus*, quæ mihi ex eo magis placeat, quod prodatur flagitium Triboniani, qui non declaravit, cujus soli, quia Justin. soli *Italici, et soli provincialis differentias sustulerat*. Est etiam aliud discrimen inter usucapionem, et prescriptionem. Usucapio litis contestatione non interruptitur, quod et probavi in *l. 10. sup. tit. prox.* imo pendente lite peragitur, et perficitur, et est efficax si forte lis omittatur, aut possessor absolvatur: sed si possessor condemnatur, reiditur inefficax officio iudicis, quia cogitur rem non restituere, cum desiderit esse actoris per usucapionem, se actori tradere, quia ipse pendente lite usucapione factus est dominus rei, quam æquum est ei tradi possessore condemnato, quod res ejus fuerit initio litis, cum nondum completa esset usucapio, *l. si post acceptum, de rei v. n. l. sicuti. §. sed si queritur, D. si serv. vind.* Possessio autem sive prescriptioni longi temporis litis contestatione interruptitur, ut nec mora litis proficiat ad complementam prescriptionem longi temporis, ut et omissa lite intelligatur interrupta possessio longi temporis, nec prosit quicquam ei, qui ante litem motam eam non adimpleverat, *l. 1. 9. et 10. h. l. l. mora litis, sup. de rei v. n.* Et ratio differentie inter usucapionem, et prescriptionem longi temporis hæc est, quia usucapio significat jus, quod utique per se procedit, etsi non possideat is, qui cepit usucapere. Possessio longi temporis est facti, quod factum, si non continetur, et inquietetur, si lite contestata interpelletur; nec procedere potest prescriptio longi temporis. Et explican-

da nobis est species *l. 1. h. l.* quæ talis est: post litem possessori motam de fundo, quem possidebat (quæ res eum male fidei possess. facit) ut et desinat possidere civiliter, *l. 10. sup. tit. prox.* Post motam, inquam, litem, et mox omisam, is fundum vendidit bonæ fidei emptori, qui enim 20. annis possedit sine interpellatione, an totus est emptor exceptione longi temporis, id est, an nocet ei mala fides venditoris? Et sane verius est latum eum esse, quia mala fides venditoris ei non nocet, si ipse non ulatur accessione temporis, quo venditor possedit, sed ex sua persona tantum sumat prescriptionem longi temporis, *l. an vitium, D. de diver. et temp. præsc. et l. apud Cels. §. de auct. D. de dol. exc.* Et hoc est, quod Paulus ait *§. Sent. tit. 1.* quod sumpsit ex hac lege, ut opinor, idem omnino exprimens et statuens, quod hæc *l. 1.* et utens iisdem fere verbis: *si post motam intra tempora questionem res ad novum dominum, id est, possessorem, ut in l. 1. dominus, id est, possessor, emptione transierit, nec ille per 20. annos inquietatus fuerit, quibus scilicet possedit ex sua persona, avelli ei possessionem non oportet; sed hoc ita domum procedit ex Nov. 119. si non ignorante domino emerit a malæ fidei venditore: Nam si emerit ignorante domino, vitium ei nocet, ne acquirat possess. longi temporis, puta 20. annor. et sunt ei necessarii 30. anni, quibus rem possiderit sine interpellatione. Et addit hæc *l. in fi.* quod etiam in *Repub. observare oportet*, quod rejecta glossa Accurs. interpretandum est ex alia sententia Pauli *eod. tit.* ut adversus *Repub. bonæ fidei emptori in eadem specie, qui emit a male fidei venditore, prosit 20. annor. prescriptio.* Verba Pauli hæc sunt: *Viginti annor. prescriptio etiam adversus. Rep. prodest ei, qui justum initium possessionis habuit, nec medio tempore interpellatus fuit.* Quæ verba Pauli sunt tibi pro glossa hujus versic. *quod etiam.* Nam opinor et hanc, et illam sententiam Paulum sumpsisse ex *h. l. 1.* At (quæ est alia pars *h. l. 1.*) si is, cui mota est lis de fundo, et mox omissa, postea 20. annis fundum possederit, an habeat prescriptionem longi temporis; minime, quia mala fide possedit, et male fidei possessori hæc prescriptio non opitulatur, sed prescriptio 30. annorum. Hoc vero videtur pugnare cum constitutione Justiniani in *tit. de usuc. transf.* in qua ostendit, ut in usucapione, ita in prescriptione longi temporis satis esse, si quis ab initio bona fide rem possedit: malam fidem supervenientem, nec prescriptionem, sive possess. longi temporis, nec usucapionem interrumpere, si ab initio, ut dixi, bona fide possederit. Sed addendum est, ut re-*

spondeamus, si bona fide ab initio possederit, nec lite mota interpellatus fuerit: nec enim omnis mala fides superveniens interruptit prescriptionem longi temporis, ut vult Justin. illo loco, sed illa tantum, quæ litis contestatione inducitur, eoque ut posui ante, maxime possessio longi temporis distat ab usucapione: nam usucapio litis contestatione non interruptitur, imo suspensa lite perficitur dum agitur negotium proprietatis in judicio. Fuit etiam olim differentia in tempore inter usucapionem, et prescriptionem longi temporis: nam rerum immobilium: aut servitutum prædialium, quæ etiam pro immobilibus habentur, usucapio fuit brevis, præscriptio longi temporis, quæ definitur esse 10. inter præsentem, et 20. inter absentes apud Paulum *d. l. sentent. l. 2. et l. 9. l. pen. h. t. l. pen. inf. quib. non objcit. l. ult. sup. si quis ign. etc. l. si cum §. Aristo, ff. qui et a quib. manum.* Quod etiam dicitur diuturnum, et diuturnum tempus, diuturna possessio. Hodie tamen etiam usucapio rerum immobilium, vel servitutum prædialium est longi temporis usucapio. Nec ulla igitur in tempore est differentia inter usucapionem, et prescriptionem. Illud etiam est commune utriusque, ut utraque exigit bonam fidem, et justum verumque titulum, *l. 3. 6. 8. h. t. et ut jure tantum successionis nudæ, quod notandum ex l. 4. h. t. longa possessio non prosit successor, puta heredi, aut bonor. possessori, si rem alienam inventam in hereditate diu possederit ut hereditatem, videlicet si defunctus eam mala fide possederit, vel sine iusto et vero titulo, quia vitium defuncti nocet heredi, l. 1. et 4. sup. de usuc. pro hered. l. 3. sup. comm. de usuc.* Et hoc distat successor juris a successore rei, puta emptore. Nam emptori non nocet vitium venditoris: recte dixit emptori: nam donatario nocet vitium donatoris, quia rem habet ex causa lucrativa, ac similiter legatario vitium defuncti, *d. l. apud Cels. §. si quis, D. de doli except.* ut sit in hac re differentia inter causam lucrativam, et non lucrativam. Qui rem habet ex causa lucrativa, puta legati, aut donationis, ei vitium sui auctoris obest, sive reddat in eum, qui ex causa non lucrativa, veluti emptor, qui pretio rem suam fecit ei vitium, sive dolus auctoris sui non nocet. Et videtur etiam (quantum colligo ex constitutione *tit. de usuc. transf. in fi. et ex l. pen. h. t.*) in questione de accessione possessionis fuisse differentia inter causam lucrativam, et non lucrativam, nimirum hæc: ut qui ex causa non lucrativa rem habet, puta ex emptione, possit uti accessione temporis, quo venditor possedit, id est, tempus possessionis venditoris conjungere possessioni suæ, atque ita complere, et conficere legitimum tempus. An autem is, qui ex causa lucrativa rem habet, possit ex persona

auctoris sui uti accessione temporis, ad usucapionem, vel prescriptionem, arbitror fuisse controversum, licet in causa lucrativa idem admittat *lex Pomponius, §. pen. de acqu. possess.* sed hoc definivit Justinianus in *l. ult. hoc. tit.* ut qui ex causa lucrativa rem habet, utatur accessione temporis, quo possedit auctor suus.

Ad L. ult.

Cum in longi temporis præscriptione tres emergent veteribus ambiguitates: prima propter res ubi positæ sunt: secunda propter personas, sive utriusque, sive alterutrius præsentiam exigimus: et tertia: si in eadem provincia, vel in eodem civitate debent esse personæ, tam petentis, quam possidentis, et res pro quibus certatur: omnes eas præsentis legis amplectimur definitione, ut nihil citra eam relinquatur. Sancimus itaque debere in ejusmodi specie utriusque personæ, tam petentis, quam possidentis spectari domicilium: ut tam is, qui dominii, vel hypothecæ questionem inducit, quam is, qui res possidet, domicilium habeat in uno loco, id est, in una provincia: hoc etenim magis nobis eligendum videtur, ut non in civitate concludatur domicilium sed magis provincia: et si uterque domicilium in eadem habeat provincia, causam inter præsentem esse videri, et decennii magis præscriptione agentem excludi. De rebus autem, de quibus dubitatio est, nulla erit differentia sive in eadem provincia sint, sive in vicina, vel trans mare positæ, vel longo spatio separate. Sin autem non in eadem provincia uterque domicilium habeat, sed alter in alia, alius in altera: tunc ut inter absentes causam disceptari, et locum esse viginti annorum exceptioni. Nihil enim prohibet, sive in eadem provincia res constituta sint: sive in alia super his controversiam iudicio provinciali moveri, et multo magis, in hac florentissima civitate, etc.

In hoc tit. restat hæc questio, qui dicantur præsentem et absentes: nam longi temporis præscriptio inter præsentem continuo decennio inter absentes continuo 20. spatio comprehenditur, et præsens acquirit prescriptionem decennii adversus præsentem dominum, vel creditorem hypothecarium, absens vero prescriptionem vicennii adversus dominum etiam, aut creditorem hypothecarium. Et Justinian. in *l. ult. h. t.* definit, præsentem esse eos, qui in eadem provincia domicilium habent, ut domicilium hoc casu non concludatur in una civitate, vel uno municipio, sed latius in una provincia: et in provincia dicitur domicilium habere, qui in ea sedem, et rerum suarum omnium rationem colloca-

fuit, quia nec potuit sibi ipsi mutare causam possessionis, id est, sibi ipse adtingere novam causam possessionis, *l. cum a me, sup. de acquir. poss.* Atque ita vindicanti domino nulla temporalis praescriptio ob-rit, quam ei obijciat colonus, sive conductor fundi. Item cessat longi temporis praescriptio, si res possit usucapi: nam ubi usucapioni locus est, supervacua est praescriptio longi temporis, id est, *non necessaria*. Cessat etiam longi temporis praescriptio, si agatur personali actione, quod notandum est, vel etiam actione mixta, id est, *reali et personali*. Nam mixta actio personalis est et perpetua, ut non possit tolli praescriptione longi temporis. Mixta, veluti petitio hereditatis, familiae erciscundae, communi dividundo, ut *l. 3. et 4. hoc tit. l. hereditatis, sup. de petit. hered. l. 8. sup. de jure delib.* Item praescriptio longi temporis pertinet ad actiones in rem, quae sunt de proprietate rei, non actiones in personam, quae sunt de debito rei, de obligatione, quoniam fere omnes actiones in personam sunt perpetuae, id est, *durant 30. annis*, nec perimuntur longo tempore. Et si quaeras rationem differentiae, *cur actio in rem longo tempore perimatur, non actio in personam, petitio domini, non petitio ejus, quod debetur?* dicam, non tam longum tempus perimere actionem in rem, id est, mutare dominium vi ipsa quam usum longi temporis, usum diuturnum. In actione autem in personam debitoris nullus est usus, qui perimat actionem, id est, nulla subest res corporalis, cujus usu perimatur obligatio. Et adnotandum ex *d. l. 4.* cessare praescriptionem longi temporis, si socius pro sua parte agat adversus socium rei vindicatione, qui forte fundum communem pro indiviso sibi possidet in solidum: nam etsi ita eum possederit longo tempore vindicantem socium partem suam non repellat praescriptione longi temporis, quia mala fide in solidum possedit rem communem, et sine justo veroque titulo. Et eleganter *l. 3.* quod est commune pro indiviso, vocat commune individuum, aliud est commune dividuum, id est, pro diviso, aliud commune individuum, quod et indivisum dicitur, ut Urbicus scribit, *compascua alios vocare communalia, quod est etiam idiotismi nostri verbum, alios pro indiviso*. Et postremo notandum ex *l. ult. hoc tit.* ei etiam non dari praescriptionem longi temporis, licet diu reus sit, qui eam rem non possidet animo domini, ut si servum alienum possideat uti liberum hominem. Et haec est species: servum meum non habuit pro derelicto, alioquin posset usucapi *l. pro derelicto*, si non fuerit plane meus, sed a me bona fide possessus; servum igitur meum non dereliqui, sed cum is in acie vulneratus fuisset ab hostibus, cum suis sumptibus curasti, existimans esse liberum,

et diu eum hominem possedisti non animo domini, quia existimabas esse liberum: ideoque vindicantem dominum non repelles praescriptione longi temporis, sed exceptione doli mali, si non reddat sumptus curationis, quos tu bona fide fecisti, *l. si autem, §. ult. l. sumptus, D. de rei vind.* Atque ita praescriptio longi temporis non procedit, a ne possessione civili: ex naturali tantum non procedit, quae scilicet non tenetur animo domini.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXXV. Quibus non obijciatur longi temporis praescriptio.

In hoc titulo ostenditur longi temporis praescriptionem non obijci, ut generaliter hic proponitur, cum effectu, iis, qui juvantur restitutione in integrum: nam restitutio in integrum rescindit praescriptionem longi temporis. Et ita, ut ostendit *l. 1. et ult. h. l.* militi restituto in integrum non imputatur tempus, quo in expeditione fuit, residuum tempus imputatur ei, quo fuit in suis arcebus, vel aliis locis citra expeditionis necessitatem, ut si triennio in expeditione fuerit, triennium ei non imputatur, quo rem suam alius possedit residuum tempus imputatur, *l. pen. hoc tit.* Eademque ratione ostendit lex secunda, quae scripta est ad Aurelium Archiatrum. Archiatro, id est, medico principis, restituto in integrum adversus praescriptionem longi temporis, non imputatur tempus justae absentiae, et publici muneris, *le temps de son quartier*. Illud etiam singulare est, quod trahitur ex hac lege secunda, causas archiatrorum pertinuisse ad cognitionem praefecti praetorio. Quod etiam dici potest de his omnibus, qui serviunt in comitatu principis, *a la Cour*, deque archiatro loqui legem, demonstrant illa verba *ob medendi curam in comitatu nostro, etc.* Et eademque etiam simili ratione Reip. causa abreuti, vel forte ex alia justa causa fortuita et necessaria, non voluntaria, non adfectata, nam haec omnia requiruntur, non imputari tempus absentiae, quoniam possunt in integrum restitui ex generali clausula edicti, *Ex quibus causis majores*, nempe ista, *Si qua mihi justa causa esse videbitur*, ex qua restituantur majores 25. annis ob quamcumque absentiam fortuitam et justam, *l. 4. hoc tit.* Et similiter quia ex eodem edicto captus ab hostibus, et posthumino reversus restituitur in integrum, praescriptio longi

temporis non obijcitur, quantum attinet ad id tempus, quo fuit apud hostes, hoc ei imputari non debet. *l. 6. h. t.* Et similiter, ut ostendit *lex 3.* minori vigintiquinque annis cum effectu non obijcitur præscriptio longi temporis: ex *l. ult. sup. si quis ign. rem minoris*, quia olim minor vigintiquinque annis restituebatur adversus præscriptionem longi temporis. Currebat igitur ipso jure adversus eam præscriptio longi temporis, sed adversus eam restituebatur in integrum, quæ restitutio præscriptionem infirmabat. Sed hodie amplius beneficium est, quod Justinianus dedit minoribus viginti quinque annis, ut scilicet adversus eos nulla præscriptio temporis ipso jure currat: excepta præscriptione triginta vel quadraginta annorum, id est, ut ipso jure sint tuti, etiam sine restitutione in integrum, *l. ult. sup. in quib. caus. integr. etc.* Quæ de causa, ut arbitror, *lib. 1.* inter titulos de restitutione in integrum, quæ dantur minori viginti quinque annis, ponitur titulus *si advers. usucap.* quia minor indiget restitutione: nullus ponitur titulus *si adversus præscriptionem longi temporis*: quia ipso jure munus est beneficio Justiniani. Et jam in hoc titulo repetitur, quod habuimus in titulo superiori, agenti in personam non opponi præscriptionem longi temporis, *l. 3. hoc tit.* sed agnati in rem, cujus rei rationem exposui.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXXVI. Si adversus creditorem præscriptio opponatur.

Nihil præterea veteres libri habeant, quam si adversus creditorem. Et similis est titulus in *lib. 2. Si adversus creditor.* qui tamen pertinet ad restitutionem in integrum, hic vero ad præscriptionem longi temporis. Et ostendit præscriptionem temporis non tantum pertinere ad perimendam actionem in rem, quæ domino competit, sed etiam ad actionem in rem hypothecariam, quæ et Serviana dicitur, et creditori competit: utramque perimi præscriptione longi temporis: quod etiam indicat *l. pen. sup. de præscript. long. temp. et l. 7. et ult. sup. de oblig. et act.* Et huic sententiæ nihil obstat *l. cum postulassem, §. ult. de damno inf.* cui ne-cit respondere Accurs. quia ea lex de usucapione loquitur, non de præscriptione longi temporis, et de usucapione legitima rerum immobilium, quæ ante Justinianum fuit biennii, et perimit quidam actionem in rem, quæ est de dominio, quia dominium

illa usucapio mutat. Non utitur tamen causam pignoris, neque hypothecariam perimit, *l. usucapio, inf. de pign. l. justo errore 4. §. non mutat, ff. de usucap.* At præscriptio longi temporis perimit actionem hypothecariam. Hodie autem usucapione Justiniana rerum immobilium, quæ etiam est longi temporis, sicut præscriptione verissime dices utramque actionem perimi, id est, in rem, et hypothecariam, et similiter rectissime dices, si res mobilis hypothecæ data sit, usucapione Justiniana, quæ triennii est, utramque actionem perimi, et errare eos, qui in *l. 1. h. t.* in re mobili hypothecæ data, exigunt præscriptionem longi temporis. Proinde ita statuamus, usucapione Justiniani rei mobilis, vel immobilis, hodie utramque actionem perimi, et olim etiam usucapione rei mobilis, quæ vigebat ubique, id est, usucapione anni, quia de re mobili nulla erat comparata præscriptio temporis, sed usucapio rei mobilis omnia jura perimebat. Quod ante diximus actioni hypothecariæ obijci recte præscriptionem longi temporis, verum est, quoties creditor agit adversus hypothecæ extraneum possessorem. Nam quoties agit adversus debitorem, vel ejus heredem, non sufficit præscriptio longi temporis ad submovendam actionem hypothecariam, sed necessaria est præscriptio quadraginta annorum, ut indicat *l. 1. et 2. hoc tit.* et apertius *l. cum notissimi, inf. de præscript. 30. annorum*, quæ exigit etiam præscriptionem quadraginta annorum, si creditor agat hypothecariæ adversus posteriorem creditorem.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXXVII. De Quadriennii Præscriptione.

In hoc titulo agitur de præscriptione quadriennii, quæ datur fisco, vel adversus fiscum. De ea, quæ datur adversus fiscum est *l. 1.* ut scilicet adversus vindicationem bonorum vacantium, sive caducorum, quæ fisco competit, possessori non sit necessaria præscriptio longi temporis, sed sufficiat præscriptio quadriennii adversus fiscum, si post quadriennium vindicet bona quasi vacante et caduca, quæ alius jura possessione tenere cepit, *l. 1. §. Divus, ff. de jure fisc. l. intra, ff. de divers. et temp. quævis, ff. de usuc. l. 6. §. certe si, ff. si quis omissa causa testam.* Et quibus omnibus locis etiam intelligitur, quadriennium illud numerari a die, quo bona vacare ceperunt, id est,

quæ omnes, ad quæ ea bona pertinere poterant, ea repudiarent. Ne igitur dicas cum Accensio, quadriennium numerari a die, quo bona nuntiata sunt fisco, quo hæc res delata est fisco, quod nec posset proliari. Adiditur etiam in l. 1. eor., qui bona vacantia ex beneficio et liberalitate Principis promeriti sunt, statim dominos fieri, et securos esse adversus fiscum, sive officiales fisci, Principem de suo fisco, quantumque velit posse largiri, eamque donationem ratam esse. De præscriptione quadriennii, quæ datur fisco, est l. 2. et 3. ut post quadriennium, quam fiscus rem forte alienam, vel quam communem habuit cum privato, ut l. 2. sup. de rer. comm. alien. vel rem ali. pignoratam, quasi vacantem vel caducam alienavit, dominum, vel creditorem agentem in rem, vel hypothecaria, repellat præscriptione quadriennii, nec ei sit necessaria præscriptio longi temporis. Is autem, qui a fisco rem accepit, puta emit, aut permulavit, aut ex causa transactionis accepit, vel etiam ex largitione principis, ut is statim securus sit dominum, vel creditorem hypothecarium domino, vel hypothecario creditori non licere congrredi cum eo, qui rem a fisco accepit, sed cum fisco ipso intra quadriennium ex l. 2. h. t. Olim ei, qui rem a fisco accepisset ne passet inquietari, vel interpellari a domino, erat necessaria præscriptio quinquennii ex edicto Marci et Commodi, de quo in §. pen. Instit. de usuc. l. ult. sup. si advers. f. c. Hodie statim securus sit: sed in fisco domino, vel creditori integra est actio in rem, vel hypothecaria, quasi dolo desiderit possidere intra quadriennium tantum. Quare Tribonianus jus vetus inficiens ad jus novum in l. neque, sup. de restit. milit. pro quinquennii reponit quadriennii, quod etiam Basilica sequuntur. Nec tamen quicquam mutavit in d. l. ultim. si advers. fiscum, quæ referebat in ea jus antiquum. Securitas enim olim erat data certis emptoribus quorumdam patrimoniorum, quia ea emissent a fisco ex constitutionibus Leon. et Zenonis in l. 2. de præliis tamiacis lib. 11. Hodie datur omnibus emptoribus, vel aliis, qui a fisco rem acceperunt quasi rem fisci, emendata hac in re Novella Leon. de bonis vacant. correctæ etiam, ut et Fulgosius recte sentit l. 13. §. item si quis a fisco, de pet. l. hered. quæ ait, eum, qui hereditatem quasi vacantem a fisco emit, quæ tamen non vacabat, agnato, qui nunc emersit, cum nullus putaretur superesse agnatus defuncti, teneri utili petitione hereditatis, veluti emptorem universitatis. Ergo, qui hereditatem emit a fisco, non statim tutus est, quia tenetur petitione hereditatis, quod velim intelligi secundum jus vetus, nisi emptor ille munitus esset præscriptione quinquennii. Denique ille §. accipiendus est secundum jus ve-

tus, quod obtinuit ante hanc constitutionem Zenonis. Ideo si obijciatur, dicam eum h. l. corrigi. Ac præterea si obijciatur huic l. 2. l. 1. sup. de hered. vel act. vend. quæ dicit, eum, qui emit a fisco hereditatem tanquam caducam, teneri creditoribus hereditariis, quibus defunctus teneretur; responde, Zenonem in hac lege dare tantum securitatem eis, qui emerunt a fisco, quibuscum. agitur de dominio, vel hypotheca, ut est expressum in h. l. 2. non si cum eis agatur de re alieno, quia respondere tenentur creditoribus hereditariis, l. eum qui, ff. de jure fisci. Et similiter, si obijciatur lex 5. sup. deliber. causa, quæ ait, ancillam, quam quis emit a fisco posse proclamare ad libertatem, id est, cum emptore experiri præjudicio: dicamus similiter ex Thalelæo, Zenonem dare securitatem emptori, si cum eo agatur de dominio, vel hypotheca tantum, non si de statu empti a fisco mancipii. Adiditur item in hac l. 2. §. ult. emptorem, qui solvit pretium fisco, licet de soluto pretio apocham non acceperit a fisco, tamen ut eo etiam nomine securus sit, si modo ex gestis scrinii, id est, ex rationibus fiscalibus appareat eum solvisse, quod confirmat lex 2. infra, de convn. fisc. deb. l. 2. de discuss. lib. 10. l. illatæ, de fide instr. Nec omitam circa principium h. l. 2. illo loco etiam legendum esse eor. quin etiam, quibus quæcumque res, etc. Et ita Basilicis, αὐτὸς οἱ ἀδελφοὶ πρᾶγματὰ, quibus quæcumque res. Quod autem Zeno constituit in hac leg. 2. de alienationibus factis a fisco, ut ne ullo modo inquietentur illi, in quos factæ sunt, sed securi permanent, quasi pleno jure domini, atque optimo, firmissimoque Justinianus in l. 3. hoc tit. id trahit ad alienationes factas ab Augusto, vel Augusta, non ex rebus fiscalibus, sed ex dominio eorum, et privata substantia, ut hæc etiam alienationes nullo modo revocari possint, sed tantum, ut possit eo nomine conveniri domus Augusti, vel Augustæ intra quadriennium: non dicit conveniri principem: quia cum principe nulla est actio, sed conveniri res ejus privatas, censum ejus, curatores domus ejus, sive procuratores, qui ea bona administrant, id est, curatores rei dominicæ, id est, rei, quæ pertinet ad dominum, id est, principem, qui est dominus rerum, procuratores rei privatæ. Idem est res dominicæ, res privata, et res diviniæ domus, aut dominicæ domus, ad quos curatores, scripta est l. 3. hoc tit. Denique quod legis sententia statuit de fiscalibus auctionibus, ut ratæ, et perpetuæ sint, id Justinianus trahit ad alienationes, quas fecit Augustus, vel Augusta de suis propriis bonis, aut tanquam suis, quæ nihil refert, vendatur res fiscalis, aut donetur, an res privata Principis, quia utraque res est Principis. Et hoc est,

quod sit, omnia esse Principis. Neque enim intelligit omnia, quæ sunt singulorum hominum, sed omnia, id est, fiscalia: nam et hæc sunt quasi propria principis, l. 2. §. hoc interdictum, ff. ne quid in loco publico. Et perterea, quæ pertinent ad dominium, et proprietatem privatam ipsius, sunt in proprio patrimonio Principis, vel Augustæ. Omnia ergo sunt Principis, id est, fiscalia, et privata prædota. Et tamen Seneca 7. de beneficiis etiam scribit, jure civili omnia esse principis, quæ scilicet quisque habet. Sed recte cap. 3. id ita interpretatur, Omnia esse Principis imperio: singulorum enim dominio. Et ita c. 6. Cæsar omnia habet, fiscus ejus privata tantum, ac sua (id est, fiscalia) ut universa in imperio ejus sunt, in patrimonio propria. Unde apparet, principem non habere in patrimonio, nisi propria, quæ dicuntur dominica du domaine. Restat illud in hac lege tertium, Curatores rei privatæ principis, tantum quid vendunt. Et est suavis Accursius in h. l. 3. dum refert, eo tempore, quo Fredericus Imperator summus belli dux, vastabat Italiam, fuisse interrogatum Martinum Jurisconsultum ab Imp. apud Roncaliam, quæ civitas est supra Palum vicina Placentiæ, ex qua urbe legitur data fuisse constitutio Frederici de privilegiis studiosorum, quæ posita est sup. tit. lib. 4. ne filius pro patre, eo, inquam, loci interrogatum Martinum a Principe, an omnia essent principis: respondisse, Armato principe omnia ejus esse, etiam quantum ad proprietatem, timore, vel amore, inquit Accursius. Restat igitur in h. l. 3. curatores rei privatæ, qui vendunt ex epistamate Principis, id est, ex mandato, non debere se obligare evictionis nomine, ut solent privati venditores: quia ipso jure emptores statim securi sunt adversus omnes, et eis, quorum interest ob eam rem competit tantum actio adversus dominum intra quadriennium, non post quadriennium.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXXVIII. Ne rei dominica, vel templorum vindictio temporis exceptione submoveatur.

In hoc titulo ostenditur, præscriptionem longi temporis cessare adversus vindicationem rerum dominicarum, ut inde affinitas hujus tituli cum l. ult. tituli superioris manifesta fiat, quæ etiam est de rebus dominicis: et cessare etiam præscriptionem

longi temporis adversus vindicationem rerum, quæ pertinent ad sacra templa: Quod verbum sacra, sive sacrorum, quod est in l. 2. h. t. laudo abesse a quibusdam libris, quia in his libris dixit temp'a, quæ fuerunt paganorum, quæ tum esse prophana putabantur. Denique cessare hanc præscriptionem adversus vindicationem rerum privatarum principis, et rerum juris templorum. Et l. 2. sic est emendanda: universas terras, quæ a colonis, sive emphyteuticariis dominicis (id est, qui terras a curatoribus divini domus acceperunt locationis, conducto jure, vel emphyteuseos) rei privatæ (non Reipublicæ) vel juris templorum, quæ vult prædia dominica, quæ vendiderunt coloni, vel emphyteuticarii dominici contra leges retrahantur, et revocentur in jura Principis, non obstante præscriptione longi temporis, et ne reddito quidem pretio emptori, qui accessit ad illicitam venditionem, ut in l. 1. inf. de prædiis Curial. Et nihil refert, utrum sit res mobilia, quæ ad dominicam domum pertineat, aut animalis, puta servus dominicus, aut colonus, aut coloni filius, vel nepos, qui seq. conditionem parentis, conditionem colonarium, an res immobilis. Et additur item in l. 3. emptori harum rerum nec prodesse præscr. longi temporis, nec rescripta obreptitia, quæ impetrant forte sue poss. firmandæ causa, nec etiam professionem novi census, ut puta, si in agendo censu publico, ille rem dominicam, quam emit illicite, referat in censum quasi suam, quia non ideo magis sit ejus, l. quæ quisque, D. de acquir. rer. dom. l. forma, §. si cum ego, D. de censibus. Cicero pro Flacco: primo pertinuit cum te audisset, servos suos esse censum: retulit ad Jurisconsultos. Constat inter omnes, si aliena censendo Decianus sua facere posset, eum maximam habiturum esse rerum omnium copiam. Itaque census falsa professio nihil alieno juri præjudicat, quod optime ostendit l. ult. hoc tit.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XXXIX. De præscriptione 30. vel 40. annorum.

Quemadmodum usucapioni, quando locum non habet, ut in re incorporali diximus sup. tit. 33. succedere præscriptionem longi temporis, id est, 10. annorum inter præseles, et 20. inter absentes: ita vero demum illi præscriptioni longi temporis, ubi locus non est, subjicitur præscrip. lon-

gissimū temporis: ut si agatur in rem, vel hypothecaria adversus malæ fidei possessorem, vel si agatur in personam, ibi tunc succedit præscriptio longissimi temporis, id est, 30. ann. Et rursus cessante præscriptione 30. ann. succedit præscriptio 40. annorum, quod hic titulus ostendit. Hæc autem præscriptio 30. annorum, si primam originem quaeras, proficiscitur ex constitutione Theodosii Magni: nam ante eum, adversus malæ fidei possessorem actio in rem, vel hypothecaria erat perpetua, id est, sempiterna, et nullis seculis interitura. Itemque actio in personam, et mixta in provinciis erat æterna, atque perpetua. Et cur actio in personam fuerit perpetua, et sempiterna, actio in rem temporaria, id est, 10. aut 20. annorum adversus bonæ fidei possessorem, exposui tit. 34. At ex constitutione Theodosii, nullæ actiones sunt perpetuæ, æternæ, vel sempiternæ: imo omnes qualescunque, sive in personam, sive in rem, vel mixtæ, vel hypothecariæ, id est, sive domino competant, sive creditori etiam si agatur adversus malæ fidei possessorem, adversus prædonem 30. annorum continuationis præscriptione tolluntur. Et generaliter, quibus in causis, vel quibus in locis nullam ob stare præscriptionem temporis legimus, ut in *l. ult. sup. ne de statu defunct. etc.* et aliis plerisque in locis; illis tamen omnibus casibus obstat præscriptio 30. annorum: quoniam eam Cassiodorus lib. 5. Variarum vocat patronam humani generis. Ex Novella Valent. 30. ann. præscriptio omnibus causis opponenda, per eam præscriptionem 30. annor. Theodosium humano generi profunda quiete prospexisse, ne quis scilicet cuiquam tot annorum movere possessionem possit. Imo hoc plerisque locis hodie invaluit, in Gallia, ut in hac provincia Biturigum, ut in omnib. causis sit necessaria præscriptio 30. annor. abolita præscriptione longi temporis, quam illa absorpsit, aut redegit in suam potestatem. Denique, ut etiam bonæ fidei possessori adversus actiones in rem, vel hypothecariam nihil prosit præscriptio longi temporis, sed præscriptio 30. annorum, quod est contra Constitutiones Imp. Roman. Hujus præscriptionis auctorem feci Theodosium Magnum ex supradicta Novella Valentiniæ, et Theodosii junioris, in qua hoc jus, ut silentio 30. annorum omnis actio perimatur, omne jus, quod alii competit, Valentinianus tribuit Theodosio patri suo. Non ergo Theodosio juniori collegæ suo, sed Theodosio Magno: namque solent Imperatores antecessores suos appellare patres, pio, et augusto nomine, licet non fuerint eis parentes, ut in eodem Novel. Valentinianus Honorium vocat patrem suum, qui ei fuit avunculus, non pater, et intelligit illo loco *l. 1. C. Theod. de inquilinis, et colonis*: cujus inscriptio ex ea No-

vella omnino ita emendanda est, ut ea lex tribuatur non Constantino, et Juliano, ut perperam formis est expressum, sed Honorio, et Theodosio. Et ex eadem constitutione Theodosii magni de præscriptione tricennii, idem Valentinianus Novella de Episcopali judicio refert, Theodosium magnum non imputasse in tricennium, in præscriptionem tricennii tempus pupillaris ætatis, quo scilicet quis rem pupilli possedisset: nam ut usucapi res pupilli non potest, ita nec longo, aut longissimo tempore acquiri. At eam constitutionem Theodosii Magni non habemus. Nam *l. 3. hoc tit.* non est ejus, sed Theodosii junioris, quæ tamen idem statuit, quod illa: et similiter de 30. annis subtrahi domini, aut creditoris ætatem pupillarem. Et ut hanc *l. 3. soli* Theodosio juniori tribuam, moveor. C. Theod. in quo extat plenior titulus de actionibus certo tempore finiendis, ubi soli Theodosio tribuitur. Moveor inscriptione: inscribitur Asclepiadoto Præfetto Prætorio, qui eo honore functus est tantum sub Theodosio juniore, cui etiam idem Theodosius semper solet solus scribere, aut suas dirigere constitutiones. Moveor item subscriptione, quæ Victoram consulem præ se fert, et quidem solum, nec enim addi volo collegam, collegam Castinum, cujus memoria damnata erat ab crimine læsæ majestatis (nam nomina consulum damnatorum eo crimine eradebantur e Fastis consularibus). Nolo item aldi Symmachum, qui non fuit collega Victoris, sicut etiam nullus additur Victori collega in *l. ult. sup. de codicill. l. ult. C. Theod. de inoffic. test. l. ult. C. Theodos. de cognitionibus, l. pen. eod. Cod. de collat. donat. poss.* Quam legem penultimam manifestum est esse Theodosii junioris, tum ex serie Imperatorum, et recto ordine, qui utique semper servatur in legum dispositione, tum ex mentione, quam facit avi, patris, et patrui. Theodosio juniori, nimirum avus fuit Theodosius magnus, pater Arcadius, patruus Honorius. Et ut alio argumento comprobem hanc legem 3. non esse Theodosii magni, Valentinianus in *d. Novella de triginta annorum præscriptione* refert in constitutione Theodosii magni de præscript. 30. annorum, fuisse adscriptum verbum (omnia) nimirum, ut omnia jura præscriptione tricennii tollentur, quod verbum Valentinianus vocat peremptorium, quod illo nulla actio excipitur, quale nullum est in hac *l. 3. nec in l. 1. C. Theod. de actionibus certo tempore finiendis*: ubi hæc lex habetur integrior. Non est igitur hæc lex Theodosii magni, sed Theodosii junioris: neque vero usquam extat *l. Theodosii magni de præscriptione tricennii*, credo quod nunquam fuerit in Occidente perlatæ; neque vero perferri potuerit, quia tempore Theodosii magni, imperium Occidentale

Eugenius quidam invaserat, adeo ut vere scribat Sidorius Apollinaris 8. *Epistolarum*, intra Gallias nescitam fuisse præscriptionem 30. annor. ante Valentinianum Collegam Theodosii junioris, qui præerat Orienti; Valentinianus Occidenti, et ante consulatum Asterii, sub quo data est illa Novella Valentin. de 30. annor. præscript. videl. tum utroque Imperatore in regno suo legem de 30. ann. præscriptione, quam Theodosius magnus tulerat, non pertulerat, suo nomine perferente, atque etiam ampliante interpretationem. Quamobrem non est mirum, si in C. Theod. cujus conditor fuit Theodosius junior, non senior, de præscriptione tricennii, exstant tantum constitutiones Theodosii junioris, ut in l. 1. 3. et Valentiniani, nulla Theodosii senioris, qui et eam legem perferre non potuit. Quod autem est scriptum in capite vigilant, de præscript. præscriptionem tricennii primum introduxisse Ephesium Legislatorem, vel ut est in *Tomo 2. Conciliorum sub Alexandro tertio*, Euphegium patrum Origenis, et quod ibi annotatur, illud caput vigilant esse sumptum ex libris stromaton Clementis Martyris, id omne periculosum est, ut merito annumeretur illud caput inter casa pulcrum, qualia multa sunt in decretis, et decretalibus. Porro, ut cetera, que sunt in l. 3. absolvamus, posita præscr. 30. annor. quæ vult omnes actiones tolli, etiamsi agatur contra male fidei possessorem, qui exiguunt 30. anni continui, quibus possederit sine interpellatione, docet etiam lex præscriptionem 30. annorum interpellari tantum per conventionem executoris, et libellum conventionis, qui Gallice dicitur *adjuernemente libelle*: non interpellari solo libello oblato Principi, id est, precibus oblatis soli Imperatori, quibus conqueratur de possessione rei suæ, quam alius non jure possidet, etiamsi ille libellus precum habeat subnotationem Principis, qua quid Princeps decreverit ea de re, etiamsi responsum illud insinuatum sit in judicio, videlicet, cum hæc omnia petitor fecit, non convento possessore per executorem. Idem erit, si, ut ait, in judicio postulatum deposuerit. quæ in Basilicis illo loco dicitur *πονομήτης άρτης*, quæ sit tantum ex una parte invocata altera, non convento possessore: hoc inutile est ad interrompendam præscriptionem longi temporis. Et tamen constat actiones prætorias annales, id est, præscriptionem illam anni interrumpi solo libello dato Principi, ex l. 1. et 2. sup. quando lib. pr. dat. pro lit. contest. præscriptionem, in quam, anni, non etiam præscriptionem 30. annorum, quæ non interrumpitur citra conventionem possessoris, quæ fiat per executorem litis. Item notandum ex h. l. tempus 30. annorum imputari etiam feminis, mi-

litis, absentibus justa ex causa, et puberibus minoribus 25. annor. non etiam popillis: sed puberibus imputatur etiam minoribus. Quæ in re præscriptio 30. annorum differt præscriptione longi temporis: nam hæc non imputatur minori 25. annis. Et hæc differentia proponitur in l. ult. sup. in quibus causis in integr. restit. nec. non est. Fæminæ (ut addam aliam differentiam) quibus etiam majoribus ætate facile datur restitutio in integrum, quod jus ignorent, quod sint imperitæ rerum forensium, l. ult. sup. de juris, et facti ignor. l. ult. C. Th. de in integrum restit. Item milites, et absentes justa ex causa, facile restituantur in integrum adversus præscriptionem longi temporis: minores autem adversus præscriptionem longi temporis ipso jure tuti sunt, d. l. ult. id est, non indigent restitutione in integrum, sive beneficio prætoris, quia ipso jure minuti sunt: et tamen adversus præscriptionem 30. annorum minor, neque fæminæ, neque milites, neque absentes ex justa causa d. l. 3. ita plectitur tanta annorum desidia, atque silentium, adeo ut, sicut est in fin. leg. nemo possit se excusare ignorantia juris. Adnotandum tamen est, justum esse, ut dominis, vel creditoribus non imputetur tempus, quo prædia eorum hostes possederunt, etiam triginta, aut quadraginta, aut centum annis, sine interpellatione: nam et idem legimus in *Novella Valentiniani, de Episcop. judicio*. Afris non imputari tempus, quo Vandali prædia eorum hostiliter possederunt, et apud Procopium lib. 1. de bello Vand. Hispanis non imputari tempus, quo iidem Vandali prædia eorum hostiliter possederunt, nec posse iis obici tricennem præscriptionem. Et ita prolata quadam constitutione Justin. quæ latebat Obs. 10. ostendi Justinianum Romanis non imputasse in præscriptionem tricennii tempora, quibus Gothi eorum prædia hostiliter possederunt. Unum est notatu dignum, quod est in *Cod. Theod.* ubi hæc l. 3. relata est integrior et plenior, ut scilicet hæc præscriptio 30. annorum non pertineat ad actionem finium regundorum, sed ut ea actio sit eodem jure, quo fuit ante proditam præscriptionem 30. annorum. Quod ideo scripsit Theodos. ut intelligeremus, actionem finium regundorum, ne quidem præscriptione tricennii periri ex sua sententia: nam jus ita est proculdubio, ut questio alia sit de fine, alia de loco. Questio de fine, aut finibus, includitur intra 5. pedes. Fines agrorum utique constant 5. pedibus. Si queratur extra illos 5. pedes quidam, est questio de loco, id est, de proprietate loci, non de finibus, ea actio est in rem, non finium regundorum et ita Græci, actionem finium regundorum esse, si controversia consistat intra quinque pedes, *σικεράν μέτρον ποδῶν*. Cir-

cumscriptio autem illa quinque pedum, id est, fines adeo erant sacri, ut non posset questio eorum ulla prescriptione temporis perimi, id est, nec triginta, aut quadraginta annis: questio loci posset perimi, non etiam questio finium. Et hæc fuit mens *l. quinque pedum, sup. fin. regund.* quæ manifestor sit ex constitutionibus, quas retulit Frontinus *lib. de limitibus agrorum*. Sed hoc quia displicuit Justiniano, idem partem illam de actione finium regundorum, quam exceperat Theod. removit a *l. 3.* quia voluit et actionem finium regundorum tolli prescriptione tricenarii. Et ita est scriptum a Triboniano immutatis verbis in *l. ult. sup. fin. regundor. et l. 1. §. ad hæc, tit. seq.* Postremo notandum est, hanc prescriptionem tricenarii pertinere tantum ad actiones, quæ olim erant perpetuæ, et immortales: prescriptio tricenarii non pertinet ad actiones, quæ certis temporibus circumscribuntur, non pertinet ad actiones temporarias, ut non pertinet ad actiones in rem, vel hypothecariam, quæ adversus bonæ fidei possessorem dantur, quia habent certum tempus, et finiuntur longo tempore: non pertinet ad querelam inofficiosi testamenti, quæ finitur quinquennio: non pertinere ad actionem de dolo, quæ finitur biennio non ad actiones prætorias annales, quales plerumque omnes sunt, id est, ut est in *Instit. de perpet. et tempor. act. vivunt tantum intra annum*, quo verbo utitur in *hæc l. 3. ne vivant actiones ultra tricennium*: ubi in Basilicis corrupte legitur *ἑξήκοντα* pro *ἑξήκοντα*. Denique hæc prescriptio pertinet tantum ad eas actiones, quæ olim durabant in infinitum, vel deinceps nullæ sint actiones perpetuæ, æternæ, immortales. Et quod ait *l. 3. non a suo debitore*, habet hunc sensum, ut actio hypothecaria, qua creditor agit adversus extraneum possessorem, perimatur prescriptione tricenarii, non si ea agat adversus debitorem, quia tunc requiritur prescriptio 40. annor. ut didicimus *sup. in tit. 26.* Et tractabimus plenius hæc de re in *l. cum notissimum, inf. hoc tit.*

Ad L. I.

Cum adseveres te absente eos, qui oculos prædils tuis imposuerant, operam dedisse, ut annuarie collationis prætextu vili pretio ab officio prædiali prædia tua distraherentur, si legitimi temporis spatium ex venditionis die fluxit: qui provinciam regit, inter vos cognoscat: et quod publico jure prescriptum est, statuet. Sin autem nondum ex die publicæ venditionis legitimum tempus transmissum sit: iudex examinationis allegationibus tuis, quod rei qualitas dicaverit, sequetur, non ignarus, si injustam esse

emptionem perpexerit, pretium, quod pro vitioso contractu datum est, secundum principium statutorum tenorem malæ fidei emptoribus restitui non oportere.

Divinus satis *l. 3. hujus tit.* esse fundamentum, et præcipuum caput totius tituli. Et si quæras, cur ergo *l. 3.* priori loco posita non sit? Dicam hoc factum ne inturbaretur ordo legum, quas prout Imperatores alii alios præcesserunt, ita collocari commodè conveniens erat. Et rursus, si quæras, hoc dato, quod et verissimum est, Theodosium de prescript. 30. annor. priorem legem pertulisse in *l. 3. Anastas. de prescript. 40. annor. in leg. 4. et 5.* qui igitur fieri possit, ut lex prima, quæ est Diocletiani, et Maximiani, et lex 2. quæ est Valentiniiani, et Valentis pertineat ad prescriptionem triginta, aut quadraginta annorum? Dicam eas leges fuisse quidem scriptas de alia prescriptione, cum nondum inolevisset prescriptio triginta, aut quadraginta annorum: sed de industria a Tribon. esse positas sub hoc titulo, ut inflecterentur, et accommodarentur etiam ad prescriptionem 30. vel 40. annorum, quod mox apparet utriusque legis exposita sententia. Species *l. 1.* hæc est: *L. Titius cum, ut loquitur lex eleganter, oculos adiecit, vel imposuisset prædils Gaii Seii, id est, habendorum eorum prædiorum cupiditate incensus, absente Gajo Sejo, absentie scilicet ejus occasione captata, ut ait Novella Theodor. de invasoribus, operam dedit, ut ex causa a Gajo Sejo, non præstitit fisco publicæ pensationis, publici tributi, vel annuarie functionis, prædia Gaii Seii per officium præsidis, per ses officia, quod etiam potuisset expediri per officium procuratoris Caesaris, ut leg. 3. in fin. si propter publicas pens. ut, inquam, ea prædia, publice sub hasta, sub perica tristi, ut poeta loquitur, venderentur, et fraude quadam conquisita, vel ambitione, vel gratia sibi addicerentur viliori pretio. Hoc egit L. Titius, atque ita ea prædia a fisco, vel officio fiscali comparavit. Venditio valet. Sed quia non est facta justo pretio, nec omni ex parte sincera fide, rescindi potest, ut in *l. 2. sup. si propter publ. pensitat. l. si quos, sup. de rescind. vendit. l. 3. inf. de jure hast. fisc.* Et utique rescindi, et revocari poterat Gajo Sejo vindicante sua prædia intra legitimum tempus: nam constitutio Zenonis proposita supra in *tit. 37.* quæ vult, ut statim securus sit is qui rem alienam emit a fisco, locum non habet cum eam rem fisco vendidit, quasi sibi obligatam ex causa publicæ pensationis, sed cum eam vendidit ut eandem. Igitur hoc casu intra legitimum tempus Gajo Sejo integrum est sua prædia vindicare ab emptore. Post legitimum vero tempus, si Gajus ea prædia vindicet, repellatur prescriptione legitimi temporis, id*

est, longi temporis, quæ tunc sola legibus cognita erat, nondum prodita præscriptione tricennii. Quod si obijcias, ut etiam jure potes. præscriptionem longi temporis non prodesse malæ fidei emptori, et L. Titium emisse mala fide prædia Gaji Seii, eo absente viliori pretio per gratiam: contra obijciam L. Titium in hac specie non esse malæ fidei emptorem, hac ratione, quia tametsi scierit rem esse alienam, et curaverit eam sibi addici pretio viliori, non tamen scivit injustam possessionem esse, injustum titulum, qui vero erat justissimus ex auctoritate publica. et ut evenit in specie *l. et generaliter, D. de noxal. action.* mala fides non est scientia rei alienæ, aut cupiditas ejus habende, vel opera impensa in eam rem, sed scientia injuste possessionis. Sed quia Justinianus, qui aliorum Imperatorum leges contorsit, ut voluit, hanc habuit pro malæ fidei emptore, ideoque hanc legem posuit sub hoc titulo, ut intelligeremus necessariam esse emptori præscriptionem triginta annorum adversus dominum vindicantem prædia sua: et esse malæ fidei emptorem, hac ratione, quia dolo, et opera ejus prædia sunt addicta pretio viliori in fraudem domini debitoris fisci. Et quod generaliter definitur in *l. quemadmodum, inf. de agricol. et censit.* malæ fidei emptorem esse eum, qui contra legum interdicta mercatur. Ideoque ex sententia Justin. in hac *l. 1.* legitimum tempus non est longum, sed longissimum tempus. Ideoque, ut opinor, pro more suo Tribonianus adjecit, in fin. h. *l.* Lucio Titio, tanquam malæ fidei emptori dominum prædia vindicantem intra legitimum tempus, id est, intra tricennium, non restituere pretium, quanti ea a fisco emit: nam hoc est certum, et ratum, dominum rem suam vindicantem malæ fidei emptori, qui scilicet emit a non domino, non restituere pretium, quanti rem emit, sed rem suam vindicare non reddito pretio, *l. 2. sup. tit. prox. l. si sciens, sup. ad Vellejan.* Idemque esse opinor, si quis a malæ fidei possessore rem alienam bona fide emerit, ut scilicet ab eo verus dominus possit rem vindicare non reddito pretio, ut *l. 3. et l. si mancipium, sup. de rei vindic.* Quia et hic emptor præsumitur malæ fidei emptor, ut *l. 2. sup. de furt.* aut certe malæ fidei emptori proximus, et affinis, ut non abs re Justin. in *Novell. 119. c. 7.* in eo, qui bona fide emit a malæ fidei venditore desideret præscriptionem 30. annorum, ac si mala fide emisset, si modo insciente domino emerit, quia scilicet debuit esse curiosus, et quis venderet inquirere, et cautius negotiari, ut ait d. *l. 2.* Super leges a negotiatoribus exigunt curiositatem, et diligentiam, alioqui præsumuntur mala fide negotiari. Plus dico, idem esse, ut scilicet dominus rem suam vindicet, non

Tom. IX.

restituto pretio emptori, qui emit a non domino, etiamsi quis bona fide emerit a malæ fidei possessore, videlicet si emptor solvendo sit, ut possit emptor suum servare, re evicta actione ex emptio, vel ex stipulatu evictionis nomine. Nam et hoc casu dominus ei non reddit pretium, sed integra ei repetitio pretii erit a venditore, qui est solvendo, ut non jure desideret sibi præstari a domino pretium, ut in *l. super empti, C. de evict.* Neque iis, qui proposuimus quicquam obstat *l. emptor, D. de rei vindic.* quam male accepit Accursius: nam ea lex non dicit eum, qui emit a non domino, vero domino rem suam vindicante, per doli exceptionem servare pretium, quod solvit venditori, sed per doli exceptionem sibi servare sortem debitam, quam solvit creditori domini, cui ea res obligata erat agenti hypothecaria: hanc pecuniam servabit. Denique non loquitur de pretio servando, sed de pecunia creditori debita, et soluta servanda. Nihil etiam obstat *l. 1. et 3. inf. si vendit. pign.* Quia illæ leges loquuntur de pretio verso in rem domini, quod dominum reddere etiam malæ fidei emptori, æquum est, *l. utere, et l. si prædium, sup. de præd. in norum.* Neque excipio casum *l. 1. inf. de præd. curial.* vel *l. 7. inf. de agricol. et censit.* vel *l. ult. inf. de fund. rei priv.* quibus casibus venditor venditionem illicitam quam fecit contra utilitatem publicam, ut si Curialis vendiderit sua prædia, quo redderetur minus idoneus ad obeunda munera civilia, venditor, inquam, eam venditionem rescindit, emptori non reddito pretio, quod ab eo accepit, quia his casibus pretium non creditur in lucrum venditoris, quod accepit, sed inferitur fisco propter illicitam venditionem, quam fecit, ut recte sentit Accursius in *l. 1.* Et idem etiam obtinet in casu *l. pen. sup. de rescind. vendit.* et *l. pen. de his, quæ vi, metusve causa.*

Ad L. II.

Male agitur cum dominis prædiorum, si tanta precario possidentibus prerogativa defertur, ut eos post 40. annorum spatia, qualibet ratione decursa inquietare non liceat, cum lex Constantiana jubeat ab his possessoribus initium non requiri, qui sibi potius, quam alteri possederunt. Eos autem possessores non convenit appellari, qui ita tenent, ut ob hoc ipsum solitam debeant præstare mercedem. Nemo igitur, qui ad possessionem conductor accedit, diu alienas res tenendo jus sibi proprietatis usurpet: ne cogantur domini, aut amittere, quæ locaverunt, aut conductores utiles sibi fortassis excludere; aut annis omnibus super dominio rem publice protestari.

Lex 2. est singularis propter constitutionem Cou-

statutini, cujus fit in ea mentio: ea quidem non exstat integra, sed meo judicio ejus legis Constantini pars una est in *l. ult. sup. de long. temp. prescript. quæ pro libert.* et altera in *l. placuit, sup. de jud.* Ambæ habent eandem inscriptionem ad Dionysium, et eand. diem 8. Kalend. Maii, ut emendare oportet, et consules eosdem, Volusianum, et Annianum, ut merito conjungenda sint. Porro ea lex ult. indicat Constitutionem Constantini fuisse de prescriptione 60. ann. dum scilicet ait congruere æquitati, ut ea prescriptio 60. annor. non opponatur proclamanti ad libertatem, licet 60. annis servitutem servierit. Et ad illa verba congruere æquitati mox adnectenda est *l. placuit*, quæ dicit æquatis potius, quam stricti juris habendam esse rationem. Et æquum non esse, ut longinquitate ullius temporis libertas cujusquam labefactetur. Excipitur tantum libertas. Ex quo intelligitur adversus alias actiones in rem Constantinum sua constitutione admisisse prescriptionem 60. annorum, aliqui fuisset supervacua, ut videlicet non requisito initio possessionis id est, ut etiam si quis rem alienam possedisset injusto titulo, et mala fide, posset se tueri prescriptione 60. annorum. Unde nota est questio *l. 2.* an conductor rei alienæ ad obtinendum proprietatem ejus rei adversus locatorem possit se tueri prescriptione 60. annorum, quæ non requirit justam causam possessionis ex *l. Constantini*, quod negavit *l. 2.* Quia hoc tantum Constantinus dedit iis, qui suo nomine rem alienam possidere cœnissent sine causa, atque etiam mala fide. At conductor alieno nomine possidere cœnit, non suo, ideoque sibi non possidet, vel simpliciter conductor non possidet, licet rem teneat corporaliter, sed is possidet, cujus nomine rem tenet, *l. quod meo. D. de acquir. possess.* Nec potest sibi ipsi conductor mutare causam possessionis. Denique non potest efficere, ut quod possidere cœpit pro alieno, nunc possideat pro suo, *l. cum nemo, sup. de acquir. possess. l. 1. sup. in quib. caus. cess. long. temp. presc.* Conductor igitur non possidet: ergo prescriptionem temporalem acquirere non potest, quæ tribuitur tantum possessori. Denique nec 60. annorum prescriptio conductori competit et multo minus 20. 30. vel 40. annorum. Sed abolita illa prescriptione 60. annorum quia quæ hodie omnium prescriptionum longissima est, prescriptio est 40. duodecim annorum, ex Anastasii constitutione, *l. 4. et 5.* Quod erat scriptum in *l. 2. de prescriptione 60. annorum*, ut ex conjecturis satis certis duximus, inflexit Tribonianus ad prescriptionem 40. annorum in *l. 2.* ut nec ea conductori prosit adversus locatorem, etiam si cessaverit in præstanda mercede, ut rectissime Accurs. sentit hoc loco. Et notandum, quod ait *l. 2.* conductorem precario possidere: nam est quidem

proprie hæc differentia inter precarium, et conductionem, quod precarium sit gratuitum, in conductione interveniat merces. Generaliter tamen conductor non male dicitur etiam precario possidere, quia conductum rogavit, ut est in *l. servi, ff. de peric. et comm. rei vend.* Denique hæc sit conclusio: eum, qui rem aliquam possidere cœpit alieno nomine, id est, non conductorem tantum, de quo est specialiter *l. 2.* sed etiam commodatarium, depositarium, fructuarium, creditorem hypothecarium, et eum, qui precario rogavit, nulla se adversus dominum; qui per eum rem possedit, tueri posse prescriptione, nec 40. quidem annorum, quæ omnium longissima est, nec olim prescriptione 60. annorum, quæ non requirebat initium justæ possessionis, et quæ locum habuit in omnibus causis, excepta causa libertatis.

Ad *L. IV. V. et VI.*

L. V. Prescriptionem 40. annorum ab his, qui ad curialem conditionem vocantur, opponi non patimur, sed gentilem statum semper eos agnoscere compelli sancimus. Sacra etenim nostræ pietatis lex de aliis loquitur conditionibus, nec anterioribus constitutionibus per eandem Novellam legem derogatur, quæ manifestissime curiales, et liberos eorum explosis temporalibus prescriptionibus; patriis suis reddi præcipiunt.

L. VI. Competit nostræ serenitatis quosdam sacralissimam nostræ pietatis constitutionem, quæ de annorum 40. loquitur prescriptione ad præjudicium etiam publicarum functionum solutionis trahere conari, et si quid per tantum, vel amplioris temporis lapsum minime, vel minus quam oportuerat, tributorum nominum solutum est, non posse requiri, seu profligari contendere: cum hujusmodi conamen manifestissime sensui, propostoque nostræ legis obviare noscatur: ideoque habemus eos, qui rem aliquam per continuum annorum 40. curriculum, sine quædam legitima interpellatione possederint, de possessione quidem rei, seu dominio nequaquam removeri: functiones autem, seu civilem canonem, vel aliam quampiam publicam collationem ei impositam dependere compelli, nec huic parti cujuscunque temporis prescriptionem oppositam admitti.

Ut prescriptioni longi temporis, id est, 10. aut 20. annorum succedit prescriptio 30. annorum: ita prescriptioni 30. annorum succedit prescriptio 40. annorum, quæ omnium longissima est: nam et 60. annorum prescriptio Constantiniana, et 100. annor. Justiniani data Ecclesiis, hodie abolita est, atque etiam prescriptio 30. ann. quæ olim extinguebatur repetitio ejus, quod alea lusus esset: nam et hodie redacta est ad ann. 30. auctore

Thaleteo interprete Greco, ut Eustathius refert in *lib. de temp.* Et similiter illa Constantiniana, et Justiniani prescriptio redacta ad annorum 30. vel 40. Quibus ergo casibus locum non habet prescriptio 30. ann. locus est prescriptio 40. ann. cujus auctor est Anastas. in *l. 4. §. et 6.* Et proponam quosdam casus. Et primum, si quæ actio Ecclesie vel loco venerabili competere dicatur, excludi potest prescriptio 40. ann. Fuit initio eodem jure Ecclesia, quo privatus, ne scilicet actiones ei competentes viverent ultra 30. annos, vel *Gelasio teste urbis Episcopo in c. facultates 13. quest. 2.* Post Justinianus adversus Ecclesie jura, et actiones, vel alios locos venerabiles, et sacros desideravit prescriptionem 100. annorum, *l. 24. sup. C. de SS. Eccel.* Et Nov. 9. cujus rei causam non satis laudatæ aperuit Suidas in *Prisco Emeseno.* Et ad extremum abolita illa prescript. 100. ann. quam favorabiliter requirerat in rebus Ecclesiasticis, fuit Justin. contentus prescriptio 40. annor. Nov. 111. et 131. quæ perimi voluit omnes actiones, omnia jura Ecclesiastica indistincte, tam in Oriente, quam in Occidente, ut plane sibi blandiantur Romani, qui soli Romanæ Ecclesie hoc datum esse autumant præcipuo jure, ut adversus eam nulla prescriptio valeat, nisi centum annorum. Est etiam alius casus, quo locus est prescript. 40. annor. nec sufficit prescriptio tricennii, si creditor agat actione hypothecaria adversus debitorem. Quod ne dicas etiam ante Anastasium obtinuisse *l. 5. hoc tit.* in illo loco, *non a suo debitore*, vel etiam ex *l. 1. et 2. sup. si advers. cred.* quia ante Anastasium actio hypothecaria adversus debitorem fuit perpetua, et immortalis: sed ex constitutione Anastasii 40. annor. perimitur adversus debitorem, vel ejus heredem, vel adversus posteriorem creditorem hypothecarium debitore superstite, *l. 7. h. t.* Quod et Suidas notavit *id. loco.* Sequitur alius casus, si cohortalis, qui aliam militiam, vel dignitatem exercuit per 40. ann. cohorti vindicetur, id est, in cohortem denuo revocetur, ut in *l. si cohort. inf. de cohort.* Cohortales erant gregarii quidam officiales præsidum provinciarum, qui erant perpetui in singulis provinciis, ut *l. præsidis, D. de reb. cred.* sed huic erant conditioni obnoxii cum sua posteritate, ut servirent officio, et apparitioni præsidis, qui et ταξιάρχαι dicuntur. Ceterum hac conditione liberantur non spatio 20. annor. sed spatio 40. si per tot annos cohorti non servierint. Et ex hoc casu, adjunctis etiam multis aliis interpretari nos oportet, quod est in fine *l. 4.* excludi etiam eum prescriptio 40. annor. qui alteri facit controversam status, conditionis suæ, ut si alium dicat esse cohortalem, cohortalis conditionis, quæ conditio, quasi servitus

est: idem erit, si quis dicatur esse navicul. si fabriensis, si monetarius, si murilegulus, *faisseur de pourpre*, si gynæciarius, si dicatur esse tab. pistor, si suarius: nam hi omnes dicuntur in libris nostris *conditionales, et conditionarii*, quod huic conditioni cum sua cohorte obnoxii sint, ut navigio alii convellant annonam urbis, alii legant murices, alii pistrino principis suas adhibeant operas, et sic de ceteris: et ab his conditionibus liberantur spatio 40. ann. idemque erit, si quis dicatur esse *metallarius*, id est, origine, et conditione sua addictus effodiendo metallo, addictus fodinæ: nam metalli nomen generale est, quod addi vellemus ad *l. ult. inf. de metall.* dum ait, nulla prescriptio temporis adjuvari metallarios, ne suæ conditioni reddantur, nulla scilicet præterquam ea, quæ colligitur ex 40. ann. quia generaliter Anastasius definit, ut perimatur omnis questio status prescriptio 40. ann. Idem omnino erit, si quis servus esse dicatur: nam et hic si fuerit in libertate per 40. annos, licet in ea fuerit mala fide, et sine justo titulo, dominum, a quo possessus non fuit, vindicantem, repellit prescriptio 40. annorum. Et omnino ab iis, qui certæ conditioni obnoxii sunt, veluti vinculo servitutis hac constitutione Anastasii invenio tantum exceptos *curiales*, id est, decuriones, qui etiam erant conditionarii cum suis posteris omnibus, ut nimirum curiæ servirent civitatis, et obirent onera civilia, de suo etiam plurimum in Remp. erogantes, quod erat onus, et conditio igitur. Nam conditionem cum dico, et servitutem dico, et onus. Et ita ab Anastasio definitum in *l. 3. h. t.* ut non solvantur oneribus curiæ, vel conditione curiali, ne spatio quidem 40. ann. Cujus ratio nititur publica utilitate, ne ita paulatim destituantur curiæ civitatum, id est, propter publicam utilitatem etiam ab Anastas. constit. Justinianus except *adscriptitios colonos*, qui cum sua cohorte addicti sunt agris colendis, qualibus utuntur etiam in hoc regno nationes quædam, qui conditione sunt adscriptitii, et quasi servi agri colendi cum sua cohorte. Conditione ista ne prescriptio quidem 40. annor. sunt immunes, et liberi propter utilitatem agriculturæ, quæ ad summum Rempublicam spectat, *l. pen. inf. de agric. et censit.* His addamus etiam alium casum, quod eadem prescript. 40. annorum locum habet. Si nomine publico fundi patrimoniales, vel fundi templorum, vel fundi agonothetici vindicentur; nam et hæc vindicatio eliditur prescriptio 40. annor. *l. ult. inf. de fund. rei priv. l. ult. inf. de fund. patr.* quæ est conjung. cum *l. 4. hoc tit.* Fundi patrimoniales sunt, qui etiam dicuntur fundi dominici, vel divini domus, id est, qui sunt in proprio patrimonio principis, *l. 3. sup. de quadri. prescript.* Procopius

lib. 1. de bello Goth. domum, inquit, principis, quam volent patrimonium vocare. Fundi autem templorum sunt, qui quondam pertinuerunt ad paganorum templa, et nunc sunt jura publici, ut tit. prox. sup. et l. 6. inf. de omni agro deserto. Fundi autem agonotheici sunt, ex quorum redditu præmia dantur scenicis, sive histrionibus, datur lucra, quod d rebatur, id est, Σταθμὸς μισθός. Horum fundorum vindictio ex dictis legibus repellitur præscriptione 40. annorum. Inde apparet, quam verum sit, quod ait hic l. 4. non tantum jura privata, sed etiam publica tolli præscriptione 40. annorum, puta si vindicentur prædia publici juris, aut divine domus. Nec quicquam obstat, quod dicitur ex Nov. 30. temporis prolixitatem publico non nocere: nam et idem scriptum est in l. 6. inf. de oper. pub. Juri publico nihil obistere prolixitatem temporis, quod tamen non est generaliter accipiendum, sed de præscriptione longi temporis tantum, quæ non potest fisco opponi vindicanti, quod habuit, et amisit, sed præscriptio tantum 30. aut 40. annorum, præter quam si nomine fisci petantur tributa præteriti temporis: nam nemo excusatur a præstatione tributorum, vel annuarum publicarum debitarum, quod per 40. annorum forte publica tributa non intulerint fisco. Quæ est sententia l. 6. hoc tit. Et videtur alius casus excipiendus ex l. ult. sup. de SS. Ecclesiis: ut si publico, vel civitati quid legatum, aut per fideicommissum relictum sit, aut donatum, aut venditum: his quatuor casibus tantum is, qui nomine publico agit, non possit repelli, nisi præscriptione 100. annorum. Quia etiam si ea lex civitatibus conjungat Ecclesias, tamen quam legimus abolitam præscriptionem 100. annorum in Ecclesiis, eandem non legimus esse abolitam in civitatibus. Ergo in civitatibus illis quatuor casibus etiam hodie manet præscriptio 100. ann. id est, requiritur necessario ex d. l. ult. alias fiscus, qui persequitur, quod non habuit, puta quod sibi competit, nec dum habuit, repellitur præscr. longi temporis, l. in omnib. D. de divers. temp. præscript. l. 2. et 3. D. de req. ris, l. 1. §. pen. et ult. de ju. fisci. Et aliquando repellitur fiscus brevioris temporis prærogativa, ut si persequatur bona, quasi vacantia, repellitur præscript. quadriennii, l. 1. sup. de quadriennii præscript. si persequatur bona ex fideicom. repellitur præscript. quinquennii, l. 2. sup. de vectigalib. Observandum est in l. ult. de fundis rei priv. quæ est pars Nov. Th. de rescind. vend. rei dominicæ: vetustatem accipi pro spatio 40. ann. illo loco, excepto vetustatis auxilio, quæ verba Tribon. adjecisse apparet ex hac constitut. Anastasii, quæ vult omnia jura periri vetustate, id est, præscript. 40. ann. id etiam apparet ex in-

tegra illa Nov. Theodosii, in qua non sunt illa verba. Sed ubique dat operam Tribonianus, ut consona sint omnia, quæ sunt relata in libris a se digestis: nam si hoc non adjecisset, pugnaret hic l. 4. cum d. l. ult. Et ita etiam in d. l. si cohors. adjecit hæc verba, præter eam, quæ ex 40. ann. colligitur, nimirum ex h. l. 4. Igitur apparet in illa l. ult. de fund. rei priv. vetustatem accipi pro spatio 40. ann. alias vetustas significat annos 30. ut in l. 11. de fund. patrim. dum ait, vetustatem corrigere vitium possess. quod recte dicitur de præscript. 30. vel 40. annor. quæ tenetur se, qui vitiose possidere cepit, puta male fidei possessor, et prædo, et invasor. Alias vetustas est vicennium. In l. 2. C. Th. de long. temp. præscr. quæ est Constantii, et Constantis, ita legitur scriptum, ann. 40. præscript. quam vetustatem leges, ac jura nuncupare voluerunt: ubi manifeste legendum ann. 20. non 40. ipse tit. indicat, qui est de long. temp. præscript. id est, 10. vel 20. Item etiam arguit hæc l. Anastasii, qui primus introduxit præscript. 40. ann. nec igitur obtinuit ætate Const. Res quoque ipsa congruit, quia illa lex ait, illa præscript. non tolli actionem personalem, quod tantum dici potest de præscript. 20. ann. non etiam de præscript. 30. aut 40. ann. Præscriptione 20. annorum tollitur actio in rem, non in personam. Et quo magis hoc videatur esse verum, ostendam vere scripsisse Imperatorem in hac l. 2. leges nuncupare vetustatem præscript. 20. ann. Nam ita proculdubio vetustas accipitur in l. 1. §. ult. et l. 2. in princ. l. ult. D. de aqua pluvia arc. quoniam quam l. 1. vocavit vetustatem, mox appellat diuturnum usum, et longam possess. quam constat esse vicennii, non infiniti temporis, ut volunt, quibus placet, vetustatem illo loco significare tempus infinitum, cujus memoria exierit. Deinde lex loquitur de servitute, aut quasi servitute aque, quam constat acquiri præscriptione 20. ann. etiam si jus ejus non probetur: nam satis est probari usum 20. ann. quoniam tot anni requiruntur in servitutibus: nec sufficiunt decem, ut in l. ult. sup. de præscr. long. temp. l. 2. sup. de serv. et aqua. Et ita hoc etiam ostenditur l. si quis diuturno, D. si servit. vind. l. apparet, §. pen. D. de itin. act. priv. Denique sic statuamus, vetustate acquiri aquæductum, jus aquæ, id est, spatio 20. annor. Sed huic definitioni obstat primum l. 2. §. item Labeo ait, et §. seq. D. de aqua pluvia arcenda, quæ lex exigit tempus, cujus memoria non exstat, nec contenta est decennio, aut vicennio. Sed ut breviter respondeam, advertendum est, illo loco agi non de jure servitutis, sed de fossa, et opera, quod factum habeo in alieno: jus servitutis, et si non habeo, id tamen acquiro prærogativa longi usus. Jus habendæ fossæ, in-

quam inmittam aquam, quæ abundat in agro meo, non habeo, nisi sit jure constitutum, vel nisi ejus operis memoria perierit. Deinde etiam nihil obstat *l. hoc jure*, §. ductus, *D. de aqu. quotid. et æstiva*, quæ ait aqueductum, cujus origo hominum memoriam excesserit juris constituti loco haberi. In constituendo igitur aqueductu requiritur immensum tempus, cujus memoria præterierit omnes homines, nec sufficit 20. Hæc collectio non est vera, neque hæc est mens illius §. nam lex ait, *juris constit. loco haberi aqueductum, cujus origo hominum superstitum memoriam excessit*: juris constituti, inquam, loco haberi, id est, memoria illa est justus titulus. At si usu vicennii acquisiero aqueductum, habeo quidem prærogativam illam usus, sed semper dicetur servitus illa non esse jure imposita, nisi jus ejus probetur. At recte dicitur jure imposita, cujus memoria non exstat, et ita illi loci explicandi sunt. Et tandem concludendum est generaliter ex *h. l. 4.* quotiescumque locum non habet præscr. 30. ann. succedere præscr. 40. ann. Indieavi casus quosdam quibus locum non habet præscr. 30. ann. Veteres JC. alios, lerosque introducebant, et statuebant, eas tantum actiones perimi tricenno, quæ specialiter enumeratæ essent: nec permittebant illo verbo peremptorio *omnis*, omnes includi, non enumeratas specialiter: nisi cum erat adjecta clausula, quæ legitur in *l. 2. sup. de quadriennii præscr.* licet nominatim præsentis sanctione non sint comprehensæ, comme le Roy a de coutume de mettre en ses Edicts, cautione quam, et similiter in hac *l. 4.* (tanquam et similiter in *h. l. 4.* per hanc legem specialiter, et nominatim fuissent enumeratæ) hoc si sit adscriptum comprehenduntur omnes, sed cum hoc esset omisum in constitutione Theodosii, ideo quidam tricennii præscriptionem adittebant tantum in actionibus specialiter enumeratis in constitutione Theodosii; quas tamen esse juris minutias, et captiosa verba Valent. scripsit in *Novell. de 30. ann. præscr. pt.* si non sinus contenti illo generali verbo *omnis*, quod ille peremptorium vocat, sed exigamus specialem enumerationem, et designationem: verum has minutias videmus quotidie in foro servari, et servantur etiam in *l. 4. §. quæsitum, D. si quis caut.* nec absque ratione, ne quid abrogetur per saturationem. Ideo his minutiis adherentes quidam, vel interpretatione fortuita, ut ait in *l. 4.* vel excogitata plerasque actiones subducebant a præscriptione 30. annor. quas saltem Anastasius, ut illi interpretationi satisfiat vult tolli præscriptione 40. annor. ac fortuitam interpretationem Anastasius vocat qualemcumque, τὴν τοῦτοῦ, insubtilem, et illepidam. Excogitatam autem, subtilem, et callidam, quod plus est, quam cogitata, et illo loco Basilica habent

κατασκευασμένην, ut in Epist. Cic. rem a me non insipienter excogitam, ne cogitam dies. Et postremo ostenditur in hac *l.* etiam in præscriptione 40. annor. requiri continuum possessionem, et non sufficere quamlibet interpellationem: interpellari præscriptionem 40. annorum conventionem exsecutoris, non comminationem, vel admonitionem quamlibet, non libello dato Principi, ut *l. 3. et 6. hoc tit.*

Ad L. VII.

Cum notissimi juris sit actionem hypothecariam in extraneos quidem suppositæ rei detentatores annorum 30. finire spatii, si non interruptum erit silentium, ut lege cautum est, id est, etiam per solam conventionem, aut si ætas impubes excipienda monstratur, in ipsos vero debitores, aut hæredes eorum primos, vel ultiores, nullis expirare lustrorum cursibus: nostræ provisionis esse prospeximus, hoc quoque emendare, ne possessores ejusmodi prope immortalis timore teneantur.

§. 1. Quamobrem jubemus hypothecarum persecutionem, quæ rerum movetur gratia, vel apud debitores consistentium vel apud debitorum hæredes, non ultra 40. annos, ex quo competere cæpit, prorogari, nisi conventio, aut ætas (sicut dictum est) intercesserit: ut diversi at utriusque rerum persequutionis, quæ in debitorem, aut hæredes ejus, quæque movetur in extraneos, in solo sit annorum numero: verum in aliis omnibus ambæ similes sint, in actione scilicet personali his custodiendis, quæ prisca constitutionum sanxit justitia, etc.

In *l. 7.* tractatur de actione hypothecaria, qua creditores pignora persequuntur, vel hypothecas amissa possessione, vel nunquam apprehensa, quæ et utilis Serviana dicitur. Hæc actio, si intendatur adversus extraneum bonæ fidei possessorem, tollitur præscriptione longi temporis, ut *sup. in tit. si advers. credit.* Si intendatur adversus extraneum malæ fidei possessorem, non tollitur, nisi præscriptione 30. annorum, in qua non imputatur creditoris ætas pupillaris, *l. 3. hoc tit.* Quod si intendatur adversus debitorem, vel ejus heredem cujuscumque gradus, hæc *l. 7.* ait, ad tollendam actionem nulla sufficere lustrorum curricula, id est, nec sex lustra sufficere, quibus tricennium conficitur, nec ampliora lustra, sed actionem esse perpetuam, et immortalem ex jure veteri ex hac vero *l. 7.* finire spatium 40. annorum. Atque ita evenit, ut actio personalis tollatur præscriptione 30. annorum, non etiam hypothecaria, adversus debitorem, vel ejus heredem: denique debitor personali actione liberatur spatium 30. annorum,

quo non fuit appellatus a creditore: hypothecaria autem non liberatur eodem spatio. Et ita est pro-
 dictum in *l. qui occidit, §. 1. ad l. Aquil.* pignus manere, etiamsi debitor tempore sit liberatus ab obligatione personali. Idem evenit et plerisque aliis casibus, ut in casu *l. servum, quem, D. de pign.* Ubi creditor, qui causa cecidit, puta quod plus petierit, amittit personalem actionem, non tamen hypothecariam act. Idem evenit in casu *l. debitor, D. ad Trebell.* Confusione tollitur personalis obligatio, et civilis, et naturalis, puta si creditor succedat debitori, hypothecaria non tollitur, atque ita sublata obligatione personali, jus pignorum saluum creditori restat, nec quantum ad pignus attinet, id est, obligationem realem, videtur sublata esse naturalis obligatio. Idem evenit in casu *l. 1. et 2. inf. de luit. pignor. l. unus, inf. de dist. pign.* Finge: duo sunt heredes debitoris, qui pignus creditori obligavit, vel dedit: singuli heredes personali actione tenentur, non in solidum, sed pro hereditariis portionibus ex 12. tabul. quæ divisit inter heredes actiones personales pro rata portionum hereditariarum, ne convenirentur singuli supra modum suæ portionis. Ac actione hypothecaria tenentur in solidum, quia hæc est conditio pignoris, seu hypothecæ, ut pro parte soluta pecunia pignus non liberetur, imo teneantur in solidum pro reliqua parte. Denique hoc jus est pignoris, ut omnem pecuniam solutam esse oporteat, antequam pignus ulla ex parte solvatur, *l. si rem, §. omnis. D. de pign. act.* Et hoc est, quod dicitur individuum esse pignoris causam, *l. si rem, ff. de evict. l. hæred. §. idem observatur, ff. famit. erisc.* Obligationem personalem divisit *lex 12. tabularum.* Obligatio realis, sive hypothecaria indivisa remansit. Finge igitur, unum ex heredibus pro sua parte solvisse res alienum defuncti: non tenetur actione personali, quia solvit, quod debuit, tenetur tamen hypothecaria in solidum, si pignus possideat. Ergo, qui liberatus est personali, non continuo liberatur et hypothecaria. Nec obstat regula juris, cum principalis causa non subsistit, nec ea quidem, quæ sequuntur locum habere. *Sublato principali, inquam, tollitur accessio.* Personalis obligatio est principalis, hypothecaria accessio: ergo sublata personali, tollitur etiam hypothecaria. De eam in illa regula adjici *plerumque.* Veram igitur esse plerumque, non semper, et hoc sufficere. Sed tenemus actionem hypothecariam non esse accessionem obligationis personalis: imo duas esse per se principales obligationes diversi juris, quod est argumentum, non accedere alteram alteri, non esse alteram sequelam alterius, et diversæ etiam qualitatis: nam una est personalis, altera realis: fidejussoris obligatio est personalis, et sublata principali

obligatione personali, verum est tolli etiam sequentes accessiones, et obligationes personales. Fidejussoria obligatio vere est sequela, quod et *adpromissoris* nomen significat, quo significatur fidejussor, quasi affixus, et adhærens principali obligationi, sive promissori principali. Quid dicemus de actione hypothecaria, quæ intenditur adversus posteriorem creditorem? Finge ab eodem eadem rem fuisse duobus creditoribus ex diversis contractibus separatim obligatam pignori: in causa pignoris potior est prior creditor: licet posterior pignus teneat, et habet adversus posteriorem creditorem, qui pignus possidet, prior creditor actionem hypothecariam, ut revocet possessionem pignoris: an ea etiam actio hypothecaria excluditur spatio 40. ann. an sufficiunt 30. Et ita distinguamus: aut vivo debitore agitur adversus posteriorem creditorem, aut mortuo debitore. Si vivo, actio hypothecaria non excluditur, nisi spatio 40. ann. quia vivo debitore, secundus: sive posterior creditor vicem, et imaginem obtinet debitoris, quia possidet pignus, non suo nomine, sed nomine debitoris: ergo ut in debitorem, ita et in secundum creditorem actio hypothecæ durat ultra 30. annos, id est, *usque ad 40. completos.* Mortuo autem debitore, quia tunc secundus creditor incipit pignus possidere suo nomine, ei sufficit præscriptio 30. annorum, quibus post mortem debitoris pignus possedit suo nomine sine controversia, et interpellatione legitima, videlicet, nisi secundus creditor velit conjungere tempus, quo debitor pignus possedit, vel ipse nomine debitoris, cum tempore, quo ipse possedit suo nomine post mortem debitoris: nam hoc casu, quia utitur suffragio temporis, quo debitor posse lit, obtinet etiam imaginem debitoris, et sit perinde ac debitori ei necessaria præscriptio 40. annor. ad excludendam actionem hypothecariam, quæ primo creditori competit, quæ est sententia huj. *l. 7. quæ utimur.* Unde valde notandum est, *creditorem pignus possidere nomine debitoris, non suo nomine.* Creditor pignus possidet naturaliter, non civiliter, quia non animo, jureve domini, sed animo, jure pignoratitii creditoris: et naturaliter quoque possidet non sibi, sed alii, id est, debitori ut in *l. pign. ff. de usuc.* Denique non ipse creditor proprie, sed debitor possidet pignus, cujus nomine possidet *l. quod meo, ff. de acq. poss.* Et hæc vivo debitore. Mortuo autem debitore, creditor incipit pignus possidere suo nomine, quia nullus est, cujus nomine possideat. Nam etiamsi defuncti heres extiterit, possessio defuncti non continuatur in heredem, etiamsi sit suus heres, nec ei acquiritur, nisi eam apprehendat. Possessio plurimum facti habet, nec acquiritur animo solo, sed animo et corpore, id est, apprehensione corporali: ergo quod per creditorem posside-

ham, vel per alium, heres meus non possidet, licet adierit hereditatem meam, antequam nactus sit possessionem corporalem, l. cum heredes, l. qui universus, §. quod per colon. ff. de acquir. poss. Acquirat quidem aditione heres omnes actiones, omnia iura, acquirit dominium, possessionem non acquirit sine facto suo, ut plane tum creditor, qui pignus habet, id sibi habeat, nemine existente amplius, cuius nomine pignus teneat, et possideat: nam quod in hoc regno obtinuit, ut a defuncto protinus possessio continuetur in heredem qualemcumque: hoc est, quod dicitur, *le mort saisit le vif*, id est, protinus defuncti possessio continuatur in heredem, hoc est contra ius civile populi Romani, ex quo tamen perperam tractum est in l. cum miles, ff. ex quibus causis maj. dum ait, possessionem defuncti, quasi junctam continuari in heredem: nam illo loco possessio non significat detentionem rei, sed usucapionem. Usucapio coepta a defuncto, completur etiam nondum apprehensa possessione rerum hereditariarum. At possessio non transit in heredem, antequam eam apprehenderit suo corpore, vel corpore suorum. Et ita etiam in l. denique eod. tit. possessio significat usucapionem, cum dicitur possessionem, id est, usucapionem sine possessione non consistere, est *πρόξην*, quæ dicitur a Grammaticis, quia aliud significat possessio *supra*, aliud *infra*, ut cum M. Tullius ait, *Avium cantus nos ducere ad avium*, possessio, id est, usucapio, sine possessione, id est, sine detentione rei non consistit, ab initio scilicet. Illo autem iure recepto, ut possessio protinus continuetur in heredem, quæ *le mort saisit le vif*, consequens est hodie, mortuo debitore, creditorem pignus non possidere suo nomine, sed alieno, quia morte debitoris non est interrupta possessio, ideoque ei non sufficit præscriptio 30. annorum adversus actionem hypothecariam competentem priori creditori, sed erit hodie ei necessaria præscriptio 40. annorum. Est etiam manifesto contra ius, quod tractamus, id quod etiam in hoc regno receptum est, ut ex pacto nudo non detur creditori hypothecaria actio de re mobili, quæ pacto nudo pignori obligata sit adversus extraneum possessorem, sed adversus debitorem tantum: et hoc est, quod dicitur, *meubles n'ont point de suite en hypothèque, quand ils sont hors de la puissance du débiteur*. Nam iure honorarii de pignore etiam rei mobilis ex pacto nudo est actio hypothecaria creditori, l. si tibi, §. de pignore, ff. de pact. §. Item Serviana, Instit. de act. Moribus nostris de pignore rei mobilis non est actio hypothecaria ex nudo pacto, sed ex traditione sola, si initio pignus traditum fuit possessori. Et illud, quod exemplo pignoris est usu receptum in hoc regno, ut donatio rei

mobilis non perficiatur nudo consensu, sed traditione corporali tantum, et hoc est, quod dicitur, *donner, et retenir ne vaut*, quod dicitur tantum de re mobili, non immobili, hoc est contra ius, cui damus operam: nam donatio sicut pignus hodie ex constitutione perficitur, etiam sine traditione corporali, puta retentione usufructus, si donator retineat usufructum rei, atque ita rem ipsam, quo genere donatoris ministerio donatarius possidet, et retentio usufructus pro traditione est. Idemque erit, si donator constituat se precario possidere: nam desinit possidere rem, quam ante possidebat, et hoc modo donatarius possessorem suo ministerio facit, l. quisquis, inf. de donat. Et tamen, quod in usu est, confirmatur l. ult. Cod. Theod. de donat. ut retentio usufructus non perficiat donationem, sed sit necessaria corporalis traditio, quæ tamen lex statim abrogatur l. ult. eodem. Et generaliter constituit Justinianus in l. si quis argentum, §. ult. inf. de donat. donationem omnem perfici nudo consensu, sicut emptionem, locationem, et pignus. Et huc quidem ad actionem hypothecariam. Adnotandum nunc aliquid est de iure offerendi pecunie priori creditori, quod posterior creditor habet. Sciendum igitur est, priorem creditorem in causa pignoris esse potiorē posteriori: sed posterior creditor si velit in se transferri possessionem pignoris, et in causa pignoris esse potior, et confirmare pignus, quod accepit a debitore, habet ius offerendæ pecunie debitoris priori creditori. Et si nolit accipere, obsignande, et deponendæ, quæ obsignatio pro solutione est, atque ita evincet pignus, et in se transferet, ut in l. 2. 3. et 3. ff. de distract. pign. l. 1. inf. qui pot. in pignor. Denique queritur, hoc ius offerendæ pecunie priori creditori quæ præscriptione tollatur, et perimatur? Et ostenditur in §. eodem iure hac leg. 7. ius offerendi, quod habet secundus creditor non periri, nisi præscriptione quadraginta annorum: si tot annis cessaverit offerre pecuniam, intra quadraginta annos offerens auditur: post quadraginta annos non item. Sequitur hæc questio, an etiam ius luendi pignoris, quod debitori competit præscriptione 40. annorum tollatur, an triginta anni sufficiant, *le droit de désigner, et retirer son gage en payant*. Sicut pignus possidente secundo creditore ius agendi hypothecaria actione, quod primo creditori competit adversus secundum, vivo debitore finitur spatio 40. annorum, mortuo 30. vel si secundus creditor ex persona debitoris accessione temporis uti velit 40. ita pignus possidente primo creditore, ius offerendæ pecunie primo creditori debitoris, quod secundo competit, ut in se transferat possessionem pignoris, quam habet primus creditor, tanto tempore finitur, quanto adversus eum, si pignus possideret, actio hypothe-

caria finiatur, et hęc est sententia §. eodem jure l. 7. Unde nascitur hęc questio, an etiam jus luendi pignoris, quod debitori competit, id est, jus solvendi pecunie debite, et repetendi pignoris dati creditori actione pignoratitia, an tollatur pręscriptione triginta, vel quadraginta annorum? Et Rogerius in dialogo de pręscript. recte scripsit, *jus luendi pignoris nullo tempore perimi*: nam etiamsi creditor quocumque tempore non possit appellare fidem debitoris agendo personali, vel hypothecaria actione, quia excluditur pręscriptione longissimi temporis: ipse tamen debitor ultro si velit, fidem liberare potest, et conscientiam suam exonerare, ne creditor ex pignore si id reddere non cogatur post longissimum tempus soluta pecunia, vel oblata: ne, inquam, ex pignore, cujus pretium plerumque solet excedere quantitatem debiti plus ferat, quam ei debeat: quę ratio etiam efficit, ut in pignoribus locum non habeat *lex commissoria*, puta ut ad diem pecunia non soluta creditor pignoris dominus efficiatur, id est, ut ei nunquam pignus avelli possit pignorat. actione. Hęc pactio est illicita, l. ult. inf. de pact. pign. Et ita etiam Harmonopolus 3. Epitomes Tit. 3. scribit, *debitorem non posse repelli pręscr. longi temporis, quominus pignus soluta pecunia recipiat*. Et interpretatur longum tempus tricennium, dum addit hęc verba, *τρεῖς αἰῶνες*, id est, tricennium. Et male Latinius interpres, actionem pignoratitiam tolli tricennio, cum Gręce dicat, ne quidem tolli tricennio: nos nec spatio quadraginta annorum, nec alio quocumque temporis spatio debitorem posse repelli, quō minus optima mentis conscientia fretus bonam fidem agnoscat, exoneret conscientiam suam, et soluta pecunia pignus recipiat, ut pręscriptio 30. annorum vel 40. debitori solet prodesse adversus creditorem agentem personali, vel hypothecaria, non prosit hoc casu etiam creditori, ut lucrifaciat pignus, quod longe debitum exuperat. debitori autem maxime nocet. Unde sic statuo, jus luendi pignoris esse perpetuum et immortale. Nec moveor l. 4. h. tit. qua nituntur, qui in alia sententia sunt, quod dicat, nullam jus esse, quod non perimat continuum silentium 40. ann. Non dicam quod possum vere confirmare, non duci idoneum argumentum ex particula nullus, vel omnis: nam omne non semper comprehendit omne, et hic articulus nullus non rejicit semper quemcumque. Sed dicam legem 4. loqui de jure actionis, et omne jus actionis perimi vello pręscriptione 40. ann. non etiam jus lutionis: nam jus lutionis pignoris, quod et repignoratio dicitur, et relutio, non tam est jus, quam facultas: non est jus, ut jus persequendi in judicio, quod sibi debetur, quod dicitur actio. Non est jus, ut jus offerendi,

quod competit secundo creditori invito primo, sed est facultas posita in arbitrio debitoris, et conscientia bona, quę quo minus utatur, quandocumque volet, nulla ratione impediri potest, maxime a creditore, qui capiat lucrum ex pignore, quod quidem sibi non possedit, sed debitori. Nam obstat etiam *lex nec creditores*, et l. ult. sup. de pign. act. quę dicit, *actionem de pignore recuperando, quę debitori competit, non perimi pręscriptione longi temporis*, sed ut Joannes adjicit rectissime, pręscriptione 30. ann. perimi: nam in ea lege hoc dicitur, de jam nata actione pignoratitia, et competente debitori ad recuperandum pignus, vid. post lutionem pignoris, post solutionem integrę summę debite. At quę nondum nata est actio pignoratitia tolli non potest ullo tempore, ullo curriculo temporis: non nascitur autem ante lutionem pignoris. Ergo integrum est debitori reluere pignus oblata pecunia debita, ut ei competat actio pignoratitia. Et hęc facultas erit perpetuo danda, quę jure etiam utimur. Nunc pergamus ad alia, quę sunt in hac l. 7. Notandum est ex §. illud in pręscriptionibus tempora computari ex die, quod agi potuit, ex die, quę actio personalis, vel hypothecaria competere cepit, ut diximus in §. 1. Ergo ex die appposito in obligatione, cum venerit dies, si obligatio fuerit in diem certum, vel incertum, vel si fuerit conditionalis ex conditione, id est, cum extiterit conditio, ut hoc §. etsi forte pensiones sint, quę debeantur ex stipulatione, vel legato, vel ex alia causa in ann. singulos, vel menses, aut dies singulos, pręscriptionis tempora computantur, non ab initio obligationis, sed ab initio cujusque diei, quę pensio inferri debuit, ut qui ab eo die longissimo tempore cessavit, eam pensionem petere, ejus diei pensionem amittat pręscriptionis jure, non sequentis diei, quę est sententia §. ult. h. t. a Martino recte percepta, nulla facta differentia inter stipulationem, et legatum, quam tamen Accurs. facere tentavit contra expressa verba legis, quę calumniatur: ita scilicet, ut sive pensiones debeantur ex legato, sive ex stipulatione, quot sunt pensiones, tot sint etiam actiones, licet una sit stipulatio, quot, inquam, sunt pensiones conventę, vel constitutę, tot etiam sunt actiones, quę non nascantur omnes simul eodemque tempore: ita sumi quęque singule tempus pręscriptionis habent ita ut primi anni pensio pręscribatur citius, quam secundarii anni, et sic deinceps, ut adversus priores annos citius currat pręscriptio, quam posteriores. Idemque servatur in usuris, quę plerumque etiam debentur in calendas, vel in annos singulos, ut scilicet cujusque anni usurę, quę debentur, inspiciantur, ut

si in fine primi anni non sint solutæ usuræ ejus anni, non petitæ, licet sequentium annorum usuræ petitæ, et solutæ sint, tamen primi illius anni usuras non possim petere post 30. vel 40. annos, quæ est sententia leg. seq. §. ult. Et recte l. eos in princ. sup. de usur. Singulis annis nasci actionem usurarum, singulas ergo actiones sua habere tempora, et non computari tempora ab initio contractæ obligationis usurarum, sed a fine anni cujusque, quo usuræ peti poterunt. Ideoque sicut sublata actione personali, vel solutione sortis, non intelligitur etiam sublata obligatio usurarum in stipulatione deductarum, l. centum Capito, ff. de eo, quod cert. loc. l. l. sup. de jud. Ita sublata actione personali præscriptione 30. vel 40. annorum, non tollitur actio usurarum, licet sit accessoria, quia 30. anni elapsi ratione sortis, non sunt elapsi etiam ratione usurarum sed 29. tantum, ut adhuc primi anni peti possint usuræ intra annum, qui est tricesimus; secundi intra biennium; tertii intra triennium, ut quo tempore tollitur principalis obligatio, plane non possit tolli usurarum. Et ita olim obtinuit, ut Patricius notat ad d. l. eos. Sed ex constitut. Justin. id est, ex d. l. eos, sublata actione personali vel hypothecaria, præscriptione 30. vel 40. ann. non quovis modo etiam finitur questio usurarum, et fructuum. Et hoc vult dict. l. eos, at durante actione personali, de sorte principali, quæ utique durat, si præscriptio interrupta fuerit quorundam annorum persolutis usuris, ut l. plures, sup. de fide instr. non tamen durat actio de usuris ejus anni, quo solutæ, vel petitæ non sunt, si ab eo anno transierint 30. anni. Et ita est explicandus §. ult. l. seq. Et nunc sequitur, ut de interruptione præscriptionis tractemus. Interrumpitur præscriptio litis contestatione, interrumpitur conventionione executoris, l. 3. h. tit. l. ult. tit. seq. l. 2. sup. ubi in rem actio, l. pen. sup. de recep. arbit. conventio executoris pro litis contestatione est, l. constitutionibus, ff. de obligat. et act. Nec nos inovere debent, quas in contrarium adducit Accurs. in l. 3. hoc tit. l. ult. ff. de eo, per quem factum erit, l. a. prætor, §. ultim. ff. ex quib. caus. major. quia loquuntur de usucapione, et usucapio nec litis contestatione interrumpitur, l. Julianus in fine, et l. seq. l. si a bono fidei, ff. de rei vind. l. Julianus, §. quantum, ff. ad exhibend. l. 2. §. ult. ff. pro emp. l. 2. pro don. præscriptio non tantum litis contestatione interrumpitur, sed etiam conventionione executoris. Item interrumpitur præscriptio actionis personalis, vel actionis hypothecariæ si intra legitimum tempus dominus, vel creditor pignus sine vi det nuerit, ut ait in §. imo et illud, et ait sine vi sine violentia, ut l. seq. §. ult. quia et hæc detectio est si-

milis contestationi litis. Idemque est, si medio tempore debitor debitum agnovit emissio novo chirographo, nova cautio, §. sed et si quis. Quam novam cautionem eleganter Greci vocant hoc loco δευτέρω γραμματῶν ἀσφάλεια, sicut etiam in l. laudabile, sup. de advocat. div. jud. cum ait apud patronum fisci acta eorum, qui debitum agnoscunt fieri posse acta inquirunt τῶν γραμματῶν αὐτῶν. Interrumpitur etiam præscriptio solutione partis debiti, ut l. ult. inf. de duob. reis, vel solutione usurarum ut in l. plures, sup. de fide instr. quæ solutio usurarum facit ut duret actio personalis, licet possit non durare actio usurarum certo anno debitarum, nec petitarum, videlicet si ab eo anno durante actione personali, per solutionem usurarum factam alius annus, transierint 30. anni. Imo Accurs. in l. cum quis, §. pen. ff. de solut. existimat præscript. interrumpi datione fidejussoris, ut tantum possit datio fidejussoris, quantum nova cautio. Et in hoc §. sed et si quis, corrigendus est hic locus, in quo ita legitur, qui ne sub accusatione creditoris more debitoris fiat: nam et creditoris et debitoris nomen circumscribendum est, ut sit hæc sententia: debitorem, qui agnovit debitum exposito novo chirographo improbe contradicere agenti creditori, il faut une distinction, ut legatur qui ne sub accusatione more fiat, secundam cautionem exposuit, id est, ne argueretur more commissæ, voluit iterum cavere creditori. Et quod est in fine l. jam est explicatum in l. 2. columnum, conductorem, vel procuratorem rei alienæ, vel emphyteuticarium, qui quasi colonus est, ad obtinendam proprietatem rei, cuius possessionem cepit jure emphyteuticario, vel colonario, vel jure conductionis, vel tanquam actor possessionis, et custos, non posse sibi asserere præscriptionem ultra tempus, quia nec sibi possidere intelliguntur, et non possidenti nulla præscriptio competere potest. Non possident, quia alii possident, qui pro alieno, non pro suo possident, ut plane eis ad ascribendam sibi proprietatem, et vindicandam, nullum temporis suffragium optulari possit, quia non potuit sibi mutare causam possessionis, qui cepit pro alieno possidere. Et ita dominus non desinit per eum possidere, etiamsi gerat animum inceptoris et intervertit tantum uno casu domini possessionem, si rem, quam possidebat, alii extraneo tradiderit: hoc modo facit, ut dominus desinat possidere, quod sola animi destinatione efficere non potest, sed re tradita alii, et vendita, tunc sane intervertitur possessio, l. cum nemo sup. de acq. poss. videlicet, nisi conductor, vel similis, qui alii possidet, rem venditam, et traditam extraneo iterum conducat ab emptore, et mercedem inferat domino, ut solebat: nam mercedis illatio facit, ut non videatur interversa possessio domini, quia nunquam

destitit mercedem soltam domino inferre, licet eam rem vendiderit, et alii tradiderit, *l. quamvis, §. ult. ff. de acq. poss.* At si rem alii conductor non tradat, sed ipse ei insistat semper, non potest sibi mutare causam possessionis, atque ita acquirere prescriptionem adversus dominum, nec 40. ann. vel amplioris temporis, etiamsi tanto tempore destitit mercedem inferre, ut recte sentit Accurs. in *l. 2. hoc titul. l. plures, sup. de fid. instrum.*

Ad L. penult.

Si quis emptionis, vel donationis, vel alterius cujuscunque contractus titulo rem aliquam bona fide per 10. vel 20. annos possederit, et longi temporis exceptionem contra dominos ejus, vel creditores hypothecam ejus prætendentes sibi acquisierit, posteaque fortuito casu possessionem ejus rei perdiderit: posse eum etiam actionem ad vindicandam rem eandem habere sancimus. Hoc enim et veteres leges, si quis eas recte inspece-
runt, sanciebant.

§. 1. Quod si quis eam rem desiderit possidere cujus dominus, vel is qui suppositam eam habebat, exceptione 30. vel 40. ann. expulsus est: prædictum auxilium non indiscrete, sed cum moderata divisione ei præstari censuimus: ut si quidem bona fide ab initio eam non tenuerit, simili possit uti præsidio: sin vero mala fide eam adeptus est, indignus eo videatur: ita tamen ut novus possess. si quidem ipse rei dominus ab initio fuit, vel suppositus eam habebat, et memorata exceptionis necessitate expulsus est, commodum detentionis sibi acquirat. Sin vero nullum jus in eadem re quocunque tempore habuit: tunc licentia sit priori domino, vel creditori, qui nomine hypothecæ rem obligatam habuit, et hæredibus eorum ab injusto detentatore eam vindicare: non obstante, ei, quod prior possessor triginta, vel quadraginta annorum exceptione eum removeat: nisi ipse injustus possessor triginta vel quadraginta annorum ex eo tempore computandorum, ex quo prior possessor, qui evicit, ea possessione cecidit, exceptione munitus est, etc.

Initio *l. penult.* ostenditur, qui rem alienam immobilem longo tempore possedit bona fide, et justo titulo sine controversia, non tantum adversus dominum rem vindicantem, vel creditorem agentem hypothecarius habere exceptionem longi temporis, sed etiam amissa forte possessione, habere utilem rei vindicationem, quod et veteribus legibus cautum esse ait, puta *l. si quis diuturno, ff. si servit. vind.* quam dat utilem vindicationem servitutis, utilem confessoriam actionem ei,

qui non jure imposita servitute longo tempore usus est, nec vi, nec clam, nec precario. Usucapio parit directam actionem: possessio longi, vel longissimi tantum utilem: nec enim ut hec facit Accursius, permiscenda est usucapio cum prescriptione, quod semper accurate observavi. Et hæc ita procedunt, ut etiam is, qui acquisivit prescriptionem longi temporis, habeat utilem rei vindicationem adversus dominum si ad eum possessio pervenerit, vel adversus hypothecarium creditorem. Et hæc de bonæ fidei possessore. Quid si rem mala fide possederit? hoc casu dominus, aut creditor non excluditur prescriptione longi temporis 10. aut 20. ann. sed ut excludatur, possessori necessaria est prescriptio 30. vel 40. ann. Et ita si possessor malæ fidei semel excluderit dominum, vel creditorem prescriptione 30. vel 40. annorum, et postea ad dominum, vel creditorem possessio sine vi pervenerit, queritur an prior possessor habeat adversus dominum, vel creditorem utilem vindicationem? Haberet adversus alium possessorem latente domino, vel creditore, sed lex ait, eum, qui mala fide possedit, non habere utilem adversus dominum, vel possessorem. Atque ita fit, ut adversus quem habet exceptionem, sive prescriptionem, non continuo habeat actionem, *l. 1. §. si reus, ff. de eo per quem factum erit.* Qui habet actionem, et multo magis exceptionem: sed non contra, qui habet exceptionem, et protinus habet actionem. Dixi, *sine vi*, ut proponitur in *h. l. pen.* Nam si dominus, vel creditor vi possessionem obtinuit ereptam priori possessori malæ fidei, ea possessio priori possessori, cui erepta est malo more, actione momenti, quæ et celeris reformatio dicitur, quod hæc celeriter peragi debeat, *l. si colan. infra, de agric. et cens.* Ea, inquam, possessio protinus priori possessori restituenda, et reintegranda est beneficio momenti, ut vocatur in *l.bris nostris*, quod defectus per vim (etiamsi dejectus sit a domino) qui mala fide possidebat, sit ante omnia restituendus sue possessioni, tum querendum de jure utriusque. Imo si malæ fidei possessor nondum acquisierit longissimi temporis prescriptionem, et medio tempore dominus, aut creditor possederit per vim rem, de qua agitur, possessio illa medi tempore non intelligitur interruptis tempora longissimæ prescriptionis, ut in *l. proar. §. imo et illud*, quæ tamen interruptetur si dominus, aut creditor eam obtinisset sine vi, et vitio. Et ita etiamsi absque vi dominus nactus sit possessionem rei aut ab alio mala fide possessore, vel creditor hypothecarius, in causa possessionis potior est creditor, vel dominus, qui rem sine vitio tenet, quam prior possessor, qui eam rem mala fide tenuit. imo si ea possessio, non pervenerit ad

dominium, vel creditorem, sed ad extraneum sine justa causa, domino, vel creditori, tametsi a priori possessore seniel exclusus fuerit præscriptione triginta, vel quadraginta annorum, compellit vindicta rei adversus extraneum, nisi extraneus a die adeptæ possessionis acquisierit sibi præscriptionem 30. vel 40. ann. vel etiam nisi ille extraneus possessionem illam vi apprehenderit, ereptam priori possessori: nam hinc etiam casu ea poss. reformanda est, et restituenda priori possessori potius, quam domino, vel creditori, quod ad extraneum improbatore more ea possessio pervenerit, quem protinus corrigi conveniat, restituto priori possessori in integrum, et rejecto tantisper domino, vel creditore. Est etiam alius casus, qui proponitur in §. pen. quo prior possessor licet mala fide possederit, in causa possessionis præfertor domino, vel creditori, ut si a priori possessore, qui rem non defendit, postea quam conventus est per executores, iudicio non adfuit. Si inquam, a priori possessore, qui rem non defendit cum conveniretur a domino, vel creditore, ob id possessio sit translata in dominum, vel creditorem, ut sit in l. si priusquam, ff. de novi oper. nuntiati. l. a quo fundus, de damno infer. Quo genere, qui initio erat reus, suscepit partes actoris, translata possessione in eum, qui initio actor erat. Denique actor sit reus, et contra, ut coercesatur absentia, aut negligentia ejus, qui rem non defendit. Sed hoc genere si per sententiam iudicis, dum prior possessorem non defendit, possessio translata sit in dominum, vel creditorem, integrum est priori possessori intra annum oblata cautione de accipiendo iudicio possessionem suam recipere, ut in §. ult. h. l. qui valde singularis est in hanc rem, et perturbat multos definitio §. qui pugnat cum l. properandum, §. in autem, sup. de iudic. et l. 2. sup. ubi in rem act. Ubi si reus deserat litem, quam contestatus est, nec iudicio adesse velit sæpius admonitus, contrahit *eremodictum*, id est, desertor litis est. Et jam causa disceptari potest *παροψηφίς*, adversario scilicet absente ex contumacia sine conflictu utriusque partis, et ex hac causa, si actor missus sit in honorem possessionem rei contumacis, nulla est spes restitutionis, nulla est spes recipiendæ possessionis reo contumacis. Quid ergo est, quod sit in hoc §. *datur ei annus oblata cautione de re defendenda*? Et animadverti magnam esse differentiam inter eum, qui deserit litem, et latitat post litis contestationem, et eum qui iudicio absuit semper, et omnino rem non defendit: et evidenter proponitur hinc differentia l. 7. §. Celsus, ff. quibus ex caus. in poss. datur, ubi etiam et in §. item v. deamus ostenditur, gravio-rem esse conditionem latitantis post acceptum iudicium, et deserentis litem inchoatam, quam ejus

qui rem omnino non defendit, quia in ejus omnia bona non fit missio: in omnia bona latitantis fit missio. Et præterea latitans non habet spem recuperandæ possessionis: is qui rem non defendit, recuperare possessionem potest intra annum, rem defendere, eoque nomine cavere idonee.

Ad l. ult.

Sæpe quidam suos obnoxios in iudicium vocantes, et judiciariis certaminibus ventilatis non ad certum finem lites perducebant, sed incertitudine in medio tempore adhibita, propter potentiam forte fugientium, vel suam imbecillitatem, vel alios quoscumque casus (cum sortes humane multe sint) qui nec numerari possunt, deinde jure suo lapsi esse videbantur, eo quod post cognitionem novissimam 30. ann. spatium effluerit, et hujusmodi exceptione oppositas suas fortunas ad alios translatas videntes, merito quidam sine remedio ante lugebant. Quod nos corrigentes, eandem exceptionem, quæ ex 30. ann. oritur, in hujusmodi casu opponi minime patimur. Sed licet personalis actio ab initio fuerit instituta, eam tamen in 40. ann. extendimus: cum non similis sit, qui penitus ab initio tacuit ei, qui et postulationem deposuit et in iudicium venit, et subit, certamina, litem autem implere per quosdam casus præpeditus est. Sed licet ipse actor defecerit, tamen suæ posteritati hujus causæ cursum cum relinquere posse definimus, ut ejus heredibus, vel successoribus, liceat eam adimplere, nullo modo 30. ann. exceptione sublata. Quod tempus, id est, 40. ann. spatium, ex eo numerari decernimus, ex quo novissima processit cognitio, postquam utraque pars cessavit.

Ex hac l. ult. intelligimus actionem personalem post litis contestationem, atque etiam nonnullam iudicii executionem, si omittatur ab utraque parte, ut ab ultima cognitione iudiciali, qualis omissa est, porrigi ad annos 40. Olim actio personalis, siue lis contestata fuisset, siue non, erat perpetua, id est, sempiterna, et nullis seculis interitura. Lex ult. est scripta de actione personali, unde quidam negant eam pertinere ad actionem realem. Male: quis non loquitur specialiter de actione personali, sed ita, ut licet sit actio personalis instituta ab initio, ea tamen litis contestatione non perpetuatur in infinitum, ut olim erat perpetua sed porrigatur tantum non in 30. sed 40. ann. qui sermo et omnes alias actiones includit, licet personales non sint. Atque ita evidenter scriptum est in l. 1. §. ad hanc, tit. seq. in omnibus actionibus, licet personales non sint: id

locum habere, ut si contestatae primum sint, deinde ante definitivam sententiam omissae, silentio perpetuo perimantur. continuo silentio, non 30. sed 40. annorum. De actione personali magis dubitabatur, quae olim erat aeterna, atque perpetua, et constitutione Theodosii facta est 30. ann. si contestata non esset, *l. 5. h. t.* Dubitabatur, inquam, an contestata ut jure veteri multo magis censeretur esse perpetua, quae in judicium deducta esset, et contestata: ita etiam convenienter constitutioni Theodosii post litis contestationem produceretur in alios 30. annos, non 40. quod voluit Valentiniani Novella de Episcopali judicio ut actio personalis post litis contestationem produceretur in alios 30. annos, quot annos ante durare potuit sine metu praescriptionis, nisi scilicet post 25. annos contestata fuisset, quo casu Valentinianus eam protendit ad 10. tantum. Sed ab hac illa Novella Justinianus in hac *l. ult.* defuit non esse similem eam, qui contestatus est ei, qui omnino litem contestatus non est. Hic excluditur praescriptio 30. ann. Ille si denuo agat, et repetat intermissam litem, non excluditur, nisi praescriptio 40. annorum. Rectius autem dices haec constat. Justiniani locum habere tantum in actionibus perpetuis, quae constit. Theodosii redactae sunt ad 30. annos: cujus generis etiam sunt actiones in rem, et hypothecariae adversus male fidei possessorem. At hanc legem locum non habere in actionibus temporalibus, id est, quae finiuntur praescriptione anni, quales sunt omnes fere actiones praetoriae, vel praescriptione biennii, qualis est actio doli, vel praescriptione quinquennii, qualis est querela inofficiosi testamenti, quae sane actio in rem est, aut certe mixta actio est, ut petitio hereditatis, vel praescriptio 10. vel 20. annorum, ut quaelibet actio in rem hypothecaria adversus bonae fidei possessorem: has actiones temporales dicimus litis contestatione perpetuari, id est, extendi in infinitum, quae et origine sua sunt perpetuae secundum jus vetus, ut *l. nam po teaquam, §. si is qui temporaria, ff. de jurejur. l. ult. ff. de fideic. tutor. l. aliam, ff. de novat. l. 2. supra, quando libellus principi datus.* In quibus locis omnibus ne dicas perpetuari, id est, continuari, quamdiu durat lis, ut Nicolaus Valla dixit, sed continuari etiam post finitam litem, et perdurare, id est, ut ait *l. ordinata, ff. de lib. causa*, in tutum redigi, ne pereant tempore post annum per contestationem. Et ut ait *l. omnes, de Reg. J.* permanere salvas, quasi minime tempore perituras, aut morte, sic in *l. 1. sup. de praescript. long. temp.* possessor, cui mota lis est, ea lite deinde non perfecta, sed omissa, si rem possederit longo tempore post litem omissam, non utitur longi tempor. praescript. quia

litis contestatione perpetua actio est. At secundum jus novum litis contestatione actionem perpetuari, id est, extendi in tricennium, ex constitut. Theodosii quandoquidem ea constitutione nullae sunt actiones perpetuae, omnes finiuntur spatio 30. vel ad minimum 40. annorum, quae omnium longissima praescriptio est: nam 100. annor. et 60. et 50. praescriptio sublata est. Sic igitur statuamus: omnem actionem temporalem litis contestatione perpetuari, id est, extendi in tricennium: omnem autem actionem perpetuam litis contestatione perpetuari, id est, in quadricennium extendi. Neque ut facit Accursius excipio ab hac definitione actionem de dolo: nam *l. ult. sup. de dolo*, hoc tantum dicit eam esse inchoandam, et finiendam intra biennium, quibus verbis non negat eam perpetuari litis contestatione, licet biennio perempta fuerit instantia lite coepta quidem, sed non perfecta: nam et aliae actiones civiles intra tricennium finiende sunt ex *l. properandum, sup. de judic.* Nec tamen ideo minus litis contestatione perpetuantur, id est, extenduntur in 30. vel 40. annos. Et quod dico de actione de dolo, eam esse temporalem, id est, biennem, possumus tentare non idem esse in adjunctione de dolo: aliud est actio de dolo, aliud adjectio: ut actioni de peculio additur adjectio de dolo, quae sic appellatur in *l. in bonae fidei, in fine, ff. de pecul. et si quid dolo malo domini captus, fraudatusque auctor est:* agit de peculio, et petit sibi dari quantum est in peculio, si tantum sibi debeatur ex contractu, ac praeterea si quid dolo domini factum erit, ut *l. 1. ff. quando de pecul. act. ann. sit.* querebatur, an ut actio de dolo est temporaria, ita etiam adjectio de dolo sit temporaria, in *l. quansitum, §. ult. ff. de pecul.* In qua ex supra dictis locis videtur JC. potius scripsisse, in dolo adjiciendo, non objiciendo, id est, in clausula de dolo adjecta actioni de peculio non haberi temporis rationem, nisi cum ita forte praetori videtur, ne plus duret adjectio, quam actio de dolo. At interea quod dicimus actionem de dolo intra biennium esse inchoandam, et perficiendam: actionem restitutoriam, quae paratur beneficio restitutionis in integrum, inchoandam, et perficiendam intra quadriennium, *l. ult. sup. de temp. in integr. restitut.* Questionem liberinitatis, et ingenuitatis esse inchoandam, et perficiendam intra quinquennium, *l. 2. ff. de collus. deteg.* Quos omnes casus a superiori definitione Accursius excipere tentat. Non tamen id inde sequitur, videlicet eas non perpetuari litis contestatione. Alioquin nulla perpetuaretur litis contestatione, quae omnis actio certo tempore circumscribitur, quo finem accipiat et civilis, et criminalis. Invenio tamen unum casum, quo dici potest litis con-

testatione non perpetuari actionem, puta si actor desistat a lite, id est, si in totum deponat animum litigandi: hoc enim est desistere, *l. destitisse, ff. de judic. l. destitisse, ff. ad Senatusc. Turpill.* Et ita recte in *l. 2. in fin. ff. de statu defunctor.* Si vivo Titio feci litem status, dicens eum esse servum meum, vel libertinum, et destiti a lite longo silentio, id est, ut Accursius interpretatur triennio, quia agitur de servo, de re mobili, si destiti, id est, in totum deposui animum litigandi, si in totum renunciavi liti, hoc casu post mortem Titii, si litem repetam, qua destiti, iudex me non admittet, et obstat mihi præscriptio quinquennii, quia de statu defuncti post quinquennium queri non potest. Et hoc solo casu videtur ex jure, id est, ex *d. l. 2.* unde videtur desumpta, locum habere nova Const. Caroli noni Christianissimi principis, quæ sit: *l'instance intentée ores qu'elle soit contestée, si par le laps de trois ans elle est discontinuée, n'a aucun effect de proroger, et perpetuer l'action, mais la prescription a lieu*, id est, litis contestatione actionem non perpetuari, si quis eam triennio intermiserit. Et ita litis contestatione præscriptio non interruptitur, fateor, hoc esse æquissimum, si actorem poenituerit litis motæ, si renuntiaverit liti, si destiterit, non etiam si distulerit litem, quod plerumque faciunt, qui non habent spatium ad litigandum, sed contestant lites suas, ut interim eas in tutum relegant, ne tempore, aut morte pereant, *l. 3. ff. de feriis*, vel ubi contestati sunt litem, eamque aliquantulum exercuerunt, differunt litem propter potentiam adversarii, vel propter imbecillitatem suam, vel propter aliam justam causam, quales notantur in *h. l. ult.* His casibus actor non desistit a lite, sed differt litem, atque perpetuat. Cur mihi non liceat actionem differre quoad mihi major litigandi copia suppetat, eamque in tutum redigere, ne tempore, aut morte pereat? Etiam ille casus non est omittendus, qui est in *l. 1. §. sed interdum, ff. ne de stat. def.* Quidam cum de ejus statu quereretur, ingenuus pronuntiatus est, receptum est ut in assertionem secundam, ut causa ingenuitatis possit retractari, id est, ut iterum possit exculi sit ingenuus, nec ne, licet semel pronuntiatus sit ingenuus. Non est novum, ut iteretur eadem lis: sed retractari potest tantum eo vivo, qui ingenuus pronuntiatus est, non post mortem, ne intra quinquennium quidem, quo permittitur agere de statu defuncti: imo etsi coepta sit retractatio ingenuitatis vivo, eo qui ingenuus pronuntiatus est semel, post mortem ejus peragi non potest, quod est ex edicto Divi Marci, et habet summam rationem, quod semel pronuntiatus sit ingenuus.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. XL. De annali exceptione italici contractus tollenda, et de diversis temporibus, et exceptionibus, vel præscriptionibus, et interruptionibus earum.

In ipso contextu Rubr. legendum non est *et præscriptionibus*, quod etiam abest a veteribus, sed scribendum, ut in *l. 1.* duobus locis, *exceptionibus, vel præscriptionibus*. Utrumque verbum idem potest. Nunc veniamus ad rem. Olim actiones personales in provinciis erant perpetuæ, et sempiternæ. In Italia iis obstat præscriptio anni utilis. Hodie ex *l. 1. h. tit.* sublata illa præscriptione anni utilis, ubique locorum personales actiones vivunt intra 30. annos; moriuntur statim post 30. ann. nisi interrupta fuerint tempora legitimo more: nam ut litis contestatio, ita quælibet interruptio legitima perpetuat actionem, *l. 3. hoc tit.* id est, protendit in annos 40. nam pro litis contestatione cedit. At ut ostenditur in *h. l. 1.* hypothecaria actione servatur præscriptio 40. ann. videlicet contra debitorem, vel debitoris heredem, vel secundum creditorem vivo debitore, vel etiam mortuo debitore, si secundus creditor velit uti accessione temporis, quo debitor possedit, *l. 7. sup. tit. prox.* Et hoc est, quod ait *l. 1.* sola hypothecaria actione 40. ann. utente curriculum, quo in loco duplex error errari videtur. Primo quod a personalibus actionibus excipiat hypothecariam, quæ tamen est realis. *l. pigoris, inf. de pig. l. 2. inf. si unus ex plur. hered.* Sed hoc ideo forte, quia hypothecaria actio est accessio personalis actionis, et quia non proprietatem, ut aliæ actiones reales, sed nudam possessionem advocat, *l. si cum vendit. ff. de evict.* Deinde quod dicat *sola* hypothecariam actionem uti curriculum 40. annorum, cum dixerimus in *l. 4. sup. tit. prox.* alias plerasque actiones non periri præscriptione 30. annorum, sed 40. tantum. Non ergo sola hypothecaria utitur curriculum 40. annorum, sed verba *sola*, non statim excluduntur et similes actiones, quæ non sunt comprehensæ constitutione Theodosii, quæ introducit præscriptionem 30. annorum. Et ita in *§. in bonæ fidei, instit. de actionibus*, compensationem ipso jure minuere omnes actiones, excepta *sola* actione depositi, cui nihil compensationis nomine opponi potest: nam constat etiam excipi actionem commo-

dati, *l. ult. sup. commod.* Et item *l. 1. sup. de bon. poss. contra tabul.* Liberos præteritos bonorum possessione contra tabulas præstare legata solis liberis, et parentibus: cum tamen constet ex edicto prætoris eos etiam præstare legata dotis nomine relicta uxori, vel nunti. Et sic in *l. pen. sup. de oper. et libert.* manumissos liberis manumissoris præstare *solum reverentiam*, cum tamen et operas præstare debeant. Igitur quod ex verbo *sola* argumentum ducitur, imbecille est. Ceterum omnes actiones personales, quibus minora tempora legis definita non sunt, finiuntur spatio triginta annorum: realibus actionibus jandiu certa tempora definita sunt adversus bonæ fidei possessorem, puta 10. annor. inter præsentis, et 20. inter absentes. Et ita olim actio personalis erat perpetua, et sempiterna: realis temporaria: hodie personalis perdurat longissimo tempore, non etiam realis, quæ finitur longo tempore. Et ratio differentie hæc est, quia actionem realem non perimit longum tempus: nec enim tempus est idonea causa producendæ, aut perimendæ actionis, sed actionem realem perimit usus longi temporis, usus rei diu unus: in actione personali nullus est usus debitoris, qui perimit actionem: obligationis enim nullus est usus, et tempus utique solum non potest perimere actionem. Unde dubitatur, cum scilicet hæc sit differentia certa inter actionem personalem, et realem, quid sit statuendum de actionibus mixtis, quæ sunt tam reales, quam personales, ut communi dividundo, familie erciscundæ, finium regundorum: nam quæ reales sunt, videntur finire spatio 10. aut 20. annorum, quæ personales, spatio 30. annorum, et magis placet mixtas actiones ea parte spectari, quæ personales sunt, ut non intercant, nisi triginta annorum spatio, ut definitur in hac *l. 1.* Quib. addi potest petitio hereditatis, quæ etiam mixta actio est. Ergo et actio finium regundorum non perimitur, nisi spatio 30. annorum, nec ceteriori spatio. Et tamen constitutione Theod. integra de præscriptione 30. excepta erat actio finium regundorum, ut esset perpetua, et sempiterna, *l. 2. C. Theod. de action. certo tempore finiendis*, quia intra quinque pedes, inter quos tantum consistit, quæstio finium regundorum, ut ex *12. tab.* non erat usucapio auctore Tullio *lib. de legibus*, quia erant sacri fines intra quinque pedes: ita constitutionibus intra eos fines nulla admittebatur præscript. longi, aut longissimi temporis. Sed Justinianus eam quoque actionem redexit ad 30. annos, immutatis verbis legis, quæ perpetuam faciebant actionem finium regundorum, ut constat ex Julio Frontino, immutatis, inquam, in *l. ult. sup. fin. regund.* Dubitari etiam poterat de omnibus aliis actionib. quæ nominatim recommen-

tur in hac *l.* ne amplius dubitaretur, ut dubitari poterat de actione pro socio, quod et hæc videretur esse mixta, vel ex *l. 1. ff. comm. divid.* dum veluti per comparisonem ad, actionem pro socio magis pertinere ad personales ultro citroque præstationes, quam ad divisionem rerum, quo significat, quodammodo eam pertinere ad divisionem rerum, ac proinde quodammodo mixtam esse: sed placet eam quoque, et ceteras mixtas, licet verius sit hæc non esse mixtam, sed personalem, perimi præscriptione 30. annorum. Dubitari etiam poterat de actione furti, et vi bonorum raptorum, quæ est etiam actio furti improbioris: ut raptor in jure dicitur fure improbius. Et cur de iis dubitari poterat, an perimerentur longissimo tempore? quia re furtiva sæpius a fure contractata, sæpius etiam nasci videbatur actio furti adversus furem, quotidie re contractata, et quotidie videtur nasci actio furti in furem. Et ita nunquam implebatur tricennium, quia subnascebatur quotidie actio: et ideo in *l. si cum quis, §. quamdiu, ff. de furt.* dicitur, non perire actionem furti quamdiu fur vivit, quod quid aliud est, quam actionem furti esse perpetuam? id est, dum fur vivit, *l. 1. ff. pro soc.* Et ita furti actionem perpetuo dari in *Instit. §. 1. de tem. et perpet. action.* Sed hæc quoque redacta est ad triginta annos, improbatæ veterum sententia, quia subinde nasci volebant actionem furti, ita ut recte dicatur in *l. 9. ff. de furt. assidue*, et frequenti contractatione non magis nasci actionem furti, non recreari ideo sæpius actionem furti, quæ si sæpius ita recrearetur, nunquam implebatur tricennium, quod tamen hæc lex defuit, et actionem furti, et vi bonorum raptorum perimi. Id etiam notandum est ex hac *l. 1. §. ult. filiusfamil.* in his rebus, quarum proprietatem patri non acquirunt, quales sunt hodie omnes res adventitiæ, non imputari tempora præscriptionis sed ab eo dumtaxat die adversus eos præscriptiones computari, quo sui juris effecti sunt, ut in *l. 1. in fin. sup. de bon. matern.* quia ab eo demum tempore suas actiones exercere possunt, non quandiu sunt in familia, et potestate patris: quia filiusfamil. persona in judicio legitima non est sine voluntate patris, sicut nec servi: et interim dum est in potestate patris actionum exercitio pertinet ad patrem, perinde atque si bonorum adventitiorum proprietatem e acquisita fuisset, ut in *d. l. 1. et l. ult. sup. de bonis, quæ lib.* non pertinent ad filiumfamilias sine voluntate patris: ergo ei nihil imputari poterit, opposita præscriptione aliqua, quia etiam si vellet, agere non posset, *l. ult. §. pen. ff. quis ordo in bonor. poss.* Et generaliter ab eo die demum nobis imputantur tempora præscriptionum, quo agere potuimus, ut in *l. in rebus, §. ult. ff. de jure*

Not. l. 7. §. illud, sup. tit. prox. l. ordinata, §. 1. de lib. cau. Et hæc de l. 1.

Ad L. II.

Ut perfectius omnibus consulamus, et nemini absentia, vel potentia, vel infantia penitus adversarii sui noceat, sed sit aliqua inter desides, et vigilantes differentia: sancimus, si quando absuerit is, qui res alienas, vel creditori obnoxias detinet, et desiderat dominus rei, vel creditor suam intentionem proponere, et non ei licentia sit absente suo adversario, qui rem detinet, vel infantia, vel furore laborante, et neminem tutorem, vel curatorem habente, vel in magna potestate constituto, sua auctoritate (eas res usurpare) licentia ei detur adire præsidem (provinciæ) vel libellum ei porrigere, et hoc in querimoniam deducere intra constituta tempora, et interruptionem temporis facere, et sufficere hoc ad plenissimam interruptionem. Sin autem nullo potuerit modo præsidem adire, saltem ad locorum episcopum eat, vel defensorem civitatis, et suam manifestare voluntatem in scriptis deproperet. Sin autem absuerit, vel præses (vel episcopus, v. l. defensor civitatis) licent ei proponere publice, ubi domicilium habet possessor, seu cum tabulariorum subscriptione, vel si civitas tabularios non habeat, cum trium testium subscriptione: et hoc sufficere ad omnem temporalem interruptionem, sive triennii, sive longi temporis: sive 50. vel 40. annorum sit. Omnibus aliis, quæ de longi temporis præscriptione, vel triginta. vel quadraginta annorum curriculum, constituta sunt, sive ab antiquis legum conditoribus, sive a nostra maiestate, in suo robore duraturis.

*Lex 2. et 3. sunt de interruptionibus præscriptionum. Præscriptionem non interruptit sola denuntiatio domini, vel creditoris hypothecarii, ut l. alienam, ff. pro cap. Non interruptit comminatio, non postulatio *μνηστικός* facta apud iudicem ut dixi l. 3. tit. prox. non libellus principi datus, id est, querela delata ad principem per libellum de rebus suis ab alio possessis: libellus hic, inquam, non interruptit præscriptionem longi temporis, aut longissimi, sed annuam tantum, ut l. 2. sup. quando libell. princ. oblatus. At præscriptionem longi temporis interruptit litis contestatio, et conventio executoris, et nova cautio, quam vocant *γυσιμαχικήν ασφάλειαν*. Et interruptitur etiam præscriptio medio tempore sine violentia rem possidente domino, vel creditore, et solutione partis, et solutione usurarum, et libello principi dato, si annua fuerit præscriptio, ut diximus in l. 3. et 7. sup. tit. prox. Ac præterea in*

*l. 2. hujus tit. ostenditur, etiam præscriptionem interrumpi, si nemo sit, qui conveniri possit, ut si possessor absit, vel si infans sit, vel furiosus, qui nec tutorem, vel curatorem habeat, vel si sit potentior aliquis, qui sit difficilis conventu. Et definiuntur potentiores, qui gratia et opib. valent, non ii tantum, ut Accur. hic vult, qui habent merum imperium. Ergo et ii, qui non habent, puta locupletiores. Et ita potentiores definiuntur in Nov. Basilii, et Romani, de potentiorib. Et illa Basilii vult non injuria, ut potentiores, nec quidem quadraginta annorum præscriptione res suas, quas illi possident, repetentibus tenuioribus hominibus objicere possint, quod hac via paulatim potentiores sua facerent omnia bona tenuiorum. Et ostendit potentiores non esse tantum eos, qui in magistratu sunt, sed illustres, vel spectabiles, qui pollent gratia et opibus. Si igitur ex his quatuor causis, quæ notantur in hac l. 2. non possit conveniri possessor, aut vix possit conveniri, fiet interruptio præscript. ex scripto habita contestatione apud præsidem provincie: vel si ejus non sit copia apud Episc. civitatis, vel eo deficiente apud defensorem, vel deficiente defensore, publice ad domum possessoris affixo libello conventionis, adjuncta subscriptione trium testium, qui modus affigendi libelli ad domum adversarii ex jure nostro in plerisque locis observatur, ut docui observat, 7. Hæc contestatio pro petitione cedit, id est, pro litis contestatione, l. 2. ff. de naut. fæn. interruptio definitur recte ab Harmenopulo 1. Epitom. tit. 3. *πῆξίς τοῦ χρόνου*, et illo loco refert sententiam propositam in hac l. 2. Et illud, quod retuli ante, ut fiat ex contestatio, si non extet, qui conveniatur apud præsidem, vel episcopum, ubi ex h. l. 2. posset quis existimare legendum esse, *ἢ τοῖς ἐκδίκαις*, id est, vel apud defensores civitatis, sed puta consulta opera hoc verbum fuisse mutatum in Basilicis, quod Novella 46. et 47. sublatis essent decuriones, ac omnes magistratus municipales, ex quibus erant defensores civitatum, qui erant instar tribunorum plebis. Quamobrem et defensores plebis dicuntur in tit. defens. civitat. Ideoque in Basilicis scriptum est, *si non sit copia præsidis, vel præsidis, vel episcopi, superiorem contestationem fieri apud potiores, et principales, ἐκπύτους τῶν πολιτῶν*, ut Apollonius de auro egregio, et Josephus de bello Judaico, lib. 2. cap. 18.*

Ad L. III.

Si ex multis causis quidam obnoxium habens, et maxime ex similibus quantitativis, in unius quidem causæ summa libellum conventionis composuerit, causam tamen non expresserit, apud veteres agitabatur, an videatur omnes causas in

judicium deduxisse, an vetustissimam earum, aut omnino nihil fecisse, cum ejus sensus incertus esse apparebat. Sed et in judiciis, in multis tales alterationes ventilatas invenimus, et maxime propter longi temporis interruptionem: si enim personalis forte fuerat mota actio, hypothecaria autem actionis nulla mentio procedat: quidam putabant, personalem quidem esse temporis interruptione perpetuam, hypothecariam autem evanescente taciturnitate sopitam. Et si quis generaliter dixerat, obnoxium sibi aliquem constitutum: alie dubitationes emergebant, si omnes ei competentes actiones hujusmodi narratione contineri credantur, an vero, quasi silentio circa eas habito tempore expirare, nullo ex incerta libelli confectione adminiculo ei acquisito. Sancimus itaque nullam in judiciis in posterum locum habere talem confusionem: sed qui obnoxium suum in judicium clamaverit, et libellum conventionis ei transmisserit, licet generaliter nullius causam mentionem habentem, et vel unius quidem specialiter, tantummodo autem personales actiones, vel hypothecarias continentem, nihilominus videri jus suum omne eum in judicium deduxisse, et esse interrupta temporum curricula, cum contra desides homines, et sui juris contemptores odiosas exceptiones compositas sint (a).

Est etiam de interruptione l. 3. cujus species est elegantissima. Finge: Titius mihi debet eandem quantitatem ex variis causis, puta debet mihi 100. ex testam. 100. ex venditione, 100. ex mutuo. Ego volens interrompere prescriptionem, quia ille posset uti adversus personales actiones, quæ mihi in eum competunt, vel hypothecariam, si intervenit hypothecaria, in judicio petii centum, non expressa causa, vel etiam generaliter petii quod mihi debebatur, ubi notandum est admitti generalem conceptionem libelli conventionis, incertum libellum admitti, puta si per executorem te conveniam, ut solves, quod mihi debes, quantitate non expressa, vel causa. Et ita in §. curare, Instit. de act. curare debere judicem, ut certæ rei, vel summæ sententiam ferat, etiamsi de incerta quantitate apud eum actum sit, l. 3. inf. de inutil. stipulat. Adde, etiamsi incertus libellus petitoris fuit, qui datus est per executorem ante litem contestatam. Vel etiam finge: ego egi actione personali, non hypothecaria, cum haberem utramque ex eadem causa, vel contra egi hypothecaria, non personali: queritur, an videatur libello conventionis, et postea secuta litis contestatione interrompiasse tempora omnium actionum mearum, quæ mihi in eundem hominem compete-

bant: et sit in specie proposita, qui petit 100. non expressa causa, omnes suas actiones in judicium deduxisse videri, id est, actionem ex testamento, quæ debebatur 100. et actionem ex vendito, quæ totidem, et actionem ex mutuo, quæ etiam 100. Denique eum videri omne jus suum in judicium deduxisse, et interrompisse tempora prescriptionis, etiamsi libellum generaliter conceperit, nulla causa expressa: nam dum generaliter libellum conceperit, nihil nocet, si non exprimat causam, sed debet exprimere quantitatem. Nam, ut recte Joannes sentit, qui neque exprimit causam, neque quantitatem, quoniam alterutrius expressionem hæc lex exigit, non videtur omne jus suum in judicium deduxisse, sicut etiam, qui petit certam summam ex certa causa, non videtur ceteras causas in judicium deduxisse. Et verba legis, vel unius quidem causæ specialiter, sic sunt accipienda, unius summæ ex causa una, quæ tamen exprimat, ut initio hujus legis. Et ita Joannes.

RETRACTATIO L. 3.

Antequam veniamus ad tit. 41. explicanda iterum est l. 3. sup. tit. prox. cujus species hæc est: eum, cui quis debet eandem quantitatem ex diversis causis, veluti 100. ex testamento, 100. ex stipulatione, 100. ex mutuo, omnes causas in judicium deduxisse: et per hoc tempora prescriptionum interrupuisse videri, si petierit centum non adjecta causa, quoniam videtur ea centum petere ex omnibus causis, cum non adscribat causam, videlicet petere videtur centum ex testamento: 100. ex stipulatione, 100. ex mutuo. Qui specialiter petit 100. nec adjicit causam, omnem causam complecti intelligitur: denique videtur tricenaria petere. Idem etiam erit si ille generaliter petierit quod sibi d. beatur: quod sibi debet Lucius Titius: nam id omne, quod debet, petere intelligitur quacunque ex causa. Et nota, generalem et incertam conventionem admitti, quam postea judex redigit ad certam quantitatem. Item, si quis egerit actione personali duntaxat, vel actione hypothecaria, cum haberet utramque ex eadem, vel, iisdem causis, etiam eam actionem, quæ non egit nominatim, quæ modo competat ex iisdem causis, in judicium deduxisse intelligitur. Ideoque quasi interrupta prescriptione, nulla temporis prescriptio ei obijci potest: quia ex prescriptioes obijciuntur tantum desidiosis: et qui ita egit, desidiosus non est, id est, qui petit 100. non expressa causa, vel qui generaliter petit quod sibi debetur, vel qui personali egit, non hypothecaria, aut contra hypothecaria, non personali: nam hic satis diligens fuisse videtur in omni jure suo persequendo: et prescriptioes nocent negligentibus, non dili-

(a) Vide Merrill. Variant. ex Cujac. lib. 2. cap. 13.

gentibus: in dormientibus desides, non in vigilantibus. Et eleganter ait in fin. odiosas exceptiones, id est, prescriptiones temporum esse compositas contra desides, et negligentes, juris sui contentiores. Quibus verbis non hoc vult: exceptiones temporales per se odiosas esse, quod tamen vulgo asserunt, sed comparatas esse in odium negligentium. Ut Senatusconsultum Macedonianum per se non est odiosum, sed tamen factum est in odium feneratorum, l. qui exceptionem, D. de cond. indeb. vel similiter condicio furtiva, quae dicitur comparata odio forum, §. sic itaque, Instit. de act. Tamen per se non est odiosa: imo iustitiae plenissima. Hec est sententia l. 3. Ex qua colligendum est, ex contrario non esse locum huic legi, si quis ex certa causa certam quantitatem petierit, puta 100. ex causa mutui: nam hic non censetur et alias causas in iudicium deduxisse, ut Joannes sentit recte, qui haec verba l. 1. quae sunt in fine: vel unius quidem specialiter, etc. ita recte interpretatur: unius quidem causae summa, causa tamen non expressa: ut scilicet omnem causam intelligatur in iudicium deduxisse, qui exprimit quantitatem, causam autem non exprimit. Et idem omnino dicendum erit, si quis egerit ex certa causa, si petierit ex certa causa, quod sibi debetur, non expressa quantitate, quia ceteras causas non videtur in iudicium deduxisse, qui exprimit certam. Idem erit, si dissimiles quantitates debeantur ex variis causis puta 100. ex testamento, 20. ex stipulatu, 30. ex mutuo: nam si petet decem, manifestum est, eum non videri alias summas in iudicium deduxisse, quae sunt dissimiles. Ideoque (a) quod ait in prima parte h. l. et maxime ex similibus quantitatibus, sic recipias, ut minime idem sit ex dissimilibus quantitatibus. Et ita omnia sunt perspicua in l. 3.

JACOBI CUIACII J. C.

In Lib. VII. Codicis.

RECITATIONES SOLEMNES.

Ad Tit. XLII. De alluvionibus, et paludibus, et pascuis ad alium statum translatis.

Hujus tituli de alluvionibus coaptandi cum superioribus titulis, qui sunt de prescriptione, non una tantum, sed triplex est ratio. Prima haec est, quia alluvione et inundatione, de quibus agitur hoc titulo, possessio, et consequenter prescriptionis tempus interruptitur, l. 3. §. Labeo, ff. de acquir. poss. Nec mirum, cum et his modis dominium amit-

tatur. Possessio igitur, et dominium, et ususfructus, l. si ager, ff. quib. mod. usufr. amit. De alluvione est l. 1. et 3. hoc tit. De inundatione est l. 2. ut scilicet in Aegypto, quorum agros inundatio Nili feraciores facit, quod idem est, si contingat in alia provincia, ut hi, inquam, plus inferant tributorum nomine, quorum agros ubiores inundatio fecit. Si autem, quorum ager minores, vel deteriores facti sunt, ut releventur, et pro qualitate ejus, et quantitate, quod incensu agendo possidere videbuntur, publicis pensionationibus respondeant. Haec est l. 2. sententia. Secunda ratio coaptandi hujus tituli est, quia prescriptio longi, vel longissimi temporis non tantum fundum complectitur, sed etiam quod fundus crevit per alluvionem, sive creverit ante, sive post acquisitam prescriptionem, quia id quod per alluvionem accrescit, adsequitur jus, conditionemve fundi principalis, cui adcrevit l. et puta, §. id quod amnis, ff. famil. ereisc. l. si fundus, in prae. D. de pign. l. item si fundi, §. hinc vicinus, D. de usufr. l. si ego, §. quod tamen, D. de Publ. in rem action. Tertia ratio haec est, quia, ut in fine superioris tituli scriptum est, prescriptiones compositas, sic legitur compositas, inquam esse, non oppositas, contra desides et negligentes rerum aiarum contemptiores: ita jura alluvionum sunt recepta contra negligentes: qui scilicet ripam, quae agri eorum terminantur, non muniant, non reficiunt. Auctor Cassius Longinus J. C. apud Urbicum lib. de limitib. agror. Et apud Boetium 2. de Geometria. Et Cassii verba haec sunt: quicquid aqua lambendo abstulerit, id possessorum amittere, quia scilicet ripam suam sine alterius damno tueri debuit. Et sequitur quod omnino est ex jure, et proponitur differentia haec in §. praeterea, Instit. de rer. divis. Si vero, inquit, vi majeure, non paulatim lambendo flumen alveum mutasset, suum quemque modum agnoscere, quia non possessoris negligentia, sed vi tempestatis abreptum apparet. Et hanc eandem differentiam demonstrat Sicutus Flaccus lib. de conditionibus agrorum, in haec verba, quae referam, quia non sunt emendate expressa. Rivus, ait, quoties suum facit, appellatur rectus curvove, qui si alicujus terras minutatim ex alia parte abstrahat, et alii contraria relinquant, quod vocant alluvionem, repetitio finium non datur. Inducit enim necessitatem muniendarum riparum. Quod si vi tempestatis rivi torrentes subito alveum curvumque mutant, justius tum (ut mea fert opinio) erit, ut alvei veteris fines suos quisque obtineat. Hec Sicutus. Et ratio differentiae est evidens et aperta, quia adversus vim majorem nulla est ratio muniendi se, et ideo quod vi majori mihi flumen abradit, id non amitto. At quod paulatim veluti lambendo

(a) Vide Merrill. Var. ex Cujac. lib. 2. cap. 13. Tom. IX.

abundit, id maum esse desinit, ut plectatur negligentia mea, qui potui me prae munire adversus id. Non licet quidem cuiquam flumen avertere mutato alveo opere manufacto. mutato naturali cursu fluminis, ut in *l. hoc tit.* alioquin tenetur interdicto ne quid in flumine publico. At licet cui hoc ripam suam munire, qua suus terminatur ager, dummodo id faciat sine injuria accolarum, *l. 1. §. non autem, D. de fluminib.* Et ea de re propositum interdictum de ripa munienda ne prohibeatur ripam munire, facto aggere, ductove vallo. Additur etiam in *l. 1. hoc tit. fundu*, quem annis circumiit et redegit in formam insulae, priori alveo derelicto, ejus manere, cujus fuit, quod etiam est proditum in *l. 1. §. item si annis, D. de flum.* Id M. Tullius vocat *circumluvionem*, non *alluvionem*. Alluvio dominium mutat, circumluvio sola dominium non mutat. Festus vocat *circumluvium*, quod et jus praediorum esse dicit, quia vix unquam circumluitur ager, quin etiam paulatim alluendo augeatur, ut in *l. ergo, §. tribus, D. de acquir. rer. dom.* ex quo loco idem etiam potest appellari colluvium. Ergo et *alluvio* est jus praediorum, et *circumluvio*, quod vix existat circumluvio sine *alluvione* aliqua: et jus praediorum, quia quod per *alluvionem* agro nostro accrescit, jure gentium nostrum sit, ut in *A. l. 1.* Et si vis etiam tibi dari *alluvionis* definitionem: *alluvio* est incrementum latens, vel est jus praedii, quo portio fundi portioni contrariae accedit, donante flumine publico. Primum si dicas, *jus praedii*, hoc non sufficit: nam et servitus est jus praedii, nec tamen est *alluvio*, nec satis si dicas, *incrementum latens*, ex *d. l. item si, §. huic vicinus, d. De usufr.* quod fiat paulatim, et minutatim veluti lambendo: nam non omne incrementum latens est *alluvio*. Nam etatis cujusque rei, et doctrinae, et artificii etiam est incrementum latens, *l. legatis, §. ornatricibus, de leg. 3.* Ideo adjecti, quo portio fundi portioni contrariae, id est, quae est e regione, accedit, ex *l. si Titio, in fin. ff. de usufr.* Et adjecti *donante flumine publico*, ex Lucano: *illos terra fugit dominos, his cura colonis occidunt, donant- Pado.* Et recte de Pado flumine, quod etiam Urbicus ait esse rapidum, et torrens flumen, quod aliquando tam violenter decurrat, ut et mutet alveum, et multorum late agros trans ripam transferat, saepe etiam insulas efficiat. Id autem, quod per *alluvionem* accrescit fundo nostro, alveo nostrum sit, ut a fisco vindicari et vendi non possit, *l. 1. h. l.* itaque ut non possit vendi a principe, quasi possessio vacans. Et praeterea id singulariter constituitur in *l. 3. h. l.* ut nihil fisco inferatur pro incremento *alluvionis*. Cujus constitutionis ratio haec est, quia incerta possessio, incertum ejus dominium est, ut ait Theodosius in

integriore Novella de alluvionibus, ex qua sumpta est *l. 3. hujus tit.* Incerta est possessio, incertum dominium ejus, quod per *alluvionem* accrevit, quia quod hodie possidemus *alluvionis* beneficio, plerumque altera die vicini fundi domino in alteram ripam translatum acquiritur, et non semper remanet apud eum, cui accrevit, quia plerumque redit ad priorem dominum, etiam cum augmento, aliquando nec ad priorem, nec ad posteriorem redit, sed inundatione fluminis in arenam dissolvitur. Est igitur plene incerta possessio: et tributa tantum inducuntur certe possessioni, certoque dominio. Id cujus incerta est possessio, veluti quod possidetur *alluvionis* beneficio, non potest onerari tributo. Et qui ei indicit tributum, ut ait *h. l. 3.* videtur ignorare vitia *alluvionis*, quod non intellexit Accursius, id est, inconstantiam, mutabilitatem, et eorundem veluti tempestatum commutationem. Videtur ignorare incertum *alluvionis*, et in dicendo tributo tam incertae possessioni possessoribus rem noxiam videretur indicare: sic est legendum, non *inducere*: eodem jure sunt, ut ostendit *h. l. 3.* paludes et pascua, quae infertilia cum essent, et aqualida praedia, domini sumptu et diligentia fertilis facta sunt, ut scilicet ea quoque non possint onerari tributis. Hanc immunitatem mereri dominum, qui palustrem et inutilem agrum exsicavit, exaravit, excoluit, ut non statim sua diligentia fiat ei damnosa exacto tributo, *pour une terre qu' il a desfrichée de nouveau.* Ille est sententia leg. 3.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. XLII. De sententiis praefectorum praetorio.

Superiori tractatui de possessionibus, et ejus effectis, veluti de usucapione, et praescriptione temporis, vicinus est tractatus de missione in possessionem, quae fit sententiae judicis exsequendae causa, quae missio in possessionem numeratur etiam inter species possessionis in *l. 3. §. ult. D. de acquir. posses.* Et saepe possessio in jure dicitur, et de ea quia dicturus est titulus. 72. inf. ideo prius instituit dicere de sententiis, quarum exequendarum causa illa possessio comparata est; et primum dat titulum de sententiis praefectorum praetorio, quoniam hi sunt majores magistratus post Principem, qui auctoritate judiciorum obtinent, ut licet non possit appellari ab eorum sententiis, quo satis demonstratur amplitudo imperii eorum,

tamen liceat per libellum adversus eas supplicare Principi, ut causa retractetur, *que l' on renvoye la cause*, quod vocatur retractatio. Et hunc libellum posse offerri Principi, non quando sunt in magistratu (erant enim temporarii omnes) sed postquam acceperunt successores intra biennium. *Novella 82.* Et non intellexit Accursius illa verba, post successionem iudicis. Namque id volunt, postquam prefecto prætorio successum est, intra biennium posse retractari sententiam eorum jussu principis, supplicante eo, qui sententia prefecti prætorii condemnatus est. Et notandum, quod ait lex, hoc esse verum, etiamsi sententia dicta sit pro curia, vel pro utilitate publica, ut scilicet adversus eam possit supplicari. Et hæc fuit causa ferendæ hujus legis, ut indicat *Novella Theodisii de sententiis prefecti prætorii*, ex qua hæc l. trahitur, ut abrogaretur Constitutio, quæ ne supplicari quidem volebat adversus sententiam præfecti latam pro curia, vel utilitate publica.

Et notanda est hæc differentia inter appellationem, et retractationem: nam appellatione interposita, nihil innovatur, id est, suspenditur executio sententiæ. At libello supplicæ dato principi, ut causa retractetur, hoc nullum adfert impedimentum executioni sententiæ prefecti prætorio, *Nov. 119.* Est alia differentia inter supplicationem, et restitutionem in integrum: nam ipsemet prefectus prætorio adversus sententiam suam dare potest restitutionem in integrum, *l. in causæ. §. ult. et l. seq. D. de iur.* At causam retractare ipsemet non potest, causa retractanda demandatur non eidem qui sententiam dixit, sed successori alii. Igitur quod vellem hodie servari, ut non apud senatum retractaretur causa Senatusconsulti decisa, sed quod alios iudices: nam ut recte ait Plinius 6. *Epist.* scribens ad Ursam, senatoribus re integræ dissentire fas est: re peracta, quod pluribus placuit, postea cunctis placet. Et vix unquam rescindunt sententiam, quam dixerint: ergo non probe iisdem mandatur causæ retractatio, ut apparet in hæc l. in qua successori mandatur: non eidem: unum tantum notandum est ex *d. Nov. 119.* aliquando et causæ retractationem permitti eidem prefecto prætorio, puta, si intra decem dies eidem offeratur libellus, vel principi, ut rursus inspicat causam attentius, quid dicitur *libellus didascalicus*. Et sic ille libellus impedit executionem, si eidem offeratur intra decem dies, nisi victor sit paratus satisfacere de restituenda re, si rescissa forte sententia fuerit; et inde origo hodie in foro *libelli civilis*, *une requeste civile*: quoties arguitur dolus malus adversarii, quando dolo malo adversarii factum est, ut ita judicaretur: *la requeste civile est fondée sur le dol de la partie adverse*: unde

etiam origo propositi erroris, quoties error allegatur, error facti, quod iudices non bene tenuerunt factum, et per consequentiam, quod non tenuerunt ius, nam iudices principaliter non arguuntur ignorantie juris, sed per consequens, ius scilicet ignorat is, qui factum ignorat; *et c'est ce qu'on dit, que la proposition d'erreur est fondée sur l'erreur du fait, et de l'erreur du fait résulte l'erreur du droit.*

JACOBI CUJACII J. C.

In Lib. VII. Codicis

RECITATIONES SOLEMNES.

Ad Titulum XLIII. Quomodo, et quando iudex sententiam proferre debeat presentibus partibus, vel una absente.

Titulus est explicatu difficilis, in quo explicando biduum consumere par erat, sed explicatus distincte videtur facilis, quia omnis opera est in distinguendis, et componendis legibus, quæcumque ad hanc questionem pertinent, quæ prima specie colligere iuvem videntur, quod ordo iudiciorum, qui fuit olim valde obscurus, et incertus sit. Verum ad rem. Regulariter de unoquoque negotio sententia ferri debet presente utraque parte, presentibus omnibus, quos causa contigit, *l. de unoquoque. D. de re iud.* Quod est ex illa *l. 12. tab. presente ambobus litem addicito*, ut veteres dicebant presente amicis, presente testibus. At hoc titulo duo casus proponuntur, quibus altera pars absente sententia ferri potest, et uno casu rescindi remedio appellationis, altero casu nec appellatione rescindi. Primus casus hic est: si presentibus partibus *litem inchoata sit*, id est, si contestata sit: nunquam enim contestatur, nisi utraque parte presente. Si igitur litem contestata sit, si inchoata presentibus partibus, et postea una pars abesse coeperit, in absentem, et indefensam partem dicta sententia valet, nec sine appellatione rescinditur, *l. ult. hoc tit. l. 2. sup. de contr. iud. tot.* Quod utique verum est, si non absit per contumaciam, sive, quod idem est, ex eremodicio, quod non contrahitur, nisi quis tribus edictis evocatus sit. Ergo qui post litem contestatam abesse coepit, si non sit tribus edictis evocatus, atque ita non sit contumax, non desertor litis, tamen in eum data sententia valet, quod rem suam in iudicium deduxerit, seque, et rem suam iudicio permiserit, sed appellatione rescindi potest, nisi acquiescat sententiæ. Et hoc observatur in liberalibus causis, licet sint favorabiles, ut post litem inchoatam inter

præsentes, deinde una parte absente discuti, et sententia ferri possit, *l. 4. l. juxta, sup. de lib. caus.* Sed hoc ita verum est, nisi sententia dicta sit die feriato. Nam hæc sententia ipso jure nulla est, ipso jure rescinditur sine appellatione, *l. si feriatis, D. de feriis l. 4. h. t.* Nam et hic absens causari potest se abfuisse, quod non existimavit eo die judicium futurum, ut plane excusetur, qui die feriato non adfuit. Item nisi dicta sit sententia alio loco, quam quem iudex condixerat id est, alio loco, quam quo de causa cogniturum edixerat. Nam hæc quoque sententia ipso jure nulla est, si dicatur in absentem, quem iudex sefellit, alio loco reddito jure, iudicioque quam quo edixerat, *l. 3. hoc tit.*

Alter casus hic est, si post litem contestatam una pars per contumaciam abesse coeperit: nam sententiam ferre potest, non utique contra absentem contumacem semper, nisi contumacie perjurium admixtum sit, ut in *l. 1. sup. de adsert. tol.* Sed etiam pro absente contumace, si bonam causam habere videatur. Non ergo semper contra contumacem pronuntiatur, sed et pro eo si bonam causam habuerit, *l. properandum, §. si autem ex gestis, sup. de jud. l. et post edict. D. eod. l. 1. h. tit.* Quæ lex ait, quod habetur rescripto Adriani, contra absentes sententias dari solere, quæ est accipienda de absentibus contumacibus, et solere, id est, hunc morem esse judiciorum, ut contra absentes contumaces feratur sententia. Hoc vero quod ita rescriptum est, non imponit necessitatem iudici semper pronuntiandi contra absentem contumacem, sed ut pro eo sententiam dicere possit, si bonam causam habeat: si id æquitatis efflagitet ratio. Ergo *l. 1. h. t.* est de absente contumace. Adhendum vero, hoc observari non tantum in privatis judiciis, sed etiam in publicis, si capitalia non sint, ut valeat sententia, quæ fertur in judiciis publicis, absente reo per contumaciam, et ut adversus eum ferri sententia possit, nisi sit reus capitalis criminis, quod irroget mortem naturalem, vel civilem, *l. absentem, ff. de pœn.* Sed quis est contumax? Ex *l. contumacia, ff. de re jud.* contumax est is, qui tribus edictis propositis, vel uno pro tribus, quod vulgo peremptorium appellatur, vel literis evocatus, presentiam sui facere contemnit: vel literis, sic est legendum in *d. l.* vulgo deest, illud vel, ut significet, vel evocandum esse literis, vel edictis propositis. Et addi potest, vel denuntiationibus, ex sententiis Pauli. Et qui ita evocatus est solemniter, si presentiam sui facere contemnat, contumax est, et contrahit cremodicium, id est, habetur pro desertore, litis moratore, frustratore, tergiversatore. Et ait contumax est, qui contemnit, *παρρηγοργῶν*, ut Ve-

lius Longus de Orthographia scribit, in contumaci, ubi hinc observari, quod veniat a contemendo, tametsi Nicias contumacem per v. pulavit scribi posse a timore, sed omnes deducunt a contemendo, unde in glossis antiquis *παρρηγοργῶν*, contemptor, spernulus, contumax. Et ita M. Tullius in Arato leporem *παρρηγοργῶν*, ja. et, inquit, *levipes lepus*. Nam et apud Varronem L. Ælius leporem dictum, quod sit levipes, et a celeritudine. Sunt in aliis auctoribus frequentes *παρρηγοργῶν*, ut apud Homerum. Dionys. Aratum. Verum ad rem; nihil refert utrum absens, qui litem inchoatam deseruit, evocetur edictis publice propositis in foro, ut legi possint ab omnibus de plano, an literis ad eum transmissis, aut denuntiationibus factis per executores in personam ejus: sunt hæc tria diversa, edicta, literæ, denuntiationes, *l. litem veniunt, §. perit, D. de pet. hered. l. cum vero, §. evocari, D. de fideic. libert.* Et Paul. 3. sent. de effect. sent. tractans etiam de contumace. Aliquando vero post tria edicta datur edictum peremptorium, aliquando non, sed sufficiunt tria edicta, vel tres lineæ, aut denuntiationes, *l. 2. et 9. h. t. l. 2. C. Theod. de per. desist.* Aliquando tria edicta non proponuntur, sed unum pro omnibus peremptorium proponitur, *d. l. contumacia, et l. consentaneum, h. t.* Hoc totum positum est in arbitrio iudicantis, ut vel proponat tria edicta, vel non edicta, sed literas mittat, aut denuntiationes, vel proponat tantum unum edictum peremptorium, vel etiam ut post tria adjungat peremptorium, aut non, quia, ut ait *l. 2. cessante* quoque causa peremptorii edicti, id est, peremptorio edicto, recte ferri sententia potest adversus eos, qui tribus edictis admoniti, iudicio adesse neglexerunt. Sed quia illa *lex consentaneum*, quam adduxi ante, est clavis hujus tituli ea nobis explicanda est, in qua hoc proponitur: *Post litem inchoatam, si qua ex partibus absit, ut servata juris solemnitate priusquam sententiam dicat præses provincie absentem evocet, puta tribus, propositis edictis publice, quibus absenti diem dicat, in quem se iudicio sistat, et dicat etiam locum, quia non fuit certus locus Romæ juri dicendo, sed dicebatur locus arbitrio iudicis, sicut Senatus habendi non fuit locus, sed modo in hac habebatur Basilica, modo in illa. Ergo præses provincie tribus edictis propositis absenti dicat diem, et locum, in quo se sistat; vel etiam debet eum evocare uno edicto, si ita videatur causæ cognitio exigere, quod dicitur unum pro omnibus, et edictum peremptorium, at post ea si absens sui presentiam non faciat, tum potest audire iudex presentis a legatione, et de re pronuntiare. Quæ quidem pronuntiatio iudicis est summaria. Summatim itaque de re pronuntiare, vel*

contra absentem, vel etiam pro absente poterit. Et hoc dicto subiicit Imperator, quod vel successor ejus facere curabit, nimirum successor praesidis provinciae: nec enim erant perpetui. Et ad hujus loci intelligentiam maxime pertinet *l. edictum, ff. de jud. c.* Si praeses provinciae, qui antecessit dederit unum edictum adversus absentem, successor ejus dabit reliqua duo edicta, et adliget publice: vel si antecessor finierit numerum trium edictorum, adhuc a successore unum edictum dabitur, ne ei obijciat absens, *tu me non evocasti*. Unde quod sequitur in *h. l. a quo ter citatus*, videtur velle dicere eum, qui ter citatus est ab antecessore, si antecessor non dixerit sententiam, et a successore ter esse citandum, et evocandum, quod est contra *d. l. edictum*, et manifesto est superfluum: nam haec verba a quo, sic accipienda sunt, a quo successore, de quo proxime agitur: ideo manifestum est non esse legendum, a quo ter, sed iterum, id est, πάλιν, non δεύτερον, a quo rursus citatus, et semel si sui praesentiam facere contumax, tunc successor ejus ex duobus efficiet alterum, ut vel absentem obsequi compellat, vel si sit questio de re aliqua, quam absens possidet, possessionem ejus rei transferet in petito rem, qui praesens est: atque ita possessorem absentem per contumaciam, ex reo faciet actorem, id est, tedio ablatæ possessionis, et translatus in actorem, eum venire compellet in judicium, et suscipere partes actoris, vel satisfacere de re defendenda, ut in *l. pen. §. ult. sup. de praescript. 50. ann. l. si priusquam, D. de novi oper. nunt. l. in quo fundus, ff. de dam. infect.* Hoc genere non pronuntiatur de lite, sed suspenditur lis, et coercetur contumacia, a contumace rei possessione translata ad presentem, qui eam petit, vel etiam ut iudici videbitur de re ipsa pronuntiabit pro absente, vel contra, proutque ut sit contra absentem, et indefensum: et si pronuntiaverit contra absentem, id est, si absens sit damnatus ex eremodicio, id est, quasi contumax frustrator, et desertor litis inchoatae: nam quid est eremodiciu? desertio litis inchoatae: si inquam, damnatus sit absens ex eremodicio, ex contumacia, sententia, neque appellatione rescindi potest, neque causa ex integro ab eo, si venerit, agi potest, instaurari, sive redintegrari causa non potest. Hoc est gravissima poena contumaciae, ut qui ex contumacia damnatus est, non possit appellare, aut litem redintegrare, *l. properandum, §. cum autem, sup. de jud. l. et post. edictum, §. ult. D. cod. l. 1. inf. quor. appell. non recip. l. ex consensu, §. ult. D. de appell. et Novel. 82*. Unde pendet ratio, quam vulgo non intelligunt leg. liberto, *§. ult. D. de neg. gest.* Reus litem in judicio deductam deseruit, amicus ejus eam ultro

egit sine mandato, absentiae causam allegans iudici, et nihilominus absens frustrator ut frustrator damnatus est ex contumacia: non appellavit amicus, qui ultro accesserat ad negotium ejus, an hæc culpa ei obijci potest, quod non appellavit: minime ratio hæc est, quia ut frustrator condemnatus est, id est, quia ex eremodicio condemnatus est, ex quo non est appellatio. Et hoc est, quod ait *lex contumacia, D. de re judic.* contumaciam plecti damno litis, quia scilicet, neque appellari potest a sententia dicta in contumacem, neque causa redintegrari potest: sed ut ait *lex properand.* §. *sin autem*: lite cadit, nullo modo potest redintegrari sententia, quinimo etiam si pro absente contumaci dicta sententia sit, paucas aliquas contumaciae sustinet, quandoquidem etiam si sententia pro eo dicta est, litem sumptus adversario refundere debet: quod valde est novum, ut victor victo refundat impensas, cum regulariter eas refundat victus victori, sed ita plectitur contumacia.

Item absens per contumaciam, pro quo sententia dicta est, si ei in totum non satisfaciat, non potest ab ea appellare, nec alio modo instaurare iudicium, sive litem ex *d. l. properandum*: atque ita damnum litis patitur ex parte aliqua is, secundum quem lis data est. Ex quo patet nos appellare posse a sententia pro nobis dicta, si in plenum non satisfaciat, nisi contumacibus nobis dicta sit: semper excipitur is, qui restituitur in integrum, quia absens fuit ex justa causa: nam contumax non est, qui caret dolo: et ita est proditum in *l. ait prætor, ff. de minorib.* etiam majoribus 25. annis dari restitutionem eremodicii, mortuæ et deserte litis, si doceant se ex justa causa abfuisse, quod etiam ostendit *l. pen. h. tit. l. 1. sup. ex quib. caus. majores, l. 4. sup. de proc.* Semper etiam excipio minorem 25. annis, vel absentem Reip. causa, quia adversus eos nec edictum peremptorium, licet in notitiam eorum pervenerit, nec ulla alia sententia adversus illos valet, id est ipso jure nulla est, ipso jure muniti sunt: alii indigent restitutione eremodicii, et restit. in integrum, hi non indigent, videlicet cum absentes, et indefensi fuerunt, ut *l. 6. h. tit. l. acta, §. ult. l. contra, ff. de re judic.* Ergo apparet, duos esse casus, quibus absente parte jure ferri sententia potest, si post litem inchoatam absit per contumaciam, vel etiam citra contumaciam. Sed hoc posteriori casu sententia appellatione rescindi potest non autem priori: alias ita constituamus: secundum regulam initio propositam, in absentem, et indefensum, qui litem non inchoavit, latam sententiam nullius esse momenti, *l. certum, §. si quis, ff. de confessis*, ita ille locus est accipiendus, id est de absente, qui nunquam comparuit in judicio. Item in eum, qui litem inchoa-

vit, non per contumaciam absentem, dicta sententia, quasi contra contumacem, etiam ipso jure nullius momenti est, et sine appellatione irrita constituitur, ut si quis damnatus sit ex edicto peremptorio, quod nec propositum est, ut de plano recte legi posset, nec in notitiam ejus pervenerit, et ita loquitur *l. 1. §. item cum, D. quæ sentent. sine appell.* Satis est, si edictum peremptorium publice fuerit propositum, ut videatur absens esse contumax, licet in ejus notitiam non venerit, quia nemo potest causari ignorantiam ejus, quod publice proponitur, *l. sed etsi, §. proscriptum, ff. de inst. act.* Satis etiam est, si edictum peremptorium in ejus notitiam pervenerit, licet publice propositum non sit: nam literæ, vel denuntiationes sufficientiunt, ut dixi. Denique satis est, si quoquo modo conventus sit, conventio non fit nisi in personam, *l. de unoquoque, in ff. de re jud.* Alioquin non conventus ignarus est, aut esse potest edicti peremptorii, vel cui nihil denuntiatum est, si condemnatur ut contumax, sententia ipso jure nulla esset, quia non est contumax. Contumacia cadit tantum in scientem non ignorantem, *l. 3. 4 §. 6. 7. h. t.* Et observandum in *l. 4.* vulgo legi *absente: vel ignorante*, cum recte omnes libri veteres habeant *absente, et ignorante*, ut in *l. 3. absentibus, et ignorantibus*. Et notandum est, in illa *l. 4.* duplex esse vitium, quod sententiam facit ipso jure nullam, quia dicta est die feriata, et quia quasi in contumacem, qui non erat contumax: ignorans enim vocationem non fuit contumax. Alterutrum vitium sufficeret: et ita duplex vitium potest constitui in specie *l. 3.* quod iudex alio loco sententiam dixerit, et quod dixerit in absentem quasi contumacem, qui non erat contumax. Et ita in specie *l. 3.* proponitur, dictam sententiam in ignorantem, absentem et inilectum, ignorantem videlicet edictum peremptorium, et nullam esse hanc sententiam ipso jure, si damnatus sit quasi ex edicto peremptorio, quod ignoravit. Sed tamen, ut proponitur, sustinetur sententia ex consensu ejus, si ei ad sensum accomodaverit, sicut testamentum ipso jure nullum, sustinetur ex consensu filii præteriti, *l. filio, ff. de inj. rupt.* Et irriti codicilli consensu heredis, *l. cum quasi, §. ult. D. de fideicom. lib.* Sic sententia ipso jure nulla committitur ejus, cujus interest, si querelam non detulit, puta dicendo sententiam ipso jure nullam: sic est explicanda *l. 3.* non dicit, si non appellavit, quia frustra appellatur a sententia ipso jure nulla; sed si querelam non detulit: aliud est querela, aliud appellatio, *l. si nominatus, C. Theod. de appe l.* De qualibet sententia queri, licet non etiam appellare. Et ita, ut concludamus, in hoc titulo ostenditur quomodo absente una parte sen-

tentia ferri possit, nempe servata juris solemnitate, ut ait *l. 8. h. t.* peracto ordine edictorum, ut ait *lex si prætor, ff. de judic.* Item quando, id est, quibus casibus absente una parte sententia ferri possit, et quibus non nisi utraque parte presente.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. XLIV. De sententiis ex periculo recitandis.

In titulo superiori propositus est unus casus, quo sententia ipso jure nulla est, et sine appellatione rescinditur, ita ut ex integro causa agi possit, et judicari, puta, si sententia dicta sit adversus eum, qui post litem contestatam abesse cepit, quasi adversus contumacem, ex edicto peremptorio, quod tamen nec propositum erat, nec in notitiam pervenerat. In hoc tit. proponitur alius casus, quo sententia sit dicta memoriter, sine scripto, si dicta sit, non lecta: nam iudex, sive sit magistratus, ut in *l. 3. h. t.* sive sit iudex, vel arbiter datus a magistratu, ut in *l. 1.* debet sententiam suam scriptam, et manu sua obsignatam, ut est in Novella Leonis 43. habita deliberatione, perpensa, maturoque judicio, quod etiam hodie solet exprimi in sententiis, maturo consilio rem fuisse perpensam: ita, inquam, iudex debet sententiam suam per se ipsum ex libello, ex scripto publice paribus legere et recitare: alioquin sententia, quæ sine scripto lata est, ne sententia quidem nominari debet, et sine appellatione rescinditur, *l. 3. h. t.* Nam cum dicimus aliquam sententiam ipso jure nullam esse, ex eo tria sequuntur, nec nomine sententiæ dignam esse, et ex integro causam agi posse, et ad rescindendam illam sententiam non requiri appellationem: ipso enim jure rescindi. Dixi eum debere publice sententiam suam legere, vel recitare. Nam si vel sententia non sit publice lecta, sed in secreto loco, *ἀνυπακούτως*, et non presente officio, id est, non presentibus officialibus iudicis, hoc solo sententia est ipso jure nulla, *l. 6. tit. seq.* Dixi præterea per semetipsum iudicem debere ex scripto sententiam suam recitare litigatoribus: sed excipienda sunt præfecti prætorio propter culmen dignitatis, et quicumque habent illustrem administrationem in Repub. ut præfecti urbi, quæstores sacri Palatii, magistri militum, et ceteri illustres iudices, qui scilicet in Repub. nulla administratione funguntur, ut ait *l. 2.* sed tantum sunt illustres, et iudices

forte delegati a principe ad speciem litis aliquam, et uno verbo illustres viri, non spectabiles, non clarissimi: et multo minus pedanei iudices possunt sententias suas recitare per suum officium, inquit l. 2. id est, per officialem, vel inquit, per eos, qui suum ministerium eis accomodant, veluti per præconem. *Apulejus* 1. *Floridorum*, præconis vox garrula, inquit, ministerium est proconsulis. Et ideo præco dicitur vox legum, *Novell.* 20. ut *Julianus* interpretatur, et vox iudicis, apud *D. August.* 3. *de Trinitate*, et 16. *sermone de verbo Domini in Matthæum*. Quin etiam, quod non additur in hac l. 2. illustres personæ sine scripto sententias suas proferre possunt: *Cassiodorus* de præfect. prætorio, verbo sententiam dicit. Et sequitur: Quid est, quod non habeat commissum, cuius est, vel ipse sermo iudicium: alterius iudicis sermo non est iudicium, sed scriptura tantum est iudicium, ultimum scilicet, id est, sententia.

Præterea additur in l. 2. recitatam ex scripto semel sententiam, iudicem nec corrigere, nec mutare posse, quia perfunctus est suo officio, sententiam suam revocare non posse, l. 1. in fin. ff. *de question.* etiam si male iudicaverit, quia in eam re desiit esse iudex, de qua pronuntiavit, l. *iudex, de re judic.* Et si dicas, male iudicavi, respondebo, at iudicasti. At rursus si dicas, non debui dicam, at potuisti. Et publice interest ne revocentur sententiæ semel prolatæ, nisi legitimo remedio, veluti per appellationem, vel supplicationem, l. *servo*, §. *cum Prætor, ad Trebell.* Evectio quidem ex sententiis potest propter inopiam rei remitti, l. 6. §. *ult. ff. de offic. præsid.* qui dixit mulctam alicui, propter ejus inopiam postea remittere potest, id est, remittere exactionem mulctæ, non mulctam, quæ semel dicta est. *Plinius* 4. *Epistol.* Prætor senatori mulctam dixit: egit ille causam suam in Senatu, egit autem, sic ut deprecaretur, id est, ut peteret remitti mulctam, remissa mulcta est, at ipsa sententia non potest corrigi, nec mutari. Et si quid corrigatur, aut mutetur, id ipso jure nullum est, l. 1. in fine, inf. sententiam rescindi non posse. *Seneca* in declamation. et controvers. *iudex*, inquit, quam tulit de reo tabellam, revocare non potest: quæsitior non mutat pronuntiationem. *Apulejus* 1. *Floridorum*: Tabella semel lecta, nec augeri uno verbo, nec minui potest, et hoc quidem distat sententia ab interlocutione: nam interlocutio iudicis mutari, corrigi potest, l. *quod jussit, de re jud.* Item interlocutio iudicis scripturam non exigit, l. *omnem*, C. *Theod. de appellat.* Item a sententia appellatur: ab interlocutione iudicis jure civili non

appellatur, jure canonico appellatur, quo utimur hac in re.

Quod autem ait l. 2. ex libello ferendam esse sententiam, l. 4. C. *Theod. eod. et d. l. omnem*, et *D. Augustinus* in *sermone de sancto Cypriano*; quod item ait l. 3. de scripti recitatione, ferendam esse sententiam quod in passione sancti Cypriani; latam esse sententiam damnationis ex tabella, et apud *Tertul.* *Apolog.* cap. 2. d. l. 3. in hac rub. et in l. 2. C. *Theod. eod. est ex periculo*. Ergo ex periculo sententiam recitare, est recitare ex libello, ex tabella, ex scripto. Unde in notis juris civilis junctim leguntur scriptæ notæ D. P. D. L. id est, de periculo, de libello, quoniam utrumque idem potest. Et inscite fecerunt *Alciat.* et alii, qui nomen periculi, mutarunt in nomen breviculi, ignorantes periculum significare libellum, sive tabellam, in quo sententia præscripta est, ut apud *Æmilium Probum* in *Epaminonda*: Non recusavit quo minus pœnam legis subiret, sed unum a iudicibus petiit, ut in suo periculo conscriberent: *Epaminondas a Thebanis* morte mulctatus, quod eos coegit superare *Lacedæmonios*. Quod *Probus* periculum vocat, id *Plutarchus* in *Apophtheg.* et *Ælianus* 13. *Hist. var.* vocant στῦλον, id est, ut sermone utar *Probi*, *Pilam lapideam*, in qua conscribitur sententia iudicium, ut innotescat presentibus, et posteris, *Pilam lapideam*, vocat in *Alcibiade*: et ita præscriptus a Græcis dicitur στῦλος, et legitur etiam in fœdere inter *Allariotas*, et *Purios*, quod etiam hodie exstat in *Creta* insula, scriptum lingua *Dorica*, ut id fœdus inscribatur, sic στῦλον λιθινον quod *Attici*, sic στῦλον λιθινον. Legimus etiam apud *Cicer.* in 1. de *LL.* eum appellare parvum suum poema de *Mari*, parvum libellum, periculum: faciunt, inquit, imperite, qui in isto periculo veritatem exgunt, tanquam a teste, non tanquam a Poeta, et idem 3. in *Verrem* loquens de scribis publicis ait, iis committi tabulas publicas, et pericula Magistratum. Quo nomine puto significari iis dari sententias, damnationes vel absolutiones, et ratio nominis hæc est, quod ex sententiis semper periclitetur aliquis, aut reus, aut etiam iudex, si male iudicaverit, quod litem faciat suam. Et ita inscriptionem accusatoris in crimen, recte dixeris periculum, quod ex ea periclitetur accusator ne fiat reus calumniæ. Neque tamen, quod quidam tentant, ita volo accipi periculi nomen in l. vi facit, D. quod vi aut clam, dum ait, eum vi facere opus, qui prohibitus id facit, vel quo minus prohiberi posset, dedit operam, puta janua præclusa, sed subicit: vel periculo adversario denuntiante, sic est scriptum *Florentino*,

volgo: *periculum adversario denuntiando*. Sed ex Florentina scriptura apparet scribendum, et legendum, *periculo adversario denuntiatio*: id est, adversario perterrefacto, comminatione mortis, aut verberum adnota, si prohiberet opus fieri, ut non sit necesse periculum eo loco, pro libello accipere. Igitur retineamus veterem scripturam, quæ etiam est in *Cod. Theod. de sentent. ex periculo recitandis*.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Titulum XLV. De sententiis, et interlocutionibus.

In hoc tit. proponuntur alii casus, quibus sententia iudicis ipso jure nulla est, qui et cum illis, qui ante propositi sunt, comprehenduntur generali definitione *l. 4. hoc tit.* ut contra solitum ordinem judiciorum lata sententia nullam vim obtineat, ac ne sententiæ quidem nomen habere mereatur, *l. 3. sup. tit. prox.* Sententia igitur est decretum a iudice interpositum servato ordine judiciorum, de summa, vel capitulo quodam litis, quod absolutionem rei continet, vel condemnationem certam actoris, aut rei.

Dico esse decretum: omnis sententia est decretum, non tamen omne decretum est sententia ut decretum, quo permittitur alienatio rerum minoris 25. ann. quo fit missio in possessionem. Hæc decreta non sunt sententiæ, quia neque absolutionem continent, neque condemnationem ullam. Decreti igitur nomen latius patet, quam sententiæ, et omnis tamen sententia decretum est. Et ita in *l. decreta, ff. de re jud.* Decreta a prætoribus Latine interponi debent, id est, sententiæ, vel quæ alia decreta. Et ne pugnare videatur ea lex cum *l. 12. h. t.* quæ ait, *Judices tam Latina, quam Græca lingua sententiam ferre posse*, observandum est, *l. decreta* pertinere ad urbem, quia de prætoribus loquitur hanc vero *l. 12. ad provincias*, quia est inscripta ad proconsulem Asiæ, et iudices igitur, id est, præsides Provinciæ, qui iudices ordinarii dicuntur iudices judicium in Novellis. Utraque lingua sententiam ferre possunt, secundum loci consuetudinem, vel Græca, vel Latina: at in urbe latine tantum lingua, ut etiam apud Svet. legimus, splendidum quendam virum, quod ignarus esset lingue Latine D. Claudium erasisse albo iudicium, imo et in peregrinitatem redegissee, adempta scilicet civitate Romana: forte lites, et sacra agi pere-

grina melius esset, quam nostra lingua: nam si lites egeris vernacula lingua, fortassis sic eas longiores effeceris: si sacra, forte de eorum veneratione et majestate omnium detraxeris. Verum ad rem.

Dixi in definitione sententiæ de summa, vel capitulo quodam litis, quod duxi ex *l. pen. hoc tit.* Græca a ioc. luci reddita ex Basilicis. Ut si cuius litis sint varia capitula, quod sententiam plenam esse oporteat, sive plenariam, ut constit. loquuntur, non ideo de omnibus capitulis simul iudici ferendam esse sententiam, sed posse eum, si velit sigillatim de unoquoque capitulo ferre sententiam, *l. pen. sup. de reb. cred.* Sententia ergo jure fertur, vel de summa litis, vel de uno capitulo, una specie litis.

Desidero etiam in sententia absolutionem, vel condemnationem: nec enim est sententia, nisi quæ absolvit, vel condemnat, quæ liberat, vel obligat, *l. 3. h. tit.* Ut si iudex jubeat jurari de re, de qua agitur, et adjiciat quid dato, vel recusato jurejurando dari, fieri oporteat, sententia est, quia continet condemnationem ut dato, vel non dato jurejurando, sed recusato delur certum quid, fiat. Et ita est accipienda definitiva sententia, quæ jurejurandum imponit in *l. 11. et 12. sup. de reb. cred.* videlicet, quæ habet subjectam ex jurejurando dato, vel recusato absolutionem, vel condemnationem, non quæ simpliciter jurari jubet: nam simplex juramentum præstandi jurisjurandi non est sententia, *l. 11. hoc tit.* quia neque condemnationem continet, neque absolutionem. Et ita quoque accipiendum, quod non observant vulgo, quod ait *l. 3. sup. de reb. cred.* per iudicem inopia probationum jurejurando causa cognita rem decidi posse: quod utique fit, si indicat jurejurandum actori, aut reo, subjecta jurantis, aut non jurantis condemnatione, aut absolutione: alioquin non deciditur lis: sententia est finis et terminus litis: cum dato jurejurando, vel recusato simul statuit quid dari, fieri oporteat, tum demum finem liti impositum video. Denique eam pronuntiationem esse sententiam definitivam. Et ad hæc requiro, ut sit absolutio, vel condemnatio certa. Et hoc est, quod dicitur in *l. 7. et 8. hoc tit.* sententiam certis finibus concludi, aut sententiam non esse: sententiam certos fines, certas leges habere, non incertas, aut suspensas, concludi certa decisione litis, certa et plena pronuntiatione, certa quantitate, vel re, ut tit. seq.

Præterea dixi in definitione, sententiam continere condemnationem actoris, aut rei propter *l. cum Pap. hoc tit.* quæ est singularis propter sententiam Papiniani, quæ alibi non exstat. In ea *l. proposita* sententia Papiniani hæc fit, ut licet in formula actionis sit scriptum, ut iudex ream condemnet, quod

olim præscribi solebat his verbis, *Si paret L. Titium Sejo debere 100. ex causa legati, condemnare eum iudex*, quales formulas proponit frequentissime Theophilites noster. Ergo licet ita concepta sit formula actionis, tamen si in ea ipsa lite, quam intendit actor, deprehendat iudex actorem reo debere, non etiam reum actori, nihilominus poterit actorem iudex condemnare. Quam sententiam Papiniani Justinianus non tantum probat, sed etiam ampliat, ut etiam locum habeat, etiamsi forum rei, quod actor sequi cogitur, actori sit incongruum et incompetens: nam et in eo foro poterit actor condemnari de eo ipso re de qua egit, ut demonstrant in ea l. hæc verba, *in eodem negotio*: id est, in eadem lite: quæ verba demonstrant aperte, ut Albericus notavit, eam leg. nihil pertinere ad mutuas petitiones, id est, conventiones, et reconventiones, ad quas tamen omnes eam legem referunt: et consequenter male ei legi subjiciunt Novellam, quæ est de mutuis petitionibus.

Quod autem dixi in definitione, servato ordine judiciorum, multa complectitur, ut iudex sententiam publice dicat, l. 6. hoc tit. non abdito loco, non secreto, et ut habuimus titulo super ori, *ut publice recitet sententiam partibus ex periculo*, id est, ex scripto. Omnis sententia est *periculum*, quia fertur scripto, non verbis. Scripturæ ejusque sunt pericula, quia exstant, non etiam verba, et voces quæcumque volant, quæ nos emisisse inficari possumus, vel aliter interpretari: quocumque sit ex scripto, sit ex periculo. Et inde periculum accipitur pro libello, ut ostendi supra tit. prox. ex probis auctoribus. Item, ut ne quid omittamus ex iis, quæ proponuntur in hoc tit. Illa verba, *servato ordine judiciorum*, hoc etiam exigunt, quod est in l. 13. ut legibus iudex judicet, non exemplis rerum judicatarum, quod dictum vulgo circumfertur, et indiget interpretatione. Si quid Princeps ipse judicavit, aut præfatus prætorio, aut major magistratus: Iudex in re simili non tam spectare debet quid in pari causa iudex, vel major magistratus judicavit, a quibus sæpe per obreptionem eliciuntur inique sententiae, sed quid legibus, et æquitati conveniens sit. Ideo non semper est idoneum argumentum, quod ducitur a rebus judicatis in pari causa. Rerum quidem perpetuo similiter judicatarum auctoritas vim legis obtinet: nam consuetudo est lex, l. nam Imperat. D. de leg. et exempla rerum aliquoties judicatarum, licet moveant nos aliquotulum, et l. cum de in rem verso, D. de usur. l. nonnunquam, D. ad Trebell. l. 1. §. eodem autem tecto, D. ad Senat. Syllan. l. 1. §. si coheredis, D. ad leg. Falc. tamen his exemplis iudices non alligantur, quod non debeant apud eos ea exempla antiquiora esse legibus. Et ita recte Cyprianus

Tom. IX.

scribens de jurisperitis in lib. de singularitate clericorum: *callidi argumentatores, inquit, et jurisperiti fallaces, dum cupiunt prævaricari, controversias, actionesque causarum etiam re ipsa jura transvertunt, et cum nolunt coerceri competentibus jussionibus legum, ad illudendos iudices inconvenientibus exemplis, veluti similes juris conjecturas objiciunt. Recte inconvenientibus*: nam vix ulla exempla per omnia conveniunt, vix ulla sunt, quæ non claudicent, ut merito dicat l. 13. *Non judicandum esse, quod alius major magistratus ita judicavit, sed quod ita exigat ordo judiciorum, qui dicitur jus, et mos judiciorum in jure nostro.* Et ad hunc ordinem judiciorum etiam pertinet, quod colligitur ex l. 1. hoc tit. *ut si lis inchoata sit, et contestata per procuratorem, condemnatio fiat in procuratorem, qui litem contestatus est, non in dominum litis, qui litem contestatus non est.* Et ita Martin. et Azo accipiunt recte l. 1. Nam condemnato procuratore, tametsi actio judicati detur in dominum litis, l. 4. C. de re jud. Optima ratio: nam quid est actio judicati? Est executio rei jud. quam æquius est fieri in bonis domini litis, cujus nomine lis acta est, quam in bonis procuratoris, ne ei suum officium sit damnosum, licet ipse procurator damnatus sit, qui atque nihilominus condemnandus est semper, id est, concipienda est condemnatio in personam procuratoris, non domini. Et cur malunt quidam litigare per procuratorem? Nisi ut si forte iudici videatur non habere bonam causam, nomina eorum condemnationi non inserantur, sed nomen procuratoris, qua arte etiam evitant infamiam, si actio sit famosa. Excipitur semper causa criminalis, quæ agi per procuratorem potest, licet regulariter agi non possit, sed quandoque, ut crimen injuriarum per procuratorem potest exequi, vel accusando, vel defendendo; sed etiam si litem contestatus sit procurator, qui crimen non admisit, non erit condemnandus, sed ipse dominus litis, qui crimen commisit, l. ult. inf. de injur. Excepto ac licet hoc casu, si lis sit contestata in procuratorem, et condemnatio facienda est in procuratorem, non dominum litis, alioquin pronuntiatio iudicis nulla est, l. 1. h. l. Nec huic l. obstat l. nihil, sup. de proc. Nam quod ait, nihil referre procurator detur ante litem contestatam, vel post, id eo pertinet, ut intelligatur, recte utroque tempore procuratorem dari, non etiam ut Martinus infert, auctor hujus opinionis, ut procurator datus post litem contestatam cum domino litis perinde condemnetur, atque si datus fuisset ante litem contestatam. Hoc non vult d. lex nihil: nam semper in eum facienda est condemnatio, qui litem contestatus est, qui iudicium accepit, sive sit procurator, sive dominus

102

litis. Nihil etiam obstat Martini sententiæ *l. liberti*, in *fi. D. de neg. gest.* in qua aperte, ut ex anterioribus apparet, amicus ab initio defendit causam absentis, et nomine ejus litem contestatus est, idemque damnatus culpatur, si non appellaverit, cum ipse ab initio litem suscepit, qui si post litem contestatam a domino, eo absente causas allegaret absentis ejus, non culparetur ob omissam appellationem, quia nec appellari potest a sententia dicta in desertorem litis, id est, qui post litem contestatam contumaciter abesse crepit. Nihil etiam obstat *l. si quis cum procur.* vel *l. licet. §. pen. D. de proc.* Nam ut breve faciam, in *l. licet. §. pen.* non dicitur procuratorem condemnatum intervenisse post litem contestatam: unde ponendum juri convenienter procuratorem litem inchoasse. Et præterea in *l. si quis cum proc.* dominus litis, dicitur, quod verbum calumniantur Bulg. et Joannes auctores diversæ sententiæ. Dominus litis, etiam recte dicitur is, qui litem contestatus non est, quia res ad eum pertinet, et ad eum redit, sive ei, sive in procuratorem ejus dicta sit sententia: nam actio judicanti datur domino litis, et in dominum litis. Denique ut lis, id est, res in judicium deducta ad eum pertinet, ita et ad eum judicati omne commodum, et incommodum redit: nec dicitur minus dominus litis, qui litem contestatus non est, quam qui contestatus est. Postremo ad ordinem judiciorum spectat, ne quis de eadem re iterum judicet, ne quis contraria sententia, suam, vel antecessoris sententiam retractet, alioquin suæ, vel antecessoris contraria sententia nullam vim obtinet, *l. 9. hoc tit. l. 1. inf. sent. rescind. non poss.* Itaque de eadem re, de qua quis judicavit, non potest iterum judicare, nec successor de re, quam judicavit antecessor, quia idem est forum, eadem eadem, tribunal idem, judicium idem, etiam si mutatus sit iudex. Et recte dico de eadem re: nam qui judicavit de possessione, non prohibetur judicare de proprietate, *d. l. 9. et l. 3. inf. si a non comp. jud.* quia alia res est: nihil commune habet proprietas cum possessione, *l. et an eadem §. ult. D. de except. rei jud. l. naturaliter*, et nihil commune, de acq. poss. Loquor etiam de sententia, ut qui semel sententiam tulerit de aliqua re, non possit de eadem re iterum ferre sententiam. Loquor igitur de sententia definitiva: nam interlocutio retractari, corrigi, et commutari potest subinde, quia, ut ait *d. l. 9.* interlocutio plerumque rem non perimit, si perimeret, esset sententia, non interlocutio. Quod ait plerumque, an ideo significat interlocutoriam sententiam, aliquando rem perimere, rem suam? Minime vero, quia nulla interlocutio hoc per se efficit, nulla per se rem perimit, sed per accidens ut in *l. 1. l. interlocutio, inf.*

commutation. epistol. prog. sic interlocuitur iudex, nisi quod Cajo Srjo debes, solveris, duplum præstabis: quia hæc interlocutio non continet condemnationem certam rei in judicium principaliter deducta, ideo non perimit rem, sed efficere potest, ut postquam iudex ita comminatus est, metu poenæ adversarius acquiescat interlocutioni: atque ita per accidens, non per se plerumque interlocutio perimit actionem. Interlocutio est præceptum a iudice interpositum, quod ad causæ finiendæ præparationem spectat, ut in *l. qualem, §. dicere, D. de receptis arb.* Dicitur interlocutio etiam jussum, vel præceptum, vel præjudicium, et improprie sententia, *l. ult. hoc tit.* Dicitur etiam articulus causæ. Nam in *l. 3. inf. quor. appel. non recti*, quod est articulus, id Græcis est διαζυξις, id est, interlocutio, non ψήφος. Igitur aliud est sententia, aliud interlocutio, vel jussum, vel præceptum, vel præjudicium, quod scilicet præcedit definitionem litis, vel suasio judicis. Et hoc proprie accomodari debet *lex. 7. hoc tit.* quæ hoc vult, ut si cum ageretur ex stipulatu inter propinquos, iudex suaserit propinquis, ut de re transigerent, et paciscerentur, quæ est suasio honestissima litigantibus propinquis. Ea vox judicis, sive interlocutio an perimat dum suadet aut jubet? Nam jubere non est verbum directum, sed magis precarium, ut est in *Panegyrico Plinii*, licet transigendo perimatur lis, tamen hæc vox judicis non perimit litem, et ut ait, obligatio ex stipulatione certo modo perimitur, puta acceptilatione, non etiam interlocutione judicis. Interlocutio judicis non est legitimus modus perimendæ litis, tollendæ obligationis. Et ita, ait, vocem judicis pacisci suadentia, perimere litem non posse, licet hoc suadeat, ut propinqui litem permant transactione. Unde ita concludamus, interlocutionem judicis non habere vim stipulationis, *l. 1. inf. comminat. epistol.* non habere etiam vim acceptilationis, *l. 7. hoc tit.* sicut nec vim stipulationis. At sententia judicis habet vim stipulationis, et acceptilationis, quia civilem obligationem parit, vel tollit, *l. Julianus, D. de condit. indeb.* quæ differentia maxime notanda est inter sententiam, et interlocutionem.

Ad L. II.

Si arbiter datus a magistratibus cum sententiam dixit in libertate morabatur, quamvis postea in servitutem depulsus sit, sententia tamen ab eo dicta habet rei judicatæ auctoritatem.

Notandum est ex *l. 2.* a servo, quem magistratus iudicem dedit certe rei, vel causæ, sententiam latam non infirmari, licet postea appareat

eum fuisse servum. Causa dubitandi hæc fuit, quia revera non fuit iudex. Certum est iudicem esse oportere, ut ejus quoque sententia valeat; sed quia servitus ei obstitit, quo minus iudex fieret, *l. cum prætor*, §. *peni* *D. de judic.* ideo dubitatur, an sententia ab eo lata rei iudicata habeat auctoritatem. Et licet subtili jure nullam vim habeat, quia a non iudice lata est: nec enim servus potest esse iudex: tamen humanius est eam sententiam approbare, et tueri, propter utilitatem eorum, qui apud eum, tanquam legitimum iudicem (quod vulgo existimaretur esse liber ab omnibus) lege, aut legitimo iudicio egerunt, ut quod ad litigatores attinet, plus sit, quod est in existimatione, quam sit in re: quantum ad ipsum vero plus sit, quod est in re, quam quod est in existimatione, id est, plus valeat, quod est in veritate, quam quod est in opinione hominum: nec enim quod iudex datus sit, cum existimaretur esse liber, ideo sit liber, *l. non mutat*, *supra*, *de lib. caus.* Et ita explicanda est *l. 2.* et similiter, ejus eadem est ratio *l. Barbarius*, *D. de offic. prætor.* si servum, qui cum se pro libero gereret, vulgo existimaretur esse liber, princeps, aut populus prætorem designavit, ignorans conditionem ejus: nam si dicamus eum prætorem fuisse, quem postea apparuit fuisse servum, si dicamus eum vera prætura functum, quod Pomponius dixit, ut refert *d. l.* si inquam dicamus eum Prætorem fuisse, veramque præturam gessisse, ut Pomponius, certo certius erit. Omnia quæ in prætura gessit, edixit, decrevit, esse rata, et nullus erit labor in hac specie: at si prætor non fuit, quem postea apparuit servum esse, si falsam præturam gessit, ut Ulpianus tentat in *dict. l. Barbarius*, dum ait: *Et tamen videamus, si servus quamdiu latuit, non dignitate prætoris functus sit, quid dicemus, quæ decrevit, an nullius momenti sint?* In Florent. ita est scriptum: *Et tamen videamus, si servus quamdiu latuit: in dignitate prætoris functus.* Evidens mendum est in illo *in* vel *ut*, et pro eo reponendum est negatio, *si servus quamdiu latuit, non dignitate prætoris functus sit*, ut hæc sit questio, hoc posito, Barbarium fuisse falsa prætura functum, an valeant ea, quæ apud eum acta sunt? et sane verius est, quod ita ponitur, cum falsam præturam gessisse, ut *Marcus Perpenna*, qui cum esset peregrinus pro cive Romano obrepserat ad honorem consulatus errore populi. *Valerius Maxim. lib. 3. cap. 4.* scripsit falsum fuisse consulatum, ac caliginis simile imperium, et adumbratum nomen *Marci Perpennæ*, quod ille sibi adrogavit, et adfixit: ut *Barbarii Philippi* etiam fuisse adumbratum nomen constat ex *Suida*, dum ait, agnito a domino suo scribit, dominum reddidisse antiquum, et servile nomen

verum nomen, non *Barbarii Philippi*. Si igitur *Barbarius* falsam præturam gessit, non veram, si, quod idem est, prætor non fuit, non abs re dubitatur, an teneant quæ is interim edixit, et decrevit inter al quos? Et humanius esse ait *l. Barbarius*, ut teneant propter utilitatem eorum, qui apud eum egerunt, licet postea appareat servus, atque ita simul appareant prætor non fuisse. Hoc ut litis exigit litigantium, quod iniquum sit eos circumscribi. Huic definitioni obstat *l. nulla competit*, *D. qui et a quibus manum.* quæ ait, nullam competere libertatem datam ab eo, qui postea servus pronuntiatus est: et valere tamen dicimus acta, quæ apud eum facta sunt tanquam iudice n, qui postea servus apparuit. Et ait illa lex, nulla competit libertas: male *Accursius* legit sine negatione, ut constat ex *Florent.* id est, neque civitas Romana nec Latina libertas: nam et peregrinus, licet liber sit, manumittendo, neque civem Romanum facit, neque Latinum, ut ex *Octaviano JC.* relatum est in fragmentis *JC.* Quia lex Junia, quæ Latinorum genus induxit, non pertinet ad peregrinos, sed peregrinum manumittendo peregrinum facit. *Plinius* in epist. ad *Trajanum*: *manumissus in peregrino, peregrine conditionis est.* Nemo potest plus juris in alterum transferre, quam, ipse habet. Servus, liberum facere nullo modo potest, quemadmodum nec peregrinus civem. Nemo potest dare alteri, quod ipse non habet. Obstat etiam ei definitio, quod argumento ex contrario colligitur ex *l. 1. sup. de testam.* nullum esse testamentum, quod obsignavit is, qui postea servus pronuntiatus est: nam ita demum ait ratum esse testamentum, si testes, qui testamentum obsignaverunt omnium consensu liberorum loco habiti sint, nec eis hucusque quicquam moverit controversiam status. Ergo ex contrario, si quis cui ex signatoribus moverit controversiam status: ei probaverit non esse liberum, non valet testamentum, quod in eo non sint adhibiti classici testes, et idonei: classici testes vocantur proprie testamentarii. His, ut respondeam, dico, separanda esse ea, quæ quis per se solus gessit auctoritate sua, ut si manumisit, si testamentum fecit, ab is, quæ gessit auctoritate publica, puta populi, aut principis, ut si princeps, aut populus eum prætorem fecerit; quæ gessit per se solus auctoritate sua, ut si manumisit, si testamentum fecit, rata hæc non sunt, si postea servus apparuit, si in servitutem depulsus sit, in qua fuerat ante dum manumisit, dum testamentum fecit, dum adhibuit testamento signator est: at quæ gessit auctoritate principis, aut populi, ut si a principe, aut populo designatus fuerit prætor per errorem, etiamsi revera non fuerit prætor, tamen ea rata sunt: nam sicut dicitur iudicium infantis suppleri auctoritate tutoris, *l. quando*

vis. *S. infans, D. de acquir. possess.* ita quod de-
fuit iudicio Barbarii servi fugitivi, suppletur au-
ctoritate principis, vel populi, qui cum prætorem
fecit, vel otii causa, utilitatis causa, ne quod actum
est semel, rescindatur in fraudem eorum, qui apud
eum egerunt, retractetur: ut M. Tullius 16. ad
Atticum scribit, *de actis Caesaris, ea acta confir-*
mare velle, non tantum eos, quorum interest,
sed etiam eos, qui ea non probant uti causa,
ne quid novi moveatur. Et plurimum hac in re fa-
cere auctoritatem principis, aut populi lex Barba-
rius ostendit, quod princeps, aut populus servum
potuerit designare prætorem: et utique si sciens
servum esse eum populus, vel princeps prætorem
designasset, tacite videretur ei dedisse libertatem,
quod apertius scriptum est in Basilicis ad l. Bar-
barius, his verbis *ἡ δὲ βασιλεὺς γινώσκων αὐτὸν*
δούλον, φησὶνταί πραίτωρα, ἐλευθεροῦται, id
id est, *Sed si princeps sciens eum servum esse,*
prætorem designaverit, liber fit: delatio præturæ
manumissio est, et reddendum erit pretium domino
ex ærario, ut diximus sup. tit. 13. Et ita est intel-
ligendum, quod ait d. l. Barbarius: *sed etsi sci-*
visset servum esse, liberum effecisset, id est, ex
sola designatione præturæ tacito intellectu liberum
eum effecisset. At quia populus ignoravit conditio-
nem ejus servilem, non intelligitur factus liber,
nec proinde prætor, sed tamen acta confirmantur
propter utilitatem eorum, qui apud eum egerunt,
et auctoritatem publicam, quia nixus obrepit ad
præturam. Et hoc multo magis ea lex ait esse ob-
servandum in principe, ut scilicet, quem sciens
princeps servum prætorem fecerit, eum intelligat-
ur perduxisse ad libertatem quia beneficia Principi-
pum sunt quam plenissime interpretanda, ut ait l.
beneficium, *D. de constit. Princip.* et non item
dicitur de rogatione populi: et tunc voluntas Principis
liberum facit, tacite voluntas, l. apud eum, in
f. *D. de manumiss.*

Ad L. V.

Cum eorum, qui principaliter fisco tenebantur,
bona ea lege fidejussoribus procurator tradi jus-
serit, ut ipsi indemnitate fisco præstarent, nec
a sententia ejus intercesserit provocatio: conse-
quens est datæ formæ obtemperari.

Notandum præterea ex l. 5. procuratorem Cæsa-
ris apud quem fuerat conventus debitor fisci (qui
quidem fiscus semper habet tacitam hypothecam in
bonis sui debitoris) eum ita sententiam tulisse,
ut bona debitoris fisci traderentur fidejussori
ejus ea lege, ut fidejussor fisco immunitatem præ-
staret: queritur, an valeat sententia? Dubitandi
causa est, quia non expressit certam quantitatem

sed dixit generaliter, ut fidejussor indemnem fisco
servaret: hæc tamen dubitatio removetur l. 2. tit.
seq. quod si de certa quantitate actum sit, eam ip-
sam quantitatem iudex in sententia exprimere videat-
ur, dum jubet indemnitate præstari. Sed est
etiam alia causa dubitandi in d. l. 5. quia licet an-
te Justinianum *Novel. 4.* fuerit in electione privati
creditoris prius convenire principalem debitorem,
vel fidejussorem, tamen ea electio nunquam fuit
data fisco: debuit fiscus convenire, et excutere de-
bitorem principalem prius, quam fidejussorem ejus,
l. 1. inf. de conven. fisc. debitorib. lib. 10. Et
l. Moschis, de jur. fisc. Moschis est nomen rou-
hebre, ut apud Afranium, ubi hæc Moschis,
quæso habitet meretrix Neapolitis? et in antiqua
inscriptione: *hic sita est i la pia, frugi, casta,*
putica Sempronia Moschis, cui pro meritis gra-
ta a conuge relata est, et potissimum ea lex
Moschis docet a fisco non posse conveniri fidejusso-
rem debitoris sui ante excussum debitorem princi-
palem: et tamen in specie l. 5. prius videtur con-
veniri fidejussor, dum misso debitore, jubetur fi-
dejussor debitoris indemnitate fisco præstare.
Ergo videtur justa non esse sententia. Quod assump-
ti negandum est: nam sane prius fuit conventus
debitor principalis; quod apparet ex bonis debito-
ris translatis in fidejussorem jure hypothecæ tacite,
ea lege, ut fidejussor solvat fisco quod ei de-
betur.

Ad L. VIII.

Libera quidem Theodora, quam ex emptionis cau-
sa, vel in solum creditori traditam proponis pro-
nuntiata: citra provocationis auxilium sententia re-
seindi non potest. Verum si mota questione, præ-
missa denuntiatione ei, qui auctor hujusmodi
mulieris fuit, judicatum processit: quanti ea in-
terest empti si emisti: vel ob debitum reddendum
si in solum data est, repetere non prohiberis.

Præterea notandum ex lege octava, quæ rectius
fuiisset posita sub titulo de evictionibus cum l. si
cum questio, et l. seq. quæ idem volunt, quod
hæc l. 8. quæ potissimum est de evict. Notandum,
inquam, est, mulierem esse venditam, tanquam
ancillam, et traditam, vel etiam fuisse datam in
solum creditori, quæ in solum datio imitatur
venditionem, l. 4. inf. de evict. Et ideo non tan-
tum venditor tenetur emptori de evictione, si
forte emptori jure, iudicioque res evincatur, sed
etiam is, qui in solum dedit, quia quasi venditor
est. Porro ea mulier postea libera pronuntiata est:
non querit, an valeat sententia, ergo non pertinet
hæc lex ad hunc titulum de sententiis etc. Sed que-
rit an emptor, cui evicta est mulier, vel an is,

cui data erat in solutum, regressum habeat adversus eum, qui ei eam mulierem tradidit ut ancillam; et ait quod si ille, qui mulierem accedit ex causa emptionis, vel solutionis, laudaverit auctorem suum, *s' il à appelle pour son garant*, si ei denuntiavit, ut liti motae adisteret, et res evicta ait, eum in venditorem habere actionem ex empto in id, quod interest evictionis nomine, vel creditorem habere actionem creditae pecuniae sui crediti repetendi causa. Quod potissimum cum statuit, atque solum haec l. 8. manifestum est eam potius pertinere ad titulum de evictionibus.

Ad L. X.

Nulli, qui statuendi non habet facultatem. Interdicere patria cuiquam permittitur.

Postremo notandum ex l. 10. cum ait, *nulli qui statuendi, etc.* Ut major sit causa dubitandi, ponendum esse legem loqui non de iudice dato, vel delegato, qui cognitionem tantum habet, non jurisdictionem, sed loqui etiam de magistratu, qui merum imperium non habet, id est, qui coercionem non habet, qui statuendae poenae, vel indicendae ius non habet, ut hic nec patria quidem interdiceret possit, puta magistratus municipalis, ut interdiceret patria nemini possit, qui etiam multam dicere non potest: nam hi tantum multam dicere possunt, qui sunt ordinarii iudices, l. aliud, §. ult. ff. de verb. sign. quibus publice iudicium est, id est, qui ordinarii sunt iudices, nec possunt etiam poenam infligere, et recte Haloander in hac l. 10. scripsit, *interdicere patriam*, ut omnes veteres codices habeant, non *patriam*, ut in l. 7. §. dubitatum, D. de interd. et reitg. *Interdicere provinciam*, ut in 12. tab. *uti legasset super pecuniam tutelae suae*. Et in alio capite, quod ita restituo: qui coronam praeperisse pecuniae virtutis suae arguitur, ei mortuo, parentique ejus, dum intus positus est, forisve fertur se fraude, id est, sine fraude compositus esto.

Ad L. ult.

Cum solitum est in sententiis iudicium, sic interlocutionem proferri, ut non liceat partibus, ante definitivam sententiam ad appellationis, vel recusationis venire auxilium, quidam putabant non licere ante litem contestatam, nec iudicem recusare, quemadmodum nec ab eo appellare: cum enim simul utrumque vocabulum ponitur, tam appellationis, quam recusationis, provocatio autem ante litem contestatam non potest porrigi: putabant, quod nec recusare quidem iudicem cui-

quam concedatur ante litem contestatam: quod minime vetitum est. Caveant itaque iudices huiusmodi sermonem simul, et sine certa distinctione proferre.

Inter cetera, quibus distant interlocutiones a sententiis, hoc unum est, quod a sententiis appellari potest, non etiam ab interlocutionibus, a sententiis appellari potest, nisi dictae sint a principe, vel a praefecto praetorio, vel etiam a Senatu, ex constitutione D. Adriani, l. 1. D. a quibus appellare non licet: nam ante Adrianum a Senatu poterat appellari Princeps. Tacitus 16. *Quidam Senatores Majestatis rei in Senatu accusati, appellato Principe evaserunt*. Et apud Dionem quoque 59. *Multi e patribus a Senatu provocant ad Caligulam imperatorem*. Ab interlocutionibus autem appellari non potest iure civili, nisi scilicet in civili iudicio iudex interloquatur habendam questionem: vel criminali, si contra leges id faciat, l. 2. D. de appellat. recipiendis. At regulariter ab interlocutionibus iure civili appellari non potest, quod mirum videri non debet: nam et in iudiciis hoc solemne erat, ut iudices interloquerentur, et velarent ante sententiam recusationem, vel appellationem interponi. Quam solemnem, et usitatam interlocutionem non improbat quidem Justinianus in hac l. ult. sed hoc vult tantum, ne sicut in illa interlocutione iudices solent recusationem appellationi parem facere, dum interloquuntur, ne ante sententiam fiat recusatio, vel appellatio: ita nos passim aliam alii in omnibus causis parem faciamus: aut ne ex illa solempni, et usitata interlocutione argumentum ducamus in omnibus causis conjungendae recusationis cum appellatione, vel appellationis cum recusatione: nam etsi verum sit, post litem contestatam dicta sententia, neque recusationem, neque appellationem interponi posse, ante litem contestatam tamen recusatio fieri potest, videlicet a die dati libelli conventionis in 20. diem ex Novella 35. et 82. licet appellatio neque non possit interponi ante litem contestatam. Denique recusatio fieri potest ante litem contestatam, non etiam appellatio: non sunt igitur per omnia pares. *Recusationem* appello *refutationem*, et *rejectionem* iudicis, quae sit libello, vel apud acta, l. ult. sup. de iudic. parte: cui displicet iudex datus a magistratu, dicente: *hunc nolo iudicem mihi dari*, vel ut apud Asconium Pedianum: *hunc derjeto, iniquus est*. Haec rejectio ante litem contestatam fieri debet, non post: quia litem contestando consensusimus in iudicem, et in quem semel consensusimus, postea eum honeste rejicere non possumus, l. 12. et l. apertissimi, sup. de iudic. Hoc tamen ita accipiendum est, ut ante litem contestatam iudex datus a magistratu recusari possit etiam non redditis causis, hoc

uno verbo: *hunc nolo judicem: post litem contestatam non nisi redditis justissimis causis, ut in capitulo super eo 2. de appellat. cap. insinuante, de offic. delegati, cap. inter monasterium, de sentent. et re judic.* Loquor de iudice dato a magistratu, de iudice delegato: nam magistratum ipsum non invenio olim recusari potuisse, quia nec jure ordinario judicabat, sed iudices dabat: sed cum magistratus judicat extra ordinem, ut hodie omnia judicia sunt extraordinaria, sane dicam recusari eum posse proinde, ac iudicem delegatum ex *Novella 69.* Est etiam alia differentia inter recussionem, et appellationem, quod iudex datus ex consensu utriusque partis recusari non potest, *d. l. apertissimi, et ab ejus tamen sententia appellari potest, l. ex consensu, D. de appellat.* Nisi sit Episcopus, *l. 8. sup. de Episcopali audientia.* Iudex edititius solus recusari potuit, id est, quem una pars tantum elegisset; *hunc edititium iudicem vocat M. Tullius pro Plancio, et pro Muræna, et Servius in illum locum Virgilii egl. 3. nec quemquam fugio: id est, consensio in iudicem edititium.* Edititius autem iudex est, quem una pars elegit. Hunc, vel reicere possum, vel etiam ipse seligere, aut electionem adversarii approbare, non eum, quem dederit magistratus utriusque consensu.

JACOBI CUJACII. J. C.

In Lib. VII. Codicis.

RECITATIONES SOLEMNES.

Ad Tit. XLVI. De sententia, quæ sine certa quantitate prolata est.

Quod dictum est titulo superiori *l. septima, et nona: Sententiam certis finibus concludi, id ita specialiter declaratur in hoc titulo, ut sententiam certam esse oporteat, id est, certæ pecuniæ, vel certæ rei, certive corporis: Sententia enim est finis iudicii: non est autem iudicii finis, quæ est incerta, et infinita: denique non est sententia. Et velim in hoc titulo subintelligi, vel certa re, ex *§. curare, Instit. de act.* Certa autem est pecuniæ quantitas, vel certæ rei qualitas, non tantum si exprimat in sententia nominatim, sed etiam si intelligatur, et repeti possit, vel ex libello conventionis, vel instrumento obligationis, vel parte aliqua actorum, *l. 3. hoc tit. l. 5. §. ult. et l. 39. D. de re judic. vel etiam ex legibus ipsis, et jure publico, ut in specie, l. 1. hoc tit. si ita iudex pronuntiet: Lucio Titio Cajum Srijum ex causa venditionis centum debere videri: cujus pecuniæ quo ad eam persolverit, Lucio Titio Cajum Srijum usuras depende-**

re placet. In hac sententia non exprimitur quantitas usurarum, sed intelligitur satis ex jure ipso, quo constat usuras iudicati olim fuisse binas centesimas, hodie esse singulas centesimas ex titulo *de usuris rei judicæ.* Ideoque rata est sententia, quia iudex intellexit de dependendis usuris legitimis, id est, usuris rei judicæ lege definitis. Et ita est explicanda lex prima circumscripta tota glossa. Et præterea notandum: diem legittimum iudicati faciendi, solvendi, implendi, qui ex lege duodecim Tabularum fuit triginta dierum, postea fuisse duorum mensium, et postremo, quatuor mensium, diem, inquam, legittimum iudicati faciendi, *pour payer sa condamnation, qui humanitatis causa lege datur condemnatis, iudicem non tantum prorogare posse, vel coarctare, ut ait l. 2. ff. de re judic. sed etiam ne dare quidem ullum diem faciundo iudicato, si causa, aut persona exigere videatur, ut puta, si jubeat usuras præstare a die datæ sententiæ; quoad sors certa, quæ in condemnationem deducta est, persoluta sit.* Notandum etiam est ex *l. 2.* ratam esse sententiam, et justam, si procurator Cæsaris fisco, vel si procurator Reipubl. indemnitate præstare jubeat Reipublicæ. *Jubere est verbum commune sententiæ, et interlocutioni.* Si, inquam, indemnitate fisco præstare jubeat, non adjecta certa quantitate, ut in *l. 5. sup. tit. prox.* Quod velim vos accurate observare, tantum scriptum esse de fisco, et Republica, ne existimetis privato homini, aut in privatum hominem ita dictam sententiam, ut ea jubeat iudex indemnitate adversario præstari, valere: nec enim valet, quia est incerta sententia. Et cur tamen aliud est in fisco, et Republica? quia fisci, et Reipublicæ publicæ sunt actiones, et certæ, ex quibus certo peti potest, quid fisco, aut Reipublicæ debeatur: faciunt enim fidem, ut propterea satis sit, si quis jubeatur indemnem præstare fisco, vel Reipublicam: ac præterea usuræ, quæ debentur fisco, aut Reipublicæ legibus sunt definitæ, puta, ne sint majores semissibus, *l. cum quidam, §. si debitores, D. de usur. l. Septicia, D. de pollicit.* At privatarum, et domesticarum rationes non sunt certæ, neque fidem faciunt, sicut nec privatarum subnotationes fisci fidem faciunt, nec privati breves. (Id appellant Galli *lex papiers des comptes particulier, comme les memoires*) *l. exemplo sup. de probat.* Et præterea, ut Asconius tertius contra Verrem, *vetus consuetudo cessavit privatim diligenter, et summa cum fide consiciendarum rationum, quod plerique ex suis rationibus damnarentur, et ex suis tabulis revincerentur: nam olim rationes private expensi, et accepti a patribus familias conscriptæ diligenter faciebant plenam fidem, ut demonstrat Oratio pro Ro cio Comedo,*

et Gellius lib. 14. cap. 2. dum inter genera probationum numerat expensilationem. Ergo quod est in hac l. 2. de Republica, et in l. 3. sup. tit. prox. de fisco, ne trahamus etiam ad privatos propter illam rationem differentie. Et præterea observemus ex d. l. 2. curatorem Reipublice, qui et olim dicebatur logista, et pater civitatis, et Reipublice, fuisse judicem rerum ad civitatem pertinentium, l. ult. D. de offic. assess. l. 3. sup. de modo mulct. procuratorem autem Cæsaris fuisse judicem rerum fiscalium inter fiscum, et privatos: ut ille inter Rempub. et privatos. Et his cognitis concludamus alias sententiam sine certa quantitate prolatam ipso jure nullam esse. Ex quo sequitur eam rescindi sine appellatione, et nec nomen sententie mereri, l. ult. sup. de sent. ex peric. recitat. et ex integro causam agi posse alio iudice dato, ut in l. 4. quom. et quando iudex, etc. et l. 4. hoc tit. Et præterea ex ea sententia non nasci actionem iudicati; ut ait l. 3. hoc l. In qua proponitur sententia lata his verbis: omnem debiti quantitatem cum usuris competentibus solve. Ubi primum observandum est, sententiam concipi verbis directis, id est, imprativis solve ut in l. 4. quæ bona fide accepisti solve. Quæ verba sunt trajecta, et rectius collocata in Basilicis hoc modo: *ἅπασαν τὴν ἀπὸ τῆς ἀγαθῆς πίστεως ἀποδοτέαν*: quæ accepisti bona fide, solve. Et ita etiam verbo directo concipitur sententia l. 39. D. de re jud. et l. quid tamen, §. pen. D. de recept. In utraque l. 3. et 4. verum est, nullam esse sententiam ipso jure, quia non exprimit certam quantitatem, quam solvi oportet, nec repeti potest ex actis, quod ponit omnino utraque lex. Et in l. 4. mulier repetebat dotem soluto matrimonio apud extraordinarium iudicem, id est, alienum, et non congruum, puta, petitum ab Imperatore extra ordinem, et datum, ut apud Paulum 3. Sentent. tit. 3. et in l. 2. sup. de dilationibus. Et hanc incertam sententiam tulisse, hoc modo: quæ accepisti bona fide, solve, et non apparere, quæ acceperit ullo instrumento: ideo aut alium iudicem esse dandum, apud quem causa ex integro agatur, quoniam extraordinarii iudicis sententia pro non lata est, quia incerta est, nec aliunde certa reddi potest.

JACOBI CUIACII J. C.

In Lib. VII. Codicis

RECITATIONES SOLEMNES.

Ad Tit. XLVII. De sententiis, quæ pro eo, quod interest proferuntur.

Quod dixit superiori titulo, sine certa quanti-

tate prolatam sententiam non valere verum est, etiam si incerta petitio fuerit actoris, incertusve libellus conventionis l. ult. sup. tit. prox. l. ult. sup. de annal. except. vel si egerit de incerta quantitate, §. curare, Insti. de action. ut si egerit in id, quod interest: cujus incerta est quantitas, et per hoc actio in id, quod interest, incerta, vel incerti actio dicitur passim in jure, quacunque ex causa agitur: nam et cum incerti agitur in id, quod interest, si id iudex censeat esse præstandum, eo nomine debet facere condemnationem in certam quantitatem, condemnationem taxatæ quantitatæ, ut ait l. 3. in fin. de inutil. stip. Et taxatæ quantum possibile est, ut ait d. §. curare: et in const. h. l. Justinianus etiam ait, *σε πρὸς τὸ ἐνδεχόμενον*, posuisse taxationem condemnationi in id, quod interest: nec enim facilis ea positio est, quia non liquet utique semper quatenus cujusque intersit, propterea quod ea res pendet ex facto, non ex jure, l. quatenus, ff. de reg. jur. Incertum est et finitum: facti causa, id est, hypotheseos, ex qua ducitur ratio ejus, quod interest, ut variè est, ita variam inducit, aut nullam rationem ejus, quod interest, l. 112. §. ult. ff. de verb. oblig. l. si quis ab alio, ff. de re judic. Pro cujus varietatè varia etiam inducitur ratio ejus, quod interest, modo major, modo minor, quam sit res, circa quam ea incidit utilitatis ratio, modo rei omnino compar. Et ut facti causa plerumque obscura, et difficilis probatio ejus, ut in l. 3. ff. de inter. in jur. fac. ita difficilis est plerumque probatio, et enumeration, sive definitio ejus, quod interest, l. ult. ff. de prætor. stipul. Quod sit, ut eadem l. ait, ut in incerto in dubio, in obscuro sæpe iudices, qui sunt æstimatores ejus quod interest, æstimationem ejus quod interest, redigant ad exiguiorem summam secundum id quod dicitur, in obscuris exiguius esse sequendum: vel etiam hujus difficultatis, et certitudinis vitandæ causa contrahentes ab initio in stipulationibus, quæ in id quod interest concipiuntur, comprehendunt certam quantitatem, ne obscuritate distineantur definiendi, et æstimandi ejus, quod interest: et ut ipsi potius initio contractus qualem qualem, certam tamen ejus, quod interesse possit, æstimationem faciant, si aliter fiat, quam convenit, vel si non fiat, quod convenit, d. l. ult. ff. de prætor. stipul. §. ult. Insti. de verb. obligat. Et ut ostendamus quomodo variè ineatur ratio ejus, quod interest, ejus plerumque nihil interesse deprehenditur ex re ipsa, et facto ipso, negotio ipso, vel eventu ejus, et exitu: aliquando plurius interest, quam sit in rei pretio, quæ de agitur, ut in l. 1. ff. de act. empt. l. 6. ff. de vi, et vi armata. Dicitur alias plus, alias minus interesse, quam quanti res est. Sumamus, quod est prius, alias

pluris interesse quam quanti res est, id est, quam sit in rei creio, ut in hac specie, si vinum, quod mihi venditum est non tradatur, et agam in id quod interest ex empto, consequar non tantum pretium vini, quod prenumeravi, sed etiam id, quo pluris hodie vinum est, quia id haberem, id est, id meo cessisset lucrosi si vinum mihi traditum fuisset in tempore, si in eo tradendo moram non fecisset venditor: et hoc ita ostenditur in *l. si sterilis*, §. *cum per venditorem*, de act. empt. qui locus alibi explicabitur. Aliquando vero minoris interest, quam sit in rei perio, ut in *l. 9. in fi. ff. ad exhibend.* Sic Florentine rectissime scriptum, *utilitatem actoris, id est, id quod interest, quod innumeris locis dicitur utilitas, minoris esse, quam rem*, ut in hac specie: egi ad exhibendum mihi servum meum, quem alius possidebat, cui alieno testamento legata erat optio cujusdam rei, videlicet servi, vel rei, ex pluribus servis, aut rebus, ut unam optaret, quam vellet, que tamen optio ejus rei minoris erat, quam servus ipse, cui legata optio erat. Finge datam optionem pecudis ex grege, et prestare servum pecudi, interim vero servum interiisse suo fato, non dolo, aut culpa possessoris, antequam jussu meo optaret, ut requiritur: nam legatum optionis comparatur legato hereditatis delatæ servo, quia ut hereditatem adire servus non potest, ita nec optare sine jussu domini, *l. 10. de leg. 1. l. 23. in princip. ff. de lib. causa*. Igitur antequam jussu meo optaret, mortuus est sua morte. Quid consequar actione ad exhibendum? Legati amissi estimationem, non servi suo fato mortui, quia sine dolo et culpa possessoris mortuus est, *l. 13. §. ult. de rei vindic.* Sed consequar estimationem legati amissi, quod haberem, si servus mihi statim redditus fuisset: nam jussissem eum statim optare: denique pro modo tantum ejus legati mea interesse intelligitur, et iudex tantum habebit rationem legati amissi, quod cum minoris sit, ut dixi, quam servus amissus, apparet minus esse id quod venit in rationem ejus, quod interest, quam rem ipsam. Aliquando id quod interest non egreditur pretium rei: scilicet idem est pretium rei, et id quod interest: nec plus, aut minus id quod interest, quam pretium rei, ut in specie *l. 3. §. condem. de tab. exhib.* Si legatarius agat interdicto de tabulis exhibendis, in quibus sibi legatum relictum est, in quantum sua interest tabulas exhiberi, eis non exhibitis, quantum est in legato, tantum veniet in estimationem ejus, quod interest, nec amplius: ut item in specie *l. pen. ff. quibus ex causis in poss.* si legatarius missus sit in possessionem rerum hereditariarum decreto pretoris, legati servandi causa, cum ei non caveretur legati nomine, nec admissus sit in possessionem ab eo,

qui erat in possessione, interdicto *ne vis fiat ei*, qui in possessionem missus est, nomine ejus, quod interest, id tantum consequetur, quod est in legato, non amplius, et in *l. si vendidero*, §. 1. de furt. si dominus agat furti, tanti interesse intelligitur, quanti res subrepta valet: idque rei pretium duplatur, aut quadruplatur in actione furti personali. Et ita etiam in *l. si sterilis*, §. *cum per venditorem*, ff. de act. empt. in illo loco pretium tritici, id quod interest exæquat pretium tritici. Et similiter in *l. 1. sup. de his, qui a non dom. manum*, ut pretium eorum, inquit, dominus, si hoc elegerint, non domini, qui eos manumiserunt, deprendant, quanti sua interest: ubi Thalelaus: *αὐτῶν, etc.* Nota, inquit, quod vocavit pretium, mox eum appellare τὸ διατίπον, id est, quod interest, tanquam idem sit pretium, et id quod interest in ea specie, et ita quod est pretium in *l. 13. §. ult. ff. de rei vind.* ut si homo petitus rei vindicatione mortuus sit sine dolo et culpa possessoris, pendente lite, quia res sua domino moritur, et perit non alii, a quo dolus, et culpa abest, ejus, servi pretium non esse prestandum actori, nisi eo casu mortuus sit, qui non incidisset, si actori in tempore servus redditus fuisset. In eadem specie, eademque sententia est *l. de eo*, §. *si post*, ff. ad exhib. quod illa vocavit pretium, vocat id quod interest. Sunt igitur casus, facta, negotia, lites, in quibus id quod interest non egreditur rei pretium, et ubique spectatur, aut verum justumque pretium, quod approbat communis usus, quod in foro sequuntur omnes: aut spectatur pretium, quod numeratur, ut ait *l. 1. ff. de act. empt.* quanti res valet, vel empti est: pretium autem, quod affectus, vel utilitas singulorum statuit, non veritas, nunquam spectatur. Nec igitur ullum est, ut Doctores vocant, *interesse singulare*, id est, quod intersit pro affectu cujusque, id est, quod æstimetur affectu, non pretio; sed vel pretio id quod interest æstimatur vero et justo, vel pretio convento, aut interdum supra, vel infra pretium verum, aut conventum: pretium, quod affectus cujusque facit, nunquam spectatur. J. C. ait in *l. pretia in princip. ff. ad l. Falcid.* Pretia non ex affectu et utilitate singulorum, sed communiter fungi, id est, non singulariter, sed communiter rerum pretia pretia æstimari, non ex affectu, aut utilitate singulorum, sed ex communi usu, atque consensu res pati pretia, quod est fungi, ut apud Lucretium sæpe fungi, id est, pati. Ergo facessat pretium procul hinc, quod affectus statuit, et iterum dicamus, id quod interest æstimari pretio rei vero, aut convento: et interdum infra, pro qualitate facti, pro eventu negotii gesti: quamobrem recte dicere, certum non esse defini-

tionem ejus, quod interest, id est, taxationem ejus, quod interest: ut de mora dicitur in *l. mora*, ff. de usur. Difficilem esse definitionem moræ, id est, difficile esse certo definire, quando mora facta esse intelligatur, hoc non posse d. cidere ullam legem, ullamque constitutionem, quia facti est, non juris questio, est judicialis, ut ait *l. Lucius*, de mand. *l. Maria*, §. pen. ff. de ann. legat. non questio juris, questio, quam non possit definire Jurisconsultus, sed judex tantum, vel arbiter, propterea quod pendet ex facto, et pro varietate facti alias intelligitur facta mora, alias non esse facta. Et jura Aristo. 4. Ethicorum, τοῦ ἀόριστου, καὶ τὸν ἀόριστον αὐτὸν ἀόριστον, id est, incerti incerta regula est. Non potest incertum, de quo tractatur; oratione facile determinari, quod ejus definitio pendeat ex singulis rebus ex facto, et iis, quæ sensibus subjiciuntur: qua de causa recte dices etiam questionem de eo, quod interest, quatenus intersit, esse questionem judicialem, facti, non juris, et difficilem tamen ipsi judici explicatu, quin alias plus, alias minus, alias tantundem, alias nihil interest. Quamobrem Justinianus ait hoc tit. quantum potest judici, in ejus arbitrio posita est taxatio ejus, quod interest, legem datam, quam sequatur, neque excedat in estimatione ejus, quod interest. Et recte judici soli: nam etsi aliquando estimatio ejus, quod interest, permittatur adversarii jurjurando in litem, ut ipsemet æstimet quanti sui intersit, *l. semper*. §. hoc interdicto, ff. quod vi aut clam, tamen id iurjurandum judex moderari, et refrænare, imo nec sequi potest, *l. videmus*, *l. in actionibus*, §. de in lit. jur. Ut inde appareat semper taxationem ejus, quod interest, pendere ex arbitrio judicis, quam ut certam faciat, datus est hic titulus post titulum de sentent. quem sine certa quant. præfer. ut scilicet etiam si actum sit, in id quod interest, quæ res incerta est, tamen sententia sua certam eam faciat judex, dammando in certam quantitatem eum, qui tenetur in id quod interest. At ex arte definitio ejus, quod interest tradi potest hodie facillime: nam non est credibile quantum superiores interpretes laborarint in querenda definitione ejus, quod interest. Memini me in his disputationibus audiendis multum consumpsisse temporis, nec quicquam per eas profecisse: si quis autem teneat materiam, sive questionem totam, ei ait facillimum non unam tantum dare definitionem, sed plures ex arte confectas, et omnes ex legibus nostris. Id quod interest, est incommoditas rei, vel actoris, quæ culpa adversarii contigit: aliter: pecuniaria quantitas ratio, quæ ad nos pertinet: nam id quod interest, in res redigitur. Vel aliter: quod per adversarium amisimus, aut habere non potuimus, ex

Tour. IX.

l. generaliter, ff. de reg. jur. Aliter: id, quod jus nostrum deterius factum est culpa adversarii, ex *l. etsi post tres*, ff. si quis caus. Aliter: id quod interest, est quod mihi abest, quodve lucrari potui, ex vulgatissima *l. si commissa*, rem ratam haberi, cui potest addi *l. ult.* ff. si mulier ventris nomine in possess. illo loco, id quod abest, vel melius, quoniam, ut ante dixi, passim in jure id, quod interest, dicitur utilitas, ut nuper, cum dicebam Barbarii decreta sustineri propter utilitatem eorum, qui apud eum egerunt, id est, propter eos, quorum interest, in titul. de eo, quod certo loco. Utilitas semper est, quod interest, et firma in omnibus legibus, quas ante adduxi. Unde ita dicamus. Id, quod interest est utilitas, quæ mihi abest, quamve adipisci potui, nisi mihi obstitisset adversarius. Vel est utilitas, quæ mihi obvenisset, si neque damnum mihi datum, neque lucrum interceptum fuisset. Nam est damnum, quod quis mihi dedit: non est lucrum quod mihi quis intercept, damnum emergens, ut loquuntur, vel lucrum cessans, sed utilitas, cui fuit impedimento damni illatio, vel interceptio lucri. Atque hoc ita exposito, sequitur ut nunc videamus, quem in ea re modum judicem servare Justinianus velit. Et separat quidem Justinianus casus certos ab incertis, et casus vocat themata, ut est in Basilicis, pro in omibus casibus in τὰς εἰρημαίους διατάξεις, quas Justinianus noster multis in locis vocat propositiones. Et casus certos definit esse eos, qui certam habent quantitatem, vel naturam, quibus dicto, et principaliter proponitur agi de certa pecunia, vel de corpore certæ rei, ut natura nihil aliud sit, quam substantia certi corporis. Et dat pro exemplo venditiones, quæ certum pretium habent, et taxatam quantitatem, *l. 1. sup. de rer. permutat.* §. pretium, Instit. de empt. Et rem quoque certam, raro incertam, nec nisi eam aliam, aut spem emimus: nam et aliam, et spem emptio est, *l. nec emptio*, ff. de contr. empt. *l. si factum*, ff. de act. empt. ut si quis emit jactum rei, quod in illicotismo dicimus, acheter un trait, incertum emit, vel si quis emit avium, aut ferarum, aut regie sparsionis captum. Dat etiam pro exemplo locationes, quod et in iis certum pretium esse oportet, id est, certam mercedem, sive pensionem, quæ sæpe pretium dicitur, et rem certam. Sed interdum etiam incertam, ut si quid faciendum locavero certa mercede constituta. Et postea generaliter Justin. addit, ut ex omnibus contractibus certum condici possit, *l. certi cond.* ff. de reb. cred. Et his omnibus casibus, qui habent certam summam, vel certam speciem, sive rem, Justinianus definit, id quod interest non posse excedere dupli quantitatem, id est, duplum ejus rei,

105

de qua principaliter agitur, sive que in judicio vertitur potissimum, ut non appositione exempli opus est, si per venditorem mora fiat, quo minus res tradatur, que venit, et agat emptor ex emptio quanti sua interest rem habere, pretium consequatur, quanti rem emit, si prænnumeraverit, et hoc amplius quanto plura res hodie est, *l. 1. in princ. l. si sterilis, §. cum per venditorem, de action. empt.* modo id non excedat duplum: nam si res empti sit decem, et ea res digna hodie sit 25, emptor non consequetur ultra viginti, id est, 10. pretii nomine, que prænnumeravit, et alia 10. id est *ισόπεπας* nomine ejus, quod interest supra pretium rei, etiamsi fore plura intersit. Pone emptorem prænnumerasse pretium, quod Theodorus Hermopolites in hac legem vocat *πρόσπαιον*, Latini dicunt *promutuum*, et *antececum*, *avance*: nam si emptor non numeravit pretium, vel non satisfecit venditori eo nomine, venditor, qui rem non tradit, moram facere non videtur, quia potest retinere rem venditam veluti pignoris jure, donec ei adnumeretur pretium, *l. Julianus, §. offerri, l. de act. empt.* Et ejus, quod interest non habetur ratio, nisi post moram. Posui etiam specie in actione ex emptio: nam post traditionem rei, atque adeo moram emptoris, si venditor agat ex vendito, que actio pretii dicitur in *l. 8. et 9. sup. de cont. empt. et l. 7. sup. de action. empt.* In eam actionem ex vendito, actionem pretii, non dicemus ex mora venire id, quod interest, sed ex mora venire usurarum pretii, que legitimo modo in regionibus frequentantur, *d. l. Jul. §. ex vend.* ut si actione ex locato, *l. cum quidam, §. ex locato, ff. de usur.* At sane hæ usuræ non proprie veniunt quasi usuræ; sed quod intersit venditoris, moram emptorem non adhibuisse in offerendo pretio, *l. socium, pro soc.* et ratio est, quia hæ usuræ propter moram non solventium inferuntur, id est, qui tardius solvunt, non propter lucrum potentium, *d. l. cum qui tem §. si pupillo*. Cedunt igitur hæ usuræ loco ejus, quod interest; lænus infligitur propter lucrum creditoris, etiamsi ejus nihil intersit: sicut pœna in conventionem deducta recte exigitur etiam ab eo, ejus nihil interest, *l. cum pœna, ff. de receptis, l. stipul. §. alteri, ff. de verb. oblig.* Usura, que propter moram infligitur, non est lænus, sed pro eo, quod interest, infligitur officio judicis ex tempore moræ, ut non male idem Theodorus in hac lege ita scribat, *τὸ δίπλων, ἢ τοι τὰς τόκους*; confundens cum usuris id quod interest, quia scribet exiguntur vice ejus, quod interest. Sed proprie usura est accrescio quantitatis: id quod interest, accrescio rei, vel corporis, quod utrumque infligitur ex mora. Et modus, et finis idem est utriusque, nempe duplum. Et utrumque etiam pœna

dicatur recte: nam pœna est quidquid ultra sortem, et rem principalem exigitur. Sed alia est pœna, ut dixi, que inferitur etiam ei, cuius nihil interest conventionem. Alia, que inferitur ei tantum, cuius interest ut usura, et quanti interest, quod propter moram exigitur, et præstatur officio judicis. Et usura quidem illa pœna dicitur, *l. lecta, de rebus cred.* illo loco *pœnæ nomine*. Id autem quod interest, etiam pœna dicitur, *l. ult. ff. de eo, quod certo loco, et in Const. hoc tit.* cum Justinianus reddens rationem modi a se impositi estimationis ejus, quod interest, id est, reddens rationem coarctatæ a se estimationis ejus, quod interest, ait *cum sciamus esse naturæ congruum eas tantum pœnas exigi, que cum competenti moderamine proferantur*. Pœnam vocat id quod interest, quod ipse taxavit, atque finivit. Et verbum *proferatur*, est verbum istius *tit. de sent. que pro eo, quod interest*, et hujus loci sensus hic est, congruum esse naturali æquitati, ut sententiæ, que pro eo, quod interest proferuntur, proferantur cum modo æquo, et pari, ne modicæ culpe, sive moræ gravis statuatur pœna. Æquius esse culpa ceteriorum pœnam esse, quam pœna culpam; culpam omnem par odium, sive parem pœnam exigere, aut certe minorem potius, quam majorem, humanitatis hanc esse legem. Ex qua fit, ut in obscuris, quod minimum, in paribus sententiis judicum, quod mitius est, sequamur, et in dubiis questionibus jura, ut in medium eamus potius, quam in summum, aut imum: melius esse ad summum, vel imum, quam in summo, vel imo. Porro usura, sive sit scilicet, sive non sit, id est, quæcumque ex causa infligatur, non potest excedere dupli quantitatem, *l. si non sortem, §. sup. duplum, ff. de condit. indeb.* Nam ubi usuræ æquaverint sortem, quod postea usuris pernumeratur, deducitur de sorte; ut si pretium sit 10. non potest venditor ex mora ab emptore consequi ultra 10. usurarum nomine, denique solitis 20. liberatur emptor et a sorte, et ab usuria, et extinguatur actio pretii et exemplo usurarum idem vult Justinianus servari in casibus certis. Cum ponitur ratio ejus, quod interest: ut ne ponatur supra duplum. Denique in casibus certis, eundem esse modum usuræ: et ejus, quod interest. Item etiam est modus pœnæ, que pro usuris, vel eo, quod interest in stipulationem deducitur: nam et hæc servare debet rationem dupli, *l. Julianus, §. ibidem Papinianus, ff. de act. emp. l. 15. sup. de usur, l. pecuniæ, et l. pœnam, ff. ead.* Et ut alio exemplo demonstrem in casibus certis id quod interest non posse excedere dupli quantitatem, id est, sorte principali altero tanto amplius esse non posse: finge hominem emptum 10. et traditum emptori pretio numerato, emptorem in enumerandum impendisse 30. deinde servum emptori, emptor actio

ex empto, quanti interest evictionis nomine non consequatur a venditore 40. licet ejus tantundem intersit, sed viginti tantum, quæ est species leg. Titius, in fi. et l. seq. ff. de action. empt. Quæ lex sequens nominatim ait, venditorem non teneri ultra duplum in id quod interest, ut plane quis ex illo loco possit sentire hanc taxationem Justiniani non esse novam, cum sit etiam prodita in d. l. Sed dicendum est in causa evictionis hoc tantum fuisse receptum, etiam ante constitutionem Justin. ut scilicet venditor ultra duplum periculum evictionis non subiret, quia scilicet moris erat, eo nomine stipulari duplum, l. quod si nolit, §. quia assidue, de edic. edic. l. 2. D. de evict. Et actioni ex empto tacite interest dupli, etiamsi non fuerit cautum, quod soleret caveri. Unde receptum est, ut actione ex empto non teneatur venditor emptori ob evictionem ultra duplum. At Justin. eandem rationem dupli vult in omnibus causis servari etiam extra causam evictionis, ut in exemplis supra expositis. Itaque nova est definitio Justiniani. Sed quoniam generalis sit, velim tamen ab ea excipi duos casus. Omnis definitio juris periculosa est: hic periclitatur duobus casibus, 1. in casu nauticæ pecuniæ, quæ navigat periculo creditoris, non debitoris: in ea nolim servari rationem dupli, si agatur de eo, quod interest propter moram debitoris, quia et certum est in ea non servari modum usurarum, id est, nauticæ pecuniæ usuras supra duplum deberi, l. 9. §. ult. D. de eo, quod cert. loc. Ergo et id quod interest in nauticæ pecuniâ supra duplum debetur, id est, omne id quod revera interest, etiamsi sit inmodicum, quia exemplum usurarum portectum est ad id quod interest, ut plane videatur ubique esse sequendum. Excipitur etiam ab hac generali definitione causa doli mali, ut si quis sciens dolo malo vendat rem alienam, vel si quis sciens vendat servum, qui est in causa libertatis, id est, statuliberum pro servo, hic ratione doli omnimodo præstat ibi id quod interest, nec in eo servabimur taxationem dupli, l. idque et Julianus, D. de act. emp. Diximus satis de casibus certis. Sequitur ut dicamus de casibus incertis, qui scilicet quantitatem, aut rem non habent certam, atque finitam. In his casibus Constitutio Justiniani ad finem dupli non taxavit id quod interest, sed arbitrio judicis reliquit, ut ipse æstimaret pro sua religione, et æquitate in rei veritate, quanti intersit actoris, vel rei, cum ejus æstimatio venit in judicium. In casibus certis constitutio taxat id quod interest, nec in eis ullæ aliæ sunt partes judicis quam ut legis taxationem sequatur. In casibus incertis id quod interest taxat officium judicis: ut si agatur de fundi possessione, quæ res est incerta, quæ possessio, neque quantitate, neque corpore certo constat, quanti intersit possessionem

retinere, quam alius interturbat, l. pen. §. ult. ut poss. officio judicis æstimatur, si agatur interdicto unde vi, quanti intersit possessionem ereptam non esse. In quo judicio venit etiam omnis utilitas, id est, omne, quod interest actoris, æstimandum, sive taxandum arbitrio judicis, l. 1. §. ex die, ff. de vi et vi arm. Item si agatur de restitutione operis, quod vi aut clam factum est, quia restitutionis, sive, quod idem est, destructionis, et demolitionis, utpote facti, causa incerta est, quanti intersit restitutionem operis fieri officio judicis æstimatur, ut est nominatim scriptum in l. semper, §. in hoc interdicto, ff. quod vi aut clam. Et æstimatur ex rei veritate, non ex commentitiis allegationibus, vel excogitationibus partis adversæ, sed ex rei veritate, ut ait l. 9. §. ult. de aqua, et aqua pluvi. Hoc est, quod Justin. ait in hac lege, In casibus incertis, quod revera damnum induitur, hoc præstari arbitrio judicis. Et hoc quidem omne, quod revera damnum datum esse apparuerit. Idemque est, si agatur de eo, qui promisit, se opus facturum, se domum edificaturum, nec fecit, quia facti causa incerta est ob ipsum, quod facta non sunt, antequam perfecta sint, sed intellectu tantum abstrahuntur, et quæcumque in intellectu videri consistunt, quæcumque sunt λόγῳ διατετα, quæ jure consistunt, incerta et inmanifesta sunt. Hoc igitur casu non faciente promissore incerta, cessante promissore, licet condemnatio in pecuniâ numeratam, id est, in id quod interest arbitrio judicis, l. si quis ab alio, §. fi. ff. de re judic. l. stipulationes non dividuntur ff. de verb. oblig. Idemque est, si agatur de cautione præstanda, quia cautio nomen est juris, non corporis, et res incerta igitur: ut si quis promiserit se satisfacturum pro Titio debitore, nec satisfacit, et conveniatur ex stipulatu, quanti revera intersit stipulatoris satisfacti, et caveri sibi eo nomine, officio judicis æstimabitur. Ita ut si Titius in solidum idoneus sit in nihilum æstimetur, quia revera nihil interest, atque ita promissor absolvatur: si vero Titius pro parte tantum debitor idoneus sit, id tantum æstimetur, quod Titius facere non potest: vel si Titius nihil prorsus facere possit, solida tota, quæ debetur, æstimetur, et præstetur ab eo, qui moram fecit in satisfactione præstanda, d. l. si quis ab alio in pri. et l. 12. §. ult. qui satisfac. cog. Neque vero amplior sit æstimatio, quam dixi in hac specie, etiamsi forte allegat stipulator, timere se ne Titius, qui nunc est solvendo, postea fiat non solvendo, atque ita sua interesse dicat, ut sibi eo nomine satisfactur, quod Titius sibi possit facultatibus, quia, ut ait d. l. si quis ab alio, istius vaui timoris nulla est æstimatio, nullæque habenda a giudice ratio,

ut ait l. 6. ff. qui et quibus ex caus. manumiss. A hereditii casus computandi non sunt: quo enim casibus sunt obnoxia negotia hominum? Quot si spectaveris rationem ejus, quod interest, deduxeris in immensum et in infinitum. Igitur casus adventitii computandi non sunt, id est, habenda non est ratio eorum, quæ extrinsecus evenire possunt, non etiam in re ipsa insunt naturaliter. Et hoc exemplo exhibito ex d. l. si quis ab alio, possis luculenter explicare, quod ait Justin. in hac l. in casibus incertis judicem æstimantem id quod interest, id non debere metiri ex quibusdam machinationibus, ne res abeat in infinitum ex omnibus allegationibus partium, et technis, et perversionibus partium inexplicabilibus, ut Theodorus loquitur, ἀπὸ τινῶν ἐκνευῶν λεπτῶν, καὶ διαστρόφων, ex minucis, et subtilitatibus quibusdam a partibus excogitatis angenda rationis ejus, quod interest gratia, sed judicem spectare debere, quod in rei veritate damnum datum esse, aut lucrum interruptum esse apparuerit, adversarii culpa: nam in ratione ejus, quod interest, semper non damni tantum, sed etiam lucri intercepti habenda ratio est. Quod et veteres juris auctores ita definisse Justinianus ait hoc loco, et probat ipse. Idem potest ostendi ex l. si in lege, §. colonus, ff. loc. l. 9. §. ult. ff. de eo, quod certo loco. Theodorus in hanc legem utitur tribus exemplis. Primum tale est. Ago in te, quod Lucium Titium me heredem instituere volentem, testamentum facere prohibueris: ago actionem in factum in id quod interest. Et mihi eo nomine esse actionem civilem ostendit l. Lucius, §. Sempronia, ff. de leg. 2. et l. 1. sup. si quis aliquem test. prohib. et Novell. 113. adjuncta Iuliani interpretatione. Et inter cetera dico, per te factum esse, quo minus ad me perveniret ex ea hereditate prædium, quod in ea erat belle ædificatum, et amenissimum, quod principi pretio munusculo vendidissem, et etiam de me mitteret Prætor in cetera bona hereditaria, quæ paratis insaniis emptoribus magno vendidissem. Iudex non habebit rationem istius loci adventitii, quod allego, et exaggero, sed æstimabit totti, quanti revera hereditas fuerit, ut rerum pretia fungantur communiter, non insaniis emptoris, non negotiatoris industria. Secundum exemplum est hujusmodi. Promisisti mihi te intra certum tempus domum ædificatam in loco quodam meo saluberrimo, et amenissimo, et te cessante ego contra te in quantum mea interest, et dico mihi fuisse in animo, eam si domum ædificasses suo tempore, donare advenienti principi, a quo retulisses munera, et beneficia quamplurima, propter amenitatem loci, quæ Principes delectantur magis, quam utilitate: et ea commoda tibi reputari desidero in

ponenda ratione ejus, quod interest, et te mihi eo nomine condemnari, quod per te factum sit, ne ad me pervenirent hæc commoda: an ea iudex spectabit? Non, sed id tantum spectabit, quod ob id domum non ædificatam suo tempore amisi, vel quod ex re ipsa æreentus non sum, ut si magno propter culpam tuam coactus fui mihi conducere aliam habitationem, ut in d. l. si quis ab alio, §. ult. Postremo Theodorus utitur exemplo interdicti unde vi, in quo etiam veniunt fructus, et generaliter venit omnis utilitas, d. l. 1. §. ex die, de vi et vi arm. id est, omne id quod interest: nam nemo melius ex scriptoribus, quam Bartolus, definit id quod interest, utilitatem justam, et ante plenius definivi, esse utilitatem, quam haberem, vel assequi potuissem ex re ipsa, si mihi adversarius damnum non dedisset, vel lucrum, quod mihi obveniret, si non interceptum: nam, ut ante dixi, utriusque ratio habenda est, id est, damni dati, et lucri intercepti. Porro in hoc exemplo interdicti unde vi, non audietur, si quis rem producat in infinitum, forte allegans, si possessio sibi crepta non fuisset, saturnum se fuisse fundum, et fructus ex eo perceptos perlaturum in externas regiones, quæ his fructibus maxime indigebant, et ex ea negotiatione facturum ingentem questum: nam iudex non spectat compendium illud extrarium negotiationis, quod generaliter verum est, sive sint casus certi, sive incerti, ut in ponenda ratione ejus, quod interest, non observemus extraria, et adventitia lucra, sed quæ in re ipsa, vel ex re ipsa sunt communiter æstimari, ut in l. si sterilis, §. cum per vend. de actio, empt. l. ult. de peric. et commod. rei vend. quod memini me satis exponere in tractatu ad Africanum lib. 8. l. si fundus loc. ubi tradita sunt omnia, quæ pertinent ad dictum §. cum per venditorem: qui vult tantum æstimari id quod interest circa rem, puta pretium, quo emptæ est, vel quo hodie pluris est: mutari enim pretia pro ratione temporum omnibus compertissimum est, non spectari compendium negotiationis, non spectari industriam nostram, non spectari fatalem casum. Denique spectari veritatem tantum, quæ in re ipsa est, non quod extrinsecus accedit, id est, extra rem. Et ita in l. 2. §. ult. ff. qui satisd. cog. l. quoties quis, ff. de verbor. obligat. Si quis caverit aliquem iudicio sati, nec illum sistat, eum condemnari in id quod interest, ubi, inquit, spectatur veritas, non quantitas. Veritas, id est, vera quantitas non quantitas deducta in libellum, re que la partie articule: non quantitas æstimata jurejurando in litem, quod potest iudex non sequi urgente veritate rei. Ad extremum illud non omittam, etiamsi de casibus certis pro exemplo dentur venditiones, et emptiones in hac l. ali-

quando tamen rem incertam venire in actionem empti, quod attingi initio hujus tractatus, non peregit: ut si emero bolum, id est, jactum retis, et piscator postea penitentia ductus, nolit jactare rete, puta quod animadvertit se nimis parvo pretio fuisse contentum, nimis parvo vendidisse fortunam captus. Tunc, ut ostendit *l. si jactum, ff. de action. empt.* id quod interest, non redigitur ad finem dupli, sed hujus rei incertum a iudice æstimandum est, id est, non quanti bolum emptus est, sed quanti bolum iste, sive incertum hujus rei venire possit, quod forte poterit pluri venire, quam emptum sit propter piscariam copiam ejus loci, in quo ut jactaretur rete placuit. At ut subjicit *d. l. si piscator jactarit rete*, et quod extraxit piscium reddere nolit, cum tamen pretium acceperit captus, vel ei offeratur, de quo convenit, ut plerumque in hoc genere negotii prius numeratur pretium, quam fiat jactus retis, ut ex aliis auctoribus innox comprobabo. Si inquam, parvo pretio adnumerato, et deinde jacto rete piscator non vult reddere, quod extraxit, quod longissime exsuperet pretium, quod prænumeratum est, quod bolum sit pretiosius pretio, tum quia res, quæ emptæ est, certa esse cepit: id quod interest non æstimabitur ultra duplum. Jactum retis appello bolum, quia et inde piscatores dicuntur *bolonas exercere*: et etiam hodie hujusmodi homines vulgo *Bolonarii* appellantur in Landgotha, hodie Languedoc, quæ provincia dicta est a veteribus Gothia, quod eam Gothi tenuerint, et Septimia in test. Caroli magni, quod constaret urbibus potissimum. Et de hoc genere emptionis, ut contrahatur: perspicue ostendit Sextus in *lib. de claris Oratoribus* his fere verbis: *Adolescentes cum O tiam venissent: piscatores rete trahentes adierunt, et pepigerunt bolum, quanti emerent, et nummos prærogarunt, id est, solverunt, ut fieri solere dixi. Extractis retibus piscis nullus inivit, sed sporta auri obsita: tum emptores bolum suum esse ajunt, piscatores suum; et controversia scholastica, quæ tamen facile ex jure dirimitur, ut non jure emptores bolum suum esse intendant, quod de illo bolo intellectum non sit, sed de capto piscium.* Et simile est, quod Plutarchus in Solone refert, de Cois piscatoribus trahentibus sagenam, everriculum, sive rete, et Milesiis quibusdam mercatoribus ementibus bolum, et extracta tripodæ aurea, nullo pisco. De hoc genere contractus etiam Apulejus 1. *Apolog.* scribens de Philosopho quodam, qui emit jactum retis, et extractos pisces reddidit profundo, cum animadvertisset everriculum trahi a piscatoribus, fortunam jactus ejus emisit, et pretio dato jussisse illico pisces illos, qui capti erant, ad vi retibus, et reddi profundo. Si jactaverit rete, et extraxerit pisces, casus est certus, in

quo sit servandus finis dupli: si nolit jactare rete, casus est incertus, qui æstimabitur arbitrio judicis, tanti scilicet, quanti fortuna illa jactus vendi posset, etiamsi pluri vendi possit, quam emptæ sit. Denique ut concludamus, in casibus certis lex definit id quod interest; et coercet ad duplum: in casibus vero incertis, et infinitis laxatio permittitur judici, ita ut ipse nulli adstrictus rationi, vel taxationi possit æstimare id omne, quod revera interest actoris. Unde queritur, non sine pulvere, non sine impensa pulveris multi, quæ sit differentia inter casus certos, et incertos, ut in incertis æstimetur omne id quod interest, in certis omne quod interest, sed sine dupli tenus. Ratio perspicua hæc est, incerte rei non posse constitui certam regulam, incertæ et infinite rei infinitam esse regulam, vel Aristot. teste 5. *Ethic.* Incerti et infiniti casus habent etiam incertam, et infinitam regulam, quia nec certam habere potuerunt: certi habent certam: in omnibus tamen casibus Justinianus vult modum servari: in certis certum, in incertis etiam modum, puta veritatem, non quantitatem ab adversario petiram, vel coloratam, et longius accersitam, quia ut subjicit Justinianus, est natura congruum, eas tantum pœnas exigi, quæ vel cum competentem moderamine proferuntur, vel a legibus certo fine conclusæ statuuntur: Præstatio enim ejus, quod interest, pœna est, quæ coercetur culpa adversarii, maxime si egrediatur rei pretium. Et naturam quidem initio legis accepit pro substantia ut Aristoteles sæpe naturam accipit: hæc autem naturam accipit pro naturali æquitate. Ubi eleganter Theodorus enarrans illam rationem Justiniani, natura, id est, naturalis æquitas, complectitur moderationem: ἡ φύσις τὴν ἐν μέτρῳ ἀνάγκη: et quod de pœnis legitimis subjicit Justinianus, ut hæc solum exigantur, quæ legibus sunt scriptæ, et definitæ: nihil enim loquitur de pœnis conventionalibus. Et tamen quod de iis dici potest, aut debet, si scire cupias, legis observationem decimam sextam cap. 34.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. XLVIII. Si a non competenti iudice judicatum esse dicatur.

In hoc tit. superioribus casibus, quibus docuit sententiam iudicis pro jure nullam esse, hunc addit, si ab incompetenti iudice indicta sententia fuerit. Incompetens iudex est, cujus jurisdictioni,

vel notioni subjectus reus non est, qui et incongruus iudex dicitur *l. 1. sup. de jurid. omni. jud.* Dico reus: nam non desidero, ut iudex actori sit iudex competens: satis enim est, si reo fuerit iudex competens, quia actor sequitur forum rei. Is igitur deum est iudex incompetens, cuius jurisdictioni, vel notioni reus subjectus non est. Dico jurisdictioni vel notioni: nam alii sunt iudices, qui forum, et jurisdictionem habent, ut magistratus: alii, qui notionem tantum, ut iudices dati, iudices delegati ad litem certam, iudices speciales, sive pedanei, qui utique sunt incompetentes, si ab incompetentibus magistratibus dati sunt, vel si dati a competentibus alia de re iudicent, quam de qua iudicare iussi sunt. Et de his est potissimum hic titulus: titulus autem libri tertii, *de jurisdictione omnium iud. et foro competenti*, qui ab hoc titulo qua re distet, non abs re posset queri; ille, inquam, *l. b. 3. titulus est de magistratibus*, quia de jurisdictione, et foro, quod soli magistratus habent, non iudices delegati, non etiam Episcopi iure civili. Episcopi forum non habent, vel jurisdictionem, ut est in constitutione quadam C. Theod. scriptum, sed habent notionem tantum, ut iudices delegati. Et qua de re cognoverunt, iudicaverunt, id, quod iudicaverint, ipsi non exequuntur, sed magistratus. Et inde titulus *de episcopali audientia*, qui Episcopis tribuit audientiam, non jurisdictionem, non forum. Item in illo *tit. l. b. 3.* potissimum definitur quis sit magistratus competens, et quis incompetens: in hoc autem tit. definitur, sententiam dictam ab incompetenti iudice, ipso iure nullam esse, ut in *l. 6. §. quod si quis. ff. de inj. rup. testam.* Ideoque dictam ab incompetenti sententiam, citra appellationem in irritum, ex integro causam agi, et iudicari, quia pro non iudicata habetur. Et non parere eam sententiam, quam dixit incompetens, actionem iudicati, quod etiam trahitur non male ad confessionem factam coram iudice incompetenti, ut ea etiam confessio non valeat, ut est in *c. 4. extr. de jud.* Ubi Alexander Pontifex ait, *Clericum confessum de crimine in foro iudicis secularis, qui ei est iudex incompetens, apud Episcopum, qui ei est iudex competens non haberi pro damnato*, quod notandum. Primum confessus extra iudicium non habetur pro iudicato, pro condemnato, confessus etiam in iudicio incompetenti non habetur pro iudicato. Et plerumque eadem est causa confessi, et iudicati: ut iudicatum, ita confessio non valet, nisi fiat in foro, in iure, vel in iudicio competenti: ut iudicatum ita confessio certa esse debet, id est, certae quantitatis, vel rei, *l. 6. de conf.* ut iudicatum, ita confessio facta absente adversario nihil nocet, aut nihil valet, *d. l. 6. §. si quis absente*. Itaque non male in *d. c. 4. ex.*

de jud. ut quod iudicavit iudex incompetens non valet, ita censet, quod quis confessus est apud iudicem incompetentem non valere. Sed id non fieri ullo modo, quod idem Pontifex clericorum adulteria numerat inter minora delicta, quorum veniam dare possit clericus Episcopus post peractam poenitentiam. Majorum autem criminum Episcopum clerico veniam dare non posse, sed ei debere irrogare poenam legitimam omnimodo, poenam Canonice, quae est loci motio, sive excommunicatio, et degradatio: nam poenitenti veniam concedere potest. Et nominatim adulteria illorum vocat minora crimina: et male, cum sit natura turpe, et probrium, ut ait *l. probrium, de verb. sig.* Sed ad rem: secundum definitionem huius tituli, si iudex datus ad rem certam specialiter, de alia re iudicaverit, ut puta si datus ad actionem locati, conducti, iudicaverit de pecunia credita, quod is iudicavit, ipso iure nullum est, quia in ea re non fuit competens iudex. Et hoc exemplo Gracianus utitur *ad l. 1. h. t.* Item si iudex datus in proprietatis causa non iudicaverit de proprietate, sed de possessione, vel de alia re, quod is iudicavit, ipso iure nullum est, et cognitio de proprietate redit ad praesidem, qui eum iudicem dedit, et addixit iudicio proprietatis: nam hoc est generaliter verum, a iudice dato, qui suum munus non exequitur, ut ei praescripsit formula magistratus, qui eum dedit, ut inquam, ab eo cognitio recurrat ad praesidem: ideo iudex dato iudicante alia de re, quam de causa proprietatis, causa proprietatis redit ad praesidem, qui eum iudicem dedit, ut si datus de proprietate, iudicaverit de possessione: nam ut ait *l. 3. etsi iure iudex datus de possessione, de ea iudicaverit, praesidi integra est cognitio de proprietate*. Et ita accipienda *l. 3. hoc tit. alibi l. 9. sup. de sentent. et interl.* Et ratio haec est, quia longe alia res est proprietas, alia possessio, *l. naturaliter, §. 1. l. pen. ff. de acq. poss. l. 1. §. huius, l. pen. §. 1. ff. uti poss.* Seneca 10. *epistol. stulta hominum avaritia possessionem, proprietatemque discrevit*, imo vero prudentia juris auctorum summa. Item si magistratus militaris iudicem dedit inter privatos virum militem, quod is iudicaverit, tanquam ab incompetenti iudice iudicatum, nullum est. Et ita est accipienda *l. 2. hoc tit.* Nam iudicis dandi potestatem, quae est pars jurisdictionis, ut docet *l. imper. ff. de jurid. omni. jud.* magistratus militaris non habet, veluti magister militum: nisi inter milites, vel actorem privatum, et reum militem, quia actor sequitur forum rei, ut in *l. pen. sup. de jurid.* Et eadem ratione Procurator Caesaris si iudicem dederit inter privatos, quod is iudex iudicaverit, nullum est, *l. 1. sup. de ped. jud.* quia non est datus a competenti

judice: datus ab incompetenti, et ipse incompetens est. Et ita de procuratore Cæsaris Græci acceperunt *l. 4. hoc tit.* dum dicunt, in privatorum causis, id est, inter privatos dictam sententiam a non suo iudice, quem dedit Procurator Cæsaris, ipso jure non valere. Privatus autem homo, quem magistratus iudicem non dedit, sed partes elegerunt, incompetens etiam est, cum nec iudex sit quidem: quia privatorum consensus privatum hominem non potest iudicem facere: et ideo etsi judicaverit ex consensu partium, quod is judicaverit, rei iudicatæ auctoritatem non habet, *l. 3. sup. de jurisd. omni. jud.* quia legis est, aut magistratus iudicem facere, non privatorum. Ideoque sententia illius iudicis ne consentientes quidem, id est, qui in eum consenserint necessitate ulla adstringit, ut possint non parere si velint ei sententiæ. Ergo consensus partium eum tantum competentem iudicem facit, qui magistratus est, qui tribunali præest, licet ejus jurisdictioni subjecti non sint, non etiam privatum: publicum personam privati non faciunt, *l. 1. et 2. ff. de jud.* etsi se subiciant jurisdictioni ejus, sua sponte: item litis contestatio, quia pro consensu habetur, incompetentem iudicem, si modo sit in magistratu, iudicem competentem facit, non etiam privatum hominem *l. 1. sup. de sent. et interloc.* Et hoc est, quod dicitur, *præscriptionem fori non opponi post litem contestatam*, quia litem contestando id forum approbavimus, et ei nos subjecimus. Præscriptio fori obicitur ante litem contestatam, sero post litem contestatam, *l. 4. sup. de jurisd. omni. jud. l. ult. inf. de exception.* Si igitur dicamus, *litis contestatio incompetentem iudicem, qui tamen in magistratu, vel potestate est, competentem facit.* Item, *litis contestatio competentem iudicem confirmat ne recusari possit, nisi magna ex causa, qui tamen ante litem contestatam potest recusari sine causa*, ut diximus *l. ult. sup. de sent. et interloc. l. 12. l. apertiss. sup. de jud.* Nemo litem contestari cogitur. Ergo sponte, si litem contestetur ei iudicio parere compellitur. At vocatus a magistratu licet forte is dicatur iudex non esse competens, omnimodo venire cogitur, ut sciatur hoc ipsum, an sit ei iudex competentens. Vocati est non contemnere auctoritatem magistratus, qua re nihil est perniciosius in Rep. Ipsius autem magistratus est statuere an sua sit jurisdictio, *l. 3. ff. de judic. l. 2. si quis in jus vocatus, etc.* Soleo dicere iudicem quem esse in re sua duobus casibus. Primum cum agitur de spœculis judiciariis, quia in re est idem adversarius, et iudex. Item cum agitur de jurisdictione sua. Nam opposita præscriptione fori, ipse statuit, an forum suum partibus sit competentens, necne, *l. 3.* Sed huic sententiæ opponitur *l. 1. ff. de feriis*,

dum ait, *vocatum a prætore condito die feriato, venire non compelli, et si non venire perseveraverit, non mulctari eum propter contemptum prætorem, imo in eum dictam sententiam ipso jure nullam esse.* Sed hoc facit temporis importunitas, quod condixerit prætor diem feriatum, quo jus ei dicere fas non est, ut plane liceat eo die non venire, sicut nec si condixerit infanem locum, eo loco licet non venire: nam et locus, et dies illicitus vitiat sententiam, *l. 4. et 5. sup. quomodo, et quando iudex.* Et ita etiam debitor non intelligitur fecisse moram, etiamsi interpellatus non solverit, si quidem interpellatus sit inopportuno loco, vel tempore, *l. si soluturus, ff. de solut. l. mora, de usur.* Et ad eundem modum non intelligitur esse contumax adversus prætorem; qui vocatus non venit, si vocatus sit in diem, aut locum illegitimum. Verum si magistratus, qui non est competens ex consensu partium et iudex quoque datus ab incompetenti sit competens ex consensu partium. Ergo definitio hujus tituli est, ut sententia dicta ab incompetenti iudice ipso jure nulla sit, sic est accipienda, si dicta sit citra consensum partium, vel si dicta sit a privato homine, nec dato a magistratu ex consensu partium. Et hæc est summa eorum, quæ dixi ante.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. XLIX. De pœna judicis, qui male judicavit, etc.

Quæri potest an etiam, quod iudex competens male judicavit, ipso jure nullum sit? Et videtur non esse nullum, quia lex ait, *sive bene sive male iudex officio suo functus sit, sententiam ejus citra appellationem rescindi, aut retractari non posse, et Reipublice interesse non convelli auctoritatem rerum judicatarum*, quia scilicet status Reipublice maxime rebus judicatis continetur, aliqui nullus finis litium foret, *l. iudex, ff. de re judic. l. servo, §. cum prætor, ad Trebell. l. si patronus, §. si quis, ff. de bonis libertor.* Ideoque etiam rebus male judicatis standum esse, quod satis verissimum est, si iudex per errorem, et imprudentiam male judicavit, ut ita judicatum citra appellationem rescindi non possit, sed litem suam iudex faciat, id est, perinde est, atque si lis sua esset, suæque causæ, ut ei, cujus interest in tantum teneatur, in quantum religioni judicantis æquum visum fuerit, actione in factum, quasi ex malefi-

cio, l. ult. D. de extraord. cognit. salva tamen existimatione, quia dolo caret. Quod si per gratiam, et ambitionem, *par favour*, sciens dolo malo judicavit, sententia valet, sed iudex ei, cujus interest, tenetur in solidam estimationem litis, l. si filiusfamil. D. de judic. et infamia notatur, l. 2. hoc tit. In qua est legendum *existimationis*, pro *estimationis*. Quia hoc vult, iudicem, qui gratia corruptus male judicavit, damnum pati existimationis, et prestare periculum litis ei, quem jure non condemnavit. Quod si iudex per sordes, quem casum etiam complectitur lex 2. id est, pecunia corruptus male judicaverit, quod turpitudinem vocat l. 2. de Senat. Marc. Tullius lib. 1. ad Attic. ep. 13. Si quæras causam absolutionis, egestas fuit iudicium, et turpitudine. Hoc solo casu propter turpitudinem rei sententia ipso jure nulla est, et citra appellationem infirmatur, l. venales, inf. quand. prov. non est necess. Et præterea iudex infamia notatur, ut ait l. 2. et præstat solidam estimationem litis ei, cujus interest, id est, ei quem l. vit. Et præterea, ut notat Accursius, extra ordinem coercetur criminali iudicio. Et hæc de poena iudicis, qui male judicavit. Nunc loquimur de eo, qui iudicem data pecunia corrumpit, ut male iudicaret: vel qui adversarium corrumpit, ut prævaricaretur, ut *l. iuvie* causam ageret, et se vinci pateretur. Cum adversario licet transigere de lite exceptis certis casibus, quibus turpis transactio videtur esse, aut pro confessione habetur: his transactionibus non est interdictum, sed sordidis concussionibus, ne quid per concussionem iudex, vel adversarius perterrefacto reo ab eo extorqueat, et exprimat. Porro is tantum, qui, ut dixi, corrumpit iudicem, vel adversarium, causa cadit, litem amittit ex constitutione Antonini ad Cassium Sabinum, id est, ex l. 1. hujus tit. Cujus inscriptio, ut retuli, ita emendanda est, ut constat tum ex veteribus libris, tum ex l. 1. §. pen. ff. de calumniator. ubi Ulpianus proponit sententiam hujus legis: eamque adscribit Imperatori suo, id est, Antonino ad Cassium Sabinum, non ad Gaudium, ut vestri codices habent. Igitur, si actor corruperit iudicem, vel adversarium, actionem amittit, si reus, defensionem, sive exceptionem suam amittit. Nam in l. 1. actio nis verbo continetur etiam exceptio, ut in edicto de dolo malo, l. 1. §. ait prætor, ff. de dolo. Et hoc ita procedit etiamsi res nondum ut iudicata, et patent interim, reum iudici pecuniam dedisse, ut male iudicaret, vel adversario, ut colluderet: post rem iudicatam secundum corruptorem, etiam litem amittit, quia sententia ipso jure nulla est, et litis restitutio ei non dabitur, quam vitio suo amisit, nisi forte ex Novella Justin. 124. se ipsum detulerit, et reum prodiderit in publicum, et iudicem,

vel adversarium arguerit acceptæ pecunia: nam ex Novella Just. corruptori est medicina confessio, si modum rem probaverit, et reum convicerit.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Titulum L. Sententiam rescindi non posse.

In hoc titulo proponitur, quod etiam lit. generali prædixerat l. 9. sup. de sent. et interloc. ipso jure nullam esse posteriorem sententiam ejusdem iudicis, vel successoris ejus de eadem re, et inter partes easdem, quæ contraria est priori sententiæ, a qua appellatum non est. Et hoc maxime d. stat lex a sententiæ: nam posterior lex potior habetur priori: prior sententia est potior posteriore. Item lex plerumque statuit de futuris, sententia de præteritis, quæ postrema differentia est in Partitionibus M. Tull. sunt in hoc tit. tres leges. Prima et tertia non desiderant meam operam, secunda desiderat. Sciendum igitur est, alias esse exceptiones peremptorias, alias dilatorias. Peremptoriæ sunt, quæ perimunt prorsus actionem, et excludunt, ut exceptio doli mali, rei judicatæ, non numeratæ pecuniæ, exceptio longi temporis ex leg. Julia, si non legem prodidisse dicatur, de qua in l. 2. §. ult. ff. ad l. Jul. de adult. et except. SC. Macedoniani, et Vellejani. Hæ omnes exceptiones protinus agentem repellunt, et extinguunt actionem, si probentur iudici legitimis probationibus. Dilatoriæ autem sunt, quæ differunt, non perimunt actionem, quæ efficiunt non ut ne sit actio omnino, sed ne sit statim: ut exceptio furi impedit actionem, et litis contestationem cum, iudex negatur esse competens, et exceptio procuratoria, quæ negat jure datum procuratorem. Summa autem inter has exceptiones differentia hæc est: quod dilatorie opponuntur initio litis contestandæ, in ipso limine questionis, ut ait Symmachus 1. epist. scribens de exceptione procuratoria: non recte opponuntur post litem contestatam, sed initio litis. Cur non proponantur nisi initio litis, hæc est ratio, quia exceptiones dilatoriæ potissimum sunt de personis, quibus iudicium consistit, aut sane has solas dilatorias exceptiones dicimus esse opponendas initio litis, quæ sunt de personis, quibus iudicium consistit, atque completur, puta de iudice, actore, vel reo, vel procuratoribus eorum: cum quaeritur, an iudices sint competentes, aut litigatorum personæ sint justæ, et legitime: nec enim omnes habent legitimam personam standi in iudicio. Ideoque ut lis, iudiciumque

constituatur, necesse est eas exceptiones in primis disceptari, excuti, probari, *l. licet, sup. de procurator.* Judicio constituto frustra queritur ex de re, quæ jam finita est contestatione litis. Longe alia est conditio exceptionum peremptoriarum. Nam testandæ quidem sunt initio litis, sed excutiendæ etiam, et probandæ non sunt statim initio litis, antequam judicium constituatur. Imo et post constitutum judicium, itemque contestatam, quodocunque peremptoriæ exceptiones, quarum initio testatio habita sit, opponi, et excuti possunt. Quæ omnia de exceptionibus dilatoriis primum ostenduntur in *l. exceptionem, sup. de probat. l. penult. et ult. inf. de except. l. 4. sup. de jurisd. omni. judic.* De peremptoriis exceptionibus in *l. 9. de præscript. longi temporis, et l. 8. inf. de except.* Et hoc quoque *l. 2. hoc tit. ait, edicto perpetuo caveri qui locus est singularis, ut peremptoriæ exceptiones, post litem contestatam, ante sententiam quodocunque opponi possint.* Denique dilatoriæ exceptiones opponuntur iudicio constituendo: peremptoriæ perficiendo. Dilatoriæ obstant, ne judicium constituatur, peremptoriæ non finitur, secundum intentionem actoris. Et sunt peremptoriæ propriæ exceptiones, quæ rem ipsam finiunt, atque interimunt, sunt propriæ defensiones: et naturæ congruum est, ut quis quodocunque pulsatur, suis defensionibus, quas habet, utatur. Hæ igitur sunt exceptiones, sive præscriptiones, et defensiones, quæ propriæ peremptoriæ sunt, hæ sunt clypei reorum, actiones tela, exceptiones sunt manus sinistrae, actiones manus dextræ, ut M. Tullius M. C. Iulium melius agentem, quam defendentem dicebat bonam dextram habere, malam sinistram, uti telo scite, non clypeo. Ergo peremptoriæ exceptiones quodocunque dum lis agitur, ante sententiam opponi, et probari possunt, et oppositæ omnimodo excuti possunt a iudice: at post finitum judicium, id est, sententiam, nobis non sunt integræ peremptoriæ exceptiones, quia nemo nos pulsat post sententiam. Sed excipitur exceptio S. C. Macedoniani, et Vollejani quæ ex Senatusconsultis odio soneratorum, vel favore mulierum opponuntur post sententiam, ut in *l. tamen, ff. ad S. C. Maced.* Alias sententia non potest eo pretextu rescindi, quod ommissa fuerit exceptio peremptoria, nisi beneficio restitutionis in integrum, si res sit iudicata contra minorem viginti quinque annis, ut ei liceat uti exceptione peremptoria post sententiam, quæ non est usus pudente, lte ut in hac *l. 2.* in qua legendum est, *in integrum restitutio promittitur*, ut loquuntur semper auctores nostri, non permittitur, ut in Basil. *ἐπαγγελία*: aut etiam beneficio appellationis, si dicta sit sententia contra majorem viginti quinque annis. Denique ut est in rubr. hujus tituli,

Tam. IX.

Sententiam rescindi non posse contraria sententia, nisi remedio appellationis, aut restitutionis in integrum.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LI. De Fructibus, et litium expensis.

Datur hic titulus, ut intelligamus, iudicem non tantum de re principali sed etiam de fructibus ejus rei, et sumptibus litis sententiam proferre debere. Et statim initio hujus tituli proponitur, fructus intelligi deductis justis sumptibus. Proponitur regula juris, principium juris, a quo nullus casus excipitur in *l. fundus, §. famit. erisc.* Et unus tamen casus excipi dicitur in *l. fundus, ff. fam. erisc.* Et unus tamen casus excipi debet ex *l. ult. inf. de fund. rei privat.* Et justis sumptus in hac regula, quæ proponitur statim ab initio hujus tituli, sunt sumptus necessarii, vel utiles, *l. hæres ff. de petit. hæredit.* Qui scilicet facti sunt observandæ, tuendæ, curandæ rei, vel fructuum ex ea querendorum, aut redigendorum, gratia, non qui facti sunt diuturnæ voluptatis causa: his justis sumptibus primum satisficit ex ipsis fructibus rei: deinde reliqui fructus restituantur, si sunt in causa restitutionis, vel dividuntur, si sunt in causa divisionis. Denique deductis sumptibus fructus restimantur, quia sumptus minuunt fructus. Et in *l. 2.* ostenditur, in rei vindicatione, qua agitur adversus bonæ fidei possessorem, non tantum in rem principalem condemnationem fieri, ut restitatur actori, qui est verus dominus, sed etiam fructus perceptos post litem contestatam, aut percipiendos, id est, quos actor honeste percipere potuisset. Denique conventus bonæ fidei possessor, et condemnatus, ex condemnatione restituit rem, et post litem contestatam fructus perceptos, aut percipiendos. Eademque est causa hæredis ejus. Et hæc est sententia *l. 2.* quæ nititur hac ratione, quia quod attinet ad causam fructuum, post litem contestatam omnes intelliguntur esse male fidei possessores, omnes pares sunt, quod attinet ad causam fructuum restituendorum. Nam quod ad alia attinet, non sunt pares post litem contestatam, quia quod etiam Accursius attingit in *h. l. 2.* bonæ fidei possessor, id est, qui ante litem contestatam bona fide possidebat, fatum non præstat, puta si post litem contestatam res, quæ petita est, suo fato intereat, suave morte: at male fidei possess.

104

temere litigantium, §. *hæc autem*, *Inst. de pæn. tem. litig.* Decima pars litis, inquam, quia alia est decima, de qua agitur in *l. pen. h. t.* quæ est constitutio Græca Zenonis restituta a me initio *Observationis 12.* Decima de qua agitur in *l. pen.* est non decima pars litis, sed decima pars impensarum litis, in quam, ultra impensas litis, potest iudex condemnationem facere, si hoc videatur exigere nimia temeritas, ac perversitas litigantium, ut si impensæ litis sint 100, potest condemnare in 100. et 10. eamque decimam impensarum in fiscum conferre, vel in adversarium, qui vicit, ut plenius ostenditur in ea constitutione. Debet autem iudex pronuntiare aliquid de sumptibus, id est, vel debet ab eorum præstatione victum absolvere, ut in *vicem partes compensent expensas litis*, ut ait *Novella 82.* vel condemnare debet victum etiam in expensas litis, et potest absolvere ab expensis litis ex justa causa, ut ostendit constitutio Græca, id est, *l. pen.* puta si bonam fidem agnovit initio, medio, aut fine litis, si actor ultro destiterit a lite, vel etiam si res maxima dubia et ambigua fuerit, *d. l. pen.* Omnino igitur debet aliquid statuere de sumptibus litis. Si nihil statuerit, quid fiet? ipse iudex victori de suo expensas litis refundere cogitur, *l. properandum*, §. *sive autem alterutro*, *sup. de judic.* Is autem, qui victus est, non potest eo nomine conveniri, quia nihil pronuntiatum est in eum de expensis litis. Et observandum hæc est, magnam esse differentiam inter fructus, et sumptus litis: nam si nihil de fructibus pronuntiavit iudex, integra est victori actio de fructibus, ut Ambrosius dicit supra, acturum de duplis fructibus si vicisset. At si nihil pronuntiaverit de expensis litis, non est victori integra petitio impensarum litis. Et hæc est sententia *l. 3. hoc tit.* Videlicet nisi iudex coniunctis partibus constitutis, ut loquitur *l. ult. sup. de legib.* id est, præsentem utraque parte condemnationem fecerit, expensarum nomine: non licet etiam victori eo nomine appellare, quod iudex nihil pronuntiaverit de expensis litis, *l. ult. infr. quando provoc. non est necess.* sed convenire iudicem potest, ut ei refundat impensas, quarum in sententia sua nullam rationem habuit. Aliquando victor potest appellare, puta, si sententia ei non satisfaciat ad plenum, si non ejus justam petitionem adimpleat. Sed non appellat, quod de sumptibus iudex nihil pronuntiaverit: et non appellat etiam uno casu, qui vicit, licet ei sententia non satisfaciat ad plenum, puta si absens ex contumacia vicerit, cum non defenderetur, quia et pro contumace aliquando datur sententia, si omnino videtur bonam causam habere. At sententia, quæ data est secundum contumacem, si ei non satisfaciat

ad plenum, propter contumaciam ita plectitur, ut non possit appellare, quam plenam esse negat, et alio quoque modo, ut victo damnetur expensarum nomine, qui casus est singularis, ut victor victo refundat expensas litis, quod ostenditur in *l. properandum*, §. *sin autem ex gestis*, *sup. de jud.* Notandum etiam ex *d. l. 3.* in condemnatione, quæ fit nomine expensarum litis, non esse necesse exprimi quantitatem certam. In eam rem, de qua agitur principaliter, necesse est ferre sententiam certæ quantitatis; vel certi corporis, non etiam in condemnationem, quæ fit expensarum nomine: quod illa verba demonstrant in *l. 3. victori causæ restitui debent expensas.* Et inde fit, ut vulgo facta condemnatione in expensas litis, iudex sibi recipiat, et reservet taxationem post sententiam. Condemnat igitur in expensas sine taxatione, non in rem principalem. Et postremo notandum ex *l. ult. h. tit.* quosdam litigantes habere privilegium tale, ut victi non refundant victori expensas litis, vel ut minores sportulas præstent, quale privilegium habent Episcopi in §. *sportularum*, *Nov. de sanct. ss. Episc.* tale privilegium habet fiscus: semper enim gratis litigat, quod est ex *l. 1. sup. de sportul.* quæ est Just. constitutio Græca: ex qua Julianus *Nov. 17. et 21. fiscus*, inquit, *semper litigat gratis.* Sunt etiam quædam collegia, et corpora, quæ hoc privilegium habent, ut litent gratis sine sumptu, aut minore, quam illi, et ut damnati absolvantur ab expensis. Et hoc casu, qui ea privilegia habent, si vincant, ut jus sit æquabile, etiam a victis, licet non habeant eadem privilegia, nihil possunt exigere expensarum nomine, aut id tantum, quod minimum expendunt. Igitur: neque qui ea privilegia habent, neque victi agnoscunt expensas, neque qui cum iis litigant, licet ea privilegia non habeant, si illos vincant, expensas litis agnoscunt. Quod memini ita fuisse observatum in causa senatoris cujusdam, cum senatus, cujus ex corpore is erat, hoc haberet privilegium, ne eorum quisquam, qui cum privatis in senatu litigaret, etiam si vince-retur, damnetur expensarum nomine ut ille victor etiam frustra desideraret adversarium suum refundere expensas litis, quoniam boni considerare debet, si adversarius eodem jure velit uti, quo ipse uteretur, adversus eum, si vicisset. Et hæc est pulcherrima constitutio *l. ult. hoc tit.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LII. De re judicata.

Quid vero distat hic titulus *de re judicata* a titulo

rit circumscripta religio judicantis : et hoc ostendit *inf. tit. 58. et l. 11. de except. l. D. Hadrian. de re jud.* Instrumenta autem dicimus non tantum scripturas, sed quaecunque instruunt causam, vel judicem, vel adversarium : testes sunt instrumenta litis, iusjurandum partis est instrumentum litis. Merito ergo instrumentis adnumeravimus iusjurandum partis, quod iudex secutus est : ideoque si is, contra quem iudicatum est, prolatis novis instrumentis probet falsum fuisse iusjurandum, recte desiderabit a principe, nam in hac specie adire principem oportet, ut ex integro causa agatur, quasi re ex falsis instrumentis iudicata, id est, ex falso iurejurando, ut ex novis instrumentis, quod in medium profert, patere dicit. Unde dicamus, multum interesse, utrum solus iudex operam dederit, et iudicaverit, quo casu sub specie novorum instrumentorum res iudicata redintegrari non potest, nisi ex speciali precepto Principis. An vero iudex detulerit iusjurandum parti, et secundum ejus iusjurandum pronuntiaverit, vel etiam ut in *l. cum iudex, sup. de sent. et interloc.* si iurari pronuntiaverit, et mox ex iurejurando, quid fieri oporteret : nam hoc casu pro textu perjurii, quod patefaciunt nova instrumenta, causa ex integro agi potest. Et hoc permittunt constitutiones Principem, ut ait *d. l. admonendi* : et quia constitutiones permittunt, iam non est necesse adire Principem, qui tamen adeundus erat in eadem specie ante constitutiones, impetrandæ restitutionis litis gratia. Et observandum, *legem admonendi* loqui de iurejurando delato a iudice in dubiis causis, et secundum iusjur. dicta sententia, quod dicitur iudiciale iusjurandum : nam ut *d. l.* ostendit, longe alia est ratio iuris iurandi delati a parte parti, quod dicitur voluntarium, vel necessarium, quia prolatis novis instrumentis res finita iurejurando voluntario, aut necessario, restaurari non potest. Et ratio est, quia partes inter se iurejurando de re omni transigisse videntur. Et certum est, transactionem non posse rescindi prætextu novorum instrumentorum si bona fide facta fuerit. Si instrumenta ab adversario non fuerint dolo malo suppressa, eligendæ transactionis causa, ut *l. sub prætes tu, sup. de transact.* Denique hoc casu imputari potest parti, quod iusjurandum detulerit adversario, quod adversarium fecerit iudicem totius rei. At nihil ei imputari potest iudice ultro deferente iusjurandum : ideoque ei integrum est prolatis novis instrumentis, quibus arguitur perjurium adversarii, causam retractare, et ita est explicanda ratio *l. admonendi*. Et generaliter ergo ita concludamus, nec sub obtentu computationis a parte non bene confectæ in lite exequenda, nec sub prætextu novorum instrumentorum post rem iudicatam repletorum, regu-

lariter causæ, aut rei iudicatæ instaurationem jure postulari ab eo, qui rei iudicatæ semel quolibet modo acquievit, ut *l. 3. et 5. hoc tit.* Et notandum, quod significat *l. 5.* eum videri acquiescere sententiæ, et renuntiasse appellationi, qui a iudice petit dilationem ad solvendum iudicatum. Et quod eadem *l.* generaliter ait, rerum iudicarum auctoritatem non pati, ut ea quæ finita sint, iustarentur. Quæ est summa definitio huj. tit. quæ trahitur in lege ultima ad acta, ad gesta, quæ in publica monumenta redacta sunt, ex quibus petitur fides rerum gestarum, quibusque fides publica constat, *l. census, de probat. l. 3. §. ejusdem, ff. de testib. l. in finalibus, ff. fin. regund.* Hæc etiam gesta publica, quicquid complectantur, sive interrogationes, sive confessiones reorum, sive quæ alia, nulla ratione infirmari posse, aut retractari. Et notandum hanc *l. ult.* proprie pertinere ad gesta habita contra Donatistas per Marcellinum Tribunalum, et notarium, ut constat ex *l. 55. C. Theod. de hæret.* ubi ait, notionem Marcellini contra Donatistas habita gesta, et quæ consequuntur in hac *l. ult.* Et scribens quoque D. Augustin. ad eundem Marcellinum, cujus sit mentio in *d. l. 55. epist. 158. Gesta*, inquit, *quæ promisit præstantia tua contra Donatistas vehementer expecto, et in ecclesia cupio recitari. Non est leve, quod Deus agit per tuam operam, ut per publica tua gesta in omnium notitiam proferantur. Et ad eandem rem pertinet etiam Augustini epistola 159. et 160. quæ docet, illum Marcellinum fuisse Tribunalum et Notarium, c' est, comme nous disons, un Secrétaire.* Hæc vero gesta Marcellini contra Donatistas, *l. ult.* significat non fuisse infirmata morte Marcellini : et generaliter statuit morte cognitoris non interire publicam fidem : et publicam fidem dixit, ut Tiberius Augustus apud Frontinum, *lib. de limitibus agrorum* : sunt, inquit, *monumenta finalia in itineribus constituta, quæ publicam fidem tenent.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LIII. De executione rei iudicatæ.

Quod dixi titulo superiori, rem semel iudicatam instaurari non posse, ex eo sequitur quod in hoc titulo proponitur, exequendam esse sententiam, rem iudicatam. Executio rei iudicatæ fit ad effectum sive ad emolumentum adducta re iudicata : fit igitur executio post rem iudicatam : nam ab executione non licet incipere, *l. 1. hoc tit. l. si cum nulla, ff. de re judic.* Et instrumenta hodie recepta, quæ

habent executionem paratam, ut possit debitor vi illorum instrumentorum non adito iudice, nec re iudicata exigi, et conjici in carcerem: hæc inquam, instrumenta sunt contra jus commune, contra jus, quod profitemur: quia præposterum est ab executione incipere. Imo nec post rem iudicatam executio sit statim, sed post legitimum tempus, quod iudicatio faciendo lex dedit condemnato, vel confesso, l. 8. §. ult. ff. de confess. Lex dedit illud tempus humanitatis gratia, ut ait lex cum militi, in fi. ff. de compens. ut iudicatus haberet spatium conquirendæ pecuniæ, quam persolveret adversario. Et fuit olim ex 12. tab. tempus illud triginta dierum, qui in eisdem tabulis appellantur justi dies, quibus jus est differre executionem rei iudicatæ, ut in lege Ciceronis, quam Julius Scaliger libro 1. Poetic. male tribuit edicto prætorio. Præter librum matris famulos eosque justis diebus ne quis stipem cogere, id est, diebus certis, quibus fas est stipem cogere. Illud vero tempus, quod datur iudicatio faciendo dierum 50. sive mensis unus dicitur modicum tempus, in cuius mora vulgo dicitur nihil esse damni. Modicum tempus appellatur in l. si domus, §. in pecunia ff. de leg. 1. et l. si debitori, ff. de re jud. Et ita modicum tempus, id est, triginta dierum in l. 1. ff. de itin. actuq. Et sane ita recte dices tempus solvendi iudicati ex duodecim tabulis fuisse modicum: at hodie esse immodicum, quia hodie ex constitutione Iustiniani tempus iudicati faciendi est 4. mensium, l. 2. et 3. tit. seq. Immodicum tempus profecto, idcirco non est in usu hodie dari 4. menses priusquam exequatur rem iudicatam, sed hoc permittitur arbitrio iudicis, ut condemnato, et confesso præstituat diem, quem volet. Patricius apud Harmenop. libro quarto Epitom. Condemnatis, si locupletiores essent, dabantur quatuor menses, ut ex venditione prædiorum suorum, aut ceterarum rerum, quæ essent in manu, pecuniam conficere possent, in quam condemnati erant: pauperiores confestim censabant esse exigendos: ne forte si detur iis intervallum aliquod ad iudicatum faciendum, interim parvam rem, quam habent, absumant. Nec caret ratione Patricii distinctio, ex qua apparet nec tum placuisse omnino dilationem, seu laxamentum illud 4. mensium, quod Justin. dedit condemnatis. Non est omitendum tempus illud legitimum, quod datur iudicatis, non dari, nisi petentibus: dilatio ad solutionem faciendam non datur, nisi petenti. Et in hanc rem est maxime notanda lex pen. tit. prox. Et ita Theod. in l. 3. hoc. tit. scribens de tempore, quod datur iudicatis ad solutionem, ait, dari ἔτιμωσι. Non datur ergo nisi petenti dilatio iudicati faciendi, conquirendæ pecuniæ causa, si non petatur, statim executio sit rei iudicatæ. Post

tempus autem iudicati faciendi, si iudicatus solvere superseverit, ex mora pecuniæ in condemnationem deductæ debet usuras centesimas, ut demonstratur in tit. seq. Et sit executio rei iudicatæ, nisi novata sit causa iudicati, et transfusa in stipulationem, quo casu impeditur executio rei iudicatæ, quia extincta est actio iudicati, et liberatus est is, qui iudicatus fuit, l. 2. hoc. tit. l. 4. §. si ex convent. ff. de re jud. Fit autem executio captis pignoribus primum, deinde distractis sub hasta in foro, non quidem statim, sed post 2. menses a capione pignorum, l. debitoribus, ff. de re jud. l. 1. C. Th. de distract. pign. quæ tributorum causa tenentur. Et idem Theodorus notat ad l. 3. hoc. tit. si intra duos menses, inquit, post capionem pignorum condemnati non solvant, quæ in condemnationem deducta sunt pignora distrahuntur. At quid fiet, si posita hasta in foro, et ut dicitur subhastatis pignoribus captis in causam iudicati, nullus invenitur emptor, nullus licitator, forte ex compacto, vel ambitione iudicati nullus ad emptionem publicam rerum in causa iudicati captarum emptor accedat? et hoc casu placet, eum, secundum quem iudicatum est, mitti in possessionem rerum pignori captarum, ita ut sit dominus, vel omnino ei addici pignora pro quantitate debiti, l. a D. Pio, §. si pignor. ff. de re jud. l. 3. hoc. tit. Hasta dominum facit eum, cui bona addicuntur. Et ideo hasta dicitur domina, ut apud Juvenalem: et venale caput domina præbere sub hasta. Porro in h. l. 3. ambitionem vocat gratiam, et copiam amicorum, quam habet is, qui condemnatus est, ut plane nullus velit accedere ad emptionem bonorum, quæ ad illum pertinent. Male imperitis lingue latine Theodorus ambitionem interpretatur in l. 3. ἀπειροσύνη, id est, circumscriptionem, sive ambitum. Compactum autem vocat l. 3. ἀκαταστασία, sive caliditatem, ut in l. 3. si in cau. jud. pig. Dolum compositum, sive colludium habitum cum iis qui accedere debent ad auctionem, quæ fiebat publice sub hasta, sub pertica tristi, ut Propert. loquitur: Abtulit extractas pertica tristis opes, ne scilicet accederent. Et ita si non invenitur emptor rerum pignori acceptarum in causa iudicati, necesse est eas res jure domini, et possessionis addici, et traheretur, si, secundum quem iudicatum est. Et observandum est in l. 3. delendum esse verbum potuisse, ut legamus hoc modo: Ex compacto, sive ambitione diversæ partis emptorem non inveniri. Videretur etiam in illa l. 3. illo loco res soli, quæ pignori datæ sunt, potius esse scribendum, pignori captæ: Et ita etiam quidam Codices habent, sed nihil mutato. Nam invenio et res pignori captas dari ei, secundum quem iudicatum est, quod tamen non fit hodie. Et ita in l. 1. inf. si in cau. judic. pig. capt.

res in causam judicati dadas, captas scilicet per officium judicis, et victori datas in manu, ut Theodorus ait hoc loco, *δίδωσθαι τῷ νικῶντι*, et alio loco: *παράχεται τῷ νικῶντι*. Qui velustus mos observandus est: nempe victori tradi res captas pignori in causam judicati, ut eas teneat, non etiam ut habeat jure domini, nisi post duos menses nullo invento emptore ei addicantur. Notandum etiam est ex l. 3. *hoc tit.* in causam judicati, id est, exequendi rei judicate gratia, etiam nomina rei condemnati pignori capi posse, id est, obligationes, cautiones, quod ita verum est, si deficient res corporales: nam executio incipit a rebus corporalibus mobilibus primum, deinde immobilibus, qui tamen ordo non servatur in Gallia, nisi cum minores judicati sunt. Et postremo si deficient, vel non sufficient res corporales, transitus sit ad nomina, quæ sunt res incorporales, l. 2. *sup. quando fac. vel privat. d. l. a D. Pio, §. si post.* Nec omittendum quod ait l. 4. *hoc tit.* non tamen ex causa judicati pignori capi posse annonas, salaria, et stipendia militum, *on ne peut point exécuter sur cela*, quia Reip. interest, militibus non auferri sua stipendia, suas annonas militares, ne deserant militiam: et causa publicæ utilitatis, sive communis salus semper præfertur privatæ utilitati. Qua ratione utitur Theod. in hac l. 4. *Juris auctores*, inquit, *quæ communiter omnibus prosunt, præferre solent iis, quæ uni prosunt, vel duobus.* Neque huic l. 4. quicquam obstat l. *commodis*, ff. *de re jud.* quia non loquitur de stipendiis militum, sed de præmiis, et annonis athletarum, qui ex sacro certamine victoriam reportant: nam eorum præmia, et commoda pignori capi possunt. Longe alia est ratio militum, qui sub armata militia protegent Remp. ut plane nolim l. 4. trahi ad commoda, sportulas, sive annonas clericorum, quia lex 4. cum inscripta sit ad militem, de militibus tantum accipitur, qui sub armis merent, ut ponit Theod. nominationem, *ἡν καταδικάζειν στρατιώτης ὄντος*: id est, *si condemnatus fuerit miles armatus.* Et ita etiam aliud privilegium, quod militi armato datur in l. 6. *et l. item miles*, ff. *de re jud.* ut non teneatur ultra quam facere possit, vulgo male trahunt ad clericos, et militiam omnem civilem, cum illæ leges loquantur de armata militia, nobis non licet esse tam audaces, ut privilegia maxime protrahamus ad alia, quæ quasi contraria juri communi semper sunt accipienda restrictius. Addamus executionem rei judicatæ fieri tantum per magistratum, rei scilicet a se judicatæ, vel a judice, quem is dedit: nam judex datus, sententiæ, quam dixit, executionem non habet, d. l. *ad D. P.* sed sententiam ejus exequitur, qui eum dedit, vel per se, vel per officiales suos, executores, apparitores, intercessores datos a se

judicati exequendi causa, ut in l. 2. *sup. l. 3. si in caus. jud. l. si pign. ff. de evict.* ubi etiam ait, *per offic. etiam rem judicatam exequi extra ordinem*, ut ex illo loco vere possis constituere, omnem executionem rei judicatæ hodie fieri extra ordinem, nimirum quia executionis ordo predictus leg. 12. tab. ordo legitimus exequendi judicati, hodie non observatur, puta, ut ab eo, qui *veit condemnatus* ducatur, et vinciatur nervo, aut compedibus, et suo vivat si volet, si suo non vivat, vivat sumptibus ejus, qui eum duxit. Et ad extremum si non faciat judicatum peregre venum eat, et alia, quæ Aul. Gellius refert: ad quem ordinem antiqui juris respexit l. *si pro aliquo 21. ff. ad Verlegan.* illo loco: *propter solutionem vexetur*: nam *vexui* proprie est duci, rapi huc illuc. Et ad eundem quoque ordinem pertinet l. *quos nos hostes*, ff. *de verb. sign.* dum explicat verbo *vivere*, contineri non tantum victum, sed etiam vestitum, et stratum, et l. *si victum, de rei judic.* quæ ait eum, qui condemnato sibi, quem duxit, et victum habet, non patitur de suo inferri victum, et stratum, teneri poenali actione in factum, vel actione injuriarum, quæ omnia respiciunt ad ordinem legitimum antiqui juris: novo jure executio sit extra ordinem, id est, non servato illo ordine l. 12. tab. d. l. *si pignora*. Addamus de executore: executor habet tantum jura exequendi, non judicandi, aut retractandi rem judicatam, imo nec interpretandi, l. 6. *et pen. hoc tit.* Executio rei judicatæ comprehenditur tribus verbis, *capione, distractione, et additione*. Addictio est extrema linea executionis. Ac postremo notandum est, quod diximus de tempore dato ad solutionem judicati condemnatis, id tantum habere l. cum in actionibus personalibus, quibus agitur de pecunia debita, quod et ipsa lex duodecim tabularum demonstrat, dum ait, *æris confessi, rebusque jure judicatis 30. dies justi sunt*: nam tempus datur conquirendæ pecuniæ causa, quæ non statim cuilibet est in manu. At in actionibus in rem hæc tempora non observantur, sed statim jubet judex rem ipsam restitui cum fructibus, §. 1. *Inst. de offic. judic.* Imo et ipsam aufert manu ministrorum, sive militum, l. *qui restituere*, ff. *de rei vindic.* si sit in potestate judicati, sed ut adjicit d. §. *si judicatus*, id est, rem restituere jussus cum fructibus perceptis a lite contestata, aut percipiendis, sine frustratione, id est, non morandi animo, aut tergiversandi petat tempus ad restituendam rem, puta quod ea res sit in longinquo, tunc ei tempus indulgendum est, si modo satisfaciat de præstanda restitutione rei, si eam non restituit intra datum tempus. Etiam cum agitur interdicto de libero homine exhibendo, constat statim post rem judicatam sine cunctatione ulla

exhibitionem esse faciendam, *l. ult. §. 1. ff. de lib. homine exh. b.* Idem puto dicendum in actionibus in personam, quibus advocamus possessionem rei nostrae in actione depositi, vel commodati, nec agimus de pecunia debita, ut etiam officio judicis sine ulla temporis intercapedine ipsam rem mihi restitui oporteat. Et observandum post moram, si res in condemnationem deducta, non pecunia (nam pecunia non potest perire, debetur enim in genere) si res, inquam perierit post moram iudicati, ad debitorem pertinebit periculum, quod est generale in jure, ut post moram extincti rei periculum pertineat ad debitorem, *l. si ex legati causa, de verb. oblig.* Quod in iudicati causa nominatim est scriptum *l. 7. h. t.* In qua additur etiam animalia, et foetus eorum venire in causam restitutionis, et periculum quoque eorum pertinere ad iudicatum, si perierint post moram.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LIV. De usuris rei judicatae.

Tempus legitimum, quod condemnatis praestatur pecuniae in condemnationem deductae conficiendae gratia, fuit ex 12. tabul. unius mensis, postea vero fuit duorum mensium ex alia *l. ut constat ex l. 3. §. ult. h. tit. l. 1. C. Th. eod.* Et ad extremum ex constit. Just. id est, *l. 2. et 3. h. t.* tempus iudicati faciendi est 4. mensium, qui connumerantur a die prolatae sententiae: vel si appellatum sit, a die confirmatae sententiae. *l. 2. h. t.* vel etiam, quod addi velim, ex die morae, puta si condemnatus mala fide appellavit negotii protrahendi causa, vel etsi bona fide appellavit, et postea per eum factum est, quo tardius iudicaretur: nam ex die, quo ille frustratione uti coepit, idque egit, ut his tardius finiretur, tempus legitimum connumeratur, *l. ult. de re jud. l. tutor. in princ. de usur.* Post tempus legitimum fit executio rei judicatae, captis et distractis pignoribus. Et executor, quod nunc additur in hoc titulo, non tantum habet rationem in exequenda re iudicata ejus pecuniae, quae in condemnationem deducta est, sed etiam rationem habet usurae centesimae ejus pecuniae, sive sortis, quae ab eo tempore currit, id est post legitimum tempus,

et debetur ei, secundum quem iudicatum est, ut si sors in condemnationem deducta sit 400. post legitimum tempus, id est, quatuor menses executor rei judicatae non tantum exigit 400. quae principaliter debentur, sed etiam si condemnatus in solvendo iudicatio annum traxerit post 4. menses, exigit executor 48. usurae centesimae nomine: nam usura centesima est, quae in centenos aureos quotannis reddit duodenos, quod in idiotismo dicimus, *au denier huit, et tiers*, quia haec summa duodecies inest in summa 100. aureorum, et ita hoc proponitur in *l. 1. h. tit.* in causa fisci: nam *l. 1.* scripta est procuratoribus hereditatum fisci, de quibus etiam in *l. sed si accepto, ff. de jur. fisc.* Et in antiqua inscriptione: *procuratori stationis hereditatum: et in alia: procuratori patrimonii et hereditatum: Scribonius Largus lib. de compositione medicamentorum, Antheo Tiberii libertus super hereditas*, id est, *procurator hereditatum*: nam procuratores rerum fiscalium plerumque erant liberti principum. Et Basil. quoque legem primam accipiunt de fisco, cum ejus sententiam his verbis exprimunt, *ὅτι ὁ δημόσιος ἐπὶ τὴν τὴν καὶ νικῆσαν ἐκτεσταιὸν τῶν τόκων λαμβάνεται τὴν τετράμηνον τῆς καταδίκης*, si fiscus adversus aliquem egerit, cumque vicerit, centesimam usuram accipiet pecuniae in condemnationem deductae post 4. menses. Et forte usura olim rei judicatae in causa fisci fuit centesima tantum, ut apparet ex *l. 1. sic accepta*, ut dixi, quam in aliis causis constat fuisse binam centesimam, *l. 2. h. t. C. Th. eod. tit.* Et ex const. Just. antiquiore constat fuisse semissem usuram, et ipse refert in hac *l. 2.* id est, dimidium centesimae. Et puto Justinianum in hac *l.* intelligere *l. eos, §. ceteros, sup. de us.* quae tempore prior est, quippe cum sit data Justin. iterum consule, lex autem secunda sequenti anno Decio consule. Et in *d. l. eos* generaliter definit Just. etiam in illis casibus, quibus citra stipulationem usurae debentur (ut hoc casu debentur usurae rei judicatae ipso jure sine stipulatione ex natura iudicati, ut ait *l. 3.*) Nec illis, inquam, casibus, usuras exigi majores semissib. at posteriori constitutione idem juris esse voluit in fisco, et privatis, ut sc. sortis in condemnationem deductae post legitimum tempus currant usurae centesimae, sortis, inquam, non etiam usurarum ex contractu in condemnationem deductarum, ut definit in *l. 3. h. t.* Nam ut idem Just. ante constituerat *l. ult. de usur.* usurarum usurae non debentur, etiamsi sint anatocismus. Olim permissus erat anatocismus, hodie est prohibitus const. Just. *Anatocismus est renovatio usurarum.* Et fit duobus modis, stipulatione, quae dicitur novatio voluntaria, quod solebat fieri, ubi usurae sortem requaverant: quia supra

duplum non potuit deberi. Ubi ergo usurae ad duplum pervenerant, id est, ubi equaverant sortem, tum quasi sortis deducebantur in stipulatum, atque ita redigebantur in sortem. Et rursus ejus sortis in stipulationem deducebatur alia usura. Denique *anatocismus est usura usurae redactae in sortem*. Nam semper veteres prohibent usuras usurae, *l. si non sortem, §. 1. ff. de cond. indeb.* sed non usuram usurae, quae sortis effecta est. Fit etiam anatocismus iudicato, quia actio ex stipulatu transfunditur in actionem iudicati, actio pristina, qua actum est, transfunditur in actionem iudicati, ut Justin. ait in *l. 3. priorem contractum novari iudicato, et l. si fundus, §. si pluri, ff. de pign.* si res transierit ad condemnationem, inde pecuniam deberi, id est, ex iudicato, ex condemnatione, non ex pristina causa, quae novata est, ac proinde extincta. Novatio extinguit priorem obligationem. Ergo verissimum est, quod tamen hic Accursius negavit contra manifestissima verba *l. iudicatio novari ea in actionem, qua actum est*. Ea eor non novari obligationem pignoris, de qua non est iudicatum, ut in *l. grege, §. etiam, ff. de pignor.* Pateor non novari fidejussoris obligationem, qui iudicio non adfuit, cum quo actum non est, *l. grege, §. et po t, de fidejussorib.* Pateor etiam non novari usurarum obligationem, si de sorte tantum iudicatum sit, non de usuris, *l. 1. sup. de jud.* et dico novari principalem obligationem, id est, sortis obligationem, de qua pronuntiatum est. Et consequenter etiam novari usurarum obligationem, quae in condemnationem deductae sunt. Et haec est magna differentia inter novationem voluntariam, quae fit stipulatione, et necessariam, quae fit re iudicata: nam facta novatione voluntaria per stipulationem, tacite et pignora, et fidejussores liberantur. Et usurae amplius non currunt, *l. novatione, de novat.* At facta novatione necessaria, puta re principali tantum iudicata, nec pignora, nec fidejussores liberantur, et usurae, quae non sunt deductae in condemnationem, procurant. Ratio diversitatis haec est, quia iudicato non tollitur obligatio naturalis, *l. iudex, et l. Julianus, ff. de condict. ind.* et stipulatione omnis obligatio tollitur, civilis, et naturalis: ubi manet naturalis, et pignora manent, atque etiam fidejussoriae obligationes. Manet etiam obligatio usurarum, quia alia est stipulatio sortis, alia usurarum. Dux sunt stipulationes: ne si de una sit iudicatum, videtur etiam iudicatum de altera *l. centum, ff. de eo, quod certo loco*. Concludamus igitur fieri anatocismum iudicato, si et usurae in condemnationem deducantur: finire ergo obligationem pristinam usurarum novatione, quae contingit per rem iudicatam:

T. m. IX.

et post tempus legitimum solvendi iudicati, quod est immune ab usuris praestandis, incipiunt currere usurae rei iudicate secundum jus vetus, quo permittitur anatocismus, ut *d. l. 1. C. Theod. eo. l.* et in antiqua sententia Senecionis subpresecti primae classis Missenatium: *Heredes Patulci Diocl. mul- tentur sorte una cum anatocismo bene centesima usurae propter neglectam religionem sepulchrorum clam dirutorum*. Anatocismus, sive novatio est finis veterum usurarum, et initium novarum, qui tamen a Justiniano ex causa prohibitus est. Ideoque ut definit in *hac l. 3. si iudicato facta sit novatio usurarum*, id est, si in sortem, et usuras facta sit condemnatio debitas ex contractu, finitur obligatio sortis et usurarum, veluti novatione, et utrumque deberi incipit ex causa iudicati, et post tempora iudicati faciendi statim incipiunt currere sortis tantum usurae centesimae, non etiam usurarum in condemnationem deductarum, abrogata *l. 1. C. Theod. eo. tit. licet*, inquit, in sententia iudicis sit consummata. Graeci habent, *συζυγίζω*, quantitas sortis, et usurarum, id est, in unam summam redacta, quam summam summarum vocat Plautus, et Seneca, ut si dixerit iudex 500. *dari sortis, et usurarum nomine*, utriusque quantitatem consummaverit, et tamen nos dividemus sortem ab usuris, et post tempus iudicati, dicemus sortis tantum usuras currere centesimas, non usurarum in condemnationem deductarum, confusas summas dividemus. Et in consummationem accipit, *l. si plura, ff. de adilit. edict.* quam coadunationem unius calculi vocat *l. ult. sup. de jure dotium*: consolidatam rationem Marc. Tul. quinto *Epist.* Hanc vero decisionem, ut usurarum in condemnationem deductarum, usurae non currant post spatium legitimi temporis, quod omnino vetitus sit anatocismus, confirmat Justinianus hac ratione: *quoniam, inquit, est absurdum, et inelegans usuris minoribus, quales sunt plerumque usurae debita ex contractu, de quibus pronuntiatum est, secundum definitionem dict. legis eos*. Absurdum, inquam, est, usuris minoribus iudicato extinctis, et finitis, succedere graviores, quales sunt usurae rei iudicate, nempe centesimae. Postremo notandum ex *§. ultim. l. 3. tempora iudicati*, id est, quatuor menses non tantum dari condemnantis, sed etiam fidejussoribus eorum, aut mandatoribus; alioquin nec condemnatis ipsis ea tempora proficerent, quia si fidejussores cogerentur statim solvere, haberent adversus condemnatum regressum per actionem mandati, ita ut qui petit a fidejussore, vi ipsa videatur petere a reo, *l. adversus, de reception.* Olim tempora iudicati dabantur reis principalibus tantum, et duo menses duplata, *d. l. 1. Theod. C. eo. tit.* non

105

fidejussoribus, aut mandatoribus: hodie dantur omnibus accessoribus, et quatuor menses, non duo ex constitutione Justiniani.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Titul. LV. Si plures una sententia condemnati sint.

Pertinet etiam hic titulus ad executionem, et effectum rei judicate, quia docet si duo, vel plures una sententia condemnati sint, executionem fieri pro virilibus portionibus diviso periculo sententie, id est, ex causa judicati singulos non teneri in solidum, videlicet, si simpliciter, et generaliter omnes condemnati sint in unam, et certam quantitatem, puta hoc modo: *Mrevium, et Sejum, et Semp. L. Titio centum condemno*. Singuli, qui condemnati sunt, partes debent: denique judicato non sunt duo rei debendi, quorum natura, et conditio huc est, ut singuli solidum debeant, et ut alterius inopia alterum oneret: quod dicimus in idiotismo, *chacun pour soy, et chacun pour le tout*. Judicato igitur non constituentur duo rei debendi, quia sententia scinditur in personas. Quod etiam ostenditur in *l. Paulus 2. ff. de re jud. l. si qui separatim, §. quoties, ff. de appel. l. si mandatu Titii, §. Paulus respondit, ff. mand.* Et hoc ita verum est, si singuli in solidum condemnati non sint, vel si nominatim in sententia expressum non sit, ut quod unus facere non posset, alter faciat: nam hoc genere duo rei debendi constituentur. Ceterum hoc non expresso, sententia scinditur in personas, portionesque viriles. Ex quo apparet verum esse, quod diximus tit. superiori, judicato novari priorem obligationem, prioremque contractum: nam qui ante iudicatum forte erant duo rei debendi, puta duo tutores, duo mandatores, duo rei constitutæ pecunie, duo fidejussores, licet id in contractu cautum non esset, ut in *d. l. si mandatu Titii, §. Paulus*, quia in contrahendo, quod agitur, pro cauto habetur, *l. cum quid, ff. de reb. cred.* Ergo contractu sunt duo rei debendi, si tacite agatur, etiamsi non caveatur nominatim. Et ita, qui ante iudicatum erant duo rei debendi, post iudicatum, post condemnationem in eorum personas collatam, duo rei esse desinunt, tanquam novationis genere, nisi id fuerit in sententia nominatim cautum, ut essent correi, ut singuli adstringerentur in solidum judicato faciendo. Igitur, si hoc cautum non sit in sententia,

non tenentur ipso jure ex causa judicati, nisi pro virilibus portionibus. Duo rei sunt in stipulatione, emptione, locatione, commodato, deposito, tutelæ gestione, administratione, *l. eandem, ff. de duob. reis*. Et nominibus factis apud mensam, ut in *l. idem, et l. si unus in prin. ff. de pact.* Et sunt his modis duo rei, etsi cautum non sit nominatim. Judicato autem non sunt duo rei debendi, nisi id cautum sit nominatim, etiamsi ante iudicatum fuerint duo rei ex priori contractu. Obijcies ergo condemnationem reo proferre, quod qui tenebatur in solidum teneatur ex condemnatione pro parte tantum, *πὸς ἀνάλωτον*, ut Græci dicunt, quod est contranaturam condemnationis: et quod ait *lex evidenter, ff. de except. rei judic.* evidenter esse iniquissimum, ut exceptio rei judicate proficiat ei, contra quem iudicatum est, sicut iniquissimum etiam est, ut exceptio rei judicate nocet ei, secundum quem iudicatum est, *l. 9. §. 1. ff. eod.* At ego obijciam, condemnationem sane non proferre condemnato in eo, in quod condemnatur, quia hoc natura rei non patitur, sed proficere in eo, quod minuit condemnationem, quod sententia minuit, aut minuire intelligitur priorem obligationem, si dicatur generaliter, et simpliciter enumeratis personis: nam enumeratio personarum facit viriles portiones, *l. si pluribus, ff. de leg. 1.* Sic igitur non possis statuere, condemnationem proficere condemnato, quia minor condamnatio prodest quidem, sed non condemnato. Iudex potest minuire priorem obligationem, quod etiam notandum est ex hoc tit. Nam potest efficere, ut qui solidum debet ex prioris contractu, virilem tantum portionem debeat.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Titulum LVI. Quibus res iudicata non noceat.

In hoc titulo hoc tantum proponitur, actionem judicati, vel exceptionem rei judicate, non nocere *absenti*, id est, qui iudicio nec per se interfuit, nec per procuratorem: puta si non mandavit causam agi suo nomine, vel si peractam causam suo nomine, et omne, quod actum est citra mandatum suum postea ratum non habeat: nam qui ratum habet, intelligitur retro litigasse per procuratorem, quia rati habitio retrahitur, et mandato comparatur. Sic igitur dicamus, actionem judicati, vel exceptionem rei judicate non nocere ei, qui nec per se, nec per procuratorem iudicio interfuit, id est, qui non

litigavit, nec conventus est, aut qui conventus, non absuit ex contumacia, etiamsi negotium, quod habet, simile fuerit omnino ei, de quo dicta sententia est, ut *l. ult. hoc tit.* ut cohæredi, qui non litigavit in eadem causa, quæ acta est cum cohærede, non nocet exceptio rei judicatæ, *l. 2. hoc tit. l. jud. ff. de except. rei jud.* Item, si frater egerit nomine fratris, nec mandante fratre, nec ratum habente fratre, qui non litigavit, exceptio rei judicatæ non nocet, nec quod frater ejus nomine abusus est, *l. 1. hoc tit.* Et generaliter exceptio rei judicatæ obstat, quoties inter easdem personas eadem questio revocatur, *l. 7. §. pen. ff. de except. rei jud. l. 2. inf. de except.* non quoties in alias personas, quæ priori judicio non interfuerunt eadem questio revocatur, ut ait *l. Claud. in fin. ff. qui prior in pign.* eleganter sine præjudicio prioris sententiæ, ei, qui non litigavit, totum jus integrum relinqui, ut *l. 1. hoc tit.* eum qui non litigavit, agere sine præjudicio rerum judicarum, id est, sine metu exceptionis rei judicatæ. Prius judicatum non est præjudicium, cujus possit esse ulla vis inter alias personas, ut *l. is qui fundum, ff. de usuf. leg.* Non posse arbitrium inter alios judicando alterius jus mutare. Estat hæc regula hujus tit. multis in locis juris, et patitur vitia quedam, sed quæ non sunt explicanda hoc loco; quod nullum eorum in hoc tit. proponatur. Teneamus ergo hanc regulam, et addamus ex *l. pen.* ei locum esse non tantum in pecuniariis causis, sed etiam in criminosis, in accusationibus, quæ est regula, sive summa hujus tit. ut non immerito queri possit, quid distet hic titulus, in quo nihil aliud proponitur, quam rem judicatam inter alios non nocere, a tit. 60. in quo ita res inter alios acta, vel judicata aliis non nocet, quod ibi explicabatur. Ceterum *l. pen.* est conjungenda *l. 6. inf. de accus.* Utriusque *l.* eadem est inscriptio et subscriptio, et earum conjungendarum ratio hæc est, ut reum accusatum non possit alius pendente actione ejusdem criminis reum facere: sufficit accusator unus, quo admissio non admittitur alius pendente judicio, quod proponit *l. 9. inf. de accus. l. hi tamen, §. ult. D. de accus. recte delatum*, non per actum reum: nam ab uno peractum reum, si forte reus absol. sit (peragitur autem reus, si res pervenerit ad sententiam, si de crimine pronuntiatum sit secundum reum, vel contra) peractum, inquam, reum ab uno, alter accusare potest, quia non est æquum, ut ei noceat res inter alios judicata, maxime si exequatur suam injuriam, suum dolorem, et ostendat se ignorasse accusationem ab alio institutam fuisse, vel etiam si priorem accusatorem prævaricationis arguat, aut collusionis, ut *l. si cui, §. idem, D.*

de accusat. l. 3. de prævaricat. Et ita est accipienda lex *pen. hoc tit.* et conjungenda cum *d. l. 9.*

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. LVII. Comminationes, epistolas programmata, subscriptiones, auctoritatem rei judicatæ non habere.

Pertinet hic tit. ad definitionem sententiæ, ut scimus quid proprie sententia sit, nec quamlibet vocem, aut voluntatem judicis pro sententiâ accipiamus: primum enim *comminatio* judicis non est sententia, ut si quid judex interloquendo causa non cognita, id est, citra formam decreti comminatur eum, qui non solvit pecuniam debitam præstaturum duplum, vel quadruplum, vel gravissimas usuras, ut *l. 1. et 4.* Denique *comminatio* judicis non habet vim rei judicatæ, quæ sit circa formam decreti per interlocutionem, aut de plano. Non habet etiam, ut ait *l. 1.* vim stipulationis, quod comminatus sit eum, qui non solveret intra diem certum, soluturum pretori usuras gravissimas. Hæc *comminatio* non inducit tacitum vinculum stipulationis, sicut nec inducit acceptilationem, *l. 7. sup. de sentent. et interloc. omnium jud. c.* Et hæc pertinet, quod ait Symmachus in Epistolis ad Theodosium: *hoc divus genitor tuus pia lege constituit, sententiâ quoque sub comminatione de romptam effectu, et executione vacuari.*

Nec alia ratione programma, ut ait lex *pen. hujus tit.* non habet vim rei judicatæ, quam quod *comminatio* potius sit, quam sententia, ut Græci dicunt hoc loco. Est autem *programma* nihil aliud quam edictum, quod proponitur publice celeberrimis locis civitatis, veluti contra latitantem, contra contumacem, quo si quid comminatur judex, non habet auctoritatem rei judicatæ, nec lædit estimationem ejus, qui latitat *l. ult. inf. de requir. re. l. in peremptorio, D. de judic.* Et de his edictis, et programmatibus maxime notandum est, quod scripsit D. Augustinus in *question. novi testamenti.* Ex pluribus præfectis prætorio si unus programma publico loco affigi jusserit, omnes idem jussisse, et proscripisse videri: in unius præfecti prætorio programmate, etiam ceteri præfecti jubere dicuntur. Sententia hæc est: etiam si unius præfecti jussu proscriptum publice proponatur, tamen hoc ita esse conscriptum, ac si ex omnium præfectorum jussu manserit. Nec

omitteretur est, comminationem, quæ habet formam decreti, et causa cognita interponitur, esse sententiam, quia est decretum, non comminatio proprie, quod ostendit *lex tutor, §. si deponi, D. de admin. tutorum.*

Epistola etiam judicis non est sententia, quam scripsit forte ad debitorem alterius, cohortans eum ad solvendum, vel jubens, *l. 2. hoc tit.* quia sententia non fertur per epistolam, non per nuntium. Multa fieri possunt per epistolam, vel nuntium, sed non sententia. Sententia fit per libellum, qui legatur ab ipso iudice: legitur enim sententia ex libello vel periculo, non dicitur, non profertur verbo tenus, sine scripto, atque ita aliud est Epistola, aliud libellus, *l. et in epist. sup. de fideicommiss.*

Subscriptio etiam ad libellum litigatoris, *l' appointment d'une Requête*, non est sententia, quia fit sine causæ cognitione, *l. 3. hoc tit.* Et multo minus subscriptio ad libellum infirmat superius decretum, quia nec contrarium decretum decretum superius infirmat, ut dictum est *tit. sentent. resc. non posse, l. 3. h. t.*

Et notandum maximo ex *l. 3.* missionem in possessionem rerum debitoris fieri ex decreto, quod certum est: intervenit enim duplex decretum: unum, quo mittitur in possessionem, secundum quo possidere jubetur. Neutrum per libellum fit: nam ubi decreto opus est, res per libellum expediri non potest, *par requête.* Decretum est cognitio, causæ examinatio.

In *l. ult.* hoc ostenditur, non esse appellandam sententiam eam, quæ paucis literis temere descriptis constat, non dicit paucis verbiis: nam brevitatis rationis non vitiat sententiam, nec ullum negotium, ut dicitur in *l. si aliquid, inf. de donat.* Brevitatem chartularum non vitare donationem. *Dono Titio centum*, perfecta est donatio: brevitatis non vitiat testamentum, ut si scribam, *Lucius hæres*, testamentum est. Sic etiam brevitatis sermionis sententiam non vitiat: *Titium Gajo centum condemnno*, quatuor verbis sententia perfecta est, sed non, paucis literis temere descriptis, et intelligit *litteras singulares*, ut veteres loquebantur, quas Justinianos vocat *singula*, id est, singula, ut vincula pro vincula, quibus literis, ut puta quatuor significamus, *Senatum, Populumque Romanum.* Quatuor ille litteræ dicuntur singulares litteræ, non sunt notæ: nam notæ non sunt litteræ: *ce sont des Chiffres.* Vult ergo ut sententia scribatur per consequentiam litterarum, non paucis literis temere descriptis: id est, non singulariis literis, et multo minus notis, quia non sunt litteræ.

JACOBI GUJACII J. C.

In Lib. VII. Codicis

RECITATIONES SOLEMNES.

Ad Tit. LVIII. Si ex falsis instrumentis, vel testimoniis judicatum erit.

De executione rei judicatæ habuimus supra: pluribus condemnatis una sententia, condemnationem scindi in portiones viriles, licet ex priore contractu, qui condemnati sunt, fuerint correi, atque ita condemnationem condemnatis proficere, quatenus minoris, non quatenus tanti est, vel esse intelligitur. Et nullam esse executionem rei judicatæ in eum, qui non litigavit, id est, qui non per contumaciam iudicio absuit, non esse sententiam comminationem nudam iudicis: non quod iudex per nuntium jubet, per epistolam: non quod subscribit ad libellum. Denique non omnem vocem, aut voluntatem iudicis esse sententiam, sed tantum, quæ causa cognita ab ipso iudice de libello prescripto clavis literis recitatur de absolutectione, vel condemnatione rei, de qua agitur. Nunc sequitur in *h. t.* suspendi executionem rei judicatæ ex falsis instrumentis, vel testimoniis: testimonia sunt dicta testium relata in literis. Sed idem trahitur etiam ad falsos testes, *l. Divus, ff. de re judic. et ad falsum iurjurandum, quod iudex sequutus fuerit, l. admonendi, ff. de iurejur. et ad falsas allegationes, l. si prætor, §. pen. ff. de judic. et sup. tit. si tut. fals. alleg. etc.* Et hoc quidem ita procedit, si quis probaverit falsa esse instrumenta, et eorum filium secutum iudicem ita judicasse, et per hoc circumscriptam fuisse iudicis religionem, *l. 3. hoc tit.* Nam si variis prolatis instrumentis in iudicio, quibusdam veris, quibusdam falsis, iudex ex veris iudicavit, non ex falsis, rata sententia est, tametsi in iudicio exhibita fuerint quædam instrumenta falsa: at si ex falsis instrumentis iudicaverit, et hoc probetur liquido, sententia ipso iure citra appellationem rescinditur, *l. 2. h. t.* quia habet, ut eleganter Theodorus ait, ἀνὸς τὸ ἀνὸς ἄλλοτερον. id est, laborat irriti vitio intestino, et per se nulla est ipso iure: et male Glossa ait, sententiam rescindi petita a prætore restitutione in integrum, quæ ipso iure rescinditur, etiam extra restitutionem prætoris: nam in *l. Divus, ff. de rei jud.* in integrum restitutio est ἀναλυσίς, id est, redintegratio, et restauratio litis: *quand on revoit le proces.* Prætoriam autem restitutio in integrum aliud est, nempe juris

ami-si reintegratio : itaque ambiguum est verbum *rest tutiois*, et anceps. Et quod præterea additur in *d. l. D. vus*, testes fuisse pecunia corruptos, ex abundanti est, quia etsi non fuerint pecunia corrupti testes, qui falsi dicuntur, et sunt, causa ex integro agi poterit, quæ ex falsis testibus iudicata est. Et in *l. 1. h. t.* præbebit notionem suam, causa scilicet acta ex integro : etsi ex eo iudicato per errorem, qui condemnatus est, forte solverit antequam nosset instrumenta, quibus motus est iudex falsâ esse, iudicati soluti repetitio est, *l. ult. h. t. et l. qui agnatis, D. de excep.* quis ipso jure indebitum fuit, propterea quod ipso jure nulla est sententia, quam extorserunt instrumenta falsa, ut nec actionem iudicati pariat, nec exceptionem rei iudicatæ.

JACOBI CUJACII J. C.

Ad Lib. VII. Codicis.

RECITATIONES SOLEMNES.

Ad Tit. LIX. De confessis.

Datur hic titulus, ut intelligamus eandem esse rationem exequendæ rei confessæ, et rei iudicatæ, quod etiam attigerat *sup. l. ult. de execut. rei jud.* Et est ex 12. tab. Confessio est contra se iudicatio, unde consequens est, et confessum pro iudicato haberi, sed exigimus, ut in jure confiteatur, ut ait constitutio hujus tituli, id est, *ἐν βήματι*, ut habent Basilica, id est, pro tribunali, vel apud magistratum, ut *l. quidam, D. de donat. l. post rem, D. de re jud. l. 1. §. proinde, D. si quid in fraud. patr. l. 4. §. pen. D. ad l. Jul. majest. l. 4. sup. de repud. hæred. Et in Novel. de test.* Et ut confiteatur apud magistratum competentem et congruum, ut in *c. 4. extr. de jud.* Nam confessio, quæ fit extra jus, vel in jure incompetenti, pro iudicatione non habetur, nisi uno casu ex *Novella de testibus*, si rogati interfuerunt confessioni factæ extra jus 5. testes, rogati scilicet, et accessiti in eam rem, non fortuiti. Item exigitur, ut confessus habeatur pro iudicato, ut qui confitetur non erret in jure, ut in *l. 2. D. hoc tit.* Quod ita declara, si hæres ignorans quantum sit in bonis, vel in re alieno defuncti, legatariis confiteatur in jure, se debere legata integra, et ἀπολύδιωτα, ut Theodorus loquitur, id est, sine diminutione Falcid. ex sua confessione non tenetur, quis erravit in facto. At si sciens quantum sit in bonis, et re alieno, si peritus facti, ignarus vero legis Falcidiæ, in jure confiteatur se debere solida, et

integra legata, ex sua confessione tenetur, quia in jure erravit: qui error est inexcusabilis.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LX. Res inter alios acta, vel iudicata alii non nocere.

Quod dicit *tit. 56. de re iudicata* ut res iudicata inter alios aliis non noceat, id in hoc tit. porrigit ad omnia alia acta, sive gesta habita inter alios, veluti ad solutiones, transactiones, divisiones, pactiones habitas inter alios, ut aliis non noceant, ut quod solvit cohæres pro sua parte creditori hæreditario, cohæredi non nocet, qui non solvit, et ei quid deberi negat, *l. 1. hoc tit.* Item quod quidam cohæredes inter se transegerunt certæ rei dividendæ causa, tanquam hæreditariæ, id cohæredibus absentibus, qui nihil transegerunt, non nocet, *l. 2. hoc tit.* Symmachus in epistolis: quando absentibus, inquit, et ignorantibus inter alios gesta nocuerunt? Et notandum in hac *l. 2.* transactionem appellari etiam divisionem, quia omnis divisio fit transactionis genere, ut in *l. qui Romæ, §. duo fratres, de verb. oblig. l. tres fratres, D. de pact.* Item quod frater egit nomine fratris absentis, et ignorantis, paciscendo, vel agendo cum debitoribus hæreditariis, ut in *l. 5. hoc tit.* Adde, vel iurjurandum deferendo, ut in *l. 7. sup. de reb. cred. l. 10. D. de jurejur.* Hoc absenti nihil nocet, quia res inter alios acta est, etiamsi illi fuerint absenti consortes, et cohæredes fratris. Nihil proprie in hoc titulo ponitur de re iudicata: et abundant igitur in rubrica illa verba, *vel iudicata*. Sed quod de re iudicata, ut dixi, fuit propositum in *tit. 56.* hic trahitur ad omnia alia acta, sicut quod proponitur in *tit. 52. de re judic.* trahitur ad omnia alia acta in *l. ult. eod. tit.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXI. De relationibus.

Res a minore iudicio ad majus iudicium, sive auditorium, vel ad cognitionem principis transferatur duobus modis, *relatione, et appellatione*, de quibus nunc dicere instituit. *Relatio*, quæ ipsa

consulatio dicitur, fit ab ipso iudice ad principem ante sententiam, ambigat iudex quid statuere debeat ea de re, de qua apud se agitur, missa principi opinione sua, ut *Nov. 113. c. 1.* Et de hoc genere relationis agitur in hoc titulo, quoties iudex consultat principem de re omni ad eum ante sententiam suam, perlata post opinionem suam, cujus certiores facere debet principem, quem consultat, nimirum consulere eum debet exposita opinione sua, vel conjectura. Quod tamen genus relationis sublatum est *Novel. 125.* ut nullae fiant relationes ante sententiam, post sententiam fieri possunt appellatione interposita, nec recepta a iudice, ut princeps aestimet an sequenda sit iudicis sententia, aut recipienda appellatio, *l. pen. C. Theod. eod. tit.* Appellatio autem fit a partibus, a litigatoribus: ad relationem princeps rescribit, vel patritii, qui ab eo electi sunt, ut relationi respondeant, juxta *leg. 34. tit. seq.* Ad appellationem consultat coacto consilio suo, *l. 2. sup. ut lite pend.* Et ita recte Optatus libro primo contra Donatistas: *relatio missa est, rescriptum venit.* Et idem libro secundo. *Cruentas operati sunt cædes, et tam atroces, ut de talibus factis ab illius temporis iudicibus relatio mitteretur.* Solebant enim atrocia crimina, quæ contigerant, mox referri ad principem, ut ipse statueret quid fieri vellet. Et eleganter Imp. in *l. 2. sup. de offic. Vic. Relationes iudicum libenter audimus.* Non agitur de relationibus, quarum sunt pleni aliorum auctorum libri, quæ fiebant ab ipso principe, vel a magistratibus ad senatorem. Et legimus de eis, senatum principibus aliquando dedisse jus tertie, vel quartæ, vel quintæ relationis, quod anxie quaerunt quid sit, maxime D. Alcius 10. parerg. Sed mox ostendit aperte jus 3. 4. vel 5. relationis, nihil aliud esse, quam ut possit princeps de re eadem pertinente ad summam rempublicam referre, ter, quaterve pertinaciter, idemque retractare sæpius. Quod arguit aperte Capitolinus in Pertinace, dum ait, *pertinaci datum jus quartæ relationis.* Idque omnis loco fuisse, quia revera est pertinax, qui eadem re sæpius refert, ut Pertinaci merito daretur jus quartæ relationis. At ut de relationibus iudicibus ad Principem, de quibus agitur in hoc tit. exponamus: primum exigitur in hoc titulo, ut relatio missa ad principem sit plena instructio, plena et integra relatio, plena opinio, id est ut omnem causam complectatur, *l. 1. et 3. hoc tit. l. 13. tit. seq.* ut sit plena opinio, ut ait *lex inter pœnas, D. de interdict. et releg.* Cur in cognitione principis non datur dilatio, *l. 3. sup. de dilat.* quia non nisi ad plenum instructa causa remittitur ad principem, et ut Iudex exemplum relationis, et opinionis, quod vult mittere ad principem, edat litigatoribus, et

partibus, nec eam mittat insciis eis, ut in *l. pen. D. de appellat. recip. l. ult. D. quando appelland. sit.* Præterea, ut suæ relationi adjungat acta, *il faut qu'il envoie la procédure,* et adjungat etiam refutatorias preces partium, si quas velint addere, id est, refutationes relationis si dicant relationem non esse plenam, non esse perfectam, si dicant relationem contrariam esse veritati, vel qua alia ratione eam impugnent adjectis refutatoriis precibus: tum denique plena est maturitas relationis, *l. 2. hoc tit.* sic legendum, *plena maturitas, non plena veritas.* Et hæc omnia ostenduntur non tantum in hoc titulo, sed etiam in sequenti, *l. eos, §. super his, l. quoniam, et l. a proconsulibus.* Symmachus in epistolis: *tunc oblati provocationis libellis suspensa sententia, ejus meritum perennitas vestra lectis, gestis, ac refutatoriis coherentibus aestimabit: ego in referendo prolixius esse non debui.* Et præterea ostenditur in hoc tit. *l. 1.* ut post sententiam iudex non terreat litigatores promissa relatione, puta dicendo se velle de ea re ad principem referre ne appellent partes: non debet, inquam, iudex obtentu promissæ relationis morari appellationem partium, postquam dixit sententiam, et servandum in hac *l. 1.* recte Haloandrium legere, *relat one promissa, non præmissa.* Relatio promittitur partibus, mittitur principi, *l. ex illo, tit. seq. l. 31. et 34. C. Theod. de appellat.* Et Symmachus: *promissa relatione discedo, a tribunali scilicet.*

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. LXII. De appellationibus, et consultationibus.

Res ad majus auditorium transfertur non tantum relatione, verum etiam appellatione: sed relatione, ante vel post sententiam, appellatione, non nisi post sententiam, *l. ult. sup. de sentent. et interlocut.* Hoc est commune remedium damnatorum, vel eorum, quibus sententia iudicis omni ex parte non satisfacit, *l. 3. in fin. D. rem rat. hab.* Et appellationis effectus hic est, ut extinguat iudicatum, *l. 1. in fin. D. ad Senat. Turpil.* etiamsi non recipiatur ab eo, qui iudicavit, *l. 3. hoc tit.* Et si forte injusta appellatio visa sit, ut prior sententia potius conservata dicatur, *l. ult. ff. quod cum eo: quam confirmat l. 2. sup. de usur. vel judic.* Quia confirmationis natura hæc est, ut retrotrahatur, *l. 23. sup. de don. inter.*

vir. et uxor. At prior sententia, si confirmata sit, *appellatione injusta pronuntiata*, non retrahitur posteriore sententia, id est, posterior sententia non recurrit ad priorem, sed prior descendit ad posteriorem, adeo ut furti damnatus, si appellaverit, et appellatio injusta sit visa, hodie fiat infamis, non etiam retro intelligatur fuisse infamis a die prioris sententiae, *l. furti, §. 1. de his qui not. inf.* Appellatio etiam vim suam exercet adversus rescriptum Principis, ut puta si post missam relationem ad Principem, et elicitum a Principe rescriptum, ad id iudex conformavit sententiam suam. Nihilominus ab ea appellari potest, licet sit corroborata rescripto principis, quod praecessit sententiam, *l. 1. §. 1. ff. eod.* Et ita est accipienda *lex 2. hoc tit.* circumducta Glossa Accursii: appellatio jam quid sit queris: est a sententia minoris iudicis ad maiorem provocatio: vel ut simpliciter definit interpretes Apollonii *μετάβασις ἀπὸ δίκης πρὸς αἰσχρολογίας*: est transitus a iudicio ad iudicium. Dico a sententia: nam ab interlocutione periculis solet appellari, id est, paucissimis casibus, *l. 2. ff. de appellat. recipiend.* Itemque ab executione sententiae *l. 3. inf. quor. appellat. non recip.* et a nominatione iusta ad munus, honoremve publicum, a nominatione iusta, id est, legitime facta, qua quis scilicet vocatur ad munus publicum: a qua interponitur appellatio, querela potius est, quam appellatio, ut eleganter ait *lex 12. C. Theod. eod.* Quia *appellationis* verbum, ut ea *lex* ait, in maioribus rebus dici oportet. Quamquam et ipsa appellatio sit querela, quae in majori auditorio instituitur adversus iniquitatem prioris, quae est altera definitio in *l. praefecti, ff. de minor.* Appellatio est species: querela est genus: nam et cum sententia dicitur ipso iure nulla, hoc non appellatio, sed querela appellatur *l. 3. sup. quom. et quand. jud.* Consultatio autem in hoc titulo longe aliter accipitur, quam in *tit. sup. l. 1. et 3.* Nam ibi *consultatio* est relatio iudicis ad principem: hic *consultatio* est deliberatio, et consilium, sive sententia, quam princeps, ad quem appellatum est, cum consilio suo collocutus dicit, quae in Basilicis semper vocatur *συμβουσία*, ut in Psalmo 1. quod 70. interpretes, *βουλῆς* auctore Eusebio; Symmachus *συμβουσίαν* vocat: et in *l. 6. sup. de usucap. pro empt.* quae est sententia, sive decretum Imper. Philippi, in inscriptione ita est legendum: *imperator Philippus Augustus cum consilio collocutus dixit*: quibus verbis etiam legimus in libris notarum Juris explanari tria CCC. *Cum consilio collocutus.* Et sane ita est explanandum, quod pauci sciunt in antiqua formula Alpheni Senecionis subpraefecti primae classis in Mis. ubi ita est: *Senecio.* Deinde sequuntur tria CCC. id est,

cum consilio collocutus. Consultatio igitur est consilium principis, et conventus coacti senatus ad dirimendas causas appellationis. Julianus in *Nov. 38.* differentiam facit inter silentium, et consilium, vel conventum, vel consultationem, dum ait, senatoribus principem, aut in licere silentium, aut conventum, sed indicto silentio, non conventu, silentio inesse conventum, id est, senatum esse in conventu, id est, non minus senatores convenire debere indicto silentio, quam indicto conventu. Et indicbatur silentium principe habituro orationem in senatu. Zonaras in Leone Philosopho refert, Imperatorem consuetam in senatu orationem de castu, sive jejunio habere voluisse, quae vocatur *silentium*. Ita etiam Nicetas in Manuele Comneno lib. 7. *Imperator*, inquit, *parturiebat Catecheses, sive institutiones pias, quas Catecheses, sive conciones vocant silentium*: et ita etiam Anastasius Bibliothecarius lib. 21. *Leo*, inquit, *silentium contra sanctas, et venerabiles habuit iconas*: et 22. *Imperator per dies singulos silentia faciens, populum ad suum sensum flexit.* Alia ergo sunt consilia, sive consultationes, alia silentia. Nec consilia igitur dicuntur, quasi consilia, ut Festus scribit, sed quasi consilia, ut Servius ait, recte adiciens sedentium animos tranquilliores fieri: et ideo consiliantes sedere, non stare, ut Appollonius lib. 4. *μετὰ τὸν ἔδραν βοῦν, agebant consilia sedentes.* Et Homerus *Illados pen. βουλὰς ἔδραν βοῦνίσουσιν*, et ult. *βουλὰς βούλουσιν παρῆναι.* Porro statim initio hujus tituli, veluti pro exemplo proponitur sententia Imper. Severi ex appellacione infirmans prioris iudicis sententiam. In qua notandum est, praemitti rationem sententiae his verbis: *prius de possessione, etc.* ut Servius in locum illum Virgilii lib. 10. *Aen.* Quandoquidem Ausonios conjungi foedere Teucriis, scribit in usu fuisse, ut antequam diceretur sententia, ejus praemitteretur ratio, quod vellem et in usu esset hodie: nam hoc etiam probat Accursius in *l. xi. legatario, in fin. de fideicommiss. libert.* Etiam arbitror notanda esse illa verba, quae supplenda sunt in quibusdam libris, a quibus absunt: *Severus autem dixit.* Nam princeps verbo sententiam dicit, non etiam recitat ex scripto ut alius iudex ex periculo. Item notandum in *h. l. 1.* a praeside provinciae principem appellari, et jure appellari, si praeses provinciae prius pronuntiaverit de crimine vis illatae possidenti, quam possessionem vi dejecto restituerit: nam ut dicitur, *ante omnia spoliatus restituendus fuit*, quae restitutio appellatur momentum, momenti beneficium, momentaria possessio, quia confestim et sine mora expediri debet. Denique

maorem celeritatem desiderant reformatio, et restitutio possessionis vi erepte, quam executio criminis ex *l. Julia, de vi publica, vel privata*. Et hoc est, quod ait *l. si quis, inf. ad l. Jul. de vi publ. ante omnia causam violentiæ examiniari*, id est causam possessionis vi erepte, ut quam primum redintegretur, non publicum violentiæ crimen. Quia, ut ait eadem lex, prius est finienda causa possessionis, quam perveniat ad crimen violentiæ. Itaque licet dicatur plerumque criminalem questionem præponi civili, *l. ult. sup. de ord. judic.* tamen hoc casu civilis præponitur criminali, quia finita hac civili questione de possessione, postea de vi (quæ secunda est, vel ut vulgo loquuntur, secundum caput) aut nulla, aut expeditior, seu levior erit causa criminalis. Propterea quod crimen cessat, si illum, qui se vim passum dicit, appareat non fuisse possessorem, vel etiam, si possessor fuerit, minus punitur, qui eum deiecit, si sit proprietarius, quam si non proprietarius fuerit, ut innuit *d. lex si quis*. Ac præterea pauci sunt, qui recuperata possessione sua, qua per vim dejecti erant, velint subire periculum subscribendi in crimen *l. Julia, de vi publ. aut priv.* Ut ergo finiantur lites, et præcidantur, hoc casu melius est præponi questionem civilem criminali, quia forte finita civili, conticescet criminalis, eo qui egit contento reformatione possessionis. Itaque ut jam pridem docui *Observ. 3.* pugnat omnino hæc sententia, sive decretum Severi, quod proponitur in *l. 1. cum quo congruit d. l. si quis*, cum alio decreto, sive rescripto Divi Hadriani, quod proponitur in *l. 3. §. si de vi, ff. ad l. Jul. de vi public. et in l. si de vi, ff. de judic.* Quibus locis refertur illud decretum Hadriani, non etiam probatur. Nam Severi decretum, quia posterius est, magis sequendum est. Illo vero Hadrianus censet de vi criminaliter prius agi oportere, quam de possessione vel proprietate. Et fretus quoque forte decreto illo Præses provincie de crimine vis prius pronunciabat: a quo tamen Divus Severus decrevit, iuste appellatum fuisse, quod præter rationem, quam adduxi hac in causa, præstet, et utilius sit finiri prius de possessione, deinde de proprietate civilem questionem, quam perveniat ad crimen de vi publica, vel privata. Ideoque pronuntiat Severus *iuste provocatum fuisse*. Hæc enim est formula qua utitur is, ad quem appellatum est, ut scilicet pronuntiet, aut justam, aut injustam appellationem esse, *mal appelé, ou bien appelé, l. 6. §. 1. hoc tit.*

Ad L. V.

Præses provincie, ad quem appellasti, si non

vilio negligentia vestra, tempus, quod ad reddendos apostolos præscriptum est, exemptum esse animadverterit, sed ex fatalis casus necessitate diem functo eo, qui eos præferebat, id accidisse cognoverit, juxta perpetui juris formam desiderio vestro medebitur.

Lex 5. est de *Apostolis*, qui sunt literæ, quas iudex, a quo appellatum est, recepta appellatione, scribit, transmittens ad eum, qui appellatus est, totius rei cognitionem. Dat autem appellanti perferendas ad eum, quem appellavit, quæ et *literæ dimissorie* dicuntur, libelli dimissorii, et relationes in *l. si iudicio, et l. si appellat. hoc tit.* Et in Basilicis hoc loco ita definiuntur apostoli: ἀπόστολοι καλοῦνται δι' ὧν ἡ παρὰ τοῦ δικαστοῦ γίνεται μὲνυσις πρὸς τὸν μὲλλοντα κρίναι τὴν ἐκκλησίαν: id est, *apostoli sunt literæ, quibus causa refertur a iudice ad eum, qui de appellatione cogniturus est*. Erant autem olim petendis, accipiendis, et reddendis apostolis præfiniti dies 5. ut *Paul. ait 5. Sentent. tit. de dimissor. literis*. Et post redditos apostolos intra alios quinq. dies, datis fidejussoribus, erat cavenda pœna in hunc casum, si appellator appellationem deseruisset, vel si non iuste eum appellasse pronuntiatum fuisset, ut idem *Paulus tit. de cautionibus, et pœnis appellationum*. Hodie vere dandi sunt apostoli, etiam si a nemine petantur: et his datis nulla in pœna cautionem deducitur, id est nulla exigitur cautio pœnalis de exercenda appellatione, *l. 6. §. ult. hoc tit.* Sed qui temere appellavit, arbitrio iudicis mulctatur, *d. l. 6. §. ne temere, il faut qu' il paye l' amende du sol appel.* temere appellanti mediocris pœna infligitur, id est, multa pecuniaria. Et specialiter si non recepta appellatione aliquis tamen obstinate causam appellationis defenderit, et reddiderit, executusque fuerit, si injusta appellatio sit visa, quodammodo notatur infamia, *l. a proconsulibus, h. t.* quia invito iudice, id est, non admittente, seu recipiente iudice appellationem nihilominus eam executus est: unde si male executum appareat, merito notatur. Generaliter, qui temere appellavit mulctatur mediocriter in certam pecuniæ causam. Specialiter hoc casu notatur, quia non recepta appellatione appellationem porrexit injusto. Specialiter etiam is, qui appellavit ab executione, vel interlocutione, quæ appellatio merito repudiari potest a iudice, atque contemni, si tamen præfracte persequatur causam appellationis, quam interposuit ab executione sententiæ, vel ab interlocutione, et pronuntiatum sit *non iuste appellasse*, sustinet pœnam 50. lib. argenti ex *l. 3. inf. quor. appellat. non recip.* Hoc ita procedit specialiter in his duobus casibus, quia

persecutus est appellati nem non receptam, aut que recipi non debuit, veluti ab executione sententie, vel interfectione, ac deinde superatus est, id est, pronuntiatum est temere eum appellasse: temeritas suffert eam poenam, quam diximus illis casibus. Generaliter autem qui temere appellavit, multum for officio iudicis. Item hodie danalis, reiklendisque apostolis non 3. sed 30 dies prescripti sunt, *l. iudicib. hoc tit. l. 29. 31. 34. C. Theod. cod. tit. Novella 126.* Nec obstat *l. 6. §. ult. hoc tit. vel Novella 134.* que ait, apostolos dari sine aliqua dilatione moratoria, sive frustratoria, ut in *l. 1. sup. de relation.* Legitima dilatio non est frustratoria. Qui autem eam non observat, id est, qui ante 30. dies non accipit, et reddit apostolis, prescriptione ab agendo summovetur, id est, prescriptione illius temporis, quod non observavit, repellitur ab actione cause appellationis, vix licet si per eam steterit, quo minus acciperentur apostoli, et redderentur, non si per iudicem steterit, *l. 1. ff. de l. b. dimiss. l. si appellat. inf. h. t.* vel si per tabellarium steterit, cui apostoli dati erant deferendi: quid enim si mors tabellarii interveniret? que est species *l. 5.* Illis duobus casibus succurritur ei, qui appellavit, etiam tardius redditus apostolis, ut prescriptione ab agendo non repellatur. Et hic explicabo sententiam legis si appellationem, hoc tit. quam nullo modo percepit Accursius: diffrentiam ita lex facit inter iudices, et arbitros; iudices appellat eos, qui ex ordine iudicat, id est, Magistratus: arbitros, qui ex delegato cognoscunt, que divisio etiam extat in *l. a proconsulibus.* Et iudices quidem si non recipiant appellationem, vel si recipiant, sed apostolorum copiam non faciant; lex constituit, si appellatum sit ad prefectum urbi, vel prefectum pretorio, que sunt amplissimæ potestates, et apices dignitatum, ut is, qui appellavit, habeat annum integrum ad contestandum, et exposulandam injuriam iudicis, qui non recepit appellationem, vel qui denegavit apostolos recepta appellatione, et ad conveniendum adversarium ubi male Accursius adversarium, id est, iudicem: imo adversarium, id est, eum, contra quem appellavit: quoniam appello au Palais l' intimé. Et ita in *l. ult. C. Theod. de repar. appellat.* que est coniungenda cum *d. l. si appellationem*, ad conveniendos eos, quos pulsat intentio, id est, ad conveniendos adversarios, qui priore iudicio sic sunt. Idem etiam Accursius in *d. l. si appellationem*, hec verba, ex sententia prolata, sic interpretatur, id est, propter sententiam prolatam conveniendum adversarium, id est, iudicem, quod totum est ingratum: nam illorum verborum ex sententia prolata manifestus sensus hic est, ex dis sententia prolata, id est, connumerato quoque ipso die: appellatori

Tom IX.

clari annum ad contestandam prioris iudicis injuriam, et conveniendum adversarium, contra quem appellavit. Quod si, ut eadem *l. ait*, non sit appellatum ad amplissimas potestates pref. urbi, vel pref. pr. sed ad inferiores iudices, lex appellanti ad contestandam eandem injuriam prescribit 6. menses tantum: arbitris autem non recipientibus appellationem, vel denegantibus apostolos, lex appellanti ad contestandam injuriam, et conveniendum adversarium prescribit quatuor menses: post contestationem injuriæ incipiunt currere tempora introducende appellationis: et hoc vult *d. l. si appellationem.*

Ad L. VI.

Eos, qui de appellationibus cognoscent, ac judicabunt, ita iudicium suum præbere conveniet, ut intelligant, quod cum appellatio post decisam sententiam a litem interposita fuerit, non ex occasione aliqua remittere negotium ad iudicem suum fas sit, sed omnem causam propriam sententia determinare conveniat: cum salubritas legis constituta ad id spectare videatur, ut post sententiam ab eo, qui de appellatione cognoscit, recursus fieri non possit ad iudicem, a quo fuerit provocatum. Qua propter remittendi litigatores ad provincias, remotam occasionem, a que exclusam penitus intelligant, cum super omni causa interpositam provocationem, vel injustam tantum liceat pronuntiare, vel justam.

§. 1. Si quid autem in agendo negotio minus se allegasse litigator crediderit, quod in iudicio acto fuerit omissum apud eum, qui de appellatione cognoscit, persequatur: cum vo um gerentibus nobis aliud nihil in iudiciis, quam justitiam locum habere debere, necessaria res forte transmissa non excludenda videatur.

§. 2. Si quis autem post interpositam appellationem necessarias sibi putaverit esse personas, per quas apud iudicem, qui super appellatione cognoscet, veritatem possit ostendere, quam existimavit occultam, hocque fieri iudex perspexerit, sumptus item ad faciendi itineris expeditionem præbere debet, cum id ipsa justitia persuadeat ab eo hoc cognosci, qui evocandi personas sua interesse crediderit.

§. 3. Super his vero, qui in capitalibus causis constituti appellaverint: quos tamen, et ipsos, vel qui pro his provocabunt, non nisi audita omni causa, atque discussa, post sententiam dictam appellare conveniet: id observandum esse sancimus, ut inopia idonei fidejussoris retentis in custodia reis, opationes suas iudices, et exempla

appellatoribus edita, ac refu'a'orias, ad scrinia, quorum interest, transmittant: quibus gestarum rerum fides manifesta relatione pandatur, ut meritis eorum consideratis pro fortuna singulorum sententia proferatur.

§. 4. *Ne temere autem, ac paucim provocandi omnibus facultas præbeatur, arbitramur eum, qui malam fidem fuerit persecutus, mediocriter poenam a competenti judice sustinere.*

§. 5. *Sin autem in judicio propriam quis fuerit causam persecutus, atque superatus voluerit provocare eodem die, vel altero libellos appellatorios offerre debet. Is vero qui negotium tuetur alienum, supradicta conditione etiam tertio die provocabit.*

Legis sextæ sunt sex capitula in usu apprime necessaria, ex quibus jam exposui duo: unum de modice pœniendo eo, qui temere appellavit, in §. *ne temere*: alterum de dandis apostolis, etiam nemine petente, et de non exigenda cautione exequendæ appellationis in §. *ult.* Restant igitur quatuor capitula. Primum est, ut judex, ad quem appellatum est, omnino sua sententia definiat juste, necne sit appellatum, nec rursus negotium remittat ad priorem judicem, *il n'y a point de renvoy*: quia interposita appellatione, ejus rei judex esse desiit, ut ait l. 13. C. *Theod. cod. tit.* Et hoc est facillimum. Secundum autem caput hoc est, ut in judicio appellationis audiat is, qui appellavit, si proferat novas testes juris tuendi causa, et probandi, si proferat allegationes, assertiones, defensiones, exceptiones, probationes novas, quæ vocat *supplementa partium*. Et hoc ostenditur in §. *si quid autem*. Eodemque modo novas probationes, assertiones, allegationes adferentem adversarium, contra quem appellavit, audiri per est, ut in l. *per hanc, tit. seq.* Ut uterque quantum potest jus suum tueatur: atque defendat, seu communiat. Nec refert, utrum appellatum sit ad Principem, an ad alium judicem: nam si appellatum sit ad Principem, etiam novæ allegationes admittuntur, il est, nova supplementa, aut sulcimenta causæ, l. *in offerendis, in fin. et l. ult. §. in refut. hoc. l.* Nec his quicquam obstat l. 3. *sup. de dilat.* qua movetur Azon in contrarium, quoniam ex lex dicit, in cognitionibus Principum ex appellatione, vel relatione nunquam tribui partibus ullam dilationem, videlicet ad instruendam causam: nam ille titulus *de dilationibus*, est de dilationibus, quæ tribuuntur instrumentorum causæ, quæ nondum instructa est. Igitur in cognitionibus Principum non tribuitur dilatio ad instruendam causam, quæ satis instructa est: nec enim causæ ad principem transmittitur, nisi ad plenum instructa, nisi sit plena et integra

instructio, relatio, opinio transmittentis negotium ad principem, l. 1. et 3. *sup. de relat. l. 3. C. Theod. de appellat.* Ceterum novæ probationes admittuntur, quæ scilicet adduntur causæ non satis instructæ, ut novi testes, sed ita ut ait l. 6. §. 2. ut evocatis testibus, qui eos evocat, præstet viaticum, et sumptum itineris, quod ostendit etiam l. 3. §. *Gabin., ff. de testib. l. 10. sup. de testib. juncto l. ult. C. Theod. de abolit.* Et hoc jure ulimur, ut evocatis testibus præstentur impendia, cum eo, quod ex suis operis consequi possent, *pour leurs journées*. Summa igitur capituli 3. hæc est, eum, qui appellavit, et eum, contra quem appellatum est, audiri adferentem assertiones, allegationes, et novas probationes. Videamus an huic definitioni obstat Novella *de testib.* quæ vult, ut qui semel renuntiavit in judicio productioni testium, qui dixit, sibi satis esse testium, si cognovit testimonia, et prescriptiones adversarii, *les reproches*, postea non audiat, si velit nova productione uti. Et sane non audiat quidem in eo ipso judicio, in quo renuntiavit productioni testium. Sed restat illud inspicendum, an audiat in judicio appellationis, si velit nova productione uti? Et dicam etiam non audiri, quia videtur idem esse judicium, quod de eadem re est: ideoque exceptio procuratoria, quæ post litem contestatam non potest opponi in priori judicio, non potest etiam opponi in judicio appellationis, l. *ita demum, sup. de proc.* Cur ita? Quia idem esse videtur, quia eadem res est. Qui dicunt aliud judicium esse appellationis a priore judicio, perperam moventur l. *cum apud, ff. judic. sol.* Quia ea lex hoc vult, eum, qui in priori judicio cavet judicatum solvi his verbis: *Quidquid Sempronius judex statuerit recte dari, præstari*, si ab eo iudice appellatum sit ad Caium, condemnato rem, qui cavet judicatum solvi ex sententia Caii, non committi stipulationem. An quis aliud judicium est? Minime: nam si cavisset in rem puta quod judicatum est dari, nihil interesset, utrum a priore, an posteriore iudice judicatum esset, et utrobique committeretur stipulatio judicatum solvi. At quis cavet in personam, *Quidquid Sempronius judex statuerit solvi*, non potest peritior cautio ad alium judicem, non potest egredi personam. Et hæc est questio l. *cum apud*. Hodie illud expeditum est, ex usu communi, eum, qui in priore judicio productioni testium renuntiavit semel, nec in judicio appellationis audiri, si alia productione uti velit, auctore Clemente in *capitulo ult. extra, de testibus*. Sed hoc ita intelligendum est, si in eandem rem velit alia productione testium uti: nam si in aliam rem, in qua non sit usus productione testium, quæ tamen pertinet ad litem prius-

capalem, aut ei connexa sit, velit uti productione testium, vel aliorum, vel eorundem, sane audietur, c. fraterni, de testib. Nam etiam qui appellavit addita certa causa cur appellet, non prohibetur causæ, quam initio allegavit, aliam adnectere interpositæ appellationis, l. 3. ff. de app. Et hoc de 2. cap. Cetera sunt facilia. Tertium hoc est, ut qui in causis criminalibus appellavit, carcere contineatur, licet appellatio extinxerit iudicatum, ut causam appellationis dicat ex vinculis, videlicet si copiam non habeat idonei fidejussoris, aliqui dato idoneo fidejussore, carcere liberatur, in hac l. 6. §. super his, et l. 12. h. t. Et ita post appellationem interpositam, ut additur in d. §. super his, et l. a proconsulibus, et dictam in titulo de relationibus, ut iudex, a quo appellatum est, datis appellanti apostolis, mittat etiam opinionem suam plenam ad eum, qui appellatus est, quæ jam verius opinio dicitur, quam sententia, quia appellatio extinxit sententiam, exemplum autem opinionis suæ, et relationis, ut edat partibus cui partes si velint possunt addere refutatorias proees. Et quantum caput hujus legis hoc est, ut in propria causa libelli appellatorii dentur intra biduum ex die sententiæ date quibus profiteatur, se appellare a sententia: in causa aliena (ut si procurator agat) intra triduum, ut in §. pen. h. l. 6. l. 1. §. biduum, ff. quand. appelland. Alii sunt libelli dimissorii, qui dicuntur apostoli, et a iudice dantur appellatori: alii sunt appellatorii, qui ab appellatore dantur iudici, qui de re prior cognovit. Sed hæc definitio §. pen. hodie sublata est Nov. 23. præscriptis a Justin. diebus decem, tam in propria, quam in aliena causa ad offerendos libellos appellatorios. Alia duo capita hujus l. exposui in l. 3. Nunc dicam, a quibus appellari possit, et quis ab eis appelletur. A prætoribus appellatur præfectus urbi, l. 17. Idemque præfectus urbi appellatur a quibusdam præsidibus provinciarum designatis, l. 23. Unde Cassiodorus in formula præfecti urbi, Tu etiam, inquit, ex designatis lege provinciis ab appellatione cognoscis. Et Papianus de Gallico præfecto urbi: Inque sinum, quæ sæpe tuum fora turbida questu confugiunt, legesque, urbesque ubicumque togatæ. Quod tua longinquis implorant jura querelis, etc. Quibus sane verbis significat ex provinciis etiam longinquis appellari præfectum urbi. Et Vopiscus quoque in Aureliano, referens verba senatus ad curiam Carthaginensem: Omnis, inquit, provocatio præfecti urbis erit, quæ tamen a proconsulibus, et ab ordinariis iudicibus emergerit. Ab aliis provinciis, vel præfecto prætorio appellatur, ut l. 20. h. t. et l. 27. C. Theod. eod. Et adjuncto magistro militum in casu l. 23. h. t.

si apparitori magistro militum fiat controversia status, vel appellatur princeps, ut l. 1. et l. a proconsulibus, hoc tit. l. ult. D. de cons. et demonstr. vel consentiente principe appellatur Senatus, ut in Probo scripsit Vopiscus: Permisit patribus, ut de magnorum iudicium appellat omnibus ipsi cognoscerent. Et de M. Antonino Capitolinus: Senatum, inquit, multis cognitionibus, et maxime ad se pertinentibus iudicem dedit neque quisquam principum amplius senatui detulit, sic legendum. Et paulo post: Senatum appellationibus a consule factis iudicem dedit. De Nerone Sueton. scribit: Cautum ut omnes appellationes a iudicibus ad Senatum fierent. Ac præterea Cornelius Tacitus 14. Annalium, statuisset eundem, ut qui a privatis iudicibus ad senatum provocassent, ejusdem pecuniæ periculum facerent, cujus ii, qui Imperatorem appellassent, id est, ut eandem pœnam subirent, qui temere appellassent ad senatum, quam subeunt, qui temere appellant ad Imperatorem, scilicet, quorum appellatio videtur esse injusta. Nam ante Neronem, si quis ad Senatum appellasset, vacuus erat solutusque omni pœna. Sane merito, et hodie nostri Principes omnes appellationes referunt ad Senatum: nam cum appellatur Senatus, Princeps ipse appellari videtur, quia est pars senatus, l. 8. inf. de dignit. lib. 12. Et nos, inquit, in numero senatorum sumus, et retro Senatus est pars principis, ut ait l. quisquis, inf. ad l. Jul. Majest. A præfecto urbi appellatur princeps, l. Emilius, ff. de min. Nec enim idem erat privilegium præfecti urbi et præfecti prætorio: a præfecto urbi appellari potuit: a præfecto prætorio appellari non potuit. Denique ab omnibus iudicibus appellari olim potuit, excepto solo præfecto prætorio, et senatu ex constitutione Hadriani, l. 1. D. a quibus appell. Nam ante Hadrianum, ut quidam loco supra ostendi, etiam a Senatu Princeps appellari potuit, a præfecto prætorio appellari non potest διὰ τὴν ὁρὴν, ut Theodorus ait, l. 1. D. de off. præfect. prætor. l. præfect. D. de minorib. lib. 1. sup. de sent. præf. prætor. l. a procons. l. si quis provoc. hoc tit. Utriusque tamen præfecti dicitur sacrum esse auditorium, quod vicem habeat auditorii, et disceptationis principalis, sicut etiam vicarii præfecti prætorio dicitur esse sacrum auditorium, l. 1. sup. de offic. vic. Et fuit quoque proconsuli Africæ, qui omnium proconsulum fuit maximus, adeo ut proconsulis nomine simpliciter, per eminentiam intelligitur proconsul Africæ, et proconsularis provincie nomine, Africa. Hic etiam proconsul habuit sacrum auditorium, l. 3. Cod. Theod. appell. ut præfectus urbi, l. 18. C. Theod. eod. l. 2. C. Theod. de pactis, et l. 16. h. t. quæ scripta est ad Maximum præfectum urbi,

dicatur præfectus urbi accipere imaginem principalis disceptionis, id est, cognitionis sacre, et a Symmacho in epistolis, *Sedem præfecti urbi vicem Principum tueri*. Hi quidem obtineant imaginem sacre cognitionis, et dicantur vice sacra judicare. At, ut eleganter ait *lex a proconsulibus, C. Theod. de appellat.* solus præfectus prætorio vere vice sacra judicat, ceteri per imaginem. Et ideo ab eo appellari non potest, ne, inquit, *Imperator in ea leg. nostra veneratio contingi videntur*, id est, ne a nobis ipsis appellari videatur. Et ita Cassiodorus in *Paul. 101.* scribit, *Josephum fuisse secundum a Pharaone, quæ potestas, inquit, hodie retinetur a præfecto prætorio, qui et vice sacra vere judicat.* A rationali autem; id est, procuratore fisci, vel a discussore, qui dicitur *λογιστής*, et est cognitor, et disceptator rationum fiscalium, quas alii tractant, disponent; et in eos, qui eas tractant jurisdictionem habet, de quo est *tit. inf. de discuss.* A rationali, inquam, qui et *Catholicus* dicitur, *Procurator general*, et hujus apparitores *Catholiciani*, in *l. 9. §. ult. inf. de bon. proscript.* a rationali, et discussore appellatur comes rerum privatarum principis, *l. 26. hoc tit.* Quæ scripta est ad Pelagium, non præfectum prætorio, ut edidit Haloander, sed comitem rei private, ut apparet non tantum ex *C. Theodos.* sed etiam ex *l. pen. inf. Quor. appellat. non recip.* quæ cum *l. 26.* conjungenda est, et vult, ut a rationali, vel discussore non appellatur ad comitem rei private ante tempus sententiæ, et ordinem eventus, id est, ne ante exitum causæ appellatur a præjudicio rationalis, si-ve interlocutionis, sed post sententiam demum, post eventum ultimum causæ, quæ pertulerit peractus ordo judiciorum. Idem etiam confirmant Basilica, in quibus his verbis expressa est sententia *leg. 26. ἵνα κατὰ λογιστήν* etc. id est, si quis appellaverit a *Logotheta*, vel *catholico*, causa transeat ad *Comitem rerum privatarum*. Sed de his satis. Notandum ex *l. 28.* qui appellavit, posse renuntiare appellationi impune. Atque ita *l. 28.* intelligitur abrogari *lex revocare, Cod. Theod. eod.* quæ non permittebat semel interpositam appellationem revocari. Ex *l. 28.* revocari potest, optima ratione, quia appellatio ad privilegium, et utilitatem litigantis inventa est, ut eleganter ait *l. 11. in fine C. Theod. eod.* Theodorus, *ὡς τὸ ἀποὶ* etc. id est, pro eo *lex* introduxit auxilium appellationis. At unusquisque suo privilegio renuntiare potest. Aut appellat quis illico post recitatam sententiam viva voce inter acta, *l. 14. h. t.* aut per libellum appellatorium. Si priori modo appellaverit, facile contraria vox revocabit appellationem, sed etsi appellaverit per libellos appellatorios porrectos judici, integrum est ei revocare appellationem

recuperatis libellis, ut ait *l. 28.* Et æquissimum hoc est, ne *justæ pietatis humanitas amputetur*. Et appellatio revocari potest intra triduum, ut additur in *C. Th.* quod tamen prætermittitur in *h. l. 28.* illa verba *intra triduum in h. l.* prætermittuntur. Ex quo apparet, tacite legem significare, quandocunque appellationem revocari posse, pendente judicio appellationis necdum finito. Et hoc jure utimur, non admisso *cap. quævis de elect. lib. 6.* Nam et ille totus liber sextus nunquam fuit receptus in Gallia. Ex illo capitulo post reditos apostolos summo Pontifici non est integrum revocare appellationem, ne scilicet excidat, quæ semel incidit, penæ: notanda est in hoc *tit. l. 29.* quæ, ut constat ex *l. 7. sup. de Episc. audiend.* proprie pertinet ad Clericos, et Monachos, Synodicos, vel Cœnobitas (nihil refert hoc, an illo modo dixeris: nam utroque nomine significantur qui domum habent domum, et in ea communia) Utrouque nomine significatur societas vite, et honorum, *Conventuels*. Constituit ergo *lex*, ne hi monachi, vel clerici, quod sibi ante arrogabant, per vim eripiant eum, qui ducitur ad supplicium: et hoc forte sibi arrogabant exemplo sacerdotum paganorum: nam eum, qui ad verberandum docebatur, nefas erat verberari, si supplex ad pedes flammis Dialis procubisset, et se projecisset, ut *Gell. lib. 10. cap. 13.* possunt illi quidem intercedere pro reis, ut declarat apertissime *D. August. Epist. 34. ad Maccedonem*. Possunt item et illi, et alii nomine ejus, qui ad supplicium ducitur, invito eo appellationem interponere. Et humanitatis ratione hæc *lex 29.* ait: *Omnes provocationes ejus nomine, qui ad supplicium ducitur, dilato supplicio audiri debere*. Quæ ratio docitur ex *l. non tantum, ff. eod.* sed non possunt etiam reum per vim eripere. Vis amovetur, intercessio, et defensio permittitur. Notanda est etiam *l. 32.* quæ hoc vult, ut si appellatum sit a spectabili iudice ad Principem, veluti a proconsule Africæ, ut hodie Princeps ipsemet non præbet audientiam, ne graviores occupationes Principis interrumpantur, sed ut de ea re, de qua consulatio postulatur a Principe, genere quodam appellationis in sacro auditorio tractetur, ubi iudices sedeant, præfectus prætorio, et quæstor sacri Palatii, *le Chancelier*, qui sunt in comitatu Principis, servato eodem ordine, eodemque cultu, qui servaretur presente principe, et audiente, et excipiente acta eodem scrinio, qui exciperet presidente Principe, et eodem item habitu indutis omnibus, qui induerentur presente principe, ita ut præsentibus liceat (ut *Julian. ait in Nov. 20.*) uti campagis: quæ voce etiam utuntur *Capitolinus*, et *Trebellius*, pro calcamentis regis, quæ purpurea erant, si-ve coccinea. Itemque his, qui iudices

president vice principis, utentibus iisdem verbis in pronuntiando, quibus ipsa princeps si præsideret uteretur, puta hoc modo: *Nostra pietas decrevit, nostra serenitas: quod tamen mutavit Justinianus Nov. 126. et ita constituit in hac l. 32. ut cognitio præfecti prætorio, et quæstoris sit vice consultationis. Quod si appelletur a duce, vel præside provincie, vult lex. 32. causam disceptari a præfecto prætorio, solo jure ordinario, non ritu, moreque consultationis, non more regio, cujus jus extraordinarium est, quod etiam Justinianus mutat in l. pen. h. t. constituens, ut a ducebus cujuscunque dignitatis sint, sive illustres, sive spectabiles, appelletur magister officiorum, et quæstor sacri Palatii, ut de appellatione cognoscant, non jure ordinario, ut solent magistratus, suo jure, pro sua jurisdictione, sed more consultationis, id est, more regio, ritu, et observatione regia. Et additur in l. 32. ut si appellatum sit ab illustri iudice ad Principem, a quo possit appellari; id est, qui non sit præfectus prætorio, ut tunc ipsemet Princeps interponat cognitionem suam coacto senatu, et habita consultatione. Et nihil refert, etiamsi illustris ille iudex habuerit *εὐδικοῦντος*, id est, conjudcem, unum adjoinct, non illustrem: satis enim est, si ipse fuerit illustris. Item nihil refert, an ipse fuerit illustris initio cognitionis, an non fuerit, sed postea factus fuerit ante sententiam: nam quæ ab eo interponitur appellatio, expedienda est præside ipso Principe. Sed hoc Justinianus quoque derogat, habita quadam distinctione, in l. antepen. dum distinguit ita, ut si causa, quæ per appellationem transmittitur ad Principem, non excedat quantitatem decem librarum auri, tum de ea, ut cognoscant unus tantum patritius, qui est in comitatu, v. c. Principis, et consultationis more, vel unus præfectorius, id est, qui fuit præfectus, vel unus consularis. Si excedat illam quantitatem usque ad viginti libras, tum ut de ea re cognoscant duo viri illustres: si autem causa excedat quantitatem 20. librarum, tum ut universus senatus de re cognoscat. Præterea etiam, ut consultationem ex appellatione liceat postulare intra biennium. Hoc vult l. antepen. Ad quam additur in l. ult. §. ult. ut si forte is fuerit initio status cause, ut non plaris aestimetur, quam 10. libræ, contenta sit uno patritio, uno procere: vel si aestimetur viginti libris auri, ut contenta sit duobus, et postea illi uni, vel illis duobus appareat examinata causa, eam esse majoris quantitatis, ut non ideo desistant a cognitione, sed eam prægant, inspecto priore statu cause, quod notandum est, l. ult. §. ult. h. t. l. 34. h. t. est de relationibus iudicum ad Principem, iudicum scilicet, qui vel ex ordine cognoscunt, vel ex delegatione, ut iis relationibus, ut occupetur Princeps, respondeat*

quæstor, adhibitis in consilium duobus patritiis, vel consularibus, vel præfectoriis, ut a responso ejus non liceat appellare ad principem: post l. 34. dantur duæ leges Græcæ l. 33. et 36. quas, ut brevè faciam, expositas invenies obser. 12 cap. 3. Unde restat, ut annotemus tantum ex l. ult. h. t. uno ex litigatoribus appellante, etiam alterum appellare posse, quod fit quotidie, puta, ut victor, et victus appellet, victus manifesta ratione, victor, quod ei omnino satisfactum non sit, l. 4. inf. qu. proæ non est necess. Ergo si unus appellaverit, et alter appellare potest, et queri de lenitate sententiæ, quæ plerumque iniquitati proxima est, quia iudex non debet esse mitior lege: vel si forte postquam unus appellavit, alter absit, dum agitur causa appellationis, quæ *αποκατάστασις* agi potest, id est, etiam si una tantum pars præsens sit: nam in causa appellationis hoc est speciale, ut possit agi una parte præsentem tantum, causæ vero principales non nisi utraque parte præsentem, l. ult. §. illud, tit. seq. l. ult. de condit. et demonstr. Si inquam, absit altera pars iudicio appellationis, ut ejus vicem suppleat iudex, quia est perinde ac si appellasset, licet non appellaverit, jus ei suum conservet, quod notandum est ex l. ult. quæ etiam addit, brevès esse debere refutatorios libellos, quos semper Græci vocant *ἀντιπροσώπων*, quod continent supplementa partium, quibus in medium adductis refellunt opinionem, sententiam prioris iudicis, et addunt quoque novas assertiones. Denique commendat tantum brevitatem illorum libellorum, maxime si offerantur in sacro auditorio Principis. Sacrum auditorium amat brevitatem.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXIII. De temporibus, et reparationibus appellationum, seu consultationum.

Titulus est de temporibus appellationum, non iis, intra quæ interponenda est appellatio, quæ jam definitur l. super. l. 6. §. pen. Sed de iis, intra quæ interposita appellatio introducenda in iudicium, et exercenda est. Neque vero l. 1. hoc tit. est accipienda de temporibus, intra quæ appellandum sit, quasi velit a nominatione ad munus, honoremque publicum intra duos menses appellandum esse, quia non duo menses huic rei constituti sunt, sed biennium, aut triennium, et ex Nov. 23. 10. dies, sicut in sententiis, l. 1. §. quod in sent. D. qu. appelland.

Sed *l. 1.* mens hæc est : a nominatione ad munera publica appellationis interpositæ , vel , ut loquitur , interponende , sic nostri auctores loquuntur , liti contestandæ , et rei judicandæ , id est , liti contestatæ , rei judicandæ , ut ex ea die ad persequendam eam appellationem duum mensium tempora computentur ei , qui nominatus , et vocatus est ad munus publicum , ex quo cognovit , se nominatum esse , quod confirmant h. c. verba *l. 19. C. Theod. de appell.* quæ idem statuit , ut , inquit , *intra duos menses negotia perorarentur*. Itaque in sententiis , et in nominationibus ad munera publica eadem tempora servantur ad interponendam appellationem , non etiam ad introducendam causam appellationis , ad persequendam appellationem : nam in nominationibus intra duos menses persequenda est , ut est in *l. 1.* in sententiis intra 6. menses , vel 3. ut inf. demonstrabimus , qui et reparari , et redintegrari possunt , ut *l. 2. hoc t.* olim in sententiis ad persequendam appellationem , alia , quam definiat *l. 2.* tempora erant constituta , de quib. *Observ. 12. cap. 4. ex C. Th. et ex Symmacho , et D. Aug. et Ols. 16. c. 7.* Olim igitur post interpositam appellationem , ea erat instituenda , et persequenda intra certa tempora , quibus elapsis etiam peti poterat a iudice reparatio post prius temporis lapsum : si intra id non introduxisset appellationem , adhuc peti poterat reparatio , id est , redintegratio , renovatio , restitutio lapsi omnisque temporis , simul ac litis. Et impetrata reparatio temporis , ac litis , debuit denunciari adversario , contra quem appellatum erat , ut multis locis ostenditur in *C. Theod. tit. de reparat. appell.* Sed si post reparatum tempus is , qui appellavit , etiam tempus reparatum , et redintegratum præterlabi sineret , nondum inducta causa appellationis in iudicium , atque ita post secundum lapsum temporis ; poterat extra ordinem ex justa causa a Principe peti reparatio temporis , etiam post 2. lapsum. At post tertium lapsum , id est , post reparationem illam concessam a Principe extra ordinem , non dabatur reparatio ex ulla causa , et sententia appellationis suspensa convalescebat , et ad finem perducebatur , perinde ac si appellatum non fuisset , quasi lapsa causa appellationis temporibus , quæ appellator semel , ac iterum , et tertium non observaverat. Hodie autem ex *l. 2. h. t.* non tantum post tertium lapsum , sed etiam post quartum lapsum plerumque datur reparatio temporis , et litis , non post quintum. Et omnino res ita procedit , ex quo quis scivit se condemnatum esse , ut in *l. 4. sup. de lib. caus.* causam appellationis introducere debet intra 6. menses ex longinquis et remotis provinciis , intra tres menses ex eadem , aut contigua provincia , secundum distinctionem *l. ult. h. t.* videlicet si a iudice appellasset : si vero ab arbitro ap-

pellasset , delegato ab aliquo iudice , intra duos menses secundum distinctionem huius *l.* Post lapsum 6. 3. aut 2. mensium , quæ sunt prima tempora , quæ præscribuntur exequendæ appellationi , a illic appellator jure legitimo habet mensem unum , ad instituendam et persequendam appellationem , quam interposuit : et post hunc secundum lapsum habet etiam alterum mensem , et post tertium lapsum æque alterum mensem , post quartum vero lapsum , si a iudice appellaverit (nam ei , qui appellavit ab arbitro delegato post quartum lapsum , non subvenitur , non datur reparatio) si , inquam , a iudice appellavit , post quartum lapsum , potest extra ordinem a principe , nec nisi a Principe , ex aula , ut ait *l. ult.* nec nisi ex aula , impetrare reparationem trium mensium : quam tamen adversario denunciare , aut insinuare in foro præfecti prætorio non necesse habet contra quam obtinuerit olim , sicut dixi *sup.* Et illi tres menses non numerantur ex die petitiæ reparationis a Principe , sed ex summo et ultimo die quarti lapsum , licet ante eum diem petita fuerit reparatio. Et hæc est sententia *l. 2.* quæ erat explicatu satis difficilis. Unde existant duæ questiones : prima , utrum menses sint numerandi ex numero dierum , an ex calendis. Sed constat ex *l. 2. C. Theod. de decur.* menses numerari debere ex numero dierum , ut si hodie m. hi dantur duo menses ad agendam causam , ex hoc ipso die incipiam numerare duos menses , non ex calendis proximis. Deinde quaeritur utrum dato uno mense , vel datis duobus , aut tribus 4. aut sex mensibus , utrum singuli menses aestimentur ex diebus triginta , an ex 31. Nam alii menses constant 30. alii 31. diebus. Sed ut mathematici , ita nos menses aestimamus ex diebus 30. *l. 3. §. ult. D. de suis , et legit. hæc. l. ult. sup. de jur. delib.* Sed ubi dantur 6. menses , aut 3. aut 2. veluti ad agendam causam appellationis secundum superiorem distinctionem , extremo mense superaddimus unum diem , quo , si quis veniat , auditur , et præscriptioni temporis paruisse intelligitur , *l. ubi lex , D. de reg. juris . Ubi lex facit mentionem duorum mensium , et qui venit sexagesimo , et primo die auditur , lex ait .* Ubi autem datur unus mensis , et post primum , secundum , aut tertium lapsum , ut dixi ante , ei mensi addimus unum diem , ut aperte ostendit *l. 2. hoc tit.* Et hic ultimus dies temporalis dicitur , et fatalis , ad interitum causæ scilicet in hac *l. 2. et l. præcipimus , sup. tit. prox. l. ult. sup. ubi senat. vel claris.* Fatalis dies , quod in eum diem supremum incidat interitus causæ , quod eo die lis moritur , si non introducantur lis , agat animam , ut in *l. ult. hoc tit.* illo loco , *multas esse occasiones mortales appellationum* , id est , multas esse occasiones , quæ

obstant, ut possit perorari causa appellationis intra constituta tempora, veluti morbus, necessitas publica, incursus hostium, et innumeri alii casus, quibus miseri mortales obnoxii sunt, atque ita miserrunt necem cause appellationis. Itemque in *d. l. ult.* illo loco: *causa mortue*, moritur, quæ non introducitur intra constituta tempora: moritur lapsu temporum. Et ita etiam nostri Jurisc. *mortuam litem* dicunt. *l. 2. D. judic. sol. l. 3. D. que in fraud. cred.* Et generaliter, ut est in glossis veterum, quod valde notandum censeo, *ἡμέρη θάνατος* tur fatalis dies, quæcunque scilicet finita, et condita est, quia omnis condictio diei, ei, cui dies condicta est, periculum aliquod adfert, si fallat ad condictum. Græci auctores innumeri tum nostri, tum alieni, vocant dies hosce *fatales*, id est, legibus finitos (nam idem est dies fatalis, et dies limitis) hosce, inquam, dies vocant tempus *ἡμέρη θάνατος*. Quidam caudicius, qui nuper scripsit de Repub. lingua vernacula, jactat se deprehendisse errorem, quem alii non deprehenderunt, admissum ab iis, qui Codicem (si credere fas est) ex Græco Latinum fecerunt: nam in Græco cum legissent *ἡμέρη θάνατος* per *u* interpretati sunt *fatales*, non animadvertentes esse legendum *ἡμέρη θάνατος* per *n*. Item Codicem hunc, quem in manibus habemus, ponit e Græco in Latinum fuisse conversum, quod quis unquam audivit? est merum somnium delirantis. Deinde ponit dies fatales Græce appellari *ἡμέρη θάνατος* per *n*, quo nomine significatur fatum, quod nemo unquam prohibet: nam a nomine *ἡμέρη*, quod significat fatum, dicunt Græci *ἡμέρη θάνατος*, aut *ἡμέρη θάνατος*, non *ἡμέρη θάνατος*. Eiusdem ingenii est, quod idem homo adscribit Ulpiano in *l. 1. de offic. cons.* Consulem apud se manumittere posse præsentem collegam, quod neque ibi, neque alibi Ulpianus scripsit unquam, quia neque certe præsentia collegæ est necessaria, sed solus apud se servum suum recte manumittit, *l. 1. D. de manum. vind.* ut non mirer, si ingeniosus etiam ille mihi adscribat, me in *l. apud eum, D. de manum.* ita legere sine negatione, *apud eum, cui par imperium est, manumittere possumus*, quod neque manus unquam scripsit, neque mens cogitavit. Quinimo abesse me ab hac sententia, quam ille perperam mihi tribuit, iudicabit *Obser. 7. cap. 17.* Item pari fide scribit, in *l. quidam liberus, D. de servitut. urb. prædiorum.* Marcum Aurelium Imperatorem ad querelam ejus, qui se a socio suo libero læsum dicebat, quem eo nomine non convenerat, aut interpellaverat, respondisse: *cum libero loquaris, ne rem illicitam faciat*, cum in ea lege nulla sit mentio Marci Aurelii: et ille respondatur non ad querimoniam cujusquam, sed qui queritur de libero, rogat tantum Proculum JC. ut cum eo loquatur, ne rem illicitam faciat, id est, ut

sua auctoritate eum compescat: et commonefaciat officii sui, quo abstineat in injuria, quod observandum: adhibetur JC. ut moneat adversarium de injuria, quam alteri faciebat: se jus tenere, mone re de jure, quæ admonitio magni momenti est: adhibetur JC. qui moneat adversarium, ut absteret ab injuria. Ex his paucis, qui vir ille sit, æstimari potest, non dicam fanaticum; non dicam, quod Apul. de advocatis, *forensia pecora, togatosque vultures*, vos, quid de eo sit, statuere potestis, qui etiam nescio qua fronte negat unius rei varias definitiones tradi posse, contra quam Galenus scribat, qui fuit summus dialecticus, et commonstrari possit exemplis variis, sed uno contenti simus. Modest. legatum definit, *donationem testamento relictam*, Florent. legatum definit, *delibationem hereditatis, qua testator ex eo, quid universum heredis foret alicui quid collatum velit.* Ulpian. legatum definit, *quod legis modo, id est, imperativo testamento relinquitur.* Sunt tres legati definitiones diverse, et omnes ex arte confectæ, rectissimæ omnes, pariter unam substantiam exprimentes. Etiam non feram, ut nova quadam, et inaudita ratione interpretetur *l. domos, de leg. 1.* qui legis consultus non est: nec erit insuave intelligere sententiam hujus legis: testator domos quasdam hereditarias reliquit per fideicommissum, post mortem heredis præstandas: ædes vivo herede igne consumptæ sunt sine culpa ejus: Deinde heres extruxit alias ædes numinis suis, non hereditarias: post mortem heredis cum extitit conditio fideicommissaria si velit consequi ædes, quas restauravit heres de suo, præstare debet heredi heredis sumptus ædificationis, qui quidem sumptus æstimabuntur, ut ait lex, examinatis ætatibus ædificiorum, id est, habita ratione status, et quantitatis ædium. Nam et ætatem Græci, Latinique, sæpe quique lingua accipiunt pro quantitate, sive statura, quæ nova interpretatio non est, cum et veteres interpretes pro ætatibus, maluerint legere *quantitas*. quod ætatibus in illa significatione esset obscurius. Ille autem his verbis hoc vult exprimi, ut examinetur, quantum temporis ædes, quas heres extruxit, duraturæ sint, quod ex materia liquere possit, et inde quanti sint ædes, quas heres extruxit, quod spectari plane est supervacuum, quia nihil interest spectari quanti sint ædes, quas consequi fideicommissarium velit, aut quandiu duraturæ sint, id est, an brevem, an longam ætatem. Et stultum est etiam, quod ait, ædes, antequam incenderentur, si communi judicio æstimabantur duraturæ 80. annis, et æstimabantur 100. annis, post annum 40. contingente incendio ædium, æstimari tantum 40. anno post incendium nihil æstimari, quod non est: nullius rei nulla æstimatio est, aut si restauratæ

sint ab herede, non præteriti temporis, sed præsentis, si id de æstimatione queratur, æstimationem fieri: et ille vult haberi rationem præteriti temporis, præteritæ æstimationis, l. 3. §. D. vi, de jur. fisc. l. 2. sup. de patr. qui fil. suos. Sed omittamus causidicum, et redeamus ad rem. Notandum ex l. 2. temporum supradictorum, quæ toties repetuntur tam varie, ad agendam appellationem ultimum diem, summum diem esse fatalem ad interitum causæ, si eo non sit inducta causa. Quid si summus dies feriatus fuerit, ita ut ex eo die non possit induci causa. Et hoc casu sit, eum diem, qui præcedit, vice fatalis succedere, ac servari. Contra vero Justinianus in l. ult. hoc tit. quod in usu est utilissimum, non vult observari summum diem, sed pro uno die ultimo, pro die, qui erat fatalis, qui adferebat finem causæ, et restituebat priorem sententiam suis viribus, præscribit decem dies, quinque ante illum diem ultimum, et quinque post ultimum illum diem, ut decem dies habeantur pro uno die fatali, quibus audiat, qui venit ad causam perorandam. Postremo non omittam, quod demonstratur in fin. l. 2. (hoc est valde singulare) post lapsum causæ temporibus omnibus non posse induci causam appellationis, sed exequendam mori esse priorem sententiam, perinde ac si appellator ei acquievisset: si vel inducatur causa appellationis post omnes lapsus, ut appellans repellatur opposita præscriptione, et exceptione ab adversario, si adversarius præsens sit, vel a iudice, si absens sit: nam ut dixi sup. ex l. ult. tit. præred. iudex supplet partes absentis, in causa appellationis supplet præscriptionem temporis, quam nemo objicit nomine absentis. Et ut ait l. 2. in fin. objicienda est primo loco, id est, initio litis, quæ inducitur post lapsum temporum. Quo ex loco potest defendi, vera præscriptionem peremptoriam non opponi quocunque tempore, sed opponi sere initio litis, sicut dilatoria sed hanc tantum temporalem præscriptionem, quæ peremptoria est, non ceteras. Et quicunque statuunt quod et verum est generaliter, peremptoriam exceptionem quocunque post litem contestatam opponi posse, valde perturbabuntur, si eis objicias verba extrema hujus legis.

Ad L. ult.

Cum anterioribus legibus ex omni provincia ad hunc nostrum sacratissimum comitatum similis cursus ad appellationes exercendas impertitus est, necessarium nobis visum est, hujusmodi spatiis justum imponere librametum. Sancimus itaque, quidem ab Ægyptiaco, vel Lybico limite, vel Orientali tractu, usque ad utrasque Cilicias numerando (vel Armeniis gentibus) et omni Illy-

rico causa fuerit more appellationum transmissa: primum semestre spatium in antiqua definitione permanere, et nihil penitus, neque diminui neque accrescere. Sin autem ex aliis nostri Imperii partibus sive Asiaticæ, sive Ponticæ, sive Thraciæ dioceseos is pro vocatione suspensa in hanc regionem urbem perveniat: pro semestri spatio trium tantummodo mensium spatium eis indulgeri, aliis trium mensium spatiis, id est, nonaginta, et tribus diebus simili modo sequentibus: sive semestre tempus, sive tres priores menses secundum locorum definitionem, quam designavimus. Sed et aliis tribus mensibus, qui ex reparatione ab aula concedi solent, in suo robore duraturis et prioribus accedentibus, ut partim annale numeretur, partim novem mensium spatium consequatur.

§. 1. Et cum antea in fine cujuscunque temporis unus fatalis dies ex antiquis legibus constitutus esset, et sæpe eveniebat, cum multæ sint occasiones mortales appellationum, vel ægritudine, vel spatii prolixitate, vel per alias causas, quas nec dici, nec enumerari facile sit: eundem diem fatalem non observari, et lites expirare, et hujusmodi luctuosis infelicitatibus patrimonia hominum titubare: propter hoc fortuna relevantes insidias, sancimus non in unum diem fatalem standum esse in posterum, sed sive ante quartum diem fatalis luminis, et ipsum fatalem, sive post quinque dies, ex quo ortus fatalis effluxerit, appellator venerit, et litem instituendam curaverit, et eam in competens iudicium deduxerit, legi videri satisfactum: nec ingemiscat mortuum causam dispendio, sed nostro gaudeat beneficio: cum nobis cognitum sit, etiam ex errore calculi dierum, quem officium habuit, sæpe esse causas periclitatas: quod in posterum non fieri ex remedio legis præsentis sperandum est. Eodem beneficio, et in omnibus fatalibus aliis, qui vel a pedaneis iudicibus, vel ab aliis dantur, quos leges suis sanctionibus enumeraverunt, custodiendo, vel observando: ut decem fatales dies pro uno ubique instituantur.

§. 2. In his autem casibus, in quibus biennium constitutum est, quatenus more consultationum in regia urbe, sub communi audientia florentissimorum sacri nostri palatii procerum ventilentur: biennii metas, unius anni termino coarctamus: ut intra eum, et gesta colligere, et ea viris devotis epistolaribus tradere, et refutatorios libellos (si voluerint) offerre, et litem in sacrum nostrum consistorium introducere cogantur. Nulli licentia deneganda victrici parti, si voluerit, secundum quod jam constitutum est, etiam præmature causam inducere: ne, ne annali spatio expectato.

§. 3. Si tamen in sacro nostro consistorio lis exordium ceperit, etiamsi non fuerit in eodem die completa: tamen perpetuari eam concedimus: cum iniquum sit propter occupationes florentissimi ordinis, quas circa nostræ pietatis ministeria habere noxatur, causas hominum deperire, etc.

Restant notanda quedam alia ex l. ult. hoc tit. quæ in hac questione multum ponderis et momenti habent. Ac primum notandum est in §. in his, abrogari quod de hennio proditum est in l. in offerendis, sup. tit. prox. ut scilicet causa, quæ more consultationum disceptanda est, ab uno, vel duobus senatoribus, sive proceribus sacri palatii intra biennium eis insinuetur, et introducatur: nam h. §. pro biennio præscribit annum, intra quem acta apud eum, contra cuius sententiam appellatum est, et refutatorii libelli partium transeuntur scriuio competenti; vel epistolarum, vel libellorum, ut in l. 3. hoc tit. et l. præcipimus, sup. tit. prox. l. 6. §. super his, eod. tit. Illo loco, ad scriuia, quorum interest transmittant, id est, ut post interpositam appellationem literas iudicis, et acta apud eum habita, et refutatorias proces partium, et omnino quicquid causam contingit, transmittant ad scriuia, vel epistolarum, vel libellorum secundum distinctionem l. præcipimus, sup. tit. prox. id est, ad eos, qui eis scriuiis dant operam, quibus competit actorum in iudicio appellationis exceptio, scriptio, et editio: nam scriuiarios scriuia appellamus: pro biennio, inquam, §. in his præscribit annum, ut intra eum annum etiam appellationes introducantur. Et notandum ex l. 3. hoc tit. interposita appellatione ad Principem citius mittenda esse facta prioris iudicii, et refutationes, seu allegationes novas partium, quam sit introducenda, et inchoanda causa appellationis: nam appellationem introduci satis est, sub finem temporis statuti, id est, ultimo die, qui fatalis dicitur, vel quatuor diebus antecedentibus, vel quinque sequentibus, quoniam in hac l. ult. §. et cum antea, pro uno fatali die ad interitum causæ suo tempore non introductæ, instituti sunt dies decem, quod posterior recitatio latius explicabit. Acta autem eum refutatoriis precibus partium, et literis, a quo appellatum est, aut mitti debent statim post interpositam appellationem, aut circiter medium tempus, ut in l. 3. hoc tit. quam non adhibita hac distinctione, male Accursius putat corrigi per §. et cum antea. Nos illam distinctionem, quæ Bartoli est, magis probamus, ut §. et cum antea sit de inchoanda appellationis causa, sub finem temporis constituti: l. 3. de actis transmittendis in auditorium sacrum sub dimidium constituti temporis, et licet lex 3. dicat ante dimidiam partem

Tom. IX

constituti temporis: tamen iisdem verbis, et ipsa dimidia, pars continetur; sicut cum dicimus ante Calendas, etiam ipsas Calendas significamus: ex die item cum dicimus, ut aliquid fiat in diem illum, ut in hac questione, cum dicimus, ex die acceptorum apostolorum, in quintum diem esse interponendam cautionem appellationis, his verbis continetur etiam ipse dies acceptorum apostolorum, ut apud Paulum 5. Sententiarum tit. 33. ex die acceptarum literarum, salva dinumeratione itineri, lego itineri, pro integri, quinque dies, cum eo ipso die, qui acceperit literas computantur. Denique cum dicimus, ut quid fiat in quintum, aut decimum, quinque, aut decem diebus, annumeramus ipsum diem, ex quo quid fieri iussimus, in alium diem certum, condictum, et fatalem: nam omnis dies condictus fatalis dicitur; idem est finita dies, et fatalis, quæ Grecis dicitur *σπρό δρομαί κήρα*. Notandum item ex fin. §. in his, eum, contra quem appellatum est, cessante, vel absente appellatore posse præferre diem appellationis, et causam introducere, quo iure utimur, ut possit, sicut loquimur *anticipare, anteferre diem appellatore denunciato*, ut liti adsit maturius, quod etiam ait in §. in his, iam ante fuisse constitutum, non quidem in l. nemo, ut glossa notat, sed in l. in offerendis, sup. tit. prox. illo loco non solum victo, sed etiam victori: cuius sententia hæc est, ut non sit solus victi introducere appellationem, quam interposuit, sed hæc etiam partes suscipere ultro possit, fortasse appellatore negotium nimis protractante, et procrastinante, l. ult. tit. seq. quæ est coniungenda cum d. l. in offerendis, ut monent inscriptiones, quæ geminæ sunt, atque similes. Ad hæc notandum ex §. si tamen, causam inductam ex appellatione in sacrum auditorium, perpetuari. Quo loco perpetuari aliter accipitur, quam cum dicimus *litis contestatione actionem perpetuari*: nam perpetuari hic est causam quandocunque finire posse a principe, vel ab amplissimo ordine, quandocunque otium fuerit, et permiserint occupationes publicæ: finiendis litibus iudicibus esse præscripta tempora, non etiam principi. Denique ad sacrum auditorium introducende appellationi præstituta sunt certa tempora, non etiam finiendæ, et dirimendæ, quod etiam confirmat Nov. 23. inducta autem causa appellationis in alio auditorio, finienda est intra annum, ut ostendit §. illud etiam, h. l. et finire intra annum, atque induci potest *πορὸς τὸν αὐτὸν* id est, una tantum parte presente, vel ea, quæ vicit, vel ea, quæ victa est: ex postulatione unius partis, quod etiam ostendit l. 2. in fine illo loco si appellator solus litigat. Soli litigamus ex appellatione, nec expectamus presen-

107

liam adversæ partis, *l. ult. ff. ad SC. Trebell.* quæ utitur hoc verbo *μωωμῆσθαι*, ut ex appellatione causa agatur, et peragatur *μωωμῆσθαι*. Priore autem judicii causa non inducitur *μωωμῆσθαι*, sed *εὐστάδην*, et cognitionaliter, quod est verbum frequens in constitutionibus Imperatorum: id est, communis partibus constitutis, ut loquitur *l. 3. sup. de fruct. et litium expensis.* et *l. ult. sup. de legib.* Cognitionaliter, id est, utraque parte præsentē, alioquin judicium ratum non est: et si quæras cur causa appellationis inducatur *μωωμῆσθαι*, etiam parte altera absente, hoc facile est expeditum, quia scilicet prius fuit inter partes lis contestata, et inducta priori judicio: nam post litem contestatam priore judicio præsentē ambobus, ut loquuntur *12 tab.* causa peragi potest *μωωμῆσθαι*, *l. u. t. sup. quomodo, et qu. judex etc.* ut hæc tantum superat differentia inter prius judicium, et judicium appellationis; quod prius non constituitur, nisi utraque parte præsentē: posterius etiam una parte præsentē. Quod si studio, aut culpa ejus, qui appellavit, causa appellationis non sit finita intra annum, additur in *h. §. illud etiam*, appellationem evanescere, et priorem sententiam convalescere, quia fingimus, non fuisse interpositam appellationem, quæ ne finiretur intra annum per ipsam appellatorem factum est. Sed si negligentia, vel quæ alia necessitas traxerit negotium, ut non potuerit finire intra annum, tunc Justinianus dat appellatori alium annum ad causam pertrahendam, post quem nulla est spes restaurande appellationis ulla ex causa. Et hæc est sententia *§. illud etiam*. Post hæc subicitur in *§. pen. tempora*, quæ servantur in appellationibus, etiam servanda esse in retractationibus, quas vocant *ἀναψηλαφήσις*, id est, in sententiis præfectorum prætorio, a quibus appellari non potest, retractandis ex rescripto Principis: nam licet ab eorum sententiis non possit appellari, tamen ex rescripto principis ad libellum, quem ex de re porrexit is, cujus interest, retractari possunt apud successorem præfecti prætorio: nulli olim erant magistratus perpetui, ut oeo præfecti quidem prætorio, nec quaestores, qui nunc dicuntur Cancellarii. Et oh id dicimus, sententiam latam a præfecto prætorio retractari apud successorem ejus, *l. un. sup. de sentent. præf. prætor.* vel si forte ex indulgentia Principis nondum accipiat successorem, causa retractatur, et ex integro agitur apud eundem ipsum, qui sententiam dixit, adhibito tamen quaestore Sacri palatii, *le Chancelier*, ut in *l. 35. sup. tit. prox.* quæ est una ex constit. Græcis, quæ desiderantur in hac tit. Et quod hi duo pronuntiarent, nunquam poterit retractari: nam ita jus est, ut adversus sententiam præfecti prætorio semel princeps

tantum supplicari possit per libellum, *l. si quis advers. sup. de prec. Imper. offer. et d. l. 38.* Ideo autem apud eundem solum causa non retractatur, quia nemo est idoneus retractare suæ sententiæ, quod plerunque soleant homines ea, quæ iis placuerunt semel, præfractæ defendere. Quæ ratione utitur Theodorus *l. 6. sup. tit. prox.* ut ab eo judice, qui appellatus est, causa non remittatur ad priorem judicem a quo appellatum, quia tueretur potius suam sententiam quam rescinderet constantiæ causa, si quæ est constantia in ea re defendenda quæ male judicata est. Omnino, inquit ille, sententiam suam firmare conabitur, et ei firmandæ potius operam dabit, quam infirmandæ. Merito ergo ad eum non est remittenda causa, sed qui appellatus est debet omnino pronuntiare, juxta appellatum sit, nec ne: tamen Principem opinor, quod etiam sit hodie, causam ex appellatione iterum disceptandam ad eundem judicem remittere posse, tanquam ad alium quemlibet, quia de ea re non cognovit unquam, id est, accipiet eum ut quemlibet, non ut priorem judicem: nam is revera interposita appellatione ejus rei, judex esse desiit, *l. 13. sup. tit. prox. l. 13. C. Th. cod.* Et ita etiam in *epist. Plin. lib. 6. ad Ursum.* ad Senatū remittitur causa retractanda, de qua Senatus ipse judicavit. Et hinc commodè licet explicare *l. 3. sup. de dilat.* quæ satis videtur obscura. Proponitur in ea a Principe fuisse rescriptum ad appellationem, vel consultationem, id est, relationem judicis, ad consultationem fuisse rescriptum, sive relationem judicis, rescribente Principe, quid judex sua sententia complecti debeat. Ad appellationem autem proponitur non judicasse Principem, sed rescripsisse, puta de legato speciali judice, qui de appellatione cognosceret, ut in *l. 2. tit. seq. vel etiam ad priorem judicem remissa causa iterum disceptanda, iterum et diligentius exentienda: iis autem casibus, quoties Princeps non judicat, quæ de re aditus est, sed rescribit ad appellationem partium, vel relationem judicum, partibus nulla est danda postea dilatio ad instruendam causam. Et hoc vult *l. 3. hac ratione*, quia nulla causa ad Principem perfertur, nisi bene instructa et perfecta, *l. 1. sup. de relat. l. 13. sup. tit. prox.* ut frustra sit dilationem dare partibus, huic, vel illi ad instruendam causam, quæ satis instructa est, nisi in medium adducantur novæ adserctiones, quæ instructione indigeant. Nec enim *l. 3.* tollit novæ allegationes adserctiones, probationes, nova instrumenta, quorum exhibendorum gratia dilationem dari, et concedi necesse est. Ceterum si nihil novi sit, postquam aditus est Princeps, nulla huic, vel illi parti danda dilatio est, quia impleta est instructio causæ, eademque ratione in judiciis cognitionum Principis, cum ipsomet Prin-*

ceps in iudicio praesidet, nulla tribuitur dilatio, quia imparati non veniunt ad Principem, aut qui volunt venire ad sacrum auditorium, parati debent venire, ut dandae dilationi nullus locus supersit. Quod etiam Graeci notant. *In Basil. ad d. l. 5. quia, inquit, parati debent ingredi sacrum auditorium, qui rem a principe dirimi volunt.* Denique nullum dilationi dandae locum relinquunt, qui veniunt parati, et omni ex parte instructa causa. Postremo ex *l. ult.* notandum est, a sententia iudicis non licere appellare, si inter partes convenierit, ne liceret. Videtur ergo conventio privatorum abolere auxilium appellationis, quod receptum est jure publico. Et ad tamen in fine hujus legis, *legum auctoritatem, legendum, auctoritatem, ut in l. ult. de suis, et leg. privatorum conventionem legum auctoritate non ceteri, id est, non plus posse auctoritate legum.* Et tamen hoc casu volumus pactis litigantium legum auctoritatem mitigari, ne liceat appellare. Et ratio est, quia videtur magis appellatio inventa jureque publico permitti in utilitatem, et auxilium litigantium, *l. 11. in fin. C. Theod. de appellat.* Et unusquisque potest privilegio suo renuntiare. Qua ratione etiam licet interpositam appellationem revocare per libellos, *l. si quis sup. tit. prox.* Imo vero, si quis ante sententiam nulla cum adversario habita conventionne, hac de re profiteretur in iudicio, se ab eo, quod iudex statuerit, non appellaturum, perdit auxilium appellandi, sola pollicitatio acquiescendi sententiae iudicis adiungit auxilium appellationis, *l. 1. §. si quis, ff. a quibus appellare non licet.*

JACOBI CUJACII J. C.

In Lib. VII Codicis.

RECITATIONES SOLEMNES.

Ad Tit. LXIV. Quando provocare non est necesse.

Non repetuntur in hoc tit. causae, ex quibus ante dixit obiter, ad rescindendam sententiam opus non esse appellatione, ut puta si sententia non sit partibus recitata ex scripto, *l. 1. et 3. sup. de sentent. ex peric. recitand.* vel si sententia prolata sit ab incompetenti iudice, *l. 2. sup. si a non competenti iudic.* Sed in hoc titulo adduntur plerumque aliae causae, quibus appellandi necessitas remittitur, ut si iudex palam pronuntiaverit contra jus constitutum, atque receptum. Exempli gratia, si pronuntiaverit, testamentum factum ab impubere, id est, minore quatuordecim annis, justum esse, *l. 2. hoc*

tit. Si venalis sententia fuerit, si pecunia redempta, *l. 7. hoc tit.* Si iudex datus judicaverit alio die, quam quo judicare iussus est, *l. 6. h. t.* Si praeses provinciae majorem mulctam irrogaverit, quam ex lege liceat, *l. 5. h. t.* alioquin a mulcta, quae non excidit modum legitimum, necesse est provocare, si eam inferre volumus, *l. 2. in multis, sup. de appellat. l. si qua poena, de verb. signif.* Item necessaria non est appellatio, si minor aetate vocetur ad decurionatum, qui per aetatem ei honori administrando sufficere non potest, *l. 8. hoc tit.* In qua illo loco ad eundem decurionatus honorem, ex castioribus libris est reponendum, ad obtinendum. Item non est necessaria appellatio, si veteranus honeste dimissus, non cum ignominia emeritis stipendialis vicenis, vocetur ad honores, vel munera personalia, non habet necesse appellare a nominatione, quia ipso jure munitus est, *l. 9. hoc tit.* Desidero ut meritis sit vicena stipendia, *l. ult. inf. de his, qui non implet. stp. lib. 10. l. 1. sup. de exemptionibus veteranorum.* Et ita recte Suidas veteranum definit esse eum, qui militia satus est; αὐτὸς ἐστὶν ἀποστράτης ὁ ὄντων ἐδούτων. Hi autem veterani, inquit, sunt, qui 20. annos fecerunt in militia. Idque esse ex instituto Tiberii docet Dio 37. Non prius eis, inquit, missionem dedit, qui stipendia meruissent extra Italiam, quam explevisset 20. annos. Et Cornelius Tacitus in primo annal. sub finem: *Etia t imperes oneribus publicis, qui vicesimo militiae anno veterani dimitterentur.* Et ut idem declarat: Ideo edixit ne veterani dimitterentur ante 20. annum, ut vicennio militia fungerentur, quod milites exorta seditione a Germanico extorsissent, ut dimitterentur 16. anno, vel exauctorarentur, ut idem retulit eodem libro: sed Tiberius edixit, non posse subire Reipublicae onera, nisi expleissent 20. annos, impares esse oneribus publicis, si dimitterentur 16. anno. Nec existimandum est, quod plerisque videtur *l. 22. §. ignominia, ff. de his, qui notant. inf.* idem esse missos, et exauctoratos, quod eodem libro perspicue idem Tacitus ostendit: *Voluntatis inter se rationibus, placitum, ut epistolae nomine Principis scriberentur, id est pingerentur, missi onem dari vicena stipendia meritis exauctorari vero, qui sena dena fecissent, et retineri sub vexillo ceterorum immunes nisi propulsandi hostis.* Est ergo differentia inter missos, et exauctoratos, quia missi sunt emeriti, et ferunt praemia emerita. Nam non dimittebantur sine munere Imperatoris, qui expleverant justum militiae tempus, emeriti ferebant praemia emerita, quae vocantur a Svetonio *commoda missionum.* Basil. vocant in tit. de re militari, *ἀποστράται*, id est, consuetudines, quo nomine in jure significari ut

præmia omnia, et commoda solennia. Evacuati autem non ferebant præmia emerita, nec privilegia veteranorum utebantur. Et præterea, ut idem ostendit illo loco, non prorsus abscedebant militia, sed retinebantur sub vexillo ceterorum immunes ab onere militiæ, præterquam propulsandi hostis. Et hoc notari ad l. 5. necesse erat propter mentionem vicenorum stipendiorum. Addimus superioribus etiam non esse necessariam appellationem, si duobus datis iudicibus, unus tantum judicaverit absente altero, l. 4. *hoc tit.* ubi ponit magistratus iudices datos, et in jure cum dicimus magistratus simpliciter, non intelligimus magistratus populi Romani, aut provinciales, sed municipales, ut in tit. *de magistrat. conven.* et locis innumeris, qui proprio nomine, et ubique a Grecis vocantur *στρατηγοί*, id est, municipales, qui plerumque erant duo tantum iuxta consulum morem, et ob id dicuntur duumviri: et ideo in l. 4. *cum magistratus datos iudices*, id est, duumvires, et ex his unum judicasse proponas, non utrumque, non videtur appellandi necessitas fuisse, cum sententia in jure non teneat. Item non est necessaria appellatio, si quis nominetur ad duumviratum, qui ante nominatus ad decurionatum appellavit, l. 3. *hoc tit.* quia prius constare debet, an sit decurio, quam fiat duumvir. Sumebantur etiam duumviri ex decurionibus, non ex plebeis. Et in l. *pen. D. qui pet. tut. etc. decreto decurionum et ipsum magistratum curatorem dari posse*, id est, duumvirum, qui est ex ordine eodem. Et ex hac l. 3. potest commolisse ne aptari exemplum ad l. *per minorem*, ff. *de judiciis*, quæ velat per minorem questionem majorem fieri præjudicium, ut h. lex 3. ait, per hanc questionem novam, an jure nominatus sit ad decurionatum, qui erat annuus tantum, is scilicet, qui ante nominatus fuerat ad decurionatum, et appellaverat a nominatione: per questionem, inquam, de duumviratu non debere fieri præjudicium future questionis de decurionatu, quæ longe est minor, quia decuriones perpetuo obnoxii erant oneribus Reipublicæ: Duumviratus erat annuus. Item, non est necessaria appellatio, si is, secundum, quem lis data est, si is, qui vicit, queratur, quod expensarum litis: aut detrimentorum nulla, vel minor a iudice habita sit ratio, scilicet, si adversarius appellaverit a sententia, quæ superatus est: quia quod queritur etiam victor expensarum nullam, aut modicam habitum esse rationem, id etiam si ipse non appellet, sed solus adversarius, potest corrigi a iudice, a quo appellatum est. Item si adversarius appellavit, et tunc inducat appellationis causam, non ideo victor habet necesse appellare, ut sibi liceat anteferre diem ap-

pellationis, quoniam suo jure hoc facere potest citra auxilium appellationis: et hæc est sententia l. ult. *hoc tit.* Non repetitur, ut initio dixi, in hoc tit. ulla causa ex iis, quæ relatæ sunt super. tit. quibus appellatio frustra interponatur, scilicet, nisi una, de qua in l. 1. *sup. sentent. rescind.* non posse, si sententia sit contraria priori sententiae, a qua provocatum non est, l. 1. *hoc tit.* Et generaliter brevique definitio totius tituli hæc est: in sententiis, quæ ipso jure rescinduntur, non esse necessariam appellationem.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXX. Quorum appellationes non recipiuntur.

In superiori tit. damnatur, seu reprobat, superstitiosa, superflua, supervacua appellatio, sic vocatur in l. 6. *et ult. sup. tit. prox.* In hoc titulo autem reprobat appellatio moratoria, frustratoria, importuna, quæ mala fide interponitur trahendi negotii causa, et quæ, ut eleganter est scriptum in l. 1. *C. Theod. eod.* iudificatio potius est, quam appellatio, et importuna dicitur l. 6. *hoc tit.* illo loco, *importune appellaverit* et in l. 7. *C. Theod. eod.* illo loco, *importunitates arripere*: præterea appellationem superstitiosam, et supervacuum recipere verecundie est, l. 42. *C. Theod. de appellat. probamus*, inquit, *verecundiam judicantis, si superfluum quoque recipiat provocationem*, ut in casibus tit. superioris. Et Symmachus in Epistolis: *Verecundia potius, inquit, quam jure suscepta provocationem non exstante sententia, justa scilicet.* Appellationem autem frustratorem, et moratorium recipere, ignavia est, l. 6. *hoc tit.* illo loco, *judex, qui tam ignavam convencionem adhibuerit*, id est, qui admitteret moratorium appellationem. Et moratoria appellatio est in casibus, qui proponuntur in h. tit. si absens ex contumacia damnatus appellet, quia vitio suo litem amisit, aut ut amittat æquisimum est, quæ morari tantum videtur appellans post condemnationem, qui priori iudicio adesse voluit, sæpius evocatus. Et hoc certum est, damnatum ex contumacia jure non appellare, et appellationem jure admittendam non esse, sed aut statim exsequendam esse sententiam, l. 1. *hoc tit.* Et hoc jure utimur, l. *et post*, §. ult. ff. *de judiciis*, l. *ex consensu*, §. ult. ff. *de appellat.* l. *properandum*, §. *cum autem*, *sup. de judiciis.*

Item si convictus voce aliena, et voce propria confessus de crimine, appellaverit: nam perspicuum est hunc tantum appellare vitæ protrahendæ causa. Igitur et hæc appellatio recipienda non est: confessi, nec convicti, vel convicti, nec confessi appellatio recipienda est; at confessi, et convicti nullo modo recipienda est, l. 2. hoc tit. l. quoniam, infra, ad. l. Juliam de vi publ. Et quod ait in l. 2. Itemque eorum, qui manifestam violentiam commiserunt, argumentis convictus, testibus superatus, voce etiam propria vitium, scelusque confessus, audiantur appellans. Hic versus sumptus ex l. 1. Cod. Theod. ad l. g. Jul. de vi publ. eaque verba, simul ac l. 2. et 3. ejusd. tit. bellissime interpretatur l. 14. C. Theod. quorum appellat. non recip. Præterea si apparitor, si officialis in causa criminali appellaverit a proprio iudice cui pareat, non est recipienda appellatio, quam nec posset exercere per alium, et per se non sine rubore adversus sententiam proprii iudicis, in cuius officio est: nam constat causam criminalem agi non posse per procuratorem, ne ex appellations quidem, l. 1. D. an per alium causa appellat. l. pen. D. de public. judic. At in civili negotio, sive pecuniario, quod per procuratorem apparitor exsequi potest, recipietur appellatio, etiam si appellaverit a proprio iudice. Et hæc est sententia leg. 3. Item si debitor cujuscunque privatus, vel publicus, vel fiscalis, quia manifesto convictus est, et damnatus, appellaverit non admittetur, sed statim post tempora iudicis iudicatio satisfacere compellitur, l. 4. et ult. hoc tit. Item si quis prohibeat aperiri tabulas testamenti, postulantiibus eis, quorum interest, vel si prohibeat heredem in iis tabulis scriptum mitti in possessionem hereditatis ex edicto D. Hadriani, vel hodie ex edicto Justiniani, et ubente iudice aperiri tabulas, aut heredem scriptum mitti in possessionem bonorum, si ipse appellaverit, non est recipienda appellatio. Quia de jure non ambigit, qui appellat mala mente. Et hæc est sententia l. ult. de appellat. recipiend. et l. 6. hoc. t. Ac postremo notandum est etiam ex l. 5. et penult. non recipiendam esse appellationem, quæ interponitur ab executione sententiæ. A sententia debemus appellare, non ab executione, a iudice, non ab exsecutore, nisi exsecutor excedat modum sententiæ, et si quid superexigat, superpellat, ut ait l. 5. et l. 16. C. Theod. eod. tit. Exsecutore excedente modum sententiæ interposita appellatione suspenditur executio iudicis. Et hoc casu, si lis fuerit de re mobili, res mobilis est interim sequestro deponenda apud honestum virum et idoneum, fide et facultatibus polleentem, vel si lis fuerit de re immobili, fructus percepti tempore appellationis, vel

post appellationem, interim dum agitur appellations causa, sunt sequestro deponendi, quæ est sententia l. 5. Et secundum eam Symmachus in epistolis, *Interea, inquit, constitutionis memor, sequestrari immobilia, fructusque perceptos, etc.* Neque mirum videri debet, si fiat sequestratio post appellationem interpositam ab executione, cum et appellatione interposita a sententia, ex causa fiat sequestratio fructuum, si metus sit, ne adversarius eos depopuletur, ut in l. Imperatores, §. ult. ff. de appellat. Et additur etiam in l. 5. non esse recipiendam appellationem ab articulo, id est, ut Basilica recte interpretantur, κατὰ διαλόγους, id est, ab interlocutione, quod etiam definit l. pen. Et ita articulus etiam accipitur in l. 13. et 23. Cod. Theod. eod. tit. appellatio ab articulo causæ non recipitur, puta, quod denegat iudex dilationem instrumentorum causa quod non det locum ad agendum, quod non admittat exceptionem aliquam, ob id non est recipienda appellatio ab omni causa. Ab articulo causæ non licet appellare, ab executione appellatur sero, ab articulo appellatur præpropere, quia post cognitionem totius causæ interposita appellatione, omnes articuli executionem, et si res sciat, corrigentur. Denique ab articulo causæ appellatio reprobatur, quasi præpropere, ab executione, quasi sero. Et hæc est summa hujus tituli, cui addi velim, jure civili ab articulo causæ, sive ab interlocutione interpositam appellationem, non esse recipiendam: quod si vitium interloc. insit aliquod, facile corrigi possit post decisionem totius litis interposita appellatione. Quæ constitutio juris civilis requissima est, et ab ea excipiuntur pauci admodum casus l. 2. de appellation. rec. At jure canonico a quacunque interlocutione appellare licet, quo modo ei, qui appellat damno, vel oneri esse videatur, capit. super eo, de appellat. canon. non ita 2. q. 6. Et hoc jure utimur, quia iudices facile amplectuntur omnia, quibus litium modus excrecit, aut quibus litium vita proceditur: quæ causa etiam elicit, ut conventionem factam inter partes, ne post latam sententiam appellatur, quæ justa esse censetur, l. ult. §. ult. sup. de temp. appellat. hodie iudices tamen vix, ac ne vix quidem admittant.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXVI. Si pendente appellatione mors interveniat.

Lex penultima hoc tit. ait, in numero cogni-

tionum pendente appellatione, id est, nondum re judicata ex appellatione, quomodo etiam ipsi rei pendere dicuntur, qui nondum discrimine liberati sunt. Et notandum, quod ait *l. pen.* appellationem pendente in numero cognitio- num suo ordine peragendam esse, ut quæ prior inducta est in iudicium, prior dirimatur, at- que ita servetur ordo inductarum appellatio- num, quod et hodie observatur suo ordine, *seon le rolle*, atque ita ordo servatur. Mors autem eius, qui appellavit, vel ejus, contra quem appellatum est, vel mors hominis, de cu- jus proprietate lis est (nam de horum omnium morte est hæc tit.) Ac primum mortuo homine, puta servo, aut ancilla, de cujus proprietate lis est, sive pendente priori iudicio, sive pendente appell. lis etiam omnis non penitus moritur: hoc enim post mortem petiti hominis adhuc disceptan- dum superest, ad quem pertineat periculum mor- tui. Et hoc vult *l. pen. h. t.* Item ad quem per- tineat partus mortue forte ancillæ exciso utero, vel an committantur stipulatio de evictione adversus venditorem hominis, *l. utique, de rei vind.* Mor- tua igitur res, de qua agitur, lis etiam, quæ de ea instituta est, non moritur, sed durat propter pecu- niam propter fructus, et partum, et propter cau- sam evictionis. Mortuo autem eo, qui appellavit a nominatione ad decurionatum, vel ad munus publi- cum, proculdubio lis omnino extinguitur, *l. 4. h. t.* Mortuo eo, qui appellavit a sententia in negotio civili, lis non moritur, sed transfertur heredem ejus: perinde ac si pendente priore iudicio mor- tuus fuisset, et hæres ejus, vel provocationis solemnitas implere, et exsequi debet, vel priori iudicio satisfacere *l. 1. hoc tit.* In negotio au- tem criminali, si pendente appellatione moria- tur, qui appellavit, ita distinguimus: aut priori sententia, contra quam appellavit ex causa crimi- nis admissi bona ejus expressim, et specialiter pu- blicata sunt, et confiscata, aut tacite. Si speciali- ter, morte ejus interveniente pendente appellatio- ne, crimen quidem extinguitur, id est, causa ca- pitis, sed questio honorum nominatim publicato- rum non extinguitur: at si bona ejus tacite sint publica, ut si deportatus sit in insulam, nullo alio adjecto. (Nam deportationis ipsum nomen per se est publicatio omnium honorum, *l. ult. §. ult. inf. de sentent. pass.* Omni deportationi semper tacite inest publicatio omnium honorum.) Et ita, si tacite bona ejus publica sint, morte ejus, non tantum crimen, sed etiam honorum tacite pu- blicatorum questio extinguitur: ideoque bona ejus ad successores transmittunt, nec vindicari a fisco possunt. Atque ita in multis partibus juris multum interest exprimat aliquod, ac tacite intelligatur:

nam uno ex his perempto, quæ sunt expressa, non perimitur etiam alterum, quod neque expressum est. At perempto expresso, perimitur etiam, quod ta- cite ei insuit, *l. 3. in fin. ff. de servit. rust. pred.* Et hæc est distinctio, quæ proponitur in *l. 3. h. t.* quæ est summa notanda, et confirmatur *l. 1. ff. eod. tit. et l. ultim. inf. si reus, vel accus. mort. l. in ratione 1. §. cum quidam, ff. ad leg. Falcid.* Unde concludimus, et crimen morte rei perimi, et questionem honorum tacite publicato- rum. Sed adiamus, non etiam perimi questionem, et repetitionem honorum scelere acquisitionum, quorum integra semper repetitio est iis, quorum interest ab hæredibus defuncti in reatu, *l. si quis cum, l. eum falsi, ff. ad leg. Cornel. de fals. l. Lucius, de jure fisci.* Ex eo, quod dixi, sequi ut mortuo reo repetundarum, vel residuorum, vel peculatus, pecuniarum scelere questiarum aut re- tentarum repetitionem non perimi, *l. ult. ad l. Jul. pec.* Et similiter mortua rea adulterii non pe- rimi questionem dotis *l. ult. inf. ad l. Jul. de adult.* Mortua rea suppositi partus non perimi que- stionem hereditatis, *l. 2. ff. de Carbon. edict.* et hoc est certissimum. Sed in hoc proposito non est omittendum, quod habetur in *l. 2. hoc tit.* In capitalibus causis nemo absens damnatur, ne ex contumacia quidem, sed a iudice inter reos adno- tatur, et adscribitur requirendus, iis fore verbis relatis in commentarium iudicis: *L. Titium, cujus corde C. Sei occisus esse dicitur, requiri, et per- sequi placet.* Et bona ejus obsignantur sigillo pu- blico, ut *l. ult. inf. de reg. juris, l. ult. ff. eod. tit.* Solius est iudicis fisci nomine aliena obsignare. *l. 3. inf. de bon. vacant. l. 10. et l. 3. inf. de aqueductu, lib. 11.* Adnotatio illa non est con- demnatio. Obsignatio illa honorum non est publi- catio: sed si reus non venerit intra annum, ex quo fuit adnotatus: si non purgaverit innocentiam suam intra annum, post annum bona ejus publicantur, et rediguntur in fiscum. Obsignatio igitur non fuit publicatio. Adnotatio non fuit condemnatio. Et tamen ab illa adnotatione, et obsignatione *lex 2.* significat appellare licere: sed sive ab ea appellaverit reus, sive non, et interim, peregre moriatur, nulla superest questio honorum, si intra annum moriatur, quæ nondum erant bona publica: et hoc vult *lex 2. hoc tit. et lex 1. §. ult. ff. de requir. reis.* Ad hæc notandum est ex *l. ult. hoc t.* mortuo uno ex litigatoribus pendente appellatione, vel eo, qui ap- pellavit, vel eo, contra quem appellatum est, pen- dente appellatione, ad eam exequendam, vel in- ducendam hæredibus ejus dari, non reliquum dan- taxat temporis, quod defuncto superfuit, sed hoc amplius menses 4. post deliberationem adita hæ- reditate, ut habeat hæres justum spatium explo-

randi sibi incogniti negotii. Et hi numerantur non a morte litigatoris, sed ex quo finitum erit tempus heredi datum deliberandi causa de adeunda, vel repudianda hereditate. Et ita est omnino accipienda *lex ult.* Alioquin obstaret vehementer *lex cum antiquioribus*, *sup. de jure delib.* quæ mortuo herede intra annum, qui solet heredi ad deliberandum a principe *l. ult. eod. t.* heredi heredis dat ad peragendam deliberationem residuum duntaxat temporis, quod heredi defuncto superfuit. *Lex cum in antiquioribus* non loquitur de peragenda appellatione, ad quam ultra residuum tempus novo heredi indulgentur quatuor menses, numerandi ex die finitæ deliberationis: sed loquitur de peragenda deliberatione, et consultatione adeundæ: vel repudiandæ hereditatis. Sunt igitur diversæ species, et diversa jura. Heredi non merito prorogantur tempora ad peragendam appellationem. Heredi heredis novo non prorogantur tempora ad deliberandum, sed quod reliquum fuit defuncto temporis, id solum ei relinquitur: litis est incertior exitus, quam hereditatis delatæ. Ideo ad litem peragendam latiora tempora dantur, quam ad deliberandum de adeunda vel non adeunda hereditate.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXVII. De his, qui propter metum judic. non appellarunt.

Sententia hujus tituli hæc est, etiam eum, qui per metum judicis, timens offensam judicis, non appellavit intra constituta legibus tempora, judicatum facere compelli, quia hic metus non est iustus. At si propter violentiam judicis non appellet, vel voce, vel dato libello appellatorio, ne rei sue damnum faciat, satis erit, si intra constituta tempora appellationi interponendæ, publice contestetur, se violentia judicis impediri, aut terrore nimio, comminatione judicis, et concussionem ne appellet. Hæc contestatio pro appellatione erit. Sed in ea proponenda publice eadem tempora sunt observanda, quæ in appellatione interponenda. Et hæc est sententia hujus tituli, et legis cum quidam, *ff. de appellat.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXVIII. Si unus ex pluribus appellaverit.

Si plures sint condemnati una sententia, jam intelleximus in *tit. 55.* periculum sententiæ inter eos dividi pro virilibus portionibus. At si pluribus condemnatis quidam appellaverit, quidam non, et vicerit, qui appellaverit, victoria erit communis omnium, id est, victoria ejus, qui appellavit prodest ei, qui non appellavit, si modo fuerit una, eademque causa defensionis, non si diversæ, *l. si qui separatim, ff. de appellat.* Nec obstat *l. scia, eod.* quæ dicit: *eos tantum cadere causa appellationis, qui appellaverint, cum plures condemnati sunt:* nec enim ideo negat communem esse victoriam. Aliud tamen *l. 2. h. t.* docet esse in restitutione in integrum: nam si unus ex condemnatis fuerit restitutus in integrum, post rem judicatam, puta beneficio metus, proprium est beneficium restitutionis in integrum, quod non communicatur collegæ majori 25. annis. Atque ita *lex 2. hujus tit.* facit differentiam inter appellationem, et restitutionem in integrum.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXIX. Si de momentaria possessione fuerit appellatum.

In hoc tit. momentaria possessio est, quæ ex edicto prætoris celeriter, et sine ulla cunctatione reformanda, et restituenda est: quæ de causa et omni interdictum, quod de possessione est, dicitur momentum, et celeris reformatio in *l. si coloni, inf. de agric. et censitis, lib. 11. l. 4. C. Th. unde vi, l. 5. C. Theod. de denunt. l. 1. C. Theod. de inquit. et colon.* Nec refert, quo interdicto de possessione agatur, an restitutio veluti unde vi, quo nemo ambigit possessionem vi dejecto constim esse restituendam, quæstione dilata proprietatis, quæ secunda actio dicitur in *l. ult. inf. quor. bonor.* Prima actio est de possessione spoliato restituenda, in qua sola ex usu hodie constituit momenti beneficium, quia quam citissime fieri

potest, spoliatus restituitur, atque ita momento res expeditur: in ceteris interdictis, quæ sunt de possessione, vel quasi ex jure civili, tamen, ut capi dicere, nihil refert, quo interdicto agatur, restitutorio, veluti unde vi, aut quorum honorum, *l. 22. C. Theod. quor. appell. non recip.* an interdicto exhibitorio, veluti de tabulis exhibendis, quod etiam momentum appellat Anianus in *tit. victum civil. et criminal. ag. poss. l. 9. C. Th.* Quod et hujus interdicti causa momento, et ocissime expediri debeant: an etiam interdicto prohibitorio, veluti, uti possidetis, vel utrobi, ut in *d. l. si coloni, inf. de agric. et censit.* quæ in *C. Theod.* ponitur sub *tit. utrobi*, ut ex eo liquido appareat, eam legem pertinere ad interdictum utrobi, quod illa lex vocat *celerem reformationem*. Nihil igitur refert, agatur interdicto recuperandæ, retinendæ, vel adipiscendæ possessionis: nam ex iis interdictis, quæ retuli ante, alia sunt recuperandæ, ut unde vi, alia adipiscendæ, ut quorum honorum, alia retinendæ, ut uti possidetis, quæ tamen omnia momenti beneficia appellantur, ut merito possis statuere, omnem causam possessionis momento expediendam esse; ut mox veniatur ad secundam actionem, quæ est de domino. Denique omne interdictum, quod est de possessione, omnis ratio per interdictum prætoris repetendæ, reformandæ, tuendæ possessionis, momentum dicitur, quod ejus rei definitio celeritatem desideret, momenti actio, momenti beneficium, momenti causa in *cap. l. extr. de causa propriet. et possess.* et rectissime in *l. momentariæ, inf. unde vi*. Interdictum momentariæ possessionis non semper pertinere ad vim, id est, non solum interdictum unde vi esse momentariæ possessionis, sed omne interdictum, etiamsi de possessione vi erepta non agatur. Denique omnem possessionem quoquo modo perturbatam, aut inquietatam ocissime restituendam esse momenti, sive interdicti beneficio, *l. 1. inf. si per vim, vel alio mo.* Adeo autem in causa possessionis celeritas exigitur, celerisve reformatio, ut a sententia judicis, qui de possessione reformanda pronuntiavit, si appelletur, non sit appellatio recipienda, quæ est sententia constitutionis hujus tituli. Et addenda ratio est ex *l. 22. C. Theod. quorum appellat. non recip.* ne quod beneficio celeritatis inventum est, subducatur injuriis tarditatis. Ideo in interdicto de possessione cessare licentiam provocandi: et ita Symmachus in *Epist. in causis*, inquit, *quibus momenti reformatio postulatur, appellationes recipi non oportet*. At recte tamen Accursius concludit in *hac l. minorem 25. annis posse restitui in integrum adversus momenti beneficium*, ne faciat damnum possessionis, quæ multa habet comoda, si pro-

betur captus fuisse in ea re exequenda: quod habet summam rationem. Unde recte dices, hac in re differentiam esse inter restitutionem in integrum, et appellationem, ut adversus momenti beneficium, quod iudex dedit adversario, non appellemus; restitutor tamen in integrum beneficio utatis, et supra aliam notavimus differentiam inter appellationem, et restitutionem in integrum ex *l. 2. supr. tit. prox.* et potest notari alia ex *l. præfecti, ff. de minoribus*, et alia ex *l. præses, ff. eodem*.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXX. Ne liceat in una, eademque causa tertio provocare, vel post duas sententias judicium, quas definitio præfectorum prætorio roboraverit retractare.

Olim in una, eademque causa licebat tantum semel appellare, non iterum, id est, geminato judicio superatus non poterat appellare, ut quia duumviro appellaret ad præsidem provincie, non poterat a præside provincie appellare, *l. 1. C. Th. de possess. ab eo, qui bis provoc. transf.* Et ita in edicto Alarici Italici Regis apud Cassiodorum *lib. 9. appellari*, inquit, *a subiecto iudicibus ordinariis in una causa secundo non patimur, ne, quod ad remedium repertum est innocentis, auxilium quodammodo videatur esse criminosis; si quis vero voluit iterare tentaverit, negotio privatus abscedat*. Hodie autem ex constitutione Justiniani posita sub hoc titulo, secundo appellare licet, non etiam tertio, id est, bino, non etiam trino judicio superatus appellare potest: ut si a duumviro appellarit ad præsidem provincie, possit a præside appellare ad præfectum urbi, non a præfecto urbi, sed ut additur in *hac l.* si præfectus, ad quem iterum appellavit, delegerit specialem judicem, qui de ea appellatione cognosceret, licet a sententia ejus iudicis non possit appellare, quia non licet tertio appellare, tamen ante litem contestatam, ut exigit *l. ult. sup. de sent. et interloc.* potest eum judicem recusare invocato præfecto urbi, qui eum dedit: nam ut a iudice dato appellamus ad eum, qui eum dedit, *l. 1. ff. quis a quo appell.* Ita iudicis dati recusationem recte facimus, quod maxime notandum, non apud ipsum judicem datum, sed apud eum, qui dedit. Ceterum hæc recusatio longe distat ab appellatione. Recusatio pro appellatione non cedit, alioquin in hac specie non valeret. Et ita sunt ac-

cipienda postrema verba hujus legis, quæ satis erant obscura, quod metaphrasis Basilicon ostendit his verbis. *ἐάν τις τὸν δοθέντα δικαστὴν παραιτήσεται, καὶ ἐπικαλέσῃ τὸν ἀποκρίσας αὐτὸν, οὐ συν ἀποδυσίται τοῦτο εἰς ἑκλήντορ*, id est, si quis judicem datum recusaverit, et cum, qui dedit appellaverit, hoc non consumatur appellationi. Denique recusatio pro appellatione non cedit: at ut hæc lex ostendit, retractatio a sententia præfecti prætoris, a quo non est appellatio, est ad præsidem provincie, et ab eo ad præfectum prætorio, jam non possum retractare, quod præfectus prætorio judicavit. oblato libello principi, alioquin viderer tertiam appellare.

JACOBI CUJACII. J. C.

In Lib. VII. Codicis.

RECITATIONES SOLEMNES.

Ad Tit. LXXI. Qui bonis cedere possunt.

Pertinet hic titulus ad executionem rerum judicarum, sive ex priore judicio, sive ex appellatione judicate sint: nam executio rei judicate ex causa pecunie debite tribus modis fit. Primum captis, et distractis pignoribus, quod fit extra ordinem jussu magistratus, non ex legibus, vel edicto certo, ut ostendi sup. tit. 53. et probat *l. si pignora ff. de viact.* Neque vero ita pignus prætorium constituitur, ne saltemur, sed pignus illud, quod capitur in causam judicati, vicem obtinet conventi pignoris, vicem justæ obligationis, jussus judicis pro conventione, *l. 1. inf. si in causa jud. pign. cap.* Et hoc quidem si judicatus præsto sit, vel defendatur. At si latitet, et non defendatur alio modo fit executio judicati, nempe ex edicto prætoris eo, qui vicit, judicati servandi causa misso in possessionem omnium bonorum ejus, qui judicatus est, *l. 2. et 3. inf. qui potior. in pign. hab.* Et hoc genere pignus prætorium constituitur, quia scilicet hoc præciscuntur ex edicto prætoris. Et ita in jure pignus prætorium semper accipi oportet, ut in tit. de prætor. pign. inf. *l. misso, ff. pro empt. et alibi.* Et eam possessionem postea sequitur proscriptio, et distractio bonorum debitoris, sive judicati, quæ fit sub hasta, et irrogat infamiam ei, cujus nomine fit, cum bonis ejus et fama quoque disperit, quasi decoctoris, *l. paterfamilias, de bonis auctor. jud. possid. §. 1. Instit. quibus ex cau. manumit. non lic.* et Theophilus noster eod. titul. id est, ordo exequendi judicati, est proximus ordini 12. tab. Quamobrem et proscriptio illa, distractioque bonorum

Tom. IX.

debitoris, quæ fit ex edicto, usurpato nomine et 12. tabulæ appellatur *sectio*, ac si, ut in 12. tab. secaretur corpus debitoris in partes: secantur tantum bona ex edicto, et fama debitoris laborat. Et præterea hæc proscriptio debitoris morti comparatur, *l. actione, §. 1. ff. pro soc.* Lex 12. tabularum voluit decoctoris sanguinem effundi: et prætor maluit sanguinem suffundi, quam effundi, id est irrogare infamiam, injicere pudorem publicæ distractis bonis sub voce pecunie. Et ita Tertullianus, *suffundere sanguinem hominis maluit, quam effundere in Apologetico.* Et D. Hieronymus, *non idem est suffundi, et torqueri*, quod deinde sic interpretatur, *erubescere, et longo tempore cruciari.* Quod si forte judicatus nihil, aut parum habuerit in bonis, ut neque primo: neque secundo modo judicatum exequi possit, tunc alio modo fit executio, quod etiam est ex duodecim tabulis, puta judicato decessu in carcerem, licet non licet rei, ut hodie fit in contrahendo, se nominatim obstrinxerit. Prima ratio implendi judicati est extraordinaria. Secunda est ordinaria, nempe ex edicto prætoris, et ad imitationem 12. tabulæ. Tertia quoque est ordinaria, id est, ex duodecim tabulis, ex quibus decoctor in vincula, in nervum, in compedes ducebatur, qui judicatum non faciebat. Carcer quidem non irrogat infamiam, *l. 1. sup. ex quib. caus. infam. irrog.* sed refert injuriam quodammodo, *l. 7. hoc titul. proscriptio*, et distractio honorum infert infamiam. Captio pignorum, nec est infamia, nec injuria. Si quis igitur velit evitare carceris injuriam, vel infamiam proscriptionis honorum, lege Julia ei consulitur in hoc titulo, ut omnibus creditoribus suis, cedat bonis suis, non ut ea sibi habeant, sed ut ea vendant, et pretium inter se partiantur, *l. 4. hoc tit.* non ut ea ipsa bona inter se dividant, et partiantur, et habeant jure dominii, quæ debitor eis in solutionem non dedit, sed cessit tantum. Quod confirmat Theophilus optima ratione. *ἐὰν μὴ τοιοῦτον ἀχόρως ἀδύνατον, τὰ ἀξία πολλοῦ κατὰ συνπραγμάτευσις ἐλέγχα δέχονται*, id est, ne si liceat creditoribus bona debitoris inter se partiri, nec compellantur ea vendere, et ex pretio sibi servare credita pro portione rata, eveniat, ut bona debitoris magni pretii per collusionem modico pretio restimata inter se dividant, et partiantur. Ideo melius est, ut ea bona vendantur palam, et ex venditione redactum pretium inter se partiantur. Ceterum ea venditio bonorum debitoris, quæ sequitur cessionem bonorum, non irrogat infamiam, quia non fit nomine debitoris, cujus jam amplius bona non sunt, sed nomine creditorum, quibus bona cessa sunt, *l. debitores, sup. ex quib. caus. infam. irrog.* Et quod ait *l. 1. bona*, quæ creditoribus cessit debitor, creditores non posse inter se

108

partiri, sed pretium reductum ex venditione eorum: hoc videtur pignare cum *l. ult. hoc tit.* quæ dicit in rebus partiendis, suam vim singulis creditoribus officio judicis servari. Ergo probatur partitio rerum debitoris. Respondeo, illum locum esse accipiendum resumptis verbis, quæ præcedunt: in electione quidem, de qua agitur in *l. ult.* non esse differentiam inter creditores hypothecarios, et chirographarios, sed in rebus partiendis esse differentiam, et suam vim, id est, suum jus cuique servandum, ut scilicet hypothecarii suas hypothecas præcipuas ferant, reliqua bona veniant communiter pretio inter creditores diviso: unde concludimus, duo esse communia cessionis honorum ex *l. 1. et ult.* ut liberet injuria carceris, et infamia proscriptionis. Nec nos movere debet, quod ait *l. 1.* in eo tantum beneficium cessionis prolesse, ne judici detrudantur in carcerem: nam ex eo articulo tantum non ducitur idoneum argumentum, ut in *l. ob res, sup. de prædiis min. si dec. ob res alienum tantum, prædia minorum alienari posse.* Imo et ob aliam causam alienari possunt, nempe ob dotem, vel donationem propter nuptias: ex verbis SC. ob res alienum tantum: ex sententia, et ob aliam causam. Et ita in hac *l. 1.* dicitur, tantum, ut excludat liberationem, de qua egit ante, id est, ut significet eum, qui cessit bonis, non liberari, sed propterea tamen non excludit alia commoda cessionis: est enim et tertium ejus commodum, ut licet is, qui cessit bonis, non sit ipso jure liberatus, tamen liberetur si convegiatur in solidum posita exceptione, si non bonis cessit, quæ tamen ei non prodest, si quid ei facultatis post cessionem accesserit, quo prætor moveri possit, ut in *l. 13. tit. seq.* Postremo notandum, cessionem honorum verbo fieri sine ulla solemnitate, *l. 2. et professione nulla, l. 6. etiam extra jus, l. ult. ff. de cess. bonor.* Alia igitur longe est a cessione in jure: cessio honorum non est cessio in jure: nam sit etiam extra jus nudo verbo, detracta solemnitate omni. Nec necesse est beneficium cessionis peti a Principe, quod lex Julia defert, et recte additur in *C. Th. qui bonis ced. poss. ex l. Julia.* Quod tamen quis posset tentare ex initio *l. ult. hoc tit.* beneficium cessionis honorum peti a Principe, quod nequaquam concedendum est: sed illa *l. ult.* est tantum accipienda de dilatione quinquennii, de justitio quinquennii, quod debitori a Principe datur, *l. universa, sup. de prec. imp. offer.* Quod Græci vocant, ἀρρωχία, et ὀντισπία, in idiotismo dicimus respit de cinq années. Justitium igitur quinquennii omnino petendum est a Principe, quoniam ipso jure non competit, sed plerumque id Princeps dat sub distinctione, ut vel creditore accipiant bonum, quæ debitor cedere paratus est, vel ferant

ei indulgeri in quinquennium ad conquirendam pecuniam. Et hæc est sententia *l. ult.* cui addam, hæc in re ex *l. majorem, de pactis*, si dissensiant inter se creditores puta si alii malint cessionem honorum, alii indulgentiam quinquennii, majoris partis creditorum sententiam obtinere, quæ æstimatur non ex numero personarum, sed ex cumulo, et pondere crediti, quod si sint pares creditores in omnibus, tum humaniorem sententiam esse sequendam, ut scilicet contenti sint omnes indulgentia quinquennii. Et hic querit Accursius, an indulto quinquennio debitori, indultis induciis quinquennii a Principe consentientibus creditoribus, post quinquennium, debitor admittatur ad beneficium legis Julæ, id est, cessionem honorum? Et rectissime respondet, non admitti: qui locus est singularis. Senatusconsulto Lutatæ Accursii sententia fuit comprobata: cum scilicet, qui impetravit beneficium quinquennii, postea non admitti ad cessionem honorum, ne videatur abusus beneficio principis. Cessio honorum, quæ semel facta est, verbo revocari potest, contrario verbo, si res sit integra, id est, si nondum creditores bona vendiderint, *l. 2. hoc tit. l. 3. et 3. ff. eod.* Et sit cessio honorum a creditoribus privatis, vel publicis, vel fiscalibus, non etiam ab iis, qui vocantur ad munus publicum: nam non audiuntur si parati sunt cedere bonis, sed necesse est, ut serviant Republicæ, quantum eorum facultates ferunt. Et hæc est sententia legis 3. Fit autem cessio honorum non tantum a patribusfamilias, sed etiam a filiisfamilias, debitoribus, licet nihil proprium habeant, quia non tantum sit cessio presentium, sed futurorum bonorum, *l. pen. hoc tit. l. 4. et 7. ff. eod.*

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Tit. LXXII. De bonis auctoritate judicis possidendis, seu vendandis, et de separationibus.

Possessio bonorum omnium judicati, id est, condemnati, quæ ei, qui pro partibus suis sententiam consecutus est, et aliis creditoribus datur, si intra tempora judicati non faciat judicatum, et quam auctor festinans jungere tractatui de possessione, promissit quæ ante dicta sunt de rebus judicatis: ea inquam, vel datur ex cessione ipsius judicati, sive debitoris, de qua in tit. superiori, vel ex edicto auctore prætoris, vel præside, judicati, sive debiti servandi causa, de qua agitur *h. tit.* Et

ostenditur in eo, auctoritate judicis, id est, prætoris, vel præsidis ex edicto creditoribus dari possessionem universorum bonorum debitoris, si debitor scilicet fraudationis causa latitet, nec defendatur, *l. pen. et ult. hoc tit.* vel etiamsi debitori defuncto nullus successor extet, *l. 5. et 6. hoc tit.* Quod in edicto significabatur his verbis: *cui hæres nec extabit*, quæ referuntur in Quintiana M. Tullii: his deinceps casibus creditores omnes mittebantur in possessionem, non unius rei, sed omnium rerum debitoris. Denique possessio bonorum debitoris, vel datur creditoribus ex cessione sui debitoris, vel ex edicto prætoris, per prætorem ipsum, aut præsidem: utraque autem possessionem sequitur venditio eorum bonorum postulata a prætore, vel præside transacto justo aliquo tempore post possessionem datam, cujus arbiter erit prætor, vel præses, *l. pen. hoc tit.* Nec enim venditioni faciendæ invenio legem definitam tempus esse. Et verum est, quod D. Aiciatus notavit in *l. ult. §. si autem, hoc tit.* hæc verba a nobis, in veteribus libris abesse, nec deesse. Non est enim venditioni faciendæ a Justiniano definitum tempus, sed definitur arbitrio judicis. Plerumque post longam possessionem, si videat debitorem non afflicto tedio longæ possessionis rerum suarum, tum decernet venditionem bonorum fieri sub hasta. Sed venditio quæ sequitur cessionem bonorum debitoris, non est ignominiosa, quia non fit nomine debitoris, qui se exuit bonis omnibus sponte sua. At venditio, quæ sequitur possessionem datam ex edicto Prætoris, quia fit nomine debitoris quasi decoctoris, est ignominiosa, et infamans, et appellatur proprie *distractio*, quæcumque scilicet venditio fit publice sub hasta, quæ fit palam in foro constituta auctione haste, et sæpe admissis quamplurimis licitari volentibus, et uni re una addicta, alii re alia, quo genere plane res distrahantur, et ita eleganter M. Tullius in Quintiana: *ad auctionem bonorum debitoris convenire creditores, ut carnifices ad reliquias vitæ lacerandas, et distrubendas*. Id in idiotismo aptissimo vocabulo appellatur, *des confitures*: cum scilicet debitor venalis pendet in foro: id est, cum bona ejus in foro pendunt venalia cessa, vel data possessione omnium bonorum debitoris: postea dico, creditoribus permitti a iudice venditionem eorum bonorum, non etiam partitionem, vel additionem, quæ fiat creditoribus: *ils ne sont jamais estroussés aux créanciers, mais à l'étranger*: denique creditores bona debitoris, quæ possidere jussi sunt, inter se non possunt parti, et ea detinere jure domini, sed necesse est, ut vendant, et pretium ex venditione relictum servato ordine juris, salvo hypothecis, et privilegiis creditorum inter se partiantur,

l. 4. sup. tit. prox. l. 6. hoc tit. l. unica, sup. ne mulieri pro dote. Quod ait, *pro dote*, id obtinet in quolibet alio debito, ut pro debito bona debitoris creditori non applicentur, sed ut ea tantum possideri jubeat, ac deinde permittatur ei venditio. Ergo autem venditionem creditores bona debitoris possident jure cessionis, si debitor bonis cesserit, vel jure prætorii pignoris, si prætor eis dederit honor. possess. Quæ differentia notanda est, honor. possessionem dicit *l. pen. hoc tit.* sicuti *l. si pap. §. defend. ff. eod. et l. 5. ff. ex quib. caus. in poss. eat.* quæ frequentius dicitur possessio bonorum, non honorum possessio. Proprie enim nobis aliud est bonorum possessio, aliud possessio honorum, nec verba trajecta idem significant. Honorum possessionem quasi dominium tribuit, et est species successionis, sive hereditatis, *l. 1. ff. de bon. poss.* Possessio bonorum dominium non tribuit, *l. 5. sup. ut poss. legat.* Et ita Zeno apud Stobæum elegantissimam facit differentiam inter discipulos φιλολόγους et λογοφίλους, quos φιλολόγους vocat eos, qui rerum pondera, et dignitatis λογοφίλους eos, qui verborum tantum vanitatem sectantur. Et medici quoque differentiam faciunt inter spinam albam, et albam spinam: et in constitutionibus Regiis, atque in consuetudinibus invenio differentiam fieri, *entre bois mort, et mort bois. Bois mort, c'est du bois, qui est sec, et encor debout: mort bois est qui est abbatu, et gist couché en terre.* Verum ad rem. Utrouque genere, quo creditoribus datur possessio omnium bonorum debitoris, decoctor liberatur, nempe si bonis cesserit, *l. 3. hoc tit.* Liberatur item, si creditores omnia ejus bona possidere jussi sunt, *l. ult. hoc tit.* Et liberatur ab his, qui ante cessionem bonorum, vel possessionem cum eo contraxerunt, non etiam ab his, qui postea cum eo contraxerunt, quod notat *l. 3. hoc tit.* Præterea non liberatur ipso jure, *l. 3. sup. tit. prox.* sed si conveniatur postea exceptione, cujus formula ita concipitur in Basil. *d. l. 3. h. l. et apud Theop. §. ult. Inst. de replicat. ἀλλ' ἢ μὴ ἔστιν.* At si non licet: quæ formula nihil pertinet ad rem: igitur sic scribamus, *ἀλλ' ἢ μὴ ἔστιν*, quod est *at si non cesserit*, bonis scilicet, et inde in contextu quoque Institutionum apparet recte veteres libros habere, *nisi bonis cesserit, §. ult. de replicatione*, vel aliter ac si non cesserit: vulgo legitur, *si bonis cesserit* rectius, *nisi*. Ad hæc sciendum est possessionem bonorum ex edicto dari in rem: id est, generaliter, non in personam, *l. cum unus. ff. eod. l. ult. h. l.* Et ideo a Grecis appellatur, *καθολικὴ πώλησις τῶν δυνάμεων*, ac si diceret, catholica, id est, generalis possessio creditorum omnium: quod est magis

momenti: nam ex eo intelligimus etiam iis creditoribus, qui possessionem bonorum non petierunt, prodesse eam, quæ petita est ab aliis, quoniam non data est personis, quæ petierunt, sed generaliter in rem, petentibus, et non petentibus. Sed hoc ita restringetur in *l. ult. hoc tit.* ut ita dandum iis, qui non petierunt se mitti in possessionem bonorum debitoris, prosit, quæ data est aliis, si præsentibus intra biennium, absentes intra quadrienn. quo eam non petierunt, profiteantur, ac ostendant se esse creditores ejusdem debitoris, et iis, qui petierunt, pro rata refundant expensas factas in iudicio, id est, in persecutione poss. bonorum debitoris, et expensas, quas jurati affirmaverint se fecisse, iurijurando soli fidei haberi, quod est maxime notandum. Et hoc ita si res sit integra, id est, si nondum facta sit venditio, vel cessio juris sui ab iis, qui missi sunt in possessionem, quæ ut ex eo apparet plerumque protrahatur in longius tempus, cum intra quadriennium possit alios creditores posse venire re integra, et profiteri nomen suum inter creditores ejusdem debitoris. Nam si post venditionem, aut cessionem juris sui factam ab iis, qui impetrarunt possessionem bonorum debitoris, veniant, qui eam non petierunt: hoc casu iis ita prospexit Justinianus, ut ex pretio redacto, primum suum sibi servant, et habeant, qui venditionem, aut cessionem fecerunt accepta pecunia, residuum pecuniæ, ut obsignatum deponant, obsignent, et deponant in arde sacra, in Cimetario, ut ait *l. ult. in quo scilicet vasa, et vestes, et donaria sacra deposita sunt, le tresor, depositiones, quæ fiunt in arde sacra, fiunt in Cimetario, idque ex lege, ut ait hæc lex ult. ut nullum ob eam depositionem, dispendium, vel damnum sustineant economi, id est dispensatores rerum ecclesiæ, vel Cimetarii, quod Theodorus vocat *οὐνοφυλάκας*, id est, *custodes sacrorum vasorum*, quod idem Theod. interpretatur his verbis: si forte pereant pecuniæ depositæ: nam certissimum est, depositarium, nisi aliter convenit, non præstare periculum rei depositæ, præstare dolum tantum, non culpam: depositam autem pecuniam in arde sacra ferent, qui supervenerint creditores, et inter se partientur pro rata debiti quantitate. Sed maxime notandum est in hac venditione rerum debitoris, prius haberi rationem creditorum, qui sint hypothecarii, sive generales, sive speciales, quod et hodie fit, ut hi priores salvas suas hypothecas habeant, id est, ut illis primum satisfiat ex hypothecis, *l. 6. hoc tit. l. ult. in fin. sup. tit. prox.* illo loco, in rebus officio iudicis partiendis. Prius ergo habetur ratio hypothecarii, quam chirographarii creditoris. Item creditorum, qui privilegiarii sunt. Quia de causa in *ff. tit. de cess.**

bonor. l. 1. et 2. et in tit. de rebus auct. jud. poss. multis legibus fit mentio creditorum, qui privilegiarii sunt, id est, qui prærogativam executionis habent: et ob id etiam post hunc tit. datur titulus *de privilegiis fisci*, et tit. *de priv. leg. dot.* Nam fiscus est creditor privilegiarius, et mulier in dote. Ubi autem his satisfactum, tum reliquis, qui non sunt ejusdem conditionis ex residuo satisfiat pro rata debiti, *l. 6. hoc tit.* Hic est ordo juris, nec unus ex creditoribus compellitur omnia bona suscipere cum onere absolvendorum reliquorum omnium creditorum, *l. 4. hoc tit.* Item certum est, primum satisfieri debere creditoribus defuncti, quam legatariis, quia legata non debentur, nisi ex eo, quod deducto ære alieno restat. Et inter creditores defuncti numerantur, ut ostendit *l. 1. hoc tit. ii*, quibus testator quid legavit ab eo hærede, qui nunc defunctus est relictis legatariis quibusdam propriis, ab eo illis debebatur, ut legatum: ab hærede hæredis debetur potius ut ære alienum, quam ut legatum. Ideoque priorum legatorum causa est potior, quam posteriorum. Et hæc est sententia *l.* Postremo non est omittenda illa pars *hoc tit. de separationibus*, ad quam pertinet tantum *l. 2. et 7.* Quid est *separatio*? est bonorum, et creditorum aliorum, ab aliis seorsum, aut separatim habita ratio, ut si sint creditores defuncti testatoris, et creditores hæredis proprii, possunt creditores defuncti postulare separationem bonorum, ut scilicet ipsi erant in possessionem bonorum defuncti, qui sunt creditores defuncti, et creditores hæredis erant in possess. bonorum hæredis propriorum, atque ita, neque bona commiscerantur, neque creditores, quod proponitur in *l. 2. et 7. et in l. 7. tantum velim*, ut legatur, *separatio postulata*, non *separatione* ut et in *l. pen. sup. tit. de heredit. act.* in qua hæc eadem constitutio latius exponitur. Et de hoc tantum genere separationis agitur in h. tit. et in tit. *ff. de separat.* agitur etiam de aliis, puta, ut servi separent bona propria, quæ postea acquisierint a bonis domini, cui necessarii hæredes extiterint cum libertate, et eodem modo separentur creditores servi, et domini, *l. 1. §. ult. ff. de separat.* Item si veniant bona filifamilias, ut separentur creditores castrenses a paganis, *d. l. 1. §. si filiofamil.* Item si patronus hæres extiterit liberto, qui hæres extiterit Titio, ut separentur etiam creditoris liberti, et Titii in adipiscenda bonorum possessione, separatim etiam bonis, *l. pen. ff. eod.* Et potest addi quintum genus separationis ex *l. 3. §. proinde, ff. de minor.* ut a bonis patris, quæ fiscus occupavit ex causa debiti separetur peculium filii, quod est ex singulari constitutione D. Claudii.

JACOBI CUJACII J. C.

In Lib. VII. Codicis.

RECITATIONES SOLEMNES.

Ad Titulum LXXIII. De privilegio fisci

Non alia de causa hic titulus subicitur duobus superioribus, quam quod ex cessione debitoris vel ex edicto Praetoris possessis, et venditis omnibus bonis debitoris, habenda sit in primis ratio eorum creditorum, qui privilegiarii sunt, id est, qui habent privilegium exigendi, quod Plinius in epist. ad Trajanum, vocat *πρωτοπαξίαν*, quasi *πρῶτον ὑπαρξίαν*, primam exactionem, qui ceteris creditoribus praeservantur in auferenda pecunia sibi delata, delata interim exactione ceterorum, qui privilegii non habent: quae causa etiam efficit, ut in ff. *de cess. bonor. et reb. auct. judic. etc.* agatur de privilegiariis creditoribus, ex quibus est fiscus, de quo hic titulus est. Paul. 8. Sentent. privilegium fisci est, inter omnes creditores primum locum tenere. Quae sententia, ut intelligatur, sciendum est, alios esse creditores hypothecarios, alios chirographarios, qui et *personales* dicuntur, quia ex chirographo solo personam debitoris solum obligatum habent, non etiam ejus bona. Et qui hypothecarii sunt, etiam *personales* sunt, quia actio hypothecaria sine personali non consistit, quae directa, et principalis actio est: at qui sunt personales, non continuo etiam sunt hypothecarii, quia personalis actio sine hypotheca consistere potest. Ex chirographariis autem alii speciali quodam jure privilegiarii sunt, alii non item: ex hypothecariis autem, excepta causa dotis, ut ostendit tit. seq. nulli sunt suo jure privilegiarii. Fiscus est creditor hypothecarius, nec tamen privilegiarius, in actione hypothecaria jure suo quodam proprio, atque praecipuo contra alios creditores hypothecarios, nec nisi privilegio temporis, uti quilibet alius creditor hypothecarius, quia in hypothecis privilegium aestimatur ex tempore, non ex causa debiti, non ex persona debitoris, et ubique fere, qui prior est tempore, potior est jure hypothecae, quod et de fisco ita proditum est l. 2. hoc tit. l. si pignus, l. ult. ff. qui pot. in pig. hab. At in actione personali fiscus est privilegiarius, suo quodam jure, non spectata prerogativa temporis. Et hoc est quod Paulus ait, privilegium fisci, inter creditores primum locum tenere, inter omnes scilicet creditores chirographarios, etiam si privilegiarii sunt, quia suum privilegium exercent contra alios, non etiam adversus fiscum. Exempli gratia: privilegiarius est, qui pe-

coniam credidit navis fabricandae, vel instruendae causa, l. qui in navem, ff. de reb. act. jud. Et tamen fiscus ei anteponitur, atque ita non est privilegiarius nisi post fiscum, l. quod quis, cod. id est possessis bonis debitoris, prius fisco satisfieri debet, quam ei, qui credidit navis fabricandae, vel armandae causa. Alias vero privilegiarius privilegio non anteponitur, sed melior est conditio occupantis, id est, ejus qui prius suum recepit, qui sibi vigilavit: nam si prior creditor chirographarius, nec privilegiarius suum recepit, privilegiarius creditor ei, quod recepit auferre potest ulla actione, nisi prior hypothecae jure, si fuerit hypothecarius, ut fiscus, l. 3. hoc tit. Nam fiscus semper est hypothecarius, id est, semper habet tacitam hypothecam in bonis debitoris, l. auferitur, §. fiscus, D. de jure fisci, l. 1. et 2. inf. in quibus caus. pig. vel hypot. tac. cont. l. 1. sup. si propter publ. pensit. l. pen. hoc tit. Quod est aliud privilegium fisci, ut ait l. 2. sup. de servo pign. dato manum. Et tacitam hypothecam habet fiscus in bonis, quae tempore contractus debitoris fuerunt, non etiam in iis, quae tempore contractus debitoris esse desierant, et per venditionem forte, et traditionem in alium transierant, l. 4. hoc tit. Nam tacita hypotheca fisci consistit tantum in bonis debitoris, non in bonis alienis, etiam si jam olim debitoria fuerint, antequam contraheret cum fisco. Ac ne quidem in bonis uxoris ejus, l. 1. hoc tit. Quia inter conjuges nulla est communio bonorum, est societas vitae, non bonorum, et res uxoris non minus viro sunt alienae, quam res cujuslibet extranei. Et notandum, quod ait illa l. 1. bona ejus, qui fisco obligatus est, ob reliqua administrationis principis a fisco posse occupari jure tacitae hypothecae, non etiam res uxoris, quod intelligendum est de rebus, quae sunt extra dotem, de paraphernis. Nam dos uxoris, quia est in bonis mariti, ex causa reliquorum principis, id est, administrationis annonae militaris, a fisco occupari potest jure hypothecae, non quidem statim, sed in subsidium, quia dos est etiam uxoris, l. quamvis, ff. de jure dot. si scilicet cet. ex bonis debitoris ipsius vel fidejussoris ejus illa reliqua fiscus servare non possit, l. 4. inf. in quib. caus. pign. vel hypot. tac. Idemque obtinere in quolibet munere publico, ex contrario argumentum praestat lex. 3. sup. ne uxor pro mar. Et ne quis haereat in hac l. in nomine principis, principium vocant jura nostra multis in locis centurionem principis, ut alii auctores, cui tamen annona militaris exhibenda, et distribuenda data est: nam ut Vegetius 2. de centurione principis; merita, et commoda totius legionis centurio principis consequabatur, praemia scilicet, emerita, et annonas, ut eas militibus di-

tribueret. Et ita rectissime Theod. in hac l. 1. principium delinit, τὸ τοῖς πρώτοις ἀγορευταῖς στρατιώταις δίδουσαν σιτημάτων, ἢ αὐτοῖς, id est, annone, quæ dantur centurionibus principili distribuendæ militibus: hoc est munus principili, cujus rationem reddere cogitur fisco. Ergo reliqua annonarium, si qua sint non distributa militibus, eum obligant, ex l. 3. et 7. inf. de cohortalib. princip. cornic. ac primi. lib. 12. tit. 58. dum vocat pastum principili, qui scilicet exhibetur militibus a centurione principili. Et ita in l. 6. C. Theod. eod. principilaribus, inquit, qui ad pacandos miles solemniter ad limitem destinantur. Et rectissime ad leg. 1. sup. de conditione ex l. debitor ex principilo in Basil. dicitur, qui debet fisco διαποπὰς στρατιωτικὰς, id est, pastus militares, qui reliquator est annonæ militaris. Et Modestin. in l. 10. §. qui principilum. ff. de exensat. tutor. στρατιωτικὰς χρεῖσας; id est, militares necessitates. Pergamus ad reliqua. Dixi fisci actionem personalem præferri omnibus aliis actionibus personalibus, cujuscunque temporis sunt, quia in actionibus personalibus privilegium non constituitur ex tempore, sicut in hypothecariis, sed ex causa, et qualitate debiti, l. privilegia, ff. de reb. auct. judic. poss. Fisci autem actionem hypothecariam non præferri antiquioribus actionibus hypothecariis, sed inferioribus tantum, et posterioribus. Addamus actionem fisci hypothecariam etiam præferri actionibus personalibus, vel antiquioribus, vel etiam privilegiariis; etc. l. 3. hoc tit. Nam et hoc idem habet quilibet, cui competit actio hypothecaria, ut anteferatur omnibus actionibus personalibus, omnibus creditoribus chirographariis, sive personalibus, l. 6. sup. tit. prox. Et ideo, ut hic exponam l. 3. hoc tit. si debitor fisci, qui, ut dixi, semper est hypothecarius tacito jure: si, inquam, debitor fisci, idemque debitor privati creditoris chirographarii prius solvat creditori chirographario, fiscus jure tacite hypothecæ pecuniam ante illi solutam vindicare potest actione hypothecaria ex justa causa, ut ait l. 3. Puta, si debitor solvendo non sit: ergo in subsidium, ergo extra ordinem, ut etiam ait l. 3. Nam jure ordinario non sit, quod non sit nisi raro, ex justa causa, et in subsidium. Et ratio hujus constitutionis hæc est in l. denique, de jure fisci quia res, non persona convenitur, id est: fiscus pecuniam ante solutam creditori chirographario vindicat actione in rem, id est, hypothecaria, et in actione in rem non veniunt usuræ, in l. si navis, de rei vindic. Hæc, inquam, ratio ostendit, quod debui præmittere, cur l. 3. dicat, fiscum pecuniam solutam creditori chirographario vindicare sine usuris, restitui fisco eam pecuniam sine usuris, quia agit in rem non in personam: et in actione in rem non veniunt

usuræ, sed in actione in personam tantum. Eadem pene est ratio l. 3. quia, inquit, creditor chirographarius, cui prius debitor pecuniam solvit, eam pecuniam non sumpsit scenori, ut teneatur in fortem, et usuras actione in personam, sed solum recepit, quod ei auferri non potest, nisi actione in rem hypothecaria, et in act. in rem non veniunt usuræ. Et postremo notandum ex l. ult. hoc tit. eum, qui pro debitore fiscali solvit fisco, non succedere in privilegium fisci, nisi hoc in eum specialiter a iudice translatus sit, quod et l. 3. significat. Sed huic sententiæ valde obstat l. 2. ff. de cess. bonor. et l. si ventri, §. pen. et ult. de reb. auct. jud. possid. Quæ II. generaliter delinunt, eos creditores privilegiarios esse, quorum pecunia pervenit ad creditores privilegiarios, id est succedere eos in privilegia, nec exigunt illæ leges ullo modo, ut privilegium in eos translatus sit, et transcriptum sit, quod tamen exigit destricto l. 3. et ult. hoc tit. his ego verissime respondeo, aliud esse privilegium, quod fiscus habet in actionibus hypothecariis ex tempore solo: ut quilibet alius hypothecarius cred. de quo est l. 3. et ult. In hoc privilegio temporis, si cujus pecunia ad fiscum pervenit, non succedit, nisi nominatim in eum jus hypothecæ a iudice translatus sit, quod non intelligitur esse translatus tacito intellectu, sed transferri debet nominatim in eum, qui pro eo solvit, qui in hypotheca habuit privilegium temporis, ne qui novissimus contraxit, injuriam faciat aliis, qui in hypotheca priores sunt tempore. Aliud autem est privilegium fisci in actionibus personalibus: et in hoc, qui pro debitore fisci fisco solvit, utique tacito intellectu succedit, etiamsi in eum non transcribatur. De hoc privilegio loquitur l. 2. de cess. bon. et l. 2. si ventris, §. pen. et ult.

JACOBI CUJACII J. C.

In Lib. VII. Codicis

RECITATIONES SOLEMNES.

Ad Tit. LXXIV. De privilegio dotis.

Est etiam creditoribus permessa possessio, et venditio honorum omnium debitoris in actionibus personalibus privilegiaria mulier, quæ dotem suam repetit soluto matrimonio, l. si sponsa, ff. de jure dot. Et hoc est, quod ait l. 1. ff. sol. matrim. dotis causam semper, et ubique esse præcipuam, dotem scilicet præcedere omnia credita. Multo sunt introducta favore dotis, l. si ego, §. si res, de jur. dot. l. ult. sup. ad SC. Vellejan. et hoc maxime, ut habeat privile-

gium inter personales actiones. Et ita accipienda constitutio *hujus tit.* Quæ tamen ait hoc privilegium non transmitti ad hæredem mulieris. Quæ verba omnes interpretes uno consensu, tam Græci, quam Latini accipiunt de hærede extraneo: rectissime: nam ad filium hæredis mulieris idem privilegium transit *Novel. 91.* Et ita, quod dicitur in *l. maritum, D. sol. matrim. et l. nec maritus, sup. eod. tit.* maritum uxori, si uxor agat adversus eum, in id tantum, quod facere potest, teneri, quod et de uxore dicitur erga maritum: sed hoc beneficium non præstari hæredi ejus, quia est beneficium personale: et hoc etiam intelligunt rectissime de extraneo hærede tantum, non de filio viri, vel uxoris, *l. etiam filios, ff. eod.* At quæso, cur in *l. ult. inf. qui potior. in pignor. hab.* ait, actionem dotis præferri omnibus pene actionibus personalibus: cur ait pene? nimirum quia non præfertur actioni, quæ competit Reipubl. si antiquior fuerit, ut indicat *l. 9. sup. de jur. dot.* Et multo minus præfertur actioni, quæ competit fisco, quia ei adjuncta est semper, et adhæret tacita hypotheca. Mulier autem ante Justinianum non habuit tacitam hypothecam dotis nomine: hodie eam habet in rebus dotalibus, et in omnibus rebus mariti. Ac præterea in hypothecariis actionibus mulier, quæ de dote sua sollicita est, præfertur omnibus creditoribus hypothecariis, etiam antiquioribus, vel tacitam, vel expressam hypothecam habentibus, ut recte Martinus censuit *l. ult. inf. qui pot. in pignor. et Nov. 97.* Excipiendus tamen, ut opinor, est fiscus: nam huic in hypotheca mulier non præfertur, nisi ex privilegio temporis, *par l'ancienneté, l. 3. de primip. lib. 12. l. 2. inf. tit. proxim.* In qua quod de hypotheca conventa, cautaque mulieri, idem hodie dici velim de tacita, ut ejus jure mulier non præferatur fisco, nisi ex prerogativa temporis: non præferetur etiam mulier alii mulieri agenti de dote antiquiore, *d. l. ult. et Novel. 91.* non præfertur ei, cujus pecunia res comparata est sub pignore ejusdem rei, si et prior tempore sit, qui pignus credidit ad rem comparandam sub pignore ejusdem rei speciali, ut *Novel. 97.* His exceptis mulier, quæ dotem suam persequitur, præfertur omnibus creditoribus, non tantum chirographariis, sed etiam hypothecariis, etiam antiquioribus, et plus igitur mulier habet, quam fiscus, qui non habet in hypothecis nisi privilegium temporis. Et propterea mulier vitium adfert regule juris. Et propterea in hypothecis priorem tempore esse potiorum jure. Denique beneficio Justiniani ex hypothecariis creditoribus una tantum mulier, quæ de dote agit speciali jure privilegiaria est.

JACOBI CUJACII J. C.

Ad Lib. VII. Codicis.

RECITATIONES SOLEMNES.

Ad Tit. LXXV. De revocandis his, quæ in fraudem alienata sunt.

In hoc tit. agitur de actione in factum, quæ Pauliana dicitur in *l. videamus, §. in Pauliana, D. de usur.* Et a Theoph. in *§. item si quis, Inst. de act.* et competit creditoribus post possessionem, et venditionem honor. judicati, transacto scilicet legitimo tempore judicati faciendi, si judicatus latet, nec satisfaciatur, nec defendatur, et bona, quæ veniunt, non implent creditores, non sufficiunt creditoribus, videlicet ad revocanda ea, quæ in fraudem eorum creditorum alienavit patrimonii sui diminuendi causa, ut ex eo minus ferrent creditores. Et competere hanc actionem post possessionem, excussionem, et venditionem honorum omnium judicati, vel cojuscunque debitoris intra annum utilem, probat *l. 1. hoc tit.* illo loco *bonis ejus excussis*, et *l. pen. illo loco, bonis possessis, itemque distractis*, ad quod verbum *distractis* adscripta glossa penitus delenda est, quia interpretatur *distractis a debitore*, cum sit intelligendum *distractis a creditoribus* auctore prætoris, vel præside, ut distracta si non sufficiant creditoribus, tum creditores actione Pauliana rescissa alienatione, revocent, quæ debitor alienavit in eorum fraudem. Idem etiam probat *§. item si quis in fraudem, Inst. de act. et l. 6. §. ult. l. ait prætor, §. 1. et §. annus, D. quæ in fraud. cred.* Unde satis apparet quam bene sit connexus hic titulus cum superioribus. In *l. 1. hoc tit.* proponitur, hæredem corpora hæreditaria cessasse, et transulisse in alium creditorem hæreditariorum fraudandorum causa obponas, ut Accurs. hæredem ea dedisse in solum propriis creditoribus, sed obponas generaliter, vel illo, vel alio modo hæredem ea alienasse, puta donasse, vel in dotem dedisse in fraudem, et necem creditorum hæreditar. quos *l. 1.* ait, bonis debitoris excussis, quæ retinuit, etque distractis, ea posse revocari usitatis actionibus sicut negotium gestum fuerit, ut jampridem emendavi ex veteribus, quos cuilibet paratus sum ostendere, qui de fide mea dubitabunt: et *usitatis actionibus sicut negotium gestum fuerit*, id est, actionibus in factum. Factum significat rem gestam, negotium gestum, ut in *l. cum mota, sup. de transact.* *Utilis actio quæ præscriptis verbis rem gestam demonstrat*, id est, actio comparata, concepta,

composita in factum proprio nomine vacans, ut *l. quod de bonis, D. ad l. Falc. l. 4. §. si a tit. D. de doli except. et §. 1. Inst. de except.* Ubi Theophil. eleganter actionem in factum dicit, quod proponatur *δυνάμει*, id est, *narrative*. Et ita in glossis veterum eruditissimis *facto conceptas*, corrupte pro *in facto conceptas*, sic expositum legitur, *δυνάμει*. Ad hoc notandum ex *l. 4. hoc tit.* hanc actionem Paulianam non dari creditoribus, qui debitori heredes extiterunt, qui ejus hereditatem adierunt, quia confusione, sive additione hereditatis creditores esse desierunt, hac utor ratione: nec tamen improbo Accursianam. Notandum præterea ex *l. pen. hoc tit.* hac in re esse differentiam inter titulum, sive causam lucrativam, et non lucrativam. Lucrativa est, si rem accepi a debitore ex causa donationis: et hoc casu etiam si ignoraverim donatorem consilium iniisse fraudandorum creditorum, teneor creditoribus actione Pauliana, ut eis rem restituam vendendam. Non lucrativa causa est, si enim, si numeravi pretium, quia pretium mihi abest. Et hoc casu non aliter teneor creditoribus actione Pauliana, quam si fraudis conscius, et particeps fuerim. Quæ distictio summe notanda. Postremo not. ex *l. ult.* quam neque glossa, neque summaria, quæ omnia deleri volo, cape sunt, et est tamen lex elegans: notandum, inquam, non tantum in eum, cui debitor aliquid fraudandi animo alienavit, ex edicto dari actionem Paulianam, sed et in fraudatorem, seu debitorem ipsum, qui alienavit, quod ostendit etiam *l. 1. et l. ult. §. ult. D. quæ in fraud. credit.* Ut puta, si creditor suo debitori in fraudem creditorum suorum quid acceptum tulit, quæ est sententia *l. ult. s'il a quitté la dette. Si actu solenni*, inquit, *præcedentem obligationem peremisti*, id est, interposita stipulatione Aquiliana, et acceptilatione: nam nudo consensu obligatio non perimitur. Et hic actus sollemnis dicitur, *πὸς ἀντιδικεῖν*, sive ad differentiam nudi consensus, ut in *l. 8. inf. de emanc. lib.* At sciendum est aliter, atque aliter teneri fraudatorem, et eum, qui alienavit: nam is, cui alienavit, tenetur in solidum, si scierit fraudem fieri, sive parari creditoribus si autem ignoraverit, tenetur in quantum locupletior factus est, *l. 6. §. in hoc. D. quæ in fraud. cred.* Et vetus est hæc actio Pauliana: nam ad eam respicit Cicer. *l. ad Atticum*, cum scribit, *Cæcilius, a P. Varo quum magna pecunia fraudaretur, agere cepit cum ejus fratre* (Paulana scilicet) *de iis rebus, quas eum dolo malo mancipio accepisse de Varo diceret.* At ut differentiam absolvam: fraudator, qui alienavit, tenetur dumtaxat in quantum facere potest, puta post possessionem, et venditionem honor. quia hæc actio Pauliana non

datur ante possess. et venditionem honorum. Hæc igitur peractis, si vendita bona non sufficiant, agitur Pauliana in eum, cui alienavit in fraudem, et in eum ipsum debitorem, qui alienavit, sed in debitorem, in fraudatorem, in id duntaxat, quod facere potest, puta si quid postea acquisierit, vel si quod postea acquisivit, dolo desierit possidere, quia dolus semper pro possessione est. Ideo autem non tenetur in solidum, quia et bonis suis exutus, et eversus est, eadem ratione, quæ dicitur, eum, qui bonis cessit, postea non teneri, nisi in id, quod facere potest, quia iniquum est, in solidum damnum spoliatum fortunæ suæ, *§. ult. inst. de act.* Neque interest utrum spoliatur auctoritate prætoris, an ultro facta cessione honor. quæ sit sine solemnitate paucissimis verbis, puta, *pax*, ut in *2. Apolog. Apuleii: pax, cedo bonis, non possum solvere, abicio annulos aureos, et omnia insignia, dignitatis. Pax*, quæ est vox Græca apud Diphilum, Herychium, Plautum, et Ausonium, quæ indicit finem negotii, qui significat, *c'est assez, n'en parlons plus.* Nec est omittendum ex *l. ult. §. ult. D. quæ in fraud. creditor. adhibita l. si quis dolo, in princ. D. de re jud.* fraudatorem uno casu in solidum teneri, puta si quid per fraudem ita dissipavit, ut nulla ratione recuperari possit, ut si quid in mare projecerit, tunc tenetur in solidum, etiamsi non possit facere solidum, ut exutus bonis, quasi pœnæ causa, carcere et vinculis coercentur.

JACOBI CUJACII J. C.

RECITATIONES SOLEMNES.

SIVE COMMENTARII

In Octavum Lib. Codicis Domini Justiniani.

AD TITULUM I.

De interdictis. Anno. 1577.

Titulus hic coheret cum posterioribus titulis Libri superioris, manifesta ratione, quia illi fiunt de possessione, et ejus effectis. Hic autem titulus, et qui sequuntur, sunt de interdictis, quæ possessionis, vel quasi possessionis causam continent. Possessionis, veluti fundi, aut ædium: quasi possessionis, veluti usufructus, vel juris alterius, ut in *l. ait prætor, §. item si. qui per captivitatem, D. ex quibus caus. major.* Et nihil aliud sunt interdicta, quam decreta, quæ prætor facit de possessione, vel quasi possessione rei controversæ inter aliquos, cum statuit apud quem possessionem ejus rei esse oportet.

test interim dum disceptabitur de proprietate apud pedaneum iudicem, quem et mox ipse dat inter eos, ut de proprietate judicet, id est, ut judicet uter rei dominus sit. Itaque interdicta perpetuam possessionem non addicunt, sed temporariam, quoad de proprietate judicatum sit, *l. 1. §. ult. ff. de aqua quat. et aest.* Nam possessione cadit, qui interdicto eam obtinuit, vel retinuit, si in causa proprietatis contra eum judicatum fuerit. Item causam proprietatis interdicta non finiunt, sed preparant, ut ait *d. l. 1. §. ult.* et ordinant, ut scilicet sciatur in causa proprietatis, quis rei, quis actoris partibus fungatur, et consequenter, cui incumbat onus probandi dominii, probandi proprietatis: nam possessori, qui interdicto vicit, non incumbit onus probandi, sed petitori, *l. is qui destinavit 24. de rei vind.* Non inficior quendam esse interdicta, quæ finiunt causam proprietatis, sed sunt admodum pauca, ut interdictum, quod datur ei, cui princeps permisit ducere aquam in prædium suum, verbi gratia, digittum aque publicæ rotundum, vel quadratum, vel unciam, vel *quinariam* ex castello, id est, ex dividiculo, sive receptaculo aque publicæ, vel ex alio rivo, aut fistula publica. Hoc interdictum, quo prætor vetat ei vin fieri, quo minus aquam ducat pro modulo, quem ei princeps assignavit, non tantum eum possessorem facit, cui jus aque ducendæ princeps assignavit, sed etiam finit jus assignationis, id est, an jus aque assignatum ei sit, et per hoc quasi possessionem perpetuam ejus juris tribuit, non temporariam, et hoc interdicto totum finitur, ut ait *d. l. 1. §. ult.* qui locus est elegans, id est, dato hoc interdicto nihil finiendum restat, nulla superest actio secunda. Nulla sunt interdicta, quæ proprietatis duntaxat causam contineant, quod error communis tamen admittit. Plura sunt, quæ possessionis duntaxat causam continent: nonnulla, quæ et possessionis, et proprietatis, ut illud interdictum, quod exposui modo: itemque interdictum *de itinere, actuque privato reficiendo*, quod et possessionis causam continet, id est, an usus sit itinere vel actu qui interdicto utitur, et proprietate, id est, an habeat servitutem itineris, vel actus. Denique duplex questio in hoc interdicto includitur, una possessionis altera proprietatis *l. 3. §. hoc autem, de itinere, actuq. priv.* Unde manifestum est, quod ait lex *2. §. quædam, ff. de interd.* hoc interdictum proprietatis non possess. causam habere, sic esse accipiendum, non solum possessionis temporariæ causam habere, sed finire totam rem, nec proferre. Similia hæc sunt quædam alia interdicta, quæ quasi proprietatis causam habent, ut *de locis religionis*, puta interdictum *de mortuo infe-*

Tom. IX.

rendo in sepulchrum, quod est in fundo meo. In quo queritur non tantum an sim in possess. inferendi mortui in sepulchrum illud: sed etiam an sim ejus sepulchri quasi dominus: nec enim possum esse dominus sepulchri, ut fundi, propter religionem, sed possum ejus esse quasi dominus, *d. l. 2. §. quædam, l. sunt personæ 43. de relig.* Idemque de sacello dici potest, quod habeo in fundo meo, vel capella, ut Græci vocant: unde in idiotismo factum est *capellæ* nomen: nam si quis eo me uti prohibeat, simile interdictum mihi dabitur, quod erit et de possessione, et de jure dominii, et de jure quasi dominii, id est, an sacellum sit quasi meum. Et ita sunt interpretanda hæc verba in *d. l. 2. §. quædam, ff. de locis sacr. vel relig.* Eiusdem conditionis est interdictum *de liberis, vel libertis exhibendis*, quoniam in eo non tantum queritur, an sint exhibendi (quæ possess. questio est) sed etiam an sint mei liberi, vel liberti, id est, quasi mei, *l. talem, §. 1. de hered. instit.* dixi quasi mei: nam liber homo proprio non potest esse in dominio alterius, *l. 1. §. per hanc, ff. de rei vindic.* Et de hoc interdicto ita agitur in *d. ff. quædam*. Et nota, ut aliarum rerum est possessio, aliarum quasi possessio, ita aliarum esse proprietatem, aliarum quasi proprietatem, sive quasi dominium, quod idem est. Et interdictis etiam hujus generis adjecit Accursius interdictum *de arboribus cædendis*. Male, quoniam in eo ut queritur de jure proprietatis, sed de possessione tantum, ut an arbor tua, quæ impendit in meas aedes, possessioni ædium mearum impedimento sit, ut si sit, succidatur. Illud etiam Accursius, quod jam supra recitavi, haudquaquam recte opinatur, superiora interdicta, quæ dixi, et possessionis, et proprietatis causam habere proprietatis duntaxat causam habere, quoniam nulla usquam invenies talia. Et his quidem interdictis, quæ retuli, exceptis, quæ totam rem finiunt, alia interdicta, quæ sunt immunita, non finiunt, sed preparant causam proprietatis: non finiunt igitur totam rem, sed eis datis, superest actio proprietatis, quam lex *3. tit. seq.* vocat *secundam actionem*, in foro vocant *secundum caput rei, qua de agitur*. Et in hac re valde notandum est, prætorem reddito interdicto non dare iudicem, qui de possessione cognoscat, de qua jam ipse interdicendo judicavit, sed qui de proprietate cognoscat. Et hæc est mens Theophili in Institutionibus, quo perperam utuntur, qui ex eo incaute colligunt, interdicto addici iudicem, qui de possessione judicet, quod perinde est, ac si diceret rem judicatam retractari: nam hoc vult Theophilus, prætorem interdicentem de possessione instruere, sive, *πρὸς τὴν* iudicem da-

109

tum in causa proprietatis, ut sciat quo ordine judicium illud procedere debeat. Denique interdictum esse ordinem, sive *πρὸς τὴν* de proprietate futuri judicii, *un règlement*, quo prætor constituit, in causa proprietatis quis futurus sit actor, quis reus. Etiam illud notandum, prætorem inter eos, qui de possessione, et proprietate contendunt, protinus operam suam interponere, datis interdictis, quæ et ob eam rem *momenta* dicuntur in jure, et *momentarie possessiones*, quod protinus interponantur sine ulla cunctatione, quoniam, ut idem Theophilus scribit, ea sæpe controversia procedit ad cedes, vel ad vulnere, vel ad plagas, id est, verbera, seu percussiones: Sic enim illo loco *πλάγας* interpretari oportet, pro verborum quolibet genere sine sanguine sine solutione contentum. Et male Latinus interpres Theophili *plagas inferre*, illo loco *πλάγας* interpretatur *ad manus venire*: nam et vulnere inferre est ad manus venire: et si hoc voluisse Theophilus dixisset, ut solent Græci omnes auctores, *εἰς χεῖρας ἵδναι*, vel *εἰς χεῖρας ἵδναι*. Prætoris autem est, non pati, ut ad arma, cedes, vulnere, plagas prodiant, quos potest sua jurisdictione componere, nimirum reddito interdicto quam prætorum, *l. acquisitum*, ff. de usufr. Nec est omittenda definitio interdictorum, quam Justinianus proposuit in *Instit.* ut interdicta sint *formæ*, atque *conceptiones verborum*, quibus prætor jubet aliquid fieri, aut fieri prohibet, quod maxime fit inquit, cum de possessione, vel quasi possessione inter aliquos contenditur. Et ait *maxime*, quia sunt quædam interdicta jam a me supra exposita, quæ et de proprietate causam adiuvant, simul ac de possessione, non de proprietate sola. Et ait, *formæ*, atque *conceptiones verborum*, pro quo Theophilus dixit *ὁμολίας*: *interdictum esse ὁμολίας prætoris*. Jurisconsultus, ex quo eam definitionem Justinianus sumpsit, meo iudicio scripserat, *interdicta esse formulas*, non *formas*, et *conceptiones verborum*. Sed Tribonianus ubicunque veteres usi sunt verbo (*formula*) vel reposuit (*verborum conceptio*) ut illo loco et in definitione stipulationis, quia inde sustulerat formulas stipulationis: vel reposuit verbum *actio*. Veteres fere semper dicebant formulam, non actionem: formulam fam. erisc. communis dividundo, finium regundorum formulam hypothecariam, formulam Fabianam, formulam ad exhibendum. Et in fragmentis Pauli de injuriis, sicut *formula de injuriis po ita est: quod Auli Agorii pugno mala percussa est*. Item *formula*, quod Numerius Nigidius illum immisit Aulo Agorio infamandi causa. At Tribonianus hic nomen *formula*, ubique sustulit, quia sublatae erant formulæ actionum a Constantino, id est, solemnia verba pernumerata,

et prescripta a Jurisperitis. Et ante Constantinum formulæ in extraordinariis judiciis non observabantur, *l. actio 47. de negot. gest.* Quamobrem ea lex in eis judiciis extraordinariis, ait, non observari subtilem differentiam inter actionem directam et utilem, quæ sola consistebat in formulis: quod confirmat *l. quamvis*, §. *si vulieri*, ff. ad *Senatuse. Vellej.* Uno tantum per incuriam Tribonianus reliquit formulæ verbum in *l. si servus navem*, de *furt.* Qui tamen locus estam ahest a Basilica. Puto ob eandem causam, quod formulæ obsolevisent, et est sententia ejus legis digna, quæ vobis exponatur. Servus sine voluntate domini navem exercuit, et in ea aliquid a vectore aliquo servandum recepit, quod vector alius furto sustulit: ait, vulgarem formulam dari in dominum servi, si servus ipse furtum fecit, qui navem exercet, notalem, si vector, de peculio duntaxat. Et vulgarem formulam vocat, non ut quidam advocatus *rogatus* scripsit, *actionem de peculio*, quæ etiam adjectio est variarum actionum, non actio specialis: sed vulgarem formulam vocat actionem de recepto, quæ competit ex edicto natæ, cauponæ, stabularii, vel de peculio duntaxat, vel noxaliter. Postremo loco adiutimus, verbum *dicere*, quod est prætorium, modo generaliter accipi pro *jus dicere*, quod verbum latissime patet, modo specialiter pro *edictum*, quod est legem ponere, in *l. 3. quamvis*, de *admin. tutor.* *quamvis prætor dicat*, in edicto scilicet, id est, edicte: modo interdicere de possessione, ut in *l. ult. in fin.* ff. de *precario*, *l. videamus*, §. *in Fabiana*, de *usur.* *l. cum prætor*, de *verb. sign.* Igitur nihil interest dictum dici, an *interdictum*, sed *interdictum* usitatius est, cujus nominis rationes varias Jurisconsulti adferunt ut solent, more Stoicorum, a quibus imbuti sunt, in effingendis etymologiis esse liberrimi. Alii interdicta dici, quod interdicere sit denuocere, et prohibere, et ea proprie interdicta dicantur, quæ prohibitoria sunt, quæ exhibitoria, vel restitutoria, decreta, non interdicta, §. *sunt tamen*, *Instit. eod. tit.* quæ tamen differentia nusquam observatur. Alii, interdicta dici, quod inter duos dicantur, in *dict.* §. *sunt tamen*, quod veriverbum scitum est magis, quam verum. Alii, quod interim dicantur, quod fortasse verius est, quia interdicta interim duntaxat valent, quoad de proprietate judicatum sit. Et ita hodie Hispani, qui ut ex sermone, ita ex jure Romano plura retinent, quam aliæ aliæ nationes, interdictum vocant, *entretento*, id est, interim dictum, ut veteres loquebantur. Isidorus, et ipse homo Hisp. b. Etym. *Interdictum est*, inquit, *quod a iudice non in perpetuum, sed pro reformando momenta ad tempus interim dicitur, salva propositione ejus*: id est, salva questione proprietatis. Et Ania-

nus a Paul. in tit. de iniuriis: *Interdicta dicuntur, quasi non perpetua, sed ad tempus interdicta*. Sic nostri JC. ludunt in reddenda Etymol. depositi. Ulpian. *quo l ponatur, et de, esse intensivam particulam*. Paulus, *quasi diu positum*. Nam quod ad breve tempus datur custodiendum, id ait, non esse depositum, sed servandum datum. Hæc sunt, quæ ad Rubricam spectant, ad quam quæ scripsit Accursius, omnia rectissima sunt.

Ad L. I.

Cum proponas, radicibus arborum in vicina Agathangeli arca positis crescentibus, fundamentis domus tuæ periculum offerri, præses, ad exemplum interdictorum, quæ in albo proposita habet (prætor) Si arbor in alienas aedes impendebit: Item, si in alienum agrum impendebit: quibus ostenditur, nec per arboris quidem occasionem vicino nocere oportere: rem ad suam aequitatem rediget.

In lege prima agitur de interdicto de arboribus erigendis, quæ vicino nocent, cujus duo genera proponuntur in l. 4. de arborib. erigend. Unum de arboribus erigendis, cui est locus in urbe, vel oppido inter vicinos: alterum de arboribus coercendis, cui est locus in agris inter eos, qui affines agros habent: olim illud dicebatur de arboribus collucandis: hoc vero dicebatur de arboribus subluendis, Paul. 3. Sententiarum, arbor, inquit, quæ in vicini agrum imminet, nisi a domino subluari non potest, isque conveniendus est, ut eam sublucet: quod si conventus dominus facere noluerit, a vicino luxuriei ramorum compescatur, idque qualiscunque dominus facere non prohibetur. Sublucare igitur est luxuriei ramorum compescere, et coercere, quod prætor fieri interdicat, usque ad quindecim pedes, a terra scilicet, veluti subtilis luce, ut Festus ait. Collucare autem, ut idem ait, est arboribus succisis locum implere luce. Interlucare, quo verbo Plinius sæpius utitur, est in sylva, vel arbusto inter arbores ramorum densos amplexus amputare. Porro in urbe arbor vicini, quæ impendit in meas aedes, atque ita luminibus meis, vel aëri possessioni meæ officit, ex interdicto collucari debet a domino arboris, vel si id dominus arboris facere nolit, eam collucare, et ligna mihi habere possum. Et est collucare, ut iterum apertius dicam, non circumcidere ramos sed arborem fluentem in meas aedes, totam stirpem succidere, vel ut recentiores loquuti sunt, adimere, l. 1. §. si arbor, de arb. erig. Et competit interdictum non tantum domino aedium, in quas arbor vicini impendit, sed etiam fructuario, quia interest etiam fructuarii arborem istam

non impendere, d. l. 1. §. non solum. Et hoc est, quod supra dixit Paulus, qualemunque dominum, id est, sive proprietarium, sive fructuarii per interdictum obtinere posse, ut cessante domino arboris, ipse non prohibetur arborem succidere, et ligna tollere. In agris autem arbor vicini, quæ impendit in fundum meum, et umbra sua meæ possessioni nocet, sublucanda tantum ramis supputatis, et coercenda est, quia non omnis arbor, non omnes rami mihi officiant, sed ii tantum, qui a terra subtilis excreverunt, usque ad quindecim pedes, ut prætor definivit ex lege 12. tabul. d. l. 1. §. prætor et l. 2. col. tit. Et extenus duntaxat supputandi sunt rami, non usque ad summum cacumen arboris. Ad hæc queritur in hac l. 1. quid sit d. cendum, si non arboris vicini rami impendant in meas aedes, sed radices ejus arboris porrigantur in meas aedes, et subruant fundamenta aedium meorum, aut eis periculum afferant, an mihi interdictum competit, ut arbor succidatur? Et hæc lex ostendit competere interdictum ad exemplum superioris interdicti, id est, utile interdictum de arboribus erig. Nam in jure semper his verbis, ad exemplum illius, vel illius actionis actionem dari: significatur illam actionem dari, non directam, sed utilem. Ergo hoc etiam casu, quoties radices arboris vicini officiant aedibus meis, mihi competit utile interdictum, ut si vicinus nolit arborem succidere, et collucare, ego non prohibear eam collucare, vel succidere, ut sicut per arboris e terra se sustollentis, ita per radicem ejus causam nihil fiat, quod aedibus meis noceat, fundamentis furte aedium mearum concissis, et convulsis. Et hæc constitutio declarat, quemadmodum sit accipiendum, quod ait l. si plures, §. si arbor, ff. arborum furt. cas. Si arbor vicini in vicinam prædium radices porrexerit, recidere eas vicino non licere: si radices porrexerit in aedes meas, recidere eas mihi non licere, sed me agere debere civili actione, jus non esse vicino radices arboris suæ in aedes meas immittas habere: et addendum, vel agere interdicto utili, ut arbor succidatur ex hac Constitutione, et Accursius nihil referre ait, an arbor fuerit satis proprius aedes meas intermisso spatio legitimo 3. pedum, quod debet intermitteri, aut quod debet intermittere: qui serit arborem ex duodecim tabul. ut l. ultim. ff. fin. regard. an non intermissum fuerit legitimum spatium; quæ adnotatio huic locutioni convenit, quo agitur de arbore satis in urbe proprius aedes vicini. Illa autem lex 12. tabul. pertinet ad agros tantum, ut scilicet oleæ, et ficus, quæ servantur, abint a vicino 9. pedes, ceteræ arbores quicunque pedes, majore spatio intermittendo in serenda oleæ, et ficu, propterea quod harum arborum radices longius serpunt, et defluunt sum-

dum vicini, si in eum se immittant, succo fundi, sive alitura ei subrepta. Et copiose sunt radices in fico, in olea crassiores, et ramosae: quamobrem in serendis oleis etiam jubet intermitteri 30. pedes, cum in aliis arboribus satis sit intermitteri 9. pedes, et aliquanto plus in fico, ut discas ex Plinio 16. et 17. et Plutarcho in Solone. In urbe autem serendae arbori nullum a vicino intervallum, quod servari oportens scriptum invenitur, sed hoc tantum in hac l. 1. ut si radices arboris tunc periculum adferant fundamentis aedium meorum, sit mihi in te utile interdictum de arbore succidenda. Et in agris maxime notandum est, arborem, quae ex fundo vicini quasdam, non omnes radices fundit in fundum meum, manere in dominio ejus, in cujus fundo oritur, nec communem fieri, licet utriusque alatur. At si omnes radices immiserit, et coaluerit penitus in fundo meo, mea fit: quia in fundo meo alitur tota, et dominio ejus abscedit, in cujus fundo oritur, non item alitur, quod ostendit lex 3. §. de arbore, de rei vindic. l. 7. §. ult. de acquir. rer. domin. Et hanc esse veterem legem Theophilactus Rhetor scribit in epistola, cujus initium est, ἀντιπαύλου, etc. Et totius Epistolae sententia haec est: *Fructus in agrum meum radices omnes suas immiserunt, venientes esse in dominio tuo, et a te transfugientes, ut mihi fructum largiantur paula adhibita mea cura, quae est lex vetus agricolarum, cui te vetustum jam, et senem parere compellit: quod si non feceris, et legi nostrae veteri adversatus fueris, nos te tanquam novum legislatorem rerum rusticarum repudiabimus, et finibus nostris tanquam peregrinum extorrem faciemus.* Ergo vides arborem vicini, quae fudit omnes radices suas in meum fundum, meam esse, et vicini esse desinere. Sed non est omitendum, vicino tamen in me dari utilem actionem in rem, vel potius in factum, ut ei praestem aestimationem arboris, argumento legis si mulier, §. ult. D. de donat. int. vir. et uxor. et §. si quis in aliena, Instit. de rer. divis. Et haec quidem ita se habent, si arbor non sit posita in confinio: nam si sit posita in confinio, vel prope confinium, quod idem est, cujus fundi succo alitur tota, ejus est domini jure, sed si utrumque fundum altorem habet, communis est pro diviso, id est, pro regione cujusque fundi, d. l. 7. §. ult. et l. arbor. D. comm. divid. Ad haec notandum est ex his verbis legis primae, *interdictorum, quae in albo proposita sunt*: ut actiones, sic interdicta proponi, et promitti in albo praetoria, edicto acil. praetoris, ut apud Paul. 4. Sentent. edicto perpetuo cavetur, ut interdicto reddito agi possit. Ex quo liquido apparet, quid distet edictum ab interdicto, id nimirum, quo distat ab actione, quo promissor a te promissa. Et praequam liniam

questionem h. l. monendi es, cum ea esse conjungendam l. 3. de aedific. priv. In qua etiam agitur de periculo ruinae aedium, ut in lata, et est utriusque inscriptio et subscriptio eadem. Et vult illa, ut si corruerint aedes in civitate, non restitui debeant in pristinam faciem, necne, an converti possint in hortum, vel aream, hoc pertinere ad cognitionem praesidis provinciae, cujus proprium est conspiciere aedificia, et conservare ornatum urbium, ne deformetur urbium aspectus ruinis: et consuetudinem etiam civitatis spectandam esse, ac pro consuetudine, vel converti aedes collapsas in aliam speciem, vel in pristinam restitui, ut in l. praeses provinciae, in pectus aedificiis, D. de offic. praesid.

Ad L. II.

Praeses provinciae in eum, qui ejusdem provinciae non est, nec ex interdicto potest cognoscere.

Cum l. 2. conjungenda est l. 1. sup. ubi de haeredit. agat. Cujus etiam eadem est inscriptio et subscriptio, et in re coeunt hoc modo. Si sit controversia de haereditate inter heredem scriptum et legitimum, vel substitutum, haeres scriptus recte desiderat se interim mitti in possessionem rerum hereditariarum, quas testator possedit mortis tempore ex edicto D. Adriani, vel hodie ex edicto Justin. ut est scriptum sup. in tit. de edict. D. Adr. tollen. quoad de haereditate judicatum sit. Et hoc quidem desiderat a praeside ejus provinciae, in qua sunt res hereditariae, tum de haereditate ipsa litigat, id est, jure proprietatis apud eundem praesidem, si reus sit ejusdem provinciae, id est, si subditus sit ejus praesidi jurisdictioni: nam si reus sit alterius provinciae, apud alterum praesidem est cum eo agendum petitione haereditatis, non apud praesidem, in cujus provincia sita sunt bona hereditaria. Ergo restat ex d. l. 1. praesidem non posse cognoscere de proprietate in eum, qui non est ejusdem provinciae. Nunc additur in hac lege secunda, etiam ex interdicto, id est, de possessione, cum non posse cognoscere in eum, qui non est ejusdem provinciae, quavis scilicet (et haec est ratio dubitandi in hac lege) questio de possessione non sit tanti momenti, quia temporaria est possessio, quanti questio de proprietate, quae totam rem finit. Igitur (neque ex interdicto) hoc loco, id est, de possessione: nam nulla sunt interdicta, quae possessionis causam non contineant, vel solam, vel mixtam cum causa proprietatis, quod heri ostendimus. Adversus hanc legem 2. videtur Accurs. opponere l. non tantum, §. sed de treulejano, ff. de fideicom. libert. Species haec est. Quidam testamentum la-

ciens in provincia Lugdunensi, rogavit heredem, ut illum servum manumitteret, heredem, inquam, qui erat alterius provinciae. Haeres non manumittit, et adest a provincia Lugdunensi justa ex causa, dum consistit in suis sedibus, et domicilio suo, ut ait *l. si eum, in fi. cod.* Quid fiet? Servus poterit adire praesidem provinciae Lugdunensis, ut quando haeres rogatus adest justa ex causa, pronuntiet servum esse liberum. Et rata est libertatis datio, licet haeres non sit ejusdem provinciae: sed hoc ita constitutum est nominatione ex Senatusconsulto Articulejano, d. *l. non tantum, §. sed et Articulejano*, favore libertatis.

Ad L. III. et IV.

L. III. Incerti juris non est, orta proprietatis, et possessioque lite, prius possessionis decidi oportere questionem competentibus actionibus, ut ex hoc, ordine facto, de domini disceptatione probationes ab eo, qui de possessione victus est, exigantur. Interdicta autem licet in extraordinariis judiciis propriis locum non habent, tamen ad exemplum eorum res agitur.

L. IV. §. quis quodlibet interdictum efflagitet: ruptis veteribus ambagibus, inter ipsa cognitionum auspicia actionem exprimere, ac suas allegationes jubentur proponere.

Ex lege tertia inter cetera intelligimus hodie omnia judicia esse extraordinaria. Hoc enim proponitur in *Institut. cod. tit. §. ult. et in tit. de success. sub.* Et his verbis (*omnia judicia esse extraordinaria*) significatur, in judiciis hodie non observari priscum et solemnem ordinem legum, non observari subtilitatem, non scrupulosam et nimiam diligentiam Jurisconsultorum, in judiciis exercendis non observari formulas juris, ut *l. actio, de negot. gest.* nullam observari solemnitatem, puta in vindicatione fundi, ut ex fundo litigantes in jus ad praetorem deferant unam glebam, unum cespitem, quod olim fieri solbat, et in ea gleba tanquam in toto fundo vindicent, quod exposuit A. Gellius lib. 20. Non componi etiam verba praetoris, ut olim, ut quid ipse sua sponte loqueretur, non dici viam litigantibus, quam juberentur ire et redire in judicium, quem ritum M. Tull. exposuit in oratione pro L. Murena: *Et priscis iisdemque barbaris, etiam ridiculum fuisse, ut, ut homines, cum recte in loco constitissent, juberentur abire, et mox unde abiissent, eodem reverti.* Sicut nos hodie Turcae derident, cum ceruunt deambulantes, et subinde eandem viam euntes et redeuntes, Cur, inquam, in loco non consistunt, in quem pervenerunt, sed ex eo mox recedunt, ut et mox in eandem revertantur eadem via? Et ita

Volones populos quosdam Hispaniae Strabo lib. 8. scribit, cum primum vidissent milites Rom. ἀναστρέφοντες, id est, reflectentes subinde eandem viam spatiandi gratia, vertigine agi, et insanire existimasse, et veluti pietate ductos, illi se viæ duces obtulisse. Sed hæc mittamus, quæ tamen in judiciis servabantur, antequam his contestaretur, ut juberentur litigantes viam ire, et redire, et quasi deambulare ante conflictum. Hoc cum agitur extra ordinem non fit. Et addamus, etiam in actionibus civilibus, quæ poenæ persecutionem habent, cum extra ordinem agitur, non servari poenam legitimam, ut in actione furti non observatur poena dupli, vel quadrupli, quia judicia sunt extraordinaria, nec in judiciis attendimus poenam legitimam, sed fur deducitur ad perfectum vigiliam, vel præsidem, ut domino restituta re et pecunia furto sublata in duplum, corporali supplicio poenam luat. Quam viam qui eligit, proculdubio amittit actionem furti in duplum, vel quadruplum. Et hanc utique viam hodie omnes eligunt, contenti restitutione rei sublatae, et magis cupiditate poenæ corporalis, quæ infligatur furi, quam poenæ pecuniariae in duplum, vel quadruplum, quæ ad eos redeat, quibus furtum factum est, *l. interdictum, §. qui furem, de furt.* quæ est in eam rem elegantissima. Et ita in judiciis criminalibus ordo legum, quo olim ex judicia exercabantur solemniter, ritus eorum judiciorum exercendorum non observatur, *l. ordo, de public. judic.* Denique judicia criminalia non peraguntur ex ordine, id est, rite et solemniter, ut in illo loco Virgilii: *Solvique ex ordine funes*, et illo loco, *Phrygiæque ex ordine matrem invocat*, sed peraguntur temere, tumultuose, extra ordinem, id est, non observato ordine rituque legitimo. Ordinarium, solemne, legitimum, idem est. Et his est adversum quod extraordinarium dicimus. Suetonius in Vespasiano. *Nil extra ordinem indulget, et legitima præmia non nisi sero persolvit.* Opponit legitima præmia extraordinariis. Idem in Augusto: *Non legitimos atque ordinarios pugiles modo, sed et catervarios, pugnantes temere, et sine arte.* Tertullianus in libro de fuga in persecutione: *In legitima oratione*, inquit, cum dicimus ad patrem: *Ne nos inducas in tentationem.* In legitima oratione, quia ceteræ orationes extraordinariæ sunt. Una legitima, quam ore suo sanctissimo Dominus noster nobis edidit atque composuit. Adhuc etiam poenæ criminum legitime in usu esse desisse, et iudici poenæ extraordinarias iudicium arbitrio, *l. 2. de prævaricator. l. lex, §. ult. D. ad leg. Jul. repetund. l. ult. D. ad leg. Fab. de plagiar. l. hodie, de poen. l. in Senatusconsultum, §. an ad eos, D. ad Turpill.* Quamobrem hodie poena appellari po-

lest, cum tamen olim non posset appellari a pœna legitima, quæ a lege non est appellatio. *l. si qua pœna, D. de verbor. signific.* Etiam ardamus, quod est in *l. 3. ex quib. caus. major.* hodie majores 25. annis per absentiam suam, vel aliter lœsos, in integrum non restitui a prælore ex edicto: sed ex Constitutionibus, vel Senatusconsultis extra ordinem in integrum restitui a principe solo, quod fit hodie, vel a senatu: Nam etiam minores quam 25. annis nati, non restituuntur in integrum a prælore ex edicto: sed ex Constitutionibus a Principe solo. Apud Cassiodorum lib. 4. epist. 35. ex rescripto regis ad Actores Albini minoris 25. annis, *Albinus restituitur in integrum.* Eleganter Tertullianus in Apologico: *Veterem, et squalentem sylvam legum novis principalium edictorum, et rescriptorum securibus truncari, et cædi, id est, res agi extra ordinem pro libidine principis, id est, non jure directo, non ex præscripto legum.* Et similiter litis future denuntiationes solennes, quæ olim fiebant, et conditiones dicebantur, ut in jure Augurali. Servius in illum locum Virgil.

Tertia lux classem, Creteis sistet in oris.

Conditionem esse denuntiationem, cum denuntiabatur, ut ante tertium diem quis ad inaugurandum adesset. Hæ, inquam, conditiones, et denuntiationes solennes future litis hodie non sunt in usu, nec tempora, quæ post denuntiationem utrique parti dabantur ad causam agendam, *§. sic itaque, Instit. de action. l. 1. C. Th. de denunt. vel edit. rescript. etc.* Quia judicia sunt extraordinaria, non legitima. Et eadem ratione hodie interdictis proprie non utimur: sed statim agimus missis solemnibus: utili actione ad instar interdicti, quæ et extraordinaria actio dicitur in tit. *ff. de interdictis, sive extraordinariis actionibus, quæ pro his competunt*, quibus scilicet magis utimur: quia interdicta sunt jura ordinarii, quo non utimur. Post hanc actionem utilem, quæ continet causam possessionis, vel quasi possessionis, agimus rei vindicatione, vel petitione hereditatis apud eundem judicem, non apud alium, *l. ordinarii, sup. de rei vindic. l. nulli, sup. de jud. cap. 1. extra, de causa possess. et propriet.* Non ut olim, de possessione apud prætorem: de proprietate, id est, de jure domini apud pedaneum judicem. Sed hodie, ut dixi, utraque questio vertitur finiturque apud eundem judicem, nec observantur illæ solennes denuntiationes, quæ olim observabantur in interdictis, ut indicat *l. 6. C. Th. de denuntiat. et edit. rescript.* quæ etiam abolentur in *l. 4. hoc tit.* Nam *lex 4. ambages* vocat denuntiationes illas, et conditiones solennes, ut patet ex *d. l. 6.* Et ait

hæc *lex 4. ruptis ve'eribus ambagibus*, id est, prætermisissis illis conditionibus solemnibus, inter ipsa cognitionum auspiciis, id est, statim ab initio actionem exprimendam esse, id est, utilem actionem, quæ agitur ex causa interdicti, puta exprimi debere causam interdicti, ex qua agitur utili actione, puta agi ex causa interdicti unde vi, vel ex causa interdicti quorum honorum, vel quod vi aut clam, etc. Et ita *l. 3. h. t.* ait, in extraordinariis judiciis, quibus utimur scilicet, non uti nos proprie interdictis, sed agere ad exemplum interdictorum: exemplum, umbram, imaginem sequimur, et effectum, non ordinem, et solennia exercendorum interdictorum, ut in *l. 2. et 4. inf. unde vi, l. ult. inf. de lib. exhib. l. ult. sup. de act. emp.* Nam jus directum et ordinarium, quo per interdictum litigabatur, ut Frontinus et Ulpianus libro de limitibus agrorum scribunt, de possessione esse controversiam, cum de totius fundi statu per interdictum, hoc est jure ordinario litigatur. Et ad summam, hodie hic est exitus controversiæ de possessione et proprietate, ut de utroque simul agi possit, id est, ut utroque questio possit cumulari, cujuscuque interdicti causa fuerit, vel adipiscendæ, vel recuperandæ, vel retinendæ, ut in *l. naturaliter, §. nil commune, de acquir. possess. et l. cum fundum, §. ult. de vi et vi arm.* quod latius explicat *Observat. 7. cap. 38. et Observat. 9. cap. 36.* Et judex quoque, si velit, utramque questionem de possessione et proprietate conuñcet, et simul judicabit atque finiet. Quod ne quis labore in hac re, in epistol. Symmachus etiam constitutum fuisse ait: vel etiam (quod est frequentius) si hoc malit judex, dividat causam possessionis, et causam proprietatis: ac facta divisione competentibus actionibus, ut ait *l. 3. id est, ut libus actionibus ex causa interdictorum*, prius questio de possessione decidenda est, ut ex hoc ordine facio, inquit, id est, ut deinde peracto ordine, vel, ut dicam explicatius, ordinato et preparato judicio proprietatis, et de possessione dicta sententia: tum queratur de proprietate: et probationes domini ab eo exigantur, qui succubuit in judicio possessorio: nam ut interdictum, ita utilem actionem hodie, et extraordinariam recte dicemus esse *puer* et ordinationem futuri judicii petitorii: et hæc solum hodie retinemus ex jure ordinario, *d. l. ordinarii, sup. de rei vindic.* Monendi estis ad extremum male vulgo existimari, ideam quod habetur in hac *l. 3.* ut divisis causis, prius disceptetur de causa possessionis, quam proprietatis, idem contineri in *l. 1. sup. de appellat.* et in *l. si de vi, D. de judic.* cum in dict. *l. 1.* hoc duntaxat decernat D. Severus, ut prius finiat

lis civilis, et de possessione et de proprietate, quam agatur de crimine vis illata possessori, de crimine interversæ possessionis, quod decretum pugnat enim re scripto Hadriani, quod præferbat causam criminalem de vi, causæ de possessione et de proprietate, in *d. l. si de vi*: sed decretum Divi Severi tanquam posterius magis sequendum est, quod etiam posteriores principes approbaverunt in *l. si quis, infra, ad legem Juliam de vi*.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. II. Quorum bonorum.

Post titulum generalem de interdictis datur specialis hic, et is, qui sequitur de interdictis apiscendæ possessionis, ut est scriptum Flor. titulus 4. et 5. de interdictis recipiendæ possessionis, titulus 6. de interdictis retinendæ possessionis. Hæc enim est una divisio interdictorum, quod alia sint apiscendæ, alia recipiendæ, alia retinendæ possessionis, quam notavit etiam Ausonius in Grypho ternarii: *Interdictorum*, inquit, *trinum genus, unde repulsus vi fuero, aut utriusque fuerit, quorumque bonorum*. Apiscendæ possessionis interdicta sunt, quæ competunt iis, qui ante nati non sunt possessionem: et ex eo genere est interdictum quorum bonorum, de quo agitur hoc titulo, quod sic appellatur a primis verbis edicti, quo promittitur, ut in *l. 1. tit. super. Interdictum, si arbor in rades alienas impenderit*: et in tit. seq. *Interdictum quorum legatorum, et interdictum quod vi aut clam, Interdictum uti possidetis, Interdictum unde vi*. Qualitates interdictorum per principia edictorum, quibus eas daturum prætor pollicetur, ostendantur, et actiones quoque a primis verbis edictorum. Actio a certum petetur, quæ est de credita pecunia, actio si quadrup. pauperiem fecisse dicetur, quæ aliud nomen non habet, quam quod ita sumit ab initio edicti, et actio quod jussu, et actio quod metus causa, ut Hebræi libros sacros his verbis nominant, a quibus incipiunt, ut librum Geneseos, librum *In principio*: librum Exodi, librum *Hæc sunt nomina*: librum Levit. lib. *vocavit*: librum Numerorum, vocant, librum *locutus est*: Deuteronomii, librum *hæc sunt verba*. Porro interdictum quorum bonorum competit ei, cui prætor dedit bonorum possessionem ex testamento, vel ab intestato. Hæc a prætore datur de plano, sine causæ cognitione cuilibet petenti, nulla ab eo

exacta probatione cujusquam rei: *comme au Palais on baille des lettres de Chancellerie*. Ita etiam possessiones bonorum cuilibet dantur temere, et in casu jure petentis bonorum possessionem, et quæ data est, tribuit tantum jus agendi, jus instituendæ litis, jus persequendi patrimonii quod cujusque cum moritur fuerit, non etiam tribuit corporalem possessionem rerum: nec enim bonorum possessio sic accipitur, ut rerum possessio. Rerum possessio est facti et corporis, cum quis incumbit rebus, insidetque suo corpore: bonorum possessio est juris, id est, jus successionis, non detentio rerum, *l. 3. §. 1. de bonor. possess.* Ergo postquam agnovi bonorum possess. si velim rerum hæreditariarum possessionem, quam alius tenet, adipisci, uti debeo adversus illum interdicto quorum bonorum *mibi possessio data est*, etc. ut scilicet confestim in me transferat possessionem, confestim, et ut ait *l. 3. h. tit. omnibus frustrationibus amputatis*, id est, quod maxime notandum, remota denuntiatione solenni, et observatione temporum: sic enim etiam accipienda esse hæc verba, *ruptis veteribus ambagibus* in *l. 4. sup. tit.* quæ est eorundem Imperatorum, heri evidenter ostendimus, et nunc dico eandem interpretationem esse adhibendam ad hæc verba *l. 2. h. tit. omnibus frustrationibus*, denuntiationibus scilicet, quæ olim servabantur, et rem trahabant, amputatis. At notandum agentem interdicto quorum bonorum, non aliter adepturum possessionem rei, quam si iudici probaverit se esse fratrem, si tanquam frater petierit bonorum possessionem unde legitimi, ut in *l. 3. vel si probaverit, se esse filium defuncti*, si tanquam filius præteritus ante petierit bonorum possessionem contra tabulæ: ut in specie *l. 1. h. tit.* Hoc etiam exigitur, ut probet se bonorum possessionem agnovisse, *qu' il montre son titre*, id est, causam agendi interdicto. Causa est bonorum possessio, quam agnovit. Ut probet etiam eam bonorum possessionem fuisse cum re, id est, cum effectu, quod est in *l. 2. integrum esse negotium*, id est, post agnitam bonorum possessionem neminem ei hæreditatem jure civili evicisse: ideoque in principio *l. 1. hoc tit. hæreditatem petiturus*, id est, de apiscenda possessione rerum hæreditariarum acturus, iudicibus, inquit, *allega de fide intentionis*, id est, proha te esse filium, proha te bonorum possessionem agnovisse. Unde notandum est, interdictum quorum bonorum dari tantum bonorum possessori, non hæredi, qui jure civili exiit: nam prætor suos tantum successores tuetur: et ideo in hac etiam *l. illo loco hæreditatem, vel bonorum possessionem*, *i'lui (vel)* est adjectum in τὸν κληρονόμον, *com me s'il vouloit dire*,

id est, ut hæreditatis nomine intelligeremus bonorum possessionem, ut *l. 139. D. de verb. signific. ait, bonorum possessionem etiam hæreditatis appellatione significari*, alioqui ex illo loco hujus legis primæ sequeretur interdictum quorum bonorum etiam heredi dari, quod est falsum, cum ei tantum detur, qui vice heredis est, id est, bonorum possessori, sive heredi prætorio. Item notandum interdictum quorum bonorum dari tantum adversus eum, qui pro herede, vel pro possessore possidet rem hæreditariam, vel dolo desit possidere, ut in *l. 2. h. tit. quia dolo pro possessione est*. Et ob id Arrianus Jurisconsultus in lib. de interdictis exposuit, quis possideret pro herede, *l. 11. de petit. hered.* propter interdictum quorum bonorum scilicet, quod competit tantum adversus eum, qui possidet pro herede, vel pro possessore. Et is quidem possidet pro herede, qui putat se heredem esse, cum non sit, vel se bonorum possessorem esse, vel etiam, qui sciens se heredem non esse, agit se pro herede, et interrogatus, quo titulo possideat, respondet *pro herede*. Pro possessore autem possidet prædo, qui interrogatus quo titulo possideat, imprudenter respondet, versa interrogatione in responsionem, quia possideo, nec aliam possessionis sue causam addfert: et ut petitio hæreditatis, quam hoc interdictum ordinat, et præparat, ita etiam hoc interdictum, quod quorum bonorum appellatur, datur in eum tantum, qui pro herede, vel pro possessore possidet rem hæreditariam, licet minimam, §. *adipiscendæ, Instit. de interd. l. hoc amplius, de furt. l. licet minimam, de petit. hered. l. cum enim, D. si quis omis. caus. test.* Nam licet hæc judicia ad universitatem bonorum pertineant, et qui agit, universa bona persequatur, et sua esse petat, tamen id tantum consequitur, quod is, cum quo agit ex bonis hæreditariis possidere deprehenditur, quantumvis licet minimam sit. Denique, quod notandum, horum judiciorum instituendorum forma sumitur ex persona, id est, ex jure petitoris, quod habet in universa bona: condemnatio autem fit ex persona possessoris, id est, pro modo ejus, qui possidet, ut in id tantum restituendum petitori damnetur. At quæso videamus, cur hæc judicia petitionis hæreditatis, et interdicti quorum bonorum non redilantur etiam in eos, qui alio titulo possident, veluti pro emptore, pro dolo, pro donato, pro legato, cur adversus istos etiam non rediluntur? Et vera ratio est, quia non est de hereditate, sive successione universorum bonorum per justaque contentio, *la partie n'est pas bien faite*, nisi cum eo, qui etiam se heredem esse, vel successorem contendit, nisi uter-

que dicat, *se esse heredem*, et is qui agit, et is, quo cum agitur, ut si possideat pro herede. Qui autem possidet pro possessore, cum nullam aliam adferat causam possessionis sue, et heres possidere præsumitur, cum etiam paratus sit subire iudicium de hereditate, aut possessione hæreditatis. Qui autem alio titulo possidet, veluti pro emptore, mihi dicenti, *hæreditatem, aut universitatem bonorum ad me pertinere*, non facit controversiam universitatis: nec enim eam, dicit, *ad se potius pertinere*, sed dicit, *se rei, quam possidet dominium ex causa emptionis acquisisse*: quæ oratio non repugnat inæ. Ergo non est mihi justus adversarius. Et ita gloss. in *l. penult. sup. in quibus caus. cess. longi temp. præter.* et Græci Interp. ad *l. 9. D. de petit. hered.* quod qui possidet pro herede *ἐπὶ τοῦ διδοῦναι*, etc. id est, *facit*, cum nullam dicat causam suæ possessionis, qui pro possessore possidet, ut suspicemur eum possidere ut heredem, ut jure ineamus cum eo certamen de hereditate. Hæc ratio est valde notanda, propter quam comparatum est, ut petitio hæreditatis, et interdictum quorum bonorum non detur, nisi adversus eum, qui rem hæreditariam possidet pro herede, vel pro possessore, quoniam is solus facit controversiam hæreditatis, Ceterum addamus, possessione bonorum in possessorem translata per interdictum quorum bonorum, eum, a quo translata est possessio, eum, qui possessione cecidit, si velit, posse agere petitione hæreditatis, id est, petitorio iudicio, probantem scilicet hæreditatem ad se potius pertinere, quæ secunda actio dicitur in *l. 3. hujus tit.* quia sequitur iudicium possessorium, id est, interdictum quorum bonorum. Et in *d. l.* hoc est valde singulare, quod ait, *legem naturæ ab intestato vocare fratrem ad successionem fratris*. Nam consanguinei in ea *l.* ut semper in jure sunt fratres, non omnes cognati, sed fratres tantum in jure, *consanguinei* dicuntur. Non igitur filium tantum natura vocat ad successionem patris, *l. cum ratio, in prin. de bon. damnat.* sed etiam fratrem ad fratris vel sororis successionem. Nihil aliud restat, quam quod ad hæc queri potest, cur interdictum quorum bonorum, quod hactenus semper contulimus cum petitione hæreditatis, non datur in debitorem hæreditarium, id est, in quasi possessorem juris: nam debitor hæreditarius est quasi possessor juris: sed datur tantum in possessorem corporum hæreditariorum, *l. 2. eod. tit.* cum tamen petitio hæreditatis, quæ est etiam de universitate, detur in debitorem hæreditarium, *l. regulariter l. etiam, §. ult. de petit. hered.* Et ut breve faciam, ratio differentie est, quia petitio hæreditatis persequitur jus omne, quod defunctus habuit: interdictum

quorum bonorum possessionem tantum corporalem rerum, quas defunctus possedit mortis tempore; interdictum, possessionis causum continet: petitio hereditatis, causam juris.

JACOBI CUJACII J. C.

In Lib. VIII. Codicis

RECITATIONES SOLEMNES.

Ad Tit. III. Quod legatorum.

In hoc titulo proponitur aliud interdictum, quod ipsum etiam est apiscendæ possessionis, et a primis verbis edicti appellatur. Quod legatorum, sic est emendandus titulus, non quorum legatorum. Hec enim sunt fere verba edicti: ut quod legatorum nomine, quis sine voluntate ejus, ad quem ea res pertinet possidet, vel dolo malo fecit, quo magis desineret possidere, id illi restituat si satisfidatum sit legatorum nomine, vel si per illum non stet, ut satisfidetur. Ergo a primis verbis, ut in Pandect. Florent. appellatur interdictum quod legatorum, non quorum. Dico sine voluntate ejus, ad quem ea res pertinet, puta heredis, aut bonorum possessoris, cui incumbit onus præstandorum legatorum, et interest heredis, ut ea ipse præstet, non etiam occupet legatarius sine sua voluntate. Non quidem semper quæ de causa, nec semper heredi datur interdictum quod legatorum, sed ita de mun (quæ est vis totius interdicti) si interveniat lex Falcidia, puta legatis onerata, vel exhausta hereditate, quia Falcidiam olim heres sibi servabat, non ipso jure per vindicationem, sed per retentionem tantum rei legatæ: hodie etiam per vindicationem, ex Constitutione Justin. l. pen. sup. ad leg. Falcid. Olim (ut dixi) heres tantum habuit retentionem Falcidiam: et ideo legatario occupante possessionem rei legatæ vacuum non ex voluntate heredis, heredi necessarium erat interdictum quod legatorum, ut recepta re legatæ per ejus retentionem sibi servaret Falcidiam, quam sibi servare aliter non poterat, quod constitutio hujus tituli evidenter ostendit, et de fideicommissario idem statuit, qui rem per fideicommissum relictam occupavit, sine voluntate heredis. Unde quod Ulpianus ait in vexata illa lege 1. de leg. 1. per omnia esse ex quata legatæ fideicommissis (quoniam ea lex tracta est ex lib. 79. ad edictum, Ulpianus tractavit de interdicto quod legatorum) dixi jamdudum, id tantum pertinere ad interdictum quod legatorum et legem Falcidiam: nec enim dicit per omnia et in omnibus, ut l. 2. §. furiosus, de jure codicill. ait furiosum per omnia et in omnibus absentis loco haberi. Ergo in illa l.

Tom. IX.

per omnia, non in omnibus, sed in lege Falcidia tantum, et interdicto quod legatorum, quod Falcidiæ ex legatis, aut fideicommissis servandæ causa heredi, aut bonorum possessori, aut heredi heredis competit. Et hoc item aperte confirmat l. 1. §. si quis ex mortis, D. quod legat. quæ docet in donationibus causa mortis cessare interdictum quod legatorum, quumvis alias instar legatorum obtineant, et ex eis quoque placeat detrahi Falcidiam ex constitutione Severi. Sed cessat tamen in eis interdictum quod legatorum, ut eo non possit heres rem donatam a possessore retrahere, et via retentionis mox detrudere Falcidiam. Et ratio hæc est, quia hoc interdictum datur tantum ei, cuius interest, l. ult. §. ex hoc interdicto, D. eod. tit. Et heredis nihil interest, ut ad se redeat possessio rei donatæ mortis causa, Falcidiæ deducendæ gratia, propterea quod idem D. Severus ex donationibus causa mortis ei dedit vindicationem Falcidiæ, d. l. pen. sup. ad l. Falcid. et l. cum pater, §. mater, et §. Maro, de leg. 2. quia princeps ille videbat heredem non posse retinere id quod jam donando defunctus corporaliter transtulerat in donarium. Igitur, quia hoc casu heres vindicationem habet Falcidiæ ipso jure, supervacuum ei est interdictum quod legatorum. Et eadem ratione si legatarius possessionem rei legatæ non occupaverit post mortem testatoris, sed mortis tempore res legatæ apud eum fuerit, quia hoc etiam casu heredi competit vindicatio Falcidiæ, propterea quod retinendæ rei legatæ facultatem non habuit, cessat interdictum quod legatorum, id est, supervacuum heredi est, l. lineam, ad leg. Falcid. quamvis eo uti non prohibeatur, si malit retentione Falcidiæ, quam vindicatione uti. Unde consequens est, hodie supervacuum esse interdictum quod legatorum, quia a Justiniano, ut dixi, generaliter provisum est heredi ipso jure data vindicatione Falcidiæ, nec tamen ab eo interdicto, quumvis supervacuo heredem repellit, qui eo voluerit uti oblata satisfidatione legatorum nomine: nec enim heres hoc interdicto legatario evincebat possessionem, nisi cavisset legatario de præstando quandoque legato, et cavisset datis fidejussoribus, id est, satisfidato.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. VI. Unde vi.

In hoc titulo proponitur interdictum, quod re-

reperanda possessionis causa ei competit, qui de possessione fuit, vel ædium vi dejectus est, quod appellatur *unde vi* nec omnino idem est, quo l. bene-
ficium redintegrandæ possessionis, quo hodie utimur: nam hinc locus est, etiamsi non vi, sed dolo, vel metu vel alio modo aliena possessio occupata sit, ut titulo seq. et non tantum de re soli, id est, rei immobili, sed etiam de qualibet re mobili cum tamen interdictum *unde vi* competat tantum de re soli, de re solo cohærente nisi si forte res quædam mobiles fuerint in fundo, vel ædibus, unde quis vi dejectus est, quia tunc hæc res venient in interdictum *unde vi*, quod tamen principaliter non est de his rebus, aut de harum rerum possessione amissa recuperanda et redintegrandæ, sed principaliter est de fundo, vel ædibus, unde quis dejectus est, ut l. 1. §. illud utique, et §. seq. de vi et vi arm. Quod discrimen inter interdictum *unde vi*, et interdictum, aut quasi interdictum redintegrandæ possessionis, quo hodie utimur (nam apiscendæ possessionis interdicta non sunt in usu, sed retinendæ tantum, et redintegrandæ, sive recipiendæ) id, inquam, discrimen etiam optime notavit Iubertus in *Instit. forensibus*, quo libro, quod ad tritum forensem attinet, nullus est melior. At duo sunt interdicta *unde vi*, sive de vi: unum de vi quotidiana, quod ipsum et quotidianum dicitur, de vi, quæ inferitur sine armatis, aut multitudine. Alterum de vi armata, et inter ea multæ, et magnæ differentiæ. Interdictum quotidianum *unde vi* datur tantum ei, qui sibi possidebat prædium, unde per vim dejectus, aut (ut veteres loquebantur) detrusus est, quia deici nemo potest, nisi qui possidet, l. 1. §. interdictum autem, de vi et vi arm. Interdictum autem de vi armata, datur etiam colono vi dejecto, aut creditori misso in possessionem rei servandæ causa, licet illi sibi non possideant. Marcus Tullius pro Cæcina: In illo, inquit, interdicto quotidiano, unde ille me deiecit, additur, cum ego possiderem; in hoc autem interdicto de hominibus armatis non additur si oportet quæri, possideret nec ne. Facit enim differentiam inter ea duo interdicta, quæ de possessione vi crepta comparata sunt. Est etiam alia, quia interdictum de vi quotidiana, vel actio ut lis, quæ pro eo hodie competit extra ordinem exemplo interdicti est annalis quod etiam sequimur. hodie, id est, finitur anno utili, l. 2. hoc l. 1. §. annus, de vi et vi arm. In hæredem autem ejus, qui vim facit, non est interdictum de vi, vel utilis actio ex causa hujus interdicti, sed in eum est actio in factum perpetua (quæ non est commiscenda cum illa actione utili, quæ accessit interdicto) in id scilicet, quod ad hæredem pervenit, l. 1. §. ult. l. 3. §. 1. de vi et vi arm. ut et in specie l. prætor aut, §. plane

si queratur, cui adjungi debent verba, quæ sequuntur §. prox. cum non sint separanda nonnulli putant, etc. D. de novi oper. nunc. Interdictum autem de vi armata est perpetuum, non annuum. Marcus Tullius 15. epist. Postulabimus, inquit, ex qua hæresi vi hominibus armatis dejectus sis, in eam restituere. Et subjicit, in hoc interdicto non solet addi: in hoc autem, id est, non est annuum, sed perpetuum interdictum. Et hoc pertinet l. 3. §. hoc interdictum, de vi et vi arm. et interpolata est a Triboniano, ut docet Observat. 5. cap. 20. Sequitur alia differentia: interdictum de vi quotidiana datur ei tantum, qui recte, et sine vitio possidebat ab eo, qui eum deiecit, id est, qui neque vi, neque clam, neque precario possidebat ab eo, qui eum deiecit: nam si ipse eum vi deiecerat, vel clam possessionem invaserat, vel precario ab eo possessionem acceperat, postea vi ab eo dejectus, a quo (ut dixi) vi, aut clam, aut precario possidebat, non potest adversus eum experiri interdicto unde vi: sed si procul iis vitiis abest, adversus eum habet interdictum unde vi, Paulus 3. Sentent. tit. eod. Qui vi, aut clam, aut precario possidet ab adversario, ab eodem adversario impune deiecitur, id est, sine metu interdicti quotidiani. Marcus Tullius pro Cæcina: In illa vi quotidiana, inquit, non satis est docere, se cum possideret, esse dejectum, nisi doceat, ita se possedisse, ut nec vi, nec clam, nec precario possederit. Et hoc etiam ostendit lex qui possessionem, de vi et vi arm. Hæc est species: si tu me vi deieceris, illico ego te, deinde tu me, mihi dari interdictum unde vi, quod etsi in ipso conflictu, atque congressu vi te deiecerim, non tamen propterea a te videor vi possidere: unde ex contrario colligitur, quod si vi a te possidere viderer, postea dejectus a te non haberem interdictum unde vi. Idem probat lex cum fundum, eod. tit. cujus sententia hæc est: Colonus, qui fundum a domino locaverat, le Fermier, eo fundo a domino vendito, emptorem fundi justum a domino, sive locatore, eodemque venditore fundi venire in vacuum possessionem fundi, colonus intrare prohibuit, ac deinde ab emptore vi dejectus est: habet in emptorem interdictum unde vi, quia, inquit, quod eum prohibuit intrare, non ideo videtur ab eo vi possidere, sed a locatore potius. Unde etiam ex contrario colligitur, quod si ab emptore vi possideret, non haberet in eum interdictum unde vi. Idemque confirmat lex 1. §. qui a me, D. eod. tit. qui a me possidebat, id est, qui per vim mihi eripuerat possessionem meam, ab alio vi dejectus est: habet interdictum unde vi: etiam prædo habet interdictum unde vi adversus alium, non adversus eum, quem depredatus est. Rite igitur illo loco, si ab alio dejectus sit: nam

si ab eo dejectus sit, a quo vi possidebat, proculdubio non habet interdictum unde vi. Quamobrem et lege Toria, quam Spurius Torius tulit, cujus fragmenta ex æneis tabulis edidit Petrus Bombus, vel ex lege Agraria, qui ex possessione vi ejectus est, quod si is qui ejectus est, possiderit, quod neque vi, neque clam, neque precario possiderit ab eo, qui eum ea possessione vi egerit, de eo dum recuperando interdictum competit. Et hæc de interdicto quotidiano. Interdictum autem *de vi armata*, datur etiam adversus eum, a quo qui vi dejectus est, vi, aut clam, aut precario possidebat, quoniam hæc est vis atrocior, *l. sed si vi armata, de vi et vi arm.* Tria sunt vitia possessionum, vi, clam, precario, quæ nec rescripta principum abolere possunt, ut que quis his modis tenet, ea jure teneat invito domino, quæ est sententia *l. 3. hoc tit.* nec conveniatur interdictis, quibus singula vitia corriguntur, interdicto unde vi, interdicto de precario, interdicto de clandestina possessione: nam, et hujus interdicti fit mentio in *l. 7. §. Julianus, D. communi divid.* Donatus in Eunuchum: *his tribus modis, inquit aliquid mala fide possidetur, nec rite res agitur, vi, clam, aut precario.* Et notandum (quod pertinet ad leg. 1. atque ita hodie explicabimus leg. 1. 2. et 3.) notandum, inquam, quod si a te nec vi, nec clam, nec precario possideo, vim, quam mihi sine vitio possidenti infero, ut me dejicias, propellere me, et propulsare posse, possessionis mee tuendæ, et defendendæ causa, ex continenti scilicet: Nam ex intervallo vim inferre ad recuperandam possessionem, jam non est propulsare vim, sed ulcisci: et propulsatio, si-ve defensio omni jure permixta est, ita etiam ultio prohibita omni jure, *l. scientiam, §. qui cum aliter, ad leg. Aquil.* Jus tuendi se, quod sit incontinenti, in ipso articulo, atque congressu, naturale esse: jus ulciscendi se, non esse naturale. Ultio est honor debitus soli Deo. Licet igitur, ut ait *lex 1.* unicuique vi lacessito vi defendere possessionem suam, adhibito, ut subjicit *l. 1.* moderamine inculpate tutelæ, id est, cum modo æquo, et pari, cum moderatione æquabili, et remota ab omni culpa, et ita, ut ne quid plus faciat, quam æquum hominibus est, puta ne occidat eum, qui satagebat hoc tantum, non ut me occideret, sed ut me possessione depelleret, alioquin punietur excessus, punietur tutela, quæ excessit modum. Et ita in *l. si adulterium cum incestu, §. Imperatores, ad leg. Jul. de adult.* maritum, qui deprehensum necavit, puniri, non quod se vindicare non debuerit, sed quod plus fecerit. Servato igitur modo civili inculpate tutelæ adversus eum, qui mihi vim infero, vi defendere possum possessionem meam: si recte, et sine vitio eam possideam, ut ait hæc *l. 1.* id est,

si neque vi, neque clam, neque precario eam ab eo possideam, qui mihi vim fecit, quod ex contrario, *ἡ ἀντιθέσις* vobis præbet argumentum, eum, qui vi, clam, aut precario a me possidet, sicut in me, si eum vi deicerem, non habet interdictum quotidianum unde vi, ut docui supra, ita etiam eum non jure propulsare vim, quam ei infero, recuperandæ possessionis gratia, quam ipse mihi vi abstulit, maxime si vim inferam ex continenti, ut *l. 3. §. cum igitur, de vi et vi arm.* Nam si jure, et legibus adversus vim, quam feci, non potest mecum experiri, nimirum interdicto unde vi, et multo minus potest mecum experiri manu, et viribus: quin potius æquo animo ferro debet, si mihi, quam per vim eripuit possessionem, mox vi mea restitui mihi in ipso congressu; æquissimum est, ut quod fecit, patiatur, ut ait *l. sed et partus, §. quæri, D. de eo, quod met. caus.* Quod fecit passus est, inquit, ut in lege Rhodia *cap. 6.* quod est tractum ex *d. l. sed et partus* et idem exprimit, quod illa lex. Et nihil est præterea, quod fideliter tradi possit in hac lege 1.

Ad l. IV.

Si de possessione vi dejectus es: eum et lege Juliae vis privata reum postulare, et ad instar interdicti, unde vi, convenire potes quo reum causam omnem præstare oportet: in qua fructus etiam, quos velus possessor percipere potuit, non tantum quos prædo percepit, venire non ambigitur.

In lege quarta proponitur eum, qui possessorem vi deiecit, non tantum teneri interdicto unde vi, vel utili actione, quæ pro interdicto competit, quod judicium civile est, nec pœnale: sed etiam criminaliter teneri legibus Juliae de vi privata, vel publica, et ex constitutionibus Principum, ut in *l. 1. §. 1. de vi et vi arm. l. 1. inf. quand. civil. act. crimin. prejud.* et quod ait *d. l. 1. §. 1.* ex constitutionibus principum, id est, extra ordinem. Non ergo tantum pœna legis Juliae, sed etiam extra ordinem ex constitutionibus puniri eum, qui vi alienam possessionem pervasit, ut *l. 1. in fine, et l. penult. ad leg. Julianam, de vi privata:* et non tantum ex constitutionibus illo loco propositis, quæ sunt veteres Constitutiones, sed etiam ex novis constitutionibus hujus tituli, maxime ex *l. 7. et l. pen.* Et additur in hac *l. 4.* interdicto unde vi veteri possessori non tantum possessionem restitui, et reformari: sed etiam omnem causam ei præstari, puta, fructus, quos petitor honestè percipere potuit, etiam prædo eos non percepit: quod generaliter cum defructibus æstimandis quaeritur, non inspicimus, an reus, unde petitur,

fructus sit, vel quantum fructus sit, sed quantum si ille potuisset petitor, si ei possidere licuisset, *l. si navis, §. ult. de rei vindic. l. 2. sup. de fructibus, et lit. expens.* Verum interdicto unde vi is, quo cum agitur, non tantum fructus præstat perceptos, aut percipiendos, id est, quos actor honeste percipere potuit, sed et pleraque alia: quoniam nomen causæ, quam hæc lex præstandam esse ait omni modo, non tantum fructus complectitur, sed etiam partus, et pensiones prædiorum, et acquisitiones ærorum, qui erant in præliis, unde quis vi dejectus est, omnem utilitatem: denique omne id, quod interest, venit in interdictum unde vi, id est, omnia, quæ habiturus, vel acquisiturus erat, qui vi dejectus est, si vi dejectus non esset, vel æstimationem eorum, ut *l. 1. §. non solum, D. de vi et vi arm.* Ad hæc querit Accursius, quid sit dicendum, si villa, aut domus, unde quis vi dejectus est, postea sine dolo aut culpa prædionis incendio combusta sit, quid si fundus voragine perierit, quid si homines, vel pecora, quæ ibi erant, suo fato demortua sint, an etiam præda tenetur hoc interdicto eorum nomine, quæ perierunt sine dolo malo, et culpa ejus? Et recte respondet teneri, etiamsi is, qui vi dejectus est, parato adversario iudicium accipere ex causa interdicti, moram fecerit in eo conveniendo, et interim res perierit, quia licet alias, qui litigare paratus est, non videatur moram facere, sed purgare potius moram, si quam antea fecerit, offerendo se aliter iudicii, *l. si quis solutioni, de usur.* tamen hoc tantum procedit in debitore rei, vel pecunie ex contractu, qui non solvit, ut moram non videatur facere si paratus sit iudicio se defendere: nec idem procedit in prædione, vel fure, id est, in eo, qui vim, aut furtum fecerit, aut etiam qui metu illato aliquid extorsit malo more, malo exemplor nam hic plus quam morator est, id est, in majori est culpa, et vitio, quam sit mora, nec purgat vitium, quod contraxit vim inferendo, aut extorquendo aliquid præ metu, aut faciendo furtum, si se offerat iudicio, non ideo purgat vitium, sive moram, aut verius plusquam moram. Et hæc est sententia *l. pen. D. de vi et vi arm.* quæ conjungenda est cum *l. ult. D. de condict. furt.* ejusdem auctoris, et libri. Et ex utraque est explicandum, quod ait *l. videamus §. item si vi, de usur.* nec mora mea mihi aliquid aufert, id est, mora petitoris in conveniendo eo, qui vim aut metum intulit, nihil ei aufert. Igitur secundum hæc prædo, id est, invasor possessionis alienæ, tenetur interdicto unde vi, etiamsi sine dolo malo, aut culpa, quod notandum, vi desiderit possidere, quia prædo, aut fur semper pro possessore habetur, quoquo modo desiderit possidere, prædo sem-

per vim facere videtur: vis initio facta semper perseverat. Et hoc est, quod ait *l. 1. §. huic consequens, de vi et vi arm.* ut Florent. scriptum est, interdicto unde vi teneri etiam eum, qui vi sine dolo malo desit possidere, et *§. ex interdicto ejusdem legis* ex interdicto unde vi, etiam eum, qui non possidet, restituere compelli. Neque his obstat, quæ tamen prima fronte videtur obistere *l. 3. §. si quis, D. quod vi, aut cl. quæ ait discrete, eum, qui se iudicio defendere paratus est, vim facere desinere.* Sed loquitur ea lex de eo, qui initio operis faciendi, cum prohiberetur ab eo, cujus intraret opus non fieri, ne opus faceret, satis obtulit in ipso initio iudicio sisti, et dixit se iudicio paratum esse contendere. Ea re hic vim facere desinit quam incepit, quia inter ipsa initiarem emendat, et a vi desistit, dum se iudicio offert; si is, qui prohibet opus facere, agere velit. At post vim peractam, puta post dejectionem nihil agit, qui se iudicio defendere paratus est, quia serius agnoscit bonam fidem, sed quicquid ex his rebus, quas per vim occupavit; intercidit, aut periculum ejus præstat, quod Accursius ait verum esse indistincte, sive id, quod perit, periturum æque erat apud petitorum sive non, nimirum hac distinctione non observata; quoniam, qui his rationibus alienas res possident, plusquam moratores sunt, id est, debitores, qui tardi sunt in debitis exsolvendis, et ideo illi indistincte tenentur. Nec obstat huic sententiæ lex si cum exceptione, *§. quatenus, ff. quod metus causa*, quæ statuit hac in re idem esse jus interdicti unde vi, et actionis quod metus causa: nam ut ad eam legem responderemus, cui Accursius strictim, et obscure hic respondet, scribens, satis esse, eum teneri in triplum: et ut hoc apertius intelligatur, quod dicimus, prædionem etiam ejus rei, quæ periit, teneri, sive ea res fuit peritura apud actorem, sive non, ab hac sententia excipendus est casus unus *d. §. quatenus*, puta si res perierit post condemnationem prædionis intra tempora iudicati, id est, antequam iudicato moram faceret: nam hoc casu, non aliter res ei perit interim, quam si non fuit æque peritura apud actorem: sed si fuit æque peritura apud actorem, quæ periit intra tempora iudicati, tunc reus relaxatur a condemnatione præstande rei in actione quod metus causa, et in interdicto unde vi. Sed in eadem actione quod metus causa, non relaxatur etiam a condemnatione pænæ in triplum. Et hoc est, quod Accurs. ait ibi in casu *§. quatenus*, satis esse prædionem teneri in triplum, absolvi autem a præstatione rei.

Ad L. V.

Invasor locorum pœna tenetur leg. ma, si

tamen vi loca eadem invasisse constiterit: nam si per errorem, aut incuriam domini loca ab aliis possessa sunt, sine poena possessio restitui debet.

In l. 5. hujus tit. idem proponitur, quod in l. quarta, puta praedonem, id est, eum, qui vi invaserit possessionem alienam, non tantum teneri interdicto unde vi, ut restituit possessionem, et omnem causam, sed etiam poena legitima, id est, legibus Juliiis statuta: vel quia haec lex est Constantini, qui poenam capitis statuit in eos, qui per vim invadunt alienas possessiones, l. 2. C. Theod. ad l. Jul. de vi: poena legitima hoc loco, est, poena capitis. Et quod maxime notandum, conjungenda est haec l. 5. cum l. 1. C. Theod. finium regund. cujus pars exstat in l. 3. sup. eod. tit. et integra constitutio etiam exstat apud Julium Frontinum libro de limitibus agrorum, et d. l. 3. et d. l. 1. Et hujus legis eadem est inscriptio ad Tertullianum vium perfectissimum, comitem Dioeceseos Asiae, et subscriptio eadem, quae ubique sic restituenda, data 11. Calend. Mart. etc. Et omnium harum legum sententia haec est, si vicinus in agris dicatur invasisse fines possessionis vicini, unde inter eos sit orta controversia de finibus, prius de possessione quaestionem esse faciendam, ut habuimus in l. 3. tit. 1. deinde agrimensorem esse mittendum ad loca, ut utraque parte praesente oculis suis subijcetis loca, ut in l. si irruptione, in ff. fin. reg. in re praesenti determinet fines, et ita finiatur quaestio proprietatis: nam (ut ait d. lex 3.) semper quaestioni de finibus cohaeret quaestio proprietatis. Et ita Apulejus 6. Metamorph. in causa finium contendendi de proprietate, vel si altera pars se subtrahat, veluti is, qui pervasit loca; nec adesse vellet minore inspiciente loca, in nihilominus agrimensor mittatur ad inspicienda, et consideranda loca, et ut ait integra lex, si fidelis inspectio probaverit loca esse tenentis, tum, ut petitor victus abscedat, atque ita res iudicetur peremptis, id est, una tantum parte praesente: vel contra si inspectio probaverit loca esse petitoris, tum invasor poena legitima teneatur, si tamen, ut ait haec lex 3. quae ex illa tracta est, vi loca eadem invasisse constiterit: nam ut subijcit haec l. 3. si per errorem, aut incuriam domini loca ab aliis possessa sunt, sive poena possessori restitui debent. Hic observa apud Frontinum sic legi, loca data ab aliis possessa sunt, quod plurimum facere videtur ad clariorem legis intellectum. Nam ponamus primum dominum ea loca possedisse, non possessionem eorum locorum fuisse vacantem, quo tamen casu primum Justinianus domino dedit interdictum restitutorium adversus eum, qui possessionem vacantem ingressus est, et tenet, l. ult. hoc tit. secundum quam legem tibi etiam licet in specie

hujus l. ponere, possessionem fuisse vacantem, ut Graeci ponant ἀχολάγουσαν. Sed secundum integram constitutionem Constantini, et secundum formam veteris juris, ponamus dominum ea loca possedisse, et per errorem domini, puta, dum alia loca pro aliis accipit, non admodum peritus possessionum suarum: vel per incuriam domini, dum non admodum curat possessiones suas, alios quosdam mihi bona fide omenti ea loca vendidisse pro suis, quae dominus possidebat, et eorum possessionem mihi tradidisse, hoc casu non teneor poena ulla, quia non deliqui, sed, ut ait haec lex, domino teneor in hoc tantum, ut ei possessionem restituam, quam amisit, me in eam ingresso per errorem suum, vel non curantiam suam, et teneor non interdicto unde vi, sed teneor beneficio momenti, id est, interdicto restitutorio, momentarie possessionis interdicto, id est, quod generaliter competit de restituenda possessione alii quoquo modo interversa et perturbata, vel adempta beneficio (ut hodie loquimur ex can. redintegrandae 5. quest. 1.) redintegrandae possessionis, quod compellit eum etiam possessionem alienam, quam sine vi adeptus est, domino restitueri, ut puta, si per incuriam domini, ut ponit hic, vel errorem eum obtinuerit citra vim. Et ita apparet, quod notandum, beneficium illud generale redintegrandae possessionis duci ex hoc loco, et l. 8. hoc tit. dum ait, interdictum momentarie possessionis non semper pertinere ad vim, quia scilicet pertinet etiam ad possessionem alio modo, quam per vim perturbatam, vel interversam, quod etiam ostendit titulus sequens, si per vim, aut alio modo, etc.

Ad l. VI.

Meminerint cuncti sive vulgato rescripto mansuetudinis nostrae, sive sententia cujuscunque iudicis utantur in causis conveniendos dominos locorum esse: aut si forte defuerint, eorum actiones ad insinuandas sententias, procuratoresque esse querendos, ne inde injuriarum nascatur occasio, unde jura nascuntur. Quod si praeccepta nostra implere neglexerint, omni negotio, de quo iurare coeperant, privabuntur.

§. 1. Sin autem habito plerumque collatio, curatores, vel tutores minorum his rem debitam in occasione pervadant, ut pupillis, vel adultis iurgandi copia, et fructus adimatur: his eatenus subvenimus, ut eosdem non alterat damno culpa temeritatis alienae: sed illico quidem possessio ei, a quo est ablata, reddatur: curatores autem, vel tutores aeterna deportatione punitos, bonorum quoque publicatio persequatur.

Haec lex est de creditore, qui sub specie, et

terrore rescripti principis, aut sententiæ, sive interlocutionis judicis occupat possessionem rei sibi debitæ, non insinuato rescripto, et sententiæ debitori. Sæpe lites inchoantur ex rescripto principis extra ordinem, vel ex sententiâ, et interlocutione, vel commonitione judicis jubentis (verbi gratia) *ut quam rem ex illo instrumento apparet Lucium Titium debere Cajo Sripo, ejus rei mox possessio in Cajum Sripum transferatur*. Sed creditor, qui eo rescripto, eave sententiâ utitur, cavere admodum debet ne eo eave abutatur potius, quam utatur, quæ est cautio hujus leg. puta ne temere fretus illo rescripto, illave sententiâ, sive commonitione judicis, irrumpat in possessionem rei sibi debitæ non convento debitore, non servato ordine juris: nam ea rescripta, quæ impetrantur, et videntur considerare præsentem promptamque executionem, aut præcepta judicum, nunquam intelliguntur remittere ordinem juris. Igitur qui eo rescripto, sive eo commonitorio utitur, prius debet convenire debitorem, eodemque dominum ejus rei, vel eo absente convenire debet actorem rerum ejus, sive dispensatorem, aut villicum, vel procuratorem, ut liti adsit nomine domini instituendæ ex rescripto, vel præcepto judicis, ut sit ei copia defendendi: neque vero potest creditor nudo rescripto principis, aut nudo præcepto judicis fretus sua auctoritate rem debitam occupare, ne, inquit lex, *inde injuriarum nascatur occasio, unde jura nascuntur*. Jura nascuntur ex rescriptis principum, ex præceptis et jussionibus judicum. His ergo juris remediis non debemus abuti ad injuriam. Et hæc est sententiâ hujus legis: hoc addito, cum creditorem, qui secus fecerit, coerceri damno litis, id est, jus crediti amittere, et illico ablata rei possessionem per interdictum restituere debitori, qui nunc desiit esse debitor. Non loquitur hæc constitutio de interdicto unde vi, quia nullam vim facere videtur, qui nititur rescripto principis, aut præcepto judicis, et secundum illud venit in possessionem rei debitæ: non ergo proprio loquitur de interdicto unde vi, sed de generali interdicto restitutorio momentariæ possessionis, quo etiam, quæ non vi, sed errore incuria domini, ut *l. prox. sup.* aut rescripto, vel sententiâ judicis, ut *h. l. 6. et l. 1. l. seq.* quæ, inquam, etiam occupata est possessio, in integrum restituitur generali interdicto redintegrandæ possessionis, qua quis spoliatus est, etiam si citra vim, imo et hoc generali interdicto, quæ cum vacaret possessio occupata est, absente domino, in integrum restituitur ex *l. ult. hoc tit.* In hæc autem *l.* agitur de eo, qui sub specie et terrore judicati, vel rescripti Principis, absenti et ignorantem debitori aufert possessionem rei debitæ. Igitur longe est alia species hujus constitutionis,

quam decreti Divi Marci, de quo in *l. pen. D. ad leg. Jul. de vi priv. l. extat. D. quod met. causa.* quoniam decretum D. Marci pertinet ad creditorem, qui vim fecit palam in reposcendo debito: et atque vim facit creditor, qui sine judicis auctoritate, ut ponitur in ea specie, rem pecuniariæve debitam occupat, non concedente domino qui sibi jus dicit. Hæc autem constitutio pertinet ad eum, qui sub specie judicati, vel rescripti principis, sub specie juris et ordinis invasit rem sibi debitam. Non omnis invasor est violentus possessor, et cum quem dicimus invasisse, ut *l. 5. sup.* distinguimus vi invaserit, an alio modo: nam invadere non est rapere, sed pervadere rem alienam. Et ad speciem hujus constitutionis pertinet etiam *lex un. in fine, sup. de suffragio*. Quidam, cui erat negotium aliquod expediendum rei suæ, in aula principis promissit, se daturum aliquid cuidam aulico, si ei suffragium ferret in causa sua: ex eo promisso actio est, id est, suffragii promissi petitio est, puta præmii promissi pro suffragio. Sed si is, qui suffragium alteri tulit in petenda pecunia promissa suffragii nomine, solo commonitorio judicis fretus, id est, mandato, quo jubetur, qui promissit si hoc solo fretus sua auctoritate rem promissam occupet, causa cadit, quia ex commonitorio, sive mandato judicis, non debuit rem invadere, sed petere solemniter et rite. Igitur, quæ est species hujus legis sextæ, eadem est etiam *d. l. unicæ, §. ult.* At decreti D. Marci longe alia est species, atque hujus constitutionis: eadem tamen poena in utraque specie, puta, ut creditor jus crediti amittat. Unde et eleganter Hegesippus libro 2. de bello Judaico: *non petendo, sed usurpando, quæ in petitione consistenterent, etiam in pecuniariis causis præjudicari solere, ut præposteri litigatores causa cadant*. Et sane sunt præposteri, qui incipiunt ab executione, ab apprehensione rei debitæ: itaque causa cadunt, credito. In hoc igitur est in utraque specie poena eadem, quod et in hac et in illa, creditor jus crediti amittit: sed gravius aliquanto puniuntur creditor, qui vim fecit, id est, qui nullo fretus præcepto judicis, sua auctoritate rem debitam occupavit, quia ut est in *Nov. 60.* non tantum creditum amittit, sed etiam alterum tantum præstat debitori; et hanc dupli poenam Justinianus introduxit. Tenetur etiam criminaliter lego Julia de vi, ut ostendit *l. ult. ff. ad leg. Jul. de vi priv. et l. in possessionem, inf. eod. et l. sed et partus, in fine, D. quod metus causa*. Tenetur lego Julia criminaliter, id est: mulcetur tertia parte bonorum suorum reducta in fiscum, et sit infamis, quod etiam Justinianus *d. Novella 60.* ait supradicto decreto Divi Marci fuisse comprehensum, ut creditor teneretur poena legis Julæ. Et sane id æ-

tis est comprehensum decreto D. Marci, cum eo declaravit, vim fecisse creditorem: nam si vim fecit, consequens est, eum teneri criminaliter legibus Julii. Neque quod diximus de credito amittendo in utraque specie, ei quicquam obijciatur legatarius, qui non ex voluntate hæredis occupavit rem legatam, qui tamen tenetur tantum interdicto quod legatorum, non etiam a mittit legatum, quia scilicet hic casus pertinet ad rei legatæ possessionem vacantem, quam apprehendit legatarius, et quam hæres nondum nactus est, cui etiam propterea datur interdictum quod legatorum, quod non est recuperandæ, sed adipiscendæ possessionis, quia ante nactus non erat possessionem, quam nunc nanciscitur interdicto quod legatorum. Ergo vacabat possessio: et etiam non utitur hæres interdicto quod legatorum, nisi si interveniat lex Falcidia. Non obijciatur etiam, quod affertur ex *l. ait prætor, §. si debitorem, D. quæ in fraud. credit.* Ex qua lege colligitur creditorem impune auferre pecuniam sibi debitam debitori fugienti, paranti fugam, voluti manu injecta in debitorem, et illata vi: nam hoc est ex veteri jure specialiter in debitore fugiente, quia debitor creditori non relinquit spatium agendi ex ordine juris, ideoque potest ipse manu injecta eum retinere in tanto periculo amittendæ rei suæ, nec jus crediti amittit, nec restituit pecuniam, quam abstulit; hoc est ex duodecim tabulis, *si culvitur, pedemve struit, manum endo jacito*: est quidem hæc via incivilis sateor, et extraordinaria, sed incivile etiam est, auferre creditori suum, quod extorsit fugienti debitori. Incivile est, non probare, quod fecit creditor, quoniam excusat eum præsens periculum amittendæ rei suæ. Et eadem est ratio legis ult. *§. ult. D. quod metus causa.* Quidam creditor sine auctoritate judicis, sine cognitione, pecuniam sibi debitam extorsit debitori, præsentem tamen apparitorem, et intervenientem, sine judice, non sine apparitore inciviliter extorsit, vim fecit: nam quod apparitor præsens fuit, non ideo minus vim fecit, sed tamen qualis qualis præsentis apparitoris eum excusat, ut non compellatur corrigere, quod fecit per vim sui servandi causa. Non omnis vis improbatur, etiamsi sit incivilis, non quæ inferatur coacte magis, quam civiliter, ut Tit. Livius 38. ait, *vim factam pie magis, quam civiliter.* Ergo his casibus causa est excusandi creditoris, qui pecuniam sibi debitam debitori extorserit: at non in specie hujus legis, cum ad injuriam abusus est rescripto Principis, aut præcepto judicis. Et notandum est, ad hæc verba constitutionis, *memin. cuncti, sive vulg.* aliud esse vulgare rescriptum, et ad insinuaturn, ut in *l. 2. C. Theod. unde vi.* Insinuatur rescriptum, aut sententia judicis, cum insinuatur adversæ parti, ut dispiciat cedere an con-

tendere debeat cognita litis causa. Vulgatur autem rescriptum, cum quis passim ostendat rescriptum, quod obtinuit in rem suam a Principe. Non est enim satis vulgari rescriptum, sed etiam insinuari oportet adversario, alioquin abutimur rescripto Principis, cujus mens non est, ut qui id impetravit, negligat ordinem juris. Et postremo notandum est, quod additur in hac *l.* graviter puniri tutores, vel curatores, qui in fraudem pupillorum suorum, vel adolescentium, sorte colludentes cum eorum debitoribus sub specie judicati, vel rescripti non insinuat debitoribus, rem pupillis debitam auferunt hoc animo, ut pupillos suos, vel adolescentes adficiant damno litis, damno crediti, quod facinus meretur gravissimam penam: ideoque constituitur, ut ii expoliatores pupillorum, non tutores, bonis omnibus publicatis ob eam causam deportentur in insulam, et ut eorum temeritas nil noceat, sed restituta possessione temere occupata in decem pupillorum suorum, ut sit pupillis jus crediti integrum, ut liceat agere, et persequi creditum rescripto principis, vel præcepto judicis. Et hoc generaliter servatur in causis minorum, ut factum, vel dolus tutorum, vel curatorum non eis noceat, perinde ac si ipsi fecissent, ut tutores in re pupillorum, id est, dominorum, non si quid agant, quod minuat rem pupilli, ut *l. neque interdicto, D. de divers. regulis juris.*

Ad L. VII.

Si quis in tantam furoris pervenerit audaciam, ut possessionem rerum apud fiscum, vel apud homines quoslibet constitutarum ante adventum judicialis arbitrii violenter invaserit: dominus quidem constitutus possessionem, quam abstulit, restituit possessori, et dominium ejusdem rei, amittat. Si vero alienarum rerum possessionem, invaserit: non solum eam possidentibus reddat, verum etiam estimationem earundem rerum restituere compellatur.

Lex superior fuit de creditore, qui sub specie rescripti, vel præcepti, quo jubetur rem sibi debitam protinus accipere, eam rem occupat neglecto juris ordine, id est, non convento possessore, non insinuato rescripto, quem ob eam rem lex mulctat damno litis, et possessionem veteri possessori illico restituere jubet: nec enim impetrato ea rescripto existimare debuit, sibi remissum esse ordinem juris, sicut is, cui princeps dat liberam testamenti factionem, debet intelligere non ideo sibi esse remissa solemnitas juris, *l. si quando, in princ. de inoff. testam.* Ergo, et qui rescripto principis nititur, vel præcepto judicis, quo jubetur scilicet rem sibi debitam protinus exigere, arripere, acci-

pere, non ideo tamen minus jure, et ex ordine expectari debet: quæ est præcipua vis et potestas legis superioris. Hæc autem lex est de eo, qui neglecto etiam ordine juris, rem suam, vel alienam, quam alius posside, audacius impulsus suo furore, et audacia sola, per vim occupat ejecto possessore. Et sit hujus legis mentio, tanquam celebrioris in Institutionibus duobus locis, in tit. *de vi bon. raptor. et in tit. de interd.* Et in formulis Cassiodori lib. 9. his verbis, *sanctio, inquit, D. Valentiniani (hanc legem intelligit) adversus eos diu pessime neglecta consurgat, qui prædia rustica, vel urbana despecto juris ordine per se, suoque præsumpserint expulso possessore violenter intrare.* Pertinet ergo hæc lex ad prædia urbana, vel rustica, sed pertinet etiam ad quasunque res mobiles, quas quis temere per vim occupavit depulso possessore. Et sententia ejus hæc est, ut si quilem rei sue, quam alius possidet, quis possessionem per vim invaserit ejecto possessore, dominio rei, quod habuit, cadat: sicut lex superior dixit, creditorem credito cadere, qui rem debitam invadit, etiamsi unus sit specie rescripti, aut sententia judicis: et ut is, qui rem suam ab alio possessam per vim invasit, confestim possessionem restituat veteri possessori conventus generali interdicto restitutorio ad redintegrandam possessionem. Sin autem quis rei alienæ possessionem per vim occupaverit: ejecto possessore, ut prolius restituta possessione veteri possessori, ejdem præstet æstimationem ejus rei, ut ait etiam *lex pen. hoc tit.* vel etiam aliam rem ejusdem meriti ejusdem pretii, ut ait idem Cassiod. lib. 3. in *epist.* cujus initium, *inter gloriosas, etc.* Et hoc quoque confirmat *l. 4. sup. fin. regund.* quæ pertinet quidem duntaxat ad fines agrorum per vim atque injuriam vicini interversas, sed ex *h. l.* trahitur ad omnem rationem per vim interversæ possessionis alienæ, ut scilicet, qui eam intervertit, illi co restituat in intergrum, et hoc amplius alterum tantum præstet, quæ anti ea res est, vel aliam rem ejusdem pretii, ut fundum alium vi pervasum mox restituat, et æstimationem fundi, aut alium fundum ejusdem æstimationis, ejusdem meriti. Ergo extra causam criminis, quo tenetur, qui alium vi de possessione dejecit, civiliter etiam tenetur in duplum, id est, in rem, quam invasit, et ejus rei æstimationem: sicut creditorem, qui rem debitoris temere possidet, Justinianus vult teneri in duplum civili judicio, extra criminale judicium, in *Nov. 60.* Sic igitur statuamus: is, qui rei alienæ possessionem per vim invasit, tenetur in duplum ei, quem dejecit per vim de possessione (in quo duplo inest res ipsa, nec enim totum pœna est) et tenetur in duplum, sive dolo malo, sive per errorem, puta existimans rem esse suam, eam

per vim occupavit ex hac constitutione. Et ita, si res fuit immobilis, res soli: nam si res fuerit mobilis et aliena, non sua, quam rapuit, et expressit possessori, ita distinguimus: aut per errorem id fecit, dum existimat rem esse suam, et tunc etiam tenetur in duplum, ne quis hoc prætextu erroris se defendere unquam possit, id est, rem debet restituere, quam diripuit, et rei æstimationem, etiamsi obtendat causam erroris, quia nec eo modo ad rei sue possess. pervenire debuit. Et hoc casu tenetur actione vi bonorum raptorum in quadruplum, in quo inest res, quæ erepta est: pœna autem est tripli, quia mixta est actio, quæ et rem et pœnam persequitur. Hoc loco quæres non immerito, cur si res sit mobilis, quæ vi erepta est dolo malo, raptor tenetur in quadruplum, in quo inest res: si autem fuerit immobilis, etiamsi dolo malo eam rapuerit indistincte tenetur in duplum tantum, in quo etiam inest res, sive rei persecutio? Et dicam simplicem æstimationem rei immobilis plerumque majorem et graviorem esse, quam triplicem æstimationem rei mobilis, quia plerumque longe majus est pretium rei immobilis, puta fundi, vel ædium, quam rei mobilis, puta vestis, aut animalis: et si qua sit res magni pretii, veluti gemma, aut monile aliquod pretiosissimum, ea res mobilis eodem jure censetur, quo res immobilis, *l. emptori, §. 1. de evict.* ut Plinius scribit, *Margaritas in mancipatum venisse, ut prædium aliquod, lib. 9. cap. 35.* Et hodie usu receptum est, ut beneficium *l. 2. C. de rescind. vendit.* quod est proprie de rebus immobilibus, porrigatur etiam ad res mobiles, quæ sunt admodum pretiosæ. Rursum quæres, cur raptor rei mobilis, extra rem tenetur actione vi bonorum raptorum in triplum pœne nomine: fur manifestus, qui minus deliquit, quam raptor, quis nil egit per vim, tenetur pœne nomine in quadruplum extra rem furto subreptam, actione criminum furti manifesti, et raptor in triplum intra annum tantum, quia annua est actio, fur manifestus in quadruplum perpetuo, etiam post annum? Et dicam raptorem, aut esse manifestum, aut non manifestum, sicut fur aut est manifestus, aut non manifestus. Non omnem raptorem esse manifestum, facessat, sed alium raptorem esse manifestum, quem dominus videt, aut deprehendit rem suam invadentem, alium esse raptorem nec manifestum, ut puta eum, qui coactis hominibus effringit fores domus alienæ, in qua nemo est et ex ea rapit aliquid, nemine vidente, nemine reclamante, ut in *l. si quis uxori, §. ult. ff. de furt.* Et actio vi bonorum raptorum non pertinet proprie ad raptorem manifestum, cum tenetur actione furti manifesti in quadruplum, et perpetuo, quæ utique actione

sanus quisque persequetur potius raptorem manifestum, quam actione de bonis raptis in triplum. Et ideo proprie actio vi bonorum raptorum non est comparata in hunc casum, si raptor deprehendatur, quia in eum tunc suppetit gravis actio, nempe furti manifesti in quadruplum, l. si videro, §. cum raptor, ff. de furt. At actio vi bonorum raptorum proprie pertinet ad raptorem nec manifestum, et per eam actionem raptoris nec manifesti deterior, quam furis nec manifesti conditio constituitur, quia fur nec manifestus tenetur in duplum tantum poenae nomine, raptor nec manifestus in triplum: et concurrunt quidem in hunc casum ambae actiones, furti nec manifesti, et vi bonorum raptorum, adeo ut sit in arbitrio ejus, qui vim passus est, utra actione uti velit, et si primum egerit furti nec manifesti in duplum, deinde agere potest vi bonorum raptorum in id quod amplius in ea est. Et in libris nostris concursus, puta actionis vi bonorum raptorum cum actione furti nec manifesti sit mentio saepissime, l. 1. ff. de vi bonor. rapt. d. l. si quis uxori, §. ult. et l. si quis egerit, ff. de fur. quia scilicet ad hunc casum proprie pertinet actio vi bonorum raptorum, cum furtum, sive raptus non est manifestus. At nunquam sit mentio concurrentis actionis furti manifesti cum actione vi bonorum raptorum, quia scilicet ad hunc casum proprie non pertinet actio vi bonorum raptorum, sed ad casum furti nec manifesti; ex quo sane apparet graviores esse actionem vi bonor. raptorum, quam furti nec manifesti, et electa actione furti nec manifesti, superasse vi bonor. raptor. actionem in id, quod gravior est, actio vel etiam si quis intra annum nulla actione egerit in raptorem, neque furti nec manifesti, neque vi bonor. rapt. post annum vim passo semper est integra actio furti nec manifesti in duplum, quia perpetua est actio §. Institut. de perpet. et tempor. act. At queres, cur in specie legis Christiani. 6. sup. de paganis, et sacrif. videatur dari in perpetuum actio vi bonorum raptorum in duplum tantum, in quo inuit rei, ut puta aires mobiles Judaeorum, aut paganorum Christiani temere diripiant, tenentur Judaeis aut Paganis, non in quadruplum mixta actione vi bonor. raptor. sed in duplum tantum, aequae mixtae actione? Et observandum in C. Theod. l. pen. eod. in ea specie secundum jus ordinarium, edictumque praetorium fuisse scriptum, Christianos teneri in triplum, vel quadruplum, in triplum, actione vi bonor. raptor. in quadruplum, actione furti manifesti, cum deprehensi sunt, et palam reclamantibus Judaeis bona eorum diripuerunt. Sed Tribonianus triplum, vel quadruplum mutavit in duplum, tanquam scilicet minus delinquant Christiani, qui

Tom IX.

quid Judaeo aut pagano, quam qui Christiano aliquid diripiunt, et tanquam Christiano plus liceat in Judaeum aut pagano, quam in Christianum: quod an sit equum, cogitandum relinquo: et ideo non oridior a actione, sive poena tripli, aut quadrupli vult teneri Christianus nos, qui eorum bona diripiunt, sed poena tantum dupli. Et recte Accurs. dixit esse specialem causam, cujus rationem aperui satis. Verum notandum est, quod nihil Cassiodorus in supradictis locis, Eum, qui rem alienam per vim invasit, sed non sit par solvendae restitutioni ejus rei, in quam tenetur ex hac lege, corporali supplicio afficiendum, quod in jure legimus frequenter, ut qui non habet in aere, poenam loat in corpore, l. ult. inf. de sepulc. viol. l. ult. ff. de in jus voc. Cassiod. ut poena satisfaciat, cujus facultas facinoris non satisfacit ultioni. Et alio loco, ut reddat debitum poenis, qui non potest compensare pecuniis. Et D. Ambros. serm. 78. ut, inquit, qui redh. b. tione substantiae satisfacere non potest, satisfaciat vel corporis ultione. Et notandum etiam quod ait h. l. Eum, qui rem suam, quam alius tenet, per vim occupat, rei suae dominium amittere, eo abrogari l. 3. in fine, C. Theod. ad l. Jul. de vi, cui consentit etiam l. 11. et 14. C. Th. quor. app. non recip. quae leges mediam tantum partem ejus rei redigunt in fiscum, ut scilicet mediae tantum partis dominium amittat: at ex hac constitutione integrum dominium amittit. Et illae constitutiones C. Th. faciunt, ut existimemus, dominium, quod haec lex ait invasorem amittere, et totius rei dominium hodie redigi in fiscum: quod non observant communiter interpretes, non etiam cadere vim passio, qui nec ejus rei dominus fuit, sed possessor tantum. Et hoc procedit, ut ait lex, non tantum si possessio ejus rei, quae interversa est, per vim fuerit constituta apud fiscum, sed etiam apud privatum hominem, ut totius rei dominium cadat in fiscum, possessio vnda restitatur veteri possessori beneficio interdicti, et momenti. Et postremo etiam notandum in hac lege illo loco, ante adventum judicialis arbitrii, esse legendum ante eventum, quia de eo loquitur, qui per vim occupat possessionem alienam ante rem judicalem, id est, ante judicialis arbitrii eventum, qui non expectat sententiam, sed ipso sibi sententiam dicit temere et inconvulso. Sic omnes veteres libri, ante eventum, non adventum: sic l. pen. hoc. l. eventu cognitionis judicialis. Sic l. 3. C. Th. unde vi, Nov. 1. Th. de invasor. Id sic effertur, non expectata, vel adversus praesentem, vel in contumaciam definitiva sententia; hoc est, ante eventum judicialis arbitrii.

111

Ad L. VIII.

Momentariae possessionis interdictum, quod non semper ad vim publicam pertinet, vel privatam, mox audiri, interdum etiam sine inscriptione, meretur.

Lex octava est de generali interdicto redintegrandae possessionis, quod momentum, et momentariae possessionis interdictum appellatur, quod mox audiri (ut ait hac l.) mox dari, mox e pediri debet, siue, ulla procrastinatione, et iude ei nomen. Et in l. ult. hoc tit. generali jurisdictione, id est, generali interdicto illo restitutorio, ut in Basilicis γινώσκοντες ἀπορρίπτειν, generali interdicto: et quia generale est, ideo hac lex octava id non semper pertinere ait ad vim publicam, vel privatam, id est, non semper pertinere ad possessionem usurpatae vi armata aut vi non armata, sed etiam ad possessionem usurpatae alio modo, puta errore, vel in cura domini, ut l. 5. hoc tit. vel oblatu rescripti, aut decreti iudicis, l. 6. hoc tit. l. 2. ti. seq. Denique momentariae possessionis interdictum non semper comprehendit causam interdicti unde vi, quod est speciale, sed et aliam causam perturbatam, aut motae possessionis alienae, in qua licet videatur existere crimen aliquod, quod mota sit possessio aliena, non tamen semper tantum est, ut exigit inscriptionem actoris, qua se subijcit et punitur talionis: haec enim est vis inscriptionis: sicut cum agitur de vi, vel de alio crimine publico, vel extraordinario, actorem subscribere in crimen oportet, et subijcere se talioni, si reum convicerit, et peregerit. At in causa motae possessionis, quia moveri potest sine vi aliena possessio, non semper exigimus, ut actor subscribat in crimen. Denique causa momentaria non semper adnumeratur gravioribus causis, aut criminibus, quae exigunt inscriptionem actoris, et cognitionem praesidis provinciae, sed disceptari etiam potest a magistratibus non capitalibus, vel defensoribus civitatis, et siue inscriptione actoris, ut si nulla sit vis illata possessori. Et haec est sententia h. l. Et haec sunt repouenda in vicem glossarum Accursii, quas damus una litura. Ita vero crimen, aut causam abacti animalis, nonnunquam proponitur sine inscriptione, ut in l. unica, inf. de abigeis, ut puta si agatur de uno tantum pecore abacto, de una tantum capra abacta, quo casu abactor, ut fur tenetur civili act. in duplum, vel in quadruplum, non abigeatus crimine extraordinario, quod accusatoris inscriptionem exigit. His similes sunt causae de servulo quodam fugitivo, quem quis forte recepit, vel celavit, vel de modica re direpta, aut furto sublata, vel de invasis finibus parvae terrae, ut ait l. causas, C. Theod. de jurisdict. ex qua

ducta est h. l. 8. et dicta lex unica, de abigeis, et l. pen. inf. de accusatio. Et est in d. l. causas, legendum hoc modo, parvae etiam terrae finium, quam causam finium plerumque dirimunt agrimensores, vel arbitri, aut pedanei iudices, nec desiderat cognitionem praesidis, ut ostenditur apud Julium Frontinum de limit. agrorum, l. si finialis, et l. cunctis, ut nec de interversis, aut invasis finibus modicae terrae necesse sit inscribere in crimen mulieris rei, nec adire praesidem provinciae. Injuria est de parvis et minimis rebus praesidem provinciae judicare, ut l. ult. sup. de pedan. judic. Et ex d. l. causas, adnotandum est, ad leg. ult. ff. de privatis delictis, et l. ult. ff. de furt. quae dicunt furti agi posse extra ordinem criminaliter, cum inscriptione tamen actoris id verum non esse, si res modica furto sublata sit, quia questio rei modicae inscriptionem non exigit actoris, sicut nec questio abacti unius pecoris, questio celati vilissimi mancipii, quod erat in fuga, questio momenti, si vis absit. Et si quaeras, cur de re modica sit actio furti, non item actio de dolo, ut ait l. 9. §. ult. ff. de dolo, dicam quodammodo plecti stultitiam ejus, qui patitur dolo malo se circumscribi, qui non novit fallaciam alienam, qui patitur sibi obliniri os, ut de eo non possit queri, si res sit modica. Et licet furtum, quod nobis lit, imputetur nostrae culpa, nostrae negligentiae, quod non simus vigilantes in servandis rebus nostris, tamen majus est stultitia ejus, cui videnti et consentienti fallacis quibusdam res sua eripitur, quam cui invito et ignoranti furtum: qua ratione etiam actio de dolo est temporaria, et actio furti est perpetua. Praeterea notandum est ad hanc l. momenti beneficium, aut momentariae possessionis interdictum latius patere, quam ut contineat tantum causam recuperandae possessionis: nam continet etiam hoc generale interdictum quorum bonorum, et causam retinendae possessionis, ut interdictum uti possidetis, vel utrobi: et non tantum interdicta restitutoria, sed etiam exhibitoria, quae et exhibitioni restitutio inest, quod memini me docere in l. si coloni, inf. de agric. et cens. l. b. 11. Et secundum hanc generalem significationem Isidorus, momentum, inquit, dictum est a temporis brevitate, ut quam cito, quam statim salvo negotio principali possessio reformetur, nec in ullam moram produci possit, quod repetitur. Denique possessionis causa quolibet, dicitur causa momenti, ut in cap. 1. extra de causis possessor. et propriet. legali provisione esse decretum, ut unus idemque iudex judicet, tam de momenti, quam de proprietatis causa: legali provisione, inquit, et intelligi leg. ordinarii, sup. de rei vind. et l. nulli, sup. de Jud.

Ad L. IX.

Si quando vis in iudicio fuerit perfacta, deinde super rebus abreptis, vel inanis, vel damno dato tempore impetus questio proponatur: si non potuerit qui vim sustinuit, quem perdidit, singula comprobare: taxatione a iudice facta pro personarum, atque negotii qualitate, sacramento aestimationem rerum quas, perdidit, manifestet: nec liceat ei ultra taxationem a iudice factam iurare, et quod huiusmodi iurejurando dato fuerit declaratum, iudicem condemnare oportet.

In l. 9. hoc definitur, ut si is, cui vis facta est, non possit probare quæ res ei direptæ sint, quod plerumque etiam est difficile probare, quod vis fiat tumultuario: si igitur non possit probare quæ res ei direptæ sint tempore datæ impressionis, constet tamen de vi et impressione, iudex ei nequeenti probare quot qualesque res sibi arreptæ sint, deferat iurandum in litem, quo scilicet aestimet damnum rerum, quod fecit, videlicet taxatione, ut ait, a iudice facta certæ summæ, ad quam usque juret, se tanti scilicet aestimare quod perdidit: nam iudex est, iurjurando in litem certum modum præiudicare ultra quem actori iurare non liceat, ut in l. 4. §. jurare, et l. 5. D. de in litem jur. l. arbitrio, D. de dolo, vel etiam iudex est moderari iurjurandum, postquam iuratum est, et minuire summam, in quam iuravit, litemque aestimavit actor, ut l. sancimus, sup. de iudic. Et iudex in condemnatione omnino sequitur iurjurandum, quod ipse prætaxavit, non etiam quod ipse non prætaxavit. Ergo ex hac lege intelligitur in interdicto unde vi iurari in litem, deficientibus actori probationibus. Et ait, tempore impetus, id est, tempore impressionis factæ, aut vis apud eum. Et videtur significare Zenonem tempus tyrannidis Basilici, qui rebellavit adversus Zenonem, et occidentis imperium pervasit, et singulorum facultates. De qua tyrannide ad eundem Sebastianum Præfectum prætorio, ad quem est hæc lex scripta, est etiam intelligenda l. decernimus, sup. de Sacros. Eccles. Et ita hanc quoque l. 9. si referas ad tempus illius tyrannidis, sive civilis seditionis, ex eo etiam dices, bello civili rapta, pacatis rebus, apud aliquem agnoscantur, repeli posse, quod etiam probat l. 5. et l. ult. C. Theod. de infirmendis eis, quæ sub tyrannide facta sunt. Sventon. in Vespas. Sorte elegit recuperatores, per quos civili bello rapta restituerentur. Et similiter Cornelius Tacitus 4. Hist. Sorte ducti, per quos redhiberentur bello rapta.

Ad L. X.

Non ab re est, quemadmodum possessionis alienæ invasores, tam velus, quam præsens sacra constitutio censuit esse puniendos: ita nec conductoribus, et possessionis alienæ detentoribus impune procedere, si locatoribus forte, vel possessionem rerum suarum, quam apud alios precario modo esse concesserant, recuperare secundum leges volentibus, cum nulla sibi met cognita legibus allegatio competeret, duxerint resistendum: et non protinus, id est, non expectato iudiciorum ordine, alienam possessionem recte eam recuperantibus cedere patiantur. Eos namque iubemus pro tanta sui iniquitatis impudentia, si cognitionis iudicariæ eventu fuerint condemnati: rei, cuius possessionem sponte restitueris usque ad definitivam sententiam minime passi sunt, aestimationem victrici parti una cum ipsa re probare compelli.

Lex pen. est amplatio, sive extensio l. si quis in tantam: namque poenam ejus legis hæc lex pertrahit ad conductores, et ad eos, qui res alienas precario possident, si dominis eas recte, et suo tempore repetentibus, restituere nolint, ut scilicet condemnentur in duplum, id est, in rem ipsam, et ejus aestimationem, licet non ideo perfecte dominum interverterint possessione rerum suarum, constituentes sibi possidere, quod ante possidebant domino, ut conductores scilicet, vel precarii possessores, quia nemo sibi ipse mutare causam possessionis potest, l. cum nemo sup. de acquirend. posses. et tamen perinde atque invasores, et interversores possessionis alienæ tenentur in duplum, propter impudentiam suam, et contumaciam.

Ad L. ult.

Cum quærebatur inter Illyricianam advocatorem, quid fieri oporteret propter eos, qui vacuum possessionem absentium sine judiciali sententia detinuerunt, quia veteres leges, nec unde vi interdictum, nec quod vi aut clam vel aliam quandam actionem ad recipiendam talem possessionem deficiebant violentia in ablatam possessionem minime præcedente, nisi domino tantummodo in rem actionem exercere permittentes: nos non concedentes aliquem alienas res, vel possessiones, per suam auctoritatem usurpare, sancimus talem possessorem, ut prædonem intelligi, et generali jurisdictioe ea teneri, quæ pro restituenda possessione contra huiusmodi

supererunt ad disceptationem litigii, immutata permanent: iudicio servato justis, legitimisque absentibus personis: cum valde sufficiat possess. tenentibus absentium nomine, contra presentium violentiam subveniri.

Hic tit. pars est superioris, et proprie pertinet ad possessionem alienam, quam quis per vim, vel alio modo occupavit, abtulit, interpolavit absentis possessori, et quodammodo coheret cum *l. ult. l. sup.* hac ratione, quoniam et illa *l. ult. et const. hujus tit.* sunt de possessione occupata absente domino: sed illa de possess. vacante; hæ constitutiones de possessione, quam absens retinebat per alium, puta per servum, aut colonum, aut amicum suum, aut libertum, aut propinquum, alios autem occupavit per vim expulsis hominibus possessoris, servo, vel colono, vel liberto, vel amico, vel etiam qui eam occupavit alio modo, ut puta sub specie rescripti, aut judicati, ut in *l. 2. h. t.* *¶* Interdictum recuperande possessionis, quod in hac specie competit, tria potissimum singularia habet. Primum ut expulsis hominibus, qui absentis nomine possidebant, statim operam dato iudice interdictum detur, etiam si causæ dictio, ut ait, eis mandata non sit. Regulariter nemo agit alieno nomine sine mandato, *l. si pupilli, §. ult. de negot. gest. M. Tul. pro Roscio Comodo. Alteri nemo petere potest, nisi qui cognitor est factus.* id est, quasi procurator: sed ex causa momenti etiam sine mandato de redintegranda possessione recte agit, qui absentis nomine possidebat, ex *l. 1. h. t. et ut l. ultim. sup. tit. pro.* ab actione furti, qua tenetur etiam is qui rem alienam attrectat, quam dominus non possidet, cum id se domino non invito facere iudicare debeat, argumentatur ad actionem momenti, sive interdictum, ut etiam hoc teneatur, qui absente, et ignorante domino vacantem possessionem occupavit: ita quod ait hæc *lex 1. de actione momenti*, ut possit perturbata possessione, qui alieno nomine possidebat absente, nec mandante domino, eam intendere, sive instituere, confirmari potest exemplo actionis furti, qua ex lege Hostilis licebat sine mandato collibet experiri nomine ejus, qui erat apud hostes, vel qui Reipublicæ causa aberat, et nomine ejus, qui in tutela erat, capti ab hostibus, vel absentis reipublicæ causa, ut in *§. 1. Inst. de his, per quos agere pos.* Et hoc est primum, quod singulare est in hac causa, absentis interpellata possessione, quam per alium possidebat. Item in hac causa singulare hoc est, ut servis, qui nomine domini possidebant, et expulsi sunt, postulantibus detur interdictum momentarie possessionis, quo experiantur adversus eum, qui expulit, ut in *l. ultim. sup. qui legit. person.* et *l. 1. et 4. Cod. Theod. unde vi.* Regulariter servum causa orare fas non est, sic loquitur *l. 1. h. t.* forte respiciens ad illud Comici, servum hominem causam orare leges non sinunt: orare est agere, quod et adorare in *12. tab.* illo loco: si adorat furti, quod nec manifestum escit. Et in servis hoc est regulariter verum, ut probat *l. tutelæ §. 1. ff. de capite min. l. 3. ff. ne quis eum, qui in jus vocat. est vi exim. l. 3. §. si servus, ff. de pecul. l. ult. sup. de nox. act. l. 6. 7. sup. de judic. l. 4. sup. de obsequiis patrono præstan. Valentinianus Nov. de competitoribus, servos, inquit, nec ab initio, quasi nec personam habentes, in iudicium admitti volumus. Imo et servi preterea quoque offerendarum principi, libelli offerendi principi incapaces sunt, *l. 1. sup. de precib. Imper. offer.* Sed ab hac regula juris excipitur casus ablatis possessionis alienæ, quam dominus per servum suum possidebat: nam hoc casu servus interdictio momentarie possessionis agere potest, non etiam de proprietate, id est, secunda actione principali, quæ est de proprietate omnino desiderat justas et legitimas personas, id est, liberos homines: iudices etiam jubentur hac in re diligenter navare operam, et quasi suscipere personas absentium, ut scilicet sine ulla cunctatione possessionem interpolatam in integrum restitui jubeant atque procurent. Accurs. hoc loco alium casum adjicit, quo existimat etiam servum in iudicium civile admitti, quem sumit ex *lege ult. sup. ubi causæ fisco.* Perperam nam illa *lex ult.* non tantum loquitur de servo sed etiam de inquilino, vel colono domorum principis, quos sive agant, sive conveniantur super criminali, vel civili negotio, statuit, non alium observare iudicem, quam propositum sacri cubiculi, ad quem pertinebat præcipue cura domorum Principis, adjuncto comite domorum. Et quatenus *l.* loquitur de civili iudicio, id tantum accommodari debet ad inquilinum, vel colonum, non servum, quoniam cum servo nulla est actio civilis, nec ex contractu, nec ex delicto: quatenus autem *lex illa* loquitur de criminali negotio, id solum potest accommodari etiam ad servum, quia plerumque cum servo potest esse criminale iudicium: servos omnibus pene legibus publicorum iudiciorum reus fieri potest, *l. hos accusare, §. omnibus, ff. de accusat.* Maxime hæc legibus, quibus non adjicitur, cujus conditionis homo fecerit, veluti, ut disputat M. Tullius pro Cluentio, si in lege ita sit scriptum: *quicumque civis Rom. erit. hac lege non tenetur servus: at si ita sit scriptum, non expressa conditione hominis: Quicumque venenum malum fecerit, hominem occiderit: hac lege etiam servus tenetur: et fere omnes leges publicorum iudiciorum ita scriptæ sunt, non notata conditione ejus, qui in eam incidit. Itaque recte diciamus, omni-**

ter servum causa orare fas non est, sic loquitur *l. 1. h. t.* forte respiciens ad illud Comici, servum hominem causam orare leges non sinunt: orare est agere, quod et adorare in *12. tab.* illo loco: si adorat furti, quod nec manifestum escit. Et in servis hoc est regulariter verum, ut probat *l. tutelæ §. 1. ff. de capite min. l. 3. ff. ne quis eum, qui in jus vocat. est vi exim. l. 3. §. si servus, ff. de pecul. l. ult. sup. de nox. act. l. 6. 7. sup. de judic. l. 4. sup. de obsequiis patrono præstan. Valentinianus Nov. de competitoribus, servos, inquit, nec ab initio, quasi nec personam habentes, in iudicium admitti volumus. Imo et servi preterea quoque offerendarum principi, libelli offerendi principi incapaces sunt, *l. 1. sup. de precib. Imper. offer.* Sed ab hac regula juris excipitur casus ablatis possessionis alienæ, quam dominus per servum suum possidebat: nam hoc casu servus interdictio momentarie possessionis agere potest, non etiam de proprietate, id est, secunda actione principali, quæ est de proprietate omnino desiderat justas et legitimas personas, id est, liberos homines: iudices etiam jubentur hac in re diligenter navare operam, et quasi suscipere personas absentium, ut scilicet sine ulla cunctatione possessionem interpolatam in integrum restitui jubeant atque procurent. Accurs. hoc loco alium casum adjicit, quo existimat etiam servum in iudicium civile admitti, quem sumit ex *lege ult. sup. ubi causæ fisco.* Perperam nam illa *lex ult.* non tantum loquitur de servo sed etiam de inquilino, vel colono domorum principis, quos sive agant, sive conveniantur super criminali, vel civili negotio, statuit, non alium observare iudicem, quam propositum sacri cubiculi, ad quem pertinebat præcipue cura domorum Principis, adjuncto comite domorum. Et quatenus *l.* loquitur de civili iudicio, id tantum accommodari debet ad inquilinum, vel colonum, non servum, quoniam cum servo nulla est actio civilis, nec ex contractu, nec ex delicto: quatenus autem *lex illa* loquitur de criminali negotio, id solum potest accommodari etiam ad servum, quia plerumque cum servo potest esse criminale iudicium: servos omnibus pene legibus publicorum iudiciorum reus fieri potest, *l. hos accusare, §. omnibus, ff. de accusat.* Maxime hæc legibus, quibus non adjicitur, cujus conditionis homo fecerit, veluti, ut disputat M. Tullius pro Cluentio, si in lege ita sit scriptum: *quicumque civis Rom. erit. hac lege non tenetur servus: at si ita sit scriptum, non expressa conditione hominis: Quicumque venenum malum fecerit, hominem occiderit: hac lege etiam servus tenetur: et fere omnes leges publicorum iudiciorum ita scriptæ sunt, non notata conditione ejus, qui in eam incidit. Itaque recte diciamus, omni-**

bus pene legib. publicorum judiciarum servum fieri posse reum. Et contra servus quoque ex quibusdam legibus acensationem instituere potest adversus liberum hominem, veluti de maiestate, aut de annona, l. mulierem, in fin. cod. tit. l. famosi, ff. ad leg. Jul. maj. At civili actione nil refert, nata sit ex contractu, an ex delicto, veluti furti actione, quæ est civilis, aut vi bonorum raptorum, aut l. Aquiliæ, aut injuriarum, servus nec agere, nec conveniri potest, excepta actione momenti ex hac l. 1. cujus exemplo, quoniam et supra his consulimus actionem furti cum actione momenti, fortiter defendi potest, re domini absentis furto sublata servum furti agere posse, servum furti agentem a iudice non pati repulsam. Tertium, quod est singulare in specie hujus legis, hoc est: ut ex hac causa, interversa scilicet possessionis absentis, non vacantis, interdictum recuperandæ possessionis, sive actio momenti perpetuo competat, quod idem et in possessione vacante domino statuit lex ult. tit. sup. Ergo etiam domino reverso, si interim, qui expulsus fuit possessione, in qua erat nomine absentis, interdicto non egerint, etiam post annum hoc interdictum datur. Sic videmus magis subveniri absentis, cujus possessio interversa, vel occupata est, nimirum dato momento perpetuo, quam presenti, cui datur tantum annuale momentum, sive interdictum pro redintegranda possessione. Et hanc rationem (ut opinor) Cassiodorus, qui fuit magnus Jurisconsultus, et questor principis, ait *T. variar. in formul. præfecti vigil. vigilibus momenti tempora dilatata esse*, id est, non esse concretata anno utili, quia scilicet vigiles, etiamsi in urbe præsentis sint, vice absentium habentur, l. si maritus 2. §. legis, ff. ad leg. Jul. de adult. Et hoc est, quod ait l. 4. C. Theod. unde vi, ex hac causa, de qua agimus, et absentibus, et in militia constitutis subveniri. Vigiles autem constat esse milites.

Ad L. II.

Nec imperiale responsum, quod supplicatio litigatoris obtinuit, nec interlocutio cognitoris ex quacunque parte innovare possessionis statum, eo, qui rem tenet, absente: permittit, quia negotiorum merita, partium adsertione panduntur.

Lex 2. docet, nec sub specie sola rescripti, aut interlocutionis iudicis absentis possessionem esse perturbandam, quia, inquit eleganter, quod in proverbium cecidit, *causarum merita partium adsertione panduntur*, id est quia conveniri prius, et audiri possessorem oportet ex ordine juris, e stato condicitoque die adversus eum disceptari de causæ meritis, præsentis utraque parte, non temere sta-

tim transferri possessionem, sed haberi statim pro jure translata possessionem, quam quis arripuit, inconvengo adversario, nixus solo rescripto principis, aut præcepto iudicis quo forte iubetur possessionem eam sibi vindicare: nam hæc verba, *principis, aut iudicis*, non intelliguntur abolere ordinem juris. Et hæc l. 2. est coniungenda cum l. pen. sup. de acquir. possess. Quæ ait, *vitium hujus possessionis, acceptæ scilicet non convengo adversario, etiam heredem ejus sequi, qui rescripto abusus est, etiam si heres ejus bona fide possideat, ignarus vitiosi initii possessionis*, quia heres est successor jurium omnium defuncti, id est virtutum, et vitiorum; commodorum, et incommodorum omnium, ideoque eam rem non poterit usucapere, si defunctus eam vi occupaverit, et retinebitur heres ejus, ad quem hæc possessio pervenit per defunctum, interdicto momentariæ possessionis, ut in l. ult. huj. tituli.

JACOBI CUJACII. J. C.

In Lib. VIII. Codicis.

RECITATIONES SOLEMNES.

Ad Tit. VI. Uti possidetis.

Ad L. Unic.

Uti possidetis fundum, de quo agitur, cum ab altero nec vi, nec clam, nec precario possidetis, rector provincie vim fieri prohibebit: ac satisfactionis vel transferendæ possessionis edicti perpetui forma servata, de proprietate cognoscel.

Constitutionis hujus tituli duas facio partes, quarum secunda est de iudicio petitorio, id est, de causa proprietatis. Prima pars est de iudicio possessorio, id est, de interdicto retinendæ possessionis quod vulgo appellatur *uti possidetis*, a primis verbis interdicti, quæ constitutio hujus tituli proponit statim ab initio, et in idiotismo appellatur *complainte en cas de saisine, et de nouvelle, ou plainte de Haro*: et est in usu frequentissimum interdictum, quod de omni re, omnique jure competit, et sacro et profano, et est (ut dixi) interdictum retinendæ possessionis, quia prætor eo vetat vim fieri ei, qui possidet: pertinet autem hoc interdictum ad res immobiles. Aliud est interdictum retinendæ possessionis rerum mobilium, quod etiam a primis verbis appellatur *utrubi*, de quo

omnino est intelligenda *l. si coloni, inf. de agricol. et cens. lib. 11.* quoniam ea *l. in Codice Theodos.* ponitur sub *tit. utrobi.* Ergo, quæ in ea lege appellatur *ceteris reformatio possessionis*, quod est momentum, est interdictum utrobi. Et inter ea interdicta uti possidetis, et utrobi idem hoc fuit differentia: interdicto uti possidetis vincebat, qui tempore redditi interdicti, nec vi, nec clam, nec precario ab adversario possidebat: nam qui possessionem habet ab adversario vi, aut clam, aut qui eam ab adversario precario accepit, nunquam in causa possessionis vincit, quia manifestum est vitium possessionis. Itaque adversus illum a quo habet possessionem malo more, id est, vi aut clam, aut precario, ea possessio nihil ei proficere potest: non potest retinere ab eo adversus illum: nam adversus alium, a quo non habeo possessionem possessio mihi proficit, etsi eam adeptus sum cum vitio. At (ut dixi) interdicto uti possidetis vincit is, qui tempore redditi interdicti, nec vi, nec clam, nec precario ab adversario possidebat: nam hæc verba interdicti, *uti possidetis* referuntur ad præsens tempus, id est, quo redditur interdictum, *l. 1. § interdictorum, ff. de interdict.* quæ talia esse prodidit Ælius Gallus JG. apud Festum, *uti nunc possidetis*: et in *l. 3. §. Labeo, ff. uti possid. Scilicet nunc possidetis.* Articulus (*nunc*) præsens tempus significat. Denique interdictum uti possidetis concipitur in præsens tempus, et in eo præsentis temporis possessio spectatur. Interdicto autem utrobi vincebat is, qui majore parte anni retrorsum numerati, ut ait Paulus *§. Sentent. tit. de interdict.* *ἡς τ' οὐκ ἔστιν ἀνὰ μέρη, ut ait Theophilus eod. tit.* qui, inquam majore parte anni retrorsum numerati, non præsum, nec vi, nec clam, nec precario ab adversario possederat, *l. 1. ff. utrobi.* Et ideo ad interdictum utrobi omnino referri debet *lex majore, ff. de verb. signif.* postea vero sublata est illa differentia, cæpitque utroque interdicto vincere, non qui tempore redditi interdicti, non qui majore parte anni, sed qui tempore litis contestatæ ex causa interdicti nec vi, nec clam, nec precario ab adversario possidebat, *§ hodie tamen, Instit. de interdict. l. 1. ff. utrobi.* Ait: *Qui possidebat ea tempore, quo super hoc, id est, possessione ab adversario inquietabatur.* Quæ verba sunt Triboniani, et significant tempus litis contestatæ. Ex quo apparet verum esse, quod fertur in foro, *qu' en defendant par contraire possession l'un trouble*, id est eum, eum quo actor litem contestatur ex causa interdicti ad retinendam possessionem, si rem defendat, inquietare actorem, eundemque possessorem victori, nimirum quia facit litem possessionis, qui iudicium de possessione accipit, nec cedit actori. Hodie vero

longo alio jure utimur, quam quod exposuimus: nam hoc vel illo interdicto, uti possidetis, vel utrobi, neque vincit is, qui tempore redditi interdicti, nec is, qui tempore litis contestatæ, nec is, qui majore parte anni, sed is, qui toto superiore anno, ipse actorve ejus, nec vi, nec clam, nec precario ab adversario possedit: et ne vis fiat, res plerumque sequestro deponi solet, quam tamen sequestrationem recte recusat is, qui toto superiore anno recte possedit. Et hoc est, quod dicimus, *que celui là a raison d'entretenir complainte en cas de saisine, et nouvelle, qui est possesseur d'un et jour, contre celui qui le trouble et empêche en sa possession, concluant à ce qu'il soit maintenu et gardé en sa dite possession, laquelle son adversaire lui trouble indormement, et de nouveau, et en cas de débat s'il pense qu'il n'en puisse jouir paisiblement, concluant que le bien soit saisi, et sequestré.* Quod inferius genus sequestrationis esse ex jure civili comprobabimus. Sed ad hæc prius notandum hæc in re, quomodo distet actio ab interdicto: nam possessori, cui datur interdictum uti possidetis, vel utrobi, possessori, inquam, rei corporalis, ultro nulla datur actio, neque qua dominum vindicet, quia sufficit ei possessio, et rei vindicatio non comparatur sine dispendio possessionis, *l. 1. §. interdictum autem, ff. uti possidet.* neque qua vindicet possessionem ejus rei, quia jure civili nulla est prodita vindicatio possessionis. Ælius Gallus apud Festum (ut memini me recte emendare) *possessio, inquit, non est res de rebus, quæ tangi possunt: neque qui dicit se possidere is, hanc ego rem, potest dicere* (quod est initium formulæ vindicationis) *Itaque, inquit, in legitimis actionibus, nemo ex jure Quiritum possessionem suam vocare audeat, sed ad interdictum venit, ut prætor his verbis utatur, uti nunc possidetis.* Et sententia Galli hæc est, possessionem esse rem incorporealem, quæ solo intellectu percipitur, et abstrahitur, non sub sensu cadit nostris. Et quia formula vindicationis hæc est: *hanc ego rem ex jure Quiritum meam esse ajo*, non convenit possessioni: nam hoc provocabulum (*hanc*) est demonstrativum, et possessio, cum sit res incorporalis, demonstrari non potest: itaque nemo ex jure Quiritum lege agendo possessionem suam vocat, id est, nemo vindicat, sicut Cornificius ad Herennium: *suam hereditatem vocat lege agnat omis*, id est, vindicat hereditatem, tanquam agnatus, sed is, qui dicit se possidere, agit interdicto uti possidetis, vel utrobi, eoque magis se, quam adversarium possidere affirmat, et postulat, ut se potius prætor tutetur, ne amittat possessionem: et quod dicitur in *l. 3. §. sed et usufruct. §. si mecum, et §. Pomponius, ff. ad exhib. interdictum dari actionem ad exhibendum, quod*

glosse non intelligunt : non potest referri ad aliud interdictum, quam ad interdictum utrobi : nam interdictum uti possidetis, non pertinet ad res mobiles, de quibus est tantum actio ad exhibendum. Et aliis interdictis non dicimus nos possidere, nimirum, quia omnia alia interdicta non possessori dantur; proinde non vindicatur, aut quasi vindicatur aliis interdictis possessio; et actio ad exhibendum competit tantum vindicatur, aut quasi vindicatur : non igitur interdictum, nisi interdictum utrobi, videlicet si in presenti non possideat : sed possiderit majore parte anni, vel ut hodie utimur, toto superiore anno. Et de prima parte hujus constitutionis hactenus. Secunda pars, quæ incipit ab his verbis, *ac satisfactionis*, est de causa proprietatis, in qua, ut statim videbitur, et perspicue exponem sententiam hujus partis, quam communes interpp. non assequuntur : et qui magna cum laude tenuit has scholas Franciscus, longe ab ea recessit nec in Accursio habeo, quod probem, præter hæc verba, *forma servata*, inquit, *satisfacendo, vel de transferenda possessione* : sententia hæc est, ut qui est reus in judicio petitorio, id est, qui vicit interdicto uti possidetis, in illo judicio petitorio satisfacet actori de re conservanda, et restituenda, si vincatur in judicio petitorio : aut eo non satisfaciente, et actore offerente satisfactionem, ut possessio transferatur in actorem, et ille ex reo fiat actor, et fungatur oner petitoris, solusque probandæ causæ proprietatis oneri subjiciatur, quod fit sæpe, ut quis veluti pœne causa ex reo fiat actor, possessione ab eo translata in petito rem, atque ita petitor factus reo, commutatisque personis, ut in *l. edificatum, de dam. inf. et l. si priusquam de novi oper. nunt.* Neutro autem satisfaciente, quid fiet ? Sane possessor, qui interdicto vicit, tanquam in pari causa erit potior, aut sane ea res arbitrio judicis sequestro deponetur neutro satisfaciente. Et hæc est ordo edicti perpetui, et firma, de qua hæc lex loquitur, quæ servatur et in multis aliis casibus; ut in petitione hereditatis is, a quo petitur hereditas, id est, possessio hereditatis, satisfacere debet actori de servanda re, et restituenda si vicerit : aut eo non satisfaciente, possessio transferatur in petito rem satisfacentem. Neutro autem satisfaciente, possessor potior habetur, aut bona sequestrantur, *l. de bonis, §. ult. ff. de Carbon. edic. et Paulus 1. Sentent. tit. de satisf. Idem ordo servatur in hac specie : filius emancipatus præteritus, si petat bonorum possessionem contra tabulas, suo, id est, filio defuncti, qui non fuit emancipatus satisfacere debet, *se bona propria collaturum in commune, quod ille rapportera ce qui lui est propre*. Si non satisfaciat, possessio portionis contingentis filio emancipato transferatur in suum satisfacentem de ea restituenda emancipato,*

cum emancipatus reipsa bona propria contulerit. Neutro satisfaciente, portio emancipati sequestratur. Et hæc est sententia *l. 1. §. si frater, et l. 2. §. ult. ff. de collat. bon.* Postremo idem etiam ordo juris servatur in hac specie : hæres condemnatus fideicommissario, appellavit, debet satisfacere fideicommissario nomine fideicommissi, vel si non satisfaciat, transferenda est possessio rei per fideicommissum relictæ in fideicommissarium satisfacentem : neutro autem satisfaciente, res per fideicommissum relicta sequestratur, *l. postquam, §. Imper. D. ut legat. nom. cav.* Et hunc ordinem etiam Imperator in secunda parte hujus legis finito judicio possessorio de retinenda possessione, vult servari in judicio petitorio, ut qui vicit interdicto satisfaciat, aut in satisfacentem actorem transferat possessionem.

JACOBI CUJACII J. C.

In Lib. VIII. Codicis

RECITATIONES SOLEMNES.

Ad Tit. VII. De tabulis exhibendis.

Ad L. Unicam.

Si in potestate patri fuerunt impuberes filii, et vos eis estis substituti, atque ita ad vos intra pubertatem illis decedentibus cæpit hereditas pertinere: de exhibendis testamenti tabulis interdicto uti potestis.

Interdicta, quæ sunt proposita superius, vel restitutoria sunt, ut quorum bonorum, quod legatorum, unde vi : vel prohibitoria, ut interdictum uti possidetis. Sequuntur postea interdicta exhibitoria, quæ licet figura verborum sint exhibitoria, vi tamen ipsa tamen divixit restitutoria sunt : nam ut in actione exhibitoria verbum (*exhibere*) restituendi vim, effectumque in se continet, *l. Julianus, §. quantum, ff. ad exhibend.* sic et in interdictis exhibitoriis, ut actori scilicet restituatur, quod exhiberi desiderat, *l. 1. §. in hoc interdicto, illo loco, sed omnino restituendum, ff. de liber. exhib. et in l. pacto 26. sup. de pactis, de chirographis exhibendis, id est, restituendis, et l. ult. sup. de edil. act. servum exhibere, id est, restituere.* Et hic si quæras, quid actio exhibitoria, quæ et ad exhibendum appellatur, distet ab interdicto exhibitorio : dicam hoc tantum, quod actione exhibitoria petatur res, quæ nostræ sunt,

l. 3. §. si ipse, D. de tab. exhib. et quas nos nostras esse dicturi, id est, vindicaturi sumus: *interdicto* autem exhibitorio petantur res, quæ nostræ non sunt, ut tabule testamenti, in quibus nobis aliquid relictum est, quæ non sunt singulorum, sed universorum, quibus quid illic adscriptum est, *l. 2. in princ. D. quemad. testam. aper.* nec eas postquam exhibite fuerint vindicaturi sumus, vel etiam petantur *interdicto exhibitorio* liberi homines, qui nullius dominio subjecti sunt, nec vindicari possunt, aut peti actione ad exhibendum, *l. si liber, D. ad exhib.* vel etiam petantur liberi nostri, id est, filii, vel nepotes, quos in potestate habemus, qui neque nostri, id est, in dominio nostro non sunt. (Aliud enim est dominium, longe aliud potestas) nec a nobis vindicari possunt, *l. 2. §. 1. ff. de rei vindic.* Et ex his quidem *interdictis exhibitoriis*, primum hac lege proponitur *interdictum de exhibendis*, sive proferendis tabulis testamenti, quod et momenti beneficium vocat Anianus *l. 1. C. Theod. victum civil. criminal. ag. non posse*, et competit primis hæredibus, vel etiam secundis, existente casu substitutionis, ut in specie legis positæ sub hoc titulo, vel legatariis, aut fideicommissariis, quorum interest tabulas testamenti inspicere, et describere: et generaliter omnibus, quibus quid in eis adscriptum est, *l. 3. §. solent, D. de tabul. exhibend.* Et rursus competit hoc *interdictum* adversus eum, penes quem sunt tabulæ, si negat eas se exhibere posse, vel oportere, *l. 1. §. 1. cod.* Nam si non negat, hoc *interdicto* frustra convenietur, sed extrajudicem compellendus est eas exhibere *l. 2. §. ult. D. quemad. testam. aper.* Dixi, hoc *interdictum* dari hæredibus, quibus tamen etiam vindicatio tabularum competit, et actio ad exhibendum, *l. 3. cod.* Sed hoc ita distinguere volo, ut competat hæredibus vindicatio tabularum tanquam suarum: nam tabularum testamenti, quis justius sibi adserat dominium, quam heres? Et ob id ad exhibendum quoque actio, ut hæredibus competat: hoc vero *interdictum de tabulis exhibendis*, ut hæredibus detur, non tanquam de instrumento proprio suo, sed tanquam de instrumento publico, quod non est solius hæredis, sed universorum, quibus quid testamento adscriptum est, ut ait *l. 2. in pr. cod.* Ceteris autem extra hæredes, quibus legatum, aut fideicommissum relictum est, hoc tantum *interdictum* competit de tabulis exhibendis, non vindicatio tabularum, non actio ad exhib. *l. 3. §. si quis extra, D. ad exhib.* Et ex his facile cognosces, quemadmodum sit separanda actio exhibitoris ab *interdicto exhibitorio*.

Tom. IX.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. VIII. De liberis exhibendis, seu de ducendis, et de libero homine exhibendo.

Sequuntur in hoc titulo alia duo *interdicta exhibitoria*, et unum *prohibitorium*, quod est *de ducentis liberis*. Primum autem *interdictum exhibitorium* est *de liberis exhibendis*, quod competit parentibus, qui eos in potestate habent, adversus eum, apud quem sunt non sua sponte. Dico, qui *liberos in potestate habent*, quæ quasi proprietatis questio est, et in hoc *interdicto* vertitur, ut docui *sup. tit. 1. h. libri*. Dixi, *adversus eum, apud quem sunt*, quoniam hæc sunt verba prætoris, qui tamen in superiore *interdicto de tabul. exhibendis* maluit dicere, *penes quem tabulæ testamenti sunt*. Et ratio hæc est, quia liberi homines apud nos esse possunt, non etiam penes nos, tabulæ etiam penes nos, quo pertinet, *l. penes, de verb. signif.* Apud significat personam, et locum: *penes*, personam, et dominium, aut possessionem. Eleganter Seneca in epistol. *quicquid est, cui dominus in verbis, apud te est, tuum non est*. Ergo *interdictum de tabulis exhibendis* datur adversus eum, *penes quem sunt*, id est, qui earum dominium, vel possessionem habet. *Interdictum autem de liberis exhibendis*, adversus eum, *apud quem sunt*, id est, qui quoquo modo retinet, sive domini, sive possessionis jure: quia et liberi hominis dominium, aut possessio non est adversus liberos ipsos, qui sunt in potestate nostra, et apud se, non apud alios, non datur *interdictum de liberis exhibendis*, quo simul queratur in potestate sint, nec ne: et hoc ostenditur in *l. 3. §. hoc autem, et §. seq. D. de liber. exhib.* et utique adversus liberos ipsos non datur principiter, et unice. Sed si principaliter agatur de hereditate, quam contradicens filio jure potestatis pater sibi per filium quesitam dicat, in hæc questionem recte cecidit, vel incidit *interdictum de filio ducendo*, ut *l. pen. D. de lib. exhib. et l. 1. hoc tit.* et utriusque questionis idem erit disceptator, et iudex. Porro post *interdictum de liberis exhibendis* subsequitur *interdictum de liberis exhibitis ducendis*, quod est *prohibitorium*, id est, vetat vim fieri ducenti liberos suos. Et de eo accipio *l. 1. hoc tit. ex d. l. pen.* Et in Rubrica hic lego *divisim, seu de ducendis*, quia in *interdicto prætor ducendi, non deducendi* verbo uti-

tur, et nobis non licet mutare verba legum, aut interdictorum: quin et si vel tantillum mutaverimus, deteriora facerimus. *Deducere*, est prosequi ducen-tem, *ducere*, perire deducenti. Secundum autem interdictum exhibitorium, quod in hoc titulo proponitur, est de libero homine exhibendo, quod patri datur de exhibendo filio emancipato, matri etiam de exhibendo filio, vel filia, ut in *l. 2. h. t.* quæ est scripta ad matrem, et marito plerumque adversus socerum de exhibendo, ad ducenda uxore, ut *l. 2. ff. de liber. exhibend.* et *l. 3. hoc tit.* quæ est scripta ad Exodium maritum, quod animadvertendum est. Et generaliter hoc interdictum datur cuilibet extraneo studioso tuendæ libertatis, si quis liber homo dolo malo ab alio retineatur, ut patri de filio emancipato, vel matri, quem alius retinet dolo malo. Est igitur quasi publicum interdictum, quia patet omnibus, *l. 3. §. hoc interdict.* *ff. de liber. hom. exhib.* Quod ita verum est, si ut Ulpian. ait in *d. l. 3. §. plane si dubitat*, si is, qui exhiberi desideratur, pro certo liber sit: sic loquitur Ulpianus, ut Sallust. *pro certo constat*. Nam si queratur de statu, si controversetur de statu hominis, puta liber sit, an servus, sicut interdicto de tab. vel liber. exhib. non oportet præjudicium fieri questioni hæreditatis, *l. ult. D. de tabul. exhib. l. pen. D. de lib. exhib.* secundum regulam legis per minorem, *D. de judic.* Et ut Quintilianus ait declam. 319. *de vita cogitari, de majori re prius queri oportere*. Ita Ulpianus in *d. §. plane si dubitatur*, ait: *interdicto de libero homine exhibendo, cum de statu queritur, non oportere præjudicium fieri alienæ cognitioni*. Et satis apparet eum vocare alienam cognitionem, cognitionem de statu hominis, sive cognitionem de liberali causa: quamobrem semper existimavi eo loc. illud *Alienæ*, esse proprium nomen legis de cognitione liberalis causæ. Nam et auctores limitum mentionem faciunt legis Alienæ, et apud Dionem in Vespasiano mentio fit *Alieni Vespasiano amicissimi*. Et in M. Tullii Divin. illo loco, deinde, ut opinor, habet *Alienum, Cæcilius scilicet*. Asconius Pedianus, quosdam alienum velle intelligi proprium nomen esse, quod est verissimum: quosdam non esse proprium nomen, sed significari alienum, id est, alterius iudicii, non ex auditorio prætoris hominem, quod nemo ullus unquam probavit, sicut nec nos in *d. §. plane si dub.* ut alienæ sit alteri cognitioni nec enim alteri cognitioni per alienam unquam simpliciter volatur præjudicium fieri sed per minorem tantum majori, veluti de hæreditate, de statu, de capite, de causa fiscali. Neque vero cum eo, quod ait ille *§. plane si dubitat* (si de statu agatur, cessare interdictum

de libero homine exhibendo) quicquam pugnat *§. exhib. Instit. de interd.* qui prætorem ait, per interdictum jubere exhiberi eum, cujus de libertate agitur: quoniam hoc sic intelligi potest, cujus de libertate tuenda agitur, ne invito ab alio retineatur, quem pro certo constat esse liberum, nec negat, qui retinet, quia non facit ei controversiam status, vel etiam illa ejus *§. verba*, ut Throphilus, accipias de controversia status, quam facit is qui tenet eum, quem in libertatem vindicare volo. hic erit sensus minime contrarius *§. plane si dubitat*, ut hujus iudicii de liberali causa præparandi gratia absque præjudicio possim desiderare eum hominem exhiberi, vel actione ad exhibendum, ut probat *l. de eo. D. ad exhib. vel hoc interdicto*.

Finem huic operæ dabit questio hæc, *cur creditori non detur interdictum de exhibendo debitor, qui latitat apud aliquem, illo conscio?* Nam creditori denegatur hoc interdictum, *ex l. ult. §. ult. ff. de lib. hom. exhib.* Et vera ratio, ut opinor, hæc est, quia creditori adversus debitorem latitantem alia suppetunt remedia ex edicto prætoris, puta ut mittatur in possessionem bonorum debitoris latantis, quo nihil potest esse gravior, et quia creditoris pecuniariter interest, id est, agitur de ære ejus. At interdictum de libero homine exhibendo non datur ei, cujus pecuniariter interest, *l. si liber. ff. ad exhiben.* datur cuilibet fautori libertatis civium, etiamsi quod homo liber ab alio retineatur, propterea nihil ei absit, atque adeo nihil ejus intersit, quod ad rem familiarem attinet non retineri eum hominem tanquam suum, quia non multum a servis distant, qui invito retinentur. Denique hoc interdictum de libero homine exhibendo non joris sui, aut rei familiaris, vel pecuniæ tuendæ, sed officii tantum causa datur, *pour faire plaisir*, ut ait *l. 2. §. offeri, ff. de interd.* non datur, quod pecuniariter intersit, sed quod hominis cujusque intersit, hominem beneficio affici, et minus officia committere inter homines; *l. servus, ff. de servis export.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. IX. De precario, et salviano interdicta.

In hoc titulo proponuntur duo interdicta restitutoria, Precarium, et Salvianum, Precarium est de re precario concessa restituenda ei, qui concessit. Precarium autem, licet sit gratuitum, sicut donatio, et commodatum, non tamen idem

est omnino, quod donatio, quoniam donatio non revocatur, precarium revocatur. Eademque ratio non est idem, quod que *precarie* dicuntur in iure Canonico, quæ non revocantur, c. ult. ex de prec. Nec est etiam idem, quod commodatum: nam commodatum revocari importune non potest: nec recte agis commodati, nisi tempore agas, ut si equum tibi commodavi, ut Romam ires, antequam eo Romam vectus fueris, eum tibi auferre non possum. At precarium quandoque revocari potest, etiam importune et intempestive: atque etiamsi concessum sit ad certum tempus, revocari ante illud tempus potest, l. cum precario, ff. eod. quoniam totum hoc, quod precario rogatur concediturque, descendit ex liberalitate, et bona voluntia, seu libidine ejus, qui precario concessit, l. quæsitum, §. eum quoque eod. Itaque ex penitentia precarii repetitio est, sicut donati mortis causa, vel donati ob rem, alioquin non esset precarium, sed commodatum, a quo non licet penitere, a precario licet penitere, etiam statim. Et recte Decius in l. in omnibus obligation. et l. contractus, de regul. jur. reprehendit Pannonitanum, qui in d. cap. ult. de precar. scribit, precarium ex penitentia illico revocari non posse, id est, statim atque concessum est, hoc est falsum et alienum a natura precarii, quæ liberalitate nulla est imbecillior, aut inconstantior. Revocatur autem precarium interdicto, quod precarium dicitur, quod tenetur etiam heres ejus, qui precario rogavit, et accepit, l. 2. h. tit. d. l. quæsitum, §. ult. Neque huic sententiæ obstat l. cum precario, §. ult. ff. eod. tit. vel l. cum heres, ff. de divers. et temp. præscr. quæ negant heredem ejus, qui precario rogavit, teneri interdicto precario: nam brevis distinctio rem expediet in hunc modum: heres ejus tenetur interdicto precario ex persona defuncti, ex sua persona, puta si in possessione permaneat, non tenetur interdicto precario, quia nullas ipse processus adhibuit, et precarium finitur morte ejus, qui precario rogavit, d. l. cum precario, §. ult. atque etiam morte ejus, qui precario concessit, l. certe, in pr. ff. eod. tit. Sed heres precarii possessoris, si post mortem ejus in possessione permaneat, tenetur interdicto de clandestina possessione: quoviam (ut ait eleganter Paulus l. Sentent. tit. de interd.) non precario, sed clam possidere videtur. Commodatum autem morte finiri commodatarii vel commodantis non invenies, imo heredem commodatarii ex sua persona, et ex suo facto teneri actione commodati l. pen. sup. de commod. l. in commodato, §. si ex facto, ff. eod. Et præterea ex commodato nascitur ultro citroque actio civilis, commodati, directa, et contraria, d. l. in commodato, §. sicut. Et precario autem nulla nascitur civilis

actio, ut patet ex l. eum qui §. is qui precario, ff. de furt. l. interdict. ff. de prec. Hæc ratio, quoniam precarium magis accedit ad donationem, quam non est contractus, nec obligationem constituit, quam ad commodatum, vel alium contractum: accedit ad utrumque, ideoque modo donatio, sive liberalitas, modo contractus dicitur in iure nostro, sed magis est donatio, revocabilis scilicet, non irrevocabilis, non directa non simplex. Itaque deficiente civili ex precarii causa, et nulla interveniente stipulatione de re restituenda precario concessa, ex qua nascitur ex stipulatu actio civilis, necessariam fuit dari interdictum de precario, quod tamen non datur ultro citroque, id est, inutuo: sed ei soli, qui precario concessit: existente actione civili, veluti ex stipulatu, quæ sibi caverit is qui precario dedit, non est necessarium interdictum precarium, l. et habet, §. cum quis, ff. de prec. Neque huic sententiæ obstat l. 2. §. pen. vel l. duo, §. ult. eod. quæ de interdicto etiam dant actionem præscriptis verbis, quam concele esse civilem. Et his legibus ita respondeo: initio iure civili nullam fuisse actionem præditam de precario, propterea quod est magis simile donationi: sed postea ex constitutionibus cepit etiam de precario dari civilis actio præscriptis verbis, hoc colore, quia nil aliquid est simile commodato, et civilis actio præscriptis verbis datur ex omnibus negotiis (quod notandum) quæ civilibus negotiis in civitate nimirum receptis, et usitatibus et proprium nomen habentibus adsimilia sunt, ut ex permutatione, quæ est similis emptioni, et quando res æstimata vendenda datur, quod negotium est etiam simile emptioni, et ex negotio do ut facias, quod simile locationi, et ex negotio facio ut facias, quod est simile mandato: quas similitudines non abs re notat semper, et observat, ut nos eodem exemplo observemus eas, ex eisque ducamus rationem dande civilis actionis præscriptis verbis, l. naturalis, ff. de præscript. verb. quoniam hæc actio non datur ex negotiis, quæ civilibus negotiis proprium nomen habentibus minime adsimilia sunt, ut non datur ex negotio facio ut des, quoniam nulli negotio civili nomine prædito negotium illud adsimilari potest: et datur tamen actio civilis præscriptis verbis ex negotio, de quo in l. si gratuitam infirio, ff. de præscript. verb. agitur, eadem ratione, quia constitutiones eam actionem dedisse diximus, ex precario nimirum, quoniam simile est commodato. Et species legis si gratuitam, quæ maxime pertinet ad hanc rem hæc est: si tibi gratuitam habitationem dederis, quod negotium Vivianus Jurisconsultus dixeret esse commodatum, et ex eo dari commodari actionem, ut refert d. l. atque etiam l. 1. §. 1. ff. commod. Alii dicebant esse donationem, aut precarium nam sicut precarium, ut

ante dixi, ita etiam gratuita habitationis concessio finitur morte ejus, qui concessit, et ejus, cui concessa est, *l. pen. ff. de cap. minut. l. Lucius, ff. de donat.* Itaque in re controversa dubitationis tollendæ gratia, *l. si gratuitam, ait, ex ea causa, neque dandam esse actionem commodati, ut Vivianus voluit, neque interdictum de precario, ut l. et habet, §. 1. ff. de prec.* Sed tanquam ex proprio quodam, et novo negotio, simili tamen commodato, actionem præscriptis verbis. Et quod dixi ex constitutionibus, non jure civili proditam esse de precario civilem actionem præscriptis verbis, ut huc dicerem movit me *l. 2. ff. de precar.* quæ ait, *illam actionem præscriptis verbis de precario ex bona fide oriri*: quibus verbis, ne cavillemur, proculdubio significatur, eam actionem esse bonæ fidei actionem, ut in *l. pen. sup. depos.* iisdem verbis idem significatur. Et palam id quoque edicunt Basilica ad *leg. 2. in quibus* ita est *exude, etc.* id est, *habet etiam, qui precario dedit, actionem præscriptis verbis, quæ est bonæ fidei.* Constitutum autem est actiones facere bonæ fidei, ut constitutio Justiniani defluivit petitionem hereditatis esse bonæ fidei, constitutio Justiniani actionem ex stipulato de dote fecit bonæ fidei actionem. Ergo tres sunt actiones præscriptis verbis, quæ sunt bonæ fidei, ceteræ strictæ. Quæ competit ex permutatione, et quæ de ratinato proponitur, ut est scriptum in *§. actionum, Institut. de actionib.* et tertia, quæ de precario competit. Sed non additur hæc tertia in *§. actionum*, quia minus frequentabatur, ut infrequens ejus mentio in titulo de precario indicat, cum totus sit de interdicto, duo tantum loci de ista actione. Denique de precario agebatur interdicto jure ordinario, jure veteri, vel iuxta interdicti actione utili extra ordinem, non ex constitutionibus actione præscriptis verbis: quia et revera magis spectare debemus cui rei precarium sit similis et similis est donationi, ex qua non est civilis actio, quam commodato. His addam etiam aliud discrimen commodati a precario, quod usus introduxit, et opinio Doctorum tradit. Si rem meam, quam tibi per epistolam donavi, constituam me a te precario possidere ea res a me tibi tradita intelligitur. Et hoc jure utimur. *Constitutione de precario vult de herance, argum. leg. quisquis, inf. de donat.* At si constituam eam rem habere, tanquam mihi a te commodatam, non utimur eo jure, ut intelligatur a me tibi tradita esse. Et tamen eadem intervenit ratio in commodato, quæ in precario, quoniam utroque genere ego desino mihi possidere, et incipio possidere tibi. Nec alia ratio differentie occurrit, quam quod *d. l. quisquis*, quæ retentio nem ususfructus pro traditione habet in donatione,

quæ tamen ipso jure non perficitur, nisi traditione naturali, seu corporali, vel mancipatione, vel cessione in jure, *l. 43. C. Theod. de donat.* quod, inquam, *l. illa quisquis* non sit tenere porrigenda ad alios similes casus: nam illud non semper obtinuit, ut retentio ususfructus haberetur pro traditione, ut ostendit *l. 8. Cod. Theod. eod. tit.* Et quod porrecta est ad constitutionem precarii, ad precarium possessionem, hoc usus induxit, et opinio hominum, quæ non est ausa idem trahere ad ullum alium casum. Et hoc in donationibus tantum: nam in venditionibus, vel permutationibus, vel similibus contractibus indistincte verum est, non tantum retentionem ususfructus, sed et retentionem rei, tanquam commodate, vel depositæ, vel locatæ, vel precario concessæ, pro traditione esse, *l. quod meo, ff. de acquir. poss. l. quedam mulier, ff. de rei vind.* Denique in donatione, vel dote: nam et dote inter donationes numeratur, *l. ult. §. 1. sup. de donat. ante nupt.* in donatione, inquam, et dote, ut ait *d. l. quisquis*, non quælibet ficta traditio sufficit perficundæ donationi: sed retentio ususfructus tantum, quæ propius imitatur corporalem traditionem rei donatæ. At in alio contractu quælibet ficta traditio sufficit. Strictius semper acceptæ sunt donationes, quæ etiam plerumque sunt imprudenter et dissolute: ut non inascite Doctores nostri dixerint, *titulos de donation. et fidejussoribus*, esse satutorum hominum. Nam et donationes insinuationem exigunt apud acta, quod alia negotia non exigebant. Et fuit certus donandi modus ex lege Cincia, et non potuerunt donari omnia bona generaliter, imo nec portio honorum, veluti tertia, aut quarta generaliter, sed singule res nominandæ erant, quod est prudenter constitutum in *l. 1. et 2. C. Gregor. de donat.* Nam et plerumque, qui uno verbo dicit: *Dono illi omnia bona mea*, vel, *dono partem tertiam bonorum meorum*, est stultus et imperitus rerum suarum, et si forte rogetur, quæ bona habeat, nesciet expedire: denique nescit, quanti sint ponderis illa verba paucula, *Dono omnia bona*, vel *dono tertiam partem bonorum meorum*. Itaque sermone illo nihil agitur, nisi singule res nominatione exprimantur. Et præterea donatio non perficiebatur quolibet modo, sed traditione corporali, aut mancipatione solemnī, quæ fiebat certis verbis in jure, libripande, et quinque testibus presentibus, vel cessione in jure, quæ erant traditiones civiles et legitime. Et tandem placuit post aliquot controversias, ut perficeretur donatio, etsi donator retineret sibi ususfructum rerum donatarum, et ut retentio ususfructus cederet in vicem traditionis naturalis, neque alius fuit modus perficiendæ donationis ante Justinianum, qui sicut

emptionem, etiam donationem voluit perfici nudo consensu, impleri traditione: sicut emptio perficitur nudo consensu, impletur rei traditione, et enumeratione pretii: nuptiae perficiuntur solo consensu, implentur concubitu. Alterum interdictum restitutorium, quod proponitur hoc tit. *Salvianum* appellatur a Salvio Juliano forte auctore ejus, quod quid sit, breviter perstringam. Interdictum *Salvianum* est, quod locatori competit ad persequendam possessionem rerum conductoris pignori obligatarum tacite, vel specialiter, pro pensione praedii, pour le louage de la ferme. Est etiam quoddam quasi *Salvianum* interdictum, quod cuilibet creditori competit ad persequendam possessionem rerum sui debitoris pignori obligatarum. Est igitur interdictum *Salvianum*, et quasi *Salvianum*, sicut est actio *Serviana* de rebus conductoris pignori nexis, et actio quasi *Serviana*, quae et hypothecaria dicitur de rebus cujuscunque debitoris pignori nexis. Et inter has actiones, et illa interdicta haec differentia proponitur in l. 1. h. t. quod *Salvianum*, vel quasi *Salvianum* interdictum datur tantum adversus conductorem, vel debitorem, qui scilicet omnia interdicta vi ipsa personalia sunt, l. 1. §. pen. ff. de interdict. *Serviana* autem, vel quasi *Serviana* actio datur adversus quemlibet possessorem pignoris, quoniam in rem actiones sunt. Et huic legi primae nihil obstat l. 1. ff. de *Salviano interd.* et quod Theoph. scribit §. *interdict.* quoque, *Inst. de interd.* interdictum *Salvianum* dari etiam adversus extraneos possessores, adversus eum, qui emit pignora a conductore, vel debitore, quoniam haec lex 1. intelligenda est de directo interdicto *Salviano*, quod datur tantum in personam. Illa autem lex 1. loquitur de utili interdicto *Salviano*, id est, concepto in factum et in rem, quod non perperam intenditur eo modo etiam adversus extraneum possessorem. Et ita recte respondet Accursius hoc loco. Alias differentias inter haec interdicta, et *Servianam*, vel quasi *Servianam* actionem explicabit caput 24. *Observat. quinta*.

JACOBI CUIACII J. C.

In Lib. VIII. Codicis.

RECITATIONES SOLEMNES.

Ad Titulum X. De aedificiis privatis.

Quoniam multa sunt interdicta de privatis aedificiis, ut interdictum quod vi aut clam, quod est restitutorium, et tria interdicta de novi operis nuntiatione, quorum unum est restitutorium, alia duo redhibitoria, ut suo titulo ostenditur, et in tit. de

damn. infer. interdictum de tollendis rudibus aedificiorum collapsarum in alias aedes, l. 7. §. ult. Et interdictum de tollendis iis, quae vi fluminis in aliena aedificia importata sunt, l. 9. §. de his. Propterea superioribus interdictis subjicitur titulus de aedificiis privatis, in quo potissimum agitur de statu, forma, et modo aedificiorum privatorum, et de refectione, et demolitione eorum, quae bene intelligere profecto multum refert. Et statim quidem agitur in l. 1. de balneo privato, quod et privatum dicitur simpliciter in l. 13. C. Th. de metatib., et a Juliano Ascalonita apud Harmenopolim titulo περί βαλναρίων, ut in Idiotismo, le privé, ou les privés, parti balnei attributo nomine totius: au scilicet is, qui balneum construit, ei possit aedificium superinstruere, quae de re dubitabatur, propterea quod Reipub. interest, ne quis male aedificet in civitate, ne quis re sua male utatur, §. sed et major, *Instit. de iis, qui sunt sui, vel alieni jur.* et ut in urbe aedificiis, quibus decoratur, sua constet firmitas et virtus, quae sine vitio permaneat ad vetustatem. Nec sane balneo aliter aedificium superponi potest, quam si servetur forma, et altitudo legitima aedificiorum, ut ait l. 1. Forma in balneo extruendo haec est, quod etiam lex notat, ut sit balneum concameratum, atque etiam aedificium, quod balneo superponitur. Concamerationes sunt firmiores, et duriores, quam contignationes, aut coactiones, quae plano pede fiunt, et operis suspensione ipsa. Concamerationes superiores minus onerant inferiora aedificia, et inferiores oneri ferendo aptiores sunt, maxime si uti oportet inferiores firmiores sint superioribus, ut Vitruvius praecipit libro VI. cap. ult. Cum hypogae, et concamerationes instituuntur, foundationes eorum fieri crassiores, quam in superioribus aedificiis futurae sint structurae. Et Galenus VIII. de usu partium, scribit de ea parte, quae in nobis medium cerebri ventrem sustinet, concamerationis specie testudine, sive concamerationes, quas ψαλίδας vocat, omnibus aliis aedificiorum formis longe multumque prestare in ferendis oneribus. Altitudinem autem aedificiorum legitimam constat in urbe fuisse ex lege Julia 70. pedum, auctore Strabone in V. et ex constitutione Trajani 60. pedum, auctore Sexto Aurelio Victore in Trajano, quod recte Brissonius adduxit: Atque etiam non tantum crassitudinibus (ut scribit Vitruvius V. cap. 1.) sed etiam altitudinibus superiora aedificia inferioribus fieri contractiona: Et haec de questione legis primae, cui similis est questio l. statuas, sup. de religio. et sumpt. fun. au sepulchro, vel monumento licet imponere statuas, vel alia ornamenta, veluti coronas, quas architecti vocant, aut tectoria: propterea quod haec vi-

dentur esse aliena a structura lugubri. Et Athenis quoque, ut Cicero scribit 2. *de legibus*, non licebat sepulchrum opere tectorio exornatum habere, nec hermas, quo verbo significantur statuae, ei imponere. Sed aliter constituitur in d. l. *statuas*.

Ad L. II. VI. et VII.

L. II. Negotiandi causa aedificia demoliri, et marmora de-rahere, edicto divi Vespasiani, et Senatusconsulto velutum est. Ceterum de a'ia domo in aliam transferre quaedam licet, exceptum est: sed nec dominus ita transferre licet, ut integris aedificiis depositis, publicus deformetur aspectus.

L. IV. Si quis post hanc legem civitate spoliata, ornatum, hoc est, marmora, vel columnas ad rura transtulerit: privetur ea possessione, quam ita ornaverit. Si quis autem ex a'ia in aliam civitatem labentium parietum marmora, vel columnas de propriis domibus in proprias transferre voluerit: quoniam utrobique haec esse, publicum decus est: licenter hoc faciat. Data similiter facultate etiam de possessione ornatum hujusmodi ad possessionem aliam transferendi, quamvis per muros, vel etiam per mediam civitatem ea transferri necesse sit: ita ut ea solummodo, quae illata fuerint civitatibus, exportentur.

L. VII. Nemini columnas, vel statuas cujuscunque materiae ex alia, eademque provincia, vel auferre liceat, vel movere.

Ex l. 2. hujus tit. cum qua explicabimus l. 6. et 7. notandum est Senatusconsultum, et edictum D. Vespasiani, ne quis aedificia, vel partem aedificiorum suorum, quod addere licet ex l. ult. ff. *de dam. infect.* vel villam ex l. *senatus*, ff. *de contr. empt.* demoliri possit promercii causa, id est, ut vendat marmora columnas, statuas, tegulas, ostia, tigna, et aliam materiam per partes, quo genere plerumque plus acquiritur, quam si veneat solida domus. Sed senatusconsulto omnino prohibetur, alioquin eam rem fisco nuntiari, l. 1. ff. *de jur. fisco.* et fisco eo nomine inferri poenam dupli, quod conficitur emptore, quanti emit materiam dirutarum aedium, ex toto, vel ex parte, et venditore similiter, quanti vendidit, tantundem inferente fisco, vel alterutro inferente totum, et ab altero repente partem, ut d. l. ult. et d. l. *Senatus*. Videtur autem in h. l. 2. hoc jus tribui senatusconsulto facto secundum edictum, et auctoritatem D. Vespasiani: nam edic a Principum plerumque subsequantur senatusconsulta, quae idem decernebant, vel confirmabant, ut in l. 1. ff. *in quibus caus. pign. vel hypot. tac. cont. conjuncta l. si ventri*, §. 1. ff. *de reb. auct. jact. possid.* At Spartianus

hoc jus tribuit Adriano, atque etiam l. *cetera*, *de legat.* 1. quatenus consulum, qui in ea nominantur, nomina demonstrant, qui fuerunt sub Adu. no. Et nihil vetat, ubi antiquioris constitutionis auctoritas contineri coepit, idem jus in novam constitutionem transire. Et Spartianus quidem hoc Adrianum constituisse scribit, ne domus antiquae diruerentur, transferendae in aliam urbem ullius materiae causa. Et tamen huc l. 2. simul ac d. l. *cetera*, §. *item queri*, ex eodem SC. probat, ex alia domo in aliam quaedam transferri posse. At bene quaedam, veluti ornatu unius domus, hoc est, marmora, statuas, columnas, non etiam domum demoliri, aut partem domus totius, materiae, aut partis in aliam domum transferendae causa. Et rursus quaedam transferri probat, non tantum intra eandem urbem, sed etiam ex urbe in aliam urbem, maxime labentium parietum, ut ait l. 6. *hoc tit.* Ornatu transferri possunt de domo nostra in aliam domum, aequae nostrae, non in domum alienam, vel ex rure et villa nostra in rus villamque aliam nostram, quod aperte proponitur in l. 6. Sed ei vehementer obstat l. 7. quae vetat ex alia, vel ex eadem provincia columnas, vel statuas, quae sunt ornatu et cultu aedificiorum auferri, vel moveri: dicere possis, translationem tantum ornatu labentium parietum permitti in l. 6. quoniam ita lex scripta est: sed quæso animum advertite: quamvis l. 6. ita scripta sit, videtur etiam non labentium parietum ornatu ex mente legis transferri posse, quoniam labentium parietum, quod ait, exemplum unum est causae, quae nos impellat ad transferendum ornatu unius domus in aliam. Quo exemplo non excluduntur aliae causae, quae nos ad idem compellere possunt. Exempla non liniunt rem. Alii dicunt, in l. 7. translationem columnarum, et statuarum eam tantum prohiberi, quae sit promercii, non ornandarum aliarum aedium causa. Hoc alii dicunt, id est, vaticinantur, et divinant. Nam in l. 7. hoc de re nullum verbum. Ac praeterea ait lex, *auferre, vel movere*. Auferuntur, quae detrahuntur, ut transferantur ex alio aedificio in aliud. Movenitur columnae, vel statuae, quae eruantur ex officiniis. Quae vero est ratio, quæso, ne quas emi columnas, vel statuas a fabro, vel sculptore, loco moveam? sed tantum hoc, vel illo modo, quia non suppetit alius, haec legum pugna utcumque nobis eludenda est, qui non laboraremus, si lex 7. esset integra: at non esse integram apparet ex l. 1. C. *Th. de indulg. debit.* et l. 2. eod. C. *de itinere muniend.* et l. 16. eod. C. *de cursu pub.* quae habent eandem inscriptionem et subscriptionem, eodem die et consulem. Et ex illis in inscriptione legis 7. est scribendum ad Avicianum, non ad Vicianum. Et invenio nominationem tran-

stationem marmorum, quam privati faciunt (quorum marmorum nomine, nemo negavit, significari non tantum rudem et infectam materiam, sed etiam factam, puta columnas, vel statuas marmoreas). Eam, inquam, translationem nominatim permitti in d. l. 13. Et hoc tantum ex l. prohiberi, ne ad transferenda marmora privatorum in civitatibus, vehicula, vel jumenta provincialium (que vocant parangarias, et paraveredos, *chariots ou bestes, qui portent charge*). Ne igitur ad transferenda marmora privatorum vehicula, vel jumenta provincialium in civitatibus ad canalem, commoveantur, addita ratione, quod non sit æquum, otiosis ædium cultibus (quibus verbis notat columnas, et statuas) provincialium patrimonium lacerari. Ut igitur privatus sua marmora transvehat suis vehiculis. Et Canalem vocat ea lex viam publicam, ut l. 2. C. Theod. de curios. et in Synodi Sardic. can. 21. *ἐν ταῖς καπὸ-δοῖς, ἢ τὰς παραλίας, in viis, inquit, id est, in canali.* Apulejus 6. Metamorph. Jam canalem directo perges ad ipsam Orci regiam, et lib. 9. Propellor ad incurva spacia flexuosi canalis. Verum, ut reliqua exponam, que sunt in l. 6. hoc tit. per eam legem non licet ex urbe ad rura transferre cultus, sive ornatus ædium, alioquin villa, que ruri spoliis urbis exornata est, publicatur ex l. 6. Ex rure ad rus transferre licet: ex urbe ad rus non licet. Quid ergo (nam et h. c. questio definitur in l. 6.) si dum ornatus quidam ædificiorum ex rure transferuntur in rus, transeant per urbem aliquam, utrum dicemus ex urbe illa, illos ornatus, an ex rure transferri? quod multum refert: nam ex urbe non licet, ex rure licet. Quod merito lex ita definit, ut non spectetur locus, qua transeunt, sed locus, quo primum moti sint. Cavendum tamen esse ait (sed obscure) ne in transitu urbis iis, que vehuntur ex rure, sumpta ex urbe, qua transitur, ornamenta quædam ædium admisceantur in fraudem legis. Et h. c. est sententia legis sextæ. At quod Spartianus scribit generaliter Adrianum statuisse, ne *velles aliquæ diruerentur transferendæ in aliam urbem ullius materiam causa*, verum est, sive demolitis ædibus transferre qui se eam velit in aliam urbem negotiandi, sive ædificandi gratia, et non tantum, si in aliam urbem, sed etsi in eadem, ne urbs ruinis deformetur, que est præcipua ratio SC. et frequens in jure, l. prætor, §. hoc interdict. ff. de novi oper. nunt. l. 2. §. si quis nemine, l. ult. ff. ne quid in loco publ. Nec alia ratione ex urbe in urbem ornatus ædium transferri possunt, quam quod (ut ait l. 6.) utrobique hos ornatus esse publicum decus sit, sive in hac, sive in illa urbe sint. Denique, ut nos leges premiis hortantur ad extruenda ædificia in civitatibus, veluti Latinis libertis dato jure Quiritium,

si in urbe domum ædificaverint, ut Ulpianus scribit libro Regularum, titulo de Latinis: ita pœnis propositis deterrent nos a demolitione ædificiorum, quia ad decus urbis pertinet, et conservari vetera ædificia, et non everti, et construi nova.

Ad L. III. V. et X.

L. III. An in totum ex ruina domus licuerit, non eandem faciem in civitate restituere, sed in hortum convertere, et an hoc consensu tunc magistratum non prohibentium, item vicinorum factum sit: præses probatio his, que in oppido frequenter in eodem genere controversiarum servata sunt, causa cognita statuet.

L. V. Si is, contra quem præses fundis, sciens, prudensque soli partem ad te pertinere, non quasi socius, vel collega communis operis sollicitudini, solidam balneorum extractionem ea mente, uti sumptus pro portione tua non reciperet, aggressus est, sed ut totius loci dominium usurparet, et collapsum balneum refabricare natus est: cum ædificia, que alieno loco imponuntur, solo cedant, nec impensæ his, qui imprube id fecerint, restitui debeant: antiquo D. Adriani edicto, præses provinciam memor juris publici in dirimenda discriptione legum placita custodiet (*).

L. X. Per Provincias Mesopotamiam, Osdroenam, Euphratensem, Syriam secundam, Phœniciam, Libanensem, Ciliciam secundam, utramque Armeniam, utramque Cappadociam, Pontum Ptolemoniacum, atque Hellespontum, ubi hoc magis desideratur, ceterasque provincias cunctis volentibus permittatur murali ambitu fundos proprios, seu loca sui domini constituta vallare.

Dixi nudius tertius de edicto D. Adriani, quod et Vespasiano tribuitur, et SC. confirmatum est, de non destruendis ædificiis promercii causa. Dicam hodie de alio edicto D. Adr. juxta legem 3. hujus tit. quod etiam D. Marco tribuitur in l. cum duobus, §. item respondit, ff. pro soc. et SC. etiam confirmatum fuit de ædificiis ruina collapsis, vel incendio consumptis, que domini restituere, et reficere negligunt, ubi primum hæc occurrit distinctio ædificiorum: aut ædificium unius proprium fuit, aut commune duorum, vel plurium. At utroque casu domino, vel dominis non reficientibus ædificium, jus commune hoc est, ut si Reap. publico sumptu, vel privatus id reficiat suo sumptu, domino, vel dominis dentur 4. menses ad sumptum restituendum instauratori cum usuris legitimis, ut l. ad curatoris, §. 1. ff. de

(*) Vide Merrill. Variant. ex Cajac. lib. 2. cap. 1.

damno infec. quoniam eo nomine eum, vel eos Re-p. vel privatus obligatos habet ad restitutionem sumptuum, quasi ex negotio gesto, et quidem cum privilegio exactionis, et tacita hypotheca ædificii in integrum restituit: namque oratio D. Marci in d. §. *idem respondit* dicitur, præstinisse illos 4. menses sumptibus instauratori restituendis: eadem quoque (ut opinior) simul ac S. C. quod eam consequutum est, dedit instauratori tacitam hypothecæ. Et duobus casibus ex eodem S. C. facto auctore D. Marco, proditis in l. 1. ff. *in quibus caus. pig. vel hypoth. tac. cont.* hic est primus casus, si quis pecuniam ob restitutionem ædificii extruendi domino mutuam dederit: et si quis, hic est secundus, domino mandante redemptori, *celuy qui a prix à bastir*, id est, qui conflavit ædificium extruendum, nummos administravit: iis, inquam, duobus casibus addam tertium, si quis cessante domino, ultro suis sumptibus ædificium restituerit: nam invenio hunc etiam habere privilegium exigendi, id est, privilegium in repetitione sumptus d. §. *idem respondit*: sicut et illi habent privilegium exigendi, qui pecuniam crediderunt, vel ministraverunt, l. si ventri, §. 1. ff. *de reb. auct. jud. possid.* l. creditor 25. ff. *de reb. cred.* l. 1. ff. *de cessione bonor.* Cum igitur ob causam refectionis ædium ii tres habeant privilegium in exigenda impensa refectionis, verisimile est etiam, non illis duobus tantum, sed et huic tertio datam tacitam hypothecam ex eadem oratione, et senatusc. quoniam in his omnibus par utilitas, et ratio subpar intervenit. At si intra illos 4. menses dominus instauratori non restituat sumptus numerandos a consumatione ædificii novi, dominium ædificii ipso jure transfertur in Rempublicam vel in eum, qui id suo sumptu restituit, ut et eo vendi possit, d. l. *ad curatoris*, §. 1. Et hoc casu, qui est maxime notandus, dominium rei alienæ ipso jure mutatur, et transfertur in alium sine facto domini, id est ex oratione illa, quæ dominium dedit, et senatuscons. hoc est jus commune orationis, sive edicti Divi Marci, et Adriani, uno et Vespasiani, his omnibus principibus auxilia querentibus deformitati urbium, quam creant labe ædificiorum, et ruinæ, sicut et priore illo edicto hoc quæsierunt de non diruendis ædificiis negotiandi causa. Et hoc quidem de Vespasiano ita scripsit Suetonius, *Deformis*, inquit *urbs veteribus incendiis, et ruinis erat, vacuas areas occupare, et ædificare, si possessores cessarent, circumque permisit.* Et Sextus Aurelius Victor: *Romam*, inquit, *deformem incendiis veteribus, ac ruinis reparavit, permissa, si domini deessent, volentibus ædificandi copia.* Dixi hoc jus esse commune, quia possunt esse aliæ leges municipio-

rum quorundam, aut consuetudines propriæ, ut ejus sit mentio in l. 3. *hoc tit.* cum qua est conjungenda l. 1. *sup. de interdictis*, ut ibi dixi, et (quod nondum dixi) vel maxime l. 1. *inf. quæ sit longa consuetudo*, quæ incipit ab extremis verbis h. l. g. Ideoque ex hac l. 3. et ex l. 1. *sup. de interdictis*, inscribenda est illa l. 1. *infra quæ sit longa consuet.* non Apro, ut vulgo, sed Evocato. Hæc putamus est sententia l. 3. utrum is, ejus domus in municipio corrui, cogatur eam in eadem specie, et qualitate reponere, ut vult l. 8. *hoc t. an quandoque possit eam in aliam speciem, vel faciem commutare, veluti in hortum, aut viridarium, aut stabulum.* Et ait, *hoc æstimare præsidem provincæ ex consuetudine municipii*, id est, consensu magistratuum municipalium, qui fortasse non impedirent quo minus eam in aliam faciem commutet, ex vicinorum etiam consensu forte, quoniam domus ruina collapsa eorum ædibus debuit servitutem oneris ferendi: quoniam vicini eum cogere possunt, ut domum restituat in pristinum statum, quæ ferat onera ædium vicinarum, l. etsi forte, §. etiam, ff. *si servitus vind.* l. cum debere, ff. *de servit. urb. præd.* Et hæc in re (ut demonstrat l. 3.) taciturnitas consensum imitatur, id est, qui non prohibet, consentire videtur: silentium pro consensu est. Alia est lex municipalis, ejus sit mentio in l. ult. *inf. de jur. Rip. lib. 11.* quæ est proxima juri communi, ut scilicet nemine reficiente in municipio, vel oppido ædes ruina convulsas, resp. possit suo jure arcam distrahere, ut interpreter, reficere volenti, atque ita ut aræ dominio cadat: qui in eadem specie, et qualitate ædificium non reponit. At ut de jure communi aliquid amplius dicamus, videamus quid sit dicendum, si ædes communes inter me et te corruerint, vel deflagarint, et ego velim eas reficere, tu nolis, aut rem trahas nimium: possum quidem extra ordinem te cogere, ut ad refectionem pro tua parte sumptum conferas: sed non est necesse, ut ait l. 4. *hoc tit.* quoniam scilicet suppetunt mihi multa alia remedia ordinaria, et illud in primis, quod est præstantius, et utilius mihi ex oratione, sive edicto D. Marci, vel Adriani, ut ego solis meis sumptibus ædes restituam, et post restitutionem, sumptus a te repetam pro portione tua cum usuris centesimis, ut ait l. 4. *hoc tit.* intra menses 4. intra quos si non solvas sumptus refectionis pro portione tua, post quatuor menses, ut ædes mihi habeam proprio et solido jure, tanquam proprias, extincta communione. Atque ita idem juris est in parte, quod in toto, ut sive cessaris interpellatus in parte reficienda, quæ tua est, sive in toto ædificio, quod tuum fuit, et ejus aræ tota tua est, a te dominium in eam transferatur, qui refecit,

post quatuor menses, *d. §. idem respondit*. Et quod ait lex 4. cum usuris centesimis, id sane est ex oratione D. Marci, quo tempore centesimæ usuræ in omnibus casibus erant legitimæ usuræ. Sed et hoc casu proposito, ut admittamus hodie, centesimas usuras constitutio Justin. non patitur, id est *l. eos, sup. de usur.* ex qui paucis admodum casibus usuræ centesimæ legitimæ sunt, non isto casu, de quo agitur. Qua de causa etiam Tribon. in *d. §. idem respondit*, multo scribere, *certis usuris*, et in *d. l. ad curatoris*, usuris simpliciter, puta tributibus, aut semissibus secundum Just. constitutionem: sed in hac leg. 4. Tribon. vestigium illius juris antiqui reliquit improvidus. Verum ad hæc notandum est, hoc beneficio orationis D. Marci, uti socium, qui solus ædificavit communi nomine socio interpellato, et cessante. Item hoc remedium etiam uti eum, qui non in communi, sed in alieno solo reædificavit, domino scilicet interpellato, et cessante, nec curante decus urbis, ex permissu juris communis. Hos, inquam hoc remedio uti, ut recipiant impensas, quas fecerunt pro portione socii, et in reædificando, vel in solidum si reædificaverunt, non in communi, sed in alieno solo secundum orationis formam, quoniam ii recte, et jure ædificaverunt: at qui sciens solum esse commune inter eum, et alium, in eo mala fide ædificavit tanquam dominus in solidum, non utitur beneficio orationis, ut recipiat impensas pro portione socii secundum formam orationis, sed tamen habet retentionem ædificii, quoad solverit socius id, quod ob eam rem, id est, ob ædificium restitutum locupletior factus est, vel conditionem habet retentionis, conditionem incerti, si per errorem retentionem omiserit. Ergo, ut magis probum hoc esse verum, idem etiam est dicendum in eo, qui non in communi, sed in alieno solo tanquam suo mala fide ædificavit, non convento domino, nec cessante: nam is non utitur beneficio orationis, non superat dominum, ædificii domino non reddente sumptus intra quatuor menses, sed tantum per retentionem, aut conditionem retentionis, ut dixi ante, impensas servare potest, quibus dominum locupletiores facit, si dominus solvendo sit. Et ita accipienda est *l. 6. §. sed et si quis, in fine, ff. de negot. gest.* vel si dominus solvendo non sit, tollere potest ædificium, quod posuit in alieno solo, ut ait *l. Julianus, ff. de rei vindic. l. domum, C. eod.* quod, ne fallamur, non est concedendum indistincte, ut possit deponere ædificium, quod posuit, et secum deportare materiam, nisi cum in agro ædificium posuit: nam si in civitate, viz patietur Resp. deponi, quod inædificatum est, quia hoc pertinet ad decus urbis. Et hoc maxime velim vos admovere ad *d. l. Julianus*. Et modo su-

Tom. IX.

perioribus hoc addamus tantum, præter beneficium illud orationis D. Adriani, ei, qui bona fide et jure ædificat in solo communi, cui initio dixi suppere multa remedia ordinaria, dari etiam actionem pro socio a l hoc, ut consequatur quanti interest sua, *d. §. idem respondit*, et actionem communi dividendo, *l. si ædibus, ff. de dam. infect.* et interdictum uti possidetis, *l. si sedes, ff. comm. divid.* Et nihil vetat quod is, qui plures actiones habet, leviores confligat. Gravior in hac causa est actio ex oratione D. Adriani, propterea quod dominium ædificii transfertur: levior actio pro socio, vel communi dividendo, vel uti possidetis. Licet quilibet leviori judicio confligere, si velit, misso graviore, ut is, qui in rapto rem manifestum habet actionem furti manifesti, quæ est gravior, patet, si velit eligere actionem bonorum raptorum, quæ est levior. Et similiter creditor, qui potest bona creditoris latitantis distrahere, quod debitori irrogat infamiam, non velatur conservandæ fame illius gratia ea distrahere per curatorem, non per se, quoniam distractio, quæ fit per curatorem bonis vendendis, videtur fieri honeste per ipsum debitorem, *l. ejus, ff. de cur. furios.* Idemque is, qui agit in rem si vel t, desiderabit rem condemnari duntaxat quanti res est, non quanti ipse in litem juravit, *l. quod possessor, D. de rei vind.* Nec omitam, quod est in *l. 10.* id est, quod ex ea colligi potest, non passim omnibus permitti fundos suos cingere muris, uno verbo, *munire*: quoniam ea *l.* hoc permittit tantum in provinciis quibusdam, quas enumerat magna ex parte, quæ sunt Provincie Orientis, et Pontice Dioceseos, ubi magis hoc desideratur, ut scilicet famili muris cingantur, videlicet propter prædonum, aut hostium incursiones crebras: *δικὰ τῶν τῶν βαρβάρων ἐνέσπαρην*. Et quod ait *l. 10.* ceteras provincias, intellige provincias, non orbis Romani, sed Orientis Dioceseos, vel Pontice. Nam et alia plures, quam enumeret fuisse harum dioceseon provincias demonstrat notitia Rom. Imperii.

Ad L. IX.

Si cui loci proprietas ædificandi juxta publicas ædes animam dederit: is quindecim pedum spatio interjecto inter publica, ac privata ædificia, ita sibi noverit fabricandum, ut tali intervallo, et publicæ ædes a periculo vindicentur, et privatus ædificator velut perperam fabricato loco, destructionis quandoque futuræ non timeat detrimentum.

Quæstio hodierna, quæ dabit finem huic titulo, est de legitimis intervallis ponendorum ædificiorum. Et primum is, qui in suo solo ædificat proprius ædes, ædificiave publica ex *l. 9. hujus tit.*

debet intermittere intervallum 15. pedum ex omni latere, ex quatuor lateribus, ut ait *l. 38. Cod. Theod. de oper. publ.* alioquin si non intermiserit tot pedes, ædificium, quod ponit, deponitur, et deicitur solo tenus, quia illicite ædificavit: illicite ædificata, divini constitutiones jubent, *l. 11 §. si quis illicite, de legat. 3.* Et ratio hujus *l. 9.* non est alia, quam ut ab ædificiis publicis absit periculum incendii, quod plerumque originem capit a vicino ædificio. Et hæc etiam ratio in considerationem venit in *l. 4. C. Theod. de oper. pub.* Et ita legem 12. tab. quæ vetat rogam bustumve novum propius 60. pedes adici ad ædes alienas invito domino, hoc voluisse propter metum incendii M. Tull. scribit *2. de ll.* Et de illo legitimo intervallo 60. pedum, ut opinor, est intelligenda *l. 3. §. 1. de mortuo infer.* Ex qua etiam intelligimus in 12. tab. invitum dominum dici, qui prohibet, et palam contradicit. Nam is qui scit et tacet, consentire videtur.

Ad L. XI.

Mæniana, quæ Græco vocabulo *Ἰσῶρος*, appellant, sive olim constructa, sive in posterum in provinciis, construenda: nisi spatium inter se per 10. pedes liberi aeris habuerint, modis omnibus detruncantur. In his vero locis, in quibus ædificia privatorum horreis publ. videntur obstructa obstructione *Mæniana*, 15. pedum intervalla servantur. Quem intercapedinis modum ædificaturis quoque proponimus, ita ut si quis intra definitum spatium, id est, 10. pedum mensuram ædificare, vel intra 15. pedum *Mæniana* possidere tentaverit, sciat non solum fabrica demolienda, sed etiam ipsam domum fisco nostro adscribendam.

Ex *l. 11. Mæniana*, et alia ædificia, quæ in civitatibus construuntur a privatis hominibus, quærun inter se intervalla 10. pedum, ut sint alia ab aliorum vicissim ruina, et fortuito incendio tutiora, et ne etiam officiani domino apicanti in sole, vel spectanti e *Mæniano*, quod plerumque etiam porrigitur extra ædes spectandi tantum causa. Item si quis propius horrea publica *Mæniana* adiciat, ut intermittat spatium 15. pedum, alioquin *Mænianum*, quod exædificavit, diruitur, et domus, ex qua *Mænianum* projectum est, non intermisso legitimo spatio publicatur. Et observandum est *l. 11.* non tantum inter *Mæniana*, sed etiam inter ædificia quælibet privata velle relinqui vacuum spatium 10. pedum, quod et *León. Phil. Nov. ult.* probat, et *lex Burgund.* ex hac ipso *l. 11.* his verbis. *De servitute luminis, vel aeris similiter constitutum, et inter privatorum fabricas*

10. pedes, inter publ. 15. intermittantur secundum legem Theodosii. id est, secundum hanc leg. 11. et inter publicas, sic exandire oportet, inter publicas et privatas fabricas. *L. 12. tab.* inter ædificia privata auctore Festo intermitti satis habuit spatium 2. pedum, et sem. quod vocavit sesterium pedem, ut scrib. Metian. JC. in *lib. de Asse*. Et ita proculdubio legitimum spatium accipitur in *l. Impp. de serv. urb. præd.* dum ait, dominum, vel alium voluntate domini posse ædificare in arca, quæ luminum servitutem debet, ut emendavi, intermisso legitimo spatio, a vicina insula, id est, sesterio pale: nam multum interest prædium debeat vicino servitutem luminum: an servitutem ne luminibus officiat: nam si debeat arca, vel domus servitutem ne luminibus officiat, dominus non potest in ea ædificare, aut superædificare invito vicino, cui debetur servitus ne luminibus officiat. At cum debetur vicino servitus luminum, id est, ut possit intromittere fenestram suarum ædium in meas ædes, ut ego excipiam lumina a fenestris vicini, non ideo ego prohibeor ædificare in meo, *l. 3. de serv. urb. præd.* Et ita d. *l. Impp.* ait, etiam in arca, quæ luminum servitutem debet (quod faciebat dubitationem, ædificare posse, dummodo intermittat legitimum spatium a vicina insula, quod (ut dixi ex 12. tab.) est duorum pedum, et semis. At ex h. *l. 11.* est 10. pedum. Et pertinet hæc intervallorum definitio non ad domos contiguas, quales hodie videmus esse in civitatibus, nullis distinctis intervallis, sed pertinet ad insulas, id est, habitationes variis locis sparsas, nec junctas cum vicinis. Et spargi pluribus locis est tutius propter incendia. Et talia olim in urbe, et in aliis civitatibus erant ædificia fere omnia publica et privata, et non tantum, quæ dicebantur insulæ, sed etiam, quæ dicebantur domus, quod maxime notandum est: nam differentiam esse inter insulas, et domos, manifesto constat ex *Publii Victor. lib. de region. urbis, et ex descr. urb. facta sub Arcadio et Honorio*, quæ præposita est incerto auctore *Notitiæ Rom. Imp.* in qua numerantur per totam urbem insularum quadraginta sex millia, et sexcentæ due, domus autem 1708. Id etiam liquet ex *lib. Sexti Rurii de reg. urbis*: in quo multo plures numerantur insulæ, quam domus: quamobrem et in *ff. forte cæbrior* mentio insularum, quam domum. Et videntur insulæ fuisse vulgaria, et gregaria domicilia, domus, ædes nobiliores: et magnificentius extractæ, ut in *region. urb. Exquilione, S. Rufus et Publ. Victor* ponunt, domum *Aquilii Juriscons.* quem etiam *Plin. lib. 17.* ait, illa domo propter pulchritudinem, quam juris scientia fuisse clario-

rum. Quot sunt etiam hodie Lutetiae advocati, qui domo, quam juris scientia clariores sunt, imo affectant habere pulcherrimas aedes, ut pelliciant clientes. In eadem regione ponunt iidem auctores domum Marci Crassi, et Q. Catulli, et idem Plinius supra dicto loco, *Marci Crassi fuisse magnificam, Q. Catulli aliquanto prestantiorem, sed multo pulcherrimam Aquilii Jurisconsulti*. Domus igitur non sunt, quod posset quis prima specie existimare, quæ sunt contigue ad differentiam insularum, quæ non erant continguae ad differentiam insularum, quæ non erant splendidissima palatia principum civitatis. Observandum autem est l. 11. tantum loqui de *Mæniana* constructis in provinciis, nimirum quia priscis legibus in urbe *Mæniana* fabricari prohibitum fuit: sicut et Rex Franciscus edicto jussit in claris civitatibus sui regni dirui *Mæniana*. Et hoc ita scriptum reliquit Anian. Marcellin. lib. 27. *Priscis legibus, Mæniana in urbe fabricari non licuisse, et sub Valent. Prætextatum præfectum urbi substituisse omnia*. Neminem autem ignorare arbitror *Mæniana* esse projectiones ædium in publicum ita protensas, ut nusquam requiescant, quam etiam l. 12. hoc tit. quæ constitutio Zenonis Græca, vetat nusquam requiescere, ne scilicet imponantur parietibus, aut columnis, atque ita impediunt libertatem aeris publici. Quæ in parte l. 12. non est legendum, ut legunt omnes, *κατὰ καθεύοντες*, id est, *ad perpendicularum*, sed ex Harmenopulo legendum est, *κατὰ θύρας*. Et ait d. l. 12. *Mæniana* Græce appellari *ἰσθμιαί*, quod ego Græcum verbum restitui prius, et restitui etiam volo apud D. Hieronymum, in Ezechielem capit. 41. *ἰσθμιαί*, inquit, *Romæ appellant solarium de crenatorum parietibus eminentia, sive Mæniana ab eo, qui primus invenit, quæ nonnulli Græcorum ἰσθμιαί, vocant, desideratur verbum Græcum in vulg. editione*. Est elegans locus Varronis apud Nonium: *ad focum*, inquit, *hyeme, ac frigoribus conitabant, æstivo tempore in propatulo, rure in corte, in urbe: in tabulino* Et sequitur, quod perperam quidam etiam arbitrantur esse Varronis, cum sit, interpretatio Nonii ad verb. (*tabulino*) quod *Mænianum* intelligere possumus *tabulis fabricatum*, quæ est prava interpretatio. nam rectissime Festus, *Tabulinum, vel tablinum, locum esse proximum atrio, in quo antiqui magistratus in suo imperio tabulas rationum suarum conficiebant*. Quod et Vitruv. confirmat lib. 6. cap. 4. Sed ut paucis dicamus sententiam de illa constitutione Zenonis, id est, de l. 12. hujus tit. est ex constitutio de servitutibus, ut Justinian. ait in l. pen. quam vulgo male faciunt l. ultimam, quod notandum, et deinde subjiciunt tit. de novi operis nuntiatione, qui circumscribendus est: nam constitutio po-

sita sub feto illo titulo, est lex ultima nostri tituli, cujus inscriptio hæc esse debet, *idem Augustus*, ut intelligatur ab ea esse constitutio Justiniani, denique duas esse, legem penultimam et ultimam. Et in l. pen. constitutionem Zenonis, quæ pertinet tantum ad Constantinopolim, Justinianus porrigit ad provincias omnes ut in omnibus provinciis servetur is modus ædificiorum, quem Zeno constituit in urbe Constantinopol. et ait eam constitutionem Zenonis esse de servitutibus, luminis scilicet, et prospectus, et de omnibus servitutibus: nam brevis, aut principia sententia legis hæc est, ut qui domum restituere velit, et luminibus vel prospectui vicini officere, aut ex pacto, vel ex stipulatione, vel usu longo constitutam habeat servitutem luminibus vel prospectui vicini officendi, aut ut servet formam et statum ædificiorum antiquorum, ut in l. qui luminibus, D. de servitut. urb. præd. puta ut non excedat modum usitatum, modum legitimum altitudinis, nec mutet formam, vel usum structuræ, aut fenestrarum, e quibus prospicitur, vel lumen admittitur: vel etiam, ut intermittat a vicino insula, vel domo spatium 12. pedum. Zeno in hac l. 12. in *Mænianorum* positione contentus est 10. pedibus, ut l. 21. in positione ædificiorum, quæ obstruent luminibus vicini, vel officient prospectui, exigit 12. pedes, aut si vicino auferatur prospectus maior, quo nullus est pretiosior, exigit centum pedes, quod a Justiniano confirmatur in Nov. 65. et 66. Et observando est differentia, quam Zeno facit inter fenestras, quæ sunt luminis, et eas, quæ sunt prospectus causa: nam in jure facimus differentiam inter lumen et prospectum: lumen ingreditur, prospectus egreditur. lumen est, ut cælum videamus, prospectus, ut terram, maria, nemora flumina, l. lumen, de servit. urb. præd. Et ita jus fenestram habende, vel est servitus luminis, vel servitus prospectus habende, inquam adversus vicinum. Hoc autem vult l. ultima, ut si vicinus vicino ædificanti nuntiet novum opus, ut sit etiam hodie frequenter, quæ nuntiatio inhibet opus, quoad probaverit sibi jus esse ædificandi, aut nuntiator, jus sibi esse prohibendi, vel is, qui cepit ædificare, satisfacere de ædificio diruendo, si judicatum contra eum fuerit. Denique res hoc ordine procedit ex l. ult. hoc. tit. confirmato c. pen. et ult. extra, de novi operis nunt. ut is, qui nuntiat novum opus vicino ædificanti, aut molienti ædificationem, si offrat cognitionem, id est, si litigare paratus sit, et adire prætorem cogniturum ea de re: si dicat *verito, ne ædifices, et hodie constat an possis ædificare, hodie agamus, et enim in jus: tum desistere debet ab opere, et sequi forum, sequi litem institutam a nuntiatore, quæ tamen celeriter definienda est*,

nimirum intra tres menses, id est, intra tres menses prætor statuet, nuntiator habuerit jus nuntiandi, necne: et intra illos tres menses, is, cui facta est nuntiatio impune non ædificabit. Sed si ea cognitio aliqua ex causa protrahatur ultra tres menses, statim potest ædificare præstita satisfactione de opere demoliendo, si judicatum fuerit, sibi non esse jus ædificandi. Et ita si exponatur *lex ult.* non obstant pleræque leges, de quibus hic Accursius tractat *tit. D. de novi operis nunt.* quæ satisfacti de opere restituendo mox ædificare permittunt: nam hoc ita verum est, si nuntiator non offerat cognitionem: nam si offerat, expectandi sunt tres menses, antequam possit oblata satisfactione continuare ædificium, quod instituit.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XI. De operibus publicis

Hodie explicabimus titulum 11. et 12. nam et duodecimus est pars undecimi, et constat tantum una lege. Est autem undecimus *de operibus publicis*. Sunt etiam de operibus, et locis publicis interdicta quedam, *l. 1. §. quæ sunt, de interdict.* *l. 1. §. nuntiatio, de novi operis nunt.* et in *tit. de loco publ. fruon.* Et nominatim in *l. 3. hoc tit.* prætoris, in quibus scilicet, juriæ habitant, vel jus dicant, et domus publicæ: et in *l. 10. porticus, et angiportus* jubentur a privatis possessoribus, qui ea loca usurparunt, juri, et possessioni, sive usui publico vindicari: quod utique fiet per generale interdictum de restituenda possessione non jure occupata. Et illo loco (quod nescio an literatores sciant) *angiportus* vocat vicos urbis sive vias publicas, quas etiam *στῆνόνες* in *l. 12. tit. prox. sup.* et aggeres publicos, et canales publicos. Et Dio 68. cum Vespasiano qui postea fuit Imperator, cum erat Ædilis plebis, tribuit *ἐκπύδων τῶν στῆνόνων*, nihil aliud intelligit, quam curam verrendarum viarum, quæ ædili incumbit, ut constat ex titulo *D. de via publica, et si quid in ea factum erit.* Et nominatim Svetonius de eodem Vespasiano idem, quod Dio scribit: cum, inquit, *Vespasianum Ædilem Cæsar succensens propter curam verrendis viis non adhibitam, luto oppleri jussisset.* Ergo viæ publicæ, et *στῆνόνες*, sive angiportus, idem sunt: quod ego ante hunc diem nesciebam. Præterea ex *l. 3. hujus tit.* recte dicam dari posse interdictum de opere restituendo, id est, demoliendo, quod illicite ædificatum est in foro,

vel in palatio: ut in *l. 16.* vel in alio quocunque loco publico, contra ornatum, et commodum, et decorum faciem civitatis, vel si quid in portis, aut muris civitatis, ut in *l. 2. ne quid in loco sacro fiat*, ut si quæ parapessia adjiciantur muris, vel aliis operibus publicis: *παπαρῆσια* (quod nomen ego restitui in *l. 13. hoc tit.*) sunt ædificia, quæ vulgo *parapessia* nuncupantur: nam in Basilica est *parapessia* per *α*, sed ædificas per *η*, ut sit *parapessia*, quod est, applicta seu adiecta operibus publicis, *des apantis*. In Codice Theodos. est *παπαρῆσια*, quasi adiensæ: sed non propter Colicem Theodos. mutemus verbum illud in *l. 13.* utrumque dicamus esse rectum, et vulgare verbum. Et etiam *parapessia* quæ adherent muris civitatum jubet dirui *lex 13.* Ideoque ex ea causa de opere diruendo non prohibeor, aut non prohibebitur curator reipublicæ petere a prætore, vel præside interdictum. Placet autem valde constitutio legis 8. hujus tit. ut curatores operum publicorum (id est, quos respub. præfecit efficiendo operi vel quibus pecuniam decrevit ad effectiorem operis publici) reipubl. teneantur ab opere absoluto usque in annos 15. si quid ruat, aut findatur vitio operis, non si casu fortuito, non si vi, aut ruina, *l. 1. §. ult. de pollicitat.* Respublica negotium gerit cum curatoribus operum, quos constituit: curatores autem operum negotium gerunt cum redemptoribus, id est, cum his, qui opus faciendum conducunt, *l. 2. §. 1. de operibus public.* Ergo redemptores æquum est etiam curatoribus teneri ob vitia, quæ opus fecerit in annos 15. Cum curatore agat respubl. curator cum redemptore. At forma præfecti prætorio relata apud Hermenopulum 3. epitom. tit. 8. in fine, his actionibus præstituit tantum ann. 10. Placet etiam valde lex, quæ fuit Ephesi, et posset ubique invalescere, de qua Vitruvius initio libri ult. *Nam Architectus, cum opus publicum curandum recipit, pollicetur quanto sumptu id sit futurum. Tradita æstimatione magistratui bona ejus obligantur, donec opus sit perfectum. Et autem absoluto, cum ad dictum impensa responset, decretis, et honoribus ornatur; item si non amplius, quam quarta in opere consumitur ad æstimationem est adjicienda, et de publico præstatur, neque ulla pœna tenetur: cum vero amplius, quam quarta in opere consumitur, ex ejus bonis ad perficiendum pecunia exigitur.* Et hoc jure nos uti æquum esset: nam videmus etiam ex indicatione temere facta nasci obligationem in specie legis Julianus, §. quod autem, de act. emp. Fiant autem opera publica, vel sumptu privato ex liberalitate, et munificentia alicujus erga rempub. vel sumptu publico. Et ea, quæ sunt sumptu publico, vel maxime in refectionem eorum, ut

l. 4. et ult. hujus tit. quæ dispensatores ærarii ex ærario præbuerunt, ut constituit *l. 3. hujus tit.* eis accepto ferri oportet. *Il les faut allouer en leur compte.* Ita tamen, ut operi publico præscribatur nomen solius principis, vel ejus, cujus pecunia factum est, ut *l. 3. in fine, D. eod. tit.* Nam nec præses, vel alius magistratus nomen suum superscribere potest, sed superscribi debet nomen principis, si opus factum sit sumptu publico, et subscribi nomen præsidis, vel alterius magistratus, quo curante opus factum est. Et ita accipienda est *l. 9. hujus tit.* ut in hoc tit. in scriptionis antiquæ, quod erit pro exemplo, *Senatus P. Q. R. Imperatoribus Cæsaribus, dominis nostris invictissimis, Arcadio et Honorio, ob instauratos urbis æternæ muros, portas ac turres, ad perpetuitatem nominis eorum simulacra instituit curante Flavio Macrobio Longiniano viro clarissimo præfecto urbi, dicato numini, majestatique eorum.* Superscribuntur nomina principum, subscribitur nomen præfecti urbi. Ad hæc notandum est ex *l. 10. hujus tit.* tertiam partem redditus civitatis cujusque deputari reparationi murorum, et thermarum, id est, balnearum publicarum subustioni: sic recte in *l. 10. subustioni*, ut in *Cod. Theodos.* et in *Basil. ἐκκαύει*, pro quo male quidam legunt *ἐκβάου*. Et de hac tercia parte fabricis reservanda est etiam *l. 3. infra, de divers. præd. lib. 11.* Et auctorem ejus Valentinianum seniore laudat *l. 33. Cod. Theodos. eodem tit.* Et intelligit *l. 18. eodem tit.* Hoc vero exemplo etiam secundum veteres canones tertia pars redditus ecclesiæ fabricis reservatur, altera pauperibus, altera Episcopos et clericis. Notandum etiam est ex *lege 17.* quod constituit de turribus novi muri. Nam etsi pertineat proprie ad Constantinopolim, et ad novum murum quem per Cyrum præfectum urbi Theodosius duxit a mari ad mare, ut Zonaras scribit, de quo novo muro etiam agitur in *inf. de vet. al. libro 12.* et in *Novellâ 59.* tamen posset quodlibet hoc accommodari etiam ad alias civitates, ut scilicet ii, per quorum terras ducti sunt novi muri, si non habeant quo se conferant, concedente principe, aut curatore reipublice habitare possint in turribus, quibus instructi sunt novi muri, non quidem in summo turrium, sed in imo solo, sive in pede planis, ut loquitur *d. l. 17.* Nam et hoc exemplo factum opinor, ut in quibusdam turribus muralibus urbium hujus regni humiliores quidam homines visantur habitantes in inferiori parte turrium: non in superficie, qua extant pinnae murorum, sive turrium. Et tantum abest, ut alie generales Constitutiones hujus tituli sint inutilis, quod tamen Glossa in *l. penult. hoc tit.* ait, ut ne illa quidem lex, quamvis sit localis, existimari debeat inutilis. Nil est inutile in jure,

et si mihi creditis, omnia vobis perscrutanda, pertentanda, pernoscenda sunt, si non velitis esse Jurisconsulti de populo. Idcirco nec contempserim etiam *l. 18. et l. penult. hujus tit.* Quamvis proprie pertineant ad Constantinopolim. Est enim *l. penult.* de Basilica Theodosiana, quæ erat juncta foro; ut omni foro est juncta Basilica, in qua versentur negotiatores. Sed ita lex eos versari vult in Basilica Theodosii, ne ulla tabulata applicent parietibus Basilicæ, nec lædant ejus ornatum, qui erat maximus, ut et lex ipsa demonstrat. Est autem *l. 18. de thermis Zeusiippi* quæ in eadem urbe erant et dictæ etiam sunt thermæ Severi, auctore Zonara in Justiniano, et in Plippico, et Suida, et Cedreno in Severo ut scilicet, qui redditus colliguntur ex officinis, et ædificiis, quæ sunt in porticibus earum thermarum, serviant luminibus thermarum, et saxis tectis. Et ex hoc loco in *l. 1. infr. de lustr. auri collat. lib. 11.* lumina, interpretor lumina balnearum. Lamprid. in Severo: *addidit oleum luminibus thermarum.* In porticibus, quæ præcurrebant thermas, erant stationes multe, officinæ, multa ergasteria, ut ostendit *dict. l. pen. et l. 12. sup. t. t. proxim.* et erant circa columnas porticum, ut ex illis locis patet. Itaque in *l. Fulvinius, §. denique, quibus ex caus. in possession. ratur*, illo loco, si circa columnas, vel stationes se occultet, recte legebam, vel statuas, quia cum stationes sint circa columnas, qui circa columnas, se occultat, utique et circa stationes se occultat debitor fugitans creditorem, latitans creditorem. Et ita quoque Sidonius Apollinarius libro primo *Epist. Alti*, inquit, *fugere post columnas, alii oculi post statuas*, et Lucianus in *Lapithis*, *πρὸς αἰώνας* et in *Anacharsi*, *πρὸ τοῦ ἀνδράντα*, qui est locus similis, *circa statuas, vel columnas se occultantes.* Erant etiam in porticibus exedrae ædificatæ sedendi causa capaces multorum hominum colloqui aut disputare cupientium, quod ostendit *l. ult. C. Theod. eodem tit. l. exedrarum, de operibus pub.* Et vetus inscriptio elegantissima, quæ sic habet: *Silvano sancto Cajus Austrucinus Medicus Ludi Gallici porticum, et exedras, et signa ænea voto suscepto L. M. D.* Quod a me ideo refertur, quoniam est vir doctissimus, qui exedras scripserit, dictas esse non ratione sedium, quas habebat plures, sed ratione senum laterum, quod Strabo 13. vocat *Exedram* quandam *ἐκδοῖν*, id est, speculam, quasi vero specula non possit ita ædificari, ut habeat sedes complures in exedrae formam. Et confirmor valde *l. 3. §. interdum, de his qui dejec. vel effud.* quæ luculenter explicabit hunc locum, dum ostendit in cenaculo esse multa membra, id est, cubicula, et multas exedras, decumbendi causa, exedrae disputandi, aut colloquendi:

et præterea esse medianum commune euntibus in sua cubicula, vel in suas exedras. Hoc ex illo §. aperte nunc colliges simul, et exedrarum usum, quæ et in porticibus construebantur in populi gratiam. Et ne quis etiam dubitet circa leg. 12. hoc titulo, dum loquitur de horreis, et stabulis publicis, quid vocet *stabula publica*, ea sunt receptacula publicorum animalium, ut patet ex l. 35. Cod. Theod. eod. tit. Stabula 4. factionum, ut est apud S. Rufum, et Publium Victorem, puta, factionis Venetæ, Prasinæ, et ceterarum. Basilica autem nos docent nullum desiderari l. in hoc titulo, quoniam quidam desiderant duas, perperam: constat tantum Constitutionibus 22. et in hoc libro, et in Basilic. qui plures desiderant, eam sibi comminiscuntur, et affingunt.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XII. De ratiociniis operum publicorum, et de patribus civitatum.

Titulus 12. rectius dicatur esse pars undecimi, cuius tituli de ratiociniis operum publicorum, et patribus civitatum constitutio valde placebit. Sententia hujus hæc est, ne præsidēs provinciarum excutiant rationes operum publicorum, quod faciebant plerumque lucri studio, ubi non erat necesse, ferentes ex singulis solidis aliquam unam, pro pretio curæ et operæ: discussionem operum pertinere tantum ad patres civitatum: sic dicuntur in multis constitutionibus, *curatores reipublicæ*, et quasi *patres patriæ*, quod (ut brevissimè) ostendi fusius in l. 3. inf. de his, qui sponte munera suscep. lib. 10. et observat. 12. cap. 30. et additur in constitutione hujus tituli aliquid de pollicitationibus, quas ultro et liberaliter faciunt privati reipublicæ, veluti de extruendo, aut restaurando opere publico, quod forte incendio consumptum est, ut etiamsi nulla stipulatio intervenerit, ex pollicitatione teneantur et obligentur: minus est pollicitatio, quam pactum: non pactum est conventio duorum, pollicitatio non est conventio, sed oblatio liberalitatis, quam quis facturum est, et collaturus in rempublicam. Duobus casibus ex pollicitatione est actio, ex pollicitatione dotis, l. ad exactionem, sup. de dot. promis. et ex pollicitatione facta reipublicæ. Ergo qui pollicetur reipublicæ se opus facturum, obligatur ad opus faciendum: sed opere perfecto finitur obligatio, nec amplius tenetur, quasi non erogata (exempli gratia)

omni pecunia promissa, omni quantitate promissa, vel quasi edificio non facto affahre, ita ut possit pervenire ad vetustatem: nam ut est in l. ad res don. de edil. edic. actiones ædilitiæ, vel redhibitoriæ non pertinent ad res donatas, id est, qui a te donatum accepit, non habet actionem redhibitoriæ, qua te compellat donatum recipere, sed debet esse contentus qualiquali liberalitate tua: et ut eleganter ait D. Hieronymus in proœmio 1. Epistolæ ad Ephesios, *De gratuito munere non est judicandum*. Et ut est in vulgari proverbio, quo nos utimur, *Equi donati dentes inspiciendos non esse*. Et ita respublica debet esse contenta qualiquali liberalitate, nec post perfectum opus agere potest cum eo, qui non perfecit sicut pollicitus est. Eademque ratione in l. liberalitatis, de usur. dicitur, liberalitatis collatæ in rempub. non exigi usuras: quod ita intellige, ne ex mora quidem, ne qui sunt liberales in rempublicam avare exigantur. Patet tamen, quod si ob honorem ei decretum, vel decernendum, vel ob aliam utilitatem suam propriam ipse vicissim aliquid sit pollicitus reipublicæ, tunc ex mora præstabit usuras, l. 1. in princ. de pollicit. Et Suetonius in Julio, *Trecenos*, inquit, *nummos, quos pollicitus olim erat, viritum divisit, et hoc amplius, cen'enos pro mora*.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XIII. De pignoribus, et hypothecis.

Postquam a titulo 28. lib. tertii conditor hujus Codicis constituit pertractare dicere de actionibus, quibus, ut soleo dicere, jus omne fere continetur: et dixit jam de actionibus in rem, quæ sunt de proprietate rerum, et de actionibus in personam, quæ sunt de obligatione personarum, et de mistis tam in rem, quam in personam, et de præjudicialibus actionibus, quæ sunt de statu hominum, et in rem esse videntur, ut est in Institut. et de actionibus ex causa interdictorum, quæ sunt de possessione rerum, et in rem etiam esse videntur, vi tamen ipsæ personales sunt, ut ait l. 1. §. pen. de interdict. nunc ab hoc titulo 13. incipit tractare (de qua ante non tractaverat) de actione hypothecaria, quæ etiam in rem actio est, non quæ dominus, vel quasi dominus rem esse suam, vel quasi suam patat, sicut actionibus in rem ante propositis, sed quæ creditor rem debitoris sui affirmat pro debito sibi esse obligatam, quia non tantum est vindictio proprietatis, sed etiam vindictio pignoris, l. 18. hoc tit. l. 2.

inf. si unus ex pluribus hered. et qui creditor avocet possessionem pignoris, l. si cum venditor, de evic. ion. avocet, inquam, possessionem pignoris actione hypothecaria, sicut interdicto Salviano, quo tamen non agitur de jure pignoris, id est, non queritur an id creditori competat, sed de sola possessione pignoris adipiscenda, ut dictum est sup. tit. 9. et quia pignus, vel re contrahitur, vel nudo pacto, l. 1. de pigno. at. act. et ad utrumque genus pignoris hæc actio pertinet, quæ hypothecaria dicitur, et Serviana, et pignoratia. Serviana, et quasi Serviana, et utilis Serviana, tot habet appellationes: quatenus quidem persequitur pignus nudo pacto contractum, prætoris est actio, l. si tibi, §. de pignore, de pact. l. major, inf. hoc tit. quatenus vero persequitur pignus re, id est, traditione contractum, est actio civilis: nam et pignus re contractum civile est negotium, l. 1. §. ult. de pact. Et hanc distinctionem adhuc veri volo ad id, quod generaliter scriptum est in Institut. actionem hypothecariam ex ipsius prætoris jurisdictione capere substantiam. Quamvis autem pignus et hypotheca nihil inter se distent præter syllabarum sonum, quo etiam lingue discernuntur, Latina, et Græca: tamen docendi gratia ita Jurisconsultis placuit distinguere ut proprie hypothecam acciperemus pro pignore nudo consensu contracto: pignus pro pignore re contracto, vel hypothecam rei immobili, pignus rei mobilis. Qualem differentiam etiam facit D. Chrysostomus in Psal. 38. inter hypothecam, et ἐνχυρεν, his verbis: ἀπαρταί, etc. creditor petit vel hypothecam, vel ἐνχυρεν. Pauper non habet hypothecam, quia nihil possidet: non habet etiam pignora, quæ adferat, quia nudus est. Manifesto unum nomen tribuit rei mobili, alterum rei immobili, sicut proprie nos distinguimus hypothecam a pignore. Sed distinguimus eodem modo, eademque licentia, qua medicis quidam ἀσπρὸν a carbunculo: et Theologi Pentecosten a quinquagesima, licet inter se nil distent præter diversum sonum et linguam: significatione eorum non differunt, imo se invicem significant illa nomina. Et hoc est, quod jurisconsultus ait in l. res, §. ult. de pigno. inter. pignus, et hypothecam nominis tantum sonum differre, ut D. Augustinus libro de magistro ait, quæ non modo tantundem, sed etiam idem omnino significant, et inter quæ nihil inter literarum distet sonum, nomen, et ὀνόμα inveniuntur. Ideoque et nos non semper proprie iis nominibus utimur, sed generaliter, et pignus, et hypothecam sæpe dicimus (ut definiam paucis) quamcunque conventionem sive re, sive consensu perfectam, quæ res quascunque, vel jura debitoris obligat creditori in crediti vicem, unde creditori competit actio hypo-

thecaria, quæ est de obligatione rerum debitoris mobilium, vel immobilium, corporalium, vel incorporalium, quas pignori opposuit debitor pro debito. Id in idiotismo vocamus nadium, a vade proculdubio: nam fidei datæ optimus vas, id est, sponsor est, res pignori nexa, ut ait regula juris, plus cautionis esse in re, quam in persona illy a plus de seureté His præmissis tempus est ut perveniamus ad constitutiones hujus tituli. In singulas pauca adnotabo, nisi si forte plura rei propositæ libertas exigit, et ea tantum adnotabo, quæ vel Accurs. non observavit, vel male observavit, vel non satis abunde exposuit.

Ad l. 1. et 2.

Debitor, qui pignoribus profitetur se creditoribus cedere, nihilonagis liberabitur.

Ex lege prima notandum est, debitorem, qui profitetur se pignoribus cedere creditori, non ideo liberari ab obligatione personali, qua obstringitur: nec mirum: quia nec debitor, qui universis bonis suis cedit creditori, liberatur, l. 1. sup. qui bon. ced. poss. Pone (hoc enim necesse est) pignora, aut bona non esse idonea, non esse justas vades. Aliud ergo est profiteri se pignoribus cedere, aliud dare accipienti creditori pignora in solutum: quia hoc genere debitor liberatur, illo non item. Ex l. 2. h. t. quæ operæ est majoris, notandum est, si debitor eidem creditori pro debito eodem specialiter fundum Titianum, et mox generaliter pignorerit omnia sua bona creditori, prius executiunda specialis hypotheca, id est, fundus Titianus, quam cetera bona, etsi ex fundo Titiano suam pecuniam redigere possit, ad cetera bona, vel a ceteris bonis incipere non potest executionem juris sui; imo cetera bona censentur esse libera vinculo pignoris, cum speciale pignus, de quo prius convenit, idoneum est. Ratio dubitandi hæc erat, quia creditor æquale jus habet in omnibus bonis. Ergo videtur in arbitrio ejus esse, quæ exeat, quæ persequatur actione hypothecaria. Et sane ita est summo jure: sed, ut eleganter ait h. l. 2. jurisdictio temperanda est, id est, temperandum est edictum prætoris de pignoribus, ut in l. 1. de reb. cred. dicitur: prætorem de pignore. Et similiter ait l. quamvis, de in jus voc. licet prætor in libertum, qui sine venia patronum in jus vocavit, non elicat se daturum poenale judicium, causa cognita tamen moderandam esse jurisdictionem, ut si libertum, qui vocavit patronum irreverenter, id est, sine venia prætoris poenitent, et actionem remittat, ut non detur in eum poenale judicium. Questio h. l. 2. sæpe usu venit, et agitur, ut nuper accidit in hac urbe inter creditorem

et debitorem . creditore speciali hypotheca omnia executante cetera bona , quae forte sunt cetera debitori , aut pretiosiora , vel amceniora : debitor autem prohibente , prius iri ad cetera bona , quam sit excussa specialis hypotheca , quem utique magis audiet iudex . Agitur etiam haec questio inter priorem et posteriorem creditorem hypothecarium , ut recte glossae et Basilica ponunt speciem ad hanc l. 2. puta priori creditore privilegio temporis contendente se in ceteris bonis debitoris posteriori creditore esse potiorum , posteriore negante : si specialis hypotheca idonea sit , et huius intentio verior est : nam et haec erat vulgaris conventio , id est , quae vulgo apponi solebat in contrahendis pignoribus re certa pignori specialiter obligata , ac deinde generaliter omnibus bonis , ut ita demum creditor jus pignoris exerceret in ceteris bonis , si de re speciali pignori obligata suam pecuniam servare non posset . Et hoc ostendit l. 2. in 2. parte , qui pot. in pign. hab. et l. quae specialiter , inf. de distract. pign. Et vulgares conventiones si sint omisae , solennes conventiones pro interpositis habentur , id est , quod vulgo agitur inter contrahentes , et semper agi intelligitur . Denique semper generalis hypothecae inest haec conditio , si prior hypotheca specialis non sufficiat creditori ; nec alia ratione locato fundo , tacito iure fructus , qui ibi nascuntur ob mercedem pignori sunt , quam quod ita solet convenire inter locatorem et conductorem , l. si servus commun. §. locavi , D. de furt. Nec hodie in iudiciis ullae frequentantur cautiones judiciales , vel iudicio siti : de rato , iudicatum solvi , quam quod quae vulgo interponi solebant , pro interpositis habeantur : nec enim hodie repromissiones ex iudicialibus intelliguntur remissae . Satisfactiones sunt remissae , sunt sublatae ex bellis civilibus , vel externis , vel ex moribus hominum , vel ex difficultate invenientium fidejussorum , paucitate hominum , vel amicorum , aut inhumanitate ad necessitatem remittendarum satisfactionum in iudiciis nos compellente , ne perquisitiones fidejussorum (quae , ut dixi , plerumque sunt in difficili) trahant negotia litium . Sed repromissiones iudiciales , quae non exigunt fidejussores , sed nudam cautionem tantum partis , non intelliguntur remissae , sed tacite interpositae , ita ut agere liceat , si quis velit ex stipulatu iudicio siti , vel de rato , vel de iudicato solvendo , quod maxime notandum est . Sed ut revertamur ad legem nostram , quae quod prius executi vult specialem , quam generalem hypothecam , hoc ducit ex vulgari conventionem , quae idem solebat caveri inter debitorem et creditorem , quam lex habet pro interposita . Huic , inquam , legi opponitur primum l. creditoris , de distr. pign. quae ait , in arbitrio

esse creditoris , ex pignoribus sibi obligatis , quae distrahat , quae persequatur . Non est opus tot responsionibus , quas offert Accurs. Expeditissima et clarissima haec est , eam legem non intelligi de creditore , cui specialiter res certa obligata est , et generaliter omnia bona , ut scilicet ex eis eligere possit rem , quam velit distrahere , quod non potest : sed executare debet primum specialem hypothecam . Verum ex l. loquitur de creditore , cui specialiter plures res obligatae sunt , ut possit eligere : vel de creditore , cui omnia bona obligata sunt , ut possit eligere , quod volet , non de creditore , qui specialiter quaedam , et generaliter omnia obligata habet . Opponitur etiam huic legi l. 2. in 1. parte , qui pot. in pign. secundum iam exposui . Sed ut Joann. notavit recte , non loquitur etiam ea lex de eo , qui specialem et generalem hypothecam habet , sed de eo , qui generalem tantum , quem ait in aliis bonis debitoris , quae volet executare in generali hypotheca , praeferrere posteriori creditori , qui habet specialem hypothecam , quod est aequissimum , et confirmatur l. si generaliter , inf. qui potior. in pign. et in 2. par. h. l. quam ante exposui , non debui praetermittere , pro generaliter , recte adnotari in ora librorum esse legendum , specialiter . Idque res ipsa omnino postulat , et memini me alias docere suas . Restat tantum ad l. 2. haec questio , quam non attingunt Interp. Lex ponit , et non haec l. tantum , sed et similes omnes , prius creditor fuisse obligatam rem certam , deinde generaliter omnia bona : quid dicemus e contrario , si prius generaliter sint obligata omnia bona , et mox specialiter fundus Titianus , an poterit ex omnibus bonis executare , quae volet , omisso Titiano ? Et existimo , quia non abs re leges , quae de hoc tractant , ponunt praecessisse specialem hypothecam , hoc casu , quo specialis hypotheca post lata est generali , creditorem posse executare generalem hypothecam , et praeferrere posteriori creditori , qui forte ex bonis quendam specialiter accepit pignori , inspecto ordine conventionis , nisi aliud actum probetur , quod notandum , ut praecedentem generalem hypothecam creditor possit exercere , vel exequi , omisso speciali subsequente generali . Adnotandum est tantum ad Accursium , male enim hic verba (interim tibi non auferri) sic interpretari , ut tibi , sit debitori possidenti pignus . Nam , ut inscriptio docet , et contextus ipse l. Imperatores scribunt Lucio posteriori creditori suum pignus possidenti , cui id vi generalis hypothecae non potest prior creditor auferre , si ei sufficiat specialis . Et sup. in h. l. (adversarium tuum) id est , priorem creditorem . Ergo (tibi) id est , posteriori creditori , qui in suo pignore , non tam val potior , quam solus , ut ait

l. 2. qui pot. in pig. hab. videlicet si priori creditori sufficiat specialis hypotheca, quia tunc generalis nihil ei prolicit: generalis (quod ad eum attinet) nulla est. Et inep um est etiam, quod adjicit, idem esse, si extraneus, vel primus creditor possederit pignus: primum quia necesse est ponere possedisse posteriorem creditorem suum pignus, quoniam ait, *tibi non auferri*. Deinde si amisit forte possessionem in hac specie, posterior creditor recte eam avocabit ab extraneo, vel priori creditore. Ea lein ratione reliquis leges persequemur.

Ad L. III.

Creditores, qui non reddita sibi pecunia, conventionis legem ingressi, possessionem exercent, vim quidem facere non videntur: attamen auctoritate praesidis possessionem adipisci debent.

Ex *l. 3.* notandum est, creditorem, cui ex conventionis debitor permittit non soluta ad diem pecunia, ingredi possessionem fundi pignoriati, non posse tamen eam ingredi sine auctoritate judicis. Nec enim conventionis illa videtur remissus, imo nec remitti potuit ordo publici juris, qui auctoritatem judicis exigit, *l. 10. et 11. inf. hoc tit.* et etiam conventionem possessoris fundi. Vim quidem non facit creditor (ut ait lex) qui sub specie conventionis, et voluntatis debitoris ingreditur possessionem fundi pignoriati: sed nihilominus tenetur generali interdicto momentanee possessionis restituendae debitori: sicut in casu *legis 6. sup. unde vi* qui rem sibi debitam occupat sub specie iudicii, vel rescripti Principis: ergo si per vim collecta manu creditor ingreditur possessionem fundi pignoriati, resistente debitore, vel alio possessore, etiam tenetur speciali interdicto unde vi, ut Azo et Bartol. sentiant recte hoc loco contra Joannem: nam et regula juris fertur: *non esse singulis concedendum, quod per magistratum publicum fieri possit: ne occasio sit majoris tumultus faciendi*. Male vulgus hanc legem sic accipit, ut ex conventionis possit creditor ingredi possessionem fundi pignoriati sua auctoritate, sine iudice, sed melius et tutius, vel (ut illi ajunt) urbanius faciat, si ingreditur auctoritate judicis: quod si in alit sua, ut id impune faciat. Et hunc errorem, aut hanc sententiae hujus legis depravationem potissimum ducunt ex *secunda parte legis penult. sup. de pignor. act.* dum ait, creditorem suo arbitrio non posse auferre rem debitori citra conventionem, vel auctoritatem judicis, quae verba plane significant, ex conventionis creditorem posse auferre rem debitoris suo arbitrio, sua auctoritate. Sed observandum est, eam partem legis penult. non loqui de pignore obligato creditori, sed de quacunque re debitoris, quam ait

Tom. IX.

creditorum suo arbitrio ex causa debiti auferre non posse citra conventionem, id est, nisi convenerit, ut pignori esset, et auctoritatem judicis, videlicet per actionem hypothecariam, id est Servianam. Nam rectissime Graeci in *d. l. pen.* disjunctionem accipiunt pro conjunctione (ut sit saepe in jure) illo loco: *citra conventionem, vel praesidalem jussionem*. Illi enim sic interpretantur, citra conventionem, et praesidalem jussionem. *ἡμῖς οὐκ ἔχουμεν καὶ ἀρχὴν καὶ αὐτὴν*, ut duo exigant, si velit creditor auferre rem debitoris, hypothecae conventionem, et auctoritatem judicis, videlicet per actionem hypothecariam: nam nunquam temere est discedendum ab ordine juris. Mitto legem quartam, quae non desiderat operam meam: contenta erit discussione vestra.

Ad L. V.

Prostes provincia vir clarissimus jus pignoris tui exequentem te audiet, nec tibi oberit sententia adversus debitorem tuum dicta, si eum collusisse cum adversario tuo, aut, ut dicis, non causa cognita, sed praescriptione superatum esse constiterit.

Ad legem 5. notandum est, rem judicatam contra debitorem, qui rem suam vindicabat ab extraneo possessore, non nocere creditori, cui ante debitor eandem rem pignori obligaverat, sed superato debitore in causa proprietatis, adversus eum, qui debitorem superavit, vel quemcunque possessorem pignoris, creditori esse integram actionem hypothecariam duobus casibus tantum, qui proponuntur in *l. 1. 3.* si debitor per collusionem egerit causam proprietatis, id est, si egerit perfunctorie, ut vinceretur, se submittens adversario. Et altero casu si debitor superatus sit in judicio proprietatis, non causa cognita, sed absens et inauditus, *πορὸς ποῦ* ut loquimur, ex praescriptione, ut ait, veluti lapsis temporibus appellationis interpositae a debitore, ut *l. Heren. in fin. de evict. l. si express. in fi. de appell. l. 6. §. penult. de decur.* His duobus casibus res judicata contra debitorem in causa proprietatis non nocet creditori in causa pignoris persequendi. Sed hoc ita procedit, si creditor scierit debitori cum alio esse litem de proprietate pignoris, ut exceptis scilicet illis duobus casibus, res sciente creditore acta et judicata contra debitorem, ei noceat: nam si creditor hoc ignoraverit, non tantum illis duobus casibus, sed generaliter et indistincte creditori est integra actio hypothecaria et persecutio pignoris probanti rem, quo tempore pignus contrahabatur in dominio debitoris fuisse, *l. scilicet, de re jud.* Et secundum hanc distinctionem inter scientem et ignorantem creditorem, huius

111

l. 5. locus est ita demum, si creditor scierit, debitorem experiri de proprietate pignoris: nam victo debitore, illis tantum duobus casibus creditori salva est actio hypothecaria, non etiam aliis casibus, quin scientia et taciturnitas pro consensu habetur, id est, consensu creditoris, quo sciente lis de proprietate acta est inter debitorem et extraneum, videtur etiam iudicatum de jure pignoris, quod habuit ex persona actoris, id est, debitoris sui. Et ideo ad huc verba l. 5. (*nec tibi oberit*) adnotabis, tibi creditori etiam scienti non oberit his duobus casibus: ignoranti vero neque his casibus, neque aliis, quod notandum.

Ad L. VI.

In summa debiti computabitur etiam id, quod propter possessiones pignori datas ad collationem viarum munitiarum, vel quodlibet aliud necessarium obsequium præstitisse creditorem constiterit.

Ex l. 6. notandum est, maxime crescere obligationem sortis debitor ob ea, quæ creditor, cui fundus pignori traditus est fundi nomine contulit ad munitionem, et reparationem viarum publicarum, vel ad aliud (ut ait l. necessarium obsequium Re pub. ad aliud publicum munus, veluti ad reparationem portus, vel aqueductus, vel murorum, vel pontium, vel cloacarum, quæ sunt onera prædiorum, non hominum, et sequuntur quemcumque possessorem prædiorum. Et recte l. epist. §. pact. de pact. tale pactum (ut si quas summas propter tributiones fundi pignori nexi creditor solvisset, eas a debitore reciperet) esse iustum pactum, quia ius ita se habet, ut tributa prædii pignoriati, quæ solvit creditor, augent obligationem sortis. Et ideo supervacuum est pactum, quoniam ipso jure res ita se habet, ut et in l. quæsitum, §. ult. de distract. pig. Multa sunt pacta supervacua. Et crescere obligationem sortis, aperte demonstrant huc verba l. 6. (*in summa debiti computabitur*) id est, accrescet sorti. Ex quo sequitur, non liberari pignus, et pignoratitiam actionem quæ est in personam de recuperando pignore, non competere debitori sorte principali soluta capitatio ære soluto, ut veteres loquebantur, nisi etiam solvat, quæ creditor contulit ad necessaria obsequia Reipubl. quia et hæc sorti accreverunt, et omnem sortem solutam esse oportet, ut debitori competat actio pignoratitia, in l. si rem, §. omnia, de pig. act. Nam si vel unus nummus tantum superesset ex sorte, qui debeatur, tota res pignori data, pignori obligata manet. Et hoc est quod dicitur, indivisam esse causam pignoris, id est, pignus non posse liberari pro parte, sed teneri in solidum, vel pro unummo sestertio, l. rem, de evict.

Ad L. VII.

Usucapio pignoris conventionem non extinguit.

Ex lege 7. (quam Placentinus per quam stulte scripsit non posse intelligi, dabitque nobis licentiam abrundi) quæ constat uno tantum versu elegantiss. (*usucapio pignoris conventionem non extinguit*) ex ea, inquam, notandum est, usucapio pignore ab extraneo debitorem amittere dominium pignoris, quod est certum: in usucapione creditorem non amittere ius pignoris, quia usucapione dominium acquiritur cum sua causa, l. 1. §. cum prædium, D. eod. tit. Et eadem ratione usufructarius, ad quem pertinet pignoris usufructus usucapto pignore non amittit usufructum, l. locum 17. §. pen. de usufruct. Denique usucapione non acquiritur liberum, vel optimum maximum ius domini, sed quale habuit is, qui ante completam usucapionem dominus erat. Hæc est vera et facilis sententia hujus legis omnibus amplectenda. Secunda interpretatio Accursii est ridicula, ut Cato loquitur. Verum circa hanc sententiam hujus l. multa possunt queri, et multa etiam querit Accursius. Primum potest queri transformata usucapione a Justiniano, an sit locus sententiæ h. l. Et recte sensit Accursius ne in re aperta et nota Accursio sin longus, esse locum sententiæ hujus legis in re mobili, quæ usucapitur triennio: non etiam in re immobili, quæ usucapitur longo tempore, quia placuit etiam longo tempore perimere pignoris cujuscunque causam, id est, decem, aut viginti annis, l. ult. sup. de præsc. long. temp. l. 7. et l. ult. sup. de oblig. et act. Rursus posset queri, an soluta, vel oblata et deposita sorte, debitor adversus creditorem possit agere actione pignoratitia, ut restituat pignus, quod tenuerat, sed postea amissa possessione, cum ad alium transisset, usucapto est, et nunc tenetur ab eo, qui usucepit, quia videtur adhuc ab eo, qui usucepit, creditor posse avocare possessionem pignoris per actionem hypothecariam. Sed ut respondeam, primum hoc negabo, creditorem ab eo, qui usucepit, posse avocare possessionem pignoris, et habere adversus eum actionem hypothecariam, quia solutione sortis extincta est hypotheca, sed teneri tamen creditorem debitori actione pignoratitia, ut vel rem redimat ab eo, qui usucepit, vel præstet æstimationem litis, et quantum interest, videlicet si per creditoris, qui pignus tenebat, negligentiam factum est, ut pignus usucaperetur, quia in actionem pignoratitiam venit etiam culpa sive negligentia creditoris, faut qu' il en rendo compte, l. si cum venderet, et duabus sequentibus, D. de pign. act. l. 6. et 8. sup. eod. non tamen teneri creditorem eadem actione, si sine vitio

suo possessionem pignoris perdidit, *l. 4. cod. tit. sup.* Et hoc de pignore, quod tenuit creditor, ut posui semper: nam in pignore, quod creditor nunquam tenuit, hæc questio cessat, quia ad hoc genus pignoris non pertinet actio pignoratitia, quæ est de restituendo pignore, quod accepit: atqui nunquam accepit, vel habuit. At rursus inde nascitur alia questio, et d. sicilicet, quid sit dicendum, si pignus nudo consensu contractum sit, et cum nondum pervenisset ad creditorem, usucaptum sit et postea ab eo, qui id usucepit, creditor possessionem pignoris avocaverit, ut potest, actione hypothecaria: tum deinde debitor solverit sortem creditori, an actione pignoratitia potest a creditore recipere pignus, cuius dominium usucapione amisit? Dicam posse, sed frustra recepturus est pignus, si is, qui usucepit, id mox ab eo vindicet, tanquam factus dominus. Itaque in damno versabitur debitor, qui solvit pecuniam, et pignus recuperatum a creditore non potest retineri vindicante eo, qui usucepit. Et omnino ita est, ut versetur in damno, quia hoc accidit sua culpa, cum per negligentiam ejus pignus usucaptum sit, ut in *§. quod autem. In tit. de usur.* Et captiosa, atque vana sunt remedia, quibus Accursius hoc loco tentat debitorem eximere damno, quia adversus usucapionem nulla sunt remedia majori 25. annor. usucapio securitatem præstat possessori, *l. 7. sup. de præscr. long. temp. l. 1. sup. de com. rer. alien.* Et ea etiam remedia, sive consilia (quæ vocat Accursius) id est cautelas, ne debitor sit in damno, refutat Bartol. hoc loco, nec tamen rem expedit, quæ ita, ut divi, manifesto expedienda est, hoc tantum addito: quod si debitor in proposita specie soluta pecunia non statim pignus repetat, quia soluta pignus peremptum est, proculdubio ei, qui usucepit, erit efficax vindicatio pignoris adversus creditorem. Et postremo circa hanc legem queri potest, cur usucapto servo, jus pignoris, quod in eo habeo, non perimitur, ut docuimus, operæ autem servi usucapti, quæ mihi legatæ erant, perimuntur? legatum operarum usucapto servo perimitur, *l. 2. in fine. de usufr. leg.* Quæro, quæ sit ratio differentie? Ratio differentie, in qua hæret Accursius in d. *l. 2.* dum eam querit, nec tradit ullam, evidens hæc videtur esse, quia operæ servi, quæ consistunt in actu ipsius servi, jus domini sequuntur, quod usucapione acquisitum est: nam si servus est tuus factus usucapione, consequens est, ut tibi operas præstet, non alii, nec testamento alterius fieri potest, ut servus tuus alii, quam tibi edat opera. Denique operæ societate, veluti quodam dominio servi conjunguntur: at pignus nulla societate dominio, id est, proprietati conjungitur. Hæc sunt verba *l. justo. §. non autem, de usurp. et usuc.* Usufructus quoque,

cujus causam eandem divimus esse, quæ est pignoris, ut neutra perimatur usucapione, non debet permisceri cum dominio, vel possessione, ut *l. pen. de acquir. poss.* quia usufructus servi non consistit in servo ipso, id est, in actu servi, sed in persona ejus, qui in servo usufructum constitutum habet, et in facto ejus, in usu et fructibus servi. At operæ, quæ legantur, consistunt in ipso servo, id est, in actu ipsius servi. ideoque nec morte ejus, cui legatæ sunt operæ, quoad vivit servus, legatum perimitur, et usufructus tamen perimitur morte ejus, cui usufructus legatus est. Et similiter operæ legatæ non perimuntur capitis diminutione legatarii, vel non utendo, quibus tamen modis usufructus intercidit, *d. l. 2. de usufr. legato.*

Ad L. VIII.

Quamvis personali actione expertus adversus reum, vel fidejussores, seu mandatores ejus feceris condemnationem: pignoris tamen adhuc habes persecutionem.

Lex octava est pars legis primæ, inf. etiam ob chirog. pecuniam pignus teneri, ubi de questione ejus tractabimus commodius.

Ad L. IX.

Si dominum ejus possessionis, quæ pignori data esset, a debitrice domina ad te translatum est, eamque postea creditor, vel ejus hæredes detinere cœperint: vindica eam rem præside provincie curante, ut fructuum deducta ratione, residuoque a te oblato, si fuerit satisfactum, ea possessio tibi reddatur.

Ad legem 9. sic est ponenda species: debitor alienavit fundum Titio, quem ante creditori suo nudo pacto obligaverat. Ut usucapione, ita alienatione pignoris facta sine consensu creditoris pignus non perimitur, *l. 13. inf. hoc tit. l. si debitor, inf. de distract. pign.* Postea vero creditor eum fundum tenere coepit. Hæc lex nona ait, Titium nuper factum dominum fundi, recte cum fundum vindicare a creditore, fructibus, quos creditor ex eo fundo percepit imputatis in sortem, et residuo debiti oblato, et deposito, si creditori satisfactum fuerit: quæ postrema verba lex adjecit, quia non est satis solvi creditori sortem principalem, ut pignus liberetur, sed etiam ei satisfieri oportet: nam quandoque sortis principalis solutio ei non satisfacit ad plenum, ut puta si quos sumptus fecerit fundi pignoralit nomine, qui auxerint sortem principalem, ut in *l. 6. sup.* Satisfacere, est tantum facere, quantum satis est creditori, ut Accursius Pedanus ait, *satisfacere*

este, tantum facere quantum satis est irato ad vindictam. Ergo ex l. 9. ei, cui debitor pignus alienavit citra consensum creditoris, pignoris possessione postea perveniente ad creditorem, competit rei vindicatio adversus creditorem, si ei satisfactum sit, quæ tamen actio non competeret debitori a lversus creditorem possidentem pignus, quia vindicatio rei corporalis possessori non datur, l. 1. §. interdictum, uti possidet. §. æqua, Instit. de act. Et creditor licet teneat pignus, id tamen sibi non possidet sed id debitor possidet per eum, l. cum notissimi, §. sed cum illud, sup. de præscript. 30. annor. Ergo non potest debitor id vindicare a creditore, quia vindicatio non acquiritur sine dispendio possessionis. Sed cum erit satisfactum creditori, potest pignus repetere actione pignoratitia. Dixi, alienatione non extinguere causam pignoris: hoc est verum indistincto, sive res mobilis, sive immobilis pignori data sit, et sive traditione, sive nuda conventionione pignus contractum sit. Sed alio jure utimur hodie in re mobili: nam creditor non potest persequi actione hypothecaria rem mobilem, de qua convenit inter debitorem, et creditorem, ut pignori esset, si a debitore ea res pervenerit ad extraneum. Et hoc est, quod dicitur lingua materna, meubles n' ont point de suite en hypothèque, quod ils sont hors de la puissance du débiteur, id est, ex sola conventionione pignoris, vel speciali, vel generali nil refert creditor non potest persequi actione hypothecaria res mobiles adversus quemlibet possessorem, sed adversus debitorem tantum, vel heredem ejus, aliter quam si traditione contractum sit pignus rei mobilis: nam ita contractum pignus rei mobilis, etiam hodie creditor persequitur adversus quemlibet possessorem. Et ita facimus hodie differentiam inter rem mobilem et immobilem, et pignus re, et consensu contractum. Dixi præterea ex hac l. fructus, quos creditor ex pignore percepit, consumpsit, et imputari in rationem sortis. Hoc confirmat lex l. et 2. sup. de pignorat. action. l. 1. inf. de distract. pign. l. 2. inf. de partu pign. Itaque fructibus æquantibus sortem, ipso jure liberatur pignus, perinde atque solutione, vel obligatione, et depositione totius sortis, vel datione pignoris in solutum ut in l. 18. inf. fructuum perceptio pro solutione est, si ad quatuordecim sortis. Sed hoc ita procedit, nisi aliud convenierit inter debitorem, et creditorem, veluti ut fructus creditor perciperet vice usurarum, quæ conventio pignoris proprio nomine appellatur ἀντίχρησις in l. si is qui bona, §. 1. ff. eod. tit. l. si pecuniam, de pign. act. quasi ἀντί τόκων χρεὶς, id est, jus utendi fruendi pignore vice usurarum, quod Cicero est certare cum usuris fructus prædiorum.

Nec omittem quod Azo notavit, initio hujus legis in quibusdam libris ita legi, si dominium ejus possessionis, quæ cum pignori, etc. Ego constanter ita scriptum legi semper in omnibus libris veteribus, et est syllepsis.

Ad L. X.

Debitores præsentis prius denuntiationibus conveniendi sunt. Igitur si conventi debite satis non fecerint, persequenti tibi pignora, seu hypothecas, quas instrumento specialiter comprehensas esse dicis, competentibus actionibus, rector provincie auctoritatis suæ auxilium impartiri non dubitavit.

Legem decimam vulgo sic accipiunt male, ut creditor prius denuntiare debeat præsentis debitori, ut solvat, id est, eum interpellare, et admonere debeat, quam agat actione hypothecaria, quod est falsum: nam istæ denuntiationes, quæ propriis dicebantur conditiones, sublatae sunt, §. appellamus, Instit. de action. et in l. ult. sup. de interd. illa verba (ruptis veteribus ambagibus) dixi excludere solemnes denuntiationes, idemque velle in l. ult. sup. quorum bonorum, hæc verba (omnibus frustrationibus amputatis). Et hi etiam, qui ita accipiunt hanc legem, coguntur supplere suo Marte, hanc denuntiationem exigi ex urbanitate, non ex necessitate, quod etiam est falsum: nam aperte verba legis injungunt necessitatem denuntiandi præsentis debitori: et verius est, hanc esse sententiam hujus legis ut si convenierit inter creditorem, et debitorem hypothecarium de non distrahenda hypotheca, vel etiam si simpliciter pignus datum sit, nulla facta mentione distrahendi, vel non distrahendi, quo casu etiam tacite videtur agi, ne distrahatur, l. 3. ff. quæ res pign. oblig. poss. non aliter possit creditor, contra quam actum est expressim, vel tacite, pignus distrahere, quam si denuntiaverit præsentis debitori, ut pignus luat, quæ est sententia etiam l. 4. ff. de pignorat. act. et (ut affirmo) etiam hujus leg. 10. nam in ea persequi hypothecam, est persequi usque ad extremum, ad distractionem usque jus pignoris exequi. Et placet, quod ait lex plerativo numero, denuntiationibus: nam trina denuntiatio exigitur in d. l. 4. et a Paulo 2. Sent. tit. 4. creditor, inquit, si simpliciter sibi pignus depositum di trahere velit, ter ante denuntiare debet debitori suo, ut pignus luat, ne a se distrahatur. Itaque hæc lex 10. id omnino vult, quod est apertius in eodem loco verba scriptum in l. debitoribus, sup. de administr. tut. debitoribus parere solutioni denuntia, qui si satis non fecerint, in venditione pignorum uti jure communi potest.

Ad L. XI.

Nominatori pignori capere sine præsidiis auctoritate res nominati non licet.

Lex undecima etiam non bene explicata est. Nominator in ea vocatur magistratus municipalis, qui quem nominat, et creat ad munus aliquod publicum, veluti ad curationem operum, quam si nominatus suspicere detractet, lex ait, magistratum municipalem cum coercere non posse captis pignoribus sine auctoritate præsidiis. Ille est sententia legis. Habet quidem magistratus municipalis jus coercendi inobedientes, et contumaces captis pignoribus, *l. quemadmodum, §. magistratus, ad leg. Aquil. l. 4. §. 1. de dam. infect.* sed non sine jussu præsidiis sicut magistratus municipalis habet jus dandi tutoris, *l. 3. ff. de tut. et curat. dat.* sed non sine præsidiis jussu, precepto, mandato, *l. Lucius, §. cum testamento, de admn. tutorum, l. tutores, de confirm. tut. l. sexta, sup. qui dare tut. poss.* Olim (quod forte non omnes faciunt) magistratus, qui pignora capiebant, et mox ea confringebat, concidebant, verbi gratia, supellex contumacis capta pignori, mox concidebatur. M. Tullius 3, de Oratore. *An tu, inquit, cum omnem auctoritatem universi ordinis pro pignore putares, eamque in conspectu populi Romani concideres tanquam pignus, scilicet existimens, me his pignoribus, quibus me coercere instituis, posse terreri. Non illa pignora tibi sunt cedenda lingua, etc.* Et sic etiam Tibullus.

Quid facio demens? heu, heu, meo pignora cedo.

Ad L. XII.

Si uxor tua pro pecunia, quam accepit mutuo, res proprias obligavit pignori, eique tu successisti: licet instrumento ejus facti testimonium collatum non sit: soluto tamen debito, creditorem de his tibi reddendis solemni jure convenies.

Ex l. duodecima hoc tantum notandum est, instrumenta esse testimonia factorum, id est, rerum gestarum, et condi instrumenta, ut res gesta probetur, non ut valeat: nam et sine instrumento valet: instrumenta condi rei probandæ, non condendæ, vel constituendæ. Et secunda interpretatio Accursii ad eam legem est verissima, et confirmatur *l. contrahitur de pig.* Prima interpretatio delenda est.

Ad L. XIV. et XXIV.

L. XIV. Distractis a debitore pignoribus, creditores potestatem habere, utrum ne personali

obligatos sibi, an pignora possidentes, in rem actione convenire velint, non est incerti juris.

Lex 14. et l. 24. idem docent, esse in electione creditoris, qua actione prius experiat, personali actione cum debitore suo, an hypothecaria cum possessore pignoris, an simul utraque, *ut l. ult. sup. de obl. et act.* Sicut in electione creditoris est cum debitore, an cum fidejussore, vel mandatore, an cum utroque experiat, *l. grege, §. et am, de pignoribus.* Nec cum Accursio in hac re est constituenda differentia inter expressam, et tacitam hypothecam, ita ut electionem habeat creditor, qua via ad suum perveniat, si expressa sit hypotheca, ut ait hoc loco, non etiam si tacita: nam Resp. quæ non habet, nisi expressam hypothecam, *l. 2. inf. de jur. Resp. lib. 11. l. simile. ff. ad munic.* denique Respubl. quæ habet expressam hypothecam, non tamen omnino electionem habet, *l. 1. inf. de de decur. lib. 10. l. 3. §. ult. de administ. rer. ad civit. pertin. l. libert. §. fil. ad munic.* Non est etiam omnino constituenda differentia inter privatum creditorem, et fiscum, sive rempublicam, ut privatus hanc habeat electionem, non fiscus, vel Resp. nam et in causa tributorum fiscus hanc eandem electionem habet, *l. cum posses. §. ult. de cens.* Et in causa pecuniæ debitæ ex contractu, veluti ex locatione vectigalium, videlicet, si possessor hypothecarius fisco non caveat de indemnitate, interim dum excutit principalem debitorem, *l. 1. inf. de conveniend. fisci debitor. lib. 10. l. 3. sup. de sentent. et interloc.* Hodie non ignoratis ex Novel. Justiniani quarta de fidejussoribus, privato creditori edemptam esse hanc electionem, a qua non dissentit Novella 112. cujus sententia ab Irnerio huic legi subjecta est: nam et in Novella de litigiosis, ponitur creditorem prius egisse cum debitore servato ordine præscripto in Novella 4. Sed lite pendente debitorem pignus vendidisse, nec ex pretio solvisse creditori: quæ res facit, ut protinus creditor possit transire ad emptorem pignoris instituta actione hypothecaria, qui tamen recte cooperat a debitore principali.

Ad L. XVI.

Et si frater tuus non suam, sed ad te pertinentem pecuniam mutuum suo nomine dedit, ac pignus accepit: tamen tibi pignoris obligationem querere non potuit.

Ex hac l. notandum est, obligationem pignoris per liberam personam non acquiri, sicut nec quamlibet aliam obligationem: ut si meam pecuniam suo nomine frater meus alii crediderit, quod mutuum quidem ab initio non consistit, quia pecunia non est dantis, sed convalescere potest consum-

pione pecunie: atque adeo si meam pecuniam (ut dixi) frater meus suo nomine crediderit, et pignus acceperit in causam crediti, mihi neque personalem obligationem creditae pecuniae acquirit, neque obligationem pignoris, quam contraxit, ut *l. solut. §. pen. de pign. act.* Recte ait *l. suo nomine*: nam si nomine meo pecuniam meam crediderit, jure singulari receptum est, sicut et multa alia singularia sunt recepta in credita pecunia, ut mihi acquirit obligationem creditae pecuniae, quamvis sit liber homo, non subjectus potestati, atque etiam obligationem pignoris, *l. 2. sup. per quas pers. nob. acq.* Sed et quandoque, si quis alienam pecuniam suo nomine crediderit, non nomine domini, domino pecuniae datur utilis actio creditae pecuniae, perinde ac si ipse credidisset, ut si quis crediderit pecuniam militis, vel pupilli, vel juvenis, ut *l. 2. sup. quando ex facto tutor. vel cur. l. si pecun. ff. de reb. cred.* Hypothecariam autem his personis, id est, militi, pupillo, juveni, si is, qui eorum pecuniam credidit suo nomine, pignus acceperit, dari non invenio, nec cui datur actio principalis, continuo etiam danda est actio hypothecaria sine lege certa, quae hoc constituat, ut ante constitutionem Justiniani, id est, *d. l. 2. sup. per quas pers. nobis acqu.* credita ab alio mea pecunia meo nomine, et accepto pignore, mihi ipso jure acquirebatur obligatio principalis, non etiam obligatio pignoris. Et ita etiam in proposito illis personis, quarum pecuniam aliquis credidit suo nomine, dabimus quidem actionem principalem, si certum petatur, sed non actionem hypothecariam, si pignus intervenerit, sine lege certa, qua destituatur.

Ad L. XVII.

Quamvis ea pecunia, quam a te mutuo frater tuus accepit, comparaverit praedium: tamen, nisi specialiter, vel generaliter hoc tibi obligaverit, tuae pecuniae numeratio in causam pignoris non deduxit: sane personali actione debitum apud praesidem petere non prohiberis.

Ex lege notandum est, rem a fratre meo ex pecunia, quam ei credidi, sibi id est, suo nomine comparatam, non propterea esse mihi tacite pignori obligatam nomine crediti. Denique non esse eam rem mihi pignori in causam creditae pecuniae, sine conventionis expressa, vel speciali, vel generali. Et haec *l.* et superior loquitur de fratre, sed utrique locus est etiam in quovis alio, qui vel pecuniam meam suo nomine crediderit, vel si aliquid suo nomine comparaverit ex pecunia, quam ei credidi, vel quam mihi debet ex alia causa. Et ut a superiori lege excepimus pupillum, cujus pecu-

niam quis alii suo nomine mutuum dedit, ita ab hac lege nos pupillum excipere oportet: nam res pupilli pecunia ab alio comparata, tacite pupillo pignori obligata est ex const. Sever. et Antonini, *l. pen. sup. de serv. pig. dato manum. l. 3. ff. de reb. cor. qui sub tut. etc.* quod interpretes trahunt etiam ad militem, et juvenem. Ego nolim trahere sine lege: nam etsi militi detur vindictio rei comparatae ejus pecunia, *l. si ut proponis, sup. de rei vind.* non tamen ideo, imo vero eo minus eidem danda est actio hypothecaria, veluti ex tacita hypotheca: vindictio enim datur domino, vel quasi domino: hypothecaria datur non domino, nec utraque unquam deferitur cuicumque sine lege, aut constitutione certa, quae in alienos arbitrio faciat, ut hac, vel illa actione experiatur: ut ex Justiniani constitutione est in arbitrio mulieris res doteles persequi soluto matrimonio vindicatione tanquam suas, vel hypothecaria actione tanquam non suas, *l. in rebus, sup. jur. dot.* Et eandem electionem constitutiones dant pupillo, cujus pecunia ab alio res comparata est: nam praeter tacitam hypothecam ejus rei, datur etiam pupillo utilis actio, si hanc malit ad eam rem vindicandam, *l. 2. quando ex fact. tutor.* non etiam aliis personis, quod legerim, veluti militi, aut adolescenti.

Ad L. XIX.

Sicut vim majorem pignorum creditor prestare non habet necesse: ita dolum, et culpam, sed et custodiam exhibere cogitur.

Lex XIX. atque etiam 20. alienae videntur esse ab hoc titulo, atque tractatu: neque enim sunt de actione hypothecaria, de qua est hic tractatus, et hic tit. et quotquot sequuntur usque ad tit. 33. sed sunt ambe de actione pignoratitia, de qua est proprius titulus *lib. 4. sup.* et inter quas quantum intersit, accipite paucis. Actio hypothecaria est in rem, ut *l. 18 h. tit.* Actio pignoratitia in personam: haec est bonae fidei, illa arbitraria: haec datur debitori soluta hypotheca, illa creditori manente hypotheca: haec est ex jure civili, illa est ex jure praetorio hypotheca contracta nudo consensu. Sed tamen, quia haec illi æmula est, ut eleganter ait Justinian. in constitut. quae sua auctoritate confirmat conditionem Digestorum. Haec inquam, illi æmula est, quoniam utrique circa eandem rem idem est studium, idem amor debitori, ut habeat pignus, creditori æque, ut idem pignus habeat. Quia igitur invicem æmulae sunt, neque haec illam, nec vicissim illa hanc abhorret. Itaque non male etiam de actione pignoratitia hoc proponitur in *l. 19.* in eam venire dolum et culpam creditoris, et custodiam, dolum et culpam, id est, si dolo creditoris, aut culpa

pignus perierit, aut deterius factum sit: nam (ut ait hæc l. 10.) creditor dolum et culpam, et custodiam exhibere cogitur: ubi Accursius sic distinguit culpam a custodia, quem et plerique sequuntur, ut custodia sit contraria negligentiae, atque ita lex velit negligentiae nomine creditorem teneri debitori, quod non curatus, diligentius custodierit rem pignori datam, sed neglexerit: culpa autem consistat, non in negligendo, id est, non faciendo, sed in faciendo, ut si creditor dum jaculatur, nec dum bene sciat vibrare jaculum, deerrans hominem trajecerit sibi pignori datum, atque ita Accurs. in hac l. culpam a custodia distinguit, quam distinctionem omnino improbo: nam certissimum est etiam in non faciendo culpam consistere, in negligendo, l. si servum, ff. de verb. obligat. §. præterea, Inst. de leg. Aquil. et nominatum in l. si socius socio, pro socio, et in §. præterea, Inst. quib. mod. re contr. oblig. Juris auctor culpam, interpretatur desidiam et negligentiam. Ergo culpam generaliter accipiamus pro levj negligentia, sive diligentie exacte privatione, atque etiam pro delicto commisso, pro delicto facto per imperitiam, vel imprudentiam. Custodiam autem accipiamus pro exactissima diligentia diligentissimi patrisfam. cui sit contraria levissima culpa: nam hæc lex rem augeat, dum adjicit et custodiam, hoc est, dum ait creditorem non tantum præstare dolum et culpam, quod nomen simpliciter significat lozem, sed etiam præstare custodiam, id est, etiam levissimam culpam, quo modo etiam rem augeat l. 13. §. ult. ff. de pig. act. Sed creditorem præstare etiam custodiam, id est, exactissimam diligentiam, ita demum verum est, si creditoris tantum gratia pignus contractum sit, puta ut pecunia credita in tutum redigeretur, alioquin parati etiam sine pignore roganti debitori pecuniam credere. Quo casu manifestum est, pignus dari tantum creditoris gratia, quia et sine pignore, si voluisset debitor, pecuniam mutuam accepisset a creditore. Et sequum est, ut in commodato, cum solius commodatarii gratia res geritur, ut præstet omnem culpam, et exhibeat omnem diligentiam, supremam diligentiam, in servanda re commodata, vel pignolata. Ceterum aliud dicemus, si pignus contractum sit utriusque gratia, quod quomodo fiat, explicant Institutiones in fin. tit. quib. mod. re contr. ajunt pignus dari utriusque gratia: ubi velim vos subintelligere plerumque: nam potest dari solius creditoris gratia: ac tum datur utriusque gratia, cum sine pignore debitor non erat habiturus pecuniam, cum quodammodo vi quadam creditor pignus ei extorsit, ut innuit lex 4. hoc tit. Debitoris gratia contrahitur pignus, quo magis ei

credat, qui alioquin non crederet: atque etiam creditoris gratia, ut ei sit cautum pignore, ut in tuto sit creditum. Et hoc casu, negabo creditorem præstare custodiam pignoris, id est, teneri ex levissima culpa secundum definitionem l. si ut certo, §. nunc videndum, D. commod. Et eadem distinctione utar in commodato, quoniam et in hac re pignus commodato comparatur, d. l. 13. §. ult. Nam si commodatum contractum sit solius commodatarii gratia, procudubio præstat culpam, et custodiam, d. l. si ut certo, §. commodatum. Sin autem contractum sit utriusque gratia, quod fit in hac specie, si communem amicum invitamus ad cenam, et tu parandæ cenæ curam suscipias, ego tibi commodem suppellectilem meam argenteam, commodatum fit utriusque gratia: et hoc casu commodatarius dolum tantum præstabit et culpam, non custodiam, l. in rebus, §. 1. ff. commod. quæ etiam pignus comparat commodato. Et ita est accipiendum, quod habemus ex fragmentis, sive redimiis Modestini ex lib. 2. Different. Commodati judicio conventum, præstare dolum et culpam, quia, inquit, utriusque contractus utilitas vertitur: nam (hæc supplamas) si solius commodatarii, non tantum præstaret dolum et culpam, sed etiam custodiam. Et hæc distinctio, quæ summe notanda est, liquido demonstratio hac re ne minimam quidem differentiam restare inter pignus, et commodatum. Illud certissimum est, in neutro contractu venire casum fortuitum, id est, ut hæc lex loquitur, vim majorem, vim divinam, invictam necessitatem, damnum fatale, quo pertinet etiam l. 25. hoc tit. Et furtum quandoque adnumeratur casui et fortunæ, latrocinium semper, furtum quandoque, ut in l. cum qui, §. idem scribit, ff. de furt. ut furtum, quod fit a saeculariis, vel apertulariis, ce sont des mariots, ou coupebourses, qui artibus quibusdam maleficis, e sinu quandoque ipso hominis auferunt pecuniam, quod quis cavere, aut providere possit? Vel etiam ab apertulariis, seu directariis ce sont des crocheteurs de portes, quod vix ullus tam diligens est, ut cavere possit. At plerumque furtum adnumeratur culpæ et negligentie in non servando nostro l. 4. ff. nautæ, caup. stab. l. cum duob. §. damna, ff. pro soc. Et huc pertinet etiam l. 26. hoc tit.

Ad L. XX.

Creditor ad petitionem debiti urgeri jure minime potest. Quapropter eo, quod vos hereditibus Evodiani debere confiditis, oblato, et si non

velint accipere, consignato, atque deposito: de reddendo pignore hos praesidiali notione convenite.

Ex l. 20. notandum creditorem invitum non compelli agere de credita pecunia, ut scilicet ei pecunia solvatur petenti, et pignora liberentur, et usurae non current: non compelli etiam creditorem oblata pecuniam accipere, sed qui ab usuris et sorte se et pignora liberare velit, deponat pecuniam apud acta, et consignet: depositio, et consignatio solutio est, quae omnem obligationem perimit l. 9. inf. de solut. Depositio sola non sufficit, sed necessaria est etiam consignatio, quae non est, ut vulgus accipit, adnumeratio pecuniae, sed sacculi, vel cistulae, in qua est condita pecunia, obsignatio facta annulo signatorio debitoris, vel testium, ut in l. ult. ff. de leg. commiss. Apul. 10. Metam. in hoc ipso, sacculo, inquit, condito aureos annulo tuo praenota: donec altera die nummulario praesente comprobentur. Sic inductus signavit pecuniam. Non potest etiam e contrario debitor prohibere creditorem, quo minus agat de credita pecunia, quo minus repetat pecuniam suam sub specie, puta usurarum, in quarum solutione se perseveraturum debitor dicit, l. ult. §. ult. sup. de jur. dot. Quod utique verum est, nisi aliud convenerit nominatim, scilicet ut quamdiu usurae solverentur, sortis non repeteretur, l. 4. §. ult. l. qui in futurum, D. de pact.

Ad L. XXI.

Res obligatas exterius debito soluto liberando, datum petere, non earum dominium adipisci potest.

Lex 21. docet, eum, qui pro debitore auius negotiorum gestor soluta pecunia, et usuris pignus liberavit, non ideo pignoris dominum fieri, quia nec creditor, a quo pignus liberavit, pignoris dominus fuit, l. cum et sortis, §. ult. ff. de pig. act. Sed id tamen, ut opinor, pignus, quod liberavit, retinebit veluti pignoris iura, donec ei id omne, quod pro eo solvit, reddatur, atque etiam sortis, quam pro illo solvit, usurae, quae creditori praestandae fuissent, si pecunia ei soluta non fuisset. Nam quae praestarentur creditori, et praestandae sunt liberatori. Imo et usurarum pro illo solutarum usurae ei praestandae sunt, quia apud eum, qui solvit, sortis, non usurarum vice funguntur l. 12. §. sciendum, ff. qui pot. in pign. hab. alioquin usurarum usurae non praestarentur, quia sunt illicitae. Et ita vero, quia sua pecunia redemit captum ab hostibus, ejus quidem, quem redemit, dominium non adipiscitur, sed eum retinet, quasi pignus, donec solverit pretium redemptionis, quod pignus naturale dicitur in l. 2. inf. de cap. et postlim. revers. ab

hostib. Naturale, quia jure civili liber homo pignori esse non potest. Ille autem liber factus est redemptione, et postliminio.

Ad L. XXII.

Secundus creditor offerendo priori debitum, confirmat sibi pignus, et a debitore sortem, ejusque tantum usuras, quae fuissent praestandae, non etiam usurarum usuras accipere potest.

Lex 22. docet, posteriorem creditorem, cui, verbi gratia, fundus Titianus pignori obligatus erat, offerendo pecuniam ei, cui priori idem fundus obligatus erat, in ejus locum succedere, et pignus sibi confirmare, quod infirmabat causa prioris creditoris, sive praerogativa temporis. Ait, offerendo, et subintellige, vel si accipere nolit, publice deponendo, et consignando: nam sola oblatio, et nuda non confirmat pignus l. 1. inf. qui pot. in pign. hab. nisi oblationem sequatur acceptio prioris creditoris. Id autem pignus, quod ita sibi posterior creditor confirmavit, non tantum ob sortem sibi debitam, et usuras suas, sed etiam ob sortem, et usuras, quae priori creditori solvit, et sortis utriusque etiam deinceps usurae current, id est, sortis suae, et sortis prioris creditoris, quae current prior creditori, si ei satis factum non esset. At usurarum, quae posterior creditor priori solvit, licet eas ipse recte computet in sortem, tanquam sortem sibi debitam, tamen nullae usurae current. Et ratio haec est, quia solvendo priori creditori, suum potius, quam debitoris negotium gerat, nimirum ut sibi pignus confirmaret. Et licet se ipsa etiam gesserit negotium debitoris, quem liberavit a primo creditore, tamen animum tantum habuit gerendi negotii sui, id est, confirmandi pignoris sui, et ob id aequum est ut usurarum, quae sui potius, quam debitoris causa solvit, usurae non exigat, non accipiat. Et ita definitur in h. l. 22. Unde sequitur, quod si quis non creditor gerens negotium debitoris, non suum, pro eo solvat creditori sortem, et usuras, omnis pecuniae, quam solvit, id est, sortis et usurarum usuras exigere potest. Et hoc est, quod in specie proposita ait l. 12. §. sciendum, ff. qui pot. in pign. non enim, inquit, negotium alterius gessit, sed magis suum. Et ratio haec est, quia usurae, quae debebantur creditori post solutionem factam a negotiorum gestore sortis efficiuntur, id est, negotiorum gestori, qui solvit pro debitore, debentur tanquam sortis, non tanquam usurae. Et ob id recte alias usuras admittunt, ut in l. idemque, §. si procurator, in fin. ff. mand. l. qui negotiationem, §. ex duobus, in fin. et §. ult. ff. de administ. tut. Nec obstat l. ult. sup.

de usur. que dēstricte vetat etiam usurarum in sortem redactarum usuras exigi, quod tamen videtur ante probasse: sed ne morer longius in re non multum difficili, lex illa ultima sic intelligitur, si debitor, qui debet plurium mensium usuras creditori, ventente anno consummet in unam summam, eamque constituat se debere tanquam sortem, et ejus summe stipulanti creditori usuras promittat, quod M. Tull. vocat *anatocisimum anniversarium*: et dēstricte prohibetur in d. l. ult. Hic est mens l. ult. At si negotiorum gestor vel procurator, tutor, curator, pro debitore solvat creditori usuras, nihil vetat lex ult. quin quod solvit pro alio, apud eum sit sortis vice, cuius etiam usuras accipere possit: neque enim ullus hic est anatocisimus anniversarius. Et restat modo tantum ex hoc tit. lex ult. quam exponamus.

Ad L. ult.

Lex ult. loquitur de negotiatoribus, qui pecunias mutuas accipiunt, et pignori opponunt, quæ ex his pecuniis comparantur, sunt, ut fit sæpe, l. cum tabernam, ff. de pig. l. qui Romæ, §. Callimachus, ff. de vrb. oblig. Specialiter l. ult. loquitur de argentariis, qui mensas habent positas in foro, distrahendis, id est, peramptandis pecuniis, accepto collyho, id est, permutationis mercede motas, pour la change, quæ etiam appellatur a-pratura, maxime si a-peris nummis, id est, recenter cūsis permutantur veteres. Specialiter lex ultima loquitur de metatariis, id est, serici negotiatoribus, nam commune nomen metaxæ, quo significatur quælibet tracta lane, vel lini, vel filii, un escheveau, sericum fecit suum per prævalentiam, quod ditior sit tracta serici, adeo ut nunc tantum metaxæ, quod nomen retinent etiam Vascones, ils appellent un escheveau matalache, ut metaxam tantum accipiamus pro tracta serici. Generaliter autem (ut initio dixi) hæc lex loquitur de omnibus negotiatoribus, qui pecunias mutuas sumunt sub pignoribus eorum, quæ postea ex his pecuniis comparaverint, et possit eos postea comparasse militiam sibi, vel aliis. Militia hoc loco, et in multis locis juris nostri, est officium palatinum, officium civile, quod aliquando ejus generis est (saltem id, de quo agitur in hac lege ultima) ut possit vendi, pignori, locari, qualis est militia adjutorum questoris, ex Nov. 35. Questor Palatii en bon François c' est le Chancelier, quod et Accurs. intellexit: adjutor questoris, comme un chafreire. Quod officium etiam hodie potest vendi, et pignori, et legari,

Tom. IX.

ex consti. Ludovici XII. Ejusmodi etiam fuisse militem silentiariorum, qui in palatio Principis indicunt silentium. Huissiers demonstrat l. 30. §. ult. sup. de inoffic. test. et ejusmodi officia, sive militias hæc lex ostendit etiam transmitti in hæredes sub definitione certa, id est, non prorsus transmitti, sed transmitti sub modo certo, sub lege certa, quia scilicet non ipse militie mortuo milite transmittuntur in hæredes, sed qui subrogatur in locum defuncti militis, cogitur hæres huius defuncti, vel uxori præstare certam summam solatii loco, quæ præstatio vocatur sæpe in Novellis casus militie, la cheute d' un office par la mort d' un officier, le vacant. Appellatur etiam placitum scholæ a Juliano Novellarum Interprete, et in hac lege, placitum commune militantium: Recte: nam Schola nihil aliud est, quam schola militantium, le corps des officiers. Ex totius scholæ, id est, omnium officialium placito, vel ex beneficio Principis, defuncti militis hæredibus debetur solatium ab eo, qui in defuncti locum subit, et qui militiam defuncti obtinuit. Et pignori obligata militia, non tantum commoda, salaria, annonæ civiles, quæ ex militia acquiruntur; intelliguntur esse pignori, sed etiam casus militie intelligitur esse pignori, id est, solatium, quod debetur defuncti militis hæredibus. His cognitis, facile erit cognoscere constitutionem hanc. Utitur hic lex ultima distinctione hæc: aut negotiatores, qui pecunias mutuas acceperunt sub pignoribus eorum, quæ postea compararent, mox militiam compararent extraneis, aut sibi, vel liberis, vel cognatis. Si extraneis, non præsumitur militia comparata ex pecuniis creditis, nec erit pignori, nisi creditores probent ex his pecuniis fuisse comparatam. Onus probationis incumbit creditoribus hoc casu. Sed si sibi, vel liberis, vel cognatis, mox post sumptas creditas pecunias militiam compararint, præsumuntur eam comparasse ex creditis pecuniis, nisi contrarium probent negotiatores, et erit pignori. Denique hoc casu onus probandi incumbit, non creditoribus, sed negotiatoribus. Præsumptio, quæ a creditoribus facit, transfert onus probandi in negotiatores. Et ratio differentie petenda est ex affectione personarum, quæ præsumptionem facit, ut non in aliam rem sumptior pecunias mutuas, quam ut compararent militiam sibi, vel suis, quæ præsumptio non ita inducitur, cessante affectionis causa, ut cum militiam comparaverunt extraneis, et ignoratur ex qua pecunia, videbitur ex alia pecunia comparata nisi creditores probent ex sua pecunia comparatam.

JACOBI CUJACII J. C.

In Lib. VIII. Cod. cis.

RECITATIONES SOLEMNES.

Ad Tit. XIV. In quibus causis pignus tacite contrahatur.

Pignus non tantum expressim contrahitur, quod appellatur manifestarium pignus, *l. pen. ff. eod.* sed contrahitur etiam tacite ex justa presumptione, ut ait *l. ult. h. tit.* id est, ex presumptione *κατὰ πρόληψιν*: nam pignus pacto contrahitur: pactum autem sit expresse, vel tacite, *l. 2. ff. de pact.* Ergo pignus etiam contrahitur expresse, vel tacite. Et tacitum pignus, tacitamve hypothecam lex inducit, sive præsumit, quasi de eo tacite convenit inter contrahentes, ut ait *l. 3. et 4. ff. eod. tit.* quasi silentio convenit, ut ait *l. ea lege. ff. loc.* Ac primum quidem fiscus semper habet tacitam hypothecam, non tantum ex causa tributorum, sed etiam ex causa contractuum suorum, *l. 1. et 2. hujus tit. l. infertur, §. fisc. ff. de jur. fisc. l. 10. ff. de man. l. 68. §. 1. ff. de fidejuss.* Non igitur semper absolute, sed semper ex illis causis, puta tributorum vel contractuum: nam multos esse casus, in quibus fiscus non habet tacitam hypothecam, est scriptum in *l. rescrip. ff. de part. s.* Et verum esse opinor, quod scribit Accursius in *d. §. fiscus*, fiscum ex penalibus causis non habere tacitam: certe non eam habet ex causis, quibus fisco nuntiari potest, veluti ex causa venditæ rei litigiosæ, vel ex causa inventi thesauri, vel ex causa diraturum aditum promercii causa, nec etiam ex contractu, quem ipse non habuit, non contraxit, sed is: cui successit, *l. 1. §. 1. ff. quib. mod. pign. vel hypoth. sol.* Et observandum est maxime in hoc titulo, qui est de tacitis hypothecis, fisco dari tacitam hypothecam omnium bonorum debitoris ex causa tributorum, *l. 1. h. tit.* et ex causa contractuum, *l. 2.* Quo argumento fortiter defendi potest, ex aliis causis, quæ sunt omissæ in hoc titulo, fiscum non habere tacitam hypothecam. Et ita erit explicandum quod ait *d. l. rescriptum*, quosdam esse casus, quibus fiscus non habet hypothec. Sequuntur alia exempla tacitæ hypothecæ. Fundi nominatim pignori obligati, fructus etiam ipsi pignorati esse censentur tacito intellectu, *κατὰ τὸ αὐτομάτως, in l. 3. h. tit.* Quod ne fallamur, omnino ita intelligi debet, si eos fructus debitor percepit ex fundo expresse obligato pignori: nam si creditor fructus percepit, in sortem imputabuntur, *l. 9. sup. tit. prox.* nec possunt esse pignori cre-

ditori qui sunt percepti a creditore ipso, quia nunquam fiunt in bonis debitoris, quod maxime necesse est, ut pignus consistat. Ergo sic dicamus: ex fundo pignorato fructus perceptos a debitore, et ipsos tacite pignoratos videri. Verum additur in hac *l. 3.* ex his fructibus, qui et ipsi pignori esse videntur comparata forte a debitore prædia, pecunia scilicet redacta ex iis fructibus, non videri etiam ipsa pignorata, ob hoc solum, quod fructus pignorati erant, quod confirmat *l. idemque, in fi. ff. qui pot.* Aliud exemplum suppeditat *l. 4. h. tit.* Dos mulieris tacite fisco pignori obligata est ob reliqua primipili a marito administrati, id est, annonæ militaris administrationis a marito centurione primipili, quæ administratio est munus publicum, quod pertinet ad totam legionem. Et ex hac causa sunt fisco obligata omnia bona mariti, quasi ex contractu, *l. 2. h. tit.* et dos quoque mulieris, quod et hæc sit in bonis mariti. Verumtamen quia et ipsius mulieris est dos, licet sit in bonis mariti, ut ait *lex quamvis. ff. de jur. dot.* quia dos est patrimonium mulieris, ut eleganter ait hæc *lex 4. et lex 5. §. sed utrum in fine, ff. de minor.* ideo non statim fiscus ex causa administrationis primipili gestæ a marito, potest in dotem exequi jus tacite hypothecæ, sed prius debet excutere bona mariti, et fidejussoris, aut nominatoris ejus: ex quibus si fiscus solidum sequare non potuerit, tum demum, et tum solum ei licebit venire ad dotem mulieris, cum tamen alias hypothecatio creditori, cui plures res obligatæ sunt, ab ejus discussione, quam maluerit, liceat inchoare. Primipilus est primus centurio totius legionis, centurio primipili, quem ejus jussa capessentes sequebantur 60. centuriones, ut scribit Dionys. Halic. lib. 9. de Flavoleja primipilo, et sequebantur etiam eum quatuor centuriæ, id est, 400. milites, ut Vegetius scribit lib. 2. quem etiam adjicit cepisse totius legionis merita, et commoda, id est, stipendia, et annonas militares, ut eas distribueret, et exhiberet militibus. Et hoc est, quod sæpe legimus in constitutionibus, primipilo fuisse curæ pastus militares, id est, annonas militares, *l. 3. et 7. inf. de cohort. prim. et l. 6. C. Theod. eod. tit.* Et ex ejus quidem curæ, sive curationis causa universa bona primipili, simul ac dos uxoris ejus, fisco pignori tacite obligata erant, non etiam uxoris paraferæ, in quibus maritus nihil juris habet, ut *l. 1. sup. de privit. fisci.* Et quod ita hic definitur de curatione primipili, ut idem statuamus de qualibet curatione, functioneve publica, ex contrario argumentum præbet *l. 3. sup. ne ux. pro marito.* Quartum exemplum tacitæ hypothecæ proponitur in *l. pen.* Sciendum est, pupillos in omnibus tutoris, et juvenes in omnibus

bonis curatoria habere tacitam hypothecam, *l. pro officio, sup. de administ. tut. l. ult. sup. de leg. tut. l. 1. sup. rem al. ger. l. 1. §. et ut plenius, sup. re rei ux. act.* Imo vero, quod est valde novum ex *d. l. pen. si mulier mortuo primo viro, suscepit legitime tutelam filii impuberis, dato iurjurando, ut olim necesse erat, se interim alii viro non nupturam, et contra fidem iurjurandi secundo viro nupserit, non petito tutore filio suo, et non redditis rationibus tutelae a se administratae, bona secundi mariti, id est, vitrici, ex causa tutelae, quam mater administravit, pupillo tacite obligata sunt. Cujus constitutionis, quae etiam repetitur in *l. 2. sup. quand. mul. tut. off.* nulla alia ratio reddi potest, quam quod id omne, quod forte mater interceptit filio, praesumatur pertulisse ad secundum virum, totius fraudis mater et conscius et participem. Et postremo notandum est ad *legem 3. et l. ult. quae lex 3. est de praediis rusticis, lex ultima de praediis urbanis.* Notandum, inquam, legato fundo, fructus ex eo a colono perceptos, ob mercedem, sive pensionem locatori tacite pignori obligatos esse, *l. in praediis, ff. eodem t. l. si in lege, §. si colonus, ff. locati.* Non etiam similiter ob mercedem locatori tacite videri obligata, quae colonus in fundum invexit, vel intulit, nisi expressim convenerit, ut haec pignori essent, *l. 3. hoc tit. l. 4. ff. eod. §. interdictum quoque, Institut. de interd. qui exigit specialem pactionem de pignore rerum coloni, quam etiam exigit Theophilus in §. item Serviana, de act. Nec aliud plane voluit illa verba *l. certi, sup. de loc.* Nam in *d. l. certi*, verbo (*induxerint*) est appingenda subdistinctio: sive scilicet, *una virgula*, ut lex dicat, *ea, quae in fundum conductum coloni voluntate dominorum induxerint, ut scilicet obligata essent*, sicut primus docuit Fortunius Curtius in *l. 3. ff. in quib. caus. pign. voluntate dominorum induci pignus, ut sit obligatum.* Cur enim voluntate domini induceretur res coloni, nisi ut esset obligata? Ergo voluntate domini et sciente domino et volente, non celato domino inducere vasa sua in fundum conductum est pacisci, ut pignori sit: nam quo voluntas, aut scientia locatoris, nisi ut pignori sint, ut inducantur pignoris loco pro pensione? et hoc ait *l. certi* in prima parte. In secunda autem parte docet eadem lex, aliud esse dicendum in praediis urbanis. Nam invecta, illata, inducta, importata ab inquilino in praedia urbana ex tacita conventionis citra voluntatem, scientiam, conventionem locatoris, pignori esse censentur: invecta suppellex pro pensione tacite pignori nexa est, ut in *l. ult. hoc tit. et l. 4. ff. aud. et l. 4. in princ. ff. de pact. et lex ult.***

h. l. plane indicat, in *ff.* et in aliis omnibus constitutionibus, quae tractant hac de re. quae pertinent ad hanc questionem, urbana praedia, vel urbanas habitationes accipi pro eis tantum, quae sunt Romae, vel in ejus territorio: nam et tacita hypotheca invectorum, et illatorum in aedeston-litas ante Justinianum non habuit locum in provinciis. Sed Justinianus in hac lege ultima eam etiam trahit ad Constantinopolim, quae dicitur nova Roma, et provincias omnes. At in praediis rusticis invecta, illata, non teneantur locatori pignoris jure, nisi ex manifestaria conventionione, non ex tacita, sive praesumpta. Est igitur hac in re differentia inter fundum et aedes, id est, inter praedia urbana et rustica, inter colonum et inquilinum. Et ratio differentiae haec est, quia locato fundo, vulgo conveniri solebant, ut fructus, qui ibi nascerentur, locatori pignori obligati essent ob pensiones locationis. Et ita vulgo conveniri solitos contrahentes aperte ait *l. si servus communis, §. locavi, ff. de furtis.* Quod autem vulgo agi solebat, maxime in contractibus bonae fidei, tandem receptum est, ut tacite semper actum intelligeretur. Quod manifestum fiet duobus exemplis. In venditione hominis solet emptor ahi cavere de dupla, evictionis nomine interposita stipulatione, quam si omiserit, nihilominus habebitur pro cauta, quia (ut ait *l. quod si noluit, §. quia assidua, ff. de Edil. edicto*) ea, quae sunt moris, et consuetudinis in bonae fidei negotiis semper cauta intelliguntur. Denique haec omnia sunt ex presumptione juris. Aliud exemplum sumemus ex *l. ult. inf. quae res pign. oblig. poss.* Si obligavi pignori bona mea simpliciter, intelligitur obligasse non tantum praesentia, sed etiam futura, licet dixerim bona mea simpliciter, nullo adjuncto. Cur ita? quia generalis hypotheca ita vulgo contrahisolebat, *quae habeo, quaeque habiturus sum*, ut ait *l. ult. inf. de remiss. pign.* Ergo et qui dixit bona mea, videtur tam praesentia dixisse, quam futura, secundum quod vulgo concepitur generalis hypotheca. Locatis autem aedibus, quoniam in eis nulli fructus nascuntur, quoniam earum redditus non consistit in fructibus sunt enim steriles, sed consistit tantum in mercedibus, quae sunt vice fructuum, et sunt extra causam pignoris: quoniam pignus constituitur pro mercedibus, et mercedes non possunt esse pignora mercedum. Et ratione vulgo conveniri solebat, ut invecta et illata ab inquilino in aedes conductas, pro mercedibus obligata essent pignori: et quod erat in usu quotidiano paulatim transit in jus commune, ut praesumatur semper tacite convenisse: ut ea pignori sint pro pensionibus aedium.

JACOBI CUIACII J. C.

In Lib. VIII. Codicis.

RECITATIONES SOLEMNES.

Ad Tit. XV. Si aliena res pignori data sit.

Incipit ab hoc tit. tractare de rebus, quæ pignori obligari non possunt: namque hujusmodi sunt res alienæ, quæ specialiter pignori datæ a debitore, non domino, sine consensu, aut voluntate domini, non netuntur, non obligantur, sed hæc tantum res, quæ sunt in bonis debitoris, l. 5. et 6. hoc tit. l. 6. tit. seq. l. servus quem, in fin. ff. de act. empt. quæ manifeste constituit, pignus rei alienæ non consistere: et ob id, quas res creditor persequitur actione hypothecaria, probare debet in bonis debitoris fuisse, quo tempore pignus contrahitur, l. et quæ nondum, §. 1. ff. de pign. Et quia justum non est pignus rei alienæ, quia inutile et nullum, ideo contraria actione pignoratitia debitor tenetur creditori, qui ei ignorantem rem alienam pignori dedit sciens vel ignorans, nihil refert, l. si rem alienam, in princ. et l. tut. §. 1. ff. de pign. act. l. 6. hoc tit. Et tenetur etiam extra vel nem ex mine stellionatus, si sciens dederit pignori rem alienam, non si ignorans: nam crimen in ignorantem non cadit, d. l. tut. §. 1. et l. si quis in pign. ff. cod. l. Stellionatus est, sive impostura, scienter ignorantem pignori dare rem alienam, quia nullum est pignus, aut derisorium. Et hic merito queras, cur tamen res aliena vendi possit et consistat emptio venditio rei alienæ, l. rem alienam, ff. de contr. empt. pignus tamen rei alienæ non consistat, imo nihil agatur, data pignori re aliena. Et dicas esse hanc rationem differentie, quia etiam si in venditione contrahenda hoc agatur, ut dominium transeat ad emptorem, l. cum manu §. ult. cod. tit. tamen venditor in hoc tantum tenetur emptori, ut ei tradat vacuum possessionem, et caveat de evictione, et dolo malo, l. 1. ff. de rer. permut. nec in amplius quicquam tenetur venditor. At facile possum rei alienæ possessionem, quam habeo, in alium transferre. Sic fit, ut consistat venditio rei alienæ quam venditor possidebat, non quod non sit satis illi cita, ut ait l. 1. sup. de commun. rerum alien. non quod non jure fiat, ut ait l. 1. sup. de rei vindic. id est, non jure firmiter, propterea quod emptori a domino res auferri potest antequam usuceperit, et postquam usuceperit, a domino venditori pretium auferri potest, l. 1. sup. de rebus alienis non alienand. l. 2. sup. de in lit. dan. tut. l. 6. sup. de furt. sed quod venditio rei alienæ ab initio consistat: et pignus rei alienæ non valet, quia

in pignore contrahendo hoc agitur, et in hoc tenetur debitor, ut res obligetur creditori. At sicut ergo rem alienam non possum facere tuam dominio translato, quod non habeo: ita etiam rem alienam non possum tibi obligare nexu, nec nisi meam. In emptione in hoc non tenetur venditor, ut rem faciat emptoris jure domini, sed in hoc tantum, ut possessionem faciat emptoris, quam quisvis habere potest in re aliena, quia nihil commune habet dominium cum possessione. Et hæc est ratio, cur rei alienæ venditio consistat, non etiam pignus. A qua differentia nos dimovere non debet lex 9. §. 1. de pignor. dum statuit generaliter ea quæ emptiorem, venditionemque recipiunt, etiam pignoratorem recipere. Unde posset quis ita argumentari: res aliena vendi potest, et emptio venditio est: ergo res aliena pignori potest, et pignus, vel hypotheca est: nam illa lex ait, quod emptiorem etc. Sed est intelligenda de nostro, non de alieno, hoc modo, ut quod nostrum venditionem recipit, etiam recipiat pignorationem. Non obstat etiam, quod servitutes rusticorum prædiorum, quæ non sunt in bonis nostris a nobis pignori obligari possunt, l. 12. ff. de pignor. Sed servitutes non sunt, id est, non habent substantiam certam, aut corpus: vel sic: Servitutes in bonis nostris non sunt, ob id ipsum, quia non sunt, sed intelliguntur, et abstrahuntur intellectu, et sunt λόγῳ διακρίνα, ut Philosophi loquuntur, et intellectu tantum percipiuntur, non sensu corporis, et abstrahuntur intellectu nostro: nec tamen servitutes omnino sunt extra bona nostra, ut ait l. 1. ff. de usufr. leg. Ideoque magis est, ut eodem jure sint, quo bona nostra corporalia, quia neque sunt extra bona nostra, ut dixi, neque sunt aliena jura: et hic rursus merito queris, cur servitutes rusticorum prædiorum pignori obligari possint, non etiam servitutes urbanorum prædiorum, l. 11. §. ult. de pign. Sed ne morer longius perspicua et evidens ratio varietatis inter has servitutes hæc est, quia inutile est pignus, quod creditor distrabere non potest, aut cujus, non sit emptorem inventurus, l. mulier, inf. de distr. pign. l. 4. ff. de pign. act. Et servitutes urbanorum prædiorum, si creditor pignori acceperit, aut non pignori esse convenerit, si habet creditor, cui distrabat, ut si pignoraverim jus tigni immittendi, quod habeo in aedibus vicini, non habet creditor, cui hanc servitutem distrabat, quia meis tantum aedibus hæc servitus usui esse potest, non aliis aedibus. At servitutes rusticorum prædiorum non tantum fundo meo, sed etiam aliis fundis vicinis usui esse possunt, ut iter, vel actus, quem habeo per fundum vicini, etiam aliis vicinis usui esse potest, etiam ei, qui fundos vicinos habet, ut scilicet eis etiam jus eundi per fundum vicini communis plu-

rium, et quandoque etiam magno pretio hanc servitutem sunt redempturi a creditore distrahente. Breviter in servitutibus urbanis non consistit pignus, quia nulla suppetit ratio eorum aliis distrahendarum: in rusticis vero, quia ratio distrahendi suppetit, consistit pignus. Non obstat etiam priori definitioni, quod dicitur, eum quem quis suis nummis redemit ab hostibus, redemptionem retinere veluti pignoris jure, quoad solverit pretium redemptionis, cum tamen is, qui redemptus est, et redemptori debet pretium redemptionis, non sit dominus sui ipsius, non sit ipsemet in bonis suis agens et pater: quia, ut respondeam, id etiam in *tit. de postl. et red.* non dicitur esse pignus, sed veluti pignus, et non dicitur pignus civile, sed pignus naturale. Non obstat etiam, quod rem alienam mihi debitam pignori obligare possum, *l. 1. in princ. ff. de pignor. l. 3. §. cum ex causa, ff. qui pot. in pign.* quia non tam rem ipsam obligo, quam obligationem, id est, jus quod in ea habeo, jus debiti, et pignori opponuntur etiam quaecunque res incorporatae. Ergo verissimum est, rem alienam pignori obligari non posse sine consensu, mandato, vel voluntate domini. Et hoc adeo verum est, ut nec per filiumfamil. res patris invito patre pignori possit, *l. 4. hoc tit.* licet vivo patre quodammodo dominus esse existimetur, ut ait *l. in suis ff. de lib. et post.* quia vinculum patris potestatis facit, atque etiam natura, ut pater et filius videantur esse una persona, *l. ult. sup. de impub. et al.* Sed illae fictiones valent in omnibus. Ac praeterea non solus filius fingitur esse dominus vivo patre, sed simul cum patre, ut Ansonius ait, de patre et filio scribens:

Esse simul dominos gratior ordo patris

Sunt igitur simul domini, sed magis pater: sicut dicitur dotem profectitiam esse communem patris et filiae, *l. 3. sol. mat. im. sed magis esse filiae, l. 3. §. sed utrum, in fin. ff. de min.* Et is spectatur, qui magis est dominus, ut eo invito, vel inscio, nihil fiat in bonis quasi communibus, potior potentiorque dominus est. Etiam adnotandum ex *l. ultim.* non posse etiam servum, vel procuratorem (etiamsi habeat liberam administrationem, sicut nec servus, aut filiusfamil. potest pignori rem peculialem, etiamsi habeat liberam peculii administrationem: nam hanc libertatem sunt fræna, quæ remorantur, nec conceditur libertas effrenatis, vel procuratori administrandorum negotiorum domini, vel servo, aut filio administraudorum rerum peculiarium) non posse ergo servum, aut procuratorem, non posse colonum, non posse actorem praediorum, id est, villicum, non posse conductorem praediorum ea, invito vel inscio domino, pignori, *l. ult. hoc tit.*

Et ait, *nexum non facit praediorum, prisca voce, et propria*: nam ut apud Varronem 6. *de lingua latina*, ait Scaevola Juris. *proprie nexum dicitur, quod obligatur per as et libram, nec fit accipientis*. Et hujusmodi est pignus, quia obligatur, nec fit accipientis. Et ait dict. *l. ult. invito vel inscio domino*: nam si dominus sciens ab alio rem suam pignori dari in fraudem creditorum dissimulaverit, nec rem impedit, secum reputans nihil agi, pignus recte contractum intelligitur, *l. 3. hoc tit.* Scientia et dissimulatio domini pro consensu est, vel mandato, ut si fidejusserit, qui casus est valde notandus, pro debitore, qui rem ejus pignori obligavit, hoc ipso, quod fidejussit, mandasse intelligitur, ut ea res pignori esset. Et de hoc est singularis *l. 3. §. ult. in quib. caus. pig. tac.* Sufficit etiam ratihabitio domini, cui rem alius pignori dedit, modo dominus sit major 15. annis, ut *l. pen. hoc tit.* quia ratihabitio retrahitur, et mandato comparatur, et proprie dicitur voluntas, *l. 1. hoc tit.* Solet enim voluntas in jure nostro separari a mandato, accepta nimirum pro ratihabitione, *l. 3. §. sed si mutua, ff. de in rem verso, l. Pomponius, §. ult. ff. de procurat. l. si fundus, §. 1. D. de pign. l. si Stichum, §. ult. D. de novat. l. 9. §. ult. D. de donat.* Nec omittendum, cum hac lege ult. esse conjungendam *l. ult. sup. quod cum eo qui, et l. 2. sup. ne liceat potent. et l. 1. de prob. sequest. per. et l. 4. inf. de execut. lib. 12. et l. per colonum inf. de agris. et cens. lib. 11.* quæ lex est pars hujus legis ult. Et praeterea notandum est, non posse etiam tutorem, vel curatorem rem mobilem pupilli, vel juvenis vel furiosi in rem suam pignori obligare, *l. 3. et 7. hoc tit.* In rem pupilli, vel ejus cujus negotia tuetur potest rem pupilli pignori obligare, puta pecunia versa in rem pupilli, *l. tutor, in princ. de pignor. act.* Et ait recte *l. 3. rem mobilem*; quia ne res immobilis pignoretur, etiam in rem pupilli, vel juvenis, obstat Senatusconsultum fictum auctore D. Severo, de quo in *tit. de reb. eor. qui sub tut. vel cur.* Ergo sic dicamus: si tutor, vel curator rem mobilem ejus, cujus negotia tuetur, in rem ejus pignori obligaverit, pignus est. Ex quo sequitur, creditori non tantum dari retentionem pignoris, sed etiam utilem actionem hypothecariam, qua pignus illud persequatur, quod alius possidet. Et idem omnino possum statuere, si procurator in rem domini pecuniam acceperit, et rem domini eo nomine obligarit: nam etsi *l. 1. hoc tit.* hoc casu creditori tantum det retentionem pignoris, quod possidet, opposita domino vindicanti rem exceptione doli mali, cujus hinc erit formula: *Si non dolo facis, qui vindicas rem, quæ in rem tuam mihi obligata est: pecunia, scilicet mea, cujus nomine mihi obligata est, conversa in rem tuam: tamen*

tentari potest etiam, creditori non possidenti eam rem, dari utilem, non directam hypothecariam ad persequendam ejus rei possessionem. Sed quia facilius datur exceptio, difficilius actio, sive persecutio, ideo *l. 1.* loquitur tantum de exceptione danda, de retentione exceptionis jure, in illoque, qui est expeditior, id est, qui dabitur sine controversia: sicut etiam evenit in hac specie. Si rem alienam pignori dedit invito domino, cujus postea dominium acquisivi: nam eleganter Papinianus in *l. 1. de pignor.* ait, hoc casu facilius creditori possidenti, qui ab initio scivit rem alienam fuisse, dari retentionem, difficilius dari actionem hypothecariam, id est, dari quidem actionem, sed regre, nec sine controversia. Et constat laudari hodie hoc casu creditori etiam dari utilem Servianam, id est, hypothecariam, *l. rem alienam, D. de pignor. act. l. 5. hoc tit.* quæ ait, hoc casu dominio pignoris postea acquisito debitori, dari creditori utilem hypothecariam exemplo pignoratitiæ. Ubi notandum exemplo pignoratitiæ, id est, hypothecariæ directæ: nam actio pignoratitia, est appellatio ἀπβιβολας, qua modo significatur actio in personam de recuperando pignore, quæ debitori competit soluta pecunia, ut in *tit. de pignorat. act.* modo actio in rem, id est, hypothecaria in multis locis. Et ita in *l. 5. h. tit.* in proposito casu dari creditori utilem hypothecariam exemplo pignoratitiæ, id est, hypothecariæ directæ et ordinariæ: nam in innumeris locis juris nostri actiones utiles dicuntur dari exemplo, vel ad exemplum, seu directarum ad instar. Sic igitur fit, ut pignus, quod ab initio non constitit, domini acquisitione convalescat, quod non pugnat cum regula Catoniana, quæ multis casibus obijcitur, quod non valuit ab initio, ex post facto non convalescit: nam non deerramus etiam ab ea regula hoc casu: nam pignus non convalescit etiam directo, ut ait *l. si Titio, de pign. sed data utili actione*, debitor postea facto domino pignoris. At queritur, an idem sit dicendum e contrario, si dominus pignoris postea sit factus debitor, ut si hæres extiterit debitori, qui rem suam pignori dederat, an etiam hoc casu debitori, non tantum sit danda retentio pignoris, sed etiam persecutio, utilis hypothecaria? Et Paul. in *l. rem alien. de pign. act.* vocat in hac specie, diversa a superiore, creditori dari utilem actionem hypothecariam: et hac utitur ratione differentie, quæ est acutissima, quia in hac specie dominus pignoris, qui postea jure successionis factus est debitor, nihil pepigerat de pignore ut ideo non sit, cur adversus eum creditor agat utili hypothecaria, qui nihil ipse pepigit, de pignore. At in superiori specie, debitor, qui postea factus est dominus pignoris, pepigerat de pignore, et ideo improbe resistit, quo minus adversus eum creditor agat

utili hypothecaria, ne ex suo mendacio arguatur, ut ait *l. rem alienam*. Sed postea placuit etiam in hac posteriori specie, cum dominus pignoris factus est debitor, creditori dari utilem hypothecariam, ut Modestinus scribit in *l. si Titio, D. de pign.* Nam nulla est ratio conciliandæ legis *rem alienam* cum *l. si Titio*: nulla etiam ratio quicquam corrigendi, ut fecit Alciatus in *lege rem alien.* Sed dissidii causa inter Paulum et Modestinum hæc est, quia Modestinus diutius vixit, quam Paulus: nam Modestinus usque ad tempus Gordianorum, ut probat *l. 5. sup. ad exhib.* Et verisimile est ea ætate invaluisse ex æquitate, ut non minus hoc, quam illo casu daretur creditori utilis hypothecaria. Et maxime observandum illam legem *si Titio*, esse ex libro 3. Differentiarum Modestini, ut sit verisimile, aut verum potius, libris Differentiarum Modestini ex Paulo, cujus fuit studiosus, proposuisse hanc differentiam inter hanc et illam speciem, quam proposuit Paulus in *l. rem alienam*, sed adjectisse hodie ex æquitate, sublata esse differentiam, et utroque casu dari creditori utilem hypothecariam, etiam hoc casu posteriore ut hæres tantum habeat pignus quod defunctus contraxit, idque patitur sibi auferri, licet de eo nihil pepigerit utili actione hypothecaria, quod defunctus debitor, cui successit, de eo pepigerit.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XVI. Quæ res pignori oblig. possunt, vel non et qual. pign. contrah.

Rebus alienis, quas pignori obligari non posse superior titulus ostendit, hic titulus adjungit alias plerasque, ut monumentum, sive sepulchrum *l. 5.* quod etiam tituli monumentorum antiquorum frequenter vetant, ut in hac inscriptione: *Marcus Ulpius Augusti libertus fecit sibi reliquiarum suarum condendarum gratia, et posteris, qui in nomine suo permanserint, ea conditione, ne fiducient (id est obligent) ne vendant, neve alio quo genere id sepulchrum, sive monumentum alienare ulli potestas sit.* Et in aliis: *Monumentum cum edificio neque mutabitur, neque veniet, neque donabitur, neque pignori obligabitur, ne de nomine meo exeat.* Et nominatim testator in *l. pater, §. Julius, ff. de leg. 3.* vetat, *ne reliquias suas, id est, monumentum, vel ossuarium hæres pignoret, neve ullo modo alienet.* Item spes promissionum

sacri certaminis pignori obligari non possunt, ut ait *l. 5. hoc tit. spei emptio et venditio est, l. 8. de contrah. empt.* Puta si quis emit holum, sive jactum retis, *un tract*, emit spem, et emptio venditio est: ergo spei etiam pignoratio est: sed non spei sacrorum certaminum: ergo nec præmiorum sacrorum, qui consistebant potissimum in annona et pensationibus, ut ait *l. 5. quæ athletis*, qui vicissent sacris certaminibus pro coronis, ut ait *lex*, id est, pro adepta victoria de publico præstabantur, quamdiu erant in rebus humanis, ut Vitruvius initio *l. 9. ait. Nobiles athletas, qui vicissent sacris Cereis certaminibus quatuor a R. publica perpetua vita constitutis vectigalibus frui.* Et Trajanus Imperator ad Plinium 10. Epist. *Obsonia certaminum, quæ Isela tica sunt, athletis deberi ex die, quo in civitatem suam σιήλασαν*, id est, *invecti sunt, ils ont fait leur entrée, post palmam, et victoriam.* Unde nomen *Iselasticis* præmiis certaminibusque, quod ex die, quo victores invecti essent in civitatem suam, de publico ea illis obsonia, et annonæ præstarentur. Et invehebantur quidem *palmati* ex certamine in civitatem suam, non per portam civitatis suæ, sed disjecta parte muri, ut docet Suetonius in Nerone cap. 24. ejusque moris rationem reddit Plutarchus in Symposiacis. Ait autem *l. 5. privata pactione non posse obligari pignori spem sacrorum præmiorum.* Recte privata pactione: nam auctoritate jud. eis debitore condemnato cui sacra præmia debentur, si alia bona non suppetant, iis vectigalibus, obsoniis, annonis, pensationibus, commodis interdici, et ea in causam judicati pignori capi possunt. Et hæc est sententia *l. commodis. D. de re judic.* Sicut hodie videmus beneficia ecclesiastica privata pactione pignori non posse, sed iis, ad quos pertinent condemnatis, nec facientibus judicatum, et commo lis beneficiorum interdici, quæ de re est glossa in *l. 4. sup. de re judic.* At si cominoda hæc, vel illa sacrorum certaminum privata pactione obligari non possunt, consequens esse ait *d. l. 5. ut nec generali obligatione contineantur.* Unde sic statuo, quæ specialiter obligari non possunt, nec generali hypothecæ omnium bonorum continentur. At contra pleraque sunt, quæ non continentur generali hypothecæ, quæ tamen specialiter pignori possunt, ut alumni nostri, *l. 1. h. tit.* qui videlicet sunt in potestate nostra, et proprie a Græcis dicuntur *διδασκαλοι*, vel *διδασκαλοι*, non ut in *l. 1. habent Basil. διδασκαλοι*: nam hi sunt collactanei, qui eandem nutricem simul biherunt, non alumni, sive allelli. Item generali hypothecæ non continetur concubina ancilla, vel filius naturalis ex ea susceptus, non continetur etiam supelles, quod maxime notandum, non continetur etiam vestis, *l. oblig. et seq. ff. de pign.*

Et vestis tamen pauperis, aut vidua ex lege Dei, nec specialiter pignori obligari potest, nec meta, aut catillum, sive molucrum, quæ sunt partes mobile, et a 70. dicuntur *μύλον, καὶ ἱερύδιον, D. ut. 24. et Exodi 22.* Addamus ex *l. 6. h. tit.* filios nostros, aut liberos homines pignori obligari non posse, quia scilicet in bonis nostris non sunt. Quæ ratione etiam monumentum, vel sacra præmia pignori obligari non possunt, et ex *l. 7. hoc tit.* nec privata pactione, nec publica auctoritate pignori capi posse a creditoribus, vel ab executoribus rerum judicatarum servos aratores, vel (ut ait *l. 7.*) boves aratorios, quos etiam Ovidius vocat colonos et rursicolos, et Varro socios hominum in opere rustico, et Cereis ministros, a quibus antiquos ita manus abstinere voluisse ut capite sanxerint mulctari, si quis eos occidere voluisset. Idemque Plinius 8. cap. 24. et *Ælianus 8. variarum Histor. cap. 14. Lege Dei, qui bovem assuetum aratro subripuerit, gravius punitur, quam ceteri fures.* Damnatur enim in quintuplum *Exod. 22.* Et invenio etiam in eis animalibus hoc esse præcipuum in *l. 1. C. Th. de curs. publ.* ut etiamsi deficient animalia deputata cursui publico, ne ad præagendum cursum agricolis abstrahantur boves aratorii, quandoquidem cursus peragebatur etiam vehiculis, et rhedis tractis protelo boum, qui semel irritati, sunt supra quam dici potest perniciosissimi. Et Eginhartus in Carolo Magno refert, etiam *Carolus magnus fuisse vectum carpento, et id ducente protelo boum.* Placet etiam valde lex Valent. Imperat. cujus meminit Divus Hieronymus 2. adversus Jovinianum, *ne quis ad certum tempus vitulina vesceretur quia, inquit, ea lex agriculturæ providet utilitati.* Quæ ratione ex hac lege 7. boves aratores pignori capi non possunt; sed addit lex aliam rationem, quod ablatis pro pignore bobus aratoriis, tributorum illatio retardetur, eorum scilicet, quæ de fructibus exigebantur pro anni copia, vel inopia: nam ex provinciis aliæ inferebant certum stipendium quotannis, quod nunquam minuebatur, maxime quæ bello devictæ erant provincie, ut Hispania, et Africa: aliæ tantum fructuum decumas, ut Sicilia, quod Marcus Tullius ostendit in *frumentaria* et Appianus lib. 5. de bello civili. Eadem lex 7. et 8. servis, et bobus aratoriis adiungit *instrumentum omne aratorium, velut vomeres, et aratra, ut hæc etiam pignori capi non possint.* Et statuit arbitrio judicis coerceri executores rerum judicatarum, et creditores, qui eas res pignori capiunt: itemque decuriones, et præfectos pagorum, sive vicorum, qui in exigendis tributis eas res pignori ceperint. Nam in *l. 7. vulgo legitur præfectus pagi, aut vici, recte ut opinor, qui alibi dicitur præpositus pagi, præpositi pagorum, præ-*

fecti pagorum, ut in Novella de Alexandrinis, πἀ-
γγοι, et in Histor. Euseb. lib. 9. cap. in consti-
tutione quadam Constantini, magistratus municipi-
pales, vel prepositos pagorum cujusque civitatis.
Et ita in l. 2. inf. de suscept. et in leg. 1. C.
Theodos. de erog. mil. ann. Quamobrem veretur,
ut in C. Theodosii, in quo est h. l. 7. non emenda-
te sit scriptum, *præfectis pacis*, quam scripturam
etiam Basilica sequuntur, quæ vertunt *ἐπιτάξεις*:
nam ad Irenarchas, de quibus est titulus lib. 10.
pertinebat tantum cura et vigilantia tuendæ pacis
in provinciis, tuendæ *ἐνταξίας*, non etiam cura
exigendorum tributorum, sed ad decuriones, vel ad
præfectos, aut prepositos pagorum. Posset iis ad-
dere etiam arma militum pignori obligari non pos-
se, ut ex Menandro hanc fuisse legem Athenis
Suidas probat, apud quem quidam miles ait, se
a lactum paupertate, τοὺς νόμους παραλύειν. *Se-*
ἐκίοντες τὰ ὅπλα ἀνέχουσι πένειδναι, id est, se
migrare legibus, quibus cautum, ne arma pignori
opponantur. Quod etiam citra illam auctoritatem
nostri interpretes probant. Idemque traxerunt ad
arma militie nostræ, id est, ad liberos. Unde Pe-
trus de Vineis, qui fuit questor Imperatoris Fri-
derici lib. 3. Epist. dum scribit de privilegiis uni-
versitatis Neapolitanæ, ut *mutua pecunia detur stu-*
diosis, pignori datis libris, sed mox precario
restituta, alioquin librorum pignus esse inutile.
Et ita etiam hodie res geritur in Italia: ne præ-
terea observandum est, hunc titulum, quantum
ejus conceptio demonstrat, non tantum esse de re-
bus, quæ pignori obligari non possunt, sed etiam
de iis, quæ pignori obligari possunt, de quibus
scilicet dubitari poterat, ut l. 4. ostenditur, recte
pignori obligari nomina, id est, cautiones debi-
toris, et jure pignoris creditorem posse convenire
debitorem debitoris, quod jus non semper obtinuisse
indicat l. postquam, sup. de hered. vel act.
vend. nec deerat causa dubitandi, quia cum no-
men pignori datur, id est, obligatio, sive cau-
tio quedam alterius debitoris, id est, debitoris
debitoris, hoc sit invito altero debitore, l. 3. sup.
de hered. vel act. vend. Quod videtur esse ini-
quum, ut qui mihi debet, invitus quodammodo
mutet creditorem, et possit ab alio exigi, et execu-
ti. Et tamen, ut ait l. postquam, eo decursum est,
ut debitor meus nomina suorum debitorum etiam
invitorum, vel insciorum, mihi pignorare possit,
et receptum etiam est, ut nomina possint pignori
capi auctoritate judicis in causam judicati, l. a D.
Pio, §. sic quoque, D. de re jud. l. 2. sup. quan-
do f. c. vel privat. l. etiam, sup. de execut. rei
judic. l. 1. inf. de prætor. pign. Postremo addi-
tur in hac rubrica, etiam qualiter pignus contrahi-
tur, quo pertinet tantum l. 2. et ult. h. tit. pi-

gnus consensu nudo contrahi, et ideo quid paci-
scentes senserint, non quid dixerint, spectandum
esse, quia res substantiam capit ex consensu solo.
Unde pignori dato, instrumento emptoris agri,
agrum ipsum pignori nexum videri, l. 2. h. l. Si
convenit, ut instrumentum ἀντίκτυλον ut Græci vo-
cant, sit pignori, de agro convenisse intelligitur,
ut ager, cujus auctoritas est instrumentum pignori
sit. Contrahitur etiam pignus re, quod in Nov. 7.
dicitur corporale pignus, σωματικὸν ἐνέχυρον. Et ut
o tenet l. ult. si generaliter convenerit, ut bona
omnia sint pignori simpliciter, vel si quis quid
promiserit fide, et periculo rerum suarum, etiam
de futuris bonis, secundum vulgarem cautionem
convenisse intelligitur, sive dixerit, bona mea pi-
gnori sunt, sive dixerit, promitto me tibi pecu-
niam illam soluturum fide, et periculo rerum
mearum: nam obligari solebant vulgo præsentia
et futura generali hypotheca, ut l. ult. inf. de re-
miss. pignori. Et ut sæpe diximus, quod erat in
usu quotidiano, transiit in jus commune, puta,
ut obligatis bonis omnibus, censeantur etiam obli-
gata futura, ut promissa fide, et periculo rerum
suarum, pignorate etiam videantur et præsentia
et futura res, quæ sunt in dominio debitoris. Et
quod ait h. c. l. prima specie obscurum videtur
nec ex prioribus sanctionibus minus habere
specialis hypothecæ, etc. Justinianus his verbis
significat, olim fide data periculum rerum suarum,
visum fuisse prudentibus, iis verbis contractam
esse specialem hypothecam, non generalem omnium
rerum, quas habet, aut habiturus esset. Et ita ac-
cipiunt Basilica recte, dum ajunt, ea verba (*peri-*
culo rerum mearum) facere generalem hypothecam,
non ut olim specialem: γὰρ τὴν ἐκείνην πο-
τεῖν, οὐκ ὡς πάλαι ἰδιωτικὴν. Igitur hoc loco, nec
minus habere, id est, non habere ea verba men-
tionem specialis hypothecæ, non facere specialem
hypothecam, sed generalem præsentium et futu-
rum bonorum.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XVII. Qui potiores in pignore ha-
beantur.

Ad L. I V. et VIII.

L. I. Qui pignus secundo loco accepit, ita jus
suum confirmare potest, si priori creditori debi-
tam pecuniam solverit, aut cum obtulisset, isque

accipere noluisse, nam obsignavit, et deposuit, nec in usus suos convertit.

L. V. Prior quidem creditor compelli non potest tibi, qui posteriore loco pignus accepisti, debitum offerre. Sed si illi (id) omne, quod debetur, solveris (pignoris) tui causa firmabitur.

L. VIII. Diversis temporibus eadem res duobus jure pignoris obligata cum, qui prior data mutua pecunia pignus accepit, potiores haberi, certi ac manifesti juris est: nec alias secundum creditorem distrahendi potestatem hujus pignoris consequi, nisi priori creditori debita fuerit soluta quantitas.

Veniamus ad titulum *II. qui potiores in pignore hab.* cujus nulla pars est hodie, quæ non accuratissime observetur. Idcirco in hoc titulo percurtando summa sedulitate opus est. Ostenditur autem in h. tit. ex duobus, aut pluribus creditoribus, quibus diversis temporibus separatim eadem res in solidum pignori obligata est, vel quibus separatim ex diversis contractibus universa bona obligata sunt, quis præferatur in exequendo jure pignoris, hac potissimum regula constituta, priorem tempore præferri posteriori.

In qua ne nos ambiguitas nominis inducat in errorem, admonendi sumus, priorem esse eum, qui data pecunia mutua, vel promissa stipulatione solemniter, pignus accepit, vel pepigit. Exigo, ut pecuniam dederit, vel datum se stipulanti promiserit: nam si neque dederit, id est, numeraverit neque promiserit, quomodo spe futuræ numerationis pignus acceperit, vel pepigerit: nihil enim vetat accessionem præcedere negotium principale, pignus præcedere contractum principalem, sane in eo pignore non erit potior illo, cui postea idem pignus obligatum est pro pecunia, quam numeravit, quoniam hic in causa pignoris magis prior esse censetur, quam ille: nec enim prior existimatur ex tempore dati, pactive pignoris, sed ex tempore habiti contractus, et negotii principalis, quæ definitio bellissime confirmatur *l. 8. hoc tit. l. 1. l. qui balneum, l. potior, in princ. et §. 1. ff. eod. l. pen. D. quæ res pign.* At secundum illam regulam, quæ (ut dixi initio) potissimum in hoc titulo proponitur, ut jure sit potior, qui tempore est prior in causa pignoris, differentia constituitur inter actiones personales, quæ sunt principales descendentes ex principali negotio, et hypothecarias: nam in actionibus personalibus privilegia æstimantur ex causa debiti, veluti ex causa dotis, ex causa tutelæ, ex causa publica, vel fiscali, quæ privilegiarum sunt, non etiam æstimantur ex tempore, *l. privilegia ff. de reb. auct. jud. possid.* In actionibus autem hypothecariis privilegia æstimantur ex tempore, nimirum quia antiquior exclu-

Tom. IX.

dit novissimos creditores hypothecarios. Itaque antiquioris, et prioris creditoris hypotheca potentior et minor est, etiam si prior creditor nihil offerat posteriori creditori, *l. 8. hoc tit.* Posterioris autem hypotheca est infirmior, quoniam in id dilatata est efficax quo summa pignoris excedit summam prioris sortis, et posteriori creditori non confirmatur in totum, nisi priori soluta sit omnis pecunia debita, *l. 8. hoc tit.* vel oblata, obsignata, deposita a debitore ipso, vel a posteriori creditore, *l. 1. hoc tit.* in quam transferri velim, quod hæc de re tradidi in *l. 22. sup. de pign.* At autem lex *1. obsignavit, et deposuit*, quia sola oblatio pecunie debite priori creditori, neque solvit pignus prioris contractus, neque confirmat posterioris, sed necessaria est obsignatio, et depositio, quæ fiat publice, et solemniter testibus præsentibus, et quæ perseveret, nec retractetur, aut rescindatur posteriore creditore revocante pecuniam, obsignatam, et depositam, ac convertente in usus suos: *depuis que le deposit est fait, il n'y faut plus toucher.* Nam si pecuniam priori oblata, et obsignatam, depositam, deinde posterior creditor retractat, et convertat in suos usus, nihil egisse intelligitur.

Ad L. II.

Si decreto prætoris, qui de fideicommissis jus dixit, in possessionem fundi hereditarii fideicommissi conditionalis servandi gratia prius inducti estis, quam adversarius vester in causam judicati ejusdem fundi pignus occupaverit, jura ejus, qui jure sententiam exequabatur tempore potiores estis: nam cum de pignore utraque pars contendit, prævalet jure, qui prævenit tempore.

Ex lege *2.* intelligimus superiorem regulam, ut sit potior jure pignoris, qui prior est tempore, locum habere non tantum in pignore conventionali, sed etiam in pignore prætorio, id est, quod missio in possessionem bonorum debitoris non solventis constituit, quæ sit ex edicto, et decreto prætoris, crediti, aut judicati, aut dotis, aut legati, vel fideicommissi servandi causa. Et species *l. 2.* hæc est. Is, cui relictum est fideicommissum sub conditione, pendente conditione, desideravit herede sibi cavere fideicommissi nomine: hæres non vult cavere, hærede non cavente, prætor fideicommissarius eum misit in possessionem bonorum omnium, quæ in causa hereditaria sunt, vel (ut hæc *l.* ponit) in possessione unius fundi hereditarii. Quod notandum, ut sciamus interdum non in omnia bona hereditaria missionem fieri, sed in unam tantum rem hereditariam fideicommissi servandi causa cum una res satis idonea videtur ad fideicommissum redigendum in tutum. Nou-

dum perfecta est species. Fideicommissarius ergo missus est in possessionem : quo genere constitutum est pignus prætorium, deinde vero prætor urbanus : nam fideicommissarium in possessionem misit prætor fideicommissarius : sed deinde prætor urbanus creditorem hereditarium similiter misit in possessionem rerum hereditariarum, vel ejusdem fundi hereditarii, judicati servandi causa, cum creditor adversus heredem debitoris defuncti sententiam accepisset. Uterque, id est, fideicommissarius, et creditor jure prætorio pignus habet : uterque pignus prætorium habet, quia uterque missus est in possessionem. Sed qui prior habuit pignus prætorium, is est fideicommissarius, utique posteriori præfertur, nempe creditori. Sicut ex diverso, si id prior creditor habuisset, fideicommissario esset potior in executione pignoris prætorii, l. 5. §. postquam, ff. ut in poss. s. legat. Et observa maxime in hac specie, unum fuisse in eam in possessionem ex causa fideicommissi, alterum ex causa crediti : non fuisse igitur utrumque ejusdem tituli, seu causæ : nam siambo fuissent missi ex pari causa, puta, si quisque fideicommissi, aut si quisque crediti servandi causa, id est, si fuissent ejusdem tituli, non esset alter altero potior in causa prætorii pignoris, sed simul concurrerent, et æqualiter venirent ad pignus prætorium, d. l. 5. §. qui prior. Quia ut nullum ordinem servat prætor inter eos, qui ex eadem causa, et ex eodem titulo veniunt in actione personali, ut ait l. privilegia, ff. de reb. auctor. jud. poss. ita nullum ordinem servat in causa prætorii pignoris inter eos, qui sunt ejusdem tituli, sed inter eos tantum, qui ex causis, titulisque diversis veniunt. Et hoc maxime distat prætorium pignus a conventionali : nam in conventionali semper servatur privilegium, et ordo temporis, licet omnes creditores sint ejusdem tituli. Prætorium pignus sequitur jus, et conditionem personalis actionis, non etiam conventionale. Et quod juris est hoc in re in conventionali, idem juris est in judiciali pignore (quod est tertium genus pignoris) id est, quod apparitor judicis, sive executor re judicatur capit in causam judicati, et distribuit extra ordinem : nam pignus judiciale non constituitur, ut prætorium, ex edicto, sed extra ordinem per viatorem, sive officialem judicis, ablati pignoribus condemnato in causam judicati : et indistincto in judiciali pignore, semper potior est causa prioris, id est, cujus nomine pignora apparitor cepit, et abstulit, sive creditores sint ejusdem tituli, sive non, l. si et jure, ff. qui pot. in pign. Et contra quam speciem posui, posset forsitan quis hanc l. 2. accipere partim de judiciali pignore, quam tota non accipi de prætorio : et posset quis hoc tentare propter illa verba (in causa judicati) sed hoc non admittamus, vetat

verbum (occupavit) quod usurpat etiam l. 3. hoc tit. in prætorio pignore : nam prætorium pignus ipse creditor occupat, dum ingreditur possessionem : judiciale pignus non occupat, sed extra ordinem per officium judicis capitur, et distribuitur sub hasta publica.

Ad L. III. et IV.

L. III. Cum Reipublicam Heliopolitanorum propter emolumentum sententiæ in rerum tam heredis, quam hereditariarum possessionem missam esse proponas : intelligis, quumvis pater tuus cum Sosiano contraxerit, tamen si personali actione eum habuit obligatum, præponi Reipublicam jura pignoris in his, quæ ex auctoritate ejus, qui jubere potuit servandi judicati causa occupavit.

L. IV. Si fundum pignori accepisti, antequam Reipublica obligaretur : sicut prior es tempore, ita potior ex jure.

Ex lege 3. intelligimus, supradictæ regule, ut prior sit potior, locum esse non tantum duobus, aut pluribus creditoribus habentibus idem pignus conventionale, vel prætorium, sed etiam uno habente conventionale, altero prætorium, sive prius sit prætorium, ut in specie l. 3. sup. ut in poss. leg. sive conventionale, ut in specie hujus l. 3. contrario, sive obliquo colligitur. Species hæc est. Mortuus est debitor, cui Sosianus quidam, et Respublica pecuniam crediderant, sed prius Sosianus, quam Resp. At Respublica creditrix hereditaria (ut dixi) prius, quam Sosianus, missa est in possessionem, quod fit per actorem Reipublicæ, ut in l. municipis, ff. ut in poss. legat. Respublica, inquam, missa est in possessionem rerum hereditariarum, et rerum heredis, judicati servandi causa, vel, ut lex loquitur, propter emolumentum sententiæ, id est, propter effectum et executionem sententiæ, qua Respublica damnaverat heredem debitoris, ut in l. 2. sup. de execut. rei judic. Et nota id fit tantum inter eum, qui mittitur in possessionem legati, aut fideicommissi servandi causa, et eum, qui mittitur in possessionem rerum hereditariarum, non rerum heredis propriarum, excepto uno casu in l. 6. sup. ut in poss. legat. quia legata et fideicommissa debentur ex rebus hereditariis, et eum, qui defuncto debitore, mittitur in possessionem crediti, et judicati servandi causa, qui mittitur tam in bona heredis propria, quam in bona hereditaria, ut ex hac lege patet, et consequenter, vel in unam rem heredis, vel in unam rem hereditariam, exemplo ejus, qui legati servandi causa, vel in unam rem hereditariam mitti potest, l. prox. sup. et in bona etiam

hæredis mittitur, qui mittitur crediti servandi causa, quia nunc hæres eam pecuniam debet. Itaque quasi in debitoris bona omnia mitti potest, aut propria aut hereditaria aut, (ut dixi) in rem unam heredis, aut hereditariam: res igitur ita gesta est in specie proposita, ut licet prior in credenda pecunia fuerit Sosianus, quam Respub. tamen Respub. prior, missa fuerit in possessionem rerum hereditariarum, et hæredis propriarum, quam Sosianus: et venit quidem Res. venit Sosianus, venit uterque ex pari causa, ex titulo eodem, nempe crediti: et tamen quia Respublica in actione personali præfertur omnibus aliis creditoribus personalibus, sive chirographariis, id est, non hypothecariis, *l. pen. ff. de reb. auct. jud. et exemplo actionis personalis* (ut sentio) hæc lex 3. ait: si missa sit in possessionem Respub. eam præferri Sosiano, qui missus est postea licet sint ejusdem tituli uterque, quia pignus prætorium (ut dixi ante) imitatur actionem personalem: et quem prætor præfert (ut in hac specie Remp.) in actione personali, cum eam præfert in prætorio pignore quod obtinuit prima. Et ita explicanda est lex 3. Et ex contrario colligendum est etiam ex ea, dum ponit Sosianum fuisse creditorem chirographarium, id est, habuisse tantum personalem actionem, quod si fuisset Sosianus hypothecarius, privilegio temporis fuisset potior republica habente pignus prætorium ex causa missionis in possessionem, quod etiam aperte subjicitur in *l. seq.* que est etiam de Repul.

Ad L. VI.

S generaliter bona sint obligata, et postea res aliæ specialiter pignori dentur: quoniam ex generali obligatione potior habetur creditor, qui antea contraxit: si ab illo priore tempore tu comparasti: non oportet te ab eo, qui postea crediderit, inquietari.

Restat ut ex *l. 6.* adnotemus, supradictæ regulæ locum esse, etiamsi prior creditor habeat generalem hypothecam tantum, non specialem, posterior autem specialem: nam prior creditor eligit ex universis bonis debitoris rem, quam volet, etiam eam, quam posteriori specialiter obligata est, eamque distrahet suo jure, *l. creditoris, ff. de distr. pign.* nec posterior creditor eam poterit evincere emptori jure specialis hypothecæ, quæ est sententia hujus *l. 6. et l. 6. sup. de obligat. et act. et legis 2. in prin. D. qui pot. in pign. hab.*

Ad L. VII.

Est iisdem pignoribus multis creditoribus diversis temporibus datis, priores habentur po-

steriores, tamen eum, cujus pecunia prædium comparatum, quod si pignori esse specialiter obligatum statim convenit, omnibus anteferri juris auctoritate declaratur.

Regulam illam juris, ut in persecutione pignoris prior creditor hypothecarius potior habeatur, quam heri satis amplificavi, hodie ostendam, vitari casibus certis. Ac primum ex *l. 6. h. t.* Posterior creditor præfertur priori, si prior habeat generalem hypothecam, posterior specialem, ejus scilicet rei, quam debitor ex pecunia a posteriori creditore mutuo sumpta comparavit, ut plane ad *l. 6.* (quæ definit regulæ locum esse, etiamsi prior creditor habeat generalem hypothecam, posterior specialem) lex 7. addat hanc exceptionem, nisi illa specialis hypotheca posterioris sit comparata pecunia posterioris creditoris: in ea enim posterior creditor potior est priore. Et hoc vult *l. 7.* Idemque esse opinor, si posterior creditor habeat generalem hypothecam, sicut prior, ut in *l. 17. sup. de pign.* ut scilicet in ea re, quæ pecunia posterioris comparata est, posterior priori antepocatur in ea re excutienda, et persequenda. Privilegium causæ debiti, est potentius privilegio temporis. Evigo igitur in eo, cujus pecunia res parata, sive empta est, ut ejus rei habeat specialem, vel generalem hypothecam, ut *d. l. 17. l. procuratoris, §. plane, D. de tribut. act.* quia tacita non ex in re hypothecam non habet, nisi sit pupillus cujus pecunia res empta sit, quoniam ex hac causa pupillo constitutio Severi et Antonini dedit tacitam hypothecam, *l. pen. sup. de servo pign. dato, l. 3. in prin. D. de reb. eor. qui sub tut. l. idemque, in prin. D. qui pot. in pign. habet.* Alii, quam pupillo non invenio ex hac causa datam tacitam hypothecam, ac ne adolescenti quidem, vel militi. Itaque multum interest, utrum res comparata sit pecunia creditoris, qui si sit puer, non habet tacitam hypothecam, an vero reflecta sit res, et restituta pecunia creditoris, quoniam hic habet tacitam hypothecam ex Senatusconsulto, sive oratione divi Marci, *l. 1. ff. in quib. caus. pign. tac.* quæ etiam tacita hypotheca potior est alterius creditoris expressa hypotheca, et antiquiore, in ea scilicet re, quæ reflecta est pecunia posterioris creditoris, qui semper tacitam hypothecam habet in ea re, et potior est in ea: optima ratione, quia ejus pecunia salvam fecit totius pignoris causam: periisset enim res, periisset pignus etiam priori creditori, nisi ipse eam rem refecisset, et restituisset. Merito igitur in ea re, quæ pecunia ejus redintegrata est, et reflecta, præfertur etiam priori creditori hypothecario jure taciti pignoris, *l. 3. et 6. D. qui pot.* Sed hoc exemplis demonstrandum est. Si tibi

domus sit pignori obligata, deinde ego crediderim pecuniam dominoedium ad reficiendas, vel fulciendas aedes, ego in ea domo jure taciti pignoris potior sum, quam tu, licet sis primus creditor hypothecarius. Idem est, si navis primum sit pignori tibi, deinde crediderim domino navis debitori tuo pecuniam ad armandam, vel instruendam navim, ad reficiendam, sive reconcinuandam navim. quod posteriores Græci dixerunt *καταπαράξω*, ut apud Nicetam. *δ' οὐ vient notre calfutrer*. Si ergo in eam rem tibi crediderim, vel etiamsi crediderim ad cibaria nautarum, sive remigum sine quibus navis conservari non poterat, potior sum in ea nave persequenda, quam servavi mihi, et tibi, licet sis posterior creditor jure taciti pignoris. Et idem est omnino, si merces invectæ in navim tibi sint pignorate, deinde crediderim pecuniam, ne pro nautico, seu vectura navis retineretur, nam (quod notandum) merces invectæ in navem, tacite pro nautico pignori obligatæ sunt et nautici causa potior est, quam crediti prioris, d. l. 6. id est, præfertur nauticum antiquiori credito. Et ita res, quas iolulisti in aedes conductas, tacite pro pensione pignorate sunt, et pensionis causa est potentior. Item merces invectæ, vel illatæ in horrea conducta, quæ habentur plerumque mercium servandarum causa (*magasins*) tacite pro pensione pignori sunt, l. 3. *D. ad exhibend.* Et pensionis horrei causa potior est antiquiore credito sub pignore eorumdem mercium. At similiter, ut ostendit d. lex 6. merces vectæ dorso jumentorum, constituto certo pretio vecturæ, pro vectura tacite pignorate sunt, et vecturæ causa potentior est, quoniam sine ea merces salvæ pervenire non poterant. Sic superficies imposita alieno solo sub lege mercedis certæ exolvendæ quotannis domino soli (quæ merces in libris nostris proprie appellatur solarium) superficies, inquam, pro solario tacite pignori est, et solarii causa est potior l. etiam, *D. qui pot. in pign. l. sane Divi. de pignor. act.* Et breviter omnibus his casibus si crediderim ad pensionem, et vecturam, aut solarium exolvendum, cujus causa erat potentior jure tacite hypothecæ: etiam ero potentior, et potior antiquiori creditore. Attendendus est alius casus l. pen. h. l. quo etiam posterior creditor in hypothecis præfertur priori, puta, si prior creditor sibi vindicet jus pignoris ex privato instrumento, quod non habeat subscriptionem trium testium sile dignorum: posterior autem ex publico instrumento. Privatum instrumentum, quod habet subscriptionem trium testium, pro publico habetur, ut ait lex pen. Sic ergo dicamus simpliciter. Posterior creditor, qui nititur jure hypothecæ ex publico instrumento, potior est priore, qui eodem jure nititur

ex privato. Et vocat hęc lex privata instrumenta *ιδίωγραφα*, ut Gellrenus de Eryagrio Philosopho: *πράγμα τοῦ ποι ἰδίωγραφον, sive mea una cedula*. Publica instrumenta sunt, quæ conficiuntur a tabellariis, et dicuntur in Novellis, ut Græco verbo Græcum apponamus *ἀγγραὶ* s. pissione, et forensia, l. 20. sup. de fide instr. Privata instrumenta sunt secreto, ut ait hęc lex, intra privatos parietes, sæpe inter duos tantum contrahentes, sive paciscentes, remotis arbitris: nam nihil referre hęc lex ait, interveniant amici, nec ne. Interveniuntibus amicis, inquit, nec ne, id est, vel non intervenientibus, ut in l. constitutiones, *D. de appell. l. 60. C. Th. cod. tit. de recipiendis appellationibus, nec ne*. Et scribuntur manu contrahentium, ut ait l. vel manu notarii, id est, servi notarii, ne quis intelligat, quem vulgo vocamus notarium, qui latine vocatur tabellio, non Notarius. Notarii est servile nomen, est munus servi privati hominis. Nihil ergo refert privatum instrumentum scribatur manu unius contrahentium, an manu servi notarii, seu librarii, vel amanuensis an manu alterius cujusdam extranei. Et hęc privata instrumenta, si de fide eorum non dubitetur, si non arguantur esse falsa, in actionibus personalibus tantum valent, quantum publica instrumenta, si modo habeant subscriptionem contrahentium tantum, etiamsi nulli sint adhibiti testes, vel tabularii, ut ait, qui quoniam sunt servi publici, servi civitatis, dantes operam tabulario civitatis, in quo sunt recondite rationes, et chartæ: archivo civitatis: quia, inquam, tabularii sunt servi publici, ideo in hac l. pen. vocantur conditionales, quia huic conditioni addicti, et mancipati sunt, ut tabulario civitatis serviant, ut in l. defensionis, inf. de jure fisci, lib. 10. l. 3. 5. 7. 8. *C. Th. de numerariis, et actuariis*. Conditionalium sunt multa genera. Servi sunt conditionales, agricolæ, censiti, vel adscripti sunt conditionales: pistorum etiam erant conditionales, nimirum addicti pistrino civitatis, seu panificio, et sic tabularii conditionales sunt, sive conditionarii. Et quod ait lex, sive instrumento privato confecto interfuerit tabularius, aut testis, sive non interfuerit, modo sit subscriptum ab utroque contrahentium, in actionibus personalibus eandem vim habet, quam publicum instrumentum. At in actionibus hypothecariis plurimum valet instrumentum publicum, quoniam, qui eo nititur, licet sit posterior creditor, præfertur priori, qui nititur privato. Restat ut adducamus etiam ex l. 9. creditores hypothecarios præferri creditoribus chirographariis, id est, qui debitores personali tantum actione obligatos habent, etiamsi creditores chirographarii sint antiquiores, vel etiamsi in actione personali privilegium habeant id est sive habeant privilegium cause,

sive temporis: namque eos excludunt hypothecarii creditores, optima ratione, quia habent hypothecariam actionem, quæ est actio in rem, in quam ut ait regula juris, plus est cautionis, id est, plus securitatis, ponderis, et virium, quam in personam. Et hoc comprobat *l. 3. sup. de privileg. fisci, l. 6. sup. de reb. auct. judic. poss.* Pone exemplum in Repub. quæ privilegium tantum habet in actionibus personalibus, *l. pen. ff. de bonis auct. jud. possid.* nec habet tacitam hypothecam, quo distat a fisco re-pub. quæ chirographaria est creditrix, præferetur creditor hypothecarius. Alia differentia inter creditores hypothecarios, et chirographarios, sive personales, notanda est ex *l. 10. hujus tit.* Posterior creditor hypothecarius habet jus offerendi priori creditori hypothecario, ut sibi confirmet, et corroboret suum pignus, ut diximus *supr. ex l. 1. et 3.* At chirographarius creditor non habet jus offerendi hypothecario creditori, ut scilicet in ejus locum succedat, et vel hypothecam habeat, quam ille habuit, vel privilegium exactionis, sive *πρωτοπραξία*, quod ille habuit, sed habet tantum chirographarius creditor personalem actionem in debitorem, vel heredem ejus. Ponit *lex 10.* speciem in marito, qui pro dote mulieri certas res pignori obligavit, quia ante Justinianum, id est, legem ultimam hujus tituli, mulier pro dote non habuit tacitam hypothecam. Et post Justinianum hodie si maritus pro dote specialiter mulieri certas res pignori obligaverit, cessat tacita hypotheca, quam Justinianus dedit generaliter in omnia bona mariti. Quod notandum maxime ex *l. ult. sup. de pact. convent. etc.*

Ad L. Ult.

Assidue additionibus mulierum inquietati sumus, per quas suas dotes deperditas esse lugebant, et ab anterioribus creditoribus, substantias maritorum detentas. Nos itaque ad antiquas leges respeximus, in personalibus actionibus rei uxorie actioni (quam in presenti sustulimus) magnam prærogativam præstantes, ut contra omnes pene personales actiones habeant privilegia, et creditores alios antecendant, licet fuerint anteriores. Et hoc cum in personalibus statuerant actionibus, si hypothecam respiciebant, illico justitiam v gorem relaxabant: et senioribus hypothecis novas mulierum hypothecas, si habebant actiones, expellebant: nec ad fragilitatem mulierum respicientes, nec quod et corpore, et substantia, et omni vita sua maritus fungitur: cum pene mulieribus tota substantia in dote constituta est. Oportebat enim disponi maritos creditoribus suis ex sua substantia satisfacere, non de dote mulieris, quam

ad suos victus, suasque alimonias mulier possidit, vel a semetipsa datam, vel pro ea ab alio.

§. 1. At hæc omnia respicientes et reminiscentes, quod et alias duas constitutiones fecimus pro dotibus, mulieribus subvenientes, et hæc omnia in unum colligentes, sancimus ex stipulatu actionem, quam mulieribus jam pro dote instituenda dedimus, cuique etiam tacitam donavimus inesse hypothecam, potiora jura contra omnes habere mariti creditores, licet anterioris sint temporis privilegio vallati, etc.

Lex est omnium sermone celebratissima, in qua ponitur alius casus, quo posterior creditor hypothecarius præferatur priori creditori hypothecario, quem a regula juris, ut potior sit, qui tempore est prior in hypothecis, excepit favor dotium, et vel mulierum potius donatarum, quoniam personæ magis privilegium esse videtur, quam causæ: quamobrem nec in heredem mulieris transmittitur, ut in *l. 1. sup. de privil. dot.* et in hac ipsa lege, nisi sit filia. Et ut universam hanc questionem pertractemus, et repetamus ab ipsa origine: jure veteri (quod etiam hodie valet) mulier causa dotis habuit privilegium exactionis tantum in actionibus personalibus, id est, jure veteri mulier primum locum tenet inter omnes creditores chirographarios, ut scilicet suam dotem consequatur ante omnes, cum bona mariti ex edicto possessa veneant: *l. si sponsa, ff. de jure dot. l. quæsitum, §. ult. et duabus seqq. ff. de bonis auct. jud. poss.* et hoc solum est, quod ait *l. 1. ff. sol. matr.* dotis causa semper, et ubique præcipuam esse. Præcipua est, quod præcedat omnes causas, titulosque debendi, præcedit omnia credita in actionibus personalibus. Et ubique, inquit, id est, tam in provinciis, quam in Italia: et semper, inquit, id est, sive legitima die dos repetatur, puta nonna, bima; trima die; vel ceteriore, et propiore die ex pacto dotali, *l. de die, et l. seq. ff. de pact. dot.* vel etiamsi repetatur statim nulla data dilatione, ut cum dos consistit in rebus immobilibus: aut rursus, semper, id est, sive soluto, sive manente matrimonio dos repetatur: nam certis ex causis dos etiam manente matrimonio repeti potest, *l. mutus §. ult. ff. de jure dot. l. si pro rata, §. 1. ff. de relig.* Et additur in *d. l. 1.* causa privilegi, quod publice intersit dotes mulieribus conservari, ut nubere possint, et dare operam justis liberis procreandis. Quod est maxime necessarium in republica, ut numerus augeatur justorum civium: nam etiamsi nuptiæ consistant sine dote, *l. ult. sup. de donat. ante nupt.* tamen paucissimi sunt, qui velint ducere inviduas, et ob id reipub. interest, ut dotes eis conserventur, quæ sunt earum patrimonium propria, et plerumque sola, ut Justinianus ait in hac *l. ult.* plerumque

substantiam mulieris pene totam in dote constitutam esse. Hic mos erat in urbe Roma, ut mulieres nihil haberent præter dotem, paraferna paucissima. At *h. l. ult.* adjicit verbum, *pene*, quod hoc privilegium mulieris dotem repotentis cessare significat, cum ait, *mulieres contra omnes pene personales actiones habere privilegia, et creditores alios antecedere, etiam ante ores*. Cur ait, *pene*, quia Reipublicæ creditum, si antiquius sit, præcedit dotem, ut a contrario sensu colligitur ex *l. 9. sup. de jure dot.* Idemque statuit, et notat hoc loco Accursius in funeris impensa (*il faut que les funerailes soient plus tost payées, que la femme*) ut et hæc dotem præcedat, sicut omne creditum, *l. pen. de religio.* in actione personali scilicet: nonndum enim tractamus de hypothecaria. Idem quidam hic statuunt (nec male) in causa pecunie depositæ apud mensam ab eo, qui sequitur fidem publicam, qualis erat fides messarii, sive argentarii, siquidem ea pecunia exstet: nam ejus ratio habetur primo loco, etiam ante privilegia, *l. si hominem, §. quotiens, ff. depos.* Constat etiam, et hæc omnia credita, quæ retuli, præcedere impensam factam inventarii conficiendi gratis, vel auctionis bonorum defuncti faciendæ gratis. Et hoc est, quod dicitur in foro, *que les frais des criées sont les premiers payés*. Hoc probat aperte *l. quod privilegium, in fine, depos. l. quantitas, ff. ad leg. Falcid. l. ult. §. in computatione, sup. de jure dot. b.* His causis exceptis, mulier inter chirographarios creditores privilegium habet, sive potior est, non inspecto ordine temporis. Inter hypothecarios autem jure veteri mulier privilegium non habet proprio quodam jure suo, sed habet tantum commune privilegium temporis, et antiquitatis: neque enim præfertur fisco, si fisci causa antiquior sit, *l. 2. sup. de privil. fisc.* Pone, secundum jus vetus, nominatim mulieri fuisse cautam, contentamque hypothecam, ut in *d. l. 2. et l. 10. hoc tit. l. 3. de principil. lib. 12. l. ubi, sup. de jure dot.* Nam ante constituit Justin. *de rei uxoris actione*, mulier non habuit tacitam hypothecam, sed fuit chirographaria creditrix, nisi nominatione de pignore pepigisset: fiscus autem ex suis contractibus semper habuit tacitam hypothecam. Pone igitur secundum jus vetus, mulierem habere expressam, fiscum suam tacitam: non præferetur fisco, nisi privilegio temporis, id est, priori contractui fiscali non præferetur posterior contractus dotis, priori hypoth. tacitæ non præferetur posterior hypoth. expressa et consequenter non præferetur etiam mulier, cui nominatim cautam est hypoth. ulli alii creditori hypothecæ antiquiori, sed inferiori tantum ex privilegio, ex prærogativa temporis, quod et Justinianus ita definit in *d. l. ubi*

loquens de mulieris hypotheca expressa, cum nondum Justinianus dedisset mulieri tacitam hypothecam, qui tamen deinde mulieri dedit tacitam hypothecam, sed in rebus dotalibus tantum, vel in rebus ex eis comparatis, quæ etiam intelliguntur esse dotalis, *l. res, ff. de jure dot.* simul ac dedit in rebus dotalibus privilegium inter omnes alios creditores hypothecarios qui habent generalem hypothecam etiam anteriorem. Et hæc est constitutio *l. in rebus, sup. de jure dot.* Justinianus paulatim auxit jura, et privilegia mulierum sollicitarum de dotibus suis: nam post *l. in rebus, in tit. de rei uxoris act.* dedit etiam mulieri tacitam hypothecam in omnibus bonis mariti, dotis conservandæ causa, Quo jure recte dicit, contra quam posuerim ante tractans de jure veteri, *mulierem præferri Reipublicæ*, quæ est chirographaria creditrix, *l. 2. inf. de jure Reipubl. lib. 11.* etiamsi Respublica sit antiquior secundum definitionem *l. 9. hoc tit.* ut creditor hypothecarius, qualis hodie est mulier, in omnibus bonis mariti ex illa constituit. Justin. præferatur omnibus creditoribus chirographariis: et consequenter præferatur etiam ei, qui de suo funeravit maritum, vel qui apud mensam mariti pecuniam deposuit, quæ exstet, vel qui impensas necessarias fecit ad insinuationem testamenti, vel ad confectionem inventarii, vel ad expediendam auctionem, sive venditionem bonorum, quia jus certissimum est, hypothecarium potior esse chirographariis. Ac postremo Justinianus in hac *l. ult.* quam sub criptio docet esse novissimam, cum dedisset ante mulieri tacitam hypothecam in rebus dotalibus, deinde etiam in bonis mariti, hac *l. ult.* inter hypothecarios creditores mulieri privilegium dedit, quo excluderet antiquiores creditores, et hypothecas. Et fatentur quidem omnes, eam excludere omnes alias tacitas hypothecas anteriores, sed eo etiam excludat hypothecas expressas anteriores, disceptant inter se Joannes et Martinus: sed Martini verior est sententia, ut scilicet hypotheca mulieris tacita, quam habet in bonis mariti, etiam posterior præferatur expressis aliorum, et prioribus hypothecis. Et probatur sententia Martini *Novella 97.* quædam in eo, cujus pecunia res comparata est, quem docuimus in *l. 7. hoc tit.* non habere nisi expressam hypothecam, dum, inquam, in eo constituit, ut si sit prior, mulieri præferatur dotem persequenti, non si posterior, prout cavetur jure communi, regula juris sane innuit, et adsignificat, *aliis creditoribus expressam habentibus hypothecam*, sicut illa, *etiam tempore inferiorem mulierem præferri*. Nec moveor eo, quod objicit Joannes, fiscum non habere nisi privilegium temporis in hypothecis, quod est verissimum, *l. si pignus, et l. ult. ff. hoc tit. et l.*

l. sup. rem alien. gerent. non interd. suar. rer. administrat. Denique fiscus in hypothecis, non præfertur aliis creditoribus habentibus expressam, vel tacitam hypothecam, ut illæ leges demonstrant, nisi sit antiquior. Si ergo, inquit, fiscus non habeat, nisi privilegium temporis, quod est jus commune: ergo nec aliud debet habere mulier, quam quod jus commune tribuit beneficio temporis, ne plus habeat, quam fiscus. Hæc argumentatio est fallax, et facile retorquetur in Joannem, qui admittebat, mulierem præferri creditoribus habentibus tacitas alias hypothecas, atque ita plus admittebat habere, quam fiscum, qui habenti tacitam hypothecam non præfertur, nisi sit antiquior, d. l. 1. sup. rem alien. ger. Necessario igitur concludendum est, hac in re plus juris habere mulierem, quam fiscum: nam mulier, etiam si non habeat privilegium temporis, præfertur omnibus hypothecis antiquioribus expressis, vel tacitis. Et excipiuntur tantum tres casus. Primum jam attingi ex *Novella 97.* si ejus pecunia res comparata, qui expressam tantum hypothecam habere potest, vel reflecta sit, qui habet tacitam hypothecam, ut docet in l. 7. Nam hic, si sit antiquior, præfertur mulieri, ex d. Nov. non alius creditor antiquior, sive habeat tacitam, sive expressam hypothecam. Secundus casus est, si fiscus sit antiquior: nam quod l. 2. sup. de pr. leg. fisci, et l. 3. inf. de primip. lib. 12. statuit, in hypotheca causa mulieri nominatim, ut non sit potior, nisi sit antiquior credito fiscali, idem hodie videtur admittendum in tacita hypotheca mulieris, ut non sit potior tacita, et antiquiori fisci hypotheca, nisi in hac specie, quam notavit Harmenopulus 3. *Eptom.* Fac ita esse: fundus Titianus obligatus est Titio primum: tum coepit obligatus esse fisco, deinde mulieri ex causa dotis. Mulier, licet sit posterior fisco, præfertur, quia Titius excludit fiscum, et ipsa Titium suo proprio jure, et ita, quod per se non habet, ut excludat fiscum anteriorem, per alium habet, l. Aristo, ff. quæ res pign. ob. ig. id est, dum vincit (quod a nostris vulgo fertur) Titium, vincit etiam fiscum, quem Titius vincit, quod evenit etiam in specie l. æquis-immu, §. 1. ff. ad Senatuse. Tortull. et l. 8. de bonis damnat. Tertius casus et ultimus hic est, quo antiquior creditor mulieri præfertur, si prior uxor agat de dote sua, qui casus etiam notatur in hac l. ult. et in *Novel. 91.* Dos antiquior præfertur novæ. Exempli gratia, mortuo patre meo, qui divortio facto superdulerat novercam, si ei heres extiterim, prius reddam dotem mæ matri, quam novercæ. Idemque est, si prius matrimonium solutum sit morte matris mæ, et jure hereditario aliquis exterius dotem matris mæ re-

petat. Denique dos adversus dotem non habet privilegium, nisi temporis. Unus est etiam casus singularis ex d. Nov. 97. quo nec antiquior mulier præfertur in hypothecis posteriori creditori, puta si quis pecuniam crediderit ad militiam emendam, eo pacto, ut milita pignori esset, et ut in eo pignore ipse potior esset: nam secundum pactum in hoc casu solo, ut ait Nov. emendæ militiæ, posterior creditor hypothecarius præferetur mulieri antiquiori. Et postremo notandum est ex hac l. privilegium hoc, ut mulier inter omnes hypothecarios creditores primum locum teneat, sive antiquiores, sive posteriores sint, mulieri dari agenti de dote, non etiam mulieri agenti de lucro ei obveniente ex donatione propter nuptias, quæ est veluti dos mariti, respondens dote mulieris, quam maritus confert in mulierem, sicut ipsa in eam dotem: nam agenti mulieri de donatione propter nuptias, non datur nisi privilegium temporis. Et ratio differentie hic proponitur hæc, quia quæ agit de dote, certat de damno amittende rei suæ, ideoque ei subveniendum est plenius. Quæ agit de donatione propter nuptias, certat de lucro adventitio. Et hoc confirmat §. fuerat, in fine, de action. et *Novel. 61. et 109.* et ita fiscus, si agat de poena commissæ in fiscum, non præfertur creditoribus, qui suum persequuntur, quia certant de damno, fiscus de lucro, nisi ex privilegio antiquitatis, ut Papinianus eleganter ait in l. quod placuit, ff. de jure fisci, privilegium fisci etiam lucri ratione anteferri ratione damni, quod utrumque exemplum de muliere scilicet, et fisco aperte demonstrat.

JACOBI CUJACII J. C.

In L. b. VIII. Codicis.

RECITATIONES SOLEMNES.

Ad Tit. XVIII. De his, qui in priorum creditorum locum succedunt.

Titulus 18. est de iis, qui in priorum creditorum locum succedunt, et est portio superioris tituli. Et quod in illo habuimus, posteriores creditores hypothecarios in locum priorum ipso jure succedere offerendo prioribus, et solvendo pecuniam debitam, et usuras meli temporis, l. 1. 5. 8. 10. idem omnino in hac titulo proponitur l. ult. Et constitutio, cujus sit mentio in l. hujus tit. proculdubio ea est lex 1. tit. superioris. Sed de eo quoque tractatur in hoc tit. quod superior non habet, an hi, quorum pecunia, cum creditores non essent, priores creditores hypothecarii dimissi sunt, in jus et locum eorum succedant. Et ostenditur, non eodem

propterea modo succedere, quo posteriores creditores hypothecarios in locum priorum creditorum eos, qui cum creditoribus non essent ejusdem debitoris, pecuniam obtulerunt, et solverunt prioribus creditoribus hypothecariis, vel ut iis solveretur, crediderunt debitori facienti versuram, licet hoc ipso, quod solvunt pro alio, vel credunt ei pecuniam, qua se, et hypothecas liberet, atque absolvat, incipiant nunc primum esse creditores ex causa negotiorum gestorum, vel ex causa mutui. Et tamen, ut dixi, non succedunt in jus pignoris, quod habuerunt priores creditores, ad quos eorum pecunia pervenit, nisi in solvenda pecunia pro debitore auctoritate judicis pignus eorum, quibus solvebant pecuniam debitum, in eos translatum sit: vel nisi in credenda pecunia debitori, qua se, et hypothecas absolvat, nominatim pacti sint, ut in jus et locum priorum creditorum succedant: nam his duobus casibus, plane succedet in jus, locumque priorum creditorum, non ut posteriores quidem creditores hypothecarii, qui ipso jure succedunt offerendo pecuniam prioribus, sed ex auctoritate judicis, vel ex conventionis et consensu debitoris. Illi ita est explicanda l. 1. *hoc tit.* nec restat aliud, quam ut dispiciamus, quare dicat eos non omnimodo succedere in locum hypothecarii creditoris, quoniam pecunia ad creditorem transit. Cur ait (*non omnimodo?*) Significat enim eos aliquatenus succedere, et subire in locum hypothecarii creditoris, quorum pecunia ad creditorem hypothecae transit. Et sane succedunt in ejus locum, ut habeant actionem Paulianam, quam illi habuerunt ob res alienatas a debitore in illorum fraudem, quam, inquam, illi habuerunt, quos sua pecunia dimiserunt, l. 10. §. 1. l. nisi, ff. *quae in fraudem credit.* Quod etiam esse ex constitutione Severi et Antonini ait d. l. 10. §. 1. quorum Imperatorum est l. 1. *hoc tit.* et l. 1. *tit. super.* Item succedunt in locum priorum creditorum, quos, qui creditores non erant, sua pecunia dimiserunt, ut habeant privilegium in actionibus personalibus, quod habuerunt ii, ad quos sua pecunia pervenit: nam si privilegarius fuerit in actione personali, quem dimisi mea pecunia pro debitore, et ego ero privilegarius in mea pecunia exigenda, quod ostendit l. 2. ff. *de cess. bonor.* l. si ventri, §. eorum, ff. *de reb. auct. judic. possid.* Et hactenus quidem ii, quorum pecunia priores dimissi sunt, in eorum locum succedunt, ut scilicet habeant Paulianam, quae illis competeat, et privilegium personale, quod illi habebant, sed non etiam, ut vult haec lex prima, ut habeant jura hypothecarum, et in iis privilegia temporum, quae habuerunt ii, quos pecunia sua dimiserunt, nisi in eos nominatim translata et transcripta sint jura hypotheca-

rum auctoritate judicis, l. 3. et l. ult. *sup. de priv. fisci.* l. cum alter, *inf. de fidejussor.* vel ex conventionis et consensu debitoris, ut in l. 1. *hoc tit.* et in leg. *Aristo.* ff. *quae res pign. oblig.* Igitur lex 2. h. t. dum ait, *si ium emancipatum, qui pro parte solvit fisco, quod debuit pater. jure successisse in locum fisci;* quod ait, inquam, *jure successisse*, id sic interpretandum, cessione scilicet, et translatione pignoris facta, vel auctoritate judicis, vel consensu debitoris, qui utique consensisse intelligitur, non tantum si nominatim convenit, ut ejus pecunia creditor dimitteretur, is subiret locum illius, verum etiam si debitor eidem vendiderit rem creditori pignoratam, ut ex pretio creditor dimitteretur, l. 3. h. t. Nam et hoc casu in eo re emptor, cujus pecunia pervenit ad creditorem hypothecarium, id est, cui ea res erat obligata, potior erit omnibus creditoribus inferioribus, si qui sint: sed adnotandum, potior fore creditoribus inferioribus non offerentibus sortem prioris contractus: nam inferiores creditores habent jus offerendae prioris sortis emptori, et advocandae possessionis rei emptae jure suae hypothecae, quamlibet posterioris, quia nihil refert, debitor alii deus rem priori obligatam obligaverit, an vendiderit, cum pecunia pervenit ad priorem: nam utroque casu posterioribus creditoribus est jus offerendi emptori, vel creditori novo, qui in prioris locum successit, quae est sententia leg. 3. ff. *de distract. pignor.* secundum quam, ut et Accursius sensit recte, est accipienda lex 3. *hoc tit.* At Basilica in hac l. 3. aliter ponunt speciem, nec enim ponunt ut Latini, debitorem vendidisse pignus, ut protinus redactam ex pretio pecuniam, solveret credituri, cui erat obligatum: sed ponunt priorem creditorem vendidisse pignus emptori, ponunt emptorem rem obligatam emissam a priori creditore, ἀπὸ τοῦ προϋποθητάρχου δυνάστεως, et successisse in jus, τοῦ πατρὸς, id est, venditoris. Sed omnino male ponitur ita species ad hanc legem: nam hoc casu, puta si prior creditor pignus vendidit extraneo jure suo, bona fide, recte, et solemniter, ut solent creditores hypothecas distrahere, sequentibus creditoribus non est jus offerendi emptori, l. 3. *inf. de distract. pignor.* l. 3. ff. *cod. l. 1. tit. seq.* Itaque hoc casu in jus venditoris emptor non succederet, sed haberet jus proprium, atque perpetuum in re emptae, et plenius quidem quam venditor, cui sequentes creditores pecuniam offerre poterant, et pignus auferre, aut sibi confirmare, emptori vero frustra offerunt, quia causae pignorum extrema linea est venditio rite facta a creditore potiore. Et haec species praeterea si applicaretur ad legem 3. pertineret potius ea lex ad titulum sequentem, ac proinde rectius Latini legem

§. accipiunt de debitore, qui pignus vendidit extraneo, ut mox ex pretio absolveret creditorem, qui in eo pignore potiora jura habebat.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Titulum. XIX. Si antiquior creditor pignus vendiderit.

Hic titulus est etiam portio tituli 17. et in eo ostenditur id, quod jam jamque attigi, multum interesse, debitor distrahat pignus, an antiquior, potiorque creditor: nam si antiquior creditor extraneo recte distrahat pignus, et rite, id inferiores creditores persequi non possunt actione hypothecaria, et advocare emptori, quod antiquior creditor jure suo distraxit, ut ad suum perveniret. Et hoc verum est, etiam si creditores posteriores offerant emptori pretium, sive sortem prioris contractus, l. 3. ff. de distract. pign. et l. 1. h. tit. Non potest etiam debitor ipse pignus, quod jure suo antiquior creditor vendidit extraneo advocare emptori, oblata vel emptori, vel creditori pecunia debita, quia sera est obligatio, quæ fit post distractum pignus, l. 2. h. tit. Ante distractionem facta obligatio a debitore, vel a posteriore creditore, proculdubio distractionem interpellat, sive impedit, l. 3. hoc tit. Post distractionem autem facta obligatio quia non fit in tempore, nullius momenti est, nec rescindit jure factam venditionem pignoris. Et posui antiquum creditorem vendidisse pignus extraneo; et eo dixi, quia si primus creditor pignus vendiderit secundo creditori, ut etiam hoc loco male ponunt Basilica, tertio creditori superest jus offerendi secundo; optima ratione, quia secundus creditor non tam dominii acquirendi pignoris gratia, quam servandi sui pignoris emisit videtur a primo, l. 3. §. ult. et l. 6. de distract. pign. Ergo si antiquior creditor distrahat extraneo, peremptum est jus omne offerendi, quod habebant sequentes creditores; si distrahat primus secundo creditori, integrum manet tertio et quarto jus offerendi secundo. Et hæc de creditore antiquiore distrahente pignus. Nunc dicamus de debitore, quia initio diximus, multum referre distrahat pignus debitor ipse, an antiquior creditor: et quidem si debitor pignus distrahat, vel quod idem est, in solum dei (nam datio in solum quasi venditio est) antiquiori creditori, vel si vendat extraneo, inferioribus creditoribus integrum est jus offerendæ pecuniæ emptori, et confirmandi pigno-

Tom. I.

ris sui quæ est sententia l. 1. hoc tit. Emendo a debitore pignus, antiquior creditor succedit in locum suum, succedit sibi ipsi, id est, eodem jure est, quod fuit ante emptionem, puta ut sit potior in pignoris causa, nisi sequentes offerant pecuniam debitam, et usuras. Et ita in specie l. 3. et l. creditor, §. Papinianus, ff. qui pot. in pign. Creditor in locum suum succedit. Quam speciem etiam perperam Basilica explicasse ostendi *Observ. 11. cap. 32.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XX. Si communis res pignori data sit.

Ut rei alienæ invito domino nullum pignus contrahi docuit titulus decimus quintus: ita rei communis pro parte socii, et consortis non consentientis, nullum quoque pignus contrahi hoc titulo docet, ut l. 3. §. ult. ff. qui potior. in pign. hab. et l. 7. §. ult. ff. quib. mod. pign. vel hyp. sol. In qua hoc est singulare, ut possit quis partem quidem suam, quam habet in re communi, pro indiviso creditori pignori obligare, non partem socii, ac deinde inter socios facta divisione, ut non ea pars sit tantum pignori, quæ obligit ei, qui pignus contraxit, sed utraque pars pro indiviso ex dimidia parte, quia ea pars, quam pignori obligavit tempore contractæ obligationis, non est ea, quam nunc habet post divisionem, sed ea, quam tunc habuit ante divisionem: habuit autem tunc partem in parte socii, quæ nunc est post divisionem. Idcirco recte d. lex 7. ait, post divisionem utramque partem obligatam esse pro indiviso, et pro dimidia parte.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXI. De prætorio pignore, et ut in actionibus etiam debitorum missio prætorii pignoris procedat.

Regula proposita sup. tit. 17. ut qui prior est tempore, potior sit jure pignoris, non in eo tantum pignore locum habet, quod ex contractu, vel ex pacto formam et originem capit, sed etiam in prætorio pignore, de quo est hic titulus, maxime si non sint ejusdem tituli, sive causæ creditores,

ut l. 1. et 3. cod. tit. et actio hypothecaria non tantum pertinet ad illud pignus quod ex contractu, vel pacto constituitur, sed etiam ad pignus prætorium, ex l. 2. h. tit. quibus rationibus apparet ab hoc tractatu, qui potissimum est de pignore conventionali, et hypothecaria actione, sive Serviana, non esse aliquam inspectionem de prætorio pignore, licet de eo jam nonnihil factum sit tit. 72. lib. 7. sup. Nam quæ regulæ juris plerumque valent in conventionali pignore, ut tit. 17. ostendi, plerumque etiam valent in prætorio. Et ad utrumque pignus pertinet actio hypothecaria, id est, hac actione et hoc et illud pignus creditores persequuntur. Est autem prætorium pignus, idem quod missio in possessionem rerum omnium, vel rei unius debitoris (quod addo ex l. 2. tituli 17.) quod, inquam, missio in possessionem rerum omnium, vel rei unius debitoris, quæ fit ex edicto, conciliat, atque constituit, prætor specialiter decernente, creditorem, cui non solvitur, vel respondetur, vel cavetur, mitti in possessionem bonorum debitoris, ut habeat pignus, quo sibi creditum servet, qui nullum habet ex conventionione, ut habeat ex auctoritate prætoris. Et hoc esse prætorium pignus verbum missionis, quod est in hac rubrica et l. 2. h. tit. satis demonstrant, et l. misso ff. pro empt. Denique prætorium pignus est, quod non a debitore, sed a prælore creditori ex edicto datur, et decernitur, ut ei in tuto sit creditum, misso creditore in possessionem bonorum, vel quasi possessionem: nam et in l. 1. h. tit. Justinianus constituit prætorium pignus consistere posse in his rebus, quæ possideri non possunt, veluti in nominibus, sive, quod idem est, in actionibus debitoris prætor jubente, ut et actiones debitoris, quas habet debitor adversus alios, creditor pignori habeat, et persequatur, quod, ut opinor, ante Justinianum, id est, hanc legem 1. non obtinuit, id est, missus in possessionem bonorum debitoris, non occupabat etiam nomina debitoris, non occupabat calendarium debitoris, vel Iduarium: nam ut Marcus Tullius ait in Quintiana, ea bonorum possessio non spectabatur, nisi in his, quæ teneri, vel possideri poterant. Sed deficientibus hujusmodi rebus, sane prætor etiam creditoribus permittebat persequutionem actionum, sive nominum debitoris, quod optime probat l. si nullus, ff. ut in possess. legat. Ideoque l. bonorum, ff. de verb. signif. quæ secundum inscriptionem suam pertinet ad hanc causam prætorii pignoris, bonis annumerat etiam actiones, ut in l. 37. et l. ult. ff. de usufr. leg. In ea, inquam, quæ pertinet ad hanc questionem de prætorio pignore, id est, de missione in possessionem bonorum crediti servandi causa, bonis adnumerantur actiones, quia a bonis corporalibus creditor missus in possessionem, ad

extremum transit actiones. At ex hac constitutione Just. recte missio fit statim ab initio, non tantum in corpora, quæ pertinent ad debitorem, sed et in nomina et actiones ejus. Et hoc maxime notandum est ad l. 1.

Ad L. II. seq. ult.

Veteris juris dubitationem decidentem ad duplum genus hypothecarum respeximus: unum quidem, quod ex conventionibus et pactis hominum nascitur: aliud, quod a iudicibus datur, et prætorium nuncupatur. Et cum invenimus in conventionalibus pignoribus, vel hypothecis, non solum tenentem creditorem adjuvari, sed etiam si ab ea possessione cadat, sive sua culpa, sive non, sive fortuito casu: humanius esse perspeximus, et in prætorio pignore dare recuperationem creditori, quocumque modo possessionem amittat, sive culpa sua, sive non, sive fortuito casu. Licet enim debuerat incumbere suo pignori, ne aliquam patiatur inde jecturam: tamen ne quid amarum in creditoribus consequatur, benignius causam interpretamur, et ei recuperationem donamus.

Quod item Justinianus constituit in leg. 2. ut si creditor amiserit possessionem, in quam jure prætorio rei servande causa missus fuerat, quo genere, ut dixi, contrahitur pignus prætorium, ut eam possessionem persequi possit, ut interpreto exemplo actionis hypothecariæ, id est, utili, sive in factum hypothecariæ. Hoc quoque videtur olim non obtinuisse, hac ratione, quia qui mittitur in possessionem, custos opponitur rebus debitoris, sui commodi, et sue securitatis causa, l. 2. §. ult. ff. de acquir. possess. l. cum legator., ff. quibus ex caus. maj. Et in eo custode, qui custodiam recepit, scilicet sui commodi causa, diligentia exigitur, quam si non præstiterit, ut puta, si per negligentiam suam possessionem prætorii pignoris amiserit, merito debere videtur damnum facere prætori pignoris, quod non servavit. Sed ex hac Justin. constitutione benignius est et humanius, ut ait Justinian. ut id possit recuperare parinde atque si esset pignus conventionale, utili actione hypothecariæ, ut dixi.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Titulum XXII. Si in causa iudicati pignus captum sit.

Sequitur in hoc tit. aliud genus pignoris, ad

quod pertinet etiam regula tituli 17. ut constat ex *l. si jura*, ff. qui pot. in pign. hab. et actio quoque hypothecaria, ut opinor. cum possessio ejus casu quodam amittitur. Id vero pignus, de quo agitur in hoc titulo: etiam ex conventionione contrahentium non descendit: nam ejus definitio hæc est, quod in causam judicati ex bonis condemnati capit executor rei judicati ex auctoritate, qui jus habet hoc præcipiendi, ut capiantur pignora ex bonis judicati, qui hoc jubere potest, quod in hac questione sæpe inculcant leges, quas inferius adducemus, ut intelligamus, non cuilibet esse hoc præcipiendi jus: neque enim est in hoc præcipiendi iudici datum, qui rem judicavit, sed magistratui, qui eum judicem dedit ad rem judicandam, *l. a D. Pio*, in princ. ff. de re jud. Nam iudices delegati sententiarum suarum exceptionem non habent, sed eorum sententias exequuntur magistratus, qui eos delegerunt, dum jubent apparitores suos, sive officiales ex bonis condemnati capere pignora, quantum satis sit iudicato faciundo. Et intelligitur, quam hoc genus pignoris distet a prætorio pignore: prætorium pignus datur (ut diximus sup. tit.) et decernitur: hoc vero pignus capitur manu injecta ab apparitore: illud datur creditori. Denique pignus prætorium occupat creditor: hoc vero pignus creditor, qui vicit, qui sententiam consecutus est, pro partibus suis non occupat, sed executor, officialis, apparitor magistratus, *l. 2. h. tit. l. si plus*, ff. de evict. Item prætorium pignus ex edicto constituitur, ex ordine, jure ordinario: hoc vero extra ordinem, *l. si pignora*, ff. de eviction. Prætorium pignus in rem constituitur, id est, generaliter, ut prosit omnibus creditoribus: nam missio unius creditoris prodest omnibus aliis creditoribus. Non ergo constituitur in ejus personam, qui solus missus est in possessionem, sed in rem, et generaliter, adeo ut missus in possessionem, non sibi tantum possideat, sed etiam omnibus aliis, *l. cum unus*, ff. de reb. auct. jud. poss. *l. ult. sup. de bon. auct. jud. poss. l. 3. §. si plures*, ff. ut in possesi. legat. Ideoque Græci eam vocant τὴν ὑπερβολὴν γενικήν, id est, possessionem generalem. Hoc vero pignus, de quo hoc titulo agitur, quod nostri Doctores vocant iudiciale pignus, distinguendi, et docendi gratia, constituitur in personam ejus, secundum quem judicatum est, *l. si et jure*, ff. qui pot. in pign. Nam etsi ab eo non occupatur, sed ab apparitore, ut mox ab eo distrahitur, tamen non male dicitur in personam ejus constitui, id est, respectu ejus tantum. Et eadem quoque ratione non male dicitur ei dari, licet reipsa non detur, ut (dari) sit constitui in personam ejus, in rem ipsius propriam, non in rem generaliter. Et ita quidem legunt *l. 1. h. tit. res ob causam judicati datas*: sed rectius Haloander omisit verbum

datas, quia hoc pignus proprie creditori non datur, prætorium datur. Et ita etiam de hoc eodem pignore *l. 3. sup. de execut. rei judic. res soli pignori datur*, rectius videretur, pignori capta, ut in hac rubrica, *si in causam judicati pignus captum sit*. Præterea pignus prætorium datur etiam adversus debitorem non judicatum, non condemnatum, sed latitantem forte fraudationis causa, vel iudicio absentem, et indefensum, vel qui solum vertit exilii causa. Hoc vero pignus iudiciale (ut ita loquamur) capitur tantum ex bonis condemnati, sive judicati. Utraque tamen via exequi licet iudicatum, vel eo, qui vicit, misso in possessionem bonorum iudicis servandi gratia, ut in *l. 2. et 3. tit. 17. vel extra ordinem captis et distractis pignoribus*, captis censibus, ut Plautus loquitur in *Menechmis*. Nisi adsint, cum citentur, census capiunt illico, id est, pignora. Incipiunt autem apparitores a censu mobili, et ab eo transeunt ad immobilem secundum ordinem præscriptum in *l. a Divo Pio*, §. in venditione, ff. de re jud. c. et a censu immobili ad extremum transeunt ad nomina, seu actiones ex constitutione Antonini, *d. l. a D. Pio*, §. si quoque, *l. 2. sup. quando fisc. vel priv. l. etiam, sup. de execut. rei jud.* Qui ordo non serratur in prætorio pignore: nam statim occupantur universa bona universa nomina. Et non serratur etiam hodie hic ordo moribus nostris in pignore iudicali, sed incipit executor a censu immobili, vel a Calendario, vel a censu mobili, ut habet. Notandum est, quod ait *l. 1. hoc tit. iudicis præceptum*, qui jubet pignora capi in causam judicati, succedere in vicem iustæ obligationis ex causa contractus, id est, in locum pignoris conventionalis constituti ex causæ contractu, sicuti *l. creditor prædia*, ff. de pignor. ait, pignoris obligationem obligari ex contractu, id est, ex causa contractus principalis. Deinde notandum capta pignora distracti non per creditorem, sed per apparitorem magistratus, et distrahi publice sub hasta, etiam (quod notandum) ad licitationem admissio creditore, qui sententiam accepit secundum intentionem suam: admissio, inquam, etiam, tanquam extraneo quolibet, *l. 2. h. tit. et deliciente emptore*, quod plerumque contingit fraude judicati debitoris, tum multi creditorem in pignorem, qui apparitor cepit possessionem, *l. 3. sup. de execut. rei jud.* vel auctoritate principis ei addici dominium pignoris, nullo invento emptore, ut *l. 3. h. tit.* Solus princeps in hac specie potest addicere dominium creditori, ut plenius demonstrabitur inf. de jur. dom. impet.

JACOBI CUJACII J. C.

JACOBI CUJACII J. C.

*In Lib. VIII. Codicis**In Lib. VIII. Codicis.*

RECITATIONES SOLEMNES.

RECITATIONES SOLEMNES.

*Ad Titulum XXIII. Si pignus pignori datum sit.**Ad Tit. XXIV. De partu pignoris, et omni causa.*

Non erit res longi subseclii. Notandum creditorem pignus, quod habet obligatum, pignori obligare posse creditori suo, quod Græce est uno verbo *περισυμπιάν*. Et plerunque id agitur, ut creditor, aut qui crediturus est, pignus accipiat, quo alii dato amico suo pecuniam ferat, et mox credat ei, qui pignus dare prævertit: nam ut fidejussor, ita pignus potest præcedere contractum principalem. Quid ni? Pignus autem pignori datum, pignoris obligatio posterior tandiu durat, quamdiu obligatio prior: nam priore perempta, perimitur etiam posterior. Nec recte dicere sic fieri, ut rei alienæ pignus sit, quia non tam est rei, quam juris, quod in ea habet creditor. Sicut cum quis rem sibi debitam pignori obligat, non rem ipsam obligat, sed jus obligationis, jus quod habet in ea, l. 1. in pr. ff. de pign. l. 3. §. cum ex causa, ff. qui pot. in pignur. Et si forte creditor, qui pignori habet rem aliquam debitoris, rem ipsam id est, proprietatem: nam (*rei*) nomen, proprie proprietatem significat: si rem ipsam pignori obligaret, non consisteret obligatio, sicut is, cui ususfructus rei pignori datus est, posset quidem ususfructum alii pignurare, sed si rem ipsam pignuraret, nihil agit, l. 1. et 2. h. tit. quia rei alienæ pignus non consistit, sed rei tantum nostre, aut juris nostri cujuscunque. Secundus autem creditor, cui primus creditor pignus pignori dedit, quamdiu priori creditori non solvitur, non tantum habet actionem hypothecariam, vel retentionem ejus pignoris, l. grege, §. cum pignori, ff. de pignor. sed etiam habet jus distrahendi pignoris, sicut primus creditor, nec distractione perfecta integrum est creditori pecunia oblata, vel soluta, distractionem, sive empionem dissolvere, ut in l. 2. sup. si antiqui. cred. pign. vend. et in l. 1. hoc tit. In quo sub finem est scribendum, post soluta pecunia, non post solutam pecuniam: et illo loco (ante exsolutam a domino) illa verba (a domino) abundanter omnino; nam si voluit dicere (a quo soluta pecunia) debuit dicere, a vobis, ut superiora verba requirunt.

Ait, omni causa, id est, de omni alia causa præter partum: nam et partus est causa ancillæ, l. 8. D. de usur. sicut fœtus pecoris, et fructus causæ est fundi. Igitur de omni alia causa pignoris, veluti de operis, aut mercedibus operarum, quia de servis tantum pignoris in hoc titulo agitur: ceterarum rerum causæ sunt fructus, pensiones, et fœtus primi, aut secundi, quoniam hæc vi ipsæ insunt rebus ipsis, id est, sunt causæ rerum. Et de operis servi pignoris in l. 2. hoc proditum est, creditorem, si operas servi pignoris percepit, aut percipere potuerit, quia sunt in fructu servi, l. 3. de oper. serv. eas imputare creditorem primum in usuras, id est, in quantitatem gravio-rem, deinde in sortem. Denique operas servi pignoris, quas creditor percepit, aut percipere debuit, minuire debitam quantitatem, vel etiam absumere, si eam exquant, l. 1. 2. 3. et ult. sup. de pignor. act. l. 9. sup. de pignor. l. 1. inf. de distract. pignor. Partum autem pignoris creditor non imputat in usuras, vel in sortem, quia partus non est in fructu. Indignum est excellentia hominis, ut sit homo homini in fructu, et tamen in plerisque causis partus eodem jure sunt, quo fructus, ut in hac causa pignorum. In hoc tractatu, sicut fructus fundi pignoris, tacite pignori esse creduntur, qui scilicet a debitore percipiuntur, vel hærede ejus, l. 8. sup. in quib. caus. pignus tac. ita partus ancillæ pignoris, qui eduntur, vel nascuntur apud debitorem, vel heredem ejus, tacite pignori esse creduntur, l. 1. h. tit. l. fidejussor. impetravit, in fine, l. Paulus, §. ff. de pignor. Nec obstat, quod ita scripsit Paulus 2. Sent. fœtus, vel partus ejus rei, quæ pignori data est, pignoris jure non tenetur, nisi hoc inter contrahentes convenit, quæ sententia omnino pugnat cum his, quæ proposui ante, ut tacite fœtus, et partus sint pignori, cum dicit, non esse pignori, nisi ex conventionis expressæ. Sed vitandæ absurditatis gratia, in quam verisimile est non incidisse Paulum, ea sententia suo, et proprio casui computanda est, ita scilicet, ut intelligatur de fœtu, vel partu edito ante pignoris obligationem, vel etiam de partu edito post pignoris obligationem, apud alium, quam debitorem vel heredem ejus, vel creditorem,

veluti apud emptorem ancillæ pignoratæ, cui debitor eam vendidit sine consensu creditoris: nam hoc casu fœtus, vel partus non potest esse pignori obligatus, non potest calere in pignoris obligationem, quia nunquam fuit in bonis debitoris, cum sit editus apud emptorem. Et hæc est distinctio d. l. Paul. §. 1. distinctio ejusdem auctoris. Cui rursus obijcitur l. si convenerit, §. si fundus, ff. de pignor. act. l. 1. in princ. ff. de Salv. interd. quæ leges partum ancillæ pignoratæ editum apud emptorem ancillæ, statuunt venire in pignoris obligationem, quod omnino pugnat cum illa distinctione l. Paulus, §. 1. et re diligentius inspecta, ita videtur hæc omnis res expedienda et discernenda esse, ut dicamus partum ancillæ pignoratæ editum apud emptorem non venire in pignoris obligationem proprio jure taciti pignoris, quia nunquam fuit in bonis debitoris, licet apud eum conceptus sit: ubi id ipsum, quia non est (ut Stoici sentiunt, a quibus nostri auctores imbuti sunt) antequam in lucem editus sit. Et ideo in hac questione auctores nostri non conceptionis, sed editionis locum spectant. Sed tamen in actionem hypothecariam, qua creditor persequitur rem pignori obligatam, recte dicam venire fœtus ejus, et fructus, et partus editos apud emptorem, aut jure expressi pignoris, id est, si convenerit nominatum, ut pignori essent, et extent fœtus, fructus, vel partus, ut ex contrario indicat l. 1. §. cum prædium, ff. de pignor. aut venire arbitrio judicis, tanquam tacite obligatos, si etiam extent, et res principalis creditori adimplendo non sufficiat, quod est valde notandum ex l. si fundus, §. in vindicatione, in fine, ff. de pignor. Et hujus juris color hic est (nam nullum jus est, quod careat ratione vera, aut colore) color, inquam, hic est, quia licet fœtus, fructus, partus nati apud emptorem nunquam fuerint debitoris, tamen res, ex qua nati, vel orti sunt, debitoris fuit tempore contractæ obligationis. Consumptos autem ab emptore partus, fœtus, fructus dicam neque venire arbitrio judicis in actione hypothecaria, id est, Serviana, neque jure expressi pignoris, d. l. 1. §. cum præd. hac ratione, quia consumptio bonæ fidei emptoris absolvit, perficit, et consummat acquisitionem fructuum, vel quasi fructuum, qui nunquam venditoris fuerunt, ut nec jure hypothecæ, nec arbitrio judicis ab eo advocari possit post consumptionem, l. quantum, ff. de acquir. rer. dom. l. 4. §. lana, ff. de usurp. et usur. §. si quis a non domino, de rer. d. n. s. Et secundum hæc est accipienda l. 1. de Salv. interd. itaque d. l. si convenerit, §. si fundus: ut post venditionem ancillæ pignoratæ, apud emptorem editus partus veniat in pignoris obligationem, si exstet, et ancilla creditori non sufficiat: et ut ve-

niant non directo jure pignoris, sed arbitrio judicis, ut d. §. in vindicatione. Et ita arbitrio judicis veniat in actionem Servianam, et in interdictum Salvianum, quia utraque actio est arbitraria, §. præterea, Institut. de action. Et ita hæc questio dirimenda est omisso Accursii, et Doctorum nostrorum distinctione, utrum ancilla conceperit apud debitorem, vel creditorem, an apud emptorem, utrum fructus severit emptor, an debitor, quia juris auctores, qui verius sunt Doctores, et præceptores nostri, eam omiserunt, nec ullo loco spectarunt apud quem conciperet ancilla pignorata, sed apud quem eniteretur, et pareret.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXV. De remissione pignoris.

Ex hoc titulo licet intelligere pignoris obligationem nudo pacto, vel expresso, vel tacito remitti, atque dissolvi: sed non ipso jure, ne hoc dicamus: verum opposita exceptione pacti creditori agenti Serviana, ut aperte docet l. 2. hoc tit. Et quod et l. major., sup. de pign. creditorem majorem 25 annis, recte (ut l. 13. ejusd. tit. nam minor subvenire posset) majorem, inquam, remissam pignoris conventionem persequi non posse, id non est ita accipiendum, ut ipso jure non possit persequi, sed ut persequendi obstat exceptio doli mali, vel pacti, ex l. 2. hoc tit. Et placet ratio d. l. major. cum hoc solum pactum, vel jurisdictio secundum ipsius voluntatem teneatur: ubi jurisdictio pro edicto accipitur, ut l. 2. ejusd. t. et disjunctio (vel) pro conjunctione, quia pactum, quod sit de pignore, non visum, sed ex edicto prætoris actionem parit l. si tibi, §. de pignore, ff. de pact. ex jurisdictione prætoris vires accipit. Nihil autem est tam naturale, quam quo genere quid colligatum est, id eodem dissolvere, l. prout, ff. de solut. Pignus nudo pacto contrahitur, ergo et nudo pacto perimitur: sive pacto remittatur et solvatur vinculum pignoris, sive remittatur sors principalis: nam sorte principali remissa, modo remissio facta sit ab eo, qui jure id facere potest remissum et am videtur pignus, l. 3. hoc tit. Omne pactum posteriore pacto dissolvitur, non ipso jure, sed per exceptionem, et eliditur verius, quam dissolvitur, quasi collatione facta duorum corporum, duorumve jurium, l. si unus, §. pactus, ff. de pact. Videtur autem creditor remisisse pignus tacito pacto, si creditore sciante et

lacente servus pignoralus manumissus sit, et in libertate moratus, *l. 1. h. t. cui est conjungenda l. 1. sup. de serv. pign. dato man.* Item si res pignoralis vendita sit a fisco sub hasta. Finge ex causa tributorum; sciente et tacente priori, et posteriori creditore sufficit silentium creditoris, ut non convellatur fides hastæ fiscalis, quod est singulare in hasta fiscali, *l. 8. h. t.* sicut illud in libertate, ex *l. 1.* Nam si ab alio, quam fisco res pignoralis vendita sit, non sufficit scientia, et silentium creditoris, ut remissio pignus videntur: quid enim si securus sui pignoris, suique juris bene conscius vendi cernat pignus suum, nec tamen propterea remittat? Igitur necesse est, ut nominatim consentiat (hic casus est excipiens) programmata, id est libello publice proposito ab eo, qui pignoris auctionem facturus erat, admoniti fuerint creditores, ut adessent, et assuerint, nec contradixerint: quia hoc casu plane consensisse videntur, et pignus remissio, *l. 6. h. t.* Item remissio intelligitur pignus, qui id reddit debitori, *l. 9.* Idemque est, si debitori reddiderit cautionem pignoralitiam, vel testamento reddi jusserit, ut *l. 7. hujus tit. cap. 4. ext. ut lite pend. nihil innov.* Nam etiam qui cautionem creditæ pecuniæ, qui chirographum reddidit debitori, vel qui id scindit, atque corrumpit, creditum remissio videtur, *l. 2. D. de pact.* Et inde Optatus Auler adversus Donatistas: *extorta debitoribus chirographa reddebantur.* Nam redditio chirographi, est liberatio debitoris, quod etiam iisdem verbis est scriptum in epist. quadam August. ad Bonifacium. Et his congruenter D. Ambrosius *1. offic. Est benevolentiae liberalitas, ut quod habes debitoris chirographum, scindens restituis, nihil a debitore consecutus debiti.* Et in lib. de Nabute cap. 13. *Cautionem quoque, inquit, si quam habui debitoris, scissam sine debiti recuperatione reddidi.* Et similiter, qui servo suo reddidit instrumentum servitutis, quo probatur eum servum ejus esse, videtur eum manumissio, *l. unic. §. pen. sup. de lat. libert. toll.* semel autem remissa hypotheca, semel remissum pignus, etiamsi fuerit generalis hypotheca presentium, futurarumque rerum, pignore retento a debitore, vel recuperato ab emptore, cum venditioni semel consensit creditor, nunquam restituitur, nisi novo pacto. Et hæc est sententia *l. 4. et l. ult. h. t.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Al Titulum XXVI. Etiam ob Chirographariam pecuniam, etc.

Non tantum remissione pignus perimitur, ut

docuit superior tit. sed etiam, ut docet hic, novata debiti obligatione: ut si creditor, quod sibi Titius debet, sub pignore certo, annuo novandæ obligationis dari stipuletur a Cajo, non repetito eodem pignore: repeti potuit, vel consentiente Titio, qui est pignoris dominus, vel Cajo, ut ponit constitutio hujus tituli, in quem translata est obligatio, dominium pignoris adeptus: aut si repetitum non sit, novatione pignus peremptum est, quia prior debitor liberatus est, qui dederat pignus. Et hoc quoque genere fidejussores prioris debitoris liberantur, et usuræ consistunt, id est, currere desinunt, *l. novatione, ff. de novat.* Repetito autem eodem pignore, etiamsi creditor agat adversus Cajum, in quem transfusa est obligatio, actione personali ex stipulatu, eumque condemnet, sententiam consequens adversus eum, pignus quod repetitum est, non perimitur, quia non condemnatione debitoris, sed solutione a debitore facta pignus perimi. Elicitum prætoris de Serviana actione manifesto declarat, vel superioribus modis, id est, remissione, aut novatione, et novatione quidem voluntaria, quæ fiat ex consensu creditoris, et debitoris, et ex promissoris in quem transfunditur obligatio nova: nam novatio necessaria non perimit pignus, quæ contingit iudicio damnato debitore, et dicitur necessaria, quia iudicium redditur in invitum, *l. inter stipulantem, §. 1. ff. de verb. obligat.* Unde etiam notat Theophilus deducit, actionis nomen, quid agat, et compellat invitum. Et novatio fit iudicio damnato debitore, quia pro pristina actione creditori datur nova actio, id est, actio iudicati, *l. grege, §. etiam l. si fundus, §. si pluris, ff. de pignor. l. 8. §. et ideo, sup. de usur. rei judic.* Voluntaria ergo novatione pignus, quod prior debitor dederat, nec repetitum est, perimitur, quia et ejus debitoris, qui id dederat, principalis obligatio perimitur mutato debitore per novationem. At novatione facta necessaria, idem debitor manet obligatus. Ergo et pignus, quod dedit debitor, non mutatur, sed actio tantum mutatur. Et hæc differentia inter novationem voluntariam, et necessariam proponitur initio hujus constitutionis, et pars ejus, quæ est de novatione necessaria, repetitur in *l. 8. sup. de pignor.* Sunt autem, et in multis aliis rebus multe aliæ differentie inter hanc, et illam novationem. Novatio voluntaria perimit privilegium pristinae actionis, veluti tutelæ, aut dotis, si hoc agatur: necessaria non item, *l. aliam, ff. de novat. l. questum, ff. de reb. auctor. jud. possid.* Facta novatione voluntaria usuræ non currunt, quæ ecurrunt autem, *l. novatione, ff. de novat.* Facta novatione necessaria, id est, lite contestata, factoque iudicio, usuræ currunt, *l. lite, ff. de usur.* quæ secundum inscriptionem est conjungenda cum *d. l.*

novatione, conjunctio patefaciet differentiam. Item facta novatione voluntaria pœna promissa, si ad diem pecunia non solveretur, non committitur, *l. si creditor, ff. de novat.* Facta necessaria, committitur, *l. cum stipulati sumus, ff. de verb. obligat.* Item novatio voluntaria tollit civilem et naturalem obligationem: necessaria quæ ex iudicato manat, non tollit naturalem, *l. Julianus, ff. de condict. indeb.* Ac postremo novatio voluntaria aufert creditoribus hereditariis commodum separationis honorum, non quæ sit ex necessitate, non necessaria novatio, *l. 1. §. illud sciendum, et l. ult. ff. de separat.* Hæc autem constitutio, proposita illa differentia inter novationem voluntariam, et necessariam, deinde id proponit, quod solum habet rubrica, quasi præcipuum caput hujus constitutionis, vel præcipuum finem: hoc nimirum, illum qui pignus accepit ex causa certæ pecuniæ creditæ, etiam id pignus retinere posse opposita exceptione doli mali ex causa alterius pecuniæ creditæ sine pignore, nudo chirographo, quæ chirographaria pecunia dicitur licet ejus pecuniæ nomine pignus acceptum non sit. Denique pecuniam, aut eas hypothecariam, sive pignoratitiam, puta si debeatur sub pignore certo, aut esse chirographariam: et ob pecuniam hypothecariam creditori et retentionem competere, et persecutionem pignoris, id est, actionem hypothecariam: ob chirographariam autem pecuniam, competere retentionem tantum pignoris contracti propter aliam pecuniam, non persecutionem: et soluta ab eo, qui debet partim chirographariam, partim hypothecariam pecuniam, omni pecunia hypothecaria, debitorem agentem actione pignoratitia de recuperando pignore, quod solverit pecuniam, in quam pignus obstrictum erat posse repelli per exceptionem doli mali nisi etiam solvat chirographariam pecuniam, quam debet, debitorem repelli constitutio ait, nam secundus creditor, ut subjicit eadem constitutio, non repellitur, si primo creditori offerat pecuniam hypothecariam tantum, non etiam chirographariam: satis enim est, si priori creditori offerat pecuniam, quæ sub pignore debetur, ut sibi pignus confirmet, et in locum subeat primi creditoris. et adversus eum agat cum effecta actione hypothecaria. Et hæc est sententia hujus constitutionis valde singularis: Singulæ constitutioni dedit singularem titulum; nam et similis alia vel constitutio, vel juris auctoritas, quæ idem statuat, nulla est. Et ratio constitutionis (quæ non est omittenda) hæc videtur esse, ut scilicet non tantum ob pignoratitiam pecuniam, sed etiam ob chirographariam pignus possit retineri a creditore jure exceptionis oppositæ actioni pignoratitiæ, quam intendit debitor soluta pecunia hypothecaria quæ est brevis interpretatio Rubricæ:

ratio, inquam hujus juris hæc videtur esse, quod improbe facere videatur debitor: quamobrem et repellitur exceptione doli mali, qui id tantum res alienum dissolvit, quod sub pignore debet, quia id non tam sua sponte facere videtur, quam coactus vinculo et metu pignoris, quo forsitan indiget, plane demonstrans, se id nunquam, aut vix exsoluturum, quod debet sine pignore: quæ improba mens et cogitatio debitoris merito coercetur, etiam retentio pignore ob res alienum chirographarium tametsi propter id obligatum non sit. Et longe alia est ratio secundi creditoris, qui ultro primo creditori offert, quod ei ipse non debuit. Et quæ est secundi creditoris, eadem etiam ratio est extranei cujuslibet, qui ultro offert creditori pro alio, quod ipse non debet, *l. Paulus, §. ult. ff. quib. mod. pign. vel hypoth. sol. l. mulier, ff. qui pot. in pign.* Eademque ratio primi creditoris, qui ultro offert secundo, quod ei debetur. Nam et primum secundo offerre posse (quod Accursius notavit in *l. 1. sup. qui pot. in pign. hab.*) verissimum esse probat Paulus 2. *Sentent. titul. 13.* his verbis, *Prior creditor secundum creditorem, si voluerit dimittere non prohibetur, quanquam ipse in pignore sit potior.* Eadem quoque ratio est, si ultro dominus rei, quam alius pignori habet, consentiat ex benevolentie liberalitate quadam, ut eam rem suam pignori opponat: quia et hoc casu a creditore pignus retinebitur ob pecuniam tantum, propter quam obligatum est: non etiam ob pecuniam chirographariam, siue nova voluntate domini, argumento *l. item queritur, §. qui impleto, ff. loc.* Et hæc fuit sententia Placentini, quam confirmat, quod in specie hujus constitutionis, si bene inspicias, proponitur pignus fuisse repetitum translato debito simul, atque dominio pignoris in alium, non etiam consentiente domino, a quo debitum in alium translatum est, facta novatione voluntaria. At constitutioni hujus tituli valde obstat *l. solum §. si in sortem, ff. de pignor. act.* quæ docet pignus obligatum in usuras tantum, sive ex pacto, sive ex stipulatione debitas, usuris solutis, non posse retineri ob sortem chirographariam. Et idem esse lex ostendit ex diverso, ut pignus obligatum in sortem tantum non possit retineri ob usuras chirographarias. Et hoc quidem verum esse etiam probat, *lex 4. sup. de usur.* Et facile admittitur ab interpretibus odio (ut ajunt) usurarum: et illud videtur esse falsum primum, ut pignus acceptum in usuras tantum, non possit retineri ob sortem chirographariam tantum, quod tamen proponit *d. §. si in sortem*: et pugnat id omnino cum hac constitutione. At fortiter defendi posset in *§. si in sortem*, sic esse legendum, *si in sortem*

duntaxat, non in usuras, ut docuit Observatio B. et 1b. Sed esto, nihil mutemus, ut refractarii volunt, et volunt nulla alia adducta ratione certa, et prespicua, qua socient concordiam hujus constitutionis, et d. §. si in sortem, nihil, inquam, mutemus: nam et Basilica nihil mutant, et non est, cur ob usuras chirographarias denegemus pignoris retentionem potius, quam ob sortem chirographariam: nam odium usurarum, quod interpretes isti rei affingunt, jure civili nullum est. Nihil denique jure civili scriptum odio usurarum: nec enim jure civili sunt odiosae: usurae nam et quod dicunt, ut pecuniae creditae usurae non possint peti ex pacto facto incontinenti in credenda pecunia, quod est verissimum, l. 3. sup. de usuris, l. Titius, ff. de prae. verb. l. idemque, §. si quis Titio, ff. mand. quod, inquam, dicunt, hoc fieri odio usurarum, falsum est. Et verissima causa hujus rei in eo posita est, quod pacta incontinenti adjecta contractibus stricti juris, quale est negotium creditae pecuniae, non pariant actionem, sive petitionem, sed exceptionem tantum: nam ut etiam actionem pariant, est receptum tantum in contractibus bonae fidei, l. in bonae fidei, sup. de pact. l. juris gentium; §. quin imo, ff. eod. Nec pugnat l. lecta, ff. de reb. cred. quae pactum inesse dicit stipulationi strictae, non ut actionem pariat, id est, ex parte actoris, sed ex parte rei, ut pariat exceptionem tantum. Et probabilius rem omnem sic explicabimus, et hanc constitutionem cum illo §. sic in concordiam adducemus probabiliter. Haec constitutio loquitur tantum de duplici sorte, de duobus sortibus, nempe hypothecaria, et chirographaria, ut soluta hypothecaria sorte, ob chirographariam pignus retineri possit: non loquitur de sorte et usuris, sicut ille §. ut vel ob sortem chirographariam solutis usuris retineatur pignus acceptum in usuras duntaxat: vel contra, ut ob usuras chirographarias soluta sorte, retineatur pignus acceptum in sortem tantum. Et non est recedendum a finibus, quos haec constitutio circumcripsit, quia cum sit singularis, restrictius accipienda est. Proinde dicere non improbabilius, constitutioni locum esse, si agatur de duobus sortibus hypothecaria, et chirographaria: non si de sorte chirographaria, et usuris hypothecariis et contra: nam Placentini, ut ante dixi, sententia placet, ad suos fines, quamque speciem coarctantis constitutionem hanc de pignore repetito post acquisitum dominium pignoris ei, in quem translata est obligatio facta novatione: non etiam, quoniam hunc casum constitutio non ponit, de pignore repetito consensu domini, et prioris debitoris: et ideo hoc casu soluta pecunia hypothecaria, ob chirographariam pecuniam pignus retineri non potest sine novo

consensu domini, et prioris debitoris, a quo obligatio transit in alium.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad T.ulum. XXVII. De distractione pignorum.

Pignus non tantum remissione, aut novatione voluntaria perimitur, quod superiores tituli demonstrant, sed etiam distractione jure facta a creditore, cui pignus jure obligatum sit, ut l. 11. et 17. vel ab herede ejus, l. pen. hoc tit. Distractio enim pignorum non solvente debitore, est pignorum extrema linea, vel novissima meta, adeo ut a creditore jure distractis pignoribus nullus supersit, qui habet jus offerendae pecuniae, quia res non est integra: vel qui directa in rem actione, vel quasi Serviana emptori eas res evincere possit, l. 1. et 2. sup. si antiq. cred. l. 8. et 18. hoc tit. a creditore, inquam, nam a debitore facta venditio non perimit causam pignoris, sed res transit cum sua causa, cum sua qualitate, et conditione, nisi fiat creditore consentiente, et remittente pignus, l. 12. h. tit. l. 2. l. 4. l. pen. sup. de remiss. pign. l. creditor, ff. de div. reg. jur. Et a creditore tamen facta venditio pignoris perimit causam pignoris, quia pro solutione cedit: nam ex pretio satisficit creditori in totum, vel ex parte: et si ex parte tantum ei satisfiat, ut puta quod pignus non sit idoneum in omnem debiti quantitatem, quod minoris sit, quam debeatur, hoc casu pignus quidem perimitur, sed in id, quod deest sorti principali, creditori superest actio personalis adversus debitorem, vel fidejussorem, aut mandatorem, l. 3. hoc tit. l. quæsitum, §. n't. D. eod. l. creditor 28. D. de reb. cred. l. 10. sup. de obligat. et action. Vel etiam eodem casu, cum pignoris pretium non sufficit, creditori competit actio hypothecaria ex generali clausula, quae in pignoris dandis adjici solet specialiter quibusdam rebus pignori datis, ut cetera quoque bona debitoris, quae habet, quaeque habiturus est, pignori teneantur, l. et quae nondum, §. 1. D. de pignor. l. 9. hoc tit. l. ult. sup. de remiss. pignor. Videlicet quoniam hoc casu, quo specialem certarum rerum hypothecam sequitur generalis, prius est exequenda specialis, quam generalis, l. 2. sup. de pignor. Si ex pretio rerum specialiter pignori datarum creditor solidum, quod sibi debetur redigere non potuerit, tum cetera bona debitoris ex generali hypotheca persequi potest, quae est sententia l. 9. hoc tit.

aut e contrario si creditor plus redegerit, quam ei debeatur, ut plerumque pignora solent superare quantitatem debiti, hoc casu de superfluo creditor debitori tenetur actione pignoratitia, ut superfluum reddat debitori, *l. ult. hoc tit. l. eleganter*. §. si vendiderit, *D. de pignor. act. l. in fraudem*. §. si plus, *D. de jure fisci, l. ult. si vend. pign. agut*. Sed *l. ult. hoc tit.* addit hanc exceptionem, nisi aliud specialiter convenerit, puta ut quod ex venditione pignoris conficeret creditor, totum id sibi haberet. Quam in rem hæc lex ult. est admodum singularis. Neque vero hæc conventio in qua videri debet, cum et lex commissoria (id est, pactum commissorium) quod scilicet non soluta ad diem pecunia, creditori addicit pignus, quantumvis licet pretiosissimum: hæc, inquam, lex ante Constantinum in *l. ult. de pact. pignor.* in pignoribus fuit admissa, sicut etiam hodie admittitur in venditionibus. Illa autem conventio, ut quod creditor redegerit ex venditione pignoris, totum sibi habeat, quæ longe diversa est a lege commissoria, non fuit improbata a Constantino. Ergo eandem exceptionem addi voluit superiori dicto, puta ut si minus, quam debeatur ex pretio pignoris redactum sit, creditori residui petitio supersit: quod autem dixi, ita scilicet, nisi specialiter convenerit, ut creditor contentus esset qualicumque pretio pignoris: nam et Accursius testis est in *l. creditor, D. de reb. credit. et l. si pro mutun, sup. si cert. pet.* eam conventionem Venetos approbare, imo semper inesse existimavit pignori, quod tanti non est, quanta pecunia data est. Ex his autem intelligimus, hunc esse effectum distractionis pignorum a creditore factæ, ut pignus perimat, quia pretium eorum redit ad creditorem, neque refert, id pretium requat sortem, necne: nam si partem tantum sortis expleat, pignus omnino perimitur. Et in hoc distat solutio sortis a distractione pignoris: nam soluta parte sortis, etiamsi maxima parte, ut non nisi supersit unus nummus, pignus nulla ex parte liberatur, *l. 6. et 16. hoc tit. l. si rem alienam*, §. omnis, *D. de pignor. act. l. rem*, *D. de vict. l. aliquando*, *D. ad Senatusc. Vellej.* Et ratio hæc est, quia non omnis sors pervenit ad creditorem, et edicto prætorio manifesto comprehensum est, quod proposuit de pignore, ne pignus liberetur, nisi omni pecunia soluta: ne ergo liberetur parte soluta quantacunque. At redacta parte sortis ex venditione pignoris, pignus in totum perimitur, quia omne pretium pignoris pervenit ad creditorem: sed quia non omnis etiam sors ad eum pervenit, creditori, ut dixi, residuæ sortis petitio est, *l. 3. h. tit.* Hoc etiam ex supradictis intelligere licet, pignoris a creditore recte distracti dominium transire in emptorem. Sed hoc ut liqueat magis, hæc adhi-

Tom. IX.

ben-la distinctio est: aut creditor pignus possidet, aut debitor: si creditor pignus possidet, rem pignoratam jure distrahendo, et tradendo emptori (traditio enim exigitur) dominium ejus rei, eamque rem liberam in emptorem transfert, *l. 13. et 13. hoc tit.* Neque est novum, ut non dominus (veluti creditor, qui non est dominus pignoris) alii dominii causam præstet, vel præbeat: nam curator datus bonis distrahendis, cum creditores missi sunt in possessionem bonorum omnium debitoris, tametsi non sit dominus, dominii causam præstat. Et ad hæc speciem videtur referendum, quod est in initio *l. non est novum, D. de acquir. rer. dom.* cum ea collata *l. 2. D. de curator. bon. dan.* quæ eandem inscriptionem habet. Et distrahendo quidem, atque tradendo creditor, dominium transfert in emptorem, sive voluntate debitoris id faciat, id est, ex pactione, sive citra pactionem et voluntatem debitoris, debitore ter denuntiato, ut pignus reseat, et repignoret si velit, videlicet cum pignus simpliciter contractum est, vel ea lege, ut distraheretur: nam ea lex, sive pactio, *ne pignus distrahatur*, est contra naturam pignoris: nam pignus non est pignus, aut inutile est, et futile, nisi quandoque distrahi possit. Ea igitur lex, cum omnino sit contra naturam pignoris, non omnino tuerenda est, ut in *l. cum precario, D. de prec. §. de illa, Institut. de societ.* Neque tamen ea lex statim prorsus rejicitur, cum sine trina denuntiatione, quæ fiat per intervalla justis temporis solemniter, et testato, non possit creditor ab illa lege migrare, *l. 4. D. de pignor. act.* Sic erga statum: ex pactione, vel ex trina denuntiatione creditor pignus recte distrahit, etiam invito, et obnuntiante debitore, ut in *tit. seq.* nec propter obnuntiationem debitoris, qui vetat distrahi pignus, videtur res litigiosa distrahi, *l. 1. inf. de litigios.* Sicut nec si contentat debitor, creditorem sibi concessisse precariam possessionem pignoris, quia neutro casu debitor pignoris controversiam facit: non si obnuntiet creditori, si interdicit ne vendat, non enim propter hoc negat, rem esse pignori nexam: vel si diceret jam esse solutam nexu pignoris, faceret controversiam pignoris: et ideo, si creditor eam distraheret, incideret in poenam venditæ rei litigiosæ, et re judicata secundum intentionem debitoris, ea res auferretur emptori, *l. ult. inf. de litigios.* Et secundum hæc omnia est accipienda *lex 2. h. tit.* cujus explicatio non erat in facili. Et hæc de creditore, qui pignus possidet. Quod si debitor pignus possideat, quod creditor tentat jure suo distrahere, ut poteat, debet creditor prius debitori possessionem pignoris avocare per judicium, per actionem hypothecariam, et deinde distrahere, et dominium transferre in emptorem, ut *l. 14. h. tit.*

118

et si nudo avocet possessionem debitori, etiam pignus distrahere potest, verum dominium ejus non transfert in emptorem, quia nudo consensu ex causa emptionis, vel permutationis, vel donationis, vel dotis, sine traditione dominium non transfertur, *l. traditionibus, sup. de pact.* Acquiri potest dominium ipso jure, sine possessione, fateor, veluti ex causa legati: vel ex causa legis cum duobus, §. *idem respondit, D. pro soc.* Sed non ex causa emptionis, quæ perficitur quidem nudo consensu: sed nudo consensu, sine traditione sine possessione, quam trahat emptori, venditor, dominium non transfert. Quid ergo, si debitor possidente pignus, creditor vendat pignus, non tradat, quod etiam non habet? Satis erit si emptori cedat jus suum, id est, persequutionem pignoris, *l. pen. D. de distract. pignor. l. emptori, D. de hæc. l. vel act. vendit.* Ad hæc notandum est, ut valeat venditio pignoris a creditore facta, multa desiderari, quæ perstringam paucis: videlicet, ut fiat a creditore, cui pignus jure obligatum, nec dum finitum, vel extinctum sit, et cui sit jus distrahendi, puta, ut fiat a potiori creditore, et ex pacto, ut in *l. pen. D. de pign. r. act.* ubi Florentine ita est scriptum: *In venditione, quæ fit ex facto.* Interjecta distinctione, quæ est tollenda, et manifesto legendum, quæ fit ex pacto, ut in §. *creditor, Institut. quibus alien. lic. quæ fit ex pactione, et l. 7. hoc tit. quæ fit non refragante lege contractus.* Verum adde, ex pacto, vel citra pactum præcedente tria adiunctione, sive denuntiatione, ut debitor pignus luat, ne distrahatur, *d. l. 4. D. de pignorat. act.* Dixi paulo ante, *nec dum finitum sit pignus*: nam finito pignore solutiæ sortis totius, vel obsignatione, et depositione, ut *l. 8. hoc tit.* vel ex fractibus pignoris perceptis a creditore, qui imputantur in sortem, redacta omni sorte, *l. 1. h. tit.* vel remisso pignore, aut novato debiti obligatione, vel alio quocunque modo finito pignore, manifestum est nullum superesse jus distrahendi pignoris. Est etiam hic casus singularis *l. 5. hoc tit.* quo oblatio nuda impedit distractionem pignoris, si reliquator, qui *doit sulement quelque recte*, offerat creditori cognitionem, petens arbitrum rationibus excutiendis (*Venons à compte*) et offerens reliqua, quæ restiterint excussis rationibus apud judicem. Hæc honesta petitio debitoris, qui petit arbitrum disentiendis rationibus, dicens, *se paratum esse solvere, quod reliquum fuerit*, facit ut non possit creditor jure pignus distrahere, *l. 4. h. tit.* Item necesse est, ut venditio pignorum fiat publice auctore iudice, ut fiat solemniter, et sub hasta præconis, quæ ex re proprie distractio dicitur, quia sub hasta, si plures res oppignorate sint, vel si sit generalis hypotheca omnium bonorum plerunque, ut Marcus Tullius ait in Quintiana,

reliquæ vitæ debitoris lacerantur, et distrahantur in varias personas. Item necesse est, ut antequam fiat auctio publica, vel subhastatio, eam in celeberrimis locis civitatis proscribi, atque proponi ut cuique liberum sit ad eam accedere, et licitari, quantum libuerit, *l. 4. h. tit.* Item, sive ex pacto creditori non liceat distrahere, ante omnia ter denuntiari debitori debet, ut pignus luat, ne distrahatur: sive liceat ex pacto distrahere, etiam semel denuntiari debet debitori maxime absentem ab eo loco, quo fit proscriptio: nam quod procribitur, presenti debitori denuntiari necesse non est: nec enim jure potest causari præseus debitor, se ignorasse, quod omnis populus scivit, aut scire debuit, cum esset publice affixum programme, *res illas, vel illas esse venales, et venum ituras illa, vel illa die.* Ceterum absentem debitori denuntiari debet, et, ut ait d. lex 4. quando licet, id est, quando est copia testium, testato creditor debitori dicere debet, ubi, *dicere accipitur pro condicere*, id est, denuntiari: ut veteres *municare pro communicare, et mentari pro commentari.* Item, ut ait d. lex 4. 7. 9. et 10. et plenius explicabitur in tit. 29. creditor, qui pignora distrahit, nihil debet agere per fraudem, per collusionem, per ambitionem, et gratiam, sed bona fide sibi rem gerere. Hæc sunt verba leg. 4. bona fide sibi rem gerere, hoc est, suum negotium gerere, ut loquitur *lex pen. D. de pignorat. act.* quæ explicanda est paucis. Jam ostendi in illa esse legendum (*ex pacto*) pro (*ex facto*) Sed sententia ejus legis hæc est si plurius distractum sit pignus, quam debeatur, creditorem de superfluo teneri debitori, ut superfluum restituat actione pignoratitia, nec liberari creditorem, si velit debitori emptorem delegare, qui nondum solvit pretium illud ingens, quo pignus venit supra modum debiti principalis, nisi deleget emptorem debitori suo periculo, id est, suscepto in se litis periculo, ut *l. eleganter, §. si vendiderit, eod.* Et cur non liberetur creditor delegando debitori emptorem, hæc est ratio, quam illa lex ponit, quia in venditione, quæ fit ex pacto creditor suum negotium gerit, ut scilicet recipiat, et servet, quod sibi debetur: nam si alienum negotium gereret, delegatio pro justa præstatione esset, etiam non suscepto litis periculo, *l. si procuratorem, §. ult. de mand.* At quis suum negotium gessit, delegatio emptoris non liberabit creditorem, nisi in se suscipiat litis periculum. Et observandum est hæc verba (*sibi rem gerere*) in hoc titulo dupliciter accipi in hac *l. 4. sibi rem gerere*, id est, suum negotium gerere, sui crediti servandi causa, in *l. 10. hoc tit. sibi rem, vel negotium gerere creditorem*, est sibi emere pignus, quod creditor neque per se, neque per mediam personam efficere potest, quoniam est absur-

dum, eundem esse venditorem et emptorem, imo nec vendidisse videtur, qui rem semper tenuit. Et ideo rem semper teneat creditor, qui finxit se vendidisse, ac si, nulla venditio intervenisset, quasi re integra, licet debitori oblata pecunia pignus repetere, nisi specialiter convenerit, ut id creditor retineret: in *l. 10. ab officiali*, sive appatore, qui extra ordinem in causam judicati pignus, quod cepit, distrahit, creditor emere potest, *l. 2. sup. si in causa judic.* itemque a debitore *l. rescriptum, D. de distract. pignor.* Et ab emptore, cui ipse bona fide vendidit pignus, id etiam redimere potest, ut in hac *l. 10.* non etiam a seipso, sive quod idem est, per imaginariam et subjectam personam. Et ita Paulus 2. *Sent. tit. 13. si creditor pignus suum invito debitore per suppositam personam comparaverit, emptio non videtur: et ideo quandoque sui potest: ex hoc enim causa pignoris, vel fiducia finire non potest.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXVIII. Debitorem venditionem pignoris impedire non posse.

Est etiam hic titulus de distractione pignorum, et docet, recte pignora a creditore distrahi contra obnuntiationem, vel prohibitionem debitoris, si debitor non solvat omnem pecuniam, vel obstringat omnem, atque deponat, si debitor moriens eaverit, ne ulla prædia sua, ex quibus quædam creditoribus oppignorata erant a se, id est, extra nomen suum familiamve suam vendiderentur, adjecta poena, ut quæ venirent exteris, redigerentur in fiscum, ut in specie *l. pater, §. fundum, de leg. 3. et l. 1. hoc tit.* in qua (a se) sicut dixi, interpretor extra nomen suum, ut a filiis, a liberis vendere in *l. 3. C. Theod. de dotib. et Nov. Severi, de abrog. capit. injust.* id est, extra nomen liberorum. Hæc autem prohibitio debitoris, ne a se prædia alienentur id est, extra suos, sique uxoribus successoribus, non lædit jus creditorum, quibus prædia obligata sunt, *l. filiafam. §. Divi, D. de legat. 1.* Nec videtur ea prædia mala fide emisse, qui non ignarus prohibitionis ac prout testamento debitoris, ea a creditore comparavit, nec eo nomine fisco ulla tenetur actio, ad quem scripserat testator, ut prædia pertinerent, quæ alienarentur exteris: nam hæc oratio fisco nullam actionem parit jure pignorum, ea distrahentibus creditoribus exteris personis. Idemque est, si contra quancun-

que aliam prohibitionem debitoris scienti, et forte denunciato quoque emptori, si contra aliam quancunque denuntiationem debitoris creditor pignora rite distrahat, *l. 2. hoc tit.* Nam et ea denuntiatio rem litigiosam non facit *l. 1. i. f. de litigios.* quia nulla prohibitio est, quæ sit hoc sermone nudo (*veto ne vendas, aut ne emas*) cui nulla inest controversia proprietatis, aut obligationis jure contractæ. Denique nulla prohibitio est, quæ non impedit jus creditoris hypothecarii, jus distrahendi pignoris.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXIX. Si vendito pignore agatur.

Est etiam hic titulus de distractione pignorum, et pertinet ad id, quod in illo habuimus, *l. 4. 7. 9. 10.* creditorem in distrahendis pignoribus sinceriter et bona fide debere versari. Et ut paucis ea comprehendam, quæ in hoc titulo ea de re continentur: aut jure sit venditio pignorum a creditore, aut non jure. Jure sit, etiamsi fiat mala fide et dolo malo in fraudem debitoris, puta minore pretio distracto pignore, non dolo dante causam emptioni, id est, circumscripto emptore in hoc ipso, ut emeret, quod corrumperet etiam et vitaret emptionem, quia est bonæ fidei contractus: sed fraude tantum admissa in faciendo pretio, nihilominus jure venditio fit, modo sollemnia juris observentur, et ritus, et is vendat, qui jus vendendi habet. Non jure fit venditio pignoris, si desint sollemnia juris, vel si is vendat, cui non est jus vendendi, et ad hunc secundum casum pertinet *l. 2. hoc tit.* ex qua intelligitur hoc casu, cum non jure facta est venditio pignorum, esse in arbitrio debitoris, ut rem vindicet ab emptore, et ut sentio, non reddito pretio emptori, quia cum ipso jure nulla sit venditio, debitor ejus rei dominus permansit, et jure ordinario eam vindicat ut dominus. Ergo redditio pretii ei non incumbit. Dominus a quocunque vindicat rem suam, sine damno suo, sine impensa: nam cur reddat pretium emptori rei, quæ sua est, et quam ipse non vendidit, aut cui vendendæ adseusus non est? Hoc verum esse comprobant multæ admodum leges, *l. 2. sup. de furt. l. si sciens, sup. ad Senatusc. Vellej. l. 2. sup. de præscript. trig. ann.* in qua, quod notandum, ponitur non jure facta venditio, cum eam venditionem, de qua illic agitur, appellet vitiosam et injustam. Adde etiam *l. 3. et l. si mancipium, sup. de rei vindic. l. 2. suc.*

ne rei dom. vel temp. l. sup. empti, inf. de evic-
tion. Neque dicas in hoc casu cum non jure ve-
nit pignus, pretium reddisse in rem debitoris, quasi
liberatus sit obligatione ad finem pretii qua ratione
merito cogerebatur reddere pretium emptori, quod
in rem ejus versum est: sed dico non posse videri
versum in rem ejus, quod emptor, cui res evinci-
tur a debitore, mox est repetiturus a venditore
actione ex empto, d. l. super empti. Est etiam in
hoc casu in arbitrio debitoris, si hoc malit, ut agat
adversus creditorem, qui non jure vendidit pignus
actione pignoratitia in id quod interest, in quo
continetur justum pretium rei, vel res ipsa. Et ita
est accipienda l. 2. hoc tit. Et hæc de venditione
non jure facta. Quid si jure facta sit venditio, sed
dolo malo in perniciem debitoris, puta re addicta
viliori pretio, non dolo dante causam contractui,
hoc casu debitori offerenti pecuniam debitam,
in creditorem competit actio pignoratitia, qui
minoris vendidit dolo malo, in id quod inte-
rest, in quo continetur res ipsa vel justum pre-
tium, l. 4. et 7. sup. de distr. pignor. l. 3. inf.
de jure f. ci. In creditorem, inquam, debitori hoc
casu competit actio pignoratitia in id quod interest:
in emptorem nulla competit actio, quamvis et ipse
emptor in eo negotio mala fide versatus sit, dum
curavit sibi minore pretio rem addici: præterquam
in hoc casu, si creditor solvendo non sit: nam
hoc casu in emptorem qui fraudis, vel gratiæ con-
sensus et particeps fuit, debitori extra ordinem res-
tituitur actio in rem, rescissa venditione, et re evi-
cta emptori cum fructibus, eidemque vicissim red-
dito pretio cum usuris, quæ est sententia l. 1. et
3. hoc tit. Extraordinario remedio opus est in em-
ptorem, deficiente creditore facultatibus, id est,
restitutione in integrum opus est, quia ipso jure
pignoris dominium transit in emptorem. Fuit enim
iusta emptio venditio. Emptor hoc casu non tene-
tur, nisi in subsidium, id est, deficientibus facul-
tatibus creditoris, sive creditore non existente
solvendo. Ut notandum est, prius executiendum
creditorem, quam emptorem, etiam male fidei.
Et ratio hæc est, ne temere convellatur fides
hastæ fiscalis, auctionisque publicæ, quæ jure
perfecta est, nec aliter, quam si aliunde debitor
suum servare non possit, id est, quod ana inte-
rest. Notandum etiam est debitorem rescinden-
tem venditionem pignoris jure perfectam, pretium,
et pretii usuras restituere malæ fidei emptori, ut
aperte ostendit l. 1. Et ratio quidem hæc non est,
quod pretium versum sit in rem debitoris, ut glos-
æ ajunt, quia non videtur versum, quod non da-
rat versum, l. 10. §. versum D. de in rem verso
id est, quod reddi oportet: sed vera ratio hæc est,

quia emptori qui ex justa emptione factus est do-
minus rei, debitor rem avellit, et adimit domino
per restitutionem in integrum creditore non exis-
tente idoneo. Unde æquum est, ut unusquisque
jus suum integrum recipiat: debitor rem cum
fructibus, emptor pretium cum usuris, quia om-
nis re-titotio in integrum est reciproca, l. quod
si min. §. pen. D. de minor. l. 3. et 4. C.
de iis quæ vi metus, caus. l. 2. sup. de uxori-
b. milit. Et ita hæc questio definienda est. Sed
adnotandum adhuc, in hanc questionem male al-
luci l. si fundum sciens, inf. de eviction. In glossa
est corrupte scriptum l. si prælium, quoniam ex
lex non querit de eo, de quo instituimus sermo-
nem, an is qui rem evincit emptori, ei debeat red-
dere pretium quanti emit rem ab alio: sed questio
illius legis longe alia est, an emptori re evicta ab
alio, debeat venditor emptori reddere pretium. Et
lex ait, non debere, si emptor scierit tempore em-
ptionis rem esse alienam. nec sibi caverit de evic-
tione, sed questio hæc est aliena a proposito nos-
tro. Et hoc tantum ad extremum admonendi su-
mus, l. 4. hujus tituli esse accipiendam de ven-
ditione pignorum, jure quidem facta, sed mala
fide, id est, viliori pretio, quod (ne quis in hac
re dubitet, quæ dubia est inter interpretes) indi-
cant illa verba (cum contra bonam fidem) non
dicit, cum non jure factam, sed contra bonam fi-
dem. Et paulo post (quæ mala fide gesta præ-
stiterit) ad quæ verba dico etiam referenda esse
hæc legis quartæ verba (non observatis, quæ in
distrahendis pignoribus celebrari consueverunt)
ita ut dicat lex, mala fide omissa fuisse ea, quæ
in distrahendis pignoribus celebrari consueverunt,
id est omittas fuisse frequentes et liberas indica-
tiones, adjectiones, licitationes, per fraudem et col-
lusionem creditoris, vel ambitionem et gratiam, ut
amico pignora addicerentur minore pretio, quam
essent, non etiam fuisse omittas solemnia juris:
quoniam si omittas fuissent, debitori caset actio
in rem, quasi nulla emptione, etiam in empto-
rem bonæ fidei, jure domini, quod apud debi-
torem permansit, quod ab eo non transit in
emptorem facto creditoris, sive injusta distractione.
Et hæc lex quarta ita demum ait, teneri emptorem
debitori actione in rem, si fraudis particeps fuerit,
et consequenter cum hæc lex 4. ait, hoc casu non
tantum adversus creditorem, sed etiam adversus
emptorem fraudis participem debitori esse actio-
nem, hoc sic accipiendum est servato ordine scri-
pturæ, ut prius executiatur creditor, quam em-
ptor juxta legem primam et tertiam hujus tituli,
ne solemniter et jure facta venditio rescindatur.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXX. De luitione pignoris.

Pertinet etiam hic titulus ad distractionem pignorum: nam ex eo intelligitur, non impediri distractionem pignoris, nisi debitor luat pignus in solidum soluta omni pecunia. Et idem in *l. 1. hoc tit.* proponitur, quod in *l. 16. sup. de distract. pign.* unum ex heredibus debitoris solventem pro hereditaria portione pecuniam debitam, non impedire distractionem totius pignoris, sicut nec debitorem solventem partem pecuniae debitae, quia nulla ex parte pignus liberat, qui non totum solvit; vel unus nummus, qui reliquus est, totum pignus tenet, *l. 6. sup. de distr. pign. l. 2. sup. debit. vendit. pign. imped. non poss.* Et hoc est quod dicitur individuum esse causam pignoris, *l. rem. D. de evict. l. heredes, §. idem observatur, D. fam. erisc.* id est, obligationem pignoris non recipere divisionem partium, licet res pignolata possit recipere divisionem. Res est dividua, obligatio individua, id est, quae non potest solvi pro parte. Hæc species legis *1. hoc tit.* est aptanda etiam legi *2.* quæ hoc tantum habet, *vincula pignoris durare, personali actione sumpta.* Hic ligant crucein ingeniosi, quod videatur absurdum, ut duret vinculum pignoris, submoto principali vinculo: et valde quaerunt, quo casu id eveniat, cum in promptu sit lex *1.* quæ hunc casum supereditat: nam unus ex pluribus heredibus debitoris solvendo pro portione hereditaria liberat se personali actione, quæ inter cohæredes lege *12. tabul.* dividitur pro portionibus hereditariis: Et generaliter personales omnes actiones tam activæ, quam passivæ ex *12. tabulis*, id est, ipso jure dividuntur inter cohæredes pro hereditariis portionibus, ut neque in plus teneantur singuli hæredes, neque in plus teneant debitores hereditarios, *l. 1. sup. si cert. pot.* Ergo unus ex heredibus debitoris solvendo pro parte hereditaria, omnino se liberat actione personali: sed suam partem ex pignoribus non liberat, quia individua est causa pignoris. Itaque quamdiu reliquum non solvitur ab aliis cohæredibus, creditor totum pignus vendere potest, computato eo, quod ab uno ex heredibus accepit, et pretio redacto ex venditione pignoris, et superfluo reddito heredibus debitoris. Sic igitur fit, ut submoto actione personali, quod ad personam attinet hæredis, qui solvit pro sua parte, duret tamen omnino vinculum pignoris, et actio hypo-

thecaria. Nec obstat regula juris, cum principalis causa non consistit, nec ea quidem, quæ sequitur, locum habet, quoniam hæc regula sic intelligitur, ut si ab initio non valeat obligatio personalis, non valeat etiam actio hypothecaria: vel si ab initio non valeat paternum testamentum, nec valeat pupillare, quod est sequela paterni. At quæ ab initio valet obligatio personalis, si postea dissolvatur, non continuo etiam dissolvetur hypothecaria, sicut nec postea submoto testamento principali, pupillare non submovetur, *l. in rat §. si filio, D. ad legem Fal.* Et in specie, quam posui, quod attinet ad personam hæredis, qui pecuniam solvit pro hereditaria portione, omnis obligatio personalis sublata est, et remanet tamen hypothecaria in totum. Et nullam aliam vellem apponere speciem ad *l. 1.* quam eam, quam suggerit vicinitas *l. 1.* et ipse tractatus. Sed dignum est, ut adnotemus, idem etiam evenire, ut sublata principali obligatione non tollatur hypothecaria, in specie *l. servum quem, D. de pignor. et l. qui occidit, §. 1. D. ad l. Aquil.* puta si creditor causa ceciderit, non merito causæ, nam merito causæ absoluto reo, et hypothecaria, et obligatio principalis perimitur, *l. si deferente, D. quibus mod. pign. vel hypote. sol.* Sed si causa ceciderit culpa sua, vitio suo (*sæpe bona causa est instantia mala*, ut Tertull. de patient. ait, quæ facit, ut qui tuetur bonam causam, ea cadat) ut si plus petat ab initio, vel etiam in causa appellationis ex præscriptione dierum fatalium vincatur, quod iudicio non adfuert in tempore, is litem amittit, non merito causæ, sed vitio suo, culpa sua, ut supra legis *11. l. Heren. in fine, D. de evict. l. Stich. §. pen. D. de sol. l. 3. sup. de pign. l. si express. D. de appell. l. 6. §. pen. D. de decur. et l. 9. D. si servit. vindic.* Hoc ergo casu, cum quis vitio suo amittit actionem personalem, non amittit etiam hypothecariam, in quam nullam culpam admisit, ut dict. *l. servum quem, et l. qui occidit, §. 1.* Idem etiam evenit in specie *l. debitor, D. ad Trebell. et l. cum quis, §. ult. D. de solut.* puta si debitor creditori hæres extiterit, vel contra: nam ista confusione tollitur actio personalis, non hypothecaria, quia fit confusio personarum tantum: pignus hæret in re, non in persona. Ergo confusis personis debitoris, et creditoris in unam, non confunditur pignus. Confusio personarum non mutat causam rei. Admitto etiam idem evenire (quod Accursius annotavit) sublata actione personali præscriptione triginta annorum: nam hypothecaria duret usque ad quadraginta annos, non adversus omnes possessores pignorum, sed adversus debitorem, vel hæredem ejus, vel secundum creditorem possiden-

tem nomine debitoris, vel utentem accessione temporis possessionis debitoris, *l. cum notissimi, sup. de præscript. 30. annor.* At hic titulus quamvis (ut dixi) possit accommodari ad distractionem pignorum, tamen est potissimum de lutione pignoris, *du desengagement*, ut intelligamus eam esse individuum, ut *l. 1. et 2. hoc tit.* nec fieri post distractionem, *n'y a point lieu de desengagement depuis que la vente est faite*, sed ante: vel etiam post additionem creditori factam intra biennium, ut dicemus titul. 33. Et *luere*, quod est verbum 12. tab. pro quo etiam dicunt *reluere*, et *pignorare*, non tantum esse solvere pecuniam, sed etiam deponere, et obsignare publice vel creditori dare in solutum, vel ei vendere pignus, pretio compensato cum debito: et lutionem pignoris debitori parere actionem pignoratit. de recuperando pign. quæ omnia proponuntur *l. 3. hoc. tit.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXXI. Si unus ex pluribus hæredibus creditoris, vel debitoris partem suam debiti solverit, vel acceperit.

Quod habuimus tit. superiori, et in *l. 16. sup. distract. pignor.* idem etiam in hoc tit. 31. proponitur in *l. 2.* nec tamen supervacuo, sed ut hanc comparisonem adornet, atque constituat: ut quemadmodum unus ex hæredibus debitoris, si solverit pro portione hereditaria, actione personali liberatur, manente actione hypothecaria in solidum in eum, si possident, vel alios possessores, et creditore habente jus distrahendi totius pignoris, computato eo, quod unus solvit pro sua parte, *l. 2. hoc tit.* Ita si unus ex hæredibus creditoris acceperit pecuniam pro parte sua hereditaria, ut actionem personalem amittat, hypothecaria maneat in solidum, possintque cohæredes totum pignus vendere, oblato eo, quod acceptum est, pro parte unius hæredis. Denique obligationem personalem, activam et passivam esse dividuam ex 12. tabul. hypothecariam vero individuam.

JACOBI CUJACII J. C.

In Lib. VIII. Codicis.

RECITATIONES SOLEMNES

Ad Tit. XXXII. Si pignoris conventionem numeratio secuta non sit.

In hoc titulo ostenditur non tantum chirographo creditæ pecuniæ, sed etiam cautioni, vel dationi pignoris ob stare exceptionem, vel replicationem non numeratæ pecuniæ, si numerata, id est, credita pecunia non sit: nam etsi soluta principali obligatione, non semper solvatur hypothec. ut docui *tit. 30. et 31.* ubi tamen non consistit principalis obligatio, vel actio ubi excluditur exceptio doli, vel in factum, puta non numeratæ pecuniæ, eadem exceptio excluditur etiam actio hypothecaria intra biennium continuum: nam exceptio non numeratæ pecuniæ finitur biennio, *l. in contractibus, sup. de non numer. pecun.* vel si is, qui rem pignori dedit, spe futuræ numerationis, post non secuta numeratione eam rem suam esse vindicet ab eo, cui dedit tanquam pignori, ut in *l. 1. h. tit.* vel etiam (quod potest) si adversus eum agat actione pignoratitia, *l. solutum, §. 1. D. de pignor. act.* et is utatur exceptione dati pignoris, nec solutæ pecuniæ, hoc modo: ut concipiam formulam: *si non convenit, ut ea res pignori nexa esset, nec dum pecunia soluta est: ille, qui agit, hanc exceptionem excludit, opposita replicatione non numeratæ pecuniæ, quæ in rem transferet onus probandi, a se redditam fuisse pecuniam, ut in l. 3. sup. de non numer. pec.* Igitur, quod ait *l. 1.* (*Nam intentio dati pignoris, neque redditæ pecuniæ*) intentio dati pignoris, id est, exceptio dati pignoris, qua tuetur se creditor adversus eum, qui pignus dedit, quod nunc vindicat, vel repetit: intentio, id est, exceptio: et etiam Basilica ita recte interpretantur, proposita veteri formula exceptionis his verbis: οὐκ ἀντίκειται παραγραφή ἢ λύσις, ἀλλ' εἰ μὴ δέδωκε τὸ χρεὶς: *Domino vindicanti pignus, quod antevertit dare, antequam ei pecunia crederetur, quæ post non est ei credita, non opponi exceptionem hanc, at si non solvisti pecuniam: nisi is, qui hac exceptione utitur, probet se pecuniam credidisse.* Et hæc est sententia hujus tit.

JACOBI CUIACII J. C.

In Lib. VIII. Codicis.

RECITATIONES SOLEMNES.

Ad Tit. XXXIII. De jure domini impetrando.

Creditor, qui distrabit pignus, de quo convenit inter eum et debitorem, certe id addicere non sibi potest, ne idem sit venditor et emptor, *l. 10. sup. de distract. pignor.* sed decursis proscriptionum, et hasterum solemnibus, si non inveniat emptorem pignoris, pignus ei postulanti a Principe addici potest jure domini, ut in *l. eleganter, D. de pignor. act. l. si is qui in aliena, §. ult. D. de acquir. rer. dom. l. debitor, D. ad SC. Trebell.* Et hoc de pignore conventionali. Sed idem fit etiam, si pignus captum sit ex officio in causam judicati, nam et hoc non invento emptore, auctoritate Caesaris creditori addici potest, *l. ult. sup. si in causa judic. pign. capt. sit.* Proinde idem etiam videtur dicendum in prætorio pignore, si non inveniat emptor honorum, ut a Principe addici possint bona debitoris uni ex creditoribus, vel omnibus pro ea quantitate, quæ debetur. Solus Princeps hoc concedere potest, et facile concedit, id est: facile pignoris dominium addicit creditori, non invento emptore, si sit speciale pignus, specialis hypotheca. Ex generali autem hypotheca, nunquam Princeps creditori addicit universa bona, quamvis universa ei pignoralia sint, *l. 1. h. t.* sed pro modo debiti tantum, id est, quantum debito satis est servando. Huic autem beneficio Principis, quo creditori addicit dominium pignoris non invento emptore, creditor videtur renuntiare, si postquam id impetravit a Principe, usuras pignoris creditæ, ut solebat, a debitore suo pergat petere, quæ est sententia *l. 2. hoc tit.* Nec rursus variare potest, postquam petiit usuras, et egit ex jure pristino, id est, non potest ad beneficium Principis reverti, a quo semel recessit, petitis usuris post impetratum rescriptum Principis, ut *l. pen. D. de lege commiss.* quia semel jam variavit, et variatio sæpius admitti, inconstantia multiplex admitti non solet. Nec obstat, si dicas, eum non videri renuntiasse privilegio suo, vel immunitati sibi concessæ, qui quandoque ea non utitur: ut veteranis datur immunitas a muneribus civilibus, quæ tamen non labefactatur, si veteranus aliquando sua voluntate munus aliquod publicum suscipiat, *l. 2. D. de priv. veter. l. voluntariæ, sup. de excus. tut.* quoniam (ut respondeamus) hoc verum est, cum privilegium, aut beneficium singulare, generale est; ut scilicet qui eo non utitur in una re, vel persona, non prohibeatur uti in aliis, nec vi-

deatur penitus ob eo recessisse, aut ei renuntiasse: sed si sit beneficium speciale, ut in hoc proposito, puta, ut illud pignus tuum fiat jure domini, et definiat esse debitoris tui: hoc, inquam, beneficium speciale videtur contemnere, qui eo non utitur, sed postquam id impetravit, pergit uti jure pristino, et usuras a debitore petere, abjecto beneficio rescripti: quoniam in qua re potuit exercere beneficium rescripti, plane se nolle exercere demonstrat, cum mavult uti pristino, quam novo jure. Et ita est explicanda *l. 2. h. tit.* Ergo quoties non inveniuntur emptores pignorum, creditoribus postulantibus, potest addici dominium pignorum, quæ vos appellez, *estrous-er.* Confundunt interpretes vulgo omnes, addicere, et adjudicare, inter quæ multum distat addicere, c' est encherir, supra adjudicare, ut Cicero loquitur: addicere, c' est estrous-ser. Deficientibus ergo emptoribus beneficio Principis pignora addicuntur creditori jure domini, sed postquam addicta sunt a principe, qui solus hoc concedere potest, adhuc licebat debitori, cujus dominio pignus abscesserat, per additionem principis, intra certum tempus pignus luere, et dominium ad se revocare, perinde atque si addictum pignus non fuisset creditori. Et olim quidem licebat luere post additionem intra annum, ut *d. l. si quis in aliena, §. ult.* hodie licet intra biennium ex const. Justiniani, id est, ex *l. ult. hoc tit.* intra biennium post additionem factam auctoritate principis. Et ex eadem constit. non addicitur pignus creditori jure domini ante biennium post condemnationem debitoris, vel post denuntiationem ei factam, ut pignus luat, ne distrahatur, videlicet si de pignore distrahendo nihil convenerit inter contrahentes: nam quod conventum erit, tuendum est, si ve convenerit de tempore, quo veniret pignus, si ve de loco, si ve de pretio, si ve de lege venditionis, ut in hac *l. ult. et l. 3.* quæ ex hac lege explicanda est, *ff. de pign. act.* At si de ea re nihil convenerit, si lex contractus huic rei non imposuerit modum et finem, Justinianus biennium præstitit, non proscribendo pignori, quod proscribi, et venum exponi quandoque potest, cessante solutione: sed potissimum biennium præstituit addicendo dominio pignoris post condemnatum, vel denuntiatum debitorem, ut ante biennium non addicatur dominium creditori auctoritate Principis: et rursus post additionem, quæ fit transacto illo biennio, dat Justinianus debitori aliud biennium luendo pignori, soluta omni pecunia, et usuris, et sumptibus litis factis in impetranda additione a principe, et omnibus damnis æstimandis, ut ait *lex ult. de jurejurando creditoris.* Atque ita ex iis longis temporibus, quæ concedit Justin. apparet regre eum concedere creditoribus domini impetrationem, et

hoc quodammodo agere, ut nunquam obtineat, cum nolit addici ante biennium, et post biennium factam addictionem, velit intra aliud biennium posse rescindi oblato debito omni, et eo quod interest, facta integra perfectaque lutione pignoris. Cetera sunt facillima in *l. ult.* et jam a nobis tacta in superioribus.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXXIV. De pactis pignorum, et de lege commiss. in pignoribus rescindenda.

In hoc tit. tractatur de pactis justis, vel injustis, quæ fieri solent in contrahendis pignoribus. Justum est pactum, si debitor paciscatur, ut pecunia ad diem certam non soluta, pignus cedat creditori. Quo pacto *l. 1. hoc tit.* hoc actum interpretatur, ut ad diem conditum non soluta pecunia, creditor pignus suo jure distrahat, non etiam, ut id habeat jure emptionis pretio compensato cum debito, et superfluo præstito, quod tamen agi posset inter contrahentes, et hoc pacto liberaretur debitor, *l. 3. C. de luit. pignor.* qui tamen non liberatur cedendo pignora, et sinendo, ut ea creditor distrahat: nam si non sint idonea creditori, in eum superest actio de residuo, *l. 1. sup. de pign.* Et hoc tantum velim vos adnotare ad *l. 1. hoc tit.* missis ceteris. Justum etiam est pactum, ut pignus, quod dedi evictionis nomine emptori, cui aliquis faciebat controversiam rei, quam ei vendideram, ea re judicata secundum emptorem, mihi restitatur, id est, ut perpetuo non tenentur in omnem causam evictionis, sed in hanc tantum, quæ vertitur inter emptorem, et alium hoc tempore, hoc die, in qua si vineat emptor, hoc pacto agitur, ut pignus solvatur, et rata habenda venditio est, *l. 2. h. tit.* quæ tamen exigit, ut res sit integra, ut negotium sit in integro, id est, ut denuo idem pignus non sit obligatum eodem nomine, *l. 4. sup. de remiss. pign.* Tres sunt leges h. t. Pacta, quæ proponuntur in *l. 1. et 2.* justa, et rata sunt, ut jam exposui. At quod proponitur in *l. 3.* improbatum a Constantino, id est, pactum legis commissoriæ, ut vulgo appellatur, non inepte: nam licet lex commissoria sit pactio adjecta venditioni, vel pignori, tamen non male dicimus pactum legis commissoriæ, sicut pactum conditionis æripiæ. Hoc, inquam, pactum legis commissoriæ in pignoribus reprobatur, puta si convenerit, ut ad diem non soluta pecunia, pignus fiat creditoris pleno jure, id est, ut ei com-

mittatur. Committi mihi dicitur, quod meum sit jure domini. Hoc, inquam, pactum, ut ad diem non soluta pecunia, pignus acquiratur creditori, improbatum: et tamen non improbatum in venditionibus, puta, ut ad diem non soluto pretio, res committatur venditori, id est, redent ad venditorem, et fiat inepta, licet in venditionibus ea pactio Antonino displicebat, ut constat ex *l. Æmilius, ff. de minor.* Lex illa in pignoribus olim appellabatur *fiducia*, quia pignus mancipabatur creditori translato dominio ea lege, ut soluta pecunia ad diem, remanciparetur debitori, non soluta, remaneret apud creditorem perpetuo jure. Quæ de causa Constantinus in hac *l. ult.* damnata fiducia, id est, lege commissoria in pignoribus, ait creditorem rem amittere, quæ scilicet ei fuerat mancipata: *debitores, inquit, re amissa, jubemus recipere, quod dederunt.* Ratio autem cur in venditionibus non sit improbata lex commissoria, et sit improbata in pignoribus, hæc est, ut opinor: quia in venditionibus nulla fraus existit, vel emptoris vel venditoris, si ob non solutum pretium sua die resolvatur venditio. At in pignoribus plerumque est ingens frans debitoris, et non toleranda, si non soluta pecunia ad diem pignus acquiratur creditori, quia plerumque pro parva pecunia dantur pignori res pretiosissimæ, pretiosissima monilia: et iniquum est, ut ingentem hanc fraudem sustineat debitor. Ideoque merito hæc pactio est improbata in pignoribus, et tamen valet pactum, ut id, quod creditor redegerit ex venditione pignoris, totum sibi habeat, *l. ult. sup. de distr. pign.* quia incertus est eventus venditionis: sicut e contrario valet pactum, ut si creditor vel minimum redegerit ex venditione pignoris, eo sit contentus in vicem crediti, *l. a Divo Pio, §. si pignora, D. de re judicata.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXXV. De exceptionibus, sive præscriptionib.

Propositis variis negotiis, et actionibus civilibus, priusquam dicat de criminalibus, quibus reservat librum sequentem, dicere instituit de exceptionibus, quibus civiles actiones excludi solent, et de negotiorum civilium, de quibus superioribus libris tractatum est, adminiculis, sive vinculis quibusdam, veluti stipulationibus, deque aliis, causis ad res ci-

viles pertinentibus, quas superiores libri non habuerunt, veluti de patria potestate, de captis ab hostibus, de donationibus, et aliis quibusdam supra prætermisissis, ut profligato, absolutoque omni tractatu rerum civilium expeditior veniat ad criminalem lib. seq. Et hoc de ratione titulorum satis est. Exceptio autem est intentio rei opposita intentioni actoris, vel defensio justa, quæ obicitur actioni, defensio juris, quæ eludit, elidit, opprimit actionem. Actio est telum, exceptio clypeus, ut Grammat. loquuntur. Exceptio est aries, quo actio infringitur. M. Tull. in Topic. *Aries ille subijcitur in vestris actionibus, si telum manu fugit magis, quam jecit: nam illa, si telum manu fugit, est exceptio, qua eliditur actio legis Aquil. ex qua etiam D. Augustinus lib. de libero arbitrio, cui, inquit invito, et imprudenti telum manu fugit. Et est sic legendum in Can. si hominem 28. quæst. 8. Ac similiter in translatione D. Hieronymi Deuteronom. 19. si ferrum manu fugit, quam versionem sequitur Jonathan Chaldeus interpres. Et exceptio subijci dicitur actioni, quod utraque simul a prætore datur, atque conjunctum, quod eodem tenore, et contextu actioni addatur exceptio, ut l. 7. de cond. instit. ait in ipsa actione prætorem turri reum, addita nimirum exceptione, hoc fere modo. *Sempronius judex esto: si paret Lucium Titium Cajo Sejo ex causa crediti centum dare oportere nisi de non petenda eo pecunia inter se pepigerint, Lucium Titium Cajo Sejo judex condemnato. Actioni inseritur, et interponitur (ut ait l. 3. D. de except.) exceptio, unaque orationis conceptione, una saliva datur, et actio, et exceptio. Et sic in l. ex contractu, ff. de re judic. dandam actionem addita exceptione, nisi culpa tutorum pupilla condemnata est. Quæ de causa recte in l. exception. exceptio definitur esse conditio, addita scilicet actioni, vel inserta actioni, quæ actionem ipsam perimit, aut minuit, quæ actionem conterit, aut penitus excludit, vel illo verbo (nisi) ut d. l. ex cont. l. 1. §. Labro, de sum. et in §. ult. Instit. de replic. ut ex veteribus est legendum, nisi boni cesserit: vel etiam his verbis (si non, at si non, extra quam) ut sæpissime in libris nostris, et in aliis actoribus exceptiones concipiuntur, et ita semper conditionaliter. Pura est actio, cui non adijcitur exceptio. Conditionalis est actio, cui inest exceptio. Et recte Cornif. 1. Rhet. ad Heren. in privata actione prætoris exceptiones sunt, et Cic. 1. de lavent. Is, qui agit, iudicium purum postulat: is, quo cum agitur, exceptionem ait a ldi oportere. Velim autem vos nullam, ne minimam quidem differentiam facere inter exceptiones, et præscriptiones: utraque appellatio idem potest: et in hac rubrica de exceptionibus, sive præscri-**

Tom. IX.

ptionibus hæc conjunctio (sive) est connexio vocum idem significantium. Veniam nunc ad singulas leges hujus tituli.

Ad L. I.

Debitorum quidem hereditarii unicuique hæredum pro portione hereditaria antiqua lege obligati sunt. Sed si eis heredibus omnem pecuniam exsolvisi, quibus nomen patris tui testator in divisione adscripserat, doli mali exceptione adversus alios agentes turri te potes.

Prima est de exceptione doli mali, quæ obicitur heredi agenti contra voluntatem defuncti, ut in l. apud Celsum, §. præterea, ff. de doli except. quia improbo et impie facit hæres, qui non obsequitur voluntati defuncti, et merito ei obicitur exceptio doli mali. Et sciendum, est, ut intelligatur sententia legis 1. divisionem nominum, id est, actionum, quæ defunctus habuit, vel quibus obstrictus fuit (nam nomina defunctus non tantum quæ nos debemus, sed etiam, quæ nobis debentur, id est, ut vulgo loquuntur, obligationes activas, et passivas) divisionem, inquam, nominum hereditariorum inter cohæredes fieri, aut ipso jure, id est ex l. XII. tabul. pro hereditariis portionibus, quibus scripti sunt l. ea quæ sup. fam. ercisc. l. ult. sup. de hæc. ac. l. pacto, sup. de pact. Quam l. 1. h. t. vocat antiquam legem est l. 12. tab. quæ pro hereditariis portionibus dividit nomina inter cohæredes, ut jam ea divisionem non recipiant, quam semel receperunt ipso jure. Sed quandoque aliter, quam divisit lex XII. tab. divisio nominum fit ex conventionione, cohæredum interpositis delegationibus, ut l. tale pactum, §. post divis. de pact. vel ex j. dicio testatoris, ut si testator in divisione nominum, et rerum unum ex heredibus certa quædam nomina adscribat quo casu cohæredes ea nomina exigentes pro hereditariis portionibus, quæ faciunt contra voluntatem defuncti, qui unum ex eis ea voluit in solidum exigere, repelluntur exceptione doli mali, maxime si debitores (ut ponit l. 1.) ea nomina in solidum dissolverint ei, cui erant adscripta in divisione nominum testamento facta.

Ad L. II.

Pro portione tua, qua domum ad te pertinere dicis, si iudicatum non est, actionem dirigere potes: nam exceptio rei iudicatae ei dnum obstat, vel successoribus ejus, inter quos cognitum super ea re, et pronuntiatum est.

Lex 2. est de exceptione rei iudicatae, quæ repellitur is, qui iudicio superatus est, vel hæres

ejus, si rursus agat eadem de re: nam alii, contra quem nihil judicatum est, exceptio rei inter alios judicate nihil nocet, ut (quæ est species l. 2.) si domus sit communis inter me et te, et eam tu vindicaveris a possessore pro tua parte, et causa cecideris, mihi postea eandem domum vindicanti pro parte mea, non obstat exceptio rei judicate, sed tibi duntaxat, hereditive tuo, et eleganter l. Claud. in fi. qui potior. in pign. hab. sine præjudicio sententiæ ei, qui non litigavit, vel qui per contumaciam judicio non absuit, jus suum integrum relinquit, et l. is qui fundum, ff. de usuf. leg. non posse arbitrum inter alios judicando aliterius jus mutare. Et sic in l. 1. sup. quib. res jud. non noc. Et de hac quoque exceptione rei judicate ita M. Tul. 1. de Or. Petitor rursus cum peteret, exceptione excluderetur, quod ea res antea in judicium venisset, sic leg. Et Suidas ex libris Rhetor. explicans quid sit παρρηγορη, utitur hoc exemplo exceptionis rei judicate, his fere verbis: ὅταν λέγῃ τις τὸ πρῶτον περὶ τοῦ εἰς. id est, cum quis dicat rem, de qua agitur, jam ante in judicium venisse, et de ea jam pronuntiatum fuisse: et leges profert, quæ volent his eadem de re queri inter eandem personas, videlicet hoc esse παρρηγορη, hoc est, prescriptionem, speciem scilicet, παρρηγορη. Et addit παρρηγορη appellari: cum qua de re quis agit, adversarius contendit nullam legibus esse propositam actionem, tendant aux fins de non recevoir, quod tamen nos non vocamus prescriptionem, vel exceptionem, sed allegationem generali nomine, quamasserimus auctori nullam ipso jure actionem esse.

Ad L. III.

Adversus fratrem tuum quondam tutorem legitimum tutelam judicio si expertus non es, proposita actio consistit, nec timueris exceptionem pacti, si in ea fraudem, dolumque admissum probare poteris: nam replicatio doli opposita bonæ fidei judicium facit, et commentum fraudis repellit.

Lex 3. est de exceptione pacti, et doli mali. Species est de fratre, qui fratris tutelam legitimam gessit, et plane legitimam, non fiduciarium, ut gloss. annotat: nam ponendum est, fratres nunquam exisse familia patris, quo casu proculdubio major 25. annis fratri impuberi est tutor legitimus deficiente testamentario, ut l. tutor, ff. ad Vell. l. 9. §. 1. ff. tutel. et rat. distr. et l. 1. ff. de legit. tutor. dum ait, legitimam tutelam conferri consanguineis. Nam in jure consanguinei semper accipiuntur pro fratribus agnatis, non pro cognatis, veluti emancipatis, non pro ceteris vel agnatis, vel cognatis: sed ex constitutione Anastasii etiam frater eman-

cipatus fratri impuberi, qui nunquam exiit familia, et potestate patris dum vixit, est tutor legitimus, l. 4. sup. de leg. tim. tut. At fratri impuberi emancipato, frater puer, sive sit suus, sive emancipatus, hoc solo caso est tutor fiduciarius, non legitimus, ut ostendi tit. Instit. de fiduc. tut. Pinge igitur: Frater fratris tutelam legitimam gessit: si contra tutela pubertate, cum inter eos controvertetur de tutela rationibus, inter se pacti sunt, facta transactione, ut nihil frater a fratre exigeret ex rationibus tutelæ. At is frater in tutela administranda multa admisit per fraudem, et dolum malum multa interverterat, interceptat, quorum nomine nunc frater, cujus tutelam alter gessit, agit actione tutelæ adversus fratrem, et opponitur ei exceptio pacti, sive transactionis, qua convenit inter eos, ne quid exigeretur ex tutela rationibus. Sed lex ait, hanc exceptionem pacti elidi, et excludi replicatione doli mali, quod frater dolo malo versatus sit in administratione tutelæ: et generali pacto, ne quid exigatur, non intelligi remissionem obligationem, quæ ex dolo tutoris venit, l. tres fratres, ff. de pact. l. 8. §. pen. et l. 9. ff. de lib. leg. Unde eleganter l. 3. replicationem doli oppositam, judicium bonæ fidei facere, et commentum fraudis repellere, quia nihil est magis contrarium bonæ fidei, quam dolum malus. Et summe notanda est hæc sententia: Exceptionem doli mali (nam et replicatio, duplicatio, triplicatio, exceptiones sunt) Exceptionem, inquam, doli mali, judicium bonæ fidei facere, etiam id quod est strictum sui nature, ut probat aperte l. Saja, ff. de mort. causa don. quod ad eam annotavit Doct. Hoc igitur dico, hoc ipso, quod Prætor actioni strictæ, veluti ex stipulatu, inserit, et injicit doli mali, eam actionem facere bonæ fidei: et quoties eandem exceptionem doli mali injicit actioni bonæ fidei, veluti actioni tutelæ, ut in hac specie (quod supervacue facit: nam bonæ fidei actioni tacite inest exceptio doli, etiam non opposita, non adscripta, non allegata, sive prolata in judicio, l. sed et si ideo, ff. sol. matr.) quoties tamen nominatim prætor actioni bonæ fidei addit exceptionem doli mali, ea actio tunc non tam per se videtur esse bonæ fidei, quam fieri per exceptionem doli mali a prætore nominatim additam, aut quam maxime fieri bonæ fidei, si quæ tacite inest, etiam nominatim exprimitur exceptio doli mali. Et ita hic locus est explicandus. Magna ergo est vis exceptionis, sive replicationis doli mali. Nam vane judicium bonæ fidei facit, ut probavi. Item per doli mali exceptionem etiam male fidei possessor retinet sumptus necessarios, vel utiles, quos fecit in rem alienam, ut l. Paul. respondit, ff. de doli except. et per exceptionem doli mali inducitur argu-

retractatio rei judicate, retractio rei judicate, restauratio litis, ut in *l. non distinguemus*, §. cum quidam, ff. de recep. l. ex divers. §. ult. ff. sol. mat. Ac postremo exceptio doli mali latissime manet, et vi sua complectitur omnes exceptiones, sive concurrat cum aliis exceptionibus, veluti pacti, aut jurisjurandi, aut rei judicate, aut non numeratæ pecunie et similibus. Et hoc est, quod ait, *l. qui æquitate*, ff. de except. doli mali. Qui æquitate, inquit, defensionis cujuscunque actionem infringere potest, doli mali exceptione tutus est, id est, doli mali exceptio generalis est.

Ad L. IV. VII. IX. et ult.

L. IV. Cum nondum finitam sententia causam, sed dilata[m] allegetis: non est dubium, omnes integras defensiones vobis esse.

L. VIII. Præscriptionem peremptoriam, quam ante contestari sufficit, omissam, priusquam sententia feratur, objicere quandoque licet.

L. IX. Si quidem intentionem actoris probatione deficere confidis, nulla tibi defensio necessaria est. Si vero de hac confitendo exceptione te munitum asseveras, de hac tantum agi convenit. Nam si etiam de intentione dubitas, habita exceptionis contestatione, tunc demum cum intentionem suam, secundum asseverationem suam petitor probaverit, huic esse locum monstrari convenit.

L. ult. Præscriptiones fori in principio litis a litigatoribus opponendas esse, legem decrevit auctoritas.

In *h. l. 4.* explicatur *l. 8. 9. pen. et ult.* quæ pertinent ad omnes exceptiones peremptorias, quas *l. 4.* docet, quodocunque ante sententiam opponi posse nondum causam finitam, sed dilata[m] ut ait, veluti ampliat, judice pronuntiante nondum liquere, ut in *l. Pomp. ff. de re jud. l. Pomp. §. ult. ff. de recep.* Aliæ sunt exceptiones peremptoriæ, aliæ dilatoriæ. Peremptoriæ sunt, quæ actionem protinus excludunt, atque consumunt, si judici probentur esse veræ, ut exceptio doli mali, longi temporis, pacti de omnino p. cum petatur, exceptio rei judicate, SC. Macedoniani, aut Vellejani. Dilatoriæ sunt, quæ non excludunt protinus actionem, sed differunt, et sustinent, et impediunt, ne vim suam exercent statim, ut exceptio fori, quotiens dicitur non apud eum judicem agi, cujus ea de re jurisdictio est, et mutandum esse judicem, vel exceptio procuratoria, quoties alieno nomine agere dicitur is, cui procuratori esse non licet, et mutandum esse actorem, ut apud Fabium in 3. *Non licet tibi agere mecum, cognitor enim* (id est, procurator) fieri non potuisti: Et in 4. *Mala*

petis; procuratori enim tibi esse non licet, sed neque illi, cujus nomine litigas, habere procuratorem. Et sunt exceptiones, quæ procuratoriæ vocantur, vel etiam dilatoriæ exceptio est, quotiens dicitur, non eo tempore agi, quo agi oportet, et tempus differendum: ut si dicatur agi die feriato, vel ante diem, intra quem convenerat ne pecunia peteretur. Et hæc quidem dilatoriæ exceptiones opponendæ sunt statim initio litis contestandæ, ut ait *l. ult. h. l.* præscriptiones fori quibus dicitur iudex esse incompetentis et incongruus, esse opponendas in principio litis. Idemque probat *l. except. sup. de probat. l. 4. sup. de jurisdict. omni judic. l. ita demum, sup. de procurat. l. sed et si suscepit, initio ff. de judic.* Opponendæ, inquam, sunt initio litis, in ipso limine questionis, ut ait Symmachus 1. *Epist. ad Theod.* scribens de procuratoria exceptione, quam dicit esse contestandam in ipso limine questionis dilatoriæ: ergo exceptiones opponendæ sunt initio litis, et probandæ etiam initio, postquam actor probavit intentionem suam: nam frustra probas exceptionem, si nondum actor fundavit intentionem suam, *d. l. except.* post litem contestatam dilatoriæ exceptiones præpostere opponuntur, et mulctatur etiam advocatus, qui post litem judicatam in dilatoria exceptione opponenda pervicaciter perstat, *l. pen. h. l.* Peremptoriæ autem exceptiones quandoque, ut ait *l. 8.* id est, quodocunque, si forte omissæ fuerint initio litis contestandæ, ante sententiam objici possunt, *d. l. 8. ubi omissam*, id est, non contestatam peremptoriam exceptionem initio litis, quod sufficeret nihilominus, quodocunque opponi post litem contestatam, ante sententiam posse, ut *l. 2. sup. sent. rescindi non posse.* Et illo loco legis 8. alias non male legitur, *vel omissam*, sed ut dilatoriæ exceptiones, ita etiam peremptoriæ non sunt probandæ antequam actor probaverit intentionem suam, *l. emptor, sup. de præsc. long. temp. et l. 9. h. tit.* quia actore non probante nihil superest aliud, quam ut reus absolvatur, etiamsi nihil ipse præstet, ut eleganter ait *l. qui accusare, de edendo*, id est, etiamsi exceptionem forte, quam contestatus est, minime probet, quia probatione non indiget exceptio: et retro reus non indiget exceptione actore non probante. Nec omitendum, nonnumquam etiam peremptorias exceptiones opponi posse post sententiam, actioni judicati scilicet. Et hujus generis est exceptio Senatusc. Macedoniani, et Senatusc. Vellejani, quæ recte opponuntur etiam post sententiam, quod jus est ex ipsis SC. *l. tamen ff. ad SC. Maced.* Hujus etiam generis sunt omnes exceptiones, quæ dantur militibus ex consuet. Antonini, *l. 1. sup. de jur. et fact. ignor.* et hæc exceptio, ne teneatur ultra facultate

tes, quæ donatori competit: nam hæc etiam opponitur post sententiam ex constit. D. Pii, *l. Nescimus*, §. ult. de re jud. *l. qui id quod*, ff. de donat. Et hæc solæ sunt exceptiones peremptoriæ, quæ opponi possunt etiam post sententiam, quæ significantur in *l. 2. ff. de except.* dum ait *exceptiones excludere ea, quæ in intentionem, vel condemnationem deducuntur*. Quomodo condemnationem? quia quædam sunt, quæ opponuntur post condemnationem, et subijciuntur actioni iudicati. Non est etiam omitteendum, uno casu peremptoriam exceptionem perinde ac dilatoriam esse opponendam initio iudicii, puta, si opponatur exceptio lapsi temporis in causis appellationis. Casus est singularis in *l. 2. sup. de temp. ap.* Regulariter dilatoriarum exceptiones opponuntur initio litis: peremptoriæ, vel initio litis, vel post litem contestatam ante sententiam. Et ratio differentie inter exceptiones dilatorias, et peremptorias, hæc est, quia exceptiones dilatoriæ ea respiciunt, quæ iudicium potissimum constituent, et cum quaeritur, an apud eum agatur, qui sit iudex competens in præscripto: vel cum quaeritur an is agat, qui agere potest, an cum eo agatur, quo cum agi potest, denique an iustæ et legitimæ sint personæ litigatorum, vel cum quaeritur an quo tempore agi potest, agatur. Quas quæstiones Rhet. translationes appellant, quia cum hæc proponuntur videtur actio indigere translatione, et commutatione. Et iidem Rhetores translationis, et præscriptionis eandem definitionem addunt, quam dedi exceptioni peremptoriæ, et dilatoriæ. Verba sunt Cuii Fortunatiani, qui idem et Rhetor, et JC. fuit: *quid interest, inquit, inter translationem, et præscriptionem? quod, inquit, præscriptio excludit actionem, translatio autem differt*. Hoc ergo interest, quo interesse nos dicimus exceptionem peremptoriam a dilatoria. Quia autem dilatoriæ exceptiones sunt de constituendo iudicio, et de personis, quibus iudicium constat, vel de tempore et loco quo iudicium oportet institui, plane necesse est, eas ante iudicium opponi, excuti disceptari quia jam constituto iudicio, præpostere agitur de eo constituendo, quod utique semper agitur oppositis dilatoriis exceptionibus Cic. in Part. *De constituendis actionibus accipiendis, subeundisque iudiciis*. Ea fere generis huius sunt, ut etsi in ipsum iudicium sæpe delabantur tamen ante iudicium tractanda videantur. Peremptoriæ autem, quia non sunt de constituendo iudicio, sed de jam constituto finiendo, et profligando, quia rem ipsam ferunt, finiunt, qua de agitur, et proprie reorum defensiones sunt, ideo quandiu iudicium durat quandoque opponuntur. Quod etsi edicto perpetuo cautum sit, ut ait *l. 2. sup. sent. rescind. non poss.* tamen et

naturæ congruit, ut ubi quodocunque pulsamur, integrum nobis sit promere nostras defensiones.

Ad L. V. VI. VII. et X.

L. V. Sicut unde vi interdictum intra annum locum habent, tamen exceptione perpetua succurri, qui per vim expulsus, post retinuit possessionem, auctoritate juris manifestatur.

L. VI. Si pactum intercessit, in exceptione sine temporis præfinitione de dolo replicare potes.

L. VII. Si ex maiore debiti quantitate, minor tibi soluta est, nec liberationem debitori tuo præstitisti: petere quod non probatur redditum, contra exceptionem pacti replicationem tuam adjuvans intentionem, minime prohiberis.

L. X. Non exceptionibus actores, quibus reis auxilium tribuitur certis ex causis, sed replicationibus suam intentionem, si quam habeant, muniant.

Lex 5. *hoc tit.* est de exceptione quod vi, metu, vel causa factum sit, quam ea lex docet esse distare ab interdicto unde vi, quod hoc sit annale, *l. 2. sup. unde vi*, exceptio de vi sit perpetua: ut si is, qui per vim possessione sua depulsus est, eam casu aliquo recuperavit, retinebit eam adversus illum, a quo expulsus fuerat, proposita exceptione perpetua, quod vi se pridem expulerit, id est, eo, qui eum vi expulit, agente rei vindicatione, vel actione momenti, possessor tuebitur se hac exceptione, si non adversus me agat, qui me per vim possessione dejecerat, quæ est exceptio perpetua. Hæc est sententia *l. 5.* Denique actio de vi, sive interdictum est annale, exceptio de vi perpetua. Et ita actio de dolo jure veteri est annalis: ex constit. Constantini est biennis, *l. ult. sup. de dolo*. At exceptio doli est perpetua. Et hæc ratio differentie proponitur in *l. pure*, §. ult. ff. de doli except. Exceptionem doli, vel de vi esse perpetuam, quæ reo competit, quia reus non habet in sua potestate, quando conveniatur, et consequenter quando se defendat, et eam exceptionem opponat: actor autem habet in sua potestate quando agat; quæ ratio est probabilis, et ea etiam Imperator utitur in *l. pen. sup. de tempor. in integr. restit.* Valebat plurimum hæc ratio cum non datur unquam exceptio sine actione. Sed placuit (quod notandum) etiam sine actione exceptionem publice contestari posse in modum quaerere, ut sit querela verius, quam exceptio quando nemo agit. Quare exceptio non numeratæ pecuniæ finitur biennio, quia in potestate debitoris est, qui cavet se accepisse pecuniam, quam nunc dicit se non accepisse, exceptionem non numeratæ

pecuniae contestati, etiam nemine agente de pecunia credita, l. 8. et 9. et l. in contr. initio, sup. de non numer. pec. l. ult. sup. de cond. ex lege. Sed probabilitas supradictae rationis confirmatur addita hac communi ratione, quod *favorabiles sint rei, quam actores exceptiones perpetuae sunt, ubi actiones sunt temporariae*. Et notandum maxime, non tantum exceptionem, sed etiam adjectionem doli plerumque esse perpetuam: nam sciendum est aliam esse actionem doli, aliam esse adjectionem doli: actio de dolo per se consistit: adjectio de dolo, est appendix alterius actionis. Et ita actio de peculio dicitur hanc habere adjectionem, et si quid dolo malo captus, fraudatusque actor est, adjectionem de dolo, sic vocatur in l. bonae fidei, in fi. D. de pecul. quod etiam confirmat l. 1. §. filiumfam. D. de pos. l. 1. initio, D. quando de pecul. act. annal. sit. Hic autem adjectio de dolo affixa actioni de peculio, est perpetua, sicut actio ipsa de peculio, cui adheret, nisi forte praetor in actione de peculio non patietur eam adjici post tempus constitutum actioni de peculio, quod forsitan non patietur praetor, molus aequitate quadam: alioqui adjectio de dolo erit perpetua. Et ita est explicanda l. quassitum, §. ult. D. de pecul. ubi pro obijciendo et obijci, malo, adjicendo, et adjici, quoniam loquitur, non (ut vulgus arbitratur) de replicatione doli, sed de adjectione de dolo malo affixa actioni de peculio. At replicationem doli mali, etiam constat esse perpetuam, ut patet ex l. 6. hoc tit. quia actio cui opitulatur, est perpetua, et ait lex 6. in exceptione pacti de dolo, replicari sine praefinitione temporis, id est, perpetua. Unde notandum, ut in actione exceptionem (quod heri ostendi) ita in exceptione addi replicationem, exceptionem autem pacti elidi, et irritam constitui replicationem doli mali. Et hoc vult l. 6. Hoc item ostendit sup. l. 3. et l. 7. Exceptionem pacti excludi posita replicatione doli mali in hac specie: si creditor, qui partem pecuniae accepit spe mox recipiendae alterius partis, non transigendi animo caverit se omnem pecuniam accepisse, nilque amplius petiturum, et petat reliquam pecuniam, et opponatur ei exceptio pacti, sive cautionis ab eo perscriptae, tuebatur se replicatione doli mali, ut in l. si inter, inf. de solut. Et ita est explicanda l. 7. Replicationes sunt subsidia actorum, exceptiones vero subsidia reorum l. 10. hoc tit.

Ad L. XI.

Defensiones, sive exceptiones ad intercessores extendi, quibus reus principalis integro manente statu munitus est, constat.

Restat tantum ex tit. de except. lex 11. in qua

proponitur haec regula, *defensiones, sive exceptiones, etc.* Ergo exceptiones, quae debitori principali competunt ad excipiendam iniquitatem actionis competunt etiam intercessoribus ejus, id est, fidejussoribus, vel mandatoribus, vel iis, qui pro eo pecuniam se soluturos constituerunt, et aliquando etiam expromissoribus, id est, in quos translata est obligatio novationis genere, ut in l. 1. §. except. D. quar. rer. act. non det. Et hujus regulae duplex est ratio: una, ne fidejussor pecuniam amittat ne in damno versetur, si forte debitor principalis solvendo non sit, nec possit fidejussori reddere, quod pro eo solvit. Quae de causa etiam invito reo, quae ei prodest exceptio, prodest et fidejussori ejus, l. fidejuss. D. de don. l. omnes, D. de except. l. si stip. et l. ex pers. de fidejuss. Altera ratio haec est, quia nil prodest exceptio debitori, nisi etiam prosit fidejussori ejus, vel alii accessioni, sive intercessioni, propterea quod fidejussor, vel alius intercessor, quod solverit, mox a debitore potest repetere actione mandati. Et hoc est, quod dicitur eum, qui a fidejussore petit, et si daretur, si ipse a debitore petere, l. adversus, D. de recept. qui arb. recep. Quare quibus casibus fidejussori qui solvit, non est actio mandati, non est regressus adversus debitorem pro quo solvit, sane iis etiam omnibus casibus haec regula cessat, id est, quae debitori prodest exceptio, non prodest etiam fidejussori: ut si fidejusserit donandi animo vel in rem suam, l. si quis rem, D. de liber. leg. vel si fidejusserit pro invito debitore, l. si pro te, D. mand. vel si fidejusserit jussa testatoris, ut in casu l. tribus, D. de usufr. earum rer. quae usu consumuntur, vel si debitor adversus fidejussorem in integrum restitutus fuerit, l. 1. sup. de fidejuss. minor. qua ratione etiam haec regulae tantum locus est integro manente statu debitoris, ut ait hinc l. id est, debitore capite non diminuto: nam debitore principali capite diminuto, veluti deportato in insulam debitor quidem ipse omnimodo liberatur, l. si deb. D. de fidejuss. l. 2. D. de cap. min. fidejussor autem ejus non liberatur, l. 1. inf. de fidejuss. Et ratio ea est, quam ante notavi, quod cesset actio mandati, id est (ut dicam sollicitius) quia si fidejussor solverit, adversus debitorem capite diminutum non habet actionem mandati, nec ullum alium regressum, aliamve viam repetendae ab eo pecuniae, quam pro eo solvit, sed habet tantum regressum adversus fiscoem, ad quem bona deportati pervenerunt. Quae de causa apud Quintilianum in debitore adultero, id est, in declam. 273. fidejussor sic loquitur: *integro statu debitoris mei, si a me petere maluisses, ad debitorem reverteret.* Utitur iisdem verbis, quibus h. l. 11. integro statu debitoris: quia capite diminuto

debitore, si fidejussor solverit, ad eum reverti non potest. Verum huic sententiæ obijcitur *l. sed et si quis, in princ. Si quis cautio. jud. sist. quæ l. ult. eo qui datis fid. juss. promiserat stipulanti jud. sisti in diem certum, atque condictum: eo, inquam, mortuo, vel capite minuto, id est, mortuo civiliter ante diem, quo sisti debuit, fidejussor, non tenetur. Ergo capite minuto debitore, etiam fidejussor liberatur. Sed hoc casu ratio est evidens, cur et fidejussor liberetur, sicut debitor, qui liberatur morte naturali, vel civili, id est, capitis diminutione, quæ desinit posse sisti in judicio, antequam committeretur stipulatio judicio sisti, id est, ante diem exhibitionis, quo exhiberi, et sisti debuit: nam si post diem, quo sisti debuit, id est, post commissam stipulationem, moriatur debitor, vel capite minuatur, proculdubio cum fidejussore utiliter agi potest, quod non exhibuerit hominem condicto die, quod fefellerit ad condictum, ut in *l. si decess. D. qui satisd. cog.* Idemque est in stipulatione judicatum solvi, si quis pro alio fidejubeat judicatum solvi, et ille post judicationem, post condemnationem moriatur, vel capite minuatur: nam et hoc casu cum fidejussore recte agitur, quia commissæ fuit stipulatio, antequam promissor moreretur, vel capite minueretur, non etiam si mors contingerit naturalis, vel civilis ante condemnationem, quia jam desinit condemnari posse, ac proinde jam desinit committi posse stipulatio judicatum solvi: nec enim mortui condemnantur, aut capite minuuntur ex suis negotiis, vel litibus ab eis institutis. Et ita est accipienda *l. 3. D. qui satisd. cog.* non ut vulgo ut idem in ea proponatur, quod in *l. 4. ex continenti*, cum *l. 4.* sit de stipulatione judicio sisti, *l. 3.* ut condemnationis nomen demonstrat, de stipulatione judicatum solvi. Verum in utraque idem juris est. Illud etiam adnotandum est, nos loqui generaliter de debitore capite diminuto, quæcunque capitis diminutio ei contigerit: nam semper fidejussores ejus manent obligati, et regulæ tantum locus est, manente integro statu debitoris. Sed hoc tamen interest inter minimam, et maximam, vel mediam capitis diminutionem, quod qui maximam, vel mediam capitis diminutionem patitur, id est, qui libertatem, vel civitatem amittit, liberatur omni jure naturali, et civili, *l. si deb. D. de fidejuss.* Ubi tota obligatio tollitur, id est, etiam naturalis, nec in eum ulla actio restituitur unquam, *l. 2. l. tut. §. pen. et ult. D. de cap. minut.* qui autem patitur minimam capitis diminutionem, ut qui adoptatur in alienam familiam, vel qui emancipatur, liberatur jure civili, non jure naturali, et actio quoque civilis in eum restituitur a prælore post minimam capitis diminutionem, *d. l. 3. de cap. min.**

Facilius restituitur obligatio, quæ jure naturali consistit, quam quæ nullo jure consistit. Etiam illud notandum, huic regulæ, etiam integro manente statu debitoris, aliquando locum non esse, ut si debitor bonis cesserit beneficium leg. Julæ: nam exceptio hæc si non bonis cesserit, ei quidem prodest: verum fidejussori ejus non prodest, *§. ult. Instit. de replec.* qui non utitur hac ratione, quod hæc exceptio personæ coherent, ut fingunt omnes interpretes omittentes rationem traditam in eo *§. statuente*, ideo hanc exceptionem non prodesse fidejussori, quod coherent personæ debitoris, quod est falsum. Nam si coherent personæ debitoris, non competet heredi ejus: nam coherent personæ, est non transire in heredem ejus personæ, *l. et si fid. et l. seq. de re jud.* At nemo negabit, quod si defunctus bonis cesserit, cessio bonorum prodest heredi. Quare etiam ille *§. ult.* exceptionem cessionis bonorum, quæ debitori competit, non ideo negat competere fidejussori, quod coherent personæ: nam certissimum est personæ coherentes, aliis non prodesse. Et hæc exceptio opponitur huic regulæ, quæ est de exceptionibus coherentibus rei, sive causæ, sed hæc ratio redditur in hoc *§.* quia fidejussor in hoc accipitur, ut facultatibus lapsus debitore, creditor ab eo suum consequatur, sive bonis cesserit, sive bona ejus capite diminuti in alium translata fuerint. Ergo non est inquam in necem creditoris fidejussori prodesse hanc exceptionem. Et ita Fabius Declam. dicta, *sponsor in hoc*, inquit, *accipitur, ne creditor in damno sit.* Et ita auxilium restitutionis in integrum, quod adversus creditorem datur minori 25. annis, si deceptus et lapsus sit re ipsa, non dolo creditoris, non prodest fidejussori: non quia coherent personæ minoris (nec enim coherent, cum transeat in heredem minoris, *l. non solum, D. de rest. in integr.*) sed quia in hoc potissimum fidejussor accipitur ab eo, qui contrahit cum minore 25. annis, quod ei potius, quam minori fidem habeat. Ergo æquum est, ut ei frustra non sit, id est, ne in vanum ei cedat satis exceptio. Et hæc etiam ratio notanda in *l. in causâ, D. de minor.* alioquin, quæ minoris 25. annis, circumscripto dolo adversarii, datur exceptio ex lege Lætoris (quod notandum) posset dici eadem ratione coherent personæ minoris 25. annis, quæ tamen datur hoc casu etiam fidejussori ejus, *l. 2. sup. de fid. juss. min. l. 7. sup. C. de except.* Locus est valde notandus et referendus ad legem Lætoriam, dum ait, *minore 25. ann. circumscripto dolo adversarii* (ut recte supplet glossa) non tantum ei subveniri per exceptionem, scilicet ex *l. Lætoris*, quia tractat de exceptionibus, et circumscriptio adolescentum vindicatur lege Lætoris, ut ait Cicer. 3. offic. sed

etiam subveniri eodem modo fidejussori, data eadem exceptione ex lege Lætoria, quæ lex etiam defuit adulescentiam usque ad 25. annum, quæ ex re ea metas vocatur legitima, quia definita est lege Lætoria, ut ait nominatim l. 2. C. Theod. de donat. intra annos legis Lætorie.

JACOBI CUJACII J. C.

In Lib. VIII. Co lictis.

RECITATIONES SOLEMNES.

Ad tit. XXXVI. De litigiosis.

Hic tit. est de exceptione litigiosi, quæ scilicet actori objicitur vitium litigiosi. Et litigiosi appellatione non tantum res continetur mobilis, vel immobilis; de cujus proprietate litem habet is, qui eam in alium transfert, ut definit Novella 112. sed etiam nomen debitoris, de quo agitur, et actio in judicium deducta, sive ambiguum chirographum, ut loquitur l. 3. h. t. Et quævis ipso jure tenet venditio, aut pignoriatio, vel donatio, vel quæ alia alienatio rei, vel cautionis, sive actionis litigiosæ, l. 17. et 18. ff. de rei vindic. tamen ad irritum constituitur, et rescinditur, ut aperte ostendit l. 2. et ult. h. t. et perinde est, atque si ea alienatio non intervenisset, res eodem loco restituta, quæ fuit ante: per eosdem peragitur l'is, in quos inchoata fuit, nec mutantur personæ litigatorum propter alienationem factam pendente lite ab uno ex litigatoribus, quoniam rescinditur, et emptor, vel donatarius vel creditor, si eam rem persequantur, quam ab eo accepit, qui de ea litem habuit cum alio, repellitur exceptione litigiosi; ut in l. 1. ff. eod. l. 1. §. ult. D. quæ res pignori oblig. poss. l. bona, §. 1. ff. ad Senatuse. Vellej. et hoc indistincte sive sciverit rem esse litigiosam emptor, aut donatarius, aut creditor: sive ignoraverit, ut constat ex principio legis ult. Et ratio hæc est, quia debuit esse curiosus et diligenter inquirere, quæ res sibi venderetur, nec temere emere ab improbo venditore, qui pendente lite rem divendit, vel alio modo alienat, ut duriorem faciat conditionem adversarii, puta opposito fisco, vel alio potentiori adversario, cui divendit rem. Quæ ratio, quamvis quis rem vendiderit ante litem motam, futuræ litis, quam prospicit, mutandæ gratiæ, is adversario tenetur actione in factum in id quod est ex edicto de alienatione judicii mutandi causa facta, quamvis vendiderit rem non litigiosam, quia vendidit futuræ litis prospectu. Quod si vendiderit rem litigiosam post motam litem: etiam adversa-

rio tenetur in duplum ex 12. tabul. si rem, ut dixi, alienaverit post litem motam, puta si eam in sacrum dedicavit, quia ea dedicatio rescindi non poterit, quia iudices et Pontifices religioni favent. Idemque qui hoc genere rem litigiosam alienavit, quia irrita fieri alienatio non potest, adversario tenetur in duplum ex 12. tabulis, l. ult. ff. de litigiosis. Idemque dicendum opinior eadem ratione, si quis servum litigiosum manumiserit, ut teneri debeat adversario in duplum, in cujus fraudem manumiserit eosulta opera, quia vix manumissio rescindi potest, quia prælores favent libertatibus, l. 3. §. 1. ff. de alienat. jud. mut. Sed si alio genere, quam dedicatione, vel manumissione rem litigiosam alienaverit, adversario non tenetur, in cujus fraudem hoc fecit, quia satis est adversario, quod alienatio irrita constituitur, et emptor, vel quivis alius, in quem res est alienata, repellitur exceptione litigiosi. Priori casu, id est, res vendita ante motam litem, emptio non rescinditur, nec emptor ulla exceptione repellitur. Sed qui vendidit, ut dixi, tenetur adversario in id quod interest, quæ distinctio est valde notanda. Et hæc quidem locum habent, cum quis rem litigiosam accepit ex causa emptionis, vel donationis, vel permutationis, vel ex causa pignoris, vel ususfructus, aut emphyteusens: non etiam, si cui testamento, vel codicillis res litigiosa legata sit: nam ad hanc speciem non pertinet exceptio litigiosi, quia hujus alienationis occasio est mors litigatoris, non cupiditas vexandi adversarii: unde qui eam rem petit ex testamento, vel codicillis, nulla exceptione submovetur, sed ex sententia l. 3. hoc tit. hæredes ei præstant æstimationem, non rem ipsam de qua lis pendet, et litem peragunt hæredes suo periculo. Legatum igitur rei litigiosæ magis in æstimatione, quam in corpore consistit ex l. 3. hoc tit. Quæ tamen corrigitur in Novella 112. ex qua tale legatum consistit in eventu litis, ita ut si vicerit hæres, debeat: si non vicerit, non debeatur, quæ de causa et liti adesse legatarius potest, et ius defuncti tueri, ne quid per collusionem fiat inter hæredem et adversarium, ut in l. si suspecta, D. de inoffic. testam. Utut sit, res litigiosa omnimodo recte relinquitur in testamento, vel codicillis, nec exceptio litigiosi pertinet ad hoc genus alienationis. Constat etiam recte in alium transferri rem litigiosam ex causa transactionis, et divisionis rerum hæreditariarum factæ inter cohæredes, l. ult. hoc tit. et rationem reddit Justinianus in d. Novella, quod divisio omnium rerum hæreditariarum facta inter cohæredes non videtur esse alienatio, cum ad eos res litigiosa jure hæreditario pervenit, et in l. ult. hæc verba (transactionis, vel divisionis) quæ non capiunt glossæ, ego pro

uno eodemque negotio accipio, videlicet cum transactionis causa inter se coheredes faciunt divisionem honorum. Vix unquam sit divisio inter consortes sine transactione, ideoque arpe divisioni jungitur transactio, *l. tres fratres, D. de pact. l. cum proponas 2. sup. eod. l. qui Romæ, §. ult. D. de verbor. oblig. l. cum putarem, in fine, D. fam. ercisc. l. 2. sup. int. al. act. vel judic. al. non noc.* Placet etiam rem litigiosam in alium transferri posse ex dotis causa, vel donationis propter nuptias, *l. ult. hoc tit.* Et ratio hæc est, quia et occasio hujus alienationis est affectio nuptiarum, dum forte non suppetit alia res, quæ in dotem detur, non cupiditas vexandi adversarii. His igitur causis exceptis, legati, divisionis, et transactionis, et dotis, ac donationis propter nuptias, ex aliis omnibus causis, qui rem litigiosam accepit a litigatore, sciens vel ignorans, repellitur exceptione litigiosi si agat, et redhibere rem cogitur, et in suum locum reponere, ut iidem peragant litem, qui eam inchoarunt. Adnotandum, non tantum esse exceptionem litigiosi, sed etiam poenam litigiosi quandam, *l. 2. D. de litigios. que fisco præstatur l. 1. D. de jure fisci*, et definitur in *l. ult. hoc tit.* Exceptio litigiosi obstat et scienti et ignorant, ut ante dixi: poena proponitur scienti donatæ, *d. l. 2.* ita scilicet ut qui sciens rem litigiosam emit, vel ex donationis causa accepit, vel qua alia ex causa superius non excepta, pretium quanti emit, si emit, præstet fisco: cui etiam fisco tantundem præstat venditor, quanti vendidit: vel si jam venditor pretium accepit ab emptore, fisco venditor præstat duplum, emptor nihil, exemplo domus venditæ demolienti causa, *l. ult. D. de dam. infecto, l. senatus, D. de contrah. empt.* Donator quoque et donatarius, qui sciunt rem esse litigiosam, fisco conferunt duplum veri pretii, quanti res est. Et ita puniuntur scientes: ignorans autem emptor vel donatarius (nam falsum, quod ajunt Accursius et Joannes Fuher, legem ultimam non distinguere inter scientem et ignorantem donatarium, sed emptorem tantum) ignorans igitur emptor, vel donatarius, qui rem litigiosam accepit a litigatore, et a sciente igitur, tantum abest emptione rescissa, ut teneatur in poenam, ut litigator, qui in eum rem transtulit, teneatur potius emptori reddere pretium conventum, aut donatario verum pretium, quanti res donata est, et hoc amplius tertiam partem pretii, fisco autem duas partes, ut quidam peritissimi viri et acutissimi notarunt hoc loco, teste Accursio: fisco, inquam, duas partes, ita ut sciens plectatur ipso duplum, nimirum prestando ei, quem decepit, pretium rei, et ejusdem quantitatis partem tertiam, et reliquas duas partes fisco pro-

pter improbitatem et reticentiam suam, qui emptori, vel donatori non dixit, se in eum transferre rem litigiosam. Et ita accipienda est *lex ult. hujus tit.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXXVII. De contrahenda, et committenda stipulatione.

Initio 33. tituli, de except. jam dixi (ut constaret vobis ratio dispositionis titulorum) peracto tractatu negotiorum, actionumque civilium, primum proponi exceptiones, quibus actiones civiles vel honorarie excluduntur, deinde vincula et remedia juris, quæ adhibita negotiis et obligationibus civilibus eis adminiculi solent. Hæc juris remedia sunt stipulationes, ut in *l. licet, sup. famil. ercisc. Stipulationis*, inquit, et juris remedio adhibito, id est, stipulationis justæ remedio. Et idem dicitur, stipulationis justæ, stipulationis legibus cognita, *l. 10. hoc tit.* Et vincula obligationum civilium stipulationes sunt, omnes obligationes sunt, vincula. Sed longe plurimum valent vinculorum vincula, quæ stipulationes sunt, vincula et catenæ, ut est in Satyra Horatii.

... m lle adde catenas:

Effugiet tamen hæc sceleratus vincula Proculus.

Intelligit enim stipulationes, quas Jurisconsulti introduxerunt, ut ceteris obligationibus subicerentur, earum adstringendarum et firmandarum gratia, tam civilibus, veluti ex contractibus juris gentium, vel juris civilis, quam naturalibus tantum, veluti ex pactis conventis, unde et nomen traxere. Paulus 8. Sententiarum, *Stipulationes*, ait, *appellatae sunt, quod per eas firmitas obligationum constringitur: stipulum enim*, inquit, *veteres firmum appellabant.* Et quod additur in institutionibus initio tit. de verb. obligat (forte a stipite descendens) debet intelligi, non de quolibet stipite, neque enim firmi et robusti sunt omnes, sed de stipite, cui argilla, vel creta, vel cern superimposita figuli simulacra, aut vasa, quæ lingunt, firmare solent. Verbo (firmare) in ea re Festus utitur: et is stipes Græce ξάραψος dicitur auctore Polluce et Hesychio, et Tertul. *crux*, et patibulum in Apologet. cap. 13. et 16. Stipulationes igitur per se sole non consistunt, sed aliarum obligationum fulcimenta et accessiones sunt, ut

ostendit *l. 5. §. conventionales, D. de verb. oblig.* ut scilicet id, de quo prius inter aliquos convenit, mox verbis quoque stipulationis concludatur, et confirmetur *l. si dominus, D. de praescriptis verbis*, et quae ex priori conventionem, vel causa non competit actio, competat ex stipulatu, vel ut praeter eam, quae competit ex prior causa, competat etiam ex stipulatu, vel ut novatur prior causa. Exemplo sit stipulatio solvendi legati, quae interponitur, vel quod ex testamento peti nequeat, ut *l. fideicommissum, D. de condict. indeb.* vel ut non tantum ex testamento, sed etiam ex stipulatu peti possit, *l. Titius in fine, D. ad Senatuscons. Trebell.* vel ut causa testamenti novetur, *l. 8. §. 1. D. de novat.* et ut etiam ex stipulatu agi possit, quia etiam si alia suppetat actio, et sufficiat, tamen nulla alia actio est, vel bonae fidei, vel stricta, quae sit actori commodior, aptior, utilis ad jus suum obtinendum, et quidem summum, quam actio ex stipulatu: et utique actio stricta semper est melior actori, quam sit actio bonae fidei, tametsi Accursii aliud sit iudicium in *l. si cui §. si Titius, D. de leg. 1.* Sed refellitur, quia in iudicio bonae fidei minima est licentia iudicis, quae res materiam a se praebet gratiae, vel ambitionis, vel sordium. In iudicio stricto nulla, vel arcta admodum est licentia iudicis. Et sic in *l. si vendidero, §. si Titius, D. de furt. et l. cum quis, §. 1. D. de solut.* ostenditur, actori meliorem esse conditionem furtivam, quae est stricta, quam negotiorum gestorum, quae est bonae fidei. Sic fit ut plurimum contractibus bonae fidei subiciantur stipulationes ut etiam ex stipulatu agi possit, si malit actor agere directo et aspero iudicio. Denique ex his, quae diximus hactenus, apparet, stipulationem sine causa aliqua non fieri, quae precedat, vel sequatur, quae subest. Sane, si quando fiat stipulatio nulla existente conventionem, vel causa, per exceptionem doli mali irrita constituitur, *l. 2. §. circa, D. de doli except. l. si stipulatus esses, D. de fidejussor.* Et rectissime Cajus in Institut. *verborum obligati nem, ait, contrahi ex interrogatione dantis, et responsione accipientis.* Verba illa (*dantis et accipientis*) demonstrant, stipulationem pendere ex alio contractu, ex alia conventionem, vel causa, quae precedat stipulationem, vel etiam sequatur, ut si crediturus pecuniam, antequam eam adnumeret, eam sibi reddi stipuletur. Semper enim causa propter quam interponitur stipulatio, intelligitur esse prior, licet tempore posterior ut *l. pretens, sup. de pact. l. 3. §. ult. l. contra D. ad Senatusc. Macedon.* Ex supradictis etiam apparet, cur stipulationes strictae appellantur. Boetius 6. Commentario in Topic. Cic. *In bonae fidei iudiciis, inquit, iudices non strictas inter*

litigantes stipulationes, sed bonam fidem quaerunt. Strictas appellat stipulationes, tum quod alias conventiones adstringant, tum etiam, quod ipsae strictas interpretationes recipiant, ut ostendit *l. quidquid adstringenda, D. de verb. oblig.* et omnium optime *lex stipulatus 44. D. de fidejuss.* Et de vi quidem, natura, et usu stipulationis hactenus. Nunc quia hic titulus duo pollicetur se demonstraturum, ut contrahatur, et ut committatur stipulatio, videamus primum, ut contrahatur. Et hoc nemo ignorat, stipulationem contrahi propriis verbis, hodie quibuscunque verbis ex Constitutione Leonis, id est, ex *l. 10. hoc tit. l. 4. §. si quis autem, sup. de receptis arbitris.* Olim non contrahebatur, nisi solemnibus et directis, ut ait *lex 10. id est, civilibus et legitimis*, quibus scilicet leges et legum consulti uti solent, non vulgariis verbis, sed verbis juris civilis, veluti *spondes? spondeo: fidepromittis? fidepromitto: fidejubes? fidejubeo.* Quare et in contrahendis stipulationibus adhibebantur Jurisconsulti, qui eorum formulas dicerent, vel praerent. Ovid. in Epist. Acontii ad Cydippen.

*Dictatis ab eo feci sponsalia verbis,
Consultoque fui juris amore vaser.*

Significat amorem ei fuisse Jurisconsultum, et dictasse verba sponsionis. Idemque primo Amorum Eleg. 13.

*Atque eadem sponsum consultum ad atria mittis,
Unius ut verbi grandia damnum ferat.*

Nam ex stipulatione obligamur uno verbo, veluti *spondeo*: ut idem Marcus Tullius pro Cecinna: *si quis, inquit, id, quod spondet, quae in re verbo se uno obligavit, non praestat, maturo iudicio condemnatur.* Ergo, quia stipulatio olim non contrahebatur, non fiebat, nisi verbis directis et legitimis, proinde non fiebat, nisi latinis verbis, quia, verba directa sunt Latina, verba juris civilis. Sed postea receptum est longe ante constitutionem illam Leonis, ut et quacunque lingua stipulatio fieri possit utilitatis gratia, quia stipulatio accedit omnibus negotiis jurisgentium aut potest accedere, quae quacunque lingua contrahuntur, et convenientes congruumque est eandem esse accessionis sermonem, et negotii principalis, et ita definitur *l. 1. §. ult. D. de verb. oblig. l. Graece, D. de fidejussor.* Verum hac in re hoc exigebatur alia lingua, si fieret stipulatio, quam Latina, ut, ita fieret, sicut fieri solet Latina: cuius rei argumentum est in *l. an inutilis, in fin. de acceptulat.* Quod hodie tamen Leo non exigit. Idemque ante Leonem receptum fuit, si instrumento cautionis, id est, stipulationis redactae in literas, scri-

plum sit, promississe alicui illud vel illud, nullo alio adjecto, puta eo non dicto, promississe interroganti, vel stipulanti, vel promississe solemniter stipulatione, omnia presumi solemniter acta, praeter ea scilicet interrogationem conceptam verbis directis, et sequentem responsionem congruam et comparantem, si modo (quod notandum) ita ex scripto res gesta sit inter praesentes, quae est sententia *l. 1. hoc tit. et l. Titia, § pen. D. de verb. oblig.* Et hunc modum (si res gesta sit inter praesentes) ex his duobus locis adjectum volo ad *l. sciendum, de verbor. obligat. et § ult. Institut. de fidejussor. et § si scriptum, Instit. de inutil. stipulat.* ubi dicitur *si scriptum sit promississe aliquem, omnia videri transacta solemniter.* Sed addendum omnino *si hoc scriptum sit inter praesentes, non si inter absentes*: nam inter absentes facta stipulatio nullius est momenti. Nam quod fit inter absentes, nudo consensu fit, non verbis. Verba sunt tantum praesentium, mutant verba praesentes non absentes, et stipulationis substantia consistit ex verbis. Praesumptio autem illa non potest fieri invita substantia ipsius rei, invita natura. Ergo non inducitur, nec fit, nisi, ut dixi, ita res ex scripto gesta sit inter praesentes. Et inde si queras, an recte fiat stipulatio per epistolam? dicam intrepide et incunctanter, recte fieri, sed inter praesentes tantum: nec enim absentibus tantum emittuntur epistolae, sed et praesentibus maxime cautionales. Multa genera epistolarum afferunt Rhetores, nostras omittunt epistolae cautionales, quae emittuntur, et exponuntur inter praesentes, ut in hac *l. 1. et in d. l. Titia, § pen.* ponitur, epistolam, qua quis cavet vel promittit alteri, se daturum aliquid, vel facturum, factam fuisse inter praesentes. Recte igitur fit stipulatio per epistolam inter praesentes. Epistolae quaedam sunt cautionales, id est, quae continent stipulationem, quae tantum fiunt inter praesentes, non inter absentes: aliae sunt, quae fiunt et inter praesentes et inter absentes; ut *fideicommissariae*, quas etiam Rhetores omittunt, *l. cum quis, § pater, de leg. 3. l. 7. sup. qui testament. fac. poss.* quibus scilicet quis alteri fideicommissum relinquit praesenti, vel absenti. Et *epistolae conventionales*, quibus paciscimur aliquid cum alio, vel constituimus nos soluturos pro nobis ipsis, vel pro alio, vel contrahimus emptionem, aut venditionem aut locationem, aut alia negotia, quae nudo consensu perficiuntur, ut *l. 2. D. de pact. l. 2. D. de obligat. et action. l. 9. D. de prec. l. qui aut m, § ult. D. de constit. pec.* Et epistolae, quibus libertos nostros aliis assignamus, epistolae *assignatariae libertorum*, quae jus patronatus transferunt in alium, *l. 7. de assign. libert.* et quibus restituimus hereditatem, *l. restituta, D. ad Trebell.*

vel quibus recusamus adire hereditatem, *l. 6. eod.* vel quibus cedimus bonis nostris creditoribus, *l. ult. D. de cess. bonor.* Et haec quidem omnia fiunt per epistolam, sed inter praesentes tantum, non inter absentes. Et ita in *l. ea quae, D. de donat. inter vir. et uxor.* intelligere oportet stipulationem factam fuisse per epistolam inter praesentes, alioquin inutilis esset stipulatio.

Ad L. II.

Si filium tuum, quam in potestate habebas, pecuniam dari stipulatus es: paratam obligationem exercere non prohiberis.

Lex 2. docet, patrem stipulantem pecuniam dari filiofamil. vel filiofamil. sibi acquirere obligationem, quamvis non sibi, sed filio stipulatus sit, et ex ea stipulatione agere posse. Ratio haec redditur in *§. si vero, Instit. de inutil. stipul.* quia, inquit, *vox patris, tanquam vox filii est*, id est, ipse filius sibi stipulatus intelligitur: ergo tanquam per filium patri confestim obligatio acquiritur, sicut si ipsemet filius sibi dari stipulatus esset. Vinculum potestatis unius vocis, et unius personae intellectum inducit, sicut in domino et servo, *l. si servus communis, D. de dam. inf.* Ut ex contrario solutio potestatis, veluti emancipatio, aut manumissio dividit personas patris et filii, domini et servi, *l. si Pamphilo, D. de opt. leg.* et Theophilus noster in *§. an servo, Instit. de legat.* Et in iis causis etiam, in quibus filiusfamil. pro patrefamil. habitus, non acquirit patri, ut in causa castrensis, vel quasi castrensis peculii, sane duae intelliguntur esse personae, patris et filii, atque adeo, si ex causa castrensis peculii, quod pertinet ad filiumfamil. pater filio dari stipuletur, nihil agit, quia stipulatus videtur alteri, et extraneo *l. 18. §. 1. D. de castrensi pecul.* Et certissimum est, alteri factam stipulationem, id est, extraneo sui iuris, non homini nostro iuri subjecto, aut cuius iuri nos subjecti non sumus, nullius momenti esse. Item in iis, quae sunt facti, id est, quae in actu filii consistunt, dividuntur personae patris et filii, quia facta naturalia sunt, et fictione iuris non natura. pater et filius unius personae loco sunt. In iis igitur, quae natura constant, et in quibus natura sola valet, et spectatur, utique semper distinguimus personam patris a persona filii, ut si filius stipuletur *sibi soli ire agere licere per fundum L. Titii*: vel, *sibi soli tenere licere fundum Lucii Titii*, quo genere nudum factum in stipulationem deducitur, nuda intentio, nuda actus, nuda detentio, soli filio ire, agere, aut tenere licet ex ea stipulatione, non patri, *§. sed cum factum. Instit. de stipulat. servor. l. stipulatio ista, §. si qui sunt, D. de verb. obligat.* quia naturaliter fa-

etiam coheret personae facientis, aut electi ad faciendum, nec divelli ab ea, et in aliam personam transire potest: jus facile commeat a persona in personam, factum non item: ut mortuo testatore jus hereditatis edite protinus transit, in heredem possessio aequae non transit, quae facti est, nisi sit apprehensa corpore heredis. Et similiter factum, quod alius explere debet in personam filii non potest explere in personam patris, in cuius potestate est: ut si quis a testatore conditionis implendae causa jussus sit dare, tradere, vel solvere filio Titii, soli filio dare, tradere, vel solvere debet, non patri. *l. qui heredi, D. de condit. et demonstr.* quia factum ita coheret personae facientis, ut si collatum sit in aliam personam, id is, qui facit, qui factum explet, explere tantum possit in personam, in quam collatum est: et consequenter, si pater stipulatur filio ire, agere licere, aut tenere rem illam licere, quae facti sunt et corporis, omnino inutilis est stipulatio, *l. quod dicitur, D. de verb. obligat.* Ratio haec est, quia ex ea stipulatione, neque pater, neque filius agere potest. Ergo est inutilis. Non pater, quia factum adjectum est personae filii, non patris. Denique ex ea stipulatione frustra ageret pater, quia ex ea ei ire, agere, aut tenere non licet, sed filio tantum. Non potest etiam ex ea agere filius, alioqui per patrem videretur filio acquiri obligatio, quod est absurdum. Filii est acquirere patri, non patris filio, *l. cum dos, D. de pact. dotat.* Et e contrario, si filius stipuletur factum patri, patri ire, agere, aut tenere licere, proculdubio haec stipulatio per filium acquiritur patri jure potestatis, *d. l. quod dicitur*: ait autem haec lex 2. patrem stipulatum filiofamil. pecuniam dari: quid si fieri filio, vel filiofamil. puta domum edificari filiofamil. Et placet hanc quoque obligationem, sive stipulationem acquiri patri, perinde atque si filius ipse sibi fieri stipulatus esset, *l. quod omnique, in princ. D. de verb. obligat.* Nam factum filii hac stipulatione non continetur, sed promissoris tantum. Et tale est factum, edificatio domus, ut in personam filii ipsum non expleatur, sicut traditio et solutio. Denique hac stipulatione jus solum confertur in filium, et mox a filio transit ad patrem.

Ad L. III.

Si cum pecuniam tuam crederes, accommodato nomine Juliani stipulatio in personam ejus absentis directa est: cum nihil sit actum ea verborum conceptione, intelligis superfluisse tibi rei contractae obligationem, ac propterea, si pecuniam a debitore tuo Julianus exegerit, eam

que solutionem ratam habuisti, habes adversus eum negotiorum gestorum actionem.

Species legis tertia haec est: Lucio Titio credidi pecuniam meam meo nomine, et stipulatus sum eam reddi Juliano cuidam absentem et ignorantem: inutilis est stipulatio, quia alteri, id est, extraneo, in cuius potestate non sumus, vel quem in potestate non habemus, frustra stipulamur, ex regula juris. Consistit tamen obligatio mutui: nulla est stipulatio, manet tamen et competit mihi condictio creditae pecuniae adversus Lucium Titium. Denique verbis contractae obligatio non consistit, re contracta obligatio consistit, nec inutilis utilem vitiat. Quod si forte L. Titius Juliano solverit pecuniam lex ait, Julianum mihi teneri actione negotiorum gestorum, si solutionem ei factam ratam habuerim, ut mihi restituat, quod perceperit. Quae postrema pars hujus legis repetita est in *l. si pecuniam, in p. de negot. gest.* Quae tamen alii inscripta est, nempe, Salustio, haec Hadriano, nec scio unde error proficiscatur. Nam illa pars est istius. Posui (quod etiam lex ponit) me stipulatum absentem Juliano, sed hoc arbitror legem sumere ex facto proposito: nam idem est si stipulor praesenti Juliano. Denique alteri stipulari non possum, neque absentem, neque praesentem, quia neque si praesenti sim stipulatus, potest videri ille stipulatus, qui praesens fuit et tacuit: nam in stipulationibus sermone opus est stipulantis: qua de causa mutus inutiliter stipulatur mutui, vel quo alio signo, *l. 1. ff. de verb. oblig.* Ergo ita constituo, alteri absentem, vel praesentem neminem utiliter stipulari posse. Posui etiam cum Accursio, me pecuniam meam credidisse meo nomine: nam si nomine Juliani credidissem, Juliano competeret condictio certi *l. certi, §. si nummos, ff. de reb. cred.* quam etiam notavit Accursius. Et tamen lex certi conditionem ex enumeratione pecuniae aperte dicit mihi competere, non Juliano. Et illa verba legis (*debitore tuo*) demonstrant etiam mihi creditam pecuniam deberi, non Juliano. Et quod subjicitur, *non recte solvi eam pecuniam Juliano, nisi ratam fecero solutionem*, etiam demonstrat, mihi non Juliano ex enumeratione debitam fuisse pecuniam. Et secundum hoc, quod satis jam comprehensum est in *d. l. 3.* verbum (*credideris*) est subtilizingendum, et tollenda est subtilis distinctio a nomine Juliani, ut ita omni no sit eadem species hujus legis, quae *l. certi, §. quoniam, ff. de reb. cred.* Glossa in verbo (*directa est*) recte ait: *Nota, quod hic tenuit obligatio contracta re non verbis: hoc est verum. sed quod postea subjicit: et praeterea, aut in dando, aut in faciendo consistit, etc.* Ea omnia obliuenda sunt, quia neque mentem ullam habent, neque rei propositae conveniunt. At alia Glossa recte ponit Julianum exegerit, eam

pecuniam nomine meo, ex quo sequitur, me cum eo recte agere negotiorum gestorum, ut reddat pecuniam, quam recepit meo nomine. Ultima autem glossa tentat, Julianum, qui exegit pecuniam a me creditam Lucio Titio, qui enim exegit meo nomine, mihi teneri mandati, non (ut lex sit) negotiorum gestorum ex regula jur. *l. semper, qui non prohibet, D. de reg. jur.* Qui ratum habet, quod gestum est, mandati obstringitur: ego ratum habeo solutionem factam Juliano. Ergo mandati tenor. Et in hac re explicanda, sive diluenda valde laborant tum hoc loco, tum in *d. l. si pecuniam*. Sed nihil est, quod tam facile possit expediri: de eadem re non est absurdum, si datur et negotiorum gestorum, et mandati actio, etsi sit in arbitrio actoris, utra milit uti, negotiorum gestorum, quod res gesta sit sine suo mandato, vel mandati, quod ratihabitio mandato comparetur, et retrotrahatur. Ergo quæ lex dat actionem negotiorum gestorum, non ideo denegat mandati actionem: vel contra, quæ dat mandati, non ideo denegat actionem negotiorum gestorum. Sed est in potestate actoris, ex eadem causa, hæc, vel illa experiri, quia et ratihabitio pro mandato est, et ita in *l. 5. D. de except. rei jud.* proponitur, cum qui egit de eadem re mandati, postea agere negotiorum gestorum, et tamen repellitur exceptione rei judicate, quia licet agat alia actione, tamen agit eadem de re. Quod fuisse in formula Jurisconsultorum, in formula nimirum exceptionis rei judicate M. Tullius indicat *§. de fin. l. 1.* *Ut in actionibus,* inquit, *prescribi solet, de eadem re egit alio modo.* Et *13. epist. scribens ad Jurisconsult.* Servium Sulpitium, *ut in formulis vestris, sic ego in epistolis, de eadem re alio modo,* quæ res non impedit exceptionem rei judicate. Utut sit, verissimum esse hoc constat ex *d. l. 5.* in arbitrio esse actoris, de eadem re, qualiscunque illa sit, ut agat mandati aut negotiorum gestorum, si ratum habuerit quod gestum est.

Ad L. IV.

Secundum responsum Domitii Ulpiani præfecti annonæ, Jurisconsulti amici mei, ea quæ stipulata est, cum moreretur, partem dimidiam dotis, cui velit relinquere, reddi sibi cum moreretur, eam partem dotis stipulata videtur.

Est singulare in *h. l. 4.* responsum Ulpiani, quod non exstat alibi: et ex eo responso Alexander Imperatorem, de qua rogatus fuerat, dirimit: quem etiam *h. lex 4.* indicat, fuisse præfectum annonæ sub Alexandro, his verbis: *Domitii Ulpiani præfecti annonæ, Juriscons. amici mei,* ut hodie principes nostri etiam solent scribere, *à nostre amé, et feal,* ut in *l. Divi, D. de jure patr. et l. ult. D.*

de offic. præfect. vigil. et l. 1. §. denique, de appell. l. 1. C. Hermog. ex delict. defunct. l. 1. C. Greg. si adversa, donat. et Treb. Pollio in Claudio, Gratianus Imperator Claudio Duci Illyrici parenti, et amico suo. Alia lex Alexandri nempe *l. 14. sup. de loc.* ostendit etiam, Ulpianum fuisse præfectum prætorio sub Alexandro. Et Lan-prædix etiam, et idem magistrum aerarii. Et solus Zosimus auctor est, quod nemo intellexerat ante editionem Zosimi, ut Papinianum; sic etiam Ulpianum fuisse occisum a Prætorianis militibus seditione motis. Singulare autem responsum Ulpiani est, ut si mulier stipulata est a marito cum moreretur partem dimidiam dotis reddi ei, cui ipsa vellet relinquere: incertæ igitur personæ, ut valeat stipulatio, quia hoc genere, non alteri, sed sibi ipsi videtur stipulata: ideoque si eam partem nulli reliquerit testamento, vel codicillis, transmittet stipulationem ad legitimum heredem, quia non est inutilis, cum hoc genere sibi ipsi videatur stipulata, cum est stipulata ei, cui illa moriens vellet relinquere.

Ad L. V.

Nuda pollicitatione, secundum ea, quæ sæpe constituta sunt, ad præstanda ea, quæ promiserat, urgeri quæquam non semper jura permittunt. Verum quoniam præterea si contra pactum fecerit, quanti ea res est, dari tibi stipulanti, adversarium tuum promisisse proponas: hujusmodi etiam obligationis post motam litem extitisse conditionem, et ejus summus, quæ in hac quoque stipulatione continetur, petitioni locum factum esse convenit.

Superiores leges fuerunt de contrahenda stipulatione: lex *5.* de committenda stipulatione: committit stipulatio, cum ex ea agi potest. Puta igitur stipulatio committitur statim: conditionalis, cum conditio extiterit: concepta ad diem, cum dies venerit. Lex *5.* est de stipulatione condicionali, cui injecta est hæc conditio, *si adversus pacta conventa factum erit.* Et ait initio nuda pollicitatione ut ex pacto nudo non nascitur actio, quæ regula juris dicitur in *l. jurisgentium, §. idem responsum D. de pact.* et *ἐνυπόθετον ψάπρον* in *Novella Leonis 72.* ita ex nuda pollicitatione etiam non nascitur actio, aut nullo minus nascitur. Paulus *5.* Sententiarum ex nuda pollicitatione, inquit, nulla actio nascitur. Et ideo subiicit ibidem Paulus id, quod est in *l. ult. D. qui testam. facere poss.* bona ejus, qui se Imperatorem heredem facturum jactaverat (quæ jactatio pollicitatio est) non posse a fisco vindicari, quia ex nuda jactatione, sive pollicitatione non nascitur actio. Differentia inter pactum

et pollicitationem nota est ex *l. pactum, D. de pollicit.* Pactum est, quod placuit inter duos, pluresve. Pollicitatio est solius offerentis promissio. Ceterum ut pactum saepe transit in contractum, *l. si unus, §. idem dicemus. D. de pact. pactum*, inquit, proficit ad novum contractum. Quare fit, ut eadem conventio, veluti arre datio, modo appelletur pactum, modo contractus, quia ex pacto abiit in contractum, ex pacto exiit contractus, *l. 2. sup. quando liceat ab empt. disced. l. contractus, sup. de fid. instru.* Ita pollicitatio saepe transit in pactum, vel in contractum. In contractum, ut in specie *l. ult. §. ult. de obl. gat. et act.* quae est elegantissima: si ultro per epistolam tibi polliceor salarium tot aureorum quotannis, si distracta omni re tua ad me venias, operas mihi praestaturus illas vel illas, et tu distracta omni re tua veneris, pollicitatio transit in contractum, quia ex parte tua sumpsit effectum, quoniam distraxisti omnia tua, et venisti ad me: et ideo salarii nomine tibi in me competit actio praescriptis verbis, quasi ex articulo *do ut facias*, ut in *l. cum mota, sup. de transact.* quia inspicitur ratio initi, non impleti contractus. Initus autem ita fuit, *Dabo salarium*, et licet tu coeperis facere pro tua parte, quod volui, priusquam darem salarium, tamen res non dicitur gesta hoc modo, *facio ut des*, ex quo articulo non datur actio praescriptis verbis, sed inspecto initio, ut in *d. l. cum mota*, res ita gesta dicitur, *do ut facias*, ex quo negotio constat nasci actionem praescriptis verbis. Pollicitatio autem transit in pactum, si quod ultro tibi pollicitus sum per vultum, vel per epistolam, tu ratum acceptumque habuisti, ut in *l. qui negotia, D. mand. l. 15. D. de fund. dot.* Et hoc casu eadem conventio et pollicitatio, et pactum dici potest pollicitatio, inspecto initio, pactum, inspecto exitu, quia pollicitatio describit in pactum, ut in hac lege, ubi eadem conventio dicitur nuda pollicitatio, et nudum pactum. nimirum re gesta in hunc modum, et haec est species legis: *Quod tibi sum pollicitus: fingo, quod voles. cumque tu ratum habuisti atque ita hac de re confectum est pactum inter me et te, cui mox subiecta est stipulatio, non poenalis, ut Bartol. ait, sed quanti interest, ita scilicet, ut si contra pactum facerem, quanti ea res esset, tantam pecuniam darem adscripta certa summa, ut suadet lex ult. ff. de praetor. stipulat.* Male enim glossa, huius stipulationis summam fuisse incertam. Porro haec stipulatio committitur agente te ex pacto, ita scilicet ut vel pacto paream, vel ex stipulatione praestem id quod interest, aut eam summam, quae vice est ejus quod interest, et in stipulatione laxata, et comprehensa est, ut in *l. si pacto, sup. de pact.* Ita, inquam, agente te, stipulatio committitur, si pacto non pa-

ream. Denique committitur stipulatio, lite de pacto, et de summa stipulatione comprehensa, mota, ut ait, id est, contestata: semper enim invenio litem motam accipi pro contestata, ut *l. postquam liti, sup. de pact. et l. si sine, §. Marcellus, D. rem rat. hab.* Et ita recte dicitur in *l. cum quarebatur, §. proinde, D. judic. sol.* stipulationem ob rem non defensam, quanti ea res est, id est, quanti interest, re non defensa, prolinus non committi, sed lite contestata ex ipsa stipulatione. Et ita in specie proposita, lite contestata ex pacto, simulatque ex ipsa stipulatione, continuo plane committitur stipulatio, quasi existente conditione stipulationis; non potest quidem agi ex pacto nudo per se solo. Fateor, quod haec lex ait saepe constitutum fuisse, id est, habuisse in regulam juris, ut ex nuda pollicitatione, et pacto, non semper, inquit, nascatur actio. Et ait, non semper, quia excipiuntur certi casus. Et eadem forma loquendi (*non semper per liberam personam acquiri obligationem*) *l. solutum, §. pen. ff. de pignor. act. l. per procuratorem, de procur.* Sed nihilominus lite mota de pacto, et de stipulatione, quanti ea res est simul, si non agnosco bonam fidem, si non sto conventis, si refugio pacti conventionem, statim planum fit, et indubitatum, commissam esse stipulationem, quanti ea res est, quia extitit conditio stipulationis, id est, quia admonitus iudicio, pacto non parui. Et haec est sincera huius legis interpretatio ad quam nemo propius accessit, quam Joannes.

Ad L. VI.

Scire debuisti, quae sub transactione dari placita sunt, certi, vel incerti stipulatione subsequata, peti posse.

Lex 6. docet, transactioni factae pacto convento solere subijci stipulationem, ut quae ex pacto nasci non potest actio, nascatur ex stipulatu. Quod etiam ostendit *l. juris gentium, §. quod fere, ff. de pact.* Et Paulus 2. Sentent. Omnibus, inquit, *pactis stipulatio subijci solet, ut ex stipulatu actio nasci possit: et eam stipulationem, aut esse certi, aut incerti, ut l. stipulationum, ff. de verb. obligat.* Certi esse, si certam summam comprehendat, ut posui in *l. superiore: incerti esse, si incertam summam, veluti quanti ea res est, non adjecta certa quantitate, l. non autem, ff. de recept. qui arbitr. recept.* Et ex hac stipulatione incerta proprio nascitur actio ex stipulatu ex certa autem certi conditio, *l. si quis certum, ff. de rebus creditis.*

Ad L. VII.

Neque tutoris, neque curatoris absentia quicquam stipulationi nocet: cum et feminam minorem 25. annis absente curatore stipulari posse non ambigatur.

Lex 7. docet, recte pupillum, et minorem 25. annis, stipulari sine tutoris, vel curatoris auctoritate, et repetita est ea lex, aut portio ejus in l. 1. sup. de auctor. præst. Recte autem ait, stipulari, quod est interrogare promissorem: nam pupillus non potest promittere sine tutoris auctoritate. Et hoc fit, quod legitur in Institut. de auctoritate tutorum, pupillum meliorem suam conditionem facere posse sine tutoris auctoritate, deteriores vero non aliter quam tutoris auctoritate. Pubes autem minor viginti quinque annis, ex l. Lætoris promittendo non obligatur cum effectu. Suetonius 4. Prætorum. Lex Lætoris, inquit, vetat minorem 25. annis stipulari, quod verbum eo loci accipitur in patiendi significatione, pro interrogari, ut priscianus docuit, quo auctore etiam Glossa utitur in hanc rem in §. præterea, Institut. quib. mod. toll. obligat. ubi tamen ea glossa male verbum (stipulatus) accipit passive cum sine lesione ulla sensus, aut contextus, rectissime accipitur active. Sed sunt tamen plures alii loci, in quibus id verbum passive accipitur manifestissime, ut in l. si non sortem, §. si decem, ff. de cond. indeb. l. ult. in fi. de administr. tutor. l. 7. de eo quod cert. lo. l. 5. §. pen. de solut. et etiam in l. 112. §. ult. ff. de verb. obligat. Quia autem l. Lætoris, ut Suetonius ait, minor 15. annis non obligatur utiliter, ideo apud Plautum in Ruden's, is, quo cum agitur ex stipulatu, has exceptiones habet, ni dolo malo instipulatus sis, nive etiam dum siem 25. natu. annos, et quæ ab eodem in Pseudolo dicitur lex quinquagenaria, ea proculdubio est lex Lætoris: a qua etiam dicta est ætas legitima, ætas 25. annorum, ut aperte ait lex 2. C. Th. de donat. intra annos legis Lætoris, inquit, constitutus, id est, vicesimum quintum. Et de lege Lætoris non ita dudum recte accipi l. 7. in fi. ff. de except. dum docet minori 25. annis circumscripto, quo verbo utitur, subveniri data exceptione, nimirum ex lege Lætoris, qua nominatim M. Tullius scripsit lib. de Offic. vindicari circumscriptionem adolescentium. Sed quod Suetonius lege Lætoris caveri ait, ne minor 25. annis stipuletur, id est, ne interrogetur, ut promittat aliquid: quibus verbis significari videtur, minorem viginti quinque annis ex stipulatu non obligari: hoc pugnat cum l. puberes, ff. de verb. oblig. quæ aperte ait, puberes minores 25. annis, etiam sine curatoribus suis, etiam sine auctoritate curatorum, quos habent, obligari

ex stipul. Unde constituenda est differentia inter pupillum, et minorem viginti quinque annis: nam pupillus sine tutore suo non obligatur ex stipulatu: minor obligatur, quæ nova videri non debent. Nam et aliam in stipulationum causa invenies differentiam inter pupillum, et puberem minorem, quam 25. annis natum in l. ult. §. pupillus, ff. de verb. obligat. ubi ait, pupillum, qui est in patris potestate ne auctoritate quidem patris obligari ex stipulatu: puberem obligari tanquam patremfamilias ex stipulatu. Et ita invenies etiam, non pupillum, sed puberem minorem viginti quinque annis, novare posse obligationem, non adhibito curatore, et ita facere conditionem suam deteriores l. 9. ff. de novat. Unde ita constituamus: obligari quidem minorem viginti quinque annis ex stipulatu, etiam non adhibito curatore suo, sed ex lege Lætoris restitui posse in integrum, atque ita nullum erit dissidium. Sed rursus objicitur lex 3. sup. de integr. rest. min. quæ minore 25. annis vendente res suas mobiles (nam immobiles non possunt vendi sine decreto) ait, ipso jure nullum esse venditionem, quam fecit sine curatoris auctoritate. Ergo non esse necessariam restitutionem in integrum. Nil moveor illa lege, quia non loquitur de stipulatione, sed de venditione rerum minoris ab eo facta sine auctoritate curatoris, quam ait ipso jure irritam esse. Cur vero ita? quia rerum administratio non pertinet ad minorem, sed ad curatorem, quem habet: et consequenter ita sensui semper, ex causa administrationis susceptæ, vel assumptæ a minore viginti quinque annis sine curatore suo, ut puta in ea specie, ex causa venditionis rerum suarum, cum non obligari empti venditi. Hoc enim est consequens, ut si ipso jure nulla est venditio, nullo jure obligetur minor, qui vendidit sine curatore suo. Et addi potest ratio, quia obligatio empti venditi est juris gentium, l. 1. §. 1. de contr. empt. quo jure non minus exigitur auctoritas curatoris, quam tutoris. Obligatio autem verborum est juris civilis, et solemnitatem juris desiderat, ad quam inutilis est auctoritas curatoris, ad solemnia juris non adhibetur curator, l. cum in una, §. ult. ff. de appellat. Et ita liquido hæc res est diluenda, et explicanda. Agamus iterum ea de re, Lex Lætoris (ut Suetonius scribit) vetat minorem viginti quinque annis stipulari, id est, interrogatum, vel interrogatam respondere stipulanti. Et in femina quidem minore viginti quinque annis verum est, eam interrogatam, et promittentem stipulatori, non obligari sine tutoris auctoritate. Ulpianus libro Regularum titulo undecimo: tutoris auctoritatem necessariam esse mulieribus, si se obligent, vel si civile negotium gerant. Idemque indicat hæc l. 7. cujus duæ sunt partes. Primæ partis verba hæc sunt: neque tuto-

ris, neque curatoris absentia. Quæ verba proprie pertinere ad pupillum, qui tutorem, vel curatorem habet, demonstrat ea pars legis relata integrè in l. 1. *sup. de auctorit. præst.* ubi adiunguntur hæc verba: *neque tutoris, neque curatoris absentia quicquam stipulationi pro pupillo habet & nocet, et cet.* Nam quod vulgo additur (*vel adulto*) spurium est, ut probant omnes veteres libri, a quibus, et recte, absumit illa verba (*vel adulto*) Ergo prior pars legis pertinet ad pupillum tantum, non ad puberem, sive adultum. Posterioris autem partis verba hæc sunt: *Cum et scæminam minorem viginti quinque annis, et cet.* Quæ verba ex contrario nobis argumentum præstant, ut non possit scæmina minor viginti quinque annis stipulanti promittere sine tutore suo (ut olim mulier etiam pubes fuit in perpetua tutela) vel hodie sine curatore suo. Cur vero ait *scæminam minorem*? nisi quia marem minorem viginti quinque annis, verum est sine curatore suo ex stipulatu obligari, id est, sine auctoritate curatoris, quem habet, l. *puberes, ff. de verb. oblig.* sed obligato ex stipulatu succurritur, primum decepto in re ipsa, non dolo adversarii, subvenitur data restitutione in integrum: circumscripto autem dolo adversarii subvenitur lege Lætoria, data præscriptione l. 7. in *fi. de except.* quod etiam innuit inscriptio d. l. *puberes*, quæ est de *præser.* et ut dicebam nullius in terris, Comœdia Plauti, quæ stipulationi hæc addit præscriptiones, sive exceptiones: *Ni dolo malo instipulatus sis, sive etiam dum siem quinque, et viginti natus annos.* Neque novum est hæc in re distare puberem a pupillo, quem constat non obligari ex stipulatu sine tutoris auctoritate: nam et in aliis rebus in hac ipsa causa stipulationum plurimum inter se distant, ut in l. ult. §. 1. *ff. de verb. oblig.* Pupillus, qui est in potestate patris, non auctore quidem patre ex stipulatu obligari potest, quod etiam rescriptum est in *Inst. §. pupillus, in fine, de inutil. stip.* At pubes perinde ac paterfamilias ex stipulatu obligari potest, vel adhibito patre, vel non: sicut, vel adhibito curatore, quam habet, vel non, d. l. *puberes.* Et alia etiam differentia notatur in l. 9. *ff. de novat.* Pupillus sine tutoris auctoritate novare obligationem non potest, quod etiam ostendit *lex 20. §. 1. eod. tit.* Pubes novare obligationem potest, quod sit per stipulationem, nec in eam rem exigitur, ut puberi novanti curator auctor adhibeatur. Ergo hæc sunt tres differentie in causa stipulationum inter pupillum et puberem minorem viginti quinque annis: extra causam stipulationis, ut ostendi in d. l. *puberes*, etiam in aliis quamplurimis inter se distant pupillus et pubes: ut ecce debitor recte non solvit pupillo, quod ei debet sine tutoris auctoritate: recte solvit puberi, etiam non

adhibito curatore, sed adversus solutionem minor potest restitui in integrum: quod si solutio ei sit adhibito curatore, non solet restitui in integrum quia recte facta est. Et non potest negari, sine manifesta calumnia, hoc ita proponi in l. ait prætor, *ff. de minor.* Et præterea pupillus debitori suo iurandum deferre non potest sine tutoris auctoritate, l. 17. §. 1. *D. iurejur.* In pubere autem deferente iurandum non exigitur auctoritas curatoris, l. 9. §. si minor, *ead.* Item ex causa fideicommissi pupillus non recte restituit hereditatem sine tutoris auctoritate: puberi ad eam rem non est necessaria curatoris auctoritas l. 1. §. fuit, *ff. ad S. natusc. Trebell.* Pupillus non potest aliam hereditatem sine tutore suo: contra pubes potest sine curatore suo: nam ad adeundam hereditatem, quod fiebat solemniter, inutilis est auctoritas curatoris, l. cum in una, §. ult. *ff. de appellat.* Item obligatio pupilli, pupillo interpellato non perpetuatur, nisi adsit tutor cum interpellatur pupillus, l. 24. *ff. de verb. oblig.* Præsentia tutoris exigitur in interpellatione pupilli, quæ nunquam exigitur in interpellatione puberis, id est, non exigitur curatoris ejus præsentia. Ac postremo si navem exerceat pupillus, non etiam si pubes, invenio exigere auctoritatem tutoris, non etiam curatoris, l. 1. §. exercitorem, *ff. de exercit. act.* Verum supradictæ legi *puberes*, quæ statuit, puberem obligari ex stipulatione interposita sine curatoris auctoritate, quem habet, obijciatur l. 8. *sup. de in integr. restit.* quæ in re est omnis labor hujus quæstionis. Lex tertia ait, *si curatorem habens minor 25. annis post pupillarem ætatem res vendidisti, hunc contractum servari non oportet.* Sententia ergo hæc est, puberem habentem curatorem, vendentem res suas sine curatore suo, nihil agere, nullam venditionem contrahere, quia minor, qui habet curatorem, est similis prodigo, cui prætor bonis interdixit, dato curatore. Videamus, an recte d. lex tertia obijciatur legi *puberes.* Lex *puberes* loquitur de stipulatione: lex tertia non loquitur de stipulatione, sed de venditione, et alienatione rerum minoris 25. annis: nam etsi lex dicat tantum, *vendidisti*, quid velat me subintelligere et *tradidisti*, et contractus nomine, contractum impletum intelligere, impletum traditione: illo loco legis tertiæ, quod subaudire licet in jure plusquam mille locis, e quibus vel unum notare putidum est, et in eo arguari sophisticum. Porro venditio illa, et alienatio, quam fecit minor curatorem habens sine curatore suo, ipso jure nulla est, ut ait *lex 3.* hac ratione, quia rerum administratio non pertinet ad minorem, tametsi dominus sit earum rerum sed ad curatorem suum. Quam rationem spectasse Imperatorem in l. 3. prodigi comparatio demonstrat,

cui etiam jus rerum suarum administrandarum non competit. Et consequenter si venditio ipso jure nulla est, nec ex causa venditionis factae sine curatoris auctoritate minorem obligari, quivis etiam me taceente intelligit: quia nullius contractus nulla potest esse obligatio. Et arbitrari me aliter sensisse, arbitratus est non sani hominis. Ceterum extra rerum suarum administrationem et alienationem, et negotia civilia juris gentium, quale est negotium emptionis venditionis, ex aliis causis, quae solemnitatem juris desiderant, ut si masculus minor 25. annis dotem dicat, quod fiebat adhibitis solemnibus juris quibusdam, vel si adeat hereditatem, quod etiam desiderabat solemnitatem juris, vel si creditori stipulanti promittat, quod etiam fiebat solemniter, ita sensi eum obligari per se solum nullo auctore adhibito: quia ad solemnia juris soli tutores adhibentur, quos pubes masculus non habet: curatores vero, quos habet non adhibentur ad ea solemnia, d. l. cum in una, §. ult. l. curatorem, ff. de auct. tut. Et quod objicitur, alienare minorem viginti quinq;ue annis videri, si solutam sibi pecuniam a debitore accipiat: recte, sine curatore suo, quia alienat obligationem, accipiendo solutam pecuniam. Hoc est verissimum. Sed quia solutio accipienti est acquisitionis species, quia acquirit dominium ejus rei, vel pecuniae, quae solvitur, nil videtur amittere, qui recipit quod sibi debetur, et quatenus id sibi acquirit, quod solvitur ea parte, etque ratione, solutio tanquam acquisitio spectatur potissimum, et valet ipso jure, etiamsi facta sit non adhibito curatore: cum et Marcus Tullius auctor sit in Topicis mulieri puberi recte solvi pecuniam sine tutoris auctoritate. Eademque ratio est jurisjurandi delati a pubere minore viginti quinq;ue annis, quia jurisjurandum solutionis loco cedit, l. 27. de jurejur. l. Stichum, §. naturalis, D. de solut. (ut ante dixi) ex causa fideicommissi minor restituit hereditatem, sine curatoris auctoritate, ut l. 1. §. fuit, ad Trebell. quia (ut et retractarii agnoscunt) restituendo hereditatem ex fideicommisso minor nil alienat de propriis bonis, sed de bonis defuncti. Verum in hoc manifesta calumnia mihi falso imponitur, quod recte solvatur minori, quod recte jurejurando solvat, quod recte restituat hereditatem, quod recte adeat hereditatem sine curatore suo, ex eo me colligere minorem 25. annis obligari sine curatore suo, quod nemini sano ita colligere contigit, aut sobrio, aut sicco, sed manifesto in d. l. puberes, haec protuli in medium, ut inter pupillum et puberem, quot quantaeque differentiae essent, demonstrarem.

Ad L. VIII.

Non moriturum praestari servum, impossibilis

promissio est. Post mortem autem ejus stipulatus, recte solutionem postulat.

Ad leg. octavam notanda sunt, hanc stipulationem, illum hominem non moriturum, aut non moriturum hominem dari, non valere, quia impossibilis est, cum neque praestari aestimatio possit. Immortalitas enim est res inestimabilis. At si quis stipuletur hominem sibi debitum, ex causa furtiva, quem scit esse mortuum, aut post moram defunctum, valet stipulatio, ut in l. inter, §. pen. ff. de verb. oblig. l. cum qui §. 1. ff. de jurejur. Dico debitum quia sine causa debiti stipulatio non consistit. Ea vero stipulatio hominis mortui valet, et in aestimatione consistit, non in corpore, quod praestari non potest. Et hoc ita etiam a contrario sensu demonstrat §. 1. Institut. de inutil. stipulat. quia dum ait, inutilem esse stipulationem: si quis stipuletur Stichum, qui mortuus sit, quem vivere crederet, ex diverso innuit, eum, qui sciens stipulatur Stichum sibi debitum, quem scit esse mortuum, non inutiliter stipulari, et Stichi aestimationem peti posse. Et ita etiam, ut additur in hac lege, si quis stipuletur Stichum sibi debitum (nam omnis stipulatio causam exigit) Stichum, inquam, sibi debitum dari cum mortuus erit, valet, quasi sub alia quavis conditione stipulatione concepta, argum. legis 20. ff. de verb. obligat. Et hoc est, quod ait lex octava: Eum, qui stipulatus est, servum post mortem ejus servi, recte solutionem postulare. Et delenda omnis glossa Accursii in hunc locum. Ad l. 8. ne quid desideretur, hoc unum addam, haec verba, post mortem autem ejus stipulatus, sic esse interpretanda, ut valeat stipulatio, et possit ex ea peti aestimatio servi, si quis stipulatus sit, Stichum sibi debitum dari, cum is mortuus erit, quasi stipulatione facta sub conditione si morietur vel cum morietur, quod idem est, l. quodcumque, ff. pen. ff. de verb. oblig. Et valere hanc stipulationem, sicut factam sub qualibet alia conditione, argum. leg. 20. de verb. obligat. probavi. Et haec est vera interpretatio, nam haec verba, post mortem autem ejus stipulatus, si ita interpretemur, quod sane verba non refugiant, ut valeat stipulatio, si stipuler hominem mortuum, quem scio esse mortuum, si hanc potius admittamus interpretationem, quam (ut dixi) etiam verba ferunt non minus, quam illam, omnis multa erunt supplenda, quae non debuit lex omittere, si hanc mentem habet. Erit nempe subaudiendum, hominem mortuum deberi ex causa furtiva, quia fur non liberatur morte servi furtivi, l. ult. ff. de condict. furt. vel etiam erit subaudiendum ex alia causa debitum hominem fuisse mortuum post moram debitoris, l. si ex legati causa, ff. de verb. obligat. Et haec ita subau-

dienda forent, ut ostendit *lex inter*, §. *pen. ff. eod. et lex cum qui*, §. 1. *ff. de iurejur.* quas adduxi ante, et adduxit etiam gl. *sa* hoc loco: igitur ne tot verba omisisse *lex* videatur, ne tot suppleamus, melius est priorem interpretationem, ut simpliciore, amplecti.

At L. IX.

S quidem Zenoni stipulanti mortis, vel cruciatu corporis terribili timore spoliandisti; adversus experientem exceptione proposita defendi potes. Si vero nihil tale probetur, accusationis institutæ, vel futuræ prætextu, non ob turpem, sed probabilem causam habita stipulatione, promissio non infirmatur. Sin autem ob non institutum iam accusationem criminis pecunia promissa sit, cum de huiusmodi causis pacisci non liceat, pretio denegatur.

Ex hac l. intelligimus ex stipulatione metu extorta, nasci quidem actionem, sed eam repelli exceptione metus, ut *l. pen. tit. seq. l. 1. sup. de iis quæ vi, met. caus.* Et metum definiit hæc *lex*, non quemlibet timorem, sed mortis; vel cruciatu corporis timorem, ut in *l. 3. ff. ex quib. caus. major. l. interpositus, sup. de transact. l. si voluntate, sup. de rescind. vendit.* Nec igitur metu extorta videtur stipulatio, quæ quo alio timore extorta est, sed quæ timore tantum mortis, vel cruciatu corporis, quem *magistranium timorem* vocat Fulgurius Placides in expositione continentis *Virgilianæ*, *Cajeta*, inquit, *nutrice sepulta. id est, magistrani timoris projecta gravedine.* Et alibi, *feriatum diem vitæ post magistranium timorem*, id est, *mortis*. Non ergo dicimus metum quemlibet timorem, non timorem, accusationis institutæ vel instituendæ: nam si huius timoris prætextu dicam, me stipulanti promississe, quod promissi ex honesta et probabili causa, veluti ex causa credite pecunie agenti ex stipulatu, nihil obstat exceptio metus, quod hæc *lex* ostendit, et *lex accusationis, sup. de iis quæ vi, metus. caus.* Sed si stipulanti promissero ex turpi causa, quod etiam proponit *lex* noua, puta, ne adversus me criminis accusatio institueretur, hoc casu, qui agit ex stipulatu, repellitur, si quid ei promissero, ne me accusaret, et repellitur, quod turpiter stipulatus sit, quia (ut licet *lex* subjicit) de crimine pacisci, ne accusatio institueretur, et pactum deducere in stipulationem turpe est, neque licet, ut *l. transigere, sup. de transact.* Et hoc significat *Paulus 1. Sentent.* dum ait, *De criminibus propter infamiam nemo cum adversario pacisci potest: propter infamiam, id est, quia turpe est.* Sed ne fallamur, hoc tantum debet intelligi de criminibus non capitalibus, id est, quo-

rum pena mors non est. De crimine non capitali pacisci, aut convenire non licet per stipulationem: ut de capitali pacisci, et transigere licet, *d. l. transigere*, quia ut *Marc. Tullius* ait pro *Milone*, *Omnis est honesta ratio expedienda salutis.* Ergo qui paciscitur de crimine capitali, cuius extimerit accusationem, non ex turpi causa, sed ex honesta paciscitur, ut vitam suam tueatur. Excipitur tantum adulterium in *d. l. transigere*, quod hodie est capitale, et tamen de eo pacisci non licet. Cur excipitur adulterium, vera ratio hæc est, quia olim ex *lege Julia* non fuit capitale crimen, quod omnes fatentur. Ergo hoc verum est. Et ideo olim non licebat pacisci de adulterio, quia non erat capitale: sed hodie licet adulterii crimen factum sit capitale ex constitutione *Constantini*, *l. quamvis, inf. ad leg. Jul. de adult.* tamen id etiam effectum non est ulla constitutione abrogato jure veteri, ut liceret pacisci de adulterio. Manet igitur, quod abrogatum non legitur, quamvis per consequentiam videretur abrogandum. Nam nova jura semper restrictius accipiuntur, nec licet ex iis ducere argumenta a consequentibus, vel a majori, aut minori. Et tamen de raptu pacisci licet, *l. pen. sup. quib. ex caus. servi pro pretio libert. cons.* Et hæc est una differentia inter raptum, et adulterium: nam de adulterio pacisci non licet. Est etiam alia, quod non eadem *lege* hæc crimina vindicantur, sed adulterium *lege Julia de pudicitia*: raptus *lege Julia de vi*. Item, quod adulterii accusatio finitur quinqueennio, raptus accusatio sit perpetua, *l. 5. §. ult. ff. ad leg. Jul. de vi publ.* At rursus, ab eo, quod diximus, de crimine non capitali pacisci non licere, excipitur accusatio falsi de qua pacisci licet: nam in *d. l. transigere*, articulus *citra*, exceptionem facit, ut, ne novum hoc videatur, in *l. un. §. extraneum sup. de rei uxor. act.* *Extraneum*, inquit, *dicimus, omnem citra parentem virilis, sexus, id est, præter parentem.* Et ita *Latini*, et *Greci* interpretes omnes semper. Illa verba habuerunt pro exceptione, quod docet etiam *Obs. 6.* Et ratio exceptionis non potest pendere ex alia causa, quam ex ipsa *lege Cornelia de falsis*, quæ de accusatione falsi transactionem nominatim permiserit, ut permisit nominationem *lex Cornelia de injuriis*, transactionem de injuriis, et de falsis quia plerumque accusatio falsi pertinet ad pecuniariam causam, sive privatam, et nominationem etiam approbatur transactio de falso, *l. 7. et l. pen. in fine, inf. ad leg. Cornel. de fals. l. 2. sup. de iis, quibus ut indig.* quas tamen *leges* non desunt, qui vitiligent, sed eorum ego ineptos sermones sino pertransire. Non desunt etiam spurciores, qui pervertant, et loco permulent verba *legis transigere*, eamque conturbent totam quos anguilla nostra satis coercent.

Ad L. X.

Omnes stipulationes, etiamsi non solemnibus, vel directis, sed quibuscunque verbis consensu eorum rudentium compositae sunt, vel legibus cognitae, suam habeant firmitatem.

Lex decima est de verbis, quibus concipitur stipulatio, de verbis promissivis, ut loquuntur Grammatici, de quibus satis diximus in l. 1. nec quod alibi docuimus pluribus refellemus hoc loco, id est, quod scripserunt quidam ea verba esse symbola, sive signa stipulationis, quod refutavi initio tit. de verb. obligat. Et vero manus potius est symbolum stipulationis: nam promittere integra oratione est promittere manu fidei teste, ut Locutus ait:

*Elatus me ante quaecunque ad bella vocaret,
Promisere manu.*

Ita Festus, Mancipem, quicquid in populo emit, vel conducit, manu sublata declarare, se emptoris, vel conductoris auctorem esse. Et in sacris literis, lavare manus, et efferre, est jurare, et promittere, ut semper Jonathas Chaldeus exponit Exod. 6. et Numerorum 24. Imo et apud Orpheum in Argonaut.

Ὁπρὶα δὲ παρὰ τὸν δὲ χερσὶν

Alas elatio manus, aut digitorum aliquot, est symbolum, sive signum indicti silentii, ut in Act. Apost. ad fin. cap. 21. D. Paulus verba facturus ad populum ait, κατέσχευε τὴν χερσὶ τῷ λαῷ, manu populo indicavit silentium. Et ita Dio in Adriano: ἐν χερσὶ ἀναστεινὰς τὴν χερσὶ καὶ ἐξ αὐτοῦ τοῦτον σιωπῆσαι, ὥστε πρὸς αὐτὸν ποιεῖν. Preco, inquit, erigens manum, et ita imperans silentium, ut solent facere, et hoc duobus digitis, indice, et medio erectis, ceteris supinis. Et signum quo utuntur Episcopi, hoc modo, non est benedictionis, sed indictionis silentii, quam facit concionaturus. Fulgentius in expositione continentiae Virgilianae: Compositum, inquit, in dicendi modum erectis in ista duobus digitis, pollice compressio, ita verba exorsus est.

Ad L. XI.

Scrupulosam veterum inquisitionem, utrum post mortem, an cum moreretur vel pridie quam moreretur, stipulatus sit aliquis, vel in testamento legati, vel fideicommissi nomine aliquid dereliquerit, penitus amputantes omnia, quae vel quocunque contractu, vel stipulati, vel pacti sunt contrahentes, vel testator in suo testamento disposuit, etiamsi post mortem, vel pridie quam moreretur, scripta esse noscuntur: nihilominus pro tenore contractus, vel testamenti valere praecipimus.

Hoc lex undecima tollit veterem differentiam juris veteris inter pactionem, vel stipulationem ita conceptam (cum morieris dari, vel cum moriar dari) quae valebat, l. 43. §. 1. et pen. ff. de verbor. obligat. et stipulationem conceptam hoc modo (post mortem meam, vel tuam dari, vel pridie quam moriar dari, vel pridie quam morieris dari) quae non valebat. Et haec erat differentia inter has formulas stipulationum, eademque differentia erat in legatis, et fideicommissis: nam legatum relictum cum morietur haeres, vel cum morietur legatarius, valebat, l. 1. §. dies, l. haeres meus, de cond. et demonst. l. 4. ff. quando dies leg. ced. Legatum autem relictum post mortem haeredis, vel legatarii, aut pridie quam moreretur haeres vel legatarius, non valebat, et fideicommissum tamen valebat relictum post mortem, ut scribit Ulpianus libro regularum tit. de fideicommissis, et probat lex si fuerit, ff. de legat. 3. et leg. 1. §. si emancipato, ff. de co'lat. bon. Et hujus differentiae veteris relictissime Theophilus noster (qui nobis debet esse gravissimus auctor) in §. post mortem, Instit. de legat. docet rationem pendere ex regula Juris veteris, quae valebat incipere obligationem ab haerede, vel contra haereditem, quae non coepisset a defuncto, vel contra defunctum, l. dubium C. Theod. de divers. rescr. l. nam sicut, §. 1. ff. ad leg. Aquil. Ideo enim valet stipulatio ita concepta (cum moriar, vel cum morieris) quae confertur non in tempus mortis, sed in tempus morientis, quae sunt diversa tempora: haec, inquam, stipulatio valet, quia momentum moriendi vitae potius damus, quam morti, nec sequimur Platonem, qui neque vitae, neque morti id tempus dedit, ut Gellius docet lib. 6. cap. 16. Videtur ergo in tempus moriendi illa stipulatio (cum moriar) esse concepta, manente adhuc vita, atque ita videtur coepisse a defuncto, vel contra defunctum. At stipulationem conceptam hoc modo (post mortem dari) manifestum est non coepisse, dum vivit, a persona defuncti. Et eadem est ratio stipulationis conceptae hoc modo (pridie quam moriar) quia et haec in tempus, quo mortuus ero, collata videtur, quia antequam dies mortis venerit, scire non possumus, quis dies pridie mortis fuerit. Et ita apparet, illam differentiam pendere ex illa regula, et principio juris. Nec (ut facit Accursius) ab illa regula excipienda est stipulatio conditionalis, vel diem, mortuo promissore ante conditionem, vel diem, quae transmittitur in haereditem: nam haec stipulationes dicuntur ex presenti vires accipere, et suspendi tantum petitionem earum, l. usufructus, ff. de stipul. serv. Ergo vires acceperunt vivo eo, qui stipulatus est active, vel passive, vires acceperunt in personam stipu-

litoris, vel promissoris. Et fateor, posse quidem pleniorē obligationem h. redi, vel in heredem competere, ut scilicet in plus teneatur heres quam defunctus, ut in *l. si per imprudentiam*, §. non mirum, et *l. qui a pupillo*, ff. de evict. l. 25. ff. de re jud. pleniorē transire, inquam, sed non, quæ non cæperit a defuncto, secundum jus vetus. At Justinianus in *h. l. 11.* tollit illam veterem differentiam inter formulas stipulationum, et inter legata, constituens, et legatum post mortem relictum, et pactionem, sive stipulationem collatam in tempus mortis valere: et tamen Justinianus sublata hac differentia, non sustulit veterem illam regulam juris, ex qua predebatur ratio illius differentie, quæ tamen videtur tolli per consequentiam. Sed nunquam dicimus jure quicquam mutari per consequentiam, nisi directo expressum sit, ut de adulterii exemplo probavi in *l. 9.* Igitur post hanc legem, biennio post, ut subscriptiones docent, quod erat consequens, id etiam sustulit Justin. id est, veterem illam regulam in *l. 1. sup. ut action. ab hæc. vel cont. hæred. incip.* et posuit contrariam regulam superiori, nimirum, ut ab herede incipiat obligatio, quæ non competi't defuncto. Sed ex *h. l.* hoc non potest constitui, nisi dialectice, non legitime.

Ad L. XII.

Magnam legum veterum obscuritatem, quæ protrahendarum litium magnam occasionem usque adhuc præbebat, amputantes, sancimus, ut si quis certo tempore facturum se aliquid, vel daturum stipuletur, vel quæ stipulator voluit, promiserit, et adjecerit, quod si statuto tempore minime se posse debitor ad evitandum pœnam adjicere, quod nullus eum admonuit: sed etiam citra ullam admonitionem eisdem pœna pro stipulationis tenore fiet obnoxius: cum ea, quæ promisit, ipse in memoria sua servare, non ab aliis sibi manifestari debent poscere.

Lex duodecima est de committenda stipulatione pœnali, et hanc continet speciem. Stipulanti promisi me certa die, puta, Cal. Martii, daturum, aut facturum aliquid, subdita stipulatione pœnali certæ summæ, si ea die non darem, aut facerem, quod promisi: idque promisi, vel stipulanti sibiipsi, vel alteri dari, aut fieri, et pœnam sibi, si alteri non darem, aut facerem, quod recte sit, quia pœna committi potest etiam ei, cujus nil interest, *l. stipulatio ista*, §. alteri, ff. de verb. obligat. l. cum pœna ff. de recip. qui arbit. recep. Et in hac *l. 12.* (quod notandum) omnino est legendum ex fide aut quorum, et minorum librorum (si quis certo tempore facturum se aliquid, vel daturum stipulatori, alius, quem stipulator voluit promiserit) vulgo legitur, stipu-

letur, vel quæ stipul. vol. et stipuletur accipitur passivo, ut glossa notat. Sed si legatur, stipuletur, et ut necesse est, stipuletur, accipitur passivo, frustra subjicit, promiserit. Item cum dixerit, facturum se aliquid, vel daturum, quibus verbis omnia, quæ in stipulationem deduci possunt, comprehenduntur: ideoque in definitione stipulationis tantum hæc duo notantur, daturum, facturumve, quæ est in *l. 3. ff. de verb. oblig.* Cum igitur ante dixerit, facturum esse aliquid, vel daturum (quæ verba omnia continent, quæ venire possunt in stipulationem) frustra subjicit, ut vulgo legitur, vel quæ stipulator voluit: nam quæ alia possunt esse præter dationem, et factionem? Itaque restituamus, et retineamus veterem lectionem, quam etiam Haloander retinuit ex parte, qui pro (stipuletur) recte legit ita (stipulatori) sed sequentia etiam ita restituantur (vel alii, quem stipulator voluit promiserit) At in proposita specie, si ad diem dictam non dederō, vel fecerō, quod promisi, queritur an stipulatio pœnalis, an pœna committatur, etiam me non interpellato, non convento, ut darem, vel facerem, non admonito, non denunciato. Quidam exigebant interpellationem, ex quibus videtur fuisse Labeo, quia et Labeo non exstante debitore, qui interpellare possit, exigit contestationem, *l. 2. et ult. ff. de naut. fœn.* Exstante igitur debitore videtur exegisse interpellationem debitoris, etiam obligati ad diem certam. Sabiniani, qui sunt longe diversæ sectæ a Labenne (ex quibus est Africanus in *l. trajectitiae*, ff. de oblig. et act.) in hac specie non exigunt interpellationem, et secundum eos Justinianus pronuntiat in *h. l.* ut scilicet etiam omissa interpellatione creditoris stipulatio pœnalis statim atque exiit die dicta solutioni committatur. Et placet ratio legis, quia debitor diem promissi, diem, in quem promisit, memoria tenere debet, nec exspectare, ut eam sibi creditor reducat in memoriam. Et eleganter Græci interpretes apud Hermenop. lib. 3. tit. 3. ὁ γὰρ ὑπὸ ἡμέραν ὁρισθεὶς ταυτοῦ ἡμερησίου ὁρίσσει, id est, qui debet ad diem, seipsum admonere et interpellare debet, nec indiget alio interpellatore, et ut eleganter ait *l. quo ius*, §. sicut, ff. de administrat. tutor. de tutore, quod et de quocunque alio dici potest, unumquemque sibi verum, et debitum denunciare debere, nec indigere monitore in iis, quorum conscientia eum sua solus admonet: et hæc est sententia hujus legis. Neque vero quod dicat lex, die præterito, statim pœnam committi absque interpellatione, id est, non interpellato promissore, ex eo necessario sequitur, et ex ex die moram fieri, quia pœna non ex mora venit, sed ex obligatione. Verum ratio hujus legis demonstrat, et moram facere eum,

qui ad diem dictam non solvit, etiamsi interpellatus non sit, quia ipse seipsum debuit interpellare, et in memoriam revigere, quam in diem promiserit, quia dies ipsa, quæ conducta est promissio, satis eum interpellat. Idem etiam ostendit *l. 9. in fine, ff. de usur.* quæ nominatim, *moram*, ait, *fieri ex die solo, sed inculpatam esse, si debitor non habuit cui offerret pecuniam*, quod sup. explicavi. Idem etiam ostendit *l. quod te, ff. de r. b. credit.* quæ ait debitorem *s. are*, quod est, *debitorem facere moram, si justa causa fuerit, propter quam intelligere debuit ipsemet se dare oportere*. Justa autem causa est dies promissorum, quem ante se, aut præterisse non ignorat. Ergo moram facit ex eo die, cujus non est immemor, aut esse non debet, etsi non appelletur, non conveniatur. Ex quo etiam sequitur (si nolumus cavillari, quod Jurisconsulto est indignissimum, debet enim esse amantissimus veri) verissimum esse id quod vulgo dicitur. Diem certam et conductam interpellare pro creditore, quod est, aliam interpellationem non esse necessariam. Et hoc ego verissimum esse puto, non tantum si obligationi principali, quæ est ad diem, sit subjecta stipulatio penalis, ut in specie hujus legis, et *d. l. trajectitia et. ad diem, ff. de verb. oblig.* sed etiam si penalis stipulatio subjecta non sit, ut in *l. 4. §. ult. ff. de lege comm.* si convenit inter emptorem et venditorem, ut ad diem pretio non soluto res fiat inempta, et resolvatur venditio, nulla subdita stipulatione certæ pænæ, plane res fiet inempta, si sua die emptori non obtulerit pretium ultro, etiam non interpellatus. Et in *l. 9. §. 1. ff. de usur.* sorte non soluta ad diem, stipulatio usurarum (quam eadem lex facit diversam a stipulatione pænæ usuras separans a pænâ) ea, inquam, stipulatio usurarum committitur sorte non soluta ad diem, etiamsi debitor interpellatus, et conventus non fuerit: sed excusatur, ut subicit, et mora ejus inculcata est, si mortuo creditore, et sorte nondum adita ejus hereditate, debitor non habuit, cui sortem offerret ad diem dictam, aut statim post diem dictam: nam et diem omnem præterisse oportet, ante quam debeat, quod ad diem promissum est. Et eadem est excusatio in *d. l. 4. §. ult. et l. ult. ff. de leg. commiss. et l. pen. ff. de naut. fœn.* Illud item probat etiam *lex 2. sup. de jure emphy.* in ejus specie nulla proponitur interposita fuisse stipulatio penalis, sed ex solo triennii lapsu, si tanto tempore emphyteuta cessaverit domino solvere debitam pensionem, sive canonem, aut emphyteuticam solvere cessaverit domino, lex ait, statim emphyteutem etiam non interpellatum cadere jure emphyteuticis. Lex illa est Justiniani, et in ea idem Justin. facit mentionem hujus legis, utpotest prioris,

quæ ait se generaliter constituisse, ut opus non sit interpellare debitores obligatos ad diem certum. Quod si generalis hæc lex est, ut ait in *d. l. 2.* si generalis ratio hujus legis, ut apparet, quia dies satis interpellat, quia ipse se debitor dei non immemor interpellare debet, et sibi denuntiare hominem et æquum, nec expectare, ut ab alio, vel a creditore sui officii commoneatur. consequens est, non debere hanc legem coangustari ad eam speciem solam, quæ in hac lege proponitur, si ad diem debita pecunia, vel re non soluta, aut non perfecta pænâ promissa sit, sed etiam ad similem speciem, si quod aliud vice pænæ pecunia non soluta convenerit, puta, ut præstarentur usuræ ex eo die, quo soluta non esset pecunia, vel ut resolveretur venditio, et emphyteusis, vel quis alius contractus, vel his omnis, quod ipso jure ita se habet ex regula juris, *l. si servum, ff. de verb. obligat.* ut perpetuaretur obligatio, re, aut pecunia debita extincta post diem: et ita, ut non liberetur debitor, re perempta post diem dictam, quia perempta est post moram. Et quod dicitur in multis locis, moram non fieri, nisi interpellato debitore, *l. mora ff. de usur. l. si ex legati causa, ff. de verb. oblig.* et aliis similibus, recte docent fere omnes non pertinere ad obligationes, quæ diem habent certum quia in eis die pro interpellatore est. Quod item *l. cum filiusfamil. §. ult. de verb. oblig.* ponit, interpellatum fuisse eum, qui in diem promisit, movere nos nullo modo debet: nam et idem ponit *d. lex trajectita et.* interpellatum fuisse eum, qui promiserat ad diem, quæ tamen docet non esse necessariam interpellationem debitore obligato ad diem certum. Et in ea sententia omnino persistendum mihi videtur. Verum ad hæc notandum, vulgo ex hac lege doctores colligere, quod etiam glossa Accursii potissimum tractat, moram ex die contractam non curdari, non purgari debitore post diem offerente pecuniam debitam, nec per eam oblatam pænâ semel commissam resolveri, aut refringi, quod etiam verissimum est, ut probat evidenter *d. l. trajectita et.* in qua hac de re tractavi fusius, persequens omnes leges Africani, nec id reponam hoc loco, quod longius, quam unius hujus spatium requirit, quoniam, etsi verum illud sit, quod colligunt et statuunt doctores, tamen perperam illud colligunt ex hac lege. Ratio est evidens, quia lex non dicit, nihil debitori prodesse ad evitandam pænâ, si post diem offerat pecuniam, sed nihil ei prodesse ad evitandam pænâ, si dicat se interpellatum non fuisse. Denique hoc tantum vult hæc lex, ex die solo, in quem promiserat debitor, cum is dies præterit, pænâ stipulationem committi absque interpellatione. Si quæras, an stipulatio resolvatur post diem oblata pecunia:

alia est questio, quam quæ proponatur et definiatur in hac lege.

Ad L. XIII.

Veteris juris alterationes decidentes generaliter sancimus, omnem stipulationem, sive in dando, sive in faciendo, sive mixta ex dando et faciendo inveniat, et ad hæredes, et contra hæredes transmitti, sive specialis hæredum fiat mentio, sive non. Cur enim quod in principalibus personis justum est, non ad hæredes, et adversus eos transmittatur? Et sic ostendentur hujusmodi stipulationes quasi tantummodo in dando fuerint conceptæ, cum nihilominus et hæredes factum possint adimplere: illa subtili et supervacua scrupulositate explosa, per quam putabant non possibile factum ab alio compleri, quod alii impositum est. Et quare, cum pene similis omnium hominum natura est non etiam facta, omnes, vel plus, vel paulo minus adimplere possint: ne ex hujusmodi subtilitate cadant hominum voluntates?

Stipulationum alie consistunt in dando, veluti fundum dari, decem dari: alie in faciendo, veluti domum edificari: alie mixtæ sunt, quæ partim in dando partim in faciendo consistunt, veluti actus, sive administrationis rationes reddi, quæ et in dandis reliquis consistit: nec enim reddit rationes, nisi qui et reliqua, si quæ sunt, reddit: et consistit etiam in offerendo libro rationum, et in rationibus ipsis examinandis, computandis, et dispungendis, quod nudum factum est, quo scilicet jus transfertur in eum, cui rationes redduntur: datio reliquorum jus transfert, id est, dominium in accipientem, l. cum servus, ff. de comit. et demonstrat. quam etiam Accursius hoc loco citat. Sed vide leg. 6. §. ult. D. de statulib. Hæc autem est vetus differentia inter eas stipulationes, quæ in dando, et eas, quæ in faciendo consistunt, quod quæ in dando consistunt, ad hæredes, et contra hæredes transferantur, quia in eis jus vertitur, id est, dominium, cujus acquirendi commodum, vel emittendi incommodum sequitur hæredem, si defunctus, vel stipulatus sit sibi dari, vel promiserit se daturum rem, aut pecuniam certam, neque interest hæredum facta sit mentio, nec ne, ut ait hæc lex rectissime, quia plerumque tacito intellectu non tantum nobismetipsis cavemus, sed etiam hæredibus nostris, etiamsi eorum mentionem non fecerimus, l. si pactum 9. ff. de probat. et non tantum cautionibus nos obstringimus, sed etiam hæredes nostros, etiamsi eorum mentionem non fecerimus. Denique nullæ cautiones dandi sunt personales quæ scilicet cohererent personis contra-

hentium, nisi id nominatim actum sit, sed omnes cautiones dandi sunt in rem, et generales. At stipulationes; quæ in faciendo consistunt, personales sunt, id est, neque ad hæredes, neque adversus hæredes transmittuntur, secundum veterem differentiam stipulationum dandi et faciendi; ut si quid defunctus promiserit se facturum, id hæres ejus facere non tenetur, vel si quid defunctus stipulatus sit sibi facere licere, idem hæredi ejus facere non licet, vel si quid fieri sibi stipulatus sit, veluti se literas edoceri, id hæres ejus, ut sibi fiat, postulare non potest, quia (ut eleganter ait lex 6. §. ult. ff. de statulib.) facta cohererent personis, quibus adscribuntur, ita scilicet ut vel ea faciant, atque compleant, vel patiantur: nam et pati sinere, non prohibere, non facere, facere est. Et ut dicunt Stoici (privatio actionis est actio) qua ratione, quod filiusfamilias sibi dari stipulatur, transit in patrem, quia stipulatur quod juris est. Quod autem stipulatur sibi fieri, vel sibi facere licere, non transit in patrem, non acquiritur patri, ut docui in l. 2. hoc tit. Item conditio testamento imposita statulibero, si hæredi decem dederit, ex duodecim tabulis transit in emptorem, cui hæres statuliberum vendidit, ut Ulpianus scribit libro Regular. tit. 2. quod porrigitur etiam ad hæredem legitimum, qui hæredi scripto hereditatem evicit, et ad quemcumque novum dominum statuliberi, licet lex duodecim tab. de emptore tantum locuta sit. Et hoc ostendit in l. 6. §. non solum, l. statuliberi a ceteris, ff. de statu liber. At hæc conditio si sit imposita statulibero, si filium hæredem meum literas edocuerit, non transit in emptorem, sed coheret personæ filii, ut d. l. 6. §. ult. Mixta autem conditio, veluti si hæredi meo rationes reddiderit, scinditur, seu dividitur, et quæ pars in dando consistit, id est, in reliquis dandis, transit in emptorem statuliberi; quæ in faciendo, puta in excutiendis et percensendis rationibus consistit, non transit, d. l. 6. §. ult. Et hæc differentia quidem inter ea quæ sunt juris, id est, quæ in dando consistunt, et ea quæ sunt facti, etiam hodie manet et perseverat, cum quaeritur, an ea transeant ad patrem, quæ filiusfamilias stipulatus est, vel cum quaeritur, an quæ adscrip-tæ sunt et injectæ sub conditione statulibero, transeant ad emptorem. Sed cum quaeritur, an quæ quis stipulatus est, vel promisit, transeant ad hæredem, vel contra, illa vetus differentia inter ea quæ sunt juris, et ea quæ sunt facti in hac l. a Justiniano sublata est, quæ constituit, non tantum stipulationem, quæ in dando consistit, sed etiam eam, quæ consistit in faciendo, transire ad hæredes, et contra et mixtam stipulationem igitur non scindi, ut partim transeat, partim non transeat in hæredes.

sed transire totam. Ergo ut exemplis res planior fiat, si quid defunctus promiserit *se facturum*, puta, se stipulantem instructurum peritia literarum, id hæres ejus, si possit, præstare debet, id est, docere literas stipulatorem, sive id melius sit facturum, quam defunctus, sive non ea sedulitate, eo ingenio, ea arte et methodo, qua defunctus fecisset. Item si stipulatus sit defunctus, *se institui, et imbui literis*, hæres ejus si literarum studio tenetur, recte postulabit eis se literis, institui, quibus se institui a promissore cavet defunctus. Et utitur Justinianus hac ratione, quia licet inter homines sit differentia ingeniorum et doctrinarum, tamen pene similis est omnium hominum natura: ita ut quod unus potest facere, vel suscipere, id etiam alter, quamvis non adamussim, tamen (ut ait) vel magis, vel paulominus facere possit. Veteris differentie auctores rem exigebant adamussim, quo modo est impossibile, quod facit unus, quodve uni injunctum est, ut faceret, ut faciat alter ad eundem modum, et eandem subtilitatem, qua faceret is, cujus opera electa est. Sed Justinianus non vult rem examussim, et scrupulosius, id est, ἀκριβοῦς ἀποδοῦναι, sed satis esse, si hæredi fiat, vel si hæres faciat qualiter qualiter, quod ut fieret tibi, vel ut ipse faceret defunctus cavet. Et hoc utique procedit in factis, quæ per hæredes utcumque adimpleri possunt: nam si faber promiserit *se suis operis, suis manibus domum ædificaturum*, non suis sumptibus: nam si suis sumptibus, proculdubio stipulatio transit in hæredem ejus, *l. un. §. ne autem, sup. de cad. tollend.* Sed si suis manibus faber promiserit, se domum edificaturum, stipulatio non transit ad hæredem artis fabricæ imperitum. Item si Grammaticus defuncto promiserit docere Grammaticam, hæc stipulatio non transit ad hæredem rusticum, ineptum, incapacem literarum. Et ita hæc lex intelligenda est. Accursius in hanc legem adducit *leg. centesimis, §. 1. ff. de verb. oblig.* quæ potius pertinet, et propius ad questionem legis ult. hoc tit. ut ibi explicabitur. Item adducit *legem si non sortem, §. libertus, D. de condict. indeb. et l. inter artifices D. de solut.* quæ nihil pertinet ad propositam questionem, an stipulatio, quæ in faciendo consistit, transmittatur ad hæredes. Sed hoc tantum ex eis intelligitur, inter artifices plerumque esse longam differentiam ingenii, et nature, et artis, et institutionis, id est, methodi, et ut est in Proverb. πῶς τὸ τὰ πρῶτα καὶ τὸν περὶ τὸν διαφέρει. Et ideo licet fidejussor, vel alius, quod quis se daturum promisit, dando pro eo liberet promissorem, etiam invitum et ignorantem, *l. solvendo, D. de neg. gest.* si tamen quis se facturum aliquid promiserit, veluti *navem fabricaturum suis operis*, eam alius fabri-

cando, vel fidejussor, vel extraneus, non liberat promissorem, quia aliud pro alio solvi videtur, quod non fit recte invito creditore, quia alia est fabrica hujus fabri, et alia illius, nec est idem factum, non eadem opera, in specie scilicet: nam in genere est eadem, nempe fabricato navis. Et inde alia differentia, ut fidejussor dandi possit esse in mora: fidejussor faciendi non item. *l. si libertus moram, D. de oper. libert.* quia fidejussor faciendi, id est, qui pro eo intercessit, qui se aliquid facturum promisit, non tenetur ad faciendam, et faciendo nil agit, sed tenetur tantum ad id quod interest, si promissor non faciat, *l. stipulatus es, D. de fidejussor.* Et possant aldi multæ alie differentie inter obligationem dandi et faciendi, veluti ut mihi uni ex hæredibus meis dari inutiliter stipuler, quia dari nihilominus oportebit omnibus hæredibus, contra quam si stipuler mihi, et uni ex hæredibus meis fieri quoniam ei soli fieri poterit, *l. continuus, §. ult. D. de verb. oblig.* Item quod obligationes dandi sunt dividuæ, obligationes faciendi individuæ, et quod obligationes dandi perpetuantur post moram, obligationes faciendi non perpetuantur, sed in locum earum succedat obligatio in id quod interest, ut *l. stipulationes non dividuntur, l. si fundum, D. de verb. obl. l. si quis ab alio, §. ult. D. de re judic.* Sed hæ differentie nihil habent commune cum illa veteri differentia inter obligationem dandi et faciendi, quam Just. abrogat in *h. l.* Nihil etiam ad questionem propositam pertinet *lex nemo, D. de duobus reis*, quam hic adducit Accurs. cujus sententia ut intelligatur, sciendum est, eam legem esse ex libro Juliani 23. ff. quo libro tractatur *de operis officialibus*, id est, quas liberti, officii ergo, patronis suis debent, et eas contulit cum aliis operis non officialibus, sed fabrilibus forte, aut pictoriis. Et cum dixisset, officiales operas non alii promitti debere, aut solvi posse, quam patrono, quod est verissimum in *l. 11. 12. ff. de operis liber. l. si patroni, D. ad Senat. Trebell.* adiecit Julianus, quod est in *d. l. nemo*, alias operas, quam officiales scilicet, neminem ignorare promitti cuilibet posse. Nam in ea lege dixit (alias) pro (alias) ut in *l. 3. ff. de vindic. aliena capita*, id est, alia, et veteres, ut alienas, pro aliis, ita duhienus pro dubius, socienus pro socius. Et ita necessario in illo loco, alienas, id est, alias, quam officiales, quia constat alienas, id est, non suas operas promitti inutiliter, quia de se quisque promittere debet, non de alio. Et hoc est quod dici ut alieni facti, puta, alienarum operarum nullam promissionem esse, *l. stipulatio ista, ff. de verb. oblig. l. sicut, ff. de fidejuss.* Ergo sententia *l. nemo* hæc est, alias operas, quam officiales, puta

in fabriles, recte promitti, et consequenter huic obligationi fidejussorem adhiberi recte, qui promittat quanti interest, et ex hac causa etiam duos reos promittendi constitui posse, ut si duo fabri ejusdem peritiæ easdem operas promittant, vel duos reos stipulandi, ut si ab uno fabro duo stipulentur fabriles operas, quod exemplum legis plane ostendit, in eo agi de aliis, quam de officialibus operis, quæ solis patronis debentur.

Ad L. XIV.

Optimam questionem, et frequenter in judiciis versatam, satis humanum est saltem in presenti dirimere, ne diutius nostram remp. molestare concedatur. In multis enim contractibus, et maxime in fœneratitiis cautionibus solitum est adscribi, stipulationes per certos servos celebrari: sed quidam indevotione tenti, ex hoc materiam alteræ actionis acceperunt, et alii quidem, non esse servum adhibitum contendebant: alii vero non ejus servum esse, ad quem pertinere scriptura protestabatur. Et si non per servum, sed inter præsentem celebratam esse rem fuerat scriptum, et hoc iterum dubitabatur, debere ostendi partes esse præsentem. Cum itaque satis utile est in contractibus et servos adhiberi, et præsentem esse personas adscribi, forte propter personas dignitate excelsas, vel mulieres (quas naturalis pudor, non omnibus perperam sese manifestare concedit) sancimus tales scripturas omnifariam esse credendas: et si sive adscriptus fuerit servus, et ad quandam personam dicitur pertinere credi omnimodo et servum adfuisse, et fecisse stipulationem, et eam esse scripto domino acquisitam: et non dubitari, si servus ipse præsto fuerit, vel ejus dominus, pro quo scriptus est fecisse stipulationem. Et si inter præsentem partes res acta esse dicitur, et hoc esse credendum si tamen in eadem civitate utraque persona in eo die commoretur, in quo hujusmodi instrumentum conscriptum est: nisi is qui dicit sese, vel adversarium abfuisse, ac manifestissimis probationibus, et melius, quidem, si per scripturam, vel saltem per testes undique idoneos, et omni exceptione majores, ostenderit sese, vel adversarium suum, ea die civitate abfuisse, sed hujusmodi scripturas propter utilitatem contrahentium esse credendas.

Hanc legem Justinianus in §. item verborum, Institut. de inutil. stipul. ait, se scripsisse ad Cæsarienses Advocatos, id est, qui erant in Cæsarea metropoli Cappadociæ omnium celeberrima earum, quæ sunt ejusdem nominis, ut Cæsarea Palestine, Phœnicie, Mauritanie: iis præcellit omnibus, aut præcellibat Cæsarea Cappadociæ, de qua Novella

30. Et licet in eo §. dicat se hanc legem scripsisse ad Cæsarienses advocatos, id est, ad interrogata eorum, ad consultationes, tamen eam non ad eos mittit, ut hujus legis inscriptio demonstrat, sed ad Joannem præfectum prætorio Orientis et Illyrici. Et ita quam legem in Institut. tit. quibus alienare licet, vel non, Justinianus dicit, se promulgasse ad Cæsarienses advocatos, eam dirigit ad eundem Joannem, l. sancimus 1. sup. de administrat. tut. ac similiter l. ult. sup. de pact. et l. si major, sup. de legit. hæc. quas se fecisse dicit interrogatum a Cæsariensi advocacy, id est, ab iisdem advocatis eos mittit ad eundem præfectum prætorio. Mittit etiam ad eundem responsa, quæ facit Palestinianis et Illyricianis advocatis, id est, corpori advocatorum, in l. 27. inf. de fidejussor. l. ult. sup. de verbor. signific. l. ult. sup. unde vi, l. ult. sup. de advoc. divers. jud. Ex quo apparet Joannem non Orientis tantum, sed etiam Illyrici prætorio præfectum fuisse, cum et responsa ad Illyricianam advocacy, ad eum dirigantur. Responsa autem, quæ sunt advocatis Alexandrinæ civitatis, convenienter etiam mittuntur ad proprium magistratum, et majorem in Ægypto, cujus civitas est Alexandria, nempe ad Ducem Ægypti, et præfectum Augustalem: sic est restituenda inscriptio l. petitiones, sup. de advocat. divers. judic. quæ autem sunt advocatis Syriæ secundæ, quæ mitti potuerunt ad Joannem, dum fuit præfectus prætorio Orientis, quoniam utraque Syria est in Oriente, mittitur tamen ad Sergium præfectum prætorio, qui tunc erat Orientis. Et sic restituenda est inscriptio l. petitiones, sup. de adv. div. jud. Et ex his apparet, Principis leges mittere ad summos magistratus, quibus respondent quæstionibus, postulationibus, interrogationibus, consultationibus, advocatorum, ut per eos magistratus innotescant Advocatis, et universæ ditioni sue. Quod qui non observant, dubitant, an sit vera inscriptio hujus leg. et d. l. sancim. et similitum quoque de inscriptione dubitatur, sed aliæ causæ dubitandi, cum non sit inconveniens, ut quæ de re principem advocatus rogavit, de eo responsum Princeps remittat ad summum ejus diocæseos magistratum, non ad advocatos, quanquam et non improprie ad eos scribi dicatur, quod alii rescribitur ad illorum interrogata. Nunc de sententia hujus l. tractemus, quemadmodum si inter præsentem scriptum sit instrumento cautionis promississe aliquem, non queritur, an rite sit concepta stipulatio, sed si rite fuerit concepta, si rite non, omnia præsumuntur rite et solemniter acta, ut diximus in l. 1. h. t. Ita ex hac l. intelligimus, si instrumento cautionis etiam privato scriptum sit, servum L. Titii intervenisse, et stipulatum fuisse domino suo, si scriptum sit rem gestam fuisse inter præsentem, non

est querendum, an res ita se habeat, an is servus intervenierit, quem intervenisse scriptum est, an servus sit L. Tit. an res gesta sit inter praesentes: hoc non est querendum, sed omissis his questionibus fides habenda est instrumento, licet revera is servus L. Titii non fuerit, aut revera non fuerit res gesta inter praesentes, quod mirum videtur, ut stetur falsae scripturae potius, quam veritati, et quod de veritate non possit inquiri contra scripturam. Sed constitutio nititur optima ratione: quia plerique sunt, qui nolunt nomina sua instrumentis inscribi, licet revera ipsi sint, qui praesentes contrahunt, maxime honestiores viri, id est dignitate celsiores, et foeminae, et absque dolo malo, absque consilio ullo fraudi curant inscribi nomina servorum suorum, vel alienorum tanquam suorum, l. pupill. §. sane si quidem, ff. de auctor. tut. Et Justinianus in edicto 7. Ingratos homines, et honestiores plerumque nolle contractus suos publicari, τὰ ἐκτὼν δημοσιεύειν οὐκ ἔχουσιν Seneca 2. de benefic. Quidam inquit, nolunt nomina secum fieri, nec interponi paravos, id est, mediatores, nec signatores advocari, nec chirographum dare: Alii quidam instrumentis patiuntur quidem inscribi, se fuisse praesentes, et praesentes tamen in contrahendo esse nolunt, sed rem agunt per servos suos. Alii, scilicet honestiores viri, et matronae potissimum, quae in publicum prodire erubescunt, quae, inquit, naturalis pudor in omnibus perperam sese manifestare concedit. ubi perperam, id est, temere aut petulanter, ut in glossis antiquis perperam est πρὸς τὴν; et perperam ago, πρὸς τὴν αὐτήν. Et ad hoc, quod ait de pudicitia et verecundia matronarum pertinet etiam lex 1. sup. de offic. divers. jud. et lex maritus, sup. de procurator. l. ult. sup. de recep. arbit. l. 2. sup. de iis qui v. n. aet. impetrav. quod sit eorum proprium se domo contingere. Unde et a D. Paulo vocantur οἰκῶντες. Unde et illud Synbolum οἰκῶντες Venus testulinem calcans. Quia igitur haec plerumque falso inscribuntur instrumentis: cogente pudore et verecundia contrahentium, absque dolo malo sunt impune, sicut cum quis falsum nomen assumit absque dolo malo, l. 1. inf. de mutat. nom. Falsum, quod scribitur sine dolo malo non est crimen: imo, quae ita inscribuntur instrumentis, sine alia fraude, praesumuntur esse vera, nec in dubium revocari possunt. Unum tantum exigit Justinianus in h. l. cum scriptum instrumento est, praesentes fuisse contrahentes, ut fides instrumenti in dubium non vocetur: exigit, ut qua die, quaque civitate instrumentum est conscriptum, in ea praesentes fuerint, licet quo loco scriptum est instrumentum, praesentes non fuerint: nam si manifestissimis probationibus, vel per scripturam, vel per testes omni exceptione

maiores, doceat quis se, vel adversarium ea die, ea civitate abfuisse, et peregre profectum in aliam civitatem, tunc non praesumemus praesentem eum fuisse. Ratio haec est, quia praesumptiones nunquam fiunt recte, nisi cum natura non repugnat. Haec solae praesumptiones sunt legitimae, et jure proditae, quae cum natura non pugnant. At natura possibile non est, ut praesens fuerit, qui in eadem civitate non fuerit. Et Arist. in Rhel. ad Alexand. Hunc, ait, esse elenchum eorum, quae natura sunt impossibilia, si quem adversarius dicit nos Athenis habuisse contractum certa die, ea ipsa die probemus nos in alia civitate fuisse. Ig tur non utimur hac praesumptione pro scriptura, cum civitate abfuerunt contrahentes vel unus ex illis. Et ita ex hac lege apparet, hanc allegationem, se alibi fuisse, in causis civil. non aliter admitti, quam si civitate abfuerit, non si in eadem civitate fuerit. Quod et in causis criminalibus observari velim: et ita audio fuisse judicatum, ut reus criminis non relevetur, si probet se in eadem quidem civitate fuisse, sed in aliis rebus, quam quibus crimen commissum est: et recipi tantum hanc allegationem, si probet se extra civitatem fuisse. Et de hoc genere defensionis Cicer. de invent. 2. si vos me istud eo tempore fecisse dicitis, ego autem eo ipso tempore trans mare fuerim, relinquitur, ut id quod dicitis, non tantum non fecerim, sed ne potuerim quidem. Itaque ab eo, qui allegat se alibi fuisse, exigitur probatio, ut ita probet se alibi fuisse, ut nec fecerit, nec facere potuerit per rem naturam. Et ita Livius lib. 3. Caesonem quemdam reum homicidii postulat, Rome commissi, probasse se his temporibus, in quibus testes crimen conjiciebant, Romae visum non fuisse, idque multis indicibus, ut ait: nam et in hac lege liquidis ac manifestis probationibus, id est, argumentis, indicibus rerum apertissimis, signis, rationibus; nam cum probationibus additur manifestissimis, non intelliguntur instrumenta, non testes, sed argumenta tantum et indicia, quae non admittuntur, nisi sint omni luce clariora ut ait l. ult. sup. de probat. ex Cicerone pro Celio: Signis, inquit, omni luce clarioribus crimina repellimus. Et ita probationes pro indicibus accipi oportet, quod sit additum, manifestissimis, l. 2. sup. de in lit. jur. l. 3. §. praeterea, D. de suspect. tutor. l. libertas §. ult. de manum. test. l. plane, §. 3. de legat 2. Et ideo subjicit in hac lege, se, vel adversarium, ut non stetur huc praesumptioni, in alia civitate fuisse, esse docendum manifestissimis probationibus. Et melius ut subjicit, per aliam scripturam, aut testibus omni exceptione majoribus. Qui ordo verborum demonstrat, se probationum nomine non intellexisse scripturam vel testes, sed conjecturas vel signa. Et notandum, quod testes desiderat idoneos,

et omni exceptione majores, sine reproche: excipere testes reprocher les témoins, *l. si quis testibus, sup. de testib. et pr. scribere testibus, aut testes.* Rufinus 2. Invectiva: *Proferam testem prava idem, cui præscribere non poterit.* Ergo testes omni exceptione majores sunt, quibus nil præscribi potest.

Ad L. ult.

Dictum est in *l. 13. sup. stipulationes in faciendo conceptas transmitti ad hæredes, si res ferat, et contra hæredes.* Dubitabatur an definitioni legis 13. locus sit stipulationis concepta hoc modo, cum morieris te domum edificaturum, quam veteres habebant pro impossibili, propterea censebant esse inutilem, quod in ipso momento moriendi nemo possit per se, vel per alium domum edificare. Et ita fuit concepta stipulatio, cum morieris domum te edificaturum tuis sumptibus? Et Justinianus in hac lege ultima definiit, sicut (cum morieris dari) valet stipulatio, ita valere stipulationem, cum morieris domum edificari, ex mente contrahentium, qui hoc sensisse videntur, ut inciperet obligatio defuncto, et impleteretur ab hærede ejus. Et in hac re igitur nil distare obligationem faciendi ab obligatione dandi. Idemque esse in legatis ita relictis: *hæres meus Lucio Titio cum morieris domum edificabis*, quæ erant implenda per hæredem hæredis. Verum, ut *l. 13.* ita hæc *l. ult.* est accipienda de factis, quæ per hæredem, vel per alium impleri, ut constructio domus, non de factis, quæ per alium, aut per hæredem impleri non possunt: ut si ita concepta sit stipulatio, cum morieris, *Roman venire spondes?* Hæc omnino inutilis est, *l. centesimis, D. de verb. obligat.* Et ita, ea lex male ponitur vel huic legi ultimæ, vel illi *l. 13.* quia quod in iis legibus constituitur, non pertinet ad quæcumque facta, sed ad ea tantum, quæ per alios expleri possunt.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XXXVIII. De inutilibus stipulationibus.

Superior titulus fuit de stipulationibus, quæ pro utilibus semper habiti sunt, vel quæ utiles olim

Tom. IX.

fuerunt, nunc sunt utiles, ut *l. 11. et l. ult.* vel quæ etsi sint inutiles, non tamen inutilem faciunt obligationem, ex qua pendent, ut *l. 3.* Hic autem titulus proprie est de inutilibus stipulationibus, id est, quæ obligationem non pariunt, vel quæ infirmantur per exceptionem doli, aut metus, ut stipulatio doli aut metu expressa, extorta, *l. pen. hoc tit. de qua actum est etiam tit. super. l. 9.* Sed respectu alterius stipulationis utilis, ut etiam titulo superiore *l. 8.* agitur de stipulatione inutili, sed ex adverso, sive ex opposito alterius stipulationis, quæ est utilis. Stipulationes autem inutiles, quæ hoc titulo proponuntur, hæc sunt, quæ pupillus spondit aliquid sine tutoris auctoritate, *l. 1. h. tit.* Ubi observandum, eam tantum loqui de pupillo, nimirum ad differentiam puberis, qui ex stipulatione obligatur etiam sine curatoris sui auctoritate, ut ostendi tit. super. *l. 7.* Item, quæ libertas matrimoniorum constringitur vinculo pænæ, *l. 2. hoc tit.* ejus legis propositio est generalis, libera matrimonia esse debere, id est, nullo constricta metu pænæ, tam in contrahendo scilicet, ut in *l. Titio centum, §. 1. D. de cond. et de monstr.* quam etiam in distrahendo. Ergo propositio legis est generalis, id est, locum habet et in contrahendo, et in distrahendo, sive dirimendo matrimonio. Species autem, quæ subjicitur in hac *l. 2.* est de distrahendo matrimonio, si vir et uxor inter se stipulati sint, *ne cui eorum liceat distrahere matrimonium, et qui distraxe it facto divortio, ut tot aureos daret pænæ nomine*, quæ stipul. est inutilis, nisi contineat divortii pœnam legitimam, quæ definita est lege Julia aut Papia, aut constitutionib. *l. consensu, sup. de repud.* Stipulari licet pœnam divortii injusti lego definitam. At graviolem illa stipulari non licet, quia (ut ait eleganter *l. 19. D. de verb. oblig.*) contenti esse debemus pœnis legibus comprehensis: et loquitur specialiter ea lex de pœnis divortiorum. Sed et generaliter verum illud est, nos contentos esse debere pœnis legitimis, ut ostendit *l. unica, in fin. sup. de sent. quæ pr. eo, qui inter.* Legibus severiores esse non possumus. Ideoque toto celo errat ille, qui existimat a fure nec manifesto, qui *l. 12. tab.* tenetur tantum in duplum, nos posse stipulari triplum, vel quadruplum, quia pœnis legibus comprehensis contenti esse debemus, id est, legibus severiores esse non possumus. Et ita in hac specie matrimonia ne solvantur temere, sine justa causa vinculo legum constringuntur, non vinculo nostro, non nobis, aut pœnis nostris. Nec obstat *l.* quam adducit Accursius, *l. ea quæ, D. de don. inter. vir. et uxor.* Mittamus quod respondet idem Accursius, et adseramus id quod est evidens: in specie legis *ea quæ*, non esse deductam in stipulationem pœnam divortii, sed pœnam uxori

donatam reddi, si divorcium fieret, hoc est, *reddi marito, quod suum est*, quod proculdubio pœna non est. Item ex hoc tit. intelligimus, inutilem esse stipulationem, quæ fit inter absentes, l. 3. quia non fit verbis, quæ de re satis l. 1. et pen. tit. super. Ex eadem l. 3. et ult. h. t. intelligimus inutilem esse stipulationem, quæ fit alteri, puta, *Lucio Titio dari promittis*? Verum hæc l. 3. addit duas exceptiones, sive duos casus, quibus stipul. facta alteri valet. Primus hic est: si stipuler patri, vel avo, in cujus potestate sum: et adde: vel si stipuler ei, quem habeo in potestate, quod satis exposuimus l. 2. tit. super. Alter casus hic est, si mea intersit alteri dari, cui stipulor, qui casus merito excipitur: nam regula illa juris, ut alteri nemo pacisci, vel stipulari possit de eo tantum est, qui cum sua nil interesset, alteri dari stipulatur, l. stipulatio ista, §. alteri. ff. de verb. oblig. Ergo si stipuler alteri, cum mea interest alteri dari, stipulatio valet, non ut alter agat, sed ut ego possim agere in id quod intere-*t*, quod alteri datum non sit, sive subjecerim stipulationem quanti ea res est, sive omiserim, ut d. l. stipulatio ista, §. si stipul. et §. si quis insulam, et §. seq. Vel si dari stipuler procuratori meo, qui mea negotia gerit: vel si stipuler dari creditori meo, cui debeo pecuniam ad diem certam sub pœna, et mea maxime interest, ne incidam in pœnam, ei ea die pecuniam solvi: vel etiam si promiserim me L. Titio domum redificaturum meis sumptib. et stipuler a fabro quodam L. Titio domum redificari stipulatio valet, et continet quæ uti mea interest Titio domum redificari. Idemque erit, si tutor, qui cepit administrare tutelam, cessa administratione contutori suo, ab eo stipuletur rem pupilli salvam fore, pupillo stipulatur, et valet stipulatio, non ut ex ea pupillus agat, sed ut ipse, qui stipulatus est, adversus contutorem agat ex ea stipulatione, id est, ex ejus vi et potestate quanti sua interest rem pupilli salvam esse. Idem evenit etiam, si promiserim Titio fundum Mævium daturum, et si Mævius non daret pœnam me daturum: nam recte stipulamur de Mævio Titio fundum datum iri: quia mea maxime interest dari. Idem evenit in specie l. 3. quæ nobis necessario ponenda est. Azo proprius accessit ad speciem veram. Scripta lex est ad Isidorum patrem (et sic est inscriptio emendanda, ut scribatur *Isidoro*, non *Isidora*) qui mortua in matrimonio liba, cum genero suo pactus est, ut dotis a se profecta, partem dimidiam retineret gener nomine filii ex eo matrimonio procreati, partem alteram restitueret nepoti cuidam ejusdem Isidori, si is nepos videret, quoniam de ejus absentia saluto erat incertus, vel si mortuus esset, ut alteram partem restitueret Juliano cuidam ex-

traneo et absenti, subjecta stipulatione, *Juliano reddi partem dimidiam dotis profectitæ*, aut si non redderetur, sibi præstari, quanti ea res est. Finge interfuisse Isidori Juliano dari, forte procuratori, aut creditori suo: si gener eam partem Juliano non reddat, Isidoro committitur stipulatio in id quod intere-*t*, ceterum ipsi Juliano nulla competit actio, quia absens fuit, cum id socer de genere stipulabatur. Et ita in hac l. 3. proponitur alteri absenti inutiliter facta stipulatio. Et idem omnino similiter proponitur l. 3. tit. superioris, alteri absenti inutiliter factam stipulationem. Unde ex diverso dicendum videtur ex l. 3. h. tit. et ex l. 3. tit. superioris, alteri præsentis, et tacenti recte stipulationem fieri: hoc (ut aliquantulum attingi in d. l. 3.) non est verum ipso jure, sed ex æquitate: nec enim si quis sit stipulatus alteri præsentis, dabitur actio directa, sed utilis, ut in l. si procuratori 79. ff. de verb. obligat. si procurator stipulatus sit domino præsentis, domino dari ex stipulatu utilem actionem: ac similiter si quis stipulatus sit alteri præsentis, videtur ei danda esse utilis actio ex stipulatu, quia ipsamet præsumitur stipulatus, licet revera stipulatus non sit, quæ præsumptio non potest fieri de absente, cui quis stipulatus est, quia præsumptiones, et fisiones convenire nature oportet. In stipulationibus præsumptiones admittamus, ut si scriptum sit in instrumento promississe aliquem, præsumimus præcessisse interrogationem, nec quicquam mutat, si non præcesserit, l. 1. tit. super. Et similiter, si scriptum sit, rem fuisse gestam inter præsentis, præsumitur ita fuisse gestam, et præsumptio potior est veritate, l. pen. tit. sup. Et ita cum stipulor præsentis, præsumitur is ipse, cui sum stipulatus, sibi stipulari, licet revera stipulatus non sit, ideoque ei datur utilis actio. Postremo ex l. 4. h. tit. intelligitur, inutilem esse stipulationem de mutua successione, ut si tu me heredem facturum promittas, et vicissim ego te, quia non pactis, sed testamentis deferuntur hereditates. Pactum non est modus dandæ hereditatis legitimus: imo est contra bonos mores constringere libertatem testamentorum pactis, vel stipulationibus, puta ne tu alium: quam me heredem facias, et ne ego vicissim alium, quam te. Et ita l. 4. est accipienda de pacto, et stipulatione mutue successionis. Quod indicat verbum (*vos habere actionem*) quod etiam Græci, ex quibus Harmenop. noster, hanc legem 4. ponunt sub titulo ἀλλήλων διαδοχάς, id est, de mutua successione, quæ tamen pactio inter commilitones recipitur jure singulari, non passim ubique sed in ipso procinctu possunt se invicem, interpositis stipulationibus, heredes facere, l. licet, sup. de vact.

RECITATIONES SOLEMNES.

Rei nomen commune est actoris , et ejus , quo cum agitur , ut in illa lego 12. tabul. Si quid horum fuit vitium iudici , arbitrove , reove dies diffusus esto : reove , id est , alterutri ex litigatoribus , ut in l. 2. §. si quis iudicio , ff. si quis caut. nec mirum si sit commune nomen actori , et ei , cum quo agitur , cum sit commune contrahentium omnium , sive contrahentis utriusque , creditoris et debitoris , stipulatoris et promissoris . Unde et reus credendi dicitur , et reus debendi , l. si duo , ff. de rec. et reus satisfaciendi , et reus satis accipiendi , l. qui hominem , §. quidam , ff. de solut. reus stipulandi , et reus promittendi , vel , ut veteres loquebantur , reus stipulando , et reus promittendo . Reus stipulandi est is , qui suo nomine ab alio stipulatus est , non is , qui alteri adstipulatus est . Reus promittendi est , qui suo nomine , vel pro altero quid promisit : quæ definitiones sunt Aelii Galli Juriscons. et ostendunt bellissime , nos posse pro altero promittere , veluti fideiubendo , quod proprie est adpromittere , non tamen posse alteri adstipulari . Denique adpromittere nos posse , adstipulari non posse , exceptis certis casibus , de quibus diximus titulo superiori . Duo autem , vel plures rei stipulandi sunt , qui ab uno , vel pluribus eandem rem , vel pecuniam singuli in solidum , et in partem virilem stipulati sunt , vel apud quos ius stipulationis est commune , ut in l. si rem , §. ult. ff. de novat. Duo , vel plures rei promittendi sunt , qui eandem rem , vel pecuniam ex eadem causa singuli in solidum , et in partem virilem suo nomine , vel pro altero , uni , vel pluribus promiserunt . In solidum , et in partem virilem , ut ait lex inter eos . ff. de fideiust. quod in idiotismo dicimus , chacun pour soy , et chacun pour le tout. Non exigo , ut rei promittendi nominationem , et specialiter se in solidum obligaverint , sed ut stipulator , sive creditor intuitus sit singulorum personas in solidum , ut l. cum apparebit , ff. loc. vel tacite actum sit , ut singuli tenerentur in solidum : nec enim id exprimi olim necesse erat , l. his verbis , ff. de duob. re const. quæ lex valde facit ad confirmandam sent. l. 1. sup. de contrah. stip. et l. Titia , §. pen. ff. de verb. obl. Ut sicut si instrumento scriptum sit promisisse aliquem , ita

Ad L. II.

*Prohiberi non potest exigere debitum, cum sint
duo rei promittendi ejusdem pecuniæ, a quo velit.
Et ideo si probaveris te conventum in solidum
exolvisse, rector provincie juvare te adversus eum,
cum quo communiter mutuum pecuniam accepisti,
non cunctabitur.*

In specie l. 1. hoc tit. rei promittendi sunt, qui communiter, id est, pro indiviso mutuum pecuniam acceperunt, et eam se creditori redditurus sponderunt. Et et re, quia mutuum pecuniam acceperunt communiter, et verbis stipulationis sunt rei promittendi, quia communiter sponderunt, et est in arbitrio creditoris a quo solidam pecuniam petat, ut in h. l. 1. et l. 2. l. si divisa, sup. de loc. l. 3. §. 1. de duobus reis. Ceterum, ut additur in h. l. ei, qui solidam pecuniam solvit, quem elegit stipulator, subvenitur adversus concurrem, οὐκ ὑπὸ δουρῶν, ut Græci loquuntur, vel creditore ei cedente suam actionem. puta credito pecunie, vel ex stipulatu, vel ei subvenitur data actione pro socio, vel communi dividundo, si socii fuerant, vel actione mandati, si vice mutui fidejusserint, quod fit plerunque non etiam actione data negotiorum gestorum, quod male tentavit glossa in l. 1. quis solidum solvit, quo se liberare aliter non poterat, qui tenebatur in solidum: nam si in virilem partem donata tenebatur, et solvit solidum. tum sane ei de restituenda parte adversus alterum debitorem dabitur actio negotiorum gestorum, ut l. si in rem, sup. si cert. pret. quia potuit se liberareolvendo partem, nec cogebaturolvere solidum, quod solvit. Et hoc secundum distinctionem relatam multis locis, l. his. consequenter, §. ult. famil. ercisc. l.

frater a fratre. ff. de condiet. ind. l. pen. D. de reb. credit. l. si communes. ff. de neg. gest. Ut autem in specie d. l. si in rem de restituenda parte datur actio negotiorum gestorum ei, qui solidum solvit, cum teneretur duntaxat in partem virilem: ita in specie hujus l. 1. ei, qui solidum solvit, cum et in solidum teneretur, dabitur actio, quam ei cessit, et mandavit creditor, vel actio pro socio, aut communi dividundo, vel mandati de restituenda parte tantum, ut est in Basilicis in hac l. 1. ἀπὸ τοῦ ἀποδοῦναι μέρος, de restituenda parte dimidia. Quae autem in hoc titulo vulgo est l. 1. et incipit ab iis verbis, si duo, pluresve, etc. omnino delenda est, tanquam adulterina. Est quidem in editione Huloandri, sed plane viciata, cum nec verba ejus ullum referant sensum idoneum, nec sit in Basilicis, nec in veteribus codicibus, ut glossa ut testatur ad auth. hoc ita, quam Irnerius posuit sub h. tit. ex Nov. 99. et vero ita est: nulli veteres Codices habent illam legem si duo: nulli doctores eam etiam agnoscunt, et ut significant verba ejus, portea a sunt, non verba. Sed ut de ea Novella dicamus, ejus sententiam Irnerius subiecit l. 1. hoc tit. ea Novella tollitur electio, que datur creditori, ut conveniat in solidum quem volet ex reis debendi. l. 1. et 2. videlicet, si duo rei promittendi se nominatim in solidum non obligaverint, vel si se nominatim obligaverint, et omnes solvendo, et praesentes sint, quia his casibus stipulator cogitur inter eos dividere actionem suam, ita ut singulos conveniat in partes tantum viriles. Et in plures rei promittendi his casibus, hodie habent beneficium divisionis, nisi ei renuntiaverint. Epistola D. Hadriani notissima etiam tabellionibus quibusque hodie, quae pertinebat ad confidejutores, et conreos constituta pecuniae, etiam porrecta est ad reos principales, ut supra dictis casibus habeant beneficium divisionis, nec possint singuli conveniri in solidum arbitrio, et electione creditoris. Creditori adempta est electio general. Constitutione Novellae, quae olim non potuit adimi creditori rescripto speciali, ut ait l. 2. h. t. quia rescripta Principum ad neminis injuriam pertinere debent. Rescripto Principis non potest confirmari vitiosa possessio, puta, quam quis vi adeptus est l. 3. sup. und. vi: non potest rescindi venditio jure perfecta, l. 5. sup. de rescind. vend. l. incivile, sup. de rei vindicat. non donatio l. 3. inf. de revocand. donat. l. 9. sup. de donat. ante nupt. non testam. l. 10. sup. de test. Ad haec notandum ex l. 3. h. tit. si uni ex reis promittendi pecunia sit numerata ceteros quibus numerata non est, non habere ἀπορροπήν id est, exceptionem non numeratae pecuniae, quod etiam confirmat l. 5. sup. si cert. pet. Non potuit singulis numerari in solidum, sed necesse

fuit uni-numerari nomine omnium, ideo ceteris nil proficit exceptio non numeratae pecuniae, quia quae numerata est uni, videtur esse numerata omnibus, sicut ex l. ult. mox intelligemus, uno ex reis promittendi agnoscente debitum, et ceteros agnovisse videri; agnitionem unius esse generalem. Itemque convento uno ex reis promittendi, et ceteros conreos videri conventos, et interpellatos, conventionem esse generalem, omnesque compleri, quorum est una, et communis obligatio: quae in re est valde singularis l. ult. quae ut intelligatur sciendum est, actionem ex stipulato perimi praescripi 30. ann. sed eam variis modis interrumpi, ut litis contestatione, conventionem executoris, et libelli admonitione, ut l. sicut, et l. cum notissimi in princ. sup. de praescript. 30. ann. l. ult. sup. de annal. exc. l. 2. sup. ubi in rem act. ex arc. l. pen. sup. de recept. arb. Interrumpi etiam non extante debitore, qui conveniatur protestatione habita publice, l. 2. sup. de ann. except. Interrumpi agnitione debiti, puta, cautione nova, et novo chirographo, vel solutione usurarum, vel partis debiti d. l. cum notissimi, §. sed et si quis, argum. l. cum fidem, sup. de non numerat. pecun. Vel etiam datione fidejussoris, ut recte sentit Accursius l. cum quis, §. pen. ff. de solut. Sive autem plures sint rei stipulandi, et plures rei promittendi et ex persona unius ex reis promittendi interrumpatur praescriptio ab uno vel quibusdam reis stipulandi, ut si ille agnoscat debitum uni ex reis stipulandi, vel quibusdam, non omnibus reis, vel si conveniatur ille solus, non ceteri conrei promittendi, ab uno, vel quibusdam reis stipulandi; sive etiam plures sint rei stipulandi, et unus reus promittendi, ex cujus persona unus, vel quidam ex reis stipulandi interrumpant praescriptionem 30. annor. aliquo ex supradictis modis, sive sint plures rei promittendi, et unus stipulandi, in cujus personam ab uno, vel quibusdam reis promittendi praescriptio interrumpatur, non ab omnibus, ea interruptio cujuscunque modi sit generalis est, id est, prodest omnibus creditoribus, etiamsi non sit facta in omnium personam, et vocet omnibus debitoribus, quia una est obligatio, atque communis.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XL. De fidejussor. et mandat.

Superiores tituli fuerunt de iis, quiquid suo nomine principaliter promittunt: hic titulus est de

his, qui pro altero stipulanti, vel stipulantibus qui adpromittunt, salva manente obligatione, nec novata rei principalis: ii sunt *fidejussores*, quibus adfines sunt *mandatores*, puta, qui rogant: mandare est rogare alii pecuniam mutuam dari: nam et qui promisit fidejungere satis promisso facit mandando credi pecuniam, vel quid aliud dari, *li-rive*, *lex ultim. §. ultim. D. mandat.* et eleganter *lex si hereditatem*, eodem. Quicunque contractus tales sunt, ut quicunque eorum nomine *fidejussor* obligari possit, et mandati obligationem consistere: nec multum referre praesens quis interrogatus fidejubeat, an absens: mandet. Sed ex eo loco etiam intelligimus, hanc esse differentiam inter *fidejussores*, et *mandatores*, quod non tantum praesens: ut *l. 22. §. si cura'tor, cod.* sed etiam absens mandet, quia mandatum solo consensu contrahitur: fidejubeat autem praesens duntaxat, quia hoc fit per stipulationem interrogato *fidejussore*, ut ait *d. l. si hereditatem*, et *l. 3. §. ult. D. de administrat. rer. ad civit. pertin. l. 12 hoc tit.* de qua satis in fine *Observat. 14.* Qua ex re etiam *fidejussor* olim dicebatur *præs*, quo nomine respondens interroganti *fidejussor*, significabat se praesentem, atque ideo auctorem credenti esse. Non quicunque praesens fuit in contrahenda obligatione inter aliquos, habetur pro *fidejussore*, ut *l. 6. hoc tit. non is*, qui tabulas contractus adsignavit ut testis, ut in *l. 16. sup. de administrat. tut.* qui ut *curator* interfuit: sed is, qui praesens est interrogatus an *præs* esset, atque respondit *præs sum*; quo verbo fidem suam adstringit, et plerumque promissa manus, quod est symbolum stipulationis, ut ait *Salomon Proverb. 6. Enm, qui fidejubeat, plerumque promittere manum inimico, et laqueo verbi sui capi.* Et *cap. 22. Ne si ex his*, inquit, *qui manum suam promittunt, sive porrigunt pro debitis alienis.* Ceterum *præs* dicebatur proprie in causa pecuniaria: vas in causa capitali, si *Ausonio* credimus in *Monosyllabis*, quos etiam alii auctores solent distinguere, ut *Quintus Curtius Rufus* libro nono: *vestram virtutem rerum quas gesturus sum vadem praedemque habeo.* Et in *Epi-tome Titi Livii* l. b. 48. *De beneficiis quaesitum*, inquit, *Publicia, et Licinia nobiles faeminae quae viros suos necesse insimulabantur, causa cognita, cum praetori praestes, vadesque dedissent, cognatorum decreto necatae sunt.* Sed eo loco videtur *præs*, et vas promiscue dari in causa capitali: et rectius veteres libri, cum praetori pro se *vadem* dedissent. Distinguit et idem *Ausonius* alio loco. *Permulta possum, inquit, currere exempla, ut probem praedes, vadesque poenitudinis, reos, sed nolo quinquam nominatim dicere, sibi quisque vestrum dicat, et secum putet, spondere quantis damno*

fuert, et malo. Quod est elegantissime scriptum, et demonstrat etiam miseriam, aut periculum eorum, qui pro altero fidem suam obstringunt, et ut *Chilo Lacedaemonius* dixit aut *Thales Milesius*: *comitem aeris alieni, litisque esse miseriam.* Et elegantius *Jesus Syrach* in *Panaceto cap. 29. Fidejussionem felices multos, qui erant, ad infelicitatem perduxisse et evertisse bonis, et domo, patriaque.* Porro, quam adfines sit mandator *fidejussori*, etiam ex eo apparet, quod plerumque mandator est is, pro quo *fidejussor* intercedit, qui nimirum eum rogavit, ut pro se fidejuberet, et inter eum, et *fidejussorem* mandati obligatio constituitur, ut *l. 14. hoc tit.* Cujus sententiam exponam, deinde ostendam toto hoc titulo, jus esse commune mandatoris et *fidejussoris*, nec enim me ordinem legum hujus tit. sequi, aut servare necesse est.

Ad L. XIV.

Mandati actio personalis est, quae si nomine fidejussoris, vel adversus debitorem, seu heredem ejus competit, praeses provinciae, quae deberi compererit, reddi jubebit. Pignora etenim, quae reo et pulandi nexa fuerunt, ita demum ad vos transeunt, si facta nominis redemptione solutio celebrata est, vobisque mandatae sunt actiones. Quod si factum est: ea quoque vobis persequentibus, adversus (pignorum) possessores extraordinariam jurisdictionem idem vir clarissimus impertietur. ()*

Lex 14. ostendit, per mandati actionem a debitore principali, vel heredem ejus, fidejussorem consequi quod pro eo creditori solvit: pignora autem creditori nexa, solutione facta creditori per fidejussorem, liberari, nisi (quod notandum) fidejussori creditor cessarit actionem hypothecariam, ut l. 2. 11. 21. hoc tit. quam recte cedi, et mandari ostendi d. l. 14. pecunia accepta, quam fidejussor solvit, tanquam pretio nominis, sive actionis venditae fidejussori, ut in l. si is, D. cod. l. Modestinus, D. de solut. l. cum possessor, D. de censib. Nam pecunia accepta, tanquam credito, quam creditori fidejussor solvit, omnis tollitur obligatio personalis, et hypothecaria, nec ulla quam credat actori superest actio. Ac pecunia accepta, tanquam pretio venditi nominis, neque personalis obligatio tollitur, neque hypothecaria, Et cedi potest fidejussori, quasi emptori nominis, cui agenti hypothecaria, quam cessit creditor adversus possessores pignorum, dict. l. 14. ait, praesidem

(*) Vide *Merill. Variant. ex Cujac. lib. 2. cap. 16.*

provinciae impertiri extraordinariam jurisdictionem, id est, ipsummet praesidem cogniturum de jure hypothecae non judicem specialem datum, qui de hypotheca cognoscat ex more, et ordine veteri judiciorum, et legum, quid esset jam esse in usu; quare vulgo dicitur, *Hodie omnia judicia esse extraordinaria*, quod in nullis observetur vetus ordo legum, vetus solemnitas, sive ritus. Et haec est sententia l. 14. Nunc intelligamus, toto h. tit. jus proponi commune, quod est cum fidejussoribus, tum mandatoribus: notandum est, liberato reo principali capitis diminutione, ut si deportatus sit in insulam, quo genere in totum liberatur, si omnia bona ejus (ut sit plerumque) publicata sint: pro parte, si pars tantum: quia deportatus pro mortuo habetur, et fiscus pro successore ejus: eo, inquam, ita liberato, fidejussorem, aut mandatorem non liberari, ut l. 1. 15. et 20. hoc tit. Qua de causa in l. defensiones, sup. de except. dicitur defensiones, sive exceptiones extendi ad fidejussores, vel mandatores, quibus reos principali movitus est, integro manente statu, id est, qui non sustinuit capitis diminutionem, quoniam reo principali capite diminuto, defensio, sive liberatio, quae ei competit, non competit etiam fidejussori, sive mandatori: et rationem reddidit in eo loco. Ideoque hoc casu, quem proposui, in arbitrio est creditoris, ut vel fiscum conveniat, in quem bona deportati debitoris transierunt, vel fidejussorem, aut mandatorem, l. 20. hoc tit. sed electo fisco, et exacta ab eo pecunia, tum proculdubio fidejussor liberabitur, l. 15. hoc tit. Ea quoque electio, quae datur creditori est communis, sive malit in fidejussorem, aut mandatorem creditor experiri omisso reo principali, nisi aliud convenerit, quod aliquandiu obtinuit, ut hanc creditor haberet electionem: sed novissime eam creditori Justinianus ademit in Novella 4. restituto vetustissimo jure, quo appellendus erat prius debitor principalis, quam sponsor, id est, fidejussor: qua de causa a Basilicis absunt in hoc titulo omnes leges, quae illam electionem creditori permittunt, l. 3. 5. 19. 20. 21. 23. tanquam abrogatae Novella Justiniani, quatenus electionem creditoribus permittunt, non tamen abest a Basilicis l. 7. quae omissis pignoribus, permittit electionem fidejussoris, nisi aliud convenerit: nam hoc congruit Novellae Justiniani, ex qua potest, imo debet prius conveniri fidejussor, quam agere de pignore. Qua ratione nec debuit a Basilicis abesse l. 2. hujus tituli, ut abest, quae hoc tantum dicit, id est, quae idem illud dicit, quod congruit cum Novell. Justin. omisso pignore, creditorem agere posse cum fidejussore. At contra a Basilicis recte abest alia lex, quam nondum attuli,

sempe l. 25. quae (quod hodie non permittit Novella) omisso fidejussore, permittit creditori electionem pignoris, seu hypothecae, et eo non sufficiente, id est, pignoris distracti pretio ad creditorem adimplendum, residui persecutionem permittit adversus fidejussorem. Quod ita intelligendum est, si justo pretio creditor pignus distraxerit: nam si non justo pretio residuum, quod ex pretio servare potuit creditor, a fidejussore exigere non potest, l. 18. h. t. At secus est, si justo pretio pignus distraxit, quia executio pignoris, fidejussoris liberatio non est, l. 9. hoc tit. Sicut e contrario rei, vel fidejussoris conventio, statim non est liberatio pignoris, l. un. sup. etiam ob chirograph. pec. Item (*) electio rei principalis sola, nondum secuta executione, non est statim liberatio fidejussoris, aut mandatoris, sicut nec electio unius ex fidejussoribus, vel mandatoribus, vel rei promittendi, liberatio est rei, aut conrei, aut confidejussoris, aut alterius mandatoris ejusdem pecuniae, id est, non electio sola, sed exactio pecuniae. Et hoc pertinet l. 23. et 28. h. tit. Et male huic sententiae opponitur l. 16. cujus legis duae sunt partes. In prima ponit quidem creditorem posse eligere unum ex fidejussoribus, et in solidum convenire, si putat ceteros non esse solvendo, sed non dicit ceteros liberari post litem contestatam cum uno. In 2. autem parte non ponit creditorem elegisse unum ex fidejussoribus, sed item contestatam fuisse cum omnibus, ut est aperte in Basil. et κατά πάντων προκατάβηται, litem, inquam, fuisse contestatam cum omnibus fidejussoribus divisa actione in partes viriles, id est, singulis conventis pro parte virilis quo facto lex ait, jam creditori non licere deserto eo judicio, convenire unum ex fidejussoribus in solidum, etiamsi ceteri solvendo non sint, quia semel divisit actionem inter fidejussores, quod sibi debet imputare. Hoc ergo dicitur de novatione necessaria, id est, de judicio accepto: nam voluntaria novatione constat protinus liberari fidejussorem, vel mandatorem, l. 4. hoc tit. et pignora, l. un. sup. etiam ob chir. Et ita est explicanda l. 16. Et explicatio demonstrat male ex ea colligi, conventionem unius fidejussoris esse liberationem ceterorum. Ac rursus repetamus, quod ait d. l. 16. creditorem, qui litem contestatus est cum omnibus fidejussoribus divisa actione, amisisse jus eligendi unum ex fidejussoribus in solidum, etiamsi ceteri solvendo non sint, ut scilicet addamus e contrario, unum ex fidejussoribus, cum quo creditor primitus litem contestatus est in solidum, etiam post litem contestationem, si ceteri con-

(*) Vide Merrill. Variant. ex Cujac. lib. 2. cap. 16.

fidejussores solvendo fuerint, quandoque ante sententiam desiderare posse ex Epistola D. Adriani notissime omnibus, etiam circuitoribus fori, ut in partem tantum virilem condemnatur, ut *l. 10. hoc tit.* quia hæc defensio peremptoria, quæ beneficium divisionis dicitur, commune fidejussori et mandatori, *l. ult. sup. de constitut. pec.* de quo etiam agitur *l. 3. hoc tit.* magnum beneficium, quod sit ut fidejussor, qui est obligatus in solidum, damnetur tantum in partem. Miserabilis est conditio fidejussoris, maxime debitore principali non existente solvendo, et miserabilis, quem sæpe perpetuantur auctoris aspectus. Ideo leges fidejussoribus, et mandatoribus, qui proximi eis sunt, variis modis opitulantur, ut illa Epistola Adriani dato beneficio divisionis. Itemque aliter *l. 27. et l. ult. hoc tit.* quæ est constitutio Græca, et desideratur, multis beneficiis, sive remediis subvenire leges miserie fidejussorum, et quantum potest, allevare eorum onera: primum maxima parte hominum liberata hujusmodi obligatione, puta, foeminis omnib. ex Senatusc. Vellejano, deinde dato etiam maribus, qui pro alio fidejussissent, beneficio divisionis, quod habent ex Epistola D. Adriani, nisi ei renuntiarent nominatim, dato etiam beneficio electionis ademptæ creditoribus, quod vulgo dicitur beneficium excussionis, ne scilicet fidejussor conveniatur inexcusso reo concessum a Justiniano iis, qui ei nominatim non renuntiassent: nam hoc jure utimur, ut huic et illi beneficio renuntiari possit, quæ de causa in Codice, et in D. non sunt inutiles, quæ sunt numeratæ leges, quibus electio creditori permittitur, quia plerumque huic beneficio fidejussores renuntiant. Eodemque modo, etiam foemine, quæ beneficio Senatusconsulti iis obligationibus exemptæ sunt, recte renuntiant beneficio Senatusconsulti Vellejani. At præter hæc beneficia, sciendum est, fidejuss. nonnunquam intervenire in causis civilibus, vel in criminalibus, qui pro reo cavent judicio sisti, id est, de representando reo, ut loquitur Justinianus, nisi tam grave sit crimen, quo reus postuletur, ut carceri potius, quam fidejussoribus committi debeat, *l. 1. et 3. D. de custod. reor.* Et hujus cautionis vis hæc est, ut reum criminis fidejussor exhibere compellatur, aut arbitrio judicis pœna pecuniaria, vel si dolo malo non exhibeat, extraordinaria plectatur, *l. 4. eod. tit.* Et hoc est, quod ait *l. 13. h. t.* cum Decurionem, id est, Senatorem municipalem qui fide promiserat se latronem quandam inventurum, id est, requisiturum et exhibiturum; exhibendi, et sistendi latronis necessitate eas obstrictum: aut si dolo malo eum non sistat, transmitti ad præfectum prætorio, vel præsidem provincie, ut scilicet puniatur extra ordinem, quod dolo malo non sistat latronem, pro quo cavet: hi enim

sunt judices, ad quos causæ criminales decurionum reijciuntur, præses provincie, vel præfectus prætorio. Ceterum si fidejussores caveant reum sisti in diem certam, puta intra sex, aut intra septem, vel octo menses, et si intra eam diem non stitissent reum certam pœnam pecuniariam, singulare est beneficium, quod dedit idem Justinianus *l. 26. h. t.* ut fidejussores ea die reum non stiterint, quanvis verum sit pœnam esse commissam ex die lapsu, attamen differatur exactio pœnæ in menses sex, intra quos si fidejussores reum sistat, vel defendant, videlicet eum reum judicio sisti, aut defendi promiserunt, pœnalis stipulatio, quæ commissæ erat, evanescat. Beneficium est plenum humanitatis, ut post commissam pœnam, liceat fidejussori purgare moram intra sex menses, exhibito, vel defenso reo, quia regulariter pœnæ semel commissæ ex die certa nulla deprecatio, nullum effugium est, *l. trajectitia. D. de oblig. et act. l. Celsus, D. de recept. qui arbitr. recep.* sed benigne leges subveniunt miserie fidejussorum. Et hæc est sententia legis 26. ad cujus speciem non est existimandum etiam pertinere legem etsi post tres, *D. si quis caut.* quia non loquitur de fidejussore, sed de reo ipso, qui promisit judicio sisti, et non de stipulatione pœnali, sed de stipulatione, quanti ea res est: inter quæ multum mutat: nam cum fidejussore mitius agitur, quam cum reo principali. Et stipulatio pœnalis est severior et strictior, quam stipulatio, quanti ea res est: nam pœnalis statim ipso jure committitur ex die exhibitionis, quo reum sistere debuit, stipulatio quanti ea res est non committitur ex die, sed ex lite contestata, ex illa stipulatione, *l. 3. sup. de contrah. stipul. l. cum quærebatur, §. proinde, D. judicat. solvi.* Et idem ostendit lex etsi post tres, *§. proinde,* si post diem, quo reus se sistere promiserit intra tres dies, vel quinque, vel plures, id est, intra modicum tempus, non intra sex menses, ut in fidejussore constituit hæc lex 26. ante litem contestatam reus se judicio sistat, secum agendi potestatem faciens, et cum eo agatur ex stipulatione, quanti ea res est, poterit se tueri exceptione doli mali, scilicet, si ex mora illius modici temporis jus actoris deterius factum non sit, id est, si doceat ob eam rem nil interesse actoris, quæ est sententia *l. gr. etsi post.* Verum ex hac *l. 26.* etiam notandum est, pœnalem stipulationem, de qua in ea agitur, evanescere mortuo reo quem in diem certam fidejussor cavet se judicio exhibiturum. Mortuo, inquam, reo intra diem dictam, non etiam si moriatur post eam diem dictam, atque conventam intra sex menses, quos hæc constitutio dat fidejussori ad exhibendum reum, pro quo cavet, qui jam capit esse certum, reum non posse exhiberi intra illos menses, cum sit mortuus, et ideo pœnæ commissæ

petitio est. Et hoc plane convenit cum jure communi, *l. 4. D. qui satisd. cog.* Sequitur aliud in *l. 27.* Sed omisimus etiam fidejussoribus subveniri, qui solidum solvere parati sunt, creditore compulso eis vendere nomina, ut *l. fidejussoribus 17. D. de fidejussor.* At in *l. 27. hujus tit.* proponitur aliud, in quo etiam fidejussoribus succurritur, qui sine scriptis, et sine adjectione diei pro alio judicio si-ti adpromiserunt, ut scilicet ex ea stipulatione non teneantur in perpetuum, id est, usque ad triginta annos: ex ea non possunt conveniri ad eum finem longissimi temporis, sed intra duos menses tantum, quod beneficium manat ex edicto quodam generali præfecti prætorio, ut ait *lex 27.* Nam et præfectum prætorio, qui est apex omnium magistratuum, non ambigitur jus facere posse, *l. 2. sup. de Offic. præfect. prætor.* Orient. *l. apertissimi, sup. de judic.* et in libro Novellarum Justiniani, quatuor postremæ sunt edicta præfectorum prætorio, quæ uno verbo a Grecis dicuntur ἐναρξια. Qui ergo pro alio sponondit judicio si-ti sine scriptis, et non adjecta die, intra quem sisteret si intra duos menses conventus non sit, ex ea stipulatione ipso jure liberatur. Qui autem ex scripto fidejussit, in perpetuum tenetur. Denique majus est vinculum fidejussionis scriptæ, quam non scriptæ, quia non presumitur se in longum tempus obligasse, qui fidejussit sine scripto indiligentius. Et hæc est præsumptio juris, legis præsumptio justa cujus nunquam sollicitius est inquirenda ratio, maxime cum benigne inducitur levandi fidejussoris gratia. Et hæc quidem distinctio inter eum qui pro alio judicio si-ti promisit ex scripto, et eum qui ex non scripto, est indubitata et certa. Verum inde querebatur, an is qui fidejussit apud acta, vel apud officium sive tabularium, videatur fidejussisse sine scripto, ut tantum teneatur in duos menses, non ultra? Et hoc Justinianus magis probat in hac *l.* Itaque (quod notandum) quod ait *lex cum pro quo, ff. de in jus voc. cum,* qui pro alio fidejussit judicio si-ti apud acta, vel apud officium, ad eum exhibendum compelli: sic hoc est intelligendum, ut compellatur tantum intra bimestre tempus, non ultra. Et hoc in privatis causis: nam in publicis sive fiscalibus, qui apud tabularium testibus adhibitis fidejubeant judicio si-ti, privilegio speciali pro eo habentur ac si fidejussissent ex scripto, ut perpetuo teneantur. Nec novum hoc videri debet: nam (ut ait Justinianus) multa privilegia propter publicas necessitates juri publico præstantur, et proponuntur multa in titulis *de jure fisci, et de privilegio fisci.* Ad postremum etiam aliud est, in quo *lex ult. hoc tit.* (quæ est constitutio Græca hactenus desiderata) significat fidejussoribus subveniri, videlicet qui pro alio usu-

rarum nomine fidem suam obstrinxerunt, quos quidem *lex 10. h. tit.* qui fidejusserunt, in usuras scilicet, ait, nullam habere justam causam recusandi solvere usuras: sed hoc ita verum est, ut nullam habeant justam causam recusandi solutionem usurarum, qui in eas fidejusserunt intra biennium, si in longius tempus se non obligaverint, post biennium liberari ab onere solvendarum usurarum, quod est magnum beneficium, si non se obligaverint ultra biennium: nam si se obligaverint in longius tempus, puta triennium, aut quadriennium, conventionem contrahentium nos sequi oportet: ita tamen ut ait *lex ult.* ut ultra modum, quem leges usuris dederunt, non debeantur, puta supra duplum: ut si sors sit centum, usurarum nomine solutis ducentis, debitor omnimodo liberetur et a sorte, et ab usuris, quia ubi usuras sortem æquaverunt: quod post solvitur usurarum nomine in sortem imputatur. Et hoc est quod dicitur, *usuras non deberi supra duplum, l. si non sortem, §. supra duplum, D. de condict. indeb.* Similis est distinctio quam posuit *l. 27. sup.* ut multum intersit, si scripto quis pro alio judicio si-ti promiserit in diem certam, an die non adjecta: nam hoc casu post bimestre tempus non tenetur, illo tenetur in diem, in quam usque cavet, etiam si excedat bimestre tempus: nam et ita in questione *l. ult. multum interest,* fidejussor obligaverit se in usuras pro reo principalis in diem certum (nam in eum diem solvere cogitur usuras, modo non excedant duplum) an vero non adjecterit diem, quoniam hoc casu post biennium recte recusat solutionem usurarum. Et verba hujus legis ult. in Basilicis hæc sunt: ἰὰν τις, etc. sententia hæc est: *Eum, qui fidejussit in usuras, non in biennium tantum teneri, sed in tantum temporis, in quantum convenit, et cavet, ut usurarum nomine teneatur. Igitur licere fidejubere usurarum nomine etiam in longius tempus, modo duplum usuræ non superent: et nil præterea dignum est notatu in hoc titulo, nisi de specie legis 32. hoc tit.* quæ vulgo perperam apponitur, estque talis: mandavit Titio, ut tibi crederet decem, credidit decem: dein Titio stipulanti promisi, me daturum viginti per errorem, qui mandaveram, ut numeraret tantum decem, quæ etiam sola numeravit. *Lex 22. ait,* ultra id quod tu accepisti, quovis ego mandavi, ex stipulatione illa, quæ excedit ejus pecunie quantitatem, mecum utiliter agi non posse, quia ex stipulatio fuit sine causa, in eo quod excedit pecuniam creditam ex mandato meo, qui reus principalis non tenetur, nisi quatenus est ei numeratum, *l. si tibi, D. de pact.* Ergo nec manipulator: ideoque si conveniatur, poterit se tueri exceptione doli mal: imo vero ultra poterit agere conditione liberationis, ut illa ubli-

gatio sibi accepto feratur, l. 15. hoc tit. quam Graeci conditionem recte vocant incerti actionem, *πρὶ τοῦ ἀδήλου ἀγωγῆς*, quae Liberationes, et acceptilationes incerti condicuntur. Et ita est explicanda l. 22. quod etiam *πράξεις βασιλικῶν* probat. Cuius latine sent. haec est si compellatur ultra quam acceperit reus principalis atque ad o ultra quam mandaverim ei numerari, mihi succurri, ne a me petatur *τὸ περισσὸν*, id est, quod excedit pecuniam numeratam. Ig tur ponendum est, numerationem convenire mandato, id est, tot nummos fuisse numeratos, quot numerari mandavero, quod non ponunt vulgo, sed post numerationem me incautus promississe daturum Titio ultra quam mandassem, vel ipse Titius numerasset.

JACOBI CUIJAGII L. C.

In Lib. VIII. Codicis.

RECITATIONES SOLEMNES.

Al Tit. XL. De novation. et delegat.

Hic titulus est de stipulationibus novandi causa interpositis ad tollendas priores obligationes. Fidejussio et mandatum, de quibus est superior titulus, non tollunt priorem obligationem, sed accessiones ejus sicut novatio et delegatio, de quibus est hic titulus, tollunt priorem obligationem. Fit quidem et fidejussio et novatio, sive delegatio per stipulationem: sed ut verborum etiam discrimen non iguoretur, fidejussio proprie fit per abstipulationem et ad promissionem, quae verba significant fidejussores adiungi priori obligationi: novatio autem fit per exstipulationem et expromissionem, quo genere prior obligatio perimitur, et articulus ex significat veteris obligationis interitum, et novae exortum. Fit ergo novatio et delegatio per stipulationem. Est igitur voluntaria, quae nemo stipulanti promittit invitum, l. 1. et 6. hoc tit. Stipulatio ex utriusque consensu consistit, l. 1. et §. p. n. ff. de pact. l. si stipular. §. ult. ff. de verb. oblig. Alia est novatio et delegatio, quae non per stipulationem, sed per litem contestationem fit iudicio accepto, de qua proprie hic titulus non est, sed de voluntaria tantum: haec necessaria est, l. ult. ff. de separat. quia iudicium relditur in invitum, l. inter stipulantes, §. 1. de verb. oblig. Ut si is, cui vendidi novum l. Titius, mandatu meo litem contestetur cum L. Titio: vel si creditor litem contestetur cum debitore suo, cumque condemnet, quo genere vetus actio novatur, et transfertur in actionem iudicati, l. 1. hoc tit. in secunda parte, quae repetita est in l. nominis, sup. de hered. vend. l. 11. et 29. eo l. tit. Nova-

Tom. IX.

tio voluntaria, de qua est hic titulus, est stipulationis, vel alterius obligationis veteris in novam stipulationem translatio, atque transfusio, quo genere vetus obligatio perimitur ipso jure, l. si natus, §. pactus, ff. de pact. l. 2. et 3. hoc tit. Delegatio autem est mandatum in stipulationem novandae, et transfundendae prioris obligationis, quod fit (exempli gratia) creditore iubente debitorem suum id quod sibi debet alii creditori stipulanti, vel alii, cui creditor illud nomen donatum vult, promittere. Hoc jussu sive mandatum, ut alii stipulanti promittat, quod mihi debet, delegatio appellatur. Unde inter delegatum et delegantem nascitur actio mandati, l. 11. ff. eod. tit. pericitur autem delegatio secuta stipulatione, hoc est, delegato novandae causa promittente ei, cui delegatus est, sive debitor sit delegatus, sive non debitor: nam et non debitor delegatus ex stipulatu, sequuta stipulatione conveniri et exigi potest, licet mandator nondum ei satisfecerit, l. 5. hoc tit. Et hoc est quod ait l. 11. ff. eod. tit. *Delegationem per stipulationem fieri*, id est, perlici atque compleri. Namque origo delegationis est mandatum: executio delegationis est stipulatio et promissio novandi causa interposita. Et haec est delegatio debitoris: vel ita fit delegatio debitoris, atque impletur, de qua est hic titulus. Alia est delegatio, sive mandatum, et cessio non debitoris, sed actionis, ut cum aliquem procuratorem facio in rem tuam, vel in rem meam, ut agat cum alio meo nomine. Haec est delegatio actionis, non delegatio debitoris. Et in hac significatione dicitur in l. quod debetur, ff. de peric. delegationem pro justa praestatione, id est, cessionem actionis esse pro solutione rite factam. At in hoc titulo delegatio non est mandatum, ut agas, sed mandatum, ut alii stipulanti promittas, et inter hanc et illam delegationem, id est, inter haec duo genera mandatorum multum interest: nam ut sup. attingi, delegatio actionis fit invito vel ignorante debitore: delegatio debitoris non item. Et haec differentia proponitur in l. 1. Adhuc alia, delegatione actionis non tollitur obligatio, vel actio, quae deleganti, id est, mandatori competit, ut si in faciam procuratorem in litem meam, demandata, vel delegata tibi actione mea, non sileo amitto meam actionem. At delegatione debitoris prorsus tollitur obligatio, et actio mea, l. 2. hoc tit. Item delegatio debitoris novatione legitime perfecta, non potest revocari a delegante, etiamsi is, cui quis delegatus est, a delegato nondum exegerit pecuniam, vel etiamsi eam donaverit, aut acceptam tulerit. Delegatio autem, sive cessio actionis potest revocari re integra, l. si pater, sup. mand. Re integra, id est, si is, cui delegata est actio, nondum litem contestatus sit, vel si nil exegerit

193

debitore, vel si non denuntiaverit debitori, ut solveret. Quos tres casus eleganter expressit *l. 3. hoc tit.* quibus, quod res non sit in integro, mandatum actionis revocari non potest: item, et hoc est alia differentia, is, cui quis specialiter delegavit, vel cessit actionem certam in rem suam, hanc omnia sunt necessaria, non in rem delegati, invito mandatore, sive delegatore non potest novare, vel alio modo dissolvere obligationem, *l. 4. h. tit.* is autem, cui delegatus est debitor, et qui stipulatus est ab eo debitor, sane non prohibetur novare, vel alio modoolvere obligationem. Duo tantum notavi genera delegationis. Unum si mandavi, ut alteri promitteres. Alterum si mandavi, ut ageres cum alio. Est et aliud genus, si non mandavi, ut ageres vel promitteres, sed si te debitorem meum delegavi, ut solveres. *L. Titio pecuniam mihi debitam, qui multum distat ab eo, qui delegatus est, ut a'li promittat stipulanti:* nam hic si promittat, novatur obligatio cum id agitur: ille vero, qui delegatur ut solvat alio, quod mihi debet, si promittat, vel constituat se soluturum, non novatur obligatio, quoniam non actum est, ut novaretur, id est, id voluit is qui delegavit, *l. 22. de novat.* Et de hoc genere delegationis est *l. pen. hoc tit.* quae negit eum, qui delegatus est, ut solveret, conveniri posse, nisi promiserit ei, cui delegatus est, vel constituerit se soluturum. videlicet, quod notandum ex *l. pen.* si creditor, qui eum delegavit, sit creditor chirographi, qui nullum pignus contraxit ex causa crediti: nam hypothec. creditor jure hypothecae generalis, vel, si specialiter ei illud nomen obligatum fuerit, etiam non delegatum debitorem debitoris convenire potest, *l. nomen, sup. quae res pign. obligat. poss.* Ad hoc sciendum est, novationem voluntariam fieri quatuor modis: primo modo sine delegatione: ceteris modis remedio delegationis, sive praecedente delegatione. Primo modo fit novatio sine delegatione mutata causa, vel statu prioris obligationis, non mutata persona debitoris, vel creditoris, ut si de te stipuler novandi animo, quod mihi debes ex testamento, vel ex crediti causa, vel si quid mihi debes ex stipulatu, idem de te stipuler, si modo posterior stipulatio aliquid novi habeat. alioqui, stipulatio iterata supervacua est, aut sane inutilis ad faciendam novationem. Dico igitur novationem fieri, si quod mihi debes ex stipulatu, idem postea de te stipuler novandi animo, si modo posterior obligatio aliquid novi habeat, quod non habuerit prior, vel aliquid non habeat, quod habuerit prior, ut si in posteriori stipulatione novandi causa inopposita, pignus, vel fidejussor, vel poena, vel dies, vel conditio adjiciatur, aut detrahatur ex priori, aut si in posteriori stipulatione adjiciatur conreus

debeti, quod in *l. ult. hoc tit.* significari puto his verbis (*vel aliam personam adhibuerit*) puta si adjecerit conreum debendi. Et sequitur (*vel mutaverit*) quod est novationem fieri, mutato debitore: male Haland. in illa *l. ult. mutaverit*; alii Codices non habent illa verba (*vel mutaverit*) et tamen retinenda sunt, cum Basilica ea retineant, et veteres libri. Idem fiet si in posteriori stipulatione quantitas debiti augeatur, vel minuat, ut ait *d. l. ult.* Sed addit, idem evenire, si quis cautionem minorem acceperit, quod quid aliud est, quam quod dixit paulo ante, *si quantitatem minuendam esse crediderit.* Non possunt ea verba (*si cautionem minorem acceperit*) aliud significare. Ergo ilam supervacua repetit, et est tautologia, quod vitium tamen non excidit Justiniano auctori legis ultime: nam vetustiores libri non habent (*minorem*) sed (*junioem*) rectissime, hoc sensu: stipulationem stipulatione novari, e perimi, si creditor cautionem juniorem acceperit, quod probat *l. chirographis, D. de administ. tut.* quae docet, novationem fieri facto novo chirographo, quamvis nec persona mutata sit, nec causa obligationis quin etiam ad faciendam hanc novationem compelli debitorem, amisso veteri chirographo, incendio, vel alio casu. Ita recte dicimus, novationem fieri per cautionem juniorem, et stipulationem stipulatione novari sola hac ratione, quod sit junior et recentior stipulatio, sive cautio, recens instrumentum. Secundo autem modo, novatio fit mutata persona creditoris, ut si quod tibi debeo, alii, non creditori tuo stipulanti promittam: hoc modo non fit novatio sine delegatione, sed nec etiam sequentibus duobus, de quibus dicamus. Tertio igitur modo fit novatio mutata persona debitoris: ut si quod tibi debeo, stipuleris ab alio non debitore meo ultro se offerente, ultro suscipiente nomen meum, et me liberante. Quod etiam fit, si ego alium non debitorem meum tibi delegavero, qui promitteret tibi quod debeo. Quarto modo novatio fit mutata persona utriusque debitoris et creditoris, quod fit etiam per delegationem, ut si debitorem meum tibi creditori meo delegavero, qui tibi promitteret, quod debeo: nam et tu mures debitorem, et ille debitor meus mutat creditorem. His modis novatio fit: sed nullo tamen modo fit novatio, secundum quod constituit Justinianus in *l. ult. hoc tit.* etsi tacite inter contrahentes actum sit, ut fieret, quod tamen olim sufficiebat, nisi nominatum sit expressum, novationis causa rem geri. Alioqui si hoc dictum non sit nominatum, res procedit ἀποβάρυνται, quod ego restitui in Iustit. est barbara vox Graeca inflexa ad Latinam, ut eo specialiter non expresso, res fiat ἀποβάρυνται, id est, ut non fiat obligationis novatio.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XLII. De solutionibus, et liberationibus.

Novationi, et delegationi, quæ per stipulationem priorem obligationem tollit, dictum est *tit. superiore*, inde raptâ occasione, adjungit alias rationes, sive modos, quibus et citra stipulationem tollitur obligatio, mox rediturus ad stipulationes. Et summa quidem ratio tollendæ obligationis est solutio, id est, datio, vel numeratio, vel præstatio ejus, quod debetur, vel alterius rei volente creditore: nam invito creditore aliud pro alio solvi non potest, *l. 2. §. 1. D. de reb. cred.* nisi lex quædam specialis cogat creditore aliud pro alio accipere, veluti pro pecunia prædium æstimatum, si cogatur accipere in solutum, quod leges plerumque statuunt, cum in urbe abundat res alienum, cujus dissolutio esset difficilis, cumque difficilis erat ratio conficiendæ pecuniæ, ut post bellum civile lege Julia cantum est, quod solvendi æris alieni difficillimum esset, illud tempus, ut debitorum pecuniarum creditoribus satisfacere per æstimationem possessionum, quanti quisque ante bellum civile comparasset, id est, prædiis datis in solutum æstimatis, quanti emissæ ante bellum civile, quod non erat sine magno detrimento creditorum. Et ejus rei auctor est Suetonius in Julio, et Julius ipse in *princ. 8. de bel. civ.* Et hoc genus solvendi æris alieni, puta prædiis æstimatis datis in solutum pro pecunia, Marcus Tullius, qui eo tempore fuit, significat *12. ad Atticum epist. 28.* dum ait: *Si Castritius pro mancipiis pecuniam accipere volet, eamque sibi solvi, ut nunc solvitur*, id est, per æstimationem prædiorum datorum in solutum etiam invito creditore ex lege Julia. Et inde apud eundem sæpe prædia in æstimationem accipere, id est, prædia æstimata accipere in solutum, pro pecunia credita æstimationem, quam fecit lex Julia non quam creditor, aut debitor: et *13. Epistol. a Luberio* inquit, *Atinius prædia in æstimationem accepit.* Et duodecimo ad Atticum: *ut numerato malim accipere, quam æstimationem*, id est, dato prædio in solutum. Et alio loco, *credo, quod accipienda aliqua sit, et danda æstimatio*, id est, prædium aliquod æstimatum pro pecunia debita. Et *9. Epistol. eleganter: non eo consilio sis, ut cum me hospitio recipias, æstimationem aliquam te putes accipere. Etiam hæc levior est plaga ab amico, quam a debitore.* Et *5. Nolles a me hoc tempore æstimationem accipere: nam numeratum si cuperes, non erat.* Nu-

merationi pecuniæ debite, opponit dationem æstimationis, id est, prædii æstimati, et dati in solutum. Ergo creditori aliud pro alio non solvitur recte, nisi lex cogat: invito scilicet: nam volenti aliud pro alio solvitur recte.

Et cum queritur, quomodo fiat recte solutio, hoc notandum imprimis, recte fieri, si id ipsum, quod debetur, solvatur, vel aliud pro eo volenti creditori, vel coacto velle legis publicæ auctoritate. Item recte fieri eam solutionem, quæ sit congruo loco a debitore, vel ab alio nomine debitoris, creditori, vel alii, mandato aut voluntate creditoris. Et generaliter, ut ait *l. 22. h. tit.* quæ sit ei, qui exigendi potestatem habet veluti servo calendario proposito, *l. 19. hoc tit.* vel qui liberam peculii administrationem habet, si quid de peculio mutatus sit, *l. 3. h. tit.* Ex solutione sequitur liberatio, etiam non reddito, vel non cancellato chirographo, *l. 4. 19. 22. h. tit.* cuius tamen chirographi post solutionem debitori condictio competit, quasi sit apud creditorem sine causa, *l. ult. h. tit. l. 2. sup. de condict. ex leg.* Ex solutione, inquam, sequitur liberatio, ut ex stipulatione sequitur verborum obligatio, *l. 5. §. conventionales, ff. de verb. oblig.* Solutio est causa, liberatio effectus. Et quod dicitur in *l. solutionis, ff. de solut. conjuncta l. liberationis, ff. de verb. significat.* quoniam ambæ sunt ex eodem libro, idem significari utroque verbo liberationis et solutionis, non pertinet ad hunc titulum, sed quantum inscriptio earum legum demonstrat, ad titulum *de re judicata*, quo a condemnato exigitur, ut solvat, *l. 4. §. solvi-se, ff. de re jud.* ubi, *solvendi* verbum eandem vim habet, quam liberandi. At in hoc titulo solutio a liberatione distinguitur, ut et libro *11. tit. de solut. et liberat. debitor. civ.* Et solutio est causa, ut dixi, liberatio effectus. Solutio est facti, ut ait *l. consilio, §. ult. ff. de curat. furios.* Liberatio est juris. Item solutio est species tollendæ obligationis, liberatio genus: nam et aliis, quam solutione, modis plerisque liberatio contingit ipso jure, vel ope exceptionis, veluti novatione, pacto, transactione, donatione, compensatione, capitis diminutione debitoris, acceptilatione, oblatione, et obsignatione, et depositione totius pecuniæ debite, confusione, ut si unus idemque homo successione, sive aditione hereditatis fiat debitor et creditor ejusdem pecuniæ, venditione pignoris idonei. Item re debita extincta, sine culpa debitoris, vel etiam reddito chirographo voluntate creditoris, ut, *l. 13. h. tit. l. 7. sup. de remiss. pig.* ubi id latius exposui, vel etiam donatione epochæ a creditore conscriptæ, id est, professione receptæ pecuniæ, si modo epocha non arguatur esse falsa, ut *l. 13. 14. 21. et 23. h. t.* Nam differentiam facimus inter apo-

cham et acceptilationem eadem licentia, qua inter pignus et hypothecam, licet inter se nil differant præter syllabarum sonum, quo lingua Græca discernitur a Latina. Sicut alias dixi eadem licentia medicos facere differentiam inter ἀνδρα, et carbonculum: Theologos inter πνεύματι et quinquagesimam: nam revera ea nomina nil distant, præter sonum, et linguae varietatem, quod una sit Latina, alia Græca, potestas omnium una. Ceterum dicimus apocham esse eam, cui potest opponi exceptio non solutæ pecuniæ: nam etiamsi scripsero, mihi solutam pecuniam, quia potui id scripsisse spe futuræ solutionis, quæ secuta non sit, debitori obijcienti mihi apocham, contra obijcio recte exceptionem non receptæ pecuniæ, quæ tamen exceptio acceptilationi non opponitur, quoniam acceptilatio etiam non solventem liberat, et quasi donatū est, *l. si accepto latum, §. ult. ff. de acceptilat.* Et hos omnes modos, quibus liberatio contingit, in unum veluti aggerem conieci, quia nimis magna esset mora in singulis, si istum aggerem vellem dissolvere. Et restant tantum duæ leges in hoc titulo, quarum præcipue sunt explicandæ species. Primum *l. 18.* cujus species hæc est: Procurator meus de sua pecunia liberavit me ab omnibus creditoribus meis receptis chirographis, quæ eis fecerat meo nomine, quibus chirographis subscripsit idem procurator, *nihil creditoribus meis, qui ante erant, me debere*: an ex ea subscriptione recte colligam, etiam procuratori me nil debere, qui me sua pecunia liberavit? minime. Nam potest esse verum, ut nil debeam aliis creditoribus, non quod sim liberatus mea pecunia, sed procuratoria, quam ipse, vel ejus hæres a me possit exigere actione mandati. Ergo procurator, qui chirographis subscribit, *nihil creditoribus debere*, non de se intelligit, cum et chirographa ad se non pertineant, sed de creditoribus tantum quibus facta erant. Ergo superest ei petitio pecuniæ, quam de suo solvit, ut dominum liberaret. Hæc *lex 18.* ad dominum, non ad procuratorem, vel heredem ejus scripta est, et singulari personæ, tamen dicit (*vestræ pecuniæ*) pro (*tuæ pecuniæ*) Et ex hac specie doctores generaliter colligunt, in generali sermone non contineri personam loquentis vel scribentis quod est generaliter falsum, specialiter verum, ut in hac specie, quia ea fuit mens scribentis, ut intelligeret nil debere creditoribus, quibus facta erant chirographa quibus hoc subscripsit. Ceterum debere sibi cui nullum factum erat chirographum. Et omnes illæ definitiones generales doctorum, quæ sumuntur ex specie una vel altera, in disputando nobis sunt perurgandæ, quod sint tantum specialiter veræ, generaliter falsæ: sicut illud *generalem sermonem non apprehendere personam loquentis*, non est omnino ve-

rum, nisi quatenus conjectura voluntatis admittit, vel exigit. Notanda etiam est species *l. pen. h. tit.* Creditor volens pro centum, quæ ei debebantur, accepit fundum æstimatum centum in solutum, fundum accepit in æstimationem pro centum, quæ debebantur: postea idem vendidit eum fundum 200. sua inducit in invento stulto emptore: quaeritur, an debitor ab eo possit exigere, quod supravendidit? Minime. Eventus, inquit, melior et industria creditoris non debet prodesse debitori, quia etiamsi creditor vendidisset fundum sibi datum in solutum minori pretio, puta decem, hoc nil noceret debitori. Et eodem argumento recte utitur *lex 3. ff. ad leg. Falcid.* ut si hæres res hereditarias bene vendiderit per stultitiam emptoris, et insaniam, ea res non prosit legatariis, non auget legatum, nam etiamsi male vendiderit res hereditarias per stultitiam suam, aut imprudentiam, ea res non nocet legatariis. Menda duo erant in hoc titulo. Unum jamdiu sustuli ex *l. 2.* reponens pro (*rationibus*) (*stationibus*) id est, *fisci stationibus*. Et explicata etiam illa *l. 2.* in *l. 1. inf. ne fuscus rem, quam vendidit, evincat*, quod mendam nondum quisquam animadvertit, secuti sunt multi, qui probarent, et in ipso contextu, quod probò, vocem (*stationibus*) reposuerunt. Est aliud in *l. 22.* quod indicant libri omnes antiqui. *Inductum*, id est, *cancellatum necne sit chirographum*. Primum hic velim addi subdistinctionem post *chirographum*. Quod sequitur *vestrum*, in eo est mendum, et legendum *vestra*, atque conjungendum verbum postremis verbis, *nil interest*, ut sit, *vestra nil interest*.

JACOBI CUJACII J. C.

In Lib. VIII. Co licis.

RECITATIONES SOLEMNES.

Ad tit. XLIII. De acceptilationibus.

In hoc tit. redit ad stipulationes: non acceptilatione, de qua est titulus, ea tantum obligatio tollitur, quæ nascitur ex stipulatione. Aliæ obligationes, quæ re, vel consensu, vel literis contrahuntur, non possunt tolli acceptilatione, nisi prius novatione facta transferantur in stipulationem Aquilianam, cujus scilicet formulam condidit Gallus Aquilius, et exstat in *l. et uno, ff. de acceptil.* quia acceptilatio fit verbis solemnibus, ut ait *l. 1. hoc tit.* solemnitate verborum obligantur, *l. si fratres, sup. com. utr. jud. l. si in rem, sup. si cert. pet.* sic etiam solemnitate verborum

liberamus per acceptilationem actu solemnī, ut ait *l. ult. sup. de revoc. iis quæ in fraud. cred.* Acceptilatio igitur sit verbis solemnibus, *Acceptum fers? acceptum fero.* Et verbis tolli non potest, nisi quod verbis contractum est. *l. 8. §. acceptum, ff. eod. tit.* Cui coniungenda est ratio ex *l. nihil tam naturale, de reg. jur.* quia nihil est tam naturale, quam eodem quidque modo dissolvi, quo colligatum est. Et ita sit, ut acceptilatione tollatur tantum verborum obligatio, aut alia quælibet translata in verborum obligationem, quod sit remedio stipulationis Aquilianæ, ut in *l. 13. tit. sup. l. 4. 15. 22. 40. sup. de transact. et l. 2. hoc tit.* sit donationis gratia novatione facta, per stipulationem Aquilianam scilicet: præmittitur stipulatio Aquiliana, si alia sit obligatio, quam quæ ex stipulatione nascitur, et sequitur convenienter acceptilatio. Idem etiam ostendit *l. 3. hoc tit.* Et definitio acceptilationis, quæ ponitur *l. 1. ff. eod.* ut sit ultro citroque liberatio utriusque contrahentis, vel ut ipsis verbis utar, ut sit liberatio per mutuam interrogationem, qua utriusque contingit ab eodem nexu absolutio. Ea definitio est ejus acceptilationis, quæ fit præmissa stipulatione Aquiliana, quæ omnem obligationem tollit, quoquomodo contractam, *l. 1. hoc tit.* quæ aliquantum est obscura. Sententia hæc est: pupillum acceptilatione liberasse debitorem suum, qui postea per errorem pecuniam pupillo solvit: et querit, an eam condicere possit, quasi indebite solutam. Et ait posse, si acceptilatio fuerit facta tutore auctore, quia rite facta acceptilatio præcludit omnem viam agendi. Sed si facta sit sine tutoris auctoritate, non posse condici pecuniam, quia inanis fuit acceptilatio.

JACOBI CUIACII J. C.

In Lib. VIII. Codicis.

RECITATIONES SOLEMNES.

Ad Tit. XLIV. de evictionibus.

Hic titulus est de stipulatione, qua plerunque venditor emptori cavet pro evictione, id est, in casum, quo genere vindicationis, præter quam, si vindicationis servitutum, aut finium, ut suo loco demonstravi, emptor rem, quam accepit ex causa emptionis vel æstimationem ejus amittat, et eam ei rem habere non liceat, nimirum his fere verbis stipulante emptore, ut formulam stipulationis componam: *eum hominem, quem de te emi et accepi, mihi per te, hæredemque tuum, et per omnes habere recte licere, et si is homo, quo de agitur,*

parsve ejus a me petita erit, vel si eum hominem, partemve ejus ego ab alio petiero, tum de ea re agenda adesse, cum tibi, hæredive tuo denuntiavero, et eam rem recte defendere: et si is homo, parsve ejus mihi per judicem evicta erit, vel si eum hominem ego a possessore per judicem evincere non potuerim, tum duplam mihi recte præstare: hæc spondesne? et respondet venditor, *spondeo.* Hæc est stipulatio, de qua agitur in hoc titulo. Plerumque evictionis nomine emptor stipulatur duplam, non quanti res est in veritate, sed quanti emit, ut docet recte Accurs. *l. 2. ff. eod. et l. cum fundus, et l. si fundo tradito, eod.* duplam inquam, et interdum, veluti si ita pacti essent, simplam tantum, vel triplam, vel quadruplam ut *l. si dict. et l. si plus, ff. eod.* nec enim huic rei modum finemve ullum ulla lex imposuit. Frequentior quidem est duplæ stipulatio, sed licet etiam stipulari plus aut minus. Et hæc omnia, quæ in formulam contuli, in stipulatione de evictione contineri constat ex locis quamplurimis. *l. stipulatio ista, ff. de verb. oblig. l. si rem, §. ult. l. emptori, §. ult. l. si dict. §. in stip. de evict.* Ac proinde hanc stipulationem committi, id est, obligationem evictionis contrahi, non tantum si alio agente in rem adversus emptorem iudex condemnet emptorem, atque compellat rem restituere actori, vel æstimationem, sed etiamsi agens emptore in rem adversus possessorem, iudex possessorem absolvat, *l. evicta, §. 1. cod. l. qui absentem, ff. de procurat.* Evictionis enim nomine significatur in iudicio in rem, non in alio, efficax et plena victoria ejus, qui egit adversus emptorem, vel cum quo egit emptor. Plena, inquam, et efficax victoria, id est, quæ ad emolumentum, seu effectum perducatur, re ablata, vel abducta, vel possessione retenta: nam plus est evincere, quam vincere, nec emptor habet regressum ad venditorem, quod vicerit adversarius, sed quod evicerit, ut *l. habere, ff. eod. tit.* Si adversarius, qui vicit emptorem statim sine successore decesserit, nec in bona ejus venerint creditores, aut fiscus, vel si eam rem statim donaverit emptori, quem vicit, antequam eam abduceret, vel auferret, vicit, non evicit. Et ideo emptori, quod victus sit, nulla competit adversus venditorem actio de evictione. Porro si ommissa sit stipulatio de evictione, quam ante propositum, secuta evictione nihilominus superest emptori adversus venditorem evictionis nomine actio ex empto, quæ ex sui natura talis est, ut persequatur id quod interest, et modo dicitur competere in simplam et in id quod interest, rem evictam non esse, id est, ad pretium recipiendum, et ad recipiendam omnem utilitatem, id est, omne quod interest, *l. 60. et 70. ff. de eviction. l. Titius,*

§ ult. ff. de act. empt. Modo dicitur evictionis nomine deficiente stipulatione duplæ competere actionem ex empto in id quod interest, ut in l. 1. sup. de rer. permutat. l. 9. 17. 21. 25. 29. hoc tit. Quod tamen ita debet intelligi, ut in eo, quod interest, insit pretium rei, quod emptor pernumeravit venditori. Competit ergo in id quod interest, in quo inest pretium rei, modo et eadem actio dicitur competere in id quod interest, rem evictam non esse, non in pretium, quod adnumeravit emptor, ut l. 23. hoc tit. Quod etiam ita debet intelligi, ut competat non in pretium duntaxat, sed in id omne quod interest, quod plerumque pretium rei egreditur, l. 1. ff. de act. empt. Et ita rectissime glossa interpretatur d. l. 23. modo evictionis nomine (quod valide pugnat cum superioribus) dicitur ex empto agi ad duplam deficiente stipulatione duplæ, ut l. 2. ff. de evict. si dupla non promitteretur, id est, si deficiat stipulatio duplæ, et eo nomine agatur, id est, si agatur de evictione ex empto, nec enim alia superest actio deficiente stipulatione, dupli condemnandus est reus. Ergo evictionis nomine actio ex empto competit in duplam. Et ita Paulus 2. Sentent. tit. 17. si res simpliciter tradita, id est, non interposita stipulatione pro evictione, evicantur, tanto emptori venditor condemnandus est, quanto si stipulatione pro evictione cavisset: quo etiam pertinet l. quod si nolit, §. quia assidua, ff. de Edil. edict. Quia etsi ea lex non loquatur de stipulatione, quæ de evictione interponitur, sed de stipulatione, quæ interponitur de sanitate, et noxa hominis venditi, et de iis, quæ continentur ædilitio edicto, quæ ex causa etiam duplam promitti constat ex l. 11. §. ult. et l. quia dicitur, ff. de evict. et ex Theophilo titul. de divis. stipulat. tamen ratio dict. §. quia assidua, etiam ad stipulationem de evictione accommodari potest, ut quia assidua et frequens est de evictione stipulatio duplæ, ideo ex ex empto agi possit in duplam deficiente stipulatione duplæ, ut ea quæ moris sunt, et consuetudinis veniant in bonæ fidei iudicium, in quo etiam proditum est tantundem valere officium iudicis, quantum stipulationem, l. quia tantundem, de neg. gest. Sed ut rem explicem, hi omnes loci, quibus dicitur, si venditor duplam non caverit stipulanti emptori, ex empto duplæ agi posse, sic accipiendi sunt, si cum dictum, vel actum esset, ut dupla promitteretur emptori, dupla ei promissa non fuerit, vel si per errorem omissa fuerit stipulatio duplæ, ut ostendit l. empt. §. ult. et l. si dict. D. de evict. Et hoc est, quod ait d. l. 2. eod. si dupla non promitteretur, puta per errorem omissa stipulatione duplæ, vel eo tantum pacto, ut de dupla venditor teneretur, et eo nomine agatur,

inquit, scilicet actione ex empto, quod res evicta sit, vel quod dupla promissa non sit: dupli condemnandum esse reum, hoc est, venditorem, ut scilicet re evicta duplum præstet, vel nondum re evicta, ut duplam promittat. Sed si de dupla non sit actum, nec per errorem, sed consilio consilio sit omissa stipulatio duplæ, certum est emptori de evictione ex empto actionem esse in simplam, id est, in pretium, quod numeravit, et in id quod interest, ut d. l. 60. eod. tit. in simplam, inquit, et in id quod interest, quod quandoque est minoris, quam dupla. Et si quando pluris est, quam dupla, non excedit tamen duplam in iudicio empti venditi, quia bonæ fidei iudicium est, et bonæ fidei congruit, immensam exactionem rescari, et supra duplum venditorem non exigi, maxime si dolo caret, puta si ignorans vendiderit rem alienam, quam postea dominus evicerit emptori, quæ est sententia l. cum forte, et s. q. D. de act. empt. Non est omittendum stipulationem de evictione, quam dixi sæpe interponi in duplam, aliquando interponi tantum in simplam, ut l. hoc jure, D. eod. tit. stipulationes, inquit, simplæ aut duplæ. In duplam si veniat homo, vel prædium, vel quæ alia res pretiosa, l. emptori, §. 1. eod. tit. In simplam, si ita pacti sint, ut Varro ait 2. de re rustica, cap. de pastor. vendito homine duplam promitti: aut si ita pacti sint, simplam, et rursus, in simplam tantum, si veniat res vilior, et contemptibilis. Unde venditiones aliæ dictæ sunt duplariæ, aliæ simplariæ, l. si tamen, §. ult. D. de Edil. edic. Aliquando vero stipulatio de evictione concipitur in id quod interest, hoc modo: quanti ea res est dari, vel indemnem damno præstari emptorem, ut l. 22. hoc tit. Sicut stipulatio de sanitate, et noxa, quam sup. ostendi, concipi in duplam: interdum concipitur in id quod interest, l. 16. §. si servus, de evict. Ex iis ergo apparet de evictione emptori præcipue duas esse actiones: unam ex empto, non interposita stipulatione, nisi nominatim actum sit, ut venditor evictionem non præstaret, l. 21. hoc tit. l. pacta conventa, D. de contrah. empt. Quo tamen casu (et hoc summe notandum est) licet actum sit nominatim, ne præstet venditor evictionem, tamen sciens rem esse alienam, tenetur in id quod interest: ignorans vero, et bonæ fidei venditor in hoc saltem, ut pretium reddat, quod accepit, l. ex empto, §. ult. D. de act. empt. Alteram actionem de evictione esse ex stipulatione duplæ, quæ frequentior et usitatior est. Hæc vero est auctoritas et robur venditionis, ut re jure, iudicioque evicta emptori, emptor per hanc, vel illam actionem habeat regressum ad auctorem suum, son garant, id est, venditorem, et emptori venditor auctoritatis nomine teneatur, alioqui sine ista

auctoritate nulla emptio venditio esset. Mox, Tullius 18. Epist. *Si ea prœdia dividuntur*, inquit, *quæ ipse Cæsar vendidit, quæ tandem in ipsa venditionibus poterit esse auctoritas?* Quæ tamen in re recte monet l. 6. D. de evict. si quærat, an pro evictione cavere oporteat, vel in quantum, vel quomodo, consuetudinem ejus regionis, vel civitatis, vel populi, in quo negotium geritur, esse spectandam: ergo legem ejus populi, sive regionis, in qua emptio venditio contrahitur, ut in populo Judaico, ex lege Moysis venditis prœdiis urbanis pro evictione venditor emptori obligatur, non etiam venditis prœdiis rusticis, quoniam et ipse venditor quandoque prœdia rustica redimere, et evincere potest, in pretii rationem imputatis fructibus ab emptore medio tempore perceptis: et anno quoque Jubel, vel ut Græci dicunt, ἀγέας, ex quoque prœdia venditor suo jure recipit, et evictionis, sive auctoritatis nomine non teneri eum, hæc LXX. interpretum verba demonstrant Levit. 25. ἡ γῆ οὐ πωρεῖται: quod est proprie verbum juris: nâm πωρεῖσθαι nomine significatur auctoritas, et evictionis causa: ex consuetudine igitur, sive lege regionis propria, vel etiam ex conventionibus contrahentium venditor non omnium rerum, quas vendidit, auctoritatem præstat. Ideoque non omnium est auctor, non omnis venditor auctor est: nam et olim mancipio datarum venditor non erat auctor, sed mancipio non datarum tantum, ut Varro ait supradicto loco, si mancipio non datur, duplam promittit. Et ratio est, quia soli domini ex jure Quiritum mancipio dare poterant, tradere etiam non domini, verum, qui quid mancipabat solemniter, præstabat satisfactionem, seu sat secundum mancipium, ut ostendit M. Tullius initio 5. Epistol. ad Atticum, nisi scilicet lege venditionis dictum esset, ne satisfaceret: ut Varro scribit 5. de lingua Latina, *Cavere ceptum in lege mancipiorum vadem ne perceret, nec dabitur*. At qui traditione, non mancipatione sola rem venditam transferunt in emptorem, non satisfaciunt de evictione, nisi id actum sit nominatim, sed repromittunt tantum non dato fidejussore, l. 4. l. si dictum, D. eod. tit. l. 1. §. pen. D. de prætor. stipulat. Præstant denique de evictione nudam cautionem in simplam, vel in duplam pretii, non veri, sed ejus, quod acceperunt: nec enim (et hic terminus licet sit semper apud vos) de evictione ulla actio competit, nisi pretio, aut pretii parte soluta, et re per traditionem translata in emptorem, et postea jure, judicioque evicta.

Ad L. I.

Emptor hereditatis rem a possessoribus sumpta, ac periculo suo persequi debet. Evictio quoque

non præstatur in singulis rebus cum hereditatem jure venisse constat, nisi aliud nominatim inter contrahentes convenit.

Ex lege prima intelligimus multum interesse hereditas veniat, an certum corpus, certa res, vel species, aut plures res certæ. Nam si plura corpora, sive plures res, vel una veniat, emptor tenetur ex emptio, ut eas res suo sumptu, et periculo persequatur, et tradat earum possessionem vacuum, et in singulis rebus præstet evictionem, quoniam quot sunt res, tot sunt evictiones, aut evictionum causæ. Si hereditas veniat, non tenetur venditor ullam rem tradere hereditariam, nisi quam habet in sua potestate, nec tenetur in singulis rebus hereditariis præstare evictionem, sive auctoritatem. Et ratio differentie hæc est, quia hereditas nomen juris est, et qui hereditatem vendit, non res corporales, quæ in hereditate continentur, vendit, sed jus successionis, quod est incorporale, et hoc jus esse, id est, hereditatem esse, et se heredem esse, dolumque malum præstare venditor hereditatis tenetur, non etiam tradere corpora hereditaria, nisi ea, quæ ad se pervenerunt, vel quæ ipso dolo malo fecit, ne ad se pervenirent. Et ita est intelligenda l. qui filiusfamil. §. 1. D. de hered. vend. ut venditor hereditatis cogatur tradere res hereditarias, quæ scilicet ad eum pervenerunt, vel dolo malo fecit, quo minus pervenirent, quæ de re etiam interponi solet stipulatio, quæ dicitur, emptæ et venditæ hereditatis, de qua est tota lex 2. ff. de hered. vendit. et l. pecuniæ, de verb. signific. et l. 60. de verbor. oblig. et aliæ complures. Alias vero res hereditarias, quæ ad eum non pervenerunt, nec dolo malo fecit, ut minus pervenirent, venditor emptori hereditatis tradere non tenetur, sed liberatur cedendo emptori earum rerum persequutionem, l. 2. §. pervenisse, ff. de hered. vend. Emptor autem eas persequitur suo sumptu, et periculo, ut in hac l. 1. Si quid vero evincatur de rebus hereditariis, eo nomine venditor hereditatis, neque cavere de evictione, nec evictionem præstare cogitur, nisi, ut ait hæc lex 1. aliud nominatim convenerit. Et ratio hæc est, quia sive res, quæ evicta est, non fuit hereditaria, non venit igitur, sive, fuit hereditaria, per injuriam judicis evicta est, et injuria judicis non obligat venditorem, injuria facta emptori non pertingit venditorem, et æquius est, ut maneat apud emptorem, cui facta est, quam transferatur ad venditorem: sicut etiam dicitur injuriam a judice factam fidejussori, non pertinere debitorem principalem, l. exceptione, ff. de fidejuss. Et hoc omne etiam confirmat l. 1. sup. de rer. permutat. et l. 18. et 25. hoc tit. et l. 5. et l. si per imprudentiam, ff. eod. tit. Quæ de causa, ut sit actio de evictione, seu-

per exigebam heri, ut res emptori, jure judicioque evinceretur, id est, non tantum judicio, sed etiam jure: quoniam si non judicio, vel si judicio, et non jure, emptori non est regressus ad venditorem. Et hoc, quod ita statuimus in hereditate, vendita, locum habet, etiamsi quodlibet aliud jus veniat, non corpus: ut si veniat peculium servi, quod est etiam nomen juris, non corporis vel nomen, id est, obligatio, seu cautio fœderatitia: nam venditor duntaxat præstare debet, ut sit peculium, vel ut sit nomen, et dolum malum utique semper non etiam ut exigi aliquid possit, et ferri ex peculio, vel nomine, nisi aliud nominatim convenerit. Quæ exceptione in hereditate vendita etiam nititur hæc l. 1. et in nomine, ac peculio, l. 5. l. si plus, §. ult. ff. eod. l. si nomen, ff. de hered. vend. Querit autem Accurs. in hac lege, ne quid prætermittamus, utrum si amissa possessione rei venditæ, et traditæ emptor eam persequatur, suis sumptibus eam persequatur: an vero sumptum factum in litem recipere possit a venditore: estque elegans questio. Et valde placet, quod definit, licet incondilite, victo emptore, et re evicta, si non sit actio de evictione, nec esse propter sumptus litis causa factos, ut in specie h. l. 1. si sit actio de evictione, et inesse in ea rationem sumptuum factorum in litem, ut l. 17. et 18. l. fidejussor, ff. de dol. except. Quod utique verum est, sive de evictione agatur ex empto, sive ex stipulatione concepta in id quod interest, ut heri ostendi, eam non semper concipi in duplam, vel simplam, sed in id quod interest, ut l. 22. hoc tit. et l. venditores, D. de verbor. obligat. non etiam si de evictione agatur ex stipulatione duplæ, vel simplæ, quia hæc stipulatio certum finem habet, et taxationem certam, ultra quam progredi non licet, etiamsi superest ratio impensarum factorum in litem. Et hæc fuit recta mens eorum, quos Accurs. notat in hac l. 1. dixisse, cum est evictionis nomine regressus ad venditorem propter sumptus litis causa factos, non semper agi ex stipulatione, duplæ scilicet, vel simplæ, quæ suos fines habet: sed semper ob eam rem agi actione ex empto, quia hæc est natura actionis ex empto, ut in eam veniat omne id quod interest etiam supra duplum, maxime si cum eo agatur, qui sciens rem alienam, vel alii obligatam, mala fide vendiderit, ut l. 60. D. de eviction. l. idque, D. de act. on. empt. Et hoc si ut posui initio, victus emptor, et res evicta sit. Nam si emptor vicerit, vel si res evicta non sit, nisi aliud convenerit, ut de l. venditores hoc casu, nec propter sumptus emptori, qui vicit, ullus est regressus ad venditorem, l. 18. hoc tit. quia æquum est, ut suis quisque sumptibus rem suam tueatur, atque defendat. Et errat Bartolus hoc loco tota via, qui vult

semper venditorem agnoscere sumptum. quem emptor fecit in lite, quam obtinuit: nam quod ait, venditorem in hoc teneri, ut emptori rem habere licent, quod est verissimum, hunc habet sensum, ut ne res emptori evincatur, non etiam ut sumptum agnoscat, quem emptor fecit utiliter in re emptâ defendenda, et obtinenda. Quod item ait idem Doctor emptori mota lite de rei venditæ proprietate, debere rem defendere, prendre la garantie, quod est certissimum, non hoc est, ut debeat rem defendere suis sumptibus, si vicerit emptor: sed si victus fuerit. Et plane is auctor, dum his rationibus abutitur in hanc suam propriam sententiam, agit se pro sophista vano.

Ad L. II.

Quoniam avus tuus, cum prædia tibi donaret, de evictione eorum cavil: potes adversus cohæredes tuos ex causa stipulationis consistere, ob evictionem prædiorum pro portione scilicet hereditaria. Nudo autem pacto interveniente, minime donatorem hac actione teneri certum est.

Sciendum est, actori dari actionem de evictione, vel ei, qui est similis emptori, ut dicemus in l. 4. etiamsi de evictione nil dictum, pactum, vel promissum sit, l. 6. h. l. quia hoc naturaliter inest huic negotio, ut auctoritatis nomine venditor, vel qui similis est venditori, obligetur, alioquin inane negotium esset: non tamen dari actionem de evictione donatario, etiamsi inter se pacti sint donator, et donatarius in ipsa traditione rei donatæ, quo genere perficitur donatio, ut donator præstaret evictionem, et auctoritatis nomine teneretur: nam hoc pactum non obligat donatorem, id est, ex pacto donationi meræ, cui nullum negotium inest, appposito, non nascitur actio, quia donatio, quæ traditione perficitur, non est contractus, et nullam parit actionem: ut pactum ei adlitum possit formare ipsam actionem. Et idem dicam etiam hodie ex constitutione Justiniani, nudo consensu perfecta donatio sine traditione ad exemplum emptionis, ut nec ex pacto in donatorem sit actio evictionis nomine. Et ita Jacobus sensu recte antiquus interpret, et rectius quam Accurs. hoc loco: nam Justinianus, qui nove induxit, ut nudo consensu perficeretur donatio, non hoc etiam nove contra jus vetus constituit; ut ex pacto donator de evictione teneretur. Jus novum extendere non licet. In Glossa Accursii ad hanc legem, si quis eam excutiat, hærebit, nisi adiat negationem illo loco: Alias, inquit, si inceptum a portione, idem si a traditione non agitur ad instar dotis, etc. Summa hæc est, quoquo modo perfecta sit donatio, donatorem ex pacto non præstare evictionem: at ex stipulatione

præstare, puta si stipulanti donator o donator evictionis nomine promiserit duplam. Et hinc est sententia *h. l. 2.* ex qua interpretabimur etiam quod ait *l. sciendum, D. cod. tit.* nil interesse, utrum ex causa emptionis stipulatio duplæ interposita sit, an ex alia causa, veluti ex causa donationis, ut in *h. l.* vel ex causa dotis, ut in *l. 23. ff. cod. l. 1. sup. de jur. dot. l. non solum, D. cod.* et interdum ex causa legati, ut infra dicemus. Et quod ait *Paul. 3. Sent. tit. de don.* invitum donatorem de evictione rei donatæ promittere non cogi, nec eo nomine, si promiserit onerari, quod lucrativæ rei possessor, qualis est donatarius, ab evictionis actione ipsa juris ratione depellatur: hoc intelligamus de donatore, qui promisit evictionem paciscenti donatario, non stipulanti: nam si stipulanti proculdubio tenetur ex stipulatu evictionis nomine. Illud etiam notandum, donatorem, qui sciens donavit rem, alienam, licet de evictione non teneatur, de dolo tamen teneri in id quod interest, si donatarius, dum existimat rem fuisse donatoris, et ab eo in se dominium transisse, in eam rem meliorandam magnos sumptus fecit, hos recipiet actione de dolo a donatore, qui eum fefellit, *l. Aristo, §. ult. de donat. l. ad res, de Edict. edic. l. Julianus in fine, de verb. oblig. l. 3. §. ult. ff. si famil. jurt. sec. d. c.* Notandum etiam est, quod si donationi mistum sit negotium, ut si dono tibi fundum, ut vicissim mihi aliquid des, vel ut aliquid facias ex pacto, atque etiam sine pacto, est actio præscriptis verbis de evictione, quia mutatio potius est aut veluti permutatio, quam donatio *l. ult. sup. de rer. perm.* Ergo idem est, si quid dono tibi, ut ἀντίδωρον, accipiam, quia veluti genus permutationis hoc est, ut ait *l. sed etsi lege, §. consulti, ff. de petit. heredit.* Et ita donatorem, qui accepit ἀντίδωρον, teneri de evictione nominatim scriptum est in *Legibus Longobardorum, l. 2. de evict. sive leg. 1. de donat. et empt.* Quorum legum usus viget etiam hodie Mediolani, et in omni illo tractu Italiæ, qui in hanc ætatem retinet Longobardiæ nomen, et ab Accursio citantur sæpissime, et supradictis locis: ille leges ἀντίδωρον vocant (*Loonequilt*) quod est, ac si germanice hodie diceret, lovegri, id est, pecuniam repensatricem. Et corrupto scriptum est in glossa *l. 1. D. si a par. quis manu. fuerit.* eam legem Longobardorum appellari, *machildam*, cum sit scribendum, *laonequildam*. Porro quia legatum est donationis species, et legatarius lucrativæ rei possessor, sicut donatarius, inde Accursius tractat in hac *l.* an hæres legatario teneatur de evictione. Et ejus rei certa definitio hæc est, ut si certus homo legatus sit, veluti Stichus, vel certa res, hæres non teneatur de evictione, quia talem rem dare debet, qualis est, nisi testator sciens prudenter alie-

Tom. IX.

nam rem esse, eam ab hærede legaverit, quia ex conjectura voluntatis præsumitur testator hæredem onerare voluisse periculo evictionis, *l. Stichus, D. de usufr. leg.* vel nisi ultro stipulanti legatario hæres caveat de evictione exemplo donatoris: liceat aliud sit, si hæres, vel donator caveat de sanitate, vel de fuga servi legati, quia ex hac stipulatione non obligatur, cum invaletudo, aut fuga non faciat, ut res legata desinat esse legatarii, sicut cum evincitur, *l. si legati se vi, ff. de legat. 1. Marc. Tul. 3. Offic. Venditor*, inquit, *quæ scire debuit de sanitate, et de fuga, præstat edicto Edilium: hæredum*, inquit, *alia causa est.* Si autem incerta res, aut incertus homo legatus sit, puta homo generaliter, et electio sit heredis, evicto eo, quem elegit hæres, et præstitit, quia male elegit, tenetur de evictione, actione ex testamento, vel ex stipulatu. Et hæc omnia ostenduntur in *l. hæres, D. de evict. l. si domus, §. 1.* qui est accipendus de homine generaliter legato, *l. si a substituto, §. 1. D. de leg. 1. l. qui concubinam, §. si hæres, de legat. 3.* Eandemque distinctionem servari in stipulationibus, adjecit, *l. quæ de legato, D. de legat. 1.* ut qui promisit Stichum, talem dare debeat, qualis est, qui hominem generaliter, ut eum dare debeat, quem habere licet stipulatori. Postremo tractat Accursius, quod interpretes non explicant, quid sit dicendum in eo, qui rem habet quasi ex lucrativa causa, an is, qui ei dedit eam rem, ei teneatur de evictione? Et causam quasi lucrativam, non vere lucrativam vocat, noxæ deditionem, quia plerumque pro levi noxa corpus servi deditur ei, cui noxam fecit. An igitur si non dominus servum dedat noxæ, cujus fingit sese dominum, tenetur de evictione? Et hoc casu non posse teneri placet, quia nec is servus quem non dominus dedit in noxam, a domino evinci potest, nisi offerat estimationem noxæ, quam fecit servus, alioquin vindicanti obstat exceptio doli mali, quæ est sententia *l. si noxale, §. ult. et l. seq. quam adducit Accurs. D. de noxal. action.*

Ad L. III.

Qui rem emit, et post possidet: quamdiu evicta non est, nuc orem suum, propterea quod aliena, vel obligata res dicatur, convenire non potest.

Legis tertiæ sententia est hæc: quamdiu res vendita, et tradita emptori evicta non est, tamdiu non esse emptori adversus venditorem actionem de evictione ex stipulatione duplæ, vel simplæ, vel ex empto, tametsi lis emptori mota sit de proprietatis, aut pignoris jure, de alia re agi potest, puta, ut venditor rem defendat, ut rei agendæ adsit, *l. si plus, §. pen. D. cod. tit.* vel si ita convenerit, ut

statim post molam litem emptori pretium restituat, *l. 12. hoc tit.* At de evictione aut evictionem agi non potest. Et ait hæc *lex 3.* qui rem emit, et post possidet, puta re tradita, quoniam re nondum tradita emptori, nulla subest causa querendi, aut disputandi de evictione: nec enim evinci emptori potest, quod nondum ei traditum est, et re non tradita emptori, tantum competit actio ex empto adversus venditorem, ut rem tradat, ut rei venditæ vacuum possessionem tradat in *l. 3. h. c. tit.* Ergo si alii obligata sit, ut eam luat, et liberam emptori præstet, quia vacua possessio non est, quæ jure pignoris advocari potest per actionem hypothecariam, *l. 3. D. de action. empt.* Deinde ait hæc *lex 3. quamdiu evicta non est*, id est, *quamdiu emptori rem habere licet*: et sequitur: *auctorem suum, propterea quod res aliena, etc.* Sane convenire auctorem suum non potest ob hoc solum, quod res dicatur aliena oppugnerata, actione ulla de evictione, cum nondum sit res evicta, ut exposui initio, sed ad hoc etiam porrigenda *lex* est, ut non possit emptor post traditionem convenire auctorem suum, maxime si dolo careat, actione ex empto in quantum interest sua, rem suam esse factam, quæ dicitur esse aliena, vel etiam si alii dicatur obligata, ut eam venditor restituere cogatur, quod etiam demonstrat *lex 3.* dum ponit de re luenda agi ante traditionem, quia scilicet de re luenda agi non potest post traditionem aut evictionem, nec de alia re quaquam ante evictionem. Et errat vehementer Accursius, quem plurimi sequuntur, dum etiam post traditionem, nondum sequuta evictione, in ignorantem venditorem de re luenda agi posse arbitratur, cujus erroris arcem tantum unam habet *l. creditor, §. prædium, D. de act. emp.* quod dicat prædium æstimatum datum fuisse in dotem, et traditum igitur, ut ipsi interpretantur: et tamen si creditori obligatum deprehendatur, agi posse in eum, qui prædium dedit, vel heredem ejus actione ex empto, ut prædium luat, et a creditore liberet. Sed non animadvertunt illa verba (*prædium æstimatum in dotem datum*) non significare naturalem traditionem, sed per scripturam instrumenti dotalis quo profitetur pater se prædium dare in dotem, quod nondum tamen tradit. Et ita ea quoque verba accipi constat in *l. 14. D. de jure dot. et l. si fundum, D. de fun. dot.* Dixi paulo ante, si venditor dolo careat, hoc est, si ignoret rem esse alienam, vel obligatam: nam si quis sciens rem alienam vendiderit, et tradiderit, etiam ante evictionem ex causa doli conveniri potest, si quid intersit, actione ex empto in id, quod interest, ut *l. servus quem, §. ult. D. de act. emp. l. ult. sup. de litigios.* Et consequenter si sciens rem pignora-

tem vendiderit, et tradiderit, etiam ante evictionem conveniri potest propter suam improbitatem, ut eam reseat, et repignoret actione ex empto: nam nec in scientem post traditionem ante evictionem dabitur actio ex stipulatu, argumento *l. 4. ff. de act. emp.* quia aliter est actio.

Ad L. IV.

Si prædium tibi pro soluto datum est, quod aliis creditoribus fuerat obligatum: causa pignoris mutata non est: igitur si hoc jure fuerit evictum, utilis tibi actio contra debitorem competit: nam hujusmodi contractus vicem venditionis obtinet.

Sciendum est, non tantum emptori dari actionem de evictione, sed etiam ei, qui pro pecunia credita vel pro pretio certo, aut incerto rei venalis rem æstimatam in solutum accepit, quia æstimatio similis est emptioni venditioni. Et non tantum qui emit numerato est emptor; sed etiam, qui emit æstimatum, id est, data re æstimata pro pretio, et re evicta. Igitur utilis actio ex empto ei dabitur, qui rem accepit in quantitatem debiti, vel in id quod interest. Et hæc est sententia *l. 4. et l. eleganter 24. D. de pignorat. act. et l. 1. sup. de rer. permut. in prima parte.* Verum obstat *l. si quis aliam, D. de solut.* quæ si alia res pro alia soluta sit, et *l. libera, sup. de sentent. et interloc.* quæ generaliter, si pro debito res soluta sit volenti creditori re evicta, dicunt agi pristina actione, et debitum repeti, quasi ea solutione non fuerit sublata pristina obligatio: nec dant ob eam rem utilem actionem ex empto, ut superiores leges. Posset dici non esse hæc scripta contraria, quæ diversas actiones dant, si data una, nominatim non denegetur altera: et in casu proposito igitur, re evicta agi posse utili ex empto quasi contracta emptione, vel actione pristina, quasi res pro re, vel pecunia soluta non facta accipientis, non sustulerit pristinam obligationem. Sed ne hoc remedio utamur sine subterfugio, obstat *d. l. 1. sup. de rer. permut. in 2. parte*, quæ huic casui opposito alio casu, quo res non venalis pro re data est (quod negotium permutatio appellatur) dum ita facta permutatione rerum, statuit in electione esse ejus, cui res evicta est, ut vel agat evictionis nomine in id quod interest, ut *l. 29 hoc tit.* vel repetat rem, quum vice mutua dedit, plane indicat, priore casu proposito in prima parte legis eandem electionem non dari ei, cui res data pro pecunia evicta est, sed superesse ei tantum actionem in id quod interest, per quam possit eam quoque pecuniam consequi, sed non superesse pristinam actionem. Quare melius est, quod unum est ex remediis Accursii, ut inter negotia, de quibus agitur constituamus esse differentiam. Si pro

preconia res estimata soluta sit, emptionem esse, non permutationem, *l. p' erunquo, §. pen. D. de ju. dot.* aut sane hoc genus negotii minimum demutare ab emptione venditione, plurimum a permutatione: et ideo ex natura emptionis venditionis liberationem a pristina obligatione contingere ei, qui rem alienam solvit pro pecunia, qui pro venditore habetur, et rem alienam, ut diximus, quia venditor non tenetur facere rem emptoris. Hæc est natura venditionis emptionis: sed si pro re res soluta sit, pro specie species, pro corpore corpus, non pro quantitate corpus, ut priori specie, sed pro re res, ut *d. l. si quis aliam, et d. l. libera*, permutationem esse, quæ etiam emptioni similis sit, ut dicitur: tamen in multis hæc negotia distare inter se, ex professo docet *lex 1. D. de rer. permut.* Et inter cetera, questionem propositam expedit, quia rem alienam tradens contrahit emptionem venditionem: et rem alienam tradens nullam contrahit permutationem, quia ita contrahitur, *do ut des*, et non *dat*, nisi qui facit accipientis, *l. ult. D. de cond. caus. dat.* Ergo ex causa permutationis tradita re aliena pristina obligatio rei debite (quia nulla permutatio contracta est) remanet integra, et ex ea agi potest evicta re aliena, quæ pro re debita soluta erat. Et ita hæc res explicanda est.

Ad L. V.

Ex his prædictis, quæ mercata es, si aliqua a venditore obligata, et necdum tibi tradita sunt, ex emplo actione consequeris, ut ea a creditore liberentur. Idem etiam fiet si adversus venditorem ex vendito actione pretium petentem doli exceptionem opposueris.

Re evicta emptori, non aliter datur regressus ad venditorem, quam si lite mota emptori, iudicio in rem emptor auctori suo, id est, venditori denuntiaverit, ut de ea re agenda adesset, nisi pacto remissa sit denunciandi necessitas, ut *l. Herennius, D. de evict.* vel nisi per venditorem fiat, ut ei denunciari non possit, vel nisi emptor cognoscere, vel expiscari non potuerit, ubi auctor suus esset, ut ei denuntiaret, et certiore faceret controversiæ sibi commotæ de proprietate rei venditæ, *l. 20. hoc tit. l. si ideo, in fine, l. si dictum, §. pen. D. eod.* Exceptis his casibus non tenetur venditor emptori, nisi lite mota emptor ei denuntiavit, ut de ea agenda adesset, ut negotium defenderet, ut liti subsisteret, vel adisteret, ut in hac re nostri auctores loquuntur, *l. in executione, §. in solidum, l. cum ex causa, D. de verb. obligat. l. 21. et 23. hoc tit. l. si rem quam, §. ult. D. eod. tit.* sicut tutores in iudicio pupillis suis, et patroni in suis susceptis, amici in ærumis amicis suis, obstetrices,

quæ et ob eam rem adsestrices dicuntur, parturientibus adistere, ut *l. pen. sup. si adversus rem iudic. l. un. sup. ut quæ desunt advoc. iudex supp. l. ab accusatione, D. ad Senatuse. Tulpil.* et sæpe Plinius in epistol. et Apulejus 8. *decepto seni subsistite*, et 10. *meis extremis æruminis subsiste*. Ita controversia mota de re emptori, quam emit, denuntiat venditor liti subsistere, sive adistere debet, uti denuntiatus est, quod Græci *ὑποστήσας*. Et hoc denunciare venditori, ut liti subsistat, est laudare auctorem, ut in hac *l. et l. 14.* et sæpius in iure, et in iis actionibus empti venditi. Et laudare non est laude afficere, sed nominare, appellare, invocare: *sommer le garant: en la costume de Normandie, houcher le garant.* Nam et tota Francia auctorem vocat (*garant*) lingua prisca Germanorum, ut in legibus Imper. Othonis, additis legibus Francicis, et Longobardicis, *l. 5. de rebus interdict.* Porro denunciari hoc debet venditori, vel heredi ejus, ut in *l. 9. hoc tit. et l. 14. et 20. 21. et 23.* nec satis est denunciari procuratori ejus, nisi venditor ipse præsens sit, ut *l. si dictum, §. si præsente, D. de evict.* quoniam ipsi venditori denunciari videtur, cum ipso præsente procuratori ejus denuntiatur: sicut si procurator præsens stipulanti promittat, ipse dominus, qui est præsens promittere intelligitur, *l. si procuratori, D. de verb. obligat.* sicut si quis stipuletur præsenti, ipsi, qui est præsens stipulari videtur, et valet stipulatio, *l. 3. sup. de contr. et commit. stipul. l. 3. de inut. stipul.* Illud est valde singulare, ut pupillo forte heredi venditoris recte denuntiatur, ut rei agendæ adsit etiam sine tutoris auctoritate, cum tutor non apparet, quod benigne id est, jure singulari receptum esse ait *d. lex si dict. §. ult.* in hac causa evictionis: nam alias si pupillus forte debitor interpelletur a creditore sine tutoris sui auctoritate, id est, non præsente tutore suo, non constituitur in mora, *l. sed si ex stipul. D. de verb. obligat.* At evictionis nomine receptum est, recte denunciari pupillo sine tutore ejus, et eam denuntiationem re evicta denuntianti parere in pupillum actionem de evictione. Illaudatus venditor, id est, non denuntiatus, non tenetur de evictione, *l. 8. et 17. h. t. l. 1. sup. de peric. et comm. rei vend. l. libera, sup. de sentent. et interloc. l. qui absentem, D. de procur.* Laudatus autem auctor, sive venditor non potest defugere auctoritatem, id est, non potest non suscipere defensionem causæ: vel si non suscipiat, non potest non teneri, hoc est, non defugere auctoritatem, ut nostri loquuntur in *l. minor, in fine, D. de evict. l. in executione, §. in solidum, et l. cum ex causa, de verb. oblig.* In quibus locis defugere, est defugere auctoritatem ut recte divinavit doctissimus Victorius 5. *Va-*

riarum, cap. 22. quod Terentius, Plautus, Cicero dicunt, *desigere auctoritatem*, hunc modum loquendi sumpsisse ex Juriscons. nam hoc verum esse supradictæ leges demonstrant: laudari autem oportet auctorem primum, id est, venditorem ipsum, non fidejussorem evictionis, quem venditor dedit, qui secundus auctor appellatur, ut l. 4. *D. de evict.* Et in glossis veterum Grammaticorum βῆστωρ, *secundus, auctor et ἀποπράτωρ, secundus auctor.* Et de eo fidejussorem evictionis, quia etsi venditor de evictione non cogatur satisfacere dato fidejussore, sed tantum repromittere nuda cautione, ut meminimus dicere in *praefatione* l. ad hunc tit. tamen ex conventionē sæpe datur fidejussor de evictione, et uno casu etiam invitus venditor omni modo cogitur satisfacere de evictione, quo jure utimur, videlicet si agat ex vendito de pretio eo tempore, quo emptori movetur lis pignoris, vel proprietatis, ut velit repellere exceptione doli mali, ut l. 24. *h. tit. l. pen. §. ult. D. de pret. et comm. rei vend.* qua exceptione etiam repellitur venditor, qui antequam tradat rem venditam, que alio est obligata, non luit, non liberat, si agat de pretio ante luitionem rei venditæ, nec traditæ, ut l. 3. *hoc tit.* nisi ut puto paratus sit satisfacere de evictione, argum. l. 24. Et fidejussorem evictionis, id est, secundum auctorem non esse laudandum, sive denuntiandum, docet hæc l. 7. et etiam illa clausula fidejussorem teneri, si modo prius auctor laudatus fuerat. Postremo notandum est venditorem laudatum, denuntiatum, appellatum, conventum ad eam rem defendendam non posse uti præscriptione sui fori secundum regulam, *ut actor sequatur forum rei*: sed (quo jure etiam utimur) debere sequi forum emptoris l. venditor, *D. de judic. l. un. sup. ubi in rem act. exer. deb. Nov. 69.* quia lis principalis est cum emptore: venditor autem liti tantum a-lit-lit: atque ita denuntiatio non sequitur forum denuntiati, sed contra denuntiatus forum denuntiantis, sive laudantis. Itemque notandum, denuntiari posse auctorem ab emptore quocunque tempore ante sententiam, l. si rem, §. ult. *de evict.* Et hoc est, quod dicitur, *Summit ou de garant estre perpetuelle*, quod possit denuntiari quodocunque ante condemnationem emptoris, et evictionem rei. Nec quicquam huic sententiæ obstat que solet opponi l. qui concubinam, §. si hæres, *de leg. 3.* quæ ponit denuntiatum fuisse auctorem ante litem contestatam, quoniam non ideo sequitur eum non recte denuntiari post litem contestatam, si res sit integra, necdum perducta ad ultimam cognitionem, si res non sit prope condemnationem. Fit quidem denuntiatio opportunius ante litem contestatam, sed non sit tamen importune post litem contestatam si res sit integra. Et ita in l. Lucius §. *quæsitum*, *D. de administr.*

tut. licet dicatur usuras prestari in diem liti contestatæ: id tamen producitur etiam in diem sententiæ, nihilominus si tutor in lite perseveravit, ut in l. 1. §. ult. *D. de usur.*

Ad L. VIII.

Emptor fundi, nisi auctori, aut hæredi ejus denuntiaverit: evicto prædio. neque ex stipulatu, neque ex dupla, neque ex empto actionem contra venditorem: vel fidejussorem ejus habet. Sed et si judicio emptor non visus, aut præsens per, injuriam judicis victus est absente auctore, vel fidejussore, regressum adversus eum non habet.

Lex octava ponit tres casus, quibus venditor emptori non tenetur de evictione. De primo casu satis diximus in l. 3. si laudatus, et denuntiatus venditor pro evictione non fuerit, quo casu ait hæc lex octava, neque ex stipulatione, id est, neque ex stipulatione simple, vel quanti interest, neque ex dupla, id est, ex stipulatione duplæ, neque ex empto venditorem, qui laudatus non est, aut fidejussorem ejus teneri, quia, ut et id definiamus, de quo hic discipulant nimium interpretes, omnimodo venditorem denuntiari oportet, etiam scientem, emptori quæstionem referri de proprietate rei emptæ. Et ratio hæc est, quia venditori denuntiatur non tantum ut certior fiat, ut in l. 17. *h. l.* alioquin scientem certiores facere non oporteret, sed etiam denuntiatur, ut conveniatur, et cogatur ad rem defendendam, l. si plus, §. pen. *D. cod.* et denuntiatio quodammodo est actio in auctorem, et sic appellatur a M. Tullio pro Muræna, *actio in auctorem præsentem*, cui in jure ita dicat emptor: *Quando te in jure conspicio, postulo an auctor fias*, id est, *an velis suscipere defensionem rei*, et consequenter denuntiator quodammodo est actor, denuntiatus reus. Quæ de causa dubitabatur in l. venditor, *D. de judic.* An denuntiator sequeretur forum denuntiati secundum regulam juris, actor sequitur forum rei: sed placet non sequi denuntiatorem forum denuntiati, quia denuntiatus non est reus principalis, sed rei principalis, id est, denuntiatoris defensor, cujus etiam forum sequi debet. De secundo casu etiam diximus satis in l. 1. *h. l.* Si per injuriam judicis emptor victus et condemnatus sit: sed quod addendum est ex *h. l.* exigit hæc lex, ne venditor teneatur de evictione emptori condemnato per injuriam judicantis, ut si condemnatus sit absente auctore, et fidejussore, quia hoc casu merito imputatur emptori, quod non appellaverit a non jure dicta sententia. At si tempore condemnationis præsens fuerit auctor, id est, venditor, ipse auctor sibi imputare debet, quod acquieverit

sententiae, id est, quod cessante emptore non appellaverit, et ideo tenetur de evictione. Item, si presente fidejussore auctoris, fidejussore evictionis absente auctore emptor condemnatus sit, fidejussor, qui cessante emptore et venditore non appellavit ut potuit *l. a sententia, D. de appell. de se queri*, et sibi imputare debet, et boni consulere, si emptor ad eum revertatur evictionis, nomine, quam sciens prodeoque passus est fieri, omisso remedio appellationis. Et in hanc rem hic locus hujus leg. est valde singularis, et notandus. Restat 3. casus, quo venditor emptori non tenetur de evictione, si culpa et vitio emptoris res evicta sit, ut *l. 1. sup. de rer. permat.* ut puta si emptor absens per contumaciam ex eremodicio condemnatus sit, ut *l. 1. sup. de peric. et comm. rei vend.* quia magis propter suam absentiam et contumaciam victus videtur, quam quod malam causam habuerit, *l. si ideo, D. de evict.* Idemque est, si praesens emptor appellaverit, et bonam causam culpa sua, causam appellationis culpa sua perdidit, *l. Herennius, §. ult. D. de evict.* puta (ut ait ea lex) ex prescriptione temporis, nempe lapsis fatalibus diebus appellationum, ut in *l. furti, §. 1. D. de iis qui not. inf. l. 6. §. pen. D. de decur.* Idem etiam erit, si cum haberet emptor rei emptae adversus dominum retentionem, possessionis scilicet etiam, non etiam petitionem, veluti ex injusta sententia, ex qua est retentio, non petitio, ut *l. 3. §. ult. D. de pignor. vel ex jurejurando*, ut in *l. et non tantum, §. veniant, D. de petit. hered.* Si igitur cum haberet retentionem possessionis, non petitionem rei: eam possessionem amiserit, culpa sua, vel sponte sua, nec potuerit recuperare, quis non habuit petitionem rei, sed retentionem tantum, quae est sententia *l. si rem quam, §. 1. D. de evict.* Denique evictio quaecunque contingit culpa emptoris, aut vitio, aut sponte, non imputatur venditori.

Ad L. IX.

Si controversia tibi possessionis, quam bona fide te emisse allegas, ab aliquo movetur, auctori, hereditive ejus denuntia. Et siquidem obtinueris, habebis quod emisti. Sin autem evictum fuerit, a venditore, successoreve ejus consequeris quanti tua interest. In quo continetur etiam eorum persecutio, quae in rem emptam a te, ut melior fieret, erogata sunt.

Ex l. 9. notandum est, in actione ex empto, quae evictionis nomine datur in id quod interest, contineri etiam meliorationes, sive *improvements*, id est, id quo eam rem, quae de agitur, emptor meliorem, pretiosorem, fructuosorem fecit deductis fructibus, quia nullus casus intervenire potest, qui

impediat compensationem fructuum cum impensis meliorationum, *l. fundus qui dotis, D. famil. ercisc.* Haec vero est sententia simplex l. 9. sed cui sit applicanda haec distinctio, quae sequitur: nam Accurs. et alii interpretes uno adsensu ita tradunt procedere sententiam hujus legis, et eam sic esse accipiendam, si emptor amissa possessione rei sine culpa sua eam rem vindicet a domino, ad quem forte pervenit, et vincatur, ut tunc non tantum pretium, vel sumptus litis, sed etiam meliorationes a venditore consequatur actione ex empto, non tamen supra duplum, ut *l. cum forte, D. de act. empt.* quae de causa puto Papinianum libro *Resp. tit. de venditionibus*, dixisse, *de evictione actionem dari emptori in duplum meliorati fundi*, id est, *ad finem dupli, non supra duplum.* At (quae est altera pars distinctionis) si dominus ab emptore rem vindicet, et evinceat, propter meliorationes non habet emptor regressum ad auctorem suum, quia emptor sibi imputare debet, quod eas meliorationes sibi non servavit ut potuit, agente domino, per exceptionem doli mali, habita fructuum compensatione, ut in *l. 16. h. tit.* Sed habet tantum adversus auctorem suum actionem ex empto ad pretium recipiendum, et sumptus, litis causa factos, non ad recipiendas meliorationes, quas sibi potuit servare ab eo, qui rem evicit, et si non servavit, imputet sibi, non reputet auctori: quae est sententia *l. idque, §. 1. D. de act. empt.* Verum potest etiam haec l. 9. accipi de domino rem vindicante ab emptore, et evincente, si modo ponamus venditorem scientem mala fide rem alienam vendidisse, quia hoc uno casu certum est, non opposita domino exceptione doli meliorationum servandarum causae integram esse emptori etiam propter meliorationes actionem ex empto adversus venditorem, et supra duplum propter improbitatem venditoris, ut *d. l. idque*, in illo loco, in omnibus, etc.

Ad L. X.

Si fines agri venditor demonstravit, et legem dixit, intra eos neminem ingressurum: si quid inde evincatur, periculo fit auctoris. Quod si finibus suis, quos demonstravit, agrum vendidit: lis finalis ad venditorem non pertinet.

Ex lege 10. hujus tituli maxime notanda est haec differentia inter actionem finium regundorum, et actionem in rem, id est, inter actionem de finibus, et actionem de proprietate: inter litem finalem, et litem proprietatis: quia si fines agri venditi venditor demonstraverit, et dixerit (quod et dixisse semper intelligitur, qui eas demonstravit hoc ipso, quod demonstravit) intra eos neminem ingressurum, si quid ex eis evincatur emptori iudicio in

rem, id est, de proprietate, emptori pro evictione est regressus ad venditorem, in *l. qui fundum, D. eod. tit.* At si agatur de finibus regundis tantum, vel eriscundis, licet eo iudicio vincatur emptor, nullus est ei regressus ad venditorem. Et ita est explicanda *lex 10.* cujus differentie ratio pendet ex alia differentia inter easdem actiones, quod si finalis consistat intra quinque pedes tantum, quod est modicum spatium; et ex quo, si quid abradatur, aut delibetur iudicio finium regundorum, non est causa digna, seu idonea revocandi auctoris, aut conveniendi, quasi evicta parte agri: nec enim videtur evicta pars agri, evicto forte pede uno, vel altero. At actio in rem amplioris terræ, sive spatii controversiam continet. Et hoc ostenditur in *l. si finalis C. Th. finium regun. et a Julio Frontino lib. de limitib. agrorum*, cum ponit differentiam inter controversiam de fine, et controversiam de loco. Qua de causa etiam de fine datur arbiter specialis: de loco, id est, de proprietate loci ipse præses cognoscit: quia res est majoris momenti, *d. l. si finalis.* Est etiam alia differentia inter actionem finium regundorum, et actionem in rem: quod actio in rem tollatur præscriptione longi temporis, id est, 10. aut 20. annorum, non actio finium regundorum, sed tantum præscriptione annorum 30. ut *l. ult. sup. fin. reg.* licet sit mixta actio, id est, in rem et in personam, sicut et actio familie eriscundæ, et actio communi dividundo, quæ etiam mixtæ sunt, non tolluntur præscriptione longi temporis, sed triginta annorum, *l. 3. sup. in quib. caus. cess. long. temp. præscr. l. 1. §. ad hæc, sup. de ann. except.* Et tamen si quod evincatur actione communi dividundo, vel familie eriscundæ, certum est competere emptori actionem de evictione, quia amplioris rei controversiam continet, quam actio finium regundorum, *l. si mancip. §. 1. D. de evict.* At quod ad præscriptionis causam attinet, inter illas tres actiones mixtas, nil interest, quia omnes tolluntur non præscriptione longi temporis, ut actiones in rem, sed ut omnes actiones personales præscriptione tricennii quia mixtæ actiones, quæ personales sunt, spectantur potius, quam quæ reales sunt: hac ratione, ne fiat injuria actori, coarctata propter realem actionem personali: et ita ut producat potius actio realis in tricennium propter personalem.

Ad L. XI.

Exceptione doli recte eum submovebis, quem ab auctore tuo fidejussorem accepisti, si ejus nomine controversiam refert, quasi per uxorem suam: antequam tu emeris, comparaverit: qui

venditioni adeo consensum dedit, ut se etiam pro evictione obligaverit.

Species legis 11. hæc est: Fidejussor evictionis, qui apud emptorem intercessit pro venditore, facit controversiam emptori de proprietate rei emptæ, dicens, se priorem eam rem emisse per interpositam personam, puta per uxorem, et se priorem quoque traditam accepisse per uxorem interpositam: et se igitur in ea re esse potius posteriori emptore. Sed repellitur fidejussor, quia ipse posteriori venditioni concessit hoc ipso, quod fidejussit pro evictione, et ideo frustra movet controversiam emptori, cui debet præstare evictionem adversus alium: si adversus alios, et adversus se ipsum igitur. Et simile est quod proponitur in *l. Pomponius, §. ult. in quib. caus. pign. tac. contra.* si pro debitore rem meam pignori obligante, non explorato meo consensu, fidejussero nomine debiti, hoc ipso videor consentire tacite pignoratione rei meæ, nec possum obsistere creditori agenti hypothecaria. Hinc vero interpretes nostri recte, ut opinor, ex specie hujus legis, ejusque definitione statuunt generalem regulam, *eum, qui auctor laudari, aut conveniri de evictione potest, controversiam emptori facere non posse*, quod et aperte proponitur in *l. 14. hoc tit.* Denique ita statuunt, ut eorum verbis utamur, *eum, quem tenet actio de evictione, agentem adversus emptorem, exceptione repelli*, quod omnium maxime patet ex *l. 13. h. tit.* Cujus sententia hæc est: pignora capta ex causa judicati, et vendita per apparitorem prætoris, vel prædis (ut sit) evincuntur emptori: quæritur adversus quem emptor habeat actionem de evictione, an adversus ipsum apparitorem, qui ea pignora vendidit sub hasta? Minime, *l. si pignora, D. de eviction. l. qui hæres erat, D. famil. erisc.* quinimo si promiserit apparitor evictionem præstari, vel quid aliud, dum in causam judicati pignora condemnati distrahit sub hasta, ipse eo nomine non tenetur, ut est in Orat. pro Quintio; *Non plus ejus referre, inquit, aut interesse præconis, quam si auctione vendens domini jussu quidquam promississet*: nam sane quicquid promittit præco, sive apparitor, promittit jussu domini, cujus pignora distrahuntur. Ideoque præco, sive apparitor nec si promiserit, de evictione tenetur: sed de evictione est actio ex empto adversus condemnatum, qui pretio pignorum liberatus est, et actio de evictione ex empto, quod not. non in id quod interest, sed de pretio tantum, quo liberatus est, et usuris, fructibusque compensatis, ut sit semper. Et ratio hæc est, quia licet ipse, qui condemnatus est, vendidisse videatur cum præco vendidit, tamen coactus vendidit, et ideo non tenetur in id omne quod interest, quod ostenditur in *l. si plus, §. 1. de evict.*

nec obstat *lex eleganter*, *D. de pignor. act.* Quoniam loquitur de creditore, cui pignus addictum est auctoritate principis pro pecunia debita, non invento emptore, cui si pignus addictum evincatur, datur actio in condemnatum in id quod interest, quia videtur pignus accepisse in solutum, ut est in *d. l. eleganter*, et constat evictionem dari ei, qui rem aestimatum accepit in solutum, *l. 4. h. tit.* Quia ergo (ut ostendit *l. 13.*) ita jus est, ut debitor condemnatus, alio evicente pignus distractum ex causa iudicati teneatur de evictione, ideo consequens est, ut ipse non possit rem evincere, et facere controversiam emptori. Denique ita concludamus, eum, qui alio evicente tenetur de evictione, nec ipsum evincere, aut controversiam facere posse. Nec ab hac regula (ut Accur.) volo excipi casum *l. ult. h. t.* qui talis est. Quidam fidejussit pro emptore, et decessit relicto herede: hic heres fidejussoris, heres secundi auctoris potest emptori facere controversiam de proprietate rei, non quidem jure hereditario ex persona defuncti fidejussoris, sed jure proprio ex sua persona: et tamen, si rem evincat, tenebitur de evictione, ut ait *lex ult.* Ergo qui tenetur de evictione, recte facit controversiam emptori, recteque rem emptori evincit. Sed notandum est, ut credamus vitari eo casu supradictam regulam ex *l. Srja, de evict.* heredem fidejussoris, qui controversiam facit emptori, jure proprio posse repelli exceptione doli mali, quod teneatur de evictione jure hereditario, et ita licebit uti superiori regula adversus eum: sed si omissa fuerit ab emptore exceptio doli mali, qua potuit repelli heres fidejussoris, emptori supererit actio de evictione. Dicebam heri, eum, qui auctor laudari, et conveniri de evictione potest, si emptori faciat controversiam, posse repelli exceptione doli mali, et huic regulæ locum esse etiam in specie *l. ult. h. t.* ex eo quari potest, an etiam eidem regulæ sit locus in specie *l. 25. h. tit.* si quis servum quem vendidit, adserat in libertatem: namque eo libero pronuntiato, de evictione conveniri potest. An igitur si cum adserat in libertatem, repelli potest exceptione doli mali? Quod puto esse verius, et ut in *leg. ult.* ita in *l. 25.* hoc esse supplendum, aut subintelligendum. Nec nos ab hac sententia dimovere debet favor libertatis, quem objiciunt interpretes, cum repulso isto adsertore, per exceptionem doli mali, facile adhibito quolibet alio adsertore, servus in libertatem proclamare possit: libertatis enim adsertio patet omnibus jure publico, quia libertas publicam tutelam meretur, *l. 2. de stat. defunct.* Nunc duæ restant leges in hoc titulo, quæ præcipue explicandæ sunt, 21. et 27.

Ad. L. XXI.

Empti actio longi temporis præscriptione non submovetur, licet post multa spatia rem evictam emptori fuerit comprobatum. Si itaque is, quem te comparasse commemoras, nunc in libertatem proclamet, interpellare venditorem, sive successorem ejus debes, ut tibi assistant, causamque instruant. Quem, si liberum esse, vel servum non esse, fuerit pronuntiatum, nec te conventionem remisisse periculum evictionis fuerit comprobatum: Praeses provincie, si res integra est, quanti tui interest, restitui tibi providebit.

*Lex 21. ait: empti actionem, quæ de evictione competit, non tolli præscriptione longi temporis, quod est certissimum, quia est personalis actio, et nulla fere actio, personalis perimitur præscriptione longi temporis, id est, 10 annorum inter præsentem, et 20. inter absentes, sed durat usque in tricennium. At dicimus etiam empti actionem, quæ de evictione competit, non perimi præscriptione 30. annor. si forte post tricennium contingat evictio, quæ de causa dicitur esse perpetua actio, l. minor, §. pen. l. si dictam, D. cod. tit. Et ratio hæc est, quia eo nomine actio ex empto non nascitur, antequam evictio contigerit, l. 3. h. tit. sicut de pignoratitia actione dicitur, quæ debitori pignoris recuperandi causa datur, non perimi eam præscriptione longi aut longissimi temporis, si nondum pecunia soluta sit, quia non nascitur ante solutionem debite pecunie, ante lutionem pignoris, et jus luendi pignoris nullo tempore circumscribitur, ut recte docuit Roger. libro singul. de præscript. Dices: et jus evincendi, id est, jus agendi rei vindicatione circumscribitur longo tempore, id est, decem aut viginti annis, ut *l. 19. h. tit. l. qui alienam, D. cod.* Dicam, et respondebo. Verum quidem hoc esse regulariter, rei vindicationem perimi silentio longi temporis, jus evincendi perimi decennio, aut vicennio, sed quibusdam casibus etiam ultra longum tempus, ultra decem, aut 20. annos extendi vindicationem, et de his casibus sentire hanc legem, imo loqui nominationem, ut puta, si servus, quem emi, vindicet se in libertatem, quod potest per adsertorem, et hodie sine adsertore ex constitutionibus Justiniani etiam post 20. 30. vel 40. aut 60. annos: nec enim ulla ullius temporis præscriptio libertatem abolere potest, *l. 3. sup. de long. temp. præscript. quæ pro lib.* Vindicatio quoque pignoris in debitorem, non in extraneum possessorem, vel in heredem debitoris, vel in posteriorem creditorem extenditur usque ad 40. annos, *l. cum notissimi, sup. de præscript. 30. annor.* Ergo in specie *h. l.* si servus, quem emi, vindicet se in libertatem*

post quadraginta, aut sexaginta annos, quin emi, mihi evictionis nomine adversus venditorem competit actio ex empto in id quod interest: nec intelligitur fuisse sublata longissimo illo spatio temporis, quæ non erat nata, et eo nomine nata eo demum die est, quo servus liber pronuntiatus est. Et hæc est sententia hujus legis, et ratio. Verum addit, servo liberali iudicio erepto in libertatem, emptori competere actionem ex empto, quanti ejus interest, si res integra sit: quibus verbis significari opinor, si ea actio ex empto, postquam nata est, id est, post commissam et contractam obligationem evictionis, et ereptum servum in libertatem, non sit extincta silentio triginta annorum, vel alio modo, puta transactione, vel re judicata, vel pacto. Et similem interpretationem similia verba recipiunt, si negotium integrum sit in *l. 2. sup. quor. bon. et l. 2. sup. de pact. convent.*

Ad L. XXVII.

Si fundum sciens alienum, vel obligatum comparavit Athenocles, neque quicquam de evictione convenit: quod eo nomine dedit, contra juris forma negantis hoc reddi refragatur.

Sequitur *lex 27.* ex qua notandum est, si qui sciens emit rem alienam, vel alii obligatam, vel liberum hominem, non dari actionem de evictione si de ea nil nominatim convenerit. Ideoque bona fides exigitur, *l. 9.* et ignorantia in emptore, *l. 18. hoc tit.* et ait hæc *lex 27.* si sciens emit rem alienam, vel alii obligatam, nec quicquam de evictione convenit, contra juris rationem poscit, quod eo nomine dedit, puta, si domino rem vindicanti solvit liti estimationem, vel si creditori pignoratitio pignus vindicanti solvit debiti quantitatem: nec enim *lex* loquitur de pretio, quod numeravit venditori, de quo etiam recipiendo frustra ageret, qui soluta liti estimatione, aut quantitate debiti rem retinuit: alioquin re abducta, re evicta, dicerem eum, etiamsi sciens emerit, recte agere ad pretium recipiendum, licet nil de evictione convenerit, sed ad pretium recipiendum tantum, ut rem amittat, quæ evicta est, et pretium: quoniam etiamsi convenerit nominatim, ne evictio præstetur, si nominatim remissum fuerit venditori periculum evictionis, semper emptori saltem integra est re evicta repetitio pretii numerati, *l. ex empto, §. ult. D. de action. emp.* Et hæc omnia ita procedunt, ut possint, si nil de evictione convenerit inter venditorem et emptorem male fidei, id est, qui sciens emit rem alienam: nam si convenerit de evictione, stipulatione, vel pacto, nil refert, etiam male fidei emptori evictionis nomine competit actio ex stipulatione, vel ex empto. Et ita est proditum in *l. si*

fratres, sup. comm. utrius. judic. Idemque est, si emptor sciens servum, quem emit, esse fugitivum, stipuletur de fuga, puta fugitivum non esse: nam ex stipulatione actio ei competit, quoniam hoc convenerit, ut ait *lex apud Celsum, §. item Labro, D. de dot. excerpt.* Sed addit ea *lex*, quamvis actionem ex empto non haberet, quam tamen jam jam dicebam eum habere non minus, quam ex stipulatione actionem. Sed illo loco, *quamvis ex empto actionem non haberet, de fuga*, scilicet non interposita stipulatione, vel pacto, quia sciens emit, quam tamen bonæ fidei emptor haberet etiam omissa stipulatione, vel pacto, vel dicto, *l. 6. hoc tit.* Rursus valde obstat huic sententiæ *lex ult. §. emptor, sup. comm. de legat.* quæ ex stipulatione duplæ pro evictione ait agere non posse eum, qui sciens mala fide ab hærede emit rem alii legatam, vel per fideicommissum relictam pure, vel sub conditione, nec agere ex empto propter meliorationes, sed agere tantum ex empto ad pretium recipiendum, etiamsi nil convenerit de evictione. Et quod ea *lex* ait, *vel*, satis significat ex empto eum agere posse de pretio recuperando, etiamsi nil de evictione convenerit. Jam admissi supra generaliter in omni emptore cujuscunque rei alienæ, vel quæ sit pro re aliena (ut ait *d. §. emptor*) qualis est res alii relicta testamento, vel codicillis, quin sciens relictam emerit. Quod autem ait ea *lex* in *d. §. emptor*, non esse emptori actionem in duplam, vel in id omne quod interest, propter meliorationes, si sciens emerit ab hærede rem alii relictam, hoc mirum in modum pugnat cum eo, quod ante proposuimus, etiam male fidei emptorem agere posse de evictione ex stipulatione, vel ex empto pro evictione, si de ea convenerit. Et tamen ille *§. emptor* ait, non posse agi ex stipulatione duplæ, si sciens emerit rem alii relictam. Sed Accursius recte notavit hoc loco etiamsi rationem omisit, id esse singulare in eo casu *§. emptor*, ut qui sciens emit ab hærede rem alii legatam, non agat de evictione, vel ex stipulatione duplæ, quam interposuit, vel ex empto in id quod interest, sed ut tantum desideret recte ab hærede sibi reddi simplam pretii, quod pernumeravit. Et cur id sit singulare in illo casu, ratio hæc est, ne quis sciens temere accedat ad emptionem, quæ fit contra iudicium, et ultimam voluntatem defuncti, quæ est religiosissime conservanda: nam (quod valde rem confirmat) et in eo casu hoc etiam singulare est, ea ratione, ut is qui bona fide emit ab hærede rem alii legatam, non possit eam usucapere contra voluntatem defuncti, nec acquirere longo tempore, *d. l. ult. §. si autem avaritia*. Restat tantum ut adnotemus, malam fidem, sive scientiam rei alienæ, quæ obijcitur emptori, et potest obijci va-

riis causis et questionibus, quibus male fidei emptor separatur a bonae fidei emptore, eum esse probandum iudicis certis et iure receptis, ut ait *lex pen. h. t.* quae notat cautionem de evictione interpositam ab emptore, non esse idoneum indicium, sive argumentum scientiae rei alienae. Quod tamen posset quis leutare, dicens, *Cur tibi cavisti de evictione, nisi quia sciebas rem esse alienam, quam tibi vendebat?* sed hoc indicium non est probabile, imo improbatur *l. pen.* Nec enim est certum indicium, quoniam et bonae fidei emptores sibi cavent de evictione in omnem eventum. Differentia est inter malam fidem et dolum malum. Mala fides probatur ex iudiciis scientiae, et notitiae cuiusque, ut ait *lex pen.* Dolus probatur ex insidiis, sic est legendum in *l. dolum. sup. de dol.* Dolus ex insidiis perspicuis probari. Nam et ita legunt Basilicae: ἀπὸ ἐπιβουλῆς πρὸς πρὸςδοτὰς: sic etiam legi, qui fecit jam olim Gallicanæ interpretationem Codicis: *cū il y a que la trache se doit prouver par apers aguets*, id est, ex perspicuis insidiis, et *d. lex dolum* ita est conjungenda cum *l. metum. sup. de iis, quae vi met. caus.* quoniam auctores eandem habent inscriptionem, ut et subscriptionem, ut conjunctio earum duarum legum hoc exprimat, metum probari ex atrocitate facti: dolum autem ex perspicuis insidiis: et ita in *l. si voluntate. sup. de rescind. vendit.* Dolus emptoris argui ex caliditate ejus, et insidis, et *l. ea quae, §. ult. D. de contrah. empt.* In eo esse dolum qui insidiosè dissimulat. Et doli nomine etiam quid aliud, quam insidiae, significatur, ut illo loco: *Dolus, an virtus quis in hoste requiratur*, id est, *insidiae*. Et Paulino 83. *Labia tua ne loquantur dolum*, D. Cyprianus vertit, *Labia tua ne loquantur insidiosè*. Et 49. *Lingua tua concinnavit dolos*, Idem vertit, *Lingua tua complectebatur insidias*.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XLV. Creditorem evictionem pignoris non debere.

Supererat de evictionibus haec quaestio, cui proprie hic titulus dicatus est, an creditor qui pignus vendidit, teneatur de evictione: et in ea ita distingui solet: aut creditor pignus vendidit jure communi, aut jure creditoris, et pignoris lege. Priore casu, si pignus vendit jure communi, id est, si cavet de evictione, ut solent venditores, proculdubio tenetur

tur de evictione, quam si praestiterit emptori pignoris, debitor tanquam non liberatus (quod patet de evictione) creditori tenetur actione creditoris praestare, vel contraria actione pignoratitia, quod appareat, eum rem alienam pignori obligasse, quae postea a domino evicta sit. Evictio prodit obligatione rei alienae: et debitor, qui rem alienam obligat sciens, vel ignorans, et pignori ponit, tenetur creditori contraria actione pignoratitia, *l. tutor, §. 1. l. cum debitore, D. de pignor. act.* Verum quid creditor consequetur, qui evictionem praestitit emptori pignoris, quem caverat? quid inquam, consequetur a debitore per contrariam pignoratitiam actionem? Et ita distinguendum est: Aut creditor pro evictione cavet, et praestitit duplam, per contrariam actionem pignoratitiam a debitore creditor consequitur duplam, quam praestitit, si modo aliter tanti quanti vendidit, pignus vendere non potuit, quam promissa dupla, nullo invento emptore, qui non vellet sibi de dupla caveri: nam si etiam dupla non promissa alii tanto pignus vendere potuit creditor, per contrariam actionem pignoratitiam non consequetur duplam, quam imprudenter cavet, et deinde praestitit, sed consequetur tantum quantitatem debiti, quia culpa sua et imprudentiae adscribere debet, quod duplam promisit cum alteri potuisset tanto vendere, etiam non cauta dupla. Ceterum et hoc casu praeter debiti quantitatem per eandem actionem, si debitum usurarium fuerit, consequetur creditor a debitore usuras medii temporis, licet creditor videretur fructus pretio pignoris medio tempore, id est, a die venditionis rei pignoratitiae in diem evictionis, quia effectus et re ipsa sane non potest intelligi creditor usus vel fructus pretio interim ante evictionem, qui altero tanto amplius praestitit emptori evictionis nomine, id est, duplam, quam caverat, quod est pretium, et alterum tantum. Et hoc cum creditor cavet, et praestitit duplam. Quod si creditor cavet tantum simplam emptori pignoris, et praestitit, per contrariam pignoratitiam actionem, creditor a debitore consequetur debiti quantitatem tantum, non usuras medii temporis, quod nostri auctores vocant *interusurium* optima ratione: quia hoc casu verissimum est, creditorem medio tempore pretio usum et fructum fuisse, qui hoc simplam tantum praestitit evictionis nomine. Et haec omnia proponuntur, quantumvis licet concise et obscure, *l. si pignore, §. ult. et l. seq. D. de pignor. act.* Et hactenus de creditore, qui pignus vendidit jure communi, ad quem respiciant haec verba legis *l. h. tit. nisi nominatim hoc re promissum a privato fuerit creditore, vendente scilicet jure communi*. Ad eum etiam pertinent haec verba *leg. 2. si cum vendidit, de evictione rei promissum*, id est, si vendidit jure communi. Nunc tractemus de creditore,

qui pignus vendidit jure creditoris, et pignoris lege. Si creditor jure suo pignus vendiderit, et lege pignoris, id est, non promissa evictione stipulanti emptori, non tenetur de evictione, non debet evictionem, ut nec ad pretium restituendum teneatur emptori, præterquam uno casu, si dolo malo sciens rem esse alienam, vel sibi non obligatam, veluti jure pignoris vendiderit, qui casus proponitur in *l. 2. h. tit. et in l. ex empto, §. sententiam, D. de act. emp.* quo casu et creditori non est regressus ad contrariam actionem pignoratitiam in debitorem, qui jam liberatus est, *l. tutor, §. pen. D. de pignor. act.* ne ex dolo suo actionem consequatur, *l. itaque D. de furt.* Excepto hoc casu, creditor, qui jure suo, id est, non promissa evictione pignus vendidit, proculdubio non tenetur de evictione emptori pignoris sed debitor ipse eo nomine re evicta tenetur emptori utili actione ex empto, quasi ipse vendidisse eam rem videatur, qui ejus venditionem permisit creditori, ne alioquin eam damno emptoris debitor sibi liberationem acquirat, ut in *l. rescriptum, §. 1. D. de distract. pign.* Et emptori debitor tenetur evictionis nomine utili ex empto, sicut diximus, non in id omne quod interest, ut definit Accurs. et probant omnes, puta, non ut reddat emptori meliorationes, sed ut tantum ei reddat pretium, et usuras pretii, fructibus compensatis, quos ex ea re emptor percepit, idque exemplo et argumento legis si plus, *§. 1. ff. de evict.* Re autem non evicta, quam vendidit creditor jure pignoris, debitor tenetur domino ejus rei pretii nomine, quo liberatus est utili actione negotiorum, si dominus ratam venditionem faciat: nam ratihabitio facit quod retrahatur, ut videatur dominus gessisse negotium debitoris, et liberasse debitorem pretio rei sue, quod etiam significat *d. l. rescript. §. 1.* Quantum ergo attinet ad emptorem pignoris, et ad dominum pignoris: debitor manet obligatus: sed quantum ad creditorem suum debitor liberatus est ex pretio pignoris, et ejus fidejussor, sive mandator, *d. l. rescript. et l. si mandato Titii, §. credit. D. mandat.* quia creditor ex pretio pignoris, debitum consecutus est, et emptori non tenetur (ut diximus) actione ex empto pro evictione, sed in hoc tantum tenetur emptori actione ex empto, in quo nil dispendii facit, ut cedat emptori contrariam pignoratitiam actionem adversus debitorem, *l. in creditore, ff. de evict.* siquidem emptor malit eam actionem sibi cedi, si malit ea actione, id est, contraria pignoratitia sibi cessa a creditore, eodemque venditore pignoris experiri, et uti, quam utili ex empto, quod ex cessione habeamus directam actionem, non utilem, *l. ex legato, sup. de legat.* Et melior sive facilius est directa actio con-

traria pignoratitia, quam alia actio utilis: et ideo emptori desideranti creditorem sibi cedere contrariam pignoratitiam actionem in debitorem, creditor morem gerere debet, quia sine ullo suo dispendio hoc est facturus, qui jam non indiget illa actione, quia jam suum est consecutus firmo jure, et nihilominus tamen intelligitur habere eam actionem, id est, quamvis percepit debitum, nihilominus intelligitur habere eam actionem, id est, contrariam pignoratitiam, ut eam cedat postulanti emptori, non ut ea ipse utatur, quia percepto debito, nil ejus interest aliud, quam ut habeat eam actionem, ut non ei auferatur ea actio, quo scilicet possit eam cedere postulanti emptori pignoris, ut *l. cum is, in fin. ff. de fidejuss.* quæ subtilitas est valde notanda, ut habeam actionem, quia potest alter postulare, ut ei eam cedam: non contra, ut possit alter postulare, ut sibi cedam actionem, quam habeo, ut recte movet glossa *d. l. cum is.* Ad hæc notandum est, adeo verum esse regulam, quam statuimus titulo superiori, ut venditor, qui de evictione tenetur, non possit emptori facere controversiam, ut nec venditor, qui de evictione non tenetur idem possit: ut creditor, qui pignus lege pignoris vendidit, licet non teneatur emptori de evictione, tamen ex alia causa non potest emptori facere controversiam, et rem evincere, ne mutet factum suum, ne infringat quod ipse fecit. Et ideo si creditor, qui pignus vendidit lege pignoris, postea in jus et nomen successerit alterius creditoris, cui eadem res erat pignolata, non potest emptori facere controversiam ex persona defuncti creditoris, cui successit. Et hoc verissimum est, non tantum si is, qui pignus vendidit, fuit in eo pignore antiquior et potior, quo casu res est extra omnem dubitationem, sed etiam si is, qui pignus vendidit, in eo fuerit inferior et infirmior, potior autem defunctus privilegio temporis, quia etiamsi creditor, qui pignus vendidit, in eo non fuerit potior, sive prior, tamen semper emptori præstare debet, se potiores esse ceteris omnibus, et hoc solum cum suo dispendio, et cessione (ut diximus) contrariæ pignoratitiæ, si eam postulerit emptor, quæ fit sine ullo dispendio suo. Et hæc est sententia legis *l. h. tit. et l. etsi is, ff. de distr. pignor.* Et nil refert (ut ostendit etiam hæc lex *l.*) quis fuerit creditor, qui pignus vendidit, fiscus, an privatus? nam in pignoribus, et hypothecis nulla est differentia inter privatum creditorem, et fiscum, quia neque fiscus, neque privatus creditor in hypothecis ullum habet privilegium, nisi ex tempore antiquiore, quo fuerit contracta hypotheca, *l. si pignus, ff. qui potior. in pignor. hab. l. 2. sup. de privilegio fisc.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XLVI. De Patria potestate.

Superioribus libris, et tit. hoc semper egit conditor hujus Codicis jam inde a parte fere media libri tertii, ut varias actiones proponeret in rem, et in personam, quæ de proprietate, vel de possess. vel de jure pignoris, vel de statu hominis in judicio civiliter instituuntur, et varias exceptiones, quæ actionibus subjici solent, et quasi quædam actiones sunt. Ac deinde generalem actionem ex stipulatu, quæ etiam omnibus actionibus subjicitur, et subnervit; nullum enim fere negotium geritur, in quo contrahentes non subjiciant stipulationem, quare eam appello *παράκλησις*, quod omnia negotia in se recipiat. Et his quidem præactis, atque præstitis, quia supra libro septimo tractans de statu personarum, de eo tantum præjudicio, cave tantum actione præjudiciali egit, quæ queritur an aliquis liber, an libertus sit: illud vero præjudicium prætermisit, id est, illam præjudicialem actionem, quæ queritur an aliquis *filiusfamilias* sit, id est, in potestate patris, vel avi: ideo nunc, ut de ea tractet, dat hunc titulum de patria potestate, et statim l. 1. agit de præjudicio, quo pater filium in sua potestate esse adserit, ut l. 1. §. *per hanc*, ff. *de rei vind.* ait liberos, qui in nostra potestate sunt, peti *præjudiciis*, id est, præjudicialibus actionibus, quæ (ut est in §. *præjudiciales*, instit. *de action.*) in rem actiones esse videntur, non sunt in rem actiones, sed in rem esse videntur, id est, veluti proprietatis causam continent, ut cum ago *filium meum esse* vel *servum meum esse*, vel *libertum meum esse*: quia ago meum esse, quodammodo me dominum esse ajo, id est, quasi proprietarium, sicut interdictum de liberis exhibendis, quo etiam petuntur liberi, qui sunt in nostra potestate, dicitur veluti proprietatis causam continere, l. 2. §. *quædam*, ff. *de interd.* Igitur patria potestas est quasi proprietas, quam patres jure civili habent in liberos suos juste procreatos. Non dico *proprietas*, sed *quasi proprietas*: non *dominium*, quod idem est, sed *quasi dominium*: nam in dominio esse non possunt parentum, quæ liberi homines sunt, sed in elliguntur esse in quasi dominio, quod patriam potestatem appellamus: et deo *jure civili*: nam hoc jus est proprium civium Romanorum: nam cum dicimus jus civile, intelligimus Romanorum: et hoc jus patriæ potestatis est proprium civium Romanorum, l. 3. ff. *de his qui sunt sui*, vel *al. jur.* et Boetius in Topic. Cicer. *Civ. lat. Romanæ jure*

liberos retineri in patrum arbitrio. Et dicitur hoc jus esse proprium civium Romanorum, non quod aliæ gentes non habeant etiam potestatem in liberos suos, sed ut est Instit. *cod. tit.* quod non habeant *talem*, qualem cives Romani: non enim omnes gentes habent in liberos suos potestatem vitæ, necisque, ut cives Romani in servos suos omnes peræque habent potestatem vitæ necisque, ut ait lex 1. ff. *de his qui sunt sui*. Ideoque potestas in servos dicitur esse jurisgentium: at potestas in filios est juris civilis, non jurisgentium. Et quod ait illi *liber (talem)* respicit quasi facta comparatione ad excellentiam, et præstantiam patriæ potestatis civium Roman. cujus jura, et effectus magni sunt, et multiplices, de quibus dicam postquam absolvero, quod institui de præjudicio, de quo agitur in l. 1.

Ad L. 1.

Si filium tuum in potestate tua esse dicis: præses provinciam æstimabit, an audire te debeat: cum diu passus sis, ut patrisfamil. res ejus ager per eos, qui testamento matris tutores nominati fuerunt.

Lex prima est de præjudicio, quo pater filium suum esse petit: suum, id est, in sua potestate: in quo lex ait *pat. em non audiri si diu passus sit filium res suas, quas habuit a matre, agere per tutores a matre datos, et ut necesse est, confirmatos a prætore*. Pono habuisse res a matre, alioquin a matre dati tutores non confirmarentur: nec enim confirmantur nominati a matre verius, quam deli, quia datio per se non valet, nisi filium instituerit, quæ tutores nominaverat, l. *pater*, ff. *de testam. tut.* pater vero, qui hoc passus est, quod dixi, quodque lex 1. proponit præsumitur eum filium emancipasse, et patrefamilias effecisse, ut in l. *post mortem*, ff. *de adopt. et in Novella Leonis 28.* et ideo non recte agit præjudicio, quo intendit *filium suum esse*, id est, in sua potestate, cum præsumatur sui juris fuisse eum, quem diu passus est agere sub tutoribus, et administrare bona profecta a matre, quia non nisi paterfamilias, id est, qui sui juris est, res proprias, et tutores habere potest, filiusfamilias non habent tutores, aut res proprias. Tutela est potestas in capite libero, id est, in homine sui juris, in patre, aut matrefamil. non in filio aut filiofamilias: quinimo tutela finitur adrogatione pupilli, id est, si pupillus ex patrefam. fiat filiusfam. l. *si adrogati*, ff. *de tutel.*

Ad L. pen.

Nec filium negare cuiquam esse liberum, Senatusconsulta de partu agnoscendo, ac denuntiatio pœna, item præjudicium edicto perpetuo proposit-

tum, et remedium alimentorum apud *patrem* majori trimo petenti, nomine ejus monstratum, jure manifesto declarant.

Est etiam lex pen. hujus tit. de præjudicio, id est, de actione præjudiciali, de partu, seu filio agnoscendo: qua de re ait facta esse Senatusconsulta, nempe Senatusconsultum Plancianum, et aliud Senatuscons. temporibus Adriani Imp. ut ait l. 1. §. 1. de liber. agn. Et addit eadem l. pen. Senatusc. poenam fuisse impositam denunciatio. Nam vulgo in l. pen. corrupte legitur (denuntiata poena) cum ait scribendum (ac denuntiati poena) ut patet ex l. 1. §. poena, ff. eod. tit. hoc quid sit brevi exponam. Si mulier post divortium, vel etiam constante matrimonio, denuntiet viro paululum ab ea forte alienato, se ex eo esse prægnantem, et vir, qui denunciatus est, non miserit custodes ad custodiendum partum, sive ventrem, vel non contra contestatus sit eam ex se non esse prægnantem, quia hæc omisit denunciatus, ut sic vocat etiam l. venditor, ff. de jact. editum partum omnimodo cogitur agnoscere, vel si velit, extra ordinem in corpus scilicet coercetur, et tandem cogitur agnoscere, d. §. poena. Et hæc est poena denunciati, non poena denunciata. Item ait l. pen. edicto prætoris esse propositum præjudicium, quo pater filium cogitur agnoscere qui probatur esse filius ejus: et præterea datum esse remedium, quo ii, qui dicuntur esse filii, extra ordinem, per consulem, aut præsidem, quo recens nato, vel potius filio majori trimo, ut ait l. pen. alimenta, et cetera subsidia vitæ decernuntur, aliquo petente nomine ejus, ut ait l. 3. cum ipse non possit petere. Et de eo decreto alimentorum est tota l. 3. ff. de liber. agn. hoc igitur remedio extraordinario per magistratum filio, qui dicitur majori trimo, alimenta decernuntur, et cetera onera. Et ait l. majori trimo, id est, recens, lacte depulso, quia non ante triennium solent infantes mamma depelli, ut 2. Mach. cap. 7. sic mater loquitur ad filium *ὁ δὲ ἄβρων ποῦ*, etc. *Μίσερε*, inquit, *μεῖ, φίλι, καὶ τὸ γέννη, καὶ τὸ γέτω* 9 mens. in utero, et lacte meo nutriti tribus annis. Igitur post triennium statim alimenta ei, qui filius dicitur decernuntur ex bonis patris. Et ex his omnibus, quæ proposuit lex pen. facta esse Senatusconsulta de partu agnoscendo, poenam indictam denunciatio, a prætore propositam actionem præjudicalem de partu agnoscendo; decreta interponi de alendo filio majori trimo sumptibus patris: ex his omnibus lex pen. colligit, et hic est finis legis, qui non animadvertitur, neminem posse negare, filium suum esse eum, qui filius suus est. Quid hoc est? id est, non posse abdicare filium suum nam abdicare est negare filium, dicere non esse filium. Itaque quod ait l. 6. h. t. abdicatio-

nem filiorum, quæ Græci *ὀψέσθαι* uter, jure Romano non comprobari, hoc supradictis arg. probat lex pen. Abdicacionem quidem, ut historiae clamant, et significant l. 6. usurpabant quandoque cives Romani: sed more Græco, ut ait l. 6. non jure Rom. more peregrino, non proprio, non jure Rom. quo non fuit comprobata abdicatio, sed tantum exhereditatio filii, quæ tamen eodem nomine sapissime in Basil. appellatur *abdicatio*. Abdicatio vocatur *ἀποκατάστασις*, ut ait l. 6. h. t. Idem nomini tribuitur exheredationi frequenter in Basil. Est igitur commune nomen abdicacionis, et exheredationis, sed in re ipsa hæc duo multum inter se distant: nam abdicatio vivo patre effectum habuit, exhereditatio post mortem patris datum: abdicatio fit inter vivos, exhereditatio testamento tantum, non codicillis, §. codicillis, Instit. de Codic. Codicillis non datur hereditas, id est, non instituitur hæres, et non alimuntur hereditas, id est, non scribitur exhereditatio. Abdicatio (qua verbo utitur l. 6.) alienat filium, id est, extraneum facit: exhereditatio extraneum non facit, sed aufert tantum jus hereditatis filio: cetera jura filii ei relinquit, ut jura sepulcrorum, jura partuandi lucra nuptialia profecta a matre, et alia pleraque, l. 9. §. si filium, ff. de liber. et post. Utraque tamen et exhereditatio, et abdicatio est plerumque nota quodam filii, ut indicat l. multi, ff. de liber. et post. utraque est fulmen patrum: sic de abdicacione loquitur Quintilian. Declam. 259. et referam verba emendata, quæ vulgo sunt depravata: *Fulmen istud patrum, inquit, datum est adversus ferociam adolescentiam, adversus filios. Filium abdicare non decet; potius filios, qui plus peccare possunt: filia vero vix nutricum minas tulerit, vel eorum, in quibus educatur tristitiam: sic ille auctor demonstrat non decere abdicacionem filiarum, filiorum satis dicere. Sed (ut diximus ex l. 6. et l. pen.) abdicatio non est probata jure civili, exhereditatio probata est, et est hæc una pars patrie potestatis, ut liceat patri testamento filium exheredare, l. in suis, ff. de lib. et post. l. quidam, ff. de verb. obligat. meritis de causis, ut ait lex cum ratio, ff. de bon. damnat. alioquin testamentum, in quo filius immerito exhereditatus est, puta, non ingratus, rescinditur per querelam inofficiosi testamenti: nec mirum inquit lex in suis, si patri liceat filium exheredare, quem etiam olim ei licebat occidere, quod etiam est proditum in l. ult. hoc tit. Licuit autem olim occidere lege Regia. Et hoc est, quod Cedrenus scribit, lege Romuli *liberos patribus ὀψέσθαι ἢ ἀνίστασθαι ποίπα*, subjectos esse servorum vice, quod in eos sit patribus jus vitæ necisque, et lege Julia etiam licet occidere filium patri, quam habet in potestate, deprehensum in*

adulterio non solum, sed cum adultero, sicut, nec adulterum solum sine filia, *l. patri, ff. ad leg. Jul. de adult.* quod ideo lex Julia permittit patri, ut occidat utrumque, non tam ut occidat, quam ut ne occidat quemquam, quia non potest alterum sine altero, et est verisimile eum non esse occisurum filiam, et propter filiam igitur parciturum adultero, aut si nolit ei parcere, nec filii parcat igitur. Ac simili ratione Aristoteles in *fin. 8. Eth.* abdicationem filiorum facile posse perimitti, quod vix aut raro patres sint abdicationem filios suos. Et de hoc jure occidendi filii, eleganter ita scriptum est in fragmentis Papiniani, libro singul. de adulter. *Cum patri, inquit, lex Regia dederit in filium vitæ necisque potestatem, quoniam bonum fuit lege Julia comprehendere, ut potestas fieret etiam filiam occidendi?* Nunquid ex contrario nobis argumentum præstat hæc adjectio; non ut videatur lex non habenti dedisse, sed ut videatur majori aequitate ductus adulterum occidisse, cum nec filiam pepercerit. Et jus hoc, sive summa hæc pars patrie potestatis, quæ consistit in jure vitæ necisque, diu mansit in usu. Et observandum in *leg. Pompeja de parricid.* contineri matrem, quæ filiam necasset, sed patris, qui filiam necasset, nullam mentionem fieri, quia scilicet illi patri licebat. Dicebam patriam potestatem esse juris civilis Populi Romani, qualem scilicet patribus leges Romanæ permittunt: potestatem herilem esse juris gentium, quod omnes peræque gentes habeant in servos jus vitæ necisque, non item in liberos suos: Romani etiam in liberos ex justis nuptiis procreatos, et aliæ quædam gentes: ut Gallos idem jus habuisse Cæsar scribit, sed non æque omnes gentes. Et quod traditur ex Aristotele in *Politico*, Persas idem habuisse, id Aristoteles nullo *Politico* loco scripsit: in *Ethico* ad Nicomachum est aliquid tale, sed nec omnino tale, lib. 8. Et quod etiam traditur, Indos habuisse, vel habere, et Hebræos, et legem Dei omnipotentis nominationem patri, et matri potuisse gladium aut jus dedisse summum vitæ necisque, hoc quoque nunquam invenies, sed eis legem Dei permisisse tantum accusationem, et delationem ad judicem filii male morigeri, aut dæseluti, et ab eis correpti frustra sæpius, ut ea perlata mox populus irrueret in filium talem, et eum operaret lapidibus, *Deuteronomio* xvi. fortassis ipsa parentibus inchoantibus lapidationem, sicut ejusdem libri *cap. 13. et 17.* cautum est, ut accusatores, delatores, testesque in reum, quem peregerint primi jactent lapides, ut etiam fecisse legimus testes productos in D. Stephanum, *Actor. 7.* Porro vitæ necisque potestatem lege Regia datam civibus Romanis in liberos suo juri subiectos diu tenuisse Romanos, probavi ex Papiniani libro singulari *de adult.* puta tenuisse eo tem-

pore, quo Augustus tulit legem Julianam de pudicitia. Idemque probavi argumento *legis Pompejæ, de parricid.* quæ teneri matrem, quæ filium occidit, patris non meminit, *l. 1. ff. de leg. Pomp. de parricid.* Sed non nego, postea eam potestatem valde fuisse arcuam, fractam, debilitatam: nam ut postea in servos supra modum, et sine causa legibus cognita sævire non licuit, *l. 1. ff. de his qui sunt sui, vel alien. jur.* ita nec in suos filios. Et notandum, quod ait Cajus in *d. l. 1.* quod translatum etiam est in Institut. *hoc tempore in servos supra modum, et sine causa legibus cognita dominis sævire non licere*, hoc tempore, id est, Adriani et Antonini Pii Imp. quo Cajus de jure scripsit, et respondit: et nominatim de Adriano testatus est Spartianus his verbis, *servos a dominis vetuit occidi, jussitque, damnari per judices si digni essent.* Et refertur *leg. 2. ejusdem tit.* eundem Adrianum Umbriciam quandam mulierem (vel ut alii habent, Umbram, quod demonstrat, nomen id non esse proprium mulieris, sed nationis in Italia, ex qua dicuntur Umbri et Umbrici apud Stephanum in verbo Ουμβρικὸς) eam, inquam, mulierem D. Adrianum in quinquennium relegasse, quod ex levissimis causis ancillas atrocissime tractasset. Sic igitur D. Adrianus, potestatem herilem rescidit magna ex parte. Idem eundem Adrianum effecisse de patria potestate ostendit *l. Divus, ff. de leg. Pomp. de parricid.* in qua ostenditur D. Adrianum patrem in insulam deportasse, qui se pro prædone egerat, et grassatore erga filium, quamvis infamem adulterii in novercam quia eum secum duxerat in venationem, et sub specie venandi in sylva necaverat: et hanc solam prædam egerat, quia, inquit, necaverat, prædonis modo, *en voleur*, non patris jure, quod infinita distat intervallis ab illo more pravo, et nefario. Et ut subjicit eleganter ea lex, *Patria potestas in pietate, non in atrocitate consistit*, id est, non est acerbè exercenda, ut ait, *l. 1. in fin. ff. de liber. exhib. l. 1. infr. de emend. propinq.* non est exercenda illegitime, non malitiose, non atrociter. Pietas jure et ordine regitur, nec quicquam agit, nisi causa cognita, et de consilii sententia. Atrocitas neque legem habet, nec modum ullum; pietas nil est aliud, quam moderatio et lenitas. Atrocitas nil aliud est, quam malitia, et Rufinus eleganter in symbolum, *Oculere, inquit, hominem non semper est criminisum, sed malitiæ, non legibus occidere, criminisum.* Et observandum in *d. l. Divus.* Jurisconsultus cum potuisset uti hac ratione, quia debuit pater poenam inferre filio publice infami in novercam propter exemplum, quod omnis poena non tam ad delictum, quam ad exemplum pertineat: tamen hanc rationem

omisit, quasi remotiorem (et vero etiam nobis est omittenda, aut non arcersenda) et usus est ratione proximior, et summa, quod patrie potestas consistat in pietate, non in atrocitate. Et puto ad eandem speciem filii infamis in novercam respexisse Ulpianum in *l. 2. ff. ad leg. Cornel. de sicar.* dum ait, patrem inauditum filium occidere non posse, quoniam ea lex est *ex lib. 1. de adulter.* Et hoc igitur vult, ut filium infamem adulterii in novercam inauditum, id est, cujus defensiones iudex non audierit, pater non possit occidere. Sed si res sit de adulterio admissio in novercam vel si quæ alia res, quæ gravio rem animadversionem desideret, nec castigationibus patris locum det filius, tum pater eum debeat accusare, et perducere ad ius ordinarium, id est, ad præfectum urbi, vel præsidem provincie, ut audiat, et causa cognita puniatur, prout ipsemet pater puniendum eum esse iudici dictaverit: qui locus est singularis in *l. 3. hoc tit.* ut iudex in filium male moratum statuat quod pater ipse dictavit, nec acerbius quicquam, vel mitius, qui ordo congruit fere cum suprad. capite *Dent. 21.* Et facit *lex 1. §. 1. ff. de obseq. parent. præst. lex propter, infr. de iis, qui accus. poss.* Ut ergo more Græco usurpato etiam a Romanis, erat quædam *abdicationis actio*, nec licebat patri filium non auditum abdicare, non narrata iudici, et probata causa, non data filio respondendi potestate, ut sæpe Fabius docet in *declam.* ita nec patri filium indicta causa, et sine iudice occidere, et atrocins in eum animadvertere licet: iudicium et actio præcedit abdicationem et supplicium filii: qua in re etiam exheredatio differet ab abdicatione, præter ea, quæ notavi ultima recitatione, quoniam exheredationem sequitur, non præcedit actio de inofficiosa exheredatione. id est querela inofficiosi testamenti. Et ex iis quidem intelligimus quid sit, quod ait *lex ult. hoc tit.* Patribus ius vitæ in liberos, necisque potestatem olim fuisse permissam, et *l. in suis, ff. de liber. et posthum.* quod eos occidere licebat, quia scilicet hodie idem patribus non licet, nec talis hodie patribus permissa et potestas, et tamen ait *l. ult.* quamvis olim liceret patribus filios occidere tamen olim nunquam licuit patribus filiis eripere libertatem, id est, filios servos suos, vel alienos facere: quo argumento rectissime lex ostendit, majores plurimum fuisse libertati aut plus libertati pepercisse, quam vitæ, quia ius occidendi filii mittebant patri, non ius eripiendæ libertatis: ius eripiendæ vitæ, non eripiendæ libertatis: et hoc est verissimum. Nec obstat quod vendere patri filios licebat, ut constat omnibus, et licet etiam hodie in casu *l. 2. sup. de patrib. qui fil. distrax.* propter famæ necessitatem, ut pueri recens nato (de quo solo loquitur *l. 2.*)

non desit educator. Nam venditio hujusmodi videtur fecisse servum: cui igitur licet vendere, et licere facere servum. Sed dico genere venditionis patrem filium ex potestate sua dimittere, non etiam ei adimere libertatem, sive ingenuitatem, ut scribit Marc. Tull. circa finem orationis pro *Cæcinnâ*: quapropter venditio filii, quam fecit pater tanquam nulla, aut quæ nullum præjudicium adferat ingenuitati, a quolibet rescindi potest; a venditore vel a filio ipso, vel ab extraneo quolibet, quoniam publica est tutela libertatis, et publica causa, *l. si quis rogatus ff. de fideic. libert. l. 2. ff. ne de stat. defunct.* Denique ea venditio a quolibet rescindi potest restituto pretio emptori, *d. l. 2. et Nov. Va. ent. de parent. qui fil. distrax.* Constat etiam, quod patri licebat filium vendere per æs et libram: quæ est venditio imaginaria, non vera, ut eo genere filius fieret sui juris, et paterfam. Et eodem modo, id est, per imaginem et umbram licebat patri vendere filium, ut per adoptionem transiret in aliam potestatem. Sed ut apparet, hæc etiam venditiones nil præjudicabant libertati. Et falsa igitur collectio est: potest vendere, ergo redigere in servitutem. Nec omittem, quod de isto occidendi, et vendendi jure scribit Simplicius in *Enchirid. Epicteti*, quia citatur auctoritate legum nostrarum in hanc fere sententiam: *leges veteres Romanæ ob rationem majestatis et excellentiæ paternæ, et laborum, quos pro liberis sustinent patres, et quo magis filios patrie potestati subjecerant, et ut existimo, confidentiam habentes in naturali affectione et pietate paternâ, vendere si vellent filios patribus permiserunt, et occidere impune.* Sed sunt etiam aliæ partes patrie potestatis, præter abdicationem, exheredationem, ius vitæ necisque: *ius promeritii*: nam quicquid acquirunt filii: patri acquirunt, in ejus potestate sunt, exceptis certis rebus, veluti castrensibus, aut quasi castrensibus. Et quamvis propter vinculum patrie potestatis unus videatur esse homo pater et filius et filius vivo patre, quasi quodammodo dominus honorum paternorum, tamen eminet semper, atque præcellit dominatio, et majestas patris, ut nec al eoque filius quicquam possit, nec pignori obligare *l. 2. et 3. hoc tit. l. 4. sup. si alien. res pign. dat. sit. l. 2. inf. de castr. pec. mil. lib. 12.* Eodem jure potest pater filiis impuberibus tutores dare, potest eisdem facere testamentum, sive substitutionem pupillarem in hunc casum, *si post mortem patris moriantur impuberes*, non possunt filiifamil. aut filiiextramil. contrahere justas nuptias sine consensu patris: non possunt delatam hereditatem adire sine jussu patris. Hæc sunt fere omnia jura patrie potestatis, de quibus est *hic titulus*, et potissimum de præjudiciis, sive actionibus præ-

judicialibus, quibus adserimus patriam potestatem, vel agnoscimus. Et una est tantum lex fugitiva in hoc titulo, *lex 4.* quia non est de patre, sed de matre, quæ non habet potestatem in filios, non habet jus familiæ. *l. ubi, sup. de suis et legit. liber. l. nulla femina. D. de su. et legit. hered.* sed de ea lega tractabitur in tit. de emendat. propinq. Illud non omittam, cum *l. 8. hoc tit.* quæ vult, ut filius procreatus ex justis nuptiis, non tantum sit in potestate patris ingenui, sed etiam libertini, esse conjungendam *l. 7. sup. de su. et legit. lib.* quoniam, ut supradictum est, utriusque est eadem inscriptio et consequentia sermonis aperta, quod et illa *l. 7. d. cat.* non minus libertinos posse habere suos heredes, quam ingenuos.

JACOBI CUJACII J. C.

In Lib. VIII. Codicis.

RECITATIONES SOLEMNES

Ad Tit. XLVII. De adoptionibus.

Hic titulus est etiam de patria potestate, quia non tantum beneficio naturæ, et procreationis ex justis nuptiis, sed etiam beneficio adoptionis patria potestas acquiritur. Adoptio est imago naturæ, *l. filio, quem pater, D. de liber. et posthum.* adoptio est civilis quædam et simulata ratio querendorum liberorum, qui in nostra potestate sint, perinde atque liberi procreati ex justis nuptiis: vel adoptio est actus legitimus, quo quis patremfamilias, vel filiumfamil. non contradicentem auctore patre naturali sibi adserit in locum filii, vel nepotis naturalis, et legitimi. De eo filiumfamil. non contradicentem, ex *l. pen. §. cum enim tanta, et l. ult. hoc tit. et l. in adoptionibus, D. cod.* Dico sibi adserit, ut Statius Papinias de *C. are.*

*Qui fessus bellis adsertæ munere proles,
Primus iter nostris ostendit in æthera divis.*

Id est, adoptivæ proles. Dico, quo quis patremfamil. quæ proprie dicitur adrogatio: quo filiumfamil. quæ commune nomen fecit suum, et adoptio dicitur. Adrogatio sit auctore seipso, adoptio auctore patre. Adrogatio hodie per principem: adoptio per magistratum. Et dico (*actus legitimus*) ut Theophilus initio ejusdem tituli, *νόμιμος πρᾶξις, actus legitimus.* Quo sermone dico hodie significari civilem rationem, et ita Theophilum accepisse, patet ex eo, quod scripsit in *§. adoptivi, Ins. it. de exher. libe.* quoniam hodie sublata sunt solemnia adoptionis. Et ob eam rem, neco qui-

dem judicio, in *l. actus, ff. de regul. jur.* inter actus legitimos, id est, solemnes, non numeratur adoptio. Jure antiquo hoc sermone (*actus legitimus*) vel secundum sententiam juris antiqui intelligeretur actus sollemnis: nam et adoptio secundum jus antiquum fit sollemni juris ordine, *l. 4. hoc tit. l. 3. sup. de suis, et legit. lib.* Et ob eam rem, quæ sit per magistratum adoptio; puta patre alii dante filium in adoptionem, per eum tantum, sive apud eum tantum magistratum sit, apud quem est plena legislatio, id est, apud quem omnes solemnes actus expediri possunt, *l. 1. hoc tit. l. 4. ff. cod. l. 3. ff. de offic. proc.* Et sollemnitatis hujus quidem adoptionis, quæ sit imperio magistratus, consistebat in filii trina emancipatione id, trina venditione per æs et libram, et bina manumissione. In filiarum vero, ceterorumque liberorum emancipatione una sine manumissione, ut ait *l. ult. hoc tit.* Nam (ut rem aperiam diligentius) pater, in cujus potestate erat filius, eum vendebat per æs et libram ei, quem volebat filii sui esse adoptivum patrem: is vero emptum protinus tanquam servum manumittebat, et manumissus tamen pejore conditione erat, quam is qui vere servus est, qui manumissione ab omni domino liber fit. Hic, qui in imaginariam causam servitutis deducebatur venditus per æs et libram, manumissione non fiebat liber a patre naturali, sed protinus redibat in ejus potestatem, qua venditione abscesserat. Deinde pater filium in suam potestatem reversum, iterum eidem eodem modo vendebat, et manumissus iterum ab emptore, etiam iterum redibat in potestatem patris naturalis, qui mox eidem tertia vice vendebat filium, ac tum emptor eum retinebat, ut eleganter loquitur *lex 2. hoc tit.* ad vicem filii naturalis et legitimi, nec amplius manumittebat. Ceteros autem liberos, quos volebat pater naturalis dare in adoptionem alii, vendebat per æs et libram semel duntaxat, et emptor eos retinebat tanquam liberos suo juri subjectos, nec manumittebat: et ita explicanda est *lex ult. hoc tit.* Sollemnitatis autem adrogationis consistebat in rogando Populo Romano: nec enim alibi, quam Romæ adrogatio fieri poterat, ut scribit Ulpianus *lib. reg.* et in rogando populo certis et conceptis verbis (*velitis, jubeatis Quirites, etc.*) ut apud Gellium et hoc *curiatis comitiis* fiebat, quæ habebantur populo distributo in curias, non in tribus aut centurias, et adhibitis pontificibus, et lege curiata populo adprobante adrogationem. Quare *lex 2. in fine, h. tit. ait, Jure antiquo adrogationem fieri per populum.* Et Ulpianus supradicto loco, *feminas non posse adrogare.* Cur ita? Proxima ratio hæc est, quia adrogatio sit comitiis curiatis. Jure antiquo et

fœminæ comitiis, et publicis consultationibus interesse non poterant. Qua ratione etiam pupilli adrogari non poterant, nec per tutorem quidem, quæ de re scribenti Aulo Gellio una negatio deest perspicue illo loco: *neque pupillus, neque mulier quæ in parentis potestate est, adrogari possunt*, quia et mulierem, et marem, qui in parentis potestate est, certissimum est non posse adrogari, quoniam soli patresfamil. adrogantur, non qui sunt in parentum potestate, sed adoptantur auctoribus parentibus: igitur legendum, *quæ in parentis potestate non est*. Verum hodie omnes hæc solemnitates obsoleverunt: nam et in adoptione, quæ sit per magistratum acta publica sufficiunt, nec illæ imaginariæ venditiones et manumissiones requiruntur, *l. ult. hoc tit.* et in adrogatione sufficit rescriptum principis, *l. 2. 6. 8. hoc tit.* nec requiritur, ut ea de re legem ferat Populus curiatis comitiis. Unde sequitur, et hodie fœminas adrogari posse sufficiente rescripto principis, nec necessariis populi comitiis, *l. nam et fœminæ, ff. eod. tit.* Et similiter pupillum adrogari posse, quod (et hoc notandum est maxime) et cum adrogatio fiebat solemniter curiatis comitiis, D. Pius permisit, nimirum ut fieret pupilli adrogatio in comitio absente pupillo, qui et comitio interesse non poterat, per tutorem nomine pupilli tantum, non pupillæ, ut *l. hæc autem, eod.* Hodie facillime sit ex rescripto principis adrogatio et pupilli, et pupillæ, sed causa congrua et probata. Tres sunt casus, quibus adrogatio causæ narrationem, et probationem requirit. Unus, si patronus libertum suum in locum filii velit adrogare, ne scilicet libertini temere invadant in jura ingenuorum per adrogationem, ut *l. 3. hoc tit.* Alter casus est, si fœmina velit adrogare aliquem in locum filii, quod ei permittitur indulgentia principis una ex causa tantum, si liberos naturales non habet, ut adrogatio ei sit remedium fortunæ suæ, *l. 5. hoc tit.* Et tertius casus hic est, si quis impuberem velit adrogare; ac præterea per illam constitutionem D. Pii, quæ permisit adrogationem pupilli, in adrogatione pupilli adrogator satisfacere debet, se bona adrogati, si impubes decesserit, restitutum iis, ad quos ea bona jure legitimo redissent, si adrogatus non fuisset. Item adrogator, si pupillum emancipet sine justa causa, quem adoptavit, vel si eo non emancipato moriatur, adrogator facto testamento ei debet relinquere bonorum suorum quartam partem, id est, legitimam portionem, et bona restituere, quæ in eum adrogatus translulit, et quæ postea ei acquisivit, *l. 2. hoc tit.* Et ad hæc restat, ut hoc tantum adnotemus, duobus casibus adoptionem non acquiri patriam potestatem, id est, adoptionem facere filium, non filiumfam. Primus

casus est, si mulier beneficio principis aliquem adrogaverit, ut *l. 5. hoc tit.* quoniam hic filius quidem est mulieris, sed in familia, et potestate mulieris non est, suus hæres mulieris non est ex testamento, vel ab intestato, quia mulier jus familie, aut suum heredem habere non potest. Viri est præesse familie, et suis jure potestatis. non mulieris. Alter casus hic est, si pater naturalis filium extraneo in adoptionem dederit, introductus a Justiniano in *l. pen. hoc tit.* nec enim per adoptionem transit in familiam extranei adoptatoris, sed remanet in familia patris naturalis: patri naturali est suus hæres, et ei acquirit jure potestatis, in qua est: et uno tantum casu adoptio ei proficit, si extraneus pater adoptivus intestatus decesserit: nam hoc casu in bonis ejus filius adoptivus datus a patre naturali habet jus sui hæredis, ut ait *lex pen.* licet suus non sit, cum non sit in potestate extranei adoptatoris. Alias vero nil juris habet in bonis extranei adoptatoris, nil ei acquirit, et est tantum nomine filius, sive imagine non re. Sed latius nobis explicanda est tota lex penult.

Ad L. X.

Cum in adoptivis filiis, qui filiofamilias constituti a patribus naturalibus aliis in adoptionem dantur, antiquum sapientie incidit quædam dubitatio, si oporteret talem filium, qui præteritus a naturali patre fuerat, habere contra ejus testamentum de inofficioso actionem (quam Papinianus quidem negat. Paulus autem sine effectu derelinquit: Martianus vero distinguit, ne ex hac causa utriusque patris perderet successionem, naturalis, quidem voluntate ejus circumventus, adoptivi propter egestatem, quam forte habebat) et iterum aliud vitium erat exortum: sit enim post patris naturalis obitum pater adoptivus per emancipationis modum jus adoptionis dissolvisset, nulla spes ei remanebat: neque enim contra patris naturalis voluntatem, quia mortis ejus tempore in aliena fuerat familia constitutus, neque contra adoptivum patrem, qui per emancipationem ejus familia exemptus est: ideo tamen dubitationem reserantes, et tale vitium corrigentes, sancimus per adoptionem quidem ad extraneam personam factam, jura naturalis patris minime dissolvi, sed ita eum permanere, quasi non fuisset in alienam familiam translatus, etc.

Quærebatur inter juris auctores, an filius a patre naturali datus in adoptionem extraneo, et præteritus testamento patris naturalis, habent querelam inofficiosi testamenti, quia querela datur exheredato, et præterito ejus filii, qui neque est in po-

testate, neque exiit potestate per emancipationem, sed per dationem in adoptionem, quia translatus est in alienam familiam, pro exheredatione habetur: emancipati præterito pro exheredatione non habetur, quia licet exierit familia patris, non tamen abiit in alienam familiam, nec tam est extraneus patri naturali, quam is, quem pater naturalis alii dedit in adoptionem. Hanc vero questionem, ut Justin. narrat in b. l. Paulus proposuit quidem, sed indecisam reliquit, ut sæpe auctores scribunt videndum esse, se subsistere, et salentur ἀποχρίαν ingruere. At Papinianus in questione proposta negabat præterito, qui pro exheredato habetur, dari querelam inofficiosi testamenti. Merito, ut videtur: quia voluntate patris factus est extraneus, et extraneus familie filius, ut nec patri naturali jam sit liberorum numero, quandiu est in adoptiva familia, §. *emancip. Instit. de exhered. liber.* quod obtinet etiam in Senatusconsulto Tertull. l. 2. §. *sed si q is*, ff. *ad Tertull.* et in Senatusconsulto Syllaniano, l. 1. §. *in eo*, ff. *ad S. natusc. Syllan.* Neque tamen is, quem pater naturalis dedit in adoptionem, in totum patri naturali extraneus est quia duo saltem habet salva, quæ non haberet, si in totum esset extraneus. Primum, ut ei iustituto a patre naturali, et filio forte naturali quem habuit in potestate, aut emancipavit, præterito, præteritus committat edictum de bonorum possessione contra tabul. id est, ut speriet ei viam veniendi simul cum præterito ad bona patris naturalis jure bonorum possessionis contra tabulas. l. *non putavit*, §. *in autop. D. de b. nor. possess. contr. tab.* Alterum est, quod salvum habet, ut deficientibus suis et legitimis heredibus, ab intestato veniat ad bona patris naturalis ut cognatus, quia non desit esse cognatus per bon. possess. unde cognati, ut in §. *admonenti*, Instit. *de hered. quæ ab intest.* et l. 1. §. *c. gnationem*. ff. *und. cogn.* et in hac l. *pen. §. neque*. Et hinc respectu, quod hic filius possit venire ut cognatus, non negaret Papinianus ei præterito testamento patris naturalis dari querelam inofficiosi testamenti, sed est si ab intestato locus sit bonorum possessioni *Unde cognati*, ad quam ipse admittitur deficientibus patris suis et legitimis heredibus: nam et liberis cognatis, non suis, non legitimis datur querela inofficiosi testamenti, l. *posthumus*, ff. *de inoff. test.* Sicut, e contrario eadem querela datur patri naturali, si sit præteritus testamento filii in adoptionem dati, et morte adoptatoris sui juris effecti, l. *advers. eod.* At si moriente patre naturali testamento facto, et eo filio præterito, filius in adoptiva familia fuerit, nec sit locus bonorum possessioni *unde cognati*, quod exteant sui, vel legitimi, neque habet bonorum possessionem contra tabul. patris naturalis, neque querelam inofficiosi testamenti,

Tom. IX.

quia pro extraneo habetur, neque ab intestato vocatur inter liberos, vel inter legitimos. Et hæc de sententia Papiniani, quam inexcussam nostri relinquunt Martianus autem in hac questione utebatur distinctione hac, quæ æquissima videtur. Aut filius a patre naturali datus in adoptionem in damno et fraude versatur, ut si pater adoptivus inops sit et egenus vel si dives cum emancipet statim post mortem patris naturalis. Et hoc casu dicebat Martianus filio succurrendum esse, ut bona patris naturalis non amittat, qui nil sperat ex bonis patris adoptivi, vel propter inopiam ejus, vel propter emancipationem, quæ illum bonis ejus exclusit omnino. Aut nullo in damno versatur, ut si habeat patrem adoptivum locupletem, nec ab eo emancipatur post mortem patris naturalis. Hoc vero casu nil juris eum habere (ut voluit Papinianus) in bonis patris naturalis, præter illa duo, quæ dixi ante. Tandem vero Justinianus, ut hanc questionem definiret in hac l. *pen.* hac usus est distinctione. Aut pater naturalis filium extraneum dedit in adoptionem: et hoc casu pater naturalis retinet patriam potestatem, filius retinet familiam unde ortus est, et jus sui heredis in ea familia, nec præsumitur consensisse, ut transiret in familiam extranei. Extraneo autem, cui datus est in adoptionem, sit filius imaginarius, sit imaginaria et nova affectio, aut sit quasi filius in hoc tantum modo, ut ei succedat ab intestato: ceterum nil ei acquirit, neque adversus testamentum ejus præteritus habet querelam inofficiosi testamenti, vel bonorum possessionem contra tabulas, imo nec quarta ei debetur ex Senatuscons. Sabiniano ut ait §. *quæ autem*, in hac l. *pen.* et §. *sed ea omnia* Instit. *de hereditat. quæ ab intest. def.* quod rectissime exposuit Theophilus noster. Senatusconsulto Sabiniano tantum erat, ut is, cui pater naturalis ex tribus maribus filiis dedisset unum in adoptionem, omni modo cogeretur ei quem a se separasset pater, ut ei daret, quartam partem bonorum suorum relinquere. Sicut etiam fuit aliquid præcipuum ex eodem Senatus. in eo, qui unum ex tribus maribus filiis obtulisset senatui, l. *ult. inf. de decur. on. l. b. 10.* Sed si pater naturalis ex tribus maribus filium unum extraneo dederit in adoptionem, huic filio, quia non sequitur familiam extranei adoptatoris, non debetur etiam illa quarta Sabiniana in bonis illius. Aut, et hoc est altera pars distinctionis Justiniani, pater naturalis filium dedit in adoptionem alii parenti filii ipsius, puta a o filii vel proavo paterno, aut materno, nimirum ut et natura et lege ei conjungeretur, vel coalescerent jura naturæ, et jura civilia. Hoc vero casu valet sententia Papiniani indistincte, ut scilicet filius transeat in familiam et potestatem

126

adoptivum, in familia naturali pro extraneo habetur, omisa distinctione Martiani, quia affecto avi, vel proavi naturalis, et genuina pietas facit, ut non vercamur, ne parens eum emancipet statim post mortem patris naturalis in fraudem, ut eum defraudet utraque successione, quia non est verisimile, ideo non utimur distinctione Martiani. Sed tamen si hoc faceret parens, si in hanc fraudem deduceret nepotem, quem in locum filii adoptavit auctore patre, in cuius erat potestate, tum sequemur sententiam Martiani. Et ita est explicandus §. si vero hujus legis. Et postremo observandum, huic distinctioni tantum locum esse in filiis a patre datis in adoptionem: nam in adrogatis, id est, qui vivo patre sunt emancipati a patre naturali, et vivo eodem patre se adrogavisse dederunt, in iis sequemur sententiam Papianianam, ut sint penitus alieni a familia patris naturalis, et sequantur penitus familiam adrogatoris.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. XLVIII. De emancipationibus liberorum.

Hic titulus est de patria potestate, non acquirenda quidem, sed resolvenda: resolvitur variis modis, sed certis tantum præscriptisque modis acquiritur. Resolvitur casu, ut ait *lex*. 3. *hoc tit.* id est, morte patris, vel deportatione, *l. 1. §. sed si morte, D. quan. de præ. act. annal. sit.* Et jure antiquo, si filius Flamen Dialis inauguratur, vel filia virgo Vestalis capiatur, auctore Ulpiano *lib. regul. tit. 10.* et jure novo, si filius augeatur dignitatibus quibusdam enumeratis in *Novell. 81. et l. 1. inf. de consulib. lib. 12.* Non resolvitur Monachismo, ut volunt doctores nostri, sine lege: quia igitur lex deficit, integra est patri vindictio filii, qui se inconsulto patre devovit monasterio: nam et Monachismus non est capitis diminutio, ut intelligere licet ex *Novella de monach.* Resolvitur etiam patria potestas datione in adoptionem, ut heri diximus videlicet si filius a patre detur in adoptionem avo, vel proavo, vel abavo filii ipsius. Resolvitur quoque emancipatione, de qua est proprius h. tit. Et his duobus posterioribus modis filius capite minuitur, superioribus autem modis capite non minuitur, sed sui juris fit, et suæ potestatis sive capitis diminutione, *l. 3. §. ult. D. ad Senatusc. Maced.* Datione in adoptionem, et emancipationem, maxime si jure legitimo detur in adoptionem,

vel emancipetur filius, capite minuitur, quia per venditionem imaginariam deducitur in servilem causam, *l. 3. §. 1. D. de cap. minut.* Nil refert diveris emancipationem, an mancipationem, utrumque nomen idem potest, nec unum ab alio separaveris usquam recte. Emancipationis igitur, seu mancipationis nomen (si nudum nomen species, si proprietatem nominis nudam, significantiæque simplicem) eo nomine significatur venditio imaginaria, quæ in jure, id est, apud magistratum solemniter fit per æs et libram certis verbis libripende et quinque testibus præsentibus, non adnumerato pretio, alioquin non esset venditio imaginaria, *l. 16. ff. de reg. jur.* Sed appenso uno nummo sestertio quatuor assium: quod etiam, ob discrimen alterius nummi, in mancipatione exprimi solebat, *l. ult. inf. de donat.* ubi est legendum uno tenore, et nulla subdistinctione interjecta, *Sestertii nummi unius assium quatuor.* Aliud est emere pretio, aliud emere nummo sestertio quatuor assium, *l. si quis ante, D. de acquir. possess.* Denique aliud est pretium, aliud nummus. Nummus non est pretium, sed imago pretii. At si non proprietatem nominis spectas, sed rei effectum et exitum, emancipat omnia, vel mancipationis nomine significatur, vel quæ per eam sit alienatio rerum mancipi, vel testamentum, quod per æs et libram est appellatum, vel datio in adoptionem, vel ut in hoc titulo resolutio patriæ potestatis, per quam filius fit sui juris, et separatur a familia patris, ut ait *l. 9. sup. tit. prox.* Solvitur familia et sacris, ut *l. 3. C. Theod. de decur. sacris* scilicet paternæ familiæ, quibus utitur pater, quibus ipse erat alligatus, ut dominus Alciatus existimat, et alii quidam: ut ego existimo, quia sancta res est patria potestas: eadem ratione sancta res adoptio, ut Calphurnius Flaccus ait in *Declamat. Adoptio*, inquit *sancta res est, quæ beneficia naturæ, et juris imitatur, sancta persona patris, l. pen. ff. de obseq. par. præst. sacra nomina patrum, ut ait eleganter lex 1. C. Theod. de bon. matern.* His sacris solvitur, qui emancipatur a patre. Et emancipatio quidem, per quam alienatur res mancipi, vel testamentum fit per æs et libram, prisco more una est. Itemque ea, quæ præter filium ceteri liberi dantur in adoptionem, una mancipatio est, quæ nec sequitur manumissio ulla, ut heri ostendi. Quæ vero solvuntur patria potestate una est mancipatio, et una manumissio, ut ait Ulpianus supradicto loco. Ceteri, inquit, præter filium liberi una mancipatione, manumissioneque sui juris fiunt. Quod etiam probat *l. 3. §. ult. ff. de inj. rupt.* At quæ filius in adoptionem datur, tria est mancipatio, et bina manumissio secundum jus legitimam, *l. ult. tit. super.* Quæ vero filius sol-

ritur patria potestate, trina est mancipatio, et trina manumissio, ut idem Ulpianus scribit eodem loco, et ejus verba hæc sunt: *Filius ter mancipatus, ter manumissus sui juris fit*, et sequitur: *Idem lex 12. tabul. jubet, his verbis: si pater filium ter venumduit, a patre liber esto. Lego venumduit*, ut in l. quadam Numæ Pompilii, *si quis liberum hominem morti duit, lego item ex Originali: Idem lex 12. jubet*. Notavi enim (*idem*) esse demonstrativum pro, en, vel ecce, ut apud eundem Ulpianus, *7. de officio procons. verba consultationis*, inquit, *et rescripti ita se habent. Em inter Clodium, etc.* Et 13. Epist. Ciceronis: *Em hic ille est*, id est, maxime et Teren. *Adelph. Em tibi rescivit omnem rem*, ut scilicet in antiquis, et castigatissimis libris scriptum legi notavit doctissimus Victorius. At præter illam trinam mancipationem, et manumissionem filio patria potestate liberando, etiam intervenisse circumductiones quasdam, et *παλαστήριον* significat l. ult. h. tit. et Novel. 81. Circumductione, quoniam in manumittendo, ut solebat fieri in servorum manumissionibus corpus filii agebatur, et circumagebatur in orbem, ut facta ista vertigine (*sic vocat Persius*) liber abiret: *παλαστήριον* autem, quoniam emittelatur manu, id est, palma manus inflicto colapho, vel, ut ait Claudianus, *pulsata fronte: Tri-lis conditio pulsata fronte recessit in civem rubere genæ*. Unde apparet nil esse aliud *παλαστήριον*, quam alapas, quorum symbolo fiebat manumissio. Nec fero in Evangelio *παλαστήριον* vertentem, *bacillos*. Laudo veterem interpretem, *alapas*: non etiam fero, quod dicunt apud D. Marcum *παλαστήριον* veterem interpretem interpretari *alapis*, cum potius dicere debuerit apud Marcum, Græcum interpretem *alapis* interpretari *παλαστήριον*, quoniam D. Marcus Evangelium scripsit Latine, unde apparet, quas dixit *alapas*, Græcum interpretem vertere *παλαστήριον*. Et scripsisse Latine testantur Damasus in vita Marci, et gravis auctor Gregorius Nazianzenus, *παλαστήριον πινυμένον*, etc. Matthæum Hebraice, Marcum Latine, Lucam Græce. Sed ad rem: per has solemnitates, quas exposui (quæ et legis actiones dicuntur, et actus legitimi et solemnes, l. 3. h. tit. l. actus, de Regul. jur. Nov. 81.) filius exibat potestate patris, non nudo consensu igitur, ut ait l. 3. sed actu solemn. Et quæ ita solemniter fiebat emancipatio ex 12. tabulis, est legitima emancipatio: hoc est, solemne genus emancipationis liberorum. Alia est emancipatio, quæ fit ex constitutione Anastasii detractis illis solemnitatibus, si quis velit legitima emancipatione et solemniter emancipare filium, quæ, inquam, fit detractis illis solemnitatibus ex rescripto principis ad preces patris emisso, *a la requeste*, et postea insinuato magistratui competenti, l. pen. h. tit. ut

adrogatio fit ex rescripto principis ad preces adrogatoris, scilicet et postea insinuato magistratui competenti, l. 2. sup. tit. prox. Hoc genus emancipationis Anastasiane reliquit nomen nudum emancipationis, reipsa sublata, id est, venditione imaginaria, quam id nomen proprie denotat, et nomine emancipationis relato ad finem, exitum, emolumentum rei, ad eventum, seu effectum. Alia est emancipatio, quæ fit ex constitutione Justiniani, si quis ea malit uti, etiam sine rescripto principis, apud magistratum competentem actis intervenientibus, cui lege, aut longa consuetudine datum sit, ut apud eum fieri possit emancipatio liberorum, nec enim omnis magistratus hoc jus habet, l. ult. h. tit. neque improbatur lex municipalis, aut longa consuetudo, quæ dat magistratui unius civitatis, vel municipii, ut alterius municipii cives apud eum liberos suos emancipare possint, quæ est sententia legis 1. h. t. Non est omittendum, quod ait lex ult. patrem, qui filium emancipavit secundum constitutionem Justiniani, habere integra jura h. redditum et tutelarium, id est, filio præmortuo legitimum heredem esse, quem emancipavit, filio impuberi emancipato legitimum tutorem esse, etiam in emancipatione, quæ abruptare videtur omne jus legitimum patri et filio, in omnes agnationes hoc sibi non reservaverit pater: et ea quidem emancipatio Justiniana differt a legitima, per quam pater amittebat jura legitima hereditatum et tutelarium, nisi ea sibi reservasset contracta fiducia cum imaginario emptore de filio sibi remanipando, ut a se manumittatur, non ab illo: quo casu pater jure manumissionis, quia non tantum emancipavit, id est, vendidit, sed etiam remanipatum, et revenditum sibi manumisit, prout convenerat, contracta fiducia inter patrem naturalem et fiduciarium, id est, emptorem imaginarium jure manumissionis, tanquam patronus eo casu habebat jura legitimarum hereditatum et tutelarium, §. ult. Institut. de legit. agnat. success. l. si a milite, §. ult. ff. de milit. test. l. 1. §. ult. ff. si a par. manum. fuer. Additur in hac lege ultima, posse patrem in emancipando donare filio peculium, vel alia quæcunque voluerit, quod plerumque adsolebat fieri, ut ait lex *ut liberis, in fine, sup. de collat.* Spartianus in Adriano: *filium dato patrimonio emancipaverat*. Non solent emancipare, quin donarent aliquid emancipato, quo vitam tueretur suam. Et in l. 2. h. tit. dum ait, *non esse necessariam scripturam in emancipationibus liberorum, nec in donationibus*, proculdubio intelligitur de donationibus, quæ fiunt filio in ipso articulo emancipationis. Additur etiam, *sive repetitur in l. ult.* quod ante fuerat constitutum, ut pater pro præmio emancipationis habeat in omnibus adventitiis, quæ filius quæ-

sivit ante emancipationem, usufructum pro dimidia parte, ut l. 6. §. cum autem, sup. de bon. quæ liber. acquir. vel si quæ bona adventitia filio obvenierint post emancipationem, ut in eis habeat pater usufructum pro virili parte, ut l. 3. sup. de bon. mat. idque pro præmio emancipationis, id est, ad remunerandum beneficium emancipationis, quod habet filius a patre, id est, beneficium querendum honorum, l. 1. in princ. ff. si a par. qu. manumiss. fuer. quippe cum filiusfamil. fuit, quicquid acquirat, ejus emolumentum quærebat patri: beneficium emancipationis quærit sibi, non patri, quod beneficium est plerumque patri onerosum, ut ait lex filio, ff. ut legat nom. caveat. Non est omittenda una differentia inter ea tria genera emancipationis, quæ exposui, quod etiam absentes ex constitutione Anastasii possunt emancipari impetrato rescripto, l. pen. h. t. non ex 12. tab. non ex constitutione Justiniani, nisi præsentis. Illud vero commune est omnium emancipationum, ut neque invitatus emancipet, l. 4. h. tit., neque emancipetur, quod et Paulus scripsit 2. Sentent. Filius, inquit, familias invitatus emancipari non cogitur: imo ex constitutione Anastasii filius nominatim consentire debet emancipationi, nisi infans sit, cujus nullus est consensus, d. l. pen. Illud item est commune omnium, ut fiat emancipatio, etiam causa non reddita, non exposita, cur pater velit emancipare, filius emancipari, l. 3. hoc tit. præterquam uno casu, quem miror non notasse Accursium, si is, qui adrogavit impuberem, eum velit emancipare: nec enim potest causa non cognita, §. cum autem, Inst. de adopt.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Titulum XLIX. De ingratis liberis.

Quantum sit beneficium emancipationis, hic titulus ostendit, quo patri datur actio ingrati adversus filium, quem emancipavit, per quam rescissa emancipatione, ut ait constitutio hujus tituli, filius redit in potestatem patris si sit ingratus, quod non est si non reddat, vel si neget, aut dissimulet, se beneficium accepisse, ut dicerent Philosophi, vel si contumeliis affecerit patrem, si (quod nefas dictum est) verberaverit, si manus ei impias intulerit, quam ob causam et similis actio data est domino adversus servum, quem manumissit, sup. de libert. et eorum liber. Per quam manumissio rescinditur, per hanc emancipatio rescin-

ditur. Alias emancipatio rescinditur post mortem patris a prætore data honorum possessione contra tabulas, si filius emancipatus præteritus fuerit testamento patris in rem filii, quo magis admittatur ad bona patris, rescissa emancipatione, rescissa capitis diminutione, l. sed cum patrono, ff. de bonor. posses. inn. l. 3. §. si emancipatus, ff. de bonor. possession. cont. tabul. l. si aliquis, C. Theod. de bonis proscript. Alias rescinditur emancipatio vivo patre, et hæc non potest esse in rem filii, id est, non potest non esse fraudi filio, quia redit in patris potestatem, et annuit beneficium sibi querendorum bonorum. Et ait constitutio hujus tit. leges emancipatione rescissa damno libertatis immeritis multare voluerunt. Leges cum dicimus per eminentiam leges 12. tabularum dicimus. Itaque arbitror hoc loco significari legem Regiam, cujus hæc sunt verba apud Festum: si parentes puer verberit, est olli, id est, illi plorassint, puer Divis parentum sacer esto: si nurus sacra Divis parentum esto. Nam puerum, id est, filium, ut veteres lequebantur, et nurum sacrum, aut sacram fieri Divis parentum, quid aliud est, quam in sacra, quibus soluti erant, et in potestatem parentum reverti, ut ab eis impune occidi possunt tanquam sacri, et detestabiles, videlicet si parentibus manus impias intulerint, si parentes verberaverint, illi vero plorassint, id est, proclamaverint, et implorarent civile auxilium, ut Festus interpretatur. Idemque juris statuit ea lex in filio, et uxore filii, id est, nuru, quæ in manu filii est, quæ semper sequitur familiam filii, et in ejus potestate est, in cujus et maritus. Fuisse autem eam legem Regiam translatam in 12. tabulas, ut alias leges de patria potestate, non est dubium. Regula est, emancipatos liberos in patris potestatem invitos non reverti, l. ult. D. de his qui sunt sui, vel al. jur. Sed excipitur causa ingratitude: sicut regulariter filii inviti non emancipantur, quia invito beneficium non datur: unde voluntarie jurisdictioni nomen, quæ exercetur a iudice, apud quem emancipatio fit, quia exercetur inter volentes, l. 2. D. de offic. præcons. sed excipitur justa causa emancipandi filii, §. cum autem, Institut. de adopt. Ex qua si invitatus sit emancipatus, posset dici, ob causam ingratitude non posse eum redigi in potestatem patris, quia nemo invitatus intelligitur beneficium accipere, et ubi non est beneficium, nec ingratitude esse potest, et regula juris, invito beneficium non datur, ita accipi posset non improbabiler, ut nolenti accipere beneficium, neque detur si non accipiat, neque si accipiat, quia (ut Seneca ait primo de benef. Non accipere, sed parere videtur, qui invitatus accipit: et nemo accipiendo obligatur, quod illi repudiare non licuit). Sed

hoc ne admittamus, id est, ne dicamus ob causam ingratitudinis non posse redigi filium in potestatem, qui invitus ex justa causa emancipatus fuit, pietas paterna velat, maxime cum specialiter ingratum eum tantum dicamus, qui pulset parentem, aut gravi afficit convitio, et quia etiam ut Leo eleganter ait in *Nov. 201.* duplex potius beneficium accipere videtur, qui cogitur accipere.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. L. De postliminio, et red. ab host.

Pertinet etiam hic titulus ad causam patriæ potestatis: nam in eo intelligimus patrem captum ab hostibus desinere habere filios in potestate, postliminio vero reversum. tam filios, quam omnia sua in potestatem recipere, quia fingitur retro in civitate fuisse, id est, nunquam ab hostibus captus fuisse, qui ab hostibus adventi, *l. retro, ff. de capt. et postlim. revers.* Et hæc est, quæ dicitur fictio postliminii. Alia est fictio legis Corneliæ, de qua etiam agitur hoc titulo quæ is qui captus est ab hostibus, et mortuus apud eos, eo momento fingitur mortuus in civitate, quo captus est, *l. in omnib. ff. cod. captivitate juncto tempore mortis.* ut in *l. justo, in fine, ff. de usurpat. et usucap. l. Gallus, §. videndum, ff. de lib. et post.* et proinde in ipso articulo captivitatis, filius ejus, qui post captivitatem mortuus est apud hostes, intelligitur morte patris sui juris effectus, non quo tempore pater mortuus est, sed quo captus est, seu quo capiebatur nondum peracta captivitate. Hæc fictio est ex jure civili ex lege Corneliæ, fictio autem postliminii ex jure gentium, *l. postliminium, ff. cod. tit.* Intelligimus etiam ex hoc tit. filium captum ab hostibus desinere esse in potestate patris, sed reversum, jure postliminii reverti in potestatem patris, ac si nunquam captus fuisset ab hostibus, *l. 10. et 12. hoc tit.* filium autem mortuum apud hostes ex lege Corneliæ pro eo haberi, ac si esset mortuus cum captus est. Itaque captivitas patris, aut filii, ut eleganter ait Papinianus in *l. pen. ff. de suis et legitim. hæred.* non in plenum solvit patriam potestatem, quamdiu vivit pater: propter, inquit, *suspensi juris constitutionem*, id est, propter jus postliminii, quod est constitutio juris gentium, sicut servitus definitur constitutio juris gentium, et, quodammodo Papinianus ita definit *postliminium constitutionem suspensi juris*, quia spes postliminii suspendit patriam potestatem,

et jura omnia captivi non abrapit: ut ait *lex illa institutio, §. 1. D. de hæredib. instit.* Et hujus spei ratione, et respectu, ut opinor, in edicto ex quibus causis major. servitus separatur ab hostium potestate, quasi hostium potestas non sit plene servitus propter spem postliminii. Postliminio est contrarium *eliminium*. Et plenius ita definitur in *d. l. postliminium, jus amissæ rei recipiendæ ab extraneo, et in statum pristinum restituendæ inter nos, ac liberos populos, Regesque, moribus, legibus constitutum.* Ait *moribus*, id est, jure gentium, et naturali æquitate, ut *l. 8. D. de rit. nupt. matrem, aut sororem prohibetur moribus uxorem ducere.* Ait *legibus*, id est, jure civili: nam quod jus naturale est, et civile est, non contra. Item ait, *ab extraneo*, quia non tantum cum hostibus, sed etiam cum extraneis non hostibus postliminium est, *l. 5. §. in pace, eod.* non tamen cum fœderatis, et liberis, licet extranei sint, ut ait *lex 7. eod.* quod tamen Ælius Gallus non probat apud Festum: nam et cum fœderatis, et liberis postliminium esse dicit, sed explosa est illius sententia. Et eo loco Festi, quo ex Ælio Gallo, ex nostris igitur, tractat de postliminio, duo loci sunt emendandi: unus, quo, postquam dixit, *servos nostros captos ab hostib. jure postliminii redire in potestatem nostram*, ut *l. 10. h. t.* subjicit Ælius Gallus, quod etiam est in *l. 2. D. eod. Equi, et muli, et navis*, inquit, *eandem ratio est, quæ servi*, quia scilicet eas res postliminio recipimus, si ad nos revertantur. Et ita legendum illo loco circumscriptis iis verbis intermediis, *postliminium receptum is, quæ nil ad rem faciant.* Alter locus in Festo ita est restituendus: *quæ nationes in ditione nostra sunt, cum iis postliminium non est.* At rursus in supradicta definitione ait, *inter nos, ac liberos populos, regesque.* Sic idem Ælius Gallus, *Reciperatio*, inquit, *est, cum inter populos, et reges, nationesque, et civitates peregrinas convenit, quomodo per reciperatores reddantur, res, recipianturque resque privatas inter se persequantur.* Et restat hoc tantum, ut notemus ad *l. 1. h. t.* Primum sic esse restituendam inscriptionem, *Ovinio Tertullo prædidi provinciam Mysiam inferioris, ex l. 9. ff. cod.* Lex est celebris, cum ejus fiat frequenter mentio in *ff. ut in d. l. 9. et l. 26. eod. et l. apud hostes, ff. de capt. et postlim. rev.* ubi sicut in *l. 9.* dicitur etiam fuisse scripta ad *Ovinium Tertullum*, et in *l. 1. §. queri, ff. de suis et legitim. hæred.* et sententia legis hæc est: apud hostes conceptum et editum ex viro et uxore captivis, ingenuum esse, licet conceptus, et natus sit ex servis, ex servis ingenuum nasci, ut *d. §. queri*, quod est paradoxon in jure, et verissimum, quoniam non servi sunt proprie, sed captivi. Et eli-

clum, ut ante docui, separat servos a captivis, quia captivi non sunt ad plenum servi. Item apud hostes conceptum, et editum habere postliminium, licet ipse captus non fuerit, et reversis cum eo parentibus in patriam jure postliminii recidere in potestatem patris, et patris originem sequi et conditionem, jus sui, et legitimi hæredis habere. Denique in eo obtinere fictionem postliminii fictionem tamen legis Corneliæ in eo locum non habere, puta patre mortuo apud hostes, patre interfecto ab hostibus, et matre sola cum eo reversa: quia etsi (quod ad legitimam matris hæreditatem attinet) ex SC. Orphit. postliminium habeat, d. l. 1. §. *sed etsi apud hostes*, et l. 2. §. *item si adhuc prægnans*, ff. ad Senatusc. Tertull. et conditionem matris sequatur, tamen nil juris habet in bonis patris defuncti apud hostes ex lege Cornelia, quia ea lex fingit patrem mortuum hunc captivitatis, quia is puer non erat in rerum natura, cum conceptus ponitur apud hostes: videtur ergo esse spurius, id est, sine patre, ut ait l. 26. eod. et vulgo questus quod idem est. At sciendum est posterioribus Imperatoribus. A. l. 1. visam imperfectam, quod in suscepto apud hostes admittant fictionem postliminii, non fictionem legis Corneliæ, quam postea Leo Philosoph. Nov. 36. in eo etiam admisit, ut mortuo patri apud hostes reversus in patriam succederet quasi ex lege Cornelia. Igitur ex ea Novella in eo non tantum habet locum fictio postliminii, sed etiam fictio legis Corneliæ.

Ad. L. II.

Ab hostibus redeunti, quoad exsolvatur pretium, magis in causam pignoris constituti, quam in servilem conditionem esse detrusi videntur: et ideo si nummi eo nomine expensi donatio intercedat, pristinae conditioni eos reddi manifestum est. Proinde si ab hostibus redemptam, post dissolutum, veluti naturalis pignoris vinculum, habere in matrimonio cepisti: nihil est, quod de statu ejus, seu liberorum communium debeas pertimescere.

In lege 2. notandum in primis esse censeo, captivorum tria jura, tresve casus esse. Alii sunt, qui ab hostibus in patriam revertuntur, non commercio redempti, sed vel ultro dimissi ab hostibus, vel elapsi fuga, vel virtute militum recuperati. Alii sunt, qui ab hostibus interficiuntur, vel qui apud eos sua morte funguntur. Alii, qui commercio redimuntur ab hostibus, pecunia sua, vel aliena. Primo casu captivi, qui redeunt in patriam, jure postliminii illico suæ libertati, et ingenuitati resti-

tuuntur, et omnia jura sua pristina recipiunt, quæ modo in eadem causa manserint, id est, quæ amissa, aut diminuta non sunt. Servi autem capti ab hostibus reversi dominis restituntur, l. 5. 10. et 12. pen. et ult. h. tit. Et in hanc rem l. ult. verba referuntur Concilii Hispanensis l. Can. 1. Si quæ vero jura interim amissa sunt, dum sunt apud hostes, usucapione forte, vel præscriptione longi temporis, vel non utendo, ipso quidem jure, id est, postliminii, ea non recipiunt, quorum possessionem, et dominium alter adeptus est, ut l. denique, ff. ex quib. caus. major. sed ut ea recipiat, a prætore ei datur utilis in rem actio rescissoria, per quam rescissa usucapione, et præscriptione temporis, in integrum restituntur ex edicto ex quibus caus. majores. Denique ea quæ interim amiserunt, non recipiuntur jure postliminii, sed jure vindicationis utilis, et rescissoriæ, sive restitutoriæ, ut l. 18. hoc t. Et hoc quoque notandum est, aut memoria repetendum quod docuit audiostertiana recitatio, ex l. 1. aliquando etiam captivis, id est, non captivis ab hostibus, si revertantur, esse jus postliminii, ut puta iis, qui ex captivis concepti, et editi sunt. Nec omnittendum, quod notat l. pen. captivis dari postlim. non transfugis, quoniam ii non sunt captivi, nec ex captivis suscepti, ut l. postlim. §. transfugæ, ff. eod. tit. l. 14. ff. ex quib. caus. major. Hoc quoque notandum, quod ad hunc primum casum attinet, medio tempore, antequam captivi revertantur, bonis eorum, ne dissipentur, ne pereant, curatorem constitui, ut l. 7. §. ult. ff. de tutel. et rat. distr. Curatorem, inquam, bonis captivi constitui, quæ in patria reliquit, qui promittat datis idoneis fidejussoribus rem captivi salvam fore, quod promittit stipulanti servo publico, ut ait lex 3. hoc tit. scilicet si nullum servum reliquerit in civitate, qui ei stipuletur: nam liber homo ei stipularetur inutiliter, quia alteri liber homo non stipulatur, sed sibi tantum. At servus publicus ei recte stipulatur qui non habet, qui ei stipuletur, et qui ipse sibi stipulari nequit, propter causam captivitatis. Servus publicus est quasi servus communis omnium, et ideo cuilibet ex civibus recte stipulatur, ut l. non aliter, ff. de adopt. l. 2. ff. rem pup. sal. fore, et in hac l. 3. Interim vero de bonis ejus, qui est apud hostes, nil transigi potest inter aliquos, nil judicari: hæreditatem ejus tanquam mortui adire, aut bonorum possessionem petere nemo potest, propter spem postliminii, quam ponimus præcipue in virtute militum nostrorum, et viribus imperii, atque adeo pro certa habemus, ut quamdiu is vitam vivit apud hostes, nemo possit ejus bona, tanquam sua, ullo jure occupare. Et in hanc rem est elegans lex 4. h. tit. cujus speciem ponam, quia non patet omnibus.

Ad L. IV.

Nec nos præterit, hereditatem ejus, quam incognitum erat ab hostibus interfectam, an captam esse, a filio adiri non potuisse, quoniam eorum bona, qui in hostium potestatem rediguntur, eo demum tempore successionis jure acquiri possunt, cum captos apud hostes mortuos esse cognoscitur. Nec super facultatibus ejus, cujus incerta vita, ac fortuna fuit, transigi, vel judicari potuit. Unde posteaquam apud hostes materteram vestram fatis munus implasse innotuit, tunc vobis licentia permittitur agnoscendæ per bonorum possessionem successionis: non officientibus enim his quæ perperam gesta sunt, si priorem gradum obtineatis, successionis compendium ad vos pertinet.

Filius matris captivæ nondum mortuus, aut de ejus morte nondum accepto certo nuntio, hereditatem quasi legitimam adiit: deinde is filius vita decessit: post mater mortua est apud hostes relictis filiis sororis, qui ab intestato erant proximiores cognati suæ materteræ apud hostes defunctæ: et vero ei succedant jure prætorio, ut cognati proximiores, quia nil eis obest editio hereditatis a filio præmature facta, quo minus petant bonorum possessionem unde cognati, matertera defuncta apud hostes. Et hæc de primo casu. Secundo autem casu, qui mortui sunt apud hostes, perinde habentur ex l. Corn. ac si mortui essent in civitate, ipso die, vel momento, quo capti sunt, quæ lex lata est contra fiscum ne scilicet fiscus bona occuparet, sed ii, qui ei hæredes existerent, si non venissent in potestatem hostium, qui non possunt ei hæredes esse ex 12. tab. quia servi non habent hæredem ex 12. tab. sed tantum patresfamil. Verum ex leg. Corn. hæredes esse finguntur, quia retro fingitur mortuus. pota momento captivitatis, qui post mortuus est in captivitate. Itaque filii, quos eo die, quo captus est habet, ex l. Corn. vocantur ad ejus hereditatem legitimam, et testamentariam, quos habuit eo die, quo captus est, ut dixi, non etiam ii, quos post captivitatem suscepit apud hostes, l. 1. h. tit. quod tamen (ut ibi dixi) Leo abrogavit. Dux tantum sunt in hoc tit. leges, seu constitutiones de l. Cornel. Una est d. l. 1. de qua satis dixi nudiustertius. Altera est l. 9. in qua Accurs. primum tentat, et Æmilius Ferretus affirmat perperam, per errorem scripsisse Impp. et usurpasse l. Corn. pro jure postliminii, quod esset perquam absurdum, quodque esse falsum, etiam ad eam l. posita conveniunt species indicat. Finge: Pater et filius capti sunt ab hostibus. pater mortuus est apud hostes medio tempore, id est, antequam reverteretur filius in patriam: post reversus est filius; lex Corn. eum vocat ad patris hereditatem, ut suum hæredem si eo die, quo ca-

pti sunt, in potestate patris fuerit, quia ea ipsa die pater fingitur mortuus, et ideo res paternæ, quæ in eadem causa manserint, jure postlim. ei restituntur directa vindicatione, nisi (ut ait) post reditum filii ab alio usucaptæ sint, vel longo tempore acquisitæ. Et hoc vult l. 9. Et eadem est species in l. ult. sup. quib. ex caus. major. quæ tamen addit, res patri usucaptas ante reditum filii, vel longo tempore ab alio acquisitas, filio in patriam reverso restitui non directa vindicatione, quia non manserunt in eadem causa: sed utili vindicatione rescissoria ex edicto, ut l. 18. h. t. In hac specie lex Corn. filio defert patris herred. postliminium autem vindicandæ hereditatis facit potestatem: et hæc de 2. casu. Tertio casu, commercio redempti ab hostibus, videntur quidem esse servi emptoris, tanquam arre empti a dominis, sed revera sunt liberi, nec a cive emi potuerunt in servitutem. At reversi non illico postliminium habent, ut prius, de quibus est primus casus, quoniam non ante pro liberis habentur, quam pretium redemptionis solverint redemptori, quo redemptor solvit de suo, sed serviunt interim redemptori, ut obarrati, ut addicli, et ut ait lex 2. hoc tit. quasi pignoris naturalis jure tenentur. Cur pign. naturalis? quia revera liberi sunt, qui sunt redempti ab hostibus. Et emptio servi non facit servum eum hominem emptoris, et jure civili liberi homines pignori esse non possunt. Est igitur non civile, sed naturale pignus, imo nec naturale, sed quasi naturale pignus, et tenentur quasi vinculo pign. ii tantum, qui redempti sunt ab hostibus. non etiam filii suscepti ex eis post redemptionem, quia pro eis redemptor nil præstitit hostibus. l. 8. h. tit. Vel sic dicamus: qui redempti sunt, serviunt redemptori, donec filii pretium solverint, non etiam filii eorum suscepti post redemptionem. Aliud est servire, aliud servum esse, l. uxori, §. ult. ff. de usufr. leg. l. cum hæres, §. Stichus, ff. de statutis. Servit mercenarius, nec tamen servus est: servit fructuario manumissus a proprietario, nec tamen servus est, ut l. 1. sup. cum. de manum. Et redemptum ab hostibus, non esse servum redemptoris, argumentum est, quod paulo ante dixi, quod filii ejus post redemptionem suscepti non tenentur redemptori eo vinculo, quasi pign. quo ipse tenetur, et quod in sua potestate habet, quando desinit servire soluto aut pretio, quod etiam solvit invito per judicem, l. 6. h. tit. et quod soluto pretio, vel remisso, etiamsi sit manum. a redemptore inter libertinos non est, sed plenus ingenuitati restituitur, l. 11. et 13. h. tit. l. si quis ingenuam, ff. eod. Et ideo, si redemptor, quam redemit ab hostibus suo arre, ducat uxorem, justa ei uxor est, qui etiam hoc ipso, quod eam duxit uxorem, videtur remississe pecuniam redemptionis: nam et quolibet judicio

donationis remittitur, l. 17. h. tit. ubi legendum *indicio*, non *judicio*. Et consequenter justī sunt liberi ex eo matrimonio procreati, et non tantum, si ipse redemptor eam duxerit uxorem, sed etiam si alius post remissionem pignoris, justa uxor est, et justī liberi. Et ita Græci accipiunt recte l. 2. h. tit. ut redemptam, cui pretium redemptionis remissum est, duxerit extraneus, non ipse redemptor, et ut sit justum matrimonium, quia plena ingenuitati restituta est, nec libertinæ loco est. Et hoc jus derivari ex Atheniensium fontibus, et redemptis ab hostibus, ut redemptori sint veluti pignori, et serviant, docet Demosthenes in Oratione πρὸς Νικέστρατον: *Leges*, inquit, *jubent redemptum ab hostibus, si esse subjectum, qui redemit, donec λύτρον, id est, pretium redemptionis exsolverit*, quod in idiotismo significamus voce deducta a nomine redemptionis, *redemption, rancon*. Et ex eo nomine, quod vocetur redemptio, plane argumentamur, et colligimus, jus gentium, quo capti fiunt servi hostium, nec hodie penitus esse sublatum, quia nec tolli potest omnino. Et hoc est, quod dicitur, *jus naturale esse immutabile*: nam si captus ab hostibus hodie redimitur, ergo est deductus, quasi in servilem causam, quia liber non emitur, sed servus tantum, aut quasi servus. Ille locus Demosth. est, ut dixi, in oratione πρὸς Νικέστρατον, non (ut quidam notant) πρὸς Λόκρυτας: qui et in hanc rem multa alia falsa notat. De hoc jure pign. quo redemptor redemptum tenet, agi in l. nam et Servius, ff. de negot. gest. agere Varonem in verbo *clarigare*, agere de eodem Dionys. Halicar. lib. 3. in quo de ea re neque vola, neque vestigium. Et postremo notandum, quod est præclare constitutum in l. ult. h. tit. ut redeunti ab hostibus, cui datur victus, aut vestitus ex humanitate, et misericordia communi, non possit repeti: pretium autem redemptionis, quod datum est, ut possit repeti: cujus tamen repetitionem impedire videbatur eadem humanitatis ratio, quod pietate adducti captivos redimimus potissimum, non animo pretii repetendi, quæ ratio etiam prævalet in matre, quæ redemit filium de suo, l. 17. h. t. quia pietas matris prædominatur, utque præcellit. Et certum est in jure, quodcumque pietatis gratia sit pro alio, sive humanitatis, ejus non esse repetitionem: sed hæc ratio pietatis non prævalet similiter in extraneis, qui captivos sua pecunia redemerunt, sed in eis communis et publicæ utilitatis ratio præpollet, ut ait l. 6. et ult. h. t. Quid hoc est? quia hæc ratio exigit, ut redemptores pretia, quæ prorogaverunt pro captivis, repetere possint, ne non data repetitione tardiores faciamus homines ad humanitatis officia, redimendosque captivos: verum ait d. lex ult. cum, qui pretium

sui nequit solvere, vinculo suo resolvi, si quinquennio redemptori dederit operas, et servierit, quæ constitutio est piissima, et merito in ea ejus executio Christianis demandatur, ut observet, ne quis redemptum ab hostibus retineat, sed ut mox liceat ei remeare ad suos, et sua, suosque postliminio recipere. Eaque pars legis ultimæ de Christianis repetitur in l. Christianos, sup. de Episcop. aud. Restat tantum unum verbum ex l. 13. redemptum ab hostibus etiam antequam pretium sui restituerit redemptori, delatam sibi hereditatem posse vindicare, cum hoc scilicet, ut ex ea statim pretium sui restituat, simul atque ipse plena libertati restituatur. Idque ait esse receptum favore libertatis et ingenuitatis, quoniam, qui veluti servus tenetur, non potest adire hæreditatem sed potest, ne amplius teneatur ut servus, ut statim atque adierit ea bona, se absolvat a redemptore.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. Ll. De infantibus expositis, liberis, et servis, et de his, qui etc.

Hic titulus pertinet etiam ad causam patriæ potestatis, quam amittit, qui filium a partu recentem projecit inhumaniter, et quodammodo ad mortem exponit, quod Græcis est χυτρίψαι, quoniam apud eos exponi solebant in vase fictili. Et eadem ratione dominus servi, quem exponit, dominium amittit. Et generaliter nemo præjudicio suum esse recte vindicat, quem pereuntem contempsit, ut ait l. 2. h. tit. alter collegit, extulit, et servavit incolumem, quo pertinet etiam Justiniani N. v. 153. Verum ad l. 2. h. t. adduntur in Codice Th. tit. de expos. hæc verba, *si modo testis Episcopalis subscriptio fuerit subsequuta, de qua nulla penitus ad servitutem possit esse cunctatio*, id est, ut Anianus interpretatur, *si contestationi de collectione ejus Episcopus, et Clerici subscripserint*. Quamobrem illam legem, quæ est Honorii, et Theod. significari opinor Vaseus Concilii Can. 9. his verbis, *ut secundum statutum fidelissimorumque Augustorum, et Principum quisquis expositum colligit, Ecclesie contestetur*. Et plenissimus sensus hic est: cum qui expositum colligit, id convocatis testibus debere in contestationem redigere, eamque offerre episcopo, et ecclesie subscribendam, ut ab omni calumnia in posterum liberetur, nec a quoquam possit insinulari plagii, vel

furti: nam ex Contestatione ab ecclesia s. bscripta apparebit cum collegisse expositum, non quæsitum malo more, aut mala fide. At (ut dicere coepi) nulla est differentia constituenda quæ etiam nulla aperte constituitur in l. 1. C. Th. de expos. inter dominum, et patrem, qui sciens, volensque servum a partu recentem, vel filium exposuerit extraneæ misericordie. Tertul. in Apologetico ait, *filios exponitis suscipiendos ab aliqua prætereunte extraneæ misericordia*. Nullam, inquam, differentiam esse constituendam inter dominum, qui exponit servum recens editum, et patrem, qui exponit filium similiter recens editum. Nam et cum in prima parte h. t. servis jungantur liberi his verbis, *De infantibus expositis liberis, et servis: ubi liberis, id est filiis, ut constat ex d. l. 1. C. Th. cod.* consequens est, etiam dominis esse jungendos patres, ut et illi dominium, et jus patriæ potestatis amittant, si puerum recens natum exposuerint, quamquam in iure, quod habent, multum distent: nam patria potestas est inestimabilis, l. filiusfam. §. secundum, ff. de legat. 1. nimirum, quia res sacra est: dominium in servum est vel male le. Verum quod dicimus patrem, qui filium exponit amittere patriam potestatem huic sententiæ obstat l. patrem, sup. de nupt. quæ iudicat patrem, qui filium exposuit, non amittere patriam potestatem, cum penes eum velit esse arbitrium collocandæ filie: si quis alius exposuerit invito vel ignorante patre, fateor patrem non amittere patriam potestatem, sicut dominus non amittit dominium partus ancillæ, si ancilla invito, vel ignorante eo partum proiecerit, et exposuerit, qui Theocrito est paterpater, sed dominovind. eanti puerum quem ancilla sua exposuit se ignorante, et inconsulto, obstat exceptio dolus mali, nisi educatori restituat sumptus alimentorum, et disciplinæ l. 1. h. t. etiamne sumptus disciplinæ, et eruditionis? sic est scriptum in l. 1. et verum est si dominus aliunde sumptus eruditionis educatori refundere possit, ut in l. apud, §. si minor ff. de dol. except. l. idque, §. 1. de act. empt. non ut in contrariis legibus, id est, prima specie contraria, quæ adducuntur ab Acc. in d. l. si dominus aliunde eos sumptus rehlere nequeat, quæ tunc non tenetur, nisi ad reddendos sumptus alimentorum, non etiam eruditionis et disciplinæ, exceptis duobus casibus, l. 27. §. ult. et trib. aut 4. seq. ff. de rei vind. Quod si quis partum ancillæ subripuerit, d. l. 1. h. t. l. l. notat dominum furi nullos sumptus restituere debere: nec alimentorum, nec eruditionis: sicut si ex argento subrepto fur pocula fecerit, flaturæ, aut celaturæ sumptus dominus, qui cum eo agit vindicatione, vel condictione furtiva, ei reddere non debet, l. ex argento, D. de cond. furt. l. inficiendo, §. in-

Tom. IX

faut, ff. de furt. Et recte Accurs. in h. l. 1. aliam esse causam male fidei possessoris, qui sumptus reputat domino, quod confirmavi latius in i. observ. 10. aliam furis, qui nullos sumptus reputat domino, quia fur est plus, quam male fidei possessor. Sed redeamus ad l. patrem: in l. patrem non ponitur filiam ab alio expositam fuisse, sed ab ipso patre, et tamen patrem retinere patriam potestatem. Verum ut respondeamus, ponenda est ad eam legem species congrua, et conveniens, ne quid adversi inde nascatur, et ut suo casu circumscribatur, nec serpat ad omnes. Et ea posita specie propria, nihil prorsus obstabit nostræ sententiæ, puta, patrem non exposuisse filiam impietate quadam, aut inhumanitate adluctum, sed egestate, et fame compulsam, filiam, quam tueri non poterat recens natam, vagientem in cunis exposuisse alienæ misericordie, ut in l. 2. est similis species, sup. de patrib. qui fil. distrax. Quo casu æquum est, patrem jus suum non amittere, qui famis necessitati succubuit: nam, ut eleganter ait lex pen. §. ult. ff. de excusat. tut. necessitati succumbimus, quam nec Dii superant. Sed ait d. lex patrem, si educatore desiderante filiam, quæ suis sumptibus crevit, filio suo a patre collocari, et in ea re quodammodo pater ingratus ei non adsentiat, tunc tenebitur educatori alimentorum nomine, qui eo nomine non teneretur, si libens filio educatori, ut desiderat educator: et rogat, in manum conventionis filiam nupti collocaret, quia et eo genere filia ea transiret in familiam educatoris. Et ita est explicanda lex patrem. Et quæ diximus hæcenus, pertineat ad primam partem tit. Dux sunt partes huius tituli. Prima ita concepta est: *De infantibus expositis liberis, et servis*. Secunda hoc modo: *Et de iis, qui sanguinolentos educandos, vel nutriendos acceperunt*. Neque tamen existimandum est alios esse in prima parte infantes, alios in secunda parte sanguinolentos, quoniam in utraque infantium, et sanguinolentorum nomine, significantur a partu recentes, vel (ut ait Juvenalis) a matre rubentes, ut lex tertia seu ultima huius tituli. *Pueri parvuli*. Et sicut in l. 2. sup. de patrib. qui fil. distr. Si quis filium, aut filiam sanguinolentos vendiderit. Et Prudentius contra Symmachum, quos sanguinolentos vendendi mox juvat. Et Donatus in Antrium: *A matre sanguinolentum*, inquit, non pulcrum, sed scitum pronuntiat. Ergo in prima parte huius tituli, infantium nomine non significatur integra prima ætas, quæ perducitur usque ad septennium, l. si infanti, sup. de jur. deliber. sed significantur prima cubula, quibus qui ejiciuntur, proprie dicuntur expositi: nam qui grandiores ejiciuntur, non proprie exponi dicuntur, sed pro derelicto haberi, ut in l. 2. ff. qui si. manum. ad libert. perv.

127

l. ult. ff. pro derelict. etiam Greci eos distinguunt nominibus, quibus expositi sunt ἄρρηκτοι: habiti pro derelicto ἀρρηκτοί, id est, quorum curam nemo habet, contempti, e derelicti. Et male Harmenopol. in fine primi Epitom. ἀρρηκτοί esse eos, qui rebus suis prospicere non possunt, veluti furiosos, et dementes: cum constet ex Basilicis, ita appellari eos, quos dominus habet pro derelictis, qui quanto intervallo distent ab expositis, ex eo apparet, quod expositi servi sanguinolenti libertatem consequuntur: habiti pro derelicto non consequuntur libertatem, nisi uno casu, si aegri, et affecti a domino tædio medendi ejecti et derelicti sint. Quo casu ex edicto Claudii liberi fiunt, ut *dict. leg. 2. ff. qui si. minumiss. lib. l. 1. §. sed scimus, sup. de Latin. libertat. tollend.* de quo edicto et mentionem fecerunt Dio, Sueton. et Suidas: alioquin habiti pro derelicto non desinunt esse servi, sed fiunt servi occupantium, et interim sunt servi sine domino. At prima pars hujus tituli est de iis, qui sanguinolentos exponunt, ad quam pertinet *lex 1. et 2.* Sed secunda pars est de iis, qui eos excipiunt, et extollunt, ad quam pertinet *lex 3.* cujus tantum restat, ut sententiam exponamus. Ea lex abrogat jus antiquum, quo licebat excipienti expositum sibi habere, quo jure volebat, vel ut servum, vel ut filium vel ut liberum, aut colonum, aut adscriptitium, ut constat *ex l. 1. C. Th. de expos.* Et definit hæc *lex 3.* neminem nosse expositi ingenui, vel servi, parvuli pueri dominium, aut patronatum, aut potestatem patriam, vel quā aliam sibi vindicare, sive eum ipse collegerit, sive ab alio collectum ab eo legitime emerit, ut ait *l. 1. C. Th. de iis qui sanguin. empt. etc.* Et dico primam partem hujus legis esse de emptis: secundam autem esse de collectis, quos etiam Plinius vocat πειρητοὺς 10. *Epist.* nam cum in antiquis libris, et in *C. Th.* secunda pars hujus tituli ita sit conscripta, *et de his qui sanguinolentos emptos, vel nutriendos acceperunt*, necesse est, ut sub eo quodam loco agatur de emptis. Et nullus est, qui accommodari possit, præter primam partem hujus legis, et cum secunda pars ejusdem legis sit *de collectis, et educatis*, argumentum præbet, primam esse de emptis: nos autem, illas *lex 3.* definit esse liberos, et ingenuos, sive nati sint servi, sive ingenui: scilicet nemine eis vindicante, vel vindicante eo, qui exposuit, quia non habet vindicationem eorum, nec potest eos retinere, ut servos ab eo, qui eos emit, vel extulit, sive pietatis causa hoc fecerit, sive animo retinendi ejus, tanquam mancipii. Et ratio hæc est, ne ex pietatis officio lucrum expectet. Pietas ac ipsa contenta est, gratuita est, et officium sequitur, non fructum. Igitur nec si ingenuum na-

tam, quæ exposita est, extulerit, et educaverit, alimentorum nomine eam poterit retinere, ut ancillam, *l. 2. sup. de ingen. manum.* Et eleganter Trajanus apud Plinium: *Libertatem non esse redimendam pretio alimentorum.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. LII. Quæ sit longa consuetudo.

Referendus est hic titulus ad legem ultimam tit. 40. qui propius adest, in qua ostenditur, apud eos magistratus emancipari filios posse, quibus *lex, vel longa consuetudo*, inquit, dedit, ut apud eos solemnia juris peragi possent, id est, quibus dedit legis actionem. Quam ob causam in hoc titulo ostenditur, non quid sit longa consuetudo, sed quæ sit, id est, quam vim, et efficientiam habeat. Quid tamen sit, si quæras, dicam esse jus non scriptum, quod usus populi frequens, et inveteratus adprobavit assensione communi, §. *ex non scripto, Inst. de jur. nat.* Et rursus si quæras, quot annorum usus consuetudinem faciat. Dicam glossas, et Doctores perpetuos glossarum simios, huic rei finire decennium, et moveri hoc argumento solo, quod dicatur consuetudo longa et diuturna: quasi scilicet his verbis non possit significari tempus decennio longius, ut in *l. 3. sup. de præscr. 30. ann.* longum tempus dicitur de 30. annis, et diuturnum silentium æque in *l. 1. C. Th. de act. cert. temp. finiend.* et de 40. annis in *l. 2. sup. de præscr. 30. ann.* Dicam igitur hujus rei certam definitionem non esse decennium, quia et finire tempora legis est solius, non interpretis. Denique hujus rei finem non esse decennium, quandoquidem plurimorum ann. observationem requiri, *l. sed ea quæ, ff. de legib. et Arist. 2. Pol. cit. c. 6. τοῦ χρόνου πλῆθος*, multitudinem annorum, et antiquam, et tenacem ad probationem, *l. 3. h. l. utrum longævum, l. 2. et in veteratum populi consensum, l. de quib. ff. de legib. et consuetudinem semper observatam, l. sine hærede, §. Lucius, ff. de administr. tut.* quibus verbis sane significatur tempus decennio longe amplius, et tempus incertum et infinitum, quod sensim sine sensu labitur, quoad mortem fecerit, et habitum in animis civium, cujus quidem habitus comparandi ratio, ut certo tempore non finitur, ita in populo ex longa consuetudine inducendi moris ratio certo tempore finire non potest. Consuetudo facit morem, ut Lactantius ait 3. *Inst. Paulatim male*

vivendi consuetudine morem fieri. Et Aristot. 2. Eth. ad Eundem. τὸ ἔθος οἷον ἔθος ἔχει τὴν ἐνέθειαν: Morem ex consuetudine proficisci, quod et Ulpianus significat libro regularum, dum ait, morem esse tacitum consensum populi, longa consuetudine inveteratum. Sed ut hoc interim admoneam, moris, seu morum, et consuetudinis nominibus promiscue utimur: utuntur et alii auctores. Varro certe semper consuetudinem vocat, quod morem esse diximus creatum ex consuetudine, ut apud Servium in 7. Aeneid. Varro ait, morem esse communem consensum omnium, simul habitantium, qui inveteratus consuetudinem faciat. Et apud Macrob. lib. 7. idem Varro, Morem esse in iudicio animi, quem sequi debet consuetudo. Instituta, etiam pro eodem accipimus, quæ barbaræ in Idiotismo vocamus statuta, ut in l. 1. Cod. Th. de longa consuetud. eleganter scriptum est: venientium est temporum disciplina instare veteribus institutis. Sed ad alia pergamus. Id etiam, quod vulgo traditur ex glossa 2. sententias iudicis in eodem genere litis consimiles facere consuetudinem, omnino falsum est: nam a rebus iudicantis separatur consuetudo, l. nam Imp. ff. de l. et non res iudicantis consuetudinem faciunt, sed tacitus illiteratusque consensus populi longo usu inveteratus. Item res iudicantis vim leg. non obtinent, si his similiter sit iudicatum, sicut vim legis obtinet consuetudo: sed ita demum res iudicantis etiam vim leg. obtinent, si sæpius, si perpetuo similiter iudicatum sit, ut ait d. l. imp. Et quod est scriptum in l. 3. in fin. sup. de episc. audient. ad quam nos glossæ allegant, primum non est de communi consuetudine unius civitatis, vel provincie, sed de moribus unius hominis: non igitur de re, qua de agitur. Deinde quod ait illa lex, ei cui venia criminis, semel data est, iterum non dari si in idem crimen relabatur, quod impunitatem veteris criminis, non emendationi potius, quam consuetudini deputavit. Quid consuetudini, qui his tantum idem crimen admisit? quis non videt id esse scriptum hyperbolicos. Certum enim est consuetudinem, vel habitum, quem impiegit quis ex una, vel altera actione non ingenerari. Sed jam tempus est, ut tractemus de virtute, et potestate consuetudinis, quam in hoc tit. explicari a principio diximus. Consuetudinis, inquam, longæ et probatæ, consuetudinis longæ, quod est quasi perpetuum epitheton consuetudinis: nam quæ non est longa, non est consuetudo: nec longa dicitur ob discrimen brevis ejusdem consuetudinis: nam natus tantum longævus eam facit, et qui allegat usum longævum, sine consuetudinem, diu eo jure civitatem usam, vel provinciam probare debet, ut ait l. 1. hoc tit. et l. 3. §. ult. ff. de test. b. quod fit non rogatis singulis civibus, vel pro-

vincialibus, ut volunt interpretes, singulis quibusdam, sed per tribus, et curias, aut centurias, aut vicos interrogatione currentem, ut Joannes Faber in l. 2. hoc tit. scribit, hunc esse stylum sicut loquitur, curiæ curiarum hujus Regni, ut hac de re inquærant per turbas, ut vulgo loquuntur. Itemque probabitur consuetudo, si quum quæreretur in aliqua controversia apud judicem de consuetudine uno affirmante talem consuetudinem invaluisse, et semper obtinuisse, alio negante: et hæc questione in iudicio agitata iusto contradicatore consistente adversus eum, qui aderebat consuetudinem, si probetur causa cognita iudex consuetudinem firmare, in hac questione, ut l. cum de consuetudine, ff. de legib. sententia iudicis confirmat consuetudinem, quæ jam invaluit et obtinuit, si quis eam contradicat, vel vitiligit, dum scilicet declarat sibi esse probatam ab adversario consuetudinem eam, non etiam consuetudinem facit. Et in illa l. cum de consuetudine, contradicito iudicio, id est, causa cognita, ut in glossis antiquis ex contradictione, κατὰ ἀντίρροπον causa cognita. Hoc dixi, ut intelligeremus de cuius consuetudinis vi et potestate quæramus. Hic igitur quærimus, de vi longæ et probatæ consuetudinis, cuius una vis, seu virtus hæc est, quod leges ipsæ quæ ex scripto constant, nulla alia ex causa nos tenent, quam quod iudicio populi receptæ sint, id est, quod etiam consuetudine sint approbatæ, d. l. de quibus. Et Arist. eodem loco Politic. ὁ νόμος ἰσχύει οὐδὲν ἄλλο ἐκτὶς πρὸς τὸ πείθεσθαι κατὰ τὸ ἔθος: id est, lex nullam vim habet ad impellendos homines, ut sibi pareant, nisi hoc acceperit ex consuetudine, quod est illud ipsum, quod reituli ex l. de quibus. Summa enim virtus longæ et probatæ consuetudinis hæc est, ut pro lege observetur, id est, perinde atque lex scripta, l. diuturna, ff. de legib. §. Ex non scripto, Inst. de jur. natur. l. 3. hoc tit. l. ult. sup. de test. Gregor Nazianz. in secundo de Theologia: τὸ χρὸν τὸ ἔθος βεβαιωθέν νομίζεται νόμος, id est, consuetudo temporis corroborata existimatur esse lex: et Joannes Zonaras in Basil. Porphyrogeneta: ἔθος καὶ νόμος δοκτε τοῖς νομοθέταις consuetudo quam legum latores legem videri tradunt. Verum addit d. l. diuturna, consuetudinem diuturnam pro jure, et l. observari, non in omnibus, sed in iis, quæ ex non scripto descendunt, id est, quæ non sunt definita legibus, ut l. de quibus initio, et Tertul. lib. de Corona militis eleganter: consuetudo, inquit, in civitib. reb. pro legib. suscipitur, cum deficit lex: ratio commendat, non scriptura. Porro inquit, si lex ratione constat, lex erit id omne quod ratione constiterit; quæ verba suppresso Tertul. nomine Isidorus usur-

posuit, *con. consuetudo, distincti*: 1. et ita Cæsar-us apud Cedrinum: *vôpos ἀγορεύει τὰ πάτρια δόξα*, id est, *hi, qui nullam habent legem scriptam, pro l. sunt patris more*. Et hoc exemplis demonstratur lege definitum non est, an in oppido ruina collapsum ædificium quis possit convertere in aliam faciem, puta in hortum, aut vineam, et ideo in ea re valet, et spectatur oppidi consuetudo. Et hæc species est apponenda ad legem 1. h. t. hæc est propria species l. 1. ut constat ex l. 3. *sup. de ædific. p. vat.* in qua, et pars l. 1. iisdem verbis exponitur, et utriusque legis eadem debet esse inscriptio et subscriptio, et ita alia ex alia generari iuvien: vel etiam pone aliud exemplum: quia lege definitum non est, an a iudice possint advocari testes, qui rei dirimende dicuntur a partibus sufficere posse, qui producantur a partibus, an a iudice possint evocari testes per longum iter, an vero ad eos mittere debeat, qui eorum testimonia excipiat? deficiente lege, in ea re valet consuetudo cujusque regionis, l. 3. §. ult. ff. *de test.* Item quæ privilegia ex consuetudine dantur officiis, ut ait l. 3. *hoc tit.* id est, apparitoribus Judicum, vel civitatibus, id est, quæ privilegia sibi civitates vindicant ex longo usu, vel principia, inquit, id est, principia numerorum militum, vel collegia quorundam, ea habent ex consuetudine firmo jure, quod de eis nil legibus prohibitum sit, l. 3. *hoc tit.* Item quia usurarum quidem modus lege finitus est, puta ne excedat centesimam, tamen intra eum modum in singulis provinciis, quibus usuris occupande sicut pecunie, levioribus, an gravioribus, et summis, id est, centenis: hoc quia lege finitus non est, ideo in eo spectatur consuetudo cujusque regionis, l. 1. ff. *de usur.* l. idemque, §. *sed et si pecuniam*, ff. *mand.* At in iis, quæ palam lege sunt definita, consuetudo non potest vincere legem, ut ait l. 2. *hoc tit.* ut lex est de modo usurarum, quem excedere non licet: hanc consuetudo vincere non potest, ut et nominatim scriptum est in l. *cos*, *sup. de usur.* lex est, imo leges sunt plures, ut alius pro alio conveniatur, ut pater quidem pro filio, maritus de peculio, aut filius pro patre, vel matre, aut vir pro marito, etc. hanc legem consuetudo clarificationum, sive oppugnationum repræsentat vincere non potest: ut quod mihi extorsit Italus, ego non repetam ab alio Italus, nisi id mihi princeps permiserit, *saut avoir lettres de marque*. Repetere ab alio quod alius mihi debet hoc est *ilargire*, aut *rapere*, quæ consuetudo, si quo loco introducatur, non potest vincere legem, ut alius pro alio conveniatur. Et ita de hac specie est productum in *Novell. 59. in princ.* Ergo legem vincere consuetudo non potest, ut ait l. 2. Obstat quod dicitur tacito consensu populi legem obliterari, d. l.

de quib. l. *un. sup. de cad. toll.* quæ est alia virtus consuetudinis, ut abroget legem: nam et *desuetudo*, id est, non uti lege, est consuetudo: privatio actionis actio est, quia nec desinit populus uti lege, quin incipiat uti suo more legi contrario. Respondet consuetudine longa legem abrogari, hoc non esse legem vincere, sed vincere legem est in ipso conflictu, dum vivit lex, et urget, nec dum consuetudo obtinuit per omnia in iudicio, aut consensu omnium, neque percrebuit, sed tantum gliscit, et invalescit, et increbrescit superare legem. In hoc statu rerum consuetudo non vincit legem. Ceterum ubi lex penitus exolevit tacito, inveteratoque consensu plus valet consuetudo, et tunc sit usurpata paulatim contra leges, nisi reducat legem antiqua, ut ecce lex Pompeja vetabat in Senatum Bythinicarum civitatum adscribi civem aliquem quæ post abiit in desuetudinem, et obtinuit longa consuetudo contra legem Pompejam usurpata, ut adscriberentur in Senatu etiam alterius civitatis cives, ut ait Trajanus 10 epist. Plinii, qui etiam ex præterito nil novat, id est, non immutat, quod præterita consuetudo fecit, non Senatu pellit eos, qui ex consuetudine adscripti sunt in Senatum, ne sit causa ullius perturbationis, sed tantum vult legem Pompejam in futurum observari: et ita hæc de re statuendum est.

At l. II.

Consuetudinis, unusque longevi non vili auctoritas est, verum non usque adeo sui valitura momento, ut aut rationem vincat, aut legem.

Dixi legem 1. h. t. pugnare videri cum l. de quibus in fine, ff. *de legib.* et in hac pugna dirimenda totos esse juris interpretes. Ceteras questiones, quæ incidunt in hanc materiam, eis perfaciles videri. Et pugnare videri, quia lex 2. ait: *longe quidem consuetudinis non esse vim auctoritatem, sed non usque adeo sui valere momento*; quæ verba glossa non intelligit, id est, non esse tanti momenti, ut legem possit vincere, et rationem. At lex de quibus, ait: *legem per desuetudinem abrogari*, ac similiter l. *un. sup. de caduc. toll.* legem Papianam fuisse abolitam per desuetudinem, et in §. *p. n. Instit. de ju. natur.* leges mutari tacito consensu populi. Leges igitur mutari, aboleri, abrogari per desuetudinem: nec lucius (ut Græci differentiam inter desuetudinem, et consuetudinem, ut dicas, *leges abrogari desuetudine non consuetudine*: nam et desuetudo (ut dicebam) consuetudo est: et vix est, ut populus desuescat aliqua lege uti, quin et consuescat simul uti more legi contrario: et e diverso vix est, ut populus consuescat uti jure novo, quin desuescat uti antiquo jure

scripto. Et ita in *l. si sine herede, §. Lucius, ff. de administrat. tut.* Hæc consuetudo civitatis, ut onera tributorum, et stipendiorum onera fiscalia agnoscat dominus, non conductor prædii, quid aliud est, quam desuetudo legis, quæ vult, ut hæc onera sequantur conductorem sicut emptorem, *l. prædii, ff. de jur. fisc.* Item in *l. vendit, §. si constat, ff. com. præd.* Hæc consuetudo regionis; ut ex lapidicinis, quæ sunt in agro meo, liceat hominibus ejusdem regionis, invito me, excidere, et eredere lapides præstito mihi solatio, id est, mercede certa, pretio certo, quæ quid aliud est, quam intermissio, et desuetudo legis notissimæ, et in libris juris sæpius repetitur, jus non esse quicquam facienti in meo invito me, jus alii non esse quicquam auferendi ex re mea, jure meo. Et præterea in *l. item eorum, ff. quod cujusque univers.* hæc consuetudo, ut in curia in petitione honorum suffragium patris non prosit filio, vel contra: hæc inquam, consuetudo quid aliud est, quam desuetudo legis, quæ statuit, ut ibidem proponitur, in honorum petitione, si aulico decuriones sint pater et filius, id est, senatores ejusdem curiæ municipalis, suffragium patris prolesse filio, et contra. Ergo non est in hac re (quod etiam non statuit *l. de quibus*) statuenda differentia inter usum, et non usum, inter consuetudinem, et non consuetudinem, seu desuetudinem. At dicebam, in ipsa contentione, atque conflictu, cum alter utitur lege, quæ nondum promissa ex levi, alter consuetudine, quæ paulatim increbrescit, nondum est inveterata, nondum stabilita, nondum contradicto judicio comprobata, nondum recepta consensu omnium, non esse tanti consuetudinem nascentem, et paulum exortentem, ut possit vincere legem nondum extinctam. Et ita consultus Imperator respondet Proculo, is fuit Proconsul Africae, quod notandum in hac *l. 2. ut d. præ. de legib.* ait, cum dubitatio emergit de novo jure, quo scilicet populus uti incipit contra legem antiquam, et quod inveterato usu, inquit, non adhuc stabilitum est, tum a magistratibus consulendum esse principem, qui utique ad respondendum est, quod habetur in *l. 3.* Contra vero si consuetudo inveterata constablit, et rerum judicarum auctoritate firmata sit, jaceat autem lex, et sileat, quis non videt, legem minorem esse consuetudine, potentio rem consuetudinem, vel potius deficere legem, tanquam obliteratam tacito consensu omnium, nam consensum omnium exigit, *d. l. de quibus*: lege autem deficiente, dominari consuetudinem, et legis vim obtinere, quoad lex vetus renascatur, et redeat. Ad hæc dicimus, legem, quam ratio commendat, esse potior em consuetudine, quæ nulla aut parva ratione constat, et hoc esse, quod ait *l. quod non ratione, ff. de legib.* quod non ratione

est introductum, sed errore primum, dein consuetudine obtentum, in aliis similibus non obtinere, id est, non obtinere semper in eodem genere controversiarum, nec ex eo in aliis causis duci idoneum argumentum: nec Legis vim obtinere consuetudinem e iam inveteratam, cujus non ratio, sed error parens est, ut dicebam ex Novella 52. Hanc legem, ut alius pro alio non conveniatur esse potentio rem, etiam longa consuetudine, quæ rapere permittit, quod est *clarigare*, et alium verare pro alio. Nam et ejus consuetudinis, quæ ratio est? Et ad *d. legem quod non ratione*, soleo apponere exemplum ex *l. solent, ff. de offic. procons. conjunct. l. 1. ff. de offic. ejus cui mand. est jurisd.* cognitionem rerum capitalium, seu judicii publici executionem, quod idem est, nullus magistratus habet suo jure, sed beneficio legis, quæ nominationi ei hanc potestatem dedit, et eatenus, quatenus dedit, ut si dederit magistratui lex jus deportandi, non habeat jus confiscandi rei, id est, publicandi bona ejus, quia merum imperium est legis. Imperium lege datur non tantum magistratui, sed et quandoque privato, non etiam competit jure magistratus. Ex quo sequitur eam potestatem, non posse mandari alii, non posse delegari, quia eam non habemus nostro jure, et quod nostri proprii juris est, id tantum alii delegare, seu mandare possumus, *l. 3. ff. de jurisdict. omni. judic.* et tamen, ut ait *l. solent*, solent magistratus cognitionem rerum alii mandare. Hæc est consuetudo, ut alii mandent cognitionem criminum, merum et imperium: sed quid de hoc genere mandati sentiunt juris auctores? Eadem lex ait esse mandatum extraordinarium, id est, non esse legitimum, et *l. 1. ff. de offic. ejus, cui mand. est jurisdict.* errare magistratus, qui hoc faciunt. Hæc ergo consuetudo non ratione constat, sed errore: ergo nos non obligat, non habet vim legis. Contra consuetudo, quam ratio suavit, ut recte ait *l. 1.* major scilicet ratio quedam, majorque utilitas publica, quam spectare est proprium munus legum, et morum, ea certe est potior lege, cujus ratio, vel cessavit, vel minor est, vel minor confert Reipublicæ. Et sic consuetudo plane abrogat legem, lex autem (ut ait Claudianus) *resumit priscam cantem.* Et ita illa legum pugna est dirimenda, non inconditis traditionibus, quales sunt multe. At ut et hoc resumam iterum, vires longæ, et probatæ, et perpetuæ, nec a ratione naturali abhorrentis consuetudinis hactenus has esse ostendi, ut legem abroget, ut legis vim obtineat: ergo ut habeat eosdem effectus, quos habet lex, id est, easdem virtutes, puta *imperare, vetare, permittere punire, l. legis virtus, ff. de legibus.* Fabius 7. Institut addit, *tr. bene et*

adimere. Item consuetudinis tanta est vis, ut lex non alia ex causa nos teneat, quam quod etiam consuetudine approbata sit: Sed adlatus, hanc etiam esse vim consuetudinis, ut sit optima legum interpret, id est, cum de interpretatione legis queritur, tum querendum esse quemadmodum ea lex in foro semper accepta sit, optimam legum interpretem esse consuetudinem, sive tritum forensem, id est, continuatam et tritam usus meditationem. Eadem definitio, quæ fabricæ Vitruvio, *Fabrica est continuata, et trita usus meditatio*. Eadem definitio $\pi\epsilon\iota\rho\alpha\varsigma$, seu $\pi\rho\alpha\gamma\mu\alpha\varsigma$. Justinianus *Novella de judic.* ait $\pi\epsilon\iota\rho\alpha\varsigma$, dum ait, *judicem peritum esse debere* $\nu\omicron\mu\omega\nu$ $\chi\alpha\iota$ $\pi\epsilon\iota\rho\alpha\varsigma$, quoniam $\pi\epsilon\iota\rho\alpha\varsigma$ est optima legum interpretatio: et ita Halicarnæ. 7. $\pi\epsilon\iota\rho\alpha\varsigma$. $\alpha\mu\pi\iota\sigma\tau\omicron\upsilon\mu\epsilon\nu\tau\omicron\nu$ $\tau\omicron\upsilon$ $\delta\iota\chi\alpha\iota\omicron\nu$ $\alpha\pi\epsilon\tau\eta\rho\iota\omicron\nu$ $\kappa\alpha\iota$ $\nu\alpha\iota$ $\delta\omicron\alpha\iota$ $\chi\rho\alpha\tau\iota\sigma\tau\omicron\upsilon\tau\omicron\nu$ \omicron $\chi\rho\omicron\nu\sigma$: id est, quocumque de jure sit controversia, optimus censor et inte pres juris est tempus, id est, usus longævus, consuetudo longa. Restat tantum, ut adnotemus, cum l. 3. hoc tit. conjungendam esse l. 1. sup. de offic. jurid. et l. petitionem, sup. de advocat. divers. judic. Omnes hæc leges sunt scriptæ Alexandro Duci, et ita est restituenda inscriptio hujus legis tertie: *Egyptiaci limitis, et præfecto Augustali, et subscriptio, quæ est integra in hac l. 3. eadem est reddenda, et applicanda d. l. 1. et l. petitionem*. Certum est autem, olim in unoquoque foro fuisse certum corpus et collegium advocatorum, certum numerum, ut constat ex illo tit. de advoc. divers. jud. Et huic corpori advocatorum usus longævus, sive consuetudo longa præter constitutiones principum, etiam dederat privilegia multa. Nullum est corpus, collegium aut civitas quæ non habeat privilegia quædam, vel a legibus, vel a moribus. Et ea, quæ data sunt corpori advocatorum, d. l. petitionem, ait se velle intacta et inviolata servari specialiter de collegio advocatorum. Sed in l. 3. hoc tit. subjicit, generaliter etiam privilegia antiquitus data consensu tacito et illiterato quibuscunque civitatibus, vel officiis, id est, corpori apparitorum, qui obsecundant iudicibus, vel Principis numerorum militarium, vel collegiis, vim legis obtinere. Et ad id non nihil facit lex 2. inf. de Decurial. urb. Rom. lib. 11.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. LIII. De donationibus.

Retuli titulum superiorem ad tit. 48. de emancipat. liberor. seu ad leg. ult. ejus tit. in qua de

longa consuetudine agitur, de qua etiam glossæ accipiunt l. 1. ejusdem tit. Nunc hunc titulum refero, ad titulum illi proximum, puta 49. de ingrat. lib. ut quemadmodum hi duo tituli sunt vicini, ita apte referantur ad duos titulos æque vicinos, et ab iis distantes propius. Refero, inquam, hunc tit. de donationibus ad titulum de ingrat. liberis, quo data est actio ingrati adversus filium emancipetum emancipationis rescindendæ gratia. Et nunc, quia daturus est aliam actionem ingrati adversus donatarium donationis rescindendæ et revocandæ gratia, quod facit in tit. 55. ideo prius instituit generaliter tractare de donationibus: et hanc relationem, quam facio hoc titulo ad titulum de ingrat. liberis, qui præcedit, et ad tit. de revoc. donat. tit. 55. aperte confirmat Codex Theodos. in quo titulus de revoc. donat. statim subjicitur tit. de ingrat. liber. Cur? nisi quia hoc datur actio ingrati adversus emancipatum, illo verbo adversus donatarium. Et definitio si queratur donationis, non est alia querenda, quam quæ ab Aristotele duobus verbis tradita est 4. Topic. ut ait $\delta\epsilon\iota\kappa\epsilon$ $\omicron\nu\alpha\rho\omicron\delta\omicron\tau\omicron\varsigma$ id est, datio ita ab aliquo profecta, ut nullo casu revocari possit: nam datio est genus donationis: non omnis datio est donatio: datio ex causa permutationis, non est donatio, quia vicissim alia res datur. Datio igitur genus est, licet donatio aliquando sumatur generaliter pro datione, sive traditione, ut in l. quemadmodum ff. de jure dot. secundum scripturam Florentinam: legatum etiam dicitur esse donatio: eodemque modo potest definiri fideicommissum, sed non est commiscenda cum donatione, de qua agitur hoc titulo. Nam hic agitur de directa et simplici, quæ sit inter vivos: legatum, et fideicommissum est donatio mortis causa, sive mortis causa capio, quæ testamento tantum relinquitur, aut codicillis, aut fideicommissum per epistolam ab intestato. Item legatum et fideicommissum potest adimi: donatio, de qua hic agitur, non potest, et datio est $\alpha\nu\alpha\rho\omicron\delta\omicron\tau\omicron\varsigma$. Et hoc genus donationis, ut perficiatur, hoc tit. ostenditur, veluti traditione, emancipatione, cessione in jure, et quandoque per epistolam, non inter omnes, sed inter conjunctas personas: nam inter eas donatio quoque modo facta valet, ut ait Paulus 4. Sentent. tit. 1. Et ita in l. 3. et 13. hoc tit. dum proponitur donatio facta per epistolam, ponendum est factam eam fuisse inter conjunctas personas: et vero Uraniam, ad quam scripta est lex 13. fuisse filiam donatoris ostendit l. 1. sup. comm. de success. quæ est conjungenda cum l. 13. Item quando rei donatæ traditio facta intelligatur, et quæ sint necessaria, ut valeat donatio, hic titulus ostendit: proponit etiam generalem regulam: perfectam donationem revocari non posse, a qua postea excipit causam ingratitudinis, quam potissi-

num respicit hæc, quæ instituta est tractatio de donationibus. Dixi de definitione donationis, quod rursus perstringam paucis. Donatio est datio ita profecta ab aliquo, ut nullo casu revocetur, quod, ut dixi, Aristoteles expressit duobus verbis. Datio est genus, quo etiam continetur dos, et mutuum, et permutatio, et legatum, et fideicommissum, et donatio causa mortis, et donatio vera, et absoluta, de qua est hic titulus, quæ nullo casu revocari potest. Illæ donationes repeti, vel revocari possunt. Dos repetitur soluto matrimonio: mutuum constat repeti et exigi sæpe magna instantia. Datum item ex causa permutationis repetitur, re non secuta: legatum, fideicommissum, donatio causa mortis revocatur penitentia, sive ademptione. Et ex iis donationibus, quæ donationes dicuntur, veluti dos, et legatum, et donatio causa mortis, non sunt veræ et absolutæ donationes, ut ait *l. senatus, ff. de mort. caus. don.* de quibus est hic tit. sed mortis causa factæ, veluti legatum, fideicommissum, donatio causa mortis, est revocabilis donatio. Ergo non sunt donationes, de quibus est *hoc tit.* qui est de irrevocabilibus, exceptis quibusdam causis gravissimis, quæ explicabuntur in tit. *de revoc. don.* Nunc tractemus, quomodo perficiatur donatio. Jure antiquo donatio non perficitur nudo consensu, non literis, sed vel verbis, id est, interposita stipulatione, vel re id est, traditione. Ergo non interposita stipulatione donatio perficitur traditione. Et tradere videtur non tantum, qui rem de manu in manum tradit corporaliter, ut loquimur, vel qui abscedit possessione fundi, ut mox eam ingrediat, donatarius, sed etiam tradere videtur, qui ejus rei, quam donat, emptionis, seu auctoritatis instrumentum tradit, *le titre de l'acquisition*. Quod ostendit *l. 1. hoc tit.* tradito instrumento auctoritatis, traditam rem videri, quæ donata est: sicut legato instrumento emptionis prædii, prædium legatum videtur, *l. pen. §. 1. ff. de legat. 3.* Itemque pignorato eodem instrumento, prædium pignoratium videtur, *l. 2. sup. quæ res pign. oblig. poss.* Et hoc est unum genus fictæ traditionis. Est etiam aliud, quia tradere videtur donator rem donatam, qui in donando sibi recipit, et retinet usufructum rei, *l. quisquis, hoc tit.* etiamsi, inquit, non stipuletur, puta sibi uti frui licere. Et ita locus ille est intelligendus, id est, usufructus constituitur in donando, et in personam donatoris transfertur citra stipulationem. Denique non tantum stipulatione usufructus constituitur, si stipulet mihi uti frui licere, sed etiam si in donando usufructum mihi retineam. Et abrogat illa *l. quisquis*, legem *pen. C. Theod. eod. tit.* quæ in donatione exigebat corporalem traditionem, nec retentonem usufructus habebat pro traditione. Et ut plenius est traditum

in *l. ult. C. Theod. tit. eod.* ex qua tracta est lex *quisquis*, abrogat *d. l. pen.* quæ omnino exigebat in donatione corporalem traditionem, nec contenta erat fictitia, quia, ut ait, solemnitate juris, solemnitate traditionis contrahere potius, quam propagare debemus: et contrahimus, coarctamus, si non ita præfracte exigimus corporalem traditionem, si fingamus eum rem tradidisse, qui sibi recipit usufructum, et ita constituit se donatario possidere, et eum possessorem suo ministerio fecit, ut *l. quod meo, D. de acquir. poss.* Hoc et usus trahit ad precariam possessionem, puta si donator rem donatam constituat, se a donatario precario possidere, quoniam et hoc casu, licet corporaliter rem non tradiderit, tamen fingitur tradidisse, qui eam desinit sibi possidere, et cepit possidere donatario, tanquam ab eo precario acceptam. Et eadem ratio intervenit, si donator eam rem, quam donavit, nec dum tradidit corporaliter, conducat a donatario, s' *il la loue*, ut in *l. quendam, ff. de rei vindic.* Ergo et si eam retineat, ut sibi commodatam a donatario, vel in causam depositi, aut pignoris, quia his omnibus modis fingitur tradidisse possessionem donatario, et fecit donatarium possessorem his omnibus modis: et retentionem usufructus olim ante *d. l. pen.* fuisse pro traditione, ait *d. l. ult. C. Theod. eod.* Igitur quod ponitur in *l. Seja, ff. de mort. caus. donat.* donator in tradendo sibi usufructum recepisse, ex eo non sequitur, et eum, qui in donando sibi usufructum recepit, non videri rem tradidisse: sed ex eo potius sequitur, traditionem corporalem plenam proprietatem transferre in donatarium, nisi nominatim excipiat usufructus: exceptum autem usufructum, nondum facta traditione ulla, pro traditione esse, quod et Justinianus confirmat *l. si quis argentum, §. sed si quidem, hoc tit.* Et ratio hæc est, quia per donatorem, qui sibi excepit usufructum, donatarius videtur acquisivisse possessionem, quia donator eo modo sibi possidere desinit, et incipit possidere nomine donatarii, et fingitur brevi manu, et, ut *Isidorus* ait in *d. l. quisquis* $\alpha\tau\alpha\ \sigma\upsilon\nu\tau\omicron\pi\iota\varsigma$, quodam compendio, eam rem tradidisse donatario, et mox ab eo recepisse, et celeritate conjungendorum actionum una actio subripitur et occultatur, ut ait eleganter *l. 3. §. ult. ff. de donat. inter vir. et uxor.* Celeritate conjungendorum extremorum, medium occultatur: vix enim ulla sunt extrema sine medio. Plato 9. de ll. οὐκ ἐκ πάντων τῶν ὄντων ὄντος, etc. Fictas igitur traditiones etiam in donationibus nostrum admittit, ut in *l. 1. hoc tit.* et in *l. quendam, ff. de rei vindic.* et in *l. quisquis, hoc tit.* Ergo et ceteras omnes fictas traditiones, in quibus eadem ratio versatur, eademque præsumptio locum habet: ceteras, inquam, omnes, quæ in aliis cau-

sis admittuntur. Et moxet me ratio generalis *l. ult. C. Theod. eod.* quod solemnitates juris restringere potius debeamus, quam ampliare, quia sunt scrupulosissimæ. Et tamen moribus nostris non temere quælibet ficta traditio perficit donationem, sed corporalis tantum: et ne retentio quidem usufructus, nisi fiat in re præsentis, et inter præsentis, quod tamen jus nostrum non exigit, et omnino eo jure, quo utimur, semper donationes strictius accipiuntur, et infirmantur facillime. Jure nostro contendit non tantum vera et naturali, sed etiam quacunque fictitia traditione, quæ recipiatur in aliis negotiis, ut in venditionibus, aut dotibus, perfici donationem. Et invenio etiam in *cap. 2. extra de consuetud.* consuetudinem regni Daciæ probari, ut donator fundos donatos Ecclesiæ videretur, et fingatur tradidisse, et hoc sufficit perficiendæ donationi, una gleba fundi delata in ecclesiâ, et vel altari imposita, vel tradita in manum Episcopi, vel alterius prælati ecclesiæ: sicut jure civili Populi Romani, ex quo videtur derivata ea consuetudo, una gleba fundi delata ad prætorem, in ea, tanquam in toto fundo vindicatio fieri solebat, cum rei vindicatione agebatur, quod scribit Gellius lib. 20. sicut editio hæreditatis fieri solebat recepta vel minima re hæreditaria, ut in *l. 1. C. Theod. de legit. hæred.* Nam et editio hæreditatis est vindicatio hæreditatis, et qui adit hæreditatem, cum dicitur vindicare, *l. si tu ex parte, in fine, et l. ult. ff. de acqu. hæred. l. 15. sup. de postlim. et redim. ab host.* Addamus jure antiquo etiam perfici donationem mancipatione sola, id est, per æs et libram, ut *l. 4. C. Theod. de donat.* vel mancipatione, et traditione simul, ut *l. 7. eod. tit.* quod et lex ult. *h. tit.* demonstrat, dum ait, *hæc in usu fuisse in donationibus verba recepta: Dono tibi rem illam, aut vendo sestertio nummo uno assium quatuor:* nam quis non videt hunc sermonem, vel træc verba ducere originem a mancipatione, per quam olim solemniter fiebat donatio, id est, per imaginariam venditionem nummo uno, vel, ut Statius loquitur, æse Cajano, quo se conjuges nuncupantes Cajum et Cajam coemebant, et ita per exemptionem faciebant nuptias, per imaginariam venditionem emptionem. Unde illa formula, *ubi tu Cajus, ergo Cajo.* Et inde nomen nummo Cajano, quo expletur quælibet imaginaria venditio. Et ita Suetonius in Octone. *Octo, inquit, euidam de parte finium cum vicino litiganti adhibitus arbiter, totum agrum redemit, emancipavitque.* Et Cornelius Tacitus scribens eandem de re, *universum agrum sua pecunia emptum dono dedit.* Coniuncti hi duo loci demonstrant donationem perfici per mancipationem. Non perficiebatur autem donatio jure antiquo inter extraneos, nisi interveniente traditione,

vel mancipatione, vel utraque simul. At inter parentes et liberos, emancipatos scilicet, vel qui sunt in potestate, quia et donatio illis facta, licet ab initio sit inutilis, et possit revocari, tamen silentio et morte confirmatur. Inter liberos igitur et parentes constitutione D. Pii donatio perficiebatur nuda voluntate, quod ostendit *l. 4. 5. et 7. C. Theod. eod. tit.* et Paulus 4. *Senten. tit. 1.* dum ait: *inter conjunctas personas sufficere, si fiat donatio quibuscunque verbis expressa voluntate: nec igitur exigi traditionem, aut mancipationem.* Et conjunctas personas intellige liberos tantum, et parentes, id est, conjunctissimas personas, ut ait, *l. data, h. tit.* Inter necessarias, inquit, conjunctissimasque personas, ut recte legit Balanzer, utque est in antiquis omnibus, ut in *C. Theod.* et intelligit tantum parentes et liberos. Hoc autem vult *l. data*, ut etsi donatio fiat inter parentes et liberos, non valet sine actorum, sine publicorum monumentorum confectione, id est nisi donatio publicetur, et insinuetur apud acta in foro ejus loci, quo donatio fit, etiam si res donatæ alibi collocatæ sint: Nam et in *d. l. data, in fine*, pro *collatis*, est legendum *collocatis ex l. præ. C. Theod. eod.* Et sensus est, insinuationem donationis publicæ esse faciendam, non ubi posite et collocatæ sunt res donatæ, sed ubi res agitur, et donatio perficitur. Et quod ita constituit *l. data*, inter liberos et parentes factam donationem non valere, nisi insinuatæ sit, hoc glossæ excipiunt partim bene, partim male. Male ita, si donatio, inquit, fiat ex scripto, si redigatur in literas: nam et sine scripto facta donatio, ac multo magis insinuationem desiderat, §. *perficiantur, in l. de donat.* Bene autem ita, si donatio excedat legitimam quantitatem, alioquin non exigitur insinuatio. Legitima quantitas fuit olim 200. aureorum, ad quam usque valebat donatio non insinuata: postea legitima quantitas fuit trecentorum aureorum, et tandem a Justiniano facta est 500. aureorum, ut scilicet l'erat usque ad 500. aureos, non ultra donare citra-insinuationem, aut citra monumenta publica, vel gesta. Ergo recte inquit glossæ, donatio inter parentes et liberos, secundum legem *data*, non valet sine insinuatione. Hoc ita verum est, si excedat legitimam summam, alioquin non requiritur insinuatio. Verum dices, si ita accipias *l. data*, lex carebit dubitatione, quoniam idem juris est etiam in donatione facta inter extraneos, ut non valet sine insinuatione, si excedat legitimam quantitatem? Quid igitur proprium statuit *leg. data* in donatione facta inter parentes et liberos, si illo modo adhibito ea lex est accipienda? Et sane hac de causa et Græci et Latini interpp. quidam existimant, *l. data* sic esse accipiendam, ut

donatio facta inter parentes et liberos exeat insinuationem, etiamsi non excedat legitimam quantitatem. Hoc esse singulare in liberis et parentibus: quod omnino falsum esse statim indicabit *l. donationes, sup. de donat. inter vir. et uxor.* Ea in hunc errorem illi inciderunt ignorantia rationis dubitandi, quæ in eo consistit, quod quemadmodum hoc privilegium datum est liberis et parentibus constitutione D. Pii, ut donatio inter eos facta valeat, et perficiatur nudo consensu citra mancipationem, aut traditionem: ita dubitabatur, an etiam intra eodem valeret citra insinuationem, quod non admittit *l. data*. Tollit ergo illam dubitationem. Et hic est finis *l. data*, ut dicat, etiamsi liberis et parentibus sit remissa solemnitas mancipationis, vel traditionis, non tamen esse remissam solemnitatem insinuationis, si donatio excedat legitimam quantitatem, ut scilicet falsi occasio omnis tollatur publice facta insinuatione. Nec veluit *l. data* proprium quiddam statuere in liberis et parentibus, quod diversum foret in causa insinuationis ab extraneorum conditione et jure. Illud est postremum, ut addotemus, jure novo donationem perfici stipulatione, quod et olim obtinuit: vel, quod nunquam antea obtinuit, hodie donationem perfici *nudo consensu* et nuda voluntate, non tantum inter parentes et liberos, sed inter quoscunque, sicut emptionem. Emptio perficitur nudo consensu: donatio perficitur nudo consensu, impletur traditione sicut nuptiæ quoque perficiuntur nudo consensu, impletur concubitu. Et in donatorem ex constitutione Justiniani, id est, ex *l. si quis argentum §. si autem hoc minime*, donatione perfecta nudo consensu, donator eam cogitur adimplere, et consummare traditionibus factis per conditionem ex lege Justiniani, non tamen cogitur cavere de evictione, sicut venditor, nisi ita stipulatione cautum fuerit: nudum pactum non sufficit ad obligandum donatorem evictionis nomine, *l. 2. sup. de evict.* Ergo perficitur quidem donatio nudo consensu, et impletur traditione, ut emptio venditio, sed non per omnia, puta non in ceteris omnibus eodem jure est donatio, quo emptio venditio. Quod dixi nudius tertius, etiam in donationibus perficiendis admitti factas traditiones, quas in aliis causis admittunt jura civilia, ut si donator tradat instrumentum emptionis rei, non rem ipsam, res pro tradita habetur, *l. 1. h. tit.* vel si retineat usufructum in ea re, *l. quisquis, h. tit.* vel si eam rem a donatario conducat nondum ei traditam corporaliter, *l. quædam, ff. de rei vindicat.* hoc hodie confirmatio aliis exemplis: si donetur res ei, qui ex alia causa volente domino eam rem nactus est, et tenet, veluti ex causa commodati, vel depositi, vel locati, quia nunc et eam videtur habere ex causa traditionis, fingiturque tradita ex ea causa, quam

Tom. IX.

patitur apud eum esse, *d. l. quædam et l. absenti, ff. de don. l. 9. §. interdum, ff. de acquir. rer. dom.* Itemque erit, si nuda voluntate donatoris in possessione ejus rei fuerit sine titulo, ut *l. 12. sup. de contrah. empt. l. 2. sup. si quis alt. vel sib. l. 2. sup. de acquir. possess.* Nihil refert donator relinquat, an transferat possessionem rei donatæ, *l. 8. sup. comm. utrius. jud.* Nil interest donatarius inferat in domum suam rem donatam, vel veniat in ejus possessionem voluntate donatoris, an ei tradatur a donatore, *l. si ego, §. pen. ff. de jur. dot. voluntate*, inquam, donatoris: nam ut emptor, ita donatarius per se non recte venit in possessionem rei emptæ vel donatæ, *l. fundi venditor, ff. de acquir. possess.* donatio fieri dicitur non tantum inter presentes, sed etiam inter absentes, veluti per litteras, per epistolam, *d. l. quædam, et l. 5. et 15. h. tit.* Nec tamen perficitur litteris, sed sequuta traditione demum vera, vel ficta, *l. 6. h. tit.* Et quæ est perfectio donationis, eadem quoque consummatio ejus est, ut *l. 4. ff. de don.* dicitur per interpositam personam consummari donationem posse, veluti per nuntium, qui rem perferat ad donatarium, *l. absenti, cod.* Et longe alia est ratio, si jura antiquum species emptionis venditionis, quæ perficitur nudo consensu, consummatur et impletur traditione rei, et numeratione pretii, *l. si quis alienam, ff. de act. emp.* nec in emptione venditione idem est perfectio ac consummatio. At ex constitutione D. Pii, ut ostendi nudius tertius, etiam nudo consensu perficitur donatio inter parentes et liberos, et hodie ex constituit Justiniani inter omnes, exemplo emptionis venditionis. Ergo et per nuntium, et per epistolam. Consummatur autem traditione rei donatæ. Denique hodie in donatione non est idem perfectio et consummatio. Sequitur aliud exemplum fidei traditionis: si quis consentiente domino, et volente donare, rem ejus veluti suam deferat in censum, id est, in tabulas publicas, testes census, et facultatum ejusque: nam et hoc modo ea res pro tradita habetur, *l. 7. hoc tit.* Itemque erit si (ut ponenda est species in *l. 8. h. tit.*) mater rem suam deferat in censum tanquam rem filii sui animo donandi, quem utique animum, qui hoc facit, semper habere intelligitur, nisi probet, se hoc non fecisse animo donandi certis et manifestis conjecturis prolatis in medium, et hoc vult *l. 8.* Præsumptio, quæ pro filio facit, transfert onus probandi in matrem, ut in *l. generaliter, §. si petium, in fine, ff. de fideicom. libert.* Alias vero, qui rem alienam veluti suam, deducit in censum sine voluntate domini, domini causam non mutat. Alioquin quis non hac ratione brevi fieret locupletissimus? *l. quæ quisque, ff. de acquir. rer. domin.*

l. forma, §. si cum ego, ff. de censib. l. 3. sup. ne rei domin. vel temp. et l. 7. h. tit. Marcus Tullius pro Flacco: *Primo quidem pertinuit, inquit, cum te audisset, servos suos esse censum, re ulit ad Jurisconsultum: constabat inter omnes, si aliena censendo Decianus sua faceret, cum maxime habiturum esse rerum copiam.* His consequens est, ut nec mutet causam dominii, quæ censum sequi solet, solutio functionum publicarum, sive tributorum, et annonarum militarium, si fiat a possessore, qui rem alienam, quam possidet, retulit in censum, *l. 4. h. tit.* Unde in *l. 2. sup. pro soc. si ego et tu communiter fundum emerimus*, proculdubio doninium fundi ad utrumque pertinet, quia communi nomine emptus est, tametsi ego solus pretium numeraverim de meo, solusve publicas functiones solverim: nec enim ideo ejus fundi solus ero dominus. Et sic est explicanda *d. lex. 2.* Et hæc divisio sufficit de ratione perficiendæ donationis rerum corporalium. Rerum incorporalium, veluti nominum, seu obligationum donatio pertinetur cessis actionibus, *l. 11. in fine, hoc tit.* Et lit ea cessio etiam in vitis debitoribus, *l. 2. h. tit. l. 1. sup. de novat.* sive pura sit obligatio, sive sub conditione contracta: nam et spes futuræ actionis cedi et donari potest, *l. 3. h. tit.* Cessio actionis est mandatum, quo procurator constituitur ad eam actionem instituendam. Constituitur autem procurator cessis actione, vel in rem nostram, ut emolumentum litis ad nos redeat: vel in rem ipsius procuratoris, ut si ei donavero nomen debitoris, vel si vendidero, cedam illi actionem in debitorem, et ita faciam eum procuratorem in rem suam, ut sibi habeat, quod judicio consequutus fuerit, non in rem meam, qui donavi, aut vendidi actionem. Et multum interest, in rem suam constituatur procurator, veluti donatarius, aut emptor, an in rem alienam, quod nobis explicandum est diligenter: et hic tractatus explicabit legem illam, quæ est elegantissima. Dicamus ergo primum de procuratore in rem suam. Erat olim differentia in hac re inter donatarium et emptorem, quod emptor actionis sibi cessam actionem trans mittebat in heredem, etiamsi moreretur ante litem contestatam: poterat etiam alium facere procuratorem ad agendum, antequam ipse litem contestatus esset, quod tamen omne denegabatur donatario, qui non nisi post litem contestatam poterat alium facere procuratorem ad litem exequendam, nec nisi post litem contestatam trans mittebat actionem ad heredem suum, *l. illam h. tit.* nimirum donatione strictius accepta, ut eras demonstrabo auctores jurissemper accepisse donationes restrictæ, quod fiant sepe temere et inconsulto. Collegit alias differentias inter donatarium et emptorem, donatorem et venditorem Modestinus lib. 8. differen-

tiarum, quod ad res venditas edictum adilitium, et redhibitorie actiones pertineant non ad res donatas, *l. ad res, ff. de adilit. edict.* Et quod emptor ex mora debeat pecunie usuras, non etiam donator pecunie per stipulationem, *l. cum qui, ff. de donat.* Et quod ademisse legatum videtur indistincte, qui rem legatam donavit: qui vendidit, non sine distinctione, utrum necessitate contractus vendiderit, qui non videtur ademisse legatum, an aliter, qui videtur ademisse legatum, *l. rem legatam, ff. de adim. legat.* Omnes has differentias posuit, ut illarum legum inscriptiones demonstrant, Modestinus 8. Different. nec est dubitandum, quin posuerit etiam illam, de qua agitur in *l. 33. h. tit.* Et hæc quoque, quod venditor usufructus retinet usufructum, etiamsi emptor non utatur, quia pretio fruitur, et qui pretio fruitur, non minus videtur rem habere, quam qui re principali utitur fruitur. Donator autem non retinet usufructum, nisi donatarius utatur fruatur, *l. non utitur, et duab. sequent. ff. de usufr.* Et hæc quoque, quod donatarius evictionis nomine non habet regressum ad donatorem, nisi de eo stipulatus sit. At emptori est regressus evictionis nomine ad venditorem, etiamsi de eo nil convenerit inter emptorem et venditorem, *l. 2. sup. de eviction.* At prima illa differentia inter donatarium et emptorem tollitur in *d. l. illam.* Ex qua, ut emptor nominis, ita donatarius transmittit actionem ad heredem. licet ex ea litem contestatus non sit, vel jus litis contestationis non impetraverit a Principe, ut ait *l. illam.* Et notandum, jus litis contestationis impetrari rescripto Principis, quo scilicet Princeps statuatur actionem eodem jure esse, quo si ex ea lis contestata esset, ut in *lit. quand. l. bell. princ. oblat. lit. cont. sup.* Denique ut mortuo eo, qui donavit, aut vendidit relictis heredibus ante litem contestatam a donatario, vel emptore, mandatum, sive procuratio non extinguatur, quæ facta est in rem procuratoris, non in rem mandatoris, *l. 1. sup. de obl. et act.* Ita nec mortuo emptore, vel donatario ante litem contestatam, mandatum actionis extinguatur, sed transit ad heredem emptoris, vel donatarii. Item ex *l. illam* donatarius re integra, id est, ante litem contestatam, sicut emptor, alium ad agendum procuratorem instituere potest. Et sublata igitur est illa vetus differentia, quæ strictius accipiebat donationem, quam emptionem, constituta inter donatarium et emptorem. Et hæc de procuratore, id est, de eo, cui cessæ est actio in rem suam. Nunc dicamus de eo procuratore, cui cessæ est actio in rem alienam, id est, in rem mandatoris. Hic si moriatur re integra, id est, ante litem contestatam, non transmittit actionem ad heredem. Post litem contestatam transmittit, quia litis cou-

testatione factus est dominus litis : et ita constituit Julian. Imperator in *l. nulla, sup. de proc.* de qua Juliani constitutione sensit proculdubio Symmachus 1. *Epist. ad Theod. Imper.* his verbis : *successit aliud, ut obitu Martiane clarissimæ fœminæ, mandatum diceretur extinctum : sed contra venerabilis Juliani sanctio stare procuratorum jussit officia, causarum dominis ventibus inchoata per litis contestationem.* Plane igitur intelligit legem *nulla*. Denique sive moriatur ipse procurator in rem alienam constitutus ante litis contestationem sive mandator, mandatum morte extinguitur, *l. mandatum, sup. mand.* Sicut et jussum, puta adeundæ hereditatis morte extinguitur, *l. si per epistolam, ff. de acquir. hered.* Et cessit tutela finitur morte cedentis apud Ulp. *lib. regul. tit. de tut.* Item procurator factus in rem alienam, ad agendam scilicet, vel defendendum, ante litem contestatam alium facere procuratorem non potest. Et hæc omnia hodie ad unguem observantur, quod ostendit etiam *d. lex nulla*, nisi dominus ei permiserit, ut alium quocunque tempore institueret procuratorem ad litem de mandato ut in *cap. 1. de proc. lib. 6.* Nil ad hanc questionem facit *lex si quidem, sup. de obligat. et act.* quam adducit Accurs. ad *d. l. 33.* Nam si recte apponatur species *l. si quidem*, dominus non cessit actionem suam cuiquam, sed mandavit tantum debitori suo, ut solveret Titio, quem Titium negat habere actionem adversus debitorem, non abs re, quia cessa ei fuisse non ponitur. Itaque et *lex* nil facit ad propositam questionem. Hæc vero omnia, quæ hactenus diximus, sunt de procuratore ad lites, seu actiones, posita differentia inter eum, qui factus est procurator, id est, cui cessa est actio in rem suam, et eum cui in rem alienam. Ceterum ab eo procuratore, qui constituitur ad lites, longe distat procurator institutus ad negotia gerenda qui fit semper in rem alienam : et hic quocunque tempore potest alium facere procuratorem, etiamsi dominus specialiter id ei non permiserit, *l. si procuratorem, §. 1. ff. mand. et d. cap. 1. de procur. lib. 6.* Excipitur unus casus in *cap. ult. si procurator instituitur ad contrahendum matrimonium nomine alterius*, quod fit sæpe, maxime inter principes : nam in re tanti momenti, non permittitur procuratori alium facere, nisi dominus, id ei permiserit nominatim. Est etiam alius casus in *l. pen. §. item adjiciendum, ff. de divers. et temp. præsor.* si rem vendendam mandavi, quia cum agitur de alienatione rei meæ, ei soli licet vendere, cui mandavi, et tradere, et alii inutiliter eam ipse, cui ego mandavi ut venderet, alii vendendam mandavit, nisi, ut ait J. C. illo loco, *id ego ei nominatim permiserim, sans qu'il ait eu licence de subroger*, quoniam agitur de abalienatione rei meæ.

Sed illo loco, ubi est scriptum (*qui postea mundaverit*) errore frequentissimo in Pandect. Florent. quæ nobis debent esse sacratissime (*qui*) scriptum est, pro (*cui*) sicut et paulo ante illo loco, *qui vendendum mandaverat*, more scriptoris Florentinorum, qui, pro, cui : alioquin ille locus torqueret mirum in modum. Multa alia ad perficiendam donationem requirit constitutio Constantini ad Maximum præfectum urbi in *l. 25. hoc tit.* quam hodie potissimum explicabo cum omnibus aliis, quæ illam sequuntur usque ad leg. 34. Multa alia requirit constitutio Constantini, ut perficiatur, valeatque donatio, quæ tamen magna ex parte postea rescissa sunt, ut in eis explicandis admonebo. Primum Constantinus in *l. 25.* vult, donationem fieri sub hac observatione, inquit ut quas leges indulgent actiones, contineat id est, ut fiat per actus legitimos, puta cessionem in jure, ut *l. 1. C. Gregor. de donation.* vel per mancipationem, vel per traditionem solam, vel per traditionem, et mancipationem simul : nam et hos actus conjungi posse ostendit *l. 7. C. Theod. de don.* et Paulus 2. *Sentent. tit. 17.* his verbis : *Res empti mancipatione, et traditione perfecta, etc.* Actiones igitur hoc in loco sunt actus, ut Theodorus vertit, *πράξεις*, non jura experiundi in judicio. Quas igitur leges indulgent actiones, id est, actus legitimos, qui tamen constitutione Justiniani sunt remissi, et hodie donatio nudo consensu perficitur, etiamsi non continent legum actiones, id est, actus legitimos. Interpretes non intelligunt ea verba. Et adiecit Constantinus in hac *l. 25.* ut, quæ sit donatio sub conditione, vel lege, aut modo aliquo, de qua proprie agitur *tit. seq.* contineat, quas leges indulgent conditiones, atque pactiones, id est, conditiones, pactionesque legitimas, non jure improbatas, non turpes, non inhonestas, non illegitimas, non illicitas, quarum exempla multa suppetunt : et his conditionibus cognitis, atque legibus, quas rebus suis in donando donator dixit, tum, ut donatarius donationem, vel recipiat, vel rejiciat. Vult igitur donationem fieri conditione donationis, et causa cognita donatario, atque perpensa, nec donationem fieri *παρορπισ*, sed ab ipso donatario agnosci et accipi, quod etiam indicat *l. 13 sup. de sacros. Eccles.* quæ est constitutio Græca. Et unum casum ponit, quo donatio etiam a nemine accepta valet, ut si quid donetur ecclesiæ, vel pauperum, aut peregrinorum habitationis ædificandæ gratia. Hæc donatio consistit, etiamsi nemo ecclesiæ nomine eam agnoscat, et amplectatur. Alias non valet donatio *παρορπισ* (*quand elle n'est point acceptée*). Nec alia est ratio, cur in *l. 26. h. tit.* donatione collata a patre in filium emancipatum infantem, cujus nullus est affectus, ut possit oblatam donationem accipere, et

animo complecti, necesse sit per servum infantis rem peragi, ut per eum nomine infantis ei donatio acquiratur: cur? nisi quia non potest esse donatio sine acceptione, id est, nisi donatarius eam accipiat, vel servus ejus nomine ejus. Unde in *l. 8. §. sed etsi, ff. de bonis libert. si libertus patrono donavit, ille autem accepit*. Verum ut totam eam *l. 26. exponam, ait, a patre donationem fuisse collatam in filium emancipatum*, nam in illiusfamilias collata donatio imperfecta est, *l. 11. et 17. h. l. l.* Et ait, *infantem per servum suum accipere donationem animo servi sui*. Quid si non habeat servum? Est ei emendus, ut per eum ea res expediatur, vel adhibendus est servus publicus, ut *l. 2. ff. rem pup. salvam for.* Et hoc si pater donaverit filio emancipato infanti, forte in eo emancipando, ut sit: nec enim di citi solent filifamil quin eis aliquid erogetur a parente, quo tolerant vitam suam. Quid si alius quidam huic filio infanti aliquid donaverit? Donatio perficietur tutore auctore. Et ita Joannes accepit recte *l. 3. sup. de acquir. posse s.* Ergo perficietur patre auctore, videlicet, si emancipatione manumissor extiterit, ut ait *l. 5. sup. de dol. vel auctore, eo, qui manumissor extiterit, ut apud Ulpianum libro regul. tit. de tut. et ita explicanda est lex 26. h. tit.* Redeo ad *l. 25.* Addebatur in constitutione Constantini, quod extat etiam in *C. Theod.* sed divulgum est ab hoc loco, et translatum in *tit. de admin. str. tut. l. pupillorum, sup.* ut scilicet si tutor, vel curator minoris, cum aliquid donatur minori, negligens fuerit in excutienda conditione donationis forte gravi vimis, et onerosa minori, et molesta, et ea conditione neglecta nomine minoris donationem amplexus sit vel auctor ei fuerit amplectendæ ejus, ut damnum, quod ex ea re seussit minor culpa tutoris, vel curatoris negligentia, tutor, vel curator pro stet minori, atque resarciat. Finge donavi minori ea lege et conditione ut creditoribus donatoris satisfaciat, ut in *l. 17. hoc tit.* et donatorem opprimi multo ære alieno: tenebitur curator vel tutor, qui minus perperam consilio eam donationem est amplexus, cui onus erat impositum dissolvendi maximi æris alieni. Et ita est explicanda *d. lex pupillorum* quæ est pars hujus *l. 25.* Adhuc Constantinus in *h. l.* (quæ est ceterarum omnium princeps, et veluti arx totius tituli, quia fere omnia complectitur, quæ in perficienda donatione desiderantur) additur, inquam, in conscribendis donationibus exprimi nomen donatoris debere, et jus, quod etiam explicant male, ut cetera fere omnia: jus, id est, ex qua causa eam rem acquisierit, quam donat, ne largiatur de alieno temere, et imponat donatario. Exprimi igitur debere nomen donatoris, et jus domini, quod habet in ea re, quam donat, et eam rem designari oportere, et instru-

mentum donationis perscribi in tabulis, vel membranis, vel qua alia materia. patam, non occulte, publice, non privatim. Et rursus ab ipso donatore perscribi, vel a tabellione, vel ab alio, subscribente donatore, vel alio vice donatoris, si donator nesciat litteras, *l. 20. et 31. h. tit. §. 1. Instit. de empt. et vend.* Et ait Constantinus, in conscribendis donationibus, quia (quod mandandum) Constantinus omnimodo desiderabat scripturam in donationibus, et factam sine scriptis habebat pro imperfecta, quod etiam indicat *l. 5. C. Theod. eod.* Ideoque postea Theodosius constituit, et sine scriptis factam donationem valere, quia non valebat ante. Et Theodosius igitur ea in re mutat constitutionem Constantini, *l. 29. h. tit. et in l. 31. in fine*. Puto et Constantinum non probasse donationem collatam in hominem ignotum donatori, quoniam eam idem Theodosius eadem *l. 29.* approbat, quæ conetur in ignotum, cujus pars est *l. extraneum 2. sup. de hæredib. instit.* quæ etiam ignotum hominem heredem institui permittit, quod argumentum præbet ante Theodosium, hæc non fuisse permissa. Et præterea desiderabat Constantinus in donatione perficienda solemnitatem corporalis traditionis, quæ fieret a locatis vicinis, et testibus quamplurimis, non duobus, aut tribus, quorum fide probari posset nil actum per vim, aut fraudem, ut est aperte scriptum in *Cod. Theod.* ubi hæc lex 25. extat plenior *l. 1. eod.* Desideravit etiam primus Constantinus, quod usque in hunc diem manet, donationem allegari, id est, insinuari apud acta judicis ordinarii, puta præsidis provincie, vel magistratus municipalis, ut in fine hujus legis. Et quod attinet ad solemnitatem traditionis, jam dixi, eam a Justiniano esse remissam, et hodie perfici donationem consensu, non re. Quod autem attinet ad Advocatorem vicinorum, et plurimum testium, hoc mutat *l. 3. h. tit.* hac ratione, quod sint superflui testes, ubi publica monumenta sufficiunt, *l. omnium, sup. de testam.* Insinuatio donationis est publicorum monumentorum consecratio, et contestatio. Imo, quod mirum est ex *d. l. 31.* quibus casibus non sunt necessaria publica monumenta, id est, quibus donatio perficitur siue insinuatione (sunt enim multi casus, qui explicabuntur die crastino) his, inquam, casibus, si donatio fiat ex scripto, ex *l. 31.* non requiruntur testes, sufficit scriptura, vel a tabellione, vel ab alio quolibet confecta, et subscriptio donatoris. Qua in re multum distat donatio inter vivos a donatione causa mortis, quæ non insinuat, et licet fiat ex scripto, exigit 3. testes, quia instar habet ultime voluntatis, *l. ult. inf. de mort. causa donat.* At donatio inter vivos, quæ insinuat, vel non, si fiat ex scripto, contenta est subscriptione

donatoris, sicut chirographum non desiderat testes, sed sufficit subscriptio debitoris. Quod autem ad actorum testamentum, sive insinuationem attinet, quam primus Constantinus desideravit, huic rei posteriores constitutiones modum imposuerunt: nam quod aperte statuit Constantinus in hac l. 25, ut et donatio mortis causa insinuetur, hoc mutat lex. ult. inf. de mort. caus. donat. Et intra certam summam alie constitutiones non exegunt insinuationem, nec ultra eam quantitatem, sive summam certis casibus, qua de re tractabimus in l. 34. Quamobrem Tribonianus ad constitutionem Constantini in fine, ubi Constantinus exigit insinuationem, adiecit hæc verba, *ubi hoc lex expositulant*. Nam Constantinus indistincte omnibus casibus exigebat insinuationem in donationibus. Alias vero, ubi est necessaria insinuatio, etiam hodie si fuerit omissa, donatori est integra vindicta rei donatæ, tanquam dominio non amisso. Et hoc ostendit l. ult. sup. de jur. dot. et l. 39. sup. de Episc. et Cler. At præterea Constantinus non aliter insinuationem fieri voluit apud magistratum municipalem, quam si abesset præses provincæ, l. 3. C. Theod. od. quod etiam probat lex pen. eod. Verum hoc postea mutavit Leo in l. 30. hoc tit. quæ relinquit in arbitrio donatoris, ut donationem insinuet apud præsidem provincæ, vel apud magistratum municipalem, sive absens sit præses, sive præsens. In hoc consentiunt omnes constitutiones, ut insinuatio fiat ubi donatio celebratur, non ubi res donatæ sitæ sunt, et collatæ, l. 27. in fine, et l. 30. et 32. h. tit. In hoc etiam consentiunt, ut exceptis certis casibus necessarii sit insinuatio, etiam in donatione, quæ sit inter parentes, et liberos, l. 27. Et de insinuationis necessitate, et ratione notandus est hic locus Cassiodori libro 9. in edicto Attalarici Regis. *In allegant one*, inquit, id est insinuatione, *justissime larg totis*, illam distinctionem volumus cus oñiri, *quam pro veritate sollicite legalis sanxit antiquitas*: sic enim (ut ipse testatur) et fraudi non patebit occasio, et veritati major constabit auctoritas: hæc est ratio desideratæ insinuationis. Porro Constantinus, quæ tam multa requirit, ea requirit nominatim in hac l. 25. in omni donatione, et primum in directa, id est, simplici, absoluta, plena, pura, presenti, cui neque illes, neque conditio, neque modus adjicitur, ut Concilii Toletani 4. Canon. 72. directa munusmissio, cui nullus adjicitur modus, nulla retentio obsequii, vel operarum. Item ea omnia requirit in donatione, mortis causa: ergo et inter cetera solemnia in ea requirit insinuationem, quod tamen tollit d. l. ult. Item eadem requirit in donatione facta sub conditione, vel modo, vel ex certo tempore, de qua proprie in tit. seq. Et quod ait (ex certo tempore) sic accipi debet,

a certo tempore, puta a Calendis Jul. ut res tua fiat ex donationis causa, vel ad certum tempus, aut incertum: nam et ita facta donatio hodie valet, veluti ut post mortem donatarii redeat ad donatorem, l. 2. et 3. tit. seq. l. ult. sup. de legat. Et postremo Constantinus ea omnia requirit, in donatione, inquit, *animo dantium, accipientiumque sententiis, quantum jus sinit cognominata*. Accursius hæc non intelligit, Theodorus intelligit, sed ejus interpretatio auxilio, et adseritione indiget. His verbis Constantinus agit de donatione, quam donator, et donatarius, non donationem nuncupant proprio nomine, sed cognominant venditionem, aut conductionem, aut transactionem. hoc tantum acto tacite: ut donatio sit, ut si fiat venditio, vel conductio imaginaria, ut l. si quis conduxerit D. loc. l. si usu fructus D. de ju. dot. Hoc negotium ea omnia requirit, quæ donatio ipsa palam nuncupata donatio. Donationis nomen per se solum non facit donationem, sed mens dantis, et accipientis, l. 15. § Papinianus, D. loc. Verum ait Constantinus, *quantum jus sinit*, id est, quibus casibus est permissa venditio, vel conductio imaginaria donationis causa: nam in fraudem legum, veluti legis Cincie, vel legis Julie repetundarum, ipso jure nulla est venditio imaginaria, quæ ferat illicitam donationem, ut in l. emptor, D. de aqu. plu. arc. l. pen. D. ad leg. Jul. repet. l. 10. sup. de distract. pignor. l. nuda, D. de contrah. empt. l. contractus. D. de obligat. et action. Neque vero mirum videri debet, si tam nulla exegerit Constantinus in donatione omni: nam et olim ante Constantinum multo strictius sunt acceptæ donationes, quod heri ostendit uno exemplo ex l. il'am h. l. l. et ostendam vinctio alio, quod non aliter valebat donatio omnium bonorum, vel partis, puta dimidiæ, vel tertiæ, quam vocant *quartam partem*, quam si donator singulas res percensuisset, et percensuisset, l. 1. et 2. Cod. Gregor. de donat. quod jus optimum erat: quia improvidi plerique, quibus excidit verbum illud (omnia bona) perarpe nesciunt, quid habeant in bonis; et ideo, ut appareat eos scire quid faciunt, sive donent omnia bona, seu partem, exigitur ab eis recensitio singularium rerum. Non faciunt jura donationibus, nisi fiant pietatis causa, quia plerique spectre donationis, et liberalitatis abutuntur ad luxum, et prodigalitatem. Vulgo dicitur donare esse perdere, ex l. filiusfam. D. de don. nec tamen, qui donat, perdit omnino, quia beneficium debitorem acquirit jure gentium, l. si pignore, §. 1. D. de furt. At jure civili perdit, quia donatio repetitionem non habet, jure gentium non perdit. Proprie perdere, est obligare, vel acerto dare, itemque credere filiofam l. contra Senatusconsultum Maced. ut ait l. 3. D. ad Senatusc. Maced. quod

tamen donare vocat, l. 6. D. si quid in fraud. patr. Et ita Piso in Orat. habita adversus Othonem apud Cornelium Tacitum lib. 1. Hist. Falluntur, inquit, quibus luxuria specie liberalitatis imponit: perdere iste sciet, loquens de Othone, donare nesciet. Et ita Tertull. libro de Patientia: Non piget donare ei, qui non timet perdere.

Ad L. XXXIV.

Sancimus omnem donationem, sive communem sive ante nuptias factam, usque ad 300. solidos cumulata non indigere monumentis sed communem formam habere; ut non usque ad ducentorum solidorum summam teneat: sed in hujusmodi observatione similes sint tam communes, quam ante nuptias donationes. Si quid autem supra legitimam definitionem fuerit donatum: hoc quod superfluum est tanummodo non valere: reliquam vero quantitatem, quæ intra legis terminos constituta est, in suo robore perdurare, quasi nullo penitus alio adjuncto, sed hoc pro non scripto, vel non intellecto esse credatur. Exceptis donationibus, tam imperialibus, quam his, quæ in causas piissimas procedunt, quarum imperiales quidem donationes merito indignari sub observatione monumentorum fieri, tam a retro principibus, quam a nobis sancitum est, sed firmam habere propriam majestatem, etc.

Lex 34. quæ tota est de insinuandis donationibus nobilissima est (quales sunt omnes, quæ eandem habent subscriptionem) puta, quæ testatur recitatum fuisse constitutionem Septimo, in novo consistorio palatii Justiniani. In l. sancimus, sup. de sacrosanct. Eccles. integri oratione subscriptio sic habet, recitata 7. miliario, et Novella quoque de hereditatibus, quæ ab intestato defer. apud Julianum antecessorem. Et ut in veteribus legibus in l. 30. sup. de fideicom. recitata 7. miliario, id est, palatium Imperatoris, quod fuit in suburbis Constantinopoleos, in quo Justinianus juri dicundo novum consistorium extruxerat. Idque palatium, quod plenius dicitur septimum miliarium, aliquando simpliciter septimum tantum appellatur, ut in subscriptione hujus legis, recitata septimo: et in subscriptione l. 19. sup. de jure delib. et ut in veteribus legibus, in subscriptione legis 6. supra de bonis, quæ liber. acquir. recitata septimo, etc. Et apud Sozomenum 7. cap. 21. quod simpliciter vocatur ἑπτάμυλον. Cassiodorus interpres Latinus Sozomeni vertit Septimum miliarium, perfecta oratione. Unde fit manifestissimus error, qui non uno loco, sed quatuor, aut quinque admissus est, ut in subscriptione l. pen. sup. de reb. cred. et l. 30. sup. de jur. dot. et l. ult. sup. de

legit. tut. l. 3. sup. de bon. libert. l. litibus, inf. de agric. et cens. In quibus locis, pro (recitata septies) emendandum est (recitata septimo) quod non numerum, sed locum significat. Eadem sorte ratione dictum est septimum, quæ decimum suburbium quoddam Carthagini, quod auctore Procopio ab ea distabat stadiis septuaginta. Omnes autem hæc constitutiones quæ illo loco recitate proponuntur, sunt celeberrimæ, et de jure, aut multa, aut singularia quæque continent. Primum autem in hac l. 34. agitur de quantitate et summa, intra quam recte sit donatio sine insinuatione. Olim nulla donatio indigebat insinuatione, nulla erat referenda in acta publica. Primus Constantinus voluit donationem insinuari, l. 25. hoc tit. quod tamen ipse patri suo tribuit in l. 1. C. Theod. de spons. Et omnem donationem sine ulla exceptione, directam mortis causa, piam, conditionalem, suo proprio nomine, vel quo alio adumbrato nuncupatam, ut exposui nudiusquartus. Neque tamen addidit Constantinus donationem ante nuptias, sen propter nuptias, quæ dotein contra a marito confertur in uxorem, quam tamen addit Justinianus in hac lege, quia scilicet usus ejus tempore Constantini nondum inoleverat. Post Constantinum Theodosius a necessitate insinuationis excepit donationes, quæ consistere intra quantitatem 200. aureorum, sive solidorum. Hoc ita constituit Theodosius in l. ult. C. Theod. de sponsal. Idque vult obtinere, ut ait, non tantum in donatione ante nuptias, de qua propria agitur d. l. ult. sed in omnibus, ut si non superent 200. aureos, necesse non sit eas referri in acta publica. Post Theodosium Justinianus primum quidem in hac lege eam quantitatem produxit usque ad trecentos aureos, intra quam non exigeretur insinuatio donationis, neque communis, ut ait, id est, quæ vulgo sit inter vivos pure, vel conditionaliter, vel in diem, vel expressim, vel tacite: neque donationis ante nuptias, sive propter nuptias. Et nil dixit Justinianus de donatione causa mortis, quod scilicet in hac existimaret, non esse necessariam insinuationem cujuscunque quantitatis fuerit quod et post hanc legem patefecit anno sequenti, l. ult. inf. de mort. caus. donat. quod comparentur legatis, quæ non insinuantur. Deinde vero idem Justinianus, quod specialiter constituerat ante in donatione facta civitatibus, vel Reipubl. et in donatione facta pauperibus, vel locis pietati dedicatis, ut intra summam quingentorum aureorum ea donatio valeret, etiamsi insinuate non esset, l. illud. sup. de sacros. eccles. quod etiam repetitur in hac l. §. alias, id postea idem constituit in omnibus donationibus quantitate trecentorum, quam finit hæc lex, producta ad 300. intra quam summam nulla donatio indigeret acto-

rum monumentis, *l. pen. §. ult. hoc tit.* Et utimur nos hodie unguis lege Constantini, quoniam volumus, aut principes nostri volunt, cujuscunque quantitatē donationem insinuari: nam et Constantinus non habuit rationem quantitatē, sed cujuscunque quantitatē donatio foret, eam insinuari, et intimari voluit, quo jure utimur. Ostenditur in hac lege donationem, quæ excedit legitimam quantitatem, nec est insinuata, in eo tantum, quod superfluum est, inutilem, in res duo esse utilem, ut si fuit 800. in quingentis, secundum *leg. pen.* utilem esse, in trecentis inutilem, nec vitari utilem per inutilem. Idemque habetur *Novella 162.* et idem dicitur in stipulatione *l. 1. §. pen. D. de verborum oblig.* Et adeo est verum, ut et inutilis stipulatio aliquando, id est, quæ per se foret inutilis, confirmetur per Adjunctionem, et conjunctionem utilis stipulationis, ut *l. 1. §. 1. sup. de rei ux. act.* quod ibi rectissime Græci explicant, appposito exemplo ex jure veteri, et potest apponi aliud in donatione ex *l. si sponsus, §. generaliter, D. de donat. inter virum et uxor.* Et aliud in mandato, ex *l. 2. §. mea, et aliena, D. mand.* et in auctoritate tutoris, ex *l. 1. §. 1. D. quod fals. tutore auctore.* Quod autem dicimus, donationem, quæ excedit legitimam quantitatem, nec est insinuata, partim esse utilem, partim inutilem, idem obtinuit, si quid supra modum legis Cincie, quæ fuit de donationibus, donationis causa promittatur: nam ut *l. Falcidia legatis*, lex *Papia dotibus*, lex *Caninia manumissionibus*, quæ donationis et liberalitatis genera quædam sunt: ita lex Cincia aliis donationibus imposuit certum modum, ultra quem donare non liceret, quod etiam demonstrat veteres non fuisse donationibus. Et de hoc modo legis Cincie est intelligenda *l. cum de modo, et l. ut mihi, et l. Modestinus, et l. fidejussori, D. de donat. et l. pure, §. si donavi, D. de dol. except.* maxime cum in libris nostris adhuc supersit mentio legis Cincie, ut in inscriptione *legis contra legem, D. de legibus*, et in *Novella 162.* ubi ego jampridem perspicue ostendi, pro (*Ælia*) legendum esse *Κύνειον*, id est, *Cincie*. Et *l. 3. C. Theod. de donationibus*. Hoc autem distat lex Cincia a constitutionibus Theodos. et Justiniani, quæ etiam videntur modum imponere donationibus, quod lex Cincia cohibet, et coarctat licentiam donandi, illæ autem constitutiones coarctant tantum licentiam committendæ insinuationis. Nam ex illis constitutionibus non omisso insinuatione, donare licet in infinitum, et tamen in superioribus legibus, quas retuli ad modum legis Cincie, Græci et Latini interpretes, legitimum modum accipiunt de harum constitutionum modo intra quem insinuatio donationis non requiritur, vel quia ignoraverint eas leges proprie perti-

nere ad legem Cinciam, et illam exceptionem solemnem immodicæ donationis ex lege Cincia, cujus formula proponitur in quibusdam ex illis legibus, quod supra legitimum modum donatum non sit, vel quia, si hoc non ignoraverint, data opera eas accommodarunt, et inflexerunt ad has constitutiones novissimas, quibus licet non observato modo legis Cincie donare, sed non sine insinuatione. Verum, ut ex iis constitutionibus facta donatio supra legitimam quantitatem sine insinuatione non est omnino inutilis; ita nec facta supra modum legis Cincie erat omnino inutilis, sed detracto superfluo, in residuo erat utilis, *d. l. ut mihi, sup. de donat.* Sequuntur in hac lege casus, quibus donatio facta supra legitimum modum non indiget insinuatione. Primus est, si fiat a Principe, cujus donatio est lex, quod hoc in loco Justinianus ait, ante se alios Principes constituisse ut nulla donatio principis exigeret insinuationem: et vero ita constituisse Zenonem, idem Justin. testatur *Novella 52.* Secundus casus hic est, qui et tertium complectitur, si fiat propter nuptias sceminae minori 25. ann. *auxilio patris destitutæ*, ut ait *l. minoribus, sup. de donat. ante nupt.* *auxilio patris destitutæ*, id est, sui juris sceminae, matrifam. minori 25. ann. Nam ei, quæ est in potestate patris, quia patri acquiritur, non valet facta donatio propter nuptias cujuscunque quantitatē citra insinuationem. Idemque in sponsalitiis muneribus factis minori decrevit constit. *l. 3. C. Theod. de spons.* At hodie ex *Novella 119. et 127.* etiam sceminae majori 25. ann. et sui juris facta donatio propter nuptias cujuscunque quantitatē insinuatione non indiget, quatenus mulier ex ea lucrum sperat, quæ est æquissima constitutio, quoniam donatio propter nuptias respondet doti, est examen dotis, id est, datur contra dotem, et quasi dos est mariti. Certum est autem dotem cujuscunque quantitatē sit, non insinuari, neque donationem mulieri factam dotis causa ab eo, qui pro ea dotem dat, in *l. ult. sup. de jure dot.* Addendi sunt alii casus ex *l. pen. hoc tit.* quibus valet etiam donatio supra legitimum modum sine insinuatione, ut fiat causa redemptionis captivorum: non dico generaliter, si fiat pietatis causa, quia et aliæ, quæ pietatis causa fiunt, desiderant insinuationem, cum excedunt legitimam quantitatem, *d. l. illud, sup. de sacros. eccles.* At quæ fit specialiter ex causa redemptionis captivorum, quantacunque sit, non desiderat insinuationem. Addit etiam *lex pen.* aliam piam causam, si quis misertus ejus, cujus ædes corruerunt, vel incendio consumptæ sunt, ei donavit in refactionem ædium suarum: nam hujus quoque donationis quantitas non spectatur, aut insinuatio, quantacunque sit non requiritur, sed quod donatum est, trahitur

ei qui hunc cladem passus est, ut ædes reficiat; quibus relictis, an cogitur reddere rationem, si forte dicatur, totam pecuniam, quæ donata est, cum non erogasse in perfectionem ædificii? Minime, sed satis est, si totam eam pecuniam in eam rem consumpsisse se juret: sicut etiam, cum pecuniæ quantumvis immensæ dantur Episcopo ad redemptionem captivorum, ex *l. pen.* satis est, si juret, se totam eam pecuniam in eam rem erogasse. Ad-ditur etiam in *l. pen.* non indigere insinuatione donationem rerum mobilium, non immobilium, quæ sit militibus a magistro militum, vel de suo, vel de præda, aut manubiis, de spoliis hostium, ut ait, qui locus est notandus, quia indicat, prædam mobilium rerum, vel animalium non protinus cedere militibus, sine permisso ducis, aut magistri militum, sed redigi in publicum, et ex redacto fieri donativa militibus, ut *l. pen. D. ad leg. Jul. pecul.* Postremo addatur etiam alius casus ex *l. 39. sup. de Episcop. et cleric.* quæ est Græca constitutio, ex qua donatio rerum mobilium facta monasterio ab eo, qui ingressus est monasterium, factus monachus, cujuscunque sit quantitatis, non exigit insinuationem, nec possit ille, si exeat monasterio, exualqûe monachismum prætextu omisse insinuationis vindicare res mobiles, quas intulit in monasterium. Immobiles poterit vindicare omissa insinuatione, non mobiles: quem casum Theodorus notavit in hac lege, sed perperam adjecit etiam alium casum ex *l. 25. sup. de donat. inter virum et uxorem.* Donatio inter patrem et filium-famil. vel inter virum et uxorem ipso jure non valet, sed conualescit silentio, et morte donatoris, id est, si in eadem voluntate perseveraverit usque ad mortem. Nec obstat regula Catoniana, quod ab initio non valet, ex post facto non valere, quæ eveniet sæpe, ut vos quidam incessant; quoniam ad eam duæ sunt responsiones, quarum alterutra cum objicitur poterit contra objici, ut dicas, veram esse regulam jure directo, sed ex æquitate conualescere, et directam quidem actionem non dari, quia obstat regula, sed utilem. Item, ut in proposito, licebit dicere conualescere, quod ab initio non valuit, etiam directo jure, quando extat lex certa, quæ hoc statuit, ut lex illa 25. Verum ita distinguit, aut pater, vel conjux, qui eam donationem fecit, moriens eam confirmavit nomination in testamento, aut non: si non confirmavit nominationem, si siluit, ipso jure confirmatur, et valet ut donatio, si modo insinuata fuerit, quæ excedit legitimam quantitatem, et retrahitur, id est, fingitur valuisse ab eo die, quo primum facta est, non a die mortis donatoris. At si sit confirmata nominationem, tunc valet, etiam si non fuerit insinuata. Est igitur hic unus casus; quo donatio non insinuata valet: num

ita est? minime, quia eo casu, cum confirmatur nominationem testamento, vel codicillis, non valet ut donatio, sed ut legatum, vel fideicommissum, quod ex eo apparet, quod non retrahitur, sed valet tantum ex die mortis. Igitur hic casus non debet addi superioribus. In *l. 34. §. si autem in auro,* Justinianus declarat, legitimam quantitatem 500. aureorum, vel hodie 500. intra quam non est necessaria insinuatio donationis, non tantum observari in pecuniis, quæ donantur, sed etiam in estimatione rerum donatarum, ut in eo, quo-pluris sunt res, quam efficiat summa quingentorum aureorum, donatio non insinuata inutilis sit, in reliquis utilis. Verum ita si donatio rei corporalis non insinuata partim probetur, partim improbetur, necessario ea res fiet communis inter donatorem et donatarium: ut si res donata sit digna mille et quingentis, fiet communis inter donatorem, et donatarium ratione revocata ad assem, pro besse et triente, donator habebit decem, donaturus trientem. At communio ut ait in *§. ne autem*, quantas lites et discordias excitat, non est incognitum. Aristoteles 2. Politic. *Malto plus controversari eos inter se, qui bona communia possident, quam eos, inter quos sunt distincta dominia rerum.* Qua ratione etiam improbat communionem omnium honorum Respubl. Platonis, tanquam causam litium et controversiarum civitatibus allaturam. Igitur hujus incommodi tollendi gratia, id est, ne qua sit communio rei donante inter donatorem et donatarium cum est omissa insinuatio, definit tollendæ communionis causa, ut donator, cujus pars major est, nempe bessea in specie, quam possit, a donatario redimat partem minorem, id est, trientem, vel cessante donatore, ut donatarius ab eo redimat partem majorem, id est, bessem: scilicet, si res commoda dividi non possit, ut animal: vel si res dividi possit, et hoc malit donator, ut perveniat ad divisionem. Quod si ea res sit communis inter donatorem et donatarium ex æqualibus partibus: finge rem donatam sine insinuatione esse 1000. dignam, erit communis inter donatorem et donatarium pro semissibus, id est, pro æqualibus portionibus. Hoc casu, quid sit statuendum communionis tollendæ gratia, Justinianus non definit hoc loco, nimirum quia perspicuum erat hoc casu, alterum altero non esse potiorum in redimenda parte socii, sed hoc esse relinquendum arbitrio judicis communi dividundo, vel in communionem permanendum: denique tunc duntaxat potest alter ab altero, etiam invito, partem redimere, cum res communis est ex inæqualibus portionibus. Et ita est hic locus explicandus. Post hæc in *§. si quis autem per diversa*, proponit Justinianus hanc questionem. Si quis plures donationes, non uno tempore simul, sed diversis temporibus in unum contu-

lerit, nec eas insinaverit, et singule donationes sint infra, coervate autem sicut supra legitimam quantitatem, an omnes sint utiles? Et de aut, omnes esse utiles ut scilicet singularum per se quantitas spectetur, quæ est infra quantitatem legitimam, ne desiderantem insinuationem, conservatio, et computatio omnium, ne spectetur: quia non una, sed plures donationes sunt, scilicet, cum sunt facte diversis temporibus, quæ sententia humanior est. Et eodem modo in *l. si idem, D. de jur. sicut omnium judicium* si apud magistratum municipale, qui jus dicere potest donec usque ad certam quantitatem, ut plerique hodie sunt iudices, ut iudices hujus civitatis in causis civilibus cognoscere possunt usque ad certam quantitatem; *aux steges presidium*. Si igitur apud magistratum, cui data est jurisdictio usque ad certam quantitatem tantum, pluribus actionibus sit actum ab uno eodemque, adversus unum et eundem, quarum singularum quantitas sit infra jurisdictionem magistratus, conservatio vero excedat modum jurisdictionis ejus, placet apud eum, ut omnibus recte actum intelligatur, inspecto singularum modo, non omnium in unum collectarum modo, nec magistratu vocato ad totam computationem, quo jure et amittitur. Et simile est exemplum de lege Vocantia apud Quintil. Declamat. 164. quæ lex ponit, mulieri, plusquam semissem bonorum relinqui non posse. Et quaeritur, si pluribus mulieribus minores aliquanto portiones testator reliquit, quæ tamen computatæ, et in unum contractæ efficiant plus, quam semissem bonorum, an omnes repellantur mulieres ab eo, quod ea relictum est? Et verius est, nullam repelli, cum ex eis nulla supra semissem acceperit: non vocari igitur eas ad totam computationem, sed singulis, quod sit relictum, computari singulatum. Nec recte in contrarium ducitur argumentum ex *l. 10. §. 1. D. de appellat.* quoniam in ea lege proponitur una tantum fuisse actio, quæ tamen plurima habuit capita (*plusieurs articles*) plures species, quæ non singulatum, sed conjunctim computantur, quia una est actio plurium membrorum: nam et idem dicemus, si una fuerit donatio, quæ plura capita in se habet, id est, conjungemus omnia capita. Idem dicemus in specie Quantiliani, si una sit mulier, cui plura legata sint relictæ. Unde non obstat etiam, quod ait Accursius, *si uni plura legata relictæ sint, omnia cumulari et conservari in ponenda ratione legis F. ludiæ*, sicut si una mulier fuerit, cui relictæ sint legata plura, in supradicta specie, omnia legata communi calculo subjiciuntur, quia uno tempore in testamento relictæ sunt. Et hic §. loquitur tantum de donationibus, quod trahi potest etiam ad legata facta per diversa tempora. Sequitur alia quaestio in §. ult.

Tom. IX

mo: quidam donationis causa Lucio Titio stipulanti promisit 30. annua, 30. in annos singulos. Quaeritur utrum una sit stipulatio, sive donatio, an plures? Si una, necessaria est insinuatio, quia annue præstationes in immensum excrecere possunt: si plures, non est necessaria insinuatio inspecto singularum modo: utrum igitur una est donatio, an plures? Justinianus in §. ult. ita distinguit: aut id actum est, ut annua præstatio illa morte donatoris, aut donatarii extingueretur: aut id actum est, ut transiret etiam in heredem donatarii. Priore casu cum adjectum est tempus vite donatoris, vel donatarii, plures donationes esse intelliguntur, quia etsi fieri possit, ut diu vivat donator, vel donatarius, et ita annue præstationes crescant in immensum, fieri etiam potest, ut perexiguo tempore vivat, et ita brevi tempore donatio extinguatur, et sub incerto hujus rei, id est, vite longævæ, aut brevæ, melius est non desiderare insinuationem donationis certe summe annuæ, cui adjectum est tempus vite donatoris, vel donatarii. Posteriori casu cum non est adjectum tempus vite donatoris, neque donatarii, sed facta est hæredismutio, ut scilicet etiam heredi donatarii hæres donatoris præstaret eam pensionem annuam; hoc casu, quia infinita est, et perpetua donatio, aut stipulatio donandi causa facta, una esse intelligitur, et tanquam immensa in unum coactis multorum annorum pensionibus, apud acta est insinuanda, aut non insinuata, pro nulla habetur in eo, quod excedit. Sed quo loco de hoc posteriori casu agit Justin. in fine hujus legis, ut legit Isidorus, et ex contrario prioris casus inducitur est legendum: *Sin autem etiam heredum ex utraque parte facta fuerit mentio, nec adjiciatur tempus vite, non vel adjiciatur*: quod pluribus exequitur, et confirmat observatio decima quinta. Neque vero existimandum est ullo modo adversari, imo contra maxime consentire hunc §. cum *l. senatus, §. ult. ff. de mort. caus. don. et l. 16. §. ult. ff. de verb. obligat.* quibus locis dicitur, *stipulationem conceptam in annos singulos tot dari, unam esse et incertam* (quæ infinita est, et in heredem transmittitur) et perpetuam: nam idem etiam dicitur in posteriori casu hujus §. unam esse stipulationem donandi causa interpositam, quæ quis promisit se, heredemque suum, Lucio Titio, heredique ejus quotannis donaturum 30. non adjecto tempore vite donatoris, vel donatarii. Et in priori casu cum quis donandi causa promisit 30. annua in tempus vite etiam erit idem in omni stipulatione concepta in annos singulos, quoad vivet promissor, quoad vivet stipulator: quia non intelligitur una esse stipulatio, sed plures: sicut si legatur in annos singulos, non unum, sed plura legata esse intelli-

gnatur, l. 4. de ann. leg. quia etiamsi dictum non sit, legatum annuum semper intelligitur relinqui in tempus vite legatarii, nisi ei relictum sit nominatim, et heredibus ejus ut in l. in annalibus, sup. de legat. quo casu idem jus est legati, ut sit unum scilicet, et stipulationis, cui non est adjectum tempus vite. Et hæc de lege tricesima quarta.

Ad L. XXXV.

Si quis argentum donaverit, certumque pondus nominaverit, non autem alias, vel generaliter, vel specialiter expresserit: necessitatem ei imponimus omnimodo præfatum pondus argenti dare, sive in vasis, quibus voluerat: non tamen pejoribus æstimatione massæ, sive in ipsa æstimatione, quæ pro massa rudi in illis locis frequentati est.

§. 1. *Si vero redditum certum ex possessionibus donaverit, non tamen nomina possessionum edixerit: necesse habere de sua substantia fundos tradere, tantum redditum inferre valentes, quantum in donatione posuerit: in talibus tamen agris, qui nec omnibus, quos habet in possessione, anteponuntur, nec deteriores omnibus sunt sed status mediocris inveniuntur.*

§. 2. *Smilique modo si quis certum numerum servorum donaverit, non tamen et hic nominatim servos inscripserit, et hic mediocris figuræ servos tradere, et neque tales, quos non habere magis, quam habere prodest, nec iterum eos, qui omnem servorum familiam donatoris antecellunt, sed et hic mediocritas spectetur.*

§. 3. *Sin autem donator, neque argentum, neque servos habens, vel non tantum, quantum donavit, fecerit eorum donationem: æstimationem in his celebrari pro eo, quod deest: ita tamen ut argenti quidem (secundum quod prædiximus) æstimatio detur: in servis autem non amplius, nec minus quindecim solidis quantitas pro singulis detur. In redditibus autem in quindecim annos æstimationem præstet. Sed in his omnibus, siquidem intra legitimum numerum donatio fiat, nulla monumenta requirantur. Sin autem amplioris summæ; tunc ad acta publica recurratur: ita ut in his, quæ amplioris sunt æstimationis, secundum nostram legem non totum, sed solum superfluum evanescat.*

§. 4. *Sed et si quis universitatis faciat donationem, sive bessis, sive dimidiæ partis suæ substantiæ, sive tertiæ, sive quartæ, sive quantæcunque, vel etiam totius, si non de inofficiosis donationibus ratio in hoc reclamaverit, coarctari donatorem legis nostræ auctoritate tantum, quantum donavit, præstare: observatione et hic monu-*

mentorum (secundum quod jam sancimus) omnimodo requirenda, etc.

In l. tricesima quinta primum tractatur de eo, qui donandi causa promisit, exempli gratia, *decem pondo auri, et argenti*, nec alias expressit quicquam generaliter, vel specialiter: generaliter hoc modo: *va a decem pondo argenti*. Specialiter hoc modo: *lancem decem pondo argenti*. Nil ita expressit generaliter, vel specialiter, sed promisit simpliciter decem pondo argenti. Queritur, quid præstare teneatur? Et docet Justinianus eum liberari præstando pondus illud confectum in massam, vel vasa ejusdem ponderis et pretii, vel massæ communis æstimationem in pecunia numerata. Et ita pro pondere promisso eum numerum exsolvere posse, etiam invito donatario: pondus et numerum vice mutua fungi. Hæc est sententia legis, cui ideo obijcitur, quod jactatur vulgo, *aliud pro alio solvi non posse invito creditore*. Et respondent glossæ hoc fieri in donationibus, favore donationis, atque etiam in legatis favore ultimarum voluntatum. Nihil ista opus est allegatione favoris liberalitatum. Sed dicendum est, donato, vel legato certo pondere argenti, non designato corpore ullo generaliter, vel specialiter, sed hoc dicto duntaxat, *Dono, vel lego decem pondo auri Lucio Titlo*, hoc casu videri legatam æstimationem, videri in legato esse magis quantitatem et numerum, quam corpus ullum, denique videri legatam pecuniam. Inde sequitur, enim, qui solvit pecuniam, quanti communiter æstimantur decem pondo auri, non solvere aliud pro alio, l. cum aurum, §. 1. et l. 1. in fi. et l. 10. ff. de aur. et arg. leg. At si corpus designatum sit generaliter hoc modo: *vasa decem pondo auri*, vel specialiter, *scyphum decem pondo auri*, invito donatario, vel legatario, provasis, aut scypho non potest solvi pecunia, quia certum corpus, vel incertum, puta generaliter designatum est. Et eadem est ratio in mutuo. si quis crediderit alteri rudem massam auri, vel argenti, holum auri, vel argenti, quoniam dedit certum corpus, pro quo debitor invito creditore non potest solvere pecuniam, sed debet reddere massam ejusdem ponderis, non eandem quidem, sed aliam ejusdem ponderis, quia intercessit certum corpus. At, ut recte ponit hæc lex cum nullum corpus designatum est, nec generaliter, nec specialiter, sed donata sunt *decem pondo auri*, magis quantitas donata videtur, et licet donatori defungi solutione pecuniam numeratæ, quanti vulgo æstimantur decem pondo argenti. Et sequitur simile quiddam in hac lege, si quis *redditum certum donaverit ex possessionibus*, puta decem modios frumenti annuos, nec designaverit ex quibus possessionibus, enim teneri tradere possessiones, ex quibus quotannis hic redditus redi-

gi, et effici possit, non quidem optimas, nec pessimas, sed mediocres: sicut cum generaliter promisi servos, mediocres dando liberabor: sicut cum legati sunt servi tres generaliter, vel servus unus generaliter, neque optimum præstabit hæres, neque pessimum legatarius accipere compelletur, sed præstandus mediæ generis servus, servanda est in ea re mediocritas, *l. legatio, ff. de leg. 1.* Et hoc si non designaverit possessiones, ex quibus ille redditus colligeretur: sed si designaverit donator, eas ipsas tradere tenetur, non favore liberalitatis, ut glossa notat (raro enim favent jura donationibus) sed quia cum voluerit donatarium per se eum redditum percipere, non accipere de manu sua, necesse est ei tradi possessiones, ex quibus per se reficiat, recolligatque eum redditum, quod et hic recte notat Joannes Faber. Postremo querit Justinianus, quid sit dicendum, si is, qui argentum infectum, *qui n' est point monoyé*, non habet vel servos, vel fundos, donaverit certum pondus argenti, vel servos aliquot, vel redditus certos ex suis fundis? Et si certum pondus argenti, hoc jam est explicatum, præstari debere æstimationem communem ejus ponderis, id est, massæ tanti ponderis: si servos aliquot promiserit donandi animo, nec ullos habeat, præstare debet donatario, non quanti communiter servi æstimari solent (communis æstimatio est viginti aureorum, *l. 2. sup. de fide commiss. libert. l. Papinianus, §. ult. et l. seq. ff. de inoffic. testamento*) sed servanda etiam hic est mediocritas, ut præstet donatario pro singulis servis non 20. sed quindecim aureos. Quod si redditus promiserit ex fundis, qui nullos habet, liberabitur præstando æstimationem 15. annorum, id est, quanti sunt redditus 15. annorum, qui refici possunt ex fundo aliquo mediocri, pretii et proventus mediocris. Quod si quis donavit omnia sua bona vel partem dimidiam, aut, tertiam, omnimodo debet implere donationem, adhibita insinuatione, abrogato jure veteri, quo donatio omnium bonorum, vel partis, alias solemnitates desiderabat: hodie donatio omnium bonorum, vel partis insinuata omnimodo valet, nec potest rescindi ulla ex parte, nisi (ut ait *§. sed et si quis*) inofficiosa fuerit, id est, nisi minuat, vel absumat liberis donatoris portionem legitimam: nam, quæ hoc facit donatio, est inofficiosa, et rescinditur non in totum, ut ostenditur *tit. de inoffic. donat.* sed pro modo legitimæ portionis tantum. Attendum est ad *leg. si quis argentum*, quod non memini exponere nudius tertius, ait Justinianus in hac *leg. §. si autem*, si donator certum pondus argenti donaverit, qui argentum non habet, donatario debet æstimationem, quia magis quantitas donata videtur, *l. cum aurum, §. 1. ff. de aur. et arg. leg.* magis, inquam, quantitas donata

videtur quam ullum corpus, quod etiam nullum designatum est certum vel incertum. Si autem donaverit servos aliquot, qui servos non habet, quia et hic cum non habeat servos, pretium servorum donasse videtur, id debetur donatario, seu stipulatori usque ad aureos 15. pro singulis. Itaque debetur pretium servorum non quanto maximo, vel quanto minimo comparari possunt optimi servi, vel pessimi, sed quanto possunt comparari homines mediæ actus, mediæ generis, ut servetur in ambiguo mediocritatis ratio. Non loquitur Justinianus de eo, qui fundos donavit, aut se donaturum promisit, cum non haberet fundos, quia ea donatio esset inutilis ad similitudinem legati et stipulationis, ut *l. cum post divortium §. gener. ff. de jure dot. l. ita stipulatus. ff. de verbor. obligation. l. si domus, ff. de legat. 2.* Et ratio differentie inter fundum, et servum h. c. est, quia servi hominis, cujus finitionem natura fecit, quæ neque minui, neque commentis nostris ad exiguum deduci potest: potest iniri certa æstimatio, quæ præstetur donatario, licet donator nullum servum habeat. At fundi non potest iniri certa æstimatio, quia fundus non natura, sed destinatione, et arbitrio nostro finitur, *l. quod in rerum, §. 1. ff. de leg. 2.* et præstatio fundi potest extenuari usque ad deridiculum. Nam ut scribit Marcus Tullius

*Fundum Varro vocat, quem possis mittere funda,
Ni tamen exciderit qua cava funda patet:
Extractam puteo situlam cum ponis in horto,
Ulterius standi non habet ille locum.*

Ille scilicet fundus. Nam illi versus ita sunt conjungendi. Et bene Græci ad *leg. 1. sup. de dot. prom.* dotis promissionem esse inutilem, si neque dicta sit quantitas, neque species certa, sed dos promissa simpliciter, quis promissor vilissimæ rei præstatione in vicem dotis defungi potest, quod esset ridiculum. Recte igitur Justinianus in hoc *§. si autem*, non posuit fundos donasse eum, qui non habuit, quæ donatio esset ridicula, sed donasse certos redditus annuos eum, qui fundos non habet, quæ donatio valet, quia magis consistit in quantitate, quam in corpore ullo. Et ideo donatario debetur æstimatio redditus, qui refici potest ex fundo mediæ generis, non quidem per multos annos, sed per quindecim tantum, quæ Justiniano visa est ratio mediocritatis melior. Id etiam valde notandum est, quod et notavi nudius tertius, sed non dilatavi ex *§. sed et si quis*, donationem omnium bonorum valere, est apertissimus in eam rem, quæ modo non sit inofficiosa, id est, quæ non fraudet liberos donatoris portionem legitimam, et quæ modo sit insinuata: nam vix ulla est donatio omnium

honorum, quæ non excedat modum legitimum, et insinuanda est donatio, ubi ea celebratur, ut supra diximus, *l. data in fi. l. in hac, hoc tit.* non etiam ubi bona sunt collocata jure nostro: nam, ne hoc ignoretis, ex constitutionibus regum nostrorum novissimorum, donatio insinuanda est, ubi bona sunt collocata: et non ibi tantum sed etiam, ubi domicilium habet donator et donatarius. Et ad hæc si quis quæret, an etiam valeat donatio futurorum honorum, hoc est, an omnino valeat donatio omnium honorum præsentium et futurorum? dicam, si donatio perficitur nudo consensu, vel stipulatione ut voluit Justinianus in hac lege, proculdubio etiam futurorum honorum donatio valet: sicut pignus nudo consensu constituitur omnium honorum præsentium et futurorum, *l. ult. sup. de remiss. pignoris, l. ult. sup. quæ res pignori oblig. possunt.* Et si perficitur stipulatione, certum est res futuras recte deduci in stipulatum, *l. interdum, ff. de verb. oblig.* Et res futuræ etiam possunt legari, quod genus donationis est, *l. etiam ff. de leg. 3.* At si donatio perficitur traditione corporali, ut valuit Constantinus, et veteres voluerunt, ut usus magis probat, evidentissimum est, non consistere donationem rerum futurarum, quia rerum, quæ nondum sunt, nulla fieri potest traditio, necque tamen ex eo sequitur, quod voluit Nicolaus Valla Senator Parisiensis, omnino inutilem esse donationem honorum præsentium et futurorum: quod futurorum, quæ est inutilis, importet contagionem donationi præsentium, quæ per se est utilis, conjuncta cum donatione futurorum, redditur inutilis. Male, quia in donatione jam illud est absolutum, et iteratum sæpius, in constitutionibus Justiniani positum sub hoc tit. Et in Novella 162. utilem partem donationis non vitari per inutilem, *l. sancimus, §. 1. hujus tit.* Et abutuntur etiam qui putant, non esse probandam donationem omnium honorum, calumniose in eam rem, *l. si libertus §. pen. ff. de jure patronat.* ex eo loco hunc tantum decerpentes versum, *Omnia rerum alienationem nullius esse momenti, et ex eo efficientes, Omnia rerum donationem nullius esse momenti.* Recte quidem, si solus hic versus extaret, nec penderet ex superioribus, quæ docent, quam in rem, quem in sensum ille versus sit accipiendus, quia scilicet loquitur de alienatione omnium rerum, quæ fit in fraudem legis Papie, in fraudem juris patronatus, ut pauperior fiat libertus, ut minus ex bonis liberti redeat ad patronum jure patronatus. Hoc vero, quis non videt, donationem, et quamcumque alienationem factam in fraudem legis nullius esse momenti? Ac præterea non ponitur eo loco libertus alienasse universum patrimonium suum, sed plu-

res res, quas omnes dicit revocari, quoniam omnium illarum alienatio nullius momenti est.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. LIV. De donationibus, quæ sub modo, vel conditione, vel ex certo tempore conficiuntur.

Donatio sub modo ita fit *dono tibi fundum illum, ut me alas, et exhas, l. 1. hoc tit.* Donatio sub conditione ita fit, *dono tibi fundum illum, si te pater tuus emancipaverit, ut l. 5.* Donatio ex certo tempore ita fit, *dono tibi fundum illum, eo pacto, eaque lege, ut post quinquennium proprietas ejus ad me redeat, l. 3. vel, ut post quinquennium redeat ad Lucium Titium, cui ex illo tempore illum fundum largior, et dono, d. l. 3.* Et imponuntur hæc leges conditiones actiones a donatore solo, et a donatario vel recipiuntur, si gratæ sunt, vel rejiciuntur, si displiceant, *l. 25. sup. de donat.* et imponuntur initio perficiendæ, vel implendæ donationis: nam consummata et perfecta donatione a donatore, quæ imponuntur, nullius momenti sunt, et nil attinet donatarii eas exequere, ut vel recipiat, vel rejiciat, quin sero et inutiliter res alienæ imponuntur a non domino. Et ita est explicanda *l. 4. hujus tit.* At initio perficiendæ donationis, si donationi lex dicta sit, et impositus modus aliquis, et receptus a donatario, eo modo non impleto a donatario, donatori competit condictio ob rem dati se non sequuta, quia donatarius non implevit modum, sive legem dictam donationi, *l. 2. 6. et 8. sup. de condict. ob caus. dat. l. ult. tit. sequ.* vel etiam donatori competit actio præscriptis verbis, quanti sua interest modum impleri donationi impositum, ut *l. 9. et 22. sup. tit. prox.* Ergo ex pacto donationi appposito incontinenti, ut ait *l. 22.* nascitur actio præscriptis verbis, scilicet si donationi mixtum sit negotium simile contractui bonæ fidei, veluti *dono tibi illam rem, ut me ere alieno liberet:* nam si sit vera et simplex donatio, et pariscar incontinenti, verbi gratia, *ut donator mihi teneatur de evictione, ex pacto illo nulla nascitur actio, l. 2. sup. de evict.* Verum ut diximus, modum donationi impositum non implente donatario (modus contrahit, conditio suspendit) modum, inquam, non implente donatario, donatori competit vel condictio ob rem dati, vel actio præscriptis verbis; an etiam competit ei vindictio rei donatæ, quod

donatarius non pareat donationis legi? Minime, quia desit esse dominus ejus rei. Et tamen in *l. 1. h. tit.* ratione neglecti modi, vel neglecte legis dictæ donationi, donatori datur vindictio rei donatæ: sed casus legis *l. 1.* est singularis, et specialis in causa alimentorum, quod evidenter demonstrant hæc verba in *l. 1. l. quæ ter inculcantur: in hoc casu*, inquit, non ergo in omni, sed in hoc tantum casu. Et casus hic est causa alimentorum, nempe talis: *Donavi tibi res illas, ea lege ut mihi certa alimenta præberes*: non præbes mihi datur non tantum condictio ob rem dati, vel actio præscriptis verbis, quæ donatori competit omni casu ex causa simili non impleti modi, sed in hoc casu datur etiam mihi quoniam agitur de alimentis mihi præbendis ex lege donationis vindictio rei donatæ non quidem directa, sed utilis, id est, rescissoria, et restitutoria, per quam dominum restituitur: per directam vindictam onem dominium adseritur, et petitur, per utilem restituitur: actio fictitia, in qua fingor non donasse, qui donavi. Nec est novum, ut ex una eademque causa eidem deferatur vindictio, et condictio: vindictio, ut domino: condictio, ut non domino, ut sit in ejus potestate, cui utraque actio defertur quia velit uti. Nam et idem evenit in *l. ob res amotas, D. rer. amot. l. 1. sup. comm. de legat. l. in rebus, sup. de jure dot.* Et hæc de donatione sub modo. De donatione sub conditione est *l. ult. hujus tit.* Mater donavit filie aliquid sub conditione *si intra biennium a patre emanciparetur*: filia inquit, hæc voluntate matris sui juris effecta, non tenuit, id est, non obtinuit a patre, ut emanciparetur, sicut voluit mater: tenere causam est obtinere. Ergo non est facta sui juris per emancipationem, sed morte patris, an perveniet ad res donatas? sic videtur: quia nil refert quomodo sui juris fiat, quia spectandum, qua sine mater adscripserit conditionem emancipationis. Qua vero alia, nisi ut res donatæ non acquirerentur, patri, quod assequitur, mater quoquomodo filia sui juris fiat? Et sæpe legitur hæc conditio adscribi ab iis, qui nolunt patribus acquiri, quod dant filiisfamil. ut *l. duos, l. avia, D. de condit. et demonstrat. l. mater, §. 1. D. si quis omiss. caus. testament. l. pen. D. unil. lib. l. Divi, D. de jure iudicill. l. 3. §. et si hæres, de minor. l. filius, sup. de inoffic. testum. l. 3. sup. de instit. et sub. Suetonius in Vitellio: *filiam hæredem institutam sub conditione, si extisset patris potestate manu emisit.* De donationibus ex certo tempore est *l. 2. et 3. hoc tit.* Et (ex certo tempore) sic accipio, ut in *l. 25. sup. de donat.* vel ad certum tempus et subaudio (aut ex incerto tempore, vel ad incertum tempus, ex *l. 2. h. tit.*) Igitur recte fit*

donatio ad tempus certum, vel incertum, non quidem ipso jure, quia tempus non est legitimus modus auferendi dominii semel acquisiti, sed recte fit potestate conventionis, quoniam res est donata ea lege, ut ejus proprietas restitueretur post tempus. Idemque fit in legatis remedio cautionis, *l. ult. sup. de legat.* Ad tempus incertum fit, si ea lege fiat, ut post mortem donatarii proprietas rei redeat ad donatorem, ut in *l. 2. h. t. l. Srja, D. de mort. causa don.* ad certum tempus fit, si hoc actum sit, ut post quinquennium proprietas redeat ad donatorem, vel etiam, ut in specie *l. 3.* ut proprietas redeat ad Lucium Titium. In specie *l. 5.* est jus singulare sicut in specie *l. 1.* Et species, quæ vulgo male ponitur, ita ponenda est: mulier donavit fundum Titio ea lege, ut post quinquennium eum restitueret Marcellæ, ad quam *lex 3.* scripta est, sorori donatoris, cui donator eum fundum donatum volebat post quinquennium: et ita Titio eum donavit ad tempus. Marcellæ ex tempore. Queritur an post quinquennium Marcellæ ulla competat actio ejus fundi obtinendi gratia? Lex distinguit inter jus vetus, et jus novum. Jure veteri, si stipulata de Titio Marcella non sit sibi fundum restitui post quinquennium, nulla ei competit actio, quia alteri lex dicta est in donando inutiliter, *l. quo tutela, §. ult. D. de reg. jur.* Nemo paciscitur, stipulatur, vel legem dicit alteri utiliter, ut ex ea lege alteri possit competere actio, qui non est stipulatus. Ergo in hac specie jure veteri Marcellæ nulla competit actio, si stipulata non sit. At jure novo, id est, ex constitutionibus Divorum Principum, et puto intelligi Divos fratres, ut in *l. 1. Divi Principes, id est, Divi fratres, Antoninus et Verus*: ex nova illa constitutione Marcellæ competit utilis actio. Queritur, cur detur ei utilis actio contra jus vetus, a quo ne discedat, omnino etiam constitutio dat non directam, sed utilem actionem. Quæro cur det utilem actionem, cum lex donationi dicta, alteri nullam pariat actionem, *l. 22. sup. de don.* Et rursus queritur, quænam ea actio sit. Et utrumque (si bene rem attendamus) hoc explicat *l. 3.* primum his verbis, *justa donatoris voluntatem, qui scilicet volunt rem sorori suæ donare, et vero donavit post quinquennium, et vel presens, vel absens soror patefactam sibi eam voluntatem agnovit.* Datur ergo ei actio utilis, quia res est donata ex tempore. Alterum autem, quod queritur, quænam ea sit actio, eadem lex explicat, dum ait: *Marcellæ accommodari.* Et notandum passim in libris nostris, quod dicitur proprie et semper actio utilis accommodari, et inflecti quodammodo: utiles dicuntur accommodari, non directæ. Eum ait: *Marcellæ accommodari actionem, quæ sorori suæ, id est, donatori, si vive-*

ret competebat. Competebat autem viventi ob non impletam legem donationis, conditio ob rem dati, et actio præscriptis verbis. Ergo hæc etiam actio Marcellæ accommodabitur. Nec male in hunc locum Theodorus et Eudoxius in libris Basilicon, *utilem actionem*, id est, *præscriptis verbis*, inveniunt, sed vellem addidissent, aut *utilem conditionem ob rem dati*, quæ etiam donatori competebat. Vellem etiam aliter speciem, tum ipsi etiam Latini adfixissent ad hæc legem. Sic vero in *penult. sup. ad exhib.* si rem tuam, vel quam tibi donavi (*quid interest?*) deposui apud Titium ea lege, ut tibi redderetur, tibi datur utilis actio, non alia, quam quæ mihi competeret, si viverem, nimirum actio depositi, ut aperte scriptum est in *d. l. pen.*

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. LV. De Revocandis donationibus.

In hoc titulo proponitur *actio ingrati*, cujus respectu institutus est hic tractatus *de donat.* ut scilicet actioni ingrati (per quam beneficium emancipationis rescinditur, de qua actum est paulo prius in tit. *de ingratis liberis*) adjungeretur alia actio ingrati, per quam donatio jure perfecta retractatur, et rescinditur. Rescinditur autem ex causis ingratitudinis in judicio comprobatis, *l. pen. h. t.* et ex eis tantum causis ingratitudinis, quæ enumerantur in *l. ult. h. t.* superiore titulo proximo proposita est una causa revocandæ donationis, si donatarius non pareat conditioni donationis, vel legi, quam donator rebus suis in donando dixit, quæ causa etiam inculcatur in *l. ult.* ob quam, ut heri diximus, donatori competit conditio ob rem dati, re non sequuta. In hoc titulo proponitur alia causa revocandæ donationis, si ingratus et impius valde fuerit donatarius adversus donatorem, ut definit *l. ult.* ob quam causam donatori competit actio ingrati revocandæ donationis gratia. Actio est personalis, *l. 7. hoc tit.* et perpetua, *l. 1. in prin. h. tit.* quæ tamen heredi donatoris, vel in heredem donatarii, ingrati non datur, *l. 1. 7. et ult. h. tit.* Et ratio hæc est, ut non detur heredi, vel in heredem, quia vindictæ potius, quam pecuniæ persecutionem habet, et in *l. 7. hujus tit.* quod nostri non intellexerunt, hanc actionem ingrati esse personalem, et ita esse personalem, ut nec detur heredi, vel in heredem, atque ita ut vindicationis tantum effectum habent, hoc est, non actionis in rem, sed vindictæ et ultionis: quæ ratio etiam

efficit, ut actio de moribus, quæ vindictam persequitur, et ultionem potissimum, neque detur heredi, neque in heredem, *l. rei judicatæ, §. 1. D. solut. mat. l. 1. C. Theod. de dot.* Et similiter, ut actio etiam injuriarum non detur heredi, et in heredem, si non fuerit contestata a defuncto, vel in defunctum, quia actio injuriarum etiam vindictam potius, quam pecuniæ persequitur, *l. 2. §. emancipatus, D. de coll. bon. l. si eum, §. injuriarum, D. si quis caut.* Et eleganter Valent. in *Novella de libert. et success. eorum: eum qui agit injuriarum, agere causam doloris*, quod est persequi vindictam: et M. Tull. pro Cæciliæ: *Eum, qui agit injuriarum, dolorem judicio, pænæque mitigare.* Eademque est ratio querelæ inofficiosi testamenti, quæ datur liberis, aut parentibus injuria affectis per exheredationem, quæ etiam non preparata, aut non contestata, nec heredi datur: in heredem datur, sed heredi non datur, nisi post litis contestationem, et preparationem, atque adeo non intelligitur esse in bonis nostris querela inofficiosi testamenti ante litem contestatam, *l. 1. §. sed si puta, D. si quid in fraud. patr.* Hæc querela hoc tantum distat ab aliis, quæ ante commemoravi, quod aliæ dicantur persequi vindictam, querela inofficiosi testamenti et vindictam persequitur, et hereditatem. Datur autem hæc actio cuilibet donatori, vel patrono, vel parenti cujuscunque sexus, vel cuilibet extraneo donatori, non tamen matri propudiose et luxuriose viventi: nec matri transeunti ad secundas nuptias, spretis liberis primarum, quibus quid ante donaverit, quod eis, si iterum nubat, eripere non potest prætextu ingratitudinis, *l. 7. hoc tit.* nisi ex causis gravissimis et compertissimis notatis in *Novella de nupt.*

Illud etiam notandum, per hanc actionem ingrati, revocari tantum ea, quæ ingratus donatarius tunc tenet et possidet ex bonis donatis, cum agitur ingrati, non etiam ea, quæ priusquam ingratitudinis argueretur, desiit possidere, et vendidit, vel donavit, vel permutavit, vel in dotem dedit, quæ in re est singularis *d. lex 7. h. tit.* Porro huic causæ revocandæ donationis in *h. tit.* additur alia in *l. si unquam*, lex est 8. nomine, et usu celeberrima, et vexata a duobus Senatoribus curiæ Parisiensis, Andrea Tiraquello, qui in hanc legem ex professo scripsit, et Nicolao Valla libro *de rebus dubiis*: quo ingenio nolo dicere. Proponitur in hac *l. 8.* hæc revocandæ donationis causa, si ei, qui donavit omnia sua bona, vel partem bonorum, cum non haberet liberos, postea agnoscantur liberi. Et proponitur patronus donasse liberto. Solebant se liberti, et patroni mutuis donis efficere, ut ostendit *lex si vero, §. inde Papinianus, D. mand. et legitur*

in Comœdiis. Proponitur, inquam, in hac lege patronus liberis oribus, liberto donasse omnia sua bona, vel partem tertiam bonorum, vel dimidiam. Sed idem arbitror esse dicendum, et magna pars interpretum idem opinatur, si libertus similiter patrono donaverit, vel si quis alius cognato, vel amico suo, ut scilicet ea donatio revocetur, donatori supervenientibus liberis. Tentat tamen Accursius, tentant etiam alii quidam, definitioni hujus legis tantum locum esse in suo casu, cum patronus liberto donavit, quasi non, quod ita proponitur in hac lege, id veniat ex facto, de quo fuit consultus Imperator; non quod non sit idem dicendum in aliis personis: maxime quia ratio, propter quam patrono datur rescissio donationis, valeat etiam in ceteris personis omnibus, qui omnia bona, aut partem bonorum donaverint, cum non haberent liberos: ratio enim hujus legis posita est in conjectura pietatis paternæ. Et eadem igitur est hujus legis ratio, quæ *l. cum avus, D. de condit. et demonstrat. l. cum acutissimi, sup. de fideicommiss. l. generaliter, §. cum autem, sup. de instit. et substit.* quia scilicet verisimile est, orbum, qui donavit omnia bona sua, vel partem, cum non haberet liberos, donaturum non fuisse, si de liberis cogitasset, aut de uxore ducenda. Pono a cœlibe et orbo donationem factam. Verisimile est, eum liberos suos auteponeere extraneis, quæ conjectura pietatis facit, ut possis vere dicere, huic donationi, quam orbus fecit, inesse tacitam conditionem, *si liberos non habuerit*. Quare etiam vere dices, postea susceptis liberis, ex ea causa dari ei conditionem ob rem dati, re non secuta, non donationem rescindi ipso jure ex hac causa, quod est falsum, sed per conditionem ob rem dati, re non secuta, quasi defecta conditione donationis, quæ tacite inerat, *si liberos non habuerit*. Hæc est ratio legis, quæ cum locum habeat, non tantum in patronis donantibus suis libertis, sed etiam in omnibus donatoribus, idem ergo jus statuamus in omnibus: ubi ratio diversitatis non est, sed eadem occurrit ratio, idem jus statuendum est, *l. §. 1. D. de injusto, rupt. irrit. facto test.* An eodem modo, eodemque exemplo, quod dicitur de liberto in *l. cum tale, §. 1. D. de condit. et demonstrat.* non trahemus etiam ad alium, ut etiam Accursius voluit illo loco videamus. Ait lex illa, si liberto legaverit patronus sub conditione, *si a liberis patroni non discesserit; si morietur cum liberis patroni*, semper cum libertum posse pervenire ad legatum, oblata veluti Mutiana cautione, cujus inventor est Q. Mutius, qua caveat se nunquam a liberis patroni discessurum, licet ea conditio possit impleri vivo legatario morte liberorum patroni, et non soleat cautio Mutiana præstari, nisi in

his conditionibus, quæ expleri vivo legatario non possunt: et tamen placet præstari illo casu, licet ea conditio possit expleri vivo legatario morte liberorum patroni, quia, ut ait, periculosum est et triste, libertum conjunctum patroni liberis, eorundem mortem expectare. An igitur quod de liberto, idem non dicemus in extraneo, cui legatum sit sub eadem conditione? Quidni vero? Cum et hic sit conjunctus testatoris liberis, et connexus jure hospitii, jure convictus, consuetudis, et familiaritatis, imposita tali conditione, non minus quam libertus, nisi quod hic aliquanto est conjunctior, quia est ex eadem familia, id est, ex eodem nomine, habet enim nomen patroni. Qua de causa in constitutione Græca Justiniani *de jure patron.* dicuntur patroni libertis videri *συγγενεῖς*, id est, cognati. Et facit etiam ad eam rem *l. Paulus respondit, ff. de fideicommiss. libertat.* Et similiter, an etiam quod ait *l. 1. hoc tit.* patronum videri donasse liberto ea, quæ sua pecunia comparavit nomine liberti: an hæc inquam, dicemus locum tantum habere in patrono, et liberto, non in aliis personis, ut et Accurs. notat: sed refellitur ex *l. filia, sup. famil. ercisc. et l. cum hic status, §. 1. ff. de donat. int. vir. et uxor.* quæ leges generaliter nullam esse statuunt differentiam inter donare, et emere sua pecunia nomine alterius cujuscunque. Sic igitur statuo, et hanc legem *si unquam*, pertinere ad quemcunque donatorem, qui cum non haberet liberos, bona sua omnia, vel partem alii cuicunque donavit, ut postea susceptis liberis donationem revocare possit in solidum, donationem totam, ut ait lex, quasi defecta conditione tacita, quæ ex conjectura pietatis donationi inest, si liberos non habuerit: et revocare (ut dixi ante) per conditionem ob rem dati re non secuta, quæ etiam dabitur ejus hæredibus, ut *l. §. sup. tit. prox.* Ergo et liberis, quos postea suscepit, si ei hæredes extiterint jure hæreditario, non proprio quia jure proprio immoilem donationem a parente factam, non revocant in solidum, sed pro modo tantum legitimæ portionis, ut docent Constitutiones *tit. de inofficios. donat.* Ex quo sequitur, quod notandum, patrem, cui soli competit solidæ donationis revocatio, beneficio hujus legis posse renuntiare, quia lex beneficium dat patri soli, eidemque donatori, non liberis, non liberorum favore: sed quod tacite intelligatur ea fuisse conditio donationis. Patri igitur soli, vel hæredi ejus, non etiam non hæredi, vel filiis non hæredibus in solidum. Si beneficium hujus legis datur patri, necessario sequitur, patrem posse eo beneficio non uti, aut ei in donando nominatim renuntiare, puta lego dicta, ut nec susceptis postea liberis, revocet donationem, secundum generalem definitionem *l. si quis in conscribendo, sup. de pact.* Et hoc, quod

ita constituitur in hac l. inveniō, et leges Longobardorum probare duobus locis. Sed olim, hoc est, ante hanc constitutionem hoc non obtinuisse, ut revocaretur donatio immensa, quam orbus fecisset, postea procreatis liberis, indicat ex D. Augustino *can. ult. 17. quæst. 4.* quo loco ponit eandem speciem: quendam non habentem liberos bona sua donasse Ecclesie Carthaginiensi, et postea natos ei fuisse liberos, nec opinanti Aurelium Episcopum ei bona reddidisse, quæ inquit, non tenebatur reddere jure fori, inquit, sed jure cœli: nam vulgo male legitur, *jure poli* Augustinus solet semper dicere, *jure cœli*, ut in sermone secundo de tempore: *Concubinas habere licere jure fori, non jure cœli*. Et recte notatur ille canon esse ex sermone Divi Augustini *de vita cleric.* quem sermonem cum non inveniret, aut non posset invenire, qui ex professio in hanc legem scripsit, notat, *non exstare illum locum inter opera Augustini*, cum tamen exstet. Et idem etiam, cum legisset Syrach auctorem citari in Melissa Antonii Monachi, dixit, *Se nescire quis esset ille auctor*. Nescire igitur, se libros Sacre Biblie, inter quos est liber Sapientie Jesus filii Syrach, qui et Ecclesiasticus dicitur et *πρωτόκ.* Verum ad rem, quod olim non obtinuit, introduxit hæc constitutio, quæ loquitur de donatore, qui liberos non habuit tempore donationis. Unde quæro, *quid sit dicendum, si liberos habuerit, qui donavit omnia sua bona, vel maximam partem*. Ipse quidem non potest revocare, nec si postea suscipiat liberos, quia semel prætulit extraneum liberis, et ita nobis abstulit causam faciendæ conjecturæ pietatis. Ergo ipse, qui habens liberos donavit, etiamsi postea alios procreverit, non revocabit donationem, quia donatio revocatur ex conjectura pietatis, quæ in eo nulla est. Liberi quoque, qui tempore donationis erant superstitēs, vel post donationem suscepti non habent actionem, qua eam donationem rescindant in totum, ut vult hæc lex in suo casu. Sed si ea donatio liberis auferat, vel minuat legitimam portionem, quæ inofficiosa donatio dicitur, sive fuerit collata in extraneum, sive in unum ex liberis, eam liberi, quibus fraus facta est, rescindunt per querelam inofficiosæ donationis, non in totum, sed pro modo portionis legitimæ, id est, quantum sufficit conficiendæ portioni legitimæ debitæ liberis. Et hoc ostenditur in *l. si mater*, et *l. si totas*, et ceteris fere omnibus *tit. de inoffic. donation. sup.* et in *l. si totas facultates tuas*, inquit, *per donationes vacuifecisti*, ut recte quidam legunt, non *vacuas*, ut *l. 25. Cod. Theodosian. de decurionibus*, *curios vacuifectas*. Et sic Latini loquuti sunt. Eodem pertinet *l. Titia, §. Imper. ff. de lega. 2.* quæ

dicit, hanc querelam inofficiosæ donat. esse ex constitutione Alexandri. Eodem etiam pertinet *Novell. 92. de inoffic. donat.* Et inde exoritur magna differentia inter querelam inofficiosi testamenti, et inofficiosæ donationis: nam querela inofficiosi testamenti rescindit totum testamentum, quod est verissimum, et testatorem intestatum facit: querela inofficiosæ donationis rescindit, tantum, quod dret portioni legitimæ liberorum. Et ratio differentie est, quia liberales sunt, qui moriuntur, et ideo leges minus permittunt morientibus, quam viventibus. Argumento est lex Furia Caninia, quæ inter vivos manumittere permittit totam familiam: testamento, hoc est, causa mortis, certum numerum servorum tantum: et ita moriens, si exheredaverit filium immerito, aliis hæredibus institutis, vel liliis, vel extraneis, totum testamentum rescinditur per querelam inofficiosi testamenti, atque ita patre intestato facto, omnes filii, et instituti, et exheredati ei succedunt, veluti ab intestato. At vivens, si omnia bona donaverit, ea tantum pars donationis rescinditur, quæ opus est liberis ad supplendam portionem legitimam et eatenus rescinditur agentibus liberis, non quidem vivo patre, sed mortuo tantum, *l. 1. l. si liqueat, sup. de inoffic. donat.* Quæritur ad hanc legem, an idem sit in donatione causa mortis, ut revocetur supervenientibus liberis, qui nulli fuerant tempore donationis. Nisi alii faverent, ego nunquam facerem hanc questionem, quoniam dubitabatur tantum de donatione inter vivos, non de donatione causa mortis, quia revocatur pœnitentia donatoris, etiam non susceptis liberis. Ergo si quis quærat, an *l. si unquam*, habeat locum in donatione causa mortis: respondeamus habere multo facilius, quia revocatur pœnitentia donatoris. Sed si non fuerit revocata a donatore, et moriatur, non revocatur etiam a liberis postea susceptis in totum, ut ait *l. sed pro ratione Falcidie* tantum, sive legitimæ portionis, et sive ex testamento, sive ab intestato liberi successerint patri, quia et ab intestato locus est Falcidie ex constitutione D. Pii, *l. filiusfam. ff. ad leg. Falcid.* et in donationibus causa mortis ex constitutione Severi, *l. 5. sup. ad l. Falcid.* Postremo quæritur, an etiam huic legi locus sit in donatione facta remunerandi causa ab eo, qui non habet liberos in tempore, sed postea cœpit habere: et an in donatione facta favore, et nomine utriptiarum? Et sic videtur Vallæ, et narrat etiam ex more quarundam regionum, nec inter vivos illa ex causa, vel remunerationis, vel matrimonii posse donari ea quæ acceperimus a majoribus nostris. Cui consuetudini est similis lex, cujus meminit Porphyrio in illum locum Horatii, *Dic ex parte*

tua, etc. Satyr. 2. et Sat. 5. lege cautum fuisse, ne quis agnum, vel donum sibi testamento donatam, puta majoribus suis, alii donaret.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Tit. LVI. De mortis causa donationibus.

Superiores tituli sunt de donatione inter vivos, quæ si jure perfecta sit, penitentia nullo modo revocatur, l. 2. 3. 4. 6. sup. tit. prox. Hic autem titulus est de donat. caus. mortis, quæ ex nuda voluntate et penitentia revocari potest, l. qui mortis causa, ff. eod. Sicut donatio, ob quamcunque causam facta, penitentia etiam revocatur, in integra, l. 3. §. 1. l. si pecuniam, in duobus locis, ff. de condict. caus. data. Et similiter donatio precaria, l. 1. et 2. ff. de precar. Mortis causa donatio penitentia donatoris revocatur, nisi scilicet donatarius donationem ea lege acceperit ne penitentia revocaretur: nam hæc lex donatorem tenet, ne possit penitere, l. si alienam, §. 1. l. senatus, §. mortis, ff. eod. et Novat. 87. Quia in re donatio causa mortis distat a legato: nam si hæc legem sibi ipse testator dixerit, ne legatum, quod dedit, ad mere possit, hæc lex testatorem non tenet, ne possit penitere, l. si quis, ff. de leg. 3. Et ratio differentie est evidens, quia donatori legem dicit donatarius: ipse a tem testatur sibi sola legem dicit, et nemo tenetur ex ea lege, quam ipse sibi dixit, vel in legando, vel in donando, vel in vendendo, l. quod autem, §. pen. ff. de don. inter vir. et ux. At donatio causa mortis non tantum revocatur penitentia et mutatione consilii, sed etiam convalescentia, puta, si eam fecerit, qui aegrotabat, metu mortis: vel etiam emenso periculo mortis, si quis imminente mortis periculo, extra adversam valetudinem aliquid donarit. Revocatur etiam, et extinguitur morte donatarii, quæ modo contingat vivo donatore l. non omnis, ff. de reb. cred. Et ne quis requirat definitionem: Donatio causa mortis est, quæ confertur in casum mortis donatoris, nec ante perfecta esse intelligitur, quam mors ejus contigerit, vel ut est in Instit. Donatio causa mortis est, quæ propter mortis suspicionem fit ab aegroto, vel sano, cum quis alii rem veluti fiduciariam dat, ut finito periculo mortis sibi restituat, quod impendebat, vel si quid adversi contigerit, si quid eum humanitus fuerit, ut loquitur Ennius, tum eam rem ipse habeat. Ennius: Si quid me humanitus fuerit, pro

Tom. IX.

mibi. De ea mortis causa donatione sunt in hoc titulo II. quat. quas sigillatim exponam. Primam legem glossæ, glossarumque comites nullo modo intellexerunt. Species et sententia ejus hæc est. Quidam duobus rem donavit mortis causa, ea lege, ut altero mortuo portio ejus ad superstitem pertineret. Mortuo altero, habet superstes adversus heredem ejus fideicommissi petitionem, fideicommissi actionem, id est, quæ solet dari fideicommissario ex causa relictæ sibi fideicommissi. Sed cur fideicommissi actionem? an in hac specie ullum fideicommissum intercessit? sic sane, quia donator fideicommissum si alteri ab altero vicissim reliquit, dum lege donationis cavet, ut altero mortuo portio deficiens ad superstitem pertineret. Et utique potuit fideicommissum relinquere, non tantum testamento, vel codicillis, sed etiam instrumento donationis, et lege donationi dicta, et epistola et libello, etiam ab intestato (ut hoc casu, quo nullum donatorem fecisse testamentum proponitur) et alio quocunque modo, etiam nutu, l. et in epistola, sup. de fideicommissis. Et potuit fideicommissum relinquere a donatariis causa mortis, l. ab eo, sup. de fideicommissis. l. cum pater, §. 1. D. de leg. 2. l. Seja, D. de dote præleg. l. cum hi, §. 1. D. de transact. Potuit inquam, fideicommissum relinquere a donatariis causa mortis, quales illi duo erant donatarii. At non potuit fideicommissum relinquere a donatariis inter vivos: a donatario causa mortis potest relinqui, a donatariis inter vivos non item, l. cum quis, §. pater, D. de leg. 3. nisi scilicet donatio inter vivos ab initio sit inutilis, veluti inter marito, et convalescat morte donatoris, quoniam ab eo, qui eam donationem accepit, fideicommissum relinqui potest, l. sequens, ff. de leg. 2. Propterea quod ea donatio, et omnis quæcunque donatio quæ morte confirmatur donatoris fideicommissi partibus fungitur, l. 12. sup. ad leg. Falcid. Alioquin ab eo, cui recte donatum est inter vivos fideicommissum relinqui non potest. Quare prudenter Imperator in hac l. 1. hunc addit modum, si mortis causa donatio perficiebatur, id est, si duobus illis donabatur mortis causa. Nam si donabatur inter vivos, non potuit alteri ab altero fideicommissum relinqui, glitur non potuit superstili esse actio fideicommissi, quæ lex dat. Sed si is qui duobus donavit inter vivos, voluit post mortem alterius directo portionem demortui superstili esse donatam, ei accommodabitur utilis repetitio ejus portionis, l. 3. sup. de donat. quæ sub mod. non actio fideicommissi, quia a donatariis inter vivos fideicommissum relinqui non potest, et ita explicanda est l. 1.

Male autem vulgo in specie legis 1. non fuisse fideicommissum, sed quasi fideicommissum, id est, donationem causa mortis collatam in supersti-

tem : quinimo revera fuit fideicommissum relictum instrumentum donationis. Male item vulgo, *non esse actionem fideicommissi, sed ut lem ex testamento*, quia utilis ex testamento non datur ubi non est testamentum, ut hic fuisse testamentum nihil proponitur. Et verum est, competere directam fideicommissi actionem, quæ non est actio ex testamento, sed actio ex fideicommisso, seu persequutio fideicommissi. Male etiam vulgo in specie hujus legis, *donationem causa mortis fuisse perfectam stipulatione*, puta altero alteri promittente partem suam in causam mortis, et ita substituto altero alteri, ut in *l. ut heredibus, de leg. 2. l. ei cui, ff. de mort. caus. donat.* quia hoc modo donatio confertur in superstitem per stipulationem, non fideicommissum: citra stipulationem in superstitem confertur fideicommissum, non donatio causa mortis. Et lex loquitur de fideicommisso: ergo non oportet fingere intervenisse stipulationem. Non debet autem videri mirum, si res donata mortis causa revocatur per fideicommissum, quia quodcumque pœnitentia revocari potest, et per fideicommissum revocari et adimi potest, *l. quidam testamento, §. ult. ff. de leg. 1.* Sequitur *l. 2.* Species legis secundæ hæc est, cujus etiam vim non animalvertunt, nec sciunt ullo modo, quæ sit in ea ratio dubitandi. Species, inquam, hæc est: mulier habens filiam ex primo marito, nupsit secundo, et in dote ei danda cavet in casum mortis suæ, *dotem reddi fratri suo: potest (ait lex) quæ dotem dat, quam velit conditionem eidem doti dicere*, ut recte legit Holander, *non adjicere*. Et ut hoc obiter admoneam, quod heri prætermisi in *l. ult. tit. sup.* etiam recte Holander *fragilitatem* ut in Basil. *as94uxv*, non ut vulgo, *frugalitatem*. Et principium legis *4. ejusd. tit.* ita est restituendum. *Cum confitearis te in fraudem alterius, etc.* Ergo, ut coepi dicere, mulier in dote danda secundo marito cavet, si ipsa prior in matrimonio moreretur, dotem reddi fratri suo, et permittit fratrem stipulari in eundem casum sibi dotem reddi. Denique fratri donavit dotem causa mortis. Deinde mortua est soror intestata, et ei ex Senatusconsulto Orfitiano lia hæres extitit. Quid fiet, si in reliquis bonis matris filia non habeat integram Falcidiam, quæ omnino ei debetur? Et lex ait, eam suppleri debere ex donatione causa mortis collata in avunculum, quia ex constitutione Severi lex Falcidia locum habet etiam in donationibus causa mortis: et est verissimum, *l. 5. sup. vid leg. Falcid.* Neque obstat *lex 1. §. item si ita legatum, et lex acceptis, ff. col.* quoniam, ut breve faciam, missa opinione Accursii, qui et in mortis causa capionibus putat legem Falcidiam locum habere, respondeo illam *l. 1. et l. acceptis*, non loqui de mortis causa donationibus, sed de mor-

tis causa capionibus, in quibus verissimum est, non habere locum legem Falcidiam, excepto casu *legis præ. sup. ad leg. Falcid.* ne fraus fiat legi Falcidie. Mitto explicationem illius casus, ne sim longus, aut ne sim vagus a re proposita, et cum hæc dico, mortis causa capionem accipio specialiter: nam generaliter mortis causa capio continet et hereditatem, et legatum, et donationem causa mortis, *l. 31. ff. cod.* Specialiter autem continet, quod conditiois implendæ causa datur, ut si quid legatur Titio sub conditione, *si 10. dederit heredi, vel extraneo*, ea decem heres, vel extraneus capit mortis causa, id est, per occasionem mortis testatoris. Eaque præcunia est mortis causa capio, ex qua non detrahatur Falcidia. Specialiter dicitur *mortis causa capio* quia non habet aliud nomen. Et similiter quodcumque obvenit occasione mortis alterius, si vocat proprio nomine, veluti hereditatis, aut fideicommissi, aut legati, aut mortis causa donationis, mortis causa capio appellatur, id est, commune nomen facit suum proprium, et (ut imiter Aristotelem) communis nominis hereditatem capit, quod caret proprio, *7. Et hic. ad Nicomach.* In his mortis causa capionibus, quæ scilicet non sunt præditæ alio nomine, lex Falcidia locum non habet, excepto illo casu. Etiam Accursius non advertit, quæ sit ratio dubitandi in specie hujus legis, quæ talis est. Plerique juris auctores donationes causa mortis comparant semper legatis: et ex *l. 4. hoc tit.* id definitum est, mortis causa donationes comparari legatis quod et veteres quidam juris auctores prodiderunt, ut in *l. Marcellus, §. ult. l. et si debitor, l. illud, D. cod. l. 1. §. 1. D. si quid in fraud. patr.* Et comparamus mortis causa donationes legatis facto testamento, in quo sunt relicta legata: nam ab intestato quo casu non possunt relinquere jure Digestorum, non comparantur mortis causa donationes legatis, quia nulla legata sunt, quibus comparantur, nulla legatorum comparatio occurrit, ut ait *lex si filius, ff. de legat. præstan.* Et idem in specie legis 2. quia mater fuit intestata, ut lex ponit, videtur in donationibus causa mortis non intervenire Falcidia exemplo legatorum, quod nullum occurrit ab intestato: nam quod D. Pius constituit, ut ab intestato locum haberet Falcidia, *l. filiusfam. ff. ad leg. Falcid.* id tantum constituit in fideicom. non in donationibus causa mortis. Unde patet novam esse constitutionem hujus legis 2. quæ porrexit constitutionem Severi ad causam intestati, ut scilicet etiam ab intestato, non occurrente exemplo legatorum in donationibus causa mortis, locum haberet Falcidia. Denique novum est jus constitutionis istius, et constitutio singularis, quod illi ejus ingenii erant, ut nunquam potuerint animadvertere, nec etiam intelligant leg. 3.

hoc tit. quæ ut perspicua fiat, explicanda est ex *l. 19. sup. de donat.* dum ait *l. nec fratri, etc.* ut sit hic sensus: nec donationem inter vivos, nec donationem causa mortis jure perfectam posse revocari, et rescindi ab agnatis, veluti sorore donatoris, quod est verissimum, et eo jure utimur. *Il n'y a point de retrait lignager: si ce n'est quand il y a bourgeoisie deside*, id est, rem venditam, aut alienatam genere proximi venditori: agnati, oblato eodem pretio intra certum tempus ad se revocare possunt, non rem donatam. Et hoc voluit *l. 3. rem donatam, vel inter vivos, vel mortis causa, et jure donatam a sorore, vel ab alio agnato, vel agnata.* non posse revocari hoc colore, quod res donata profecta fuerit a parentibus, quod res fuerint majorum, ut *d. l. 19.* Vulgo dicitur, hic esse sensus *leg. 3.* ut si soror aliquid donaverit in casum, non mortis suæ, sed mortis fratris sui, ut id non possit revocare, quod est perspicue falsum, si adhuc vivat frater: quia donatio mortis causa pœnitentia revocatur, insecuta morte fratris quia consummata est donatio, non revocaretur, quam tamen insecutam *lex. 3.* non ponit. Et rectius Isidorus interpres Basilicon, ut nos posuimus, ponit donationem mortis causa in specie *legis 3.* fuisse factam a fratre in hunc casum, si quid ei humanitus accideret, ut veteres loquebantur, semper abstinentes a mortis nomine, tanquam male ominoso. Ex lege quarta, et ult. quæ facillime est, notandum est, donationem causa mortis, non indigere insinuatione, quò jure utitur, et ea tamen indigebat ex constitutione Constantini, *l. 1. Cod. Theod. de donat.* Verum exigit tamen donatio causa mortis, ut jure consistat, quinque testes, quia instar habet ultimæ voluntatis, et in omni ultima voluntate saltem quinque testes requiruntur, *l. ult. sup. de codicill. l. hac consultissima, §. pen. sup. de testam. l. un. §. sancimus, sup. de Lat. libert. toll.* Et ita in hoc valde distat mortis causa donatio a donatione inter vivos: nam donatio inter vivos, quibus casibus non requirit insinuationem, scripto contenta est a donatore subscripto, nec requirit ullos testes ex *l. in donationibus, sup. de donat.* Differentiam, quam glossa notat in hac lege inter legata et donationes causa mortis, refutat Observatio 10. capite 28.

JACOBI CUJACII J. C.

In Lib. VIII. Codicis.

RECITATIONES SOLEMNES.

Ad Titulum LVII. De infirmendis pœnis cœlibatus, et orbitatis, et de decimaribus sublati.

Potest etiam recte hic titulus referri ad mortis

causæ donationes, quæ si fiant ei, quem lex Julia et Papia prohibet capere, quem facit incapacem ex Senatusconsulto, veluti, si fiant cœlibi, aut orbi qui ex lege Julia et Papia capere prohibetur ex Senatusconsulto, in eadem causa sunt, quæ essent legata ei relicta, *l. senatus, D. de mort. caus. donation.* Quod omnino cœli rei cum fine tituli superioris, in quo generaliter statuitur, mortis causa donationes legatorum instar obtinere: quæ re sit, ut leges Julia et Papia non tantum pertineant ad hæreditates, vel legata, sed etiam ad mortis causa donationem, ut nec has donationes cœlibes, vel orbi capere possint. Lex Julia et Papia duæ sũt leges, sed quæ conjunctim solent tractari a Jurisconsultis. Lex Julia est vetustior lege Papia. Illa prohibuit quidem lex Julia et Papia cœlibem quidquam capere ex aliorum testamentis, nisi post mortem testatoris intra centesimum diem matrimonium contraheret, præterquam ex testamentis cognatorum, ut opinor, usque ad sextum gradum, ad quem usque etiam prætor ab intestato cognatos vocat, *§. ult. Institut. de success. cognat.* Denique lex Julia et Papia nihil cœlibem voluit capere ex alienis testamentis, orbem autem voluit eorum quæ sibi relinquerentur, non plus capere, quam semissem, quæ omnia recte colliges ex *Ulp. lib. regul. tit. 16. 17. et 21.* et ex Sizonieni libro 1. *Histor. Eccles. cap. 9.* Major igitur est pœna cœlibatus, quam orbitatis, quia cœlebs nil capere potest, orbis saltem ejus, quod relictum erit, semissem capiet, nec carebit universo. Et ratio est in promptu, quia matrimonium contrahere est in nostra potestate. In ea parte scilicet, legi Julæ et Papiæ obtemperare est in nostra potestate, quod si non facimus, si monemus cœlibes marito plectimur toto, quod nobis relinquitur. At liberos suscipere, non est in nobis, sed in majestatis providentia Psalmo 126. *Hæreditas domini filii:* id est, donum domini, more Hebraico. Et eodem Ulpiano auctore lex Julia et Papia in orbo masculino definiebat ætatem viginti quinque annorum, in fœmina viginti, ut si quis ea ætate fuerit sine liberis, eorum, quæ sibi relinquuntur, semisse mulctetur. Unde cum Sizonenus scribat, eandem legem in cœlibe masculino definisse ætatem 25. annorum, quæ cœlebs, qui esset, jus capiendi non haberet ex aliorum testamentis, præsumo, fœm uæ etiam cœlibi præscriptam fuisse ætatem viginti annorum tantum. Ea enim lex Julia et Papia tam fœminas coercerat, quam viros cœlibes, et orbos, ut Dio scribit 34. eam legem graves pœnas irrogasse, τοῖς τε ἀγαθοῖς καὶ τοῖς ἀναδύποις. Cujus rei etiam argumentum præbet *lex 1. hoc tit.* quæ his pœnis legis Julæ et Papiæ utrumque sexum liberat. Ergo ea lex utrumque sexum tenebat. Et de his pœnis cœliba-

tus, et orbitatis in dictis legibus Julia et Papia, est accipienda *lex si is qui hæres*, *D. de vulg. sub.* Nam in illa lege, pœnas in testamento pati, id est, non posse capere ex testamento per legem Juliam et Papiam, oh cœlibatum, vel orbitatem non posse solidum capere: et proculdubio de iis pœnis, licet hoc non exstat, tractaverat Ulpian. *lib. Regularum, tit. de cœlibe, orbo, et solitario patre.* Ubi solitarium patrem vocat eum, qui unicum et solum filium habet *μόνον, τὸν ὄντων*, ut Homerus loquitur, qui orbitatis quidem pœnam non patitur, quis non est cœlibus, qui unicum filium habet, sed levio-rem pœnam, aut certe tanta pœnia non habet, quanta pater plurium liberorum. Et secundum hæc, quæ exposui, leges, quæ loquuntur de iis, qui non solidum, sed partem tantum capere possunt (ut *l. 42. D. de leg. 2. l. cogit. §. hi qui solidum, D. ad Senatusc. Trebell.* qui partem tantum capere possunt, id est, semissem: nam partem cum dici- mus, semis em dicimus. *l. nomen, §. 1. D. de verb. sign.* he omnes leges accipiendæ sunt de orbo, qui ex testamentis relictorum tantum semissem cape- re possunt, altero semisse mulctantur coacto in fiscum. Unde Juvenalis Satyricus recte, *legatum omne capere eum, qui jura parentis habet.* Quia scilicet orbus semissem tantum capit, non omne legatum. Ambrosius Luc. 3. *Erat, inquit, deformis liberos non habere, quod etiam legum civilium fuit auctoritate mulctatum, id est, Julia et Papia: et mulctatum semisse, ut Sozomenus scribit, se- misse relictorum.* Tertull. libro de monogamia: *Apud Christum, inquit, legibus Julis agi credunt, et existimant cœlibes, et orbos ex testamento Dei solidum capere non posse.* Tacitus 3. *Annal. Re- latum est, inquit, de moderanda Papia Poppæa, quam senior Augustus post Julias rogationes in- citandorum cœlibum pœnis, et augendi avarii sanxerat. Nec ideo conjugia, et liberorum educa- tiones frequenter abantur prævalida orbitate.* Et ait *augendi avarii*, quia, quæ non capiebant cœlibes, recidebant in fiscum. Item auctor Panegirici Ma- ximiano, et Constantino dicti: *Leges hæc inquit, quæ multa cœlibes notaverunt, parentes præmiis honorarunt, vera dicuntur esse fundamenta Rei- publ. quia seminarium est juventutis, et quasi fontes humani corporis semper Roma exercitiis ministrant.* Exprimunt rationem legis Julię et Papię in cœlibes, et orbos. At Tertullianus in Apologetico scribit, *Severum Imperatorem exclu- sisse leges Papias, quæ, inquit, ante liberos sus- cipi cogunt, quam l. ges Julię matrimonium con- trahi:* qui locus est obscurus, nisi enucleetur hoc modo, ut qua ætate lex Papia voluit suscipi liberos, eadem etiam, ut ante dixi, lex Julia voluerit ma- trimonium contrahi. Fieri autem non posse simul

eodem momento, ut existant nuptiæ, et liberi, sed prius matrimonium contrahere debere, marem in- tra vigesimum quintum annum, feminam intra vi- gesimum, deinde liberos suscipere. Cui rei a con- tracto matrimonio, puto potius, quam præsumo, Severum Imperatorem præstituisse tempus illud, cujus facit mentionem Ulpianus in supradicto tit. 16. puta annum, et sex menses, id est, bis novem menses quia novem mensibus plerumque partus absolvitur, non autem sustulisse Severum pœnas cœlibatus, et orbitatis, quoniam hoc primus præsti- tit Constantinus in *l. 1. hoc tit.* generaliter hæc in re omnibus civibus Roman. concessa vacatione legis Julię et Papię, quæ ante non fuerat concessa ge- neraliter, concessa erat tantum vacatio secundarum nuptiarum: nam et secundæ nuptiæ his legibus imperabantur solutis primis: concessa, inquam, erat tantum vacatio secundarum nuptiarum, femi- nis lege Julia a morte viri in annum, lege Papia in biennium: a divortio autem lege Julia in 6. menses, et lege Papia in annum et 6. menses, ut Ulpianus scribit eodem lib. tit. 14. Viris autem non legitur fuisse concessa ulla vacatio secunda- rum nuptiarum, quinimo sine ullo interstitio post primas nuptias viris erat cogitandum de secundis, non etiam feminis, quas elugere vicum oportet an- num viduas permanentes. At viri non lugent ux- ores. Desiderat etiam hæc in re legis Julię et Papię vacationem inron ne tempus D. Claudius, ut scribit Suetonius in Claudio, id est, remitteret pœnas cœlibatus, et orbitalis civibus, qui navem fabri cas- sent mercatorum causa, quod Constantinus in hac lege dat generaliter omnibus, sublata lege Papia et Julia, id est, sublatis pœnis, quas indicbant cœlibatui, et orbitati. Ac præterea in Codice Theod. ubi hæc lex plenior extat, Constantinus prohibetur, se tollere tantum pœnas cœlibatus, et orbitatis, non etiam, quod eadem leges caverant, *ne vir, et uxor inter se solidum capere possent*, quo jure etiam hodie pleræque nationes utuntur. Moribus Biturigum vir ex testamento uxoris, aut uxor ex testam. viri nil. capit. Et ratio Constani- tini est, quia fallaces plerumque blanditiæ, viz etiam opposito legum rigore, cohibentur: signifi- cat maritum, et uxorem plerumque blandis, præ- cibus et fallaciis a conjuge exigere suprema ju- dicia, et supremas liberalitates, quæ artes com- primendæ potius quam incitandæ sunt, vel ut ait *l. ult. C. Theod. de liber. exhib.* iste mutus fa- or inter maritos reprimendus est potius, quam incitan- dus. Quæ ex causa etiam lex Solonis apud Plutar- chum non vult rata esse legata, quæ quis moriens conjugi reliquerit. Et hæc lex Julia et Papia con- jugs inter se solidum capere non promittit. Si- gnificat etiam Constantinus illo loco dum ait

Sallaces illas blanditias vix cohiberi opposito rigore legis Juliae et Papiae, saepe his legibus illud per tacita fideicommissa, ut innuit lex ult. D. de ii. quae ut indignis auferuntur. Et aperte l. 1. inf. de iis qui se deferunt, libro 10. indicat uxorem ex testamento viri solidum capere non posse. Et in quibus legibus invenies ita poni speciem, ut non possit aliquis solidum capere ex unius testamento, possit ex alterius testamento, ut l. 6. D. de vulg. substitut. id secundum jus vetus, et mentem auctoris accipias de conjugē, qui ex testamento conjugis solidum capere non potest ex alterius testamento potest. Inde etiam Tertullian. 1. ad uxorem. Tu modo, inquit, ut solidum capere possis hoc meae admonitionis fideicommissum. Deus faciat. Dico solidum, quia, ut Ulpian. scribit eodem libro, tit. de decimis, vir et uxor inter se non possunt capere solidum, id est, assem: sed matrimonii nomine vir et uxor capere possunt decimam partem honorum, aut usque ad modum decimae, si relinquatur a conjugē. Et praeter hanc decimam, quae conceditur matrimonii nomine, et honore, etiamsi ex alio matrimonio liberos superstites habeant, possunt tot decimas capere, quot liberos habent. Item communis filius unus post nonum diem amissus, unam decimam adjicit: duo autem filii communes post nonum diem amissi, adjiciunt duas decimas: post nonum diem, id est, postquam nomen in civitate habere ceperant. Quoniam pueris parvulus nomen imponi solebat nono die, qui dies lustricus vocabatur, et Nominalis: ceteroquin amissi ante nonum diem non adjiciebant parentibus, quia pro non natis habebantur, qui nondum sumpserant nomen. Et haec omnia de decimis capiendis erant cautela lege Papiae, et ex ea re Thaleleus eam cognominavit legem Papiam decimariam in l. 1. sup. unde vir et ux. in qua tamen jus antiquum dici arbitratu habita relatione ad legem Papiam decimariam. Perperam, ut ostendit Observat. 3. c. 12. Ergo consequens est, id quod ponitur in l. qui uxori, D. de aur. et arg. leg. maritum uxori reliquisse decimam partem honorum suorum, hoc esse secundum legem Papiam. Verum hac in parte primum legi Constantinum Imperatorem vacationem legis Papiae dedisse omnibus navicularis Orientis, ut scilicet, etiamsi nullos haberent liberos, vir ex testamento uxoris, et retro uxor ex testamento viri, non decimam tantum, sed etiam assem caperent l. 7. C. Th. de Naviculariis, quam postea vacationem omnibus generaliter dederunt Honorius, et Theodosius in l. 2. hoc tit. cujus sit mentio in l. ult. C. Th. de legitt. heredib. sublata lege Papiae decimaria, quae conjuges cogebat ad decimam, nec volebat invicem solidi esse capaces: lex 2. hujus tit. eos facit capaces assis, seu solidi. Et ad hanc

legem secundam referri debent haec verba Rubricae, et decimarum sublatis, decimarum legibus scilicet. Verum sit lex 2. virum et uxorem inter se capere solidum, si relinquatur, nisi inquit, id lex aliqua minuat, non jam lex Papiae decimaria quae abrogatur: sed lex alia, quam Papia, veluti lex Falcidia, ut ait Accursius recte, et adde, vel lex Leonis, quae hodie observatur, id est, lex hac edictali, sup. de secund. nupt. ut mulier, quae secundo marito nupsit, cum haberet liberos ex primo, non plus ferat ex bonis secundi, vel non plus secundus maritus ex bonis ejus ferat, quam cui liberorum primi matrimonii minimum relinqueretur, ex bonis aliunde quaesitis, quam ex primo marito.

JACOBI CUIACII J. C.

In Lib. VIII. Codicis.

RECITATIONES SOLEMNES.

Ad Tit. LVIII. De jure liberorum.

Quam apte cohæreat hic titulus superiori, ex eo apparet, quod l. 1. hoc tit. est portio legis ult. tituli sup. Id quae patet ex inscriptione et subscriptione eadem. Et quod olim ex lege Papiae beneficio liberorum vir et uxor inter se habebant solidi capacitatem, ut si unum habebant filium communem superstitem, *ils se pouvoient laisser tous les biens l'un à l'autre en ce cas*: vel si eum amiserant puberem: quia multum erat puerum perduxisse ad pubertatem, vel si amiserant tres imos, id est, nuper manima depulsos, vel si tres amiserant post nonum diem, id est: post assumptionem nominis, quod Ulpianus scribit eod. lib. tit. 16. item mariti inter se habebant solidi capacitatem, etiamsi liberos neque habuissent, neque haberent, si a principe jus liberorum impetrassent, quod etiam proficiebat matribus; id est, ea impetratio juris liberorum, non tantum, ut solidum caperent ex testamento viri, sed etiam ut ab intestato filio forte unico succederent ex SC. Tert. ut l. 7. C. Th. de legitimis lib. l. 9. C. Th. de infirm. iis, quae sub Tyr. gesta sunt, et Nov. Valent. de test. At lex prima hujus tit. non vult amplius jus liberorum impetrari, aut peti a Principe precibus oblatis, sed ultro et generaliter l. 1. dat jus illud omnibus maritis, ut inter se solidi habeant capacitatem, prout atque si specialiter impetrassent jus liberorum. Lex autem secunda idem jus liberorum ultro tribuit maritis, aut mulieribus, non parentibus, ut filio succedant ab intestato ex Senatusconsulto Tertulliano.

JACOBI CUJACII J. C.

RECITATIONES SOLEMNES

*Sive Commentarii.**In IX. Librum Codicis Domini Justiniani.*

AD TITULUM I.

Qui accusare non possunt.

Anno. 1578.

Hunc librum Justinianus vocat terribilem, l. 2. sup. de vet. jure enucl. atque atrocem propter varias poenarum atrocium causas. Opus erit multae, et variae, atque antiquae potissimum cognitionis. Post actiones civiles, quae controversias privatorum dirimunt, in hoc libro dantur criminales, quae maleficia ulciscuntur, et puniunt, et proprie accusationes dicuntur. Ut vero lib. 6. sup. et D. 38. prius agit de iis, qui testamenta facere non possunt, quam de testamentis ipsis: ita hoc libro primum agit de his, qui accusare non possunt, deinde de accusationibus: qui ordo, etiamsi non sit ordo docendi, secundum quem prius de re ipsa, quam de circumstantiis dicendum est, et personae numerantur inter circumstantias: tamen ordo est respondendi de jure, et in foro exercendorum judiciorum, ut si quaeratur, an valeat testamentum, prius quaeratur de personis, quam de regulis, et solemnitatibus juris, quae in conficiendis testamentis requiruntur, l. 4. ff. qui testam. fac. poss. l. quidam, D. de jur. codicill. Itemque si quaeratur, an recte accusatio instituta sit, quaerendum est prius, an accusator justus sit accusator, an accusare possit, deinde an rite instituta accusatio sit, et secundum regulas juris civilis, an justa sit accusatio et sollemnis. In quibusdam Codicibus primo titulo hujus libri praescribuntur haec verba generalia, *de criminib. et qui accusare non poss.* ut vulgo ante editionem Florent. libro 28. Digestorum, tit. 1. qui testament. fac. poss. haec quoque verba generalia praeposita erant *de testamentis*. Perperam, quoniam, ut jam pridem ostendi, in Digestis, vel Codice nulli sunt tituli generales, et meliores quoque Codices ea verba non habent. Hic igitur sit titulus primus hujus libri, *qui accusare non poss.* Unde intelligimus in eo demonstrari, vel enumerari eos omnes, qui accusare prohibentur: de quibus ordine, et sigillatim est dicendum. Ac primum quidem notandum est, neminem pendente accusatione accusare posse accu-

satorem suum, quae de re agitur in l. 1. et 19. et est questio satis difficilis de relationibus criminum, sive de mutuis accusationibus, aut de anticategoriis, quae sola questio hodie explicabitur. Primum sic statuo generaliter neminem pendente accusatione accusare posse accusatorem suum, idque verum esse generaliter in omni crimine majori, minori, pari, id est, simili, vel neque magno, ut nullus quisquam accusatorem suum possit accusare, quamvis est in reatu, nisi haecenus, ut edat tantum inscriptionem adversus accusatorem ex alterius criminis causa, et deponat in judicio, ut l. 19. hoc l. non etiam ut procedat ulterius, non ut ejus, quem delulit, nomen postulet recipi inter reos, non ut litem contestetur causa perorata ex utraque parte, quod proprie est accusare. Fabius Quintil. Declam. 287. *reum semel delatum non posse absolvi, nisi accusetur*. id est, nisi lis contestetur. Ergo aliud est reum deferre, aliud reum accusare, edito libello inscriptionis. Defertur quidem reus, ut ostendit l. 3. ff. de accusat. sed non agitur etiam statim. Aliud est edere inscriptionem, quae et subscriptio dicitur: aliud eum, qui postulatus est criminis, recipere inter reos, quod fit a praetore, qui legibus quaerit postulante accusatore. Seneca in Apocolocyntosi: *ducit illum ad tribunal Aeci: is lege Cornelia, quae de sicariis lata est, quaerebat, edit inscriptionem, postulat nomen ejus recipi*. Et in 3. Declamat. *In jus ad praetorem voco, et cum quantum volebam jororum, convictorumque effudissem, postulavit, ut praetor nomen ejus reciperet*. At in id quod initio dixi generaliter verum esse, ut is qui reus factus est, nullum possit crimen referre in accusatorem suum, notandum est, in hoc tamen esse differentiam inter majus et minus crimen, vel par, quod ei, qui prior edidit libellum inscriptionis, sive litem contestatus sit, sive non, parat minus crimen objici non possit ei, qui occupavit inscribere in crimen. Et ita est accipienda l. 19. quae loquitur tantum de pari aut minori crimine. Et ita eam Graeci interpp. recte acceperunt. Et quia loquitur tantum de pari et minori crimine, consequens est, aliud esse in majore crimine. Et sane ita est, ut majus crimen possit objici ei, qui edidit prior minoris criminis inscriptionem, si modo litem contestatus non sit, quae est sententia l. 1. hoc tit. Cujus species haec est. Tu prior contra me inscripsisti, sioge, in crimen legis Juliae de vi privata, accusationem, sive litem nondum contestatus es: ego interim tibi objicio majus crimen, puta legis Corneliae de sicariis, crimen caedis et vulnecum. Lex ait, prius esse quaerendum de graviore crimine, pro pollere causam majoris criminis, et ex eventu ejus causae majoris judicem aestimaturum, tibi permittenda sit, nec ne accusatio ex l. Julia

de vi privata: nam si absolutus fueris, tibi esse permittendam: itemque si condemnatus fueris sine capitis diminutione, ut si relegatus fueris, vel damnatus in opus publicum temporarium, et sine infamia, ut in casu *l. quid ergo. §. pœna. ff. de iis qui not. inf.* Alioquin infamis non posset accusare, exceptis certis casibus, quibus etiam infamius est accusandi. Et iis quoque casibus recte dicere ei, qui ex causa gravioris criminis condemnatus est sine capitis diminutione permittendam esse accusationem minoris criminis, in quod prior inscripserat, antequam accusaretur de majori crimine: quod si fuerit ex ea causa damnatus in metallum, vel in opus publicum perpetuum, quo genere patitur capitis diminutionem id est, amittit civitatem et libertatem, et fit servus ac peregrinus, tum ei non esse permittendam accusationem minoris criminis, quia capite minutus est, capitis minor est, ut ius accusandi non habeat, *l. 5. D. de publ. jud.* Posui in specie hujus *leg. 1.* te inscripsisse priorem in crimen minus, non item contestatum: nam si litem contestatus es, etiam post capitis diminutionem, quam forte alio accusante sustinisti, inchoatam accusationem tibi implere licet, ut ait *l. deferre. §. item constit. ff. de jur. fisco. et d. l. 5.* Inchoatur accusatio contestatione, et actione causæ, ex utraque parte. Et recte in *d. l. 5.* inchoatam accusationem Græci interpretantur *προκαταρκτικήν*, quod est, *contestatam, propositam, fundatam.* Et ita fit (quod est notandum) ut capite diminutus, id est, servus vel peregrinus, accusationem exequatur, impleat, peragat, quam coepit liber et civis, quia scilicet initio tantum litis exigitur, ut sint justæ personæ, et idoneæ, quæ rem in iudicium deducunt, nec recte institutum iudicium, constitutumque inter justas personas et legitimas, id est, inter cives et liberos homines, sit irritum capitis diminutione alterutrius litigatoris. Sic igitur, si litem contestatus sit ante capitis diminutionem, quæ post ei contigit, inchoatam litem, et accusat. implere potest. Item si litem sit contestatus, si ve accusationem, ea pendente ab adversario, nec majus crimen ei obijci potest, id est, post litem contestatam, quod recte notavit glossa in *h. l. 1.* ad verbum, *respondeas.* Unde ita rem omnem concludamus: si is, in quem quis minus crimen inscripsit, contra ei obijciat majus crimen ante litem contestatam de minori crimine, prius est agenda causa majoris criminis: post litem vero contestatam nullius criminis majoris, vel minoris, vel similis, vel æque magni relationem, id est, *ἀντικαταρκτικήν*, permitti. Et recte Gregorius Nazianzenus in Epistol. *Ut servem, inquit legem judicariam, et me prius purgem, et exuiem, quam accusem adversarium: ἵνα νόμον φυλάξω, καὶ μὲ πρῶτον ἀπολογίζομαι.* Et

vero quis non referret semper accusatori crimen aliquod, si referre liceret? Et si liceret accusatori referre crimen, quis non referret etiam iudici? Quoniam (ut eleganter ait *l. 1. Cod. Theod. de accusat.*) neque iudex illius, quem punit, neque accusator illius, quem ad pœnam postulat, oñium evitare potest. Et quamvis omne genus accusationis, seu relationis criminis, accusationis mutue, adstringat necessitas inscriptionis, tamen, ut ait rectissime *l. quamvis, inf. ad leg. Jul. de adult.* nonnulli nimio odio et ira accensi proterve id faciunt: nec cohibet eos periculum inscriptionis. Fateor statim initio delati criminis mutuan accusationem admitti, sicut hodie mutua petitio, vel actio non admittitur, nisi ab initio litis, apud eundem iudicem ex Novella 96. *§. ult.* quam Haloander male accepit de multis accusationibus, cum sit de mutuis petitionibus, sive mutuis, actioibus civilibus. Et tamen in omnibus indistincte verum est, mutuas vel actiones, vel accusationes debere statim ab initio proponi apud eundem iudicem, ut si mortuo aliquo statim uxor, et noverca mortui, se invicem veneficii accusent crimine pari, vel etiam si extraneus reus adulterii, quem maritus defert, statim initio lenocinii crimen marito obijciat, ut in *l. quoniam, inf. ad leg. Jul. de adult.* quod etiam est par adulterio crimen, quia eadem lego, et eadem pœna lenocinium coercetur, qua adulterium, *l. 2. §. lenocinii, ff. eod.* Paulo post delationem criminis adulterii, id est, post editam inscriptionem, et multo magis post contestatam accusationem, dico extraneum marito non posse referre crimen lenocinii, nec directo, nec in modum exceptionis, seu præscriptionis. Idque probo ex *d. l. 2. §. qui hoc dicit, et §. extraneus.* Nec obstat, quod exceptio lenocinii est peremptoria, et peremptoria exceptio quandoque post litem contestatam opponi potest, *l. 8. sup. de except.* quoniam hoc ita verum est, ut possit exceptio peremptoria quodocunque opponi post litem contestatam, si relevet, vel allevet reum, vel si oneret actorem, hac quodocunque uti reo licet. At cum exceptio peremptoria nec relevat reum, neque onerat actorem, quis non videt, eam inutiliter opponi, cujusmodi est exceptio lenocinii post delationem adulterii, quia non relevat reum adulterii, non onerat etiam accusatorem, id est, non subijcit accusatorem pœne lenocinii. Ergo frustra obijcitur, videlicet ab extraneo reo facto adulterii: nam ab uxore, quam maritus reum facit adulterii, recto quodocunque opponitur exceptio lenocinii. Et ratio differentie hæc est, quia uxor, quæ lenocinium obijcit marito, retorquet in eum crimen, et cuilibet in adversarium crimen retorquere, et dicere: tu mihi auctor fuisti sceleris, ejus me incusas, *l. qui cum major natu 14. §. si libertus, ff. de bon.*

libert. At extraneus objecto lenocinio non retorquet crimen, quoniam non ipse lenocinio plectus est, sed mulier. Et refert quidem mulier marito lenocinii crimen, non quidem ut se purget, vel excuset: nec enim relatio lenocinii eam relevat, quia, ut ait *lex 3. de public. judic.* non relatione criminis, sed innocentia reus, vel rea purgatur. Et in causis criminalibus, sive mutuis accusationibus quoties permittuntur, non est compensationi locus, *d. l. 2. §. qui hoc dicit, l. si uxor 13. §. judex, ff. ad leg. Jul. de adult.* Cui tamen compensationi locus est in causis civilibus, etiamsi inter maritos agatur civiliter de malis moribus, et delictis. Et ita est accipienda *l. viro 39. ff. sol. matrim.* de mutua actione civili, non criminali, id est, de actione de moribus, in qua paria delicta mutua compensatione tolluntur, non de criminali. Unde sic dico, uxorem ream adulterii, recte marito referre crimen, non ut se excuset, nec enim ideo excusatur, aut evitat poenam adulterii, sed ut oneret meritum, et poenae subiciat, *d. l. 2. §. si publico.* Et valde notanda est hæc differentia inter extraneum et uxorem. Et restat tantum illud modo, ut adnotemus, quolibet reum postulatum, calumniam accusatori quandocunque obijcere posse, ut *d. l. qui cum major natu, §. si libertus, l. 1. inf. de calumniat.* Et eadem ratione, quia hæc allegatio calumnie relevat reum, et poenae subicit accusatorem, cui etiam se subiecit ipsemet inscribendo, si calumniator probaretur. Et aperte *d. l. 19. hoc tit.* ait, etiam accusatum, accusatorem suum accusare posse, si suam istorumve injuriam persequatur. Calumnia accusatoris, accusati injuria est. Illa quoque relatio criminis quandocunque admittetur, quia relevat reum, si reus credis dicat se jure occidisse, quod alius eum injuria prior lacesserit, quo exemplo utitur M. Tullius primo de lævæ. *Itemque sciendum est, eum, qui reus criminis delatus est, nec accusatorem suum regulariter alio crimine, cujus obligatio eum non relevet, aut oneret accusatorem, necque alium quenquam, a quo non accusatur, accusare posse, quandiu est in reatu.* Quam sententiam et nostri Doctores omnes teneant. Sic igitur statuamus; qui est in reatu, neminem accusare potest, cum nec procuratorem alienum litem suscipere possit, *l. reum, sup. de procurat.* nec honores petere, *l. reus, ff. de mun. et honor.* et hoc est certissimum hoc tit. passim. Dabitur tantum de relatione criminis, de antecategoria, an reo esset permittenda adversus accusatorem ex alterius criminis causa, nihil habentis commune cum eo, cujus reus postulatus est in alium: constabat ei non esse permittendam accusationem. Et hujus rei præbet argumentum *l. pen. ff. de accus.* quæ ei, qui est

in reatu capitali, permittit fiscalem causam pecuniariam deferre, suspensio crimine capitali, inquit, quod ibi male Budæus interpretatur, id est, interim nulla facta condemnatione, quoad pergerit delationem cause fiscalis, alioqui damnatus non posset deferre fiscalem pecuniariam causam, *l. deferre, §. 1. ff. de jur. fisc.* Denique fiscalis pecuniarie cause delatio, reo criminis capitalis permittitur, non accusatio: sed dubitabatur, an saltem permitteretur mutua accusatio; quod jam satis ostendi non esse regulariter admittendum.

Ad L. II.

Si cautiones, quibus Secundinus solutam Eugenio pecuniam probare se dicit: tutores, vel curatores tui suspectas, ut falsas habent, proprio nomine (cum non liceat alieno) non prohibentur in crimine falsi subscribere: nec enim facile vel tutores, vel curatores, qui ex officio periculo suo res pupillorum, vel adolescentium administrant, sententia notantur, nisi evidens eorum calumnia judicanti apparebit. P. P. 12. Kal. Octob. Anton. A. et Geta Cons. 206.

Ex hac *l. 2.* intelligimus, neminem accusare posse alieno nomine, sed de professo, et cominus proprio nomine consistere, et accusare quemque debere. Et ut alieno nomine nemo lege agere potest, *l. nemo, ff. de reg. jur.* ita nec alieno nomine lege judiciorum publicorum cuiquam accusare licere. Sed ut in legis actionibus excipitur tutor, et curator, qui nomine pupilli, vel adolescentis lege agere potest, etiam non præstita cautione dato, *l. vi'go, ff. de administ. tut.* Ita ex *h. l. 2.* ostendam, tutorem, et curatorem nomine pupilli sui accusationem instituere posse, vel nomine adolescentis, cujus curam gerit. Inscripta est *l. Ingenno*, et in ejus leg. contextu etiam recte Ha-lauder scripsit, *Ingenno*. Verum in inscriptione, *Ingenus*, est filius impubes, qui patri supervixit: in contextu, *Ingenus*, est pater, qui vita decessit relicto filio impubere. Idem fuit nomen patri et filio. Et ut omnem speciem legis reteam, sige: egerunt tutores, vel curatores tui adversus Secundinum ex chirographo ei a patre tuo credite pecunie: Secundinus probavit, se eam pecuniam patri tuo solvisse, prolata cautione, id est, apocha, ut glossa recte interpretatur, sive professione solutæ pecunie, *quittance*: eam apocham tutores, vel curatores tui habent suspectam, ut falsam et fictam, et volunt adversus Secundinum subscribere in crimen falsi ex lege Cornelia, quod solum crimen hodie moribus nostris exigit accusatoris inscriptionem: jure autem civili omne crimen, omne genus accusationis, ut ait *l. quamvis, inf. ad leg.*

Jur. de adulter. Quæritur autem in hac specie tutores, vel curatores tuti an possint subscribere in crimen falsi? Et lex ait, p. esse, nec vereri calumnie infamiam, si forte non obtineant, quia hoc faciunt, inquit, ex officio, et periculo, sic est legendum, sic etiam legit Halonder, id est, non sua sponte subscribunt in crimen falsi, sed magis ex necessitate officii sui, ne res perrat pupillo, cujus omisi periculum subirent l. 1. ff. de tutel. et rat. d. strah. Et ita l. tutorem 22. ff. de his, quæ ut indign. aufer. tutorem, qui falsum testamentum dixit nomine pupilli sui, qui libertum patris sui capitis accusavit nomine pupilli sui, non perdere legata sibi in testamento relicta, quod falsum dixit nomine pupilli sui, et non repelli a bonorum possessione contra tabul. liberti sui, a qua repelleretur, si libertum suum capitis accusasset suo nomine, nec obtinisset: quoniam in hac specie libertum capitis accusavit non nomine suo sed nomine pupilli sui, et officii necessitas, et tutoria fides eum excusat, et quia non jure sur persone ut ait lex, sed pupilli jure et nomine accusavit ideo judicem nullam ei calumnie notam irrogaturum, si non obtinuerit, qui non suis simulatibus sub nomine pupilli accusationem instituit, sed coactus necessitate officii ne desereret rem pupilli, et urgente forte matre pupilli, vel cognatis, vel libertis paternis pupilli sui. Denique tutorem in eo, quod fecit non proprio nomine propriam penam non mereri, puta calumnie penam. Et ita Apulejus 1. Apol. *Emilianum dixisse libellum inscriptionis, quo se reum magis deferbat nomine non suo, sed privigni admodum pueri, et adscriptisse se ei adstidere, tanquam patronum, ut obtentu ejus ætacula inquit, ipse insimulationis falsam, id est, calumnia non plecteretur, quia scilicet, qui alieno nomine accusat, non tenetur de calumnia, nimirum quia ipse non est proprie accusator, sed is, cujus nomine accusat, sive dat libellum. Is est vere accusator, ipse defensor, et quasi patronus tutor, ut ait d. lex tutorem, in fine.* Videmus ergo in l. tutorem tutorem instituisse accusationem falsi pupilli nomine non proprio, et ideo non timere infamie, et calumnie notam, quam utique timeret nec posset effugere, si suo nomine accusationem institueret. Idem etiam videmus in l. Polla, sup. de iis quibus ut indig. tutorem pupilli sui nomine, non suo falsum testamentum dicere. Et tamen l. 2. h. tit. ponit tutorem falsam apocham dixisse proprio nomine, qua submovebatur pupillus repetens pecuniam, aut tutor pupilli nomine repetens pecuniam Secundino a patre creditam. Denique ponit l. 2. tutorem subscribere in crimen falsi proprio nomine, non pupilli et tamen si non obtinuerit, sententia judicis non notari, quod ex officio suo id fecerit, Tom. IX

quod incubuerit officio suo hoc facere. Quod si ita ponas, restabit ex hac l. 2. primum hæc sententia. Tutorem suo nomine publico judicio accusare posse. Quid quid est certius? Nam judicium publicum patet omnibus sine discrimine. Carebit igitur hæc ex ratione dubitandi. Ac præterea, si suo nomine accusavit, omnino falsum est, quod subicit, eum non teneri calumnie nomine, si non peregerit reum, et condemnaverit: nam inscriptio, quam fecit suo nomine, eum poenæ calumnie alligat, maxime cum necesse non habuerit ex officio suo nomine subscribere in crimen falsi, et subscribere potuerit nomine pupilli siue metu calumnie, ut in d. l. tutorem, et d. l. Polla. Quamobrem semper existinavi in h. l. 2. esse scribendum pupilli nomine, non propria nomine tutorem subscripsisse in crimen falsi apochæ, et rationem dubitandi tum eam esse, quam expriment hæc verba legis (*Cum non licet alieno*) quia scilicet regulariter non licet accusare alieno nomine. Unde dubitabatur, an saltem pupilli nomine, vel adolescentis. Et ait licere tutorio officio, vel curatorio, sive tutorio et curatorio nomine, non jure propriæ persone, non proprio nomine. Certe procurator o nomine non licet accensare, l. pen. §. ad crimen, ff. de public. judic. Sed neque sub alterius cujusquam nomine, cujus tutores, vel curatores non sumus, accusare licet, et si accusamus habemur pro calumniatoribus, l. nostris, inf. de calumniat. Perinde igitur est, dum hæc lex 2. ait, cum non liceat alieno nomine, ac si diceret, dico tutores, et curatores pupilli nomine subscribere in crimen falsi, quia alieno nomine subscribere non possunt, sed pupilli et adolescentis nomine possunt. Et hoc posito certe verissimum est, quod sequitur, tutorem etiam si non obtinuerit, calumnie non notari, quia pupilli nomine egit: nisi evidens calumnia fuerit, id est, nisi manifesto appareat, tutorem fuisse abusum pupilli nomine, ut pupilli nomine suis similitudinibus indulgeret, et calumniaretur innocentem, non ut bona fide rem pupilli administraret, alioquin calumnie non tenetur, qui non suo nomine accusavit, sed pupilli, vel adolescentis. Et placet valde quod ait l. non est, sup. de administrat. tut. sub prætextu nominis pupillorum tutores, vel curatores scientes mala fide calumniosas actiones impune non instituire. Et ita in d. l. Polla, tutor calumnie damnatur, quantevis nomine pupilli egerit de falso testamento, quia scitis retractaverat crimen falsi, de quo cum coheredibus suis transegerat cui pupillus hæres extitit, sciebat non licere retractare crimen falsi, de quo transactum est. Et interim ea lex Polla probat exceptionem leg. transigere, sup. de transact., ut de crimine non inferente penam sanguinis non ha-

cent transigere citra, id est, præter falsi accusationem, quæ licet non inferat poenam sanguinis, tamen de ea transigere licet. Ut vero diximus in hac l. 2. esse legendum, pupilli nomine non proprio nomine: ita etiam Theodororum Græcum interpretem legisse apparet ex hac notatione in hanc legem partim Latina, partim Græca, quæ talis est, ὁ ἀλλοτρίῳ ὀνόματι τοῦ πύλλου ἀναγκαστὴν δικαστῆραν οὐκ ἀτίμαται, ἀλλὰ μὴ ἀναγκαστῆται εὐχομενῶν: quæ est summa hujus legis. Is qui alieno nomine instituit publicum judicium, non notatur infamia, nisi evidenter probetur esse calumniatus: abusus, scilicet alieno nomine, illo malo. Et tamen alter Græcus interpretes, nempe Thalelaus legit, ut vulgo legitur, proprio nomine, ἰδίῳ ὀνόματι, quod plane demonstrat, hoc mendum esse vetustissimum, et inseruisse jam olim, quod tamen res ipsa non possit ferre, nec mirum, si inseriderit hoc loco, cum et in Pand. Florent. in hac ipsa questione, in d. l. tutorem, manifestissimo modo scriptum sit, tutorem instituisse accusationem falsi testamenti suo nomine, cum unius contextus legi illius satis longe demonstrat, ut etiam omnes libri habent esse legendum, tutorem accusationem instituisse pupilli nomine, non suo nomine. Interpretes viderunt quidem hanc scripturam non posse sustineri, si scribamus in hac l. 2. proprio nomine, sed utcumque maluerunt emendari, quam quod verum est confiteri: utcumque ea n. tueretur falsis et calumniosis rationibus. Primum sic statuunt, pupilli nomine tutorem non posse subscribere in crimen et ideo legem ponere et statuere, ut subscribat proprio nomine. Nec obstat l. tutorem, et l. Polla, quæ aperte dicunt, tutorem subscribere in crimen nomine pupilli, quia in his locis, inquit (nomine pupilli) id est, pro pupillo, nomine tamen proprio, non pupilli nomine: quæ interpretatio sequi ipsa pugnat, nec simul esse potest, ut quis pro pupillo, et nomine proprio accuset, quoniam pro pupillo nil aliud est, quam nomine pupilli, et nomine pupilli, nunquam aliud quicquam est, quam pro pupillo. Hæc autem non possunt stare simul, ut quis nomine pupilli, et nomine proprio accuset. Et rectissime Theophilus noster in tit. de his per quos agere possum, nomine proprio et pro se, idem esse, nomine alieno et pro alio idem esse: nomine pupilli et pro pupillo semper idem: sicut pro se solvere pecuniam, est suo nomine: pro alio solvere, est alieno nomine, l. si filiusfamil. ff. de in rem vers. l. Papinian. ff. mand. Falsum etiam est, quod respondent aliter ad leg. Polla; in ea tutorem de falso egisse civiliter nomine pupilli, non criminaliter, quia non potuit agere criminaliter nomine pupilli, sed proprio tantum, inquit: falsum, inquam, hoc est, quia non unus egit tutor in dicta

lege de falso testamento criminaliter, ut significant illa verba, falsum testamentum dixit, quæ accusationem significat nomine pupilli, quam in l. tutorem. Et ut demus, non concedamus, tutorem in l. Polla egisse falsi civiliter nomine pupilli, tamen non possunt negare, eum egisse criminaliter nomine pupilli in l. tutorem. Denique si effugiant utcumque leg. Polla, non effugiant leg. tutorem. Falsum est etiam, quod ajunt, pupillum non posse accusare criminaliter, nec consentiente tutore, quia generaliter verum est, pupillum cum de re agitur, et injuria admitti ad accusationem falsi ex consilio tutorum et curatorum; ut ait lex. 2. §. 1. ff. de accusat. Et Paulus 8. Sentet. tit. 12. cæti, inquit, ejus, qui accusat testamentum, succurri solet, si non obtinuerit, in id quod amisit, maxime, inquit, si tutoris, vel curatoris consilio actio sit instituta. Utrouque loco exigit consilium, quod est quasi patrocinium tutoris et curatoris in instituenda a pupillo accusatione: non exigit auctoritatem, quæ longe distat a consilio. Sed notandum, hodie tamen exigi etiam auctoritatem tutoris, vel curat. ex constitutione Justiniani, l. 4. sup. de auctorit. præst. Et pupillum accusare posse, esse eo apparet, quod tutor potest accusare, nomine pupilli, quo genere non tutor est accusator, sed pupillus. Et id probat effectus rei, sive exitus. Nam pupillus, cujus nomine instituta accusatio est, sustinet poenam temerariæ accusationis, non tutor, d. l. tutorem. Falsum est etiam et valde captiosum, quod Bartol. ait in hac lege, ut se expediat difficultate, in quam nos deducit l. 2. si in ea legator proprio nomine: quod inquam, ait Bartol. tutorem posse inscribere in crimen falsi proprio nomine, accusare autem non posse pupilli nomine. Moretur argumento legis ult. infr. de injur. ex qua lege vir illustris inscribit in crimen injuriarum suo nomine, procurator ejus, inquit, accusat. In quo argumento erat aperta fallacia, qui in l. n. l. dominus, ad quem res pertinet, inscribit in crimen, hic non dominus, id est, tutor. Item verius est, ibi dominum cui est facta injuria, virum illustrem, non tantum esse inscriptorem, sed etiam accusatorem suo nomine, cum et sententia ei dicatur nominatim, vel in eam, ut ea lex ait. Bartolus facit in casu proposito, inscriptorem tutorem, accusatorem pupillum: nam si pupilli nomine accusatio instituitur, pupillus accusator est, ut dixi jam. Hoc vero nunquam contingit, ut alius sit subscriptor, alius accusator. Et postremo etiam falso exponit hæc verba hujus legis, cum non liceat alieno, id est, pupilli nomine, inquit, ut sit hic sensus, tutorem proprio nomine subscribere in crimen falsi, proprio nomine accusationem instituire, quia non potest subscribere pu-

pilli nomine, quod jam ostendi esse falsum ex *l. tutorem, et l. Polla*. Et præterea si hæc fuisset mens hujus legis, dixisset, *cum non liceret tuo*: quia ante dixit, *tui tutoris*. Deinde si proprio nomine egit tutor, male subjeceret, tutorem non prohiberi agere suo nomine, quoniam hoc facit officio suo, nec veretur periculum calumniæ: nam ex sequeretur, eum, qui sua sponte vult accusare nulla cogente necessitate officii, prohiberi accusare publico iudicio propter periculum calumniæ. Itaque permaneo in præca mea sententia, quod ad hanc *l.* attinet.

Ad *L. III.*

Qui crimen publicum instituere properant, non aliter ad hoc admittantur, nisi prius inscriptionum pagina præcesserit, et fidejussor de earranda lite adhibitus fuerit: sin vero post satisfactionem præsentem non fuerint, edicto admonendi sunt, ut veniant ad causam agendam, et si non adfuerint, non solum extra ordinem estimatione iudicis puniendi sunt, sed etiam sumptus, quos in eam rem, et circa ipsam iter ad litem vocati fecerunt, dependere cogentur.

Ex *l. 3.* intelligemus, eum accusare non posse iudicio publico adde, vel extraordinario iudicio ex *l. ult. ff. de furt.* qui non inscripsit in crimen, id est, qui non edidit libellum inscriptionis, cuius formula proponitur in *l. 3. ff. de accus. l. Tit.* professus est, se Maxium *l. Jul. de adult. ream* deferre, quod dicat eam cum *C. Sejo*, in illa civitate, domo illa, consulibus illis mense illo, adulterium commisisse. Cui bello proponi debet dies, quo editur, et annus, id est, Consules et postponi subscriptio ejus, qui crimen intendit. Huic enim libello is qui crimen intendit, subscribere debet sua, vel alterius manu si literas nesciat, ut ait *d. l.* quo fit, ut hanc professionem modo inscriptionem nuncemus, modo subscriptionem. Vis autem ejus hæc est, ut pari supplicio vice talionis subiciat accusatorem, si non obtineat, quem dixit in inscribendo in crimen, profiteor: quo verbo spondet, et in se recipit, utroque obligat se, et obstringit ovari peragendi, et pervincendi rei. Vis ejus hæc est, ut alterutraque partem digna legum tenere possit auctoritas, ut ait *l. pen. l. seq.* ubi alias legitur, *austeritas*, sed Basil. probant, *auctoritas*, *ἀστυρία*, Symmach. in Epist. ad Theod. Imperatorem, *Nostis*, inquit, *quid habeat conditionis inscriptio*: Previsum enim est, ne tenere in alieni capitis discrimen irinceret, nisi qui idem prius se pœnæ sponsione vinceret, id est, pœnæ calumniæ, cuius tacite sponsioni se devinct, qui libello inscriptionis profiteretur, se reum deferre

criminis certi. Vis ejus igitur hæc est, ut et accusator rei conditionem sustineat, ut ait *l. 8. C. Th. de accus.* ut similitudinem custodiæ patiat, *l. 2. in fine, infr. de exh. reis, l. ult. tit. seq.* ubi similitudo custodiæ, non est imago quædam custodiæ, sed eadem prorsus custodia, sub qua ipse reus constituitur initio litis, dum iudex reperiat cognitionis discrimen aliquod inter reum et accusatorem, ut in *d. l. ult.* Similitudo pœnæ, quæ tenet accusatorem, si non obtineat est talio, id est, talis pœna, qualem convictus reus subiisset. Inscriptio prior est vocatione in ius, *l. 2. infr. de exhib. reis*: prior litis contestatione, *l. in Senatû-consultum, §. qui post ff. ad SC. Turp.* atque adeo inscriptio prior est accusatione. Unde *h. l. 3.* ait, *pag. nam inscriptionum præcedere debere*. Et *l. 7. ff. de accusat. præcedere debere subscriptionem in crimen*. Et *l. ult. tit. seq.* In causis criminalibus, inquit, *dignum est, ut præponantur inscriptiones, quæ magnitudinem criminis, id est, qualitatem, et tempus designant*: tempus admissi criminis debet designari, id est, consul. et mensis, ut patet ex formula inscriptionis, non dies, vel hora: non tam arcte, vel absciæ: sed designatur ab accusatore tempus, *l. ipso, et adætu* id est, annus, et mensis, non dies, et hora admissi sceleris. Et hoc quidem, non quod in criminibus, quæ certo tempore finiuntur, veluti adulterii, et peculatus, quæ finiuntur quinquennio, vel injuriarum, quod finitur anno, non inquam, quod in his tempus computetur a mense in mensem, quoniam computatur a die in diem, *l. 6. ff. de obligat. et act.* Sed quod non sit nimis arctandus qui venit ad accusationem reipubl. vindicande causa: nam omnis accusatio principio respicit vindictam publicam, et exemplum publicum, punianturque crimina, non quod sint commissa, sed ne deinceps paria crimina ullas admittat, et ut omnis discat non admittere. In causis civilibus, et precunariis, etiamsi de crimine agatur, ut si queratur furti civiliter in duplum, vel quadruplum, vel si de possessione agatur vi crepta interdicto momenti, vel si de abactio non pecore agatur, quæ de re agitur civiliter actione furti, vel ut dixi, interdicto unde vi, non criminaliter, non est necessaria inscriptio: non omnis mentio criminis evigil inscriptionem, sed sufficit in causis civilibus libellus conventivus, et editio actionis: in criminalibus causis necessaria est professio, et inscriptio, tacitaque sponso, imo expressa sponso, et satisfactio peragendi rei. Et hujus differentie inter civilia, et criminalia iudicia probandæ gratia, *Greci Interpp. in l. 3. et 7. ff. de accusat.* et alibi, sæpe solent adducere *l. 4. sup. de sport.* quæ est constitutio *Gæcia*, in illo loco ubi βιβλίον αὐτοῦ ἐκδίδω, ἢ γράψῃ τὴν ἐπαγγελσίαν, ut scilicet, βιβλίον

exigatur, et sufficiat in causis civilibus γράφειν in criminalibus, quem locum non facile erat reperire. Quodam autem tempore fuit in arbitrio iudicis admittere accusatorem, etiam sine inscriptione, *l. 5. C. Th. de accus.* et tamen tunc, ut etiam sit hoc tempore, quo non exigitur inscriptio, præterquam in crimine falsi, non ideo minus accusator, qui non subscripserat in crimen, et non obtinebat causam, calumnie damnabatur, hoc est, pari vindicta affliciebatur. Id vero, ut inscriptionis exactio sit posita in arbitrio et potestate iudicis, quodam rescripto Imp. Anton. cautum fuisse testantur Inpp. Valens et Gratianus et Valentin. in *l. ult. C. Th. ad l. Corn. de fals.* qui et idem probant etiam in crimine falsi, ut non exigatur inscriptio, nisi ita iudici visum fuerit, ut jam ex ea constitutione inscriptionis necessitas, et solemnitas non sit ordinarii juris, ut fuit olim, sed in arbitrio iudicis. At jus vetustius, et constitutiones cum eo consentientes Justin. magis approbavit, ut in omnibus criminibus exigatur vinculum inscriptionis, ne quis facile prosiliat ad accusationem, cum sciat, inultam sibi accusationem calumniosa non futuram, cum per libellum inscriptionis se ipsemet accusator pari ultioni subijciat, ut inquam, exigatur ipso jure, etiam sine arbitrio iudicis. Verum ab hoc jure ordinario Accurs. in *l. 5. C. Th. de accus.* excipit multos casus, et si unum, vel alterum excipias, omnes alias inconsiderate. Unum ex *l. ne quis, sup. de Jud. et*, quæ facit quidem publicum crimen, si Judæus in matrimonium ducat Christianam, vel contra Christianus Judæam, sed non remittit vinculum inscriptionis. Alterum est hanc simile exemplum, aut exceptio, ex *l. Apostatar. sup. de apost.* quæ facit tantum publicum crimen apostasæos, quod omnibus licet intendere in apostatam, sive ut posteriores loquuntur, margaritam: sed non remittit vinculum inscriptionis: ex de re nullum verbum illo loco. Adfert etiam tertium ex *l. levia, ff. de accus.* quod *l.* dicat proconvulsem levia crimina debere, aut posse discutere de plano: de plano quid est? stando, non sedendo pro tribunali, nil aliud: et ille eo verbo significari arbitratur, ut ea debent discutere sine inscriptione accusatoris, quod est falsum: nam ut quivis alius libellus, ita etiam libellus inscriptionis de plano dari potest, *l. miles, §. sexaginta, ff. ad leg. Jul. de adult.* Et hodie videmus, quotidie dari libellum iudici eunti in prætorium. Quartum casum sumit ex *l. vii. inf. de ab. geis.* Potuisset similiter addere similem ex *l. momentaria, sub unde vi*, quoniam hæc dicit, de possessione vi erepta agi sine inscriptione, per interdictum unde vi, quia agitur civiliter, non criminaliter. Et illa quoque *lex unica*, ait, de causa abigatus alias queri cum inscriptione, ut si quis plura pecora abegerit, qui plane

tenetur criminaliter extra ordinem ut abigeus, alias queri sine inscriptione, veluti abacto uno tantum pecore, quod sit e viliter actione furti, non crimine abigatus: et ideo non est necessaria inscriptio. Addit Accursius quintum casum ex *l. ea quidem, tit. seq.* Quæ lex non loquitur de accusationibus: igitur nil pertinet ad id, quod proposuimus in accusationibus requiri inscriptionem, sed loquitur de elogiis, et notoriis, sive notariis (utroque nomine dicuntur recte a notis, quibus præscribuntur) officialium, seu apparitorum, quibus magistratui denuntiant quedam crimina in iis elogiis non est necessaria inscriptio, quia nec sunt sollemnes accusationes, et tamen denuntiatorem non ideo minus occupat poena calumnie, si evidens fuerit calumnia, licet non inscripserit in crimen, quod non denuntiavit *l. ult. quæ est constit. Græca inf. de custod. reor. l. 1. inf. de curios. lib. 12.* ubi curiosi sunt illi officiales, qui inquirent de criminibus, et qui etiam curam habent cursus publici. Et hoc est, quod ait *l. ab accusatione, §. nuntiatores, ff. ad SC. Turp.* denuntiatores debere assistere suis elogiis sive notariis, quæ pertulerunt ad iudicem, id est, probare debere, quod denuntiaverunt, aut sufferre poenam calumnie. Hæc igitur 5. exceptiones Accurs. submoveantur: quæ retineri possint, videamus. Fateor maritum, qui jure mariti uxorem facit ream adulterii, non adstringi vinculo inscriptionis, nec timere calumnie poenam, etiam si non obtineat. Et ita evidenter proditum est in *l. quamvis, inf. ad l. Jul. de adult.* Et ratio est, quia maritus excusat justus dolor, quem animo conceperat, et quo ductus inconsultus prosilierat ad accusationem. Is justus dolor est amor iratos, ut ait Sen. in *Hercule Oetro.* Et eadem ratione mulier, quæ suam, vel suorum injuriam persequitur ex SC. quo id nominatim cautum est, non subscribit in crimen, *l. 2. inf. de calumniat. l. 5. et 12. hoc tit.* Potest mulier accusare publico, vel extraordinario iudicio, vel agere populari actione, si res ad eam pertinet, non aliter: Et ideo ait *l. 5. si filii tutores, vel curatores habeant*, et agatur de falso instrumento, ex quo adversarius filiorum causam obtinuit, eam rem non pertinere ad matrem, quia filii tutores, et curatores habent, qui ex officio debent exequi falsi accusationem: et ideo, quasi res ad matrem non pertinent, hoc casu non poterit ipsa instituere falsi accusationem. At cum res ad eam pertinet, id est, cum persequitur suam, vel suorum injuriam, admittitur ad accusationem, nec necesse habet subscribere, quia nec calumnie poena tenetur, si non probaverit, quod intendit, quod SC. cautum est, propter fragilitatem, et lenitatem nature, quæ facile eam impellit ad persequendam injuriam, quam facile sibi persuadet factam esse suam, vel sibi. Ex quo sequitur, quod

si mulier suæ, vel suorum injuriæ accusationem instituerit, et postea desistat, non incidit in poenam SC. Turp. qua tenentur desertores accusationum sine abolitione, quia qui non inscribit in crimen, et calumniæ non tenetur, etiam non tenetur poena hac SC. Turp. si desistat sine abolitione principis, *l. in SC. §. eos ff. ad SC. Turp.* Et hoc verum est in hoc casu, cum mulier persequitur suam, vel suorum injuriam. Quia solo casu extra causam majestatis, et annonæ publ. mulieri jus accusandi est, *l. 4. et 9. et 14. h. t. l. 1. et 2. ff. de accus. l. 5. inf. ad l. Fab. de plagiar. l. 19. inf. ad l. Cor. de fals. l. 3 §. sed et si mulier, ff. de lib. hom. exhib. l. 6. ff. de pop. act.* Et verum hoc esse hoc casu, ut si desistat, non incidat in SC. Turpil. ostendit *l. 4. ut scripta est, ff. ad SC. Turpil. Nec obstat. l. pen. inf. ad SC. Turp.* quæ ait, mulierem persequentem suam, vel suorum injuriam, si pacto habito cum adversario destiterit, incidere in poenam SC. Turpill. Sed hoc ideo, quia turpiter decepta est de sua, vel suorum injuria. Non igitur quæ quoquo modo destitit, incidit in SC. Turpil. sed quæ per turpem deceptionem destitit, ut est legendum in *l. 2. inf. de abol. Illo loco, per deceptionem est legendum per deceptionem, ὁπισθεπαύειν τὸν εἰστυχόντα: nam legendum per deceptionem, ut in Basilicis, κατὰ σὺμψυκτον.* Eadem ratione si pater persequatur eandem filii sui, vel filius patris, non habet necesse subscribere, *l. ult. ff. de publ. judic. l. 4. inf. de calumniator.* Alias his personis exceptis, quæ justa causa impelluntur ad accusationem et facile excusantur temere instituta accusatione, alias, inquam, hi qui persequuntur suam, vel suorum injuriam, non sunt immunes vinculo inscriptionis, nec pagani, nec milites, ut ait *l. 3. et 10. h. tit.* Porremo fateor etiam, quod ait glossa, eum, qui accusatori suo refert crimen calumniæ, vel lenocini uxoris marito in modum exceptionis, quia hic etiam directo non accusat, sed opponit exceptionem, eum non inscribere, quia hoc non est accusare, sed se defendere, ut *l. 1. inf. de calumniat. l. qui, cum major nata. §. si libertus, ff. de bonis libert. l. 2. §. si publico, ff. ad leg. Jul. de adult.* At præter inscriptionem etiam ex hac leg. 3. est notandum, eum, qui accusare vult, debere satisfacere de lite exercenda, ut *l. 1. inf. ad SC. Turp. l. 5. §. sunt qui putant, ff. de his quib. ut ind. id est, ut aut adet se perseveraturum in crimine usque ad sententiam, l. 7. ff. de accus.* Post satisfactionem autem adfuerit iudicio qui ostendat se velle accusare, et litem contestari eum reo, edictis evocatur, et contumax extra ordinem punitur arbitrio iudicis, non talione, quia non damnatur, quod calumniatus sit, qui necdum accusavit, sed quod iudicio, ut caverat, non adfue-

rit. Et ita est accipienda *l. 3.* Nam supinior est error Græcorum, qui hanc partem legis tertie accipiunt de reo, qui vocatus in jus non venit, ut contumax extra ordinem puniatur, et agnoscat sumptus, quos accusator fecit in hunc diem, quia non est hic ordo juris, sed qui delatus est reus, requiritur, et exhibetur, ducitur, prehenditur, et non inventus, adnotatur inter reos, etc. quæ exponit *l. 2. inf. de exh. reis.* Et manifestum est, verba legis 3. accommodari tantum posse ad eum, qui crimen intendit, ut si quemadmodum cavit, iudicio non adit, edicto admonitus, puniatur extra ordinem, et reo in jus vocato refundat sumptus litis, et viatica, id est, sumptus itinerarios litis, ac cetera viatica, ut *l. eum quem tenere, ff. de julic.* Dixi accusare non posse eum, qui ipse accusatus est, qui est in reatu, nec alium quenkum, nisi suam, suorumque injuriam persequatur, neque accusatorem suum eo crimine, cujus relatione neque relevetur ipse, neque oneretur, et pænæ subijciatur accusator, *l. 1. h. t.* Dixi alio nomine, quam pupilli, vel adolescentis, id est, tutorio, vel curatorio, neminem posse accusare, *l. 2.* Dixi etiam accusare eum non posse, qui non edidit libellum inscriptionis, nec satisfecit, se perseveraturum in crimine usque ad sententiam in *l. 3.* libellum inscriptionis, qui et delationis dicitur, esse accusatori periculum calumniæ, ut ait *l. 15. h. t.* Sicut (quod notandum) iudici, qui ex scripto sententiam ferre debet, ut cautum est legibus. Libellus, ex quo sententiam dicit, est periculum improbitatis, vel stultitiæ suæ. Et inde titulus de sententiis ex periculo recitandis, id est, ex libello, quia periculum est iudici existimationis, si perperam iudicaverit. Præterea divi mulierem, aut militem publico iudicio non posse accusare, nisi suam, suorumve injuriam persequatur, in *l. 4. 5. 8. 9. 10. 12. 14. h. t.* Nunc addo etiam, qui ab accusatione se discedere professus est, eundem eodem crimine iterum accusare non posse, ut in *l. 6. h. tit. l. 3. et 4. inf. ad SC. Turpill.* qui inquam, professus est, expressim, vel tacito nil refert: nam et ab accusatione discedere, id est, desistere, et liti renuntiare videtur, qui intra tempus a iudice definitum non perfert accusationem, licet nominatim ei non renuntiaverit. Non perfert accusationem, inquit *l. 7. h. tit.* non peregit reum, inquit *l. ab accusatione. §. destitisse, ff. ad Senatusc. Turp.* Perferre ergo accusationem est, peragere reum, ut perferre litem, *l. 6. ff. de col. dot. perferre actionem, l. cum filius, ff. de legat. 2. perferre causam, l. quærebatur, ff. ad Senatusc. Turp. l. 16. ff. de inof. test.* et in multis aliis locis. Plin. 5. Epist. causam Vicentinorum eo animo, quo susceperat pertulisset. Et Apul. 7. Fisci advocatus

nostram causam pertulerat, id est, rem perduxerat ad sententiam. Ita in l. 7. perferre accusationem, et l. ult. inf. ad Senatusc. Turpil. Loquimur autem de eo, qui ultro destitit ab accusatione, et in totum deposuit animum peragendi rei sine abolitione, id est, sine venia omittendae accusationis, qui proprie dicitur tergiversator, id est, qui destitit ab accusatione sine venia Principis, quam ob causam incidit in poenam SC. Turp. quam si sustinuerit, infamis fit, l. spurii, §. qui iudici, ff. de decur. Infamis fit, inquam, et ideo nec eundem, nec alium quenquam postea accusare potest. Et generaliter est accipienda l. 2. ff. ad Senatusc. Turpill. dum ait, eum, qui destitit, amplius accusare non posse, id est, neminem accusare posse. Quod etiam idem juris est ex l. Julia publ. jud. in praevaricatore, id est, qui causam criminis perfunctorie agit, et se vinci patitur, l. 6. ff. de praevar. Idem etiam juris est in calumniatore ex lege Remmia, qua puniuntur calumniatores, l. 4. ff. de accus. Quamvis autem tergiversator neque alium quenquam accusare possit, neque eundem reum repetere, tamen alius poterit eundem reum accusare eodem crimine, et ainsi cum priori accusatore, et tergiversatore iure licito transegerit, quod aperte demonstrat l. 5. §. ult. ad leg. J. l. de vi publ. Et errant hac in re Graeci interpretes in l. 6. h. tit. dum ajunt, cum, qui iure transegit, puta de crimine inferente mortem, cum suo accusatore, nec postea ab alio accusari posse. Fateor non posse ab eo, cum quo iure transegit: nec posse ab alio, pernego. Ad hoc etiam observandum est in specie l. 7. h. l. l. mulierem suam, suorumque injuriam persequentem, quae non pertulit accusationem intra tempus a iudice definitum, liti quidem videri renouitasse, ut ait lex l. id est, non posse repetere reum, sed alium accusare non prohibetur, si res ad eam pertinent, alio crimine, quia licet destitit a priori accusatione, tamen non iudicet in poenam Senatusconsulti Turpilliani, excepto uno casu, ut dicebam nudius-quartus, si turpiter depecta sit, l. p. n. inf. ad Senatusc. Turp. Extra hunc casum, si alio modo destitit, non incidit in Senatusconsultum Turpillianum, non committit in SC. Et ratio haec est, quia mulier, quae admittitur ad accusationem, non subscribit in crimen, et calumniae non tenetur, si non oblineat, quod probavi jam ante. Et is tantum incidit in Senatusconsultum Turpill. cum quo de calumnia agitur, non is, cum quo agi non potest de calumnia, l. in Senatusc. §. eos, ff. ad Senatusc. Turpill. Nec obstat l. abolitionem, inf. ad leg. Jul. de adult. in qua plurimum laborat Accurs. Lex ait, maritum, qui destitit ab accusatione adulterii, et non peragit adulterium, incidere in SC. Turp. nimirum quasi

accuset extraneum, ut in specie l. abolitionem, subscribit in crimen, et ita calumniae tenetur. At secus esset, si accusaret uxorem adulterii ex sola suspitione: nam hoc casu non subscriberet in crimen, nec calumniae teneretur, l. quamvis eod. tit. Ergo nec desistens ab accusatione uxoris, incidere in SC. Turpill. Et ita res explicanda. At vero quod dixi, mulierem, quae accusationem instituit in l. suarum injuriarum gratia, desistentem sine abolitione, non tunc de re in SC. Turp. id aperte respondit Papinianus in l. 4. ff. ad Senatusc. Turpill. Mulier, inquit, quae falsi crimen injuriae propriae omisit, non incidit in Senatusc. Turp. Unde quidam Jacobus Curtius, quoniam legerat in l. 4. §. accusationem, eod. tit. ad Senatusc. Turpill. Papinianum respondisse, Mulierem, quae jure non instituit accusationem, id est, non suarum injuriarum gratia, desistentem, non incidere in Senatusc. Turpill. male suspicatur in dicta leg. 4. quod sit ex responsis Papiniani, esse addendam negationem ex d. §. accusationem ut legamus Mulier, quae falsi crimen, non injuriae propriae, quae suspicio non est admittenda ullo modo: nam nunquid potuit Papinianus utrumque respondere, cum et utrumque sit verum? mulierem, quae destitit a crimine injuriae propriae, vel non propriae, non incidere in Senatusc. Turpill. itaque ne sequamur Curtium, et pergeamus ad reliqua. Frater fratrem publico iudicio accusare non potest, quod ita est intelligendum, si obijciat fratri capitale crimen. Nam charitatis ratio, et necessitudinis exigit, ut hoc possit audere frater in fratrem, l. 13. hoc tit. ut hoc possit audere impune, ut ostendit d. l. 13. Nam levius crimen impune obijcere potest, id est, non capitale, veluti l. Julia de vi privata, vel l. Julia de vi privata, vel l. Julia de arbitrio, l. 18. hoc tit. Valde pia est et humana illa constitutio, ut frater fratrem magni et capitalis criminis iure publico reum facere non possit. Sed a Christianis plus exigitur ab eo ipso, qui nos Christianos fecit, ut ne dicat quidem frater fratri, uxor, id est, stulte, quod Syriaca lingua dicitur, Sote, unde proculdubio traximus nostrum sot, ut ne etiam frater fratri dicat racha, id est, xovi, inanis homo, vel follis, ut in nostro idiotismo a folle, ab inanitate ventosam follis dicimus, un fol. Dixi autem iure publico, quia impune obijcet frater fratri, ab eo vitae suae insidias fuisse paratas, et hoc solum recte videtur, et mater filio obijcere, l. 14. hoc tit. Sed interim monendi estis, hodie neminem iure publico accusare posse, sive suam, sive publicam et alienam injuriam persequatur, nulla esse publica iudicia moribus nostris, quae potest omnibus, sed de re, quae ad nos pertinet, de crimine, quod nos perlingit, sive respicit, possumus tantum ago-

re civiliter, poursuivre nostre interest civi l. Criminallyiter autem agere, hoc est, vindictam publicam persequi, solus fisci adlocutus potest, cujus juris nullum vestigium reperies in libris nostris, et in aliis auctoribus: reperi tantum unum locum in Histor. Sacra Sulpitii Severi, qui ait, maximum Imp. Gall. adversus quosdam Episcopos apposuisse accusatorem patritium quendam fisci patronum. Multa usus induxit, quæ jura civile non probat: ut illud etiam, ut rei absentis, et contumacis imago comburatur, vel furce affligatur, quod usus tantum admittit in gravissimis criminibus, non invenies scriptum in jure nostro. Et inveni tantum locum unum apud Trebellium Pollion. in Celsa 27. Tyranno, qui tamen et id injuriam vocat: Novo, inquit, injurie genere imago Celsi in crucem sublata est, quasi patibulo ipse Celsus videretur affixus. Memini etiam me legere alium quendam locum ea de re, quem tamen hodie nunquam mea memoria potuit reperire. Infames, quod jam attingi, etiam plerumque non possunt accusare: quod hæc verba l. 3. significant, si tibi existimat o integra est. Nam infamis est is, cujus est deintegrata existimatio, qui plerumque non admittitur ad accusationem, imo nec ad popularem actionem, l. 4. de popul. act. nisi suarum injuriarum gratia, ut l. 4. ff. de accusat. Veluti damnatus judicio publico, non admittitur ad accusationem alterius, quia est infamis, et aliquando etiam eadem ratione damnatus non judicio publico, ut ex Senatusc. Turpil. ex quo non est publicum iudicium, l. 3. §. ult. ff. de prævaricat. et tamen eo judicio damnatus sit infamis, nec alium potest accusare, ut in supra d. l. spurii, §. qui judici. Idemque est in delatore, qui citatus ad edictum non respondit ex l. 2. §. Senatusc. ff. de jur. fisci. At notatus censorio judicio non prohibetur alium accusare, quia nec censor infamem facere potest, sed tantum peritoris edictum, vel lex, vel Senatusc. Marcus Tullius pro Cluentio: In omnibus legibus, inquit, quibus est exceptum de quibus causis alium accusare non liceat, istud ignominie genus, id est, censoria nota, non comprehenditur. Atilianus etiam eum, qui duos reos delator habet ex diversis criminibus: nam ex uno crimine plures deferri possunt, l. 1. inf. si reus, vel accusatus, mort. fuer. Patet igitur, eum, qui duos reos diversorum criminum habet delatos, non posse tertium accusare alio quodam crimine: nisi suam, vel suorum injuriam persequatur l. 10. h. tit. l. qui accusare, ff. de accusat. quæ addit rationem, ut cohibeatur affectatio turpis questus: nam accusatoribus præmia deferrebantur, quorum affectatione ne plures reos pluribus legibus, faciant, vetatur lege Julia judiciorum publicorum plures, quam duos reos,

eodem tempore delatos habere, quod etiam probat lex inter. §. ult. ff. ad l. Jul. de adult. Et ait l. 16. ut tertium quis accuset, qui duos accusatos persequitur, hoc non permitti contra præscripta legis, nimirum Julæ, ut in l. hos accusare. §. lege, ff. de accus. Ubi manifesto observatio 6. docet esse legendum, lege Julia judiciorum publicorum non admitti eum, qui eodem tempore queritur de tribus reis, nisi suarum injuriarum gratia, non de duobus reis, nam ut supradictæ leges ostendunt, de duobus reis queri licet eodem tempore. Et ultimum hoc est, etiam familiares et domesticos nostros, licet sint ingenui homines nos accusare non posse: libertos patronos suos, vel patronorum heredes nec suarum injuriarum gratia posse criminaliter accusare, civiliter posse: nec item servos audiri adversus suos dominos, imo puniri graviter, si quid deferant in dominos suos l. 17. pen. et ult. hoc tit. l. 6. et 7. inf. de delator. Excipitur tantum crimen majestatis, in quo etiam est honesta proditio servi, et hoc significatur breviter in C. Th. hoc tit. ne præter crimen majestatis servus dominum, vel libertus patronum, aut familiares accusent. Separantur servi a familiaribus, ut in l. pen. h. tit. Nam familiares sunt ingenui, qui in domo nostra versantur, et agunt, interdum tamen accipiuntur pro servis. Seneca Epistola 47. Ne illud quidem videtis, inquit, quam omnem invidiam majores nostri dominis, omnem contumeliam servis detraxerint, domum patrens. appellarunt servos (quod etiam in mimis adhuc durat) familiares. Et hoc sensu Ammianus Marcel. 28. subito percussi familiares, hereditatis sensibus dominum non defenderunt. Illud postremo non omittam errare in hoc titulo legem 11. quæ alio loco rectius fuisset posita, quia non est de iis, qui accusare non possunt, ut citra omnes: sed hoc tantum vult, eum, qui dolo malo incendium fecit, qui incendit ædes, aut villam alienam, vel æcerum, et micam, seu metam frumenti, teneri lege Cornelia de sicariis, quod et verum est, l. 1. l. si quis dolo, ff. ad leg. Corn. de sicar. et capite punitur ex ea lege. Exstat severissima constitutio Federici Imperat. in incendiarios in Chronico Abbat. Urspergensis. Imo ex leg. 12. tab. incendiarii vivi exaruntur poena convenientissima, ut igne pereat qui igne absumpsit aliena, l. qui ædes, ff. de incen. ruin. naufr. Fortuita incendia ita non vindicantur, quæ culpa et negligentia nostra contingunt, non dolo malo: aut civiliter exercentur, aut modice vindicantur, l. capitalium, §. incendiarii, ff. de pæn. Civiliter vindicantur actione legis Aquiliæ. Est etiam alia actio ex 12. tab. quæ civiliter vindicantur, quæ dicitur incensarum

medium actio, uno tantum in loco juris, *l. juris-
gentium, §. si paciscar, ff. de pact. et ab uno in-
terprete Græco Thalelæro, sup. l. 1. de lege Aquil.*
Et est actio in duplum, ut indicat Paulus. *§. Sen-
tent. tit. 3.*

JACOBI CUJACII J. C.

In Lib. IX. Codicis.

RECITATIONES SOLEMNES.

*Ad Titulum II. De accusationibus, et inscrip-
tionibus.*

A Personis, de quibus dixit 1. titulo, transit ad rem ipsam, hoc est, accusationes, et inscriptiones, qui est ordo exercendi judicii, et respondendi de jure. Inscriptiones, sive delationes, denuntiationes, querelæ præcedunt, accusationes sequuntur, *l. 3. tit. 1. l. pen. hoc tit. l. 7. ff. eod. l. 2. inf. ut intr. cert. temp. crimin. qu. ter.* Quod et ratio exigende inscriptionis demonstrat, quæ proponitur *l. 3. Cod. Theod. eod. ut sopita ira,* inquit (quoniam sæpe irati prosiliunt ad accusationem) *et per hæc spatia, quibus exequuntur inscriptionis solemnitate mentis tranquillitate recepta, omnes ad supremam actionem, cum ratione veniant, atque consilio.* Supremam actionem vocat accusationem. Inscriptio est præludium accusationis. At in hoc tit. prius dantur leges de accusationibus quam de inscriptionib. quæ fuit ratio incipiendi tituli in hunc modum: *de accusat. et inscript.* quod in eo priores sint leges de accusationibus, posteriores de inscriptionibus, nempe *l. 13. et 15. et pen. et ult.* Est etiam de inscriptionibus nonnihil in *l. 3. hoc tit. ut inscriptio vel fiat ex libello, id est, edito libello, vel deponatur apud acta.* Unde in *l. 1. infr. ad Senat. Turpill.* inscriptionem deponere, id est, deponere apud acta, non dato libello. Et *l. 13.* docet ne servum quidem hominem accusari posse, nisi præcesserit inscriptio. Et *l. 15.* ne potentioribus quidem viris, puta illustribus, aut spectabilibus remitti necessitatem inscriptionis, si velint accusationem instituere in aliquem. Quod utique verum est etiam eo casu: quo criminalem injuriarum causam per procuratorem agere possunt, ut *l. ult. infr. de injur.* Nam ipsi viri illustres inscribunt in crimen injuriarum, deque eo adversarium accusant, cum et eis, et in eos ad extremum sententia dicitur ex eadem *l.* Et procurator tantum est minister agende et exequende causæ jure singulari, quin regulariter nemo agit causam criminalem per pro-

curatorem. *Lex pen.* punit officialem judicis, qui in judiciale secretum vel (ut loquitur *secretarium*) quod est auditorium judicis, introducit accusatorem, qui non subscripsit in crimen: nec enim debet accusator admitti in secretarium judicis, antequam subscripserit in crimen, quod parat intentare. Ceteræ, quæ sunt in *l. pen.* et quæ sunt etiam in *l. ult.* de accusatoris inscriptione, et periculo, memini me exponere in *l. 3. tit. 1. ut ex l. ult.* hoc tantum n. bis notandum restet, reum de se in questione confessum, vel etiam extra questionem (ut postea dicam) non torqueri, vel interrogari in alios, consocios puta, et participes. Quod etiam *lex ult.* ait, esse ex auctoritate juris veteris; et puta eam intelligere rescriptum D. Pii, de quo in *l. repeti, §. 1. ff. de quest.* Is qui de se confessus est, non torquetur in caput aliorum, ut Divus Pius rescripsit. At multi sunt in jure loci, qui huic sententiæ adversantur, loci innumeri, quibus dicitur reos criminum de sociis interrogari, et socios prodere per tormenta, in questione socios nominare, quod utique fit non exceptis criminibus quibusdam, ut glossa voluit in *l. ult.* non in maximis criminibus tantum, sed etiam in omnibus. Et eo jure utimur. Quid est ergo quod ait *l. ult.* de se confessum non interrogari de aliena conscientia, id est, de consociis; nemine de proprio crimine confitentem, esse scrutandum de aliena conscientia ut ait, cum restent innumeri loci, ut dixi, quibus dicitur, reos criminum interrogari de sociis; verum hoc jure nunquam fit, nisi cum reus convictus est, cum manifesti criminis reus tenetur, cum est deprehensus in *αὐτοπείῃ*, quod verbum Græci doctores usurpant, non in furto tantum, sed in quolibet genere criminum, ut Demosthenes loquitur, *κατὰ αὐτὰ τὰ ἀδίκηματα, sur le fait*: nam hic damnatur, etiamsi nihil confiteatur. Nam quod quidam nationes observant, ut nec convictus quidem damnetur, nisi confiteatur, hoc jus nostrum non admittit, quod alterutro est contentum: vel ut convincatur, vel ut confiteatur, *l. qui sent. inf. de pen.* Ergo convictus, de sociis recte interrogatur: confessus, non convictus, non interrogatur in socios, vel in alios. Et ratio est optima, quia cum habetur confessus pro damnato, facit ut desperatus ad delationem aliorum confugere possit, *l. deferre, §. 1. ff. de jur. fise.* Et hoc est quod ait Paulus *1. Sent. tit. 12.* qui de se confessus est, in alios torqueri non potest, ne alienam salutem in dubium deducat, qui de sua salute desperavit. Excipio solum mandatorem criminis, qui criminis est professor et machinator, de quo confessus interrogari potest, tanquam de auctore primo sceleris, ut *l. prius, ff. ad SC. Syll.* non de consociis omnibus. Itaque hæc in re constitucuda est diffi-

rentia inter convictum, et confessum, ut hic, qui sibi non peperit, qui se n. luit servare, qui servatus fuisset deficientibus probationibus, nisi se suo ore produisset, et damnasset, ut, inquam, hic non interrogetur in alios: ille interrogetur, qui convictus non confessus est, nec tamen ei facile fides habeatur, ut *l. 4. inf. de quæst.* Et quod ait glossa in *l. ult. confessi responsionem presumptionem facere, non plenam probationem*, hoc ego de convicto dicendum puto, non de confessio: quia frustra, et propterea inutiliter interrogatur, cum legibus cautum sit ne interrogetur. Nec facio differentiam inter confessum ex interrogatione vel questione, et ultro sua sponte confessum, sicut etiam *l. ult.* non facit differentiam, in qua in Cod. Theodos adduntur hæc verba, quæ referam, quoniam vulgo corruptissima sunt. *Nemo credat sponte fingenti, commonitoriis, secretisque mandatis fidem penitus abnegamus.* Et h. c. de legibus h. t. quæ pertinent ad inscriptiones. Ceteræ sunt de accusationibus, et non tantum de accusationibus publicorum iudiciorum, sed etiam de extraordinariis accusationibus, de questionibus extraordinariorum iudiciorum, ut *l. 1.* quæ est de termino moto, qui erat positus in agro finium regundorum, causa, de termino exarato, vel effuso aut evulso, cujus criminis executio est extraordinaria, ut ait *l. 1.* id est, certam legem non habet, quæ huic crimini irrogat certam penam, sed ejus coercitio relinquitur arbitrio iudicis: nam quæ de termino moto proponitur actio certæ pœnæ ex lege Agraria Julii Cæsaris, ea non est actio criminalis, sed civilis, et popularis: nam nulla est actio popularis, quæ sit criminalis: omnes sunt forenses, seu civiles. Et ita est explicanda *l. ult. ff. de term. mot.* quam Accurs. in *l. 1. h. tit.* explicat tribus, aut quatuor modis, nec quicquam agit. Verissimum enim est (quod ille omisit) proponi in *l. ult.* actionem civilem ordinariam ex lege Julia, criminalem ordinariam nullam esse de termino moto. Et ita Paul. 1. *Sent. tit. 16.* in enim, qui per vim terminos deiecerit, vel amoverit, extra ordinem admonetur. Extraordinaria etiam est accusatio, de qua agitur in *l. 10. hoc tit.* id est, nulla certa lege prodita scilicet in enim, qui vendit litigatori sententiam iudicis hoc obtento, sive pre-textu, quod iudex sibi sit summus amicus, et valde familiaris, aut quod etiam iudex sit venalis, denique quod possit ab eo facile quancumque sententiam volet, redimere, vel obtinere. Qui, inquam, ita vendit sententiam iudicis litigatori certo pretio convento pro ista opera, et *l. 10.* ait utrumque crimen contrahere, venditorem et emptorem, illicitum hoc esse commercium. Utitur commercii verbo. Ergo loquitur de emptore, et venditore eventus sententiæ, et utrumque censeat esse pu-

Tom. IX.

niendum. Non definitur pœna, est igitur extraordinaria. Hujusmodi venditorem Sidonius Apollinaris vocat venditorem intercessionem, alii venditorem fumorum, qualem etiam plerique jam notarunt ex Lampridio, Alexand. Imperat. suffocari fumo jussisse, pœna convenientissima, ut pereat fumo, qui vanos fumos vendidit, sicut ex legibus igne perit, qui incendium fecit. Dixi puniri eum qui venditavit sententiam iudicis litigatori, forte dicens se sententiam facile redempturum a iudice, quamcumque volet, ex *l. item apud. §. idem ait. D. de injur.* quæ sola ex iis, quas adducit Accurs. in *l. 10.* ad rem propositam facit, et de eo loquitur, qui vendidit eventum sententiæ iudicis, velut daturus pecuniam, sic legitur Florentiæ recte, non, velut laturus pecuniam a litigatore pro ista opera, sed velut daturus pecuniam iudici, id est, corrupturus iudicem. Nam et sic Græci legunt, *ὡς ἂν δὲι παρὰ τὸν τῷ ἀπορτὸν χρῆματα.* Et sic dicit quodammodo iudicem esse venalem, et facile data pecunia depravari posse. Quare lex ait injuriam fieri iudici, et iudicem sibi factam injuriam ulcisci posse. Non ergo quolibet casu, qui vendidit intercessionem suam, vel fumos, injuriam facit iudici sed hoc solo casu cum dixit, se impetraturum sententiam in rem litigatoris, data iudici pecunia cum hoc est pollicitus litigatori, quod est maxime notandum. Græci interpretes non intellexerunt *l. 10.* Nam putant ejus *l.* hanc esse sententiam: eum, qui promittit impunitatem cordis ei, qui eundem facturus est, in æquo esse ei, qui eundem fecit, mandatarem perinde puniri, atque homicidam: utrumque puniri: quod dicit quidem *l. 3.* non etiam *l. 10.* sed id quod ante retuli, et Latini interpretes intellexerunt. Adhuc hunc titulum non tantum esse de accusationibus, sed etiam de notoriis, seu notariis apparitorum præsidis provincie, quæ notorie etsi accusationes non sint, nec desiderent inscriptionem apparitorum, tamen proximæ et affines sunt accusationibus, nec minus tenent apparitorem, qui denuntiat crimen iudici, quam accusatorem *l. 7. et 14. hoc tit.* Et hoc est quod dicitur, eos debere assistere suis notoriis, id est, præstare esse veras suas notorias, sua elogia, et relationes. Nam ut ait *l. ab accusat. §. nuntiatores, ff. ad SC. Turpil.* Nam quod *l. 7.* vocat notorias, id *l. 14.* vocat relationes publicarum personarum. Et ita in veteribus glossis, ex notoria, ex τῆς ἀναγραφῆς, id est, ex relatione. Alias dicuntur notarie, ut in *l. 1. sup. de off. comit. sacrarum largit.* Et passim in collatione dierum aliquot cum Donatistis apud D. August. modo notarie, modo notorie, a notis nimirum, quibus consignabantur, ut indicant Donatistæ eodem lib. dom postulanti sibi gesta edi conscripta, quod nesciant notas. Non igitur,

ut vult glossa, notoria sunt de cetero, quasi res notae invulgarent: sed notoria, vel notaria, id est, relationes transmissae ad iudices singularis literis, vel aliis brevibus notis, seu compendis, de criminibus commissis in provincia. Quod *lex 8. hoc tit.* ostendit, plerumque fieri per stationarios milites: et *l. 31. C. Throd. de episcop. et cler. notoriis apparitorum*, inquit, quos stationarios appellant, Optatus Afer, *superstationario*, quod essent dispositi in provinciis per certas stationes maxime cohibendorum, aut retengendorum latronum gratia, ut docet Sueton. in *Julio*, et *Tiberio*, et Tertull. in *Apologetico*, ut Euseb. in *lib. de locis Hebraicis* scribit, inter *Aeliam*, id est Hierusalem, et Hiericum in loco qui a Graecis dicebatur *ὠνάβρατις πυρπῶν*, id est, ascensus sanguinariorum, rubrorum, seu latronum, fuisse stationem, seu castellum militum ad auxilia viatorum. Et ille est locus, qui in Evangelio notatur fuisse infamis latrocinii, in quo ob eam rem Romani habebant stationem dispositam militum, quo remedio uti praestaret hodie. Et ostendit *lex 18. stationarios* milites denuntiare tantum crimen, non etiam audire accusatores, sed ad eundem esse praesidem provinciae, tantum habere jus denuntiandi praesidi, praesidem aestimare, an elogio apparitoris, seu militis sit credendum, nec ne: nec enim huiusmodi elogii, seu notoriis temere credendum est, nec etiam, ut ait *l. 14. emendicatis suffragiis decretorum*, id est, commendationibus civitatis, quae dicuntur *ψυλοπατα* saepe a Marco Tulio in *Verrinis*, id est, decreta decurionum, quibus reum aliquem laudant atque commendant: emendicatis, non emendicatis suffragiis temere credendum non est. Et ita emendicatis suffragiis in *l. 7. inf. de Palatinis sacrarum largit.* et *l. 75. C. Throd. de decurionibus*. In hoc tit. haec potissimum quaestio tractatur, an reus per alium defendi possit, vel an accusator per alium accusare possit et an absens reus damnari, vel accusator absens liti damno coerceri possit absoluto reo. Res est omnino male explicata a Doctor. nostris, maleque perducta in usum fori, tanquam ex jure nostro fiat, quia quod usu receptum est hac in re, tanquam ex jure nostro, id hodie plauum faciam nulla, aut parva admodum parte cum jure nostro congruere. Et primum quidem ita distinguo: aut servus factus est reus, aut liber homo: si servus factus est reus, sive praesens sit, sive absens per dominum, vel procuratorem domini, vel per alium pro domino defendi potest *l. 2. hoc tit. l. servus, D. de publ. judic. l. servi, D. de appellat.* Et ratio haec est, quia dominus non tam videtur reum defendere, quam rem patrimonii sui, cum servum suum defendit, quem in patrimonio habet: et interest cujusque suum tueri patrimonium, et defeu-

dere, maxime cum dominus, vel alius nomine domini servum criminis postulatum hactenus tantum defendat ut pro eo offerat competentes allegationes, ut purget innocentiam ejus, et eum sibi conservet, et praeterea satisfaciat servum iudicio sibi, *l. si servum, ff. de accusat. l. 2. de custod. reor.* et vero, ut astat eum in iudicio, *l. 2. hoc tit.* non etiam, ut pro eo sustineat condemnationem, quoniam etiam si defensorem habuerit dominum, in personam ejus fiet condemnatio, non in personam domini, quae est sententia *l. 2.* Nec obstat, quod in noxalibus actionibus, ex delictis servorum dominus his actionibus conventus, suffert condemnationem, nisi servum noxae dedat, quia noxales actiones non sunt criminalia iudicia, sed civilia, *l. quid sit, §. quod ajunt, ff. de re lit. edict.* Nos de criminalibus iudiciis loquimur, in quibus condemnationem is tantum suffert, qui criminis factus est reus, non dominus ejus ne potius egrediatur auctorem criminis. Et ad hoc etiam si dominus non defendat servum suum in criminali iudicio, si nolit defendere, tamen accusatori actione ad exhibendum, ut eum servum producat. Et ita est accipienda *l. 1. sup. de noxal. act.* quoniam est conjungenda cum *l. 2. hoc tit.* ut probat similitudo inscriptionis et subscriptionis. Ideoque contra quam sentiat. Accurs. in *d. l. 2. de noxal.* ea lex accipienda est de servo criminaliter accusato, nec defenso a domino quoniam quem defendit dominus utique sistere debet. At si quem non defendit, ut exhibeat, potest conveniri actione ad exhibendum. Ex quo sequitur non tantum eum, qui acturus est noxali actione, in dominum agere de servo exhibendo, ut constat, sed etiam eum, qui accusaturus est servum criminaliter, quive accusat, quod maxime est notandum. Est etiam cum hac *l. 2.* conjungenda eodem argumento inscriptionis et subscriptionis *lex 1. inf. de injuriis*. In qua hoc tantum libetur, nec servis alienis licere facere injuriam. Quam sententiam glossa et interpretes omnes dicunt esse accipiendam active et passive argumento conjunctionis harum legum. Dico esse tantum active accipiendam, ut et servus alienus si fecerit injuriam, injuriarum criminaliter accusari possit. Et haec quidem in servo locum habent. In libero homine, qui reus postulatus est, aliud est dicendum. Namque is, sive praesens sit, sive absens liber homo reus postulatus, neque per procuratorem, neque per alium quencquam, etiamsi satis offerat reum iudicio sibi, defendi potest. Et hanc differentiam inter servum et liberum puto exposuisse Modestinum lib. 6. differentiarum, ex quo sumpta est *d. l. si servum*. In qua dicit dominum, qui servum defendit in iudicio capitali, sistendum satisfactione promittere juberi. lege scilicet publicorum

judiciorum, ad differentiam scilicet liberi hominis, qui reus postulatur capitali iudicio, quem nemo potest defendere, etiamsi paratus sit sistendum adfudato promittere, quia generaliter neque ad accusandum in criminalibus causis procurator, vel alius quisquam nomine accusatoris, vel rei admittitur, et, ut ait *l. pen. §. 1. ff. de publ. judic.* multo magis ad defendendum reum procurator non admittitur. Cur multo magis? quis scilicet in iudicio criminali magis est necessaria exhibitio et presentia rei, quam accusatoris, ut componatur cum testibus (*pour lex confronter*) ut ex voce ejus, et habitudine, ex constantia, vel trepidatione prudens iudex eruat veritatem. Attamen causae absentiae rei reddi possunt per procuratorem, vel alium quemlibet nomine absentis, ne iudex festinent ad condemnationem, sed eam differat amico allegante justam causam absentiae, *d. l. pen. l. absens, ff. de procur.* Quoniam hoc non est suscipere integram defensionem causae, sed tantum excusare absentiam (quod in foro *exoner* dicitur) quod verbum male dominus Budeus deduxit ex Graeco verbo ἐξόνειν, cum sit ex Latino Barbaro quod in legibus Germanorum saepe legitur, exidoneare aliquem, id est, non esse idoneum affirmare eum qui in presentia iudicio adsit, aut adesse possit. In causa igitur criminali excusati quidem absentiae admittitur, sed non defensor totius causae. Et ita est accipienda *lex §. hoc tit.* dum ait, reos absentes per procuratorem defendi posse, id est, eorum absentiam redditam justis causis defendi, et excusari posse, non integram causam defendi. Et ita etiam recte Joannes accepit legem *servum, §. publice, D. de procurat.* dum ait, publice ut le esse, ut quilibet absens defensionem suscipiat, et ejus innocentiam excuset, quid hoc est? Innocentia non indiget excusatione. Intelligit ergo, ut absentiam ejus excuset allegando justitiam absentiae, quod quodammodo est innocentia absentis. Hoc vero *l. §. hoc tit.* ait, permittere leges publicorum iudiciorum, ut absentis rei quilibet absentiam excusare possit differendae condemnationis gratia, quae utique differetur excusatione recepta a iudice, non aliter: nam poterit reprobare, et quae reprobat sequitur condemnatio absentis. At *lex pen. D. de publ. jud.* hoc ait esse permissum Senatusconsulto, non legibus publicorum: haec non sunt contraria: nam Senatusconsultum intelligere oportet factum ad leges publicorum, quod et legum appellatione continetur. Et ita saepe legitur item modo factum lege, modo Senatusconsulto, nimirum Senatusconsulto facto ad eam legem, ampliando, vel interpretando eam legem, ut quod in Institut. legimus, *minorem 25. annis, non posse manumittere, nisi causa probata apud consilium ex lege Aelia Sentia*: hoc

Senatusconsult. tribuitur in *l. 1. ff. de offic. consul.* Et eodem loco Cajus §. *Institut. si quis injustas nuptias contraxerit per errorem, ex quibus liberos suscepit*, liberos ei suos heredes esse, si modo post mortem parentis errorem probaverint. Et hoc ait esse etiam ex lege Aelia Sentia, vel SC. Proinde etiam dicamus in proposito, absentiam rei cui libet excusare leges publicorum permittere, vel Senatusconsultum. Sed transimus ad graviora. Ait *l. §. reos capitalium criminum absentes etc.* Rei non sunt ante litem contestatam. Ergo loquitur *l. §.* (et nos ita sensimus, intelleximusve ab initio hujus tractationis) de reis absentibus post litem contestatam, vel ut ait *l. inter, ff. de publ. judic.* cognitione suscepta, quod Accursio recte est, *lite contestata*, et Basilica, *παρά προαπαγγελίαν*, id est, *post litem contestatam*: haec tria idem posant, *lite contestata* iudicio accepto nomine rei recepto cognitione suscepta. Instituta igitur questio est de reis absentibus post litem contestatam: nam ante litem contestatam, qui delatus, nondum factus est reus, si absit per contumaciam, non damnatur, non accusatur, sed adnotatur inter reos delatos in commentariis, seu actis iudicium, ut requiritur *l. 6. hoc tit.* Eaque adnotatio promulgatur edicto, ut veniat in notitiam ejus, qui delatus est, *l. 1. ff. de requir. reis, nec absens, damnari*. Nec tamen ea adnotatio importat publicationem honorum, vel condemnationem ullam, licet ab ea appellari possit, *l. 2. sup. si penul. appell. mors interven.* Sed bona adnotati obsignantur sigillo publico impresso: nondum etiam conunguntur in fiscum: quam obsignationem honorum, ut alii plerique notarunt, nostri interpretes vocant adnotationem, perperam, cum adnotatio sit id, quod supra exposui, non consignatio honorum. Verum adnotationem, si reus intra annum non venerit, post annum sequetur honorum, quae interim fuerunt obsignata, publicatio, et infamia absentis, *l. ult. ff. de req. reis*. Non autem sequitur absentis condemnatio, post annum quidem, qui litem contestatus non est, nisi sit leve crimen, id est, non capitale. Et hoc vult *l. absens, §. adversus, ff. de pen.* Post annum igitur sequitur quidem confiscatio honorum, et infamia propter ademptionem honorum, sed non condemnatio, quae scilicet adimat vitam, vel civitatem, vel libertatem, non condemnatio gravis, sed levis, puta pecuniaria, vel relegatio, quae capitis diminutio non est. At si post litem contestatam reus absit per contumaciam, hoc est, ut ait *d. l. inter, si per triduum, per singulos dies ter citatus non respondeat* (sunt verba *l.*) et ter citatus voce praeconis, vel buccina, ut apud Plutarchum in Graecis, ἀπαγγελία καὶ ἐν ἀλκήν, reum criminis capitalis, qui edicto non obtemperat,

evocari buccina. Is, inquam, qui ita per contumaciam abest post litem contestatam, condemnatur quocunque crimine, etiam capitali, nisi præsto sit, qui ejus absentiam excuset, et excusatio recipiatur (nam recepta excusatio condemnationis dilatio est) per triduum autem per singulos dies ter citare in *d. l. inter*, est, quod vulgo dicimus, *per tres breves dies*, fateor. Nec tamen secundum verba *l. inter*, tres illi dies, sunt 9. dies, ut vulgo exponunt, ita ut reus intra 9. dies ter citetur, inter primam et secundam, et inter secundam et tertiam citationem, intermisso duorum dierum spatium, ut fit, quod spatium 9. dierum etiam imperito Imbertus in Institutionibus forensibus vocat trinundinum, cum trinundinum, non novem, sed 27. diebus constet, si non ignoramus quid sit Latine loqui. At nego in *d. l. inter*, triduum accipi pro novem illis diebus, in quibus abens reus ter citandus sit. Nego etiam in ea lege, triduum accipi pro triduo continuo, et consequenti. Sicut nec in *l. 12. tab. de denuntiatione testimonii* apud Festum, cui testimonium defuerit, is tertiis diebus ob portum, id est, ad domum ejus, qui denuntiatus est, obvolutum ito, id est, proclamatum ito, et denuntiatum testimonium: in ea lege tertius dies non accipio pro tribus consequentibus sed pro trinundino, id est, ut primo de denuntiato, vel citato teste, vel reo, intervallantur dies novem, quibus constat singulum mundinum, vel singula mundina: post nonam diem iterum citato reo, ut æque intervallantur novem dies, tertium autem citatus, ut adsit saltem nono die, atque ita, ut trinundino citetur, et unaquaque vice, unovequaque mundino ter præcone eum inclamante, ille, ille, ille. Nam et Coriolanum lego apud Dionysium Halicarnassensem 7. et Plutarch. in Coriolano, juberi adesse eis *τρεῖς ἀγπῶν*, id est, trinundino, seu tertio mercato: et leges quoque promulgari trinundino, tertiis diebus, et confirmari apud Macrobi. 1. c. 16. et 3. c. 17. Et ad trinundinum proxime accedit, quod legimus in causis civilibus absentem tribus edictis evocari, per singula edicta intermisso spatio 10. dierum, seu decimi diei incipientis, non expleti, quoniam spatium illud respicit ad solemne illud trinundinum, quo et rustici coibant in urbem, ut pleno foro res ageretur, et innotesceret etiam rusticis, *l. ad peremptorium, et seq. ff. de jud.* Quod etiam ita fit in causis civilibus post litem contestatam, si quis abest deserta lite, ut ad eas leges etiam Græci notant, *πρὸς τρεῖς ἀγπῶν*, et facit lex contra §. 1. *D. de re judic. et l. liberti, §. litem. ff. de negot. gest.* Item, ut in civilibus causis *d. §. litem*, ita etiam in criminalibus absentia rei, vel etiam accusatoris post litem contestatam potest per alium excusari: absentia

rei, ne damnetur eo crimine, quo fuit accusatus, ne damnetur *πομπῶς*, id est, una tantum parte præsentem, se absentem. Accusatoris autem absentia, ne calumnie damnetur *d. l. inter*, qui posset calumnie daminari, quod absuerit post litem contestatam per contumaciam, id est, quod tribus diebus ter citatus non responderit, et reus absolveretur, si non reciperetur excusatio absentie: et tamen si ante litem contestatam post inscriptionem is, qui in crimen inscripsit, per contumaciam abest, calumnie non damnetur, sed extra ordinem, ut ait *l. 3. tit. 1. quod est levius, quam calumnie pœna*, et gravius, quam Senatusconsulti Turpill. pœna, ut ait *l. absentem, §. pen. ff. de pœn.* Quoniam pœna Senatusconsulti Turpill. est tantum pecuniaria. Loquimur ergo de reo, vel de accusatore, qui post litem contestatam abest per contumaciam, cujusque absentie ratio ab alio non allegatur, vel allegata non recipitur: nam qui ita abest condemnari potest *πομπῶς*, nec condemnatus appellare potest, *l. ex consensu, §. ult. de appell.* Denique, si abest per contumaciam: nam si post litem contestatam abest extra contumaciam, puta non peracto ordine citationum, non servata supradicta solemnitate juris et tamen damnetur reus ut contumax, ipso jure nulla est sententia. Accusator quoque, si post litem contestatam abest extra contumaciam, neque calumnie, ut contumax daminari potest, neque reus absolvi, ut ait *l. 4. hoc tit.* Non potest absolvi, inquit, *ex una postulatione* (quod est id, quod Græci dicunt, *πομπῶς*) cui est adversum, causa cognita, seu cognitionaliter in legibus nostris: nam cognitionaliter est utraque parte præsentem. Et ideo, quia ipso jure sententia nulla est, quia condemnatur is, qui abest post litem contestatam extra contumaciam, causa ex integro agi potest etiam absoluto reo, qui erat præsentem, ut ait lex. 4. et ex integro apud eundem judicem, vel apud successorem ejus, ubi supplendum est *quod magis est*. Nam videtur se corrigere, ut sæpe hoc modo se corrigunt auctores nostri, ut apud eundem causam ex integro non agatur, sed apud successorem ejus, argumento *l. 1. sup. de sentent. præfector. præf.* vel apud superiorem judicem, ut in *l. 6. h. tit.*

Ad L. IX. et X.

L. IX. Qui de crimine publico in accusationem deductus est, ab alio super eodem crimine deferri non potest. Si tamen ex eodem facto, plura crimina nascuntur, et de uno crimine in accusationem fuerit deductus, de altero non prohibetur ab alio deferri. Index autem super utroque crimine audientiam accommodabit: nec enim licebit

ei separa'tim de uno crimine sententiam proferre, priusquam plenissima examinatio super altero quoque crimine fiat. PP. quarto Kalendar. Septemb. Bisso 2. et Quint. ano. Cons. 289.

L. X. Item AA. et CC. Urse: Qui explicandi negotii spem (cujus finis in iudicis potestate, ac motu situs est) pollicetur: non minus ob illicitam sponsonem crimen contrahit, quam qui ad hujusmodi promissiones mercium contra disciplinam publicam adspirat.

Ex lege nona notandum est, eum, qui criminis publici ab aliquo reus delatus, vel factus est, ab alio ejusdem criminis reum deferri non posse, ut in *l. hi tamen, §. ult. ff. cod. Crimen publicum dico*, cujus persecutio omnibus patet, cujus executio cuilibet ex populo in commune permittitur, *l. quamvis, inf. ad leg. Jul. de adulter. l. lege Cornelia, ff. ad leg. Cornel. de fals.* Joannes Chrysostomus in illa homilia, qua disserit de illo loco Pauli: *Modico vino utere, etc. Commune*, inquit, *est crimen, publicum delictum licet cuique volenti accusare: definitio est publici criminis.* Verum etsi publicum crimen pateat omnibus, tamen preventioni locus est, id est, qui prior occupavit accusare, ceteros excludit populares suos. Dixi reus delatus, vel factus (vel, ut ait *l. 9.*) in accusationem deductus, et nondum absolutus, vel nondum exemptus ex reis, ut is pendente accusatione, quam quis prior instituit, non possit ab alio eodem crimine accusari. Quod tamen ita est intelligendum, ut si fuerit absolutus priori accusatione, videatur quidem ab alio posse revocari, et eodem crimine accusari, quia et in criminalibus causis, sive accusationibus, res inter alios judicata, aliis non nocet. Et sane ea ratione, qui altero accusante est absolutus, si ab alio revocetur, et eodem crimine accusetur, non potest eum repellere exceptio rei judicate, quia inter alios judicata est, *l. pen. sup. quib. res judic. non noc.* quae lex est conjungenda cum hac *l. 9.* ut similitudo inscriptionis et subscriptionis probat. Verum iniquum est, ut saepius de eodem crimine queratur, ut qui uno accusante absolutus est, rursus eodem crimine accusetur ab alio alioquin nonquam cuiquam constaret fides, seu ratio innocentiae suae. Et idcirco, quod potest colligi ex *d. l. pen.* altero accusante absolutum, ab alio revocari et repeti posse, non est perpetuo verum, sed ita debet intelligi, si de prioris accusatoris perfidia, praevaricatione, et collusionis constiterit, tum alter accusator admittitur. Et ita cautum est lege Julia public. judiciorum, *l. 3. ff. de praevar. l. 3. §. si tamen posteaquam, ff. de lib. hom. exhib. l. 11. h. tit.* Est etiam alius casus, quo reus absolutus ab alio revocari, et de eodem crimine accusari potest, si a reo iudicem constiterit pecunia fuisse cor-

ruptum, qua de re disputat M. Tull. in Partitione. Et puto hoc casu etiam a priori accusatore, qui victus est per sordes iudicia, reum repeti posse, nec dum ab alio quolibet argumento *l. 1. sup. de pen. jud. qui mal. judic.* At si ipse accusator corruptus sit, si praevaricatione accusatoris liberatus reus sit, non potest quidem repeti reus ab eodem accusatore, qui praevaricatus est, sed ab alio repeti potest, ubi scilicet (ut ante dixi) de praevaricatione prioris constiterit. Est etiam tertius casus, quo reus bona fide absolutus incorrupto iudice, incorrupto accusatore ab alio repeti potest, si suam injuriam, suumque dolorem persequatur, ut si extraneo accusante mulier adulterii absoluta sint incorrupto iudicio, maritus eandem accusationem instigare potest, si possit allegare idoneas causas, quibus impeditus non potuit extraneum prevenire, vel si ignoravit extraneum eam accusationem instituisse, *l. 7. §. 1. ff. cod. l. 4. §. ult. ff. ad leg. Jul. de adult.* His tribus casibus reus absolutus alio accusante, ab alio eodem crimine reus fieri potest. Loquor de eodem crimine, eademque accusatione: nam si reus fuerit absolutus uno crimine, non est dubium, eum ab alio altero crimine accusari posse, ut in specie *l. 11.* absolutus homicidii, post ab alio accusari potest, non homicidii, cujus absolutus est, sed latrocinii, aut seditionis et tumultus concitati in Rempub. quod in ea *l. 11.* appellatur crimen pastorum, quam ob rem liquido non constat. Sed verum est Imperatores Diocletianum et Maximianum qui auctores sunt legis *11.* respexisse ad suam aetatem, qua pastorum ingentem manum, seu potius exercitum exercuisse innumera latrocinia, et miserabili direptione vastasse villas, vicos, castella, oppida, didici ex Mamertino in panegyrico iisdem Imperatoribus dicto: sub iis scilicet Imp. rusticos et pastores latrocinia exercuisse, et seditionem commovisse erga Rempublicam, quo respicit haec lex. Et verba Mamertini haec sunt: *Illud malum tua, Caesar, nescio, utrum magis fortitudine repressum sit, an clementia mitigatum, cum militaris habitus ignari agricolae appetiverunt: cum arator pedilem, cum pastor equum, cum hostem barbarum suorum cultorum rusticis vastator imitatus est.* Nota est etiam seditio, quam olim concitavit in Sicilia Athenio pastor, ut Florus scribit in Epitome rerum Roman. de quo etiam M. Tull. in Frumentaria. Hoc ergo certum est eum, qui uno crimine absolutus est, veluti homicidii, mox ab alio latrocinii et seditionis reum postulari posse, quia non obijciunt idem crimen. At idem crimen reo absoluto ab eodem, vel ab alio obijci non potest, excerptis supradictis tribus casibus. Hinc queritur, quid sit dicendum, si reus absolutus non sit quem quis reum detulerat, sed jure transierit cum priore

accusatore salutis sue vedimendæ causa. Et hoc casu licet ab eodem, qui jure transegit, repeti non possit, memini tamen me alias dicere, ab alio tamen, qui non transegit repeti posse, ut *l. 3. §. ult. ff. ad leg. Jul. de vi publ.* ne res inter alios transacta aliis noceat. Et ita Accursius recte sentit in *l. 11. h. tit.* et in *l. transigere, sup. de transact.* Rursus quero, quid sit dicendum, si non sit absolutus reus, sed exemptus ex reis, id est, si nomen ejus commentario reorum abolitum sit. Facio differentiam inter absolutum et exemptum ex reis, sive eum, cujus nomen abolitum est: quoniam absolute omnimodo purgatur innocentia, et crimine reus liberatur. Exemptione ex reis pœna liberatur non crimine. Pœnam demas licet culpa perennis erit, *l. ult. inf. de generali abolit.* Eximitur autem quis ex reis variis modis, vel si libellus inscriptionis legitime ordinatus et conceptus non fuerit, *l. 3. §. quod si libelli, D. eod.* Nomen, inquit, rei aboletur, si libelli inscriptionum legitime concepti non sint. Sed hoc casu reus repeti potest ab eodem accusatore, vel ab alio. Quod plane demonstrat, non liberari eum crimine, nomine abolito. Eximitur etiam quis ex reis ultro desistente accusatore sine abolitione, id est, sine venia omittendæ, non peragendæ, accusationis: nam non solus reus abolitionem petit, ut vulgo dicimus abolitionem tantum existimantes peti a reo, cum etiam ab accusatore petatur, quem pœnitet instituisse accusationis. Ceterum si sine abolitione accusator destiterit, licet non possit eundem reum ipse eodem crimine repetere, *l. 3. ff. ad Senatusc. Turpill. l. 6. tit. 1.* tamen alius eum repetere potest, *l. hi tamen, §. ult. ff. eod.* Eximitur etiam nomen ex reis interveniente publica abolitione et indulgentia Principis, quæ nunquam est perpetua, sed temporaria, propter serias aliquas, aut publicam lætitiâ. Ceterum finitis feriis reus repeti potest ab eodem, vel ab alio, *l. aut privatim, D. ad Senatusc. Turpill.* Paulus 5. *Sentent. tit. de abolit.* Post publicam abolitionem reus a suo delatore repeti potest intra trigesimum diem, postea non potest. Nam ut etiam ostendit *d. l. aut privatim*, huic rei, id est, repetendo reo, qui exemptus fuit ex reis propter publicam abolitionem, sunt præfixiti dies 30. Eximitur etiam ex reis privata abolitione, quam vel ipse reus petat mortuo accusatore pendente accusatione, vel impedito, quo minus accusare possit, vel ab accusatore ipso. Et hoc casu repeti etiam reus potest intra trigesimum diem ab alio *l. 1. §. ult. D. eod.* non ab eodem, nisi ex speciali permisso principis, ut in *l. 1. inf. de abolit.* At præterea ex hac *l. 9.* notandum est, aliquando ex uno, eodemque facto duo, vel plura cri-

mina nasci, ut si quis vi illata uxorem alienam vi-tiaverit, ex hoc facto nascitur duplex crimen, adulterii, et vis publicæ, et tunc dividi possunt crimina, ita ut ab uno reus deferatur lege Julia de adulteriis, ab alio lege Julia de vi publ. apud eundem judicem, qui tamen non poterit de uno crimine pronuntiare quin etiam de alio cognoscat, quia sunt connexa crimina, quæ ex uno facto pendent. Neque huic sententiæ legis 9. obstat *lex Senatus, ff. eod.* quæ ait, ob idem crimen neminem pluribus legibus reum fieri posse, idque senatum censuisse, puto Senatusconsultum factum auctore Tito Vespasiano, quem Svetonius nominatim scribit vetuisse, de eadem re agi pluribus legibus. Ut ecce de l-râ majestatis sunt tres leges, lex Julia, lex Cornelia, lex Apuleja. an iis omnibus legibus reus l-ræ majestatis deferri potest? Minime, sed tantum una. Verum ut respondeamus, manifestum est, Senatusconsultum loqui de uno eodemque crimine et facto: *l. 9.* loqui de uno facto quidem sed non de uno et eodem crimine. Illud in comperto est, unum pluribus legibus de pluribus et diversis criminibus in accusationem deduci posse ab eodem, vel a diversis. Quid nî? hoc est certissimum: quoniam singula publica crimina vindicari publice interest. Sed hujus rei, quæ et per se satis erat nota et explorata, comprobandæ causa male Accurs. adducit in medium *l. 3. §. sed et si aliud, ff. eod.* quoniam ea lex non loquitur de pluribus criminibus, quibus quis reus factus fuerat, sed sententiæ ejus *§.* hæc est, quæ ducitur ex principio legis, si quis libello inscriptionis deferat mulierem ream adulterii, eum debere libello notare locum, in quo adulterium commisit, et personam, cum qua commisit, et annum, et mensem. Tota lex pertinet ad legem Juliam de adulteriis, ut inscriptio legis docet. Sed ejus legis innumera erant capita, quandoquidem non tantum puniebatur, qui quæve adulterium commiserat, sed etiam qui domum suam præbuerat, ut materfamil. stuprum peteretur, vel qui deprehensum adulterum dimiserat, vel qui pro comperto stupro pecuniam acceperat, qui omnes turbantur lege Julia de adulteriis: et quacunque ex causa quis deferatur reus lege Julia de adulteriis, ex hac vel illa lege. *§. sed et si aliud* ait easdem circumstantias in libello notandas esse, quas initio dixit notari debere, cum mulier dicitur adulterium commisisse. Et hæc est sententiæ ejus *§.* de pluribus criminibus in uno libello collatis adversus unum eundemque, quomvis jure fiat in eo tamen *§.* neque vola, neque vestigium de pluribus criminibus, quibus quis reus factus fuerit.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. III. De exhibend. vel transmit. reis.

Post inscriptionem ejus, qui reum delulit, de qua superiori titulo actum est, sequitur ut judicio reus exhibeatur, producat, sistatur, quo accusari, et lia cum eo contestari possit. Quare si peregre comprehensus sit reus premissis libello inscriptionis, cum delatore, qui libellum edidit, qui subscripsit in crimen ad suum forum transmittendus est, ut ibi exhibeatur et accusetur solemniter. Priorem esse inscriptionem exhibitione ostendit hujus tituli l. 2. Exhibitionem autem priorem esse accusatione solenni, vel litis contestatione, argumentum est, quod nemo absens accusatur, et quod ad exhibendum agit, qui alienum servum accusaturus est, l. 2. *sup. ad exhib.* Non fit autem exhibitio rei sine speciali præcepto judicis, l. 3. *h. tit.* quoniam hac in re apparitoris solius sine iudice nulla potestas est, apparitori non est manus injectio, nisi jusserit iudex. Denique is demum reus exhibendus est judicio, quem iudex exhiberi jubet: transmittendus, quem ad se jubet transmitti, misso plerumque aliquo ex officio, id est, ex apparitione sua ad eum deducendum, et exhibendum, ut significat *lex 2. h. tit.* illo loco: *Qui ad exhibendum missus est*, vel etiam literis scriptis ad collegam suum, ut in l. *solent. D. de custod. reor.* dicitur eleganter, præsidēs provinciarum, in quibus delictum admissum est, solere scribere ad collegas suos, ubi rei agere dicuntur: omnes præsidēs provinciarum invicem collegæ sunt, quod maxime notandum est ex illo loco. Scribere igitur ad collegas suos, id est, ad eos præsidēs provinciarum, ubi degunt rei, et desiderare, ut ad se remittantur, et ad provinciam, in qua deliquerunt, ut in ea de iis sumatur exemplum, cum prosequutoribus, ut ait, id est, cum manu militum, vel paganorum idonea, quæ reos prosequatur, et ducit cum prosecutione idonea, ut ait *lex 1. sup. de defensor. civit.* Ultro etiam præsidēs nonnunquam reos, quos comprehenderunt, remittunt ad proprium forum, veluti ad præsidem provincie, in qua crimen admiserunt, l. *si cui, §. ult. de accusat.* vel militem, qui in provincia deliquit, solent remittere puniendum, et exequendum, seu audiendum ad magistrum militum, si hoc criminis, ac personæ qualitas exigere videatur, quæ est sententia l. 1. *h. tit.* Nam potest quidem etiam de milite, qui in provincia crimine admisit, poenam sumere præses ejus provincie, l. *ult. ff. de accusat. l. 3. de re*

milit. l. 1. inf. ad leg. Cornel. de sicar. Secundum id quod vulgo dicitur: *unumquemque sortiri forum, ubi crimen contraxit, nec posse ab eo loco, in quo crimen contraxit, se subtrahere, nec revocare domum, opposita præscriptione fori.* quoniam quo loco quis contraxit obligationem qualemcunque, eo se debet defendere. Contraxit delinquendo obligationem. Ergo ubi deliquit, respondere debet, l. *omnem, D. de jud. et d. l. si cui, §. pen. l. 1. sup. ubi de crim. agi oportet.* Ergo est quidem præsidis ius animadvertendi, in militem, qui in provincia sua deliquit, sed est etiam in ejus arbitrio, aut sane plerumque præses solet pro causæ merito, et qualitate personæ militem in provincia reum postulatam cum elogio remittere ad magistrum militum, vel ad ducem, sub quo militat, d. l. 3. *de re mil. et d. l. de militibus, ff. de cust. reor.* Sicut curatoribus regionum, et viarum, qui et viocuri dicebantur apud Varronem, Julius Capitolinus scribit D. Marcum permisisse, ut vel ipsi punirent, vel ad præfectum urbi puniendos remitterent eos, qui ultra vectigalia ab aliquo quicquam exegissent. Et hujusmodi remissionis, sive rejectionis frequens est mentio in jure, ad præfectum urbi, vel alios majores iudices, ut l. 1. *§. solent, ff. de off. præf. urb. l. ult. ff. de offic. præf. vig. l. 1. §. ult. ff. de susp. tut. l. 13. sup. de fidejussor.* Et similiter notandum est, esse in arbitrio præsidis provincie, in qua crimen admissum est, vel præhensum reum punire, cujusunque provincie sit, quia non potest se subtrahere foro, in quo deliquit, vel ex causa eum remittere ad præsidem provincie, unde is homo est, nec in eum directo quicquam statuere, l. *non dubium, ff. de custod. reor.* Sed remittere, ut ait, cum elogio, id est, cum notaria, ut loquantur, et relatione sua qua declaret, quid in eo homine compererit, quod facere solet, ut ait d. l. *non dubium*, cum cognovit et constituit, id est, cum ei causa cognita de crimine constitit. Sic ea verba accipienda sunt: nec enim incognita causa, inexplorata, vel inexplorata cum elogio remittendus est, aut sane elogium confici nullum potest de reo ab eo, cui de re non liquet. Igitur recte ait, tum eum remittere reum ad præsidem provincie, unde is reus est, unde domo profectus est, cum cognovit et constituit, id est, constitit, ut Græci interpretantur, *ὅτι διέγνω ἔτι τὴν τὸν πρὶνόντων ἀμαρτανίαν*, id est, cum cognovit et comperit reum deliquisse, quod est, cum ei constiterit de crimine; et ita constituit, et constitui se, et constituere accipimus in l. *adulter, §. ult. D. ad leg. Jul. de adulter. l. Imperator, §. si certum, ff. de leg. 2. l. procurator, §. ult. ff. rem rat. hab.* Ita Salustius in Jugurth. agmen constituit id est, constitit. Et Hyginus de

Beronice: reliquam exercitus copiam constituisse. Ex eo ergo intelligimus non confici elogium de reo, cum quo remittatur ad alium judicem, nisi ab eo, qui cognoverit de crimine, cuique licuerit de crimine. Elogium igitur esse certam quandam criminis comperti asseverationem, et quasi prædamationem rei: sed tamen ex integro causam disceptari oportet a judice, ad quem reus cum elogio remissus est, eaque iterata disceptatio, et cognitio, quæ sit quasi re integra, iterata auditio, et examinatio rei proprio ἀνάγκη dicitur, l. Divus Adrianus, ff. de custod. reor. quasi retractatio iudicii jam finiti, et in Novella 143. et in Act. Apostol. cap. 25. Sic fit, ut de reo quodammodo his iudicium criminale exerceatur, sicut secundum jus vetus Fabius in Institutionibus posuit præjudicia de reis deportatis, ac si his de eis deportandis foret statuendum: sicut Herodianus septimo, Gordianum scribit, damonias exilio faciasse potestatem sui defendendi, et retractandi iudicii, hoc est, permisisse ἀνάγκη, sicut in Historia Sacra Sulpitii Severi legimus, Priscillianum gemino iudicio maleficii auditum, et convictum fuisse, et nominationem iterari iudicium necesse fuisse, quod plane dixi quodammodo contingere reo cum elogio remisso ad alium judicem. Ad hæc notandum est, reo, qui ex longinquo exhibendus est, beneficio l. 2. hoc tit. quod confirmat etiam lex ult. C. Theod. eod. humanitatis gratia dari triginta dies post vocationem in jus ad componendam rem suam familiarem, et parandos sibi sumptus itineris, et litis, nec statim atque iudex de eo exhibendo, vel remittendo pronuntiavit, deduci eum, vel exhiberi debere, nec eum ut addit l. 2. qui ad exhibendum reum missus est pretio corruptum, spatium hoc, seu laxamentum triginta dierum prorogare, aut coarctare posse. Verum d. l. ult. C. Theod. interim, id est, intra illos triginta dies, vult reum constitui sub moderata et diligenti custodia, quæ non impediat compositionem rerum suarum: lex 1. hujus tit. ait simpliciter sub custodia illa sub moderata et diligenti custodia. Et licet diligens custodia aliquando vincere permittit, ut in l. 1. diligens, ff. de fugit. cum magistratus municipales admonentur, ut servos fugitivos diligenter custodiant, ne evadant, eo sermone permittitur magistratibus municipalibus, etiam vincere servos fugitivos. Et tamen in hoc proposito diligens custodia non complectitur carcerem et vincula, quoniam (ut cavetur l. 2. hoc tit. et l. si confessus, ff. de custod. reor.) nemo reus carcerem patitur et vincula, antequam convictus, vel confessus sit, tum patitur vincula, donec de eo pronuntietur, non antequam convincatur, vel crimen agnoscat, nisi grave aliquod crimen admisit, quod protinus poenam carceris commereatur, ut l. 3. ff. de custod.

reor. Et ita est accipiendum, quod ait lex 1. l. seq. reum iudicio exhibitum, in vincula publica esse conjiciendum, videlicet etiam si necdum convictus, vel confessus sit ut non sit generaliter verum, sed pro qualitate criminis, quod obicitur, puta si sit maximum crimen, et (ut ait ipsa lex 1.) si criminis qualitas, etiam catenarum acerbiter postulerit, et l. 2. ejusd. tit. si crimen dignum sit claustris carceris, et custodiæ squalore. Hoc casu excepto, reus comprehensus, vel exhibitus, nec dum convictus, vel confessus, jure nostro non conjicitur in carcerem vel vincula, sed fidejussoribus committitur, qui caveant de sistendo, et exhibendo eo, ubi iudex requisierit eum, vel trahtur militibus, vel servis publicis civitatum ut in Epistola Plinii ad Trajanum de custodiis, vel traditur mancipibus sive optionibus carcerum, vel lictoribus, vel aliis officialibus iudicis ut in domo eorum contineantur; quam custodiam officii vocat l. 1. inf. ad Senatuscons. Turpill. Et ita etiam custodiam esse accipiendam, ut ante dicebam in l. 1. hujus tit. demonstrat l. 2. Cod. Theodos. eodem tituli. Cujus pars est d. l. 1. dum ait, comprehensos reos ex officio non recedere, id est, haberi sub custodia, et observatione officii. Aliquando reus sibi ipsi committitur, id est, juratorie cautioni iudicio sisti, veluti, ut ait lex 1. ff. de custod. reor. propter honorem, vel propter dignitatem ejus. Separat ea lex honorem a dignitate, et (ut Græci interpretantur) honorem vocat εὐσέβεια, vel reverentiam oris, ut illo loco.

latos oculis afflata honores

a qua etiam honesti viri nominantur, ut plane possis dicere honorem esse naturæ beneficium, dignitatem principis, vel populi, et omittere distinctionem Accursii inter dignitatem honorariam, et codicillarem, et dignitatem in actu positam, et administrationem Reipublicæ. Sibi etiam committitur reus (ut ait d. l. 1. l. 1.) propter amplissimas facultates, quia facultates loco pignorum, aut fidejussorum sunt. Qua ratione generaliter in omnibus aliis causis possessores rerum immobilium juratorie cautioni committuntur, hoc est, suæ religioni, nec ab eis satisfactio requiritur, l. pen. ff. qui satisf. cog. l. ult. inf. de princip. agent. libr. 12. l. 26. et 27. quarum altera est Græca, sup. de Episcop. aud. Non est dubium etiam, quia pro innocentia personæ, quæ accusatur, sit ea sum fidei committenda, ut ait d. l. 1. pro innocentia personæ. Mitto interpretationem Accursii, puta, si præsumptio magna substitit innocentie aut calumnie, ex adversa parte: sic ea verba sunt explicanda, ut idem sit, sicut e contrario, cum præsumptio facit adversus homicidii reum, ut ait l. ult. tit. sequent. quæ est consti-

titio Græca, tum reum ex vinculis causam dicere confestim, donec de eo pronuntietur, nec solvi vinculis, etiamsi paratus sit dare fidejussores iudicio sisti, quia multa movent iudicem ad suspicionem, et presumptionem malam, quæ omnia instruunt iudicem, quomodo, et quando uti debeat carcere, et vinculorum pœna. Nam et si non proprie, improprie tamen in carcere est pœna, et supplicium.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. IV. De Custodia reorum.

Titulus est de custodia reorum, et observatione eorum, qui rei postulati sunt, et iudicio exhibiti, nec de qualibet custodia, sed de carcere tantum, et vinculis publicis. Hæc est summa et diligens omnium maxime custodia, ut in *l. si quis filio. §. ejus, ff. de injusto rupt. irrito te. l. carcerem haberi diligentioris custodiæ gratia. et l. aut damnum, §. solent, ff. de pœn. non ad puniendos, sed ad continendos homines carcerem haberi, cohibendos, celandos, et veluti cancellis quibusdam circumscribendos. Qui nobis dicuntur cancelli per diminutionem, ut notant grammatici, antiquis dicebantur caneri qui nobis cancellus, illis caner, ex quo factus est carcer ad continendos igitur homines non ad puniendos. Recte: Nam si forte aliquando carcer nuncupatur ad pœnam, non ad custodiam, hoc fit extra ordinem non jure legitimo, et ordinario, ut cum quis ex causa delicti æternis tenebris, et vinculis mandatur, quod jus Pontificum admittit, quæ jus est extraordinarium. Et idem etiam jus civile admisit, sed non rite, et ordine, sed extra ordinem. Et ita proculdubio intellexit M. Tullius in 4. Catil. cum dicit, *Sempiterna vincula esse inventa ad singularem pœnam nefarii sceleris: singularem, id est, extraordinariam: nam ordinaria pœna est communis, non singularis. Omnia rei duplex est usus, proprius, et improprius, ut Aristot. docet l. Pollit. hoc exemplo, calcei usum proprium esse, ut inducatur in pedes: improprius, ut commutetur cum pecunia, vel alia re. Utamur alio: vestis usus proprius est, ut frigus depellat, et corpus tegat, quoniam hujus rei gratia potissimum est reposita vestis, Improprius usus vestis est, ut etiam adhibeatur ad ornatum corporis et dignitatem: et tamen vestem eam, quæ corpus ornat, non tegit, nudat potius, nec corpori ullum, aut pudori auxilium adfert, quales erant Cœæ, et Laconicæ vestes, et ralle, eæ, inquam, vesti potius quam**

Tom. IX.

ornamentis adnumeramus, quia eo nomine primum sunt repertæ, quæ est sententia *l. quamvis, ff. de auro et argento leg.* Ac similiter dicamus, carceris usum proprium esse, ut continent reos: improprium, ut puniat, nec minus carcerem dicamus eum, qui punit, quam qui continet, et custodit. In quo tamen, et improprie semper dicitur inesse pœna aliqua, ut in *l. 2. h. tit. l. 3. ff. eod.* quia tardum, et vis publica, et nota querelam, ut signif. *l. 3. §. lego, ff. de testibus*, non tamen infamia, quæ minuat existimationem, quia nec carcer, nec vincula corpori injecta auctoritate publica per se sola irrogant infamiam, *l. 1. sup. ex quib. caus. inf. irr.* Porro non omnes rei carcere, et vinculis sunt continendi, et construendi, sed (ut heri dicebam) graviorum tantum criminum rei, vel qui convicti, aut confessi sunt, ex *l. si confessus, ff. de custod. reor. l. 2. tit. sup. l. 2. h. tit.* Illo loco, cum de admissio constiterit, pœnam carceris sustineat, non antequam constiterit: vel etiam quos ab initio statim onerant præsumptiones certæ, et jure proditæ, ex *l. ult. h. l.* quæ est constitutio Græca Justiniani ad Mœnam præfectum prætorio. Præsumptio innocentie allevat custodiam, *l. 1. ff. de custod. reor.* et contra præsumptio novæ exacerbatur custodiam. Magna vis est præsumptionis apud iudices, non temere quidem susceptæ, quia nec ullum iudicis arbitrium est in capiendâ præsumptione, sicut nec in æquitate definienda, sed ut ejus tantum æquitatis, quæ jure scripto prodita est: ita ejus tantum præsumptionis, quæ jure prodita est, iudex est, arbiter, et sacerdos. Addamus etiam, servos capiti crimine postulos, si a domino non defendantur, id est, si dominus, vel alius pro domino sistendos eos satisfacto non promittat, in vincula publica conjici, servos, qui indefensi derelinquantur, protinus in vincula conjici, et ita caveri lege Julia publicorum iudiciorum cujuscunque criminis rei facti sint, *l. ff. de custod. reorum*. Unde ibidem eleganter querit Papinianus, quod indiget nostræ interpretatione, an si postea dominus, qui dereliquerat servum indefensum, suscipiat ejus defensionem oblata satisfactione iudicio sinit, an possit eum vinculis liberare, quibus tenetur ex lege Julia, vel in quæ fuit connectus, quod initio a nemine defenderetur. Et tentat Papinianus, non posse dominum postea suscepta defensione eum solvere vinculis, quibus datus est sensel, hac ratione, quia edicto Domitiani cavetur, abolitiones reorum ex Senatusconsulto factas non pertinere ad servos, qui sunt in vinculis compeditos et vinctos ex causa criminali, quod a nemine defenderentur: abolitiones, inquam, reorum factas ex Senatusconsulto. Ibi (ex Senatusconsulto) non est, ut glossa voluit, ex Senatusconsulto Turpill. quod non est de abo-

litionibus reorum sed de pœnis accusatorum, qui prævaricantur, et tergiversantur, sed ex Senatusconsulto pro re nata facto ob lætitiā aliquam publicā, ob rem prospere gestā, ut *l. si interveniente*, ff. ad Senatuscons. Turpill. cum Senatus ob lætitiā publicā, et gratulationem aliquam indicit ferias, et solvit reos vinculis, et exiunt reatu. Hæc abolitio reorum pertinet tantum ad cives, qui sunt in reatu, et vinculis, non ad servos, quia (ut ait *d. lex. 2.*) lex ipsa servum absolvi vinculis prohibet, donec de eo pronuntietur: lex ipsa, id est, lex Julia publicorum judiciorum, non ut vult glossa, edictum Domitiani, secundum quam tamen legem Julianam, etiam ex Senatusconsulto forte facta publicā abolitio reorum, non solvuntur servi vinculis, donec finiatur judicium. Sic legitur rectius in *l. Domitianus*, ff. ad Turpill. ex alio loco *l. 2.* legem ipsam prohibere viuctos servos absolvi, donec de eis pronuntietur, id est, donec judicium finiatur: quia scilicet Senatus, qui abolitionem reorum dixerit, de solvendis civibus, et eximendis reatu sentit, non de servis, quoniam ei curæ est lætitiā civium publicā, non servorum. Abolitio igitur publicā non pertinet ad servos, qui sunt in vinculis ex causā criminali. Unde etiam videbatur nec viuctum semel servum vinculis, posse liberari domino satiadante, et defensionem offerente. At certe Papinianus in *d. l. 2.* ait, hanc interpretationem esse perduram, et periculum re- veram. Et esse humanius, si servus domino absente, vel per inopiam satiadare nequeunte, conjectus fuerit in vincula, ut non post longum temporis spatium, si veniat dominus, et servum defendere, et pro eo satiadare sit paratus, servum vinculis exolvi, et domino interim restitui, dum judicium peragitur, ut ei operas, quas debet, exhibeat. Et hæc est sententia *d. l. 2.* Non est omittendum his omnibus casibus, quibus diximus, reos ex vinculis causam dicere nunquam recte eos in vincula conjici, nisi hoc fiat ex præcepto speciali judicis, ut delinit constitutio Græca hujus tit. In urbe, ex præcepto majorum judicum: in provinciis, ex præcepto præsidum, vel defensorum civitatum. Hoc est notandum, defensoribus civitatum jus esse ducendi noxios in vincula ex supradicta constitutione, in qua etiam illud valde piū est, et humanum, quod statuit, ut Episcopi (quæ pars legis etiam est repetita in *l. 22. de Episcop. aud.*) ut Episcopi κατὰ τὰ πάτρια, vel κατὰ τὰς ἐκκλησίας sint custodias, id est, ut ecclesia loquitur, feriis quarta, qui est dies Mercurii, et feriis sexta, qui est dies Veneris, et Parasceve dicuntur, Sabbati, scilicet; utraque feria olim in ecclesia feriæ sunt esurialis, ut Plautus loquitur, feriæ casti et jejuniis dicata, et omni pietati igitur. Quapropter vult lex, ut altero horum dierum Epi-

scopi invicem custodias, et hos tantum dies olim fuisse dicatos casti et jejuniis constat ex canone jejuniis, de consecrat. distinct. 3. et Petri Alexandrini Can. 13. τὰ πάτρια καὶ κατὰ τὰς ἐκκλησίας. Nunc notandum ex *l. 1. h. t.* eos, qui conjecti sunt in vincula, non esse durioribus, vel arctioribus vinculis continendos, veluti manicis, aut pedicis, sed laxioribus catenis, quæ plerumque et militem simul continent custodiendo reo propositum, ut Seneca quodam loco ait eandem catenam, et militem, et custodiam copulare. Item custodias, id est, reos, qui custodiuntur, non debere locari in ima et tetra sedi carceris, non debere mandari, ut ait *h. l. 1.* tenebris intimæ sedis, quæ dicitur in Actis Apostol. cap. 16. ἐν τῇ σπῆλαι καὶ σκοτεινῇ, intima custodia, sed ita locari debere, ut celo liberiore fruantur, et solo salubriore. Et *l. rationem* addit, ne pœna, et squalor carceris perimat reos. Simulac indicit pœnam stratoribus, et ministris, si per eos fiat, ut rei perimantur in carceribus: et judicibus, si hanc rem inultam reliquerint. Ac plane hæc *l.* indicat, stratores esse officiales judicum, quibus custodia carceris commissæ est qui et stratores dicuntur, ut statum, pro statum legimus in pandect. Florent. *l. si prius*, §. 1. ff. de aqua, et aqua pluvi. ar. et a stando potius habent nomen, ut ille Manilii locus indicat:

*Carceris et duri custos, quo stante superbe
Prostratus jaceant miserorum in limine matres.*

Et ex vite Cypriani edita a Pontio et a Paulo Diacono, intelligimus, alium esse stratorem equi, qui instollit dominum in equum, alium stratorem officii judicis, cui rei custodiendi traduntur. Illud præcipue ex hac lege 1. notandum censeo, non probari peremptionem reorum, quæ fit in carcere, certe nec enim, quæ fit auctoritate judicis. Et tamen olim constat, propter facinus Appii decemviro, qui populo successionis causam dederunt, consensu populi fuisse necatos in carcere, *l. 2. §. initium*, ff. de orig. jur. et alios plerosque criminum reos ex variis auctoribus. Et solet etiam plerumque ita fieri in Italia. Moris etiam erat Imperatoribus triumphantibus, ut duces devictos in carcerem occidendos mitterent. Trebellius Pollio in Æmiliano 21. tyranno: strangulatus in carcere captivorum veterum more perhibetur. Et in Panegyrico d. cto Constantino Constantii filio: Captivi Reges inquit, cum a portis usque ad forum triumphantium currus honestassent, simulatque in Capitolium currum flectere cœperat Imperator, abrepti in curram necabantur. Sed hoc omne fit extra ordinem, nam ordo legitimus hic est, ut in foro publicæ supplicium consummatur in reos. Josephus 7. capite 17. νότοι τῶν Παράτοις ἐν τῇ πόλει, etc. Lex est Romanis, ut in

form morte p'etantur, qui morte dignum crimen admiserunt. Et, quod etiam hodie fit, ut damnati extremo supplicio ducantur ad supplicium irretiti laqueo, aut boja, la hart au col. Idem servasse Romanos, idem auctor ibidem demonstrat his verbis, *ἄποχθ' δὲ*, etc. Laqueo, inquit, irretitus tractus est in forum pœnæ consumendæ gratia. Et Suetonius in Vitellio. *Religatis post terga manibus, injecto cervicibus laqueo, veste discissa, seminudus in forum tractus est, inter magna rerum, verborumque ludibria per totum v'æ Sacrae spatium, reducto coma capite, cru noxii solent.* Sic igitur solebant noxii ad supplicium duci. Postremo etiam illud adnotandum est ex l. 2. auditum reum publice apud acta, et convictum, vel confessum: etiamsi non sit grave crimen, protinus conjici in vincula, qui enim est confessus, aut convictus, eo est diligentius asservandus, donec iterum eductus carcere publice audiat apud acta. Ex quo intelligimus cognitionem reorum quodammodo iterari, et judicium criminale ex l. 2. Quo de more diximus heri, cum semel velit lex, auditum reum, et convictum, et confessum, iterum audiri publice apud acta. Nec omittam, quod proponitur in l. 3. ut alius sit carcer virorum, alius scæminarum, nec etiam, si viri, et scæminæ crimine jungantur, vel pœna, etiam jungantur carcere. Verum ex Novella 134. nulla ex causa mulieres conjiciuntur in publicum carcerem: sed dantur monasterio servandæ, vel honestioribus scæminis. Qua de causa apparet, legem tertiam non approbari Novella dicta Justin. quæ vult, proprium esse carcerem mulierum, cum Novella nulla ex causa velit scæminam pati molestiam carceris. Et ideo in Basilicis non est posita hæc lex tertia.

Ad L. IV.

Ad commentariensem receptarum personarum custodia, observatioque pertinet: nec putet hominem obiectum, atque vilem obijciendum esse judici, si reus modo aliquo fuerit elapsus: nam ipsum volumus hujusmodi pœna consumi, cui ob noxius docebitur fuisse, qui fugerit. Sin verò commentariensis necessitate aliqua prout ab officio egerit: adjutorem ejus pari j. b. mus invigilare cura, et eadem statuimus legis severitate constringi.

Sequitur in lege quarta, custodiam reorum non tantum pertinere ad stratores, vel janitores carceris, qui etiam clavicularii dicuntur, sed etiam ad ipsum commentariensem, id est, qui concilic commentaria, et rationes in carcere receptarum personarum, qui tient, et fait l'escrova. Marcus Tullius l. bro de supplic. Rationem carceris d. ligen-

tissime confici, quo quisque die datus sit in custodiam. Quod et ita fit etiam hodie ex officio commentariensis, vel adjutoris ejus, cujus opera ei uti licet, dum abest, et incubit, non tantum ratio carceris, sed et custodia custodiarum: nam in hac tractatu custodiæ nomen est ambiguum, cum non tantum pro re ipsa accipiat, et observatione reorum, sed etiam pro personis; ut ergastula etiam, et carceres, et metalla accipimus pro personis, inno et crimina, ut illo loco, *Crimine ex uno disce omnes*, id est, ex uno criminoso. Et ita in Psalmo, *καθ' ὅρα λοιμῶν*, id est, *λοιμικῶν*, cathestra pestium, id est, pestilentium hominum, ut 1. Machab. cap. 01. et 16. *ἀνδρες λοιμοί*, id est *λοιμικοί*, et Actorum 14. *ἀνδρες λοιμῶν*, id est, *λοιμικῶν*. Sed addit lex quarta, non excusari commentariensem, si evaserit custodia, et hujus rei culpam conferat in janitorem carceris vel alium viliorum ministrum: sed amissa custodia, sufferre commentariensem ipsam eam ipsam pœnam, quod mirum est, quam sustinisset custodia, quæ evasit. Nec novum hoc est. Nam et qui ream sibi promittit, nec sistit, eam pœnam sustinet, quam reus sufferret, l. 13. *sup. de fidejussor.* Et ita alius pro alio sufferit pœnam, sicut juxta aliquando pro reo, cujus crimen dissimulat, l. 3. *in fine, sup. ne sanct. baptisma iteretur.* Denique de commentariensi recte in l. omnis, C. Theod. de administrat. pub. off. Commentarienses debere exora miseris claustra custodire et l. pen. *hoc tit.* debere trigesimo quoque die judicii suggerere numerum custodiarum, et causam carceris ejusque, sive custodiæ, et etatem etiam cujusque custodiæ, et ordinem, seu qualitatem, quæ omnes constitutiones admodum pie sunt. Restat præter ea, quæ divi, ut amplius aliquid adnotemus ex constitutione Græca Justiniani, ut iis etiam satisfaciamus, qui etiam Græcarum constitutionum studiosi sunt. Nec enim satis ex constitutio emendate huc exposita est a quibusdam. Primum illo loco, quo agitur in ea constitutione de servis carcere liberandis, id est, condemnandis, vel absolvendis intra diem vigesimum, ne diutius de eis, aut propter eos domini laborent. Illo, inquam, loco, pro *σὺν ὁρμῇζομένους, καὶ τοῖς δεσπότης παραδιδόμενους*, disjunctim non conjunctim scribendum est, ἀ τοῖς δεσπότης παραδιδόμενους, hoc sensu, ut servi, qui ob crimen aliquod coniecti sunt in carcerem, intra diem vicesimum vel puniantur, si noxii sint, vel si innoxii, absoluti domino restituantur, ne diutius eorum opera dominus careat, et confestim, vel ens amittat, vel recipiat. Deinde alio loco, quo agitur de liberis hominibus datis in carcerem, ut statim de eis pronuntietur, si facti sint rei seditionis, vel turbatæ pacis, quia scilicet seditionis causa moram non recipit, l. si quis filio, §. quid

tamen, in fine, *D. de injusto, rupto, etc.* Alia autem ex causa detenti, ut datis fidejussoribus carere liberentur, vel si fidejussores dare, si satisfactionem implere nequeant, ut quamprimum judicentur, puta, si sint detenti ex causa civili, et pecuniaria, vel ex causa criminali leviori. Nam et ex causa pecuniaria jure nostro debitor, etiamsi in illi non se obligavit, postulatu creditoris potest conjici in carcerem, *l. 1. et l. ult. sup. qui bon. ced. poss.* At qui ex hac causa conjecti sunt in carcerem, vel ex crimine leviori, aut sunt committendi fidejussoribus, aut non inventis fidejussoribus, de iis quamprimum pronuntiandum est. Homicidii vero, alteriusve criminis capitalis rei, ut judicentur, summum intra dies triginta. Hoc vulg. constitutio Justiniani, quæ subjicitur, si non ii, qui sunt in carcere, litem trahant, ne finiatur statim, vel intra dies 30. sed conditio rei, qua de agitur, talis sit, ut statim finire non possit, vel intra dies 30. tunc detentos ex causa civili, vel non capitali crimine, esse committendos juratoriae cautioni, et carcere liberandos, cum res desiderat longiorem disquisitionem, nec potest statim, vel intra mensem expediri, ubi loco horum verborum, satis erit adducere prima verba, *ἐὰν δὲ μὴ τὰ χρεῖα πειστωρὸς etc.* Omnino scribendum est, *ἐὰν δὲ ἢ χρεῖα πειστωρὸς*, id est, si vero opus fuerit longiore temporis spatio, *διδοῦναι ἐξουσίαν αὐτῶν ἐπὶ*, id est, committi ipsum sibi id est, fidei et religioni suæ. Sequitur in eadem lege, reos homicidii factos ex relatione publicarum personarum, veluti ex relatione, et notaria stationarii militis, vel curiosi, vel apparitoris judicis, vel magistratus municipalis (quod trahi potest etiam ad quoscunque reos capitalis criminis carcere inclusos) hos inquam, intra 6. menses esse judicandos, si res non possit expediri intra dies 30. nec committi fidejussoribus, et publicas personis pari cum reo, quem detulerunt, fortuna retineri, id est, perinde subire periculum calumnie, et talionis, atque si subscripissent in crimen, ut *l. 7. sup. de accus.* Reos autem factos capitalis criminis, non ex relatione publicarum personarum, sed ex accusatione privatorum, et solemnī inscriptione, fidejussoribus committi, si præsumptio contra eos evidens et magna non faciat: aut non inventis fidejussoribus, omnimodo detineri in carcere, et causam dicere ex vinculis, judicium autem finire intra annum. Et hæc est sententia constitutionis Justiniani, quæ valde notanda est: nam ex ea intelligimus biennium, quod ab eodem Justiniano præscribitur finiendis causis criminalibus, *l. ult. inf. ut intra certum tempus*, tunc dumtaxat procedere, cum reus non est conjectus in carcerem, nec dicit causam ex vinculis. Alioquin hæc *l. ult.* quæ præscribit annum, pignaret cum

altera *l. ult.* quæ præscribit biennium. Et in hac parte h. *l.* etiam mendum est, quod emendabitur hoc modo ex Basilicis, *εἰ δὲ τις ὑπερπαρῆτος αἰτίας ἑσθρο τῆς ἐνοχίας*, id est, si quis adversus alium subscripserit in crimen, vel si quis subscribens in crimen causa fuerit alteri reus, *τῆς ἐνοχίας*, vel ut alias legitur, *τῆς ἐνοχίας*, et postremo valde in hoc singularis est constitutio hæc, quod aperte definit, etiam in causis criminalibus cessione bonorum locum esse, si reo fuerit irrogata poena pecuniaria. Locus est singularis, et summe notandus.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. V. De privatis carceribus inhibendis.

Custodie nomine superiori titulo intelligitur tantum publica custodia, ut in *l. vinculorum, D. de verb. signifi. at. et l. succurritur D. ex quibus caus. major.* quia privata custodia illegitima et illicita est, ut h. *tit.* ostendit, in quo tanquam rei lesæ majestatis puniuntur privati homines, qui se gerentes pro magistratibus privatam custodiam exercuerint, simul atque judices, et Principes officiorum, ut ait, id est, primates apparitionis judicum, qui hæc crimina dissimularunt. Poena definitur in *l. 1.* esse supplicium ultimum, quia est crimen lesæ majestatis se pro magistratu gerere, quod facit, qui privatum carcerem exercet, qui adversarium privato carcere cohibet. At minorem poenam statuit Justinianus *l. 2. hoc tit.* quæ est constitut. Græca, nempe infamiae poenam, et periculi litis, propter quam quis adversarium privato carcere cohibet, et ut poenam carceris sustineat tot diebus, quot privatam custodiam exercuerit. Denique prohibetur privatus carcer, et custodia. Neque his constitutionibus obstat *l. capite, D. ad leg. Jul. de adult.* quæ viro permittit adulteram cum uxore deprehensam, quem nolit, aut non licet occidere, retinere domi suæ, aut ubi deprehendit horis diurnis, nocturnisque 20. Quoniam hoc *l. Jul.* permittit, non carceris specie, sed testandæ rei gratia tantum, ut vir, testes inducat futuro testimonio, reum deprehensum in adulterio. Non obstat etiam, quod ex lege 12. tab. debitorem non facientem judicatum, creditori licebat vincire nervo et compedibus. Primum quia jus illud exolevit: deinde quia etiamsi, qui contraduntur in carcerem, maxime ex causa criminali, et pe. vinculis continentur: differentia tamen est inter carcerem, et vincula. Carceris, et custodiæ nomina publica sunt,

quia nullus est carcer privatus, aut custodia privata. At vinculorum nomina sunt etiam privata, d. l. vinculorum, cum et metallici sint in vinculis, et a dominis servi vincti in ergastulum, vel pistrinum conjiciantur. Et similiter etiam olim debitores, tanquam servi, ibant in nervum, jubente creditore, qui ob eam rem apud Hesychium dicitur ἰγκλωσθῆς, quia nervus ille erutilus injiciebatur.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. VI. Si reus, vel accusator mortuus fuerit.

Ex hoc tit. intelligimus, morte accusatoris accusationem extinguere l. ult. hoc tit. crimen non extinguere, et culpam, quia reus ab alio accusari potest, l. 3. §. ult. D. de accusat. At morte rei crimen extinguere, et poenam, et causam bonorum rei confiscandorum, quoniam heredi ejus, qui mortuus est in reatu, testamentario, vel legitimo, bona auferri non possunt, si sua morte defunctus fuerit, non si sibi reus ipse mortem adsciverit: nam hoc casu bona heredi ejus auferuntur et confiscantur, videlicet si cum sibi mortem conscivit, reus fuit criminis, cujus poena erat mors, aut capitis diminutio, et consequenter publicatio omnium bonorum, cujus criminis conscientia sibi mortem consciverit, quia hic habetur pro confesso, convicto, et judicato, l. pen. h. tit. l. 3. §. 1. D. de bon. et r. qui ante sent. mort. sibi consciv. Excipiendus est reus laesae majestatis, ex causa perduellionis tantum, puta, quod hostili animo erga Rempub. vel Principem rebellavit, et insurrexit, hoc est summum crimen majestatis, *le premier chef le laes Majesté*, qui hujus criminis reus moritur in reatu, etiam post mortem condemnari potest. Denique post mortem bona ejus confiscari possunt, et memoria ejus accusari et damnari, l. ult. D. ad leg. Jul. majest. l. 4. sup. de heret. interdicto posteris nomine ejus: ut solebant, quorum memoria damnata erat, consulum nomine fastis aboleri, quia interdictum erat nomen eorum posteris. Hoc est damnare memoriam, quam tamen Princeps nonnunquam restituit. Julius Capitol. in Pertinace. *Questionem majestatis penitus tulit, cum jurejurando, revocavit etiam eos, qui deportati fuerant crimine majestatis, eorum memoria restituta, qui occisi fuerant.* At qui ex alia causa reus est majestatis, non perduellionis, morte ejus, crimen, et poena extinguuntur, ut si reus fuerit ex causa tit. sup. quod

privatum carcerem habuerit, vel etiam, ut in l. 1. hoc tit. quod desertor militum fuerit, quod etiam est crimen majestatis, l. 2. D. ad l. Jul. majest. Haec est sententia l. 1. h. tit. quae est Graeca constitutio, et constat uno tantum versu in Basilicis: ἰάν στρατιώτης ἀποτακτῆς τελευτήσῃ, λύεται τὸ ἔγκλημα: si miles, qui deseruit ordinem suum, sive exercitum, defunctus sit, solvitur crimen. Quod tamen videtur pugnare cum l. 4. inf. de re milit. quae ait, defunctorum in desertione bona confiscari. Nam si confiscantur, non est igitur extinctum crimen desertionis. Sed ita distinguendum, ut loquatur d. l. 4. de eo, qui in desertione est defunctus, quod est apertissimum, perinde atque apertissimum est ex ipso tit. l. 1. hoc tit. loqui de eo, qui defunctus est, non in desertione, sed in reatu, cum insimularetur olim desertor militum. Nunc etiam quaeritur, an etiam reus, qui condemnatus est, et appellavit, si pendente appellatione moriatur, habeat heredem, id est, an morte rei condemnati, quae contingat pendente appellatione, crimen, et poena extinguatur. Et hac de re eleganter ita definitur l. ult. hoc tit. aut specialiter priori sententia bona sunt publica, aut tacite. Si specialiter, ut si relegatus sit, et damnatus in diem partem bonorum redigendorum in fiscum, ac deinde mortuus sit pendente appellatione, crimen extinguatur. Ceterum questio bonorum nominatim publicatorum non extinguatur, sicut nec questio bonorum scelere quæstorum unquam extinguatur, quoniam scelere parta, etiam mortuo reo, omnimodo restitui debent, l. Lucius, D. de jure fisc. l. si quis cum, et l. cum falsi, D. ad leg. Cornel. de fals. Quare receptum est actionem repetundarum, vel residuorum, vel peculatus morte non finire, quia est de bonis scelere partis, quae questio est perpetua. Et sic etiam bonorum, quae sententia judicis specialiter adempta sunt, persecutio est perpetua, quae fisco competit. Aliud est dicendum, si tacite bona adempta sint, ut si reus sit deportatus, vel si damnatus sit ultimo supplicio, id est, morte, quae sententia tacite adimit bona omnia: nam licet, si moriatur pendente appellatione, morte ejus poena, et crimen, id est, causa capitis, questio bonorum extinguatur, et transmittantur bona ad heredes ejus, aut bonorum possessores. Et ita in multis partibus juris malum interest, exprimat aliquod, an tacite intelligatur: nam uno perempto ex eis, quae sunt expressa, non perimitur etiam alterum, quod est aequè expressum. At perempto expresso, perimitur etiam illud, quod tacite infuit. Et hoc ostendit l. ult. h. tit. et lex 3. sup. si pen. l. appell. mors inter. l. 1. D. eod. Postremo illud etiam notandum est ex l. 3. hoc tit. morte rei crimen extin-

qui in persona ejus, non in persona correorum, videlicet si plures eodem crimine simul rei facti sunt, quod fieri potest, *l. 19. D. de accusat.* Non licet quidem plures reos, quam duos separatim eodem tempore delatos habere ex diversis criminibus, ut cavetur *l. Julia*, sed licet eodem tempore, et eodem crimine plures simul deferre reos, quo casu mors unius in eo solvit crimen, et accusationem, non in correis. Et ita morte rei principalis, quod et maxime notandum ex *l. 4. A. tit. puta* morte ejus, qui falsum instrumentum fabricavit, non auferri facultatem ejus accusandi, qui postea eodem instrumento falso utitur sciens prudensque: nam et qui sciens falso utitur, reus est falsi, *l. 2. sup. de fide instrument.* Itemque mortuo mandatore credis, qui est principalis reus, quia auctor credis, integrum est accusare eum, qui eandem fecit eadem ratione, *l. 5. sup. de accusat.*

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. VII. Si quis Imperatori maledixerit.

Jam a titulo 5. coepit tractare de crimine læsæ majestatis, in quod incidere in eo titulo docuit eum qui habet privatum carcerem: nec male dicam etiam tit. 6. ad crimen læsæ majestatis pertinere, quia a definitione ejus tituli, ut scilicet morte rei crimen extinguatur, exceptum intelligitur semper crimen perduellionis, quod est summum crimen læsæ majestatis. Sed quia et ex aliis causis quamplurimis committitur crimen læsæ majestatis, vel dicto, vel facto, de eo, quo dicto committitur, agitur in hoc tit. 7. *si quis Imper. &c.* de quo etiamsi aliquando fuerit judicium majestatis læsæ, ob dicta scilicet, et voces impies jactatas in principem, vel in tempora, ut ait nominatim constitutio h. t. quoniam, qui tempora incusat, tacite principem ipsum incusare, et obledere videtur. Tamen ex constitutione h. tit. nullum ob eam rem judicium, nullave pœna tenere constituitur inconsulto principe, quia ait *l. si id ex levitate proces-* sit, contemnendum est: si ex insana, miseratione dignissimum est: sin autem ab injuria, et mente mala, remittendum est. quod non significat esse remittendum ad principem, ut ipse de eo statuat, ut voluit Accurs. sed ut Græci rectius interpretantur hoc loco, remittendum, id est *συγγνωστόν*, venia donandum est, etiamsi ab injuria proces-

serit maledictum, quia bonus princeps injuria non potest affici, quam et de se ipso rationem reddidit Titius Imperator apud Dionem, cum sustulisset questionem læsæ majestatis ob convitia, *ὅτι μὲν οὐδὲν οὐδ' ὕμνωσθαι, οὔτε προσηλακισθῆναι δύναμαι, οὔτε γὰρ ἄξιον τι ἐπαγορεύει ποιεῖν, οὔτε μοι μᾶλλον τῶν ψευδῶς λεγομένων.* Ego, inquit, injuria et contumelia affici non possum, quia nil mihi extitit, quod reprehensionem mereatur, et nihil mihi sunt curæ, quæ falso de me jactantur.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titulum VIII. Ad legem Juliam Majestatis.

In hoc titulo ostenditur, et ex aliis plerisque causis bonos principes non admittere questionem læsæ majestatis, puta, quod judex per imprudentiam pronuntiaverit contra constitutiones principis, *l. 1. hujus tit.* vel quod quis pejeraverit per principem, quod perjurio violaverit nomen principis, *l. 2. hujus tit.* et ex multis aliis quoque causis, levioribus scilicet, Alexander in *l. 1.* ostendit, se remisisse questionem læsæ majestatis, dum ait, etiam ex aliis causis majestatis crimina cessant meo seculo, et utique cessabunt, si forte quis pronuntiaverit contra constitutiones principum. Alii principes, et ex levi causa instituebant judicium majestatis, ut Antoninus Carac. apud Spartianum, quod quis fecisset urinam ubi positæ erant statue principis, vel quod quis ex imaginibus principum coronas detraxisset, ut alias poneret, et adjicit statim, quod tamen non pertinet propria ad crimen læsæ majestatis, sed ad crimen veneficii, aut maleficii, Antoninum etiam damnassee eos, qui tertianis, quartanisve remedia collo annexa gestassent, quæ Græci vocant *περιαντὰ*, et *περι-ἀμματα*, quod forsitan servari æquum esset: nam et Constantium Imperatorem legimus Apud Ammianum Marcellinum libro 19. ut veneficos damnassee eos, qui remedia tertianæ, vel alterius doloris collo gestassent. Et Carolus Magnus *l. b. sexto legum*, et constitutionum suarum *cap. 72.* ut, inquit, *phylacteria, et falsæ inscriptiones, et ligaturæ, quæ imprudentes febribus, vel aliis pestibus opi tulari credunt, nullo modo fiant, quia* inquit, *magicæ artis insignia sunt.* Verum nil rem. Removentur ergo primæ in hoc titulo leviores causæ instituendi judicii de majestate, quibus remotis *l. 1. et 2.* ceteræ omnes constitutiones referuntur ad crimen perduellionis, quod et rebel-

lionis dicitur ab auctoribus, et impietatis, vel *d'os-
pitas*, et sacrilegii crimen. quo qui tenetur, hostis
publicus esse judicatur, summum, et maximum
crimen dicitur *l. 7. C. Theod. de indulg. crimin.*
In eo vero crimine multa singularia recepta sunt.
Primum quidem, ut crimen perduellionis morte no-
centis non extinguatur, sive ante reatum moriatur,
sive in reatu ipso, *l. pen. et ult. hujus tit.* Alia
tamen crimina morte extinguuntur, vel mortalitate
potius, ut ait *lex ult. D. eod.* quia non qualibet
morte, non morte sibi conscita in reatu capitali.
Mortalitas est mors communis et naturalis, non ad-
scita, mors. Recte igitur dicuntur cetera crimina
mortalitate extinguuntur: ut vero crimen perduellionis
mortalitate non extinguatur, sed post mortem no-
centium inchoari, aut peragi possit, hoc jus ma-
nere ex constitutione D. Marci ostendit Paulus in *l. pen. hujus tit.* et Martianus in *l. ult. quorum Ju-
risconsultorum* verba non ulli constitutioni Græcæ
(ut vulgo opinantur: nullam enim constitutionem
Græcam in hoc titulo desiderari Basilica patefa-
ciunt) sed constitutionibus Latinis in hoc tit. a Tri-
boniano subjecta sunt, quod in Digestis præter-
missa essent. Idque huic uni titulo contigit, ut ei
subderentur post constitutiones verba Jurisconsul-
torum prætermissa, scilicet in Digestis. Illud etiam
ex eodem Paulo et Martiano in *l. pen. et ult.* in-
telligimus, hoc esse singulare in crimine perduel-
lionis, ut servi, qui ex alia causa in caput domi-
ni non torquentur, ex hac causa torquantur, ut *l. pen. sup. qui accus. non possunt, l. servum, inf. de del. tor. lib. 10.* Et recte *l. 2. C. Theod. ne
præter crimen majestatis servus dominum accu-
set. In hoc crimine etiam servus esse honestam
proditionem: nam et hoc facinus tendere in do-
minos, id est, dominos rerum, quales sunt prin-
cipes. Sed omisi quod in l. pen. Paulus probat, ex
constitutione Marci factum esse, ut quæreretur
de læsa majestate Imperatoris etiam post mortem
nocentis, et ut post mortem bona ejus vindicaren-
tur fisco. Id ait jussisse Divum Marcum in perso-
na Depitiani utpote Senatoris, quod socius exti-
tisset Cassiani furoris. Nam illud certum est, Avi-
dium Cassium rebellasse adversus D. Marcum,
ejusque factionis socios fuisse plurimos. Et Paulus
ait, unum ex eis, nempe Depitianum, sic habent
fere omnes libri, nullus Druncianum ut vulgo le-
gitur contra fidem Historiæ, quæ proclat, Divum
Marcum percussisse Drunciano genero Cassii: De-
pitianum igitur utpote Senatorem, post mortem hu-
jus criminis fuisse damnatum, bonis publicatis, et
laco addictis. Cur ait, utpote Senatorem? quoniam
ipse vetuerat, ne ob eam rem Senatus quicquam
statueret in ullum Senatorem, quamvis ipsemet
decrevit de hoc Senatore, de quo nec Senatus ipse*

decernere poterat, ut si mortuus esset, bona ejus
publicarentur, quod socius fuisset et satellites Cas-
sianæ conjurationis. Sed pergamus ad alia: singu-
lare etiam hoc est in crimine perduellionis, ut dam-
nati ex ea causa non logentur, *l. liberorum, §. non solent, D. de iis, qui not. inf.* ut non pe-
tantur sepeliendi post sumptum de iis suppl. cium,
l. 1. D. de cadav. punit. et ut eo crimine omnes
omniño qui postulatur, vel etiam qui in eo ad
testimonium provocantur, cum res, exigit, torquean-
tur cujusque ætatis, conditionis, vel dignitatis fue-
rint, *l. Decuriones, inf. de quæst. l. de minore, D. eod. tit. l. 3. et 4. hoc tit.* Aliorum criminum reos
tormentis dignitas vel ætas eximit. Alii recte pe-
tuntur sepeliendi, alii logentur, sed non qui damnati
sunt majestatis; hi cujusque sint dignitatis, tor-
mentis subjiciuntur, et quæstionibus. Joannes Chry-
sostomus homilia 13. *Ubi est, inquit, crimen læsæ
majestatis, dignitas nil proficit.* Et Ammianus
Marcellinus 19. *Ubi majestas pulsata defenditur,
a quæstionibus, vel cruentis nullam leges exemere
fortunam, quin etiam quod in hoc crimine singu-
lare est, ex l. 3. hoc tit. accusatores, si manifestis-
simis indiciis, et argumentis non convicerint reos,
et ii, quorum opera vel consilio ad accusationem pro-
silierunt, etiam tormentis subjiciuntur. Necesse est
reos læsæ majestatis convinci manifestis indiciis,
priusquam torquantur, aut torquebantur potius
accusatores ipsi. Et ita in l. 3. hujus tit. accipe-
re oportet convictum reum majestatis subjici tor-
mentis, convictum scilicet manifestissimis indiciis, de
quibus et lex ipsa loquitur, non convictum uno te-
ste, ut glossa dixit, tu ne dixeris: nam neque uno
teste quisquam convincitur, sed manifestissimis
potius indiciis, quæ certissimæ probationes sunt,
l. ult. sup. de contrah. stipulat. Neque unicus
testis sufficit torquendo reo, quod probat *l. mari-
tus, D. de quæst.* quæ in re plerique labuntur ho-
die, qui unum testem per se solum putant suffi-
cere ad quæstionem misero offerendam: qui etiam
errant, dum unum testem affirmant, esse proba-
tionem semiplenam, ut loquuntur, quod hoc argu-
mento probant. Duo, inquit, testes faciunt
plenam probationem, ergo unus semiplenam. Sed
hæc collectio vitiosa est, et eadem atque si diceret,
duo perficiunt numerum, ergo unus, aut unus
est numerus imperfectus et semiplenus, quod est
falsum. Nam unum non potest dici numerus. Et
præterea ut veritas, ita probatio sciendi non potest,
quæ non est plena veritas, est plaus falsitas, non
semiveritas. Sic quæ non est plena probatio, plaus
nulla probatio est. Denique Jurisconsulti non no-
verunt ullam probationem semiplenam. Illud etiam
non omittem, legem tertiam hujus tituli esse vi-
tiosam ab interpolationibus omnimodo: nam detra-*

meditari puniendi. Et abutuntur multi *l. cogitationis nemo*, *D. de poen.* quæ non est generaliter accipienda, ut alio loco ostendi, sed redibenda suo proprio tit. id est, edicto quod quisque juris in alium, quo punitur tantum effectus, non cogitatio: ceterum in criminibus publicis etiam cogitatio, aut conatus.

JACOBI CUJACII J. C.

In Lib. IX. Codicis.

RECITATIONES SOLEMNES

Ad Titul. IX. Ad legem Juliam de adulteriis, et stupro.

Acrimiae publicæ læsæ majestatis, quod omnium est maximum, transit ad crimen publicum adulterii, et stupri, seu impudicitiae. In adulterio est vir et mulier aliena: in stupro vel non est vir, vel non est mulier, vel est vir et mulier vacua. Dico in adulterio esse mulierem alienam, id est alii nuptam. Non dico virum alienum, vel maritum alienum: nam in viro alieno legibus publicorum judiciorum crimen non vindicatur, ut ostendit *l. 1. h. t.* Quamvis lex Julia de adulteriis coercendis, seu de pudicitia, permittat viro uxorem jure mariti accusare adulterii, non tamen etiam uxori permittit virum eodem crimine accusare. Ex quo efficitur, nec alieno matrimonio violato, seu polluto, mulierem publico judicio adulterii accusationem instituere posse, quia nec lecti aut injuriam persequi potest: alio judicio mulier suam injuriam persequi potest institute accusatione, *l. de crimine, sup. qui accusar. non poss.* Hoc judicio, nec suam, nec alienam injuriam, seu vindictam persequi potest. Et ita est explicanda *lex 1. h. t.* Unde apparet hac in re, quam distet stuprum ab adulterio: nam de stupro mulier accusationem instituere potest, si suam injuriam persequatur, *l. 7. hoc tit.* ut si se ab alio deintegratam dicat, si virgini sibi vim allatam. At de adulterio mulier accusationem instituere non potest, etiamsi suum maritum dicat fuisse cum alia, cum tamen ipsa a marito possit accusari, si quid prohi fecerit cum alio: ac similiter, ut ex Catone Gellius refert, jus olim fuit viro sine judicio impune necare uxorem deprehensam in adulterio, quod etiam hodie est ex *Novella Majoriani*. Et eo jure pleræque gentes utuntur. At mulieri jus non est virum adulterum, vel adulteram, seu pellicem ne digito quidem contingere, ut ait Cato. Et similiter lege Romuli (ut Plutarchus scribit) qua et nos hodie utimur, uti testatur etiam Zouaras in

T. m. IX.

can. Apostol. 48. Ea, inquam, lege nulla ex causa mulieri licet a viro divertere, viro licet, ut scribit Plutarchus, veneficam, et adulteram domo exigere, liberis de sinu ejus sublati vel clavibus adeptis. Nam omnino apud Plutarchum legendum est, quo loco multi laborant: τέκνον, ἢ γλαῦδον ἀποβελῆσαι ὑποβελῆσαι, id est, exigi mulierem veneficam, vel adulteram ereptis ei liberis, quos educat, vel adeptis clavibus: nam et sic Cicero 2. Philippica, foras exigi mulieres clavibus adeptis. Non est ergo novum, si et lex Julia jus æquum non servat viro et uxori, si non iidem, quibus foeminas, viros vinculis pudicitiae obstringit. Quam legem preculdubio D. Ambrosius intelligit, et merito improbat eam inaequalitatem libro primo de Patriarcha Abraham cap. 4. Nemo, inquit, sibi blandiatur de legibus hominum, et plane intelligit leges Julias. Omne, inquit, stuprum adulterium est, nec viro licet, quod mulieri non licet; et sequitur: eadem a viro, quæ ab uxore, debetur castimonia. Unde intelligitur, maritum legibus Julii, qui se commiscet alteri, non esse quidem reum adulterii, sed stupri, nec enim potest negari, quin stuprum committat. At D. Ambros. et Christiani omnes affirmant, eum etiam perinde atque uxorem adulterium committere. Sic D. Augustinus de verbis Apostoli sermone 4. Quis aliquando habens uxorem, quin et ancillam vitiavit suam, crimen invenit? Sed in foro, inquit, non in cælo, in lege mundi, non in lege creatoris mundi. Et eleganter Gregorius Nazianzenus in dictum illud Evangelistæ: Cum consummasset Jesus hos sermones, hunc esse constitutionem, et legem, ut in uxore non in viro adulterium coerceatur. Verum subjicit eò ὁ δὲ νόμος τούτων νομοθετοῦν. Non laudo, non proba hanc legem, eam mares tulerunt, ideo foeminas tantum inquitur, et increvit. Et ita viris ait sibi solis reservasse, et vindicasse patriam potestatem in filios, matribus denegasse: lege tamen Dei utriusque parentis parem esse potestatem. Et similiter utriusque conjugis pariter adulterium coerceri. Et hinc pie, et verè sententiæ, nonnihil etiam leges auxiliantur, et adjuvantur, quæ etsi non permittant mulieri accusationem adulterii adversus maritum, tamen ipse cum accusatur a viris, possunt eis referre idem crimen, aut par crimen, veluti lenocinium, eoque genere, non quidem se excusare, sed onerare maritum. Et sunt hac de re valde notanda hæc verba *l. uxor, §. judex. ff. ad leg. Juliam de adult.* Judex adulterii, inquit, ante oculos habere debet, et inquirere, an maritus pudice vivens mulieri quoque bonos mores colendi auctor fuerit. Periniquum enim videtur esse, ut pudicitiam vir ab uxore exigat, quam ipse non exhibeat, quæ res potest et virum da-

151

mnare, non rem ob compensationem mutui criminis inter utrosque communicare. Non compensatur adulterium cum adulterio, vel cum lenocinio, sed utrumque punitur. Igitur mulier, quam maritus postulavit adulterii, si objiciat per crimen accusatori: ea res, inquit, poterit maritum damnare. Quod ita intelligendum est, si objiciat lenocinium, ea res ulique maritum damnabit, et subiciet poenae adulterii, quoniam utriusque sceleris eadem est poena lege Julia constituta. At si contra ei objiciat etiam adulterium, poterit quoque ea res eum damnare de stupro, sed non de adulterio. Et observandum est, ea verba §. *judex*, quamvis id Jureconsultus supprimat, esse ex rescripto Antonini, quod fuisse relatum in Codicem Gregorianum D. Augustinus scribit lib. 2. ad Pollentium propositis iisdem, et aliquanto amplioribus ejusdem rescripti verbis, quo ostenderet, et leges aliquatenus parem a viris atque a foeminis pudicitiam exegisse. Et jam hic locus exigit, quoniam commodè fieri potest, ut hic addatur explicatio l. 2. *hoc tit.* quae docet, lege Julia non tantum adulterium in uxore puniri, sed etiam in viro lenocinium, ut puta si deprehensam in adulterio retineat, neque dimittat. Non potest retinere deprehensam cum adultero sine scelere, et contagione lenocinii, vel etiam si damnatam adulterii, et foras exactam reducat, vel etiam si quisquam quamcumque mulierem damnatam adulterii ducat, quod congruit cum verbo Domini, quo judicatur esse adulter, qui repudiatam ex causa adulterii domum ducit uxorem. Et hoc ostendit l. 9. et 17. *hoc tit.* dum dicit, si quis damnatam adulterii dicat, vel reducat, is est adulter, is est leno. Leno autem pro adultero habetur semper, quia utriusque est eadem poena, et eadem lex. At, ut ait l. 2. *hoc tit.* si quis suspectam adulterii retineat, et rem dissimulet, si possit ignorantiam simulare, ut ait l. 17. quod non potest, qui eam damnavit publico iudicio. At qui potest, et suspectam retinet, non ideo tenetur lenocinii. Valde notandum est, quod ante dixi, esse proditum in l. 9. et congruere cum verbo Domini, ut lege Julia teneatur, qui damnatam adulterii ducit uxorem. Recte damnatam: nam non damnatam adulterii, quae forte a viro diverit, quia licet ducere non est dubium, repudiatam ab alio, jure ducimus: sed non repudiatam, et damnatam adulterii. Si tamen quis venerit in suspicionem adulterii cum aliena uxore commisi, soluto matrimonio si eam uxorem ducat, licet fuerit absolutus, ea res aget suspicionem adulterii: tantum abest, ut diluat crimen, quae in re plurimum hodie peccatur. Et scio evenisse, ut quis accusaretur adulterii commisi cum domina, et accusaretur post mortem domini, et absolveretur, et post absolutionem impune eam pro-

tinua duceret uxorem, quod exemplo est perniciosum, et damnatum in l. 27. et 34. *hoc tit.* quae habet pro convicto et confesso reum absolutum adulterii, si postea eam mulierem, cum qua dicebatur rem habuisse, duxerit uxorem. Et hoc est, quod ait Poeta: *Quod nabis Proculina concubino, et mæchum modo facis maritum, ne lex Julia te notare possit: Non nabis Proculina, sed fateris.* Et alibi:

*Mæchus erat poteras tamen hoc tu Paula negare.
Ecce vir est: nunquid Paula negare potest?*

Nuptiae igitur sequuntur post absolutionem, argumentum potius praebent patrati adulterii, et iterari ad verum eum adulterii iudicium potest, ut in l. miles, §. *licet*, ff. ad l. Jul. de adult.

Ad L. III.

Non solum verba legis Juliae de adulteriiis coercendis, sed etiam sententia per questionem quoque servorum, sive ancillarum crimen admissum probare volentis, ad eorum tantum personarum servos ei rei exhibendos pertinent, de quibus specialiter comprehendit, id est, mulieris, et patris ejus, non naturalis, sed iusti duntaxat, quos intra sexagesimum diem ex dissolutione matrimonii numerandum, manumitti, vel distrahi prohibet, et quorum dominis caveri praecipit, si defuncti fuerint in questione, vel facti deteriores secuta absolutione.

Quod proponitur in l. 3. totum est ex ipsa lege Julia de adulter. coercend. Ac primum marito accusante uxorem jure mariti (sic enim est accipienda) vel patre filiam accusante jure patris, intra dies sexaginta praescriptos lege Julia in hoc iudicio, eam legem velle crimen probari etiam per questionem servorum, videlicet si manifestis argumentis maritus, vel pater adducatur in suspicionem adulterii, ut l. ult. h. tit. illo loco, propter suspicionem criminis adulterii: suspicio ducitur ex manifestis rerum argumentis: et crimen probari per questionem eorum servorum tantum, de quibus lex Julia specialiter comprehendit, ut ait haec lex. Comprehendit autem specialiter servos mulieris repudio dimissae propter suspicionem adulterii, et etiam adulterii postulat, et indistincte servos omnes mulieris. Igitur quos habuit in ministerio, et quos habuit extra suum ministerium, in agro forte, vel in provincia: nam ministerio servorum utimur domi nostrae tantum: ministerium servile domo includitur: Lex enim Julia cum specialiter comprehendit, ut de servis mulieris dimissae, et accusatae questio haberetur, nullam addidit conditionem, et modum.

Ergo de omnibus indistincte questionem haberi voluit. Comprehendit etiam lex Julia servos patris ejus mulieris, sed addidit modum, quos pater mulieris dedisset in ministerium, *l. si postulaverit, §. haberi, ff. eod. l. propexit, ff. qui et a quib. manumiss.* Et præterea lex Julia comprehendit tantum servos patris justis, ut ait lex 3. quos justus pater ei dedisset in usum, non servos patris naturalis. Ergo lex Julia non comprehendit servos patris naturalis, quos filius alii nuptæ in usum et ministerium concessit, et multo deterius comprehendit servos alienos, quos extraneus aliquis mulieri dedisset in ministerium. De his igitur questionem haberi noluit lex Julia. Non comprehendit etiam servos patris justis, quos pater ei non dedisset in ministerium. Justum patrem facit matrimonium, vel adoptio naturalis concubitus, vel contubernium. Justus pater filium habet in potestate, naturalis non habet. Hoc est satis, ut discrimen, quod est inter utrumque intelligamus. At quoniam dicere quis poterat, non comprehendit quidem verbis legis Juliae servos patris naturalis, vel servos extraneos mulieri in usum concessos, sed sententia legis comprehendit, et tacita mente, ideo Antoninus Imperator in hac lege tertiam, ut hoc subinvenit, ita rescribit: *verba legis Juliae (sic est inchoanda lex) de adult. coerc. probari volentis (sic est scribendum).* Et statim exempli causa Antoninus addidit servos mulieris, quos lex specialiter comprehendit, ut questionem subderetur in judicio adulterii, et servos patris justis, servos mulieris indistincte, servos patris justis, cum hoc modo, quos pater ei in usum concessit. Quibus ex dict. *l. propexit*, addere etiam oportet, servos matris, vel avæ in usum ei datos: item servos mariti accusatoris, et patris ejus, quos ei pater in ministerium dedit, ex *l. 32. et l. ult. hoc tit.* et ex *d. l. si postulaverit, §. sed et servi, ubi, sed et servi accusatoris*, id est, servi mariti. Paulus 2. Sentent. Servi, inquit, *tam mariti, quam uxoris in causa adulterii torqueri possunt, nec iis libertas sub spe impunitatis data valebit.* Et cur utriusque servi torquantur in causa mariti et uxoris: ratio est, quia commixta familia, et una domus est viri et uxoris, *l. 1. §. si vir aut uxor, ff. ad SC. Syll.* Et ita tam hi quam illi scire possunt, quid domi agatur, vel quos domi colat mores materfamil. ideo de omnib. habetur questio, id est, a iudice omnes questionem subijci possunt, eruendi criminis, et veritatis causa. Item marito, vel patre accusante adulterum, id est, cum, qui cum uxore, vel filia alii nupta probri quid fecerit, certum est lege Julia comprehendit servos adulteri, ut de eis questio habeatur, et servus patris ejus, quos habuit in ministerio, *d. l. si postulaverit, §. haberi, l. patre, ff. de quæ-*

stion. Papinianus libro singulari de adulteriis. *De mancipiis alterius, id est, rei, vel rem, marito, vel patre accusante, questionem haberi posse palam est.* Et questio de eis servis habetur præsentem reo, vel rea, et accusatore, et patronis reorum. Ea lege etiam patronis datur facultas interrogandi servos tormentis expositos, *dict. l. si postulaverit, §. questionem*, qui mos veterum est notandus, ut questionem adhibendæ servis intersint rei, et accusatores, et patroni reorum, et ut patroni reorum interrogant servos, imo et rei ipsi, ut in causa Milonis testes interrogaverunt M. Tull. Cicero, et M. Marcellus patroni Milonis, et Milo ipse, ut scribit Aconius Pedianus in Miloniam. Et Plinius 3. Epist. scribens de suis parrociis: *Concipere, inquit, animo potes, quam simul fatigati, quibus toties agendum, toties altercandum, tam multi testes interrogandi, sublevanti, refutanti.* Et ideo in jure nostro cum legimus testes interrogatos, non utique semper hoc ita exaudire debemus, ut interrogentur a iudice, sed etiam ab adversariis, vel patronis eorum, quod et ita hodie fieri sorte tutius esset: nam sæpe iudices eos translatitæ, vel ambiciose interrogant. Verum ad rem. Ex iis, quæ diximus, apparet, lege Julia de adulter. etiam servos torqueri in caput dominorum: servos mulieris accusatæ adulterii, in caput mulieris; servos adulteri in caput adulteri. Ut igitur lege Jul. perduell. de qua *tit. sup.* servi torquentur in caput dominorum, ita etiam *l. Julia de adult.* sed quomodo videamus, et an semper: utraque lege servi torquentur in caput dominorum, sed diversis rationibus, *leg. Jul. perduell.* quoniam hoc crimen tendit in dominos, id est, in summos dominos, in dominos rerum, id est, principes, *leg. Jul. de adult.* quia hoc crimen vix probari potest per alios, quam per familiares: et præterea *l. Julia perduell.* semper: *lege Julia de adulteriis*, patre tantum, vel marito accusante adulterum, vel adulteram, ut ait *lex patre, ff. de quæst.* et marito accusante jure mariti, patre accusante jure patris, id est, jure proprio et singulari, non jure publico, quod mox explicabitur, ut in *l. is cujus §. pen. ff. ad leg. Jul. de adult. l. sed si maritus, ff. qui et a quib. manumiss.* in illo loco: *cum pater accusare possit.* Quem locum Latinus interpres recte accipit de patre uxoris, ut indicat illa *lex is cujus*. Græcus interpres male de patre mariti. Jure mariti, vel patris accusat quis intra 60. dies a divortio facto: et jus mariti, jure patris hoc est, ut si intra illos dies velint accusare, præferantur omnibus accusatoribus, et in divinationis judicio obtineant. Itemque, ut sine poena calumniæ vincantur: hoc est jus mariti, et patris. Post 60. dies maritus, vel pater accusat jure extra-

tri, vel quod idem est, jure publico, id est, ut extraneus, ut quilibet de populo, nec praefertur potius accusatori, si quis se offerat, nec vincitur sine poena calumniae. Sic igitur status: in causa adulterii ex lege Julia servi torquentur in caput dominorum, qui in reatu sunt, patre scilicet, vel marito accusante jure suo ex lege Julia, non alio extraneo accusante. At postea ex constitutionibus Principum D. Marci, et Severi, et Antonini placuit servos torqueri in hac causa contra dominum, etiam extraneo accusante adulterum, vel adulteram, etiam patre, vel marito accusante jure extranei: quo genere non spectatur qualitas patris, vel mariti, cum spectetur ut extraneus quilibet. Et constitutionem rationem hanc reddit Papinianus, ut et extraneo accusante, servi in dominum torquantur, quia, inquit, non facile tale delictum sine ministerio servorum, admitti creditur, sine opera ministrarum. Inde generaliter in *l. 1. infr. de quest.* in crimine adulterii servos torqueri contra dominum. Et eleganter in *l. 6. hoc tit.* marito accusante uxorem jure extranei post 60. dies, non minus ad probationem sceleris haberi questionem de servis uxoris, quam si maritus ageret jure mariti, quo casu proculdubio torquentur servi uxoris in uxorem ex lege Julia. Sed et cum agit jure extranei, non quidem ex *l. Julia*, sed ex constitutione divorum Principum, ut ait, id est, Severi et Antonini. Et inde Papinianus in *l. extraneo, ff. de quest.* ait extraneo quoque accusante, servos torqueri in causa adulterii contra dominum. ait extraneo quoque, perinde ac si diceret, non tantum patri, vel marito accusatori, hoc permitti lege Jul. ut servos eius, qui quaeve accusatur, quae rationi postulet exhiberi, sed etiam iisdem constitutionibus permitti extraneo accusatori. Multa constitutiones addiderunt ad legem Juliam. Nam et illud addidit constitutio Adriani, ut de servis alienis questio haberetur, qui in ministerio fuissent mulieris, vel adulteri, *dict. l. si postulaverit, §. haberi*. Unde post constitutionem Adriani recte dicam hodie questionem haberi de servis patris naturalis mulieri datis in usum. Nec obstat *h. l. §.* quia ut initio dixi, est de ipsa lege Julia, qui postea in ea re subrogavit constitutio Adriani. Non etiam quem modum omisit lex Julia, cum est loquuta de servis mulieris torquendis, quae omissio etiam Ulpiano perdura videtur in *d. l. prospexit*. Eum modum addidit legi Juliae posteriores constitutiones, puta *l. 33. hoc tit.* ut scilicet de eis tantum servis mulieris questio haberetur, quos in ministerio, et domo sua habuerit tempore admissi adulterii, non de iis, quos habuerit peregre extra suum ministerium, qui nec rem scire possunt. Item, quod lege Julia est praescriptum, ut in hac causa servi questionem de-

stinati non manumittantur, vel attineant intra 60. dies divortii, intra quos marito, et patri licet proprio jure accusare, ne scilicet quae rationi subducantur, propterea quod de adulterio mulieris lex Julia queri nolit per questionem servorum alienorum, quos specialiter lex Julia non comprehendit, et teneant alicui alienatione, nec per questionem liberorum hominum, et fierent liberi manumissione. Quos igitur servos lex Julia prohibuit intra 60. dies alienari, vel manumitti, id est, quos voluit subijci questionem, sane permittit post 60. dies eos manumittere. At quid si nondum sit finita cognitio adulterii, quid si non potuerit definiri intra 60. dies? Et Ulp. etiam scribit in hunc casum in *d. l. prospexit*, esse subveniendum, ut scilicet, servi destinati questionem non manumittantur ante finitam questionem, nec post 60. dies, si cognitio nondum sit finita. Quod post constitutionem Adriani tributum est etiam ad servos alienos in usum datos mulieri, ut et si pendente cognitione non manumittantur, contra quam notet Accurs. hoc loco, quoniam proculdubio iudices jubebant, ut solebant, dominum extraneus eius servos in potestate habere, nec manumittere, qui destinati fuerant questionem, vel poene. Dixit autem Ulpianus in hunc casum esse subveniendum, id est, esse constituendum, ut et post 60. dies nondum finita cognitione sustineatur manumissio, vel alienatio servorum destinati questionem, ut in simili difficultate, et inopia consilii dixit Ulpianus esse constituendum, *l. pen. §. pen. sup. ad Senatuse. Trebell.* Et Paulus, principem adendum esse, *l. itaque, D. de fidei. libert.* Adde ex ultima parte hujus legis, accusatorem, qui servos reorum questionem exponendos postulat in hoc crimine, dominis cavere debere de indemnitate per stipulationem nudam, id est, de restitutione servorum praestanda sequuta absolutione, si servi in questionem mortui fuerint: vel de praestando damnum, si in questionem deteriores facti fuerint: vel etiam omissa cautione, eo nomine reus absolutus esse conditionem ex lege Julia in simplicium, *d. l. si postulaverit, in fin. et l. seq.* et uno casu in duplum, si servus sit accusatus adulterii, et tortus, dein absolutus, ut *d. l. si postulaverit, l. ult. D. de calum. l. dominis, infr. eod.* Ait huc lex §. sequuta absolutione supra dictae cautioni in simplicium locum esse, et ex ea posse agi, vel conditionem ex lege Julia, nam damnatione sequuta servi publicantur, nec redeunt ad priorem dominum, nec in eum casum cautio interponitur. Cujus rei ratio redditur in *d. l. si postulaverit, §. jubet, l. patre, D. de quest.* Unde queritur, an servis publicis damnatione sequuta, dominis pretium fisci restituere debeat. Et respondet Joannes, debere, quod verum est, si reus damnatione

bona adempta non sint. Et postremo queritur, quid sit dicendum de servis accusatoris questionem subjectis postea sequuta absolutione, vel damnatione: et hos quoque publicandos esse ait, *d. l. si postulaverit*, §. *sed et servi*. Quod ita procedit, si accusator non obtinuerit, id est, si absolutus fuerit reus: nam si accusator condemnaverit reum, hoc casu Bulgerus dedit actionem in duplum ex cautione, vel ex lege. Recte, ut opinor, si reus eos postulaverit in questionem, et postea fuerit condemnatus, non etiam iudex eos ultro questionem subjecerit.

Ad L. IV.

Gracchus, quem Numerius in adulterio noctu comprehensum interfecit, si ejus conditionis fuit, ut per legem Juliam impune occidi potuerit quod legitime factum est, nullam poenam meretur. Idemque filiis ejus, qui patri pariterunt, praestandum est. Sed si legis auctoritate cessante, inconsulto dolore adulterum interemit: quamvis homicidium perpetratum sit, tamen, quia et nox, et dolor justus factum ejus relevant potest in exilium dari.

Quaestio legis 4 haec est, an marito liceat per legem Juliam in adulterio uxoris suae deprehensum, siue iudice impune occidere? Et constat non quemlibet marito licere interficere, nec quolibet loco, sed domi tantum suae deprehensum, nec quemlibet adulterum deprehensum cum uxore, sed omnem servum hominem: liberum autem hominem non omnem, sed libertum suum, vel uxoris vel patris, matris, filii, filiae, utriusque etiam, viri scilicet et uxoris. Et ita addidit etiam Paulus *l. b. singul. de adult. noxae deditum*: nam quod notandum, et liberum hominem qui noxam fecisset, et condemnatus iudicato faciendo impar esset, auctore iudice, vel patre in noxam deli moris erat et addici ei, qui causam obtinuerat, *l. 3. §. proinde, D. de liber. hom. exhib. §. ult. Instit. de noxal. act.* Et Papinianus 2. *Definit tit. de iudicato in fragment.* Per liberum hominem, inquit, noxae deditum, si tantum acquisitum sit, quantum dominum dedit, manducare cogendus est a praetore, qui noxae deditum accepit. Quae ratio equitatis servatur etiam in servo noxae dedito, §. *dominus. Instit. de noxal. actum.* Item si hoc homo, quem deprehendit maritus domi suae in adulterio uxoris, ab eo impune interfici potest, si sit infamis ut puta iudicio publico damnatus, nec famae restitutus, vel si fecerit lenocinium, si artem ludicram fecerit questus causa, si in scenam prodierit cantandi, saltandive causa, ut ait lex marito, *D. ad leg. Jul. de adult. quae obscena studia* Suraea vocat 1. *Declam. cantandi, saltandi-*

quae obscena studia nunc effeminatos tenent. Item, ut Paulus addit 2. *sentent.* qui corpore questum fecerit, vel qui operas suas locaverit, ut cum bestiis depugnaret in arena, vel qui (ut idem ait libro sing. *de adult. auctoramento locatus est. ad gladium*) sic est legendum, non, *rogatus est*. Ubi (*ad gladium*) id est, ad ludum gladiatorium, ut in *l. 1. ff. de abig.* in rescripto Adriani (*ad gladium*) Licinius Rufinus ad ludum gladiatorum, exponit. Qui ergo auctoramento locatus est ad gladium, id est, qui ultro se studio gladiatorio vendidit, ut cum gladiatoribus depugnaret, ut uri, vinciri, verberari, ferro necari posset, quam in rem, etiam se nominatim obstrangebatur, denique ut esset gladiator hujus est fœdior conditio quam illius, qui operas suas locavit, ut cum bestiis depugnaret. Auctoratus vero quodammodo in servitutem voluntariam, et capite minuitur: ille vero tantum operas locat. Unde recte in veteribus glossis: *Auctoratus*, inquit *αὐτοαίρετος ἑστὸν εἰς δοῦλον βάλων καὶ ποσέπαρχος*: auctoratus, inquit, est is qui ultro se dat in servitutem, ut gladiator sit. Nam qui Graecis ποσέπαρχος, nobis sunt gladiatores semper. Haec vero sunt omnes liberae personae, quae a marito deprehensae in adulterio, per legem Juliam possunt impune interfici, vel qualibet contumelia affici, veluti exsecto viro: nam (ut ait lex nec in ea lege, *D. ad leg. Jul. de adult.*) qui potest occidere, et multo magis qualibet contumelia afficere. Uxorem autem deprehensam, per legem Juliam, marito non licet occidere ullo casu, cuiuscunque conditionis sit: sed occiso illo adultero, qui fuerit conditionis supradictae, id est, qui fuerit ex numero eorum, qui ante sunt denotari, statim debet dimittere uxorem, et exigere foras, et profiteri (ut ex Paulo didicimus) in triduo proximo apud iudicem competentem, se illum adulterum occidisse illo loco, puta domi suae, sic impune occidet, ut subiicitur in hac *l. 4. quod lege factum est*, permittente, scilicet lege Julia, poenam non meretur. Et ita Fabius *Declamat. 358. et 372.* quod lege factum est, inquit, lege vindicari non solet. Et additur in hac *l. 4.* idem esse praestandum filiis, mariti, qui talem adulterum iussu patris occiderunt, forte patre viribus lapsa, vel non habente manus. Quod licet patri, licet etiam filio, imperante patre, quod demonstrat Suraea 1. *Declamat. 4. et 2. contraver. similiter 4.* At si alterius conditionis hominem liberum, vel non, domi suae maritus deprehensum in adulterio uxoris interfecerit inconsulto calore quodam, forte (ut ponit haec lex 4.) noctu deprehensum in adulterio uxoris, homicida quidem est, quia illicite occidit, quem non licebat occidere per legem Juliam, et tamen non tenetur poena legis Corneliae

de sicariis, quæ est ultima pœna, id est, mors, vel deportatio, sed levioris pœna, puta relegatione in insulam salvo capite, et patrimonio: nam in exilium dare in fine hujus legis est relegari, non deportari. Est enim deportatio gravissima pœna, nimirum mors civilis, et capitis diminutio, relegatio non item. Ratio autem hujus constitutionis, cur maritus, qui interfecit deprehensum adulterum cum uxore, quem non licebat interficere per legem Juliam, quamvis fecerit homicidium, non tamen teneatur pœna homicidii, id est, lege Cornelia, sed aliquanto levioris, ratio redditur hæc in hac l. 4. quia nox, et justus dolor maritum excusat, nox augeat crimen in adultero, minuit in marito, qui eum interfecit. Et sic evenerat in specie h. l. 4. ut noctu deprehenderetur, et interficeretur. Verum eninvero etsi interdum, non noctu a marito deprehendatur, et interficiatur, justus dolor sufficit, ad excusationem, et necem, quam intulit, allevandam: nam et similiter indistincte legimus maritum, qui uxorem deprehensam interfecit interdum, vel noctu, sine distinctione, illicite quidem interfecisse, quia lex Julia non permittit marito uxorem occidere, sed adulterorum tantum certas personas, quas ante designavi, nec tamen ob uxorem illicite occisam eum teneri pœna legis Corn. de sicariis, sed in exilium dari, id est, relegari, vel quæ per relegationem pœna est, in opus perpetuum tradi, quæ est mitior pœna, quam sit statuta lege Cornelia, l. 1. §. ult. D. ad leg. Corn. de sicar. l. si adult. §. Imperatores, D. ad leg. Jul. de adult. l. 3. §. si maritus, D. ad Senatusc. Syllan. Addita hæc ratione, molliri pœnam, quod difficillimum fuerit marito, justum dolorem temperare, et quod puniatur magis, quod plus fecerit, id est, quod ultus se sit ultra modum, quam quod se ulcisci non debuerit. Justus ergo dolor solus sufficit levandæ pœnæ. Cur autem nox augeat crimen in adultero, eadem est ratio, quæ in fure: nam et adulterium furtum est, et difficilior est sibi cavere a nocturno fure, vel adultero (utrique amica nox est) quam a diurno, sive interdiario: qua ratione etiam durius agitur cum nocturno fure, quam diurno, Ulpianus notat interpretes Demosthenis in orat. contra Timocratem. Et puto igitur in proposita utraque specie, levius esse puniendum eum, qui illicite nocturnum furem, vel adulterum occiderit, quam qui diurnum: nam nec furem nocturnum hodie, nec adulterum non exceptum lege Julia licite occidimus, sive impune, nisi cum se telo defenderit, cum ipsemet intental nobis necem: nam in usu esse desit lex 12. tab. quæ permittebat qualemcumque furem nocturnum occidere. Non est omittendum ad hæc ante legem Juliam ut constat ex fragment. Marci Catonis, olim marito fuisse jus occidendæ

uxoris deprehensæ in adulterio: quod ex lege Romuli cautum fuisse, qui scribant nullam auctorem habent, quo id confirmet, præter Dionys. Halicarn. quo in hanc rem abutuntur: quoniam multam tantum ex hac causa permittit marito, non necem. Quia et illud totum, quod idem impostores scribunt lege Romuli quatuor casibus jus fuisse marito occidendæ uxoris, si prostravisset pudicitiam, si adulterasset, et secundo casu, si partem supposuisset, tertio, si claves adulterasset, ac si adulteratio clavium posset cadere in eam, quæ clavium est domina, et quarto, si vinum bibisset. Nam primus casus prostratæ pudicitiae, jam a me submotus est. Et altero casu epoti vini tantum legimus apud Gellium lib. 10. mulierem, quæ vinum attigisset, fuisse existimatum, id est, notatam infamia, et multam, nec tamen hoc esse ex lege Romuli usquam legimus. Nec moveamur, etsi quidem severiores ob eam rem leviculam ferantur occidisse uxores suas, et vel ob cellæ vinarie loculos resignatos apud Tertull. in Apologet. cap. 8. Et de partu supposito, vel clavibus adulteratis, quod adducunt, ut ex his causis mulier necari a marito possit, hunc errorem hauriunt ex Romulo Plutarchi, in quo tamen Plutarchus, non ex his causis dicit mulierem maritum necare, sed ἐξβαλλειν, id est, exigere domo, cum scilicet demonstrat, nulla ex causa posse divertere a marito lege Romuli, maritum autem posse eam expellere et dimittere ἐνι πρῶται, si venefica fuerit, si veneno se appetierit. Quem casum illi nobiles scriptores veneni excogitati non debebant omittere. Sed hunc modum veterem Plutarchus exigendæ uxoris exposuit illo loco, ut scilicet exigatur ἐξ τῆς ἀποβολῆς, non ὑποβολῆς, id est, abstractis e sinu ejus liberis, et domo facessere jussa, vel etiam ademptis clavibus, καὶ τῶν ἀποβολῆς, ut ostendi ex Philippica Cicer. quem modum uxoris veneficæ, aut adulteræ exigendæ illo loco exponit: nam hos tantum duos casus exprimit, quibus liceat viro uxorem repudio dimittere et exigere, et efficere ex illis alios duos casus, clavium adulterationem, et liberorum suppositionem. Post legem Juliam, quæ tamen diu permansit, obtinuit adversus eam ex Novella Majorani Imperatori; ut scribit Papinianus lib. respons. tit. de adult. ut possit maritus deprehensum quemlibet adulterum, et uxorem in ipso actu, uno ictu et impetu, uno veru, æquali ira adversus utrumque sumpta, simul occidere, non aliter. Quod et ita lex Julia permiserat patri, deprehensum adultero filie domi sum, generis sui, non etiam marito, l. quod ait, §. ult. D. ad leg. Jul. de adulter. Plus dedit patri, quam marito, quia nil putabat se patri dare, qui vix nunquam est allaturus manus in filiam, quinimo propter filiam servaturus etiam adulterum, quod non possit alterum sine altero

necare. Sed postea, ut dixi, idem jus datum est marito. Unde non est mirum, si ita Cassiodorus primo variarum præ amore pudicitie ferrum porrigere maritis, non est leges calcare, sed condere. Et in *can. inter*, 35. qu. 2. legem humanam, sive mundanam permittere marito uxorem deprehensam in adulterio sine iudicio occidere.

Ad L. V.

Adulter, post quinquennium, quam commissum adulterium dicitur, quod continuum numeratur, accusari non potest, easque præscriptiones legibus reo datas, auferi non oportet.

Ex lege quinta intelligimus, adulteram uxoris alienæ post quinquennium continuum a die criminis admissi, qui solet semper adnotari libello inscriptionis, non posse accusari: accusatori adulteri ob stare præscriptionem quinquennii, quod continuum numeratur a die criminis admissi. Speciale hoc est in crimine adulterii, ut finiat, et obliteretur silentio quinquennii continui, si intra id temporis nemo adulterii accusationem pertulerit, quia cetera fere omnia crimina durant annis 20. nec tolluntur igitur, nisi præscriptione vicennii, *l. querela, inf. ad leg. Cornel. de fals. Crimen*, quod obijcitur adultero, tollitur præscriptione quinquennii, ut in *hac l. 5. et l. 28. inf. l. miles, §. adult. l. mariti, §. hoc quinquennium, D. eod. l. 5. §. ult. D. ad leg. Jul. de vi publ.* Recte ait hæc lex 5. adulter. Nam adultero accusando lege Julia præscripti sunt 3. anni continui adulteræ autem accusanda præscripti sunt sex menses, post quos adultera a nomine potest accusari, *l. mariti, §. sex mensium, D. eod. tit. l. 1. §. accusationem, D. ad Senatuscons. Turpil.* Recte etiam *l. 5. a die commissi criminis*, quia de adultero accusando loquitur, et adulteræ accusanda sex menses computantur non a die criminis admissi, sed a die divortii, *d. §. sex mensium, et d. §. accusationem.* Videamus quæ sit ratio differentie inter adulterum, et adulteram. Eam explicabit altera differentia, quod adultera, antequam divortium factum sit, a nemine accusari potest, *l. 11. h. tit. l. constante, D. eod.* id est, constante matrimonio, neque potest maritus accusare mores uxoris, quos probat dum retinet, nec dimittit, neque extraneus potest quiescens bene conveniens, bene concordans matrimonium, et non improbatam viro uxorem inquietare, aut turbare. Proinde adultera, quamdiu manet matrimonium, nec divortium intervenit, a nemine accusari potest, nisi maritus prius lenocinii accusatur, *d. l. constante.* Ergo non mirum, si in adultero sex menses numerantur a die divortii, a quo demum die crimen

adulterii adversus eam locum habere incipit. At adulter, etiam constante matrimonio, nec dum facto divortio, ab extraneo potest accusari jure publico, etiamsi prius maritum non accuset lenocinii. Et ita est manifeste proditum in *l. vim, §. 1. ff. eod.* Et hoc genere (quod ait *l. 30. h. tit.*) alienum matrimonium scindatur, et suggillatur videlicet extraneo accusante adulterum, manente matrimonio. Accusatio adulteri est suggillatio constantis matrimonii. Ergo, quia adulter ab extraneo accusari potest ante factum divortium, ideo tempore accusationis adversus eum instituendæ, non a divortio, sed a commissio criminis numerantur. Verum huic posteriori sententiæ vehementer obstat *lex miles, §. volenti, D. eod. tit.* quæ dicit ab hac, manente matrimonio, nec adulterum, nec adulteram accusari posse, qui locus mirum in modum nostros perturbat. Sed nil est verius, quam quod secundo loco tentavit Accurs. in *d. l. vim, §. 1. ab extraneo quidem*, ut nominatim ait *lex vim*, adulterum posse accusari constante matrimonio, etiam non facto prius marito reo lenocinii, sed non ab ipso marito: maritus quamdiu retinet uxorem, nec adulterum potest accusare. Et ut ita accipiam *§. volenti*, id est, de marito, non de extraneo, omnino persuadent Basilica, a quibus abest ille *§. volenti*. Sicut etiam ab eis abest *lex 11. h. tit.* quæ idem continet, et ut utraque absit eadem est ratio, quia scilicet *Novella 117.* mulier constante matrimonio a marito adulterii accusari potest, non ab extraneo, quod tamen *§. volenti et lex 11.* marito denegavit, et consentit omnino cum *Novell. lex. constante, D. eod. tit.* dum ait, *constante matrimonio, eum, qui extra maritum ad accusationem admittitur*, id est, extraneum non posse mulierem retentam in matrimonio adulterii accusare: bene, extra maritum. Nam maritus potest ex illa Novella, quæ ea *lex* etiam non abest a Basilicis: nam Basilica eas tantum leges prætermiserunt, quas *Novellæ* abrogarunt. Recte etiam ait *h. l. 5. Continuum quinquennium*: nam adulteræ accusanda sex menses sunt utiles non continui: adultero accusando quinquennium est continuum. Et *l. 5.* est de adultero, non de adultera. In adultera sex menses, qui præscripti sunt, utiles sunt, non continui. Ita tamen, ut non possint excedere quinquennium continuum, *dict. §. sex mens.* Nam potest evenire, ut 6. menses utiles protrahantur in decennium. Quidni? Unde sic statuamus. Communis est præscriptio quinquennii continui adulteri, et adulteræ, si 6. menses utiles trahantur in longius tempus. Propria autem est adulteri præscriptio quinquennii continui: et adulteræ 6. mensium utilium, si sex mensium utilium brevius sit spatium, quam quinquennii continui. Favet hac in re *lex Julia*

feminae plus, quam mari, data feminæ breviori prescriptione temporis id est, quæ possit esse brevior quinquennio continuo, nec longior quinquennio continuo, lege sex mensibus utilibus dante finem certum. Utiles menses sunt, qui constant dieb. 30. utilibus singuli, et utiles dies sunt, quibus accusator accusationis solemnitas implere potuit, neque districtus munere publico, ut *l. 15. et 21. hoc tit.* neque alio impedimento justo, ut *l. miles, § quidam, D. eod. tit.* et quibus in publico facultatem habuit adeundi iudicis, ut in *l. seq. et in l. miles, §. sexaginta D. eod.* quibus, inquam in publico facultatem habuit adeundi iudicis, et postulandi rei, et dandi libelli accusatori (quod potest fieri de plano extra curiam et tribunal) etiam si igitur iisdem diebus non potnerit exercere iudicium adulterii, id est etiam si dies iudicarii non fuerint. hi sunt dies utiles.

Ad L. VI.

Jure mariti adulterii accusare volenti, sexaginta dies utiles computantur: quibus in publico ejus facultas fuerit, apud quem reus vel rea postulari potest, et cum præterierint dies isti utiles, maritus quoque jure extranei agere potest. Et qui confidit accusationi, calumniæ, notam timere non debet. Nam ad probationem sceleris, divi parentes mei, questionem de mancipiis eodem modo haberi permiserunt, quasi jure mariti ageretur.

Ex illis 6. mensibus a die divortii, intra quos adultera accusanda est, primi duo menses, id est, 60. dies utiles marito dantur ad accusationem uxoris adulteræ, jure mariti, jure viri, vel patris, ad accusandam filiam adulteram jure patris. Et hos 60. dies proculdubio (ut omnes sciunt) intelligit Tacitus 2. Annal. quo loco maritus quidam dicit, se in uxore adulterii manifesta nondum omisisse ultionem legis Julæ, sed sibi datos 60. dies ad consultandum, ad parandam, et instruendam accusationem. Notandum est valde, quod nescio an adhuc quisquam audierit, hodie jure mariti, aut patris adulterum tantum accusari, quæ sit uxor, vel filia accusatoria, non (ut communis existimatio est) adulterum: nam et adulter patri vel marito, et vicissim pater, vel maritus adultero extraneus est. Et vulgo male legitur in *l. si adult. §. pen. D. eod.* libertum jure mariti patronum accusare posse, ergo adulterum. Nam ea vox (patronum) abest a Florent. Digestis. Et debet igitur intelligi de patrona, quæ jure nupsit liberto, ut in casu *leg. si patrona, D. de ritu nupt.* Patronam jure mariti accusare potest. Patronum quis non potest accusare, nisi jure extranei, atque ita famam ejus lacerare, et existimationem reducere

vel deprehensum in adulterio occidere non potest, etiam si sit infamis, et propudiosus homo. Ergo hæc stet sententia. jure mariti, vel patris accusari tantum adulteram, non adulterum. Jus patris, vel mariti est privilegium, ut ait *d. l. mil. §. sexaginta*, id est, ut eo jure præferatur maritus, vel pater aliis omnibus accusatoribus, qui accusare instituant adulteram, cum scilicet agatur de eligendo accusatore uno ex pluribus, de justo accusatore constituendo, quæ actio dicitur divinatio. Ergo jus mariti, vel patris, hoc est, ut præferatur ceteris omnibus, accusatoribus, *l. is cuius, §. pen. D. eod.* Sed cum pater, vel maritus simul veniant ad accusationem, tum maritus præfertur patri, quia verisimile est maritum propensius ira exsecuturum accusationem, *l. 2. §. ult. D. eod. tit.* et mortuo marito intra 60. dies utiles, intra quos consistit jus mariti aut facultas accusandi jure mariti, tum succedit pater, et accusare potest jure patrio, *l. sed si maritus, ff. qui et a qui manumiss.* jus etiam patris, et mariti hoc est, ut sine calumniæ pœna vincatur, id est, ut etiam si non damnaverit reum non sufferat talonem, sive parem vindictam, quæ est calumniæ pœna, quod probat aperte *lex auxilium, §. 1. ff. de minor. victum patrem scilicet, vel maritum, qui accusavit jure mariti, vel patris intra 60. dies utiles, non teneri calumniæ nomine.* Et aperius Paulus libro singul. de adulter. jure mariti, inquit, vel patris, qui accusat, potest sine calumniæ pœna vinci. Et ratio est evidens, quia nec subscribit in crimen, *l. 30. hoc tit.* Ex quo sequitur necessario ut etiam si desistat ab accusatione sine venia, et id est, sine abolitione, non incidat in Senatusconsultum Turpillianum, quia generaliter verum est, eum, de cujus calumnia agi non potest, si vincatur, nec si desistat incidere eum in Senatusconsultum Turpillianum, *l. in SC. §. ult. ff. ad Senatusc. Turpillian.* Et tamen (quod mirum est) aperte ait *l. is cuius, §. ult. D. ad leg. Jul. de adulter.* eum, qui accusat jure mariti, non evitare periculum calumniæ. Et similiter *lex pater, eod.* patrem sine calumniæ periculo non posse agere, quod utique est accipiendum de patre accusante jure suo, jure patrio. Pater ergo, qui accusat jure proprio et privilegiario, non publico et communi, non accusat sine periculo calumniæ: verum facile est se ab hac difficultate expedire. Et primum placet, quod Paulus dixit supra, eum, qui accusat jure mariti, vel patris posse vinci sine pœna calumniæ, quod utique fiet, si bona fide instituerit accusationem. Sed contra etiam dicendum est, eum non posse vinci sine pœna calumniæ, puta si mala fide, et calumniandi animo, hoc est, vexandi innocentis mulieris causam prosilierit ad accusationem, et ubi *lex is cuius,*

§. ult. qui jure mariti accusat. inquit, *periculum calumnie non evitat*, id est, non omnino evitat. Evitat, si justo dolore, et falsa suspitione ductus accusationem instituerit: non evitat, si palam sit, eum instituisse calumpnandi animo, scientem, non ignarum innocentie mulieris, si manifesta fuerit calumnia, quae nunquam debet esse impunita in quoquam, ut *l. 2. in fine sup. qui accus. non poss.* quia et in eam rem attulit recte Accurs. in in hunc locum. Et ita ad *leg. pater*, dicemus, patrem non posse patrio jure agere sine periculo calumnie, vimirum hoc esse verum, si calumnia fuerit evidens, si mala mente instituta sit accusatio, si simulate, et malevolentia accessita sit accusatio. Et secundum hanc distinctionem etiam explicabo, quod ante dixi, eum, qui accusavit jure mariti, vel patris, si desistat, non incidere in *Senatusconsultum Turpillianum*, et *legem Petroniam*: utrumque jus habet nomen a Petronio, et Turpilliano Consule. Eum igitur, qui accusavit jure mariti, vel patris, non incidere in *Senatusconsultum Turpillianum*, vel *legem Petroniam*, etiamsi desistat sine abolitione. Cui sententiae adversatur *lex 10. hoc tit.* quae dicit, eum, qui accusavit jure viri uxorem suam, si desistat sine abolitione, incidere in *Senatusconsultum Turpillianum*, et *legem Petroniam*, id est in poenam ejus legis, nec amplius ei superesse jus accusandae adulterae, quod et ita est proditum in *l. questum §. ult. ff. eod.* Verum adhibenda est superior distinctio, ut, quo casu cum eo agi potest de calumnia manifesta si desistat, etiam incidat in *Senatusconsultum Turpillianum*, non etiamsi bona fide ad accusationem accesserit, quo casu nec calumniae tenetur, nec si desistat, *Senatusconsulto Turpill.* Mittamus multas alias interpretationes hujus rei: haec est evidentissima, et tantum pro coronide adducemus: excepto patre, vel marito qui accusat jure patris, vel mariti intra 60. dies utiles, ut haec *l. 6.* declarat, alium, qui accusat jure extranei, id est, jure publico, vel patrem etiam ipsum, aut maritum, qui accusat jure extranei, post 60. dies utiles, post quos amisit privilegium suum, id est, jus mariti, vel patris proprium. Denique quicumque accusat jure extranei publico, etiamsi bona fide accesserit ad accusationem, non calumpnandi animo, calumniae teneri potest, et vinculo inscriptionis, sine qua non admittitur ad accusationem, nisi sit maritus minor 25. annis, qui accuset jure extranei, ut *l. 15. §. lex ff. eod.* Unde Paulus recte supradicto loco *Pater, et maritus*, inquit, *si jure extranei accusat, potest calumniae poena puniri, sed tantum post duos menses.* Verum haec *lex 6.* addit, patrem, vel maritum, qui post duos menses accusat jure extranei, si confidat accusa-

Tit. IX.

tionem suam, si credat se jure adulterum, non admodum debere timere periculum calumniae, quandoquidem ex constitutionibus Severi et Antonini, quod etiam dixi in *l. 3.* et in caput adulterae servi ejus torqueri possunt, quod non obtinebat *l. Julia*, ut scilicet torquerentur servi in caput adulterae, aliquo accusante jure extranei. Sed hodie obtinet ex constitutionibus *l. extraneo, ff. de quest.* Ergo maritus, inquit, vel pater, qui confidit suae accusationi, audeat accusare, quia etiamsi accuset jure extranei, perinde est, ac si accusaret jure mariti. Hodie ex constitutionibus potest postulare servos uxoris exhibendos questioni, quod *l. Julia* tantum postulare poterat, qui jure mariti, vel patris accusabat uxorem adulteram: hodie et qui jure extranei. Et ita est explicanda *l. 6.* Ex qua intelligimus post 60. dies utiles, id est, primos duos menses utiles, qui reservantur soli marito, vel patri, intra reliquos 4. menses (nam adulterae accusandae dantur 6. menses) maritum, et patrem, et alium quemlibet jure extranei, seu publico accusare posse adulteram, ut *l. 4. §. 1. et l. miles, §. sexaginta, ff. eod.* Post 6. menses elapsos utiles nemo admittitur in accusationem adulterae.

Ad L VIII.

Propter violatam virginem adultam, qui postea maritus esse coepit, accusator justus non est: et ideo jure mariti crimen exercere non potest, nisi puella violata sponsa ejus fuerat. Sed si ipsa injurias suas adstantibus curatoribus, per quos etiam negotia ejus gerenda sunt, persequatur, praeses provinciae pro debita tanto delicto, si probetur, severitate examinet.

Primum velim vos id mutare, et retractare, quod testabam nudius tertius, jure mariti, vel jure patris accusari tantum adulteram, non adulterum: nam in *l. si adulterum, §. pen. ff. eod.* licet absit vox, *patroni*, tamen et recte subintelligitur, patronum a liberto accusari jure mariti. Et hoc quoque, id est, etiam adulterum accusari jure mariti, satis aperte demonstrat *l. 6. §. ult. ff. eod.* cum ait *maritum, qui duos reos delatos habet ex alio, et alio crimine, posse tertium accusare jure mariti.* Et apertissime *l. 6. hoc tit.* cum ait, *jure mariti reus, vel rea.* Ergo jure mariti sit non tantum rea, sed etiam reus. Hoc posito et absoluto, ad *leg. 7.* (quae hoc etiam confirmabit) notandum est, jure mariti accusari non posse uxorem ex eo adulterio, seu stupro, quod commisit antequam esset uxor, *l. si uxor, §. si quis uxorem, et §. pen. ff. eod.* jure extranei accusari potest, nisi vis ei sit illata, quia et de stupro judicium publicum est: jure ma-

riti non potest. Cum ergo agatur de justo accusatore constituendo, qui postea maritus esse coepit, non preferetur extraneo accusatori, si extraneus sit potior, et idoneior innocentia, et dignitate, vel aetate, vel opibus. Sed hoc ita verum est nisi qui postea maritus esse coepit, sponsus ejus fuerit eo tempore, quo stuprum passa est: namque in ea accusanda sponsus jus habet principium, sponsus privilegium habet, et idem omnino jus, quod maritus. Denique jure mariti eam accusare potest ex rescripto Severi et Antonini d. l. si uxor, §. Divi, et §. pen. quia, ut ait, neque matrimonium qualecunque neque spei matrimonii violare permittitur, et sponsalia sunt spes matrimonii, l. 6. ff. de spons. neque nuptiam, neque speratam violare permittitur, aut neque huc, neque illa pudicitiam suam prosternere debet, aut potest illuso sponso vel marito. Unde quod ita Paulus scribit libro singulari de adulteriis, in uxorem adulterium vindicatur jure mariti, non etiam in sponsam hoc est verum ex lege Julia, non ex rescripto illo Sev. et Ant. Et quod subjicit idem Paulus, Severus quoque et Antoninus ita rescripserunt, nimis est concisum. Ceterum quis non praesentiet eo significari, in sponsa quoque ex eo rescripto adulterium ita vindicari, id est, jure mariti. Idem caveri in h. l. plerique videntur, quod illo rescripto Severi et Antonini. Sed non cavetur idem omnino, quoniam h. l. 7. non querit de puella, an possit accusari adulterii, vel stupri ab eo, qui postea maritus esse coepit, quae de re est rescriptum Severi: sed querit de illa, qui eam constupravit, an possit accusari jure mariti ab eo, qui postea maritus ejus puellae esse coepit. Et ad exemplum puellae tamen ait, cum quoque non posse accusari jure mariti ab eo, qui postea esse coepit maritus, nisi sponsus ejus fuerit tempore commissi stupri in puellam virginem, in innuptam. Ut igitur ex rescripto Severi puella non potest accusari jure mariti ab eo, qui post stuprum maritus ejus esse coepit, nisi tempore stupri admissi sponsus ejus fuerit, ita stuprator ab eo non potest accusari jure mariti ex h. l. 7. nisi eo tempore sponsus ejus fuerit. Et addit haec l. 7. etiam puellam ipsam agere posse in stupratorem de stupro sibi illato, cum esset virgo, licet nulla vis adhibita fuerit. Non est necesse, ut ponamus, quod Graeci faciunt hoc loco, fuisse virginem tennellam impuberem, immaturam viro. Nam etiam si in virginem adultam commissum sit stuprum sine vi, in volentem, stuprum l. Julia vindicatur: quia in eo ipsamet, licet vim nullam passa sit, queri ea de re potest, et cum stupratore exposulare, quod ab eo imminuta sit, et deintegrata, ut Caelius loquitur, praesentibus scilicet curatoribus, quoniam adolescentes non possunt accusare si-

ne consilio curatorum, et praesentia, l. 3. ff. de accusat. Et hodie sine auctoritate, l. 4. sup. de auct. praest. Ergo in virginem ejuscunque aetatis commissum stuprum sine vi vindicatur, vel puella ipsa, vel ab alio. In devirginatam autem, quae virum est experta, non maritum id est, quae neque virgo est nec vidua, veluti cum meretrice, stuprum non committitur, aut impune committitur, neque ab ea, neque ab alio vindicari ulla lege potest, l. 23. hoc tit. Et est illud crimen canonicum, non civile, ut recte Glossa in Can. nemo 32. quest. 4. quoniam id vindicat jus Canonicum forte, non jus civile. Denique id tantum stuprum vindicatur, quod in viduam, vel virginem committitur, non quod in non virginem nunquam legitimas nuptias expertam. Nec obstat quae posset objici l. 20. hoc tit. quoniam non dicit eam, quae pudorem suum prosternit alienis libidinibus, puniri stupri poena, id est, non dicit meretricem puniri stupri poena l. Julia, sed eam leges ulcisci quod honestioribus viris veluti Senatoribus sit ejus nuptiis interdictum eadem l. Jul. quod palam corpore pecuniam quassaverit, quod ea lex ait ad differentiam ejus mulieris, quae vi compressa est cujus nuptiae nemini sunt interdictae, cujus etiam fama manet integra, meretricis autem fama non est integra.

Ad L. VIII.

Reos adulterii duos simul, marem et feminam ex eadem causa fieri: lex Julia de pudicitia vetat, sed ordine peragi utrosque licet.

Sequitur in l. 8. quod altiore indaginem requirit, commune crimen adulterii adversus duos, adulterum et adulteram lege Julia, jure publ. vel jure patris, aut mariti simul intentari non posse. Ita fuit cautum nominatim l. Julia, ne unus illemque accusator et adulteram et adulterum simul reum postularet adulterii, l. vim, §. duos, ff. eod. l. 1. §. at quin idem, ff. ad Senatusc. Turpill. Sed h. l. ait, utrumque ordine reum peragi debere. Incipiet autem accusator a quo volet, si divortio facto, quod poni necesse est, vidua permanserit mulier. Hoc casu electio rei datur accusatori, l. si maritus, §. pen. et ult. l. nihil, §. ult. ff. eod. Quod si post divortium adultera alii nupserit, prius est peragendus, et condemnandus adulter, quam adultera, nec statim est laceranda fama mulieris jam alii nuptae: sed hoc casu ab adultero est incipiendum, nisi accusator ante secundas nuptias mulieri denuntiaverit, ne nuberet: se eam adulterii in primo matrimonio commissi reum facere velle, l. 2. l. 5. et l. miles, §. licet, l. vim, §. nupta, ff. eod. l. 3. in fine, ff. de accusat. l. 14. et 28. hoc tit. In l. 14. vel in l. si dum, ait,

si dum in tuo matrimonio uxor tua esset (sic est legendum) se adulterio polluit in ea provincia, in qua adulterium factum est more solito persequi debes. Quid sit more solito, mox explicat, dum ait, nec enim ab ea, quæ jam nupta, etc. id est, ita debes adulterium persequi, ut non incipias ab adultera quam domo exegisti, cum jam sit alii nupta, sed ab adultero, nisi denunciatio accusatoris præcesserit nuptias. Et secundum hanc distinctionem accipiendum est, quod in hac l. notant Basilica, hunc esse ordinem, ut incipiamus ab adultero, scilicet si jam alii sit nupta: nam si vidua permansit, electio est accusatoris a quo velit incipere. Quamobrem tametsi quis a servo suo in uxorem suam adulterium esse commissum dicit, si modo ea mulier divortio facto perseveraverit in viduitate, hodie post rescriptum D. Marci, quo dominus non potest statuere sine iudicio in servum adulterum, sed necesse habet eum accusare in iudicio, si velit, poterit a servo incipere accusationem l. 5 ff. de accusat. At ante D. Marcum (quod notandum) quia domino licebat torquere, et punire servum suo arbitratu ex adulterio in uxorem suam commissum, tum rescripto D. Pii, qui fuit ante Marcum, declaratur, accusandam potius fuisse mulierem, quam torquendum servum pro libidine domini, in præjudicium mulieris. Et ita habita hac distinctione jura et Imperatorum, explicanda est, l. si quis adulterium, D. ad leg. Jul. de adulter. Nunc ad hoc quaerimus, cur commune crimen incestus adversus duos simul ab eodem intentari possit, quod est certissimum, l. qui pupillam, §. ult. l. vim, §. pen. cod. Et tamen commune crimen adulterii adversus duos simul, marem et feminam, eodem tempore ab eodem intentari non potest. Vulgo non queritur ratio differentiarum. At hac de re interrogatus, primum dicam, adulterii utcumque simul ab eodem reum fieri non posse adulterum et adulteram, quia, ut ait hæc lex octava, hoc ne fiat lex Julia vetat nominatim: in crimine autem incesti, id nulla lex vetat, et ideo consequens est, nos in crimine incesti, quod lege exceptum non est, debere sequi jus commune, quo quidem est receptum, ut etsi non cogatur quis in vitis plures simul ex communi crimine reos facere l. Divi Fratres, D. de accusat. ultio tamen, et sua sponte plures ejusdem criminis reos simul facere possit in l. 1. sup. si reus. vel accus. mort. fuer. Jus commune denique sequimur in crimine incesti, quia nulla lege est exceptum, non in crimine adulterii, nam lex Julia excepit, ne ab eodem fierent simul ambo rei, mas et femina. Nam et similiter in crimine adulterii servi torquentur in caput domini, quia hoc l. Julia permisit nominatim, l. si postulaverit, §. haberi, eod. In crimine

autem incesti, licet sit gravius, vel in crimine stupri, servi non torquentur in caput domini, quia in eo crimine nulla lex id permisit, et ideo sequimur jus commune, et regulam juris, sive vetustissima nam Senatusconsultum, ne servi torquantur adversus dominum. Cur vero lex Julia noluerit in adulterio jus commune servari id est, cur vetuerit ambo simul deferri adulterii reos? non hæc est ratio, ne traducatur par amantium, cum traduci posset a diversis, alio scilicet accusante adulterum, et alio adulteram, l. denuntiasset §. queritur, ff. eod. et ambo tantum prohibeantur adulterii postulari simul ab eodem, non a diversis. Sed ratio legis hæc est, ut cohibeatur nimium studium accusatoris, qui hac in causa uno reo non est contentus: neque enim ex lege Julia tam est acerba hujus criminis executio, quam ceterorum. Nam et brevitate temporis constringit crimen, id est, quinquennio coactionis, vel sex mensibus utilibus, et variis præscriptionibus crimen eludi patitur, l. 26. hæc tit. et minores 25. annis qui in aliis causis admittuntur, ab accusatione hujus criminis repelluntur, l. si maritus, §. lex, ff. eod. nisi suam persequantur injuriam, id est, nisi suum matrimonium vindicent: nam et ad suum matrimonium vindicandum etiam infames, et qui alias accusare prohibentur, admittuntur, non tantum intra primos duos menses, id est, intra sexaginta dies utiles quibus agunt jure mariti, sed et intra reliquos quatuor menses utiles: mariti, qui alias accusare non possunt, accusare permittuntur, et suam injuriam persequi. Nam nunc de marito tantum accipi velim, quod ita Paulus scripsit libro singul. de adulter. intra quatuor menses utiles expertus, maritus scilicet, de quo ante dixerat, licet talis sit, qui alias accusare non possit, ut libertinus, aut minor viginti quinque annorum, aut infamis, tamen ad accusationem admittitur, quia suam vindictam exequitur. Et hoc habet intra quatuor menses utiles plusquam extraneus, licet non agat, nisi extranei jure: etiam hæc in re, cum agit extranei jure mariti conditio spectatur: hoc quis jam satis intelligimus, restat tantum, ut queramus, an sicut, cum conjunctum est aultero incestum, servi torquentur in caput domini, ut est scriptum in l. vim, §. ult. ff. eod. l. si quis viduam, ff. de quaest. si agatur tantum incesti, non torquentur: si adulterii tantum, torquentur: si incesti adulterii, etiam torquentur: an etiam cum incesto junctum est adulterium, duo simul ab eodem uno tempore, unoque libello accusari possint, adulter et adultera: quod definitum non invenitur. Et tamen dicam posse, si agatur incesti, ambo in accusatione jungi possunt: si adulterii jungi non possunt: si incesti, adulterii, dico in accusatione jungi posse quoniam quoties utrumque simul

crimen concurrir, id semper sumimus, quod in altero e duobus durius est jure constitutum: ut similiter, si incesto junctum sit adulterium, dicimus crimen non tolli prescriptione quinquennii, vel sex mensium: si agatur incesti et adulterii, sane non tollitur illa prescriptione, sed tantum vicennii: si adulterii tantum agatur, tollitur prescriptione quinquennii, quia sumimus, quod in alterutro crimine est durius constitutum, *d. l. vim, §. prescriptione*, et ita si incesto junctum sit adulterium, et sit incestum, quod committatur jure civili, veluti cum sororis filia, non jure naturali, non jure gentium, veluti cum parentibus, vel iis, qui parentum loco sunt: si igitur incesto jure civili junctum sit adulterium, ignorantia non excusat mulierem, quod tractatur in *l. si adul. cum incestu, ff. cod.* Si commissum sit tantum incestum jure civili, ignorantia excusat mulierem, quia potest jus civile ignorare, si tamen adulterium sit commissum, eam non excusat ignorantia qui adulterium jure naturali, sive gentium est probrum, *l. probrium, ff. de verb. sign. Lactant, 6. Inst. Corrumperet, inquit, alienum matrimonium etiam omni gentium jure damnatur.* Et Cassiod. de adult. 1. variorum, *Omni*, inquit, *animantibus inimicum est, quod lege naturali damnatur: et mulieri non licet jure naturale ignorare, nec ulli alii, quod iusitum est, et inhaeret mentibus nostris, l. 2. sup. de in jus voc.* Et Menander, οὐκ ἔστιν τοῦτο ἡμεῖς λαβεῖν νόμος. Quod si incesto jure civili junctum sit adulterium, etiam de eam consequenter superioribus, ignorantia non excusare mulierem, quia semper sumimus, quod est gravius crimen, quodve in alterutro e duobus criminibus durius jura constituerunt.

AN L. IX.

Castitati temporum meorum convenit, lege Julia de pudicitia damnatum in poenis legitimis persequere: qui autem adulterii damnatum, si quocunque modo poenam capitalem evaserit, sciens duxerit uxorem, vel reduxerit, eadem lege ex causa lenocinii punietur.

Lex 9. hujus tit. est de poena adulterii: de ea igitur nobis hodie tractandum est. Et non fuisse eam capitalem leg. Julia, id est, non introgressu mortem, vel deportationem, facile credo: tum quia, ut heri dicebam, ex ea lege non fuit tam severa hujus criminis executio, quam ceterorum: tum etiam, quod nominat in Graeci interpretes ad *l. transigere, sup. de transact.* scribunt, adulterium non fuisse capitale crimen secundum veteres leges nec secundum constitutiones Hermogeniani et Gregorini Codicis: κατὰ τοὺς παλαιούς νόμους, καὶ τὰς ἐν τῷ Ερ-

μηνόμῳ καὶ Γρηγορίῳ διατάξαι. Sed dico hoc non efficere necessario caput legis Juliae, quo vetamur damnatam adulterii uxorem ducere, vel redocere, *l. mariti, §. 1. ff. cod. l. 1. §. 1. ff. de concub.* quia addi potest hae conditio, quae additur in *h. l. 9.* si quocunque modo capitalem poenam evaserit, gratia scilicet, vel legis auxilio, ut ait *l. denuntiatio, §. ult. ff. cod.* prescriptione, vel excusatione aliqua legitima. Ergo apposita simili conditione licebit mihi semper intelligere damnatam adulterii, quae quocunque modo evasit capitalem poenam, exemplis etiam sumptis ex variis auctoribus, quae etiam suppetunt innumera, si quis utatur, quib. doceatur, relegatos fuisse plerosque adulteros et adulteras, quae est mitissima poena, quae caput non minuit, id est, neque libertatem, neque civitatem adimit, neque etiam adimit bona: sed qui relegatur, amovetur tantum e conspectu, et amandatur. Contra vero proferam multa alia exempla, quibus probabo, etiam plerosque adulteros fuisse morte mulctatos, ut Julium Antonium, et alios plerosque ex adulterio commissio in filium Augusti, uxorem Tiberii apud Dionem 85. quamquam et ex eodem adulterio addat, et plerosque alios fuisse relegatos, ex quib. proculdubio fuit Ovidius: quod non viderit quicquam, vel quod scripserit artem, sed quod solebat cum Julia. Melius vero probabo adulterii poenam non fuisse capitalem ex *l. Julia, l. si quis viduam, ff. de quest.* quae duplex crimen incesti et adulterii deportatione vindicatur, quod argumentum probat, simplex adulterium vindicari molliori poena, quae post deportationem utique est relegatio. Idem etiam bellissimo ex eo probari potest, quod lenocinii poena, quae eadem est, quae adulterii, *l. 2. §. lenoc. l. qui domum, ff. cod. l. auxil. ff. de min.* in milite exauctoratio, et deportatio est, *l. mil. init. ff. cod. tit. de adult. coerc.* quia scilicet in milite exasperatur crimen, ut de crimine majestatis dicitur, *l. 7. §. ult. ad leg. Jul. majest.* cum scilicet, ut ait, miles violavit statuas et imagines principis, et intelligit imagines, quae sunt in signis militariis. Unde et in exercitu imaginarii sunt apud Vegetium, qui Imperatorum imagines portant, et primum cohortem, *Imagines*, inquit, id est, *divina, et praesentia signa venerari*, Tertul. in Apol. *Religio castrensium signa veneratur, et imaginum suggestus insignes.* Verum ad rem, sic argumentor: si, ut solent cetera crimina, ita in milite crimen adulterii exasperatur, propter quod miles deportetur in insulam, consequens est in pagano mitius adulterium vindicari. Non potest autem mitius, nisi vel relegatione, vel damnatione in opus publicum, vel multa aliqua majore pecuniaria. Fateor igitur *l. Juliae de adulteriis poenas non*

fuisse capitales, sed non nego etiam, quin fuerint tamen plerique adulteri ex speciali quadam causa, et peculiariter, vel extra ordinem capite damnati, ut ille Jul. Antonius, quod videret cum filia Augusti spe occupandi imperii. Si qui igitur sunt capite damnati, id factum est extra ordinem motu principum, et tandem constitutionibus principum, maxime his, quæ sunt in *Constitutio. Theod. adulterium factum est capitale crimen, id est, quod in quibusdam rebus tantum principes fecerant capitale, id tandem in omnibus rebus factum est capitale novissimis constitutionibus.* Et Imp. quidem Alexand. in h. l. 9. quia jam pœna adulterii exolescere incipiebat, et l. Jul. dormire, ut Satyricon loquitur, sicut Appianus in *Lybico: κοιμᾶν οὐ νόμιμον ποῖ*: *Dormiant*: inquit, *hodie leges*, ait Alexand. in h. l. *castitati, discipline, sectæ suorum temporum convenire, ut adulterii damnata in pœnis legitimis perseverent, nec exolescant pœna adulterii leg timæ, ut perseverent, ut quæ damnanda est adulterii, damnetur pœnis legitimis, et adeo capite plectatur, sicut plerumque principes solebant decernere.* Verum addit h. c. lex, quæ ita explicanda est, is, qui forte non damnatum capite, quia scilicet evasit aliquo modo, et elusit crimen aliquo modo: is, inquam, qui non damnatum capite duxerit, vel reduxerit uxorem ut reliquatur pœnis l. Jul. quæ non sunt capitales, tanquam lenio. Et ita est explicanda h. l. 9. cui addi velim, quod est proditum in extremo l. 30. *inf. sacr. leges nuptiarum puniri gladio*, et quod in l. *transgere, sup. de trans. adulterium esse capitale crimen, id est, irrogare pœnam sanguinis, pœnam ultimam.* Nam *l. transgere, capitale crimen specialiter accipitur pro eo, quod infert mortem reo, licet generaliter etiam capitale dicatur, quod infert deportationem, qui caput eximit de civitate: deportatio cum publicatione omnium bonorum, et est quasi mors civilis.* Item quod est in l. 4. *C. Th. quoniam appellat. non recip.* longe amplius sacrilegos nuptiarum tanquam manifestos parricidas, vel culeo insuendos vel exurendos esse. Et quod l. 2. *C. Th. de indulgent. criminum*, quinquæ crimina potissimum esse capite luenda, majestatis, homicidii, veneficii, adulterii, raptus. Item addi velim etiam, quod auctores multi, qui sub Imperatoribus fuerunt, adulterii crimen capitale faciunt. Arnob. 4. *adversus gentes: adulterium, inquit, leges vindicant, et capitalibus affirmant eos pœnis, quos in aliena comprehenderint fœdera gentilis se lectuli expugnatione jussisse.* Et Apulejus 9. *Metamorph. Ne juris quidem reverentia, lege de adulteriis in discrimen vocabo capitis.* Et Salvianus 7. *de providentia Dei: addiderunt, inquit, ad libidinem comprimendam severas pudicitia leges, decretorum gla-*

dio impudicitiam coercentes, ut puritatem utriusque sexus, et domi connubii servaret affectus, et in publico metus legum. Sub Valentino etiam ex Ammiano Marcellino 28. *intelligimus Cethegum Senatorum quendam reum adulterii delatum perisse abscissa cervice.* Sic igitur statuamus: l. Julia crimen adulterii non fuisse capitale: constitutionibus quorundam principum primum, etiam vetustiorum, et Augusti ipsius auctoris legis Jul. fuisse capitale, et tandem constitutionibus ad unum omnium.

Ad L. X.

De crimine adulterii pacisci non licet. et par de ictum est accusatoris prævaricatoris, et defugientis veritatis inquisitionem: qui autem pretium pro comperto stupro accepit, pœna legis Jul. de adulteriis tenetur.

In hac l. 10. proponitur initio, de crimine adulterii pacisci non licere, id est, non licere per l. Juliam, quia lex Jul. excipit nominatim, ne accusator cum reo adulterii paciscatur, vel transigat. Liceret, si lex non excepisset, sicut M. Tull. ait pro Balbo, *si exceptio facit, ne liceat*, inquit, *ibi necesse est licere, ubi non est exceptum.* Liceret ergo pacisci, vel transigere de adulterio, si l. Julia hoc non excepisset: sicut et de alio quocunque crimine capitali transigere licet, l. *transigere, sup. de transact.* quia, ut alias dixi, omnis est ratio honesta servandi sanguinis, et expediendæ salutis, l. 1. *ff. de bon. eor. qui sibi mort. consc. l. ult. ff. de prævaric.* At non licet transigere de adulterio, quia id l. Julia excipit: nec exceptio constitutionibus est abrogata, licet pœna, quæ non erat capitalis, constitutionibus versa sit in capitalem pœnam: l. Jul. sublata est: exceptio tamen illa non est sublata. Hinc fit, ut etiamsi adulterium hodie sit capitale, non possit tamen de eo transigi, et possit tamen de alio quolibet capitali, quia exceptio l. Jul. quæ non est abrogata sicut pœna, facit ne liceat transigere: non est querenda alia ratio: nam ne dicas exceptionem abrogatam esse per consequentias, quia nil legum abrogatur, vel derogatur per consequentias, vel per Satyrum: factor esse consequens, ut si adulterium sit capitale, liceat de eo transigere, quoniam omnis est honesta ratio redimendi sanguinis, sed tamen non admittimus hanc consequentiam, quia l. Jul. vetat transigere. Cui capiti non est nominatim derogatum ulla constitutione: qui aliam quæsierit rationem idoneam adulterii excepti, frustra fuerit diligens. Merito autem l. Jul. exceperat, ne liceret transigere, vel pacisci de adulterio, quia ex ea lege adulterium non erat capitale: et turpe est pacisci de crimine

non capitali: nam hoc non est tam pacisci, quam fateri crimen, *l. si quidem, sup. de contrah. stipul.* et in criminibus, quæ non sunt capitalia, id est, ex quibus poena mors non est, ut ait *h. l. 10.* par est delictum accusatoris, prævaricatoris, id est, qui se vinci patitur cum reo ex compacto, habito colludio, et rei fugientis veritatis inquisitionem. Jamdudum emendavi, *rei fugientis, pro refugientis: et rei fugientis, recte*: nam et in *l. Imperatores, D. de jure fisci*, reus, qui paciscitur cum adversario, vel corrumpit judicem, dicitur omittere, seu fugere causæ inquisitionem. Par ergo est delictum accusatoris, qui prævaricatur, et rei, qui fugit veritatis inquisitionem in crimine non capitali. Ergo punitur uterque propter pactionem, vel transactionem illicitam. At hodie adulterio facto capitali, nec tamen de eo permissa nominatim transactione, sed manente exceptione *l. Jul. de eo transigatur*, dicemus in aliis criminibus capitalibus non esse par delictum accusatoris, prævaricatoris, et rei fugientis veritatis inquisitionem: prævaricatorem enim puniri Senatusc. Turp. reum, qui transigit, et pecunia, aliave pactione vitam suam tuetur, et redimit, non puniri. In adulterio tamen, licet hodie sit capitale, par esse utriusque crimen, et utrumque puniri. Et ita est explicanda prima pars hujus legis. Altera pars et ultima, quæ etiam vulgo male explicatur, sic est intelligenda, ut *l. Jul.* puniatur is qui pro comperto et deprehenso stupro pretium accipit. In hac parte jam non loquitur de accusatore, ut in prima, sed de eo, qui deprehendit adulterum *ἡ ἡγῶ*, et dimittit, accepto, vel promissa, et certa pecunia, ut *l. mariti, §. 2. ff. eod.* Hoc vero casu non punitur adulter deprehensus, qui se redemit, ne proderetur, et accusaretur, vel ne occideretur in ipso actu, quia non corrumpit judicium, sicut ponitur in prima parte, prævaricatum fuisse accusatorem, quod non fit, nisi corrupto judicio. Hoc ergo casu, de quo in secunda parte hujus legis, non punitur adulter, sed qui accepit pretium pro comperto adulterio, is solus punitur non capitali poena, sed *l. Jul.*, ut ait. Et huc pertinet *l. nec timorem, et l. isti quidem, ff. de eo quod met. caus.* Gratis quidem qui dimittit deprehensum, non punitur, *d. l. mariti, §. plectitur*, sed is solum, et solus punitur, qui deprehensum dimittit turpiter, accepta pecunia, et relinquitur poenis legis *Jul.*

Ad L. XII.

Etsi crimine adulterii damnatus, restitutus non esset, ut proponis, si tamen soror tua, cum qua adulterium commissum dicebatur non est accusata, nec poenæ, nec infamie subjici potuit,

et multo magis cum et accusatorem vita esse functum proponas.

Lex etsi crimine vulgo male Alexandro adscribitur: est enim Gordiani, ut tres, quæ sequuntur, ut *l. adulter, et l. si dum, et l. si quondam*; et scripta est de adultero, et adultera ad fratrem adulteræ. Sententia autem ejus hæc est. Nemo potest marem et feminam simul accusare adulterii. Finge me priorem accusasse adulterum, et condemnasse, et cum superasset, ut adulteram quoque accusarem peracto adultero, me vita decedisse non tum instituta accusatione adversus adulteram. Queritur, *an condemnatio adulteri adversus quam in integrum restitutus non est, mulierem subjiciat poenæ et infamie, quæ non est accusata?* Et *l.* definit, condemnato adultero, mulierem per eum non condemnari, per se quemque damnari debere, non per alium. Dubitanti ratio erat, quia contrariorum eadem est ratio: ergo absolutionis et condemnationis, atquin absoluto adultero, adultera per eum vincit, et ultra accusari non potest, *l. denut. §. ult. ff. eod.* Unde videtur dicendum etiam condemnato adultero, adulteram per eum vinci. Sed respondeo, eandem rationem esse absolutionis et condemnationis: nam sicut per adulterum adultera non condemnatur, ita etiam per adulterum absolutam, adultera non absolvitur, quæ vitia permansit, et statim accusari potest. Sed in adultera, quæ divortio facto alii jam nupsit, iterum distinguimus inter condemnatum adulterum, et absolutum: quoniam prius condemnatum adulterum, ipse statim accusari potest, vel si non accusetur, manet immunis et innoxia: absoluto autem adultero, quæ jam alii nupta est, non potest accusari, quandiu est in secundo matrimonio. Ceterum postquam desit esse in eo matrimonio, puta morte mariti, accusari potest: interim parcimus nuptiis in accusatione adulterii in honorem matrimonii bene convenientis cum secundo viro, non etiam eam omnino absolvimus, quod pridem absolutus fuerit reus, quandoquidem ubi conque nupta esse desierit secundo viro, accusari poterit, *l. adult. in fi. ff. eod.* Intelligimus etiam ex *h. l.* damnatum, vel damnatam adulterii subjici poenæ *l. Jul.* vel constitutionum, subjici etiam infamie. Dico damnatum, vel damnatam adulterii, hoc ipso verbo damnationis, quod ac licet iudex tantum posuerit in secunda sententia, cum eamve convictam esse adulterii: puta hoc modo, illum, vel illam in legem *Juliam de pudicitia* peccasse videri. Hanc pronuntiationem tacito jure statim sequitur, etiam poena non expressa, sed legitima ac usitata, et infamia. Et hoc est quod ait *l. constituti, sup. damnatam adulterii*, illo scilicet modo, quem exposui, perseverare in poenis legitimis,

damnatum adulterii sequi statim poenas legitimas, etiam si in damnatione non fuerint expressae nominationes, quoniam lege, qua damnantur, nominatim satis sunt expressae: nec mutari legis poenae possunt, nisi cum extra ordinem agitur. Damnatus igitur, vel damnata iudicio adulterii, subicitur infamiae. Nam et quocunque iudicio publico damnatus ex edicto praetoris infamis est. Unde non mirum, si dicatur is qui instituit accusationem adulterii famam lacerasse ejus, quem accusat, *l. si adulterium cum incestu, §. pen. cod. tit. Apulejus 6. Metamorph. Quod contra leges*, inquit, ipsamque Julianam, et disciplinam publicam turpibus adulteriis, existimationem et famam meam laesisti. Et hoc dico tantum de damnatis: damnatos adulterii esse famosos ipso jure: non idem dico de deprehensis. Nam deprehensus in adulterio nec damnatus, damnatusve, ipso jure non est infamis. Nec obstat caput leg. Juliae, quod proponitur in *l. palam, §. quae in adult. ff. de rit. nupt.* quoniam pertinet tantum ad nuptias interdictas Senatoribus cum adulteris, non tantum quae damnatae sunt, quae ipso jure sunt infames, sed etiam quae deprehensae non damnatae sunt, quae etsi ipso jure non sint infames, id est, ex edicto Praetoris, vel ex *l. Julia*, tamen reipsa et facto ipso, et opinione hominum sunt infames, et agunt se indignas connubio Senatorum: nam non errant Doctores nostri, qui aliam faciunt infamiam juris, aliam facti infamiam.

Ad L. XIII.

Adultera, si posteaquam crimen contra eam inchoatum est, provinciam exoesserit, etiam absentem inter reos recipi posse explorati juris est.

Sequitur *l. adultera*, quae ait, absentem inter reos recipi posse, et hoc esse explorati juris: atqui et hoc explorati juris est, absentem accusari non posse, *l. 15. hoc tit. l. 6. sup. de accus. vis accusationis est relatio inter reos*. Quae non potest accusari, quomodo potest referri inter reos? non potest accusari. Ergo non potest referri inter reos, quia modus et via referendi inter reos est accusatio. Ideoque recte lex adjicit, postquam crimen contra eam inchoatum est, praesentem scilicet, postea absentem inter reos recipi posse. Plerique Codices habent, postquam crimen contra eam prolatum est, vel refert. Graeci (*inchoatum est*) et cum Graeci, tum Latini (*postquam crimen contra eam inchoatum*) sic interpretantur, post litem contestatam, quod placet satis. Inchoatur ergo crimen, id est, quareo criminis, sive accusatio litis contestatione: perficitur autem damnatione, *l. 14. in fin. ff. de bon. lib. l. 1. sup. ubi de crimin. agi oport.* Proinde autem litem con-

testatam nemo absens inter reos recipi potest, quod est ex constitutionibus principum. Nam olim moris erat etiam lite non contestata postulare reum absentem, quod est postulare inter reos recipi, *l. vim, §. in matrimonio, ff. eod.* ut in auctoribus alienis saepe accusator postulat recipi nomen rei, idque postulat duobus modis: vel querela deposita apud acta, *l. 8. sup. de accus.* vel porrecto libello accusationis, id est, delationis et inscriptionis, *l. mariti, §. pen. ff. eod.* sine iudicio et de plano. Aliud enim est postulare reum, aliud iudicium exercere, *d. l. mariti, §. quinquennium*: aliud postulatio, aliud accusatio, *l. si adulterium cum incestu, §. ult. eod.* postulationem rei sequitur iudicium, quod olim etiam in absentem indicta causa exercebatur, et peragebatur: atque ita etiam absentis nomen olim inter reos recipere licebat, ac deinde relatum absentem inter reos condemnare, ut Verres, et pater, et amici ejus contendebant licere, et fieri solere in causa Sthenii Thermitani apud Cic. Et ita esse, argumento est *l. Memmia apud Valerium 8. cap. 7. de M. Antonio* absente incesti postulato, quoniam ea *l. eorum* tantum, qui reip. causa absissent, nomina recipi velabat inter reos. Si exceptio *l. Memmiae* facit ne absentes reip. causa inter reos recipere liceat, alios igitur, qui excepti non sunt, etiam absentes recipere licet. Et eadem est exceptio in *l. Julia de adult.* ne quis absentem reip. causa non detrectandae legis Juliae causa, id est, vere absentem reipub. causa referat inter reos adulterii, quod generaliter proditum est in *l. hoc accusare, ff. de accusat.* accusari non posse eum, qui reipublicae causa absit, vel magistratum urbanum, aut provinciale, vel legatum municipiorum missum in orbem, vel ad principem, quo jure etiam M. Tull. libro *de jure dicundo*, sive in jurisdictione Siciliensi, scribit damnationem Dolabelli fuisse rescissam, quod reus factus esset, cum ei legatio Romam a suis civibus esset data. Si ergo soli absentes, ne inter reos ferantur, inveniuntur legibus excepti, qui sunt absentes reip. causa, vel sui municipii causa, et proculdubio loquuntur leges de iis, quibus nunquam denuntiatum est crimen, vel quibus cum lis contestata non est: ut id plano indicent, posse etiam absentes inter reos referri, nisi absint reipublicae causa. Hodie vero ex constitutionibus absens non refertur inter reos, nisi in jus vocatus et exhibitus, et apud iudicem lis cum eo contestata fuerit, quod sit proposita et fundata accusatione, et interrogato antiloque reo, et excussis praescriptionibus, quae reo competunt, *l. si maritus §. praescriptiones, ff. eod.* quae lex in *§. legis*, id probat, quod ante dixi de absente Reipublicae causa, quem lex Julia vetat recipi inter reos. Excussis, inquam, praescriptionibus

rei, veluti excussa prescriptione temporis, intra quod accusatio est proponenda, excusso jure accusatoris, *l. adulterii, inf. hoc tit.* Et ita inter accusatorem et reum a iudice cognitione suscripta, ut in *l. inter, D. de public. judic.* sic lite contestata, deinde recipitur rei nomen inter reos, sic fieri dicitur reus, agi reus, peti reus: nec alio quoquam genere, praterquam isto, id est, lite contestata et disceptata utrinque proprie reus fieri dicitur, vel agi, vel peti. Notus est omnibus locus Asconii Pediani, reum fieri, cum in jure legibus reus interrogatur, accusatore objiciente crimen: veluti, ajote cum illa adulterium commisisset: et reo vel tacente (quo casu, ut idem ait, taciturnitas pro confessione habebatur ut accidit in aliis quoque partibus juris) vel negante reo, et accusatore petente diem inquirendi criminis. Post quam disceptationem et contestationem (ut idem ait) instituebatur accusatio. Quid? instituebatur, quæ jam ante erat instituta: sed instituebatur, id est instruebatur probationibus ut in *l. 2. §. ult. ff. cod. accusationem parante, et probationibus instituente et muniante.* Et sane etiam illo Asconii loco Budæus legit, *instruebatur.* Denique propositam et accusationem fundatam, id est, lite contestata, sequebatur inquisitio criminis, et instructio accusationis: neque tamen statim instituebatur, sed eo demum die, quo quis reum fecerat lite contestata, a iudice relato inter reos, id est nomine ejus relato inter reos, in numerum reorum, in alium reorum. Tacitus 2. Annal. *Crimen, et accusationem, tanquam adversus receptos jam reos instruebat.* Jam ergo licet dicere hanc esse sententiam hujus *l. adult. reum*, cum quo lis contestata etiam si mox abesse coeperit, a iudice absentem inter reos referri posse: dico et damnari posse ad extremum citatum per triduum, nec obtemperantem, ut *d. l. inter, de pub. judic.* Nam vix est, ut inter reos recipi possit, qui non et damnari, vel absolvi, hoc est, reus peragi possit. Unde queramus quid fiat illo, cum quo lis contestata non est, cujus crimen nunquam est denuntiatum, sed tantum delatus et postulatus est, ex τὸν πορεύσας, id est, ex una tantum parte, invocata et inaudita altera. Et hunc non dicam inter reos absentem recipi posse, quoniam si posset inter reos recipiet inter reos peragi posset, id est, damnari, ut initio congrueret exitus. Absens relatus est inter reos jure, damnabitur ergo etiam absens, et reus peragetur jure: atqui non potest ille damnari iudicis causa, *l. absentem, ff. de pen. l. 1. ff. de req. vel absentib. damnand.* Ergo nec recipi inter reos. Non dico igitur illum simpliciter recipi inter reos, sed tantummodo adnotari requirendum, ut *l. 6. sup. de accus. adnotari inter reos requirendum, ut l. ult. inf. de requir. reis:* hoc est, fieri requirendum, ut Græci hoc loco, et

l. 1. inf. de requir. reis, non accusari, et fieri reum, sed fieri requirendum, quæ duo differunt. Requisitum autem, et inventum, et exhibitum, tunc itemum iudicio accepto accusari, et fieri reum, et recipi inter reos, vel in reos. Promiscue dicimus recipere, et referre inter reos, vel in reos, ut in *l. hos accusare, §. hoc beneficio, ff. de accusation.* qui §. eleganter docet, receptos in reos, si interveniat abolitio publica, et indulgentia reorum, quæ eximat eos ex reis, suspensio criminis ad tempus, non extinctio (nam abolitio, vel exemptio ex reis non extinguit crimen, sed tantum absolutio, vel mora opportuna rei) eos, inquam, non posse repeti post trigessimum diem, ut jure est constitutum, quorum nomen eximit de reis indulgentia publica aut hilaritas publica, videlicet si intra diem illum Reipublice causa abesse coeperint. Et ita, quod notandum, absens reipubl. causa neque peti, neque repeti reus, aut referri inter eos potest, quandiu abest reipubl. causa. Ex his omnib. colligo, eos tantum fieri requirendos, cum quibus lis contestata non est: eos autem fieri reos, cum quib. lis contestata est. Unde cum Græci ponant recte in specie hujus legis, cum adultera litem fuisse contestatam: non tamen recte interpretantur (*recipere inter reos*) facere requirendum: quia non qui reus factus est sed qui nondum factus est reus, lit requirendus: reus proprie fit litis contestatione, et relatione inter reos, et ita reum factum Joannes recte accepit, *l. 3. ff. de pub. jud.* et ita quoque accipere necesse est *l. 2. §. extran. ff. de adult.* dum ait *extraneum reum factum*, id est, receptum inter reos, accusanti marito non objicere prescriptionem lenocinii: quod ita explicandum patet ex *l. si marit. §. prescriptiones, ff. cod.* At non nego, quin etiam improprie dicatur reus factus, qui tantum postulatus est πορεύσας id est, cum abesset. Et hac distinctione adhibita horum verborum (*reum facere*) concilianda est *l. si interveniente cum l. pen. ff. ad Senatusc. Turp.* ut *l. si interv. loquatur de receptis inter reos*, ad quos pertinet abolitio publica, adeo ut accusator, si eos non repetat post 30. dies, non incidat in Senatusc. Turp. lex autem *pen. loquatur de reis postulatis tantum (si reum, inquit, fecit)* id est, *si postulavit tantum, quoniam subjicit (nec reum persequutus est)* ergo si nondum reum fecit postulatione nuda. Ut, inquam, loquatur lex *pen. de reis postulatis tantum*, ad quos non pertinet abolitio publica, quoniam non sunt recepti inter reos. Et ideo is qui postulavit, si eos non persequatur, si distat, incidit in Senatusc. Turp. Forsitan adhibita simili distinctione non improbabili conciliare quis posset *l. 3. sup. de accus.* quæ dicit reos capite-

lium criminum per procuratorem posse defendi, cum *l. miles, §. ea quæ, ff. de adult. quæ dicit, eam, quæ recepta est inter reas, absentem non posse defendi*. Sed verius est (et hoc maxime notandum) receptos inter reos capitalium criminum, quia absentes damnari possunt ut ante decui posse defendi per procuratores, et quemlibet, qui commiseratione eorum commoveatur, et verba pro eis faciat et innocentiam excuset, ut in *l. servum, §. publ. ff. de proc.* Nam si pro condemnato quilibet potest appellare etiam nolente reo, *l. non tantum, ff. de appell.* quia non auditur perire volens, ut inquit, cur etiam pro reo capitalis criminis absente nec innocentie sue gerente curam, non licebit cuilibet suscipere integram defensionem causæ? Nam et hoc esse æquum ait ille *§. publice*, et ordinarium admittere, id est, solitum admitti, et ita patere ex rescripto Imperatoris, id est, ex *d. l. 3. sup. de accusat.* in qua Alexander ait, reos capitalium criminum, non omnium, sed capitalium, posse per procuratorem defendi: non dicit, absentiam eorum defendi posse, sed reos jam factos capitalium criminum, quia absentes damnari possunt, posse defendi. Et ita Sthenio reo rei capitalis legimus apud Ciceronem *l. bro de jure dicundo*, datum, vel subscriptum cognitorem, qui quasi procurator est. At crimen adulterii non est capitale. Ergo recepta inter reas adulterii absens, non potest defendi per alium: quoniam ad crimen iudicii publici non admittitur alius defensor, *l. pen. ff. de public. iudic.* nisi antequam referatur in reos, v. lit quis excusare absentiam tantum, ut *l. absens, ff. de procurat.* Sed addenda est exceptio alia, nisi sit capitale crimen: nam ad defendendum reum rei capitalis absentem, id est, ad defendendum crimen æquum est admitti quemlibet verba pro reo facientem. Ut autem reus, vel reus ut dixi, proprie fit litis contestatione, improprie, dato libello accusatorio: ita eadem ambiguitas existit in verbo *deferendi*: nam et is delatus dicitur, cum quo lis contestata est, ut *l. 2. §. qui hoc dicit, ff. cod.* Ubi Accurs. ita interpretatur recte, vel etiam is, contra quem datus est libellus inscriptionis.

Ad L. XVII.

Sine metu legis Julia de adulteriis coercendis revocare uxorem in matrimonium potes, cum nihil amplius, quam libellos accusationis obtulisti, quia postea comperisse te affirmas, quod vana indignatione ad accusationem incitatus fueris: is enim committit in penam, quam lex certo capite denuntiat, qui vel publice adulterio damnatam habet, vel adulteram sciens, ut ignorantiam simulare non possit, retinet uxorem.

Ex l. 17. intelligimus, eum, qui uxorem criminis

Ton. IX.

manifestam, vel deprehensam in ipsa turpitudine, detinet, vel qui mulierem damnatam adulterii ducit, vel reducit teneri pœna lenocinii, eandem scilicet, qua tenentur adulteri, *l. 2. l. castitati, sup. hoc tit. l. mariti, ff. cod.* Idem esse opinor, si quis ream adulterii ducat uxorem sorte mortuo priore marito. Nam reus adulterii vivo marito jure non ducitur uxor ab alio quoquam, donec suam innocentiam purgaverit, *l. reas, ff. de rit. nupt.* At mortuo marito qui eam dimiserat, quæ sit reus adulterii vel quæ permanet in reatu, ab alio uxor duci potest: sed si damnatam postea eam mulierem in matrimonio retineat, lenocinii pœna tenetur. Et ita est explicanda *l. miles, §. ult. D. e. d.* Et hunc casum (ut opinor) notat h. e. *lex 17.* dum ait, *qui publice adulterio damnatam habet*. At nunc quæro, an eadem pœna tenentur, qui uxorem reducit, quam retulit inter reas, vel quam ream adulterii postulavit dato libello accusationis, ut ait h. e. *lex*. Libellum accusationis, sive libellum accusatorium vocat, ut *l. denuntiatio, l. mariti, §. pen. ff. cod.* qui alias dicitur *libellus delationis, l. 2. C. Theod. ne prætor majest. crimen seiv. dom. accus.* et vulgo *libell. in script.* An inquam, teneatur lenocinii pœna maritus, qui ab accusatione desistit, et reducit uxorem in matrimonium. Et quidem si desistat petita abolitione a principe, quod exigit *lex*, quæ præcedit 16. eam impune reducit: *lex*, quæ præcedit exigit, ne maritus desistat sine abolitione: h. e. *lex*, quæ illam sequitur, ut arbitrator, proponit exemplum abolitionis. Nam petenti marito veniam omittendæ accusationis, id est, abolitionem petenti, et veniam reducentis uxoris, quam dicebat, se ream adulterii postulasse inconsulto calore, et vana quadam indignatione, princeps hoc rescripto dat marito hanc veniam, id est, abolitionem, causanti se adductum vana credulitate accessisse ad accusationem. Et hoc quidem genere seu modo, jure reducit uxorem, seu eam ream fecerit jure mariti, seu jure extranei. Et valde placet, quod ait *l. generali, §. 1. ff. de ritu nupt.* ream adulterii, quam vir jure mariti postulavit, post abolitionem eam non prohiberi denuo uxorem ducere, id est, reducere. Et sequitur: *sed et si non jure mariti postulavit, non prohibetur eam reducere*, id est, si postulavit jure extranei, jure publico, non prohibetur denuo eam ducere uxorem, post abolitionem scilicet. Nam ἀπὸ τοῦτο h. e. superiora verba (post abolitionem) et in hanc partem repetenda, sive revocanda sunt. At si maritus, qui ream uxorem fecit adulterii, non petat abolitionem, dico eam non reduci impune: nam maritus incidit in pœnam Senatusconsulti T. r. p. quia desistit sine venia, et abolitione, ut *l. prox. supra, et l. quesitum, in ff. cod.* atque etiam in pœnam *lex*

nocinii, ut opinor de qua instituit quidem questio-
nem *d. l. quoniam*, sed nil respondet de pœna leno-
cini, sed de pœna Senatus. Turpill. tantum, sive
teigiversione. Et consequens tamen est, cum jure
non reducat uxorem, ut et hoc casu incidat maritus
in adulterii, seu lenocinii pœnam. Præterea quæro
an is, qui uxorem dimissam adulterii causa, non
rem postulatam, non damnatam reducit, incidat in
pœnam legis Juliae? et non teneatur quidem quod
ad verba *l. Jul.* attinet, quoniam *l. Julia* punit
tantum eum, qui deprehensam retinet, vel qui dam-
natam reducit. Hic neque retinet, neque damna-
tam reducit: sed tamen verius est, ex sententia
legis, eum etiam teneri, ut Papinian. delinit in *l.*
si quis adul. §. *pen. ff. eod.* hac ratione, ne frans
fiat legi Juliae, quia posset quis deprehensam dimit-
tere eludente pœnae causa, in quam incidit, qui
sciens adulteram retinet, et mox eam reducit, sed
qui mox red c. i, nec videtur dimisisse, nec legi
satisfecisse, imo fraudem cogitasse in legem sicut
etiam, qui bonis patris abstinet, et mox ea emit,
nec abstinentiae videtur, nisi aliquo fraudis consilio,
l. si is qui bon. ff. de acq. hered. ergo ex sen-
tentia *l. Jul.* lenocinii pœna tenetur etiam, qui de-
prehensam dimittit, si mox eam reducat. Et *l. si*
uxor, §. *ult. ff. eod.* quo loquitur de eo, qui re-
pudiatam, seu dimissam jure, denno ducit uxorem,
est accipienda de eo qui repudiatam, non depre-
hensam mox reducit, quem ea lex ait deinde non
posse eam accusare ex adulterio, quod in primo
conjugio commisit: et similiter licet ex verbis le-
gis is tantum teneatur, qui retinet uxorem depre-
hensam in adulterio et adulteram dimittit, *l. ma-*
riti ff. eod. ex verbis legis tenetur, qui dimittit
adulterum, et non dimittit adulteram: tamen ex
sententia legis etiam is tenetur, qui non tantum
adulteram, sed etiam adulterum, retinet, qui casus
non erat expressus in *l. Julia*, ut qui retinet filium,
ut sit, deprehensum in noverca, quem non vult
exigere domo vel qui retinet libertum, vel servum
deprehensum in uxorem, quo casu tam ipse, qui
retinet adulterum et adulteram punitur, quam ea,
que retinetur, quia scilicet etiam retenta in ma-
trimonio mulier accusari potest, si prius maritus
fuerit lenocinii, seu adulterii reus postulatus
ob non dimissam, seu ob retentam adulteram.
Et sic est accipienda *l. si quis adulterium*, §. *1.*
ff. eod.

Ad L. XVIII.

*Eum, qui duas simul habuit uxores, sine dubi-
tatione comitatur infamia. In ea namque re non
juris effectus, quo cives nostri matrimonio con-*

*trahere plura prohibentur, sed animi destinatio
cogitatur. Verumtamen ei, qui te ficto cœlibatu,
cum aliam matremfamilias in provincia reliquis-
set, sollicitavit ad nuptias, etiam crimen stupri,
a quo tu remota es, quod uxorem te esse crede-
bas, ab accusatore legitimo solemniter inferetur.
Ceterum res tuas omnes, quas ab eo interceptas
matrimonii simulatione deploras, res tui tibi
omni exactionis instantia impetrabis a rectore
provinciae: nam ea quidem, quae se tibi ut sponsam
daturum promisit, quomodo repetere cum effectu
potes quasi sponsa?*

Loquitur lex de eo qui duas habet uxores, qui ex
edicto praetoris infamis est, *l. 2. sup. de incest. nupt.*
et solet etiam hodie, ut manifestior fiat hominis infam-
ia, is, homo publice catanidiri, id est, exponi ri-
sui, imposita mitra, qui, inquam, habet duas uxores,
reipso, et animi destinatione, ut et hæc lex declarat:
qui duas habet uxores facto ipso: jure enim nemo
habet duas uxores: non potest utraque esse uxor,
sed altera id est, quæ secundum ducta est, in con-
cubinae locum ducitur, ut ait Cicero *l. de Oratore*,
tractans de eo, qui duas duxerat uxores. Nunc
fac ita esse: quidam ex Hispania Romam venerat,
relicta uxore in Provincia, et Romæ alteram duxe-
rat, fingens se esse cœlibem, et innoptum, ut ve-
teres loquebantur, viduum ab uxore, quod facile
credens mulier Romana, se ei matrimonio iunxit.
Et apparet quidem eam non commisisse stuprum,
quia stuprum non committitur sine dolo malo, et
hæc putavit, se esse uxorem legitimam, et iustum
matrimonium: sed lex ait illum innoxorem stupri
posse accusari a quolibet, vel a muliere ipse, in-
juriam suam assistentibus curatoribus, per quos
etiam ejus negotia gerenda sunt, persequente, ut
l. 2. h. tit. quoniam licet hæc secunda mulier du-
catur in concubinae locum, tamen cum ea stuprum
committitur. Et quod dicitur cum concubina stu-
prum non committi *l. 3. ff. de concub. l. stuprum*
ff. ad l. Jul. de adult. quia imitatur uxorem justam
et concubinatus est conjunctio legitima, ex jure
civili hoc tantum intelligitur de cœlibe, qui habet
concubinam: hic cum ea stuprum non committit:
nam qui habet uxorem, si uxori superducatur concu-
binam, stuprum committit, nec hic concubinatus
est legitimus, *l. ex ea*, §. *1. de verb. obl. l. 3.*
sup. comm. de manum. l. un. sup. de concub. Er-
go hic, qui sciens Romæ alteram duxit uxorem,
non remisso nuntio uxori in provincia relicta, stu-
pri potest accusari, et mulieri secunde datur repe-
ditio dotis, si quam dederit, et omnium rerum suarum,
quas ille nebuloso intercepit simulatione nu-
ptiarum, sed ut ait hæc *l.* non datur etiam mulieri
repetitio promissæ sibi ab illo homine sponsalitiæ
largitiæ, quæ pars hujus legis repetitur *l. 3. sup. de*

donat. ante nupt. Cur vero non datur si repetitio promissi muneris sponsalitii, promissæ largitæ sponsalitæ? quia ut sponsæ promissa est, aliquid nec sponsa, nec uxor fuit. Et ut duas uxores habere non licet, ita nec uxorem, et sponsam, l. 13. §. *item si altari*, ff. de iis qui not. inf. Quod si ille jam mulieri secundæ aliquid dederit pro munere sponsalitio, sane id ab ea ipse non potest repetere, quia sciens turpiter dedit. Et ita Accura. recte sentit hoc loco, et ad d. l. 3. notavit. Idem etiam Græci 28. Basilicon tit. 3. idemque glossa l. 4. ff. de condict. ob turp. caus. ut quoties solius dantis turpitudine versatur, quod contigit specie proposita, danti non competat repetitio.

Ad L. XIX.

Quamvis indubitati juris sit, quotiens adulterii crimen intenditur, præsentiam accusatoris procedere oportere: tamen quoniam ex literis tuis cognovimus Materiam propositi Viatoris uxorem, habitis questionibus cum Juliano quodam adulterium commisiste, detectam sub ipsa prolatione sententiæ Viatoris ipsius præsentiam postulasse: non putavimus confecto pene iudicio, facinore etiam agitata questione convicto, Propositum ab exhibitis limitis revocandum.

Lex 19. est singularis. Certe juris est, neminem posse damnari absente accusatore, vel actore: nam generaliter ait l. de unoquoque, ff. de re judic. de unoquoque negotio, id est, civili, vel criminali præsentibus omnibus iis, quos causa contingit vel (ut est in 12 tabul.) præsentibus ambobus judicari oportere. Et id tantum iudicatum valere, quod iudicatum est inter præsentem. Et ita M. Tullius in Verrem de jure dicundo: *si prærens Sthenius reus esset factus si manifesto in maleficio teneretur, tamen, cum accusator abesset, Sthenium non oportere condemnari. Etenim, si posset absente accusatore reus damnari, non ego a Vibone Veliam parvulo navigio inter fugitivorum, ac prædonum, ac tuatela venissem.* Unde liquido apparet, reum non posse condemnari absente accusatore. Sed ab hac regula excipitur unus casus in hac lege valde singularis. Ponit Propositum Viatorem militem limitum accusasse Materiam, ut vulgo legitur, sed Græci Mariam, uxorem suam, divortio facto, ut oportet, adulterii cum Juliano commissi: etiam miles admittitur ad accusationem, si suam injuriam persequatur, non aliter. Et ait, instituta accusatione eum diu in iudicio perseverasse: sed in ipso articulo ferendæ sententiæ, confecto pene negotio, et convicta re per questionibus servorum, eum profectum fuisse ad stationem suam, et exhibitas limitis, ut ait, et absente damnatam fuisse mulierem,

an jure damnata est? Quod non videtur, quis damnata fuit absente accusatore. Sed aliud Imperator statuit, quoniam accusator abesse cepit Reipublice causa, sub ipsam tempus sententiæ, ut æquum sit eum haberi pro præsentem.

Ad L. XXIII.

Servi ob violatum contubernium suum adulterii crimine accusari non possunt.

Is autem, qui post dissociatum matrimonium uxorem licito jure duxit, obque intentatæ accusationis, ac potentis patrocini merum, ei, qui accusationem instituerat aurum, et argentum dedit: ad recipiendum id, ulciscendamque turpis lucri cupiditatem adire præsidem potest: qui examinat a partium allegationibus, et inquit ita si le veri, siquidem id ab eo, qui innocens est, ob illati criminis timorem datum esse cognoverit, quemadmodum sententiam formare debeat, ex evidentibus juris placitis instrueretur. Sin vero constiterit corrupti matrimonii, velut mercedem ad captandam impunitatem solutam pecuniam esse, eum, qui etiam adversus Senatus-consulti censuram, cum scilicet flagitio accepit, puniri jubebit.

Prima pars hujus legis est de violato contubernio. Secunda est de violato matrimonio. Matrimonium contrahitur tantum inter liberas personas, et cives, contubernium inter servos, vel cum servis. Nam inter eos, vel cum eis nullum potest esse matrimonium, nec inter eos uxor nominatur, sed contubernalis, id est, serva, quæ se adjungit servo, aut libero homini. Denique uxor non nominatur, vel maritus, vel dos, vel adulterium. Itaque lex Julia non pertinet ad contubernia, nec qui, quæve violat contubernium, subijcitur præcis legis Julię. Fateor etiam in concubina, quoniam uxorem justam iudicatur, adulterium vindicari, ut l. si uxor, ff. eod. quod est ex lege Atheniensium, ut testis est Lysias in Orat. de cæde Eratosthenis, in adulterio deprehensum adulterum vindicari, καὶ τῶν παλλακῶν, etiam in concubinis, quæ dignitate longe sunt impares uxoribus legitimis. Adulterium etiam vindicatur in uxore vulgari, id est, quæ vulgo se prebet, vel quæ, ut solebant olim, apud ædes professæ est impudicitiam, et apud eos vulgavit licentiam strupi. Nam etiam in ea maritus adulterum vindicare et persequi potest, d. l. si uxor. Itemque in uxore injusta, id est, quæ non secundum leges ducta sit, sed tamen habeatur uxoris animo. Finge ductam filiamfamilias dissentiente patre, injusta uxor est, in qua tamen perinde, ac in uxore justa adulterium vindicatur, d. l. si uxor. At in contubernali adulterium non vindica-

tur lege Julia, et hoc proponitur initio hujus legis, et *l. sequenti*, quæ dedit in Codice Halsandri, male, et est vulgo etiam inscripta Dionysio, cum sit inscribenda De onere libertæ fœminæ, quæ se junxerat contubernio servi contra jurâ formam, ut ait, quia iter servum et liberam nullum est contubernium, quare lex sequens negat eam subjici adulterii pœnis, et e contrario *l. etsi libidine 25.* negat liberum hominem subjici infamie juris: nam non negat quæ subjiciatur notæ et suggillationi apud bonos et graves viros, quæ vulgo infamia facti dicitur. Negat ergo infamie juris subjici liberum hominem, quia ancillas comprehendisse convictus est. Omnes libri veteres habent (*comprehendisse*) et liber etiam Halsandri, et Græci *καταλαμβάνει*, non (*compressisse*) ut etiam *l. 20. hoc tit.* supra ultionem juris, etiam in eas non exerceri, quæ per vim sunt comprehensæ, irreprehensa voluntate, inquit, quo casu illud crimen non est duorum, ut solet esse, sed unius tantum, ut et in casu *legis 18. h. t.* Unde eleganter dicebat ex veteribus Declamatoribus quidam de Lucretia vim stupri perpressa, ut refert *D. Augustinus 1. de Civitate Dei: Mirabile dictu, duo fuerunt, et unus tantum adulterium admisit.* In secunda parte hujus legis, hæc proponitur species, de corrupto, vel violato matrimonio, dimissam a prior marito nec damnatam, vel ream factam adulterii ego uxorem duxi, post eum me potentior aliquis accusaret ex adulterio, quod dicebat me cum ea commissam in priore matrimonio, pecunia data cum eo transegi, non ductus conscientia sceleris, qui ab eo eram immunis et innocens, sed formidine perterritus potentioris accusatoris: quo casu lex ait, mihi dari pecuniæ datæ repetitionem, videlicet per conditionem ob turpem causam, quia ego quidem turpiter non dedi pecuniam, qui dedi ne ille me vexaret, id est, calumniaretur, sed ille turpiter accepit, ut *l. 4. ff. de condict. ob turp. caus.* vel etiam per actionem in factum ex edicto de calumniatoribus, *l. penult. ff. de calumniat.* Sed si ductus conscientia sceleris admissi redemi me ab accusatore, hoc casu non repetam, quod dedi, quia turpiter dedi, *l. siquidem, sup. de contr. stipulat.* et utriusque turpitudine versatur. In pari autem causa melior est conditio possessoris, id est, ejus, qui accepit pecuniam, ut qui æque turpiter dedit, turpiter accipienti, non possit repetere ab eo, qui accepit: utriusque enim par delictum est: et ideo accusator punitur, vel tanquam pravaricator, si se vinci patiatur post acceptam pecuniam, vel tanquam tergiversator ex Senatusconsulto Turpill. si desistat ab accusatione, et ego quoque admissum non impune feram. Utriusque igitur par delictum est, ut exposui in *l. 10. hoc tit.* Et bene ait hæc lex,

enim etiam, qui adversus *SC. censuram* (sic legendum) quasi non tantum reum, sed et accusatorem dicat puniri, quoniam uterque turpiter transiit de crimine adulterii.

Ad L. XXVI. et XXVIII.

L. XXVI. Quoniam Alexandrum, qui in crimen vocatur, etiam præscriptionem esse pollicitum eo nomine, quod a curatore uxorem post deprehensum adulterium penes se habuisse videatur, et de statu suo agere nunc velle perspeximus: ita ordo questionis dirimendus videtur, ut in primis quidem de statu Alexandri queratur, ita ut si liberum eum esse adhibita audientia deprehenderit, præscriptionis ei objiciendæ facias potestatem. Sin vero eundem esse servum cognoveris, remotis præscriptionis impedimentis, in adulterum crimen protinus debebis inquirere. Ac si eum detectum in eo flagitio esse perspexeris, pœnam decerne, quam in adulterii crimen legum sanctio statuit.

L. XXVIII. Ita nobis cordi pavor est, ut removeamus præci juris ambages, et constituamus in adulterii questione, abolitis de medio ceteris præscriptionibus, præter quinquennii temporis, et lenocinii, quod marito objicitur, exceptionem illam, etiam quæ post solutum prius matrimonium ante denuntiationem nuptiarum competit, fidem criminis nosci. Indignum est enim, ut ultionem pudoris præstigia versuti juris excludant. *PP. Kallendas Junii Tusco, et Anulino Consulibus 298.*

Lex 26. et 28. simul explicabuntur, quoniam ambæ sunt de præscriptionibus, seu exceptionibus, quæ solent objici accusatoribus adulterii, objici, inquam, et tractari ab initio, antequam quis recipiatur inter reos: nam qui semel receptus est inter reos, non potest ulla præscriptione uti, *l. 2. §. qui hoc dicit, et §. extraneus, l. si maritus, §. præscriptio, ff. cod. tit.* Et ita ponitur in *l. 26.* Alexandrum postulatam adulterii, ab initio marito objiciat præscriptionem lenocinii, quod deprehensam in adulterio retinisset, qui auditur quidem hæc allegans, seu præscribens, si liber homo fuerit, non si servus fuerit qui adulterii postuletur. Nam si servus fuerit, qui adulterii postuletur, ei non licet objicere præscriptionem lenocinii, denique nec crimen ullum deferre, nec referre, nec inscribere, nec præscribere. Itaque, si dum tractatur initio de præscriptione lenocinii, quam objicit Alexander, status ejus in dubium vocatur, tantisper dilata questione lenocinii et adulterii, prius tractandum est de statu ejus, cum hæc questio sit præjudicialis, quam de præscriptione lenocinii. Prior est questio status questione criminali,

ut l. 1. *sup. de ord. cognit.* Tres autem præcipue præscriptiones in causa adulterii receptas esse ostendit l. 28. hoc t. l. præscriptionem quinquennii, et supplæ, vel 6. mensium utilium, et præscriptionem lenocinii, quod marito obijcitur. Et præscriptionem hanc, quæ nupæ competit, quæ alii nupit post divortium, cuius formula hæc sit: Si non alii jam nupsit mulier, antequam ei denuntiaret accusator, ne haberet, de qua dixi in l. 8. h. tit. Et agitur de ea in l. 5. ff. de accus. l. 14. hoc tit. l. adul. ff. eod. et l. 2. in princ. eo l. tit. Quam legem totam secundam observandum est, esse de præscriptionibus, quæ obijci possunt accusanti adulterii, et proponi in ea quatuor præscriptiones. Primum hanc, quæ repellitur accusator, qui ab adultera incipit, quæ jam alii ante denuntiationem nupsit, deinde præscriptionem, quæ marito accusanti jure mariti obijcitur hoc modo, ut proponitur formula in d. l. 2. si legem prodidisse dicatur ob hoc, quod aggressus accusationem adulterii destitit: nam ex lege Julia, qui destitit sine abolitione, postea jura accusandi non habet, l. 16. hoc tit. l. quæsitum, in fin. ff. eod. tit. Tertia præscriptio, quæ proponitur in d. l. 2. est præscriptio lenocinii notissima. Quarta est præscriptio de privilegio, et jure accusandi, cum quis contendit se esse justitiam, et potiorē accusatorem, cum maritus ait, se in accusatione adulterii præferri debere patri, et alii cuilibet, de qua in d. l. 2. §. ult. Et nonnihil etiam diligenter animadvertamus in l. adulterii, inf. hoc tit. h. quatuor præscriptiones proponuntur in d. l. 2. Omittitur præscriptio quinquennii seu sex mensium. Sicut etiam in hac l. 28. omittitur secunda præscriptio, l. 2. si legem prodidisse dicatur, etc. Et quarta quoque de jure accusatoris, omittitur etiam præscriptio ætatis, quæ obijcitur accusatori miniori, quam 25. annorum nato, de qua in l. si maritus, §. lex, ff. eod. tit. quæ tamen non improbantur, aut quas tamen non est verisimile hanc leg. 28. remove, licet dicat, se omnes præscriptiones remove, et abolere, exceptis tribus, quas ante exposui, quia scilicet, ex tantum præscriptiones improbantur, ut verba legis demonstrant, quæ elusorie, vel moratorie, et captiosæ erant jure antiquo prodite, ut præscriptio fori, quæ nixus reus constatur declinare forum mariti, cuius etiam ratio non habetur in l. 14. h. tit. et l. ult. C. Theod. eod. tit. Et præscriptio hæc, si non præjudicium fiat filio impuberi ex eo matrimonio suscepto, in quo dicitur adulterium commississe, quæ præscriptio etiam aboletur, l. miles, §. defuncto, ff. eod. Item præscriptio repetende dotis, vel pecunie debite ex aliqua ratione, si mulier contendat prius sibi eam reddi oportere, quam fiat rea adulterii, quæ aboletur

l. adulterii, inf. hoc tit. quia est civilis præscriptio, quæ remorari, differre, vel impedire criminalem actionem non debet. Illas præscriptiones, et his similes, quibus jure veteri sæpe eludebatur accusatio adulterii, et evanescebat, vocat Imperator in l. 28. præstigia versuti juris, vafri juris, ut Cicero dixit, ex æquo et bono, non ex callido et versuto jure rem judicari oportere, pro Cæcinnæ. Sic hoc loco ait, præstigia versuti juris, ubi male Græci legunt vestigia: ταῖς ἐξην τοῦ δικῶς. ταῖς ἐξην τοῦ δικῶς: Hæc præstigia, et fallaces præscriptiones tolluntur l. 28. Non si quæ tribus in ea enumeratis sim lesint aliæ legitimæ præscriptiones, quæ pari æquitate nituntur. Et ita est accipienda hæc l. 28.

Ad L. XXIX.

Quæ adulterium commisit, utrum domina cauponæ, an ministra fuerit, requiri debeat, et ita obsequio famulata servili, ut plerunque ipsa intemperantiæ vina præbuerit: ut si domina tabernæ fuerit, non sit a vinculis juris excepta. Si vero potantibus ministrum præbuerit, pro vilitate ejus, quæ in reatum deducitur, accusatione exclusa, liberi, qui accusantur, abcedant, cum ab his feminis pudicitia ratio requiratur, quæ juris nexibus detinentur, et matrisfamilias nomen obtinent. Hæc autem immunes a judiciaria severitate, et stupri, et adulterii præstentur, quas vitæ vilitas dignas legum observatione non credidit.

Lex 29. facit differentiam inter dominam cauponæ, et ministram. Ac primum docet etiam lege Julia adulterium, vel stuprum vindicari in domina cauponæ, quæ cauponam exercet; et dicitur etiam domina tabernæ cauponæ: licet inter cauponam, et tabernam cauponiam sit differentia ex l. tabernæ, ff. de instr. et instrum. leg. Vindicatur autem in domina cauponæ, sive vidua, seu nupta fuerit, nisi forte fuerit vulgaris quædam mulier, quæ cuilibet dextram supponat. Nam in meretrice adulterium, vel stuprum legibus non vindicatur, l. 22. hoc tit. Præterquam a marito solo facto divortio, l. si uxor, §. sed et in ea, ff. eod. tit. Nam (ut est in Commodiana) quis homo pro meretrice vidit unquam in domo meretricis a deprehendi quenquam? Et recte in §. item lege Julia de adult. Instit. de public. judic. stuprum committi in virginem, aut viduam honeste viventem; nam in eam, quæ se agit in divortio, in eam, quæ secus vivit, stuprum impune committitur, imo ei quoque vis inferitur impune, quæ scilicet, in communi loco stat, et capturas fert. Nam l. un. inf. de rapt. virgin. aut. v. d. est tantum de honestis mulieribus. Et

recte Cato de re Floria apud Gellium : *vim in corpus liberum , non æquum censuræ adferri , nisi palam corpore pecuniam quæreret* . At si domina cauponæ , matrisfamilias , seu matronæ existimationem , et jus stola habendæ retineat (quod non habent turpes mulieres sed toga tantum vestiuntur , non stola , toga , quæ brevis erat vestis) tum in ea adulterium vel stuprum lege Julia vindicatur . Pudicitie ratio exigitur tantum a matronis , et stolis mulieribus . In ministræ autem cauponæ lex ait adulterium , vel stuprum non vindicari , quæ potantibus ministerium , et intemperantiæ viue præbet . Quo plane demonstratur , quid proprie sit cauponæ : ut in ancilla stuprum non vindicatur , et serva , l. 25. h. tit. ita nec in ea , quæ facit vile et servile ministerium , quale est ministerium cauponæ : Igitur in ministræ cauponæ adulterium , aut stuprum non committitur , aut non vindicatur lege Julia propter vilitatem ministerii , et vitæ , sub ejus specie identidem omnes se omnibus benigne præbent , l. ult. sup. si mancip. ita ven. l. palam , §. si qua cauponam , ff. de rit. nupt. Idem omnino dicendum de qualibet famosa muliere , quæ matrisfam. nomen amisit , et honestatem , ut si fecerit lenocinium , si operas suas in scenam locaverit . Nisi hoc fecerit post admissum , vel meditatum adulterium in fraudem legis Julis pænæ evitandæ gratia , in quam infames mulieres non incidunt : nam ex Senatusconsulto hæc etiam adulterii damnari potest , l. 10. in fin. D. cod. Ex quo etiam Senatusconsulto , si quis infamandæ uxoris suæ gratia adulterum subjecerit , ut ipsam deprehenderet , et vir et mulier adulterii crimine tenentur , l. is cuius , §. 1. cod. Senatusconsulta illa facta puto , auctore Tiberio ad legem Juliam . Nam et Suetonius scribit Tiberium exilio effecisse feminas quasdam , quæ ad evitandas legum pœnas , ut jure et dignitate matronali exolverentur , lenocinium profiteri coeperant , ne quod refugium , inquit , in tali fraude cuiquam esset . Et ait , ad evitandas legum pœnas , ut d. l. 10. Evitandæ adulterii pœnæ causa : Et Cornel. Tacitus 3. Annal. auctore Tiberio gravibus senatus decretis coercitam libidinem feminarum , et , tantum inter cetera , ne questum facerent corpore , cui pater , vel avus , vel maritus eques Romanus fuisset ; et demonstratam fuisse adulteri Vestiliæ prætoriam quandam mulierem , quæ stupri licentiam apud ædiles vulgaverat , quia id fecerat pœnæ evitandæ gratia , et quia adversus impudicas veteres satis existimabant esse pœnam in ipsa professione flagitii , quæ fiebat apud ædiles , quare et loca illa communia , et prostibula , dicuntur ædilem metuere apud Senecam . Professio illa sola faciebat infames , et exuebat honore matronæ et stola . Ovid.

Solaque famosam culpa professa facit .

Invenio lege Atheniens. apud Demosthenem in Neeram , idem fuisse cautum de propola , id est , quæ quid palam vendit in foro , in eo toto die consistens , veluti poma , olera , detrita vestimenta , truncullos , et si qua alia , idem in ea esse , ut ait , quod in ille quæ in ergasterio stat . Quo loco , et oratione tota , vocat ergasterium cellam meretricis , in quo ἑργαστήριον τῆς πόρνης , superposito cellæ titulo , ut Seneca ostendit 2. controvers. Unde illud Juvenalis :

. . . Titulum mentita Lyciscæ .

Ad L. XXX.

Quamvis adulterii crimen inter publica referatur , quorum delatio in commune omnibus sine aliqua legis interpretatione conceditur : tamen , ne volentibus temere liceat facere connubia , proximis , necessariisque personis solummodo placet deferri copiam accusandi , hoc est , patri , fratri , nec non patruo , et avunculo , quos verus dolor ad accusationem impellit . Sed etiam his personis legem imponimus , ut crimen abolitione si voluerint compescant . In primis maritum genitalis tori vindicem esse oportet : cui quidem et ex suspicionem ream conjugem facere licet , vel eam , si tantum suspicatur , penes se retinere non prohibetur , nec inscriptionis vinculo contineri , cum jure mariti accusaret , veteres retro principes annuerunt : extraneos autem procul arceri ab accusatione censemus : nam etsi omne genus accusationis necessitas inscriptionis adstringat , nonnulli tamen proterve id faciunt , et falsis contumeliis matrimonia deformant . Sacrilegos autem nuptiarum gaudio puniri oportet .

Ex lege Julia iudicium adulterii publicum est , et accusatio adulterii publica est , id est , patet omnibus , accusare volentibus propinquis , affinis , extraneis quibuscumque , si modo jus accusandi habent . Ex hac autem constitutione accusatio adulterii non patet omnibus , sed tantum certis personis , ut patri mulieris , non socio , et fratri , et patruo , et avunculo , et iis personis etiam licet per hanc constitutionem facile impetrare a iudice abolitionem , si velint desistere ab accusatione , quis propinquos in accusationem deduxerunt . Accusanti propinquum licet impune pœnitere , et desistere petita venia a iudice , quam omnimodo impetrabit , l. 2. inf. de abolit. alioquin abolitio privata accusatori non datur temere , nec sine causæ cognitione , ut ait d. l. 2. præcipue autem marito patet accusandi facultas jure mariti infra 60. dies utiles , vel ex sola suspicionem , ut ait , etiam sine vinculo inscriptionis , nec

tamen reus ipse, vel rea etiam ex suspitione sola damnabitur, *l. absentem, ff. de pœn.* Apulejus 10. *Metamorphos. Veritatem, fœdemque criminum probationibus certis instrui, nec suspicionibus tantum conjecturam permitti placet.* Non est etiam dubium, quis maritus facillime possit a iudice impetrare abolitionem, id est, veniam omittendæ accusationis institutæ adversus conjugem, nec tamen necesse est, ut eam impetret, nisi evidens ejus calumnia fuerit, ut docui in interpretatione legis 16. quoniam qui calumnie non tenetur, nec teneri potest Senatusconsulto Turp. si desistat sine abolitione. Ut autem maritus, vel ex suspitione sola uxorem ream facere possit, quod matronam non tantum culpa, sed et suspitione vacare oporteat, ut dicebat Julius Cæsar: ita si velit, poterit impune retinere suspectam adulterii, nec tamen deprehensam, ut damnatur, quod dictum est ante in l. 2. exceptis his quinque personis: marito, cui primæ partes tribuantur, et patre, fratre, patruo, avunculo: alii propinqui, vel affines, vel extranei ad accusationem adulterii, nec si subscribant in crimen, ut oportet, admittuntur ex hac constitutione quia sunt plerique maligni, quos inscriptionis vinculum non deterret a calumniis, aut proterve, et temere suscepta accusatione, qui contemnuunt vinculum inscriptionis et talionis, et æquum est (quo etiam jure hodie utimur) ne cui libet sit ea temere infamare aliena matrimonia, puta adultero accusato constante matrimonio, quod olim per mittebatur extraneis, *l. vim, §. 1. ff. eod.* De pœna adulterii, quod est in fine hujus l. satis exposui sup. in l. 9.

Ad L. pen.

Si mulier repudii oblatione sine ulla legitima causa a se dati discesserit: ne viduitatem stupri procacitate commaculet, accusationem repudiato marito jure deferamus.

Lex penultima loquitur de muliere, quæ sine causa legitima divortii a marito aliquandiu etiam inter Christianos sunt tolerata divortia ex certis et legitimis causis. Ne autem sine causa quæ divortat, ei legibus varia fræna injiciuntur, puta, ut quæ divorterit sine causa, amittat dotem totam, et donationem propter nuptias, et ut quinquennium in viduitate perseveret, *consensu. sup. de repud.* Itemque, ut si interim peccaverit, possit ab eo, a quo temere divortit, stupri accusari jure præcipuo, quæ est sententia hujus legis valde singularis. Et ratio hæc est, quia quæ intra quinquennium non colit temperantiam, sed peccat (id enim est proprie peccare Latine) non tam videtur divortiasse odio, vel excusatione sui mariti, quam appetitione

alieni, ut animo tenus jam in ipso matrimonio videatur peccasse, ac plane possit ab eo, a quo divortit, prout si maritus esset, adulterii accusari jure præcipuo.

Ad L. ult.

Libertatem servorum, qui ad dominium pertinent uxoris, vel mariti, vel parentum eorum: repudio misso, propter suspitionem criminis adulterii, legum conditores intra duorum mensium spatium, post missionem repudii numerandum, suspendi definiunt, propter tormentorum questionem (si opus exegerit) eis imponendam. Sin vero uxor matrimonio sub præfato modo dissoluta, rebus humanis exempta fuerit: nihil de tempore, quousque servos eos propter memoratam causam permanere decet, adjiciunt. Nobis vero necessarium esse videtur, certum tempus etiam in hoc casu statuere propter dotis questionem, utrum in lucro marito cedat, an hæredibus mulieris restituetur. Sancimus itaque duos menses post mortem mulieris servari, ut intra eos ante dicti servi permanent, et facultatem maritus habeat probationes adulterii per eos præstare. Transacto vero memorato tempore, licentiam habere hæredem mulieris libertatem eis imponere: nisi per culpam ejus maritus prohibitus fuerit causam adulterii, tempore videlicet imminente, exercere.

Sciendum est, ex lege Julia post divortium, si mulier fiat rea adulterii, servos ejus mulieris, et mariti, et parentum eorum manumitti non posse intra sexaginta dies utiles, ut scilicet serventur questioni, cui subducerentur manumissione, et interim forte data eis libertas, ut suspendatur, quemadmodum ait hæc lex ult. et l. cum filius, §. servus, *ff. de legat. 2.* hoc est, ut interim sint statuliberi, ut ait l. quod si intra, *ff. qui et a quibus manum.* Quid vero fiet, si interim, id est, intra sexaginta dies maritus, aut pater moriatur, quorum servorum libertas est in suspensio, an servi mariti, vel patris mortui testamento manumissi ad libertatem interim prevenire possunt? minime, quia nondum est finita accusatio, et extinctum crimen, quia nondum exstinguitur morte mariti accusatoris, cum pater superest, qui eam potest resumere, *l. sed si maritus, eod.* Nec item morte patris, quia superest maritus, qui accusationem instituit. Quid vero, si uxor moriatur intra sexaginta dies a divortio facta, an servi ejus manumitti possunt, an manumissi testamento uxoris libertatem obtinere possunt? Quod videtur, quia morte mulieris omnimodo crimen exstinguitur, morte accusatoris, non omnimodo: quis alius accusare potest. At morte ree mulieris omnimodo crimina occidunt cum personis, ut ait l. 1. C. Theod. de libr. causa. Sed quia ex-

tincto crimine superest quæstio civilis de dotis repetitione, utrum dos ob adulterium uxoris, lucro mariti cedere debeat, an restitui hæreditibus mulieris (quæ quæstio non potest definiri, nisi per quæstionem servorum excussa veritate criminis, ideo placet eorum servorum libertatem suspendi intra illos sexaginta dies : nam si adulterii fuerit convicta, dotem amittit : olim portionem tantum certam dotis, ut patet ex *l. cum mulier, ff. sol. matrim. et l. miles, §. socer, §. ad leg. Jul. de adulter.* Hodie mulier adulteri convicta dotem totam amittit, et donationem propter nuptias, *l. consensu, §. virum, sup. de repud.* Quod et hæc lex ult. confirmat, et caput plerumque, *de donat. inter vir. et uxor.*

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titulum X. Si quis eam, cujus tutor fuerit corruperit.

Post titulum generalem *de adulterio, et stupro*, datur hic titulus, qui est specialis *de stupro*, quod tutor infert pupillæ suæ, quia id constitutio hujus tituli gravius punit, quam quod quis alius infert aliis lex Julia, quæ infligit tantum relegationem, vel publicationem honorum partis dimidiæ, ut est in *Instit. de publ. jud.* Hæc autem constitutio infligit deportationem bonorum omnium, quæ semper, vel tacite sequitur deportationem, et publicationem, *l. ult. §. ult. inf. de sent. pass.* Et hæc quoque poenam constitutio ait ceteriorem esse, quam flagitium. Debuisset enim in tam nefandi stupri raptorem infligi poena legis Julæ de vi, quæ in raptorem est ultimum supplicium, quia insidiæ, quæ fiunt huic ætati, persuasiones, et blanditiæ vi comparantur, imo secundum legem Solonis, majorem poenam meretur vis, quæ sit verbis, et illecebris, quam quæ sit manu et viribus, quid hæc corpus tantum, illa etiam animum corrumpat, apud Plutarchum in *Quæst. et in Solone*, et Lysiam de Eratothenis corde. Debuisset igitur tutori infligi raptoris poena, sed Imperator est contentus poena deportationis, id est mediocri poena, quæ neque est poena legis Julæ de stupro, neque poena legis Julæ de raptu, aut vi publica. Turpius est stuprum in tutore, cujus fidei sunt commissi mores pupilli. Nec ineleganter Quintilianus *Declamat. 284.* duci proditori comparat tutorem violatorem pupillæ. Nam et hic quid aliud est, quam proditor pupillæ? Turpius inquam, est stuprum in tutore, maxime si non per matrimonium

qualecunque contractum sit : nam si tutor pupillam uxorem duxerit, puta paulo post, quam aroleverit (nam et sic intelligimus *corruperit*) sufficit poena legis Julæ de stupro, *l. 7. ff. ad leg. Jul. de adult. l. libertum, de rit. nupt.* Sed si eam corruperit citra matrimonium, huic constitutioni locus est, quæ proprie huic sceleri infligit deportationem, et ademptionem omnium bonorum. Dico jam ademptionem omnium bonorum, non publicationem, respiciens ad Novell. Leonis Philosophi 34. quæ bona tutoris addicit pupillæ, quam vitiavit, non fisco.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XI. De mulieribus, quæ se servis propriis junxerunt.

Specialiter etiam in hoc titulo agitur de alio stupro, quod mulier libera committit cum servo proprio, quod longe turpius et gravius esse, quam superius, genus poenæ, quod hæc constitutio infligit, satis demonstrat, nimirum capitis amputatio in muliere, et concrematio in servo, quem vocat verberonem, ut veteres etiam triverberonem, et flagrionem. Superius stuprum non vindicatur in utroque, sed tantum in tutore, et deportatione, non morte : hoc vero stuprum vindicatur morte in utroque. Et præterea illud servi deferentes non audiuntur secundum jus commune, quo servi non sunt justi delatores, aut accusatores : hoc autem servi deferentes ex hac constitutione audiuntur, et pro præmio delationis, si reos peregerint, convicerint, condemnaverint, libertatem consequuntur : utrumque tamen stuprum, et id, de quo hoc titulo agitur, et de quo superiore, est crimen publicum. Nam *l. 30. sup. ad l. Jul. de adult.* adulterium tantum eximit numero publicorum judiciorum permittendo accusationem adulterii quinque tantum personis, nec loquitur de stupro. Ergo etiam hodie omne stuprum est crimen publicum, et excepti adulterii, quod longe tamen est gravius : ratio est in *d. l. 30.* ne temere deformatur aliena matrimonia. Itemque tam hoc, quam illud stuprum mitius punitur, si per matrimonium contractum sit, puta in hac specie servo manumisso, ac dein optato in matrimonium, quod quidem coeretur, sed non poena hujus legis, sed mitiore, quia contractum est sub honore, sub specie honesta matrimonii, *l. 3. sup. de nupt.* et in Novella Leonis et Anthemii *de mulieribus, quæ se servi propriis junxerunt*, et apud Paulum

2. *Sentent. tit. de nupt.* Quod autem sit hæc constitutio (*fili etiam, quos ex hac conjunctione habuerunt, etc.*) hæc minus vulgo intelligitur, et omnino ejus partis interpretatio sumenda est ex *C. Theod.* in quo hæc constitutio extat plenior, alioquin secum ipsa pugnare videbitur: nam prima parte et mulierem et servum ultimo supplicio afficit: secunda parte bona mulieris et servi addicit legitimis hæreditibus mulieris. Hæc sunt contraria: nam numquam accidit, ut qui morte damnatur, non etiam publicetur, imo morte damnatum tacite sequitur publicatio, sive confiscatio omnium bonorum, sicut deportatione damnatum. Verum ex illo Codice patet, hanc partem tantum esse sumendam de ea, quæ (ut ita dicam) nupsit illicito servo proprio ante hanc constitutionem, quæ capite non punit, sed distracto eo contubernio interdicitur ei patria et provincia, servus autem relegatur in insulam, et filii ex eo contubernio procreati, liberi quidem sunt, quia matris conditionem sequuntur, qui ex servo et libera nascitur, liber nascitur, ut Institutiones docent, *tit. de ingen.* Sed sunt infames, et incapaces hæreditatis matris ex hac constitutione: quoniam non ad eos intestatæ matris pertinet hæreditas, sed ad filios legitimos, si quos haberet, vel proximos cognatos simul cum bonis servi, tanquam mulieri quæsitis, et cum bonis etiam eorum filiorum, qui nati sunt ex eodem contubernio. Et ex eodem Codice etiam legendum est in fine hujus legis (*id autem, quod ille, qui quondam amatus est*) non condemnatus est. Nam in constitutione integra ter fit mentio amati, et intelligitur is, cujus domina amore exarsit. Verum post hanc constitutionem, si mulier libera junxerit se servo proprio, uterque ultimo supplicio afficitur, nec alium heredem habent, quam fiscum. Hoc enim consequens est capitali pœne.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XII. Ad Legem Juliam de vi publica, seu privata.

Superiores tituli sunt de stupro contracto sine vi, quod vindicatur lege Julia de adulteriis, et stupro. Stuprum autem, quod vi contrahitur, non pertinet ad eam legem, sed ad legem Juliam de vi, *l. vim, in princ. ff. ad leg. Jul. de adult.* de qua lege Julia de vi dicere instituit, ut exposita ejus potestate, et pœnis, deinde in titulo sequenti, dicat de stupro vi commissio. Alia autem est lex Ju-

Tom. IX.

lia de vi privata, cujus pœna est publicatio tertie partis bonorum, et relegatio, *l. 2. et 6. hoc tit.* videlicet si vis sine cruce fuerit illata: nam si crux intervenierit, etiamsi eam cruce non fecerit, qui vim suscepit contra aliquem, ut pater, qui vi tentavit occupare possessionem alienam, tamen ultimo supplicio afficitur tanquam homicida, quia mortis causam præbuit, nec auditur appellans, si vim fecisse convectus fuerit, quæ est sententia admodum singularis *l. 6. hoc tit.* Et notandum etiam ex hac lege Julia de vi privata etiam servos puniri, ut in *l. 4. et l. servos, hoc tit.* si vim privatam fecerint, quod nullo modo pugnat cum *l. hos accusare, §. omnibus ff. de accusat.* Quæ tamen negat, servos teneri lege Julia de vi privata, hac ratione, quod in eos non cadat pœna ejus legis, quæ est publicatio tertie partis bonorum, et servi non habent bona. Sed dicimus non teneri quidem servos proprio ipsa lege Julia de vi privata ob eam rationem, sed exemplo ejus legis, ex constitutis onibus servos, qui vim privatam admiserunt puniri supplicio ultimo extra ordinem præfinitum lege Julia. Alia est lex Julia de vi publica, cujus pœna est deportatio, vel mors: deportatio plerumque mors duobus, aut tribus casibus, si quis homo occisus sit, ut *l. 6. hoc tit.* vel si servus vim publicam fecerit, ut *l. servos, hoc tit.* et accusetur criminaliter ex constitutionibus factis ad legem Juliam de vi publica, quo casu dominus eum tantum debet exhibere. Defendere potest, non autem pro eo conveniri, ut in *l. 4. sup. de noxal. act. l. 2. sup. de accusat.* Et tertius casus est, si liber homo raptus sit: nam et hoc casu pœna legis Juliane de vi publica est mors, *l. 5. §. ult. ff. ad leg. Jul. de vi publ.* Quæ autem sit vis publica, et quæ privata, non facile est definire: nam harum appellationum significatio sæpius est mutata. Olim vis publica erat vis immoderata et iniqua publicarum personarum, ut in specie *l. 1. hoc tit.* recte dices, apparitorem magistratus (*quæ est persona publica*) qui ob debitum marito ex causa judiciali capit pignori res uxoris, vel qui ob munus civile datum marito (quod qui detractat, pignoribus captis coercetur, *l. si quis magistratus ff. de muner. et honor. l. nominatori, sup. de pign.*) Qui igitur ob munus civile, quod detractat maritus, pignori capit res uxoris, vim contrahere videtur, videlicet publicam, quod et Græci addunt ad *l. 1.* Sane vis publica ea est, quam infert publica persona contra jus, fasque pium, et privata, quam privatus infert. Et hæc fuisse veterem definitionem vis privatæ et publicæ demonstrat Paul. 5. *Sentent. eod. tit.* et Isidorus 5. *Etymolog.* At longe aliam postea nobis juris auctores, minusque firmam aut perpetuam definitionem tradiderunt vis private

157

et vis publicæ, in Institutionibus nimirum, ubi vis privata definitur, quæ sit sine armis: publica quæ cum armis, quæ definitiones periculosæ sunt quia non sunt semper veræ, sed plerumque tantum, quia vis armata plerumque est vis publica. propterea quod omni armorum motu offenditur, et perturbatur publica securitas, et vis privata fere nunquam est armata vis, sed inerms, nisi quis malit leviori judicio confidere, et vim publicam persequi, atque ulcisci, ut privatam mitiore judicio electa lege Julia de vi privata, missa lege Julia de vi publica. Non esse perpetuas has definitiones apparet, quod vis publica nonnunquam sit etiam sine armis, ut *l. mariti, §. ult. ff. ad leg. Jul. de adult.* si quis per vim stuprum intulerit, vim publicam committit, etiamsi hoc fecerit sine armis, nec enim arma exigit. Itemque, ut in *l. 3. hoc tit.* quam et Græci recte accipiunt de vi publica, si quis rapuerit, aut incluserit librum hominem, etiam sine armis, vis est publica, quia scilicet libertatis tutela est publica, quæ videtur vi allata libero corpori. Eademque ratio est, si quis convocatis hominibus non armatis vim fecerit, quo liber homo verberaretur, vis est publica, *l. qui dolo, §. pen. ff. ad l. Jul. de vi publ.* Vis publica dici hoc casu potest: quia minuit libertatem civium, cujus publica est tutela. Idem etiam evenit in specie *l. ult. ff. eod.* si quis nova vectigalia exigit sine auctoritate publica, quia vectigalium ratio pertinet ad Rempublicam, et qui sine auctoritate publica ea exigit, vim Reipublicæ inferre videtur, cujus res est. Item in specie *l. 3. eod.* si quis per vim aliquem sibi obligaverit. Quam obligationem lex Julia de vi publica ipso jure rescindit, nec addit: si arma adhibuerit: sed si per vim qualemcumque aliquem sibi obligavit, vim esse publicam, quia obligatio est juris vinculum, quod non vi, sed jure publico contrahitur, et nil est magis contrarium juri, quam vis. Et ita rectius statues, et tutius, vim publicam esse eam, quæ contraria est rei, jurique publico principaliter, vel per consequentias: qua ratione et vim privatam qualemcumque potes arguere ut publicam, quod per consequentias sit contraria juri publico: sicut etiam tibi licet vim publicam, si velis mitiore judicio agere arguere tantum ut privatam, spectans tantum privatum damnum, non publicam utilitatem, ut in specie *l. qui dolo, §. pen. ff. ad leg. Jul. de vi publ.* juncta *l. 2. ff. de vi privata.* Invenio etiam in *l. 3. ff. ad leg. Jul. de vi publ.* vim publicam esse, si quis ex incendio aliquid rapuerit præter materiam, inquit: nam materia, quæ scilicet est parata ad ædificandum, vel faciendum, ex incendio rapinus impune, quia auferimus materiam incendi, modo id fiat non lucri faciendi animo. Et ita ex incendio quilibet rapit impune materiam, sed

si quid aliud rapiat, est vis publica, nec dicitur, si rapiat cum telo, cum armis, sed simpliciter si rapiat. Cur est vis publica? quia maxime interest Reipublicæ, ut in illa trepidatione incendii quæ publica est, fides servetur inter cives. Et si quid quis ex incendio rapuerit, ut publicæ utilitatis causa id vindicetur, denique ut vindicetur. ita respub. ut ait *l. 1. §. merito, ff. de pos.* Concludamus igitur, vim publicam esse, quæ contraria est rei, juri publico, privatam, quæ est contraria rei, juri privato.

Ad L. VII.

Si quis ad se fundum, vel quodcumque aliud assertit pertinere, ac restitutionem sibi competere possessionis putat: aut civiliter super possidendo agat, aut impleta solemnitate juris, crimen violentiæ imponat: non ignarus eam se sententiam subiturum, si crimen obiectum non poterit comprobare, quam reus debet excipere. Quod si omitta interpellatione vim possidenti intulerit, ante omnia violentiæ causam examinari præcipimus, et in ea requiri quis, ad quem pervenerit possidentem: ut ei, quem constiterit expulsum, amissa possessionis jura reparentur: eademque protinus restituta, si criminalis quaestio agitur, violentus poenæ non immerito destinatus in totius litis terminum differatur: ut ag lato negotio principali, si contra eum fuerit judicatum, in insulam deportetur, bonis omnibus abrogatis.

Certum est, eum, qui possessionem fundi, vel ædium, quam alius possidet, ad se pertinere putat, de ea recuperanda, aut civiliter experiri generali interdicto restitutorio momentariæ possessionis, vel interdicto unde vi, aut criminaliter agere ex *l. Jul. de vi privata, vel publica, vel ex constitutionibus, subscribendo in crimen, ac proinde aduendo periculum calumniæ.* Et hoc vel illo modo illi agere licet, qui possessionem ad se pertinere putat, quam alius tenet, etiamsi creditor sit, qui eam possessionem per vim occupaverit sui crediti servandi causa, *l. 3. hoc tit. l. ult. ff. ad leg. Jul. de vi priv.* Loquor de creditore chirographario (qui n' a nul gage) nam pignoratitius creditor, qui ex lege conventionis sine judicis auctoritate ingreditur per vim possessionem fundi sibi pignorati, vim facere non videtur, id est, non tenetur *l. Julia, l. 3. sup. de pign.* Et ita Paul. 3. Sent. ait, creditorem chirographarium si sine jussu judicis per vim debitoris res occupaverit, in legem Juliam de vi privata committere: pignoratitium autem creditorem, etiam sine judicis auctoritate pignora persequi, et vindicare posse. Nec huic sententiæ obstat *l. 3. inf. de vi bon. rapt.* quæ ait,

crimen creditorem committere, id est, vim, qui res sibi obligatas occupat, quique eas rapit sine iudice, quoniam respondeo, eam legem non loqui de pignoribus, sed de rebus obligatis, id est, de hypothecis. Pignora traditione constituuntur, et semel tradita, si forte creditor amittat, et sine iudicis auctoritate vi auferat, debitori, ad quem pervenire, vim non facit, quia hoc facit ex lege conventionis, quae talis est, ut ea pignora teneat. Hypothecae autem constituuntur nuda obligatione, nuda pactione sine traditione. Has si creditor debitori per vim auferat, vim facit, quia non id convenit inter eam et creditorem, ut eas haberet et teneret, sed ut ei tantum jure hypothecae nexae et obligatae essent, quas nec posset persequi, nec vindicare, nisi per iudicem actione hypothecaria. Et haec obiter de creditore dicta sint. Redeamus modo ad id quod initio proposuimus, eum, qui possessionem, quam alius tenet, ad se pertinere putat, de ea agere, vel civiliter, vel criminaliter posse, et debere. Quæro quid fiat, si neque de ea agat civiliter, neque criminaliter, sed sibi ipse jus dicat vi expellendo possessorem, et ut aperte ostendit *hæc l. 7.* Primo ante omnia, inquit, expulso est restituenda possessio sine mora, momenti beneficio. Spoliatus ante omnia, ut dicitur, est restituendus, deinde querendum est, uter sit dominus ejus rei, et si probetur non fuisse dominus, qui vim intulit possidenti, tum criminaliter cum eo agi potest, ut ex hac constitutione subjiciatur poenæ legis Juliae de vi publica, id est, deportationi. Unde apparet de vi criminaliter non agi, antequam actum sit civiliter de possessione, et proprietate, quod congruit cum decreto Severi, *l. 1. sup. de appellat.* quæ aperte ait, prius esse querendum de possessione, quam de crimine. Congruit etiam idem cum alia constitutione Constantini, ut integra relata est apud Julium Frontinum *de limitibus agrorum*, et partes ejus legis sunt *l. 3. sup. fin. regund. et l. 5. sup. unde vi.* Ergo ex illo decreto Severi et ex duabus constitutionibus Constantini, id est, *h. l. 7.* et illa, quæ est apud Frontinum, prius agitur civiliter de possessione, et proprietate rei, quam de crimine vis, aut vi ereptæ possessionis. Sed tamen hoc pugnat cum decreto quodam, seu rescripto Adriani, sive D. Pii, quod refertur, non etiam (ut opinio mea fert) probatur in *l. qui cætu, §. si de vi, ff. ad leg. Jul. de vi publ. et l. si de vi, ff. de jud.* ubi aperte ait, prius esse querendum de vi. Quod quid aliud est, quam prius agi de crimine, quam de possessione, vel proprietate? Nam vulgo stulte interpretantur de vi civiliter; quasi alia sit questio de vi civilis, alia de possessione, quæ una eademque est: ergo ut et plenius docet quinta Observat. cap. 15. illis locis proponitur ex

decreto Adriani, qui et Pius dictus est, esse prius de crimine querendum, quam de possessione vel proprietate. Et hoc etiam congruit cum regula veteris juris, ut prius de re majori queratur, prius de criminali, quam de civili questione, *l. a tuterit, sup. ad leg. Jul. de adult. l. ult. sup. de ord. judic.* Sed illa lex ult. (quod notandum) ait, ita sæpe fieri, ut criminalis causa præferatur civili. Regule juris constituuntur ex iis, quæ sæpe fiunt: nec enim ullæ sunt regulæ perpetuæ, quæ nunquam nos fallant. Ergo caute ait lex illa ultima, ita sæpe fieri, non semper: nam in causa vi ereptæ possessionis, quamvis ex illo decreto Adriani ita fiat, hodie tamen non ita fit ex posterioribus constitutionibus, puta ex decreto Severi et Constantini legibus ex *hæc l. 7.* quæ aperte vult, differri criminis causam, antequam actum sit de possessione et dominio. Et harum constitutionum posteriorum recte Græci hoc loco notant, hanc esse rationem, quod forte is, qui prius egit civiliter de possessione interdicto unde vi, satis habebit possessionem sibi restitui, nec ea restituta sibi volet inscribere in crimine de vi, et subire aleam iudicii, periculumque talionis, et sic fieri potest, ut causa civili perducta ad finem, restituta possessione, omittatur causa criminalis. At contra, si prius agatur criminaliter, finis hujus iudicii criminalis non adferret finem civili, quia qui vim passus est, nondum rem suam recepit, etiamsi reum peregerit criminaliter. Fit autem hujus legis 7. simul ac 6. hujus tituli, vel *l. 1. 2. et 3. Theod. cod. tit. mentio in l. 14. C. Theod. quorum appellat. non recip.* quæ plane declarat, has leges sic esse interpretandas, ut nos sumus interpretati, maxime dum nominatim ait, hanc legem Constantini velle vigere vindictæ differri post totius negotii exitum, id est, criminale iudicium postponi civili, totum negotium est de possessione et proprietate, et principale negotium de proprietate, sic vocatur in hæc leg. 7. ut principalis questio, id est, de proprietate, *l. nulli, sup. de jud.* Totum ergo negotium civile prius finire debet, quam veniatur ad iudicium criminale de vi, ut inquit, si procacem vesaniam, id est, audaciam ejus, qui vim intulit, principalis negotii discussio publicasset, convictum affligat, aut medietatis amissio, aut mors deportationis. Et quod ait (medietatis amissio) respicit ad id quod in Codice Theodos. additur in extremo hujus *l. 7.* videlicet *l. 3. C. Theod. cod. tit.* Quid vero additur? ut si in iudicio proprietatis, in iudicio principali probetur fuisse dominus is qui vim intulit possidenti, deinde in iudicio criminali, quod sequi debet, mitius puniatur, id est ut non plectatur deportationis, sicut cum probatur, eum non esse dominum, sed ut plectatur tantum publicatione dimi-

die partis rei suæ, quam per vim abstulit, altera autem dimidia pars, ut in suo dominio permaneat. Sed cur noluit addere Tribonianus ad hanc legem, quod est simplicius in *C. Theod.* unde hanc legem sumpsit? Optima ratione, quia post Constantinum aliis Imperat. placuit, hoc etiam casu, cum dominus rem suam vi abstulit possidenti, publicari totam eam rem, non dimidiam partem, sed assem, *l. si quis tantum, sup. unde vi.* Illo loco dominum ejus rei amittat. Non dicit, cui cedat dominium, aut in quem ab illo transeat, sed proculdubio intelligere debes, cedere, et transferri in fiscum dominium totius rei, ut sicut olim dimidia pars publicabatur: et ita hodie totum publicetur. Et ita hæc sunt expl. canda.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XIII. De raptu virginum, vel viduarum, vel sanctimonialium.

Stuprum, vel adulterium vi commissum vindicatur lege Julia de vi publica, *l. mariti, §. ult. l. vim, ff. ad leg. Jul. de adult.* Item vindicatur constitutionibus, et severius multo. Leges Juliane mitiores sunt constitutionibus. Nam et quæ alia vi allata, *lex servos tit. prox* ostendit majorem esse poenam constitutionum, quam legis Juliane, cum dominos, qui per servos sine vim fecerunt, si sint honestiores, subijciunt poenæ legis Juliane, si viles et infames, poenæ constitutionum, tanquam majori, ut in *l. capitalium, §. ult. ff. de poen.* Majores in omni supplicio semper severius punivisse infames, quam integræ famæ homines. Est autem proprie hic titulus de stupro commissio in virginem, aut viduam, aut sanctimonialem, quæ et devota virgo dicitur iis, qui purius loquuti sunt, Ausonio et Ambrosio, et ut dicatur etiam Nonna vetustissimum est, et legitur non tantum apud Hieronymum de custodia virginitatis, castæ vocantur, et Nonnæ, sed quod mirum est, etiam apud Dionem, vel Xiphilum in Domitiano; Νόνναι καὶ γυναικες ευπίσται. Ubi (Nonnas) accipit pro virginibus. Constitutio etiam hujus tituli est de stupro commissio in Diaconissam, quæ servit ecclesie, quod patet ex *l. raptores, sup. de episcop. et cleric.* Venit etiam in hunc titulum adulterium vi commissum, quo casu jus est marito occidendi quemlibet deprehensum in ipso facinore sine ulli exceptione, cum tamen ex lege Julia, si sit adulterium sine vi, quemlibet deprehensum in ipso actu, in ipsa tur-

pitulione marito non liceret occidere. Sed hoc casu dicendum est, quoniam duplex est crimen, adulterium, et vis, deprehensum a marito quemlibet impune necari sine distinctione, sicut etiam raptorem virginis, aut viduæ deprehensum vult hæc constitutio impune necari a parentibus, vel fratribus, vel tutoribus, curatoribus, patronis, dominis. Item sive adulterium, sive stuprum sit vi commissum, est publicum crimen. Et *l. 30. sup. ad leg. Jul. de adult.* quæ adulterium non vult esse publicum crimen, est accipienda de simplici adulterio, non de eo quod vi junctum est. Hoc enim est publicum, et ejus poena est ultimum supplicium, et ademptio omnium honorum, ut cedant raptis mulieribus, si ingenuæ fuerint, vel ut cedant monasterio, si devotæ virgines fuerint, vel ut cedant ecclesie, si diaconissæ fuerint, quales habuit multas prima Ecclesia, et vero in iis definivit Apostolus ætatem sexaginta annorum. Sed quia juniores diaconissæ quandoque admittebantur, ut Hieronimus ostendit in historia Ecclesiastica, dum reddit causam ferendæ leg. nulla, *sup. de episc. et cleric.* quæ reducto præcepto Apostoli, jubet non admitti in ecclesia, nisi sexagenariam Diaconissam. Admittebantur igitur errore quodam etiam juniores, quibus poterat vis inferri. Na ergo auferuntur raptori ingenuarum, vel Deo dicatarum virginum, aut viduarum: at raptori ancillarum, vel libertinarum irrogatur quidem ex hæc constitutione ultimum supplicium, sed bona ei non auferuntur, quod est maxime dissimilium ultimo supplicio. Ac similiter consensu, et ministris hujus criminis ultimum supplicium irrogatur, bona non auferuntur ex hac constitutione. Et ita Tribonianus voluisse videtur interpolata constitutione de mulieribus, quæ se servis propriis junxerunt, ut heri ostendi, ut stuprum commissum cum servo proprio puniretur quidem morte utriusque, sed bona legitime successionem reserventur, atque ita, ut capitale supplicium non sequatur publicatio bonorum, quod etiam vult hæc constitutio raptis ancillis, aut libertinis omnimodo, et raptis ingenuis, vel Deo dicatis, ut etiam capitale supplicium publicatio honorum non sequatur, sed cadant bona in dominium raptæ, vel ecclesie, vel monasterii. Item ex hac causa rei postulati non audiuntur oppositores præscriptionem fori: quilibet iudex de raptu est competens iudex, ut statuere possit. Item non audiuntur appellantes, quod ait Justinianus in hac constitutione se retinere ex lege Constantini, et intelligit *l. 1. C. Theod. eod. tit.* cujus pars est in *l. pen. sup. quib. ex caus. servi pro præmio libert.* Postremo interdicatur hac constitutione s'ricle nuptiis raptoris, ut *Novell. 143. et 150.* et mirum in modum damnatur matrimonium raptus scelere contractum, dum ait, nullo modo, nulloque tem-

pore licere consentire, vel principi, vel parentibus, ei, qui hostili more matrimonium studet sibi coniungere, et oportere ut quicumque vult ducere uxorem, eam petat a parentibus, vel aliis, quos decet. Unde sumitur hodie, quod est in usu, ut qui clam parentibus, aut cognatis duxit puellam, pro raptore habeatur, etiamsi volentem duxerit: quia nec velle videtur puella, quæ (ut est in *d. l. 1. C. Theod. cod.*) etiam propter vitium levitatis, et sexus mobilitatem, et consilii, prohibetur a a postulationibus, et testimoniis, omnibusque rebus judiciariis. Atque etiam illæ insidias, seu blanditiæ, et illecebræ, ut heri dicebam, *pictæ tectoria lingua*, hamati sermones pro vi habentur, et quæ circumventa, seducta, sollicitata est, noluisse videtur, *l. 3. §. si quis volentem, ff. de lib. hom. exhib.* Merito igitur, qui seductam duxit, clam iis, a quibus ut dicebat petenda erat, pro raptore habeatur, et tenetur poena huius constitutionis.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XIV. De emendatione servorum.

Vim, et raptum sæpe comitantur homicidia, ut etiam *l. 6. tit. 12.* notavit, et constitutio tituli superioris. Ideoque post legem Juliam, et constitutiones de vi, et rapto, consequenter dicturus de homicidiis, quæ lege Cornelia vindicantur, et constitutionibus factis ad eam legem, prius vult dato hoc tit. ab ejus legis tractatione semovere homicidia servorum, commissæ a dominis, quæ lege Cornelia non vindicantur, imo per eam dominis in servos jus est vitæ, necisque. At ex constitutione huius tituli, dominus reus est homicidii, qui servum occidit dolo malo, et animo occidendi, non etiam si servus forte a domino fustibus, aut flagellis castigatus, aut vinctus mox, aut paulo post interierit: hic enim casus domino non imputatur, nec, ut ait constitutio, in eo distinctio dierum observatur, quibus scilicet servus supervixerit post emendationem, aut vincula, quod recte Azo animadvertit respicere ad legem Dei pro tempore datam Judæis *Exod. 21.* quæ facit dierum distinctionem. His autem verbis constitutionis, (*ictu fustis*) neque flagellorum castigatio, nec fustium admonitio significatur (ex qua etiam præsumit, dominum habuisse animum emendandi potius, quam occidendi, docet constitutio initio dum ait, *loris, aut virgis, id est, flagellis, aut fu-*

stibus) sed significatur pondus clavæ, vel alterius ligni crassioris. Et ita his verbis (*ictu lapidis*) pondus saxi: nec enim quilibet jactus lapidis est idoneum argumentum animi comparati ad eandem.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XV. De emendatione propinquorum.

Ut tituli superioris constitutio dominis in servorum emendatione, permittit moderatam tantum castigationem, non immoderatam, non extremam poenam: ita hæc constitutio permittit tantum senioribus propinquis moderatam castigationem in juniores, si mediocre sit delictum, quod admiserint, quod possit intra privatos parietes de communi sententia propinquorum etiam mediocriter coerceri: nam si res graviores animadversionem desideret, offerendi sunt iudicibus, ut *l. 4. sup. de patr. potest.* Ut servi quoque a dominis, si gravior sit delictum, *l. circumcidere, ff. ad leg. Cornel. de sicar.* Quo exemplo, id est, collata castigatione, data dominis in servos, cum ea, quæ datur senioribus propinquis in juniores, dicam etiam hodie more majorum non licere propinquis mulierem adulteram, cui publicus accusator deest, coercere, quem morem retulit Suetonius in *Tiberio*. Et hoc dicam hodie ita esse post rescriptum Divi Marci, quo etiam domino non licet statuerre in servum suum non deprehensum, quem dicit cum uxore sua adulterium commisisse, *l. servos ff. de accusat.* Idemque etiam hoc argumento probatur: propinquis senioribus hæc constitutio hoc tantum dat, ut stultos juvenes, quos, ut ait, ad vitæ decora domesticæ laudis exempla non provocant, patrio jure corrigant. Atqui pater in filium forte infamem in novercam adulterii, nil statuere potest, sed eum debet offerre iudicibus puniendum, *l. 2. ff. ad leg. Cornel. de sic.* quam ita esse accipiendam, inscriptio arguit, quæ est de adulteriis: non potest etiam statuere in filiam adulteram, nisi simul cum adultero deprehensam in flagrante crimine ex lege Julia, ut loquitur constitutio tituli 13. et Demosthenes *κατ' ἀντὶ τῆς ἀνδραπορίας*. Ergo ex hac causa etiam propinquis senioribus in virores natæ nil statuere licet.

JACOBI CUJACII J. C.

In Lib. IX. Codicis

RECITATIONES SOLEMNES.

Ad Tit. XVI. Ad legem Corn. de Sicariis.

Hæc lex homicidia capitali pœna coercet, et ait generaliter, qui hominem occiderit, et ideo cujuslibet conditionis hominem comprehendit. Non dicit, ut lex Numæ, *qui hominem liberum dolo malo sciens morti duit*, sed qui hominem occiderit: proinde cujuscunque conditionis hominem, comprehendit etiam servum, et peregrinum, qui fuerit occisus, *l. 1. §. et qui hominem, ff. eod. tit. l. inde Neratius, §. si dolo, ff. ad leg. Aquil.* Immo, et cujuscunque ætatis infantem, seu imperfectum hominem, *l. pen. hoc tit.* et generaliter quoque quemcumque hominem, qui occiderit, modo fuerit pubes, aut impubes doli capax, *l. 6. hoc tit. l. 7. in fin. de pœn.* ut alio cap. ejusdem legis, *qui venenum malum fecerit*, M. Tullius pro Cluentio ait, *omnes viros, mulieres, liberos, servos in judicium vocari.* Et non eam tantum lex Cornelia coercet, qui occiderit, sed etiam eum, qui in publico cum telo ambulaverit occidendi hominis causa, *l. 7. hoc tit.* Lege Julia de vi publica tenetur (quod notandum) qui cum telo in publico ambulavit sine distinctione quoquo animo id fecerit, *l. 3. §. 1. ad leg. Jul. de vi publ.* Juxta legem veterem, *μὴ ἔξωπορεύειν.* Lege autem Cornelia tenetur, qui cum telo in publico ambulavit, cum hac adjunctione, hominis occidendi causa. Hæc duæ leges vere sunt fundamenta omnium rerum publicarum. His legibus stat omnis Respublica, omne corpus, omne collegium: his stetit hæc schola d'ni. In lege Cornel. additur adhuc, qui hominem occiderit dolo malo: nam si dolum, et animus absit occidendi, fortuito casu, vel improviso, non dolo malo, homicidium factum intelligitur *l. 1. et 3. hoc tit.* Dolum autem abesse qui dicit, id est, qui se non animo occidendi occidisse dicit, probare nique debet, se non occidisse animo occidendi, ut ait *l. 1. hoc tit.* Sicut qui dicit, se non injuriæ faciendæ causa aliquid fecisse, id etiam debet probari, *l. 3. inf. de injur.* Fecisse eum constat, occidisse constat: ejus est, quem constat occidisse, pargere suam innocentiam, et probare dolum malum abesse, id est, non occidisse animo occidendi. Dices ergo negantis est probatio: ergo negatio probari potest, quod omnes notant in *leg. 1.* Possima est collectio, quia hæc negatio non est simplex negatio, sed tacita adseveratio, se fecisse casu, ut ait *l. 3. hoc tit.*

Simplex negatio, veluli, non occidi, probari nullo modo potest hoc non fert rerum natura, ut probeatur negatio simplex, *l. actor, sup. de probat.* At negatio, quæ in se continet affirmationem, puta non occidi animo occidendi, quod est vi ipsa, occidi casu non animo, probari potest, puta ex genere ictus, ut in specie *l. 3. si ictus calcis forte præbuerit mortis occasionem: ex genere etiam ferri, quo percussit, ut in l. 1. §. propen. D. eod. tit. si clavi tantum percussit, vel ut ait, si cucuma percussit, quod latinum nomen relinimus in nostro idiotismo (un conquemar) quod vel etiam probari potest ex aliis circumstantiis: vel si probet se mortuo semper summo necessitudinis, et amicitie vinculo fuisse junctum, nec ullam fuisse causam inimicitiarum. Non coercetur etiam lege Cornelia homicidium, quod quis fecit, ne ipse occideretur, ut *l. 2. 3. et 4. hoc tit.* Quo tamen casu etiam occisori, et hoc jure utimur, opus est venia principis, quæ habeat adnotationem ipsius principis, id est, subscriptionem ipsius principis, ut caveatur, in *Novel. Valentiniæ, de homicidio casu facto.* Venia igitur indiget, alioqui punitur, et qui casu, non voluntate necavit, et qui necavit vitæ suæ tuendæ causa. Et quod in illa Novella caveatur, ut homicidii pœna non remittatur ei, qui casu hominem necavit, vel sui defendendi causa sine venia principis sine adnotatione, sine indulgentia: dico, sine adnotatione, quia non sufficit simplex indulgentia, quæ non habet adnotationem principis, sed indulgentias oportet principem manu sua subscribere, alioquin est inefficax indulgentia. Hoc idem quod caveatur ea Novella aperte demonstratur *l. 3. hoc tit.* etiam olim obtinuisse, dum ait, *eum, qui calcis ictu mortis occasionem præbuit, si hoc ita esse liquido probaverit, absolvi debere secundum id, quod adnotatione nostra comprehensum est.* Ubi miror Accursium non intelligere, quid sit adnotatio. Adnotatio est indulgentia admissi criminis subcripta manu principis. Et observandum ex inscriptione hujus legis, quæ in fragmentis Cod. Gregoriani talia est, et taliter etiam restituenda *Habe, id est, Salve:* nam et dicebant tenuiter, et aspirate: et est frequentissimum in C. Theod. *Habe Agatho carissime nobis*, qua salutatione princeps non utitur, nisi cum scribit ad præsides provinciarum. Et ideo ex inscriptione apparet, hanc legem fuisse scriptam ad Agathonem præsidem provincie, quoniam hanc salutationem præmittit. *Habe Ag. car. nob.* quod de genere inscriptionis est legenda. Observatio 1. c. 15. Nam et sic in *l. dominus sup. de appell.* *Habe Braclida carissime nobis*, et in *l. si quis, sup. de accusat.* *Habe Crispine carissime nobis*, et apud Eusebium in Historia sacra *χαίρει Ἀνδριανὲ τῆς ἐκείνης ἡμετέρας.* Porro Imperatores in hac *l. 3. Agathoni**

praesidi provinciae praecipunt, si ei probaverit, is, qui hominem occiderit, se ictu calcis mortis occasionem praebuisse, id est casu, non voluntate, ut eum absolvat: secundum quod, inquit, adnotatione nostra comprehensum est, id est, indulgentia, quam ei concessimus, sine qua, ut et Novella illa Valentiniani definit, homicidium casu factum non relinquitur impunitum. Homicidium autem factum dolo malo, ex ead. Nov. nec adnotatione principis remitti potest. Plures vero in hoc libro sunt ad eundem Agathonem leges eorundem Imperatorum, quarum inscriptiones eodem modo sunt restituentur, quantum vestigia extant manusciporum. Ex his est *l. 15. inf. de poen. l. 22. sup. de probat. l. 31. sup. de evict. l. 3. sup. si ignor. rem minor.* Verum ad huc posset quis dicere: *lex 5. ait, ictum calcis mortis praebuisse occasionem, at is, qui mortis causam praebet, perinde ac homicida punitur, l. nil interest, ff. cod. l. 6. sup. ad leg. Jul. de vi public.* Ergo et hic puniendus videtur non absolvendus. Dico differentiam esse inter occasionem, et causam, ut Philo-ophi docent. Occasio est accessio causae. Et ut huc commonstrem exemplis ex jure nostro petitis, causa acquendi legati est voluntas testatoris, quae pro lege habetur, *l. 12. tab. occasio, mors ejus, l. 31. D. de mort. caus. donat.* Causa domini acquirendi per usucapionem est *lex 12. tabularum*, ut ait Cicero *pro Caelina*. occasio, contractus, seu conventio bona fide facta, ex quo res aliena mihi tradita est *l. 33. cod. sic in homicid. o. voluntario causa est fraus occisoris, et in alia mala, occasio, ictus, gladii. In non voluntario, causa est, fatum, occasio est ictus calcis, vel clavis, vel percussio levis, vel quia alius casus.*

JACOBI CUJACII J. C.

In Lib. IX. Codicis.

RECITATIONES SOLEMNES

Ad Tit. XVII. De his, qui parentes, vel liberos occiderunt.

In quibusdam libris additur, ad legem Pompejam, ut in digestis, nec malo: nam etsi alia fuerit lex Cornelia de parricidiis, *l. 2. §. capta, ff. de orig. jur. l. ult. C. Th. ad leg. Cornel. de falsis*, tamen lex Pompeja magis fuit recepta tanquam novissima, quae pro parricidio etiam habet caedem cognatorum ex transverso, et affinum et patronorum, et conjugis uxoris, seu mariti. Proprie enim parricidium tantum committitur inter parentes et liberos, inter ascendentes et descen-

descentes, de quo solo etiam agit constitutio hujus tituli, quae id quoque vult, puniri more majorum, primitus virgis sanguineis caeso parricida, ut ait *l. pen. ff. cod. tit.* quales esse virgas lictorum apud Plinium legi, ex fructibus scilicet sanguineis, qui arboribus infelicibus adnumerantur a Macrobio 3. cap. ult. ut quemadmodum alii criminosi more majorum arbori infelici suspenduntur, ita parricidae caedantur sustibus ex arboribus infelici decerptis: deinde (ut huc constitutio declarat) insuantur culeo. *Juvenal.* Corio bovis. Cedrinus, *δῆπυρτι βοτῶν πτοδάπτει*, qui soit frèchement écorché; cum impiis animalibus impij homines, ut legimus in sententiis Adriani Imperatoris, quae habentur inter glossas veteres, et referunt etiam (quod nusquam alibi memini me legere) parricidam insutum culeo cum illis impiis animalibus plaustro juncto nigris habus, more majorum deportari in mare, et abjici in profundum: nova haec poena esse dicitur in *l. ult.* quae tamen est vetustissima, quia scilicet non erat in usu ante hanc constitutionem, non erat solennis poena: hodie igitur est nova. At valde est notandum, quod Sveton. scribit in *Augusto cap. 35.* hoc acerbissimo supplicio more majorum nec convictum, et manifesti parricidii reum puniri, nisi ultro confiteretur, nec confessionem extorqueri tormentis. Ideoque ut det argumentum lenitatis Augusti, refert eum manifesti parricidii reum, quod eum culeo insure non liceret, nisi confiteretur, interrogasse hoc modo, quasi suggerens, ne confiteretur: *Quid, inquit, patrem tuum non occidisti?* hoc est valde singulare, ut huc poena gravissima non exercentur in convictum, sed in confessum tantum sua sponte.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XVIII. De maleficiis, et mathematicis, et ceteris similibus.

Lex Cornelia fuit conjunctim de sicariis, et veneficiis. Unde solet quæri, quia scriptum est in *l. 2. §. capta D. de Orig. jur.* Cornelium Syllam quæstiones publicas constituisse, id est accusationes publicas, veluti de falso, de parricidio, de sicariis, et praetores quatuor adiecisse, qui scilicet de iis criminibus quærent ex suis legibus, omitta quæstione quarta, quoniam tantum tres quæstiones recensentur de falso parricidio, et de sicariis: quenam sit illa quarta quæstio, quæ

est omitta? et proculdubio non est de veneficiis, quæ sub nomine de sicariis satis intelligitur, cum in lege Cornelia jungantur sicarii, et venefici, quia non in solo ferro est homicidium, sed in veneno, vel etiam in vi carminis, ut Lucanus ait:

*Mens hausti nulla sanie polluta veneni
Incantata perit*

Et verius est, omittam questionem illo loco esse de injuriis, quoniam lege Cornelia etiam de injuriis publicum judicium fuit constitutum, *l. hos accusare, §. ult. ff. de accus.* sed forte est omitta publica questio de injuriis, quia abierat in desuetudinem. Et jam, ut a *l. 7. inf. de injur.* injuriarum questio non publici, sed privati erat judicii. De sicariis autem satis dictum est supra. Hic titulus est de veneficiis. Nam maleficorum appellatione etiam venefici, aut venenarii continentur, qui veneficiis, votis, diris devotionibus desigunt alios, qui fingunt ceræ imagines hominis necandi causa, aut cruciandi, quod glossa notavit in *l. 6. hujus tituli*. Et ita Ovid. in Epistola Hypsipiles:

Devovet absentes, simulacraque ceræ fingit.

Et Horatius, *Atque movere ceræ imagines, ut ipse nosti curiosus*: ubi curiosus, pro malefico, seu mago accipitur. Denique hic titulus est de venefic. unde statim in *l. 1. hujus tit.* admonemur plus esse veneno neci dare, quam gladio occidere. Nec igitur esse mirum, si venenarius eadem, quæ sicarius, aut majore, pœna plectatur. Maleficorum nomen latissime patet. Nam complectitur etiam Mathematicos: non qui Geometriam, Arithmeticam, Musicam, Astronomiam exercent, quæ artes sunt liberalissimæ, sed Chaldei, ut vocabantur, et Genethliaci impostores quidam Mathematicorum nomine adumbrantes suas ineptias, qui profitentur se fata cujusque nosse, et Natalitias syderum observationes; qui omnes, et his similes, arioli, vaticinatores, Magi, plerisque Senatusconsultis subjiciuntur pœnis legis Corneliæ de sicariis, et venef. *l. ex Senatuscons. D. ad leg. Corn. de sicar.* Et apud Ulpianum in Fragment. librorum de officio Procons. et apud Cornel. Tacitum multis in locis fit eorum Senatusconsultorum mentio, et coercentur tam discipuli, quam magistri: *l. pen. hujus tit.* Tertullianus lib. de idolat. de his impostoribus scribens, *eadem pœna est, inquit, discipulis, et magistris, et libri eorum comburuntur, l. cetera, §. 1. famil. etc.* Ubi vocantur hi libri improbatæ lectionis, juxta elegans illud præceptum Phocylidis: *παύσα μὴ τῶν καὶ μαγικῶν βιβλίων ἀνέχεσθαι*. Quod autem permittitur in *l. 4. hoc tit.* ut iis malis artibus uti liceret salutis ferendæ causa, frugum calamitate servandarum causa, quod ple-

rique faciunt, quos Seneca vocat *χαλαροφύλακας* quasi observatores grandinum, hoc recepit Paganismus, ut liceat improbatis artibus salutis serenitatis causa uti, et merito etiam hujus legis pars est abrogata Novella Leonis Philosophi 65.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titul. XIX. De sepulchro violato.

Superioribus proximi sunt sepulchrorum violatores, quia et magicis artibus dediti plerumque accidendis manibus consueverunt adire sepulchra, ossa legere, quod semel mihi videre contigit, mulierem scilicet legentem ossa, attractantem reliquias, ac deinde præbensam, et a judice interrogatam cujus rei causa sepulchra violaret, et defunctos inquietaret: respondisse, se maleficii causa hoc fecisse: ut plane dicam, recte maleficis esse proximos, aut maleficos resipere eos, qui sepulchra violant, qui lædunt religionem, qui sunt rei læsarum religionum, *l. 1. ut Tacitus, communi crimine læsarum religionum*, hoc est, violatorum sepulchrorum, in quos pœnæ statuuntur hoc titulo, et sunt constitutæ gravissimæ in clericos, *Novell. Theod. de sepulcher.* quia clerici potissimum (ut ait *Novella*) erant infames hujus criminis, et ideo gravius puniuntur. Ratio additur in ea Novella, quod vehementius sit puniendus, quem peccasse mireris. Notabo tantum, quæ sunt præcipua in constitutionibus hujus tituli. Noto primum ex *l. 1. relegationis* sui se pœnam convenientem servis, quoniam in ea servus, qui insciente domino sepulchrum violavit, in metallum datur: qui sciente domino, aut jubente tantam relegatur. Ergo cadit in servum relegatio, quod etiam ostendit *lex 2. ff. qui et a quibus manum*. Et *l. 1. C. Theod. de mulierib. quæ se propriis servis junx.* Unde apparet, quemadmodum sit sine cunctatione ulla accipiendum, quod ait *l. hos accusare, §. omnibus, ff. de accusat.* pœnam capitis, aut pecuniariam non cadere in servum, sicut relegationem. Quid hoc est, sicut relegationem? Utrum sicut relegatio etiam non cadit, an sicut relegatio cadit? Et hoc est verius: nam et ita loqui solent nostri doctores, *l. et non tantum, §. ult. ff. de pet. hæc. l. 3. ff. pro solv.* Noto præterea in *l. 3. hujus tit.* ut apparet non tantum ex *C. Theod.* sed ex libris manuscriptis, deesse verbum unum, scilicet, *nota.* quo loco ait

(*judicem, qui non vindicat hoc crimen, non minus quam viginti librarum auri poena*) quoniam legendum, non minus nota, id est, infamia quam viginti librarum auri poena puniri, perinde ac violatorem ipsum sepulchrorum, qui eadem poena pecuniaria punitur. Unde apparet etiam in l. 3. poenam sepulchri violati, verti in pecuniariam poenam inferendam fisco scilicet, aut largitionibus, ut ait l. 3. puta privatis. Nam comiti largitionum privatarum, Cassiodorus in formula ejus Comitum scribit fuisse commissam quietem defunctorum. Ea vero poena pecuniaria, ut dixi, est 20. librarum auri: nam et in l. 4. hujus tituli, Basilica habent viginti pondo, non decem pondo, alioquin confligeret l. 4. cum tertia. Itemque eadem l. 4. de sepulchro violato iudicium publicum facit, dum ait, sive quis propria sepulchra defenderit, sive quis alius accusaverit, hoc est, sive is, ad quem res pertinet, sive extraneus accusaverit: et sequitur, *vel officium nuntiaverit*. Nam et sic habent Basilica, et Codex Theodos. non *officio*, ut in l. 1. tit. 11. Sit omnibus facultas arguendi, sit officio copiam nuntiandi. Recte ibi, *officio*. Sed in hac l. 1. ut sit idem sensus legendum est, *sive quicumque alius accusaverit, vel officium nuntiaverit*. Nam quæ in aliis est accusatio cum inscriptione: in officiis, id est officialibus est nuntiatio sine inscriptione, l. ea quæ, *sup. de accus.* et crimen publicum dicitur id, cuius accusatio sollemnis potest omnibus, et nuntiatio officio sine solemnibus accusationis. Et præterea l. 4. ait, se hanc poenam accedere velle publici iudicii, et publicæ vindictæ de sepulchro violato, antiquo supplicio, prisce severitati, ut scilicet demonstret, se non tollere actionem popularem de sepulchro violato, quæ prisco jure competit cuilibet cessante eo, ad quem res pertinet ex edicto prætoris, quod proponitur in *ff. eod. De lege ult. hujus tit.* satis diximus in *Novella 60.*

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titul. XX. Ad legem Fabiam de plagiaris.

Alia fuit lex Cornelia de plagiaris, quod aperte indicat hic locus Apuleii libro 8. *Crimen, inquit, legis Corneliæ incurram, si civem Romanum pro servo vendidero: nam venditio civis Romani plagium est, l. 12. sup. de ingen. manum. leg. 2. ubi de crimine agi oportet. sed in legis Corneliæ locum successit lex Fabia, sicut in ejusdem legis de paricidio successit lex Pompeja. Et ut lex Poin-*

Tom. IX.

peja magis placuit, ita lex Fabia, qua plagiarii, qui et lavernæ, et fraganæ dicuntur in veteribus glossis, publico iudicio lenius coercentur, nimirum pecuniaria poena fisco inferenda, ut ait l. 6. Sed hodie ex constitutionibus addiuntur longe graviori, l. ult. *ff. eod. tit. l. ult. hujus tit.* Quæ lex, et dominum Alciatum, et omnes plurimum torsit, quoniam in statuenda poena plagii secum pugnare videbatur, cum in ea legebatur in prima parte (*teneantur*). Sed rem expedivit Codex Theod. in quo legitur (*tenebantur*) quo verbo significatur id quod est proditum in l. ult. *ff. eod.* quod plagiarii damnabantur in metallum. Sed secunda pars hujus legis ultimæ, infigit poenam graviores metallo. Alciatus perfide multa scripsit, id est, multos auctores adducit falso, et scripsit in Codice Theod. legi in hac l. ult. *ante cognitionem teneantur*, in eo, ante cognitum supplicium tenebantur, id est, metalli poena. Plagiaris autem sunt, qui sine vi dolo malo scientes abducunt liberos homines, atque supprimunt, aut distrahunt. Item qui servos alienos sine vi et furto abducunt, vel qui fugam eis persuadent. Et est in hoc tractatu nobilis questio, quæ sit ratio, ob quam non liceat fugitivum servum vendere, aut donare, ut in l. 6. *hoc tit.* Sed hæc ratio nuper fuit profligata in *Observat. 17.*

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXI. Ad legem Viselliam.

Tuetur lex Fabia ingenuos homines, quos plagiaris celant, et distrahunt. Lex Visellia etiam tuetur dignitatem, et privilegia ingenuorum, dum punit libertinos, qui honores solis ingenuis deferendos, veluti decurionatum, usurpant et adimistrant, vel si qui se gerunt pro ingenuis, cum sint libertini. Hanc injuriam lex Visellia ulciscitur, l. 1. *sup. quando civil. actio crim.* ut scilicet, ut ait constitutum hujus tituli, jus aureorum annulorum libertini impetrarint, quoniam hoc jure imagine quadam ingenuitatis utuntur, et adnumerantur in ordinem equestrem, cujus erat insigne aureus annulus. Ideoque etiam ita addi potest, et formari hæc exceptio, nisi libertini ab equite Romano adoptati fuerint, ut apud Svetonium in Claudio cap. 24. quoniam et adoptati ab equite Romano, perinde atque donati jure aurei annuli pro equitibus Romanis habentur, et pro ingenuis, et ingenuis debitos honores possunt gerere. Itemque multo magis est, si libertini natalibus fuerint restituti, quoniam

ii non imaginem tantum ingenuitatis habent, sed sunt vere ingenui. Et ita proditum est in *l. 1. inf. si servus, vel libert. ad decur. etc. lib. 10.* Fuit aliud caput legis Visellie, de quo Ulpianus *lib. regul. tit. de Latinis*, ut libertus Latinus fiat civis Romanus, si sex annis inter vigiles militaverit.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXII. Ad leg. Corneliam de falsis.

Habuius legem Corneliam de sicariis, et de veneficiis, qua etiam hodie utimur; habuius etiam legem Corneliam de parricid. sed versam in legem Pompejam: et legem Corneliam de plagiar. sed versam in legem Fabiam: sequitur lex Cornelia de falsis, quam nulla alia lex commutavit, vel in se convertit, sicut nec legem Corneliam de sicariis, et veneficiis. Hæc lex Cornelia de falsis dicta est testamentaria, quia fuit de falsis testamentis, et per consequentiam de falsis codicillis, ut in plerisque legibus hujus tituli. Et fuit etiam de veris testamentis que quis suppressit, vel subripuit dolo malo, qui perinde tenetur ac is qui falsa testamenta scribit, *l. 14. hujus tit.* Tam est falsarius, qui falsum testamentum scribit, quam qui verum, ut non appareat, celat, suppressit, vel amovet, subripit. Fuit etiam lex Cornelia de testamentis confirmandis, que vere quidem sunt, sed irrita facta testatore capto ab hostibus, si ibi decesserit, quia fingit lex eum decessisse in civitate, conjuncto tempore captivitatis, ac si mortuus fuisset in ipso articulo, quo captus est ab hostibus. Et de hoc capite legis Corneliæ est frequens mentio in tractatu de testamentis, et in titulo de captivis. In hoc autem tractatu publicorum judiciorum de illo tantum capite legis Corneliæ agitur, quo publicum judicium leges constituunt in eum, qui sciens dolo malo testamentum suppressit, vel subripit, ut verum non appareat, ut veritas occultetur, vel qui interlevit verum testamentum, aut resignavit vivi testamentum, vel qui falsum testamentum scripsit, signavit, signative curavit, aut recitavit, *l. 2. ff. eod.* Item in eum, qui signum adulterinum fecit, sculpsit, quo ob signatione adulterini annuli vitaretur verum testamentum, *l. 30. ff. eod.* quoniam tota ea lex fuit de testamentis, et constituit publicum judicium, publicam accusationem, et ut opinor, constituit poenam capitalem, id est, mortis poenam. Nam ita est propositum et proditum apertissime in *l. 1. et 5. h. t.* crimen falsi esse capitale: quod cum

dicimus, significamus id puniri ultima poena. Et sane etiam falsum crimen dicitur esse ex gravioribus, *l. 3. §. 1. ff. de decurion.* Sed post legem Corneliam poena falsi posterioribus constitutionibus facta est non capitalis, cum hæc exceptione, nisi capitalem infligi aliquando forte magnitudo commissi exegerit: alioquin poena falsi non est mors, sed deportatio. Et ita est proditum in *l. 20. h. t.* Ut non male in *l. transigere, sup. de transact.* falsi crimen ponatur inter ea crimina, quæ non irrogant poenam sanguinis, id est, quæ non sunt capitalia. At lege Cornelia dico fuisse poenam capitalem: nam quod est in *Institutionibus* leg. Corneliæ testamentariæ poenam esse deportationem, id tam est falsum, quam quod est in eisdem *Instit. de publ. judic.* lege Julia adulteros puniri gladio. Falsum est utrumque, si ad ipsas leges solas publicorum judiciorum, si ad nudas leges (ut sunt initio conditæ) respicias, non etiam ad *Senatusconsulta*, et constitutiones factas ad eas leges, quibus quæ poena cautæ est et subrogata, eam ipsis legibus publicis Justinianus accommodat et tribuit. Nam et illud etiam, quod est in *Institutionibus*, *l. Cornelia testamentaria eum puniri, qui aliud quodcumque instrumentum falsum conscripsit*, non est ex ipsa lege Cornelia, quæ tantum fuit de testament. sed ex *Senatusconsulto*. Varia facta sunt *Senatusconsulta*, quæ ampliarunt potestatem legis Corneliæ testamentariæ. Primum *Senatusconsultum* factum est Statilio Tauro, et Libone consulibus, ut Ulpianus scribit *l. 4. §. 1. de offic. procons.* quod *Senatusconsultum* in nostris libris dicitur *Senatusconsultum Libonianum*, quod sit factum Libone Consule, et Statilio Tauro. Eo *Senatusconsulto* redigitur ad poenam legis Corneliæ testamentariæ is, qui alienum testamentum scripsit, id est, qui est adhibitus scribendo alieno testamento, qui et testamentarius, et Ennomius dicitur, et in eo sibi adscripsit partem hereditatis, vel legati aliquam, qua de re in titulo se jactat. Sed eodem *Senatusconsulto* etiam poena legis Corneliæ testamentariæ irrogatur ei, qui aliud quam falsum testamentum sciens dolo malo scripsit, signavit, non a dolo subripuit, sed qui aliud instrumentum, quam testamentum scripsit, signavit. Unde in *Instit.* dum ait, *aliudve instrumentum*, notandum, hoc esse ex *Senatusconsulto Liboniano*, non igitur id tantum est de iis qui sibi adscribunt, de quib. tit. seq. sed etiam de eo, qui aliud quodcumque instrumentum falsum scripsit, signavit, ut perinde puniatur, ac si damnatus esset lege Cornelia testamentaria. Deinde aliud est factum *Senatusconsultum* Licinio et Tauro consulibus, ut idem Ulpianus ait eodem loco, quo legis Corneliæ poena irrogatur ei, quæ ob falsas testationes faciendas, testimoniave falsa invicem dicenda,

id est, mutua testimonia, sicut Græci dicebant, *de mihi mutuum testimonium*, aut ad testimonia falsa consignanda (testimonium, vel dicitur, vel in tabella scribitur et obsignatur) qui, inquam, hoc dolo malo curavit, de quibus nil erat cautum l. *Cornelia testamentaria*, nil de falsis testimoniis, sed de falsis testamentis. Tertium item Senatusconsultum, et omnia hæc Senatusconsulta sub Tiberio, ut Consules monstrant factum fuit Cotta et Messala Coss. ut idem Ulpianus scribit, quo eadem poena irrogatur ei, qui pecuniam acceperit ob instruendam advocacionem, testimoniave, id est, ut lis instrueretur advocatis et testibus, l. 20. ff. *cod. tit.* qui inquam ob instruendam advocacionem, et testimonia pecuniam acceperit, pactusve fuit, societatem coierit, aut aliquam obligationem interposuerit, sic legendum apud Ulpianum ex d. l. 20. Quartum et ultimum Senatusconsultum factum fuit sub eodem Tiberio duobus Geminis Coss. ut idem Ulpianus scribit, quibus Consulibus Dominus noster Jesus Christus cruci est affixus. Et eo Senatusconsulto facto duobus Geminis consulibus religitur ad poenam legis Corneliæ testamentariæ, qui coierit ad accusationem innocentium dolo malo: ergo erro. Nam hoc etiam, quod dixi, est tribuendum Senatusconsulto tertio, si quis coierit ad accusationem innocentium dolo malo: nam Senatusconsultum, quod fuit factum duobus Geminis Coss. poena legis Corneliæ afficit, auctore eodem Ulpiano, cum, qui ob denuntiandum, vel non denuntiandum, remittendumve testimonium pecuniam acceperit. Ulpiano debemus cognitionem temporum, quibus ea Senatusconsulta facta sunt, quibus Consulibus, quo imperante. Ceterum jam erat proditum in *Digestis*, superiora omnia etiam comprehendi Senatusconsultis lege Corneliæ testamentaria ad ea porrecta, l. 1. ff. *cod. l. 2. de concuss.* et in d. l. 1. ut l. 20. ostendit. Et quod autem retuli ex Ulpiano, est legendum, ob instruendam advocacionem testimoniave pecuniam acceperit, obligationem, pactionemve fecerit, societatem coierit ad accusationem innocentium, ut l. 2. ff. *de concuss.* Et ex his omnibus causis etiam Senatusconsultis constitutum est publ. jud. et publ. crimen, d. l. 2. ff. *de concuss.* Ergo recte dicam de quolibet instrumento falso esse publicum crimen, quod ita est cautum Senatusc. ut et publico crimine tanquam ex l. *Cornelia test.* teneatur, qui aliud instrumentum falsum scripsit, vel obsignavit: et non etiam dicam, quod sicut de testamento subrepto est publicum iudicium ex lege Corneliæ: ita dicam esse iudicium publicum de instrumento subrepto, ut verum non appareret, quoniam id non fuit expressum Senatusconsulto. Sed Senatusconsultum Libonianum loquitur tantum de eo, qui falsum testamentum scripsit, vel obsignavit, non de eo, qui ve-

rum amovit, vel celavit, qui potest accusari ea de re non a quolibet, sed ab iis tantum, ad quos ea res pertinet, l. 16. ff. *cod.* Denique de subrepto, vel suppresso vero testamento est publicum crimen ex l. *Cornelia*: de suppresso, vel subrepto alio instrumento non est publicum crimen. Etiam notandum est, crimen suppositi partus non esse publicum crimen, licet ad hunc quoque casum constitutiones porrexerint poenam legis Corneliæ testamentariæ, quod et falsum committit, quæ supponit partum. Et eleganter Græci ad l. 1. hoc tit. *δοῦναι γὰρ τὴν φύσιν αὐτὴν πλαστογράφειν*, id est, *videretur naturam ipsam fallere, quæ subjicit partum*. Et ideo ex constitutionibus tenetur poena legis Corneliæ, ac si falsum testamentum scripsisset, sed non est publica accusatio, quoniam constitutiones, quæ hunc casum subjecerunt legi Corneliæ, hanc tantum accusationem permiserunt iis, quorum interest, l. 30. §. 1. ff. *cod.* Verum, ut de falso testamento accusatio, vel de quolibet falso instrumento, aut testimonio, aut corruptela ex Senatusconsultis est perpetua, id est, durat usque ad 20. ann. Crimen omne finitur vicennio, id est, nisi quis instituat accusationem intra viginti annos, post id tempus non admittitur. Et hoc jure utimur. Ita etiam accusatio suppositi partus est perpetua, nullis clausa præscriptionibus temporariis, l. 12. h. tit. l. 19. ff. *cod. d. l. 2. Cod. Teodosian. eodem.* Illo loco, *accusatio nullis clausa præscriptionibus temporariis, scilicet, brevioris temporis*, ut accusatio adulterii clauditur præscriptione 5. annorum, et etiam peccatus: is præscriptionibus brevioris temporis, nec clauditur accusatio suppositi partus, nec ulla accusatio falsi, sed longo tantum spatio, id est, viginti annorum. Et in d. l. 19. ff. *cod.* notatur accusationis adulterii quod cum adulterio solet conferri suppositio partus. Sed est differentia hæc inter ea crimina, quod adulterii accusatio est temporaria 5. annorum, suppositi partus perpetua, id est, 20. annorum. Commune tamen hoc inter se habent adulterium et suppositio, quod ob pupillarem ætatem, ob infantiam filii, accusatio adulterii non differtur, l. miles, §. *defuncto*, ad l. g. *Jul. de adu't. l. Titia*, ff. *de Carbon. edict.* Quod tamen posset tentari, differendam esse accusationem adulterii in mulierem ob filium infantem, quem ex matrimonio procreavit, ne fiat præjudicium infanti. Sed hoc non est verum, quia potest mulier esse adultera, et infans revera procreatus ex eo matrimonio. Ergo, quod dicitur mater adultera non præjudicat infanti, hoc est statui infantis, quia potest defunctum patrem habuisse infans, et mater ejus fuisse adultera. Dico defunctum patrem matrimonio soluto morte patris, quæ questio status pueri vivo patre non differtur in pubertatem; sed tantum

mortuo patre, si moveatur post mortem patris ex edicto Carboniano. Ita vero ob infantiam filii non differtur accusatio partus suppositi post mortem patris adversus matrem ex hac causa instituta accusatione. Et hæc est sententia *l. 2. hujus tit.* Cur non differatur accusatio suppositi partus ob pueritiam filii, non eadem est ratio, quæ reddita est de accusatione adulterii non differenda, quod non faciat præjudicium puero: nam hæc accusatio suppositi partus sane facit præjudicium puero, quia si appareret mulierem supposuisse, si convicta et damnata fuerit suppositi partus, plane pro supposito haberetur, nec admitteretur ad bona patris, contra quam hic Accursius tentare conetur, *l. 1. §. ult. ff. de Carbon. edicto*. Sed alia est ratio quædam propria cur etiam differatur accusatio suppositi partus in tempus pubertatis filii infantis. Et ratio hujus rei proponitur in hac *l. 1. hoc t. t.* quia est verisimile, matrem accusatam suppositi partus ex fide causam suam acturam, quia capitis poenam subit, et vitæ periculum adit: quæ ratio non potuit reddi de adulterio similiter, quia non fuit capitale crimen. Et congruit cum hac ratione legis primæ hujus tituli *d. l. 1. §. ult.* quia utique, inquit, mater integra fide, et majore constantia causam est defensura recenti partus tempore. Et ideo non est necesse differri accusationem in gratiam pueri, quia nullus subest metus, quia strenue se defendat mater. At si forte damnata fuerit, ea sane res præjudicium afferet partui, et eum excludet bonis paternis. In hac *l. 1.* ratio dubitandi erat, quia cum queritur post mortem patris de statu pupilli, et bonis paternis, vel de statu tantum pupilli, questio differtur in tempus pubertatis, ut puta, si dicatur suppositus, quia metus potest esse, ne pupillus minus idonee defendatur. Sed hæc ita procedunt, si principaliter agatur de statu pupilli: sed si principaliter matri obijciatur crimen adulterii, vel suppositi partus, non est differenda accusatio in tempus pubertatis, sed representanda. Nec obstat *lex si ventris, ff. de ventre in poss. mitt.* quæ ait differendam esse accusationem alicuius rei, inquit, ventri fiat præjudicium, si mulier ventris nomine in possessionem sit missa, et ipsa accusetur, scilicet concepisse ex adulterio: accusatio plane tangit ventrem, atque adeo ei facit præjudicium, cum, quæ missa est ventris nomine in possessionem honorum paternorum, arguitur uterum gestare ex adulterio, non ex matrimonio. Sed apparet in specie legis *si ventris*, esse questionem principaliter de bonis paternis, in quæ missa fuit mulier ventris nomine, quo genere palam fit præjudicium utero, et ideo differtur accusatio adulterii. Sed si de adulterio queratur tantum publico iudicio, nulla mora pupillo, aut ventri questione honorum paternorum,

non differtur accusatio adulterii. Questio est de supposito partu: in hac *l. 1. hoc tit.* recte dicitur venire in iudicium, poenamque legis Corneliæ, quia et suppositio partus, falsitas est, et fraus facta naturæ, et cadit in generalem definitionem falsi. Quid est falsum? Paul. 5. Sent. *Quicquid in veritate non est, sed pro vero adseveratur*. Et August. in Soliloq. *Quicquid ad similitudinem alicujus est accommodatum, nec id tamen est, cujus simile apparet*. In hæc definitiones cadit suppositio partus, et omne genus falsi. Nam quæ proponitur definitio falsi in *l. quid sit falsum, ff. eod. de iur. temp.* proponitur, neque comprehendit hoc genus falsi, dum ait *lex, falsum esse imitari alienum chirographum, vel libellum, aut rationes alienas intercidere, aut describere*. Quod Jurisconsultus proponit, non quasi ea tantum veniant in crimen falsi, sed ut excludat a crimine falsi, sicuti subijcit, mendacium, quod quis inserit scripturæ propriæ, ac si diceret falsum est imitari alienam scripturam, non in propria scriptura mentiri, ut puta si quis in computatione, vel in ratione mentiatur dolo malo, si pro 10. ponat 22. Non omne mendacium falsum est: aliquod mendacium est falsum, ut falsum testimonium, quia edicitur pro vero, quod non est verum. Verum exponere pergamus de partu supposito, quæ resident adhuc. *L. 1.* ait, mortuo patre relicto filio impubere, propter ætatem filii impuberis, ne scilicet ei præjudicium fiat, accusationem suppositi partus, quæ in matrem intenditur, non differri in tempus pubertatis pueri, hæc ratio, quia non est quod metumus, inquit, ne puero fiat præjudicium. si interim agitur crimen suppositi partus, quia est verisimile matrem hanc causam defensuram ex omni fide, cum subeat periculum capitis. Quam rationem etiam expressit, sed aliis verbis Ulpianus in *l. 1. §. ult. ff. de Carb. edic.* Sed verba Ulpiani sunt valde vitata ab interpolationibus, et possunt, ut fit sæpe, vel solæ interpolationes male lectorem perducere in errorem. Itaque ea verba Ulpiani ita distinguenda sunt: cum vero mater res postulatur, utique integra fide et majore constantia causam defensura, deinde lege uno spiritu, recenti tempore dubium non est cognitionem fieri oportere. Et ita perspicua ratio et sententia Ulpiani erit, et nimirum sensus est: cum mater suppositi partus res postulatur, quia certe est causam suam defensura integra et majore constantia, quam pupillus, si de statu cum eo principalis esset questio, non cum matre de partu supposito. Quia igitur certe mater causam suam ex fide defensura est, et totis viribus, cum agatur de ejus capite (est enim capitale crimen suppositi partus) ideo absque ullo metu præjudicii futuri in perniciem pupilli recenti tempore, id est, presenti

tempore, ut ait *l. 2. ejusdem tit. de Carb. edict.* in recenti, ut ait *l. si diutino, ff. de pœnis, l. si creditores, ff. de reb. auctor. jud. poss.* Denique recenti tempore, id est, in presenti, id est, re non dilata in tempus pubertatis, de crimine suppositi partus cognoscendum esse. Ergo recenti tempore dubium non est cognitionem fieri oportere, id est, cognitionem suppositi partus statim re presentari oportere. Quod autem subjicit in eo §. post eventum cognitionis, si suppositum partum apperverit, si damnata mater fuerit, pupillum excludi bonis defuncti, quem mulier asserebat esse patrem pueri falso, quia est convicta et condemnata. Hoc, inquam, quod ait ille §. pugnat cum regula juris, ut res inter alios judicata aliis non noceat. Nam rem judicatam contra matrem ait nocere filio, cum quo lis non fuit, ut nec admittatur ad bona defuncti tanquam filius. Et illa regula efficit, ut contenderit Accurs. in hac *l. 1.* damnationem matris non nocere filio, contra sententiam manifestam *d. l. 1. §. ult.* Sed movere illum non debuit illa regula juris: nec enim semper locum habet, sed distinctiones quasdam admittit, ut ait *l. saepe, ff. de re judic.* Certe hoc casu fallit hac ratio, quia et si lis iudiciumque cum matre fuerit, non cum filio, tamen palam est iudicatum, defunctum patrem ejus non fuisse, supposititium illum fuisse, quod non potest non præjudicium afferre postea volenti agere de bonis defuncti, tanquam patris, quia manifestum est præjudicium: quæ sunt manifesta, non possumus effugere, quæ in nos pronuntiata d'erte et evidenter sunt. Et hæc de supposito partu. Nunc ad *l. pen. et ult. hujus tit.*

Ad L. Pen. et Ult.

Sciendum est, de falso agi posse non tantum criminaliter publico iudicio, sed etiam civiliter privato iudicio, et altero iudicio alterum non consumi, utroque licere experiri, ut definit *l. 1. inf. quando civil. act. præjud. crim.* Et statuit idem etiam esse in omnibus, ut de eis et civiliter et criminaliter agi possit: ut civiliter, hoc postulat utilitas privatorum: ut criminaliter hoc postulat vigor publicæ disciplinæ, *l. locatio, §. quod illicitè, ff. de public. et vectig. et comm.* Et ita de vi agitur criminaliter ex lege Julia, et civiliter interdicto unde vi, vel actione vi bonor. rapt. De homicidio etiam est actio civilis internecini, sic appellata *l. 14. C. Th. de accusat.* et criminalis ex lege Cornelia. Item de sepulchro violato est actio civilis ex edicto prætoris, et criminalis publici iudicii, *l. 4. sup. de sepul. viol.* De adulterio quoque est criminale iudicium ex lege Julia, et civile, quo agitur de repetenda dote, aut lucrifa-

cienda, *l. ult. sup. ad leg. Jul. de adult.* Fuit etiam olim de adulterio ante Justinianum, qui enim sustulit, actio civilis de moribus, de qua in *l. 8. ff. de pact. dotal.* Sed in ea hoc erat singulare, quod maritus, qui elegerat actionem civilem de moribus, postea non poterat accusare mulierem adulterii lege Julia, *l. 1. C. Theod. Victum civiliter, criminaliter agere posse;* ubi excipit actionem de moribus. Et videtur etiam hodie nos debere excipere actionem furti civilem in duplum, vel quadruplum, ut qui eam elegerit, et duplum, vel quadruplum fuerit consequutus, non possit postea furti criminaliter agere: nam e contrario si elegerit criminalem persecutionem in furem, et simpliciter consequutus fuerit, id est, rem subreptam, sane postea non potest agere civiliter in duplum, vel quadruplum, *l. interdum, §. qui furem, ff. de furt.* Cur hodie non utimur actione furti civili? quia eligimus criminalem, et extraordinariam criminis persecutionem. Alias vero civilis actio non consumit criminalem, et vice versa criminalis, si electa sit, non consumit civilem. Nam ut et aliis exemplis commonstremus hoc, est de plagio actio civilis servi corrupti, vel furti, si quid servus, cui fugam suasi, subripuerit, quod ego receperim, *l. 2. et 12. sup. ad leg. Fab. de plag.* Est etiam interdictum de libero homine exhib. civile iudicium, *l. 3. ff. de lib. hom. exhib.* Et præterea criminale ex lege Fab. de plag. Item quod libertinus se egerit pro ingenuo, est civilis actio, de debitis operis patrono ex stipulata, vel jurejurando, et criminalis accusatio ex lege Visellia, *l. 1. sup. tit.* quæ fuit lata tempore Tiberii, Cornelio Cethego et Visellio Varrone Consul. Et similiter de suppresso testamento est interdictum de tab. exhib. civile iudicium, et criminale ex lege Cornelia testamentaria, *l. 3. §. si quis dolo, ff. de tabul. exhib.* nec altero alterum consumitur, sed utroque iudicio experiri licet. Item de alio quolibet falso et civiliter et criminaliter potest agi, ut initio dixi, et probant multæ leges hujus tit. et maxime *l. pen. et ult.* Exincto vel finito civili (exstinguitur indulgentia principis, per græce, per pardon, finitur sententia iudicis) exincto, inquam, aut finito criminali iudicio falsi, superest civile, *l. 9. A. tit.* Itemque cessante iudicio criminali, superest civile, ut in *l. 3. filius matrem non potest accusare falsi, aut patrem criminaliter, filius non potest accusare matrem suppositi partus criminaliter:* ceterum civiliter de ea re potest cum ea agere leviori iudicio, quale est omne civile iudicium, *d. l. 3. l. hi tamen, §. 1. ff. de accus.* contra finito iudicio civili falsi, superest criminale, *l. 16. et pen. hujus tit.* Denique altero alterum non tollitur, et sive agatur de falso civiliter, sive criminaliter, *l. ult. h.*

tit. ostendit, probationes exigi tam ab actore, quam ab reo, probationes exigi ab eo, qui proferit instrumentum, ut doceat esse verum, et ab eo, qui id arguit esse falsum. Et sumpta est illa lex ultima ex *l. 2. C. Theod. de testament.* et congruit cum ea *l. 4. Cod. Theodos. de fide et testibus*, et *l. ult. pen. de fide instrum.* Nec hoc est novum, ut iudex probationes exigit ab utraque parte, cum etsi sit controversia de genere, de gente, probationes exigantur ab utraque parte, *Nov. 35.* Hactenus ostendi de eodem crimine agi posse civiliter et criminaliter, nec uno iudicio tolli aliud. Nunc quaeramus, quid sit dicendum, si actioni civili de alia re instituta, quam de fide instrumenti, vel falsitate, puta de credita pecunia, vel de legato, vel de proprietate rei, incidat questio falsi criminalis, ut puta, si agenti ex testamento civiliter, vel ex chirographo, vel rem vindicanti, et proferenti instrumentum auctoritatis, instrumentum emptionis, obijciatur falsum esse testamentum, falsum instrumentum, et falsum chirographum: quaero qua de re sit prius disceptandum, de crimine falsi, an de civili causa? Et hac in re servatur regula juris, ut prius agatur de majori re, de crimine, quam de causa civili, *l. adulteri, sup. ad leg. Juliam de adul.* *l. ult. sup. de ordine judic.* *l. 5. §. si de vi, ff. ad leg. Jul. de vi publ.* Ideoque si iudex datus coeperit cognoscere de causa civili, si iudex pedaneus, qui iudicat pedes, non ex suggestu, vel tribunali sit datus specialiter, ut sit in causa civili creditae pecuniae, agente creditore ex chirographo, ei obijciatur crimen falsi chirographi, haec obiectio criminis moratur cognitionem iudicis pedanei (*il ne peut passer outre*) Quod ex contrario demonstrat *lex 20. hoc tit.* dum ait, *iudicem datum posse cognoscere de causa civili, cui iudex est addictus.* Etiam si obijciatur exemplum precum, seu libelli supplicis, quo utitur adversarius in ea causa, non per omnia congruere cum originali: denique aliqua ex parte esse falsum: haec obiectio non impedit cognitionem iudicis pedanei, si modo constet id contigisse per errorem scriptoris, ut alius esset tenor exempli, quam authentici, quia quod fit per errorem, cum vacet dolo, non deputatur crimini falsi: ut *l. D. Pius, ff. eod. tit.* refert D. Marcum pro sua humanitate remisisse poenam falsi ei, qui per errorem in iudicio protulerat instrumentum falsum. Et similiter Suetonius in Augusto, ut arguat lenitatem Augusti, ait, eum ignorasse iis, quos considerat errore inductos ad falsum testamentum sigmandum. Ex contrario igitur, si falsi crimen commissi dolo malo incidat in iudicium civile, quod est coeptum apud pedaneum iudicem, iudex temperare debet eo casu a cognitione civili, ut criminale iudicium preferat civili, et de

criminali prius statuat iudex competens, iudex maior (nam iudex pedaneus de criminali causa cognoscere non potest) et tamen si coepta actione civili apud pedaneum iudicem, puta de pecunia credita, incidat questio falsi, quae intendatur civiliter, non debet temperare a cognitione, sed exequi eam debet. Et ita respondisse Paul. ait *l. 11. hoc tit.* et hic locus est singularis. Denique sic dicamus: iudex datus in causa civili, puta pecuniae creditae, etiam cognoscere potest de falso, quod civiliter obijciatur, non si obijciatur criminaliter, sed abstinere debet a cognitione, et transferre causam criminalem ad magistratum. Et hoc olim ita obtinuisse, ut criminalis accusatio falsi anteponeretur civili actioni institutae alia de re, quam de falso, hoc, inquam, obtinuisse secundum regulam juris testatur, *l. 2. C. Theod. eod. tit.* Sed addenda est una tantum exceptio, nisi constet iudici debitorem conventum ex chirographo, morande tantum solutionis causa per calumniam obijcere crimen falsi chirographi, quae est sententia *l. 2. hoc tit.* At *d. l. 2. C. Theod.* contra ius vetus, et regulam illam juris in proposita specie vult, prius peragi civilem causam, quam accusationem falsi, quam incurrat, et incidit. Sed hoc Justinianus non probavit, et perstitit in veteri regula juris. Et hoc non probasse Justinianum, argumentum praestat, quod ex *l. 2. C. Theod. eod.* Justinianus id tantum retinuit, quod est in *l. ubi hoc tit.* in qua hoc non proponitur, ut civilis preferatur criminali, sed hoc tantum, ut cum de falso agitur criminaliter, in eam rem diligenter inquiratur argumentis, inquit, testibus, et collatione scripturarum, sive de fide instrumenti queratur, et aliis vestigiis veritatis, et ut probationes requirantur ex utraque parte a iudice, ut in *l. ult.* et iudex inter utramque partem sedeat medius, et taciturnus, nec interfando suos sensus aperiat, quae de re Gellius scripsit *lib. 14. cap. 2.* utrum iudex aliquid interloqui debeat, quod promat sensus animi sui, an tacere semper. Sed lex vult, ut nihil interloquatur, quod possit animi sui sensus aperire, sed ut iudicet ad imitationem relationis, quae solum audiendi mandat officium, id est, cum causae cognoscuntur per relationem, puta delegato iudice ut saepe fit rescriptis, ut causam audiat, dein referat ad principem. Iudex igitur sic iudicet de crimine falsi, ac si tantum audiendi facultatem habeat, non pronuntiandi, qui tamen et pronuntiandi habet. Sed his verbis indicat silentium lex *ubi.* Et postremo ostendit litem criminalem falsi esse leniendam a tempore litis contestatae intra annum, ut erant in *Cod. Theod.* Quoniam ante Justinianum causa criminalis erat finienda intra annum, *l. reus, ff. de munerib. et honoribus*, et in *Cod. Theodos. ut intra annum criminalis, etc.* Sed Justinianus ante

num mutavit in bionium, ut infra demonstrabitur. Et postea *l. ubi addit poenam falsi*, nempe deportationem, nisi magnitudo commissi exigat poenam mortis, quæ verba sunt obscura. Et ideo ea est interpretatus *Leo Novell. 77.* ut crimen falsi non sit capitale, nisi cum quis falsum instrumentum fecit, quo adversarius periret et plecteretur morte. Qui hoc egit falsarius sustinebit mortem alioquin tantam deportationem. Ergo concludamus ex mente Justiniani, si in actionem civilem incidat falsi criminis, subsistere debere actionem civilem, quoad criminalis sit finita secundum regulam juris, a qua tamen discedebat illa *l. 2. Cod. Theod. eod.* Sicut et ea regula in plerisque aliis causis fallit, ut cum agitur de possessione vi erepta *l. si quis, inf. ad leg. Jul. de vi*, et *l. 1. de appellat. sup.* quod ibi exposui. Vel cum in crimen plagii incidit questio proprietatis, prius est de proprietate quam de plagio judicandum, *l. 8. sup. ad leg. Fab. de plagiar.* Et cum in criminalem causam incidit questio status *l. quoniam, sup. ad leg. Jul. de adult.* Uno verbo ab ea regula excipiuntur causæ civiles, quæ præjudicales sunt, sine quibus criminales non possunt expediri.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXIII. De iis, qui sibi adscribunt in testamento.

Ex Senatusconsultis, quæ facta sunt ad legem Corneliam testamentariam, unum est, quod dicitur Libonianum, de quo in hoc titulo agitur. Factum id est Statilio Tauro et L. bone Coss. auctore Tiberio, ut Ulpianus indicat *sup. de offic. procons.* Et sententia ejus Senatusconsulti hæc est, ut poena legis Cornel. testament. afficiatur is, qui cum adhibitus esset et advocatus ad scribendum alienum testamentum, in eo sibi adscripsit hereditatem, vel legatum, vel fideicommissum vel libertatem, vel aliud quodcumque emolumentum, dictante, et jubente testatore, ut in *l. 1. §. 3. 5. 6. hujus tit. Q.* id ergo? delinquitne testamentarius, id est, scriptor alieni testamenti, qui sibi adscribit aliquid volente ipso testatore? ita est, quia debuit alium poscere scriptorem, qui hoc adscriberet, non ipse sibi adscribere: nam ex hac causa valebit testamentum, etiamsi alia atque alia manu scriptum sit: una pars manu Titii, altera pars manu Sempronii, qua quid relinquatur scriptori prioris partis, *l. D. Clau-*

dus, §. ult. ff. eod. Ergo ex Senatusconsulto Liboniano in poenam legis Cornelie incidit testamentarius, qui dictante, nuncupante, volente, jubente testatore, sibi aliquid adscribit: nam si hoc faceret invito, vel ignorante testatore, plane, et directo locus esset legi Cornelie testamentarie, non Senatusconsulto Liboniano, *l. impuberem alimendo, ff. eod.* Aliud est falsum, aliud quasi falsum, ut in *l. 1. §. ult. ad leg. Corn. de fals. Poena*, inquit, *falsi vel quasi falsi*, falsi, ex lege Cornelia testament. quasi falsi, ex Senatusconsulto Liboniano. Nam falsum committit testamentarius, qui invito vel ignorante testatore sibi adscribit legatum: nihil est certius, quam eum sibi falso adscribere legatum, quod adscribit invito vel ignorante testatore: at qui id sibi adscribit volente testatore, sane falsum non committit, sed quasi falsum, quia hoc facientem, et audientem Senatusconsultum Libonianum redigit ad poenam falsi: proinde non tantum falsum punitur, sed etiam quasi falsum ex hoc Senatusconsulto, tametsi id, quod sibi adscripsit, pro non scripto habeatur, *l. 1. de iis, quæ pro non script. hab.* Delicta puniuntur, etiamsi delinquenti nullum commodum afferant. Ergo verum est, pro non scripto haberi, id, quod sibi testamentarius dictante et volente testatore adscribit, et legatum quidem, quod sibi adscribit, remanere apud heredem, vel fideicommissum: hereditatem autem, quam sibi adscribit volente testatore, pertinere ad substitutum, vel ad cohæredem, vel iis deficientibus, ad legitimum heredem, quoniam Senatuscons. Liboniano fiscus non vocatur. Ergo licet celet relicto testamentarius, non ideo tamen minus punitur. At notandum est hujus poenæ gratiam facere aliquando Senatui, vel Principi deprecantibus testamentariis variis ex causis, ut puta, si dicant, se jus ignorasse, id est, Senatusconsultum Libonianum, vel si uliro dicant, se paratos esse discedere ab eo, quod sibi adscripserunt. Raro quidem eis veniam dari ait *l. 3. hoc tit.* ob supradictas causas, sic enim vulgo est scriptum, *raro veniam dederunt*, et similiter in Basilicis *σπανως*. Et ideo raro, quia regulariter juris ignorantia non excusat, et quia ultro abstinere relicto, parum relevat scriptorem, cum neque id, si velit, capere possit, excusat tamen juris ignorantia hac in re minorem 25. annis, *l. 5. ff. eod.* et mulierem, *l. D. Claudius, §. pen. eo l.* et militem etiam juris error excusat, *l. 5. hoc tit.* Quæ lex est exemplum veniæ, seu indulgentiæ principis, siquidem in ea legatur, ut in Basilicis, hoc modo, *sequutus tenorem indulgentiæ mee, poenam legis Cornel. tibi remitto*, ut etiam legit Hylsander, *ἐχολουθήσας τῇ δυνάμει τῆς ἐμῆς φιλοτιμίας, τὴν τιμωρίαν τοῦ νόμου Κορνήλιου συγχωρῶ*. Et ut ait in hac *l. 5. malitia*

tantum punitur Senatusconsulto, non error in *l. 20. tit. prox. sup. et l. D. Pius, ff. eod.* Posset et interdictum excusare quemlibet apud principem illa spontanea confessio, et abstentio relictæ. Poterit etiam dari venia, si petatur, marito, qui sibi adscripsit uxore dictante, ut ei obsequeretur, ut in *l. 4. hoc tit.* Datur etiam plane venia filiofam. qui sibi aliquid adscripsit in testamento patris, nuncupante, et dictante patre, et imperante, quia ei necesse fuit parere patri, *l. 3. ff. eod.* Ac ita dabitur venia servo, qui sibi adscripsit directam, vel fideicommissariam libertatem domino imperante, ut in *l. ult. hujus tit. l. Divus Claudius, §. et quatenus, ff. eod.* Nam leve est hoc delictum, et in levioribus delictis excusantur omnino, qui obtemperant imperio patris, vel domini. In gravioribus autem delictis non omnino excusantur, quia debent potius sufferre mortem, quam obtemperare patri, vel domino facinora atrociora imperanti. Ceterum si imperaverint, mitius puniuntur, *l. servos, sup. ad leg. Jul. de vi, l. 2. de sepulcr. viol.* Datur etiam venia extraneo, qui sibi adscripsit in testamento, si codicillis testator generaliter scripserit se dictasse testamentum, ut est scriptum. Ob eam rem testamentarius facile veniam impetrabit a principe, sed non capiet legatum, *l. 2. hoc tit. D. l. D. Claudius, §. plane.* Denique plerisque casibus vel causis testamentario potest remitti beneficio principis, aut senatus poena legis Corneliæ, at nullo casu, id, quod sibi adscripsit, capere permittitur. Proinde, quibus casibus testamentario venia opus est, iis omnibus, etiamsi eam impetret, relicto excluditur. Exposui, quibus ex causis detur venia testamentario, ne afficiatur poena leg. Corneliæ. Exponam nunc casus, vel causas, ex quibus etiamsi quis sibi adscripserit in alieno testamento, cessat Senatusconsultum Libonianum, et ipso jure securus est, qui sibi adscripsit, ut puta, si id, quod sibi quis adscripsit, testator sua manu in codicillis nominatim scripserit, *se ei reliquisse*, non generaliter se dictasse testamentum, sed se *L. Titio* dictasse et reliquisse, quod ille sibi adscripsit, *l. 2. hoc tit.* vel etiamsi ita specialiter subscribat testamento. *Quod L. Titio dictavi legi, et recognovi*: hoc casu cessat Senatusconsultum Libonianum, scilicet si *L. Titius* extraneus fuerit, in extraneo testamentario est necessaria, ut cesset Senatusconsultum, specialis subscriptio, *quod L. Titio dictavi et recognovi.* At si testamentarius fuerit in potestate testatoris, sufficit generalis subscriptio, *L. Titius* hoc testamentum dictavit, non expresso cui dictavit. Et ita est explicanda, *l. 1. §. inter, ff. eod.* Est etiam alius casus in *l. 1. hoc tit.* quo omnimodo cessat Senatusc. Libonianum, et testamentarius, qui sibi adscripsit, jure relictum capit, nec incidit in poenam

legis Corneliæ. Casus hic est, si filius emancipatus, et ita extraneus, dictante patre sibi totam hereditatem patris adscripserit, id est, si se ex asse heredem scripserit, scilicet cum erat solus, qui patri poterat succedere ab intestato, quia hoc casu frustra haberemus hanc institutionem pro non scripta, cum etsi habeatur pro non scripta, ad eum filium emancipatum mox tota hereditas sit reditura ab intestato tanquam honorarium successorem patris ex cap. unde liberi. Et huc est sententia *l. 1. cui nil adversatur*, quod eadem lex ait, fuisse interpretatos jurisperitos, nimirum in *l. filius, in titio. et §. maritus, ff. eod. tit.* Nam ea interpretatio jurisperitorum non pertinet ad hunc casum, quo filius, qui solus erat venturus ad bona patris ab intestato, se in testamento patris volente patre, ex asse heredem scripsit. Sed illi interpretationi tunc est locus, cum filius emancipatus adjecto cohærede adscripsit sibi portionem hereditatis. Hoc enim casu, quia cessat causa intestati, propterea quod cohæres sustinet testamentum, locus est Senatusconsulto Liboniano, et pars filii accrescit cohæredi: et præterea filius punitur poena legis Corneliæ testam. nisi veniam impetraverit a principe. Sed priore casu, cum erat solus ex asse hæres futurus patri hoc, vel illo jure, si non ex hoc testamento, statim ab intestato lex ait perinde esse, ac si sua manu pater eum heredem scripsisset. *Functus*, inquit, *dulci officio*, id est, *mortuus*, ut in Glossis Isidori, *functus officio*, inquit, *qui officium vite implevit.* Igitur dulce officium, dulce munus vite dicitur: Seneca in Hippolyto: *cur dulce munus redditæ lucis fugis?* Ergo ait, *est perinde ac si pater, qui jam est mortuus et functus vite, eum sua manu heredem scripsisset.* Postremo notandum ad hunc titulum hac de re, quæ de primum factum est Senatusconsultum Libonianum auctore Tiberio, etiam postea fuisse factum aliud Senatusconsultum ex edicto D. Claudii, ut ait *l. 3. hujus tit. et d. l. D. Claudius*, quod dicitur Senatuscons. Claudianum. Sunt igitur duo Senatusconsilia hac de re, Libonianum, et Claudianum, et quod probat inscriptio libri singularis Pauli ad Senatusconsultum Libonianum, seu Claudianum in indice proposito ff. Et quod etiam *l. 10. ff. eod.* Senatusconsultis hoc cautum fuisse ait, quod ante exposui, non Senatusconsulto. Et ita, quod sub Tiberio legimus apud Cornel. Tacitum lib. 2. *Annalium*, factum fuisse senatusconsultum de Mathematicis et Magis Italia pellendis. Idem apud eundem auctorem legimus sub D. Claudio alio Senatusconsulto repetitum, vel reductum fuisse. Quod autem ait hæc *l. edicto D. Claudii*, ex quo plane constat errasse Svetonium, qui hanc juris constitutionem tribuit Claudio Neroni, qui nunquam Divus factus est aut nuncupatus. Ne-

que hoc genus erroris est Suetonio insolens: nam et idem Senatusconsultum Macer. de pecuniis creditis filiofamilias, et Senatusconsultum Claudianum de liberis mulieribus quæ se servis alienis commiscunt, tribuit Vespasiano, quæ rectius Tacitus D. Claudio. Nec illud est omittendum, male Accursium passim Senatusconsultis factis ad legem Corneliam testamentariam adijungere Senatusconsultum Volusianum, de quo in *l. ex Senatusconsulto*, ff. ad leg. Jul. de vi priv. quoniam, ut ea ipsa lex demonstrat, pertinet Volusianum ad legem Julianam de vi, non ad legem Corneliam testamentariam, in eos scilicet, qui facta veluti conspiratione cœunt in alienam litem, ea lege et conditione suppetias latenti litiganti adversus alterum, et omnem suam opem, ut finita lite secundum eum cui ferunt suppetias, id quod in rem ejus fuerit reductum, inter eos communicet. Hoc accedit ad vim, non ad falsum: ergo deleanter hæc glossæ.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXIV. De falsa Moneta.

Alia est lex Cornelia testamentaria, de qua ante dictum est, alia lex Cornelia nummaria, de qua in hoc titulo agitur. Marcus Tullius in prætura urbana. *Cornelia testamentaria, nummaria*, inquit, ceteræ complures, in quibus jux aliquod novum populo non constituitur, sed quod semper malum facinus servatur, ut ejus questio ad prætorem pertineat. Hæc lex est de falsa moneta, id est, de falsis nummis, et adulterinis. Monete nomen est ἀρξέβαιον, et multiplex; nam vel eo nummi significantur, vel locus, in quo formantur, ut *l. 2. l. tit.* Et apud Macrobi. 1. in Som. Scip. *Semen locari intra formandi hominis monetam.* Vel etiam monete nomine significatur, quod dicitur τίκνεν, ut in historia Antonini Florentini, imo apud Sueton. in Caligula, *aureum iconium* (quo formantur nummi (unde proculdubio nos traximus, quod in Idiotismo dicimus, *Le coin*, id est, *Iconium*, quo formantur nummi) Et recte Hermenopolus 6. Epitomarum, *monetam esse ἀρχέτυπον σφραγισμένον, ἢ βουλλωτόν.* Nam et iconium vocabant bullam, aut bullulam. Ideo ait iconium esse ἀρχέτυπον σφραγισμένον ἢ βουλλωτόν. Hæc lege Cornelia nummaria tenetur, qui argento publice, privatimve res admiscuit, quæ pecunia dicitur æroza, *l. creditor*, ff. de solut. ut Cyprus insula æroza apud Festum, quod in ea plurimum æris nascitur. Nam

Tom. IX.

ære tantum est nobilis, et in glossis, πλούχιος, æroza. Item tenetur eadem lege, qui similiter auro miscuit argentum, vel æri plumbum, quo prius id fiat, quo vitietur, et corrumpatur, quod Tacito Imperatori fuit capitale. cum honorum proscriptione, ut Vopiscus ait in Tacito. Et qui hoc admittit in publico metallo, id est, qui id vitiat immixto deteriore metallo, etiam tenetur lege Julia peculatus, *l. 1. ff. ad l. Jul. pecul.* quia vitiat pecuniam publicam. Nec novum est ut ob idem crimen quis pluribus legibus teneatur publicis, licet non omnibus, cum eo possit agi, *l. senatus ff. de accusat.* Ergo et qui vitiauit metallum publicum, conveniri potest *l. Cornelia nummaria*, et lege Julia peculatus, id est, alterutra. Utrique lege tenetur, sed non utraque etiam convenitur. Tenetur etiam lege Cornelia nummaria, ut est in *l. 8. ff. eod.* qui aureos nummos partim raserit, partim tinxerit, quod satis intelligitur, sed sequitur, vel qui finxerit, quod sane est figuraverit adulterina imitatione, ut *l. 1. C. Theod. de collat. æris*, et *l. 1. C. Theod. si quis solidi circulum exteriorem circumciderit.* Item, ut ostenditur in *l. 9. et 19. ff. eod. tit.* qui nummos stagnæos (nam stagnæi dicebant, non stannæi) vel plumbeos in merce habuerit dolo malo, et generaliter quicumque falsam monetam haverit, percuisset. Item qui cum hæc posset prohibere ne fierent, non prohibuit, qui domum, vel agrum præhuit confundere falsæ monete, *d. l. 9. et l. 1. hoc tit.* Item, qui monetam publicam quoquo modo diminuit, vel etiam excidit proitus, cum et reprobos nummos forte creditor sibi solutos reddere debeat debitori, non excidere, quod maxime notandum, *l. eleganter.* Si qui reprobos, ff. de pignorat. act. quia domino ad aliquid possunt esse utiles, et in merce haberi, emi, vendi pulam tanquam reprobi, suo qualicumque pretio. Igitur domino sunt reddendi, non excidendi. In cautionibus solet plerunque addi, ut probi nummi solvantur, qui non subvertati, et in quibus nulla sit lacuna, nulla diminutio iusti ponderis, ut *l. lecta*, ff. de reb. cred. probam pecuniam reddi, *l. Titius Sejo*, ff. de constit. pec. Et in formula sceleris Antiochi Regis apud Livium 38. *Argenti probi Attica talenta 12. millia dato.* Et sæpe apud Demosthenem in syngraphis, ἀποδοῦναι τὸ ἀρξέβαιον δόκιμον. Seneca 19. Epistol. *Nec vales, quod spero, nisi in aspero, et probò numme accipere.* Aspero, id est, recenter cuso. Plus addebatur in manumissione sacrorum causa, auctore Festo, *Puri, probi, profani, sui*, ut scilicet, penderetur pecunia pura, proba, profana, sua, quia nec solutio impuræ, vel reprobatæ, vel sacræ, vel alienæ liberat debitorem. Invenio etiam in *C. Theod. suprad. tit. si quis so-*

130

si li. circulum exter. circumcid. cujus auctoritate fuit, non ab hinc multos annos Lutetiae, usus summus praeses, cum hac de re recitaret hoc Senatusconsultum de falsa moneta. Nam in libris nostris, de hac re nulla est lex specialis, sed tantum in Cod. Theodos. ut crimine falsi, sive legis Corneliae de falsis teneatur, qui circumcidit publicam monetam, quod proprio vocabulo istius artis, sive cupiditatis, est arrodere nummos, ut ait *l. 2. Cod. Theod. de ponderat.* et hoc proprium esse verbum hujus cupiditatis, *roguer*, quo etiam utitur in supradicto titulo, *si quis solidi circulum*, etc. *l. 1. si quis arroserit*, inquit. Et hos, qui hoc faciunt, recte dicas *σκαλίδας*, ut Alexandrum quendam *λεγομένης*, quod perquamscite nosset nummos aureos in orbem attondere, et arrodere, et leviores facere, quantum habuisset, Procopius 3. de B. Illo Gothico scribit, Byzantios nolae causa eum appellasse, Alexandrum *σκαλίδιον*, id est forciculum, *Alexander des cisenux*. Eodem etiam crimine tenetur, qui monetam vultu principis signatam, praeter adulterinam, reprobaverit, vel in solutum accipere noluerit, forte causatus formae parvitatem, et quod vultus principis in nummo sit formatus minore habitu, quam obrem nummus probus justis ponderis non est reprobandus, ut ait *d. l. 1. C. Th. si quis solidi circulum*, etc. Et Paulus etiam noster 3. *Sentent. tit. ad leg. Cornel. test.* in quo nummariam confundit cum testamentaria. Et loquitur illa *l. 1. de aurea moneta*, ut etiam *l. 1. et 3. inf. de veteris numis. potest. libr. 11.* quoniam loquitur de solidis, et solidi vel aurei, solidus et aureus idem est. Unde quae fuit religio Persarum legibus, et aliorum Barbarorum, ne vultus suos auro imprimerent, sed tantum argento, uti Procopius scribit *eodem libro*, apparet eandem non fuisse religionem apud Romanos, et Romanos principes in auro vultus suos impressisse: nec fuit etiam illa religio in Francorum regibus, nec Gothorum, qui Italiam tenuerunt. Theodoricus Rex apud Cassiodorum 7. *variart. Monetæ debet integritas queri, ubi et noster vultus imprimitur. Quidnam erit tutum, si in nostra peccatur effigie, sit mundam, quod ad formam nostram inseritur, claritas regia nil admittit infectum.* Nam si vultus ejuslibet sincero colore depingitur, multo magis metallorum puritate princeps depingendus est. Etiam valde est notandum ex *l. 3. hujus tit.* puniri eum quoque, in privatis aedibus, vel castellis, aut praetoriis, etiamsi nitatur rescripto, vel adnotatione principis, probam, et justis ponderis monetam percusserit. Nam ea sane est sententia legis 3. *hujus tit.* quam et Asconius Pedianus in praetura urbana tribuit ipsi legi Corneliae nummariae his verbis, *lex Cornelia nummaria, quae de moneta: ne quis pri-*

vatus pecuniam faceret. Nam ut in publicis fabricis tantum aera fabricare licet fabricensibus, quae sunt publicae personae selectae et sepositae et probatae armorum fabricandorum gratia, in *N. vella de armis, et tit. de fabricens. lib. 11.* ita monetam tantum monetariis (quae etiam publicae erant personae certi numeri) publicis, et fiscalibus cudere licet. Et de privatis hominibus, qui hoc audent, velim accipi, quod Paulus scribit dicto superiori loco, eum teneri lege Cornelia, qui aureos, argenteos adulteraverit, et qui flaverit (sic lego) non qui laverit, quia nec privatis licet flare et fricare probos: sed tum monetariis, quae sunt publicae personae probatae, cui rei olim praerant triumviri monetales, aeri, auro, argento, flando, feriendo, in *l. 2. ff. de orig. jur.* Et addit Paulus, qui conflaverit: *Qui flaverit*, inquit, *et conflaverit publicam monetam.* Flare est cudere, conflare, recudere, et dissolvere, *fondre, l. si duo, ff. depos. l. 1. C. Theod. qui bon. cedere poss.* Lampridius in Severo, *quartenarios nummos conflare jussit, et tremisses tantum, solidosque formari, ut princeps nuper quodam conflare jussit, et certos quosdam tantum formari.* Notandum etiam est, quod est in *l. 1. hujus tit.* pro praemio delatori, seu accusatori, qui reum falsae monetae in judicium detulit, dari libertatem, si servus fuerit: nam et hoc crimen deferentes servi audiuntur, qui alias non audiuntur, et pro praemio, si reum convicerint, ferunt libertatem, fisco pretium eorum redimente dominis, ut in *l. 2. sup. quibus ex causis servi pro praemio*, quae est pars legis 1. *huj. tit.* Iugenuo autem accusatori dari immunitatem, quod quid sit hesitat Accursius. Sed quid est evidentius, ingenuo dari immunitatem, id est, vacationem onerum patrimonialium et publicorum, quae censui nostro, seu patrimonio indicantur, ut *l. 1. inf. de desertoribus, lib. 12.* Ei, qui prodiderit desertorem, si sit ingenuus pro praemio datur immunitas. Fateor tamen addi posse, vel ei dari si conscius facti fuerit, impunitatem, ut apud Sallustium in conjurat. *Catilinae.* Servis datur libertas, et sestertia centum, ingenuis rei impunitas, et sestertia ducenta. Adhuc item potest, vel etiam damnatis ex hac causa dari restitutionem in integrum, sicut lege Julia de ambitu cautum est, eum, qui est damnatus ambitus, si alium fecerit reum ambitus, et convicerit, restitui famae, quoniam rei ambitus plectuntur poena pecuniaria cum infamia. At si post ejusdem criminis reum convicerint, restituuntur quidem famae, sed multam pecuniariam non recipiunt. Egro reddit fisco, quod semel recepit, *l. 1. ff. ad l. Jul. de ambitu*, et apud Ciceronem hoc etiam caput legis Juliae notatur in Cluentiana, et Dionem *lib. 40.*

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXV. De Mutatione nominis.

Ad penam legis Corneliæ de falsis etiam relictuntur, qui sibi mutant nomen, qui novum sibi nomen imponunt dolo malo, quo quid alienum interceptant, vel possideant, ut ait Paulus §. *Sentent. l. 1. ad leg. Cornel.* Et ita *l. falsi, ff. eod.* falsi nominis adseverationem, susceptam scilicet dolo malo, falsi pena coerceri, si quis dolo malo nomen, prænomen, vel cognomen mutaverit. Nam, ut docet constitutio hujus tituli, si fraus absit, unicuique est liberum, sibi quodcumque nomen imponere libero homini, non servo, nam servorum nomina sunt in potestate dominorum. Quia de causa liberis hominibus redactis inservitutem domini mutant nomina, ut Danieli Prophetæ contigit: nomina non sunt in potestate servorum, sed sunt in potestate liberorum hominum, modo fraus omnis absit. Nam ex eo solo, quod quis sibi novum nomen imposuerit, non tenetur, sed quod novo sibi imposito nomine alii fraudem fecerit, ut argumento est *l. ult. ff. quod falso tut. auct.* ex eo, quod quis interrogatus an tutor esset, falso respondit se tutorem esse, ex eo solo simpliciter nulla actio, et nullo crimine tenetur, sed si falso responso suo adolescentem in fraudem induxerit, tenetur utili actione tutelæ in id quod interest.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titul XXVI. Ad Legem Juliam de ambitu.

Expositis legibus Corneliæ, redit ad legem Juliam publicorum judiciorum, et proponit hoc titulo legem Juliam de ambitu, quæ olim obtinuit in urbe tantum, cum populi suffragiis deferbantur honores, et magistratus, non ut hodie nutu principis, *l. 1. ff. eod. l. quidam, ff. de re judic.* Nam petitores honorum, id est, candidati sæpe clanculum ingentem pecuniam in populum erogabant, corrupendorum suffragiorum causa, quæ corruptela, et effusio nimia candidatorum dicitur ambitus, et hac lege judicio publico coercetur, non aliis re. Nam sæpe hujus rei gratia nil candi-

dati habebant in rebus soli, sed omne suum patrimonium divendebant, ut ex eo pecunias redigerent, quibus corrumperent suffragia, ut non viderentur urbem habere pro patria, sed pro hospitio, aut stabulo quasi peregrinantes. Nam certe non sunt civēs proprie, nisi qui sunt possessores quarundam rerum immobilium. Quare apud Plinium §. *Epistol.* legimus Trajanum Imperatorem, eos candidatorum sumptus fidos, et infames ambitus lege restrinxisse, et eosdem candidatos tertiam partem patrimonii jussisse conferre in ea quæ solo continentur, ut similiter Senatusconsulto fœneratores jubentur, qui plerumque omnia habent in numero, duas partes patrimonii in solo collocare, et confiscantur, qui partem dimidiam rei familiaris habent in pecunia apud Sveton. in August. *cap. 48. et 49.* quo Senatusc. nihil aliud agebatur, quam ut cohiberetur avaritia fœneratorum. Verum quod ad legem Juliam de ambitu attinet, ea ut dixi, hodie cessat, quia in urbe regia princeps solus, non populus magistratus creat, nec ulla sit effusio in principem, qui nec posse corrumpi presumitur. Verum ad instar legis Julię de ambitu ex Senatusconsulto ambitus coercetur in municipiis, vel aliis civitatibus, ubi magistratus municipales, id est, duumviri creantur suffragio populi, vel decurionum, itemque sacerdotes provinciarum, profani, ut ait *lex 1. ff. eodem.* Dico etiam pertinuit ad populi Christiani favorem creatio Episcoporum et Presbiterorum, ut ait *l. 40. Cod. Th. de decurion.* Et D. Hieronymus 1. adversus Jovinianum: *Nonnunquam, inquit, errare plebis vulgique judicium, et in sacerdotibus creandis unumquemque suos sequi mores, et convenire aliquoties, ut mariti, quæ pars major in populo est, maritis quasi sibi applaudant, sed hic etiam ambitus valde coercetur, l. si quenkam, sup. de Episcop. et cler. et punitur non tantum is, qui dederit pecuniam, sed etiam, qui accepit sacerdotii obtinendi gratia, ut inquam, quos par crimen coinquinat, eos etiam teneat poena similis quo modo etiam D. Cyprianus primo Epistolarum, qui junguntur in culpa, non separantur in poena. Ex constitutione hujus legis ad instar legis Julię crimine falsi tenetur, qui ante redditas rationes, sic est intelligenda hæc lex, sive administrationes repetit, id est, continuat officium principis inter apparitores proconsulum. Nam scripta est constitutio hæc ad proconsulem Africæ: qui, inquam, ante redditas rationes repetit et continuat inter apparitoris officium principis, id est, primatis apparitiones, qui erat summus gradus in officio, vel qui continuat officium commentariensis, aut numerarii, vel quodcumque aliud officium, quod sit pro gradu quodam militiæ, et beneficio: nam quos promotos vocat in hac constitutione, et *leg. 1.**

sup. de fals. monet. ii dicuntur beneficiarii, qui pro beneficio obtinuerunt praefecturas, municipatus, praeturas, centurionatus: et opponuntur iis, qui dicuntur munifices (*qui portent toute le charge*) ut in *l. 18. ff. de verb. signific. l. 2. C. Theod. de cursu publico*. Ergo iidem sunt in gradu promoti, et beneficiarii, et iis adversi sunt munifices. Et ita Ascon. Pedanius in *3. Verr. Accensum esse nomen ordinis, et promotionis in militia, ut nunc principem, vel commentariensem, vel cornicularium*. Hae enim nomina sunt de legionaria militia sumpta, et sunt translata in civilem militiam: poena autem hujus constitutionis est deportatio, si princeps officii, vel alius beneficiarius, qui ex hac administratione fisco remansit obligatus, repeterit et continuerit idem officium ante redditas rationes, quam interpretationem confirmant verba legis, ad solutionem debiti prius urgeatur, quam continuet officium, et *l. si aliquid, infr. de susceptor. et arcar. libro 10.* quae est cum illa conjungenda, et velat, ne quis iterum gerat officium, in quo ante decovit. Et in hac sola specie poena ambitus est deportatio. Alias est tantum multa pecuniaria centum aureorum cum infamia, *l. 1. ff. eod.* sicut legis Viselliae poena erat damnum, id est, multa pecuniaria cum infamia, ut *l. 1. sup. ad leg. Viselliam*, quae quodammodo ambitum coercet eadem poena, qua lex Julia de ambitu, dum coercet et punit libertinos, qui se venditant pro ingenuis, atque ita in honores irrepunt debito solis ingenuis.

JACOBI CUJACII J. C.

In Lib. IX. Codicis.

REGITATIONES SOLEMNES.

Ad Titulum XXVII. Ad Legem Juliam repetundarum.

Post legem Juliam de ambitu, datur lex Julia repetundarum, certissimum argumentum summae avaritiae Romanorum, ut ait D. Hieronymus in *Epistola*, capite 13. Superior lex coercet ambitionem, quae in eis etiam fuit incredibilis, haec vero lex coercet avaritiam, utraque publ. judic. quod ex hac lege constituitur in eos, qui dum in magistratu, potestate, curatione, legatione, vel quo alio officio publico captis, coactis, conciliatis, avaris pecuniis, quo judicio et suum et suorum factum praestant, apparitorum, puta et ministrorum, et militum a manipulario, id est, gregario milite, qui infimus usque ad domesticum protectorem, sive satellitem, et corporis custodem, qui summus est militiae gradus, ut in

l. 1. hoc tit. et accusantur publice, ut Verres, et alii plerique non ius totius provinciae vel civitatis per actorem, quem ipsa provincia, vel civitas delegerit, ut Cicero ait in *Divinat.* Quo loco etiam ostendit hanc legem tantum fuisse nationum exterarum, sociorum provincialium: in urbe autem captarum pecuniarum a magistratibus civilem fore fuisse actionem, inquit, et privatum iudicium, seu recuperatorium. Unde hic existit differentia inter legem Juliam de ambitu, et legem Juliam de repet. quod illa primum in urbe tantum locum habuit, contra haec in provinciis tantum. Existit etiam altera differentia, quod ambitus crimen exerceri potest non tantum post depositum honorem, et administrationem honoris suscepti, sed etiam ante susceptam administrationem, ut apud M. Tullium legimus, saepe plerisque accusatos ambitus in toga candida, cum adhuc petebant honores, aut cum tantum erant designati. Repetundarum autem crimen exercetur post depositam tantum administrationem, excepto casu *legis 4. hujus tit.* quo potest exerceri etiam in ipsa administratione, dum magistratum habet, vel Imperium. Et casus hic est singularis, si Praesides provinciarum in iudiciis et litibus improbe, vel sordide se gerant, velut litium mercatores, ut ait *l. 3. ut mercatores provinciarum*, Marcus Tullius in *Orat. post reditum*, quam habuit ad Quirites, et in ea etiam, quam habuit ad Senatum, et in Consilio illo incerti auctoris, dato Imperatori etiam incerto, quod est in fine notitiae Imperii Romani de *iudicum pravitate*: *Despecta*, inquit, *reverentia dignitatis, velut mercatores in provincias esse missos existimant.* Illo quoque casu *d. l. 3.* ostendit, etiam iudices pedaneos, qui nundinantur in litibus exercendis, aut dijudicandis, teneri iisdem legibus et poenis: damnatos autem lege Julia repetundarum interdum sequebatur exilium, ut constat ex historiis, frequentius sequebatur multa pecuniaria in quadruplum, nimirum ablatis pecuniis repetitis in quadruplum. Unde nomen iudicio repetundarum, quod tribui solet etiam cuilibet repetitioni civili, ut repetitioni dotis, et conditioni indebiti, vel ob rem dati, sunt actiones repetundarum civiles. Et eadem forma etiam dixit D. Hieronymus in *princip. quaest. in Genes.* Ciceroem a Graecis accusari repetundarum, quod multa sumpserit a Graecis, et sua fecerit. Hoc igitur iudicio infligitur multa in quadruplum, ut *l. 1. et ult. hujus tit.* cum infamia, ut *l. iudices, inf. de dignitat.* ut plane possis dicere unam fuisse poenam legis Viselliae, et leg. Juliarum de ambitu, et de repetendis, nempe damnum rei familiaris, seu multam cum infamia. Et *l. ult. hujus tit.* est communis utrique legi *de ambitu, et repet.* nam et quadrupli iuram arrogat Praesidi, si quid dederit ho-

noris ambitu, vel si quid sordide acceperit in ipso gerendo honore præter salaria publica et annonas. Utrumque autem iudicium, ambitus scilicet, et repetundarum non finitur, nisi spatio viginti annorum, ut cetera fere omnia crimina, excepto adulterio, et peculatu, *l. querela, sup. ad leg. Cornel. de fals.* Uno tamen casu crimen repetundarum finitur anno, quo etiam simpli tantum est repetitio: non quadrupli, qui casus est in *l. pen. hujus tit.* et proprie pertinet ad specialem quandam Comitum domorum principis, quæ erant in Cappadocia. Alio etiam casu iudicium repetundarum ex hac lege finitur, anno scilicet in heredem rei, quo etiam quadrupli repetitio, etiamsi reus sit defunctus ante litem contestatam, et damnationem sequutam. Est speciale in hoc crimine, ut ejus poena, quæ est pecuniaria sequatur intra annum, tantum heredem, non post annum, quia qui ab h. rede repetit quadruplum non auditur post annum, *l. 2. h. tit. l. 2. ff. cod. l. ult. ff. ad leg. Jul. pecul. l. ex iudiciorum. ff. de accusat.* Plinius 3. Epistol. Bætica provincia, inquit, in defuncti rei repetundarum accusatione præstabat: provisum hoc legibus (ut scilicet non extinguatur morte) intermissum, tamen, et post longam interrapedinem tunc reductum, et placuit senatui bona defuncti, quæ habuisset ante provinciam, a reliquiis separari: illa filia hæc spoliatis relinquere. Et additum quoque, ut pecuniæ, quæ erant solutæ creditoribus revocarentur: quod congruit cum dict. *l. ex iudiciorum*, quæ in hac re comparat crimen majestatis cum crimine repetundarum.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXVIII. De crimine Peculatus

Restant 4. tituli de publicis judiciis explicandi. Crimen autem repetundarum, et peculatus est crimen captarum pecuniarum. Sed repetundarum, quod capte sint pecuniæ privatorum: peculatus, quod capte sunt pecuniæ publicæ, nec delatæ in ærarium: utrumque crimen est ex legibus Julii iudiciorum publicorum. Et hoc etiam crimen peculatus in magistratus provinciales post depositam administrationem, et in magistratibus quidem longe gravius, quam in ceteris: nam ex constitutione hujus tituli magistratus, qui sunt deprecati pecuniam reipubl. et fisci afficiuntur poena capitis et vitæ, ut *l. 8. C. Theod. ad leg. Jul. repetund.* quæ poena extenditur etiam ad so-

cios, et ministros, et eos, qui summos, subtractas ab eis pecunias publicas receperunt, quia (ut est in *l. pen. sup. ad leg. Jul. de vi*) non est dissimile crimen, rapere, et ea quæ quis rapuerit, servare: quæ lex est ducta ex *l. 2. C. Theod. de crimine pecul.* ante constitutionem hujus tituli etiam in iudices, sive magistratus provinciales non erat poena capitis, sed tantum poena legis Julii peculatus, quæ initio fuit eadem, quæ legis Julii de ambitu et de repetundis, et legis Visellii, id est, multa cum infamia, *l. 1. C. Theod. cod.* Et redicitur etiam hæc mitior poena in *Novella Leonis 108.*

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXIX. De crimine sacrilegii.

Eadem lege Julia coercetur furtum pecuniæ publicæ, quod dicitur peculatus, et furtum pecuniæ sacræ, quod sacrilegium dicitur, et sacrilegium certe gravius, quam peculatus. Huic crimini sacrilegii constitutiones hujus tituli adiungunt, quæ sunt proxima crimina, et affinia, principale crimen prætermittunt. Non adiungunt quidem majestatis crimen omne vel maximum crimen majestatis, quod de eo sit ante dictum, quod proximum dicitur sacrilegio, *l. 1. ff. ad leg. Jul. majestat.* imo et sacrilegium, *l. 1. Cod. Theod. si quis pecun. constituerit, etc.* et in Basil. in *l. 1. sup. de priv. carcerib. in h. b.* pro majestatis est ἀπαράτης, id est sacrilegii. Sed adiungunt constitutiones hujus tituli crimina quæ ipso sacrilegio videbantur esse inferiora, puta contemnere, et violare constitutiones sacras principum, *l. ult. inf. de privileg. eorum*, qui in palat. milit. *l. 1. inf. ut dignit. ord. serv. l. 13. inf. de erog. milit. an. l. pen. C. Th. de relat.* quod dicitur etiam majestatis crimen, contemnere et violare sacras leges in *l. 1. sup. ut omnes iudices, etc. C. Th. de Judais.* Item adiungunt, quod est nefandissimum crimen, confundere, corrumpere, offendere legem Dei omnipotentis, de quo majores nostri acceperunt legem 1. hujus tit. utpote cum eam posuerunt in *Cod. Theod. sub tit. de Episcop. et Cleric.* Et in Basilicis quoque ita verba ejus legis, quæ divine legis sanctitatem, aut nesciendo confundunt, ita transtulerunt, ὅσοι τῶν τῆς θεῆς πίστεως ἀποστόλων ἢ ἐν τῷ ἀγροῦν συγγενοῦν, etc. Ex quo patet etiam Basilicæ legisse, ut est in *C. Theod.*

aut nesciendo confundunt, συγχύουσιν, non omit-
tunt: veteres etiam libri male, committunt. Additur
in hoc titulo, etiam instar esse sacrilegii disputa-
re, an is sit idoneus iudex, quem princeps elegit,
et creavit, ut *l. 3. sup. de divers. rescript.*
Itemque petere eius provincie administrationem, ex
qua originem ducimus, qua de re est titulus in li-
bro 1. *nulli patrie sue administrationem, etc.*
Sed hæc hodie ne in minimo quidem vitio ponun-
tur.

JACOBI CUJACII J. C.

In Lib. IX. Codicis.

RECITATIONES SOLEMNES

*Ad Tit. XXX. De seditiosis, et de iis, qui con-
tra rempublicam audent plebem colligere.*

Sacrilegii criminis reos recte dixeris agi posse se-
ditionis, vel tumultus auctores, cum et superio-
ribus legibus tenentur læsæ majestatis, et de vi, et
propria lege de sodalitiis, maxime ii, qui coacta
multitudine magna vociferatione quid a populo pe-
tunt in foro, vel in spectaculis. Quæ de re est *l. 2.
h. tit.* quæ recte vocabitur lex de sodalitiis. Pacata
seditione parcitur multitudini, et unde est orta cul-
pa, ibi poena consistit, ut est apud Livium *lib. 28.*

JACOBI CUJACII J. C.

In Lib. IX. Codicis.

RECITATIONES SOLEMNES.

*Ad Tit. XXXI. Quando civilis actio criminali
præjudicet, an utraque ab eodem exerceri
possit.*

Hic titulus concludit tractatum de publicis judi-
ciis, proposita regula communi omnibus, ut sci-
licet cum publicis, et criminalibus judiciis concu-
rant privata, et civilia judicia ob idem faciem, et
utrisque experiri liceat, nec alterum altero consu-
matur. Publica judicia, ut differentia intelligatur,
continent vigorem publicæ disciplinæ: privata au-
tem utilitatem privatorum, et rem familiarem cu-
jusque, ut in hac constitutione, et in *l. 4. D. de
publ. judic.* dicitur, in privatis judiciis, et civilibus
agi de re familiari, id est, de damno pecuniario:
quod dicitur, ut excludatur actio injuriarum, in
qua non agitur de re familiari, quia nihil abest inju-

riam passo, sed agitur tantum de læso honore
vindican-do. Ideoque regula hujus constitutionis
non habet locum in privata actione injuriarum,
hæc non concurrat cum alia actione criminali ex
eodem facto, *l. prætor, §. 1. ff. de injur.* At si
prius sit actum de re familiari privato judicio, præ-
judicium sit publico judicio, ut sit *d. l. 4.* Quod
ita est interpretandum, nam verba sunt ambigua,
id est, prius est agendum de civili actione, quam
de criminali. Privatum judicium præjudicium facit
publico, id est, disceptatur prius, quam publicum
si prius moveatur, et hoc *d. l. 4.* ostendit exem-
plis, si prius, inquit, actum sit lege Aquilia, quæ
est civilis, et private, et furti, et vi bonorum rap-
torum, interdicto unde vi, et interdicto de tabul.
testamenti exhibend. Recte. Nam actio legis Aqui-
liæ præjudicium facit, si servus occisus esse dica-
tur judicio publico ex *l. Corn. de sicariis.* Ita est.
Nec nos turbare debet, quod ait *l. inde Nerat. §.
si dolo, ad l. Aquil.* actionem *l. Aquil.* non fa-
cere præjudicium *l. Corn.* quia est ambigua ora-
tio, et sententia, utraque vera, si distinguantur
significata ejusdem orationis. Unde ita dicamus,
actionem leg. Aquil. præjudicium facere legi Corn. *l.*
id est, si prius de ea agatur, prius de ea disco-
putandum: contra actionem *l. Aquil.* non præjudi-
care *l. Corn.* id est, etiam si de homine occiso sit
judicatum judicio *l. Aquil.* et forte absolutus reus:
tamen retractari (ut ait constitutio *h. t.* judicium
potest ex *l. publ. de sic.* Præterea actio vi bono-
rum raptorum (ut ait *d. l. 4.*) quæ est privata,
et civilis, præjudicat publico judicio ex *l. Jul. de
vi, ut ait hæc constitutio, et l. 2. §. 1. ff. de
vi bon. rapt.* Idem efficit interdictum unde vi. Item
interdictum de tabulis testamenti exhib. præjudicat
judicio publico ex *l. Cornel. testament.* quod exem-
plum proponitur etiam in hac constitutione. Actio
etiam furti, quæ est civilis in duplum, vel qua-
druplum, præjudicat judicio publico. Hic queri-
tur, cui judicio publico actio furti faciat præjudi-
cium: nam cum actione furti nullum concurrat ju-
dicium publicum de furto, nisi de peculatu, et sa-
crilegio, et de repetundis, non de omni furto: sed
cum actione furti civili concurrat tantum extrajudi-
carium, et criminale judicium, non ordinarium, et
publicum, *l. ult. D. de furt.* At regula hujus tit.
pertinet tantum ad publica judicia, nec obtinet in
extraordinariis, ut patet ex *l. interdum, §. qui
furem, D. de furt.* Nam extraordinarium furti
crimen non concurrat cum actione furti civili, sed
aliud alio consumitur. Quare in hac constitutione
non recte Accurs. separat actionem furti a *l. Fabia*
illo loco, *furti actio, et l. Fabiæ constitutio.* Igitur
dicendum erit, nos posse experiri ex *l. Fabia* crimi-
naliter, et actione furti civiliter ob idem crimen

plagii. Denique actionem furti coherere crimini leg. Fabie, sicut actio bonorum raptorum coheret legi Julæ de vi. Iterum obijcies, imo non concurrat actio furti cum crimine legis Fab. quia plagium fit sine furto, *l. 10. sup. de furt. l. pen. ff. ad leg. Fab. de plag.* et legi Fabiæ melius jungeretur actio servi corrupti, ut in *l. 2. ff. ad leg. Fab.* Furtum est, cum aufero servum alienum lucrificandi animo. Plagium est, cum eum abduco, ut se agat pro libero, cum seduco, et sollicito eum, ne pareat domino suo, nec eum agnoscat, sed fugiat ab eo, et fugitivum celo, hoc est corrumpere servum, non furari. Denique plagium non est furtum: non ergo cum crimine plagii concurrat actio furti, ut ait hæc constat, sed potius actio servi corrupti. Dicamus, rem esse ita expediendam, ut plagium plerumque concurrat, etiam cum actione servi corrupti, et actio furti, utraque civilis: quia vix unquam servi aufugiunt a dominis, quin aliquid subripiant, quod plagiarium, id est suppressor fugitivi recipiat et celet, ut fugitivum. Quarum rerum nomine est in eum actio furti, ut *l. Nerat. §. quamvis, ff. de serv. corr. l. 12. ad l. Fab.* Et ita si filiusfam. sit subreptus, dabitur etiam patri actio furti, non propter personam filii, sed ob res a filio interim acquisitas, quæ interim patri acquiritur, et ab eo possunt vindicari, *l. cum qui, §. si filiusfam. et l. mater, D. de furt.* Ac similiter actio civilis, de operis patrono debitis, ut in hac *l.* præjudicat crimini ex *l. Visellia*, et actio civilis de fide instrumenti præjudicat crimini ex *l. Corn.* ut diximus in *l. pen. et ult. sup. ad l. Corn. de fals.* non tamen ita præjudicat, ut finito iudicio civili de fide instrumentorum, non possit eadem de re iudicio criminali tractari ex *l. Corn. de fals.* Certum erat criminalem actionem præferri civili, id est, prius esse definiendum: contra etiam, an civilis præjudicet criminali, id est, an prius esset dirimenda, si prius ageretur civiliter, dubitabatur, quod hæc constitutio deditur, ut aliud alii non præjudicet, id est, ut prius definiri possit quodcumque libuerit actori, vel civile, vel criminale. Et cum hac *l.* est conjungenda *l. pen. sup. de probat.* ut inscript. et subscrip. demonstrat.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXXII. De crimine expilatæ hereditatis:

Post iudicia publica, incipit ab hoc titulo tra-

ctare de privatis iudiciis, quæ ex maleficiis oriuntur, quorum alia sunt civilia et forensia, alia criminalia, et poenalia omnia. Privata autem sunt, quia non patent omnibus, sicut publica iudicia criminalia, de quibus ante dictum est, vel publica civilia, quæ popularia dicuntur, de quibus nil in hoc libro, sed privata dicuntur, quia patent iis tantum, quorum interest. Verum inter se differunt plurimum. Primum quidem, quod civilia sunt ordinaria: criminalia extraordinaria. Item quod civilia certam legem et poenam habent, ut furti nec manifesti legem 12. tab. habet, qua furti nec manifesti constituitur poena dupli: et furti manifesti, et vi bonorum raptorum, quæ habet edictum prætoris: et injuriarum, quæ partim habet legem Corneliam, partim edictum prætoris: et damni injuria dati, quæ habet legem Aquilianam: quibus legibus vel edictis, his privatis delictis imponitur poena certa, quam iudex diligenter observet: periunde atque publicis criminibus imponuntur poenæ certe legibus Julis, et aliis legibus publicorum iudiciorum. Criminalia autem privata iudicia poenam non habent certam, sed arbitrariam, id est, constitutionibus, vel Senatusconsultis relictam in arbitrio judicantium, *l. 1. ff. de effract.* quam ob rem crimina, quæ iudicia illa privata criminaliter persequuntur, dicimus non esse crimina legitima, *l. 3. §. pen. ff. de crim. stellion*, nimirum quia eis non est constituta certa et legitima poena, quia non reguntur veluti mente certa legis, sicut civilia, quæ ex maleficiis nascuntur, aut publica iudicia: item hoc inter se distant, quod civilibus iudiciis exercendis adhibetur specialis, seu pedaneus iudex, datus a prætore vel præside more iudiciorum ceterorum forensium: criminalia autem extra ordinem exercentur apud præfectum urbis, vel præsidem provincie, non apud iudicem datum, *l. 3. D. expilat. heredit.* Item quod civilibus non est necessaria inscriptio actoris: in criminalibus est necessaria, etiamsi extra ordinem intenduntur, *l. ult. D. de privat. delict.* Item quod leviora sunt civilia, quam criminalia, *l. pen. in fine, sup. ad leg. Cornel. de fals.* vel, ut ait Justinianus in constitutione Græca, de veteri jure enucleand. Civilia *μαρτύρια*: criminalia *σφοδρότερα*. Et postremo, quod quo ex maleficio est actio civilis, deficiente publica non erat olim etiam privata criminalis extra ordinem, ut subindicat lex ult. de furt. dum ait, de furto, de quo constat esse actionem civilem poenalem, nunc plerumque esse criminalem, extraordinariam et privatam, tacite significans, ante non fuisse, nisi solam civilem in duplum, vel quadruplum. Quo tamen ex maleficio est actio civilis, erat etiam, imo est etiam hodie sæpenumero publica accusatio: ut de vi, lege Julia de injuriis, de

damno injuria dato, de suppresso testamento, lege Cornelia: quia scilicet alia de re est publica accusatio, alia de re civilis actio: hæc enim est de re, aut vindicta privata, illa de vindicta publica, seu de ultione disciplinæ publicæ. At extraordinaria et civilis, quoniam utraque est privata causam et rem eandem spectant, nempe privatam. Ideoque utraque non licet experiri. At publica accusatione, et civili actione pœnali ex eodem delicto, si modo ea civilis actio pertineat ad rem familiarem, id est, ad damnum pecuniarium privati hominis, non ad ultionem, sicut actio injuriarum, vel de moribus, utraque experiri licet, quia non spectant eandem rem, quod docuit supra proximus titulus. Contra vero, quæ de re est accusatio extraordinaria, non semper est etiam actio civilis, quæ se licet pœnam inferat reo, ut de expilata hereditate, et de stellionatu, quæ crimine extra ordinem vindicantur, nulla est prodita actio civilis, quæ pœnam persequatur, quæ omnia notanda sunt. Quamvis autem tot sint differentie inter judicia civilia, et extraordinaria, tamen quia omnia sunt privata, conditori Codicis placuit ea collocare alternato potius, quam distincto ordine, proposito primum in hoc titulo crimine et judicio extraordinario expilatæ hereditatis, dein civili actione honorum raptorum, tum extraordinario crimine stellionatus, post civili actione injuriarum, et mox extraordinario crimine abigeatus: sic miscuit amaro dulce, omissis interim civilibus actionibus furti, et legis Aquiliæ; quæ omnino cadebant in hunc tractatum, quoniam de eis jam e re nata anteverterat dicere libro 3. et 6. Primum ergo proponit crimen expilatæ hereditatis, cui locus est, si post mortem testatoris, vel intestati, ante aditam hereditatem, vel etiam post aditam, sed ante apprehensam possessionem rerum hereditariarum, res quædam hereditariæ sint subreptæ, quod proprie non est furtum, est interversio possessionis alienæ. Rerum igitur, quarum nulla est possessio, rerum quarum possessio vocat, id est, quæ a nemine possidentur, furtum non fit, l. 1. §. *Servola*, ff. si quis test. liber esse juss. fuerit. Possessionis tantum furtum fit. Ubi igitur nullus est possessor rei, quæ aufertur, furtum non fit, et ideo vacante possessione rerum hereditariarum, si quid ex rebus hereditariis sit subreptum hæredibus, eo nomine non competit actio furti l. 2. ff. eod. sed competit extra ordinem accusatio compilatæ hereditatis, quæ privata est, non publica. Et hoc est ex senatusconsulto, et oratione D. Marci, l. 1. ff. eod. l. 3. ff. de extraord. crim. Loco deficientis actionis, id est, ut ait l. ult. hujus tit. loco pœnalis actionis loco actionis furti, quæ deficit in proposito specie. Quare recte dicemus hodie, hoc crimen cessare expilatæ hereditatis, quoniam hæredibus sufficit semper ac-

ctio furti, nonquam deficit, si quid sit subreptum ex bonis hereditariis, quoniam eo jure utimur, ut a defuncto possessio rerum ipso jure transeat, et continuetur in hæredes, etiam sine apprehensione corporali. Et hoc est quod dicitur (*le mort saisit le vif*) ut plane non possit non semper interverti possessio, subreptis ab alio rebus hereditariis. Proinde est verum hodie, rei hereditariæ furtum fieri, quod etiam quidam veteres Jurisconsulti existimant, nempe Brutus et Manilius et Sextus Ælius, ut ad Trebat. scribit Marcus Tullius 7. Epist. ad famil. sed obtinuerat plurimum sententia, scilicet rei hereditariæ nondum possessæ furtum non fieri, etiamsi hæredes hereditatem adierint, quia hæres adeundo hereditatem, jura tantum acquirit, id est, ea quæ sunt juris, non quæ sunt facti, hæc non acquirit, nisi suo corpore. Denique possessionem rerum hereditariarum non acquiri adeundo, si eas apprehenderit, l. cum hæredes, ff. de acquir. possess. antequam apprehendat, possessio vacat, possessio nullius est. Ergo interim ejus rei hereditariæ furtum non fit, sed expilatur hereditas quæ res coercetur extraordinario judicio, quod perinde irrogat infamiam, atque actio furti, in ejus locum succedit, l. si te, sup. ex quibus caus. infam. irrog. Ut actio furti est famosa, ita accusatio expilatæ hereditatis, quæ est instar actionis furti, aut quæ in locum ejus successit, quod ea non possit apte ad hanc speciem accommodari. Et datur hoc judicium extraordinarium, etiam privigno in vitricum, vel novercam, quibus non rem non debet, qui quæve expilavit extranei hereditatem privigno delatam l. 2. et 3. hujus tit. Nam et privignus in eos recte agit furti actione, l. 3. et 11. sup. de furt. et vi honorum raptorum l. ult. tit. seq. At non datur actio expilatæ hereditatis privigno in novercam quæ expilavit hereditatem mariti sui, id est, patris privigni sui, puta nec in vitricum, qui expilavit matris hereditatem, quia nec expilare videtur conjux, quod vivo conjuge societas vitæ et matrimonii fecerat in ejus potestate: nam, ut ait l. 4. hujus tit. uxor sociæ rei humanæ et divinæ domum suscipitur, sic est legendum, et post apprehensam possessionem non daretur etiam privigno hæredi defuncti actio furti in novercam, ejus instar hæc accusatio oblinet. Eademque ratione non datur hæc accusatio hæredi extraneo in maritum vel uxorem, qui quæve expilavit defuncti hereditatem, quia hoc suo jure quodam fecit, tenens post mortem conjugis, quod tenuit eo vivo societas jure, l. 4. hujus tit. l. pen. ff. eod. l. hæres, ff. de negot. gest. l. quamvis, sup. de furt. Eadem ratio societas facit, ut hæc actio extraordinaria non detur cohæredi in cohæredem, quia re communi cohæres utitur ut sua, ut socius. Et hoc est certissimum, non dari cohæ-

redi in cohærentem, ex l. 3. *sup. fam. erisc.* et l. 1. *hujus tit.* Et probatur etiam argumento l. *merito*, ff. *pro soc.* Ratio igitur cur cohæres cohærenti hoc iudicio non teneatur, proficiascitur ex societate et communione rerum hereditariarum. Neque est ratio, quod satis sit consultum cohærenti iudicio familiaris eriscundæ, si quid cohæres sustulerit, quia huic crimini est locus, etiamsi suppetat alia actio, non quæ poenam, sed quæ rem persequatur, ut ad exhibendum, vel petitio hereditatis, l. 2. 3. ff. *ead.* Ergo et si suppetat actio famil. erisc. quæ rem non poenam persequitur, nec dum ait l. 3. *sup. fam. erisc.* crimen expilate hereditatis frustra cohærenti intendi, cum inquit, iudicio famil. eriscundæ indemnitati ejus prospiciatur, non hoc significat ideo cessare crimen hoc, quod suppetat, aut sufficiat actio famil. erisc. sed quod ablata res communes fuerint, tanquam inter socios, in quarum divisione, de qua agitur famil. erisc. iudicio, damni ratio haberi possit, ut l. 19. *ead.* Et ita est explicanda d. l. 3. l. autem 1. *hoc. tit.* cuius est difficilior species, explicanda hoc modo. Finge: duo sunt cohæredes, et in hereditate est arca communis, quam possidet quidam extraneus: in arca autem sunt quedam res mobiles, quarum inspiciendarum copiam possessor facit cohæredibus, sed claves arce non tantum ex cohæredibus tradidit, id est, earum rerum in unum tantum possessionem transtulit. Clavium traditio est translatio possessionis, l. *clavibus*, ff. *de contrah. empt.* l. 2. *sup. de periculo et commodo rei venditæ.* Hinc queritur eo: cui claves arce sunt traditæ, arcam, et res in ea positas retinente totas, et sibi habente, an alter cohæres, cui tradita non est possessio rei, possit intendere crimen expilate hereditatis, quod totas eas res sibi vindicet, et adserat? Lex ait, non posse, quia scilicet socius socio hoc crimen non intendit, d. l. 3. Verum, si eas res ab eo est vindicaturus pro sua portione iudicio familie eriscundæ, habet in cohærentem actionem ad exhibendum, ut eas res palam exhibeat. Cui si cohæres possessor earum rerum obijciat compensationem pretii, puta aliarum rerum hereditariarum, quas facile concedit cohærentem, qui agit ad exhibendum sibi ferre et habere in solidum, habita compensatione pretii earum rerum, ut fit in l. *Marius*, §. *arbiter*, ff. *famil. erisc.* l. 3. *sup. comm. d. vid.* lex ait, oblata illa compensatione, non statim esse repellendum actorem, sed rebus exhibitis familie eriscundæ actionem exercendam esse, quam vocat directam actionem, id est, principalem. Actio ad exhibendum non est principalis actio, sed est preparatio actionis principalis, puta vindicationis, quæ ut hoc loco dicitur directa actio, sic etiam in l. 3. *ibidem*, et l. *si quis hominem*, ff. *ad exhiben.*

Tom. IX.

Et idem dicitur pene in d. §. *ibidem*, quod in hoc lege 1. actioni ad exhibendum opposita exceptione obscuriori, vel quæ habeat altiore rationem, eam esse diffinendam in directum iudicium, id est, in principale iudicium, in rem, quale est familie eriscundæ, re interim exhiberi jussæ, secundum intentionem actoris, nec habita ratione oppositæ, vel inductæ compensationis. Et ita est explicanda lex 1. *hujus tit.* Postremo illud tantum notandum est ex leg. *pen. hujus tit.* libertos, quibus quidam patronus testamento legavit, non repelli a petitione legatorum, preterito compilatæ hereditatis, id est, quod dicantur compilasse hereditatem, maxime, inquit, suspensa cognitione, id est, suspensa hoc crimine. Bene, quia finita cognitione, et damnatis legatariis, repelluntur a petitione earum rerum, quas subtraxerunt, seu compilaverunt, l. 49. ff. *ad Trebell.* et l. 3. *sup. de lega.* Et eodem modo dicitur in l. *penult. ff. de accusat.* criminis rem, suspensa crimine, id est, suspensa cognitione, posse deferre causam fisci. Cur suspensa crimine? quia eo finito, si sit damnatus, certe non potest deferre causam fisci, l. 18. ff. *de jure fisci.* Idem fere etiam, quod ait h. c. lex. *pen.* proponitur in l. 23. *initio*, ff. *de fideicommiss. libertat.* ut non differatur præstatio fideicommissariæ libertatis, preterito compilatæ hereditatis: id est, quod dicatur servus compilasse hereditatem, quamdiu cognitio ejus criminis in suspensa est.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titulum XXXIII. De vi bonorum raptorum.

In hoc tit. proponitur actio civilis: nam prætoriana civilis dici potest, sicut jus prætorium jus civile. Actio igitur civilis vi bonorum raptorum, quæ ex edicto prætoris datur in eum, qui rem alienam rapuit, si res mobilis fuerit, ut ait lex 1. Nam de re immobili hæc actio non competit, puta de fundo, sed competit interdictum unde vi, vel actio in duplum, ex constitutione legis si quis in tantam, *sup. unde vi.* Hæc autem actio, quæ est de re mobili, seu animali, quæ movet a ripam, modo dicitur dari in triplum, ut in l. *locatio*, §. *quod illicite*, ff. *de publ.* modo in quadruplum ut in constitutionib. h. tit. et alibi passim: modo in triplum et quadruplum, ut l. *pen. C. Th. de paganis sacrificiis, et templis.* Et varietatis istius causa est, quia hæc actio mixta est, id est, quia cum poena tripli persequitur etiam rem vi ereptam, quæ con-

fusio rei raptæ, cum triplo pretii efficit quadruplum. Et ita dicitur dari in triplum, si pœnam tantum spectes, in quadruplum si pœnam cum re confundas, scilicet intra annum utilem. Nam post annum utilem hæc actio datur tantum in simplum, id est, ad rem, non ad pœnam. Et unoquoque casu Tribonianus eam redigit ad duplum speciali casu, quo actio vi bonorum raptorum est in duplum, cui insit res, scilicet vi erepta, et alterum tantum, quanti ea res est. Et is casus specialis est in l. 6. sup. de pagan. sacrific. si quid Christianus mobile eripiat Judæo, vel Pagano. Nec enim ex hac causa vult Christianum gravius coerceri cum tamen C. Theodos. in d. l. pen. multo æquius etiam in Christiano statuerit quadrupli pœnam, si quid deripuerit per vim Judæis, aut Paganis. Actio igitur vi bonorum raptorum est mixta, et annalis in quadruplum. Quæro, an ideo existimabimus minus agi cum raptore, quam cum fure, quod in raptorem sit actio mixta et annalis, et in furem sit actio tota pœnalis non mixta et perpetua, non annalis, quod est verissimum. Sed non ideo existimabimus, minus agi cum raptore, qui vim fecit, quam cum fure, qui nullam vim fecit. Nam sive raptor sit manifestus, id est, qui invito domino extorqueat rem mobilem, vi aperta, mixta actione vi bonorum raptorum, conveniri potest actione furti manifesti in quadruplum, quæ tota est pœnalis et perpetua. Rem autem persequi conditione furtiva, vel ad exhibendum. Nam et hic raptor fur est manifestus, l. si vendidero, §. cum raptor. ff. de furt. Sive raptor est non manifestus, ut si quid coactis hominib. rapuerit ex domo, in qua nemo erat, et nemo deprehenderit tollentem, raptor est nec manifestus, l. si quis uxori, §. ult. ff. eod. l. Et sane hoc casu, aut in hunc casum proprie est comparata actio vi bonorum raptorum, quia est hoc casu gravior intra annum utilem, quam actio furti nec manifesti. Et in hunc casum esse proprie comparatam significat §. 1. Inst. eod. tit. dum ait, huic actioni esse locum, etiamsi non comprehendatur in ipso delicto, quia scilicet hoc casu visum non est prætori sufficere actionem furti nec manifesti, quæ datur tantum in duplum: inde dedit actionem in triplum, quæ dicitur vi bonorum raptorum, in raptorem nec manifestum proprie, quæ actione, si non egerit is cuius interest, intra annum utilem, post annum non volabitur agere furti nec manifesti in duplum, vel si prius egerit actione furti nec manifesti intra annum, nec dum annus utilis exierit, adhuc potest agere vi bonorum raptorum in id quod amplius in ea est, l. 1. ff. eod. tit. l. si quis egerit, ff. de furt. Et observandum est maxime de illo concursu actionis furti nec manifesti cum actione vi bonorum raptorum arripe agi in jure

nostro, quoniam in hunc proprie casum comparata est actio vi bonorum raptorum. Nusquam autem agi de concursu actionis furti manifesti, et vi bonorum raptorum, quia ad hunc casum proprie non pertinet, nec est necessaria actio vi bonorum raptorum. Et hoc adnotasse ad hunc titulum satis est.

IACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXXIV. De crimine stellionatus.

Sequitur crimen extraordinarium stellionatus, quo nomine significatur fallacia, impostura, et omnis dissimulatio et quicquid turpiter fit in fraudem alterius, quod proprio nomine demonstrari, aut designari non possit. Denique stellionatus nomine significatur omne crimen, quod nomen proprium non habet, omnis fraus, quæ nomine proprio vocat. Cum hoc autem crimine non quidem concurrat ulla actio civilis, quæ pœnam persequatur, sed quæ rem persequantur variet possunt concurrere. Et si quidem famosa sit actio civilis rei persequendæ causa, quæ concurrat, ut si sit actio de dolo, vel actio depositi, famosum etiam erit crimen stellionatus. Finge, debitorem in solvendo, pro auro debito ex stipulato, vel ex causa depositi, subjecisse æs Corinthium, quod auri colorem habet: vel finge, eundem in solvendo, pro veris gemmis, vitreas subjecisse. Ex hac causa est actio de dolo, cum fuit debitor ex stipulato, vel actio depositi, quæ sunt famosæ actiones. Ergo ex his etiam causis crimen stellionatus erit famosum. Nam esset absurdum ex eisdem causis civilem actionem esse famosam, et criminalem non esse famosam. Et ad hunc casum pertinet l. quid ergo, §. ult. ff. de iis qui not. inf. crimen stellionatus esse famosum, quamvis non sit publicum, inquit: nam et crimen explatæ hereditatis, ut heri ostendi, est famosum. Non solum igitur publica crimina, de quibus est comprehensum, et cautum legibus publicorum iudiciorum, sunt famosa, quæ famosa certe sunt omnia, sed etiam privata quædam crimina, quæ extra ordinem vindicantur. Id vero genus stellionatus, quod notavi, puta, pro auro æs subijcere, proprius est id quod ait l. 3. ff. eod. imposturam facere: laborat Budrus illo loco querens, quid sit imposturam facere, nec explicat nisi obscure, et magis obscure quam exigant illa verba. Rem explicat aperte Tribellius Pollio in Gallicis. Cum quidam, in-

quid, vitreas gemmas pro veri ven'idisset ejus uxori, a'que illa, re prod' ta, vindicari vellet, subripi, quasi ad leonem venditorem jussit: deinde e cavea emittit caponem, non leonem, et mirantibus cunctis rem tam ridiculam, per cutionem dici jussit, imposturam fecit, et passus est, hoc est, subjecit vitream gemmam pro vera, et ego vicissim caponem pro leone. Ceterum si in pignore dando debitor, vel si venditor in vendendo subjecit res pro auro, vel vitream gemmam pro vero adamanto, aut sardio, rubis, si in vendendo subjecit statuliberum pro servo, dissimulata conventionem statutæ libertatis dolo malo, iis casibus stellionatus non est crimen famosum. Ad quod est referenda l. 2. ff. eod. tit. dum ait, crimen stellionatus non esse famosum quia iis casibus, nec actio pignoratitia contraria, vel ex empto, quæ cum eo crimine concurret, est famosa, l. si quis in pignore, ff. de pignor. act. l. statuliberum, §. 1. ff. de statulib. Itemque est, si quis sciens ignorantem creditori rem alienam, vel jam alii obligatam, simulans rem esse suam, vel esse liberam, pignori obligavit, l. 1. et 2. hoc tit. Quibus casibus concurret etiam civilis actio pignoratitia contraria ad rem persequendam cum accusatione stellionatus extraordinaria l. tutor, §. 1. de pignor. act. quæ actio cum non sit famosa, nec crimen etiam illud erit famosum. Idem erit, si debitor producat aliquem creditorem, quem simulat in causa pignoris esse priorem, cum sit posterior, prioris creditoris fraudandi gratia: nam et hoc casu cum causa stellionatus concurret actio pignoratitia contraria, ut in l. 4. hoc tit. et neutrum judicium est famosum. Et hoc ita debet intelligi, ut sit locus utrique judicio, civili et criminali, si id fecerit debitor, et adstruxerit nullo prolato scripto, quo persuaderet priori creditori, alterum esse longe priorem. Nam si hoc fecerit prolato falso chirographo, quod sit prolatus dies pignoris obligationis (id Græci προχρονισμὸν vocant, una antilate) tunc locus est crimini falsi, quia scripsit falsum, l. 13. sup. ad leg. Cornel. de fals. l. si a debitore, ff. eod. Ergo cessat tunc crimen stellionatus, quia ita demum huic crimini locus est, si aliud non sit crimen, quo deceptor possit argui, si deficiat aliud crimen. Translatum autem esse nomen stellionatus, nemo est, qui nesciat, ab animali ad hominem transfusum, et decipiendi peritum, ut apud Apulejum, Venus irata Cupidinem stellionem vocat, quibus modis, inquit, stellionem illum coibeam, un trompeur. Glossæ etiam antiquis stellionator dicitur ἐπιδόμος, id est, impostor. D. Cypriano implanator, ut Christianis nascente ecclesia, quod plerique pallio uterentur, qua veste hodie frequenter utimur, adversarii ambigua oratione objiciebant, quod essent Græci ἐπιδόμας, vestiti scilicet pallio Græco-

rum vestimento, quo se operiebant solummodo uno circumjecto, un R-ytra, ut intelligi volebant, ut ipsi intelligebant Græci impostores, et stelliones apud D. Hieronymum. Pœna hujus criminis est arbitraria, ut omnium criminum extraordinariorum. Sed tamen additur in l. 3. §. pen. ff. eod. in plebeis non debere pœnam hujus criminis egredi metallum: in ceteris esse remittendam relegationem, aut ab ordine motionem. Et remittendam, id est, mitigandam, inquit glossa ignara lat. sermonis: nam hoc vult, esse remittendam, id est permittendam, ut l. 22. §. ult. ad leg. Jul. de adult. patri esse remissum omnem adulterum occidere, remittere, pro permittere, et contra sæpe permittere, pro remittere et condonare.

JACOBI CUJACII J. C.

In Lib. IX. Codicis

RECITATIONES SOLEMNES.

Ad Tit. XXXV. De injuriis.

Extraordinariis executionibus criminum hic tit. interserit civilem actionem injuriarum, quæ datur ex 12. tabul. vel ex edicto prætoris, vel etiam ex lege Cornelia, ut est in l. constitutionibus, D. eodem tit. id est, ex causis comprehensis lege Cornelia de injuriis, puta quod quis pulsatus sit, verberatusve, domusve ejus vi introita, et generaliter de omni atque ei injuria, puta servili, et sæva, et gravissima, l. 7. §. posse, D. eod. tit. Cujus exemplum est in l. 4. hujus tit. si quis sacerdoti procedenti cum insulis, et ornato proprio injuriam fecerit. Et de levissima etiam injuria, ut Hortensium oratorem legimus, cum incidere elaboratus ad speciem, cujus decoris et pulchritudinis fertur fuisse studiosissimus, collegæ de injuriis diem dixisse, quod sibi in angustiis obvius occursum fortuito structuram togæ destruxisset, apud Macrobi. 3. cap. 13. Capitale, inquit, putavi, quod in suo humero ruga locum mutasset. Hujus autem actionis pœna olim ex duodecim tabulis erat certa, hodie est posita in æstimatione judicis, et est famosa, ac annalis actio l. 5. hoc tit. quæ scilicet ex omni causa indistincte, ut opinor, finitur anno continuo, id est, breviori tempore, quam actio vi honorum raptorum, quia et hæc actio de injuriis facillime aboletur, veluti dissimulatione, id est, si contestatus illico non sit is, qui injuriam passus est, se eam recipere et revocare ad animam, l. 31. sup. de liber. causa, illo loco, habita contestatione: qui sic est explicandus. Aboletur etiam pacto nudo, quod regulariter non tollit actionem, sed tollit actionem injuriarum. Aboletur

jurejurando, si delato jurejurando juraverit quis, se injuriam non fecisse, aut se non fecisse injuriam gratia, *l. 2. §. 1. l. non solum, §. 1. D. cod.* At de injuriis civiliter agitur, seu directo nobis illatæ sint, sive per consequentias, ut si illatæ sint filiis aut servis nostris, aut uxori, *l. 2. et 8. hoc tit.* Et non tantum civiliter agitur, sed etiam, si quis hoc maluerit, criminaliter. Sed aliud judicium alio consumitur, nec licet experiri utroque civili et criminali, *l. 6. D. eod. tit.* Quoniam utrumque est eadem de re, id est, utrumque respicit ad vindictam: nec enim actio injuriarum pertinet ad rem pecuniariam seu familiarem, sed ad vindictam: Et ut ait Valentinianus Imperator, qui agit de injuriis, agit causam doloris sui, et imminutæ suæ libertatis, non causam rei familiaris. Et ea ratione non licet utroque judicio experiri, sed hoc, vel illo, civiliter scilicet, et criminaliter. Criminaliter, quo nomine olim erat publica accusatio ex lege Cornelia, *l. hos accusare, §. ult. D. de accusat.* Sicut vi bonis raptis, etiam est publica accusatio ex lege Julia de vi. Et hodie etiam publica est injuriarum accusatio uno casu, *l. si quis in hoc, sup. de episc. et cler.* si facta sit injuria sacerdoti, dum sacra facit, vel clerico, dum cultui divino ministerium præbet. Videtur et de injuriis factis viris illustribus esse publica accusatio, ut hic locus Salviani indicat *libro 8. de guber. Dei.* Deum ergo o homo, inquit, incuriosum, et negligenter vocas? si quemlibet ingenuorum hominum hac contumelia læderes, insolentem injuriarum reus esses. Certe, si illustriorum quempiam, aut sublimiorum, etiam censuram juris publici sustineres. Altero etiam casu publica est injuriarum accusatio, de quo dicemus titulo sequenti. Ceteris casibus accusatio injuriarum est hodie extraordinaria, pertinet ad privatam tantum causam, *l. ult. D. eod.* et cum in criptionis vinculo, *l. ult. hoc tit.* Nam et crimina extraordinaria inscriptionem exigunt accusatoris, *l. ult. ff. de furt. l. 1. inf. de abig.* Et notandum, quod specialiter constituitur in *l. ult. hujus tit.* et firmatur *Novella 71.* ut viri illustres, sive sint honorarii, seu legitimi: nam ut est in *l. 2. Cod. Theod. ad leg. Jul. repetund.* (quæ ratio loquendi est elegans) alia est dignitas honoraria, quæ est sine re, et nil agit: alia legitima, quæ in actione consistit, et administratione reipublicæ. Ut igitur viri illustres, seu sint honorarii, seu legitimi, et seu extra ordinem criminaliter agant, seu conveniantur de injuriis, causam agere possunt per procuratorem, quod etiam datur episcopis, et presbyteris *Novella Valentiniani de episc. judic.* Regulariter causa criminaliter non potest agi per procuratorem, *l. pen. ff. de publ. jud. l. 2. sup. ad leg. Fab. l. 16. ad leg. Cornel. de fals. l. ult. sup. ubi senat. vel clariss. l. 1. ff. an per*

actum appell. etc. Regulariter causa criminalis non potest agi per procuratorem, nisi (ut ostendi supra quodam loco) capitale crimen intendatur, quo absens damnari possit, qui sui defensionem omittit, ut est proditum in *l. 3. sup. de accus.* et in *l. servum, §. publice, D. de procurat.* Quibus locis in capitalibus judiciis nominatim procuratori permittitur defensio absentis. Quo nomine significatur pleon defensio, id est, totius causæ criminalis, et purgatio non tantum absentis, sed innocentis, si absens damnari potest, qui nullam habeat rationem suæ salutis: nam et pro condemnato ultimo supplicio, si nolit appellare, quilibet potest appellare, *l. non tantum, D. de accusat.* Ergo et eum defendere, quando absens potest damnari. Quod oblinet uno tantum casu, sic cum eo præsentem jam lis fuerit contestata, et post litis contestationem defensionem omiserit, judicio recessit, *l. inter, D. de public. judic. l. 4. §. pen. ff. ad leg. Cornel. de sicar.* At ubi absens damnari non potest, ut quia litem non est contestatus: vel ubi non est capitale crimen, tunc superiori regulæ locus est, ut causa criminalis non possit agi per procuratorem, ut *l. miles, §. en quæ D. ad leg. Jul. de adult.* Verum ad hæc est animadvertendum, in *l. ult. hoc tit.* viris illustribus lis conditionibus permitti causam criminalem agere per procuratorem, ut per semetipsi si accusent, subscribunt in crimen, et ut in eorum persona nominatim condemnatio fiat, quæ tamen (ut Græci recte notant) argumento legis *2. D. de obsequiis parent. præst.* nullam eis inuret infamiam, quia eorum persona, neque judicio adfuit, neque adest cum sententia fertur. Absens non erubescit, infamia suffundit sanguinem præsentem tantum. Hoc igitur casu cum vir illustris agit causam injuriarum per procuratorem criminaliter, procuratori, vel in procuratorem, cujus persona abest judicio, non est dicenda sententia, id est, non est concipienda in ejus personam, sed in personam mandatoris viri illustris. Idemque potest esse quocunque casu procuratori voluntario, vel mandatario permittitur exercitio capitalis judicii, ut non alius damnetur, quam auctor criminis. Et hæc distant criminales causæ a civilibus. Nam in civilibus causis sententia dicitur procuratori, vel in procuratorem, si cum eo lis fuerit contestata, ut *l. 1. sup. de sentent. et interloc.* nisi in causa matrimoniali, ut glossa ait in *l. nihil, sup. de procurat.* Dico in causis civilibus, quæ aguntur per procuratorem, sententiam concipi in personam procuratoris, si cum eo lis fuerit contestata: nam si cum domino litis lis fuerit contestata, proculdubio in personam domini litis, sententia est concipienda, licet post litem contestatam causa sit acta per procuratorem. Et quod ait *l. nihil, sup. de procur.*

nil interesse ab initio, an cepta lite, negotium ad personam procuratoris transitum fecerit. Hoc tantum vult etiam post litem contestatam dari posse procuratorem, qui peragat causam, non etiam post litem contestatam a domino, sententiam esse dicendam procuratori, vel in procuratorem in causis civilibus, quod valde notandum est.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXXVI. de famosis libellis.

Injuria aut fit in corpus, aut extra corpus. In corpus, puta verberibus, aut ductu pugni: extra corpus autem fit, vel convitiis, vel famosis libellis. Convitiis, ut puta si quem infamandi gratia vocaveris delatorem, id est, sycophantam, ut in *l. 3. tit. super. vel si homicidam*, ut in *l. 3. tit. super. vel si liberum hominem per contumeliam vocaveris servum aut valissimum mancipium*, ut *l. 9. et 10. tit. super.* Famosis autem libellis fit injuria, si quid scripseris, quod pertineat ad infamiam alterius, de qua injuria est publica accusatio ex Senat. *l. 6. D. de injur. et poena capitalis ex l. 1. et 2.* (quarum prima est Græca, altera Latina) *hoc tit.* non tantum in auctorem libelli famosi, sed in eum etiam, qui invenit libellum famosum, nec combussit, sed evulgavit, quis ipse præsumitur esse auctor libelli, qui eum spargit in vulgus, non pro dicit auctore.

JACOBI CUJACII J. C.

In Lib. IX. Codicis.

RECITATIONES SOLEMNES

Ad Tit. XXXVII. De abigeis.

Sequitur in hoc titulo crimen extraordinarium abigeatus in latrones pecorum, ut ait *l. 9. §. Imperator*, ff. *loc.* quod constitutio hujus tituli ait, modo intendi cum inscriptione, ut si grex ovium abactus, et abductus sit, si equus si bos: modo sine inscriptione, ut si una tantum ovis, vel capra, vel sus abactus sit, qua de re tantum civiliter agitur, tanquam in furem potius, quam abigeum:

nam ob rem modicam non agitur criminaliter, *l. causas*, Cod. *Th. de jurisdict.* Civiliter agitur ob rem modicam, ut est in *Instit. vi bonorum rapt.* si vel minima, inquit, res sit rapta, et abacta, *§. Gallinarum*, *Instit. de rer. divis.* At non agitur criminaliter.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XXXVIII. De Nili aggeribus non impendis.

Hujus tituli constitutio non intelligitur a nostris. Est etiam extraordinarium crimen in Ægypto, si quis ruperit moles, vel aggeres obiectos Nilo, qui solent aquam Nili continere, coercere, dispensare, qua irrigatur Ægyptus. *l. pen. ff. de extraord. crim.* Nam et in sacris Bibliis Deuteronomii undecimo legimus, humana opera perinde, atque hortum totam terram Ægypti irrigari: qui aggeres in *d. l. pen.* vocantur Græce χάρται, et a quibusdam προχάρται. Certe quæ Arriano scribenti de gestis Alexandri, et de Nili miraculis sunt χάρται, Q. Curtio, qui multa sumpsit ex Arriano, sunt *moles*. Legendum autem est in constitutione hujus tituli (*valla fluenta*) Nam constitutio de his vallis, seu aggeribus nominatim non loquitur, de quibus tamen est titulus conscriptus, sed tantum tacite. Ideoque non est legendum, *valla fluenta*, sed ut in *Cod. Theod. vlla fluenta*, hoc sensu, ut si quis ruptis, apertis, aut dissolutis aggeribus Nili, qui aquam Niloticam continent, intra duodecimam cubitum, id est, cum incrementum Nili nondum excessit duodecim cubitum, ut Græci recte dicunt, πρὸ τῆς ἀναβάσεως τοῦ δωδεκακίτου. Ita igitur si quis ruptis aggeribus intra duodecimam cubitum, id est, antequam pervenerit ad duodecimam cubitum, *jusques à la douzième coudée*, quem cum non excedit, est certissima fames in Ægypto, ut Plutarchus scribit. Si valla fluenta derivavit ad se, et prædium suum, et usurpaverit sibi, capite plectatur. Græci legunt (*valla*) qui vertunt, τὸν τῶν. Sed hanc lectionem, nec verbum (*usurpaverit*) admittit, quia non apte diceret, si valla usurpaverit, sed si ruperit. At dicit, si valla fluenta usurpaverit, id est, ullos rivulos, apertis aggeribus ante tempus. Et subjecta quoque vox (*fluenta*) non admittit hanc scripturam.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titul. XXXIX. De iis, qui latrones, vel aliis criminibus reos occultaverint.

Est etiam extraordinarium crimen in eos, qui latrones, vel abigeos, vel aliorum criminum reos recipiunt, et celant qui sunt receptatores latronum, ut *l. 1. ff. de receptat.* Quintilian. *Declamat.* 255. *Proximos exi timo eos esse transfugas, a quibus transfugæ recipiuntur. Hoc natura simile est, facere scelus et probare.* Latrones dicit, non fures. Nam qui furem recipit, et celat, forte tantum civiliter tenetur, ut *l. qui vas, §. qui furem, ff. de furt.* nisi et res furtivas receperit, ut *l. si quis uxori, §. si fugitivum, ff. eod. tit. l. 12. sup. ad leg. Fab.* juxta legem Platonis lib. 12. *ἐάν τις κλεμπαδίον ἀποδέχεται γνώσκον, etc.* Si quis, inquit, sciens receperit qualemcunque rem furtivam ut poenam furis sustineat. Et Phocylides.

Φωκῶν μὴ δέξῃ κλεπὶ μὴν ἀνδρῶν παραδέχων.
ἀφρότεροι κλέπες καὶ ὁ δεξιόμενος, καὶ ὁ κλέψας.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titul. XL. De requirendis reis.

De reis jam dixit ante, qui presentes rei sunt litis contestatione, post quam etiam absentes damnari possunt, ut ante dixi ad titul. *de injur.* Nunc de reis absentibus dicit, qui sunt requirendi, qui certe damnari non possunt. Qui sunt requirendi, ut ait *l. 1. h. tit. si factus sit requirendus*, et Græci ut *l. adulteram, sup. ad leg. Jul. de adult.* ii sunt, cum quibus lis non est contestata, qui semper judicio absuerunt. Fiant autem requirendi cum annotantur inter reos, ut ait *lex 3. hujus tit.* ut scilicet requirentur, non ad poenam, quoniam damnari non possunt, sed ad purgandam innocentiam suam: et edictis evocantur, bonis eorum obsignatis, nondum publicatis: nec enim absentes damnari possunt, qui nunquam litem sunt contestati, nisi sint levia crimina. Non possunt igitur damnari absentes, qui nunquam litem sunt contestati, videlicet si gravis fuerint crimina, ut ait *l.*

1. hujus tit. quæ verba interpretatur *l. 1. ff. eod.* in qua citatur etiam hæc constitutio, ut sint graviora crimina, quæ inferunt mortem vel capitis diminutionem maximam, hoc est, servitutem et addatur *l. absentem, D. de poen.* Requirendis autem factis datur annus, intra quem venientes se purgare possint, et bona sua recipere, quæ sunt obsignata. Et si forte venerint intra annum, et mox decesserint in restu, heredes eorum bona recipiunt, *l. 1. hujus tit. l. 2. sup. si pend. appellat. mors. interven.* Post annum, qui non venerunt, bona eorum publicantur, et in fiscum reliquuntur, *l. 2. et l. 3. hujus titul.* nec si venerint post annum, ea bona possunt recipere. Quod semel sumpsit fiscus, nunquam reddit, ut *l. 2. hujus tit. l. 1. ff. ad l. Jul. de amb.* Post annum quidem audiuntur, si velint purgare innocentiam suam: nam quocunque tempore licet se purgare, et defendere, etiam post quintum annum, sed bona confiscata non recipiunt, nec sanam. Nam post annum, et bona publicantur, et infamis fit. Et ita est accipienda *l. 3. ut fiat infamis ipso jure post annum*, nec accipe legem *3. de infamia facti*, ut glossa, sed de infamia juris, ut post annum bona transferantur in fiscum, infamis fiat. Ceterum fama poterit restitui a principe: bona autem confiscata vix restituuntur.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XLI. De questionibus.

Expositione ratione faciendorum reorum, et exhibendorum, et custodiendorum, et ad extremum etiam, ubi absunt, annotandorum inter reos, expositisque variis judiciis, quibus varia crimina coercentur, tempus erat dicere proprio titulo de Questionibus, de quibus obiter ante, cum ea exponerentur facta mentio est: hæc sunt strictiores inquisitiones criminum, ut ait *lex 3. ad leg. Jul. majest.* quæ scilicet non sunt nude interrogationes, sed quæ sunt per vim, et tormenta, cruciatusque corporis reorum, vel testium, et quandoque etiam accusatorum, ut *d. l. 3. efficacissimæ ad requirendam veritatem*, ut est in edicto Augusti, quod proponitur in *l. edictum, D. eod. tit.* Dux autem potissimum leges sunt in hoc titulo, quæ desiderant operam nostram, quæque ad se trahunt ceteras fere omnes, *l. 1. et l. pen.* Hodie tantum legem primam explicabo, quæ pertinet ad veterem illam regulam juris, sive vetus Senatuscons. ut ait

Cornel. Tac. 2. *Annal.* ne de servo questio habeatur in dominum, ne offerente quidem domino servum questionem, ut *l. 7. h. t. l. 8. §. servus nec si a Domino. D. eod.* Et hujus regulæ ratio hæc est, quia indignum est audiri servum adversus dominum, et dominis maxime periculosum, et dominorum morte ipsa tristius, quoniam (ut est in proverbio) quot servi, tot hostes. Et quia, ut pro domino servus non torquetur, *l. 6. et 14. h. tit. l. 8. sup. de test.* ita æquum est, ne audiat etiam adversus dominum, imo nec adversus patrem, aut matrem, aut filium, aut tutorem domini sui, *l. 2. hoc tit. l. 10. §. 1. ff. eod. tit.* nec adversus dominum pro parte, id est, adversus unum dominum ex pluribus, *l. 13. hujus tit. l. 3. ff. eod.* Nec adversus eum, qui quondam dominus fuit, in memoriam prioris domini, ut in *l. 11. et 18. §. servus in caput, ff. eod. tit.* Sed addenda est hæc exceptio, nisi dominio ejus exierit, eo deportato, vel dato in metallum, mancipiis, et bonis omnibus suis publicatis: nam domini damnati servos constat in eum torqueri posse ex nova causa, *l. 1. §. item Mummio, ff. eod.* Et hanc addi rationem illo loco: quia desierunt esse ipsius. Et mirabilis ratio, et quæ, quod ante posuimus evertit, ut neque torqueri possit in eum, cujus desit esse servus, qui quondam dominus fuit. Sed tamen ita est scriptum Florentiæ, illo loco, *quia desierunt esse ipsius.* Et in Basil. *Ἀλλήλαυτο γὰρ ἀπὸ τοῦ*, ut non sit dubitandum de castitate scripturæ. Et tamen certum est, eam rationem, si generaliter accipiamus, esse falsam et vitiosam. Nam si servus sit damnatus in metallum, vel si ab emptore redhibitus sit venditori, vel si venditus sit, et traditus, desinit esse ejus, et tamen in eum torqueri non potest, *d. l. 11. 17. et 18. §. servus in caput, eod. tit.* Nec probatur fraus Augusti et Tiberii, qui quem volebant torqueri in dominum, prius jubebant a domino distrahi fisco, vel reipublicæ, apud Dionem 55. et Cornel. Tacitum 2. *Annal.* quoniam nec venditus servus potest torqueri in venditorem in memoriam prioris domini, alioquin hoc genere semper eluderetur vetus illa constitutio juris, domino coacto vendere a principe. Igitur ratio illa *l. 1. §. item Mummio*, est tantum accommodanda ad suum casum, non generaliter accipienda. Nec enim rationes Jurisconsultorum omnes sunt admodum necessariæ, plerique sunt coloratæ, et tantum probabiles. Hoc autem modo accommodabitur, ut servi ejus, qui est dampnatus, et damnatione capite minutus, scilicet amissis bonis omnibus, possint in eum torqueri, quia ejus esse desierunt propter scelus, et turpitudinem ejus, ut plane egerit se indignum, cujus memoria coleretur a servis, qui ejus esse de-

siissent eo modo, argumento *l. ult. supra qui, et advers. quos in integ. rest. postul.* Ubi patrouis aut parentibus, si turpes sint personæ nec honos, nec memoria vivis, aut mortuis eadem pariter exhibetur, ac si honestæ essent personæ. Porro ab illa veteri regula juris lex 1. hujus tituli excipit tria crimina, in quibus servi torquentur, et interrogantur in dominos. Primum est crimen fraudati census, quod per consequentias est etiam crimen fraudati tributi fiscalis. Nam fraudati census in *l. 1.* non est (quod glossa ait) fraudatis annone, sed si quis iocensum non deferat omnia, quæ habet fisci fraudandi causa, cui pro modo eorum, quæ possidemus, debentur tributa, in quibus sunt nervi Reipublicæ, ut ait lex 1. *§. in causa, D. eod.* qui est de hoc crimine fraudati census, quis est de fraudatis tributis in quibus, inquit, sunt nervi reipublicæ, et licet etiam servo hoc crimen ultro deferre adversus dominum, *l. vix, ff. de judic.* et nisi detulerit: de salute sua periclitatur, quæ est ratio, quæ juste compellit servum, et instruit ad professionem, id est, ad delationem, seu judicium istius criminis. Et ita est explicandus *d. §. in causa*, qui prima facie videbitur obscurus. Alterum crimen est perduellionis, quod etiam ultro servus potest et debet, si scierit, deferre adversus dominum, ne veniat in vitæ suæ discrimen, et periculum. Ergo in eo crimine potest etiam interrogari et torqueri in dominum. Tertium est crimen adulterii, in quo constat ex lege Julia servos uxoris torqueri in uxorem, servos adulteri adversus adulterum, id est, qui dicitur adulterium commisisse, *l. 3. et 32. et ult. sup. ad leg. Jul. de adult.* hac tamen conditione, ut post questionem habitam de eis in reum adulterii, vel ream, in cujus sunt potestate, publicentur, seu redigantur in fiscum, ut scilicet sine ullo metu verum dicant, nec obdurent in questionem, dum timent ne redeant in potestatem reorum, in quos torti sunt, *l. si postulaverit, §. jubet, ff. ad leg. Jul. de adult.* Post questionem recte publicantur, ante questionem non recte publicantur venditione extorta a domino in fraudem illius veteris constitutionis. His tribus criminibus alia addi oportet, veluti crimen per insidias appetitæ vitæ mariti, aut uxoris, quod conjungit adulterio, *l. ult. sup. ad leg. Cornel. de sicar.* quæ est conjungenda cum *d. l. 32.* Unde exemplo adulterii possis dicere, etiam in hoc crimine post questionem servos esse publicandos eadem ratione. Et notandum, hæc duo crimina (adulterii, et insidiarum factorum vitæ uxoris, aut mariti) servum non posse deferre ultro adversus dominum, sicut potest crimen perduellionis, et crimen fraudati census: sed tantum potest etiam in crimine adulterii, et insidiarum factorum vitæ co-

njugis, torqueri in dominum, vel dominam: nam (quod notandum) etsi, ut opinor, quacunq̃ue ex causa ultro servus dominum deferre potest, veluti fraudati census, ut dixi, vel læsæ majestatis, et alia duo crimina addas, vel arctioris annonæ, quod dominus supprimat annonam, et arctet; vel falsæ monete, d. l. vii, ex eadem causa servus etiam in eum torqueri, et interrogari potest; quia si ultro potest deferre, certe etiam invitatus per tormenta cogitur declarare veritatem. At non ita e contrario quacunq̃ue ex causa servus torqueri, et interrogari potest in dominum, non potest etiam ultro eum deferre, ut in crimine adulterii, et insidiarum. Constat etiam pro domino adversus dominum servum posse torqueri. Ut si duo sint domini, et alterum dicatur occidisse, l. 13. hujus tit. l. 17. ff. de Senatusc. Syll. Nam nec alia ratione dicitur servus in crimine perduellionis posse interrogari in dominum, quam quod interrogetur in dominum, pro domino rerum, id est, princeps, l. 2. Cod. Theod. ne præter majestatis crimen servus dominum accuset. Et ita licet servus non soleat torqueri per tormenta in domini tutorem, interrogabitur tamen per tormenta pro domino, puta agente tutelæ in tutorem ejus, l. 2. hujus tit. Item pro domino occiso in heredem, qui dicitur eum occidisse, vel mandasse occidi eum, l. 6. §. 1. ff. de Senatusc. Syllan. Item pro successione domini defuncti, si sit incerta et controversa, vel eo maxime, quod cum causa in incerto est successio, et incertus successor domini defuncti; et plures inter se de hereditate disceptant, nondum habet servus illum certum dominum. Et ideo, sive sit questio de fide generis, de statu ingenuitatis, de supposito partu, de falso testamento, servi hereditarii possunt interrogari, nempe pro successione domini defuncti, cujus interest habere heredem certum. Et hoc ostenditur in l. 9. et 10. et 13. h. tit. l. 2. l. 17. §. 1. et l. 18. §. judex, ff. eodem. Imo vero si non sit controversia de hereditate domini defuncti, sed tantum de certis corporibus, et rebus hereditariis, aut sicut ex hereditate, inter cohæredes, vel inter hæredes, et legatarios, aut creditores servi hereditarii, qui rerum habent notitiam, interrogandi sunt per tormenta, ut sit: nam servo non creditur sine tormentis, non sunt interrogandi de herede huius, qui sunt hæredes, quia de eo non queratur, nam constat inter omnes, sed tantum de rebus hereditariis, de quibus ambigitur, l. ult. hujus tit. l. ult. §. licentia, sup. de jure deliber. et Novella 1. et 48. Sed exigit l. ult. hujus tit. ut qui ex hac causa servum hereditarium postulat in questionem, prius juret de calumnia, id est, purget se iurejurando, se hoc postulare bona fide, quod existimet per servos hereditarios expediri

posse, an res sint hereditariæ, de quibus ambigitur, ut in l. 4. sup. de iurejurand. propter calum. que est conjungenda cum l. ult. hujus tituli, et illius subscriptio emendanda est ex subscriptione legis ultimæ hujus tituli, et de iis hactenus. Sequitur altera pars legis primæ, in qua parte proponitur differentia una inter causas criminales et pecuniarias; cujus ratione videtur quodammodo necti initium hujus tituli cum fine tituli superioris: nam in l. ult. tit. super. ponitur alia differentia inter causas criminales, et pecuniarias, quæ lex (quod pauci animadvertunt) ducta est ex l. 29. Cod. Theod. de petitionib. et ultro datis. Ut autem sit constituenda, et enodanda differentia, quam dico proponi in secunda parte hujus legis, primæ, non est facile expedire ob duplicem scripturam legis primæ: nam vulgo, ac etiam in Basilicis in ea legitur, nec inopia probationum. At Haloander legit, ut et plerique veteres Codices habent, ex inopia probationis. Secundum vulgatam scripturam differentia hæc erit, in causis criminalibus, si sit inopia probationum, servum non audiri in dominum, præscriptione refelli servum, qui in causa criminali quid dicit in dominum. Sed si sit copia aliarum probationum, quibus constet fides veri, ex præscriptione uti, de ce reproche, nihil attinere, nihilque prodesse domino, quo magis relevetur, satis convicto aliis probationibus, ut non sit necesse refelli dictum servi, quod pro non dicto possis habere. In pecuniariis vero causis etiamsi sit inopia aliarum probationum, servus in dominum interrogari non posse, hic est sensus hujus legis: si legis, nec inopia probationum. At hoc sensu nulla ponitur differentia inter causas criminales, et pecuniarias, sed idem omnino in omnibus jus, ut scilicet per inopiam aliarum probationum non interrogetur servus adversus dominum. Et tamen lex ponere voluit differentiam inter has et illas causas, quia postquam dixit de criminalib. causis, subjicit (in pecuniariis vero) quasi aliud statuens in pecuniariis, quam tamen differentiam destruit, qui legit, nec inopia probationis, et vinculum illud, ut sit sæpe, quod est initium hujus tit. cum extremo superioris. Itaque non hanc vulgatam, sed aliam scripturam magis probo, ut scribamus, ex inopia probationum, ut Haloander. Nam manifesto inter causas criminales, et pecuniarias hanc differentiam ponit, quod in criminalibus, nec si sit inopia probationum, audiantur servi in dominum: in pecuniariis si sit inopia aliarum probationum, audiantur. Et ex inopia, id est, propter inopiam, ut illo Sallustii loco, ex divitiis, luxuria juventutem invasit. Et ratio differentiarum est evidens; non ut quidem sit, et alios etiam divites confingit falso, quia in pecuniariis causis servi in-

interrogantur nulla interrogatione non etiam torquentur, nec enim hac ratione unquam unus sum: et in hoc titulo (*interrogare*) est semper per tormenta, sed ratio differentie hæc est, quia in pecuniariis causis servus, qui torquetur et interrogatur, non interrogatur in caput domini: ex SC. velita est tantum interrogatio in caput domini, ut non sit iniuriam in pecuniariis causis, in quibus non de capite domini agitur, maxime deficientibus aliis probationibus, servum audiri contra dominum. Et hoc etiam confirmat *l. 7. servi, ff. de testib.* dum ait, servi responso (generaliter cujuscunque servi) in causis pecuniariis scilicet, tunc esse credendum, cum alia probatio, ad eruendam veritatem non est, id est, si sit inopia probationum. Confirmat etiam hoc *l. 12. hoc tit.* cum ait, si de dominio servi queratur, inter dominum scilicet, et extraneum, in ea causa, quæ est pecuniaria, servos ita demum cum tormentis interrogari posse, si aliis probationibus veritas illuminari non possit, id est, ex inopia probationum. Et postremo hoc etiam confirmat *l. Divus, ff. eod. tit.* quæ de servis generaliter loquitur tam propriis, quam alienis, quod indicat ea lex, dum infert licere igitur, et de servis alienis habere questionem, sicut de propriis, scilicet in pecuniariis causis, si aliter veritas inveniri non possit, id est, ex inopia probationum. Et addit, ut et D. Severus rescripsit in *h. l. 1. §. item Severus Antigono*. Nam et hæc *l. 1.* est inscripta Antigono, ut alias admonui. Unde quoties legimus in pecuniariis causis servos non interrogari in dominum, ut in *l. 2. et 6.* et a contrario sensu in *l. 13.* hoc sic excipi debet, ut non possit interrogari in pecuniariis causis adversus dominum nisi urgeat magna inopia aliarum probationum. Restat ut advertamus ex hoc tit. de liberis hominibus, qui questionibus subijci possunt, vel non. Servos jam ostendi heri subijci questionibus et tormentis, tam alienos, quam etiam quandoque proprios, qui facti sunt conscii, vel auctores non tantum in criminalibus causis, sed etiam in pecuniariis, scilicet si aliter veritas inveniri non possit, *l. Divus, ff. eod.* Ergo, si accusetur servi, si ad testimonium provocentur, servi alieni, aut proprii torqueri possunt: liberi autem homines vocati ad testimonium in pecuniariis causis, etiam si res sit obscura, quæ agitur, quæ nullis sit subnixæ probationibus, nullis probetur argumentis, vel signis, torqueri non possunt: quia nec statuliberi possunt torqueri in pecuniariis causis, qui spernunt tantum habent obtinendæ libertatis, novum sunt liberi, nec deportati in insulam, qui liberi quidem sunt jure gentium, sed non jure Quiritum, quia desiderant esse Quiritæ, *d. l. Divus, §. pen. et ult.* At ut in criminalibus causis statuliberi vocati ad testimonium in caput alterius tor-

Ton. IX.

queri possunt, *l. edict. §. ult. ff. eod.* ita etiam liberi, maxime pro vacillante testimonio, ut ait *l. ex libero, in tit. ff. eod.* vel etiam si infames sint: nam et infames quandoque ad testimonium, imo et ad accusationem admittuntur, ut in causa læsæ majestatis, *l. famosi, ff. ad l. Jul. majest.* et in causa arctioris annonæ, *l. mulierem, ff. de accusationibus*. Unde ait *l. ob carmen, §. si ea rei, ff. de testib.* si ita sit rei conditio, ut admittat ænarium testem, vel similem personam, id est, famosam personam, seu infamem, ut puta si sit reus majestatis, vel fraudatæ annonæ. His personis famosis licet sint libere, non est credendum sine tormentis, quod congruit cum *§. 1. Novellæ de testibus*. Et hoc si liberi homines ad testimonium vocentur in causis alienis. At quid si ipsi accusentur, quid si ipsi liberi homines rei postulentur? Et hoc quoque casu plebejos constat torqueri, ut in *l. 3. hoc tit.* libera mulier, quæ veneno maritum occidit (sic enim ad eam legem ponunt speciem tum Latini, tum Greci) ea inquam, mulier veneficii postulata torquetur, sed primum interrogatur servi alieni, qui facti conscii sunt, vel esse præsumuntur, nedum proprii servi, quod ad eam *l. 3. Basil.* addunt ex *l. ult. sup. ad l. Corn. de sicar.* Denique torquetur mulier postulata de veneno porrecto marito, quo maritum extinxit, videlicet ut ait lex si opprimatur argumentis quibusdam: nam questio non habetur de quoquam nisi extrinsecus impleatur accusatio quibusdam argumentis. Itaque *l. 3. recte* ait, divisisse Imperatorem Antoninum cognitionaliter, id est, utraque parte præsentis vel constantis, qui opponitur *μωρεῦς*, divisisse, inquam, mulierem in ea specie non torqueri, nisi opprimatur quibusdam argumentis verisimilibus, aut probabilibus, quibus veluti certis indicis moveatur iudex, ut ait *l. 8. hujus tit.* Ex qua in *l. 17. sup. ad leg. Corn. de falsis*, pro (ceteris judiciis) velim reponi (certis indicis) quoniam idem ait, quod *l. 8. hujus tit.* ut si prius iudex fuerit commotus certis indicis, tum jubet reos exhiberi, ut de eis questio habeatur, hæc de plebeis. Constat etiam eos, quos a plebe acceruit dignitas, aut splendor generis, aut militia, aut emerita militia, torqueri, si obijciatur crimen perduellionis, *l. 3. et 4. sup. ad leg. Jul. majest. l. 16. hujus tit.* Vel etiam quod perduellioni, sive læsæ majestati proximum est, si eis obijciatur crimen maleficarum artium, ut in *l. 7. sup. de malefic. et mathemat.* crimen scilicet maleficarum artium, quas dicantur non exercuisse passim, sed in comitatu Augusti, vel principis, quoniam qui has artes exercent in comitatu principis, propemodum pulsant, et appetant ipsum principem, ipsam majestatem, et ideo crimen est proximum læsæ majestati, et in eo nulla dignitas excusat a

tormentis: Cum inquit, *has artes exercuerit in comitatu nostro, vel Caesaris*, ut ait *l. 7.* plane separans Caesarem ab Augusto; quam separationem Trajani ætate primum fuisse introductam didici ex Aurelio Victore, non inuito quidem illo et decuratio qui formis est expressus, sed integrior, quem habuimus. Ejus verba sunt: *Trajanus, inquit, grandævæ ætate, adscito ad imperium Adriano cive, et propinquo, abhinc divisa sunt nomina Caesarum, et Augusti, inductumque in Rempub. ut duo, vel plures summæ potentie dissimiles cognomento, ac potestate dispari sint.* Augustinus in fin. 10. de Trinitate. *Caesarem cum Augusto commune habuisse purpuræ gestamen, at non idem Diadema.* Quod etiam Zonaras scribit in Michaelis Stratonico. Ammianus Marcel. duobus locis, Caesarem Augusto esse veluti apparitorem, non residem, sed utro citroque discurrentem mandato Augusti, *lib. 11.* Verum ad rem. In ceteris omnibus dignitas, et splendor gratia, et militia excusat a tormentis, *l. 8. 11. et pen. hoc tit.* Et *l. 11.* primum nominat eminentissimos, et perfectissimos, quos non vult ob dignitatem, quam sustinent, affligi poenis, aut questionibus plebejorum. Et eminentissimos vocat viros illustres, ut in constitutionibus Justin. Tribonianus modo vireminentissimus, modo vir illustris appellatur. Contineri etiam possunt eo nomine spectabiles, et clarissimi. Eminentissimi igitur sunt viri illustres, et clarissimi, quoniam potissimum hi tres dignitate eminent in rep. perfectissimi sunt inferiores clarissimi. Ammianus Marcel. 21. *Nec sub eo dux quisquam proventus est cum clarissimatu; erant enim, inquit, perfectissimi.* Ait autem *l. 11.* neque eminentissimos, neque perfectissimos subijci tormentis, et poenis plebejorum, neque liberos eorum usque ad 3. gradum, si modo liberi omnes eorum illam estimationem suam conservarint, *et ils ont tousjours vescu noblement sans reproche.* Nam si vel unus eorum notatus fuerit infamia, veluti damnatus jud. pub. hoc maculat ceteros, et privilegium illud extinguitur, nec transfertur ad ultiores. Finge, ex avo eminentissimo, aut perfectissimo esse patrem, et filium, et nepotem, et patrem notari infamia criminis cujusdam famosi: nota patris maculat filium, et nepotem excludit supradicto privilegio, et beneficio, ne subijciatur poenis, aut questionibus plebejorum. Hæc est sententia *l. 11.* in prima parte. Subjicit eadem *l.* in 2. parte: idem esse observandum in decurionibus, et hoc referre Domitium Ulpian. in *lib. disp.* quod et verum est, hoc enim refert in *l. 2. ff. de decur.* quæ est ex lib. 1. Disput. Ait, *in decurionibus autem, et filiis eorum hoc observari vir prudentissimus Domitius Ulpianus, etc.* in filiis eorum, inquit, ubi filiorum appellatione oportet intelligere omnes liberos usque

ad 3. gradum exemplo eminentissimorum, et perfectissimorum. Nam hoc privilegium decurionum non tantum ad filios, sed ad nepotes, et pronepotes transit, ut ostendi in *l. moris, §. pen. ff. de poenis, et l. si quis filio, §. ejus, ff. de inj. rup. irr. fact. testam.* Ergo in liberis decurionum idem statuemus, quod in liberis eminentissimorum, et perfectissimorum, ut scilicet nota unius nocet posteris, ut posteris auferat privilegium. Verum hoc pugnat omnino cum *d. l. §. in avo.* Cujus tamen auctoritate utitur: nam ait, *in avo recte Papinianus respondit, ut nota patris non macularetur filius*, quorum verborum non potest esse alia sententia, quam, ut si sit avus decurio, et pater, et filius, et nepos, notato patre, filius non maculetur, aut nepos contagione patris, ut filius nihil sibi metuat, vel honori, quem ducit ex avo decurione. Est eadem species, quam posui ante in liberis eminentissimorum; et tamen in iis liberis decurionum *l. 11. ait*, idem servari, quod in liberis eminentissimorum, in medium adducta auctoritate Ulpiani, qui tamen longe secus scripsit in *d. §. in avo, l. 2. ff. de decur.* quæ est ex lib. Disputat. Idem etiam omnino scripsit Ulpianus in *l. emancipatum, §. ult. ff. de senator.* si avus fuerit senator, seu decurio (nam et decurio senator est municipalis) pater autem notatus sit infamia, etiamsi filius sit conceptus post, inusitam notam patris dignitatem avi ei prodesse potius, quam nocere infamiam patris. Ergo indistincte seu filius, qui habet avum senatorem, vel decurionem, sit conceptus ante infamiam patris, vel post infamiam patris, infamia patris nihil ei prejudicat. Ulpianus ergo his duobus locis aperte dissentit ab eo, quod proponitur in hac *l. 11.* aut negat se id scripsisse, vel sensisse, quod ei hæc *l. 11.* attribuit, ut scilicet quemadmodum in liberis eminentissimorum, et perfectissimorum nota patris nocet, ulterioribus dignitas avi non prodest; ita etiam in liberis decurionum nota patris maculet ceteros liberos. Non potest res in concordiam adduci ullo modo: legantur glossæ, et interpretes, et ab eis legantur allegatæ innumeræ rationes istius nodi dissolvendi, sed irritæ omnes et quæ nullius sani hominis judicium expleant. Velim vos observare in hac *l. 11.* manifesto Imperatores voluisse ponere differentiam inter liberos eminentissimorum, et perfectissimorum, et liberos decurionum, quoniam ubi dicit de liberis eminentissimorum, adversative subjicit, sive quasi ex adverso, *in decurionibus autem, et filiis eorum, etc.* Hæc sunt verba volentis ponere differentiam, quæ tamen nulla erit omnino, nisi legas negative, *in decurionibus autem, et filiis eorum hæc non observari, etc.* Et, ut ita legamus, compellit me ipsemet Ulpianus, cujus auctoritate utimur non uno in loco, sed duo-

bus in locis, et illo ipso loco, puta disput. qui notatur in hac l. 11. Se igitur posita hac differentia intelligamus maiorem integritatem, et castimoniam exigi in genere eminentissimorum. Nec abs re. Nam et horum æquum est mores eminere, et præluere ceteris omnibus. Itaque eam gentem deturpat, vel unius ex liberis infamia, quod attinet scilicet ad istud privilegium, quod non ita facile admi tuitur in genere decurionum res est verissima: in liberis eminentissimorum, et perfectissimorum decus perpetuum exigimus, nec interruptum, ut in ea familia istud privilegium perseveret, ne experiantur pœnas, aut questiones plebejorum. Ad hæc est notandum ex l. pen. hujus tit. ad quam erat referenda illa lex 11. quam potius debui facere potiore cum lego prima, quam cum l. pen. quod sit d. sicilicet: eadem tamen de re utraque l. 11. et pen. Et ostenditur l. pen. idem privilegium dari principalibus, qui, inquit, principali honore muniti sunt, vel apertius ut in C. Theod. principalitatis. Honore: qui sunt principales? Ii sunt primi decuriones, qui et primarii curiarum in l. 39. C. Th. de decur. primi Senatores, primi decuriones usque ad decem scilicet. Et ideo iidem sunt principales, et 10. primi curiæ, l. 52. et 54. C. Th. de hæret. ad quem honorem principalitatis perveniunt ii tantum, qui sunt perfecti gradatim in sua patria omnibus munieribus civilibus, ut ostendit l. 8. et 77. et 75. C. Theod. de decur. Et hoc est, quod ait hæc lex, hanc esse mercedem laboris multorum munerum gestorum pro patria: hoc ait l. penult. ut scilicet principales non subiciantur pœnis plebejorum, ut a D. Augustino in libris de civitate Dei. Areopagitæ vocantur principales. Et idem privilegium competere ait, si desiderit esse decuriones, in memoriam scilicet prioris dignitatis, ut ait l. ult. ff. de decur. dum ait eum, qui desit esse decurio, et postea damnatus est, non posse torqueri, quia plerunque damnati torquentur, ut prædant scelera participes et socios, l. 1. sup. de falsa mon. l. ult. sup. de malef. et mathemat. l. provinciarum, sup. de fertis. Adnotandus tantum est, præter superiores notato casus, quibus, qui in dignitate positi sunt sine defectu torquentur, cum atrocia crimina eis obijciuntur, veluti majestatis læsæ, aut minuter præter eos casus, addendus est tantum unus, quo decurio subijci potest tormentis, si ante decurionatum tabellio fuerit, et falso pleraque instrumenta conscripserit. Nam si arguatur falsi post decurionatum, ex hac causa subijci potest tormentis, ex l. si quis decurio, sup. ad leg. Cornel. de fals. si hoc res exigit, ut questio de ea habeatur. Nam ut ait, scripturæ fides, cum id res exigit, per ipsum debet probari scriptorem. Ideoque decurio torquetur eorum nomine, quæ falso dicitur scripsisse ante

decurionatum cum tabellio esset. Nam observandum est, decurionem non posse fieri tabellionem, ut in l. universos, inf. de dec. Sed tabellio potest misso eo munere decurio fieri, seu conscribi in curiam, et minorem Senatum suæ civitatis. Quæ in dignitate torquetur etiam de eis, quæ cum esset tabellio, dicitur falso conscripsisse, d. l. si quis decurio, sup. ad leg. Cornel. de fals. Non omit tam, in l. 9. h. t. vulgo male legi, ne alienæ forte sordidæ stirpis, etc. Ait l. 9. cum quaeritur de statu ingenuitatis, etiam exquisitam questionem habendam esse, etiam atque etiam inquirendum esse ea de re, quæ est maximi momenti, ne qui sint alieni forte sordidæ stirpis, irrepant in splendidam familiam, et aliis debitam successionem arripiant. Nam certe veteres libri habent, ne alieni forte sordidæ stirpis: et Basilica etiam id confirmant: ἐνα μὴ ἀλλότριοι τοῦ χῶ, etc.

JACOBI CUJACII J. C.

In L. b. IX. Codicis.

RECITATIONES SOLEMNES.

Ad Titulum XLII. De abolitionibus.

Obiter etiam sæpius ante dictum est de accusatorum temeritate et calumnia, quæ coercetur lege Remmia, et de abolitione, sine qua impune institutam accusationem descrere non possunt ex leg. Petronis, et Senaturo. Turpill. cui rei debebatur proprius specialisque tractatus et vero nunc datur hic titulus, et quatuor qui sequuntur. Hodie hunc tantum titulum explicabo, et sequentem. Hic est de speciali abolitione, sequens de generali. Hic inquam, est de speciali et privata abolitione, quam non impetrari facile ait lex qui cum natu major, §. 1. de bonis libert. et est via omnittende accusationis, vel deserendæ, quam petit accusator a iudice, in cuius officio accusationem instituit, l. abolitionem, sup. ad leg. Jul. de adul. l. 15. D. de jure fisci Nec enim ad abolitionem obtinendam necesse est accusatori adire principem, sed iudicem, apud quem instituit accusationem, pro tribunali selectum, et præsertim adversa parte, ut liceat ei desistere, et pœnitere ab accusatione, restititis civis, propter quas desiderat desistere, ut puta allegans, se ad accusationem prosiliisse errore facti, vel inconsulto, aut juvenili calore: (nam et juvenes,

id est, adolescentes ad accusationem admittuntur, præterquam adulterii) se igitur accessisse ad accusationem calore juvenili, ut apud Symmachum, *epist. ult. lib. 1.* accusator omissionem, id est, abolitionem petit obtentu inconsultæ adolescentiæ suæ juri et atque militiæ. Igitur reddenda est causa judicii, exponenda petitæ abolitionis, ut si justa sit, detur perpenso consilio, et causa cognita etiam invito reo, ut in *l. 3. h. tit.* Et justa etiam est causa accusatori petende abolitionis, si propinquos suos in reum, in accusationem deduxerit, quorum postea misceretur, *l. 2. hoc tit. in fine.* Itemque si quis suæ, aut suorum injuriæ exsequendæ causa accusationem instituerit, *d. l. 2. et l. quamvis, sup. ad leg. Jul. de adult.* Quia hic, qui exsequitur suam injuriam, vel suorum, privatam causam agit, quam cur non omittat, si velit petita venia? At qui publicam causam agit, quia accusationem instituit publico jure, publicum jus temere prode- re, atque omittere non potest. Impetrata autem abolitione non potest ab eodem in eundem renovari crimen, ut ait lex *1. restaurari crimen, l. mulier, §. ult. ff. ad Senatusc. Turpil.* nisi nota principali, id est, permissio principis (recte sic legitur. *notu principali*) accusationem, cujus abolitionem petit et impetravit, restaurare potest, alias non potest, etiamsi reus post abolitionem impetratam non præstet accusatori fidem, non præstet quod promisit se daturum vel facturum, si abolitione petita accusator desisteret, *l. 3. ad Senatusc. Turpil.* Nam et pactione habita cum reo, qui abolitionem petit, recte petit, si cognatum accusaverit, vel si privatam causam egerit suam injuriam defendens, vel suorum, non etiam si egerit publicam, et extraneum accusarit. Nam abolitio ex pacto partium honeste non petitur, cum publico jure adversus extraneum semel accusatio instituta est et inchoata. Et ita est explicanda *l. 2. h. tit.* Et in illo loco (*sin autem per deceptionem*) certo legendum est, *per deceptionem*, trajectis literis, ut in *l. 1. C. Theod. eod. tit.* Et in Basilicis *ἐν πωπῶν*. Deceptionem vocat pactionem habitam cum reo de petenda abolitione, quæ turpis est, si crimen non fuerit capitale, et quod ita pacti sunt inter se accusator et reus, uterque punitur: honesta autem pactio est, si crimen fuerit capitale. Et quod ita pacti sunt de crimine capitali, accusator tantum punitur, non reus, qui redemit salutem suam, excepto crimine adulterii, et ex non capitalibus, falsi, *l. transigere, sup. de transact. l. 10. sup. ad leg. Jul. de adult.* At præterea notandum est, abolitionem etiam non dari manifesto calumniatori, qui non errore præsiliit ad accusationem, sed malitia mala, *l. 3. hujus tit. l. pen. inf. de calum. l. 3. ff. de jure fisci.* Non dari etiam abo-

litionem, nisi re integra, reo tamen sub custodia officialis facto, sive posito, nondum etiam reo experto carcerem, aut vincula, aut tormenta: nam si res non sit integra, puta si sit perventum ad tormenta rei, si reo sint injecta vincula et catenæ non petitur, daturque abolitio invito reo. At si res sit integra, reo tantum posito sub custodia officii, non petitur etiam abolitio invito reo, nisi intra triginta dies, ex quo reus factus est in custodia officii, quod tempus triginta dierum etiam datur reo ad res suas componendas, et ut interim se comparet, et instruat ad sistendum in judicio, *l. 2. sup. de exhib. reis.* Et hæc omnia continentur in *l. 3. h. t.* Simul et hoc ut non petatur etiam abolitio, nec consensu utriusque partis, si jam torti sunt ingenui homines vocati ad testimonium, et torti quasi sceleris participes. Qui casus est addendus ex *l. 3. iis, quos expasui heri,* quibus liber homo in testimonium vocatus torqueri potest, ut si sit infamis, si vacillet testimonium ejus, si nulet, et subsit in eo suspicio mendacii quædam: itemque si dicatur participes sceleris: si ingenui homines torti sunt, non est integrum petere abolitionem, si servi torti sunt ad testimonium vocati, aliud est, quia non sunt tanti. Quædam etiam ostendit *l. 3.* esse crimina, quorum abolitio non petitur, ut crimen læsæ majestatis: et desertiæ militiæ, et peculatus, id est, interceptæ pecuniæ publicæ: quæ sola nominat: sed addit generaliter, omniaque quæ in jure veteri continentur. Unde quæres merito, quæ sint alia crimina, quæ jure veteri continentur, quorum abolitio peti non potest. Puto esse eadem crimina, ad quæ non pertinet generalis abolitio, sive indulgentia, quod conveniens esse videatur, et consentiens, ut reis criminum, quibus non prodest generalis abolitio, non prosit etiam specialis. Et a generali abolitione, sive indulgentia, puta, quæ reis tribuitur feriis paschali-bus, in *l. 3. sup. de episcop. audient.* excipiuntur non tantum majestatis rei, sed etiam sacrilegi, et adulteri, et stupratores, incesti, ne fruantur indulgentiæ castarum feriarum, et raptores, et violatores sepulchrorum, et adulteratores monetae, et venefici, malefici, parricidæ, homicidæ, et qui sæpius in idem crimen inciderunt. Idcirco abolitio illa paschalis (quæ utitur hodie) datur tantum leviorum criminum reis iis diebus sacris exeundi carcere non graviorum criminum reis, quæ enumerata sunt. Exstat exemplum illius indulgentiæ apud Cassiodorum in fine undecimi, ubi directa oratione ad commentariensem, sive custodem carceris, ait ut eos ille reos tantum sibi vindicat, quos ex pietatis causa non relaxat, qui scilicet enumerantur in *l. 3. et in l. 1. 3. 4. 6. 7. C. Theod. de indulgent. crim.*

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XLIII. De generali abolitione.

Superior titulus fuit de speciali et privata. Hic est de generali sive publica, qualis est illa paschalis, quam ante proposui, et si quæ aliæ a principe, vel senatu ultro decernuntur indictis feriis certorum dierum, quibus judicia criminum conquiescant, quibus strepitus criminales conquiescant, et rei leviorum criminum solvantur carcere, aut vinculis, quæ ferie indicuntur propositis edictis, ut significat *lex 1. h. tit.* Dum ait, *si post abolitionem ex forma solita reorum factam et edicta proposita, etc.* Sic legendum, id est edicta comprehendunt eam indulgentiam principis, inquitur Græci, ut quoad hunc ferie durarint, respirent rei, quod fit ob lætitiā aliquam, vel gratulationem publicam, ob rem prospere gestam. *Const. Imp. in l. 1. C. Th. de indulg. crim.* concedit indulgentiam omnibus, exceptis iis, qui solent excipi, propter partum Crispi, et Helenæ filiorum suorum. Magnus autem est differentia inter specialem abolitionem, et generalem: nam generalis principaliter datur reis, et consequenter etiam accusatoribus, ut desistere possint, nec etiam si sint finitæ ferie, inviti coguntur repetere crimen, *l. in Senatusc. ff. de Senatusc. Turpill.* Specialis autem abolitio datur principaliter accusatori, non reis, quia et invitis reis datur. Item generalis abolitio datur nomine postulante, specialis postulante accusatore. Porro generalis finitur feriis finitis, finita publica hilaritate, finitis feriis paschalibus, et rei regrediuntur in carcerem, si velit perferre crimen accusator, quod et perferre potest repetito reo, non quocunque tempore, sed tantum intra triginta dies utiles, dies judicarios, ex quo finitæ ferie sunt, *l. aut privatim, §. ult. ad Senatusc. Turpill.* Post triginta dies repellitur præscriptio publicæ abolitionis, *l. 1. et 2. h. c. tit.* Impetrata autem speciali abolitione reus repeti non potest, nisi speciali permissu principis extorto precibus oblati principi, *l. 4. tit. super.* In hoc tractatu velim vos observare, non item omnino esse abolitionem, et indulgentiam, licet hæc nomina sæpe permutentur: nam apertissime in *l. pen. inf. de calumn.* separatur abolitio ab indulgentia. Et sane licet indulgentiæ nomen sit generale, tamen specialiter accipitur proprie pro ea indulgentia, quæ poenæ inflicte, aut infligendæ gratiam facit, ut *l. 3. h. tit.* quæ impunitatem delicti tribuit, *l. 3. in fin. sup. de*

episc. aud. et accusatori silentium indicit perpetuum, ut nec quandoque reum repetere possit, ut *l. 9. sup. ad leg. Corn. de fals. l. 5. sup. de iis qui sibi adscrib. l. 3. ad leg. Corn. de sicar. l. 4. et 7. inf. de sentent. pass.* Et hæc indulgentia perfecta est abolitio criminum, et lex oblivionis, et amnistia; et quandoque princeps decernit publicam delictorum omnium abolitionem, ut apud Vopisc. legimus in Aureliano: de indulgentia valde notandum est, quod ait *l. 3. hoc tit.* indulgentiam poenæ gratiam facere, non etiam abulere infamiam criminis, non etiam restituere famæ, ut Livius 45. *his, qui nos poenam, non crimine liberant, gratiam habemus, etc.* Et Plinius 9. epist. 13. *Si poena flagitii manifestissimi remittatur, nota certa, quasi censoria iniuratur.* Et accommodat in hac *l. 3.* glossa citat etiam illud Ovidii.

Pœna potest demi, culpa perennis erit.

Indulgentia igitur hæc est perpetua; abolitio autem, quæ fit indictis feriis ob publicam lætitiā, aut celebritatem diei, fit tantum pro tempore feriarum, quoniam repeti possunt rei post finitas ferias intra 30. dies utiles. Et huiusmodi est indulgentia, seu abolitio paschalis celebritatis.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titulum XLIV. Ut intra certum tempus criminalis questio terminetur.

Postquam dixit de speciali, et generali abolitione, qua interveniente, accusator, qui omittit accusationem, non videtur desistere, ut teneatur poenæ desertionis ex Senatusconsulto Turpill. *l. si interveniente, ff. ad Senatuscons. Turpill.* nunc docet, ea non interveniente abolitione, desistere videri eum, qui post inscriptionem, aut litis contestationem negligens est in peragendo reu intra tempus legibus constitutum, quod hodie est biennium. Causa civilis peragenda est intra triennium, *l. properandum, sup. de jud.* causa criminalis intra biennium ex constitutione Justiniani, id est, ex *l. 3. hoc tit.* ex quo Tribonianus in *l. in Senatuscons. §. qui post, ad Senatuscons. Turpill.* addidit hæc verba, *vel biennio.* Nam olim tempus terminandæ causæ criminalis fuit annus tantum, ut constat ex tit. *C. Theod. ut intra annum criminalis questio terminetur*, et ex *l. 2. C. Theod. ad leg. Corn. de fals. et d. l. in Senatuscons. §. qui post, dum ait, anno, vel biennio, anno, scilicet jure veteri, vel quod addidit Tribonianus*

ex constitutione Justiniani, biennio, jure novo scilicet, et *l. reus*, ff. de munerib. et hon. quo loco ait, post annum, quam reus est delatus honores petere posse, quia scilicet debuit esse in reatu per negligentiam accusatoris, qui intra annum non perituit, accusationem. Et hodie quidem biennium numeratur a die litis contestatæ, *l. 3. hoc tit.* olim annus numerabatur a die inscriptionis, *l. 2. C. Theod. eod. tit.* quæ est *l. 2. h. tit.* in qua Tribonianus illa verba (*a die inscriptionis*) mutavit, et reposuit, *præcedentibus inscriptionibus*, ut in *l. ubi, sup. ad leg. Corn. de fals.* Hæc verba (*testatæ actionis*) id est, inscriptionis, quæ erant in Codice Theodos. *l. 2. ad leg. Corn. de fals.* mutavit in (*contestatæ accusationis*) propter *l. 3.* hujus tituli, quæ vult tempus finiendæ causæ criminalis computari a die litis contestatæ. At Basilica in hac *l. 2.* retinuit illa verba (*a die inscriptionis*) ἀπὸ τῆς ἡμέρας ἐγγραφῶν. Et potest dici tempus legitimum computari a die inscriptionis, si lis nonquam contestata fuerit, ut *d. l. in Senatusc. §. qui post*, a die autem litis contestationis, si fuerit contestata: et hoc est verum. Punitur ergo negligentia accusatoris intra tempus legitimum, qui non agit, aut peragit reum, quem semel delulit, et multo magis, qui obdurat in hac negligentia, usque ad extremum diem legitimi temporis, id est, qui nec extremo quidem die legitimi temporis iudicio adest, quia tunc palam est, eum rem non distulisse, sed plane deseruisse, aut veluti destitisse, ut *l. 2. hoc tit.* ait, *qui destitit*. Pœna autem hujus negligentie est infamia, et multa quartæ partis honorum, *l. 1. h. tit.* videlicet, si persona fuerit honestior: humilior autem, et pauper, cui, ut ait *l. 2.* damnum fame non est injuria, ut *l. si quis injuriam*, ff. de injur. *l. 12. C. Theod. de heret.* Humilior, inquam, et pauperior ex hac causa datur in exilium, id est, relegatur, ut Greci recte interpretantur, et ea verba nos similiter summa interpretati in *l. 4. sup. ad leg. Jul. de adult.* Hæc tamen pœna, quæ irrogatur ei, qui non peregit litem criminalem intra tempus legitimum, est gravior longe pœna Senatusc. Turpill. de qua tit. a. q. Et tamen, qui hac pœna tenetur, dicitur incidisse in Senatusconsultum Turpillianum, ut *l. in Senatuscons. §. qui post, D. ad Turpillian.* ut in *l. 2. h. tit.* destitisse, id est, quasi destitisse: nam hæc culpa et negligentia accusatoris, qui non perfert accusationem intra biennium, est similis, et proxima culpæ notata Senatuscons. Turpill. et *l. Petronia*, quæ jungitur Senatusconsulto Turpilliano, *l. abolitionem, sup. ad leg. Jul. de adult.* quia scilicet eam legem tempore Neronis tulit Petronius: Turpillianus consul, senatus approbavit. Juris auctores Senatusconsultum designarunt ex no-

mine consulis, qui hujus juris auctor fuerat, et Turpillianum dixerunt commodius, quam Petronianum.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titulum XLV. Ad Senatusc. Turpil.

Pœna Senatusconsulti Turpilliani, et legis Petroniæ est infamia, et multa quinque librarum auri, non quartæ partis honorum, *l. spurii*, §. *qui judicii*, ff. de decurion. *l. 3. §. ult. §. de prævaricat.* Quæ multa pecuniaria redigitur in fiscum, *l. 1. ff. de jure fisci.* Vel etiam est pœna extraordinaria pro motu judicis, ut ait *l. 2. h. tit.* quoniam hodie omnes pœnæ sunt extraordinariæ, hæc autem pœna Senatusconsulti Turpilliani irrogatur accusatori, non negligenti: ut in tit. præcedenti, sed qui animo destitit ab accusatione sive abolitione post rei delationem, et impleta solemnia accusationis, id est, post inscriptiones, et satisfactiones exercendæ litis; et breviter, qui in totum deposuit animum agendi, et professus est se nolle persequi accusationem, *l. ult. h. tit. l. destitisse*, ff. eod. et hæc proprio nomine dicitur tergiversator et desertor, *l. 1. §. 1. et §. suspecti*, ff. eod. Proinde pœna Senatusconsulti Turpilliani irrogatur tergiversatori. Pœna quasi Senatusconsulti, id est, tituli superioris irrogatur moratori, cunctatori, frustratori. Puto et ad Senatusconsulti Turpilliani pœnam pertinere eum, qui postquam implevit solemnia accusationis, quæ ante exposui, intra præfixitum a iudice diem litis contestandæ, et edictis evocatus, iudicio adesse detrectat, ut *l. 3. et 7. sup. qui acc. non poss. l. ab accusatione*, §. *destitisse*, ff. eod. Et notandum maxime, quod est, in *l. quærebatur*, ff. ad Turpill. eum non incidere in pœnam Senatusconsulti Turpilliani, qui est exclusus præscriptione temporis, ut si accusator adulterii (quod crimen finitur quinquennio) processit ad accusationem post quinquennium, excludatur præscriptione quinquennii, et ita desistat, hic non incidit in Senatusconsultum Turpillianum, quia coactus non sponte desistit, quia zero venit ad accusationem, *d. l. quærebatur*, cui tamen opponitur *lex 1. tit. super. et l. 1. §. accusationem*, ff. ad Senatusc. Turpill. Et glossa quidem recte respondit *l. 1. tituli superioris*, et nullo modo, id est, pessime, *l. 1. §. accusationem*: nam legem primam tituli superioris dicit non loqui de tempore inchoandæ accusationis, de quò *l. quærebatur* loquitur, sed de tempore terminandæ in-

choatæ delationis, vel accusationis, vel (ut utamur verhis glossæ) non loquitur l. 1. tit. superioris de tempore accusationis instituendæ, sed de tempore instantiæ ad d. l. 1. §. accusationem, quod respondet, est obliterandum, et perspicue, et facillime dicendum, l. querebatur loqui de eo, qui præscriptione temporis est exclusus, cui nil imputatur, nisi quod sero venerit, non quod destiterit. Lex autem l. §. accusationem, loquitur de eo (ut verba demonstrat) qui potuit excludi præscriptione temporis, veluti quinquennii, si fuisset opposita, et non est exclusus, atque adeo perrexit accusare, qui non potuit desistere impune sine abolitione. Et utitur simili exemplo in eodem crimine adulterii, qui accusat adulteri maris et feminam, excludi potest præscriptione, quod per legem Julianam simul ambos non liceat accusare, sed alium post alium, atiamsi fuerit exclusus hac præscriptione, non incidit in Turpillianum, sed si non exclusus fuerit, si rei passi sint eum agere in utrumque, atque ita litem in utrumque fuerit contestatus, et post pœnitentia ductus desistat sine abolitione, incidit in Turpillianum.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titulum XLVI. De Calumniatoribus.

Tergiversatoribus, aut veluti tergiversatoribus, ad quos pertinent tres tituli superiores, adjungit calumniatores, quod est aliud genus accusatorum, qui pœnis legitimis subjiciuntur. Calumniatores sunt, qui scientes dolo malo falsa crimina intendunt, quorum irriti abeunt. Calumnia est irrita accusatio, irrita delatio, l. 8. h. t. si enim non fuerit irrita accusatio, ut puta, si reus fuerit condemnatus, jam de accusatoris calumnia queri non potest, l. 1. h. tit. quod notandum. Non dico, calumniatores esse, qui crimina, quæ intendunt, judici non probant, ut crasso filo more Rhetorum, dicit Demosthenes in Neram: accusare, et non probare esse sycophante. Nam possunt plerique non probare, et defici probacionibus, qui non tamen erunt calumniatores, ut in l. 8. h. tit. l. 1. §. 1. ff. ad Senatusc. Turpil. Ideoque nec si absolutus sit reus, utique semper accusator damnatur de calumnia. Calumniatores vero præter pœnam, cui se subjiciunt ipsimet per inscriptionem, quæ est talio, id est, similis tunc supplicii intentati, et formidati reo, ut l. 7. et ult. h. tit. etiam lege Remmia in publicis judiciis, id est, si pu-

blico judicio sunt calumniati, puniuntur, ut constat ex l. 1. §. 1. ad Turpill. et l. quam itum, ff. de testibus. Marcus Tullius pro Roscio Amerino: Ita questus te cupidum esse oportebat, ut horum existimationem, et legem Remmiam putares aliquid valere oportere; non Memmiam, sed Remmiam, de calumniatoribus, quoniam ea pars orationis est de calumnia. Et puto ex ea lege Remmia esse, ut calumniatoris fronti innotatur litera K, quæ est prima litera hujus nominis calumniatoris, ut veteres scribere solebant, quæ ex re d. lex questum, ff. de testibus, significat calumniatores, qui de calumnia sunt damnati l. Remmia, non esse integre frontis, quod non dixit per allusionem, sed per veritatem, quoniam eorum fronti innotabat prima litera sui nominis: quod etiam significat quidam locus in Oratione Juliani ad Antiochenos, quæ inscribitur Μετοξύωδον « nigma Antiocheni in eum proposuissent, quod desiderabant X, et incessabant Julianum, quod incesset K, desiderabant nimirum Constantium, et arguebant Julianum, quod persequeretur Christum. Ille ait, jure desideratos duplex KK, id est, Constantium suum, et notam calumnie, quod plerique calumniarentur in eum, et in civitates vicinas. Hoc esse ex lege Remmia, etiam eodem loco Marcus Tullius ostendit; dum paulo post subjicit ad caput calumniatoris literam adfigi, hoc est, K, et iniustionem hanc literæ, iniustionem esse infamie, ut postea neminem alium, inquit, nisi fortunæ suæ possit arguere. Poena igitur legis Remmiæ notatur in l. 8. hujus tit. cum in ea dicitur esse detrimentum existimationis, et in l. 8. infamie supplicium, quam pœnam dixit irrogari recte in publicis judiciis. Nam in privatis et extraordinariis, calumniatores puniuntur extra ordinem, pro qualitate admissi, l. 8. ff. ad Senatusc. Turpill. et damnati puniuntque non notantur infamia. Quare l. 8. h. t. ait, in liberalibus causis, quæ sunt private, eos, qui pronuntiantur calumniatores, non periclitari id est, famæ suæ non periclitari: et sic poena tergiversatoris, et moratoris habet tantum locum in publicis judiciis, etiamsi moveantur, ut sit hodie, et agitentur extra ordinem, l. in Senatusc. §. 1. ff. ad Senatusc. Turpill. non in privatis judiciis, vel extraordinariis, sed eam culpam coerceri in iis judiciis extra ordinem, l. 1. §. suspecti, l. 7. §. 1. sup. ad Senatusc. Turpill. l. 1. sup. cod. tit. l. 3. de his qui accus. non poss. Quod præterea est in hoc titulo, est facillimum, mulierem non timere pœnam calumnie, quæ suæ injuriæ causa accusationem instituit, quoniam id facit imbecillitate, et parcitur imbecillitati mulierum, l. 2. hujus tit. Excusari etiam heredem, quem testator jussit moriens ex vulnere quodam sibi inflictio ex-

qui mortem suam adversus illum : nam hic heres , si paruerit , ut necesse habet parere et non vice-rit , non tenetur calumnia . Idemque est in filio , qui vindicare conatus est necem patris , vel ma- tris , l. 4. *hoc tit.*

JACOBI CUIACII J. C.

In Lib. IX. Codicis

RECITATIONES SOLEMNES .

Ad Tit. XLVII. De pœnis .

Sæpius ante habita mentio pœnarum exigit , ut proprio titulo ostendatur , quæ sint genera pœna- rum , quibus efficere iudices quemque possunt , et de iis constituendis , vel exequendis , quæ le- gibus proditæ definitiones , et præceptiones sint . Pœna est reatimatio delicti , l. *sanctio* , ff. *cod. tit.* vel supplicium peccati , ut e contrario Marcus Tul- lius in Pisonem ait , *Supplicium esse pœnam pec- cati* : vel , ut quidam ait , *pœna est τῶν παθημάτων ἡ τιμωρία* : quo modo etiam Theologi quidam *ἐξομολόγησιν* , definiunt . Imponitur vero pœna vel ut sublati malis ceteri sint securiores , vel ut is , qui posuitur , emendetur , l. *si pœna* , ff. *cod.* vel ut pœna ejus ceteros meliores reddat , l. 7. *sup. ad leg. Fab. l. 1. sup. ad l. Jul. repetund.* Demo- sthenes in Niceram *ἵνα ἄλλοι πρόνοιαν ποιῶντας καὶ γαστρίωνται* . Denique ut ceteri terreantur exemplo l. *capitalium* , §. *samosos* , ff. *cod.* Omnis enim pœ- na , non tam ad delictum , quam ad exemplum per- tinet , quæ ratio etiam efficit , ut in animalibus tantis , nonnumquam pœnae consumantur , ut Poly- bius apud Plinium 8. capit. 16. refert in Africa se vidisse Leones , qui homines appetebant crucifixos , quo ceteri , inquit , metu similis pœnae absterrentur eadem noxa . Et pensam . Eliacorum 2. Diaconem le- gislatorem etiam in iis , quæ anima carent , ut si ictu statuae , quæ cecidit , homo perisset , exempla edi- voluisse . Certe deum legimus etiam a feris hominis occisi sanguinem requirere , Genes. 9. et *taurum , qui hominem occiderit , obrui lapidibus , nec car- nem ejus esse vescendo* , Exod. 21. Et simul cum homine animal necari , cum quo homo rem foedissi- mam , Levit. 20. Sunt autem hodie in extraordi- nariis judiciis , vel etiam publicis , aut privatis , de qui- bus extra ordinem cognoscitur , sere omnes pœnae po- sitæ in arbitrio judicantium , ut non sit mirum , si etiam hodie liceat appellare , et convictis , vel con- fessis reis a pœnis , quas iudices indicunt . Olim in publicis judiciis , et privatis quibusdam erant certæ pœnae legibus constitutæ , quas nec erat necesse ju- dices sententia sua exprimere , quia de facto tan-

tum judicabant , puta fecisse videri . Quam senten- tiam tacito intellectu sequebatur pœna legitima , ut l. *si præses* , ff. *cod. l. 1. §. nam si quidem* , ff. *ad Senatuscons. Turpill. l. castitati* , *sup. ad leg. Jul. de adult. l. vim , initio* , ff. *cod. tit.* Nec potuit iudex efficere , quo minus ex turpi causa , sive publico crimine , cujus causa omnis est turpis , demonstratum sequeretur infamia , et pœna legitima , l. *non poterit* , ff. *de furt. l. Divus , Severus* , ff. *De injur.* Vel si quando iudices pœnam legitimam suis sententiis exprimebant ex abundantia , et convic- tus erat , vel confessus reus , ab ea sententia tan- quam a lege non licebat appellare , l. *si qua pœ- na* , ff. *de verb. sign.* nisi forte majorem legitimam irrogasset , quo casu reo licebat appellare , vel mi- norem , quo casu licebat appellare accusatori , ut D. Aug. epist. 160. ait , solero homines , quando cum inimicis eorum convictis lenius agitur , a mi- tiore sententia appellare . Quia scilicet , ut est in Nov. 82. iudices legibus cautiores esse non de- bent . Symmachus in Epistol. corruptas videri sen- tentias , si sint legibus mitiores , et l. *servos* , in fin. *sup. ad leg. Jul. de vi* , et l. 8. C. *Theod. de appellat.* puniri iudicem , qui molliorem , quam sit statuta , sententiam protulerit . Et l. 19. ff. *de verb. oblig.* contentos nos esse debere pœnis le- gibus comprehensis . Non est autem novum , ut damnato reo appellet actor , qui secundam fortunam iudicii tulit , veluti a mitiore sententia , et sic for- te , ut appellet uterque . Nam duos tantum , casus exceptos invenio , quibus victori appellare non licet . Unus est in l. *properandum* , §. *si autem ex ge- stis* , *sup. de judic.* si secundum absentem per contumaciam sententia sit dicta , quæ tamen ei in plenum non valet , non poterit appellare , pro- pter contumaciam . Alter casus est in l. *ult. sup. quand. provoc. non est nec.* si victor de eo tantum queratur , quod nulla , aut minor ratio habita sit sumptuum factorum in litem , vel detraherentium , vel quod reus , qui appellavit tardior sit in indu- cenda appellatione , quoniam ipse cessante reo po- test anteferre causam appellationis citra appella- tionem ullam . Dixi initio de pœnis , in hoc titulo proponi varias definitiones juris . Has , quia hæ- sunt faciles , legat unusquisque , ego unam tantum adnotabo , quæ est celebrior , et sanctior , quam a Theodosio expressit Divus Ambrosius , id est . l. 20. h. l. ut pœna eorum , quos princeps jussit af- fici ultimo supplicio , differatur in 30. diem , nec statim exequatur , hoc est speciale in principe cu- jus præcepta sæpe emolliuntur modica dilatione . Nec enim eadem est conditio princeps , qua ju- dex , ut non possit suam sententiam revocare . D. Augustin. de Fato : *Judic. est statutum* , inquit , ne liceat in reum latam sententiam revocare .

Nunquid et ipse Imperator sub hac lege erit? Nam ipsi soli licet revocare sententiam, et reum mortis absolvere, et ipsi ignorere. At a iudice inflictæ capitalis pœna non potest differri, sed statim, sine mora ad effectum est perducenda, ut definit lex 18. hoc tit. lex ult. sup. de custod. reorum, duplici ratione. Prima hæc est quia frustra d'fferitur sententia iudicis, quæ a iudice mutari, et revocari non potest. Et altera ratio, ut statim exequenda sint sententiæ iudicum ne damnatis detur spatium veniæ impetranda a principe, quæ sæpe impetrabatur, etiam post damnationem, cum executioni mora afferrebat, et ideo novæ constitutiones volunt, ut damnationi velocis pœna consequatur. Sublato igitur veteri Senatusconsulto facto auctore Tiberio, quo omnis pœna capitalis d'fferretur in decimum diem, ut Svetonius, Tacitus, Dio scribunt, quo iure etiam serunt hodie Bononienses uti in Hetruria. Dixi iudicem pœnam sua sententia dictam, non posse mutare. Ita est: interpretatione tamen eam potest lenire, quia et pœnam lenit, l. pen. ff. eod. tit. ut apud Svetonium in Julio, Consulem non piget sententiam suam (quia mutare erat turpe interpretatione lenire, ut hodie videmus exempli gratia, quas sententia sua comburi jusserunt, annuentibus illis prius jugulari. Svetonius Julium Cæsarem, quos se cruci affixuros ante juraverat postea prius jugulari jussisse, deinde suffigi pœnæ scilicet lenientiæ gratia. Moris autem erat (quod præstat scire) iudicem, prius quam damnet reum, vestem mutare, prætextam ponere, ut Valerius Maximus notat 9. cap. 12. cum scribit de Licinio Macro repetundarum reo, et Seneca 1. de ira. Etiam si perversa mugistatui vestis sit accingenda ad damnationem reorum, et classico convocata est concio: qui locus etiam ostendit, iudicem, prius quam reum damnaret, classico convocasse concionem, ut Tacitus 2. Annal. In Publ. Martium Consules extra portam E. quilinam, cum, classico canere jussissent, prius concione advertere. Et idem Seneca 5. controversa. Manus post terga revinctæ cum ex altera parte classicum caneretur. Meris etiam erat, damnatos, cum ducerentur ad supplicium, concutere solitos fimbria sistræ, ut agnosci possent, ne quis obvis in eos impingeret, et ex eorum forte contactu piaculum contraheret, quod Zonaras in Triumpho descriptione scribit. Inter genera autem pœnarum, et ignominiarum in hoc titulo quædam reprobandur, veluti, ut damnato non inscribatur frons, l. 17. quo plane tollitur, quod heri dicebam, fuisse tantum lege Remmia, ut calumniatoris fronti inscribatur littera K. ut Christianorum sæpe (auctor est Pontius Diacrus in Cypriano) et aliorum damnatorum frontibus certas literas, reus testes, jussu

Tom. IX.

iudicum inscribi solitas, et alii perique auctores. Reprobatur etiam in hoc titulo damnatio perpetua vinculorum, l. 6. hanc esse pœnam servilem, l. 10. et in d. l. 6. vix affirmat. At damnatio perpetua in opus publicum jure permittitur, et deportationi comparatur recte in l. 1. h. tit. quia civitatem tantum aufert, non libertatem, ut l. sunt quædam, et l. capitalium, §. Divus, ff. eod. tit. ubi est legendum, sine negatione, ut Florent. et Basil. legitur. Damnatis in opus metalli ad tempus libertatem manere, quemadmodum etiam iis qui in opus perpetuum damnantur, ubi est intelligendum in opus publicum perpetuum ut in hac l. 1. in opus perpetuum damnati, id est, in opus publicum perpetuum, non in opus metalli perpetuum, quoniam hæc pœna et civitatem et libertatem aufert, d. l. sunt quædam. Opus publicum perpetuum aufert tantum civitatem. Contra quoque opus metalli temporarium aufert tantum civitatem, d. §. Divus, et l. aut damnatum, §. in ministerium eodem, non civitatem et libertatem: quod certe nec, ut quidam lingit, ego usquam admisi. Opus autem publicum temporarium, neque libertatem, aut civitatem aufert id est caput non minuit, l. 6. sup. ex quibus caus. infam. l. capitalium, §. 1. ff. de pœnis: in hoc titulo drest constitutio Græca in fine a me satis alibi indicata et explicata. Portio hujus tit. est sequentis constitutio.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. XLVIII. Ne sine jussu Principis certis judicibus liceat confiscare.

Hujus tituli sententia est brevis, etiam si pœna sint legitime et receptæ, atque apprehensæ, non tamen omnibus iudicibus, eas irrogare licet indistincte. Ut ecce ex hoc titulo, qui constat una tantum constitutione, præsides provinciarum non possunt irrogare vice pœnæ publicationem omnium bonorum, sed ii tantum, qui sunt, in summa positi administratione, puta viri illustres, ut præfectus prætorio, aut vicarius præfecti prætorio, aut præfectus urbi, l. 1. §. a præfectis, D. de leg. 3. Præsides autem provinciarum, qui sunt clarissimi, aut præfectissimi, non possunt irrogare inconsulto principe suo jure publicationem omnium bonorum.

Quero, an hac ratione etiam non liceat praesidi provinciae deportare in insulam? Et constat non licere: quod scilicet deportationem sequeretur, vel tacite publicatio omnium bonorum, *l. 8. tit. super.* Et hoc videtur posse dici. Sed tamen ratio est vitiosissima, quia eadem ratione dici posset, praesidem provinciae non habere jus gladii, aut jus damnandi in metallum, quod hanc quoque poenam sequatur publicatio omnium bonorum, et quidem multo magis, exceptis tantum duobus casibus, quos supra habuimus in *l. 1. de mulier. quae se servis prop. junx.* et *l. 1. de raptu virg.* Et tamen constat praesidem habere jus gladii, et jus damnandi in metallum, *l. illicitas, §. qui universas, D. de offic. proc.* ex lege Augusti, ut Divus scribit 83. etiam in militem. Quam sententiam utique per consequentiam sequitur etiam publicatio omnium bonorum. Nam tacite, et per consequentiam etiam praeses inconsulto principe publicat omnia reorum bona, quibus scilicet vitam admittit, aut libertatem simul, ac civitatem. Et recte Joannes hoc loco, tacite, et per consequentiam hoc facere judices possunt: non directo, et expressim possunt facere, ut sunt innumera exempla in jure, in quibus quod expressum est, non valet, et tacite tamen id recte fit. Ergo vera ratio, propter quam non est praesidi provinciae jus deportandi in insulam, vel confiscandi omnia bona, est, quia in iis, quae pertinent ad coercionem delictorum, quaeque sunt meri imperii, quod lege dicitur dari, *l. 1. in fi. D. de off. ejus, cui mand. est jurisd.* tantum habet magistratus, quae si lex specialiter dedit, nec si dederit majora, ideo habet minora, quae non dedit. Nec haec argumentationes sunt in hac quaestione receptae, ut cui licet majus, etiam minus liceat, quia hoc totum est legis, quae praesidibus provinciarum circumscripsit potestatem. At lex Augusti dedit praesidibus provinciarum jus gladii, et jus claudi in metallum, dedit et jus relegandi, *l. relegatorum, §. 1. D. de interdict. et relegat.* et ad id vix nihil facit *lex 2. tit. super.* At jus deportandi, vel confiscandi non dedit: haec sunt verba *leg. inter poenas, §. 1. D. de interdict. et releg.* (deportandi jus iudicibus datum non est) ergo quia datum non est, non possunt deportare, vel confiscare. Et eadem redditur ratio in *l. ult. de offic. proc. Cas.* Procuratores Caesaris non habere jus deportando, quia, inquit, ejus poenae constituendae jus non habent. Videbitur inepta ratio, et assertioni consimilis, nisi sic interpretemur, quia hujus poenae constituendae jus non habent, id est, quia hujus poenae constituendae jus non est eis datum legibus, ex quorum arbitrio pendet poenarum ratio.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titulum XLIX. De bonis proscriptorum, seu damnatorum.

Quod est confiscare in titulo superiori, in isto est proscribere, nimirum publicare omnia bona, quod fit, vel expressim, vel tacite. Quorum bona expressim publicantur, hi proscripti dicuntur: quorum tacite, damnati: veluti damnati capite, aut deportatione, aut metallo, aut simili poena, quae inferat capitis diminutionem maximam, vel medicam, id est, quae civitatem et libertatem auferat, vel tantum civitatem, non libertatem. Hanc poenam, qui sustinent, sicut omnia pristina jura, ita et bona tacito jure amittunt, quamvis hoc in sententia non sit expressum. Bona fiscus vindicat, et non praesentis tantum bona, sed etiam futura, ut si deportatus in insulam, postea in insula aliquid adquisierit, *l. 2. hoc tit.* Quia etsi iis, quae acquisivit post deportationem, ipse fruatur, quamdiu vivit, *l. 13. D. de interdict. et relegat.* quae una est ex his, quae restituimus in Digest. ex Basil. non tamen in iis postea acquisitis bonis alium heredem habere potest, quam fiscum, *l. 2. hoc tit.* Cui vel obstat *lex si mandavero, §. is cujus, D. mand.* quae ait bonis publicatis, quicquid postea acquirit, non sequi fiscum. Nam ut omittam, quae alii tradunt, perspicue verum est in eo §. non agi de deportato, quem constat capite minui, et ne in bonis quidem postea quaesitis alium habere heredem, quam fiscum, sed agitur in eo §. de eo, cujus bona publicata sunt sine capitis diminutione, id est, integro statu, ut si sit relegatus in insulam, non deportatus, *l. 7. §. ult. D. de bonis damn.* (Qui etiam §. est ex relictis) vel etiam, si tantum sit confiscatus ex causa administrationis, et muneris publici, ex causa actus fiscalis, forte quem gessit, ut *l. 9. §. ult. hoc tit. l. 3. inf. de sentent. pass.* Hic quidem confiscatur, sed salvo statu, salva civitate, et libertate, id est, sine capitis diminutione, et heredem habere potest, puta in bonis postea acquisitis: res est perspicua. Ad haec est notandum bonorum publicationem cadere tantum in eos, qui sunt sui juris: quoniam ii soli habent bona, servi, aut filii non habent bona, quae damnatione possint publicari, quia peculia, si quae habent ii damnati, domini, vel parentes, in quorum sunt

potestate, occupant, fisco excluso, etiam castrensis, et quasi. Nam privilegium, quod filiisfamilias in castrensi peculio constitutiones dederunt, id capitis diminutione amittunt, perinde ac si moriantur intestati. Ideoque sicut filiifamilias mortui intestati superstitis patre, ita capite diminuti castrense peculium pater occupat jure suo, ut suum, l. 1. et 3. *hujus tit. l. hereditate, D. de castr. peculio.* Et in l. 1. *hujus tit.* quod glossa notat, alius legi pro (disponantur) dispungantur, ut rationes reddantur, ac disponantur, sane rectius est, et probatur veteribus libris, et Basilicis, in quibus ita est, *hoc est à λόγος δαδῆν, quoad ratio reddatur*, inquit, et purgetur, addita interpretatione, *διζοῦν*, quod est, *dispungatur*. Et sententia est clarissima, ut si servus dispensator, vel actor rerum domini capitali crimine sit damnatus, non plectatur ante redditas domino, et disunctas rationes actus sui, quod tamen l. 1. vult velociter expediri, ne per hanc causam mora fiat executioni sententiae, quae debet esse velox, ut in l. cum reis, sup. de penis. Item est notandum ex l. 7. honorum proscripti, vel damnati poena capitali, aut poena infamiae maxima, vel mediam capitis diminutionem, eorum, inquam, honorum fieri inquisitionem primam, et inventarium quidem per officium iudicis, qui capitis sententiam dixit. Secundam autem inquisitionem (nam duplex intervenit inquisitio) fieri per rationalem rei privatae, id est, per procuratorem Caesaris, qui et catholicus dicebatur, tanquam generalis. Et ab eo re in l. 9. in fi. hoc tit. apparitores ejus vocantur Catholiciani, id est, catholici, sive procuratores Caesaris, qui eodem loco dicuntur Caesariani, unde nomen (Sargent) fuit tamen quidam procurator specialis ad bona damnatorum, unus fuit catholicus, plures speciales, ut procurator vigesima hereditatum, et ut divi, procurator ad bona damnatorum, ut in hac antiqua inscriptione. *Q. Valerio, Q. filio procuratori ad bona damnatorum.* Puto et per specialem posse fieri secundam inquisitionem honorum proscripti, vel deportati. Item est notandum, quod de semisse bonorum conservando liberis damnati patris, vel avi, proditum est in l. 10. h. tit. ut si proscriptus, vel damnatus habeat liberos, pater scilicet, vel avus, eis servetur semis bonorum: non etiamsi damnatur mater, vel avia, tunc enim liberis nil servatur, l. 6. hoc tit. quod demonstrat plane. Et haec est ratio, quia liberis magis debentur bona patris, quam matris ad quae jure novo tantum vocantur ex Senatusconsulto Orphitiano, et constitutionibus, non ut ad bona patris jure veteri e. 12. tabul. qui et patri agnati sunt, non matri, sed matri sunt tantum cognati, et conservatur non ten-

tum suis sed et emancipatis liberis, si modo emancipati suis conferant dotem, et donationem eis factam tempore emancipationis, l. 8. Cetera, quae emancipati quaesierunt, conferre non tenentur, cum una cum suis in hunc semissem concurrere volunt. Aliae constitutiones vetustiores plus dabant liberis damnatorum, imo et parentibus: namque liberis et parentibus usque ad tertium gradum servabantur omnia bona, l. 2. Cod. Theod. cod. tit. quod jus reducit etiam Justinianus Novella 134. semper excepto crimine laesae majestatis, in quo tamen etiam veteres quaedam constitutiones liberis servabant sextantem, l. 8. Cod. Theod. cod. hodie nihil servatur, l. quisquis, sup. ad leg. Jul. majest.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Titul. L. De bonis eorum, qui mortem sibi consciverunt.

Ex hoc titulo intelligimus, non tantum publicari et redigi in fiscum bona proscriptorum, seu damnatorum, sed etiam bona eorum, qui in reatu capitali perculsi conscientia criminis, manus sibi intulerunt, et mortem consciverunt, scilicet, si postea (hoc enim exigitur) de crimine probatum et pronuntiatum sit, l. 8. §. ult. D. cod. tit. l. in fraudem, §. ejus bona de jur. fisci. Et nihil praeerea est in hoc titulo.

JACOBI CUJACII J. C.

In Lib. IX. Codicis.

RECITATIONES SOLEMNES.

Ad Tit. LI. De sententiam passis, et restitutis.

Hic titulus est de damnatis, qui beneficio et indulgentia principis speciali, vel generali, id est, communi plurimum revocantur ab exilio, vel metallo, et in integrum restituuntur, quae restitutio plerumque liberat tantum poenam, et restituit patrie, aut suae civitati, liberat calumnia, ut ait l. 10. h. tit. scilicet ne quis post restitutionem eorum statum in dubium revocare possit ob pristinam poenam, veluti ob deportationem, seu adnotationem praesidis, ut ait d. lex 10. quia scilicet praeses provinciae, ut

domi in tit. 48. non habet jus deportandi, sed quem censet deportandum, adnotat deportandum, et certiorum ea de re facit principem, qui saepe sequitur opinionem praesidis, et deportat reum, *l. inter, §. 1. D. de interd. et releg.* Et ita adnotationem praesidis accipere oportet in *d. l. 10.* oblitteratis Accursii omnibus glossis. Adnotationem scilicet, quam ad exitum perduxerit princeps, reo deportato in insulam, prout adnotavit praeses. Restitutio igitur plerumque damnatum restituit tantum patriae, et libertati, remissa poena, restituit civitati et libertati, non etiam bonis, nisi id specialiter sit comprehensum. Saue vix uouquam restituuntur, quae semel ceciderunt in fiscum, *l. 1. D. ad leg. Jul. de ambitu, l. 3. sup. de requir. reis, l. 4. sup. de bonis proscrip.* Facile impetratur remissio poenae, bona non facile impetrantur, nisi ex magno et singulari beneficio principis. Generalis saue indulgentia, qua restituuntur omnes exules, verbi gratia, solvit tantum poenas, non etiam tot homines restituit bonis. Specialis potest specialiter etiam restituere bona. Et similiter restitutio illa in integrum non restituit famae et honori, nisi sit dictum specialiter, *l. 7. hoc tit.* non restituit filium patri, ut in ejus potestatem revertatur, non restituit servum domino, *l. 6. et 8. hoc tit.* non etiam restituit patri filium, ut filium restitutum pater recipiat in potestatem pristinam *l. 9. hoc tit.* nisi hoc specialiter sit comprehensum, vel etiam nisi indulgentia specialiter, quibusdam expressis, subjiciatur generaliter et omnibus, ut in *l. 1. hoc tit.* Restituo te patriae tuae, et honoribus, et ordini, et ceteris omnibus. Plenissima restitutio est, quae reddit etiam bona. Imo etiam si sit indulgentia concepta hoc generali verbo tantum *restituo te in integrum* plenissima est indulgentia, quia, ut ait *l. pen. D. de constit. Princip.* quae proprie ad hanc speciem est referenda, ut ejus verba demonstrant, beneficium principis, quod a divina scilicet ejus indulgentia profisciscitur, quam plenissime debemus interpretari. Et ita accipere debemus, quod est in Institutionibus *§. pari ratione, quibus modis jus potest. solu.* Restitutos ex indulgentia principis per omnia id est, nullo excepto, statum pristinum recipere; restitutos, scilicet plenissima restitutione, vel hoc verbo modo (*restituo te in integrum*) Valde notanda sunt duo in hoc titulo, primum ad eum, cui bona restituuntur, beneficio principis redire omnia onera creditorum, si omnia bona sint restituta, quae ab eo, cum bonis omnibus transierant in fiscum, veluti successorem. Quod si pro parte sint tantum restituta bona, eorum onerum pars quoque tantum ad eum redit, *l. 4. et pen. hoc tit.* At bonis non restitutis ulla ex parte, onera creditorum remanent apud fiscum ve-

luti successorem: is debet respondere creditoribus proscripti, vel damnati, etiam si restituto in integrum rem aliquam ex bonis princeps concesserit, restituique jusserit, puta fundum illum, aut domum illam, non partem bonorum, sed rem certam, *l. 5. hoc tit. l. 5. sup. de bon. proscrip.* Est magna differentia inter rem, et partem, et *l. pen. sup. de heredib. instit. §. si quis una, Instit. de fideicom. hereditat.* Ultimo est notandum ex *l. ult. restituo* in integrum deportato plena restitutione, atque adeo patri in filium restituta potestate, quam habuit, antequam deportaretur, testamentum, quod fecit filius, qui jam venerat in aetatem, et quicumque interim gessit, et contraxit filius, cum esset sui juris, quia deportatione patris est liberatus patria potestate, non rescindi. Iterum dico testamentum, quod interim fecit, et quicumque interim gessit filius iustae aetatis, reverso patre non rescindi, quamvis ipse rediat in potestatem Patriam, et filio impuberi interim datum tutorem non mutari, si pater, qui est restitutus, non sit frugi homo. Haec est sententia *l. ult.* quae non abhorret multum a jure communi: nam primum ab initio jure datus est tutor patrifamilias, id est, filio facto sui juris deportatione patris: nam filiofamil. non datur tutor. Tutela est potestas in capite libero, id est, in persona sui juris. Ergo in hac specie non mirum est, si maneat tutor, qui ab initio jure est datus tutor patrifamilias, maxime si pater non sit homo frugi. Testamentum etiam jure factum est a patrefamil. qui postea quavis redierit in potestatem patris, restituto patre pleniusque, non ideo testamentum ejus rescinditur, sicut nec cetera, quae gessit, quia redit in potestatem sine capitis diminutione. Et notandum est, testamentum, quod quis jure perfecit, non rescinditur, si postea jus testamenti faciendi habere desierit, nisi id habere desierit per cap. diminutionem: si citra eam jus testamen. faciendi habere desierit, ut si redierit in potestatem patris, restituto patre in integrum, testamentum, quod ante fecit, non rescinditur, ut *l. 7. D. de jure codicill.* Sicut si ei, qui jure testamentum fecit, postea ut prodigo bonis interdicatur, desinit habere testamenti factionem. Sed sine capitis diminutione, an irritum sit testamentum, quod est vetustus interdictione? Minime, *l. 10. D. qui test. fac. poss.* Idem est, si post testamentum jure perfectum monachus fiat, *Novel a 5.* monachismo desinit habere jus testamenti faciendi, sed quod ante monachismum fecit, valet, quia monachismus non est capitis diminutio. Idem etiam est, si quis post testamentum jure perfectum corporis esse furiosus, vel surdus, vel mutus, testamentum non sit irritum, *l. 6. D. qui testam. fac. poss. l. 1. §. si quis aut m. D. de bon. poss. se-*

run. tab. Denique testamentum jure perfectum non rescinditur, si postea testator amiserit jus faciendi testamenti, nisi id amiserit per capita diminutionem, quæ nulla intervenit. cum filius, qui deportato patre jure fecit testamentum, postea redit in ejusdem patris potestatem patre restituto, et soluto

pæus deportationis. Recte igitur Avianus Interpretes Cod. Theodos. et Cyprianus, et Irnerius, ut hic glossa notat, statuunt in hac *l. ult.* testamentum non rescindi, sicut nec cetera gesta. Male Basilica et Joannes, rescindi testamentum, non cetera gesta.



JACOBI CUJACII J. C.

RECITATIONES IN LIB. IV.

PRIORES

CODICIS JUSTINIANI.

AD TITULUM PRIMUM.

DE SUMMA TRINITATE, ET FIDE CATHOLICA, ET UT NEMO DE EA PUBLICE CONTENDERE AUDEAT.

Primus titulus Libri 1. Cod. Justin. est de summa Trinitate, et fide Cathol. etc. quem solum hodie vobis explicabo, quod non licuerit mihi dare operum seq. tit. et ero brevis nihilominus. Jus sacrum, sive de religione Christiana, quod Theodosius contulerat in ultimum sui Codicis librum, Justinianus in hoc suo Codice honoris causa maluit ponere lib. 1. et ordiri statim a præcipua ejus parte de summa Trinitate, et fide Cathol. deque ea definire convenienter Synodis, id est, Judicii auctoritate principis, et undique Gentium ad eas evocatis Christianis, et disceptationis futuræ cognitoribus, et arbitris: unum scilicet esse Deum omnipotentem, in tribus personis. Patre, Filio, et Spiritu Sancto per omnia æqualibus divinitate, æternitate, majestate, virtute, claritate, gloria, substantia. Christum esse singularem et unigenitum filium Dei omnipotentis, summæ Trinitatis personam unam, Deum de Deo, lumen de lumine, ut ait l. 2. hujus tituli; et assumpta carne humana in utero Virginis Mariæ Deum et hominem. Deum Patri *ὁμοούσιον* id est, substantia parem, et similiter hominem *ὁμοούσιον* per omnia nobis: certissimam salutem redemptionemque humani generis; ac inde Sacrosanctam Virginem Mariam non Christi, quasi hominis tantum, sed etiam Dei matrem nominari verissime, et hanc esse fidem Catholicam,

quam et ipse Justin. latissime profitetur et laudat, l. 1. 5. 6. 7. 8. eod. tit. populo in testimonium advocato, et utriusque Romæ Archiepiscopis Johanne Archiepiscopo antiquæ Romæ, et Epiphonio Archiepiscopo novæ Romæ. id est, constantinopoleos, quorum uterque vehementer approbet Justiniani professionem pietatemque suam. Sunt et alia Catholice fidei capita. Sed cum in aliis congruerent eo tempore Christiani satis, in his mirum in modum inter se discrepabant: et qui a Catholicis, sive Orthodoxis seorsim sentiebant, Arianis, sive Porphyrianis primum negabant, æternum esse ipsum Christum, et patri substantia parem, nescio an ex illo Zoroastri magico versu: seipsum Deus eripuit ab aliis omnibus, et dixit supra omnes: nec in sua potestate intellectiva altero a se Deo inclusit ignem suum, id est, suam dignitatem divinam. Verum hoc longe abhorret ab Apostolica et Evangelica doctrina breviter ut dicam, mera hæc est impietas, *μεγαλαρότης*. Nestoriani, sive Simoniani dividebant Christum, ita ut non esset idem verbum Dei, et Christum ex Virgine Maria, et Spiritu Sancto natum vellent, neque eam matrem Dei nuncupari paterentur, et Christum Deum post resurrectionem accessisse dicerent Trinitati summæ, quasi divinam personam quartam. Ante resurrectionem Christum non fuisse

divinum. Hos Justinianus vocat in l. 6. et vocat universa Ecclesia ἀνθρωπολόγους, quod humanitatem tantum in Christo agnoscere non divinitatem, quæ extra humanitatem esse non potest, Eutychiani, et Apollinariani sunt dicendi ex l. 8. inf. de hæret. ut Arriani potius dicendi sunt Porphyriani, et Nestoriani Simoniani ex l. 6. eodem tit. Eutychiani negabant ipsum Christum Dominum nostrum hominem esse natura parem esse ὁμοούσιον, quibus sunt proximi, qui dicebant Carnem Christi esse afflictionis, et corruptionis expertem. Macedoniani autem negabant Spiritus Sancti cum Patre æqualem esse divinitatem, quæ etiam sæcra condemnatur nominatim in constit. hujus tituli. De processione, et egressione Spiritus Sancti, quæ Græce dicitur ἐκπόρευσις ex illo Johannis loco c. 15. τὸ πνεῦμα τῆς ἀληθείας ἑκ τοῦ πατρὸς ἐκπορεύεται, quod dicitur in l. 2. hoc tit. cum se ex summo rerum parente et sperare et accipere, contra quam sentiat Ecclesia universalis, eorum opinioni accedere videtur, qui dicunt Spiritum Sanctum ex solo Patre procedere. Et Accursius ipse notavit hanc constitutionem his, qui in ea hæresi erant, favere admodum: neque vero ullum in hoc subest mendum, quod quidem confirmant Basilica, ex quibus etiam initio l. 2. velim vos reponere mysteriorum, pro ministeriorum, ut l. 6. C. Theodos. de hæret. Ceterum cum in trium personarum Trinitatis, et unitatis ratione constituenda inter se Christiani dissentirent illo tempore, hos Imperator in eodem tit. censet consentientes cum universa Ecclesia, et Synodis Oecumenicis esse Christianos Catholicos, sive Orthodoxos, qui ita credunt; ut statim ab initio exposui, esse credendum Ceteros qui ab aliis seorsum aberrant, non esse Christianos hæreticos, ac ne Christianos quidem, maxime Arrianos, et Nestorianos, l. 6. damnatos de hæreticis, etc. Imperatores l. 3. 5. 6. et 7. eod. tit. execrantur, et extra communione sunt quasi hostes Ecclesie Christi, quæ quidem execratio in Laicis appellatur ἀναθematισμός, in clericis appellatur ἀτάκτησις. Nescio vero, an jure liceat Imperatoribus uti fulmine execrationum: videtur hoc Pontificum potius esse, quam Regum. Fabius in Declam. exheredationem ait esse fulmen patrum, et nos dicamus excommunicationem esse fulmen pontificium. Hoc, inquam, videtur esse Ponticum non Imperatorum, aut Regum. Et Marcellinus, cujus memoriam tota Gallia colit apud Severum historicum sacre scriptorem, non jus esse ait, causas Ecclesie judicari a seculari Jure. Et hac ratione auctor est Imperatori, ut sanguine hæreticorum absteineat, satis esse hæreticos judicatos Episcopali sententia extra communionem fieri, et tamen l. 1. hoc tit. et l. 8. quicumque, inf. de hæret. censet sumenda esse supplicia:

et hoc jure nitimur. Verum quod attinet ad anathematismum, quem Justin. hæreticis infligit, si eum probasset Johannes Archiepisc. veteris Romæ, cujus in hoc tit. extat rescriptum notissimum ad Justinianum Imperatorem, si, inquam, cum anathematismum, quem Justinian. irrogat hæreticis, probasset, eum non retractasset in Epist. Justin. quam quodammodo insertam suo rescripto ad Justin. remisit, vel potius ipse Justin. non retractasset consulto data opera erubescens auctoritatem Romani Pontificis: nam Romanum Pontificem, ut ipse indicat in constit. 7. Justinianus reverebatur magis, quam Epiphanium Pontificem Constantinopolitanum. Scribit ad Epiphanium idem, quod ad Johannem: sed in Epistola ad Johannem non legitur ἀναθematισμός. In Epist. ad Epiphanium legitur, non erubuit eam inserere ad Epiphanium. Sequitur tertia pars hujus tit. ut nemo de ea publice audeat contendere: est in l. 4. sanctio scilicet pœnalis, ut ne quis de fide superis exposita publice disputare audeat, ne, inquit, tumultus inde et perfidia Ecclesie nascatur. Perfidiæ nomine in Constitutionibus sæpe intelligimus hæresim. In illo etiam loco Basilica interpretantur cæcodoxian, cui opponitur Orthodoxia et extat constitutio l. 4. integrior in Chalcedon. Synodo sect. 3. et fuit edita utraque lingua Græca et Latina. Pertinet autem proprie ad Chalced. Synodum, quæ fuit facta adversus Eutychianos, sed porrigitur etiam ad cyclicam factam adversus Arrianos, et ad Ephesinam factam adversus Nestorianos, et ad Constantinopolitanam factam adversus Macedonianos. Et placet, quod rem concludit omnem hæc sententia, quæ in integri constitutione Græca l. 4. extat: extreme esse clementiæ in medio et perspicuo die commentitium lumen occidere, soli lumen scenerari. Inanes igitur et inutiles esse disputationes publicas de fidei articulis jam satis Synodis sacrosanctis Ecclesie definitis. Et hæc est summa brevis hujus tit. quæ maxime velim vos hodie esse contentos.

AD TIT. II.

De Sacrosanctis Ecclesiis, et de rebus, et privilegiis earum.

Secundus titulus est de sacrosanctis Ecclesiis, etc. Ecclesias vocat aedes Deo consecratas, sive Dominica, in quæ conventus agunt Christiani mysteriorum, vel, ut loquitur lex 5. cœlestium secretorum gratis. Quibus verbis nihil aliud potest significari quam Liturgia, ut legimus nominatim in Actis Apostolorum, Apostolos fuisse deprehensos obeuntes omnia illa et sacra mysteria. Nunquam Ecclesia veris mysteriis corrumpitur, et si qua caret, ea

non est Ecclesia, nimirum detractis misteriis, vel ut lex ait, secretis coelestibus atque divinis: et cursus in quas conventus etiam agunt Christiani publicarum orationum, horarum, sermonum, et concionum gratia. Pythag. *ἐκκλησία* simul, et eodem nomine significantur Collegia clericorum, vel ut Hieronymus et Johannes Rom. Episcopis loquuntur, sacerdotum senatus, qui in eis sunt, et ab Ecclesiis martyria separat l. 13. 16. et 17. quasi scilicet Ecclesiae sint dicatae cultui Dei omnipotentis, martyria honori, memoriae, et aedi martyrum, et confessorum, l. ult. *C. Theol. de sepulcr. viol.* quae et memoriae D. Aug. qui Graece *μάρτυρες*, Latine dicuntur Confessores, quorum erat veneratio summa in Ecclesia prisca. Et de Ecclesiarum, et Martyriorum bonis in hoc tit. potissimum agitur: sic enim est inscriptus, de sacros. Ecclesiis, et de rebus, et privilegiis earum. Igitur tres sunt summae partes: nam sunt multo plures de Ecclesiis, et rebus, earum, et privilegiis, de rebus, et bonis, de salariis sive annonis, quae et Ecclesiis dabantur etiam annuae, quae eis relictae sunt, ut integra et perpetua eis conserventur, quod singulare est: nam annuum si relinquitur certae personae, cum persona extinguitur, si relinquatur Ecclesiae, numquam extinguitur, l. 24. *hujus t.* Est etiam hic tit. de officiis quibusdam Ecclesiarum, voluti de Decanis, sive Collegiatis (sic appellantur in hoc tit.) destinatis ad diversa obsequia Ecclesiae Constantinopolitanae maxime, ut eorum officium paucis exponatur, ad justa funebria, ad deferenda funera. Cedrenus decanos interpretatur *παῖδες τοῦ κένου*, *bastonnieres*, *Bedeaux*, qui non huic rei tantum dant operam, sed ad omnia obsequia, et munera Ecclesiae praesto sunt, quorum erat in Ecclesia Constantinopolitana justus numerus. Et agitur de Oeconomis. Cum agatur de rebus Ecclesiarum consequens est, ut etiam agatur de Oeconomis: nam ii sunt administratores Ecclesiae, et ut ait l. *jubemus*, eodem, titul. dispensatores pauperum: nec enim Episcopi administrabant, vel attingebant ullo modo res Ecclesiae, qui toti erant in sacris literis, et mysteriis exercendis, et nunciando verbo Dei. Oeconomi res administrabant Ecclesiae, atque pro viribus earum redditus pauperibus erogabant, et consequenter igitur de arcariis, quibus oeconomi rationes reddunt, atque etiam reliqua persolvunt: nam rationes non redduntur nisi reliqua persolvantur, quae quidem reliqua arcarii referebant in arcam Ecclesiae communem, cui ipsi erant praefecti praepositique. His etiam adiunguntur Chartularii, qui rationes, et actus Ecclesiae conficiebant: adduntur etiam in hoc tit. ecclesiarum, et martyriorum privilegia quaedam generalia, quae est tertia pars hujus tit. puta ut ecclesiae, et personae, et res Ec-

clesiasticae sint immunes a sordidis, extraordinariis, vel superinductis muneribus; et nominatio Decani, sive Collegiati, de quibus ante dixi, ut immunes sint a muneribus argenteorum, vel nummulariorum, l. 9. *h. t.* quae sunt munera in civitatibus, et plerumque etiam invitae injunguntur, sunt enim Reip. maxime necessariae: et haec immunitas tantum in ea l. 9. datur decanis *ἐκκλησιαστικῶν*, id est, qui reip. munus Decanorum exercent, ut in l. *generaliter*, et *ult. seq. de Episc. et Cleric.* et generaliter ita definitur, quod maxime velim vos animare, ne quis sub specie muneris quod minus exequatur alterius muneribus, et oneribus relevetur. Hoc potest esse usui in multis causis: exemplo uno utar. Doctoribus, Antecessoribus concessae sunt merito immunitates quaedam, quo fit, ut plerique ambiant Antecessorum nomen, et vel si nomen adepti fuerint, etiamsi nihil quicquam doceant, aut quod pejus est docere possint, tamen immunitate gaudent, quo fit ut opprimatur plebs, quae sublevaretur si onus adnumerati illius Doctoris non transfunderetur in eam? quae observamus hanc sententiam. Sunt etiam alia privilegia Ecclesiarum, ut immunes sint a lucrativorum descriptione, id est, certae portionis praeportione, quod declaro. Curialis, vel decurio, vel Senatus municipales Reipublicae muneribus bonisque ejus omnia invidue obnoxia erant, imo et progenies sive prosapia, ut veteri verbo utar. Cicer. verbum vetus appellat de universitate, quod Asconius interpretatur. his curialibus, si qui non curiales conditione, et origine successerint ex causa lucrativa, ex titulo lucrativo, puta jure legati, vel jure institutionis non ferunt assem, non ferunt solidum quod eis relictum est, sed relinquunt Reip. portionem aliquam, quae dicitur *lucris* descriptio, *lucris* onus, quod a curiali obvenit, non curiali. Ceterum Ecclesiae a lucrativorum onere immunes sunt, si forte curialibus ex causa lucrativa successerint: et additur aliud privilegium, ut donationes in eas collatae valeant etiam factae *μνηστικῶν*, id est, ex promissione sola offerentis, etiamsi Ecclesiarum nomine nemo eas donationes agnoverit, acceperit: nam jure communi donatio sine acceptione non valet: et interim dum non accipitur et agnoscitur, revocari potest. At in Ecclesias collatae donationes ex sola pollicitatione valent, imo et sine insinuatione seu confectione actorum, si modo, ut est in hoc tit. non excedant quingentos aureos: et addit aliud privilegium, ut ecclesiasticae actiones non perimantur nisi praescriptione 100. annorum, quae duo postrema privilegia, etiam civitatibus dantur, et illud de quingentis aureis bodie abiit in jus commune, id est, secundum novas Constitutiones Rom. Imp. nam si jus, quo utimur, spectemus, omnes donationes insinuatione indigent. Sed ex constitutioni-

bus Rom. Imp. hodie jus commune est, si non excedant quingentos aureos valere, etiam non sint repositae in acta vel monumenta. Id vero quod est de centum annorum praescriptione, ut Ecclesia, vel civitates si agant, ea tantum repelli possint, mutatum est Novellis in annos 40. pro 100. et haec quidem sunt generalia privilegia Ecclesiarum, quae proponuntur in hoc tit. Sunt etiam quaedam specialia, veluti Ecclesiae Thessalonicae in l. 8. ut ea Ecclesia releveretur onere propriae capitationis, id est, tributi capitalis: nam unaquaeque Ecclesia pro capite censebatur uno aut pluribus, ut princeps statuerat, nec onus capitis quisquam olim poterat effugere, ordinarii et extraordinarii muneris immunitate gaudebant multi; sed non ordinarii, non propriae capitationis, non Ecclesiae, non praefecti praetorio et comites, ut est in Nazarii oratione quadam, etiam praefecti praetorio et comites tributa pendunt principi, sed hoc tantum privilegium datur Ecclesiae Thessalonicae, quae sanctitate praeerlebat eo tempore, ut releveretur onere propriae capitationis, non tributo agrorum, et aliud speciale privilegium Ecclesiae Constantinopolitanae est in l. 14. 17., ut ejus Ecclesiae praedia coloni sive rustici panes civiles, quos ferebat Ecclesia de publico, vasa sacra sive anathemata et donaria sacra, ut nullo modo alienentur vel pignorentur, ac ne dentur quidem jure *παροικισμῶ*, quod vulgo hodie dicitur libellaria, ut exposui in Feudis tit. quibus modis feudum committatur, sed et locari, vel in emphyteusim aut precariam dari, ut non possint nisi certa lege modoque, qua lege exprimitur in constit. hoc tit. et in Novellis: hoc privilegium, ut dixi, primum datum fuit Ecclesiae soli Constantinopolitanae, sed est porrectum postea ad omnes Ecclesias, speciale quod erat, factum est generale, et abrogata est constitutio Anastasii Graeca, quae erat sub hoc tit. et permittebat aliarum Ecclesiarum bona alienari vel pignori adhibito decreto, et confectis actorum monumentis apud magistrum census, ut ait constitutio Anastasii apud magistrum census, videlicet in urbe, id est, utraque Roma, in provinciis apud praesides et defensores civitatum: nam hi soli jus habebant conficiendorum actorum, non omnibus erat jus, sed magistro tantum census in urbe, quem *γυνταξὶν* appellabant in l. *sancimus*, de donationibus. et in Nov. et in sequ. tit. l. 6. duobus locis, sed de illa Ecclesia Constantinopolitana etiam speciale hoc invenies in hoc tit. ejus Ecclesiae Archiepiscopi eandem, quam et Romani habebant prerogativam in creatione Episcoporum, et in assilendo, aut procedendo, ut Constantinopolitanus unicuique Romano: ut dicam breviter, primae deferuntur ipso Justiniano primae deferuntur in Novel. 131. et hoc privilegium creandi Episcopos, procedendi, praesilendique appellatur privilegium Patriarchicum in l. 15. *hujus tit.* et separatur a privilegio Metropolitano, recte: nam ut paucissimis expediam, iidem sunt Patriarchae, et Archiepiscopi. Patriarchae sunt Archiepiscopi, sunt Pontifices, his inferiores sunt Metropolitani, qui non sunt Archiepiscopi et superiores Episcopis. Jam explicatus est tit. unum tantum observandum est ex l. ult. quod est singulare. Pinget: Testator legavit Titio, et duo sunt Titii amici testatoris, aequa charitate conjuncti, nec apparet de quo scripserit testator, cui debetur legatum? neutri invicem se impediunt, sive non debetur ei, cui dare voluit testator, non debetur etiam ei, cui dare voluit, quoniam quisnam sit incertum est et obscurum, in l. 3. §. *si duobus*, de adm. legatis, l. 11. *si ita fuerit legatum*, de rebus dubiis. Quibus perperam obijcitur l. *si quis servum* 8. §. *si inter duos*, de leg. 2. Si quis obijciat, non propterea inutile esse legatum, ita poteris explicare eum locum, ut iste locus demonstrat, veluti si duo Titii inter se contendant de sententia testatoris, unus dicat de se sensisse testatorem, alter asserat idem, et pro se quisque afferat conjecturas, haeres autem paratus sit solvere ei, a quo defendatur, et servetur indemnis, eliget ipse haeres cui solvat, et gratificabitur cui volet, accepta cautione ab illo servabitur indemnis obtinente altero, verum eligere non cogetur, quia fieri potest ut nullus obtineat, ut nullius conjectura idonea videatur iudici; atque ita si nihil liquet, neutri dabitur legatum. Sed lex illa ultima aliud statuit in pia causa, quod ego libenter traxerim, suadente Jurisconsulto, ad omnem causam, vel me suadente et auctore jurisperito: nam ex l. ult. si quis legaverit Ecclesiae Divi Stephani, et liquet plures in ea civitate esse Ecclesias ejusdem nominis, neque liquet perspicue de qua senserit testator, lex ait deberi legatum ei Ecclesiae, in qua fuit frequentior testator et assiduior, in quam fuerit propensior: hoc jus etiam obtineat in omnibus causis: nam in exemplo si duo fuerint Titii, et unus fuerit auctiori necessitate cum testatore conjunctus, ei debetur legatum, nec fuerit dubitatio aliqua, quam quod fuerint ambo aequa necessitate conjuncti, ut ait d. l. *si ita fuerit legatum*, nam si non fuerit per humanitas, et erga utrumque benevolentia, sane obtinebit legatum, qui se amiciores probavit defuncto fuisse: at quid si non fuerit testator magis in unam Ecclesiam propensus quam in alteram, nec possit ex defuncti propensione elici certa conjectura: lex ait legatum deberi pauperiori Ecclesiae. Cur non etiam liceret statuere legatum deberi pauperiori Titio?

AD TIT. III.

De Episcopis et Clericis, et Orphanotrophis, et Xenodochis, et brephotrophis, ptochotrophis, et ascetis, et monachis, et privilegiis eorum, et Castrensi perulio, et de redimendis captivis, et de nuptiis clericorum velitis seu permittis.

Tit. 3. ita vulgo legitur, de Episcopis et Clericis, et orphanotrophis etc. sed magis probare de Episcopis et clericis et orphanotrophis etc. nam de orphanotrophis et aliis omnibus venerabilibus locis, simul ac de Ecclesiis et de Martyriis dictum est tit. sup. et l. 13. 17. 19. 21. 22. et 23. Hic titulus est de personis Ecclesiasticis, ille de locis religiosis et pietati dicatis. Sed tamen duæ tractationes ita sunt conjunctæ et affines, ut vix possit quis tractare de personis, quin tractet etiam de locis, et contra: de personis igitur hic tit. potissimum est, videlicet de Episcopis et clericis, et orphanotrophis, et ceteris, quorum singulorum munus, ut et aliquantulum describatur, et differentia, quæ inter eos intervenerit: Episcopi sunt Antistites, qui clero et populo Christiano præsunt, veluti pastores, patres, et vicarii Domini nostri Jesu Christi, vel ut in l. 6. tit. seq. qui populum Christianæ religionis doctrinæ instructione moderantur. Optato Milevit. apices, et principes omnium, vetustioribus Primicerii Presbyterorum, sive habeant nomen Episcopi, sive Archiepiscopi, seu Metropolitanum: nam quod scribunt de Episcopis, et de iis, qui sunt supra Episcopos intelliguntur, ut quæ in constitutionibus scribuntur de illustribus, scripta etiam examinare debemus de iis, qui sunt supra illustres, qui supra Episcopos, et ipsi Episcopi sunt, Clerici ut invenio in hoc tit. sunt ministri divini muneris, Catholicæ Ecclesiæ, Christianæ legis, Orthodoxæ fidei, quandoquidem heretici sunt potius abdicati, et exheredati, vel facti extra hereditatem cælestem, et communionem Ecclesiæ, ut definit l. 2. C. Theod. eodem tit. clerici scilicet, sive generaliter potiores hæredes Dei, cohæredes Christi, qui divino cultui ministeria religionis impendunt, l. 2. C. Theod. presbyteri scilicet, qui inter clericos superiorem locum obtinent, ut ait l. 8. in illo loco, si forte presbyteri, qui sub nomine superioris loci testimonium dicere citra aliquam corporalem injuriam sunt præcepti, hoc ipso, quod nihil metuant, vera suppresserint etc. Gerunt igitur presbyteri sub nomine superioris inter clericos, nam et Apostolorum vice sunt, ut legimus ἐν διατάξεσιν eorundem, in constitutionibus eorum, eisque non minus, quam et Christianis incumbit cura nuntiandi verbi Dei, nuntiandæ, et formandæ salutis generis humani, nuntiandæ redemptionis, qua lunctus Christus pro humano

genere ut est in eis Apostolorum constitutionibus, σύμβουλοι τοῦ ἐπισκόπου καὶ ἐκκλητικῆς στέφανος 1. Conciliatores sunt, et assessores Episcopi, et Ecclesiæ corona, et D. Paulo scribente de iisdem presbyteris κοπιῶντες ἐν λόγῳ καὶ διδασκαλίᾳ, qui navant operam docendo, instruendo, commonendo, corrigendo populo Christiano: clerici et sunt, qui hos sequuntur, veluti Diaconi utriusque sexus, et hypodiaconi, id est, ut eleganter scriptum est in hoc tit. ministri sacræ mensæ, et totius ornatus Ecclesiastici, ut est in l. ult. tit. seq. levitæ, lectores, cantores, sive psaltæ, exorcistæ, et ostiarii: sacerdotum nomen solet proprie tribui Episcopis, sed communicatur etiam clericis, Græce ἱερωὶς l. 16. 19. 45. hoc tit. l. 8. inf. de hæret. Imo communicatur Christianis omnibus: nam si communicatur clericis, clericorum nomen comprehendit universam Ecclesiam Christi. Eucherius: Sacerdos, inquit, ab eo nomen accepit, quod sacrum præbere ducatum minoribus debeat. Et adjicit: quo nomine utique censentur omnes, qui altitudine rectæ conversationis ac doctrinæ salutaris eminent, nec sibi ipsis tantummodo, sed pluribus prosunt: et alio loco: omnes sumus membra summi Sacerdotis Domini Jesu Christi: et Tertullianus: Christus sacerdos nos Deo et Patri fecit. Quod idem de Clericorum nomine scribunt. Orphanotrophis in h. t. ita definiuntur l. 31. qui parentibus atque substantiis destitutos minores, et orphanos, quod Gallica vox nomen retinet, sustentant, atque affectione proxima educant sumptibus Ecclesiæ, et ut ait lex 32. sunt quasi tutores pupillorum, et curatores adolescentium: ac similiter brephotrophis dicuntur alumni, et educatores infantium projectorum, vel expositorum, et ptochotrophis alumni pauperum et mendicorum: xenodochi autem sunt, qui externos, aut advenas ægrotos, debiles, invalidos, vel ut dixit Epiphanius dependentes, qui sibi necessarium victum quærant, hospitio excipiunt l. 46. et 49. hoc tit. Xenodochi hospitales, quod nomen etiam vox Gallica obtinet, et quidem hospitale studium excipiendorum externorum nihil aliud est, quam xenon, aut xenodochium, qui locus proprie educandis puellis, pueris, sive infantibus destinatus est: improprie appellatur hospitalis, aut xenon. Verum ut persequar singulas partes hujus tit. ascetæ, vel ascetrice sunt devotæ virginis, qui, quæve ita vitam instituerunt, ut toti sint sacris dediti meditationibus, precibus, assiduisque votis erga Deum pro humano genere: quod institutum philosophiam vocat Nov. Majoriani de sanctionibus, et viduis. Et notum est, atque adeo sane notandum, quod de asceta quoque scribit Macarius, qui et ipse fuit asceta homil. 27. suo familiari, et collegæ, quem sæpe videbat

meditatione multa, et profunda, veluti sumptum, et ereptum ex rebus humanis, quem saepe viderat gravi infirmitate laborantes liberasse indulgentia medicinarum suarum coelestium, vel sola impositione manuum, quem saepe viderat etiam daemones ejecisse, hunc tandem mente divina ejecisse elatum superbia, et prolapsum in omne malitiae genus, cui tamen Deus injecerat gratiam, et utitur hac praeclearissima sententia: pura nitidaque mens, sive nitida natura non caret qualitate superbiae: nullo est adeo nitida mens, quin depravari possit. Eam ob rem colendus est nobis semper Deus, ut semper admonemus, adhibito timore metuque.

Verum ut ad rem redeam, observandum in hoc tit. ab ascetis separari monachos, et asceterium separari a monasterio similiter l. 34. Ascetas igitur separari a monachis, id est, qui quæve latebras capiant, et vastas solitudines: ii sunt proprie monachi, l. quidem, inf. de decurionibus, lib. 10. quorum praefecti dicuntur Archimandritæ, quasi Latebrarum praesules. Et hæc quidem sunt personæ, quæ in hoc tit. numerantur. Sed præterea in constitutionibus hinc tit. fit etiam mentio νοσηρόνων et γυμνασίων, quibus scilicet curæ erant valetudinarii, et senes: namque ætas senilis altera valetudo est. Denique certus erat locus, quo pietatem Ecclesiæ exercebant in senes, et certus, quo in valetudinarios cujuscunque ætatis, populares scilicet, et concives: nam, ut antea dixi, peregrinis erant constituta xenodochia. Fit etiam mentio parabolanorum medicorum, qui erant in Alexandria, quoniam se conjiciant in periculum, *un Medicin de la peste, qui se hasarde bien fort.* parabolani medici sunt audaces medici, qui adveniunt omnia pericula curandorum ægrotorum gratia, qui nihil extimescunt contagionem morborum: fit etiam mentio in constitut. hoc tit. ejus, qui dicuntur ἐστὶ τῶν πρυγίας, qui erat quasi generalis quidam curator, et observator medicorum, diversus a ptochotropho. Et fit itidem mentio œconomorum, de quibus etiam multa tit. superiore, et defensorum Ecclesiæ: fit mentio ἀρχιδιάκων, vel ἱεραρχῶν, qui sane, ut opinor, sunt chorepiscopi, ut Zonaras ait, χωρεπίσκοποι δὲ οὗν λεγόμενοι ἱεραρχοί, curis, aut suburbii Episcopi, aut Metropolitani, idem, qui et Archidiaconi, vel Archiepiscopi fere, ut Leo ait, et ut est in Synodo Neocæsariensi, ἀπὸ συλλειτουργῶν εἰς τὸν πᾶν τῶν ὁ. Sigbertus: Archidiaconi, qui dicuntur Chorepiscopi, qualem in antiquis monumentis legi nuper Lugduni, fuisse appellatum praefectum supercilio Lugdunensi, vel ut loquuntur, monti sacro duorum Irenæi, et Justi, qui et veluti supercilium est hodie ei civitati, et iis hodie appellatur Ab-

bas, olim Chorepiscopus proprius, quam Abbas. Fit etiam mentio eorum qui περιόδοιται dicuntur, ex τοῦ περιέρχεται καὶ κατορθοῦν τοὺς κείους, ut Zonaras ait in Sardicensi Synodo, qui fideles commovent, exponant alienatos a fide, vel errantes revocent in pristinum statum, quod obeant singulas Ecclesias, atque illustrent mandata Episcopi, aut Metropolitanorum, visitatores dicuntur in capite non debere 80. Fit etiam mentio aliorum, qui Παραμοναρίαι dicuntur, de genere eorum, qui res Ecclesiasticas administrantes, id est, villici, sive actores possessionum Ecclesiasticarum, et possunt appellari satellites, adarcule, bucellarii certe Nicetæ παραμονή est πλεονόμος βάρβαρος: additur in hoc tit. enumeratis superioribus personis, et de privilegiis eorum, Episcoporum scilicet, et Clericorum, et ceterarum personarum, quorum præcipue quidem recensemus: unum est, ut invitis Episcopis non denuncietur testimonium, et Presbyteri, qui secundum locum obtinent, citra injuriam capitalem, citra injuriam questionis testimonium dicant, ut et eis fides habeatur, etiam citra questionem. Item ut Clerici, Monachi, et Xenodochi, et Ptochotrophi, et similes personæ excusentur a sordidis, et extraordinariis muneribus, et parangariis, onere transvectionis aut erectionis indebitæ et injustæ sive extraordinariæ, ut excusentur a metatis, id est, ab onere recipiendi hospitio, transeunte forte comitatu principis vel exercitu, ut excusentur a lustralis auri collatione, sive quod idem est, ab auraria functione, si qui clericorum et orphanotrophorum, vel similium personarum negotiationes exerceant: nam onus illud aurariæ functionis, onus erat negotiatorum, ut constat ex l. 2. hoc tit. ac præterea ut excusentur a tutelis et curationibus, et a personalibus muneribus sive corporalibus, sed ut est scriptum in l. generaliter, hoc tit. ut hac immunitate tantum fruantur ii, qui muneri suo et functioni sancte non desunt: nam ut habuimus heri ex l. 4. tit. sup. nemo dicitur sub specie muneris quod minus exequitur, alterius muneris sarcina relevari. Igitur l. 9. l. generaliter adungi convenit, etc. præterea ut injuriarum crimen sit publicum, si facta sit injuria Episcopo vel Clerico: nam injuriarum crimen sane privatum est, aut extraordinarium, non publicum: et in l. 2. de origine juris male leg-batur olim Cornelium instituisse quatuor prætores, id est, singulos prætores singulis quatuor questionibus publicis, quas instituerat, de falso, et parricidio, et sicariis, et de injuriis, nec ea verba habent Pandectæ Florent. nec loco eorum ulla alia, *mais il y en faut mettre un autre*: et beneficiis. Ceterum de injuriis non fuit publicum crimen, nisi, ut dixi, ex iis constitutionibus, si facta sit injuria Episcopis, etiam additur aliud privilegium, ut sit actio popularis ex

testam. si quid relictum sit Ecclesiis, tout chacun peut demander cela pour l'Eglise, vel Episcopi, vel Clericis, vel pauperibus conditione ex lege scilicet, quæ infirmitate crescat in duplum, et ex cuius causa, si forte indebitum solutum sit, non competat conditio indebiti, l. 46. hoc tit. §. ult. Instit. de obligat. quæ quasi ex delicto nasc. addam et aliud, ut irrita sit substitutio precaria per fideicommissum facta sub conditione si sine liberis hæres institutus decesserit, hærede postea transeunte in clerum aut monasterium, propterea quod uxorem ducere non potest; tamen non ideo substituto locus est, et pari ratione ut transeunte in clerum vel monasterium remittatur conditio liberorum, suscipiendorum, id est, ut non amittat legatum, fideicommissum, vel hereditatem, etiamsi seipsum fecerit extra spem suscipiendorum liberorum; et quod etiam inter privilegia numerari debet, additur in hoc tit. de castrensi peculio clericorum vel Episcoporum, ut si sint filiifamilias, quod acquisierit ut dum divino cultui darent operam, non acquiritur patri, sed id habent præcipuum quasi castrensi in peculio, et de eo possint libere testari, nec possint testamentum rescindi per querelam inofficiosi testamenti, l. 34. et d. l. 40. et de redimendis captivis, deque relictis in redemptionem captivorum, l. 28. 46. 49. ult. pars tit. est de nuptiis clericorum vetitis aut etiam permissis, permissis scilicet lectoribus et cantoribus, lectoribus qui legebant sacras literas in Ecclesia præseunte populo, vetitis ceteris clericis indistincte, et permissis primis nuptiis, vetitis secundis, et rursus permissis omnibus clericis indistincte, si enim fuerint ante clericatum, vetitis post clericatum, l. 19. et 41. nam neque leges, neque canones ulterius interdixere nuptias nisi post clericatum. Quinimo licebat pridie ejus diei quo quis transiret in clerum ducere uxorem, nec enim minus assumebatur in clerum, ut jure posset obijci his qui post clericatum cupiunt ducere, cur non duxerint ante clericatum? et merito igitur est legitima interdictio, et liberi suscepti post clericatum iisdem constitutionibus censentur esse spurii, incesti, nefarii, non naturales liberi: nam naturalium liberorum nomen est honestum, spuriorum turpe: et in ex constitutione nescio quis, ut Dom. Anton. Confinius interpretis vertit, ita ut nec naturales, nec spurii, sic interpretatur nothos et phisicos, id est, naturales et spurios; sed fallitur; et nothi sunt naturales suscepti ex concubinato, qui erat permissus legibus, spurii non possunt naturales dici, quorum nomen est turpe.

AD TIT. IV.

De Episcopali audientia, et diversis capitulis quæ

ad jus curamque et reverentiam pertinent Pontificalem.

Quartus Tit. est de Episcopali audientia, etc. Episcopi jurisdictionem non habent, nam neque forum legibus habent, ut ait Nov. Valentiniani de Episcopali judicio, neque apparitionem, id est, nullos apparitores, viatores, executores, neque executionem habent, quod est summa sive extrema pars jurisdictionis, l. 1. D. si quis jus dicenti non obtemper. sed eorum sententias exequuntur magistratus, l. 8. hoc tit. sicut judicum delegatorum sententias exequuntur magistratus, qui delegant, l. a div. Pio, D. de re judic. qui etiam iudices delegati notionem tantum habent, non jurisdictionem: hæc si haberent, et executionem haberent. Sozomenus lib. 8. merito igitur hic titulus inscriptus est de Episcopali aud. non de Episcopali jurisdictione, et male Accursius interpretatur audientiam, jurisdictionem: nusquam invenies jurisdictionem tribui Episcopis, notionem, cognitionem, judicium invenies passim, ut in hoc tit. de Episcop. audientia, ita in l. 26. sup. tit. 3. cum clericis, inquit in judicium vocatis potest Episcopalis audientia, quis auditorium quidem Episcopus habet, sed non jurisdictionem, non tribunal, aut forum. Et similiter in dicta Nov. Valentiniani, clericus, inquit, si agat, sequatur forum rei, si ad ecclesiasticum ad Episcopi vel Presbyteri audientiam non prestat assensum. Quibus verbis apparet etiam Presbyteros habuisse audientiam, id est, notionem, atque judicium, qui quidem secundum locum obtinebant ab Episcopis, ut heri diximus, non eundem locum, ut Accursius dicebant, qui connumerantur inter hæreticos: et hæc quidem audientiam sive notionem extra honorem jurisdictionis habuere tantum Episcopi vel Presbyteris in clericos et monachos in causis religionis, vel negotio Ecclesiastico, non in alios, nec in aliis causis, nisi inter consentientes; qui consensus jurisdictionem non tribuit, et hoc potissimum ostenditur in hoc tit. et est maxime notandum; nam ex nullo vix reperies unum qui non tribuat Episcopis jurisdictionem, cum et Accursius audientiam, proutius ac lenere accipiat pro jurisdictione: sed is tit. continet etiam diversa capitula ad jus curamque et reverentiam Episcopalem pertinentia; ad jus, veluti ut non nisi adhibitis et consultis Episcopis defensores civitatum creentur, qui qui lem in singulis civitatibus habebantur instar tribunorum plebis, et erant præditi jurisdictione, ut explicabimus in tit. de defensoribus civitatum, ut etiam adhibitis Episcopis non aliter creentur sitones, id est, rei frumentariæ curatores quibus Resp. mandat curam coemendi frumenti, ut populo non desit annona. Itemque ut adhibitis Episcopis tutores vel curatores minorum aut furiorum instituantur, ac præterea quædam non numeratæ pecunie,

non numeratæ dotis, quæ exceptio dicitur, sed querela propius quam exceptio: quandoquidem in iudicium deducitur, etiam antequam agatur ex chirographo, ut, inquam, ea querela absente magistratu, et generaliter qualibet prescriptionis interruptio ac contestatio deficiente magistratu inutili possit apud Episcopos, *l. 21. 31. 32. eod. tit.* Nunc exponamus quid sit ad curam. Ad curam Episcopalem pertinent pauperes, et, ut ait *l. 1.* verus cultus est Christiani Episcopi adjuvare pauperes et positos in necessitate. Et valde notandum quod est in *l. 2* ut si clericus ante definitivam sententiam appellaverit frustrandi tantum causa, morandique iudicii, quæ intempestiva appellatio est, ei multa irrogetur quinquaginta librarum aur. eaque multa non accedat commodo fieri, sed pauperibus erogetur etiam et populo. Ecce genus multæ, quod accedit pauperibus: vix invenies similem locum in iure: sed tamen est hodie frequens ut non tantum fisco, sed pauperibus accedant vel addantur multæ. Pertinent etiam ad curam Episcopalem in captivorum redemptio, itemque infantes expositi, et custodiri, id est, qui carcere coercentur, et qui quæve a lenonibus detinentur: et inspectio operum publicorum rationumque civilium ne quid de publico deperat, ut scilicet urgeat, et instet Episcopus si negligi videat opera publica relictisve civiles. Sunt et alia pleraque officia pia, et sancta, quæ hic tit. ostendit pertinere ad curam Episcopalem, ne, ut hoc quoque adjiciam, alii advocati recipiantur in foro, quam Christiani, *l. 13.* ne alii legantur milites, quam Christiani, *l. 19. 20.* et cum in Alexandria essent Primate quidam Clerici quasi plebis defensores, qui in ea civitate proprio vocabulo, ut habuit ea urbs amplissima propria pleraque vocabula officiorum tum munerum, vocabantur archigerontes, dicere id est, seniores, et administratores, vel curatores plebis: hi etiam ut non, nisi sint Christiani recipiantur, *l. 6. eod. tit.* in qua lege laborant quamplurimi propter hæc verba Archigerontes, et dicere: satis intelligimus ex C. Th. Archigerontes, et dicere: fuisse privatos, et defensores plebis Alexandrinæ, ut qui in aliis civitatibus dicebantur *ἐκκλησιαστικῶν*, vel defensores plebis, in urbe Alexandrina dicebantur archigerontes, et dicere, quos etiam in ea urbe vult esse ex corpore Christianorum. Sed quid hoc sit egiptianorum nemo adhuc potuit explicare, et videtur fuisse vetus mendum, quod etiam insidet in C. Th. in quo longe aliter legitur, quam hoc loco quon sic legitur, archigerontes, quod magnam movet conjecturam, ut sit reponendum, archigerontes dicere: quæ id est, defensores plebis Alexandrinæ ex Christianorum numero deligantur: alioquin nunc esset

oratio: ad curam quoque Episcopi nemo necesse pertinet disciplinam Ecclesiæ, disciplinam monachorum, et clericorum: quod multæ constitutiones docent in hoc tit. et illud inter cetera, ne clerici, vel monachi alere, vel spectaculis sint dediti: et in *l. 7.* ne per vim, aut usurpationem aliquam, quod bellum dicere esse potius, quam iudicium aliquod non ineleganter, eripiant iudicatos addictosque supplicio, quod certe usurpabant exemplo pontificum paganorum, ut Vestalium, quorum occursum servabat sæpe ductos ad supplicium. Ad reverentiam autem Episcopalem hoc maxime pertinet quod est tertium in hoc tit. ut ab eorum sententia non possit appellari, *l. 8. et 14. eod. tit.* nisi qui forte extra Episcopum iudicem assumpserint, et optaverint, cum Episcopus compellere non potest, ut se subijciat audientia: sæpe: sed si qui ultro se audientie aut subijcerint, non possunt ab ejus sententia appellare a iudice dato ex consensu partium citra compromissi vinculum, *l. ex consensu. D. de appellationibus.* nam a sententia iudicis compromissarii non licet appellare, *l. 1. inf. de receptis. A sententia editi* (qui aut iudex edititius explicat Servius in Eglogam Virg. 3.) vel quem utriusque partis consensus optavit, non permanente vinculo compromissi, licet appellare, ut dixi, nisi fuerit Episcopus, in quem utraque pars consenserit: hoc plane defecit reverentia Episcopi: sed ex his, non velim in hoc tit. maxime vos adnotare, quod sint quotidiana: unum in *l. 3.* dum ait remissionem venie criminis nisi semel commissa non habere. Fuge: Princeps perduellibus dedit veniam perduellionis: ex his postea quidam recidit in idem vitium, et rursus non est remittenda venia, vel iis non potest ex quadam poster ore venia, quam princeps dedit similibus personis, sibi item vindicare veniam, et asserere: cur? quia remissionem venie crimina nisi semel commissa non habent: et adjicit eleganter: nec in eos liberalitatis Augustus referatur humanitas, qui impunitatem veteris admissi non emendatoni potius, quam consuetudini deputaverint. Etiam illud notandum est quod habetur in *l. 27.* officium curatoris esse, non pratermittere utilia, nec admittere inutilia: paucis descriptum est officium curatoris: duplex est culpa, culpa in faciendo, et culpa in non faciendo, *l. si servum, de verb. oblig.* utrumque tutor, aut curator prestare, debet et quod est notandum, in *l. 28.* si curator datus sit furioso habenti liberos; ut ahibito curatore, et iis, qui genere nobiliores erunt liberi nuptias contrahant si velint: dote, vel donatione propter nuptias constituta arbitrio curatorum, vel propinquorum, et in urbe præfecti urbi, in provinciis præsidum, vel Episcoporum, et ut ea constitutio dotis, vel donationis propter nuptias, et arbitrium in ea consti-

tuenda, quod requiritur, ut peragatur sine ullo damno, id est, sine ullo sumptu, gratis: et placet ratio valde, quæ potest accommodari ad alia pleraque, ne tale hominum infortunium etiam expensarum detrimento prægravetur: cessabunt igitur sumptos judiciales propter infortunium hominum. Multæ sunt constitutiones Græcæ in hoc tit. ut in superioribus, et etiam in consequentibus, quas qui vertunt in latinum sermonem, uti possem ostendere multis argumentis, nisi res esset exigua, aberrarunt mirum in modum: unus est locus magno momenti, quem nesciunt latine vertere in l. 36. dum ait, ut curent Episcopi ea servare, quæ jam a se constituta sunt καὶ ἀπαρτυριστοῦ μίστρου: quod sic interpretantur, de Metatorum exactione: nunquam prohibuit metatorum exactionem Imperator, id est, exactionem oneris recipiendi milites, sed personæ quædam privilegariæ ab hoc onere excusantur; non ergo vult constitutio homines relevare onere metatorum, sed ἀπαρτυριστοῦ, id est, aliterationes, id est, ne pro metatis cogantur æra refundere, aut præstare militibus, ut non subrant onus metati: eo enim prætextu extorquebant ingentem sæpe pecuniam. Denique metatum est onus, quod non potest adærari: et ita etiam l. 18. eod. tit. prohibetur ἀπαρτυρισμός, id est, adæratio annonarum militarium, ut scilicet, quod dicitur, provinciale pro annona militaribus id conferant in speciebus ipsis, non in ære: et stultius etiam dum lex eadem ait, ut Episcopi curent observari in Republ. prohibitionem rapinarum, ut interpretantur, uno verbo non dicere possis nisi *exar-mationem*: mittebant nonnunquam principes in provincias aphoplistas, qui exuerent armis provinciales. Et genus quidem rapinæ erat ne auferrent arma provincialibus, si quid ab eis exprimerent pecuniarum, quod genus concussionis ait d. l. in fine esse cohibendum curante Episcopo secundum constitutionum sacrarum tenorem, quarum una est, quæ nostram constitutionem confirmat l. ult. de metatis lib. XII. Cod.

AD TIT. V.

De Hæreticis, et Manichæis, et Samaritis.

Tit. 5. est de hæreticis, etc. Et ne quis scilicet existimaret privilegia superioribus titulis concessa Ecclesiis, Episcopis, Monachis, ad alios, quam Christianos Catholicos pertinere: statim initio hujus tit. constituitur, ut ab iis privilegiis alieni sint hæretici, nam ut eorum Episcopos, vel Clericos hæc nomina sibi falso vindicare et conventus eorum, et conciliabula non esse Ecclesias, sed quasi Ecclesias, ut ait l. 5. non συνάξεις, sed παρσυνάξεις, non baptismata, sed parabaptismata, l. 8. et 14. eod. tit. Nov. 32. existimari, esse, sed non esse: privilegia

igitur Ecclesiastica ad eos non pertinere. Et l. 1. C. Th. de hæreticis, addit, schismaticos recte: nam et schismatici continuo hæretici non sunt, qui divertunt a communionis unitate, et eorum dissidium, et schisma, quod dicitur etiam ἀγνωμοσύνη, id est, fræni dissolutio, aut effrænata licentia, licet hæresis non sit: nec enim schismatici opinionibus dissentiant ab Ecclesia a qua divertunt, plerumque tamen schisma desinit in hæresim, ut de schismate Donatistarum ait l. 4. C. Theo l. ne sanctum baptismum iteretur, quæ, inquit, ne hæresis vocaretur, appellationem schismatis præferbat; ita est legendum, et paulo post: ex geminatione baptismatis contigisse, ut hæresis ex schismate nasceretur. Et de iisdem Donatistis D. August. In hæresim, inquit, schisma vertunt. Definuntur et hæretici in l. 2. h. t. qui, vel levi argumento deviant a iudicio et tramite Catholice religionis, et quibus generaliter interduntur conventus omnes, scholæ. In l. 3. Litaniæ, id est, preces publicæ, et poena etiam infligitur iudicibus, qui eorum audaciam non compescuerint: poena plectitur, ut ait l. 2. cohibentia iudicum: nam in constitutionibus sic est semper accipienda cohibentia, non coarctantia, et integra mansit in Codice Theodosiano: cohibentia nomen semper deprobatum est in conniventia nomen, quo significatur dissimulatio, ut cohibentia, negligentia, et temperatio, aut vindicta, aut persecutiones. Et ita glossæ veteres rectissime interpretantur cohibentia nomen: hinc dicti hæretici, ut scimus omnes, a pertinaci spiritu, et opinione singulari duræ frontis obstinato piaculo, ut eleganter ait Theodosius in Nov. de Jud. Samaritanis, et hæret. qua forma D. August. dixit eleganter, frontem hæreticorum non esse frontem, et mirari se dum videt hæreticos habentes originem in corpore, non erubescere, et prope esse, ut exclamet illud Persii, frontem periisse. Additur specialiter in hoc tit. de Manichæis quasi insignioribus hæreticis, quos l. 5. ait ad summam usque nequitiam pervenisse, et Nov. Valentiniani, de Manichæis, incesta perversitate religionis specie lupanariis, quoque ignota: vel pudenda committere: quæ narrare hujus loci non est: sed licet addiscere ex libro August. de hæresibus, et moribus Manichæorum, et Agathie histor. lib. 2. et Cyrilli Catech. 6. additur etiam h. t. de Samaritis propter constitutiones quasdam Græcas, quæ de iis sunt in h. t. sicut inter Novellas sunt duæ de Samaritanis, quorum secta mixta fuit ex Paganismo, et Iudaismo. Manichæi sunt ex Christianismo secundum visionem Epiphani: verum licet constitutiones h. t. multis afficiant pœnis, tamen solemniora sepulture eis non denegant: quod notatur ex l. 9. h. t. aliorum criminum reis post condemnationem negatur sepultura, ut constat ex tit. D. de cadaveri-

bus: ac præterea iis poenis subjiciuntur ii tantum, qui sunt sane subjecti Imper. Romano, non fœderati, veluti Gothi nominatione excepti l. 12. quorum plerique fuerunt Arriani. Sed leges Civiles pop. Rom. exteros non cogunt, etiamsi sint Romanis fœdere conjuncti, et cum Romanis militent.

AD TIT. VI.

Ne sanctum Baptisma iteretur.

Hic tit. pars est tit. superioris: nam iteratio baptismi per se hæresis est, et hæreticorum quorundam hi mores erant, ut Donatistarum, Novatianorum, Eunomianorum, ut a Catholicis baptizatos, rebaptizarent, id auferentes, sive polluentes, quod geminarent. Geminatio scilicet aufert, et polluit tinctionem, l. 9. C. Theod. de hæretic. Catholicitamen hæreticos ad se conversos, qui modo ab hæreticis essent baptizati in Trinitate, non rebaptizabant: et quod constitutionibus, et canonibus Apostolorum longe aliter cautum videtur de rebaptizandis hæreticis, id de iis acceperunt, qui essent baptizati, sed non in Trinitate, qui utique non sunt habendi pro baptizatis, si absit Trinitatis invocatio, imploratio, innominatio, vel adominatio, nec probarunt Tertuliani, Cypriani, et Africanorum quorundam opinionem de iis baptizandis, quos hæretici baptizassent: mihi enim refert, quo interrogante, quis baptizetur, modo baptizetur in Trinitate, et credat, D. August. de hæresibus: *Ecclesiam Cathol. placuit, nec in ipsis hæreticis baptisma commune rescindere.* Et Optatus Afer de Donatistis: *A Donatistis baptizatos, si ad nos veniant, simpliciter excipimus: absit enim, ut jam lotum revocemus ad fontem, absit ut iteremus, quod simplicum est, aut duplicemus, quod unum est; nec ineleganter Inpp. Honorius et Theod. in l. 58. C. Theod. de hæret. In modum semel nati hominis baptisma semel a Deo concele, et semel renasci ablutione aque lavacri lacus, id est, baptisterii, et columbi sacri atque divini: nam quam vocant εὐχέλαιον ἱερὸν, ἱεὶον, recte dixeris latine columbum, vel columbum divinum, et sacrum baptisterium, sacrum lacum, lavacrum, fontem, quam tinctionem initiationem vocant hoc modo, initiationem mysterii religionis Christianæ, l. 3. eod. tit. l. 6. C. Theod. ac proinde hic tit. sextus est de Anabaptistis genere hæreticorum, vel ob hoc solum, quod iterent baptismum. Catobaptistæ alii sunt, qui censent infantes non esse initiandos, vel baptizandos.*

AD TIT. VII.

De Apostatis.

His adjungamus etiam interpretationem tit. de

Apostatis: dixi jam ex tit. sup. ex schismate nasci plerumque hæresim. Ita vero possum dicere ex hæresi nasci plerumque apostasim, ut Tertull. lib. de præscriptionibus, hæreses apostatas fecisse: hi sunt, qui penitus deviarunt a religione Christiana, puta qui ex Christianis facti sunt Judæi, aut Pagani, aut Samaritani, quos constitutiones h. t. capite minuunt, et redigunt ad peregrinitatem adempta civitate Romana, cujus ademptio adimit jura innumera, veluti commerciorum, et testamenti factionem, et nuptias, et pleraque alia, et jubet exemplo reorum majestatis, exemplo Manicheorum et Donatistarum, ut est in l. 4. tit. 7. jubent, inquam, apostatas damnari etiam post mortem intra quinquennium a morte numerandum, instituta accusatione, ut in l. 2. hujus tit. in vivos apostatas est perpetua publica accusatio l. 1. h. t. in mortuos est quinquennalis, ut querela inofficiosi testamenti est quinquennalis. Cujus exemplo utitur l. 2. hujus tit. l. si quis filium, §. ult. inf. de inoff. test. videtur d. l. 2. pugnare cum l. pen. Sed hæc mea distinctio tollit omnem ambiguitatem, l. pen. quæ est de vivis: in hoc est accusatio nullis circumscripta temporibus, l. 2. est de mortuis apostatis, in hos accusatio circumscribitur quinquennio. Est etiam hoc in apostatis proprium, ut eorum crimen non abolet poenitentia, l. 3. eod. tit. quod regulariter etiam obtinet in omnibus criminibus, crimina purgat poena, non poenitentia, l. palam, D. de ritu nup. non aboletur turpitude, quæ intermittitur, l. qui sit fugitivus, D. de edil. edic. l. qui ea mente, D. de furt. nemo poenitentia nocens esse desinit, l. pen. D. de vi bon. rapt. Excipiantur minora quædam crimina, ut si libertus patronum, aut filius patrem sine venia in jus vocaverit, et mox poenituerit, remittitur poena, l. quamvis, D. de injur voc. et qui plus petit in judicio, si poenitentia ductus petitionem emendaverit, evitat poenam plus petitionis, l. 1. et 2. inf. de plus petition. et l. qui falsam, D. ad l. Corn. de fals. qui falsam monetam percusserit, et formare noluit, suffragio, inquit, justæ poenitentiae absolvitur. Regulariter poenitentia non emendat crimen, quod est poena, emendatio criminis: poenitentia, quod ad jus civile attinet, non est emendatio criminis, quia regula etiam obtinet si quis rem alienam clam possidere coeperit, etiamsi postea dominum certiore fecerit, l. si de fundo, §. pen. de acq. possess. et secundum hanc regulam juris Apostatarum crimen non oblietatur poenitentia, et tamen omnium hæreticorum crimen poenitentia aboletur, quæ est altera exceptio regulæ superioris: hæreticis facile veniam damus si resipiscant, l. 4. et 5. eod. tit. l. 43. C. Theod. de hæret. Apostatis veniam non damus, et observandum est vobis diligenter in l. 3. vulgo esse ita

scriptum. Si qui sanctam fidem prodiderunt, qui l'ont du tout remise, et sanctum baptisma hæretica superstitione prodiderunt: hæc verba, hæretica superstitione: videntur hæreticos etiam cum apostatis confundere, cum tamen hæreticorum nomen tribuatur solis Christianis. Imperitus aliquis illa verba inseruit, quæ non sunt in Cod. Theod. unde dicta lex sumpta est, nec ut sint res ipsæ fert, ut quis sit apostata et hæreticus, hoc enim perinde est, ac si diceret, aliquem esse Christianum, et non esse: idem etiam confirmant inferiora verba l. 3. et maxime illo loco, in profana migraverunt, prodentes mysterium, et baptismum. Is denique profanat sacrum baptismum, qui pollutus deficit a fide Christiana: et quod ait in fine, perditis vero hoc est, sanctum baptismum profanantibus, non hæretica superstitione: hoc adderet inerte, sed eleganter in illo, lapsis et errantibus esse subveniendum si resipiscant: hi sunt hæretici, perditis vero etiam si resipiscant. hi sunt apostatæ, etiam illud est notandum, l. ult. eod. tit. esse fugitivarium, et non esse aplo postam sub hoc tit. est enim de hæreticis non de apostatis: et ut hoc evidenter apparent, constat ex actis Synodi Chalcedonensis d. etiam l. ult. esse partem l. 8. sup. de hæreticis, sunt in tit. Cod. et D. ut quodam loco ostendi, multæ leges fugitivæ inconsulto non suo loco positæ: ex iis est d. l. ult. cum non sit de Apostatis, sed de hæreticis.

AD TIT. VIII.

Nemini licere signum Salvatoris humi, vel in silice, vel in marmore, aut insculpere, aut pingere.

Ut hæretici et apostatæ, de quibus dixit proximo tit. ita qui humi sculpunt, aut pingunt signum Salvatoris Christi, erga religionem Christianam contumeliosi esse videntur: indignum est enim signum salutis nostræ pedibus scælaræ, aut conculcare trophæum victoriæ Christi: ideoque inhibetur hæc res cum hoc tit. tum etiam Synodi habite, et perfectæ in palatio Imp. cap. 73. signum autem Salvatoris Christi, signum vocat Crucis, quod veris Christianis semper fuit sanctum et venerabile, l. decernimus 26. sup. de Episc. et Cleric. l. 11. tit. seq. de Judæis Nov. 5. Justiniani dixit, προσευχόμενοι καὶ τῷ κυρίῳ non quidem propter se, sed propter Christum, et Christi memoriam, qui pro nobis Cruci suffixus est: adeo vero sanctum fuit, ut in instrumentis, si quis testis, vel auctor testimonii nesciret literas, pro fide et subscriptione cederet, l. ult. §. subscriptionem, inf. de jure delib. et

Leonis Novel. 72. ait, collocatione ejus signi profana loca expiari, et Deo consecrari solere: nec enim ullum locum fas erat Deo consecrare, aut certe nullus recte censebatur Deo consecratus, nisi signo isto venerabili in eo collocato, l. ult. C. Theod. de paganorum sacrificiis, et Nov. Justin. 5. et Nov. 67. et solebat etiam præferri in Litanis publicis Novel. 123. et ut scribunt Tertul. Hieronym. August. solebant quoque Christiani omnes ad omnem actum ad omnem incensum, et motum, et cubilia, ad mensam, et ad lavacra eo signo frontem terere, et se quodammodo præmunire. Crucis quoque veneratione Constantinus Imper. quod erat frequens Crucis supplicium, exemit numero legitimarum poenarum generali edicto, ne quis reus Cruci affligeretur. Denique censuit Crucem esse illegitimam poenam, quæ fuit olim legitima et frequens. Sozomeus lib. 1. Supplicium, inquit, Crucis, quod Romanis solenne erat et legitimum, Constantinus sustulit a judiciis et foro. Et August. in questionibus veteris testam. Antea, inquit, Cruci homines figebantur, quod postea edicto prohibitum manet. Edictaque Constantini permanere etiam videmus: hodie in Pandectis, et Cod. semper Tribon. mutavit crucem in furcam, eam scilicet, quæ hodie fures suspendi videmus: ubi prudentes Imperat. scripserant crucem pro supplicio, Tribon. semper scripsit furcam: ubi erat scriptum crucifigatur, reposuit, furcæ figatur: fuit infame supplicium, nec minus infame, et ignominiosum est supplicium furcæ, quam crucis, vel quod cruci successerit, sicut deportationis, quæ successit in locum ignis et aquæ interdictionis, non minor est poena, quam ipsius interdictionis: nobilior est poena gladii, si caput gladio auferatur, hæc est Gallorum opinio quæ etiam fuit Græcorum. Porro ne quis labatur hac in re, non fuit eadem furca cum illa, quæ fures suspendebantur, vel aliorum criminum rei, in qua injecto collo damnati traducebantur ad supplicium, sed fuit lignæ materie vinculum, quæ boja appellatur, la hard, quo nomine etiam significatur vinculum quo fascēs virgultorum ligantur, quod sit ex virgultis ipsis. Aurel. Victo. Senatus sententia constitutum est, ut more majorum collo in furcam conjecto virgis a l. eodem necaretur. Et veteres glossæ de furciferis, qui deliquerant pro poena in furcellam injecto collo traducebantur per urbem, et ii proprie dicebantur furciferi, quæ traductio dicebatur etiam pompa, et triumphus apud Harmenopulum lib. 6. sed ut est apud Zonaram, et hac de re etiam Josephus, quo more nos utimur etiam hodie, et moris tantum nostri confirmandi. Ego hoc vobis refero de reo quidem condemnato, et ducto ad supplicium.

AD TIT. IX.

De Judæis, et Cœlicolis.

Posteaquam divit de Apostatis, qui scilicet proflita religione Christiana male consiliati defecerunt ad Judæos, vel Paganos: inde dicere instituit de Judæis, postea de Paganis, et Judæis jungit Cœlicos. Judæorum secta non prohibetur constitutionibus Imperatorum, nec damnantur ex illo Judæi, quod tamen plerumque contigit Christianis principibus, ut eos exulare juberent, ut scilicet exulare juberent certissimum argumentum, et fontem religionis nostræ: quare plerisque etiam imperabatur exilium illud, condemnatio illa: constitutiones Romanæ. Imperatorum nulla poena eos efficiunt, nec eorum sententiam probat l. 9. *Cod. Theod. eodem*: nam et circumcisionem filiorum suorum; imo etiam et aliorum eis committunt, l. *circumcidere*, D. ad leg. *Cornel. de sicariis* et l. 16. *cod. tit. et ex constitutionibus in ordinæ decurionum allegi possunt*, qui honor est municipalis: decurio est senator municipalis, curia senatus municipalis, l. 3. § ult. D. de *decur.* eos, qui Judaicam superstitionem sequuntur, id est, Judæos posse honorem suscipere, id est, decuriones fieri, de quibus est tit. non etiam possunt judicandi munere fungi, l. ult. *cod. tit.* quam præcit Accursius conciliare cum d. l. ult. quinque tentat d. l. 2. § ult. corrigi per l. ult. *cod. tit.* ac rursus tentat, quod demiror ausum esse Alciatum, Judaicam superstitionem in d. § ult. accipendam esse non pro Judaismo, sed pro Christianismo: sed facilis est concordie ratio: l. ult. interdicat Judæis tantum judicandi, statuendi, pronuntiandi potestatem, ne quid possint in Christianos. Imo etiam interdicat decurionatus potestatem, et dignitatem; qua qui funguntur judices non sunt, sed administratores Reipubl. et observandum quod ait l. 3. § ult. Judæos etiam compelli obire necessitates, id est, munera civilia municipalia, quæ nostris injunguntur, quæ effugere non licet curialibus: non habere excusationem a tutelis, si quas possunt administrare illæsa sua superstitione, non a munere sitomix, id est, cura fruienti coementi publici, non a ceteris numeribus, quibus curiales obnoxii sunt, non a muneribus corporalibus, sive personalibus, et multo minus a provincialibus, quod ferat etiam l. 5. D. de *excus. tut. et lex* 2. quæ est Græca, et lex *jussio*, *hor tit.* ergo Judæorum secta non prohibetur, quod notatur in l. 12. Qui fuerint cœlicole novo docet, aut si quis tentat, frustra. Observandum est in d. l. 12. Imperat. Honorium et Theod. dicere cœlicolarum nomen inauditum fuisse. Igitur ea ætate novum secte genus, quod prodierat demum ætate Honorii et Theod. quod etiam subiungit dicens, et novum crimen superstitionis su-

Tom. IX.

biicit ex leg. 43. *Cod. Theod. de hæretic.* cetera est pris de la, Cœlicos novi nescio cujus dogmatis, inquit, habuisse conventus: nova igitur dogmata servisse, imo congruentia fidei Catholice, quo sit, ut eo scilicet diligenter expenso putem cœlicos manasse ex Judæis, vel sumpsisse nomen ex Judæis, qui, ut Juvenalis ait quadam satyra, nihil præter nubes, et cœli numen adorant: et Sophonias Propheta: inter eos quosdam adorare militiam cœli: horum namque non est nova superstitio, sed vetustissima, et quidem putem manasse eos ex Christianis, aut sane mixtos esse ex Christianismo et Judaismo. Samaritæ sunt mixti ex Judaismo et Paganismo et videtur fuisse Donatistarum genus: nam fuit Donatistarum secta dispersa in sectas plures. Donatistarum schisma discissum in schismata quedam, hoc quotiens in una secta coeungit, certis innum est argumentum dogmatis pravi, et ex Donatistis arroganter legi sic quosdam alios appellasse Macarios, id est, beatos, contra quam dici solet, et vere dici neminem ante obitum esse beatum, sicut legi plerisque hæreticos arrogantis nomina sumpsisse: alios mundos, sive catharos, alios continentis, qui forte potius incontinentiæ auctores erant, opinionibus suis omnes fere specie a debeant nomina, et profitebantur omnes se docere veritatem: et hoc nomen frequenter discipulis suis debeant Manichæi, ut l. b. 9. *Confessionum* ait August. hæc vox vestra, vanitas vestra me decipit. Macarii igitur ex Donatistis fuerunt, et hi quoque arroganter se vocabant cœlicos, quasi inquilinos et habitatores cœli, si perfecti sunt a Donatistis, ex Christianismo igitur perfecti sunt saltem ex parte: ejus rei argumentum quoque præbet l. 12. dum eos hæreticis adnumerat, qui novum dogma instituerunt suo arbitrio, contra sententiam universæ Ecclesiæ: hæretici sunt Christiani, qui non sunt Christiani, usquam appellantur hæretici: et quo magis hoc verissimum videatur, dicta l. 12. eos cohortatur ut revertantur ad Christi religionem, contra quam scilicet illud novum dogma instituerunt: Cœlicolarum enim ait fuisse novum dogma, et dogmatici etiam aliter non dicuntur, quam Christiani, qui secus dicunt quicquam, quam docet Ecclesia Cath. Et invenio in Epist. Aug. 165. Majorem Cœlicolarum, id est, primatem, sive presulem apud Donatistas novi baptismi institutorem instituisse, et multos illo sacrilegio seduxisse, si quale quale baptismum retinebant, non possis dicere, non esse perfectos Cœlicos a Christianis, sed non negaverim etiam ex Judaismo eos sumpsisse quedam, quia video eos Judæisungi. Ille locus Augustini valde confirmat vulgarem scripturam, l. 3. de *Judæis, et cœlicolis*, e. majoribus eorum et Patriarchis, ut exemplo Judæorum tribuantur

proceres, qui majores dicuntur, etiam cœlicolis, ut in illa epistola August. fit mentio majoris cœlicolorum. Igitur a l. 3. non censo detrahendam esse vocem cœlicolis, quamvis absit a Cod. Theod. et a quibusdam libris manu exaratis.

AD TIT. X.

Ne Cristianum manc. etc.

Pars origine sua titulus hic fuit tit. sup. id est, de Judæis: tantum: nam Judæis tantum initio fuit interdicta possessio mancipii Christiani, sed ex constitutione Græca Justiniani, id est, ex l. 2. eod. tit. et ex l. Deo nobis, de Episc. et Cler. idem interdictum hæreticis, et Paganis. ne Christiana mancipia habeant, aut possideant jure domini habere scilicet est jure domini habere, ut in illa stipulatione habere licet, l. stipulatio i-ta, ff. de verbor. obligat. Possidere est omni alio jure possidere, quam domini, veluti jura fideicommissi, aut jure bonorum possessionis, quibus modis possessio queritur, non dominium: possessio, inquam, tantum, quam pætor tuetur vice domini, l. 3. ff. si ususfruct. pet. l. 1. et 2. ff. de bonor. possess. et ita distinguendum est, quod ait hic tit. ne Judæis, ne Hæreticis, ne Paganis Christianum mancipium habere, vel possidere liceat, et Constitut. hujus ratio redditur elegans in l. ult. C. Theod. eod. tit. quod nefas sit mancipia religiosissima impiissimorum dominio inquinari. Et similiter Euseb. 4. de vita Constantini, quod nefas sit, eos quos Salvator liberavit, servire, his, qui et eum, et prophetas dederunt neci, id est, Judæis. Nam interdictum initio fuit solis Judæis, ἀδικεῖν εἰς αὐτὸν ἀποπαύεσθαι καὶ κτερεῖν τοὺς ἐν τῷ οὐκ ὀφείλει διακονεῖν τοῦ, ζυγὸν δουλείας ἐνάγειν. Sed additur generaliter in constit. hujus tit. ne etiam Judæi, vel hæretici, vel Pagani, alterius quam suæ sectæ, et nationis hominum possideant, et capitale esse si eum hominem circumciderint: capitale, et non plectitur tantum ultimo supplicio, sed etiam omnium bonorum publicatione. Igitur si eum hominem non circumciderint, mulæ subjiunguntur 30. librarum auri, quod vel ausi sint eum comparare, qui alterius esset religionis: l. 2. C. Theod. eod. tit. servum autem circumcisum si rem detulerit, pro pretio perducitur ad libertatem ipso jure et hic casus addendus vobis est ad tit. pro quibus causis servi pro præm. accipi. libert. Alioquin si rem non detulerint, fisco vindicari, ut in l. 12. C. Theod. et Sozomenus, et Cedrenus scribunt eum servum fieri publicum, vel redigi in publicas rationes: ex quo intelligitur servum publicum dici fiscalem, et nihil referre dixeris servum publicum, an servum fiscalem fieri; neque vero tantum ad Christianos

homines ex lege pertinent, qui scilicet baptizati sunt in Trinitate, et proprie fideles nuncupantur, sed pertinent etiam ad Catechumenos, ut ait l. 2. et Nov. 13. ne impone possideantur, vel circumcendantur ab his, qui longe abhorrent a professione Christianitatis. Catechumeni sunt auditores baptismi designati. Solent veteres Theologi facere 4. ordines in Ecclesia, ut alii sint Catechumeni auditores sacrarum litterarum, alii fideles, alii pœnitentes, qui post baptismum lapsi sunt, et agunt pœnitentiam publicam et alii competentes, qui implorant gratiam Dei, qui perstant in Ecclesia supplices, donec intellexerint facinoribus suis gratiam indultisse Deum omnipotentem.

AD TIT. XI.

De Paganis sacrificiis, et templis.

Sequitur tit. de paganis etc. ita legendus est, sine copula hic tit. de tollendis sacrificiis, quæ a Paganis instituntur, et celebrantur, et de claudendis fanis, delobris, templis Paganorum: nam et si Imperatores velint tolli altaria mortali opera formata, et sensu carentia, nolunt tamen tolli ædificia templorum, et destrui ornamenta publicorum, operum, ut ait l. 3. eodem tit. Et sic etiam lata est l. ult. de tollendis annonis templorum, de tollendo relictu templorum: erat enim consequens ut templis sublati, et rebus sacrificiis destinatis, tollerentur annonæ, et salariæ templorum, quæ l. 10. C. Theod. transfert ad milites, annonas facit militares, et ita vulgo legitur depravate in dicta l. 19. templorum detrahantur annonæ, et rem annonariam jubente expensis devotissimorum militum: sic est emendandum, et rem annonariam juvent expensis: transferuntur ergo a Paganis ad nobiles. Longe igitur est deterior conditio Paganorum, quam Judæorum: nam Judæorum secta legibus non est prohibita: longe deterior, quam hæreticorum, quibus omnibus non est propositum capitale supplicium. Paganis est propositum, non Pagano simpliciter: licet enim Pagano cuique, et perditissimo esset, sed Paganis vetita sacrificia facientibus, et colentibus et simulacra, et demones, ut in l. 3. et 3. eod. tit. et in Epistola August. 48. ubi etiam addit, quod ad hunc tit. valde pertinet, tam Catholicos, quam hæreticos laudare leges ab imp. latus contra sacrificia Paganorum, et Pagani, ut dixi, sunt cultores demonum, qui et gentiles dicuntur in l. 21. C. Theod. eod. et l. 46. C. Theod. de hæret. et in Nov. Theod. de Judæis. Gentilium nomen ductum est ex sacra scriptura, quod et solerent Judæi non Judæos appellare gentes. Paganorum nomen ductum est ex vulgo, quod aiunt, ut Orosius scribit initio historię suæ, velut ex agrestium locorum compitis, et pagis alicui a

civitate Dei. In Digestis sunt, qui non sunt milites *comme vous sçavez*: unde peculium aliud Paganum, aliud Castrense.

AD TIT. XII.

De his, qui ad Eccl. conf. etc.

Posteaquam dixit satis de iis, qui alieni sunt a privilegiis Ecclesiarum Catholicarum, puta de Hæreticis, Apostatis, Judæis, et Paganis quanquam Judæis maneat adhuc privilegia quædam veluti ut retineant Synagogas suas, ut die Saturni, quo cultus sui reverentiam servant, non vocentur in jus, ut a Christianis injuria non afficiantur, ut alia pleraque. Posteaquam, inquam, dixit de iis, recit in b. t. ad Ecclesiarum Catholicarum privilegia, et exponit unum h. t. de confugis, sic appellantur *cod. tit.* et in l. si qua per calumniam, *sup. de Episc. et cler.* ut scilicet confugis presidium, et securitatem Ecclesie præstent confugientibus ad eas quasi in asylum, ita ut abduci inde nequeant, quam constitutionem cum ut abrogaret Imper. Arcadio aliquando analysisset Eutropius, is in seipso confugiens ad Ecclesiam, expertus est, quam id fecisset inconsulte: namque inventus eductus fuit ex Ecclesia ex lege sua, et postea id narrans, non male ait, sua sententia fuisse propinatum, non male, ut Comicus dixit, hunc vobis comedendum propino: quod male quidam emendare cupiunt: nam et Capitolinus in Marco ita loquitur: *venenatam partem fratri edendam propinans*: et quod adjicit in *tit. vel ibi exclamans*, pertinet etiam ad Ecclesiarum venerationem ex l. 3. et ult. ut nullus in Ecclesia tumultus videntur, nullo seditio, nulli clamores concitentur, sum vel alienæ rei causa: hic est sensus illorum verborum.

AD TIT. XIII.

De his, qui in Eccles. manumitt.

Tit. 13. pertinet ad prerogativam, et venerationem Ecclesiar. qui est de iis, qui in Ecclesia manumittuntur, cum olim triplex erat libertus, alia Romanus, seu justus, alia Latinus, alia Dedititus: ad Romanam pervenire erat difficillimum: his tribus modis cives Romani fiebant, testamento, vindicta, et censu. Alio genere manumissionis dabant deteriorem libertatem: nunc meliorem, id est, civitatem Rom. et Sozomenus l. 1. c. 9. exponens sententiam constitutionum Constantini, quæ sunt in *cod. tit.* ait, eas fuisse a Constantiano editas, cum scilicet civitatem Rom. adsequi, id est, manumissionem civem Romanum fieri, esset raram et difficile, Constantinum constituisse, ut manumissi in Ecclesiis teste populo, et signatore Episcopo qui-

buscumque verbis, directam, plenam, et justam libertatem obtinerent, et ut eandem libertatem manumissio clericorum tribueret, quibuscumque verbis, et quocumque loco facta esset, etiam absente Episcopo. Igitur etiam manumissio, quæ non fit directis verbis, non testamento, sed codicillis factis ab intestato, ut si a clericis in clericos proficiantur, tribuat civitatem Romanam.

AD TIT. XIV.

De legibus etc.

Sequitur tit. de legibus, et constitutionibus populi Rom. et edictis Principum: satis dictum est in *supp. tit. de jure sacro parte juris publici*, consequens est dicere de reliquo jure publico, quod scilicet consistit in populi, senatus, principis, magistratuum imperio et potestate, ex qua proficiuntur leges et constitutiones, et aliæ partes juris civilis. Ac primum quidem in b. t. agitur de legibus publicis et generalibus, quæ sint antiqua jussa populi, vel plebis, ut lex Hortensia, Aquilia, Licinia, quales nullæ feruntur hodie populi potestate in principe translata lege regia, et consequenter nullæ sunt positæ leges de ambitu, quoniam nulli candidati circumveniunt populum: nam creatio magistratuum pertinet ad curam principis, l. 1. ff. ad l. Jul. de ambitu, l. quidam, ff. de re judic. l. 2. ff. de albo scrib. quare constitutiones principum hodie leges esse constat, l. 1. ff. de constit. principum, quod principi placuit legem esse constat, scilicet post legem regiam, quæ omnem populi potestatem transfudit in principem, cujus placito proprie leges dicebantur. Denique constitutiones principum leges esse constat, rescripta dico, subscriptiones, annotationes, pragmaticas, decreta, mandata, interlocutiones, orationes, edicta, et decreta quidem rescriptaque, et interlocutiones sunt leges, si quid in aliquo negotio, litere interlocuti sint, sunt leges, videlicet si ut ait Leo, animus fuerit principi *τὸ πρῶτον πρὸς τὴν νομοθεσίαν*, si quod princeps decreverit, voluerit generaliter obtinere: alioqui quod princeps judicavit inter personas certas non valet inter alias, non magis quam aliorum judicium, secundum illam rationem, ut res inter alios judicata aliis neque noceat, neque prosit: sed si animus fuerit principi in cognitione causarum facere legem generalem, quod in causa una judicavit, utique erit lex generalis, vel si, ut ait l. 3. *cod. tit.* princeps censuerit ea, quæ in certis negotiis statuta sunt, civilium quoque causarum fata componere: vel etiam si de iis orationem miserit ad senatum, ut quod sibi placeret firmaret senatus, et firmaverit: ejus generis multe orationes referuntur in libris nostris, in l. 1. C. Theod. de ora-

tionem, quæ scribitur ad senatum legendum est, hæc oratione, non, ordinatione: ac vero en in l. 8. constitunt Impp. ut princeps nullam generalem legem proferat inconsulto senatu; secundum eam si observaretur, leges omnes generales principum, orationes appellari possent: nam prius ex sententia ejus legis principes habere dicunt orationem in senatu per se, aut per alium, ut quod sibi fieri placet, exquirat, nec aliter id promulget, quam si suam consensionem senatus adhibuerit. Denique nulla est generalis lex principis sine Senatusconsulto. Sed non fuit observata semper ea lex 8. leges etiam principum generales sunt, ut ait d. l. 3. si eas principes edicti nomine nuncupaverint: nam hujus nominis vis hæc est, ut edicta, sive lex edicti nomine nuncupata per omnes populos divulgatur, promulgetur in celeberrimis locis: in foro, vel etiam in Ecclesia, vel ut in sacris scripturis legimus theopropia: in suggestu scilicet illo, vel pulpito, unde Christianus recitatur verbum Dei, quod est anteferi in l. rescriptum, C. Theod. de hæret. Et sepe invenies in constit. principum antelatas fuisse leges illo, vel illo die: subscribitur scilicet non tantum quo die fuerit lata, sed et quo die accepta a iudicibus et populis, et quo die antelata, programmate scilicet proposita in celeberrimis locis: hæc leges sunt generales, hæc sunt de quibus h. l. agitur, quæ omnes populos tenent, l. 8. §. diuus, de sepulc. viol. generalia rescripta in eo loco vim obtinent: Igitur etiam si in aliqua civitate mos hic sit, ut in civitate id servetur, quod vetant rescripta, valent in omnibus civitatibus, etiam in eis, in quibus mos invaluit contra rescripta generalia, antequam ea emitteret princeps, leges novissime emendant leges vetustiores, et si generales sint, ad omnes populos pertinent, non ad Paganos tantum sed et ad milites, l. ut, ff. de accusat. et rescriptum, ut ubi crimen contraxit, ibi peragatur reus, etiam si sit alterius provincie; obtinet etiam in militibus, quoniam generaliter ita rescriptum est, pertinent quoque ad homines domus Augustæ l. 10. h. l. quæ est Græca immo et ad Augustum ipsum, et ad Augustam, l. 4. eod. tit. princeps v. cum gerit populi; populus suis legibus tenetur et princeps igitur legibus tenetur oportet exemplo populi: omnes autem leges, quæ in corpus juris referuntur, fere generales sunt, paucæ speciales, sive personales, quæ ad personas, et corpora, et Collegia certa, vel officia, vel scriinia, vel civitates, curias, provincias scholas certas pertinent, quæ etsi non relatæ sint in corpus juris, nihilominus vim suam et robur obtinent, ut est in constitutione Justin. de C. Just. confir. tamen omnes non tenent, l. 2. h. l. et hæc

differentia legum, ut observetur sæpe movent juris auctores leges generales esse, leges edictales esse, quod idem est, generalia esse rescripta, l. Pap. §. ult. D. de minor. si hæres rogatus sit servum manumittere, et latitet ne manumittat, et evitendæ fiduciariæ libertatis gratia, jus patronatus amittit, quod ait generali rescripto esse constitutum, d. l. Pap. et l. quotiens, §. sed si non in corpore, D. de hæred. instit. si quis non erraverit in corpore hæredis, sed in parte hæredis scripti, ut si is, quem dictavit heredem scribi ex semisse, scriptus inveniat ex quadrante, nihilominus erit ex quasi plus dictum sit, minus scriptum, quod ait generalibus rescriptis adjuvari: idem in l. Dvi, §. ult. ad leg. Falcid. Si hæres, a quo legata vel eta sunt frustrationis causa, ut ait, id est, moræ contrahendæ causa, implorans auxilium legis, allegans locum esse legi Falcid. exhaustam scilicet esse, vel oneratam hereditatem legatis, velit quadrantem Falcidianum præcipere, debentur usure ab eo tempore, quo abusus est nomine legis Falcidiæ, ut frustraretur, et differretur legataria: nam est generaliter constitutum in actione legatorum, quavis non sit bonæ fidei, usuras venire ex mora hæredis, l. 2. C. de usuris legat. Recte movent juris auctores quæ sunt generalia rescripta: nam pleraque sunt personalia, sed et h'c tit. ut dixi, et hi libri juris continent fere edictalia rescripta, et observandum est, in hoc tit. dari legibus ipsis præcepta quædam, et id maxime notandum, quod antea retulit Theod. et Val. ut nullam edat leg. princeps inconsulto senatu, ut leges principis omnes generales sint. Jam dixi, leges posse nuncupari orationes ad senatum: item ut verba omnia sint perspicua et clara non ambigua, quæ est sententia l. 9. quæ de re Demosthenes contra Timocratem. Item ut quæ contra leges, vel in fraudem legum sunt, ipso jure nulla sint, etiam sacramenta, quæ est sententia l. 8. eod. tit. l. jubemus, §. sane, inf. de sacros. Eccles. Item ut futuris negotiis leges formam statuunt, non præteritis, ut ferantur in futurum, non in præteritum, l. 7. eod. tit. l. 7. C. Theod. de hæret. quare iudex dicitur a lege distare: nam iudex statuit de præteritis, lex de futuris. Plato in Theæt. ἰταρ νομοθετοῦσα, etc. eas scriimus in sequens tempus. Idem Demosthenes contra Timocratem, et postremo l. 6. hoc tit. constituitur, ut leges pro quibusdam scriptæ contra eos non valeant, cuius rei exemplum habes l. general. §. ult. inf. de secund. nupt. et constitutum pro liberis prioris matrimonii, ut mater, quæ morte viri soluto matrimonio venit ad nuptias secundas, bona paterna, quæ ad eam pervenerant sit, lucrorum nuptialium, ea sorventur liberis prioris matrimonii, quasi eorum liberorum

propria, hæc constitutio non potest conferri in perniciem eorum liberorum, ita scilicet ut si repudiaverint hereditatem paternam, ea bona, id est, bona nuptialia non possint obtinere, quia sunt paterna, et ipsi paterna repudiaverint, non utemur ita lege pro liberis lata contra liberos, immo repudiantibus liberis bona nuptialia, quæ a patre ad matrem eorum pervenerant, obtinebunt jam non quasi paterna, sed materna. Si hereditatem matris non repudiaverint, obtinebunt quasi paterna, si hereditatem patris adierint, obtinebunt quasi materna, si hereditatem patris repudiaverint, et matris adierint, aut certe si parentibus utriusque hereditatem repudiaverint, non obtinebunt. Ea fuit pia illa constitutio, ut pater, qui venit ad secundas nuptias, conjugis bona, quæ jure nuptialium instrumentorum consecuta, vel consecutus est, servi liberis prioris matrimonii: nam sæpe, quæ veniunt ad secundas nuptias, et novis maritis addicunt vitam prioris matrimonii liberis, omnemque affectum transferunt in liberos secundi matrimonii: quare eorum improbitas fuit legibus coercenda. Verum quod ita est pro liberis constitutum, non debet verti in eorum perniciem, spectanda est misericordia, et providentia legis, et ita ut scribit *Æmilius Probus*, cum *Epaminondas* legem *Reip.* causa latam videret ad perniciem civitatis noluit convertere, et *Quintil.* 271. Declam. *Lex quæ pro me scripta erat, non potest contra me valere.* Quod ad multa arguta potest accommodari. Hæc sunt, quæ ex eodem tit. potissimum vos adnotare volui. Sequuntur in aliis tit. aliæ partes juris civilis, vel species constitutionum principis, ut in tit. 15. de mandatis principum, et deinde de Senatusconsultis alia parte juris civilis in tit. 16. et de responsis prudentum in tit. 17. de veteri jure enocl. quos explicabimus die crastina.

Diximus principem quemque suis legibus obligari ex *l. digna vox, cod. tit.* quod ne videatur pugnare cum *l. princeps, D. de l. g. bus.* ubi ait principem esse solum legibus, quando id heri præterminimus, nunc paucis ostendam, ut ea lex accipienda sit. Certe omnes fore hujus legis sententia abutuntur; nec error est obscurus, viximur si animadvertamus eandem desumptam esse ex lib. 15. *Ulpiani* ad *l. Jul. et Pap.* quæ dicuntur caduæ, factæ in rem fisci, per se odiosæ, quarum caput hoc unum est, ut si post mortem testatoris legatarius moriatur antequam dies legati erdat, vel etiam si vivo testatore moriatur legatarius, ut nec ad heredem transmittat legatum, nec remaneat apud heredem, sed fisco cedat quasi caducum, fateor ita legibus solum esse principem, non tamen solum esse omnibus, ut in *l. quod principi, D. de leg. 3.* si legatum relictum sit principi, et vita exeat ante-

quam dies legati cedat, non sit legatum caducum, sed ad successorem pertinet, hoc est princeps solutus est legibus caduæ, non est etiam solutus lege *Falcidia*: nam si ei sit legatum vel etiam, patitur *Falcidia*, *l. 1. C. ad leg. Falcid. l. Pap. §. si Imp. de inoff. test.* non lege *Voconia*: quæ de causa Augustus petit a Senatu veniam legis *Voconie*, apud *Dionem*, et ita etiam lex princeps non dicit, principem solum esse omnibus legibus, sed legibus iis scilicet, de quibus legem accipiendam esse docet inscriptio, id est, *Julia et Papia*. Ne igitur deinceps, quod de certis legibus scriptum est, trahamus temere ad omnes. Similis fere error occupavit omnes, nescio an vere dixerim interpretes juris ob verba, *l. 1. ff. de l. g. 1.* per omnia, accepta generaliter, exequata sunt legata fideicommissis, id est, nullam esse differentiam inter hæc duo, quod est ex *Ulp.* et tamen constat innumeras fuisse differentias tempore *Ulpiani* ac sequent. etiam usque ad *Justinianum* semper, et sane etiam non dicit per omnia, et in omnibus, ut *l. 2. §. pen. D. de jure cod. furiosus per omnia, et in omnibus absentis loco habetur*, ergo legata sunt exequata fideicommissis per omnia, sed in quibusdam, non in omnibus, sed in *Falcidia*, de qua tractabat *Ulpianus* lib. 67. ad edict. unde ducta est *d. l. 1.* Igitur hæc est mens legis: in lege *Falcid.* ut per omnia exequata sint legata fideicommissis: nam ea lex in utrisque locum habet. Et ut ego patefeci quodam loco, quæcumque imputantur in *Falcidiam*, quæ detrahuntur ex fideicommissis, eadem imputantur in *Falcid.* quæ detrahuntur ex legatis, et inde tracta est causa imputationum differentia ex *l. 3. 4. ad leg. Falcid.* ac si non eadem sit habenda ratio imputationum in *Falcidia* fideicommissorum, maxime fiduciariorum hereditatis, atque in *Falcidia* legatorum, quod est falsissimum: nam per omnia sunt exequata fideicommissis, vide *Obs. viii. 4.*

AD TIT. XV.

De mand. principum.

Ex constitutionibus specialibus principum sunt privilegia et decreta interposita in negotia aliquo, ita ut in exemplum non trahantur, *l. 2. sup. de legib.* e constitutionibus specialibus sunt etiam mandata principum, id est, præcepta sive monita, quæ certis personis dantur a principe, veluti legatis, et præsidibus, qui mittuntur in provincias, *on leur brille, leur, leçon*, ut hoc agant, illud prætermittant, nec proficiscitur legatus, vel præses sine mandatis, quæ sequi debent, nec is migrare solet temere, vel etiam sunt iussiones, quæ a principe dantur Consistorianis militibus, *l. 1. hoc tit.* quæ

est de iis accipienda, vel de Tribunalis, et Notariis executoribus imperialium jussionum, ut jussiones, quæ dantur Referendariis sacri Palatii perferendæ ad præsides provinciarum, quæ nisi constent ex scripto, nullius momenti sunt, *d. l. 1. mandata secreta principis non valent, les secrets ne valent rien*. Excipitur unus casus in *l. 2. eod. tit.* quæ est Græca, si princeps dei iudicem certum in lite aliqua speciali, vel si judici adjungat collegam *συδξαορρις*, vel si velit acta quidem edi iudicialia, si nuntiet, ut his aliqua celeriter finiatur: hæc enim mandata præsides accipiunt ex ore principis, vel ex relatione Questoris *le Chancelier*, aut Referendariorum sacri palatii, *des Maistres de Requestes*, et valere etiam nulla scriptura interveniente, ut in Nov. 124. quæ est sententia *l. 2. quam exposui Observ. 12. 31.* et est stultus, qui pro ea reposuit Justin. Novellam 17. de mandatis principum, quæ fuit emissa post editionem Codicis.

AD TIT. XVI.

De Senatusconsultis.

Sequitur alia pars juris civilis in titul. 16. Senatusconsulta, id est, jura quæ facit Senatus, sunt decreta amplissimi ordinis, quæ utique omnes tenent, perinde atque Constitutiones principum; recte igitur in *l. 2. ff. ad Senatuscons. Vellej. quid de ea re fieri placeret, et de ea re universi ita consulerunt*, recte, cum et consulta Senatus dicantur, Tertullianus in Apolog. *Ita Senatusconsultit*, stulti sunt qui maluit, *consuerunt*. Denique consulere commune est verbum, nam consulit qui interrogat Senatum, unde illud *consul consulo*, apud Trebellium Pollionem: et Senatus quoque consulit, id est, iudicat, statuit, decernit, et idem est censere quod Festus interpretatur *decernere*, ut plane nihil intersit dicas, *consuerunt*, vel *consuluerunt*, Novella Leonis 78. vetat ne in posterum Senatusconsulta fiant, ut Senatus jus non faciat scilicet quia etiam potestas Senatus erat translata in principem: antiqua Senatusconsulta manent, ut leges antiquæ, et ut hic ostenditur, contra ea elicta rescripta, velut contra Senatusconsultum Vellejanum, aut Tertull. non valent, imo si uteremur *l. 8. sup. tit. 14.* nulla lex generalis principis valeret sine Senatusconsulto.

AD TIT. XVII.

De Vet. ju. enucl. etc.

Sequitur alia pars juris, civilis, responsa, et interpretationes Jurisconsultorum veterum, qui ab imperatoribus scilicet potestatem acceperant condendi juris, respondendi, scribendi, cavendi,

interpretandi. Hinc varia nomina Jurisconsultorum: nam conditores, et auctores juris, et interpretes legum, et consulti legum, aut juris dicuntur. Aliorum enim, qui eandem potestatem ab Imperatoribus non acceperunt, nulla est auctoritas, nec eorum scriptis iudices alligantur, cum tamen a supradictorum scriptis non possunt recedere, *Responsa Inst. de jure nat.* quia sunt pars juris civilis, et eleganter Justin. *l. ult. sup. de leg. b.* dum sibi vindicat Jurisconsultis parem auctoritatem, nihil tamen se derogare eis ait, qui hanc facultatem consulendi juris olim ab imperiali majestate impetraverunt. Juhet autem Justin. priori constitutione hujus tit in Digestorum libros I. Tribonianum, et eos, quos sibi in opere conficiendo adiutores delegerit, antecessores scilicet, id est, Doctores, professores juris, et togatos amplissimi præfecture, et qui in foro præfectorum pretorio causas agitant: Tribonianum, inquam, horum operum fretum, quos ipse delegerit in conficiendis Pandectis necessaria quæque, et usu recepta illos libros conferre ex veterum illorum scriptis, atque ita, ut ipse loquitur, jus vetus purgare et emendare, jus enim vetus vocat antiquam prudentiam Jurisconsultorum. De Institutionibus etiam conficiendis in prioris constitutionis aliquod aspergit posterior constitutio utraque lingua conscripta confecto jam opere Digestorum, enarrat quicque quaque parte Dig. continentur. Ob id omnis ejus prælectio est animopere studiiis necessaria, et utrique operi Digestorum, et Justin. parem atque Codicis constitutionibus vim tribuit, fidem, robur, et pondus: neque enim jam dicimus responsa prudentum vim legis obtinere, perlatæ scilicet ad populum, quod olim dicebatur, sed translata populi potestate in principem, et principis sibi soli vim tante auctoritatem condendi, et interpretandi juris, *l. 1. l. 9. l. pen. et. ult. sup. de legib.* Dicimus jam responsa veterum Jurisconsultorum, et Senatusconsulta vetera vigorem constitutionum obtinere, et quod ait in *hoc tit. de auct. jurisprudentiam*, qui in Digestis referuntur, eo pertinet, quod præcipue in priori constitutione continentur; ut omnium Jurisconsultorum veterum, ex quorum libris confectæ sunt Pandectæ eadem sit auctoritas, nec sit alter potior altero, nec Papiniano puta cedat Ulpianus abrogata *l. 1. C. Th. de responsis prudent.* quæ Papinianum præferebat ceteris, et abrogabat notas factas in corpus Papiniani ab Ulpiano, et Paulo, et si quando inveniebantur pares sententiæ Jurisconsulti. puta ex una parte tres, et ex altera totidem ut ea pars vinceret, in qua esset Papinianus, qui ut subtiliter ait, sicut singulos vincit, ita cedit duobus, id est, non vincitur nisi a duobus; hanc præminentiam Papiniani, hoc pri-

vilegium admittit constitutione priori, ut omnium auctorum juris eundem esset auctoritas, et decrevit, ut ex notis ad Papinianum decerpantur etiam necessaria, et usui futura.

AD TIT. XVIII.

De jur. et facti ignorantia.

Enarratis vero partibus juris civilis, subjicit generalem tit. de juris et facti ignorantia: juris enim nomen complectitur leges, constitutiones, et Senatusconsulta, et responsa prudentum, adeo ut in *C. Th. l. 1.* quæ hic est pen. sit posita sub tit. de constitutionibus principum, et edictis, et forte non male hic jus accipimus specialiter pro constitutionibus principum, vel si quid constitutionum vigorem habet. Et summa tituli hæc est juris ignorantiam neminem excusare, ut si nesciveris liberis petendam esse bonorum possessionem intra annum, hæc ignorantia te non excusat: nam si cum esses ex liberis defuncti, non petieris bonorum possessionem, jus tuum amittis; et si pergas petere, obstat prescriptio temporis: vel etiam si nescieris legata ex testamento non deberi, quod postea quam testator capite minutus est, irritum factum est: nam si ea legata ignarus solveris, non poteris repetere: ignorantia juris non præbet repetitionem indebiti, excusat tamen militem, et militem, qui sequitur signa, non dimissum militiæ, sed eum qui in strepitu belli jus civile audire non potest, vel remanisci: qui consulere de jure prudentes non potest. Item excusat minorem 25. annis, et mulierem in damnis amittendam rei suæ, non in lucris, *l. 2. cod. tit.* Error facti, id est, ignorantia rei excusat honeste omnes, facile est jus nosse, leges: constitutiones principum, et licet consulere facta incerta sunt, nec licet capessere civis rerum gestarum veritatem. Sed ut insignitor vobis legem aliquam ex hoc tit. explicatam relinquam, sumam *l. 5. cum falsa.* velim vos eandem legem indistincte accipere de errore juris, et de errore facti, ut sive errans in jure, sive errans in facto dixeris paternum esse id quod erat in bonis maternis et contra, ut is error qualis qualis tibi non noceat: nam et error juris nocet in damnis, ignorantia juris non minorem lucro afficit aut præmio, sed non afficit etiam damno. Igitur si vel juris, vel facti errore ductus, atque iraductus dixeris paterna esse bona, quæ sunt materna, non herit tibi, nec mirum: cum si sciens prudensque dixeris paterna esse, quæ sunt materna, nihil tibi præjudicas, nec mutas dominium bonorum maternos, quod habes: non audis pactis, sed traditionibus mutantur dominia, *l. traditionibus, C. de pact.* et proprie lex cum bonis, de acquir. hæred. hoc pertinet: bi erat consilium abstinere a

bonis paternis, et suscipere materna: dixisti quidem bona, quæ erant materna esse paterna, vel errans, vel sciens: hæc tibi oratio tua prudens, inconsultave non præjudicat.

AD TIT. XIX.

De precibus Imperatori offerendis, et de quibus rebus supplicare liceat, vel non.

Hic tit. 19. persequitur eam partem juris civilis, quæ præcipue hic liber constat, quæ conficitur ex principum constitutionibus; quarum species sunt edicta, mandata, rescripta, *l. 3. sup. de legibus*: nam de edictis quidem et mandatis habuimus proprios tit. sup. de rescriptis non item. De his igitur tractare incipit ab hoc tit. nam preces sunt desideria supplicantium comprehensa libello principi dato, et rescripta sunt responsa principis ad preces. Preces igitur præcedunt rescripta, sequuntur subscriptiones, adnotationes, vel subnotationes principum. Et ideo de precibus prius agit: sed quicquid constituitur de precibus, idem obtinet in rescriptis: nam quod precibus oblatis postulari non debet, nec impetrari rescripto, aut etiam impetratum non valet: idemque e contrario, si quid postulari possit, et id impetrari rescripto possit, et hujus propositionis varia exempla hic proponuntur, ut exempli causa, creditor non potest postulare ne debitor adversus eum utatur exceptione peremptoria, quæ scilicet debitorem prorsus liberat, vel ne utatur doli mali, exceptione, quæ extinguit et civilem et naturalem, obligationem vel ne utatur rei judicate exceptione, quæ sit absolutus debitor, neve utatur exceptione pacti conventi perpetui; id est, ne omnino petatur, *l. 2. A. l.* quoniam hæc sine gravi debitoris dispendio impetrari non possunt, ut v. g. exceptio peremptoria rescripto principis convelli non potest sine gravi dispendio debitoris, qui ea fretus se jure liberatum contendit: et hoc perinde est, ac si creditor postularet, ut ubi liceat petere, quod amplius non debetur. Igitur et hoc rescriptum si impetraverit, sane nullum est. Item reus condemnatus sententia præfecti prætorio, non potest iterum supplicare: nam præfecti prætorio gerunt, ut ajunt aspiciendi omnium bonorum, sed licet supplicare principi oblato libello contra sententiam præfecti prætorio, et supplicare semel tantum, non iterum: nam si supplicarit quis semel contra sententiam præfecti prætorio, quæ eum damnavit, et iterum condemnatus sit retractata causa per libellum principis, non admittitur iterum supplicans: semel igitur tantum supplicatio permittitur, semel ex rescripto principis iterari retractari judicium potest, *l. 1. inf. de sentent. is præf. prætor. l. 1. Cod. Theod. de offic. præfect.* non est grave, vel

semel judicium retractare, c. grave 23. q. 9. unde ut ait in eo canonico, his iterum agitata magis splendet in jure, et qui reus deprehenditur, magis ostenditur esse dignus condemnatione, et quodam odio, fructus divinus est, inquit, iterare judicium. Item non possunt postulari per libellum a principe, quæ sunt fisco damnosa, vel quæ sunt juri publico contraria, quibus l. d. tur alius, l. 3. nam quod prodest supplicando. et nocet, nemini, hoc facile impetratur, l. pen. eod. tit. l. 2. §. quamquam, ff. de aqua plu. arc. quod l. edit alterum postulare, aut impetrare non licet, non consentiente altero, ut libertus non postulat restitutionem natalium sine consensu patroni, l. ult. ff. de natal. rest. adoptio non jure facta non confirmatur a principe, nisi accersitis iis, qui laderentur confirmatione adoptionis, l. nam ita, ff. de adopt. et hoc jure consequenter superioribus omnibus, hodie ut naturalis filius non fiat legitimus nisi vocatis, agnatis, quorum interest: ad ea igitur, quæ supplicare non licet, nec impetrata rescripta valent si quis temere supplicaverit: at e contrario postulare licet ne debitor utatur prescriptione dilatoria, sive temporali: hoc non male postulabit creditor, videlicet ne sibi suum præsequenti moram adferat, quia competit debitori exceptio dilatoria modici temporis fort. e. Finge: debitor habet exceptionem pacti temporarii, id est, ne intra annum, verbi gratia, ab eo petatur, quam pactionem sequi creditorem oportet, sive pactus sit ipse, sive is cui heres extitit, sed remitti potest rescripto principis: qui quandoque concedit creditoris favore, ut citius perveniat ad jus suum, l. 2. eod. tit. secundum quam est accipienda l. 3. §. si is pro quo, ff. quod quisque juris, fugit Jurisconsultus illo loco, creditorem impetrasse, ne debitor uteretur adversus se exceptione: locus ille est accipiendus de exceptione dilatoria, quia ne debitor utatur exceptione perpetua, hoc vero neque postulare, neque impetrare potest: et si impetratum sit, non valet. Igitur eo loco ita fingenda est species, ut impetraverit creditor, ne suo debitori, uti licet adversus se exceptione dilatoria, nec ipse, nec fidejussor ejus, et oblata satisfactione debitor potest postulare, ut sibi prorogetur tempus solvendi pecunie, ut si verbi gratia intra bimum solvere debeat, prorogetur illi tempus, quo conquirit pecuniam, et dissolvat, un. repit, on quinquennel: nam in quinquennium plerumque prorogatur exactio crediti, quod est ita proditum in l. 4. h. l. et hanc induciarum est exemplum 2. variarum Cassiodori. Sæpe egestas debitorum, vel ruina fortuita, in quam debitor incidit, cogit principem ad concedendum veluti justitium quoddam, intra quod non possit exigi a creditore, et hæc rescripta sæpe valent: etiam ad-

ditur in hoc tit. proceps offerri posse per quemlibet hominem principi: etiam pate e aditum servis ad principem per libellum, quod notandum. Et nomine alieno, vel suo nomine ex justa causa, veluti necis domini vindicandæ, l. 1. et l. 6. hoc tit. Item constituitur, exempla instrumentorum, de quibus agitur, non esse admodum necesse libello inseri, et vero ipsa exempla instrumentorum, quæ in disceptationem veniunt, plerumque præstat inseri, ut in l. ut responsum, inf. de transact. ut responsum congruum accipere possis. inserte pacti exemplum, quæ vox est frequens in ore Jurisconsultorum cum de jure consuluntur, qu' on montre leur patentes, sed l. ult. eod. tit. rectissime ait, non tam esse necessariam precibus inseri exempla, quam vim et mentem eorum ob ea verba, de quibus sæpe ambigitur, non integrum tenorem, sive contextum instrumenti, quæ omnia sæpe notanda sunt.

AD TIT. XX.

Quando libellus principi datus litis contestationem facit.

Tit. 20. est etiam de precibus, sive libello precum, ad quem rescripsit princeps. Ergo et de rescriptis: et hoc vult, libellum precum, *requeste*, principi datum pro litis contestatione haberi, si modo ad eum rescripserit princeps: nam inanis est libellus sine rescripto: quis est effectus hujus rescripti? hic nempe, ut datione libelli, et rescriptione perinde atque litis contestatione actiones morte, aut tempore periturae (sunt enim actiones quædam temporales, quæ non transeunt in heredes) in totum redigantur, ut ait l. ordinata, de liber. cau. ut scilicet perpetuentur, atque adeo heredi, et in heredem dentur: litis contestatio perpetuat actionem temporariam, aut quæ morte rei erat peritura. Idem efficit libellus principi datus. Itaque libellus principi datus habet vim litis contestationis, quod non ita obinet in libello dato præfecto prætorio, l. 1. inf. de off. prætor. Orientis, et multo minus libellis datis aliis magistratibus, vel iudicibus inferioribus: et rursum de libello principi dato, quod diximus, ut pro litis contestatione habeatur, Just. in l. 2. A. tit. vult tantum obtinere in actionibus prætorii annualibus, quales sunt prætorie fere omnes: nam et ipsius prætoris imperium erat annale. Quando igitur libellus principi oblatus pro litis contestatione habeatur si queramus, dicam quando est actio prætorii annalis, quam actor velit impetrare, non quando est civilis: nec offendor l. 2. inf. de annali except. quæ non loquitur de libello precum, sed de libello querelæ, et protestationis præsidi dato, qui tunc datur

cum nemo est, qui conveniri et interpellari possit, hunc libellum querelæ, et protestationis, constat haberi pro litis contestatione, l. 2. ff. de naut. scen. et ad summam, præscriptio temporis interruptitur litis contestatione, libello principi dato, si actio fuerit prætoris annalis. Interrumpitur libello querelæ, et protestationis, si non erat qui conveniret: imo interruptitur etiam libello conventionis, quo quis vocatur in jus, conventionis executoris, vel viatoris, l. sicut, l. cum notissimi, de præscript. trig. annorum, l. ult. inf. de annali except. l. 2. ubi in rem actio exerc. deb. Interrumpitur etiam præscriptio temporis interveniente pupillari ætate, ut si creditori succedat pupillus, d. l. sicut, et d. l. cum notissimi. Interrumpitur autem præscriptio adversus actionem hypothecariam, si creditor pignus teneat medio tempore. Interrumpitur detentione creditoris, d. l. cum notissimi, §. imo. interruptitur etiam agnitione debiti, nova cautione, novo chirographo, novatione, §. sed et si quis, d. l. cum notissimi: interruptitur et solutione partis debiti, l. ult. inf. de duob. reis, et datione Gedejonis, ut non male videtur sensisse Accurs. in l. cum quis, §. pen. ff. de solut.

AD TIT. XXI.

Ut lite pendente, vel post provocationem, aut definitivam sententiam nulli liceat Imperatori supplicare.

Est etiam hic tit. de precibus, et de rescriptis: ut satis fuisset de eo iudicio cum ita concipere: ut lite pendente, vel post definitivam sententiam nulli liceat Imperatori supplicare: nam satis prohibetur supplicare post provocationem interpositam, qui prohibetur supplicare lite pendente, et post provocationem omisam a condemnato acquiescente sententiæ, is satis prohibetur supplicare, dum prohibetur supplicare post definitivam sententiam: ut brevior summa hujus tit. hinc sit, ne lite pendente de re, qua de agitur, cuiquam liceat supplicare, ut in Nov. 62. et 113. sed ut expectetur sententia iudicis, apud quem litigatur, et quod est altera pars hujus tit. ut definitiva sententia, quæ non est appellations rescissa, rescripto non retractetur, etiam si preces oblatae fuerint principi ante definitivam sententiam: nam etsi quando appellare non possis, suppl. care possis, veluti contra sententiam præfecti prætorio, non tamen ubi possis appellare, nec appellas intra tempora constituta, licet postea suppl. care, aut quod si ppl. avi ante, de eo rescriptum impetrare: docuit tit. 19. quæ non liceat supplicare, hic tit. docet, quo tempore non liceat.

T. m. IX.

AD TIT. XXII.

Si contra jus, vel utilitatem publicam, vel per mendacium fuerit aliquid postulatum, vel impetratum.

Sequitur alius titulus de rescriptis: si contra jus etc. in h. tit. repetitur l. ult. quod satis fuerat expositum tit. 19. l. 3. non valere scilicet preces, aut rescripta contraria juri, vel utilitati publicæ, quod et in multis aliis locis ostenditur, l. 10. sup. de sacros. Eccles. l. ult. sup. de Senatusc. et Nov. Valent. in publicum damnum non valere rescripta, quæ sunt contraria juri vel auctoritati publicæ. Et constat obreptitiis rescripta inutilia esse: sed additur h. tit. ne etiam preces mendaces, aut per eas elicitæ rescripta recipiantur, quod est proximum crimen falso, l. si quis obrepserit, ad l. Cornel. de falsis. Et recte Augustinus in Evang. Joannes juris esse forensis, ut si quis in precibus mentitus sit, non illi prosit quod impetravit. Index tamen ex rescripto datus, quem quis elicit oblatiis precibus mendacibus et falsis, aliqua ex parte iudex manet, ut ostenditur in l. 1. et 2. h. t. etiam si veritatem dissimulaverit, id est, non est quidem hoc rescriptum per omnia inutile: nam et iudicis datio valet, impetratio non valet.

AD TIT. XXIII.

De diversis rescriptis, et pragmaticis sanctionibus.

De precibus supplicantium egit superioribus tit. 4. consequens erat agere de rescriptis ipso principio, de quibus superioribus titulis pleraque designantur: ut si duo in communi causa preces obtulerunt principi, et in persona unius suum rescriptum conceperit princeps non in personam alterum, et tamen beneficium rescripti prosit utrique, quia causa est communis, quod obtinet, etiam si ex duobus unius appellatio recepta fuerit, unusquis egerit causam appellatæ, l. 1. si unus ex plurib. appellat. Constituitur etiam, ut rescripta, quæ ad jus pertinent, id est, quæ redduntur eis, qui de jure consulerunt principem, rescripta, quæ jus faciunt, ut sine perpetua, nec anno finiantur, l. 2. h. t. quod latius explicat l. 2. Cod. Theod. eod. tit. ut scilicet morte imperatoris rescriptum non extinguatur, ut possit allegari ab hæredibus, et pro hæredibus, nec extrudatur temporibus, nec aboleatur casibus, veluti morte impetrantis, jure veteli rescripta videntur fuisse annalia in singulorum rescriptis, et hoc jure utimur: nam rescriptum post annum non prodest, nec potest allegari: l. est annuæ, et l. 3. constituitur, ut ipsa rescripta authent.

113

tica, id est, originalia, iudicibus insinuantur, non exempla, non iudices rescriptorum; et l. 4. ut non valeant rescripta sine die et consule, si sint beneficia personalia, quod etiam de ordinationibus Episcoporum tantum est Concilio Milevitano, ut non valeant sine die et consule: ut scilicet intelligatur, qui priores, qui posteriores ordinati sint, ut ex ordine, vel serie ordinationis inter Episcopos servetur dignitatis ordo ac prerogativa: ordinationes igitur Episcoporum, codicillos dignitatum, et beneficia quicumque personalia non valere sine die et consule: generalia rescripta, maxime quae in corpus juris relata sint, valent etiam sine die et consule, ut constat ex constitutione Justin. de novo Cod. fac. et de Justin. Cod. confirmando, de quibus August. in coll. 5. diei cum Donatistis: *Evidentissimis constitutionibus definitum est, Imperialia constituta, etsi consules non adscriberentur, in dubium non vocari*, quod de generalibus est intelligendum non de personalibus in constitutionibus juris: privilegia personalibus exactior cura observatur, quae sunt extra ordinem juris publici, etiam de iisdem beneficiis precibus extortis agitur in l. 2. l. 1. de beneficiis scilicet, quibus conceduntur administrationes, vel dignitates: erant quaedam beneficia principum, quae sic proprie dicebantur; alia quae ultra ipse sua indulgentia impertiebatur, de quibus dicitur ea esse plenissime accipienda, quae ex spontanea benignitate principis accipiuntur, l. pen. ff. de constit. princ. nos hic agimus de beneficiis, quae supplicantibus conceduntur, velati tribunatu militari, centurionatu, ut Sueton. ait in Claudio, *sui beneficii centuriones*, praepositorum, aut praefectura aliqua militari, aut civili, quae proprie dicebantur beneficia, etiam apud Ciceronem in 5. et 7. Epist. de tribunatu nominatum, et centurionatu, et apud Lampridium in Alexandro Severo, et idem Cic. pro Archia poeta: ea beneficia deferri in aerarium principis, id est, inseri tabulario: et Hyginus de limitibus constit. ait, adscribi beneficiorum libro: nam in aerario erat liber beneficiorum, de beneficiis d. lex 5. ait, ne a iudicibus rejiciantur, ac ne contemnantur, sacrilegii esse instar ea non admittere, nec promulgare velle. Et sequitur in l. 6. de rescriptis, quae non sunt subscripta encausto sacro, ut ait, et manu principis, ut etiam l. 5. ut haec non valeant, et encaustum vocat picturam, vel colorem polius, quo solebat princeps sua manu suum pingere nomen, et consiciebatur purpura incocta de teinture rouge, ou cinabre: incocto murice, ut ait, tinctorum cochilio, et ardore, sive lumine purpure: et encausto malo d. cere, quam encausto; quod ita semper legi in omnibus libris scriptis, et in glossis encaustum, exscriptum; coctus murex, et ait hic tit. de diversis

rescriptis: nam ex his quae recensui alia ius faciunt, alia non faciunt, alia rescribuntur ad ius, alia factum, alia sunt personalia, alia generalia, alia sunt temporalia, alia personalia: ut si comprehensum sit certum tempus intra quod debeant allegari, hoc finiuntur tempore, l. 2. alioqui sunt perpetua, alia valent, alia non valent, alia sunt adnotationes, vel subscriptiones ad libellum breves l. 1. sup. de prer. Imper. alia sunt Epistolae, l. 12. C. Theod. de Episc. et cler. dum ita Imperator rescribit Imperi. Ille L. Titio salutem, et subscribit data Epistola, aliae sunt pragmatice sanctiones, sive iussiones. Dicuntur etiam pragmatice, hoc pragmatico constitimus. Pragmatica est tractatus, ut tractatus de subscriptionibus, c' est un long discours, et inde nomen accipere pragmatice sanctiones, quibus scilicet tractatu, et consilio adhibito princeps diligentius effusiusque respondet ad preces, vel relationes; vel suggestiones iudicis, vel aliorum, quod licet cognoscere ex multis pragmaticis, quae sunt in eodem Cod. atque in Novellis aliorum temporum, et in rescriptis quidem aliis preces inseruntur, et subiicitur subscriptio brevis. In pragmaticis non solebant inseri preces, solebat tantum eorum precum vel relationum mentio fieri: nam plerumque pragmatice iussiones fiebant ad suggestionem et suasionem magistratum, vel etiam corporis alienius, veluti corporis advocatorum. D. August. in suprad. collatione, in pragmatico rescripto preces inseri non solere. De omnibus rescriptis etiam illud generaliter constituitur l. ult. eod. tit. ut non valeant, nisi haec eis injecta sit clausula, si qui rescriptum impetraverint docuerint omnia vera esse, quae contulerunt in preces, et ut iudici, cui insinuat rescriptum, haec sit prima cura de veritate et fide precum: nam si quid Imperatori suppresserit aut elayerit callide, vel si quid mentitus sit, inutile est ei rescriptum: discutiende igitur imprimis sunt preces, an sint verae, et eligenda etiam probatio ab eo qui rescriptum impetravit eorum, quae deduxerit in preces. Imo ut vult lex ult. ea est clausula inferenda rescripto, si probaverit quod deduxerit in libellum. Non solet hodie inseri ea clausula, quia scilicet habetur pro inserta, quod generaliter legibus definitur, ut inseratur, paulatim pro inserto habetur, etiam si non fuerit insertum, quod solet fieri frequenter, tempore procedente, paulatim pro facto habetur, ut solebant coloni pro mercede pignori obligare ibi nata, fructusque, qui ibi nascerentur: haec hodie etiam si non obligantur expresse, tacito intellectu videntur obligata pro mercede quia quod solet fieri, tandem et pro facto, si sit omissum, habetur et specialiter in d. l. ult. additur, ne fiant pragmatice iussiones ad preces singulorum in causis privatis, sed in publi-

cis negotiis ad preces civitatum, vel provinciarum, vel officiorum, vel scriniorum, vel cujuscunque corporis aut universitatis sive collegii. Dixi ad preces; nam ad relationem et suggestionem jud cum fuit etiam pragmaticæ sepius.

AD TIT. XXIV.

De statu et imaginibus.

In'er beneficia principum, quæ dantur rescriptis certis personis de Repub. vel de suo corpore aut collegio bene meritis ad postulationem civitatis vel corporum, sunt status et imagines: nec enim licet unquam in Rep. statum statuere sine rescripto, sine permissu principis. Et prudenter constituitur in *l. ult.* ut status sumptibus ejus, cujus ad honorem erigitur, collocetur, non sumptibus publicis: ne inquam, sumptus ex descriptione colligantur et ex descriptione populi, *d'une petite taille*, ut in *l. 1. et ult.* sed additur etiam in eod. tit. de statu et imaginibus principum: nam et de his ponendis in ornamentum Reip. necesse erat a principe concedi beneficium, *l. 26. sup. de Episcop. audient.* et Nazianz. prima invectiva contra Julianum hoc est esse proprium Rom. ut suis principibus afficerent ponere statuas, putentque hoc ad decus sue civitatis pertinere, si hoc eis princeps permiserit, sed ab his statu principum cum ab hominibus olim adorarentur, ut 6. exam. ait Ambrosius, cum ducti vultus et ora ex marmore adorarentur, rectissime *l. 2.* aufert ab his omne adorationis fastidium, *où il faut lire, fastigio, non pas, fastidio.*

AD TIT. XXV.

De his qui ad statuas confugiunt.

Pertinet etiam ad statuas principum tit. 25. nam statu principum periodo ac Ecclesie confugis suam securitatem prebent, nec inde extrahi possunt, quæ est sententia hujus legis, ut confugere Galli antiqui d'unt *fuir à garent.* et eleganter Theod. et Valentin. in quadam Græca sua constitutione *βυρὸν εὐρυπίας καὶ ἐν τοῖς ἱερείοις ἀποδύπαιρος ἡ ἀρχαῖος ἀνδρῶν*, quod etiam de Ecclesiis *l. ult.* et hic, de his qui ad Ecclesias confugiunt, ut in eis sit, *Ὁδὸν βυρὸς* et latine sit *ara salutis*, quoniam nihil interest dixeris aram salutis, an aram misericordie: habuerunt, ut scitis, Athenienses suam aram misericordie, de qua mentionem facit Theophilus de jure naturali, nobis quoque est ara misericordie Ecclesia, et statu principis.

AD TIT. XXVI.

De officio præfecti prætorio Orientis et Illyrici.

De rescriptis principum satis hætenus dictum est, vel de principibus ipsis, novus instituitur et parat. et sermo nunc de magistratibus: nam cum ex partibus juris civilis restarent adhuc magistratuum edicta, formæ, dispositiones quæ non minorem obtinent legis auctoritatem, quam leges, edicta, responsa: ideo et hujus quoque partis juris civilis explicandæ gratia dicere instituit de magistratibus omnibus urbanis, provincialibus et municipalibus: et erit utilissima hæc magistratuum omnium recensio, quæ traditur sigillatim: ex magistratibus sunt præfecti prætorio, qui summam obtinent et omnem judiciorum potestatem; omnium honorum apicem, ut ait Ammianus Marcell. inter mundanos apices sublimissimam potestatem, ut ait Leo in Epist. 64. ad Episcopum Thessalon. plenior licentia ad disciplinæ publicæ emendationem, *l. 1. D. de off. præf. prætor. præfecti prætorio* summam esse potestatem secundum a principibus et imperium plenissimum: nullum enim est pænæ genus, quo non possit præfectus prætorio emendare disciplinam, vel continere publicam: ceteri magistratus ex mero imperio partes aliquas habent, non plenum imperium, ut jus gladii habent, non deportandi, ut præsides provinciarum: præfectus prætorio habet plenissimum etiam in Senatores, licet ante Constitutionem Alexandri ipsi præfecti prætorio non essent senatores, non senator de senatore judicabat, vid. licet præfectus prætorio. Sed postea ex constitutione Alexandri sunt assumpti præfecti prætorio, non ex plebe, sed senatu, quanquam animus semper magis fuit principibus evehere plebeios, quam senatores. Primus igitur et summæ potestati primus datur titulus: Fuit sub ætate aut sub imperio Justiniani alius præfectus prætorio Orientis, in cujus cura et dispositione erant dioceses 5. Oriens, qui proprie et specialiter dicebatur, Ægyptus, Asia, Pontica et Thracia; et cujusque dioceses provincie variae: nam diocesis est quæ constat provinciis variis. Dioceses in provincias provincie in civitates dividuntur, sub dispositione præfecti prætorio sunt dioceses. Et hoc est quod in Epistola 104: ait Cassiodorus præfectum prætorio cunctarum provinciarum potestatem maximam obtinere: nomen ut scitis, duxerunt ex eo quod initio institui essent, et præessent, prætorianis militibus id est, aulicis militibus; qua de causa a Græcis passim dicuntur *πραιτοριανὸν δυνάστην*, et alii auctores, præfectos prætorio stipatos armatis militibus: ergo præfectum prætorio cum dicimus, prætorum accipimus pro militibus prætorianis: sed major est eorum potestas, quam præ se ferat nomen. Fuit etiam ætate Justiniani præfectus prætorio Illyrici,

et sub ejus dispositione erant dioceses duae Macedonia, et Dacia; et ad hos quidem duos praefectos praetorio referuntur omnes constitutiones hujus tit. quibus, ut decerpam ex eis aliquid constituitur, ut formae praefecti praetorio generales, quas vulgo dicimus *ἡγορητὰ* vim legis obtineant, l. 2. h. t. l. *apertissimi*, inf. de Judaeis, l. 1. inf. de fidejussor. Jam igitur incipit eam partem juris civilis, quae reliqua erat a l. 2. h. t. demonstrare scilicet, formas, typos praefecti praetorio, *leurs ordonnances ou provisions*, pro legibus esse, si modo non sint legibus antiquis, aut constitutionibus principum contrariae: potest igitur praefectus jus commune facere, quod cum veteri non pugnet, et additur in l. 3. ut sub eorum cura et jurisdictione sint praesides provinciarum, ut in l. *ner iis*, inf. de decurion. quod adeo verum est, ut et praesides provinciarum permanere possint, l. 9. inf. de advoc. divers. judic. et removere ex causa, atque in locum eorum alios instituire, et de criminibus eorum cognoscere, d. l. 3. nam si dioceses sunt sub dispositione praefecti praetorio, et diocesum provinciae singulae igitur: sicut sub cura praesidis provinciae sunt singulae civitates ejus provinciae, in l. *pen. ad municipal.* l. *cum unus*, §. *pen. de rebus auctor. judicium poss.* l. 7. ff. de int. et releg.

AD TIT. XXVII.

De officio praefecti praetorio Africae, et de omni ejusdem dioceseos statu.

Fuit etiam aetate Justiniani praefectus praetorio Africae, quem ipse constituit post multos annos Africa a Vandalis recuperata, quae gloria proprie debetur Justiniano, quae re peracta feliciter ipse constituit praefectum praetorio Africae, et sub ejus dispositione provinciae septem, ut licet cognoscere ex hoc tit. veluti provincia Zeugitana, Tripolis, Numidia, Mauritania, quae proprie dicitur Africa, sive proconsularis, Carthago, Sardinia insula, et Bizacium, quae corrupte dicitur a Sixto Basilio Hieratium. Putant, plerique, et corrupte appellari Bizantium, quos tamen refutat Eustathius in Dionysium: ut duplex faciant Byzantium, unum in Thracia quae est Constantinopolis, alterum in Africa. Igitur non temere semper mutari debet Bizacium in Bizantium. Septem has provincias temere quidam cogunt in sex, dum ex Zeugitana et Carthaginensi unam faciunt, nescio quo loco Isidori moti. Constitutiones duas palam faciunt, et singulis his septem annos rectores constituit Justinianus, id est consulares Tripoli, Zeugitanae, Carthagini, et Bizacio, et est etiam scripta l. 1. inf. de offic. comitis rer. princ. consulari Bizacii, praesides in aliis provinciis, constituit etiam Ju-

stin. in his constitutionibus duces militares provinciae Tripoli Bizacio, Numidia, Mauritania, Sardiniae simul ac definit quid hi omnes magistratus pro codicillis suae dignitatis inferre debeant scriiniis sacri laterculi, sive palatii: et rursus quid pro insinuatione codicillorum, qui erant insinuandi praefectis praetorio, *pour les verifier*: scriiniis et officiis praefecti praetorio praesides provinciarum, et duces militares quid inferre debeant pro insinuatione codicillorum scriiniis magistri militum: nam apud hunc insinuande erant administrationes militares. Definit etiam, quae stipendia, et commodas ferant de publico ii omnes, vel praefecti praetorio, vel homines eorum, scriiniarii, et cohortales: et constituit suam praefecto praetorio sedem, et cui duci militum aequae suam sedem, et pluraque alia de constitutionis limitacis militibus, et de disciplina militari. Denique de omni statu ejusdem Dioceseos divisit sicut divi. Invenio etiam aetate Justiniani fuisse constitutum quemdam praefectum praetorio Italiae, in Nov. 69. constabantur nonnumquam a principibus variis, ut praefecti praetorio Galliarum, et multarum aliarum dioceseon arbitrio principum.

AD TIT. XXVIII.

De officio praefecti urbi.

Sequitur tit. de officio praefecti urbi, et postremo tit. de officio magistri militum convenienter, quia haec potestates praefecti urbi, et magistri militum sunt quodammodo praefectoriae potestati pares, ut ait l. 1. inf. de praefect. praet. sive urbis sunt germanae potestates, ut ait l. *advocatos*, inf. de advoc. divers. jud. licet in consensu senatus praefectus veli ceteris omnibus antecellat, l. 3. h. t. quae summa potestas est praef. praet. ut cum in senatu non consideret superiore loco, sed praefectus urbi antecellat, aut in considerando, aut procedendo: nolo imperium praefecti urbi non ita late patet: ideoque in Nov. 62. ostenditur, imperium praefecti praetorio porrigi per universam diocesim, imperium praefecti urbi circumscribitur urbe, et termino urbis, id est, centesimo miliari l. 1. ff. de offic. praefecti urbi, et Cassiodorus in formula praefecturae urbanae: *ditioni tuae non tantum Roma commissa est, sed et quicquid intra centesimum miliare*, qui terminus urbis est, l. 3. Cod. Th. de Episc. et cler. et confirmatur l. 6. Cod. Theodos. de haeretic. ultra centum miliaria jurisdictione erat praefecti praetorio, quod et Ulp. Fragm. probant apud Licinium Rufinum tit. de plagiaris. Sed ut diligenter, quae potestas fuerit praefecti urbis exponamus, fuit sub eis cura, et custodia urbis regiae, proinde

custos urbis dicitur a Papinio in Soteriis pro Rel. Gallico quem penes intrepidam mitis custodia Romae. Item spectabat ad praefectum urbi cura annonae: nam etsi huic negotio destinatus esset specialis praefectus annonae, et cum eo tamen praefecto urbi eam curam communem habuit, l. 1. hoc tit. spectabat ad eum cura excubiarum, cura corporatorum, leg. 4. velut pistorum, suariorum, bonitiorum, pecuariorum, qui in certum corpus erant coacti, et ei corpori, quasi servitute quadam obnoxii in perpetuum, eorumque posteris. Pertinet quoque ad eum cura balneorum, cura spectaculorum, et popularium, l. 4. eod. tit. l. 1. §. quies, ff. eodem, et l. 2. h. tit. populares interpretamur homines seditionibus obnoxios, id est, factioni, quae ex re etiam factionarii dicebantur l. 1. Cod. Theod. de equ. curul. ut in antiquis inscriptionibus, et in illo Gregorii Turonensis loco: *Factionarii operientes ad circum, etc.* erant Albati, Venedi, Russati, Prasini, qui multas saepe in urbe commovebant seditiones.

AD TIT. XXIX.

De Officio magistri militum.

Addemus etiam tit. de officio magistri militum, quae potestas est praefecti praetorio in privatos, et in praesides provinciarum, eadem est etiam potestas magistri militum, sive peditum, sive equitum in milites, et in duces, vel comites singularum provinciarum militares, et jurisdictionem exercent in privatos actorem et reum militarem, non tantum inter duces milites, quoniam actor sequitur forum rei, Nov. Martiani, et l. pen. inf. de jud. l. 1. inf. de jurid. omnium jud. et eadem ratione praefecti praetorio, vel alterius magistratus civilis est jurisdictio inter militem actorem, et privatum reum, ut praetoris urbani erat jurisdictio inter peregrinum actorem, et civem reum, et similiter praetoris peregrini jurisdictio inter civem actorem, et reum peregrinum, hoc est, actor sequitur forum rei.

AD TIT. XXX.

De officio Quaestoris.

Post tit. de officio magistri militum datur tit. de officio Quaestoris non inconsequenter: nam magistratus potestatis quaestura partem sibi vendicat: beneficia enim olim permittebantur arbitrio magistri militum, veluti tribuatur, et cetera modo sunt sub dispositione Quaestoris, et sub scrinio memoriae, ut ait l. 1. ii qui militavit militiam literatam sub memorabilibus, ex quorum scrinio sunt et alii.

Quaestor sumebat adiutores, quorum obsequio res peragebantur, l. 5. tit. 20. Male hic quidam annotant, sibi videri legendum, et ex scrinio, quod est perquam vanum: nam ἀπὸ τοῦτοῦ est repetendum, et sunt etiam generaliter sub cura Quaestoris cura minoris laterculi militares, et civiles adjecta subscriptione principis, l. 3. in qua conditiones, et officia, unde dicuntur officiales, et conditionales. Laterculum autem minus est liber, sive abacus, et notitia dignitatum administrationumque minorum, vel quadratae tabellae quasi πλῆθος, et πλῆθος, unde sane ducitur nomen laterculi, quod in quadrata tabella digestae esset administrationes. Laterculum minus est notitia majorum dignitatum, quod fuit sub cura viri spectabilis primicerii Notariorum, qualis est notitia, quam Andreas Alciatus, et pleniorum Rhenanus in lucem edidit, in qua sub primicerio Notariorum videre licet laterculum depictum, nempe codicem, sive librum administrationum, qui erat in Oriente, vel in Occidente sub Imp. Rom. et in eo tit. valde mihi placet, quod Galli nostri veteres, qui hunc Codicem verterunt, laterculum minus interpretantur, le petit roule, et majus le grand. Ex quo fit, ut laterculi nomen numerum, album, matriculam, quam, etiam dixere patriculam, trahantur ad alia, ut Tertull. adversus Valentinianos: *ex illo laterculo, et consules, et ceteros allegere consueverunt*, id est, ex illo numero, et a Victorino atque Theophilo Alexandrino inscriptus etiam laterculus Paschalis, id est, Index, quo adnotabatur singulis annis, quo die futura esset celebratio Paschae: et apud Ciceronem invenies laterculum esse album decurionum atque legionum: quod non fuit praecipuum munus Quaestoris, id est, habere curam minoris laterculi, sed praecipuum fuit leges dictare, et precibus respondere: quae ex re a Symmacho dicitur praecum arbiter: quod cum sit precibus respondendum, ipse arbiter sit, doceatque principem, legumque conditor. Et a Cassiodoro quaestura dignitatis literarum lib. 1. Variarum, quod solis Jureconsultis deferatur. Et alio loco quaestor vocatur principis, et in Nov. Valent. de homic. ca. facto iustitiae legumque custos, thesaurus sanctae publicae, armarium legum, Is postea πρῶτος λογοθέτης, et novissime Cancellarius dictus est, ut Nicetas scribit 7. Annal. magnus etiam ille Michael Hospitalis in suis scriptis se Quaestorem nuncupavit: neque ullum est officium in eo lib. descriptum, cui possit aliud, quo modo utamur comparare melius, quam Quaestoris officium Cancellarii officio. Eius enim officium est leges dictare, precibus respondere: et ut persequar, beneficia olim quidem Quaestoris permittebantur curae: ita non est dubium beneficia quidem Cancellario per-

mitti, qui, subscribente principe, concedit cui voluerit. Sed cur huic dignitati, aut quomodo inditum sit nomen, videamus; nam hoc sane ad eos pertinet, qui curant negotia publica. Res est scitu digna, nec in promptu omnibus. Dicebamus in tit. de off. pr.-f. prætorio, amicum, et familiare esse principibus, ut malint plebejos, quam nobiliores officere dignitatibus, et præfectos prætorio sumpsisse ex plebe, donec Alexander Imp. decrevit, ut assumeretur ex ordine senatus. Sic etiam ex plebe principes assumebant homines litteratos, per quos recitarent in senatu orationes, Epistolas, libellos, placita sua, ut confirmarentur scilicet, quod videmus frequenter in Dig. oratione principis in senatu recitata, vel per se: vel per hominem alium litteratum. Princeps, inquam, hominem assumebat ex plebe, qui initio vocabatur candidatus Cæsaris, l. 1. §. 2. D. de off. quæst. sed cum non esset eis ingressus in senatum, utpote plebei, donati sunt honore, et tit. quæstoris, licet pecuniam publicam non curarent, id est, facti sint honorarii quæstores, ut ingrederentur in senatum. Est enim quæstura, ut ait Ascon. et d. l. 1. primus gradus in senatu: post vero crescente eorum auctoritate, jamque eis non recitantibus tantum, sed et componentibus leges, et rescripta vice principis, atque usurpantibus summam auctoritatem in palatio principis, idem nomen quæstoris retinuerunt. Et hæc est certissima hujus nominis origo. Solet Imperator Justin. quæstorem sacri palatii dicere: et Plinius significat se fuisse candidatum Cæsaris lib. 7. *Quæstores*, inquit, *Cæsaris fuimus*: candidati nomen retinuit Paternus lib. ult. et hoc idem Quæstoris munus potest confirmari multis aliis locis. Suet. in Tibertio: *Orationem recitavit Quæstoris vice*. Spartianus in Adriano: *Quæsturam gessit, in qua cum orationem Imperatoris paulo agrestius recitaret, derisus est*: et idem Sueton. in Augusto: *Libello per Quæstorem recitato, notum senatui fecit*: nam orationes principis dixit etiam libellos, et libros d. l. 1. de off. quæstoris, l. item veniunt, §. præter, D. de petit. heredit. quæ oratio de petitione hæreditatis alibi dicitur, et Plinius 5. Epist. *Pauci dies, inquit, et liber principis tenuis, et tamen moderatus*.

AD TIT. XXXI.

De Officio Magistri Officiorum.

Sequitur tit. de officio Magistri Officiorum: hic videtur delibasse aliquid ex militari jurisdictione magistri militum, ut docchitur: sed prius ostendamus proxime jungi eum quæstori rectissime: nec enim fuit magister officiorum quæstore minor uterque est vir illustris, et ex quæstore fuit plerumque

magister officiorum ut formulæ Cassiodori doceant: nam officium quæstoris erat temporarium, et præstaret hodie sicut cetera officia, ita et Cancellarii temporarium esse. Post annum unum, quo deponebat dignitatem suam, statim aliam assumebat, nec unquam tota vita dignitatis erat expertus, et ubi omnibus dignitatibus functus erat, omnes iterabat, ut continuam præfecturam, aut quæsturam: plerumque, ut dixi, ex quæstore ferebat officiorum magister, aut etiam unus idemque utroqueungebatur honore. Erat igitur proxima magistri officiorum dignitas propria Jureconsultorum: magistri officiorum Jureconsulti, et Philosophi. In magistro officiorum peritia desiderabatur juris, et philosophiæ: nam et quæstori ailerat conditor legum, et disciplina morum ad eum pertinebat in palatio, in quasi judici morum in palatio, quales sunt cubicularii, l. 3. inf. de præf. præf. sacri pal. et castruciani, et ministeriani, et silentiarii, et qui excubias noctu agebant in palatio principis, l. 4. inf. de silentariis, et Decani, l. 2. inf. de Decanis: qui omnes obsequio, et ministerio principis erant dicati, et omnes sub magistri officiorum jurisdictione. Denique magister officiorum est magister τῶν ἐν τῇ αὐτῇ τάξεων, sic est legendum in Theod. Sodem, vel ut Theodoritus ait, ὑποτάσσας τῶν βασιλέων, et præfectus regis Iustiniani. Sed addenda sunt etiam et a quædam, magistrum officiorum in consistorio principis induxisse senatores: nam sine magistro officiorum non sunt in id ingressus, et eleganter eum vocat Cassiodorus, gloriosum donatorem aulici consistorii, quasi alterum Luciferum, ut ait: nam sicut ille venturum diem promittit, sic iste desiderantibus vultum regi et sorcuntatis attribuit, quem scilicet principes homini exhibeant: sed et curam habuit curas publici, ut indicat l. 9. inf. de cur. publ. qua de curio, et ipse curiosos constituebat, qui habebant curam curas publici, nec a curiositate, sed a cura dicebantur: et in l. 1. C. Theodos de curiosis dicuntur etiam vulgo fuisse appellati curagendarii: magister officiorum, ut d. 23, curiosos constituit ex schola agentium in rebus, quorum fuit exiguus numerus: nam ita partiebantur officia, ut alii militarent in prædiis littorum velut scripbarii, memoriales, pragmaticarii, qui scribunt pragmaticas iussiones: alii autem militarent in rebus ipsis, in actu, et Rep. qui dicti sunt generali nomine agentes in rebus, et ex iisdem sumit sibi curiosos, et officiales, adeo ut ubi leges magisterianos, tibi licent semper interpretari officiales, officiales magistri officiorum, vel agentes in rebus. Quod autem initio dixi, magistrum officiorum aliquid ex magistri militis officio decerpisse, ex hoc tit. ostenditur, quod sint sub magistro officiorum fabricæ armorum, et fabricenses, et

limites et limitanei milites, et scholares omnes et superonerarii milites, qui erant in xi. scholis, si adnumeret fabricenses et agentes in rebus, l. 2. inf. de loc.

AD TIT. XXXII.

De officio Comitum sacrarum largitionum.

Ut eorum magistratum, de quibus actum est sup. tit. veluti præfecti prætorio, præfecti urbi, magistri militum, quaestoris, magistri officiorum, illustres sint dignitates, ita illustres sunt qui sequuntur, Comes sacrarum largitionum hoc tit. 32. Comes rerum privatarum tit. 33. et Comes sacri patrimonii tit. 34. ii soli sunt illustres iudices sive magistratus: qui hos sequuntur sunt spectabiles vel clarissimi. Primus locus illustribus datur, medius spectabilibus, tertius clarissimis. Sed de primis haecenus. Comes sacrarum largitionum est is, qui gubernandi committuntur thesauri maiestatis Imperatoriae, quas largitiones et remunerationes dicimus, plausibili vocabulo et dignitatem ipsam Comitum Cassiodor. munerariam dignitatem, quasi largitionibus thesauri sint potissimum destinati, quamvis et in alios usus insinuantur et omnino etiam dispensantur, qui a Papinio etiam his verbis demonstrantur: Jam creditur uni sanctarum digestus opum partemque per omnes divitiarum populos magnique impendia regni: et a Rutilio Numatiano, illo loco: opum curam, quamvis sit magna sacrarum, in l. senatus, D. de iure fisci, ubi fit mentio præfecti ærarii, pro præfectis ærario Græci reponant, Comes thesaurorum, id est Comes sacrarum largitionum. Præfecti nomen mutatum est in Comitum nomen, quod etiam Comitum nomen est datum omnibus magistratibus, qui sequerentur sacrum comitatum, vel qui ex sacro comitatu prodirent, et inde nomen, quod in sacro vel ex sacro essent comitatu. Postea porrectum est ad omnes, qui cui negotio præessent, etiam ad Navarchum apud Eustathium in Homerum, et Suda quoque auctore Comes generaliter definitur populi iudex quilibet. Quo sensu in postremis auctoribus Comitum, id est, iudices ordinarii in libris feudorum et in legibus Germanorum. Porro in thesauris sive opibus imperii adnumeramus etiam vestiarium et ornamenta imperialia: qua de causa non tantum speciales quidam Comites largitionum diffusi per dioceses, et Comites metallorum et rationales summarum et præpositi thesaurorum, et procuratores monetarum, quandoquidem et Comitum sacrarum largitionum curæ est, ut idem Papinius ait, quæ divum in vultus igni formanda liquescat Massa, quid Ausonia scriptum crepet igne moneta, non, inquam, tantum ii sunt sub dispositione viri illu-

stris comitis sacrarum largitionum, sed et procuratores gyneriarum, id est, tetrinarum sacrarum, et procuratores haphiorum, id est tinctorum pretiosi velleris, et procuratores lanificiorum, et præpositi barbariciorum, id est, Phrygionum, ut licet agnoscere ex veteri illa notitia dignitatum omnium, ut apud Catullum, Barbara, quæ horribili stridebat tibia cantu: Barbara, id est, Phrygia, apud Horat. Græcia barbaricis lento commissa ducto, id est Phrygiæ, ex qua gente ars pingendi et texendarum vestium pretiosarum manavit. Et apud Sophoclem in Ajace. Erat igitur vestiarius, erant ornamenta principis in parte thesaurorum, et qui ea conficiebant, qui eorum confectioni erant præpositi, omnes sub dispositione Comitum sacrarum largitionum erant, atque etiam præpositi bastagarum, id est, qui curabant sacris largitionibus perferri canones illationum debitarum: bastaga est onus transvectionis, sive transvectio et perlatio rerum ærario debitarum, quod fuit onus provinciarum, ils en devoient des courues pour cela.

AD TIT. XXXIII.

De officio Comitum rerum privatarum.

Uterque Comes sacrarum largitionum et rerum privatarum significantur ab Imp. l. 3. inf. ubi senator, vel clariss. his verbis: cui nostra serenitas sacros nostri numinis thesauros, aut res privatas nostræ pietatis gubernandas iunxit. Ille scilicet, qui gubernat thesauros, opesque fiscales. Comes est sacrarum largitionum, qui a Græcis dicitur Comes ἀρχισυν, ἄρχι παρῳχῶν. Ille autem, qui gubernat propriam substantiam, sive patrimonium principis, comes est rerum privatarum, quæ honestantur etiam nomine largitionum, ut in l. properandum, §. si autem utraque, inf. de iudiciis, l. ult. inf. de adsesoribus. Bona igitur principis aut sunt fiscalia, aut patrimonialia: utraque propria, vel quasi propria et privata principis: nam ita est scriptum in l. 2. D. ne quid in loco publ. res fiscales quasi proprias, et privatas principis esse; et quod vulgo dicitur, omnia esse principis, id interpretatur recte l. 3. de quadr. præsc. ut omnia, id est, tam fiscalia, quam patrimonialia principis esse intelligantur: nam quæ sua sunt, principis non sunt propria, neque hoc unquam quisquam scripsit aut sensit, aut certe sua non sunt: quoniam dominium duorum in eodum esse non potest, l. si ut certo, commod. et communia quoque ea quæ sua sunt esse inter te, et principem nemo dixerit: et recte Seneca, quod uno loco ait, iure civili omnia principis esse, id est, etiam, quæ sibi, privatus quisque habet, et possidet, id alio loco interpre-

tatur hoc modo, ut omnia princeps possideat Imperio, regali dominio: unde sic statuas, universam, que alii possident esse in imperio principis: propria bona, que princeps sibi possidet esse in patrimonio principis: fiscalia quasi propria, revera non esse propria principis: quod sic demonstro: fiscalia non transeunt in heredem principis, patrimonialia transeunt in heredem, aut bonorum possessorem, etiamsi non successerit in imperio, *l. quod principi, D. de leg. 2. et fiscalium rerum est commercium, l. 39. §. ult. de legat. 1.* Denique ex hac diversitate honorum facti sunt duo Comites, unus, qui præset fiscalis substantiæ, alter, qui præset propriæ substantiæ principis. Hic Comes rerum privatarum dicitur frequenter, ille Comes sacrarum largitionum: inde etiam facti sunt alii palatini largitionales, alii privatorum, qui scilicet huic, vel illi Comiti obsequuntur. Et hæc differentia, ut puto, satis vobis jam videtur esse clara. Sunt quoque in eod. tit. tres constitutiones, *l. si quid, l. ad palatinorum, et l. si qui judicum*, quemadmodum in eo loco perturbatus est ordo tit. id vos animadvertere convenit, et nullam Græcam desiderari: nam veluti obtorto collo traduxerunt in hunc tit. eam constitutionem Græcam, que a me prodita est in *l. 7. inf. de delator.* quam tamen ex Basilic. didicimus, et sumus in eo loco demonstraturi, referendam esse in secundum locum tit. *de offic. divers. jud.* nam est etiam de presidibus provinciarum: dicas, etiam esse de urbanis magistratibus, et de acquisitione rei private: verum non hoc loco fuit referenda; eam collocat Basilica quasi *l. ult. de offic. rectoris.*

AD TIT. XXXIV.

De officio Comitum sacri patrimonii.

Post tit. de officio Comitum rerum privatarum sequi debet tit. de officio Comitum sacri patrimonii, qui titulus evigit, ut statuamus duplex esse patrimonium principis, unum privatum, de quo actum est tit. sup. alterum, de quo hic tit. Et sane unum ab altero separatur in edicto Justin. 4. et 8. et in formulis Cassiodori, quod attente observandum est: nam juxta ea, que diximus *l. sup.* prima specie idem videretur esse Comes rerum privatarum, et Comes sacri patrimonii: res enim que dicuntur private, in patrimonio sunt principis: sed duo sunt comites plane diversi. Comes rerum privatarum gubernat privatam substantiam principis per rationales, per procuratores præpositos, et speciales quosdam civiles. Comes autem sacri patrimonii est veluti

procurator penus, qui regias, ut ait Cassiodorus, epulas sollicita ordinatione disponit, cuique in hoc princeps suum patrimonium commisit, et hoc uno separatur comes sacri patrimonii a comite rerum privatarum. Desideratur autem sub hoc tit. de officio comitis sacri patrimonii, quod constitutio Græca, que non extat nulla fuit Latina sub hoc tit. Et hactenus explicatæ sunt dignitates omnes illustres: nam a tit. 35. de offic. procons. incipit tractare de spectabilibus.

AD TIT. XXXV.

De Officio Proconsulis, et Legati.

Ex iis, qui honores gerunt alii sunt illustres, alii spectabiles, alii clarissimi; hæc est summa divisio, etiam si iis quidam inferiores, veluti equestres, perfectissimi, egregii, et qui superillustres dicuntur in §. in summa, *Inst. de injuriis*: et ipsi non alio tit. quam illustrium afficiuntur: sed sunt priores illustres, et in unoquoque trium horum ordinum sint gradus quidam, ii nimirum, quos series nostrorum titulorum indicat atque disponit. Licet autem iis sunt inferiores quidam, et supra hos dicuntur quidam, tamen qui supra hos sunt non alii, quam illustres dicuntur: hæc divisio est summarum dignitatum, et breviter summæ dignitates sunt, aut illustres, aut spectabiles, aut clarissimi. Et recte Justin. in *Novell. 7.* in fin. mediam ait esse dignitatem spectabilium, nimirum inter illustres et clarissimos. Et hactenus quidem sup. tit. dictum est de illustribus. Omnes, de quibus antea dictum est, sunt illustres, post quos dantur spectabiles, ex quibus primi sunt proconsules, qui mittuntur in certas provincias gubernandi, et juris dicendi gratia, veluti in Asiam, Achajam, Africam, illum scilicet, cujus caput est Carthago, qui per eminentiam dicitur Proconsularis provincia: et ubi nihil aliud additur, hæc intelligitur: fuit enim magna et ampla atque dives provincia, et mittuntur cum imperio consulari, et inde nomen. Adjungitur autem iis unus, si qui mittitur sit vir prætorius, vel adjunguntur ei legati tres, si sit consularis, electi a Senatu, ut Dio 35. et Capitol. in Gordianis, vel probati a principe. His legatis proconsules mandabant jurisdictionem suam, atque etiam criminum cognitionem extraordinariam: nam jure ordinario non potest mandari, *l. solet, ff. eod. t. de proconsulibus* eleganter Salvianus de providentia Dei 7. *Quotidianus judex, et rector, quantum ad nomen quidem proconsul, sed quantum ad potentiam Consul*: male autem inter primam et secundam *l.* posuerunt de officio Comitum sacri palatii, qui titulus dicitur esse 36.

AD TIT. XXXVI.

De Officio Comitum Orientis.

Sequitur tit. de officio comitis Orientis. Est etiam vir spectabilis, et latissimam jurisdictionem sult: namque ei totus Oriens regendus committitur, qui conficiatur ex provinciis 18 Syriis duabus (Optatus Molevitanus facit Syrias tres) Phoeniciis duabus, Ciliciis duabus, Palestinis tribus, Cypri, Euphratensi, Osroeni, Mesopotamia, Isauria, Arabia, hæ omnes provincie erant sub jurisdictione Comitum Orientis, ut patet ex notitia Orientis, et eadem jurisdictio, quæ proconsul, diversum nomen, quod esset amplior jurisdictio proconsuli una provincia mandabatur, huic plures.

AD TIT. XXXVII.

De Officio Præfecti Augustalis.

Sequitur tit. de officio præfecti Augustalis, qui etiam est spectabilis, et sic dictus est, quod Ægypto in provinciam reducta, ei regenda ab Augusto sit constituta ex equestribus, non ex Senatoribus, ut Tacitus scripsit 12. et Dio et Arrianus 3. de expeditione Alexandri: noluit Augustus, nolueruntque posteri principes mittere Senatores Præfectos, sed equestres, ne scilicet sub potentiore præfecto Ægypti, ut sunt leves, et mobiles, semperque fuerunt, ad res novas impellerentur, quos eadem ratione etiam Romani Imperatores noluerunt in aliam civitatem cives allegi: erant enim illis ingenua Ægyptiaca suspecta, invidia, ut et castra Appianæ scribit Josephus. Augustalis ergo, quod fuerit ab Augusto constitutus, l. 1. ff. eod. et apertius ab hi dicitur præfectus Ægypti. l. 33. ff. ex quibus causis maj. l. apud præfectum ff. de munimiss. vind. l. 1. ff. de tutor. et cur. dat. l. 1. inf. de postul. et cur præfectus dicitur, non proconsul, aut consularis? an quia non erat ei concessum consulare imperium? an quia proconsul non solet iniri in provinciam nisi consularis, vel prætorius, qui semper eminere fasces, aut gentis suis gloriaretur? et hoc esse vetustius constitutione Augusti, qui Ægyptum redegit in provinciam, et ei regenda præposuit præfectum intelligi licet ex eo, quod Trebellius Pollus refert ex Oratione Ciceronis in Gabinium, fasces consulares Alexandriam ingredi non licere, quæ fuit sedes præfecti Augustalis. Fuere autem sub ejus cura et dispositione sex provincie, Lybiæ duæ, Ægyptus, Thebais, Arcadia, Augustamnica et præsides earum provinciarum, l. 2. h. tit. quæ vobis est corrigenda: nam vulgo legitur, præfectus prætorio Augustali, et prætorio ne valet rien, il faut, præfectus Augustalis: verba hæc d. l. 2. examinandi flagitia etc. Tom. IX.

hanc habent sententiam: il a pouvoir d'informer, non pas de destituer ou punir. Præsidentem Dacie legimus apud Spartianum in Adriano, ut major esset ejus dignitas, vocatum esse præfectum Augustalem.

AD TIT. XXXVIII.

De Officio Vicarii.

Vicarius etiam dicitur vir spectabilis. Is est, qui pro præfectis, vel pro præfecto prætorio mittitur in tractum, vel diocesium aliquem, aliquot in se provincias continentem: veluti Thraciarum diocesim, quæ continet provincias sex, vel Ponticam, quæ continet 11. vel Asianam quæ etiam continet 11. ut et Theodoritus scribit lib. 3. Eccles. Histor. et constat ex notitia veteri dignitatum. Asiana diocesis continebat ut dixi 11. provincias: sed ex illa notitia sub dispositione Vicarii fuerant tantum 8. fuit etiam in Illyrico Vicarius Macedoniae, ex eo nomine Vicarii factum est nomen Gallicum *Vicaire*, l. 1. inf. de divers. off. et appar. judic. offic. et sane al quando etiam in Occidente fuit Vicarius Africae, et sub eo quinque provincie, sicut sub Vicario Britanniarum erant provincie 5. adeo ut in inscriptione l. 15. Cod. Theod. de Paganis, ubi legitur Vicario quinque provinciarum intelligere oportet Vicarium Africae, vel Vicarium Britanniarum: et Vicarios 7. provinciarum in Gallia, et Vicarius Hispaniarum. Sulpitius Severus in historia sacra recte subiicit: nam jam proconsules habere desierant. Hi sunt præfecti præfecturæ prætorianæ pari potestate prædicti atque præfecti prætorio, et in legibus sæpe dicuntur gerere vicem præfectorum prætorio, aut agere vicariam præfecturam, et in l. 1. ff. de leg. 3. vice præfecti ex mandatis principis cognoscent, et in l. 6. inf. de modo mul. scripta ad præfectum prætorio, *quæ vire vestra*, sic est corrigenda, *administrationis gubernacula susceperint*: verum qui funguntur vice prætorum, aut præsidum non habent propriam jurisdictionem, non proprio jure, sed alieno beneficio: ex mandato prætorum, aut præsidum et morte eorum, qui mandaverunt finitur eorum Vicariorum potestas, l. 5. et 7. et l. solet, ff. de jurisd. qui autem vices agunt præfectorum prætorio propriam habent jurisdictionem, datam scilicet a principe, et vice sacra judicant sicut præfecti prætorio, et militari habitu, ut Cassiodorus ostendit in formula Vicarii urbis Romæ, nimirum ne videantur esse privati, et pagani.

AD TIT. XXXIX.

De Officio Prætoris.

Ero admodum brevis: nam non licuit navare

operam nisi officio prætoris. sed brevia utilia erunt tamen: quidam Codices habent *de officio prætorum*, ut in *ff. eod.* nihil refert, hoc an illo modo legitur: nam et proconsulis, et vicarii, ita prætoris nomen nihil vetat signi cari plures. Fuere vicarii præfecti prætorio, et tamen non de officio vicariorum, sed de officio vicarii titulus est inscriptus, quasi quod de uno dicitur, intelligatur dictum de omnibus. Adjungitur autem prætor interdum spectabilibus viris, sed clarissimis sæpius. Itaque lubentius ab hoc tit. facerem initium tertii ordinis, id est, clarissimorum: nam superioribus titulis habuimus illustres, deinde spectabiles: ab hoc tit. incipiunt clarissimi: nam hi tres tantum summarum dignitatum sunt ordines: perfectissimi, egregi, equestres minoribus dignitatibus funguntur, vel apertius: illæ tres dignitates sunt senatoriæ, ceteræ non sunt senatoriæ. Equestris sane dignitas non est senatoria, nec perfectissimus etiam, aut egregia dignitas, et ut credo me jam aduonuisse senatores, quod dicuntur in legibus esse supra illustres. §. *in summa*, *inst. de injuriis*, et *l. eos, sup. inf. de usuris*, *l. quoniam*, *inf. de appell. l. 15. ex Goth. 16. de testib.* quæ est Græca, ii non constituunt quartum gradum: nam et ii sunt illustres, qui dicuntur supra illustres nimirum et patritii: nam superillustres sunt patritii, quos solos princeps patres suos appellare solet: hæc adjectio patriciorum facit, ut dicantur esse superillustres, quoniam illustri appellationi additur patritii appellatio, præfecti prætorio dicebantur patres imperii, et patres provinciarum apud Cassiodor. Præsides autem provinciarum, ut idem Cassiodorus in formula rectoris provinciarum solebat princeps patres suos appellare, patricios autem patres suos, nunc de præfectura. Fuit, ut scitis, prætoria olim vis magna; postea cepit esse onus senatorum, ut eleganter dixerit Boetius in libro illo elegantissimo de consolatione, ubi male legitur præfecturæ: præturæ olim magna potestas, nunc inane nomen, et nomen potestatis sine re, et senatorum gravis sarcina, et ita in hoc tit. accipere oportet prætorem non pro fascibus illis summi imperii, sed pro munere, sive onere Reipubl. Erat magna vis prætorum olim: solebant ludos scenicos, vel circenses, suis sumptibus populo exhibere, quod indicat *l. si ut certo, §. interdum, ff. commod.* dum agit de prætore, cui commodatæ sunt scenicæ vestes ad munus edendum populo: hoc onere exhibendi muneris populo tandem solum constitit prætura: in edendis scilicet populo voluptatibus, adeo ut recte posses dicere, in hoc tit. prætorem parum differre ab editore muneris. Constitit denique prætura in his sumptibus, atque etiam ut ostendit *lex 13. C. Theod. de prætoribus et quæstoribus*, constitit onus præturæ in fabricis, et opes-

ribus publicis: nam quod prætor non expendebat in voluptates populi, expendebat in opera publica suo ævo senator quisque per vices. Denique præturæ onus erat senatorum, atque etiam quæstoræ: nam in illo tit. *de prætoribus et quæstoribus*, etiam quæstores non oportet accipere pro iis, qui dicunt leges, qui respondent precibus vice principis, qui dicuntur vox legum, sed pro candidatis cujusque ætatis, cum tamen amplissimæ quæstoræ non sufficeret minor ætas: adeo ut ad hunc quæsturam inanem vocarentur etiam adolescentes, aut qui nondum adoleverant ante annum 16. in *l. 1. C. Th.* et hoc etiam intellexit Lampridius in Alexandro dum ait, quæstores candidatos de sua pecunia munera populo edere jussit. Ex his licet intelligere postremis temporibus præturam fuisse delatam plerumque invito, quod esset sumptuosa nimis et onerosa, atque etiam abs nobis senatoribus, et minoribus 25. annis in *l. 1. et 2. C. Theod. eod.* cum tamen non possint aspirare ad honores minores 25. annis ex *l. ad Remp. ff. de muner. et honorib.* sed hic honor quæsturæ est inane onus patriuonii magis, quam honor verus quoniam deferrebat etiam quandoque feminis in *l. 17. C. Theod. eod. tit.* nam si designatus diem obiisset antequam iniret præturam, et successisset filia masculorum, sobole nulla extincta, illa quidem non suscipiebat latum clavum, ut ait *d. l. 17.* non sumebat insignia senatoria, non legebatur in senatum, feminis non est ingressus in senatum, non aditus ad honores officiorum publica, *l. 2. ff. de reg. jur.* sed pro modo substantiæ patris, in quam successerat, subibat ipsa onerariam præturam, atque ita femina quodam modo prætura fungebatur: denique prætura tantum retinuit paucissima ex jurisdictione, illa scilicet tantum, quæ referuntur in *l. 1. h. l.* ut cognoscat prætor de causa liberali, de causa status, si quis liber, aut servus, de statu servorum, et apud eum manumittuntur servi vindicta, et emancipantur filii, ut scilicet præsit iudicio alieno, adhibeatque suum iudicium, suam auctoritatem: ut possit etiam tutorem dare ex decreto, id est, causa cognita, et habita inquisitione morum dandi tutoris, et ut possit minores 25. annis restituere in integrum, quod etiam est magis imperii, quam jurisdictionis: adeo ut idem non habeant municipales magistratus, qui tamen habent jurisdictionem, *l. ea quæ, ff. ad municipalem*, quæ certissimum est non fuisse posteriori ætate concessa prætoribus. Igitur paucissima retinuerunt ex jurisdictione prisca: onus integrum, aut certe gravius sustinuerunt. Dixi secundum illum tit. *C. Theod. de prætoribus et quæstoribus*, ad quæsturam etiam vocari absentes senatores, qui degunt in provinciis: nam in urbe Roma hoc tantum muta-

tum fuit Nov. Valentin. et Marciani. Ita scilicet ne absentes ad praetoriam ante cives vocarentur, et qui non haberent in urbe domicilium: et ideo in l. 2. h. tit. quae pars est ejus Novel. constitutionis cavetur, ut tres praetores in urbe Constantinopolitana eligantur, qui in ea domicilium habeant, et ne accersantur ex provinciis, et domiciliis, quae alibi constituta habuerunt: et evidentius ita definitur in l. 1. de praetoribus: eademque Novel. ut apparet ex l. 2. eod. tit. constituit, ne deinceps praetores ullos sumptus faciant insiti, ut non conjiciantur in sumptus, atque ita ex l. 2. praetores retinent paucula quaedam ex jurisdictione: omnes nulum sustinent inviti, qui certe sunt viliores: nam erat splendor aliquis, et gratia dare populo voluptates de sua pecunia. Et ad d. Nov. ut tres tantum designentur Senatusconsulto legitime celebrato, vel ut loquitur judicio senatus: primis temporibus in antiqua Roma fuerunt praetores xviii. quorum fuit amplissima jurisdictio, amplum imperium, quod plane ostenditur in l. 2. de origine juris, lex 2. h. t. pertinet ad urbem Constantinopolim, non ad antiquam Romam, sed novam, in qua de elendis principis muneribus, et voluptatibus, fuerunt modo 3. praetores modo 8. ut constat ex illo tit. C. Theod. de praetoribus. Ex hac l. 2. tres tantum designati. Secundum quod etiam ita definitur in l. 12. 13. in Cod. Theod. ubi additur Senatusconsulto legitimo, altero loco, Senatusconsulto legitime celebrato, et vocat Senatusconsultum legitimum, quod scilicet legitime celebratum, loco, et numero competenti senatorum confectum. Desiderabantur autem in urbe 50. Senatores ad Senatusconsultum faciendum, l. 9. C. Theod. eod. t. Est elegans illa lex 9. quae explicat hunc locum Lampridii in Alexandro, cujus sententia erat ambigua. Et verba Lampridii sunt haec fere: nullam constitutionem sacravit sine 20. jurisperitis, et doctissimis, ac sapientibus viris, iisdemque disertissimis non minus quam 50. hoc vult Lamprid. Severum in facienda aliqua constitutione adhibuisse 20. Jurisconsultos, et alios doctissimos viros, qui scilicet omnes ad summam non essent minus 50. computatis etiam 20. Jurisconsultis. Denique ut essent Jurisconsulti 20. et alii 30. ut quemadmodum Senatusconsultum exigit numerum 50. ita et constitutio principis tot habeat rectores, sive suffragantes. Est locus valde notandus conjuncta illa lege 9. et recte in l. 2. h. t. praetores designantur judicio Senatus, et Senatusconsulto, sublata scilicet consulibus potestate designandi praetores, ut in l. 12. C. Theod. eod. tit. nam pertinebat omnis nominatio praetoris ad consules, ad officium consulum, atque ita constituitur in l. 26. et 27. C. Th. ut a consulibus praetores deligantur, qui pro modo

facultatum suarum voluptates populo exhibeant ex Senatorio ordine: nec erat haec res aliena valde ab officio Consulum: nam eorum erat descriptio census, et facultatum ejusque, et venientem ad quaesturam necesse erat profici suas facultates, ut pro modo earum metiri liceret expensas ludorum. Cum igitur l. 2. constituit, ut praetorum designatio fiat Senatusconsulto, hoc jus adjungitur consulibus.

AD TIT. XL.

De Officio Rectoris provinciae.

Proconsul, Comes Orientis, praefectus Augustalis sane sunt Rectores provinciarum sed spectabiles. Hi de quibus agitur hoc tit. sunt clarissimi, et unius tantum provinciae rectores. Illi fore plurium, et sunt quoque sub illorum cura atque dispositione: et hi rursus, de quibus agitur hoc tit. sunt ii, qui in libris nostris frequenter dicuntur ordinarii iudices, Graece *δυστάκτοι* Nov. 20. et Nov. 112. interpretantur, qui non tantum exactionibus tributorum, et civilibus negotiis, sed etiam militaribus occupantur. Judicabant l. 2. §. i. bonorum, ff. quis ordo in bon. possess. appellantur etiam publici iudices, l. pen. sup. de pag. sacrificiis: atque etiam in l. 2. §. ult. ff. de judiciis. His est jus multae dicendae, quibus publicum iudicium est, id est, qui publici et ordinarii iudices sunt, in Nov. quadam *ἀρχόντι ἀρχόντων* hi rectores provinciarum a principe fratres appellantur, ut praefecti praetorio, praefecti urbi, et maxime patris dignitate praediti, qui erant quasi parentes principis, ut in multis constitutionibus ad eos scribens princeps, parens charissime Augustorum. Rectores autem provinciarum fratres appellabantur, ut Cassiodorus ait in formula Rectoris provinciae ut nobilitate pretiosi nominis affecti, utilitate criminum abstinerent, et erubescerent, quos fratres suos princeps appellaret, in errata ulla incidere: et simili modo magister officiorum frater charissimus Augustorum in Nov. Theodos. de princ. agentium in reb. et in Novell. de metatis: et comes rerum privatarum in eisdem Nov. Theod. l. 3. de tyren. Sic etiam Cassiodorus sup. eod. loco, Rectorem provinciae iudicare etiam militem, lictorem, apparitorem, praefecti praetorio cum ipsius tamen conscientia, quod est omnino sumptum ex l. 4. hoc tit. Est autem in hoc tit. valde obscura sententia l. 6. ceteri sunt plenissime et facillime. Sed quæro, quid significat l. 6. dum ait, *Civitas Rhodiorum injuriam suam non tam decenter, quam sero conquesta est, etc. Il faut oster c'est, et apres periculosa.* Equidem puto neminem potuisse unquam explicare hanc legem, primum quænam est civitas illa Rhodiorum, in qua provincia, quam si quæsieris, tamen diligentissime,

frustra fueris diligens: et fuerit tamen necesse est quaedam celebris civitas, cujus allevandæ gratia hæc lex condita, fuerit, ne scilicet hiemis tempore cives navigationem litium suarum causa, ut interpretor, instituere cogerentur, quoniam tempore hiemis, inquit; navigatio sæpe periculosa, est, propter fluctus maximos, atque etiam alio tempore, semper incerta ut ait quam ipsam rationem cum in causa Rhodiorum inveniam movisse Justinian. in Nov. 41. ne Rhodii tempestate non idonea, puta hiemis tempore litium suarum causa navigarent: cum, inquam hanc rationem, quæ refertur in hac lege inveniam movisse Justinian. in hac ipsa causa Rhodiorum, facile adducor cum sit inauditum nomen Phodiorum, ut credam esse legendum, Rhodiorum, quos, ut obiter moneam, communis error existimat appellari Colossenses in Epist. D. Pauli. In quo versantur etiam magni viri, Eustathius, Cedrinus, et Cyrus Prodronus: sed est gravissimus error, cum ipse Paulus scribat se scribere iis, qui sunt Colossis. Et refert Oecumenius Colossas esse civitatem Phrygiæ. Verum ad rem: ut ex Nov. Justin. 41. atque etiam 50. et ex aliis Nov. Justin. Quæstori exercitus, cui præcipua cura incumbit erogandi stipendia militibus, subjectæ sunt 5. provinciæ, Scythia scilicet, Mysia, qui est vers la Potogne, in Ponto Euxino: et quantvis ab iis longe dissite sint Caria, Cyprus et Rhodus. Ut, inquam, ex eis Novell. ei subjectæ sunt hæc 5. provinciæ: ita putem easdem provincias ei quæstori exercitus subjectas fuisse ante Just. nam more antiquo, ut scribit Antecessor Julianus in Nov. 80. duplex fuit quæstorum magistratus, unus, qui agebat circa latus principis, de quo est tit. 51. et alter, qui exercitui annonas di tribueret, et stipendia persolveret antiquo more. Igitur fuit uterque quæstor. Igitur si fuit olim quæstor exercitus, videntur etiam hominis augendi gratia positæ fuisse 5. provinciæ sub cura eius quasi præfecti prætorio, et ut definit Nov. 50. interposita appellatione ipsam quæstorem exercitus cognovisse: at ille quæstor exercitus potissimum agebat in Scythia, et Mysia, hoc est in limitibus Imperii, annonæ militaris procurandæ gratia, quod Justin. testator in d. Novell. 41. illo igitur constituto, et agente potissimum in Scythia, et Mysia inferiore, perquam erat molestum Rhodis interposita appellatione a sententiis sui præsidis, qui dicebatur præses, insularum quod sub eo essent Cyclades, et Sporades omnes, et Carpatie, l. 4. inf. de Navicular. lib. 11. Rhodis, inquam: molestum erat interposita appellatione a sententiis præsidis sui maximo hiemis tempore in Scythiam, et Mysiam navigare: maxime hyemis tempore: nam, ut ait d. l. 6. sæpe hyemis tempore navigatio est periculosa: alio autem tem-

pore semper incerta; quamobrem de Mense Januario, recte Aratus, et M. Tullius, hoc cave te Ponto studeas committere mense. Et Festus Avienus: Non tum mihi longe phasellis requora tenentur, non tum freta turbida pinu quis petat. In gratiam igitur Rhodiorum, qui etiam permanat ad Careas, et Cyrios, sed rescribitur tantum Rhodis, aut in rem Rhodiorum, quod ipsi soli de hac re querelam instituissent constituitur, ut iudices, sub quorum cura sunt ille 5. provinciæ, id est quæstores exercitus per vicos hybernent in illis urbibus 6. ut ait, qui potiores ceteris esse asseruntur, id est, in metropolibus earum provinciarum, urbs pro metropoli, l. 43. ff. de dam. infect. si mancipium sit vicinum urbi. Basilica præponit, et Cicero 2. in Catil. urbes coloniarum, et municipiorum, id est, metropoles, et quot sunt metropoles tot sunt provinciæ. Denique constituitur, ut qui curam gerit horum pro inciarum hybernet uno anno in Rhodo, ibique audiat appellationes earum altero anno in Cyprio, et sic deinceps in aliis provinciis: hoc mihi videtur esse sententia. 6. sed de hac re aliter definit Nov. 41. vide Obs. xv. 6.

AD TIT. XLI.

Ut nulli patrie suæ administratio sine speciali permisso principis permittatur.

Hic titulus pars est superioris, nimirum de rectore provinciæ ut scilicet non fiat rector, aut præses in patria sua, ex qua originem ducit, vel in qua domicilium habet. Græca constitutione Anastasii Imp. cui similis est lex ult. inf. de crimine sacrilegii, et vetustior Antonini Imperator. apud Xiphilinum: *πατρίᾳ* etc. nullum præsidatus honore fungi in ea provincia unde initium seu originem sumpsit. Additur nova exceptio nisi is honor sibi a principe delatus sit ul ro, non ambiente, ut legimus, Cassiodorum patriæ suæ Lucaniæ et Brutiorum rectorem fuisse lib. 1. variarum, speciali beneficio principis: ac similiter nemo potest in patria sua officium fiscale administrare, non potest esse procurator fisci, non potest esse adessor, sive consiliarius præsidis suæ provinciæ, nisi id ei permittatur spontaneo principis beneficio. l. 3. ff. de offic. adsectorum l. 38. ff. ex quibus causis maiores: rationem reddit Paulus l. 3. Sentent. tit. de iure fisci, ne aut gratus, aut calumniosus in suos esse videatur: quam rationem etiam attingit Cassiodorus in suprad. loco, gloriosum esse admodum in sua patria fungi officio præsidatus, ubi, inquit, necesse est, ut, aut gratiam parentela provocet, aut odium longe contentiones exasperent. Dicces, cur prætores in urbe non sunt, nisi qui in ea

domicilium habent, nisi qui ejus sunt cives aut incolae, *l. 2. sup. de offic. præf.* facile est respondere, quia scilicet prætorum tum erat parva jurisdictio, et pene nulla, et prætura onus potius, quam honor, adeo ut plerique eam detractarent, ut ibi exposui: eadem est ratio magistratuum municipalium, qui ex patria sua sumebantur, sed honor etiam erat multa onera in se complectens, et jurisdictio submissa. Sequitur tit. 42. qui debet esse de officio præfecti annonæ.

AD TIT. XLII.

De Officio Præfecti Annonæ.

Tit. 42. est de officio præfecti annonæ, et sub eo constitutio Græca: præfectus ergo annonæ clarissimæ adoumeratur, et sequenti tit. præfectus vigilum. Senatoriæ igitur dignitates sunt, et sub Alexandro legimus Ulpianum et præfectum prætorio, et præfectum annonæ fuisse, *l. 4. inf. loc. l. 4. inf. de contrah. stipul.* non fuit igitur vilis dignitas, aut plebeja. Porro magistratus, de quibus actum est superiori tit. omnes sunt legitimi et ordinarii. Hi duo præfecti annonæ, et præfecti vigilum sunt extraordinarii, id est, pro tempore tantum, et necessitate exigente constituti, veluti præfectus omnium tempore famis, aut caritatis, præfectus vigilum multis in urbe grassantibus furibus, fractoribus, incendiariis. Denique non sunt magistratus proprie, qui ordinarii non sunt, sed extraordinarii, magistratus nominari non possunt, *l. 2. §. capta, ff. de orig. juris*, et ii sunt, qui extra ordinem jus dicere dicuntur in *l. si in aliquam ff. de offic. proconsul. præses*, inquit, in provincia fungitur vice omnium magistratuum, qui sunt in urbe: atque etiam eorum vice, qui extra ordinem jus dicunt, veluti præfecti annonæ, præfecti vigilum. Denique sunt extraordinarii potestates, et tamen excusantur a tutelis et curationibus, quando ea potestate funguntur, *l. administrantes, §. 1. ff. de excus. tut.* Excusantur ergo perinde atque ii, qui ordinariam potestatem gerunt, *§. et qui potestatem, Instit. cod. tit.* Ceterum præfectus annonæ, ut de eo primum specialiter tractemus, cognoscit non tantum civiliter, sed et criminaliter de iis, qui ad utilitatem annonæ publicæ pertineant, et ad accusandum admittit etiam mulieres, si qui dicantur flagellasse annonam publicam, aut suppressisse, si qui allegentur dardanarii: sic enim appellantur, qui cogunt frumenta omnia caritatis excitande gratia: ut ea deinde summo pretio vendant populo: in causa annonæ publicæ admittuntur ad accusationem mulieres, *l. ult. §. ult. ff. ad leg. Juliam de annon. l. mulierem, ff. de accusation. Regi-*

lariter mulier non potest accusare, *l. qui accusare, ff. de accusat.* ac præterea præfectus annonæ, ut quantum possum officium ejus describam, per officia sua, per apparitorem suum exigit frumentariam pensionem debitam urbi Romæ, *l. 2. de apparit. præf. annonæ, inf. præfecti annonæ* etiam apparitores habent, *l. 1. inf. de can. frum. urbis Romæ, lib. xi.* et generaliter curat rem annonariam etiam per milites suos, per centuriones: et elegans est in hanc rem species *l. ult. §. ult. ff. de pignorat. act.* quæ potest esse hodie usui, quoniam videmus frequentes angariari naves, angariari vehicula militaria annonæ comportandæ gratia, proponitur in dicto *§. ult.* hæc species: Debitor quidam culleos, qui sunt vasa frumentaria creditori pignori obligavit: istos culleos in horreo suo creditor positos habebat: quidam centurio ex officio annonæ, ex officialibus præfecti annonæ eos culleos abstulit ad annonam comportandam, et ex ea re cullei aliquid detrimentum acceperunt: postea redditi sunt instantia creditoris: queritur utrum interimenti damnum debeat agnoscere creditor an debitor? et sit damnum pertinere ad debitorem, et ad dominum culleorum, nec interimenti nomine creditorem debitori teneri pignoratitia, quod æquum est, quia interitura non accidit culpa creditoris: et quod notandum est, antequam præfecti annonæ erant mensores frumentarii, *des mensurers*, quod indicat *l. mensores, ff. de excusat.* quæ dum ait, Imp. rescripsisse præfecto annonæ, mensores frumentarios excusari a tutela, indicio est mensores pertinuisse ad curam præfecti annonæ, de quibus intelligendus Lucilius apud Nonium: *frumentarius est, inquit modium hic secum, ac rutellum unum habet: rulo Observ. xi. 8.* sub cura præfecti annonæ sunt navicularii, qui annonæ publicæ serviunt, quique ob eam rem excusantur etiam ab aliis muneribus civilibus, adeo ut navicularii, si qui sint, minores 25. annis, qui a principe postulant veniam ætatis, id est, qui ante justam ætatem velint sibi concedi rerum suarum administrationem, et se liberare curatoribus, debeat docere de suis moribus, et honestate apud præfectum annonæ, sub cuius cura sunt atque dispositione, quemque jolicem tantum solent agnoscere. Navicularius, qui petit veniam ætatis debet probare mores suos, et hoc ita ostenditur in *l. 1. C. Theod. de iis qui veniam ætat. imp.* et hæc naviculariorum cura efficit, ut opinor, ut exercitori, id est, naclero exercenti navem, *c' est le maître du navire*, datur extra ordinem actio in eos, qui contraxerunt cum magistro navis, qui est quasi institutor exercitoris, ex contractu scilicet magistri, quod est mirum, ut ex contractu liberi hominis mihi, qui non

contraxi competat actio, et tamen dabitur extra ordinem: maxime si contractus ille nauticus pertineat ad convectionem annonæ publicæ, l. 1. §. est autem, ff. de exerc. act. unde paulatim moveor in id atque impellor, ut putem etiam sub cura præfecti annonæ fuisse negotiatores frumentarios, vel horrearios, qui annonam urbis adjuvant: nam invenio in privilegiis, et in immunitatibus negotiatores jungi naviculariis, qui annonæ urbis serviunt, ut scilicet omnes pariter sint immunes a muneribus civilibus, l. semper, §. negotiatores, ff. de jure immunit. Et rursus invenio etiam de pecunia debita ex negotiatione annonæ cognovisse, et pronuntiasse præfectum annonæ, l. ult. ff. quod cum eo, etc. non est dubium sub ejus cura etiam fuisse pistores, et fundos dotales, sic appellabant pistorum emolumentis adscriptos, qui etiam nec poterant alienari, ut nec a marito fundi dotales accepti ab uxore ii dicebantur dotales fundi: pistorum, qui simul cum pistoribus pertinebant ad curam præfecti annonæ, l. 12. et l. 13. et toto tit. C. Theod. de pistoribus: et ita præfectus annonæ, ut Cassiodorus ait in formula præfecti annonæ discurrebat per officinas pistorum, et munditiam panis exigebat: eleganter: sollicitius auro pensari panem, quo Quirites aluntur: et quamvis jurisdictio præfecti annonæ videatur esse pars jurisdictionis præfecti urbi, et proculdubio sit præfectus annonæ sub dispositione præfecti urbi, tamen præfectus urbi nihil disponere potest de annona, ac vix etiam præfectus annonæ sine præfecto urbi, l. 1. sup. de off. præfecti urbi, l. 1. C. Th. de conditis in publico horreis, et a præfecto annonæ appellatur princeps, non præfectus urbi, l. ult. ff. quod cum eo: licet, quemadmodum dixi, jurisdictio præfecti annonæ videatur esse pars jurisdictionis præfecti urbis: atque ita puto vobis satis abundeque explicatum esse manus præfecti annonæ: loco autem h. t. quidam ponunt t. de quadrimestriis brevibus, vel, ut in aliis legi, de quadrimestriis tam militaribus, quam civilibus. Est enim de iis lex ult. sup. de off. magistri officiorum, et l. 1. sup. de officio comitis sacrarum largitionum: est etiam inf. l. 1. de apochis: et sufficiunt illæ leges de quadrimestriis brevibus, nec erat necessarius t. specialis, qualis non invenitur in C. Theod. qui fuerint si quæras, expediam breviter. Annonæ quoque collationes solebant solvere tribus pensionibus, de quatre en quatre mois, quantum singulis 4. mensibus e publico eis oporteret inferre, id erat scriptum in illis brevibus, in illa notitia tributorum quadrimestrium, ita dicta, quod annonæ tributa solverentur tribus illat ione.

AD TIT. XLIII.

De Officio Præfecti Vigilum.

Præfectus vigilum spectabilis appellatur in l. 3. D. eod. tit. et tamen ordo, qui instituitur in hoc tit. eum ponit inter clarissimos, et quidem novissimum omnium: nam, ut observavimus antea, priore loco vobis sunt expositi magistratus illustres, deinde spectabiles, tum clarissimi, quæ est summa divisio dignitatum senatoriarum: nam equestris, aut perfectissimatus, aut egregiatus dignitas, plebejæ dignitates sunt, non senatoriæ: et qui supra illustres esse dicuntur, ii non constituent quartum gradum senatoriæ dignitatis: nam cum adjectione hi enim sunt patricii, et consules, et consulares, vel illustrissimi dicuntur: neque novum est ut idem censeatur modo spectabilis, modo clarissimus: exemplo sunt prætores, et silentiarii, qui nocturnas excubias agunt in palatio principis, et tribuni Notarii, les Secretaires du Prince, et plerique alii, quos modo clarissimos, modo spectabiles dici invenias. Porro præfectus vigilum est custos urbis nocturnus, judex obsecurus, arbiter silentiosus, ut ait Cassiodorus, indagator incendiariorum et furum, et elegantissime idem Cassiodorus, præfectus vigilum in furibus: furta, inquit, facis dum illos noctu circumvenis, et comprehendis arte quadam. Constantinopoli fuit appellatus prætor plebis, qui Romæ præfectus vigilum, ut constat ex Nov. 13. quæ et omne ejus officium latissimum exequitur, ex qua possis facile cognoscere quæ fuerit jurisdictio præfecti vigilum, et eundem esse præfectum vigilum, et prætorem plebis. Vigiles autem milites sunt, qui obsequuntur præfecto vigilum, l. un. de bonor. possess. ex testam. mil. et jure militari testari possunt, l. si maritus, §. legis, D. ad leg. Jul. de adulter. vigiles etiam si sint præsentis in orbe, in vico, absentes Reip. causa esse dicuntur, adeo ut si dum navant operam custodiæ urbis, aliquod damnum pertulerint, restitui possint in integrum perinde ac alii, qui longius absunt Reip. causa, et hoc habuerunt consequenter, ut Cassiodorus refert, ut momenti tempora eis dilatarentur, quod est maxime notandum: non possis enim alio loco probare quam d. §. legis, quod scilicet habeantur pro absentibus Reipub. causa, quibus scilicet momenti tempora non currunt, vel momentaneæ possessionis, id est, tempore interdicti cujuscunque, et possessionis, maxime interdicti unde vi, si quis eorum possessionem invaserit: ex edicto autem huic rei debent occurrere intra annum, et hoc est momenti tempus, sed hic præscriptio nihil officit Reip. causa absentibus, et consequenter nihil of-

scit vigilibus. Ceterum de criminibus omnibus, quæ noctu admittuntur, non temere, aut promiscue pronuntiabit præfectus vigilum: non de criminibus capitalibus, quæ desiderant graviores animadversionem. Jus habuit virgarum et fustium, et flagellorum, l. 3. §. ult. D. eod. tit. jus gladii etiam habuit in servos fures, non in homines liberos, l. pen. ff. de condict. causa data cognitionem habuit in fures, de leur faire leur proces condemnationem non habuit, si graviores animadversionem furtum exigebat, et eadem ratione habuit animadversionem, et præhensionem, et coercionem, et cognitionem in servos fugitivos, in l. 12. de servis fugitivis, l. ult. D. eod. tit. qui scilicet dicuntur sui ipsius fures, fugam quasi furtum esse, l. 1. C. de servis fugitivis: subtrahunt enim se suis dominis fuga: de criminibus ergo capitalibus præfectus vigilum cognitionem habet, sed non coercionem. Verum eorum criminum reos remittebat ad præfectum urbi puniendos, l. 3. §. ult. l. ult. ff. eod. tit. et hoc est, quod ait l. hæc unica, quæ scripta est ad præfectum urbi: notandum de capitalibus causis majorem potestatem debere cognoscere, et celsiorem sententiam de iis debere statuere: et similiter Cassiod. in formula præfecti vigilum: si tibi, inquit, leges fures punire minime permittunt, tamen eos licentiam indagandi contulerunt. Inquisitionem scilicet habent, ac cognitionem, non coercionem furum atrociorum. Ita legatus proconsulis reos majorum criminum remittit ad proconsulem, l. 1. sup. de offic. procons. et similiter adfirmo, quanquam hoc nusquam invenitur scriptum, præfectum annonæ cognoscere quidem de crimine fraudatæ annonæ publicæ, sed non etiam pronunciare, verum remittere reos ad præfectum urbi, ut ipse eos vel condemnet, vel absolvat. Est enim uterque præfectus, id est, præfectus annonæ, et præfectus vigilum, ut ex notitia dignitatum constat, sub dispositione præfecti urbi. Ergo uterque majorum criminum coercionem transmittere debet ad præfectum urbi, nec sibi eam vindicare, vel reservare. Invenio etiam ut omne officium præfecti vigilum absolvam: equites Romanos potentes a principe veniam ætatis, a cut legibus est definitum, mores suos probare prius debuisse apud præfectum vigilum. Senatores probant apud præfectum urbi, qui nondum pervenerant ad ætatem, et se a curatoribus absolvi exoptabant principis beneficio: navicularii, ut supra, dixi, apud præfectum annonæ, equites Romani apud præfectum vigilum l. 1. Cod. Theod. de his, qui veniam ætatis impetr. Cur equites Romani remissi sunt ad præfectum vigilum? credo quia alius ipse præfectus vigilum creabatur ex equestri ordine, auctore Dion. lib. 35. ex Senatorio ordine ex No-

vell. 13. de pectore plebis, ut non male Tribonianus in hoc tit. C. posuerit præfectum vigilum inter senatorias dignitates, inter clarissimos.

AD TIT. XLIV.

De Officio Civilium Judicum.

Tit. qui sequitur est de officio civilium judicum generaliter. Itaque hactenus est absoluta dignitas Senatoria. Sequentes tit. sunt generales, et pertinent ad disciplinam omnium judicum: tit. 44. est de officio civilium judicum minorum: post speciales igitur tit. singulorum magistratum, dantur generales tit. et quia magistratum, sive judicum una divisio hæc est; alios esse civiles, alios militares. Quid sit proprium civilium ostenditur aliqua ex parte in hoc tit. 44. quid proprium militare in tit. seq. et tit. 46. et 47. facta divisione alia militare judicum, ut alii sint superiores, alii inferiores, id est alii illustres, vel spectabiles, alii clarissimi. Quid autem sit commune omnium judicum ostenditur tit. 48. Civiles autem iudices sunt quibus est jurisdictio inter privatos, quive statuunt, et pronuntiant de negotiis privatorum, apud quos causarum privatarum, ut est in l. 1. hoc tit. merita, et facta panduntur, quæ verba faciunt ut putem in tit. de legib. l. 3. ubi est, civilium causarum fata componere, et adnotavi, alias scribi facta: facta potius scribendum, cum in eadem lege 1. ita inveniam scriptum, merita vel facta, et panduntur quidem facta contestatione litis: nam contestatio litis nihil aliud est, quam factorum narratio: ex utraque parte merita panduntur ex discepcionibus judicis, vel in ipso articulo litis contestationis, vel post litis contestationem, et ita in l. 2. inf. si per vim, vel alio modo, etc. merita causarum partium adsertione panduntur, ut est, presente utraque parte, vide Observat. lib. XVI. 9. Civiles igitur iudices sunt, qui de causis privatorum cognoscunt disceptantque, nec se miscent unquam militaribus negotiis, cujusmodi sunt præfecti urbi et prætorio, et ceteri, de quibus inter cetera hoc constituitur in eodem tit. ut iudices, quibus cura potissimum incumbit procurandorum, vel exigendarum per sua officia functionum publicarum, ut audiant allegationes eorum, qui asserunt se esse immunes a tributis, ne contemnant statim, nec cogant viribus imperii in l. 2. hoc tit. allegatio igitur immunitatis iubet exactionem: nec enim est contemnenda: sed debet iudex expendere et examinare. Et in l. 1. constituitur ut honorati, qui aliquam litens habent, non sedeant cum iudice iis horis vel temporibus, quibus eorum lites disceptantur, ut descendant de subsellio judicis et partium conditionem ordinemque servant coram iudice, interim dum eorum lis agitur vel contestatur: sed qui sunt

honorati, satis est obscurum. Interpreti C. Theod. Aniano scilicet; honorati sunt curiales vel decuriones, qui sunt ex corpore curiæ: hoc est manifeste falsum, quia curiales non habent jus sedendi in secretario prædis provinciarum: et sæpe curiales separantur ab honoratis, et in summa, in singulis civitatibus sunt 4. ordines, alii sunt Episcopi et Clerici, alii honorati, alii possessores, alii curiales, de quibus omnibus in Epistola Cassiodori: possessores sunt exactores tributorum, et non tantum in Epistola Cassiodori, sed et in *l. jubemus, inf. ad l. Jul. repetun.* et in *l. 8. inf. de defensorib. civit. et l. ult. inf. de vendend. reb. civit. lib. xi.* non sunt igitur honorati confundendi, imo secerndi à curialibus, nec ii curiales: honorati sunt absoluti muneribus curiæ: falsum etiam quod hoc loco ait Accurs. honoratos esse advocatos: ut autem advocatis quoque non est considendi potestas cum iudice, sed assidendi quasi consilarii, *l. ult. inf. de adsectoribus*, non posset esse quis adsector iudicis ordinari et advocatus: vel deponat advocati officium, et sufficiat adsectoris, vel permaneat in officio advocati: non potest igitur advocatus considerare in secretario iudicis, et hoc *l. 1.* ostendit, honoratos habere consensum in secretario iudicis præterquam si de eorum rebus agatur. Et præterea quantumvis laudis forte captandæ gratia aliquando possint honorati gratuito causam aliquam agere, tamen non sunt ex corpore advocatorum, et gratuitam debent operam navare, quam tamen advocati non præbent gratuitam, quia non sunt honorati, quæ est sententia *l. quisquis, inf. de postu.* ubi tamen recte Accurs. honoratos habere dignitatem sive administrationem, id est, donatos esse honoraria dignitate vel Comitum, vel Questoris, vel quæ alia cuiusmodi sunt principales civitatum iidem, qui honorati, id est, perfuncti sunt omnibus muneribus Reipub. per ordinem, ut ait *l. 73. C. Theod. de decurionibus, l. 7. C. Theod. de pistoribus*, et qui erant donati, ii sunt principales civitatum, et honorati, scilicet titulo comitis ac privilegio sive administratione, et est v. d. elegans in causa rem d. *l. 73.* et generaliter honoratos dicimus, qui honorariam adepti sunt dignitatem civilem vel militarem, ut ait *l. 1. de honor. vehic.* quæ et aui eis permittit in urbe Roma antiqua et nova uti carrucis, licet nulla administratione fungantur: honoratis igitur jus est datum currus sive quadrigæ, non in provinciis tantum, sed et in urbe regæ jus est ingrediendi consistorium principis, et sedendi cum iudice ordinario, cum præside provinciarum, in *l. ult. infra, de officio diversorum iudicum: et honoratis*, inquit, *sedendi cum iudice societas non denegatur*, sed *l. 1.* excipitur tempus, quo de eorum litibus disceptatur.

AD TIT. XLV.

De Officio Militarium Iudicum.

Militares iudices sunt, quibus inter milites, aut inter privatum actorem, et militem reum jurisdictio est, veluti comites et magistri equitum et peditum, sic appellantur in inscriptione *l. 1. Comites et magistri utriusque militum, id est, equitum et peditum*, de quibus habuimus tit. de officio magistri militum: horum, inquam, jurisdictio est inter milites, *l. pen. inf. de jurisd. omni um iudicum*, vel inter privatum, et militem: nam actor sequitur forum rei: huiusmodi etiam sunt Duces et Comites rei militaris: hi habent jurisditionem inter privatum actorem, et militem reum, non inter privatos sive paganos, non inter privatum reum, et militem actorem, eadem ratione, quia actor sequitur forum rei, *l. 2. eod. tit.* Civiles iudices habent etiam suos iudices, id est, lictores et apparitores, quorum tamen officio se immiscere non debent milites in numerum relati in causis privatorum tuendis et exequendis, *l. 1. eod. tit.* eorum scilicet militum, qui sunt sub cura, et dispositione magistri militum, vel ducis rei militaris. Itaque *l. 1. nihil obstat l. qui restituere, D. de rei vindic.* et plærque alie similes, quibus ostenditur, prætorum ad extremum exequi suam sententiam manu militari adversus non obsequentem: nam de manu prætoris intelligendum est, non de militibus, qui castra sequuntur, qui sunt in expeditione, sed de officialibus, de cohorte prætoris: magistri militum exequuntur suas sententias, non prætor, quia habent suos apparitores.

AD TIT. XLVI.

De officio Tribunum et Comitum Militaris.

Ex militaribus iudicibus alii sunt inferiores, alii sunt superiores. Superiores, veluti magistri militum, qui sunt illustres, et duces militum, qui sunt spectabiles, de quibus actum est tit. 45. et sunt ex maiore laterculo. Laterculum jam docui esse librum, in quo digestæ sunt dignitates omnes, majores in maiori laterculo, ejus cura pertinebat ad primicerium Notariorum, hi sunt a secretis principis: minores in minori laterculo, ejus cura erat questoris sacri palatii, *l. 1. sup. de officio questoris, hoc tit.* est de inferioribus militaribus iudicibus, qui emittuntur de minore laterculo id est, de clarissimis: hi sunt tribuni et comites rei militaris, c' est tout un, tribuni et comites, mais ils s'appellent ainsi ensemble et præterea tribuni numerorum, et cohortium, et præfecti castro-

rum honorati comitiva dignitate, de quorum officio erat sub hoc tit. constitutio Græca, quæ desideratur, sed pertinet ad inferiores militares iudices.

AD TIT. XLVII.

Ne comitibus rei militaris vel tribunis lavacra præstentur.

Est etiam constitutio Latina posita sub hoc tit. de militaribus iudicibus inferioribus, id est, de tribunis et comitibus rei militaris viris clarissimis. In contextu ejusdem legis est legendum, aliorumve minorum comitum: in C. Theod. scriptum est, inferiorum, l. 2. eod. et in summa, constituitur in hoc tit. ne inferiores iudices militares a provincialibus, qui eos hospitio excipiunt exigant privata balnea, quæ licet exigere solis comitibus, et magistris utriusque militiæ. Et dicit privata balnea in hoc tit. lavacra, l. 2. Cod. Th. de metat. Invenio simpliciter appellari privata, ne præbentur privata, quod cum posset videri obcurum Tribonianus imulavit in l. 6. inf. de metat. lib. XII. in Theodosiano, ne privata præbeant. Justin. ne privata balnea præbeant sive succendant, et ita invenies apud Constantinum l. 2. privata simpliciter accipi pro balneo, quam vocem nostra lingua retinet, et consequenter in Basilicis ad l. 8. de metat., additur, ne etiam provinciales cogantur militibus aut comitibus inferioribus præbere οὐδὲν, quæ nihil aliud sunt quam lintea, quibus loti exsiccantur. Est frequens vox apud Theod. Priscianum, Apicium, Sabano mundo ex'erges: et in colloquiis illis quotidianis antiquis, ἱσχυρὰ ἀπὸ τῶν οὐδὲν et sup. apud Ahsytum ὑπερτα οὐδὲν et apud Marcellum Empiricum, quam vocem mulieres hujus provincie integram retinent, nam linteam, quo caput obnubunt vocant *un chabana*.

AD TIT. XLVIII.

De officio diversorum Judicum.

Sequitur tit. 48. de Offic. diversorum Judicum, sive magistratum, qui sunt ex ordine Senatorio. Memini me dixisse alios esse illustres, alios spectabiles, alios clarissimos, de quibus diligenter hisce gradibus observata actum est tit. superioribus: nunc quæ sunt communia omnium iudicum, tam civilium, quam militarium hic tit. expediet. Item de iis, quæ sunt communia omnibus, vel diversis iudicibus cujuscunque ordinis, vel illustribus scilicet, vel spectabilibus, vel clarissimis, hic tit. dat omnibus præcepta, etiam in Cod. Theod. scriptum est de officio omnium iudicum: nam de diversis cum dicis, omnes dicis, et alius est tit. lib. 3. de ju-

TOM. IX.

risdictione omnium iudicum. Denique sunt duo tituli separati, de officio omnium iudicum, et de eorum jurisdictione. Unde queri potest quid sit inter jurisdictionem, et officium discriminis: et sane officium iudicis latius patet quam jurisdictio: officii significatio latior est, quam jurisdictionis, nam jurisdictio ea tantum complectitur, quæ proprio jure quasi innata magistratui ingentique pertinent ad notionem magistratus: officium iudicis complectitur ea, in quibus nulla jurisdictio est, et quæ non jure magistratus competunt, sed lege speciali dantur. Igitur modo magistratui, modo privato dantur. Igitur non ut magistratui tantum, sed etiam privato, cujuscumque est tutoris datio, l. 1. de jurisdict. omnium jud. jus dicentis officium latissimum est, latius est, quam sit jurisdictionis: quod ita declarat exemplis: nec enim recenset omnia, quæ pertinent ad officium iudicis: nam, inquit, et bonorum possessionem dare potest, et in possessionem mittere, hæc non sunt jurisdictionis, et pupillis non habentibus tutores constituere, et iudices dare: hæc non sunt jurisdictionis: iudices dare possunt more majorum propter vim ipsam imperii, seu magistratus quo funguntur in urbe, l. cum prætor, §. 2. ff. de judiciis, et ita in l. imperium. ff. de jurisdict. omnium iudicum, quæ pertinet ad urbanos magistratus, quantum indicat inscriptio de officio Quæstoris. Jurisdictio, inquit, est iudicis dandi licentia: non est jurisdictionis definitio, sed hic est sensus, quem satis aperuit, vel articulus vel etiam jurisdictio mixta imperio proprio magistratus, vel retro, imperium mixtum jurisdictioni est proprium, magistratus non tantum consistit in danda bonorum possessione, et aliis quibusdam, sed etiam in dando iudice speciali in singulis quibusque causis secundum mores, quibus ordinaria judicia Romæ exercebantur: nam extra ordinem ipsemet magistratus judicabat, nec iudicis datio erat. Ergo in urbe iudicem dare est jurisdictionis: namque omnes magistratus urbani cujuscunque ordinis, ut ait l. ult. ff. a quibus appell. non lic. iudicem dare possunt suo jure, etiamsi nulla lex hoc eis nominatim præniserit: hæc enim facultas dandi iudices non est legis, sed jurisdictionis. Ceterum in provinciis, potestatibus provincialibus hoc jus datur lege, non competit proprie, d. l. cum prætor, §. ait: atque ita in provinciis verum est, iudicis dationem pertinere quidem ad officium iudicis, sed non ad jurisdictionem juris cam esse, non jurisdictionis, sed recte tamen pertinere ad officium ejus, qui imperium habet: non jurisdictionem, si nominatim hoc ei lex, vel princeps, vel senatus dederit licentiam dandi tutoris: quod lege specialiter datur, semper separandum est ab eo, quod competit magistra-

tui suo jure, tacito jure, non dato nominatione lege aliqua. Denique tutoris datio non est jurisdictionis: tutorem namque dat, et qui jurisdictionem nullam habet, puta privatus quis dare potest, veluti impuberibus filiis, quos habet in potestate, quia lex 12. tabularum hoc ei dedit, *l. 1. de testam. tut.* eodem modo legatus proconsulis, qui non est magistratus, tutorem dare potest ex oratione D. Marci, *l. 3. ff. de post. et l. 3. §. nam edicto, ff. judicatum solvi*, ubi dicitur, jus esse agendi, jus exercendi actiones pupillares, vel excipiendi actiones, quæ intenduntur contra pupillum tutori, cui data est, et alio loco, cui tutela permissa est ab eo, cujus de ea re jurisdictionis est. Ergo tutelæ datio jurisdictionis est, si non datur tutela ab omnibus, sed ab his, quorum ea de re jurisdictionis est, sed tutelæ nomen est amphibolon: tutela illo loco, est tutelæ administratio, ut recte Accursius interpretatur, non vis illa et potestas data in pupillum, et res omnes. Ita jus habet: quando plures tutores sunt dati pupillo testamento patris, ne tutela per multos spargatur, et ut facilius unus tutor exerceat actiones, eligatur unus ex pluribus, qui solus administret tutelam, aliis succedentibus in periculum tamen administrationis, nisi observarint administrationem, et ubi res exigit sui officii commonefecerint: eligatur, inquam, unus ex pluribus, vel a majore parte tutorum, vel etiam a prætoribus, ad quem hujus rei cura et jurisdictionis pertinet, *l. 3. §. pen. et ult. ff. de administr. tut. r.* Electio unius tutoris jam electi constitutique a prætoribus, qui administret, est jurisdictionis, quia modum facit administrationis cujusque, *l. inter, de administr. tutor.* Tutelæ datio non est jurisdictionis, et continetur tamen sub officio jurisdictionis, sive judicis, *d. l. 1. de jurisdict. omnium jud.* et ut aliam aliud exemplum, et hoc quidem solum, judicii publici cognitio, questio, executio, et quod majus est, judicii executio publica, et animadversio criminum, non est jurisdictionis: et ob id imperium, quod in ea re consistit, dicitur non mixtum jurisdictioni, sed merum, sejunctum a jurisdictione. Est aliud imperium, quod jurisdictionem comitatur adheretque, ac vicissim eidem imperio jurisdictionis, sed est vicissim aliud quod non adheret, et quod non jure magistratus, sive jurisdictionis competit, vel ut ait Hieronymus, quod non est ἀνάσσειν ἐν τῇ ἀρχῇ, sed lege datur, etiam privato, *l. 1. de offic. ejus, cui mand. est jurisdict. l. aliud. §. ult. de verb. signific.* potestatem irrogat is etiam, qui magistratus non est, disciplinam publicam emendat non magistratus tantum, si modo ei lege data sit criminum executio, ut legimus Pompejum, cum antea privatus esset, missum fuisse cum imperio contra Sertorium, Philippica 2. et æque privatum

eundem cum consulari imperio, in oratione pro lege Manilia. Lege autem datur et cognitio publici criminis, et animadversio, quod est merum imperium, et cui ea obtigerit, *d. l. 1. de officio ejus, cui mand. est jurisdict.* id autem est, cui sorte obvenit questio, sicut in *l. 2. de bonis eorum, qui mort. sibi consciver.* scriptum est, judicium de reis Romæ sorte reddi, ubi vulgo perperam sorte pro sorte, atque ita sorte publica questio obveniebat etiam privato, qui judex questionis, *l. 2. ff. ad l. Cornel. de sicar.* Qui magistratus, inquit, judexve questionis separatur a magistratu: ergo privatus et magistratum intelligit, ille est, prætorum, qui legibus querit de sicariis, et proconsules, apud quos etiam legimus reos publicorum judiciorum postulari, *l. 3. ff. de accusation.* Et integrior lex Cornelia de sicariis hæc est, ut is prætor judexve questionis, cui sorte obvenit questio de sicariis, ejus quod in urbe Roma propius mille passus factum erit, ut querat cum judicibus, qui et sorte obvenierint. Judici questionis adjungebantur judices, sive assessores, et omnia quidem sortito sumpti etiam judex ipse primarius. Judex questionis igitur judex est primarius, cui sorte questio publica ex lege, et secundum quod lege publici judicii præscriptum est obtigit, quoniam publicæ questionis præest, ut ait *l. 1. de sicariis.* Judex qui præest questionis in *l. pen. ad l. Corn. de fals.* Criminum ergo punitio atque cognitio legis est, quæ eam dat, etiam privato, cui sors dederit, jurisdictionis non est: et si obtigerit sors magistratui, dederitque cognitionem publici judicii, non eam dicemus ei competere propter jurisdictionem suam, ut jurisdictionis suæ, sed legis beneficio, simul ac sortis ductæ ex lege: non negabis tamen et quod legis est, non jurisdictionis, esse sub officio magistratus: unde intelligitur quam merito *l. 1. de jurisdict.* dicat, jus dicentis officium esse, quia scilicet comprehendit etiam ea, quæ non sunt jurisdictionis, et hinc etiam consequenter apparet, quam officium sit a jurisdictione diversum. Sed et quedam communia in hoc lit. proponuntur esse omnium judicum: proponuntur non omnia, sed quedam hæc sunt, ut ob publica tributa, functiones ullius judicis auctoritate, matresfamilias e domo extrahantur in forum, sed si nolint satisfacere publicis functionibus, cogantur capta et distractis pignoribus, non etiam vi ipsa domo extrahantur, quæ intra domum considerato sexu semel contineant, ut est in *d. l. 1.* juxta symbolum illud Veneris calcantis testudinem, non loquitur lex de muliere vulgata, sed de matrefamilias, quæ non temere prodit in publicum, et inde ἐξ ἀνδραγαθῶς intelligitur matres ex hac causa transire in publicum. Et est excipiendus a *l. 21. sed et si, D. de in jus voc.* ob publici

debiti causam extrahi potest mas. Et mirum est, quod sanctum subjiciatur, id est, poena, ποινὴ, ut iudices, qui temere eduxerunt mulieres e domo, habeantur inter maximos reos criminum capitalium hos vocat maximos reos τοὺς ἐν τῷ πλείστῳ αἰτίας ἀδικήσαντες, ut ait Josephus in libris περὶ ἀλώσεως in *C. Theod. sub. eodem tit. l. 2.* agebatur etiam sollicite de viduis simul ac de pupillis, et de personis morbo, vel infirmate fatigatis, ut non suam provinciam excedere cogerentur suarum litium gratia, et ne evocarentur in comitatum principis ullius iudicis iussione quam constitutionem tamen Justin. male referre in *lib. 3. quan. Imper. inter pupill. et vid.* sed in *l. 3. eju. dem C. Theod.* quod maxime notandum est, nec relatum in eundem titulum, additur quod etiam commune est omnium iudicum, ut iudices provinciarum cujuscunque ordinis sint, ipsi sibi componant in provinciis prætorium, nec cogantur provinciales id eis præstare, sed ut ipsi suis sumptibus habitationem instruant sibi, ac præterea sint contenti annonis et cellariis, sic *d. l. 3.* id est, penonni, quon ferunt ex publicis horreis, nec quicquam exigant a provincialibus annonarum nomine, nec exigant paves civiles, ut vocantur sibi: ac præterea nihil quicquam exigant cellariensium specierum nomine, ut salem, vinum, oleum, ligna: quod etiam invenitur constitutum in *l. 32. C. Th. de erogat. milit. ann.* et eodem modo locutus est Sulpitius Severus in sacra Historia: quibus omnibus annonas et cellar a dari Imperator præceperat. Igitur omnibus iudicibus provinc aliis rectissime præscriptum est, ut essent contenti annonis et cellariis, nec iis onerent provinciales: ut etiam sibi habitationem componant, non eis provinciales: ubi est habitatio iudicis, ibi prætorium est. Etiam in eod. tit. id præcipitur omnibus iudicibus ne confundant gradus dignitatum, puta *l. 3. dico l. 3.* quia adnotandum est, secundo loco deesse constitutionem Græcam, quam plerique existimant deperisse: sed ego diligentius observato ordine legum et officio iudicum provincialium, quo sunt ordine digestæ in Basilica, quam legem existimabam esse locandam ultimo loco de officio Rectoris provincie, cum esse potius reponendam censeo sub *h. l. et sit l. 2.* ut ea est a me relata inf. in *l. ult. de delator. b.* cujus tenor planè demonstrat, eam propius convenire eidem tit. quia generaliter interdicat comiti serum privatarum, et iudici cuilibet urbano, aut provinciali, quod argumentum est certissimum communem esse omnium iudicum, atque adeo debere proprie huic tit. et interdicat igitur omnibus iudicibus, ne quemquam audiant delatorem deferentem sive denuntiantem aliquem thesaurum invenisse, qua ex causa olim erat permissa denuntiatio, *l. 1. D. de iure fisci*, principibus sibi vindicantibus thesaurum,

quem alius invenisset: auctor *l. 1.* videtur concessisse dominium inventori. Et sane de hac re cuius sit inventus thesaurus, principis, an inventoris, an domini possessionis, aut quota ex parte, jus certum nunquam fuit, sed pro arbitrio hac de re unusquisque constituit. Breviter videtur auctor *l. 2.* qui ex hac causa non admisit delatores, sed adjicit ut admitterentur delatores, qui nuntiarent rem aliquam fiscalem ab alio possideri, quos tamen rursus non antea voluit audiri, quam desissent fidejussorem usque ad summam librarum auri 5. quam summam se fisco delaturos promittunt si non probeant. Et ad finem *l. 2.* definit, ut ne ante definitivam sententiam de ea re, que fisco denuntiata est quasi sua ullus iudex rei ab alio possessor imprimat sigilla ulla, infigatve titulos, qui argumentum præbeant rem esse fiscalem, quia nondum videri potest rem esse fiscalem, antequam de eo pronuntiatum sit: sed ut capram docere, lex quæ præcipit omnibus iudicibus, ut inter se servant gradus dignitatum, puta, ne minor iudex majorem in subscriptionibus appellet fratrem quasi parem: quod notandum maxime. Iudex minor solet referre quoties aliqua litis emergit dubitatio ad majorem iudicem, puta præfectus annonæ ad præfectum urbi legatus proconsulis ad proconsulem: sed illis relationibus est quedam subscriptio qualis in rescriptis principum, ut cum scribunt principes illustri viro atque patricio, solent in extremo epistolæ ponere, parens carissime Augusti: et quoties scribunt præsidi provincie, solent in fine *P. C.* id est frater carissime, ut ex Cassiodoro retuli: et ita etiam iudex cum iudici scribit, solet in fine suo honore suoque titulo significare, et major minorem quidem appellat fratrem, minor majorem nequaquam. Ergo in subscriptionibus sic est in extremo legendum, quod ita interpretantur Basilica xxi iudicore etc. sed quisque voret cum suo titulo, ut illustrem, clarissimum. Et ultimo loco hoc omnibus iudicibus præcipitur, ut se in consensu mutuo honore prosequantur, ut non negetur facultas honorato sedendi in secretario iudicis: honorati non sunt adlocati, non curiales, ut ostendi alias, sed sunt principes civitatis, qui perfuncti omnibus Reipublicæ muneribus, tandem quiete et otio sunt donati, ad illa honoraria dignitate comitum, et generaliter, qui adepti sunt honorariam dignitatem etiam sine administratone: et ut ingredi possint consistorium principis: possunt igitur et in secretariis iudicis considerare, præterquam si de rebus eorum agatur, *l. 1. de officio civitium iudicum, l. 2. inf. de proximis sacer. scrip. tit. irrogata multa* non tantum iudicibus, qui eis deegaverint sedendi societatem, sed etiam apparitoribus eorum, quales sunt, qui nominantur *d. l. 1. et l. ult. eod. tit.* principes, primates officiorum. Et ex apparitoribus

multis, ex officialium gradibus multis recte hi nominantur primates officiorum, consilarii et principes, quia per hos patebat ingressus, et consessus in secretarium. Cassiodorus 7. de principe officiorum. *Sine his, inquit, non præstatur in secretariis consessus, nec osculandi pompa peragitur.* Per principem igitur officii patet accessus ad iudices, et osculatio, qui mos erat veterum, ut honorati sese invicem oscularentur. Et ex eo intelligitur alios esse principes, alios primates officiorum: nam princeps officii unus erat, qui eo perveniebat in apparitione perfunctus omnibus gradibus in litere, l. 8. de offic. mag. officiorum, et Sozimus Pontif. Romanus in Epist. ad Rodolphum, officia singularia principum locum non vestibulum, actionum ingressus, sed per plures gradus examinatus, officii ius delinquit, et hic perfectus primi ordinis exibat. Primates autem officii erant plures, sicut in scriniis erat unus magister et proximus, et comes dispositionum: erant plures primates officiorum, l. 2. inf. de proximis sac. scrinior. sed absente principe: per hos etiam admittebantur, qui ingredi optabant secretarium principis, vel his absentibus per satellites et cornicularios, qui adsunt ex utroque latere principis, vel etiam iudicis secretarium, ut indicat Cassiod. sicut in Ecclesia, qui in utroque cornu altaris stant clerici, sunt cornicularii, cum sacerdos fungitur munere sacro: sic per cornicularios patebat aditus ad principis et iudicis secretarium.

AD TIT. XLIX.

Ut omnes Iudices tam Civiles, quam militares post administrationem depositam quinquaginta dies in civitatibus vel certis locis permaneant.

Quod est in tit. 49. est etiam commune omnium iudicum provincialium tam civilium, quam militarium, ut verba ipsa tituli aperte demonstrant. Est igitur hic tit. pars superioris, et aliquot etiam sequentes sunt communia omnium iudicum. Porro in hoc tit. est constitutio una Zenonis, in qua cavetur, ut iudices perfuncti administratione, dies 50. in certis locis permaneant. Iudices cum dico, magistratus vos intelligere volo, et placet eorum definitio, quæ obiter proponitur in l. 13. C. de adssessor. magistratus est is, cui Resp. gerenda committitur: et iudices cum dicimus in hoc tit. magistratus dicimus, non eos iudices, qui cognitionem tantum habent, non jurisdictionem, vel imperium, qui tantum de rebus certis cognoscunt, et sententias suas non exequuntur. De magistratibus igitur hæc est constitutio Zenonis, et perfuncti administratione postquam successorem acceperint: nam omnes magistratus Ro-

mæ erant temporales, permanebant diebus 50. clarissimi in Metropoli provincie, speciales in majoribus et potioribus civitatibus administratæ dioceses: nam spectabilibus committebantur dioceses, clarissimis singulæ provincie. In hac constitutione de illustribus iudicibus nihil exprimitur, quia sunt aulicæ, non provinciales potestates. Constituitur etiam, ut in publico faciant sui copiam, ut cum eis sit civiliter experiendi facultas cuilibet de furtis, inquit, aut criminibus: de furtis, de pecuniis repetundis lege Julia repetundarum: de aliis criminibus, veluti ut est in l. ult. inf. de malo mult. de preclatibus aut manubiis, id est, de prædationibus, concussionibus, aliisque flagitiis, sive cum eis agatur iure ordinario ex legibus aut Senatusconsultis, sive extraordinario: et eam rem sive litem Zeno vult definiri intra dies 20. quo cœpta fuerit, et interim rem committi juratori et cautioni sive repositioni, qui affirmet se permansurum in iudicio usque ad exitum litis, *pour ester en jugement, sic dicitur en françois.* Confirmatur autem hæc præscriptio Nov. 128. 161. et 95. et ex Novel quidem 8. constat, in hac constitutione Zenonis, illo loco, *nec ullam ante præfinitum tempus, certo esse legendum, vel divina revocatoria non se exeat, quo minus permaneat per 50. dies propter divinam revocatoriam, qua se ostendat evocari a principe.* Et in libris nostris evocatoria dicitur promiscue, et revocatoria. Quod autem quidam scribunt et adnotant in ora hujus constitutionis, idem omnino fuisse cautum l. Julia repetund. prolata auctoritate Cicer. falsum sane, aut vanum, aut fictum est. Nam quod ait Cic. 2. et 3. Epist. lege Julia cautum ne rectores provinciarum decederent, ante quam rationes pecunie publicæ conficerent, et deposuissent consolidatas, hoc non est de excipiendis actionibus eorum, qui eos de furto, vel de aliis criminibus accusare voluerunt, ut constat ex l. sacrilegi, §. ult. D. ad leg. Jul. pecul. potius ad l. Jul. de residuis, quam ad l. Jul. repetund. cui obnoxius redditur, qui non consolidatas rationes reddiderit, quas alias dicimus consummatas, l. si plura, D. de audit. edicto, l. 3. inf. de execut. rei judic. porro hæc constitutio Zenonis locum habet non tantum in iudicibus, sed etiam in assessoribus eorum, cancellariis, et domesticis, l. 3. et 8. inf. de adssessor. nam et ii 50. dies debent permanere in provincia, et duplum lriso, et duplum fisco reddunt, si quid rapuerint: et ad iudicium militarium etiam manipularios, et ministros pertinet hæc lex, l. 1. D. ad leg. Jul. repet. qui gradus est infimus militarium iudicum: et putem ex hac constitutione Zenonis in l. 3. inf. de adssessorib. quæ prior fuit constitutione nostra, Tribonianum adscripsisse 50. dies: nam ante Zenonem longius videtur fuisse

præscriptum tempus ad manendum. Certe ex Nov. Theod. et Valent. de tributis fiscalibus sunt præscripti 90. dies, sive tres menses, ut sane putem in *l. ult. C. Theod. de assessorib.* esse legendum *per continuos tres menses*, ut scilicet cancellarii judicum *les Secretaires*, et domestici per continuos tres menses permaneant post depositum officium, non ut vulgo legitur, *per continuum triennium*: nam quid hoc est? Et eadem Nov. hanc quoque harum constitutionum eleganter reddit causam, ut *coram positi iudices bene actæ rei laudibus fruantur*: aut certe, *Si direptionis alicujus consci fuerint, discessus celeritate non se subtrahant*: alias enim in provinciam retrahentur, et ibi tunc si e fuga in provinciam retracti fuerint, remanere sex menses in provincia coguntur.

AD TIT. L.

De Officio ejus, qui vicem alicujus iudicis, vel præsidis obtinet.

Est etiam hic tit. communis omnibus iudicibus de officio ejus, qui vicem alicujus iudicis, vel præsidis, *il faut oster cela, vel præsidis*. Et hic etiam tit. est de quocunque iudice, vel de eo, qui cujuscunque iudicis locum tuetur. Et quisnam vero ille est? an v. c. præfecti urbi p. ræfective prætorio? minime: nam h. c. magistratus est, qui propriam jurisdictionem habet, et ab eo nihil accipit juris: dicitur vicarius, sed lege ei data est jurisdictio omnis, qui jurisdictioni præest magistratus est, hic de quo in hoc tit. agitur, non est magistratus. Denique non est vicarius, non legatus, non is, cui præses mandavit suam jurisdictionem, sed ut est scriptum in *l. 1. D. de tutor. et curat. dat.* is est, qui moderamen provincie temporis causa obtinet, *par provision*, præse, puta, defuncto, aut in itinere lapsa cum in provinciam iret: vel etiam cui alia ex causa provincie regenda commissa est ad tempus: atque ita nonnunquam procurator Cæsaris sive Catholicus, *le general*,ungebatur vice præsidis, *l. 1. inf. de pedan. judicib. l. 3. inf. de pæn. l. 3. ubi causa fisc.* ut Pontius Platus erat Procurator Cæsaris in Syria vice Cæsaris, ut etiam Quæstor ille, qui pecunie publicæ causa mittebatur in provinciam, Proconsul nunquam ungebatur vice Præsidis. Porro is, qui fungitur vice præsidis ea omnia potest, quæ præses ipse, et quæcumque pertineant ad jurisdictionem vel officium iudicis seu præsidis. Iudicis nomen est generale, *l. 1. de offic. præsidis*. Ergo ei, qui vicem obtinebat alterius iudicis, permixta erat ejus potestas, cujus vicem tuebatur, et erat apud eum legis actio, ut apud iudicem ipsum, *l. 3. cod. tit.* Nam curatorem et tutorem dare poterat quod legis est, non jurisdictio-

nis. Item poterat decreta interponere de alienandis vel rebus minorum vel decurionum, et decreti interpositionem constat esse legis, non jurisdictionis: nec enim alii licet decreta interponere, quam ei cui lex dedit nominatim: erat etiam apud eum legis actio. Nam ut ait *d. l. 3.* apud eum et emancipationes et manumissiones fieri poterant, quæ tamen omnia non temere competeant vel legato proconsulis, vel ei cui mandata erat jurisdictio, quæ ei quidem competeat, sed non officium ejus omne verum huic generaliter omnia permittuntur, quæ ipsi iudici, cujus locum tuetur.

AD TIT. LI.

De Assessores, Domesticis, et Cancellariis Judicum.

Principi solus erat adsector quæstor: assessores aut Jurisprudentes, qui consilio juvant iudicem, *l. 1. C. Theod. de Comitibus, qui illustrib. agentib. adsident*, vel ut eo modo pene est scriptum *l. 7. cod. tit.* qui consiliis propriis juvant administratores civitatum. Et ita Macarius Homil. 13. *ὄρα* etc. Assessores non sunt iudices, nam nec libellis supplicibus possunt subscrivere, *l. 2. cod. tit.* nec causas dirimere, sive judicare absente magistratu, quæ est constitutio Græca, quæ desideratur in hoc tit. *l. 13.* cujus sit mentio Nov. 60. cap. 2: ut sine magistratibus assessores non præbeant audientiam litigatoribus, quæ de re etiam Justin. idem proficitur constituisse. Igitur in hoc tit. desiderantur due constitutiones, Græca una Zenonis, altera Justiniani ejusdem substantiæ, ne quid agat adsector sine iudice, cui adsidet, et ob id utramque constitutionem auctores Basilicorum uno versu sunt complexi, *πρόεδρος χυρίσ τῶν ὀφφύδων*, etc. ne ullo modo sine magistratibus assessores judicent, magistratum usurpantes nomina, et apponentes in sententiis, ac si a magistratibus mansissent: non sunt igitur iudices, sed habentur quodammodo in partem iudicium, ut ait Cassiodorus lib. 11. Variarum scribens ad Ambrosium quemdam assessorem suum in præfectura prætoriana, et eodem modo Imperatores in *l. D. vus, C. Theod. de iis qui adm. nist. trad. sunt*, quidam uniuscujusque iudicis portio videtur assessor, et ut constat ex *l. ult. cod. tit.* etiam chartis iudicis quibuscunque, puta sententiis, assessores sua signa imponunt. Jurisprudentes esse constat *l. 1. h. t. et l. 1. cod. tit. D.* Nam ab assessores exigitur prudentia juris, quæ non exigitur in magistratu cui adsident: nam plerumque magistratus viri militares juris imperiti, quibus gratia principis habita virtutis ratione non peritine dabat magistratum. M. Tullius pro Plancio: Popul. Rom. magistratum virtute, et innocentia

contentus est: quotus enim quisque disertus, quotus juriaperitus est. Denique magistratui dolus quidam, sed non imperitia imputatur, *l. 8. quod quisque juris*. Idem etiam saepe in jure dicuntur comites, et participes, comites scilicet sedendi, ut Cic. loquitur, et participes consiliorum vel consiliarii, vel consiliatores, quod idem est. Dominum Jesum Christum, quem Sybilla appellat *κύβηλεω*, Lactantius interpretatur consiliatorem, et quem Homerus vocat *βουλαφόρον ἄνδρα*, Fulgentius interpretatur consiliatorem Deorum. Sed quæri inspicique dignum est, quinam sint ii, qui adsectoribus junguntur, domestici scilicet, et cancellarii judicium, quod facile expediam. Cancellarii sunt, qui sunt iudicibus a secretis, qui secreta secretarii iudicium custodiunt, ut ait Cassiodorus, et Cancellarii appellantur, dantque operam scribendis, et expediendis Epistolis, iussionibus, edictis, responsis, sententiis, et aliis monumentis iudicium loco quodam proximo consistorio iudicis clauso reticulis, sive cancellis, unde eis nomen, ut sit hodie in curiis quibusdam, ut præ foribus curiæ sint cancelli, et in eis dispositi cancellarii, qui expediant iudicium iussiones, et eleganter Cassiodorus eos tenere clam præ potentia et cancellis, et lucidas fores, et fenestras januas. Qui igitur sunt a secretis principis, Tribuni, et Notarii dicuntur, qui a secretis iudicium, Cancellarii dicuntur. Cum idem Cassiodorus primiceriatum scribat multis locis in nobilissimo illo libro Variarum, sine quo innumere sunt constitutiones in Codice, quæ nunquam fuissent explicatæ: fuit enim juris peritissimus, et præfectus prætorio regi Gothorum, dum Galliam tenerent servato maxime ordine juris Rom. neque enim ulla natio barbara fuit civilior Gothis. Cum is: inquam, primiceriatum saepe dicat domesticatum appellari, facile adducor ut credam, domesticos esse primicerios, et primicerios, ut a veteribus D. Petrus appellatus est primicerius Apostolorum, illud ærius est tantum productio verbi, et dictio quedam, quæ nihil significat. Habemus primicerios Cancellariorum, et notariorum, et exceptorum, actoriorum, singulariorum, et ceterorum officialium iudicium: facio differentiam inter Notarios, qui notis scribunt, *par-chiffres*, non litteris, et singulares, qui scribunt litteris singulariis, ut scribimus quatuor litteris S. P. Q. R. horum omnium, qui iudicibus obsequuntur primarii sunt domestici, non ministri, aut familiares: nam iudex familiares sibi optat suo arbitratu, et periculo primatum officii, ex ipso officio, *l. 8. eod. tit.* ac præterea domesticis iudicium præbentur annonæ, et salaria de publicis, ut lib. 9. ostendit Cassiodorus, et communiter referuntur in laticulum, et inventarium principis. Servi autem, liberti, et mercenarii iudicium sane non ferunt

annonas de publico. Igitur nova est hæc domesticorum significatio. Quod diximus de domesticis iudicium, necesse est retractare: invenio enim in *l. 4. de adsess.* arceri domesticos a publicis actibus, et se publicis necessitatibus immiscere non posse. Itaque verius esse opinor, domesticos iudicium eandem militiam sustinere quam sustinent, qui dicuntur in aula principis domestici protectores, de quibus extat tit. lib. 12. qui ut est in *l. 8. C. Theod. de domest. et protect.* et quantum iudicio nominis apparet: principi familiariter militat, et sunt, ut veteres loquuntur, corporis custodes, atque ita etiam iudicium domesticos interpretor corporis custodes, *la garde du Magistrat*, quam nos nostra lingua significavimus familia nomine, quod est domesticatus nomine, quod non discedant a latere iudicis, quod iudicem perpetuo protegant, supremus est militie gradus in *l. 1. inf. ad l. Juliam repetund.* confertur domesticus cum manipulario, quorum uterque est in officio ducis militaris, confertur scilicet primus militie gradus cum infimo, et illos quidem domesticos magistratus provinciales, sicut Cancellarios non secum ducebant in provinciam, ut est constitutum *l. 8. eod. tit. sed Cancellarios*, et milites electos ad secreta iudicis, et domesticos protectores accipiebant ex corpore officialium electos periculo primatum officii. Denique ex officio, vel officiorum numero eligebantur domestici, et cancellarii, ut in Basilicis est scriptum, *et aduersus τὰς ἐξίλλοις αὐτῶν*, quod ideo refero ne quis in *l. 8.* existimet tollenda esse hæc verba, ex eodem officio, etiamsi non habeantur in *C. Theod.* nam sane ex solis officialibus dabantur iudici, quos haberet pro domesticis protectoribus, vel secretorum custodibus: et sicut cancellarii, et adsesores, ut mox dicetur tit. seq. ita etiam domestici ferebant de publico annonam, ut 9. Variarum indicat Cassiodorus.

AD TIT. LII.

De annonis, et Capitatione administrantium, et eorum adsectorum, aliorumve publicas sollicitudines gerentium, vel eorum, qui aliquam consecuti sunt dignitatem.

Quam sit etiam hic tit. communis omnium iudicium verba ipsa huius constitutionis, et capitula dignitati suæ debitis, non par, dignitatis. Ergo hic tit. est de annonis: et capitula ergo ex eod. tit. omnibus iudicibus de quibus sup. actum est, nec non adsectoribus domesticis, et cancellariis eorum, aliisque omnibus, quibus curatio officii, ministeriumve aliquod publicum jungitur, veluti comiti commerciorum, cui cura est ne commercia illicita exercentur, cuique soli a barbaris comparandi serici

in usum principis jus potestasque est, *l. ult. inf. de commerc. et mercat. l. 2. quæ res venire non possunt*, et magistro linens vestis, et magistro æris, et comiti auri, qui omnes erant sub dispositione comitis sacrarum largitionum, et rationali utriusque ærarii, sive procuratori Cæsaris, et similibus omnibus de publico præbeatur salaria, id est, annorum et capita, et adessoribus judicum ea instituisse Alexandrum Lampadius scribit, et confirmat *l. 4. de officio adress. annone* sunt veluti panis, vinum, oleum, liquamen, id est, garum, laridum, etc. quibus vitam toleramus: capita autem, pabula, equorum, camelorum, quibus vehimus nos, vel sarcinas nostras. Anm. Marcell. *l. 22. Pabula*, inquit *jumentorum, quæ vulgo dicuntur capita*. Igitur in *l. 2. inf. de cur. pub. judicibus* subministrari annonas, et alimenta pecorum, id est, capita: et similiter in *l. 9. infra, de jure fisci, in pabulis, vel sumptu familie ministrando*: hæc sunt annone, et sumptus familie, hæc sunt annone, dicitur et singulariter capitum, ut in *l. 3. sup. de offic. præfecti prætor. Afr. Nov. Theod. de tribut. fiscal. annonas et capitum*; et Cassiod. *l. 7. ad equos definitum capitum, du foia, et de la paille, et de l'avoine*, et patrio easa capitu in eod. tit. inflexione Græca, præberi autem hæc solebant olim in speciebus ipsis: verum constitutione hujus tit. rediguntur ad pretia definita in delegationibus, quæ eo nomine singulis officiis dantur. Delegationes, quæ et delegatorie dantur, sunt notitæ, quæ administrationibus singulis et officiis delegantur, quibus annone eis debet lavari, et capita aut pretia earum, quæ sumantur ex tributis illius, vel illius provincie, vel ex publicis horreis. Et hæc est sententia hujus tituli.

AD TIT. LIII.

De Contractibus Judicum vel eorum, etc.

Constitutio Justiniani unica, quæ est in hoc tit. pertinet etiam ad omnes judices vel assessores ac domesticos eorum, et in ea urbani magistratus separantur a provincialibus, ita scilicet, ut urbani magistratus ex pragmatico principis emere possint res immobiles aut immobiles, et proprias sedes ædificare, non etiam donationem suscipere tempore administrationis: nam ubi facti sunt privati, idem privati licet, quod ceteris, emere possunt prædia ex permissu principis, si hoc impetrant a principe, specialiter possunt aedes sibi novas extirare, donationes suscipere non possunt, et quæ tamen factæ fuerint interim, confirmari possunt post depositionem administrationem vel ratihabitionem donatoris, vel silentio quinquennii, provinciales autem, ne ex rescripto quidem principis per se, vel per aliam personam

quidquam possunt, præter ea quæ victus sui quotidiani sunt, nec proprias sedes ædificare, nec navim, ut est in *l. aufertur, §. quod a præside, D. de jure fisci*, aut multo minus donatam suscipere possunt, et quæ forte facta fuerint eis donatio pendente ac manente administratione, ex hac constitutione nec ratihabitione confirmatur donatoris, nec silentio quinquennii, atque ita per hanc constitutionem abrogatur *l. quicumque, C. Theod. de iis qui administr. vel off. public. ger.* quæ lex inducit hæc in re præscriptionem quinquennii etiam in provinciis: abrogatur etiam per constitutionem Justiniani Nov. Valentiniani, *de confirm. iis quæ administrat. vel public. offic.* de confirmandis venditionibus factis iudicibus manente administratione, atque etiam donationibus si factæ sint palam in conspectu omnium, bonaque fide, quod longe distat a sententia constitutionis. Itaque abrogatur etiam ea Nov. Valentiniani. Ratio autem differentie, quæ movet Justin. hæc est quia in provinciis major est præsidibus grassandi copia, si sua potestate abuti velint: ideo durioribus legum vinculis coercentur, ac similiter, ut dictum est *14. tit. in provincias mittuntur exteri et incogniti provincialibus*, in urbe fere vel incolæ capessunt magistratum. At autem in tit. *vel eorum qui circa eos sunt*, ut in *l. 3. D. de reb. cred. pro adessoribus vel domesticis aliisque officiis*. Et rursus secundum hanc constitutionem Justin. quod excipitur in *l. non licet, D. de contrah. empt.* eum qui durante officio quid emerit, inutiliter emisse, nisi specialiter hoc quibusdam concessum sit. Hæc, inquam, exceptio locum tantum habet in urbe, non in provinciis secundam constitutionem Justin. et addenda est etiam huic constitutioni alia exceptio ex *l. qui officii, D. de contrah. empt.* nisi bona paterna a fisco detrahantur, nam durante administratione et qui officium publicum gerit, jure est hæc empturus ut in *l. miles, D. de re milit. et l. princeps, C. Theod. de his qui administr. vel off. publ.* Solas, inquit, res privatas memoratas mercari permitimus.

AD TIT. LIV.

De modo multarum, quæ a iudicibus infliguntur.

Hic tit. etiam pertinet ad omnes judices de modo multarum, quæ a iudicibus infliguntur: nam omnes judices, de quibus actum est sup. multæ dictionem habent: omnes scilicet fere qui iudicationem habent, et qui publice iudicium exercent, qui publici et ordinarii sunt judices, omnes habent multæ dictionem, et pignoris capionem, quæ tueantur suam jurisdictionem, et coercent contumaces et inobedientes, *l. 2. §.*

u't. *D. de jud. l. aliud. §. ult. D. de verb. signific. et excepti tantum inveniuntur procuratores Cæsars, et curator Reip. l. 2. et 3. hoc tit. et defensor plebis, l. 5. tit. seq. sed nec ad infinitum multam cuilibet judici dicere licet: modus quem quisque iudex sequi debet in multa dicenda non finitur h. t. præfectus prætorio solus habet jus dicendæ supremæ multæ, l. 4. cod. tit. nimirum usque ad 50. libras auri: et ita Cassiod. in formula præfecti prætorio: *magna quantitate multat errantes*, et plerumque omnis multa accedit fisco, nisi sententia, iudicis specialiter deputetur, vel publicis operibus, vel cursui publico, vel aliis necessariis causis, l. 5. h. tit. vel etiam pauperibus, ut in l. 2. sup. de *Episcop. aud.* quod fit in omnibus causis Ecclesiasticis, ut scilicet multa irrogetur pauperibus, l. 21. C. *Th. quorum appellat. non recip.* et ita Cassiod. 1. *Variar.* docet, multam 10. librarum, quæ irrogatur iis, qui clericos urbis Romæ vocarint ad peculiare iudicium, deque ea re rescriptum impetrarint, censet quidem esse exigendam a palatii sacrarum largitionum, verum erogandam pauperibus per manus antistitis Romæ: neque vero hoc est de multa omittendum, quod est in l. 1. h. tit. multæ irrogationem non infamare; nam prima facie posset aliud videri: et alias vidi quosdam hæsitantem, et idem etiam dicendum de cessione bonorum, l. *debitores, de causis, ex quibus infamia alicui non irrog.* Quid vero vocas multam? est coercitio pecuniaria, ut pœna furti: pecuniaria igitur coercitio, quæ non lege definita, sed arbitrio iudicis infligitur, d. l. *aliud, de verb. signific.* nam etsi certum modum iudex non possit excedere, intra eum modum tantum sui arbitrii res est: et postquam multam irrogavit, eam remittere ex causa, et moderari potest, verbi gratia propter inopiam, l. *ult. in fine, h. t. l. illicitas, §. pen. et ult. de offic. præsid.* et nec luit pœnam in corpore, cujus inopia eludit multam: vitaturque illa generalis regula hac in re, is qui non potest lueri pecuniariam multam, luit pœnam corporalem, videtur quodammodo si non immutari, saltem inflecti, quod dicitur, iudicem non posse immutare quod semel dixerit, vel iudicaverit, multam igitur si iudicavit: nam et iudicare dicitur, etiam non posse remittere, et moderari iudicium, non quidem ipsam multam omnino, sed ut recte ait §. *ult. d. l. illicitas*, solutionis necessitate non contraria sententia, hoc fieri non potest. Denique dictam multam non abrogat, sed remittit tantum, et moderatur necessitate solutionis, reprehensa, ut ait, exactorum illi cita avaritia: prudenter ait, *reprehensa*, non punita: minus est reprehendere, l. 7. §. *ad tempus, D. de interd. et relegat. quan-**

doque reprehensas esse sententias eorum, qui ad tempus relegatis admissent partem bonorum. M. Tull. pro Flacco: *non tantum reprehendendum, sed et condemnandum putas*. Porro multa, quæ semel irrogata est, contrario iudicio remitti, moderari, abrogari potest a superiori iudice, non ab eodem iudice. Plinius 4. *Epistolarum*: *Prætor, inquit, Senatori multam dixit, egit ipse causam suam in Senatu, sicut deprecabatur, remissa est*, multa omnino remittitur, quam dixit prætor senatus auctoritate, majoris iudicis, non ejusdem: nam quod iudex semel decrevit, contrario iudicio immutare non potest, l. *quod jussit, de re jud.* multa sine decreto non irrogatur, non interlocutione, quam iudex mutare potest, sed sententia, quam mutare non potest, irrogatur multa, et ab interlocutione appellari non potest, a multa dicta appellari potest. Ergo multæ dictionem idem iudex abrogare non potest: omnes sciunt, quæ de multa ex veteribus scripserit Gellius lib. 11. cap. 1. quo ostendit non pecuniæ multam olim fuisse, sed pecoris, et armenti. Sed quæro quid est, quod illo loco inter cetera, *supremam multam fuisse in singulos dies duarum ovium, et 50. boves pro copia boum, et penuria ovium*, nam Italia abundat etiam armento magis quam pecore, sed quid illud est in singulos dies? ce, dies, ne vult rien, il faut lire, in singulos viros.

AD TIT. LV.

De Defensoribus civitatum.

Ex lib. 1. resident tantum tituli 3. magistratus, de quibus sup. actum est, vel in urbe Roma veteri, aut nova Reimp. administrant, vel in aula principis, vel in provinciis: et rursus ex iis aliis provincie regendæ committuntur, aliis dioceses, id est, universitas, sive tractus quidam provinciarum, aliis provincie singule: hi, de quibus sunt tres postremi tituli, non urbis, non aulæ, non diocesæ, non provincie, sed singularum civitatum iudices, et potestates sunt, de quibus est hic tit. Defensores sunt similes tribunis plebis, qui et defensores dicuntur, et defensores locorum, et patroni, et parentes rusticorum suburbanorum tenuiorum, l. 3. et 4. h. t. l. 1. tit. ult. hoc lib. l. ult. inf. de principibus agat. in rob. lib. 12. et prehensionem reorum habent, sicut in urbe tribuni plebis prehensionem habuerunt: quod ostendit l. 22. quæ est Græca, sup. de *Episcop. aud.* prehensionem, inquam, vel animadversionem habent: sed animadvertendos remittunt ad majorem potestatem, puta ad præsides provincie l. 7. h. t. prehensionem etiam eos habere ostendit Justin.

Novel. 13. in qua plenius scriptum de offic. et jurisdictione eorum, videte illum locum.

AD TIT. LVI.

De Magistratibus municipalibus.

In quibusdam civitatibus erant defensores plebis tantum, l. in hac inf. de donat. In aliis, puta majoribus, erant non tantum defensores plebis, sed et magistratus municipales, plerumque Duumviri similes duobus Consulibus pop. Romani. Defensores similes veluti tribonis plebis, magistratus similes consulibus, et sumebantur quidem magistratus municipales ex ordine Decurionum, defensores ex plebe, l. 2. sup. de defens. civitatum, atque adeo ubi non erat ordo curiæ, ibi erant defensores tantum: nam magistratus sumebantur ex ordine curiæ ejusdem municipii. Curia autem erat instar Senatus: qua de causa in Novel. Majoriani Curiales dicuntur minores Senatores: utrique autem, id est, defensores, et magistratus creabantur decreto populi, decreto Episcoporum, et clericorum, qui primus est in populo gradus, et honoratorum, qui sunt in municipio, et possessorum, et curialium. Denique favore populi, l. 5. sup. tit. prox. l. 1. ad legem Jul. de ambitu, hodie cessant in urbe, quoniam non est locus captandæ popularis auctoritatis, quando magistratus creantur auctoritate principis non populi, sed habet tantum locum in municipiis, si quis petierit magistratum municipalem scilicet, qui pertinet ad populi favorem, non ad curiam principis, sicut etiam sacerdotum civitatis, ear. l. ostendit pertinuisse ad populi favorem, sicut constat in primaria Ecclesia id obtinuisse. Et hoc etiam demonstrat Nov. Leonis 46. et 47. quæ novissime constituit, ut defensores, et magistratus, quos vocat *στρατηγοί* quos non praefectos, ut interpretes fere fecit, oportet interpretari, sed Duumvros, ut semper in libris nostris *στρατηγοί* sunt magistratus municipales. Ceterum in eis constituitur, ut eorum creatio pertineat ad curiam principis, non ad favorem populi, quo jure utimur etiam hodie. Præterea utrique, id est, defensores, et *στρατηγοί τῶν πόλεων* habent jus confiscandorum actorum, l. 1. inf. tit. prox. et l. 7. sup. tit. prox. nam apud omnes possunt confici acta, quæ solent plerumque confici, ut de donatio, vel de testam. cum insinuantur apud acta, *au Greffe*, contestationes etiam sive protestationes sunt apud acta. Et sunt igitur recte apud defensorem plebis, vel magistratum municipalem: et ubi est curia, necesse erat præter magistratum in actis conficiendis, etiam adhibere præsentiam trium curialium, et exceptorem publicum, *le Greffier*, ut major veritati accederet auctoritas, l. 15. C. Th. de decurionibus,

Tom. IX.

et Nov. Theod. de trib. fisc. Præterea utriusque datum est constitutionibus jus dandi tutoris defensore adhibito, et magistratu ex l. 3. de tutor. et curator. datis. §. nos autem, Inst. de Attil. tut. Ceterum quam legis actionem invenio aliquando esse apud magistratum municipalem, videlicet ut apud eum mancipationes, et manumissiones fieri possint, adoptionesque, quæ sunt jurisdictionis voluntariæ: alia enim est contentiosa, l. 2. de officio procons. et quam, scilicet voluntariam, non exercent, nisi ii, qui habent legis actionem, et apud quos actus legitimi et solemnes expediri possunt: non habebant legis actionem omnes omnium municipiorum magistratus, sed qui habebant, hæc apud eos expediri poterant, l. ult. inf. de manumiss. vind. l. 4. D. de adopt. quæ dicit, magistratum, apud quem legis actio est, posse apud se emancipare. Nam magistratum municipalem intelligere oportet, quia urbanus habuit sane legis actionem, non municipalem. Et ideo sub conditione ait, si, et ut hoc novo verbo admoneam, in his libris sæpe (sunt enim plures) est magistratus municipalis, ut tit. de magistratib. conveniendis. Idem ostendit Paulus 2. Sentent. tit. 25. Ceterum, ut cœpi dicere, quam invenio aliquam legis actionem esse apud magistratum municipalem, eam nunquam invenio esse apud defensorem plebis. Aliter vultur sentire glossa in d. l. 4. de adoptionib. Et rursus quam invenio multæ dictionem non esse apud defensorem plebis in l. 5. sup. tit. prox. suspicio fuisse apud magistratum municipalem, quoniam omnis, qui publice judicium exercet, jus habet multæ infligendæ, nisi sit specialiter exceptus. Ergo multæ dictionem habet: nam et pignoris capionem habet, l. quemadmodum, §. magistratus, D. ad leg. Aquil. l. 4. §. 1. D. de damno infecto: non potest quidem suam jurisdictionem tueri magistratus municipalis pœnali judicio, eo scilicet quod proponitur in l. 1. D. si quis jus dicenti non obtemperav. ubi excipiuntur nomination Duumviri: sed aliud est pœnale judicium aliud dictio multæ. Et invenio etiam magistratus municipales habuisse modicam coercionem, non in liberos homines, quos ad præsidem provincie remittebat, sed in servos, quos tamen capitales remittebat, l. 12. D. de jurisdict. l. 15. §. adjicitur, D. de injuriis, l. si privatus, D. qui et a quib. manum, ubi agit de servo quodam, qui se liberum esse dicebat falso, ne coerceretur a magistratibus municipalibus scilicet: nam urbanus, aut provincialis etiam in liberum hominem habuit auctoritatem et coercionem: et ita in illo loco in Basilicis τῶν στρατηγῶν, quæ omnia retuli, ut intelligeretis majorem fuisse potestatem magistratus, quam defensoris.

143

AD TIT. LVII.

De Officio Juridici Alexandriae.

Constitutio hujus tit. Juridici Alexandriae dat jus conficiendorum actorum, et nihil præterea: ei datum est etiam constitutionibus jus dandi tutoris, data legis actio, l. 1. et 2. D. cod. et *senos autem, Instit. de Attil. tutore*. Is in Alexandria jura reddidit, et inde juridici nomen, quod ei tantum, et proprie attributum erat, quamquam et alii plerique sunt, et appellari possunt juridici: sed tamen non appellantur a nostris auctoribus, qui non confundunt temere nomina: hunc *ἡγεμόν* Strabo, æquid cum antiquæ inscriptiones vocant: fuit sub præfecto Augustali et ipse Augustalis, et Juridicus Alexandriae pertinebat ad curam principis, interque ab ipso Augusto constitutus. Ordo, autem, sive curia in Alexandria civitate initio nulla fuit, voluit quæ Augustus, ut uno juridico Alexandria contenta esset. Ægyptiorum ingenia Augusto semper fuere invisa atque suspecta: ut noluerit concedi curiam Alexandriae, quæ est Ægypti, et ea ratione nullum Alexandrinum ex lege Augusti licebat cooptare in Senatum urbis. Sed postea Severus Imper. Alexandrinis etiam jus curiæ dedit, jus voluntarium, ut ait Spartianus: nam decuriones appellantur. Et eleganter interpretatur, decuriones: et ita semper est vertendum. Deinde Antoninus, ut Dio scribit lib. 51. eis dedit jus coeundi in Senatum, ut Senatores populi Romani fieri possent.

AD LIB. II. COD.

RECITATIONES

DOMINI CUJACII.

AD TIT. I.

De edendo.

Expositis lib. 1. Officiis diversorum Judicum, ordine suscipit tractandum, quo quisque de jure suo apud judices experitur, et initium facit a tit. de edendo. Prætor jubeat actorem edere specie actionis, qua acturus est, ut reo sit integrum dispicere utrum contendere debeat an cedere, vel transigere, et pacisci cum actore litis evitandæ gratia, fuit et idem tit. de edendo, et editione instrumentorum litis: nam ea quoque profecto æquissimum est edi ei unde petitur, et similiter de editione, sive de edendis rationibus argentariorum, qui scilicet solebant conficere fere rationes contraben-

tium. Olim non solvebatur nisi ad mensam argentarii, ipso argentario nummos explorante, et expendente, et excipiente rationibus suis, quæ fidem publicam faciebant quid esset numeratum, quid solutum. Denique in tit. de edendo proposita sunt edicta de edendis rationibus, et edendis instrumentis litis, et edendis rationibus argentariorum, actione etiam proposita in argentarios, si nolent reddere postulantis, quorum res erant, quod plenius demonstratur in tit. *Pundect. de edendo*: nam in hoc tit. C. est una tantum lex, quæ proprie pertinet ad titulum: nimirum l. 3. reliquæ leges sunt quodammodo extra carceres hujus tit. affines tamen huic, et proxime: veluti an reus cogatur edere rationes suas, quibus scilicet actor fundet, muniat, instituat actionem suam, quod facere non cogitur: nam ut ait l. ult. hoc tit. *non oportet originem actionis fundari ex instrumentis ejus, qui convenitur*: ex causa tamen quandoque judex jubet etiam reum edere rationes suas, ut in l. 1. hoc tit. Definitur etiam alia questio, an acta publica sint edenda cuilibet postulanti, quod est affine capiti de edendis rationibus argentariorum: nam et hæ erant publicæ, sed l. 2. hoc tit. quæ loquitur de actis publicis, loquitur de actis, quæ conficiantur apud eos, quibus jus est conficiendorum monumentorum, actorum gestorum, veluti apud præsides in provinciis, vel apud duumviros, vel apud defensores, et in urbe apud magistrum census: et sane cum sint publica, videntur esse edenda cuilibet postulanti. Etiam alia definitur questio, an post litem contestatam reo actor cogatur edere rationes suas, vel alia instrumenta, quibus reus possit instruere defensionem suam, quod sane reo concedi æquissimum est: et magna est hac in re differentia inter actorem, et reum, petentem scilicet edi sibi rationes actoris, quod facile impetrat, l. ult. hoc tit. in causis criminalibus illud est absolutum, ut si accusatori deficient probationes, protinus reus absolvatur, ne temere judex ex propriis documentis, quæ reum edere coget, damnet reum, sed ex probationibus tantum, quas accusator protulerit, alioquin quem accusationem accusator intentabat reo reflectitur in accusatorem. Et ait l. 4. *actore non probante*: est enim de accusationibus tantum, qui convenitur obtinebit. In C. nos Christiani 32. q. 6. *probatione cessante vindictæ ratio conjuiscit*. Cassiodor. T. *Reus, qui dicit, et probatur*. Ceterum in causis civilibus actore non probante, non protinus reus absolvitur: nam ex causa jubet nonnunquam judex postulante actore reum edere rationes suas, ex quibus damnet reum, etiamsi nullas probationes attulerit actor: et rursus altero non probante deferitur plerumque jusjurandum

reo, vel etiam actori: non igitur protinus absolvitur reus, et in *d. l. 4.* actor significat accusatorem: nam lex ita incipit, *qui accusare voluit.* His de rebus non erant proprie edicta proposita sub *tit. de edendo*, sed de quibus dixi antea. Porro, ut initio diximus, initium facit Justinianus, ut videtis, ab editione actionis, ut etiam in libris ad edictum Ulp. et Paul. initium fecerunt a *tit. de edendo*, initium scilicet ordinis juris sui persequendi, ordinis morisque judiciorum, ut inde fiat verisimile, etiam ab editione actionis coepisse edictum perpetuum, cujus utique ordo observatur in *C. magis*, quam in *Pandect.* et vero *Pand.* initium faciunt a *tit. de in jus voc.* non a *tit. de edendo*: et defendi possunt hac ratione, quod eodem fere tempore, et ederetur actio reo, et vocaretur reus in jus, quæ res efficit, ut omnium actionum initium proficisci dicatur a *tit. de in jus vocando*, in *§. ult. Inst. de pœna temere litig.* et similiter contra possum non falso dicere, omnium actionum instituendarum initium proficisci a *tit. de edendo*: nam facile constitui non potest vocatio editione, an editio vocatione prior fuerit: conjunctæ certe, aut affines fuisse videntur, atque contiguæ. Porro edere, est demonstrare speciem futuræ litis, *l. 3. h. tit.* exprimere speciem, et nomen actionis, in *l. ult. inf. de interdictis*, quam editionem ait *d. l. 3.* posse mutari, aut emendari, prout edicti perpetui monent auctoritas, id est, secundum quod edicto est definitum: eo scilicet edicto, quo jubetur edi actio, id est, eo definitum, ut ante litem contestatam, post editionem sit liberum actori eam emendare, vel immutare simul, ac eam, vel emendationem, vel mutationem patefacere reo. Sed adjicit *d. l. 5.* posse etiam eam mutari, vel emendare prout jus reddentis decernit æquitas: malim decernet, quam decernit, id est, etiam post litem contestatam ex causa, si ita iudex decreverit mutare, vel emendare actionem licet ex edicto ante litem contestatam, licet etiam post litem ex decreto iudicis in *§. si quis agens, Inst. de action.* mutatur actio, cujus nomen mutatur, ut si pro actione ex stipulatu responatur actio ex testamento: emendatur ea actio, cujus nomine retento pars aliqua corrigitur; ut si pro Stichos, qui dicebatur debere ex stipulatu, repositus sit Pamphilus. Et notandum etiam hinc magnam esse differentiam inter editionem, et litem contestatam, quod ex *d. l. 3.* conjuncta *l. 1. inf. de litis contest.* est apertissimum: et vero est conjungenda utraque: utriusque enim est eadem inscriptio. Fuit una constitutio, quæ scissa est in partes: hæc pars *l. 3.* est de editione, illa, de litis contestatione, et definit non esse litem contestatam, quæ de re hodie etiam disceptatur frequenter, si simpli postulatio celebrata sit, quod ego inter-

pretor secundum jus vetus, si petita sit, et impetrata actio ab eo, qui jurisdictioni præest: contestatio est initium litis, nondum lis, sed controversia: non est etiam lis contestata, inquit, si actionis species ante iudicium reo cognita sit, id est, si edita si actio nondum lis est contestata, sed tum demum lis dicitur contestata, cum iudex per narrationem negotii ex utraque parte causam audire coepit: multæ præcedunt sæpe volutationes, tergiversationes, et moræ, antequam pars velit inire contestationem litis, quia tum initur solemniter, cum narratur negotium utriusque exacte et diligenter. Editio igitur est preparatio, sive indicium litis, contestatio est initium litis proprie. Notandum autem maxime, hodie statim esse edendam actionem ipso limine iudicii ruptis veteribus ambagibus, ut ait *d. l. ult. inf. de interdictis*: quænam sint illæ ambages, hoc declarat *l. 6. et toto tit. de denuntiatione, sive editione rescr. C. Th.* nam ante editionem, et litis contestationem præcedebat sollemnis denuntiatio, insinatio, intimatio litis, non demonstratio, sed comminatio litis, quæ fiebat apud acta absente reo, aut non faciente sui copiam, vel si quis erat acturus ex rescripto, edendum erat rescriptum ipsum adversario antequam ederetur formula, libellus petitionis, et a denuntiatione erant constituta tempora certa utrique parti ad actionem proponendam. Itaque non protinus actio edebatur, aut disceptabatur: ab illa sollemni denuntiatione data erant certa tempora ad instruendum se, quod ille *tit. C. Th.* indicat etiam ab ea temporis præscriptione exceptas fuisse causas Ecclesiasticas, quas protinus agi oportebat remota denuntiatione temporis, et observatione, scilicet causas modicas, id est, quæ non excedebant summam centum aureorum, et causas, quæ clericali de siderabant, veluti causam interdicti, et adipiscendæ, vel recipiendæ possessionis, quæ nobis est momenti causa, quod celeriter possessionem reformari oporteat: excepta etiam erat persecutio fidei commissi, et actio de inoff. testam. et actio tutelæ, et actio negotiorum gestorum, et actio ex chirographo, et alia si certum petatur de chirographis: ceterum hodie nullæ causæ excipiuntur: nam definitum est non esse amplius in ulla causa his ambagibus locum, sed statim, ut dicunt antiqui esse stimulandum equum ad carceres, apud Nazianzenum *ξευτὴν ἵππον*, hoc est, quod in Institutionibus legitur in *§. appellamus, de act.* nullam esse hodie denuntiationem, sed rem incipere ab editione, et vocatione.

AD TIT. II.

De in jus vocando.

In jus vocare, quid est? an libellum contrarium

dare principi, vel judici? minime, *l. 15. D. eod.* an judicem interpellare defensionis suae audiendae causa, ut se audiat defendere volentem: an vero interpellare actorem, ut veniat auditurus defensiones rei? minime, *l. 14. D. eod.* sed in jus vocare, est juris sui experiundi causa adversarium vocare ad judicem, non per viatorem, quod tantum novissime factum est, sed olim fiebat per seipsum: et is quem actor vocaverat sequi compellebatur, et dicto audiens esse, aut sane trahatur, rapiebatur manu injecta, nisi satisfaceret iudicio sibi ad diem certum, vel nisi transigeret, *l. 3 §. item. ff. qui satisfacere cogant. l. neque. ff. de in jus voc.* erat igitur in eo velut quidam ignominia rapi ab adversario invitum: qua de causa non licebat vocare patrem in cuius erat potestate, ut ostenditur in eod. tit. nec etiam patrem, qui emancipasset, nec matrem, cuius constat nullam esse potestatem in filios, nec patronum aut patronam, nec alias personas, quibus debebatur reverentia: non licet rapere invitum nisi scilicet venia impetrata a praetore, et ita venia est salva reverentia, venia petitio erat conservatio reverentiae.

AD TIT. III.

De pactis

Frustra adversarium in jus vocasti, et ab eodem frustra stipulatus es iudicio sibi, si postea tecum de re transigerit ante, vel post diem, in quem sibi promissit, nihil refert: nam etiamsi contemnat promissionem iudicio sistendi causa factam, si fallat ad condictum diem, vel stipulatio non committitur, vel sane eliditur exceptione pacti, vel transactionis, vel doli, mali, quoniam concurret cum exceptione pacti semper. Et haec est sententia *l. 2. si quis caution.* Ideo in hoc iudiciorum instituendorum exordio recte dedit tit. de pactis, et de transactionibus, quibus scilicet saepe dirimuntur lites, atque delinuntur, et extinguuntur stipulationes iudicio sibi extortae ab adversariis in jus vocatis. Hi igitur duo tit. sunt veluti exceptiones superiorum, ut edatur actio: ut in jus vocetur adversarius, et sequatur vocantem, vel ut caveat iudicio sibi promissa poena nisi steterit, et ut conveniatur nisi venerit ad diem condictum, si deseruerit vadimonium, nisi scilicet de re pepigerint litigantes, et transigerint. Nihil autem refert pactum dicamus, an pactionem: nam juris auctores promiscue his duobus nominibus utuntur, *l. juris gentium, §. sed cum nulla, D. de pact.* nudam pactionem non parere actionem, et in sequentibus ex nudo pacto non nasci actionem: fateor constitui posse subtilem quandam differentiam ex eo quod *l. 1. D. de pact.* dicat, pactum dici a pactione, significans scilicet iure Stoico-

rum denominatum nomen dici a denominante sicut cum dicunt liberum dici a libertate, testimonium a testatione, donum a donatione, et Stoici hominem ab humanitate, claudum a clauditate, ut scilicet ita res omnes nomen accipiant a fortuna, vel ideo. Et ita licet nobis dicere, pactionem nudam esse formam, quae per se intelligitur sine subjecto, pactum non esse sine subjecto, id est, sine re, de qua conveniatur, pactionem esse vocem denominantem, et pactum denominatum, pactionem abstractum esse, pactum concretum. Sed juris auctores hanc differentiam nunquam observant: ideo dicimus inter pactum, et pactionem nihil interesse, et stulti sunt illi, qui pactionis, vel pacti nomine comprehendunt etiam contractus: est gravissimus error: conventionis nomen fateor contineri pactum, et contractum. Conventionis nomen generale est, non pacti, nec contractus pactum dicitur usquam, nec retro pactum contractus: immo magna est differentia. Ex pacto non est actio, sed exceptio tantum, vel replicatio, nisi lege confirmatum sit, vel nisi contractui bonae fidei pactum adjectum sit ex continentia: nam pactum, quod apponitur contractui format actionem contractus, et dicitur lex, quia dat legem, et formam actioni ex contractu. Regulariter ergo ex pacto non est actio, non obligatio. Ex contractu est obligatio, et actio: ex pacto non est civilis obligatio, ex contractu est: et ut definitio-nibus res ostendatur, contractus est conventio, quae habet nomen proprium, vel causam, causa est datio, vel factum: vel contractus est conventio, quae nomen habet proprium, aut si non habet, ex datione, vel facto iam effectum sumpsit, ut emptio et venditio, quae perficitur nudo consensu est contractus, quia nomen proprium habet ex iure gentium, cui consensus omnium gentium usque nomen inlicitum proprium, non inane, sed cum effectu. Cum rem do, ut des, est contractus, qui vacat nomine, non tamen vacat causa, cum jam datione sumpsit effectum vel facio, ut facias: haec etiam subest causa, scilicet factum, etiamsi nomen proprium non subest: pactum autem est conventio, cuius neque nomen subest ullum, neque causa, ut dabo, ut des, dabo tibi togam, ut mihi dabis tunicam: haec conventio caret nomine, caret etiam causa, quia nemo quisquam implevit conventionem pro sua parte: est nudum placitum, ex quo non est actio, est imperfecta conventio, quae destituta est causa et nomine, vel etiam pactum est res, de qua convenit inter duos pluresve, quae nomen non habet aliud, quam generale nomen pacti, non ullum proprium quaeque nondum ulla ex parte paciscentium sumpsit effectum. Denique nudum pactum, nudum scilicet et nomine et causa, nudum, et simplex et solum, aut per se solum, ut Plautus loquitur, et dicitur nudum xat' d'fai-

πειρὸν, id est principio quodam nomine, non πρὸς δια-
στολὴν, quasi sit aliud non nudum: omne pactum
nudum est, et nunquam oportet dimoveri ab hac
sententia, nec nos debet perturbare *l. legem 10. hoc
tit.* dum ponit, quendam cum dotem daret pro alu-
mina, adiecisse legem aliquam in danda dote: puta
ex lege, conditione, et pactione dedisse, ut vicissim
faceret aliquid, qui dotem accipiebat, et illam legem
adjectam in danda dote non solum servari oportere,
sed etiam datis actionibus compelli eum, qui dotem
accepit pactionem ex eo contractu servare, qui for-
mam ea lex dedit. Verum objicies, ut ait *d. l. ex
pacto* non nasci actionem, lex illa pactum est, ergo
non nascitur actio ex eo. Respondeo id verum esse
cum pactum nudum est, cum conventio pacti tan-
tum nudi nominis censetur, ut est in *l. ult. inf. de
rer. permut.* alicui hoc conventio contractus nomi-
ne potius censetur: ergo non nimium si ex ea detur
actio; et hoc est quod ait *d. lex 10. alioquin cum
pecunia datur*: et omne igitur pactum est nudum,
est perpetuum epitheton pacti. Greci pactum ita
definiunt, vel describunt potius. Pactum est,
inquiunt, si nulla precesserit datio, nullum factum
sed convenerit simpliciter de dando, vel faciendo:
vel ut ait *l. si tibi. inf. de locato*: conventio, que
placiti sine steterit: nam promissum accipitur ge-
neraliter, nec significatur stipulatio tantum, sed
comprehendit, et conventionem, et pactum, et da-
tionem omnem: hoc genere nullum negotium con-
trahitur. Ceterum definitio illa non est plane per-
fecta, est gravata, sed nondum facta: nam emptio, et
venditio, et conventio nuda, que neque dationis rei,
neque pretii numeratione sumptis effectum, perfici-
tur etiam solo consensu, *l. 1. §. ult. et l. 2. de
contrah. empt.* et tamen contractus est non pactum
quia ceteri cet nomen proprium habet. Igitur in pacti
definitione non est satis notare abesse ab ea conven-
tionis causam, sed oportet adijcere abesse nomen pro-
prium, et omnino rectissima est definitio posita in *l.
1. ff. de pactis*. Pactum est duorum, vel plurium
in idem placitum consensus. Consensus, id est, ni-
hil nisi consensus: vulgo legitur, *placitum, et con-
sensus*. Sed Pandectæ Florentinæ sine conjunctione,
ut ita intelligatur, in idem placitum ἀπαρὸν, in
idem placitum consensus: et ita in *l. ex placito,
C. de rerum permut.* id est, ex pacto: et est
quendam allusio, *l. divisionis placitum, ff. de
pactis*.

AD TIT. IV.

De Transactionibus.

Transactio est species pacti. Transactio est pa-
ctum, quo lis, vel præsens vel etiam futura diri-
mitur inter partes, ut in *l. 2. h. tit.* vel est decisio

litis, vel controversiæ facta consensu partium.
Differentia est inter litem, et controversiam, *l. 5.
et 25. §. plane, de pet. hered.* Controversia est
causa litis futuræ, lis autem est controversia, que
jam contestata est tabellis obsignatis, vel res in ju-
dicium deducta, Transigimus non tantum de lite,
sed ante litem de controversia, de lite scilicet,
quam veremur, ut in *d. l. 2. pacti nomen latius
patet*, quam transactionis: nam pactum fit etiam
de re certa et indubitata, puta donationis causa,
ut pactum de non petendo debito, quod dicitur
συμψηφιστὴν σύμψυρον. Transactio fit tantum de lite
incerta, et nondum finita: nam finita lite, id est:
post rem judicatam, non valet transactio, neque
potest appellari transactio, sed pactum, quod in-
tervenit inter partes: neque transactio est tantum
de lite, sed etiam de re quacumque dubia, *l. 7.
ff. eod.* veluti de incerto conditionis fideicommissi:
si mihi relictum sit fideicommissum sub conditio-
ne, de eo potero transigere pendente conditione,
ita ut remittam jus omne meum pascuola accepta pec-
unia præsentem, ut sit sæpe, et exempla sunt in *l.
1. et l. cum proponas, sup. de pactis*: nam et tit.
de pactis habet de transactione pleraque, quando-
quidem perficitur transactio pacto: et in *l. de fi-
deicommiss. eod. tit.* et secundum hæc videmus tran-
sactionem nusquam fieri gratuito, nusquam dona-
tionis causa, quandoquidem fit semper de re dubia
et incerta, ut est in *l. 38. eod. tit.* aliquo dato,
vel retento, vel promisso: pactum potest esse libe-
ralitas, nulla est transactio liberalis, et ita separa-
tur semper transactio a donatione diligenter, *l. ex
conducto 13. §. Papin. ff. loc.* est elegans species:
locator remisit colono au Fermier, pensionem
unius anni propter sterilitatem, quam remissionem
dicimus un rabais: sequentibus annis contigit uber-
tas, definitur in ea *l. dominum posse repetere in-
tegram pensionem*, etiam ejus anni, quam remisit
propter sterilitatem, remissionem nihil ei obesse,
quia sequentibus annis contigit ubertas: quod si in
remittendo usus sit donationis verbo, et dixerit se
colono donare, non tam, inquit, est donatio, quam
transactio, et non aliter statuitur, quam si et se-
quentibus annis non ita responderint fruges, ut
possint sarcire damnum anni sterilis, et ita in *l.
quidam, ff. de donationib.* donatio non valebat
olim rei corporeæ nisi intervenisset emancipatio so-
lemnis, et rei incorporeæ nisi intervenisset solem-
nis cessio in jure, veluti nominis, sive obligationis:
donatio non valebat nisi solemniter crederetur nomen
apud prætorem. Finge: in jure quidam est inter-
rogatus, an deberet aliquid Titio, qui sane ei de-
bebat aliquid, Ceterum in jure respondit, Titium
nihil sibi debere: videtur amisisse actionem contra
Titium. Imo non amisit, quia ea verba sunt dona-

tionis verba, et non fecit cessionem nominis solem-
nem. Verum ait, quod etsi non transactionem,
sed donationem ea verba referre quis velit, tamen,
qui in jure interrogatus ita respondit, suam con-
fessionem non potest infirmare. Secus igitur si hoc
divisset extra jus: nam frequenter confessio extra
jus nihil obest, et comparatur pacto nudo, ex quo
nulla nascitur obligatio civilis: etiam separatur
donatio a transactione in *l. tutores*, §. *ab eo qui*,
de administrat. tut. Transactio igitur ad litem re-
fertur, vel ad negotium aliquod ambiguum, nec
fit unquam donationis causa, aut jam non est
transactio.

AD TIT. V.

De errore calculi.

Quod est in tit. 5. est pars tit. de Transactionibus,
ut intelligamus transactionem rescindi si erratum sit
in computatione, nisi etiam de errore calculi nomi-
natim transactum sit: sicut proditum est super. tit.
propter doli, aut falsi causam rescindi transac-
tionem, nisi et de iis specialiter transactum sit: res est aper-
tissima.

AD TIT. VI.

De postulando.

Recte pacta, et transactiones sequitur tit. de po-
stul. nam si rem partes inter se pacto non decidunt,
quid aliud superest, quam ut partes sue desideria
exponant apud judicem per se, vel per advocatum,
quod est postulare. Igitur postulare est in jure po-
stulare, et vero eodem ordine ita sunt præscripta
in 12. Tab. Rem. ita ni pagunt in comitio, aut
in foro ante meridiem causam conicito, id est, po-
stulato, et agito. Postulat, qui causam agit et tue-
tur: nam vel alienum, quod fit, non tantum litis
contestatione partibus præsentibus, sed et qualiter-
cumque in jure apud judicem, etiam absente adver-
sario, vel etiam nullo existente adversario: postu-
lationis enim nomen latissime patet: fuit autem sub
hoc tit. propositum edictum prætoris de his, qui
apud judices postulare non possunt, edictum sci-
licet prohibitorium, ut edictum de procuratoribus
in *l. mutus*, ff. *de procurat.* dicitur esse prohibi-
torium, quis qui edicto non sunt prohibiti postu-
lare, iis licet postulare: et possumus quoties edictum
est prohibitorium, ita semper argumentari: non
comprehendor edicto prohibitorio, ergo licet mihi,
quod non licet edicto comprehensis, et edictum hoc
non proponitur quidem in h. l. sed latissime in Dig.
explicatur: ergo sub hoc tit. erat propositum illud
edictum prohibitorium, licet in h. tit. de eo edicto
nulla fiat mentio, et constitutiones tantum alios

addunt, quam qui comprehensi erant in edicto, qui
prohibentur postulare, ut in *l. ult.* prohibentur po-
stulare, qui non sunt Christiani: iis interdicitur ad-
vocatione, et postulatione. Item qui pacti sunt par-
tem aliquam litis, veluti pro honorario, quam luen-
dam susceperant, quæ est pactio turpissima, re-
emptio litis, fœde, et velita multis legibus, *l.*
sumptus, ff. *de pact.* *l. 1.* §. *si cui cautum*, *D.*
de ex ordinat. cognit. *l. litem*, inf. *de procura-*
rat. *l. 20.* inf. *mand.* Ita in *l. 5.* eod. tit. pro alio
postulare prohibetur, quem probatum est suscepisse
lucendam causam clientis, vel suscep'i sub pactione
dimidiæ, 3. aut 4. partis litis: hi etiam *l. 6.* pro-
hibentur postulare, qui sunt ex numero judicum,
quod necesse fuit constitui: nam invenio olim ex
pluribus iudicibus sæpe datum unum, qui suscipe-
ret patrocinium hujus, vel illius partis in Epist.
Plinii lib. 3. et ut qui sedent modo starent: nam
iudicis est sedere advocati stare, ut intelligitur ex
fine *d. l. 6.* nam stando ad tribunal causas agunt et
peragunt. Additur in *d. l. 6.* de modestia advoca-
torum, ne in adversarium contumelias spargant,
ut agant quod causa desiderat, temperent se ab inju-
ria, nec sint alio procaces, ut non ratione, sed
probris putent esse certandum: hanc procacitatem
notari infamia hæc lex ait, et eleganter in eodem
proposito Cassiodorus: *Certaminibus ejus mode-*
stia semper adfuit, etc. ex quo intelligitur, mo-
destius esse contendere, quam litigare. Et adjecit,
cognitus est, ut probaretur vincere, nec contra-
rium laedere, id est, adversarium, et pactiones,
de quibus in *l. 5.* strictim, velantur in *l. 6.* dum
ait, ut advocatus nullum cum litigatore, quem in
propriam recipit fidem, contractum ineat, nullam
conferat pactionem, et addunt Græci illo loco *πρὸς*
τὴν δίκην δίκην, & *πρὸς τὸν περὶ δίκην*, de parte li is,
vel de honorario, et notatur specialiter in *l. 1.*
C. Theod. de postul. ne priusquam causam alie-
nam agant habita pactione eurent in se transferri
præcipua bona, præcipuum fundum, *la meilleure*
piece qu' ils ayent, lites persequuntur atrociter,
et allegantur extra cætum honestorum virorum, id
est, notantur infamia. Invenioque eos non posse
postulare ex *l. pen. hoc tit.* qui dati advocati a
iudice non inveniente advocatum, pro eo postulare
detrectant. Iudex sæpe dat advocatum non habenti
ex edicto prætoris, si advocatum non habent ego
dabo, *l. 1. D. de postul.* *l. 9.* §. *observare*, *D.*
de offic. procons. et dat etiam aliis omnino non
postulantibus, veluti plerumque sceminis, et pu-
illis, vel aliis debilibus, vel iis, qui suæ
mentis non sunt, *l. magis*, §. *requirat*, *D.*
de rebus eorum, qui sub tut. *l. 3.* §. *sed si non*
latitet 15. *de susp. tut.* et ita dati a iudice si hoc
pio officio fungi detrectant, jam nec ulli deinceps

alii adesse poterunt, quasi indigni advocatorum nomine, et honore, qui in eo contumaces adversus iudices fuerunt.

AD TIT. VII.

De Advocat. divers. judiciorum.

Sequitur tit. 7. in quo tractatur, remotis iis, qui postulare non possunt, de iis, quibus postulare licet pro se, vel pro aliis, ingenuis scilicet, et libertinis: nam et libertinis licebat causas agere, l. 2. sup. de postul. de his igitur, qui postulant in foro diversorum judiciorum, puta in foro præfecti urbi: horum sunt variae appellationes, patroni, advocati, causidici, oratores, rhetores togati dicuntur, et scholastici, sicut in l. 2. inf. de lucr. advoc. Scholasticus est, qui se exercet in schola rhetorum declamando: quod cœperint, et obtinuerint nomen in schola rhetorices, idem retinent in foro, et relati in advocatorum numerum etiam scholastici dicuntur, ut in Concilio Africano scholasticos, qui in actu sunt, vel numero defensorum causarum: sunt enim alii, qui nondum exierunt schola: et ita Marcius hom. 15. ὅταν γίνῃται σχολαστικὸς, ὅλως τῶν δικαλῶν ἀρχὸς καὶ ἰσχυρὸς ἐστὶ, id est, cum fuit scholasticus, quando il est recens Advocat, omnium advocatorum est postremus, et arcarius: fuit olim differentia intra advocatos, et patronos. Patroni agebant causas, alii advocabantur in concilium. M. Tull. pro Cluentio: Quis enim non modo in patroni, sed in laudatoris, vel advocati loco viderat. Et Asconius Pedianus: Qui alium defendit in iudicio, aut patronus est, si orator est, aut advocatus, si ius suggerit, aut præsentiam suam commodat amico: nam litigatores in forum secum ducebant amicos suos omnes; consiliarios suos, isque comitatus dicebatur advocatio, et plerumque patronus non erat jurisperitus, advocatus jurisperitus. Sed hodie his nominibus abutimur, et advocamus patronum, qui litem nostram agat: invocamus iudicem, qui ius reddat nobis: vocamus adversarium, evocamus testem, et ita hæc verba in jure sunt distinguenda. Porro in unoquoque foro certus fuit advocatorum numerus, certa matricula, in l. ult. sup. de adess. certum corpus, collegium, consortium sub primiceriis, qui hoc tit. priores dicuntur, et primates, et qui intra eum numerum erant dicebantur statuti, qui supra numerum, supernumerarii, et quantum apparet ex constitutione hujus legis magna differentia inter ipsos. Statuti privilegiati sunt habentes certa quædam privilegia, et fori privilegium et immunitatem, et si filiofamilias sint, quod ex ea professione acquirunt, id omne sibi habent, et possident tamquam ca-

strense peculium, nec acquirunt patri, in cujus sunt potestate, l. 4. hoc tit. nam et militare dicuntur advocati in l. 14. h. l. Manilius Poeta 3. Astronomic. hoc quoque militum genus est civilibus actis compositum: et Eumenius in orat. pro scholis restaur. Magna diversitas est inter hanc aciem fori, et nostra illa secreta judiciorum exercitia: ibi armantur ingenia, hic præliantur, ibi prælusio, heic pugna committitur, hic plerumque velut sudib. et saxis, illic semper telis splendidibus dimicatur. Et Cassiodorus. Oratorum pugna civilis juris classicum canit. Et ut percenseamus cetera statutorum privilegia, horum filii, si foro sunt idonei quoties in statutorum demortuorum locum suffiendi sunt, supernumerarii præferuntur ceteris supernumerariis etiam antiquioribus in advocacy officio, et nihil impendunt pro introitu, sed gratuito subrogantur in demortui patris locum: nam in omnibus corporibus et collegiis erant sub primiceriis, sub legibus, et ordine certo: novi semper sportulas aliquas erogabant collegiis pro introitu, novi decuriones, novi advocati, sed filii statutorum advocatorum subrogantur sine ullo sumptu: habent et statuti pleraque alia privilegia concessa constitutionibus reverentia studiorum, ut ait l. 15. reverentia litterarum, et contemplatione litteratæ militiæ, ut ait. Valentin. in Nov. de postulando. Et hæc de statutis: supernumerarii non sunt privilegiati ac præterea statuti suo foro nunquam excedant, c'est un office ferme. Supernumerarii sequuntur forum quodcumque volunt, et ut libet ex uno in aliud migrant. Et præterea statuti habebant publica salaria, sive annonas, non supernumerarii: et cum canonibus esset interdictum clericis advocacy apud Photium, sive Balsamonem, Diaconus quidem subtiliter contendit clericis quidem non licere advocatis esse statutis, sed licere supernumerariis esse, aut certe talibus quales sunt hodie omnes nulli certo addicti foro, nulli salario. Hæc est summa brevis, h. tit. quem notandum est male distributum fuisse in duos tit. quod series constitutionum, et nomina Imperatorum disposita seriatim satis comprobant: nam satis in constitutionibus accurate servatur ordo Imperatorum, et quidam etiam in eo tit. adnotant perquam stulte, deesse hic duas constitutiones Græcas, et his quidem fuisse cautum ne quis in sua patria fungere ur advocacy, quod in jure nunquam prohibitum est, nec ulla ratio id prohibendi: non potest quis esse præses in sua patria, non adessor ultra quatuor menses: quis adessor est pars præsidis: non fisci patronus: nam horum est potestas magna. Ceterum privatorum advocatus esse potest: ut enim vetatur esse fisci advocatus satis intelligitur, posse esse advocatum ceterorum: sed

dum illae constitutiones sententiam illam continerant, quam exposui 14. Observ. cap. 2.

AD TIT. VIII.

De Advocatis fisci.

Superiori tit. de advocatis diversorum judiciorum, mox recte conjungitur hic tit. de advoc. fisci, non quasi ille sit de his, qui privatorum, hic de his, qui fisci causas agunt, sed etiam quia ex corpore advocatorum qui in diversis foris causas defendunt, ex collegio, et consortio eorum de quibus actum est tit. sup. sumuntur advocati fisci, qui agunt causas fiscales, qui delatorum intentionem exequuntur, ut ait l. 3. §. *advocatum*, ff. de his qui ut ind. et quos deficiente alio accusatore reis princeps opponat accusatores, ut hodie fit: et legimus secisse Maximum sive Maximinum Imper. apud Sulpitium Severum l. 2. hist. sacr. Nulli hodie sunt accusatores, aut rari admodum, qui se inscribant in crimen, qui se subjiciant periculo calumnie, nisi reum peregerint. Sed advocatus fisci omnibus reis opponitur accusator: hi vero fisci advocati multa habent privilegia, atque etiam liberi eorum, et ii potissimum, qui in amplissimo foro praefecti praetorio causas fisci agunt: quare privilegia habent communia in eodem foro cum advocatis 64. prioribus, et in foro praefecti urbi cum advocatis xv. prioribus, l. 13. l. 16. sup. l. prox. et inde Nov. Theod. de postul. Curiales, inquit, qui post 64. priores advocatos in amplissimo foro postulant, per substitutum munia sua civitatis agnoscere: et haec quidem privilegia omnia exponuntur tit. sup. hi. tit. est de offic. advocat. fisci, puta, ne procurator Caesaris, sive fisci, qui jurisdictionem etiam inter fiscum et privatos habet, non disceptet causas fiscales, causas rei privatae, vel sacri aerarii absentibus advocatis fisci, l. ult. h. l. rationales sunt procuratores Caesaris: et additur in l. 1. eod. tit. ne advocati fisci, etiamsi nondum de publico salarium acceperint, alii cuiquam adsint, l. 1. imo et deposito officio, deposito patronatu fisci in eadem causa adesse non possent contra fiscum, quam cum erant advocati fisci egerint pro fisco, leg. 2. nisi scilicet suo, vel filiorum suorum, vel parentum nomine necessitudo eos excuset, vel etiam pupillorum suorum nomine, tutorio nomine, l. pen. et ult. ff. de postul. Tutorem necessitas officii, et pietas excusat, in l. tutorem. ff. de iis quibus ut indign. nam et eadem ratione adversus quem quis fuit advocatus, postea filio ejus tutor relictus non prohibetur in eadem causa adesse pupillo. Denique non prohibetur defendere causam, quam oppugnavit initio, quod etiam ostenditur in l. ult. ff. de postul. et confirmatur etiam auctoritate Mas-

surii Sahini Jurisconsulti l. 3. juris civilis, apud Gellium l. 5. c. 13. et addit, ne advocati fisci supprimant jura fiscalia, occultent commoda fiscalia, sub nomine fisci falsas accusationes instituant, l. 3. h. tit. et eleganter advocacionem seu patronatum fisci, l. pen. sup. l. prov. vocat. patronatum aerarii, c' est tout un: et Philostratus in Cyrius linguam aerarii, et Basilius in Epis. ad Sophronium magistrum officiorum, quem est de bonis Caesaris fratris Gregorii Nazianzeni, *ευνδυοποιον τρυαπλον*, *advocatum aerarii*, qui scilicet interveniat pro fisco apud Comitem thesaurorum, et Comitem thesaurorum vocat. comitem sacrarum largitionum, ut in l. 2. ut dignitat. ordo serv. l. 2. inf. de pal. sacr. larg. Igitur advocatus fisci in urbe intervenit pro fisco apud praefectum aerarii, et in aula apud comitem sacrarum largitionum, vel comitem rerum privatarum: in provinciis apud procuratorem Caesaris, l. inter, ff. ex quib. caus. major. Quidam scribit, Marcum Antoninum primum instituisse advocatum fisci, et sic Capitolinum scribere: hoc vero non Capitolinus scripsit, neque a Marco Antonio institutus est: debuit scribere, Spartianum esse auctorem, et Adrianum primum advocatum fisci instituisse: et idem ille de patrono fisci scribit esse l. ult. ff. de jure fisci, cum tamen illic non sit legendum, *patronus*, sed *Patroninus*: quoddam nomen proprium ejusdem Caesaris procuratoris, ut ex lex apertissime indicat.

AD TIT. IX.

De Err. advocat. etc.

De advocatis omnium, vel fisci, vel privatorum, hoc quoque proprio tit. adnotandum esse censuit Imp. advocatorum errorem non nocere litigatoribus absentibus, praesentibus nocere nisi contradixerint intra triduum, l. ult. h. tit. et addit libellionum errorem etiam non nocere litigatoribus, l. 2. separat libelliones ab advocatis: hi agunt, illi scribunt, et ita in l. moris, ff. de poenis: alias advocatio interdicitur, alias libellorum conceptione: libelli, qui sunt epigrammata, Aristoteli in Rhetoricis sunt preces supplicantium, inscriptiones in crimen, acta, testationes, contestationes, appellationes; apostoli, id est, dimissoriae litterae: libellorum igitur nomen latius patet, quam precum.

AD TIT. X.

Ut quae des. advoc. part. jud. suppl.

Hoc etiam conditor Codicis existimavit dignum esse, ut proximo tit. jungeretur, iudicem posse supplere ea, quae desunt advocatis, vel partibus, *il faut lire ainsi*: nam ita loquitur lex un. h. l. Hi

qui negotiis assistunt sunt advocati: puta dicere, aut querere ea, quae dicto quaesitoque opus sunt ad implendum causam, etiamsi in cuius interest ea neque dicat, neque postulet, quae de re dubitabatur: et sumenda est ratio dubitandi ex Gellio l. 14. c. 2. cum tractat de offic. iudicis, et inter cetera querit, an possit ea iudex supplere, quae omittunt partes, vel advocati: et subicit, si iudex ea suppleret, iam patrocinari videbitur, sed nihilominus definitur, iudicem posse supplere, quae desunt reis, et quae non laedunt partem adversam, quo possit ipse causa recte ordinata congruam imponere sententiam, et in l. ult. inf. de appellat. Iudicem ait, absentis litigatoris partes adimplere, et sane ob eam rem puto hunc tit. ito esse emendandum, et quae dicunt advocatis, vel partibus iudex suppleat, quod etiam haec constitutio manifeste demonstrat.

AD TIT. XI.

De Caus. ex quib. infam. al. non irrog.

Ut ordinis ratio constet, quam nos solemus, si animadvertitis initio, semper exponere, quia infames advocati esse non possunt nisi pro exceptis quibusdam personis, l. 1. §. ait praer. or. ff. de postul. nec volentibus adversariis, l. quos, ff. cod. et Paulus l. Sentent. tit. 2. quia scilicet hoc pertinet ad iudicis dignitatem, ne apud illum postulent infames: ideo post titulum de advocatis, de iis scilicet, qui pro aliis possunt postulare, exponit causas, de quibus tantum ambigi poterat, ex quibus infamia non irrogatur. Titulus Digestorum exponit edicta, et consequenter causas, ex quibus infamia irrogatur: hic tit. exponit causas, ex quibus videbatur irrogari infamia, nec tamen irrogatur: scilicet ne quis temere infamiam obijciat advocato, quae etiam obijci poterat procuratori, et cognitori. Procurator est actor absentis nominis: cognitor est actor praesentis nominis, quam differentiam exponunt Festus et Asconius, et hodie, ut scitis, est certum corpus procuratorum ad lites: certus numerus debuisset esse etiam advocatorum, sicut olim, aut non esse debuit procuratorum, sed nec hodie advocatorum certus numerus. Ceterum hodie, qui procuratores sunt in foro certo numero, sunt procuratores, et cognitores: nam interveniant, et pro absentibus, et praesentibus. Ceterum procuratori potuit obijci infamia, vel cognitori, non tantum ex sua persona, quasi non licet infami esse procuratori, vel cognitori alienae litis, sed etiam ex personae mandatoris, quasi infamem non licet in foro habere procuratorem: non certe honor est aliquem posse litigare per procuratorem, quo indignus est infamis. Igitur obij-

Tom. IX.

ciabatur infamiae exceptio procuratori, et ex personae litigatoris, et ex personae procuratoris, et est in Fortunatiani Rhetorica haec exceptio: si negemus infamem agere posse, alieno scilicet nomine, vel per procuratorem: sed ut est in §. ult. Inst. de except. haec exceptio hodie non frequentatur, non tollitur quidem penitus in dicto §. sed defuitur, et ne in eohereamus distinctius relictam principalem quaestione, ne de infamia mandatoria, vel mandatori disputemus scrupulosus, ne inquit dum de apicibus juris disputatur, ut hac l. si fidejussor, §. quendam, ff. mand. quas ibi Graeci ἀπολογία vocant, negotii principalis quaestio protrahatur: et ideo in dicto §. ult. ait, exceptiones has hodie in iudiciis non frequentari: exceptio propter reatum procuratoris recte opponitur: nam qui est in reatu non potest litem alienam suscipere, l. reum, tit. seq. Igitur propter reatum proculdubio repellitur procurator, propter infamiam non temere, et aliud jus est in advocatis: nam in advocatis sane exceptio infamiae hodie frequentatur. Advocatorum est major dignitas, quam procuratorum, vel quod advocatorum corpus dicitur esse seminarium, dignitatum, in Nov. Theod. de postul. ex eorum enim numero patroni fieri solent, et plerumque inde sumebantur quidam, et constabat ex formulis Cassiodori, et sane esset indecorum, si infamis, qui famam suam nescierit tueri, alterius vellet in iudicio defendere, et hoc ad maiestatem iudicis pertinet, ut qui apud eum causas orant sint illi ree famae: procuratores causas non agunt, sed assistant negotiis, et litem alieno nomine persequuntur, nihil in foro obloquuntur: placet autem ita emendare tit. hunc, de causis, ex quibus infamia alicui non irrogatur: nam, ut dixi in hoc tit. recensentur potius causae, ex quibus infamia non irrogatur, quam causae, ex quibus ipso jure irrogatur: et praeter veteres libros, etiam in Basilicis ita concipitur, καὶ αἰτίας δι' ὧν ἀτίμωται οὐ προσδίδεται: nam non recensentur illae causae, ex quibus infamia irrogatur, sed ex contrario intelliguntur: ut cum dicitur in l. nemo, et l. debitores, cum qui se abstinent bonis paternis, vel qui bonis suis cessit, non esse infamem, hoc dicitur ad differentiam ejus, cujus bona ex edicto distracta sunt, quem constat infamia notari, ut in §. sui autem, Inst. de hereditum qualitate et differ. et §. 1. qui et quibus ex causis, Inst. l. paterfamilias, ff. de bonis auctor. jud. possid. et Cic. 7. Quintiana: et praeterea cum dicitur, cum, qui nomine suo Reip. causam egit nec obtinuit, non esse infamem, in l. neminem, h. tit. quod confirmat etiam lex 4. inf. de delator. et l. 2. in princ. ff. de jure fisci: hoc dicitur καὶ ἀτιμωταῖς ob differentiam delatorum, qui utique sunt infames, et execrabiles, ut ait dicta l. 4.

magnaque est differentia inter delatorem et accusatorem: accusatores laudis studio ducebantur ad præstantia publicorum judiciorum munia palam et publice, nec prodibant nisi comperta essent crimina, et verissima: ex epistolis Plinii intelligimus, in foro judices solitos debitam etiam laudem reddere advocatis, vel civiliter, vel criminaliter agentibus causam alienam, et inde in *l. 3. in fine de malefic. cum*, qui crimen illud prodiderit, accusatorem potius esse, quam delatorem, et premio potius dignum, delator clam calumniandi animo, et loci captandi causa desert, in *l. 22. in fine sup. de Episc. et cleric. cum*, qui in publicum detulit legatum, aut fideicommissum, quod quis reliquit in redemptionem captivorum non debere formidare delatoris nomen quod fuit infamie, et ut eleganter ait Hieronymus in lib. de optimo genere interpretandi, plerumque qui fisco clam detulerunt legibus puniri, et suscipere quidem leges delationem damnare delatorem, ut Augustus dicebat *ἐν τῇ ὑποδείξει πῶς, ἀλλ' ἀποδοῦναι οὐκ ἐμεναι*. Igitur in hoc tit. principaliter proponuntur causæ, ex quibus infamia non irrogatur, et per consequentiam ex quibus irrogatur: nam altero intellecto, et alterum sponte subsequitur. Quid autem est infamia? definitur eam a contrario: est illius dignitatis status probatus legibus, vel moribus, *l. pen. ff. de extr. cogn.* ergo est infamia hæc dignitatis status legibus, vel edictis comprobatus: nam nemo fit infamis sine lege, edicto, vel constitutione, vel infamia est macula existimationis, vel infamia, est damnum famæ, quæ et diffamia dicitur. Augustinus in questionibus vel. testamenti, *Senatoribus foenus diffamia est*: quæ scilicet non licebat Senatoribus legerari, id est, fœnori suas pecunias occupare, *l. 3. C. Theod. de usuris*. Theoph. autem noster in *tit. de except.* hæc refert esse penas infamie. Primum ut infamis non possit esse Senator, aut Decurio: generaliter ut ad nullum honorem possit admitti, *l. 1. ad l. Julianam de vi priv. l. 2. de dignit. lib. 12. l. qui quis, §. filius inf. ad l. Jul. majest. l. 8. inf. de decur. on.* Præterea ut infamis non possit miles legi, *l. 4. §. ad tempus, inf. de re milit.* et ut non possit in iudicio postulare, ut non possit esse procurator in iudicio, quāquam hoc non admodum observetur hodie, non possit etiam habere procuratorem in iudicio, ut per se causam agat, quia honor est habere procuratorem, et hæc quidem recenset penas dicto loco Theophilus: sed adde alias: infamis non potest esse iudex, *l. cum prætor, ff. de iudicis, l. 1. ff. ad leg. Jul. de vi priv.* non potest accusare, *l. qui accusare, ff. de accusat.* non potest aduersoris officio fungi, *l. 2. ff. de offic. aduers.* nam aduersor est portio quædam iudicis, non

potest agere populari actione, *l. 4. ff. de popul. act.* et si quis deliquerit infamia severius punitur, quam homo integre existimationis, *l. capitalium, §. ult. ff. de penis*: et vix etiam potest esse testis in aliena causa exceptis quibusdam casibus, ut *l. ab carmen, §. 1. ff. de testibus*. Hæc sunt penas infamie.

AD TIT. XII.

De Procuratoribus.

Non tantum advocati, sed etiam procuratores defendunt alium in iudicio, adsunt alii et adiuvant: nam adesse et adistere sunt propria verba advocatorum officii, vel procuratorum, et superesse etiam in *l. qui stip. ndia, hoc tit.* quod tamen verbum videtur improbari lib. 4. c. 22. apud Gell. et est elegans, quod illo loco quemdam advocatum non intellexim apud prætorem postulasse, cumque extra causam diceret, et rem quæ agebatur non attingeret. Tum prætor ei cuius res erat, dixit: tu igitur non habes advocatum, et cum is, qui verba faciebat reclamasset: ego illi adsum vir clarissime: Prætor erat vir clarissimus: fortive respondisse prætorem, tu plane superes, non ades, quia scilicet postulas, ne rem, de qua agitur, attingas. Ceterum, ut cæpi dicere, et advocati, et procuratores defendunt alium in iudicio postulant pro alio in iudicio. Immo advocatis rectissime juncti sunt procuratores: advocati sunt oratores, vel jurisperiti, qui alienis causis agendis adsunt: procuratores sunt, qui vice, et mandato ejus cuius res est, litem alienam persequendam et agendam suscipiunt perinde ac suam: et vel sunt procuratores in rem suam, vel est, proprium locum, vel in rem omnino alienam: in rem suam, si donandi animo mandata eis sit actio; ita ut rectius dicantur esse procuratores, qui mandatu et nomine alieno causam persequuntur, non qui alienam causam, nam in suam causam quandoque procurator constituitur, puta ei mandata sit cessæ actione donandi animo. In rem autem alienam constituitur, et non donandi animo mandata sit ei actio, sed ea mente, ut ex causa iudicati emolumentum ad mandantem rediret: olim non videntur permissi fuisse procuratores, qui alio nomine rem alienam agerent nisi ex certis causis, ut ostenditur in *tit. de his per quas ag. poss. Inst.* qui titulus est valde in plerisque singularis: et regula illa, est regula juris antiqui: nemo alieno nomine lege agere potest, et nemo potest esse procurator alterius nisi pro populo, pro libertate, pro tutela, ut ostenditur illo tit. Sed hodie litem alienam quācumque licet persequi proprio nomine. Non est illud omittendum, procuratoris nomen etiam accommodari iis, qui alia, quam litium negotia gerenda suscipiunt, qui dicun-

tur a Græcis novissimis, quod pauci intelligunt, *ἐποταπίες*, id est, mandatarii: nam *ἐκτορὴν*, et *ἐκτορὴν* est mandatum: *ἐκτορὴν* est etiam mandatum in *l. creditor*, §. *Lucius*, ff. *mand.* etiam aliud aliud, ut verba superesse, adesse, assistere dixi communia esse advocatorum et procuratorum: ita idem posse constitui, de verbo suscipere, utriusque suscipiunt, sed advocati personam suscipiunt, procuratores negotium: et inde advocato meo ego sum susceptus, vel cliens in *l. 1. inf. de princip. ag. in rebus*, susceptus, id est, cliens, et Augustinus in quest. mixtis: *hoc est advocati officium, ut secundum ordinem juris suscepti causam peroret*: et qui dedit, is dicitur mandator, vel dominus, procurator, mandatarius, et licet suscipiat procurator negotium administrandum, tamen mandatore, et dominum non recte appellaverit susceptum, sicut advocatus clientem: nam cum advocato non contrahitur mandatum, sed de me in fidem et clientelam ejus quasi patroni.

AD TIT. XIII.

Ne lic. potent. patroc. etc.

Hic titulus est veluti pars quedam tit. de procuratoribus *contre les transporteurs*, mandatum actionis, *un transport*, non est omne legitimum, non omnis procuratio est legitima. Procurator est is cui mandat actio modo in rem suam, modo in alienam, nam hic tit. vetat potentiora, id est, eos, qui gratia et operibus pollent, ad agendum procuratores fieri nomine alieno: puto potentiores causas orare posse pro quolibet, et adversus quemlibet, ex *l. quisquis*, sup. *de postul.* sed non possunt etiam agere procuratorio nomine adversus mediocres et tenuiores, qui ut est in *l. 3. D. de alien. jud. mut. caus.* potentioribus pares esse non possunt, quod quidem dictum formam proverbii habet, et Pindarus: *χαλκὰ δ' ἔπει ἀνδραγαθῶν ὁ μὲν τὴν χρυσίδαυ*, et patrocini nomine significatur procuratio non advocatio: nec enim minus, imo majus patrocinium litiganti prestat procurator: qui rem suam agit, instat, imminet rei magis, quam advocatus. Denique patrocinari mihi magis videtur procurator quam advocatus: additur eodem tit. *vel actiones in se transferre*, quod eo pertinet ut intelligatur, neque potentiori recte mandari actionem, ut eam intendat procuratorio nomine, sicut diximus, neque ut eam intendat suo nomine, nimirum omni jure, et emolumento in se translato, quod a potentioribus acerbis creditores eliciunt sæpe non prece tantum, sed pretio, aut pactione. Certe longe alia constitutio est Anastasii in *l. pen. inf. mand.* ea enim est de redemptoribus actionum, quæ redemptiones non valent supra modum soluti pretii ex ea constitutione,

et quasi odiosæ strictius accipiuntur. Constitutio autem D. Claudii, de qua agitur in hoc tit. est de his qui actionum suarum alios redimunt exactores, ut ait *l. 2. et de redemptis actoribus*: et rursus ut ejus tit. differentia intelligatur hoc distat idem tit. a tit. *de alien. jud. mut. caus.* quod hic tit. est de lite, sive actione translata in potentiora, edictum illud est de re mobili et immobili translata in potentiora ab eo qui videbatur ipse eo nomine judicium accipere. Punitur autem hoc tit. tam potentior, qui suscipit, quam creditor, qui, si cessit actionem. Creditor jus crediti amittit ex hac causa, potentior autem extra ordinem convectum, qui luto rei suam operam accommodavit, prout praesidi provincie visum fuerit: nam ex constitutione Claudii, quod notandum specialiter, hujus rei coercitio delegatur praesidibus provinciarum, in quibus haec admittuntur. Casus est specialis, etsi senator fuerit, aut clarissimus is, qui alienam actionem suscepit exequendam suo vel procuratorio nomine: casus, inquit, est specialis: nam de Senatorum, et clarissimorum delictis cognitio est principis jure veteri, vel praefecti praetorio, vel praefecti urbi, quod demonstratur lib. 3. tit. ult. hujus rei disceptatorem, et ultorem D. Claudius facit, ut in *l. 1. h. t.*

AD TIT. XIV.

De his qui potent. nō. tit. p. ad. etc.

Additur consequenter de potentioribus, ut rei, qui conveniuntur suo nomine contradictoriis libellis, *des repones, et defenses*, defensionibus, inquam, suis inserant falsa nomina senatorum, vel aliorum potentum, ne praediis, quarum nomine conveniuntur, adibus, officiiis, tabernis affligant falsos titulos potentiorum, qui praedia scilicet adserant potentioribus, quod plerumque faciebant possessores diffidentiae suae causa, vel adversarii perterrefaciendi gratia, dum scilicet negant suum esse praedium, et asserunt ejus esse, quem titulus commendat: qua de re Divus August. in *Psal. 21. Ne domum ipsius petat aliquis*, ponit ibi titulos potentis, *titulo mandaces*, ipse vult esse possessor, et frontem domus suae de alieno tit. muniri, ut cum lectus fuerit titulus, contritus quis potentia nominis abstinere a petitione: Et similiter idem August. in sermonibus, quod facile a nobis hoc tempore usurpari potest: *Heretici in ipsis deprecationibus suis Christi titulum ponunt*, ut praedia eorum quasi defendantur per titulum potentioris, et adicit quod hic agit Christus, *non ita praedones, titulum non deponit, et possidet domum qui invenit ibi titulum suum*. Solebant titulos praedii affigere, quibus ejusque praedium esset significatur, ut etiam in prostibuli praediorum, in con-

inversis Senecæ, *Meretrix*, inquit, *vocata es*, in *communis loco statisti semper*, *positus est cellæ tuæ titulus*, *venientes recepisti*, et etiam in sepulchris: unde in antiquis inscriptionibus illæ singulares litteræ T. F. id est, titulum fieri jussit, statuis, et imaginibus similiter, qui et indices dicebantur. Tiberius in Panegyri. Messalæ: *nec quævis*, *quod quævis index sub imagine dicat*, sic est legendum: nam vulgo legitur quæquam. Est etiam in cod. lib. alius locus valde depravatus: ergo *ubi præclaros possent tua facta triumphos*, *veteres habent membra*: ergo *ubi per claros ierunt tua facta*: et alio loco: *horren secundas ad deficientia messes*, sed hæc nihil ad propositum. Porro non licet etiam sine titulo in litibus potentioris nomen conventiri, et prætere, quod Græce est *ἐπιμαρτυρία*: ergo non tantum tituli inhibentur, sed et nominum usurpationes in litibus nihil ad potentiores, quorum nomina prætenduntur pertinentibus, et potentior quidam ex hac constitutione, qui hoc fieri scit et patitur, ipso jure infamia notatur quasi redemptor calumnie et verationis. Ipso jure fit infamis, et *αυτοπάτος*, ut Græci hoc loco dicunt ex his verbis legis, addiendi sunt publicæ sententiæ nota: ex quo colligunt non esse condemnationem ipso jure necessariam: nam statim quasi ex publicæ sententiæ ipsos infames fieri quos etiam in fine ait, ob id admissum famæ damnum faciunt ipso jure. Is autem qui potentioris nomine abutitur causa cadit, sicut in tit. sup. is quidem actionis sue potentioris facit actorem, et executorem, causa, inquam, cadit: et additur in hoc tit. si causam justam habuerit, et probabilem: quod si injustam causam habuerit plumbei cæsus damnatur in metallum, id est, affectus plumbo, ut lex loquitur, *c' est ou' il y avait du plomb au bord*.

AD TIT. XV.

Ut nemo privatus tit. præd. su. vel al. etc.

De titulis hic etiam agitur, non jam potentiorum, ut tit. sup. sed principis nomine, vel sacrarum necessitudinum principis, ut additur in *Nov. Theodos. et Val. de tribut. fisc.* puta nomine Augustæ domus, nomine principis, nobilissimorum, vel Cæsaris: modo liberos suos nobilissimorum, modo Cæsaris appellatione principes honestabant. Ne quis igitur titulus nomine Principis, aut necessitudinum sacrarum imponat prædiis suis, vel alienis sine judicis auctoritate, etsi sit injustus possessor, et prædo, qui ea detinet, vel etiam si in ea causa sint prædia, ut fisco vindicari debeant, cum, qui proprio prædio imposuit tit. principis, prædium amittere, et titulo

non deposito prædium fisco vindicari. Eum vero, qui titulum principis prædio alieno imposuerit, si plebejus sit, quasi ex causa extremi sceleris extremo supplicio, id est, morte affici. Recte Gregorius Pachimerius extrema supplicia in eos esse commendanda, qui extrema scelera commiserint. Sin autem honestus sit qui prædio alieno titulum regium imposuit (rex hoc loco ponitur pro Imperatore Rom. et tamen potest trahi ad quemlibet principem) honestiorem spoliari bonis suis omnibus, et libertate, et civitate. Denique plecti maxima capitis diminutione, plecti morte civili: tabulas autem titulo suo impositas rei alienæ delicti a quolibet libero vel servo quantumvis licet, inscriptas nomine principis, id fieri illa maiestate. Prædia autem non publicari cum in seio domus alius titulos regios imposuit quod æquum non sit, ut innocens lædatur alieno facto. Denique judicium esse titulos affigere prædiis in fisco redactis, ut sit etiam hodie, ut in *l. 8. sup. de bonis vac.* et in *l. 1. de aqua ductu lib. XI.* hoc non esse privatorum: non licet etiam hoc procuratoribus, vel conductoribus prædiorum Imperatorum, ut est in *Nov. Tiberii de divinis domibus*. Porro idem constituitur de velis regis, sive de imaginibus, et characteribus principis, ut est in *di. Novel. Tiberii* ne scilicet quis vela principis, vela, in quibus sit depictus princeps, vel depicta sint insignia principis, ne quis ea suspendat ædibus suis, vel alienis. Solebant enim foribus suspendi vela, ut recte Æschylus in *χορηγίας* dixerit, *βαλὼν ἑρμῆον πυλῶν* id est, *septum seu munimentum portarum*: est enim vox veli de Græco tracta. Et Stephanus de urbibus, *βαλὼν, τὸν οὐδὲν τῆς θύρας, limen portæ*: et Homerus utitur in eadem significatione, et inde audire causas velo levato in *l. pen. inf. de naufrag.* est aperta fere, *a huis ouverts*.

AD TIT. XVI.

Ut nemini lic. sine judic. auctor. sign. imp. etc.

Aliud quidem ostenditur hoc tit. quam sit comprehensum: sed quod tamen est conjunctum superioribus, ut autem 14. fuit de titulis potentiorum 15. de titulis principis, vel regis, hic vero est de titulis propriis: nec scilicet quis rei mobili immobili, quam alius detinet ipse suam forte, vel sibi debitam, vel obligatam suam esse contendit, ne per hanc causam, sive speciem sigillum suum ei rei imprimat ante sententiam, vel quod licet addere, ne ei rei titulos, vel tabulas sui nominis adligant, nisi velint suis rebus omnibus quasi publicatis titulos fiscales imponi, *Nov. 17.* est etiam ultimum supplicium in *Nov. 164.* neminem sibi jus dicere posse ulla ratione, et ista ratione, multo minus:

post sententiam si vicerit licet unicuique generaliter
sue rei suum titulum imponere, vel signum suum
titulus praefert nomen domini: signum praefert cha-
racterem, quo dominus uti solet obsignandis re-
bus suis. Si quis ante definitivam sententiam tabel-
las, titulos suos fixerit rei, quam alius possidet, licet
possessori refigere, deponere, detrahere impu-
ne, ut in *l. 1. hoc tit.* licet frangere in caput ejus
etiam, ut est in Nov. qui eas tabulas affixerit, et in
eam rem plurimum facit *l. ult. §. si ad januam, ff.*
quod vi aut clam, cuius sententiam exponamus.
Tu vi aut clam ad januam meam tabulas fixisti: ego
mor eas refixi, et deposui clam, id est, priusquam
tibi denunciarer: si tu mecum agas interdicto
quod vi aut clam, quod ego clam refixerim tabu-
las, ego te repellam exceptione huiusmodi, si
non et tu vi aut clam eas tabulas fixeris ad ja-
nuam meam, sicut in specie legis *si alius, §.*
bellissima, eodem. Si in meo fundo aedifica-
veris vi aut clam, et ego postea aedificium de-
molitus fuero vi aut clam, et tu interdicto quod
vi aut clam utaris adversum me, quod deponere-
rim vi aut clam aedificium a te constructum, ego
te repellam eadem exceptione, quod tu vi aut
clam aedificaveris, atque ita mihi licere impune
demoliri aedificium vi aut clam, quod alius vi vel
clam posuit in meo solo: licet mihi refigere tabulas
vi vel clam, quas alter fixit vi vel clam ad januam
meam, et ita in *l. quomodo, §. 4. ff. ad leg.*
Aquil. si quis aqueductum subterraneum trajecerit
in domum meam, possum meo jure aqueductum
interdicere, et si mecum agas actione legis Aquil-
liæ, ejusdem exceptionis aequitate te repellam, quod
in meo non jure traderis aqueductum: fateor,
quod etiam additur in *d. §. bellissima* melius esse, et
tutius hoc facere per magistratum, ut etiam dicitur
in aliis causis, in *l. si stipulatus sum mihi, aut*
Titio, in fine, D. de solut. l. si pupillorum, §.
si pupillus, de rebus eorum qui sub tut. l. 3. inf.
de pign. quod jure meo possum facere, facio ho-
nestius per judicem: sed tamen jure meo licet
mihi, ut in specie dicti *§. si ad januam*, refigere,
reponere, deponere, et refigere tabulas, quas alter
alteri vi aut clam fixit ad valvam meam, et si agat
mecum interdicto quod vi aut clam quod refixeris,
quod fixit ipse, prior cum repellam suspendita
exceptione, vel utar etiam ipse interdicto quod vi
aut clam etiam adversus eum, et si ultro citroque
agamus quod vi aut clam. Sed ego, qui refixi,
ero superior, eum, qui refixit condemnabo in id
quod interest, nisi probet, quod refixi vi aut clam,
id est, nisi remittat mihi ac absolvat interdicto,
quod utitur in me, quæ est sententia *d. §. si ad*
januam: ergo ex ea intelligitur, jure meo me ad-
figere tabulas etiam, quod vi aut clam, quas alter

ad meam januam adfixerat vi aut clam, quasi forte
aedibus meis sibi pignoris, quod possunt facere
temerarii creditores, ut in *l. 2. eod. tit.* ponitur
creditorem signum suum rei alienæ imposuisse,
quasi sibi pignoris: nam solebat sua tabella, quam
ad januam adfixit indicare pignoris obligationem,
ardes esse pignori obligatas illi creditori, eamque
tabellam Demosthenes et Menander vocant *ῥπον*,
quæ demonstrat hypothecam, ut est in Etymolo-
gico veteri, ubi definit *ῥπον* esse *συνέδιον ἐκτελεσ-
τικόν τῶν ἀκινήτων καὶ τοῖς ὑποκρίσιν ἐκτελεστικόν τοῦ
ἐνυχυριαζομένου πρὸς ἃ ὀφείλουσιν οἱ δανισταί*: et ita
etiam Harpocration in Lexico Rhetorico: qui locus
est emendandus ex Suida: *ῥπον* etc. Sed tamen si
creditor hoc pretextu sine auctoritate judicis vi
aut clam aedibus alienis tabulas infixerat, domino
licet removere impune. Et ita explicatus est hic
titulus.

AD TIT. XVII.

Ne Fiscus vel Respublica, etc.

Sententia tit. 17. est apertissima: nam quod di-
ctum est de potentioribus in hoc tit. 17. cavetur de
fisco et Rep. ne procuratorem litis alienæ in perici-
cium privatorum suscipiat, quod non sit jure: nec
potentiores igitur, nec fiscus, nec resp. huiusmodi
patrociniis possunt præstare litigatoribus, nec hoc
pretextu, quod is cuius lis est debitor fisci, vel
Reip. sit, vel etiam quod litigator litis partem fi-
sco donavit, vel Reip. nam et hæc donatio probi-
bita est, *l. 2. hoc tit. l. res, §. lites, ff. de jure*
fisci. et Paulus in *Sent. tit. de jure fisci*: et man-
datum quoque illud et prohibitum, si debitor fisci
mandet fisco, et cedat actionem suam adversus
debitorem suum, *l. 3. h. l.*

AD TIT. XVIII.

De negotiis gestis.

Hic tit. est de procuratoribus voluntariis, qui
sive mandato dominorum, siue eorum vel quæ res
pertinet, sua sponte litibus se, vel alienis nego-
tiis offerunt: ii sunt, qui gestores dicuntur et pro-
curatores voluntarii a Paulo in *Sent.* et M. Tullio
in Bruto, et *l. prætor, §. præstat, ff. de rebus auct.*
jud. possidend. Voluntarium iudicium agere, id est,
esse voluntarium procuratorem. Procuratores, qui ex
mandato dominorum constituuntur, de quibus actum
est superius necessarii sunt, non voluntarii: nam
etsi beneficium sit, et nude voluntatis mandatum
auspicere, tamen necessitatis est consummare, *l. in*
commodato, §. sicut, ff. commod. §. mandatum,
Inst. de mandato: necessitatis, inquam, est consum-
mare et implere quod susceperit semel, etiamsi id

nondum gerere coeperis, *l. si remunerandi, §. 1. ff. mand.* qui sine mandato ad alienum negotium accedit, non autem adstringitur ullo vinculo, ulle necessitate, quam gerere coeperit. Verum ubi coeperit, deferre quod inchoavit, quod cepit, non potest, *d. §. sicut.* Ceterum aliis quoque ejusdem amici negotiis gerendis non obstringitur, id est, quod unum negotium amicus gerere cepit, non cogitur et alia ejusdem negotia administrare, sed satis est si id quod cepit adimpleat: nam propria voluntas ei finem administrationis facit, *l. tutori, h. l.* ut Græci interpretantur ὅτι βούλεται ἀπείχει, quia satis est et abunde ut ait *l. tutori*, ut vel in una specie unius negotio amici labore consulatur, quæ verba sumpta sunt ex Papin. in *l. tutores, §. qui se, de administr. tutor.* Ex his sequitur, actionem negotiorum gestorum dari tantum voluntario procuratori, puta ad recipiendos sumptus, si quos fecit in negotium alienum, actionem contrariam scilicet negotiorum gestorum: nam directa negotiorum gestorum datur ex administratione negotii doli vel culpe domine, si quam admiserit gestor: actionem, inquam, contrariam ad sumptus recipiendos ut dixi dari gestori, additis his exceptionibus, nisi negotiis alienis intervenierit, atque ita in sumptus se conjecerit donandi animo, pietatis causa, paterno vel materno affectu, affectione maritali vel domestica, *l. 1. §. 11. et 12. et in fin. d. l. 12. in Basilicis* videtur legi cum negatione, *non potest* ὅδ' ὀφείλει, non potest scilicet agere ad sumptus recipiendos actione negotiorum gestorum contraria, quos fecit donandi animo. Idemque ostendit *l. 13. et l. 15. eod. tit. l. Nasennius, D. eod.* et eadem quoque pietatis causa excludit conditionem indubiti, *l. cum is, §. pen. D. de condict. indeb.* ubi pro mulier, matrem, mater, ut in suprad. legibus, ut ait hæc species: mater cum falso opinaretur se esse obligatam pro dote filie, atque ita per errorem eam solvit: quæro an possit condicere quasi indubitum? minime: quia etiam remota falsa opinione intervenit pietatis causa, conditionem indubiti excludit pietatis causa, erga filiam scilicet: pietas enim est erga liberos, et adhibenda etiam est alia exceptio, nisi gestor sumptus fecerit quasi libertus, officio scilicet et liberti obsequio fungens, puta petens tutorem filiis impuberibus, et alia ex *l. ult. hoc tit.* ubi dominus denunciavit gestori ne gereret: nam post eam denunciationem cessat actio negotiorum gestorum contraria, nec si quid post eam prohibitionem impenderit, poterit recipere per actionem contrariam, quæ fuit sententia Juliani a Justiniano comprobata in *d. l. ult.* porro diximus contrariam actionem negotiorum gestorum directe tantum dari voluntario procuratori: nam utiliter datur etiam ei, quem necessitas muneris vel necessitatis

suspicio compulit ad gerendum negotium, veluti curatori adolescentis, cui nulla alia actio datur, vel curatori furiosi, quam actio utilis negotiorum gestorum: et vicissim adolescenti vel furioso actio utilis negotiorum gestorum, *l. 6. §. negotium, l. 3. §. pen. D. eod.* datur etiam ei et in eum, qui quasi servus meus cum putaret a-rum meum esse ex necessitate servili negotium male gessit cum esset liber, *l. 6. §. si quis quasi servus, D. eod. tit.* ergo actio contraria negotiorum gestorum vel est directa vel utilis, directa datur ei, quem propria voluntas compulit ad administrationem negotiorum absentis amici: nam hanc plerumque amici amico operam præbent: utilis autem ei etiam datur, quem necessitas officii vel opinio necessitatis impulit, ut curatori furioso, vel contra in curatorem furiosi, *l. si autem, D. de negot. gest.* nam ut actio mandati est mutua sive reciproca directa, quæ mandatori datur, contraria, quæ mandataris sive procuratori: ita actio negot. gest. alia est directa, alia est contraria: directa datur in gestorem, contraria: in dominum etiam invitum et ignorantem, *l. 2. D. eod.* Igitur actio mandati non datur in invitum et ignorantem, *l. qui fide, D. mand.* Sic ergo duplex est actio negot. gest. dir. et contraria, et rursus directa aut contraria modo est directa modo utilis. Verum non tantum hæc due actiones, scilicet mandati, et negotiorum gestorum dantur ex alieno gesto, sed etiam aliæ 3. actiones, videlicet tutelæ, quæ est etiam directa vel contraria et tutelæ, et de in rem verso, et actio funeraria, de qua in tit. de religiosis, et actio in factum, quæ datur ex edicto de rebus auctoritate jud. possid. Sunt etiam actiones, quæ dantur ex alieno negotio gesto, sed hæc sola de qua agitur in h. tit sibi vindicat nomen negotiorum gestorum, et simpliciter in *l. 6. C. Theodos. de denunciat. resc.* vocatur actio negotiorum, et ut ea, quæ dixi conferam in paucos: tenetur is qui nullo præcedente mandato, nulla cogente necessitate, vel etiam ex necessitate officii, quod invitus suscepit, veluti ex curatione, nam et hæc invito defertur, vel ex tutela, quæ est civile munus, vel quasi servili necessitate immiscuitur negotiis alienis etiam ei ad quem ea negotia pertinent: datur enim et hæc actio ultro citroque. Dicuntur quidem et omnes actiones aliæ, quæ sunt ex contractu, vel quasi ex contractu, esse ex negotio gesto: nam contractus omnis negotii contractus est, et contractus dicitur per defectionem: nam plena oratio est negotii contractus, et negotium contrahere: sed non sunt illæ actiones ex alieno negotio gesto, sunt ex negotio gesto, sed non ex alieno. Illæ tantum septem, quas enumeravimus, sunt ex negotio gesto.

Ad TIT. XIX.

De his quæ vi met. cau. gesta sunt.

Negotia gesta videntur traxisse juris conditores ad negotia vi metusve causa gesta: illa prætor tuebatur, ut ostenditur datis ultro citroque actionibus negotiorum gestorum, hæc vero ea, quæ vi metusve causa gesta sunt rescindit. Ex negotiis gestis in rem actio non est, sed in personam, *l. pen. sup. tit. prox.* atque ideo perpetua est actio, nec tollitur præscriptione longi temporis, *l. 8. cod.* qua tantum tollitur actio in rem. Per vim metusve re aliqua gesta, non tantum est actio quod metus causa in rem scripta vi ipsa in personam, quoniam qui ea agit non dicit, quod hæc vi metusve causa gessit: nullam sed cet personam notat, qui hæc agit, sed dicit, quod vi metusve causa gestum est, hoc est loquitur in rem, et generaliter, nec personam, quæ vim aut metum intulit, exprimit *l. 9. §. animadvertendum, et §. ult. D. cod.* Verum ut cepti dicere, non hujus rei emendandæ causa comparata tantum est ex edicto actio, quod metus causa in rem scripta, sed etiam in rem actio, id est, rei vindictio: ut si quis vi aut metu coactus rem suam vendiderit, et tradiderit, atque ita alienarit, non tantum potest ex hoc edicto restitui in integrum, sed etiam potest rem ipsam vindicare quasi non alienatam, licet re vera sit alienata: ergo vim aut metum passus competit electio, ut agat actione, quod metus causa, quæ est restitutoria, vel rei vindicatione, ita tamen ut altera electa, altera consumatur, *d. l. 9. §. volenti, et §. licet, D. cod.* Et actio quidem, quod metus causa intra annum utilem datur in quadruplum adversus eum, qui vim aut metum intulit, scripta tamen in rem: nam scriptura est in rem, vi ipsa est in personam. Intra annum igitur utilem datur in quadruplum, si arbitrio judicis res non restituitur: nam prius arbitratue iudex ex bono et æquo ut rem restituat in integrum, qui vim aut metum intulit: et ob id numeratur hæc actio inter arbitrarias, et hic si parent arbitrio, nihil domini sentit, sin minus plectitur quadruplo intra annum utilem: post annum datur in simplex causa cognita, id est, si alia actio non sit, *l. 4. hoc tit.* quoniam hæc actio est extraordinaria, nec datur habenti ordinariam, sicut nec actio de dolo, quæ etiam datur sub hoc modo, si alia non sit actio. Ac præterea superior tit. est de negot. gestis, de iis qui alienam rem gerunt. bona, honesta, et utilitatis ratione: hic autem tit. est de his qui sibi rem gerunt malo more, illata vi, terrore aliquo illato majore extorquendo invitis forte alienationem, vel obligationem, vel transactionem, *l. 7. et ult. h. tit.* quod plerique potentiores faciunt per impressionem veluti quandam, et inde in *l. ult. hoc tit.* quæ per potentiam extorta sunt, et Esajæ prophetæ cap. 58.

secundum interpretationem 70. hujusmodi contractus per potentiam extortos vocant *επαγγαλὴ; βίαιον συναλλαγμάτων*, strangulationes, sed non est omittendum quod definitur in *l. metum, h. t. metum non jactationibus, sed atrocitate facti probari convenit*: quæ lex est conjungenda cum *l. dolum, t. t. seq.* utriusque est eadem inscriptio, et subscriptio. In una ostenditur quomodo probare metum oportet, in altera quomodo dolum: metum autem probare oportet non jactationibus non contestationibus, *il a tant crié apres moy que l'ay esté contraint de luy bailler*, sed ex atrocitate facti, *επαγγαλὴν τῶν γινωσκόντων*. Dolum autem ex insidiis, *comme il faut lire, perspicuis, par aperts aguets, comme le François à tourne, et Basil. ἀπὸ ἐπιβουλῶν προφανοτάτων*, similiter in *l. 8. de rescind. vend.* dolum probari ex calliditate, et insidiis emptoris: nam indicia non sufficiunt, quod ita verum est, ut doli etiam nomine significentur insidiæ, ut illo loco, *dolus an virtus quis in hoste requirat?* dolus sunt insidiæ, et valde notandum est, quod cavetur in *l. pen. hoc tit.* de qua forte nondum bene constat, et in una re pene singulari: quod in actione quod metus causa omnino restitutio in integrum fit ex utraque parte, alinqui non esset restitutio in integrum: ut qui coactus vendidit, et tradidit, recipit rem, et restituit pretium, *l. 3. et 4. hoc tit.* sed casus *l. pen.* est singularis ut quis recipiat rem, et retineat pretium, et casus hic est, ut nos docemur in *l. 1. de contract. jud.* præsides provinciarum, proconsules et officiales eorum, et apparitores, generaliter omnes, qui in provincia mediocri aliquo officio funguntur, et milites, qui in provincia morantur prohiberi emere prædia a provincialibus, quod ea plerumque a provincialibus extorqueant per vim, aut metum, terrorem, concussionem, impressionem, et prohiberi, vel per se, vel per interpositam personam, veluti ut in hac *l. penult.* per conjugem, vel per amicum: provincialis igitur, qui impressionem passus est ab officiali, agat quod metus causa, in qua hoc erit singulare propter atrocitatem rei, sive delicti, ut venditor per eam actionem recipiat prædium, nec restituat pretium emptori, quod etiam est constitutum ad eundem modum *C. Th. l. 2. de iis qui administrant officium publicum*. Sed videtur pugnare *l. 1. cod. tit.* imo et *l. milites, D. de re militari*, quæ venditum prædium dicunt vindicari fisco, quod officialis comparavit contra prohibitionem legis, et *l. pen. atque etiam d. l. 2.* dicunt prædium confiscari, nec restitui venditori. Animadvertendum est, ita demum confiscari si venditor non conquerratur, vel quod nullam fiscandi justam causam habeat, puta re gesta, sive vi metusve, vel qua alia de causa: hoc casu ne prædium cedat emptori, qui

id emit illicite, et mala ratione, confiscatur praedium: et hoc casu emptor, qui amittit praedium remittit pretium a venditore, ita ut venditio sit irrita ex parte venditoris, et puniatur uterque venditor, et emptor venditor, amissione pretii, emptor amissione rei, argumento *l. senatus, D. de contrah. empt. l. 1. C. Th. de iis qui administrant officium publ.* Quod dixi de sententia *l. pen. hoc l.* mihi hodie emendatius enarrandum est, quoniam res est sane cognita dignissima. Certissimum est, et hoc edicimus ex *l. 1. tit. de contract. jud.* principalibus constitutionibus caveri, ne qui, vel minimum, vel mediocre, ut ait *l. pen. ut minimus*, vel mediocris homo dicitur tenuis, angustus, et pauper, qui inquam, vel minimum officium gerit publicum in provincia, vel civitate aliqua, vel pago, vel loco ullam rem mobilem, vel immobilem, praeter ea, quae pertinent ad victum et vestitum privatim, vel publice, per se vel per interpositam personam emit ab hominibus ejus provinciae, vel civitatis, vel pagi, vel loci, in quo officium publicum gerunt, quod plerumque extorqueant venditionem per vim, concussionem, officii sui potestate freti, et poena constituitur ei, qui adversus constitutionem fecerit, id est, qui emerit cum esset in publico officio ab hominibus ejus loci, in quo officio publicoungebatur: ut scilicet, qui ita emerit illi cite per actionem, quod metus causa cogatur venditori rem reddere, nec possit ab eo pretium repetere, quod ei dedit venditor: ergo per actionem quod metus causa, recipit rem male venditam per impressionem scilicet officialis, et nihilominus retinet pretium, quod in hac specie est valde singulare in *d. l. pen.* extra quam alias in actione, quod metus causa restitutio ita sit ut unusquisque jus suum recipiat, venditor rem cum fructibus, emptor pretium cum usuris, aut compensatis usuris cum fructibus, ut solet hodie semper fieri, ut *l. 3. et 4. eod.* ita apparet valde singularem esse constitutionem *l. pen.* et in ejus specie actionem quod metus causa degenerare a sua natura, a suo Marte, suove ingenio. Sed ut dicebam nudius tertius potest opponi *d. l. pen. l. milites, de de re militari*, quae solum ita venditum, aut rem venditam contra constitutiones superiores addicit fisco: non redditur ergo venditori. Ita etiam accipiendum est, quod ait *l. aufertur, §. quod a praeside, D. de jure fisci.* Id quod ita comparatum est insinuato contractu vindicari, fisco scilicet, non ergo restitui venditori: et ita etiam evidenter exprimitur in *l. 1. C. Th. de iis qui administrant offic. publ. fiscale officium administrantes, nihil quid comparaverunt*, et eadem proculdubio est sententia *l. non licet, D. de contrah. empt.* dum ait, cum qui emit rem in provincia cui praest, cum

rem amittere, his verbis significatur, eam rem cadere in fiscum secundum inscriptionem *l. quae est ex lib. singulari Marciani de delatoribus*, qui totus liber erat de jure fisci, et de iis qui deferunt jura fiscalia. Plus adjicit *d. §. quod a praeside*, non tantum rem male emptam fisco vindicari, sed etiam pretium ejus fisco inferri: non ergo pretium retinet venditor: et adjicit etiam *d. l. non licet*, poenam tripli hoc amplius fisco inferri: at constitutio Severi et Antonini dicit emptorem damnari in quadruplum in illo scilicet quadruplo continetur simplum, id est, aestimatio rei, nam poena est tripli, sed haec mirum in modum pugnant cum nostra *l. pen.* et ut respondemus, sane haec non procedunt generaliter, sed duobus tantum casibus, qui sunt excipimur a *l. pen.* verum est, rem enim fisco vindicari non casu, si post depositum ab emptore officium venditor integro quinquennio in repetitione rei cessaverit: nam et hoc casu res vindicatur fisco, quasi venditor jus amiserit repetendae ejus rei per prescriptionem quinquennii: et ita definitur aperte in *l. 3. in fine C. Th. de iis qui administrant*: est in aliud valde singulare jus in hac specie, ut actio quod metus causa, quae est perpetua, vel rei vindicatio, quae non tollitur nisi prescriptione 10. vel 20. annorum: rei vindicatio semper concurret cum actione quod metus causa, ut, inquam, haec dum actiones in hac specie jure singulari limitantur prescriptione quinquennii, et ratihabitione venditoris, licet non confirmetur venditio, ut est in *l. un. sup. de contract. jud.* quia scilicet fiscus vindicat rem male venditam statim atque venditor ratum habuit, vel exclusus est prescriptione quinquennii. Rursum quod dixi ex hac causa quadruplum inferri fisco in quo pretium insit, pretium rei, hoc velim accipi indistincte, sive emptor ille nondum solverit pretium venditori, sive etiam solverit venditori: hoc casu posteriori si solverit venditori praestito quadruplo perlatumque in fiscum a venditore, pretium repetetur, quod ei pernumeravit ipse, vel haeres ejus. Et ita accipienda *l. 1. C. Th.* dum ait pretium a venditore repetere Claudiam et Agrippinam, haeres scilicet ejus, qui impressione officii similem venditionem extorsit, et confirmatur hoc idem argumento *l. senatus, D. de contrah. empt.*

AD TIT. XX.

De dolo malo.

Sequuntur gesta dolo malo, quo verbo doli scilicet comprehenduntur, et gesta vi metusve causa, et liberum est ei, qui vim metusve passus est agere, quod metus causa, vel de dolo malo, *l. item si cum, §. cum, D. de eo quod metus causa*, sed

doli verbum complectitur et alia innumera, innumeras calliditates, fallacias, insidias, machinationes, technas, quæ omnia prætor rescindit data actione famosa, id est, quæ condemnato irrogat infamiam, ut actio de dolo malo, quæ datur causa cognita, nec enim passim indulgetur non si alia actio sit ordinaria, *l. 2. h. l.* non adversus parentes vel patronos propter eorum verccundiam, sed in eos est actio in factum, quæ actio non infamat, neque doli mentionem habet, sed facti narratio simplex est et modesta. Verum detracta infamia, actio in factum eandem vim habet, quam actio de dolo, *l. si superstitio, hoc tit.* et hæc actio de dolo malo, quæ olim dabatur intra annum utilem, hodie ex eo tempore, quo dolus admissus est, intra annum continuum, et ex die quo actio impetrata est, vel contestata, finire debet intra biennium continuum, cum alie lites finiantur triennio, *l. ult. eod. tit.* actio famosa brevi tempore constringitur: diuturnior est actio quod metus causa, quæ modo est famosa, modo in quadruplum datur, et durat quadriennio continuo secundum generalem definitionem, *l. ult. inf. de temp. in integrum restit.* quæ generaliter annum utilem vertit in quadriennium continuum, et eadem actio quod metus causa etiam post quadriennium perpetuo durat in simplum. Verum sicut actio hæc dicebatur olim de eo, quod vi metusve causa, hodie autem de eo quod metus causa, propterea quod metui inest satis vis, et vi metus: ita etiam actio de dolo malo, quæ dicebatur de dolo malo et fraude, hodie dicitur simpliciter de dolo malo, quoniam dolo inest fraus, *l. jurisgentium, §. sed fraudandi, D. de part.* et vim in his actionibus dolumque dicimus, quæ sit contra bonos mores: est vis, quæ sit moribus, vel fraus, quæ sit bona fide, et dolus bonus: hæc vis, hæc fraus nihil pertinet ad has actiones.

AD TIT. XXI.

De in integr. restit. minor.

Sequuntur, quæ gesta sunt cum minore, quam 25. annorum natu, quæ perinde ac gesta metus causa, aut dolo malo prætor rescindit causa cognita accessitis, et presentibus his, qui læderentur rescissione rei gestæ, et in integrum restitutione minorum, vel absentibus, vel contumacibus, *l. in causæ, D. de minor.* Ita vero rescindit prætor jure veteri intra annum utilem, ex quo minor implevit 25. annum, jure novo intra quadriennium continuum, ex *d. l. ult. inf. de temp. in integ. restit.* Ita ut minor possit hodie petere restitutionem in integrum intra 20. annum, id est, intra 25. vel post 25. intra quadriennium, et ex constitutionibus regum nostrorum intra 30. annum ætatis:

Tom IX.

sed ut detur restitutio minori, necesse est ut sit levis, aut sit captus, circumscriptus sit sua facilitate et levitate, lubrico ætatis, ut ait *l. verum, §. Marcellus, D. de minor.* et Josephus *l. antiq. c. 17.* διὰ τὸ τῆς ἡλικίας ἀτελές, et probanda est lesio potenti restitutionem in integrum, probanda fraus, quæ reipsum contingit, nec exigitur ut contigerit dolo adversarii, *l. minorib. h. tit.* probanda est etiam ætas, id est, rem gestam fuisse cum eo, qui nondum pervenerat ad justam ætatem, id est, 25. annum: ea enim est justa et legitima ætas: ita scilicet definita a legumlatoribus: necesse est etiam ut minor petat se restitui in integrum, id est in locum, et in eam causam reponat unde exciderit: quid est restitutio in integrum? reintegratio amissæ causæ, *l. 2. inf. in quibus caus. restit. in integ. non est necess.* et dicitur proprie restitutio in integrum de minoribus 25. annis et adolescentibus circumscriptis, quia auxilium hujus ætatis alio nomine non censetur: nec enim tribuitur beneficio actionis, sed cognitione prætoris, quæ ex causâ metus, vel doli mali, vel absentiæ, vel capitis diminutionis, vel ex aliis causis dantur restitutiones in integrum, actionis rescissoriæ vel restitutoriæ nomen habent, et duxit quidem ordinem titi a negot. gestis pro alio ad gesta metus causa, gesta dolo malo, gesta cum adolescente: non male, sed confirmatur etiam hic ordo ex eo, quod in edicto sup. de postul. hæc inveniunt verba: quibus ex omnibus his in integrum restitutus non erit, *l. 1. §. deinde, D. de postul.* quæ verba quodammodo tractatum de restitutionibus in integrum postulabant. Item, quod in tit. de procurat. incidebat hæc questio, an per procuratores agi possit causa restitutionis in integrum, ut *inf. tit. 48.* Item quod cum esset actum de potentioribus sup. tit. 13. 14. ad quos lites translate constabat dari restitutionem in integrum, ex edicto de alienat. jud. mot. causa facta, quod inde inquam probabilis numeretur occasio tractandi de causis restitutionis in integrum, et ad extremum, quod etiam sit mentio tit. 34. de restitutione in integrum quæ etiam minori læso datur ob alienationem mutandi jud. causæ factam: his tantum addeuda est explicatio *l. ult.* quod scilicet opinor eam nondum bene explicatam fuisse. Regula hæc est, non videtur circumscriptus, et lex est Zenonis scripta ad Ælium P. P. Sciendum autem est unam esse constitutionem Zenonis, quæ scissa est in tres partes in hac *l. ult.* et *l. mulier, inf. de jur. dot. et l. ult. inf. de magistrat. conven.* harum trium legum eadem inscriptio et subscriptio, eadem quoque agitur in omnibus. Denique fuit constitutio una, quæ dissiliit in tres partes: et subscriptio quidem, quoniam a plerisque depravata est, hæc est: *data Cal.*

Januar. Cons. Basilico C. P. Con l'ans, quidem in hac *l. ult.* male Basilio additur: nam is Basilius solus fuit Consul: male etiam addunt Armatium in *d. l. mulier*: nam Armatius cum hoc Basilio non fuit Consul, sed cum alio, qui dicitur Basilius, cujus memoria damnata fuit ob affectatam tyrannidem, adeo ut nomen ejus non ponatur in subscriptione, sed Armatii tantum. Species autem ejus constitutionis, et integra sententia hæc est: minor 25. annis consentiente curatore jure dato ex decreto prætoris, vel præsidis, et curatore generali vel speciali date dotis constituendæ causa, nihil interest, ut in *l. si in constituendæ, D. de jure dotium*. Consentiente igitur curatore jure dato dotem dedit, marito vero promisit pro modo facultatum suarum et pro dignitate mariti, et pro dignitate suorum natalium: alioqui si dotem dedisset non servato hoc modo, puella in integram restitueretur, et adversus dotem, *l. si ex causa, §. in dotis, D. de minoribus*. Dos igitur rite data est vel promissa. Ceterum in conficiendo inventario bonorum puellæ quod initio administrator facere dicitur curante curatore, ac perinde ineunda bonorum puellæ æstimatione vitio scribæ publici, non vitio curatoris minoris æstimata sunt bona puellæ, puta quingentis num digna esset 600. atque ita secundum hanc æstimationem curator curavit puellæ in 500. aureos, dato fidejussore eos secundum 500. aureos salvos fore, cum tamen in bonis essent amplius quingentis. Verum in collocanda puella diligentius excussis facultatibus ejus curator dedit in dotem 600. totum patrimonium puellæ: majorem igitur quantitatem quam quæ cautione continetur, quo fit ut minor versetur in damno, cum non est captum in integram quantitatem patrimonii sui: queritur an ideo possit in integram restitui adversus dotem vel promissionem dotis? et dicimus non esse restitutioni locum, quia restitutio in integrum datur tantum minori capto aut circumscripto, et captus aut circumscriptus non videtur qui jure communi usus est, ut ait *d. l. ult.* quæ regula sumpta est ex Papiniano in *l. inter, D. de admin. tutor. vel curator.* et usurpatur etiam ab Ulpiano in *l. nihil, §. 1. de reg. juris*: his verbis non capitur, id est, non decipitur qui jus publicum sequitur. Jus commune et jus publicum idem est. Jure communi usa est mulier, quæ adhibito curatore recte constituto dotem dedit vel promisit secundum modum patrimonii sui: ergo non videtur capta, et consequenter non potest restitui adversus dotem vel promissionem dotis. Denique ut ait *d. l. mulier*, recte dotem dedit vel promisit, et si promisit, exigi potest: nam in *d. l. mulier*, legendum est, exigi, non exigere: exigi habent veteres libri etiam, atque etiam Basilica: *αὐτὴν*

ἡρωγυλῶν δὲ δότῳ ἀναστῆναι, et si promisit dare, exigitur: quia recte promisit, et recte datura est. Ceterum in scribæ, cujus vitio perperam æstimata sunt bona puellæ, puella habet actionem ordinariam in eo quod interest, actione, id est, in factum ex Senatusconsulto appposito in tit. de magistr. conveni. Scriba tenetur in subsidium: non actio illa Senatusconsulto prodita subsidiaria est, et tenetur scriba, quod non satis exegerit, quod non exegerit fidejussorem a curatore, rem scilicet salvam fore in omnem quantitatem honorum, quod ea bona perperam æstimaverit, vel dolo malo, vel negligentia quadam: et scribæ intelligimus scribæ prætoris, vel præsidis, cujus non qualecumque fuit officium, non qualis qualis apparitio apud prætorem, vel præsidem, sed fuit in honore aliquo, cum clarissimus appellatur in Nov. Justiniani, ubi nominatim etiam scribit, ad curam et sollicitudinem clarissimi scribæ pertinere res minorum, quam 25. annis natu: quod demonstrat etiam Nov. Constantini Porphyrogenetæ, *περὶ τῶν οὐρανοῦν τοῦ Χρῆστος*, de sportulis scribæ, quas etiam Latini consuetudines vocant, quæ, ut ait, non est *ἐλάσις δικαστῆς* proprie judex, sed subjicitur provincialibus judicibus, et paret, atque etiam tabulariis præsidum majoribus, et omnis ejus cura versatur in rebus minorum, quarum periculum etiam respicit ad eum ex magna negligentia, si quid scilicet in eo officio prætermiserit atque ita coactis in unum tribus illis legibus, altera alteri dedit præclarissimam lucem.

AD TIT. XXII.

De filiofam. minore.

Post tit. generalem de in integrum restitutione minorum, sequuntur speciales quæstiones quæ pertinent ad hunc tractatum: ac prima quæstio hæc est, an filiofam. minori 25. annis datur restitutio in integrum si pater ejus sit major, nam si filiofam. minor est restitutus in integrum, per consequentiam videris etiam restituere patrem, qui est major, ad quem jure potestatis redeunt commoda, et jura omnia filiofam. quod tamen est alienum a proposito prætoris, qui minoribus non majoribus auxilium pollicetur: et hæc est dubitandi ratio: sed removelur, quia restitutio in integrum soli filiofam. prodest, non etiam patri ex eadem causa suo nomine obligato, *l. 3. §. sed utrum, D. de minor.* Suo, inquam nomine, non patre obligato nomine filii, nomine peculiari: sane prodest etiam restitutio filii, *l. patri, in principio, D. de minor.*, atqui filiofam. minor restitui potest in integrum, ut in casu *l. 1. hoc tit.* quæ, ut obiter moneam in Basilicis est lex 2. si minor filiofam. fidejusserit pro extraneo, vel etiam pro patre ipso etiam ignorante,

ut in *l. si dubitet*, §. ult. de fidejussor. nam si non sit obligatus suo nomine ut si ei pro quo fidejussit heres extiterit, quo genere fidejussoria obligatio perimitur quoties in unam personam concurrat principalis obligatio, et fidejussoria principalis perimit fidejussoriam, major tollit minorem, *l. Stichum*, §. quod vulgo, D. de solut. quod etiam indicat *l. 1. h. t.* vel etiam si filiusfam. minor mutuum pecuniam acceperit contra Senatusconsult. Macedonianum, quæ ex causa etiam obligatus non est: certe iis casibus, et similibus non est ei necessaria restitutio in integrum, *l. 2. h. t.* quæ ex similitudine inscriptionis, et subscriptionis conjungenda est cum *l. 8. inf. ad Vellejan.* utraque scripta est ad Triphonem militem: si obligatus sit filiusfam. restitui poterit in integrum si se captum probet. Imo uno casu etiam si obligatus sit filiusfam. denegatur restitutio in integrum, *d. l. 2. hoc tit. et l. §. sed utrum*, D. de minor. videlicet si jussu patris mutuum pecuniam acceperit, qui jussus efficit quo minus aestimetur mutuum pecuniam accepisse contra Senatusconsult. Macedonianum: et ut filiusfam. conventus actione si certum petatur, non possit restitui in integrum. Et hæc est brevis definitio hujus questionis.

AD TIT. XXIII.

De fidejussor. minorum.

Didicimus ex supradicto tit. patri suo nomine obligato ex contractu restitutionem non prodesse. Idem hic tit. ostendit obtinere in fidejussore minoris 25. annis, lapsi lubrico ætatis. Itaque fidejussori non prodest, *l. Stichum*, §. quod vulgo, ff. de solut. nisi adversarius habet alium in quem obligationem transferre possit, vel nisi ei salva sit actio in alium; sine translatione judici: nam hoc casu restitutio minoris fidejussori prodest in *l. minor*, ff. de procurat. *l. si pupill. se hereditate*, ff. de acquir. hered. vel nisi fidejussor ignoraverit minorem cum esse pro quo intercessit: nam sæpe fallimur in æstimanda ætate hominum: hoc etiam casu restitutio minoris fidejussori prodest, qui non putavit eum esse minorem pro quo interveniebat, *l. si Titius et Seja*, D. de fidejussor. et hoc didicimus de minore lapsi lubrico ætatis, ut ejus restitutio non prosit fidejussori exceptis illis duobus casibus, si deceptus sit in re, non dolo adversarii; nam circumscripto dolo adversarii, quæ datur restitutio, sane fidejussori prodest, et ita eleganter hæc distinctio comprobata est in *l. 7. in fine*, ff. de except. et tractatur ea de re in *l. in causa 1. ff. de minor.* et observandum in dicta exceptione *l. 7.* verbum circumscribere accipi in malam partem, ita ut propriè circumscriptus sit, qui deceptus

est dolo adversarii, et ita etiam Hermenopolus in 1. Epitom. περιγραφήν interpretatur in legibus esse τὴν ἐξπράτησιν τῆς ἐν συναλλάγματι γενομένης.

AD TIT. XXIV.

Si tutor, vel curator intervenierit.

Restitutio in integrum non datur, aut non prodest patri ejus, qui beneficio ætatis in integrum restitutus est ex tit. 22. non prodest etiam fidejussori ejus, quod etiam heri didicimus ex tit. 23. adhibitis utrobique exceptionibus quibusdam: nunc docet *h. t. 24.* non prodesse etiam restitutionem minoris tutori, vel curatori ejus, nec ideo minus rescindi gesta cum minore 25. annis quæ gesta sunt auctore tutore, vel curatore: posset quis dicere, non esse rescindenda, quæ cum minore gesta sunt auctoritate tutoris, vel curatoris, vel forte per ipsum tutorem nomine adolescentis, qui scilicet tutor, vel curator utique est semper major 25. annis, et posset tentare aliquis hac ratione, quod semper possit adolescens jus suum servare a tutore vel curatore, vel fidejussoribus eorum per actionem tutelæ, aut negotiorum gestorum, sed tamen non ideo minus restituitur adolescens, nam non ut ex 1. et 2. causa edicti de restitutione in integrum, ex edicto quod metus causa, ex edicto quod dolo malo, cessat restitutio si alia sit actio, ita etiam ex causa ætatis, quæ est tertia edicti causa: nam etsi alia actio sit minor, postulat auxilium restitutionis in integrum, *l. in causa*, §. Pompon. ff. de minor. Dices, auxilium restitutionis, quod conceditur beneficio ætatis esse extraordinarium: fateor: ergo non debet dari si suppetat actio ordinaria: d. fateor, quia favori ætatis et ordinarium, et extraordinarium suppetit: et regula illa ut cesset ordinarium si suppetat extraordinarium, vitatur favore ætatis, ut huic ætati non desint extraordinaria auxilia: imo vero uno electo non consumitur aliud, veluti electa actione tutelæ, vel negotiorum gestorum, non consumitur jus petendæ restitutionis in integrum, et de hac restitutione valde singularis est *l. ult. hoc tit. in illo loco: nullo eis præjudicio per electionem generando*, ergo non cessat restitutio in integrum, si alia sit actio ordinaria, quæ possit adolescens ad jus suum pervenire. Ceterum si adolescens ipso jure munitus sit, si contractus ipso jure non valeat, ut puta si sine tutoris auctoritate celebratus, sit ubi ea exigitur: si minor 25. annis servum manumiserit contra legem Æliam Sentiam, et causa non probata apud conciliium, quæ manumissio etiam ipso jure nulla est. Evidentissimum est in his causis non esse necessariam restitutionem in integrum: et ita est accipienda *d. l. in causa 2. in princ.* D. de minor. et confirmatur *l. sive gen. r.*

D. de jure dot. et l. 4. inf. si adversus rem jud. et l. pen. inf. si adversus.

AD TIT. XXV.

Si in communi eademque causa in integrum restitutio postuletur.

Sequitur in tit. 25. in communi eademque causa non prodesse etiam restitutionem in integrum fratri consorti: nam quamvis res sit communis, patrimonium commune inter fratres, tamen commune non est restitutionis auxilium, et restitutio fratris minoris non prodest fratri majori, quod beneficium est ætatis; quum in rem est singularis *l. un. h. tit.* atque ita intelligimus quibus videbatur prodesse posse restitutio adolescenti, non tamen prodesse patri, non fidejussori; non tutori vel curatori, non fratri, et consorti, et cohæredi.

Ad TIT. XXVI.

Si adversus rem judicam restitutio postuletur.

Ab hoc tit. incipit explicare causas ex quibus minori 25. annis solet dari restitutio in integrum. Prima est, quæ sic proponitur: si contra minorem 25. annis litigante tutore, vel curatore auctore, vel etiam contra tutorem, vel curatorem ejus, vel procuratorem ejus nomine litigantem judicatum sit: nam si minor probaverit se esse læsum, litem restaurari placet, et agi ex integro: quod est restitui minorem adversus sententiam et exceptum tantum invenio unam causam, si res judicata sit pro libertate liberali judicio: hæc sententia appellatione rescindi potest, non restitutione in integrum: favor libertatis superat favorem ætatis, *l. ult. si adversus.*

AD TIT. XXVII.

S. adversus venditionem.

Secunda causa proponitur in tit. 27. Si quid minores 25. annis rei suæ vendiderint, vel si quid tutores, vel curatores eorum vendiderint commentis, figmento tituloque venditionis potius, quam vera venditione, ita ut ex ea re contigerit lædi minorem: nam ut ait *l. ult. hoc tit.* in integrum restitutio datur minoribus adversus commentitias venditiones, et tutorum seu curatorum insidias, id est, dolum malum. Et hæc dicimus de minoribus, qui rerum suarum aliquid vendiderunt injurati nam si jurati corporaliter, puta tactis Sanctis Evangelis, vel manu sublata venditionem fecerint, et juraverint se emptori nullam unquam controversiam facturum, vix possunt hanc venditionem rescindere, quamvis læsi, et reipsa decepti sint. Et elegans in

eam rem est *l. 1. h. tit.* quod etiam confirmat constitutio Friderici, quæ solet in quibusdam Codicibus subjici hanc constitutioni, et solet adduci in forum sæpissime, at quacumque ex causa. Ceterum constitutio Friderici nihil novi constituit, quod tamen voluit Accursius, sed id solum restituit, quod cavetur *l. 1. iusjurandum exigimus corporale*: nam duo sunt genera dandi iusjurandi: vel enim jurat quis corporaliter: puta manu sublata, aut tactis Sanctis Evangelis, vel jurat ex scripto, dum refertur in litteras eum jurasse. Et inter hæc duo genera multum interest: nam ut apparet ex *d. l. si venditio sit confirmata corporali iusjurando*, non potest rescindi per restitutionem in integrum: si autem iusjurando scripto, potest rescindi per restitutionem: et ita etiam in *l. 3. inf. si min. se maj. dix.* Si minor in instrum. juraverit se esse majorem, in integrum restitui potest: si instrumentis postea docuerit se minorem fuisse, fides instrumentorum exigitur, nec sufficit fides testium, sed si corporaliter juraverit ei majorem esse, nullo modo potest restitui, etiam si instrumentis probaverit se minorem fuisse. Et ita etiam Episcopi et clerici vetantur jurare corporaliter, sed non vetantur jurare ex scripto. Ea distinctio est Balsamonis Nomocanonis tit. 19. c. 17. Eaque adhuc in concordiam adducit *l. 25. cum clericis, sup. de Episc. et cler. cum l. 3. et l. 6. sup. de iis qui ad Ecclesias confug.* quæ exigant iusjurandum a clerico, sed ut ille vult: scriptum, non corporale: atque ita videmus juris auctores magnam facere differentiam inter ea genera præstandi iusjurandi.

AD TIT. XXVIII.

Si adversus venditionem pignorum.

Sequitur in tit. 28. tertia causa, si adversus venditionem pignorum: superior tit. est de venditione rerum minoris liberarum, id est, pignori non obnoxiarum: hæc tit. est de venditione rerum pignori obligatarum. Et ostenditur in integrum restitui minorem si pignora sibi obligata ex contractu minoris, vel etiam capta ex re judicata, vendiderint, *l. 1. eod. tit. l. si ex causa, in princ. ff. de minorib. l. si creditor, §. pen. ff. de distract. pign. l. 1. inf. de minor.* Ex contractu, inquam, minoris, vel ex condemnatione minoris 25. annis: aliud est enim dicendum si creditor jure suo distraxerit pignora sibi obligata ex contractu heredis puta ex contractu patris, vel extranei, cui adolescens heres existit: nam etsi ex ea distractione pignorum minor damno afficiatur, non potest rescindi restitutione, quia is contractus non est habitus cum minore, sed cum defuncto, cui minor successit, et cujus modo vicem susti-

net, et commoda fere omnia defuncti, et incommoda, nec posse ex contractu ejus restitui, sicut nec potuit ipse restitui, *l. 2. sup. tit. proximo.*

AD TIT. XXIX.

Si adversus donationem.

Sequitur 4. causa in tit. 29. Causa hæc est improbabilis donationis enormitate, ut ait *l. 4. de inoff. don. si minor. 23.* annis rerum mobilium immoliam donationem fecerit, tutore, vel curatore auctore, alioquin nihil ageret, non etiam si quid donaverit propter nuptias servato modo patrimonii sui: licet enim datio rescindi non potest, *l. 1. h. t.* cum honestissima causa eam provocaverit, affinitatis, et complendi communis voti ratio, ut ait *l. 1. ejusd. tit. C. Greg. si adversus donationem sponsalitiæ factam*: dixi rerum mobilium: nam donatio prædiorum ipso jure non valet ulla ex causa, nec si fiat propter nuptias, in *l. prædia, inf. de præd. is minor.* quæ est conjungenda cum *l. 1. hoc tit.* utriusque est eadem inscriptio et subscriptio. Item datur restitutio minori adversus donationem a patre factam: ut puta si pater alicui donanti res mobiles jampridem filio emancipato donatas, et filius inconsulta facilitate ei donationi consensum accommodaverit, atque et ipse quodammodo donaverit: nam in eadem specie restituitur adversus donationem, vel quam ipse fecit, vel quam factam a patre, ipse ratam habuerit.

AD TIT. XXX.

Si adversus libertatem.

Sequitur 5. causa: si minor 25. annis servum suum manumiserit: nam etsi adversus libertatem non possit restitui in integrum a prætore, aut præside, quod etiam libertatis favor extorsit: princeps tamen magna ex causa adversus libertatem restituere minorem potest, *l. si ex ea, §. ult. et l. sape, de minor. b.* ut puta si manumiserit actorem bonorum suorum, cujus damnum pertineat ad eversionem domus, ut in *l. inter eum, D. de jæn. l. ult. ff. de off. præsid.* hujus servi summum est pretium, cum ejus manumissio pertineat *ἐπὶ τῷ οἴκῳ αὐτοῦ*, ut est in 81. Canone Apostolorum.

AD TIT. XXXI.

Si adversus transactionem, vel divisionem in integrum minor restitui velit.

Addimus etiam 6. causam ex tit. 31. causa hæc est: si minor 25. annis cum adversario suo inconsulto transigit, tutore, vel curatore auctore, vel si cum collega, cum coligere, et socio suo di-

visionem fecerit, ut in *l. pen. inf. communi dividundo*, et latus fuerit: hoc enim semper exigitur. Denique in hoc *l.* sunt duæ causæ, transactio, et divisio, si hæc, vel illa sit facta in fraudem pupilli vel adolescentis. Et ait, *si adversus transactionem, vel divisionem*: transactioni subjicitur divisio, quasi generi species: est enim divisio species transactionis, quia plerumque fit divisio transigendi causæ: nec fit semper exacte, ut in *l. qui Roma, §. ult. D. de verborum obligat. l. cum putarem in fine, D. famil. arcisc.* et Græci sane hoc loco verbo novo vocant ἀπαρτοποίησιν, id est, finem et consumationem negotii.

AD TIT. XXXII.

Si adversus solutionem a debitore, vel a se factam.

Hæc diximus minori 25. annis dari restitutionem in integrum adversus donationem, et distractionem pignorum, imo et adversus rem judicatam, et quod amplius est, etiam adversus libertatem temere datam, ea tamen in specie opus esse restitutione principis: nec enim prætorem, aut præsidem id posse: magistratus olim solbant restituere in integrum minores, et principes solum ex certis causis, qui hodie restituant, ex omnibus: et magistratus quidem urbani, et provinciales prætores, et præsides, qui non tantum jurisdictionem, sed et imperium habent: nam magistratus municipales, qui sunt sine imperio, non restitunt, *l. ea quæ, §. 1. ad municipal.* Et ut persequamur alias causas in hoc tit. 32. ostraditur, etiam, minorem restitui adversus solutionem a se factam, vel sibi a debitore, et ut loquar de solutione ab ipso minore facta, si per errorem juris indebitum legatum solverit, restituitur in integrum, *l. 2. hoc tit.* puta existimans jure factum esse testamentum, in quo relictum est legatum, quod ipso jure nullum erat, ut in *l. 11. inf. de test. manumiss.* quæ est conjungenda omnino cum *d. l. 2.* utriusque eadem, est, et subscriptio et inscriptio. Et adjicit *d. l. 11.* nec libertates valere, ubi injustum est testamentum, si non sit testamento subjecta clausula codicillaris. Recte autem sup. in *l. pen. de in integr. restitut.* scriptum est, minoribus subveniri in his, quæ ignoraverunt, id est, minoribus ignorantibus jus: nam et ignorantibus factum majoribus succurritur, sed in minoribus hoc proprium esse, ut eis etiam jus ignorantibus succurratur, non etiam majoribus: et in *d. l. pen. C. Th.* additur, *et mulieribus*, quia scilicet et mulieres ignorantia juris excusant, præbetque causam earum in integrum restituendarum, si ignorantia juris eis damnum attulerit. Minor autem restituitur adversus solutionem a se factam, condicet

quod solvit. Item restituitur minor si ei a debitore recte pecunia soluta sit, et hanc perdiderit, ut *l. 1. hoc tit.* et restitutus ex hac causa agit cum debitore prae actione, perinde ac si debitor non solvisset, nec ex propria est eis restitutio in integrum, quia debitor, qui solvit adolescenti: nam in pupillo aliud est, ut in *Instit. quibus alien. licet, vel non*, liberatur, etiam si curator non intervenierit, et si intervenierit curator, vix potest minor restitui in integrum adversus solutionem, *l. ait praetor, D. de minorib.* Igitur de solutione a minore facta minori, vel ejus curatori est lex 2. de solutione a debitore facta minori, vel curatori ejus, *l. 1. h. t.* et vulgo male conceptus est hic tit. *si adversus solutionem a tutore, vel a se factam*: nam de solutione facta, vel a se, vel a curatore nihil cavetur, et rectius veteres libri, et Basilica, *si adversus solutionem a debi ore, vel a se factam*, et ex Basilicis in *l. 1.* legendum, *promissum, non permissum*, id est, beneficium restitutionis, quod praetor promittit, non dat: petitur enim, id est, postulanda est, et praetor promittit, cum edicto, et incertus plerumque est ejus eventus, *l. si Titius et Seja, D. de fidejussorib.* quia causa cognita datur, et in causa cognitionis innumera vertuntur. Observandum autem est in *l. 1.* minorem restitui adversus solutionem curatori factam, ut si tutor reliqua administrationis solverit curatori, qui tutori successerit, quod mirum videtur, praecipue cum *l. ait praetor*, dicat non rescindi solutionem factam curatori adolescentis: nec quid respondemus, habemus, nisi dicamus in *d. l. 1.* Imperatorem non distincte affirmare, minorem restitui adversus solutionem factam curatori, non absolute et praeter id affirmare, sed an eo casu sit restitutio in integrum tribuenda ex causae cognitione aestimari posse, quod fiet quandoque ex magna causa, si hoc praetori acquitas suggesserit.

AD TIT. XXXIII.

Si adversus dotem.

Sed de solutione hactenus. Sequitur de dote in tit. 33. ex quo minor annis viginti quinque restituitur etiam adversus dotem, et consequenter etiam adversus donationem propter nuptias vel adversus dotem, *l. si ex causa, §. in dotis, D. de minor.* si ultra vires bonorum suorum dederit, aut promiserit in dotem, vel etiam si omnium bonorum, ut in *l. un. h. t.* cum qua est conjugenda *l. 4. inf. de jure dot.* quae lex ostendit, mulierem omnia bona recte dare in dotem, nulla lege mulierem prohiberi id facere, et tamen *lex antie. hoc tit.* non videtur convenire cum *d. l. 4.* cum tamen illae duae legum partes in unam constitutionem cogi et redigi debeant, secundum quod mo-

ment inscriptiones et subscriptiones pares. Sed hoc exentiamus. an mulier possit omnia sua bona in dotem dare. Potest id quidem, sed ita si legitimum modum non excedat: nam lege Papia erat constitutus dotibus modus; ut indicat *l. 2. C. Th. de inoff. dot b.* ut constitutionibus quoque sacratissimorum regum nostrorum dotibus est definitus modus, et qui circumscribitur in *l. quæro, D. de jure dot.* et in *d. l. 4. inf. eod. tit.* legitimum modum dotis esse centum librarum auri, qui ut ait Nov. Justin. de nuptiis olim maximae dotis modus fuit, et fortasse convenit ratio decies centum milium sestertiorum, quod indicat *l. cum de in rem verso, D. de usuris.* Martialis: *Centena decies, qui tibi dedit dotis.* Juven. *Et ritu decies centena dabuntur antiquo*, et alio loco: *Crænnia teste marito bis quingenta dedit.* Ergo etiam si velit mulier dare omnia bona sua, debet servare legitimum modum, et quandoque videtur tacito jure bona sua omnia dedisse, puta si convenerit in nomen viri. M. Tull. in Top. *Cum mulier viri convenit in manum, omnia quae mulieris fuerunt, viri sunt dotis nomina*, et ita in glossa *l. mulier bona, D. de jure dot.* legendum est non, *si in matrimonium*, sed, *si in manum*: quod et Accursius ait Aristotilem scribere in Top. credo quod M. Tullius dicat se scribere Topica Aristotelica. Invenia etiam in *l. Collegarum de verb. signif.* citare Topica Arist. pro Topicis M. Tull. eadem ratione. Igitur certum est, mulierem recte dare bona sua omnia in dotem. Cur ergo restituitur si omnia bona sua in dotem dederit in *l. ult. h. t.* quia scilicet. quandoque ladi potest ipse, et heres ejus dolo fallacique mariti effundens bona sua omnia in dotem, vel minoris aestimans res dotales dote aestimata data, quae etiam ex re majori subvenitur, *l. jure, §. ult. l. si res, §. 1. ff. de jure dot.* Sed haec est differentia, quod majori subvenitur judicio dotis, quod concipitur in bonum et equum, *l. cas 8. ff. de cap. mix. l. 5. ff. de dote praeleg.* nam in formula hujus judicii inseruntur haec verba, quod melius equius, et bono et equo convenit, ut ait *l. jure* respiciens ad formulam actionis, de dote, et ita majori deceptae dolo mariti subvenitur, minori autem subvenitur non tantum judicio dotis, sed etiam restitutione in integrum: nam ut huius ostendi, etiam si restitutio sit beneficium extraordinarium, nihilominus compellit minori si suppetat ordinarium favore ætatis, non si ipso jure minor sit munitus: tum enim opus est restitutione: et ita est accipienda *l. in causam 2. ff. de minor.* Sed his aliud addamus, minor restituitur etiam adversus dotem si pactione aliqua duriorem dotem fecerit, quam non fuisset major et cautior, ut in *l. minor, §. nulla, D. de minor.* Item restituitur adversus

dotem si pater dotem dederit pro ea, qui potuit quidem ex continenti stipulari sibi eam reddi soluto matrimonio, non ex intervallo, cum dos jam transiit in patrimonium filie, sed si forte ex intervallo stipulanti patri sibi dotem reddi filia lubrico ætatis lapsa temere consenserit, restituitur in integrum adversus eam conditionem dotis, *l. 3. §. sed utrum in fine, D. de minor.*

AD TIT. XXXIV.

Si adversus delictum suum.

Sequitur alia causa in tit. 44. delicta contrahuntur dedita opera, et sua sponte, aut per ignorantiam. In iis, quæ per ignorantiam, sine minori succurritur per restitutionem in integrum, *l. 2. h. t. ut mater minor 25. auctorum per errorem juris liberis impuberibus non petierit tutorem, quamobrem ex Senatuse. Tertyll. incidit in penam amittendæ liberorum successionis. Sed ut pena liberetur, in quam incidit, restituitur in integrum adversus delictum, adversus culpam contra touto fauto, quam admisit per ignorantiam juris, idemque erit ex *l. si adulterium, §. stuprum, ff. ad leg. Jul. de adult.* si minor matrimonio contracto incestum jure civili commiserit per errorem juris eam ducens uxorem, quam sua non erat ducere, non si commiserit incestum jure gentium, ut cum sorore, minor nullo modo excusatur ab incesto jure gentium, jure civili excusatur in illis autem delictis, quæ contra legem dolo malo committuntur, veluti furto, aut adulterio, minoribus non succurritur, quia ut ait *l. 1. in aliorum mores infirmitas non excusat: imo vero ex iis criminibus etiam impuberes coercentur, quandoquidem et ob furtum nominatim ex 12. tabul. impuberes verberantur doli capaces: is igitur doli minoris coercetur, nec qui contra leges fecit dolo malo, leges potest invocare, vel elictum de restitutione in integrum, *l. auxilium, de minor.* Ratio differentie inter illa delicta est, quia illa, quæ dolo fiunt, veniunt ex animo, illa, quæ ignorantibus accidunt, veniunt ex contractu, ut ait *l. 1. id est, ex re ipsa: nam in ea *l. 1.* sic est legendum, quod et adnotant quidam, sed ex contractu venit, et ita est in Basilicis, ἀλλὰ ἐκ ἀπαρτης, etc. contractum igitur hoc loco accipimus pro re ipsa, pro facto, et delicto, ut in *l. si rem, ff. rerum amot. ex malo contractu: etiam delictum contractus est, sive ἐναλλάγμα, quavis sit involuntarius contractus, quoniam sunt delicta involuntaria, quidam contractus involuntarii.****

AD TIT. XXXV.

Si adversus usucapionem.

Quod est tit. 35. apertissimum est, minorem restitui adversus usucapionem, puta si quis rem adolescentis usucepit, vel etiam rem pupilli ab eo bona fide possemus: nam res pupilli propria non potest usucapi, *l. bona, ff. de acqu. rer. dom.* Res aliena, quam bona fide pupillus possidet, potest usucapi, quæ tamen et res pupilli dicitur: bona fides dominio comparatur, et dominus sepe pro bona fidei possessore accipitur. Rescinditur igitur usucapio per restitutionem in integrum, et minor dominium, vel possessionem recipit. Usucapio est acquisitio domini per justam possessionem sine controversia possemus tempore legibus definito.

AD TIT. XXXVI.

Si adversus fiscum.

Tit. 36. dicit, minorem non tantum adversus privatos, sed etiam adversus fiscum restitui posse, puta rei sive venditionis a se factæ fisco, vel a fisco sibi, vel alterius contractus rescindendi gratia, si se captum esse dicat, et adversus privatum quidem, si postulet auxilium minor cognitione prætoris, aut præsidis, *l. 2. C. Theod. adversus fisco cognitionis est procuratoris Cesaris, qui et Catholicas dicitur, adhibito præside, l. nec quicquam, ff. de offic. procons. et advocato fisci, ut in *l. 9. infra, de jure fisci: nam iis absentibus procuratori Cesaris nulla est jurisdictio. Et ex *l. 3. D. eod. t. notandum est, quod ibi notatur de edicto D. Marci et Commodi, ut addunt Basilica in *d. l. 3. et noster Theoph. in §. ult. Instit. de usucap. Et edicto indicta est præscriptio quinquennii in hoc casu: si fisco vendidit rem alienam quasi suam, cum putaret esse suam, et emptor eam rem possederit quinquennio sine controversia, et interruptione, securus est emptor præscriptione quinquennii adversus dominum vindicantem rem post quinquennium d. §. ult. Excipitur ab edicto Marci minor 25. annis: nam hic etiam post quinquennium vindicat rem suam, quam fisco vendidit ut suam. Et notat Accurs. quia si fisco venderet, ut sibi obligatum, vel ut debitum majoris, aut minoris, emptor statim est securus, nec necessaria est præscriptio quinquennii, sed miror in eadem *l. 3. relictam esse mentionem quinquennii, quando in tit. inf. de præscrip. quadrienn. apparet edictum D. Marci esse sublatum, et inductam novam præscriptionem quadriennii, ut si quis emeret a fisco qualemcunque rem, securus statim sit, ut*****

dominus intra quadriennium possit cum fisco, qui rem suam vendidit, qua de causa Tribonianus in *l. neque, inf. de restit. militum, etc.* cum esset scriptum quinquennii, ipse re posuit quadriennii, secundum jus novum, ut solet scripta veterum semper inflectere ad jus novum, ut mirer cur in eadem lege non reposuerit quadriennii vocem: alia erat praescriptio quinquennii, quae dabatur pene in simili specie possessori, si quis possedisset rem fiscales quinquennio: nam securus erat adversus ipsum fiscum, et adversus competitorem, id est, eum, qui rem quasi fisco delatam, aut pertinentem ad fiscum a principe sibi donari petiit, et impetravit: nam si possessor quinquennii praescriptione excludit fiscum et competitorem igitur, *l. 2. de vectig. et comm. inf. l. unica, C. Th. de quinquennii praescriptione.*

AD TIT. XXXVII.

Si adversus creditorem.

In hoc tit. creditor accipitur proprie pro eo, qui pecuniam credidit, id est, mutuum dedit, quem esse proprie creditorem Cajus ait in *l. creditorem 11. de verbor. significat.* et ostendit creditoris nomen aliquando largius accipi, et creditorum appellatione contineri non eos tantum, qui pecuniam crediderunt, sed et ceteros omnes, quibus ex aliqua causa debetur. Et similiter proprie debitor est, qui mutuum pecuniam accepit, ut in *l. incendium, inf. si cert. pet. incendium aere alieno non liberat. debitorem*: haec sententia vera est in debitore mutuae pecuniae, falsa in alio debitore. Debitor autem mutuae pecuniae si minor sit 25. annis, et paterfamilias, restituitur in integrum adversus creditorem bonae fidei, rescissa cautione creditae pecuniae, rescisso chirographo, videlicet si ea pecunia in rem ejus versa non sit, si eam perdidit, si male consumpsit. Dico paterfamilias: nam filiofamilias, qui mutuum pecuniam accepit, ipso jure non obligatur ex Senatusconsulto Macedoniano. Et ita eleganter in *l. 3. §. 1. D. ad SC. Macedon. credere filiofamilias perdere est, et quasi donare, ut in l. 6. D. si quid in fraud. patr.* Rursus dixi adversus creditorem bonae fidei ex *l. Stichum, §. quod vulgo, D. de solut.* Quia qui sciens perdituro adolescenti, et protinus scorto daturo, verbi gratia, pecuniam crediderit, ei ipso jure nihil debetur, nec igitur adversus eum adolescenti est necessaria restitutio in *l. quod si minor, §. pen. ff. de minor. l. si vero non remunerandi, §. si adolescens ff. mand.* quae constitutio est sanctissima: merito enim plectitur creditor crediti jure, qui sciens perdituro credidit, et male consumpturo, quia non debuit venire in societatem turpis consilii.

Seneca lib. 5. de Beneficiis. *Pecuniam non dabo, quam numeraturam adulterae sciam, ne in societate turpis facti, aut consilii inveniar.* Denique tum demum necessaria est restitutio minori, qui pecuniam mutuum accepit, nec vertit in rem suam, cum ipse paterfamilias fuit, et creditor bona fide credidit.

AD TIT. XXXVIII.

Si ut se hereditate abstineat.

In hoc tit. ostenditur restitui minorem abstinendi causa, id est, ut possit abstinere bonis vel hereditate forte detrimentosa, cui se temere immiscuit, vel quam temere adivit. Item si temere se pro herede gesserit, vel bonorum possessionem agnoverit, qua in re servanda est forma prodita a Justiniano in Nov. 119. *ἡρὸς τοῦτοῦ*, cujus sententia est sub hoc tit. inserta, atque etiam, quod laudo, a conditoribus Basilicon, ut scilicet dum postulet minor restitutionem abstinendi causa, qui jam se obligaverat hereditati, solemnibus edictis vocet, et adhibeat creditores hereditarios, qui tenderentur abstentione et servatis aliis, quae in hac causa proponit. d. Nov. 119. quae confirmatur aliquatenus *l. etsi, §. ult. D. de minor.* nam commune illud est omnium causarum, in quibus agitur de restitutione in integrum, ut detur restitutio causa cognita in consilio praetoris aut praesidis, et vocatis iis quorum interest non restitui adolescentem, qua de causa dicitur lis restitutionis in integrum in *l. si intra, sup. de in integrum restit. min.* et aliis plerisque in locis: non est autem lis sine adversario: abstinendi autem verbum hoc tit. comprehendit repudiationem hereditatis, ut *l. 35. et pen. D. de minor. et l. 2. h. tit.* quae est communis, quod notandum est, hujus et tit. sequent. quandoquidem tractat tam de restitutione abstinendi causa, quam de restitutione acquirendi causa, de qua est tit. sequens.

AD TIT. XXXIX.

Si ut omissam hereditatem vel bonorum possessionem, vel quid aliud acquirat.

Hoc tit. 39. ostenditur, minorem etiam restitui in integrum acquirendae hereditatis causa, si forte intra constituta tempora non adierit hereditatem, vel non agnoverit bonorum possessionem. Omittere est tempore excludi, vel intra tempus constitutum non adire, ut *l. un. inf. quando petent. part. l. quod si minor, §. Scavola, D. de minor. l. 1. §. ult. D. ut in possess. legat.* Sed trahimus hoc etiam ad hereditatem, vel bonorum possessionem amissam quocumque modo, ut ad eam scilicet

quam omisit vel amisit, capessendam et acquirendam adolescens potuit pervenire beneficio restitutionis in integrum. Et adjicit in hac rubr. vel quid aliud, quamquam de eo nihil sit expressum in constitutionibus sub ea positis: sed quod in eis est expressum de hereditate et honorum possessione facile trahitur ad legatum, et fideicommissum, vel quid aliud, ut possit restitui legati amplectendi causa, quod inconsulto repudiavit, vel repudiandi legati causa, quod agnovit inconsulto: nam et legati repudiandi nonnunquam subest, causa, cum id scilicet onus, lucrum vero nullum legatario avertit.

AD TIT. XL.

In quibus causis in integrum restitutio necessaria non est.

Varie jam antea causas variis locis demonstratae sunt, in quibus minori non est necessaria restitutio in integrum, quasi ipso jure munito satis: si-ne curatoris auctoritate facta venditio ipso jure nulla est, et non est redintegranda res adolescenti, quae ei salva permansit et integra, ipso jure restitutio est redintegratio rei amissae vel causae: ubi autem nulla est rei emissio vel causa, in eo non opus est redintegratione. Si igitur rem mobilem adolescens vendiderit sine curatore, non est necessaria restitutio adversus venditorem, quia ipso jure nulla est, *l. 3. sup. de in integrum restit. minor.* Idem erit, si rem immobilem vendiderit tutore vel curatore auctore sine decreto praetoris: nam haec quoque ipso jure nulla est, *l. 2. sup. si advers. donat.* Item si creditor curatoris fidem sequutus principaliter cum eo contraxerit ignorans eum curatorem esse, et rem alterius administrare, *l. pen. sup. si tut. vel curat. interv.* nam haec nihil nocet minori, non laedit eum aut jus minoris. Igitur non pertinet ad causam restitutionis in integrum. Idem erit si contra minorem indefensum res judicata sit, quia ipso jure sententia nulla est, *l. pen. sup. si advers. rem jud.* Item si minor 25. annis servum manumiserit contra legem Aelii Sentiam, aut causa non probata apud concilium praetoris vel praesidis: nam et haec manumissio ipso jure nulla est, *l. ult. sup. si adversus libert.* haec causae demonstratae sunt sup. sed quia restant multae aliae, ideo de his visum est proponere titulum specialem, in quo praeter causas, quas jam ante habuimus, enumerantur etiam quatuor aut quinque. Prima est, si minor 25. annis, cum non defunderetur, puta cum non haberet curatorem, ultus non sit vicem defuncti, cui heres extitit: nam ob inultam necem defuncti majori eripitur hereditas quasi indigno, minori succurritur ipso jure, ne indefensus ob inultam eadem defuncti damnum faciat hereditatis,

Tom. IX.

quasi indignus, *l. 1. hoc tit. l. minoribus, inf. de his quibus ut indig.* Secunda haec est, si minor 25. annis non interpellarit debitorem ex bonae fidei contractu, vel ex legati aut fideicommissi causa, ut scilicet ex mora cederent ei et debeantur usurae et fructus. Nam, ut dicam explicatius, mora proprie fit in personam, id est, interpellata persona debitoris: qui si non pareat interpellationi admonitus incidit in moram, et ex eo tempore debet usuras vel fructus si fuerit debitor ex bonae fidei contractu, non si ex stricto: vel etiam si fuerit debitor ex testamento legati aut fideicommissi nomine: nam haec actio legatorum aut fideicommissorum imitatur actionem bonae fidei in hoc, ut ex mora usurae veniant et debeantur, aut fructus, ut ostenditur in notissimo illo tit. *de usuris ac fructibus legat.* haec mora quae facta est semel, durat perpetuo, neque finitur, ubi quis cepit debere usuras vel fructus ex mora, id est, ex interpellatione, cujus proprie contemptus est mora in personam. Alia est mora, quae fit in rem, id est, ipso jure etiam sine interpellatione ex procrastinatione sola, ex die solvendi pecuniae, vel ex tarditate solutionis. Minoribus 25. annis datum hoc est constitutione Severi, ut eis fiat mora ipso jure, id est, ex sola tarditate solutionis, videlicet usque ad legitimam aetatem, adeo ut ipso jure sine beneficio restitutionis eis debeantur usurae et fructus usque ad aetatem legitimam: nam haec est improprie mora, quae non interveniente interpellatione, finitur tempore. Igitur post legitimam aetatem non currunt usurae, non cedunt fructus, nisi interpellatio intervenierit: quae omnia demonstrantur in *l. 26. cum vero, §. apparet, D. de fideicom. libert. l. Titia 87. §. 1. de leg. 2. l. 3. hoc tit. conjuncta l. 3. curabit, inf. de act. empt.* sunt conjungendae; quod verbum *pret. i* in *d. l. 3. h. tit.* probat manifesto, sic minori, qui vendidit rem ipso jure emptorem non solventem pretium re ipsa moram facere, etiam sine interpellatione, et ex solo tempore tardae pretii solutionis usuras minori deberi, quia emptio venditio contractus est bonae fidei. Tertia causa est, si tutore dativo, nam testamentarius non satisfacit, litigante vel curatore pupilli nomine, qui scilicet non satisfacit rem pupilli salvam fore, res contra eum judicata sit: nam hoc nihil officit pupillo, vel adolescenti, quia tutor dativus qui non satisfacit rem pupilli salvam fore, non est legitimus administrator rerum pupilli, *l. 4. hoc tit. conjuncta l. 3. inf. de tut. vel cur. qui non satis ded.* Quarta causa est, si minor 25. annis in proponenda querela inofficiosi testamenti, quae ei competebat ob exheredationem injustam quinquennio cessavit, quo tempore solet extinguere haec querela: sed haec praescriptio quinquennii ipso jure non currit adversus minorem, *l. 2. h. tit. nec d. cas*

131

currere, sed eis subveniri per restitutionem: quin potius dicas ipso jure non currere, et generaliter in *l. ult. h. tit.* Justinianus constituit ne ulla praescriptio currat minori 25. annis, ne ulla temporis praescriptione de jure suo cadat minor, ipso jure securum esse minorem, nec ladi posse temporum praescriptionibus, praeterquam praescriptione 30. vel 40. annorum: h. e. currit adversus minores, nec restitui possunt: aliae ipso jure non currunt, nec restitutione opus est, et hoc nove constituit Justin. nihil enim jampridem constitutum fuerat generaliter de omnibus praescriptionibus, sed tantum de praescriptione quinquennii in causa inofficiosi testamenti, *d. l. 2. h. t.* non de praescriptione 10. aut 20. annorum, *l. 2. et 3. inf. quib. non obijritur longi temp. praescr.* non in omnibus praescriptionibus, ut patet ex *l. 1. inf. si sapius in int g. restit. postul.* nam ea lex ostendit, minori currere praescriptionem temporis praescripti ad appellandum, vel ad persequendam appellationem si id temporis non observaverit, sed restitui posse: igitur in hac causa praescriptio temporis nocebat minori, quae hodie non nocet: nova igitur est constitutio Justiniani quatenus generalis est, et nullam praescriptionem recipit, nisi temporis longissimi, puta 30. aut 40. annorum. Itaque non est dicendum, quod dicebat Placentinus, hibiase Justinianum, sive, peccasse per oblivionem, quod se id primum putaret constituisse, quod alii jam constituerant, et Accursius cum forte videretur probare idem olim fuisse constitutum, quod vult Justinianus, forte, inquit, secundum Placentinum hiberat hic Justinianus, nec recordabatur idem olim fuisse constitutum. Inde statim unum observatur, vinum generare oblivionem, cum Placentinus dicat, hiberat ex fonte lethaeo.

AD TIT. XLI.

Qui, et adversus quos in integrum restitui non possunt.

Hactenus demonstratum est in quibus causis restitutio in integrum minori necessaria est, vel non: nunc incipit tractare, qui minores non possint restitui in integrum, vel adversus quos: et primum ostendit *l. 1.* non temere restitui in integrum minores, quos constat esse attentos diligentesque patresfamilias, et quos verisimile non est lapsos esse aetate, atque praetorem prudentissimum esse oportet, cujus est notio, ne quemlibet minorem pro majore habeat. Sunt enim prudentes quidam supra aetatem, et cauti, et additur in *l. ult.* quae est etiam Justiniani, et nova, ut non detur minori restitutio in integrum adversus parentes, vel patronos utriusque sexus, nec si lapsus sit lubrico aetatis citra

fraudem parentum, aut patronorum. Denique non rem gestam cum parentibus, vel patronis rescindit, quod valde novum est: nam veteres, ut recenset Justinianus, variabant hac in re: alii dicebant non esse dandam restitutionem adversus eas personas si dolo earum minor circumscriptus esset. ne arguerentur de dolo propter verecundiam debitam his personis, nisi scilicet ex magna causa, vel ex gravi detrimento, vel etiam si forte turpis esset persona patris, vel patroni, h. strio, nimis, seeneica: facile etiam turpis parentis, aut patroni arguitur dolus, neque his exhibetur reverentia: qui locus obiter est notandus: nam vulgo accipitur male, *l. pen. ff. de obseq. parentib. et patron. praest. liberti* semper sancta, et honesta videri debet patroni persona: ergo non turpis, quae etiam sit (*il faut s'arrester sur ce*) semper, id est, tam vivo, quam mortuo patrono: quod declarat *lex apud, §. adversus: ff. de doli except.* Sed si manifesta sit turpitudine patroni, sane tum liberti non erit honesta persona patroni, ut indicat eadem *lex ult.* in qua Accurs. errat. Alii dicebant, dandam adversus eos restitutionem si lapsus esset minor facilitate aetatis. Justinianus vult nullo modo eis dari restitutionem si sine fraude, sine lubrico aetatis lapsi sunt, quia ex quacunque causa detur restitutio, videtur quodammodo pudor ejus, adversus quem restitutio datur angillari. Certe vetus illa actio de circumscriptione adolescentis ex lege Laetoria videtur fuisse famosa, uti ne propter te fraudemve tuam captus fraudatusve siem. Ceterum Justinian. significat in fine, quod ego attingo propter Accursium, qui hic haesitat, in has personas non facile cadere fraudis suspicionem fabrefactae adversus pignora sua, liberos libertosque suos: quinimo eas personas cavere plerumque ne quid suae opinioni contrarium faciant adversus liberos libertosque suos, opinioni, id est, pudori suo. Igitur generaliter definit ne minores adversus eas personas restituantur. Et in Novel. c.v. excipitur unus casus tantum, si matres secundas nuptias contraxerint: nam quasi abalienaverint animum a liberis, liberi facile restituantur adversus matres, alioqui debent minores damnum, quod fecerint, boni consulere potius, quam retractare rem gestam cum parentibus, vel patronis.

AD TIT. XLII.

Si minor se majorem dixerit, vel probatus fuerit.

Didicimus ex tit. 41. minorem 25. annis nullo modo restitui adversus patronos, vel parentes: eos quoque minores non facile restitui, qui diligentes sunt patresfamilias, et qui etiam in Rep. administranda se industrios praebuerunt, ut non sit veri-

simile eos errare et lapi per infirmitatem ætatis, sive consilii: hoc, inquam, habuimus in tit. 41. nunc in tit. 42. ostenditur, etiam eos minores non restitui in integrum: nam quinque titulis ordine exequitur eos minores, qui non possunt restitui in integrum 41. 42. 43. 44. 45. et in hoc ostendit eos minores non restitui in integrum, qui iuraverunt, vel forte, ut pecunia eis crederetur, dolo malo se maiores esse dixerunt, et persuaserunt, vel etiam, qui dolo malo scientes se esse minores prædidi, sive prætori imposuerunt, et falso proharunt se esse maiores: quia in his malitia supplet ætatem, ut eleganter ait l. 3. h. tit. ideo non restituuntur, scilicet adversus illos, quos deceperunt: idemque dicitur de minoribus, quod de adulteribus in l. 2. §. pen. D. ad Senatusc. Vel. lej. deceptis non decipientibus subveniri, l. 2. C. Greg. si major fuerit probatus, et l. 2. h. t. nam si dolus minorum absit a malitia mala, ut si per errorem, vel per fraudem adversarii maiores probati fuerint, non immerito postulant restitutionem in integrum, l. 3. et 4. eod. tit. et probare quidem convenit maiorem ætatem perfectam. Eleganter Græci hoc loco vocant, πᾶρτιον τὴν λαγομένην τιλδωτέρα, quam probationem sequi solet decretum prætoris, aut præsidis, etiam si revera non sint maiores permittentes eis rerum suarum administrationem: probatur autem ætas, vel testibus, vel instrumentis, l. 2. inf. tit. 44. veluti tabulis professionum, l. 4. D. de excus. tit. l. 1. h. tit. ubi non male Græci tabulas professionum interpretantur ἀπεργασίας τοῦ πατρὸς, quod plerumque scilicet conficiantur a patre natæ filiiæ. Apul. 2. Apol. Pater natam tibi filiam more ceterorum professus est: tabulæ ejus partim tabulario publico, partim domi asservantur. Sed confectæ etiam a matre, vel a patre fidem faciunt, l. etiam ff. de probat. Probatur etiam ætas ex aspectu, ut ait l. 3. h. t. l. minor 25. ff. de minor. et l. 1. C. Greg. et quantum opinor, maxime si de pubertate marium queratur ex aspectu necessaræ partis, ut loquar cum Paulo in l. 7. ff. de edilit. edict. Illo in loco ubi ait, necessaria pars corporis ei absit. Ibi videtur abundare particula tam. Nam Artemidorus est testis locuples τὸ αἰδῖον τοῦ ἀνδρὸς vocari ἀνδρῶν πόρον. Et ex aspectu ejus partis in mare, non etiam in fœminis pubertatem existimant. Aristophanes in Vespis: πᾶιδος δὲ αἶψα: etc. et Plato 41. de leg. cum etiam ex aspectu ostenditur æstimari debere nubilem ætatem, τὸν τῶν γάμων χρόνον etc. et Quintil. Declam. 279. Postea filium nudari, et in conspectu judicam constitui cogit. Item in Institut. centumviralem esse questionem ait, ut pubertatis annus in corporis habitudine æstimetur: controversiam igitur fuisse questionem inter Cassia-

nos et Proculianos, l. ult. inf. quando tutor, vel cur esse des. cum Justin. definit, et solavit omnem controversiam, constituens, ut et in mare, et in fœmina ætas æstimetur ex annis tantum, in maribus ex annis 14 in fœminis ex 12. quæ constitutio Justin. confirmatur etiam lege vetustiori, puta l. 4. C. qui te t. fac. possunt, ubi aperte ait, eum, qui pervenit vel annum 14. posse testamentum facere quasi puberem, licet vigor in eo nulla extet vestigia, id est, habitus, licet non videatur esse pubes: pubertatem igitur æstimari non ex habitudine, sed ex annis, secundum quod impubes est, qui nondum pervenit ad annum 14. etiam si facies, vel quæ alia pars corporis pubertatem, aut maiorem computet ætatem, et facies, sicut ait Juvenal. computat annos.

AD TIT. XLIII.

Si sæpius in integrum restitutio postuletur.

In tit. 43. ostenditur alius casus, quo etiam minores non restituuntur in integrum puta in ea causa in qua jam ante petita restitutione in integrum repulsam passi sunt, nisi novas proferant defensiones: hoc, ne res semel iudicata temere retractetur, ne causa, quæ semel transit ad condemnationem, temere instauretur, et hoc est, quod ait Paulus lib. 1. Sentent. integri restitutionem plus quam semel non esse decernendam, aut disciplinam ex eadem causa de his eadem de re disceptetur.

AD TIT. XLIV.

De his qui veniam ætatis impetraverunt.

In hoc tit. etiam alius casus ponitur, quo minores non restituuntur etiam si lesi sint, puta si a principe extra ordinem, ut ait l. 3. D. de minor. vel etiam hodie a magistratu ex Nov. Leon. Philos. veniam ætatis impetraverint. Hi non possunt restitui in his, quæ gesserunt post impetratam veniam ætatis, etiam si nondum pervenisset ad ætatem perfectam, l. 5. inf. de temp. in integr. restit. et ratio in l. 1. h. t. hæc additur, ne qui cum eo contraxerunt post impetratam a principe veniam ætatis circumscripti videantur principali auctoritate: neque enim impetrant veniam ætatis, id est, ius legitime ætatis, et administrationis rerum suarum, nisi implerint mares 20 annum, et fœminæ 18. celerior est cursus prudentiæ muliebris. Et hæc quidem ætas in mare 20. in fœmina 18. annorum a Constantino dicitur firmata ætas, et hoc proprio nomine donata est l. 1. C. Th. eod. tit. nec enim ætas 20. aut 25. annorum potest dici ætas perfecta nec legitima, et qui ætatem perfectam et legitimam dicit, non hanc dicit, sed iustam ætatem 25. auturum ita de-

limitam lege Lictoria, ut ait *l. 2. C. Th. de donat.* et inde nomen legitimæ ætatis. Igitur hæc ætas, qua licet impetrare veniam, ne dicatur perfecta, ne legitima, sed suo proprio nomine firmata. Exigitur autem, ut ii, qui impetraverunt a principe veniam ætatis, eam veniam insinuent apud competentem judicem, puta ex *l. 2. h. t. si Senatores* sint apud præfectum urbi, nam *l. 2.* est scripta ad Verinum præfectum urbi, non præfectum prætorio, quod Basilica confirmant. Et obiter ex eo intelligitur in Senatoribus numerari etiam minores 25. annis, quod Livius ostendit multis locis cum Senatores sint quicumque sunt ex stirpe Senatorum: et sufficit argumentum illius adolescentis Papirii: necesse est igitur, ut si senatores sint, insinuent veniam ætatis apud præfectum urbi, si plebeji apud prætorem, et in provinciis omnes apud præsidem: neque hoc satis est: nam et apud eos iudices probare debent per se, non per procuratorem se esse ætatis ann. 20. et probant etiam testibus advocatis se eis esse moribus præditos, ut possint sufficere suis negotiis, atque demereri veniam ætatis: et loquor de moribus, ut hæc per se probent: nam fœminæ propter pudorem, et verecundiam sexus non coguntur prodire in publicum, ut in *l. 1. sup. de offic. divers. jud. l. 2. §. sin autem, inf. de iurjur. propt. cal.* et satis est mulieres probare firmatam ætatem per procuratorem legitime constitutum, *l. 2. hoc tit.* v's autem omnis hujus veniæ, quæ a solo principe concedi potuit, ut ait Nov. Leonis Philos. vis, inquam, hujus beneficii principalis hæc est, ut minores 25. annis curatione liberentur, et rerum suarum administrationem recipiant, et in omnibus pro majoribus habeantur, præterquam si prædia sua velint alienare vel obligare sine decreto, in *l. pen. h. t. l. 2. inf. de appell. l. 10. inf. si major factus alien.* In hac re non habentur pro majoribus, namque indigent decreto prætoris, quasi minores, quo non indigent, si in hac re haberentur pro majoribus, et ita hanc exceptionem in formula veniæ ætatis lib. 7. Variar. Cassiodor. adjecit, *Ita ut alienandis rusticis prædiis, et urbanis constitutionum servetur auctoritas, ne dum opinioni parere volumus, auctoritatem publicam lædere videamur.*

AD TIT. XLV.

Si major factus ratum habuerit.

Ultimus casus quo minores non restituantur in integrum proponitur in hoc tit. 45. videlicet si quis minor gessit, postea major factus rata habuerit, et fecerit: nam per ratihabitionem videtur renunciare beneficio restitutionis in integrum, cui recte renuntiat post legitimam ætatem, intra quam si

inconsulto renuntiaret, restitueretur, ut adversus consensum quemlibet inconsultum: et nihil interest facto an silentio ratum habuerit: quod minor gessit. Ita Paulus lib. 1. Sentent. ubi malum factum, quam pacto, et silentio, cujus temporis? jure veteri silentio minus anni utilis, intra quem peti debet restitutio: jure autem novo silentii quadriennii continui, quod successit loco anni utilis ex constitutione Justiniani, *l. ult. inf. tit. 52.* Excipienda est alienatio prædiorum sicut a tit. sup. facta sine decreto, quia post legitimam ætatem ratihabitione non tenere confirmatur etiam silentio quadriennii sed longioris temporis, ut ostendit *l. 1. tit. si major factus alien.* et hoc distat hic t. ab illo lib. 5. quod ille tit. lib. 5. est de alienatione ipso jure nulla: hic autem tit. noster est de alienatione ipso jure perfecta, vel de qua alia re non inutiliter gesta a minore, et hi sunt casus, quibus minores non restituantur in integrum.

AD TIT. XLVI.

Ubi, et apud quem cognitio in integrum restitutionis agitanda sit.

Sequitur alia questio de restitutione in integrum tit. 46. ubi, et apud quem etc. Ubi, id est, in quo foro, et placet etiam cognitionem restitutionis in integrum, sive eam petat minor, sive major ex justa et legitima causa, agitari debere in foro rei, adversus quem petitur restitutio secundum regulam juris, *l. juris, de jurisdict. omn. judic.* et non tantum agitari eam pro tribunali apud magistratum urbanum, vel provincialem, sed etiam apud iudicem datum a principe, vel a magistratu ordinario specialiter in hanc ipsam rem, vel in aliam, in quam tamen incidat questio restitutionis, vel apud eum, cui mandata sit jurisdictio omnis, vel hæc species. Est enim hæc cognitio jurisdictionis, et missi imperii: ideoque mandari cuilibet potest, quod ostendit optime *l. ult. hoc tit.* sed quibusdam casibus hæc causa restitutionis in integrum non agitur in foro rei, sed in consistorio principis: ut si petatur restitutio adversus libertatem, *l. 10. D. de minor.* solius enim principis est restituere adversus libertatem: vel si petatur adversus rem judicatam a procuratore Cæsaris, vel ab eo, qui vico sacra judicat, veluti vicario, aut præfecto urbi, vel adversus rem judicatam a iudice dato a principe ipso *l. 1. hoc tit. l. 3. sup. si adversus rem judicatam, l. minor autem, §. pen. D. de minorib.* his casibus solus princeps restituit solusque cognoscit de causa restitut. alias cognitio est magistratus urbani, vel provincialis, vel iudicis dati a principe in hanc causam, vel dati a magistratu in hanc causam, vel in aliam rem, in quam

tamen incidat hæc queratio: cognitio etiam dicitur ejus, cui mandavit jurisdictionem omnem, vel hanc partem magistratus urbanus aut provincialis. Ceterum cognitio non est magistratus municipalis suo jure, qui simplicem jurisdictionem habet, non mixtum imperium: nam hæc imperii magis sunt quam jurisdictionis. Suo ergo jure magistratus municipalis neque restituit in integrum, neque cognoscit hac de re sine mandato principis. *l. ea quæ, D. ad municip.* non enim competit judici compromissario, non arbitro electo sine compromisso communi nulloque consensu partium, non arbitro dato a iudice pedaneo, habente scilicet cognitionem tantum non jurisdictionem, quod indicat optime *d. l. ult. hoc tit.* Iudex datus sive delegatus dat quandoque arbitrum, veluti fidejussoribus probandis, vel executendis rationibus, vel bonis æstimandis, nunquam iudicem, et hi sunt, ad quos non pertinet cognitio restitutionis, et in *l. ult. hoc tit.* illo loco: *audiat esse trahendum, notavi esse legendum, audeat, et sane rectissime.*

AD TIT. XLVII.

De reputationibus, quæ sunt in iudicio in integrum restitutionis.

De reputationibus, περί ἀναλογιών, ut est in Basilicis, id est, de iis, quæ minori petenti restitutionem in integrum imputantur, ut scilicet vel ea reddat, vel compenset: ut si restitui adversus venditionem a se factam desideret, non tantum fundum venditum, et traditum reddi sibi, sed fructus etiam quos emptor percipit, aut percipere potuit, cum fructibus compensare debet usuras pretii, quod accepit, vel pretium restituere emptori cum usuris: imo etiam ἀναλύματα, meliorationes, id est, sumptus meliorati fundi, debet restituere: nam restitutio in integrum sit ultro citroque, est reciproca. Denique ita sit ut unusquisque suum recipiat et minor, et qui cum minore contraxit, *l. quod si minor, §. pen. D. de minor.* Et similiter minor restitutus adversus emptionem a se factam, recipit pretium, quod numeravit cum usuris mediæ temporis, et rem emptam restituit cum fructibus, vel ut sit plurimum, cum fructibus compensat usuras. Item restitutus adversus transactionem reddit quod accepit ex causa transactionis, et vicissim ei redditur quod dedit cum accessionibus, et omni causa. Item quod etiam dicitur *l. un. hoc tit.* restitutus repudiandæ hereditatis causa, quam temere adiit et aliquandiu possedit, reddit id omne, quod ex hereditate percipit, et ad quem hereditas transit, puta sequenti agnato. Et etiam, quod dolo malo fecit, quo minus percipere posset: nam ipse videtur percipisse, quod ipse

data opera fecit ne perciperet: dolo enim pro perceptione est dolo pro possessione. Et eadem ratione minori restituto adversus expromissionem, puta cum novandæ obligationis gratia intercessit pro alio, atque ita eum liberavit, quod est proprie expromittere, hoc casu restituitur creditori vetus actio, quam novatio peremerat, in veterem debitorem restituto novo debitore. Et per restitutionem recia obligatione nova, restituitur obligatio vetus, ut utraque ex parte respondeant omnia, in pristinum statum: esset enim iniquissimum ex una tantum parte valere restitutionem in integrum: et idem etiam in intercessionem mulierum, si novandi animo intercesserint ex Senatuscons. nam rescissa intercessionem mulieris, creditori actio vetus restituitur, ut patet ex tit. ad Senatuscons. Vellejanum.

AD TIT. XLVIII.

Etiam per procuratorem causam in integrum restitutionis agi posse.

Etiam illud querri inaspicere dignum erat, an per procuratorem posset postulari, et agi causa restitutionis in integrum. Dubitationis ratio hæc est, quod in iudicio restitutionis in integrum probari ætatem conveniat, *l. 4. inf. de in integr. rest. minor. l. cum te minorem, inf. de probat. l. intra, D. de minor.* et ætas plerumque probatur ex aspectu et habitudine corporis: præsentem igitur oportet rogare restitutionem in integrum, et litem agere eandem, non mittere procuratorem: moveor igitur, quod mores per se insinuant veniam ætatis, ut heri diximus, ætatemque firmatam, et morum probitatem probant, non per procuratorem. Sed hæc nihil nos movere debent: nam et aliis modis quam ex aspectu ætas probatur, et insinuatio veniæ majorem diligentiam requirit, quam causa restitutionis in integrum. Per procuratorem igitur recte causa restitutionis agitur, cui scilicet idipsum nominatim mandatum sit: nec enim sufficit generale mandatum. Putem et per cognatum et affinem peti, et agi posse, etiamsi ei id nominatim mandatum non sit, si modo nec a minore petere prohibitus sit, quod confirmat *l. Papinianus, et l. patri, D. de minor.*

AD TIT. XLIX.

In integrum restitutione postulata, ne quid novi fiat.

Quod maioribus præstat appellatio, hoc minores consequuntur beneficio restitutionis in integrum, si nolint appellare, *l. præses, D. de minor.* At sive appellarint majores aut minores, sive petierint minores restitutionem in integrum, medio tempore

nihil novatur, ut in *tit. D. nihil novari pendente appellat.* sed omnia manent integra, quoad de appellationis, vel restitutionis causa pronuntiatum sit.

AD TIT. L.

De restitutionibus militum, et eorum qui Reip. causa absunt.

Sequuntur tit. quibus ostenditur, nonnunquam quibusdam ex causis etiam restitui majores 25. annis. Et primus hic est de restitutione militum majorem 25. annis, si credimus eorum: nam omnis restitutio militum transmittitur in heredem, et si nondum petita sit, sicut omnis actio etiam si nondum sit contestata, exceptis quibusdam, *l. non solum, D. de restit. in integr.* actionis nomine comprehenditur etiam cognitio prætoris restitutionis in integrum, quæ scilicet origo fuit prætoris: nam et hujus rei cognitio pertinet ad alios plerumque, ut sup. dixi majores igitur 25. annis, heredesque ex eorum persona restituntur in integrum, si cum essent in militia occupati, in castris, vel quod addendum esse censeo, in præsiidiis, in hybernis, vel cum alio modo abessent Reip. causa sine dolo malo, si interim res eorum absentium usucapta sit, vel vendita a creditoribus ex causa debiti, vel si tempore amissæ sint actiones, quæ eis competeant, nec erant perpetuæ, vel si tempore amissa sit honorum possessio hereditasque eorum, qui peregre Reip. dant operam: justa est absentia: nemini justa absentis officere debet: quæ scilicet suscipitur Reip. causa, nec enim aliam absentiam habuero pro justa ratione. Et restituntur quidem intra annum ex jure veteri postquam abesse desierunt Reip. causa, vel secundum jus novum intra quadriennium, et per restitutionem rescinditur usucapio, quæ eis absentibus completa est, rescinditur venditio bonorum facta a creditoribus, rescinditur distractio pignorum, et aboletur præscriptio temporis, et restituitur absenti dominium rerum suarum, restituitur bonorum possessio qua exciderat, restituntur amissæ actiones omnes, quod constitui hoc tit. demonstrare. Sed observandum est potissimum ex *l. 4. bona absentis Reip. causa*, et indefensi a creditoribus ex edicto possideri quidem, non etiam venire posse: ita ut ei reverso non suppetat auxilium restitutionis in integrum adversus venditionem. Et ita accipienda *l. 4. hoc tit. et l. in possess. §. 1. D. quibus ex causis in possess.* Quod autem apud Livium lib. 20. P. Sextius Cons. edicit, ne quis militis, donec in castris esset, bona possideret aut venderet, id edicit singulariter in summa Reip. trepidatione, cum hostes propero ad portas adessent: et notant omnes ex *l. pen. hoc tit.* filium militem quasi privilegio militis sui non posse re-

scindere ea, quæ pater gessit, dum is filius erat in militia, cui postea filius heres extitit, non posse adversus ea restitui, optima ratione, quia hoc privilegio utitur miles tantum in his, quæ ipse gessit militiae tempore, vel prætermisit, vel ignoravit: nam in his, quæ pater vel alius, cui successit, gessit, ei eo nomine non competit restitutio. Ex *l. ult. hoc tit.* observandum est, privilegium quod militibus datur ut testentur jure militari quoquomodo voluerint, non habere in litem, qui agit in sedibus suis, *l. pen. inf. de testam. milit.* Et rectissime Basilica in eadem *l. ult.* sedes interpretantur sedes, id est, cum sedent domi, εὐοῖς ἰδίως ὄξωες, et ita etiam in *l. 2. C. Th. de domesticis*, in sedibus idem significat, *en sa maison*. Et quod Theop. in §. 1. *Instit. de milit. test.* sedes interpretatur sedes, falsum est: nam sedes sive fossata, ut Suidas interpretatur, sunt castra sive stativa, ut in *l. 18. sup. de Episcop. audiant.* quæ est Græca falsum est militem non uti suo privilegio cum est in stativis, ut falsum est non uti in castris, in expeditionibus. In stativis, vel in præsiidiis poterit jure militari testari mea sententia: et tempora quæ fecerit in stativis aut præsiidiis, ei proderunt ad restitutionem in integrum, et plane velim in *d. l. ult.* expeditionis nomine etiam intelligere stativa et præsiidia.

AD TIT. LI.

De uxoribus militum, et eorum qui Reip. causa absunt.

In integrum restituntur non tantum milites, et ii qui Reip. causa absunt, sed etiam uxores eorum si sequantur viros interim per absentiam aliquid damni senserint: sequuntur plerumque viros in militiam ut cui officium publicum damno esse non debet propter absentiam: non aut etiam uxori ejus sequatur virum.

AD TIT. LII.

De temporibus in integrum restitutionis tam minorum et aliarum personarum, qui restitui possunt, quam heredum eorum.

Communis est hic tit. 52. minoribus et majoribus: et erat olim quidem ut hic de temporibus primum dicamus omnibus jure prætorio constitutis annis utilis ad petendam restitutionem in integrum. Deinde lege Constantini fuit restitutionibus minorum contestandi limiendisque in urbe et intra centesimum miliarium urbis, et ut constat ex *l. 2. C. Th. de restit. in integr.* fere semper urbs quasi concluditur centesimo miliario, *l. 1. D. de offic. præfecti urb. l. 35. C. Theodos. de Episc. et cle.*

ric. et l. 62. C. Th. de hæreticis. Fuit, inquam, ex lege minoribus præstitutum quinquennium post completam legitimam ætatem in urbe, vel intra centesimam miliarium. In Italia autem quadriennium, in provinciis tricennium, ut non male in C. Th. l. 5. cod. tit. habeat jure tempus, quod est Constantini: nam voluit Constantinus quinquennium illud vel quadriennium, vel hoc tricennium jure esse, id est, continuum, et tamen vulgo heic legitur jure, et Bas. vulgus. quia scilicet Justin. sibi vindicat definitionem continui temporis abrogata lege Constantini, constituens ut non observata locorum differentia nec ætatem, idem jus sit, eadem inspectio temporis in restitutis minorum et majorum, ut inquam, intra quadriennium continuum agatur et peragatur causa restitutionis in integrum, l. ult. hoc tit. l. ult. inf. de repud. heredit. et quadriennium quidem istud continuum minoribus numeretur a die primo anni 26. in diem extremum anni 29. vel a die, qui veniam ætatis ingressi fuerint in judicio competentis: l. 5. hoc tit. militibus ex die missionis, l. 1. hoc tit. et similiter aliis absentibus Reip. causas ex die reversionis. Et hoc de temporibus in integrum restitutionis. Altera questio in hoc tit. est longe difficilior de heredibus earum personarum quatenus in integrum restitui possunt. Et in ea questione adhibetur distinctio hæc. Aut minor minori heres extitit, aut minor majori, aut major minori aut major majori. Primum si minor minori heres extiterit, heredi ex edicto, ut aut l. interdum, de min. post completam ætatem quasi ex sua persona, quod et ipse sit minor datur totum quadriennium ad in integrum restitutionem, l. interdum, D. de minor. et Paulus apertissime, l. Sent. tit. de minorib. l. 5. §. 1. hoc tit. Secundo autem casu si minor majori, qui nondum expleverat quadriennium petende restitutionis heres extiterit, heredi post legitimam ætatem completam non datur totum quadriennium, sed ex persona defuncti id duodecim tempus datur, quod defuncto supererat, d. l. interdum, §. 1. d. l. 5. quod si majori, hoc tit. Tertio, si major minori heres extiterit heredi statim ab adita hereditate ex persona defuncti datur quadriennium ad petendam restitutionem nomine heredis, l. 4. l. 5. §. ult. hoc tit. l. minor autem, §. ult. D. de minor. l. non solum, D. de restit. in integr. Quarto autem et ultimo casu si major majori heres ex terio forte constituto intra quadriennium, vel ipse constitutus intra quadriennium, post completam legitimam ætatem recte Accursius in d. l. 5. et d. l. interdum, rem esse exploratissimam, nimirum statim ab adita hereditate id tempus dari quod defunctus habuit. Valde notanda est hæc distinctio, quæ satis obscure proponitur in l. 5. hoc tit. et secundum hanc distinctionem in l. 2. cod. tit.

quæ est satis difficilis, si minor minori heres extitit, et militiæ nomen dedisti, majorque redisti, ex die reversionis ad restitutionem in integrum habes quadriennium: post tamen completum 25. annum. Quod si majori nondum exacto quadriennio ipse minor vel intra quadriennium constitutus heres extitit, et militiæ nomen dedisti, reverso tibi cedit tempus, quod defuncto supererat statim si major redisti: vel post completam legitimam ætatem si minor redisti: Et ita vobis explicanda est species l. 2. quæ prima specie male afficit lectorem quælibet. Etiam illud notandum est ex l. 1. hoc tit. minori circumscripto qui in militia exegit annum 29. vel 30. atque ita transegit restitutionis tempus, non computari tempus restitutionis nisi ex die missionis, ut in l. semper, §. si quis Reip. verat. nam etsi. D. quod vi aut clam: quia scilicet ipso jure propter militiam continuatur beneficium restitutionis in integrum, nec perimitur tempore quandiu obitor militia, l. 5. hoc tit. et tamen, quod posset obstare huic sententiæ, si major, qui temporalem aliquam actionem habuit, militiæ nomen dedit, actionis tempus ei cedit in militia, sed reverso causa cognita remittitur præscriptio temporis per restitutionem in integrum. Et ita est accipienda prima pars d. §. si quis Reip. l. semper, sumpto scilicet exemplo et argumento ex §. qui præcedit. et hoc confirmatur l. 1. sup. de restit. milit. ita est componenda cum l. 1. hoc tit. nam videtur contraria, ut dicamus plus tribui in l. 1. h. tit. minori militiæ nomen danti, quam majori in d. l. 1. de restit. milit.

AD TIT. LIII.

Quibus ex causis majores in integrum restituuntur. Hoc tit. ostenditur, non tantum majoribus, qui sine dolo malo absuerunt Reip. causa, de quibus actum est sup. tit. subveniri per restitutionem in integrum, sed et aliis majoribus, veluti legatis civitatum missis ad principem, l. 1. h. t. l. legatis, D. ex quib. causis major. si quid per absentiam interim ceperint damni vel lucri amiserint, etiam illis, qui sub custodia militari vel in vinculis vel in hostium potestate fuerint, l. 2. et ult. h. tit. et generaliter majoribus subveniri beneficio restitutionis ubicunque justa causa videtur subveniendi iudici maxime addicto actioni bonæ fidei: notandum est, quod ait l. 5. h. t. nec alibi re dicit, in contractibus bonæ fidei. In his igitur etiam iudex delegatus, iudex pedaneus, cognoscit de causa restitutionis in integrum, quæ incidit in iudicium, et introducitur in modum exceptionis vel contradictionis, non etiam introducitur principaliter, quod etiam ostenditur in l. ult. sup. ubi, et apud

quem cognit. restit. in integr. si diligenter expendatur. Ergo si actio bonæ fidei sit de incidenti questione restitutionis iudex delegatus eam admittet, et officio suo fretus subveniet ei cui subveniri æquum erit: etiam illud additur hoc tit. civitatibus, aut rebus publicis lapsis, aut circumscriptis subveniri per restitutionem in integr. exemplo minorum, *l. pen. h. t. l. e go, in fine, ff. ex quibus causis maj. l. pen. inf. de jure Resp. lib. 11. l. 1. sup. de offic. ejus, qui vice alter. ju. l.*

AD TIT. LIV.

De alienatione judicii mutandi causa facta.

Postremus tit. de restit. in integr. est tit. 54. in quo ostenditur, etiam majoribus subveniri ex hac causa, si possessore, cum quo major 25. annis acturus erat in rem, dolo malo eam rem vendiderit, et tradiderit potentioris objicendi, durioris et difficilius adversarii gratia: nam hoc casu major, qui acturus erat in rem, potest etiam si velit agere in rem adversus eum, cui res est vendita et tradita, ut ait *l. un. h. tit.* sed si non audeat cum eo congredi, quod sit difficultas conventu, restituatur in integrum ex edicto intra annum utilem, vel hodie intra quadriennium continuum data in venditorem actione in factum quanti interest alium adversarium longe duriores habere, cum quo per certatio non est, mutat judicium, quod futurum est de rei vindicatione in possessorem, cui vendita est et tradita ea res, nam in rem actio sequitur possessorem, *l. 1. inf. ubi in rem actio.* Sed datur etiam actio in rem in eum, qui dolo desiit possidere: quoniam solus pro possessione est. Igitur in hoc casu contra venditorem est etiam actio in factum restitutoria ex hoc edicto, in rem actio, ut dixi, sequitur possessorem, hoc in constitutione hujus tit. exprimitur his verbis: cum in rem actionem possessio pariat adversario: nihil mutandum est, possessio scilicet ejus cum quo agitur, adversario, id est, actori, ut in *l. 17. ff. de pignor.* pignoris possessio, sic videtur legendum, in rem actionem parit creditori, ita rei possessio in rem actionem parit actori, adversarii nomen commune est actoris et rei: quæ de causa recte in *l. non alius, §. 1. de judiciis*, in rem actionem esse ex possessione: mutato igitur possessore mutatur judicium, id est, directa actio in alium transfertur. Alienatio est dominii, vel possessionis in alium translatio. Fuit autem hoc edictum generale, atque ideo non reus tantum hoc edicto continetur, qui rem alienavit judicii mutandi causa, sed continetur etiam actor, qui alienavit actionem ut ageret alter non ipse in suum adversarium, et quidem si actionem vendiderit, donaverit, cesserit alteri, emptori,

vel donatario denegatur actio, non priori domino, *l. 1. 19. ff. hoc tit.* nisi scilicet ipse alienaverit etiam iudicii forte vitandi duplicis causa, ut in specio *l. ult. ff. eod. tit. ex tit. de alien. jud. mut.* Notandum et repetendum est in eum, qui dolo malo alienavit rem, quam possidebat, ut acturo de ea re opponeret molestum adversarium, ei qui de ea re acturus erat, ex hoc edicto dari actionem in factum quanti interest rem amisisse, si eam petere non possit ab eo, cui alienata est, ut puta, si eam usuceperit, *l. 4. in princ. ff. eod.* vel si petere possit, quanti interest alium adversarium non habere, cum quo sit acturus incommode et facturus forte majores impensas. Unus casus excipitur ab hoc edicto in *l. 3. §. ult. ff. eod.* si is, qui dolo malo rem alienaverit, et desiit possidere translata in alium possessione, ultro paratus sit pati utilem actionem in rem, quasi possessor, hoc casu cessat in factum ex hoc edicto actio, ex quo intelligitur, eum, qui desiit possidere, invitum non teneri actione in rem, nisi ita ignoretur: nam si sit certus rei possessor, in rem actio solum possessorem tenet, ut heri diximus, non eum, qui dolo desiit possidere: invitum, inquam, non tenet, sed volens patitur actionem ex pacto nudo: quæ tamen nulla competit, *l. nuda, C. de contrah. stip.* et in hoc casu volens patitur actionem in rem qui dolo desiit possidere, quæ nulla competit existente ipso possessore: in hac lege constat legendum esse, *edicto perpetuo promittitur*, non, *permittitur*, in Basilicis, *ἐκτὸς ἔσται, promittitur*, et *l. 3. §. ult. ff. eod.* preconaul. in integrum restitutorum se pollicetur, qui frequens est error in libris nostris.

AD TIT. LV.

De receptis arbitris.

Si repetamus altius paulo, quod diximus, hucusque nos perduxit ut ex uno alius nectatur sermo: institutus ille, qui est enarratus initio partis juris civilis de Magistratibus, et ordinariis iudicibus, et de ordine quo apud eos agi solet, nunc alius instituitur sermo de iudicibus, qui ordinarii non sunt. Et primam de compromissariis, sive de receptis arbitris, *c'est tout un.* quos constat non esse ordinarios, *l. non distinguemus, §. item si quis ff. eod. l. pen. hoc tit.* hi enim sunt recepti arbitri seu iudices compromissarii, qui ex partium compromisso sive conspulatione pœnali jure perfecta adveniunt, quod nonnunquam fit pacto nudo, ut *l. litigatores, §. interdum, ff. eod.* compromisso etiam addita clausula doli mali, dolum malum abesse abfuturumque esse, ut indicat *l. 3. h. t. receptum autem est compromissum, l. rem non novam, §. 1. de*

judiciis, inf. et hi sunt arbitri sumpti ex compromisso, arbitri recepti. Sed agitur etiam hoc tit. de aliis arbitris. Alii sunt arbitri, qui advenant ex jurejurando, cum utraque pars jurat se ejus sententiae obtemperaturam, sine vinculo punit: ex quorum sententia datur actio in factum, vel conditio ex lege Justiniani, l. 4. h. t. v. l. utilis in rem actio, prout negotii qualitas exegerit. Sed hoc arbitrorum genus postea sustulit Justinianus in Nov. 82. Alii sunt arbitri, qui advenant et eliguntur ex communi nudoque consensu partium, sine jurejurando, sine compromisso punit, sine ullo vinculo: et de his est l. pen. hoc tit. et l. ult. sup. ubi et apud quem in inf. et ab his, qui eliguntur nudo consensu partium licet appellare, l. ex consensu, ff. de appellat. ab illis, qui devincti compromisso, vel jurejurando adierunt partes, non licet appellare: alias committeretur punit compromissi, l. 4. h. t. ab his, qui nudo consensu advenant licet appellare impune, cum nullum intercesserit vinculum obligationis, sed si semel partes acceperint ex sententia est, quasi taciti pacti exceptio, et actio in factum, vel conditio seu petitio punit, l. ult. in fine h. tit. quae tractat de feminis arbitris receptis, quarum arbitrio aut impune non stari, id est, non stantem nec incidere in punitam, nec ei officere exceptionem pacti, quia mulieres non sunt idoneae arbitrae, sicut nec idoneae iudices: quod tamen caput elicti de arbitris aliquatenus est immutatum: nam illustrioribus feminis licet suscipere arbitrium ex compromisso. Verum ut ex Nov. Justiniani, ut dixi, sublatis sunt arbitri sumpti ex jurejurando: ita crediderim sublatis arbitros ex communi partium, nudoque consensu: quandoquidem ab hac solam causam a Basilicis abest non tantum l. 4. quae est de arbitris sumptis ex jurejurando sublatis Nov. Justiniani, sed etiam abest l. pen. quae est de arbitris sumptis nudo consensu, hi tantum videntur approbari, qui advenant ex compromisso. Sed alii etiam sunt non improbi arbitri, qui scilicet dantur a iudicibus ad res certas, puta ad exentiendas rationes, ad aestimanda bona, ad comprobandos fidejussores, qui arbitri dantur jure a pedantibus etiam iudicibus, licet non habeant iudicis dandi licentiam. Iudex delegatus non potest subdelegare: potest tantum tantum arbitrum dare, l. ult. sup. ubi et apud quem causa restituit, et hi significantur d. l. rem non novam: his verbis: qui arbitrium peragunt ex auctoritate sententiarum, sic legendum, id est, iudicum datorum: qui autem sumuntur nudo consensu partium, d. l. rem non novam, significantur his verbis: et partium consensu electi, et generaliter. Ita legendum est.

AD TIT. LVI.

De Satisfacendo.

Post receptos arbitros d'cturus de iudicibus, quibus auctoritate magistratum causarum cognitio delegatur, ea quae priusquam apud eos iudicia inchorentur fieri necesse erat, nec admodum hodie necesse est, exquiratur trib. tit. sequentibus. Primum opus erat interponi satisfactiones de rato: si quis ageret alieno nomine, id est, ratam rem dominum habiturum, et de re defendenda, et de iudicato solvendo, sine quibus nec actor, nec reus, quive eorum nomine agebat, vel d. fendeat rem aestimabatur idoneus: hodie neque actor, neque reus satisfacit, qui agit per se: sed neque interpositus procurator satisfacit de rato, si mandatum, aut voluntas domini insinuata sit apud acta, vel per libellum, l. nec satisfactio, ff. rem ratam haberi, vel per litteras scriptas adversario, l. si procuratorem, ff. mand. ex qua verba quaedam constitutionis h. t. sumpta sunt. Ea hac igitur causa non satisfacit de rato: sed si is, cum quo agit procurator nomine alieno, et invicem ipse agat, id est, si sint motus petitiones, actiones, conventiones, reconventiones, hoc casu in causa reconventionum satisfacit de re defendenda, et iudicato solvendo si damnatus fuerit, licet apud acta sit constitutus: nam non est idoneus procurator actoris, qui dominum non defendit, et non est idoneus defensor, qui non satisfacit secundum veterem regulam juris. §. ult. inst. de satisf. l. 18. §. 1. ff. de casti. pec. l. qui proprio, §. qui alium, ff. de procurat. l. 3. §. ult. ff. rerum a not. Et hoc est quod ait Constitut. h. tit. litem procuratori mandatum siue satisfactione de re defendenda alterius non posse procedere, cum in contextu illo loco, l. s. quae ei data est, legendum est, l. s. quae ei mandata est, ut in Basilicis ἐνταλάττω: litem mandat actor procuratori, non dat, litem dat iudex apud Livium lib. 23. Secundum eam litem iudices dare, et apud Valerium: Secundum te litem do, et M. Tullius pro Cornel. Balbo: Provocabo, quo minus secundum eam litem detur, non recusamus. Satisfacere autem est fidejussorem dare, qui participat obligationem, quae cepit a vobis quaque nos adhuc principaliter obligamus: nam fidejussoris datio nos non liberat, ex promissoris datio nos liberat, quia fit novatio obligationis primae ex promissione, non per fidejussionem, id simpliciter dicitur dare in l. 6. ut leg. nom. ca. et l. 43. §. si procuratori, ff. de procurat. et quod etiam est infrequens, fidejussoribus satisfacere, l. nec non, ff. ex quibus causis majores.

Ad TIT. LVII.

De formulis et impetrationibus actionum sublati.

Non tantum necesse erat initio inchoandæ litis satisfactionem interponere, sed necesse erat etiam impetrare actionem priusquam iudex adiretur: hodie nihil est necesse, sicut et satisfactiones illæ non passim sunt necessariæ: hodie non est necesse postulari a magistratu actiones, nisi forte sint decretales, id est, quæ non dantur nisi causa cognita, ut actio de dolo, l. 1. C. Th. de dolo: nam et honorum possessionem decretalem postulari necesse est, §. ult. institut. de bon. possess. hodie igitur ex legibus et edictis nobis ipso jure competunt actiones, etiamsi non postulentur, etiamsi edictis tantum prætor polliceatur eas daturum: nam perinde ac si eas dedisset nominatim, eis hodie licet experiri: et actionum, quæ postulabantur olim, erat sollemnis formula, qua qui deestabat vel syllaba, causa cadebat. Quamobrem eorum observatores Jurisconsulti dicuntur a M. Tullio aucupes syllabarum: et simili formæ in l. 1. juris formulæ nuncupatione syllabarum insidiantes cunctorum actibus, radicitus amputentur: Religio quidem juris forsitan fuit superstitiosa et calumpniosa nimis, sed est certe tolerabilior, quam agendi temeritas, et nullus ordo, qualis est hodie, omnibus actionibus conceptis in factum, nec constrictis ulla formæ. Et fere jam in foro cogimur reverti ad formulas, ut absit confusio omnis a judiciis. Sed cum non postulentur actiones, sane consequens est eas proponi sine ullo præscripto formulæ pro arbitrio procuratoris: ceperant quidem ante constitutionem h. t. judicia extraordinaria frequentari, ubi conceptio formularum non observatur, ut ait lex actio, ff. de negot. gestis, id est, non callide advertitur, non venit in disquisitionem nimiam, sed licebat adhuc ante constitutionem h. tit. solemniter, et ordine, solemnibusque verbis legum edictorumque experiri, si quis mallet: hac constitutione tollitur hic ordo, tolluntur formulæ juris non tantum in actibus, sed etiam in omnibus negotiis, tolluntur legis actiones.

AD TIT. LVIII.

De jurejurando propter calumniam dando.

Necessarius etiam erat priusquam lis inchoaretur actorem præstare cautionem decimæ partis litis, ni vicisset, §. hæc autem, institut. de pœna tem. litig. Justinianus hæc cautionem decimæ sustulit in l. 2. h. tit. et pro ea introduxit jurejurandum calumniæ, quod scilicet juraret utraque pars initio litis fere hoc modo, se scientem, sciente animo suo, calumniæ causa non contestari litem, sed fructum

bonæ conscientia, et fiducia causæ bonæ: est sanctissimum jurejurandum, quod veteres Græci dicebant εὐνοίας, ut Harpocration et Moschopolus scribunt, Plato in Thætetolo. Postea idem seipsum retractans in Nov. 112. reducit cautionem decimæ partis litis, non ab initio jurejurando calumniæ. Denique vult et jurare partes de calumniâ, et cavere actorem nisi vicerit de decima parte litis: ac præterea, quod est in l. 1. h. tit. de præstando jurejurando ab eo, qui fidem litterarum aut instrumentorum in dubium revocat, hoc modo: non se in hoc differendæ litis causâ et vexandæ adversarij, sed quod ita revera sentiat vera non esse instrumenta. Id quoque Justinianus ita mutat Nov. 49. ac id jurejurandum toties præstat, quoties quis ab adversario probationes exigit, vel probatas ab eo probationes refellit, sed satis sic hæc de re jurari semel initio litis hoc modo: non se tota lite differendæ ejus causâ, et vexandæ adversarij gratia frustra ullas probationes ab adversario petiturum. Hæcque sententia ejus Novel. æquissima. Itaque fere a Justiniano mutata sunt, quæ hoc tit. constituntur: non est etiam hodie in usu vetus Senatusconsultum, quod refert Plin. lib. 8. Epist. quo qui quid negotii habere jurare coguntur, nihil se ob advocacionem dedisse, promississe, cavisse, et fere olim interponi jurejurandum necesse erat: posteriores noluerunt interponi, ne vis perjuris aperiretur, quod corrupta jam ætate hominum quilibet facile juraret, juxta illud Laberii, jurejurandum esse emplastrum veris alienis: et Pacuvii, esse mantile, quæ quotidianæ noxiæ absterguntur.

JACOBI CUJACII J. C.

Ad Lib. III. Cod.

RECITATIONES SOLEMNES.

Ad TIT. 1.

De Judiciis.

Expositis iis, quæ antequam judicium inchoetur, vel tunc cum inchoatur, fieri necesse erat, aut necesse est etiam hodie, de tit. de judiciis, et de officio judicum; quod versari debet in disceptatione causarum, de quo est proprius titulus de off. diversorum judicum lib. 1. Duo igitur sub tit. de officio judicis tractantur: de officio judicum, et secundum quod versatur in disceptatione causarum: et ita noster Theophilus de officio judicum: idem enim sunt judicia, et juris disceptationes, quæ sunt ex parte actorum, et reorum, apud ju-

dicis litium finientiarum gratia: etenim, ut recte ait M. Tullius in Topic. Judiciorum finis est ius: ex quo etiam nomen, inquit, et similiter iudex est iuris disceptator, aut vir bonus iuri disceptando deditus, destinatusque. Et ita in *l. rem non novam*, hoc tit. *Judices*, inquit, *Romani iuris disceptatores*. Iudex igitur est iuris disceptator: quibus verbis non tantum comprehenditur iudex datus, sed et receptus arbiter, qui et disceptator dicitur, *l. 1. §. ult. ff. de recept. arbit.* Comprehenditur etiam magistratus, ut in legibus M. Tullii, *iuris disceptator, qui privata iudicet, iudicare iubeat, iudex esto*. Et vero licet hic tit. sit de iudiciis, sive cognitionibus iudicum datorum a magistratu, vel a principe: tamen pleraque communia continet cum magistratu, *l. 12. 13. 15. h. tit.* et communia etiam cum receptis arbitris, ut *l. 14.* puta de iurjurando, et religione, quæ obstringuntur Iudices omnes, nec non Advocati, ut plane dicere licet tit. ult. lib. 2. agi de iurjurando calumnie, quod utraque pars in ipso limine inchoandi iudicii, sive agatur apud iudices ordinarios, sive compromissarios, *l. 2. §. sed, eod. tit.* hoc autem tit. agi de iurjurando omnium iudicum, et eorum, qui ex compromisso cognoscunt, et de iurjurando Advocatorum. Iudices jurant in leges veteri instituto, et inde Religionis iudicantis frequens mentio in iure. Advocati jurant de causa perferenda fide casta et integritate.

AD TIT. II.

De Sportulis, et sumptibus in diversis iudiciis faciendis, et de executoribus litium.

Sportularum nominis origo prima ex prandio, et cœna est, quam in panariolis, vel sportellis patroni clientibus dabant, vice cœnæ rectæ: modo suum dabant cenam rectam: *un parfait dîner*: modo in sportella, *dedans un petit panier*, dicitur causa, et ad extremum debant centum quadrantes: quæ summa etiam sportula dicta est ac deinde latius sportularum appellatio porrecta est ad salaria, diaria, congiaria, honoraria omnia, quæ vel sacerdotibus dabantur, ut in Epistolis Cypriani, vel a consulibus spargebantur in vulgus, ut cunctis esset accipiendi potestas, Nov. 10b. ut non male Suidas sportulas definierit *δῶρα ἐκ πέντης διδομένα πρὸς πέντα*, id est, missilia. Nec male et Hesychius sportulas interpretatur usuras: nam et sub nomine sportularum nonnunquam exigebantur usuræ, non se usuras quidem exigere dicebant, sed sportulas. *l. eos, inf. de usur.* eadem arte, quæ apud Marcellinum, *aleatores se non esse, sed tessararios*. Constat etiam ex, quæ novi decuriones dant ordini

pro introitu, in iure vocari sportulas, constat etiam *δωροὶς*, quæ dantur pedaneis iudicibus *de Epi-*ces, ita appellari, Nov. 82. nam magistratibus dabantur de publico salaria, sportulæ pedaneis, ut vilioribus. Hic autem tit. est specialiter de iis sportulis, quas conventus reus dat executoribus litium, id est, victoribus conventionis nomine. Horum proprium munus est convenire reos, et reorum quoque unus proprium sportulas eis evolvere, *pour leurs vacations*: ut Nov. 83. sed est etiam hic titulus de aliis, sive sportulis, sive sumptibus, quos in diversis iudiciis utraque pars facit et erogat in victores apparitores, officiales, iudicum notarios, exceptores, arbitros, advocatos, scribarios, vel inducendarum, et excipendarum cognitionum gratia, vel pro exceptione, de editione actorum, vel sententiæ, vel relationis, pro litis contestatione, pro recitatione sententiæ, vel instrumentorum, pro libello: unde executoribus datur rei conveniendi potestas, pro insinuatione rescripti, vel edicti principalis, et multis aliis ex causis. Et his quidem sportulis, seu sumptibus in hoc t. Justinianos modum imposuit certum constitutione Græcæ, cujus etiam sit mentio in Institutionibus, et cum quæ videtur convenire, et congruere de sportulis constitutio Athalarici regis apud Cassiodorum lib. 9. Variar. sed ea constitutio excipit fiscum: lex fiscum absolvit ab onere prestandarum sportularum, si quæ de re litigant. Quod observatur et hodie: et refertur ex ea constitutione Justiniani ad antiquo interprete Juliano Antecessoris in Nov. 17. et 21. fiscum gratis litigant. Idemque datur Episcopis, et *§. sportularum*, Nov. 138. idemque datur tenuioribus personis, olim scilicet exigente necessitate, in Nov. de mand. Et vicissim idem etiam datur iis, qui cum fisco, vel Episcopis, vel tenuioribus personis contendunt, *l. ult. inf. de fructibus litium*, ubi eleganter Bart. exprimens sententiam legis: victus, inquit, victori damnatur in expensis, quas victor fecit, non ergo victori ex privilegio remittuntur, quæ res forte indicat quid hic tit. qui est de sportulis, et sumptibus in div. jud. facti, distet ab illo titulo de fructibus et litium expensis. Ille titulus de fructibus et litium expensis est de sumptibus litis, quos victus victori refundit: hic autem titulus est de sumptibus litis, quos utraque pars facit in persequutione juris sui, et prohibitione sportularum.

AD TIT. III.

De Pedaneis iudicibus.

Titulus 3. de pedaneis iudicibus recte subicitur titulo de sportulis, etc. nam in hoc titulo sui Græcæ constitutio Zenonis de sportulis pedaneorum ju-

deum: cujus sit mentio in Nov. 8. titulus secundus est de sportulis executorum, et officialium, qui in judiciis litigatoribus operam præbent. Hic tit. est de sportulis pedaneorum judicum. Pedanei autem judices sunt speciales judices, quibus singulæ causæ delegantur a magistratibus cognoscendæ: nam cognitionem tantum habent, non jurisdictionem, *l. ult. sup. ubi et apud quem, etc.* et consequenter non habent executionem suæ sententiæ: nam executio est jurisdictionis, et eorum sententiam exequitur magistratus, qui eas dedit, et delegavit, *l. a Divo Pio, ff. de re judic.* Denique judices pedanei non habent jurisdictionem, sed tantum cognitionem causarum sibi delegatarum, maxime humiliorum: ilque in tit. ult. hoc tit. Pedaneos judices, inquit, hoc est, qui negotia humiliora disceptant. Quæ etiam a Josepho 2. de bello Judaico dicuntur *διξισταὶ ἐνταλκῶν διαπορῶν* humiliorum litium judices et dicti sunt pedanei, quasi plantipedes, ut actores comædiarum olim dicti sunt plantipedes, qui non utebantur socco, et coturno, vel polipito: et ita pedanei judices, qui non judicant pro tribunali, sed de plano stantes, vel sedentes imo quodam, fortuitoque subsellio scamno, cœquæ, ut Nov. 82. §. *sedebant*, et 71. Ac vero ne quis obijciat, non fuisse cur daretur hic tit. de sed. jud. quasi sufficiente tit. 1. hujus lib. qui proprius est de judicibus datis, delegatis, pedaneis primum dicam, primum titulum fuisse de judiciis potius, quam de judicibus, fuisse de officio judicum omnium, id est, de eo, quod in jure disceptando sequi, vel observare debent: hunc autem titulum esse specialiter de pedaneis judicibus, et de sportulis, et de pedan. jud. puta ne dentur a procuratore Cæsaris inter privatos, *l. 1. hoc tit.* quia procurator Cæsaris habet jurisdictionem inter fisco et privatum, non inter privatos, et judicis pedanei dandi licentia est pars jurisdictionis, *l. imperium, ff. de jurisdictione.* Et *l. 2. hujus tit.* quæ hodie est apertissima, olim explicatu difficilis, quia lex 3. facit judicem extraordinarium dum constituit, ut præsides provinciarum judicis pedaneos non dent: nam juris ordinarii erat præsides non judicare, aut prætorum: sed judicare jubere, dato pedaneo judice: juris extraordinarii erat ipsum judicare magistratum, nec cognitionem alteri delegare posse, verum ne præsides sint judices pedaneos constituit *l. 2.* adjecto hoc modo, ne dent in causis, quæ eorum cognitioni legibus nominatim reservantur, id est, quæ proprie dicuntur causæ, et cognitiones extraordinariæ, ut in tit. *D. de extraordin. cognit.* nec dent in causis ingenuitatis, et ne dent etiam in alligatis causis, nisi multitudine negotiorum, et cognitionum obtruantur, vel nisi ea causæ sit vilis, et tenuis, ut non admodum requiratur cogni-

tionem præstare. Et sane attendamus hanc *l. pedanei judices* sunt hodie causarum viliorum judices. Et additur in *l. 4. h. tit.* ut in locum mortui pedanei judicis, nondum facto judicio, magistratus substituat alium: nec vero de officio pedanei judicis ulla est lex hoc tit. nisi forte *l. 1.* quæ invitum pedaneum judicem ad judicandum operam præbere compellit, et adiungi facultatem remittendæ litis ad præsidem, vel prætorem, qui eum dedit. Et ex hoc apparet, in pedaneis judicibus iudicandi necessitatem esse munus civile, ut in *l. ult. §. iudicandi, D. de muner. et honor.* omnes enim munus et officium civile defertur invito.

Ad TIT. IV.

Qui pro sua jurisdictione judices dare, darive possint.

De pedaneis judicibus illud etiam in hoc tit. additur, ut is tantum pedaneum judicem dare possit, cujus ea de re, quæ de agitur, et inter eas personas ad quas ea res pertinet, jurisdictio est: quia scilicet judicem dare est jurisdictionis urbana: id enim verba tit. indicant: *qui pro sua jurisdictione etc.* Ergo iudex pro modo jurisdictionis, quam cuique competit. Ex quo sequitur judicem pedaneum rite datum, alium judicem dare non posse: quia in ea re, in qua datus est notionem non jurisdictionem habet, nisi sit datus a principe: hic enim alium judicem in ea causa dare potest, id est, subdelegare, ut dicant, *l. a iudice, sup. de judic.* et ut est in *l. un. hoc tit.* ab eo quem dederit iudex delegatus a principe appellatur ipse, qui dedit, sive delegavit, non princeps. Ex quo efficitur, judicem delegatum a principe habere jurisdictionem in ea re, in quam delegatus est: judicis enim dandi licentia pars est jurisdictionis, *l. imperium, D. de jurisdictione.* et *l. 2. sup. tit. prox.* Ergo habet etiam iudex datus a principe executionem suæ sententiæ, ut recte legitur in glos. *l. a Divo Pio, D. de re judic.* quam iudex datus a magistratu non habet: ac præterea datus a principe habet assessores, quasi præstet jurisdictioni. Novel. 60. Habet appositionem propriam, *l. pen. inf. de fruct. et lit. expens.* est constitutio Græca, quod additur in hoc tit. *darive etc.* In id dicam judicem non recte dari eum quem dat is qui jurisdictionem non habet ex const. 11. hujus tit. et insuper dicam ex tit. sequenti non jure dari etiam judicem in re propria.

AD TIT. V.

Ne quis in sua causa judicet, vel jus dicat.
Nunc tit. 5. hic est: ne quis in sua causa judi-

et: ergo iudex dari nemo in re sua potest jure, nec fieri, ut in *l. 17. D. de judic. si unus ex litigatoribus pendente lite moriatur, et eundem relinquat iudicem, apud quem litigabat ex asse vel parte, qui jure hereditario succedat in litem illam, alius iudex sinendus est, quis iniquum est quemquam in sua re iudicem fieri: ac multo minus jus dicere quisquam potest: plus enim est jus dicere, quam judicare: major est vis jurisdictionis, quam cognitionis nuda, *l. exat, D. de eo quod metus causa, l. pen. D. ut leg. causa, l. qui jurisdict. de jurisdictione.* Judicat iudex datus, vel arbitri receptus. Jus dicit magistratus: omnes igitur in re aliena iudicari esse possunt. Testimonium quoque dicit quisque in re aliena, non in propria, ne Cato quidem. Quod huic Constitutioni fuisse adhibitum constabit, si adiungatur *l. 10. inf. de testibus*, Hoc e receptum est ut in sua causa quis iudicet, cum de sportulis iudicialibus agitur: nam in hac causa item est et iudex et adversarius, et hoc jure utimur hodie.*

AD TIT. VI.

Qui legitimam personam standi in judiciis habeant, vel non.

Quemadmodum non valet sententia, quam dixit is qui non jure datus est iudex, ita non valet sententia, quae data est in pupillum, absente tutore, vel in adolescentem, absente curatore, *l. 1. et 2. hoc tit. l. 3. sup. si advers. rem jud. l. acta, §. ult. D. de re jud.* Nam ut iudicem legitimum, ita et legitimum litigatorem esse oportet, et legitimus litigator non est minor indefensus, *l. 1. Cud. Th. de denuntiatio. vel edic. resc. propter quam ex l. 4. eod. adhibetur, inter justas legitimasque personas, ut scilicet excludatur minor, cujus persona sine curatoris auctoritate non est justa et legitima ad litigandum.* Idemque dicitur de republ. indefensa, quae solet minori comparari, *l. 1. C. de jure Reip. lib. 11.* Et generaliter non est legitimus litigator, qui rem in iudicium deducere non potest, et consequenter servi persona non est idonea ad litigandum, quia servus est *ἀπὸ τῶν δικῶν*, *l. servus et seq. sup. de judic.* et in *Nov. Valentiniani de competitoribus*: servi, inquit, nec ab initio, quasi nec personam habentes in iudicio admitti possunt: et hoc est quod ait regula juris, cum servis nullam esse actionem, et retro, servos nullam habere actionem, servos homines non posse causam orare, ut est in comedia: imo, ut est in *l. 1. sup. de precib. Imp. off.* servus est etiam incapax precis offerendae principi. Excipitur in *l. ult. hoc tit.* quae exceptio confirmatur etiam in *l. 1. inf. si per vim, vel alio modo, et l. 4. unde vi.* Excipitur, in-

quam, causa momenti, id est, causa repetendae, vel redintegrandae, vel constituendae, et confirmandae possessionis: Hec dicitur in jure momentaria causa, quia perturbata possessio celeriter reformari debet, et suo loco reponi, nec potest moram injicere compensatio, *l. ult. inf. de compensat.* nec appellatio, quia nec potest appellari, si de momento judicatum sit. Item si judicatum sit possessionem ejus esse, aut illi redintegrari oportere, *l. 1. inf. si de nom. poss. appell. fuer.* Et in hac causa momenti admittitur servus, ut si domini possessio perturbata sit, servus admittatur, qui alioqui nec domini, nec suo, nec procuratorio nomine agere potest, *l. servum, D. de procur. sed perturbata domini possessione, absente sorte domino, ipse potest agere interdicto constabiliendae possessionis gratis.* Nomine momenti intelligimus omne interdictum de confirmanda possessione, veluti interdictum unde vi, et uti possidetis, et utrubi, et quorum bonorum, Salvianum, et de tabulis exhibend. et alia. Igitur in causa momenti admittemus etiam pupillum non habentem tutorem, vel saltem adolescentem, reservata tamen, ut fit, actione secunda proprietatis justis legitimisque personis, et legitimis procuratoribus, quae causa proprietatis in *l. ult. hoc tit.* significatur verbo petitionis. Petitio illo jure est proprietatis, quae ratio secunda, quae dicitur in *l. ult. inf. quorum bonor.* Prima questio est de momentaria possessione, quae agitur etiam per servum, vel per minorem indefensum, 2. causa non agitur, nisi per personas justas et legitimas.

AD TIT. VII.

Ut nemo invitus agere vel accusare cogatur.

Titulus 7. est regula juris: sed quomodo intelligenda? possent plerique abuti hac regula. Abutitur enim in *Nov. 112.* qui post litem contestatam contendit non debere se compelli ad litem persequendam: nam qui litem cepit, eam peragere debet, nisi velit incidere in calumniam. Abuteris etiam ea si dixeris, non posse actorem agere cum cum quo agit, ut is agat cum alio sua actione: hoc etiam jure fit, et frequenter ego in Titium et Titius, agat in Sempronium, *l. Julianus, §. pen. D. de act. l. cum in plures, §. messem, D. loc. l. 2. D. ad l. Rhod. de jactu, l. si sic legatum, §. ult. D. de leg. 1.* sententia igitur hujus regulae haec est: non posse me compellere eum, cui in me, vel in alium actio est suo nomine, ut ea actione experietur, si mea non intersit cum alio agi, nec sit mihi ulla actio eo nomine: cum invito quidem agi: nam, ut vulgo dicitur, iudicium redditur in invitum, *l. inter stipulantem, ff. de verb. oblig.* Invitum autem non agere, aut non legitime agere: Nullos autem, ad-

dit hic tit. ut olim Athenis, constitui accusatores nisi voluntarios in causis capitalibus.

AD TIT. VIII.

De ordine Judiciorum.

Quoties in judiciis plures questiones vertuntur, ut judicium ordinetur, necesse est constitui ordinem quo singulae causae dirimuntur, et definiri utraque prior definiri debeat, utra sit prejudicialis, *l. ult. hoc tit.* sit majorem questionem minori preferri: ut si de eadem re agatur civiliter, et criminaliter, criminalis questio preferatur civili, hic est ordo judiciorum. Item disceptatur prius causa momenti, quam proprietatis; item prius causa status personae litigantis, quam hereditatis, *l. 1. et 2. hoc tit. l. 4. sup. de judic. l. liber, inf. de petit. hered.* Hic est ordo judiciorum, qui exponitur in hoc tit. sed ei plerumque non obligatur iudex: nam in arbitrio ejus est vel hunc ordinem sequi, vel utramque questionem commiscere, et una sententia terminare, ut *l. pen. hoc tit.* questionem civilem, et criminalem simul. Et quod hodie est certissimum ex Symmachi epistolis lib. 1. epist. 27. causam momenti, et proprietatis simul, quamquam vulgo precedat possessorium judicium, sequatur petitorium: tamen utramque simul potest finire iudex. Hoc in constitutionibus cautum fuisse scribit Symmachus in hoc t. l. 1. facit negotium quibusdam: quia probat praesidem provinciae non posse cognoscere de causa status principaliter, scilicet si in petitionem partis incidat causa status, ut sit, et introducat in modum contradictionis, vel exceptionis, hoc casu posse praesidem provinciae de statu cognoscere incidenter, sed principaliter non posse. Hoc pugnat cum multis legibus, cum *l. 2. hoc t. cum l. 2. sup. de pedan. jud. cum l. si pater tuus, inf. de statu def. sed hoc in eo oportet l. 1. apponere speciem convenientem, id est, quod videretur casum specialem quo non cognoscat praeses de causa status. Generaliter verum est, cum posse de causa status cognoscere: imo in ea causa posse delegare specialiter est falsum: sume exemplum ex *l. pen. ubi causa status*, si inter privatos, et fiscum sit questio de statu, cognitio non est praesidis provinciae, sed procuratoris Caesaris, et ita convenienter hoc casu ad *l. 1. hoc tit.* apposito ex alia speciali causa simili nihil obstat *l. 1.**

AD TIT. IX.

De litis contestatione.

Dictum est tit. 1. hujus libri judicium constare ex iudicibus, et litigatoribus, et ad ea judicium nos

vocari per executores, quorum operam etiam nos remunerare, datis sportulis, tit. 2. post haec conveniens erat dicere de ipso judiciorum initio, quod est litis contestatio scilicet ante litem contestatam constituitur oportere personam actoris, et rei, et iudicis idoneam rei, et legitimam: quamobrem vulgo dici solet, ante litem contestatam opponi debere exceptionem fori, et procuratoriam, vel quam aliam dilatoriam, quae modo ad personarum qualitatem respiciat, quibus iudiciis constant, *l. exceptionem, inf. de except.* et recusari quoque iudicem quasi suspectum non posse, nisi ante litem contestatam, *l. 12. quae est Graeca, et l. apertissimi, sup. de judic.* propter haec omnia, antequam daret hunc titulum, exposuit, qui sint legitimi iudices, qui legitimi litigatores tit. 3. 4. 5. 6. 7. et quoties concurrunt in eandem rem questiones plures, a qua inchoandum esset tit. 8. et jam tempus est igitur ut tandem dicam de exordio judiciorum, sive litem, id est, litis contestatione, quid est litis contestatio? Ejus rei de qua controversia est apud iudicem, ex utraque parte facta narratio in foro publico, vel testibus praesentibus: ex quo etiam contestationis nomen, vel litis contestatio est, quae fit apud iudicem narratio actoris, et contradictio seu responsio rei, *l. rem non novam, §. patroni, sup. de iudiciis, l. 2. §. 1. et §. si autem reus, sup. de iurejur.* Dixi ex utraque parte, quod uno verbo dicunt cognitionaliter, *l. 1. sup. de legib. l. ult. §. illud inf. de tempor. appell. l. 3. inf. de question.* partibus scilicet cominus constitutis, utraque parte praesente, cum procuratoribus earum, nam simplex postulatio, quae fit *νενεμπός*, ex una tantum parte, non est litis contestatio, simplicem postulationem dicit constitutio h. tit. et *l. ult. inf. de castr. per. lib. 12.* eique merito conjungit appellationem: et nam et appellationis causa introduci potest ex una tantum parte, absente altera, *l. ult. ff. de condit. et dem. l. ult. §. illud, inf. de temp. appell.* Deinde simplex appellatio, et postulatio introducit. Separator etiam in constitutione, et contextu hujus tituli editio actionis a litis contestatione. Editio est futuri iudicii indicium preparatioque, litis contestatio est initium, et ut alias ostendi, conjungenda est haec constitutio cum *l. edita, sup. de edendo.*

AD TIT. X.

De plus petitionibus.

Narratio quae fit in litis contestatione, petitio est, eam vero omni ex parte veram esse oportet: alioqui plus petitio, aut minus petitio est: de plus petitione, et minus petitione, et ejus periculo sunt in hoc tit. duae constitutiones Graecae, et a me alibi

proditæ, et explicat: et hic eorum sententiam non referam: sed explicabo sententiam l. 3. quæ est Latina, et hoc vult, ut licet superioribus constitutionibus Græcis sit sublatum jus vetus, durum et acerbum nimis, ut causa caderet qui plus peteret, tamen etiam hodie obtineat is rigor juris uno casu: si quis dolo malo debitori cautionem extorserit majoris quantitatis, quam esset in debito, puta ducentorum aut ducentorum decem aureorum, cum essent tantum centum credita et ex ea cautione agerit, litemque contestatus fuerit, et majorem quantitatem petierit, hic jus crediti amittit, nec si eum poenitent facti post contestatam litem, velique corrigere petitionem suam, audietur. Denique causa cadet: ante litem contestatam datur venia ut non amittat, quod ei revera debetur, ut sæpe alias jure subvenitur in tempore poenitentibus, l. qui falsam, ff. de falsis, l. quamvis, ff. de in jus voc. l. Manichæus, sup. de hæret. Item ei parcitur, qui dolo malo eam cautionem extorsit, et ex ea egit, si ultra debitor nova, et iterata cautione se obstrinxerit in eandem quantitatem, hæc est vis iteratæ cautionis, ut nihil ei possit objici, quæ scilicet iteratio non sit extorta dolo malo, sed sponte a debitore profecta aliqua ex causa: hæc inquam, est vis iteratæ cautionis, ut in Senatusconsulto Vellejano, ne subveniat mulieri, quæ pro alio intercesserit, si post biennium eandem intercessionem, et cautionem ejusdem rei nomine iteravit, l. 22. inf. ad Vellejan. et Nov. 61. item in præscriptionibus temporalibus, ne prosint ei, qui iteravit cautionem, l. cum notissimi, §. sed et si quis, inf. de præscriptione trig. vel quadrag. ann.

Ad TIT. XI.

De Dilationibus.

Post litem contestatam, aut etiam in ipsa lite contestanda sæpe numero dantur a judice dilationes instrumentorum, vel testium exhibendorum gratia: et dantur dilationes non tenere, non passim, sed causa cognita pro tribunali, non dantur de plano, vel in processu, in transitu judicis, per l. bellum id expediri non potest: cetera ne se peut vuider par Requeste, l. nec quicquam §. 1. de officio proconsul. ff. et rectissime, l. 4. hoc l. ut causæ cognitio in dandis dilationibus fiat, judice legitime considerente, judex non sedet legitime, nisi pro tribunali, et si sedes legitima tribunal est: igitur causæ cognitio hac in re agitur, judice legitime considerente, non planaria interpellatione. Ita legendum est in d. l. 4. ut etiam Accursius adnotavit: et sic etiam legendum est in l. pen. inf. de naufragio: dante sunt igitur dilationes pro tribunali, non decernende passim, et secundum modum præscriptum

oratione D. Marci, sive Senatusconsulto, de quo in l. oratione, ff. de feriis. Et modus hic fere est, ut si petantur dilationes intra eam provinciam, vel ex ea provincia, ubi lis agitur, testium evocandorum, vel instrumentorum perquirendorum gratia, brevi res sint, quam si petantur ex continentibus provinciis, et rursus ex continentibus provinciis breviores, quam ex transmarinis, l. 1. et ult. h. t. Nov. 69. l. 13. C. Th. de jure fisci, l. 27. C. Th. de pet. et ultro dat. l. 41. et 63. C. Th. de appellat. ubi sit semper hæc triplex locorum distinctio. Et nota maxime ex l. 3. h. t. in consistorio principis dilationes nunquam dari: quoniam nulla causa debet perferri ad principem, quæ indigeat instructione: non debent litigatores ad eum venire imparati ne sint ei molesti, l. 1. §. sed nec, inf. de relationib. dilationes dantur impune instruendi causa: et ita apud Julianum Imperatorem, ut Suidas in Juliano scribit, dilationes nullæ erant, et suspecta ei erat diu procrastinatio, et petitio dilationis, ἀναβολὴ οὐκ ἐστὶν ἐν ταῖς δίκαις. Est etiam alius casus, quo dilationes actori non dantur, reo quidem dantur, scilicet si actor rem trahat ad incongruum et incompetentem judicem, l. 2. hoc tit. ad extraordinarium judicem, ut ait, puta ex rescripto principis, l. 1. §. 10. C. de relat. Hinc multæ sunt dilationes rei instruendæ gratia. Reo dantur dilationes, quæ fere semper cum actores deprehendunt imparatum.

AD TIT. XII.

De Feriis.

Ut intra tempora datæ dilationis cessant partes judicis in ea re quam distulit judex, l. 3. sup. de dilation. ita et intra tempora feriarum: nam et ferie nihil aliud sunt, quam dilationes judiciorum omnium, ut Cic. ait 2. de legibus: dies quieti a judiciis: quod et in feriis impetrandis olim nominatim adiciebatur, ut jurgiis et litibus abstinere, ut scribit Cero 1. de divinat. Porro ex his feriis aliæ sunt solennes, ut dies, qui sunt dedicati cultui divino, et messes atque vindemiæ, quibus l. 6. hoc tit. deputat duos menses æstivis fervoribus mitigandis: et autumnii sætibus decerpendis. Ita legendum est, ut in illo Asclepiadis versu.

... Autumuali redolet vindemia sætu.

Et ait d. l. 6. (nam l. 2. hujus tit. est spuria penitus) itaque, quæ vulgo erat secunda, est sexta, indulgentior annus: dixit indulgentiorem annum, quasi genialem, et pigrum, ut Papinius lib. 4. qui locus valde pertinet ad hunc tit.

Certa jam Latio non miscet jurgia lites,
Et pacem piger annus habet, messesque reversæ
Dimisere forum, nec jam tibi turba reorum.

*Vestibulo, pacemque rogant, orate clientes!
Cessat centeni moderatrix judicis hasta.*

Aliæ autem sunt feriæ repentinæ, ut ob res prospere gestas adversus hostem, vel in honorem Imperatoris, quæ a solo Imperatore indicabantur: et ob id imperiales in *l. 3. hoc tit.* dicuntur, mutato veteri nomine imperativarum, quæ a Prætoribus, aut Consulibus imperabantur, *l. sed etsi, §. si feriæ, sup. ex quibus caus. major.* videntur etiam, quæ Senatui dantur feriæ, esse imperiales: nam Theodosius Imperator in *Nov. de decurionibus ad Senatoriam dignitatem adspirent*, scribens ad Senatum: *Ocio, inquit, fini vos quodam tempore patimur, ne labores videamini fatigati continuo.* Initio dixi, feriæ esse dilationes judiciorum, et id non male: nam et *d. lex 6.* ait, jura differri, et veteres dicebant res proferri. Lucanus ad Pisonem.

*. . . si quando iudice festo
Turbida prolatis tacuerunt iurgia rebus.*

Et Porphyrius in Horatium: *Solent principes civitatum, negotiorum dijudicatis juribus, vel prolatis rebus, ociosa mente urbem relinquere.* Horatius dixit, *omissis rebus.* Seneca de vitæ brevitate: *Diripitur toto foro patronus, quando res proferentur?* Et hoc valde facit ad confirmandam vicinitatem horum titulorum de dilationibus et feriis: nam et feriæ dilationes sunt: scilicet dilationes omnium judiciorum litium, sive iurgiorum. Dilationes, de quibus superiori titulo agitur, sunt unius litis, unius iudicii tantum: vicinitas horum titulorum confirmatur magis in *Dig.* ubi est idem titulus de feriis et dilationibus. Et confirmantur ea quæ habentur in *l. 3. sup. tit. prox.* feriæ computari temporibus concessarum dilationum, quod est notandum: *les Fêtes sont comptées au terme de dilation:* idemque valet in appellationum temporibus, *l. 1. hoc tit.* Illud ad extremum admonendi estis, deesse huic tit. legem penultimam, non antepenultimam, ut quidam volunt et constitutionem eam, quæ deest, non esse Epitomen, ut Ant. Aug. et alii quidam putant, *l. 3. sup. de Episc. aud.* licet in ea lege idem prorsus contineatur, quod in hac *l. penultima:* nam *lex pen.* non est eorundem Imperatorum, quorum est *d. lex 3.* cum *l. provinciarum* sit Honorii et Theodosii: et diligenter in *Cod.* servatur series Imperatorum, prout regnarunt. Brevis autem est sententia utriusque legis, ut die Pascali Resurrectionis Domini nostri laxentur carceres, solvantur vincula reorum, etiam sine speciali mandato principis, excepto reo læsæ Majestatis, adultero, raptore, venefico, parricida, exceptis maximis reis, et nefandis: qua de re etiam est indulgentia elegantissima in *lib. 11. Cassiodori*, qua

ipsomet, cum esset præfectus prætorio, jubet solvi reorum vincula ipso secretissimo die.

AD TIT. XIII.

De jurisdictione omnium judicum, et foro competentis.

Quia antè litem contestatam, vel tempore litis contestandæ, est opponenda præscriptio fori, *l. 4. hoc tit. l. ult. inf. de except. on.* ideo titulo de litis contestatione non longe subjicitur titulus de jurisdictione, eadem finis, quæ de foro competentis, scilicet, ut sciatur cujus sit ea de re, de qua agitur, jurisdictio, id est, quis sit iudex competens. Et longe alia finis, quam in *Digest.* in quibus tit. de jurisdictione non tractat hac de re, quis sit competens, vel incompetens iudex, sed in eo hæc præcipue tractantur, quæ sint jurisdictionis, quæque possint mandata jurisdictione transire ad alterum: et quemadmodum contempta jurisdictione vindicetur edicto prætoris: et quod habuimus jam tit. *sup.* ne quis sibi jus dicat, et de modo ac finibus jurisdictionis, et aliquid etiam de officio iudicis, *l. 1.* quod sane latius patet, quam jurisdictio, nam officium iudicis complectitur etiam ea, in quibus nulla jurisdictio consistit: et quæ non sunt jurisdictionis, id est, quæ non competunt jure magistratus, sed lege specialiter dantur. De foro autem competentis in *Dig.* est secunda pars tituli de iudiciis, ubi quisque agere, et convenire debeat, non tit. de jurisdictione. Porro jurisdictio, et forum est solius magistratus: iudices enim dati nec forum, nec jurisdictionem habent. Jurisdictio igitur est notio, quæ jure magistratus competit. Notio comprehendit nudam cognitionem, quam solam habent iudices dati in speciem aliquam litis, *l. ait prætor, ff. de re judic. l. nominis appell. ff. de verb. signif.* hæc autem est jurisdictionis ordinariæ definitio: nam extraordinariam jurisdictionem habent etiam, qui proprie non sunt magistratus qui scilicet extraordinarie jus dicunt, ut præfecti annonæ, et præfecti vigilum, *l. 2. §. sane præfectus, ff. de orig. juris, l. 7. in fin. ff. de offic. procons.* Sed si velis comprehendere tam extraordinariam, quam ordinariam jurisdictionem, ita licet definire. Jurisdictio est notio quæ jure magistratus, vel ex mandato magistratus competit, vel extraordinarie: forum autem est locus publicus in quo magistratus jus dicit, vel judicat. Et ex constitutione *l. 2. supra, de perdun. judic.* judicat hodie magistratus, et forum agit de omnibus causis, nec nisi per raro iudices dat: nec etiam improbes, quod Isidorus dixit forus, definiens esse locum exercendarum litium: nam et Marius Victorinus: *forus, inquit, status*

tam in foro, quam in navi, et torculari: et Lucilius apud Novium, Romanis ludis forus olim ornatus lucernis, et Pomponius Atellanarius: balnea, forus, macellus, fana, portus, porticus. Competens autem forum, id est, congruum, ubi conveniri debet reus, cuius alicui semper forum sequi debet actor, et in civili, et in criminali iudicio, sive negotio, l. 2. et 3. h. t. et in actione in rem, et in personam, l. ult. in. ubi in rem actio, puta ubi reus domicilium habet, vel ubi tempore contractus habuit, l. 2. hoc tit. ubi est forum competens rei, quod sequi convenit actorem, etiam id actori non sit forum competens. Et huic contrarium est forum incompetens, vel incongruum et alienum: et similiter iudex, vel est competens, vel incompetens, vel incongruus, l. 1. hoc tit. et in Novel. Martiani, neminem exhiberi de provincia ad comitatum. Et notandum, cum, qui est iudex incompetens, aliquando fieri competentem litis contestatione, l. 4. h. t. vel ex consensu partium, si partes se subiciant ejus jurisdictioni, et consentiant, l. 1. h. tit. l. est receptum. ff. sod. l. 1. ff. de jud. l. ille a quo, §. pen. ff. de Treb. l. inter, ad municipalem. Dico jurisdictioni: nam non habenti jurisdictionem privato homini, qui se subiciunt, nihil agunt, et ut ait lex 3. h. t. privatorum consensus, iudicem non facit eum, qui nulli praeest iudicio, nec quod is statuit. rei iudicatae continet auctoritatem, id est, quod tunc statuit is, quem partes sumpserunt ex compromisso, nullam habet auctoritatem rei iudicatae: neque ex ea nascitur actio, vel exceptio iudicanti, l. 2. D. de recept. arb. sed metu poenae deductae in compromissum, arbitro plerumque obtemperant, non autem iudicanti, Et etiam incompetens, competens ex rescripto principis, si iudicare iubeatur extra ordinem inter aliquos, ut ait Paulus V. Sentent. Res iudicatae videntur etiam ab iis, qui a principe extra ordinem petuntur. Opus est peti a principe, et eius rescripto iudicatum suscipere: alioqui, quod statuerit, ipso iure nullum est, quasi pronunciatum a iudice non competente, l. ult. inf. si a non compet. iudic. imo etiam si actor sine rescripto principis reum invitum pertraxerit ad forum incompetens, fretus fortasse executione militari, quae imminente litem cum reo sit contestatus, postquam contestationem non est ius revocandi forum, quia praescriptio fori sero opponitur post litem contestatam: hoc, inquam, casu actor causa cadit, et reus, si ad forum incompetens sine rescripto principis actorem compulerit, et ita accipienda l. 3. hujus tit. valde singularis, alioquin impune vocat quis reum in forum incompetens, si absit dolus malus, si vis, si metus, ignarus competentis fori, nec vo-

Tum. IX.

caionem reus contemnere debet: etsi ad iudicem incompetentem vocetur, sed sequi vocantem debet, ut vel opponat praescriptionem fori, de qua statuet is, ad quem vocatus fuerit, l. 2. ff. si quis in ius v. c. non ierit, quam l. consularis rogo.

AD TIT. XIV.

Quando Imperator inter pupillos, vel viduas, vel alias miserabiles personas cognoscit, et ne exhibeantur.

In hoc tit. ponitur specialis casus, quo neque ex rescripto principis potest quis trahi a foro competenti ad forum incompetens. Hoc constituitur in hoc tit. ut pupilli, viduae, perpetuoque morbo laborantes ex rescripto principis ad comitatum non exhibeantur: et comitatus est in hac constitutione, et alibi saepe, ubi est princeps, l. 2. §. ignom. de iis, qui not. infam. l. m. lites, §. de ignom. ff. de re iud. sicut Herod. dixit Romanum esse, ubi esset Imperator, et miserabiles personas dicit non pupillos, non viduas, sed debiles, et eos, qui morbo sentio laborant, et miserabiles: nam miseros dicimus semper in malo, ut Graeci dicunt, μισέρων, et πεισέρων: et inde Hieronymus in Jovinianum: miserum potius, quam miserabiles. Contra tamen ostenditur in hoc tit. iis personis licere adversarios suos impetrato rescripto evocare in aulam principis, licet ipse non possint evocari. De hac re invenies exemplum lib. 4. Var. Cassiod. et in Epistol. Innocentii. Et hoc quidem solo casu Imperator cognoscit inter eas personas, videlicet si hoc ipsamet personae impetraverint, non si quis id impetravit adversus eas, rescripto scilicet elicto a principe: nam ex appellatione princeps indistincte cognoscit inter eas personas. Additur ex Nov. Martiani, neminem exhibere licere ex provincia, non dico pupillum, aut viduam, aut miserabilem personam, sed generaliter nemo de suo foro exhiberi potest ad comitatum. Quod observari sane exquisitum est, et non observari iniquissimum est, si quae artes ferat iudices prohos et religiosissimos juris, alioquin ultima necessitas, et infelicitas aetatis nos cogit a principe extraordinariam cognitionem poscere. Et sane quod hoc tit. excipiantur tantum quaedam personae, et eo apparet non probari Nov. Martiani: alias enim ex rescripto principis posse e suo foro perducere ad comitatum.

AD TIT. XV.

Ubi de criminibus agi oporteat.

Sunt etiam sequentes tit. usque ad 26. de foro competenti: nam per singulas causas sive spe-

cies explicatur, quod in quaque causa sit forum, judiciumve competens. Ac primum hoc tit. si causa criminalis sit, ostenditur, forum esse competens ubi reus crimen commisit: et hoc est, quod dicitur ratione contractus nos sortiri forum, contractus nomine comprehenso, et elicto ex obligationis vi, juxta *l. omnem, ff. de jud.* Ergo reus criminis ibi potest conveniri ubi crimen admisit, et nominatim constituit, ut id observetur in militibus, qui arguntur fecisse superexactionem, vel concussionem, *l. 9. inf. tit. 23.* Item in clarissimis personis si rei criminis postulatur, *l. 1. tit. 24.* Item et in hominibus divinæ domus, puta actoribus, vel colonis, vel proceribus, et in Cæsariis, *l. 8. 9. 10. tit. 26.* in Cæsariis, *Sergens.* In causa igitur criminali forum competens est locus ubi crimen admissum est. Potest esse forum competens pluribus locis: nam et in hac causa forum competens est ubi de crimine jam contestata lis est: nam post litem contestatam non est jus revocandi domum. Et hoc significat *l. 1. h. tit.* his verbis, *ubi commissæ sunt, vel inchoatæ, non inchoantur, nisi post litem contestationem, ubi igitur sunt contestatæ eo peragendæ sunt: litem contestatio forum, quod erat incompetens facit competens.* In hac etiam causa forum est competens, ubi reus domicilium habet, *v. tit. 23.*

AD TIT. XVI.

Ubi de possessione agi oportet.

Constitutio hujus tituli est etiam de causa criminali, et de causa possessionis, de causa momenti: nam si quis per vim dejectus sit possessione prædii, erit et de vi actio, quæ erit criminalis ex lege Julia, ubi vis facta est, et ubi postulatur interdictum unde vi, id est, ubi postulatur momentanea rei possessio, ut loquitur *lex. 8. inf. unde vi*, id est, momentanea reformatio possessionis, quam nec appellatio, nec contestatio revocare, aut inhibere possit. Item agitur de vi civiliter, aut criminaliter interdicto momenti ubi vis facta est, et consequenter ubi est res, quæ perversa est.

AD TIT. XVII.

Ubi fideicommissum, etc.

Causa fideicommissi, videlicet si petatur res per fideicommissum relicta, vel si petatur cautio præstandi fideicommissi, ea causa disceptatur, ubi est hæreditas, aut ejus pars major, vel ubi hæres, vel ubi fiduciarius Trebellianus domicilium habet: et si ibi non sit res debita ex fideicommisso, cujus restitutio, et cautio fiet secundum id quod est proditum in *l. 10. et l. seq. ff. de rei vindic.* vel etiam

disceptatur causa fideicommissi, ubi est res ea quæ relicta est per fideicommissum, vel ibi non habet domicilium hæres. Et dici potest etiam de legato, quod de fideicommissum: nam et hoc loco legatum etiam intelligimus, et de credito hereditario. Idem etiam dici potest, ut ibi petatur, ubi major est pars hæreditatis, vel ubi hæres domicilium habet.

AD TIT. XVIII.

Ubi conveniatur qui certo, etc.

Quod certo loco dari oportet, puta Romæ, non tantum recte petitur Romæ, sed etiam alio loco, citra periculum plus petitionis: non tamen pure potest peti, sed cum commemoratione, sive mentione ejus loci, in quo dari oportet, et ideo appellatur hæc actio arbitraria, quia in ea arbitrio judicis æstimatur quanti intersit actoris suo loco pecuniam solvi, si per reum mora fuerit, quo minus suo loco pecuniam solveret, *l. centum Capuæ, et l. ult. ff. de eo quod certo loco*: vel etiam judes æstimat quanti intersit rei suo loco solvi pecuniam, non alio: si per reum mora non fuerit, vel si per actorem mora fuerit, quo minus suo loco oblatam pecuniam acciperet, *l. un. in princ. loc. tit. et l. 2. in princ. et §. ult. ff. eod.* Denique, ut ait constitutio hujus tit. in ea actione venit æstimatio ejus, quod alterutrius interest, id est, actoris, aut rei, et vero raro in hoc judicium venire potest ut utriusque intersit. Recte igitur ait constitutio, *alterutrius, non utriusque.*

AD TIT. XIX.

Ubi in rem actio, etc.

Rei vindicatione agitur adversus possessorem in *l. 1. sup. de al. jud. mut.* Possessio, inquit, in rem actionem parit adversario, id est, actori, hoc est certissimum: sed quæritur, quod sit forum competens intendende rei vindicationis, ubi scilicet domicilium habet possessor, vel ubi sita est res, de qua agitur, *l. 10. ff. de rei vindic.* et quod notandum est ex hujus tituli *l. 2.* forum possessoris æquitur dominus possessionis, ut si absit dominus, et insidat rei actor, vel procurator, vel colonus, hic sequitur forum domini sui, ut latius *d. l. 2.* explicatur in Nov. 69. Auctor quoque, id est, *le garant*, sequitur forum emptoris, si velit evictionis nomine rem defendere: nam cum sit emptori controversia, cum ei movetur lis ejus rei nomine, solet laudare auctorem, et ei denunciare, ut adsit rei defendendæ causa. Quid fiet si venditor dicat se habere fori privilegium, an poterit revocare ad suum judicem ab eo iudice, apud quem lis incepta est inter extraneum, et emptorem? et definitur in *l. venditor, ff. de ju-*

dic. et l. 1. hujus tit. venditorem sequi forum emptoris: sed nostri circumforanei excipiunt unum casum non sine ratione, si ea n'est discent-ils, qu'on le tire hors du Royaume, comme si le proces est intenté en Espagne.

AD TIT. XX.

Ubi de hereditate agatur, vel ubi heredes scripti in possessionem mitti postulare debeant.

Simili modo in hoc titulo ostenditur, petitione hereditatis, quæ vindictæ est, non specialis in rem actio, sed universalis, agi adversus eum, qui possidet rem pro herede, aut pro possessore ubi is possessor domicilium habet, l. si suspecta, §. ult. ff. de inoffic. testam. vel simili modo ubi sunt res hereditariæ, de quibus agitur, si ibi reperitur possessor, et significat l. un. hujus tit. nam et hac actione agitur in eum, qui unam rem hereditariam possidet, licet minimam, l. licet, ff. de petit. heredit. et eodem modo heres scriptus, ut ostenditur hoc titulo, cum sit controversia hereditatis, ibi se desiderat mitti in possessionem rerum hereditariorum ex edicto D. Adriani, vel hodie ex edicto Justiniani in l. ult. de edicto Divi Adriani: heres, inquam, hoc postulat ubi sunt res hereditariæ, interim salva petitione hereditatis, se mitti in possessionem ex tabulis, quas profert, dum agitur de petitione hereditatis, et queritur ad quem potius pertineat cognitio: igitur est ejusdem presidis, qui regit provinciam, in qua sitæ sunt res hereditariæ, aut major pars: nam etsi de possessione ipsa agatur, ex interdicto uti possidetis, ejus notio est, qui eam provinciam regit, in qua sunt res hereditariæ, quoties disceptatur de possessione hereditatis, et uterque contendit se esse possessorem, l. 2. inf. de interdict. quæ omnino conjungenda est cum constitutione hujus tituli, et ex illa legendum potius in inscriptione hujus constitutionis *Messia*, quam *Messala*.

AD TIT. XXI.

Ubi de ratiociniis tam publicis, quam privatis agi oporteat.

Actione tutelæ, et negotiorum gestorum, et mandati, et pro socio plerumque agendum, ut reddatur ratio administrationis: plerumque agendum de calculis: ubi igitur de ratiociniis agi oportet, id est, ubi agi oportet de actione mandati, vel negotiorum gestorum, vel tutelæ, vel pro socio, vel etiam actione in factum ex edicto de edendo in argentarium: nam in his omnibus actionibus plerumque agi solet de ratiociniis, et recte de actionibus tutelæ Fabius l. b. 7. instit. tutelæ, in quo judicio

solet queri, an alia de re, quam de calculis queri oporteat: et definitur hoc titulo, ibi reddendas esse rationes, ubi negotia gesta sunt: quod ibi scilicet facilius pateat instructio rei, patent notiora testimonia, et veriora documenta, ubi administratio gesta est, l. 2. in fi. h. tit. idemque est si rationes militares desiderantur ab eo, qui, exempli gratia, fuerit Tribunus militum, vel quo alio numero militari in militia, ratiociniis obstricto functus fuerit: nam hic etiam deposita militia, ejus quod gessit in militia rationem reddit apud judicem militarem, veluti apud magistrum militum. Et eleganter Theodosius in Nov. 2. veteres leges specialiter fuit præscriptionibus, et contractus, et negotia gesta, et delicta subtrahere, nec pati aliquem, qui quid in qualibet provincia criminale commiserit, vel qui alicubi contraxerit, vel qui in quodam loco negotia gesserit aliena eis se posse præscriptionibus defendere. Denique recte convenitur quis ubi contraxit ubi deliquit, ubi negotiagescit aliena, nec habet jus revocandi domicilium, nec habet privilegium fori, et pars ejus est in l. 2. inf. tit. 23.

AD TIT. XXII.

Ubi causa status agi, etc.

Status hominis est conditio libertatis, vel servitutis, et conditio libertatis, quæ et status capitis dicitur, vel libertinitatis, vel ingenuitatis: eæ autem de statu actiones præjudiciales sunt quasi majores, et quæ præjudicium adferant sequentibus, quas actor intendit in foro rei, id est, ubi reus domicilium habet, vel ubi consisti, et degit. Reus autem est in causis status is, qui ex libertate in servitutem, vel ex ingenuitate in libertinitatem petitur: idemque reus est dominus aut patronus, adversus quem proclamatio fit ex servitute in libertatem, vel ex libertinitate in ingenuitatem: et actor, ut dixi, sequitur forum rei, neque vero alius locus est, quo agi possit causa status, neque notio est aliorum, quam presidum in provinciis, vel procuratorum Cæsaris si agatur de libertate, vel servitute inter facium, et privatos, ut l. pen. hoc tit. notio est prætorum, qui de liberalibus cognoscunt, vel etiam consulum in urbe: nam causa status exigit maximos judices, l. ult. h. tit. atque ideo non potest delegari, nec de ea etiam cum effectu arbitri adiri ex compromisso: imo nec olim præsides provinciarum potuerunt cognoscere de causa status, ut constat, ex Plinii Junioris Epistola ad Trajanum, de adsertione ingenuorum: nisi habent jus prætorium: quod præsidibus nominalim dabatur missis in provinciam cum jure prætorio, vel nisi habuissent jus procuratoris: nam proconsules, qui sunt majores, quam præsides, nec præceptabiles, potuerunt de causa status co-

gnoscerre. Et ita secundum jus vetus in *l. 1. sup. de ord. judic.* quæ est Severi et Antonini, de statu cognitio non est præsidis, quam tamen constat hodie esse indistincte præsidis ex multis constitutionibus. Et ut congruant omnes constitutiones invicem, quæ mens fuit Justiniani, convenientem casum, *l. pen. hujus tit.* accommodanda est ad eam *l. 1.* ut ibi dem dixi: non est omittendum in *l. ult. h. tit.* non servari præscriptionem quinquennii hodie, quæ excludebatur cognitio status si per rescripto principis: nec enim post quinquennium quam judicatum esset de statu et manumissione ex Nov. Justiniani licet facere controversiam status sine speciali rescripto principis, sublata illa præscriptione quinquennii in *l. ult. hujus tit.*

AD TIT. XXIII.

Ubi quis de Curiali, etc.

Sunt etiam quasi præjudiciales, et quasi de statu actiones quibus queritur decurio quis sit nec ne, an sit curiæ mueribus obligatus, an agricola censitus, in censibus descriptus, an sit ex cohorte Præsidis, aut ex corpore naviculariorum, aut pistorum, aut suariorum, aut ex alio corpore: et ad summum, an sit conditionarius, id est, adstrictus conditioni certæ, quæ omnes causæ pertinent ad nominationem præsidis ejus provincie, in qua is qui curiæ vindicatur, aut cohorti, aut ali conditioni deprehensus fuerit: nam videtur esse fugitivus, sive refuga sue conditionis, sui que oneris, et ibi vindicatur ubi deprehenditur, *l. 1. hoc tit.* Hoc etiam de criminosis quibuslibet evidenter tentari potest ex *l. 1. sup. ubi de criminibus.* ut possit in reum criminis lege agi, ubi deprehenditur, etiamsi certum domicilium habeat, quo jure utimur: nisi scilicet malit actor eum remitti in eum locum unde quasi fugitivus recessit, *l. 1. sup. titulo ubi causa status*: neque vero sub specie alterius militum, quam armatæ, conditionario vel debitori publico licet revocare ad alium judicem, non sub specie apparitionis magistri militum supra numerum, id est, si sit supernumerarius apparitor, non poterit revocari ad forum magistri militum, ut ostenditur in Novella Theodosii 4. *de amota m. lit. fori præscriptione*: et multo minus sub specie apparitionis magistri officiorum: quæ de re tractatur proprio tit. 25. Dixi supra, ex cohorte præsidis, significans conditionem cohortalem: sunt enim cohortales in jure officia, sive apparitiones præsidum. Et erant certi homines cum progenie sua huic cohortali conditioni obnoxii, ut apparerent præsidibus provinciarum, quicumque mitterentur: nam erant perpetui in provincia, nec dacebantur a præside, ut Tullius ad Quintum fratrem: quos ex necessariis co-

hortibus tecum esse voluisti, qui quasi ex cohorte prætoris sunt.

AD TIT. XXIV.

Ubi Senatores vel Clarissimi etc.

Clarissimorum appellatio est latior, quam senatorum: nam et uxores et senatorum liberi sunt clarissimi: et senatores quidem sunt celsiores clarissimis, veluti illustres, aut spectabiles. Queritur, ubi sunt hæ personæ conveniendæ? et hoc ostenditur, senatores et clarissimos in urbe esse conveniendos civiliter apud præfectum prætorio, vel præfectum urbi, vel magistrum officiorum, *l. 2. hoc t.* Fuit etiam alia questio Theodosii, ut Symmachus refert in epistolis, quæ senatorum controversias transferri a foro præfecturæ urbanæ ad peregrinam velaret. In provinciis autem civiliter conveniuntur jure communi apud præsides ejus provincie in qua domicilium habent, *l. 3. et l. ult. sup. ubi causa status.* Et recte Cassiodorus in formula Rectoris provincie: *Tu etiam senatorem ibidem residentem juberis audire*: et etiam hodie criminaliter conveniuntur apud præsidem hujus provincie in qua deliquerunt; qui tamen olim remittendi ad præfectum urbi ex *l. 3. C. Th. de accusat.* Excepto uno casu constitutione Claudii si senator vir clarissimus alienas suscepit actiones agendas quasi suas, in *l. 1. sup. ne liceat potent. patrocin.* illustres enim senatores hæc in re separantur a clarissimis: nam illustres senatores, qui recensentur in *l. 1. hoc tit.* non possunt criminaliter conveniri, nisi in consistorio principis: Quod etiam omnibus aliis senatoribus quosdam Imperatores detulisse Dio scribit, atque etiam Spartianus.

AD TIT. XXV.

In quibus causis militantes, etc.

Militantes in hoc titulo non dicuntur armati milites, et tribuni numerorum: nam semper utuntur privilegio sui fori, et litem possunt revocare ad magistrum militum, *l. 2. sup. tit. 23.* dicuntur scholares, qui sunt sub magistro officiorum taxati in 11. scholas, ut ait *l. ult. inf. de loc. supernumerarii milites* de quibus est titulus *de privilegiis scholarium lib. 12.* veluti agentes in rebus, qui et dicuntur magisteriani, quod obsequuntur magistro officiorum, et domestici protectores: hi habent quidem privilegium fori, et suum proprium judicem: sed eo privilegio non utuntur casibus in hoc titulo propositis, id est, si conveniantur non apud magistrum officiorum, sed apud præsidem provincie, qui eorum alius non est judex compe-

tena ex causa debitorum, aut munerum publicorum: nam ex hac causa possunt a præsidente conveniri nec litem ad suum judicem possunt revocare. Idem erit si obnoxii dicuntur curiæ, vel alii corpori, aut cohorti, si dicantur aliquid abstulisse per superexactionem, vel concussionem, *l. 1. et 2. sup. tit. 23.* quæ etiam poni potuissent sub hoc tit. nam casus exprimunt quosdam, quibus militantes non utuntur nisi fori præscriptione: nam præscribunt iudicio alieno, et plerumque iudicio fori incompetenti, et sane etiam *l. 2. tit. 23. in C. Th.* ponitur sub tit. *de amota militum fori præscriptione*. Item si sint conductores prædiorum alienorum, quæcumque ex causa conveniuntur recte apud publicum judicem, id est, præsidem provincie, nec possunt uti privilegio sui fori. Dico militantes de quibus agitur hoc tit. id est, scholares, qui conductores sunt alienorum prædiorum: nam soli armati milites conductores esse prohibentur, *l. milites. inf. de re milit.* possunt conveniri apud rectorem provincie, nec fori præscriptione poterunt uti. Item amittunt milites scholares furi privilegium, si negotiationem exercent in provinciis: nam tunc eo privilegio militiæ sunt indigni. Et hoc utique verum est, etsi obtinuerint a principe negotiandi licentiam: ut in *fi. l. ait: militandi, vel negotiandi*, legendum est *et*, non *vel*, regulariter non potest quis esse miles et mercator, *l. 1. inf. lib. 12. negotiat. ne milit.* sed si quis forte invenitur negotiationem exercere, et se etiam militiæ dignitate afferre, licet ei negotiationem permiserit princeps, conventus etiam ex privato debito poterit apud præsidem provincie conveniri, nec potest revocare litem ad suum judicem: idemque erit si militantes suis compendiis, suisque privatis negotiis dent operam in provinciis, sine commutatus beneficio, non utentur privilegio fori. Et breviter hæc sunt causæ in quibus militantes non utuntur præscriptione fori. Notandum in contextu hujus Constitutionis, ibi, *et qui per provincias sociantur*, esse legendum, *negotiantur*, non, *sociantur*, aut *otiantur*: nam tres casus notantur, qui student rerum suarum administrationi, et qui negotiantur, et qui conducunt aliena prælia: et ita perspicue in Basilicis distinguuntur, et ad hos, qui negotiantur pertinet ultima pars constitutionis, dum ait: *etsi meruerit ut mercandi licentiam*.

AD TIT. XXVI.

Ubi causæ fiscales, vel divina domus, etc.

Causæ fiscales sunt in quibus agitur de bonis fisco delatis, id est, de caducis, vel de pœna pecuniaria inferenda fisco, vel de eo, quod debetur fisco ex contractu: videtur etiam quodam modo esse cau-

sa fiscalis in specie *l. 4. hoc tit.* quæ is, qui emit a fisco mandatu Titii, cum Titio agit de pretio, et usuris, quæ fisco solvende sunt. Hæc causæ fiscales disceptantur apud Cæsaris procuratorem, vel rationalem rei private Cæsaris, rationalem summæ rei, ut est in inscriptione *l. 7. et in l. 3. inf. si propter public. pensitat.* et apud Euseb. ὁ τοῦ πραιποσίτου ἀρχαιάρχου ἀποστατῆρος. Atque etiam in veteri inscriptione: *plissimo atque fortissimo fundatori pacis, ac publicæ libertatis auctori d. No. Fla. Valen. Constantino M. Cæsari, Valerius Honoratus vir perfectissimus rationalis summæ rei, devotus miles Marius Messala p.* Et quidem causæ civiles apud hos disceptantur, non criminales: nam de criminibus non cognoscunt, sed de iis, quæ fisco competunt, et debentur, sed præses, qui habet merum imperium, id est, jus irrogandæ mortis, vel pœnæ: igitur non habent merum imperium, nisi fungantur vice præsidum. Et Pontius Pilatus erat procurator Cæsaris in Syria, cum jure præsidiali, *l. 3. hoc tit. l. 1. sup. de pedan. judicib. l. 2. inf. de pœnis, l. 3. inf. ad leg. Fab. de plag. et l. ult. ff. de offic. procurat. Cæs.* procurator igitur non cognoscit de causa curiali, sed de criminibus, et pœnis. Igitur apud præsidem provincie, cui, ut ait *l. 1. convictis pœnam irrogare licet*, id est, quibus est merum imperium, quod scilicet est jus irrogandæ pœnæ criminibus, et jus dandæ pœnæ legitimæ: et comprehendit omne genus pœnæ legitimæ: non jus gladii tantum. Et verissimum est in *l. imper. ff. de jurisdict. imperium*, et jurisdictionem per exempla tantum deserviri merum et mixtum jurisdictionis imperium: merum, id est, sine jurisdictione, quod non competit jure magistratus sed jure dato nominatum ad certum aliquem modum finemque: puta, ut jus sit irrogandæ illius pœnæ, et non illius: vel plenissimum, ut jus sit irrogandæ omnis pœnæ. Denique in ea lege per exempla tantum definitur imperium, quod secretum separatimque est a jurisdictione, id est merum, et id etiam, quod inhæret immixtumque est jurisdictioni. Ergo præses tantum cognoscit de criminibus, et criminis pœnis: de bonis autem fisco vindicandis civiliter cognoscit procurator Cæsaris. Et evidens est in *l. 3. hoc tit.* sic esse legendum: *procurator Cæsaris sicut exigere pœnam desertæ accusationis*, scilicet irrogatum a præside, *potest ita judicare*, ut ea inferatur, *sententia sua non potest*. Denique jus habet exigendæ pœnæ, quam præses irrogavit, non etiam judicandæ: et ideo in *l. 3.* legendum est, *affirmative, sicut exigere potest*. Quæ in re laborat Accurs. Hæc de causis fiscalibus, verum titulus est etiam de causis divini domus: a fisco separatur divina domus, id est, principis quæ dicitur ratio Cæsaris in *l. 6. §. ult.*

ff. de jure fisci: quod privilegium habet fiscus, inquit, *idem habet ratio Caesaris et Augustus*: nam Augusta iisdem privilegiis utitur quibus Augustus, *l. princeps, ff. de legib.* Ratio Caesaris, id est, ut Græci interpretantur domus Caesaris: sicut domus divina, quæ pertinent ad rem privatam, vel sacrum patrimonium principis, et ad prædia Tamiaca, id est, quæ erant proprie deputata cubiculo, et cellario, et peni principis, et erant in Cappadocia, ut ostendit *l. 3. inf. de palatin. sacrar. largit.* et Græci explicant recte infra ad *l. 1. ff. ad leg. Juliam repetund.* et interpres Juliani Antecessoris in Nov. 30. quæ prædia erant sub cura comitis domorum, et potissimum sub cura præpositi sacri cubiculi. Et inde in notitia Romani imperii. sub dispositione viri illustris præpositi sacri cubiculi ponitur domus divina per Cappadociam. Agitur autem causa domus divinæ apud procuratores, sive rationales proprios, ut indicat ejusdem tituli constitutio. Sequuntur causæ hominum divinæ domus: homines sunt coloni, inquilini, servi, conductores, procuratores: et ii quidem homines Tamiaci, destinati scilicet prædiis Tamiacis, conveniuntur apud præpositum sacri cubiculi, et comitem domorum in omnibus causis civilibus et criminalibus, *l. nll. hujus tit.* quæ est de Tamiacis: etiam servi ita nominantur, et pertinent ad prædia Tamiaca. Igitur Tamiaca destinata peni principis patrimonialis, aut private rei homines in causis civilibus apud comitem rerum privatarum: in criminalibus apud vicarium: nam in inscriptione *l. 9. hujus tit.* ita legendum est: *ad Philippum vicarium*, non virum clarissimum, vel etiam in criminalibus conveniuntur apud præsidem provincie, in qua crimen admisissent, adhibito procuratore domus Augustæ: et similiter apparitores, et officiales rationalis in causis civilibus conveniuntur apud ipsum rationalem: in criminalibus, cum non habeat rationalis merum imperium, id est, iudicii criminalis executionem, conveniuntur apud præsidem provincie.

AD TIT. XXVII.

Quando licet unicuique, etc.

In hoc tit. ostenditur illud, quod ante dictum est, neminem sibi jus dicere, et superioribus titulis omnibus ad eundem esse judicem competentem, nec quicquam sine eo audendum, vel administrandum esse. Id in hoc tit. ostenditur aliquando non observari, et nonnunquam evenire, ut nos ipsi ulciscamur, et quodammodo nobis jus dicamus adversus obsessorem viarum, id est, latronem nobis insidiantem impune occidamus in *l. 1. h. tit.* Imo in agris tantum, non in urbe impune occidimus: quoniam modum furem nocturnum, sive paganus sit,

sive miles, etiamsi se telo non defendat, et ei parcere possimus sine nostræ vitæ periculo: et in agris, et in urbe, quod est ex 12. tab. sicut, et ut fur nocturnus impune possit quodammodo occidi, *l. si pignore, §. furem, ff. de furt. l. 4. ff. ad l. Aquil.* sed ut auctor est Ulpian. ea lex desuit esse in usu, obtinuitque postea. ut non alias liceret nocturnum furem occidere, aut diurnum, quam si se telo defenderit, et si is cui furtum fiebat, parcere ei non potuit sine vitæ suæ periculo, *d. l. si pignora §. furem, ff. de furt.* Quod ita obtinet in urbe, sed non in agris: nam ex hoc *l. 1. et ex l. 12. tab.* in agris nocturnus fur quoquo modo potest occidi: quia in agris major est copia grassandi, et quo major est, eo rei gravioribus constringuntur vinculis, data ei, cui sit furtum, licentia seipsum vindicandi, et occidendi etiam manus dantem, nec resistantem. Et elegans est ratio *l. 1. melius esse in tempore occurrere, quam post exitum vindicare.* Omnes hæc definitiones sunt plerumque falsæ: *et n' en faut abuser.* Et plerumque verum in una re tantum, falsæ in omnibus aliis, et ideo, quæ mente tradite sint, et quæ specie oportet semper animadvertere. Itaque facile est respondere argumentanti ex his sententiis allato incommodo, aut exceptione aliqua: quod ait, *melius esse, etc.* Et simile est, quod ponitur in *l. nll. in quibus non est nec rest.* melius esse jura minorum integra servari, quam post vulnus inflictum remedia querere, quod ex Artist. 3. Politicorum videtur sumptum: et ostenditur in *l. 2. hujus tit.* unumquemque posse desertorem militiæ obsidere, etprehendere, et si se telo defenderit, occidere, ut in *l. 2. inf. de desertis militis*, et hoc quidem modo, quod est in altera parte hujus tit. vindicabit læsam majestatem, et devotionem publicam, quam scilicet lædit miles, qui alias solet appellari devotissimus, dum ab ea devotione desciscit desertis militia: et ita occisor desertoris ultor est publicæ devotionis.

AD TIT. XXVIII.

De inofficioso testamento.

Diximus supra de jure sacro, deinde de jure publico, sive de partibus juris civilis, et magistratibus, et de ordine, quo agit quisque apud eos, de Advocatis, et procuratoribus alienarum litium, de restitutionibus litium, sive de restitutione in integrum, de pedaneis iudiciis, et de foro competente: ab hoc tit. De inofficioso testamento incipit tractare de diversis actionibus, causis, et litigiis, qui tractatus jus omne fere complectitur. Et recte majores nostri monuerunt diligentem nobis operam impendendam esse titulo de actionibus: quia scilicet is ambitu suo complectitur omnes, quæstiones juris.

Nec mirum igitur si in ea re, et Cod. et Dig. potissimum consulantur, id est. in explicandis actionibus variis, earumque natura explicanda: summa autem actionum divisio hæc est, alias esse vindicationes, sive petitiones, alias condictiones in *l. actionum genera, ff. de oblig. et action.* actiones in personam esse de obligatione, de re aut pecunia debita auctori id est actiones in rem esse de proprietate et possessione, quam actor suam esse asserit, vel. ut loquitur, suam esse petit: nam et de possessione est vindictio per interdictum uti possidetis, vel utrius. *l. 3. §. Pomponius, ff. ad exhib.* et rursum vindicationes sive petitiones alias esse de universitate rerum, veluti de hereditate, alias de rebus singulis, specialesque vindicationes appellantur, *l. 1. ff. de rei vindic.* Orditur autem a vindicationibus quæ sunt de universitate, et ab ea præcipue, quæ dicitur querela inofficiosi testamenti, et de petitione hereditatis de inofficioso testamento, sive ex causa inofficiosi testamenti, *l. si quis filium, hoc tit. l. 20. ff. eod. l. pen. de bonor. possess. contr. tab. l. 3. inf. de pet. l. hered.* quæ actio datur liberis notatis exheredatione et remotis, lege Glicia, ut indicat inscriptio, *l. 4. ff. eod.* Est igitur hæc actio non legitima, non civilis. Nec obstat *l. non putavit, D. de bon. possess. contr. tabul. exhereditatis* non dicitur dari bonorum possessio contra tabulas. sed præteritis, id est, silentio omissis, nec scilicet institutis, nec exhereditatis ut oportet, etiamsi legitima sit eis relicta præteriti etiam sunt, qui non sunt lecti in numerum heredum, vel qui heredum numero moti sunt nominatim per exheredationem, etsi sit eis aliquid adscriptum: sicut apud veteres; ut refert Festus. præteriti senatores erant, qui non lecti a consiliis, sed tacite loco moti: ergo bonorum possessio contra tabulas datur liberis præteritis, non exhereditatis, et adjicit Ulp. in *l. 8. ff. de b. n. possess. contr. tab.* etiam exhereditatis jure civili non turbare testamentum. Quid hoc enim est? nempe ipso jure nullum non est testamentum, in quo filius exhereditatus est: imo valet ipso jure: sed ei liberum est per querelam inofficiosi testamenti rescindere, quasi impium et inofficiosum, si modo probaverit se immerito exhereditatum atque remotum. Summa hæc est: ipso jure non rescindi testamentum in quo filius est exhereditatus: sed per querelam de inofficioso testamento, sive petitionem hæc. Non separo querelam a petitione hereditatis, nec sunt imitandi doctores, qui alii faciunt judicium rescindens, aliud rescissorium, et judicium rescindens vocant querelam inofficiosi testamenti, quod primum rescindatur testamentum, et rescissorium judicium vocant hereditatis petitionem quasi subsequatur rescindens

judicium. Nostri auctores non faciunt differentiam inter hæc nomina, nec a rescissione separant petitionem, uno scilicet eodemque judicio, una actione et rescinditur testamentum quasi inofficiosum, et petitur hereditas ab intestato: vel ut aliter dicam. nova ratione rescisso testamento vindicatur hereditas ab intestato. Dices quo jure vindicat hereditatem, qui ab ea remotus est nominatim per exheredationem, nec est ut muniat se prius jure aliquo aut ut colorem quemdam juris induat: nam si non sit ex suis heredibus, ordinandi et exco-tendi judicii de inofficioso testamento gratia, necesse est prius eum, qui queritur vel acturus est de inofficioso testamento, veluti ab intestato sibi delatam hereditatem adire, vel bonorum possessionem agnoscere ab intestato unde liberi, vel unde legitimi, vel unde cognati, *l. 6. et 7. l. Papinianus, §. 2. ff. eod.* In suis heredibus non est necessaria aditio, aut bonorum possessio, quoniam ipso jure heredes sunt, *d. l. 7. et l. in suis, ff. de suis et leg. l. pen. §. pen. ff. de bonis lib. sui* igitur heredes, qui exhereditati sunt, ipso jure filii, vel alii liberi, non heredes facti additione hereditatis, vel bonorum possessione, perveniunt ad possessionem hereditatis de inofficioso testamento, allegantes se immerito exhereditatos esse: quæ allegatio competit non tantum liberis, sed et parentibus exhereditatis, et fratribus germanis, si turpes personæ scriptæ sint, veluti mimi, aut histriones, aut arenasarii: alioqui frater non potest queri de inofficioso testamento fratris. *l. fratres hoc tit.* Alii autem cognati nullo modo possunt queri, si sint exhereditati, vel quod idem est, si sint præteriti: nam præteritio harum personarum censetur pro exheredatione. Ii igitur quibus competit querela, ad eam perveniunt, eamque persequuntur, et si forte non vicerint querela, aditio illa, aut bonorum possessio quam petierunt et agnoverunt, sine re, sine effectu constituitur, et est etiam interim dum agitur querela sine re, et color potius, fictaque narratio, quæ et in foro licere uti Fabius ait lib. 4. et color quidam, sive pretextus petendæ hereditatis. Ex his licet modo definire inofficiosum testamentum. Inofficiosum testamentum est, in quo liberi qui sunt in potestate, vel emancipati, aut parentes, aut fratres germani immerito exhereditati sunt, vel præteriti, vel instituti, ita ut pro exhereditatis habeantur, ut præteritio avi materni, aut matris habetur pro exheredatione, id est, harum personarum silentium, exhereditatio est: patris silentium non est exhereditatio; et ideo huic non datur querela inofficiosi testamenti, sed bonorum possessio contra tabulas: contra præterito a matre, aut avi materno, vel præterito a filio suo, vel præterito a fratre germano datur querela inofficiosi testamenti, non bono-

rum possessio contra tabulas, quia pro exheredatis habentur: et institutus etiam quandoque habetur pro exheredato, eique competit querela, ut in specie *l. Papinianus. §. 4. ff. eod.* Regula est: quartam debitam filio non minuire libertates servis relictas testamento patris. Pinge: pater habuit servos, et omnes manumisit: quarta non potest imminuere libertates: agat igitur querela ita institutus: nam inutilis est illa institutio, et est, ut habet formula hujus judicii, iusta causa offensae, *l. 20. 22. et 23. hoc tit.* vel iustam causam irascendi, ut est in Plinii junioris epistolis, patrem habuisse videri, qua sententia absolvitur scriptus heres, et penitus repellitur exheredatus: vincit autem exheredatus, si iudex pronunciaverit iustas causas offensae patrem habuisse non videri.

AD TIT. XXIX.

De inofficiosis donationibus.

Exemplo querelae inofficiosi testamenti comparata est querela inofficiosae donationis, facta scilicet a parentibus in fraudem liberorum: vel a liberis in fraudem parentum, et comparata est constitutione Alexandri ad Clandium Julianum praefectum urbi in *l. Titia 87. §. Imper. ff. de leg. 2.* Et datur querela inofficiosae donationis liberis, qui erant tempore donationis, sive in unum ex eis, sive in extraneum collata sit immodica et inofficiosa donatio: sed hoc interest, quod querela inofficiosi testamenti hoc jure rescindat totum testamentum, institutionem, legata, libertates, tutelae, tabulas, pupillares, quasi fuerit furiosus, atque ideo nullam habuerit testamenti factionem, qui pietatis nullam rationem habuit: ex Nov. Justin. querela inofficiosi testamenti rescindit tantum caput institutionis, cetera capita firma manent: querela autem inofficiosae donationis id tantum rescindit et revocat, quo minuitur portio debita liberis, non etiam totam donationem revocat: ergo quadrantem, vel ex jure *Novellae de trien. et sem.* quas sequimur trientem, vel semissem legitimae portionis, id est, debite ab intestato pro numero liberorum, et ita Nov. 92 quae est de inofficiosae donationibus ostendit, hac actione liberos non revocare dotem donationemque, sed portionem tantum, quae eis debetur, vulgo appellatam legitimam: ergo inofficiosa donatio est, quae liberis portionem debitam aufert aut minuit ut donatio omnium bonorum, vel donatio sextantis, aut denuncis bonorum: nam donato sextante, vel denunce, quod residet non sufficit Falcidiae, id est, debite portioni. Falcidia est nomen generale: omnis quadrans dicitur Falcidia: sunt autem quadrantum legitimorum multa genera: ita vero immensum do-

nando pater excludit querelam inofficiosi testamenti: et hoc meditatur: dabo operam ne filius queratur de liberalitate mea, ne inducat materiam officiorum, ut lib. 7. cap. 4. appellat Fabius: nam certe materia querelae inofficiosi testamenti est materia officiorum, an sit bene meritis filius vel male, *l. filius. ff. de inoffic. testam. l. 3. §. si emancipatus. ff. de bon. posses. contra tab.* dabo operam, inquit, ne queratur: nam queri potest tantum de testamento: non testor, sed dabo omnia mea: hoc genere igitur eluditur querela inofficiosi testamenti. sed appetit ex constitutione Alexandri querela inofficiosae donationis, quam dari dicendum est non tantum liberis, sed et parentibus, ut in *l. 4. hoc tit.* et dari etiam ab intestato, id est, sive donator ille fecerit testamentum, sive intestatus decesserit, *l. 3. hoc tit.* et rursus eum fortasse dari etiam si intervertende vel eludende querelae inofficiosi donatori non fuerit animus: nam consilium quidem absque eventu atque affectione non sufficit, *l. pen. hoc tit.* si absumpta sit vel diminuta portio debita: quod tamen non videtur probasse Patricius Graecus interpretes, qui dixit dictam *l. 3.* accipiendam esse quasi novam, ut scilicet tantum procedat in suo caso, cum liberi nati post donationem aliis liberis factam, eam revocant pro modo portionis sibi debite: factam extraneo liberi postea nati in solidum revocarent, *l. si unquam. inf. de revoc. donat.* factam aliis liberis revocant tantum pro modo Falcidiae. Et sufficit eventus, sufficit fraus quae reipsa ipsis facta est, etsi adfuerit consilium fraudandi in *d. l. 3.* scilicet hoc jure utimur, ut trahatur etiam ad omnes alios casus, puta si liberi, qui tempore erant donationis, querantur de inofficiosa donatione. Etiam illud notandum, hanc actionem non dari post quinquennium, *l. ult. hoc tit.* quod obtinet et in querela inofficiosi testamenti, et de inofficiosa dote. Haec tres querelae finiuntur quinquennio. Item non dari querelam inofficiosae donationis iis, qui iudicium donationis agnoverunt, et probaverunt, *l. 6. hoc tit.* quod obtinet etiam in querela inofficiosi testamenti: nam haec querelae sunt remedia subsidiaria, *l. 2. et 3. hoc tit.* et observandum est, non dari querelam inofficiosae venditionis: nam pater vendet omnia bona sua, si vult: *l' argent en demeure.*

AD TIT. XXX.

De inofficiosis dotibus.

Inter donationes et dotes numerantur. Dos est species donationis, *l. cum multa. inf. de donat. ante nupt.* Et id quod dictum est de inofficiosis donationibus merito trahitur ad inofficiosas dotes a matre datas marito primo vel secundo, quia scili-

licet durante u maternorum bonorum excedunt, vel omnia bona consumunt, ita ut liberis non sit salva Falcidia, id est, debita portio in bonis maternis. Ceterum quia hęc actio de inofficiosa dote est subsidiaria, sicut dicitur præcedentes hodie nonnullæ constitutiones hujus tit. accipi de muliere, quæ iterum nubit habens liberos ex prioris matrimonii, quia constat eam secundo marito non plus posse erogare dotis, vel alio nomine quam uni ex liberis prioris matrimonii, ipso jure securos esse: sed accipi potest constitutio tituli etiam hodie de ea, quæ primum nupsit, cum haberet naturales filios, vel spurios, vel de ea, quæ iterum nupsit non habens liberos ex prioris matrimonio, sed spurios tantum: nam in bonis maternis Falcidia spuris non minuitur, quam justis liberis debetur, *l. si suspecta, §. 1. ff. de inoff. testam.* sed erat quidem constitutio etiam de liberis prioris matrimonii, sed in eis hodie est supervacua propter dictam legem *hęc edita*. Et ita accipienda est lex hujus tit. vulgo dicitur a nostris auctoribus, leges legibus concordare promptum est, ex hoc loco *legibus concordare promptum est*, id est, jus est, jus est et sequum.

AD TIT. XXXI.

De petitione hereditatis.

Non caret ratione, quod priusquam proponeret generalem petitionem hereditatis quam proponit hoc tit. proposuerit specialem de inofficioso testamento: nec enim idem jus est utriusque. Generalis petitio hereditatis datur adversus possessorem jura, vel rei hereditariæ, nec heredem justum, sive sciat se non esse heredem, sive falso existimet se esse heredem. Et hoc est, quod dicitur, cum petitionem hereditatis dari tantum adversus eum, qui pro herede possidet, cum non sit heres, vel bona fide, scilicet existimans se esse heredem, vel mala fide, et adversus eum, qui possidet pro possessore, id est adversus furem, vel raptorem, qui interrogatus, quo jure possident, non habet quod respondeat, nisi quod possident, non quasi heredem, de hereditate utique non continent, videlicet non se asserit esse heredem: et ideo hic etiam tenetur petitione hereditatis, non alius, qui vero iustoque titulo possidet, *l. regulariter, et quatuor seqq. ff. eod.* petitio autem hereditatis de inofficioso testamento datur adversus verum heredem et legitimum, qui ex inofficioso testamento juste hereditatem adiit: neque enim ante ad tam hereditatem exheredatus agit, et hoc dicitur querela inofficiosi testamenti a bonorum possessione contra tabulas: nam bonorum possessio contra tabulas est contra lignum, *l. quod vulgo dicitur, ne bon. poss.*

Text. IX.

contra tab. idque etiamsi nondum heres adierit: querela contra heredem, qui adit. Item querela inofficiosi testamenti datur adversus filium tantum, qui accepit cum re bonorum possessionem contra tabulas, *l. filium, de bon. poss. cont. tab.* datur etiam adversus fideicommissarium, cum ex Senatusconsulto Trebelliano restituta est hereditas, *l. 1. sup. de inoff. testam.* adversus quos non datur generalis petitio hereditatis: quia vero et iusto possidet titulo et generalis tantum datur in eum, qui falso possidet pro herede; vel qui impudenter possidet pro possessore, veluti pro eo, qui possessionis nullam habet justam causam. Obijciens ex hac sententia, quod plerisque locis dicitur, generali petitione hereditatis, id est, ex causa intestati, vel ex causa injusti testamenti, aut irriti, aut rupti, aut falsi, vel ex alia quacunque causa, per quam inofficiosum testamentum dicitur, petitione hereditatis teneri etiam heredem scriptum in testamento, et fideicommissarium et Trebellianum in *l. etiam, §. idem dicendum, et §. seq. l. item veniunt, §. licet, ff. eodem*: sed videamus ne eo circumscribamur: nam hæc duntaxat locum habet, scilicet, ut heres scriptus, et fideicommissarius, et Trebellianus ex quacunque alia causa teneantur petitione hereditatis, cum fideicommissum aut hereditas eis relicta est: injusto aut inutili testamento: atque adeo cum fideicommissum aut hereditas ad eos jure non pertinet. Et rursus potest etiam obijci, quod dicitur in *d. l. etiam, §. 1. emptorem hereditatis teneri utili petitione hereditatis*, qui eam bona fide emit ab herede, qui possidebat eam pro domino: sed ut respondeam, id locum non habere, puto ut sit in emptorem petitio hereditatis, nisi deficiente venditore, puta non extante, vel extante quidem, sed qui bona fide vendidit, non dico ære, sed æsse Caiano, qui non tenetur, nisi in quo locupletior factus est: ne videretur factus locupletior, aut sane immodici pretii non habetur ratio eo casu deficiente venditore, cum ab eo scilicet non possimus servare hereditatem quam vendidit, quia vel non extat, vel modicum tulit ex venditione, in emptorem datur utilis petitio hereditatis quasi in heredem ejus, qui possidebat hereditatem pro herede: nam certum est hereditatem posse peti non tantum ab eo, qui pro herede possidet, vel possessore, sed ab herede ejus, licet ignoraret defunctum ita possedisse eas res, et ipse eas nunc possideat quasi ex hereditate sibi testamento vel lege delata, *l. Neratius, l. etiam, in pr. et §. heredem, ff. eod.* deficiente igitur venditore demum per utilem petitionem hereditatis itur ad emptorem quasi ad heredem possessoris, qui conveniri poterat. Emptor hereditatis vicem heredem obtinet, et in subsidium vera igitur est ea differentia, quam

exposuimus inter generalem petitionem hereditatis, et illam specialem querelam de inofficioso testamento. Sunt et alie: petitio hereditatis de inofficioso testamento non tam rem persequitur, quam ipsam vindictam injuriarum, sive notam exheredationis, et agit causam doloris, sicut actio injuriarum, quod nomen querelæ etiam demonstrat: generalis petitio hereditatis, id est, quæ ex alia causa instituitur, est patrimonii, sive rei vindictio. Quamobrem pater filii nomine non agit querela inofficiosi testamenti, veluti filio exheredato, aut preterito a matre, aut avo materno, invito filio, quia filii injuria est, et indignatio, *l. Papinianus, ff. de inoffic. testam.* qui tamen ageret ex alia causa, et peteret etiam hereditatem invito filio, sicut qualibet actione alia: quandoque omnes patri acquiruntur, invito filio, jure potestatis paternæ: et præterea querela inofficiosi testamenti tacita dissimulatione aboletur, sicut actio injuriarum, *l. 1. sup. de in integr. restit. min. l. non solum, §. 1. de injur.* et silentio quoque quinquennii aboletur querela inofficiosi testamenti *l. si quis filium, in ff. sup. de inoff. testam. l. 3. C. Theod. de Apostatis.* Ex alia autem causa petitio hereditatis, nec longi temporis præscriptione perimitur, sed tantum præscriptione 30. annorum, *l. hereditatis, hoc tit. l. pen. inf. ex quibus causis ceteron. temp. præscript.* ubi elegantissime Accursius reddit rationem, cur petitio hereditatis generalis non detur in eum, qui vero et justo titulo possidet, petitio hereditatis dicitur etiam actio in hereditatem, *l. pater, §. 1. de capt. et postlimin. rev.* ut quæ proponitur in titulo sequenti, dicitur actio in rem: et de his, quæ veniunt in petitionem hereditatis, sunt autem quam plurima, est Senatusconsultum diligenter explicatum a Jurisconsultis nostris, quod appellatur a Græcis Senatusconsultum Adrianum in *l. quod si possessor, ff. eod.* quia factum fuit auctoritate Adriani, *l. 1. h. l.*

AD TIT. XXXII.

De rei vindicatione.

Res in hoc titulo non est hereditas, sed certa species: hic igitur titulus est petitione speciali, quæ quæ speciem, corpusque certum suum esse asserit, hoc modo: fundus Tusculanus, qui est in agro, qui Sabinus vocatur meus est: nam fundi nomen, et quo loci sit dicere oportet, *l. si in rem, in ff. D. eod.* vel hoc modo: hanc ego rem ex jure Quiritium meam esse ajo. Superior autem titulus est de ea vindicatione, seu assertionem, quæ quis se universi juris defuncti successorem esse affirmat, non rei certæ, non corporis certi. Et in his judiciis in rem hoc est solenne, ut iudex vindicias dicat interim, dum de proprietate disceptatur, ab

eo, qui rem possidet, præstita satisfactione de ea re conservanda, et restituenda petitori, si secundum eum judicatum erit: imo et non præstita satisfactione interim vindiciæ dantur secundum possessorem, si petitor satisfacere noluerit: nam in causa pari melior est causa possidentis: plus est in re, quam in persona: sed si petitor paratus sit satisfacere, nolente possessore satisfacere, statim possessio transfertur in petitorum, id est, vindiciæ dantur secundum petitorum: quod eleganter explicat Paulus *l. Sent. tit. 11.* Et confirmat *l. de bonis, §. ult. ff. de Carbon. edic. l. 3. sup. de petit. hered.* nam hic ordo servatur in omnibus vindicationibus, et specialibus, et uni versalibus: etiam confirmat *l. 1. inf. uti possid.* constituitur possessio, vel apud possessorem ipsum, ut scilicet maneat possessor pendente lite, vel, quod est addendum, res ex causa sequestro deponitur, *l. 7. §. 1. D. qui satisd. cog.* vindicias appello possessionem, ut Titius Livius dicit: modo vindicias, modo possessionem promiscue, in antiquis legibus, quæ sunt in Bibliotheca Regia, *decernito ei possessionem*, id est, vindicias dato, Gallice, *la jouissance, la recreance.* Et videtur vindiciarum nomen ductum a vi quadam civili, ut explicat Gellius lib. 20. cap. 19. quæ ut ait, verbo dicebatur. Et quoniam is auctor in eo capite multum depravatus est, explicabo, paucis quid sit in 12. tabulis manum conserere: et hoc dicam imprimis: manum dicimus inter se conserere partes in vindicationibus, dum vindicat: unus, et alter contra vindicat: nam erant nuntie vindicationes, ut est in *§. 1. Inst. de act.* manum conserere non illata quadam vi bellica, aut cruenta, sed vi quadam civili, quæ verbis fiebat, ut vi festucaria, ut ait: et ita eleganter definit: *manum conserere esse qua de re disceptatur in re præsentis, sive ager, sive quid aliud est cum adversarium manu prenderit in ea re civilibus verbis vindicare:* ac postea, quid sit vindicia explicat hoc modo: *vindicia est correptio manus: ubi manus est carpus, le poignet: in re atque in loco præsentis apud prætorem ex 12. tab. fiebat, ac postea illam correptionem carpi, sive manus dicit esse vim civilem, quæ tamen dicebatur magis verbis, quam re, verbis directis, et solemnibus facta vindicatione in re præsentis.* Et ex eo intelligitis, quod nondum quisquam enodavit, ita apud Festum esse legendum: *vindiciæ appellantur res eæ de quibus controversia est: quod potius dicitur vis, quæ fit inter eos, qui inter se contendunt: vulgo male, jus, quia fit, etc.* Ergo ut ad rem redeamus, possessio statim non auferretur possessori, initio litis, nisi cum non vult satisfacere, et petitor offert satisfactionem, alioqui si neuter velit satisfacere, in pari causa, melior est

causa possessoris: sed si reus rem vi possederit, ante omnia momentum redintegrari, id est reformari possessionem oportet, *l. si quis liberum, ff. de probat.* quæ fuit Zaleuci lex, ut Polybius scribit lib. 12 *δὲν ἔχασιν* etc. Et ob hanc rationem in causis liberalibus vindicæ dantur secundum libertatem ex 12. tabul. si probetur tempore litis ordinandæ in libertate fuisse is homo, quo de agitur, præstita scilicet satisfactione, adeo ut hic ordo servetur etiam in præjudicialibus actionibus, *l. ordinata, ff. de liber. causa, l. lite, C. hoc tit. l. 2. §. initium, ff. de origine juris.* Quod si in possessione servitutis, id est, in servitute fuerit is homo de quo agitur, vindicæ dantur secundum servitutem: nisi quis per vim liberum hominem raperit, et in servitute habuerit, namque is homo ante omnia reponitur, et restituitur in libertatis possessione, *l. si quis liberum, et l. vis inf. de prolut.*

AD TIT. XXXIII.

De usufructu, et habitatione.

Post vindicationem rerum corporalium de qua est titulus superior, dat hanc titulum et sequentem, qui sunt de vindicatione rerum incorporalium, veluti servitutum, servitutes non constant corpore, cerni, vel tangi non possunt: sed in jure tantum consistunt, vel intelligentia percipiuntur: denique non sunt, sed intelliguntur: et ex servitutibus alie sunt personarum, alie prædiorum, *l. 1. ff. de servitut. vel ut loquitur l. Cujus, de annuis leg.* alie sunt in rem, alie in personam. De servitutibus prædiorum est titulus, qui sequitur: nam primumque servitus dicta simpliciter, est servitus prædii: hic autem titulus est de servitutibus personarum: nam per usufructum, et per habitationem, prædia, vel mancipia, vel alie res serviunt personis non rebus, *l. dominus, ff. eodem.* Item per ministerium, quo verbo significantur operæ servorum alienorum, quæ nobis sunt locatæ, vel cessæ, videtur quidem habitatio, et ministerium nihil differre ab usufructu: nempe habitatio nihil aliud videtur esse, quam usufructus ædium, *l. 9. hoc tit.* et ministerium nihil aliud, quam usufructus servilis, *l. 3. et 4. D. de operis serv.* sed tamen longe distant inter se: nam propria quædam vis inest in habitationis, et ministerii verbo, quæ efficit ne facile quis hæc jura si quæsierit, amittat. Amitteret ea si quæsiisset sub nomine usufructus: quod ita declaro, usufructus amittitur morte fructuarii, quia jus est in personam, quod sublata persona tolli est necesse, *l. 2. D. eod. tit.* Et eadem ratione amittitur capitis minutione fructuarii, quia persona commutatur per capitis diminutionem, et

fit novus homo quidam, ut ex libero servus, ex cive peregrinus: amittitur etiam non utendo tanto tempore, quanto usucapio completur rei mobilis, vel immobilis. Ministerium autem servi, quando is servus vivit, iis modis non amittitur: ministerium, vel operæ servi legalæ non amittuntur, si legatarius capite minuatur, quia capitis minutio appellatur mors civilis: non amittitur si per decennium usus non sit operis: habitatio quoque quamdiu ædes salvæ permanent, et is cui habitatio concessa est vivit, non amittitur capitis minutione, vel non utendo, quia etsi videantur aliquatenus is cui habitatio ordinari, vel ministerium servi concessum est, usufructum habere ædium, vel ministerium servi: tamen fructuaris non est dicendus, *l. 2. ff. de usufr. leg.* et mors quidem ejus cui concessa est habitatio, habitationem extinguit, habitatio cessat, quia jam habitari non potest ab illo in cujus facto habitatio consistebat: verum capitis diminutio, vel habitandi incuria habitationem non extinguit, quia habitationis nomen non tam respicit ad personam ejus, qui habitat, quam ad rem ipsam, quæ inhabitatur, ut sæpe habitatio sumatur pro domo ipsa: et dubitatur an habitatione legata, proprietas legata sit, id est, domus, *l. cum antiquitas, hoc tit.* Atque adeo satis est, ut consistat jus integrum habitandi ei cui datus est, si habitari domus ab eo possit, licet non inhabitetur. Habitari etiam potest post capitis diminutionem: ergo manet habitatio, etsi legatarius capite minutus sit. Idemque domus est exposita habitationi, etsi domum legatarius non habitaverit. Ministerium autem servi non extinguitur negligentia, non capitis diminutione, sicut nec habitatio. Imo nec mors ejus cui ministerium debetur, ministerium extinguit, cum tamen mors habitationem extinguat, ut supra diximus. Ratio est, quia ministerium servi in facto consistit ministratoris servi, vel aie, ministri nomen significat fructum ejus, qui hanc operam ministrat, et exhibet; et ideo quamdiu is servus, qui eam operam exhibet, vivit, tantum operæ debentur ei cui concessæ sunt, hæredive ejus: sed conferimus etiam usufructum cum habitatione, et ministerio: nam ministerium, et habitationem satis contulimus invicem. Usufructus est quidem jus utendi fruendi re aliena, quæ non sit in abusu, id est, quæ utendo non pereat: nam rerum rerum, quæ utendo pereunt, ut vini, olei, frumenti usufructus non est, abusus est, non usus. Quod explicatur in *tit. de usufr. ear. rer. quæ usu consumuntur*: in quo ostenditur eorum quoque rerum, quæ sunt in abusu, quasi usufructum constitui ex Senatusconsulto, remedio cautionis: usufructus igitur est quidem jus principale, sed in facto fructuarii consistit: nam fructus is capit, *l. un. in pr. ff. quando dies usu-fr.*

red. Itaque usufructus videtur adsignificare factum ejus personæ, cui est jus utendi fruendi. Itaque ex persona non utente, tempore legibus præfinito, vel etiam ex persona mortua, vel mutante statum, id est persona mortua, vel capite minuta, usufructus cessat, et interit: quia non superest jam amplius ille, cui soli jus est facere, id est, in i. frui. hujus factum usufructus nomen significat. Ergo usufructus finitur omni capitis minutione, quod jure veteri obtinuit, ex l. pen. hoc tit. non interit minima capitis minutione, veluti emancipatione, vel adrogatione: in qua etiam interveniebat emancipatio per res et libram, adhibito libripende, et assu Cajano, id est, nummo uno dicis causa, id est, oblationis gratia, quæ erat venditio quædam imaginaria, et redactio in servitutem, et commutatio: igitur transformatio personæ, aut regeneratio: sed merito hodie non interit usufructus in personam constitutus nisi cum ea persona desit esse persona: id est cum sit servus aut peregrinus: peregrini personam non habent in civili jure. Ceterum minima capitis minutione ex Constitutione Imperatoris non finitur usufructus, quia legitimæ illæ emancipationes hodie sunt sublata: atque adeo, qui emancipatur, vel adrogatur, nec imagine redigitur in servitutem, denique fit sui juris, vel alieni juris sine permutatione status qui emancipatus, vel adrogatus fuit: fit quidem hodie capitis minor, sed non secundum morem veterum: ita nec fingitur prius transisse ex libertate in servitutem, fit hodie emancipatio, vel adrogatio simpliciter, sublati aliis actionibus, fit ex constitutione Anastasii hodie, vel ex Constitutione Justiniani in §. præterea, Inst. quibus modis jus p. r. potestatis solvitur.

AD TIT. XXXIV.

De servitutibus, et aqua.

Usufructus, habitatio, ministerium servorum jura sunt hominum, sive personarum, per quæ res liberis hominibus serviunt: servitutes autem in hoc titulo sunt jura prædiorum, per quæ prædia prædiis serviunt: illa, id est, usufructus, habitatio, ministerium coherent personis: hæc vero servitutes, de quibus in hoc titulo agitur, coherent prædiis urbanis, vel rusticis. Licet etiam nobis definire servitutes secundum Celsum in l. quid aliud, ff. de verb. signific. l. qui fundum, ff. quemadmodum servit. amitt. ex attributo, et subjecto, hoc modo: servitutes sunt prædiis qualiter se habentia: quamvis res non sint corporales, ut cum medici definiunt morbos, esse corpora male affecta, et Stoici virtutem esse animi quodammodo se habentem: virtus est habitus, scilicet animi, qui significatur illo articulo, quodammodo, vel aliter, servitus est

habitus, vel qualitas prædii, qualitas inherens prædio. Quod subjicit in hoc titulo, et de aqua, non est de aqua simpliciter, ut in tit. ff. de aqua, qui est de aqua pluvia, et aqua cadente e caelo, de qua competit ex 12. tabulis actio in personam ejus aquæ arcendæ gratia: nam integer ille titulus est de aqua, et de aquæ arcendæ actione, legitimæ, scilicet, puta, ut quis coercet, et cohibeat aquam pluviam, ne opere manufacto ex suo fundo insiliat in meum, meoque noceat: sed huius titulus est de servitute aquæ ductus, vel aquæ haustus, de qua est actio in rem confessoria, vel negatoria, sicut de ceteris omnibus servitutibus vel rerum vel personarum, est duplex actio in rem, confessoria, et negatoria, l. 2. ff. si servit. vindic. ajo jus mihi esse aquæ hauriendæ vel aquæ ducendæ e fundo tuo: hæc est confessoria: nego tibi jus aquæ hauriendæ, vel ducendæ ex fonte meo: hæc est negatoria: non esset servitutes fundi, altera libertatem: est autem in hoc titulo ἀπαγόρευσις: nam meo iudicio sic intelligi debet de aqua, et aliis servitutibus, ut in l. 3. aqueductus, vel aliarum servitutes, sic etiam exaudias titulum de aqua, et aliis servitutibus, sicut alias ostendi tit. 2. ff. de reb. si cert. pet. sic esse intelligendum quasi internum, si certum petatur de rebus creditis, alias si certum petatur de chirographis, alias si certum petatur de suffragiis, id autem dicit de aqua per eminentiam: quia nulla est alia servitus de qua tot sint constitutiones in hoc titulo, ut lib. 6. tit. de impub. et aliis subst. quia magna pars tituli est de impuberum substitutione, id est, pupillorum.

AD TIT. XXXV.

De lege Aquilia.

Quæso, quis reddet rationem positi hoc loco tituli de lege Aquilia proxime post servitutes, et in medio tractatu vindicationum: nam potuisset hic tit. de lege Aquilia, id est, de legis Aquiliæ actione, commodius jungi lib. 9. actioni de bonis raptis, et injuriis: nam quatuor numerantur actiones civiles ex delictis, furti, vi bonorum raptorum, injurarum, et legis Aquiliæ. Sed hoc loco posita est, quod olim competeret actio ex secundo capite legis Aquiliæ, si quis non imposita servitute ædibus vicini; et non servata forma antiquorum ædificiorum, ut l. qui luminibus, ff. de servit. urb. prædiorum, vicini luminibus officeret, de qua re Zonaras in Theoph. refert egisse mulierem quandam apud Imperatorem, quod scilicet Petronas frater Augustæ altius ædes tollendo, officeret luminibus ædium mulieris, et Imperatorem novo, atque extraordinario iudicio, verberibus cæso publice Petronæ, qui id fecisset, ei res les admissæ, easque

addixisse mulieri. Quod iudicium nec fuit sane actio negatoria, nec confessoria, sed quasi legis Aquiliæ actio. Item quod ex eodem capite competeret actio legis Aquiliæ, si contra servitutem iure constitutam aliquis extructo ædificio damnum injuria daret vicino, vel si injura deduceret aquam alienam, vel si ædificio posito, inutilem redderet arcam vicini, emittendo tritico, aut alii rei: quos omnes casus proposuit super tit. l. 1. 4. 5. 6. et 14. et illud de derivatione aquæ repetit in hoc tit. de lege Aquilia in l. 2. et adducit alium casum in l. ult. si non imposita servitute peroris pascendi immiserit pecus in agrum alienum: nec enim deficit his casibus actio legis Aquiliæ. Atque ita titulus de servitutibus, et titulus de lege Aquilia recipiunt communes casus, quod scilicet liceret, cum quid contra servitutem fieret, aut non imposita servitute, non tantum agere in rem confessoria, vel negatoria, sed etiam lege Aquilia, id est, de actione damni injuria, quæ ex lege Aquilia competit, quam puto in plerisque congruere cum actione damni injuria ex l. 12. tabul. de qua est l. quæcumque, ff. de oblig. et act. et l. pen. ff. ad leg. Aquil. et verbum rupsit, quod Festus interpretatur damnum dederit, et verbum sarcito, quod Festus interpretatur præstato damnum, solvito: quo etiam utitur l. 2. et 3. hoc tit. sed ut quodam loco Macrobius ait eleganter: *queritur sæpe novæ legis auctoritas, exolescente metu legis antiquioris, ut de ipsis XII. tabulis factum est, inquit, quorum ubi contemni antiquitas cepit, eadem illa, quæ illis legibus cavebantur, in aliorum laterum nomina transeunt*, lib. Saturnal. cap. 17. Atque ita de damno injuria pleraque, quæ cavebantur legib. 12. tabul. transierunt in nomen Gaji Aquilii tribuni plebis: est enim lex Aquilia plebiscitum.

AD TIT. XXXVI.

Familiæ erciscundæ.

Vindicatio rerum singularium, corporalium, aut incorporalium est in rem, non in personam, id est mera realis, petitio hæreditatis est mixta in rem, et in personam, l. 7. sup. de petit. hæredit. l. sed et si lege, §. pen. eodem, quia de ea actione petens non tantum suam vocat hæreditatem, quod est agere in rem: sed etiam intendit sibi dari oportere, quæ est formula actionis in personam, id scilicet, quod possessor exigit a debitoribus hæreditariis, vel id quod redegit ex venditione rei hæreditariæ, licet id nunquam fuerit in bonis defuncti, atque adeo non contineatur nomine hæreditatis: sunt etiam tria iudicia divisionis ex 12. tabul. quæ sequuntur mixta in rem, et in personam: nempe familiæ erciscundæ, communi divid.

finium regundorum: familiæ erciscundæ actio redditur inter cohæredes, sumpto a magistratibus arbitro de rebus hæreditariis dividendis: familia enim significat res hæreditarias, l. pronuntiatio, §. 1. ff. de verb. signif. non significat nomina, non hæreditatem, nam et nomina non veniunt in hanc actionem, quia ipso jure divisa sunt inter cohæredes, pro hæreditariis portionibus ex 12. tabulis, l. 6. hoc tit. et hæreditas dividi non potest, quia juris nomen est, hæreditas non est corpus sed jus, quod in bonis defuncti habemus, corporeum solum divisionem admittit: hæreditas igitur dividi non potest, l. 8. de rei vind. l. 4. in princ. ff. comm. divid. nisi scilicet hæreditatem accipias pro rebus corporalibus, quæ in hæreditate continentur, ut in §. quædam, Inst. de act. familiæ erciscundæ actionem esse de hæreditate dividenda, ut in cap. numquid, 28. qu. 1. fratres habere hæreditatis erciscundæ consortium. In glos. veterum rectissime fam. ercisc. διαπίπτει οὐδας, et in eisdem, ercisc. διαπίπτει ὑπερχόρων, divisio bonorum: verum non tantum de rebus hæreditariis dividendis est actio fam. ercisc. sed etiam de præstanda invicem indemnitate, quæ actiones personales sunt, ut si unus ex hæredibus bona fide fecerit sumptus in rem hæreditariam, hoc iudicio intendit eos sumptus pro rata sibi reddi oportere, atque ita hoc iudicio agit non in rem tantum, sed etiam in personam: vel si unus ex cohæredibus rem hæreditariam deteriore fecerit, vel si ex ea solus fructus perceperit, in hoc iudicio id ei cohæredes præstant, l. item Labro, §. familiæ, ff. cod. Illæ de rebus hæreditariis dividendis actiones reales sunt, quia uterque se esse hæredem asserit, uterque hæreditatem petit, et uterque est actor, et reus, alio tamen genere, quam quo agitur petitione hæreditatis: nam qui agit petitione hæreditatis, hæredem se esse ait, adversarium autem esse hæredem negat, at in iudicio fam. ercisc. adversarium fatetur esse hæredem, l. 1. §. et si possessor, si pars. hæred. pet. et l. fundus, qui dotis, §. si ego, cod. tit. sicut in iudicio communi dividundo fatetur adversarium esse hæredem, in finium regundorum adversarium esse affinem, id est, participem eorundem finium.

AD TIT. XXXVII.

Communi Dividundo.

Hæc actio redditur dissolvendæ communionis gratia inter alios socios, quam cohæredes: imo et inter cohæredes, l. inter, in princ. ff. fam. ercisc. l. quib. ff. pro soc. sed plenior et uberior est actio fam. ercisc. quam comm. divid. quia in actione communi divid. tantum veniunt res

communes, in actione fam. erisc. etiam veniunt res non communes, quæ non erant in bonis defuncti, sed ex bonis, veluti res depositæ, commodatæ, *d. l. inter, in princip.* et actio fam. erisc. non est de una re dividenda, sed de rebus universis, nec iterari potest, nisi ex magis causa: actione communi dividendo agi potest de una re dividenda: non de ceteris rebus communibus, et subinde agi potest communi dividendo, modo de hac re, modo de illa, per intervalla temporum: atque ita iteratur *serpius, l. si filia, §. familia, l. fundas mihi, ff. fam. erisc. l. 4. §. hoc iudicium, ff. hoc tit.* Et hæc sunt differentie inter has actiones, Ceterum hoc habent commune, quod utraque habet mixtam causam, utraque est in rem, et in personam: nam et actioni communi dividendo inest actio pro socio, quæ est in personam ex contractu societatis, et quælibet alia præstatio personalis, *d. l. 4. §. sicut, ff. hoc tit.* sed sunt et pleraque alia communia, quæ proponuntur in titulo sequenti.

AD TIT. XXXVIII.

Communia utriusque iudicii tam fam. erisc. etc.

Et illud etiam est commune utriusque iudicii, ut sit uterque bonæ fidei, *l. 3. hoc tit.* sicut petitio hereditatis est bonæ fidei, *l. ult. in fine, sup. de petit. hered.* Hujus verbi bonæ fidei magna vis est. Illud commune est utriusque iudicii, ut per arbitrum, vel ex conventionem divisionis facta alter alteri teneatur evictionis nomine, actione præscriptis verbis, quasi ex empto vendito, vel ex permutatione. Igitur divisio iustar obtinet emptionis, aut permutationis, *l. 1. h. l.* cum non possit fieri, nisi permutatis partibus: ergo factam divisionem ratam manere oportet, ita ut quodcumque obligerit, illi ei habere recte liceat, et alter alteri eo nomine teneatur: et utique tenetur etiam non intervenit pactum, vel stipulatio de evictione ipso jure, *l. 14. sup. fam. erisc.* excepto uno casu, quo non tenetur alter alteri de evictione, nisi ita convenerit nominalim, videlicet si cohæres, aut socius sciens rem, quæ sibi adjudicatur in ea casum esse, ut evinci possit, puta sciens eam esse pigori obligatam: nihilominus eam rem sibi adjudicatam acceperit, et possederit. Cur enim quando sciebat in ea re periculum evictionis, esse, non sibi prospexit conventionem, aut stipulationem ob evictionem: hæc est sententia legis 7. in fine hujus tituli. Item illud commune est, ut divisio facta ab arbitro non jure dato, veluti dato a procuratore Cæsaris inter privatos, ea divisio confirmetur ratihabitione, aut consensu sociorum, *l. 2. hoc tit.* Illud etiam commune est, ut res, quam em-

rit cohæres, vel socius sibi negotium gerens ex pecunia communi, non fiat communis, *l. 4. hujus tit.* item ut instrumenta communia apud eum deponantur, quem elegerit præses provincie, *l. 5. hujus tit.* velim addi vel quem elegerit arbiter divisionis, *l. 5. fam. erisc.* secundum generalem definitionem *l. 9. sup. de pedan. iudicib.* nam et hodie divisio honorum vel per arbitrum sit specialiter datum, vel extra ordinem per præsidem provincie. Item illud commune est, ut corpora quæ desierunt esse communia forte conventionem sociorum, vel ex destinatione defuncti, neutro in iudicio veniant, *l. 9. h. l.* quamquam ea quæ nunquam fuerunt communia, constet venire in actionem fam. erisc. ut res depositas aut commodatas: non etiam in actionem communi dividendo. Quia igitur nunquam fuerunt communia, id est, quia non fuerunt in bonis defuncti mortis tempore, veniunt in actionem communi divid. sed quia post mortem defuncti desierunt esse communia, non veniunt in actionem communi dividendo. Sunt etiam pleraque alia communia in hoc titulo, utramque actionem esse duplicem, utramque legitimam utramque perpetuam, utramque quasi ex contractu, et alia quædam.

AD TIT. XXXIX.

Finium regundorum.

Inter iudicia divisionis pono actionem de finibus, si forte confusi, obscurati, vel occupati sunt, dirigendis, dirimendis, determinandis inter affines, sive vicinos, quam actionem veteres Galli interpretantur, *plaid de bonnes*, actionem arbitriam, non bonæ fidei, sicut familiar eriscundæ, et communi dividendo, et petitio hereditatis: sed est arbitraria, sicut rei vindicatio: ex quo oriuntur multe differentie inter hæc iudicia, et dicere posset actionem de finibus eriscundis, ut Apulejus in *Metamorphosi* dixit, *vim eriscundæ*, nec ambigitur quin actio finium regundorum sit mixta in rem et in personam, ut superiora iudicia divisionis: est igitur quadriga mixerum iudiciorum petitio hereditatis, fam. erisc. communi divid. et finium regundorum, quas tamen existimandum est esse magis in rem, quam in personam, ut ait *l. si quis, D. comm. divid. l. furiosus, D. de obligat. et act.* id est, principaliter esse in rem; nec enim sunt ex contractu, vel obligatione, et hereditatem potissimum vindicant, vel id quod cuique competit in hereditate, aut re communi: vel etiam fines agrorum, ut *Nov. 69. et l. 3. hoc tit.* recte ait, actionem finium regundorum cohæres proprietatis controversiam, id est, non tantum esse in personam, sed magis in rem: id est, pro rei simili-

catione est, ut ait *l. 1. ff. eod.* est in persona: nam admittit etiam rationem ejus, quod ad finem ad finem dare facere oportet, in *§. si finium, Instit. de officio judicis, et l. 4. §. 1. ff. hoc tit.* Denique est actio personalis et realis. Et quia est actio personalis, ut ceteræ, nec usucapio ei actioni obstat, nec præscriptio longi temporis decem annorum inter presentes, et 20. inter absentes, quæ tamen alio respectu, quæ realis est actio, magis videtur ei subjienda: nam hoc est certissimum, realem actionem perimi exceptione 10. aut 20. annorum, personalem 30. aut 40. annorum, secundum distinctionem actionum: hæ enim reales, et personales non nisi præscriptione longiore, id est, XXX. annis extinguuntur eo inspecto potius, quod personales sunt: et actio finium regundorum datur tantum si lis consistat intra quinque pedes. Igitur actio finium regundorum non tollitur præscriptione nisi 30. annorum. Si sit lis de ampliori terra, de loco, non de fine, cessat actio finium regundorum: estque actio in rem, quæ perimitur præscriptione longi temporis: quod ait lex ult. *C. Theodos. eod. tit.* quinque pedum præscriptionem esse summatim, hoc est de controversia quinque pedum, quæ est finis finium cognoscere arbitros tres ex 12. tab. vel arbitros singulos ex *l. Mamiliæ*, non observata præscriptione longi temporis: et repelli potest hac exceptione tantum: si veteribus finem cum signis limites inclusus congruum erudita arte præstiterit. Et ita etiam in Concilio Hispanensi 11. si veteribus signis limites præfixus monstraverit reo ius retentionis: et signis, ut Poeta ait, signare campum, et Arcadius Augustus apud auctores Grammaticos cum signis et sigillis terminos constituimus. Ergo ex *l. 12. tabul. et l. Mamiliæ* non erat usucapio intra quinque pedes: quoniam, ut Aggenus Urbicus ait, hanc latitudinem iter ad culturas accedentium occupat, vel potest cum prædio, *l. si aliena, §. hoc jure, de usucap.* iter limitare usucapi non potest, sed neque acquiri longi temporis præscriptione ex *l. pr. et ult. h. tit.* necessaria est præscriptio 30. annorum.

AD TIT. XL.

De consortibus ejusdem litis.

Ut rei ita et litis est societas, sive communitio quedam, quoties plures ejusdem rei nomine, vel agunt, vel conveniuntur, et breviter, consortes ejusdem litis sunt quorum communis est res in judicium deducta, *Æschylo sunt συνδικοί*, cujus interpretes ait *συνδικοί λέγονται* etc. quorum in eadem lite par causa est. Alias Pindaro *συνδικοί*, sunt testes, qui testimonium præbent illo loco: *συνδικός δὲ αὐτῶν ἰσχυρὸν τύμβος*, quod veteres glossarum auctores non

adnotant, alioqui ita ego non recitarem: nobis autem syndici sunt actores, sive defensores civitatum, a'iorumve corporum, *l. placet, sup. de Episcop.* qui procuratorum partibus funguntur, *l. 6. §. pen. ff. quod cuiusque univers.* sed ad rem. Consortes ut dixi, ejusdem litis sunt quorum communis est res in judicium deducta, quorum in eadem lite par causa est, de qua simul litem contestantur. vel unus eorum tantum: nam si unus tantum litem contestetur, non desinunt esse consortes, quod notandum: nam posset quis existimare consortes ejusdem litis esse tantum eos, qui litem contestati sunt simul: quod tamen est falsum: nam ante Constantini constitutionem unus ex sociis absentibus, et invocatis sociis litem agere, et contestari potuit, nec consorti uni agenti ceteris absentibus, potuit opponi exceptio, vel ipse potuit absentium consortium opponere exceptionem aliquam, quasi oporteat præsentem omnes adesse, omnes consortes litis ejusdem, ut ea res agatur recte. Verum si unus consortium litem contestetur suo nomine, et pro sua parte habeat, ex lege Constantini si agat, repelli potest exceptione hujusmodi, quod agat non adjuncta persona consortium, vel si conveniatur solus, ex eadem lege Constantini se tueri potest hac exceptione, quod habeat consortes, quos vocare oporteat prius, quam in illum agatur: et ita cavisse Constantinum constat ex *l. 1. Cod. Theod. de dominio rei quæ possess.* Et inde Sidonius Apo'linaris 4. Epistol. *Non est cur dicere incipias: habeo consortes, nec dum celebrata divisio est: quod malis creditoribus dicitur bene: quasi velit dicere, bono creditori, qui remittit omnes, non esse has objiciendas exceptiones, sed benigne, et liberalissime esse ei addendum, has exceptiones servari in acerbos creditores.* Et hoc, ut dixi, ex lege Constantini nova: nam ante Constantinum hoc non obtinuit, nec fuit huic præscriptioni locus, quia ante Constantinum cum quo consortium ei collibuisse, actor præteritis ceteris potuit experiri pro parte sua, vel si actor haberet consortes, sine voluntate eorum pro sua parte experiri potuit. Et potest etiam hodie ex Constitut. Juliani *l. 1. h. t. restituito jure antiquo*, et abrogata *l. Constantini*, potuit pro sua parte quisque et pro sua persona agere, vel respondere, non expectatis consortibus, quod est verissimum indistincte, sive omnes consortes sint unius fori, sive diversi, et sive jam omnes simul litem contestati sint, vel defunctus cui heredes extiterunt, ut *l. si petitor, et l. non idcirco, ff. de jud.* sive nunc primum judicium dicet, vel accipiat unus eorum, pro parte, absentibus aliis consortibus. Denique sublata est exceptio Constantina quæ moram quandam inferebat lit. Et male Accursius *l. 1. hujus tit.* addit hæc verba: post hanc

contestata ab aliis : nam et si lis non sit contestata ab aliis consortibus, et ab uno nunc contestatur pro una parte, cessat exceptio illa quam introduxerat lex Constantini, et est, ut dixi, l. 1. de consorte eo, qui solus agit pro sua parte, sique persona, ut huic iudicio morem non adferat mora consortium : qua de re dubitabatur maxime propter illam l. Constantini : nunc queramus, quid sit dicendum si communi nomine unus agit : et hac de re est l. 2. *hoc tit.* potest communi nomine unus agere sine mandato consortium, oblata satisfactione de rato, vel defendere, oblata satisfactione iudicatum solvi, l. ult. *hoc tit.* et hoc etiam in distincte, sive absentes litem contestati sint, sive ipse solus contestari velit : nam hæc verba l. 2. *post litem legitime ordinatam*, non significant, ut existimat Accursius, hanc contestationem. Aliud est litem contestari : aliud ordinare. Contestari est apud iudicem rem omnem narrare, et exposcere utraque parte præsentem, et respondentem, præsentibus testibus, vel in foro, ut supra de litis contestatione : ordinare autem litem est præparare, et constituere, sive informare personam actoris, et rei, et iudicis, ac se præmunire, ut antequam lis contestetur de inofficioso testamento, litis ordinandæ gratia præsumitur, aut cognoscitur bonorum possessio unde liberi, vel unde legitimi, vel unde cognati, l. Papinian. §. 1. et 2. ff. de inoff. testam. et quod ordinabatur in l. 20. ff. de probat. id est, lis præparabatur in eadem re in l. liberis, §. ult. ff. de liber. causa : ergo sententia l. 2. *hoc tit.* hæc est ; consortium cavere de rato si solus agit communi nomine, absentibus et ignorantibus aliis, non etiam palam contradicentibus et vetantibus : vel etiam eum cavere de iudicato solvendo, si solus defendat rem omnem statim post ordinatam litem, ac pene in ipso articulo ordinandæ litis, et ante litis contestationem, ut in l. Pomponius, §. ult. ff. de procurat. ideoque dicitur satisfactio ratihabitionis exigi ab eo, qui agit alieno nomine ante litis contestationem, in præparatione iudicii, aut mox a præparatione ipsa : nam semel lite contestata non compellitur satisfacere de rato, vel de iudicato solvendo : nam de se queri debet adversarius, sibi que imputare, qui in tempore cautionem non exegit : non inficior tamen quin uno casu possit etiam post litem contestatam ab omnibus, vel adversus omnes exigi cautio ab uno ex consortibus, si alii abesse coeperint, et unus communi nomine rem persequi velit, argumento leg. nihil, sup. de procur. quæ ostendit, procuratorem recte dari post litem contestatam, qui persequatur litem quam nos inchoavimus. Et potest igitur qui libet quasi procurator litem contestatam ab alio persequi, et peragere : sed si non constet de mandato, vel si non sit ex his quibus agere licet sine

mandato cavebit de rato, vel de iudicato. Denique hoc solo casu hæc cautiones interponuntur post litem contestationem, cum scilicet post litem contestatam a domino, vel dominis, intervenit unus, qui domini nomine, aut communi nomine rem exequatur : alioqui hæc cautiones præstantur ante litem contestatam post litem ordinatam : nam lite ordinata, solemnibusque præparatis, nihil restat aliud, quam ut cautiones iudiciales exigantur : et valde notandum est quod ait l. 2. consortium communi nomine agere, sine mandato consortium : sunt quædam persone quibus licet agere sine mandato, nisi ii, quorum res est, palam contradicant et vetent : hoc enim casu non admittuntur, nec si offerant cautionem de rato, l. Pomponius, §. ult. ff. de procurat. alias agere præstat alieno nomine sine mandato, veluti parentes, liberi, fratres, imo etiam affines, et liberti, alter pro altero, et maritus, l. sed et hæc personæ, ff. de procur. et l. maritus, sup. eod. tit. His adjungamus ex d. l. 2. etiam consortium, ut cujus res est pro parte eam sine mandato sociorum possit totum in iudicium deducere, oblata satisfactione de rato, atque præstita, vel satisfactione iudicatum solvi.

AD TIT. XLI.

De noxalibus actionibus.

Noxales actiones sunt in personam, non in rem, quia sunt ex privatis delictis servorum, quæ sunt quatuor, furtum, bona rapto, damnum injuria datum, et injuria sive contumelia, seu convitium, quod scilicet servi commiserunt in scio domino, vel sciente domino et vetante, aut nequente vetare : et quod his actionibus agatur ut noxa emendetur quam fecit servus. Hoc principaliter agitur : nam his actionibus non principaliter agitur, ut dominus noxæ servum dedat, sic ἐνδραχ, ut glossæ interpretantur, sed ut condemnentur dominus sarcire damnum, quod fecit servus ut ait lex 3. in fine *hoc tit.* nam actio noxalis poenalis est, et pecuniaria, l. 10. §. quoties, ff. de compensat. ideoque ea lex ait, dominum, qui convenitur noxali iudicio, quia pecuniaria convenitur, et pecuniaria locum tantum habet in causis pecuniariis, posse opponere compensationem : et elegantissime in l. 6. §. 1. ff. de re jud. noxæ deditionis nullum iudicium est, sed pecuniariam condemnationem præcedere, sequi noxæ deditionem, id est, dedendi servum in noxam facultatem, quod etiam indicat formula sententiæ, quæ solet interponi in noxali iudicio, ut apparet ex tit. de officio jud. Instit. Publium Mævium Lucio Titio in decem aureos condemno, aut noxæ dedere, præcedit verbum condemnatio, quam sententiam facile sequitur potestas dedendi noxæ : denique in condemnatione est

æstimatione litis damni: in solutione noxæ deditio ex 12. tab. quia scilicet æquum est ut nequitia servi extra corpus ipsius servi domino non unceat. Igitur etsi sit condemnatus in litis æstimationem, tamen liberabitur ipso jure, si antequam conveniatur judicati, offerat servum noxæ dedere, id est alienare a se, et dare ei cui nocuit. Et nota quod dixi, antequam conveniatur judicati, puta in decem annos, non est ei jus dedendi noxæ. Post actionem judicati servus est deditio noxæ, *l. item veniunt, §. idem recte, ff. de petit. hered.* ergo noxæ deditio, quæ fiat ante acceptum judicium ex causa judicati, licet liberat omnino a condemnatione, non tamen liberat si quid ad eum ex delicto servi pervenerit, nisi et id quod pervenit, restituat actori, quæ est sententia legis pen. hujus tit. Et recte supra dixi, actiones noxales dari ex privatis servorum delictis: nam legibus publicorum judiciorum, servi rei fieri possunt fore ex omnibus legibus: sed ex privatis cum servo nulla est actio. Ceterum ex causa publici criminis servus fieri reus potest *l. hos accusare, §. omnib. ff. de accusat.* Et ubi servus reus fieri non potest cessat actio noxalis. Lege Cornelia de beneficiis etiam servus reus fieri potest, quando, ut Cicero ratiocinatur pro Cluentio, generaliter concepta est hoc modo: qui venenum malum fecerit, dederitque: omnes, inquit, viri, liberi, mulieres, servi in judicium vocantur: leges publicæ, quæ comprehendunt servos plurimque ita loquuntur: qui et quicumque, non dicunt, qui cives Romani, ut in *l. Falcidia*, sed qui et quicumque non notata rei conditione. Et ita in Ulp. *Fragm. tit. de officio proconsulis*: lex Cornelia, inquit, eum qui hominem occidit, coercet, nec adjicit ejus conditionis sit, ut et ad servum, et ad peregrinum pertineat. Et ita Vopiscus in Aureliano; Aurelianum Imperatorem multos servos familia propria, qui peccaverant, judiciis publicis, legibus publicis, puniendos dedisse. quia scilicet servi sunt capaces publicorum judiciorum. Præterea dixi, dari noxales actiones in dominum, si servus deliquisset in acio domino, aut vetante: nam si deliquerit sciente domino nec prohibente, cum prohibere potuit, si jubente domino, si opem aut consilium dante domino, cessat actio noxalis, et tenetur dominus suo nomine in solidum, *l. ult. hoc tit.* quæ est etiam in hoc singularis, ut intelligas actionem furti ope, consilio tuo furtum factum esse, omnino esse in duplum: hoc tantum restat quod dixi supra de domino sciente, id confirmari *l. pen. hoc tit.* restat etiam illud monendum: noxales actiones recte sequi rei vindicationes, quia actio ad exhibendum, quæ sequ. tit. proponitur, non datur tantum vindicatori, sed etiam actum noxali judicio: qui est acturus vindicatione, vel qui actur-

Tom. IX.

rus est noxali actione, agit prius ad exhibendum, ut exhibeatur prius res, quam vindicatione agatur, ut exhibeatur is homo, qui nocuit: communis actio utrique judicio fecit, ut vindicationi jungere-
tur noxalis actio.

AD TIT. XLII.

Ad Exhibendum.

Post titulum de noxalibus actionibus datur titulus ad exhibendum, id est, de actione ad exhibendum, quæ et exhibitoria dicitur, quia hæc actio ad exhibendum, sive formula ad exhibendum, ut loquitur Plinius in epistolis, datur maxime propter vindicationes, de quibus actum est supr. quia vindicator maxime desiderat sibi exhiberi rem, quam vindicator est: propterea quod vindicationes fieri oportet in re præsentī, vel ex fundo, si fundus vindicatur, glebula allata in jus, id est, ad sellam prætoris, ut formula vindicationis demonstrat: hanc ergo rem præsentem esse oportet: sic acturus noxali actione, ut dixi, agit ad exhibendum, *l. 3. §. si quis noxali, ff. eod. tit.* Atque ideo, ut actio est communis, ac veluti præparatoria vindicationis, et noxalis actionis, sic interdictum de liberis exhibendis est præparatorium interdicti de liberis ducendis ut ait *l. 3. §. 1. D. de lib. exh. b.* exhibitionem enim sequitur vindicatio, quæ est directa et principalis actio in *l. 3. §. ibidem, et l. si quis hominem, D. eod. tit.* nisi scilicet reus arbitrio judicis conventus actione ad exhibendum rem, ut sit plerumque, si velit effugere æstimationem litis, restituerit actori nam exhibendi verbum etiam restituendi significationem recipit, *l. Julianus, §. quantum, D. eod. l. ult. D. de verb. signific.* quæ breviter sic accipienda est, ut exhibere non sit simpliciter copiam rei facere, præsentem rem facere, sed efficacius accipitur pro restituere sive facere potestatem vindicandæ rei, et assensu sibi: et ita in *l. pacto, sup. de partis*, exhibendis chirographis, et restituendis, quæ data fuerant ob rem, ut qui ea acciperet, res alienum etiam omne susciperet: vel etiam exhibitionem sequitur noxæ deditio: noxæ autem deditio parit vindicationem quasi domino ei cui servus est noxæ deditus: nam deditio noxæ, translatio, sive mutatio domini est: dicitur autem actio ad exhibendum, actio incerti, *l. pen. D. de pos.* quæ datur magis in id quod interest cujus æstimatio non est certa, sed arbitraria, quæ in rem datur. Et sane iudice jubente exhiberi, is qui non paret arbitrio judicis: nam et jussum illud appellatur arbitrium, jussum, et præceptum in *l. 7. hoc tit.* ex quo intelligimus hanc actionem esse arbitrariam, qui, inquam, ut fit in aliis actionibus

135

arbitrariis, arbitrio non pareat, id est, qui jubenti rem exhiberi non obtemperat, condemnatur in id quod interest, *l. Julianus §. ult. D. eod.* Ac proinde dicta est actio incerti in id quod interest: vinclicatio est actio certi: nam aut fit in rem presentem, aut quod pro rei presentis signo fit: et sic dicitur actio exhibitoria, actio ad exhibendum, sicut actio redhibitoria, actio ad redhibendum in *l. 28. D. de edil. edic.*

AD TIT. XLIII.

De Aleæ lusu, et aleatoribus.

Sequitur titulus 43. de aleæ lusu, et aleatoribus, sub quo sunt duæ Constitutiones Græcæ: male ponebatur constitutio de aleæ ultimo loco tit. seq. et sequitur hic tit. recte quidem secundum ordinem edicti perpetui, cujus rationem reddidimus in Digestis: nam ut paucis id repetam, tractatus de lege Aquilia subijciebatur proxima actio de servo corrupto, Aquilæ de servo corpore corrupto actio servi corrupti, de moribus servi corruptis, qui tum peiores esse aestimantur pessimi, cum facti sunt fugitivi, sive aleatores: sunt hæc vitia summa servorum: et ideo in D. post titulum de servo corrupto, datur titulus de servis fugitivis, et deinde titulus de aleatoribus, et extat satis ratio ordinis in D. ac proinde is quidem titulorum ordo hic servatur, series autem illa rerum, quam exposui modo, non servatur: nec enim res ulla præcedit, quæ cum conferri hic titulus possit, sed constat tamen ratio hujus ordinis ex integra ordinatione edicti perpetui, quod permansit in Dig. Aleæ autem nomen complectitur omnem fortunæ lulum, ne dum talorum, aut tesserarum jactarum epyxide, ut fit etiamnum hodie in Italia: item ex fritillo, aut phimo, quam pyxidem opinor significari illo Juvenalis versu,

Partos gladio, vel pyxide nummos.

Nec tamen omnis alea legibus prohibetur. Excipiuntur constitutione prima hujus tituli (utraque est Justiniani) quinque ludi, quia hi suscipiuntur magis virtutis causa, quæ est etiam ratio *l. 2. D. ad leg. Aquil.* sunt autem nomina horum ludorum valde insolita et nova, si conferantur cum veterum lusibus legitimis ut scilicet feriat artes Justiniani desiuens in barbariem. Ideo explicantur male, cum tamen non sit difficile ea explicare: imo vero substituantur rejectis veris nominibus, alia peregrina et extranea. Primus ludus dicitur *παρόβολον*, id est, saltus singularis. Secundus dicitur *χοροπαρόβολον*, id est saltus conto suffultus. Tertius est *πυξιδίος κόνις* *χωρίς τῆς πόρεως*, id est, jacu-

latio hastæ, vel conti, vel pili sine cuspile. *pour ne b'esser l'un l'autre.* Quæ, ut Balsamon docuit recte lusio dicta est a Quintano quodam inventore, et hodie in Italia vocatur Quintana. Permittitur etiam *πρὸς τὴν*, colluctatio, permittitur et *ἱερὴν*, id est, Troja, ut dicebant veteres, sive Pyrrichæ, vel apertius curriculum equorum, cui *ἱερὴν* adiungi possunt quasi similes *κὺρσος*, et *τάρις*, ludi explicati a Nicephoro Gregora lib. 10. Histor. Hi igitur lusus, quia virtutis ergo instituuntur, legibus vetiti non sunt. Ceterum est alea legibus vetita, si non vescendi causa ludatur, ut ait *l. ult. in princ. D. eod.* quod in convivio vescendi causa ponitur, in eam rem familia ludere permittitur, id est familie permittitur ludere in eam rem: est Græcus mos loquendi. Igitur interdicti sunt tantum lusus, si pecunia posita ludatur: et non tantum si ludatur pecunia posita, sed etiam, quod maxime notandum est ex *l. 1. hujus tit. si ludatur positus lupinis*, *διψοῖς*, *une espece de legume.* Lupinis lusitant hodie etiam pueri in Italia. Plautus vocat argentum Comicum, nos *Argent de Bazoche.* Et ita illud intelligitur hodie apud Horatium,

Quid distent ara lupinis.

Non licet ludere positus lupinis nec alia re ludrica, *avec des marques*: scilicet si postea solvenda sit victori pecunia: hac fraude aleatores conabantur eludere vim legum, quasi luderent jocandi gratia, ut pueri, non serio: sed hoc etiam districtè inhibetur, si postea veri nummi sint persolvendi victori: et de iis est *l. 2. 3. et ult. sup. de Episcop. et cler.* fuit alea coercita multis legibus: olim fuit non leve crimen.

Sunt etiam scriptæ, quibus alea luditur, artes Hoc erat ad nostros non leve crimen avos.

Non est petitio hujus pecunie, quam quis alea vincit, etsi id appareat ex emissionem lupinorum: quod ostendit *lex 1. h. l. l. pen. ff. de naut. jæn.* non esse conditionem ejus, quod quis alea vincit: et si petatur obstat exceptio hæc: nisi in alea gestum fuerit, *l. in except. §. ult. de probat. l. ult. §. ult. D. quarum rer. actio non detur*: et si forte victus siverit sciens prudensque, quod novum est, ei competit condictio: regulariter, qui sciens solvit indebitum, non condicit, quia donasse videtur, et hoc sane est indebitum legibus, ac nihilominus odio aleatorum consultum est: nam qui sciens solvit, quod in alea amisit, id condicit postea quasi indebitum, vel si uoluit condicere, id condicere potest civitas, vel defensor civitatis, vel præses provincie, vel in urbe præfectus urbi, ut id scilicet est erogat in opera publicæ: quæ cura olim in urbe ad ædilem curulem pertinebat. Martialis lib. 5.

*Et blando male perditus fritillo
Arcana modo raptus in popina,
Ædilem rogat ulus Aleator.*

Et 15.

Nec timet Ædilem moto spectare fritillo.

Et Seneca in Declamationibus: loca Ædilem metuenda, vocat popinas in quibus luditur, et prostibula: in municipiis autem prætor civitatis, qui dicebatur, ut auctor est Ulpianus interpretes Demosthenis, erat similis ædili plebis. In urbe olim etiam de alea fuit actio pœnalis in quadruplum ejus, quod ex alea tulisset victor, ut scripsit Asconius Pedianus. Hodie est in simplum, et ut opinor, actio famosa, quia in parentes, et patronos non datur, nisi utilis, id est, in factum, suppresso illo nomine turpi aleæ, ne infametur ille personæ, l. ult. in ff. cod. Aleatorum quoque nomen in jure censetur esse infame: ideoque et actio est infamis in l. 26. ff. de injur. l. fugitivus. ff. de verb. signific. ea causa, ut Ammianus Marcell. scribit 28. contereunde rei causa, se vocabant tesserarios, honestiori nomine, et honestissimo invento: nam et latrones scribit Aristoteles in Rhetoricis contereunde rei aut causa se non vocare latrones, sed pæpētēs, quasi dicant, se non prædari, sed victum querere. Ita etiam in hac causa valde nove constit. est ed. prætoris in l. 1. ff. cod. ut impune furtum fiat a quocunque domi ubi alea luditur, et ita impune, ut neque possit agi actione speciali furti, nec conditionis, aut vindicatione rei furto ablata: impune susceptori etiam aleatorum fieri injuriam, et damnum injuria dari, quia dignus est odio majore, quam aleatores ipsi susceptores aleatorum: atque ita habetis casum, quo impune furtum fit, et damnum injuria datur, l. 1. ff. cod. et notandum etiam est, eum, qui ergit aliquem ad ludum, vel statim ab initio, vel victus eum domi retinet, victorem mulctari acerbissimo edicto prætoris, vel multa pecuniaria, quæ arbitraria est, vel duci in latronias, *en une grutte*, aut in vincula publica, quod malo more hominem liberum corgerit, d. l. 1. et 2. et odio hujus rei est constitutum in d. l. 1. ut repetitioni hujus, quod quis alea amisit, vel prestitit, nulla obstat præscriptio temporis, nisi 50. annorum, qui casus est singularis, in quo 50. annorum præscriptio exigitur, nec sufficit communis: in l. 2. etiam interdicuntur quasi equi ignobiles et sordidi, equi lignei, ὄλυντ' ἱερὰ, quia et is ludus in aleæ speciem cadit, nec suscipitur virtutis causa, ut superiores quinque, quibus permittitur ludere etiam in pecuniam, sed certam definitamque, l. 1. hoc tit. et permittitur etiam sponationem facere, ut in l. 3. ff. cod. qui est un ieu

de prix, quod Græcis est οὐδ'αὐλίζω, mettre un prix, et postremo arcana illa popina ubi alea luditur constituitur d. l. 2.

AD TIT. XLIV.

De Religiosis, et sumptibus funerum.

Potest hic titulus referri ad vindicationes de quibus agitur in h. lib. ut intelligamus scilicet, in eas non cadere res religiosas. Pro certo constabat sacras et sanctas res vindicari non posse quasi nostras, quia nullius in bonis sunt, et divini juris sunt potius, quam humani: non possunt etiam jure domini quasi nostræ vindicari res, aut loca religiosa, veluti monumenta, et sepulchra, in quæ mortuus illatus est, l. 4. h. tit. l. in rem §. 1. l. quæ religiosis, ff. de rei vindic. non possunt etiam vindicari lapides, qui his adherent, non possunt usucapi, non vendi, non pignori specialiter: nam vendito prædio sequitur etiam monumentum, sive sepulchrum, quod est in eo prædio, nisi sit amplissimum quoddam sepulchrum, et religiosissimum, puta Mausoleum: nam modica tantum loca religiosa accedunt venditioni minoris prædii, l. 3. D. de sepulc. viol. l. in modicis, ff. de contrah. empt. sicut simulachra accedunt edibus, licet religionem aiqua in se habeant. Corn. Tacit. lib. 1. id accedere domibus. Et ita etiam Ambros. lib. 10. de Abraham cap. 9. Sepes, inquit, alienationibus possessionum venalium serviunt, quæ in eisdem locis sepulchra sunt, modo sint modica, d. l. in modicis. Et ita etiam, quæ non possunt specialiter, et per se, possunt universaliter enim, vel vendi: rei nostræ nulla emptio est, possum tamen et cum tota re partem meam emere, ut in l. quod si uno, §. ult. D. de in diem. add. et fundum dotalem, quem accepi ab uxore non possum vendere, cum universitate agrorum possum vendere, l. 3. et 4. de fundo dotali. Sequitur in tit. et de sumptibus funerum. Qui fecit suum prius suaveris, qui explevit supremum officium defuncti, si non fuerit defuncti hæres: et si alia actio ei non sit, puta ex contractu habito cum hærede defuncti, semperque pio officio functus est, ei datur funeraria actio adversus hæredem, vel bonorum possessorem, vel adversus patrem ad quem dos premortuæ filie redit. Et hæc actio etiam est ante privilegia, id est, ante creditores privilegiarios, et competit etiam huic actio singularis atque extraordinaria, si quid quis consumpserit in mortuum, et curationem defuncti: nam recuperat ordinem a defuncti hæredibus.

JACOBI CUJACII J. C.

Ad Lib. IV. Codicis.

RECITATIONES SOLEMNES.

*Ad TIT. I.**De Rebus creditis, et jurejurando.*

Libri quarti titulus primus est de rebus creditis, et jurejurando, ut manifestius appareat, duas esse actiones, duasque tituli partes. Prior pars est de actione si certum petatur de rebus creditis: posterior est de jurejurando: posterior, inquam, si ordinem scripturae spectes: nam certe est prior si religionis honorem spectes, et sanctitatem, et proximitatem tituli de relig. et sumpt. fun. Est enim jusjurandum affirmatio religiosa, qua firman- tur pleraque inter homines, Deo immortalis inter- posito, tum iudice, tum teste: nam ei soli debetur jusjurandum: et sic dicitur jusjurandum quasi jus sacrum, quod sit jusjurandum, Deo teste et iudice. Et vero de jurejurando, et de jure sacro prius etiam tractatur, rejecta parte de rebus cre- ditis in tit. seq. ut apud Naevium Poetam, *Jus sa- cratum Jovis jurandum sanguine*: et Virg. signi- ficantem jusjurandum:

Sut mihi Grajorum sacra resolvere jura.

Sciendum autem est, ex jurejurando nullam esse actionem jure civili, sicut nec ex pacto, nisi uno casu introducto lege Julia et Papia: si libertus donum, munus, vel operas se daturum patrono juraverit, praesente patrono: nam si absente patrono juret de operis nihil agit: sic qui in absentem pronunciat, nihil agit, l. 60. ff. de re judic. Haec tria paria sunt, jusjurandum, res judicata, et confessio, quae nullius sunt momenti si fiant percontus, id est, si absenti fiant. Et de hac obligatione jusjurandi etiam agitur in l. ut jurisjur. ff. de operis libert. et l. ser- vum, D. de manum. testam. l. et per jusjurandum, D. de acceptilat. l. 6. §. si quis absente, ff. de confess. l. ult. ff. de liber. cau. De operis igitur, dono, vel munere liberti obligantur ex jurejurando. Alioquin nulla ex eo actio est. Sed ut perstamus in ea comparatione jurisjur. cum pacto, sicut pa- cto convento formatur actio ex ipso contractu, ita jurejurando: ut si quis precuam se credidisse ju- raverit, erit actio si cert. pet. de jurejur. sicut si juraverit se emisisse, erit actio ex empto de jurejur. si se societatem fecisse juraverit, erit actio pro so- cio de jurejur. l. si duo, §. si quis, ff. de jure- jur. vel si jusjurandum sequatur sententiam judicis, erit actio utilis judicati, quasi novatione facta, l. 8. hoc tit. erit actio in factum, ad exemplum judi-

cati. Omnes in factum actiones sunt utiles, et omnes actiones utiles sunt in factum. Frequens est com- paratio pacti cum jurejurando maxime debito ab adversario, veluti facta pactione quadam, ut res expediretur jurejurando, l. 2. l. tutor, ff. de ju- rjur. utroque modo tollitur ipso jure actio inju- riarum, l. non solum, §. 1. ff. de injur. actio in- juriarum tollitur pacto ex 12. tabul. tollitur, et jurejur. ex dissimulatione tollitur anno, nec ulla est actio in jure, quae aboleatur facilius, utroque modo tollitur naturalis obligatio, quae tamen parit exceptionem pacti, vel jurisjur. Ex pacto bodie certum est nasci obligationem naturalem, aequae certum esse dicitur ex jurejurando nasci obligatio- nem naturalem, et convenienter ex ea fidejussorem teneri. Nec huic sententiae obstat l. si quis pro eo, ff. de fidejussor. quae ait, eum qui juraverit se operas praestaturum, et satisfecerit, nihil egisse: fidejussorem enim datum ab eo non obligari: quod si ita est, sequitur, non obligatum fuisse natura- liter eum, qui fidejussorem dedit interposito jure- jurando. Ergo non videtur oriri naturalis obligatio ex jurejurando, quae si oriretur, fidejussor tene- retur: sed animadvertendum est eam legem loqui de servo homine, qui de operis juraverit, non de liberto, quem solum libertum dicimus naturaliter, et civiliter obligari ex jurejurando, ita ut conve- niri possit, et duci in jus invitus. Dico ergo in ea specie, non libertum, sed servum per errorem, cum putaret se esse libertum, qui juravit de ope- ris alteri quasi patrono praestandis, hic error im- pedit omnem obligationem, adeo ut nec naturaliter obligetur, qui juravit de operis praestandis errans: et merito igitur fidejussorem non teneri dicitur: sed ut alio argumento ostendatur similitudo inter pa- ctum et jusjurandum: quia de re pactum non ser- vatur jusjurandum, id est, non magis obligamur jurejurando servandae rei, quam injurati cogemur servare, l. jurisgent. §. et generaliter, ff. de pact. l. non dubium, sup. de legib. quod tamen, ut puto, Pontifices mutarunt, volentes quaedam valere ex jurejurando, quae non valent ex pacto, videntur esse perjuriarum auctores: est illicitum jusjurandum perjurio adsimile. Illud etiam obser- vandum est relatis superiore libro actionibus in rem: et mixtis, quae tamen magis in rem sunt, actione exhibitoria, quae est praeparatio actionis in rem, nunc ab hoc lib. 4., initium fieri actionum in personam, et in h. l. l. proponitur actio si cer- tum petetur ex jurisjur.

*AD TIT. II.**Si certum petetur.*

In hoc titulo proponitur actio si certum petetur,

videlicet de rebus creditis, quæ proprie datur ex mutuo, vel ex stipulatione, quæ præcedit, vel sequitur mutuum: nihil enim interest, l. 7. §. ult. ff. de transact. Creditum dicimus tripliciter: communiter omnem obligationem, etiam eam, quæ non nascitur ex crediti causa, l. omnem, ff. de judic. et proprie obligationem ex contractu: et tertio idcirco obligationem ex mutuo, adeo ut proprie creditum nihil aliud sit, quam mutuum, et nihil aliud creditor, quam is, qui mutuum pecuniæ dedit: ceteros enim habemus creditorum loco, l. 18. et 11. ff. de verb. signif. debitor etiam maxime proprie, qui mutuum pecuniæ accepit, l. 4. §. is quoque, ff. de oblig. et act. et l. 11. hoc tit. Incendium, inquit, ære alieno non liberat debitorem. Quæ sententia tantum vera est in debitore pecuniæ. Adde usufructum, ut in l. ult. inf. de naut. fœn. Et ita actio in personam quæ ei, qui mutuum pecuniæ dedit, in debitorem competit, proprie dicitur certi conditio: neque enim vaniunt incerti in creditum: mutuum dicitur actio si certum petatur de rebus cred. Et tamen sicut creditoris, et crediti nomen minus proprie accommodatur ad omnes causas, quibus certum petitur, l. certi, ff. eod. et ei adversa conditio incerti est etiam generalis. Sunt autem verba hæc si certum petatur verba edicti omnes tituli joris sunt confecti ex verbis legum, vel edictorum, et ita verba illa accipienda sunt, si certum petat. id est, si certum pet. dari, id est, rem fieri petitoris, et dominum petitorum fieri: dare enim est dominium transferre, nec intelligitur recte solvere, qui solvit alienam pecuniam, quæ de causa in solutionibus olim dicebant, *puri profani, sui auri*, quia male quis solvit de alieno, quia dominum non facit accipientem. Contra in tit. ff. si usufr. petet. et si ager vectig. petet. sic accipienda sunt illa verba, id est, si petetur restitui quasi suus, vel, si suus esse petetur: nam actiones eorum titularum sunt vindicationes: actio si certum petatur, est conditio: intendit igitur dari oportere, nec quod debetur suum esse asserit. Neque vero nostri auctores tantum: sed alieni rem creditam referunt tantum ad mutui causam, ut Fabius lib. 4. cum rem certam creditam separat a locato, et conducto, et Seneca 3. de beneficiis: *Pars optima beneficii parit, si actio, velut certa pecunia, aut ex locato, aut ex conducto datur.* Et apud Festum, lex de pecunia credita dicebatur pecunia fœnebris. Itaque hic titulus sic accipiendus est, si certa pecunia credita, id est, mutua petatur dari. Denique hic titulus est de mutuo: mutuum est alienatio pecuniæ quæ fit sub lege reddendæ quantitatis ejusdem: consistit enim in quantitatibus, ut numero, pondere, vel mensura, non in his, quæ corpore solo

inducuntur, in quibus consistit commodatum, depositum, pignus, precarium, sed non mutuum.

AD TIT. III.

De suffragio.

Jam habuimus unam actionem, si certum petatur, de reb. cred. fuit et alia actio si certum petatur de chirographis, cum quis ex chirographo convenitur, quasi mutuum pecuniæ acceperit, licet non acceperit, quam tamen se caverit accepisse, de qua in l. ult. tit. super. l. 2. et l. 89. ff. de solut. Est etiam alia actio si certum petatur de suffragio, de qua hic titulus est, qui ita insertus est eidem Codici de suffragio, si certum petatur. Hæc actio tenetur, qui honorem, vel privilegium impetravit a principe, suffragante aliquo, ut rem pecuniæve certam, quam pro suffragio, faventia, vel intercessione fidepromisit præstet. Igitur suffragii promissi nomine actio est, sive petitio, nec est illicita stipulatio ex constitutione hujus tituli, si quis aliquid stipuletur sibi dari pro suffragio erga principem: quin immo suffragium unicuique elaudiri licet in aula, et pecunia elicere, et suffragium licet vendere, dummodo non sit famosum: sed serio intercedat suffragator. et quod fide promissit is qui suffragatoris opera usus est, peti potest. Quod tamen postea sustulit Tiberius novissimus Nov. 161. Et ante constitutionem hujus tit. suffragatori non dabatur honeste, nec aulicus accipiebat honeste; nec tamen erat soluti repetitio: nam ubi versatur turpitudine ab utraque parte cessat repetitio, et melior est conditio accipientis, l. 3. ff. de condict. ob turp. caus. non erat ergo repetitio soluti suffragii: non erit etiam petitio promissi suffragii ex constitutione, l. 1. C. Theod. si certum petatur de suffrag. Ammianus Marcellinus lib. 22 ait, hoc Julianum cavisse apud Ægyptios, qui in suffragatores plurimum querebantur: sed hæc constitutione etiam suffragii promissi petitio est: atque ideo soluti non est repetitio.

AD TIT. IV.

De prohibita sequestratione pecuniæ.

Hic pecuniæ accipit pro quantitate, non pro re omni, ut accipitur pro quantitate tantum in tit. si cert. pet. de reb. cred. petitur certa pecunia, id est, quantitas, non corpus certum. Et quamvis aliarum rerum, quæ deducantur in iudicium, sequestratio fieri possit ex causa, l. 7. ff. qui satisd. cog. l. Imperatores, §. ult. ff. de appellation. et locis innumeris etiam liberarum personarum fit sequestratio, sive depositio, l. 3. §. ult. de lib. exh. cap. cum locum, de sponsalib. in 6. licet igitur aliarum rerum, dum lis pendet ex causa sequestratio possit

fieri, pecuniæ tamen sequestratio prohibita est hac lege: namque prius conveniri debet is a quo petitur, deinde compelli ad solutionem, nec ab initio statim cogi debet sequestro pecuniam deponere apud officium, vel apud virum bonum, quæ est sententia hujus constitutionis. Et differentia hæc est, quia aliæ res quæ certum corpus habeant, facile interverti possunt: idcirco rediguntur in tutum ex causa per sequestrationem: quantitatis nullum subest corpus, quantitas perire non potest, pecunia valet quantitate, *l. 1. §. non solum, ff. ad legem Falcid.* Et videtur constitutionem hujus tituli abrogari in partem, *l. 1. Cod. Theod. si certum petatur, de chirogr.* quæ etsi in aliis causis potendæ pecuniæ certæ ex chirographo removel necessitatem sequestrationis, tamen permittit uno caso, scilicet si de falso chirographo lis agatur: nam interim dum agitur questio falsi, vult pecuniam deponi: sed ut puto hac constitutione tollitur omni casu sequestratio pecuniæ: sequestratio quid est? Est translatio possessionis rei litigiosæ in tertiam personam facta, vel consensu partium, vel auctoritate judicis, ea conditione ut qui in lite superior fuerit et vicerit ei ea res reddatur et restituatur. Aut brevior: sequestratio est depositio, quæ plerumque fit, translata possessione: neque enim transfertur nisi id actum sit, *l. interesse, ff. de acq. pos. l. licet, ff. de pos.* sub lege supradicta, et alio significato in certamine aliquo in quo licet sponsionem facere, *l. 3. ff. de aleator,* sequestratio est apud judicem sponsionis facta depositio pignoris utraque ex parte qui etiam sequester dicitur, et veteribus sculna, ut apud Macrobius lib. 3. cap. 17. *Sponsione conten. lit. digno scu'na Numatio Planco, qui tam honesti certaminis arbiter electus est,* et in hunc quidem sequestrum victori datur actio præscriptis verbis, ut reddatur pignus depositum quasi ex novo negotio, *l. 18. §. ult. ff. de præscr. verb.* In illum autem apud quem deponitur res litigiosa, datur actio depositi, quia sequestratio nihil aliud est quam depositum, *l. ei apud quem, §. 1. et l. si in Asia, §. cum sequestre, ff. de pos.* Et aliquo casu actio præscriptis verbis, veluti in casu *l. si quis, §. Laben, ff. de dolo malo.* Regulariter in hunc datur actio depositi, etsi auctore iudice sequestratio facta sit, non ex conventionem partium, quia sicut publica persona recte stipulatur alteri, eique parit actionem utilem, ita iudex in deponenda ea re de qualis est, paciscendo, vel legem dicendo ei secundum quem litem dederit, pronunciaverit, cavere potest, et parare actionem depositi sequestratoriam.

Al. TIT. V.

De conditione indebiti.

Eadem actio datur ex mutuo, et ex promutuo

nempe conditio, eadem actio est, ut ait *l. 4. §. is quoque, ff. de oblig. et act.* Indebiti solutio est promutuum: maxime si ea solvantur, quæ pondere, numero, et mensura constant, quibus solis in creditum abire solemus, quia id actum videtur, ut si forte appareat indebita pecunia quæ soluta est, eam habeat ut promutuum, qui eam accepit, qui contractus tacitus dicitur in *l. 13. in fine, ff. commod.* mutuum est contractus, promutuum est quasi contractus, id est, quasi mutui datio: et ita conditio indebiti dicitur esse quasi ex contractu, id est, ex promutuo. Sciendum tamen est, aliarum etiam rerum indebitarum solutionem revocari per conditionem indebiti, imo omnium rerum, et corporum, quasi ex tacita obligatione, vel quasi ex contractu possessionis rei datæ, vel solutæ sub lege recipiendi, si indebita appareat, et eo nomine est vel conditio certi, vel incerti, quia non tantum corporis, vel quantitatis indebitæ conditio est, sed et possess. quam quis indeb. cessit alteri, vel cautionis, vel juris cujuscumque, quæ est conditio incerti, quin res hujusmodi incertæ sunt et incorporales, obligatio, possessio, jus *l. sed et si, §. 1. l. is qui plus, D. de cond. indeb. l. 4. l. si mulier, D. de condic. causa data.* Conditio igitur indebiti modo est certi, modo incerti, prout res quæ condicitur est. Certi, si certum corpus vel quantitas repetatur: incerti, si possessio, liberatio, obligatio, acceptilatio, iter, actus repetantur: quæ omnia numerantur inter incerta, vel incorporalia, vel ea, quæ solo intellectu percipiuntur, quæ a nobis dicuntur in jure consistere, id est, significare jus, quod jus solo intellectu percipitur. At enim conditio indebiti datur ei, qui solvit indebitum, id est, quod nec naturaliter debuit: nam si vel naturaliter debuit, cessat conditio. Ei igitur, qui solvit indebitum naturali et civili jure per errorem facti: nam ignoranti jus non datur conditio indebiti, *l. cum quis, sup. de juris et fact. ignor. l. pen. §. si quis, D. eod. l. error, inf. ad leg. Falcid.* nisi ex magna causa: nam ex causa etiam majori in jure erranti et solventi indebitum, datur conditio indebiti, *l. illud, D. de minor. l. 1. D. ut in poss. leg.* datur benigna, inquit, quo verbo ostenditur, id non habendum esse in consequentiam, *l. qui negotia, ff. mand. l. qui meo, ad Macedon.* Qui autem sciens solvit, etiamsi dixerit, solvo, non dono, donat verius quam solvit, nec habet conditionem, quia conditio donati non est, *l. cujus, ff. de reg. jur.* Dubitans autem hac in re, habetur pro ignorante, et idcirco ei conditio datur, *l. ult. hoc tit. l. 2. ff. quis ordo in bonor. possess.* Dubitans habetur pro ignorante, et idcirco conditio datur ei, qui rem solvit, non

pœnam: nam pœnæ solutæ conditio non datur: etsi reciderit ad causam indebiti, *l. pœnæ, ff. eod.* et secundum hanc conditio indebiti non datur ei, qui solvit ex causa quæ crescit inficiatione: quod valde notandum est: quia ejus ratio ignoratur. In inficiante in duplum crescit actio legis Aquiliæ: sunt et aliæ quædam similes, ut est actio qua petitur legatum damnationis, et relictum piis locis, ut actio judicati. Regula autem vera est, cessare condictionem indebiti, si quis ex eis causis solverit, quæ crescent inficiatione, *l. 4. hoc tit. §. ult. Inst. de obligat. quæ quasi ex contr. nasc. actio judicati crescit inficiatione: promittit si quis solverit ex causa judicati, ignorans se non rite et ordine damnatum, vel falso crediderit se damnatum esse, cessat conditio indebiti. Cur solvendi ex causa falsa judicati non datur conditio indebiti? an quod civiliter obligatus fuerit? non sed quia solvit ex ea causa, quæ inficiatione crescit, ut Paulus 1. Sententiarum ait: crescit hæc actio in duplum: cum vero, qui sic solvit ex iis causis, dicimus scientem videri solvisse propter metum periculi, quod imminet inficiatori, argumento *l. si non sortem, §. sed etsi non, ff. eod.* qua de causa recte in *l. eleganter, §. ult. ff. eod. si qua lex ab initio dupli, vel quadrupli statuit actionem solum ex falsa ejus causa repeti posse.* Et ait recte, ab initio: nam si ea pœna veniat ex post facto, solum ex ea falsa causa non condicitur, et pari modo ex iis causis confitentem per errorem putato habendum pro confesso et judicato, *l. 4. ff. de confess.* quod videatur ultro progressus ad confessionem periculi, quod imminet subterfugendi gratia, quod imminet inficianti.*

AD TIT. VI.

De condictione ob causam datorum.

Rectissime Stephanus Græcus ait, hæc condictionem indebiti esse generalem multarum condictionum, multas scilicet condictionum species complecti, et ea posse condici data ob causam honestam, causa non sequuta, et data ob causam non honestam: nam et hæc indebita esse censentur: ergo in condictionem indebiti veniunt: sed sunt et aliæ speciales eorum nomine propositæ condictiones hoc tit. et tit. seq. Hujus igitur condictionis, qua repetimus data ob causam honestam, veluti ob matrimonium, matrimonio non sequuto, et ob manumissionem servi, servo non manumisso: nomen generale est conditio indebiti: speciale ob causam dati, causa non sequuta, et utimur speciali potius quam generali, quia specialiter dicimus causam ex qua dedimus: generali autem utimur, ubi nulla est causa dati, quæ sequi debeat, ut si indebitum sol-

vimus quod esse debitum arbitramur, hoc casu proprio instituitur conditio indebiti nulla scilicet expressa causa propter quam dederimus, ut quid fieret, sed ut nos liberaremus: qua de causa idem Stephanus putat in D. anteponi speciales titulos de condictione causa data causa non secuta, et de condictione ob turpem causam, vel injustam causam, ut dicitur, non esse novum: alias ut lex specialiter quibusdam enumeratis generale subijciat verbum, quo specialia complectatur, *l. si servus, ff. ad l. Aquil.* Itaque probat magis ordinem Digestorum, quo speciales ponuntur tituli dati ob causam honestam, vel inhonestam, vel injustam: deinde subijcitur generalis conditio indebiti, contra quam fiat in hoc Cod. precedit enim generalis conditio: et tamen uterque ordo probabilis est. Ceterum ex iis intelligimus, etsi specialiter condicimus data ob causam, si ea sequuta non sit: tamen condictionem indebiti ambitu suo etiam hanc speciem condictionis complecti. Causam autem hic non accipimus pro principio agente, sed pro fine, quæ res dicitur proprie, *l. 1. ff. eod. et l. damus, de cond. indeb.* Denique causam non accipimus pro præterita, sed pro futura causa. Hæc si fecerit, id est, si finita, vel sequuta non fuerit, competit conditio datorum, nam dati ob præteritam causam viz conditio est, *l. damus, l. in summa, §. id quoque, ff. de cond. indeb.* Quod tamen ne decipiamur ita accipiendum est, ut si dedi ob falsam debiti causam, qua pridem jure civili obstrictum me credebam, tum sane mihi competat conditio indebiti, etsi ob præteritam causam dederim, quod falsam mihi adfinxerim, persuaserimve: sed si liberaliter dedi remunerandi animo, quod tu rem meam administraveris probe, me absente, vel liberos meos institueris probe, licet hæc non feceris, mihi non competit dati conditio, quia dedi liberaliter, non vinculo obstrictus: idemque erit generaliter, si dedi naturalis obligationis solvendæ gratia. Hoc enim casu mihi non datur conditio, licet erraverim, et causa præterita, quam arbitror præteritam, falsa sit, quia scilicet donare volui. Donat enim quis, quod nullo jure cogente, id est, nulla solvendi necessitate obstrictus solvit: idemque et solutio est simul, et donatio, *l. 10. §. si domini, ff. de in rem verso.* Ergo sive vera sit, sive falsa causa naturalis, quam me, ut solverim dedi, cessat conditio indebiti: et ita accipienda est lex *damus, et l. in summa, §. id quoque.* Qui scrupulus erat satis difficilis: ideoque secundum hanc interpretationem, si refero gratiam, et solvo ei a quo beneficium accepi, non competit conditio, quia natura debui referre gratiam: licet civiliter non debuim. Et quia donavi, idem erit si falso crediderim me beneficium ac-

cepisse ab eo cui dedi, quia donavi, quod donari volui: quæ ratio efficit, quod non volui solum dare, sed etiam dedi. Donatio enim olim non perliciebatur nuda voluntate, sed necessaria erat traditio: quo fere jure hodie utimur, non observata constitutione Justiniani: unde illud in idiotismo: *donner, et retenir ne vault.*

AD TIT. VII.

De condictione ob turpem causam.

Ex superiori titulo intellexistis condici data ob causam honestam, causa non secuta: ex hoc intelligitis non condici data ob turpem causam, id est, bonis moribus adversam, et non condici primum, si solius dantis turpis causa fuerit, ut si scorto mercedem dederis, turpiter dederis: illa vero non turpiter accepit; nam ut ait Ulp. in l. 4. ff. eod. illa turpiter facit quod sit meretrix, sed non accipit turpiter mercedem stupri hoc casu solius dantis turpitudine versatur, nec datur conditio indebiti. Idem erit si dantis et accipientis turpis causa fuerit, ut si mercedula judicem quis corruperit, judex turpiter accepit, et datus turpiter egit, nec datur dati conditio, quia in pari causa melior est causa possidentis. In tertio vero casu competit conditio etiam cause sequuta, sive impleta: ut si solius accipientis causa turpis fuerit, ut si furi dederim pecuniam rei furtive repetente gratia, ego non turpiter dedi, quia incensus cupiditate rei meæ recipiendæ pecuniam dedi. Idemque erit si dedi, ut rem depositam reciperem: nam dati conditio competit, quia non est retentum nisi jure accepti, l. 4. et pen. h. l.

AD TIT. VIII.

De condictione furtiva.

Lex ult. tit. 7. fuit de condictione furtiva, et condictione ob turpem causam: de utraque simul: nam hæc illius species est: aliquem abegisse mea pecora, me abigeo dedisse pecuniam, ut rediret pecora: condicam quod dedi non turpiter, ille vero accepit turpiter, et condicam pecora, licet mortua, vel alio casu perierint: nam et rei furtivæ, peremptæ conditio est, quia semper post moram videntur perempta, quia fur est plusquam morator, plusquam debitor, et moram facit ipso jure, adeo ut non liberetur iteritu rei furtivæ, l. ult. ff. de condict. furt. l. merito, ff. de vi et vi arm. Igitur dicta lex ult. quæ est de condictione ob turpem causam, et de condictione furt. recte posita est in consilio utriusque tituli, et præbuit forsitan causam subjicendi tituli de condictione furtiva statim: quæ tamen longissime distat ab aliis condictionibus: nam illis intendimus rem nobis dari

oportere, id est, dominium rei transferri in nos oportere. Illa condicimus rem nostram contra regulas juris: nam regula iuris h. re est, neminem rem suam condicere, l. ult. ff. usufr. quemadm. cav. quia natura non fert, ut intendam mihi dari rem meam, quod est condicere: ut scilicet si non dominus ejus rei, cujus jam sum dominus. Dominium non recipit incrementum: et tamen receptum est, ut dominus furi condicat rem suam, agendo in hunc modum: Ajo te mihi eam rem dare oportere: superiores conditiones pertinent ad rei persecutionem: furtiva conditio pertinet quidem ad rei persecutionem: sed videtur quodammodo pertinere ad pœnam, quia odii furum comparata dicitur, §. si itaque discretis, Instit. de act. si odio furum, et pœnæ causa igitur, l. qui exceptionem, ff. de cond. indeb. conjuncta, l. sed et si, §. ult. ff. ad Maced. ubi exceptio Senatusconsulti Macedoniani, quæ dicitur inducta in odium creditorum, qui filiisfam. credunt, alio loco inducta dicitur ob pœnam creditorum: quicquid sit ob odium, ob pœnam sit, et ut dicitur de actione in factum, quæ est ex edicto de alien. jud. mut. causa facta, l. quia pertinet, ita conditio furtiva licet pertineat ad rei persecutionem, tamen ex delicto esse videtur, vel quod in se hoc genus pœnæ habeat, quod detur singulariter contra regulas juris: et eam ex delicto nasci ostendit, l. 10. §. quoties, ff. de compensat. et l. si cum mulier, §. hæc actio, ff. rerum amot. quæ quod ait, de condictione rerum amotarum, eam nasci ex delicto, idem ait de condictione furtiva: nam hæc duæ affines sunt et geminæ: ideoque utrique condictioni videtur inesse vindicta, iniuria et infamia, ut est proditum nominatione de condictione rerum amotarum, l. 2. inf. rer. amot. Conjuges inter se non agunt actione pœnali, vel famosa constante matrimonio: ergo constante matrimonio non agunt rerum amotarum, quia ea actio est pœnalis, aut famosa, aut quasi pœnalis et famosa: nam re vera quidem pendet ex causa famosa: sed ipsa non est jure famosa, nulla est conditio famosa, l. cessat, ff. de obligation. et action. quæ hoc nomine conditionis adsignetur: nam omnium conditionum hæc sunt solemnia verba: Ajo te mihi dare oportere, in quibus nulla atrocitas verbi, ideoque famosæ non sunt, sed quodammodo videntur. Et hæc et illa conditio, quæ pendet ex causa furtivæ esse pœnalis et famosa, atque ob id in heredem non datur, l. 3. inf. rer. amot. l. 9. §. ult. et l. 10. de tut. et rat. distrah. D. nec obstat l. 9. D. de cond. furt. quæ ait, heredem in solidum teteri, etsi pars rei tantum ad eum pervenerit, quæ sic accipienda est, si lis fuerit contestata cum decreto, conjuncta l. si hominem, D. depos. l. 2. D.

de prætor. stipul. Demonstratur etiam alio modo, condictioni furtivæ pœnam inesse, cum insit odium, et ipso juris effectû demonstratur, nam pignore subrepto a debitore (hoc enim casu dominus facit furtum rei suæ, quo nomine tenetur creditori actione pœnali furti, et condictione furtiva) pignore, inquam, subrepto, eoque nomine debitore damnato, pœnam depensam creditor non imputat, et creditori est integra debiti petitio, *l. si pignore, ff. de pignor. act.* Atque ita quod consequimur condictione furtiva imitatur pœnam quæ pro furto dependitur: ex quo constat, quam sit singulare jus condictionis furtivæ: alia differentia est: condictionibus superioribus utitur, qui dedit, vel tradidit, vel promisit: condictione furtiva: quo neque volente, neque tradente, res ablata est: nec condictio furtiva continetur sub condictione indebiti, ut superiores: domino autem ut jam supra dictum est, cui furtum factum est, datur ex hac causa condictio certi, *l. 1. ff. eod. l. duobus §. item Pomponius, ff. de jurejur. §. utique, Inst. de empt. et vendit.* Hæc fere sunt omnes actiones, quæ solis dominis dantur, condictio furtiva, actio ex l. Aquilia, aquæ pluvie arcendæ, arborum furtim cæsarum, finium regundorum: et loquor de condictione certi: ex causa furtiva etiam non domino datur furtiva condictio possessionis, *d. l. si pignore, et l. 2. ff. de condict. furt. l. 35. ff. de furt. l. et ideo, §. ult. de condict. furt.*

AD TIT. IX.

De condictione ex lege, et sine causa vel injusta causa.

Actiones in personam aut civiles sunt, aut prætorie, aut ex legibus vel constitutionibus: utitur hac divisione, *l. 2. inf. de quad. præscript.* Civiles sunt ex 12. tab. certæ et solennes, ut ait *l. 2. §. deinde, ff. de origine jur.* Certæ referuntur ad numerum, solennes ad verba. Prætorie autem sunt ex edicto prætorum, vel ædilium, vel Tribunorum plebis, vel proconsulum: ex legibus novis sunt, veluti ex lege Aquilia, quæ nomen usurpavit civilis actionis prodite 12. tabul. de eadem re et data est damni injuria. Aliæ sunt actiones ex legibus novis, quæ ex jure antiquo translaticium nullum nomen habent, quæ dicuntur condictiones ex lege, veluti ex lege Julia, *l. dotalem, l. si vero, et l. seq. ff. sol. matr.* et condictio ex l. Cincia, de qua *l. 21. de donat.* sicut etiam ex legibus talariis condictio ejus, quod in alea lusum esset de qua sup. lib. 3. ex constitutionibus sunt innumere condictiones. Constitutio vim legis habet, ut ex constitutione 1. hujus tit. debitori nostro condicimus pecuniam ante-

Tom. IX.

diem, qui casus singularis est, si non suppetat aliud undeisco satisfaciamus cui sumus obnoxii ex causa principii, id est, ex causa administrationis quoniam militaris, adeo ut hoc casu non sit locus exceptioni veteri, cujus pecuniæ dies fuisset: licet enim ante diem condicere ex constitutione *d. l. in casu supralicto.* Aliæ constitutiones de quibus superioribus titulis actum est, et quæ sequuntur hunc titulum, puta condictio sine causa, et ex injusta causa, inductæ sunt a prudentibus ex bono et æquo, non legibus, *l. in summa, §. quod ubi rem, et l. pen. ff. de condict. indebit.* et sunt inductæ exemplo civilis condictionis, quæ quidem ex mutui datione nascitur, et cui proprie adheret condictionis nomen. Hæ condictiones imitantur condictionem ex mutuo, quia veluti ex causa mutui dantur, ut possimus dicere nos habuisse unam tantum actionem civilem ex 12. tabul. nempe condictionem ex mutuo: nam aliæ istius iustar obtinent et imaginem. Semper excipio furtivam condictionem, quæ jure singulari recepta et comparata est in odium furum. *§. sic ita, ut discretis, Inst. de act.* Sed videamus, quia et de his est titulus hic, quando sit locus cond et oni sine causa et injusta causa. Si quis sit apud te sine causa, condictioni sine causa locus est: et exemplis fiet res illustrior: sine causa apud te est chirographum meum, si nihil credidisti mihi: si specie crediti tibi chirographum dedi, et mea spes frustrata est, vel si persolvero, quod credidisti, sine causa meum chirographum est apud te, et quod persolvi hac condictione possum repetere, *l. 3. et 4. hac tit.* et sine causa etiam ad male fidei possessorem perveniunt fructus rei alienæ, *l. 3. hoc tit.* et his casibus proprie et specialiter competit condictio sine causa, condictio chirographi, condictio fructuum: et proprie nulla scilicet actione existente in casu *l. 2. ff. eod. empti* proprie competit condictio sine causa, sed existimandum est condictionem sine causa concurrere cum condictionibus superioribus quasi generaliore, *l. 1. ff. eod.* nam sine causa etiam id apud te est, quod indebitum, vel ob turpem causam accepisti, vel quod non ob turpem causam, causa non sequente: vel quod tu mihi furto abstulisti, ex eis causis licebit uti condictione sine causa, missa speciali condictione vel furtiva, vel ob rem dati et deinceps. Condictio autem ex injusta causa competit, si quis dederit ex pacto non jure facto, vel ex dolo malo, vel vi, vel contra jura publica, vel ex stipulatione vi extorta, *l. 7. ff. de condict. ob turp. causam.* Injusta causa quæ et ipsa condictio dicitur juris gentium, *l. 25. ff. rer. amot.* id est ex bono et æquo. Et breviter una est condictio civilis ex legibus 12. tabul. quæ nascitur ex mutuo, actio si cert. pet. de rebus cred. ceteræ condictiones iustar illius obtinent, et dantur jure gen-

156.

tium, id est ex boni et æqui interpretatione: una pœnæ causæ, nempe condictio furtiva, ut fures onerentur plurimis et gravissimis actionibus, quia gravior est condictio furtiva vindicatione, quia in conductione non distinguitur utrum fuerit res peritura apud actorem, an non: in actione in rem fur tenetur ut quilibet: conductione vero ut fur proprio et singulari nomine. Porro hic nullam invenies constitutionem de conductione ex injusta causa. Ex quo intelligimus solo hæc tit. indicari promiscuum esse usum conductionis sine causa, et conductionis ex injusta causa: nam quod sine causa habes, et ex non justa causa habes, et contra.

Ad TIT. X.

De obligationibus et actionibus.

Post conductiones superiores transitum facit ad alias actiones in personam ex contractibus, vel obligationibus civilibus, ex quarum numero primam jam posuit conductionem ex mutuo. Actioni enim ex mutuo ulberet proprie conductionis nomen, et ab illa perductus est ad alias conductiones, quæ descendunt ex obligationibus legibus novis introductis, non expresso nomine actionis, vel quæ dominis in fures dantur, quasi pœnæ causæ constituto jure: nunc alias omnes examinaturus actiones in personam, quæ suum habent nomen et proprium longe alio ordine quam in D. ut supra præposuit generalem conductionem indebiti speciebus conductionum ob rem dati, causæ non secuta, ob turpem causam, sine causa, sive ob injustam causam. Ita priusquam veniat ad species earum conductionum, quæ ex contractibus et obligationibus civilibus nascuntur, dat generalem titulum de obligationibus, et actionibus, præponit genus speciebus, quod proponitur in digestis. Ex contractu est obligatio: ex qua obligatione nascitur actio in personam. Et hoc est, quod dicunt Doctores nostri, obligationem esse matrem actionis ex l. licet, §. ex obligatio, ff. de procur. quod verbum usurpavit Theophilus titulo de obligationibus in Just. matres actionum sunt obligationes. Obligatio est juris necessitas: actio est executio obligationis, vel intentio ejus qui alterum ad judicium provocat. Contractus est conventio, quæ proprium nomen habet vel quæ nomine vacat: sed datione et traditione, vel facto aliquo sumpsit effectum: hæc est perfecta definitio contractus.

AD TIT. XI.

Ut actiones ab hæredibus, et contra hæredes incipiant.

Titulus decimus est generalis, et sequentes usque ad decimum octavum sunt illius partes: et omnibus istis titulis agitur ut generales definitiones ponantur de obligationibus et actionibus: et hæc quidem habui-

mus in superiori titulo proximo: ex alieno contractu neminem obligari, l. 3. et 11. sup. non nasci obligationem efficacem ex negotio contracto dolo malo, quod significat l. 4. illo tit. dum ait, bonam fidem in contractibus considerari sequum esse, id est dolum malum abesse: alioquin inefficax esset obligatio l. 5. Sequitur tertia definitio, voluntatis esse contrahere, necessitatis adimplere contractum, l. 3. illo tit. procuratori in rem suam ad agendum constituto mandatis actionibus nomine domini directam actionem dari, etiam mortuo domino relictis hæredibus; et hoc genus mandati non finire morte: cum tamen alias finiatur morte mandatoris, et procuratori suo nomine semper dari utilem actionem rei persequendæ gratia, cum actio ei in rem suam mandata est. Non mandatis actionibus, nec debitore delegato, mortuo domino procuratori in rem suam constituto ad accipiendam pecuniam a debitore domini, ad agendum adversus eum debitorem nullam superesse actionem: et hoc casu mandatum finire morte etiam, quod in rem mandatarii factum est, l. 8. eod. tit. sunt autem aliæ definitiones, quæ sunt principia communia actionum. Cui mandata est actio principalis, et Servianam mandata videri, l. 6. et 7. illo tit. Item in arbitrio esse creditoris, quod tamen mutavit Novel. Just. ultra prius actione experiri velit, principali an Serviana, et alia aliam non consumi, l. 10. et 11. illo tit. et postremo legibus, et judiciis compellendos debitores ad solvendum non armis, non servitio corporis l. 9. et 12. illo tit. ubi res alienum servire liberos creditoribus jure compelli non patiuntur: nec jam igitur debitores posse neci, vel vinciri compellibus, et nervo: contra 12. tab. his omnibus definitionibus tituli decimi additur alia definitio hoc proprio, et singulari tit. 11. car proprio? quia est nova regula juris introducta a Justiniano, ut scilicet obligatio, quæ non coepit a defuncto, vel contra defunctum, a persona hæredis, vel contra hæredem possit incipere: quod erat olim absonum, ut plus juris haberet hæres, quam defunctus habuisset. Et est ei juri regula juris antiqui penitus contraria, l. ult. C. Theod. de divers. rescript. et §. post mortem, Instit. de leg. apud Theophilum: tollitur antiqua verborum differentia, cum moriar, cum mortuus fuero, post mortem dari, vel pridie, quam moriar, dari: nam quoquo modo sit conceptum negotium, ex eo nascitur obligatio, et potest incipere ab hærede, vel in hæredem, l. 11. inf. de contr. stipul.

Ad TIT. XII.

Ne uxor pro marito, vel maritus pro uxore, vel mater pro filio conveniatur.

Inter generales definitiones de obligationibus, et

actionibus hanc posuimus, neminem obligari ex contractu alterius: quod his verbis exponitur in *l. pen. hujus tit.* hoc est ex suo quemque contractu obligari, non ex alieno: et tantum abest, ut unus pro alio obligetur, ut nec dominus pro colono possit obligari, *l. 3. et 11. sup. tit. 10.* Et ut etiam pro debitore pecunie creditor non possit is conveniri ad quem ea pervenit, *l. pen. sup. tit. eod.* quod et memini me legere apud Seneram lib. 5. de beneficiis. Ait enim, *exigi ab eo debere quidque in quem confertur: sicut pecunia ab eo petitur cui credita est, quamvis ad me illa aliquo modo venerit*, non spectatur ad quem pervenerit, sed quis contraxerit. Id etiam adeo verum est, ut nec conjux pro conjuge, nec mater pro filio, nec quisquam omnino pro necessariis sibi personis conveniri possit, ut hic, et titulo sequenti ostenditur; quonobrem vix videtur ullus excipiendus ab ea regula: neminem obligari ex alterius contractu, *l. ult. hoc tit.* nam et pater pro filiofamilias, quamvis in plerisque causis, et articulis juris civilis idem videatur esse pater et filiofamilias, tamen pater pro filiofamilias, vel dominus pro servo licet inter dominum, et servum eadem dicitur esse unio, capitis unius scilicet, civiliter non obligatur, nec jure prætorio in solidum, sed in peculium duntaxat, si peculiatum sunt filiofamilias et servus: et quod in peculium tantum obligantur jure prætorio, ideo hic matri non junxit patrem, qui habet in sua potestate filium: sed dixit, ne mater pro filio, non dixit ne pater pro filio: quoniam pater pro filio obligatur ad modum aliquem jure prætorio actionibus honorariis de peculio, de in rem verso, quod jussu, et filium cum dicimus, plerumque filiumfam. non emancipatum intelligimus in hoc titulo, et seq. Eadem ratione filio emancipato non junxit filiumfamilias, quia, vel de peculio pater tenetur pro filiofamilias.

AD TIT. XIII.

Ne filius pro patre; vel pater pro filio emancipato, vel libertus pro patrono, vel servus pro domino conveniatur.

Ad superiorem regulam, qua cavetur neminem obligari ex contractu alterius, additur in hoc tit. nec filium obligari pro patre, nec patrem pro emancipato filio, nec libertum pro patrono, nec servum pro domino, quod in servo est certissimum cum ex contractu suo servus nullo jure conveniatur, cum nullam personam habeat, *l. tutelæ, §. 1. D. de capite min. l. ult. sup. de noxalib. action. l. 7. et 8. sup. de judic.* et quamvis hoc de servo legitur in *l. ult. hoc tit.* dum ait ex contractu domini servum conveniri non posse, tamen in ipso

titulo non fuit aditum in manuscriptis, *vel servus pro domino*, nec in Basilicis. Et quidem in *d. l. ult.* id factum videtur obiter, patrono scilicet conjuncto domino, et liberto servo. Ex novissimis constitutionibus sublatus est, mos, ut vicarius pro convicario conveniretur, quod jus tantum exercetur in hostes, ut si quid mihi hostis eripuerit, id possim repetere a quolibet ex hostium numero: vulgo *repressalias* vocant, *represailles*.

AD TIT. XIV.

An servus ex suo facto post manumissionem teneatur.

Sequitur in hoc tit. alia regula generalis de obligationibus, et actionibus quæ est hujusmodi: de eo quod quis contraxit, vel gessit in servitute, post libertatem, ei vel in eum nullam actionem esse, ut puta si ei credita sit pecunia in servitute, condici eam libero facto non potest. Cujus regule ratio est, quia nec ab initio fuerit obligatus: *l. in personam, l. cum servo, D. de reg. jur.* nam etiam servus ex contractu suo naturaliter obligetur, *l. servi, D. de oblig. et act.* tamen ea naturalis obligatio non parit actionem. Porro quæ ab initio non fuit actio, nec esse post libertatem potest. Excipitur unus casus, si id quod is gessit in servitute, sit connexum cum eo, quod gessit post libertatem, *l. tutorem, ff. de administr. tut. l. 7. ff. de neg. gest.* hæc facit ratio connexi, ut quod geritur post libertatem trahat ad se gestum in servitute. ac si gereretur post libertatem potius, quam trahatur ad tempus servitutis, ut natura docet, facilius iri prorsum, quam retrorsum. Casu illo excepto, nulla est actio post libertatem, vel domino, vel extraneo, vel manumisso: quonobrem in tractatu de solutionibus, quo docemur, id quod debitor ex pluribus causis indistincte solvit non dicens in quam causam solvat, id cedere in antiquiorem contractum, idolvere antiquiorem obligationem, *l. 5. et 25. ff. de solutionib.* recte dicitur, in manumisso non esse antiquiorem contractum eo, quem statim post libertatem habere solet cum patrono de prestantis operis, et dono, vel munere, dum promittit statim a libertate se daturum aliquid, vel id jurat quia scilicet contractus habiti in servitute pro nullis computantur, *l. in liberto, ff. de solutionib.* ubi dicitur: *In libertate antiquior contractus operarum esse non potest, sine quo ei data libertas non esset*: hoc aperius Græci dicunt: *non potest contractus liberti vetustior esse, quam operarum*, scilicet post libertatem patrono promissarum; et hic factum interpretor contractum, vel quasi: nam actionem ex delictis venientium obligationes cum capite ambulant

nam et hic in servitute incipiunt, *l. tutelae, §. injuriarum, ff. de cap. min. et vulgo dicitur, noxam caput sequi, quod scilicet nocuit, l. 4. h. tit.*

AD TIT. XV.

Quando fiscus vel privatus debitoris sui debitorum concernere possit, vel debeat.

Sequitur tit. 15. in quo legendum est, exigere, non convenire. Pendet hic titulus ex superiore regula, neminem ex alieno contractu, etc. et sit creditorem non posse convenire debitorem debitoris sui pro ea summa quam ei debet, ut possit conveniri actione in personam. Regula est de actione in personam: aliud dicemus de actione Serviana vel hypothecaria: potest enim creditor exigere debitorem sui debitoris actione Serviana, jure taciti pignoris vel manifesti, si debitor nomina, quae habet pignori posuerit, specialiter, vel generaliter, vel a tacito jure intelligantur pignolata: hoc caso licebit creditori jure hypothecae convenire debitorem debitoris, et licet titulus dicat, *fiscus, vel privatus*, distat tamen fiscus a privato, nam fiscus semper habet jus taciti pignoris, exceptis quibusdam privilegiariis creditoribus. Nec videntur nomina pignori esse obligata, nisi ita nominatim convenerit, *l. nomen, inf. quae res pgn. oblig. poss.* et praeterea fiscus debet prius excutere principalem debitorem, quam debitorem debitoris jure hypothecae, *l. pen. hoc tit. inf. de conven. fisci deb. l. Moschis, ff. de jure fisci*: privatus autem habet arbitrium conveniendi quem velit si nomen sit ei pignoratam: principalem debitorem, aut principalem debitoris debitorem, *l. ult. sup. tit. 10.* plus habuit olim privatus, quam fiscus non habuit electionem: sed hodie ex Novel. 5. idem jus est in utroque. Et praeterea hac in re distat pignus conventionale ab eo quod capitur iudicati exequendi gratia: nam jure conventionis nomen pignori obligatum persequor, etsi debitor sit solvendo, ut dixi, si privatus sim, quia habeo jus electionis, nec tamen capio nomen ex causa iudicati aliter quam si non sint alia bona, quae pignori capi possint, *l. 2. hoc tit. l. a D. Pio, §. sic quoque, ff. de re jud.* Quod tamen audio non observari hodie: nam quilibet, vel nomen statim initio capi posse in causam iudicati. Privatus igitur agit primum quando sunt ei mandata et cessae actiones: item quando capitur ex causa iudicati deficientibus aliis facultatibus condemnati.

AD TIT. XVI.

De hereditariis actionibus.

Hic titulus pertinet ad superiorem regulam, ut

neminem obligari ex alterius contractu, ut scilicet intelligatur ab ea semper excipiendum esse heredem, vel honorum possessorem: nam hic propius accedit ad personam defuncti, quam filius ad personam patris, vel quisquam alius ad conjunctam sibi personam, unde ita definiamus: actiones hereditarias esse, quae coeperunt ex persona vel in personam defuncti, et transierunt in ejus heredem: nam quae coeperunt ab herede, vel in heredem, ut actiones legatorum, quae proculdubio incipiunt in heredem, heredis sunt, sive obligationes quibus eum oneravit defunctus: quia enim honorabat, potuit enim onerare: heredis, inquam sunt, non hereditarie, vel hereditarium loco sunt, *l. hered. de obl. et act.* et praeterea solae actiones in personam sunt hereditariae: nam et de his solis agitur in hoc titulo: et his convenienter heredes sunt creditores, et debitores hereditarii divisi inter eos actionibus pro hereditariis portionibus, *l. 2. hoc tit.* legatarii non sunt creditores aut debitores hereditarii, nec etiam fideicommissarii sunt creditores hereditarii, quia non sunt juris successores, et successio juris generalis est: hereditas complectitur commoda et incommoda, *l. ult. hoc tit.* non sunt etiam ipsi debitores hereditarii, id est, quorum nomina sunt in hereditate: nam hi non sustinent onus arii alieni. Ex quo intelligitur, creditorem vel debitorem hereditarium dici duobus modis: vel heredem ipsum, vel debitorem ipsum, vel creditorem defuncti, qui post aditam hereditatem sit creditor aut debitor heredis.

AD TIT. XVII.

Ex delictis defunctorum in quantum heredes conveniantur.

Sequitur tit. 17. qui pertinet etiam ad hereditarias actiones, quae a defuncto in heredem transeunt, et inde nomen habent, quod transmittantur in heredem quae nascuntur ex contractibus, vel quasi contractibus defunctorum: haec enim in heredem transeunt in solidum, etiam lite non contestata cum defuncto: non sunt proprie hereditariae actiones ex delicto, vel quasi delicto: nam quae nascuntur ex delicto defunctorum, non transmittuntur, nisi lis contestata fuerit cum defuncto: ceptam enim litem cum defuncto haeres sustinere dicitur, lis a defuncto continuatur, seu transfertur in heredem, vel si res fuerit iudicata adversus defunctum, quia tunc actio ex delicto non transit in heredem defuncti, sed actio iudicati civilis, quae coepit a defuncto. Porro post litem contestatam vel condemnationem defuncti, haeres ex asse tenetur in solidum, haeres pro parte, tenetur pro parte tantum pro qua haeres est, et si res de qua agitur so-

lida sit apud eum, *l. in condicione 9. ff. de cond. furt. l. 2. in fi. ff. de prator. stipulat.* Quod si lis non fuerit contestata, vel defunctus non fuerit condemnatus ex maleficii causa, sive hæres non tenetur ex delicto defuncti, nisi quatenus locupletior hereditas ex ea re ad eum pervenerit, dolo malo ejus factum est quo minus perveniret, et in id quod pervenit hæres tenetur potius calculi nomine, quam maleficii, ut si reddat rationem ejus, quod continetur in hereditate: nihil enim mali fecit hæres: igitur nomine maleficii nunquam tenetur, etsi ad eum quid pervenerit, sed calculi tantum ratione, ne ex alieno damno, et ne ex alieno scelere locupletior fiat, *l. in heredem, et l. Sabinus, ff. de dol. mal. et ait hoc tit. ne alieno scelere ditentur*, quæ ratio est accipienda generaliter, et adiungendum, moribus turpe esse lucrum, quod etiam ad innocentes ex alieno scelere pervenit. Nunc explicandum est quomodo hic delicta intelligenda sint: an publica crimina intelliguntur, de quibus sunt publica judicia? non: nam exceptis quibusdam, hæc crimina non transeunt ad hæredes, etiamsi lis contestata sit cum defuncto, modo non fuerit sequuta condemnatio: nam condemnatio, quæ ex causa publici iudicii defunctum tenuit, tenet etiam heredem: litis contestatio, quæ tenuit defunctum, non tenet heredem, *l. ex iudiciorum, ff. de accus.* ergo non dicamus delicta hic publica crimina, quandoquidem definitur, post litem contestatam ex delicto transire ad hæredes: quod in publicis criminibus falsum est: sed delictorum appellatione comprehendimus privata delicta, ex quibus dantur forenses vel civiles actiones, poenales aut mixtæ, aut etiam rei persecutoriae, nam hæc non dantur in heredem nisi post litem contestatam, etiam ortæ ex delicto: et ut maximam partem earum recenscamus, hæc sunt actiones ex delicto, quæ non transeunt nisi post damnationem, vel litem contestatam cum defuncto, furti, injuriarum, vi bonorum raptorum, damni injuriæ ex lege Aquilia, conditio furtiva, quæ ut suo titulo ostendi, etsi rem persequitur, ex delicto videtur nasci, nec datur in heredem in solidum. Item actio de dolo malo, quod metus causa, ad quam proprie hæc constitutio pertinet: nam ut ait Accursius, vis non est rapina, sed concussio, et in hac constitutione concussio est metus, terror. Igitur pertinet hæc quæstio ad actionem quod metus causa, sed porrigitur ad superiores enumeratas: immo et ad actionem in factum ex edicto de calumniatoribus, vel ex edicto de alien. jud. mut. causa facta, et ad actionem in factum ex edicto de edendo: nam hæc actiones veniunt ex delictis: et delictum igitur hic satis ample accipitur, cum non contineat tantum solemnia delicta privata:

sed et alia, dolum malum, concussionem, imo servi corruptionem: hujus enim actionem includimus hoc titulo, actionem arborum furtim cersarum, et de incendio, ruina, naufragio, et actionem de eo, qui pro libero sciens venit. Interim velum definitionem hujus tit. pertinere ad actiones quæ sunt ex quasi delictis, quod ostendit *l. Julianus, ff. de jud. l. ult. §. hæc judicia, ff. nautæ, caup. stab. l. 5. §. hæc autem, de his qui de jec. vel effud.* Pertinet et aliquando ad actiones, quæ dantur ex contractibus, cum in eis quoque delictum versatur, *§. aliquando, Instit. de perp. et temp. act.* Dico aliquando, cum in contractu defunctus lucrum captavit ex damno alieno, vel etiam cum lucrum alteri prestitit ex eo contractu per gratiam, *l. 1. C. de fid. tut.* vel etiam in ea litigatur ob negligentiam, quæ lata culpæ comparari possit, hoc casu actione ex contractu, si in ea delictum versatur, hæres non tenetur nisi lite contestata, vel damnato defuncto. Et rursus dico aliquando, alioquin actiones ex contractibus defunctorum, vel quasi plane hereditarie sunt, et in solidum contractus nomine habiti cum defuncto.

AD TIT. XVIII.

De constituta pecunia.

A Titulo 10. animus fuit compilatoris Codicis tradere generalia præcepta de obligationibus et actionibus. Et postquam specialiter egit de hereditariis actionibus superioribus titulis, quibus omne genus actionum in personam includitur, voluit etiam de constituta pecunia ponere specialem titulum: tum etiam quod eo contineatur etiam omne genus debitarum pecuniarum, omne debitum, *l. 1. §. debitum, D. eodem*, tum etiam, quod dubitabatur an actio constitutæ pecuniæ quasi poenalis, secundum tit. 18. non esset illanda in heredem, nisi lite contestata cum defuncto. Quod definitur *l. 1. et 2. hoc tit.* ut videtur in heredem. Et aperte *l. 18. §. a re, ff. eod.* videntur persequi rem non poenam. Constituta pecunia est debita pecunia a se vel ab alio, quam certo die se curaturum quis recipit citra stipulationem: et id genus conventionis olim apud mensarios dicebatur receptum, et actio quæ ex ea recompelebat actio receptitia quoties argentarii, qui solebant se negotiis omnium miscere: nemine contrahere volente, nisi ad mensam recipiebant se soluturos quod quis cavisset: ex quo civili negotio dabatur actio civilis et legitima: hodie appellatur constitutam, et est juris prætorii, nam actio de constituta pecunia est prætoriana, non legitima: et fit constitutum extra stipulationem, per epistolam, vel per nun-

tam: quo genere non sit stipulatio, *l. qui autem, §. ult. l. Titius, l. quidam, ff. eod. l. quidam, hoc tit.* hoc modo: centum, quæ Titius accepit mutuo ex arca tua, vel non adjecta certa quantitate, ea salva ratione usurarum penes me habes: quod est constituere, etsi non sit adjecta dies certa ad solvendam in constituto, *l. promissor, §. ult. l. promissor, ff. eod.* Est etiam genus constitui in epistola Pauli ad Philemonem: *Qua re læsit te Philemon, aut quod is tibi debet, imputato mihi, ego Paulus manu mea scripsi, ego reddam.* Inter constitutum et fidejussionem nonnihil interest. Non fidejubeo pro meipso, *l. heres, §. ult. ff. de fidejuss.* constituo etiam pro meipso. Et fidejussio intelligitur esse pura, sine die, nisi sit adjecta dies, qua caveat se pro alio soluturum. Constitutum etiam die non adjecta, ad diem fieri intelligitur, vel minimum ad decem dies, *d. l. promissor.* Ea vis est verbi constituere. M. Tullius: *Si quid constitutum cum podagra habes, etc.* Ac præterea fidejussor futuræ obligationis accipi potest, quod in recepto obtinuit apud mensam argentariorum. Constitutum non valeret, nisi pecunia debita, vel natura: sufficit de heri natura ut constitutum valeat, sicut fidejussio. Ac præterea ex constituto est actio Prætoria: ex aliis est actio civilis, et sit constitutum quibuscumque verbis, non solemnibus, *l. 14. §. ult. ff. eod.* actio constitutæ pecuniæ quasi in factum concipitur, nec habet formulam certam: cujus contractus non est sollemnis formula, nec actionis est. Recepti erant sollemnia verba ante Constantinum. Item ante Justin. in *l. 2. hic*, non erat ex constituto actio, nisi earum rerum nomine, quarum datione iri solebat in creditum, in quibus rebus alia pleraque recepta sunt singularia, *l. singularia, de rebus credit.* In quibus hoc velim numerari ut constitutum earum valeat sine stipulatione. Et præterea non erat actio perpetua ante *d. l. 2.* sed annalis tantum, ut videretur dari ex consensu mero, et quasi ex pacto nudo, sicut a prælore de pignore ex pacto mero datur actio, *l. si tibi, §. de pignore, ff. de pact.* Cave dixeris actionem constitutæ pecuniæ esse ex pacto nudo: nam constitutum est contractus, quia imitatur receptum, quod fuit contractus: precarium autem est contractus, quia simile est commutato, et ea ratione constitutum est contractus: sit quidem constitutum nudo consensu, sed non est is nudus consensus, et nudum pactum: nunquam invenies emptionem perfici nudo pacto, quod est nudus consensus, sed non omnis nudus consensus est pactum: et pactum est nudus consensus, quia non transit in proprium nomen contractus. Intelligitis actionem hanc fuisse annalem, dari singulariter ex nudo consensu, et non

dari de omnibus rebus secundum jus vetus ante *d. l. 2.* eo factum est, ut plerisque videretur dari ex delicto, quod improbe fidem fessellisset, qui ad conflictum diem dare fessellisset, quod ipse vel alius debeat: nudus consensus non est satis efficax ad perficiendam actionem, tamen ex mero consensu dabitur in te actio in odium tui, id est, propter perfidiam tuam: ac proinde quasi poenalis ex parte rei non videbatur danda in heredem rei: nec tamen obtinuit: nam et actio constitutoria datur in heredem; sed verius hunc titulum fuisse applicatum superioribus duobus, ut intelligeretur, etiam actionem constitutæ pecuniæ esse hereditariam.

AD TIT. XIX.

De probationibus.

Ut coherentiæ titulorum ratio reddatur more majorum, actionum summa divisio hæc est, quod alie in rem sunt, alie in personam, alie mixte. Tertius liber dicatus est actionibus in rem et mixtis: hic autem liber quartus dicatus est actionibus in personam, quæ conditiones dicuntur communi nomine, sicut actiones in rem communi nomine vindicationes dicuntur: et jam initio hujus libri 4. proposita est actio ex mutuo, quæ conditionis commune nomen fecit suum: deinde propositæ sunt multe conditiones, ut ex promutuo, ex æquo et bono, ex novis legibus, ex causa furtiva, quæ non aliud quam commune nomen habent: communi autem nomine explicato, alias actiones in personam executurus, quæ scilicet ex negotiis et obligationibus civilibus dantur, et quæ nomen suum habent proprium, quod nulli alii rei conveniat, et quasi deponunt commune, ut actio mandati, depositi, locati, pignoratitia, pro socio etc. A tit. 11. cæpit dare communia et generalia præcepta de obligationibus et actionibus, nec dum id peregit: nam hic titulus pertinet etiam ad generalia præcepta, vel ad ea, quæ sunt communia omnium actionum: nam inanes sunt actiones, nisi ut dicitur indubitata probationis fide apud competentem judicem liqueat vera esse, quæ in judicium deducuntur: hoc vero quis præstare debeat, actor an reus, in singulis actionibus querri et disceptari solet: et per singulas quoque actiones itur hoc titulo hujus rei explorandæ gratia, sed non per omnes quidem actiones: esset enim res immani operis, sed certas quasdam, veluti in conditione si certum petatur, quæ ex mutuo est, probare debeat, *l. 1. hoc tit. et in actione in rem, l. 2. et 4. l. 12. cum res, et l. 21. ad probationem, hoc tit. et in actione in factum, quæ magistratus municipalis convenitur ex facto collegæ, l. 3. et in causa*

restitutionis in integrum, cum de ætate quæritur, *l. 9.* et in actione præjudiciali, *l. 13. et 14.* et in petitione hereditatis uter probare debeat, *l. 11.* et in causis criminalibus, *l. pen. et ult.* et hoc nomine soleo commendare titulum de probationibus, quod est per multas actiones: lis enim nulla est vel actio, quæ non indigeat probatione, probatio autem est intentionis suæ legitima fides quam facit judici actor, vel reus, vel uterque: probatio fit judici non adversario, quis hoc nescit? *l. quingenta 12. ff. eod.* et quandoque exigitur ab utraque parte, prout religioni judicantis visum fuerit, ut in causis criminalibus, *l. ult. in fi. inf. de abolition.* item in questione generis, aut familiae, *Nov. 36.* atque etiam in questione *l. pen. hoc tit.* quod ad eam quædam suppleri velim, si scriptura, quæ profertur in judicium, suspecta dicatur ab eo adversus quem facere dicatur is, qui ea utitur, veram eam esse probare debet, alioquin tenetur falsi criminis: et ut eleganter ait *l. pen. tanquam reus nefarie scripturæ*: quicquid enim falsum, id et nefarium est, sed addamus ad *d. l. pen. ex l. 4. C. Theod. de fide testium*, etiam eum, qui dubitat, quique in dubium revocat scripturam, debere docere pro sua parte eam esse falsam: sic fiet ut utraque pars impleat intentionis suæ probationes. Et in *leg. pen.* est reponenda vetus scriptura tam in hoc C. quam in C. Th. ut ita legatur illo loco: cum quid in judicio promerint, verbo formato ex præsentī, ut in *l. 4. inf. de incest. nupt. si conjunctionem diramerint. l. 13. §. si is qui hominem, de acceptilat. tollisse totam obligationem*, in quibusdam legitur tulisse: non sunt hæc errata, sed archaismi minime abolendi. Porro duæ sunt præcipuæ probationum species, instrumenta, et personæ, *l. 2. inf. de fide instr. l. 1. sup. de dilat.* Heliodorus, qui Æthiopica scripsit lib. 10. *Omnia, inquit, lis, omne judicium duas novit maximas probationes, scripturas, et testes*: sed adjungi possunt pro tertia specie argumenta, indicia, et signa, ut in *l. ad probationem, hoc tit. si, inquit, ad probationem domino non sufficiat instrumentum, non reprobari cetera probationis indicia*: et ita in *l. indicia, sup. de rei vindic. dominium probari indicis non minus, quam instrumentis*, indicia puta finium et terminorum, vel aliis modis, non quibuscumque, sed ut ait *l. indicia, certis, quæ jure non respuuntur*, et *l. ult. hoc tit. indicis indubitatis omni luce clarioribus*. Et Cicero pro Coelio: *argumentis, inquit, agemus, et signis omni luce clarioribus crimina refellemus*. Levia et exilia argumenta spernit iudex, et illegitima. Alia enim sunt legitima, alia illegitima; ut termini signa sunt legitima. Et recte Imperator Galba apud Suetonium, cum quæreretur de dominio ju-

menti, et uterque levibus argumentis, et testibus uteretur, ideoque difficili conjectura veritatis, ita decrevit ut jumentum ad lacum ubi aduari solebat, duceretur capite obvoluto, ibique capite revelato ejus esset ad quem sua sponte se a potu recepisset: hac arte cum deficerent idonea argumenta, invenit certissimum argumentum quo deprehenderet verum jumenti dominum. Et alia arte Salomon rectissimus Rex veram matrem, indicta nece pueri deprehendit: et Claudius Imperator indicto matrimonio invenit, quem mater pro filio non agnoscebat: statim atque indictum fuit matrimonium mulieri, abhorrere cepit ab eo, suadente lege naturæ. Et ad hæc pertinet *l. 1. §. ad questionem, ff. de quest.* non esse facile credendum eam puellam suppositam esse, quam ambo parentes dicuntur charam filiam habuisse. Jam dicamus levia et mediocria argumenta non plane sufficere ad probationem, sed iudicem tantum adducere ad suspicionem, *l. in lege Aquilia, ff. ad leg. Aquil.* Qui locus est de argumentis et signis intelligendus, ut notant Græci interpretes lib. 60. Basilic. tit. 3. c. 40. Quæstio est de eo, qui testibus nunc probare potest pecuniam sibi deberi sub conditione argumentis, vel testibus quos contendit superasse non posse tempore quo existet conditio: possunt utique hæc argumenta indicem adducere ad suspicionem, et efficere ut ea in testationem reducantur apud acta, ut fit hodie in æternam rei memoriam ex *d. l. in lege*: et *l. 3. §. duæ, ff. de Carbon. edic.* Hæc vero sere sunt probationum solemnium et legitimarum genera, quæ dixi: et sere tria sunt genera non legitimarum: instrumenta, et scripturæ domesticæ: nam et domestici testes reprobantur: testationes privæ, testationes patrisfam. non sunt legitime probationes in re patrisfamilias, nec in fraudem aliorum. Expensilationes privæ non sunt etiam probationes legitime, *l. 5. 6. et 7. hoc tit.* Et his convenienter Sculus Flaccus lib. de limitibus agrorum ait, privatas formas agrorum non obligare, non facere fidem, et Cic. pro Roscio Comædo: *suum Codicem testis loco recitare arrogantis est*: hisque probationum consuetis ac legitimis, veluti chirographi exhibitione, tabularum obsignatione, testium intercessionem, adjungit Gellius lib. 14. cap. 2. expensilationem, et mensæ rationem. Id non pertinet ad privatam expensilationem, sed ad eam, quæ fit ad mensam, tabulis argentarii, quorum est publica fides, *l. Argentarius, §. 1. ff. de edendo*, etiam *lex 14. hoc tit.* non legitimis probationibus adjungit professionem natalium, ut si mihi eo die filium natum professus fuero publice privatimve: e mentita hæc professio natalium, vel mea adseveratio, aut nominatio, ut si quis L. Titium filium suum nominaverit, vel affirmaverit,

non ideo probatur, L. Titium filium ejus esse: vel si defunctus in testamento dixerit. L. Titium sibi debere pecuniam certam, puta decem, l. 6. h. t. nudo defuncti dicto non creditur Jusjurandum quoque nolum adnumerari inter solemnia et legitima probationum genera per se solum, l. eum qui, ff. de jurejur. fateor jusjurandum actorem exonerare probationis necessitate, et deferri deficientibus omnibus aliis probationibus, l. tutor in princ. ff. eod. l. 1. sup. de reb. cred. Et rursus fateor esse jusjurandum adminiculum infirmarum probationum, veluti rationum privatarum, ut est in edicto Just. 7. nam hæc possunt fidem facere, adhibito jurejurando, quod detulerit iudex, vel reus: sed nego per se solum jusjurandum esse legitimum probationis modum: alioquin reus cum quo agitur ex ea causa; quæ inficiatione crescit in duplum, quæ dampnaretur tantum in simplum si non inficiaretur, quasi reus negaret, cresceret in duplum actore jurante sibi debere: hoc est, si jusjurandum legitima probatio esset, haberemus reum pro inficiatore, qui negaverat se debere, si jurejurando adversarii convinceretur: et tamen non habemus pro inficiatore aliter: quam si idoneis testibus convincatur, vel tabulis, quæ maximæ et legitime probationes sunt, d. l. eum qui in princ. Et recte in d. leg. 4. ad leg. Aquil. cum dicitur, actionem legis Aquiliæ dari debere in duplum contra negantem, si probetur damnum dedisse, recte Accurs. notat, probari hoc debere instrumentis, vel testibus, nec sufficere jusjurandum actoris, jusjurandum inficiatorem non facere, de suspitione non esse probationem legitimam non ambigitur: neque enim quis ex suspitione damnari debet, l. absentem, ff. de penis. Plinius in Epistolis: sicut implicita suspicionibus non satis condemnantur: aliud enim sunt probationes, aliud suspiciones. Notat Rufinus in Hieronymum: Nos quidem ex suspicionibus condemnant ipse, nec ex suis chirographis teneri vult, et suspicionibus: addo argumenta, ex argumentis nascuntur suspiciones, d. l. in lege Aquilia: nam neque his neque illis confirmatur fides ejus rei, de qua agitur, id est, non probant argumenta, nisi ut dixi, sint indubitata, et omni luce clariora: sed iudicem tantum movent argumenta et suspiciones, et adversarium quandoque adigunt probare, ita ut sola confessio deesse videatur, l. 1. §. 1. ff. de question. Quamobrem sæpe ab argumentis et probationibus pervenitur ad jusjurandum, vel questionem, quasi adminicula argumentorum, quibus urgetur reus, non perurgetur, nec vincitur, quo adminiculo corroboratur probatio, et ita completur probatio, l. 5. hoc tit. confessio autem propria comparatur confessioni te-

stium, l. servos, inf. ad l. Jul. de vi pub. seu priv.

AD TIT. XX.

De testibus.

A generali titulo de probationibus, quem heri exposuimus, transitum facit ad probationum species summas. Ac primum de fide testium agit, deinde titulo sequenti de fide instrumentorum: plures autem testes ad constituendam fidem ejus rei de qua agitur, exiguntur: unius testis nulla est fides, l. 9. hoc tit. et unius tamen instrumenti plena est fides: pessimi exempli est unius testimonio credi. Quod dictum tribuitur L. Scævolæ a Valerio Maximo lib. 4. cap. 1. Veruntamen Theophilus noster in testamento militari admittit testimonium unius testis jurati, et fide dignissimi, cui præscribi non possit. Etiam invenio Constantinum Imperatorem in constitutione quadam de Episcopali judicio, quam invenietis post C. Theod. unius Episcopi testimonium admittere, Testimonium, inquit, ab uno licet Episcopo perhibitum omnes iudices incunctanter accipiant, quasi faciat fidem plenam, sed id postea adeo fuit mutatum ab aliis Imperatoribus Christianis, ut nec volentes, nec invito Episcopos voluerint ad testimonium admitti, l. nec honore, sup. de Episc. et cler. Nec honore, nec legibus Episcopi ad testimonium dicendum flagitantur, id est, neque volentes, neque invito: legibus invito testimonium nuntiatur: honor autem est volentem recipi in testimonium: sed existimat Theodosius in ea l. minui potius honorem Episcopi, si ad testimonium admittatur: sed ad rem: plures testes exiguntur, ut dixi, ad probationem constituendam, nec sufficit unus regulariter: nam legibus solet definiri numerus plurium testium in unoquoque negotio, ut testium decem in consarreatione, quod est genus contrahendarum nuptiarum. Ulpianus tit. 9. de his qui in manu sunt: farre, inquit, convenitur in manum certis verbis, et testibus decem presentibus: exiguntur septem testes in testamentis, quod est notissimum, et divortis, l. nullum, ff. de divort. in Codicillis exiguntur quinque testes, l. hac consultissima, §. pen. et l. cum antiquitas, §. 1. inf. de testam. et l. ult. inf. de Codicillis: totidem etiam exiguntur, aut sufficiunt in testimonio rusticorum, l. si. inf. de testam. et in nuda voluntate exiguntur tres, ut declarat lex 27. inf. de testam. Invenio in causa repetundarum ex l. Servilia desiderari centum et viginti testes apud Valer. Max. lib. 8. cap. 5. quæ tamen effrenata multitudo testium postea constitutionibus coercita est, ut ait eleganter l. 1. §. quanquam, ff. eod. sed pendet

hodie omnis ea res ex arbitrio iudicis, ut quem putaverit dignum, testium numerum in quacunque causa, cum vel admittat, vel requirat, ubi autem legibus non est definitus numerus testium, ut in furti conceptione, quae ex 12. tabulis sit testibus praesentibus, non addito numero. Et similiter eadem lex 12. tab. in vinclis sumendis, quas jubet saperstitibus, id est, testibus praesentibus sumi, non addito numero, his causibus duo testes sufficiunt, l. 12. ubi numerus, ff. de testib. Et quod ait eadem lex, pluralem locutionem, cui non adijcitur numerus, nempe hanc, testibus praesentibus, duorum numero esse contentam, hoc est, quod dicimus in dubiis nos sequi minimum: lex 1. hoc tit. est Graeca, necdum prodita est ejus sententia: ἀγρῶτες παρρησια κατὰ ὑπογράφου παρρησίας ἰχθύου εὐδύναται, id est, adversus scripturam testes non admittuntur. Quod ex ipsa constitutione, ut opinor retulit Paulus lib. 8. Sentent. tit. de testib. *Testes*, inquit, *si de fide tabularum nihil dicitur, id est, si non dicuntur falsae tabulae, adversus scripturam interrogari non possunt.* Et quod Hermenopolus scribit lib. 1. tit. de testib. *Testes adversus scripturam nihil possunt valere*, est ex hac constitutione: atque ita evenit ut plus possint instrumenta, quam testes: quod accidit etiam in plerisque causis, ut eis fidem adhibere oporteat per instrumenta, non per testes: omnino necessaria est scriptura, ut in specie legis 15. sup. si minor se major. diz. et l. generaliter, inf. de non numer. pec. l. pen. inf. de contrah. stipul. et Nov. 90. sane multum tribuitur in hac l. 1. instrumentis, dum eorum fidem dicitur testibus convelli non posse, si suspecta non dicantur: scriptum scripto contrario evortitur, non testibus: ut chirographum apocha abolet: quod tamen in Basilicis notatur ita esse accipiendum, ut non ea sententia passim abutamur: nam contra testimonia admitti testes ipsos quorum sunt testimonia, juxta verbum Adriani: testibus oportet, non testimoniis credere: nam testimonia in scriptum redacta nullius sunt momenti, nisi ei suffragetur vox testium ipsorum, quorum sunt testimonia, l. 3. §. idem divus, ff. de testib. et Nov. 73. cap. 3. Et recte Cornel. Tacitus lib. de orat. Testimonia, sit non per absentes, nec per tabellam dari debere, sed coram et praesentes, vel sane si per tabellam dederint, nihil egisse, nisi ea ipsimet confirmant coram et praesentes, hoc est, quod dicitur, non testimoniis, sed testibus credendum: alias vero contra scripturam, cujus fides in dubitationem non vocatur, testes non rogantur, alioqui nullus esset finis probationum: licet fuit sententia l. 1. hoc tit. nec fuit ut posset quis existimare ex Balsamone Nomocanonis tit. 9. sententiam legis fuisse hanc: rejiciendum esse a testimonio eum, qui tumultuosam petulantiam

Tom IX.

designasse iudicatus erit. Et est Agyleus interpres valde suavis in hac re, quod ita proponit sententiam cap. 31. tit. 1. lib. 12. Basil. *Rejiciendus est a testimonio, etc.* nec minus suaviter Hervetus: *qui condemnatus est, quod seditiosos ac turbulentos aliquas ineptias fecerit.* Et neuter est assecutus Graeci sermonis sententiam: nam in Graeco ita est ut sit intestabilis, qui condemnatus est ob carmen, quod fecit: et caput illud Basil. omnino est sumptum ex l. ob carmen, ff. eod. tantum abest, ut ea sententia sit collocanda iunctio hujus tit. ut sit omnino referenda ad eam l. g. ob carmen, et exprimenda illis verbis: *ob carmen famosum*, non ineptis superioribus, ut retuli.

AD TIT. XXI.

De fide instrumentorum, et amissione eorum, et Antapochis faciendis, et de his, quae sine scriptura fieri possunt.

De instrumentis altera probationum specie eleganter dicitur in l. 15. hoc tit. in overcenis iudiciis eandem vim obtinere tam fidem instrumentorum, quam depositiones, id est, intercessionem testium: et fidem instrumentorum accipe eam, quam eis data sit, vel imposita per testes, vel per comparisonem literarum in l. Iudices, et l. cum quidam, hoc tit. Instrumenta omnia fidem non faciunt, non rationes privatae, non expensilationes, non scripturae domesticae: sed instrumenta, quae fidem faciunt, vel sunt privata, ut chirographum, syngrapha, ἰδιόγραφα, ut in l. scripturas, inf. qui potior. in pign. hab. apochae, antapochae et testimonia suffulta testium voce: haec fidem faciunt, et obligant, et probant: vel sunt publica et forensia, ut ea quae tabelliones conficiunt, ut in Nov. de tabellion. et monumenta census, aut professiones, aut tabulae professionis: quorum tamen amissionem, vel corruptionem multis locis ostenditur in hoc titulo nihil nocere domino, vel possessori, vel creditori habentibus alias probationes, l. 2. 4. 5. 6. 7. 8. et in pragmatica sanctione Justiniani facta ad petitionem Vigili Episcopi Romanus, quam invenies post Nov. Just. Denique omnia fere valere sine scriptura, venditiones, permutationes, divisiones, donationes, quae insinuationem non desiderant, l. 9. 10. 13. 12. hoc tit. nisi scilicet id nominatim actum sit inter contrahentes, ut contractus redigeretur in scriptis: hoc enim casu contractus sine scriptura non valet. Emptio periclitatur solo consensu, sine instrumentis, sed si convenerit ut instrumentum fieret, non erit perfecta emptio, nisi instrumentum fiat, etsi convenerit de pretio ante instrumentum confectum, l. contractus, hoc tit. Est etiam hoc tit. una constitutio de antapochis faciendis, l. plures, quo

157

nomine significatur professio debitoris facta creditori, vel domino, qua singulis annis solvetur de usuris quas pensitat creditori, vel de pensionibus, aut redditibus quas solvit domino. Et apochæ et antapochæ sunt professiones solutæ pecunie, sed apocha debitori a creditore: antapocha creditori a debitore datur, ut quandoque ea factus creditor, cum erit commodum, ostendere possit solutione usurarum, vel reddituum interruptam fuisse præscriptionem triginta annorum: si forte eam opponat debitor creditori eludende actionis causa: nam solutio usurarum, et reddituum quomodoque debitor probaturus est per antapocham, interruptit præscriptionem triginta annorum, *l. pen. §. ult. de præscript. trig. annor.* ut recte Græci ad *d. l. plures*. Est etiam pro antapocha exemplum apochæ subscriptum a debitore, et creditori datum: hoc enim exemplum tantum potest, quantum si ita debitor creditori cavisset: antapochæ formula hæc est: *L. Titius fateor me C. Marcin, anno illo, die illo tot solvisse annui redditus nomine, quem ei debeo ob fundam, vel possessionem illam, vel tot usurarum nomine ob creditam mihi pecuniam: et hæc est formula antapochæ, scilicet pro antapocha exemplum apochæ, quam accepit debitor a creditore solutæ pecunie subscriptum ab ipso debitore, et redditum creditori: non male id dicitur antapocha.*

AD TIT. XXII.

Plus valere quod agitur, quam quod simulate concipitur.

Hic titulus est pars superioris: nam in eo hoc tantum ostenditur, plus valere veritatem rei gestæ, quam instrumenta conficta et simulata. Et ex ea regula satis intelligitur, non minus valere rem quamcumque gestam, quod etiam habuimus tit. 21. nisi aliud intervenerit, quod instrumenta de ea re nulla intercesserint: neque enim instrumenta fiunt ut res valeat, sed ut res facilius probari possit, atque ei fides diuturnior, *l. 4. et 5. ff. de fide instrum. l. multum, inf. si quis alteri vel sibi*: ad hanc regulam exemplum apponitur satis obscurum in emptione pignoris causa facta *l. 3. hoc tit.* vulgo ita lex explicatur. Constitutione Constantini vetita est lex commissoria in pignoribus, quæ erat permessa ante Constantinum. Commissoria autem lex est, ut si ad diem pecunia non solvatur creditori, pignus committatur creditori, et transeat in dominium ejus, etsi plus sit in pretio pignoris, quam in credito, et merito aboletur lex commissoria in pignoribus, *l. ult. inf. de pact. pignor.* Quæ tamen antiquissima est in venditionibus: nunc finge: creditor ut constitutioni Constantini fraudem faceret, rem quam accepit pignori, simulavit se emere sub

conditione si ad diem pecunia ei non solvatur: hoc casu spectatur quod re vera actum est, non quod simulatum, nec fraudi erit locus. Et hoc est quod ait lex 3. *hujus tit. Emptione pignoris causa facta non quod scriptum, sed quod gestum est, inspiritur.* Et sane conveniret exemplum si ante Constantinum, id est, ætate Diocletiani et Maximiani vetita fuisset lex commissoria in pignoribus: at ea ætate permessa erat, et proprie dicebatur fiducia. Cum igitur permissa fuerit, verisimile est ad hanc legem tale exemplum non apponi, sed ne sinus destituti exemplis, adnotetur tantum *l. 3. §. ult. et l. 6. ff. de distr. pign.* Finge speciem: tres sunt creditores, qui uni seorsim diversis temporibus pecuniam crediderunt: hic decem ille quinque, alter viginti sub pignore eodem. In pignoris causa, et in actione hypothecaria prior creditor excludet ceteros, et dividet pignus. Igitur ut dicitur, prior tempore potior est in jure pignoris. Ceterum cum ita sunt creditores, secundus creditor jus habet offerendæ pecunie primo, id est, primus creditor cogitur invitus pecuniam sibi debitam accipere a secundo creditore, et dimittere ei pignus oblata pecunia. Primus dimisit pignus secundo, non ut pignus, id est, ut id scilicet haberet non jure pignoris, sed ut haberet jure emptionis et venditionis: denique secundus creditor accepit titulo emptionis: quaeritur an tertius creditor habeat jus offerendæ pecunie secundo creditore ut ab eo auferat pignus: videtur non habere: quia emit a primo, et dominium acquisivit non est tibi jus offerendi pretii, rei meæ, ut tibi cogar eam vendere, *l. invitum, inf. de contrah. empt.* secundus creditor dominus est rei, quia emit, etsi a non domino: nam jure pignoris non dominus dominum facit: si dominus est, non vendet igitur invitus: imo vero auferatur a secundo oblata pecunia a tertio, etsi eam rem tenent emptionis jure, quis scilicet eam emit non tam dominii acquirendi, quam pignoris servandi causa, *l. 2. ff. de distr. pign.*

AD TIT. XXIII.

De Commodato.

Expositis generalibus præceptis de obligationibus et actionibus, quæ cæpit exponere a tit. 11. et per solvit tit. 22. modo incipit de iis actionibus et obligationibus tractare per singulas species, ac primò de actione commodati quasi proxima et finitima actioni mutui pecunie, quam proposuit initio huius libri: nam ut alias dixi, commodatum est mutuum ad usum, mutuum est commodatum ad habendum: re enim mutua abutimur, id est, eam consumimus, et verum mutuum consistit tantum in his rebus, quæ utendo

consumuntur, quæ sunt in abusu, non in usu. Re autem commodata non licet abuti sed eam conservare oportet integram et illam, ut restitatur domino, qui eam commodavit: satis vicina sunt hæc duo negotia, mutuum et commodatum: et legitime etiam sub tit. *de rebus credit. si cert. pet.* id est de con-
 dictione quæ datur ex mutuo si cert. pet. sub illo titulo, qui non proprie est de mutuo, etiam prætorum ed. visse de commodato et de pignore, *l. 1. ff. de rebus credit.* Et mox de pignore agitur lit. seq. Duplex autem est actio commodati, directa et contraria. Directa est de re commodata restituenda domino, qui eam commodavit. Directa enim competit domino adversus commodatarium vel h. redem ejus: contra-
 ria autem actio commodati, id est quæ ex adverso commodatario in dominum est de recipiendis impensis in rem commodatam factis ob morbum hominis commodati, vel rationem aliam necessariam, non ob cibaria: nam æquum est ut commodatarius utatur re commodatoris suis impensis, id est, exhibitis cibariis de suo, *l. in commodato, §. 1. et §. sicut, l. in rebus, §. possunt, ff. commo.* Igitur, cibariorum sumptus non repetit contraria actione sed sumptus valetudinis, vel quos alios necessarios: sed in hoc titulo, quatenus ejus conceptio indicat de commodato nihil adjicitur de actione contraria, sicut in tit. seq. de pign. actione vel contra, ut meliores Codices ha-
 bent in hoc tit. non adjicitur vel contra, quia sub eo nulla est constitutio de contraria actione, omnes sunt de directa et principali. Commodatum est contractus, quo quis rem suam dat gratuito utendam alteri ad tempus, *l. 2. hoc tit.* temporalis ministerii causa, temporalis usus causa, et gratuito, id est sine mer-
 cede: alioquin locatio esset: nam commodatum est beneficium, quod proficiscitur ex amicitia utriusque. contrarium autem beneficium est merces, *l. 1. §. 1. ff. mand.* liberalis enim, et benigni hominis est bene-
 ficium non mercedem sequi, expleto usu in quem res commodata est. Ex ea conventionione competit actio directa commodati. Uter exemplo *l. 5.* si rem meam tibi tradidero pignori obligandam creditori tuo et solvens postea creditori pecuniam omnem, pignoris obligatio extinguitur, ac proinde finitur usus in quem eam tibi commodaveram. Et ideo statim mihi com-
 petit de ea re recuperanda actio directa, et vicissim tibi contraria de recuperandis impensis, si quas ne-
 cessarias feceris. Sunt igitur ex hoc contractu mutue actiones et obligationes utroque citroque. Est autem valide singularis, quod ait lex ult. nec enim usquam alibi reperies similem textum: et plerisque videtur esse usque adro novum, ut id tentent elu-
 dere et excusare quasi non sit plane verum, quod ait lex ult. nam sententia ejus hæc est: actioni commodati directæ non posse opponi compensationem, sed
 protinus domino rem esse restituendam, etsi ipse tan-

tundem debeat, aut plus commodatario, unde eam rem repetit, ait enim, prætenu debiti quod debetur commodatario ab actore, non probabiliter recusari restitutionem rei commodatæ: hoc quid aliud est, quam compensationi locum non esse in actione com-
 modati? Et inde etiam nominatim hoc loco Græci non tantum in actione depositi, ut in *l. ult. inf. de compensat.* sed etiam in actione commodati cessare compensationem ajunt, et acori celeriter rem esse reidendam, locus est singularis, et idem valde notan-
 dus: verum obstat huic definitioni *l. in rebus 18. §. ult. ff. eod.* quod nominatim ait commodatarium, cum quo directo agitur jure compensationis posse consequi, quod consequeretur contraria actione commodati: ergo in actione commodati compensatio-
 ni locus est: sed nihil est, quod tam facile expediri possit. Recte et hoc solum inter cetera Accursius in hoc re retulit, compensari quidem a reo, cum quo agitur commodati, id quod ei debetur actione con-
 traria: quia quasi pignoris jure res commodata ei tenetur in id quod venit in contrariam actionem, id est, eo nomine quasi ea res ei pignori esset, quod in ea re impenderit: ideoque competit illi retentio ejus rei, quoad impensæ refusæ et redditæ sint, *l. creditoris, §. ult. D. de furtis.* Ceterum non compensatur in actione commodati id quod reo debetur alio judicio. Et ita respondendum est ad dic-
 tam legem *in rebus, §. ult.* verum magis obstat *§. in bonæ fidei, Inst. de actionib.* in quo ge-
 neraliter definitur, ex constitutione Justiniani, in omnibus actionibus compensationi locum esse, excepta sola depositi actione, si sola depositi, non debet ei adjungi commodati actio. Nec est quod possis respondere nisi simpliciter in eo *§.* esse respiciendum ad constitutionem Justiniani, de qua loquitur, excipi solam depositi causam quia eam solam excipit constitutio Justiniani, et omi-
 sit actionem commodati, quam tamen non ideo ab eodem jure secludimus. At nec propterea dicemus nullam esse differentiam in hac re inter actionem depositi, et commodati ostendam enim superesse, et longe majorem esse fa-orem actionis depositi: nam verissimam esse arbitror sententiam Joannis relata ab Accursio in *l. pen. inf. depos.* In actione depositi ne compensari quidem id posse quod depositario debetur contraria actione: denique depositarium jure pensationis, vel pignoris non posse retinere rem depositam ob ea, quæ in eam impe-
 dit, sed debere eam persequi contraria actione, ut rem sine mora reddere: grave esse procrastinare et differre depositi restitutionem, fidem depositi id desiderare, et præcipue favore hujus contractus ce-
 lere restitutionem, quod invenio etiam favore dotis esse receptum in *l. dote prælegata, ff. de dote præleg.* Dotem, quam mulier petit ex legati

causa non posse retineri, veluti pignoris jure, vel, quod idem est, compensationis jure ob donationes mulieri factas revocatas a marito, vel ob impensas non necessarias, quæ dotem ipso jure non minuunt, factas a marito in rem dotalem, sed incunctanter dotem illi esse restituendam, non admissio pensionis jure: non idem est fa or commodati: nam in actione commodati, saltem compensatur, quod venit in actionem contrariam: et similiter non est idem favor empti et venditi: nam venditor etiam post perfectam emptionem retinet rem venditam quasi jure pignoris, quoad ei pretium solvatur. Et evenit hoc casu, ut res sua ei pignori sit, cujus scilicet dominium nudum transtulit in emptorem, *l. Julianus, §. offerri, D. de act. empti, l. hereditatis, ff. de hered. vend. l. quod si nolit, §. idem Marcellus, ff. de edil. edict. et Nov. 136.* Et sunt pleraque alia in quibus utique major est favor depositi, quam commodati. Ac primum testatio, vel denunciatio alterius non potest moram injicere restitutioni depositi, prohibitio alterius de ea re forsitan domino faciente controversiam, *Nov. 88.* et chirographis rerum depositarum non potest opponi exceptio non numeratæ pecuniæ, vel non traditæ rei, *l. in contractibus, inf. de non numer. pecun.* Et actio depositi est famosa, commodati non est famosa: scilicet bonam esse fidem depositum reddere, bonam esse fidem commodatum reddere, sed si hoc non feceris, non eris infamis. Turpe est depositum non reddere, et turpe est commodatum non reddere (quæ de re est problema Aristotelis) vel quod ei proximum est, mutuum. Hinc videmus, quam distet alia actio ab alia: ac precipue etiam in jure pensionis.

AD TIT. XXIV.

De pignoratitia actione.

Sequitur alius contractus, quem pignus dicimus, et pignori acceptum, *l. 23. contractus, ff. de reg. jur. l. 1. §. ult. ff. de part.* Id scilicet est pignus, quod traditione constituitur, quod datur de manu in manum: nam hypotheca, quæ nudo pacto consistit, instituitur de jure prætorio, *l. 17. si tibi, §. de pign. rod.* Hypotheca non est contractus, sed pactum: nam omne pactum est nudum: et longe aliud est pactum, aliud contractus: nec contractus pactum est, nec pactum contractus. Igitur pignus quod constituitur traditione, contractus est, hypotheca ea, quæ nudo pacto constituitur, non est contractus, quia scilicet traditione non sumpsit effectum, et nomen civile non habet, aut legitimum, sed prætorium: verum actiones, quæ sunt de pignore sunt communes pignoribus, et hypothecis tam in rem, quam in personam: nam

actio hypothecaria competit ex utroque genere pignoris, sive quod constituitur traditione, sive quod nudo pacto, *§. item Serviana, Instit. de actionibus:* hypoth. est persecutio pignoris, quæ actio est in rem, non in personam, *l. pignoris, inf. de pignorib. l. 2. inf. si unus ex pluribus:* mirum est quod invaluerit hæc opinio in foro, ut existiment et affirmant omni asseveratione hypothecam esse personalem cum iis locis nominatim dicatur, non personam obligare, sed rem persequi: nec sane aliud est, quam vindicatio pignoris. Addimus alios duos errores, qui in forum irrepserunt: prius est donationem causa mortis eam esse, quæ sit ab ægrotante, ac si sanus non dicatur, donare causa mortis. Et illud stultius affirmant, actionem quamcumque de re mobili esse actionem realem ut damni infecti actio, pro socio, de pariete communi, quas certo certius est, esse in personam: verum ad rem. Satis dictum est de actione hypothecaria. Pignoratitia actio, de qua agitur in hoc titulo, est in personam, et bonæ fidei, non arbitraria. Et rursus est civilis, non prætoria, ut hypothecaria. Et pignoris civile nomen est, id est, ex *l. 12. tab.* Et tamen putem etiam de hypothecaria id est, de pignore quod initio fuerat contractum nudo pacto, dari pignoratitiam si forte posita vel creditorem hypotheca pervenerit, et solvatur ei omnis pecunia: namque agatur confestim de hypotheca recipienda: æque ita actiones hoc titulo possunt esse communes, etiam hypothecæ, quæ casu aliquo post conventionem nudam pervenerint ad creditorem, et competit directa pignoratitia actio debitori, qui omnem pecuniam solvit de pignore recipiendo, ut in *l. 32. fidejussor, ff. de neg. gest. l. pen. ff. eod. pignoratitium judicium, ut loquitur l. 78. Lucius, §. rogatus, ff. ad Tribell.* contraria actio pignoratitia competit creditori si quid impendit, vel si res aliqua ei pignori sit, *l. 16. tutor, §. contrariam, ff. eod.* nam etsi non valeat pignus rei alienæ *l. 30. servus quem, §. ult. ff. de action. empti,* tamen utroque est pignoratitia, ac si non sit omnino inutilis pignus rei alienæ, *d. l. tutor, l. 9. si rem alienam, in princ. et l. 22. si pignore, §. si prædo, ff. eod. l. 4. §. si rem, ff. de usur. et usucap.* nam facile potest convalescere pignus rei alienæ, ut dicitur in *l. 9. qui balneum, §. Titia, ff. qui pot. in pign. hab.* et ad extremum pignus est contractus alterius fides, et accessio, et solvenda rei vinculum, *l. legata, §. ult. ff. de suppl. leg.* vel pignus est obligatio rei certæ in vicem crediti: vel est contractus, quo debitor rem suam deponit uestitque creditori, quo magis in tuto sit creditum suum *§. ult. Instit. quib. modis re contr. oblig.*

AD TIT. XXV.

De institoria, et exercitoria actione.

Post actionem commodati et pignoratitiam, directas et contrarias, quas, supra habuimus, et quæ ex contractibus nostris nobis, et in nos dantur, nunc proponuntur actiones, quæ ex iisdem, vel aliis contractibus aliorum hominum, veluti institorum, quos mercaturæ faciendæ, vel magistrorum, quos navi exercendæ et occupandæ præposuimus, etiam si sui juris sint, non in nostra potestate: similiter nobis, et in nos dantur, duæ scilicet actiones exercitoria, et institoria: exercitoria ex contractu magistrorum quos navi præfecimus: institoria ex contractu vel contractibus institorum, quos mercaturæ, vel negotio alicui præposuimus: nam non sunt unius negotii, sed omnium negotiorum, et omnium contractuum: est actio ex empto institoria, vel exercitoria: est ex locato conducto institoria, vel exercitoria: est actio mutue pecunie exercitoria, vel institoria: hæc scilicet aptitudo quasi in omnes actiones cadit, *l. quicumque, §. non tamen. l. novissime. ff. cod. l. si tamen, l. ult. §. eadem. D. de exercit.* Et ita quæ proponuntur tit. seq. actiones, de peculio, quod iussu, et de in rem verso, appellationes sunt omnium actionum, vel agnominationes capaces omnium actionum, vel omnium negotiorum: nec sunt unius negotii actiones, sed omnium, non nomina actionum, sed appellationes ex contractibus eorum, quæ sunt in nostra potestate, non etiam ut exercitoria, aut institoria ex contractibus eorum, qui sunt sui juris. Institor est, qui alieno nomine instat mercaturam, ut Novius loquitur: *Instat mercaturam, credo rem faciat, frangi est homo*: et dicitur in *l. 3. ff. de Instit.* institorem ex eo appellari, quod instat negotio gerendo, vel negotiationi alicui, non suo sed alieno nomine. Porro ex contractu institoris iis, qui cum eo contraxerint, ejus rei causa cui præpositus est institor, non etiam alterius cui præpositus non sit, ut eleganter *l. 2. et 3. h. l.* iis inquam, in eum, qui præposuit institorem, jure Prætorio est actio in solidum, quæ appellatur institoria, introducta optima ratione, quia sicut is, qui præposuit institorem commodæ sentit ex administratione institoris, ita æquum est etiam secundum naturam, ut sit regula juris, ut incommoda sentiat, puta ut conveniatur ex ejus contractu, quia et is, qui contraxit cum institore, non institoris, sed ejus, qui præposuit fidem sequitur, et propemodum cum eo se contrahere arbitratur, ad quem actus, pensiones, et redditus omnes institoris pertinent: et cujus denique res agitur, non institoris. Et placet quod ait *l. 1. D. cod. commodæ*, cum sentit ex actu institoris. Ex quo intelligitur institorem nihil

aliud esse, quam actorem rei ejus qui cum præposuit rebus suis certis, vel omnibus, institorem cum esse qui actum gerit alienum, ut non male in idiotismo dicatur *factor*: commodæ autem sentit ex actu institoris, quia ad eum redeunt omnes quæstus negotiationis. Et quia quod admodum singulare est, si aliter rem suam servare non possit (ut si institor, qui est liber homo non sit solvendo) hæc casu ei, qui institorem præposuit in subsidium, defecto facultatibus institoris datur actio utilis in eos, qui cum institore libero homine contraxerunt, *l. 1. in fi. et l. 2. D. cod. l. 3. D. de præst. stipul.* quod singulariter receptum est contra regulam juris, quæ vult, per liberam personam nobis non acquiri actionem, *l. 1. inf. per quas personas nob. acquir. et l. solutum §. per liberam, D. de pignorat. act.* sed ea regula propter rei utilitatem vitatur, et inflectitur, et in subsidium nobis datur actio ex contractu liberi hominis. Itemque per institorem liberum hominem nobis acquiritur actio utilis et subsidiaria in eos, qui cum eo contraxerunt dum is actum ageret nostrum, non suum: hæc de institoria. Exercitor autem est dominus, vel quasi dominus, navis, qui navem exercet, et qui percipit omnes redditus hujus navis. Is autem, qui ab eo præponitur navi, cuique tota cura navis exercendæ mandatur vocatur *magister navis*, Græce *πρωτεύς*, quod ei commissa sit navis. Et est igitur in ea re velut institor quidam navis exercendæ, qui instat nullam aliam rem, quam exercendam navem; et ita nominatim *Manilius lib. 3.*

In titor æquoreæ varia sub imagine mercis.

Nam actioni exercitorie locus est ex contractu magistri, non tantum si navem locaverit ad merces alienas vehendas, vel onus vehendum, vel si vectores conduxerit, vel si armamentorum quibus navis instruat, emendorum causa navigatum miserit: sed si fuerit præpositus mercibus emendis et vendendis, et maritime negotiationi: nam ex contractu ejus exercitor obligatur in solidum actione exercitoria ex edicto prætoris, *l. 1. §. magistri, ff. cod.* Quod si magister navis institor est, aut propriam speciem institoris facit atque constituit, et exercitoria: igitur actio exercitoria, et institoria est et retro institoria, et exercitoria est non is, qui institorem præponit, dicitur etiam exercere tabernam, et officium, vel mensam, vel aliam negotiationem. Et exercitor igitur ipse est non minus, quam qui navem exercet. Sic uterque exercitor est, uterque institor est, *l. habebat, §. si duos, et l. ult. ff. cod.* sed quævis hoc ita sit, tamen non debemus permiscere hæc vocabula, nec his abuti nostros auctores usquam inveniri; quinimo ac-

curate separari iustitorem a magistro navis etiam illo Horatii loco.

... seu vocat iustitor;

Seu navis Hispana magister.

Et eadem accurate separari utramque actionem videmus in eo, quod prætori præcipua fuit curam navigantium quam mercantium, seu negotiantium, ut his dederit proprium titulum, et propriam actionem, exercitoriam nempe: nam et hæc utilitas et necessitas navigantium facit, ut sint differentiæ inter hanc, et illam actionem, inter hunc, et illum iustitorem, quod ultimo loco explicabimus. Ceterum ad similitudinem actionis iustitorie, ut dicitur in l. 4. hujus tit. ex contractu magistri navis ita qui cum eo contraxerunt, ex causa cui præpositus est, datur in solidum jure prætorio actio in exercitorem, et vicissim exercitori datur in eos, qui cum magistro contraxerunt, l. 1. §. *sed ex contrario*, ff. *de exercitoria actio*. Atque ita evenit etiam hoc casu, si magister sui juris fuerit, ut per liberam personam nobis acquiratur actio contra regulas juris, scilicet actio utilis ordinaria, et subsidaria, quæ scilicet exercitori est extremum remane servande subsidium, quo non utitur nisi deficiente alio remedio, puta magistro everso facultatibus, in quem est et actio ex locato, nomine eorum, quæ gerit: si mercede operas exhibebat, est in eum actio mandati quasi procuratorem, vel negotiorum gestorem; idemque est in iustitoria actione. Hoc igitur in his duabus actionibus est singulare, ut in subsidium dominus videatur acquisisse actionem per iustitorem, aut magistrum navi præpositum liberum hominem: et ad extremum diligenter sunt adnotandæ duæ differentiæ inter hanc, et illam actionem, quæ fecere ut distincti essent tituli earum actionum, distinctæ nomina, distinctæ actiones; et ut hoc de nominibus sciatur, addam iustitoriam nomen habere ab eo, qui præpositus est negotiationi, vel mercaturæ: exercitoriam autem, nomen habere ab eo, qui præposuit, non a præposito; quia scilicet ex nomine magistri navis non potuit adfingi actioni nomen aptum, nisi fuisset dicta ineleganter magisterialis; idcirco nomen accepit ab eo, qui præposuit magistrum navi: prima inter hæc duo negotia differentia hæc est: Dominus qui præposuit iustitorem, non tenetur ex contractu ejus, quem iustitor præposuit, et suo loco substituit: quia non eam legem dedit præpositioni ut iustitor substitutorem haberet, et ut ipso ex utriusque facto obligaretur. Igitur non obligatur, nisi ex facto iustitoris, quem præposuit ipse, non ex facto ejus quem iustitor suo loco substituit. At exercitor tenetur etiam ex contractu ejus, quem magister præposuit, et in suum locum substituit, vel in sui muneris partem aliquam. Et quod mi-

ram est, tenetur exercitor ex contractu ejus, quem magister præposuit, et si eum præponi noluerit: quod extorsit utilitas navigantium et necessitas, ut scilicet exercitor præstet omnia facta magistri, sive ex ejus voluntate, sive contra ejus voluntatem, alioquin navigationis essent incommodissima, quarum usus pertinet ad summum Reip. ut ait l. 1. §. *si is qui navem*, ff. *ead.* Et hæc differentia est, quod si filiusfam. voluntate patris navem peculiarem exerceat, sive cum eo contractum sit, sive cum magistro ejus, quem imposuit navi sue, pater tenetur in solidum, cujus voluntate filius exerceat navem. At si filius exerceat merces peculiarem voluntate patris, ex contractu filii, vel iustitoris ejus, pater non tenetur in solidum: sed in merces peculiarem tantum, et deducit etiam, quod filius sibi debet naturaliter, et non cum ceteris creditoribus peculiaribus, pater quasi creditor venit in tributum, id est, in æqualem distributionem mercium, quod fit per actionem tributariam, qui ex causa exercitationis navium tenetur in solidum, propter eandem utilitatem, et necessitatem navigantium, quod ostenditur in l. 1. §. *si is qui navem*, et §. *quoniam*, D. *ead.* et l. 3. §. *si filiusfam.*, D. *naut. camp. stabul.* Et hic rursus observandum est maxime, prætorem dare actionem in solidum in patrem, si filius volente patre, navem exercuerit, volente, inquam, non etiam si sciens tantum nec volente; nam in edicto prætoris legitur, *volente*: non sufficit ergo scientia patris nota, sed necessaria est voluntas, ut obligetur pater in solidum: alioquin si scientia intervenierit sola, pater tenebitur in peculium, vel veniet in tributum, id est, tenebitur, vel de peculio, vel de tributaria actione; actione tributaria non in solidum, quia scilicet in edicto de exercitoria actione ita nominatum scriptum est volente patre. Et longe alia est ratio edicti de tributaria actione, in quo scriptum est sciens patre: adeo ut si sciens patre nec volente, filius exercuerit merces peculiares, pater veniat in tributum. Idemque multo magis si volente patre, ut veniat in tributum, nec obligetur in solidum: nam ut eleganter ait d. c. l. §. *si is qui navem*, in rebus dubiis, melius est verbis edicti inserviri; et id de utriusque actionis scilicet exercitorie, et iustitorie edicto observandum est, quia scilicet custodire prætor in non scientia, in altero voluntatis verbo usus est. Et notanda est valde hæc definitio, in debitis rebus verbis inserviendum esse legum: nam quantum aberras ab eis, tantum aberras a jure nostro. Et ad extremum advertendum est, hoc tit. agi de actionibus provenientibus tam ex contractu eorum, qui sunt in nostra potestate, quam ex contractu eorum, qui sunt sui juris. At quæ præponuntur tit. sequenti, dantur tan-

tum ex contractu eorum, qui sunt in nostra potestate.

AD TIT. XXVI.

Quod cum eo, qui in aliena potestate est negotium gestum esse dicetur, vel de peculio, sive quod jussu, aut de in rem verso.

Expositis actionibus exercitoria et institoria tituli superiori, quæ ex contractu eorum, qui sunt in nostra potestate, vel aliorum, in nos dantur in solidum, sive in assem inde transit ad alias actiones quæ ex contractibus eorum, qui nostræ potestati subiecti sunt in nos mitiores sunt, nec dantur in solidum, sed pro certo constitutoque modo edictis prætorum. Et hac continuatione utitur Ulp. l. 1. *D. de peculio*, vel hac potius præfatione ad edictum illud, cujus prima verba proponuntur hoc titulo. Et sub eo edicto prætor proposuit tres potissimum actiones, unam quæ datur in peculium filii-familias, aut servi, qui in nostra potestate est, alteram quæ datur in id quod versum est in rem nostram, quod redactum est in patrimonium nostrum, ex negotio gesto cum filio aut cum servo meo; et tertiam, quæ est de eo, quod iussu, vel mandatu nostro contractum est cum filio, aut servo nostro: quæ tres actiones non sunt novius negotii, sed accommodantur omnibus negotiis et contractibus, ut recte in *S. actiones Inst. de act.* dixerit pluralivo numero, præterem comparasse actiones de peculio, et nominativum de actione quod jussu in *l. si dubitet, S. filiusfam. D. de fidejuss.* actionem quod jussu referri ad omnes contractus, etiam ad stipulationes, et fidejussiones; atque adeo si fidejussisset filius jussu patris, patrem teneri, quod jussu: quod hæc actio suo ambitu complectatur omnes contractus, sicut et de peculio, et de in rem verso. et superiores de exercitoria et institoria: peculium est, quod quis quasi patrimonium servum, vel filium suum habere voluit: neque enim hæc personæ, quæ sunt alieni juris, quicquam habent suum, nisi permittente patre, vel domino: uno verbo, domini prænomen habent veluti patrimonium quoddam suum, et in patrimonio etiam servos, quos vocant vicarios, quorum se esse dominos dicunt, id est, quasi dominos: sed semper meminisse oportet huic peculio deduci debere si quid domino debetur, vel patri naturaliter propter vinculum patris: nam jure civili non obligantur invicem propter vinculum potestatis. Igitur peculio semper deducitur, quod naturaliter ei debetur, qui concessit peculium. Et ejus ratio habetur etiam ante omnia privilegia creditorum, id est, præponitur omnibus privilegiatis, eique primo loco satisfit ex residuo peculii ceteris creditoribus, *l. ex facto, D. de peculio*. Et hoc

est, quod dicitur in *l. ult. in fin.* hujus tituli. Ita demum esse actionem de peculio ut levi et efficacem ex contractu servi adversus dominum, si servus liber sit a rationibus domini, quas gessit, id est, si nihil debeat domino: nam si quod debet domino consumat peculium, jam nullum est peculium, nullaque actio de peculio ceteris creditoribus. Et dixi esse quasi patrimonium, ut in *S. actiones, et l. hinc queritur, S. Pomponius, l. peculium, l. quoties, S. ult. D. de pec. l. si decem heredi, D. de statutib.* quasi patrimonium, inquam: nam quod in homine sui juris est patrimonium, in homine alieni juris est peculium non patrimonium, *l. ult. in fin. D. de inoff. testam.* quia patrimonium est nomen civile, et jure civili hæc personæ nihil habent: peculium autem est nomen naturale, et eorum, quæ sunt naturalia, hæc personæ non sunt expertes: et sic dictum est per diminutionem, sive ut ait *l. cogi, D. ad Trebell.* *ὀκροπετρεῖς*, id est, quasi pusilla pecunia, *l. depositi, S. ult. D. de pecul.* Porro ex contractu harum personarum non est actio in solidum, nisi solido sufficiat peculium; sed est actio in peculium tantum, ut loquitur *lex in persona, S. 1. D. de pactis, l. pen. D. de cond. furt. et l. 1. S. si is qui navem, D. de exerc. act.* in peculium, id est, pro viribus peculii, non ergo in solidum, extra causam scilicet exercitorie, aut institorie actionis, quæ competunt in solidum adversus dominum, vel patrem, quæ semper sunt excipiendæ. Et ita etiam actio de in rem verso non est in solidum, nisi in rem forte patris, vel domini versum est, fuerit solidum: sed est quatenus versum est in rem patris, vel domini: et maxime observandum est, actioni de peculio inesse actionem de in rem verso: actioni igitur inesse actionem, sicut actionem ex empto; et cuius actioni hæc fidei inest actio de dolo. At cedo, qui fiat, ut actioni de peculio insit actio de in rem verso? nempe quia si quis velit nosse vim actionis de in rem verso. Ita demum locus est actioni de in rem verso, si filius principaliter gerens negotium patris ea mente, ut eum sibi obligaret ex negotio gesto, aliquid in rem ejus vertit, ut puta agrum paternum colendo vel domum paternam sulciendo, vel mancipia paterna vestiendo, vel creditoribus paternis solvendo, ut quibus omnibus pater obligatur filio naturaliter: nam eam obligationem, sive nomen imputat filius in peculium, quippe quod augeat ejus peculium, *l. quam Tiberonis, S. in pecul. D. de pecul.* si augeat peculium filii, quod scilicet filius vertit in rem patris: ergo qui agit de peculio agit etiam de in rem verso; quia qui agit de toto, agit etiam de parte. In toto inest pars, et actio de in rem verso est pars actionis de peculio; et si nihil præterea sit in peculio, quam quod filius gessit

patri, quodque anxi rem patris, plane non erit actio de peculio, et actio de in rem verso; sed erit de in rem verso actio tantum, quia nihil est in peculio, *l. 2. et l. filiusfam.*, ff. de in rem verso, et passim eo tit. *l. 2. §. apud Julianum*, ff. de hered. vend. *l. 2. ff. quando de pec. act. an. sit*: et manifestissime in *§. licet*, inst. eod. Quod autem diximus de actione de peculio, et de in rem verso eas plerumque non tribui in solidum: idem dici potest de actione quod jussu: nam etsi dicatur actio quod jussu dari in solidum, id tamen non obtinet: nisi id omne, quod contractum est jusserit ita contrahi pater vel dominus, qua exceptione uti sumus in actione de peculio, et de in rem verso, et datur igitur actio quod jussu pro modo jussi, id est, quatenus jussit pater vel dominus contrahi cum filio vel servo: nam si jusserit filio vel servo numerari centum, et numerata sint centum et quinquaginta, tenetur hac actione in centum duntaxat, *l. 3. ff. quod jussu*: si jusserit pater credi pecuniam semissibus usuris, et credita sit centesimis, eatenus tenetur quatenus jussit: ergo in semisses, non in centesimas. Non est ergo actio quod jussu in id omne, et in solidum, quod gestum est. Inveni in *l. servus*, *§. pen. ff. de in rem verso*, hanc fere esse formulam actionis quod jussu: quod jussu ejus credidi, in illo loco: *si quod jussu ejus credidisset, experirer*. Et ut absolvam formulam quod jussu: *L. Titii Cajo Sejo filiofam. ejus credidi, in id Luc. Titium dari mihi*. Et ad hoc notandum est, huic actioni quod jussu locum esse si cum ipso servo, vel filiofam. contractum sit jussu patris, vel domini, puta si sit ei credita pecunia eo rogante, non patre: necesse est ut auctor contractus fuerit ipse filius, et jussu patris fuerit accessio; nam pro accessione accipitur in *l. si servum*, *§. an filiusfam. ff. de verb. obligat.* hoc casu erit actio quod jussu accessoria, sed que concurrat etiam cum principali, et directa condictione credite pecunie. nam in arbitrio ejus est qui jussu patris credidit filio, agere directa actione, id est condictione si certum potatur, tanquam si credidisset ipsi patri, vel agere generali in accessionem actione quod jussu, *§. ult. inst. eod.* quod quanti sit momenti ita intelligimus facile. Si contractum sit cum extraneo jussu meo, an in me datur actio quod jussu? minime: sed ei competit tantum conditio credite pecunie. Actio quod jussu non pertinet ad extraneam personam, *l. ult. ff. pro socio*, *l. 2. §. ult. D. quod jussu*, ut si pecunia sit credita servo alieno jussu meo, cessat actio quod jussu in me, etsi eum postea acquisiero: neque enim ejus acquisitione convalescit actio quod jussu, que fuit ab initio nulla, ut in *l. generaliter*, *§. si servus in metallum*, *D. de fideic. li-*

bert. Et inde definit actionem, que ab initio cessat, ex post facto locum habere non posse, *l. servi*, *§. 1. D. de furt.* Item si cum patre vel domino ipso contractum sit, si eis sit credita pecunia, cum ipse vel ille rogaret mutuum pecuniam, licet sit usus ministerio servi vel filii in accipienda ea pecunia, et jusserit eam pecuniam filio vel servo numerari, quam ipse rogaverat: ultimo eo casu cessat actio quod jussu, licet jussus intervenerit, quia res non est gesta cum filio aut servo, et competit tantum in patrem actio directa, conditio, *l. ult. D. quod jussu*, et *l. si filiofam. D. de mortis causa donat.* Et in summa, ubi est actio quod jussu, est etiam actio directa ex contractu ipso: ubi autem directa est actio, non continuo etiam est quod jussu: licet jussus intervenerit. Id præterea observandum, quod est in *l. ult. hujus tit.* commendationem quamlibet servi vel filii, non esse accipiendam pro jussu: puta si servum vel filium per epistolam commendaverit pater vel dominus, sed exigatur expressus eorum jussus. Aliud est commendare. aliud mandare. Commendatio non est jussus commendatoris, epistola non obligat, *d. l. ult.* Idem dicitur in *l. si vero non remunerandi*, *§. cum quidam*, *D. mand.* et *l. 3. C. Th. de pactis*: et recte Marc. Tull. 5. epist. *neque me humanitate litterarum mearum obligatum esse puto*. Sed in eo multo magis est singulare, quod dicit: si credatur pecunia servo, vel colono, vel actori, vel procuratori prædii, que sunt hominum genera quasi nobis subjectorum, et servos imitantium: si his, inquam, credita sit pecunia injussu domini, id est, domino non jubente specialiter, nulla sit actio ex credito, et ut creditor amittat jus crediti, sciamus non esse crediti actionem, si quis filiofam. injussu patris credat ex Senatusconsulto Macedoniano. Sed hoc fortasse nesciens idem esse in servo vel eo, qui quasi servi personam sustinent, ut exigatur speciale jussu domini, ut consistat creditum. Addo ad eam constitutionem quod dicitur in *l. 1. D. quod jussu*, non referre quid jusserit dominus, sive specialiter in uno negotio, sive generaliter, verbis quibusdam aditis a Tribono, ex hac constitutione: nam sententia dictæ legis primæ hæc est; ut sit actio quod jussu, nihil referre, sive jusserit dominus specialiter in uno contractu, sive generaliter: nam generale jussu obligat in omnibus et per omnia, ut si ita contestatus sit dominus cum alio. Quod voles cum Stichio servo meo gerere, id omne geras meo periculo. Hæc contestatio non obligat in omnibus negotiis: verum addit Tribonianus, *nisi certa lex aliquid prohibet*. Quæ verba non potest assequi Accurs. quæ non advertit esse emplastrum Triboniani, ut cum dicit: *nisi certa lex aliquid prohibet*, intelligat legem aliquam, veluti *l. ult. hujus tit.*

que scilicet prohibet servo pecuniam credi sine speciali jussu domini, et hoc creditum esse a lege inutile. Ceterum tres sunt sub hoc edicto actiones, que dantur in patrem vel dominium; sed erit et quarta, que datur in filium factum sui juris de eo quod gessit antequam sui juris esset, et dabatur in filium post emancipationem non in solutum, sed in id quod facere poterat, de qua est, *l. 2. et 9. hoc tit.* Et id ne obtrueretur statim novus paterfamilias: et ut in Basilicis habetur, ne inops fieri periclitetur novus paterfamilias, qui nondum idoneas facultates acquisivit.

AD TIT. XXVII.

Per quas personas nobis acquiritur.

Quemadmodum ex contractibus eorum, qui sunt in potestate nostra tit. 25. et 26. intelleximus prælorem varias in nos actiones dare: ita par erat his adnotare, quod hic titulus præstat, ex contractibus eorundem etiam acquiri nobis obligationem et actionem: vis hæc est patris et dominicæ potestatis, ut quicquid acquirit filius vel servus, id confestim acquirat patri vel domino, sive hoc sit dominium, sive possessio, sive obligatio et actio, ut in puncto temporis et momento ab eo recedat, *l. placet, ff. de acq. heredit.* adeo ut nec id ad eum pervenisse videatur, *l. ubi, in princ. D. ad Trebell.* omne quicquid nobis acquiritur, vel est dominium, vel possessio, vel obligatio et actio: et id omne nobis acquiritur vel per eos, qui nostre potestati subjecti sunt, vel non: et obligatio non tantum civilis, sed etiam naturalis, ut indicat *l. frater a fratre, D. de cond. indeb.* in illo loco, *filio, eidemque creditori*, quæro an per eas personas, quæ sui juris sunt, aut quæ nostro juri subjectæ non sunt, nobis quid quam acquiratur? quod definitur hoc titulo. Et certum est, per liberam personam, quæ sui juris est non posse nobis acquiri ullam actionem, *l. 1. h. tit.* per liberam igitur personam nobis non acquiri vindicationem reintegrationis rei, id est, commissæ rei et reversæ in jus nostrum, puta venditione lege commissoria, ut Joannes proposuit non male, hanc legem commissoriam si dixerit libera persona meo nomine in venditione, non parit mihi vindicationem reintegrationis, id est, commissæ rei, quia nec dominium mihi per eam personam acquiri potest, ergo nec actio, quæ mihi jure domini competit, id est, vindicatio, quæ nihil aliud est, quam assertio domini. Aliquando tamen in subsidium nobis acquiritur actio per liberam personam utilis et extraordinaria, ut per institorem et magistrum navis ex equitate, ne res nobis pereat, quam alia ratione salvam habere non possumus. Et hac via uti pos-

Tom. IX.

sumus facile inflexo jure directo, et data actione utili: et eadem æquitate etiam per procuratorem acquirimus utilem actionem, *l. Julianus, §. si procurator, §. de act. emp.* Idem receptum est jure singulari in mutua pecunia, in qua et pleræque alia singularia præcepta sunt, ut ait *l. singularia, D. de reb. cred.* videlicet si eam numeraverit nostro nomine: neque enim id semper per nos possumus expedire: usus igitur rei hoc admittit, *l. certi conditio, §. si nummos, D. de reb. cred.* ergo jure singulari conditio mutue pecunie nobis acquiritur per liberam personam, quæ eam credidit nostro nomine. Et quod adjicit Just. in *l. 2.* ex ea causa, ex causa scilicet crediti, nobis acquiritur pignoris obligatio, et actio hypothecaria, si de ea convenerit cum eo, qui pecuniam credebat nostro nomine. Denique ex causa crediti per liberum hominem nobis acquiritur, et principalis actio, et accessoria ex constitutione Justiniani, ex qua, ut opinor Tribon. in *l. solutum, §. per liberam, ff. de pignor. act.* et *l. per procuratorem, ff. de procur.* adjecit hæc verba, *non semper*: nempe pignoris obligationem non semper acquirit per liberam personam, quæ scilicet est sui juris, una tantum excepta, mutui scilicet, ex qua vult Justinianus etiam acquiri nobis pignoris obligationem per liberam personam eadem utilitatis ratione, et rerum expediendarum causa, quas non possumus expedire: tantum receptum est ut possessio possit acquiri nobis volentibus, aut ratum habentibus per liberam personam: possessio acquiritur animo et corpore: animo nostro tantum, corpore tam alieno, quam nostro, vel cujuscumque hominis, etsi sui juris sit, ut est receptum. Sic igitur dicamus: receptum est utilitatis gratia ut per liberam personam nobis acquiratur possessio, et deinde per possessionem dominium, videlicet si dominium a possessione separari non possit, ut si a domino res tradatur procuratori meo nomine alienandi animo, non potest in me transire possessio, quin transeat et simul dominium, quoniam idem est dominus et possessor, a quo res ad me transit. Quod si non dominus tradat procuratori meo, nomine meo, per possessionem mihi acquiritur occasio usucapionis: quod ostenditur in *l. 1. hujus tit.* dum excipit possessionis causam, dum ait, *excepta possessionis causa*, id est, possessione, ut dotis causa, id est, dos, *l. 11. ff. solut. matr. peculii causa*: id est, peculium: ut et alii auctores loquuntur, *excepta*, inquit, *possessione nihil acquiri per liberam personam, nec actionem, nec obligationem, nec dominium citra possessionem cui adhæreat dominium*: nam si domini possessio posset acquiri per procuratorem, et consequenter per eum acquireretur vindicatio, quæ est

158

effectus, et finis, et executio domini: quod tamen negat lex prima.

AD TIT. XXVIII.

Ad Senatusconsultum Macedonianum.

Intelleximus ex constitutione Honorii et Theodosii *l. ult. tit. 26.* creditori nullam esse creditæ pecuniæ actionem, si pecuniam crediderit servo alieno, sine speciali jussu domini, quæ constitutio est valde nova: nam hoc obtinuit tantum in filiofamilias ex Senatusconsulto Macedoniano; sed fuit æquum etiam porrigi ad servum, ne quis etiam servis necessariis in perniciem eorum crederet pecuniam, quæ abuterentur, et forte in casum solvendi eam post mortem domini, tacita conventionem: nam Senatusconsultum Macedonianum pertinet tantum ad filiosfamilias, sic dictum ab eo qui causam dedit Senatusconsulto Macedoniano, non a Consule, qui consuluit, ut ceteris, a Macedone improbo fœneratore, qui facile pecuniam credebatur filiofamilias sub fœnore illicito, ea lege ut non eam redderent, nisi post mortem patris. Et ita de pueris impudicis tulit eam legem Aricius Tribunus plebis, ut qui adversi, vel præposteram, vel aversi, venere exercebant, vel qui alienam pudicitiam sollicitassent, aut suam ipsi prostituissent, pœna decem millium nummorum coercerentur. Juvenalis Satyr. 2. Sveton. in Domitiano. Sic Scantinius cum Marcelli viri illustris filium de impudicitia appellasset, damnatus est, ut Valerius lib. 1. cap. 1. testatur. Postea tamen huic sceleri pœna gladii a Christianis Imperatoribus constituta est. Quam pœnam auxerunt Constantinus et Constans, ut haberetur in *l. cum vir nubit in fœminam, inf. ad l. Jul. de adult.* Et ita lex Scantinia dicitur sumpsisse nomen ab eo, qui ei nomen dedit, non a consule, qui rogavit senatum. Igitur quis diximus tit. 26. ex contractu filii aliquatenus, vel in solidum dari actionem adversus patrem, hoc locum non habet in causa mutue pecuniæ ex Senatusconsulto Macedoniano: ex ea enim non tenetur pater pro filio, nisi specialiter jusserit ei pecuniam numerari, quo casu tenetur quod jussu, vel nisi ratam habuerit numerationem, ut *l. ult. hujus tituli*: nam ratihabitio jussui comparatur, et parit etiam actionem quod jussu adversus patrem, *l. 1. §. si ratum, ff. quod jussu.* Et quod etiam diximus in dicto titulo 26. in filium familias ipsum ex contractu esse actionem in solidum quamdiu est in potestate patris, et postquam exiit e potestate patris, in quantum facere potest, ab eo jam excipienda est causa crediti: nam nec creditori ulla in filium actio est, nec petitio, id est, nec vindictio: est tamen si forte extat, nec consum-

pta est, *l. sed si pater, §. hoc Senatusconsulto, ff. cod.*

AD TIT. XXIX.

Ad Senatusconsultum Vellejanum

Senatusconsulto Macedoniano proximum est Senatusconsultum Vellejanum, quod a Consule nomen sumpsit: nam utroque Senatusconsulto tollitur exactio creditæ pecuniæ, utroque infirmatur creditum. Senatusconsulto Macedoniano si creditum sit filiofamilias, quod Imperatores produxere etiam ad servum. Senatusconsulto Vellejano, si creditum sit mulieri non in rem suam consumpturæ pecuniam, sed mox alii credituræ: vel si quis cum esset alii crediturus, intervenerit mulier cui credita fuit pecunia; quo casu mulier interponit se, et intercedit pro alio, et non minus quam si fidejuberet palam pro alio, et hinc fraus indicatur etiam hoc Senatusconsulto his verbis (*Mutui actiones*) quia fuit in personam mulieris, non in rem ejus, sed in rem alterius pro quo se immiscet huic negotio: nam generaliter hoc Senatusconsulto infirmantur omnes intercessionem mulierum, quibus scilicet recipiunt in se obligationem alienam veterem, vel novam, virorum est non mulierum pro aliis intervenire: possunt mulieres bona sua alienare, non possunt se, vel bona sua obligare pro aliis, quia faciles sunt capta, et facilius se obligant, quam donant. Consilium eorum est lubricum et facile captum, ideo hoc Senatusconsulto succurritur illis quamobrem etiam mulieres removentur ab officio argentariæ mensæ, *l. pen. ff. de edendo*, quia scilicet pars hujus officii est intercedere pro aliis, *l. si quis, §. rationem, ff. de eden. l. pen. sup. de const. pec. et Nov. 136.* et edicto Justiniani novo.

AD TIT. XXX.

De numerata pecunia.

Diximus titulo superiori jus crediti infirmari. Senatusconsulto Macedoniano in odium creditorum facile credentium pecuniam liberis, qui sunt in potestate parentum, Senatusconsulto Vellejano in gratiam mulierum, quod fieri existimandum est non ipso jure, sed opposita exceptione hujus, vel illius Senatusconsulti: nam exceptione omissa, crediti exactio est, *l. Papinian. ff. de Public. in rem act. l. tamen, ff. ad Maced.* nunc in hoc titulo proponitur tertium genus exceptionis, quæ etiam jus crediti perimitur in hac specie: si sperans mihi pecuniam mutuatam datum iri chirographo caverò me eam accepisse, nec accepero, vel minus quam scripsi, accepero, *l. 2. hujus tit.* quo casu nihil ultra quam accepit co-

stipulum cum usuris in stipulatum deductis, et si mecum agatur ex chirographo, actionem infirmabo, opposita exceptione cautæ et non numeratæ pecuniæ, vel si mecum agatur habita contestatione exceptionis non numeratæ pecuniæ, me libero et absolvam ea obligatione, *l. 8. D. et 14. §. pen. hoc tit. et l. ult. supra, de cond. ex lege*: contestari autem vel opponi debet hæc exceptio intra biennium, olim intra quinquennium: alioquin post biennium ex chirographo est efficacissima petitio crediti: et contra apocas privatorum opponi debet intra dies triginta, *l. in contractib. hoc tit.* Dico privatorum: nam contra apocas publicorum tributorum nunquam opponitur hæc exceptio, *l. ult. inf. de apocis publicis*, quæ est conjungenda cum *d. l. in contractibus*: est enim illius pars: et producit exemplum hujus exceptionis ad omnia negotia, ut etsi non agatur de credita pecunia, sed ex aliis negotiis, opponi possit exceptio non datæ, non numeratæ pecuniæ, non solutæ, vel non debitæ rei cujuscunque, excerptis certis casibus, quibus huic exceptioni locus non est, ut si debitor fidem cautionis agnoverit, *l. 4. hoc tit.* si ita caverit transactionis causa, *l. 11. hoc tit.* si argentariis caverit, ex Nov. 37. si caverit se rem accepisse in causam depositi: nec enim potest allegare se non accepisse depositum, qui vel semel scripsit se accepisse ex *d. l. in contractibus*, et aliis etiam casibus quos ex hoc titulo excerpere facile est.

AD TIT. XXXI.

De compensationibus.

In hoc tit. proponitur quartum genus exceptionis, quo etiam jus crediti perimitur, hoc nempe si pecunia pensata esse dicatur, *l. in exception. §. sed etsi procuratoris, ff. de probat.* nam compensatio olim in strictis judiciis, quale est conditio creditæ pecuniæ non fiebat ipso jure, sed per exceptionem doli mali, *§. in bonæ fidei, Inst. de actionib.* Compensatio est computatio vice inutua debitæ quantitatis, vel assumptio, vel delibatio ejus quod petitur: quam tandem placuit inter omnes juris auctores in omnibus judiciis ipso jure fieri, id est, id quod invicem debetur, ipso jure minuire, aut absumere id quod creditur, *l. postquam, ff. de compensat. l. 4. 6. et ult. hoc tit. l. inter, ff. de adm. tut. si modo liquet de eo quod invicem debetur*: nam debiti incerti, dubii et obscuri non est compensatio, *d. l. ult. hujus tit. et l. si debeas, ff. eod. l. 3. ff. de tut. et rat.* Hodie verbis nostris non opponitur compensatio, nisi ex rescripto principis, cujus impetratio est facillima: sed legibus nostris generaliter hodie ex *l. ult. et*

sine permissu principis licet debitori cuilibet compensare id quod sibi invicem debetur: imo generaliter et compensatio, et retentio, et deductio omnis fit hodie ipso jure, et nihil differentiae est inter deductionem et compensationem. Et admittitur compensatio non tantum in actionibus in personam, sed et in rem: olim non admittebatur in actionibus in rem, *l. Stichum aut Pamphlum, §. si creditor, D. de solut.* si possessori alienæ rei, vel alienæ hereditatis invicem aliquid debeatur ab eo, qui agit in rem, non id sibi solvisse videtur aut compensasse, atque ita minuisse rem quæ petitur, sed debet seorsim agere de eo quod sibi debetur. Ergo in actione in rem non est jus compensationis, secundum jus vetus. Item erat olim magna differentia inter compensationem et deductionem. Compensatio, ut placuit omnibus, fiebat ipso jure, deductio per exceptionem, *l. amplius, ff. rem ratam haberi, l. filium quem, supr. fam. erisc.* Compensatio omnis est juris, deductio plerumque facti, quia fit per exceptionem. In compensatione jus versatur, in deductione factum, ut in *l. quib. et l. si in area, D. de cond. ind.* Et quibusdam casibus etiam jus, ut retentio dotis ob impensas fit ipso jure id est, necessarie impensæ minuunt dotem ipso jure, et minuunt peculium, *l. servus quem, ff. de act. empt. l. quod dicitur, ff. de imp. in res dotat. fact. l. dote prælegata, ff. de dote præleg.* Deductio igitur et retentio alias est juris, alias facti; sed plerumque facti: verum hodie ex constitutione Justiniani nulla est differentia inter compensationem et deductionem: nam Falcidia, quæ olim deducebatur ab herede ex legatis per exceptionem tantum, hodie veluti compensatio ipso jure minora efficit legata, ut cui legata sint duodecim, si Falcidia efficiat tria, non possit petere nisi novem, quia deductio Falcidiæ fit ipso jure ex constitutione Justiniani. Et præterea quod possessor justus sive bonæ fidei in rem actione conventus sibi debitum deducebat per exceptionem, tandem id velut compensationis jure minuit rem quæ petitur. Atque ita deductio illa versa est in compensationem: nam deductio, quæ fit ipso jure, nihil aliud possit esse quam compensatio: atque ita constat ex *l. ult. compensationem etiam hodie obstare actioni in rem*: et convenienter recte in definitione compensationis ex *l. 1. ff. eod.* ut sit debiti et crediti inter se contributio: debitum autem deberi dicitur non tantum quod debetur actione in personam, quod solum proprie deberi dicitur, sed etiam quod exequi licet actione in rem, ut in definitione actionis: placet etiam verbum *deberi* latissime accipi: alioquin esset definitio actionum in personam tantum, non in rem, ut in stipulatione emptæ hereditatis, *l. pecuniæ, §. ult. ff. de verb. signific.*

sed etiam manet hodie, quod est maxime notandum, quod obtinuit olim in actione in rem, praedonem, vel male fidei possessorem non habere deductionem, vel compensationem sui crediti naturalis aut civilis, *l. si quid possessor, §. sed si ipsi, et §. seq. ff. de petit. heredit.* Et hoc est quod ait in fine legis ultimae, *possessionem alienam perperam obtinentibus compensatio non datur*: et ita intelligi debet dicta lex ult. bonae fidei possessor olim habuit deductionem sui crediti per exceptionem: hodie eam habet ipso jure, reputationem hodie fieri ipso tanquam compensationem, et in eo solo esse novam constitutionem legis ultimae hujus tituli, non in ceteris: nam quod ait compensationem fieri ipso jure, hoc placuit ante *d. l. posteaquam*: quod ait compensationem fieri debiti certi, hoc etiam obtinuisse olim demonstravimus: quod ait compensationem non fieri in actione depositi, hoc etiam obtinuisse olim constat ex Sententiis Pauli: quod ait male fidei possessori non dari compensationem vel deductionem, hoc etiam olim obtinuisse probavi. In iis igitur nova non est *l. ult.* sed in eo tantum quod vult in omnibus actionibus retentionem et deductionem fieri ipso jure. His adde, etiam in actione commodati non esse compensationem locum ex *l. ult. sup. commod.* non commemoratio alias causas quibus compensationi locus non est, ut si fiscus petat tributa, vel stipendia, vel annonas, vel pretium rei quam vendidit, non datur compensatio adversus eum, *l. aufertur, §. ut debitoribus, D. de jure fisci, l. 2. et pen. D. hoc tit.* vel etiam si respublica petat tributa aut vectigalia, vel pecuniam creditam ex arca destinationis calendario civitatis, id est, ut fœnori occuparetur, *l. 3. hoc tit.* Et similiter debitor ex ea pecunia, quae oleo aut frumento publice convivendo destinata est, sumptibus solemnibus civitatis, ut ad ludos introducendos, non utitur compensatione, *d. l. 3.* Ac neque is, qui debet civitati festum quod singulariter datum est civitati. Sunt et alii casus quibus non est compensationi locus, quos ex hoc titulo colligere facile erit, et ex *l. ejus 9.* nemo compensat quod sibi non debetur, sed alii, ut ex *l. 1. hoc tit.* fisco ex diversa statione non opponitur compensatio, et ex *l. 2.* quod solutum est ex causa iudicati, sicut non condicatur, ita nec compensatur.

AD TIT. XXXII.

De usuris.

ET AD TIT. XXXIII.

De nautico fœnore.

Hujus tituli portio quedam est titulus de nautico fœnore: nam fœnebris pecunia solet dividi in nau-

ticam sive trajectitiam, et in pedestrem: nam nautica pecunia navigat periculo creditoris, pedestris pecunia, aut ejus pecuniae periculum pertinet ad debitorem, statim atque eam accepit: et rursus suscepti periculi pensandi gratia, fœnus nauticae pecuniae nullum habet modum certum, nullum habuit olim: hodie enim habet quem praescripsit Justinianus in *l. eos, hoc tit.* pedestri pecunia aut fœnori mediterraneo est impositus certus, modus, quique semper erit. Non probamus autem continuationem Accursii, vel alius cujusvis: et ita dicimus: hic liber quartus, qui est de contractibus, et de actionibus in personam, cepit a contractu mutui, et omnium maxime necessario in hac civili societate, pre-lata jurisjurandi religione honoris gratia. Ex qua saepe quasi de credita pecunia certa datur actio, si quis delato iurejurando juraverit se pecuniam credidisse. Est igitur actio mutuae pecuniae, quod est conditionis nomen omnium in personam actionum commune, fecit enim: nam quae ex mutuo datur actio, non habet aliud quam conditionis nomen: hic idem liber librive conditor mutuo quasi capiti negotiorum civilium adjunxit alia capita, ex quibus atque datur actio non alius nominis quam communis, id est, conditionis, quae ex mutuo, vel ex promutuo datur, ut conditio indebiti, et conditio ob rem dati, et similes, et propositis generalibus praecipis pertinentibus ad actionem pecuniae creditae, et exemplo ejus productis ad alias actiones, etiam huic negotio creditae pecuniae sive mutualitiae admixto commodato et pignore, sicut legimus in *l. 1. ff. de rebus cred.* praetorem etiam edivisse de commodato, et de pignore: propterea quod commodatum mutuo adeo est proximum, ut et inter se permulent nomina, *l. item legato, §. 1. ff. de leg. 3. l. quae itum, §. si quis fundum, ff. de inst. et instrum. leg.* et quod pignus sit accessio crediti, vel obligatio in vicem crediti, expositisque actionibus, quae ex debitis et creditis, et aliis contractibus filiorum aut servorum dantur in patres vel dominos etiam quasi accessiones, ut in *l. si servum, §. an filiusfam. ff. de verb. oblig.* Ac praeterea redditus causis ex quibus jus crediti perimitur, tandem extrema clausula est de usuris, quae nihil etiam aliud sunt quam actiones creditae pecuniae. Post has suo ordine progredientur omnes contractus, omnesque actiones in personam; nec ulla jam amplius ordinis interruptio erit, qualis fuisse videtur superioribus titulis, re ea quam praemonstravi, non animadversa. Usura autem est redditus pecuniae, qui debetur a tempore contractus, vel a tempore mortis in diem quo ea pecunia solvatur, vel quo is redditus aquaverit eam pecuniam. De eo redditus pecuniae, ex *l. Titius, D. de praescript. verb.* et *l. alumnæ, D. de adim. leg.* Dico a tem-

pore contractus, vel morae, quia usura vel infligitur ob lucrum a die crediti, quod proprie *fenus* dicitur, vel ob moram debitoris, a tempore morae, *l. cum quidam, §. si pupillo, D. de usuris*. Dicen in diem quo ex pecunia solvatur, ex *l. lecta, D. de reb. cred.* Et addo, vel quo is redditus sortem acquaverit: sortem dicimus summam caput, et *capitulum as*, apud Festum. Ubi autem usuraeque vil sortem, quod postea connumeratur, deducitur de sorte, id est, in sortem imputatur, et hoc est quod dicitur, supra duplum usuram non deberi, id est, altero tanto amplius sorte, *l. si cum sortem, §. 1. D. de cond. indeb. l. 4. §. pro operis, D. de nautic. fen.* nam ut hoc declarem exemplo; si sortis fuerit centum, et ex usuris hodie constet te accepisse centum, nihil deinceps accipies usurarum nomine, quæ acquavere sortem: et si quid accipies id imputabis credito: et quantum accipies, tantum decedet credito, duplum enim est finis usurae: sunt autem usurae jure civili probatissimae et receptissimae, maxime quæ ob moram infliguntur; adeo ut etsi nihil de eis convenerit, veniat officio iudicis, aut ipso jure in actione bonae fidei, et in actione iudicati, et in actione ex testamento legatorum nomine aut fideicommissorum, *l. 3. §. nonnunquam, D. eod. l. 2. sup. in quibus causis rest. in int. necess. l. ult. §. præterea, inf. de jure dot. et l. ult. inf. de usuris rei judic.* veniunt igitur vel ex conventionione, vel arbitrio iudicis, vel *ἐντοπῶν*, ipso jure. Et veniunt, etiamsi nihil intersit creditoris, id quod interest, quod jus nostrum dici deterius factum est, et possit intendi non esse factum deterius, et tamen non ideo minus debentur usurae: id quod interest dicitur id quod per adversarium amissum, vel habere non potuimus, *l. generaliter, D. de regul. jur.* Et possumus interdum nihil amisisse vel pretermisisse, nec tamen ideo minus debentur usurae, *fenoris* quoque inflicti lucri solius gratia possit esse justa causa: nam etsi non probem id *fenus*, quod longe superat eam utilitatem, quam ex credito debitor habet, quia natura mutui est, ut beneficio afficiat debitorem, qui accepit: et eo genere evenit, ut quia sub specie falsæ dandi beneficii, creditor ipse potius accipiat beneficium: si tamen quod ex credito lucrum facit debitor, negotiator forte aliquis, amplius sit eo, quod creditori adfert usura, cur usuram non accipiet? nam beneficium quo afficitur debitor præstat amplius, et præponderat usurae, prægravat usuram. Hæc est definitio certa qua possis dignoscere *fenus* æquum ab iniquo: et quod proverbio fertur de donis et muneribus, *οὐτὲ πᾶντα, οὐτὲ πᾶντος, οὐτὲ πᾶρὰ πᾶντων*, id est, *neque omnia, neque omnino, neque ab omnibus*, ut ait lex solent, *D. de officio procons.* ut venia non accipiantur passim a pro-

console: sed modum adjiciat. Idem placet eadem ratione constitui de *fenore*. Nec feram amplius ut quisquam dicat odiosas esse usuras jura ratione inscriptas, quas leges probant: et odio usurarum pleraque esse introducta; et ita statuam, nihil in jure esse tantum odio usurarum, odio inquam usurarum, nempe ut pecunie credite usurae non debeantur ex pacto, citra stipulationem, *l. 3. hoc tit. l. idemque, §. si quis Titio, D. mand. l. 10. sed utrum, D. de in rem verso*. Dico enim hoc non induxisse odium usurarum. Nam etsi de alia quacunque re pactum mutuo adjiciatur ex continenti, non perit actionem: hoc enim receptum tantum est in contractibus bonæ fidei, et ut pacta eis adjecta firment actionem, non in strictis, quale est mutuum, *l. 7. §. quinimo, D. de part. l. lecta, D. de reb. cred.* Non sunt etiam usurae existimande odiosæ, quod modum et finem, legibus præscriptas habeant certas, alioquin et legata, et donationes, et dotes, et manumissiones erant odiosæ; quæ modo constringuntur certo: nec enim licet in immensum donare vel legare, vel dotem constituere: nec lege Caninia totam familiam manumittere: et hæc tamen nemo dixit esse odiosas. Porro usurarum modus est fere triplex, ut non debeantur centesimæ, nisi perraro; sed leviores usurae ex contractibus, maxime ex mutuo, et quod exposui ante, non debeantur supra duplum, et ut usurae usurarum nunquam admittantur, *l. eos, et l. pen. et ult. hoc tit.* Usurae centesimæ olim erant permixtæ, atque adeo in libris nostris usura legitima id est centesima, quæ scilicet in centenos nummos reddit quotannis duodenos, vel ut in idiotismo *aulenier huit et un tiers*: hodie usura centesima non permittitur passim ex constitutione; *l. eos*, et permittitur tantum in nauticis pecuniis, propter periculum quod suscepit creditor, quævis sit exigua, quamobrem non puto servari hanc taxationem, et hodie etiam admitti in nautica pecunia infinitas usuras, duas, tertias centesimas, in quibus etiam licet duplum excedere: quamvis aliter sentiat Justinianus: nam qui taxationem imposuit usurae nauticæ, ut ne excederet centesimam, et dupli finem imposuit usurae: quæ taxationem habet, et duplo finitur: quæ non habet ut olim erat nautica usura, nec duplo finitur. Etiam Justinianus permisit centesimas in frugibus, veluti in frumento credendo, et oleo, vel vino: quæ ratione etiam singulariter receptum est, ut frugum usurae nudo pacto præstentur, *l. frumenti hoc tit.* Ex causa iudicati etiam hodie veniunt centesimæ, et ex aliis quibusdam causis regulariter non veniunt: et in personis illustribus veluti senatoribus, ex *l. eos*: servantur usurae trient: *au denier vingt. cinq.* In negotiatoribus, mercatoribus, argentariis, servantur beses

usuræ, *au denier douze et demi*, et in ceteris personis ex l. eos, servantur usuræ semissæ, *au denier seize et demitiers*. *An denier dix* est, usura sextans: *Au denier douze*, est usura paulo amplior besse: *Au denier vingt*, est usura quinquæ: *Au denier quinze*, est usura paulo major semisse: *Au denier trente*, est usura aliquanto major quadrante, *Trois et un tiers pour cent*: *Au denier trente trois et un tiers*, est usura quadrans, quæ reddit ternos scilicet in centenos nummos. Et quod ad tertium modum attinet, ut usurarum usuræ non debeantur, etiam hoc semper obtinuit in nauticis usuris, quæ sunt atrocissimæ usuræ, quæ vel quantumvis magnas facultates absorbere possunt; ut ecce si quis se constituerit mihi numeratorem hodie unum assem, cras duos, perendie quatuor: et sic deinceps duplicato numero: numero: nam trigesimo die futurum est, ut plus debeat, quam sit nummorum in toto orbe. Et similiter si convenerit inter nos, ut hodie inferas in horreum granum unum, cras duo, perendie quatuor, et sic consequenter duplicato numero die sexagesimo tertio, in tantum accreverit acervus, ut nec in hunc usque diem verum sit tulisse tantum fromenti. Inde licet intelligere si usuris accedunt usuræ, ac proinde succrescat usura usuræ, nulla esset tanta facultas, quæ non his usuris penitus absumeretur, et deo eos merito prohiberi in omnibus negotiis.

AD TIT. XXXIV.

Depositi, vel contra.

Postquam egit de contractu pecuniæ creditæ, et de accessionibus ejus et de iis, quæ is contractus habet communia cum aliis singulis contractibus, nunc incipit dare titulum, seu tractatum specialem, et de deposito quidem imprimis. Depositum est conventio, qua ita agitur, ut rem meam, vel alienam custodias, et mihi possideas non tibi, eamdemque mihi quondorumque reposcenti restituas, vel: depositum est conventio, qua res aliqua nostri, vel alieni juris penitus fidei ejus servanda committitur, qui eam officii causa custodiendam recipit. Dico rem nostram, vel alienam, rem nostri, vel alieni juris: nam et rei alienæ depositum contrahitur, l. si is apud quem, D. eod. Et si is apud quem res deposita est, deinde eam deposuerit apud alterum, quo casu primo depositario in secundum est actio depositi directa, quam mihi, qui prior deposui, cogitur cedere primus depositarius, si quod in ea re secundus dolo malo fecerit, cogitur mihi cedere directam actionem depositi, quam non habeo jure civili, cum non ipse deposuerim, sed

is apud quem deposui. Et addendum ei rei est ex fragmentis Ulpiani, sine cessione etiam mihi in secundum depositarium competere utilem actionem depositi: quod fere in omnibus articulis juris obtinet, ut ubi est eam cessione directa actio, sine cessione sit utilis. Dico præterea depositarium officii causa rem depositam custodiendam recipere: nam depositum beneficium est, quod datur deponenti: nec admittit mercedem custodiæ: nam si interveniat merces, locatio est et conductio, l. 1. §. si quis servum, ff. eodem. Et depositum numeratur inter eos contractus, qui ex amicitia originem ducunt, ut mutuum, commodatum, mandatam, precarium: his igitur adde etiam depositum: sed ut mandatam facile recipit remunerationem, honorarium, salarium: ut ei, qui negotium meum gesserit mandatu meo, non male dabo honorem, non quasi mercedem operæ, et laboris, sed quasi honorem vice ἀντιδότην. Mutuum quoque recipit modicam usuram, quæ non exuperet beneficium, quod mutuum pecuniam accipienti datur, sed exuperetur, quia beneficio alijvari nos oportet, non opprimi, l. in commodato, §. sicut, in fin. ff. commod. ergo levem usuram mutuum admittit, quæ scilicet non superet beneficium, quod collatum est in debitorem. Et ita vice remunerationis in deposito nonnunquam venit premium operæ, sive premium quasi merces, l. si ut certo, §. nunc videndum, ff. comm. l. 2. §. generaliter, ff. si bon. rapt. Et in eo casu cum in deposito intervenit aliquid honoris vice, quia in eo tunc utriusque contrahentis utilitas vertitur, depositarius præstare debet in ea re servanda non tantum dolum, sed etiam culpam, quod supradictæ leges etiam docent: alioquin depositarius præstat tantum dolum, aut quod idem est, latam culpam, idest, magnam negligentiam, nisi aliud convenerit, quia scilicet sola deponentis versatur utilitas, quia nihil remunerationis vice confertur in depositarium, et ideo dolum tantum præstat, l. 1. in hoc tit. et l. 1. ff. si convenit, et l. quod Nerva, ff. eod. l. contractus 23. ff. de reg. jur. Custodia enim in deposito non est plena custodia diligentissimi patrisfamilias, ut in l. 2. §. 1. ff. de peric. rei vend. sed ea est custodia, quam depositarius adhibet suis rebus servandis, idest, non minus esse diligens debet in conservandis rebus depositis, quam in suis: alioquin dolo non caret. Sed si tam fuerit diligens in his, quam in illis: etsi non fuerit diligens ad modum diligentis patrisfamilias, non tenetur de dolo, d. l. quod Nerva, etsi res perierit. Dixi præterea, rem depositam committi prorsus fidei depositarii, et ideo in deposito quandoque reposcenti restituendo confestim major quædam fides exigitur, quam in aliis contractibus: et depositum sacrum dicimus, ut in Satyra.

..... *Sacrum tibi, quod non reddat amicus,
Depositum.*

Et depositi sacram fidem : et Plato definit depositum *ῥῆμα μετὰ πίστιος* : quod datur in fide, et fides est plerumque : etsi nulla testium, aut cautionum fides intervenerit, quæ res obligat magis fidem depositarii, *liv. fides habita ipsam magis obligat fidem*, Ulp. l. 1. D. eod. non ineleganter observat in deposito particulam *de* augere depositum : et sic dici ait depositum quasi valde commendatum, ut sane nefas sit quicquid apud aliquem valde ponitur, cum perfidiosum esse, et fallacem erga illum, qui ejus fidem potissimum elegit, et approbavit. Et ex eo multa sequuntur, ut actio depositi sit famosa, si quis depositi condemnatus sit suo nomine, l. 10. *hoc tit.* quia ex causa depositi nemo condemnatur, nisi propter dolum. Et actio de dolo omnis est famosa et turpis, sive per se agatur de dolo, sive insit actio de dolo alii actioni : inest autem actioni depositi, et cuicumque alii actioni bonæ fidei, quia bonæ fidei nihil est tam contrarium, quam dolus malus, ut qui de bona fide agat, sane agat etiam de mala. Item actio depositi ex 12. tab. fuit in duplum, in eum, qui non confestim reddit depositum, hodie in simplum tantum ex edicto prætoris : et ita legi in fragm. Sententiarum Pauli. Ex causa depositi leg. 12. tabul. in duplum actio datur, ex edicto prætoris in simplum : quo jure utimur : illo priore non utimur : nam actio depositi hodie non infamat, si quis damnetur depositi, sed datur etiam hodie in simplum tantum jure prætorio, ut fortiter possit defendi hodie actionem depositi esse prætoriam, non civilem. Lex 12. tabul. plectebat perfidii crimen duplicatione. Et perfidiam maxime ulciscimur in hoc contractu. Verum hodie uno tantum casu est in duplum, et quidem ex inficiatione, id est, si abnegaverit depositum, si dixerit apud se rem non fuisse depositam, §. *sed furti*, *Inst. de act.* ubi dicitur, interdum actionem depositi ex inficiatione dari in duplum : quod ait, *interdum*, id est explicandum ex §. *in duplum*, et §. *plane*, *rod.* et l. Rhodie cap. 14. ut si res deposita sit apud L. Titium in summa trepidatione naufragii, vel tumultus, vel incendii, vel ruine, et is L. Titius ad inficias ierit, conventus actione depositi, si actor probaverit intentionem suam, sequi condemnationem in duplum, quæ crescit perfidiæ causa, cum res deponitur imminente maximo periculo, et pene consternato animo deponentis : et ita Modestinus in libris differentiarum, dum tradit differentiam inter commodatum, et depositum, ait actionem commodati semper dari in simplum, depositi nonnunquam in duplum, videl. cet. jure prætorio, si

naufragii, incendii, ruine, tumultus causa res deponatur : alioquin est in simplum, et abolita est actio civilis in duplum, scilicet ut una coerceatur duplo, altera, simpli, adhibitis tamen usuris atque fructibus ex mora officio judicis, quia in actione depositi, sicut in aliis omnibus actionibus bonæ fidei tantum valet officium judicis, quantum stipulatio usurarum in strictis judiciis l. *quia tandem*, ff. de neg. gest. Ac præterea, ut intelligamus quanta fides in reddendo deposito sine mora a depositario exigatur : etiam adnotare oportet in actione depositi, non esse retentioni locum, neque compensationi, l. *ult. sup. de compensat.* Non esse locum exceptioni non numeratæ pecuniæ, vel non date rei, si de deposito ex scripto agatur, l. *in contractibus*, *sup. de non numer. pec.* et restitutionem depositi nihil morari posse denunciationem alterius, qui sui interesse dicat depositum confestim domino reddi, l. *pen. hoc tit. et Nov. 88.* Et præterea actio depositi est privilegiata, id est, satisfieri prius oportet iis, qui depositas pecunias habuerunt, et deinde ceteris creditoribus, l. *si hominem*, §. *quoties*, ff. eod. Sed ut redeamus ad veriverbium, quod Ulpianus reddit in l. 1. ff. *rod.* sic dici depositum, quasi valde positum, ut Festo dedita, valde data, decultare valde occultare et alia pleraque : Julio autem Paulo aliud veriverbium placuit comminisci, et dixit, dici depositum quasi diu positum servandum sit quod ad breve tempus custodiendum datur : hæc ratio nominis continet in se elegantissimam sententiam, nempe hanc, dari depositum præsentis custodiæ causa, non perpetuæ, ut cum deponimus thesaurum : sed tamen perinde servandum esse, atque si diu positum esset, sive mandatum custodiæ perpetuæ. Et facit in hanc rem l. *pen. §. 1. ff. de auro et arg. leg.* Ita legavi : aurum quod domi meæ erit, cum morier illi do, lego, queritur an legatum id videatur, quod alii commodavi, nec est domi meæ : an debeatur etiam aurum, quod apud alium deposui ? Constituit differentiam inter depositum, et commodatum : aurum, quod alii commodavi, non videtur esse domi meæ, quia non possum id statim petere importune : non est domi meæ nisi quod sit in manu mea, id est, in promptu : depositum vero repeto quando documque. Igitur legato continuebitur depositum, quasi videatur domi meæ esse, quod statim possim repetere : commodatum autem non est in legato. Nec est omittendum, quod tit. demonstrat depositi, vel contra, duplicem esse actionem depositi, et utramque esse bonæ fidei. Et stultum est dubitare, an contrariæ actiones dicantur etiam bonæ fidei, cum utriusque datur idem iudex : et eadem in utrisque veniunt officio judicis, l. *actione*, ff. eod. l. *qui non cogitur*, ff. de jud. Directa depositi actio

datur repositenti, quam rem deposuit, contraria depositario cibariorum nomine, puta si servus apud eum sit depositus, vel si equus, pabuli nomine: nec enim cibaria dicuntur nisi de hominibus, ut ideo in d. l. adiectum est: se eo constituto. Et observandum est, ejus legis actionem esse ex libris differentiarum Molesolini. In eis enim hanc cum addidisse differentiam inter commodatum, et depositum, quod commodatarius contraria actione non repetat cibaria, quæ lege naturali ad eum pertinent, qui hodie utitur. Item commodatum utendum datur, et commodatarius utitur re commodata, l. in rebus, §. possunt, ff. commod. Depositarius non utitur: ergo non debet sustinere impensas cibariorum: sed eas repetit actione contraria, et omnes alias impensas necessarias factas in rem depositam. Etiam illud est maxime notandum, quod ait lex §. hujus tituli, non immerito usuras exigi ab eo, qui convenitur directe ex mora, scilicet officio judicis: cum inquit, sibi debeat gratulari, quia nempe non conveniatur actione furti in duplum sed mitiori nempe depositi in simplex. Hoc est notandum, ut eodem sermone utamur deinceps in omnibus actionibus bonæ fidei, cum a quo petitur, si condemnatur in usuras ex mora, sibi debere gratulari, quod non fuerit conventus actione furti in duplum: nam actio furti cum omnibus bonæ fidei actionibus concurrat, l. rei communis, et seq. ff. pro socio: videlicet si depositarius rem depositam alienaverit, vel si eam reverterit in suos usus: nam sola inficiatio non facit furem, interversio possessionis facit furem: imo inficiando depositum nemo facit furtum, l. inficiando 69. ff. de furtis: nam inficiatio non est furtum, licet sit prope furtum, quod eleganter translatum est ex eo loco, et ita scriptum in consuetudinibus Normannie, quæ constitutio sic se habet: *Combien, que la negation ne soit pas un larcin, toutefois elle à quelque faveur avec l'celuy larcin.* Et postremo observandum est quod eleganter definitur in l. ult. hujus tit. si depositor reliquerit duos, vel plures heredes, qui deposuerat auri pondus apud amicum, et unus ex heredibus aliis fuerit diligentior, perceperit portionem hereditariam contingentem depositi: deinde depositarius sorte fortuna sine dolo malo amiserit reliquum pondus auri, an cohæredes possint venire in partem ejus, quod cohæres sibi præsternavit dari non ultra portionem hereditariam. Definit eleganter d. l. ult. nihil cohæredes posse sibi vindicare in parte quam exigit, qui fuit diligens, quia sibi vigilavit: et licet vigilare ad consequendum suum, l. summa, ff. de pec. l. 6. §. sciendum, et l. pupillus, ff. quæ in fraud. cred. imo non modo licet vigilare, sed etiam instare vincenti, et præcurrenti, l. in judiciis, ff. de re jud. Et jus civile (id est præce-

pta vivendi) scriptum est vigilantibus, non dormientibus, d. l. pupillus, et Just. in d. l. ult. ait industriam, sive vigilantiam non debere persolvere pœnas desidie.

AD TIT. XXXV.

Mandati vel contra.

Depositum, de quo actum est titulo superiori, contrahitur re, idest datione, vel numeratione, sicut mutuum, commodatum, pignus, precarium: mandatum autem, de quo hoc titulo agitur, contrahitur nullo consensu, uno rogante, et altero recipiente se id, quod rogatur, daturum, facturumve. Et mandatum igitur est conventio, qua is, qui rogatur, procuratoris animo, et gratuito recipit daturum facturumve id, quod rogatur. Et hæc duo verba rogo, et recipio citra stipulationem perficiunt mandatum, l. 1. ff. eodem, l. quidam, ff. de hæc. instit. l. 1. §. exceptione, quarum rerum actio non detur: Et l. si negotium, sup. de negot. gest. et l. si servi mei, ibidem. Et recte Virgilius 6. *Æneid.*

Idem orans mandata dabat.

Oro, vel rogo verbum est mandati, nec mando aliud significat, quam rogo. Est enim verbum precarium, l. 2. inf. commun. de leg. §. ult. Inst. de sing. reb. per fil. rel. mandamus procuratori homini, rogantes imperamus villicis nostris, et servis. Cicero in 1. de Orat. Si mandandum a'i, uil procuratori, aut imperandum villico de agricultura. Porro nihil interest rogaverit, aut præceperit, quis præsens, aut absens per epistolam. Rogamus per epistolam, præcipimus per epistolam, atque ita mandatum perficimus: epistola, quæ rogat, mandatum est, ac sæpe in auctoribus Epistola est mandatum Josephus 7. de captiv. Judæorum, διδάσκοντο ἐπιστολῆς. Rectissime illud, et sequentia confirmant: Quoniam, inquit, mandatis obtemperare, quæ vocant epistolas: sed non satis est mandare, si non suscipiatur mandatum: et ut dixi, suscipitur etiam per epistolam: ut l. ult. in princ. ff. eodem. Cujus species est elegantissima: et ut intelligatur indiget adminiculo aliquo. Erat controversia de hæreditate inter hæredem scriptum, et legitimos hæredes; videlicet patruum, et amitas defuncti, id est patrui sorores: Patruus rogatur per epistolam a sororibus, ut communem causam ageret: rescripsit, et declaravit per epistolam, commune futurum esse, quod ex eventu litis hereditariæ ad eum pervenisset: non potest procurator ex eventu litis alienæ sibi cavere certam partem, puta dimidiam, vel aliam: sed potest, et vero debet ex eventu litis, quod redegit præstare domino. Atque

ita patrouis, qui suam et sororum causam agebat recte rescripto cavet, commune futurum esse, etc. porro de ea re sine lite non est judicatum, sed transactum, pendente judicio inter heredem scriptum, et patruum: ex ea transactione, non ex judicato, ad patruum prædia, et quædam alia pervenerunt: queritur, an ea debeat communicare sororibus. Et eleganter lex ait: actione mandati compelli posse patruum ad communicanda ex omnia, quæ ex transacto ad eum pervenerunt: atque ita eventum litis cum dicimus, non tam judicatum, quam transactum dicimus, quia utroque jure finem accipit lis. Dixi in definitione mandati (procuratoris animo) non est procurator nisi qui procuratoris animo negotium suscipiat alienum. Hoc probatur ex *l. idemque*, §. *si quis ea*, *D. eod.* si dominus procuratori suo mandaverit, ut quæ is gereret, ita deinceps rata essent, si gesta essent interventu Sempronii. Is procurator domini pecuniam male credidit interveniente Sempronio, conciliante, queritur an Sempronius teneatur actione mandati, qui nihil dolo fecit. Procurator enim præstat omnem culpam, et levissimam, *l. 9. 11. 13. hoc tit.* sed is Sempronius consiliarius fuit, non procurator. Consiliarius præstat dolum tantum, non culpam: etiam secundum regulas juris, consilii non fraudulentum nulla est obligatio, et ut eleganter lex ait, is Sempronius non procuratoris animo intervenit, sed amicalis affectionem promissit, et ideo non tenetur mandati, nec ob dolum, nec ob culpam, sed ex dolo tenetur actione de dolo. Igitur in recipiente mandatum procuratoris animum exigimus. Præterea diximus *gratuita*, ut significarem beneficium genus esse: cum enim, quis mandet, alter exequendum recipiat, unus beneficio afficitur, *l. 1. ff. ult. l. ita ut omnes*, §. *1. §. item*, *supr. de procurat.* Denique mandatum est gratuitum, sicut depositum: honoris tamen, et remunerationis vice aliquando dari procuratori salarium, quod solet esse modicum. Omne honorarium est modicum: alioquin merces est, non honorarium, *l. 1. §. 1. ff. si mensur falsum mod. salarium*, inquam, et obsonium ei dari facile patimur, ejusque honorarii extra ordinem ei petitionem damus, *l. 1. hujus tit. l. 7. D. eodem*: sed non ideo minus mandatum peccetur esse gratuitum, nec ideo minus sunt ultra et super actiones mandati, *l. si remunerandi D. eodem*. Et invenio etiam ex pollicitatione, et pactione peti posse extra ordinem judicio mandati: sed per prætorem, aut Præsidem, non per judicem certum, si modo salarii fuerit quantitas certa, *l. 1. hujus tit.* Incertæ quantitatis honorarium peti non potest, *l. qui mutuum*, §. *salarium*, *D. eod. l. 17. hoc tit.* ut volumus, quod est pollicitationis genus legitimum apud Livium lib. 31. si fuerit incerta pecunie, non valere; nec obligare eum, qui

Tom. IX.

vovit. Sed in hanc rem maxime notum est, quod monet Pap. *l. 7. D. eod.* iudici diligenter considerandum esse quoties agitur de salario procuratoris, an dominus salarium constituerit laboris remunerandi gratia, an ex eventu litis incerto procurator pactus sit sibi dari certam quantitatem, vel certam partem litis vel victoriæ, quæ plerumque longe majoris pecuniæ est, quam salarium, quod esset modicum, honor, non pretium: salarii petitio est: hæc autem pactione improbat, si procurator pactiscatur ex eventu future litis, et ex emolumento sibi dari certam quantitatem, vel litis partem certam: nam hæc pactio est evidens depredatio ejus ad quem ea res pertinet, et redemptio rei, sive litis alienæ, id est societas future victoriæ conventa inter dominum, et procuratorem, quæ turpis est. Et quod multum ad hanc rem pertinet, quia cessionibus actionum id est mandatis actionum, vel quia in faciendis procuratombus ad lites, et cedendis eis actionibus nostris, hæc plerumque tacite pactiones insunt de societate future primæ, et si pecunia intervenerit, omnes præsumuntur ex tales, et prohibentur per *l. per d. versas*, *hoc tit.* Ex ea constitutione redemptor litis magis videtur esse, quam verus et legitimus procurator, qui pecunia data alias suscepit actiones: ea cessio improbat, quod non careat susceptione pactionis illicitæ, seu societatis improbæ: et nominatim propterea cavetur, ut is, qui pecunia data suscepit alienam actionem, ex actione cessa non plus consequatur, quam dedit ex nomine cesso, ut si nomen fuerit centum, et dederit decem, non poterit a debitore plus consequi quam decem: et reliquum cadet lucro debitoris, nec manebit in interdicto creditoris, qui cessit: nam cessio illa nominis interdicta fuit hac constitutione: si quis nomen centum emat, centum, quod vix unquam fit, sane valeat cessio: sed vix unquam ita fit, et ob id stricte accipitur ne procurator ex cessione plus ferat, quam dederit ipse: quæ lex per se satis prohibet cessionem: nam qui hac lege est suscepturus actionem alienam, dicere spernere illi esse propositam vindictæ, et pleiscendi adversarii: sed tantum sperat, ut opprimatur, ut sublegetur: quandoquidem reliquum debiti credit debitori, *l. ult. hoc tit.* Igitur etsi pecunia data procurator suscepit alienam litem, inutilis cessio est: nec cessio facile est admitenda, exceptis tantum quatuor casibus quibus cessio admittitur. Primus casus est si, ut fit, cognoscas in familia eriscunda ubi invicem cedant actiones hereditarias. Alter si creditori detur nomen in solum cessa actione. Tertius, si possessori rem alio, nam inferenti domino estimationem litis, vicissim dominus cedat actionibus suis, rei persequende gratia, si forte ejus possessionem amiserit. Quartus, si

159

modo fieri non potest, ut rem meam a me emam, *l. 1. D. de rer. perm.* alius est emptor, alius venditor, aliud merx, quæ venit. Et alia est ratio *l. si mandavero, §. si hi quorum, D. mand.* quam Accurs. hoc loco citat incongrue, quia in specie hujus paragraphi rem meam non emō a meipso, sed a creditore meo eam distrahente jure pignoris. Quod non ita est absurdum: regulariter rei meæ emptio non valet. Igitur cum tale mandatum neque consistere possit ex persona servi, neque domini, restat nullum esse. Et certe nullum est, nullaque actio mandati ex ea conventionē, si impletum non fuerit mandatum, id est, *L. Titius nondum meum servum emerit*; sed si impletum fuerit mandatum, emptio jam servo, quia ita agebatur inter servum, et emptorem, ut non ex ipso mandato nasceretur actio, sed ut propter mandatum nasceretur, actio ex alio contractu, id est, emptione venditione; ideo dominus servi ex suo contractu, perfecta venditione, habebit actionem ex vendito, ut emptor ex empto, impleto mandato, id est, perfecta emptione; quod sit consensu nudo; imo vero, ut infra demonstrabitur, actio mandati, quæ non fuit ab initio quæsitā sibi per servum, videlicet si emptor cum servum non manumittat, ut convenit inter eum, et servum, id est, *emptionis venditionis*, etiam quæ sequuta est, non dabitur. Sed prius agamus de actione ex empto: ait constitutio hujus tituli, non id fuisse actum inter servum et extraneum ut ex ipso mandato nasceretur actio: sed propter mandatum nasceretur actio ex empto vendito. Observanda est articulorum differentia inter *ex et propter*, quæ servatur in multis juris articulis ex hereditate, et propter hereditatem: *ex re*, et *propter rem, l. eo tempore, in fi. D. de pec. l. venditor, D. de heredit. ven.* Varro de re rustica, lib. 1. si quis propter agrum obveniat profectus, domino agriculturæ acceptum ferre non debet, sed si quid ex agro, et ex satione terræ natum sit ad fruendum: aliud est ex agro, aliud propter agrum: et ita subtiliter *lex pen. D. de sep. viol.* sic articuli *ex et per* differentiam maximam inducunt. Immiscet se hereditati, qui quid ex hereditate capit, non qui quid per hereditatem capit: ut qui agit sepulchri violati: ex iis articulis oriuntur sæpe maximæ controversiæ, ut nominatim scribit. Cyrillus, omnem controversiam, quæ est inter Latinos, et Græcos de processionē Spiritus Sancti procedere ex his articulis, *ex et per*, *ex rei dictis*, Latinos ex filio procedere, Græcos per filium: quod etiam retulit Gregorius Pachymerius. Idem videmus observari in *d. l. pen.* et in hac *l. nostra* inter *ex et propter*. Sed ut in hac specie sit locus actioni ex empto et vendito, intelligamus, emptio servo, atque ita impleto mandato, emptori

est actio ex empto, ut servus ei tradatur, venditori est actio ex vendito pretii consequendi gratia, quæ in hac constitutione dicitur quidem actio empti, sed oportet intelligere empti et venditi, vel potius venditi empti: id vero pretium solvendo nihil agit emptor servi, nisi solvat de suo, veluti si solvat nummos peculiares, quos ei dominus permisit; sed ut liberetur actione venditi, debet suos nummos solvere venditori: emptor enim cogitur nummos facere venditoris, quos solvit pretii loco, nec liberatur solvendo alienos. Et hoc distat a venditore: nam venditor non tenetur rem facere emptoris, et satis est si se obliget ad evictionem, et purget de dolo malo, *l. 1. D. de rer. permutat. l. ex empto, §. 1. D. de act. empti, et d. l. cum servus*. Et ratio differentie evidens est, quia est facile nummos suos adnumerare, facile conficere nummos, et redigere qui sui sint: at difficile est rem, quæ venditur, suam esse præstare, quia sæpe quam putamus esse nostram, non est nostra: et plerumque, quæ aliena sunt, bona fide possidemus, atque ideo satis est si præstemus emptori habere licere, et si præstemus nos scientes dolo malo non vendidisse rem alienam: alioqui nullus esset modus, aut difficilis, et pene impossibilis peractæ emptionis et venditionis. Igitur in specie proposita, emptor servi non liberatur actione ex empto vendito, si solvat nummos peculiares servi, quia emptoris non sunt, sed domini potius, et cum res gesta sit ignorante domino, sane noluit servum redire nummis peculiaribus: itaque emptor debuit inferre suos nummos ut liberaretur actione empti venditi. Nunc de actione mandati, quam initio diximus etiam strictæ, et vi emptionis vend. post impletum mandatum hujusmodi domino acquiri actionem mandati servo non manumisso. Sane ita est: nam si servus traditus emptori, quem interposuerat servus ipse, cum servum non manumittat, domino competit actio mandati: quasi acquisita sibi per servum, videlicet si ejus interstet servum manumitti: nam actio mandati cessat, si nihil interstet actoris, *l. 8. §. mandati, ff. mand.* Et omnis omnino actio est in id quod interest, et non est si nihil interest: omnis enim mandat ex utilitate, et damno cujuscunque: potest autem ejus interesse servum manumitti affectus ratione, ut ait *d. l. cum servus*, ut puta si servus sit filius ejus naturalis, ex contubernio, id est, susceptus ex ancilla sua vel aliena, vel si sit frater naturalis, *l. 19. ff. de manumiss. l. si minor, ff. de man. vind.* Ut puta si ambo sint suscepti in servitute ex eadem ancilla, et eodem contubernio. Servilis cognatio nulla est, fateor in successionibus ab intestato. In aliis partibus juris servatur, *l. adoptivus, §. serviles, D. de ritu nupt.* et in hac parte quæ

tractamus, dum habetur ratio affectionis, quod sit filius naturalis, vel frater quæ situs ex servitute, atque ita mea interest eum manumitti affectus mei pii et honesti ratione: nam in bonæ fidei iudiciis ex *d. l. cum servus*, non habetur tantum ratio ejus quod interest pecuniariter, sed etiam affectus, et agitur actione bonæ fidei, vel in hoc ut mea affectioni satisfaciat, etsi nihil debeat rei meæ. Et his igitur casibus dominus agit mandati, quod servum quem vendidit, non manumittat ob fidem quam dedit emptor servo, fore, ut eum confestim manumitteret. Et diligenter animadvertendum est quid, intendat dominus ex hac actione mandati: nam duo potest intendere, vel ut manumittat servum emptor secundum fidem mandati, vel ut reddat eum servum, quem non manumisit. Si agat dominus, itemque venditor, ut emptor servum manumittat actione mandati, cum ea potest concurrere actio ex vendito de pretio: itaque sic agat venditor mandati, et ex vendito, nec enim sunt contrarie actiones, una de servo manumittendo, altera de pretio solvendo. Sed si agat mand. ut emptor reddat eum servum quem non manumisit, cessat actio ex vendito de pretio: nec enim potest concurrere altera cum altera, quia in hac specie sunt omnino contrarie, et contrarie actiones non admittuntur pure, sed disjunctim, *l. 1. inf. de furt.* Et in hac specie *l. ii.* videmus quam sint contrarie. Actio mand. rem inemptam fieri intendit, et reddi: actio ex empto reposcit pretium rei quasi quæ empta permaneat. Sunt intentiones contrarie. Igitur alia aliam excludit, et eligere alterutram dominus debet, si nolit persequi manumissionem servi. Et pone jam eum elegisse actionem mandati, et servum ei redditum fuisse, an agat emptor contraria mandati, puta ob pretium, quia jam numeravit de pretio, et sit jus æquabile ut reddat pretium quod percipitum est. Non semper utimur jure æquabili, non certe in hac parte: nam etsi venditori sit actio mandati ad servum repetendum: tamen non erit emptori actio mandati de peculio ad pretium repetendum quod prænumeravit, quia non datur actio de peculio ex eo contractu servi, quod se servus malo more domino subluxit: et prætor eum generaliter dedit actiones de peculio ex contractibus servorum, non videtur cogitasse de contractu, quo servi se dominis subducunt: et ita eleganter proponitur *l. cum servus*: nec erit igitur actio mandati utroque. Et confirmatur hoc *l. eo tempore*, §. ult. *D. de pecul.*

AD TIT. XXXVII.

Pro Socio.

In hoc titulo tractatur de contractu societatis,

et de actione quæ ex eo nascitur. Societas est conventio, quæ inter duos pluresve re aut verbis, aut nudo consensu constituitur legitima communio omnium rerum, vel unius rei ad tempus, quoad vixerint, vel voluerint in ea communione permanere contrahentes. Postrema verba adjicio, quia nulla in æternum societatis coitio est, nulla societas porrigitur ultra mortem: nulla transit in heredem socii. Eligimus enim nobis socios, nec quoscunque pro sociis habemus, nec quoscunque sociorum heredes qui tamen si placeant, nobis cum iis, quia non continuatur societas quæ fuit cum defuncto, renovanda est: quod multæ leges probant. Sed divi per societatem constitui communionem. Societas non est communio, sicut retro communio non est societas, cum possit esse communio citra societatem, ut si duobus eadem res sit legata conjunctim, eorum est citra societatis contractum, cum de eo nihil egerint inter se, ut in ea re socii et collegæ essent, *l. ut sit*, et seq. *D. eod.* Communio igitur potest esse citra societatem: sed societas non potest esse citra communionem: nec tamen ipsa est communio, sed contractus, qui inducit communionem justam damni et lucri, *l. 1. §. plane, de tut. et rat. distr.* dicitur etiam quodammodo inducere jus fraternitatis, *l. v. rum, D. eod.* quomobrem receptum est ut humaniter socius socio non teneatur nisi in id quod facere potest: nam veluti fratres sunt, et frater cum fratre non agit in solidum ullo iudicio, sed in id tantum, quod facere potest ne egest victu quotidiano. Et ipsum fraternitatis nomen etiam communitatem significat illam, quam societas inducit, ut est in pænegyr. Flaviensium: *Fratrium nomine*, inquit, *et communitas apparet, et æqualitas dignitatis*, et Fabius in declamat. 320. *Sacra res est unitas, et quædam fraternitas animorum.* Unde recte in *l. 2. sup. de officio diversi juri*, non esse confundendos gradus dignitatum, qui tres sunt in jure, ut alii clarissimi, alii spectabiles, alii illustres, qui sunt omnes ex senatorio ordine. Sunt tantum hi tres gradus: cum et qui dicuntur esse illustres, vel spectabiles, vel clarissimi, non alio quam illustrium nomine nuncupantur, patricii et senatorio ordine, omnes alias dignitates non disiteor: puta alios appellari egregios, alios perfectissimos, alios equites: sed ne confundantur hi tres gradus lex constituit, ut ne clarissimi iudices, illustres iudices in subscriptionibus relationum suarum se nuncupent fratres, quia eo nomine æqualitas significatur, quæ nulla est inter clarissimos et illustres. Diximus, hoc genere contractus induci communionem justam lucri, solius damni non est legitima societas: solius lucri, inquam, nisi uno conferente pecuniam, alter conferat operam, alter industriam, quæ sit pretiosa, ut æquum non sit eum venire in

partem damni ut si peritior sit ceteris in ea re, cuius societas coita est, si solus naviget, solus peregrinetur, solus subeat pericula, et omne societatis subeat onus, *l. si non fuerint, §. 1. ff. eod.* namque constat ita contrahi posse societatem, ut unus confectat pecuniam, alter operam, non pecuniam, quia opera vel ejus pretium potest superare, aut equare pecuniam, *l. 1. hujus tit. §. nam et ita, Instit. eod.* M. Tullius pro Roscio Comedo: non esse captivam, aut iniquam societatem, nisi alter corpus, alter disciplinam in societatem adfert. Et recte jam olim legi in *l. cum duob. §. si in coeunda, ff. eod.* pretium operæ, vel artificii esse levamentum, id est, sequamentum, in idiotismo, *contrepoids*. Varro 2. Plantiarum quæstionum, amicis esse æquabile levamentum. Idem etiam dicitur ascoma et examen: Sic recte Festus, *examen esse æquamentum*: ac hinc rursus diligenter observandum est ex *§. de illa, Instit. eod.* si convenerit ut unus ex sociis, qui forte est omnibus ceteris industrius, veniat in partem lucri, non damni, tunc ei prolesse hanc conventionem, cum plus damni factum est, quam lucri: nec enim ipse ejus damni quod superat, est censors seu particeps. Sed si lucrum præponderet, pro concurrente quantitate damni et lucri compensatio fiet; et residui quicquid erit lucri communicabitur: ut si in lucra sint trecenta, in damno centum, ducenta tantum veniunt in communionem. Id quoque certissimum est, non valere societatem, si convenerit ut uni cederet lucrum in solidum, et alteri damnum in solidum: hanc enim societatem Cassius solebat appellare leoninam, *d. l. si non fuerint, §. 1.* et leoninam non ex eo apologo, quem omnes adferunt de societate leonis, asini, lupi, et vulpis: sed ex eo apologo qui residet apud Gabriam in tetrastichis de vulpe et leone venatum profectis, ac deinde divisam prædā in tres partes, quarum unam sibi quasi rex leo adrogavit, alteram quasi possessor, et tertiam dedit ejus foro, qui ausus fuerit eam attingere: quo in genere mansit apud alium lucrum, apud alterum labor omnis. Et placet quod dicitur etiam, et quod Azo notavit, eam societatem esse injustam, si convenerit ut unus lucri nullam partem ferret, et veniret in partem damni: et ut ex tit. Inst. de societate intelligitur. Quintus Mucius dicebat pactionem factam contra naturam societatis, non valere, quod notandum est, et accommodandum ceteris contractibus, ut contra naturam precarii non valere pactionem *l. cum precario, ff. de precar.* Quod de precario legimus, idem dictum putemus de omnibus contractibus. In definitione societatis ego non dixi communionem induci pro indiviso, sicut Asconius non male dixit socium esse eum, qui indiviso agit: Recte, quod et communis verbum satis de-

monstrat: quia non est communio, nisi sit pro indiviso: Divisione dissociamur, et a communionē discedimus: et ita recte Aggenus Urbicus de limitibus agrorum: *Compascua*, id est, loca, in quibus licet cuilibet compascere, alius vocare communia, alios communialia, alios pro indiviso. Etiam adjecti societatem contrahi aut re, aut verbis, aut nudo consensu, ex *l. 4. ff. pro socio*, et id est, traditis invicem rebus, et in possessione collatis, quæ tamen traditio non est necessaria, nec mancipation, quæ etsi non intervenerit, tacite creditur intervenisse, *l. 2. ff. eod.* Et dominum igitur rerum communicatur ipso jure, sine traditione et mancipatione, quæ fingitur intervenisse, quæ res fecit ut dubitaretur olim an societas possit fieri sub conditione, *l. pen. hoc tit.* quia scilicet mancipation non potest fieri sub conditione, *l. actus, ff. de reg. jur.* sed alia est conditio et ratio expressæ, alia non expressæ, tacite mancipationis, quæ sit tacite mancipation recipit diem, vel conditionem, addit *d. l. 4.* societatem contrahi verbis nudis scilicet, citra stipulationem. Mandatum suo loco diximus perfici nullis verbis: Rogo, Recipio, vel etiam per stipulationem, cur non licebit nobis de societate convenire beneficio stipulationis: sed neque traditio est necessaria, neque verborum sollemnitates: societas non desiderat rerum traditionem, ut aut *l. 2. ff. de oblig. et act.* non desiderat scripturam, aut verborum proprietatem, *d. l. 2.* id est, non desiderat propriam formulam verborum, sed qualiacumque verba sufficiunt, quia nudo consensu perficitur societas, etiam inter absentes per epistolam. Præterea dixi omnium rerum, vel unius, quo idem dicitur, in *l. 5. ff. eod.* et unius rei dicimus vel unius artificii, et in *l. duo societatem, ff. eod.* unius vectigalis, unius frumenti, vel unius negotiationis, ut olei coemendi, vel gari conficiendi: itam inde in auctoribus putæ appellari *garum sociorum*, et lemma illud Martialis, quod habet *garum scotorum*, ita emendandum esse, *garum sociorum*: sed nec prætere mittamus actionem, quæ ex hoc contractu nascitur, quæ est ultro citroque directa, non ex uno latere directa, ex altero contraria, ut incommodi pig. mand. deposito: quia anteriorum omnium par est conditio, nec alius alii antistat. Utraque est principalis: utrique igitur datur principalis actio, nempe directa. Sed in superioribus negotiis dominus rei antistat, et est principalis auctor contractus, cum ad eum principaliter res spectet: et ideo ei datur actio directa, adversario contraria. Et datur actio pro socio ex verbis formulæ, quæ fere fuit ejusmodi, ut indicat lex actione, *§. si post, ff. pro socio quod pro socio communiterve negotium gessit, ejus rationem reddi oportere*: nam in illa oratione pro socio, dicitur adigi arbitrum pro socio, et condemnare

arbitrum pro socio, qui ex ea actione arbitrioque condemnatur, qua ex causa notatur infamia. Est enim hæc actio famosa, ut in actione depositi. Et ita rectissime loquitur Cornelius Tacitus lib. 3. *Ut Pontificis maximi arbitrio plus, quam binotium abesset.* Qua de re Alcibiades recte scribit in tit. Pro socio. Arbitrator solet, inquit, prospicere cautionibus in furto, damno vel lucro, pendente societate, sicut fit in omnibus actionibus bonæ fidei, *l. in omnibus, ff. de Jud.* nam iudices, vel arbitri bonæ fidei prospiciunt partibus in futurum tempus, et in futuro lucro vel damno, nec de eo tantum statuunt, quod in præsentia est: quod non possunt iudices additi, vel addicti strictis actionibus: et ostendit *d. lex pro socio* eam esse generalem, quæ complectitur scilicet præsentia et futura et quæcumque pertinent ad societatem lucri vel damni: et ita iudicium tutelæ, aut esse generale, et negotiorum gestorum, commodati, mandati, depositi sunt specialia. Et hoc maxime notandum est in *d. l. pro socio.*

AD TIT. XXXVIII.

De contrahenda emptione et venditione.

Cum post mutui contractum, qui ex uno latere actionem parit, id est, ex parte creditoris, post inquam, qui non parit, id est, ex parte creditoris, cum sed ex una tantum parte, proposuisset alios contractus ex quibus nascitur actio ultro citroque directa, ut societatem tit. 37. et in hoc tit. 38. emptionem venditionem, ejus diffusorem prolixiorumque tractatum dispergitur in plures titulos, et ult. hujus lib. tit. locationem et conductionem: nam et hic contractus, quam parit actionem ultro citroque, ea est directa, non directa et contraria, quia non major habetur ratio unius partis, quam alterius. Igitur ex emptione et venditione utrinque est actio directa. Venditori est actio, quæ dicitur actio pretii, *l. 8. et 10. hujus tit.* quod scilicet per eam petatur pretium rei venditæ, non etiam repetatur res vendita et tradita ob non solutum pretium: nam actione ex vendito non resolvitur emptio, sed adimplentur cetera venditionis: et quod hoc nomine agitur in *l. un. supra tit. 2. si servus ext. se emi mandav.* Ut res vendita et tradita restituatur, hoc agitur actione mandati, non ex vendito: hac actione petitur ut emptor impleat venditionem, non ut resolvat, nec si in mora sit emptor, nec si venditorem poenitent. Imo, ut eleganter ait *l. 12.* licet incontinenti facta poenitentiae contestatio non resolvit actu hanc venditionem, etsi incontinenti dicat venditor se mutare factum. Et in hac rem est elegans *d. lex 12.* dum ait ingressum in possessionem rei venditæ consensu venditoris pro traditione cedere, non esse necessarium traditionem solo-

muniter fieri, aut in rem venditam emptorem mandeduci ipsum, si ingressus sit in possessionem rei venditæ consensu venditoris, recte videri apprehendisse possessionem, nec traditione, nec mancipatione solenni hodie opus esse, et hoc de venditione: emptori autem competit actio ex empto ut cetera venditionis præstentur, id est, ut res tradatur, et ut caveatur de evictione, de dolo malo: nam hoc implere debet venditor emptori, *l. magis, §. si pupillus, ff. de rebus eorum qui sub tut. vel cur. sunt, et l. si duo, §. si quis juraverit, ff. de iur. jur.* Venditionem perficit consensus solus, post perfectam venditionem implentur cetera venditionis, sicut litem perficit contestatio, post sequuntur cetera litis: ut cautiones, et probationes, et recusationes, secundum jus quo utimur: nam olim post contestationem non admitteretur recusatio iudicis: et ita cetera litis sunt accipienda in *l. ult. inf. de admin. tut.* Emptio est contractus, quo id agitur, ut dato certo pretio animus quis ab alio corpus, vel jus, quod vindicet sibi: vel conventio habendæ rei alienæ, juriste alieni certo pretio: vel est mutatio pretii cum merce: nam auctores sæpe mutandi et permutandi verbo utuntur in emptione: pretii, quia sine pretio venditio nulla est. Et recte in *l. pacta, ff. eod. venditionis substantiam ex pretio consistere, id est, venditionis naturam: nam nec est differentia inter naturam, et substantiam emptionis contra interpretes.* Denique emptor est qui pretio emit, ut ait *l. sciendum, §. pen. ff. de edil. edic.* non qui merce emit mercem, sed qui pretio. Et similiter venditor, qui pretio vendit mercem: et inde uterque dicitur pretium facere, *l. arbor, §. de vestibulo, ff. comm. divid. l. cum in venditione, ff. eod.* Dixi ut sumat quis ab alio corpus: nam veteres, ut auctor est Festus, emere dicebant pro sumere et contra sumere pro emere. Marcus Tullius: *Quantum ego non aestimo, tanti sumpsi.* Et Horat.

Quæ parvo sumi nequeunt obsonia captas.

Et adjecti, quod vindicet sibi: nam nulla est emptio si hoc agatur, ne emptor vindicet sibi quasi suam rem emptam et traditam, *l. pen. §. ult. ff. eod.* Quæro ad hæc: cum in hoc libro multi sint tituli pertinentes ad hoc genus contractus, quid in hoc titulo tractetur? et invenio in eo poni regulas juris, quæ proprie pertinent ad hoc genus contractus: ponit principia, quæ sunt fusa per tractatum, et quorum usus est frequens: veluti emptionem venditionem consensu contrahi, *l. 2. non re, non verbis, non litteris: perfectam esse emptionem, si convenerit de pretio et de merce: etsi nondum intervenierit numeratio pretii, traditio mercis, vel arbor, l. quod sæpe, ff. eod.* Hæc res non desiderat verba sollemnia, ac ne verba quidem, ulla quin

contrahi potest inter absentes, non scripturam, non satisfactionem ullam, *l. 12. hoc tit. et l. 2. ff. de oblig. et act. Et l. 35. §. ult. ff. de verb. oblig.* quia quæ ex causa ejus contractus interveniunt cautiones, sunt nude repromissiones, non satisfactiones, nisi aliud convenerit, *d. l. pacta conventa, et l. 2. de hered. vend. l. contractus, sup. de fide instrument.* Etiam illud hoc titulo attenditur, emptionem contrahi quocumque loco, nec necesse esse contrahentibus in rem presentem venire, *l. 1. hujus tit.* Ac præterea non recte contrahi simulatam emptionem: puta quæ fiat nummo uno, quæ fiat asse Cajano, quæ fiat donationis causa, *l. 3. 6. 8. et 10. hujus tituli.* Quod dicitur etiam de omnibus fere contractibus, ut puta, non recte contrahi societatem, conductionem donationis causa; *l. 5. §. ult. ff. pro socio, l. si quis conduxerit. ff. loc. contractam venditionem valere quidem, ut donationem, si inter contrahentes consistere possit donatio: si ut mariti, neutrum valebit, sed si inter eos donatio possit consistere, tit. venditionis donatio facta valet ut donatio, non venditio, licet prætextum sit venditionis nomen: non omnis qui dicit vendo, vendit ut non omnis qui dicit dono, donat, l. ex conducto, §. si uno anno, ff. loc.* Ut si remitta pensionem hujus anni propter sterilitatem, etiamsi usus sum verbo, dono, nihilominus secunda obertate repelam quam hoc anno remisi mercedem: non quo verbo utantur contrahentes spectandum est, sed quid agant, *l. cum quid, ff. de reb. cred.* Il quod agitur, haberi pro expresso. Igitur res ita gesta valet in quantum potest, ut donatio, non ut venditio. In Scholiis Græcorum ad *l. 3. et 8. hujus tituli*: quod est in ea Synopsi *βραβεύων*, quæ nuper edita est sic habetur: donationem, quæ præfertur titulum venditionis, non parere ex vendito actionem. Etiam hoc in hoc titulo ponitur, rei suæ emptionem non valere: at possessionis rei suæ valere, *l. si in emptione, §. rei ff. eod.* sed rei alienæ, juris alieni, *l. 4. et 10.* quod est fere commune omnium contractuum: nam neque pignus, neque commodatum, depositum, precarium, neque conduction rei suæ valet, *l. qui rem, ff. depos. l. neque pignus, ff. de regul. jur.* Et postremo in *l. 11.* ponitur, quod est etiam omnium contractuum commune: est hæc regula, invitum neque emere, neque vendere, est enim omnium contractuum voluntarium initium, *l. sicut, sup. de obligat. et action. l. in commodato est, §. sicut, ff. commod.* Et fere quæ de uno contractu ponuntur principia, habent locum in omnibus, quoniam sunt summa principia et naturalia. Verum qualia qualia sunt, vitiantur semper: nam ea est conditio rerum humanarum, ut de his nihil in perpetuum statui possit certo et definiti. Interpretes volant varios

casus in *l. 12.* hujus tituli, quibus inviti vendunt et emunt. Sed his addam alios casus *ex l. ita ut, §. ult. ff. mand.* Cum fundus quidam veniret in partes, mandavi tibi ut emereres omnes partes a diversis sociis, me nolle teneri nisi totum fundum emereres: non emisisti totum, sed certas partes: eas in gratiis tibi retinebis jure empti, atque ita videris invitus emisisse eas partes, nec me potes compellere ut eas recipiam, quia non servasti mandatum: habemus alium *ex l. is qui ex causa, ff. de fidei. libert.* Debeo servo libertatem ex causa fideicommissi, in diem vel conditionem certam. Interim enim vendo alii, ut eum manumittat: feci deteriorem conditionem statuliberi, quia ejus interest a me potius manumitti quam ab emptore, ut si senex sit venditor, emptor juvenis: interest potius manumitti a senex quam a juvene. Et ideo ne deterior fiat conditio statuliberi, cogar eum emere, et manumittere. Et mali mores eorum corrupte quandoque in provinciis similes casus inducunt, quibus cogimur emere aut vendere, neque habemus liberum arbitrium probandi et eligendi emptorem, ut memini me legere in vita Joannis Chrysostomi Constantinopoli hunc eporem fuisse, ut adnotavit Simron Paraphrastes, ut si Augusta racemum excerpisset a vite, vitis ex qua excerptus fuisset racemus ad fiscum deferretur. Et ob id Endotis Arcadii uxor Augusta, reprehensa fuit a Joanne Chryost. Episcopo. Alius est casus jure veteri de quo est celebratissima lex *dudum, hoc tit.* Si quis velit rem suam vendere invitus cogitur socios suos præferre extraneo: sed hoc jus tollit *l. dudum*, vultque ut suo arbitratu quis possit probare emptorem: sed additur exceptio nisi lex specialiter prohibeat quasdam personas hoc facere: quæ verba addita sunt a Triboniano cum non essent in *l. un. inf. non licere habitatoribus, lib. 11.* quæ lex pertinet tantum ad viros majores: nam metromonia est major vicus, sicut metropolis est major urbs: vicani si possessionem suam velint vendere, debent præferre convicanos suos extraneos. Et hoc casu non est liberum vicanis arbitrium querendi emptorem: alias *ex l. dudum*, cui libet est libera potestas probandi emptoris, nisi ex conventionem aliud convenerit, complacuerit, ut *l. qui Romæ, §. cohæredas, ff. de verbor. obligat.* præterquam in auctione honorum, quæ fit sub hasta, in *l. cum bona, ff. de reb. auctor. jud. possid. et l. Imperator, ff. de pact.* nam in auctionibus præfertur propinquus extraneo, id est, in distractionibus: sunt enim distractiones propriæ, quæ fiunt sub hasta, ut in Quintiana, *bona dilacerantur.* Verum nos utimur jure veteri in his provinciis, non in omnibus, et *lex pen. h. l.* cum qui fundum venalem habet noluisset præferre propinquum extraneo, quod etiam probavit Nov. Romani senio-

ris, et constitutio quardam Friderici Imperatoris: ex Nov. Romani idem obtinuit in emphyteusi, et locatione et conductione, ut etiam in illis contractibus esset propinquis jus prælationis: nam ex Novella tantum usu recepta est in venditione; nec enim audio juri prælationis locum esse apud nos in emphyteusi et locatione. Et iis etiam hoc tantum addam, jus prælationis dari etiam domino feudi, vel emphyteuseos, l. 2. et ult. inf. de jure emphyt. Sed si concurrat dominus feudi cum agnato vel propinquo quis præfertur? quia uterque habet jus prælationis, et est definitum, assignatum præferri domino feudi, lib. 2. Feud. tit. 9. §. ult.

AD TIT. XXXIX.

De hæreditate, vel actione vendita.

Quod dixi in definienda emptione, non tantum corporis emptionem esse, sed etiam juris, quæ res est incorporalis, id patet hic titulus: hæreditatis enim et actionis appellatione jus significatur, non corpus hæreditatis, scilicet jus successionis universæ, non corpora hæreditaria, l. 1. ff. de rer. divis. et l. hæreditas, ff. de petit. hæredit. et l. bonorum, ff. de verbor. signific. et inde illa, hæreditatem non usucapi, apud Senecam, et hæreditatem non dividi, vel non possideri pro divisione, l. 8. ff. de rei vind. quia jus significat non corpus: non est igitur nobis hæreditas (quod aliis auctoribus placuit) pecunia, vel res; sed jus successionis, in quo sunt res tam corporales, quam incorporales. Actionis etiam nomine constat significari jus persequendi in judicio quod sibi debetur. Ceterum actio proprie est actio in personam, quæ et nomen, et cautio dicitur, l. actio, ff. de obligat. et action. Actio inferitur in personam, petitio in rem proprie, l. pecunie, §. actionis, ff. de verb. signific. In hoc titulo generaliter accipiendum est, ut etiam actionem in rem continet, et vero constabat olim utramque actionem vendi posse, et comparari: sed non æque constabat, an sicut emptori nominis ex constitutionibus datur actio utilis suo nomine persequendi nominis gratia, etsi venditor ei non cesserit suam directam actionem, qua emptor quoque, si cessa esset directo experiretur ex cessione, sicut venditor, l. ult. hujus tit. Sed et sine cessione ex sua persona emptori nominis constitutiones dederant utilem actionem. Verum dubitabatur an ante cessionem factam a venditore actionis in rem, emptori actionis daretur utilis actio in rem citra cessionem: propria actio in rem non nisi domino competit, et dominus actionis emptor non est ante cessionem, sicut nec rei ante traditionem. Verum hunc scrupulum sustulit Justinianus, l. ult. hujus tituli, data emptori

utili actione tam in rem quam in personam ante cessionem venditoris. Et ita etiam emptori hæreditatis ex constitutione D. Pii dantur utiles actiones in debitores hæreditarios, l. 3. hujus tit. et in l. si cum emptore, ff. de pact. constitutione opus fuit, ut supplerentur utiles actiones emptione hæreditatis vacantis, sine cessione venditoris, alioquin ita fierent actiones cujusque generis maxime in personam ei cui competunt: ut ab eo non possint discedere sine cessione; nec discedunt etiam directe sine cessione: utiles ultro dantur ex constitutionibus, non expectata cessione venditoris. Quod tamen non ita invenitur constitutum in societate nominum, l. 3. ff. pro socio: nam si coita sit societas nominum, vel societas bonorum, in quibus sunt et corpora et nomina; corporum quidam dominium communicatur statim, etsi traditio non intervenerit, nomina non communicantur, donec invicem cedantur, quia deficit constitutio quæ sociis sine cessione dederit utiles actiones: et similiter deficit constitutio in concessione peculii, quod consistit in nominibus, l. quis ergo, ff. de pecul. Denique his et aliis plerisque casibus, quia non idem constitutiones admiserunt quod in emptione actionis vel hæreditatis, ideo nec nos possumus inducere. Et observanda hæc est differentia inter emptionem corporis et emptionem juris: nam emptori juris datur actio utilis etiam ante cessionem, et in rem si empti sit actio in rem, ex l. ult. Emptori autem rei vel corporis ante traditionem non datur actio illa, quia deficit constitutio quæ sociis sine cessione dederit utiles actiones. Nec Iureconsulti possunt interpretationibus suis semper producere constituta legum, præsertim cum constitutiones refragantur summo juri: observandum etiam est, in hoc proposito emptori actionis vel hæreditatis, non tantum dari utilem actionem sine cessione, vel directam ex cessione in rem principalem; sed etiam in accessiones, ut puta dari utilem actionem constitutæ pecuniæ ex stipulatu in fidejussorem, et utilem hypothecariam in l. empto i et l. venditor, ff. eod. et l. pen. hoc tit. Et emptori quoque hæreditatis similiter sed animadvertendum est, quod solum locum habere potest in emptore hæreditatis, quod quamvis emptor hæreditatis habeat utiles in debitores hæreditarios: tamen e contrario creditores hæreditarii in eum non habent utiles actiones, etsi ea lege emerit ut satisfaceret: quæ lex alii datur quam contrahenti, alii non proficit: et ideo creditores hæreditarii ibant ad venditorem, ad emptorem invitum non ibant, etsi se ei legi subjecerit. Et hoc ostenditur in l. 1. hujus tit. et l. 2. sup. de pactis. Videndum est cum ab hac sententia excipitur fideus, qui vendit hæreditatem, l. 1. hujus tit. l. eum qui bona, ff. de jure fisci: nam is, qui emit

hereditatem a fisco ea lege ut subiret omnia onera hereditaria, ut satisfaceret creditoribus, cogitur accipere actiones, quæ contra decretum, vel contra fiscum competeabant. Fiscus est publicum jus, aut quasi publica persona: conventio fisci alii prodesse potest, conventio privati non potest: nemo enim paciscitur alii, sed sibi: et quam alii actionem paciscitur, inutilis est: sed fisco paciscenti alii fuit cur admitteretur publicæ personæ conventio alii facta: nam et certum est per servum publicum alii sæpe fieri stipulationem, l. 2. ff. rem rat. hab. Summa ergo ait, conventionem fisci prodesse alii, non etiam privati. Et convenienter cum, qui emit hereditatem a fisco, obtinere vicem hæredis, quia fert commoda omnia et incommoda: non etiam qui emit a privato. Et ad hæc observandum est, quod in hoc tractatu sit sæpe mentio nominis, hoc verbo non tantum significari cautionem, quæ id quod debetur ex mutuo, vel ex alia quacunque causa novationis genere transfertur in litterarum obligationem, secundum id quod recte exposuit Theophilus, tit. de litterarum obligationibus, Inst. et confirmat l. 6. Col. Theod. de denunciatione, vel editione Rescripti; quod tamen genus hodie desiit esse in usu, quæ proprie dicebatur obligatio nominum, quæ fiebant ad mensam argentarii publicæ fidei, et non hanc cautionem tantum nomen significat, sed omnem cautionem, omnem actionem, sive obligationem personalem: et dicimus nomen active id quod nobis debetur, non passive id quod nos debemus aliis, ut nomen Titii, recte dixeris, et id quod Titio debetur, et id quod ipse debet: dicimus nomina ipso jure dividi inter coheredes pro portionibus hereditariis, l. 6. sup. fam. l. exerce. id est, nomina active et passiva. Et ita in l. qui fil. isam. ff. rod. filiusfamilias nomine, id quod filiusfamilias debet. In hoc autem titulo nomen accipitur active pro eo quod nobis debetur, quia nemo vendit nomen passivum, sicut nemo legat nomen passivum, sed activum. Et ideo qui legat decem, quæ Titio debet his verbis: lego illi decem, quæ Titio debeo, adjecta illa demonstratione quantitatem legat, non nomen; alioquin esset ridiculum legatum: et ideo legatario debentur decem: etsi sit falsa demonstratio, quia quantitatem legavit, non nomen, et contra qui legat decem quæ sibi Titius debet, nomen legat, non quantitatem: et si nihil ei Titius debeat, nihil est in legato. Quæ nomina demonstrantur in l. si sic legatum, §. si mihi, ff. de l. g. 1. Addamus superiori differentiam alteram: hereditatis appellatio continet etiam detractionem, quia nomen est juris, quo nomine non significatur lucrum tantum, sed etiam damnum, l. hereditatis appellatio, ff. de verb. signific. Et similiter actionis nomen continet etiam inane, forte

Tom IX.

propter inopiam creditoris: quare is, qui vendit hereditatem aut actionem, satis est si præstet hereditatem esse vel actionem quamlibet, nec necesse est ut præstet locupletem, l. 4. et l. cum hereditatem, ff. eod. Et consequenter etiam non cavet de evictione, nec tenetur de evictione, evicto forte corpore quodam hereditario, quia jus vendit, non corpus, l. 2. ff. eod. longe acutius est in venditore corporis: nam venditor corporis omni modo præstare debet emptori rem habere licere, nec evictum iri cavere debet de evictione per repositionem, non per satisfactionem, nisi aliud convenerit: et in his, quæ dicuntur cetera venditionis, hæc sunt, ut emptor pretium det, venditor rem tradat, et ut caveat de dolo malo, et de evictione. Hæc sunt quæ post impletam venditionem nullo consensu implenda sunt ultro citroque.

AD TIT. XL.

Quæ res venire non possunt, et qui vendere, vel emere vetantur.

Melius ita habetur conceptio hujus tituli, ut a veteribus Gallis (qui omne jus nostrum transtulerunt in linguam Gallicam, cum glossis Acc.) est animadversum, quam (qui vendere, vel emere vetantur) ut in archetypo Florentino habetur: quod patebit si summam titulum complectamur. Summa igitur hæc est, purpuram, sericum, annonam militarem, frumentum publici canonis, id est, quod inferitur in publicum, neminem emere posse. At qui interdidit omnibus emptione harum rerum non dicit, qui vetantur emere et vendere, idcirco rectius Galli, et qui emere, vel vendere vetantur, quod ita vertitur in Gallica versione juris nostri, quæ habetur in Bibliotheca Regia, testaturque etiam quorundam privatorum illustrium nominibus: *Quelles choses ne peuvent estre vendues, et lesquelles sont defendues à vendre, et à acheter*, et expositio latior constitutionem hoc ita esse liquido demonstrat: l. prima primum vetat purpuram vendi a privatis hominibus, non vetat emi: nam emere licet de ærario publico in quod inferebatur pretiosum illud vellus: et constituit ne illum vendant privati, vel in lana, vel in serico, quod ibi Græci interpretantur *παράφας*. Ne quis igitur privatus, vel in serico, vel in lana purpuram vendat, præter comitem sacrorum commerciorum, et adjicit, quam blatta, vel oxyblatta, vel hyacinthina, subintelligendum est, quam purpura, non laua, et blatta id est, Indica. Is est color, quem vocamus *le gay violet*, et oxyblatta *sur le gay violet*, et hyacinthina dicitur ab ea herba, quæ *ύάκτις* dicitur, *pensee*. Et dicitur eleganter a Vopisco in Carico, purpura Hyacinthina, quod ex Tyro adve-

cla sit. Et in secunda constitutione vetatur ne quis emat sericum a barbaris, id est, Indis, et Persis, præter comitem commerciorum, qui serica comparabat domui Augustæ. Quod obtinuit antequam Romani addiscerent rationem conficiendi serici, quam discere coeperunt ætate Justiniani. Sed antequam scirent Romani rationem conficiendi serici, hæc lex obtinuit ne quis alius præter comitem, sericum a barbaris emeret: vendebatur sericum contra aurum, ut est apud Vopiscum in Aureliano: libra auri libra serici erat. Et l. Rhodia non prohibet venditionem: nam frustra prohiberet barbaros vendere, sed prohibet tantum emptionem: nec hoc est perpetuum, si faciat iniquam rem emptor, et agat etiam venditor, ut regulariter se habet, l. 1. C. de cypressis, l. 20. inf. de cursu publico: sed plerumque non licet emere, quod licet vendere: et contra non vendere licet quod licet emere. Et hoc in l. pen. et ult. habetur, frumentum canonis debiti fisco nec licet emere, nec vendere, ut annonam militarem, frumentum publicum. Ceteras constitutiones facile erit cuilibet per se adsequi.

AD TIT. XLI.

Quæ res exportari non debeant.

Ad tit. superiorem pertinent tres tituli sequentes 41. 42. 43. Et sunt ejus veluti portiones quædam. In titulo superiori demonstratum est, a barbaris neminem sericum emere posse, quam Comitem commerciorum: hoc tit. 41. ostenditur, quæ non possunt vendi barbaris. Et ut hoc explicem, barbari sunt externi, qui sunt extra fines jurisdictionis Romanæ, et hostes populi Romani. Et sane qui in his libris dicuntur barbari, Leo Imperator Nov. 63. vocat hostes πολέμιοι, l. 2. hujus tituli ostendit venientibus forte in alienum solum ex legationis causa, vel alia, induciarum forte tempore, non posse vendi ferrum factum, vel infectum, non posse vendi arma, quæ pervehant ad suos. Et additur in l. eodem, ff. de public. eis etiam non posse vendi cotem ferro subigendo necessariam, nec frumentum, nec sales, ut est Florent. scriptum in l. si quis, inf. de vectig. et comm. quæ Græci dixerunt ἄλας. Isacius Imperator apud Nicetam dum cænat, jubet sibi adferri ἄλας, ἐν γὰρ ποτ' ἄλας. *Apportez moy du sel.* Et Germanus Interpreter, qui Nicetam fecit Latinum, est non minus laceratus, dum scribit Imperatorem jussisse sibi adferri allia, quam minus quidem, qui tum cœnanti Imperatori aderat: qui cum audisset Imperatorem jubere sibi adferri ἄλας, sciens quod is Imperator luxuriæ minime deditus esset, rogavit an posceret alias puellas, quasi non sufficerent, quibus ille cœnabat, presentibus. Et certum est non posse

aurum factum, vel infectum impune exportari ad barbaros, l. 2. inf. de commerc. et merc. Marcus Tullius pro Flacco: *exportari non oportere aurum senatus judicavit*: exportare est transvehere ad barbaros extra fines Imperii Romani: etiam additur in l. 1. hujus tituli, barbaris non recte vendi vinum, oleum, liquamen: et tantum abest, ut vendi eis ii liquores possint, ut nec possint ad eos transferri; vel gustus causa, ne scilicet horum liquorum dulcedine illecti promptius invadant fines Romanorum; qua ratione plerique historici narrant Gotthos fuisse allectos in Italiam, transmissis ad eos pomis, et aliis fructibus, quos fert Italia præstantissimos. Vide Liv. 8. de Gallis. Gustus horum liquorum est irritamentum ad bellum: et liquaminis nomine, proculdubio per eminentiam significatur garum, quod facile est conficere ex sconibris. Id vocat Ausonius, *liquorum Sconiorum*, et l. qui penum, ff. de penu. leg. concludit ex Proculi sententia, penu legata contineri etiam garum, gallice, *saulce*; quamvis esse garum non solemus, sed esse per garum.

AD TIT. XLII.

De Eunuchis.

In hoc titulo ostenditur etiam Romanos Eunuchos factos non esse in commercio hominum, non enim, non vendi jure posse, l. 1. ubi eadem pœna proponitur emptori et venditori Eunuchi, eadem tabellioni, qui instrumentum fecerit, ut in specie l. 1. inf. ut nemo ad suum patrocini. et l. jubemus §. iis tabellionibus, sup. de sacros. eccles. Eadem est quoque pœna publicanorum, qui quasi mercis Eunuchi venditi octavam exegerunt: nam octava erat promercalium vectigal, l. 7. et 8. inf. de vectigal. et comm. et l. 7. inf. de loc. hæc de Romanis Eunuchis; nam barbarorum Eunuchorum constat esse commercium, qui scilicet facti sunt Eunuchi in barbarico solo, ut significat d. l. 2. quia in orbe Romano capitale est Eunuchum quemquam facere seu servum, seu liberam; quæ de re sunt leges multæ in tit. ff. ad l. Cornel. de sic ar. et Nov. Justiniani 142. Nervæ, Adriani, Domitiani constitutiones: sit quidem plerumque pretiosus or servus castratione: sed etiam si excisa sit virilitas, excisusve vir producat pretium servi, non ideo domino, vel alii cuiquam licet virum excindere, l. si servus, §. et si puerum, ff. ad leg. Aquil. virum dixere eam partem corporis. Catullus: *membra relicta sine viro*: et Arnobius: *excindit ei virum*: et velus poeta apud D. Hieronymum:

*Infix ferro truncata juvenlus,
Atque excisa virum.*

AD TIT. XLII.

De Patribus, qui filios suos distraxerunt.

Hoc titulo adicitur, parentes liberos suos non posse in alium transferre quocunque titulo, non vendere, non donare, non pignori obligare: et adicit l. 1. nec sub prætectu ignorantie accipientis: quod notandum, quia regulariter liberi hominis emptio contrahitur si ab ignorante ematur: l. et liberi, et l. liberi, ff. de contrah. empt. Excipiendus est filius, quem vendit pater: non vendente patre: non contrahitur emptio filii, qui liber homo est, etsi ignorans emat, l. 1. hoc tit. una tantum proponitur causa in l. 2. propter nimiam paupertatem, egestatque victus causa: plus est egestas, quam paupertas, aut sane egestas est nimia paupertas. Et hæc legis verba sic sunt accipienda, ac si dixisset, propter nimiam paupertatem, id est, egestatem: egestas est si desit victus et vestitus: si nihil habeas non est paupertas: Eurip. in Helena: quia egestas non est paupertas *ἔστω πτωχία*. Egestas paupertas est, etsi victus vestitusque suppetat. Et in l. in condemnatione, ff. de regul. juris, et similibus locis, cum damnantur ii, qui tenentur in id duntaxat, quod facere possunt, veluti parentes, aut patroni, et socii, semper deducuntur ne egeant: deinde in residuo quantum sit aestimatur unde satisfieri possit creditoribus, deducto ne egeant, id est, ne desit victus vestitusque, ut l. 6. ff. de cessione bonor. et l. 42. ff. de operis liber. Seneca quodam loco: non est, quod paupertas nos a Philosophia revocet, ne egestas quidem: Ovidius.

Nempe quod alter eges, altera pauper erat.

Aliud igitur est egestas, aliud paupertas. Et quod ait, filii venditionem permitti patri victus causa, ea vel sic ceperis, victus sui, vel victus pueri causa, quem ipse educare non potest, quemque qui educare velit, nullus est. Et hæc lex est stricte accipienda de venditione pueri, scilicet sanguinolenti, id est, recensiter nati, et ut est apud *Ælianum* lib. 2. cap. 7. dum hac ipse de re tradit legem quandam Thebanorum, statim a materno partu, et est certissimum, non esse legendum, *sanguinolentus*, sed sanguinolentos pueros, id est, recens educatos ex ventre matris, qui negre sunt toleraturi vitam propter egestatem propriam, ne projiciantur et exponantur, patri eorum venditionem permitti, alimentorum et vestitus causa, ne fame pereant: et exigitur, ut desit educator, qui eum puerum pietatis causa educare velit: nam si adsit tam pius vir, non est permessa venditio patri: nam ut est in *Basilicis*, etiamsi egenus sit pater, si tamen habeat pueri educatorem, qui pietatis causa eum alere paratus sit, non permittetur venditio patri. Et evidens

hic est sensus horum verborum. Quem tamen locum germanus interpretes alio modo interpretatur: quavis enim pater sit pauper, tamen si habeat alium, qui ex causa pia alit, non recte eum vendet: et proinde si pueri fuerit educator, venditio non est permessa. Et illud notandum est hoc casu facile posse rescindi hanc venditionem sanguinolenti pueri permissam, patri victus causa vestitusque, ut huic legi non sine ratione junctus sit titulus de rescindenda venditione, quo enumerantur plures alie probabiles cause rescindende venditionis: hæc, ut dixi, de filio sanguinolento facile rescinditur, vel ipso filio, vel patre, qui vendit, vel alio quolibet eum adserente in ingenuitatem: quilibet enim quasi in publica causa adsertor ingenuitatis pueri admittitur, dummodo reddat pretium emptori quanti nunc est puer, non quanti emit: nam pretia non constituuntur ex præterita emptione, sed præsentis estimatione, quæ vel major possit esse, vel minor, l. 9. §. *Dionis*, et l. ad rescindendam, tit. seq. Igitur cum quis revocat puerum in ingenuitatem ex servitute illa coacta et extorta, oportet invito patri emptori pretium reddere quanti nunc est infans, vel pretio mancipium simile. His velim addi, quæ adnotantur initio 5. Sententiarum Pauli.

AD TIT. XLIV.

De rescindenda venditione.

In hoc titulo ostenditur, quæ sint cause probabiles, vel improbabiles rescindende venditionis. Improbabiles sunt multe, probabiles admodum paucæ. Difficilis enim est rescissio contractus habiti bona fide. Et priusquam de iis dicamus sciendum est rescindendi verbum esse duplex: nam non tantum rescindi dicitur venditio, quæ jure imperfecta revocatur aliqua ex causa per restitutionem in integrum, vel per restitutoriam actionem, vel rescissoriam, ut ex empto vendito. Interdum etiam agitur ad rescindendam venditionem, l. ex empto, §. *rehabilitationem* et §. *si quis virgin.* et §. seq. ff. de act. emp. l. 10. hoc tit. sed et dicitur rescindi venditio, quæ ipso jure nulla est, ut rescindi libertas, quæ lege *Ælia Sentia* non consistit, l. 3. ff. qui et a quibus man. lib. non f. et rescindi sententia, quæ ipso jure nulla est in titulo Digestorum, quæ sententiæ sine appellatione rescindantur, id est, quæ rescindantur ipso jure, l. si liber, ff. de jure patron. et rumpi testamentum ipso jure, l. inter cetera, ff. de lib. et post. Non est igitur per omnia verum id quod vulgo dicitur, id quod nullum est, rumpi non posse, l. 3. §. 1. ff. de inju. rup. Sic enim id intelligi debet, ut rumpi rescindique non possit, quod jam ipso jure ruptum rescissumque est. Et ita venditio, nempe ea cui

dolus dedit causam et initium, rumpi non potest. Ea igitur venditio, cum sit jure ipso rescissa amplius rumpi non potest: cetera venditionis, si jam accuta sint, ut traditio rei, numeratio pretii, cautiones de dolo, et de evictione, ea rescindi possunt et debent, *l. 2. §. et 8. hujus tituli*. Hoc titulo demonstratur, quæ sint improbabiles causæ rescindendæ venditionis. Non rescinditur venditio, si quis impetraverit ea de re rescriptum a principe: rescriptis a principe contra jus publicum non est obsequendum, ergo ex rescripto non potest rescindi venditio. Quod nec favor militis admittit, nec favor fisci, ut elicto rescripto a principe, eoque fretus, quis possit rescindere venditionem, ut *l. 3. et 7. hujus tit.* non est etiam idonea causa rescindendæ venditionis, si dicatur res olim magno pretio venisse, longe majori scilicet, quam nunc vendita sit: quia pretia non constituimus ex præteritis, sed ex præsentibus venditionibus et estimationibus, *l. 4. hujus tit.* Non est etiam idonea causa rescindendæ venditionis, si venditor emptori duplum pretii offerat, *l. 6. h. t.* Non est etiam probabilis, sive idonea causa rescindendæ venditionis, si pretium dicatur non consistere in pecunia numerata, ut dicitur in emptione, pretium debere consistere in nummis, *§. item pretium, Instit. de em. t. et vend.* Quod ita verum est, ut ab initio conveniri oportet de certa quantitate nummorum pro pretio, ita ut dicatur tot nummis esse emptor rem palam inter emptorem et venditorem. Sed postea possunt aliæ res dari in solum consentienti venditori, nec inde poterit idonea capiri occasio rescindendæ venditionis, quod non interveenerint nummi, quia aliis rebus contentus fuit venditor, *l. pretii hoc tit. l. 3. sup. de contrah. empt.* Hæc conditio, sive pactio, ut arretror venditor ab emptore, quod Græci notant, est loco pretii volenti creditori. Addamus non esse causam probabilem rescindendæ venditionis, si quis dicat se vendidisse urgente re alieno coactum, vel urgente munere aliquo publico, quod amptum exegerit, *l. 12. hoc tit.* Item non est probabilis causa, si quis dicatur emisisse contra denunciationem factam ab altero, ejus intererat rem non alienari, *l. 13. hoc tit.* Item non est idonea causa si emptor dicatur nondum pretium solvisse, *l. 8. sup. de contr. empt.* nam est agendum de pretio, vel si alii conventioni, pactioni emptor dicatur nondum satisfecisse, ut in *l. 14. hujus tit.* nec enim levi ex causa rescinditur contractus ullus, nec nisi ex magna. Ac postremo nec hæc quidem causa rescindendæ venditionis est probabilis si paulo minore pretio res venierit, *l. 8. 10. 13. hujus tituli*: nam illud certum est, quod vulgo jactatur, in venditione, locatione, conductione, permutatio-

ne naturaliter licere contrahentibus se circumscribere, *l. 16. §. pen. ff. de minor. l. item si pretio, in ff. et l. seq. ff. loc. et Novell. 97.* Potest quis, quod plura est, minoris emere, et quod minoris est, plura vendere, nec prætextu majoris, aut minoris pretii rescindi venditio potest, nisi intervenit dolus adversarii in faciendis pretio: nam quod dicitur, licere se circumscribere, hoc intelligitur re ipsa, non dolo malo, et per insidias quasdam decepto emptore, vel venditore. Circumscriptio admittitur, quia dolo caret. Et hoc naturaliter fit: id est, ex natura emptionis et venditionis. Quod eleganter *l. 8. hujus tituli* explicat, dum ait, hujus contractus hanc esse substantiam id est, naturam, ut emptor votum gerat emendi minoris, et venditor plura vendendi. Et ita quod dicitur, in actionem ex empto venire ea, quæ naturaliter insunt judicii potestate, id est ex natura hujus negotii, *l. ex empto, §. 1. ff. de actio, emp. l. si in venditione, ff. de evict. l. ult. inf. de adsert. toll.* Ergo generalis definitio hæc sit, non ideo rescindi venditionem, quod paulo viliori pretio res venierit. Cui addatur tantum hæc exceptio, nisi pretium minus sit quam dimidia pars justii pretii: quia licet se circumscribere usque ad finem dimidii pretii. Ideo et circumscriptioni datus est hic modus, ne excederet dimidium justii pretii: ideo si res digna decem, venierit quinque, nullus est recessioni locus. Sed si eadem res, quæ est digna decem, venierit quatuor, est recessioni locus, *l. 2. et 8. hujus tit. l. 2. inf. si major factus vendit, rat. hab.* Quæ est explicanda secundum id, quod Accur. primo loco exposuit in *d. l. 2. et cap. 3. et cap. pen. ext. de empt. et vendit.* Et in *Novella Romani senioris de rescindenda venditione*. Verum si, ut dixi, res digna decem, venierit quatuor: quomodo agat venditor adversus emptorem, ut jus suum obtineat? quid fiet si agatur ad rescissionem venditionis? Ex ex causa dabitur electio emptori judicio convento ex nomine, utrum malit a re empti discedere, pretio recepto, quod est rescindere penitus venditionem, id est, restituere rem emptam cum fructibus, et recipere pretium cum usuris, aut compensare fructus cum usuris, ut in *l. 2. et l. patri, §. item ex diverso: ff. de minor. et l. res æstimata, §. 1. ff. de jur. dot.* Denique hæc optio dabitur emptori, ut rem reddat, et pretium recipiat; et ita sit emptio irrita et infecta, an velit supplere justum pretium, id est, decem, cum solverit tantum quatuor, an velit adnumerare sex, quæ desunt justo pretio, atque ita rem retineat. Hæc optio, quæ datur emptori facit ut non omnino rescindi videatur venditio ex hac causa: quia suppleto justo pretio venditio remanet in suo statu. Igitur non ex hac quidem causa omnino rescinditur venditio, *l. 1. §.*

si quis in fraudem, ff. si quid in fr. patron. actio Fabiana, omnino non est rescisoria, quæ revocat alienata a libertis in fraudem patroni, ut ait ille §. quia eadem optio deferatur emptori, ut vel penitus discedat ab emptione in integrum restitutis omnibus, vel suppleat quod deest justo pretio. Puto autem hos, quod receptum est, quoque utimur fuisse vetustius, quam a lex 2. hujus tit.: nam in D. nullum invenies exemplum, quo emptor minoris emit dimidio justipretii, sed inveniunt ad finem dimidii, ut plane videatur hic modus constituendi, faciendique pretii, jam olim fuisse constitutus in l. si duos, ff. de evict. Homo dignus decem venit quinque, quæ fraus tolleratur nusquam invenies hominem dignum decem venisse quatuor: nec enim Jurisconsulti utuntur exemplis illicitæ venditionis. Porro considerandum est, nos tantum egisse hactenus de venditore fraudato supra dimidium justipretii, ut qui rem dignam decem, vendidit quatuor. Et vero omnes leges loquuntur de venditore fraudato, nulla de emptore fraudato: verum obtinuit quod tamen miror, ut sint producendæ omnes illæ leges ad emptorem, quæ de venditore loquuntur. Verum ut intelligatur quanto errore id fiat, animadvertendum est, aliam esse conditionem emptoris aliam venditoris: venditor enim plerumque coactus rei familiaris necessitate, rem suam vendit viliori pretio, l. 2. et 10. h. tit. quia coactus non sponte sua vendidit: itaque æquissimum est ei subveniri, ut fraudato supra dimidium justipretii. Emptor ultro accedit ad emptionem rei immobilis: nam hæc constitutio non pertinet ad res mobiles: non est autem iniquum ei succurri, qui ultro accedit ad emptionem, qui ultro emit rem immenso pretio et immodico, ut est in l. 1. §. sed si rem ff. si quid in fraud. patr. vel affectione opportunitatis, (pour la bienveillance) vel affectione vicinitatis vel cæli, quod fundus sit situs optimo cælo, vel quod ibi parentes sepulti sint, vel ut est in l. si in empt. ff. de minor. quod ea res majorum ejus fuerint. Incensi his affectionibus emptores projiciunt magna et ingentia pretia, pretia facientes ex suo affectu et calore. Id calorem emendi vocat l. locut n ff. de publican. et alii auctores insaniam: M. Tullius ad Attic. Othonem vincas volo, nec tamen insaniturum eum esse putat, id est, non facturum immensum pretium. Et ita Virg. l. Ecl. 3.

Insanire tibi quantumlibet.

Emptori igitur ultro accedenti ad emptionem, insipienti, incalcenti sepe numero in faciundo pretio non est æquum subveniri, cum nulla necessitas eum impulerit ad tantum emendum: et ideo, ut dixi, leges omnes dant rescisoriæ venditori frau-

dato supra dimidium justipretii, nulla opitulatur emptori majori vigintiquinque annis, qui rem emittit immenso pretio. Fateor quidem minori vigintiquinque annis in integrum restitutione subveniri, l. patri, §. prædium, ff. de minor. Nego subveniri majori, qui supra verum pretium fundi cum emit altero tanto amplius: ut qui fundum dignum quatuor, emit decem, vel novem: nam si fraus est ex parte venditoris, quod maxime notandum est, cum rem dignam decem vendit quatuor, quia neque dimidiam partem veræ æstimationis rei consequitur: et similis igitur e contrario fraus est ex parte emptoris, si rem dignam quatuor tantum emerit decem, vel novem, quia nec dimidiam partem pecuniæ suæ fert ex re vendita. Et pari ratione si rem dignam decem, emerit viginti et uno, et retro, fraus est venditoris, et intolerabilis, si rem dignam vigintiuno vendat decem tantum. Et quidem ea Novella Romani senioris, quæ hac de re prodita est, dum de venditore fraudato loquitur, dimidium justipretii vocat duplum, sic τὸ διπλοῦν ὑπερδραστησίων, id est, auctionem in duplum, duplum vocat, id quod plus est in re vendita, ejusque rei vero pretio, quam in pretio convento. Ita si de emptore fraudato agatur, dimidia pars justipretii erit duplum, sed in emptore, est duplum ubi pretii in venditore est duplum pretii conventi; et quod excedit hanc duplam, est fraus, quæ corrigitur in venditore per rescissionem, non in emptore, ut dixi. Et error communis tamen obtinet, ut ilem sit in emptore, quod est iniquissimum. Et huic errori est æquatus alius, ut emptor intelligatur esse fraudatus, quod probat l. 2. hujus tit. si rem dignam decem, emerit sexdecim, cum tamen eo non plus, quam dimidiam partem sui pecuniæ habeat nempe decem. Non igitur, qui rem dignam decem, emit sexdecim, sed qui emit viginti et uno. Quam rationem notavit. Acc. nec tamen probavit. Et hunc communem errorem adnotavit Carolus Moliveus in libro de usuris, eamque attigerat Pancrum. in cap. 3. tit. de emp. et vend. extra. Verum nemo judicavit unquam æquissimum esse, beneficium l. 2. producere ad emptorem majorem vigintiquinque annis, deficiente lege, quem non necessitas, sed affectio impulit ad emendum. Et velim notari etiam legem 2. esse intelligendam de rebus soli, non de mobilibus: nec omittendum est, quod hodie definitum est superiori Nov. Romani senioris de rescindenda venditione. Ex hac causa agendum ex vendito intra quadriennium, quod est species restitutionis in integrum: et restitutio in integrum finitur quadriennio, l. ult. ff. de in integ. restit. Inde egregie moveri hinc potest questio: quid fiet, si fundus emptus, venditore fraudato supra dimidium justipretii, chasmate perierit intra qua-

driennium, emptore convento a venditore, ut suppleat justum pretium ex beneficio l. 2. cum fundus non supersit, non poterit cogere emptorem, ut suppleat justum pretium. Hoc idem non est legibus decisum: sed certissimum est cogi non posse, quis cum fundus emptori perierit, æquum non est eum etiam pecunie damnum facere, si nullus dolus ejus probetur, ut ait l. si res æstimata, ff. de jure dot. in qua æstimatio dotis nihil est aliud, quam venditio. Jam exposita est a nobis causa, ex qua rescindi potest venditio, ne in grandi damno versetur venditor, qui forte momentaria necessitate coactus rem suam distinxit vilissimo pretio, fraudatusque est supra dimidiam justæ pretii, nisi scilicet emptor malit supplere, quod justo pretio deest cum usuria, hoc enim si suppleat, stabilis erit et firma emptio venditio, nec rescindetur. Sequitur alia causa rescindende venditionis in l. pen. h. l. si curialis, id est, decurio alicujus municipii, vitans munera civilia, quæ sunt valde onerosa, relicta propria functione, id est, sine decreto curiæ, et exquisitis curriculum, divenditis suis bonis alio se contulit, ne obiret munera publica: nam et ipse e fuga revocatur, et bona, quæ vendidit, ei restituantur, quorum ope sustinet munera publica et civilia, nec tamen emptori reddetur pretium, qui non ignarus fugæ ab eo emit. Et hæc est sententia legis penult. h. tit. et legis 1. inf. de prædictis decurion. lib. Hoc igitur casu venditor recipit bona, quæ vendidit, nec tamen emptor recipit pretium, qui fuit conscius fugæ: pretium autem cedit lucro fisci, non lucro venditoris. Denique decurio recipit bona, quæ vendiderat, sed fiscus habet pretium, quod evenit etiam in specie l. pen. sup. de iis quæ vi met. causa: si is, qui administrationem, vel officium publicum gerit in provincia, vel in civitate, aut vico emerit rem mobilem, aut immobilem ab hominibus hujus provincie, vel loci, vel civitatis in qua officio publico fungitur, quod leges interdixere, quia officii publici potestate freti sæpe extorqueant ab incolis venditiones hujusmodi: si secus fecerint, venditori restituant rem; nec tamen venditor eis restituit pretium: atque ita habet sibi et rem et pretium, ut deliquisse videatur emptor, non venditor. Atque ita his quibus casibus fit, ut restitutio in integrum, et rescissio venditionis procedat, quæ tamen alias solet esse reciproca, et utrique parti restituere jus pristinum, emptori pretium, venditori rem, l. quod si minor, §. restitutio, ff. de minorib. l. 3. et 4. sup. de iis quæ vi met. cau. Est etiam alia causa probabilis rescindende venditionis, quæ proponitur in l. ult. huj. tit. Si palatini, id est qui præsunt administrationi rerum principis in palatio privatarum, sub comite

rerum privatarum, et thesaurorum principis, qui eis præest, et universæ rei privatis principis: si ii, inquam, aliquid emerint ex rebus privatis principis, quarum sunt administratores: nam ea quoque venditio rescinditur: et hoc casu etiam pretium non datur emptori, nec est reciproca restitutio in integrum. d. l. ult. quod ita excipitur in l. pen. huj. tit. si emerit furtum: nam palatini etiam res privatas principis recte emunt palam, ex auctione fiscali, l. ult. quæ est constitutio Græca, sed edita est inf. de fide et jure hæstæ fisc. lib. 10. Et ita etiam tutor, qui non potest emere rem pupilli, vel curator adolescentis, vel furiosi, vel prodigi in l. si in emptione, §. ult. ff. de contrah. empt. Potest tamen eam emere palam constituta auctione hæstæ, l. 4. sup. de contr. empt. et l. 2. §. tutor, ff. pro empt.

AD TIT. XLV.

Quando liceat ab emptione discedere.

Proponitur etiam in hoc titulo alia causa rescindende venditionis legitima, quæ jure recepta est: et hi tres tituli, qui sequuntur 45. 46. 47. sunt partes generalis tituli de rescindenda vendit. nam in unoquoque titulo proponitur specialis causa rescindende venditionis, quæ jure recepta est. Et hic est hujus tituli casus: pactum, et mutui consensus contrahentium, si res sit integra. Quod multis locis in jure est expressum, l. 7. §. adeo, et l. ab emptione, ff. de pact. l. 6. §. ult. ff. de contr. empt. §. ult. Inst. quibus mod. obligat. toll. Et hoc secundum regulas juris, quæ dicunt, prout quidque contractum est, ita et resolvi, si ve rescindi, l. prout, ff. de solut. Nudo consensu contrahitur emptio: ergo contrario dissensu dissolvitur, non alterutro invito, l. 3. et 5. sup. tit. 44. At nec ex continentia facta poenitentia protestatio a venditore, rescindit emptionem perfectam, l. 12. sup. de contr. empt. et mutuo consensu constat dissolvi emptionem, si res integra fuerit: et res integra est, si neque pretium numeratum, aut pretii pars, aut nondum tradita res sit, si cetera venditionis secuta non sint, licet dederit emptor fidejussorem, vel etiam si venditor acceperit arram, l. 2. hujus tit. l. 3. ff. de rescind. vend. Datio arræ, vel fidejussoria non facit rem minus integram, sed traditio rei, vel numeratio pretii in solidum, vel in partem: et ita si re integra, id est, prinsquam aliquid ex alterutro parte solveretur, convenerit, ut discedatur ab emptione, statim ipso jure finitur emptio, et uterque liberatur in totum, sublata obligatione tam naturali, quam civili. Et convenienter fidejussor eo nomine acceptus liberatur, quia tota solvitur obligatio, id est, tam naturalis, quam civi-

lis, ut in *l. Stichum aut Pamphilum, §. ult. ff. de solut.* et arræ si forte data sit, repetitur statim per actionem ex empto, *l. ex empto, §. is qui. ff. de act. empt.* Atque ita evenit, ut pactum ipso jure perimat obligationem, et ut formet actionem ex empto, arræ repetendæ gratia, etiamsi factum sit ex intervallo, quod admisit interpretatio prudentum, et ut ait *d. l. ab empt.* interpretatio bonæ fidei, ad quam omnia rediguntur, quæ incidunt in causam empti et venditi: interpres doli mali est iudex, ut Jurisconsulti notent in *l. si servus communis, §. circa commodatum, ff. de furt.* Et similiter est interpres bonæ fidei, id est, quod bona fides desiderat ipsius interpretationem, et bona fides exigit hanc pactionem quasi legitimam admitti etiam factam ex intervallo, ut perimat ipso jure obligationem, et formet actionem ex empto ad distrahendam penitus emptionem, et argumenta emptionis dissolvenda, qualia præbet arræ datio. Sed si res non sit integra, pacto nudo non rescinditur venditio, nisi rescindantur cetera venditionis, quæ sequuta sunt, et restituantur in integrum. Neo ex eo pacto est repetitio prælii, vel rei traditæ: quamvis convenerit, ut resolveretur emptio. Sed necesse est reipsa redintegrari rem, quæ non est integra, *l. 1. et 2. huj. tit.* Et ita quod vulgo dicitur et verissimum est, ipso jure nullam esse venditionem, vel alium quemlibet contractum bonæ fidei, cui dolus dedit initium, et causam, *l. et eleganter ff. de dolo malo, l. 3. ff. pro soc. l. in causâ 2. §. 1. ff. de minor. l. 4. sup. de hæred. vend.* Hoc verum est, si res integra sit, si intra verba primumque placitum steterit: nam si res secuta sit, non rescinditur, nisi rescindantur cetera, quæ secuta sunt, *l. 1. et 3. sup. tit. prox.* In hac provincia, et aliis finitimis nulla est venditio ipso jure nulla, nullus actus ipso jure nullus: sed quicumque ex causa opus est rescissione officio iudicis, vel remedio actionis rescissoriæ, vel restitutoriæ.

AD TIT. XLVI.

Si propter publicas pensitationes venditio fuerit celebrata.

Proponitur etiam alia causa probabilis rescindendæ venditionis in hoc titulo: si propter publica tributa venditio fuerit celebrata rerum debitoris publici. Verum si ea venditio sub hasta facta fuerit ab officialibus fisci per ambitionem, et gratiam minus vero, et justo pretio in fraudem debitoris publici, nequiquam coit, et rescindi poterit, si modo fisco debitor solvat integrum, quod debuit: qui casus fuit etiam expressus in titulo generali *l. 16.* sed nihilo minus ei datur titulus specialis. Et quia hoc casu emptor emit bona fide a fisco distra-

hente jure pignoris hypothecæve ob cessationem publicorum tributorum, ideo non perdit pretium emptor, et redditur pretium debitori, qui satisfacit de suo fisco in solidum. Atque ita restitutio in integrum non est manca, quod ostenditur in *l. pen. ff. de rescind. vend. et l. 2. hujus tit. l. 3. infr. de jure fisci lib. 10.*

AD TIT. XLVII.

Sine censu, vel reliquis fundum comparari non posse.

Ultima causa rescindendæ venditionis proponitur in hoc titulo 47. Fundi privatorum omnes debent censum fisco, vel reip. vel ærario publico: nulla sunt libera prædia, quæ non dicare oporteat in censum, et subsignare apud censorem: nam et hæc sola prædia sunt in commercio hominum, emi vendique jure civili possunt, quæ dicata sunt in censum: et ita Festus, *Censui censendo agri proprie appellantur, etc.* Ex quo loco intelligi potest illud Ciceronis pro Flacco: *Illud quero, inquit, sintne illa prædia censui censendo.* Id est, an sint deferenda in censum, et an pensitent censum. Quod si quis emit vel vendat sine censu fundum debentem censum, aut reliqua census, *arrerages*, fisco scilicet, vel reip. emptio rescinditur, ex hac causa, puta emente emptore ea lege ne ipse agnoscat censum, alius ipse possident fundum, alius fundi pensitet censum. Hæc lex addita emptioni causa est rescindendæ venditioni, adeo ut et venditor amittat rem, et emptor pretium, qui emit sine censu in fraudem fisci, vel reip. et vindicet fiscus utrumque, *l. 2. Cod. Theod. de contrah. empt.* Censum vocat tributa, vectigalia, publicas pensitationes, *l. ult.* quod est onus agrorum, non personarum: et ideo sequitur quemlibet possessorem agrorum, transit scilicet a venditore in emptorem, eundemque possessorem, nec mutari hoc jus potest conventionem contrahentium, quia jus est agrorum non personarum, *l. Imperatores, D. de publican. et Nov. Theodosii, neque domum publicam, neque Ecclesiam publico munere esse excusandam.* Et Cassiodor. lib. 4. *Variarum. Inde et varia tributa, inquit, quia non est agrorum una fecunditas, ibi potest census addi ubi cultura profecerit.* Et ita etiam definitum est *l. ult. inf. de fundis rei priv. lib. 11.* quæ ut magis intelligatur pertinere ad hanc rem, sumpta est ex *Novella Theodosii de rescindenda venditione.* Et ea lege cavetur, ne quis dempto canone, dempto censu, ad emptionem rei dominicæ accedat, id est, rei pertinentis ad patrimonium privatum principis, alioqui rescinditur venditio.

Ad TIT. XLVIII.

De periculo et commodo rei venditæ.

Sequitur nova inspectio in hoc titulo, in quo periculi nomine significatur omne incommodum, et omnis casus, qui rem venditam contingere potest; si homo venditus moriatur, si fugiat, si mutiletur aliqua sui corporis parte, et deterior fiat ac vilior, si fundus venditus, vel pars ejus pereat terræ fragore, vel quo alio casu: si vinum venditum effundatur, vasis contusus: si acescat: si murescat, quibus præcipue duobus modis vinum corrumpitur et mutatur. Et inde in hoc titulo fit frequens mentio periculi acoris, et mucoris. Etiam re vendita manente integra, periculum evictionis sæpe contingit: quod est aliud genus periculi, quod dicitur evictio, ut si alter jure judicioque evincat rem emptori, vel venditori: ergo periculi nomine etiam continetur evictio, quæ sit re illæsa. Queritur autem hæc pericula cujus sint: et ut res facile intelligatur, distinguendum est hoc modo: aut hæc pericula contingunt post venditionem et traditionem rei, aut ante. Si post traditionem, constat periculum esse emptoris, rem perire emptori, etiam periculum evictionis, si ex nova causa res evincatur emptori, ut si fundum princeps assignaverit veteranis, ut accidit fundo Virgiliano: hoc casu periculum evictionis respicit emptorem: nec enim futuri casus evictionis pertinent ad venditorem, *l. Lucius Titius, de evict.* Sicut dicitur, ad magistratum municipalem, qui curavit tutorem dari pupillo non pertinere futuros casus, veluti pupilli rem salvam fore, eique cavere, *l. l. §. si magistratus, D. de magistrat. conven.* ergo futuri casus evictionis non ad venditorem, sed ad emptorem pertinent. Præteriti casus evictionis pertinent ad venditorem, id est, qui originem ducunt ex causa vetustiore ipsa venditione, ut ait *l. 1.* quia ex præcedente tempore causam evictionis perimant: quod etiam, ut eodem *l. 1.* indicat, et *l. 8. infra, de evict.* non est verum simpliciter, ut periculum evictionis, quod ex præcedenti tempore originem trahit, respiciat venditorem, sed est verum cum his exceptionibus, puta si non laudatus et denunciatus venditor fuerit, si non ei denunciatum sit, ut causæ agendæ adesset, id est, ut causam defenderet et assisteret; nam illaudatus venditor non præstat periculum evictionis. Item si non contradictorio judicio, id est, utraque parte præsentibus sed ob absentiam et contumaciam emptoris res evicta sit, quia judicio adesse noluit: hoc igitur casu etiam venditor non præstat periculum evictionis, licet oriatur evictio ex causa antiquiore ipsa venditione. Quod si de periculo evictionis, idem obtinet in pericu-

lo mortis: nam et hoc respicit ad emptorem etiam ante traditionem post venditionem perfectam, nisi ex præterito vitio servus venditus moriatur, quod dolo malo sciens retinuerit venditor, *l. ult. hujus tit.* vel si non dixerit, et sciverit servum non diutius victurum, vel ob præsumptum venenum, vel ob occultam labem aliquam corporis, quam nescierit emptor. Hoc casu periculum mortis respicit venditorem. Sicut periculum evictionis docentis causam ex novissimo tempore, omnino pertinet ad emptorem: adeo ut si nondum solverit pretium, id solvere compellatur, vel si solverit, id non possit repetere. Idem in periculo fuge, quod celavit venditor, vel quod vendito servo non inesse affirmavit, *l. 5. inf. de ælilit. act.* Idem in periculo acoris et mucoris: nam et hoc respicit ad emptorem, statim post prægustationem vini et mensuram, nisi venditor sciens vinum corruptum non iri quamprimum, hoc celaverit emptori, vel nisi duraturum affirmaverit, *l. si vina, D. eod.* Idem in quocunque periculo dicemus, si ante traditionem, et post perfectam venditionem periculum contigerit. Priore casu jam dixi respicere emptorem, adeo ut et pretium amittat, nec repetat si solverit, et solvere cogatur si non solverit. An idem est si periculum contigerit ante traditionem? sic videtur: sicut enim commodum est emptoris statim post perfectam emptio- nem venditionem, etsi nondum res tradita sit, ita et incommodum omne, *l. id quod, D. eod. l. 12. lit. seq. inf.* nam hoc natura æquum est, ut cujus est commodum, ejus etiam sit incommodum, id est periculum. Et sane si summo jure agamus, quo utimur etiam hodie, nihil interest periculum contigerit post traditionem, an ante: nam etsi ante contigerit, emptor pretii damnum facit, id est, pretium cogitur solvere, aut solutum non potest repetere, *§. cum autem, Inst. de emp. et vend.* Sed tamen æquius est, ut emptor, cui res perit, id est, quam petere a debitore non potest, pecunie etiam sue damnum non faciat: et invalesceret hæc opinio, si introduceretur facillime: nam summa æquitate nititur, summaque auctoritate: ut scilicet si rei venditæ contingat periculum post perfectam venditionem et ante traditionem res quidem pereat emptori, periunde ac si ei tradita esset, quod ad rem ipsam attinet, ut in *l. cum emptor, §. ult. D. de rescind. vend.* ut scilicet non possit agere in quantum interest sibi rem tradi, aut non possit agere de re, quæ ei perit actione ex empto, sed tamen ut possit pretium repetere, quod solvit, vel non inferre, quod non intulit, ne et rei et pretii damnum faciat, ut scriptum est manifeste in *l. si fundus, D. loc. l. quod si neque, D. de peric. et comm. rei vend. l. 39. in fi. D. de solut. l. ult. D. de cond. sine caus.* Quod ad pretium igitur

tur attinet, periculum est venditoris, quia non habet pretium, sicut etiam emptor non est habiturus rem, aut estimationem, vel id quod interest. Et hoc sane verus est, cum, hac exceptione tamen, si non per emptorem steterit, si in mora fuerit quo minus ei res traderetur: nam si oblata opportune rem venditam noluerit emptor accipere, et in accipiendo moram adhibuerit, ex eo tempore rei periculum omnimodo pertinet ad emptorem: adeo ut venditori competat actio pretii indistincto. Et Arc. recte in *l. ult. h. tit.* sive res erat peritura apud emptorem, sive non. Et hoc probatur in *l. lectos, D. eod. tit. l. 2. h. tit.* et ita accipienda est lex ult. hujus tit. et *l. 15. D. de jure dot. et l. si in emptione, §. pen. D. de contrah. empt.* Illud etiam, quod dixi ante rem peremptam post perfectam venditionem, et ante traditionem, emptori non esse actionem ex empto in quantum interest rem tradi, quia ei periisse intelligitur: verum est cum hac exceptione, si modo venditor moram adhibuerit in re tradenda, *l. 4. et ult. hujus tit.* Nam hoc casu rei venditæ periculum pertinet ad venditorem, ut teneatur emptori in id quod interest rem tradi. Quod maxime notandum est, si res non erat peritura apud emptorem, ut si eam confestim erat distracturus, sin secus, id est, si omnimodo erat peritura etiam apud emptorem, hoc casu potius emptori perit, quam venditori, id est, non potest agere in id quod interest rem tradi, quæ ulique periisset etiam apud eum; quæ est verissima distinctio Martini, ut ostendit *l. 25. D. de verb. obligat. et l. si servus legatus, §. si servus, D. de leg. 1.* Altera exceptio est hæc, si non ex præteriti vitio res perierit, quod scierit venditor, præterit vitio ob reticentiam venditoris: nam et hoc casu in venditorem emptori est salva actio ex empto in id quod interest ob dolum malum venditoris, id est ob reticentiam subdolum *l. ult. h. tit.* Postrema exceptio hæc est, si non culpa aut dolo venditoris res perierit, ut si servum venditum occiderit, si ægrum non curaverit, hoc etiam casu æquum est, venditori rem perire, et eum teneri in id quod interest: nam venditor ante traditionem debet rem venditam custodire emptori diligentissimè. Et convenienter non tantum dolum, sed etiam culpam debet præstare, *l. 2. et 3. et l. si vendita, D. eod. tit.* Duobus tantum casibus venditor præstat dolum tantum ante traditionem, quod ad custodiam rei attinet; unus est si postea emptor moram adhibuerit in re accipienda: posterior mora detrimentosa est, et emendat priorem, et spectatur sola. Alius casus est, si res vendita nec dum tradita ex causa venditionis fuerit apud emptorem ex alia causa, puta precarii, aut locationis, et ibi perierit: nam his duobus casibus periculum pertinet

Tom IX.

ad emptorem, nisi dolum venditoris intervenerit: solus dolum excipitur venditoris, non culpa, *l. si per emptorem, et l. servi emptor, et seq. ff. eod. tit.* Et ad hos duos casus proprie pertinet regula *l. 3. hoc tit.* dolum auctoris bonæ fidei emptori non nocere: nam hæc regula pertinet ad hos duos casus, quibus venditor dolum tantum præstat: alioquin poni posset alia regula, in culpa maxime: sed ut oportet regulam coangustemus ad proprium hujus tituli, quanquam latius extendi possit ad aliam quamcunque causam, ut dolum venditoris non noceat emptori evidenti ratione, quia dolum ei tantum nocere debet, qui eum admisit, *l. qui a debitorum, D. quæ in fraud. cred.* ut delictum auctori tantum noceat, *l. sancimus, inf. de pænis,* et dolum est delictum. Res absoluta est, nisi quod nondum exposuimus quando intelligatur venditio esse perfecta. Sic igitur statuo: venditio perficitur nudo consensu, statim atque convenerit de re certa et pretio certo, pure, et sine scriptis. Dico pure: nam si sit conditionalis venditio, non intelligitur esse perfecta, quia nondum certum est eam esse contractam, antequam existerit conditio: intelligitur si defecerit, non esse contracta, si existerit, retrahatur venditio: et in præteritum intelligitur contracta, re extante: quæ si interim deterior facta fuerit, aut minor, damnum erit emptoris, retroacta venditione, ac si pure venisset, sed si interim res interierit, nulla est emptio: quia extante conditione, nulla extat res, quæ venisse intelligatur, *l. 3. h. t. et l. necessario, hoc tit.* Dixi, et sine scriptis, quia venditio, quam placuit redigi in scriptum, non est perfecta ante completam scripturam, *l. contractus, sup. C. de fid. instr.* Dixi præterea, statim atque convenerit de re certa: nam si vinum ita venit, ut degustaretur, quod vix est, ut ita non veniat semper nondum plane videtur convenisse de re ipsa: gustus enim rem vel probabit, vel improbat, et ideo ante degustationem periculum pertinet ad venditorem, quia ante degustationem minus perfecta venditio est, nec periculum emptorem spectat, nisi post perfectam venditionem, *l. si in emptione, §. alia, D. de contr. empt.* Dixi præterea de re certa: nam si vinum venit ad certam mensuram, puta in singulas amphoras, vinum diffunditur ex dolio, ex majore vase in amphoras. Igitur si vinum venit ad mensuram, res nondum est certa ante mensuram, nam certa res est si apparet quæ, quanta, et qualis sit ejus substantia, in *l. certum, D. de rebus credit. d. l. necessario*: nondum autem certum est quantum vinum vendatur. Hoc mensura demonstrabit, ante mensuram est incertum: ergo incerta res est quæ venit. Quapropter si interim pereat res, quasi minus perfecta venditione, periculum pertinebit ad

161

venditorem, non ad emptorem, *l. quod saepe, §. in iis, D. de contrah. empt. et d. l. si in emptione, §. alia, D. eod. tit.* et hanc dixi si vinum veniat ad mensuram: nam facienda est mensura, antequam periculum ad emptorem pertineat: nec enim si vinum veniat uno pretio, omne scilicet vinum, quod est in horreo vinali, in cella vinaria, si veniat, ut dicunt, aversione: si venient in aggero, ut loquitur *Nov. Valenti. de re levatis possessionibus*: quam aversionem, ut existimo, significat Horatius hoc versu.

Nec sa is est chara pisces avertere men-a.

Nam et veteres glossæ interpretantur avertere, emere scilicet aversione, omnes pisces pretio uno, non singulos pisces dicto pretio. Ita vero si veniat, tunc periculum non pertinet ad venditorem, sed ad emptorem, *L. 2. hujus tit.* sed hæc satis.

AD TIT. XLIX.

De actionibus empti et venditi.

Ex contractu emptionis et venditionis contrahentes invicem obligantur de eo, quod alterum alteri ex æquo et bono præstare oportet: emptor tenetur venditori actione venditi, venditor emptori actione empti, nomen unaquæque actio habet ab eo cui competit, et utraque est personalis atque directa. Et quæ emptori datur perfecta oratione dicitur etiam actio empti venditi, vel ex empto et vendito, ut *l. et si uno pretio, D. eod.* Et contra quæ competit venditori, integra oratione dicitur actio venditi empti, vel ex vendito emptor: quod sit, ut novumquam imperfecta oratione dicatur actio empti, quæ est actio venditi empti, non empti venditi, ut in *l. 1. sup. si servus extero se omi mand.* Et e contrario, ut quæ est actio empti venditi, dicatur venditi, omisso verbo empti, quod præcedere debet, aut omissum subaudiri. Quæ autem in hac actione veniant hic titulus demonstrat: neque enim aliud agit hic titulus, quam ut ostendatur, quid veniat in actione empti, et quid in actione venditi, actio venditi, dicitur, actio pretii, *l. 7. hujus tit. et l. 8. et 9. sup. de contr. empt.* quia scilicet de pretio recipiendo quanti res venit potissimum instituitur. Qua utique emptor non liberatur nisi solverit de suis nummis: nam nummos dicitur facere venditoris. Non ergo liberatur solvendo alienos, et si servum emerit, non liberatur solvendo particulares, sive peculiares nummos ejus servi, *l. 7. hujus tit. l. unica, sup. si servus extero*, quia si nummi sunt alieni, nec sequuntur emptorem. Peculium non sequitur emptorem servi, nisi ita nominatum convenerit, *l. quoties D. de cont. empt. l. 3. D. de evict.* ergo in actione venditi imprimis venit

pretium, quod de suo solvat emptor, non de alieno, veniant etiam officio judicis usurae pretii ex mora, ut in ceteris bonæ fidei judiciis solent venire usurae ex mora officio judicis. Et hoc ita proditum est de usuris pretii debitis ex mora, *l. 13. hujus tit.* Et mora proprie fit ex persona, ut ait *lex mora. ff. de usur.* id est, ex interpellatione emptoris, si ei non pareat, id est si ad-nonitus et interpellatus non solvat pretium. Et vel una sufficit interpellatio: nec usquam invenies exigere plures, ut frustra videantur quidam oratores exigere plures. Interdum tamen mora fit ex re ipsa, sine interpellatione: ex re ipsa, id est ex solo tempore tardæ pretii solutionis, ut si venierit res minoris viginti quinque annis, *l. 3. sup. in quibus causis rest. in integ. non est necess.* quæ est conjungenda cum *l. 5. hujus tit.* sicut cum *l. 8. h. jus t. tuli est conjungenda lex. 3. de comm. rer. alienat.* una enim erat constitutio, quæ scissa est in duas partes, quas licet nobis coadunare, ut altera ex altera lucem capiat: et ut est in *l. Gallus, ff. de lib. et posth.* optima est interpretatio, quæ sit commixtis legis capitulis. Hoc autem datum est minoribus vigintiquinque annis, favore ætatis, ut eis fiat mora re ipsa a debitoribus ex constitutione Severi, *l. 26. cum vero, §. apparet, ff. de fideicom. lib.* Fit etiam mora re ipsa in solvendo pretio post traditionem rei. Et ideo ex die traditionis statim currunt usurae pretii: nam cum re emptor fruatur, æquissimum est, cum usuras pretii dependere, *l. 13. Julianus, §. ex vendito, ff. eod. l. 4. hujus tit. l. 12. sup. de usuris.* Sed reliqua videamus: veniunt et in actione venditi sumptus, quos post perfectam emptionem ante traditionem venditor fecit in re vendita, ut si in re vendita, ut si in refectionem domus venditæ aliquid erogaverit ante traditionem, hos sumptus reputabit emptori, ad quem post perfectam venditionem redit omne commodum rei venditæ, *d. l. Julianus, §. præterea, et l. pen. hujus tit.* Item in actione venditi veniunt fructus, quos ante venditionem perfectam emptor mala fide percepit ex re, quæ postea ei vendita est in *l. 2. hujus tit.* quia licet hi fructus non continerentur venditione, negotioque contracto, tamen in his judiciis veniunt etiam, et accersantur quædam extrinsecus: et venit breviter quicquid contra bonam fidem fit, *l. 1. §. 1. ff. eod.* Et præterea hi fructus venditione non continentur: tamen quasi inessent venditioni, emptoris sunt ab auctore præsumpti mala fide: nam et ita licet peculium non sequatur servum venditum, tamen quod ex peculio ejus servi pervenit ad emptorem venit in actione ex vendito, quasi videatur ab emptore usurpari, ut venditione comprehensum, *l. quotiens, et l. seq. ff. de contr. empt.* Atque ita insunt actioni venditi

nonnunquam quædam, quæ non inveniunt venditioni. Notandum etiam est agi nonnunquam actione venditi ad adhibendam et rescindendam venditionem: quod eleganter *l. 5. hujus tituli*, ait, non facile admitti dari actionem venditi ad rescindendam venditionem, sed ad pretium exigendum: nam hic est præcipuus finis actionis venditi: nimirum actio pretii non facile datur ad alium finem, non ad rescindendam venditionem, *l. 1. §. 6.* notanda sunt illa verba, non facile, quia comparata est actio venditi confirmandæ venditionis gratia, non infirmandæ: nullo igitur casu danda est actio venditi ad rescindendam venditionem, qui non sit comprehensus constitutione quadam, aut lege. Constitutionis opus est, ut liceat agere venditi ad resolvendam venditionem, ut in specie *legis 2. sup. de rescind. vend.* si venditor sit deceptus supra dimidium justii pretii, agat ex ea constitutione actione venditi, ut rescindatur venditio omni modo, vel ut suppleatur quod deest justo pretio. Et similiter in specie *legis 10. eod.* agit venditor deceptus dolo emptoris aliqua in re actione venditi, ut venditio rescindatur. Quod ibi notat ult. gloss. Acc. quæ est verissima. Et solet corrupte ubique ab Acc. appellari actio ad decipiendum, Glossa in *l. Et eleganter, ff. de dolo*, et in *l. 3. sup. commun. utriusq. jud.* actio vend. ad decipiendum. Sic est legendum: actio ad decipiendum: quæ scilicet tollatur fraus et deceptio. Quod non potest fieri, nisi rescisso contractu. Et ita ex constitutione Severi et Antonini agitur actione venditi resolvendæ venditionis gratia: in specie *l. 4. D. de leg. commis.* et in specie *l. 2. de pact. inter emptor. et vendit.* constitutione opus est: quia absurdum videtur si quis agat actione venditi, ut res fiat inempta et invendita. Nec agendum de actione empti, quæ datur emptori. In actione empti venit res emptæ, ut scilicet eam tradat venditor emptori: et quantum in eo erit, cum faciat dominum rei: quod tamen ab eo non districte exigitur. Et est hac in re differentia inter emptorem et venditorem. Cujus ratio redditur in *d. l. si servus extero*. Ita actione igitur empti venit res vendita, necdum tradita: videlicet et si pretium solutum, vel si offeratur: nam emptori, qui neque pretium solvit, neque offert, non est actio empti, ut in *l. Julianus, §. offerri, D. eod. tit.* venit, inquam, res in actione empti, vel id quod interest, quod plerumque egreditur pretium rei in *l. 1. D. eod.* Venit autem id quod interest, si suo tempore rem non tradiderit venditor, nec jam ait curæ emptori eam rem habere, ac desideret tantum sibi præstari quantum interest suo die rem traditam fuisse, *l. 10. hujus tit.* veniet etiam id quod interest si forte venditor servum venditum non annuierit ante traditionem, quia jam rei tradi-

tio non est in integro: nec semel data libertas ex alia causa revocari potest. Et hic est casus *l. 11. hoc tit.* Est etiam alius casus in *l. 4. hujus tit.* si venditor pergat, et obduret in re non tradeunda: ita ut nec arbitrio judicis res vix possit ab eo extorqueri, procacia venditoris facit ut nonnunquam arbitretur iudex id quod interest præstari emptori, aut rem tradi ob nimiam pertinaciam venditoris. Quod est notandum: nam non est dubium quin possit iudex præcise eum cogere ad rem tradeundam, cujus tradende potestatem habet. In arbitrio judicis est, vel hoc, vel illud statuere, ut rem omnino tradat, vel ut præstet id quod interest pro qualitate rei et personarum: hoc pendet ex arbitrio et prudentia judicis, qui tamen non improbe faciet, inciviler si præcise venditorem cogat ad tradendum: nam et donator hodie præcise cogitur tradere rem donatam, donatione perfecta, nudo consensu exemplo emptoris: quod primus Just. produxit ad donationem, *§. perficiuntur. Inst. de donat.* Donatio, inquit, necessitatem traditionis habet: et similiter hæres rem legatam præcise cogitur tradere, nec liberatur præstando id quod interest, nisi ex justa causa, *l. si domus, §. qui confitetur, et §. seq. D. de leg. 1.* Ergo idem admittere etiam debemus in venditore, ut omnimodo cogatur rem tradere, si ita iudici visum fuerit. Nec incivile esse jussum tale judicis et arbitri. Quæ fuit vetus opinio Martini. Et confirmatur primo Sententiarum Pauli tit. 13. *si id quod emptum est, neque tradatur, neque mancipetur, cogi potest venditor, ut tradat, vel mancipet.* Et addendum iis, arram etiam venire in actione empti, quod probat aperte *l. ex empto, §. is qui vina. D. eod.* Et hic vobis explicanda est lex 3. hujus tituli, ex arrali pacto personalis duntaxat actio paciscentibus paratur: in cujus interpretatione multi laborant. Dico idem, esse, quod ait *l. 2. sup. quando liceat ab empt. disc.* si quid arræ nomine datum sit, posse id repeti secundum placiti arralis fidem. Utriusque verba idem est sensus: sed indiget latiori explanatione. In *d. l.* ostenditur perfectam venditionem, re integra pacto rescindi posse, id est, si nondum sit res tradita, aut pretium numeratum, aut pars pretii, pactum re integra, rescindit venditionem: sed si res non sit integra, pactum non rescindit venditionem, nec ex eo pacto est repetitio rei jam traditæ, aut pretii jam numerati, sed ut ait *d. lex 2.* si quid datum sit arræ nomine, hanc arram tantum emptor potest repetere, juxta fidem pacti arralis. Igitur ex pacto arrali soluto pretio, est repetitio arræ, quia convenit scilicet, ut soluto pretio, arra emptori redideretur, dabatur enim plerumque annulus arræ nomine. Est autem repetitio arræ ex eo pacto per actionem ex empto: ergo

ex eo pacto, ut ait *l. 3.* est duntaxat actio personalis; id est, ex empto, quia non est vindictio pretii, sicut venditori est actio pretii, non repetitio, aut vindictio rei traditæ, *l. 1. hujus tit. l. 8. sup. de contrah. empt.* Et ita actio ex empto ex arrali pacto preparatur, id est, formatur, quia arrale pactum non parit propriam actionem, quæ arre repetatur completa emptione, sed actionem ex ipso contractu, id est, ex empto: non parit igitur novam, sed preparat et format actionem ipsam contractus, ut in *l. Jurisgentium 7. §. quin imo, D. de pact.* Et ut breve faciam, arre datio est contractus, *l. contractus, sup. de fide instrum.* quia adjicitur emptioni venditioni, et præbet argumentum imperfectæ necdum completæ venditionis: perficitur nudo consensu, completur traditione et numeratione. Ex quo datur actio ex empto non propria, atque etiam ex pacto arrali, quod ei contractui insertum est, vel injectum, ut ita quod maxime notandum est, liceat statim, non tantum pacta, sed etiam contractus formare, preparare, dare legem et formam actioni, quæ nascitur ex contractu principalis: ergo ei, quod vulgo dicitur pactum formare actionem ipsius contractus, adile contractum etiam firmare alterum, ejusque actionem, contractum scilicet, qui principali contractui necedit quasi appendix. Et postremo sciendum, sicut in actionem venditi, ita in actionem empti quandoque venire et redhibitionem, et rescissionem totius venditionis, *d. l. ex empto, §. redhibitionem, et §. si quis virginem, et §. seq. eo l. tit.* vel partis ejus, ut in specie *l. 9. hujus tit.* si venditor dixerit minorem esse capitationem fundi, id est, censum fundi, et inveniat major, agat emptor, ut pars pretii minuatur: atque ita ut pro parte rescindatur emptio nimirum agat quanto minoris rem emisset, si scisset majorem esse censum. Et veniunt etiam in actionem empti usurae quandoque, ut si rei venditur per se nullus sit fructus. Finge venditum esse vinum, oleum, frumentum, et similia, aut venisse nummos peregrinos, qui solebant esse mercis loco, ut Volusius Mancinus scribit, scilicet ex mora venditoris, vel ex pacto debentur usurae rei vendite: nam hæres usuram etiam admittunt. Et hæc est sententia legis *15. hujus tituli*, ut in actionem empti veniant usurae ex mora venditoris. Etiam illud summe notandum est, agi ex empto ut venditor caveat de re tradenda in *l. 14.* quando nondum emptori ea re opus est ut interim caveat venditor de re tradenda: nam invenio fidejussorem de re tradenda a venditore datum fuisse, *l. 12. sup. de contrah. empt. l. 8. ff. de rescind. vend.* Hi tamen loci ita sunt intelligendi, ut dat fidejussorem venditor, non de evictione, sed re tradenda: hodie tamen sufficit unde cautio, si repro-

mittat solus ipse se rem traditurum ipso die, in *d. l. 14.* quæ etiam addit, actione empti cogi venditorem cavere de iis, quæ continentur edicto ædilium, puta annum esse servum, qui venit, et noxa furtoque solutum, erronem non esse, nec fugitivum: res peracta est. Adde etiam actione empti agi de evictione in id quod interest, re evicta emptori, etiamsi venditor non se nominatim obligaverit ob evictionem: nam naturaliter hoc inest potestati hujus judicii, ut præstetur evictio emptori, re evicta, sed jure judicioque: nam evincere est judicio vincere, et rem auferre: si quis enim emptori rem vi eripiat, si emptorem vi expellat de possessione fundi empti, non agat de evictione, hoc non præstat venditor: sed habebit interdictum unde vi in eum qui vim fecit, quique enim vi expulerit de fundo, *l. ult. hujus tit.* vel vice interdicti est actio in factum permissa constitutione: nam interdicta desiere esse in usu, et his succedere actiones in factum. Et corrigendum in *d. l. ultima actionis promissæ*, non permissæ.

AD TIT. L.

Si quis alteri, vel sibi sub alterius nomine, vel aliena pecunia emerit.

Pertinet hic titulus ad actionem empti, ut indicat aperte *l. 6. et pen.* et ejus sunt tres partes. Prima, si quis emerit alteri. Secunda, si quis emerit sibi sub alterius nomine. Tertia, si quis sibi emerit pecunia aliena, quæ in unum colliguntur in *l. 6.* De prima parte dicamus, si quis emerit alteri, nihil egit, quia neque sibi acquisivit actionem empti, quia noluit, cum non emerit sibi, sed alteri, neque eam acquisivit alteri, quia non potuit per liberam personam alteri actio acquiri, *l. 1. sup. per quas pars. nob. oblig. acquir.* ergo qui emit alteri, neque acquisivit sibi actionem empti, quia noluit, neque alteri quis non potuit. *l. 6. §. ult. hujus tit.* alteri emimos inutiliter, *l. ex pecunia, inf. de jur. dot. l. fundus, D. de contrah. empt.* quæ de causa procurator, qui mandatu nostro emit, non nobis emit, sed sibi: alioquin nihil ageret. Et ita est proditum in *l. 7. in ff. D. eod.* quod maxime velim vos notare: nam vix invenietis unum, quem si rogetis quo nomine emit procurator mandatu alterius, qui non respondeat eam emere nomine mandatoris, quod est falsum, alioqui nulla esset emptio. Igitur et si mandatum alienum exequatur, tamen emit sibi procurator, non mandatori. Et longe alia ratio est procuratoris, alia nuntii, quod procurator mandatu meo emit, non mihi, suo nomine, non meo: quod nuntius meus emit, ego emo, non nuntius: fingitur enim nuntius vice epistolæ, ut eleganter ait Acc. in *l. et licet, D. de const.*

pec. Et similis glos. in *l. cum mancipium, D. de re lit. edict.* Sunt in glossis elegantissimæ sententiæ. Epictetus Philosophus interroganti Adriano quid esset epistola, respondit, epistolam esse tacitum nuntium: et contra ergo dicamus nuntium esse epistolam loquentem. Epistola autem sive muta, sive loquens non emit: sed is qui eam emittit. Et ita recte per nuntium emimus: per procuratorem non item ementem nobis, cum quo nos mandatum contraximus. Atque ita cervitis, quam dicitur procurator a nuntio: procurator ergo, qui mandatu meo sibi emit, non nobis emit, sed sibi: alioquin nihil ageret: sed si uti oportet, emerit sibi, actione mandati ab eo consequemur ut nobis cedat actionem empti, quam sibi acquisivit, vel ei cui voluerimus, *d. l. 7. hujus tit.* Ac præterea si ea mens fuerit procuratoris ementis, sibi, et venditoris ea mens fuerit, ut res vendita et tradita procuratori, acquireretur mandatori, proculdubio ex mente utriusque contrahentis dominium ejus rei acquireretur mandatori: imo vero sufficit sola voluntas venditoris, si procuratori licet sibi emeret, ea mente tradat rem, ut ea acquiratur domino. Sola voluntas procuratori tradentis venditoris, dominum facit mandatorem, etsi non eadem mens fuerit procuratori. Et hæc helle probat *l. ult. hujus tit. et l. qui mihi, D. de donat.* sola igitur sufficit voluntas cui congruit mens mandatoris, cum mandatu ejus res emptæ sit. Nunc de secunda parte dicamus. Si quis sibi sua pecunia emerit sub alterius nomine, tabulis emptionis, et instrumento inscripto, hoc casu is qui emit acquirit sibi tam actionem empti, quam dominium proprietatis, si venditor dominus fuerit, vel possessionis si venditor non dominus fuerit: nam triplex est dominium, proprietatis, possessionis, et usufructus. Nec idem est dominium et proprietas. Dominium, inquam, acquirit is, qui ita emit: si possessio ei tradita sit, non autem ei cujus nomen inscriptum est tabulis. Traditio dominum facit, non inscriptio nominis sola, *l. 4. 5. 6. hoc tit. l. si filii, inf. de donat. inter vir. et ux. l. 1. et 2. Cod. Gregor. si sub alterius nomine res emptæ erit*: frequens autem erit inscribere tabulis emptionis alienum nomen. Sunt enī etiam qui possint, qui nolunt inscribere suum nomen negotio, quod gerunt, sed malunt inscribere alii, puta amici, cujus eligunt fidem, dum scilicet nolunt negotia sua innotescere aliis. Et hoc plerumque faciunt honestiores, *l. pupillus, §. sane, ff. de auctor. tut. l. pen. inf. de contrah. stipul.* et in edicto Just. 7. dum inquit: Qui nolunt contractus publicari, publiceque innotescere, alienum nomen supponunt: et re ita gesta nominis inscriptio nihil tribuit ei, cujus est nomen inscriptum: nam actio empti ante

traditionem, et post traditionem dominum ei acquiritur, qui sibi emit sua pecunia, licet abusus sit hodie nomine alieno. Sequitur tertia pars: si quis sibi emerit aliena pecunia suo nomine in suum nomen, ut loquitur *l. 2. ff. quando ex facto tut. vel curat.* quo modo in idiotismo, *acheter en son nom*, et aliena pecunia in hoc tit. et *l. pen. hoc tit.* quid significat? an etiam ex eo, alienam pecuniam recte solvi posse pro pretio? non: et posset quis elicere disputandi gratia: sed tamen non est hic sensus horum verborum (vel aliena pecunia) sed ita intelligenda sunt, ac si diceret: altero pecuniam suam numerante, quia non liberatur emptor numerando alienam pecuniam, sed necesse est vel ut ipse suam numeret, vel alius pro eo eque summa: nam utroque modo summi fiunt venditoris, quod utique præstare debet emptor venditori, *l. ex empto, §. emptor, D. de act. empti l. 1. D. de rerum permut. l. cum servus, D. mand.* Hoc vero casu si quis aliena pecunia, id est, adnumerante suam pecuniam altero, emerit sibi in suum nomen, sibi acquirit tam actionem empti, quam dominium, si possessio rei ei tradita fuerit, traditio dominum facit, non numeratio pecunie. *l. 21. sup. de probat. l. 2. 3. 4. 6. et hoc tit.* Et Paulus 2. Sentent. *fundus*, inquit, *ejus esse videtur, cujus nomine comparatus est, non ejus a quo pecunia numeratur, si tamen fundus comparatori sit traditus.* Ceterum is qui pecuniam numeravit pro emptore, nisi eam donandi animo numeraverit, et donatio rata fuerit, eam pecuniam ab eo repetet actione mandati, si mandatu ejus numeraverit, vel actione negotiorum gestorum, vel actione si certum petatur, si animo cedendi eam pecuniam pro eo numeravit, vel conditione sine causa, si donandi animo numeraverit, et donatio irrita fuerit, *l. 1. 6. et ult. hujus tit.* Tradita autem res videtur emptori, dominumque in eam translatum, etsi non emptoris pecunia, sed aliena numerata sit a domino ejus pecunie, non tantum si emptor eam acceperit e manu venditoris: sed etiam si voluntate venditoris in rei possessionem ingressus sit, *l. 2. hoc tit. l. 12. sup. de contrah. empt. voluntate venditoris*, hoc est, sine vitio, *l. 1. §. ult. ff. de except. rei vend.* Vitium est ex depredatio, si ipse ingrediatur emptor possessionem rei emptæ sine voluntate venditoris, *l. si ex stipul. et l. fundi, in princ. ff. de acquir. possess.* Ad hæc restat ut adnotemus extremum usum leg. 6. hujus tituli, in quo interpretando laborant. In quæstione domini ille potior habetur, cui possessio a domino tradita est, nimirum illam versum non referri ad omnes illas tres partes, quæ proponuntur in hoc tit. nam extremus versus *l. 6.* pertinet tantum ad primam et secundam partem hujus tit. quæ in hac lege est prima et secunda pars: nam ut

utramque complectamur, sive quis emerit sibi aliena pecunia, in quaestione domini, ut ait dictus versus l. 6. ille est potior qui sibi emit, si a domino ei possessio tradita sit, non is a quo pecunia numerata est, non is cujus nomen emptioni praescriptum est. Non potest autem postremus ille verus pertinere ad primam partem hujus tituli, quae in ea lege 6. est tertia pars, si quis alteri emerit: nam hoc casu, id est, si quis alteri emerit, neque ei, qui emit per traditionem, dominium acquiritur, quia in ejus persona nuda traditio est, id est, sine titulo, cum non emerit sibi, sed alii, et nuda traditio, id est, quae vacat titulo et causa, dominium non transfert, l. nunquam, ff. de acquir. rer. dom. Sicut nuda ratio, id est, quae caret causa, debitorem non facit, l. nec servus, ff. de pec. Non acquiritur per traditionem alteri cui emit ille, si venditor alteri tradat eadem ratione, quia nuda est traditio, cum emptio alteri facta non valet: falsum est enim, quod tentat Acc. ex inutili contractu dominium acquiri per traditionem: nam si inutilis est contractus, ergo et nuda traditio. Ergo ita definiamus, et rem fingamus: si emisti mihi, et res tibi tradita sit tuo nomine, vel mihi meo nomine, neutri dominium acquiritur, sed si emisti tibi negotium meum gerens, et tibi tradita sit res meo nomine accipienti, etiam tibi meo nomine, vel etsi duntaxat tibi tradita sit meo nomine, non accipienti etiam meo nomine, dominium mihi acquiritur, l. ult. hujus tit. et l. qui mihi, D. de donat. Sed si emisti tibi, et tibi tradita sit tuo nomine non meo, dominium mihi non acquiritur: antequam tu eam rem mihi tradideris: quod te facere compellam actione mandati. Et ita accipienda est l. res, D. de acquir. rer. dom. quia alioquin pugnare videtur cum d. l. 6. et ult. hujus tit. Non est omittendum quod tentat Accursius l. 6. hoc tit. cujus ultima glossa penitus delenda est, ex inutili contractu dominium acquiri per traditionem, l. et eleganter, in princ. ff. de dolo, in qua non fuit inutilis contractus, non fuit inutilis venditio servi, cuius consilio venditor minor viginti quinque annis circumscriptus convenit cum vendi, cum emptor sit dominus, et jure servum manumittit quasi dominus. Dolus enim emptoris faceret quidem inutilem contractum, sed dolus rei venditae est in minore viginti quinque annis, non in emptore: nega igitur in ea specie contractum esse inutilem. Non juvatur etiam Accurs. eo quod tractat ex Bulgaro in l. contractus, sup. de fide instrum. si placuerit ut venditio ex scripto fieret, et res tradita fuerit ante completam scriptum, licet nondum perfecta fuerit emptio, tamen dominium acquiritur emptori, cui res tradita est. Quod

facile concedo: sed inde non infero, ex inutili contractu dominium acquiri, sed ex incerto minusque perfecto, voluntate contrahentium, quorum voluntate etiam res tradita intelligitur remissa illa pactio de emptione in scriptum redigenda, vel si non sit remissa, nihil interest compleatur scriptum ante traditionem, vel post traditionem, nihil interest sequatur traditio aut praecedat causa, ut dicamus traditionem non fuisse nudam et inefficacem, quam titulus secutus est. Nec enim videtur esse nuda, si sequuta sit causa, ut ad plenum perfecta sit venditio, completo scripto post traditionem: quod optime probat l. sive, §. 1. ff. de public. in rem actione.

AD TIT. LI.

De rebus alienis non alienandis, et de prohibita rerum alienatione, vel hypotheca.

AD TIT. LII.

De communium rerum alienatione.

Nova est quaestio de venditione rei alienae, an ex ea causa sequi alienatio possit. Et sunt duae partes hujus tituli. una de rebus alienis non alienandis; altera de prohibita alienatione, vel hypotheca. Potest addi tertia ex tit. sequenti de communium rerum alienatione, quoniam idem est tractatus. Haec tres partes ordine sunt explicandae. Et ut ad primam accedamus, sciendum est, aliud esse vendere, aliud alienare: vendere est consentire ut computetur merx cum pecunia, alienare est dominium transferre, l. 1. inf. de fund. dot. vel, rem tradere alteri novo, id est, per res et libram solemniter, vel eam in jure cedere, id est, ad sellam praetidis, vel praetoris, ut Marcus Tullius in Topicis definiens alienationem. His enim generibus, scilicet nexu et cessione in jure dominium transfertur, dominium mutatur: vendere simpliciter non est alienare, sed vendere et tradere, si venditor sit dominus rei: nam si non sit dominus, nec venditio, nec traditio est, quia tradendo nemo plus juris in alium transferre potest quam ipse habet, l. traditio ff. de acquir. rer. dom. Et ita Seneca lib. 5. de Beneficiis cum ait, venditionem esse alienationem, et rei suae jurisque sui in alium translationem, intelligi debet de venditione facta a domino vel possessore certi juris, veluti emphyteuticario, aut superficiario, quam etiam traditio sequuta sit: nam venditio per se alienatio non dicitur est, sed obligatio tantum empti et venditi. Accursus ut melius intelligatur quantum differat alienatio a venditione, vendere licet rem alienam, l. rem alienam, ff. de contrah. emp. quia scilicet

emptio et venditio est, et obligatio utriusque contrahitur, maxime si ignorans erat, vel etsi sciens erat rem immobilem, quæ non sit vi possessa a venditore vel alio: nam rei vi possessa aut furtiva inter scientes commercium non est, id est, ius emendi, vendendique: *l. si in emptione, §. item si emptor, ff. de contrah. empt.* Et ita oportet intelligere, quod dicit *d. l. rem alienam*. Rem alienam licere vendere; et contra tamen in *l. 1. tit. seq.* dicitur, satis illicitam esse venditionem rei alienæ, quia scilicet ea domino nihil nocere potest, dominus enim emptori rem auferre potest per vindicationem, et non oblato pretio, *l. 3. sup. de rei vindic.* Et hoc si eam rem emptor nondum usuceperit possessione legitimi temporis: nam si usuceperit, dominus, qui fuit ante, dominium amittit per usucapionem; et ideo in emptorem bonæ fidei nullam actionem habet, quia usucapio bonæ fidei emptori plenissimum ius tribuit, *l. 27. in fi. D. de rei vind.* et securitatem ei præstat, ut ait *l. 1. tit. seq.* quæ omnia demonstrant quanta sit vis usucapionis, aut longæ possessionis. Sed dominus cujus rem usuceperit, emptor habet semper salvam actionem in venditorem, nomine rei suæ, vel negotiorum gestorum, si probet factum, vel famul. ercisc. vel communi divid. Ut si socios rem communem vendiderit totam, id est tam suam quam alienam partem, vel actionem convenientem negotio, *l. 1. hujus tit. l. 1. inf. tit. 1.* Sic igitur juxta hanc distinctionem nominis licet duas quodammodo inter se contrarias sententias statuere, et affirmare utramque esse veram hoc modo. Rem alienam licet vendere, rem alienam non licet vendere, videntur esse contraria, sed ambæ non sunt contrariæ, quia non in eadem specie distant invicem: sed unus cuique aptatur casus, suæque ratio propria, non eadem utrique, et ita hoc non possis statuere: rem alienam jure non possum vendere, et ita scriptum in *l. 3. supra, de rei vind.* et rem alienam jure possum vendere: superior distinctio utramque explicat: potest etiam uti hac distinctione ex jure veteri: venditio rei alienæ non valet per mancipationem, quia mancipatione id agitur ut dominium transiret in accipientem: venditio rei alienæ per traditionem valet, quia traditione naturali id tantum agitur, ut vacua possessio rei transeat in accipientem. Quo genere dicitur etiam valere emptio rei suæ, videlicet cum id agitur ut possessionem eruat quam habuit venditor, et ut emptor sit potior in lite possessionis, ut *l. si in emptione, §. rei suæ, de cont. empt.* Plerumque enim, qui est dominus, et qui in petitorio judicio potior futurus est, non est potior in possessorio, *l. ad probationem, inf. loc.* Et ut sit potior in possessione, eam plerumque redimit a certiore posses-

sore, non etiam dominium, quod ab eo nunquam discessit. Sic igitur venditio rei alienæ per traditionem valet, quia id agitur plerumque ut in emptorem transeat possessio vacua, et non impedita ab alio, et si res sit aliena, id est dominium ejus rei, tamen possessio est venditoris, cum eam tradat emptori, et ob id traditione interveniente promittitur evictionis nomine dupla pretii, vel simplas quia certum non est rem fieri emptoris. Et hoc etiam significat Varro 2. de re rustica: *si mancipio non datur*, id est, si res tradatur, non mancipetur, dupla promitti debet, vel si ita pacti, simplas. Plautus in Curcul. Egone, inquit, a lenone quicquam mancipio accipiam? Hæc fuit vetus differentia, quæ fuit etiam adhibita in pignore, nam rei alienæ fiducia, quæ est species pignoris, non valebat, quia contrahabatur per mancipationem pignus rei alienæ. Quod per traditionem contrahabatur, valebat: quod vero per mancipationem, non valebat, quasi id ageretur, ut (possessione rei pignoris tantum esset, quam haberetur venditor. Sed hodie id absolutum est, non valere pignus rei alienæ, *l. servus, quem, §. ult. ff. de action. empti*, quia in dando pignore id solum agitur, et potest agi ut res obligetur creditori: non potest autem res mea mihi obligari, alienam rem non potest debitor obligare. In tradenda re vendita non hoc agitur, ut res fiat emptoris: traditur res, non datur: traditio est datio possessionis: datio est alienatio, sive translatio domini. Igitur id tradenda re vendita non hoc agitur ut res detur, ut res fiat emptoris, sed non agitur etiam ut non fiat emptoris, alioquin non esset emptio, sed alius contractus, veluti locatio, commodatum, depositum, *l. pen. §. ult. ff. de contrah. empt.* Denique sic concludimus: rei alienæ venditionem valere, sed auferri a domino emptori posse ante usucapionem, vel post usucapionem venditori auferri posse restitutionem rei. Et hæc de venditione rei alienæ dicta sint. De alienatione autem idem non dicam: nam rem alienam nemo alienare potest: et hoc est, quod agit prima pars hujus tit. de rebus alienis, non alienandis, non dicit, vendendis: vendi possunt res alienæ, alienari a non dominis non possunt. Quod tamen est verum cum iis exceptionibus, si non vendantur res alienæ jure pignoris, *l. pen. hujus tit.* Item si non volente aut ratum habente domino, *l. 3. hujus tit.* quæ est de re aliena data in solutum, non vendita, nec extra propositum: nam datio in solutum obtinet vicem venditionis, *l. 4. inf. de evict.* Et interim notandum est, non quemlibet actum domini, cum rem suam vendit alius, temere accipiendum esse pro consensu, voluntate, ratihabitione. Quod si per imprudentiam signaverit suo sigillo, ut testis instrumentum venditionis rei suæ, suum ei signum

nihil nocet, nec signum illud accipiemus pro consensu, cum circumscriptus forsitan sit a venditore fraude conquisita, l. 2. hujus tituli, et l. 2. Cod. Theod. de contrah. empt. exquisitis cuniculis dum scilicet domino persundet instrumentum illud esse aliena de re, quam ejus ipse dominus est. Denique erranti sua signa non nocent, vel subscriptiones. Alia exceptio hæc est, si non tutor ex officio suo venditor rem pupilli: nam valet venditio rei alienæ, imo necesse est tutori sæpe vendere res pupillares, nisi velit argui culpæ: ut si res sit ejus conditionis, ut non possit servari. Item si curator adolescentis rem vendiderit, necessitate officii sui, l. pen. hujus tit. l. quod si nolit, §. quod in procurator, ff. de edil. edict. Addamus ultimam exceptionem: si non venditori rei alienæ dominus ipse hæres extiterit, vel contra domino venditor hæres extiterit: nam his casibus omnimodo convalescit venditio rei alienæ, l. 3. et 5. hujus tit. Sicut verum est etiam pignus rei alienæ convalere acquisitione dominii, l. 1. l. si Titio, ff. de pign. et in venditione, ut eo modo convalescat, idem ostenditur in l. si quis alienam, ff. de action. empt. l. cum a matre, sup. de rei vindic. quo casu datur emptori duarum rerum optio, ut sive vindicet rem venditor qui domino successerit, sive dominus, qui venditori successit: emptor eum repellat exceptione soli mali, quasi faciat improbe, qui non impleat fidem venditionis a defuncto contractæ, vel a se: vel etiam ut rem faciat sibi evinci emptor, ac deinde agat stipulatione duplici ob evictionem. Secunda pars hujus tituli est de prohibitione alienationis, vel hypothecæ, de qua est tantum lex ult. hujus tituli, quæ breviter hoc definit, prohibita alienatione, ut lex Julia, prohibita alienatione fundi dotalis, vel prohibita alienatione a testatore, vel a contrahentibus, alienationis nomen esse latissime accipiendum, ita ut non tantum comprehendat omnem translationem dominii, sed etiam manumissionem, si sit servus vel hypothecam, vel pignus, et donationem usufructus, vel emphyteusim, et impositionem servitutum. Denique ut prohibitus alienare intelligatur prohibitus ne facto suo ei rei, vel ejus rei juri quicquam decedat, nisi scilicet latitudo hujus verbi constringatur verbis legis, ut constitutio de prædiis curia'ium sine decreto non alien. titulo proprio, alienandi verbum non ita latissime patet: nam donari possunt, non etiam vendi: et in Nov. de rebus Ecclesiasticis non alienandis, non continetur Emphyteusis omnimodo: igitur nisi lex, vel testamentum, vel contractus coarctet significationem verbi, semper accipiemus prohibitam alienationem latissime ex constitutione l. ult. Tertia pars proponitur in tit. seq. in qua id animadvertendum est, id quod de tota

re communi diximus, esse etiam intelligendum in parte, ut si rei, pars sit mea, pars aliena partem socii non possum alienare. Et in ea parte locum habent ea omnia, quæ supra diximus in tota re. Et excipitur tantummodo fiscus, ut si habent fiscus rem communem cum alio, vendere eam in solidum possit æquo pretio, et socio redita parte pretii. Hoc datum est fisco, ut facilius emptorem inveniret, et ne maneret in communione cum privatis, ut rem communem vendat in solidum, l. 1. inf. tit. 2. et l. 2. inf. de vend. rer. cum fisco comm. l. 10. Et hoc ita si fiscus ipse vendat rem quam habet cum aliquo communem, non si alius vendat, licet ejus rei pretium pervenerit ad fiscum, quod dicitur in d. l. 2. Neque vero mirum est si fiscus vendat rem communem in solidum: nam et rem alienam recte vendit securitate præstita statim emptori ac si non cepisset ex constitutione Zenonis, et dato tantum regressu adversus fiscum in quadriennium, quæ de re est tit. inf. de quadr. præ-cr. Etiam additur in tit. 33. posse socium cuilibet partem suam alienare, non socii, nec cogi præferre socium in alienatione partis sue: non est socio jus prælationis. Il n'y a droit de retenue, vel si socius partem suam tantum vendiderit, socium non posse eam retrahere ab emptore, nec favore quidem militie, l. 3. et 4. hujus tituli. Igitur inter socios non est jus προσηγορίας, vel jus retractus. Et eo jure etiam hodie utimur: et addimus esse tantum jus προσηγορίας inter consanguineos et propinquos, retrait lignager.

AD TIT. LIII.

Rem alienam gerentibus non interdici rerum suarum alienationem.

Docuerunt nos duo tituli superiores, rei suæ alienationem esse, non rei alienæ, exceptis certis casibus, quos ibi exposuimus: et nunc his titulus docet, rei suæ alienationem esse domino etiam administranti rem alienam, ejus administrationis ratione, bona omnia ejus tacite pignori teneantur ei, ejus res est quæ administratur: exempli gratia, tutori, et curatori, in ejus bonis pupillus vel adolescens habet tacitam hypothecam, l. un. §. 1. inf. de rei ux. act. nihilominus tutor vel curator rem suam poterit alienare, etiamsi ex eo titulo, id est ex causa administrationis judicati debitor constitutus sit: nam et post condemnationem, res suas, quantumvis licet pignori nexas pupillo, vel adolescenti, liberum ei erit alienare. Hoc ergo titulo ostenditur, rei suæ alienationem esse, et ainsi eares expressim vel tacite alii sit pignori obligata: atque etiam si debitor ipso condemnatus sit creditori pignoratitio, vel hypothecario: sed alienatio illa fiet cum sua causa, id est, cum onere, nexu pignoris vel

hypothecæ, illius jure creditoris, ut in *l. alienatio, D. de contrah. empt.* et hoc exposito infert *l. unic. hujus tituli*, quod si rem meam alii pignoratam possum alienare, et pignorare, igitur alii eam possum: cujus rei alienatio, et pignoratio est, ut ostendit *l. unic. hujus tit.* Nihil interest, tutor vel curator rem suam jam pupillo vel adolescenti pignori nexam pignori obligaverit, fisco an privato: nam in hypothecis neuter, id est neque fisco, nec privatus præfertur antiquiori creditori hypothecario, *l. res, §. 1. D. de jure fisci*: ergo et si ea res sit obligata fisco, tamen in prosecutione pignoris semper erit potior causa pupilli vel minoris, quasi vetustioris creditoris hypothecarii. Et pignorata est res fisco cum causa pignoris antiquioris. Id vero consultius esset tutori vel curatori, si rem suam fisco nominalim pignoraverit, cum suo onere, ne in fraude versatur, id est, ne incidat in crimen et poenam legum; quod maxime timendum est: nam si dixerit tutor obligans rem suam fisco vel privato, eam esse liberam, et nemini obligatam, et hoc dixerit feceritque vivo pupillo: nam defuncto pupillo heredes ejus non habet tacitam hypothecam, privilegium tacite hypothecæ, quod est personale: si inquam vivo pupillo mentitus sit, tenetur crimine falsi, *l. 1. §. tutores, ff. ad l. Cornel. de fals.* Si obrepserit, inquam, præfectis avariis, vel privatis creditoribus, vel et si tutor nihil dixerit, sed dissimulaverit obligationem taciti pignoris cujus non erat ignarus hoc casu cessat crimen falsi et superest crimen subsidiarium, Stellationatus nempe crimen, *l. 3. ff. de crimine stellion.* *l. tutor, §. contrariam, l. si quis, §. ult. ff. de pignorat. art. l. 2. inf. de crim. stellion.* Verum ad rem redeamus. Quia jam expositum est jus omne, quod pertinet ad *l. C. uni. hujus tit.* censeo observandum esse argumentum quo utitur *d. l. un.* ab alienatione ad pignorationem, ut si tutori licet alienare rem suam tacito intellectu obligatam pupillo, et possit eam alteri pignorare: nam plus est alienare, quam pignorare. Si licet, quod minus est probabile, licet etiam, quod magis est probabile, *l. non debet, ff. de regul. jur.* quod vulgo vocant argum. utrum ad majorem ad minus, cum dici debeat a minore ad majus, id est, a minus probabili ad majus probabile hoc modo: si tenetur pupillo ex causa tutelæ, una cum bonis suis omnibus, rem suam potest alienare, et pignorare igitur, et ita in *l. 9. §. 1. D. de pignor.* quod emptionem venditionemque recipit, multo magis pignorationem. Eodem argumento utitur *l. 11. §. usufr. D. de minor.* Vendere possumus usufructum quem habemus in re aliena invito proprietario, et pignorare: igitur valet argumentum ad affirmandum: philosophi dicunt non valere ad negandum: nam si non licet,

Tom IX.

quod est minus probabile, non ideo etiam licet, quod probabilius est, hoc modo: non possum vendere, nec pignorare igitur, *l. in quorum, D. de pignor.* In quorum fundi finibus quis emere prohibetur, ut non possis ita pignus accipere non prohibetur argumentari: ille non potest emere in illis finibus rem ullam, nec igitur pignori accipere: non est igitur idonea consequentia, et omnia contra quam Aec. existimet in *d. l. in quorum, adhibita, l. qui officit, de contr. empt.* Et confirmandum rei gratia etiam add. *l. 20. et, §. ult. D. de officio Procons.* poni debet species in præside, vel alio, qui gerat publicum officium in provincia, vel civitate, vel vico: nam mandatis principum continetur ut is præter ea, quæ victus quotidiani sunt, nihil possit emere, vel mobile, vel immobile in finibus ejus provincie, vel civitatis, vel vici, vel pagi: cujus significatio latissime patet, sed non prohibetur pignus accipere. Et ita accipienda est lex in quorum: contra omnino explicanda est lex unica. Ex qua liquet, quod posui a minori ad majus non valere argumentum ad negandum contra a majore ad minus, id est, a magis probabili ad minus probabile valet argumentum ad negandum, hoc modo: non possum pignorare, nec vendere igitur: non tamen ad affirmandum hoc modo possum pignorare, et emere igitur, hoc est falsum, *d. l. in quorum.* Et hæc ita se habent secundum artem: nam observandum in jure hæc argumenta esse infirmissima, ut quo hæc lex utitur a minori ad majus: ut si tutor possit alienare, possit etiam pignorare, argumentum hoc deficit in re aliena, quæ vendi potest et pignori non potest, *l. servus quem, §. ult. D. de act. empt.* Deficit etiam in servitute rustici, vel urbani prædii, quæ vendi potest, *l. cum manu, §. 1. D. de contrah. empt. l. 3. §. si inter, et l. tenetur, §. si tibi, D. de action. empt.* et pignori tamen non potest *l. 12. D. de pig.* Deficit etiam in præside provincie, qui habet quidem jus gladii, *l. illicitas, §. qui universas, D. de officio præs.* nec tamen habet jus deportandi, *l. 1. sup. l. deportatus, D. de leg. 3.* non habet jus confiscandi bona reorum, *l. un. inf. ne sine jussu principis per. jud. lic. confisc.* quia hæc potestates sunt meri imperii, et merum imperium lege datur, nec nisi quatenus lege datur, cuicunque competit. Et sæpe lex, quod plus est, dat, et competit, si cetera non dederit, non competent cetera per consequentias: nam argumentis fretus non potest quis plus sibi arrogare, quam dederit lex. Et rursus argumento a minori ad majus, quæ non dicuntur valere ad negandum in jure, et ad negandum sæpe valent, ut in servitute urbani prædii, quæ pignori dari et tradi non potest, cum sit res incorporalis: ac ne hypothecæ quidem conventioni

163

subjici potest. Et ita argumentatur *l. 11. §. ult. D. de pignor.* ut quod non potest pignori dari per traditionem, de eo non possit conveniri, ut hypotheca sit: et ita argumentum a minori ad majus valet etiam ad negandum in fundo dotali, quem lege Julia, ut non licet vendere, nec pignorare igitur, *l. 3. D. de fundo dot.* Et in prædio minorum, quod ut non potest vendi, ita nec obligari sine decreto, *l. 1. D. de reb. eor. qui sub tut. vel ru. sunt*, ex oratione haberi. Et in re cujus commercium non est; quam ut non possum emere, ita nec pignori accipere, *l. 1. §. eam rem, D. quæ res pignori, etc.* et in *d. l. in quorum*, rei, de qua agitur, erat commercium inter ceteros omnes præterquam in præside, quod ei soli interdicitur quandiu officio fungitur in iis finibus, valet etiam in re litigiosa: nam ut eam non possum vendere, nec obligare igitur, *l. 1. §. ult. et in filiosam*, quem pater nec vendere, nec pignorare potest, *l. 1. et 2. sup. de patrib. qui fil. suos distrax.* Et generaliter prohibita alienatione, vel testamento, vel contractu, etiam intelligitur prohibita pignoratō. *l. ult. sup. tit. de rebus alienis non alienan.* Et similiter, quod non possum donare, id si quis alius donet, non possum etiam consentire donationi, *l. cum quis, D. de regul. juris*: atque ita his modis valet etiam ad negandum argumentum a minori ad majus. Et rursus argumentum a majori, quod dicitur valere ad negandum, in jure dicitur non valere ad negationem. Nec enim si præses non habet jus deportandi, ideo non habet jus gladii, id est, vite et necis, nec si rem alienam pignori obligare, ideo non possum etiam eam vendere: hujusmodi igitur argumenta in jure nihil valent. Restat tantum, ut quæ tractavi ante de servitutibus, an possint pignori, et frequenter usus sum *l. 11. et 12. D. de pignoribus*, in quibus ostenditur hac in re esse differentiam inter servitutes urb. et rustici prædii, et ostendam quanta sit ea differentia, an sit, et quæ sit ejus ratio. Vulgo plerique contra sententiam *l. 11. et 12. D. de pign.* nihil volunt esse differentię inter eas; cum tamen evidenter constituitur, ut servitus rust. ei prædii possit obligari a domino prædii, vel ab eo, cui debetur ea servitus *l. 12.* Et quod sit *l. videmus, D. de usur.* postea servitute rustici prædii per actionem confessoriam in fructibus numerari omne commodum, quod actor habiturus esset, si non fuisset prohibitus ire egere, puto id posse aptari ad pignorationem, ut dicamus etiam rei incorporalis, ut servitutis rusticæ fructum esse, vel pignori dare licere ex *l. ult. D. de usur.* At servitus urbani prædii, nec pignori, nec hypothecæ subjici potest, ut est proditum in *d. l. 11. in fin.* nec a domino prædii, qui debet, nec ab eo cui debeatur illa servitus, nihil refert.

Et hanc differentiam veram esse apparebit si reddatur ratio diversitatis inter utramque. Et primum sic statue: ut sit utile pignus servitutis, non tantum necesse est creditorem cui pignoretur servitus habere prædium vicinum, *l. 1. ff. commun. præd.* sed etiam ut hujusmodi pignus alii vicino vendi possit, quia inutile est pignus, quod alii distrahi non potest sui consequendi causa, ut in *l. 4. ff. de pignor. act. l. mulier, infr. de distr. pign.* At qui creditori habenti ædes vicinas, cui pignori concessum est jus igni immittendi, vel stillicidii, vel protegendi, vel projiciendi, non est alius vicinus cui ea servitus usui esse potest: nam quod ex ædibus suis vicinus tignum immittit in ædes debitoris, non æque alii vicino immittendi ullus est usus et utilitas: ac consequenter jus illud alius vicinus non est empturus, et alius emeret frustra: ergo ejus servitutis nullus est usus, et inutile est pignus, cum non possit invenire emptorem. At contra servitus prædii rustici alii vicino vendi potest, forsitan magno emptore, cum possit uno itinere pluribus parere aditus in suos fundos: quia igitur pignus servitutis rusticæ distrahi potest, et quandoque magno, non erit inutile si vel dominus prædii, vel is cui debetur servitus, ita pignorerit iter creditori suo: ergo explosenda est eorum opinio, qui contra leges manifestissimas calumniantur, et adserunt nullam esse differentiam. Nec moveri debemus eo, quod in precario inter hanc et illam servitutem differentia nulla est; quia utraque precario dari potest, *l. 3. et l. et habet, §. precario, ff. de precar. l. si quis, 12. D. de religio.* non alia est ratio pignoris alia precarii, precarii possessionis, vel quasi possessionis utilitas consistit in usu, et ad libitum ejus, qui concessit, et ad modicum quandoque tempus, pro libidine ejus, qui concessit. Hunc usum admittit utraque servitus. Igitur non videtur precarium esse inutile in hac vel illa. In pignore est inutile, quia utilitas pignoris consistit in distrahendo, et servitus urbani prædii non est inventura alium emptorem: quod satis diximus antea.

AD TIT. LIV.

De pactis inter emptorem et venditorem compositis.

Hic titulus est de pactis, quæ adjiciuntur emptioni venditioni ex continenti, id est tempore contractus, ut ait *lex pen. initio contractus*, ut ait *lex 3. vel traditionis tempore, l. in traditionib. D. de pact.* omnis traditio ex causa non nuda facta, contractus est: emptio venditio contractus principalis, cui et alii accedunt contractus, veluti arræ datio, et traditio rei venditæ: ex quibus non alia actio

datur, quam quæ nascitur ex principali contractu, veluti empti venditi, nec alia ex pactis, quæ ei accedunt, veluti ex pacto arrali. Hæc vero pacta, ut varia sunt, ita efficiunt, ut ejusdem contractus varia sit forma, ut si quis roget me, quæ sit forma emptionis venditionis, vel locationis conductionis, vel mandati, vel depositi: recte dicam, nullam esse certam formam: sed eam esse, quam fecerint pactiones, quæ ei in initio adjiciuntur, pactiones enim contractum formant, et actionem ex iis, l. 7. §. *quinimo*, D. de part. legem dant contractus, d. l. 7. §. *idem Marcellus*, l. 1. §. *si conveniat*, D. de pos. l. *contractus*, D. de reg. jur. atque ideo hæ pactiones dicuntur leges, et conditiones in omnibus fere constitutionibus hoc tit. et passim in jure leges emptionis et venditionis, id est pactiones. Et est suavissimus, qui libro edito de legibus populi Rom. veluti Fulcidia, Ælia Sentia, Aquilia, inter eas numerat legem commissariam, quod est pactum emptionis venditionis de re restituenda. Nec enim ea lex est populi Rom. sed privatorum contrahentium emptionem venditionem. Imo et hæ pactiones, sive leges venditionis dicuntur venditiones, ut in l. 4. *hujus tituli*. Commissoria venditio, id est, venditio facta sub pacto commissorio: imo tanta earum pactionum vis est, ut ejusdem contractus appellationes variant pro varietate formæ, quam ei imponunt. Ut exempli gratia pignus scindatur in hypothecam, pignus, fiduciam, et anticresin: et similiter locationem dividam in tabellariam, et precariam: quæ igitur est, forma cujuscumque contractus, eam esse dicam, quam fecerint contrahentes secundum leges: nam improbe pactiones rejiciuntur. At videam, quæ in hoc titulo ponuntur: pacta sive leges venditionis, et traditionis proponuntur in l. 5. et omnes iuste, et recte, et quibus datur actio ex vendito: quia scilicet adjectæ sunt venditioni in continenti, id est in ingressu contractus, in ipso exordio et contextu contractus: nam quæ adiciuntur pactiones ex intervallo, non valent, non proficiunt ad agendum. Ac primum proponitur lex commissoria, qua scilicet id agitur in tradenda re vendita, ut si intra certum tempus pretium, vel pretii pars reliqua non solvatur, si ita venditor velit ut res sit inempta, et ei commissæ, id est, ut ad venditorem redeat, etiam arris non restituitur emptori, l. 1. *hujus tituli*, l. 2. l. ult. ff. de lege commiss. l. ult. ff. de rescind. vend. Et hæc est, quæ dicitur poena commissi in l. *trajectitæ*, ff. de oblig. et act. poena commissæ venditionis: committit emptor in venditionem qui in ejus legem precat, etiam non interpellatus si sua die pretium non offerat, d. l. *traject.* et l. 4. §. ult. ff. de lege commiss. Committit autem venditori, nimirum ei restituta re vendita, vel per rei vindica-

tionem, vel per actionem ex vendito. Quod adhibita distinctione explicandum est, ut intelligatur quando exerceat venditor legem commissariam per rei vindicationem, et quando per actionem ex vendito. Per vindicationem exerceat legem commissariam ad diem pretio non soluto, si rem emptori tradiderit precarii, aut locationis nomine, donec pretium solverit, non emptionis nomine, quia non videtur dominium ab emptore recessisse, id est, quia ea traditio non fecit dominum emptorem, in l. *servi emptor*, ff. de peric. et comm. rei vend. Salvum itaque dominium mansit venditori: consequenter mansit ei integra vindicatio, quæ jure domini competit. Per actionem ex vendito venditor legem commissariam exerceat, si emptori rem tradiderit emptionis jure fide habita de pretio in diem certum: nam ita ipse si dominus fuit, dominum facit emptorem traditione, ut jam lege commissoria non possit habere vindicationem, sed habeat actionem ex vendito: et l. 4. quæ dat vindicationem, ita est adducenda in concordiam: nimirum adhibita superiori distinctione, quæ et verissima est, si dixeris venditionem factam lege commissoria esse potram, id est, non contrahi sub conditione, sed potro contractum resolvi sub conditione, si pretium non solvatur ad diem. Quæ sententia locum obtinuit, l. 2. ff. de l. g. commiss. nam si dixeris eam esse conditionalem, quæ fuit sententia Salini in l. *pro emptore*, §. *Salinus*, ff. pro empt. etiam re tradita ex causa venditionis, et lege commissaria venditori competit vindicatio, quia traditio fuit inefficax atque venditio: nec fuit igitur translatum dominium in emptorem. Sed verius est, non esse conditionalem, et locum habere superiorem distinctionem inter vindicationem et actionem ex vendito. Eadem lex commissaria olim valuit in pignoribus, puta ut si ad diem pecunia debita non solveretur, pignus fieret creditoris: sed merito in pignore displicuit Constantino, l. ult. in ff. de pact. pign. et commissaria lex Antonino Imperatori displicuit in venditionibus, l. *Æmilius*, ff. de minorib. sed non antiquata, rescissa, improbata. Et est ratio differentie inter pignora, et venditionem: nam in pignoribus lex commissoria pleneque est in fraudem constitutionum, quæ annis modum imposuerunt: maxime notandum est, etiam, ut solent, pretiosiora sint pignora: plus enim ita consequeretur creditor ex lege pignorum, si ea lege committerentur, id est, si pignora in ejus dominium caderent ob pecuniam non solutam, quam ex legitimis usuris: in venditionibus lex commissoria nullam habet speciem fœnoris improbi et illiciti. Et in hac rem est l. *Julianus*, §. *Idem Papinian*, ff. de action. empt. Sequitur aliud genus pactionis, sive legis venditionis in l. 2. et 7. *hujus tituli*. Si conveniat,

ut quandoque pretio oblato a venditore, ea res, quam vendidit, sit inempta, et revendatur. Lex est commissoria, lex est redemptionis, quam possit facere venditor quodcumque, nullo finito tempore, vel intra certum tempus. Ex ea pactione etiam formatur actio ex vendito in emptorem, si post venditionis interpellationem, denunciationem, oblationem pretii, et non tantum oblationem, sed etiam obsignationem et depositionem; hæc enim omnia sunt necessaria, *d. l. 7. emptor legi dictæ non paruit*, atque etiam hoc casu dabitur actio ex vendito, rescindendæ venditionis causa: nec erit necessaria actio præscriptis verbis: nam etsi *l. 2. hujus tit.* dicat initio dari actionem præscriptis verbis ad rescindendam venditionem ex lege redimendæ rei: tamen in eo non perstat, et se corrigit, dum adjicit, *vel ex vendito dari*. Et similis est correctio in *l. Labeo scribit, ff. de contrah. empt.* nunquam enim actio præscriptis verbis concurret cum actione legitima. Et præscriptis verbis actio est subsidiaria in factum actio, cum delicit alia actio civilis. Et illud est animadvertendum, interpellandum esse emptorem, oblato pretio: alioquin non peccat emptor in hanc emptionem: nam et hic nulla pœna est: sed cum priori genere pactionis est pœna commissi; et ideo non est necessaria interpellatio ad diem; quia dies illam appellat actis, tum est pœnalis causa: quod in *d. l. tractitæ* ostendi esse verum. Sequitur tertium genus pactionis in *l. si conveniat*, ut emptor usuras pretii, quod statim non solvit, præret ex tempore venditionis, quæ alias non solent præstari, nisi ex mora, interposita stipulatione, et usurarum exactio sit per actionem ex vendito: nam hæc pactiones non propriam perimunt actionem, sed ipsam contractus formant. Et constat, in bonæ fidei judiciis deberi usuras, non tantum ex mora, sed etiam ex pacto, *l. 18. sup. de actionib. emp. l. qui negotia, ff. unde. l. Titius, ff. de præscript. verb. l. cum quidam, §. ex locato, ff. de usur. l. Publia, §. 1. l. Lucius in ff. de pos.* In judiciis strictis non debentur ex pacto sine stipulatione, *l. quævis, sup. de usur.* Est et aliud genus pactionis in *l. 6. hujus tit.* Si venierit res exiguæ pretio, habita inter emptorem et venditorem certæ rei contemplatione, quæ exiguum pretium faceret. Finge convenisse, ut rem dignam centum venderet quinquaginta, vel sexaginta, ea lege, ut venditorem aleret per annum, aut biennium in vicem pretii, ut *l. 8. sup. de contrah. empt.* Ea contemplatio ad mentorem, vel alterius rei certæ, facit, ut venditor sit contentus exiguiore pretio, qui non esset eo pretio rem venditurus citra ejus rei contemplationem: ergo id agitur, ut nisi ea lex atque conditio emptionis impleatur, res sit inempta

per actionem ex empto, quæ hic etiam dabitur ad rescindendam venditionem, reddito pretio emptori. Postrema pactio proponitur in *l. ult. hujus tituli*: si vendidero tibi certum locum fundi mei ea lege, ut ne eum dedices in sacrum, vel ne eum facias religiosum illato mortuo; hæc lex recta est, et ex ea causa dabitur actio ex vendito in id quod interest venditori servari legem, vel potius erit actio ex vendito, ut resolvatur venditio, quam non fuerit venditor alias venditorus, et quasi eo pactio cesserit in partem pretii, efficeretque ut res minoris veniret, *l. 6. sup. et l. 6. in fi. D. de servis export.* Implenda igitur est ea lex, quæ cedit in partem pretii: et quia sine ea non erat venditurus eam rem, eumve locum; et quia interest ejus legem servari, ut docet *l. 10.* quia non tantum nolebat religionis causa alium vicinum sibi adjungi, sed etiam specialiter interdixit, ne sibi vendenti locum fundi, non totum fundum, vel ne sibi vendenti fundum, et habenti locum in confinio loci, vel fundo, venditio injecta religione fieret inutilis, et ingratis sibi vicinus adjungeretur: vicinitatis enim ratio habetur in æstimando eo quod interest, *l. 1. §. sed si rem, D. qui in fraud. patron. l. quod sape, §. ult. D. de contrah. empt.* Unde abiit in proverbium: Marcus Syrius vir justus, cujus vicinitas confines fundos chariores efficiebat. Verum huic legi ultimæ vulgo opponitur lex ultima, *ff. de pact.* quæ præscribit, neminem paci-scendo efficere posse, ne quis mortuum inferat in locum suum venditum: vel ne eum consecret; et tamen *lex ult. hujus tituli*, ratam facit hanc pactionem ne mortuus inferatur in locum venditum. Dico id non posse fieri pacto facto ex intervallo, sine stipulatione; quod pactum factum ex intervallo, non prodest ad agendum. Et ita explicatur species, quod probat *lex ult.* ut Acc. placuit. Et hoc confirmatur vehementer *l. quod si locus, ff. de relig.* Si conveniat, ut locus monumenti, id est cataphum, non fiat religiosus, ne mortuus in eum inferatur, pactum non sufficere adhibitum, sed stipulationem esse necessariam. At *lex ult.* loquitur de pacto addito ex continenti, quod proficit ad actionem ex vend. nec desiderat stipulationem. Dicitur officium judicis tantum posse in actionibus bonæ fidei, quantum stipulatio in strictis, *l. quia tantumdem, ff. de negot. gest.* Idem dici potest de pacto adjecto ex continenti, ut tantum possit quantum stipulatio.

AD TIT. LV.

Si servus exportandus veniat.

Diximus heri de pactis inter emptorem et venditorem, sequuntur tres tituli, in quibus totidem

aut certe quatuor pactiones exponuntur, quæ in venditionibus mancipiorum addi solent: prima est in tit. Si servus exportandus veniat, id est, si servus ea lege et pacto veniat, ut exportetur. Exportare est transferre ad barbaros in tit. 41. sup. quæ res export. deb. In hoc titulo exportare est servum transferre in aliam civitatem, vel provinciam, ne in ea amplius civitate moretur, ubi venditur: quoniam pactionem venditores addere solent, vel quod ipsi eamdem lege servos emerunt, ut exportarent, et stipulanti venditori pœnam promiserunt, nisi exportarent, l. 7. ff. de serv. export. vel etiam addunt eam legem odio servorum, quod eorum conspectum ferre non possint: nam et citra venditionem etiam legimus sæpe a dominis pœnam causam servus ex urbe in villam exportari ablegari, l. ex facto, §. pen. ff. de heredib. inst. Quod meminisse me etiam probare observatione decima, cap. 33. ea lege vendere, ut emptor emptum servum exportet; et id confirmabo his exemplis. Demosthenes in Timocrate, et Ælianus in epist. rust. et Dia. 34. Huic legi, ut emptor servum venditum exportet, addi solet, ut in non exportatum venditori licet manus injicere quasi suum, ac si non vendidisset. Quod etiam pactioni tit. atq. addi solet, ne ancilla prostituatur, vel ut venditori in prostitutam sit manus injectio. Quæ de causa de manus injectione in hoc titulo et sequenti satis multa. Manus injectio est patri in filios, domino in servos, et aliquando creditori in debitores, maxime fugientes ex 12. tabulis: nam et verbum injectionis manus est legitimum: si calvitur, pedemve struit, manum eundo jacito: ubi interprete Servio Iuriconsulto, pedem struere, est fugere: et sententia est legis ult. si calvitur, id est, si moretur, si frustretur, veluti si fugiat, ut in eum creditori sit manus injectio; quod confirmat etiam alia lex 12. tabul. aris confessi, rebusque jure judicatis, triginta dies justi sunt, post deinde manus injectio esto, in jus ducito. Itaque quod est in l. ait prætor, §. si debitorem, ff. quæ in fraud. creditor. creditores debitorem fugientem, et pecuniam suam exportantem, veluti manu injecta abtulisse et apprehendisse ei, quod debebatur: quod, ut quidam volunt, non est interpretandum, ut abstulerit jure judicioque sive vi, sed manu injecta, sine auctoritate judicis ex l. 12. tabul. nam permittunt 12. tabulæ manus injectionem in eum, qui pedem struit. Lcet etiam sine judice manum injicere creditori in debitorem duobus illis casibus, et venditori in servum venditum, si legi venditionis non pareat emptor, ex conventionem, quæ venditor exceperit sibi injectionem manus, si non exportetur servus, vel si prostituatur serva contra legem venditionis: optimum

quidem est id facere per magistratum, ut ait lex si stipulatus, in ff. de solut. Sed sine magistratu factum non improbat, quia lex 12. tabul. vel lex conventionis manus injectionem dedit. Et ita l. 1. tit. seq. manus injectio sit auctore præside: quod est tutius, sed non admodum necessarium. Porro hæc lex venditionis, ut servus exportetur, non tam emptori datur, quam ipsi servo, ut scilicet omni modo peregre abeat, quod oculi venditoris enim ferre non possint, ut sequentes pactiones propositæ t. i. seq. omnes dicuntur servæ, puta ne prostituatur ancilla: et tit. 37. ut manumittatur, vel contra, quæ nominatim dicitur coherere personæ servi, nec tam emptori, quam servo imponuntur. Igitur si venierit ea lege, ut exportetur, nec ibi morari potest, nec manumitti, unde exportari jubetur, vel si ibi manumittatur servus fiet fisci, cum alii potest manumitti, nec lex vetat, ut manumittatur, l. 3. h. tit. Sed rursus si alibi manumittatur, et post manumissionem redeat unde exportatus est, quia tunc nulla est manus injectio in manumissionem, nulla in emptorem actio competit, qui manumisit eum servum: ideo constitutum est, quia per eum servum sit post manumissionem, quæ minus voluntati venditoris satisfaciat, ut veniat in perpetuam servitutem fisci, rescissa libertate sub eadem lege ne ibi moretur ubi venit, aut ut priori domino sit in eum manus injectio, si fiscus eum non exportaverit, l. 1. hujus tit. l. pen. ff. de servis export. Aliquando venditor non excipit manus injectionem, sed pœnam stipulatur, si servum non exportaverit emptor, et hoc casu servo non exportato, id est, neglecta lege venditionis, venditori committitur pœna tantum: servus autem committitur fisco ablatu emptori, l. 2. hujus tituli.

AD TIT. LVI.

Si mancipium ita venierit ne prostituatur.

Sequitur alia pactio in tit. 36. si mancipium ita venierit ne prostituatur: cui conventioni additur aliquando, vel ut prostituta constet libera sit, ne habeatur in turpi questu. Quæ piissima lex est, et favore libertatis et pudicitie valet proficisque ad libertatem, etsi facta sit ex intervallo, id est, non sit inserta venditioni, venditionis tempore: quod notandum est ex l. 2. hujus tit. Et ostendit etiam tum lex 1. tum l. 2. hujus tit. hujus rei cognitio- nem pertinere ad præfectum urbi: recte: hoc enim est quod ait lex 1. §. hoc quoque, ff. de officio præfecti urbi, a Severo Imperatore præfecto urbi dari, ut mancipia tueatur, ne prostituantur. Et hoc genere si ancilla perducta fuerit ad libertatem, patronum habebit venditorem, l. 7. ff. de jure patron. Aliquando venditor non patitur ut li-

hera fiat, si non obtemperet emptor conventioni, sed ut in eam prostitutam statim sibi competat injectio manus quasi suam, nec venditam, aut traditam: et tamen si venditor remittat manus injectionem, sicutque prostituam ancillam, hoc casu remittente venditore manus injectionem, statim ancilla fit libera ex constitutione Adriani, Severi et Antonini; et est sine patrono: nam venditor sane nullum habebit honorem, quia remisit manus injectionem: quæ omnia probantur *l. 1. hujus tit. et l. 7. ff. qui sine manumis. ad libertatem, et l. sed si, §. 1. ff. de in jus voc.*

AD TIT. LVII.

Si mancipium ita fuerit alienatum, ut manumittatur, vel contra,

Sequitur tertia pactio in tit. 37. si servus veniat ea lege, ut manumittatur intra certum tempus, cujus legis ea vis est, quam efficit favor libertatis, voluntasque venditoris, ut si ei non pareat emptor, si servum emptum sua die non manumittat, statim ex constitutione Marci et Antonini scripta in Semestribus, id est, in libris constitutionum Marci, *l. 2. hujus tit.* Marcus Philosophus dabat operam juri dicundo sex mensibus quotannis exemplo Augusti, Tiberii, et aliorum: et ita Semestria dicta sunt libri in quibus sunt scripta ea, quæ constituit D. Marcus sex mensibus quotannis: ex quibus in jure varie referuntur constitutiones, ut excusetur a tutela, qui administrat res fisci *§. item qui reip. Inst. de excus. tut.* et ut voluntate testatoris possit remitti cautio legatorum, vel fideicommissorum, *l. pactum, ff. de pact.* Et ut pupillos non sit necesse restituere in integrum ex contractu avito, si pater eorum non agnoverit avitam hereditatem, *l. 12. ff. de acquir. hered.* Et præterea hæc constitutio, de qua hactenus, sæpe in jure refertur, ut servus emptus ea lege ut manumittatur, statim post diem quo manumitti debuit, ipso jure fiat liber: et ideo si huic conventioni adjecta sit stipulatio pœnalis, si emptor non manumiserit, ea nunquam committitur et nullus est momenti, cum futurum sit ut servus manumittatur ipso jure representante factum emptoris: et ita est legendum in fine leg. ult. *hujus tit.* conditionis potestate manumittentis factum representari. Et hoc Greci probant: quia, inquit, potestas facti imponit libertatem, quam debet emptor præstare. Hoc est, pactionis potestate representatur factum emptoris ac si manumisisset. Et ita etiam veteres Galli non legunt post, sed ita: *Que la puissance de la condition soit réputée au fait de celui qui la doit franchir, et accomplir.* Potestas pactionis habetur pro facto manumissionis, ubi

dies venerit quo servus vel ancilla manumitti debuit. Pertinebat autem proprie ea constitutio ad servos ea lege venditos, ut manumitterentur, non autem ad servos donatos ea lege. Et aliquando eo jure usi sunt, ut non idem esset in donatis, *l. qui Romæ, §. Flavius, ff. de verb. oblig.* Sed postea aliis constitutionibus etiam porrecta est ad contractum do ut facias, ut si quis det pecuniam domino quasi pro pretio, ut servum suum manumittat: nam accepta pecunia si non manumittat, ipso jure fit liber, *l. 4. hujus tituli, l. Paulus, §. 1. ff. de liber. causa.* Et additur in hoc titulo quarto conventio, ut servus non manumittatur, cum ita scilicet servus venditor, ut nunquam possit ad libertatem perducere, in *l. servus hac leg. D. de manumiss. l. 3. §. is quoque, D. ad Senatusc. Syllan.* Quod adeo verum est, ut si huic conventioni sit subiecta stipulatio pœnalis, hoc modo: tot dari si manumiseris, nullus est momenti manumissio: nam etsi non manumiserit, manumissio futura est, et in ea stipulatione videtur intelligendum de effectu manumissionis, non de nudo actu manumissionis, sive effectu; et cum inanis sit manumissio, inanis etiam erit stipulatio pœnalis, *l. pen. h. tit. l. 6. D. de serv. export.* quæ sola est de hac conventioni, quod etiam in questione 3. pactionis obtinuit, *l. ult. hujus tit.* ut ipso jure nulla sit stipulatio pœnalis: nam ex ea pactione futurum est ut fiat liber servus, quem ut manumitteret emptor, creditum est ex tempore contractus; et idem obtinuit in quarta pactione. Et ut minori negotio intelligi possint, quæ supra de manus injectione diximus, hæc subjiciuntur ex *l. ait prætor, §. si debitorem, D. quæ in fraud. cred. ait creditorem persequentem debitorem fugientem, et pecuniam secum ferentem auferre ei pecuniam sibi debitam, utitur his verbis, ferre et auferre, persequi et fugere, fugit debitor, persequitur creditor, fert pecuniam debitor, auferit creditor si fiat illico: nemo est qui hoc legens non intelligat illico, id est, in ipso articulo et momento temporis, sine jure, sine judicio, manu injecta fugienti debitori, quia nec juris nec ordinis spatium ullum reliquat creditori, pecuniam debitam auferre; ergo cum ea res sit fraudi creditori, recte statuunt licere fugienti debitori, et pecuniam secum ferenti, illico auctoritate sua pecuniam auferre: sic sane: nam, quod plus est, etiam in debitorem fugientem, 12. tabulæ dant manus injectionem: si calvitur, etc. Dant primum in eum qui calvitur id est, in moratorem, ut alio capite, in judicatum, qui moratur et frustratur, nec judicatum facit. Deinde dant etiam in fugientem debitorem. Incivis quidem hodie est hæc via, et extraordinaria, fateor, sed incivile quoque est, si non probaveris quod creditor*

fecit, dum sibi vigilat, suum ut servet, qui in ejus amittendi summo periculo versabatur, *l. ult. §. ult. D. quod metus causa*, ponit creditorem exegisse per vim debitam pecuniam sine cognitione judicis, etiam a non fugiente debitore, intervenitu apparitoris, qui intervenitus non excusat vim, non habita cognitione judicis, et non facit ut creditor, qui vim fecit, eam non videatur fecisse; et tamen, quod ita extorsit creditor auctoritate sua, intervenitu apparitoris, ut superiori etiam casu, nequam est eum excusari ob precipitem fugam debitoris. Non omnis vis improbat: dicimus creditorem vim fecisse necessario magis quam libenter, coacte magis, quam civiliter, ut Titus Livius 38, magis pie quam civiliter vim fecisse Africanum, quia a corpore fratris, qui in vinculo ducebatur, repulit viatorem. Et adde, melius id facere per magistratum, si quis possit, *l. si stipulatus sum, in fi. D. de solut.* Sed fuga debitoris non dat spatium adeundi magistratus: igitur tolerabile illud est. Addam manus injectionem fieri in ancillam, prostitutam, contra legem venditionis, auctore magistratu, *l. 1. sup. l. 36.* Sed etsi sine magistratu facta fuerit ex lege conventionis, id est, prout lex conventionis permittit, eam revocari incivile est.

AD TIT. LVIII.

De Edilitiis Actionibus.

Actiones empti venditi vel sunt civiles, de quibus actum est supra, vel honorariæ sive ædilitiæ, de quibus agitur in hoc titulo: nam et hæ actiones, quæ dantur ex edicto Ædilium curulium, quibus maxime erant curæ venalia, dantur ex contractu emptionis venditionis, *l. cum autem, §. jubent, ff. de Ædil. edicto.* Et proxime igitur sunt actioni empti, et sunt due, Redhibitoria, et Æstimatoria, quæ proprie pertinent ad venditionem mancipiorum, si spectes verba Ædilitii edicti: est enim de venditione mancipiorum, sed trahitur ad venditionem ceterarum rerum *l. sciendum, ff. de ædil. l. edic.* etiam ad venditionem prædiorum, *l. etiam, ff. eod.* ut si fundus emptus sit pestilens, redhiberi potest venditori, omnibus restitutus in pristinum statum: et ideo in *l. pen. hujus tit.* ubi vulgo male ita legitur: *si pestibilis fundus, id est pestibiles herbas vel letiferas habens:* adgerenda nobis est vetus scriptura: omnes libri manuscripti sic habent: *pestibilis fundus, id est pestibulas, vel herbam letiferam habens,* definitio est pestibilis, aut pestilenti simili recte: nam et incitabilem dicimus in quo sunt incitabula virtutis et ingenii, et fundum pestilentem, in quo sunt pestibulas, vel herba letifera: et pestibularem nomine significari opinor natrix, viperas, colubros,

serpentes, quas etiam auctores vocant pestes, earumque odorem ajunt esse nocentissimum, *l. 2. §. idem ait, ff. ne quid in loco publ. odore solo locum fieri pestilentiorum*, ut Florent. habent, non odore soli. Nec novum videri debet hoc verbum *pestibulas*, cum et veteres dixerint eodem sensu, *pesestas in fundo lustrando apud Festum.* Et ita Columella *l. 1. cap. 5. Natricum serpentumque pestes*: et *lib. 8. cap. 5. Cavendum est ne pulli gallinei afflentur a serpentibus. Id vitatur incenso cervino cornu, et capillo mulieris.* Et ita Virgilius: *graveis nidore chlidros*, quod sumptum est ex Nicandro qui eos dixit, βαρύνουσ. Ergo restituatur vetus lectio: sic igitur actio redhibitoria, et æstimatoria, licet in edicto fiat tantum mancipiorum mentio, referuntur etiam ad res ceteras. Trahuntur etiam ad fundos. Redhibitoria actio est, qua emptor agit ad resolvendam venditionem, ob vitium morbumve latens rei venditæ, quod nesciebat emptor, vel ob dictam promissamve venditoris, ut scilicet eam rem recipiat venditor, et pretium reddat emptori: qui agit redhibitoria, debet rem exhibere venditori, offerre, præstare, ut ait *l. ult. hujus tit.* quod non est probare, ut quidam putant, vitium rei, ut probare servum fugitivum esse, ex veteri vitio: sed est restituere, offerre, præstare, quoniam ibi agitur de restituendo servo fugitivo: sed illi redhiberi, est restituere, et verbo exhibendi semper inest significatio restituendi, *l. Julianus, §. quantum, ff. ad exhib.* Et ita in *l. pact. supr. de pact. exhibitis*, id est restitutis. Ergo hæc est sententia legis ultimæ, eum qui agit redhibitoria, debere rem exhibere venditori, id est, restituere: et ideo recte in contrarium adfertur *l. redhibere, §. ult. et l. seq. ff. de ædil. edict.* quo agitur etiam de servo fugitivo in causa redhibitionis, et qui etiam nunc est in fuga, sine culpa emptoris: et tamen non exigit Jurisconsultus ut omnimodo servum exhibeat: sed habent satis venditori cavere de eo servo persequendo, et restituendo ubi venerit in potestatem suam, neque per se, neque per heredem suum fieri quo minus habeat venditor. Non est igitur necessarium ut exhibeat, cum sufficiat ea cautio: et greci, ut hoc inter se componant, sequuntur quod Accurs. retulit in *l. ult. hujus tit.* ut ignorantem venditori, qui bona fide vendiderit citra fraudem, et simpliciter, id est, qui ignoravit vitium servi venditi, omni modo is servus sit exhibendus, et redhibendus, ab emptore, qui eum dicit esse fugitivum ex veteri vitio: nam si sit ex novo, cessat redhibitoria in *l. 3. hujus tit.* futura enim vitia non præstat venditor, *l. 1. sup. de peric. et comm. rei vend.* Sic igitur statue: ignorantem venditori omni modo restituendum servum ab emptore agente redhibi-

toria, ut pretium consequatur distracta omni venditione: scienti autem venditori vitium servi, satis sit caveri de eo persequendo, et restituendo; si sit in fuga sine culpa emptoris. Hanc distinctionem facile admitterem, quoniam summa aequitate nititur, et similis est in specie *l. ult.* Si venditor sciens vitium aut morbum vendiderit, actione redhibitoria non tantum cogitur redire, sed etiam omne damnum emptori prestare debet, ut si quid servus ille per fugam abstulerit emptori, vel si alios servos emptori sollicitaverit, et corruerit, *l. quumro, in princ. ff. de edil. edict.* Ignorans autem venditor pretium tantum reddit emptori, non omne damnum. Et ita sepe in tractatu de venditione et emptione, sciens emptor et venditor separatur ab ignorante. Sed ex verbis legum, quae inter se committuntur, id est, *l. ult. hujus tit. et d. l. redhibere*, non apparet necesse venditorem in *l. ult.* Et sciens in specie *l. redhibere*. Igitur melius ita conciliari possunt: emptorem qui agit redhibitoria, debere rem restituere venditori: et hanc esse naturam actionis redhibitoriae, ut omnia reponantur in pristinum statum ex utraque parte: sed officio iudicis contineri, ut si rei restituendae copiam non habeat emptor, et si servus sit in fuga sine culpa ejus, interponatur cautio de eo persequendo, et restituendo venditori, aut ut emptor actionibus suis cedat venditori ad eum servum persequendum: quae cessio erit pro justa exhibitione, juxta regulam juris in *l. quod debetur, ff. de pecul.* Et hoc observatur in aliis plurimis actionibus, *l. servo legato, §. ult. ff. de leg. 1. l. si cum exceptione, §. quantum, quod metus causa, l. si filio, §. pen. ff. sol. matrim.* Et haec de actione redhibitoria aedilitia. Alia est actio redhibitoria civilis, de qua est pars *l. hujus tit.* Si convenerit inter emptorem et venditorem, ut si intra certum tempus res displiceat emptori, inempta fieret: quo nomine Sabinus dicebat, emptori actionem esse ex empto redhibitoriam. Paulus existimabat, tutius esse ex ea conventionione agere in factum praescriptis verbis, *l. si convenit, ff. de rescind. vend.* Et absurdum videtur agi ex empto ad rescindendam venditionem. Et hoc casu deficit constitutio, quae dat actionem empti ad rescindendam venditionem. Tollendi igitur dubii causa, tutius esse agere in factum, non ex empto. Sed etsi quis hodie egerit ex empto ea de re, non male egerit, cum Sabinus arxerit empti iudicio et redhibitoriam contineri, comprehendendi posse, et ei adsentiantur Labeo, licet fuerit diversa sectae, et Ulpianus noster in *l. ex empto, §. redhibitionem, ff. de act. empt.* Multum autem distat actio redhibitoria civilis ab aedilitia; nam civilis est perpetua in *l. si dictum, ff. de evict.* Aedilitia est temporalis, id est, semestris,

l. 2. huj. tit. Et praeterea civilis rem nudam continet, et persequitur; Aedilitia est poenalis, quia si venditor non pareat arbitrio iudicis, est enim arbitraria actio, crescit in duplum, et ob id dicitur esse poenalis, *l. cum autem, §. si servus, l. redhibere, ff. de edil. edict.* Et eo respiciens Horat. dixit venditorem esse poenae securum, quia non celavit vitium servi emptorem, sed eum vendendo excepit fugam, lib. Epistolarum 2. Epist. 2. his verbis:

*Des nummos, excepta nihil te si fuga celat:
Ille feret pretium, poenae securus opinor.*

Poenae securus est, qui non timet actionem redhibitoriam aedilitiam, quae est in duplum poenalis. Actio aestimatoria, quae dicitur quanto minoris, quanto minoris emisisset emptor, si id vitium cognovisset, ut *l. 9. sup. de action. empt.* agit emptor, ut scilicet in id damnetur venditor. Item actio aestimatoria in tantum agit, in quantum si scisset emptor ab initio, minus dedisset pretii, ut id sibi restituant venditor. Denique aestimatoria rescindit venditionem pro parte pretii redhibendi, et est temporalis, nempe annalis, *l. 2. hujus tit.* omnes fere honorariae sunt temporales: nam et magistratuum erant temporalia edicta, ut in *Inst. de perpet. et temporalibus action.* ex quibus sunt haec actiones. Et excipiuntur paucae actiones honorariae quae sunt perpetuae.

AD TIT. LIX.

De Monopoliis, et conventu negotiorum illivo, vel artificum ergolaborumque, nec non balnearum prohibitis, illicitisque pactionibus.

Hic titulus est mirum in modum depravatus, et omnino, secundum quod habent veteres libri, ita est restituendus, de monopolis, et officinatorum, vel artificum, ergolaborumque prohibitis, illicitisque pactionibus. Sunt enim tres partes tituli. Una est de monopolis. Utilitur voce Graeca, quod desit Latina ut Svetonius refert Tiberium Imperatorem in senatu abstinuisse graeco sermone, ita ut Monopolium nominaturus, cum non haberet proprium, veniam rogarit, quod sibi esset graeco verbo utendum. Monopolium est vendende certae mercis jus, quod unus solus sibi vindicat, vel permissu Principis, vel auctoritate sua. Hoc vero constitutio hujus tituli damnat omnino, adeo ut nec si permissus Principis interveniat, cuiquam cujuscumque mercis monopolium exercere liceat in eum, qui exercebit, proposita poena deportationis, et inter species quarum monopolium exerceri solebat, constitutio numerat vestes, et pisces, et

pectines, quibus scilicet comuntur capilli, *αἰλλυ-
ρα* capillorum, et Echinos, id est, Eriocens, quorum cute vestes expoliuntur, in quibus fraus, vel monopolium sit, ut scribit Plinius lib. 8. cap. 37. Magnum fraus, et ibi lucrum Monopolium invenit, de nulla re celebrioribus Senatusconsultis, et nullo non principe adito querimoniis provincialium. Et ita si quis velit pectines vendere pectendis capillis quantum hoc esset lucrum illi? Generaliter his enumeratis speciebus constitutio cujuscunque rei monopolio interdicat: vulgus Monopolium etiam accipit pro pactionibus illicitis, quas inter se habent negotiatores et artifices in perniciem populi: quid sit monopolium exposui vere. Et natus inde error est, quod sub hoc titulo tractetur etiam de hujusmodi pactionibus, sed non certis quasi Monopoliis, et omnino ex tribus partibus hujus tituli una tantum est de monopolis, ceterae sunt de pactionibus negotiatorum, et artificum illicitis, olim ante hanc constitutionem injussu Principis licebat Monopolium certe mercis exercere sub onere conferendae in fiscum siliquaticae pensionis, id est, certarum siliquarum in aureos singulos, quod significat Cassiodorus lib. variar. 3. in epist. ad Faustum: plerumque in eo auctore, id est, onus siliquaticae, et onus monopolii, id est onus collationis praestandae fisco pro monopolio permissio certae mercis, quod unus solus sibi vindicat. Atque ita recte dixero, monopolium domino praestare jus vendendae certae mercis, et onus, quod pro eo permissio inferitur in aerarium, nunquam admittam, monopolium accipi pro conspiratione aut pactione illicita mercatorum: sed constitutio hujus tituli nec ex permissu quidem Principis Monopolium exercere permittit. Et haec de prima parte. Secunda pars est de conventu negotiatorum illicito, id est, de conventionibus, quas inter se paciscuntur, quasi conspiratione facta, ne ulli minoris vendant species certas, quas ipsi inter se constituerint et laxaverint, quod fit saepissime ex pacto negotiatorum, ut si adjeceris singulas tabernas, idem sis apud omnes pretium inventurus, quae compactio hoc titulo penitus abrogatur. Tertia pars est de artificibus, id est, de artificum, fabrorum, officinarum, ergolaborum, id est, qui redimat opus faciendum, habito contractu locationis conductionis redemptorum operum, et balnearum etiam inter se pactionibus prohibitis, quas inveniunt in populi fraudem suique compendium, puta, ut ne quis opus, quod inchoaverit, alter absolvat, ut locator omnino compellatur uti opera ejus cum quo egit primum de opere faciendo, quae iniquitas est magna et summa, ideoque improbat hae pactione, qua de re est *l. pen. §. ult. inf. de aedif. pr. vat.* His omnibus, qui hujusmodi pactiones inter se composuerunt in

Tom. IX.

fraudem plebis, constitutio hujus tituli imponit multam pecuniariam, *d. lex pen.* ei qui opus redemit, vel ei qui opus inchoatum dereliquit, vel ei, qui derelictum ab alio absolvere censat, ut praestet omnes damnum operis, vel luet in corpore, si sit inops, juxta regulam *l. 1. §. ult. ff. de pennis, et l. si quis id quod, ff. de jurisdict.* Quod et Græcorum proverbium confirmat *ταδὲν ἢ ἀποτίσιν, aut corpore male affici, aut multam persolvere, et in d. l. pen. §. ult.* quod hactenus defuit, Græcum verbum sic est restituendum, ἀποτίσιν, ut damnum praestet operis, qui opus dereliquit: et apud Harnenopolium 3. epitom. refertur edictum praefecti praetorio: quod solet appellari *ἐναρχικόν*, id est, forma praefecti praetorio: quae quidem cavetur, ut artifex derelicto opere inchoato, non possit aliud aggredi, antequam id quod ante instituit, absolverit, nisi si doceat per locatorem stare, forte non suppeditantem sumptus, aut materiam. Et observandum est etiam ex *l. pen. inf. de aedificiis priv.* quod et hic titulus confirmat, differentiam esse inter ergolabos et artifices et architectos: nam architectus est vir doctus, qui instituit opus, et arbitratur, qui servat divisiones, mensuras et praecisiones partium, ut ait *lex 3. Cod. Theod. de excusat. artific.* qui servat mensuras, id est, Symmetrias, ut Vitruvius dicit lib. 6. gloriam esse artificum, si opus perfectum habuerit auctoritatem sui artificis. Et ita *lex 1. eodem tit. de excusat. artific.* exigit in architecto peritiam artium liberalium: et Vitruvius etiam lib. 1. ut noverit responsa Jurisconsultorum: propterea quod in faciendis opere arpe incident quæstiones de servitutibus, aqua, et siliiciliis. Redemptor autem operis est is qui suas operas conducit locatori, et recipit se curaturum, ut opus fiat per se, vel per alios fabros, si ipse non sit: potest non artifex esse ergolabos, sive redemptor operis. Artifices sunt, qui extruunt. Igitur haec nomina sunt confundenda. Distinguantur in *l. 1. §. pen. huc tit.* Etiam non fore, quod quidam *l. 1. §. ult. ff. de pullis.* referunt ad ergolabos et redemptores, cum manifestum sit hanc §. non loqui de locatore et conductore, de ergolabo, sed de eo, qui ductus benevolentia erga patriam suam promissit patriae se opus publicum facturum, et vero praefecit opus sua pecunia, et assignavit patriam, quae assignatio pro traditione est in *l. quod si neque, ff. de peric. et comm. rei vendit.* Ubi agitur de rebus emptis et assignatis: quae assignatio fit pro traditione, id est, signi impressio facta ab emptore, et vere is qui ita perficit opus reip. non teneatur si opus postea forte perierit, non vitio operis, quod et in artificio obtinet ex *l. 7. inf. de oper. public.* Sed locus ille non est de artificibus, vel ergolabo, sed de donatore, cujus alia est conditio, et melior,

163

quam ergolahi, vel artificis: quia illi si non perficiant opus, aut perfici non curent, tenentur in solutum, et si solvendo non sint, torquentur in corpus. Ceterum qui reip. tenetur ob certum opus, quod promiserat, si id derelinquat, non semper damnatur in solutum, sed in quintam patrimonii tantum hæres ejus extraneus; hæres autem suus in decimam secundum distinctionem *l. ex pollicitatione, ff. de pollicitat.*

AD TIT. LX.

De Nundinis, et Mercatibus.

Hic etiam inest mendum, et est certissimum, legendum esse, *de nundinis, et mercatibus*. Quod ostendit hæc constitutio: nam in duobus locis tantum nundinæ sunt panegyres, et celebriores mercatus, qui habentur certis temporibus maximo conventu negotiatorum in his locis, quibus jus est eos habendi, vel longa consuetudine, vel permissu principis, *l. 1. D. de nundinis*, quæ etiam addit ius nundinarum exercendarum amitti decennii tempore non utendo. Quod autem Festus scribit nundinarum diem esse feriatum, nec eo tempore licuisse agere cum populo, ne nundinatores interpellarentur, id cum esset intermissum, imo abrogatum lege Hortensia, Macrobius lib. 1. cap. 16. constitutio hujus tituli id renovat, de nunciis, ut nundinæ sint feriæ: primum quidem, ut ne qui ibi conveniunt nundinandi gratia, interpellentur privati debiti causa. Et non desunt, qui trahant nundinarum nomen ex hebræo, et ajunt ea lingua significari quietem negotiorum et nos quoque in idiotismo appellamus ferias, id est, quietos dies. Et quod magis addit constitutio hujus tituli, ut ex mercibus, vel venalibus, vel ex questu temporali locorum, in quibus negotiatores exercent nundinas, ne quicquam exigatur. Ea ita quod Constantinus dedit tantum veteranis, *l. 1. inf. de veterib. lib. 12.* Hæc constitutio dat omnibus negotiatoribus, qua de causa ea Græci vocant nundinas, ἀγῶνες, id est, immunitates, franchises. Nundinæ enim non sunt munificæ; nec alio tempore exigitur rerum venalium quinquagesima, vel centesima, ut a Dione lib. 54. et a Tacito lib. 1. et Demosthene in oratione contra præscriptionem Iacriti: eorum quicquam non exigitur nundinarum tempore: observandum in constitutione hujus tituli separari merces a venalibus: nam omnes libri habent *venalibus*, non *venalitiis*, ut apud Plautum, *mercaturam an venales habuit?* Nam venales sunt homines servi, et homo non est in merce: hoc tribuitur dignitati hominis, etiamsi servus sit: ut ne scilicet homo, quisquis sit, habeatur in merce: quod jure naturali omnes simul æquales, qua de causa mangones servorum

dicuntur, venalitiarii, non mercatores, *l. merces, de verb. sign. l. 1. §. 1. D. de tribut. act.* etiam notandum, quod tribuitur dignitati etiam hominis servi, quam ei natura dedit, *l. justissime, D. de adilit. edic. adiles noluisse, ut homo accederet, rei quæ minoris esset, ne qua frons, inquit, aut edicto, aut juri civili fieret propter dignitatem hominis.* Et subiicit: *alioquin eandem rationem fuisse et in ceteris rebus: ridiculum namque esse tunicæ fundum accedere.* Quod ita explico: venditioni hominis potest accedere homo cujuscunque pretii, ut venditioni ordinarii servi potest accedere peculiaris, licet longe pluris sit, quam ordinarius, et ita venditioni servi recte accedit homo, *d. l. justissime, §. 1. l. itaque, eodem tit. l. si in emptione, ff. de contr. emp.* At venditioni rei, quæ minoris sit, id est, rei modicæ homo non accedit: non d'eo hominem magni pretii non accedere rei parvi pretii: nam id dici potest de omnibus rebus: quandoquidem non minus ridiculum est, tunicæ, vel pileo accedere fundum, quam hominem cujuscunque pretii, propter dignitatem servi, cum natura sit ceteris æqualis, quem tam sacre, quam prophæte scripturæ vocant imaginem Dei: ne eo modo fraude quæsitæ, et titulo accessionis, homo, qui in causa redhibitionis, non redhibetur, id est, ne in vendendo homine titulo accessionis minimæ rei is homo, qui forte est in causa redhibitionis, postea non redhibetur vitio comperto, aut morbo, quia accessionis non est redhibitio sine re principali, *l. proinde, §. ult. ff. de adilit. edic. et si accessio evincatur, non res principalis, venditor in duplam non tenetur, l. ex empto, §. si quis rem, ff. de action. empt.* Et ita quoque rei modicæ non est redhibitio, etsi vitiosa sit, *l. si tamen §. ult. ff. de adilit. edic.* dum ait: simpliarum venditionum non esse redhibitionem, id est, rerum modicarum, quæ si evincantur, non teneatur earum nomine venditor, nisi in simplam, non in duplam: ob rem modicam non fit rescissio venditionis, *l. res bona fide, de contrah. empt.* Vide igitur et in ea lege *justissime*, deferri dignitati conditionis, et naturæ etiam hominis servi, quomodo et deferretur legibus, dum non habetur in merce. Venales etiam dicuntur venalitiis: sed venalitiis nomen ambiguum est: nam significat non tantum venalem, sed etiam venalitium, *l. ult. D. de adilit. ed. c. ubi ex venalitiis* Græci interpretantur recte πᾶσι τοῦ ὑπαρχόντιον, id est, ex loco in quo venduntur servi. Et ita Tullius pro Cornelio: *Multi mercatores venalitiis*: quod et Suetonius de claris Rhet. *venalitiis cum gregem venalitium e navi educerent.* Et quia igitur est ambiguum nomen, magis probo in hac constitutione venalibus, quam venalitiis. Et notandum separari mer-

catus nundinis: mercatores sunt parvae nundinae, et immunes non munificae, mercatores sunt unius civilis, nundinae totius provinciae, et universi imperii.

Ad TIT. LXI.

De vectigalibus, et commissis.

Etiā hic titulus pertinet ad negotium emptionis et venditionis, de quo orī sumus d. core a tit. 38. Nam vectigalia sunt portoria, quae debentur fisco ex mercibus, aut venalitiis, quae huic oneri subijciuntur, et quae importantur, vel exportantur, quacumque transseunt, praeterquam si quo loco nundinae exercentur, et quamdiu exercentur. Et male ea vocat commercia Cedrinus duobus locis, sunt onera mercium, quae importantur, vel exportantur, Justinianus in edicto de Alexandrinis *ἡμετέρας* vocat, quia dantur pro exportatione. Contra quae dantur pro invectione, dicuntur *σταυρωτά*. Et inde strabo lib. ultimo, in urbe Alexandria, alia vectigalia facit, *ἡμετέρας*, alia *σταυρωτά* quae in urbe octavarum mercium appellantur, l. 7. et 8. hujus tit. et l. 7. inf. de loc. Et constat etiam ex l. 8. hujus tit. ea exigi per stationarios et urbanos milites, qui scilicet portitoribus adsunt feruntque appellas. Dio. 34. quos non male vocat impersationarios, ut in secunda parte l. miles, D. ex quibus causis moj. Ex quibus intelligimus stationarium militem, qui domi suae agit: nam ea lex ponit duo genera militum, qui non videntur abesse reip. causa. id est, militem, qui accepto comestitu domi suae agit, non abesse reip. causa. Secunda, ait cum militem scilicet stationarium, non abesse reip. causa, qui operas in publico vectigalium causa dat. Dixi initio, vectigalia esse portoria, quae debentur fisco, aut reipub. ex mercibus, aut venalitiis, quae huic oneri subijciuntur, quia jure civili non ex omni genere mercium vectigal accipitur, non ex oleo oleribus, et quae enumerantur species in l. ult. §. species, D. de publican. non solae sunt species, quae vectigal debent, sed solae ex iis de quibus dubitabatur, an essent ex opere. Est enim hoc onus non mercatorum, sed mercium: nam qui mercatores non sunt, vectigal pro eis, quae sunt in merce, quam vehunt, debent. Et eadem est ratio vectigalis mercium, et census praediorum, quod et vectigal dicitur improprie. Et retro vectigal mercium improprie, census, utcumque vectigal, utcumque census, rerum non personarum est l. Imperatores, D. de public. et Nov. Theod. Neque Ecclesiam divinam, etc. Et idem omnino jus fraudati census et vectigalis fraudati, licet res non sit eadem, fraudati vectigalis crimen est, si quis, quae transfert, non profiteatur ad publicanos, l. fraudati, D. de public. et vocatur

a Graecis *ὑπεροβολήματα*, id est, furtum vectigalium. Fraudati census crimen est, si quis non subignet ad aerarium, et profiteatur omnia, quae habet in bonis, l. vix, D. de judic. l. 1. inf. de question. Dixi in definitione vectigalium, praeterquam si quo loco nundinae habeantur: nam nundinae jam dixi esse immunes et quietas. Quod confirmat l. 3. §. ult. D. de feriis, dum ait, omni tempore, etiam nundinarum tempore, quod scilicet feriatum est, jus dici adversus eum, qui nundinarum nomine aliquid exegerit adversus communem utilitatem, et adversus immunitatem nundinis concessam, alioquin circumvectiones mercium munificae sunt, et debent portoria etiam transiti pontis, l. cum in plures, §. pen. ff. loc. Seneca lib. 2. de tranquillitate vitae. Cogitans, inquit, et in pontibus pro transitu dari. Et §. ult. idem ostendit, pro sola rheda mulionem pendere portorium, sive vectigal pro mercibus conductoris rhedae, et mularum etiam causa, quod, rhedis jungerentur mule: unde mularum rhedariae. Recte igitur dixerim, etiam pro navicella deberi portorium ex quo questum facit navigator, vel navicularius, dum alii navim locat: hoc tamen eis fuisse concessam a Nerone Suetonius ait: ne inquam, pro navibus portorium penderetur, constitutum est. Et haec satis de vectigalibus, modo memineris injustos esse census, et hunc titulum pertinere ad merces, vel indice titulo, et feriae, quae spectat ad commercia, id est, emptiones venditionesque. Nunc definimus commissum, quia hic titulus est de vectigalibus et commissis. Commissum igitur est mercium casus quae ad publicanum non sunt professae, vel, potius omittae professionis, publicatio scilicet mercium, aut venalium improffessorum: et nomen ex eo habet, quod in legem Censoriam, quae locutione vectigalium, portitoribus indicitur, committit is qui professionem omittit. Varro 2. de re rustica. Ad publicanum profiteatur, ne legem Censoriam committant. Legis Censoriae portiones sunt habitae a Censore cum portitoribus, sive redemptoribus vectigalium, qui quidam fisco addicunt merces improffessas. Et merito, qui merces supprimit, nec profiteatur ad publicanum, illicitas merces habere praesumitur, aut fraudandi vectigalis animum habere. Et si non constituerentur poenae, facile esset fraudare vectigalia. Qua de causa poena commissi etiam poena vectigalis dicitur, l. ult. §. licet, ff. de public. quae, quod summe notandum, est, transit in heredem si merces fisco commissam possideat, vel dolo desierit possidere: etiamsi non sit lis contestata cum defuncto, qui commisit in legem Censoriam, quia statim ipso jure post omissam professionem mercium commissarum dominium fisco acquiritur. Et hoc probatur l. fraudati, et l. commissi, ff. de public. Neque obstat l. ult. §. pen.

ff. hoc tit. quæ sit etiam in vectigalibus, ut in ceteris pœnis, pœnam non transire in heredes, nisi lite contestata, quoniam loquitur ibi de pœna tripli, quæ fertur publicanus, qui exigit illicite, *l. 1. l. si multi, l. locatio, §. quod illicite, ff. eod.* non loquitur de pœna commissi, non de pœna fraudati vectigalis. Ad hæc sciendum est crimen fraudati vectigalis, quod trahendum etiam est ad crimen fraudati census, finire quinquennio, si non sit lite contestata: nam perpetuat crimen, *l. 2. huj. tit.* finire etiam interitu rei professæ si interierit sine culpa, aut dolo ejus, qui commisit in legem Censoriam: finire morte servi improfessi atque manumissione, *l. 1. et 2. hujus tit.* manumissio similis est morti, *l. si mihi alienum, ff. de solut.* quia demum is moritur et desinit esse homo, qui fuit antea: nec in illum est manus injectio, nec ullum caput habet. *§. servus, Inst. de cap. minut.* effectum tamen habetur pro capite diminuto, si sit manumissus, sicut in causa usufructus constat manumissum haberi pro capite diminuto, *l. ult. D. de usuf.* Sciendum etiam hoc est, eum incidere in criminis pœnam fraudati vectigalis, qui non debet vectigal, et quicquid convexit in usum suum, incidit in commissum, si non profiteatur, et vectigal tamen is nullum debet, *l. 5. hujus tit. l. ult. §. quotiens, l. dominus, D. de public.* Nec etiam ea, quæ quis victus sui causa parat usuria, vectigal debent, *l. in leg. D. de verbor. signif.* quibus adjiciantur, quæ advehit ruris exercendi gratia, *l. 5.* Et victus nomine intelligitur cultus corporis, et vestiarius, et habitatio, quoniam sine his non possumus vivere, *l. ult. D. de aliment. l. g.* Et tamen Acc. putat in *l. 8.* ea etiam pendere vectigal, quæ convolvuntur faciendi ædificii causa. Refert Guido Papa conc. 59. sed vellem adhuc distinctionem ædificiorum, nempe eorum quæ sunt refectioe eorum necessaria, et eorum, quæ sunt minus necessaria, et sumptuosa. Ceterum *d. l. in leg., ff. de verbor. signif.* etiam lege Censoria ostendit id nominatim solere caveri, ne quicquam pensitent usuria: lege Censoria, id est, conventionione adjecta locationi vectigaliorum: qualis lex est dicta a Cæsare Augusto, dum censuram gereret, et locaret Creta insulam, *l. Cæsar, ff. de public.* quoniam in ea est mole avchito, p. u. exchito, ut in fine lex sit: *evecta cotas:* verba legis sunt: *ne quis præter redemptorem post idus Martias cotem ex insula Creta:* Certe evchito, fodito, neve eximito. Et quod dicitur apud Trebellium Pollionem, Valeriano Cæsari: *tibi legum scribendarum auctoritas dabit,* de legibus locationum intelligendum est, ut Vitruvius in Architecto desiderat prudentiam, ut possit caveri locatori, vel conductori. Ad censorem pleræque leges pertinent Pandectarum, ut *l. censere, ff. de*

verbor. signif. et l. subsignatum, ff. eod. Nam portorium, prædia, et bona cujusque subsignabantur apud Censorem, ut ait Cic. in orat. pro Flacco. Et convenienter in *d. l. subsignatum*, definiuntur etiam bona, et quid sit detestatio: nam absente publicano, detestatio vice possessionis est, sicut vice interpellationis haberi detestatio solet, *l. Labeo. ff. de nautico fœn. et l. liber, ff. de verbor. oblig.* Ac postremo quis sit incertus possessor. Quod si incertus mandat commissio, ut incertus aget, apud Varronem 4. de lingua latine: verum veniamus ad rem: usus vel raris excolendi gratia, quod verbis profiteri debes apud Publicanum, nisi committas. Ceterum vectigal non debet, ut navicularii, si non rem sibi geri probaverint, portorium non pensitant, et si quod debent non profiteantur, committunt legem Censoriam, *l. 6. hoc tit. l. 13. et 14. C. Th. de vectigal. et naviculariis.* Idemque statuendum est in legatis gentium peregrinarum in iis, quæ exportant: nam eorum tantum, quæ important, portorium debent constitutione 8. hujus tituli: contra sunt alii, qui vectigal debent, nec tamen incidunt in commissum, ob omissam professionem, ut milites, *l. 3. hujus tit. et minores, l. ult. §. dominus, ff. de public. l. si ex causa, §. pen. ff. de minor.* Excusatur ignorantia juris, quæ non excusat alios, ut *l. ult. §. licet.* Rursus sunt alii qui neque portorium pensitant, neque vectigal, neque committunt: ut res fiscales ab omni præstatione, et periculo immunes sint. Itemque res exercitui paratæ, *l. locatio, §. res, et §. ult. ff. de Publicanis.*

AD TIT. LXII.

Vectigalia nova institui non posse.

Hic titulus pars est tituli superioris relata in *ff. sub eodem tit. l. vectigalia, ff. de public. et vectig. et comm.* ut potuerint poni constitutiones hujus tit. sub titulo primo sup. quia omnes eo spectant, ut neque auctoritate prædis provincie, neque procuratoris Cæsaris, neque decreto curiæ nova vectigalia instituantur, sine præcepto principis. Nova sunt, quæ ephhorrent a prisca consuetudine, *l. 1. hujus tit. l. locatio, ff. eorum, l. 4. §. ult. ff. de public.* In vectigalibus diligenter observanda est consuetudo, ne quid præter eam fiat, ne quid exigatur pro iis rebus quæ nunquam vectigales fuerant, sufficere vectigalia constituta a majoribus, non esse alia introducenda. Et constat ex *l. 1. ff. ad leg. Jul. de amb. ex Senatusconsulto* teneri lege Julia de ambitu, qui novum vectigal instituit, dum scilicet capiat favorem populi, quæ ambitio est, augendo publicos redditus: et dum auctor est augendæ rei suæ, excogitatis novis re-

ctigalibus. Aliud est instituire vectigal, aliud exigere, *l. 3. hujus tit.* et in eum, qui instituit novum vectigal, est poena pecuniaria lege Julia de ambitu, in publicanum autem, qui novum vectigal exercet, et exigit, poena est gravior, nempe legis Juliae de vi publica, cujus poena est exilium, quasi reum imminutae libertatis communis, *l. ult. ff. ad leg. Jul. de vi publ.* Atque ita ut æquum est, gravius plectitur exactio, sive institutio, gravius effectus, sive executio, quam latio legis novae et iniquae, ut ait *d. l. ult. ff. ad leg. Jul. de vi publ.* Simpliciter sit ea lex, eum teneri, qui novum vectigal exercet, id est, publicanum, sive portitorum. Sed ego putabam id effectum eodem Senatusconsulto, quod lex *l. 1. ff. ad leg. Jul. de ambitu*, effectum ait, qui instituerent novum vectigal, ambitus tenerentur. Denique eodem Senatusconsulto punirentur, et qui instituerent novum vectigal lege Julia, et de ambitu, et qui exercent *l. Julia, de vi publica*, non ut præ se fert inscriptio *l. ult. Senatusconsulto Turpilliano*: nam Turpillianum fuit tantum de poena tergiversatorum, id est, qui desistunt ab accusationibus quas instituerunt, et tandem coguntur deserere. Et omnino puto mendosam esse inscriptionem tam dictae legis ultimae, quam legis qui duobus, *ff. ad leg. Corn. de falsis*, et *l. ult. ff. de ritu nupt.* quae tres inscribuntur Pauli libro singulari de Senatusconsulto Turpilliano: nec enim ut hujus libri ulla sit mentio in indice Jurisconsultorum posito a Justiniano: sed libri singularis de Senatusconsultis, ex quo est, quod lex omnibus, *ff. ad Treb. de Senatusc.* Apronio, ut omnibus civitatibus, quae sub imperio Romano filuciarie hereditas restitui possit, et putem eo libro esse *d. leg. ult. ff. ad leg. Jul. de vi publ.* et de alio Senatusconsulto, quam Turpilliano, coerceantur lege Publica, qui novum vectigal instituant vel exercent: ita etiam argumento *d. l. 1. ff. ad leg. Jul. de ambitu*: putem ex eodem libro esse quod refertur in *d. l. qui duobus, ff. ad l. Corn. de falsis*, nam quod ibi proponitur, ut falsi teneatur, qui duobus in solidum eandem rem vendidit diversis temporibus, dicitur id D. Adrianus constituisse, qui numquam quicquam egit sine assensu Senatus. Et aliud etiam ibi Senatusconsultum proponitur, quod consequutum fuerat orationem Adriani, ut Senatusconsultum de pet. hered. Erat aliud Senatusconsultum in *d. l. ult. D. de ritu nupt.* jure gentium incestum committi inter ascendentes et descendentes, qui teneant directam lineam: jure autem civili incestum committi inter eos, qui veniunt ex latere, si quis duxerit cognatam, quam ducre vetatur, vel affinem, quam impeditur. In qua re videndum est, utrum palam deliquerit, an clam: nam qui palam duxit, levius coercetur: qui clam, gravius, quae est Sententia

Senatusconsulti. Et subjicitur ratio differentiae, quia palam delinquentes et errantes, majore poena excusantur. Verisimile enim est, in jure errare eos, qui palam illicitas nuptias contrahunt. Scientia juris coercet istam audaciam. Unde praesumitur errare in jure, ideo non excusatur omnino: nam ignorantia juris non excusat omnino: sed excusantur majore poena clam convenientes, delinquentes et contumaces gravius plectuntur. Hoc puto, vel potius praesumo Senatusconsulto fuisse cautum, tum quod eadem de re, puta fratris filiae sacris nuptiis Senatus retulit. *Coro. Tacit. lib. 12.* tum etiam, quod hanc distinctionem inter palam et clam tribuit Seneca Senati lib. 15. *Epist.* in illis igitur locis tria, aut quatuor opponuntur diversa Senatusconsulta si adjungas *l. omnibus*, non unum Senatusconsultum Turpil. imo de ex Senatuscons. Turpil. quicquam: nam ea refertur ad Senatuscons. Turpil. stultitia est maxima, quod constant tantum fuisse de poenis tergiversatorum. Ergo ut ad rem redeam, ex Senatusconsulto *l. Jul. de vi publica* damnatur publicanus, qui novum vectigal exigit, cujus legis poena est deportatio. Quod confirmat *l. locatio, §. quod illicite, ff. de public.* dum publicanus quicquam exigit illicite, ut novum vectigal contra morem majorum, aut extra ordinem puniri, videlicet lege Jul. de vi publica, ut ceterarum legum dictarum poena ordinaria hodie versa est in extraordinariam, *l. hodie, ff. de poen.*

AD TIT. LXIII.

De commercii et mercatoribus.

Commercium est jus emendi, vendendique, quod et praetercium dicitur, et male, quod dixi tit. superiori, Cedrisio commercium esse portorium, et sibi commercium esse onus, quod tam mercatores sustinent, quam alii, qui merces convolvunt hoc tit. opponitur ei onus, quod soli mercatores sustinent, quod commercium appellatur quasi pendatur pro facultate libere exercendi commercium. Portorium penditur pro importandis, et exportandis mercibus. Et commercium hoc titulo dicimus esse emendi, vendendique jus, ut *l. 3. hujus tit.* scilicet aurariam functionem seu praestationem, et lustrale aurum, et argentum, quod singulo lustro penderetur a mercatoribus in fiscum, etiam si mercatores pertinerent ad domum principis. Et excipiuntur tantum *l. penult. hujus tituli* conjuncta *l. 4. sup. de sacros. Eccles. collegiati*, vel corporati, id est certum corpus, certusque numerus negotiatorum, qui in urbe serviunt utilitatibus majoris Ecclesiae. Hi huic oneri non subjiciuntur. Hoc onus est mercatorum non mercium. Portorium est mercium non mercatorum, *l. Imperatores, ff. de public. l. 3. inf. de ann. et tribut. et sup. tit.*

sine censu et reli. Sed mercatores qui sint videamus: mercatores non sunt nobiliores, qui sunt aut honoribus, aut facultatibus præstantiores ceteris, quos mercaturam facere non est indecorum, sed illicitum, quod plebi cum iis difficile sit commercium, difficilisque exactio, *l. 3. hujus tit.* sed mercatores sunt non illaudati homines, neque reip. inutiles: imo per quam utiles, qui tabernam vel negotiationem exercent amplam plerumque per institores, non ementes vel vendentes, per cotulas vel lagenas, quod græci *αγοράζου* dicunt, sed quasi aversione mercium magnam copiam, qui vendunt en gros. Et ita in *l. 4. §. Item si quis, ff. de penu. leg.* mercatores separantur ab iis, qui cellam vini, et olei habent, et vendunt minutatim, et mercatores sunt, qui dicuntur *Gros-siers*: et lex ultima hujus tituli ostendit eos fuisse sub jurisdictione comitis commerciorum. Is vero erat comes cui mandata erat cura commerciorum, ne illicita exercerentur commercia, ne quid in commerciis contra leges admitteretur, et cui etiam soli *lex 2. sup. quæ res vendi non possunt*, permittit jus comparandi serici a barbaris, in usum scilicet Principis. Et ita in *d. l. ult.* cavetur ne sine comite commerciorum mercatores ulli negotientur cum barbaris ultra fines legibus constitutos, id est ultra certa loca definita legibus, ut *l. 4. hujus tit.* ne ultra ea loca negotientur cum Persis. Et constat hunc comitem esse sub dispositione comitis sacrarum largitionum, *d. l. ult.* unde recte Cassiodorus in formula comitis sacrarum largitionum. Negotiatores: inquit, quos constat humane vite necessarios huic esse subjectos: nam si sint subjecti comiti commerciorum; ergo et comiti sacrarum largitionum: sed quod definitur *d. l. ult.* ne mercatores cum barbaris, veluti cum Persis negotientur ultra fines legibus constitutos. Ab ea lege sunt excipiendi Legati barbarorum, qui Imperatorem proficiscuntur, qui non servant eos fines ex *l. 4. hoc tit. et l. 8. sup. de vectig.* quæ loquuntur de eo tempore, quo Persæ colebant Romanum Imperium, mittendo legatos, et tributa, ut Latinus Pacatus in Panegy. Theodosii: *Rex Persarum, inquit, te colit legatis, gemmis, sericoque præbendo, et triumphalibus bellis in tuæ sedis suggerendis.* Et ita etiam Paulus Diaconus in Gratiano: *Parti, inquit, ultro misere Constantinopoli legatum, quod cum eis est fœdus:* quæ de causa in *d. l. 8.* hæc peregrinæ gentes sive Persæ, dicuntur devotæ Majestati sive Imperatori, miti re verbo, ne palam dicantur tributarii, et omnis publica collatio in legibus nostris dicitur devotio, leviori verbo, *l. 1. hujus tit.* nam eo verbo significatur citra nexum necque pinque propensio liberalis, *αδοκίμως* sinceræ mentis non vis, non coactio. Et ideo passim in constitutionibus milites

vocantur devotissimi ab Imperatore. Et quod legitur sæpe in libris, et inscriptionibus antiquis, Senatum esse devotum numini Imperatoris, vel populos, vel singulos esse devotos Imperatori, ut Dio scribit 37. solemne esse quoniam, ut ait, tibi devoti sumus. Id vero est species libertatis; minus est devotum esse, quam tributarium, ut si quis sit vectigalis, ea tristitia minuitur legibus.

AD TIT. LXIV.

De rerum permutatione, et præscriptis verbis.

Absolute tractatu de emptionis venditionis contractu, dantur contractus, qui emptioni venditioni proximi, et similes sunt, permutatio, locatio, emphyteusis, et permutatio in primis, ex qua originem duxit emptio venditio, ut ait Paulus *l. 1. ff. de contrah. empt.* Atque adeo permutatio dicitur vicem emptionis obtinere, *l. 2. h. tit.* si modo bona fide contracta sit: neque enim satis est jure vel nomine contractum aliquem esse bonæ fidei, nisi et reipsa bona fide contrahatur: nam qui dolo malo contrahitur, nullus est contractus, maxime si in hoc ipso alter alterum circumscripit dolo malo ut contraheret; *l. et eleganter, ff. de dolo, l. 3. §. ult. ff. pro socio, l. 4. sup. de hæc. vend.* Et hoc est, quod ait *l. 2. hoc tit.* permutationem, utpote, re ipsa bonæ fidei constitutam, id est, permutationem, utpote sicut allegas, reipsa bona fide constitutam sine dolo malo, nec habentem inane, et nudum nomen bonæ fidei contractus, sed reipsa existentem bonæ fidei contractum, hanc vicem emptionis obtinere, dolo malo contractam nullam esse penitus. Et ita in *l. 2. ff. eod.* dicitur permutationem vicinam esse emptioni, et instar illius obtinere, *Nov. Valent. de confirm. iis qui admin. etc.* Et ita etiam actio præscriptis verbis, de qua sit mentio *hoc tit.* quæ scilicet datur ex permutatione est similis, et finitima empti venditi actioni. Actio præscriptis verbis non tantum datur ex permutatione similis actioni empti venditi, sed etiam ex omnibus aliis negotiis, quæ proxima sunt contractibus civilibus, quæ nomen suum habent, ut locationi, mandato, deposito, commodato; quod constat satis ex titulo *ff. de præscript. verb.* Sed in hoc titulo de actione præscriptis verbis agitur tantum, quæ datur ex permutatione, et quæ est similis actioni empti, *l. 4. et 6. et ult. hoc tit.* Et *l. 6.* vocat eam incertam, et Græci *ἀσάφης*, quia datur in id quod interest fidem placiti impleri sive impleri ex una parte quam jam adimplevit altera: ut si ego tantum dederò, agam præscriptis verbis in quantum interest, et te mihi vicissim dare, quod cum mea re permutari placuit. Incerta igitur dicitur, quod detur in id quod interest, cujus incerta est atque arbitraria æstimatio: pendet enim ex facto propo-

sito, non ex jure ullo certo, modo plus interest, modo, minus *l. ult. ff. de præst. stip. l. quatenus ff. de regul. jur. et d. l. 6.* vocat etiam eam civilem quæ datur ex negotio civili proximo atque simili, id est ex permutatione, quæ imitatur emptionem venditionem, et dicitur præscriptis verbis actio, quia datur ex conventionione secundum quod præscripta est, et quæ aliud proprium nomen habet. Si negotii non sit proprium nomen nec possit esse actio, quæ ex eo negotio datur, nec aliter ea actio possit demonstrari, quam dicendo agi secundum quod conventionione præscriptum est, vel secundum quod præscribere verba contrahentium, et permutationis nomen constat non esse proprium, sed commune, ut commercii, id quod Acc. recte notavit in hanc rubricam. Idem enim est permutatio, quod *εὐαλλία/μα* sive commercium, generalia nomina, et communia: nam et emptio, et societas, et locatio, et dos, est permutatio. Permutationis igitur nomen commune est, non proprium. Denique, ut loquuntur, permutatio est contractus innominatus. Recte autem dicitur similis emptioni, quia habet multa communia cum emptione, et venditione: nec si ei non esset affinis actio, ulla ex permutatione daretur actio: nam ex negotio, quod nomine vacat, non datur actio civilis nisi affinis sit negotio habenti proprium nomen, quod tota *l. naturalis. ff. de præscript. verb.* indicat sed et multam differentiam permutatio habet cum emptione, quæ Paulus explicat in *l. 1. ff. de rer. permut.* et nos in hoc loco explicare debemus diligenter. Permutatio fit rebus, et ideo dicitur rerum permutatio, emptio non fit rebus, ut loquitur lex *1. hujus tituli*; sed re ex una parte, et pretio ex altera interveniente. Emptio est mutatio rei cum pretio; permutatio est datio rei pro re, id est corporis pro corpore, speciei pro specie imo et aliquando datur pecunia pro re alia. si permutationis non emptionis contrahendæ animus fuerit, uno dante pecuniam, altero dante rem, ut *l. ult. ff. de cond. cau. dat.* quam expl. eo: si tibi dedi pecuniam ut mihi Stichum dares, et faceres meum, permutatio est ut Græci illo loco dicunt, non emptio: etsi potestaequam dedi pecuniam moriatur Stichus apud te ante traditionem sine culpa tua, mihi repetitio pecuniæ competit, id est, conditio ob rem dati causa non secuta. Quod id etiam in emptione observatur in *l. si fundus ff. loc.* cui permutatio est similis, ut dixi. Ergo competit mihi conditio pecuniæ, sive repetitio, quam dedi, non etiam actio præscriptis verbis, in quantum mea interest Stichum dari, *l. naturalis, §. 1. ff. de præscript. verb.* quæ ita est concilianda cum *d. l. ult. §. 1.* quia etsi mihi pecunia non pareat, quam possum condicere, Stichus tamen perit mihi, ut non possim eum peto-

re, vel ejus vice, quod interest, cum perierit sine culpa tua. Et sic igitur unus est casus, ex his qui proponuntur in *d. l. ult. de condit. cau. da.* quibus datur non tantum actio, scilicet conditio dati, non præscriptis verbis, ut in eadem specie: si dedi pecuniam ut mihi Stichum dares, et tradideris Stichum, qui erat alienus, quem tradidisti, non dediisti: quia dominum me non fecisti, nec facere quivisti: dabitur mihi conditio pecuniæ, sed non actio præscriptis verbis, quia rei alienæ permutatio non est, et actio præscriptis verbis datur ex permutatione. Tertius casus hic est: si dedi pecuniam ut mihi Stichum dares, et dederis tuum Stichum, nec tamen promittere mihi velis de evictione, non agam præscriptis verbis, cum mihi tradideris Stichum, et dominum me feceris, quia traditione expleveris fidem contractus: sed dabitur tantum conditio pecuniæ, quia non cavere vis de evictione. Itaque lex illa proponit casus tres, quibus habita permutatione cum Stichum, nulla alia actio est quam conditio pecuniæ, non præscriptis verbis. Evicto tamen Stichum, utramque actionem competere, id est, est mihi electio agendi ex utraque *l. 1. hujus tit. l. si permutationis, inf. de evict.* et recte duæ hæ actiones invicem concurrunt, *l. 4. h. tit.* Interim vero apparet ex *d. l. ult.* permutationem esse si pecunia detur ut invicem res detur. Non omnis ergo pecunia pro pretio accipitur, alioquin esset emptio, ut cum quis domino servi dat pecuniam, ut servum suum manumittat: alias ea pecunia datur pro pretio servi, et tunc locus est constitutioni D. Marci ad Aufidium Vict. ut servus ille ipso jure fiat liber, *l. Paulus, §. 1. ff. de liber. causa.* Alias datur ea pecunia, quasi sœnoris loco, et cessat ea constitutio D. Marci, *l. naturalis, §. ut cum, ff. eod. et l. 7. ff. de præscript. verb.* Et e contrario etiam emptio potest esse mutatio rei cum re: nec enim omnis res accipitur pro re, quia dari possit et accipi pro pretio, *l. pretii, sup. de rescind. vend. l. 1. hujus tit.* Et ita permutatio rerum erit emptio, sicut mutatio pecuniæ et rei potest esse permutatio, non emptio. Et ut ad aliam pergamus differentiam inter emptionem et permutationem: non est permutatio, nisi ex utraque parte fiat domini translatio, nisi dederis mihi rem tuam, et ego tibi dederam rem meam: et breviter, permutatio nihil aliud est quam *do ut des, d. l. naturalis §. 1.* et dare est dominium transferre. Et falsum est, quod tentat Accur. in *l. 1. h. l.* esse aliquam differentiam inter permutationem, et *do ut des.* Ergo in permutatione utrumque dari oportet, in emptione secus: nam emptor quidem debet dare pretium, dare de suo, ut liberetur, venditori satis est tradere vacuum possessionem, nec debet dare rem, *d. l. 1. de rerum permut.* Et convenienter est

venditio rei alienae, permutatio rei alienae non est. Et ideo qui dedit rem alienam ex causa permutationis, non potest agere praescriptis verbis, quia competit ex permutatione, ut datur invicem sibi, quia nulla est permutatio rei alienae interveniente, sed ex bono et aequo datur ei conditio ejus quod dedit ultro: quae est sententia *d. leg. 1. §. ult. ff. de rerum permut.* Neque tamen idem dicemus si quis rem suam dederit, et acceperit alienam: nam evicta rei aliena quam acceperit, qui dederat rem suam, agit praescriptis verbis in quantum interest, rem, quam acceperit, suam esse factam, vel si mavult, condicere poterit rem quam dedit. Et haec distinctio valde notanda. Restat differentia alia inter emptionem, et permutationem, quia emptio perficitur nudo consensu, permutatio rei, id est, rei datione. Aliud est permutatio, aliud placitum permutationis, et ex placito solo tanquam ex nudo pacto, non est actio, quoniam res nondum intervenit: ex permutatione est actio, quia si est permutatio, res intervenit ex aliqua parte, *l. 3. h. t.* Et ita aliud est divisio bonorum, quae sit genere permutationis, *l. cum pater, §. hær. ff. de leg. 2.* Aliud placitum divisionis. Ex divisione est actio, ex placito nulla actio, est, quod scilicet datione non sumpsit effectum, *l. divis. ff. de pact. et l. divis. sup. de pact.* Divisio est quae datione sumpsit effectum, permutatio, quae datione sumpsit effectum ex una parte, vel utraque. *Dabo ut des*, placitum est permutationis, *do ut des*, permutatio est, perficitur ergo rei: nam ut nudo consensu contractus perficiatur, ut ait eleganter *l. 1. ff. eod.* hoc tantum receptum est in his contractibus, qui habent proprium nomen, non omnibus: sed certis quibusdam, ut emptio, locatio, societas, mandato: permutatio autem non habet proprium nomen. Igitur in ea non habet locum. Haec postrema differentia proponitur in *l. 1. hujus tit.* Species haec est: cum tu fundum venalem haberes, cum emi de te: fuit utrique animus contrahendae emptionis, non permutationis, quia tu venalem fundum proscripturas, et ego proscriptionem sequerbar. Ceterum ego non dixi pretium certum, quod tamen requiritur in emptione, id est, ut taxetur quantitas pretii, *§. item pretium, Inst. de empt. et l. haec venditio, §. hujusmodi emp., ff. eod.* Ego igitur non dixi pretium certum, sed vice pretii dedi alium fundum, ut in *l. pretii, sup. de rescind. vend.* Denique tu mihi dedisti fundum, et ego alium pretii loco: ex emptio est permutatio rei, non pecuniae: et rei nimirum et corporis: evenit postea ut is quem tu mihi vendidisti, et tradidisti mihi, evinceretur ratione juris, ut ait *l. 1. hujus tit.* non injuria judicis, non culpa mea: nam si injuria judicis, cessaret actio de evictione, injuria quae sit emptori non debet contingere venditorem: et aequius est, injuriam quae tibi facta est, apud

te remanere et residere, quam ad alium transferri et transfundi, *l. exceptione, ff. de fidejuss. et l. si per imprudentiam, ff. de evict.* Alio etiam casu cessat actio de evictione, si culpa mea fundus evictus sit mihi, quem tu mihi vendideras, et tradideras, veluti ob meam contumaciam, quia non ad fui judicio, *l. 1. sup. de peric. et comm. rei vend. l. si ideo, ff. de evict.* vel ob temporis praescriptionem, qua sum exclusus a iudice, quia non appellavi intra tempora constituta, *l. Herennius, §. ult. ff. de evict. l. fere, §. ult. ff. de prescript. verb.* Dum igitur cause notantur in hac *l. 1.* quae non dant actionem de evictione. Si evicta sit res injuria judicis, vel culpa emptoris, alterutra sufficit, *l. 1. et 8. inf. de evict.* ut semper existimant interpretes in *d. l. exceptione, ff. de fidejuss.* dum dicitur, emptor damnatus injuria judicis: pessimi interpretis est, quod additur in extremo *l. ac licet, si culpa ejus iniqui condemnationi causam prae-buerit*, nec necesse utramque causam concurrere, cum altera sufficiat: fundus igitur, quem tu mihi vendidisti: mihi evictus est, ratione juris, non mea culpa, non injuria judicis: ex eo sequitur, te mihi teneri evictionis nomine actione ex empto in id quod interest: nec enim mihi datur conditio fundi, quem dedi pro pretio: nam hoc verum est in contractibus nominatis, non esse locum conditioni, sed actioni tantum in id quod interest, *l. 8. sup. de contrah. empt. l. 2. sup. quando liceat ab empt. disced. l. 1. sup. de act. empt.* ergo non erit conditio fundi evicto mihi eo, quem tu mihi dedisti, sed tantum actio ex empto in id quod interest, et non directa, quia fuit pretium non certum, sed ex empto utilis, quia tu rem venalem habuisti, ac proinde fuit nobis animus contrahendae emptionis. At si tu fundum, quem dedisti, venalem non habuisti, cum rogavi ut mihi dares, et aliam acciperes, hoc casu erit mihi electio, evicto fundo, quem tu vendidisti utrum velim agere praescriptis verbis in id quod interest, an condicere fundum ob rem datum, causa non sequuta, *l. 4. hujus tit.* In emptione non datur haec electio, sed actio tantum in id quod interest.

AD TIT. LXV.

De locato et conducto.

Locationis et conductionis contractus est similis emptioni et venditioni, ut permutatio, *l. 2. ff. eod.* eisdemque juris regulis consistit quod demonstro: si ne pretio nulla venditio est, nec etiam locatio, sed pretium in locatione est pretium usus, vel fructus, vel operae usus, in domo, fructus, in fundo operae, in homine, quod pretium dicitur, merces et pensio. In emptione pretium, est pretium rei seu corporis, et utrumque in utroque contractu certum esse oportet, et nummarium. Emptio perficitur nu-

do consensu, itemque locatio. Emptio recte contrahitur sub conditione, etiam rei suæ, et locatio recte contrahitur sub conditione, *l. sicut, ff. eod.* Et invenio sicut in emptione, ita in locatione arram intervenire. Quod nomen Jurisconsulti retinuerunt ex Syria et Arabia, et sicut venditori prædii circumscripto supra diuinitiam iusti pretii: succurritur, non etiam emptori, *l. 3. sup. de rescind. v. nd* ita manifesto apud Harmenop. libro 3. Epitom. tit. 8. extat forma præfecti prætorio, quæ ex ea causa dat rescissionem contractus locatori, non conductori: et sicut evenit aliquando ut contractus emptionis claudicat, ut emptor obligetur, non venditor: si pupillus vendiderit sine tutoris auctoritate, *l. Julianus, §. si quis a pupillo, ff. de act. empt.* eo casu ex una tantum parte contractus est, non ultro citroque, quia venditor non obligatur, sed emptor. Sic evenit ut claudicat locatio: ut in specie quæ proponitur in *l. sicut, §. ult. l. cum venderem, et l. item si pretio, in pr. ff. eod.* Interdum evenit ut locator non obligetur, conductor obligetur: vendidi tibi fundum ex lege, ut si intra certum diem mihi pretium non solveres, fundus esset inemptus, quæ est lex commissoria: et interim tradidi tibi eum fundum ex conductionis causa certa mercede donec pretium solveres: non solvis pretium intra præstitutum diem, committis in legem venditionis: sic fiet ut tantum tenearis mihi ex locato, mercedis nomine pro rata ejus temporis, quo pretium numeratum non est, quod tibi reliqueram ad conquirendam, et conficiendam pecuniam: ego autem tibi omnino non teneor ex conducto, ut frui tibi liceat hoc fundo, quia finita conductio est, et simul emptio illa. Et ita est ponenda species, quam vulgo nesciunt ponere, quoniam non vident in *d. l. sicut, §. ultimo ex Pauli 34. ad edict. proposita ex sententia, fieri, ut claudicat obligatio conductionis locationis, et inchoata specie, ac deinde interjecta externa contraria sententia Jaboleui, quæ pertinet ad eandem speciem, subjici l. item si pretio, ex eod. lib. Pauli, quæ debeat statim coaptari fini legi sicut, quare manifestum sit, legi debere in *d. l. item si pretio, id est, si pretio non soluto inempta res facta sit: qui error est frequens in libris juris, et a me multis in locis restitutus est: et ita est manifesta species. Sunt multa alia similia inter hos contractus, quæ exponuntur Inst. tit. eod. de loc. et conl. suntque differentia multa, ex quibus explicabo: quædam servitus prædialis vendi potest, *l. cum manu, ff. de contrah. empt. l. 3. §. si iter, l. tenetur, §. si tibi iter, ff. de action. empt.* servitus prædialis locari non potest, *l. locare servitutem nemo potest, ff. loc.* quia ut breve faciam, omnis locatio fit ad tempus, servitus non potest constitui ad tem-**

Tom IX.

pus, *l. 4. sup. de servit.* est enim prorsus individua, etiam tempore. Item traditio ex causa venditionis, si fiat a domino, dominium mutat, locatio et traditio dominium non mutat, *l. non solet, ff. loc.* quia usus, vel fructus transfertur; tantum in conductorem, non res. Emptio est mutatio rei cum pretio; locatio est mutatio usus, vel operæ, vel fructus cum pretio. Et rursus observanda est differentia inter hæc duo genera locationum: nam qui dat utendum aliquid, pretium accipit: qui dat faciendum aliquid, locata operæ artificis, pretium dat. Et uterque tamen locator dicitur, qui dat utendum, et qui dat faciendum: conductor autem est, qui accipit utendum vel faciendum, et hæc est distinctio locatoris et conductoris. Sed aliæ sunt differentie inter locationem et emptionem. Actio redhibitoria ex edicto Ælilium habet locum in emptionibus, non in locationibus, *l. utendum, ff. de ædilit. edict.* Sed mutatur aliquid per leg. penult. hujus tituli, quæ est græca. Nova est constitutio valde æquissima tamen, ut etiamsi conduxero ædes in quinquennium certo pretio, liceat mihi recedere ab eo contractu inter annum, et quasi redhibitoria agere, ut tu recipias tuas ædes, et ego tibi mercedis nomine non debeam nisi pro rata temporis, forte quia eas deprehendi esse insalubres. Cur non mihi liceat agere redhibitoria? Quot sunt quibus quotidie imponitur locatis ædibus male genitatis: quod si conductor scisset non conduxisset. Igitur intra annum est redhibitio, cum tamen in emptione (quæ est alia differentia) sit redhibitio intra sex menses. Item quidam sunt, qui fundos alienos conducere prohibentur, nec tamen emere, ut milites, et decuriones, *l. curialis, l. milites, hoc tit. l. si ignorans, ff. eod.* quia et hæc personæ non possunt esse procuratores alienorum negotiorum ex iisdem legibus, et conductio est procurationis species, ut ait Theodos. in Novel. *ne curialia prædia al. conduc. qui est fermier, est quasi un procureur.* Addeam unam tantum differentiam: pro pretio emptionis, quod quondam intulit emptor, nihil est pignori nisi ipsa vendita, *l. Julianus, §. offerri, ff. de act. empt.* at pro pretio locationis in prædio urbano tacite pignori obligata sunt invecta et illata in prædium urbanum a conductore, et si locator nesciat, quæ ea sint. In prædio autem rustico pro pretio locationis tacite pignori tenentur ibi nata fructus ibi nati, atque etiam invecta importata, si modo sciente et volente domino ea invecta inducta sint, *l. 3. h. l. id est, si volente et sciente domino inducta sint quasi pignora, ut l. 3. §. 1. ff. in quibus causis pign. vel hyp. tac. contr.* Et ita in *l. 3. hujus tituli* scientiam, et voluntatem locatoris accipere oportet qui scit, et vult inferri in prædium rusticum quædam quasi

164

pignora, ut obligentur pro pretio locationis, quo genere plane contrahitur pignus expressum: denique ibi nota tacite pignori sunt, invecia non nisi conventum sit expressa, ut esset pro pignore, id est, voluntate domini quasi-pignora inducta. Et observandum est hujus, vel illius pignoris executionem non esse nisi post cessationem biennii, nisi conductor cessaverit biennium in solvenda pensione, *l. cum domini, ff. eod.* nam et ob non solutam pensionem non potest conductor expelli ante tempus, quo convenit, nisi biennio integro cessaverit in pensanda merce, *l. 54. quæro, §. inter locatorem, ff. eodem.* Et illud quod dixi, pignoris persecutionem non esse ex hac causa, nisi post cessationem biennii, indicat Martial. lib. 12. *vidi rucerra sarcinas tuas, vidi, quas non retentas pensiones pro bima portabat uxor.* Nam non erat retentio pignorum, nisi post biennium: post cessationem biennii licebat conductori retinere sarcinas, locatori licebat recludere aedes, *d. l. quæro, §. inter, et l. cum domini, eod.*

AD TIT. LXVI.

De Jure Emphyteutico.

Emphyteusis est contractus: licet cum Zeno voluerit esse proprium contractum, *l. 1. hujus tit.* id est separatum a locatione, tamen similis est emptioni et venditioni, vel locationi et conductioni, *§. adeo autem, Inst. de loc.* ut non abs re dixerim, post tractatum de venditione dari tres tractatus affines vel similes, nempe permutationem, locationem, et emphyteusim: et hac ratione societatis istius, sive affinitatis potes audenter emphyteusim adscribere jurisgentium, et dicere esse contractum jurisgentium, sicut emptio et locatio. Et est verum: quicquid est simile negotio jurisgentium, convenienter et ipsum est jurisgentium quasi derivatum ex eo, exemplumque ejus. Est autem vox græca, qua significatur incisio surculi in arbore, vel stolonis, non plantatio surculi in terra: hoc enim Aristoteli est ἀποτυχία, vel ἀποπύκνωσις: illud ἀπότρυψις. Et recte Michael Ephesius in libro de juventute et senectute exposuit: et invenio etiam latine insitionis nomine hunc contractum significari, ut in Novel. Valent. *de prædiis p. t.* dum ait, ut ea prædia deputentur Afis sub nomine et modo insitionis, id est, ἀποτρυψίας, a parte nobilissima agriculturæ, insitione, inoculatione, implantatione significatur universa agricultura, cujus præcipue gratia hoc negotium contrahitur inter dominum et emphyteuticarium. Et est hic contractus quasi medius inter emptionem et locationem. Emptio dominium mutat, si sit a domino, locatio non mutat:

quod ostendi ante, ἀποτρυψία nescio plane an dicere debeam mutare, an non: nam ἀποτρυψία quidem dominium non mutat: remanet enim proprietas fundi emphyteuticarii apud eum, qui dedit in emphyteusim: sed tamen quasi dominium tribuit emphyteusis: nam et fundi emphyteuticarii, vel servitutis debite vindicationem habet, *l. 1. ff. si ager vectig.* Et mancipia rustica manumittere potest emphyteuticarius, *l. 12. de fundo patrim. inf.* et fundum emphyteuticarium potest pignori obligare, *l. tutor, §. ult. ff. de pign. act.* Potest etiam vendere alteri cum sua causa commissa prælato domino, si eum dominus emere voluerit, cui denuntiare debet emphyteuta se eum fundum velle vendere, an velit sibi addici eodem pretio: et exprobandus est dominus post duos menses a denunciatione, qui si post noluerit emere eodem pretio, cogitur recipere emptorem novum emphyteuticarium, si modo ei præstetur quinquagesima pars pretii, *pour les recevoir, l. ultim. hujus tit.* Et observandum est, fundum emphyteuticarium ad dominum redire posse duplici jure commissi, si non solvatur pensio intra tempore constituta, fundus redit ad dominum fundi, et finitur emphyteusis. Item redit ad eum jure ἀποτρυψίας, id est prælationis, si vendidit eum fundum emphyteuticarius cuidam extraneo, et ipse se velit preferri in ejus fundi comparatione, quo genere finitur emphyteusis: nam rei more non est emphyteusis, sicut emptio et locatio. Et inter hæc duo jura, quorum vi res emphyteuticaria redit ad proprietarium, magna est differentia: nam si jure commissi res redeat ad proprietarium, quam forte emphyteuta pignori dederat, finitur pignus, *l. 51. §. lex, ff. de pignorib.* quæ loquitur de jure commissi ob non solutam pensionem. Et abutuntur ea lege, qui eam trahunt ad jure ἀποτρυψίας, ut finitur fundi emphyteusis, si res redeat ad proprietarium jure ἀποτρυψίας. Hoc vero est falsum: nam in jure commissi imputatur creditori, cur non solverit vectigal pro debitore, ne finietur hypotheca eo jure commissi: quod significat *d. l. 51.* nihil vero in jure prælationis creditori imputatur: ac præterea vi, sive jure prælationis res redit ad proprietarium, dato eodem pretio, quod offerebat extraneus: igitur videmus quantum intersit inter hæc jura. Emphyteusis est contractus, quo dominus in perpetuum, vel in plures annos fundi sui deserti et aqualidi usufructum concedit alteri ea lege, ut inscriendo, plantando, et colendo meliorem eum fundum et fructuosiorem faciat, constituto vectigali, annuo canone, sive pensione certa, qua etiam ex re fundus emphyteuticarius dicitur, in jure passim ager vectigalis.

FINIS RECITATIONUM D. JAC. CUJACII IN LIBROS IV. CODICIS JUSTINIANI.

GRÆCARUM DICTIONUM

QUÆ IN HOC NONO TOMO CONTINENTUR

INTERPRETATIO.

- pag. 5 τὰ γράμματα ἀπὸ τοῦ γραμματέως, τὰ ἀντιγράφα, scripta a scriba, exemplaria.
- pag. 21 ἀντιβιβλίον, responsionis libello.
- pag. 23 κατὰ περιγραφὴν, per circumscriptiōnem strictius. *pluries ead. pag.*
κατὰ πλάτος, latius. *pluries ead. pag.*
- pag. 32 ἰδιόγραφα, propria instrumenta.
- pag. 41 συγχωρητικόν, remittens.
- pag. 43 διαστολήν, extensionem.
- pag. 47 τῶν ἑγγίς ὄντων, etc. eorum quæ prope sunt uti adventura.
- pag. 53 τὸ οὗ ἕνεκα, id cuius causa.
τὸ διὰ τ', id propter quod.
ἐκ' τῆς συνθήκης, sub lege, causa.
- pag. 64 αἰεῖσθαι τὴν φύσιν, καὶ μεταποιεῖν pro μετασκευᾷ mutare naturam, et reformare.
- pag. 66 βασιλικὰ ἐν τούτῳ Basilica in hoc.
- pag. 72 φιλοδία, περίεσσις, μελλισμός, litium amor circumflexio, cunctatio.
- pag. 73 παλινδία, litis restorationem.
παῖται παλινδία petit reparationem.
παλινδία ἢ ἐξ ἀρχῆς δίκη, reparatio, lis ab initio, denuo resoluta.
- pag. 75 μετὰ προδικασίαν, post litis contestationem.
περὶ χρόνων, περὶ δέκα ἡμερῶν, de temporibus, de decem diebus.
- pag. 84 δίκαιον, æquum.
- pag. 92 ἀδοξον, inopinabile.
- pag. 97 μορίταν, partiarium.
μορίτον, partiariū.
περὶ μορίτον, de partiario.
- pag. 97 μορίτας, partiarius.
οἱ ἐκτὼ μέρει, etc. qui sextam partem inferentes terram colunt.
ἐκτεμόριοι, sextam partem inferentes.
- pag. 102 χρήσιμος ἐστὶν ὁ τῆς ἐπιτηδεύσεως λόγος, utilis est conditionis ratio.
- pag. 103 χρήσιμον, utile.
- pag. 111 μονομερῶς, ex una tantum parte.
- pag. 112 μονομερίαν, unius partis presentiam.
- pag. 115 μονομερῶς, ex una tantum parte. *bis ead. pag.*
- pag. 116 παρὰ πολλοὺς ὁρισμένους ἔντα, etc. definitiones quam plurimas unius rei facere licet in vocabulis tantum, non in notionibus diversis.
- pag. 127 ἐκταταίως, ad augendum posita.
- pag. 131 ἀντιδιαστολή, differentia.
- pag. 141 ἐλευσίαν ἀνταπραγίας, libertatem, copiam faciendi quæ libuerit.
- pag. 147 παῖδων δοκιμαζομένων, adolescentium probatorum.
τῶν παίδων τῆς ἡλικίας, puerorum ætatem probantium.
- pag. 148 σωματικαὶς ὅρκους, corporalia iuramenta.
ἀλλήληγγυσον mutua fidejussio.
περὶ ἀλλήληγγύων, de duobus reis promittendi.
ἀλλήληγγύα, mutua fidejussio.
ἀλλήληγγυοι, duo rei promittendi.
- pag. 152 σύμπτωμα, casus.
- pag. 153 ἐκ χειρὸς εἰς χεῖρα παράδοσις, de manu in manum permutatio.

- pag. 153 ἀγορά ἐκ χειρὸς εἰς χεῖρα, emptio de manu in manum.
ἐκ χειρὸς εἰς χεῖρα συναλλάξας, de manu in manum commutans.
- pag. 167 ἀντολεῖν, iisdem verbis.
- pag. 169 αἱ ἀρχὴν λαβούσαι ἐν δικαστηρίῳ, quæ initium habuerunt in iudicio.
μονομερῶς, ex una parte dumtaxat.
ἐκ τῶν προκαθιστομένων, etc. ex Præsidibus, et adessoribus, et litigantibus.
- pag. 174 παραγραφὴ præscriptio.
περὶ οὗ οὐδὲν, etc. de quo nihil definitum est a legibus.
οἱ νόμοι κλειστάς, etc. leges pluries de iisdem rebus contendere non permittunt.
- pag. 177 συνοχή, περιοχή, continuatio, complexio, continentia.
- pag. 178 ἀνταλουθίαν congruentiam, tenorem.
- pag. 186 ἐν παντὸς πράγματος, etc. in omni re æquitas summo juri præferatur.
δίκαιον, æquitas.
- pag. 187 ἐπιστάσια δίκαιος συνετής οὐσα, æquitas iusta intelligens, interpretis est.
ἐπιτικός, conveniens.
- pag. 189 ἐν τοῖς ἔξω, in extrinsecis.
- pag. 201 μονομερῶς, altera tantum parte præsentē. *bis ead. pag.*
- pag. 202 ἐρήμη δίκη, lis, in qua altera pars abest.
- pag. 204 ἐρήμη δίκη, μονομερῆς δίκη, lis quæ sola, nōdum tantum parte præsentē.
- pag. 205 μονομερῶς, ex una parte dumtaxat.
ἐρήμη, μονομερῆς δίκη, δὲ μὴ ἀπαρτίσας, lis una tantum parte præsentē agitur, cum non concurrat.
ἐρήμην δίκην, licet in qua altera pars non adest.
- pag. 206 μονομερῶς, una parte præsentē. *bis ead. pag.*
- pag. 218 μὴ ἔχοντος, etc. non habente licentiam litigatore alium patronum sibi parare.
- pag. 221 ἀποβολή, καὶ ἀπολάξις γριτῶν, rejectio, et terminatio iudicium.
- pag. 255 περὶ διασποτίαις, de dominio.
- pag. 261 ἐκ τῶν πρεσβύτων αὐτῶ, ex iuribus quæ ipsi sunt.
- pag. 284 μετὰ τὴν τοῦ ἐνάγοντος ἀπόδειξιν, post actoris probationem.
- pag. 276 περὶ ὅρκου ἐπάκτου, de iurejurando quod refertur.
- pag. 279 τοῦ νόμου φωνή, legis vox.
προπητῶς, temere.
- pag. 298 σχηματικῶς, figurate.
σχήματα, figuras.
- pag. 300 μονομερῶς, una tantum parte præsentē. *pluries ead. pag.*
μονομερῇ ὅρκον, iusjurandum quod altera parte non vocata præstat.
- pag. 305 ὁ ἀπατητικὸς, etc. repetendi ratio sui mutui.
- pag. 307 πρόξινος, publicus hospes.
- pag. 315 παρασυναπτικῶς, subcontinuate.
- pag. 316 ἐπὶ τῶν δανειζόντων, καὶ δανειζομένων, in dantes, et accipientes mutuo.
- pag. 323 ἐν μεσότητι, in medio.
- pag. 340 ἐξ ὧν ἀρμόζει, etc. ex quibus condictiona aptatur, convenit.
- pag. 348 ἀναγκάζεται, cogitur.
- pag. 388 ὁπρὸς ὅπως, sine persona.
- pag. 408 οὐκ ἐστὶν, etc. non licet iudicia falsa efficere.
- pag. 414 ἐπὶ τῇ καταθέσει, in depositione.
- pag. 416 ἐπὶ τῶν συμβεβηκότων, καὶ περιστατικῶν, in fortuitis, et circum existentibus.
- pag. 426 ἀπόδειξις, ἀμειψία, ἀσφάλεια, probatio, securitas, certitudo.
ἀκυρωσις, abrogans.
- pag. 427 ἰδιοχρησίαν, proprio jure possidere.
- pag. 428 ἀντόχυρα, et ἰδιόχυρα, privata, propria.
ἀγῶραι forensia.
παραδείσεις, etc. comparationes, et collationes.
- pag. 431 ἀρχία, archia.
ἐρμηνευτικὸν, interpretationi interserviens.
- pag. 441 ἀντιχρησις, antichresis, ἀντιχρησις, antichresim, ἀντιχρηστικός, antichrescos, ἀντιχρηστὴν, antichresi.
- pag. 453 ἀφορὰ τὰ φόρτιζα μισθώσθαι, conferunt onera vendere, acervatim.
κοτυλίζειν, τεμνίζειν; particulatum, minutatim vendere.
τέμναι, sectiones, frusta.
- pag. 464 ἀντιχρησις, antichresim.
- pag. 465 ἀντήχρησις, antichresis.
- pag. 473 ἐπὶ τῶν ἐν, etc. in hominibus, qui sub fidejussione sunt.
γίνεσθαι ἐν νομῇ, factus esse in possessionem.

- pag. 489 ὁμολογίαν ὁπολιτικὴν, professionem acceptæ pecuniæ.
- pag. 494 ἑρμηνευτικόν, ad interpretandum posita.
- εισπραγικά, et ἐξαγωγικά, vectigalia, quæ pro importandis, et exportandis mercibus, persolvuntur.
- pag. 495 Σιτώναι, frumenti coemendi curam habentes.
- Ἐλαιώται, olei coemendi curam habentes.
- pag. 503 ἀντιχρήσις, antichreseos.
- ὑπερβολήν, exuperantiam.
- τεῖον καρπῶν, fructuum.
- pag. 505 Ἀντιχρήσις, antichresim. Ἀντιχρήσις, antichresis.
- pag. 511 ἀντιχρήσις, antichresim, ἀντιχρήσις, antichresis. *pluries ead. pag.*
- pag. 516 ὁμοίρους ἡμιολίου, integri hemioli, id est semissis et ipsius dimidii.
- ἡμιολίος τόκος, usura dodrans, ἡμιολίος, usuræ dodrantes. *bis ead. pag.*
- pag. 518 αἰσχρὸν χέρδος, turpe lucrum.
- pag. 519 ἑγγαίη, terrestris.
- περὶ θανίσματος, de fœneratitia pecunia.
- χρωακοινωνία, debiti et crediti, damni et commodi communio.
- pag. 520 τάξιν αὐτιδώρου, ordinem mutui doni.
- ἀντιδωρον, remuneratio, donum pro dono.
- pag. 521 ὀναιδιστέρα, inverecondior.
- pag. 526 μῖζον τὸ ὀδύνημα, major perfidia.
- pag. 544 προτιμήσις, prælationis.
- pag. 551 σερικά υφάσματα, sericæ telæ.
- pag. 556 ἀπὸ ἐπιβολῶν, ex insidiis.
- pag. 578 προτιμήσις, prælationis.
- pag. 587 αὐτομάτως, sponte.
- pag. 593 πτενίου, ἢ ἐχίνου, pectunculis, vel echini.
- pag. 595 εισπραγικά ἑξαγωγικά, vectigalia, quæ pro importandis, exportandisque mercibus persolvuntur.
- pag. 598 κλεπτοσιώνημα, fraudati vectigalis crimen.
- προέστωις ἀλαβάρχιον, qui præsumt Alabarchiæ.
- ἄλσβα, atramentum scriptorium.
- pag. 599 ἐπ' ὄψει τοῦ ἀρχόντος, in Præsidis conspectu.
- τοῦ ἐκάρχου, Præfecti Prætorio.

- pag. 599 ἀρχοντας, Præsides.
- pag. 600 τὸ κοινὸν κλεπτοσιώνημα πρῶγμα, commune negotium vectigali subripere.
- κλεπτοσιώνημα, fraudati vectigalis crimen.
- pag. 605 λόγος καιδικαίας, conditiua ratio, actio.
- pag. 608 μίσθωμα ἐνοίκιον, pensio domus conductæ.
- pag. 612 Διού βίαν, Divinam vim.
- Διοκτείν, iram divinam.
- ἔμισθον, casum.
- χάσμα, hiatus.
- ἐρυσίβη, uredo, rubigo.
- pag. 615 περὶ διαφορᾶς σφνγμῶν, de pulsum differentia.
- σύμβολον, signum.
- σύμβολον τῆς ἀλλαγῆς, mutationis signum.
- παραινυτικῶς, discretive, disjunctim.
- pag. 616 ἐν προχρεία, in promutuo, ἐπὶ προχρείαν, in promutuum.
- pag. 623 ἐμβατευτικόν, ἐμβατικόν, superficarium.
- ἐμβατεύειν, pedem ponere.
- pag. 625 δικατοχὸς, possessor.
- δικατοχὴ, possessionis.
- παραεικόν, superficarium.
- παραεικὴν λόγῳ, superficario modo, secundum superficiem.
- εἰσδεικτικόν, quod præstatur, ut emphyteuticarius immittatur, laudimium.
- pag. 626 εἰσδεικτικά, quæ dantur ut immittatur emphyteuticarius, laudimia.
- pag. 632 ἐμπενήματα, meliorationes. *pluries ead. pag.*
- βιλτωῦσι, idem.
- ἑρμηνευτικόν, ad interpretationem posita.
- pag. 639 προτιμήσις, prælationis. *bis eadem pag.*
- εἰσδεικτικόν, laudimium. *pluries ead. pag.*
- pag. 644 προσήκοντες, pertinentes.
- παραπράτορας πρόπραται, πρόπωλας, παραπλοῦνται, Pararios, venditoris institores.
- pag. 657 ἀντιθέρα, contraria dos, quæ a viro dantur vice dotis.
- pag. 669 συνουσίαν, commixtionem.
- pag. 676 αἰώρους, immaturas, ὀψήρους, seras.

- pag. 682 ἀγνία, castum, abstinentiam.
- pag. 685 εὐτρεπὲς μοιχεία, decens intemperantia.
- pag. 704 ἀπειδία, orbitatis.
- pag. 709 ὀπειδία, orbitatis.
- pag. 713 ἀμφίβολον, dubium.
- ἓν διὰ δύοιν, unum pro duobus.
- pag. 723 σύλληψις, comprehensio.
- pag. 728 ἀπειδία, orbitatis.
- pag. 755 ἀλλοκληρονομία, mutuae successionis conventionem, sive mutuam successionem.
- pag. 757 κατὰ πρόληψιν, per anticipatam opinionem præsumptionem.
- pag. 757 παρτεγνημένη, adventitia, ἀποδμητική, profectitia.
- pag. 817 τοῦ μέρους ἀνδρός, a parte mariti.
- ἐναντιὸν ἑρὸς, pars diversa.
- pag. 828 ὀπιτελαργεῖν, beneficia rependere.
- πάρεργον ἑρωτικὸν ἐπιδήμιον, amatoria accessio familiaris.
- pag. 842 πρόχρηται, electi per sortem.
- pag. 908 παίδων δοκιμαζομένων, puerorum probatorum.
- pag. 928 μετὰ ἄλλου δούλου, cum alio liberto.
- δούλος, servus, et libertus.
- περὶ ὁμωνυμίας, de cognominatitate, nominis communitate.
- pag. 950 τοκὴς, parens.
- pag. 953 ἀκολάτως, intemperanter.
- pag. 946 οὐκ ἡμισία γνώμη, ἢ μία χεὶρ, non dimidio pectore, unave manu.
- pag. 948 δούλος, servus.
- ἀντιδούλος, vice servi, tanquam servus.
- pag. 966 χρέος, debitum.
- pag. 970 ραγίλιαν, superbire, erigere cervicem.
- pag. 972 ἀσεβεία, impietatis.
- pag. 980 Ἀγρίον οὔτε, etc. rusticum neque jura bene doctum, neque leges.
- κατὰ ποδᾶς, e vestigio.
- ἴαν ἀγροικίαν, etc. si rusticitatem, vel ignorantiam, vel aliam quamcunque rationem.
- pag. 985 ἐπὶ ξένῃ διαγόντις, peregrinos, qui apud externos versantur.
- pag. 1004 ἐπανάβασις, ascensus.
- pag. 1010 τῶν πρὸς τι, eorum, quæ secundum quid his ead. pag.
- pag. 1024 ἀμάρτυρ λαλεῖν, καὶ ἄλογα, sine teste loqui, et sine ratione.

- pag. 1072 ἑμῶν, εἰχεῖν, πληροῦ, πάντα ποιεῖν, δίδοναι, manere, incedere, implere, quæcunque facere, dare.
- pag. 1076 γενικόν, generalem.
- pag. 1077 τῶν νόμων ἐπάνω, supra leges.
- pag. 1094 ἐφ' ἡμῖν, in nobis.
- pag. 1100 προσιξάδελφοι, consobrini, δεύτεροι ἱξάδελφοι, secundi consobrini, τρισιξάδελφοι, tertii consobrini.
- pag. 1111 ἓν διὰ δύοιν, unum pro duobus.
- pag. 1133 παχυμερεστερον, crassius, minus exacte.
- pag. 1143 προβληματώδης, addubitata, in questione posita.
- pag. 1157 ὥς δ' ὅτε τίς κοῦρη etc. quemadmodum virgo circa decimum mensem lunæ primipara in partus doloribus incidens.
- pag. 1164 ἀνυφάντως, existentia.
- pag. 1220 ἐπὶ πάσῃ ἐξουσίᾳ, quacunque ratione.
- pag. 1225 μιξοβάρβαρον, semibarbarum.
- pag. 1247 ἐνθῆκεν, enthece.
- pag. 1252 παραδιάζωξις, subdisjunctio.
- παραδιάζευκτικοὶ λόγοι, subdisjuncti sermones.
- pag. 1267 τὸ πλάτος, latitudo.
- pag. 1282 ἐσρκῶ, adjuro.
- pag. 1288 σιωπερὰν αἴρῃσιν, tacitam conditionem.
- ἐξ ἀντιδιαφορῆς, ex differentia.
- pag. 1315 ὀμνηχανία, difficultate, sive rerum angustia.
- pag. 1322 ἀπειδία, orbitas.
- pag. 1342 ὄνσπαίνεσθαι, existere.
- pag. 1349 ὑπερβιβασμοὶ τῶν εἰρησίων, translationes, translationes literarum.
- pag. 1352 ὅθιν οὐ, etc. unde transferri, delegari interim nequeunt.
- pag. 1370 ἀδίσποτα πίπτειν, bona sine domino Principi deferri.
- pag. 1388 παράλογον, rationi non consentaneum.
- pag. 1389 δείγματα, specimina.
- pag. 1398 ὀνοικτός, etc. aperta utero ad semen suscipiendum.
- pag. 1418 οἱ τῶν ἐπλῶν δημιουργοί, publici armorum opifices.
- pag. 1425 κάρπος, palca.
- εἰρῆσιν περιερίψαι, circumducere.
- πορεύομαι, etc. eo, quo volo, venio quocumque libuerit, et unde libuerit.
- pag. 1426 ῥα-ιτμάτων, alaparum.

- pag. 1426 ἱερῆς δούλου, καὶ, etc. circumduxit
servum, et vicissimam pro ipso
pendere tenetur.
- pag. 1434 φιάνθρωπον, καὶ εὐεργεσίαις, humani-
tas, et beneficium.
- pag. 1464 πρὸς περίγραφὴν τῶν δανειζῶν, in frau-
dem creditorum, foeneratorum.
τῷ πρῶτῳ, venditori.
- pag. 1465 ἐκ τῶν ἐρατῶν, ex municipalibus
magistratibus.
ἐρατῶν, magistratus municipales.
- pag. 1466 μήτε εἰσέναι, etc. neque servum ma-
numittere in theatro.
- pag. 1469 ὁ δούλος καταμαύσας, etc. servus
indicans heri sui caedem.
- pag. 1484 τοῦ ἰδίου δικαίου, proprii juris.
- pag. 1485 ῥιμβώδης, vagabundus, incertus.
μνημονικὸν ἁμάρτημα, memoratu di-
gnum peccatum.
παρόραμα, hallucinatio, ἁμάρτημα,
peccatum.
- pag. 1511 μονομερῆς, ex una duntaxat parte.
- pag. 1524 διὰ τὸ νίμσθαι, a pascendo.
- pag. 1535 οὐ χρεὶς εἶναι, etc. corporis contactus
necessarius non est.
- pag. 1550 προγόνοις, etc. prioribus filiis uxores
semper infestae.
- pag. 1557 δημόσια, publica.
- pag. 1561 μονομερῆς αἵτησις, postulatio quae fit
ex una parte.
- pag. 1562 εἴσω τῶν πέντε ποδῶν, intra pedes
quinque.
- pag. 1569 ταξιῶται, Praesidium apparitores.
- pag. 1571 διατρικός μισθός, theatralis merces.
- pag. 1573 τὴν τυχοῦσαν, quae contigit, quae
obvenit.
- pag. 1574 παρρημινομένην, porperam, fortuito
interpretatam.
- pag. 1582 δυντήριον, alteram cautionem, quam
debitor in contentione agnovit.
τῶν γνωσιμαχουσάντων, debitum in con-
tentione agnoscendum.
- pag. 1593 γνωσιμαχικὴν ἀσφάλειαν, cautionem in
contentione agnitam.
- pag. 1594 ῥήξις τοῦ χρόνου, temporis inter-
ruptio,
ἐκλείψουσι τῶν πολιτῶν, selectos civium.
- pag. 1604 παρτυμολογῶν, bis ead. pag. ad ety-
mon alludens.
παρτυμολογίαι, argumenta ab etymo
ducta.
- pag. 1608 ἀνιμρανίζω, in occulto non palam.

- pag. 1610 εἰς ἑάλας λιθίαν, in pilam lapideam.
- pag. 1616 ψῆφος, calculus.
- pag. 1651 ἰσόμετρον, tantundem, quod aequalis
mensurae est.
τὸ διάσπον, ἅτοι τοὺς τόκους, id quod
interest sive usuras.
- pag. 1634 λόγῳ θεωρητῇ, ratione spectabilia.
- pag. 1640 καθάρσις, dejectio.
- pag. 1651 ἀναλογισμοῦ, rationum rursus sup-
putandarum.
- pag. 1657 δίδωσθαι τῷ νικῶντι, παρέχονται τῷ
νικῶντι, victori tradi, victori
praestantur.
- pag. 1662 συναρθία, collecta, simul juncta.
- pag. 1664 πρὸς ἀναλογίαν, pro rata.
- pag. 1673 συνίλευσις, consultatio, βουλὴν, con-
siliū, συνίλευσις, consultationem.
- pag. 1674 βουλῇ ἐξέμενοι βουλευόμεν, consilia
sedentes consultabimus, imibimus.
βουλῆς βουλευόμενοι παρέμενοι, consilia
sedendo ineunt.
- pag. 1689 κέραι, καίριαι, fatales.
- pag. 1695 μονομερῆς, pluries ead. pag. altera
parte absente.
συστήν, cominus partibus constitutis.
- pag. 1711 ἀναχωρῆν, ὑπερμαρῖαν, inducias, de-
biti exolvendi post diem quo debe-
batur, delatio.
- pag. 1727 εἰς χεῖρας ἵεναι, εἰς χεῖρας εἰσεῖν,
ad manus venire.
- pag. 1738 ἐκ τοῦ παραλλήλου, e simili.
- pag. 1750 σχολάζουσιν, vacantem.
- pag. 1764 ὁ μὴ κατεθέκεν, οὐκ ἀνείρετο, quod
non deposuit, ne auferat, tollat.
- pag. 1769 εἰς τ' etc., retrorsum revoluti.
- pag. 1782 περὶ βλάντεον, de banco.
- pag. 1798 πρὸς κίονας, ad columnas.
περὶ τοὺς ἀνδριάντας, circa statuas.
- pag. 1801 ἐνέχυρον, pignus.
- pag. 1806 μονομερῆς, altera tantum parte prae-
sente.
- pag. 1811 ἀντίχρεσις, antichresis.
- pag. 1823 κατὰ, etc. tacito intellectu.
- pag. 1828 λόγῳ θεωρητῇ, ratione spectabilia.
- pag. 1831 ἀμύβολος, dubia.
- pag. 1844 ἀγοράη, publica.
- pag. 1845 πρωτοπρεξίαν, primam exactionem.
- pag. 1852 ἀπὸ τοῦ etc., a priori creditore.
- pag. 1859 πτενυχυρίαζεν, pignus pignori dare.
- pag. 1880 οὐκ ἐντίκειται, etc. non opponitur
praedicta exceptio, sed si debitum
non exsolvisi.

- pag. 1887 *παρρηγορη*, prescriptionis .
 pag. 1900 *ἐν δὲ δύοιν*, unum pro duobus .
 pag. 1919 *ὄρχις*, etc. Sacramenta timentes ,
 indicabant autem manibus .
 pag. 1931 *οἰκῶροι*, domus custodes, *οἰκουρίαι*,
 ædium custodiæ .
 pag. 1939 *νοθήτεια*, adulterina est .
 pag. 1944 *εἰ κατὰ πάντων*, etc. si cum omnibus
 litem contestatus est .
 pag. 1947 *ἐπαρχικά*, edicta Præfectorum Præ-
 torio .
 pag. 1949 *κατὰ τοῦ* etc., de incerto actionem .
 pag. 1961 *ἀρίστως*, dimissionis .
ἢ γὰρ οὐ προδίδεται εἰς βιβλίωσιν,
 terra in evictionis causam, sive
 auctoritatem non erit vendita .
 pag. 1965 *ἀντίδορον*, remuneratio. *bis ead. pag.*
 pag. 1970 *προίστασθαι*, adistere .
 pag. 1981 *ἀπὸ ἐπιβουλῶν*, etc. ex insidiis perspi-
 cuis .
 pag. 1997 *ἀμνηστία*, difficultatem, rerumque
 angustias .
 pag. 2001 *ῥαπίσματα*, alapas .
Ματθαῖος, Matthæus quidem scripsit .
 pag. 2011 *πρὸς Νικοστράτον*. *bis ead. pag.* ad
 Nicostratum .
πρὸς Λόκρυτον, ad Locrytum .
 pag. 2023 *πειράς*, seu *πράξις*, experientiz, seu
 rei gestæ .
νόμων, καὶ *πειράς*, legum, et expe-
 rientiz .
πειρά, experientia .
 pag. 2024 *ἀναπόδοτος*, quæ revocari nequit .
 pag. 2026 *οὐκ ἐκ πάντων τῶν ὄντων ὅλως*, non
 ex omnibus, quæ omnino sunt .
 pag. 2034 *πρίξιν*, actus .
μονομερῶς, una parte duntaxat. *plu-
 ries ead. pag.*
 pag. 2066 *τοῖς τε ὄγαμῶν, καὶ τοῖς ἀνάνδροις*,
 iis, qui cœlibes sunt, quæque viro
 carant .
 pag. 2083 *ἐν εὐρεῖ, ἐν πλάτει*, latius, non stri-
 cte .
καὶ βιβλίον, etc. et conventionis li-
 bellus ipsis præberetur, in crimi-
 nalibus inscriptio .
βιβλίον, γράφη, libellus conventionis,
 inscriptio .
 pag. 2095 *ὑπερβιβασμός τῶν στοιχείων*, litterarum
 traductio .
 pag. 2092 *ἐν αὐτοφώρῳ, παρ' οὐτὰ τὰ ἀδικήματα*,
 in ipso facinore, in ipsis sceleribus .

- pag. 2094 *ὡς δ' ἐν δέει*, velut præstiturus iudici
 pecunias .
 pag. 2097 *ἐξόμνησθαι*, abjurare .
 pag. 2098 *ἀνακαλιῆσθαι ἐπὶ σάλπιγγι*, evocari
 buccina .
μονομερῶς, una tantum parte præ-
 sente .
 pag. 2107 *ἀνάκρισιν*, iteratam disceptationem .
 pag. 2111 *κατὰ τετραδα*, feria quarta, *παρασκευ-
 ν*, feria sexta .
 pag. 2112 *τέτραδι, καὶ παρασκευῇ νηστεύειν*,
 quarta, et sexta feria jejunandum .
 pag. 2114 *ὄνδρες λοιμοί*, idest, *Λοιμοὶ*, homi-
 nes pestes, idest, pestilentes .
ἄνδρα λοιμὸν, idest, *λοιμικόν*, homi-
 nem pestem, idest, pestilentem .
συναναγκάζοντες ἡ, etc. coercendos,
 vel dominis restituendos .
 pag. 2116 *τῆς ἐνοχῆς*, reatus .
 pag. 2120 *περιπτὰ, περιάμματα*, amuleta .
 pag. 2121 *ἀσπιδίας*, impietatis .
 pag. 2126 *τέκνων, ἢ κληδῶν ἀποβολῆς*, filiorum,
 claviumve ademptione .
 pag. 2136 *ἐν φαρμακίᾳ*, ob beneficium .
τέκνων ἀποβολῆς, κληδῶν ἀποβολῆς, fi-
 liorum ademptione, clavium adem-
 ptione .
 pag. 2147 *οὐκ ἔστιν*, etc. non licet naturæ leges
 ignorare .
κατὰ τοῦς, etc. secundum veteres le-
 ges, et Hermogeniani, et Grego-
 riani constitutiones .
 pag. 2166 *τὰ ἔχνη*, etc. vestigia juris versuti .
 pag. 2179 *νόνας, καὶ γυναῖκας συνίβαλλε*, Non-
 nas, et mulieres conjecit .
 pag. 2182 *παρ' οὐτὰ τὰ ἀδικήματα*, in ipso sco-
 lere .
 pag. 2183 *μὴ ξιφοφορεῖν*, non ferre arma .
 pag. 2186 *δέρματι*, bovis corio recens excoriati .
 pag. 2187 *φάρμακα μὴ*, etc. pharmaca ne con-
 ficias, et magicis libris abstinere,
 pag. 2202 *σπανίως*, raro .
 pag. 2205 *ἀμφίβολον*, dubium .
εικόνιον, iconium .
ἀρχέτυπον, archetypum, iconium si-
 gnatorium, vel in quo erat bulla .
bis ead. pag.
 pag. 2206 *ἀποδοῦναι*, probatum argentum dare .
 pag. 2207 *σπαλίδας*, novaculas .
λογόδετον, rationum prescriptorem .
 pag. 2218 *μετριώτερα, σφοδρότερα*, placidiora,
 asperiora .

- pag. 2230 χώματα . *bis ead.* pag. aggeres .
 προχυματα , moles ad frangendos fluctus posita .
 πρὸ τῆς , etc. ante ascensum duodecim cubitorum .
 τὸν τάφρον , foveam .
- pag. 2231 φαρῶν μὴ δεξῇ , etc. ne accipias depositam rem furto ablatam furum , ambo enim fures , et qui recepit , et qui abstulit .
- pag. 2238 συστάς , μενομερῶς . cominus partibus constitutis , altera parte præsente .
- pag. 2251 τῶν παθμάτων ἰατρικὴ , cædium medicina .
 ἡγομολόγησιν , confessionem .
 ἵνα ἄλλοι πρόνοιαν ποίωται , καὶ φοβούνται , ut alii provideant , et pertimescant .
- pag. 2263 ὁμοούσιον , substantia parem .
- pag. 2264 κακότης , malitia , improbitas .
- pag. 2265 ἀνθρωπολάτρης , humanitatem adorantes .
 ὁμοούσιον , natura parem .
 ἐκπόρευσις , egressio .
 τὸ πνεῦμα , spiritus veritatis , quod ex patre progreditur .
 ἀναθεματισμός , excommunicatio .
 καταίρεισις , depositio .
- pag. 2269 παρακλῆς , libellario .
 γενικὸν , generalem .
- pag. 2271 ἐν διατάγματι . in constitutionibus .
- pag. 2272 ἱερέων , sacerdotum .
- pag. 2273 νοσηρόμενοι : eorum , qui curam habent valetudinariorum . γερουσιασμένων qui senum .
 ὁ ἐπὶ , qui inopiæ curam habet .
 ἀρχόντων , ἐξάρχων , defensorum ecclesiæ , chorepiscoporum .
 χορηπίσκοποι . chorepiscopi , qui nunc dicuntur exarchi .
 ὡς συλλειτουργοὶ , ut eodem munere fungentes ad formam .
- pag. 2274 περιόδευται , circuitores .
 ἐκ τοῦ , a circumveniendo , et fideles commonefaciendo .
 παραμονή , perduratio .
 πελικυφόρος . bipennifer barbarus .
- pag. 2277 ἐκδικοὶ , defensores Urbium .
- pag. 2279 συνίξις . παροσυνάξις , ecclesiæ , conventicula .
- pag. 2287 ἀθίμωτον . nefas esse propheticidis , et dominicidis eos , qui a salvatore

liberati sunt , servitutis iugo submitti .

- pag. 2290 τὸ κριθεῖν , quod decretum fuerit , legem facere .
- pag. 2292 ὅταν , cum legem constituimus .
- pag. 2295 συνδικαστήν , simul judicem .
- pag. 2305 βωμὸν σωτηρίας , aram salutis et in nostris statuis antiquitas statuit .
- pag. 2306 πρωτοί , primi militum , satellitum .
- pag. 2310 ἀπὸ κοινοῦ , ex communi .
 πλίνθος , πλυνθίον , later , laterculus .
 μέγας λογοθέτης , magnus legum conditor .
- pag. 2312 τῶν ἐν τῇ αὐλῇ τάξεων , statutorum quæ in aula fiunt .
- pag. 2324 μητροπόλιν , metropolin .
- pag. 2333 ἐκλίνουσα , jussi parari sabana , id est , lintea ad lotos exsiccandos .
 ὠδῶτα , sudorem , sabanum .
- pag. 2335 ἀκόλουθον , adherens jurisdictioni , imperio .
- pag. 2336 ἐξ ἀντιδιαβολῆς , ex discrimine .
- pag. 2337 τοὺς ἐπὶ , eos qui magno crimini obnoxii sunt .
 περὶ ἀλώσεως , de captivitate .
- pag. 2338 καὶ μηδέποτε , et nequaquam .
- pag. 2345 βουλευφόρον , prudentem virum .
- pag. 2344 οἱ , qui omnes ordinis esse debent .
- pag. 2349 στρατηγὶ τῶν πόλεων , duumviri urbium .
- pag. 2350 τῶν στρατηγῶν , duumvirorum urbium .
- pag. 2351 δικαιοδοτήν , juridicum .
- pag. 2354 κινεῖν ἵππον , equum stimulare .
- pag. 23 7 πρὸς διαστολήν , ad distinctionem .
- pag. 2358 συγχωρητικὸν , remittendi pactum .
- pag. 2366 διπτελογίαι , minutas de tenuibus disputationes .
 περὶ αἰτιῶν , de causis , ex quibus infamia alicui non irrogatur .
 πρὸς ἀντιδιαβολήν , ad discrimen .
- pag. 2367 ἐγὼ τὴν , ego delationem amo , licet delatores non laudo .
- pag. 2369 χλιεπὰ , aspera dissensio hominis cum potentioribus congruendi .
- pag. 2371 ἐπισημίζειν , celebrare .
 αὐτομάτοι , sua sponte .
- pag. 2374 ὄρον , signum .
 ὅρον σκινιδιον , signum esse tabellam , quæ domibus , et locis illis affigitur , quæ pignori sunt obnoxia , pro dominorum debitis .
- pag. 2375 ὅτι βούλεται , cum voluerit , cessat .

- pag. 2378 στραγγιλιὰς, strangulationes vi factorum contractuam.
 τροχύτατι, asperitate factorum.
 ἀπό, ex perspicuis insidiis.
- pag. 2382 διὰ τὸ, ob ætatis infirmitatem.
- pag. 2393 ἀλλ' ὅτι, sed cum delictum.
 συναλλάγμα, synallagma.
- pag. 2396 πρὸς τούτοις, ad hæc.
- pag. 2401 πράττειν, facere dictam perfectionem.
 ἀπογραφὰς, tabulas patris.
 τὸ αἰδοῖν, pudenda hominis.
 ἀναγκαίαν, necessariam partem.
 παίδων, puerorum,
 τὸν, nuptiarum tempus.
- pag. 2408 ἐν τοῖς, in audibus propriis.
- pag. 2409 νομίμως, jure.
- pag. 2410 ἐντυμοσίαν, iusjurandum calumniæ,
 utriusque partis.
- pag. 2417 δῶρα, dona, quæ in omnium arbitrio
 ac potestate dantur.
- pag. 2421 ἀπρόσωπος, personam non habens.
- pag. 2426 ἀναβολή, dilatio non est in iudiciis.
- pag. 2438 ὁ τοῦ μεγίστου, qui maximis rebus
 præest.
- pag. 2452 προδύσπον, præposterum.
- pag. 2454 διαπερίεως, dividendæ substantiæ, hæreditatis.
- pag. 2460 εἰς ἐυθύνας, in poenam.
- pag. 2465 ποριστὰς, quæstuarios.

- pag. 2469 ἰδιωτάτως, admodum proprie.
- pag. 2493 ἄγραφος, non scriptum testimonium
 adversus scriptam vim habere non
 potest.
- pag. 2502 πιστικός, fidelis.
- pag. 2520 ἀντιδῶρον, remunerationis.
- pag. 2521 δῶμα, datio cum fide.
- pag. 2524 δίδασκιν, dant epistolas.
- pag. 2527 κατὰ πόδα, verbum verbo respondens.
- pag. 2528 κατασκευάζειν, instruere.
- pag. 2539 προτιμήσεως, prælationis.
- pag. 2542 μέταξαν, sericum.
 ὑακίνθος, hyacinthus.
- pag. 2543 πολέμιους, hostes.
 ἄλκι, sal. *bis ead. pag.*
- pag. 2545 ἡλινα χῆρα. Helena inops.
- pag. 2589 κάλλυντρα, scopæ.
- pag. 2590 ἀποτελισθῆναι, perficere, absolvere.
- pag. 2593 ἐξ-γώγικον, vectigal quod pro evehen-
 dis rebus solvitur.
 εἰσ-γώγια, vectigalia quæ pro inve-
 hendis mercibus exolvuntur.
 ἐξ-γώγια, quæ pro evehendis.
- pag. 2599 κοτυλιζαν, divisionem vendere.
 καθοσίωσις, justificatio.
- pag. 2600 ἀσπῆν, obscuram, dubiam.
- pag. 2608 ἐμφυτεύειν, emphyteusim. ἐμφυτεύσις,
 emphyteusis.
 προτιμήσεως, prælationis.



130,054

INDEX ALPHABETICUS TITULORUM

EX NOVEN LIBRIS

C O D I C I S

A JACOBO CUJACIO

EXPLICATORUM.

A

de Abigeis . tit. xxxvii. ex lib. IX. pag. 2220	Ad legem Viselliam . tit. xxi. ex lib. IX. pag. 2190
de Abolitionibus . tit. xlii. ex lib. IX. 2242	de Administratione tutorum , vel curatorum ex pecunia pupillari foeneranda , et deponenda . tit. xxxvii. ex lib. V. 855
de Acceptilationibus . tit. xliii. ex lib. VIII. 1956	de Adoptionibus . tit. xlvii. ex lib. VIII. 1993
de Accusationibus , et inscriptionibus . tit. ii. ex lib. IX. 2091	de Acquirenda , et retinenda possessione . tit. xxxii. ex lib. VII. 1519
de Actionibus empti , et venditi . tit. xlix. ex lib. IV. 560	Ad SC. Macedonianum . tit. xxviii. ex lib. IV. 572
de Actore a tutore , seu curatore dando . tit. lxi. ex lib. V. 909	Ad Senatusconsult. Orfitianum . tit. lvii. ex lib. VI. 1384
Ad legem Corneliam de falsis . tit. xxii. ex lib. IX. 2191	Ad Senatusc. Tertullianum . tit. lvi. ex lib. VI. 1381
Ad legem Corneliam de Sicariis . tit. xvi. ex lib. IX. 2183	Ad SC. Trebellianum . tit. xlix. ex lib. VI. 1307
Ad legem Fabiam de plagiaris . tit. xx. ex lib. IX. 2189	Ad SC. Turpillianum . tit. xlv. ex lib. IX. 2248
Ad legem Falcidiam . tit. l. ex lib. VI. 1316	Ad SC. Vellejanum . tit. xxix. ex lib. IV. 476
Ad legem Juliam de adulterio et stupro . tit. ix. ex lib. IX. 2125	de Ædificiis privatis . tit. x. ex lib. VIII. 1781
Ad legem Juliam de ambitu . tit. xxvi. ex lib. IX. 2209	de Ædilitiis actionibus . tit. lviii. ex lib. IV. 590
Ad legem Juliam de vi publica , seu privata . tit. xii. ex lib. IX. 2173	de Alendis liberis , ac parentibus . tit. xxv. ex lib. V. 827
Ad legem Juliam majestatis . tit. viii. ex lib. IX. 2120	de Alimentis pupillo præstandis . tit. l. ex lib. V. 886
Ad legem Juliam repetundarum . tit. xxvii. ex lib. IX. 2211	de Alluvionibus , et paludibus , et pascuis ad alium statum translatis . tit. xli. ex lib. VII. 1397
	de Annali exceptione Italici contractus tol-

lenda, et de diversis temporibus, et exceptionibus, vel præscriptionibus et interruptionibus earum. <i>tit. xl. ex libro VII.</i>	pag. 1590
An servus pro suo facto post manumissionem teneatur. <i>tit. xiv. ex lib. IV.</i>	373
de Appellationibus, et consultationibus. <i>tit. lxii. ex libro VII.</i>	1672
Arbitrium tutelæ. <i>tit. li. ex lib. I.</i>	887
de Assertionem tollenda. <i>tit. xvii. ex lib. VII.</i>	1488
de Auctoritate præstanda. <i>tit. lix. ex lib. I.</i>	906

B

de Bonis auctoritate judicis possidendis, etc. <i>tit. lxxii. ex lib. VII.</i>	1712
de Bonis eorum, qui mortem sibi consciverunt. <i>tit. l. ex lib. IX.</i>	2258
de Bonis libertorum. <i>tit. iv. ex lib. VI.</i>	957
de Bonis maternis, et materni generis. <i>tit. lx. ex lib. VI.</i>	1402
de Bonis proscriptorum, seu damnatorum. <i>tit. xlix. ex lib. IX.</i>	2256
de Bonis, quæ liberis in potestate constitutis ex matrimonio, vel aliter acquiruntur, et eorum administratione. <i>tit. lxi. ex lib. VI.</i>	1409
de Bonorum possessione contra tabulas liberti, quæ patronis liberisque eorum datur. <i>tit. xiii. ex lib. VI.</i>	905
de Bonorum possessione contra tabulas, quam prætor pollicetur liberis. <i>tit. xii. ex lib. VI.</i>	992
de Bonorum possessione secundum tab. <i>tit. xi. ex lib. VI.</i>	987

C

de Caducis tollendis. <i>tit. li. ex lib. VI.</i>	1316
de Calumniatoribus. <i>tit. xlv. ex lib. IX.</i>	2249
de Carboniano edicto. <i>tit. xvii. ex lib. VI.</i>	1008
de Codicillis. <i>tit. xxxvi. ex lib. VI.</i>	1219
de Collationibus. <i>tit. xx. ex lib. VI.</i>	1021
de Collusione detegenda. <i>tit. xx. ex lib. VII.</i>	1498
de Commercialibus, et mercatoribus. <i>tit. lxiii. ex lib. IV.</i>	600
Comminationes, Epistolæ, Programmata, Subscriptiones auctoritatem rei judicatæ non habere. <i>tit. lvii. ex lib. VII.</i>	1666

de Commodato. <i>tit. xxiii. ex lib. IV.</i>	pag. 455
Communia de legatis, et fideicommissis, et de in rem missione tollenda. <i>tit. xliii. ex lib. VI.</i>	1279
Communia de manumissionibus. <i>tit. xv. ex lib. VII.</i>	1477
Communia de successionibus. <i>tit. lix. ex lib. VI.</i>	1398
Communia de usucapionibus. <i>tit. xxx. ex lib. VII.</i>	1514
de Comuni servo manumisso. <i>tit. vii. ex lib. VII.</i>	1451
de Communium rerum alienatione. <i>tit. lii. ex lib. IV.</i>	577
de Compensationibus. <i>tit. xxxi. ex lib. IV.</i>	490
de Concubinis. <i>tit. xxvi. ex lib. V.</i>	828
de Conditione ex lege, etc. <i>tit. ix. ex lib. IV.</i>	353
de Conditione furtiva. <i>tit. viii. ex lib. IV.</i>	351
de Conditione indebiti. <i>tit. v. ex lib. IV.</i>	324
de Conditione ob causam datorum. <i>tit. vi. ex lib. IV.</i>	340
de Conditione ob turpem causam. <i>tit. vii. ex lib. IV.</i>	349
de Conditionibus insertis tam legatis, quam fideicommissis, et libertatibus. <i>tit. xlvi. ex lib. VI.</i>	1295
de Confessis. <i>tit. lix. ex lib. VII.</i>	1669
de Confirmando tutore. <i>tit. xxix. ex lib. V.</i>	835
de Constituta pecunia. <i>tit. xviii. ex lib. IV.</i>	387
de Contrahenda, et committenda stipulatione. <i>tit. xxxvii. ex lib. VIII.</i>	1900
de Contrahenda emptione, et venditione. <i>tit. xxxviii. ex lib. IV.</i>	541
de Contrario judicio tutelæ. <i>tit. lviii. ex lib. V.</i>	904
Creditorem evictionem pignoris non debere. <i>tit. xlv. ex lib. VIII.</i>	1981
de Crimine expilatæ hereditatis. <i>titul. xxxii. ex lib. IX.</i>	2217
de Crimine peculatus. <i>tit. xxviii. ex lib. IX.</i>	2213
de Crimine sacrilegii. <i>tit. xxix. ex lib. IX.</i>	2214
de Crimine stellionatus. <i>tit. xxxiv. ex lib. IX.</i>	2224
de Curatore furiosi, vel prodigi. <i>tit. lxx. ex lib. V.</i>	916
de Custodia rerum. <i>tit. iv. ex lib. IX.</i>	2109

D

- Debitorem venditionem pignoris impedire non posse. *tit. xxviii. ex lib. VIII. pag.* 1873
- Dedititia libertate tollenda. *tit. v. ex lib. VII.* 1446
- Depositi, vel contra. *tit. xxxiv. ex lib. IV.* 520
- de Distractione pignorum. *tit. xxvii. ex lib. VIII.* 1868
- de Dividenda tutela, et pro qua parte quisque tutorum conveniatur. *tit. lü. ex lib. V.* 898
- Divortio facto apud quem liberi morari, vel educari debeant. *tit. xxiv. ex lib. V.* 827
- de Donationibus. *tit. lüi. ex lib. VIII.* 2023
- de Donationibus ante nuptias, vel propter nuptias, et sponsalibus. *tit. iiii. ex lib. V.* 655
- de Donationibus inter virum et uxorem, et a parentibus in liberos factis, et de ratihabitione. *tit. xvi. ex lib. V.* 800
- de Donationibus, quæ sub modo, vel conditione, vel sub certo tempore faciuntur. *titul. liv. ex lib. VIII.* 2052
- de Dote cauta non numerata. *tit. xv. ex lib. I.* 799
- de Dotis promissione, et nuda pollicitatione. *tit. xi. ex lib. V.* 714
- de Duobus reis stipulandi, et promittendi. *tit. xxxix. ex lib. VIII.* 1937

E

- de Edendo. *tit. i. ex lib. II.* 5
- de Edicto Divi Adriani tollendo, et quemadmodum scriptus hæres in possessionem mittatur. *t. xxxiii. ex lib. VI.* 1194
- de Emancipationibus liberorum. *titul. xlviii. ex lib. VIII.* 1990
- de Emendatione propinquorum. *tit. xv. ex lib. IX.* 2182
- de Emendatione servorum. *tit. xiv. ex lib. IX.* 2181
- de Eo, qui pro tutore negotium gessit. *tit. xlv. ex lib. V.* 881
- Etiam ob chirographariam pecuniam pignus teneri posse. *tit. xxvi. ex lib. VIII.* 1863
- de Evictionibus. *tit. xlv. ex lib. VIII.* 1957
- de Eunuchis. *tit. xlii. ex lib. IV.* 552
- de Exceptionibus, sive præscriptionibus. *tit. xxxv. ex lib. VIII.* 1884

- de Excusatione veteranorum. *tit. lxxv. ex lib. V. pag.* 931
- de Excusationibus tutorum, vel curatorum, et de temporibus earum. *tit. lxxii. ex lib. V.* 909
- Ex delictis defunctorum in quantum hæredes conveniantur. *tit. xvii. ex lib. IV.* 388
- de Executione rei judicatæ. *tit. lüi. ex lib. VII.* 1634
- de Exercitoria, et institoria actione. *tit. xxv. ex libro IV.* 451
- de Exhibendis, et transmittendis reis. *tit. iiii. ex libro IX.* 2105

F

- de Falsa causa adjecta legato, vel fideicommisso. *tit. xlv. ex lib. VI.* 1291
- de Falsa moneta. *tit. xxiv. ex lib. IX.* 2205
- de Famosis libellis. *tit. xxxvi. ex lib. IX.* 2229
- de Fideicommissariis libertatibus. *tit. iv. ex lib. VII.* 1436
- de Fideicommissis. *tit. xlii. ex lib. VI.* 1264
- de Fide instrumentorum. *tit. xxi. ex lib. IV.* 420
- de Fidejussoribus, et mandatoribus. *tit. xl. ex lib. VIII.* 1940
- de Fidejussoribus tutorum, vel curatorum. *tit. lvii. ex lib. V.* 903
- de Fructibus, et litium expensis. *titul. li. ex libro VII.* 1646
- de Fundo dotali. *tit. xxiii. ex lib. V.* 826
- de Furtis, et servo corrupto. *tit. ii. ex lib. VI.* 931

G

- de Generali abolitione. *tit. xliii. ex lib. IX.* 2245

H

- de Hæredibus instituendis, et quæ personæ hæredes institui non possunt. *tit. xxiv. ex lib. VI.* 1081
- de Hæredibus tutorum, vel curatorum. *tit. liv. ex libro V.* 900
- de Hæreditariis actionibus. *tit. xvi. ex lib. IV.* 379
- de Hæreditate, vel actione vendita. *tit. xxxix. ex lib. IV.* 545
- de Hæreditatibus decurionum, naviculario-

- rum, cohortalium militum, et fabricentium. *tit. lxii. ex lib. VI.* pag. 1416
- de His, quæ pœnæ nomine in testamento, vel codicillis relinquuntur. *tit. xli. ex lib. VI.* 1259
- de His, quæ sub modo legata, vel fideicommissa relinquuntur. *tit. xlv. ex lib. VI.* 1291
- de His, qui a nō domino manumissi sunt. *tit. i. ex lib. VII.* 1458
- de His, qui ante apertas tabulas hæreditatem transmittunt. *tit. lii. ex lib. VI.* 1372
- de His, quibus ut indignis hæreditas auferatur, et ad SC. Syllanianum. *tit. xxxv. ex lib. VI.* 1205
- de His, qui in priorum creditorum locum succedunt. *tit. xviii. ex lib. VIII.* 1850
- de His, qui latrones, vel aliis criminibus reos occultaverint. *tit. xxxix. ex lib. IX.* 2231
- de His, qui parentes, vel liberos occiderunt. *tit. xvii. ex lib. IX.* 2185
- de His, qui propter metum judicis non appellarunt. *tit. lxxvii. ex lib. VII.* 1705
- de His, qui sibi adscribunt in testament. *tit. xxiii. ex lib. IX.* 2201

I

- de Impuberum, et aliis substitution. *tit. xxvi. ex libro VI.* 1114
- de Incertis personis. *tit. xlviii. ex lib. VI.* 1304
- de Incestis, et inutilibus nuptiis. *tit. v. ex lib. V.* 664
- de Indicta viduitate, et de lege Julia Miscella tollenda. *tit. xl. ex lib. VI.* 1250
- de Infantibus expositis liberis, et servis, et de his, qui sanguinolentos nutriendos acceperunt. *tit. li. ex lib. VIII.* 2012
- de Infirmendis pœnis coelibatus, et orbitatis, et de decimaribus sublatiis. *tit. lvii. ex lib. VIII.* 2065
- de Ingenuis manumissis. *tit. xiv. ex lib. VII.* 1472
- de Ingratis liberis. *tit. xlix. ex lib. VIII.* 2003
- de Injuriis. *tit. xxxv. ex lib. IX.* 2226
- de In jus vocando. *tit. ii. ex lib. II.* 53
- de In litem dando tutore, vel curatore. *tit. xlv. ex lib. V.* 878
- de In litem jurando. *tit. liii. ex lib. V.* 896
- In quibus casibus tutorem, vel curatorem habenti tutor, vel curator detur. *tit. xxxvi. ex lib. V.* 850

- In quibus casibus cessat longi temporis præscriptio. *tit. xxxiv. ex lib. VII.* pag. 1550
- In quibus causis pignus, vel hypotheca tacite contrahitur. *tit. xiv. ex lib. VIII.* 1823
- de Institutionibus et substitutionibus, seu restitutionibus sub conditione factis. *tit. xxv. ex lib. VI.* 1002
- de Interdictis. *tit. i. ex lib. VIII.* 1724
- de Interdicto matrimonio inter pupillam et tutorem, seu curatorem, filiosque eorum. *tit. vi. ex lib. V.* 670
- de Inutilibus stipulationibus. *tit. xxxviii. ex lib. VIII.* 1935
- de Judiciis. *tit. i. ex lib. III.* 168
- de Jure aureorum annulorum, et de natalibus restituendis. *tit. viii. ex lib. VI.* 974
- de Jure deliberandi, et de adeunda, vel acquirenda hæreditate. *tit. xxx. ex lib. VI.* 1158
- de Jure domini impetrando. *tit. xxxiii. ex lib. VIII.* 1881
- de Jure dotium. *tit. xii. ex lib. V.* 717
- de Jure emphyteutico. *tit. lxxvi. ex lib. IV.* 620
- de Jure liberorum. *tit. lviii. ex lib. VIII.* 2070

L

- de Latina libertate tollenda, et per certos modos in Civitatem Romanam transfusa. *tit. vi. ex lib. VII.* 1448
- de Legatis. *tit. xxxvii. ex lib. VI.* 1224
- de Lege Fusia Caninia tollenda. *tit. iii. ex lib. VII.* 1454
- de Legitima tutela. *tit. xxx. ex lib. V.* 837
- de Legitimis hæredibus. *tit. lviii. ex lib. VI.* 1389
- de Liberali causa. *tit. xvi. ex lib. VII.* 1480
- de Liberis exhibendis, seu deducendis, et de libero homine exhibendo. *tit. viii. ex lib. VIII.* 1774
- de Liberis præteritis, et exhæredatis. *tit. xxviii. ex libro VI.* 1147
- de Libertis, et eorum liberis. *tit. vii. ex lib. VI.* 972
- de Litigiis. *tit. xxxvi. ex lib. VIII.* 1897
- de Locato, et conducto. *tit. lxxv. ex lib. IV.* 606
- de Longi temporis præscriptione, quæ pro libertate, et non adversus liber-

tatem opponitur . *tit. xxii. ex libro VII.* pag. 1301
 de Luitione pignoris . *tit. xxx. ex lib. VIII.* 1877

M

de Magistratibus conveniendis . *tit. lxxv. ex lib. V.* 924
 de Maleficiis , et Mathematicis , et ceteris similibus . *tit. xviii. ex lib. IX.* 2186
 Mandati , vel contra . *tit. xxxv. ex lib. IV.* 528
 de Monopoliis , et conventu negotiatorum illicito , vel artificum , ergo laborum , necnon balnearum prohibitis , illicitisque pactionibus . *tit. lix. ex lib. IV.* 893
 de Mortis causa donationibus . *tit. lvi. ex lib. VIII.* 2061
 de Mulieribus , quæ servis propriis se junxerunt . *tit. xi. ex lib. IX.* 2172
 de Mutatione nomini . *tit. xxv. ex lib. IX.* 2209

N

de Naturalibus liberis , et matribus eorum , et ex quibus causis justi efficiantur . *tit. xxvii. ex lib. V.* 829
 de Nautico fœnore . *tit. xxxiii. ex lib. IV.* 518
 de Necessariis hæredibus instituendis , vel substituendis . *tit. xxvii. ex lib. VI.* 1135
 Ne de statu defunctorum , etc. *tit. xxi. ex lib. VII.* 1499
 Ne dominicæ rei , vel templorum vindictio temporis præscriptione subnoventur . *tit. xxxviii. ex lib. VII.* 1557
 Ne fidejussores , vel mandatores dotium dentur . *tit. xx. ex lib. V.* 817
 Ne filius pro patre , vel pater pro filio emancipato , vel libertus pro patrono conveniatur . *tit. xiii. ex lib. IV.* 371
 Ne liceat in una eademque causa tertio provocare , vel post duas sententias judicum , quas definitio Præfectorum roboraverit , retractare . *tit. lxx. ex lib. VII.* 1708
 Ne pro dote mulieris bona quondam mariti abdicantur . *tit. xxii. ex lib. V.* 824
 Ne sine jussu principis certis judicibus liceat confiscare . *tit. xlviii. ex lib. IX.* 2254
 Ne tutor , vel curator vectigalia conducat . *tit. xli. ex lib. V.* 870

Ne uxor pro marito , vel maritus pro uxore , vel mater pro filio conveniatur . *tit. xii. ex lib. IV.* pag. 369
 de Nili aggeribus non rumpendis . *tit. xxxviii. ex lib. IX.* 2250
 de Non numerata pecunia . *tit. xxx. ex lib. IV.* 486
 de Novationibus , et delegationibus . *tit. xli. ex lib. VIII.* 1949
 de Nudo jure Quiritium tollendo . *tit. xxv. ex lib. VII.* 1503
 de Nundiniis , et mercatibus . *tit. lx. ex lib. IV.* 594
 de Nuptiis . *tit. iv. ex lib. V.* 653

O

de Obligationibus , et actionibus . *tit. x. ex lib. IV.* 356
 de Obsequiis patronis præstandis . *tit. vi. ex lib. VI.* 969
 de Operibus publicis . *tit. xi. ex lib. VIII.* 1795
 de Operis libertorum . *tit. iii. ex lib. VI.* 951
 de Ordine cognitionum . *tit. xix. ex lib. VII.* 1498

P

de Pactis . *tit. iii. ex lib. II.* 58
 de Pactis conventis tam super dote , quam super donatione ante nuptias , et paraphernis . *tit. xiv. ex lib. V.* 793
 de Pactis inter emptorem , et venditorem compositis , *tit. liv. ex lib. IV.* 580
 de Pactis pignoris , et de lege commissoria in pignoribus rescindenda . *tit. xxxiv. ex lib. VIII.* 1883
 de Partu pignoris , et omni causa . *tit. xxiv. ex lib. VIII.* 1860
 de Patria potestate . *tit. xlv. ex lib. VIII.* 1985
 de Patribus , qui filios suos distraxerunt . *tit. xliii. ex lib. IV.* 555
 de Peculio ejus , qui libertatem meruit . *tit. xxiii. ex lib. VII.* 1502
 de Periculo , et commodo rei venditæ . *tit. xlviii. ex lib. IV.* 506
 de Periculo tutorum , vel curatorum . *tit. xxxviii. ex lib. V.* 865
 Per quas personas nobis acquiratur . *tit. xxvii. ex lib. IV.* 468
 de Petitione hæreditatis . *tit. xxxi. ex lib. III.* 224

- de Pignoratiua actione . *tit. xxiv. ex lib. IV.* pag. 439
- de Pignoribus et hypothecis . *tit. xiii. ex lib. VIII.* 1800
- Plus valere quod agitur , quam quod simulate concipitur . *tit. xxii. ex lib. IV.* 434
- de Poena iudicis , qui male iudicavit . *tit. xlix. ex lib. VII.* 1642
- de Poenis . *tit. xlvii. ex lib. IX.* 2251
- de Postliminio , et red. ab host. *tit. l. ex lib. VIII.* 2005
- de Posthumis hæredibus instituendis , vel exhæredandis , vel participis . *tit. xix. ex lib. VI.* 1152
- de Precario , et Sølviāno interdicto . *tit. ix. ex lib. VIII.* 1776
- de Prædiis , et aliis rebus minorum sine decreto non alienandis , vel obligandis . *tit. lxxi. ex lib. V.* 918
- de Præscriptione longi temporis . *tit. xxxiii. ex lib. VII.* 1542
- de Præscriptione triginta , vel quadraginta annorum . *tit. xxxix. ex lib. VII.* 1558
- de Prætorio pignore , et ut in actionibus etiam debitorum prætorii pignoris missio procedat . *tit. xxi. ex lib. VIII.* 1854
- de Privatis carceribus inhibendis . *tit. v. ex lib. IX.* 2116
- de Privilegio dotis . *tit. lxxiv. ex lib. VII.* 1720
- de Privilegio fisci . *tit. lxxiii. ex lib. VII.* 1717
- de Probationibus . *tit. xix. ex lib. IV.* 391
- de Prohibita sequestratione pecuniæ . *tit. iv. ex lib. IV.* 522
- Pro quibus causis servi pro præmio libertatem accipiunt . *tit. xiii. ex lib. VII.* 1469
- Pro socio . *tit. xxxvii. ex lib. IV.* 537
- Q
- de Quadriennii præscriptione . *tit. xxxviii. ex lib. VII.* 1554
- Quæ res exportari non debeant . *tit. xli. ex lib. IV.* 551
- Quæ res pignori obligari possunt , vel non , et qualiter pignus contrahitur . *tit. xvi. ex lib. VIII.* 1832
- Quæ res venire non possunt , et quæ vendere , vel emere vetantur . *tit. xl. ex lib. IV.* 550
- Quæ sit longa consuetudo . *tit. lii. ex lib. VIII.* 2016
- de Quæstionibus , *tit. xli. ex lib. IX.* 2252
- Quando civilis actio criminali præjudicet : et an utraque ab eodem exerceri possit . *tit. xxxi. ex lib. IX.* pag. 2215
- Quando decreto opus non est . *tit. lxxii. ex lib. V.* 921
- Quando dies legati , vel fideicommissi cedat . *tit. liii. ex lib. VI.* 1372
- Quando ex facto tutoris , vel curatoris minores agere , vel conveniri possunt . *tit. xxxix. ex lib. V.* 866
- Quando fiscus , vel privatus debitoris sui exigere possit , vel debeat . *tit. xv. ex lib. IV.* 578
- Quando mulier tutelæ officio fungi potest . *tit. xxxv. ex lib. V.* 846
- Quando non petentium partes petentibus accrescant . *tit. x. ex lib. VI.* 981
- Quando provocare non est necesse . *tit. lxiv. ex lib. VII.* 1697
- Quando tutores , vel curatores esse designant . *tit. lx. ex lib. V.* 908
- Quemadmodum testamenta aperiantur , inspiciantur , et describantur . *tit. xxxii. ex lib. VI.* 1190
- Qui accusare non possunt . *tit. i. ex lib. IX.* 2071
- Qui ætate se excusant . *tit. lxxviii. ex lib. V.* 93
- Qui admitti ab bonorum possessionem possint , et intra quod tempus . *tit. ix. ex lib. VI.* 975
- Qui bonis cedere possunt . *tit. lxxi. ex lib. VII.* 1709
- Quibus ad libertatem proclamare non licet , et de rebus eorum , qui ad libertatem proclamare non prohibentur . *tit. xviii. ex lib. VII.* 1493
- Quibus non obijcitur longi temporis præscriptio . *tit. xxxv. ex lib. VII.* 1552
- Quibus res iudicata non noceat . *tit. lvi. ex lib. VII.* 1664
- Qui dari tutores , vel curatores possunt , et qui dari non possunt . *tit. xxxiv. ex lib. V.* 846
- Qui manumittere non possunt , et ne in fraudem creditorum manumittatur . *tit. xi. ex lib. VII.* 1160
- Qui morbo se excusant . *tit. lxxvii. ex lib. V.* 915
- Qui non possunt ad libertatem pervenire . *tit. xii. ex lib. VII.* 1466
- Qui numero liberorum se excusant . *tit. lxvi. ex lib. V.* 914

Qui numero tutelarum se excusant . <i>tit. lxxix. ex lib. V.</i>	pag. 915
Qui petant tutores, vel curatores . <i>tit. xxxi. ex lib. V.</i>	842
Qui potiores in pignore habeantur . <i>tit. xvii. ex lib. VIII.</i>	1836
Qui testamentum facere possunt, vel non . <i>tit. xxii. ex lib. VI.</i>	1058
Quod cum eo, qui in aliena potestate negotium gestum esse dicitur, vel de peculio, seu quod jussu, vel de in rem verso . <i>tit. xxvi. ex lib. IV.</i>	455
Quod legatorum . <i>tit. iii. ex lib. VIII.</i>	1741
Quomodo, et quando judex sententiam proferre debeat presentibus partibus, vel una parte absente . <i>tit. xliii. ex lib. VII.</i>	1602
Quorum appellationes non recipiantur . <i>tit. lxxv. ex lib. VII.</i>	1700
Quorum honorum . <i>tit. ii. ex lib. VIII.</i>	1787

R

de Raptu virginum, seu viduarum, vel sanctimonialium . <i>tit. xiii. ex lib. IX.</i>	2179
de Ratiocinis operum publicorum, et patribus Civitatum . <i>tit. xii. ex lib. VIII.</i>	1799
de Rebus alienis non alienandis . <i>tit. li. ex lib. IV.</i>	576
de Rebus creditis, et jurejur . <i>tit. i. ex lib. IV.</i>	274
de Re judicata . <i>tit. lii. ex lib. VII.</i>	1650
de Rei uxoris actione in ex stipulatu actionem transfusa, et de natura dotibus præstita . <i>tit. xiii. ex lib. V.</i>	752
de Relationibus . <i>tit. lxi. ex lib. VII.</i>	1670
Rem alienam gerentibus non interdicti rerum suarum alienatione . <i>tit. liii. ex lib. IV.</i>	579
de Remissione pignoris . <i>tit. xxv. ex lib. VIII.</i>	1862
de Repudianda bonorum possessione . <i>tit. xix. ex lib. VI.</i>	1017
de Repudianda, vel abstinenda hereditate . <i>tit. xxxi. ex lib. VI.</i>	1183
de Repudiis, et judicio de moribus sublato . <i>tit. xvii. ex lib. V.</i>	805
de Requirendis reis . <i>tit. xl. ex lib. IX.</i>	2231
Rerum amotarum . <i>tit. xxi. ex lib. V.</i>	819
de Rerum permutatione, et præscriptis verbis actione . <i>tit. lxxiv. ex lib. IV.</i>	603
de Rescindenda venditione, et quando li-	

TOM. IX.

ceat ab emptione discedere . <i>tit. xlv. ex lib. IV.</i>	pag. 554
Res inter alios actas, vel judicatas alii non nocere . <i>tit. lx. ex lib. VII.</i>	1670
de Revocandis donationibus . <i>tit. lv. ex lib. VIII.</i>	2055
de Revocandis his, quæ in fraudem alienata sunt . <i>tit. lxxv. ex lib. VII.</i>	1722

S

de Secundis nuptiis . <i>tit. ix. ex lib. V.</i>	673
de Seditiosis, et his, qui contra Rempublicam audent plebem colligere . <i>tit. xxx. ex lib. IX.</i>	2215
de Senatusconsulto Claudiano tollendo . <i>tit. xxiv. ex lib. VII.</i>	1503
de Sententiam passis, et restitutis . <i>tit. li. ex lib. IX.</i>	2258
Sententiam rescindi non posse . <i>tit. l. ex lib. VII.</i>	1611
de Sententia, quæ sine certa quantitate prolata est . <i>tit. xlv. ex lib. VII.</i>	1623
de Sententiis, et interlocutionibus omnium judicum . <i>tit. xlv. ex lib. VII.</i>	1611
de Sententiis ex periculo recitandis . <i>tit. xlv. ex lib. VII.</i>	1608
de Sententiis præfectorum prætorio . <i>tit. xlii. ex lib. VII.</i>	1600
de Sententiis, quæ pro eo, quod interest proferuntur . <i>tit. xlvii. ex lib. VII.</i>	1625
de Sepulcro violato . <i>tit. xix. ex lib. IX.</i>	2188
de Servis fugitivis, et libertis mancipiisque civitatum, artificibus, et ad diversa opera deputatis, et ad rem privatam, vel dominicam pertinentibus . <i>tit. i. ex lib. VI.</i>	928
de Servis Reipublicæ manumittendis . <i>tit. ix. ex lib. VII.</i>	1456
de Servo pignori dato manumisso . <i>tit. viii. ex lib. VII.</i>	1454
Si adversus creditorem præscriptio opponatur . <i>tit. xxxvi. ex lib. VII.</i>	1553
Si aliena res pignori data est . <i>tit. xv. ex lib. VIII.</i>	1827
Si a non competenti iudice iudicatum esse dicatur . <i>tit. xlviii. ex lib. VII.</i>	1638
Si antiquior creditor pignus vendiderit . <i>tit. xix. ex lib. VIII.</i>	1855
Si certum petatur . <i>tit. ii. ex lib. IV.</i>	801
Si communis res pignori data sit . <i>tit. xx. ex lib. VIII.</i>	1854

166

- Si contra matris voluntatem tutor datus sit . *tit. xlvii. ex lib. V.* pag. 885
- Si de momentanea possessione fuerit appellatum . *tit. lxix. ex lib. VII.* 1706
- Si dos constante matrimonio soluta fuerit . *tit. xix. ex lib. V.* 814
- Si ex falsis testamentis, vel testimoniis iudicatum erit . *tit. lviii. ex lib. VII.* 1668
- Si ex pluribus tutoribus, vel curatoribus omnes, vel unus agere pro minore, vel conveniri possit . *tit. xl. ex lib. V.* 868
- Si in causa iudicati pignus captum sit . *tit. xxii. ex lib. VIII.* 1856
- Si in fraudem patroni a libertis alienatio facta sit . *tit. v. ex lib. VI.* 965
- Si major factus alienationem factam sine decreto ratam habuerit . *tit. lxxiv. ex lib. V.* 923
- Si mancipium ita venierit ne prostituatur . *tit. lvi. ex lib. IV.* 586
- Si mancipium fuerit alienatum ut manumittatur, vel contra . *tit. lvii. ex lib. IV.* 588
- Si mater indemnitatem promisit . *tit. xlvi. ex lib. V.* 812
- Sine censu, vel reliquis fundum comparari non posse . *tit. xlvii. ex lib. IV.* 565
- Si nuptiæ ex rescripto petantur . *tit. viii. ex lib. V.* 674
- Si omissa sit causa testamenti . *tit. xxxix. ex lib. VI.* 1254
- Si pendente appellatione mors intervenerit . *tit. lxxvi. ex lib. VII.* 1702
- Si per vim, vel alio modo absentis perturbata sit possessio . *tit. v. ex lib. VIII.* 1764
- Si pignoris conventionem numeratio pignoris secuta non sit . *tit. xxxii. ex lib. VIII.* 1380
- Si pignus pignori datum sit . *tit. xxiii. ex lib. VIII.* 1859
- Si plures una sententia condemnati sint . *tit. lv. ex lib. VII.* 1663
- Si propter publicas pensationes venditio fuerit celebrata . *tit. xlvi. ex lib. IV.* 562
- Si quacunque præditus potestate, vel ad eum pertinentes ad suppositarum jurisdictioni suæ aspirare tentaverit nuptias . *tit. vii. ex lib. V.* 673
- Si quis aliquem testari prohibuerit, vel coegerit . *tit. xxxiv. ex lib. VI.* 1199
- Si quis alteri, vel sibi sub alterius nomine, vel aliena pecunia emerit . *tit. l. ex lib. IV.* 575
- Si quis eam, cuius tutor fuerit, corruperit . *tit. x. ex lib. IX.* pag. 2171
- Si quis ignorans rem minoris esse, sine decreto comparaverit . *tit. lxxiii. ex lib. V.* 922
- Si quis Imperatori maledixerit . *tit. vii. ex lib. IX.* 2119
- Si Rector provinciae, vel ad eum pertinentes sponsalitia dederint . *tit. ii. ex lib. V.* 650
- Si reus, vel accusator mortuus fuerit . *tit. vi. ex lib. IX.* 2117
- Si secundo nupserit mulier, cui maritus usufructum reliquit . *tit. x. ex lib. V.* 712
- Si servus exportatus veneat . *tit. lv. ex lib. IV.* 584
- Si servus extero se emi mandaverit . *tit. xxxvi. ex lib. IV.* 556
- Si tutor, vel curator falsis allegationibus excusatus sit . *tit. lxxiii. ex lib. V.* 912
- Si tutor, vel curator non gesserit . *tit. lv. ex lib. V.* 901
- Si tutor, vel curator Reipublicæ causa abfuerit . *tit. lxxiv. ex lib. V.* 913
- Si vendito pignore agatur . *tit. xxix. ex lib. VIII.* 1874
- Si unus ex pluribus appellaverit . *tit. lxxviii. ex lib. VII.* 1706
- Si unus ex pluribus hæredibus creditoris, vel debitoris partem suam deliti solverit, vel acceperit . *tit. xxxi. ex lib. VIII.* 1879
- de Solutionibus, et liberationibus . *tit. xlii. ex lib. VIII.* 1953
- Soluto matrimonio dos quemadmodum petatur . *tit. xviii. ex lib. V.* 809
- de Sponsalibus, et arris, etc. *tit. i. ex lib. V.* 640
- de Successorio edicto . *tit. xvi. ex lib. VI.* 1004
- de Suffragio . *tit. iii. ex lib. IV.* 520
- de Suis et legitimis liberis, et ex filia nepotibus ab intestato venientibus . *tit. lv. ex lib. VI.* 1576
- de Suspectis tutoribus, et curatoribus . *tit. xliii. ex lib. V.* 876
- T
- de Tabulis exhibendis . *tit. vii. ex lib. VIII.* 1772
- de Temporibus, et repactionibus appel-

lationum et consultationum . <i>tit. lxiii.</i> <i>ex lib. VII.</i>	pag. 1686
de Testamentaria manumissione . <i>tit. ii.</i> <i>ex lib. VII.</i>	1427
de Testamentaria tutela . <i>tit. xxviii.</i> <i>ex</i> <i>lib. V.</i>	832
de Testamento militis . <i>tit. xxi.</i> <i>ex lib.</i> <i>VI.</i>	1052
de Testamentis , et quemadmodum testa- menta ordinentur . <i>tit. xxiii.</i> <i>ex lib.</i> <i>VI.</i>	1064
de Testibus . <i>tit. xx.</i> <i>ex lib. IV.</i>	408
de Tutore , vel curatore , qui satis non dedit . <i>tit. xlii.</i> <i>ex lib. V.</i>	874
de Tutoribus , vel curatoribus illustrium , vel clarissimarum personarum . <i>tit.</i> <i>xxxiii.</i> <i>ex lib. V.</i>	844

V

Ubi pupilli educari debeant . <i>tit. xlix.</i> <i>ex lib. V.</i>	885
Ubi tutores , vel curatores petantur . <i>tit.</i> <i>xxxii.</i> <i>ex lib. V.</i>	844
Vectigalia nova institui non posse . <i>tit.</i> <i>lxii.</i> <i>ex lib. IV.</i>	599
de Vectigalibus , et commissis . <i>tit. lxi.</i> <i>ex lib. IV.</i>	595
de Verborum , et rerum significatione . <i>tit. xxxviii.</i> <i>ex lib. VI.</i>	1215
de Vi bonorum raptorum . <i>tit. xxxiii.</i> <i>ex</i> <i>lib. IX.</i>	2222
de Vindicta libertate , et apud concilium manumissione . <i>tit. i.</i> <i>ex lib. VII.</i>	1419

Unde legitimi , et unde cognati . <i>tit. xv.</i> <i>ex lib. VI.</i>	pag. 1003
Unde liberi . <i>tit. xiv.</i> <i>ex lib. VI.</i>	997
Unde vi . <i>tit. iv.</i> <i>ex lib. VIII.</i>	1742
Unde vir , et uxor . <i>tit. xviii.</i> <i>ex lib. VI.</i>	1015
de Usucapione pro donato . <i>tit. xxvii.</i> <i>ex</i> <i>lib. VI.</i>	1510
de Usucapione pro dote . <i>tit. xxviii.</i> <i>ex</i> <i>lib. VII.</i>	1312
de Usucapione pro emptore , vel transa- ctione . <i>tit. xxvi.</i> <i>ex lib. VII.</i>	1506
de Usucapione pro hærede . <i>tit. xxix.</i> <i>ex</i> <i>lib. VII.</i>	1513
de Usucapione transformanda , et de su- blata differentia rerum Mancipi , et nec Mancipi . <i>tit. xxxi.</i> <i>ex libro VII.</i>	1515
de Usuris . <i>tit. xxxii.</i> <i>ex lib. IV.</i>	502
de Usuris , et fructibus legatorum , seu fi- deicommissorum . <i>tit. xlvii.</i> <i>ex lib. VI.</i>	1300
de Usuris pupillaribus . <i>tit. lvi.</i> <i>ex lib. V.</i>	902
de Usuris rei judicatæ . <i>tit. liv.</i> <i>ex lib.</i> <i>VII.</i>	1659
Ut actiones ab hæredibus , et contra hæ- redes incipiant . <i>tit. xi.</i> <i>ex lib. IV.</i>	367
Ut causæ post pubertatem adsit tutor . <i>tit. xlviii.</i> <i>ex lib. V.</i>	884
Ut in possessionem legatorum , vel fidei- commissorum servandorum causa mit- tatur , et quando satisfdari debeat . <i>tit.</i> <i>liv.</i> <i>ex lib. VI.</i>	1374
Ut intra certum tempus criminalis quæstio terminetur . <i>tit. xlv.</i> <i>ex lib. IX.</i>	2246
Ut possidetis . <i>tit. vi.</i> <i>ex lib. VIII.</i>	1768

INDEX ALTER ALPHABETICUS

LEGUM, ET PARAGRAPHORUM

EX PRÆCITATIS TITULIS CODICIS.

A	
<i>L. Ab administratione</i> 8. De legatis. pag.	1254
<i>L. Ab hostibus</i> 2. De postlimin. revers.	2007
<i>L. Actori delato</i> 8. De reb. cred. et jurejur.	289
<i>L. Ad commentariensem</i> 4. De cust. reor.	2113
<i>L. Ad probationem</i> 22. De probation.	599
<i>L. Ad probationem</i> 21. De probationibus.	406
<i>L. Adversus creditorem</i> 5. De usur.	507
<i>L. Adversus debitorem</i> 10. De oblig. et act.	506
<i>L. Adversus fratrem</i> 3. De excep. seu præscr.	1887
<i>L. Adultera si postea</i> 13. Ad Leg. Jul. de adult.	2153
<i>L. Adulter post quinquennium</i> 5. Ad leg. Jul. de adul.	2137
<i>L. A judice</i> 5. De judic.	181
<i>L. Alia causa</i> 3. De his, quib. ut indign.	1213
<i>L. An in totum</i> 5. De ædif. priv.	1780
<i>L. Apertissimi juris est</i> 16. De judic.	219
<i>L. Apud antiquos pen. de fur. de ser. cor.</i>	042
<i>L. Assiduis additionibus ult. Qui pot. in pig. hab.</i>	1845
<i>§. Ad hæc omnia.</i>	1846

B

<i>L. Bonam fidem</i> 4. De oblig. et act.	361
--	-----

C

<i>L. Castitati temporum</i> 9. Ad leg. Jul. de adult.	pag. 2147
<i>L. Causa jurejurando</i> 1. De reb. cre. et jurejur.	274
<i>L. Certi juris est penult. De judic.</i>	224
<i>L. Certi juris est</i> 5. De locat. et conduct.	610
<i>L. Cessante omni penul. De commer. et mercat.</i>	602
<i>L. Circa locationes</i> 19. De locat. et conduct.	616
<i>L. Civile est</i> 5. De fur. et ser. corrup.	938
<i>L. Cogi possessores</i> 11. De petit. hæredit.	260
<i>L. Comparationes</i> 20. De fide instr.	427
<i>L. Competit nostra</i> 6. De præscr. 30. vel 40. ann.	1568
<i>L. Conditioni</i> 2. De institu. et substitut.	1097
<i>L. Conditionis incertum</i> 1. De Pactis.	44
<i>L. Constitutionibus</i> 20. De usur.	513
<i>L. Consuetudinis</i> 2. Quæ sit longa consuet.	2020
<i>L. Contractus</i> 17. De fide instrum.	422
<i>L. Creditor ad petitionem</i> 20. De pign. et hypoth.	4818
<i>L. Creditor</i> 3. De pignor. act.	439
<i>L. Creditores, qui non reddita</i> 5. De pign. et hyp.	1805
<i>L. Creditoris falso</i> 8. De cond. indeb.	355
<i>L. Creditori tuo</i> 5. De pact.	76
<i>L. Creditor qui fundos</i> 7. De pignor. act.	444

L. <i>Cum adsciveres te</i> 1. De præs. 30. vel 40. ann.	pag. 1563
L. <i>Cum alienam</i> 10. De legat.	1235
L. <i>Cum aliis sanctionibus</i> 4. De secund. nupt.	688
L. <i>Cum aliquis</i> 21. De jur. delib.	1169
L. <i>Cum anterioribus</i> ult. De temp. et re- par. appell.	1691
§. <i>Et cum.</i>	1692
§. <i>In his autem.</i>	ibid
§. <i>Si tamen.</i>	1693
L. <i>Cum apud</i> ult. De testib.	419
L. <i>Cum debitoris</i> 7. De judic.	184
L. <i>Cum dubitabatur</i> 3. De jure emphyt.	636
L. <i>Cum eorum, qui</i> 5. De sent. et in- terloc.	1619
L. <i>Cum etiam</i> 5. De reb. cred. et ju- rejur.	288
L. <i>Cum ex causa</i> 2. Manda. vel contra.	531
L. <i>Cum filiusfamilias</i> 1. Quod cum eo, etc.	455
L. <i>Cum hæredes</i> 1. De impub. et aliis substit.	1117
L. <i>Cum hæreditas</i> 9. Deposit. vel cont.	524
L. <i>Cum hæreditatis</i> ult. De petit. hæred.	266
§. <i>Sin autem.</i>	ibid
L. <i>Cum adoptivis</i> 10. De adoption.	1996
L. <i>Cum in antiquioribus</i> 19. De jure delib.	1164
L. <i>Cum in longi</i> ult. de præs. longi temp.	1548
L. <i>Cum nemo causam</i> 5. De acquir. et retin. poss.	1537
L. <i>Cum nondum</i> 4. De excep. seu præ- script.	1889
L. <i>Cum notissimi juris</i> 7. De præs. 30. vel 40. ann.	1574
§. <i>Quamobrem.</i>	ibid
L. <i>Cum posteaquam</i> 9. De pactis.	98
L. <i>Cum precibus</i> 18. De probationib.	403
L. <i>Cum proponas</i> 6. De reb. cred. et jurejur.	288
L. <i>Cum proponas filio</i> 16. De pact. 146 et 44	
L. <i>Cum proponas, inter</i> 21. De pactis.	157
L. <i>Cum proponas radicibus</i> 1. De inter- dict.	1729
L. <i>Cum quærebatur</i> ult. Unde vi.	1762
L. <i>Cum quæstio</i> 23. De legatis.	1240
L. <i>Cum quidam</i> ult. De fide instrum.	432
L. <i>Cum quidam</i> ult. De jure glot.	725
§. <i>Simili.</i>	ibid
§. <i>Præterea.</i>	726

L. <i>Cum quidam</i> pen. De verb. et re. sign.	pag. 1249
L. <i>Cum quidam</i> ult. de instit. et substit.	1110
L. <i>Cum quidam</i> 24. De legat.	1240
L. <i>Cum quis legatum</i> ult. De reb. cred. et 274.	501
L. <i>Cum remp.</i> 3. Qui potior. in pign. hab.	1840
L. <i>Cum responso</i> 12. De leg.	1227
L. <i>Cum solitum est</i> ult. De sent. et in- terlocut.	1021
L. <i>Cum soluta</i> 3. De cond. ind.	329
L. <i>Cum te in Gallia</i> 9. Si cert. pet.	314
L. <i>Cum te minorem</i> 9. De probation.	398
L. <i>Curialis neque</i> 30. De locat. et con- duct.	619

D

L. <i>Damus licentiam</i> pen. Ad leg. Corn. de fals.	2197
L. <i>Datum legatum</i> 17. De legat.	1229
L. <i>Debitorum præsentibus</i> 10. De pign. et hypot.	1812
L. <i>Debitorum quidem</i> 1. De except. seu præscript.	1886
L. <i>Debitori tuo</i> 7. De pact.	91
L. <i>Debitor qui</i> 1. De pign. et hyp.	1802
L. <i>Debitorum pactionibus</i> 25. De pactis.	163
L. <i>De crimine adulterii</i> 10. Ad leg. Jul. de adult.	2150
L. <i>Defensiones sive</i> 11. De except. seu præsc.	1893
L. <i>De hæreditate</i> 5. De petit. hæredit.	249
L. <i>Delata conditione</i> 9. De reb. cred. et jurejur.	291
L. <i>Desiderium tuum</i> 7. Deposit. vel cont.	523
L. <i>Distractis a debitore</i> 14. De pign. et hyp.	1813
L. <i>Diversis temporibus</i> 8. Qui pot. in pig. hab.	1837
L. <i>Donatarum rerum</i> 3. De acquir. et re- tin. poss.	1532
L. <i>Dotis quidem</i> 5. De collation.	1030

E

L. <i>Ea lege</i> 3. De condic. ob caus.	344
L. <i>Ea, quæ per</i> 4. De cond. indeb.	329
L. <i>Edita actio</i> 5. De edend.	18
L. <i>Ei, qui servo</i> 7. Quod cum eo, etc.	405
L. <i>Ejus, quod</i> 9. De compensat.	495

L. <i>Ejus rei</i> 2. Quod cum eo, etc. pag.	458
L. <i>Emancipatos liberos</i> 1. De collat.	1029
L. <i>Empti actio</i> 21. De evict.	1978
L. <i>Emptorem quidem</i> 9. De locat. et conduct.	610
L. <i>Emptor fundi</i> 8. De eviction.	1972
L. <i>Emptor hæreditatis</i> 1. De eviction.	1961
L. <i>Ex quod</i> 10. Si certum petat.	315
L. <i>Eos, qui</i> 6. De appellationib. et consult.	1678
L. <i>Eos, qui officia</i> 3. Si cert. pet.	507
§. <i>Si quid.</i>	ibid
§. <i>Si quis.</i>	ibid
§. <i>Super his.</i>	ibid
§. <i>Ne temere.</i>	1679
§. <i>Sin autem.</i>	ibid
L. <i>Est in arbitrio ult.</i> De oblig. et act.	566
L. <i>Etiā jure</i> 1. De testib.	409
L. <i>Etiāsi contrariam</i> 4. Manda. vel contra.	532
L. <i>Etiāsi non</i> 3. Quod cum eo etc.	459
L. <i>Et nomen unic.</i> De caduc. tollen.	1316
§. <i>Cum igitur.</i>	1327
§. <i>Et cum triplici.</i>	1351
§. <i>In primo.</i>	1355
§. <i>Pro secundo.</i>	1357
§. <i>In novissimo.</i>	1341
§. <i>Libertatibus.</i>	1346
§. <i>Sin autem.</i>	1350
§. <i>His ita.</i>	1355
§. <i>Ubi autem.</i>	1364
§. <i>Quæ autem.</i>	1369
§. <i>Cum autem.</i>	ibid
§. <i>Hæc autem.</i>	ibid
L. <i>Etsi crimine</i> 12. Ad leg. jul. de adult.	2151
L. <i>Et si frater tuus</i> 16. De pign. et hypot.	1814
L. <i>Eum, qui duas</i> 18. Ad leg. Jul. de adult.	2159
L. <i>Eum, qui mutuam</i> 13. Si cert. pet.	516
L. <i>Ex causa</i> 2. De compensat.	495
L. <i>Exceptione doli</i> 11. De eviction.	1975
L. <i>Exceptionem</i> 19. De probationib.	403
L. <i>Ex conventionem</i> 11. De pact.	123
L. <i>Exemplo</i> 7. De probationib.	396
L. <i>Ex his prædiis</i> 5. De evictionib.	1969
L. <i>Ex libris Sabinianis ult.</i> De acquir. et retin. poss.	1540

F

L. <i>Fideicommissum</i> 7. De condit. indeb.	pag. 535
L. <i>Filiæ dotem</i> 4. De collationib.	1050
L. <i>Filia legatorum</i> 11. De legat.	1229
L. <i>Filius paciscendo</i> 25. De pactis.	163 et 65
L. <i>Fæminæ, quæ</i> 5. De secund. nupt.	685
L. <i>Fructus</i> 1. De pignor. act.	439
L. <i>Frustra Senatusconsult.</i> 2. Ad Senatusc. Vellej.	481

G

L. <i>Generaliter censemus</i> 5. De secund. nupt.	692
§. <i>In his autem.</i>	693
§. <i>Illud.</i>	ibid
L. <i>Generaliter de omnibus</i> 12. De reb. cred. et jurejur.	295
§. <i>Sed juramento.</i>	296
§. <i>Sin autem.</i>	ibid
§. <i>Sive autem.</i>	ibid
§. <i>His de præsentib.</i>	ibid
§. <i>In omnibus.</i>	297
§. <i>Similique.</i>	ibid
L. <i>Generaliter sancimus</i> 6. De instit. et substit.	1104
§. <i>Cum autem.</i>	ibid
L. <i>Grævus, quem</i> 4. Ad leg. Jul. de adult.	2153

H

L. <i>Hæc edictali</i> 6. De secund. nupt.	697
§. <i>His illud.</i>	702
L. <i>Hæredes quos</i> 1. De his, quibus ut indig.	1203
L. <i>Hæreditas in testam.</i> 4. De his quib. ut indign.	1213
L. <i>Hæreditas materteræ</i> 3. De petit. hæred.	244
L. <i>Hæreditatem quidem</i> 2. De impub. et aliis subst.	1119
L. <i>Hæreditatis petitione</i> 7. De petit. hæredit.	255
L. <i>Hæres instituta</i> 3. De impub. et aliis subst.	1124

I

L. <i>Illud quod ult.</i> De legatis.	1255
---------------------------------------	------

- L. *Imp. Antoninus* 1. De edendo. pag. 11
 L. *Improba possessio* 7. De acquir. et retinend. poss. 1538
 L. *In actione etiam* 10. De reb. cred. et jurejur. 205
 L. *In annalibus* 22. De legatis. 1229
 L. *In bonæ fidei* 13. De pactis. 131
 L. *In bonæ fidei* 3. De reb. cred. et jurejur. 282
 L. *In bonæ fidei* 13. De usuris. 509
 L. *Incendium* 11. Si cert. pet. 316
 L. *Incerti juris* 3. De interdict. 1733
 L. *Indebitas usuras* 18. De usuris. 512
 L. *Indebitum solutum* 9. de cond. indeb. 336
 §. *Citra mandatum*. ibid
 L. *In Emphyteuticariis* 2. De jur. Emphyteut. 629
 L. *In quibus casibus* 7. De secund. nupt. 706
 L. *In restituenda* 4. De petit. hæred. 247
 L. *Instrumenta domestica* 5. De probationibus. 396
 L. *In summa debiti* 6. De pignorib. et hypot. 1807.
 L. *Invasor locorum* 5. Unde vi. 1748
 L. *Invicem debiti* 12. De compensat. 501
 L. *Is apud quem* 2. De edendo. 15
 L. *Ita nobis cordi* 28. Ad leg. Jul. de adult. 2164
 L. *Jubemus licere* 11. Ad Senatusc. Vellej. 484
 L. *Jubemus omnes penult.* De probationibus. 407
 L. *Judices absentium* 1. Si per vim etc. 1764
 L. *Judices oportet* 9. De judiciis. 189
 L. *Judicio cæpto* 1. De judiciis. 170
 L. *Jure mariti* 6. Ad leg. Jul. de adulteriis. 2139
 L. *Jurisjurandi* 2. De reb. cred. et jurejur. 274

L

- L. *Legem quam* 10. De pactis. 101
 L. *Libera quidem* 8. De sent. et interloc. 1620
 L. *Liber necne* 8. De petit. hæredit. 260 et 252
 L. *Libertatem servorum ult.* ad leg. Jul. de adult. 2170
 L. *Licet certis* 8. De locat. et condu. 610
 L. *Licet iidem* 7. Qui pot. in pign. hab. 1841
 L. *Licet inter privatos* 19. De pactis. 151
 L. *Licet iudice* 2. De judiciis. 174
 L. *Licet possessio* 4. De acquir. et retinen. poss. 1532

- L. *Licet unde vi* 5. De excep. seu præsc. pag. 1892

M

- L. *Maniana* 11. De Ædif. priv. 1791
 L. *Magnam legum* 12. De contrah. stipul. 1921
 L. *Male agitur* 2. De præscr. trigin. vel quadr. ann. 1566
 L. *Mandati actio* 14. De fidejussor. et mandatorib. 1912
 L. *Matrem tuam* 17. De probationib. 599
 L. *Meminerint cuncti* 6. Unde vi 1750
 §. *Sin autem*. ibid
 L. *Mercatores tam* 4. De commer. et merca. 602
 L. *Minoribus viginti quinque* 6. De his quib. ut indig. 1201
 L. *Minus instructus est* 2. De acquir. et retinend. poss. 1551
 L. *Momentariæ possessionis* 8. Unde vi 1759
 L. *Mutue pecunie* 14. Si cert. pet. 318

N

- L. *Nec creditores* 10. De pignor. Actione. 447
 L. *Nec ex vera* 9. De acqu. et retin. poss. 1559
 L. *Nec filium pen.* De pat. potestate. 1986
 L. *Nec filius* 7. De reb. cred. et jure jur. 289 et 281
 L. *Nec imperiale* 2. Si per vim, vel alio modo, etc. 1767
 L. *Nec nos præterit* 4. De postlim. re- ver. 2009
 L. *Negantes debitores* 9. De oblig. et action. 366
 L. *Negotiandi causa* 2. De ædif. priv. 1783
 L. *Nemini columnas* 7. De ædific. priv. 1783
 L. *Nemo prohibetur* 6. De locat. et conduct. 610
 L. *Neque æquam* 1. Si cert. pet. 504
 L. *Neque natales* 10. De probationib. 399
 L. *Neque scriptura* 6. De compensat. 497
 L. *Neque tutoris* 7. De contrah. stipul. 1911
 L. *Nobiliiores natalibus* 3. De commer. et mercat. 601
 L. *Nominatori pignoris* 11. De pign. et hip. 1813
 L. *Non ab re* 10. Unde vi. 1762
 L. *Non adversus* 16. Si cert. pet. 316
 L. *Non epistolis* 15. De probation. 599
 L. *Non est dubium* 5. De legatis 1251

L. <i>Non exceptionibus</i> 10. De except. seu præsc.	pag. 1892
L. <i>Non moriturum</i> 8. De contrah. stipul.	1915
L. <i>Non nudis</i> 14. De probat.	599
L. <i>Non oportet</i> 5. De his, quib. ut indignu.	1213
L. <i>Non solum barbaris</i> 2. De commerc. et merc.	601
L. <i>Non solum verba</i> 3. Ad leg. Jul. de adult.	2128
L. <i>Non tantum duorum</i> 19. De legatis.	1235
L. <i>Non unde</i> 7. Si certum petat.	309
L. <i>Nuda pollicitatione</i> 5. De contrah. stipul.	1908
L. <i>Nulla res</i> 5. Quod cum eo, etc.	463
L. <i>Nulli prorsus</i> 10. De judic.	190 et 174
L. <i>Nulli, qui</i> 10. De sent. et interlocut.	1621

O

L. <i>Ob æs alienum</i> 12. De oblig. et act.	367
L. <i>Ob causam proprii</i> 3. De oblig. et act.	359
L. <i>Omnes magistratus</i> 12. De judic.	190
L. <i>Omnes nocendi</i> 4. De præscr. 30. vel 40. ann.	1568
L. <i>Omnes stipulationes</i> 10. De contrah. stipul.	1919
L. <i>Optimam quæstionem</i> 11. De contrah. stipul.	1929

P

L. <i>Pacta novissima</i> 12. De pact.	126
L. <i>Pacta, quæ contra</i> 6. De pact.	82 et 88
L. <i>Pacto successorum</i> 26. De Pact.	163
L. <i>Pactum curatoris</i> 22. De pact.	160
L. <i>Pactum dotali</i> 3. De collation.	1030
L. <i>Pactum, quod bona</i> 17. De pactis.	146
L. <i>Pactum, quod dotali</i> 15. De pact.	141
L. <i>Pactum vulgare</i> 4. De pignor. act.	443
L. <i>Pecuniæ indebitæ</i> 1. De cond. indeb.	327
L. <i>Pecuniam, quam te</i> 1. De condic. ob caus.	340
L. <i>Per liberam personam</i> 1. De acquir. et retin. poss.	1528
L. <i>Per provincias</i> 10. De ædific. priv.	1786
L. <i>Persecutione pignoris</i> 24. De pign. et hyp.	1813
L. <i>Pignoris causa</i> 11. De pignor. act.	443
L. <i>Pignus in bonis</i> 9. De pignor. act.	444
L. <i>Placuit in omnibus</i> 8. De judic.	186
L. <i>Plures apochis</i> 19. De fide instrum.	426

L. <i>Polla quidem</i> 2. De his, quib. ut indignu.	pag. 1213
L. <i>Possessiones, quas</i> 2. De probation	395
L. <i>Post aditam</i> 5. De impub. et aliis substit.	1121
L. <i>Postquam liti</i> 4. De pact.	72
L. <i>Post venditionem</i> 2. De pact.	56
L. <i>Præbentus licentiam</i> ult. Ad leg. Coru. de fals.	2197
L. <i>Præscriptionem peremptoriam</i> 8. De excep. seu præsc.	1889
L. <i>Præscriptionem quadrag.</i> 5. De præsc. 30. vel 40. ann.	1508
L. <i>Præscriptiones fori</i> ult. De excep. seu præscrip.	1889
L. <i>Præses provinciæ</i> 5. De pign. et hypot.	1806
L. <i>Præses provinciæ</i> 5. De appellation. et consult.	1675
L. <i>Præses provinciæ in eum</i> 2. De interdicit.	1752
L. <i>Precibus tuis</i> 8. De impub. et aliis substit.	1129
L. <i>Prior quidem</i> 5. Qui pot. in pig. hab.	1837
L. <i>Pro dubietate</i> ult. De condic. indeb.	336
L. <i>Prohiberi non potest</i> 1. De duob. reis stip.	1938
L. <i>Properandum</i> 13. De judic.	191
§. <i>Et si quidem.</i>	199
§. <i>Sin autem.</i>	204
§. <i>Sive autem.</i>	207
§. <i>Sin autem utraque.</i>	209
§. <i>Illo proculdubio.</i>	211
§. <i>Sin vero.</i>	212
L. <i>Pro portione tua</i> 2. De except. seu præsc.	1886
L. <i>Proprias tuas</i> 13. De legat.	1235
L. <i>Proprietatis</i> 4. De probation.	393
L. <i>Propter violatum</i> 7. Ad leg. Jul. de adult.	2142

Q

L. <i>Quæ adulterium</i> 29. Ad leg. Jul. de adult.	2166
L. <i>Quæ fortuitis</i> 6. De pigner. act.	444
L. <i>Quamvis adulterii</i> 30. Ad leg. Jul. de adult.	2168
L. <i>Quamvis constet</i> 2. De pign. et hypot.	1892
L. <i>Quamvis ea</i> 17. De pign. et hyp.	1815
L. <i>Quamvis hæres</i> 2. De legatis.	1255

L. <i>Quamvis indubitati</i> 19. Ad leg. Jul. de adult.	pag. 2161
L. <i>Quamvis pecuniam</i> 2. Si cert. pet.	505
L. <i>Quamvis personali</i> 8. De pignor. et hypot.	1810
L. <i>Quamvis placuerit</i> 4. De impub. et aliis substit.	1120
L. <i>Quamvis verbis</i> 1. De legatis.	1229
L. <i>Qui accusare</i> 4. De edendo.	27
L. <i>Qui crimen publicum</i> 3. De his, qui accus. non poss.	2081
L. <i>Quidam elogio</i> 20. De jur. delib.	1168
L. <i>Qui de crimine</i> 9. De accusat. et inscript.	2100
L. <i>Qui depositum</i> 10. Deposit. vel cont.	525
L. <i>Qui explicandi</i> 10. De accus. et in- scrip.	2101
L. <i>Qui exportandus</i> ult. Si ser. expor. ven.	585
L. <i>Qui nondum certus</i> 4. De hæred. vel act. vend.	348
L. <i>Qui pignus</i> 1. Qui potior. in pign. hab.	1836
L. <i>Qui post testamentum</i> 3. De legatis.	1229
L. <i>Qui rem emit</i> 3. De eviction.	1966
L. <i>Qui rem propriam</i> 20. De locat. et cond.	617
L. <i>Quisquis judici</i> 16. Si cert. pet. 318 et 307	
L. <i>Qui tibi hæreditatem</i> 6. De hæred. vel act. vend.	549
L. <i>Quod ex operis</i> 2. De pignor. act.	439
L. <i>Quo minus</i> 12. De pignor. act.	448
L. <i>Quoniam Alexandrum</i> 26. Ad leg. Jul. de adult.	2164
L. <i>Quoniam avus</i> 2. De eviction.	1964
L. <i>Quoniam liberum</i> 10. De compensat.	500
L. <i>Quoties questio</i> 3. De judic.	179

R

L. <i>Rationes defuncti</i> 6. De probat.	596
L. <i>Rem in præsentì</i> 1. De rei uxor. act.	732
§. <i>Et ut plenius.</i>	736
§. <i>Sed et si non.</i>	737
§. <i>Primum.</i>	741
§. <i>Maneat.</i>	ibid
§. <i>Taceat.</i>	745
Vers. <i>Sileat.</i>	751
§. <i>Illo proculdubio.</i>	757
§. <i>Cum autem.</i>	761
§. <i>Igitur.</i>	762
§. <i>Cumque.</i>	766

Tom. IX.

§. <i>Cautione.</i>	pag. 777
§. <i>Videamus.</i>	782
§. <i>Quo a nobis.</i>	ibid
§. <i>Accedit.</i>	786
§. <i>Extraneum.</i>	ibid
§. <i>Et hoc.</i>	ibid
§. <i>Et cum.</i>	791
§. <i>Illud.</i>	ibid
L. <i>Rem non novam</i> 14. De judic.	215
L. <i>Reos adulterii</i> 8. Ad leg. Jul. de adult.	2144
L. <i>Reprehendenda</i> 5. De instit. et substit.	1102
L. <i>Res obligatas</i> 21. De pign. et hy- poth.	1819

S

L. <i>Sæpe quidam</i> ult. De præscr. 30. vel 40. ann.	1586
L. <i>Sancimus omnem</i> 34. De donationib.	2039
L. <i>Sancimus omnes</i> 15. De judic. 219 et 191	
L. <i>Sancimus veterum</i> ult. Pro socio.	540
L. <i>Sciant cuncti</i> ult. De probat.	407
L. <i>Scimus jam</i> ult. De jur. deliber.	1174
§. <i>Cum igitur.</i>	ibid
§. <i>Sin autem.</i>	1175
§. <i>Sin autem.</i>	ibid
§. <i>Et si.</i>	ibid
§. <i>Sin vero.</i>	ibid
§. <i>Sin vero hæred.</i>	1176
§. <i>Contra ipsum.</i>	ibid
§. <i>Sed nec.</i>	ibid
§. <i>In computatione.</i>	ibid
§. <i>Licentia.</i>	ibid
§. <i>Donec.</i>	ibid
§. <i>Sin vero.</i>	1177
§. <i>Et hæc.</i>	ibid
§. <i>Sin autem.</i>	ibid
§. <i>Notissimum.</i>	1178
L. <i>Scire debuisti</i> 6. De contrah. stipul.	1910
L. <i>Scrupulosam veterum</i> 11. De contrah. stipul.	1919
L. <i>Secundum responsum</i> 4. De contrah. stipul.	1907
L. <i>Secundus creditor</i> 22. De pignor. et hypoth.	1820
L. <i>Senatusconsultum</i> 1. De petit. hæred.	225
§. <i>Usuras vero.</i>	ibid
L. <i>Servi ob violentam</i> 23. Ad leg. Jul. de adult.	2162
§. <i>Is autem.</i>	ibid

- L. *Servis testamento* 4. De legatis. pag. 1235
 L. *Servus creditoris* 3. De pactis. 63
 L. *Servus in judicio* 6. De judiciis. 184
 L. *Si absentis* 4. Si cert. pet. 508 et 505
 L. *Si a creditore* 7. De oblig. et action. 363
 L. *Si actionem legati* 24. De pactis. 162
 L. *Si ad excludendam* 4. De reb. cred. et jurejur. 284
 L. *Si a parte* 3. De cond. indeb. 331
 L. *Si arbiter datus* 2. De sent. et interlocut. 1616
 L. *Si cautiones* 2. De his qui accus. non poss. 2076
 L. *Si citra* 2. De cond. indeb. 329
 L. *Si controversia* 9. De evictionibus. 1973
 L. *Si creditor* 3. De pignor. actione. 444
 L. *Si creditores vestros* 18. De pactis. 148
 L. *Si cui loci proprietas* 9. De Ædif. priv. 1790
 L. *Si cum exiguum* 4. De cond. ob caus. 546
 L. *Si cum Hermes* 7. De locat. et condu. 610
 L. *Si cum pecuniam* 3. De contrah. et comm. stipul. 1905
 L. *Sicut initio* 3. De oblig. et action. 361
 L. *Sicut vim majorem* 19. De pignorib. et hypoth. 1816
 L. *Si decreto Prætoris* 2. Qui pot. in pig. hab. 1838
 L. *Si de possessione* 20. De probationibus. 399
 L. *Si de possessione* 4. Unde vi. 1740
 L. *Si divisa conductio* 13. De locat. et conduct. 610
 L. *Si dominium* 9. De pign. et hypoth. 1810
 L. *Si dotare filiam* 12. Ad Senatusc. Vellej. 485
 L. *Si duobus ult.* Commu. de legat. 1284
 §. *Sed etsi*. ibid
 §. *Sed quia*. 1285
 §. *Sin autem*. ibid
 §. *Emptor*. ibid
 L. *Si duo, vel plures ult.* Per quas perso. nobis acq. 471
 L. *Si ea pactione* 14. De Usuris. 510
 L. *Si ex contractu* 4. Quod cum eo, etc. 460
 L. *Si ex majore* 7. De excep. seu præscrip. 1892
 L. *Si ex multis causis* 3. De annali excep. 1691
 L. *Si ex pretio* 6. Si cert. pet. pag. 509
 L. *Si filicæ tuæ* 2. De contrah. et comm. stip. 1904
 L. *Si filium tuum* 1. De pat. potestate. 1986
 L. *Si filiusfamilias* 10. De petit. hæred. 260 et 262.
 L. *Si fines agri* 10. De eviction. 1974
 L. *Si fundum pignori* 4. Qui pot. in pig. hab. 1840
 L. *Si fundum sciens* 27. De eviction. 1979
 L. *Si generaliter* 6. Qui pot. in pig. hab. 1841
 L. *Si hi qui* 14. De loca. et conduct. 610
 L. *Si infanti* 18. De jure deliberan. 1163
 §. *Sed si hoc*. ibid
 §. *Parente*. ibid
 §. *Sin vero*. ibid
 §. *Sin autem*. ibid
 L. *Si in potestate unic.* De tab. exhib. 1772
 L. *Si in rem communem* 12. Si cert. pet. 514
 L. *Si in solutum* 6. De oblig. et action. 363
 L. *Si is contra* 3. De ædific. priv. 1786
 L. *Si is cui* 7. De furt. et ser. corrup. 939
 L. *Si legatarius* 25. De legatis. 1229 et 1235
 L. *Si liber constitutus* 9. De cond. ob caus. 548
 L. *Si litteras* 7. Mandati, vel contra. 554 et 316.
 L. *Si maritus sororis* 5. Manda. vel contr. 555
 L. *Si mater vos* 3. De instit. et substit. 1098
 L. *Si militem* 3. De cond. ob caus. 546
 L. *Si mulier repudii pen.* Ad leg. Jul. de adult. 2169
 L. *Sine metu legis* 17. Ad leg. Jul. de adulteriis. 2157
 L. *Si non singuli* 3. Si cert. petat. 308
 L. *Si nulla culpa* 8. De pignor. act. 444
 L. *Si nulla ex causa* 6. De acquir. et retinend. poss. 1558
 L. *Si pacto quo pœnam* 14. De pactis. 136
 L. *Si pactum intercessit* 6. De except. seu præscr. 1892
 L. *Si pascenda* 8. De pactis. 95
 L. *Si pater intestatus* 2. De collationib. 1029
 L. *Si pater tuus* 3. Manda. vel cont. 532
 L. *Si per ignorantiam* 6. De cond. indeb. 331
 L. *Si post motam* 2. De petit. hæredit. 255
 L. *Si prædium* 4. De evict. 1968
 L. *Si pro ea* 10. Manda. vel cont. 554
 L. *Si pro mutua* 8. Si cert. petat. 312
 L. *Si propter fructus* 8. De compensa. 498

L. <i>Si putas non jure</i> 6. De petit. hæred.	pag. 232
L. <i>Si qua ex fœminis</i> 2. De secund. nupt.	680
L. <i>Si qua mulier</i> 1. De secund. nupt.	677
L. <i>Si quando invitos</i> penult. De testib.	417
L. <i>Si quando vis</i> 9. Unde vi.	1761
L. <i>Si quidem donationis</i> 8. De obl. et act.	364
L. <i>Si quidem intentionem</i> 9. De excep. seu præscrip.	1689
L. <i>Si quidem Zenoni</i> 9. De contrah. stipul.	1917
L. <i>Si quis ad se fundum</i> 7. Ad leg. Jul. de vi publ.	2176
L. <i>Si quis argentum</i> 35. De donation.	2047
§. <i>Si vero</i> .	ibid
§. <i>Similique</i>	ibid
§. <i>Sin autem</i> .	ibid
§. <i>Sed et si</i> .	ibid
L. <i>Si quis emptionis pen.</i> De præscr. 30. vel 40. ann.	1583
§. <i>Quod si quis</i> .	ibid
L. <i>Si quis hæredem</i> 7. De instit. et substit.	1108
L. <i>Si quis in tantam</i> 7. Unde vi.	1754
L. <i>Si quis iusjurandum</i> 11. De reb. cred. et jurejur.	205
L. <i>Si quis post hanc</i> 6. De Ædific. priv.	1783
L. <i>Si quis prioris</i> 8. De secund. nupt.	706
§. <i>Illud etiam</i> .	707
§. <i>Certum esse</i> .	ibid
L. <i>Si quis quodlibet</i> 4. De interdict.	1733
L. <i>Si quis servum</i> penult. De cond. inleib.	337
L. <i>Si quis sponderit</i> ult. De contr. stipul.	1933
L. <i>Si repetendi</i> 7. De cond. ob. caus.	347
L. <i>Si scripti hæredes</i> 9. De petit. hæredit.	259
L. <i>Si scriptum</i> 11. De probationibus.	403
L. <i>Si servus tuus</i> 6. Quod cum eo, etc.	464
L. <i>Si testamentum</i> pen. De instit. et subst.	1108

L. <i>Si tibi pupillorum</i> 8. Mandati, vel contra.	pag. 532 et 460
L. <i>Si tibi quæ</i> 27. De locat. et conduct.	618
L. <i>Si tutores pupillis</i> 11. De compen.	500
L. <i>Si velut</i> 13. De compensationibus.	501
L. <i>Si universæ</i> 15. De legatis.	1235
L. <i>Si ut proponis</i> 2. De cond. ob. caus.	343
L. <i>Si uxor tua</i> 12. De pign. et hypoth.	1813
L. <i>Subtilitatem legum</i> 11. De judiciis.	190
L. <i>Suggestioni</i> ult. De verb. et rer. sign.	1249
L. <i>Super chirographariis</i> ult. Si cert. pet.	318
L. <i>Super hypothecis</i> ult. De pign. et hypoth.	1821
L. <i>Supervacuum veterum</i> ult. Depos. vel contra.	527

T

L. <i>Testamento jure</i> 6. De impub. et aliis substit.	1128
L. <i>Testium facilitatem</i> 18. De testibus.	415
L. <i>Traditionibus, et usucapionibus</i> 20. De pactis.	151

V

L. <i>Ubi aviarum</i> 10. De suis, et legit. libe.	1380
L. <i>Veteris juris</i> 13. De contrah. stip.	1925
L. <i>Veteris juris dubitationem</i> 2. De Præto. pign.	1856
L. <i>Vis ejus</i> 15. De probationib.	399
L. <i>Usucapio</i> 7. De pignor. hypoth.	1808
L. <i>Usuræ per tempora</i> 10. De usuris.	308
L. <i>Usuras emptor</i> 2. De usur.	495
L. <i>Uti possidetis unic. Uti possidetis</i> .	1768
L. <i>Ut perfectius omnibus</i> 2. De annali excep.	1593
L. <i>Uxor patrui</i> 20. De legatis.	1235

INDEX ALPHABETICUS TITULORUM

IN LIB. IV. PRIORIBUS COD. JUSTINIANI

A JACOBO CUJACIO

EXPLICATORUM.

A			
<i>Actionibus empti, et venditi.</i>	pag.	<i>Contractibus judicum, etc.</i>	pag.
<i>Ad exhibendum.</i>	2559	<i>Contrahenda emptione.</i>	2555
<i>Ad Senatusc. Macedonianum.</i>	2511		
<i>Ad Senatuscons. Vellejanum.</i>	2512	D	
<i>Adessoribus, domesticis, et Cancellariis</i>		<i>Defensoribus Civitatum.</i>	2548
<i>judicum.</i>	2542	<i>Depositi, vel contra.</i>	2519
<i>Advocatis diversorum judiciorum.</i>	2561	<i>Dilationibus.</i>	2425
<i>Advocatis fisci.</i>	2563	<i>Diversis rescriptis, etc.</i>	2502
<i>Aedilitiis actionibus.</i>	2585	<i>Dolo malo.</i>	2580
<i>Aleæ lusu, et aleatoribus.</i>	2463		
<i>Alienatione mutandi judicii causa facta.</i>	2411	E	
<i>Annonis, et capitatione administrantium.</i>	2544	<i>Edendo.</i>	2551
<i>An servus ex suo facto.</i>	2482	<i>Episcopali audientia.</i>	2273
<i>Apostatis.</i>	2281	<i>Episcopis, et Clericis, etc.</i>	2271
C		<i>Errore advocatorum, etc.</i>	2364
<i>Causis, ex quibus infamia etc.</i>	2565	<i>Errore calculi.</i>	2359
<i>Commercii, et mercatoribus.</i>	2508	<i>Etiam per procurat. etc.</i>	2406
<i>Commodato.</i>	2496	<i>Emuchis.</i>	2544
<i>Communia utriusque judicii.</i>	2455	<i>Ex delictis defunctorum.</i>	2484
<i>Communi dividundo.</i>	2454		
<i>Communium rerum alienatione.</i>	2568	F	
<i>Compensationibus.</i>	2513	<i>Familiae eriscundæ.</i>	2453
<i>Conditione ex lege.</i>	2477	<i>Feriis.</i>	2426
<i>Conditione furtiva.</i>	2475	<i>Fide instrumentorum.</i>	2494
<i>Conditione indebiti.</i>	2471	<i>Fidejussoribus minorum.</i>	2385
<i>Conditione ob causam datorum.</i>	2473	<i>Filiosfamilias minore.</i>	2381
<i>Conditione ob turpem causam.</i>	2475	<i>Finium regundorum.</i>	2456
<i>Consortibus ejusdem litis.</i>	2457	<i>Formulis, et impetrationibus.</i>	2415
<i>Constitutata pecunia.</i>	2486		

H

<i>Hæreticis, et Manichæis.</i>	pag. 2270
<i>Hæreditariis actionibus.</i>	2485
<i>Hæreditate, vel actione vendita.</i>	2539
<i>His quæ vi metusve causa fiunt.</i>	2377
<i>His qui ad Ecclesiam confugiunt.</i>	2289
<i>His qui ad statuas confugiunt.</i>	2305
<i>His qui in Ecclesiis manumittuntur.</i>	2289
<i>His qui potentiorum nomine, etc.</i>	2370
<i>His qui veniam ætatis impetraverunt.</i>	2409

I

<i>In integr. restitutione postulata ne quid etc.</i>	2406
<i>In integrum restitutione minorum XXV. ann.</i>	2381
<i>In jus vocando.</i>	2354
<i>Inofficiosus donationibus.</i>	2445
<i>Inofficiosus dotibus.</i>	2414
<i>Inofficioso testamento.</i>	2410
<i>In quibus causis in integrum restitutio non est necessaria.</i>	2397
<i>In quibus causis militantes, etc.</i>	2436
<i>Institoria actione.</i>	2501
<i>Judæis, et Cælicolis.</i>	2285
<i>Judiciis.</i>	2416
<i>Jure emphyteutico.</i>	2607
<i>Jurejurando propter calumniam.</i>	2415
<i>Jurisdictione omnium Judicum.</i>	2428
<i>Juris, et facti ignorantia.</i>	2297

L

<i>Lege Aquilia.</i>	2452
<i>Legibus et constitutionibus Principum.</i>	2290
<i>Litis contestatione.</i>	2423
<i>Locato et conducto.</i>	2604

M

<i>Magistratibus municipalibus.</i>	2349
<i>Mandatis Principum.</i>	2294
<i>Mandati, vel contra.</i>	2524
<i>Modo mulctarum.</i>	2346
<i>Monopolis, etc.</i>	2588

N

<i>Nautico fœnore.</i>	2515
------------------------	------

<i>Ne Christianum mancipium, etc.</i>	pag. 2287
<i>Ne Comitibus, etc.</i>	2333
<i>Ne filius pro patre, etc.</i>	2481
<i>Ne fiscus, vel respublica, etc.</i>	2374
<i>Negotiis gestis.</i>	ibid.
<i>Ne liceat potentioribus, etc.</i>	2589
<i>Nemini licere signum Salvatoris, etc.</i>	2283
<i>Ne quis in sua causa judicet.</i>	2420
<i>Ne Sanctum baptismum iteretur.</i>	2281
<i>Ne uxor pro marito, etc.</i>	2480
<i>Noxalibus actionibus.</i>	2460
<i>Numerata pecunia.</i>	2512
<i>Nundinis, et mercatibus.</i>	2591

O

<i>Obligationibus, et actionibus.</i>	2479
<i>Officio civilium Judicum.</i>	2530
<i>Officio Comitum Orientis.</i>	2317
<i>Officio comitis Sacrarum Largitionum.</i>	2313
<i>Officio Comitum rerum privatarum.</i>	2514
<i>Officio Comitum sacri patrimonii.</i>	2515
<i>Officio diversorum judicum.</i>	2533
<i>Officio ejus, qui vicem alicujus judicis obtinet.</i>	2341
<i>Officio juridici Alexandriæ.</i>	2351
<i>Officio magistri militum.</i>	2509
<i>Officio magistri officiorum.</i>	2311
<i>Officio militarium judicum.</i>	2532
<i>Officio Præfecti annonæ.</i>	2325
<i>Officio Præfecti Augustalis.</i>	2517
<i>Officio Præfecti Prætorio Africæ.</i>	2307
<i>Officio Præfecti Prætorio Orientis, et Illyrici.</i>	2306
<i>Officio Præfecti urbi.</i>	2308
<i>Officio Præfecti vigilum.</i>	2328
<i>Officio Prætoris.</i>	2318
<i>Officio Proconsulis, et Legati.</i>	2516
<i>Officio Quæstoris.</i>	2309
<i>Officio Rectoris Provinciæ.</i>	2522
<i>Officio Tribuni.</i>	2332
<i>Officio vicarii.</i>	2518
<i>Ordine judiciorum.</i>	2423

P

<i>Pactis.</i>	2555
<i>Pactis inter emptorem, et venditorem.</i>	2576
<i>Paganis, sacrificiis, et templis eorum.</i>	2288
<i>Patribus qui filios suos distraxerunt.</i>	2545
<i>Pedaneis judiciis.</i>	2418
<i>Periculo, et commodo rei venditæ.</i>	2555

<i>Per quas personas nobis acquiritur.</i> pag.	2509
<i>Petitione hæreditatis.</i>	2448
<i>Pignoratitia actione.</i>	2499
<i>Plus petitionibus.</i>	2424
<i>Plus valere, quod agitur, etc.</i>	2495
<i>Postulando.</i>	2559
<i>Precibus Imperatori offerendis, etc.</i>	2298
<i>Probationibus.</i>	2488
<i>Procuratoribus.</i>	2368
<i>Prohibita sequestratione pecuniæ.</i>	2470
<i>Pro socio.</i>	2551

Q

<i>Quæ res exportari non debeant.</i>	2545
<i>Quæ res venire non possunt, etc.</i>	2542
<i>Quando fiscus, vel privatus, etc.</i>	2483
<i>Quando Imperator inter pupillos, et vi- duas, etc.</i>	2430
<i>Quando libellus Principi datus faciat litis contestationem.</i>	2300
<i>Quando liceat ab emptione discedere.</i>	2552
<i>Quando liceat unicuique sine iudice se vindicare.</i>	2459
<i>Quibus ex causis maiores, etc.</i>	2410
<i>Qui, et adversus quos in integrum resti- tui non possunt.</i>	2599
<i>Qui legitimam personam habent standi in Iudicio vel non.</i>	2421
<i>Qui pro sua jurisdictione iudices dare darive possunt.</i>	2420
<i>Quod cum eo, qui in aliena potestate, etc.</i>	2505

R

<i>Rebus alienis non alienandis.</i>	2568
<i>Rebus creditis, et jurejurando.</i>	2467
<i>Receptis arbitris.</i>	2412
<i>Rei vindicatione.</i>	2447
<i>Religiosis, et sumptibus funerum.</i>	2466
<i>Rem alienam gerentibus.</i>	2572
<i>Reputationibus, etc.</i>	2405
<i>Rerum permutatione.</i>	2600
<i>Rescindenda venditione.</i>	2546
<i>Restitutionibus militum.</i>	2497

S

<i>Sacrosanctis Ecclesiis.</i>	1266
<i>Satisfacendo.</i>	2414

<i>Senatusconsultis.</i>	pag. 2295
<i>Servitutibus, et aqua.</i>	2451
<i>Si adversus creditorem.</i>	2395
<i>Si adversus delictum.</i>	2393
<i>Si adversus donationem.</i>	2589
<i>Si adversus dotem.</i>	2391
<i>Si adversus fiscum.</i>	2394
<i>Si adversus libertatem.</i>	2389
<i>Si adversus rem judicatam etc.</i>	2587
<i>Si adversus solutionem, etc.</i>	2590
<i>Si adversus transactionem, etc.</i>	2389
<i>Si adversus venditionem.</i>	2387
<i>Si adversus venditionem pignorum.</i>	2388
<i>Si adversus usucapionem.</i>	2594
<i>Si certum petatur.</i>	2408
<i>Si contra jus, vel utilitatem publicam, etc.</i>	2502
<i>Si in communi eademque causa, etc.</i>	2387
<i>Si major factus ratum habuerit.</i>	2403
<i>Si mancipium ita fuerit alienatum.</i>	2583
<i>Si mancipium ita venierit.</i>	2582
<i>Si minor se majorem dixerit, etc.</i>	2400
<i>Sine censu, vel reliquis fundum compa- rari non posse.</i>	2554
<i>Si propter publicas pensitationes venditio fuerit celebrata.</i>	2553
<i>Si quis alteri, vel sibi, etc.</i>	2564
<i>Si sæpius in integrum restitutio postuletur.</i>	2402
<i>Si servus exportandus veneat.</i>	2580
<i>Si servus extero, etc.</i>	2528
<i>Si Tutor, vel Curator intervenerit.</i>	2386
<i>Si ut omissam hæreditatem, etc.</i>	2396
<i>Si ut se hæreditatem, etc.</i>	2396
<i>Sportulis, et sumptibus, etc.</i>	2417
<i>Statuis, et imaginibus.</i>	2305
<i>Suffragio.</i>	2470
<i>Summa Trinitate, et fide cathol. etc.</i>	2263

T

<i>Temporibus in integr. restitutionis, etc.</i>	2408
<i>Testibus.</i>	2492
<i>Transactionibus.</i>	2357

V

<i>Ubi causæ fiscales.</i>	2437
<i>Ubi causæ status agi debeat.</i>	2434
<i>Ubi conveniatur, qui certo loco dare pro- misit.</i>	2432

2065	INDEX		2066
<i>Ubi de criminibus agi oportet.</i>	pag.	2430	<i>Usufructu, et habitatione, etc.</i> pag. 2410
<i>Ubi de hæreditate agatur, etc.</i>		2433	<i>Usuris.</i> 2515
<i>Ubi de possessione agi oportet.</i>		2431	<i>Ut actiones ab hæredibus, et contra hæ-</i>
<i>Ubi de ratiociniis tam publicis, quam</i>			<i>redes incipiant.</i> 2470
<i>privatis agi oportet.</i>		2433	<i>Ut lite pendente.</i> 2301
<i>Ubi, et apud quem cognitio in integr.</i>			<i>Ut nemini liceat sine iudicis auctoritate,</i>
<i>restitutionis agitanda sit.</i>		2404	<i>etc.</i> 2372
<i>Ubi fideicommissum peti oporteat.</i>		2431	<i>Ut nemo invitus agere, vel accusare co-</i>
<i>Ubi in rem actio exerceri debeat.</i>		2432	<i>gatur.</i> 2422
<i>Ubi quis de curiali, aliave conditione</i>			<i>Ut nemo privatus titulos prædiis suis.</i> 2571
<i>conveniat.</i>		2433	<i>Ut nulli patrice suæ.</i> 2324
<i>Ubi Senatores, vel clarissimi.</i>		2436	<i>Ut omnes iudices tam civiles, quam mi-</i>
<i>Vectigalia nova institui non posse.</i>		2506	<i>litares, etc.</i> 2339
<i>Vectigalibus, et commissis.</i>		2503	<i>Ut quæ deunt advocatis.</i> 2364
<i>Veteri jure enucleando.</i>		2205	<i>Uxoribus militum.</i> 2408

FINIS.

MAG 2023737



